

Godigo dwagi yai po buku

Dadibi Bible

This Bible is copyrighted by Wycliffe Bible Translators (Wycliffe.org) and is printed with permission by the Digital Bible Society (dbs.org) for non-commercial use.

This Bible is available for free download in a variety of digital formats at dbs.org/bibles.

Tigidali Nai Gagalama Nigali Side.....	4	Profet Nahumgo Buku	1058
Godigo Aga We Bidi Dabe Boi Bidi Nogode Ma Doboŋa Sali	58	Profet Habakukgo Po Elalubo Buku	1061
Pris Se Ebo Bomai Po.....	106	Profet Sefanaigo Po Aseai Buku.....	1066
Israel Hanigo Namba	139	Profet Hagaigo Po Elalubo Buku.....	1070
Mosesgo Godigo Bomai Po Ma Pusali	180	Profet Sekaraiago Po Aseai Buku.....	1073
Hetman Josuago Po Elalubo Buku	221	Profet Malakaigo Po Aseai Buku	1084
Te Israel Tobolu Bidi Dabe	246	Dwagi Yai Gesi Po Matyugo Aseani	1088
Rutgo Po Elalubo Buku.....	273	Dwagi Yai Gesi Po Makgo Aseani	1135
Profet Samuelgo Po Elalubo Buku Deli	278	Dwagi Yai Gesi Po Lukgo Aseani	1163
Profet Samuelgo Po Elalubo Buku Si.....	316	Dwagi Yai Gesi Po Jonggo Aseani.....	1207
Te Israel me Juda Hani Sigo Tuni Bidigo Po Elalubo Buku Deli.....	350	Godigo Seba Tagala Palai Bidigo Po	1240
Te Israel me Juda Hani Sigo Tuni Bidigo Po Elalubo Buku Si.....	391	Polgo Po Pas Rom Dabeba Aseani.....	1284
Tuni Bidi Dabego Po Elalubo Buku Deli....	438	Polgo Hasia Pas Deli Korin Dabeba Aseani	1308
Tuni Bidi Dabego Po Elalubo Buku Si	472	Polgo Korin Dabeba Si Wabo Pas Aseani	1330
Esrigo Po Elalubo Buku	515	Polgo Galesia Dabeba Pas Aseani.....	1345
Nehemiago Po Aseai Buku	527	Polgo Efesus Dabeba Pas Aseani	1355
Estago Po Aseai Buku	545	Polgo Filipai Dabeba Pas Aseani	1364
Jopgo Po Aseani Elalubo Buku	554	Polgo Kolosi Dabeba Pas Aseani.....	1370
Godigo Nogi Ugwaba Sabo Teabi Po Wabo Buku Dabe	601	Polgo Hasia Pas Deli Tesalonaika Dabeba Aseani	1376
Bugagia Bidibo Kolesagade Po Aseai Buku	710	Polgo Si Wali Pas Tesalonaika Dabeba Aseani	1381
Kolesaga Koneai Bidigo Pusali Po Elalubo Buku	742	Polgo Hasia Pas Deli Timotibolo Aseana To- lai.....	1385
Solomongo Balia Po	754	Polgo Si Wali Pas Timotiba Aseani	1392
Profet Aisaiago Po Aseai Buku	762	Polgo Pas Taitusbolo Aseani	1397
Profet Jeremaiago Po Elalubo Buku.....	848	Polgo Pas Filemonba Aseani	1401
Te We Bidi Dabego Jerusalem Hagede Gela Wali	927	Hibru Dabeba Tolali Pas	1403
Profet Esekielgo Po Aseai Buku	937	Jemsgo Aseani Pas	1421
Danielgo Buku.....	997	Pitago Hasia Pas Deli Aseani	1428
Profet Hoseago Buku	1015	Pitago Si Sogo Aseani Pas	1435
Profet Joelgo Buku	1030	Jonggo Hasia Deli Sogo Aseani Pas.....	1439
Profet Amosgo Buku	1035	Jonggo Si Sogo Pas Aseani	1445
Profet Obadiago Buku.....	1045	Jonggo Sela Sogo Wabo Aseani Pas.....	1446
Profet Jonago Buku.....	1047	Jutgo Aseani Pas.....	1448
Profet Maikago Buku.....	1050	Kraisgo Geme Dualali Se Pedelabo Po Jonbo- lo Ola Mani.....	1451

Tigidali Nai Gagalama Nigali Side

Hasia nedebo tau sabo po

Jenesis nogi wabo, teda e bukugo nogi tama te nogi page e tiwai dao, "Tigidali nai gagalali po." Tama Page Gagalali te Baibel bukude po hasia wabo buku dao. Agai dabolo te Godigo tigidali nai gagalama nigali po wabo dao. Dwagi yai nai bolo hasia pedelama, tama nosali dwai kolesaga me pedelai. Tama e buku Page Gagalali agai dabolo te hasia sogo te Godigo aga hani we bidi tau sali po dabolo wabo dao.

Te e bukugo po si badu elalubao. Hasia wabo po, te agai Godigo te t̄q de dagalu si badi te tigidali nigali nai dabe po dabolo wabo dao. Tama agai dabolo te Godigo hasia mu nigali bidi dali we si po wabo, tama nosali augwali sigo agabolo dwai s̄q yai. Tama te dwai s̄q ebogo te tigidali we bidibolo te tigi dene yabo s̄q ilai. Tama eyu, tama Godigo te we bidi tagalobeo. Menio. Agai te olo tau mabo wiegi yai kolesaga augwalibolo ola mabo, te po me e buku Page Gagalali agai dabolo ola mabo dao.

Te me badu si wali po, te tama po wai, agai dabolo weyu, te konealubo po hasia mu daḡ wali bidi dabe po dabolo wabo dao, Abraham, Aisak, Jekop, Josep. Te bidi dabe augwaligo te Godigo po odama, tama augwaligo wali pabo homu usu yai. Godigo Abraham i olama, tama tau sabo daḡ wali po agabolo mayu, tama aga hani wai dabebolo mayu yali. Nosali te hani bage te bidi hani me deli pedelali, te hani nogi augwaligo Israel nogi poai. Godigo te hani te aga ula tiwai me nigilali, tama te tigidali bidi hani te augwali tomode tau sabo bidi hani pedelai. Godigo te homu kolesaga te Jisas Krai te e t̄qde pedelali sogo hania pedelai dao.

Page Gagalalide te tigidali nai gagalama nigali po dabolo wabo dao. Tama teda te hasia polalubo po meba te genuai buku Baibelde elalubo. Page Gagalaligo dago te buku Baibelde nedabo po tigidali sisi ilibo dao. Tama agai da tau siyu, te nai dabe konemainu te gasa buku Baibelde elalubo po nedemainogo yali.

Te Page Gagalali augwaligo aḡani sogo, te Israel hani dabego te God nogi Yawe nogi yali. God aga digi te nogi augwalibolo ola mawai. Te dago te bukude te Yawe nogi elalubo subaso da, teda dago koneao, te God nogi na-ga dao.

Te tigidali nai pedelali po

¹ Polobadu mu, te Godigo dagalu de t̄q si gagalama nigali sogo, hasia bolo te t̄q dago megi subo tiwai gilama me ebeo. Menio. ² Te olo elaluyu, te gasagi yai tedali elaluali. Tama te megi te t̄qde bidibo nai dabe augwali te sogo meni yai yai. Tama te be huliasaligo te genuai w̄q halua sai elalubadi, tama Godigo Mobo Bidi te daidu iba peyu, eda asu yai. ³ Tama Godigo te po wai, "Ula pedelao!" wai. Tialima, ula pedelai. ^{†4} Godigo suali, te ula wiegi yai baso, te aga dwagi yai homu pemene yai. Tama agai te be hulibo de ula yabo te si pedai. ⁵ Tama tiyu, tama be posobo nogi agai poali te "Be posobo sogo ulade." Tama te be hulibo nogi agai poali, te "Hulide dao," wai. Be huliamana, tama be posobo ula pedaluyu elama, tama te be posali deli sogo wali, hasia sogo deli wali silali.

⁶ Nosali Godigo te po wai, "Te w̄q ugwaba sagolabo daḡ me deli pedelama, te w̄q si badu elalumainao," wali. Tama te nai pedelali. ^{††7} Godigo te daḡ pedalumainogo yali, te ugwadu elalubo aḡ me, aiyadu

elalubo w̄q me, te buguliyu tama tiali. ⁸ Tama te daḡ nigilali nogi agai te "Dagalu da," po wali. Te be huliamana, te be posobo ula pedaluyu elama, tama te be posali si sogo wali silali.

⁹ Nosali Godigo te po wai, "Te dagalu dologode elalubo w̄q, te w̄q dologode elalubo t̄q hania ugwaba pedalumainogo eyu, te w̄q te deli madiba me sisinigi pelama, te bulu t̄q wa pomainao," te po wai. Tama tiyu, tama te bulu t̄q pedelama, tama wa pali. ¹⁰ Tama te wa pai pedelali Godigo te nogi poali te "T̄q dao." Tama w̄q dabe te deliba sisinani, tama te nogi poali, te "Tamu aḡ dao." Te Godigo aga digi te tigidali nigila silali nai wiegi yai yai sulama, te aga homu pemene wiegi yai yai. ¹¹ Te tudibadu Godigo te po wali, "Te haniani te t̄qde holabo nai pedalumainao, te tubo ge walobo keba dabe me, te haniani du walobo nedu du wai pedelao," po wai. Tama te nai dabe pedelalio. ¹² Tama tiliama, te haniani keba dabe me, te dwanai sibi me, tama te ni dabe me, te t̄qde pedelai. Te meba gasagi yai dabego te nai du waliyu, te mebago te du wai walali. Te God aga digi te nigali nai tigidali sulama, te aga wiegi yai homu pemene yai. ¹³ Tama be huliali silama, tama kigamu be posobo pedelai. Te be posobo sela wabo silali dao.

† 1:3 2 Ko 4:6 †† 1:6 2 Pi 3:5

¹⁴ Te tudibadu Godigo te po wai, “Te be huliyu, posoyu yabo te bodolu mumainogo, te ula ebo nai dabe te dagalude pedalumainao. Tama elaluyu, augwaligo te polua dabe me, te kibu be dabe me, te kibu be yabo sogo te haniani bodolu muna muna paibao. ¹⁵ Te ula ebo nai dabe te dagalude pedelama, te t̄ba ula mawaibao,” te po wai. Tama te dabe pedela silai. ¹⁶ Godigo te genuai ula si pedalumainogo ilali. Genuai da, te giliga te be posobo tonaluyu, ula mabo da, tama dwasianu da, te polua tego da, te hulide tonaluyu, ula mabo da. Tama Godigo te h̄q dabe me pedalumainu yai. ¹⁷ Tama agai te dagalude ula dabe muani, te t̄ba ula momainogo elama, ¹⁸ tama te be posobo me, te be hulibo me, te si tonalumainu yali, tama te be hulibo me te be posobo te si pedai. Tama God aga digi te nigali nai tigidali sulama, te aga dwagi yai homu pemene yali. ¹⁹ Te be huliama, be posobo pedelali. Te be posobo me si me si wabo silai dao.

²⁰ Te tudibadu Godigo te po wai, “W̄de te haniani bidibo ula elalubo nai dabe geninama pedelao,” po wai. “Tama te ba hani dabe pedelama, te dagalu tomode bola bilalua,” wali. ²¹ Tama tiyu, Godigo te tamu ājde bidabo moni dobo dwai s̄ḡy dabe nigilali, tama te w̄de bidabo haniani āj hasa me, te haniani ba dabe me nigilai. Godigo aga digi nigali nai dabe tigidali suali wiegi yai yai baso, tama aga dwagi yai homu pemene yai. ²² Tama augwali bugagia bidimainogo eyu, Godigo augwalibolo dwagi yai po mobo mayu, te po wai, “Te tamu ājde haniani nai dabe geninama mu pedelama, tama te tamu āj p̄āḡa sao,” po wali. “Tama te ba dabe me t̄de umabo pedelao,” wai. ²³ Be huliama, kigamu be posobo pedelali. Te be posobo a naga wali silai dao.

²⁴ Te tudibadu Godigo te po wai, “Te t̄de bidabo ula elalubo nai hauwa te t̄du pedelimumainao. Te be p̄de bidabo kibu dabe me, te bulude bidabo genuai hasa dabe me, te dwasianu hasa dabe me, te pedalumainao,” te po wai. Tama augwali pedelai. ²⁵ Godigo te be p̄de bidabo haniani kibu dabe me, te bulude bidabo genuai hasa me, dwasianu hasa dabe te pedalumainogo nigilama, pedelai. God aga digi te nigila silali nai tigidali sulama, tama aga wiegi yai homu pemene yai.

²⁶ Tama Godigo te po wai, “Megi da, dago te we bidi dena tiwai niginao,” wali. “Dago augwali te s̄ḡy dabe me, te ba dabe me, te be p̄de bidibo kibu dabe me, te bulude bidibo genuai hasa me, dwasianu hasa dabe, te tigidali nai tonaluabo bidi nigilinao,” te po wai. ^{†27} Tama tialima, Godigo te we bidi nigilama, tama God aga tiwai pedelai. Godigo te augwali meba bidi nigibadi, te meba we nigibadi yali. ^{††28} Tama Godigo dwagi yai po mobo augwalibolo mayu, bomonama te po wai, “Dagego wai dabe hauwa ame nenama, tama augwali pelama, te tigidali bulu t̄q usu nama bidada pelama, tama te t̄de tigidali elalubo nai dabe tonaluaibao. Tama eno dagebolo te s̄ḡy dabe me, te ba dabe me, te bulude genuai hasa, me dwasianu hasa dabe, te

tonaluabo bomobao,” wali. ^{‡29} Tama Godigo te po wai, “Eno dagebolo te haniani dwanai dabe me, te nai walobo nosa me, te haniani du walobo nedu du wai dabe mobao. Te dagego tuabo nai dabe dao. ³⁰ Tiali goli, eno te gesi ni yabe tiwai ni yabe te tigidali genuai bulu hasago me, dwasianu hasa dabego me, te tigidali ba dabego tuabo nai te eno mawai dao,” te po wai. Tama te nai dabe augwaligo tuabo nai tama pedelai. ³¹ God aga digi nigali nai tigidali sulama, dwagi yai yai baso, tama aga dwagi yai homu pemene mu yai. Te be huliama, kigamu be posai. Te be posobo te nogo a naga me badu kibisa deli wali silali.

2 Tama tialima, Godigo te dagalu e t̄q si nigila siliyu, tama tigidali nai me nigila silai. ² Godigo tigidali s̄q te nogo a naga olama, te nogo me badu wali kibisa nogode silama, tama nogo a naga olama, me badu nogo si wali tede aga olo bidai dao. ^{††3} Godigo te a naga olama, nogo me badu si wali side te dwagi yai po weyu, tama te side te gasagi yai tedali side da wai. Magi baso meni, aga tigidali nai nigibo s̄q ebo silibaso, te sogo God agai s̄q me ebeo, aga olo bidai. ^{††4} Tama tialima, Godigo te dagalu me t̄q me tigidali nai dali nigai.

Te Yawe Godigo te dagalu dali t̄q dali nigali sogo, ⁵ hasiabolote te ni me, nosa me te t̄de menibadi, magi baso meni, te Godigo te kulubage te t̄ba tagala palisiḡbadi tiali. Tama te sogo gi s̄q yabo bidi meni yai. ⁶ Mu tama te kulubage menibadi, tiali goli te w̄ t̄du pedelama, tama te w̄ pali, te tigidali bulu habu usu nai.

⁷ Tama Yawe Godigo te t̄q meba selama, tama te t̄q go bidi nigai. Tama agai bidibo ula maiabo mobo te bidigo guni tomoba ponama, tama bidi te bidibo ula pedelai. ^{††}

Te Iden gide ni sili po

⁸ Te Yawe Godigo gi me deli te Iden bulude nigilama, te sia ge pedalubo badu elaluali. Tama te giba God aga te nigali bidi muai. ⁹ Tama Godigo te gide haniani ni dabe pedelao obaso pedelai. Augwali te gasa wiegi yai au yai mu, tama augwaligo dwagi yai nai walai. Tama te gi tomode te we bidi bidibo ula maiabo ni me deli digi elaluali. Tama gasa ni me deli te bidigo mena kolesaga ebo dwagi yai dawē, ma mena kolesaga ebo dwai dawē, te konemainogo yabo du elalubo ni me deli elaluai. ^{††}

¹⁰ Tama te Iden bulu tomode te pabo āj gomo elaluali, tede te giba w̄ maiabo w̄ me deli pedelai. Te āj ma peyu, tama te gi bulubadu te w̄ pepeda pelama, te āj me si me si tama pedelai. ¹¹ Te hasia w̄ nogi augwaligo Pison nogi yali. Te w̄ agai te moni t̄q Havila bagulali. ¹² Te Havila bulude te wiegi yai kapa nogi gol elalubo. Tama ni me deli elalubo, te ni kaneme te wiegi yai denami elalubo, te nogi augwaligo te deliam nogi yai. Tama mama yai wiegi yai masigi dabe elalubo, te masigi nogi augwaligo oniks nogi yali. Te nai si te dila

† 1:26 1 Ko 11:7 †† 1:27 Mat 19:4; Mak 10:6

‡ 1:28 Gag 5:1-2 †† 2:2 Hib 4:4, 10 †† 2:3 Sai 20:11 ††† 2:7 1 Ko 15:45 ††† 2:9 Ped 2:7; 22:2, 14

pai nai si mu da. ¹³ Te si wali aji nogi me, te augwaligo Gihon nogi yai. Te agai te bulu Kus te hani bagulubo. ¹⁴ Te sela wali aji nogi Taigris nogi yai. Te aji pali, te Asiria moni to te giliga pedalubo badu pabo. Te me si me si wali aji augwaligo te nogi Yufretis nogi yai dao.

¹⁵ Tialima, Yawe Godigo te bidi selama, tama aga te Iden giba muani, te aga se eyu tonalumainogo yai.

¹⁶ Tama Godigo bidibolo weyu, te bomo yai po wai, "Nago te gide elalubo nedu du tigidali meba tubaso, usu yaibao. ¹⁷ Tiali goli, nago te nedu du te bidigo mena kolesaga te dwagi yai dawé, ma mena kolesaga te dwai dawé, te ola maiabo ebo te nedu du te nago munu me tulamuo. Te nedu du nago tubo te eno nage habu mu selibao. Te nago tuali da, teda mu tama da, te sogo nage isaibao," wali.

¹⁸ Tama Yawe Godigo aga digi homude te po wai, "Tiyu, te bidi agaduba deli naga bididialio, te usugobeo. Te eno te aga tau siyu bidabo abagi me deli nigilaibao," te homu yai. ¹⁹ Tama tibaso, Godigo to selama, tama te togo agai te tigidali kibu sibi, me hasa sibi, me te ba sibi nigali. Tama Godigo te hasa me ba sibi dabe te bidi bidibo madigi selasa pelama, te agai augwali mena nogi poaibao, te konemainogo tama yai. Tialima, bidigo te hasa sibi tigidali deli delibolo nogi mena mena pali, tama augwaligo te nogi tama elaluali.

²⁰ Tialima, bidigo te be pade bidibo tigidali kibu me, te bulude bidibo tigidali hasa sibi me, te tigidali ba sibi me nogi mena silali. Tiali goli, aga dali te abagi olama tau siyu bidabo bidi me deli te meni yani.

²¹ Tialima, Yawe Godigo te bidi pia olama, isai tiwai elaluali. Tama bidi pila mubadi, Godigo te bidigo punali dili me deli selama, tama te pesagede te mi ma daq walali. ²² Godigo te bidi punali dili sali tego te we me deli nigilama, tama te we te bidi bidibo madi odasa pali. ²³ Tama bidigo te po wali, "Megi da, te usu dao. Te aga ena tiwai dao, eno abagi mu dao. Aga dili te eno diligo nigali, tama aga mi da, te eno migo nigai. Godigo aga te eno punali diligo nigai, tama tibaso eno aga nogi 'we' poali." ²⁴ Tama tialima, te kolesaga pedelali, te bidigo aya ida tagalama, tama aga we dali kea pali, tama augwa si deli mu pedelali, te kolesaga da tomode meggi te elalua pobao. ²⁵ Bidi de we si te augwali si tigi gudubo bolu meni yai. Tiali goli, augwa si hale me ebeo.

Bidigo Godigo po sela sawai

3 Te Yawe Godigo te tigidali hasa hani sibi nigali, tiali goli me deligo te hasamanigo tibo po wabo kolesaga konea pai tiwai gilama eyu, te aga aiyaba me elalugobeo. Tama me sogo te hasamanigo te we pageba asama, tama te webolo hanalu wali, "Mu dawé? Te Godigo dage sibolo te gide elalubo nedu du tugi olama, tigidali habu selaliwe?" te po wai. ³

² Tama wego po wei ponoyu, te po wai, "da sigo te gide elalubo nedu du tigidali tumainogo yali. ³ Tiali

† Te Hibrú pogo te po si "bidi" dali, "we" dali si, te dogoni deli pade elaluyu wabo dao. †† 2:24 Mat 19:5; Mak 10:7-8; 1 Ko 6:16; Ef 5:31 ‡ 3:1 Ped 12:9; 20:2

goli, te tomode dolalubo nedu du me deli digi da, te da si go tusiama habu selai. Godigo te tiwai po wai, 'Dage sigo te nedu du togola tugio, ma dage sigo no-gogo diaggio. Tiyu, dage si isabuo,' wali," wego te po wai.

⁴ Tialima, hasamanigo webolo po weyu, te tiwai po wai, "Tegobeo. Menio. Dage si munu me isigobeo.

⁵ Dage sigo te nedu du tubaso da, teda dage sigo te mena dwagi yai kolesaga me, te mena dwai kolesaga me, te koneama, tama dage si te God tiwai pedelaibao. Godigo te koneama, tama tibaso agai dage si habu selali," wali.

⁶ Te hasamanigo te po olama, tama wego te nedu du sulama, tama te nedu du gasa wiegi yai au mu sula-ma, tama aga du te wiegi yai mu elaluali. Tialima, wego te tiwai homu yai, 'Te eno te tiwai dwagi yai koneabo kolesaga siyu da, teda te dwagi yai mu yaibao,' te homu yalio. Tama tiyu, wego te nedu du meba selama, tama tuali. Nosali agai te nedu du meba bidibolo mani, tama agai me tualio. ⁷ Tama polo mu augwa si sulama koneai, te augwali si tigi mesegelisiama, te bolu olo elaluali. Tama augwali sigo te ni kaya yabe dabe hobolama, tama augwa si te ugwa tiwai ilama, gudali.

⁸ Te be kedau ebo sogo pio ebode, augwali sigo odali, te Yawe God te gide bilibo odama, tama augwali si te ni dabe elalubo madi tomoba duala sigi pai. ⁹ Tiali goli, Yawe Godigo bomonama bidi i wai, "Nage mena bidibawe?"

¹⁰ Tama bidigo po wei ponoyu, te po wai, "Eno odali, nage te gide bilibo odoyu, tama ena bolu olo elalubaso, ena nagede wi eyu, geme duala siyu yali," te po wai.

¹¹ Tama Godigo agabolo hanalu wali, "Dego nagebollo olama, nage bolu olo elalubo po waliwe? Te nago eno nagebollo habu selali nedu du te nago tuai dawé?"

¹² Tama bidigo po wei ponai, "Te nago enabolo mani we eno abagigo, agai te nedu du enabolo mobaso, tama eno tuai dao."

¹³ Tialima, Yawe Godigo webolo te tiwai hanalu wai, "Magi baso nago te se yaliwe?"

Tama wego te po wei ponani, "Hasamanigo ena tibo po ola mobaso, tama eno te nedu du tuali," te po wai. ††

Godigo te dwai se wei ponobo po wai

¹⁴ Tama Yawe Godigo te hasamanibolo te po wai, "Nago te se ebaso da, teda nage tede sege salio. Te gasa hasa sibi dabe tigidali augwaligo sege sabeo, nago naga te sege sai, nage tedali dao. Tama tibaso, eno te se ilama, tama meggi me tigidali sogo nosali te nage naga tabi bulugo naga tode bilaibao. Tama tiyu, nago te tode pobe bage tueibao. ¹⁵ Tama eno nago te webolo boi bidi ilibo se iliyu, tama wego nagebollo boi bidi ilibo se ilibadi yaibao. Tama eno nago te wego nosali ame nabo hani dali boi bidi ebo se ilaibao. Te agai

nago tobolude agalama, tama nago aga saḡa gabulude gaḡ kelaibao," Godigo te po wai. †

¹⁶ Tama Yawe Godigo te webolo te po wai, "Te nage haliga elalubadi, te eno nagebolo genuai seḡe mawaibao. Tama nago wai ame nabo sogo, te nage genuai dene yaibao. Tiali goli, te nago naga bidi godolo mu eyu, tama agai nage tonaluaibao," wali.

¹⁷ Tama Yawe Godigo bidibolo te tiwai po wai, "Nago te naga wego po odolama, tama eno nagebolo te tugio olama habu selali nedu du te nago tualio. Nago tama tiwai yaibaso, teda eno te tḡ dolama, tama te nai dabe bugagia holomainogo me egobeo. Naga digi naga te seḡ dene mu sesemane sogo iduama, te tḡde nai pedalumainogo yaibao. ¹⁸ Tama te sesane yai ni me te dwai nosa dabe te tḡde pedelaibao. Tama nago te naga gide nai selama, tueibao. ^{†19} Te nage seḡ dene eyu, posolo pedelama, tama te tḡde nai pedelaibao. Tama nage seḡ dene sesemane sogo iduama, tama nago isabao sogo usu nigil pelama, tama nage te tḡba ma paibao. Magi baso meni, eno te tḡgo nage nigali, tama nage te tḡba ma paibao," Godigo te po wai.

²⁰ Tama te bidi Adam agai aga we nogi Iv nogi yali, magi baso meni, aga te tigidali bidibo we bidigo wai auwa dalali we mosi dao. ^{‡21} Tama Yawe Godigo te hasa tigiwali dabego te gudubo ugwa nigilama, tama agai Adam we de bidi sibolo menama, tama augwali sigo te ugwa gudali.

Godigo Adam de Iv si te gide sela saḡwani

²² Nosali Yawe Godigo te po wai, "Te bidigo mena dwagi yai kolesaga me, te mena dwai ebo me, te megikoneanio, tama aga da tiwai pedelai. Tialima, dago aga gogolama, aga te bidibo ula mabo ni pageba pomainogo me egobeo. Tiyu, agai te nedu du me togola tudu da, te aga bidibo ula sesemane sogo elaluabuo," te po wai. ^{‡23} Tama tibaso, Yawe Godigo te bidi te Iden gide sela saḡnama, tama aga tagala palama, te Godigo aga nigali tḡde seḡ emainogo yai dao. ²⁴ Godigo te bidi me we me sela saḡnama, tama agai te bomai mobo ensel bidi tiwai, te bage te Iden giba muani. Tama agai te gegemani yai moni hwaḡ ge me deli munama, tama te tigidali habuba bebegeli bebegeli bilibao. Te mobo ensel tiwai dabe dali, te moni hwaḡ ge dali sigo tonalubao, tiyu bidi me deli te bidibo ula mabo ni pageba pedali-dali weyu tebo dao.

Kein me Abel

4 Adam aga we dali pilama, tama we haliga yai. Tama wego ogwa me deli ame nenama, tama agai te po wai, "Yawego ena tau selama, tama eno ogwa salio." Tama tibaso, agai te ogwa nogi Kein poai. ^{‡2} Nosali agai Abel ame nani, te Kein aga ama dao. ^{‡‡}

† 3:15 Ped 12:17 †† 3:18 Hib 6:8 ‡ Te Hibru pogo te nogi Adam te tiwai page elalubao, "Bidi," tama wabo. Tama te nogi Iv te page elalubao, te "Bidibo ula elalubo," te wabo. †† 3:22 Ped 22:14 ‡‡ Te Hibru pogo te nogi Kein dali te po wabo "salio" te sigo dogoni deli paḡde elalubo. ‡‡† Te Hibru pogo te nogi Abel te page elalubao, te "ponobo mobo," ma te "osogo bidibo," tama wabo.

Tama Abel te kibu sipsip dali, meme dali si tonalubo bidi pedelai, tama Kein te gi seḡ ebo bidi pedelali. ³ Tama nosali Keingo te gide nai dabe selama, tama agai selasa asama, tama te masigigo nigai alta sai daide munama, siago te nai uduyu, tama Yawebolo olo mayu, te ofa tama ilali. ⁴ Tama Abelgo te gomunai sipsip wai dabe meba selama, tama agai augwali elali. Tama agai te meba dwagi yai ili dabe me selama, tama ofa yali. Yawego dwagi yai homu pemene te Abelbolo elama, te aga ofa dali me tiali, ^{‡‡‡5} tiali goli agai te Kein dali, aga ofa dali, te agai godolo me ebeo. Tama Keingo wado homu dwai mu elama, tama agai gesabidi hulua sigi pai. ⁶ Tialima, Yawego Keinbolo te po wali, "Magi baso nage dwai seḡe ebawe? Tama magi baso nage gesabidi gasagi yai pedelaliwe? ⁷ Te nago dwagi yai kolesaga eyu da, teda eno nage dali dwagi yai homu yaibao. Tiali goli, nago dwai kolesaga eyu da, teda dwai seḡ ebo kolesaga nage paḡde bidiyu, tama tego nage godolo eyu, tama nage aiyaba elaluabo sogo tonalubao, te moni nasi yai bulu hasa tiwai dao. Tiali goli, nago bomo elama, te dwai seḡ ebo kolesaga aiyaba elaluao," Yawego Keinbolo te po wai.

⁸ Tama nosali Keingo aga ama Abelbolo te po wai, "Da si gasaba gana dwasianu biligi pinao," wali. Augwali si te nosa elalubo tḡba biligi pali, tama Kein hodalu, tama aga ama ela muani. [§]

⁹ Nosali Yawego Keinbolo hanalu wai, "Naga ama Abel mena bidibowe?"

Tama Keingo te po wali, "Eno konebeo. Magi yaliwe? Nago homugo ena te eno ama tonalubo bidi naga bidimainogowe?"

¹⁰ Tialima, Yawego Keinbolo te po wai, "Nago magi baso te dwai dwai seḡ yaliwe? Te naga amago kaneme te tḡba gelali, tama te kaneme te bidi me deli dogoni tiwai elama, tama i wabo eno odali, 'Boi eyu, Kein ela muao,' te tiwai po obao. ^{§†11} Megi te eno nage dolabo bomai po obao. Nage te naga gi seḡ yabo tḡde bidibo gudulama, paibao. Magi baso meni, te naga nogogo digi te naga ama kaneme te tḡba gelalio. Tama te tḡ te penane dalalubo tiwai elama, tama te kaneme tualio.

¹² Tama tibaso, nago nai te tḡde bulubaso da, te nai bugagia me hologobeo. Te nago page bulu mu meniam, tama nage te tḡ sibi usu nama, te bulu wau bilibo bidi tiwai bidaibao," te po wai.

¹³ Tama Keingo Yawebolo te po wali, "Te nago enabolo mabo seḡe te genuai mu dao. Eno te seḡe tolobo usugobeo. ¹⁴ Te nago ena e tḡde nago gedude me te sela saḡwaibao po wai. Te ena bidabo bulu meniam, tama ena subigila te tḡde bilaibao. Tama bidi me deligo te ena suali da, teda agai ena ela muaibao," wali.

¹⁵ Tiali goli, Yawego te po wai, "Menio. Te nage bidi me deligo ela muyu da, mu tama te eno genuai seḡe-go wei ponaibao." Tialima, Yawego te daḡ me deli Keinde muani, tama bidi dabego aga suyu, tama te daḡ ilali subaso da, teda augwaligo aga me ela mugobeo.

¹⁶ Tama Kein te Yawe bidibo madi tagalama, wi pela-

‡‡‡ 4:4 Hib 11:4 § 4:8 Mat 23:35; Luk 11:51; 1 Jn 3:12 §† 4:10 Hib 12:24

ma, tama t̄o me deli teba bidigi pali, te augwaligo te t̄o nogi poali "Subigila Bilibo," te nogi poali. Te t̄o te Iden gi elaluali madi te giliga asobo badu elaluai.

Keingo hani dabe po

¹⁷Tama nosali Kein te aga we dali pilama, tama we haliga yalima, ogwa me deli ame nani, aga nogi Enok. Nosali Keingo hanu me deli nigilama, tama aga ogwa Enok nogi te hanu nogi polali. ¹⁸Nosali Enokgo ogwa ame nenama, tama Enokgo te ogwa nogi Irat nogi poai. Nosali Iratgo ogwa ame nenama, tama Iratgo aga nogi Mehujael nogi poai. Nosali Mehujaelgo ogwa ame nenama, tama Mehujaelgo aga nogi Metusael nogi poali. Tama nosali Metusaelgo ogwa ame nenama, tama Metusaelgo aga nogi Lamek poali. ¹⁹Tama nosali Lamekgo we si sai. We me deli nogi Ada, tama mego nogi Sila dao. ²⁰Adago Jabal ame nani. Jabalgo nosali ame nani w̄aj dabe augwali da te kibu bulmakau sibi negeyu, te ugwa bede bidaluali w̄aj hani dao. Jabal agai te kolesaga ebo hasia bolo gagalali, te s̄e page bidi mu dao. ²¹Te Jabal aga ama nogi te Jubal. Te Jubalgo w̄aj hani sibi da, te augwaligo t̄ēabi te musik gita me, genagigo ona elebo tiwai dali, te gagali yali w̄aj dabe dao. ²²Tama nosali te we Silago te Tubalkein ame nani. Tubalkein da, te bras me ain te kapa sigo te haniani s̄e yabo nai tul dabe te nigibo w̄aj hani bidi dabe hasia bolo pedelai. Te Tubalkein aga abe nogi te Nama dao.

²³Tama me sogo te bidi Lamek aga we sibolo te po wai, "Ada me Sila, dage sigo eno pedauwalide po wabo odīo. Dage si da, te Lamekgo we da, dage sigo eno po bugagia odīo. Bidi me deligo ena elibaso, tama eno aga ela muani. Te bidi aga gesi ogwa bidi bidibadi, tama agai ena subigila dodolama elibaso, te eno aga ela muani. ²⁴Augwaligo te po wabo da, 'Te bidi mego Kein ela muyu da, teda aga moni genuai s̄ēḡe mu saibao.' Tiali goli, eno e po obao, bidigo ena elali da, teda aga moni genuai s̄ēḡe mu sesa pidubadi geaibao," Lamek agai te po wai.

Te Setgo hani dabe po

²⁵Te nosali Adam aga we dali ma piai. Tama wego ogwa ame nobaso, tama te po wai, "Te Godigo enabolo te gasa wai te Abel bidali hasegelama mani, te Keingo aga ela muani." Tialima, agai te wai nogi Set poai. ^{†26}Te nosali Setgo wai ame nenama, tama Setgo aga nogi Enos poali. Tama te sogo te bidi dabego te Yawe nogi wabo gagalama, tama agaba lotu po weyu bidali.

Te Adamgo hani dabe po

5 Te Adamgo w̄aj hani dabe pedelali nogi e tama dao, Godigo bidi dali, we dali, te aga digi tiwai nigai. ²Godigo bidi deli badi, we deli badi nigai. Agai augwali si nigilama, tama augwali si dali dwagi yai s̄e yabo po olama, tama augwali si nogi poliyu, "Bidi da" wai. ^{††3}Tama Adam te kibu be 130 bidama, tama aga te

ogwa me deligo aya te aga tiwai mu pedelai. Tama Adamgo aga nogi Set nogi poai. ⁴Tama ame nenama, tama nosali te Adam agai gasa ogwa me, wegi me ame neyu bidibadi, aga te gasa kibu be 800 me bidali. ⁵Tama Adam te kibu be umabo bidi sese hauwa 930 kibu be bidama, tama aga isai dao.

⁶Te Set te kibu be bidi sese a naga olama, ogwadu a naga, 105 kibu be bidama, te aga ogwa me deligo aya pedelali, nogi Enos. ⁷Set aga te kibu be 807 ma bidama, tama aga gasa ogwa dabe wegi dabe ame nai. ⁸Tama Set te kibu be bidi sese hauwa, te 912 kibu be bidama, tama aga isai dao.

⁹Enos te kibu be 90 bidama, aga te ogwa me deligo aya pedelali, te ogwa nogi Kenan poai. ¹⁰Enos te kibu be 815 ma bidama, tama agai te gasa ogwa wegi dabe me ame nai. ¹¹Enos te kibu be 905 bidama, tama aga isai dao.

¹²Te bidi Kenan kibu be bidi sese sela olama, nogo si bidama, tama te ogwa me deli ame nani, te ogwa nogi Mahalalel, ¹³tama Kenan te kibu be 840 ma bidama, tama agai te gasa ogwa wegi dabe ame nani. ¹⁴Kenan te kibu be 910 bidama, tama aga isali.

¹⁵Mahalalel te kibu be 65 bidama, tama agai te ogwa me deli ame nani tego aya pedelali, te ogwa nogi Jaret. ¹⁶Tama Mahalalel te kibu be 830 ma bidama, tama agai te gasa ogwa wegi dabe ame nai. ¹⁷Tama tiyu, tama Mahalalel te kibu be 895 bidama, te aga isai dao.

¹⁸Te Jaret te kibu be 162 bidama, tama aga te ogwa me deligo aya pedelai, aga nogi Enok. ¹⁹Tama Jaret te kibu be 800 ma bidibadi, tama agai te gasa ogwa wegi dabe ame nai. ²⁰Tama tiyu, Jaret te kibu be tigidali 962 siliyu bidama, tama aga isali.

²¹Tama Enok kibu be bidi sese sela, me badu nogo a naga, 65 kibu be bidama, tama aga te ogwa me deligo aya pedelali, nogi Metusela. ²²Tama Enok aga te God dali deli homu naga eyu bilali. Tama tiyu, aga te kibu be 300 ma bidibadi, tama aga te gasa ogwa wegi dabe me ame nai. ²³Enok te bidibo ula dali e t̄ode bidali kibu be te 365 dao. ²⁴Aga te God dali sesemane sogo deli homu eyu bidali, tama Godigo aga selama, tama bidi dabego aga ma subeo. [‡]

²⁵Tama Metusela te 187 kibu be bidama, tama aga te ogwa me deligo aya pedelali, te ogwa nogi Lamek.

²⁶Tama Metusela te gasa kibu be 782 ma bidibadi, tama agai te gasa ogwa wegi dabe me ame nai. ²⁷Metusela te kibu be 969 bidama, tama aga isai dao.

²⁸Tama Lamek te kibu be 182 bidama, tama aga te ogwa me deligo aya pedelali. ²⁹Tama agai te po wai, "Te Yawego te t̄o dolabo bomai po muanio. Megi da, te waigo da te t̄ode s̄e dene ebo te toma nomainogo ilaibao," te po wai. Tama tibaso, Lamek agai te ogwa nogi Noa poai dao. ^{††30}Tama nosali Lamek aga te kibu be 595 ma bidibadi, tama agai gasa wegi ogwa dabe meba ame nai. ³¹Tama Lamek aga te kibu be 777 bidama, tama aga isali.

† Te Hibru pogo te nogi Set te page elalubao, te "mawai dao," tama wabo. †† 5:2 Gag 1:27-28; Mat 19:4; Mak 10:6

‡ 5:24 Hib 11:5; Jut 14 †† Te Hibru pogo te nogi Noa te page elalubao, te "toma nabo," te tiwai p̄ade dao.

³² Tama Noa te kibu be 500 bidama, tama aga te ogwa selago aya pedelali, Siem, me Ham, me Jafet, te tama deli deli ame nanio.

Te bidi dabego dwai kolesaga yali po

6 Nosali te we bidi hauwa te tigidali t̄ɔde pedelama, tama augwaligo wegi mani me hauwa elalui. ² Tama te Godigo ogwa dabego te wegi mani dabe sulama, te gasa sawi yai mu yai. Tama augwali deli deligo augwa homugo digi te we dabe anoma eyu, tama augwali selama, bidali. ³ Tialima, Yawego te po wai, "Eno te bidibo ula sesemane sogo bidada pomainogo sesabi gana emainu mabo mobo te momainogo me egobe, magi baso meni, augwali te osogo bidabo nai tama naga da. Megi da, te bidi bidibo ula te kibu be 120 naga usu nama bidimainu yaibao," Godigo te po wai.

⁴ Tama te sogo me, te nosali sogo me, te moni genuai bobobage bidi dabe meba te t̄ɔde bidaluai. Te bidi dabe augwali te Godigo ogwa dabede sali te we dabego augwaligo ame nani bidi dabe bidali. Augwali te bomai bidi mu gagalama, tama te sogo augwali nongi genuai elalui. †

⁵ Te Yawego te tigidali t̄ɔ badu bidalubo we bidi dabego ebo kolesaga suai, te dwai dwai mu yali. Augwaligo homu te dwai s̄ɛ ebode naga konealuali. ⁶ Tama Yawego te polobadu bidi de we si t̄ɔgo nigilama, te dwagi yai homu pemene yali, te homu ma koneani. Tiali goli, agai te we bidi hani dabego homu suai, te augwaligo homu te dwai naide naga konebaso, tama tede homu dene eyu, agai te polobadu dwagi yai homu pemene yali tiwai gilama ma ebeo. Te meni. ⁷ Homu dene mu eyu, tama agai te po wali, "Te eno nigali bidi tigidali te eno ela silaibao, te augwali menade bidada pabo te mu silaibao. Te eno tigidali hasa sibi dabe tigidali me, te ba dabe me, te nai dabe me, tigidali silaibao. Magi baso meni, ena digi ena te nai dabe nigali goli, augwaligo ebo kolesagago enaba dene ilibo dao, tama wiegi yai homu pemene ma egobeo," te po wai. ⁸ Tiali goli, Yawego te bidi Noa dali digi dwagi yai homu pemene yalio. ††

⁹⁻¹⁰ Te Noade po da te tiwai dao. Agai ogwa sela elalui, Siem, Ham, me Jafet. Noa da dwagi yai bidi, te sogo bidali we bidi tomode te Noa deli digi aga bilibo kolesaga te Godigo gedude dolo mu yali. Aga te God dali deli homu naga eyu, tama Godigo abagi mu dao.

^{†11} Tiali goli, gasa we bidi dabe augwali tigidali te God gedude dolama bidali, tama dwai kolesaga me, te hw̄ɔbo kolesaga me, te tigidali habuba paḡana sigi pai.

¹² Tama Godigo t̄ɔba tonaluama, tama agai tigidali bidigo dwai kolesaga mu ebo suai. Te bidigo bilibo kolesaga te gaga pai mu pedelama, tama dwai kugumini naga yai.

Noago te moni geba sip te nigali

¹³ Tialima, Godigo Noabolo te po wali, "Tigidali bidi augwaligo tigidali t̄ɔde te haniani dwai hw̄ɔbo kolesaga mu ebo. Tama tibaso, eno tede homugo konea palama, tama te homu ebao, eno augwali dolai hagede ebao. Te eno tigidali we bidi mu silaibao.

¹⁴ Tama nago dwagi yai ni pedai selama, tama naga moni genuai geba sip me deli nigao. Nago te tomode be habu meba nigilao, tama tomode me bulu badu mabode te agebele megego bugagia sebelao. ¹⁵ Nago te tiwai sip nigao. Te sip bobage usu sabo, te 133 mita, te aga genuai ilabo usu te 22 mita dao. Tama nago ugwaba bobage usu ni sabo, te 13 mita dao. ¹⁶ Nago te sip pedu nigilao. Tiali goli, te sip bulubadu paiabo ni name dabe augwali te pedu dologoba mu paigio. Menio. Te hap mita olo elalumainao, te ula tomoba asomainu. Te sip tomode be sela te tama tiwai s̄ɛ yao, me deli aiyadu, me deli tomode, me deli ugwadu. Tama nago te me bogo badu te sip tomoba pabo sunumi me deli nigao. ¹⁷ Te eno te t̄ɔde w̄ɛ asobo genuai mu pedalumainu elama, te tigidali bidibo ula elalubo nai dabe dola silimainu yaibao. Te t̄ɔde tigidali nai dabe isila silaibao. ¹⁸ Tiali goli, eno nage dali da, te eno bomai po daḡ walaibao. Nage da, naga we dali badi, te naga ogwa dabego augwa we dabe dali, dage da te moni geba sip tomoba bula sao. ¹⁹ Tama nago te tigidali haniani hasa dabego si si sao, te me omai, me so tama, si sao. Tama nago augwali te duga dali hodobo te moni sip tomoba sela pobaso da, teda augwali me isigobeo. ²⁰ Te tigidali haniani ba me, te genuai me, te dwasianu dabe me, te omai de so si si augwali te sip tomoba pelama, te augwali me isigobeo. ²¹ Tama nago te naga tuabo haniani nai badi, te haniani hasa dabego tubo nai me, te ba dabego tubo nai me selama, te moni sip geba tomoba muao," te po wai. ²² Tialima, Noago Godigo agabolo te wali po gilama te tigidali s̄ɛ ela silai. ††

Genuai w̄ɛ asali po

7 Nosali Yawego Noabolo te po wai, "Eno nage deli naga nage te tigidali bidi tomode dolo bidibo sualio. Tama tibaso, megi nage te moni geba sip tomoba, naga we wai puluba tigidali dali tomoba bula sao. ² Tama nago te tigidali haniani hasa dabe, te ofa maiabo usu eyu, meda meni yai hasa dabe naga sobadi, te omai a naga olama, me badu nogo si badi, te so me a naga olama, me badu nogo si, te augwali selama, te sip tomoba muao. Tiali goli, te eno gedude wiegi yai isayani hasa, te ofa maiabo usu meni yai hasa dabe, te nago omai dali, tama so dali, te si naga sao. ³ Tama tiali goli, nago te tigidali haniani ba dabego te omai ba a naga me si sobadi, te so ba me a naga olama, me si sobadi yao. Nago tama tiyu da, teda augwali me isisayu, tama nosali augwaligo wai dabe hauwa ma te t̄ɔde dala pomainao," wali.

† 6:4 Nam 13:33 †† 6:8 Mat 24:37; Luk 17:26; 1 Pi 3:10

‡ 6:9-10 2 Pi 2:5

†† 6:22 Hib 11:7

⁴“Tama te nogo a naga olama, me badu nogo si, te tama si silama, tama eno te t̄ba kulubage tagala palama, tama te kulubage tulaludubadi, te bidi sese si ulade me, te bidi sese si hulide bidibadi yaibao. Tama te kulubagego te eno te bidibo ula elalubo tigidali ena nigali nai te t̄ daide eno sela s̄ana silaibao,” te po wai. ⁵Tialima, Noago te tigidali s̄e te Yawego agabolo po wali gilama te s̄e ela silali.

⁶Tama Noa te kibu be 600 bidai elalubadi, tama te genuai w̄e te t̄de pedelai dao. ⁷Tama Noa we de bidi si dali, te aga ogwa dabe me, augwa we dabe dali, te geba sip tomoba bula sali, te w̄e asiyu, te augwali me dologobeo. ⁸Tama te tigidali haniani hasa, dwagi yai me te dwagi yai isiawani hasa dabego te omai me so deli deli sesa pobadi, tama te ba dabego me, te dwasianu hasa dabe me, te tigidali omaigo siyu, sogo siyu elama, ⁹te sip tomoba Noa dali pali, te Godigo po wali gilama tama yalio. ¹⁰Tama tiyu, te nogo a naga olama, me badu nogo si sogo silama, tama te genuai āj asiyu, te t̄ mesegelalio.

¹¹Te Noa te kibu be hauwa mu 600 bidama, tama te si wabo polua, dei 17 nogo si olama, s̄aḡaḡo a naga, me badu s̄aḡaḡo si tama side, te t̄ dologode te tigidali genuai w̄e dabe te sunumi dala pela silama, tama w̄e ugwaba pedelali. Tama dagalude me te tigidali dedage dala pelama, tama w̄e aiyaba gelalio. ¹²Tama genuai kulubage mu tuludubadi, te hauwa sogo hulyu, posoyu yali, te ulade bidi sese si 40 dei, te hulide bidi sese si 40 sogo bidibadi, tama yali. ¹³Tama te genuai āj asobo gagalali side naga, te Noa me aga we me, te aga ogwa sela Siem, me Ham, me Jafet dali badi, te augwa we dabe sibi dali, augwali te sip tomoba bula sali. ¹⁴Tama tigidali haniani bulu hasa dabe me, te bede bidibo hasa dabe me, te dwasianu hasa me, te tigidali haniani ba sibi me, augwali te sip tomoba Noago hani dali pali. ¹⁵⁻¹⁶Te tigidali bidibo ula elalubo haniani nai sibi te omai me so te deli deli naga selama, augwali Noa dali te sip tomoba pali, te Godigo wali po tiwai gilama yalio. Noa te sip tomoba bula sabode, tama Yawego te sip sunumi paliali.

¹⁷Tama te moni w̄e pedaludubadi, te bidi sese si sogo elama, tama bo dabo ugwaba mu holama, tama te geba sip ugwanu sela holali. Tama sipgo te t̄ taga holali. ¹⁸Tama w̄e genuai mu pedelama, tama sip te w̄e daide ugwadu biliduali. ¹⁹Tama w̄e bo dabo ugwanu mu holodu genama, tama tigidali moni bobage bulu du mesegelali. ²⁰Tama pelama, tama te w̄eḡo tigidali bulu du aiyaba elalualima, tama ugwanu mu holodu geani, te usu ni sabo te 7 mita dao. ²¹Tama t̄de bidibo ula elaluali nai dabe tigidali isa silai, te ba dabe me, te be p̄de bidalubo hasa dabe me, te dwasianu hasa dabe me, tama tigidali nai me, te we bidi dali tigidali isila silai. ²²Te t̄de bidibo ula elaluali nai dabe tigidali isalio. ²³Yawego te t̄de tigidali nai dolali, te we bidi dabe me, te be p̄de bidibo hasa dabe me, te dwasianu hasa dabe me, te ba sibi dabe me, te tigidali dolai. Tama te hani me deli naga augwali te w̄eḡo me

dolobe, te Noa aga hani dabe me, tama augwali dali te sip tomode bidali nai dabe dali, augwali dolobeo.

²⁴Tama w̄e moni bage mu pedaludubadi, tama t̄ mesegelai elaludubadi, tama bidi sese a naga olama, me badu nogo si olama, te gasa bidigo nogo si sogo, 150 dei te w̄e elaludubadi geani.

W̄e asali kekasa pali

8 Te Godigo Noa dali, te bulu uni hasa dabe dali me, te be p̄de bidalubo hasa dabe me aga dali te sip tomode bidalubo, te Godigo homugo koneani. Tama tiyu, Godigo te wali te t̄ daide ugwadu bilimainu ilama, tama w̄e aiyaba kekasa dulubo gagalali. ²Tama t̄ dologode elaluali tigidali w̄eḡo sunumi, me te dagalude dedage elaluali, tigidali te palia sali. Tulubage te dagalude ma tulusiabadi, ³tama w̄e aiyaba kekasa dulali. Te aiyaba dulubo s̄e idubadi, te tama polua nogo a naga, te 150 sogo teba usu nani. ⁴Tama te polua a naga me badu si wali, te polua dei nogo si olama, a naga, me badu si, te 17, tede te moni geba sip te bulu du me deliba daḡ wagi pali, te bulu du dabe nogi Ararat dao. ⁵Tama te w̄e aiyaba duludubadi, tama te nogo si polua, dei deli wabode, te gasa p̄de elalubo bulu du tobolu dabe pedali gulalio.

⁶Nosali te bidi sese si wabo side silai madi, tama Noago te sip pola sali dwasianu sunumi dalama, ⁷tama sisi yai ba me nogi kotkot, te ba taḡi tiwai ba me deli tagala palali. Te ba pelama, bola bilidubadi, te t̄ w̄e sula sabo sogo usu nigi pai. ⁸Tama nosali Noago ba hi me deli tagala palai, te w̄e aiyaba kekasa dulaliwe naga konemai hagede tialio. ⁹Tiali goli, aḡigo te t̄ halualudubadi gebaso, tama te ba hi aga dualama, toma nabo madi meni baso, te aga ma geasa aselama, tama Noago nogo buluba dinama, tama aga sip tomoba ma sali. ¹⁰Tialima, Noa te me sela, me sela, me deli, te tama sogo bidama, tama agai te ba hi ma tagala palai. ¹¹Tama te be pio mu ebode te ba higo Noa bidibo madi ma aselama, tama aga penanide te gesi ni oliv yabe me deli selasa asali. Tama tibaso, Noago koneani, te w̄e aiyaba kekasa dulali dao, wali. ¹²Tama aga te a naga me si, te tama sogo tonaluama, tama te ba hi ma tagala palai. Tama te ba hi munu me asobeo.

¹³Noago kibu be 601 elama, tama te polua deli wabo, dei deli ebode te t̄ daide elaluali w̄e tigidali sula sali. Tama Noago te sip haluali nai dagala s̄anama, tama tonono bilali. Tama agai te t̄ wa pabo suai.

¹⁴Tama bidama, tama te polua si, te dei 27, te sogode te t̄ tigidali mu wa palio. ¹⁵Tama Godigo Noabolo te po wai, ¹⁶“Nago te geba sip tagalama, tama nage naga we dali, me naga ogwa dabe, augwa we dabe dali, dage t̄ba aiyaba dulao” po wai. ¹⁷“Tama tigidali hasa sibi dage dali aiyaba sela dulao, te ba dabe me, te be p̄de bidalubo hasa dabe me, te genuai bulu hasa dabe me, dwasianu hasa dabe me, te tigidali te t̄ba dulao. Te augwali bilaluyu, tama wai dabe ame nena, umabo pedaliyu, tama tigidali t̄ pedai usu ilimainao,” Godigo te po wai. ¹⁸Tialima, Noago te sip tagalama, te aga we dali, te aga ogomani dali, te aug-

wa we dabe me, augwali hodobo te t̄ba dula silali.
¹⁹ Tama te tigidali uni hasa sibi me, te be p̄de bidibo hasa sibi me, te ba dabe me, te dwasianu hasa sibi dabe, augwali te deli deliba naga hodobo sisina silama, tama te sip tagalama, tama t̄ba dula silali.

Noago ofa Godibolo mani

²⁰ Tama Noago te Yawebolo nai olo momainogo eyu, tama te ofa maiabo alta sai nigali. Tama agai te tigidali haniani hasa sibi tigidaligo te ofa maiabo usu yai hasa deli deli, me te ba dabe me sobadi elama, tama agai augwali elama, ofa yalio. Tama agai te alta sai ilali madi daide ulali. ²¹ Yawego te gasa sawi yai pusu yai ofa ulubo denami odobaso, tama agai aga homude te po wai, "Eno te we bidi dabego dwai kolesaga wei ponoyu, te t̄ dolabo po munu ma wagobeo. Eno koneani, te bidi dabe ogwa bidi bidibo sogo gagalama, tama peyu, sesemane sogo te bidi dabego homu kolesaga dwai elaluduai. Eno te bidibo ula elalubo nai tigidali te munu me ma dologobeo, te eno megī yali tiwai me egobeo. ²² Tama tiyu, te nai bulabo sogo me, te nai sabo sogo me elaluaibao. Tama te giliga nanobo sogo me, te tulubage sogo me elaluaibao. Te giliga me te be hulibo tama elaluaibao. Te e t̄ elalua pobadi, tama te tigidali nai me sia sogobeo," Yawego te po wai.

Godigo bomai po Noa dali d̄q̄ wali

9 Te Godigo dwagi yai po mobo Noabolo me, aga ogomani dabe dalibolo mayu, e tama po wali, "Te wai dabe hauwa mu ame nenama, te dagego hanigo te tigidali t̄ pedai p̄aḡaḡa sao. ¹² Te tigidali t̄de hasa sibi me, te ba dabe me, te dwasianu hasa sibi dabe me, te s̄ḡḡ dabe, te augwali dagede wi mu yaibao. Eno te augwali dagego nogoba muyu, tama dagego te augwali tonaluaibao. ³ Dagego te tigidali haniani hasa sibi me te haniani t̄de bilalubo hasa, te dagego tuabo nai da, te usu yaibao. Polobadu eno te we bidi dabebolo te t̄de holobo nai, te nai walobo nosa me, te haniani du walobo nedu du wai dabe, te nai dabe eno tama mayu, tama dagego tuabo nai dao wali. Tama te tiwai gilama eno megī obao, te tigidali nai te dagego tuabo nai dao. ⁴ Tiali goli, te nai me deli da dagego me tugio, te kaneme hauwa me elalubo mi, magi baso meni, te kaneme da, te bidibo ula elalubo page te dao. ^{†5} Te bidi me deligo dage ela mubaso da, teda eno te bidi sula tagalogobeo, eno agabolo me wei ponaibao. Tama te hasa sibigo dage me elibaso da, teda aga me eno ela muaibao. Ma, bidigo gasa bidi ela mubaso da, teda agabolo eno wei ponaibao. ⁶ Te bidigo gasa bidi ela mubosi, aga digi te bidi dabego nogode isimainogo yaibao, magi baso meni, ena God eno bidi nigali, te ena noma bidi tiwai digi nigali. ^{†7} Megi da, dagego wai dabe hauwa ame nomainao, tama dagego wai dabe hani te hauwa mu pedelama, tama tigidali t̄ pedai badu p̄aḡaḡa sao," Godigo te po wai. ^{††}

† 9:1 Gag 1:28 †† 9:4 Prs 7:26-27; 17:10-14; 19:26; Bom 12:16, 23; 15:23 ‡ 9:6 Sai 20:13; Gag 1:26 †† 9:7 Gag 1:28

⁸ Tama Godigo Noa dali, me aga ogomanibolo dali po weyu, bomonama te po wai, ⁹ "Megi ena da, eno bomo yai po dage dali, me te dagego nosali ame neyu elalua pabo bulai wai dabe dali te d̄q̄ obao. ¹⁰ Tama eno te tigidali bidibo ula elalubo nai sibi dali me te bomo yai dwagi yai po d̄q̄ obao, te ba dabe me, te bidigo negebo hasa dabe me, tama te bulude bidalubo uni hasa sibi dabe me, tigidali te dage dali sip tomode bidaluai. ¹¹ Eno dage dali e tama pogo d̄q̄ obao, eno po d̄q̄ mu weyu, te bidibo ula elalubo tigidali nai dabe te eno munu me ma te aḡigo me dologobeo. Tama w̄ asiyu, te e t̄ munu ma dologobeo," Godigo te po wai.

¹²⁻¹³ Tama Godigo te po wali, "Eno te dagalude unigi bidi mubo, te eno dage dali, me te hasa sibi dali, sesemane sogo yali te d̄ḡi tiwai mubao. Te unigi bidi te eno tigidali t̄de bidi dali po d̄q̄ wali d̄ḡi dao, tama te d̄q̄ wali dwagi yai po munu me siligobeo. ¹⁴ Te eno dagalude te p̄ pedalumainogo ebo sogo da, teda te unigi bidi me pedelaibao. ¹⁵ Tama tiyu, eno te po dage dali, me te hasa sibi dabe dali, te d̄q̄ wali po eno homugo konealu, teda te tiwai w̄ asiyu, te bidibo ula elalubo tigidali nai dabe me dologobeo. ¹⁶ Te eno te unigi bidi te dagalude pedalubo subo sogo da, teda eno te elalua pabo gamonabo d̄q̄ wali po sesemane sogo kone palu, te megī eno te tigidali t̄de bidibo ula elalubo nai dabe dali me tiaibao." ¹⁷ Tama Godigo po weyu, Noabolo te po wali, "Te e unigi bidi da, te eno d̄q̄ wabo dwagi yai po te t̄de bidibo ula elalubo tigidali nai dabe dali d̄ḡi ilibao," te po wai.

Noa aga ogomani dali po

¹⁸ Te e da Noago ogwa sela te sip tagalama dulali ogwa sela nogi dao, Siem, me Ham, me Jafet dao. Tama Ham te Kenango aya dao. ¹⁹ Te bidi Noago te ogwa dabe da, augwali te t̄de bidalubo tigidali bidi sibigo w̄ḡi monu dabe te augwali dao.

²⁰ Noa aga te gi s̄ ebo bidi bidai, tama aga te bono du aḡi wain gi bulali. ²¹ Tama nosali me sogo deli sode agai te wain bomai aḡi meba tulama, te aga tobolu ḡḡ eyu, aga esela pai. Tama eyu, aga ugwa dabe pepeda pelama, tama aga bolu olo te aga ugwa be tomode pila muani. ²² Tama Ham, te Kenango aya, agai te aga aya bolu olo pila mubadi sulama, tama aga pelama, aga ama sibolo wagi pai. ²³ Tialima, Siem de Jafet sigo te ugwa selama, te augwa si nageba muani. Tama augwali si te ugwa be tomoba tudibadu naga pelama, tama augwa si aya te ugwago haluali. Te augwali sigo gesabi begelama, te augwa si aya bolu olo pila mubo subeo.

²⁴ Tama nosali Noa aga hodaluama, tama aga homu kolesaga ma peda pabode, agai odali, te sabi bidi ogwago te agade yali po odai. ²⁵ Tama agai te po wali, "Genuai s̄ḡḡ te Kenande ugwadu elaluaibao. Te aga hani dabe te aga ama dedego hani dabego nogi meni yai s̄ ebo olo gagalama, bidaibao," wali. ²⁶ Tama Noago te tiwai po me wali, "Dago te Yawego nogi ugwaba sinao, te Siemgo God da. Kenan da, te Siemgo olo s̄ ebo bidi elaluaibao. ²⁷ Eno homugo Godigo Jafetgo wai

puluba dabe te hauwa pedalumainu ilaibao, tama augwali te Siemgo hani dabe dali bugagia bidalumainu yaibao. Tama Kenan da, te Jafetde te olo sę ebo bidi elaluaibao," te po wai.

²⁸ Te genuai wę asali sila madi, tama Noa te kibu be hauwa 350 mu ma bidai dao. ²⁹ Tama e tęde bidali sogo te umabo kibu be 950 bidama, tama aga isai dao.

Te Noago ogwa dabego dalali wai hani dabe

10 Te e dao te węgo ela silai madi te nosali Noago ogwa sela Siem, me Ham, me Jafet, te augwali selade pedelali bidi hani dabe te nogi e dao.

² Te e dao te Jafetgo ogwa dabe dao, Gomer, Magok, Madai, Javan, Tubal, Mesek, me Tiras, te tama dao.

³ Te Gomergo ogwa dabe, te e da, Askenas, Rifat, Togarma, te tama.

⁴ Te Javango ogwa dabe da, e dao, Elisa, Tarsis, te Saiprus bidi hani me Rodan hani bidi dabe dao. ⁵ Te e hani wai dabe da, augwali te ai sanede ma te aigo bobegelali tomode bidaluali hani dao. Augwali te hani bidi te Jafet tede pedelama, tama deli deli hani te augwa bidibo pedai badu nosali bidalua pali. Tama deli deli hani augwa po tedali tedali weyu bidai.

⁶ Te e da te Hamgo ogwa dabe dao, Kus, Isip, Put, me Kenan, te tama.

⁷ Te Kusgo ogwa dabe da, te augwali e dao, Seba, Havila, Sapta, Rama, me Sapteka. Ramago ogwa si ame nani, me Siba me Dedan.

⁸ Tama Kusgo ogwa deli bidali, te nogi Nimrot. Nimrot aga te tęde hasia polasa te boma pai tobolu bidi pedelali. ⁹ Te Yawego gesabide te Nimrot te hasa gegebo sę mu koneai bidi pedelai. Tama te bidi augwaligo te po wali, "Te bidi aga te Nimrot tiwai tama dao. Te Yawego gedude aga te hasa dabe gegabo bomai bidi mu pedelai dao." ¹⁰ Te Nimrotgo hasia bolo tonaluali moni hanu me si me si elaluali, Babel, me Erek, me Akat, me Kalne. Tama te hanu dabe me si me si te Babilonia pedai badu elaluali. ¹¹ Nimrotgo te Babilonia taga soyu, te genuai hanu te Asiria tęba nigigi pali, te hanu me Ninive, me Rehobotir, me Kala, ¹² me Resen. Resen hanu te Ninive de te genuai hanu Kala si tomode elaluali. Te hanu dabe te Asiria dabego tę pedai badu elaluai.

¹³ Tama Isip te Lut hani sibigo aya pedelali, te Anam hani, me Lehap, Naptu, ¹⁴ Patros, Kaslu, te hani dabe, me Krit. Te Filistia bidi ama sibi te Krit te bidi hanide nosali pedelai dao.

¹⁵ Saidon aga te Kenango gomunai ogwa da. Kenan te Hit bidi dabego aya me da, ¹⁶ tama Jebus bidi dabe me, Amor me, Girgas, ¹⁷ Hivi, Arka, Sini, ¹⁸ Arvat, Semar, me Hamat, tama nosali Kenango hani deli deli pelama, te bidabo pesage te hauwa tę pedai badu nigilama, bidali. ¹⁹ Tama Kenan dabe bidali tę dai te Saidon tedu gagalama, tama pelama, te Gerar tęba dai igi pai, tama te Gasa nogi wabo tę te pedai badu me dai igi pali. Tama sesegedu begelama, te Sodomaba, me Gomora, me Atma, me Seboim, te hanu dabe sabaligi palima, tama pelama, te tę Lasa teba sa-

baligi pai. ²⁰ Te bidi Hamde pedelali hani dabe te e tama. Te deli deli hani dabe te augwa bulude digi bidada pali. Tama nosali deli deli hani te augwa po tedali deli deli ola pelawai.

²¹ Tama Siemgo ogomani me elaluali, tama te da te Ebergo hani wai dabe da. Siem da, te Jafetgo amanu dao.

²² Te e da te Siemgo ogwa dabe nogi da, Elam, Asur, Arpaksat, Lut, me Aram da.

²³ Te Aramgo ogwa dabe, te e dao, Us, Hul, Geter, me Mesek dao.

²⁴ Arpaksat aga te Selago aya, tama Sela te Ebergo aya dao.

²⁵ Tama Ebergo ogwa si ame nani. Te mego nogi Pelek. † Magi baso meni, aga te tęde bididubadi, tama te bidi hani dabe augwaligo augwa tedali tedali po wabo gagalali, tama tebogo te augwali tomode pedai dao. Tama Pelekgo ama nogi te Joktan da.

²⁶ Tama Joktan da, te Almodatgo aya, me Selep, me Hasarmavet, me Jera, te augwali tama bagego aya dao, ²⁷ Hadoram, me Usal, Dikla, ²⁸ Obal, Abimael, Seba, ²⁹ Ofir, Havila, me Jobap da. Te tigidali da, te Joktango ogwa dabe nogi dao. ³⁰ Te e bidi hani dabe bidaluali pesage da, te bulu Mesade gagalama, tama pelama, te Sefar pedai badu tugi pali, tama palima, te giliga pedalubo badu te bulu du dabe elalubo pedai badu tugi palio.

³¹ Te Siemgo hani dabede pedelali bidi dabe da. Tama deli deli hani dabe te augwa bidalubo bulude digi bidalua pali. Tama nosali deli deli hani dabe te augwa po dabe tedali elalua pali.

³² Te e nogi dabe nogi yali da, te Noago ame nani ogwade pedelali hani dabe nogi dao, tama te augwa bidali tę pedai dabe me da. Te węgo bidi ela silai madi, tama te nosali te tigidali tę pedaide te pedelali bidi sibi dabe, te augwali Noago wai dabego hanide naga pedela silali hani te megi me bidalubo.

Babel bulude augwaligo te bobobage be sę yani

11 Polobadu mu, te moni węgo bidi ela silai madi silama, tama te tęde bidaluali bidi sibigo te wabo po deli naga elaluai dao. ² Augwali te giliga pedalubo badu kikili pelama, tama augwali te malu tę me deliba sabolali. Tialima, augwali te malu tę nogi Sina te bulu habu badu bidaluai, te bulu nogi me Babilonia.

³ Nosali augwa hasi po minama, augwaligo tama tiwai po wai, "Awe, abagi dedeo! Dago te dwagi yai mama yai tę meba begelama, te siaba ulama, te masigi tiwai pedalumainu ilinao," wai. Tama tilama, te be sę yabo masigi meni baso augwaligo te be sę ebo nai tama nigali. Tama te masigi dai wabo simen meni baso, augwaligo te be sę eyu, dai walobo nai kolta me selama, elaluai. ⁴ Tialima, augwaligo te po wai, "Megi da, dago dena genuai hanu me dedeli niginao. Tama te tomode moni bobobage sigi be nigaibao. Tama te be sese holobo te bobage ugwa dagaluba mu usu nig

† Te Hibru pogo te bidi nogi Pelek te gasa po dogoni tiwai pade dao, tama te gasa po page te "pedebo" tama dao.

holaibao. Tama tialima, te we bidi dabego te sę ebo suyu da, teda augwaligo dago nogi ugwaba saibao. Tama tiyu da, da munu me tedela pelama, gasa tų pedai badu gasa gasaba me tedela pelama, me bidigi pogobeo," augwaligo te po wai.

⁵ Tialima, megi da Yawego te tųde osogo bidibo bidi dabe augwaligo te nigila silali te masigigo sę ebo moni hanu dali, te moni bobage sigi be dali si, te suagasuyu dulalio. ⁶ Tama tibadi, agai te po wai, "Megi da, te e bidalubo bidi hani te deli hani bage naga dao, tama augwaligo po te deli naga elalubao. Tama tilama, augwaligo e moni hanu nigibo sę deli naga te yabo homu eyu, tama te sę usu yaibao. Tiali goli, augwaligo tama tiyu da, teda te pųde sogo digi tama te augwa digi te augwaligo tigidali haniani sę nigibo homu eyu, tama augwaligo te sę ebo me usu yaibao, tede ususiąbo egobeo, te augwa homu naga wali peyu bidaibao. ⁷ Tama tidali weyu, da te tųba dulama, te augwaligo po dedeli wabo te augwali dogoni hasegelama, te mebago te mego wabo po te munu me odisiąmainu, te augwali hamena begela siligi pinao," te po wai.

⁸ Tama tiyu, Yawego te augwali gasa gasa tedali tų pedaiba tedela pomainu ilalima, tama augwaligo te moni hanu munu ma nigibeo. ⁹ Tama augwaligo te hanu nogi Babel poai, magi baso meni, te Yawego te tigidali hani bagego po hasegelali, tama augwali hani bugulama, tama augwali tigidali tų pedaiba tedali tedali tedala pela silai dao. †

Te Siemgo hani dabe

¹⁰ Te e dao te Siemgo wai hani dabe dao. Te genuai wę asali bidama, tama nosali te kibu be si bidai madi, te sogo Siem aga kibu be bidi sese a naga 100 yia elalubadi, tama aga te ogwa me deligo aya pedelali, te Arpaksat ame nani. ¹¹ Tama te ogwa Arpaksat ame nenama, tama te Siem te kibu be umabo mu, te 500 yia ma bidama, te agai gasa ogwa wegi me ame nenama, aga isai dao.

¹² Tama te Arpaksat te kibu be 35 kibu be elama, tama aga te ogwa me deli Selago aya pedelali. ¹³ Tama nosali Arpaksat te kibu be umabo, te 403 kibu be ma bidama, tama agai gasa ogwa wegi me ame nenama, tama aga isai.

¹⁴ Tama te Sela te kibu be bidi sese deli olama, nogo si kibu be bidalima, te aga Ebergo aya pedelali. ¹⁵ Tama nosali te Sela te kibu be hauwa mu, te 403 ma bidalima, te agai gasa wegi ogwa me ame nobadi elama, te aga isai dao.

¹⁶ Te Eber te 34 kibu be bidama, te aga ogwa me deli ame nenama, te ogwa Pelekgo aya pedelali. ¹⁷ Nosali te Eber te kibu be umabo te 430 ma bidama, te aga gasa wegi ogwa me ame nenama, tama aga isali.

¹⁸ Te Pelek aga te kibu be bidi sese olama, nogo si bidama, Reugo aya pedelali. ¹⁹ Nosali Pelek te kibu be hauwa, te 209 ma bidama, tama agai gasa wegi ogwa me ame nobadi elama, te aga isai dao.

† Te Hibu pogo te hanu nogi Babel te gasa po tiwai pųde dao, tama te gasa po page te "po doloyu, tedali tedali pai," tama wabo.

²⁰ Te Reu kibu be bidi sese deli olama, nogo si olama, me si, 32 bidama, tama aga ogwa me deli Serukgo aya pedelali. ²¹ Tama nosali Reu te kibu be bidi sese hauwa 207 bidama, te agai gasa wegi ogwa me ame nobadi elama, te aga isai dao.

²² Tama Seruk te kibu be bidi sese deli olama, nogo si bidama, tama aga ogwa me deli ame nani ogwa Nahorgo aya pedelai. ²³ Tama nosali Seruk te kibu be umabo 200 ma bidama, te aga gasa wegi ogwa me ame nenama, tama aga isali.

²⁴ Tama Nahor te 29 kibu be bidama, te aga ogwa me deli ame nani, te ogwa Terago aya pedelali. ²⁵ Nosali Nahor te kibu be hauwa, 119 kibu be ma bidalima, tama aga gasa ogwa me wegi ame nenama, tama aga isalio.

²⁶ Tama Tera te kibu be bidi sese sela olama, nogo si, 70 kibu be bidama, te aga Abram, me Nahor, me Haran, te tama sela ogwago aya pedelai.

²⁷ Te e da te Terago hani wai dabe dao. Tera te Abram, me Nahor, me Haran, te augwaligo aya da. Tama Haran te bidi Lotgo aya da, ²⁸ tama Haran te aga bulude isali, te Ur te Kaldia pedai badu, te aga aya bidibadi dao. ²⁹ Tama Abramgo te we nogi Sarai sali, tama Nahorgo te Harango wegi Milka sai. Haran te gasa wegi Iskago aya me dao. ³⁰ Tama Saraigo wai ame nabo usu me ebeo.

³¹ Terago te aga ogwa Abram sali, tama Lot te aga wųj da, tama Sarai te aga wųj da. Lot te Harango ogwa, tama Sarai te Abramgo we da. Tama Tera dali, te hani bidi dabe dali, augwaligo te hanu Ur tagalama, te Kaldia pedai badu tedu peyu, tama te Kenan tų pedai-ba bidigi pai. Augwali bidada pali, tama tomode te Kenan tųba sabalisiąbadi, te Haran tų teba usu nama bidaluai.

³² Tama Tera te kibu be hauwa 205 mu bidama, tama aga te bidali pesage Haran te bulude isai dao.

Godigo Abrambolo te gasaba bidigi pao po wali

12 Te Yawego Abrambolo te tiwai po wai, "Nago te nago tų badi, te naga ayago hani me, te naga ayago bulu me, taga pao. Tama nage eno ola mabo digi gasa pedai badu me bidigi pagameo. †² Te eno nago wųj hani dabe te genuai hani mu pedalumainu yaibao. Te eno nage dali dwagi yai sę mu yaibao. Eno te nago nogi genuai ilaibao. Tama gasa we bidi dabe augwaligo te tiwai po waibao, 'Eno homugo te Godigo enabolo dwagi yai sę emainao, te agai Abram dali yali tiwai yao.' ³ Te nage dali wiegi yai kolesaga ebo bidi dabe, augwalibolo te eno wiegi yai mobo augwaliba mayu yaibao. Te ena digi te nago nogi aiyaba muabo dwai po wabo bidi dabe te eno augwalide te dolabo po mu waibao. Tama tigidali tųde bidalubo bidi hani dabe te nago hanide naga te wiegi yai mobo augwaligo saibao," Yawego Abrambolo te po wai. ‡

⁴ Tama te po obaso, Abramgo te Yawego po wali pelama, tama Lot aga dali pali. Abram bidali kibu be te bidi sese sela olama, nogo si olama, me badu nogo a

†† 12:1 Tpi 7:2-3; Hib 11:8 ‡ 12:3 Gal 3:8

naga, te 75 kibu be bidai elalubadi, te sogo agai te Haran hanude bidali tagalama, pai. ⁵ Tama Abramgo aga we Sarai sobadi, te aga amago ogwa Lot sobadi elama, te augwali hodobo pali. Tama augwaligo augwa sę ebo bidi dabe me sobadi, tama augwaligo te Haran hanude sali doado bage me tigidali selama, tama pelama, pelama, tama augwali te Kenan moni tų pedaiba soali. Augwali te Kenan tųba sabolai madi, ⁶ tama Abram te tų tomodu ma pelama, tama aga te gasa pesage te hanu nogi Sekem teba saboligi pai. Tama te bulude te gasa moni ni mu deli nogi More te elaluali. Tama te sogo te Kenan hani bidi dabe te bulude bidibadi dao, tama augwaligo augwa tibo god dabebolo te moni ni pagede te augwa lotu po weyu, bidaluali. ⁷ Te Yawe Abram bidiboba pedelama, tama tobo po wai, "Te e genuai tų da, te eno nago wų hani wai dabebolo mawaibao," te po wali. Tama tibaso, Abramgo te Yawe agaba pedelali madi te pesagede te Yawebolo lotu po weyu, ofa nai mayu yabo alta sai nigai. †

⁸ Nosali Abramgo te More bulu tagalama, ma pelama, tama dolo nogo pedai badu, te saut wabo, te badu peyu, tama te bulu du elalubo buluba sabolali. Te bulu du dabe elalubo badu te sia ge pedalubo pedai badu, te Betel hanu pųde elalubo madi, te badu bidigi pai. Tama agai te pesage me deli te Betel de Ai hanu si tomode aga ugwa be dabe dodolama, muani. Te hanu Ai te giliga dulubo badu elaluali, te Betel hanu te giliga pedalubo pedai badu elaluali. Tama Abramgo alta sai te bulude me nigilama, te Yawe nogi weyu, agabolo lotu po wai dao. ⁹ Tama elama, bidama, tama nosali Abram te me mu pidubadi geanima, te giliga pabo bogobadu te moni tų pedai Negeb, te badu sabaligi pai.

Abram te Isip tųde bidai

¹⁰ Te nosali Abram te Negeb tų pedaide bididubadi, te nasi ebo sogo pedelama, tama te bulude nai mu meni yai. Tama tibaso, Abram te Isip moni tų pedai teba pelama, te pęwadage sogo naga bidigi pai. ¹¹ Tama Abram te pelama, te Isip pųba sabalubo sogo, te aga we Saraibolo tama po wai. Agai te po wali, "Odao, eno koneani, nage te gasa sawi yai we mu dao. ¹² Te Isip bidi dabego nage sulama, te po waibao, 'Te Abramgo we da,' po waibao. Tama augwaligo ena ela munama, tama nage saibao. ¹³ Nago augwalibolo tama tiwai po wao, 'Abram aga te ena abe da,' wao. Tama po obaso da, te augwaligo dwagi yai kolesaga naga ena dali eyu, tama ena ela mugobeo," wali. ††

¹⁴ Tama Abram te Isipba mu sabolali, tama te mu tama, te Isip bidi dabego te agai we suali, te gasa sawi yai mu asobo suali. ¹⁵ Tama te Isip dabego genuai polasa tuni bidi tego sę tonalubo bidi dabego te Sarai sulama, augwaligo augwa tuni bidibolo te po wali, "Te we da, te gasagi yai sawi yai we mu dao." Tialima, augwaligo aga sigi pelama, tama tuni bidigo beba odasa pai. ¹⁶ Tama te genuai tuni bidigo Sarai godolo mu elama, tama agai dwagi yai kolesaga Abrambolo yali. Tama agai Abrambolo te sipsip me, meme me, bul-

makau me, moni kibu donki me, te hauwa mu mobadi, tama sę ebo bidi me, sę ebo we me, te moni kibu kamel me, te tama nai Abrambolo mani.

¹⁷ Tiali goli, Yawego te haniani dwai gasi dabe te genuai tuni bidibolo me, te aga bede bidali we bidibolo dali tagala palama, te tuni bidigo te Sarai dali emai hagede dwai sę te wei ponoyu, tama tiaai dao. ¹⁸ Tialima, te tuni bidigo Abram i olama, agaba asobosi, te agabolo te tiwai po hanalu wai, "Magi baso nago te tiwai kolesaga enabolo yaliwe?" te po wai. "Nago enabolo Sarai te nago we da po wabeo. ¹⁹ Nago te naga abe da po wali, tama tibaso te eno aga selama, te eno we tiwai bidali. Magi baso nago te kolesaga yaliwe? Naga we sao! Tama duga si pųao!" ²⁰ Tialima, te polasa tuni bidigo aga bidi dabebolo po olama, tama augwaligo Abram te Isipde bidali sela sųwai. Tama augwaligo aga me, aga we dali me, te aga tigidali doado bage dali me gululama, tama te Isip tų pedai sesegeba augwali dali hodobo pai, te Abram gasaba pomainogo tama yai.

Lot gasaba bidigi pai

13 ¹⁻² Te Abramgo doado bage hauwa elaluali. Agai te sipsip me, meme me, bulmakau me, te dila pai kapa silva gol dali si, te tama nai doado bage hauwa mu elaluai. Tialima, Abramgo te Isip bulu taga soyu, te moni tų pedai badu nogi Negeb, teba soai. Agai te aga we me te aga doado bage tigidali selama, tama Lot me aga dali hodobo soali.

³ Tama Abramgo te Negeb tų nosali taga peyu, tama me pidubadi geanima, te aga te Betel hanu pedai badu sabaligi pai. Aga te aga polobadu ugwa be dabe elaluali madi, te Betel de Ai te hanu si tomoba bidigi pai. ⁴ Tama tede aga te alta sai polobadu nigali madi pelama, tama aga Yawego nogi weyu, lotu po te Yawebolo wali.

⁵ Lot te Abram dali hodobo bilali. Agai te meme, me sipsip, me bulmakau te hauwa mu elaluyu, te genuai we bidi hani me elaluai dao. ⁶ Abram de Lot sigo sipsip, meme, te bulmakau bage hauwa mu elaluali, tama tiyu, te augwali si deli madi hodobo bidabo te usu meni yai. ⁷ Tama wado po te Lot de Abram augwa si hasa tonalubo sę ebo bidi dabe tomode pedelali. Te sogo te Kenan dabe me, te Peres dabe me tede bidalubadi dao.

⁸ Tialima, Abramgo Lotbolo te po wai, "Dadi si te deli kaneme si dao. Tiyu, da si wado po wabuo, tama da si go sę ebo bidi dabe augwa hasi me wado po wabuo," Abramgo te po wai. ⁹ "Suao, te genuai tų pedai elalubao. Te naga pedai badu bidabo madi me deli dodolama, tama nago ena taga peyu, naga teba bidigi painu te usu da. Te nage dolo nogo pedai badu painogo da, teda ena te pobase nogo pedai badu paibao. Ma, nage te pobase nogo badu painogo eyu da, teda ena te dolo nogo badu bidigi paibao," Abramgo te po wai. Te augwa ama nami si tama po dodolali.

¹⁰ Tialima, Lot dolugulama, tonono bilali. Agai te tigidali tų malu te wę Jordan sesegedu tonono pali, te tigidali pedaiba usu nama, te Soar te pedaiba usu nig

† 12:7 Tpi 7:5; Gal 3:16 †† 12:13 Gag 20:2; 26:7

palio. Te t̄o tigidalide te dwagi yai w̄ hauwa te gasa sawi yai, te Yawego Iden gide elalubo tiwai, me tama te Isip dabe t̄ode elalubo tiwai elaluali. (Tama te sogo te Yawego te Sodom de Gomora te hanu si dolisiɓbadi dao.) ¹¹ Tama tibaso, Lot te giliga pedalubo pedai badu pelama, tama agai te w̄ Jordan sese badu elalubo t̄o malu tigidali sali. Tama tibaso, te augwali si hodobo ma bidibeo. ¹² Abram te Kenan t̄ode bididuali. Tama Lot te Jordan malu elalubo hanu dabe tomoba bidigi pelama, tama aga bidabo ugwa be dabe te Sodom moni hanu p̄ba pidubadi geanima, tama mu-nama, bidai. ¹³ Tama te hanude bidalubo we bidi dabe augwaligo te dwai s̄ genuai mu te Yawe gedude yalio. Te augwaligo agai bomai po te wali me pabeo.

Abram te Hebronba pali

¹⁴ Te Lot pai madi, tama Yawego Abrambolo te po wai, "Nage ede dolaluyu, te nago tigidali pedaiba tonono pao," wali. ¹⁵ "Te meḡi nago subo t̄o tigidali, te eno nagebolo mayu, tama nago nosali ame nabo hani wai dabebolo mobadi yaibao. Tama te t̄o dagego sese mane sogo mu elalua paibao. ¹⁶ Te eno nago wai puluba dabe hauwa mu te masigi sane kemi tiwai ped-alumainogo ilaibao. Te bidigo te masigi kemi tigidali nedebo usu yabo homu eyu da, teda agai te nago wai puluba pedalubo tigidali te nedabo usu yaibao. ¹⁷ Tialima, nage hogodama, tama biliyu, tama te t̄o tigidali nago susa bilao. Magi baso meni, te tigidali t̄o te eno nagebolo mawaibao," te po wai.

¹⁸ Tama tibaso, Abramgo aga ugwa be dabe gudulama, tama te bidali bulu tagalama, tama pidubadi geanima, tama aga pelama, te nosali te Hebron buluba bidigi pali, tama aga bidabo pesage te bidi Mamreḡo genuai ni dabe elalubo p̄de te pesage nigali. Tama aga ugwa be dabe tede dodolama muyu, tama agai te Yawebolo lotu po wabo alta te bulude nigali.

Te tuni bidi dabe augwali boi hw̄jani

14 ¹⁻⁹ Te Abram aga te Hebron bulude tama bidalubadi, tama te bidi nogi Kedorlaomer aga te bulu Elam gavman tuni bidi dao. Tama Kedorlaomer gavman tuni bidigo te gasa gavman tuni bidi dabe tonaluali. Tama agai augwali tonalubadi, te kibu be nogo si olama, s̄aḡa badu si wai, tama s̄aḡa badu sela wagi soabo kibu bede augwaligo te Kedorlaomer gavman tuni bidigo po sela s̄awani, te takis mone me mabeo. Te tuni bidi dabe e dao, Bera te hanu Sodom gavman tuni bidi da, tama Birs̄a te Gomora hanu gavman tuni bidi da, tama Sinap te Atma gavman tuni bidi, me Semeber te Seboim tuni bidi, tama te Bela pedai badu gavman tuni bidi me elaluali, te bulu Bela te gasa nogi me Soar elaluai. Tama te bage augwaligo te tuni bidi Kedorlaomer hagela homu eyu, agai po sela s̄awani. Tialima, te nogo si olama, s̄aḡago me si me si wabo kibu bede, te gavman tuni bidi Kedorlaomer tuni bidigo te aga abagi solo gavman tuni bidi

sela i wali, Amrafel te Babilonia moni t̄o gavman bidi badi, te Ariok te Elesar t̄o gavman bidi, me Tidal te Goim t̄o gavman bidi dao. Te gavman tuni bidi dabe me si me si te augwa ami hw̄jbo bidi dabe palima, tama augwaligo te hasia bolo te Refaim hani bage dali, te Asterot Karnaim tede boi hw̄jnama, tama augwali aiyaba elaluali. Te tudibadu augwaligo te Sus hani te Ham t̄ode aiyaba elalubadi, te Emgo ami hani bidi dabe te Kiriataim bulu du elalubo t̄ode aiyaba elaluali. Tama te Hor dabe tego ami hani augwali te Seir bulu dude elaluama, tama augwali pobasa pidubadi, te El-paran bulu dolo te bidi meni yai buluba tagaligi palio. Nosali augwali begasa peyu, te Kades t̄oba pali. Te Kadesgo poloba nogi da te e tama Enmisp̄at wai. Tama augwaligo boi hw̄jani, te Amalek dabego tigidali t̄o pedai badu te boi hw̄jnama, te Amalek dabe aiyaba elaluali. Tama augwaligo te Amor hani dabe dali te bulu Hasason Tamar tede hw̄jnama, tama augwali aiyaba elaluai dao.

Te boi hw̄jani silama da, teda te Kedorlaomer gavman tuni bidi dali, te aga abagi gavman bidi dabe dali, augwaligo te a naga bulu gavman bidi dabe augwali dali hw̄jgi pali, te hanu dabe nogi e tama da, Sodom, me Gomora, me Atma, me Seboim, me Bela. Te a naga hanu gavman tuni bidi augwa ami bidi dabe dali, augwali te Sidim t̄o malu odogode deliba sisinani. Tama augwaligo te Kedorlaomer dali, te aga gavman tuni bidi sela bage augwali dali boi hw̄jainu sisi elaluai. Tama te a naga gavman bidi dabego ami bidi dabego te gavman tuni bidi me si me sigo ami bidi dabe dali boi hw̄jani.

¹⁰ Tama te Sidim odogo t̄ode te kolta sabo t̄o dedage hauwa elaluai. Tama te Sodom de Gomora gavman tuni bidi si augwa bidi dabe dali te boi hw̄jbaso, wi painogo homu yali, tiali goli augwali meba te kolta sabo t̄o dedage dabeba tulaluali, tama isali. Te augwaligo ami bidi dabe meba te bulu du bageba wi pai. ¹¹ Tama Kedorlaomer aga abagi dabe dali, augwaligo te boi bidi dabe augwali aiyaba elaluai. Tama augwaligo te Sodomde me Gomora te hanu side te tigidali doado bage sobadi, tama augwaligo tigidali tubo nai dabe me sela pai. ¹² Tama Lot te Abram aga amago ogwa te Sodomde me bidai, tama augwaligo aga me aga doado bage dali tigidali sela pali.

¹³ Tiali goli, bidi me deli te boi hw̄jbadi wi pelama, tama aga Abram bidibo madi sabolai, Abram da aga Hibru bidi me deli da, tama agabolo te po walali. Abram te bidi Mamreḡo genuai ni sili elalubo p̄de bidali. Te bidi Mamre te Amor hani bidi me deli da, tama aga ama si elaluali, Eskol me Aner, tama te sela augwali te Abramgo abagi dao. ¹⁴ Abramgo po odali, te tuni bidi dabe augwaligo aga ogwa sela pali po wai. Tama agai te aga hani bomai bidi dabe naga i wali. Te augwali hw̄jgi pabo bidi dabe namba hauwa tama, te 318 dao. Tama augwaligo te gavman tuni bidi dabe augwa ami bidi dabe dali pobasa pali, te Dan bulu d̄ajigi pai. ¹⁵ Te bulude te Abram aga hani si bugali. Tama te hani sigo te gavman tuni bidi hani me si me si dali

augwaligo hulide hwjani, tama augwali ugwaba igulama, te augwali aiyaba elaluali. Augwaligo te boi bidi dabe augwali pobasa pali, te giliga degebo bogo badu te Damaskusba sabolama, te ela solama, te Hoba te badu usu nigali pelama, ¹⁶ tama augwaligo wi sali doado bage tigidali ma dobola sai. Abramgo te aga ogwa Lot ma sobadi, te aga tigidali doado bage me, te we dabe me, tama te Lotgo bidi hani dabe me, tigidali ma sai dao.

Godigo wiegi yai sę Abrambolo emainogo Melkisedekgo gedu haluasa po wali

¹⁷ Abramgo te Kedorlaomer gavman bidi dali, te aga abagi dabe dali boi hwjani silama, tama aga ma geasa asai. Tama te Sodom gavman tuni bidi aga Abram tiąba asali, te odogo tų elalubo teba sisinani, te nogi augwaligo koneai, me te Tunu Bidi Dabego Odogo Tų da wai.

¹⁸ Tama Melkisedek, te Salem hani tuni bidi tama God Ugwadu Mu Bidibo Bidi ofa mabo pris bidi da, te agai giguai nai bret me wain ąj Abrambolo selasa asali. ¹⁹ Tama Melkisedekgo dwagi yai po e tiwai te Abrambolo wali, "Eno homugo te God Ugwadu Mu Bidibo Bidigo te dagalu dali tų dali nigali, agai te wiegi yai sę nage dali yao. ²⁰ Dago aga nogi ugwaba sao. Magi baso meni, nago te boi bidi dabe dali hwjbadi, tama agai nage tau selama, te nago te boi bidi dabe augwali aiyaba elalualio," te po wai. Tama Abramgo te ma dobola sali doado bage tigidali dodolama, tama nogo si badu togolama, tama Melkisedekbolo me deli pedai mani. †

²¹ Tama elama, tama Sodom tuni bidigo te tiwai po Abrambolo wali, "Naga hwjyu sali nai tigidali te naga selama, tolalua. Tiali goli, te eno hani da, te enaba ma asomainogo yao," wali.

²²⁻²³ Tiali goli, Abramgo te po wali, "Yawe da, te Ugwadu Mu Bidibo God da, agai te dagalu dali tų si nigali. Tama eno nogo me deli ugwaba siyu, tama aga gedude te dą wabo po wai, 'Eno te Sodom bidigo doado bage me sogobeo, te dwasianunu nai me deli sogobeo. Eno tiyu da, teda Yawe nago ena ela muao,' eno te dą wabo bomai po wali. Magi baso meni, nage Sodom tuni bidi nago te po weyu, 'Ena digi eno te Abram te doado bage hauwa elalubo bidi pedalumainu ilai da,' po waidalio. ²⁴ Ena digi te magi nai deli eno me sogobeo. Te eno hanigo tuali tubo nai da, te naga eno salio. Tama eno abagi sela, Aner dali, Eskol, me Mamre, augwaligo te doado bage me badu pedai somainao," Abramgo te po wai.

Godigo tau sabo bomai po Abram dali dą wai

15 Nosali Abramgo na tiwai ebaso, tama Yawego agabolo te tiwai po wai, "Abram, nage wi munu me elamuo," wali. "Eno nage te auwago bugagia mu seselalubo tiwai gilama ebaso. Eno nage dali dwagi yai

sę eyu, tama nage te genuai nogi elalubo bidi pedalumainu iliyu yaibao," te po wai.

² Tiali goli, Abramgo te po wai, "Yawe, ena hobede ya, eno Genuai Bidi, ena wai meni yai bidiyu, tama nosali isaibao. Te nago magi ilama, te ena genuai nogi elalubo bidi pedelaibawe? Te ena isibosi, te bidi me deligo te eno doado bage saibao, te Damaskus bulu bidi Elieser dao. ³ Nago enabolo wai me mabeo. Tama tibaso, ena isibosi, te ena sę bidi Elieser agai te ena hasegelama, tama eno doado bage tigidali somainu yaibao," wali.

⁴ Tiali goli, Yawego Abrambolo te po wai, "Te nage isibosi, te sę ebo bidigo nage hasegelama, te nago doado bage tigidali me sogobeo. Te nago ogwa wai mu te nago doado bage tigidali te nosali sabo bidi pedelaibao," te po wai. ⁵ Tama Yawego Abram buluba odasa solama, tama agabolo po bomonama weyu, te po wai, "Nago te dagalude te hų dabe suo. Te nago tigidali nedebo usu yaibawe? Tialima, nago wąj dabego wai dabe augwali te hų tiwai umabo mu pedelaibao," wali. ††

⁶ Tama Abramgo te po mu po naga dao homu eyu, tama te Yawego wali po aga homude dą wai. Tama tibaso, Yawego aga doloba pai bidi nogi poai dao. ‡

⁷ Tama Yawego Abrambolo te tiwai po wai, "Ena Yawe dao. Eno nage i obaso, te naga bidali bulu Ur te Kaldia tų pedaide bidali te taga soai. Eno tama tiali, eno e tų nagebolo mawainogo yali, tama e tų nago tų mu pedelaibao."

⁸ Tiali goli, Abramgo te po wai, "Te Yaweo, eno Genuai Bidi, te mena tama eno koneama, te e tų te eno tų dao po wagowe? Nago magi ilama, tama eno te tiwai koneaibawe?"

⁹ Tama tibaso, Yawego po wei ponani, "Te e tama tiwai nai dabe te enabolo selasa asao, te tamadi dilai bulmakau so te kibu be sela yai sesebadi, te meme me deli me te kibu be sela yai sesebadi, me te sipsip omai te kibu be sela yai sela asobadi, te dwasianu ba hi si sesebadi yao," te po wai.

¹⁰ Tialima, Abramgo te nai tigidali selama, te Yaweba sela pali. Tama Abramgo te kibu dabe te tomode si hwągo pedama, tama te nai dabe dedelage te si badu wasi sili pali. Tiali goli, te ba si da te agai elali goli, te togobeo, sese muani. ¹¹ Tama te ba kemodage meba aselama, te kibu dabe tuainogo ebaso, te Abramgo augwali ela gudulali.

¹² Tama elama, tama te giliga degegi painu ebode te Abram aga godege pialima, te isai tiwai mu yai. Agai pilamubadi, te agai nade subo nai tiwai te moni dwai be huli mu sulama, te aga wi dwai mu eyu bidali.

¹³ Tama edubadi, Yawego agabolo tama po wali, "Mu tama koneao, te nago wąj dabego wai dabe te augwali gasa hani bidi dabego tųde te bulu meni yai bidi dabe te bulu wau bilibo bidi dabe pedelaibao. Te augwaligo olo sę ebo bidi dabe pedaliyu, tama gasa hanigo dolobo sę ebo dologode augwali bididubadi, te bidi sese nogo si saą si 400 kibu be tama usu naibao.

† 14:20 Hib 7:1-10

†† 15:5 Rom 4:18; Hib 11:12 ‡ 15:6 Rom 4:3; Gal 3:6; Jer 2:23

¹⁴ Tiali goli, eno te kolesaga ebo hani augwalibolo te eno seḡe mawaibao. Tama nago waji te augwaligo wai dabego te doado bage hauwa mu selama, tama te bidali bulu taga paibao. ^{††15} Tiali goli, te seḡ esiḡbadi, te nage digi te nage homu nagame bugagia elama, bidiyu elama, te nage monu dabe mu elama, te nage isibaso, tama augwaligo nage pubulaibao. ¹⁶ Te nago waji dabe augwali te e tḡba polo ma asogobeo. Te megi ede bidalubo Amor hani augwaligo te dwai kolesaga hauwa me isiḡbadi. Te nosali mu te Amor hani augwaligo dwai seḡ ela silai digi, teda eno augwali dolobo seḡ elama, tama augwali ela gudulaibao. Tama te sogo, nosali mu, te nago waji hani dabe augwaligo waji hani dabe tama pedalubode, te sogo augwali ma begasa aselama, e tḡde bugagia bidaibao,” Yawego te po wai.

¹⁷ Te giliga dega sigi pelama, tama be hulua sali, tialima polo tama te baket tiwai nai me deli pedelali, tama tede hano eyu, sia bogoli eyu yai. Tama te nai aga digi tama te Abramgo dodolali hasa hani si tomodu bilibo suali. ¹⁸ Te side digi tama te Yawego tau sabo bomai po Abram dali daḡ weyu, tama agai tama po wali, “Te eno te e tḡ tigidali te nago nosali ame nabo bulai wai, te hani dabe augwalibolo mawaibao. Tama te tḡ daḡ te weḡ sesedu te Isip dabe tḡ pedai badu gagalasa, te genuai weḡ Yufretis teba saboligi paibao, moni tḡ mu. ^{††19} Te augwaligo te Kin dabego me, te Kenis dabe me, te Katmon, te augwaligo tḡ sobadi, ²⁰ tama Hit dabe me, te Peres dabe me, Refaim dabe, ²¹ te Amor dabe me, te Kenan me, te Girgas me Jebus, te tama hani bidi dabe augwali tḡ saibao. Eno tama po mu daḡ obao,” Yawego Abramolo te po wai.

Hagar me Ismael

16 Te Sarai, Abramgo we, agai wai meni yai. Tiali goli, agai seḡ ebo Isip we me deli bidali, aga nogi Hagar. ² Tama Saraigo Abramolo tama po walali, “Nago koneani, Yawego eno tabi paliama, tama eno wai me ame nogobeo. Nage eno seḡ ebo we dali pigi pao. Te agai eno wai me deli ame naibao,” wali. Tialima, Abramgo aga we Saraigo wabo po odai, usu da wai. ³ Tama Saraigo seḡ ebo te Isip we Hagar selama, tama aga te Abram aga we tiwai selama, bidali. Abram te Kenande kibu be nogo si bidai elalubadi, tama te seḡ pedelali. ⁴ Tialima, Abram te Hagar dali pilama, tama Hagar haliga yali.

Te Hagar aga haliga elalubo konebo sogo, agai te Sarai dali hagoma yali. ⁵ Tama Saraigo Abramolo po bomo elama weyu, te po wali, “Hagargo ena dali hagoma ebo. Te tiabo page naga digi yali. Mu tama, ena digi te ena seḡ ebo we te nagebolo mani. Tiali goli, megi aga koneani, te aga haliga ebaso, te agai ena dali hagoma ebo. Yawego digi te da si dagalumainu yaibao,” wali.

⁶ Abramgo po wei ponani, “Odao. Hagar te naga seḡ ebo we dao. Te nago aga tonalubao. Te nago mena seḡ agabolo yainu, te homugo tia,” wali. Tama Saraigo te

Hagar dali boi bidi elama dwai seḡ ebaso, tama Hagar wi palio. ⁷ Hagar te bidi meni yai pedai badu te Sur pabo sunumidu pai. Aga te weḡ ulu tubo madi dulalubadi, te Yawego Ensel Moba Bidi te agaba pedelali. ⁸ Tama Moba Bidi Enselgo agabolo tama tiwai po wali, “Hagar, te Saraigo seḡ ebo we, nage menadu aselama, tama nage menaba painogo ebawe?”

Tama Hagargo po wei ponoyu, te po wali, “Sarai aga da, te ena tonalubo we dao, tama eno te Sarai taga soyu, ena wi sobao,” wali.

⁹ Tama Moba Bidi Enselgo te po wai, “Nage Sarai pageba ma geasa pelama, tama agai po tigidali wali pao.” ¹⁰ Nosali agai po ma weyu, te po wai, “Te eno nago hani waji te wai dabe hauwa umabo pedelama, tama bidi dabe augwaligo nedainogo ebo usu me egobeo.” ¹¹ Tama Moba Bidi Enselgo po ma wali, “Te dwasianu sogo paḡde tama nago te wai ogwa ame naibao. Tama nago aga nogi Ismael poao. Magi baso meni, nage seḡe elalubadi, tama Yawego nago gela wabo odai. ^{††12} Tiali goli, nago wai da, te uni yowi tiwai bidaibao. Te agai tigidali bidi dali boi bidi eyu, tama tigidali bidigo agabolo boi bidi eyu yaibao. Te aga deli kaneme dabe dali te bugagia homu nagame elama, me bidigobeo,” wali.

¹³ Hagargo te homu yai, “Sesemane sogo Godigo ena sudu geyu, tama megi eno aga suali, tiali goli, te ena bidibo ula me elaluba, isibeo,” te homu yali. Tama agai te agabolo po wali Yawe nogi gasa me wali, “Nage da, te ena subo God dao.” ¹⁴ Tama te tialigo naga, te bidi dabego te weḡ ulu asobo te Kades de Beret tḡ si tomode suali, augwaligo te nogi poali, “Te ena subo Bidi-bo Ula Elalubo Bidigo weḡ ulu dao,” tama nogi poali. ¹⁵ Tama nosali Hagargo te Abramgo wai ogwa ame nani, tama Abramgo aga nogi Ismael poai. ^{††16} Tama te sogo Abramgo kibu be te 86, te tama kibu be elalubadi dao.

17 Te Abram te kibu be bidi sese a naga wabo paḡde, te kibu be 99 elalubadi, tama Yawe agaba pedelama, tama te po wai, “Ena te Tigidali Bomo Elalubo Bomai God dao. Eno po sesemane sogo wali piduao. Tama nage dolasa bugagia bidiyu, tama nagede po me meni yai elalumainu eyu, bididuao. ² Te nage dali eno dwagi yai tau sabo bomai po daḡ wali po, tede eno megi usu da po weyu, tama nagebolo menama, tama eno nago hani wai dabe te umabo hauwa pedalumainu ilaibao,” wali.

³ Tialima, Abram aga basi gilumainu, tama aga gesabidi tḡba pubaligiluali. Tama Godigo agabolo tama tiwai po wai, ⁴ “Te enade da, te eno nage dali te tama tiwai dwagi yai tau sabo bomai yai po daḡ waibao, te nage umabo hauwa we bidi hanigo waji monu pedelaibao. ⁵ Nago nogi megi te Abram ma wagobeo. Megi nago nogi te Abraham waibao. Magi baso meni, eno nage te umabo hauwa we bidi hanigo waji monu pedalumainogo ilali. ^{††} Tama tibaso, eno te nogi nagebolo mobao. ^{†††6} Te eno nago wai hani dabe te hauwa pedalumainu

† 15:13 Sai 1:1-14; Tpi 7:6 †† 15:14 Sai 12:40-41; Tpi 7:7
‡ 15:18 Tpi 7:5

†† Te nogi Ismael te Hibru pogo te page e tiwai elalubao, “Godigo te wali po odali.” ††† 16:15 Gal 4:22 †††† Te Hibru pogo te nogi

elama, tama meba te gavman tuni bidi pedelaibao. Te nago hani wai dabe te umabo hauwa hani mu pedelaibao. ⁷ Te eno nage dali me, te augwali nosali pedelubo hani dabe dali me, te eno dwagi yai tau sabo bomai po daꝓ walobao. Ena da, nago God me, te ena nago nosali pedelabo hani wai dabe augwaligo God me dao. Te daꝓ wali bomai po da, te sesemane bidada pabo sogo elalua piduaibao. ¹⁸ Te nage megie e bulu wau biliyu, te e bidibo tꝓ da, te eno nagebolo, me te nago hani wai dabe nosali pedalabo bage augwalibolo maiabo tꝓ dao. Tigidali te Kenan tꝓ dabe da, te sesemane sogo dagego tꝓ elaluaibao, tama ena da, ena te nago wai puluba hani dabego God bidaibao," wali. ^{††}

⁹ Tama Godigo Abrahambolo te tiwai po wai, "Te nagede, nage badi, te nago hani wai dabe augwali badi, te dage tigidaligo eno dwagi yai tau sabo bomai po daꝓ wali te wali piꝓo. ¹⁰ Dagego eno te daꝓ ilali bomai po wali pao. Dagego te duga hani bidi tigidali te tigiwali togoiꝓo. ^{†††} Dagego te duga ame nabo ogwa wai dabe tigidali tigiwali togobo se te a naga olama, me badu sela wabo side silibo si, te tigiwali togwao. Tama dagego te duga se ebo bidi dabe augwaligo tigiwali me togwao, te tigidali se ebo bidi, te augwa ida duga bede ame nani se bidi, me te digibulu bulude abelali se ebo bidi dabe tigidali, te augwali tigiwali me togwao, te nosali pedalubo ogwa wai dabe augwalide me tama eyu, bidada piduao. Te daꝓ ebo da, te eno dage dali daꝓ wabo bomai po te dao. Mu tama dao. Dagego duga bidi dabe tigidali te tigiwali togoiꝓo. Tama te daꝓ ilali te duga tigde elalubo, te bidi dabe augwaligo koneama, te eno dwagi yai tau sabo daꝓ walali po te bomo sesemane sogo elaluaibao. ¹⁴ Te bidi me deligo hagela homu eyu, tama augwaligo aga tigiwali togoiꝓbaso da, te agai eno bomai daꝓ wali po sela saꝓbao. Tama tibaso, te bidi aga te aga hani dali hodobo me bidilamuo," wali.

Godigo te Aisak ame naibao po wali

¹⁵ Tama Godigo Abrahambolo te po wai, "Nago naga we nogi Sarai nosali me nogigio. Megie agai nogi Sara dao. ¹⁶ Te eno Sara wiegi yai tau sabo po menama, tama agai nago ogwa me deli ame naibao. Te eno Sarabolo wiegi yai homu elama, dwagi yai tau sabo po mayu, tama aga te we bidi hauwa hanigo auwa mosi pedelama, tama meba te gavman tuni bidi pedelama, bidaibao," wali.

¹⁷ Te Abrahamgo God genuai nogi mabo eyu, tama Abraham basi gilumama, tama aga gesabi te tꝓba mu pogulali. Tama aga gisugu weyu, tama homu yali, "Te bidigo kibu be te bidi sese a naga, te 100 kibu be yai elalubadi da, te aga wai ame nabo usu dawe? Tama Sarago kibu be bidi sese me si me si olama, nogo si, te 90 kibu be yai madi, te agai wai ame nabo usu egowe?" ¹⁸ Tama Abrahamgo Godibolo te po wai, "Eno homugo

Abram page da, te "genuai nogi elalubo aya," te wabo. Tialima, te nogi Abraham page da, te "we bidi umabogo aya," te tiwai wabo.

††† 17:5 Rom 4:17 † 17:7 Luk 1:55 †† 17:8 Tpi 7:5 ‡ 17:10 Tpi 7:8; Rom 4:11

nago te Ismael me bugagia tonalumainu ebao. Tiyu, aga bugagia bidaibao." Te po wai.

¹⁹ Tiali goli, Godigo te po wai, "Awe. Tiali goli, nago we Sarago te wai ogwa me deli ame naibao, tama nago aga nogi Aisak poao. ^{††} Te eno aga dali, me te aga hani wai dabe dali, te dwagi yai tau sabo bomai po daꝓ waibao. Te daꝓ wabo bomai po te sesemane sogo bomo elaluaibao. ²⁰ Nago enabolo te Ismael me bugagia tonalua wali. Teda eno tama tiaibao. Te eno agabolo wiegi yai tau sabo po mawaibao. Tama tiyu, eno agabolo te wai puluba hauwa menama, tama eno agai wai puluba hani te umabo mu pedalumainu ilaibao. Te aga te nogo si olama, saꝓaꝓo si tobolu bidigo aya pedaliyu, tama eno agai hani wai dabe te genuai mu pedalumainu yaibao. ²¹ Tiali goli, e tobage sogo te nosali kibu bede te Sarago nago wai ogwa te Aisak ame naibao, tama eno aga dali naga te dwagi yai tau sabo bomai po daꝓ walaibao." Te po wai.

²² Godigo te tama po Abraham dali ola silama, tama aga ugwaba holoyu, tama pai. ²³ Tialima, te sogo digi polo tama Abrahamgo Godigo po wali pelama, tama agai hanide tigidali bidi te gasa tigiwali togwali. Agai aga ogwa Ismael tigiwali togobadi, tama aga se ebo bidi dabego tigiwali me togwai. Te se ebo bidi meba augwa idago te Abrahamgo bede ame nani, tama meba agai te gasa bulude abelai bidi te augwali tigiwali togwai dao. ²⁴⁻²⁵ Abrahamgo kibu be te bidi sese a naga wabo paꝓe deli, te 99 kibu be elalubadi, te aga ogwa Ismaelgo kibu be te nogo si olama, saꝓa badu sela kibu be yai madi, tama augwaligo augwali si tigiwali togwai dao. ²⁶ Augwaligo te augwali si tigiwali te deli sogode naga togwai. ²⁷ Tama augwaligo Abrahamgo tigidali se ebo bidi dali tigiwali togwalio, te Abraham me Ismael hodobo, te meba augwa idago te Abrahamgo bede ame nani, tama meba agai te gasa bulude abelai bidi dabe dao.

Godigo po weyu, te Sarago Aisak ame nabo po wai

18 Nosali Yawe te Abraham bidibo madi, te bidi Mamrego genuai ni dabe elalubo digi, teba pedelali. Te giliga sesane mu ebaso, tama Abraham te aga ugwa be sunumi mabode dulaludai. ² Agai tonono pobadi, tama bidi sela dolalubo suali. Agai augwali sulama, tama aga ugwa be tagalama, tama udada pelama, augwali pageba sabolali. Aga kidu sugunu gulama, tama aga gesabi te tꝓba mu pogilumama, ^{†††} tama agai te po wai, "Genuai bidi dedeo, dagego usu da wi-da, eno dage tau saio. Dagego eno be ela solamuo. Ena dagego se ebo bidi dao. ⁴ Te eno bidi me deli i olama, te we se sela asama, dage saꝓa we telamainu yaibao. Dage te ni pagede toma tuyu, dulaluiagameo. ⁵ Te eno dage bomo ilabo nai meba sela menama, tama nosali duga ma piagameo. Dage eno beba aselama, tama eno dage tau saio," wali. Tama augwaligo te po wali, "Te wiegi yai dao, nago tama tiwai te po wabo gilama yao."

†† Te Hibru pogo te wai ogwa nogi Aisak te page elalubao, te nogi page e tiwai dao, "Aga gisugu wali." ††† 18:2 Hib 13:2

⁶Tama Abraham te ugwa beba polo pelama, tama Sarabolo wagi pali, "Nago te wiegi yai plaua hauwa selama, tama taluama, polo begelama, tama bret ulao," wali. ⁷Tialima, Abraham udulama, te bulmakau bidalubo oboba pelama, tama te ogwa bidi te nisali bulmakau me deli sali. Agai te bulmakau te sę bidi me delibolo menama, tama sę bidigo elama, sisi elama, tama ulali. ⁸Te kibu mi delama, te Abrahamgo te kibu mi, me te ili, me ame pę, me ame pęgo nigali nai sis meba me selama, tama agai te bidi selabolo mani. Augwaligo te nai tudubadi, tama Abraham te ni dologode te augwali pade dolaluali. ⁹Augwaligo nai tula silama, tialima augwaligo Abrahambolo hanalu wali, "Nago we Sara menade bidibowe?" Tama Abrahamgo tobo wali, "Aga te ugwa be tomode bidibao," wali. ¹⁰Tialima, augwali me deligo te po wali, "Nosali te kibu be me deli silama, tama naga we Sarago wai ogwa me deli ame naibao, tama mu tama ena ma asaibao," wali. †

Sara te bidi tudubadu te ugwa be sunumi pade bidai, tama agai te po wabo odali. ¹¹Abraham de Sara augwali si te monu dabe, mosi dabe yai, tama Sarago te wai ame nabo usu egobeo. ¹²Tama aga homude digi te homu elama, gisugu weyu, tama po wali, "Ena da, mosi dabe yalima, tama eno da, wai ame nabo usugobeo. Tama eno bidi me monu dabe yalio. Magi ilama, te eno te wai ame neyu, tama tede wiegi yai homu pemene yaibawe?" Te homude po wai. ††

¹³Tama Yawego Abrahambolo hanalu wali, "Magi baso Sarago gisugu weyu, tama po wali, "Te ena mosi dabe yai madi, te magi ilama eno te wai ame naibawe?" ¹⁴Te eno magi sę me ebo usugobewe? Nosali kibu bede, te mani bodolude, te sogo asama, te Sarago wai ogwa ame nai madi, tama ena ma asaibao," wali. ¹⁵Tama Sara wi ebaso, tama agai tibo po weyu, te po wai, "Eno gisugu me wabeo," wali. Tiali goli, Yawego te po wai, "Menio! Nago gisugu walio." Te po wali.

Yawego Sodom hanu dolainu yali

¹⁶Tama te bidi sela hogodama, palio. Tama Abrahamgo te augwali pabo sunumidu dwasianu tama aga augwali dali pai. Tama augwali pelama, meba me sabaligi pelama, tama augwali doligi pelama, tama Sodom hanuba aba tonononaluali. ¹⁷Tama Yawego tama homu yali, "Te genuai sę eno yainogo ebo, te eno Abrahambolo geme dualubo te usugobe da," te po wali. ¹⁸Te agai hani wai dabe te augwali genuai bomai hani pedelaibao. Tama tigidali tde bidalubo we bidi augwaligo enabolo hanaluyu, te eno wiegi yai sę augwalibolo eyu, tama dwagi yai po augwali dali wao po waibao, te eno Abraham dali wiegi yai sę elama, dwagi yai po wali gilama tiaibao. ¹⁹Eno aga sa muani, te agai aga wai pulubabolo me te aga waj dabe augwalibolo olama, te augwaligo eno po wali pomainogo yaibao. Tama tiyu, augwaligo wiegi yai doloba pai kolesaga wali paibao. Tama tiyu, te eno agabolo te tigidali sę

agabolo eno wali po gilama yaibao.' ²⁰Tialima, Yawego te po wali, "Te haniani dwai sę mu dabe te Sodom de Gomora hanu side pedalubo walio. ²¹Te ena aiyaba dulama, te augwaligo mena sę ebowe naga sugulaibao. Te eno odali po, te mu po yaliwe naga, tama eno sugi pelama, koneaibao," te homu yali.

²²Nosali te bidi si hogodama, tama Sodom hanu pali. Tiali goli, Yawe te Abraham dali bidai. ²³Tama Abraham te Yawe paba pelama, tama agai Yawebolo tama po hanalu wai, "Te mu tama, nago te dwagi yai bidi dabe te dwai sę yali bidi dabe dali si, augwali dolo-mainu yaibawe?" ²⁴Te wiegi yai bidi dabe 50 te genuai hanude bidibadi yaibaso da, te nago augwali me te gasa bage dali dololaibawe? Nago te genuai hanude te wiegi yai bidi dabe te 50 bidi bidibaso, augwali tobade hanu elalumainu sula tagalubo usugowe? ²⁵Nago te wiegi yai bidi dabe augwali te dwai bidi dabe augwali dali elainu ebo. Te wiegi yai egobeo. Nago tama tiwai me elamuo. Tiyu, te wiegi yai bidi dabe te dwai bidi dabe augwali dali dolabuo. Te dwai mu dao. Nage da, te tigidali tę pedaide po tę odobo bidi dao. Nago te doloba pai kolesaga wali pomainogo egobewe?" Abrahamgo te po hanalu wali.

²⁶Tama Yawego te tiwai po wei ponai, "Te eno te 50 wiegi yai bidi te Sodom hanude bidibo subaso da, teda augwali tobade eno te tigidali we bidi bidimainu sula tagaliyu, tama te wiegi yai bidi dabe hagaidali weyu tama tiaibao."

²⁷Tialima, Abrahamgo po ma wali, "Genuai Bidio, nago eno te po hauwa wabode wado po wabo homu me elamuo. Ena olo bidi naga dao. Eno magi nai po deli me wagobeo. ²⁸Tama te 50 doloba pai bidi meniye, tama 45 bidi naga elalubaso da, teda nago te hanu tigidali dolaibawe, ma meniwe?"

Tama Yawego te po wai, "Te eno 45 naga doloba pai bidi elalubo subaso da, teda eno te hanu me dologobeo."

²⁹Tama Abrahamgo po ma wai, "Te doloba pai bidi te 40 naga bidibaso da, te tama magi yaibawe?" Tama Yawego te po wali, "Te eno wiegi yai bidi te bidi sese si subaso da, teda augwali tobade eno te hanu me dologobeo." ³⁰Tama Abrahamgo te po wali, "Genuai Bidio, nago wado po olamuo. Eno po ma wainogo ebaso. Te tobage bidi te bidi sese deli olama, nogo si naga elalubaso da, magi yaibawe?"

Tama Yawego te po wali, "Te eno wiegi yai bidi te bidi deli olama, nogo si bidibo subaso da, teda eno te hanu me dologobeo."

³¹Tama Abrahamgo po ma weyu, te po wali, "Genuai Bidio, nago wado po eno te po hauwa obaso wagio. Te bidi sese deli wiegi yai bidi elalubaso da, magi yaibawe?"

Tama Yawego te po wali, "Te eno bidi sese deli te doloba pai bidi subaso da, teda augwali tobade eno te hanu me dologobeo."

³²Tama Abrahamgo te po wali, "Genuai Bidio, nago wado po olamuo. Eno po me deli ma simaniyu obao.

Te nogo si doloba pai bidi naga bidibaso da, magi yaibawe?"

Tama Yawego te po wai, "Te doloba pai nogo si bidi bidibaso da, teda augwali tobade eno te hanu me dologobeo." ³³ Yawego te Abraham dali po ola silama, tama aga palio. Tama Abraham aga beba ma geasa pai.

Te Sodom dabego dwai kolesaga yali

19 Te bidi Lot te we bidi sisinibo pesagede te Sodom hanu genuai sunumi elalubo madigi bididuai, tama piode te mobo bidi ensel si teba pedelai. Lotgo te bidi si asobo sulama, tama aga hogodama, augwali si pāba pai. Aga te bogoli sugunu pogiluama, tama aga gesabidi te t̄ba mu pogulama, ² tama agai te po wai, "Abagi, dage si aselama, duayagasu bolo yao," te po wali. "Dage si eno beba asīo. Dage si sāga bolo w̄ tedelama, tama dage si megilulide ede piagameo. Tama kigamu duga si hogodama, pagameo." Tiali goli, augwali sigo po wei ponoyu, te tiwai po wali, "Menio. Da si te bede me pigobeo. Te da si e bidi sisinibo pesagede piaibao," wali. ³ Tiali goli, Lotgo augwali si dali anoma mu idubadi genama, tama nosali augwali si aga dali beba pali. Tama Lotgo te bo disiāwai te yis meni yai bret ulubadi, te augwali si wiegi yai nai sisi ilama, mani. Tama augwali sigo te nai tuali.

⁴ Te Lot aga abagi si pīs̄abadi, tama te Sodom bidi dabego te be bobogela sagasali. Te hanude bidaluali tigidali bidi dabe asali, te gesi bidi dali, te monu dabe dali asai. ⁵ Augwaligo Lotbolo i olama, tama tiwai wali, "Te bidi si aselama, te nage dali te hulide bidibo, te bidi si mena bidibawe? Te augwali si buluba dinao. Te dago augwali tāwaibao," wali.

⁶ Tama Lot te buluba teda solama, tama aga sobadi sunumi paliali. ⁷ Tama agai te po wai, "Abagi dede, dagego odīo. Dagego te dwai kolesaga igimio. ⁸ Eno wegi si bidibao, tama augwali si te bidi dali me pīs̄abadi dao. Eno augwali si dageba odasa buluba asaibao, tama duga magi homu ebo te augwali side sil-iagameo. Tiali goli, te bidi si da, te eno abagi si, tama augwali si eno bede bididubadi, tama eno augwali si bugagia te ena tonaluaibao. Tama tibaso, dagego dwai sē augwali side me igimio," wali.

⁹ Tiali goli, augwaligo te po wali, "Nage bulu wau bilibo bidi, nage gedao! Nago dago ebo kolesaga dagaligio. Te nage geda sis̄awani da, teda dago augwali side dwai sē eyu, tama nage me te gisiga mu yaibao." Tama augwaligo Lot te be tomoba edaba pogoliyu, tama augwaligo te be sunumi aluainu yali. ¹⁰ Tiali goli, te be tomode bidali bidi sigo te be t̄ dalama, tama nogo buluba d̄inama, tama Lot be tomoba kegali, tama augwali sigo te be sunumi paliali. ¹¹ Nosali augwali sigo te tigidali bulubadu bidaluali bidi dabe augwali gedu paliali. Tama gedu widai bage tiwai osogo bidiyu, tama augwaligo te be sunumi gegabo usu me isīwai dao.

Lotgo Sodom hanu taga pali

¹² Tialima, te bidi sigo Lotbolo hanalu wali, "Te nago hani meba te hanude bidalubawe? Nago te naga ogwa dabe dali, wegi dabe dali, te wegi sabo w̄ dabe me, te tigidali badi, te nago ede bidalubo gasa hani dali tigidali selama, tama dagego te hanu taga pīo. ¹³ Te da si go te hanu dolaibao. Yawego te bidi dabego dwai kolesaga ebo po odama, tama augwali dolomainu agai da si tagala palai dao," wali.

¹⁴ Tialima, Lot te aga wegi si noma sali bidi aga w̄ si bidibo madi pai. Tama agai te po augwali sibolo wagi pali, "Dage si hogodama, te hanu polo taga soao," wali. "Yawego te bulu dolainogo ebao." Tiali goli, augwali sigo homugo agai te gagali po wabo homu naga yai. ¹⁵ Te be posai madi, tama te mobo bidi ensel sigo te Lot seliyu, tama po wali, "Asesa yao! Te naga we dali, naga ede bidibo wegi si dali selama, tama e hanu taga pīo. Tiyu, dage te gasa we bidi dabe dali haga yabuo." ¹⁶ Augwali sigo po wabode, tama Lot polo asesa me pabe. Tiali goli, Yawego Lot homu dene eyu tau sainogo yali. Tama tibaso, te bidi sigo te Lot aga me, te aga we me, aga wegi si dali, augwali nogo tulama, tama augwali sigo augwali odasa te hanu buluba dilanio. †

¹⁷ Te mobo bidi ensel sigo te augwali bulubadu dilama, tama mego te po wai, "Dage wi pīo. Tiyu, dage is-abuo! Dagego tudiba begelama, ma tonogio. Tama dage te malu elalubo madi toma me nenamuo. Te dage udada pelama, te bulu duba ugwa holali da, teda dage me isigobeo," wali.

¹⁸ Tiali goli, Lotgo te po wali, "Genuai Bidio, eno homugo hagela homu ebao. ¹⁹ Odao! Nago ena homu dene mu elama, tama nago ena tau siyu, wiegi yai sē yai. Tiali goli, te bulu du digibulu mu elalubao. Te ena polo sabalogobeo. Tiyu, te hanu doliyu, te ena dali haggawaibao. ²⁰ Nago ude te elalubo dwasianu hanu suo. Te pāde elalubo, tama ena teba polo sabalubo usu yaibao. Te dwasianu bulu naga dao. Nago ena teba pomainogo eyu da, te ena me isigobeo," wali.

²¹ Tama mobo bidi enselgo te po wali, "Te me usu dao. Teda te hanu eno me dologobeo. ²² Te polo pao! Asesa yao! Eno magi sē deli isīabadi, dage te hanuba sabolaibao," wali. Lotgo te po wai, te hanu da te dwasianu hanu da, tama tibaso augwaligo te hanu no-gi Soar poai dao. ††

Yawego te Sodom de Gomora hanu si dolali

²³ Te giliga aselama pedalubo sogo, Lot te dwasianu hanu Soar teba sabaligi palio. ²⁴ Tama Yawego digi te posolo yai masigi, me te sia dali te Sodom de Gomora hanu siba te dagaludu aiyaba tula palali. ²⁵ Tama Yawego te hanu si dali, te malu t̄ me, te hanu side bidali we bidi tigidali badi, tama te t̄de pedelali nai tigidali te siago delama, mu dolalio. ²⁶ Tiali goli, Lotgo we te Lot tudibadu wali asudu, tama agai tudiba ma

† 19:16 2 Pi 2:7 †† Te hanu nogi Soar wabo po page te Hibru pogo te "dwasianu bulu" tama wabo dao. ‡ 19:25 Mat 10:15; 11:23-24; Luk 10:12; 17:29; 2 Pi 2:6; Jut 7

begelama tonani, tama aga tede isalima, tama aga tigi te gelali ni page tiwai elalualio, tama te tamugo aga mu mesegelali. †

²⁷ Te kigamu digi mu Abraham te Yawe dali dolalu polobadu te po miani pesageba palio. ²⁸ Abrahamgo te Sodom me, Gomora me, te tigidali t̄o odogo maluba aba tonono bilalio. Tama agai te hano pedalubo suali, te genuai sia hano tiwai pedalubo sualio. ²⁹ Godigo te tigidali malu t̄ode elaluali hanu dolali. Tiali goli, agai te Abrahamba homu kone palama, tama agai te Lot dali, te aga bidali hanu dali, te me dolobeo. Te dolobo s̄e ebogo te Lot polobadu bidali hanu dabe mu dola silalio.

Te Moap me Amon hani si pedelali

³⁰ Te Lot te Soarde me bidibo wi yai. Tama tibaso, aga te bulu duba te aga wegi si dali holali. Tama augwali te ola be me delide bidai. ³¹ Tama gomunai wegigo tomo wegibolo te tiwai po wai, "Te da sigo aya monu dabe meḡi ebao," wali. "Tama te tigidali t̄o pedaide te da si sabo bidi menio. Te da sigo wai magi ilama ame naibawe?" ³² Te dena ayago hani te silidali weyu, te tama tinao! Te da sigo dena si aya te bomai āj wain tumainu menama, tama aga tobolu ḡēq̄ ilaibao. Tialima, da si aga dali pagela pilama, tama agade wai ame naibao," wali. ³³ Tama hulide augwali sigo te wain w̄e augwa ayabolo menama, tama aga tobolu ḡēq̄ yali. Tama gomunai wegi aga dali piali. Tiali goli, waingo te aya ḡēq̄ mu ilama, tama agai te tiali s̄e me konebeo. ³⁴ Te me sogo side gomunai wegigo tomo wegibolo te po wali, "Te do hulide ena aya dali piali. Te e sogo hulide da sigo te aya tobolu ḡēq̄ yabo s̄e ma ilaibao," wali. "Tama nage aga dali te eno yali gilama piagameo. Tama tilama, da sigo agade wai ame naibao," wali. ³⁵ Tialima, te sogo hulide te augwa si aya te wain menama, ḡēq̄ ma ilali, tama tomo wegi aga dali pialio. Augwa si aya te tobolu mu ḡēq̄ page elama, te polobadu yali tiwai ma yali, tama te s̄e yali te agai me konebeo. ³⁶ Te tama tiali kolesagade te wegi si augwa si aya Lotde digi, te augwali haliga yalio. ³⁷ Tama gomunai wegigo te ogwa ame nani, te ogwa nogi Moap poai. Te we bidi hanigo wai nogi Moap nogi poai dao. ³⁸ Tama tomo wegigo me te ogwa ame nani, te ogwa nogi Benami poali. †† Te bidi da, te Amon we bidi hani dabego w̄āj̄ monu dao.

Abraham me Abimelek

20 Te Abraham te Mamre tede bidali taga peyu, te Negeb moni t̄o pedai te badu pelama, tama aga te bulu si Kades me Sur, te bulu si tomode bidali. Aga te Gerar hanude te aga we Sara dali bidai. ² Tama te we bidi augwalibolo te tiwai po wai, "Sara te eno abe dao." Tama Abimelek, te Gerar hanu tonalubo genuai bidi, agai te s̄e bidi meba tagala palama, tama augwaligo Sara agaba odasa asai. ‡

³ Tiali goli, hulide God te Abimelekba nade pedelama, tama te po wai, "Sara te Abrahamgo sai we dao. Tama nage isaibao," wali.

⁴ Tiali goli, Abimelek te Sara p̄aba pis̄abadi tialio. Tama agai te po wai, "Genuai Bidio, te bidi deligo dwai s̄e me isīabadi da, teda nago aga ela muaibawe? Nago eno hani bage me ela muaibawe?" ⁵ Abraham aga digi te tiwai po enabolo wai, 'Te aga eno abe dao,' wali. Tama we aga digi me te po wai, 'Aga eno abe dao,' wali. Te eno homude dolo da homu ebaso, tama tialio. Eno dwai s̄e ebeo," wali.

⁶ Te nade Godigo te tiwai po wei ponani, "Awe, eno koneani, te nago homude dolo homu ebaso, nago tama tiali. Tama koneabaso, eno nage te we p̄aba pigi pis̄ama emainu elama, tama enabolo dwai s̄e idali homu yai. ⁷ Tiali goli, meḡi nago te we aga bidiba ma tagala palao. Te bidi aga te eno po pusubo bidi profet dao, te agai gedu haluasa po weyu da, te nage me isigobeo. Te nago te we ma tagala palisīawani da, teda nage me, te naga bidalubo tigidali we bidi dali, mu isilala paibao," Godigo te po wai.

⁸ Te sogo kigamu digi mu Abimelekgo aga s̄e ebo bidi tigidali i olama, tama augwalibolo te s̄e yali po tigidali augwalibolo pusali. Tama augwali wi dwai mu yalio. ⁹ Tama Abimelekgo Abraham i olama, aga aselama, tama agai agabolo hanalu wali, "Nago mena tiwai kolesaga dabolo yaliwe? Nago te tibo po dabolo weyu, tama ena badi, te eno tonalubo we bidi augwali badi, da tigidaligo nago wede moni s̄ēḡē sali. Eno nagede mena dwai s̄e hasia bolo ebaso, tama nago te s̄e wei ponoyu, da dali tama tialiwe? Waa? Nago te yali kolesaga te dolo ebeo. ¹⁰ Magi baso nago tama tialiwe?" wali.

¹¹ Tama Abrahamgo po wei ponoyu, te po wai, "Polobadu eno te tama homu yai, 'Te e bulu bidi dabe augwali te Godide wi isīabowe,' te homu yai. 'Tiyu, augwaligo ena ela munama, tama eno we saiba,' homu yalio. ¹² Tama mu tama, Sara te ena abe dao. Te da si go aya deli, tiali goli te aga ida tedali. Tama eno aga sai dao. ¹³ Polobadu te ena ayago bede bidibadi, tama Godigo ena tagala palobaso, te ena gasa buluba pali. Tama eno Sarabolo te tiwai po wai, 'Nago te tiwai wieḡi yai kolesaga naga enade yao,' wai, 'Te da si pabo madi tigidali pedaide nago te tama weyu, "Abraham te ena abe da," po wao,' te po wai dao," Abrahamgo te po wali.

¹⁴ Tialima, Abimelekgo Sara te Abrahambolo ma mawai. Tama agai te sipsip meba badi, bulmakau me, s̄e ebo bidi me, s̄e ebo we me, te Abrahambolo manio. ¹⁵ Tama agai Abrahambolo tama po wai, "Suao. Te tigidali t̄o te eno dao. Te nage me badu pedai badu bidabo homu ebaso da, te nago s̄e dao." ¹⁶ Tama agai Sarabolo te po wali, "Eno te mone umabo, te mone 1,000 mone silva, te nago abebolo mani. Te tialigo te po isilalio. Te augwaligo mu koneama, te nago dwai s̄e ebeo po waibao," Abimelekgo te po wai.

† 19:26 Luk 17:32 †† Hibru pogo te ogwa wai nogi Moap te nogi wabo po page da te "aga idago ayadu asai dao." Tama te gasa og-

wa wai nogi Benami, te nogi page da te "eno ayago ogwa." ‡ 20:2 Gag 12:13; 26:7

¹⁷⁻¹⁸ Yawego te Abimelekgo hanide te tigidali we sibi haliga palia silama, te augwaligo wai ame nabo usu isiawani. Agai tama tiali, te Abimelekgo te Abrahamgo we Sarabolo yali, te kolesaga wei ponoyu, tama tialio. Tama Abrahamgo Godibolo gedu haluasa po olama, tama Godigo Abimelek usu ma ilali. Tama Godigo Abimelekgo we me usu ilibadi, te aga sę ebo we dabe dali usu ilama, tama augwaligo wai ame nabo usu ma yai dao.

Sarago Aisak ame nani

21 Te Yawego agai polobadu daꝝ walali po wali peyu, tama agai wiegi yai olo tau sabo kolesaga-go te Sara dali dwagi yai sę yali. ² Tama tiyu, Sara haliga elama, ogwa ame nani, te sogo Abraham monu dabe yai madi dao. Sarago te wai te polobadu Godigo agabolo te bodolu mani sogo tama naga ame nanio. ^{†3} Tama Abrahamgo te Sarago ame nani ogwa nogi Aisak poalio. ⁴ Nosali te a naga olama, me badu sela sogo wali bidama siligi pabode, tama Abrahamgo Godigo po wali peyu, tama te ogwa Aisakgo gasa tigi-wali bo togwalio. ^{††5} Abrahamgo digi kibu be bidi sese a naga, te 100 yia elalubadi, tama Sarago te Aisak ame nai.

⁶ Tama Sarago te po wai, "Godigo wiegi yai kolesaga enabolo ebaso, tama ena wiegi yai homu pemene eyu, tama ena gisugu obao. Tama tigidali bidigo te tiali po odobaso, te augwaligo wiegi yai homu pemene ena dali hodobo yaibao," wali. [‡]

⁷ Tama Sarago po ma wai, "Polobadu bidi mego e ti-wai po Abrahambolo wabo usu meni yai, 'Nago we Sarago te wai ame nenama, tama agabolo ame mawaibao,' wabo usu meni yai. Tiali goli, megı Abraham monu dabe yai digi, tama eno agai wai ogwa te ame nanio," Sarago te po wai.

Augwaligo Hagar te Ismael dali sela sawani

⁸ Tama te wai Aisak genuai igulali. Tama aga te ame tubo tagalubo sogode Abrahamgo genuai nai ulalio. ⁹ Hagar te Isip bulu we, agai te Abrahamgo ogwa me deli polobadu ame nani, te Ismael dao. Tama te genuai nai tuali sogode Sarago suali, te ogwa Ismaelgo agai waibolo dwai gisugu mabo suai. ¹⁰ Tama agai Abrahambolo te po wai, "Nago te sę ebo we aga ogwa dali si sela sawao. Te olo sę ebo wego waigo te nago doado bage bugulama, me badu me sogobeo. Te doado bage tigidali te eno wai Aisakgo nosali saibao," wali. ^{††11} Ismael mu te Abrahamgo wai, tama tibaso te pogo Abraham homu sęęę mu ilali. ¹² Tiali goli, Godigo Abrahambolo walali, "Nago homu sęęę te sę ebo we Hagar aga ogwa dali tede igio. Nago te Sarago po wali pao. Te Aisakde naga te nago waj hani wai dabe nosali pedelaibao. ^{††13} Tama eno te sę ebo we Hagargo waigo waj hani wai dabe, augwali me te genuai hani pedalumainu ilaibao. Magi baso meni, aga me nago wai

† 21:2 Hib 11:11 †† 21:4 Gag 17:12; Tpi 7:8 ‡ Te Hibru pogo te waigo nogi Aisak te "aga gisugu wabo," te page elalubo. †† 21:10 Gal 4:29-30 ††† 21:12 Rom 9:7; Hib 11:18

dao," wali. ¹⁴ Do kigamu mu te Abrahamgo te nai dali, te wę botol dali sisi elama, tama Hagarbolo mani. Abrahamgo te nai dabe te Hagar nageba anugulama, tama aga dali aga ogwa dali si ibaba olo tagala palali, gasaba.

Tialima, Hagar palima, te Berseba tꝝ pedai badu subigila te bidi bidisiawai madi biliduai. ¹⁵ Nosali te botolde wę sia sobaso, tama agai te ogwa te dwasiyanu ni dologode bididubadi taga soali. ¹⁶ Tama aga digibu-lu gana duagi pelama, homu kone palali, 'Eno te wai isibo subo te ena hagelabo,' te homu yai. Aga tede dulaludubadi, tama ogwa gela walio. ¹⁷ Godigo te ogwa gela wabo odali. Tama Godigo mobo bidi ensel te dagalude bidiyu, tama i olama, Hagarbolo te po wai, "Magi yaliwe, Hagar? Nage wi me elamuo. Godigo te ogwa aga bidibo madide gela wabo odalio. ¹⁸ Nage hogodasa pelama, te ogwa auwa sigi pao, tama nago pagea sao. Magi baso meni, eno te agai wai hani dabe te genuai hani pedalumainu yaibao," wali. ¹⁹ Tama Godigo Hagar gedu pedelali, tama agai te wę ulu me deli pedalubo suai. Tama aga pelama, te wę botolde tugi pai. Tama te wę agai te ogwabolo mani, tama agai tuali. ²⁰ Tama nosali God te ogwa Ismael dali bidibaso, tama aga genuai yai. Aga te Paran pedai badu te bidi dabe bidisiawai madi bidali. Tama aga te bulu hasa gegebo konebo bidi mu pedelalio, te enesigi enebo sę agai mu konea pali. ²¹ Tama aga idago aga we me deli te Isip bulu we selama, aga ogwa mani.

Abraham dali Abimelek sigo po daꝝ walali

²² Te sogo Abimelek te aga ami bidi tonalubo polalubo bidi Fikol dali, augwali si te Abraham bidibo madi pelama, tama po wai, "Te tigidali sę nago ebode te God nage dali bidibo dao. ^{†††23} Tialima, nago te God gedude po daꝝ walao, te nago enabolo me, te eno wai puluba dali me, te eno waj hani dabe dali me, te tibo po wabo kolesaga me egobeo, te po wao. Eno wiegi yai kolesaga nagebolo yai. Tama tiwai naga nago te tibo sę isiabo wiegi yai homu keę pali kolesaga enaba ebadi, te nage megı bidibo tꝝde bidibo we bidi me te tiwai kolesaga yao," wali.

²⁴ Tama Abrahamgo te po wali, "Eno tama tiwai po daꝝ walobao." ²⁵ Tama Abrahamgo Abimelek dali te aga sę ebo bidi dabe augwaligo agai ulu wę anoma bomonama sali po elalualio. ²⁶ Tama Abimelekgo tobo wali, "Te tama tiali eno konebeo. Nago enabolo polobadu me wabeo. Megı naga eno te po odobao," te po wai.

²⁷ Tama tibaso, Abrahamgo te sipsip me bulmakau meba te Abimelek mawai, tama augwa si tomode po daꝝ walai. ²⁸ Tama Abrahamgo aga sipsip hani tomode te a naga olama, me badu si, tama sipsip sou wai selama, tama me badu tedali dagalama, muani.

²⁹ Tama Abimelekgo agabolo hanalu wali, "Magi baso nago tama tebawe?" ³⁰ Tama Abrahamgo po wei ponoyu, te po wai, "Nago te sipsip wai a naga olama, me badu si, te nago sao. Te tebo kolesagade nago

††† 21:22 Gag 26:26

hanilama, te ena digi eno te wẹ ulu nigai da po omain-ogo ebao," wali. ³¹ Augwa si te bulude po minama, daꝝ wai. Tama tibaso, te bulu nogi augwaligo Berseba nogi poi dao. †

³² Augwa si te Bersebade po minama daꝝ olama, tama Abimelek aga ami tonalubo polalubo bidi Fikol dali, te augwali si te Filistia tɔba ma geasa pai dao. ³³ Tama Abrahamgo te Bersebade te polo isisɔbo ni me deli bulama, tama agai Yawego nogi weyu, gedu halu-asa po wai, te aga sesemane sogo bidada peyu, bida-da pabo God dao. ³⁴ Tama Abraham te Filistia dabego tɔde sesabi gana elama bidalio.

Godigo Abrahambolo te Aisak ofa yao po wali

22 Nosali Godigo Abraham usu sali. Agai Abraham agabolo i olama, te tiwai po wai, "Abraham o!" Tama Abrahamgo te po wai, "Ena e bidibao." ² Tialima, Godigo te po wali, "Nago ogwa deli digi te elalubao, Aisak, tama nago aga godolo mu ebao. Nago te wai odasa, nage te Moria te pedai badu pao. Te eno bulu du me deli nagebolo ola mawaibao. Tama te bulu dude nago te Aisak enabolo ofa mayu, te augwaligo ofa eyu, te siago domainu ulubo tiwai yao," wali.

³ Tialima, kigamu digi mu Abrahamgo te moni kibu donki me sisi elama, te Aisak sobadi, te aga sɛ bidi me si dali sali. Agai te ofa yabo bagawai isi meba sobadi elama, tama agabolo te Godigo po wali pesageba palio. ⁴ Tama digibulu palima, te sela wabode Abrahamgo suali, te bulu du digibulu me elalualio. ⁵ Tama agai te sɛ bidi sibolo te po wai, "Dage si ede te kibu donki dali bididuao," wai. "Te ena u badu te wai dali pelama, tama da si tede lotu wagi paibao. Tama nosali da si ma asaibao," wali. ⁶ Tama Abrahamgo te ofa yabo sia te Aisakbolo menama, tama agai tolai. Tama Abrahamgo sia dage dali, hwɔ ge dali tolali. Tama augwa si palio. ⁷ Te augwali si pelama gana, tama Aisakgo te po wai, "Ayao!" Tama Abrahamgo te po wali, "Magi yaliwe, ogwao?" Tama Aisakgo agabolo hanalu wali, "Ayao, eno te sia dage me te ulabo sia da sigo sela soabo subao, tiali goli te ofa yabo sipsip te mena bidibowe?"

⁸ Tama Abrahamgo po wei ponoyu, te po wai, "Ogwa, te Godigo digi te sipsip gegela mawaibao." Te po olama, tama augwali si palio.

⁹ Augwali si te Godigo po wali pesageba sabolama, tama Abrahamgo te alta sai masigigo nigilama, tama sia ugwadu daide dodolama muani. Tama agai aga ogwa Aisak te bonogo nogo sɔɔɔ duanio. Tama agai aga te alta te isi daiba muai. ¹⁰ Tialima, Abrahamgo te hwɔ ge selama, tama aga ogwa elainu yali. ¹¹ Tiali goli, Yawego Mobo Bidi Ensel te dagalude bidiyu, tama i wali, "Abraham! Abraham!" Tama Abrahamgo te po wai, "Ena e bidibao," wai.

¹² Tama Mobo Bidi Enselgo te po wali, "Nago te wai elamuo. Nago magi sɛ me deli aga dali me igio. Nago ogwa deli naga elalubadi, tama nago aga yogo eyu,

† Te Hibu pogo te nogi Berseba te page si elalubao, me "te a naga olama, me badu si nedali wẹ ulu," te me "te po daꝝ walali madi wẹ ulu." †† 22:9 Jer 2:21

daꝝ me wabeo. Tama tibaso, eno koneani, nage te Godigo po odobo bidi dao," Yawego Ensel Mobo Bidi-go te po wai.

¹³ Tama Abrahamgo tonono bilibadi, tama sipsip omai me deli suali, te aga gaꝝ te dwasianu ni nologo abe sai ni nologode habela sai elaluali. Aga pelama, tama te sipsip sigi pai. Agai elama, tama tigidali siaba ulalio. Tama tiyu, agai te ofa Godibolo mawai. Tama te sipsipgo te Aisakgo pesage hasegelai dao. ¹⁴ Tialima, Abrahamgo te bulu nogi poali "Yawego mawaibao." Tama bidi dabego megi tama me te po wabo, "Yawego aga bulu dude te sɔɔ pabo nai mawaibao."

¹⁵ Tialima, Yawego Mobo Bidi Enselgo te Abraham si sogo i bomonama weyu, te po wai, ¹⁶ "Yawego te tiwai wali, 'Te ena nogide digi eno mu daꝝ walai bomai po obao. Nago naga te deli naga elalubo ogwa me yoga sabeo. Tama tibaso, mu tama, eno nage dali wiegi yai sɛ mu yaibao. ¹⁷ Eno te tiwai po obao, te eno nago hani wɔj dabe te wai puluba hauwa mu, te dagalude hɔ, me te tamu aꝝ sanede masigi kemi tiwai hauwa mu pedelaibao. Tama nago wɔj hani wai dabe augwaligo te boi bidi dabe augwali aiyaba mu elaluama, tama augwaligo doado bage mu saibao. ¹⁸ Tama tigidali tɔde bidalubo bidi hanigo ena hanalu, te augwali dali dwagi yai sɛ yao po weyu, te nago wɔj hani dabe dali dwagi yai sɛ yali te tiwai yao po waibao. Magi baso meni, nago eno po wali palio,' Yawego te po wali," Mobo Bidi Enselgo te po wai. ¹⁹ Tama Abraham dali, Aisak dali si aga sɛ bidi si bididuali madi ma pelama, tama augwali te Berseba teba ma pali. Tama Abraham te Bersebade bidali.

Te Nahorgo hani dabe

²⁰ Nosali Abrahamgo te tiwai po odali, "Milkago te wai meba ame nani po wai." Milka te Nahorgo we, tama Nahor te Abrahamgo ama dao. ²¹ Te e da te wai dabe augwali nogi e dao, Us te gomunai bidi, tama Bus, me Kemuel, aga te Aramgo aya dao, ²² tama Kerset, me Haso, me Pildas, me Jitlap, me Betuel. ²³ Betuel te aga te we Rebekago aya dao. Milkago te Nahor tego ogwa te a naga olama, me sela ame nani, te Nahor te Abrahamgo ama dao. ²⁴ Te Nahor aga dali bidali gasa we me nogi da, te Reuma, agai ame nani ogwa te Teba, me Gaham, me Tahas, me Maka, te tama ame nai.

Sara isalima, Abrahamgo te muabo gɔ page tɔ abelali

23 Te Sarago kibu be te 127 kibu be bidama, ² tama aga te Kiriat Arba, te gasa nogi Hebron, te Kenan pedai badu tede isai. Tama Abrahamgo te Sarade homu dene mu ebaso, aga tigi osogo muani madiba hogonigi peyu, tama agai aga we hagede gela wai. ³ Te gela uduama, nosali Abrahamgo aga te we Sara tigi munalubadi osogo taga peyu, tama aga pelama, te Hit hani we bidi dali po migi peyu, te hanu sunumiba pai. Agai te po wali, ⁴ "Ena te bulu wau bilibo bidi ede bidibaso, tama eno be tede me elalubeo. Eno te

‡ 22:17 Hib 6:13-14; 11:12 †† 22:18 Tpi 3:25

dage tomode te gu page nigabo to pedai me badu mu abelama, tama eno we tede muainogo obao," wali. †

⁵Tama Hit hani bidi dabego te po wai, ⁶"Woo, genuai bidio, nago dago po odao. Nage te da tomode bidibo genuai tobolu bidi deli dao. Nago we te dago wiegi yai gu pagede pubulao," wali. "Te da me deli te dago te nago we pubulainu te gu page sainu ebaso, te dago me yogo eyu, dau me wagobeo. Menio." Te po wai.

⁷Tama Abraham dolalu, tama aga tobolu te bulu page we bidi gesabiba aga tobolu aiyaba basi gulai.

⁸Tama agai te po wai, "Te dagego eno we te badu pubula po weyu, usu da po obaso da, teda dagego te bidi mebolo waiyo, Efron te Sohargo ogwabolo hanalu wao. ⁹Eno te ola be augwaligo te nogi weyu, te Makpela nogi yali, te eno abelaibao. Te Efrongo to sesege pedai badu elalubao. Te dagego agabolo olama, te dage tigidali gedude te ola be agai enabolo momainu yaibao. Te eno agabolo te mone dolo bugagia mayu, tama dagego to tomode te gu page eno gu page mu elaluaibao," Abrahamgo te po wai.

¹⁰Efron aga me te Hit bidi dabe bidalubo tomode te hanu sunumi elalubo pade te po mibo pesagede augwali dali bididuai. Te Hit bidi dabe tigidali bidalubadi, tama augwaligo odali, te Efrongo Abraham dali te tiwai po wei ponani, ¹¹"Mu menio, genuai bidi. Eno po odao. Te eno te to pedai tigidali me, te ola be gu page dali elalubo, te eno nage olo mu mawaibao," po wai. "Te ena hani gedude te megi eno nagebolo menama, te nago we tede pubulagameo." Te po wai.

¹²Tama Abrahamgo aga tobolu te bulu page we bidi augwaliba basi gulai. ¹³Tama augwaligo odali, agai Efronbolo te tiwai po wai, "Nago po wali dao. Teda eno te to pedai tigidali abelaibao. Nago eno mone sao, tama eno ena we te tode pubulaibao," wali.

¹⁴Tama Efrongo te tiwai po Abrahambolo wei ponani, ¹⁵"Genuai bidio, nago odao. Te tode mone te 400 mone silva masigi dabe dao. Tiali goli, tagala, te da si tomode olo bage tiwai elalubao. Te nago we tede pubulao," wali. ¹⁶Abrahamgo te usu da olama, tama aga mone te bisnis bidi dabego ebo kolesaga tiwai elama, bugula muani. Te Hit bidi dabe augwaligo te Efrongo te tode mone te 400 mone silva masigi nogi yali po wabo odali. Tama Abrahamgo te dobolama, tama Efron agabolo manio. ¹⁷Te kolesagade Abrahamgo te Efrongo to te Makpela te badu elaluali to mu sai dao. Te to pedai te giliga asobo badu te Mamrede elaluali, tama Abrahamgo te ola be dali, te tode elaluali tigidali ni dabe dali abelai dao.

¹⁸Te Hit bidi dabe tigidali te po mibo madi bidali bidi dabego koneani, te to megi da te Abrahamgo to mu da walio. ¹⁹Nosali Abrahamgo aga we Sara te ola be gu page te Makpela tode pubulai dao. Te to bulu Mamre pade dao, te augwaligo megi gasa nogi wabo Hebron, te Kenan to pedai badu tomode elalubao. ²⁰Te tama tiyu, tama Hit bidi hani dabego to, te gu page ola be elaluali dali, te Abrahamgo gu page to mu gagawai dao.

Augwaligo Aisakgo we gegali

24 Te Abraham te monu dabe mu yalio. Tama Yawego agai tigidali yali se de te wiegi yai tau sabo se eyu, tama Abraham bugagia mu bidali. ²Tama Abrahamgo aga se yali monu dabe bidi i wali. Te bidigo te Abrahamgo doado bage tigidali tonalubo bidi da. Abrahamgo agabolo te po wali, "Naga nogo guni sisu muyu, nago dila pai po ena dali dau walao. ³Nago te Yawego nogide te po bomo yai po dau wao, te dagalu de to dali sigo God dao, te tama tibaso, nago eno ogwago we te Kenan tomode we dabe me te noma sigio, te ena e bidibo tode. ⁴Nage te eno page buluba ma begasa pelama, tama ena hani tomode digi te we me deli gegelama, tama aga noma selama, tama eno ogwa Aisakgo somainu yao," wali.

⁵Tiali goli, te se bidigo te po wai, "Te wego te aga bulu taga soabo hagela homu eyu, te ena dali e buluba asabo homu isiabaso da, teda magi yaibawe? Ma, te eno nago ogwa te naga page buluba tagala palagawe?"

⁶Tama Abrahamgo po wei ponoyu, te po wai, "Woo, nago te eno ogwa te eno page buluba munu me tagala palamuo! ⁷Yawe, te dagalude bidibo Godigo ena te eno ayago bede, me te ena hani dabego tode selama, asali. Tama agai bomai dau wabo po wali, te agai e elalubo to te eno hani waj dabebolo mawaibao wai. Yawego digi te aga mobo bidi ensel te nage pabodu polasa tagala palaibao. Tama tibaso, nago tede te eno ogwago we gegela sueibao. ⁸Tiali goli, te we nage dali asiabaso da, teda nago enabolo te dau wali po te pogo nage dali munu me kealugobeo. Tiali goli, nago eno ogwa te eno page buluba me odasa pelamuo." Te po wai. ⁹Tialima, se ebo bidigo nogo guni sisu muyu, aga genuai bidi dali bomo yai po dau wai. Agai po dau waliyu, te Abrahamgo agabolo ya wali se tigidali agai mu yaibao po walio. ¹⁰Tama se ebo bidigo te Abrahamgo te nogo si kibu kamel me te maiabo wiegi yai nai hauwa sali. Tama agai te tigidali doado bage sisi ilama, tama te Nahor bidibo bulu te Mesopotemia teba palio.

¹¹Aga digibulu pelama, teba sabolama, tama agai te kamel dabe te we ulu pade te bulu sesege badu pila mumainu yalio. Agai tama tiali, te we dabe augwaligo te we tuagasobo sogo te be pio ebadi dao. ¹²Agai tama tiwai gedu haluasa po wali, "Yaweo, eno genuai bidi Abrahamgo God, nago eno se megi wiegi yai ilao," wai. "Nago te eno genuai bidi dali megi dwagi yai tau sabo se emainogo eyu, tama ena tau mao. ¹³Ena e ulu aj tubo pade bidibadi, tama e bulu page wegi mani te augwali asama, we tuagasaibao. ¹⁴Te eno wegi ogwa me deli dali te tiwai po waibao, 'Ae, nago genuai botol aiyaba munama, te ena we dwasianu tuaio,' po waibao. Tama agai te po olama, 'Nage te we tuo, tama te eno nago kamel dabe me te we mawaibao,' tama obaso da, teda eno homugo nago se bidi Aisakgo sabo we te tama da po waibao. Tama te tiwai pedalubaso da, teda eno koneyu, nago te eno genuai bidi

† 23:4 Hib 11:9, 13; Tpi 7:16

dali daꝓ wali tau sabo po te mu tama usu nubao po waibao," te tiwai gedu haluasa po wai.

¹⁵ Sę bidigo te tiwai gedu haluasa po odubadi, tama Rebeka sabolalio. Agai te wę sabo botol aga nagede tolasa asali. Rebeka te Betuelgo wegi dao. Tama Betuel te Milkago ogwa dao, aga te Nahor tego we, te Abrahamgo ama dao. ¹⁶ Te wegi ogwa we te gasa sawi yai mu tonani, tama aga te bidi dali me pişawai. Tialima, aga te wę ulu tugi soyu, aiyaba dulama, tama edaba ma holalio. ¹⁷ Tama te sę bidi aga pageba udulama, tama te po wai, "Ae, nago te botol węgo enanu dwasianu tuaio," wali. ¹⁸ Tama Rebekago te po wai, "Genuai bidi, nage tuao." Tama polo agai te botol wę aiyaba mugulama, tama nogogo tolalubadi, tama aga tumainu yalio. ¹⁹ Agai te wę tula silibo si, tama Rebekago po ma wai, "Te eno nago kamel dabe me wę menama, te augwali tulama, usu elama, pağamainu yaibao," wali. ²⁰ Tama polo agai te botol aꝓ habuge te masigi aꝓ gamia te kibu kamel dabego aꝓ tubo madi gelali. Tama aga ma udulama, te wę geninama sigi pedu geani, te tigidali kamel usu elama, mu pağamainogo yai.

²¹ Tama te sę bidigo po me wabeo. Agai tonalu naga yalio. Agai koneainu, Yawego te agai sę wiegi yai ilibowe naga koneainogo, tama tialio. ²² Te kamel dabego wę tula silibo si, tama Abrahamgo sę bidigo agai te ring gol te gasa sawi yai mu selama, tama te Rebekago guniba muanio. Tama agai te golgo nigai nogo mo si te Rebeka nogoba holali. ²³ Tama agai te po wai, "Ae, nago enabolo walao. Nage te dego wegi dawe? Tama magi yaliwe? Te nago ayago be habu te usu yabo elalubawe, te ena eno hani dali bidabo madi te po obao."

²⁴ Tama Rebekago te tiwai po wei ponani, "Ena te Betuelgo wegi da, aga te Nahor me Milka te bidi de we sigo ogwa dao. ²⁵ Awe, te kamel dabe pibo pesage wiegi yai elalubo, tama augwali tuabo nai me elalubao. Tama be daꝓ togwali habu me elalubo, tama dage tede bidiagameo," wali.

²⁶ Tialima, Abrahamgo sę bidigo aga kidu sugunama, tama Yawebolo lotu po walio. ²⁷ Tama agai te po wai, "Dago Yawe nogi ugwaba sao, te eno genuai bidi Abrahamgo God dao. Agai te eno genuai bidibolo daꝓ wali po te mu usu nanio, te aga dwagi yai tau sabo kolesaga ebo me, te Abraham dali homu kolesaga keꝓ pai bidi kolesaga ebo me, te Yawego tagalobeo. Yawego te eno genuai bidi aga amago hanigo beba dolo ena sela asama, tagalagasali dao," tama wali.

²⁸ Tialima, te wegi ogwa we aga udulama, te aga idago beba palima, tama tede bidali bage augwalibolo te tigidali sę yali po wai. ²⁹⁻³⁰ Tama Laban, te Rebekago abe, agai te ring gol me, te golgo nigai nogo mo si me, te aga gunide walali me, te nogode holali suali. Tama agai odali, te bidigo yali sę po tigidali Rebekago pusali. Tama aga udayu, te bedu buluba teda solama, tama aga te Abrahamgo sę bidi me bididubo madi saboligi pai, aga te aga kamel dabe dali te ulu wę tubo paꝓde dolaludai. ³¹ Tama Labango te po wali, "Abagio, Yawego te wiegi yai sę te nage dali yalio. Magi baso

nage te bulude dolaludubawe? Da si beba pinao. Eno nage bidabo pesage dodolalio. Tama te kamel dabe me bidabo pesage usu yai elalubao," wali. ³² Tialima, te sę bidi aga dali pelama, te be tomoba pai. Tama Labango po aga sę bidibolo obaso, augwaligo te kamel dabego tudide munasa asali walu dabe sela munama, tama augwaligo te nosai me nai te augwali mani. Tama augwaligo wę te Abrahamgo sę bidi aga hani dali teba sela pelama, te augwali saꝓa wę telamainu yalio. ³³ Augwaligo nai sela asali, tiali goli sę bidigo te po wali, "Eno nai asena polo tugobeo. Eno hasiabolo po pusaibao." Tama Labango te po wai, "Te usu dao. Nago po weyu bolo yao."

³⁴ Tialima, sę bidigo te po wali, "Ena te Abrahamgo sę bidi dao. ³⁵ Yawego eno genuai bidibolo wiegi yai mobo menama, tama aga genuai bidi nigilali. Yawego agabolo nai hauwa mani, te e nai dabe dao, sipsip, meme, bulmakau, silva me gol, sę bidi me, sę ebo we me, kamel me donki, te tama doado bage hauwa mawai dao. ³⁶ Tama aga we Sara aga te mosi dabe yai madi te aga ogwa ame nai. Tama eno genuai bidigo tigidali doado bage aga te ogwabolo mawai dao.

³⁷⁻³⁸ Agai enabolo po bomo elama weyu, te po wai, 'Nago eno ogwa we te Kenan dabe augwali tomode te we munu me gegelamuo. Menio. Nage pelama, tama eno hani, te eno ayago hani tomode digi, tede te we me deli gegelama, tama eno ogwa Aisakgo somainu yao,' wai. Agai tama po obaso, tama eno te po wali peyu, tama ena aga dali po daꝓ wai. ³⁹ Tama eno ena genuai bidibolo tama tiwai po wai, 'Tama te we ena dali ma asobo hagela homu ebaso da, teda magi yagawe?'

⁴⁰ Tama agai te po wai, 'Ena te Yawego po wali pabo bidi dao. Te agai aga mobo bidi ensel te nage dali tagala palama, tama nago sę wiegi yai bugagia ilaibao. Te nago eno ogwago we me deli te eno ayago hani tomode sesaibao. ⁴¹ Te nago tama tibaso da, teda te daꝓ wali pogo te nage me keꝓlugobeo. Te nage eno haniba pelama, tama augwaligo nago po obadi usu da po wasiaꝓu da, teda te tiwai naga eyu, te daꝓ wali pogo nage me keꝓlugobeo,' Abrahamgo enabolo te po wai."

⁴² "Megi e tama side, te bubugade ena te wę ulu elalubo madi pedelama, dolaludu, tama eno te tiwai gedu haluasa po oduali, 'Yawe, te eno genuai bidi Abrahamgo God, nago eno sę te wiegi yai ilao,' po wali. ⁴³ 'Megi ena te wę ulu tubo paꝓde bidibao. Tama te wegi ogwa we me deli te wę tuagasu asobode, teda eno te tiwai po agabolo waibao, "Ae, nago te botolde wę enanu dwasianu menama, ena tuaio." ⁴⁴ Tama agai te po wabosi, "Nage tuao," olama, "tama eno nago kamel dabe me wę mawaibao," obaso da, teda eno homugo te we naga te nago sa muani we dao, te eno genuai bidigo ogwago we da homu yaibao.' ⁴⁵ Eno gedu haluasa po udubadi, tama Rebeka sabolali. Agai te wę tubo botol te aga nagede tolasa, tama aga te wę ulu tugi soyu, aiyaba dulalio. Tama agabolo eno te po wali, 'Ae, nago węgo enanu dwasianu menama, ena tuaio,' te po wali."

⁴⁶ "Tama polo agai te botol wẹ aiyaba mugulama, tama nogogo tolaluyu, tama po wai, 'Genuai bidi, nage tuao,' wai. 'Tama eno nago kamel dabe me wẹ mawaibao,' wai. Tama ena wẹ tuali silibo si, tama agai te kamel dabe me wẹ mani. ⁴⁷ Tama eno aga hanalu wali, 'Nage dego wegı dawę?' Tama agai te po wai, 'Ena te Betuelgo wegı dao, aga te Nahor tego ogwa, aga ida Milka dao,' te wegıgo te po wai. Tama eno aga gunide te ring waliyu, te nogo side mo holiyu yai. ⁴⁸ Tama eno kidu sugunama, te eno Yawebolo lotu po wali. Tama eno Yawe nogi ugwaba sali, te eno genuai bidi Abrahamgo God. Agai te ena genuai bidi aga amago hanigo beba dolo ena odasa asai. Tama eno te wegı ogwa we gegali, te eno genuai bidigo ogwago sabo we sualio, te eno genuai bidi aga amago ogwago wegı dao. ⁴⁹ Megi te dagego te dwagi yai tau sabo kolesaga me, te homugo kẹą pai kolesaga me, te eno genuai bidibolo yainogo homu eyu da, teda dagego po waiąo. Tama dagego homugo hagela homu ebaso da, teda dagego enabolo olama, tama ena homugo digi te mena sẹ yainu te ena tiaibao," Abrahamgo sẹ bidigo te po wai. ⁵⁰ Laban me Betuel augwali sigo po wei ponyu, te po wai, "Yawe aga digi te sẹ pedalumainu yali. Te dago po meni. ⁵¹ Rebeka te bidibao. Nago aga selasa, tama naga pao. Aga te nago genuai bidigo ogwago somainao, te Yawego wali po tiwai gilama emainao," te po wai.

⁵² Te Abrahamgo sẹ bidigo te augwaligo wabo po odama, tama aga tobolu te tọba basi gulama, tama aga Yawebolo lotu po wai. ⁵³ Tama tilama, nosali aga te haniani au dobage te silva me gol me, te gasa sawi yai gudubo ugwa me sobadi elama, te Rebekabolo mawai. Agai te haniani gasagi yai sawi yai dila pai nai dabe te Rebeka aga abebolo mobadi, te aga idabolo me mayu yai. ⁵⁴ Tama te po ola siminama, tama Abraham aga sẹ bidi aga hani dali te augwali nai tuyu, wẹ tuyu elama, tama augwali piali. Tama kigamu digi augwali hodaluama, tama Abrahamgo sẹ bidigo tama po wai, "Ena te ena genuai bidi bidiboba ma paibao," wai.

⁵⁵ Tiali goli, Rebeka aga ida de aga abe sigo te po wai, "Te wegı ogwa we da dali te nogo si sogo bidimainu elama, tama nosali aga pomainu yaibao." Te po wai.

⁵⁶ Tama Abrahamgo sẹ bidigo te tiwai po wei ponai, "Dagego ena daų ola sigimio. Yawego eno sẹ wiegi yai ilama pedelai. Ae, te ena genuai bidi bidibo madi ma painu ebaso."

⁵⁷ Tama augwaligo te tiwai po wai, "Dago te wegı ogwa we i olama, tama agabolo te aga homu kolesaga hanaluinao," wai. ⁵⁸ Tialima, augwaligo Rebeka i olama, asobosi, tama augwaligo aga hanalu wai, "Nage te bidi dali paibawe?"

Tama agai te po wai, "Awe, te ena paibao," wali.

⁵⁹ Tama tibaso, augwaligo augwa abe Rebeka aga tonalubo we dali augwali si te Abrahamgo sẹ bidi aga hani dali pomainu tama tagala palai. ⁶⁰ Tama Rebekabolo wiegi yai sẹ pedalumainu eyu, augwaligo te tiwai wai, "Abe, dena homugo te nage umabo bidi mugo

ida pedelaibao. Te nago waj hani augwaligo te augwa boi bidi aiyaba elaluama, tama augwaligo hanu dabe somainao" te po wai.

⁶¹ Tama Rebeka dali, aga sẹ ebo wegı ogwa we dabe dali, augwali hogodama, tama augwali te kamelba du-agulama, tama augwali te Abrahamgo sẹ bidi wali pai. Tama sẹ bidigo Rebeka oda selama, tama augwali te digibulu buluba pabo gagalali.

⁶² Te Abrahamgo sẹ bidi agai te we gegeyu, tama digibulu mu peyu, digibulu ma asu, tama tibadi, te Aisak agai te bidi dabe augwali bidisiąwani badu taga soali, augwaligo te bulu nogi poali 'Te ena subo Bidibo Ula Elalubo Bidigo wẹ ulu.' Te nogi poai. Tama aga pelama, te Negeb pedai badu bidigi pai. ⁶³ Te nosali me sogo be pio ebode aga te nosai elalubo digi pebeli dilide biliduai, tama agai te kamel meba aselabo suali.

⁶⁴ Tama Rebekago Aisak sulama, tama aga te kamel daide dulaluali tagalama, aiyaba dulai. ⁶⁵ Tama agai te Abrahamgo sẹ bidibolo hanalu wai, "Te mena bidi da tiąba asobawe?"

Tama sẹ bidigo te po wai, "Te eno genuai bidi dao." Tama tibaso, Rebeka aga tobolude elaluali ugwa namego te aga gesabidi au palia sai.

⁶⁶ Tama ma sabolama, tama te sẹ bidigo agai yali sẹ po tigidali te Aisakbolo pusali. ⁶⁷ Tama Aisakgo Rebeka te aga ugwa beba odasa pelama, tama agai aga salio. Aisakgo te Rebeka godolo mu elama, tama aga homu wiegi yai ma yali. Polobadu te aga ida isibasos, tama aga homu dene eyu, homu sẹęę elaluai dao.

Te Abrahamgo gasa waigo waj dabe

25 Abrahamgo gasa we me sali nogi te Katura dao. ² Te wego ame nani ogwa wai dabe te Simran, Joksan, Medan, Midian, Isbak me Sua, tama dao. ³ Joksan te Seba de Dedan sigo aya pedelai. Tama te Dedango wai dabe te augwali hani waj dabe te Asur hani, te Letus hani, me Leum hani, te augwa aya Dedango waj dabe te tama dao. ⁴ Tama te Midiango ogwa dabe te e tama elaluai, Efa, Efer, Hanok, me Abida, me Elda. Te tigidali hani sibi waj augwa auwa mosi te Katura dao.

⁵ Abraham aga isabode, te aga nai me tigidali doado bage te Aisakbolo naga mena silai. ⁶ Tiali goli, aga bidibo sogo digi, te agai doado bage meba te aga gasa wego wai puluba augwaliba olo mani. Tama agai augwali te giliga pedalubo pedai badu tagala palama, te aga ogwa Aisak bidibo digi te augwali digibulu bidigi pomainu yali. Tama augwali pelama, te giliga pedalubo bulu te badu bidigi pai dao.

Abraham isama, tama augwaligo aga pubulali

⁷ Abraham te kibu be umabo te 175 kibu be bidai. ⁸ Aga te monu dabe mu elama isibasos, tama augwaligo aga pubulali. Tama aga te aga polobadu isali waj dabe augwali dali ma sisananio, tama wabo. ⁹ Aga ogwa si te Aisak me Ismael sigo aga pubulali, te gų page dedage page te Mamre, te badu te Makpela ola be gų

page te giliga pedalubo badu muani. Polobadu te t̄o pedai te Sohargo ogwa Efrongo t̄o, aga te Hit bidi hani me deli dao. ¹⁰ Abrahamgo te t̄o te Hit bidi dabe dali abelai. Augwaligo Abraham te aga we Sara polobadu pubulali madide, te t̄o pedai badu pubulai. ¹¹ Abraham isai digi, tama Godigo aga ogwa Aisak dali dwagi yai tau sabo s̄e yai. Aisak te w̄e ulu me deli pedalubo madi p̄ade bidali, te augwaligo nogi yali 'Ena subo Bidibo Ula Elalubo Bidigo w̄e ulu.'

Ismael aga ogwa dabe nogi

¹² Te e da, te Ismaelgo w̄aj hani dabe e dao. Ismael te Abrahamgo ogwa te Hagargo ame nani. Hagar te Isip we me deli, te aga Sarago olo s̄e iduai we me deli bidai dao. ¹³ Tama Ismaelgo wai dabe nogi te gomunai waide gagalama, te ogwa bidi wai dabeba siminigi paibao, Nebaiot te Ismaelgo gomunai ogwa nogi, nosali te Kedar ame nani, Atbel, me Mipsam, ¹⁴ Misma, Duma, Masa, ¹⁵ Hadat, Tema, Jetur, Nafis, me Kedema. ¹⁶ Te augwali Ismaelgo ogwa dabe tama te augwali nogi dabe dali, te bulu dabe te t̄o pedai me te augwaligo pesage nigilama bidali, te nogi dali dao. Tama augwaligo tobolu bidi dabe te nogo si olama, s̄aḡa si elaluali, tama nogo si olama, s̄aḡa si hani bidi dabe bidali. ¹⁷ Ismael te kibu be hauwa 137 kibu be bidama isibaso, tama augwaligo aga pubulali. Tama aga te aga polobadu isali w̄aj n̄oq dabe dali deliba sisinama, bidigi pai dao, tama wabo. ¹⁸ Te Ismaelgo hani w̄aj dabe augwali te t̄o pedai Havila me Sur te tomo agebele side bidaluali. Te bulu te Isip p̄ade te Asur teba pabo sunumi te giliga pedalubo pedai badu elaluai. Te Ismaelgo hani augwaligo te haniani hani dali boi bidi homu ebaso, tama augwali digibulu bidigi pai dao.

Rebekago te Iso de Jekop si ame nani

¹⁹ Te e po da te Abrahamgo ogwa Aisak aga te tama bidali wabo po dao. ²⁰ Aisakgo te Rebeka sali sogo te aga kibu be bidi sese si 40 elaluai. Rebeka te Betuelgo wegi da, aga te Aram bulu bidi me deli, te Mesopotemia pedai badu elaluai. Tama Rebeka te Labango abe, aga te Aram bidi me deli dao.

²¹ Te Aisakgo wego wai me ame nabeo. Tama tibaso, Aisakgo aga tobade gedu haluasa po weyu, te Yawego aga we tau somainu yai. Yawego te Aisakgo gedu haluasa po wabo odama, tama Rebeka haliga yalio.

²² Te Rebekago haligade te wai si elalu, tama augwa si tomode usu siyu begelali. Tibaso, Rebekago te po wali, "Te ebo kolesaga magi baso enaba pedelaliwe?" Agai te s̄e ebo page koneainu, teda agai Yawebolo gedu haluasa po hanalu wali. ^{††}

²³ Tama Yawego te tiwai po Rebekabolo wai, "Te bidi hani si te nago haliga tomode bidibao. Te hani bidi si nago ame nainu ebaso, te augwali si dali si ususu si yainu ebaso, tama nosali hani si bugulama, tedali bidaibao. Te me hani deligo gasa hani me dali bomu mu yaibao. Tama polasa te ame nabo wai aga te nosali

† 25:10 Gag 23:3-16 †† 25:22 Rom 9:12

ame nabo waigo s̄e ebo bidi pedelaibao," Yawego Rebekabolo te po wei ponani.

²⁴ Tama te tiabo sogo bodolu pedelama, tama mu tama Rebekago te wai ogwa si ame nani. ²⁵ Te polasa ame nani waigo tigi da, te mama mu elama, tama tigi tu nisi hauwa elaluali, te hasa nisi tiwai yai. Tama tibaso, augwaligo aga nogi Iso poali. [‡]

²⁶ Te nosali pedelali wai ogwa aga ame nobadi tama aga nogogo te Iso s̄aḡa gabulude tolalubadi, tama ame nani. Tama augwaligo aga nogi Jekop poai. ^{††} Te sogo Aisakgo kibu be te 60 kibu be elalubo sogo Rebekago te wai si ame nani.

Iso aga te gomunai ogwa da nogi wabode hagela homu yai po

²⁷ Te ogwa si genuai elama, tama Iso te bulu hasa gegebo koneai bidi mu bidali. Aga te bulu hasaba naga pabo s̄e ebo bidi bidai. Tiali goli, Jekop te subigila me bilisīabo bidi dao. Aga te augwaligo ugwa be dabede naga bididuai. ²⁸ Aisakgo te Iso godolo elaluai, magi baso meni, agai te Isogo elebo bulu hasa tuyu, wiegi yai homu pemene iduali. Tiali goli, Rebekago Jekop agai godolo homu yali.

²⁹ Me sogo side Jekopgo te nai tegabi sup uludubadi, tama Iso te bulu hasa gegegi pelama, ugwa beba ma sabolali. ³⁰ Aga moni nasi ebaso, tama agai Jekopbolo te po wai, "Ena nasigo mu dwalio. Te ulali mama yai naigo ena dwasianu mao, tuaio," wai. ^{‡‡} (Tama tibaso, nosali augwaligo aga nogi Idom poali.)

³¹ Tiali goli, Jekopgo te tiwai po wei ponani, "Da si dobu si inao. Hasia bolo nago enabolo te nage gomunai ogwa da nogi wabo po te enabolo mobaso da, teda nosali eno te ulali sup nai nagebolo mawaibao," wali. ^{‡‡‡}

³² Tama Iso te po wai, "Te usu dao. Nasi baso te p̄ade ena isabo homu ebo, tama ena te gomunai bidi elalubo nogigo te enabolo magi nai magowe?"

³³ Tama Jekopgo te po wali, "Tiali goli, nago hasia bolo te nago po d̄aḡ weyu, tama po wao, 'Eno te enade elalubo gomunai bidi nogi te Jekopbolo mu mobao. Tede eno tibo po obaso da, teda eno homugo te Godigo ena ela muao,' tama po hasia bolo wao," Jekopgo te po wai. Isogo te mu po naga da d̄aḡ wabo po ola silibo si, tama aga te gomunai ogwa nogi elaluali te nogi Jekopba mawai. ^{‡‡‡}

³⁴ Nosali Jekopgo te bret meba dali, te sup me mawai. Iso aga te nai polo tuyu, w̄e tuyu yai. Nosali aga hogodama, palio. Agai te aga gomunai bidi da, tama aga aya isibosi da, teda aga doado bage hauwa

‡ Te Hibu pogo te nogi Iso te page tama elalubo, te "nisi hauwa" tama wabo. †† Te Hibu pogo te nogi Jekop te page elalubao, te "s̄aḡa gabulu tola sabo bidi dao," tama wabo. Tama tede po digi po wabo begelama, tama te nogi page "te tibo po weyu, tama gasa bidigo magi nai sabo bidi dao," tama wabo. ‡‡ Te Hibu pogo te nogi Idom te page elalubao, te "mama yai," tama wabo. ‡‡† Te Hibu dabego ebo kolesagade te aya isibo side, te gomunai ogwago aga ayago doado bage meba hauwa siyu, tama i badu ogwago te meba dwasianu naga siyu yali. ‡‡‡ 25:33 Hib 12:16

sabo bidi dao, tede te olo nai naga dao homu elama, tama tagalalio.

Aisak me Abimelek

26 Gasasogo te nasi ebo si te buluba pedelali, te polobadu Abraham bidali sogo pedelali nasi tiwai ma pedelali. Tialima, Aisak te Filistia dabego tuni bidi Abimelek bidibo bulu te Gerarba pali. ² Yawe te Aisakba pedelama, tama agabolo te tiwai po wai, "Nage te Isipba munu me pelamuo. Nage te eno nagebobo bida wabo bulude bidagameo," wai. ³ "Nage te bulude bolo bidao, tama ena nage dali bidiyu, tama dwagi yai tau sabo sę nage dali yaibao. Te e elalubo tų pedai tigidali te eno nagebobo mayu, te nago hani wų dabe augwalibolo me mawaibao wai. Tama eno te nago aya Abraham dali dų wali po te eno homude me gegeda palogobeo. ⁴ Te nago wų hani augwali te umabo mu pedalumainu yaibao, te dagalude elalubo hų dabe tiwai gilama yaibao. Tama eno e tų pedai te tigidali eno augwalibolo mawaibao. Tama te tųde tigidali bidi dabego te augwali da dali dwagi yai sę yao wabo po enabolo hanalu, te eno nago hani wų dabe dwagi yai sę yali tiwai gilama yao po waibao. ⁵ Abrahamgo eno haniani te kolesaga yao po odama, tama agai eno bomai po tigidali wali pai. Tama tibaso, eno nage dali dwagi yai sę yaibao," Yawego te po wai. ⁶ Tialima, Aisak te bulu Gerar tede bididualio.

⁷ Tama te bulu bidi dabego te aga we po agabolo hanalubo sogo agai te tiwai po wali, "Aga te ena abe dao." Aga wi ebaso, tama agai te po me wabe, "Aga te eno we da," wabeo. Aisak wi elama, tama tiwai homu yali tiyu, te bidi dabego Rebeka sainu te aga ela muidali homu yali. Magi baso meni, Rebeka te gasagi yai sawi yai we bidai. ††

⁸ Aisak te badu bidali sogo sesabi gana elama bidai, tama te Filistia tų tonalubo tuni bidi Abimelek te be tomodu te winduadu tonobadi dolaluyu, tama agai suali, Aisak aga we Rebeka tigiba nono tubo sę ebo suai.

⁹ Tialima, Abimelekgo Aisak i olama, agabolo te po wai, "Odao. Te nago we dao! Tiali goli, magi baso nago te naga abe da po waliwe?"

Tama Aisakgo te po wei ponoyu, te po wali, "Eno e tama tiwai homu yai, 'Te eno po weyu, te ena we da po obaso da, teda augwaligo ena ela mugowe?' te homu yai dao."

¹⁰ Tialima, Abimelekgo te po ma wai, "Magi baso nago da dolainogo yaliwe? Suao, te eno hani bidi hauwa te elalubao, te dua digi mu te bidi me deli nago we dali olo pigi pigi dao. Te bidi me deligo tama tigi sogo da, te naga digi te dwai sęęę daba pedelabo page yalio," wali.

¹¹ Tama tibaso, nosali Abimelekgo te e tiwai po bomo elama, te tigidali bidi dabebolo walio, "Te bidi me deligo dwai sę te e bidi dali, ma we dali me ebaso da, teda te bidi aga mu isimainao."

¹² Aisakgo te tųde nai wai dabe bulama, tama te kibu bede nai umabo mu pedelama, tama agai nai te

hauwa sogo mu bulu dali tiwai gilama yali. Yawego aga tau siyu, tama dwagi yai sę aga dali yai, ¹³ tama agai nai hauwa mu sidu geani, tama aga genuai bidi mu pedelai. ¹⁴ Agai kibu sipsip me, bulmakau me, sę ebo bidi me hauwa mu elalubaso, tama te Filistia bidi dabego te sulama, tama augwali pesę yali. ¹⁵ Te Abraham tede bidali sogo, agai sę bidi dabe augwaligo te wę ulu dabe nigali. Megi te Filistia dabe augwaligo te Aisak dali dwai homu ebaso, augwaligo te tųde ulu wę pedalubo te ma dų olama, te tųgo ma paliali.

¹⁶ Tama nosali Abimelekgo Aisakbobo te tiwai po wai, "Nago da taga peyu, pao. Megi nage bomo mu ebaso. Da nage dali usu me egobeo," wali.

¹⁷ Tialima, Aisak tede bidali taga peyu, tama aga pelama, te bidabo pesage me deli te bulu du si elalubo madi tomode, te tų me badu tede bidali, te odogo tų nogi te augwaligo Gerar poai. ¹⁸ Abrahamgo te wę ulu tųde meba polobadu nigai. Tiali goli, te aga isali sogo te Filistia bidi dabego te wę ulu dabe paliali. Tama Aisakgo te wę ulu dabe ma dalama, tama aga ayago polobadu deli delibolo poali nogi tiwai ma poalio.

¹⁹ Te Aisakgo sę bidi dabe augwaligo te bulude tų diganama, tama te wę ulu me deli nigainu te augwaligo dwasianu wę ulu tųde pedalubo gegalio. ²⁰ Tiali goli, te Gerar tede te kibu bulmakau tonalubo bidi dabego te Aisakgo kibu tonalubo sę ebo bidi dabe dali wado po weyu, te po wai, "Te e wę dago wę dao," po wai. Tama Aisakgo te wę ulu nogi e tiwai nogi poai "Wado po wai." Magi baso meni, te bidi dabego wado po tede wai. ²¹ Tama Aisakgo sę bidi dabego gasa wę me ma nigali, tama tede me augwaligo wado po wai. Tialima, Aisakgo te wę ulu nogi e tiwai nogi poai "Genuai wado po wai." ²² Agai te pedai badu tagalama, te aga gasa badu me te wę ulu ma nigai. Tiali goli, te sę ebo bidigo tede te wado po me wabeo. Tialima, Aisakgo te e tiwai nogi poali "Te pesagede po ma wasiųwai," tama agai te po wali, "Megi da, Yawego da e tųde te genuai bidabo pesage mayu, tama te da bugagia homu nagame elama bidimainu yalio. Tama dago te bulude doado bage hauwa elaluaibao," te po wai.

²³ Aisak aga tede bidali taga peyu, te aga te Berseba teba sabolali. ²⁴ Te sogo hulide Yawe te agaba pedelama, tama te po wai, "Ena naga aya Abrahamgo God dao. Nage wi me elamuo. Ena nage dali bidibao. Te eno nage tau siyu, nage dali dwagi yai sę elama, tama nago wųgo wai dabe hauwa pedalumainu yaibao, magi baso meni, eno te ena sę bidi Abraham godolo mu yali dao, tama aga tobade eno tama tiaibao," wali.

²⁵ Aisakgo te ofa maiabo alta me deli te bulude dodolama, tama agai Yawebolo lotu wai. Nosali agai te bidabo pesage tede nigilama, tama aga sę bidi dabego tede tų diganama, tama te wę ulu me deli nigali.

Aisak de Abimelek si bomoyai po dų wai

²⁶ Abimelek te aga bulu Gerar taga soyu, asama, Aisak suagasali. Ahusat, te bidigo Abimelekboro te wiegi yai homu kolesaga mabo bidi, me Fikol, aga te aga

† 26:4 Gag 22:16-18 †† 26:7 Gag 12:13; 20:2

ami bidi dabe tonalubo polalubo bidi, augwali si te Abimelek dali asai. ¹²⁷ Tialima, Aisakgo augwalibolo hanalu wali, "Polobadu dagego ena dali wado po olama, tama ena dagego bulude bidibadi gudulai. Tama magi baso meggi da, duga digi dage ena bidibo digi asaliwe?" wali.

²⁸ Tama augwaligo te tiwai po wei ponani, "Meggi dago koneani, te Yawe nage dali bidibao. Tama dago homugo te dago dage dali te mu po naga dao weyu, te boi homu ebo silabo po me deli daꝓ waibao. Dago nagebolo dwai seꝓ me ilibeo. Tama dago homugo te nago bomo yai po daꝓ weyu, ²⁹ te nago da me dolamu dao. Dago wiegi yai kolesaga nagebolo yali, te nago dago bulu taga soali sogo te dago nage dali me hwjibeo, te nage homu nagame dali dua digi soai dao. Magi baso meni, te hania pedelalio, te Yawego te dwagi yai seꝓ te meggi nage dali ebo dao." Augwaligo te po wali.

³⁰ Aisakgo te augwali nai genuai me ulama, tama augwali nai me weꝓ tuai. ³¹ Te kigamu digi mu augwali hogodaluaama, tama augwali dali, Aisak dali, augwaligo augwa nogo guni sisu muyu, augwa hasi e tiwai po daꝓ wali, "Te dago dage dali sesemane sogo te wiegi yai homu deli naga elama, bidaibao." Aisakgo augwaliba dage tao olama, tama augwali nogo menama, tama augwali pali.

³² Te sogo digi te Aisakgo seꝓ bidi dabe sabolama, tama augwaligo agabolo te augwaligo weꝓ ulu nigali po wagasai. Augwaligo te po wai, "Dago weꝓ gegalio."

³³ Tialima, Aisakgo te weꝓ ulu nogi Seba nogi poai. Tama meggi tebode augwaligo te hanu nogi Berseba wabo dao. ††

Te Isogo we dabe

³⁴ Iso aga kibu be te bidi sese si olama, ⁴⁰ wabode, tama agai te we Judit sali, te Berigo wegi, te Hit bidi hani me deli da. Isogo te Basemat te we me sali, te Elongo wegi, te me Hit hani bidi me deli dao. ³⁵ Aisak de Rebeka si te we sigo ebo kolesaga hagela homu eyu, tama haliga dene mu iduai.

Jekopgo aga aya tibo po ola menama, tama agai Isogo dwagi yai mobo sai

27 Aisak monu dabe mu elama, tama aga gedu halua selama, tama te nai dabe me, bulu ula me ma bugagia suabo aꝓ isawai. Tialima, agai aga gomunai ogwa Iso i olama, tama agabolo te po wali, "Ogwao!"

Tama Isogo po wei ponani, "Awe, ena e bidibao," wali.

² Tama Aisakgo te po wai, "Ena monu dabe elama, tama ena paꝓe isainu ebao, te ena isabo sogo eno

† 26:26 Gag 21:22 †† Te Hibru pogo te nogi Seba te page si elalubao, me page te "mu po naga dao weyu, tama po daꝓ walali," me page te "nogo a naga olama, me badu nogo si" wabo. Te nogi Berseba me te page si elalubao, te "weꝓ ulude augwaligo te mu po naga dao po weyu tama po daꝓ walali," ma te "weꝓ ulu nogo a naga olama me badu nogo si wabo."

konebeo. ³ Tama nago naga enesigi me ene dali selama, tama nage busiba pelama, tama eno hasa me deli gegegi pao. ⁴ Te nago gegelama, subosi da, teda nage pelama, te eno godolo ebo nai ulama, tama nago enaba selasa asao. Te eno te nai tulama da, tama eno nagebolo te Yawego nage dali dwagi yai tau sabo seꝓ emainao po menama, tama nosali ena isaibao." Aisakgo te po Iso dali wali.

⁵ Tiali goli, Rebeka agai odali, te Aisakgo aga ogwa Iso dali po mibo odali. Tialima, Iso te aga ayago tuabo hasa me deli te busiba gegegi peyu pai madi, ⁶ Rebekago aga ogwa Jekopbolo te tiwai po wali, "Meggi tama eno odali, te naga ayago te po nago ama Isobolo mabo po eno odali, ⁷ 'Te hasa me deli selasa asama, tama ena habi nai meba ula magasao,' po walio. 'Tama tialima, te nai eno tulama da, tama eno te Yawego nage dali dwagi yai tau sabo seꝓ emainao po te nagebolo Yawe gedude mawaibao,' wai, 'tama nosali ena isaibao,' naga ayago Isobolo te po wai. ⁸ Te meggi da, te ogwa, te nago eno po bugagia odama, tama eno nagebolo po wabo gilama te seꝓ yao. ⁹ Nage te kibu sibi bidalubo obo elalubo teba pelama, tama te wiegi yai nisai meme wai si te enaba selasa asao. Tama eno te nago ayago godolo ebo te tobage wiegi yai nai ulaibao. ¹⁰ Tama nago te naga ayabolo magi pagameo, te agai tuaibao. Tama nosali agai isisabadi, agai te Yawego nage dali dwagi yai seꝓ emainao po nagebolo mawaibao, tama nosali aga isaibao," wali.

¹¹ Tiali goli, Jekopgo te tiwai po aga idabolo wei ponani, "Nago koneani, Iso tigide te tigi tu nisi hauwa elalubao. Tiali goli, ena tigide te menio. ¹² Tama tiyu, ayago eno tigi nogo diꝓnama, tama agai homugo te eno aga usu suyu, tama tibo po ola mabowe te homu idalio. Tiyu, agai wado po weyu, te aga God i olama, ena dolidalio, tama eno te Yawego ena dali dwagi yai seꝓ emainao po me sigi pogobeo," wali. ¹³ Tiali goli, aga idago te po wai, "Ogwao, tagalao, enade digi te dolobo seꝓ pedalumainao. Tiali goli, nago da, te eno nagebolo wabo po gilama te seꝓ yao, tama nage pelama, te meme si sela asa," wali.

¹⁴ Tialima, Jekopgo te meme si sigi pelama, te aga idabolo magasali. Tama Rebekago te Jekop aga ayago godolo mu ebo nai te ulai. ¹⁵ Tama Rebekago te Isogo gudubo ugwa dabe te augwa bidibo bede munaluali. Tama agai te Isogo ugwa wiegi yai sawi ugwa mu selama, tama Jekop te ugwa gudulama, au ilai. ¹⁶ Tama agai te Jekop nogo dali, agai nage me, te meme tigiwaligo mesegelai. ¹⁷ Tama Rebekago te ulali pusu yai nai me, te agai ulali te bret meba me selama, te Jekopbolo mani. ¹⁸ Tialima, Jekopgo te nai dabe te aga ayabolo selasa pelama, te po wali, "Ayao!" Tama Aisakgo te po wali, "Awe, ogwao. Nage de dawee?"

¹⁹ Tama Jekopgo te po wai, "Ena Iso, te nago gomunai ogwa dao. Eno nago enabolo te po wali nai sisi elasa asalio. Nage meggi da hodaluaama, tama eno e selasa asali nai mi meba tugulao, tama nago te Yawego ena dali dwagi yai seꝓ emainao po enabolo magameo," wali.

²⁰ Tiali goli, Aisakgo te tiwai po ma wai, "Ogwao, magi ilama, tama nago te hasa polo gegaliwe?" Tama Jekopgo e tiwai po wei ponani, "Yawe te nago Godigo ena tau selama, tama tibaso, eno te hasa polo gegai dao." ²¹ Tialima, Aisakgo tama po Jekopbolo wai, "Te nage p̄aba edaba gana dwasianu asama, te eno nage dīana suaio," wali, "nage te eno gomunai ogwa Iso yaliwe, ma meni yaliwe, te eno sueio," wali.

²² Jekop te aga aya p̄aba pelama, tama ayago aga tigi dīanama, tama bugagia koneama, te po wai, "Nago po wabo te Jekopgo po wabo tiwai obao. Tiali goli, eno nago nogo dīayani, te nago nogo te Isogo nogo tigi tu nisi tiwai yalio," wali. ²³ Aisakgo te Jekop bugagia me konebeo, magi baso meni, te meme tigi nisigo te aga nogo halualigo te nogo Isogo nogo tiwai yai. Aisakgo te Yawego aga dali dwagi yai s̄e eyu, tau sabo po agabolo mawainu yali, ²⁴ tiali goli hasia agai hanaluyu bolo ma yai, "Te mu tama, nage te eno ogwa Iso dawē?" Tama Jekopgo te po wali, "Awe." ²⁵ Tialima, Aisakgo te po wai, "Te ulali nai mi te enaba magasao. Te ena nai tulama da, te eno dwagi yai po nagebolo mawaibao." Tialima, Jekopgo te nai me te wain w̄e me sela pelama, te Aisakbolo magi pelama, tama Aisakgo te nai me w̄e tuali. ²⁶ Nosali Jekop aga ayago te po wai, "Ogwao, eno homugo te nage ena p̄aba asama, te eno gesabidiba nono nagasao," wali.

²⁷ Tama Jekop te p̄aba pelama, tama aga dali gesabidi sebedi usuyu, nono nani, tama Aisakgo Jekopgo gudali ugwa denami odama, tama agai te Yawego aga dali dwagi yai tau sabo s̄e emainogo eyu wabo po agabolo mani. Agai te po wali, "Te eno ogwago wiegi yai denami te Yawego dwagi yai tau sabo po mani, te gi me deli denami tiwai gilama ebao. ²⁸ Te eno homugo te Godigo hulide te siginibo w̄e tagala palomainu elama, tama nago tigidali gide nai hauwa holomainu yaibao. Te agai nagebolo te wit hauwa me, wain w̄e me hauwa momainu yaibao. ²⁹ Te tigidali bulude bidi dabe te augwali nagede s̄e ebo bidi pedelama, tama te bidi dabe nage dologode bidaibao. Te nago te naga ama dabe tonluaibao. Tama nago idago hani w̄aj dabe augwali te nage dologode bidaibao. Te Godibolo nage dolomainu i wabo bidi dabe, te augwa digi deli deli augwa ma dolomainu yaibao. Tiali goli, te bidi dabego Godiba i olama, te agai nage dali dwagi yai tau sabo s̄e emainu i wabo bidi dabe, augwali deli deli dali me te agai dwagi yai s̄e yaibao, te eno homugo te tama elalumainao," Aisakgo te po wai. †

³⁰ Aisakgo dwagi yai po te Jekopbolo menama, tama Jekopgo aga aya taga pali. Tama te sogo naga te aga ama Iso te busidu ma beba sabolali. ³¹ Agai me te wiegi yai pusu ebo nai ulasa, te aga aya bidibo digi sela palio. Tama agai te po wai, "Ayao, nage hodaluama, te eno selasa asali nai mi meba tugulao, tama nago te Yawego ena dali dwagi yai s̄e yabo po enabolo magameo."

³² Aisak agai te po wai, "Nage de dawē?" Tama Isogo e tiwai po wei ponani, "Ena Iso, te nago gomunai ogwa dao."

³³ Aisak aga dwai midigi mu selama, didibili elama, tama agabolo hanalu wali, "Tiali goli, dego hasia te hasa elama, te mi selasa, enabolo magasali bidi de dawē? Nage sabolisiq̄badi, te nai eno tualio. Tama eno te Yawego aga dali dwagi yai s̄e yabo po te bidibolo mena silai, tama te dwagi yai po agade sesemane sogo elalua pidu, mu elalua paibao," wali.

³⁴ Te sogo Isogo te tiwai po wabo odobaso, polo aga dwai homu mu eyu, aga dwai gela mu wali. Tama agai te po wai, "Ayao, te nago gasa dwagi yai po te enaba me mao," wali.

³⁵ Tiali goli, Aisakgo te po wai, "Naga amago ena tibo po ola menama, tama agai te nagebolo maiabo dwagi yai tau sabo po sai dao."

³⁶ Tialima, Isogo te po wai, "Te megī e da, te agai si sogo megī ena guni t̄ba ilali. Tama tiyu, te nogi Jekop te nogi page te 'polobo bidī' tama dao, te agade dolo mu yali. Te idago hasia ena bolo ame nani, tiali goli Jekopgo te enade elaluali te gomunai ogwa wali, te nogi agai wi sai. Tama megī me te agai te enabolo maiabo dwagi yai po wi salio. Magi yaliwe, aya, te nago enabolo maiabo po te gasa me deli sisi yai elalubewē?" ††

³⁷ Tama Aisakgo Isogo po wei ponani, "Eno aga te nage tonaluabo bidi ilama, tama eno te aga deli kaneme te tigidali agai s̄e bidi pedelaibao. Tama eno te nosali pedelabo tubo nai wit me wain te agabolo mani. Megi te mena nai gasa me elalubo weyu, te eno nage momainu te ogwa nago te po obawē?"

³⁸ Tiali goli, Isogo bomonama, aga ayabolo hanaludubadi geani, "Aya, nago te dwagi yai po deli naga elaluai dawē? Aya, nage enabolo me te Yawego ena dali dwagi yai s̄e emainao po mao," wali. Isogo te po olama, tama aga moni genuai gela ma wai. ‡

³⁹ Tialima, Aisakgo agabolo te po wai, "Te nago bulu dwai t̄e te wiegi yai ili yai t̄e digibulu elaluaibao. Tama hulide te siginibo w̄e te nago giba me tulalugobeo.

⁴⁰ Tama nage te bugagia bidiyu, te nai tuabo pesage gegeyu, te nago bainat hw̄a gego hw̄jyu, tama yaibao. Tama nage te nago amago s̄e ebo bidi bidaibao. Tiali goli, nosali nago hagela homu eyu, tama agai po sela s̄abaso, tama agai nage ma tola sogobeo," wali. ††

⁴¹ Isogo homugo te ayago te dwagi yai s̄e pedelabo po te Jekop te bolo mani, te agai homude wado ebo homu dwai mu te Jekop dali yai. Tialima, Isogo e tama homu elama, te po wai, "Te p̄ade dwasianu sogo naga te aya isibaso, tama dago aga homu dene yaibao. Te homu dene yali sogo sia sabo si da, teda eno te Jekop ela muaibao." Isogo te tama homu elalualio.

⁴² Rebekago te aga gomunai ogwa Isogo te homu ebo po odai. Tialima, agai te aga sabi bidi ogwa Jekop i olama, te po agabolo wali, "Nago e po bugagia odao. Te naga ama Isogo te nago agabolo yali te s̄ede te

† 27:29 Gag 12:3; Hib 11:20

†† 27:36 Gag 25:29-34 ‡ 27:38 Hib 12:17 †† 27:40 Gag 36:8; 2 Kin 8:20; Hib 11:20

agai nageba wei ponoyu, ela muainu te homu eba. ⁴³Tialima, megí da, ogwa, te nago eno po wabo gilama te sę yao. Nage sisi elama, tama wi pelama, te eno abe Laban dali te Haran teba osogo bidigi pao. ⁴⁴Nage te eno abe aga dali bidibadi, te nago amago homu sębę yali te homu kedau elama, ⁴⁵tama agai te nago yali sęde te boi bidi homu gegeda palomainu emainao. Tama nosali eno te bidi me deli te po nagebolo waga-somainu tagala palama, tama nage eba ma odasa aso-mainu yaibao. Da si go tama tinao. Magi baso meni, te eno wai dage si te deli sogo hagabo, te eno homugo hagela idalio," Rebekago te po wai.

Aisakgo Jekop te Laban bidibo madi tagala palali

⁴⁶Nosali Rebekago e tiwai po Aisakbolo wai, "Eno te Hit hani we dabe te eno mu hagela idubao. Te Jekopgo me, te Hit hani we dabego me, te e bidibo we si tiwai kolesaga ebo we sobaso da, teda ena isimainu yaibao," Rebekago te tiwai po Aisak dali wai.

28 Te Aisakgo Jekop i olama, tama te dwagi yai sę agabolo pedelabo po agabolo mawai. Tama Aisakgo agabolo e tiwai bomo yai po mani, "Nago te e bulu Kenan tų we me deli munu me selamuo. ²Nage sisi elama, tama nage te Mesopotemia tų, te Betuel tego buluba pao, aga te nago idago aya da. Tama nago te naga idago abe Labango wegi me deli sao. ³Te eno homugo te Tigidali Bomo Mu Elalubo Godigo nage dali wiegi yai sę elama, tama nago wai hauwa ame naibao. Tama tibaso, te nage bidi hani hauwago aya monu pedelaibao. ⁴Tama eno homugo te Godigo nage dali dwagi yai sę eyu, te nago wai te wai dabe me tiyu, te Abraham dali dwagi yai tau sabo sę yali tiwai gilama yaibao. Tama tiyu, tama nago megí naga te bidibo tų sobadi yaibao, magi basowe, Godigo e tų te naga wai Abrahambolo maiabo po wai dao," wali. ¹⁵Aisakgo te tiwai po olama, tama agai te Jekop te Mesopotemia buluba te Laban bidibo digi tagala palai, te Betuelgo ogwa, te Aram bulu bidi me deli. Laban te Rebekago abe, te aga Jekop de Iso augwa si ida dao.

Isogo gasa we me sai

⁶Isogo te Aisakgo Jekop dwagi yai tau sabo po menama, tagala palu, te Mesopotemia tų te pedai badu we me deli sigi pomainu tagala palali po odali. Aga me koneani, te Aisakgo Jekop dwagi yai tau sabo po mayu, agai Jekopbolo te po weyu, nago te Kenan bulu we me selamu da po wai. ⁷Tama agai koneani, Jekopgo te aga aya idago po wabo odama, tama aga te Mesopotemia buluba pai. ⁸Tama te sogo naga Isogo koneani, te aga Aisakgo te Kenan tų we sabo te agai hagela homu yai. ⁹Tama tibaso, aga te Ismaelgo haniba pali, aga te Abrahamgo ogwa, tama agai gasa we me sali, aga nogi te Mahalat. Te we te Ismaelgo wegi, tama aga te bidi Nebaiotgo abe dao.

Jekopgo te Betelde na yai

¹⁰Jekop te Bersebade bidali taga peyu, tama aga hogodama, te Haran teba painu pali. ¹¹Tama digibulu pelama, tama tomode me sogo aga te bulu me deliba sabolama, tama aga tede bididuai, magi baso meni, te be pio eyu, giliga dega sigi pali. Tama tibaso, agai tede munaluali masigi me deli selama, te aga tobolu muabo dologo badu tobolu ni tiwai munama, tama aga godege piali. ¹²Te aga piali sogo te aga na ebadi suali, te togobili me deli page te tųde elalu, te aga tobolu te dagalude ugwaba ilama elaluai. Tama te Godigo mobo bidi ensel dabe te togobilidu ugwaba holoyu, aiyaba duluyu ebo, te agai suali. ¹³Tama Jekopgo suali, te Yawe aga pade dolalu tama po wai, "Ena Yawe, te nago wai Abrahamgo God, me Aisakgo God dali dao. Te megí nage e pilamubo tų te eno nagebolo mayu, te nago ame nabo waigo wai dabebolo me mawaibao. ¹⁴Te nago ogwa dabego ame nabo wai dabe augwali te tų hogomu tiwai hauwa umabo mu pedelaibao. Tama augwaligo te augwa tų sese pedai tigidali pedaiba usu elama, bidaluaibao. Tama tigidali tųde bidalubo bidi dabe augwaligo enabolo te augwali dali dwagi yai sę yao po hanalu, te eno nage me, te nago ame nani waigo wai dabe augwali dali dwagi yai sę yali tiwai gilama dwagi yai sę yao po hanalu waibao. ¹⁵Odiao. Ena nage dali bidiyu, tama nage paboba te tigidali habu te eno tonalua bilaibao. Tama nage eno e tųba ma odasa asaibao. Tama eno nage munu me tagalisiqbadi, te eno nagebolo po wabo sę tigidali usu nama, pedela silaibao," Yawego te po wai.

¹⁶Jekop te pila muani hodalua, tama po wai, "Eno Yawe te e bulude bidibo me koneaiwai. Tiali goli, mu tama aga bidibao." ¹⁷Aga wi elama te po wali, "Ena e bulude wi mu eba! Te e da, Godigo be mu dao. Awe, te dagalugo sunumi dao," te po wali.

¹⁸Tialima, Jekop te kigamu digi mu hodaluali. Tama agai te tobolu ni tiwai te aga tobolu dologode muna-piali masigi sawali selama, tama agai te masigi tųde dualali, te aga homu hodolomainu ebo sę tiwai ilali. Tama agai te wel te masigi daide ugwadu gelali, te tų Godigo gasagi yai nai tedali da olama, te sa muani. ¹⁹Agai te bulu nogi te Betel nogi poai. ²⁰Polobadu te bidi dabego te bulu pade elalubo hanu nogi Lus nogi yai.

²⁰Tama Jekopgo te tiwai po God dali daų wali, "Te nage ena dali bidiyu, tama nago ena e bobobage sunumidu pobadi tonaluyu, tama nago ena te nai me, ugwa me menama, ²¹tama ena te ena ayago buluba bugagia ma sabolubaso da, teda nage eno God mu bidaibao. ²²Te e masigi eno ugwaba dualali, te e da nago be elalubo bulu da olama, sa muani. Tama tigidali ena mani nai, te eno nogo si badu togolama, te eno me deli pedai te nagebolo mawaibao," Jekopgo te po wai.

†† 28:12 Jon 1:51 ‡ 28:13 Gag 13:14-15 †† 28:14 Gag 12:3; 22:18 ‡† Te Hibru pogo te bulu nogi Betel te page elalubao, te "Godigo be da," te wabo.

Jekop te Labango buluba sabolai

29 Tialima, Jekop te sunumidu palio. Aga pelama, pelama, tama nosali te giliga pedalubo badu bidali bidi hani dabe bidalubo pedai badu sabolai. ² Aga doligi pelama, tonono bilibadi, tama te nosai elalubo moni t̄ode agai te kibu sipsip hani sela te w̄e ulu me deli tubo madi p̄ade pila mubo hania suali. Te sipsip kibu hani augwaligo te ulu w̄e tubo da, tama te ulu w̄e dedage palibo genuai masigi elaluali. ³ Tama te tigidali kibu sipsip hani sisinagasa silai madi, tama te kibu tonalubo bidi dabego te ulu w̄e panialuali genuai masigi dagala sanama, tama augwaligo te sipsip dabe w̄e mayu yai. Tama te kibu sipsip dabego w̄e tula silibo si, tama te kibu sipsip tonalubo bidi dabego te w̄e ulu palibo madi teba ma paliyu yai.

⁴ Te Jekopgo augwalibolo hanalu wali, "Abagi dede, dage mena badu bidi dabe dawē?" Tama augwaligo te po wai, "Da te Haran bulu bidi dabe dao," wali.

⁵ Tialima, agai augwalibolo hanalu wali, "Dagego te Laban, te Nahor tego w̄aj ogwa koneaniwe?" Tama augwaligo te po wai, "Awe, dago aga koneanio."

⁶ Tama Jekopgo augwalibolo hanalu wai, "Laban bugagia bidibowe?"

Tama augwaligo te po wai, "Aga bugagia bidibao. Nago suo. Resel, te agai wegī, te Labango kibu sipsip hani dali megī te asobao," wali.

⁷ Jekopgo te po wali, "Magi yaliwe? Te giliga genuai nanalubadi, tama te sipsip dabe te obo tomoba muabo me elalubadi dao. Tagala, te augwali w̄e menama, tama augwali te nosa dabe tumainu ma selasa pao," wai.

⁸ Tama kibu tonalubo bidi dabego te po wai, "Menio. Dago tama me tegobeo. Te tigidali sipsip hani sisiniyu bolo elama, tama nosali dago te w̄e ulu dedage paliali masigi dagala munama, tama te sipsip dabe w̄e mabo dao."

⁹ Jekopgo te kibu tonalubo bidi dabe dali po midubadi, tama Resel te aga ayago kibu sipsip hani kegasa asobo suali, magi baso meni, te agai augwali tonalubo s̄e yai. ¹⁰ Jekopgo te Resel te aga hai te Labango kibu sipsip hani dali subaso, tama aga te w̄e ulu elalubo madi pelama, tama te mesegalubo masigi sela munama, tama te sipsip dabe w̄e mawai. ¹¹ Tama Jekopgo te Resel dali nono nenama, tama gela wai. ¹² Tama agai agabolo wali, "Te ena da, te nago ayago deli hani bidi dao, te aga abe Rebeka te eno ida dao." Tama Resel udulama, te aga ayabolo wagi palio.

¹³ Labango te aga abego wai asali po odama, tama aga udulama, aga bidibo madi pai. Labango Jekop aga pagea selama, tama aga nono nenama, tama aga beba odasa pali. Tialima, Jekopgo agade yali s̄e po tigidali pusali. ¹⁴ Tama Labango agabolo te po wai, "Awe, te mu tama, da si te deli kaneme mu dao." Tama Jekop aga dali bidibadi, te polua deli bidai.

Jekopgo te Resel sainu te Labande s̄e yai

¹⁵ Te polua deli bidama, tama nosali Labango Jekop-bolo te po wai, "Nage te eno abego ogwa mu dao, tama nago te s̄e olo ebo da, te eno homugo usu meni yaibao. Nago te nisu naga nai te s̄ede nago saibawe?"

¹⁶ Labango wegī si bidali, te gomunai wegī Lea, te tomo wegī Resel. ¹⁷ Te gomunai wegī Leago gesabidi te wēgi yai mu meni, tiali goli te tomo wegī Resel te gesabi sawi yai mu bidai. ¹⁸ Jekopgo te Resel godolo mu yali, tama tibaso, agai te po wai, "Eno te kibu be nogo a naga olama, me badu si te nagede s̄e yaibao, te nago gesi wegī Resel sainogo tama tiaibao," wali.

¹⁹ Tialima, Labango te po wali, "Te mu tama, eno te gasa bidiba mabo te usu dao, tiali goli te eno aga nagebolo mobaso da, te dwagi yai mu dao. Nage te ena dali bidao," wali. ²⁰ Tama tibaso, Jekopgo te Resel sainu, te kibu be a naga me badu si, te tama s̄e iduai. Tama Jekopgo te kibu be a naga me badu si te agai homu kone palali te yadela pali, magi baso meni, agai te Resel godolo mu yai.

²¹ Tialima, megī da, Jekopgo Labanbolo te po wai, "Te bodolu silalio. Te nago wegī ena menama, tama eno aga saibao," wai.

²² Tialima, Labango te genuai nai te wegī sabo sode ulainu, tama agai te bulude bidalubo tigidali we bidi dabe i olama, tama augwali te nai tuagasali. ²³ Tiali goli, te sogo hulide Labango te wegī Resel mawainu yali hasegelama, te Jekopbolo Lea menama, tama Jekopgo te konesiabaso, te Lea aga dali piiai. ²⁴ Tama Labango te Leabolo s̄e ebo we me deli mawai dao, te aga nogi Silpa.

²⁵ Tama kigamu, tegoba! Jekopgo Lea sulama koneyu, tama agai Labanbolo te po wai, "Magi baso nago te tiwai kolesaga enabolo yaliwe? Eno te Resel sainu nagede s̄e dene ebo s̄e yai. Magi baso nago ena ili po ola maniwe?" wali.

²⁶ Tialima, Labango te po wai, "Dago kolesaga te tiwai ede elalubo dao. Te gomunai wegī bolo hasia bidigo selama, tama nosali tomo wegī te me bidigo somainu ebo dao. ²⁷ Nago tonaluyu elama, te we sabo sogo nai tuali te Sarere siligi pabode, tama eno te Resel me te nagebolo mawaibao. Tiali goli, te nago enade te s̄e kibu be a naga, me badu nogo si te nago s̄e ma yagameo," wali.

²⁸ Jekopgo te pode usu da po olama, tama te we sabo sogo te nai ulali Sarere deli silibode, Labango Resel te Jekopbolo menama, tama Resel te aga we mu pedelama bidali. ²⁹ Labango Reselbolo te s̄e ebo we me deli mani, te aga nogi Bilha dao. ³⁰ Tialima, Jekop te Resel dali pagelama piiai. Tama agai te Resel godolo mu eyu, tiali goli agai te Lea godolo te kuna me ebeo. Tama Jekop te kibu be a naga me si te Labande s̄e ma iduai.

Te Jekopgo wai dabe

³¹ Te Yawego suali, te Jekopgo Lea te godolo kuna me isawai. Tama agai te Lea haliga emainu tau sai. Tiali goli, Reselgo wai meni yai. ³² Nosali Lea haliga elama, tama ogwa me deli ame nani. Tama Leago te po wali, "Yawego te eno homu seqe ebo sulama, tama megii da te eno bidigo ena godolo emainogo yaibao," wali. Tialima, agai te wai nogi Ruben poai. †

³³ Nosali te Lea haliga ma elama, tama gasa ogwa me ame nani. Tama agai te po wai, "Yawego te gasa ogwa te wai enabolo mani, magi baso meni, agai odali, Jekopgo ena kuna godolo me isawai." Tialima, agai te ogwa nogi Simeon poali. ††

³⁴ Tama Lea te haliga ma elama, tama ogwa gasa me ame nani. Tama agai te po wai, "Megi da, te eno bidigo ena godolo mu elama, tama ena dali day olama, bugagia bidaibao, magi baso meni, te eno agai wai te ogwa sela ame nani." Te po wai. Tama agai te wai nogi Livai poai. ‡

³⁵ Tama Lea te tabi ma elama, tama gasa wai te ogwa ame nani. Tama agai te po wai, "Te sogo eno te Yawe nogi ugwaba saibao," wali. Tama Leago te ogwa nogi Juda poali. †† Tama nosali te Leago wai ma ame nabeo.

30 Te Reselgo wai me ame nisabadi te sogo, agai te aga ama Lea dali haliga sebe elama, tama Jekopbolo te po wai, "Nago enabolo wai mao. Te menisiayu da, teda ena isaibao," wali.

² Jekopgo wado po Resel dali weyu, te po wai, "Eno te Godigo yali se hasegelibo usu me iligobeo. Aga digi te nago tabi paliama, tama nago te wai me ame nabe dao," wali.

³ Tialima, Reselgo te po wai, "Nago te eno se ebo we Bilha sao. Nago aga dali pilama, tama agai eno wai ame nomainu yaibao. Tama ena te wai dabego ida pedalaibao," wali. ⁴ Tialima, Reselgo te aga se ebo we Bilha te Jekopbolo tagala palama, tama Jekop aga dali piali. ⁵ Tama Bilha tabi elama, tama Jekopgo ogwa me deli ame nani. ⁶ Tama Reselgo te po wai, "Godigo ena dagala sulama, tama agai eno gedu haluasa po wabo odama, tama agai ogwa wai me deli enabolo manio," wali. Tialima, Reselgo te wai nogi Dan poai. ††† Tama Bilha te Reselgo se ebo we te aga tabi ma elama, tama Jekopgo ogwa tomo bidi ame nani. ⁸ Tama Reselgo te po wai, "Eno te ena ama dali bomonama mu hwjanigo tama megii eno nogi ogwa sali." Tama agai te wai nogi Naptali poai. †††

⁹ Leago suali, agai te wai ma ame nabo homu isabaso, tama agai aga se ebo we Silpa te Jekopbolo mawai. Tama Silpa te Jekopgo we tiwai pedelai. ¹⁰ Nosali Silpa go te Jekopgo ogwa me deli ame nai. ¹¹ Tama Leago te

† Te Hibru pogo te nogi Ruben te page elalubao, te "Suao, ogwa wai dao," te wabo. †† Te Hibru pogo te nogi Simeon te page elalubao, "te po odobo bidi," te wabo dao. ‡ Te Hibru pogo te nogi Livai te page elalubao, "day walali," tama wabo dao. †† Te Hibru pogo te nogi Juda te page elalubao, "nogi ugwaba sao," tama wabo dao. †† Te Hibru pogo te nogi Dan te page elalubao, te "Godigo eno po odama tama tau sali." ††† Te Hibru pogo te nogi Naptali te page elalubao, "Eno bomonama yai," te wabo.

po wai, "Ena nogi ugwaba mu igulalio." Tama tibaso, agai te wai nogi te Gat poali. †††¹² Tama nosali Silpa, te Leago se ebo wego, te Jekopgo tomo ogwa ame nani.

¹³ Tama Leago te po wai, "Megi ena wiegi yai homu pemene mu yali, tama tigidali we dabe sibigo enabolo te po weyu, te eno homu pemene wiegi yai mu ebo da po wai dao," wali. Tama agai te ogwa nogi Aser poai.

¹⁴ Tialima, te tubo nai wit togobo sogo pedalubode, tama te ogwa Ruben te wit togobo madiba pelama, tama agai te wego wai sainu tau sabo nai te dwasianu nide sai. Tama agai te aga ida Leabolo sela asali. Tama Reselgo te naide koneama, tama Leabolo te po wali, "Nago te wai sainu tau sabo nai meba te enabolo mao," wali.

¹⁵ Tiali goli, Leago po wei ponoyu, te po wai, "Nago eno bidi sai dao, tama nago te olo nai da te homu ebawe? Tama megii nago te eno ogwago sali nai nago godoloyu sainogo obawe?" wali.

Tama Reselgo te po wai, "Te nago ogwago gegali nai te ena mobaso da, teda nage Jekop dali megii hulide piagameo," Reselgo te po wai. ¹⁶ Te pio Jekop te giba pali beba ma asobadi, tama Lea te sunumidu aga tiaba pelama, tama te po wai, "Nage megii hulide ena dali piagameo, magi baso meni, te eno ogwago gegali naigo nage abelalio." Tialima, te sogo hulide Jekop aga dali piali. ¹⁷ Tama Godigo te Leago gedu haluasa po wabo odama, tama Lea tabi yai. Tama agai wai te a naga wabo ame nani. ¹⁸ Tama Leago te po wali, "Eno se ebo we te ena bidibolo menama, tama Godigo dwagi yai sego ena abelali." Tama agai te wai nogi Isakar poai.

¹⁹ Nosali Lea aga tabi ma elama, tama agai wai te nogo a naga olama, me badu deli wabo wai ame nai.

²⁰ Tama agai te po wai, "Godigo te dwagi yai se me deli enabolo yai. Megi da, te ena bidigo te ena godolo mu yaibao, magi baso meni, eno agai wai te nogo a naga, me badu deli, te tama wai eno ame nani," wali. Tama agai te wai nogi Sebulun poali. †††²¹ Tama nosali Leago wegi me deli digi ame nani, tama agai te aga nogi Daina poai.

²² Tama Godigo Resel homu kone ma palalio. Tama agai Reselgo gedu haluasa po wabo odama, tama aga te wai ame nomainu ilalio. ²³ Tama Resel aga tabi elama, tama ogwa me deli ame nai. Tama agai te po wai, "Godigo eno hale elaluali te dagala sawai. ²⁴ Eno homugo te Yawego te gasa wai enabolo momainu homu ebao," olama, tama agai aga nogi Josep poai. ††

Jekopgo te Laban dali bisnis se yabo po dodolali

²⁵⁻²⁶ Reselgo te Josep ame nai digi, tama Jekopgo Labanbolo te po walali, "Eno te we dabe dali, te wai dabe dali abelibo se dene ela silalio. Tialima, megii ena

††† Te Hibru pogo te nogi Gat te page elalubao, "Dwagi yai se enaba pedelalio," te wabo. § Te Hibru pogo te nogi Aser te page elalubao, te "Homu pemene wiegi yai dao," te wabo. §† Te Hibru pogo te nogi Isakar te page elalubao, "Dwagi yai naigo ena wei ponani," te wabo. §†† Te Hibru pogo te nogi Sebulun te page elalubao, te "Nogi ugwaba sabo," te wabo. §‡ Te Hibru pogo te nogi Josep te page elalubao, te "Eno homugo Godigo gasa ogwa me ena mao," tama wabo.

tagala palama, tama ena te ena buluba ma paio," wali. "Nago koneani, eno nagede bugagia mu sę yalio," wali.

²⁷ Labango Jekopbolo te po wali, "Odao! Eno nage dali po elalubao. Eno te enade pedelali sęde konea selama, tama megi da, eno konebao, te Yawego wiegi yai sę enabolo yali, magi baso meni, te nage ena dali bidibo dao. ²⁸ Nago te nisu naga nai sabo homu ebaso, te nago dolo enabolo wao. Tama eno te nai nagebolo mawaibao," wali.

²⁹ Tama Jekopgo agabolo te po wali, "Naga digi nago te eno yali sę nago koneani. Tama nago koneani, eno nago kibu sipsip hani te bugagia tonaluai. ³⁰ Polobadu te nago sipsip hauwa meni yai, te dwasianu hani elaluali. Tama megi te ena nage dali bidiyu, tama nago sipsip kibu dabe geninama, hauwa pedelali, magi baso meni, te nago ena haniani sęba muani goli, te Yawego wiegi yai sę nagebolo yali. Tiali goli, te eno ena hani bage tau sabo sę nisu egowe?"

³¹ Labango hanalu wali, "Te eno nage magi naigo abelagawe?"

Tama Jekopgo te po wali, "Eno te mone po olama, i me wabeo. Te nago eno po wabo godolo ebaso da, teda nago sipsip hani dabe te eno ma tonaluaibao.

³² Megi da, te eno nago sipsip me meme dabe bugagia osola sueibao. Tama eno te tigidali husugu yai sipsip wai, me te tigidali meme dali, tigidali sipsip te husugu yai elalubo, me te dodobolo pai bage, teda eno sa muaibao. Te dabe da te eno saibao, te eno sę ebode sabo nai dao. ³³ Tama eyu bidaluama, nosali nago osola sulama, te eno doloba pai kolesaga yali, ma nago suagameo. Te nago eno ena maiabo nai dodolobo sogo, tama te meme me deli, ma te sipsip me deli te dodobolo pai ma husugu yai elalusiębaso da, teda nago koneyu, te eno wi sali da po wagameo," wali.

³⁴ Tama Labango te po wali, "Te wiegi yai dao! Dago te nago wabo po gilama tiwai yaibao," wali. ³⁵ Tiali goli, te sogo digi Labango digi te tigidali meme omai me, te tigidali meme so me, te dodobolo pai naga salio. Tama agai te husugu yai sipsip wai tigidali sali. Tialima, aga ogwa dabego te sipsip me meme dabe tonalumainu tedali muani. ³⁶ Tama polo Labango Jekop taga soyu, tama aga dodobolo pai sipsip me meme dabe dali sela sogo tomoba pigi solama, tama augwali gasa pedai me badu bidai. Tama Jekopgo te Labango gasa hani dodobolo pisęwai sipsip me meme hani naga tonaluai.

³⁷ Tama nosali Jekopgo te gesi ni nologo haniani selama, tama agai augwali husugu yai tigi wali me badu dagalama, tama te me badu tedala yai ilali. ³⁸ Agai te tiwai dodobolo pai ni nologo tigidali te sipsip hani dabe augwali gesabidide te wę tubo pesagede dodolali. Agai koneani, te sipsip dabe me meme dabe augwali te wę tuagasobo sogo, te sipsip omai me te meme omai augwaligo te kibu so dabe penani yaibao, te homu yali. ³⁹ Tama te meme omai dabego te ni nologo dabe sulama, tama penani emainu yali, tama nosali te so kibu dabego te ame nabo wai te dodobolo pai dabe ame nomainu yalio. ⁴⁰ Tama Jekopgo te dodobolo

pai sipsip wai hani tigidali te gasaba tedali muani. Tama agai te Labango tedala yai sipsip omai dabe te so dabe me selama, tama augwaligo Jekopgo dodobolo pai sipsip tonalubadi augwaligo penani yali. Agai te tiwai tama tilama, te aga digi sipsip me meme dabe pedalumainu ilali, tama agai te Labango sipsip me meme dabe dali deliba me sisinibeo. ⁴¹ Tama te wiegi yai bomai sipsip me meme dabe penani ebaso da, teda Jekopgo te ni nologo dabe te wę tubo madi te augwali gesabidide muani, tama augwaligo te ni nologo dabe sulama, tama penani yai. ⁴² Tiali goli, agai te bomomeni yai sipsip me meme dabe augwali gesabidide te ni nologo dabe me mubeo. Tama tibaso, te sipsip me meme dabe te bomomeni yai dabe augwali te Labango da, tama te wiegi yai, te boma pai, te dabe te Jekopgo sali.

⁴³ Tama tibaso, Jekopgo doado bage geninama, umabo mu elaluali. Agai te sipsip me meme hani genuai mu elaluali, tama sę ebo bidi me sę ebo we hauwa bidai, tama te kibu kamel dabe me donki dabe hauwa bidaluali.

Jekopgo Laban taga soyu, wi soali

31 Jekopgo te Labango ogomanigo te po wabo odali, "Jekopgo te dago ayago doado bage dabe tigidali salio," te po wali. "Tama megi da, agai doado bage hauwa elalubao, tiali goli te wiegi yai nai dabe agai te dago ayade naga sai dao," te po wai. ² Tama Jekopgo suali, Labango kolesaga hasegelama, tama Labango aga te polobadu godolo yai gilama tiwai me ebeo.

³ Tama nosali Yawego Jekopbolo te po wai, "Nage te naga ayago buluba, me te naga haniba ma pao," wali. "Tama ena nage dali bidaibao," wai. ⁴ Tama tibaso, Jekopgo po te Resel dali Lea sibolo po ola tolama, te augwali si aselama, aga te sipsip hani dabe dali bidalubo pesageba suagasao po wali. ⁵ Te augwali si sabalubode, tama Jekopgo augwali sibolo te po wai, "Eno suali, te dage sigo ayago te enade polobadu yali kolesaga tiwai isięyu, tama agai kolesaga hasegelali. Tiali goli, eno ayago God te ena dali bidibao. ⁶ Dage sigo koneani, eno te dage sigo aya dali sę bomomeni yali, ⁷ tiali goli agai ena tibo po ola menama, tama eno sęde sabo nai te nogo si sogo hasegelali. Tiali goli, Godigo agai ena dolomainu me gogolobeo. ⁸ Tama tiyu, e tiwai pedelali. Labango te po wali, 'Te meme dabe te dodobolo pali naga te nago,' obaso, teda te meme hani dabego te dodobolo pabo te tobage yai naga te wai dabe ame nani. Ma, agai te po wali, "Te husugu yai sipsip me meme te nago da," po obaso, teda augwaligo te tobage wai dabe ame nai dao. ⁹ Tama tiyu, tama Godigo te dage sigo ayago meme ma sipsip hani selama, te enabolo mawai dao," wali.

¹⁰ "Tama te meme omai dabego penani ebo sogo, eno te tiwai na yai, eno te meme omai kibu augwaligo tigde dodobolo pali haniani elalubo suali, te augwaligo naga te meme so kibu dabe penani ebo dao.

¹¹ Tama eno nade Godigo ensel mobo bidigo ena i ola-

ma, tama enabolo te po wali, 'Jekop.' Tama eno te po wai, 'Ena e bidibao.' ¹² Tama agai po ma wali, 'Suao. Te omai kibu meme te tigde haniani dodobolo pali, augwaligo naga te meme kibu so dabe penani ebao. Ena digi eno te tiwai ilibao, magi baso meni, eno suali, te Labango nagebolo ebo sę tigidali eno سوالio. ¹³ Te God nageba te Betel buluba pedelali, te ena tama dao. Te Betel bulude nago te homu hodolubo masigi me deli dodolali, tama te wel ugwadu daiba gelali. Tama nago bomo yai daę wali po me deli ena dali daę walai. Tialima, megi da, te nago doado bage sisi ilao, tama nago te bulu taga peyu, tama naga page buluba ma pagameo,' agai enabolo te po wali," Jekopgo aga we sibolo te po wai. †

¹⁴ Resel de Lea sigo te po wali, "Te gasa nai me deli te da si go ayade nosali sabo, te menio. ¹⁵ Tama ayago da si te digibulu we si pedalumainu ilali. Agai da side nai polo sai dao. Tiali goli, agai te nai tigidali dobola silai dao. ¹⁶ Tigidali nai Godigo da sigo ayade selama, tama nagebolo mani, te nai te da sigo, me te da sigo wai pulubago nai dabe mu dao. Tama tibaso, nago te Godigo nagebolo wali po gilama tama tiao," te we sigo te po wai.

¹⁷⁻¹⁸ Tialima, Jekop hogodama, tama aga we wai te kamelba duamainu elama, tama agai te sipsip hani me meme hani polasa, te aga dali te gasa nai sibi te Mesopotemiade sali nai sibi dali, te tigidali polasa tagala palai. Augwali te aga aya Aisak bidibo madi te Kenan tıba ma painu, te bulu taga soai.

¹⁹ Te augwali pisiębadi, tama Laban te sipsip dabe nisi togogi peyu, digibulu gana pai digi, tama Reselgo te aga ayago be tonalubo tibo god te bede wi salio. ²⁰ Jekopgo te Aram bidi Labanbolo te aga pobao po me wabeo, te aga game soai. Tama tiyu, agai te aga ili po ola maduali tiwai yali. ²¹ Tama eyu, te aga doado bage tigidali selama, tama aga wi soali. Agai te Labango bulu tagalama, tama te wę Yufretis nogolama, tama aga te Gileat bulu du dabe elalubo tıba painu soali.

Labango Jekop pobeasa pai

²² Si sogo bidai digi, tama te bidi dabego te Jekop wi pali po Labanbolo wali. ²³ Tialima, Labango te aga bidi dabe meba selama, tama augwaligo te Jekop pali wali pidubadi, te a naga olama, nogo si, tama sogo wabode sabolali. Tama augwaligo Jekop te Gileat bulu du pedai te badu bidibo suai. ²⁴ Tama hulide, Aram bidi Labango na yali, tama God agaba pedelama, te po wali, "Nago te Jekop dali magi po me deli, ma aga wi ilibo sę me elamu dao," te po wai.

²⁵ Jekopgo te aga osogo bidabo pesage te dwasianu bulu dude nigai, tama Labango aga gegelama suali. Labango me aga bidabo pesage te Gileat bulu du elalubo madide nigai, te Jekop bidibo pesage pade nigali. ²⁶ Tialima, Labango Jekopbolo te po wai, "Magi baso nago ena ili po ola menama, tama nago eno wegigi si te boide sali we si tiwai sela soaliwe? ²⁷ Magi baso nago ena tibo po ola menama, tama nage game naga wi

soyu, tama nago enabolo pobao po wabewe? Te hasia nago enabolo wagi sogo da, teda eno nage te wiegi yai homu pemene dali tagala palu, te habidi me gita tęabi wagi dao." Labango te po wai.

²⁸ "Tiali goli, nago ena bolo te eno wegigi sibolo, me te eno waj, eno wegigi wai dabebolo te dage tao po omainogo me ebeo. Nago kolesaga te dwai mu yalio." Te po wai. ²⁹ "Eno te nage dolabo bomo elaluali, tiali goli hulide nago ayago Godigo enabolo te po wali, 'Nago te Jekop wi ilibo sę deli me elamuo,' po wali. ³⁰ Eno koneani, nage te naga page buluba ma pabo homu godolo mu ebaso, tama nago ena taga pali. Tiali goli, magi baso nago eno be tonalubo god dabe wi sela soaliwe?" wali.

³¹ Tama Jekopgo te po wei ponani, "Eno wi yali. Te nago bomonama, naga wegigi si ma oda sidali weyu, te ena game pai. ³² Tiali goli, te da tomode me deligo te nago god wi sela soai yaibaso da, teda nago aga ela muagameo. Te da e bidalubo bidi dabe gedude te nage aselama, tama dago tigidali sulama, tama dago doado bage osola suao, tama nago naga nai me deli subaso da, teda nago sao," wali. Tiali goli, Jekopgo konebe, te Reselgo aga ayago god dabe wi sela soali.

³³ Tialima, Laban te Jekopgo ugwa be tomoba pelama, tama agai doado bage dabe susa bilali. Tama nosali aga te Leago ugwa be tomoba pelama, te me susa bilali. Tama aga te sę ebo we sigo ugwa be tomoba me pelama, susa bilali, tiali goli agai god dabe te agai me subeo. Tama aga te Reselgo ugwa be tomoba pali.

³⁴ Reselgo te aga ayago god dabe wi selama, tama agai te kamel dabe beg tomoba game dualama, tama aga te beg daide ugwa dualaluali. Labango te ugwa be tomode te tigidali doado bage susa bilali, tiali goli agai te god dabe me subeo.

³⁵ Tama Reselgo aga ayabolo te po wali, "Aya, nago ena dali wado po me olamuo. Te da we dabe sibigo gasi te ena sobaso, tama ena hodalugobeo." Labango te tigidali doado bage susa bilali, tiali goli agai god dabe te agai me subeo.

³⁶ Tialima, Jekop te sębę elama, tama Laban dali te tiwai wado po wai, "Eno mena dwai sę, me eno mena bomo yai po bolai baso, tama nago bomonama, tama ena te tiwai megi pobeasa asaliwe? ³⁷ Nago eno doado bage tigidali susa bilama, tama nago bede elaluali naide te mena nai sualiwe? Waa? Te nago suaibaso da, teda nago hanilama, te nago hani me, eno hani me, te augwali gedude hania muao, tama da si tomode te augwa hasi po mia somainao. Tama dago te dego po te dolo mu yabowe nago sueibao. ³⁸ Ena nage dali bidibadi, te kibu be bidi sese deli yai dao. Tama sese mane sogo te nago sipsip me meme hani tigidali te augwaligo wai ame nabo te me hagawai meni. Tama eno nago sipsip omai me ela tubeo. ³⁹ Tama te uni hasago nago sipsip me deli ela mubo sogo, eno nagebolo sela asiyu, tama nagebolo me waselagasobeo. Menio. Ena digi eno te haga yali nai wei ponani. Nago sesemane sogo enabolo po bomonama weyu, te be bubugade me hulide te gasa bidi dabego wi sali sipsip

meme tigidali wei ponao po oduai dao, tama te tigidali ena digi eno wei ponani. ⁴⁰ Ena e tama bididuali, hauwa sogo te giliga posologo ena mu dolali. Tama hauwa sogo hulide me te kedaugo ena dolali, tama ena bugagia godege me pibeo. ⁴¹ Ena nage dali bidiyu sę ebadi, te kibu be bidi sese deli bidali. Ena te kibu be 14 te nago wegi si sainu sę yali, tama te kibu be a naga me deli te nago sipsip hani meba sainu te sę yai. Tiali goli, nago eno sabo mone sę te nago nogo si sogo te hasegelai. ⁴² Tama eno ayago aya Abrahamgo God, te Bidi Wi Ilibo Godibolo te Aisakgo lotu po wabo God, te ena dali me bidigi menigi sogo da, teda nago ena olo ma tagala paligi dao. Tiali goli, Godigo eno homu sęęę ebo, me te eno ebo sę dabe suali, tama tiyu, hulide te aga digi te po bomonama, nage dali te po wali," Jekopgo te po Labanbolo wai.

Jekop de Laban si bomai po daų walali

⁴³ Tialima, Labango te po wei ponani, "Te wegi si badi, te augwali sigo wai dabe me, te eno naga dao, tama te sipsip me meme hani dabe te eno da. Te tigidali nai nago suali, te eno nai dabe dao. Tiali goli, eno magi sę te wegi si dali, me te wai dabe dali egowe?"

⁴⁴ Tialima, da si te bomai po daų waibao. Tama dago te masigi dabe pesage holama, tama te pesage ede elalubaso, da sigo te daų wali po homude konealuaibao," wali.

⁴⁵ Tialima, Jekopgo te bobage masigi me deli selama, tama te daų tiwai ilama, tama dodolai, ⁴⁶ tama agai aga hani dabebolo walama, tama augwaligo te masigi dabe meba pesage holao po wai. Augwaligo te sę ela silama, tama augwali te masigi pesage holali pađe te nai be pio tuali. ⁴⁷ Te Aram pode Labango te bulu nogi te Jegar Sahaduta poali, † tama te Hibru pode Jekopgo te bulu nogi Galet poali. ††

⁴⁸ Labango te po wali, "Te e masigi pesage holali te da sigo te bomai po daų wali, te homugo gegeda palidali weyu, te daų tiwai muani." Tama tibaso, augwaligo te bulu nogi te Galet poali. ⁴⁹ Tama Labango te po ma wai, "Megi da, te da si tomode te dwai kolesaga idali homu eyu, te da si talua si ma bidigobeo. Nage me badu tedali bidiyu, te ena gasa badu tedali bidaibao. Tama eno homugo Yawego da si tonaluaibao," wali. Tama tibaso, te bulu nogi augwaligo Mispa poali.

⁵⁰ Tama Labango po ma wadolama, wali, "Te nago eno wegi si dali dwai sę eyu, tama te nago gasa we me sobaso, tama eno konesiąbaso da, teda eno homugo nago te Godigo da si tonaluba te homu yao," wali.

⁵¹ Nosali Labango te Jekopbolo te po wai, "Nago te da si tomode te masigi pesage holali sulama, tama eno te bobage masigi muani, te po daų wali te homugo konealumainu ebao. ⁵² Te masigi pesage holali, me

† Te Aram pode te bulu nogi Jegar Sahaduta te page elalubao, te "da sigo gegeda palidali weyu, te daų muani," tama wabo dao. †† Te Hibru pode te bulu nogi Galet te page elalubao, te "da sigo gegeda palidali weyu, te daų muani," te wabo dao. ‡ Te Hibru pode te nogi Mispa te page elalubao, te "Da si tonaluba nai dao."

te homugo konealumainu muani bobage masigi, te augwali side da sigo homu konealumainu tama tiwai, eno te bolama, nage dali hwjagasogobeo, tama nago me te bolama, ena dali me hwjigobeo. ⁵³ Eno homugo te Abrahamgo God me Nahorgo God, agai te da sigo ebo kolesaga dagalaibao," Labango te po wai.

Tialima, Jekopgo te Godigo nogide bomai po daų wali, te aga aya Aisakgo lotu wabo Bidi Wi Ilibo God dao. ⁵⁴ Agai te kibu sipsip me deli elama, te bulu dude Godibolo ofa mani. Tama agai aga hani dabe aselama, te nai be piode tuagasomainu i wai. Augwaligo te nai tula silama, tama hulide augwali te bulu dude piati.

⁵⁵ Te kigamu digi mu, Labango te aga wegi sibolo, me te aga wegi sigo wai puluba dabe, augwalibolo te dage dali dwagi yai sę naga pedalumainao po weyu, tama dage tao po olama, tama agai augwali taga peyu, tama aga buluba ma geasa palio. Jekopgo Iso suainu sisi yai

32 Te Laban aga buluba ma geasa pelama, tama Jekop aga page buluba painu eyu, ma pali. Tama aga pidubadi, tama Godigo ensel mobo bidi dabe te sunumide aga pageba pedelai. ² Agai augwali sulama, tama agai te po wai, "Te augwali Godigo ami bidi hani dao." Tialima, agai te bulu nogi Mahanaim poali. †

³ Tama Jekopgo bidi meba te polasa te Seir tų te Idom hanu tų pedaiba te aga ama Iso bidibo digi te po sela pomainogo tagala palai. ⁴ Tama agai augwalibolo te po sela pomainu ola mani, "Ena Jekop dao, ena te nago sę bidi dao. Eno ama Iso, nage da eno genuai bidi dao, te ena Laban dali osogo bidigi pai goli, tama ena bobage sogo tede bidama, tama megi ena ma asainogo ebao. ⁵ Eno hani sibi te hauwa elalubo, te kibu bulmakau, me donki, me sipsip, me meme, me sę bidi dabe, me sę ebo we dabe, te elalubao. Tama eno te po nageba ola tolobao, eno genuai bidi, tama eno homugo nago wiegi yai homu ena dali emainogo ebao, tama nago ena ma asomainu usu da po omainogo obao," agai te po ola tolali.

⁶ Nosali te po sela pali bidi dabe augwali ma begasa asiyu, Jekopbolo te po wagasali, "Da te nago ama Iso bidibo digi sabolalio, tama agai nage te sunumi tiąba asainu sisi iduali. Aga dali asabo bidi dabe te hauwa, 400 bidi elaluali," wali.

⁷ Jekopgo te po odama, tama aga wi genuai mu elama, tama aga homu sęęę elama, tama homu hauwa yali. Tialima, agai te aga we bidi hani bugulali, te sipsip hani dabe, me te meme, me bulmakau, me kamel dali, tama hani si pedelali. ⁸ Agai te tiwai homu yali, 'Te Iso asiyu, tama te polali hani dali wabi hwjnama, tama augwali dolobaso da, teda te nosali yali hani te sana pelama, wi paibao,' te homu yai. ⁹ Tama Jekopgo gedu haluasa po wali, "Te eno wai Abrahamgo God, te nage eno aya Aisakgo God, nago eno po odao! O Yawe, nago enabolo te tiwai po wai, 'Nage te naga tųba ma peyu, tama naga deli kaneme bidibo digi pao,' wali,

†† Te Hibru pogo te nogi Mahanaim te page elalubao, te "Hani si," magi baso meni, te Jekopgo aga we bidi hani dali, te ensel mobo bidi hani, te si subaso, agai te bulu te nogi poali.

'tama eno nage bugagia tonaluaibao, wai dao. ¹⁰ Ena nago sę bidi da. Ena wiegi yai bidi meni goli, tiali goli nago wiegi yai kolesagago ena olo tau sali, tama nago ena dali homugo keę pai kolesaga eyu, tama enade wiegi yai sę mu yai. Te polobadu ena te wę Jordan no-geali sogo, te eno nogode magi nai me elalubeo. Eno peyu tolasa pabo dono naga elaluali. Tiali goli, megı ena te e hani si dali ma asobao. ¹¹ Eno nageba gedu haluasa po obao, nago ena tau selama, te eno ama Isogo bomo aiyaba tamunao. Magi baso meni, ena wi ebo, tiyu agai da dali wabi hwıagasiyu, tama da tigidali silama, te we wai dabe dali silaibao. ¹² Ena tau mao. Nago naga daę wali bomai po te ma homugo koneao. Polobadu nago te po wali, 'Te eno nage bugagia tonaluaibao,' wai. 'Tama eno te nago wai te wai dabe hauwa menama, tama te bidi dabego augwali nedebo usu me egobeo. Te augwali te węde te masigi sane tiwai pedelaibao,' nago te po wali, 'Jekopgo te po wai. †

¹³ Jekop te hulide bididu, tama aga ama Iso homu nagame iliyu maiabo nai te kibu dabe meba dodola muai. ¹⁴ Agai e tama tiwai sa muani, 200 meme so kibu, te omai kibu bidi sese deli te 20, te 200 sipsip so, me te omai kibu bidi sese deli 20, ¹⁵ te 30 kamel so augwa wai elalubadi, te 40 bulmakau so, te omai bulmakau nogo si, te donki 20 so kibu, te omai kibu donki nogo si dao. ¹⁶ Agai te kibu dabe tonalubo sę bidi dabe deli deli nidigili pali, tama augwalibolo agai te po wali, "Dage polasa peyu, ena nosali ilao. Tama me kibu hani te gasa kibu hani pabo digibulu bidaluo," wali.

¹⁷ Tama Jekopgo te polalubo sę bidibolo te po wali, "Te eno ama Isogo te nage sunumide sulama, tama nagebobo hanalu, 'Nage dego sę bidi dawę? Tama nage mena sobawę? Tama e te kibu hani dabe dego dawę?' te po hanalu waibao. ¹⁸ Teda nago e tiwai po wei ponao, 'Te e kibu hani dabe te nago sę bidi Jekopgo dao,' te po wao. 'Genuai bidi, te Jekopgo te olo maiabo dwagi yai nai te nageba tagala palai. Tama Jekop digi aga te nosali asobao,' nago te po Isobolo wao," Jekopgo te po wai. ¹⁹ Tama Jekopgo te po naga te tomo me sę bidibolo wali, tama te sela wali sę bidibolo me, tama te kibu dabe tonalubo tigidali sę bidi dabebolo te po naga wai. Agai te po wali, "Te dagego aga subo sogo, te po naga agabolo wao. ²⁰ Tama dagego te tiwai po ma naga weyu yao, 'Awe, nago sę bidi Jekop te da tudibadu nosali asobao,' po waiya." Jekopgo te tiwai homu yai, 'Eno te ena ama homu nagame ilibo nai te polasa tagala palaibao,' te homu yali, 'tama eno aga gesabi subo side, teda agai eno aga dali polobadu yali sę te agai homu gegeda palaibao,' te homu yali. ²¹ Agai te maiabo nai dabe polasa tagala palama, tama aga bidali pesagede te sogo hulide bidai.

Jekopgo God dali te Penielde hwıbo usu sali

²² Tama te sogo hulide Jekop hogodama, tama aga we si selama, tama augwali sigo sę ebo we si me sobadi, te aga wai dabe nogo si olama, saęago deli selama, tama agai te wę Jabok nogelama pali. ²³ Agai augwali

† 32:12 Gag 22:17

tagala palama, tama agai aga doado bage me tigidali sela pela silai. ²⁴ Tama agaduba deli naga bididuai. Tialima, hulide bidi me deli pedelama, tama aga dali nogogo pelegebo hwıdubadi, be posobo siba usu nani. ²⁵ Augwali si tama tiwai hwıdubadi, tama te bidigo koneani, agai aga aiyaba elalugobeo, te homu yai. Tama agai Jekop te sili dili dali, te tudi dili dali si ununani si tede elali. Tama te sili dili ununani te guda pali. Te augwali si usu siyu hwıdubadi, ²⁶ tama te bidigo Jekopbolo te po wai, "Nago ena tagala palama, ena paio," wai. "Te pade be posainogo ebao," wali.

Tiali goli, Jekopgo agabolo te po wai, "Eno nage me tagala palogobeo. Nago te dwagi yai tau sabo po enabolo mayu bolo yao." ²⁷ Tama te bidigo Jekopbolo hanalu wali, "Nago nogi de dawę?" Tama Jekop po wei ponani, "Ena nogi te Jekop dao." ²⁸ Tialima, te bidigo te po wai, "Megı da, nago nogi te Jekop ma wagobeo. Nago te God dali hwıani, tama bidi dali me hwıai, tama nago nogi ugwaba sali. †† Tialima, nago gesı nogi te Israel dao." ²⁹ Tama Jekopgo te po wai, "Ae, nago nogi po enabolo wao," te po wai. Tiali goli, agai te po wei ponani, "Magı baso nago enabolo eno nogi po hanalubawę?" Tama agai Jekopbolo te aga dali dwagi yai sę pedelabo po mawai.

³⁰ Tama nosali aga noma sobaso, Jekopgo te po wai, "Eno God sualio, tiali goli ena me isibeo." Tama tibaso, agai te bulu nogi Peniel poai. ††

³¹ Te giliga pedelama, tama Jekopgo te Peniel bulu taga soai. Tiali goli, aga dolo bugagia me soabeo, aga te haiagalı ela soali, magı baso meni, te sili si wadolali te guda palio. ³² Tama te sogo daę elama, megı tama bidada asobo sogo, te Israel dabe augwaligo te kibu sipsip, meme, bulmakau, te bage sili dilide daganalubo mi te me tubeo, magı baso meni, polobadu te bidigo Jekop te sili dilide elali daę elama, tama tiai dao.

Jekop te Iso dali deliba sisinai

33 Te Jekop aga hani dali tama pobadi, tama agai digibulu gana tonoyu, tama Iso te aga hani bidi dabe te 400 dali asobo suali. Tama aga hani tigidali wai dabe bugalama, tama te Leaba, me Reselba, me te sę ebo we sibolo te dobaba pali. ² Agai te sę ebo we si augwa wai dabe dali augwali te podolali. Tama Lea aga ogomani dali augwali wali pomainu ilali. Tama agai te Resel te Josep dali nosali mu ilama, pali. ³ Jekop digi aga hani asobadi, te aga polasa pali. Tama agai kidu tıba susugunu pidubadi geani, te nogo a naga olama, me badu si sogo te usu nigı peyu, te aga ama pageba pedelali.

⁴ Tiali goli, Iso udada aselama, tama aga ama pagea sagaselama, tama aga dali nono nai. Tama aga si talua si gela wali. ⁵ Tama Isogo tonono bilama, suali, te we

†† Te Hıbru pode te nogı Israel te page elalubao, te "Agai God dali usu siyu hwıbo dao," te wabo. † 32:28 Gag 35:10 †† Te Hıbru pode te nogı Peniel te page elalubao, te "Godigo gesabıdi," te wabo dao.

dabe me, wai puluba dali sulama, tama agai Jekopbolo hanalu wali, "Te e mena we wai nage dali bidibawe?"

Jekopgo po wei ponoyu, te po wai, "Godigo wiegi yai kolesaga nago sę bidi enabolo elama, tama agai te wai dabe enabolo mawai dao."

⁶Tialima, te sę ebo we si augwa wai dabe dali aselama, tama augwali te Iso gedude te tþba kidu sugunagasali. ⁷Tama Lea me aga wai dabe dali, augwaligo me te tþba kidu sugunagasali. Tama simaniyu mu, Josep dali Resel si aselama, tama te tþba kidu sugunagasali.

⁸Tama Isogo te po wai, "Eno te gasa hani polasa sobadi sisinama suai. Te magi basowe?" Tama Jekopgo te po wali, "O genuai bidio, te nago homu wiegi yai ena dali emainu yai dao!"

⁹Tiali goli, Isogo te po wai, "Eno ama, ena doado bage usu yai elalubo. Nago naga nai dabe ma sao," wai.

¹⁰Tama Jekopgo te po wai, "Woo, te nago ena dali dwagi yai homu eba wida, teda nago eno te mabo nai sao," wali. "Eno nage gesabidi sulama, tama eno te God gesabidi subo tiwai yali, magi baso meni, te nago ena dali dwagi yai homu yai. ¹¹Megi eno homugo nago te eno nage mabo te nai nago sao, Godigo dwagi yai kolesaga ena dali elama, tama agai tigidali nai ena menama, tama ena usu mu yai," wali. Agai Isogo te nai somainogo bomu mu ebaso, tama Isogo te nai sai.

¹²Tama nosali Isogo te po wai, "Tialima, megid da, da sisi elama, paibao. Tama ena te polasa pobadi, te dage nosali asiagameo."

¹³Tiali goli, Jekopgo agabolo te po wai, "Genuai bidi, nago koneani, te wai dabe augwali te bomu elama me pabeo. Tama eno homu hauwa te sipsip me, te bulmakau hani dali, te augwali tamadi holobo wai dabede te homu yai. Te augwali deli sogo bubugade bomonama pobaso da, tiyu te tigidali kibu sibi dabe te isila pidalio. ¹⁴Genuai bidi, nage te ena asobadi te polasa polo pagameo, te ena dua dua nosali asiduaibao, te eno kibu sibi dali te eno wai dabe asaibao. Tama nosali nage eno te Seirde da si te deliba gesabi yaibao," wali.

¹⁵Tama Isogo te po wai, "Te eno hani bage meba nagebolo mawaibao," wali. "Augwali te nage dali bidiyu, tama dage odasa asomainu yaibao."

Tiali goli, Jekopgo te po wei ponai, "Genuai bidi, eno homugo te nago wiegi yai homu ena dali emainao. Tiali goli, nago bidi dabe ede bidao homu, te tagalao, te eno sę ebo augwali te usu yaibao."

¹⁶Tama te po obaso, te sogo bubugade digi Iso te Seirba ma painu soai. ¹⁷Tiali goli, Jekop te Sukot teba pai. Tama aga be sę ebadi, te kibu sibi dabe osogo piabo dwasianu be me sę yani. Tama tibaso, augwaligo te bulu nogi Sukot poai dao. †

¹⁸Jekop te Mesopotemiadu ma begasa asali, tama aga Sekemgo hanuba, te Kenan tþ pedaiba bugagia nosali sabolai. Tama aga ugwa be dabe te hanu pade sę yani. ¹⁹Tama agai te tþ te Hamor hani bage dali mu abelali, te Hamor Sekem aga aya da. Te tþ abelali

mone te 100 silva masigi tamago abelai. ††²⁰Tama agai te alta me deli tede dodolali. Tama agai te alta nogi te tiwai poali, "Te Israelgo God da, te bomu yai God mu dao," te nogi poali.

Sekemgo Daina nogo tuali

34 Te Daina te Jekop de Lea sigo wegi, tama me sogo agai te bulu page we dabe meba bidibo sugi pai. ²Hamor, aga te Hivi hani bidi me deli, aga tede tobolu bidi nigilama bidai. Agai ogwa, te Sekem, agai te Daina sulama, tama agai aga nogo tulama, tama aga dali dwai sę yali. ³Tiali goli, Sekemgo te Jekopgo wegi Daina te wei mu ebaso, tama agai te aga homu wiegi yai ilibo po dua digi wai. ⁴Tama nosali Sekemgo aga ayabolo hanalu wali, "Ayao, te we selama, te eno we bidaiabao."

⁵Jekopgo odali, te Sekemgo dwai sę te Daina dali yali po, te aga wegi dao. Tiali goli, agai ogomani te augwali te kibu sipsip meme sibi dabe tonalugi peyu pai. Tama Jekopgo po me wabeo. Agai ogomani te sęba pali ma asobo tonaluali.

⁶Tama Hamor te Sekem aga ayago te Jekop dali po miainu asai. ⁷Augwali te po midubadi, tama aga ogomani te sęba pali, ma beba asali. Magi baso meni, augwaligo odali, te Sekemgo augwaligo abe penani yali po, tama augwali homu dene eyu, sębe mu elama, tama wado po wai. Te sę te Sekemgo te Jekopgo wegi wi sali, te hale ilibo kolesaga mu te Israel dabego gedude yai. Te Israel dabe augwaligo homude, te tobage kolesaga ebo te habu mu sai elalui.

⁸Tama Hamorgo augwalibolo te po wai, "Sekem te ogwago te dagego wegi wei mu ebaso. Tama eno dagebolo hanalubao, te augwali si sabo, usu egowe? ⁹Teda da abagi olama, te dago dagego wegi dabe siyu, tama dagego dago wegi dabe siyu inao. ¹⁰Tama dage da dali te e tþ pedaide bidagameo. Tama duga te bidainu yali, te tþ pedaide bidagameo. Tama dagego dabolo nai dabe abeliyu, tama dago dageba nai abeliyu yaibao. Tama dagego te duga sainu wei yali nai te sagameo," wali.

¹¹Tialima, Sekemgo te Daina aga ayabolo me aga abe dabebolo te po wai, "Te dagego enabolo usu obaso da, teda eno dagebolo te mena nai dagego sainu homugo wei ebo nai, te dagebolo eno mawaibao.

¹²Tama dagego te duga sabo wei ebo wiegi yai nai po enabolo po wao. Te wegide mone nisu naga dagego muabo homu ebaso da, te usu da, te eno dage mawaibao. Tiali goli, eno homugo dagego te we enabolo menama, tama eno aga saibao," te bidi Sekemgo te po wai.

¹³Te Jekopgo ogwa dabego te augwa abe Dainade te Sekemgo dwai penani sę yali, tede homu kone palali. Tama augwaligo te Sekem dali, aga aya dali sibolo te tibo po ola mabo po wei ponani. ¹⁴Augwaligo te po wali, "Dago abe te aga tigiwali togosiawai bidi dali pomainogo me egobeo. Te dago tama tiyu da, teda da hale dwai mu yaibao. ¹⁵Tiali goli, dagego e tiwai sę me

† Te Hibru pogo te bulu nogi Sukot te page elalubao, te "Be dabe," tama wabo dao.

†† 33:19 Jos 24:32; Jon 4:5

deli bolo hasia yao. Dagego te duga bage bidi te tigi-wali togolama, te augwali da tiwai pedaliqo, tama nosali te dago usu da po dage dali waibao. ¹⁶ Te dagego te tiwai tama tibaso da, teda dago dagebolo usu da olama, tama dagego te dago wegı dabe siyu, te dago me dagego wegı dabe siyu yaibao. Tama da dage dali hodobo bidiyu, tama da deli hani pedelaibao. ¹⁷ Tiali goli, dagego dago po wali pisama, tama tigiwali to-gosiqbaso da, teda dago te dena abe ma selama, tama dago e bulu taga paibao," wali.

¹⁸ Tama Hamor me, aga ogwa dali, augwali sigo te po godolo yai. ¹⁹ Tama Sekemgo augwaligo te po polo wali pali, magi baso meni, agai te Jekopgo wegı godolo yali. Sekem te aga deli hani bagego aga te polalubo bidi da te yai. ²⁰ Tialima, Hamor dali aga ogwa Sekem augwali si te bidi sisinibo pesage te hanu sunumi pade teba pelama, tama augwali sigo te hanude bidalubo gasa bidi dabe dali po miani. Augwali sigo te po wali, ²¹ "Te Jekop aga hani bidi augwali wiegi yai bidi hani, tama augwali da dali abagi wainogo homu ebo. Tama dago tı te genuai tı elalubao. Dago augwali te dago tıde bidimainu emainao, tama augwa homugo bilalumainao. Dago augwaligo wegı dabe siyu, tama dago wegı dabe augwaligo siyu, tama emainu yaibao. ²² Tiali goli, augwaligo te seđe bomu mu yai, dago te dena bidi dabe augwali tigiwali togolama, tama augwali tiwai pedalinao. Te dago tama tiyu da, teda te bidi hani te da dali bidainu usu da olama, tama da dali deli hani pedelaibao. ²³ Tama te sipsip meme dabe me, te walu dabe, tama augwaligo bulmakau dabe me, te augwali dago nai pedelaibao. Tiali goli, dago te se me deli inao, te augwali da dali usu da olama bidaibao," te Hamor de Sekem sigo te po wai.

²⁴ Te tigidali hanude bidaluali we bidi augwaligo te Hamor de Sekem sigo po usu da olama, tama augwaligo te tigidali bidi dabego tigiwali togwa silai. ²⁵ Te sela sogo bidama, tama te bidi dabe tigiwali togwali te dene mu iduali. Tama Jekopgo ogwa si, Simeon me Livai, te augwali si te Daina aga abe si mu dao. Te augwali sigo te moni bainat hwą ge selama, tama tibo te hanuba biligi pai. Tiali goli, augwali sigo te bidi dabe augwali ela muabo te augwaligo konebeo. Megi da, te augwali sigo te hanude bidali bidi dabe tigidali ela silai. ²⁶ Augwali sigo te Hamor dali, aga ogwa dali si ela mubadi elama, tama augwa si abe Daina te Sekemgo bede oda selama, tama augwali pali. ²⁷ Tama te Jekopgo gasa ogwa dabe augwali asama, tama te ela muani bidi dabe tede suali. Tama augwaligo te hanude wiegi yai nai tigidali selama, tama pali, magi baso meni, Sekemgo te hanude te kolesaga Dainade yali, te Israelgo gedude te wiegi yai me ebeo, dwai mu dao. ²⁸ Augwaligo te sipsip hani me, te bulmakau hani me, te donki hani sobadi yali, tama augwaligo te hanude me te gide elaluai nai dabe tigidali mu sela silai. ²⁹ Augwaligo te tigidali wiegi yai nai me, te augwaligo tigidali we wai me sali, tama augwaligo te be tomode munaluali tigidali doado bage me, te tigidali sela silama, tama augwali pai.

³⁰ Jekopgo Simeon de Livai augwali sibolo te po wai, "Dage sigo ena te dwai ilalio. Te tigidali we bidi tede bidalubo, augwali te Kenan hani me Peres hani, augwaligo te ena godolo ma egobeo. Eno bidi dabe te hauwa me elalube, tama te bidi dabe augwa hasi te deliba sisiniyu da, teda augwaligo ena dali, te eno we wai dabe dali tigidali ela silaibao," te po wai.

³¹ Tiali goli, augwali sigo te po wai, "Dago te bidi me deligo dago abe te penani we nogi sidali weyu, te dago me gogologobeo," wali.

Jekop te Betelba ma pali

35 Tama nosali Godigo Jekopbolo te po wai, "Nage hogodama, tama nage te Betelba pelama, tama nage teba osogo bidigi pao," wali. "Tama nago te Godibolo ofa yabo te alta sai me deli nigao, te God nageba pedelali, te naga ama Iso dali wi ebaso soali sogo, te God nageba pedelai," wali. ¹² Tialima, Jekopgo te aga we waibolo, me te augwali dali bidaluali we bidi tigidalibolo wai, "Dagego duga tibo god dabe tigidali te sela sayao. Dage te wę bugagia paluama, tama meda meni yai ugwa naga muao," wai. ³ "Te dago te bulu taga peyu, te da Betel teba holoyu, tama paibao. Tama eno te Godibolo te alta me deli nigaibao. Agai ena te sege elalubo sogo tau sali, tama ena menaba pali, teba aga ena dali bidali," wali. ⁴ Tialima, augwaligo te augwa tibo god dabe tigidali te Jekopbolo mawai. Tama te odode walali ring dabe me te augwaligo agabolo mani. Tama Jekopgo te nai dabe tigidali te Sekem pade te genuai ni page dologode pubulali. ⁵ Jekop dali aga ogomani augwali pepela wali. Tama Godigo te Sekem hanu pade bidalubo we bidi augwaliba te genuai wi pedalumainu ilama, tama augwaligo te Jekop dali me boi hwjabo homu eyu, pobeasa pabeo. ⁶ Tama Jekop aga hani dali augwali tigidali te bulu Lusba pali, te bulu gasa nogi me Betel wabo, te Kenan tı pedai badu elalubo buluba tama pali. ⁷ Tama agai te alta sai me deli nigilama, tama te bulu nogi poali, te Betel God da wali, magi baso meni, God aga digi aga te Jekopbolo waselai, te aga amade wi elama soali, te sogo aga ola mani.

⁸ Tama Debora, te Rebekago se polobadu yali we, aga isai, tama augwaligo aga te Betelde te genuai ni dologode pubulai. Tama augwaligo te ni nogi poali, 'Tede gela wali ni dao,' te po wai.

⁹ Te Jekop te Mesopotemiade bidali ma asobo sogode, God te agaba ma pedelama, tama agaba dwagi yai se pedelabo po te agabolo mawai. ¹⁰ Tama tiyu, Godigo agabolo te po wai, "Nago nogi Jekop dao. Tiali goli, megı da, te augwaligo nago nogi te Jekop ma nogi me wagobeo. Augwaligo nago nogi te Israel nogi yaibao," wali. Tama Godigo aga nogi te Israel poali. ¹¹ Tama Godigo agabolo te po wali, "Ena da, te Tigidali Bomo Mu Elalubo God dao. Nago te wai hauwa pedalumainu yao. Te nage hauwa we bidigo wı hani pedelama, tama te bidi dabe meba augwali te gavman tuni bidi pedelaibao. ¹² Te tı eno polobadu te Abra-

hambolo me Aisakbolo mani t̄, te megī eno nagebolo mobao. Tama eno nago hani wāj dabebolo me mawaibao.” †¹³ Godigo po miani silama, tama agai Jekop taga peyu, aga te dagaluba ma pai.

¹⁴ Tialima, Jekopgo te Godigo aga dali po miani pe-sagede te bobage masigi me deli selama, te ugwaba dodolama, muani. Tama agai te masigi daiba ugwadu te wain w̄ me, wel dali si te ofa tiwai elama gelali.

¹⁵ Tama tiyu, te bulu agai te nogi Betel ma poali. ††

¹⁶ Augwaligo te Betel taga peyu, tama augwali te Efrata teba painu yali. Augwali pedubadi, tama te Reselgo wai tega pabo sogo te pedelali. Tama aga dene genuai mu sai. ¹⁷ Te aga te tiwai genuai dene sabo sogo, te aga tau sabo wego agabolo te po wali, “Nage wi me elamuo. Te gasa ogwa wai me dao,” wali. ¹⁸ Tama p̄de Resel mu isainu ebode, tama agai te wai nogi Benoni poali. † Tiali goli, aga ayago aga nogi Benjamin poai. ††¹⁹ Resel isibaso, tama augwaligo aga te Efrataba pabo sunumide pubulali, te Betlehem hanu p̄de dao. ²⁰ Tama Jekopgo aga pubulali gū page homugo konealumainu tama masigi me deli dodolali. Tama te Reselgo d̄j̄ ilali te megī me elalubo dao. ²¹ Tama Israel pelama, tama te gasa bagego augwa sipsip tonalumainu eyu, bobage masigi be s̄wai madi, te bulu taga soyu, tama dwasianu pelama gana tama aga bidabo pesage nigai. ²² Israel tede bididubadi, tama Rubengo te aga ayago s̄ ebo we Bilha dali pagela piali. Tama Israelgo te tiali po odali.

Te Jekopgo ogwa dabe

Te Jekopgo ogwa dabe te nogo si olama, s̄aḡago si elaluai. ²³ Te Leago wai dabe e dao, Ruben, te Jekopgo gomunai ogwa da, tama Simeon, me Livai, me Juda, me Isakar, me Sebulun. ²⁴ Reselgo wai si elaluali, Josep me Benjamin. ²⁵ Bilha te Reselgo s̄ ebo wego te wai si elaluali, Dan me Naptali. ²⁶ Silpa, te Leago s̄ ebo wego te wai si elaluali, Gat me Aser. Jekop te Mesopotemia t̄de bidiyu, tama agai te wai dabe augwali ame nai.

Aisak isai

²⁷ Jekop te aga aya Aisak bidibo digi, te moni ni sili nogi Mamre, teba sabolali. Te bidi mebago te bulu nogi te Kiriāt Arba nogiyu, tama nosali te gasa nogi me elaluali, te Hebron nogi yali. Te bulu te Abraham me Aisak te polobadu bidai bulu dao. ††²⁸ Te Jekop aga Aisak dali nosali bidada peyu, tama Aisak te kibu be 180 bida silama, tama aga isai dao. ²⁹ Aga te monu dabe mu elama, tama mobo kegebo silama, tama aga isali hani bage dali bidigi pai. Tama aga ogwa si, Iso me Jekop, augwali sigo aga pubulai dao.

Isogo hani dabe

36 Te e da, te Isogo hani wai dabe, te augwaligo Idom nogi me poali. ² Isogo te Kenan we dabe sela sai, Ada te Elongo wegi, te Hit hani bidi me deli, tama Oholibama te Anago wegi, te Ana aga aya te Sibeon, te Hivi hani bidi me deli da, ††³ tama Basemat te Ismaelgo wegi, te Nebaiotgo abe da. †††

⁴ Adago te Elifas ame nani, te Isogo wai, tama Basematgo te Ruel ame nai. ⁵ Tama Oholibamago te Jeus, me Jalom, me Kora, te tama ame nai. Isogo te wai dabe te Kenan t̄ tede bidibadi ame nani.

⁶ Nosali Isogo aga ama taga peyu, tama aga hogodama, gasa buluba me pali. Agai te aga we wai me, te aga we wai dali bidali we bidi dabe dali sobadi, tama tigidali kibu hani sibi te agai Kenande sali nai dabe tigidali selama, tama augwali pali. ⁷ Te Jekop de Iso augwali si bidali t̄ te augwali sigo kibu dabe p̄aḡana selama, tama augwali si talua bidabo te usu me ebeo. Tama tibaso, Isogo Jekop taga peyu, ⁸ tama aga te Seir dabego bulu du dabe elalubo t̄ba bidigi pali. Idom te Isogo gasa nogi me dao.

⁹ Te Isogo nosali pedelali hani bage augwaligo aga gasa nogi Idom sali, tama augwali te Seir bulu du dabe elalubo bulude bidaluai. Augwali e tama pedelali po megī obao. ¹⁰ Te Isogo ogwa dabe, te augwali e dao, Elifas te Isogo we te Adago ogwa da, tama Ruel te Isogo we Basematgo ogwa dao. ¹¹ Te Elifasgo ogwa dabe, te augwali e dao, Teman, me Omar, me Sefo, me Gatam, me Kenas. ¹² Timna te Isogo ogwa Elifasgo nosali sali we, tama Timnago te Amalek ame nani. Te hani ogwa dabe augwali te Isogo we Adago wāj dabe da.

¹³ Te Ruelgo ogwa dabe, te augwali e dao, Nahat, me Sera, me Sama, me Misa. Te e dabe te Isogo we Basematgo ogwago hani ogwa dabe da.

¹⁴ Te Isogo we Oholibama agai ogwa Jeus, me Jalam, me Kora, te tama ame nani. Te e da te Oholibamago hani ogmani dabe, te bidi Anago wegigo wai dabe. Tama Ana aga aya te Sibeon dao.

¹⁵ Te e da, te Isogo wai hani dabe augwali te tobolu bidi dabe bidali. Te Isogo gomunai ogwa te Elifasgo ogwa dabe, te augwali e dao, te tobolu bidi dabe te Teman, Omar, Sefo, Kenas, ¹⁶ Kora, Gatam, Amalek. Te augwali te Elifasgo tobolu bidi hani dabe te Idom dabe da. Augwali te we Adago hani wai puluba te wāj dabe dao.

¹⁷ Te Isogo ogwa Ruel aga wai dabe te augwali e dao, te tobolu bidi dabe augwali Nahat, Sera, Sama, Misa. Augwali te Ruelgo tobolu bidi hani te Idom dabe da. Augwali te Isogo we Basemat tego wāj te wai dabe dao.

¹⁸ Te Isogo we Oholibamago ogwa dabe te augwali e dao, te tobolu bidi te Jeus, Jalam, Kora. Oholibama te bidi Anago wegi, tama Isogo we agai te tobolu bidi dabe ame nai.

† 35:12 Gag 17:4-8 †† 35:15 Gag 28:18-19 † Te Hibr̄u pogo te nogi Benoni te page elalubao, te “Eno denede sali ogwa da,” te wabo. †† Te Hibr̄u pogo te nogi Benjamin te page elalubao, te “Eno dolo nogo badu bidibo ogwa da,” te wabo. †† 35:27 Gag 13:18

††† 36:2 Gag 26:34 ††† 36:3 Gag 28:9

¹⁹ Te e da, te Isogo hani wai dabe, tama gasa nogi Idom, te augwaligo tobolu bidi dabe dao.

Te Seirgo hani dabe

²⁰ Te e da, te bidi nogi Seir aga ogwa dabe, aga te Hor hani me deli da. Tama te Hor hani bage augwali te Seirgo t̄pedaide bidai. Tama Seirgo ogwa dabe te augwali e dao, Lotan, me Sobal, me Sibeon, me Ana, ²¹ tama me Dison, me Eser, me Disan. Te bidi dabe augwali te Hor hanigo tobolu bidi hani dabe da, tama augwali te Seirgo wai dabe te Idom pedai badu dao.

²² Lotango ogwa si elaluali, Hori me Homam. Tama te wegi Timna te Lotango abe da.

²³ Te Sobalگو ogwa dabe, augwali te e dao, Alvan, me Manahat, me Ebal, me Sefo, me Onam.

²⁴ Te Sibeongo ogwa dabe, te augwali e dao, Aia me Ana. Te bidi Anago te talua ge w̄pedalubo te bidi meni yai madi pedalubo te aga aya Sibeongo kibu donki tonaluali sogo gegai dao. ²⁵ Te Anago wai dabe, te augwali e dao, te bidi Dison, me Oholibama, te Anago wegi dao. ²⁶ Te Disongo ogwa dabe, te augwali e dao, Hemdan, me Esban, me Itran, me Keron.

²⁷ Te Esergo ogwa dabe, te e dao, Bilhan, me Savan, me Akan.

²⁸ Disango ogwa si yali, Us me Aran.

²⁹ Te e da te Hor hanigo tobolu bidi hani dabe da, Lotan, Sobal, Sibeon, Ana, ³⁰ Dison, Eser, Disan. Augwali te Seir t̄pedai badu te Hor hani deli deligo tobolu bidi hani dabe dao.

Te Idom tuni bidi dabe

³¹ Te Israel dabe augwa hani tuni bidi king menibadi, tama te Idom bagego gavman tuni bidi king dabego te Idom pedai badu tonaluai. Augwali e tiwai pedelali.

³² Bela te Beorgo ogwago te Idom tonaluali. Te aga king s̄eyu bidali hanu nogi da, te Dinhaba.

³³ Te Bela isibaso, tama te Jobap, te bidi Serago ogwago, te aga te Bela tuni bidi s̄ede hasegelama, bidali. Bosra te bulu te Jobapgo page bulu dao.

³⁴ Tama nosali Jobap isibaso, tama Husamgo te aga hasegelama, tama tuni bidi pedelali. Husam te Teman pedai badu bidi dao.

³⁵ Husam isibaso, tama Hadat, te Bedatgo ogwa, te aga tuni bidi pedelali. Hadatgo te Midian hani dali te Moap t̄pede boi hw̄nama, tama te Midian dabe aiyaba elaluali. Avit hanu te Hadatgo king s̄eyu bidali hanu dao.

³⁶ Te Hadat isibaso, tama Samlago te aga s̄eyu hasegelama sali. Samla aga te Masreka bulu bidi.

³⁷ Tama Samla isibaso, tama Saulgo te aga tuni bidi s̄eyu sali. Saul aga te Rehobot hanu bidi, te hanu te w̄nogi Yufretis sesegede elalubo hanude bidali.

³⁸ Saul isibaso, tama Balhanan, te Akbor tego ogwa, aga te tuni bidi s̄eyu sai.

³⁹ Tama Balhanan te Akborgo ogwa isibaso, tama Hadatgo aga te s̄eyu selama, bidai. Pau te aga te king s̄eyu bidali bulu da, tama aga te we Mehetabel sali, te

we nogi Matretgo wegi da. Tama Matret te Mesahapgo wegi dao.

⁴⁰⁻⁴³ Te e da, te Iso hani dabe tobolu bidi dabe da, Timna, Alva, Jetet, Oholibama, Ela, Pinon, Kenas, Teman, Mipsar, Makdiel, Iram. Te augwali te Idom tobolu bidi hani dabe da. Idom te Isogo gasa nogi me, tama Iso te Idom hani nogi aga aya dao. Te augwali tigidali deli deli te augwa bulu elalubao, tama augwa hanide te augwali tobolu bidi dabe dao.

37 Jekop te aga aya polobadu biliyu bidali bulu, te Kenan t̄pede bididuai. Te Jekop aga ogomani dali augwali bidibadi, tama e tobage kolesaga augwalide pedelali. Odao.

Josep aga ama dede dabe dali

² Josep te gesi ogwa bidi, te agai kibu be te 17 kibu be elaluali. Tama aga ama dede meba augwaligo te kibu sipsip me meme tonaluali, tama Josepgo augwali tau sali. Te aga ama dede augwali te s̄eyu ebo we Bilha me Silpa sigo ogomani, te augwali si aga ayago we si da, te aga paba si dao. Tama agai te aga ayabolo te aga ama dedego dwai kolesaga ebo po weyu yai.

³ Israelgo te Josepde wiegi yai homu pemene mu ebo tiwai te aga gasa ogomani dali wiegi yai homu ebo tiwai me ebeo, magi baso meni, idago te Israel monu dabe ebo sogo Josep ame nani. Tama agai te wiegi yai au yai ugwa nigilama, tama agai te Josepbolo mawai. ⁴ Te aga ama dedego suali, te ayago Josep dali wiegi yai homu pemene mu eyu, tama augwali te godolo kuna me ebe. Tama tibaso, augwaligo dwai homu mu te Josep dali elama, tama augwaligo abagi homu eyu, wiegi yai po aga dali me wabeo.

⁵ Tama me sogo deli te Josepgo na elama, tama agai te na yali te aga ama dede dali pusali. Tama augwaligo odama, tama augwaligo homu dwai mu elaluali. Magi baso meni, ⁶ Josepgo te na yali pusuyu, te po wai, "Dagego eno na yali po odao," wali. ⁷ "Da tigidali te wit gide bidaluyu, tama te wit dunu pali. Tama eno duani te hogodama, tama dolo dolugulali. Tama dagego duani nai dabe dolaluyu, te eno duani nai te bagulama, tama teba kidu sugunani," wali.

⁸ Te aga ama dedego agabolo te po wali, "Nago homugo te nage dago tuni bidi pedelama, tama da tonaluaninogo ebawe?" Tama aga ama dede augwaligo te na yali po odama, tama augwaligo aga dali s̄eyu mu yai.

⁹ Tama nosali Josepgo na ma elama, tama agai te po aga ama dabe dali pusali. Agai te po wali, "Odiq̄, eno gasa na ma ebo suali, tama eno te giliga de polua si, me te nogo si olama, s̄aḡago deli te h̄q̄ dabe, augwali te enaba basi gulama, kidu sugunidu geai," wali.

¹⁰ Agai te na yali po te aga aya dali, me te aga ama dede dali pusubadi yali. Tama aga ayago aga dali wado po olama, te po wali, "Te magi yai na dawe? Nago homugo ena, naga ida dali, me te naga ama dede dali, te da aselama, te nage gesabidiba kidu sugunama, basia gulagasomainu ebawe?" ¹¹ Tama Josep aga ama

dedego aga dali haliga husugu yali, tiali goli aga ayago te po tigidali aga homude munalualio. †

Te Ismael dabego Josep abelama, tama Isipba pali

¹² Nosali te Josepgo ama dede augwali te augwa aya-go kibu sipsip tonalugi peyu, te Sekemba pali. ¹³ Tama Israelgo Josepbolo te po wai, "Naga ama dede augwali te Sekem bulu pađe te kibu sipsip tonalu bidibao. Nage sisi elama, eno nage te augwali bidalubo digi tagala palaibao," wali. Josepgo te tiwai po wei ponani, "Ena sisi yai dao."

¹⁴ Tama ayago te po wali, "Nage te naga ama dede bidiboba pelama, tama augwali sugi pao, te augwali bugagia bidibowe, ma meniwe? Tama nago te sipsip dabe me suyu, te augwali usu elalubowe, ma meniwe? Te augwali sulama, teda nage ma ena bidibo madi asiyu, tama enabolo wagameo," wali. Te aga aya Jekop te Hebron hanu odogo t̄đe bidiyu, tama te Josep tagala palali.

Josep digibulu pelama, tama te Sekem t̄ba sabolama, ¹⁵ tama aga tede augwali gegeyu, bagula biliduali. Tama bidi me deligo aga subaso, tama agabolo hanalu wali, "Nago magi nai gegebawe?"

¹⁶ Tama Josepgo te po wali, "Eno te ena ama dede gegebo s̄ ebao. Nago enabolo te augwali mena badu te sipsip tonalubo po waibawe?"

¹⁷ Te bidigo agabolo te po wai, "Augwaligo e bulude bidali taga pai dao. Te augwali te Dotanba paiba po wabo eno odali." Tama Josep te aga ama dede pali wali nosali digibulu ma pelama, tama augwali te Dotande bidibo suali.

¹⁸ Aga te digibulu digi asobadi, tama aga ama dede augwaligo aga suali. Aga te pāba asis̄abadi, tama aga ama dedego aga elabo po minama, dāu wali. ¹⁹ Augwaligo te augwa hasi tomode po minama, tama te po wai, "Te na ebo koneai bidi te asobao," wali. ²⁰ "Polo tama, dago aga ela munama, tama aga tigi te ulu sigi āj elaluai madigi dedage me deli teba sāwaibao. Te nosali dago te po waibao, 'Te genuai uni hasa me deligo aga elama, tuali,' po waibao. Tama agai na yali s̄ mu pedelaibawe, ma meniwe, te dago koneaibao," augwaligo tama po wali.

²¹ Rubengo te po dabe augwaligo mibo po odama, tama agai Josep tau sainu yali. Tama agai te po wali, "Dago te aga me ela mugobeo. Menio. ²² Te dagego aga kaneme me geligobeo. Te aga te e bidi meni yai bulude elalubo t̄ dedageba sāyagameo. Tiyu, dagego aga dolamuo," wali. Rubengo homugo te Josep tau sabo homu elama, tama aga te aga aya bidibo madi nosali ma tagala palainu, tama agai te po wai dao.

²³ Tama Josep te aga ama dede bidibo madi teba salubadi, tama polo augwaligo aga pageabi elama, tama augwaligo bomonama, te wiegi yai au yai bobage ugwa te dia sāwani. ²⁴ Tama augwaligo aga sela pelama, te w̄ sula sai t̄ dedage me deli elalubo madi teba tula palai.

²⁵ Tama nosali augwali dugulama, tama toma neyu, nai tuali. Te augwali nai tuyu bidalubadi, tama augwaligo te Ismael bidi hani aselabo suali, te gasa nogi me elalubo te Midian bage dao. Augwali te Gileat tedu aselama, tama te Isipba painu soali. Tama augwaligo kamelgo te gasagi yai denami ebo ni kaneme, me te haniani sanda dabe, te sela soali, magi baso meni, augwali te Isipba pelama, tama tede te augwa dobu si ebo bisnis s̄ yaibao. ²⁶ Tama Judago aga ama dede-bolo weyu, te po wali, "Te dago dena ama elama, tama dago geme dualubo s̄ eyu da, te dago mena dwagi yai nai agade sogowe? ²⁷ Te dago aga e Ismael hanibolo menama, tama dago mone sinao. Te kolesaga eyu da, te dago aga me dologobe. Aga te dago ama, tama dago deli kaneme mu dao." Tama te ama dedego te po usu da po wali. ²⁸ Te Midian bisnis bidi meba teba asobaso, tama augwaligo Josep te t̄ dedagede selama, tama aga te Ismael dabebolo mani. Te Ismael dabe augwaligo Josep te mone ge bidi sese deli, te 20 silva monego abelama, tama augwaligo aga te Isipba selasa pali. ††

²⁹ Nosali te gomunai ama Ruben te ma aselama, te t̄ dedageba tonani, tiali goli Josep tede me bidibeo. Aga te homu dene elama, tama aga gudali ugwa piša yali. ³⁰ Aga te ama dede bidibo madi pelama, tama te po wali, "Te ogwa Josep tede bidibeo! Te eno magi s̄ megi yaibawe?" ³¹ Nosali te aga ama dedego te meme me deli elama, tama augwaligo te Josepgo gudali ug-waba te kaneme muai. ³² Tama augwaligo te ugwa te augwa ayaba sela pelama, tama augwaligo te po wali, "Dago e ugwa gegali. Nago suo. Te ugwa te nago og-wago ugwa dawē, ma meniwe?"

³³ Ayago te ugwa sulama, koneyu, tama te po wai, "Awe. Te ugwa te Josepgo ugwa dao. Te dwai uni hasa me deligo aga elama, tama aga tigidali tula silai su-alio," wali. ³⁴ Tama Jekopgo aga ugwa pisilama, tama agai te dwai olo ugwa te aga ogwade homu dene ebo te ola mayu ebo, te ugwa gudali. Tama agai te wai hagede gela wabo te sesabi elama, mu wai. ³⁵ Te tigi-dali ogomani, wegi mani me aselama, tama augwaligo te aga homu te wiegi yai ma ilabo po wagasali. Tiali goli, agai te wei mu isiama, tama te po wai, "Eno aga hagede gela udubadi, te ena aga dali te isali bidi dabego ḡ pageba bidigi peyu, usu naibao," wali. Tama aga ogwa Josep hagede te gela naga udu bididualio.

³⁶ Tama tidubadi, te Isipde te Midian dabego Josep te Isip tuni bidigo ofisa bidi me deli, te Potifarbolo mani, tama agai Josep te monego mu abelai. Potifar te Isip tuni bidigo genuai be tonalubo ami bidi dabe augwali tonalubo bidi dao.

Juda me Tamar

38 Tama te sogo Juda te aga ama dede taga peyu, tama te Hira dali bidigi pali, te Adulam bidi me deli da. ² Tama Judago te we me deli suali, te aga bidi me deli Kenan bidi Suago wegi dao. Agai te we sela-

† 37:11 Tpi 7:9

†† 37:28 Tpi 7:9

ma, tama aga dali pagela piali. ³ Tama te we tabi elama, tama ogwa me deli ame nani. Tama Judago aga nogi Er poai. ⁴ Nosali te wego tabi ma elama, tama gasa ogwa me ame nani, tama agai aga nogi Onan poai. ⁵ Tialima, nosali te wego ogwa me deli ma ame nenama, tama aga nogi Sela poai. Juda te Kesipde bidibadi, tama aga wego te Sela ame nani.

⁶ Nosali Judago te aga gomunai ogwa Ergo we me deli gegali. Aga nogi te Tamar dao. ⁷ Tama Ergo kole-saga te Yawe gedude dwai ebaso, tama Yawego aga isilali. ⁸ Tialima, Judago Onanbolo te po wai, "Nago te naga amago we dali piao. Te nago ama isali, tama agai wai meni. Te dago kolesaga te tiwai nago te naga amago we selama, tama aga nogide te wai ame nao. Tama te naga amago wai hani elaluaibao," wali.

⁹ Tiali goli, Onango koneani, te wai dabe te agai wai dabe meni, te homu yali. Tama aga te we dali piali sogo, agai wə te tōba olo madi gelali. Tama aga amago hani wai dabe me elalubeo. ¹⁰ Te kolesaga Onango te Yawe gedude dwai ebaso, tama Yawego aga me isilali.

¹¹ Tama nosali Judago te aga wəj we Tamarbolo te po wai, "Nago bidi isalio. Tama nage te nago ayago beba ma pelama, tama nage wilawe we bidigi pelama, te eno ogwa Sela genuai ebo teba usu naibao." Aga wi elama, tama po wali. Tiyu, te Sela me te aga ama si isali tiwai gilama idalio. Tialima, Tamar te aga ayago beba ma pelama, tama bididuali.

¹² Tama me sogo nosali te Judago we isali, te aga Suago wegi da, aga me te isali. Judago te homu dene ebo sogo silama, tama aga te Timna buluba peyu te bidi dabego aga sipsip nisi togobo pesageba pali. Te aga abagi Hira te Adulam bulu bidi aga dali pali. ¹³ Te bidi me deligo te we Tamarbolo wali, "Te nago bidigo aya, nago wəj, te Timna buluba peyu, te sipsip nisi togogi soyu, soali," te po wai. ¹⁴ Tialima, Tamargo te aga bidi isali te konemainu te muani ugwa te peda şana-ma, te gasa ugwa hasegelama muani. Tama agai gesabidi te sesela selama, te dwasianu ugwa name munama, tama te Enaim hanu soabo sunumi tunu si age tede dulaluali, te Timna sunumi teba pabo pesage elaluali. Agai koneai, te Sela te genuai yali, tiali goli augwaligo te Selago te Tamar sabo po te dodolisiəwai.

¹⁵ Judago te sipsip nisi togobo şə sula silama, tama beba ma pobadi, agai te we sulama, tama agai homu-go te penani ebo we da, te homu yali, magi baso meni, te wego gesabidi te dwasianu ugwa namego halua sai elaluali. ¹⁶ Aga te we te sunumi sesegede bidibo madi pelama, tama agabolo te po wali, "Ae, polo tama, ena nage dali piabo homu ebaso." Tiali goli, Judago te aga wəj we da, te homu isiəyu, tama agai me konebe. Tama te wego te po wali, "Te nago magi nai hasia te enabolo mawaibawe?"

¹⁷ Judago te po wali, "Eno te meme elalubo, tama te ogwa bidi me deli eno te nageba tolaibao."

Wego te po wali, "Te usu da, tiali goli nago te meme enaba tolabo te po daş walobo daş ilibo nai me deli te enabolo mao," te po wai.

¹⁸ Tialima, Judago te po wali, "Te eno magi nai te po daş waliyu, eno nagebolo magawe?"

Tama wego te po wali, "Te naga te nogi aşəbo nai me, aga naga dogonide walobo bono me, te megi nago tolalubo te tolasa bilibo au yai dono me, te enabolo mao," wai. Tialima, Judago te nai dabe te webolo mani. Te augwa si te sogo pagela pilama, tama nosali te we tabi yali. ¹⁹ Tialima, Tamar hogodama, tama palio. Tama agai te aga gesabidi halualuali te dwasianu ugwa name peda şana-ma, tama te aga bidi isai da olama, te bidigo konemainu mubo ugwa te ma muani.

²⁰ Judago te ogwa bidi meme te aga abagi Adulam-bolo menama, tama aga tagala palama, agai te webolo mani doado bage te ma sigi pelama, sesemainu yali. Tiali goli, agai te we gegali, te me subeo. ²¹ Tama agai te bulu bidi dabebolo hanalu wali, "Te Enaim te sunumi tynu age side te penani we bidali, te menade bidibawe?" Tama augwaligo te po wali, "Te penani we me deli te badu me bidibo menio." ²² Aga te Juda bidibo madi ma geasa pelama, te po wai, "Eno te we me gegebeo. Tama te bulu bidi dabego te po wali, 'Te penani we deli te badu me bidibo menio,' te po wali."

²³ Tialima, Judago te po wai, "Tagalao. Te nai aga tolasa bilimainao. Nago te ma gegelamu. Tiyu, te bidi dabego da si gisugu mayabuo. Eno te meme ogwa bidi te weba tolali. Tama nago gegali, tiali goli te nago me subeo," wali.

²⁴ Tama te polua sela bidai digi, tama augwaligo Judabolo te po wali, "Te nago wəj Tamar te penani wego ebo şə elama, tama megi te aga tabi elalubao," wai.

Tama Judago te tiwai po bomu yali, "Te aga buluba sela solama, tama aga te siaba ulama, te aga isimainao," wali. ²⁵ Te augwaligo aga sela pabo sogo, agai te aga wəj wali ayabolo po ola tolai. "Ena te tobage doado bage tolalubo bidide te ena tabi yali. Te e nai dabe te bugagia osolama yao, te daş ilibo nai, me te bono, me te tolasa bilibo au yai dono, te tama nai elalubao. Te tama doado bage te dego dawə?"

²⁶ Judago te nai dabe sulama, koneyu, tama agai te po wai, "Eno tama te dwai şə yali. Te wego dwai şə meni yani. Aga te eno ogwa Selago saiba wai. Tiali goli, eno te augwali si sabo po dodolisiəwai." Tama tibaso, Juda te aga dali me pibeo.

²⁷ Tama nosali te Tamargo wai ame nainogo ebo sogo, augwaligo koneani, te aga tabide wai si elaluali.

²⁸ Te ame nabo sogo, te wai me deligo nogo te polasa teda soali. Tama te tonalubo wego te nogo tola selama, tama te mama ugwa pedai dwasianu te nogode keşani. Tama agai te po wali, "Te wai bolo hasia pedelai dao," wali. ²⁹ Tiali goli, te waigo nogo te ugwaba ma kega selama, tama aga ama me bolo te hasia ame nani. Tialima, te tonaluali wego te po wai, "Magi yaliwe? Nago te hani si pedelama, tama bomonama, nage bolo te hasia ame nani dawə?" Tama tibaso, augwaligo aga nogi te Peres poai. ³⁰ Nosali te aga ama te mama

† Te Hibru pogo te nogi Peres te page elalubao, te "bomonama buluba asali," tama wabo.

ugwa pedai nogode kɛnani, te me ame nani. Tama augwaligo aga nogi te Sera poali. †

Josep me Potifargo we dali po

39 Te Ismael dabego te Josep Isipba odasa pelama, tama te bidi me deli aga nogi Potifar, tego aga abelai. Potifar te Isip bidi me deli, tama te Isip tuni bidigo sɛ ebo ofisa bidi me deli da. Agai te ami bidi dabe te Isip tuni bidigo genuai bede tonaluali. ² Yawe te Josep dali bidibaso, tama agai yali sɛ tigidali te wiegi yai naga pedelali. Josep te Potifargo bede sɛ eyu bidali. †³ Tama Potifargo sulama, koneani, Yawe te Josep dali bidiyu, tama tigidali sɛ Josepgo yali te dwagi yai naga pedelali. ⁴ Tama agai te Josep dali wiegi yai homu pemene mu elama, tama agai te Josep te aga digi pade bidibo tau sabo bidi nigilali. Tama tibaso, Potifargo Josep te agai bede tigidali doado bage tonalumainu muani. ⁵ Tama te sogo Yawego te Isip bidi Potifargo hani dabe dali dwagi yai sɛ ebo gagalali, magi baso meni, te Josep augwali dali bidali. Yawego te tigidali doado bage, me tigidali we bidi te Potifargo bede bidalubo, me te tigidali gide elalubo nai dabe, te hauwa mu pedalumainu te dwagi yai tau sabo sɛ yali. ⁶ Tialima, Potifargo te agai doado bage tigidali tonalumainu Josep te tonalubo bidi nigilali. Tama aga digi te magi nai me deli tede te agai homu me ebeo. Menio. Agai te aga tubo naide naga homu yali.

Tialima, Josepgo tigi te wiegi yai mu elama, tama gasagi yai sawi yai bidi mu pedelali. ⁷ Tama pade digi tama Potifargo wego te Josep gedu eyu, tama pesa yalima, tama agabolo te po wai, "Nage ena dali pagela piagasao," wali. ⁸ Tiali goli, Josepgo te hagela elama, tama agabolo te po wai, "Te ena tonalubo genuai bidigo ena te bede te tigidali doado bage tonalubo bidi nigilali, tama agai te magi nai me delide te homu me ebo menio. ⁹ Eno te bede te aga bomo tiwai digi te eno elalubao. Tama agai te magi nai me deli te enabolo me habu selibeo, nage deli naga, te nage agai we da. Magi baso eno te tiwai dwai kolesaga yaibawe? Te eno tama tiwai dwai sɛ ebaso da, teda eno God gedude dwai sɛgɛ saibao," wali. ¹⁰ Tama tigidali bidibo sogode te wego Josep te aga dali piagasa wabo po hanalubo sɛ iduali. Tiali goli, Josepgo te agai wabo po me odama, tama aga dali me pisama, tama aga te aga paba me pabeo.

¹¹ Te me sogo deli Josep te be tomoba aga sɛ yainu pali, tama te sɛ ebo bidi me deli tede me bidisiɛwai.

¹² Tialima, Potifargo wego te Josepgo ugwa tola selama, tama agai te po wai, "Nage ena dali piagasao," wai. Tiali goli, agai holobo ugwa te wego nogode tolalubadi taga peyu, tama aga wi soyu, te bedu buluba soali.

¹³ Te wego te Josepgo aga ugwa taga peyu, tama wi pabo suali, ¹⁴ tialima agai te bede sɛ ebo bidi dabeba i weyu, tama te po wai, "Dagego suiɔ! Eno bidigo te Hibru bidi te dago beba odasa bidali bidigo tama megii

agai dwai kolesaga te dabolo yainogo yali. Aga te ena pibo be habu badu asama, tama agai te ena nogo tualama, dwai sɛ yainu yali. Tiali goli, eno bomo elama, po daga walio. ¹⁵ Tialima, agai te eno hai wabo odama, tama agai ugwa te eno pagede taga peyu, tama aga te bedu buluba wi pai," te wego te po wai.

¹⁶ Tama te sogo pio Potifargo wego te Josepgo ugwa tolalubadi, te aga tonalubo bidi te beba sabolali.

¹⁷ Nosali agai te po aga bidibolo pusuyu, te deli tobage po naga wali. Agai te po wai, "Te Hibru bidi, te olo sɛ ebo bidi, te nago dago beba odasa bidali bidi, agai te ena pibo be habuba asama, tama agai dwai sɛ ena dali yainogo yai. ¹⁸ Tiali goli, eno hai obaso, tama aga ugwa ena pagede taga peyu, tama buluba wi pai," wali.

¹⁹ Te wego te po pusuyu, tama tiwai po wali, "Te nago sɛ bidigo ena dali tama tiali." Tialima, Josep tonalubo bidigo odama, tama agai sɛbɛ dwai mu yali. ²⁰ Agai po obaso, tama te ami bidi dabego Josep nogo dunama, tama aga kalabusiba muani. Augwaligo aga te gavman tuni bidigo te dwai sɛ yali bidi dabe kalabus ilama bidibo madi, te Josep teba kalabus ilama muani. Tama aga tede bidaluali. ²¹ Tiali goli, Yawe te Josep dali bidiyu, tama agai aga dali dwagi yai sɛ yali. Tama tiyu, Yawego te kalabus tonalubo bidigo Josep dali wiegi yai homu pemene emainogo yali. †²² Tama tibaso, agai te Josep te tigidali kalabus bidi tonalubo bidi nigilali. Tama Josepgo te tigidali kalabus bidi dabego ebo sɛ tonalubo sɛ yali. ²³ Yawe te Josep dali bidiyu, tama aga tau sobaso, tama agai tigidali sɛ yali te dwagi yai naga pedelali. Tama te kalabus tonalubo bidigo te Josepgo tonalubo sɛde te agai homu si me ebeo.

Josepgo te na yali po page haninani

40 Tama bidali sogo dwasianu sesabi gana elama, tama te bomai aɟ wain tonalubo tobolu bidi, me te bret nigibo be tonalubo tobolu bidi, augwali sigo te Isip tuni bidi Fero dali dwai sɛ me deli yali, aga te augwali sigo genuai bidi dao. ² Fero te sɛ tonalubo bidi si dali sɛbɛ elama, ³ tama agai augwali si te ami bidi dabe tonalubo bidigo be teba muani. Augwali si te Josep augwaligo kalabusiba muani madi te kalabus beba naga muai. ⁴ Tama te ami bidi dabe tonalubo bidigo te Josepgo te tobolu bidi si tau mabo bidi nigilali. Augwali si te sesabi elama gana te kalabuside bidama, ⁵ tama me sogo hulide, te wain sɛ tonaluali tobolu bidigo, me te bret nigibo sɛ tonaluali tobolu bidi, te Isip tuni bidigo sɛ yali bidi sigo na yai. Te deli deligo na yali te na page me elaluali. ⁶ Tama Josep te augwali si bidibo madi kigamu sabolali, tama agai te augwali si te homu sɛgɛ elalubo suali. ⁷ Tama agai augwali sibolo hanalu wali, "Magi baso te dage si homu sɛgɛ elalubawe?"

⁸ Augwali sigo te po wai, "Da sigo te na yai. Tama ede te bidibo bidi mego te na yali po page da sibolo pusabo te meni yani," wali.

† Te Hibru pogo te nogi Sera te page elalubao, te "mama yai nai elalubo," tama wabo. †† 39:2 Tpi 7:9

‡ 39:21 Tpi 7:9

Tama Josepgo augwalibolo te po wai, "Godigo naga te na yali page dabolo ola mabo usu dao. Tialima, dage sigo te na yali po enabolo waiqo," wali.

⁹Tama tibaso, te wain tonalubo tobolu bidigo te na yali po pusali. Agai te po wai, "Te eno nade, eno te wain nigabo du walobo bono me deli suali. ¹⁰Tede te nologo sela elaluali. Te yabe dabe pedelama, tama polo te dudili pedelama, tama te ni wain du walama, tama tigidali tau ela silai. ¹¹Eno te Ferogo kap tuali. Tialima, eno te wain du dabe selama, tama eno nogo pegelama, tama aga wę te kapba tabilama, tama eno te Ferobolo mani," wali.

¹²Josepgo te po wali, "Te na page e tiwai dao, te wain nologo sela wali, te sela sogo bodolu mani. ¹³Te sela sogo wali silisiq̄badi, tama Ferogo nage ma saga-saibao. Tama agai nage, te naga yali sęba ma muaibao. Te nago hasia polobadu te wain sę tonalubo tobolu bidi bidiyu, te nago wain tuabo kap te Ferobolo mani tiwai gilama, te nago te wain wę kap te Ferobolo mawaibao," Josepgo te po wali. ¹⁴"Te nage bugagia bidibo sogo, nago ena homugo konea palao. Nago ena homu dene elama, tama eno nogi Ferobolo olama, ena e kalabuside bidibo tagalumainao. ¹⁵Magi baso meni, te hasia mu te bidi dabego ena te Hibru dabego bulude te olo sę ebo bidi tiwai elama, wi sela asali. Te megı e tq̄de me, te eno magi sę me deli isiq̄badi, te ena augwaligo e kalabusiba muani," te po wai.

¹⁶Te bret nigibo be tonalubo tobolu bidigo te na page odali te wiegi yai ebaso, tama agai Josepbolo te po wali, "Eno me eno na yali. Te na tama tiwai yali, te eno tobolude te basket sela tolali, tama te tobage te plaua dabe nigali bret te paq̄q̄wai. ¹⁷Te ugwadu polaluali basketde te tobage tigidali te bret me bisket te paq̄analuali, te Ferogo wei ebo nai dao. Tiali goli, te ba dabego te bret dabe tubo sę yai," te bidigo te po wai.

¹⁸Tama Josepgo te po wali, "Te na yali page te e tiwai dao, te sela wali basket te sela sogo bodolu mani. ¹⁹Te sela sogo bidali silisiq̄badi, tama Fero agai nage te kalabus bedu dogoni mage togwaibao. Tama agai nage tigi te ni me deli walama, tama te ba dabego nago tigi mi tuagasaibao," Josepgo te po wai. ²⁰Te sela sogo wali pedelama, tama Ferogo te tigidali sę ebo bidi dali te aga idago aga ame nani bodolu side te genuai nai da ulama, tuainu yali. Tama agai te wain tonaluali tobolu bidi, me te bret ulubo be tonalubo bidi me, te augwali si oda selama, tama augwali si te aga sę ebo bidi dabego geduba dolaluagasali. ²¹Agai te wain sę tonalubo tobolu bidi te aga sęba ma tagala palali. ²²Tiali goli, Ferogo te bret ulubo sę yali tobolu bidi te niba walali. Te sę dabe pedelali, te Josepgo augwali sigo te na yali po page pusali sogo te wali po tiwai gilama yali.

²³Tiali goli, te wain sę tonalubo bidigo te Josep homugo kone me ebeo. Agai homugo te aga homu dene mu gegeda palali.

Josepgo te Ferogo na yali po page pusa mani

41 Te kibu be si bidama, tama Ferogo na yai. Agai te tiwai na yai, aga te moni pabo wę Nail paq̄de dolaluali. ²Tama te a naga olama, me badu si te nisai kibu bulmakau te węde pedelama, tama augwali te wę paq̄de nosai tudali. ³Nosali te gasa nogo a naga, me badu nogo si bulmakau te węde pedelai. Augwali te nomona selama, tama augwali tonobo te usu meni yani. Augwali aselama, tama te gasa bulmakau hani bidibo madi te wę sesege paq̄ba dolaluagasali. ⁴Nosali te nomona sali bulmakau dabego te nisali bulmakau te a naga olama, me si te ela tuali. Tama tiwai na ebaso, tama Fero aga pila muani tagalama, te hodaluai.

⁵Tama nosali te aga ma pilama, te agai na ma yali. Te me na yalide te agai suali, te yuyu a naga olama, me si, te yuyu deli dilide pedelali. Augwali te genuai elama, tama ina yani. ⁶Nosali te gasa a naga olama, me badu si yuyu te pedelali. Augwali te dwasianu ebaso, tama te bulude posolo yai waligo te augwali ulali. ⁷Te nomonasi sia dabego te nisali yuyu a naga olama, me badu si te sia gego paq̄q̄wai te nomonasi yuyu dabego augwali dalali. Tialima, megı da, te Fero hodaluama, tama agai te na yalide homu elama, agai koneani.

⁸Tama kigamu aga moni homu elama, tama agai te Isip dabe te kolesaga konea pai bidi dabe, me te geme dualali nai dabe subo bidi dabe me, augwali i wali. Agai te na si yali po te augwalibolo wali, tiali goli te na yali page pusabo bidi me deli te usu meni yai. ⁹Nosali te wain tonalubo tobolu bidigo Ferobolo te po wali, "Te megı e sogo tama te eno dwai sę yali po me pusubao. ¹⁰Polobadu nago te naga sę bidi dabe dali wado po olama, tama nago ena dali, te bret ulubo sę tonaluali tobolu bidi, da si te kalabus bidi tonalubo bidi dabego beba da si kalabus muani. ¹¹Tama me sogo hulide te da si piai digi te na yai. Tama da sigo na deli deli yali te aga page tedali elaluali. ¹²Tama te Hibru gesi bidi me deli te da si dali bidai. Aga te ami bidi dabe tonalubo bidigo olo sę ebo bidi bidai. Tama da sigo te na yali po dabe agabolo wali. Tialima, agai te da sigo na yali po page hanilama, tama agai te da sigo na yali po page pusai. ¹³Tama agai te po wali tiwai gilama, te sę dabe pedelali. Ena te ena yali sęba ma asiyu, tama te bret ulubo tonalubo tobolu bidi te augwaligo aga te nide walali," wali.

¹⁴Ferogo te Josep i obaso, tama polo augwali te kalabus beba pelama, tama aga oda sigi pai. Josep te penane nisi poalama, tama aga ugwa hasegelama, gasa ugwa gudama, tama aga te Fero bidibo digi pali. ¹⁵Tialima, Ferogo Josepbolo te po wali, "Eno na yai, tama te na yali po page pusabo bidi meni yai. Te bidi dabe augwaligo te po wai, te nago na yali po odobaso da, nago te na yali po page pusubo usu ebo da po wai."

¹⁶Tiali goli, Josepgo te po wai, "Ena digi eno usugobe, tiali goli Godigo da nage dali dwagi yai sę eyu, agai nagebolo te na yali po page ola mabo usu yaibao," wai.

¹⁷ Tama Ferogo te po wali, “Eno na ebadi, ena te wẹ Nail sanede dolaluali, ¹⁸ tama eno te nisai bulmakau te a naga olama, me si te wẹde pedelama, tama augwali te wẹ pade nosai tubo gagalubo suali. ¹⁹ Nosali te gasa a naga olama, me si bulmakau te pedelali. Augwaligo tigi pobeai sai, tama augwali te nomona selama, tama tonani mu dwalio. Eno te tobage tiwai bulmakau dabe te Isip badu te dwai me sube. ²⁰ Te nomonasi bulmakau dabego te nisali bulmakau dabe ela tuali. ²¹ Augwaligo tuali, tiali goli augwaligo te tuali aq me ebeo. Menio. Augwali te polobadu tonani tiwai gilama, te dwai mu elaluali. Tama nosali ena pila muani tagalama, hodaluai.”

²² “Tama nosali ena ma pilama, tama ma na yali. Eno te deli yuyu pagede te a naga olama, me si yuyu te pedalubo suali. Augwali te genuai holama, tama ininama, tau yali. ²³ Nosali te gasa a naga olama, me si te yuyu sia pedelali. Augwali te dwasianu holama, tama te bulude posolo yai waligo augwali ulama, tama sasia pali. ²⁴ Te pua pai bugagia holisiqani te yuyu sia dabe augwaligo te pua pai bugagia holali yuyu sia dabe, te ge paqawani sia te augwaligo augwali dalali. Eno te na te dualali nai subo konebo bidi dabebolo pusali, tiali goli niwai bidi deli mego te na page pusabo te usu meni yai,” Ferogo te po wai.

²⁵ Tialima, Josepgo Ferobolo te po wali, “Te na si page te deli tiwai tobage naga yali. Godigo nageboto te agai tamadi yabo se ola mani. ²⁶ Te nisali bulmakau a naga olama, me si, te kibu be a naga olama, me si dao, tama te wiegi yai yuyu sia dabe me te tiwai, te kibu be a naga te me si tama. Augwali te page deli tiwai elaluali. ²⁷ Tama te nomona sai bulmakau nosali pedalubadi, tama te hagana wai yuyu sia me te pedelama, tama te posolo yai waligo te hagana wai yuyu sasia ilali, te tiwai augwali te kibu be a naga olama, me badu si te nasi yabo kibu be pedelaibao,” wali.

²⁸ “Te tiwai eno nageboto te po walio, Godigo te agai tamadi yabo se te nageboto ola mani. ²⁹ Te kibu be a naga olama, me badu si, te kibu be tomode te nai umabo hauwa te Isipde elaluaibao. ³⁰ Tiali goli, nosali te kibu be a naga me badu si, te tama kibu bede te nasi elalu, tama te Isip bidi dabego te wiegi yai kibu bede yali homu kolesaga te ma kone me palugobeo. Te e tq pedai hani tigidalide te nai nasigo dolaibao. ³¹ Tama te bulu bidi dabego te polobadu nai hauwa tuali sogo te homugo mu gegeda paibao, magi baso meni, te sogo nosali te dwai nasi mu asabo elaluaibao. ³² Godigo te se yabo te homugo konea selama, tama mu daq walali. Tama agai nago aga daq walali homu kone-mainogo iliyu, nago na si sogo emainu yali. Tama te sesabi elama bidisiqadi, te pade sogo tama Godigo te se pedalumainu yaibao,” wali.

³³ “Tialima, megi da, nago te wiegi yai kolesaga koneai bidi te nigilama, tama agai te Isip tigidali tq pedai badu tonalumainao. ³⁴ Tama nago te hani tq tonalubado te tobolu bidi meba nigilibadi yao. Tama te kibu be a naga me si, tede te nai hauwa elalubadi, te tobolu bidi dabego te a naga pedai badu bugulama, te

we bidi dabego gide elalubo nai me deli te gavmanigo te takis sabo tiwai gilama sao. ³⁵ Augwaligo te wiegi yai kibu bede te nai dabe tigidali selama, sisinao. Augwaligo te nage dologode se eyu, tama augwaligo te wit, me yuyu, me te hani tomode elalubo nai dabe me, te tigidali deliba sisinao. Tama augwaligo te nai dabe tigidali te bugagia tonalua. ³⁶ Tama te kibu be a naga olama, me si, te sogode te nasi Isipba pedalubode, te Isip hani dabe we bidigo te augwaligo sisinama muani nai te augwa sela tumainu yaibao. Tama eyu, te we bidi dabe augwali te nasigo me isigobeo,” Josepgo te po wali.

Ferogo Josep te Isip gavman polalubo bidi nigilali

³⁷ Tama Fero dali aga tobolu bidi dabe dali, augwaligo te po usu da po wali. ³⁸ Tama tibaso, agai te po augwalibolo wai, “Te e bidide te Godigo Mobo Bidi elalubao. Dago te tobage bidi tiwai te menade suai dawee?” ³⁹ Tialima, Ferogo te po Josepbolo wali, “Godigo digi nageboto te se dabe ola manio. Tama tibaso, mena bidi me deligo te nago te homu kolesaga dagalabo kolesaga tiwai me elalugobeo, te nago koneani homu kolesaga tiwai me elalubeo. ⁴⁰ Te tama tialima, eno nage te eno hani tqde te polalubo gavman bidi nigilama, tama eno hani we bidi Isip dabe tigidali augwaligo nago po wali pomainu yaibao. Ena te gavman tuni bidi te eno nogi deli naga te nago nogi aiyaba elaluaibao,” wali. †

⁴¹ Tialima, Ferogo Josepbolo te po wai, “Nago odao, megi eno nage te Isip tq pedai tigidali badu te gavman genuai bidi nigilibao,” te po wali. ⁴² Ferogo te tuni bidigo mubo ring me deli elaluali. Tama agai te ring aga nogode munaluali pedelama, tama agai te Josepgo nogoba muani. Ferogo te gasagi yai sawi yai mu ugwa dabe te Josep tigiba gudulama, tama aga magede te golgo nigai sen me deli domonai. ⁴³ Agai Josep te me tuni bidi wiegi yai duabo karisde dualasa bilimainu yali. Tama te kibu hos tego te karis kegasa peyu, tama te ami bidi dabe te polasa peyu, tama te tiwai i ola pali, “Te sunumide gedao,” wali. Te kolesaga Ferogo yali, te Josep te Isip tq pedai tigidalide te gavman bidi pedalumaino ilali.

⁴⁴ Tama Ferogo agabolo te po wai, “Ena tuni bidi gavman dao. Tama eno te po obao, te Isip bidi me deligo te aga homugo magi se me egobeo. Menio. Agai te nageboto hasia hanalu wao,” wali. ⁴⁵ Tama Ferogo te nogi Safenat Panea te Josepbolo mani. Tama agai te Josepbolo we me deli mani. Te we nogi te Asenat. Aga te Potiferago wegi da, te hani me deli nogi augwaligo Heliopolis wabo, tede aga pris bidi dao. Tialima, Josep te Isip tq tigidali pedai badu bilali.

⁴⁶ Josepgo kibu be te 30 kibu be elalubadi, tama aga te Isip tuni bidi Ferogo se gagalama yali. Tama Josepgo te Fero taga peyu, aga te Isip tq pedai sesede usu nama bilali. ⁴⁷ Te wiegi yai kibu be a naga olama, me si, te kibu bede te nai hauwa mu pedelali. ⁴⁸ Tialima, te a naga olama, me si te kibu bede te Isipde nai hauwa

mu elaluali, Josepgo te nai hauwa sisinani. Agai te deli deli hanude elalubo nai sisini bilama, tama agai te tigidali hana bakstuade te nai muani. ⁴⁹ Agai te wit umabo mu te weꝑ sane masigi kemi tiwai sisinama, tama Josepgo te ma nedebo te usu meni baso, tagalali.

⁵⁰ Tama te nasi yabo kibu be dabe te pedalisiꝓbadi, tama Asenat, te Josepgo wego, te ogwa si ame nani. Asenat te Potifera te Heliopolis hana pris bidigo wegi dao. ⁵¹ Tialima, Josepgo te po wai, "Godigo ena tau selama, tama te eno sali seꝑe, me te eno aya ida, ama dede, augwalide homu dene ebo, te eno homugo gegeda palai." Tama tibaso, agai te aga gomunai ogwa nogi te Manase nogi poai. ⁵² Agai te tiwai po me wali, "Godigo te ena e seꝑe sali bulude tau siyu, tama te agai enabolo te gasa wai me mani." Tama tibaso, agai te aga tomo ogwa nogi te Efraim poali. ^{††}

⁵³ Te a naga olama, nogo me si wali, te wiegi yai kibu be bidali te silama, ⁵⁴ megid da, te Josepgo wali po gilama te a naga olama, me si wali te nasi yabo kibu be pedelai. Te genuai nasi ebo te tigidali gasa tꝑ pedaide me pedelali. Tiali goli, te Isip tꝑ pedai tigidalide te nai usu elaluai. ⁵⁵ Nosali te Isip tꝑ pedai tigidalide te nasi pedelali, tama te we bidi dabego te Feroba gela weyu, te augwali nai mao wali. Tialima, Ferogo te Isipde bidalubo we bidi augwalibolo wali, "Dage te Josepba pelama, tama agai po odigi pao," wai. ^{††}

⁵⁶ Te dwai nasi mu te Isip tꝑ pedai tigidali badu ped-alubaso, tama Josepgo te nai muani bakstua sunumi dalama, tama te Isip hani we bidi dabe aselama, te wit abelagasai. ⁵⁷ Te tigidali tꝑ badu bidi hani we bidi augwali me te Isipba Josep bidibo madi aselama, te wit abelagasali, magi baso meni, te dwai nasi ebo si te tigidali tꝑ usu nama, te nasi pedelali.

Te Josepgo ama dede augwali aselama, te Isipba wit abelagasali

42 Nosali Jekopgo odali, te Isipde wit elalubo po odali. Tama agai te aga ogomanibolo weyu, bomonama, te po wai, "Magi baso dage olo bidalubawe? ² Eno te po odali, augwaligo te Isipde wit elalubo po odai. Dagego te da tuabo te meba wit abeligi pao, tiyu da te nasigo isabuo," wali. [‡]

³ Tialima, te Josepgo ama dede nogo si bage pelama, te Isipba wit abeligi pali. ⁴ Tiali goli, Jekopgo te Josep aga deli idago ame nani ama mu, te Benjamin, te augwali dali pomainu me tagala palubeo. Te Jekop wi eyu, tama te Benjamin te dolidali homu yai. ⁵ Genuai nasi mu te Kenan tꝑde pedalubaso, tama te Jekopgo ogwa dabe augwali te wit abeligi peyu, te gasa bidi dabe dali pai.

⁶ Te Josep aga te polalubo gavman bidi te Isipde bidali, tama tigidali Isip tꝑ badu bidalubo bidi dabe te aga bidibo digi pelama, tama te wit abeligi pai. Tama te Josepgo ama dede te aga bidibo madi sabolama,

[†] Te Hibru pogo te nogi Manase te page elalubao, te "gegeda pali," te wabo. ^{††} Te Hibru pogo te nogi Efraim te page elalubao, te "si sali," tama wabo. [‡] 41:54 Tpi 7:11 ^{††} 41:55 Jon 2:5 ^{‡‡} 42:2 Tpi 7:12

tama augwali te aga gedude kidu sugunama, tama augwali te gesabidi te tꝑba basi gulali. ⁷ Tama Josepgo aga ama dede sulama, tama polo agai augwali sulama, konea pali. Tiali goli, agai augwali dali po miani te agai augwali konesiꝓwai bage dali po mibo tiwai yai. Agai augwali dali po bomonama, tama te po wai, "Dage menadu asaliwe?"

Augwaligo te po wai, "Da te Kenandu aselama, tama da nai abelagasu asali," wali.

⁸ Josepgo aga ama dede augwali sulama, konea pali, tiali goli augwaligo aga te sulama, konebe. ⁹ Agai te na yali dabe te aga ama dede dabe dali na polobadu yali te ma homugo kone palama, tama agai te po wai, "Dage te daba sa asobo bidi dabe dao. Dagego te dago tꝑ pedai te mena badu mu te hwꝑbo bomo meniwe naga sueinu gege bilibao," wali. ^{‡‡}

¹⁰ Tama augwaligo po wei ponani, "Mena, aꝓ, genuai bidi. Da te nago seꝑe bidi dabe da, da te nai abelagasu asali. ¹¹ Da tigidali te bidi deligo wai dabe dao. Dago te sa asobo bidi tiwai gilama me ebeo. Menio. Da te mu po wabo bidi dabe dao," wali.

¹² Tiali goli, Josepgo augwalibolo te po wali, "Menio! Dagego te dago tꝑ hana pedai mena badu te hwꝑbo bomo meniwe naga susa bilibao," te po wai.

¹³ Tama augwaligo te po wali, "Genuai bidi, da te nogo si olama, saꝓago si bidi da. Da te Kenan tꝑde te bidi deligo ogwa dabe dao. Te dago ama gesi bidi mu te megid dago aya dali bidibo, tama dago ama gasa me te hagawai dao," wali.

¹⁴ Tiali goli, Josepgo te po ma wali, "Te tiwai po eno wai dao. Dage te sa asobo bidi dabe dao. ¹⁵ Te eno dage te tiwai usu saibao, eno te Ferogo nogide mu po obao. Te dagego ama gesi bidi te asisꝓbaso, dage te duga buluba ma geasa me pogobeo. ¹⁶ Tama dage te kalabuside e bidibadi, te dage me deli tagala palama, tama duga amanu sigi pelama, odasa asao. Tama tiyu, te dago sulama koneainu, te dagego po te mu po we, ma tibo po we, te eno koneaibao. Te dagego po tigidali te mu po menibaso da, eno koneama, te dage sa asai bidi dabe da po waibao. Eno mu po mu te Ferogo nogide obao," wali.

¹⁷ Agai te tiwai po tama olama, tialima agai augwali te kalabusiba munama, te sela sogo bidali. ¹⁸ Te sela sogo wabode Josepgo augwalibolo te po wali, "Dagego eno po wali pelama, tama dage bidibo ula elalubao, magi baso meni, eno lotu po te Godiba wabo dao. ¹⁹ Te dage mu po wabo bidi dabe da wida, teda dage me deli naga te dage kalabus bidali bede bidimainu yaibao. Tama dage gasa bage, te dage duga we wai dabe nasi ebaso, tau sainu abelali nai wit sela peyu, tama dage pagameo. ²⁰ Tiali goli, dagego duga ama gesi bidi te enaba odasa asiꝓ, tama tiyu da, te eno koneama, tama dagego mu po wali homu eyu, tama dage me isimainu me egobeo." Augwaligo te Josepgo po usu da po wai.

²¹ Tama Josep aga ama dede augwa hasi tomode po miyu, te po wali, "Mu tama, dena digi polobadu te de-

na ama dwai sę ilali. Dago aga gela wabo suali, tama dago aga tau somainu agai i wali, tiali goli dago agai i wabo me odobeo. Tama megı, da te tiali sęęę sobao," wali.

²² Tama Rubengo te po wali, "Eno dagebolo weyu, te dagego dena ama dolıgio po wali, tiali goli dagego te po me odai meni. Tama megı te sęęę dago sabo, te aga isainu yali te wei ponobao," te po wali. †

²³ Josepgo te augwa hasi tomode mibo po odoyu, te po page koneani, tiali goli te aga ama dedego te me konebe, magı baso meni, Josepgo te Isip pogo po weyu, tama te po begelebo bidigo te Josepgo wali po te augwalıba weyu yai.

²⁴ Josepgo odama, tama augwali taga pelama, tama aga gela wagi pali. Aga gela wali silama, te aga ma aselama, tama augwali dali po miagasali. Tialıma, agai Simeon nogo tı ilama, tama augwalıgo Simeon te ama dede augwa gedude nogo tulama, bidali.

Te Josep aga ama dede augwali te Kenanba ma pai

²⁵ Nosali Josepgo te sę ebo bidi dabebolo olama, augwalıgo te ama dedego begba te wit bulali, tama augwa beg deli deli tomoba te augwa mone ma bubulu pali, tama augwali te sunumıdu peyu, tıdu pabo nai me te augwali tau siyu mawai. Tialıma, augwalıgo Josepgo wali po tiwai gilama yai. ²⁶ Te ama dede augwalıgo te augwa donki dabe daıba te wit beg dabe munama, tama augwali pai.

²⁷ Te augwali pigı pali bulu te hulıde te augwali pali, te ama mego te aga donki nai mawainu te begde nai tedali. Tama agai te aga mone te beg po tomode bulalubo suali. ²⁸ Tama aga ama dedebolo i wali, "Suao! Augwalıgo te eno mone ma te begba bulali! Te eno begde munalubo suai." Augwalıgo te po wabo odama, tama augwali dwai noma mu sali. Tama augwali wi mu elama, tama subıgıla po miyu, te po wali, "Godıgo mena sę dabolo megı yalıwe?"

²⁹ Augwali te Kenanba sabolama, tama augwalıgo augwa aya Jekopbolo te augwalıba pedelalı sę po tıgdalı pusalı. ³⁰ Augwalıgo te tiwai po wai, "Te Isip polalubo gavman bidigo te bomai po dabolo weyu, tama dabolo te da sa asobo bidi dabe dao po wali. ³¹ Dago te tiwai po agabolo wali, 'Da te mu po wabo bidi dabe dao,' wali, 'tama da te bulu sa asobo bidi dabe menio,' wali. ³² 'Da te ama dabe nogo si olama, sęęęo si bidi, te bidi delıgo wai dabe naga da. Te ama me deli te isai, tama dago ama gesı bidi mu te aga aya dali te Kenande bidıbaı.' ³³ Tialıma, te gavman polalubo bidigo te po dabolo ma wali, 'Te dage me deli ena dali bidıbaso da, tama eno koneama, te dage mu po wabo bidi dabe da wainogo. Tama dage meba gasa te dage duga we wai nasi idalı weyu maıabo nai wit sela peyu, tama duga pięı,' te po wali. ³⁴ 'Tiali goli, dagego duga ama gesı ogwa bidi te odasa asao,' wai. 'Tama eno koneama, te dage bulu sa asıęwai bidi dabe da waıbaı, te dage mu po naga wabo bidi da po wainogo. Tialıma, eno duga ama te dagebolo ma menama, tama duga e

bulu tıde bisnis sę iyagameı,' te bidigo dabolo te po wai."

³⁵ Tıgdalıgo te augwa wit beg gegeli pelama, tama augwalıgo mone gamugı dage te augwa beg deli deli tomode munalua pabo suai. Tama augwalıgo te augwa aya dali augwalıgo te mone gamugı dage elalubo sulama, tama augwali tıgdalı wi yai. ³⁶ Tama Jekopgo augwalıbolo te po wai, "Dagego eno ogwa si dolıgi pai. Josep te hagawai. Simeon me te hagawali. Tama megı dagego te Benjamin hagalıgi painu obao. Te tama tebo sęgo te ena homu sęęę mawai!" wali.

³⁷ Tialıma, Rubengo te po aga ayabolo wai, "Te eno Benjamin te nageba ma odasa asıębaso da, teda nago te eno ogwa si ela muagameı. Te eno aga tonalumainu emainao, tama eno aga te nage bidıbo madi ma odasa asaıbaı," wali.

³⁸ Tiali goli, Jekopgo te po wali, "Te eno ogwa nage dali pomainogo me egobeı. Te aga ama isai dao. Tama agaduba deli naga megı bidıbaı. Ena monu dabe yai, tama aga te sunumıde doloyu da, teda dagego ena te moni homu denego te ela mubo tiwai yaıbaı," Jekopgo te po wai.

Te Josep aga ama dede Benjamin dali te Isıpba ma pali

43 Tialıma, te Kenade nasi ebo te genuai me elalualı. ² Tama Jekop aga hani we wai dabe augwalıgo te Isıpba sigı pali nai te sia sobaso, tama Jekopgo aga ogomani dabebolo weyu, te po wali, "Dage te Isıpba ma pelama, tama dago nai dwasianu meba abelıgi pao," wali.

³ Tiali goli, Judago aga ayabolo te tiwai po wali, "Aya, nagebolo dago wai dao. Te Isıpde bidıbo gavman tobolu bidigo da dali wado yai. Agai dabolo te dage ede ma sugobeı po wali, te dago ama te da dali me asıębaso da, te tama tiwai po wai dao. ⁴ Te nago usu da olama, dago ama te da dali pao obaso da, teda da pelama, te nago nai abelıgi paıbaı. ⁵ Tiali goli, te nago hagela ebaso da, te da me pogobeı, magı baso meni, te Isıp gavman tobolu bidigo te da ma subaso da, te hagela mu yaıba, te dago ama te da dali asıębaso tiaıbaı," wali.

⁶ Tiali goli, Israelgo te po wali, "Magı baso dagego te gavman tobolu bidıbolo te dagego te gasa ama me bidıbo po waliwe? Dagego te enabolo genuai sęęę mu manıo."

⁷ Augwalıgo te po wali, 'Te bidigo dabolo hauwa sogo hanalu wali. Agai te da hani sibi po hanalu wali. Agai te po wali, 'Te dagego aya bidıbowe, ma isalıwe? Te dagego ama me deli bidıbowe, ma meniwe?' Agai te tama tiwai po hanalubaso, tama dago agabolo wali. Dago konebe, agai dabolo te dago ama sela asao wabo po te dago me konebeı."

⁸ Tama Judago aga aya Israelbolo weyu, te po wali, "Te Benjamin ena dali tagala palama, te da polo paıbaı. Tama tiyu, te nage me, te dago wai dabe me, tama da me, te da tıgdalı te nasıgo me isıgobeı. ⁹ Te ena digı eno aga tonaluaıbaı. Te eno aga nageba ma odasa asıębaso da, teda te sę page enade elaluaıbaı,

† 42:22 Gag 37:5-10

te ena e t̄ode tigidali sogo bidibo usu nama tiaibao.

¹⁰ Tama nago da daŋ wagi menigi sogo da, teda da pelama, tama si sogo ma asigi da," wali.

¹¹ Tialima, Israel, te augwa aya, agai augwalibolo te po wali, "Te tiwai tama pedalubaso da, teda dagego tama tiao. Te e bulude elalubo te wiegi yai nai dabe te selama, duga genuai waba munama, tama dage pelama, tama te gavman tobolu bidibolo te aga wiegi yai homu emainu magi pao. Te tobage tiwai dwasianu haniani nai tigidali sao, te ganima bunugo nigali pusu yai nai me, te mege me, tama te denami ebo ni kaneme, me te haniani sanda, tama me te meba ni haga du walobo tiwai ni du nogi pistasio, me te ni du amon, te tiwai haniani nai sela pao," wali. ¹² "Dagego te mone dabe dali dabaluma, sela pao. Dagego te beg tomoba ma bulali te mone dabe me ma sela pao. Eno konebe, te augwaligo homugo gegeda peyu, tama tiali bogo.

¹³ Duga ama selama, tama dage te bidi bidibo digi polo pao. ¹⁴ Eno gedu haluasa te tiwai, te Tigidali Bomo Elalubo Godigo te bidigo homu begelibaso, te agai dage homu dene yaibao. Tama eno homugo agai te duga gasa ama Simeon me, te Benjamin badi, te si dagebolo ma mawaibao. Te eno ogomani tagalu da, eno bomogo te s̄e hasegelainu ebo te usu me egobeo," Israelgo te po wai.

¹⁵ Tialima, te ama dede augwaligo te homu wiegi yai ilabo nai dabe selama, tama augwaligo gasa nai dabe te mone dali ugwadu daganama, tama augwali pali. Augwaligo te Benjamin me oda sali. Tialima, augwali hogodama, tama Isipba polo pali, tama augwali Josep bidiboba sabolali. ¹⁶ Tama Josepgo te Benjamin augwali dali asobo suali, tama agai aga be tonalubo s̄e bidibolo wali, "Nago te bidi dabe beba odasa pao. Te bulmakau me deli elama, ulao. Te bidi dabe augwali te ena dali te giliga tomode belo wabode nai tueibao," te po wai.

¹⁷ Tialima, te s̄e bidigo te Josepgo po wali gilama, tama agai te bidi dabe te Josepgo beba odasa pali.

¹⁸ Tama te ama dede wi ebaso, tama augwaligo te tiwai homu yali, 'Augwaligo te da hasia polasa asali sogo te dago beg tomoba te mone bulali munalubo suai. Augwaligo te homu elama, tama augwaligo da e be tomoba odasa pali,' te homu yali. 'Te augwaligo da polo elama, tama augwaligo da te olo s̄e ebo bidi tiwai nigilaibao. Tama augwaligo te dago donki dabe me saibao,' te homu yali. ¹⁹ Tama tibaso, augwali te Josepgo be tonalubo s̄e bidi bidibo madi sabolama, tama augwaligo aga dali te be sunumi p̄ade po miani,

²⁰ "Genuai bidi, nago te dago wabo po odao. Polobadu da eba aselama, tama nai abelagasai. ²¹ Tiali goli, te da pelama, te deli sogo pigi pali hulide, te da deli deligo dena beg po dada pali, tama da tigidaligo te dena mone te gamugi dagede dali te begde bulalubo suali. Megi dago te mone me ma sela asai dao. ²² Tama dago te nai abelabo mone meba dali sesali. Te dego te dago beg tomoba te mone ma bulali, te dago me konebeo," te po wali.

²³ Tama s̄e bidigo te po wali, "Dagego homu si me elama, tama dage wi me elamuo. Te duga Godigo, me duga ayago God, agai te dagego homu wiegi yai ilibo s̄e eyu, te dagego begba te nai ma muani. Dagego mone te eno sai dao," wali. Tama nosali agai te Simeon augwaliba odasa asali.

²⁴ Tama agai augwali Josepgo beba odasa pali. Agai augwalibolo te saŋa w̄e telabo w̄e mayu, te nai meba te donkibolo mayu yai. ²⁵ Augwaligo augwa sesali te wiegi yai homu ilabo nai dabe sisi ilali, magi baso meni, te augwaligo odali, te Josep augwali dali giliga tomode te belo wabode augwali dali nai tuagasaibao po wabo odali.

²⁶ Augwali te bede bidaludubadi tama Josep asali. Tama augwaligo te wiegi yai homu ilibo nai dabe te agaba sela pelama, tama augwaligo agaba kidu sugunama, tama mage t̄oba basi gulali.

²⁷ Josepgo augwaliba hanalu wali, "Dage bugagia bidibowe, ma meniwe?" Nosali agai augwaliba hanalu wali, "Magi yaliwe, te duga aya monu, polasa dagego te aga po enabolo wali, aga te bugagia bididubowe?"

²⁸ Augwaligo te po wali, "Dago aya, nago s̄e bidi, aga te bugagia bidibao." Augwaligo kidu sugunama, tama agaba mage basi gulali.

²⁹ Josepgo te aga ama mu Benjamin sulama, tama agai te po wali, "Te bidi aga te dagego ama gesi ogwa bidi mu yali bogo, polasa dagego te aga po dagego enabolo wali, te dawe? Ogwao, eno homugo Godigo dwagi yai olo tau sabo s̄ego nage tau somainogo yao," wali. ³⁰ Tama Josepgo aga amanu homu dene mu yali. Tama p̄ade aga gela wainu yali. Tama polo agai augwali taga peyu, te aga be habuba pelama, tama geme naga gela wali. ³¹ Aga te gela ola silama, tama aga gesabi te w̄ego tedelama, tama aga ma asali. Agai te homu dene ebo te aga homu tomode daŋ olama, tama aga s̄e bidibolo te po wai, "Te tebol saiba nai muao," wali. ³² Augwaligo te Josepgo nai te gasa tebol saiba muyu, te aga ama dedego nai te gasa tebol saiba muyu yali. Te Isip dabe augwaligo te Hibru dabe dali nai deli madi tubo te hagela yai. Te augwaligo bo-mai pode te dolo meni da, te homu yai. ³³ Augwaligo te Josep aga ama dede augwali te tebol saide te agai gedu te gesabidi te badu dugayali. Tama augwaligo te ama dede augwa idago ame nani usu nama, tama waselali. Augwaligo te gomunai bidide gagalama, te sabi bidi te ogwa bidiba simanigi pali. Tama te ama dede augwa digi te tiwai dualalubo suali, tama augwaba digi ma tonono pelama, tama augwa homu hauwa eyu, noma sali. ³⁴ Tama te Josepgo s̄e ebo bidi dabego te Josepgo tebol saide nai selama, te ama dedebolo dobalama, tuali. Tama te ama dedego nai togolama, dobayali, te tuabo usu naga mani. Tiali goli, te Benjaminigo nai te augwaligo genuai mu togwali, te a naga bidigo tuabo nai usu. Tialima, augwali te nai me, w̄e me te Josep dali hodobo tuyu, tama augwali homu pemene wiegi yai mu yali.

Josepgo wiegi yai kap haga yali

44 Augwali nai tula silama, tama Josepgo te aga be tonalubo sę bidibolo te po wali, "Te nai dabe te bidi dabe augwaligo sela pabo usu nama, tama te begba bulao, tama deli deligo mone te augwa beg po-ba bulao. ² Tama eno silva kap te augwaligo ama te sabi bidigo beg tomoba te wit abelali mone dali bulao," wali. Tialima, sę bidigo te Josepgo wali po tiwai gilama yali. ³ Tama kigamu digi mu te sę bidi dabego te Josepgo ama dede augwali te augwa donki dabe dali pomainu tagala palali. ⁴ Augwaligo te genuai hanu tagalama, tama augwali digibulu gana pisąbadi, tialima Josepgo te aga be tonaluali bidibolo weyu te po wali, "Nage hogodama, tama te bidi dabe pali wali pobeao. Te nago augwali subosi da, teda augwalibolo nago te tiwai po hanalu wao, 'Eno genuai bidigo dage dali dwagi yai kolesaga yali dao. Magi baso dagego aga wei ponoyu, tama dwai kolesaga yaliwe? ⁵ Magi baso dagego eno genuai bidigo silva kap wi sela soaliwe? Genuai bidigo te kapde wę tuyu, tama agai te mena sę nosali pedelabo te me konebo sę ebo dao. Dagego dwai kolesaga mu yalio! Nago augwalibolo tama po wao," wali.

⁶ Te Josepgo sę bidi te augwaliba sabolama, tama augwalibolo te Josepgo wali po te augwalibolo wai. ⁷ Tiali goli, augwaligo te tiwai po wei ponani, "Genuai bidi, nago mena tiwai homu elalubaso, tama nago te tiwai po obawe? Dago te tiwai kolesaga yabo te usu me egobeo. ⁸ Nago da te Kenan tǫdu ma asali, te nago suai dao. Tama dago te dena beg pode te bulali mone dabe te dago ma sesali. Tama megi magi baso nago homugo dago nago genuai bidigo bede te gol silva te dago wi sela soali homu ebawe? ⁹ Genuai bidi, nago te kap te da me deligo munalubo subaso da, teda te bidi isimainu yaibao, tama da tigidali te nago olo sę ebo bidi pedelaibao," wali.

¹⁰ Tama sę bidigo te tiwai po wei ponani, "Dagego po te dolo obao. Tialima, eno te kap gasa bidi me deligo begde bulalubo subaso da, teda te bidi deli naga aga te eno sę olo ebo bidi pedelaibao. Tiali goli, dage meba gasa bage te duga piagameo," wali. ¹¹ Tama polo tama te augwali deli deligo beg te tǫba muna muna pelama, tama dayali. ¹² Te Josepgo sę bidigo te kap gegebo sę te augwa ama gomunai bidigo begde gagalama, susa paligo te augwa ama gesi ogwa bidigo begba siminigi pali. Tama agai te kap te Benjamingo begde bulalubo suai. ¹³ Te ama dedego te tiwai elalubo sulama, te midigi dwai noma mu selama, tama augwaligo te augwa gudaluali ugwa dabe pisą yali. Tialima, augwaligo te beg dabe te augwa donki tudiba ma munama, tama augwali gelama, te hanuba ma pai. ¹⁴ Juda aga ama dede dali te Josepgo beba sabolama, tama augwaligo aga te bede me bidalubo suai. Tama augwali wi mu ebaso, tama augwaligo augwa digi te Josep gesabidiba gedude te tǫba degasa dulali. ¹⁵ Tialima, Josep hodalu, tama augwalibolo te po wali, "Dage

magi yaliwe? Te dagego ena te haniani geme yai sę page koneabo bidi da, te homu ebewe?"

¹⁶ Tama Judago po wei ponoyu te po wai, "Genuai bidi, te dago po mena tama wei ponagawe? Godigo te dago sęę haninani. Genuai bidi, te nago kap elalubo suali naga, aga te nago olo sę ebo bidi me pedalugobeo. Menio. Da tigidali hodobo tiaibao," wali.

¹⁷ Josepgo te po wali, "Te me tegobeo! Eno tama me egobeo. Te augwaligo te kap munalubo suali bidi, te aga naga eno sę olo ebo bidi pedelaibao. Tiali goli, dage tigidali meba te duga aya bidibo digi ma piagameo. Eno dagego po menio," wali.

Judago te Benjamin ma sabo po hanalu wai

¹⁸ Juda te Josepba pelama, te po wali, "Genuai bidi, te dago po nage dali omainogo yao. Nage genuai bidi mu te Fero aga tiwai dao. Tiali goli, eno homugo te nago ena dali wado po me olamuo. ¹⁹ Polobadu nago dabolo te tiwai po hanalu wali, 'Dagego aya me ama dede bidalubowe?' wali. ²⁰ Tama dago te po wali, 'Awe, dago aya bidibo, aga te monu dabe yai. Tama dago ama gesi ogwa bidi me bidibo,' wai. 'Te ida Reselgo te aya monu dabe badi ame nani,' te po wai. 'Tama te gesi ogwa bidi aga ama te isai da. Tama te Reselgo ame nani ogwa si te me deli naga bidibo,' wai, 'tama aga ayago aga godolo mu ebo dao,' wai. ²¹ Tama genuai bidi, nago te tiwai po dabolo wai, 'Te dagego ama odasa aselama, te eno sueibao,' wai. ²² Tama dago nago po te tiwai wei ponani, 'Te waigo aga aya me taga soagobeo,' wai. 'Te aga aya taga sobaso da, teda aya isaibao,' wali. ²³ Tama nosali nago te tiwai po me wai, 'Te dagego ama gesi ogwa bidi te dage dali asisąbaso da, teda dage ena geduba me pedelamuo,' wali."

²⁴ "Da te dena aya bidibo madi ma pali, te nago sę bidi, tama dago te nago dabolo wali po te agabolo wai. ²⁵ Nosali ayago te po wali, 'Dage ma pelama, tama dago nai dwasianu abeligi pao,' wai. ²⁶ Tama dago te po wali, 'Da me pogobeo. Te ama gesi ogwa bidi te da dali pisąbaso da, teda da te bidi geduba me pedalugobeo. Menio. Tiali goli, te ama gesi ogwa bidi te da dali pali da, teda da paibao.' ²⁷ Tama dago ayago dabolo te tiwai po wai, 'Dagego koneani, eno te wego ogwa si digi ame nani. ²⁸ Te me deligo ena taga pai dao. Eno aga munu ma subeo. Tama eno homugo te uni kibugo ela tuali homu yai dao. ²⁹ Megi dagego te gasa gesi ogwa bidi te ena digibulu odasa painu wabo, tama aga te isibaso da, teda dagego ena homu dene dwai mu ilaibao. Ena monu dabe yai, tama te homu denego ena mu silaibao,' dena ayago te po wai."

³⁰⁻³¹ "Genuai bidi, megi da, te ena olo ma pobaso, tama ayago te ogwa ena dali ma asobo susiąbaso da, teda aga isaibao, magi baso meni, agai bidibo homu kolesaga te waigo bidibo homu kolesagaba mu daų wagi pai. Te dago aya te monu dabe dwai mu. Tama te wai da dali ma hodobo asisąbaso da, teda dago te aya aga homu dene ilibogo te aga digi ela mubo tiwai mu yaibao. ³² Eno te tiwai po me agabolo daų wali, te eno te wai te ma odasa asisąbaso da, teda te sę yabo page

te enade elalubadi, te ena isibo si usu naibao. ³³ Tama tibaso, eno te waigo pesage selama, tama ena ede nago se olo ebo bidi bidaio. Te nago aga te aga ama dede dali ma pomainogo emainao. ³⁴ Tama te wai ena dali ma pisabaso da, ena te aya pageba ma pogobeo. Eno te tiwai sege te eno ayaba pedalubo te eno homude hagela yaibao," Judago te Josepbolo te po wali.

Josepgo aga ama dede dali aga nogi po pusali

45 Te Josepgo aga homu dene ebo te aga se bidi dabe gedude te ma pania sabo te usu yabo aq isabaso, tialima agai te i bomo elama wali, "Dage tigidali bidi dabe buluba bolo pebelayao." Tama agaduba deli naga te aga ama dede dali bidali. Tama agai augwalibolo wali, "Ena da, ena te duga ama Josep, te ena tama dao," wai. ¹² Tama Josepgo gela genuai mu wali, tama Isip dabe odali, tama te tebo po te gavman tuni bidigo beba pedelali. ³ Josepgo aga ama dedebolo te tiwai po wali, "Ena Josep dao. Eno aya te bidibowe, ma isai dawew?" Tiali goli, aga ama dede agade wi mu elama, tama didibili eyu, tama augwaligo agai po wei ponabo aq isaiwai. ⁴ Nosali Josepgo po ma olama, "Dage ena paba asiao," wali. Augwali te aga paba pobaso, tama agai te po wali, "Ena Josep, ena te dagego ama dao. Polobadu dagego ena te Isip dabe dali tagala palai dao. ⁵ Tiali goli, megi dage homu sege me isaiyu, tama dagego duga digi dwai homu te polobadu dagego ena dali dwai kolesaga yalide, te dwai homu me igio. Menio. Godigo digi eno te dage me isidali weyu, te tau somainu te ena polasa tagala palali. ⁶ Te megi e bulude nasi elalubadi, te kibu be si yalio. Tiali goli, te bidi dabego gide nai sela tusiabadi, te nai sili bidabo kibu be te a naga me elalubao. ⁷ Tiali goli, Godigo te ena polasa tagala palali, te dage me isidali olama tama tiali. Tama Godigo bomonama, tama dage tau sobaso, dage hauwa te bidibo ula dali me bidaibao. ⁸ Tama dagego digi enade mone siyu, tama ena tagala palobaso, te ena e buluba soabeo. Menio! Godigo digi ena tagala palobaso, tama ena soali. Tama agai ena te Ferogo aya tiwai ilali. Eno agai bede me bulubadu hani tigidali tonalu, tama ena te Isip tigidali pedai badu tolalubo tobolu bidi bidibo dao," Josepgo te po wai.

⁹ "Megi da, dage te dena aya bidiboba pelama, tama agabolo wagi piaq, 'Te e po te naga ogwa Josepgo po da, Godigo ena te Isip pedai tigidali badu tobolu bidi nigilama bidibao. Nago me tonalugio. Nage polo asao. ¹⁰ Te nage ena bidibo pade te tq Gosen pade bidageameo. Nage me, naga ogomani dali, tama naga ogwa dabego wai puluba me, dage te tqde te duga sipsip me, meme dabe me, bulmakau dabe me, duga doado bage tigidali dali, tedede bidageameo. ¹¹ Te nage te tq Gosenba bidagasobaso da, teda eno nage tonaluaibao. Te nasi yabo kibu be te a naga me elalubao, tama eno homugo nage, me nago we wai puluba, me kibu dabe dali, te nasigo dolidali homu eno hagela ebao.' Ayabolo te po wao," wali. ††

¹² "Megi dage tigidaligo me, te eno ama Benjamingo me, dagego ena sulama, konea pali. Te ena Josep tama dao, eno te po megi dage dali obao. ¹³ Te eno ayabolo weyu, te ena genuai nogi megi te Isip tqde genuai elalubo po obadi, tama agabolo me te tigidali nai dagego sula silali po wao. Tialima, dage polo pelama, tama aga odasa eba asao," Josepgo te po wali.

¹⁴ Tama Josepgo aga ama Benjamin pagea selama, tama gela wali. Benjamingo te aga ama bomonama pagea selama, tama gela wali. ¹⁵ Tama Josepgo aga ama solo tigidali nono neyu, tama gela dali wai. Tama nosali augwaligo aga dali po miani.

¹⁶ Te gavman tuni bidi Ferogo beba te tiwai po sabalu, te Josep aga ama dede sabolali po wali. Tama Ferogo me, te se ebo ofisa bidi dabe dali, augwaligo te pode wiegi yai homu pemene mu yali. ¹⁷ Ferogo te tiwai po Josepbolo wali, "Nago naga ama dedebolo olama, te augwaligo augwa donki dabe sisi elama, tama augwali te Kenanba ma pao," wali. ¹⁸ "Te augwaligo augwa aya, me augwa we wai puluba oda sigi pelama, tama augwali ena pageba ma asiao. Te ena Ferogo augwalibolo te Isipde wiegi yai tq me deli mawaibao. Tama augwali te bulu nai te wiegi yai mu sela tueibao. ¹⁹ Nago augwalibolo te Isipde te karis meba dali selama, te augwaligo augwa we wai puluba dali sela asomainu te po wao. Te augwaligo augwa aya me eba odasa asao po wao. ²⁰ Te po augwaliba weyu, augwaligo te Kenan tqde taga soabo naide homu godolo me elamuo. Te eno augwalibolo te Isip bulude te wiegi yai tq pedai me deli mawaibao," te tuni bidi Ferogo Josepbolo te po wai.

²¹ Te Jekopgo ogwa dabego te Ferogo augwaliba wali po tiwai gilama yali. Tama Josepgo te kibu hosgo kegabo karis meba augwaliba mani, te meba nai augwali te sunumidu peyu tuabo nai dali mani, te Ferogo wali gilama tiali. ²² Tama agai ama tigidali deli delibolo te gesi gudubo ugwa mena mena pali. Tiali goli, te Benjaminbolo agai te gudubo ugwa a naga badi, te mone 300 silva mone mobadi yali. ²³ Tama Josepgo te Isipde ebo wiegi yai doado bage hauwa te nogo si donkiba munama, tama aga ayabolo tolali. Tama agai gasa nogo si so donki dali, te wit me bret badi, tama te haniani nai te aga aya sunumidu asobadi te tau selama tqdu asabo nai me tolali. ²⁴ Josepgo aga ama dede augwali tagala paliyu, augwalibolo te tiwai po wali, "Dage peyu, tama dagego duga hasi konila po olamuo," wali.

²⁵ Augwaligo te Isip tq kantri tagalama, te augwa aya Jekop bidibo madi te Kenanba sabolali. ²⁶ Augwaligo te po wali, "Josep te isibe yalio. Menio. Aga bidali, tama megi agai te Isip tq pedai tigidali tonalubao," wali. Jekop te midigi dwai mu selama, tama agai te augwaligo wabo poba te homu daq me wabeo. ²⁷ Tialima, augwaligo te Josepgo augwalibolo wali po tigidali agabolo wali. Tama Jekopgo suali, te Josepgo aga te Isip odasa asomainu tolali karis dabe. Tama aga wiegi yai homu pemene mu yai. ²⁸ Tialima, Jekopgo te po wali, "Mu tama dao! Megi eno koneani, eno ogwa Josep te bidi-

bo ula elalubao! Eno aga sugi paibao. Tama nosali ena isimainu yaibao." Te po wai.

Jekop me, aga ogomani dali, te Isipba pai

46 Te Jekopgo aga doado bage tigidali sisinama, tama aga te Berseba teba pelama, tama agai te aga aya Aisakgo Godiba ofa igi pali. ² Te hulide nade God te Jekopba pedelama, tama i wali, "Jekop, Jekop." Tama Jekopgo te po wali, "Ae, ena e bidibao." ³ Tialima, Godigo te po wali, "Ena God dao. Ena te nago ayago God dao. Nage te Isipba pabo wi me elamuo. Te eno nago hani sibi waj dabe te genuai hani mu pedel-mainu ilaibao. ⁴ Te ena digi ena nage dali te Isipba pelama, tama nosali eno nago hani waj dabe te eba ma odasa asaibao. Tama Josep nage dali bidibadi, te nage isibo siba usu naibao," wali.

⁵ Tialima, Jekopgo Berseba taga soali. Tama aga ogo-manigo aga me, te augwa we dabe me, tama te dwasianu wai te Ferogo augwali te sela asomainu te tolali karisba munama pali. ⁶ Tama augwaligo te Kenande sali te bulmakau me, te gasa nai dabe dali selasa peyu, tama augwali te Isipba pai. ⁷ Tigidali ogwa me, wegi dabe dali, te dwasianu ogwa waj me we, augwali tigidali te Jekop dali pali.

⁸ Te Jekop dali Isipba pali hani dabe augwali nogi e dao. Te gomunai ogwa Ruben da. ⁹ Te Rubengo ogwa dabe nogi te e tiwai, Hanok, me Palu, me Hesron, me Karmi. ¹⁰ Tama Simeongo ogwa dabe nogi e dao, Jemuel, me Jamin, Ohat, Jakin, Sohar me Saul. Saul te Kenan wego ame nani ogwa dao. ¹¹ Tama te Livaigo ogwa dabe e da, Gerson, me Kohat, me Merari. ¹² Tama Judago ogwa dabe e tama da, Er, me Onan, me Sila, me Peres, me Sera. Tiali goli, Er de Onan si te Kenande isali. Tama te Peresgo ogwa dabe e da, Hesron me Hamul. ¹³ Tama te Isakargo ogwa dabe te e dao, Tola, Puva, me Iop, me Simron. ¹⁴ Tama te Sebulungo ogwa dabe e tama, Seret, me Elon, me Jalel. ¹⁵ Ruben me Simeon, me Livai, me Juda, me Isakar, me Sebulun te Jekopgo we Leago, te augwali Mesopotemiade bidali sogo te augwali ame nani. Agai te wegi me deli me ame nani, te wegi nogi Daina. Te we Leago ame nani wai dabe te waj te tigidali 33 usu dao.

¹⁶ Te Gatgo ogwa dabe te e tama, Sifion, me Hagi, me Suni, me Esbon, me Eri, me Arodi, Areli. ¹⁷ Tama te Asergo ogwa dabe te e tama, Imna, me Isva, me Isvi, me Beria, tama augwa abe da Sera da. Tama te Beriago ogwa dabe te e tama, Heber me Malkiel. ¹⁸ Tama te 16 hani sibi augwali te Jekopgo waj te ogwa dabe te we Silpago ame nani. Silpa te se ebo we te Labango aga wegi Leabolo mani, te se ebo we dao.

¹⁹ Te Jekopgo we Reselgo wai te e tama, Josep de Benjamin si dao. ²⁰ Josepgo we Asenat te Isipde selama, tama ogwa si ame nani, Manase me Efraim. Asenat te Heliopolis bulu pris bidi Potiferago wegi dao.

^{††21} Tama te Benjamingo ogwa dabe te e tama wali, Bela, me Beker, ma Asbel, me Gera, me Naman, me Ehi, me Ros, me Mupim, me Hupim, me Art, tama da.

²² Te 14 bage, te augwali Jekopgo ogwa dabe me wai, te Reselgo ame nani hani dao.

²³ Dango te ogwa deli naga ame nani, te Husim dao.

²⁴ Tama te Naptaligo ogwa dabe te e tama, Jasiel, me Guni, me Jeser, me Silem. ²⁵ Te augwali 7 hani te we Bilhago ame nani. Bilha te se ebo we Labango te aga wegi Reselbolo mawai.

²⁶ Te Jekopgo ogwa dabe me waj hani dabe dolo te Isipba pali, te 66 hani augwali Kenandu pali. Te nedali te Jekopgo ogwa dabego we dabe te augwali nedebe.

²⁷ Te Josepgo wego ogwa si te Isipde ame nani. Tama tialima, te Jekopgo hani tigidali augwali te Isipba pali bage nedeyu, tama Josep aga we waide nedali te deliba sisinama, te namba te bidi sese sela olama, gasa bidigo nogo si, te 70 tama augwali te sogo Isip toba sisinama, bidai dao. ‡

Jekop me aga hani we wai te Isipde bidali

²⁸ Te Jekopgo Juda polasa tagala palali, te Josepbolo hanalugi pomainu pelama, te aga aya agai te Gosen hanu toba tiaba asomainu yali. Tama Jekopgo hani augwali te sabolubo sogode, ²⁹ tialima Josepgo te agai po ola tolama, te aga karis sela asobosi, te aga aya tiaba peyu, te Gosen toba pali. Aga aya bidiboba sabolama, tama polo aga pagea sigi pelama, tama gela sesabi elama mu wali.

³⁰ Tialima, Jekopgo Josepbolo te po wali, "Megi da, ena isibaso, te usu dao, magi baso meni, eno nage suali, tama eno koneani, te nage bidibo ula dali bidibo te eno suali," wali.

³¹ Tialima, Josepgo aga ama dedebolo me te aga ayago we wai sibibolo te po wai, "Megi da, te eno Ferobolo e tama po wagi paibao, 'Eno ama dede me eno ayago hani dabe, augwali te Kenande bidali te enaba aselama, bidibao,' po waibao. ³² 'Te hani bidi dabe augwaligo te sipsip me bulmakau dabe tonalubo se ebo da. Augwaligo sipsip me bulmakau dabe dali te tigidali doado bage sela asai,' eno agabolo te po pusaibao.

³³ Tama Ferogo dage i olama, tama dagebolo hanalu, te dagego magi se ebo dawe po obaso da, ³⁴ teda dagego e tiwai po agabolo waiyo, 'Genuai bidi, dago te bulmakau me sipsip tonalubo se te da dwasianu ogomani elalubadi gagalama, te meg e sogoba usu nagasali, te dago dena aya dede hanigo polobadu yali tiwai te dago me yai.' Te dagego te tama tiwai po weyu da, teda dage te Gosen toba pedaide bida po waibao. Eno tama tiwai po wali, magi baso meni, te Isip bidi dabe augwaligo te sipsip tonalubo bidi dabe te augwaligo godolo me ebo meni, tama tedali bidimainao homu ebo dao," Josepgo aga hani bagebolo te po wai.

47 Tialima, Josepgo te tiwai po Ferobolo wagi pali,

"Te eno aya me, eno ama dede dali, augwali te Kenan tagalama, tama meg eba sabolalio. Augwaligo te sipsip dabe me, te bulmakau me, tama augwa doado bage tigidali selasa asai. Augwali meg e Gosen toba bidibao," wali. ² Tama Josepgo aga ama dede a naga sela pelama, tama agai augwali te Ferobolo ola

† 46:6 Tpi 7:15 †† 46:20 Gag 41:50-52

‡ 46:27 Tpi 7:14

magi pali. ³ Tialima, Ferogo augwalibolo hanalu wali, "Dagego magi sę ebo dawew?" Augwaligo te po wai, "Genuai bidi, dago te sipsip dabe te dena ayago polobadu yali tiwai, te dago me te sipsip dabe tonalubo sę ebo dao. ⁴ Da te e bulude bidiyu, sę yainu asali, magi baso meni, te nasi genuai te Kenan tōde eyu, tama dago sipsip dabe te tuabo nosai meni baso, da eba asai. Tama dago homugo te nago dabolo usu da po obaso da, teda da te tō Gosende osogo bidaibao," wali.

⁵ Tialima, Ferogo Josepbolo te po wali, "Te nago aya me, te nago ama dede dali, augwali te asalio. ⁶ Te Isipde wiegi yai tō hauwa te elalubao. Nago me deli gegelama, tama augwali teba muao. Te augwali te Gosende bidainogo ebaso da, te usu dao. Tama nago koneani, te augwali mebago te bulmakau tonalubo sę kuna koneani homu eyu da, teda nago augwali te eno bulmakau tonalubo bidi me nigilao," wali.

⁷ Tialima, Josepgo te aga aya Jekop te Fero pageba odasa pali. Tama Jekopgo agabolo te "Eno homugo nage bugagia bidao," wabo po te Ferobolo mani.

⁸ Tama Ferogo agabolo hanalu wali, "Nago kibu be nisu naga megi elalubawew?"

⁹ Jekopgo te po wai, "Eno kibu be te 130 elalubadi, te ena tigidali tō pedaiba bilali. Tiali goli, te kibu be dabe te bobage sogo sesabi elama bidisiqbadi, tama ena sęę hauwa gegali. Te eno kibu be yali, te eno aya dabego yali kibu be te augwali bilali kibu beba usu nubeo," wali. ¹⁰ Tialima, Jekopgo Ferobolo nage tao po olama, tama aga pali.

¹¹ Nosali Josepgo aga aya me, aga ama dede dali, te Isipde bidimainu tau sali. Agai augwalibolo te Rameses hanu badu elaluali tō te augwali mani. Te tō te wiegi yai mu tama, te Isipde elaluali tō dabe tigidali aiya-ba elaluali. Josepgo te Ferogo wali po tiwai gilama yai.

¹² Agai te aga aya me, aga ama dede me, te augwa we wai puluba usu nama, te bidabo tubo nai mani.

Josep te nasi ebo sogo tonalubo bidi bidai

¹³ Te genuai nasi mu pedelama, tama tigidali tō pedai badu nai meni yai. Tama te Isip me Kenan tō bidi dabe si te augwali bomu mu meni yai. ¹⁴ Josepgo te Isip de Kenan bidi dabego te wit Abelali mone tigidali sisinama, tama agai te Fero pageba selasa pai. ¹⁵ Te Isip me Kenan tōde bidali we bidi tigidaligo mone silali. Tialima, te Isip we bidi tigidali te Josepba pelama, tama augwaligo te po wai, "Nago da nai mao! Te meniyu da, teda nasigo da isaibao. Te nago da tau sabo sunumi me deli gegao! Te dago mone tigidali silalio," wali.

¹⁶ Josepgo te po wali, "Te dagego mone mu silali wida, teda dagego kibu sibi dabe enaba selasa asao, tama eno dage nai mawaibao." ¹⁷ Tialima, augwaligo te hos dabe me, te sipsip me, meme dabe me, bulmakau dabe me, te donki dabe me, te augwaligo Josepba sela asobaso, tama Josepgo augwali nai mani. Josepgo te tiwai sę ela pidubadi, te kibu be siligi pali.

¹⁸ Tama gasa nosali kibu be mede augwali te Josep pageba ma pelama, tama augwaligo te po wali, "Genu-

ai bidi, dago sęę ebo te nagebolo geme me dualugobeo. Te dago mone tigidali silibadi, te tigidali sipsip me bulmakau, te doado bage te nageba mena silai elalubao. Dago nageba maiabo nai me elalubeo. Te dago tigi dali, te dago tō dali si naga te elalubao. ¹⁹ Nago da te nasigo isimainu sula tagalamuo. Te nago da tau sabo sunumi me deli gegaibawew? Nago te gasa bidi dabego dago tō somainogo elamuo. Nago da me, te dena tō dali Abelama, tama da nai mao. Te da Ferogo olo sę ebo bidi selama, tama agai dago tō me saibao. Tiali goli, nago da bulabo nai wai mao. Meniyu da, te da tigidali nasigo isiyu, tama te bulude bidi meni yaibao," te po wai.

²⁰ Te nasi bomu mu ebaso, te Isip we bidi tigidaligo te augwa tō Josepba menama, tama agai te tō tigidali Abelai. Tama te Isipde tigidali tō te Ferogo tō naga pedelama, elaluali. ²¹ Tama te Isip tō pedai tigidali badu we bidi tigidali augwali te Ferogo sę olo mu ebo we bidi pedelali. ²² Te Isip bagego lotu wabo pris dabego tō naga te augwaligo me Abelibeo. Ferogo te pris dabebolo mone menama, tama te monego augwaligo nai abela tuyu, bidali. Tama tibaso, augwaligo tō te me Abelimainu me ebeo.

²³ Te Josepgo te tiwai po te tigidali we bidibolo wali, "Dagego odao, te megi e sogode eno dage me, te dagego tō dali Abelalio. Megi da, dage te Ferogo bage elalubao. Te e da dagego bulabo nai wai dao. Tialima, dagego te giba bulugi pao," wai. ²⁴ "Nosali te gide bulali nai tau elama, sabo si, teda dagego te nai bugulama, pesage a naga holama, tama a wali pesage Ferobolo mao. Te me si me si nama pesage te dagego sao, meba te wai bulao, me badu duga we wai dali tuabo nai muao," wali.

²⁵ Tama augwaligo te po wai, "Genuai bidi, nago da tau mu saligo, tama da me deli te gų pageba me mubeo. Tialima, megi da, nago homugo usu eyu da, da tigidali te Ferogo sę olo mu ebo bidi dabe pedelaibao," wali.

²⁶ Tialima, Josepgo te tiwai bomu yai po me deli te Isipde muani. Te gide nai inabosi da, teda augwaligo gide sabo nai bugulama, pesage a naga holama, tama a wali pesage te Ferogo nai dao, te bomai po te megi me elalubao. Te prisgo tō naga te Ferogo me sabe.

Jekop agai silagasobo po wali

²⁷ Te Israel dabe augwali te Gosen tōde bidaluali, tama augwaligo wai dabe umabo hauwa mu ame nani, tama augwaligo doado bage me hauwa elaluali. ²⁸ Jekop te Isipde bidibadi, te kibu be nogo si olama, sağago a naga, me badu sağ si wagi soali, tama agai kibu be deliba sisinama, te kibu be 147 mu bidai. ²⁹ Te pade Jekop isainu yali. Tama tibaso, aga ogwa Josep i olama, agabolo te po wali, "Te nago enabolo usu da po weyu da, teda nago nogo si te eno sağ si tomoba munama, tama nago bomai po dağ mu weyu, te nago ena bugagia tonaluama, tama ena isibode nago ena te Isipde munu me pubulamuo. ³⁰ Eno homugo nago ena te ena aya dede paba pubaligi pao. Te ena Isipdu ug-

waba tolasa pelama, tama ena te augwali muani gu pageba pubaligi pao," wali.

Josepgo te tiwai po wei ponani, "Te eno nago po wabo gilama tama tiaibao," wali. †

³¹ Tiali goli, Jekopgo te po wali, "Megi nago te se mu yaibao olama, tama mu dao po wao." Josepgo te bomo yai po daꝯ walama, tama agabolo nage usu da po omainogo eyu, Jekopgo tobolu te aga betiba pꝯgulali.

Jekopgo mobo te Efraim de Manase sibolo mani

48 Te meba sogo bidama nosali, augwaligo Josepbolo te po wali, "Nago aya gasi elalubao," wai. Tama Josepgo aga ogwa si, Manase me Efraim si oda sobadi, tama augwali pelama, aga aya sugi pali. ² Te bidi dabego Jekopbolo te tiwai po wali, "Te nago ogwa Josepgo te nage suainu asalio." Tialima, Israel te dwasianu bomu elama gana hodaluama, tama betiba duagulali. ³ Josep sabalubosi, tama Jekopgo agabolo te po wali, "God te Tigidali Bomo Elalubo te enaba te hanu Lusde te Kenande pedelali, tama agai ena wiegi yai mobo menama, ⁴ tama agai te po wali, "Te eno nagebolo wai hauwa mawaibao, tama nago waigo waj dabe te bidi hani hauwa pedelaibao. Te augwalibolo te e tꝯ menama, tama augwaligo tꝯ gagalama, sese-mané sogo bidaibao." ††⁵ Ena nage bidibo digi te Isipba asisabadi, tama nago wego ogwa si ame nani. Te megi eno homugo te ogwa si te eno ogwa si mu tiwai bidimainogo ebao. Efraim me Manase te ena ogwa mu si, te Ruben me Simeon te tiwai si dao. ⁶ Tiali goli, te nago wego nosali ame nabo wai dabe, te augwali naga wai mu yaibao. Tama nosali te deli deli haniba tꝯ dobabo sogo, te nago nosali ame nabo wai dabe te Efraim dali Manase dali sigo hanide te augwaligo tꝯ sa munama, saibao. ⁷ Eno te kolesaga yali, magi baso meni, polobadu te naga ida Resel te ena te Mesopotemiadu ma asobadi, te aga isali. Tama tede ena moni homu dene genuai mu yai. Aga te Kenan tꝯde isali, te da te bulu Efratade te dwasianu digibulu gana bidibadi tiali. Eno aga te Efrataba pabo sunumi sesegede pubulai," wali. Efrata te Betlehem bulu dao. ‡

⁸ Jekopgo te Josepgo ogwa si sulama, tialima agai te tiwai po hanalu wali, "Te e ogwa si te dego wai si dawe?"

⁹ Tama Josepgo te po wali, "Te eno ogwa si da. Godigo te Isipde augwali si te enabolo mani."

Tialima, Jekopgo te po wai, "Eno homugo te augwali si enaba odasa asama, te augwali si eno mobo mawaibao," wali. ¹⁰ Jekop te monu dabe elama, tama agai gedugo te nai dabe bugagia suainu ebo te usu meni yai. Josep aga ogwa si odasa aselama, tama Jekopgo augwali si nogo tola selama, tama augwali si nono nani.

¹¹ Te Jekopgo Josepbolo te po wali, "Polobadu eno homugo te eno nage ma sugobe da, te homu yali. Tiali goli, megi Godigo ena gogoliyu, sula tagalubaso, tama

eno nage me, te naga ogwa si dali, te eno megi dage suali," wali.

¹² Tama Josepgo te aga ogwa si te Jekopgo saꝯa pagede bidali te ma dobola siyu, tama agai Jekop gedude te agai gesabidi te tꝯba basi gulali. ¹³ Josepgo augwali si nogo tola sali. Te dolo nogo badu Josepgo te Efraim nogogo tuali, te Jekopgo aga pobase nogo badu tumainu yali. Tama pobase nogogo te Josepgo Manase nogo tuali, te aga Jekopgo dolo nogo badu tumainu yali, tama agai augwali si te Jekop pageba odasa pali. ¹⁴ Tiali goli, te Jekopgo nogo hasegelama, dolo nogo dali pobase nogo dali si agabe selama muyu, tama agai dolo nogo te Efraim toboluba muani, aga te sabi ogwa bidi tama. Tama agai pobase nogo te Manase toboluba muani, aga te gomunai ogwa dao. ¹⁵ Tialima, agai augwali si mobo te tiwai mani, "Te eno waj Abraham, me te eno aya Aisak, augwali si te God gedude bugagia bilali. Eno homugo te Godigo te e wai si dali dwagi yai se emainao. Te Godigo ena bugagia tonaluyu, ena odasa asali, te megi ede ena bidibao, agai te augwali mobo momainao. ¹⁶ Te mobo bidi enselgo tigide pedelali God, te agai ena tonaluyu, tama ena me dolobe, eno homugo aga digi mobo te augwali si momainao. Te eno homugo te eno nogi me, te eno waj Abrahamgo nogi me, te eno aya Aisakgo nogi me, te augwali sigo hanide elaluaibao. Te augwali sigo wai hauwa mu ame nenama, tama genuai hani bage pedelaibao. Godigo augwali side tama timainao," wali.

¹⁷ Te Josepgo suali, te aga ayago dolo nogo te Efraimgo toboluba mubaso, te agai hagela homu yali. Tama agai aga ayago nogo te Efraimgo toboluba mubo te sela sanama, tama te Manasego toboluba muainu yali. ¹⁸ Tama agai te tiwai po aga ayabolo wali, "Aya, nago te yali se dolo ebeo," wali. "Te e ogwa da, aga te gomunai ogwa dao. Te nago dolo nogo aga toboluba mugi sogo da, te usu igi dao," te po wai.

¹⁹ Tiali goli, aga ayago te agai po wali me pabeo. Menio. Agai te tiwai po Josepbolo wali, "Eno koneani, ogwao. Eno koneanio. Te Manasego hani waj dabe te augwali hani me te genuai pedelaibao. Tiali goli, te aga ama sabi bidi da, te genuai bidi pedelaibao. Tama agai waj dabe te augwaligo te Manasego hani te aiya-ba elaluama, tama augwali te genuai hani bidi sibi mu pedelaibao," wali. ²⁰ Tialima, Jekopgo augwali si te sogo te mobo po mayu, te tiwai po wali, "Te augwaligo te Israel dabebolo hanalu, te dage si mobo mani tiwai emainu, te gasa bidi dabego me te Godigo augwali mobo mao po hanalu waibao. Te augwaligo te po waibao, 'Godigo dage te Efraim de Manase te augwali sibolo yali tiwai yao,' tama waibao," te po wali. Jekopgo te tiwai elama, te agai Efraim te podolama, te Manase nosali ilali. ††

²¹ Nosali Jekopgo Josepbolo te po wali, "Odao! Te paꝯe ena isainu ebao. Tiali goli, God te nage dali bidama, tama agai nage te naga aya dedego tꝯba ma odasa paibao. ²² Sekem te wiegi yai tꝯ mu dao. Eno te Amor dabe dali te hwaꝯe bainat me enesigi sigo boi

† 47:30 Gag 49:29-32; 50:6 †† 48:4 Gag 28:13-14 ‡ 48:7 Gag 35:16-19

†† 48:20 Hib 11:21

hwjnama, tama augwaligo te t̄ eno sali. Tama ena digi eno te t̄ te eno nagebolo naga megī mobao. Eno te naga ama dede augwalibolo me magobeo," Jekopgo Josepbolo te po wali.

Jekopgo te aga nosali ame nabo wāj hani dabede te po digi po begelama, te nosali pedelabo s̄ po pusali

49 Te Jekopgo aga ogomani tigidali i olama, tama aga pibo sai bet sesegede duagulama, tama agai augwalibolo te po wali, "Dage hodobo sisinagase-lama, tama eno dagebolo nosali pedelabo nai po waibao. ² Aselama, hodobo duayagasao, dage te Jekopgo ogomani, tama bugagia odiāo. Dagego duga aya Israelgo po bugagia odao. ³ Ruben, eno gomunai ogwa, nagede eno bomomo elalubao. Tama nage eno gomunai ogwa te ena gesi bidi elalubadi, hasia bolo amē nani. Nago nogi genuai mu, tama nage te eno tigidali ogwade nage bomai mu elalubo dao. ⁴ Te nago kole-saga te w̄ bomonama, subigila soabo tiwai gilama ebo. Tiali goli, nage te gomunai bidi nogi me elalugobe, magi baso meni, nago te naga ayago we dali pagela piali. Tama nago eno we sabo hwjgiani. Nago te ena pibo bet tomoba bogi soali!" wali.

⁵ "Simeon de Livai si, augwali si te ama nami si dao. Augwali sigo te hwjbo moni hwā te sabiliyu, te dwai kolesaga ebo dao. ⁶ Eno te augwali sigo geme ebo s̄de te eno usu da po me wagobe. Ena te augwali si sisinama bidibo pesagede me bidigobeo, magi baso meni, te augwali sigo te wado ebo sogo te bidi dabe ela muyu yali. Tama hagoma eyu, augwali sigo te dodolama bilibo kolesagago te bulmakau s̄gā babi kigibili tologobo da. ⁷ Te haliga s̄b̄ ebo s̄ḡgo te augwali si mesegelali, magi baso meni, te augwali sigo wado po wabo te bomomo mu yali. Tama haliga s̄b̄ ebo s̄ḡgo te augwali mesegelali, magi baso meni, te augwali sigo haliga s̄b̄ ebo te dwai mu yai. Te eno augwali si te Jekopgo bulu tedali tedali tedela pomainu yaibao. Te eno augwali si te Israel bage tomode bida-da pomainu tedela palaibao."

⁸ "Juda, te naga ama dede augwaligo te nago nogi ugwaba saibao. Nago te naga boi bidi dabe augwali te magede tola siyu yaibao. Te naga ama dede augwali mage aiyaba basi gulama, tama nage nogi ugwaba saibao. ⁹ Juda, nage te gesi ogwa bidi laion me deli tiwai. Agai te aga hasa elama, tama nosali te aga geme dualalubo pesagede geme ma duala sigi pabo tiwai yali. Juda te ogwa bidi laion me deli tiwai aga da. Agai te aga s̄gā dili dodolama, tama nosali aga pibo da. Tama me deligo te aga dali hagoma me eyu me egobeo. ¹⁰ Agai te t̄nuni bidigo dono tulama, tama aga s̄gā sawali si tomoba muani. Tama tede mu elaluaibao, te gasa bidigo te bomomo sogobeo. Teda agai te bomomo tolaluyu, tama te bomomo aga aya mu pedelama, tama te tigidali hani bidi dabe tonalubo teba mu usu naibao. ¹¹ Agai te aga donki te bono ni wainde gebelaibao. Agai te ogwa bidi donki te wiegi yai ni wain nologode mu gebelaibao. Agai te aga ugwa te waingo w̄

telawaibao. Agai te kaneme tiwai wain te mama yai aji-go w̄ telawaibao. ¹² Te wain w̄ te sisi yai dao, tiali goli te nosali pedelabo t̄nuni bidigo gedu si te husugu sisi mu yaibao. Te ame p̄ te tedela yai dao, tiali goli te we bidi tonalubo bidigo kele dabe te wiegi yai nala tigi poai yaibao," wali.

¹³ "Sebulun te tamu aji p̄de bidaibao. Te aga bidibo tama w̄ saneba te sip dabe tuagasobo madi elaluaibao. Te agai t̄ sesege badu te d̄j igi pabo te Saidon buluba usu nugi paibao."

¹⁴ "Isakar te bomai donki tiwai me deli dao. Tiali goli, aga olo te walu tomo daide pila muaibao. ¹⁵ Agai te toma nabo dwagi yai bulu pesage sulama, tama t̄ te wiegi yai mu elaluai, tama agai te walu dabe toliyu, te dili bomomo elama, tama aga te olo s̄ ebo bidi pedelama, tama bomai s̄ dene yaibao."

¹⁶ "Dan te aga hani bidi dabe augwali te Israel hani me deli dao, tama agai te aga we bidi dali te po t̄ dodolobo s̄ bugagia yaibao. ¹⁷ Dan te sunumi sesegede te hasamani me deli tiwai elaluaibao. Te hwjbo hasamani me deli da. Aga te sunumi sesegede bidaibao, tama te posoga paliyu, te hos s̄ḡde ḡḡ kelaiba, tama bidi te hosde dualama udabaso da, te aga tula muaibao."

¹⁸ "Yawe, nago ena tau somainu eno nage tonalubo dao."

¹⁹ "Te nai wi sabo bidi dabe augwaligo te Gat dali hwjagasaiabao. Tiali goli, Gatgo te augwali dali ma begelama hwjyu, tama augwali ela gudulaibao."

²⁰ "Te Asergo t̄de te wiegi yai nai mu holaibao. Te Asergo te gavman t̄nuni bidigo wiegi yai tuabo nai pedalubo s̄ ilaibao."

²¹ "Naptali te uni sulai meme te aga homu wali bilibo tiwai yaiba. Tama aga wiegi yai wai dabe ame nabo da."

²² "Josep te bidigo tonalusiābo donki me deli tiwai. Aga te w̄ ulu sesegede bidibo donki me deli tiwai. Aga te bulu du pedai badu bidibo, te ogwa bidi hos me deli tiwai dao. ²³ Te boi bidi dabego moni w̄bi dobo mu hwjaibao. Augwaligo enesigigo aga pobeasa paibao. ²⁴ Tiali goli, augwaligo enesigi tigidali togwa pali. Tama agai enesigi balibi pedebeo. Te God, Tonalubo Bidi, agai te Israel dabe sesemane sogo tau siyu, tama te kolesaga ebo hasegelegobeo. Te agai bomomo te moni genuai bulu du masigi tiwai dao. Te God agai te Josep dali boi homu ebo bage augwali aiyaba elaluaibao. ²⁵ Aga te naga ayago God, tama aga bomomo tigidali elalubo. Eno homugo agai nage mobomayu, tama nage tau sabo. Te mobo hauwa Josepba muaibao, te kulubage ugwadu tulubo, tama t̄ dologode w̄ pedalubo, te idago wai hauwa ame nabo mobomobadi, ²⁶ te tubo nosai wai dabego mobome, te plaua dabe holobo mobome mani, te polobadu bulu du dabe te mobome mani, te sesemane sogo elalubo bulu du dabe mobomawai. Eno homugo te tigidali mobote Godigo Josep toboluba muao. Augwali te bidiba holama, te augwaligo aga te gasagi yai bidi te

aga ama dede tiwai gilama me nigilibeo. Menio. Josep aga gasagi yai tedali bidi bidaibao," wali.

²⁷ "Benjamin da, te genuai uni yowi me deligo te hasa dabe elibo kolesaga konebo tiwai gilama yaibao. Te kigamu te aga te elali hasa tubo gilama yaibao. Tama pio aga te sali nai dabe dobaduaibao," wali.

²⁸ Te e da, te Israel hani nogo si olama, saqago si, tama te dwagi yai bidabo po dabe te aga ayago augwalibolo wali. Tama agai augwali tigidali deli delibolo usu nama, te po augwa ayago augwalibolo wali.

Jekop isibaso, tama augwaligo aga pubulali

²⁹ Nosali Jekopgo te po aga ogomanibolo wai, "Enade, te pađe megi tama eno ena hani isali bage dabe sisinigi paibao. Dagego eno tigi te ena waj dabe dali te bidi Hit hani dabego te Efrongo tɔ pedai badu te ola be tomoba mugi pao. ³⁰ Te ola be te giliga ge pedalubo badu te Mamre, te Makpela bulude elaluali, te Kenan tɔ badu elaluali. Abrahamgo te tɔ te Hit bidi dabe, te Efrongo tɔde abelali. Agai te tɔ me, te ola be me, te gɔ page nigainu abelai dao. ^{†31} Augwaligo Abraham de aga we Sara si te gɔ pagede pubulali. Tama augwaligo Aisak me aga we Rebeka te gɔ pagede pubulali. Tama eno te Lea me te gɔ pagede pubulali.

^{†32} Abrahamgo te tɔ me, te ola be dali, te Hit bidi dabe dali polobadu abelai dao," wali.

³³ Jekopgo aga ogomani dali po mia silama, te aga saqā te bet sai dologo tomoba bulama, tama aga isali. Aga te aga hani bage bidalubo madi, te isali bidi dabego buluba tama pai. †

50 Josep aga aya bauba pigiluama, tama aga gela olama, tama agai aga gesabidide nono nani.

² Nosali Josepgo te aga dokta bidi dabebolo olama, te aga tigiba te tobage wel muao wali, te tigi polo me dolidali weyu tama tiali. Te dokta dabego te Josepgo wali po tiwai gilama yali. ³ Augwaligo te tiwai sɛ te bidi sese si sogo, te 40 dei, te tama sogo yali, te tama sogo augwaligo te sɛ yali bodolu muani. Nosali te Isip bidi dabego Jekopde gela udubadi, te 70 sogo bidali.

⁴ Te Josep aga ayade homu dene eyu, gela weyu yali te silibo side, teda agai te tiwai po te Ferogo ofisa bidi dabe dali wali, "Te dagego enade wiegi yai homu eba wida, teda eno e wabo po te dagego Ferobolo wagi pao, ⁵ Te eno aya isainogo ebo sogo, agai enade po daɣ walu, te eno aga te aga tigi te Kenande nigali gɔ pageba pubaligi pao po wai. Tama tibaso, nago ena tagala paloyu da, te eno aya bolo pubaligi pelama, tama nosali te ena ma asaibao,' te po wao," Josepgo te po wali. †

⁶ Ferogo te tiwai po wei ponani, "Nago te naga ayago nagebolo te po daɣ wali gilama tama naga aya pubaligi pao," wali.

⁷ Tialima, Josep pelama, te aga aya pubaligi pali. Te tigidali ofisa bidi dabe, me te Ferogo bede bidalubo genuai bidi dabe, me te Isipde bidalubo tigidali tobolu bidi dabe me, augwali te Josep dali pepela wali. ⁸ Te

† 49:30 Gag 23:3-20 †† 49:31 Gag 25:9-10; 35:29 † 49:33 Tpi 7:15 †† 50:5 Gag 47:29-31

Josepgo we wai me, te aga ama dede me, te aga aya-go we wai me, tigidali te augwali pali. Te dwasianu wai dabe naga te sipsip dabe dali, te meme dabe me, tama te bulmakau dabe dali, augwali te Gosen tɔde bidaludali. ⁹ Te karis dabe me, te hos kibude bilibo bidi dabe me, augwali te Josep dali pepela wali. Tama te genuai hani dabe mu augwali pai. ¹⁰ Augwali tama pelama, tama te wit penibo pesage te Jordan aɣi u badu, te augwali Atat teba pedelali sogo, augwaligo te bobage sesabi ebo gela genuai te bidi pubalubo gela tiwai wali. Tama Josepgo te homu dene ebo kolesaga elama, tama aga gela udubadi, te a naga olama, me badu nogo si sogo bidali. ¹¹ Te Kenan bage augwaligo te Isipdu asali bage te Atat bulude gela me homu dene ebo sulama, tama augwaligo te po wai, "Te sɛ ebo te Isip dabego genuai gela weyu, te homu dene ebo kolesaga dao." Tama tibaso, augwaligo te bulu nogi te Abel Misraim nogi yali. †† Te bulu te giliga ped-alubo te Jordan badu elaluali.

¹² Te Jekopgo ogomanigo po wali pelama, te augwalibolo wali po tiwai gilama yali. ¹³ Augwaligo aga te Kenan tɔba tolasa pelama, tama augwaligo aga te Makpela ola bede pubulali, te bulu te Mamre te giliga pedalubo badu elaluali. Abrahamgo te tɔ te Efrongo tɔ pedaide abelali, aga te Hit hani bidi me deli da. Agai te tɔ abelali, te gɔ page nigabo pesage abelali. ¹⁴ Josepgo aga aya pubulama, tialima aga te Isipba te aga ama dede dali badi, te aga dali asali bidi dabe tigidali te Isipba ma pepela wali. †††

Josepgo te aga ama dedego wi ebo te tagalao po wai

¹⁵ Te augwa aya isalima, te Josep aga ama dedego augwa hasi te po wai, "Megi da, magi yaliwe, te Josepgo da dali te dago aga dali dwai sɛ yali te tigidali wei ponoyu, te da dali wado me udugowe?" ¹⁶ Tialima, augwaligo te po Josepba ola tolali, "Te nago aya isisabadi, agai te po dabolo mawai, ¹⁷ Te Josepbolo wao, "Eno nagebolo hanalu wali, te naga ama dedego te dwai sɛ genuai yali, te sɛgɛ nago sela sayao," te po wai dao. Da te nago ayago Godigo sɛ bidi dao. Da nagebolo dwai sɛ yali. Megi, nago te dago yali dwai sɛ sela sayao." Josepgo te po wali odolama, tama aga gela udali.

¹⁸ Nosali te Josep aga ama dede sabolama, tama augwaligo augwa tobolu aiyaba basi gulai. Tama augwaligo agabolo te tiwai po wai, "Da nageba pedelali, te nago olo sɛ ebo bidi bidaibao," wali.

¹⁹ Tiali goli, Josepgo te po augwalibolo wai, "Dage wi munu me elamuo. Eno te God tiwai gagalama, te dagego te dwai kolesaga yali te eno wei ponogobeo. ²⁰ Polobadu dagego ena dolabo homu daɣ wali. Tiali goli, Godigo te dwai kolesaga begelali, tama agai te bidi hauwa bidibo ula elaluyu, tama augwali me ha-gaidali weyu, wiegi yai sɛ pedalumainu ilali. Tama tialigo da, megi te we bidi dabe bidaluali. ²¹ Tialima, megi dage wi munu me elamuo. Te eno dage me, te dagego

†† Te Hibru pogo te bulu nogi Abel Misraim te page elalubao, te "Isip dabego gela wabo," te wabo dao. ††† 50:14 Tpi 7:16

wai dabe dali, tonalueibao." Josepgo te tobage wiegi yai po aga ama dedebolo menama, tama te pogo augwali homu bugagia tegaluali. Tama augwali wi munu me ma ebeo.

Josep isai

²² Te Josep te Isipde aga ayago hani dabe dali bidali. Te Josepgo kibu be 110 elama, tama aga isai dao.

²³ Aga te gedu pedalu bidibadi, tama aga ogomani me subadi, te Efraimgo ame nani wai dabe me suali. Te Makirgo wai dabe ame nani sogode, Josepgo te aga hani wai tomoba sela muani. Makir te Manasego ogwa dao.

²⁴ Josepgo te tiwai po aga ama dedebolo wai, "Te sia sabode ena isaibao," wai. "Tiali goli, te Godigo dage tonalueibao, tama agai dage e bulude bidali sela peyu,

taga paibao. Tama agai dage odasa peyu, te Abraham-bolo me, Aisak me Jekop, te augwalibolo mawaibao olama, te po daꝝ wali toꝝba dage odasa tagaligi paibao," wali. ²⁵ Nosali Josepgo te Israelgo ogwa dabebolo te mu po dao po wao po me deli te hanalu wali. Agai te po wali, "Dagego enaba po daꝝ waliyu, te God asiyu dage tau sabo sogode, teda dagego ena pubulali pesagede te ena tigi dili hodolama, tama dage peyu, te dili sela piꝝo," wali. †

²⁶ Josep aga kibu be te 110 elama, te aga isali. Augwaligo te bidi tigi damusiꝝbo te tobage wel dabe te aga tigi damudali weyu, te aga tigide muani. Augwaligo te tiwai Isipde elama, tama augwaligo aga tigi te gu page nigali halobage me deliba muani.

† 50:25 Sai 13:19; Jos 24:32; Hib 11:22

Godigo Aga We Bidi Dabe Boi Bidi Nogode Ma

Dobola Sali

Hasia nedebo tau sabo po

Te e bukude elalubo po da, te Godigo aga hani Israel dali yali sę po da dali pusubo dao. Tama dago te buku Tigidali Nai Gagalama Nigali Side nedeyu da, te nago e bukude po gegebo bugagia koneaibao. Tialima, nago hasia te buku Tigidali Nai Gagalama Nigali Side tede yali sę po te nago homugo koneao. Te buku, agai pęwadage nogi Page Gagalali, tego po page e buku aga pęwadage nogi Ma Dobola Sali, tede asęai dao. Te Israel augwali menibadi, Godigo Abraham aga wali asomainogo i wai, tama Godigo Abraham dali bomu yai po daę wai, tama te Abrahamgo hani nosali pedaliyu, augwali genuai bomu yai hani bidaibao wai. Te buku Page Gagalalide Abraham dali te sęęę me aga usu sela suyu, aga ogwa Aisak, te Jekop aga waję dali yali po wai. Hauwa sogo te bidi selago Godigo te augwali dali te bomu yai po Abraham dali daę wali te mu po waliwe ma ti-bo po waliwe, te homu yai.

Godigo gasa bomu yai po me Abraham dali wai. Agai te po wai, "Te Kenan tę nago waję dabe nosali pedalobo hani augwalibolo te tę mawaiba," wai. Tama nosali Jekop te tęba bidigi pelama, tama agai wai hauwa mu ame nai. Tialima, te Page Gagalali buku silabo sogo te Kenan bulude nasi te sogo genuai mu yai. Tibaso, Jekop aga hani ogomani dali te Kenan tę tagalama, Isip buluba bidigi pai. Tama augwali te Isip tęba pesiębadi, Kenan tęde bidali, te sogo bidi meba augwaligo Josep te Jekopgo ogwa odasa pelama, Isip tęba bidigi pai. Josep te Isip bulude genuai bidi bidibadi, te sogo aga aya, me aga ama dede sęęę sobadi, agai augwali bugagia tonaluyu, tama te sęęęę augwali dolobeo.

Josep isai digi, tama te sogo kibu be hauwa te 400 bidai. Tama tialima, te nosali, e buku Ma Dobola Sali tede wali te po mu pedelai. Tama te sogo Jekopgo waję dabe te hani Isip bulude me bidai. Tama te hanigo gesi nogi te Israel wai. Polobadu Godigo te nogi Israel Jekopbolo mawai, tama augwaligo augwa ayago waję te nogi sai. Tama meba bidi hani augwaligo Israel hani nogi weyu te po wai, augwali te Hibiru hani dao wai.

Tama augwali te Isip bulude bidali sogo augwali te we bidi hauwa bidai, tama augwali bomu meni yai hani bidai, tama te sogo augwa bulu tali me elaluai menio. Augwali dwai mu bidiyu, tama augwali te Isip hanigo sę ebo olo we bidi bidai.

Tialima, God agai te Abraham dali daę wali bomu yai po te agai gegeda palobeo. Menio. Te po agai me konealuai, tama agai te Moses daę muyu, te Israel we bidi Isip bulu tagalama odasa pomainogo yai. Tialima, hasia God agai gasagi yai bomu yai sę hauwa Isip hani dali elama, tama augwali Israel Isip hanigo bomode bidali tagalama, odasa painogo yai. Te buku Ma Dobola Sali nogi page e tiwai, Godigo aga we bidi hani ma selama, bulu me deli tagalama pai. Tama te nogi te Israel hanigo Isip bulu tagalama, gasa buluba pali te po wai.

Israel hanigo Isip bulu taga pai, augwali te masigi sane aę nogolama, tama augwali Sainai bulu duba sabolai. Augwali te Sainai bulu dude bidibadi, Godigo te po augwali dali weyu, "Dage eno we bidi hani mu dao, te eno dage sa mubao," te po wai. Tama agai bomu yai po hauwa augwalibolo mawai, te Godigo dwagi yai kolesaga augwaligo te kolesaga wali pelama konemainogo yai. Tama Godigo Mosesbolo te po me wai, "Nago te genuai ugwa be me sę yao, tama tede augwaligo Godibolo lotu po weyu, agabolo te dwai sę ebo sela sęyu, nai ula ma-iabo be sę yao," wai. Tama augwaligo te Godigo po wali pelama, te ugwa be sę yai. Augwaligo te sę silai, tama Godigo genuai ula te ugwa bede paęęaluai.

Tama augwali te bulude bidibadi, Godigo augwali dali bomu yai po wai, te po wali aga polasa peyu, augwali te Kenan tę menama, tama augwali te tęde tigidali sogo mu bidabo tę agai augwali mawaibao wai. Tama Israel hani augwali te masigi sane yai buludu pai. Tama augwali pelama, te be sili nigibo digi augwaligo te Godigo ugwa be sę ebo te koneai, tama sesemane sogo God augwali dali bidai. Nago te Josua dali, te tobolu bidi hani me-

ba augwaligo po nago nedeyu da, te nago augwaligo te Kenan t̄o sigi bilama, bidainogo yali, te po koneaibao. Te bukugo nogi tama wai, Godigo we bidi augwaligo s̄e yali usu mu yai.

Tama nosali, Israel hani augwa bulude bidibadi, me gasa t̄ode bidibadi, te sogo, augwaligo te polobadu Godigo augwali Isip t̄ode bidibadi augwa t̄o Kenan te buluba odasa aselama, augwali te Godigo we bidi bidai, tama augwaligo homugo te tiali ma konebo dao. Tama Godigo te buku me badu tede God agai te genuai s̄e Israel hani dali yali po elalubo dao.

Ma Dobola Sali te bukude as̄ani po e tama elalubo dao. Daj 1 tede gagalama, te Daj 18 teba siligi pai, te po wai, Godigo Israel hani Isip bulude bidibadi, Sainai bulu duba odasa soali po wai. Daj 19-24 tede Godigo Israel hani dali bomu yai po weyu, po wai agai po hauwa augwalibolo mawai. Tama God agai nogo si bomu yai po habu po te Daj 20, te po as̄ai elalubo. Tama Daj te 25-40, tede Israel hanigo s̄e haniani augwaligo te Godigo ugwa be s̄e eyu yali po as̄ai elalubo dao.

Isip hani augwaligo Israel hani dali dwai s̄e yai

1 ¹⁻² Te Jekop aga ogomani dali augwali hodobo Isip buluba pai. Tama te sogo augwa we wai dabe dali hodobo pai. Jekopgo ogomani nogi tama wai: Ruben, me Simeon, me Livai, me Juda, ³ me Isakar, me Sebulun, me Benjamin, ⁴ me Dan, me Naptali, me Gat, me Aser. ⁵ Tama agai ogwa me te Josep polasa pelama, Isip buluba polobadu bidigi pai dao. Te sogo te Israel hani, te Jekop aga hani mu, augwali te bidi sese sela olama, nogo si we bidi 70 augwali Isip buluba bidigi pai. ⁶ Tama nosali Josep aga ama dede aga hani tigidali augwali te sogo te Isip bulude bidibadi, augwali tigidali isai. ⁷ Tiali goli, augwaligo ame nani wai te Israel hani augwaligo wai hauwa ame nai, tama augwali hani hauwa mu te bomai bidi hani pedelai, tama augwaligo te Isip t̄o pedai badu Gosen te paḡana sai. ^{††8} Tama nosali gesi tuni bidi me deli pedelama, agai te Isip bidi hani tonalwai. Tama te gesi tuni bidi agai te Josepgo nogi konesiḡwai. ^{†9} Tama te tuni bidigo aga Isip we bidi hani dali te po wai, “Suiḡo, te Israel we bidi hani augwali hauwa mu yai, tama augwaligo bomogo dago bomu aiyaba elaluaibao. ^{†10} Tama w̄abi hwjbaso da, te augwaligo dago boi bidi dali taluama, da dali hwjyu, tama dago bulu tagalama, augwali wi paibao. Tama dago augwali hani hauwa pedalidali weyu, daḡ wabo t̄u gegegaibao,” te Isip gavman polasa tuni bidi agai te po wai. ^{††}

^{†11} Tama te po olama, te Isip hanigo te Israel hanigo bomu kimi isilainogo eyu, tama augwaligo te s̄e tonalubo bidi dabebolo te s̄e mawai, tama te bidi dabe augwaligo te Israel hani s̄e emainogo selai, tama augwali s̄e dene mu yai. Tama augwaligo te Israel hanibolo genuai hanu me si niga po wai, te hanu me nogi Pitom, me Rameses. Te hanu side te Isip tuni bidigo nai sisinabo madigi te hanu nigai. ^{†12} Tama te Isip hani augwaligo Israel hani dali dwai s̄e dene menama, tama augwali mu dolobo s̄e yai goli, tialima te Israel hani bidi hauwa mu pedaliyu, tama tedela peyu, tama te Isip bulu t̄o paḡana sai. Tama Isip hani augwali te Israel bidi hani sulama, tama dwai homu eyu, augwali wi mu yai. ^{†13-14} Tama Isip hanigo Israel bidi hanibolo s̄e dene

† 1:4 Gag 46:8-27 †† 1:7 Tpi 7:17 ‡ 1:8 Tpi 7:18 †† 1:10 Tpi 7:19

mawai. Tama Israel hani augwali dodolama mu bidai. Tama te Isip hanigo Israel bidi hanibolo te masigigo be s̄e ebo, te s̄e me te gi s̄e me ya wai, tama augwali s̄e dene mu yai. Tama augwaligo Israel bidi hani hobede me ebeo. Mu menio.

^{†15} Tama we si bidali, te we me nogi Sifra, me we nogi Pua, tama te we augwali sigo te Israel te Hibru we dabego wai ame nabo tau sabo s̄e yai. Tama te Isip tuni bidi agai te we sibolo te po wai, ^{†16} “Dage sigo te Hibru we me deligo wai ame nobadi tau sabo sogo, tama te wego wai te ogwa ame nobaso da, te wai dage sigo ela muao. Tama te wego wegi ame nobaso da, te wai dage sigo elisiḡma tagalao,” wali.

^{†17} Tama te we si God dali wi elama, tama augwali sigo te tuni bidigo wali po wali pabeo. Tama te we sigo te Israel we dabego ogwa ame nabo elisiḡma tagalama elalwai, te we sigo te ogwa ame nabo elebeo.

^{†18} Tama te Isip tuni bidigo te we si i olama, augwali sibolo te po hanaluyu, te po wai, “Magi baso dage sigo tama tebo dawo? Magi baso dage sigo te Israel wego te ogwa ame nabo sula tagalama elalubo dawo?” wali.

^{†19} Tama augwali sigo po wei ponoyu, te po wai, “Hibru we augwali te da Isip we dabe tiwai menio. Augwali te bomu yai we dabe weyu, tama augwaligo wai polo mu ame nabo dao. Tama da augwali paḡa pedalisiḡbadi, augwaligo wai polo ame nai digi da pabo dao,” wali.

^{†20-21} Tama Godigo te we si dali dwagi yai s̄e yali. Augwali sigo God dali wi yai, tama agai te we augwali sigo me wai ame nomainogo yai. Tama Israel hani augwali hauwa mu pedaliyu, tama augwali bomu yai bidi hani pedelai. ^{†22} Tama nosali tuni bidigo Isip we bidibolo te po wai, “Dagego te Hibru hanigo ame nabo wai te ogwa tigidali selama, te moni pabo aḡ Nail te aḡba saḡa,” wai, “tama te wegi yai baso da, tagalama bidimainao,” wai. ^{††}

Augwaligo te wai Moses elebeo

2 Tama te Israel hani tomode, bidi hani me Livai hanigo te me Livai hanigo wegi sai dao, polobadu. ^{†2} Tama nosali te we haliga elama, tama wai ogwa me deli ame nai. Tama te wego te wai boḡ dwagi yai wai yai baso, geme dualama, tama te wai dualama polua

†† 1:22 Tpi 7:19

sela bidai. ^{†3} Tama nosali agai te wai ma dualainogo yali usu meni yai, tama agai te basket wa augwaligo te awi diligo nigai selama, tama mege me siyu, tama te megego te basket wa dedage sebelai. Tama agai te wai te basket wa tomode pilama, sela pai, tama te Nail aji sesegede te sigi sili elalubo digi te wai dualigi pai, te sigi sili tomode, te aji daide muai. ⁴ Tama te wai aga abe digibulu gana dulaluyu, tama te wai dali magi se ebowe naga suainogo tonaluai. ⁵ Tama aga dolalubadi, te Isip tuni bidigo wegigi agai se we dabe dali te aji ba asai. Tama aga se we dabe augwali te olo bilalubadi, tama te tuni bidigo wegigi aji paugigi pai. Tama te wegigi agai te basket wa sigi sili tomode munalubo sulama, tama agai aga se we me deli tagala palama, tama te wa agabolo sela magasali. ⁶ Tama tuni bidigo wegigi agai te basket wa dalama suali, te wai boju ogwa te wade munalubo suai. Tama agai te wa po dabadi, tama te wai boju gela wai, tama te tuni bidigo wegigi agai te wai homu dene mu eyu, tama agai te po wai, "Te e wai! Te Hibiru hanigo wai dao," te wegigo te po wai. ⁷ Tama te wai aga abe paba aselama, te tuni bidigo wegibolo hanaluyu, te po wai, "Te eno Hibiru we me i wagi pelama, tama e wai ame menama, tama te e wai te wego negebo usu egowe?"

⁸ Tama tuni bidigo wegigi agai te po wali, "Te usu dao, te nago tama tiao," wai. Tama te wai aga abego aga ida mu odasa asai. ⁹ Tama te wai aga ida asai, tama te tuni bidigo wegigi te webolo te po wai, "Eno te wai nago selama, ame mayu, bugagia tonaluo," wai, "tama eno nage masigigi abelaibao," wai. Tama te wai aga idago selama, ame mayu, bugagia tonaluai.

¹⁰ Tama nosali te wai dwasianu genuai gana ebo si, aga idago te wai te tuni bidigo wegibolo magi pai. Tama tuni bidigo wegigi te wai aga wai mu tiwai yai. Tama agai te po wai, "Te eno e wai aji de munalubadi, tama eno ugwaba sela holai, tama tebo olama. Tama tibaso, eno agai nogi Moses poai," wali. ^{†† ‡}

Moses Midian buluba wi pai

¹¹ Tama nosali Moses genuai bidi yai, tama agai te Hibiru bidi hani sugi pai, te augwali aga hani bidi, tama abagi dabe dao. Tama agai suali, te augwali Isip tuni bidigo se ebo dene mu yai. Tama agai suali, te Isip bidi me deligo Hibiru bidi me deli ela mubo suai, te Moses aga abagi te Hibiru hani. ^{††12} Tama Moses agai tonono bilali, te bidi me bidibo subeo. Tama agai polo mu te Isip bidi ela muai, tama te bidi te masigi kemide haluai. ¹³ Tama te sogo nosali Mosesgo suali, te Hibiru bidi me aga si hwjbo suai. Tama Moses agai te wado po olama, hwjani page bidi dali te po wali, "Magi baso naga naga abagi elebawe?"

¹⁴ Tama te bidigo Mosesgo po wei ponoyu, te po wai, "Nage te tobolu bidi, tama dago po dodolobo bidi me nio. Tama nago ena elainogo, te nago Isip bidi me ela muani tiwai yainogo obawe?" Tama Mosesgo te bidigo

† 2:2 Tpi 7:20; Hib 11:23 †† Te Isip pogo te nogi Moses te gasa po wabo dogoni tiwai si pade dao, te wabo po te "ajdu ugwaba sela holai," tama wabo. ‡ 2:10 Tpi 7:21 †† 2:11 Hib 11:24

te po wabo odolama, aga wi yai. Tama agai te homu yai, 'Eno te Isip bidi me elali, te we bidi augwaligo polo koneai,' te homu yai. [‡]

¹⁵ Tama nosali Isip tuni bidigo Mosesgo te se yali po odolama, tama agai Moses elainogo yai, tama tibaso Moses aga wi digibulu pelama, te Midian buluba bidigi pai. Aga te tpa sabolama, tama aga te aji tubo digi te sesegede dulaluai. ^{††16} Tama te Midian tpe pris bidi me deli digi bidai, tama agai nogi si, te Ruel, me Jetro. Tama te bidi agai wegigi a naga olama me badu nogo si bidai. Tama Moses te aji ulu tpe dedagedu asobo digi pade dulaluai, tama te bidigo wegigi dabe te augwa ayago kibu sipsip meme dabe maiabo aji tuagasu asai.

¹⁷ Tama tialima, gasa sipsip tonalubo bidi hani aselama, tama augwaligo te bidigo wegimani aji tuagasu asobadi, augwali sela sanama, "Pao," wai. Tama Moses agai te wegigi dabe tau siyu, tama te bidi dabe augwali sela sawai. Tama nosali Moses agai te wegigi dabego kibu sipsip meme dabe aji mawai.

¹⁸ Tama nosali te wegigi dabe augwa aya Ruel bidibo digi ma pai, tama augwa ayago augwalibolo hanaluyu, te po wali, "Magi elama, dage megigi polo ma asobawe?"

¹⁹ Augwaligo po wei ponoyu, te po wali, "Isip bidi me deli agai da tau selama, tama te gasa kibu sipsip tonalubo bidi dabe augwaligo da ela gudulubeo. Tama te bidi agai dago kibu sipsip meme dabe me agai aji mawai," wali.

²⁰ Tama te bidi aga wegigi dabebolo hanaluyu, te po wali, "Te bidi menade bidibowe? Tama magi baso dagego aga ude taga soaliwe? Dagego te bidi aga i wagi pelama, tama aga da dali nai tuagasomainao," wali. Tama te wegigi dabe pelama, augwaligo Moses odasa asai. ²¹ Tama nosali Jetro agai homugo Moses aga dali bidimainogo yai, tama Mosesgo te usu dao te po wai. Tama Jetro agai wegigi Sipora me Moses mawai, tama Mosesgo te wegigi sai. ²² Tama nosali Sipora wai haliga elama, tama ogwa me deli ame nai. Tama Moses agade digi po weyu, te po wali, "Ena gasa bulu tpe bidi e tpe bidibao. Tama tibaso, eno te wai nogi Gersom dao obao," te po wai. ^{†††}

²³ Tama kibu be meba bidilama, tama nosali te Isip tuni bidi isai. Tama Isip hani augwaligo Israel hanibolo se dene mu mawai. Tama Israel hanigo Godigo augwali tau somainogo tigidali sogo Godibolo gela weyu, i wai. ²⁴ Tama Godigo augwaligo te gela wabo odoyu, tama Godigo te bomu yai po Abraham, me Aisak, me Jekop, augwali dali daq wali, te agai koneai, tama agai te augwaligo wajigo wai dabe augwali tau saibao te po wai, polobadu. ^{§25} Tama tibaso, God agai te Israel bidi hani augwali dodolama mu bidibo suai. Tama agai augwali hobede elama, agai augwali tau sabo homu yai.

†† 2:14 Tpi 7:23-28 ††† 2:15 Tpi 7:29; Hib 11:27 ††† Te Hibiru pogo te wai nogi Gersom wabo dogoni te "Gasa tpe bidibo" po wabo dogoni tiwai si pade dao. § 2:24 Gag 15:13-14

Godigo Moses i wai

3 Tama nosali me sogo Moses agai te kibu sipsip dabe, me te meme dabe te aga waj Jetro nai dabe tonaluai, te Jetro aga da te God dali te Midian bage tomode dolalubo pris bidi dao. Tama me sogo deli sogo Mosesgo te kibu sipsip me meme dabe odasa peyu, te wa pai bulu taga peyu, te tq pedai me nogi Horep, te bulu du Sainai tede elalubo, teba sabolali, te Godigo bulu du dao. ² Tama Genuai Bidigo Ensel Mobo Bidi agaba pedelama, te sia dabo tiwai, te dwasianu ni nologo tomode sia bogoli pedelai. Tama Mosesgo sia te nide dabo suali, tiali goli te siago te ni dela dolobeo. ³ Tama Moses aga homu hauwa eyu, te po wali, "Te gasagi yai nai mu dao. Tama magi baso mu siago te ni dolobewe? Te ena paba pelama, te sia dabo nai sugi paibao," wali.

⁴ Genuai Bidi te sia dabo ni tomode bidibadi, te Moses paba asobo suali, tama Godigo i olama, te po wali, "Moses. Moses." Te po wali. Tama Mosesgo te po wai, "Magi yaliwe?" ⁵ Tama Godigo te po wai, "Nage paba aselamo dao. Tama nago sanga nadoba dia muao. Magi baso meni, te megi nage dolalubo tq te eno tedali gasagi yai tq, tama te tq eno habu selai tq dao. ⁶ Tama ena te nago waj dabego God dao. Ena te Abraham, me Aisak, me Jekop, te bagego God dao." Mosesgo te po odolama, aga gesabi halua sali, magi basowe, agai te God subo wi ebaso, tiwai dao.

⁷ Tama Genuai Bidigo aga dali te po wali, "Eno suali, augwaligo eno we bidi Isip bulude mu dolobao. Tama eno we bidi augwali ena i wabo se ebaso, te augwali dwai tonalubo bidigo nogode ma somainogo yai. Eno te i wabo odoyu, tama eno mu koneani, te augwali dene me te sege mu sabo dao. ⁸ Tama ena dulai dao, tama te augwali te Isip dabego nogode ma selama, tama augwali te genuai tq me deli te tq ili hauwa elalubo, te nai bugagia dwagi yai mu holobo tqba odasa paibao. Te tqde megi te Kenan bidi hani me, te Hit hani me, te Amor hani me, te Peres, me Hivi, me Jebus, te tama hani augwali te tqde megi bidibo dao. ⁹ Mu tama, eno te Israel hani we bidigo gela odolama, eno suali, te Isip dabe augwaligo dwai kolesaga mu augwali dali ebo dao. ¹⁰ Tama megi eno nage te Isip tuni bidi bidibo digi tagala palama, te tuni bidigo nage sula tagalama, te nago eno we bidi Israel hani augwali te Isip bulu tagalama asomainao," wali. †

¹¹ Tiali goli, Mosesgo Godibolo te po wali, "Ena magi yai bidi, tama ena te Isip tuni bidiba pobaso da, eno te Israel we bidi te Isip bulu tagalama, odasa asobo usu egowe?"

¹² Tama Godigo te po wali, "Ena nage dali bidibao. Tama megi eno magi nai me deli nagebolo waselama ola mayu, tama nago kuna koneagameo, te ena digi eno nage te Israel we bidi augwalibolo tagala palobao. Te ola mabo se e tama dao: te nago te we bidi Isip tq tagalama, odasa aselama, tama dagego enabolo e bulu dude digi lotu po waibao," wali.

† 3:10 Tpi 7:30-34

¹³ Tama Mosesgo Godibolo te po wai, "Ena te Israel we bidi augwali bidibo teba pedalobo sogo, te augwalibolo eno te tiwai po waibao, 'Dago waj augwaligo Godigo ena tagala palobaso, ena dage bidibo digi asai.' Tama augwaligo enabolo hanalubaso da, 'Te aga nogi de dawe?' obaso da, teda eno mena nogi wabogo augwali dali wei ponogowe?" ††

¹⁴ Tama Godigo te po wali, "Ena Digi Ena Tama Bidibo Dao. Nago te Israel we bidi dali te po wao, 'Ena Digi Bidibo, ‡ te Godigo nogi dao. Tama agai ena tagala palobaso, tama ena dage bidiboba asai.' ††¹⁵ Nago tama po te Israel we bidi dali weyu, te Yawe Genuai Bidi, aga te dagego waj dabe augwaligo God, te Abraham, me Aisak, me Jekop, te agai nage tagala palama, tama nage augwali bidibo digi asai dao po wao." Tama Godigo po Moses dali ma wali, "Eno nogi Genuai Bidi, te eno nogi sesemane bidada pabo sogo, tama nosali pedalobo waj dabe augwaligo ena nogi tama nogi yaibao."

¹⁶ "Nage pelama, te Israel tobolu bidi dabe augwali sisinama, te God po augwalibolo wao, 'Te dagego waj-genuai Bidi, Abraham, me Aisak, me Jekop, te bagego God enaba mu pedelama, dagebolo wabo po ena dali tama wai dao, "Eno suali, te Isip hani augwaligo tigidali dwai kolesaga mu dage dali ebaso, tama eno homu hauwa dage dali ebo dao. ¹⁷ Tama eno te po wali, te eno dage Isip tqde selama, te bulu bidi dabego dwai se mu dagebolo ebaso, tama eno dage te Kenan bagego tq, me te Hit hani, me te Amor me, Peres me, te Hivi, me Jebus, te hanigo tqba eno dage odasa painogo ebaso. Te dwagi yai tq, te ili hauwa elalubo tq dao."

¹⁸ Nago te tama po augwali dali weyu da, te augwaligo nago po odolama, wali paibao. Tama nago te Israel bage tobolu bidi dabe selama, tama dage te Isip tuni bidi bidibo teba pelama, agabolo te po wao, 'Genuai Bidi Yawe aga te da Hibru bagego God dao, te aga da dali deliba sisinai dao. Tama dago nagebolo hanalu wagasali, te nago usu da obaso, te da te bidi meni yai buluba pelama, sela sogo dago Godibolo te ofa igi painogo obao, te dago Genuai Bidi dao,' tama po wao. ¹⁹ Eno koneani, te eno bomu yai nogogo aga dali bomu se esiayu da, teda te Isip tuni bidigo dage tagala paliyu pao, te po hasia bolo wagobeo. Tiali goli, agai dage tagala palomainogo, eno bomu yaibao. ²⁰ Tama tibaso, eno bidigo isiwai bomu yai se haniani te Isip hani augwaligo tqde eyu, tama eno bomu te se augwali dali yaibao. Tama te bomu yai se dabe elama, nosali te Isip tuni bidi agai dage pomainao, te po waibao."

²¹ "Eno tama ilama, tama te Isip we bidi augwaligo dage dali dwagi yai homu yaibao, tama dagego te Isip tq taga soainogo ebode, te dage olo me pogobeo. Menio. ²² Dagego we tigidali te Isip we dabe augwali bidibo paba pelama, me te Isip we dabe dagego bede bidibo, tama dagego we dabe sibigo te Isip we dabe sibi hanaluyu, tama te ugwa, me te meba gasa au ebo

†† 3:13 Sai 6:2-3 ‡ Te Hibru pogo te po wabo po "Ena Digi Bidibo," te po wabo dogoni te nogi Yawe wabo dogoni te tiwai si pade dao. †† 3:14 Ped 1:4, 8

doado bage gol me silva tama, te nai dabe augwaligo dage mawaibao. Tama dagego te nai duga wai dabe tigde muaibao. Tama dagego te tebo kolesagade te Isip dabego doado bage tigidali siyu, selasa paibao," Godigo Mosesbolo te po wai. †

Godigo bidigo isiɁwai sɛ yabo bomo Mosesbolo mawai

4 Tama tialima, Mosesgo Genuai Bidi dali te po wai, "Te Israel hani augwaligo eno wabo po homude daɁ wasiɁma, tama eno pusubo po te augwali odogobeo. Tama augwaligo te po weyu, 'Nago tibo po naga obao,' waibao. 'Tama Genuai Bidi nageba pedalobeo,' te po waibao. Te augwaligo tama weyu da, teda eno magi sɛ egowe?"

² Tama Genuai Bidigo Moses dali hanalu wai, "Nago magi nai tolalubawe?" Tama agai te po wai, "Tolasa bilibo dono tolalubo," po wai. ³ Tama Genuai Bidigo te po wai, "Te dono tɔba sayao." Tama Mosesgo te dono tɔba sɁbadi, te hasamani gagawai, tama Mosesgo te hasamani sulama, wi pai. ⁴ Tiali goli, Genuai Bidigo Mosesbolo te po wali, "Tagalama, nago nogo aiyaba munama, te danu nogogo touao." Tama Mosesgo te hasamani nogogo danude touwai, tama te hasamani hasegelama, tama te bilibo dono ma pedelai.

⁵ Tama Genuai Bidigo te po wai, "Nage te Israel bageba pabo sogode nago tama tiao, tama augwaligo nago e sɛ tiwai ebo sulama, nago po homude daɁ weyu, mu tama Genuai Bidi ena nageba pedelali da, te homu emainogo nago tama tiao. Tama augwaligo koneyu, te ena augwa wɁj dabego God da, ena te bidi Abraham, me Aisak, me Jekop, te bagego God ena nageba pedelai dao," wali. ⁶ Genuai Bidigo Moses dali te po ma wai, "Nago nogo naga ugwa tomoba muao." Agai te Genuai Bidigo wali po gilama tama tiai, tama agai nogo me teda sai, tama te nogode keni dwai mu, tama te keni tigidali tedela yai. ⁷ Tama Genuai Bidigo te po ma wai, "Nago nogo naga ugwa tomoba ma muao." Te agai tama tiali, tama agai nogo ma teda sali, tama te nogo wiegi yai yali, te aga tigi me badu elalubo tiwai yai.

⁸ Tama Genuai Bidigo te po wai, "Te augwaligo homude nago po daɁ olama musiɁbaso da, te nago hasia ebo bomu yai sɛ yali augwaligo homu teba daɁ wasiɁbaso da, te gasa bomu yai sɛ si nago ebo te augwaligo sulama, tama augwaligo homu nageba muaibao. ⁹ Tiali goli, augwaligo te bomu yai sɛ si ebo sulama, tama augwaligo nago po homuba daɁ wasiɁbaso da, teda nago te genuai wɛ Nail meba selama, te tɔba gelao. Tama te wɛ hasegelama, kaneme pedelaibao," wali.

¹⁰ Tama Mosesgo Genuai Bidi dali te po wai, "Tama Genuai Bidi, tiali goli polobadu bidi hauwa gedude eno po bugagia wai menio. Tama megii nago ena dali po wali, tialima tego ena te po wabo bidi tiwai egobeo. Eno pedauwali sɛgɛ mu yai, tama eno po bugagia wainogo ebo, te usu egobeo," wali.

¹¹ Tama Genuai Bidigo agabolo te po wali, "Niwai bidigo te we bidibolo po wabo pedauwali te mabo

† 3:22 Sai 12:35-36

dawe? Niwai bidigo te bidi odo dega weyu, te pedauwali paliyu ebo dawe? Tama dego te gedugo tonono bilimainogo eyu, ma te gedu widao po wabo dawe? Ena, Genuai Bidigo naga, eno tama tiwai kole-saga ebo dao. ¹² Megi da, nage pao. Te nago wabo po tigidali te eno tau siyu, tama te nago wabo po nagebollo ola mayu yaibao," wali.

¹³ Tiali goli Mosesgo te po wai, "Genuai Bidi, eno usugobeo. Nago gasa bidi tagala palao."

¹⁴ Tama Genuai Bidigo Moses dali wado po weyu, te po wai, "Magi basowe? Nago ama genuai bidi Aron te Livai hani bidibao. Eno koneani, te aga da, te po bugagia wabo bidi mu dao. Tama megii naga tama agai nage tiɁba asobao, agai nage suyu, wiegi yai homu yaibao. ¹⁵ Nago agabolo te po olama, tama agai te po tigidali pusumainao. Tama eno dage sigo pedauwali tau siyu, tama dage sigo eno po bugagia naga waibao. Tama magi sɛ dage sigo yainogo ebaso, te sɛ yao po eno waibao. ¹⁶ Aga te nago pedauwalide po selama, te nago po te we bidibolo mawaibao. Tama agai gedude te nage te God tiwai bidiyu, te nago wabo po agai te we bidibolo pusaibao. ¹⁷ Tama megii da, nago te bilibo dono selama, tama nage pao. Tama nosali nago te donode te bidigo isiɁwai bomai sɛ meba yaibao," Genuai Bidigo te po wai.

Moses Isip tɔba ma pai

¹⁸ Mosesgo po God dali ola silama, tama aga te aga wɁj Jetro bidibo teba ma pelama, tama agabolo te po wai, "Eno homugo nago ena te Isip tɔba ma pelama, te eno deli hani sugi painogo ebo, te nago ena pao po wabo te usu da wao. Eno koneama, augwali bidibowe, ma augwali isaliwe, te eno augwali sugi peyu pobao," wali. Jetro agai te usu da po aga dali wai, "Te usu da, nage pao." ¹⁹ Tialima, Moses aga pisɁbadi, tama Genuai Bidigo agabolo te po wai, "Megii nage te Isip tɔba ma pao, te nage elainogo yali bidi dabe, augwa digi isai dao," wali. ²⁰ Tama Moses agai te po wabo odolama, te aga we dali te aga wai si augwali te kibu donki me deliba muai. Tama agai te Godigo dono me selama, tama augwali Isip tɔba ma pabo gagalali.

²¹ Tama Genuai Bidigo Moses dali te po wai, "Nosali nage Isip tɔba pedalobode, te nago te bomai sɛ te Isip tuni bidi gedude yao. Eno nagebolo te bomai sɛ yabo bomu mobao. Tiali goli, eno te tuni bidide ilama, tama aga te aga homuba masigi sɁwai bidi pedelaibao. Tama tibaso, agai te we bidi dabe augwali pao wagobeo. ²² Nosali nago tuni bidi dali eno po weyu, 'Te Genuai Bidi agai tiwai po wabo dao, 'Israel hani te eno hasia wai, te gomunai ogwa tiwai dao. ²³ Tama eno nagebolo te po wai, 'Nago te wai tagala palama, enabolo lotu po omainao.' Tiali goli, nago hagela homu eyu da, te nago hasia wai te ogwa eno ela muaibao," Genuai Bidigo te po wai, 'nago te po te Isip polasa tuni bidibolo wao.' ††

²⁴ Te Moses te Isip tɔba pabo tɁde pibadi, tama te toma nabo pesage tede Moses aga gasi selama, tama

†† 4:23 Sai 12:29

te gasigo aga ela muainogo yai. ²⁵ Tama Sipora, te Mosesgo wego, te poa pai masigi selama, tama aga wai te ogwa te gasa tigiwali togolama, Moses saḡaḡa muai. Tama agai te po wai, "Nage eno bidi dao, tiali goli nage kaneme tama sabo bidi dao." ²⁶ Tama Genuai Bidigo sulama tagaliyu, tama Moses bidimainogo yai, tama agai aga ela mubeo. Te we Siporago te daḡi ilibo tigiwali togwabo kolesaga tede hagela homu eyu, tama agai te po wai, "Kaneme sabo bidi dao."

²⁷ Tama Genuai Bidigo Aronbolo te po wai, "Nage te masigi sane yai buluba pelama, Moses dali tede sisi-naibao." Tialima, aga pelama, Moses te Godigo bulu dude sisinama, gesabidi suyu, tama dwagi yai homu eyu, augwa si gesabidide nono nai. ²⁸ Tama Mosesgo Aronbolo te Genuai Bidigo agabolo wali po tigidali wai, te Genuai Bidigo aga tagala paliyu wali, te po wai. Tama Mosesgo Aronbolo te Genuai Bidigo agabolo te bidigo isiḡwai bomai seḡ yabo po wali, te po me Aron dali wai.

²⁹ Tama nosali Moses de Aron augwali si te Isip tḡba pelama, tama augwali sigo te Israel tobolu bidi dabe deliba sisininai. ³⁰ Tama Arongo te Genuai Bidigo Moses-bolo wali po tigidali augwalibolo te po wai, tama te Israel hani olo we bidi dabe me deliba sisinama, tama agai te bidigo isiḡwai bomai seḡ te we bidi augwali gedude yai. ³¹ Tama tibaso, augwaligo homu Aronba mu daḡ wai. Augwaligo te po tiwai wabo odali, Genuai Bidigo suali, te Isip hani augwaligo te Israel hani dali dwai kolesaga ebaso, agai homu hauwa augwalide ebo dao. Tama te we bidi dabe augwaligo te po odolama, tama augwa tobolu tḡba aiyaba munama, Genuai Bidibolo lotu po wai.

Moses de Aron si pelama, Isip tuni bidi sugi pai

5 Tama nosali Moses de Aron si te Isip polasa tuni bidi bidibo teba pelama, tama te po wai, "Da Israel bagego Genuai Bidi Yawe Godigo te po wai, 'Eno hani augwali te bidi meni yai bulu, te masigi saneba pelama, enabolo te genuai lotu po weyu, ena nogi ug-waba somainogo, augwali pomainao,' wali."

² Tiali goli te tuni bidigo te po wai, "Genuai Bidi Yawe de dawe? Magi baso eno agai po odolama, te dage Israel hani pomainogo yaibawe? Eno te Genuai Bidi Yawe konebeo, tama tiyu, eno dage pagameo te po wagobeo," wali.

³ Tama augwali sigo te po wali, "Da Hibru bagego God te da si bidibo digi pedelai dao. Da te masigi sane yai buluba sela sogo bidigi painogo homu yai, tama dago Godibolo te ofa mawainogo, te dago Genuai Bidi dao. Tama nago da pao wabo te usu yaibawe? Te dago tama tisawani da, te agai da genuai gasigo, me te hwjbo sogode, te da mu dolaibao."

⁴ Tama te Isip tuni bidigo Moses de Aron si dali te po wai, "Magi baso dage sigo eno seḡ ebo te we bidigo tagalomainogo te po obawe? Dage si seḡba polo ma pao. ⁵ Dage Israel hani hauwa mu pedaliyu, tama da bulu page bidi aiyaba elaluai, tama megii dagego te seḡ ebo taga painogo obawe?"

⁶ Tama te sogo naga te tuni bidigo po me deli te Isip bage dali, te Israel augwa digi te Israel seḡ ebo bidi tonalubo bidi augwali dali te po wai. Agai te po wai, ⁷ "Dagego te wa pai nosa te Israel hanigo te be seḡ yabo dila pai nai brik nigimainogo magio, te dagego tebo dao. Augwa digi te nosa dabe sigi pomainao.

⁸ Tiali goli, augwaligo te sesemane sogo te nigibo tiwai brik naga augwaligo nigimainao. Dagego te namba te peḡwadage iligio. Mu menio. Augwali seḡ hagela ebo we bidi dao. Tama tibaso, augwaligo te po wai, 'Da pelama, dago Godibolo ofa igi pomainogo emainao.' ⁹ Augwalibolo seḡ hauwa menama, tama augwali seḡ dene mu yao, tama augwaligo te tiwai tibo po wabo odabo sogo te meni yaibao," te Isip tuni bidigo te po wai.

¹⁰ Tama te Isip seḡ tonalubo tobolu bidi dabe, me te Israel seḡ tonalubo bidi dabe me, augwali te Israel hani-ba pelama, augwali dali te po wai, "Tuni bidigo te po wai, dago nosa dabe dagebolo sela magasigio wai.

¹¹ Duga digi pelama, tama te nosa gegegi pao wai, tama dagego te mama tḡgo nigibo nai brik te polobadu nigali tiwai hauwa nigao, tama te nigibo brik namba te aiyaba me dulugio. Te namba te polobadu elaluai tiwai naga tama elalumainao," te po wai.

¹² Tama te Israel we bidi augwali te tigidali Isip teba tedela pelama, te nosa dabe tigidali sisininai. ¹³ Tama te seḡ tonalubo bidi dabego seḡ polo yao weyu, augwaligo te po wai, "Dagego deli seḡ tiwai naga tigidali sogo eyu, te dago nosa dagebolo mobadi yali seḡ tiwai seḡ yao."

¹⁴ Tama te Isip seḡ tonalubo bidi dabe augwali te Israel augwa digi te seḡ tonalubo bidi nigilali, te bidi pageba pai. Tama augwaligo te bidi dabe augwali eliyu, te po wai, "Magi baso dagego te brik namba te polobadu nigali tiwai nigibewe?"

¹⁵ Tama tibaso, te Israel seḡ tonalubo bidi dabe augwali te Isip tuni bidi bidibo teba pelama, aga dali te po wai, "Magi baso nago te tiwai kolesaga da dali ebawe?"

¹⁶ Augwaligo nosa dabolo magasobeo, tiali goli augwaligo dabolo te brik nigao te po wedu gebo dao. Tama megii me augwaligo da elai. Te brik namba saḡa pali kolesaga page dago menio. Te kolesaga te Isip bage duga digi te seḡ yai dao," te po wai.

¹⁷ Tama te polasa tuni bidigo augwalibolo te po wai, "Dage seḡ hagela ebo bidi dabe mu dao. Tama tiyu, dagego te po wai, 'Dago dena Genuai Bidibolo ofa magi pobaso, te dagego da sula tagalao,' te po wedu gebo dao. ¹⁸ Woo! Dage duga seḡba ma pao. Augwaligo nosa dagebolo magasogobeo. Tiali goli, dagego te brik namba augwaligo dagebolo po weyu, te nigao," te polasa tuni bidigo te po wai.

¹⁹ Tama te Israel seḡ tonalubo bidi dabe augwaligo te tuni bidigo wabo po odolama, augwaligo te brik namba peḡwadage ilisiḡyu, tama augwaligo koneani, megii genuai seḡḡe augwaliba pedelali, te homu yai. ²⁰ Tama augwaligo te tuni bidi taga sobadi, te sogo augwaligo te Moses de Aron si gesabidi suai. Augwali sigo augwali te be bulu badu asobo tonaluai. ²¹ Tama augwaligo te bidi si dali te po wai, "Dena homugo te Genuai Bidi Yawego dage sigo kolesaga osola suao, tama Gen-

uai Bidi agai dage sibolo dene mawaibao, magi basowe, dage sigo te tuni bidi dali, te aga tobolu bidi dabe dali, augwaligo da te dwai nai tiwai mu, te homu ebo dage sigo ilalio. Te tuni bidigo da elemainogo dage sigo tų nigibao," te po wai.

Moses aga homu seęę eyu, Godibolo gedu haluasa po wai

²²Tama Moses ma pelama, tama Genuai Bidibolo te po wai, "Genuai Bidi, magi baso nago naga we bidi hanibolo te dene maniwe? Tama magi baso nago ena eba tagala palai dawee? ²³Te nago po eno te tuni bidibolo wagi pali, tede gagalama dąj megi tama, agai dwai seę augwali Israel we bidi dali ebao. Tama nago augwali tau selama, magi seę me deli ebeo," Mosesgo Godibolo te po wai.

6 Tama Genuai Bidi Yawego Moses dali te po wai, "Megi nago eno te tuni bidi dali ebo seę suaibao. Te eno bomogo yaibao, tama tibaso agai te dage Israel hani gasaba tagala palaibao. Mu tama, te eno aga selebo seę eyu, aga mu doloyu, tama agai dage agai tųde bidibo sela saņama, tama dage paibao," wali.

Godigo Moses i ma wai

²Godigo Mosesbolo te po wai, "Ena digi ena te Genuai Bidi Yawe dao. ³Polobadu kibu be hauwa ena te Abraham, Aisak, Jekop, te bageba pedelali, te augwaligo koneai, ena te Tigidali Bomo Elalubo God dao. Tiali goli, eno te tama po augwali dali wabe, Genuai Bidi Yawe te eno nogi da, te po wagi sogo da, teda te nogi page augwaligo konegi dao. ¹⁴Tama eno bomo yai po augwali dali dąų weyu, te tų Kenan augwali mawaibao, te po wai. Augwali te bulude te tų page bidi hani bidisiąwai goli, eno te tų augwalibolo mabo homu yai. ⁵Te me elalubo, te Isip bidi dabe augwaligo te Israel hani kalabus seę ebo tiwai seę menama yai, tama te Israel hani augwali moni gela wai. Tama megi augwali gela wabo eno odai, tama eno homugo polobadu eno te bomo yai po dąų wali, te eno ma koneai."

⁶"Tama tibaso, nago te po Israel hani dali wao, 'God agai te po wai, "Ena digi ena Genuai Bidi Yawe dao. Eno dage te Isip hanigo nogode selama, tama te augwaligo seęę dagebolo mabo tede me eno selama, tama dage olo mu bidimainogo yaibao. Tama eno bomogo augwali dene mu somainogo menama, tama dage eno genuai bomogo dobola ma saibao. ⁷Te dage selama, tama dage ena we bidi mu pedelama, tama ena te dagego God bidaibao. Nosali dage te Isip bagego kalabus seęde bidali tagalama, tama dage olo mu bidaibao. Tama te sogo dagego mu koneyu, ena te Genuai Bidi da weyu, tama ena dagego God da, te homu yaibao. ⁸Eno dage te tų Abraham, Aisak, Jekop, augwali dali bomo yai po dąų weyu, te tų mawaibao wai. Tama te tų eno dagebolo menama, tama te dagego tų mu elaluaibao. Ena da, te Genuai Bidi Yawe

dao," God agai te po wai, 'nago te po augwalibolo pusao," wali.

⁹Tama Mosesgo te po Israel hani dali wai, tiali goli augwaligo agai po odobeo. Magi basowe, te seę dene yaligo augwali homu aiyaba mu tula palai.

¹⁰Nosali Genuai Bidigo Moses dali te po wai, ¹¹"Nage pelama, te Isip tuni bidibolo te po wagi pelama, te Israel hanigo agai tų mu taga pomainao, te po omainao." ¹²Tiali goli, Mosesgo te po wei ponoyu, te po wai, "Te Israel hani augwaligo eno po odobo menio. Tama tuni bidigo eno po mena tama odogowe? Eno pedauwali seęę ebao. Eno po te tuni bidi dali bugagia dolo wainogo ebo te usu egobeo." ¹³Tialima, Genuai Bidigo Moses de Aron si te Israel hani bidibo, teba me, te Isip tuni bidi bidibo digi me, te tagala palali, augwali sigo te Israel hani te Isip tų tagalama, augwali odasa asomainogo yai.

Moses de Aron sigo hani

¹⁴Te bidi hani augwali te Moses de Aron sigo hasia wąj dabe te bidi hani nogi e dao. Ruben, te Jekopgo gomunai ogwago wai dabe nogi e dao. Te ogwa me si me si, me nogi Hanok, me Palu, me Hesron, me Karmi. Te Rubengo hani me si me si te hani me si me wąj si tomode te Ruben pedelai. ¹⁵Simeon, te Jekopgo tomo ogwa, agai wai ogwa te a naga olama me badu nogo deli, gomunai ogwa Jemuel, me Jamin, me Ohat, me Jakin, me Sohar, me Saul. Saul aga ida te Kenan we me deli dao. Simeongo hani a naga me badu nogo deli, te hani tomode Simeon aga wąj pedelai. ¹⁶Livai, te Jekopgo ogwa me, agai wai ogwa sela, gomunai ogwa Gerson, me tomo ogwa Kohat, sabi ogwa Merari. Tama Livai agai kibu be 137 bidilama, isai. ¹⁷Gersongo ogwa si ame nai, me ogwa Lipni, me Sime. Te ogwa si wąj te Livaigo hani tomode elaluai. ¹⁸Kohat agai wai ogwa me si me si, Amram, Ishar, Hebron, Usiel. Tama Kohat kibu be 133 bidilama, isai. ¹⁹Merarigo wai si, Mali me Musi. Te bidi hani tigidali augwali te Livaigo wai hani augwali dao. ²⁰Amram agai we Jokebet sai, te aga ayago amago wegi, tama Jokebetgo Aron de Moses si ame nai. Tama Amram kibu be 137 bidilama, isai dao.

²¹Ishargo wai sela, Kora, me Nefek, me Sikri. ²²Usiel agai wai sela, Misael, me Elsafan, me Sitri. ²³Arongo we Eliseba sai, te Aminadappo wegi, te Nason aga abe dao. Tama Elisebago wai me si me si ame nai, Nadap, Abihu, Eleasar, me Itamar. ²⁴Korago ogwa sela, gomunai ogwa Asir, me Elkana, me Abiasap. Te bage sela augwaligo hani wąj Kora dao. ²⁵Eleasar te Arongo ogwa, agai te Putiel te bidigo wegi selama, agai wai te Finias ame nai. Te megi nogi nogi yali bidi hani augwali da te Livai hani sibi deli deli augwaligo tobolu bidi dabe dao. ²⁶Nago te bidi hani augwali tomode te Aron de Moses si nogi elalubo suai. Genuai Bidigo te bidi sibolo naga po weyu, te po wai, "Dage sigo te Israel hani dabe augwali te Isip tųde bidibo tagalama, augwali odasa asao," te po Genuai Bidigo augwali si dali wai. ²⁷Te bidi augwa sigo digi te Isip tuni bidi dali, te Israel

† 6:3 Sai 3:13-15

†† 6:19 Nam 3:17-20; 26:57-58; 1 Sto 6:16-19

hani tagala palaibao, te po wai. Tama te bidi sigo naga te sę yai.

Genuai Bidigo po Moses de Aron sibolo mawai

²⁸⁻²⁹ Genuai Bidigo Moses dali Isipde po wali sogo, agai te po wai, "Ena digi ena te Genuai Bidi dao. Tigidali po eno nagebolo mabo, te po nago Isip tuni bidi dali wao."

³⁰ Tialima, Mosesgo Genuai Bidi dali te po wai, "Nago koneani, ena po wabo bidi menio. Tuni bidigo eno po odogobeo." Mosesgo te po wai.

7 Tama tialima, Genuai Bidigo Moses dali te po wali, "Odao, eno nage te God tiwai te tuni bidigo gedude nigiliyu, tama nago ama Aron, te nagede po sabo bidi tiwai nigilama, tama nago po agai te tuni bidibolo waibao. ² Tigidali nai po eno nagebolo wali, te po nago Aron dali wao. Tama agai te po te tuni bidi dali weyu, te agai te Israel hanigo te tuni bidigo tų tagalama, pomainao po waibao. ³ Tiali goli, eno te tuni bidide iliyu, tama aga homu tomoba masigi sawai bidi pedelaibao, tama agai te Arongo po odogobeo. Tama tibaso, eno genuai bomai sę hauwa te Isip tųde yaibao. ⁴ Tiali goli, te tobage bomai sę ebadi digi, tama te tuni bidi agai nago po odogobeo. Tama tibaso, eno te Isip tų dolama, augwali dene mu somainogo tiaibao. Tama ena polasa peyu, te Israel hani sibi dabe odasa peyu, augwali te eno we bidi hani, tama augwaligo te Isip tų mu taga paibao. ⁵ Tama eno te Isip hani dali haniani dwai dene mabo, te sogo tama Israel hani odasa peyu, te Isip tų taga paibao, tama te sogo Isip hanigo koneyu, te Genuai Bidi Yawe aga digi te Israel hani odasa pabo homu emainogo tama tiwai dao," wali.

⁶ Tama nosali Moses de Aron augwali sigo te Genuai Bidigo wali po wali pelama, te sę tigidali yai. ⁷ Te sogo Mosesgo kibu be 80 elalubadi, tama Arongo kibu be 83 elalubadi, augwali sigo te sogo te Isip tuni bidi po miai.

Aron peyu tolasa pabo dono

⁸ Genuai Bidigo Moses de Aron si dali e tama wai, ⁹ "Tuni bidigo dage sibolo te bomai sę meba agai suainogo, te sę yao po wabo si da, te eno dage si tagala palobao, tama Moses nago Aronbolo agai te bilibo dono selama, te tuni bidigo gedude tųba sayao. Tama te dono hasamani gagalama pedelaibao," wali.

¹⁰ Tama tibaso, Moses de Aron augwali si te Genuai Bidigo po wali pelama, te tuni bidi bidibo digi pai. Tama Arongo dono te tuni bidigo gedude, me te aga sę ebo bidi dabe gedude, Mosesgo dono tųba sawai, tama te dono hasamani pedelai. ¹¹ Tuni bidigo te tebo sulama, tama agai te tigidali po page koneai bidi dabe, me te haniani pobi wabo bidi dabe i olama, augwaligo me te pobi po olama, tama Arongo ebo kolesaga tiwai augwaligo me yai. ¹² Augwaligo me augwa dono sębadi, tama hasamani gagawai, tiali goli Arongo hasamanigo augwaligo hasamani elama tuyu dalai.

† 7:3 Tpi 7:36

¹³ Tiali goli, tuni bidi aga homu kolesaga daų ola sali, te Genuai Bidigo po wali gilama tama tiwai, tama Moses de Aron augwali sigo po odobeo.

Dwai nai mu Isip tųba pedelai

¹⁴ Tama Genuai Bidigo Mosesbolo te po wai, "Tuni bidi agai kolesaga te doyu, mu gagea pai eyu, tama agai te Israel hani pomainao te po wagobeo. ¹⁵ Tama kigamu aga te aų Nail tede nago aga gesabidi deliba sisinama sueibao. Tama nago te hasamani pedelali dono selama, aga te aų sesegeba tonalugi pao. ¹⁶ Tama nago tuni bidi dali te po wao, 'God, da Hibru hanigo Genuai Bidi, agai ena tagala palali, nage te po omainogo, te agai we bidi te bidi meni yai buluba lotu po wagi pomainogo nago augwali tagala palao, te po wagasai. Tiali goli, megi nago te po odao. ¹⁷ Tama megi Genuai Bidigo te po wai, "Nago eno ebo sę sulama, tama nago koneyu, ena digi ena te Genuai Bidi Yawe da, te po nago waibao," Godigo te po nagebolo obao. Suao, eno donogo te aųba elebode te aų kaneme pedelaibao. ^{††18} Tama te sųgų dabe isilama, dwai kugumini mu yaibao. Tama Isip we bidi augwaligo te aų tubo usugobeo,' te po agabolo wao," Godigo te po Mosesbolo wali.

¹⁹ Tama Genuai Bidigo Mosesbolo te po ma naga weyu, te po wai, "Aronbolo agai dono sao te po olama, tama agai te donogo te genuai aų, me te tigidali aų gamia, me te tigidali Isip tųde elalubo sigi aų tigidali nago te donogo sa muao. Tama te wę dabe kaneme pedelaibao, tama tigidali Isip te badu te pede poude kaneme naga elaluyu, augwaligo te kaneme ni namego me te botolgo te masigigo nigai me, te kaneme pedelaibao," Genuai Bidigo Mosesbolo te po wai. ²⁰ Tama Moses de Aron sigo te Genuai Bidigo augwa si dali wali po wali pelama, te sę yai. Tama te tuni bidi dali, aga sę ebo bage meba dali, augwaligo gedude Arongo dono selama, te Nail moni pabo aųba elali, tama te aų tigidali kaneme pedelai. ²¹ Tama te Nail aųde elalubo tigidali sųgų isilama, dwai kugumini mu te aųde yai. Tama te Isip we bidi augwaligo te wę tuabo usu egobeo. Tama kaneme te Isip tų tigidalide elaluai.

²² Tama te kolesaga page osola subo Isip bidi dabe, augwaligo pobigo te Arongo ebo kolesaga tiwai yai. Tama tuni bidigo augwali sigo po odobe. Menio. Agai kolesaga gagea pai me elaluai, te Genuai Bidigo tama tiaibao te po wai. ²³ Tama tuni bidi aga beba ma pelama, te sogo yali sęde me agai homu midigi siyu hodolobeo. ²⁴ Tama te Isip hani augwaligo te aų tuabo usu ebeo, tibaso augwaligo te wę sesegede dedage nigai, te tuabo wę tede sainogo yai. ²⁵ Tama te wę Nail dwai elalubadi, te a naga olama, me badu nogo si sogo tama bidai.

Gedeli dabede po

8 Tama nosali Genuai Bidigo Moses dali te po wai, "Nage tuni bidi pageba pelama, aga dali eno te po

†† 7:17 Ped 16:4

wao. 'Genuai Bidi Yawe agai te po wai, "Eno we bidi augwali enaba lotu po wagasiyu asomainogo, augwali sula tagalao. ² Nago augwali tagala palisiqbaso da, teda eno te gedeli dabe augwali tagala palama, augwali te dagego be tomoba aselama, tama nago tqde bidibo we bidi augwali dolaibao. ³ Tama te wq Nail te gedeligo mu pagana selama, tama augwali te wq tagalama, tama tuni bidi nago genuai be tomoba aselama, tama nago pibo be tq bet saiba asaibao. Tama te gedeli dabe te nago sq ebo bidi dabego be tomoba, me te nago we bidigo beba asaibao. Tama te nai ulubo nai stov tomoba, me te bret nigibo pou tomoba bidagasaibao. ⁴ Tama te gedeli dabe augwali posoga palama, nago tigi daiba duayagasu, te nago sq ebo bidi dabeba, me te nago we bidi augwali tigiba duayagasaibao," Genuai Bidi Yawego te po wai.' Te po wao," Genuai Bidigo te po wai. Mosesgo te po tuni bidiba wagasai, tama te tuni bidigo agai po odobeo.

⁵ Tama tibaso, Genuai Bidigo Moses dali te po wai, "Aronbolo te po olama, te aga nogo dodolama, tama agai dono ugwaba selama, nogogo tuo, tama te wq dabe, me aj gamia dabe, me te sigi aj ge, tede te gedeli dabe pedelama, tama te Isip bidi dabego tq pagana so-mainao," wali.

⁶ Tama Arongo nogo dodolama, tama dono ugwaba selama, tama te wq dabe daj ilai. Tama te gedeli dabe pedelama, tama Isip bagego tq tigidali pagana sai.

⁷ Tiali goli, tuni bidigo po page osola subo bidi dabe augwaligo pobigo me te gedeli ajde bidali tagalama, hauwa te tqba pai.

⁸ Tama tuni bidigo Moses de Aron si i olama, asobode augwali sibolo te po wai, "Dage sigo Genuai Bidibolo gedu haluasa po olama, agai te gedeli dabe da tigde bidibo sela sqmainao, tama eno nago we bidi pomainogo tagala paliyu, tama augwa Genuai Bidibolo ofa magi pomainogo yaibao," wali.

⁹ Tama Mosesgo te tuni bidibolo po wei ponyu, te po wali, "Te usu dao, eno gedu haluasa po nage tau siyu waibao. Naga digi te sogo bodolu mobaso, te eno gedu haluasa po nage tau siyu, te nago sq bidi dabe, me te nago we bidi dabe, augwali tau somainogo yaibao. Tama dagego bede bidibo gedeli dabe silama, tama te gedeli dabe augwali te wq Nailde naga bidaibao," wali.

¹⁰ Tama tuni bidigo te po wai, "Gedu haluasa po do wagameo." Tama Mosesgo te po wali, "Te eno nago po wabo gilama tama tiaibao, tama nago koneyu, te God tiwai Genuai Bidi Yawe me deli meni yai, te aga dago God dao. ¹¹ Tama te gedeli dabego nage tagaliyu, te nago sq bidi dabe, me te nago we bidi dabe, augwali tagalama, tama augwali te wq Nailde naga bidaibao," wali. ¹² Tama Moses de Aron sigo te tuni bidi tagalama, pai. Tama Mosesgo gedu haluasa po Genuai Bidibolo bomonama weyu, agai te tuni bidibolo tagala palali gedeli sela sqmainogo yai. ¹³ Tama Genuai Bidigo Mosesgo hanalu wali pode tama tiwai, tama te bede bidali gedeli dabe, me obo tomode bidali, me te gide bidali, te tigidali gedeli isai. ¹⁴ Tama te Isip bidi dabe

augwaligo te gedeli dabe deliba sisinama, pesage holai, tama te gedeli dabe damuyu, kugumini dwai mu pedelai. ¹⁵ Tama tuni bidi te gedeli dabe isali sulama, tama agai koneani, te dwai sogo silali. Tama tibaso, agai kolesaga ma doyu, gagea pai, te Genuai Bidigo agade po wali tiwai gilama tiwai, tama agai Moses de Aron sigo po odobeo.

Dina dabe

¹⁶ Nosali Genuai Bidigo po Mosesbolo ma weyu, te po wai, "Aronbolo te po olama, agai dono tqba elama, tama tigidali Isip tq hogomugo te dina dabe pedelaibao," wali. ¹⁷ Tama augwali sigo tama tiwai. Arongo dono selama, tqba elai, tama tigidali Isip tq hogomugo dina pedelama, tama te dina dabego te we bidi dabe, me te hasa dabe, augwali halua selama, tama augwali gqygo kela tuai. ¹⁸ Tama te pobi page koneai Isip bidi dabe augwaligo te dina pedalomainogo pobi po wali, tiali goli augwaligo usu ebeo. Tama te dina dabego te hasa dabe augwali halua sai. ¹⁹ Tama te pobi po koneai bidi dabe augwaligo tuni bidi dali te po wai, "God aga digi te sq ebao." Tiali goli, tuni bidigo kolesaga dolama gagea pai, te Genuai Bidigo po tama tiaibao wai, tama agai Moses de Aron sigo po wabo odobeo. †

Bolia dabe

²⁰ Genuai Bidigo Moses dali te po wai, "Tama kigamu mu tuni bidi wqba asaibao," wai, "tama aga asobadi nago aga sulama, tama eno po agabolo wao, 'Genuai Bidi Yawego te po wai, "Eno we bidi lotu po enabolo omainogo pomainao. ²¹ Nago augwali tagala palisiayu da, teda eno te bolia hauwa nageba tagala paliyu, te nago sq bidi dabebolo, me te nago we bidiba me, te bolia tagala palaibao. Tama dagego be me, te dage bidibo tq me, te boliago pagana saibao. ²² Tiali goli, te bolia dabe pedalobo sogo te Gosen tq eno tonaluyu, te eno we bidi bidibo bulu, tama te bolia dabe augwali bidibo badu me pedelama bidigobeo. Te eno tama tebo sogo nago konemainogo te ena digi ena Genuai Bidi Yawe, eno te sq nago tqde ebao. ²³ Eno te deli tigi tiwai sq eno we bidi dali ebo tiwai te nago we bidi dali tegobeo. Odao, te gasagi yai bomai sq te do pedelaibao," Genuai Bidi Yawego te po wai,' tuni bidi dali te po wao," Genuai Bidigo te po wai.

²⁴ Tuni bidigo homu kolesaga hasegelebe, tama Genuai Bidi agai tama tiai, te agai po obadi, tama te genuai bolia hani hauwa te tuni bidigo genuai be tomoba asali, tama aga sq bidi dabego beba me asiyu, te Isip we bidi tigidaligo beba pai. Tama te boliago te Isip hani tigidali dolai.

²⁵ Tama tuni bidigo Moses de Aron si asa olama i wai, tama agai te po wai, "Dage pelama, duga Godibolo te Isip tq tomode naga ofa mao."

²⁶ Tialima, Mosesgo te po wali, "Dago tama tiyu da, te dolo meni, magi basowe, Isip bage augwaligo te dago Genuai Bidi Godibolo ofa ebo hasa dabe sulama, tama

augwaligo da dali dwai homu yaibao. Dago te hasa dabe elama ofa eyu da, te Isip bage augwaligo ofa isawai nai, tama Isip bage augwaligo te tebo suyu, tama augwali seḅe eyu, masigi sanama, da ela muaibao. ²⁷ Da pelama, sela sogo te bidi meni yai tḅba dago Godibolo ofa igibu paibao, dago Genuai Bidi Yawe, agai te seḅ dabolo yao te po wai."

²⁸ Tama tuni bidigo te po wai, "Te usu da, eno dage te duga Godibolo ofa magi pomainogo tagala paliyu, te duga Genuai Bidi Yawebolo te bidi meni yai tḅba ofa igi pomainogo, tiali goli dage digibulu gana pelamo dao. Tama dagego ena me tau somainogo gedu haluasa po wao," wali.

²⁹ Tama Mosesgo po wei ponoyu, te po wai, "Te eno nage taga pabo sogo te eno Genuai Bidibolo gedu haluasa po weyu, te do agai nago bede te bolia dabe sela sayu, te nago seḅ bidigo bede me, te nago we bidi augwaligo bede me tiaibao. Tialima, nago tibo po da ma ola mayu, tama te we bidi augwali te augwa Genuai Bidibolo ofa magi pidali weyu, te tḅ nago ma pali-gio."

³⁰ Tama Mosesgo te tuni bidi taga peyu, Genuai Bidibolo gedu haluasa po wagi pai. ³¹ Tama Genuai Bidigo Mosesgo aga dali hanalu wali te seḅ yai. Tama tigidali bolia dabego te tuni bidi dali, te aga seḅ bidi me, te aga we bidi, augwali tagalama, tama te bolia me deli tede me bidibeo. ³² Te bolia dabe pela silai, tiali goli te tuni bidi aga homu ma hasegelisiayu, tama agai te Israel we bidi augwali tagala palobeo.

Kibu dabe isai

9 Nosali Genuai Bidigo Mosesbolo te po wai, "Nage pelama, te tuni bidibolo te po agabolo wagi pao, 'Da Hibru bagego God, Genuai Bidi Yawe, agai te po wai, "Eno we bidi augwaligo enaba lotu po omainogo augwali tagala palao. ²⁻³ Nago augwali daḅ weyu, tama augwali tagala palisiḅbaso da, te eno nage dali, te naga hani dabe dali dene mayu, tama eno genuai gasi te nago tigidali kibu dabeba tagala paliyu, te hos dabe me, te bidi duabo donki dabe me, te kamel, me bulmakau, me sipsip, me meme, te tama bulu badu bidibo nai dabeba eno gasi tagala palaibao. ⁴ Tialima, Genuai Bidi Yawe ena digi bugagia eno te Israel hanigo kibu dabe tonaluyu, tama augwaligo kibu dabe me deli isigobeo." Genuai Bidi Yawego te po wai. ' Nago te po te tuni bidibolo wagi pao," Genuai Bidigo te po Mosesbolo mawai.

⁵ Tama Genuai Bidigo te seḅ yabo sogo bodolu mayu, tama te po wali, "Do eno te seḅ yaibao." ⁶ Tama tuni bidigo homu kolesaga hasegelebe, tama Genuai Bidi agai te po wali seḅ yali, tama Isip bagego bulu badu bidali kibu dabe tigidali isai. Tiali goli, Israel hanigo kibu dabe tigidali te bugagia bidali, tama me deli isi-beo. ⁷ Tama tuni bidigo aga hani dali hanalu wali, "Te Israel bagego kibu dabe te bugagia bidibowe?" Tama te bidi mebago agabolo te po wai, "Awe. Tigidali bugagia bidibao. Me deli munu me isibeo." Tiali goli, te tuni

bidi homu kolesaga dwai me elaluyu, tama te we bidi augwali me tagala palobeo.

Keni dabe pedelali

⁸ Tama Genuai Bidigo Moses de Aron si dali te po wali, "Dage si te brik ulubo be me deliba pelama, tama te sia keli meba selama, tama tuni bidi bidibo digi pao. Dage si te tuni bidi bidiboba sabolama, tama Moses nago te keli ugwaba sayao. ⁹ Tama te keli hogomu pedelama, tama Isip tḅ tigidali usu naibao. Tama te keli hogomu bidi tigiba me, te kibu dabe tigiba me tulalubode, te dili keni tiwai pedelama, tama genuai keni pedelaibao," wali. ¹⁰ Tama augwaligo te keli selama, pelama, te tuni bidi geduba doligi pali, tama Mosesgo te keli ugwaba sayai. Tama te keligo te dili keni tiwai pedelali, tama te dili keni dabe ulu elama, tama keni te we bidi tigde, me te kibu dabe tigde pedelai. ¹¹ Tama te pobi page koneai bidi dabe augwaligo te Moses ebo bomo yai seḅ teba pedelainogo ebo te usu ebe, magi basowe, augwali tigde te dili keni paḅana sali, te Isip we bidi tigde keni yali tiwai, augwali tigde me te keni pedelai. ¹² Tialima, Genuai Bidigo te tuni bidigo homu kolesaga daḅ walama, tama te tuni bidigo Moses de Aron sigo po wabo odobeo, te Genuai Bidigo tama po wali gilama tama tiwai.

Genuai talua ge tiwai tulubage po

¹³ Tama nosali ma, Genuai Bidigo Moses dali te po wali, "Kigamu digi mu nage pelama, tuni bidi agabolo te po weyu, 'Da Hibru bagego God, Genuai Bidi Yawe, agai te po wali, "Te eno we bidi hani augwali enaba lotu po wagasomainogo tagala palao. ¹⁴ Tama nago te we bidi tagala palisiḅbaso da, megi eno nagebolo dali, te nago seḅ ebo tobolu bidi dabe me, te nago we bidi dali, dageba te dene ilibo seḅ dabe mu mawaibao. Tama dagego te tigidali tḅ habu badu te bidi me deli, me te tibo god te ena tiwai me bidibo meni, te megi dagego mu bugagia konea saibao. Ena te God mu dao. ¹⁵ Te eno nage dali, naga we bidi dali, dage te eno genuai gasigo dage dolainogo homu igi sogo da, teda dage tigidali mu ela siligi da. ¹⁶ Tiali goli, eno nage hodolama, te tuni bidi nigiliyu, te eno genuai bomo dagebolo ola mayu, tama te we bidigo eno genuai nogi te tigidali tḅba te po pusugi pomainogo tebao. ¹⁷ Tiali goli, nago eno we bidi dali te boi bidi homu eyu, tama nago augwali tagala palobeo. ¹⁸ Tama tibasao, odao. Do e tobage tiwai sogo, te eno moni genuai tulubage, te talua ge tiwai tulubage e tḅba dulumainogo yaibao. Te tiwai tobage talua ge tulubage te Isip tḅba gesi sogo pedalisiḅbadi, tama megi sogoba usu nasasai. ¹⁹ Tama te bidi dabe augwalibolo po olama, te kibu bulmakau dabe, me te nago nai gasa badu bidalua pabo nai dabe tigidali selama, te gasa be meba tomoba selasa pao. Meni baso, te eno genuai talua ge tulubage te bidi dabe tigiba, me te bulu badu bidibo kibu dabe tigiba tulama, tama augwali isaibao."

God Genuai Bidigo te po wai, 'dage sigo te po wao,' wali.

²⁰ Tama te tuni bidigo sę bidi meba augwali te Genuai Bidigo wali pode wi elama, tama augwaligo augwa sę ebo bidi dabe, me te augwa kibu dabe, te augwa be tomoba selama muai. ²¹ Tiali goli, bidi meba augwaligo te Genuai Bidigo wali pode wi isąma, tama augwaligo augwa sę bidi, me te kibu dabe dali, augwali bulu badu olo bidai.

²² Tama Genuai Bidigo Mosesbolo te po wali, "Nago nogo ugwaba selama, tama nago te dagalu usu siyu, tama te talua ge tulubage te Isip tų tigidali habu badu tuluyu, te we bidi dali te gide elalubo tigidali naiba tulubage tulaibao." ²³ Tama Mosesgo dono ugwaba sali, tama Genuai Bidigo dagalu kulukulu omainogo yali, tama dagalude te be sele ebo ula te tųba dulali, tama te talua ge tulubage tųba tagala palai. Genuai Bidigo te talua ge tulubage te tigidali Isip tųba tulumainogo yai. ²⁴ Tama te talua ge tulubage me mu tutulu pidubadi geai, tama dagalude te be sele ebo ula te sia dabo tiwai eyu, tama te tigidali habuba pidubadi geai. Tama polobadu te Isip bage augwaligo te tiwai talua ge tulubage me subeo. Mu menio. ^{†25} Tama te tulubagego te bidi dabe, me te kibu dabe, me te Isip tųde bulu badu elaluali nai dabe tigidali dolai. Tama te talua ge tulubagego te gide elaluali nai, me te ni du dabe tigidali pedelama, tigidali mu dolai. ²⁶ Tiali goli, te Gosen tų badu, te Israel bage bidibo digi, te bulu delide digi naga te tobage tulubage menio.

²⁷ Tama tuni bidigo po ola toloyu, te Moses de Aron si asao, te po wai. Tama augwali si aselama, tama tuni bidigo augwali dali te po wali, "Megi eno dwai sęęę salio. Genuai Bidi Yawego doloba pai kolesaga yai, tiali goli ena dali, te eno we bidi dabe dali, dago dwai kolesaga yalio. ²⁸ Te talua ge tulubage tulali dali, te dagalu kulukulu wali, te sigo da dolai dao. Tama nago gedu haluasa po Genuai Bidibolo olama, tama agai te nai silibo side, te eno dage pomainogo tagala palaibao. Tama dage e tųde ma bidimainogo menio," wali.

²⁹ Tama Mosesgo te tuni bidi agabolo te po wali, "Te ena te hanu buluba pabo sogo, te eno nogo ugwaba selama, te Genuai Bidibolo gedu haluasa po waibao. Tama te be kulukulu ma wasiąma, tama te talua ge tulubage silaibao. Tama te sogo nago koneyu, te tų te Genuai Bidigo tų naga da waibao. ³⁰ Tiali goli, eno koneani, nage dali, te nago sę bidi dabego te Yawe God dali wi isiąyu, te aga Genuai Bidi da te homu menio," wali.

³¹ Te dwasianu ni dabe augwaligo tigi waligo te ugwa hobolobo hobi nigibo nai, me te rais bali dabe mu dolali, magi basowe te rais bali sabo tau sisi yai, tama te dwasianu ni dabe honu megı tama pedalobadi dao. ³² Te tubo nai wit te digi dolobe, magi basowe, te honu dwasianu pedelai elaluai.

³³ Tama Mosesgo te tuni bidi taga peyu, aga te hanu sesege bulu badu pai. Tama agai nogo ugwaba selama, tama Genuai Bidibolo gedu haluasa po wai. Tama

† 9:24 Ped 8:7; 16:21

te dagalu kulukulu ma wasiąma, tama te talua ge tulubage me, te olo tulubage me, te tigidali sia sai.

³⁴ Tama tuni bidigo suali, te dagalu be kulu wasiąyu, tama te talua ge tulubage me, te olo tulubage me, te me te silali, tama te tuni bidi aga dali, te gavman sę ebo bidi dali, augwaligo kolesaga hasegelisiąma, tama augwa homu daų olama, tama augwaligo dwai sę God dali ma yai. ³⁵ Mu tama, te tuni bidigo homu daų olama, tama agai te Israel hani tagala palobe, te Genuai Bidigo te Mosesgo pedauwalide polobadu po weyu, tama tiaibao wai.

Kuli mano dabe

10 Tama nosali Genuai Bidigo Mosesbolo te po wai, "Nago te tuni bidi sugi pao. Eno digi te tuni bidigo homu me, te aga dali gavman sę ebo bidi dabego homu me, te mu daų ilai, tama eno te bomai sę augwali tomode yaibao. ² Tama eno te sę ebaso, te dagego duga wai dabebolo, me te dagego wąjgo wai dabebolo te eno te bomai sę Isip tomode yali po weyu, tama te Isip bage augwalibolo eno te bidigo isiąbo bomai sę eyu, tama augwaligo homu kolesaga aiyaba mu elaluali. Tama dage Israel dabe tigidaligo te sę ebo koneyu, tama ena digi ena te Genuai Bidi Yawe da, te me dagego mu koneaibao," Genuai Bidigo Mosesbolo te po wai.

³ Tama Moses de Aron si pelama, te tuni bidi agabolo te po wagi pali, "Da Hibru bagego God, Genuai Bidi Yawe, agai te po wai, 'Nisu naga sogo nago te po sela sayu, tama nage ena dologode bidigobewe? Te eno we bidi hani tagala palao, te augwaligo lotu po enaba wagasomainao. ⁴ Te nago tama tisąbaso da, teda do eno te kuli mano dabe tagala palama, tama nago tųba paąana sagasaibao. ⁵ Te augwaligo tigidali habu badu mesega sagaselama, tama nago te tų me sugobeo. Tama te nai dabe, me te ni dabe, te talua ge tulubagego dolisiąwani nai, te kuli mano dabe augwaligo te tigidali mu tula silaibao. ⁶ Augwali te nago beba, me te nage dali gavman sę ebo bidigo beba me, te nago we bidigo beba me, te kuli mano dabe augwali paąana saibao. Polobadu wąj dabe me te aya dede bidada asali, te megı tama bidibo sogo te tiwai kuli mano dabe hauwa te dagego tųba me pedelai menio. Te dwai nai mu dao.' Godigo te po wai." Mosesgo te po olama, tama aga begelama, te tuni bidi tagalama, buluba pai.

⁷ Tama te tuni bidi aga dali gavman sę ebo bidi dabe augwaligo te tuni bidi dali te po wai, "Odao. Nisu naga sogo dabolo te sęęę mabo bidi da tomode me bidaibawe? Te we bidi dabe naga te augwali te augwa God Genuai Bidibolo lotu wagi peyu pomainao. Nago te Isip tų dolali susiąma ebawe?"

⁸ Tama augwaligo te Moses de Aron si te tuni bidiba odasa ma asai. Tama tuni bidigo augwali sibolo te po wali, "Dage te duga God Genuai Bidibolo lotu po wagi peyu piąo. Tiali goli, eno koneama te de dede naga mu dage paibawe?"

⁹Tama Mosesgo te tuni bidigo po wei ponoyu, te po wai, "Da tigidali paibao. Te dago gesi bidi dali, te monu dabe me, te wai ogwa me, te wegi me, tama te tigidali sipsip, me te meme, me te tigidali bulmakau dabe, te tigidali sela paibao. Magi basowe, te dago genuai nai daa tuyu, lotu po genuai te dago Genuai Bidibolo weyu yaibao," wali.

¹⁰Tiali goli, tuni bidigo te po wai, "Eno te dage dali dagego we wai tigidali dali tagala paligi sogo da, teda eno homugo dagego Genuai Bidi Yawe aga me dage dali pigi da. Tiali goli, te menio, eno dagego te we wai dali tigidali sela pomainogo ebeo. Mu menio. Eno koneani, dagego dwai kolesaga dabolo yainogo ebao.

¹¹Tama eno te we wai dabe pomainogo me tagala palogobeo. Te bidi dabe augwali naga pelama, te Genuai Bidiba lotu po wagi peyu pomainao." Tunu bidigo po ola silama, tama augwaligo Aron de Moses si buluba sela sawai.

¹²Tama nosali Genuai Bidigo Moses dali te po wali, "Nago nogo ugwaba selama, tama nago te Isip t̄o usu sao, tama te kuli mano dabe tigidali asomainao. Tama te kuli mano augwaligo te ni yabe dabe tigidali te genuai ais tulubagego dolisiawani nai dabe tigidali tula silmainao," wali.

¹³Tama Godigo te po obaso, Mosesgo dono ugwaba sali, tama Genuai Bidigo te giliga pedalobo badu te wali te deli sogo giligade aselama, tama be hulua sai. Tama kigamu te waligo te kuli mano dabe selasa asalio. ¹⁴Tama genuai genuai kuli mano dabe aselama, te Isip t̄o tigidali habu badu mesega sagasai. Polobadu Isip hani augwaligo te tiwai genuai kuli mano hani suai meni, tama nosali augwaligo ma sugobeo.

¹⁵Tama te kuli mano augwali mu paqana sagaselama, tama te t̄o tigidali mu mesega sai, tama te t̄o sisi mu yai. Tama te kuli mano augwaligo te tigidali nosa dabe, me te tigidali nedu du wai te genuai ais tulubagego dolisiawani, te tigidali tula silai. Tama te nide te ni yabe, me te Isip t̄ode nosa dabe deli digi me elalubeo. Menio. Augwaligo mu silai. ¹⁶Tama tunu bidigo po polo tagala paliyu, tama Moses de Aron si asao wai. Tama augwali pali, tama agai augwali sibolo te po wai, "Eno dwai sege God dali yali, te dagego Genuai Bidi Yawe dali, me dage si dali me, te eno sege salio.

¹⁷Tama dage sigo eno sege megi deli sogo digi ma sela sawao. Tama dage sigo Godiba gedu haluasa po weyu, tama dagego Genuai Bidi agabolo hanaluyu, tama te dwai naigo ena dolainogo ebo te sela sawainao." ¹⁸Tama augwali sigo te tunu bidi taga peyu, tama Mosesgo Genuai Bidiba gedu haluasa po wagi pai. ¹⁹Tama Genuai Bidigo te wali hasegelama, te bomai wali te sia ge dega sabo badu asomainogo yai. Tama waligo te kuli mano tigidali te mama yai tamu aq̄ba selasa pai. Tama te Isipde te kuli mano tede me deli bidibeo. Menio. ²⁰Tiali goli, Genuai Bidigo te tunu bidigo homu daq̄ mu ilama, tama tunu bidi te Israel bage augwali tagala palobeo.

Genuai be hulua sai

²¹Nosali Genuai Bidigo Moses dali te po wai, "Nago nogo ugwaba sao, tama moni genuai hulua sabogo te Isip t̄o halua saibao. Te be hulua sabo te gasagi yai mu dao. Te bomai nai augwaligo nogogo tuabo usu tiwai dao," te po wai. ²²Tama Mosesgo nogo ugwaba sali, tama genuai be hulua selama, tama Isip t̄o tigidali sela sogo be hulua sai elalui. ^{†23}Tama Isip we bidi augwali te augwa hasi suainogo ebo usu ebeo. Tama tigidali we bidi te sogo augwa be tomode bidai. Augwali buluba soabo usu ebeo. Tiali goli, te Israel bage augwali bidibo digi te be hulua sabeo. Menio.

²⁴Tama tunu bidigo Moses i olama, asobode agabolo te po wai, "Dage te duga Genuai Bidibolo lotu po wagi piq̄o. Tama te we wai augwali duga dali pomainao. Tiali goli, te bulmakau, sipsip dabe augwali te Isipde bidimainao," te po wai.

²⁵Tama Mosesgo po wei ponoyu, te po wai, "Menio. Nago dago God Genuai Bidi Yawebolo ofa yabo nai me sela pomainogo yao. ²⁶Tama dago dena kibu dabe me tigidali selama, dago sela odasa paibao. Dago me deli bidibadi taga pogobeo. Dago kibu dabe meba te dago Genuai Bidibolo ofa yabo sa muaibao. Tiali goli, da te lotu po wabo buluba pedelama, tama dago koneama, mena kibu te ofa yainogo te saibao," wali.

²⁷Tiali goli, Genuai Bidigo te tunu bidigo homu daq̄ olama, tama tunu bidigo augwali tagala palobeo.

²⁸Agai Mosesbolo te po wai, "Ao, nage pao! Nage te bulude bidigio, gedao. Nago ena ma sugobeo. Tama nago ena ma suagasiyu da, te deli sogo mu eno nage ela muaibao."

²⁹Mosesgo te po odoyu, te po wai, "Te dolo dao. Eno nage ma sugobeo."

Te gomunai ogwa augwali isaibao

11 Tama Moses te Isip tunu bidi sugi pesiq̄badi, hasia bolo Genuai Bidigo Mosesbolo te po wai, "Eno deli sogo digi me te Isip tunu bidi, aga hani we bidi dali, augwalibolo te eno dene mu ilaibao. Tama tebo si, nosali agai dage tagala palaibao. Tama agai dage dali homu nagame elama, dage tagala palogobeo. Menio. Te agai dage polo mu pao weyu, tama dage te bulude tigidali mu sela sawaibao. ²Tama megi nago te Israel we bidi tigidalibolo te po olama, tama augwali te paq̄de bidibo Isip haniba pelama, tama augwalibolo te au dorage gol, me te au dorage silva te augwali momainogo hanalugi pao," wali. ³Nosali augwaligo tama tiwai, tama Genuai Bidigo te Israel bage augwalibolo te genuai nogi te Isip we bidi augwaligo gedude menama, tama augwaligo au dorage gol me silva te Israel bage augwalibolo mawai. Mu tama, te gavman se ebo genuai bidi dabe dali, te Isip olo we bidi dali, augwaligo Moses te genuai bidi mu da, te homu yali, tama tiyu, augwaligo te se ebo homu yai. ⁴Tama te tunu bidigo te "Nago ena ma sugobeo," te po olama,

† 10:15 Ped 9:2-3

†† 10:22 Tib 105:28; Ped 16:10

tama Mosesgo tuni bidibolo po wei ponoyu, te po wali, "Genuai Bidigo po odao. Agai te po wai, 'Me sogo be huli tomode ena te Isip t̄o tigidali habuba bilaibao,' te po wai. ⁵ Tama tigidali Isip bagego gomunai ogwa isa silaibao. Tama tuni bidi, nago gomunai ogwade digi gagalaibao. Te wai agai nage hasegelama, te tuni bidi pedelainogo yali, te ogwa isaibao. Tama tigidali gomunai ogwa te isiyu, tama te olo s̄e ebo we dabego gomunai ogwa me tigidali isaibao, te nogi meni yai we dabe sibi augwaligo te tubo nai wit te masingo agaga pelama te bret nigibo s̄e ebo dao. Tama te tigidali bulmakau dabego gomunai wai dabe me isaibao. ⁶ Tama tigidali Isip t̄o badu bidibo we bidi augwali homu s̄e s̄e me elama, tama gela genuai mu waibao. Te tiwai gela te Isipde polobadu me wai meni, tama te gela ma wagobeo. ⁷ Tiali goli, eno dwai s̄e deli me te Israel we bidi augwali dali, me te augwaligo bulmakau nai dabe dali, dwai s̄e me egobeo,' Genuai Bidi Yawego te po wai. Tama nago koneama, aga da te Genuai Bidi Yawe da, te homu emainogo yai, agai te deli tigi tiwai kole-saga te Israel bage dali ebe, te dage Isip dabe dali ebo kolesaga tiwai ebo menio." ⁸ Tama Mosesgo te po ma wai, "Tama tuni bidi, nage dali, gavman s̄e ebo bidi dabe, dage tigidali aselama, tama enaba kidu sugunama, po bomonama weyu, te po waibao, 'Nage pao. Nage naga we bidi hani dali, polo pao.' Te s̄e tigidali pedela silama, tama nosali eno te Isip taga paibao." Tama Moses s̄e b̄e mu elama, tama agai te tuni bidi tagala buluba soai.

⁹ Te Moses te tuni bidi polobadu sugi pesiḡbadi, tama Genuai Bidigo Mosesbolo te po wai, "Tuni bidigo nago po me odogobeo, magi baso meni, te eno bomai s̄e meba te Isipde ma emainogo tama yaibao," Genuai Bidigo te po wai. ¹⁰ Tama Moses de Aron sigo bomai s̄e hauwa deli deli te tuni bidigo gedude yai, tiali goli Godigo aga homu ḡḡ olama, tama te tuni bidigo te Israel bage augwali agai t̄o tagala palobeo.

Nai bodolu muani sogo Godigo Israel bage augwali tagaliyu, ela soai

12 Moses de Aron si Isipde bidibadi, Genuai Bidigo augwali sibolo te po wai, ² "Te meḡi polua te hasia polua te dagego kalenda bukude elaluaibao. ³ Tama tigidali Israel we bidibolo te po wao, 'Tama e polua dei nogo si wabode, te deli deli bidigo aga we waide te kibu sipsip wai sa muao, ma aga kibu meme wai me deli sa muao.' ⁴ Tama te we bidi wai augwali hani dwasianu eyu, tama augwaligo te nai tula silabo homu isiḡbaso da, teda ayago te aga ḡḡde bidibo we bidi wai augwali asa olama, tama te hani augwa si te nai dobola selama tuao. Augwaligo homugo te we bidi wai bidibo usu nama, tama te kibu sipsip mi augwaliba dobayao. ⁵ Tama dagego kibu sipsip omai, ma te meme omai, te kibu be deli yai sa muao. Dagego te sipsip meme te tigde keni keni yai me selamo dao. ⁶ Augwaligo te kibu dabe bugagia tonaluama, te polua dei 14 wabode, tama pio mu tigidaligo te augwa kibu dabe elao. ⁷ Tama augwaligo te kibu dabe kaneme me-

ba selama, tama mena bede te nai tubo te be t̄ḡde elalubo ni pos side me, te ugwadu me, te kaneme pipili pao. ⁸ Tama te sogo hulide dagego sipsip meme mi dabe siade ulao. Tama dagego te kibu mi dali, te bo disiḡwai bret, me te ha yai donai dali tuao. ⁹ Tama dagego te kibu mi disiḡwai tugio, tama dagego s̄eḡḡde ulama tulamuḡ. Menio. Dagego siade naga ulao. Tama te kibu tobolu me, te nogo saḡḡ me, te tigi-dali haliga dabe, te kibu sipsip wai, ma meme wai, tigi sese elalubadi tama ulama, te mi tuao. ¹⁰ Dagego te kibu mi meba munalubadi kigamu elamuḡ. Tama te kibu mi meba kigamu munalubaso da, teda te siaba ulama, tama te siago tigidali dela silimainao.

¹¹ Dagego te kibu mi tuabo sogo e tama tiao. Gudubo ugwa gudama, tama saḡḡ nadoba mubadi, bilibo dono nogode tola sao. Tama dagego polo te kibu mi tuao, magi basowe, te nai tuali bodolude ena Genuai Bidi Yawe eno dage ela soaibao." † ††

¹² "Tama te sogo hulide tama, ena te Isip t̄o tigidaliba pelama, tama te Isip we bidigo tigidali te gomunai ogwa ela muyu, tama augwaligo kibu dabe me elaibao. Ena digi ena te Genuai Bidi Yawe, tama eno te Isip bage augwaligo tibo god tigidali augwali te bomo meni yai bage mu dao hanilama, ola mawaibao.

¹³ Tama dagego te be pilali kaneme te dagego ḡḡḡ tiwai elaluaibao. Tama eno te Isip bage augwali dene ilibo sogo, eno te kaneme sulama, tama eno dage ela soaibao."

¹⁴ "Te s̄e yali sogo, dagego bodolu pedalobode, te dagego genuai lotu po wabo sogo yagasaiabao, tama te sogo koneama, ena Genuai Bidi eno te s̄e yai. Tama dage hani nosali nosali pedalobo bage, augwaligo me te Godigo dage Tagalama Ela Soali Sogo pedalobode te nai tueibao," wali.

Te bo disiḡwai nai bret tubo te genuai side dao

¹⁵ Genuai Bidigo po ma weyu, te po wai, "Te nosali bidada peyu, tama dagego te Pasova bret tubosi da, teda dagego te a naga olama, me badu nogo si, te tama side te bo disiḡwai nai bret tuao. Te hasia mu dagego bede munalubo te bret bo dabo nai yis tigidali selama, tagalao. Magi baso meni, niwai bidi me deli agai hasia sogo te bo dabo nai yis tudu pelama, te a naga olama, me nogo si usu nigi pobaso da, teda aga dagego te Israel hanide sela saḡḡao. ¹⁶ Te hasia deli sogo, me te a naga olama, me badu si sogo, dage sisinama, lotu po wao. Dagego te si sogo gasa s̄e me igio. Dagego duga tubo nai dabe naga dodolao. Te s̄e ebo naga te usu da."

¹⁷ "Te hasia deli sogo te a naga olama, me badu si sogo wabode, te sogo digi eno dage hani tigidali te Isip taga peyu odasa paibao. Tama tigidali kibu bede dagego te wali peyu, te Bo Disiḡwai Nai Bret Tuali bodolu muao. Tigidali sogo nosali dagego hani aug-

† Te Hibr̄u pogo te Genuai Bidi Yawe agai augwali tagalama, ela soabo bodolu mani sogo, te sogo nogi Hibr̄u pogo begelama tama Pasova, te tama wabo dao. †† 12:11 Prs 23:5; Nam 9:1-5; 28:16; Bom 16:1-2

waligo te sogo te dagego genuai side tiwai dao.
¹⁸Tama dagego te bo disiawai nai bret te polua dei 14,
tede pio tubo gagalama, tama te polua dei 21, te tama
te nai tuao. ¹⁹Tama te 7 sogo elalubadi, te yis dagego
bede me munaluamo dao. Tama dage hani bidi me
deli, ma te gasa bulu bidi dage dali bidibo bidi, te ni-
wai bidigo te yis elalubo bret te sogo tubaso da, teda
te bidi aga te dage Israel hanide sela sayao. ²⁰Odao.
Te dage tedali tedali mena bidibo me, te Bo Disiawai
Nai Bret Tubo bodolu mani sogo, tede dagego te bo
dabo nai yis tugio. Dagego te bo disiawai bret naga
tuao." Genuai Bidi Godigo te po wai.

Augwaligo nai te Godigo augwali ela soali side tuai

²¹Tama Mosesgo tigidali Israel tobolu bidi dabe i ola-
ma asobode, augwalibolo te Israel hanibolo pusabo
po weyu, te po wai, "Dage pelama, te ogwa bidi sipsip
meme te dage dali duga we wai pulubade sa munama,
tama te Godigo dage ela soabo Pasova side te sipsip
meme dabe elao. ²²Tama kaneme te pouba gelama,
tama te ni hisop dwasianu nologo selama, tama te
kaneme munalubo pouba muao. Tama kaneme
dwasianu me badu te be tude elalubo ni pos side
piliyu, tama te tų ugwadu podilali nide me, te kaneme
pilao. Tama dage tigidali te be tomode bidiyu, tama
buluba me soasiama, tama kigamu be posaiabao.

²³Tama nosali Genuai Bidi te Isip tų habu tigidali teba
pelama, te Isip bagego gomunai ogwa dabe elaibao.
Tama agai te kaneme dagego be tų sesegede elalubo
sulama, tama agai dage ela soyu, tama te ensel mobo
bidi dabe augwaligo te be tomoba pelama, dagego
gomunai wai dabe elegobeo," wali. ††

²⁴"Tama dage dali, tama dagego nosali ame nabo
bulai wai dabe, augwaligo te tiwai kolesaga tigidali
kibu bede yao. ²⁵Tama dage te Genuai Bidigo po dų
weyu, dage mawaiba wali te tųba bidigi pabo sogo
me, tama dagego te Godigo dage tagalama ela soali
side te nai tuao. ²⁶Tama nosali dagego wai dabego
dagebolo hanaluyu, te po waibao, 'Magi po pagede te
nai tubo dawe?' ²⁷Tama dagego augwalibolo te po
wao, 'Megi da, te Pasova sogo dao. Dago te ofa Genuai
Bidibolo ebo, te agai da Israel hani tagalama ela soali
bodolu side te sę ebao. Dago te Isip hani augwaligo
gomunai ogwa agai elali sogo homugo koneama tiwai.
Tiali goli, agai da Israel bagego be tagalama, ela soai,
tama dago wai dabe sula tagalama, bugagia bidai.'" ²⁸Mosesgo te po te tobolu bidi dabebolo wai.

Tama nosali te we bidi augwaligo te po odoyu, tama
augwali tobolu aiyaba munama, tama Godibolo lotu
po wai. ²⁸Tama nosali augwali hodaloama peyu, tama
augwaligo te Genuai Bidigo Moses de Aron sibolo wali
po wali peyu, te sę igi pai.

Te gomunai ogwa dabe isai

²⁹Tama huli tomode mu, Genuai Bidigo te Isip
dabego gomunai ogwa tigidali ela silai. Agai te tuni
bidigo gomunai ogwade elebo gagalama, tama ela
pelama, tama te kalabus bidi dabego gomunai ogwa
dabeba me usu nigai pai. Tama agai te haniani kibu
hani dabego gomunai wai dabe me elai. ³⁰Tama te so-
go hulide naga, te tuni bidi aga dali, gavman sę ebo bi-
di dabe me, tama te Isip we bidi tigidali, augwali ho-
daloama, te wai dabe isai suai. Tama Isip tų tigidali
habu badu tigidali we bidi genuai gela ola pali, magi
basowe, tigidali be deli delide wai ogwa isasa pai.

Te Israel hani augwaligo te Isip tų tagalama soai

³¹Tama te sogo hulide naga tuni bidigo Moses de
Aron si i olama, asobode augwali sibolo te po wai,
"Dage pao! Dage si dali, te tigidali Israel we bidi, dage
polo piąo! Eno hani we bidi taga pao. Dagego enabolo
hanalu wali te dagego Genuai Bidi Yawebolo lotu po
wagi pao. ³²Tama te kibu sipsip, me meme, tama te
kibu bulmakau me selama, tama te Isip mu tagalama,
dagego polobadu wali po tiwai eyu pao. Tama nago
gedu haluasa po Godibolo obaso, agai ena dwagi yai
ilimainao," te Isip tuni bidigo augwali sibolo te po wai.

³³Tama Isip dabe augwaligo te Israel dabe augwali-
go te Isip tų tagalama, polo pomainogo bomonama
yai. Augwaligo te po wai, "Dagego da taga peyu, polo
pesiayı da, teda da tigidali isaibao," wali.

³⁴Tama te Israel dabe augwaligo plaua te yis dali
begelisiąbadi te pouba muai. Tama augwaligo te pou
name ugwago haluama, tama augwaligo nagede to-
lasa pai. ³⁵Tama Israel hani augwaligo te Isip we bidi-
bolo te gol, me silva, me ugwa dabe, te nai hanalu wai,
Mosesgo te po augwalibolo polobadu wai. ³⁶Tama
Genuai Bidigo te Israel hani augwalibolo genuai nogi
te Isip we bidi augwaligo gedude mawai. Tama te Isip
dabe augwaligo te Israel hanigo sainogo homu yali nai
augwalibolo mawai. Tame te kolesagade Israel hanigo
te Isip dabego nai umabo sai. ††

³⁷Te Israel bage augwali hogolama peyu, te Rameses
hanu tagalama, tama te Sukot hanuba pai. Te sogo te
Israel hani bidi te bidi sese hauwa 600,000 mu pali,
tiali goli augwaligo te we wai dabe dali nedebeo.

³⁸Tama te Israel hani isiawai we bidi hani hauwa, me
te bulmakau, me sipsip, me meme dabe hauwa, te
augwali dali pai. ³⁹Tama augwaligo bret te yis meni yai
plaua te Isipdu sela asali tedali ulai. Augwaligo te yis te
plaua dali musiawai, magi basowe, te Isip dabego aug-
wali polo mu sela sayu, tama augwaligo te nai sisi
yabo sogo meni yai.

⁴⁰Tama te Israel hani augwali Isip tųde kibu be bidi
sese hauwa 430 mu bidai. ⁴¹Tama te sogo mu dolo
augwali Isip tųde bidali kibu be bidi sese hauwa 430
mu bidama, tama Genuai Bidigo Israel hani dabe we

† 12:17 Sai 23:15; 34:18; Prs 23:6-8; Nam 28:17-25; Bom 16:3-8
†† 12:23 Hib 11:28

‡ 12:29 Sai 4:22-23 †† 12:36 Sai 3:21-22 †† 12:40 Gag 15:13;
Gal 3:17

bidi augwaligo te Isip t̄o taga soai. ⁴² Tama te sogo hulide naga Genuai Bidigo te Israel hani bugagia tonaluai, tama augwali te Isipde selama odasa asai. Tama tibaso, tigidali sogo nosali kibu bede augwali te sogo hulide odasa asali sogo Genuai Bidi homugo koneama, tama bugagia tonaluyu, augwaligo agabolo lotu po wabo dao.

Te Pasova naide wabo bomai po

⁴³ Genuai Bidigo Moses de Aron sibolo te po wai, "Odao, te Pasova nai dabego bomai po e dao. Te Israel hani isiɁwai gasa bulu we bidigo te nai tugio. ⁴⁴⁻⁴⁵ Te augwali dage dali p̄wadage sogo naga bidibaso da, ma augwali mone sabo s̄ eyu da, teda augwaligo te nai sela tugio. Tiali goli, dagego abelama te olo s̄ ebo bidi pedelali, tama dagego augwali tigiwali togwali, te bage augwaligo te nai tubo usu dao."

⁴⁶ "Te we bidi augwaligo te mi te nai sisi yali bede naga tuao. Augwaligo te nai meba te buluba sela pigio. Tama me te augwaligo te kibu sipsip dili dabe togogio. ^{†47} Tama tigidali Israel hani augwaligo te nai tubo s̄ ilao. ⁴⁸ Tiali goli, tigiwali togosiɁwai bidigo te nai tugio. Tama gasa bulu bidi hani me deli te dagego bulu t̄ba bidagasai yai baso da, tama te bidi agai te nai sela tuainogo yai, te Genuai Bidi Yawe eno dage tagalama ela soali sogo tubo nai, tama dagego te bidi aga bidi tigidali, me te mena bidi aga dali bidibo bidi dabe, te tigidali augwali tigiwali togwa. Tama nosali te bidi aga hani dali augwaligo te nai tumainao. Tama te bidi aga te dagego bidi me deli tiwai bidaibao. ⁴⁹ Tama te gasa bidi hani te Israel hani augwali dali bidagasali bagego te Israel hanigo Pasova nai bomai po tiwai naga wali peyu, dage dali bidao," wali.

⁵⁰ Tama te Israel hani augwaligo te Genuai Bidigo te Moses de Aron sibolo po wali gilama te tiwai s̄ yai. ⁵¹ Tama te sogo naga Genuai Bidigo te Israel hani tigidali Isipde selama, tama augwali odasa asai.

Israel bage augwaligo gomunai ogwa Godibolo mawai

13 Genuai Bidigo Mosesbolo te po wai, ² "Dagego gomunai ogwa tigidali enabolo mao. Dage Israel hanigo gomunai ogwa tigidali, me te dagego tigidali sipsip, meme, bulmakau gomunai omai wai dabe me, te enaba naga mao. Augwali te eno tedali muani nai dao," wali. ^{††}

Te Bo DisiɁwai Nai Bret tuali genuai side

³ Mosesgo te we bidi augwalibolo te po wai, "Dage te Isipde bidali, te kalabus s̄ ebo bulu dao. Tama aga bomogo digi, Genuai Bidigo dage Isip bulude selama, odasa asai. Tama tibaso, tigidali kibu be dagego agai te tama tiali side homugo koneama, tama dagego te bo dai nai bret dali tugio. ⁴ Tama meḡi dagego te Isip taga sobao, te side e polua delide, augwaligo te nogi Abip wai. ⁵ Tama Genuai Bidigo dago w̄aj dabe dali po daɁ olama weyu, te Kenan dabe augwaligo t̄o, me Hit

bidi dabe, me te Amor dabe, me te Hivi, me te Jebus dabe, te bidi hani augwaligo t̄o dage mawaibao. Te t̄o wieḡi yai mu, tama ili hauwa elalubao. Tama Genuai Bidigo dage te t̄ba odasa pabo sogo, dagego te Bo DisiɁwai Nai Bret tuali te genuai side tigidali kibu be e Abip nogi wabo poluade te s̄ wali piɁo. ⁶ Tama dagego te bo disiɁwai nai bret te a naga olama me badu nogo si tama side tuao. Tama a naga olama me badu si sogo, te dagego te genuai nai tuyu, Genuai Bidibolo lotu po wao. ⁷ Tama te a naga olama me badu nogo si te side te we bidi augwaligo te bo disiɁwai nai bret tulama, tama dagego te yis, me bret te yis elalubadi, te bulude me te dagego t̄de munalubadi elaluamu dao. ⁸ Tama te genuai side pedalobo si, dagego duga ogwa te wai dabe augwalibolo te po haninama pusao, 'Dago te kolesaga tigidali ebo, te Genuai Bidi agai da te Isip t̄de bidibadi, da odasa asali sogo koneagasu, te s̄ ebo dao.' ⁹ Tama dagego kegeda pidali weyu, te tiwai lotu po wabo kolesaga da, te daɁ me deli dao, te dagego duga nogode me gesabidide elaluabo daɁ aɁ yaibao. Tama te Genuai Bidigo bomai po te dagego homu kolesaga iliyu, tama po wabo nigilaibao. Magi basowe, Genuai Bidigo bomogo s̄ elama, tama da Isip t̄de selama, odasa asai dao. ¹⁰ Tama tigidali kibu bede te tiali sogo pedalo-bode, te sogo dagego te nai tuao," Mosesgo te po wai.

Te gomunai wai ogwa dabe

¹¹ Te Mosesgo po ma weyu, te po wai, "Genuai Bidigo dage te Kenan dabego t̄ba odasa paibao. Tama agai dagebolo me, te dagego waigo wai dabe, te dagego w̄aj dabe, augwalibolo me te t̄o maiabo po polobadu digi daɁ wai dao. ¹² Tama agai te t̄o dageba mabo sogo, tama dagego gomunai ogwa tigidali te dagego Genuai Bidiba mao. Tama tigidali kibu dabego gomunai wai, te me Genuai Bidigo naga dao. ^{†13} Tiali goli, dagego te sipsip wai me deligo te donki gomunai wai ma dobola abelama, ofa ilao. Tiali goli, dagego te donki ma abelesiaɁyu da, teda dagego te donki dogoni togwao, isimainao. Tama dagego duga digi te gomunai ogwa wai dabe tigidali ma abelao."

¹⁴ "Tama nosali dagego ogwa dabego dagebolo te tiwai hanaluyu, te po tiwai waibao, 'Te kolesaga page mena tama dawe?' Tama dagego augwalibolo te po wao, 'Da Isip bulude kalabus s̄ ebadi, tama Genuai Bidigo bomai s̄ mu elama, tama da Isip bulude selama, da odasa asai dao. ¹⁵ Tama hasia sogo Isip hani tuni bidigo homu kolesaga hasegelisiaɁyu, tama da tagala palobeo. Tiali goli, Genuai Bidigo te Isip dabego gomunai ogwa tigidali, me te augwaligo kibu dabe gomunai wai tigidali ela muai. Tama meḡi dago te kibu dabego gomunai wai te Genuai Bidiba ofa ebo dao. Tama tiali goli, dago te dena gomunai wai ogwa te augwali ma abelebo dao.' Te po duga ogwa dabebolo wei ponao. ¹⁶ Dago te s̄ ebo te dago homugo ma koneama, te Genuai Bidigo bomogo aga digi da te Isipde selama, odasa asai. Tama te dago nogode me

† 12:46 Nam 9:12; Jon 19:36 †† 13:2 Nam 3:13; Luk 2:23

‡ 13:12 Luk 2:23

gesabidide muai nai tiwai, tama dago homu hodolobo se ebo dao," Mosesgo te Israel hani we bidibolo te po wai.

God te pɔde me siade bidiyu, augwali dali pai

¹⁷ Te Isip tuni bidigo te Israel we bidi hani tagala palai sogo, Godigo augwali te nabis badu te pɔwadage tɔdu te Filistia tɔ badu odasa pabeo. Magi basowe, Godigo te homu yai, "Te Israel hani augwali te pɔwadage tɔdu odasa peyu da, tama gasa hanigo augwali dali hwjainogo ebo suyu da, teda augwaligo homu hasegelama, te Isipba ma paibao. Tama te Israel hani augwaligo te tama tebo te eno hagela yai."

¹⁸ Tama tibaso, Godigo augwali te ni meni yai te tɔ wa pai bulu, te badu bagulama soyu, tama augwali te mama yai tamu aɔba pedelai. Augwaligo te boi bidi dali hwjbo nai me tolama pai.

¹⁹ Polobadu Josepgo te Israel hanibolo te po wai, "Nosali ena isama, tama Godigo dage Isipdu te Kenan tɔba ma oda sagasobode, tama dagego eno dili dabe dali selama pao." Tama Israel dabe augwaligo bomai po daɔ weyu, tama tiaibao wai. Tama Mosesgo te Josepgo dili dabe selama, tolasa pai. ²⁰ Tama Israel hani augwaligo te Sukot hani tagalama, te masigi sane yai bulu Etam sesegeba pedelai. ²¹ Tama siade te Genuai Bidi te genuai bobage pɔ tomode bidali, tama aga polasa peyu, augwali pabo tɔ ola mawai. Tama hulide aga te genuai bobage sia dabe tomode bidiyu, tama aga polasa peyu, tama augwalibolo te sia ula ilai. Tama tibaso, augwali te siade me, hulide me pabo usu yaibao.

²² Tama sesemane sogo siade te pɔ te we bidi augwali pobadi te pɔ polasa pali, tama hulide me te sia polasa peyu, ula ela pai.

Augwaligo te mama tamu aɔ togwai

14 Te Genuai Bidigo Mosesbolo te po wai, ² "Te Israel dabe augwalibolo te po olama, tama augwali ma geasa peyu pelama, tama te tamu aɔ sesegede te bulu Pihahiro, tede te bidabo pesage nigao. Te bulu te Mikdol dali, te mama tamu aɔ dali, te si tomode elalubao, te Balsefon bulu dolo si dao. ³ Tama augwali tama tibaso da, teda te Isip tuni bidigo augwali soali gegelama suyu, te po waibao, "Te Israel hani augwali te pabo tɔ susiama gegede biliyu, te masigi sane yai bulude olo bilama, tama augwaligo te badu tɔ taga pabo menio," tuni bidigo te homu yaibao. ⁴ Tama eno te tuni bidigo homu hasegelama, tama agai dage pobeasa asomainogo yaibao. Tiali goli, eno aga te agai ami bidi dabe aiyaba elaluama, tama eno genuai nogi te se ebode saibao. Tama Isip dabe augwaligo koneama, ena digi ena Genuai Bidi Yawe dao," Genuai Bidigo te po wai. Tama po obaso, te Israel dabe augwaligo te Genuai Bidigo po odolama, augwali ma geasa pai.

⁵ Tama te Isip we bidi dabego te Israel bage augwali wi pali po te tuni bidibolo wai, tama aga dali, te gavman se ebo ofisa bidi dabe dali, augwaligo homu

hasegelama, tama augwaligo te po wai, "Magi baso dago te Israel hani augwali tagala palaliwe? Tama megi da, augwaligo dago se egobeo. Dago dwai geda mu muai dao," te po wai. ⁶ Augwaligo te po olama, tama tuni bidigo aga kibu hosgo kegela pabo hwjbo nai karis dali, te aga ami dabe augwali sai. ⁷ Tama agai te bidi sese hauwa 600 te wiegi yai polasa peyu hwjbo nai karis dabe dali, te ami bagego gasa karis tigidali me, te agai karis tonalubo ofisa dabe augwali me selama, pai. ⁸ Tama Israel hani augwaligo koneani, te Isip dabe augwali aiyaba elaluama, tama augwali dwagi yai homu dali pai. Tiali goli, Genuai Bidigo te tuni bidigo homu hasegelama, tama tuni bidigo augwali nosali polo pobeasa asai. ⁹ Te Isip ami bidi dabego karis elaluai, tama te ami bidi dabe augwali te hosde duayu, tama ami bidi dabe meba tɔdu pali, tama augwali tigidaligo te Israel hani augwali pobeasa peyu, pai. Tama augwali te Israel bage bidibo paba pedelai, te mama tamu aɔ sesegede, te Pihahiro bulu pade, te Balsefon bulu dolo si elaluai, tede pedelai.

¹⁰ Tama te Isip tuni bidi aga ami dabe dali, augwali paba polo asobo te Israel hani augwaligo suai. Tama augwali wi mu eyu, tama Genuai Bidigo augwali tau somainogo i wai. ¹¹ Tama augwaligo Mosesbolo te po wai, "Magi baso nago da e masigi yai kemi tɔ buluba olo odasa asaliwe? Nago da e olo bulude isimainogo yaliwe? Tama da te Isip tɔde bidibadi isigi sogo da, te usu igi dao. Te Isip bulude elalubo gu page te da usu igi dao. ¹² Dago te Isip taga soasiabadi, tama dago nagebolo te tiwai se pedelaiba, te po walio. Tama dago te po wai, "Da tagalama, da ede bidimainao, tama da te Isip dabego olo se bidi bidimainao," te po wai. Tama da se olo mu naga igi dao. Tama tiyu, da e olo masigi naga yai bulude isibo dwaibao." Augwaligo te po wai.

¹³ Tama Mosesgo augwalibolo te po wei ponyou, te po wai, "Wibo tagalao. Bomonama dolaluyu, tama megi Genuai Bidigo dage tau selama, tigidali se ebo suaibao. Tama megi dagego te Isip dabe subo, tiali goli nosali dagego augwali munu ma sugobeo.

¹⁴ Odao, Genuai Bidigo dage tau siyu, hwjaibao. Tiali goli, duga digi magi se me elamuo. Dagego pedawali daɔ naga wao," wali.

¹⁵ Tama Genuai Bidigo Mosesbolo te po wai, "Magi baso nago ena i wabo se ebawe? Te Israel dabe augwalibolo te po weyu, augwali pomainao," te po wai. ¹⁶ "Tama nago dono ugwaba selama, tama te tamu aɔ usu sao. Tama te we si badu peda pelama, tama wa pai tɔ pedelama, tama Israel dabe augwali te tomodu pelama, te u badu pedalomainao. ¹⁷ Tama eno te Isip bage augwaligo homu kolesaga te homu tomoba masigi sawai bidigo homu tiwai ilama, tama augwaligo dage Israel dabe wali pobasa asaibao. Tama eno te tuni bidi aga karis dabe dali, me te hosde duawali ami bidi dabe tigidali, augwali aiyaba elaluama, tama eno te se yalide te eno genuai nogi saibao. ¹⁸ Tama eno te Isip dabe aiyaba elalubaso, tama augwaligo homugo ena digi te ena Genuai Bidi Yawe dao," agai te po wai.

¹⁹ Te Godigo Ensel Mobo Bidi te Israel hani dabe polasa pabo bidi, tama augwali tede tagalama, aga augwali nosali pai. Tama te Israel dabe pabo tedu polasa pabo pọ, te me geasa te augwali tudi badu ma doligi sai. ²⁰ Tama te sogo hulide te pọ te Isip dabe dali, te Israel dabe dali, augwali tomode dąj tiwai elaluai. Tama te pọgo te Isip dabe augwali bidibo badu te be hulisa sai mu elaluai. Tiali goli, te pọgo te Israel dabe bidibo digi, te badu te ula elaluai. Tama tibaso, te sogo hulide te Isip dabe augwali te Israel hani pąba pabo te usu ebeo.

²¹ Tama Mosesgo nogo ugwaba selama, tama tamu ąj hulide usu sai, tama Genuai Bidigo bomai wali te sia ge pedalobo badu asiyu pedelali, tama te waligo te tamu ąj te sia ponobo tiwai edubadi, tama be posai. Tama waligo te tamu ąj ma sela sąbode, tama tamu ąj tomode si peda pai. ²² Tama tomode tọ tigidali wa pai, tama Israel dabe augwali tedu uba pai. Tama te tamu ąj si dali si badu te be daga tiwai dolaluai. †

²³ Tama tigidali Isip ami bidi dabe augwaligo te Israel dabe elainogo wali pobasa peyu, augwali me te tamu ąj tomodu pai. Te hos dabe, me te karis, me te hosde dua yali ami bidi dabe, tigidali hodobo pai. ²⁴ Tama Genuai Bidi te bobage pọde me te siade bidiyu, tama te be posobo pąde agai te Isip ami bidi aiyaba tonono bilama, tama agai augwaligo homugo kolesaga te polobo bidigo homu tiwai ilama, tama augwali midigi dwai mu yai. ²⁵ Genuai Bidigo te augwaligo karis nadoba te tọde dąj ilali, tama te karis dabe bomonama uda wainogo yali usu ebeo. Tama te Isip dabego te po wai, "Odiąo. Te Genuai Bidi Yawe aga hani Israel augwali tau siyu, da dali hwįbao. Da polo wi pinao. Dago augwali polo taga pinao," wali.

²⁶ Tama tibaso, Genuai Bidigo Mosesbolo te po wai, "Nago nogo ugwaba selama, te tamu ąj usu sao, tama te ąj ma asiyu, te Isip ami bidi dabe dali, me te karis, me hos dabe me, augwali te ąjgo mesega sagasaibao," wali. ²⁷ Tama Mosesgo nogo ugwaba selama, te tamu ąj usu sali, tama be posobode te ąj ma asiyu, tama te polobadu elaluali tiwai ma yai. Tama te Isip dabe augwali wi pabo usu sali, tiali goli augwali usu meni yai, magi basowe, Genuai Bidigo augwali tigidali te tamu wę tomoba popogolo pai. ²⁸ Tama te Isip tuni bidigo ami bidi dabe augwali te Israel hani wali peyu, te tamu wę tomoba pali bage, te wę ma asiyu, te Isip ami bidi dabe augwali mesega sai. Tama agai te ami dabe tigidali, me te hos, me karis dabe, augwali dali agai te węgo mesegelali, tama deli me bidibeo. Tigidali isai.

²⁹ Tiali goli, te sę pedalisąbadi, te Israel dabe augwali te tọ wai digi pali, tama te wę te be daga u badu me e badu elalubo tiwai yai, tama augwali pelama, te wę u badu hasia sabolai dao. ³⁰ Tama te sogo Genuai Bidigo te Israel dabe te Isip dabego nogode ma dobola sai, tama Israel dabe augwaligo te Isip isai bidi dabe te wę sesegede munalua pai suai. ³¹ Augwaligo te genuai sę Genuai Bidigo eyu, te Isip dabe aiyaba elalubo suai. Tama Israel we bidi augwali wi elama, Genuai Bi-

† 14:22 1 Ko 10:1-2; Hib 11:29

di dologode bidiyu, tama augwaligo bomu yai homu agade dąj weyu, tama aga sę bidi Moses dali tiwai.

Mosesgo tęąbi po

15 Tama te sogo Moses dali te Israel dabe augwaligo tęąbi po me deli te Genuai Bidibolo e tiwai tęąbi wali, "Megi te eno Genuai Bidi Yawebolo tęąbi waibao, magi basowe, agai te genuai wąbi mu hwįnama, tama tede genuai wiegi yai nogi sai dao. Agai te hosde duawali bidi dabe dali, te hos dali, augwali te tamu ąj tomoba sąwai. †² Genuai Bidigo digi ena bomu ilali, tama eno tęąbigu aga nogi ugwaba saibao. Agai ena ma dobola sali, aga da te eno God mu dao, tama eno aga nogi ugwaba sobao. Tama aga te eno ayago God, tama agai genuai nogide eno tęąbi po waibao. †³ Tama Genuai Bidi aga te boma pai ami bidi mu dao. Genuai Bidi Yawe naga te aga nogi dao. ⁴ Agai te Isip tuni bidigo ami bidi dabe dali, te hwįbo nai karis dabe dali, augwali te tamu ąjba sąwai. Tama te tuni bidigo ami bidi dabego polasa pabo bidi kapten te wę tulama, tama te mama tamu węde isai dao. ⁵ Genuai węgo augwali mesegai, tama augwali aiyaba mu dula-ma, te kemi masigi tiwai yai."

⁶ "Genuai Bidi, nago dolo nogogo bomu genuai elalubao, tama agai te boi bidi ągalama, tama augwali mu mia sąwai. ⁷ Te nago genuai bomogo digi nago naga boi bidi augwali aiyaba elaluai. Nago sębę te sia tiwai pedaliyu, tama augwali te wa pai nosa tiwai siago ulai. ⁸ Nago te bomai wali hodolai. Tama waligo te wę bo ugwadu ilali, tama wę te obo tiwai dolo dolaluai. Tama aiyadu mu elaluali tamu wę dila pai pedelai."

⁹ "Te boi bidi dabe augwaligo te po wai, "Dago augwali pobelama, tama augwali dąj waibao. Tama dago augwaligo wiegi wiegi yai nai dena hanibolo dobola saibao. Tama tigidali nai dago sainogo yali nai te dago siyu naga yaibao. Tama dago augwali dali te poapi ge hwągo hwįnama, tama dena bomogo digi te dago augwali dolaibao."

¹⁰ "Tiali goli nago mobo deli sogo naga ponani, tama tamu ąjgo Isip dabe mesega sai. Tama augwali aiyaba tomoba mu te tamu wę tomoba masigi dulubo tiwai yai."

¹¹ "Genuai Bidi Yawe, mena gasa god bidibo te nago bomu tiwai dawę? Me deli menio. Nage te polalubo tuni bidi te nage ugwadu tama tigidali wiegi yai tedali mu dao. Tama niwai bidi te nage dali usu tiwai dawę? Me menio. Nago te bidigo isąwai bomai sę eyu, tama genuai sę ebaso, te we bidi augwali nagede wi mu ebo dao. ¹² Nago dolo nogo dodolobode tama tọ dedage elama, tama te boi bidi dabe augwali te tọ dedagego dalai."

¹³ "Tama nago da homu dene eyu, tau sabo silisąbo kolesaga eyu, tama nago da ma selama, tama nage polasa peyu, da odasa pai. Tama nago bomogo digi da pabo dodolama, tama nago da te naga digi bidainogo yali wiegi yai buluba odasa pai. ¹⁴ Tama meba tọde bidibo bage augwaligo te sę yali po odolama, tama

†† 15:1 Ped 15:3 ‡ 15:2 Tib 118:14; Ais 12:2

augwali wi mu eyu, tama augwali noma saibao. Tama te Filistia bage augwaligo me te po odolama, wi mu yaibao. ¹⁵ Tama Idom tɔde bidibo genuai bidi augwali wi mu yaibao. Tama Moap bomai bidi dabe augwali didibili mu yaibao. Tama Kenan dabe augwaligo bomo te olo wɛ ayana pabo tiwai yaibao. ¹⁶ Genuai Bidi, nago genuai bomo augwaligo sulama, tama genuai wigo augwali mesegelama, tama augwaligo magi sɛ me deli yabo usugobeo. Augwali te ni tigi tiwai, olo naga dolalubadi, tama naga we bidi da ela soala silibo usu yaibao. Genuai Bidi, nago da Isipde ma sela asaligo tama da olo bugagia bidaibao. ¹⁷ Tama nago da odasa asiyu, te da naga bulu dude bugagia dualama bidi-mainogo yaibao. Tede te naga digi naga be sɛwai dao, te bulu nago nogogo digi bugagia dodolama muai dao. ¹⁸ Tama Genuai Bidi nage tuni bidi sesemane sogo bidada paibao." Moses agai te Genuai Bidi Yawebolo te tɛɛbi po wai.

Miriamgo tɛɛbi

¹⁹ Te mama tamu aɲ te tɔ wa tiwai pedelai tiwaidu tama te Israel dabe pelama, u badu pedelalio. Tiali goli, Isip tuni bidigo ami bidi dabe dali, te hos dali, te karis me, augwali te Israel dabe augwali wali asai, tama Genuai Bidigo te tamu aɲ ma asomainogo ilama, tama augwali te wɛgo mesega sai. ²⁰ Tama nosali, Genuai Bidigo po pusubo we Miriam, te Aron aga abe, agai te dwasianu kilikili wabo habili tiwai nai musik sali, te tigidali we dabego me te tobage habili tiwai nai musik selama, te Miriam pabo wali pai. Tama augwaligo te musik dabe eliyu, tɛɛbi eyu, tigi bebege eyu, danis me yai. ²¹ Tama Miriamgo tɛɛbi e tiwai augwalibolo wali, "Genuai Bidibolo tɛɛbi wao, magi basowe, agai genuai wɛbi mu hwɛani aiyaba elalui. Agai te hos dabe dali, te hosde duayali bidi dali, augwali te tamu aɲ tomoba sɛwai dao."

Ha ebo wɛ

²² Nosali Mosesgo Israel dabe augwali te mama tamu wɛ tagalama odasa pali, tama augwali te wa pai ni meni yai bulu Sur tedu pai. Tama augwali sela sogo te wa pai nai meni yai buludu pai, tama augwaligo wɛ me subeo. ²³ Tama nosali augwali te aɲ me elalubo bulu me Mara teba pedelali, tiali goli te wɛ dwai ha pedauwalide ebo wɛ, tama augwaligo te wɛ tuabo usugobeo. Te Mara nogi page e tiwai, te pedauwalide ha ebo nai dao. ²⁴ Tama te we bidi augwaligo wado po weyu, tama po hauwa Moses dali weyu, tama augwaligo agabolo te tiwai po hanalu wai, "Te dago magi nai tuguwe?"

²⁵ Tama tibaso, Mosesgo gedu haluasa po bomonama, Genuai Bidibolo wali, tama Genuai Bidigo aga ni me deli ola mani. Tama Mosesgo selama, te wɛba sɛwai, tama te wɛ wiegi yai pedelai, tama augwaligo tuabo usu yai.

Te bulude Godigo te Israel bagebolo bomo yai po meba augwaligo te po wali pomainogo mawai, tama

me agai augwali usu sela suali, te augwaligo aga wali asobowe naga suainogo yai. ²⁶ Tama Godigo augwalibolo te po wai, "Dagego eno po bugagia odao, te dagego God Genuai Bidi, tama te sɛ dabe ena digi te dwagi yai sɛ da homu ebo, tama dagego eno bomo yai po tigidali wali piɔ. Dagego tama tibaso da, teda eno dagebolo te haniani dwai gasi te Isip we bidi augwalibolo yali te tiwai dagebolo me magobeo. Ena digi ena te Genuai Bidi dao. Tama eno naga te dagego gasi dabe usu ma ilibo dao," wali.

²⁷ Tama nosali Israel dabe augwali te Elim buluba pedelai. Tama Elimde wɛ ulu pedalobo dedage nogo si olama sɛɛgo si, tama ni bidi sese sela olama nogo si, 70 ni det elalui. Tama Israel dabe augwaligo augwa name ugwa be dabe te wɛ ulu dedage pɛde dodolama, bidai.

Israel dabe augwaligo tuabo nai mana me, ba me sai

16 Te Israel hani te Isip taga soalama, tama pelama, tama te bulu Elim tede osogo bidali. Tama te Isip taga soalama, tama polua deli silama, te polua dei 15, te side tigidali Israel hani we bidigo te Elim bulu tagalama, tama te tɔ wa pai nai meni yai bulu nogi Sen tomoba pai. Te bulu te Elim de Sainai te bulu si tomode elalui. ² Tama augwaligo wado po, me te po hauwa te Moses de Aron si dali te bulude wai. ³ Augwaligo te bidi si dali te po wai, "Dago homugo Genuai Bidigo da Isipde eligi sogo da, usu igi dao. Polobadu da Isipde bidibadi, mena tiwai nai dabe, me hasa mi me, te dago homugo digi sai dao. Tiali goli, dage sigo da e nai meni yai wa pai buluba odasa asai, tama dage sigo homugo da nai sili bidilama, tama da tigidali is-mainogo homu yai. Tama da Isipde bidibadi isigi sogo da, te wiegi yai mu igi dao," wali.

⁴ Tama Genuai Bidigo te po Mosesbolo wai, "Eno te bret dagalude tulalubode te dagego siɔ. Tama tigidali deli deli side te we bidi augwali pelama, te side tuabo te nai sigi pao. Te eno augwali te kolesagade usu selama, tama augwaligo eno po wali pogowe, te eno koneainogo tiaibao. ¹⁵ Tama te nogo a olama me badu deli te side augwaligo si sogo tuabo nai sisilama, sela muao," te po wai.

⁶ Tama Moses dali Aron sigo te Israel we bidi hani tigidalibolo te po wai, "Tama pio te dagego bugagia koneageo, Genuai Bidi aga digi dage Isipdu odasa asai dao. ⁷ Dagego wado po weyu, po hauwa aga dali wali, te agai odalio. Tama tibaso, kigamu te Genuai Bidigo digi aga bomo de ula dali si dagego sueibao. Da si te olo bidi naga dao. Tama magi pode dagego wado po da si dali obawe?" ⁸ Tama Mosesgo po ma wai, "Genuai Bidi aga digi dage te nai mi pio mabode te dagego tuageo. Tama agai te nai bret kigamu te dagego homugo somainogo mawaibao. Magi basowe, dagego po hauwa aga dali wabo odai. Tiali goli, da si te olo nai tiwai dao. Dagego wado po te Genuai Bidi dali naga obao."

⁹Tama Mosesgo Aronbolo te po wai, "Augwalibolo e po pusao, 'Genuai Bidigo te dage tigidali we bidigo wado po wabo odalio. Tama tibaso, dage tigidali aselama, te Genuai Bidi paḡa dolagasao,' te po wao."

¹⁰Tama Arongo te po augwalibolo wali, tama te sogo agai po odubadi, augwaligo te masigi kemi yai buluba tonono pai, tama polo tama Godigo genuai ula de bomo dali si, te augwali polasa pabo bobage pḡ tedu pedelai.

¹¹Tama Genuai Bidigo Mosesbolo te po wai, ¹²"Eno te Israel dabe augwaligo wado po wali po odalio. Tama te po augwalibolo wao, te pio mu augwaligo te nai mi tuyu, tama kigamu augwaligo te bret te augwa homugo sela tuao. Augwaligo te nai sela tuyu, tama augwaligo te tiwai koneyu, ena Genuai Bidi Yawe, ena digi ena te augwaligo God da, te augwaligo konemainao," wali.

¹³Tama pio dwasianu ba hani hauwa augwali bidibo pesageba paḡana sagasai. Tama me te kigamu te hulide tulubage segeni yali aḡ te augwali bidibo pesage nosa paḡe elaluai. ¹⁴Tama te wḡ wa paide, augwaligo suali, te dwasianu nai hauwa te tḡde munaluali, te ni yabe dabe pepeda pabo tiwai yai. ¹⁵Tama Israel dabe augwaligo te nai suali, tama augwaligo konebeo. Tama augwaligo augwa hasibolo digi hanaluyu, te tiwai po wai, "Te magi nai dawē?" Tama Mosesgo augwalibolo te po wai, "Te bret Genuai Bidigo digi dagego tuabo nai mobao. ¹⁶Tama Genuai Bidigo tama po wai, 'Dage deli deligo duga we wai dabe dali usu sisinao. Dagego te lita si sabo sene deli delide te duga ugwa bede bidibo we bidi wai puluba usu nama sao,' wali."

¹⁷Tama Israel dabe augwaligo tama tiwai, tiali goli mebago hauwa sali, tama mebago dwasianu naga sai.

¹⁸Tama augwaligo te nai dagala subo sogo, te nai hauwa sali bidi dabego, te sene usu menio. Tama te dwasianu naga sali bidi dabego, te augwaligo nai habuge ebeo. Tama tigidaligo te nai tulama, tama augwali tabi paḡanama, tama augwali nasi me ebeo. ^{††}

¹⁹Tama Mosesgo augwalibolo te po wai, "Dagego nai meba te do tuaiba olama, me munamo dao." ²⁰Tiali goli, mebago Mosesgo po odisiḡama, wali pabe, tama augwaligo nai meba nosali side tuainogo muai. Tiali goli, kigamu dwasianu kigi dabe te naiba paḡana selama, tama kugumini dwai pedelai. Tama Mosesgo augwali dali wado yai.

²¹Tama te we bidi augwaligo tigidali sogo kigamu te nai augwa sabo usu tama sai. Tama giliga nanobo sode, te sisḡama tḡde munaluali nai, te wḡ tiwai pedelama, odolali sia sai. ²²Tama te namba 6 dei augwaligo nai si sogo tuabo usu siyu, te dwasianu sene si te deli deli bidi usu nama sai. Tama Israel tobolu bidi dabe aselama, Mosesbolo te seḡ yali po wagasai. ²³Tama Mosesgo augwalibolo te po wai, "Genuai Bidigo te po wai, do te olo bidibo side dao. Te Sabat side, tama te Genuai Bidigo olo bidibo side. Tama megi te dagego nai meba siade ulai wida, teda dagego uluiḡo, tama meba te dagego sene ulainogo wida, teda te sene

ulao. Tama te me badu munalubaso da, teda te do ula-bo munalumainao," te po wai. [‡]

²⁴Tama augwaligo Mosesgo po wali pelama, te sogo nai meba ula tuali, tama augwaligo ulusiḡawani nai meba te nosali side ulainogo muai. Tama do kigamu augwaligo suai, te nai damua pisḡama, tama dwasianu kigi dabe me pedalobeo. ²⁵Tama te side Mosesgo te po wai, "Megi te Sabat side, te side olo bidiyu, genuai nogi Genuai Bidibolo mabode, tama megi dagego nai te dage bidibo pesage tḡde me gegegobeo. Tama dagego te do munaluali tubo nai megi tuageo.

²⁶Tama te tigidali Sarere te a naga olama me deli tede, dagego te nai saibao. Tama a naga olama me badu nogo si, te side te olo bidibo side, tama te side te tḡde nai me munalugobeo," wali.

²⁷Tama agai te po wai goli, te nogo a olama me badu si te olo bidibo Sabat side te we bidi meba nai sigi peyu pai, tiali goli augwali odolali gegai. Nai me munalubeo. ²⁸Tama Genuai Bidigo Mosesbolo te po wai, "Nisu sogo dagego te dwai kolesaga ebo tagalama, tama dagego eno bomo yai po wali paibawe? ²⁹Bugagia odao, Genuai Bidi eno dagebolo te olo bidabo side te mobao. Tama tibaso, te dwasianu Sarere eno dagebolo eno te deli sogode te si sogo tuabo nai mawaibao. Tama, te nogo a naga olama nogo me si wabo side tigidali we bidi te ugwa bede bidiḡo. Te bidi me deligo me, te wego me, te aga bidibo obo bolama, te buluba me pelamo dao." ³⁰Tama te po obaso, nosali augwali te a naga olama me badu nogo si te side olo bidai.

³¹Tama Israel we bidi augwaligo te tḡ daide sali nai nogi mana wai. ^{††} Te nai mana dwasianu ge tedela yai, te nedu du me deli tiwai. Tama te nai pusu, te bisket hani mege dali gelama nigai tubo pusu tiwai yai.

^{‡‡32}Tama Mosesgo augwalibolo te po wai, "Genuai Bidigo te po wai, dago te tḡgo nigai dwasianu sene selama, te nai mana tede munama, te dago wḡj te wai dabe augwalide muao. Nosali augwaligo te Genuai Bidigo da te nai meni yai bulude mani nai sumainu, te agai da Isip tagalama odasa asai dao," wali.

³³Tama Mosesgo te po Aronbolo wai, "Te tḡgo nigai sene me deli selama, tede te nai mana paḡanama, tama te sene te Genuai Bidigo gedude muao, tama te nosali ame nabo hani wai dabe augwaligo te sulama, konemainao." ^{†††}

³⁴Tama Arongo te mana muani sene te bomo yai po munalubo halobage eda badu muani, te Genuai Bidigo Mosesbolo wali po gilama tama tiwai. ³⁵Tama Israel dabe augwaligo te nai mana te kibu be bidi sese side 40 tuai. Tama te kibu be bidi sese si silama, tama nosali augwali te bulu tḡ Kenan teba pedelama, tama augwali te tḡde bidiyu, gi seḡ yai. ^{†††36} (Tama te mana nai sene muani sogo, augwaligo sene gasa tobage tiwai si elaluai. Te me sene deli te dwasianu usu tama, tama gasa te dwasianu sene nogo si usu yabo tiwai elaluai.

[‡] 16:23 Sai 20:8-11 ^{††} Te Hibru pogo te nai nogi mana te tiwai page elalubao, "Te magi nai dawē?" ^{†††} 16:31 Nam 11:7-8

^{†††} 16:33 Hib 9:4 ^{††††} 16:35 Jos 5:12

[†] 16:15 1 Ko 10:3 ^{††} 16:18 2 Ko 8:15

Tama Arongo te tobage dwasianu sene te nai mana pąğanama, te Genuai Bidigo gedude muani.)

Augwaligo wę masigide sai
(Nam 20:1-13)

17 Tigidali Israel we bidigo te wa pai bulu Sen tagalai. Genuai Bidigo te po obaso da, teda augwaligo te bidali bulu me tagalama, tama gasa buluba pelama, bidigi pidu geai. Tama nosali augwali te bulu Refidim teba pedelama, tede te bidabo pesage nigai, tiali goli te bulude te tuabo wę menio. ² Tama tibaso, te we bidi augwaligo wado po Moses dali wai. Tama augwaligo te po wai, "Da wę mao. Da tuaibao." Tama Mosesgo augwaligo po wei ponoyu, te po wai, "Magi baso dagego wado po ena dali obawe? Dagego homugo aga usu siyu, Genuai Bidigo bomo dagebolo ma ola momainogo ebawe?"

³ Tiali goli, te we bidi augwali te wę nogonego mu isabo ąq ebaso, tama augwaligo po hauwa Moses dali wai. Augwaligo te po wali, "Magi baso nago da Isipde selama, da odasa asaı dawę? Nago homugo da dali, te dago wai dabe me, te dago kibu dabe me, da wę menia selama, tama da isimainogo ebawe?"

⁴ Tama tibaso, Mosesgo gedu haluasa po bomonama Genuai Bidiba te tiwai wai, "Te we bidi augwaligo masigi sańama, tama ena ela muainogo ebao. Tama eno magi se augwalibolo egowe?"

⁵ Tama Genuai Bidigo Mosesbolo te po wai, "Te Israel tobolu bidi dabe meba selama, tama dage polasa peyu, te we bidi augwali nosali asomainao. Tama dage pabo sogo, te dono polobadu nago te wę Nailba elali, te dono me sela pao. ⁶ Tama ena te moni genuai masigi me deli daide ugwadu te bulu du Horep, tede ena dolaluaibao. Tama nage paąba aselama, te donogo te masigiba elama, tama wę te masigide pedelama, tama te we bidi dabego tumainao," te po wai. (Te bulu du nogi Horep te gasa nogi me elalubao, te Sainai bulu du dao.) Tama te Israel tobolu bidi dabe augwaligo Mosesgo te tiwai se ebadi, tama te masigide wę pedelama asobo suai. ⁷ Tama te bulu nogi augwaligo Masa wai, te nogi page "Usu sai," tama me nogi Meriba, te nogi page "Wado po wai." Magi basowe, Israel augwaligo wado eyu, tama augwaligo te po wai, "Genuai Bidi da dali bidibowe, ma meniwe?" Tama te dwai kole-sagade augwaligo te Genuai Bidigo bomogo ebo se usu sai. †

Israel dabe augwaligo Amalek dabe dali hwjai

⁸ Tama nosali Amalek hani bidi dabe aselama, Israel dabe te Refidim bulude bidibadi hwjagasai. ⁹ Tama Mosesgo bidi me deli Josuabolo po weyu, te po wai, "Nago dago bidi meba usu selama, tama do dagego te Amalek dabe dali hwjigi pao. Tiali goli, ena da, te dwasianu bulu du bagede dolaluyu, tama Godigo enabolo te sela bilao wali dono te eno nogogo tolaluaibao," wali.

† 17:7 Nam 20:2-13

¹⁰ Tama Josuago te bidi dabe meba selama, te Amalek hani bidi dabe dali hwjigi pali, te Mosesgo agabolo te po wali gilama tama tiwai. Tama Moses dali, te Aron, me te Hur, augwali sela te dwasianu bulu duba holai. ¹¹ Tama Mosesgo nogo ugwaba sabo sogo, te Israel ami dabego te Amalek dabe aiyaba elalui. Tiali goli, agai nogo aiyaba elalubo sogo, te Amalek dabego te Israel ami dabe aiyaba elaluyu yai. ¹² Tama nosali Mosesgo nogo dene eyu, boma pobaso, tama agai nogo ugwaba ma sabo usugobeo. Tama Aron de Hur sigo masigi me deli selama, tąba munama, tama Moses te masigide dulalui. Tama augwali si Moses paąde u badu, me e badu dolaluyu, tama augwali sigo te Mosesgo nogo ugwaba selama, tolalui. Augwali si-gio tolalubadi, sia ge dega sigi pai. ¹³ Tama Josua dali Israel dabe augwaligo te Amalek dabe augwali aiyaba elaluama, tama augwali mu dolai.

¹⁴ Tama nosali Genuai Bidigo Mosesbolo te po wai, "Te po te buku me delide asęnama, te we bidi augwaligo homude konealumainao. Te po e tiwai, 'Genuai Bidi eno te Amalek dabe mu silaibao silama, tama te we bidi dabego homugo augwali munu me ma konegobeo.' Tama nago te po Josuabolo me mao," te po wali. ††

¹⁵ Genuai Bidigo po wai digi, tama Mosesgo te Genuai Bidibolo nai ula maiabo alta sai me deli nigilama, tama te alta sai yali nogi e tiwai wai, "Genuai Bidi aga eno te nide walama, ugwaba sabo plak ugwa tiwai dao." ¹⁶ Tama Mosesgo te poali nogide te po wai, "Te ugwaba sagalobo plak ugwa tiwai eyu, tama eno ena nogo si ugwaba selama, tama Genuai Bidi aga bidibo digi teba gedu haluasa po te hwjibode wai dao. Magi basowe, Genuai Bidi agai sesemane sogo te Amalek hani bidi dabe dali hwjaibao," Mosesgo te po wai.

Jetro aselama, Moses suagasai

18 Jetro aga te Midian dabego pris bidi, tama Mosesgo waj, aga we aga aya. Tama agai Godigo tigidali se Moses dali, me te Israel dabe dali me yali po odai. Tama me agai te Genuai Bidigo aga we bidi Israel dabe te Isipde bidibadi dobolama, odasa soainogo yali kolesaga, te po me odai. ²⁻³ Tama Jetro aselama, Moses suagasai. Polobadu Mosesgo we Sipora te aga aya pageba ma osogo tagala palai. Tama megı da, Jetro te Moses we Sipora dali, aga ogwa si badi, augwali odasa aselama, aga bidibo digi pedelai. Te wai si-gio nogi e tiwai, Gersom, me Elieser. Polobadu Mosesgo te po wai dao, "Ena gasa badu bidi, tama ena gasa tąde bidibao." Tama agai gomunai ogwa nogi e tiwai nogi yai, Gersom dao. ††† Tama nosali agai te po wai, "Eno ayago God agai ena tau selama, tama Isip tuni bidigo ena ela mubeo." Tama tiyu, agai tomo ogwa nogi Elieser po wai. †††

†† 17:14 Bom 25:17-19; 1 Sml 15:2-9 † Te Hibru pogo te wai nogi Gersom wabo dogoni te "Gasa tąde bidibo," po wabo dogoni tiwai si paąde dao. †† 18:2-3 Sai 2:21-22; Tpi 7:29 †† Te Hibru pogo te wai nogi Elieser te page elalubao, te "Eno God aga ena tau sabo bidi dao."

⁵Tama Jetro te Mosesgo we dali, te aga ogwa si me, augwali aselama, te masigi kemi bulu te Godigo bulu du paba sabolali, te Mosesgo pesage nigilama bidibo digi dao. ⁶Tama Jetrogo po Mosesbolo ola toloyu, te po wai, "Ena Jetro, te naga waj dali, te naga we me, te naga ogwa si me, da asobao."

⁷Tama Mosesgo te po odama, tama agai Jetro tiaba tundu pai. Tama Mosesgo mage basi gulama, tama nosali agai aga sebedi usai. Tama augwa si bidabo po dabe olama, tama nosali augwali Mosesgo ugwa be tomoba pai. ⁸Tama Mosesgo Jetro dali te Genuai Bidigo Isip tuni bidi dali yali se po tigidali wali, me te Isip we bidi dabe dali me, te Israel dabe tau selama tiai. Tama agai Jetro dali me te dwai sogo te sege te tude augwaliba pedelali po wali, tama Genuai Bidigo augwali tau selama bugagia bidai.

⁹Tama Jetrogo te wiegi yai se Genuai Bidigo te Israel dabe augwali te Isip dabego nogode ma sainogo yali po odolama, tama aga wiegi yai homu mu yai. ¹⁰Tama agai te po wai, "Genuai Bidi Yawego nogi ugwaba sao. Agai dage te tuni bidigo nogode me, te Isip we bidi dabe augwaligo nogode me, te dage ma sai. Agai aga we bidi dage tau selama, tama dage te dwai kalabus se de bidali tagalai dao. ¹¹Tama megie eno koneani, Genuai Bidigo te gasa god dabe tigidali aiyaba elaluali, magi basowe, te Isip dabe augwaligo hagoma homu eyu, tama augwaligo dwai se dagebolo yai baso, tama Genuai Bidi agai dage augwaligo nogode ma dobola sali." Te po wai. ¹²Tama Jetrogo ofa yabo nai me deli sela asali, te siaba tigidali ulama, tama Godibolo mawai. Tama agai meba gasa ofa me te Godibolo yai. Tama Aron dali, te tigidali Israel genuai bidi dabe me aselama, tama Moses aga waj dali te Godigo gedude nai tuai.

Augwaligo po dodolobo bidi meba sa muani (Bom 1:9-18)

¹³Te nai tula silama, tama te sogo nosali Moses du-alama, te Israel we bidi augwaligo po tu odai. Tama we bidi hauwa Moses bidibo digi kigamu aselama, tama bidada pidubadi, pio mu igi pai. ¹⁴Jetrogo Mosesgo te se dabe eyu, te we bidi dabe augwali tau sabo sulama, tama agai Mosesbolo te tiwai po wai, "Tegoba. Nago te we bidi tau sabo se hauwa mu ebao. Magi baso nagaduba deligo naga nago te po tu odobo se dabe ebo dawe? Suao, tigidali we bidi kigamu nage dali po wainogo asali, tama augwali dolayu, tonalubadi, be pio ebao. Magi baso nago tama tibawe?" wali.

¹⁵Tama Mosesgo agabolo te po wai, "Te we bidi dabe augwaligo te mena se te Godigo augwaligo emainogo ebo se te koneainogo tiwai. Tama tiyu, augwali ena bidibo digi asobo dao. ¹⁶Tama me sogo bidi me aga si magi nai me delide wado ebo sogo, te bidi si ena bidiboba aselama, tama eno augwali sigo po dagalama, tama te po isilaibao. Tama augwaligo wado ebo page tede eno augwalibolo te Godigo bomai po ola mabo dao," wali.

¹⁷Tama Jetrogo agabolo te po wai, "Moses, nago te se ebo te wiegi yai tu wali pabeo. ¹⁸Te se genuai mu dao. Nagaduba deligo naga ebo usugobeo. Nago naga te se eyu da, teda nago tigi hagela mu eyu, tama te we bidi augwali me hagela yaibao. ¹⁹Eno po megie odao. Eno wiegi yai tu me deli te nago se yabo po nagebolo eno te po waibao. Nago te po odoyu da, te God nage dali bidaibao. Tama nage te we bidi augwaligo polalubo bidi te Godigo gedude te augwaligo hwjabo po weyu, wado po wabo dabe, te po nago agaba sela pabo bidi bidiyu da, teda usu yaibao. ²⁰Tama nago augwalibolo te Godigo bomai po tigidali ola mayu, tama augwaligo wali pabo tu me, te sesemane sogo te se yabo kolesaga, te po augwalibolo wao. ²¹Tiali goli, me nago te po page koneai bidi meba sa munama, tama augwaligo te we bidi tonaluabo bidi bidimainao. Tama mebago te we bidi bidi sese hauwa 1,000 mu tonaluyu, tama meba bidigo te bidi sese a naga 100 we bidi tonaluyu, tama mebago te 50 we bidi tonaluyu, tama mebago te nogo si we bidi naga tonalumainao. Nago te God dologode bidibo bidi dabe augwali sa munama, tama te tiwai bidi dago homu augwaliba daq olama, tama meba bidi dabego dwai se yali te monego augwali abelainogo ebo usugobeo. ²²Tama te bidi dabe augwali te we bidigo po dodolobo bidi pedelemainao. Augwa digi te dwasianu po dabe te po tude dodolomainao. Tiali goli, augwaligo genuai se yali po tu te nageba sela aselama, te nago te po dodolomainogo yaibao. Tama augwaligo nage tau siyu, tama te sege ebo se toloyu, tama nago se dene kuna egobeo. ²³Te se dabe eno nagebolo yao olama po wali, te Godigo digi te se nago emainogo homu yai. Tama nago eno po wali peyu da, teda te sege nage tigi hagela iligobeo. Tama dagego te we bidigo yali se, me te we bidigo po dodolama, tama augwali homu dua nagame elama, tama augwa buluba ma pelawaibao," Moses aga wajgo te po wai.

²⁴Tialima Mosesgo te wiegi yai po Jetrogo wabo po odolama, tama tiwai. ²⁵Tama agai te Israel dabe augwali tomode te po page koneai bidi dabe augwali sa munama, tama augwaligo te bidi sese hauwa 1,000 we bidi, me te we bidi 100, we te 50, we te 10 we bidi meba tama tonaluabo bidi nigilai. ²⁶Tama sesemane sogo augwaligo te po tu odobo se tonaluai. Augwa digi te dwasianu se yali sege dabe dodolali, tiali goli augwaligo genuai sege yai se yali te Moses pageba pelama, tama aga digi te sege dabe dodolai.

²⁷Te po dabe dodolobo se tama dodolama, tama nosali Mosesgo aga waj nogo menama, tama Jetro aga bulu tu pedaiba ma pai.

Israel dabe augwali aselama, Sainai bulu duba bidaga- sai

¹⁹¹⁻²Te Israel dabe augwaligo te bulu Refidim tagalama, ma soali. Tama solama, tama augwaligo te bulu Isip taga soali sogo gagalama nedeyu, tama polua si mu silama, te polua sela wabo te dei delide, te sogo naga augwali te nai meni yai wa pai bulu Sainai-

ba sabolai. Tama augwali bidabo pesage te bulu du Sainai pade nigai. ³Tama Moses te bulu duba God dali po miainogo holai.

Tama Genuai Bidi bulu dude bidiyu, Moses i olama, agabolo te Israel dabe augwalibolo maiabo po meba wali, te hani dabe te Jekopgo waj dabe dao. ⁴Genuai Bidigo te po wai, "Dagego eno yali se te Isipde suai dao. Tama eno dage te ba kemodagego te aga gesi noma gogu te bogo ugwadu daide sela soabo tiwai elama, tama dage eno e buluba odasa aselama, tama megidage ena dali bidibao. ⁵Tama dagego megidage eno bomai po daw olama, tama eno po mu wali peyu da, teda dage eno gasagi yai tedali we bidi hani pedelaibao. Tigidali to me, tigidali we bidi me, te eno naga, tiali goli eno dage sa munama, hagea siyu, tama dage ena we bidi mu bidaibao. ¹⁶Tama dage eno te pris se ebo tuni we bidi hani bidibo tiwai yaibao. Tama dage te eno tedali we bidi mu bidaibao." Genuai Bidigo Mosesbolo te po te we bidi dabe augwalibolo mao wai. ††

⁷Tama Mosesgo te bulu du tagalama, tama pelama, te Israel dabe genuai bidi nigilali bage augwali sisinama, tama Genuai Bidigo agabolo te bulu dude wali po tigidali augwalibolo wai. ⁸Tama tigidali we bidigo te po wai, "Dago te se dage tigidali te Genuai Bidigo po wali gilama te se yaibao." Tama Mosesgo te we bidigo po te Genuai Bidibolo wagi pai.

⁹Tama Genuai Bidigo Mosesbolo te po wai, "Odao, te genuai husugu yai pade bidilama, tama ena nageba asiyu, tama te we bidi augwaligo te eno nage dali po mibo odolama, tama sesemane sogo augwaligo nago poba homu daw omainao." Tama Mosesgo Genuai Bidibolo te we bidi augwaligo wali po wai.

¹⁰Tama Genuai Bidigo Mosesbolo te po wai, "Nago te we bidi augwalibolo te po wagi pelama, megidage do si te augwaligo homu kolesaga me dodolama, tama ugwa we tedelama, tama augwaligo enaba lotu po wainogo sisilalua. ¹¹Augwaligo do digi sisi yao. Te duba sogo ena dulama, tama ena te Sainai bulu dude bidibadi, tama te we bidi augwaligo ena sumainogo yaibao. ¹²Nago daw mubogo te bulu du bagulama, tama te we bidi augwali te daw tomoba pigimio. Tama augwalibolo te po olama, tama augwali bugagia dua bidiyu, tama augwaligo te daw bolama, tomoba pelama, te bulu duba hologio. Tama augwali te bulu du paba pigio. Tama niwai bidi me deligo te daw bolobaso da, augwaligo aga ela muao. ¹³Tialima, augwaligo aga elebo sogo augwaligo nogogo aga eligio. Te augwaligo masigi sanama eliyu, me te enigo aga enao. Te bidigo, me ma te kibugo te daw bolobaso da, teda dagego aga te kolesaga elama elao. Te dage deli sogo te bulu duba holabo sogo elalubao. Tama te sogo dagego te bu wabo nai nogi biugel te bu wai da obaso da, teda dage piyo," Genuai Bidigo te po wali. †

¹⁴Tama Mosesgo te bulu du tagalama, dulama, tama te we bidi augwalibolo te lotu po wabo sisi iyao te po

wai. Tama augwaligo agai po wali pelama, augwa ugwa dabe we telawai. ¹⁵Tama Mosesgo augwalibolo te po wali, "Dagego do digi sisi ela muao. Tama megidage side gagalama, do tama te sogo dage we dabe dali me pilamo dao," wali.

¹⁶Tama bidama, te sela sogo wabo side kigamu, te genuai po te bulu dude pedelali, tama te po kulukulu olama, tama be sele ula pepeda pelama, tama bu wabo nai biugel gela genuai mu wai. Tama te bulu du sesegede pesage nigali we bidi dabe tigidali wi mu elama, tama augwali tigi didibili yai. ¹⁷Tama Mosesgo augwali odasa te be mesalo buluba pelama, tama augwali te bulu du sesegede God dali deliba sisinai hagede dolalugi pai. ¹⁸Tama Genuai Bidi te sia tomode bidilama dulali, tama te Sainai bulu duba bidagasali, tama genuai hanogo te bulu du tigidali mu mesega sai. Tama ugwaba holali hano te genuai sia mu dabo hano holobo tiwai mu yai, tama to mali genuai mu te bulu dude pedelai. ¹⁹Tama te bu wabo nai biugel gela wabo genuai eyu, tama genuai mu pedelai. Tama Mosesgo po Godibolo olama, tama Godigo pedauwalidu agai po wei ponobo odainogo yai.

²⁰Tama Genuai Bidi dulama, te Sainai bulu du bagede bidiyu, tama agai Moses te bulu duba ugwa holomainogo aga i wai. Tama Moses te bulu duba ugwa holai. ²¹Tama Genuai Bidigo te po agabolo wai, "Nage aiyaba dulama, tama te bomoyai po tigidali we bidibolo magi pao, tama augwaligo te daw bolama, tama ena me suagasigio. Augwaligo te daw boloyu da, teda we bidi hauwa isaibao. ²²Te pris dage augwali ena paba asobo bage, augwali me te augwaligo homu kolesaga dwai meda elalubo dabe geselama, tama augwali eno gedude wiegi yai pedelao. Ma, te kolesaga isayu da, teda eno augwali dene ilaibao," wali.

²³Tama Mosesgo te po Genuai Bidibolo wai, "Te we bidi dabe augwali edaba me hologobeo, magi basowe, naga digi nago bomai po dabolo mawai. Tama da te bulu du sesegede bobegelama, tama daw muai, tama dago te bulu du habu selebao," te po wai.

²⁴Tama tialima, Genuai Bidigo agabolo te po wai, "Te usu da, nage aba dulama, tama Aron aga selama, tama nage dali edaba holao. Tiali goli, te pris dage, me te we bidi dali, augwaligo te daw muani bolama, ena paba me edaba holamo da po wao. Ma, augwaligo te daw boloyu da, teda augwali eno dene ilaibao," wali.

²⁵Tama Mosesgo te po wabo odama, tama aga te we bidi dabe bidibo digi dulama, tama Genuai Bidigo agabolo mani po tigidali augwalibolo pusai.

Godigo bomoyai habu po nogosi (Bom 5:1-21)

20 Godigo te po wai, ²"Ena digi ena Genuai Bidi Yawe, ena dagego God dao. Eno dage Isipde sali, te bulude kalabus se ebadi, tama eno dage selama, odasa asai."

³"Nago ena deli naga wali asao. Nago te tibo god me wali pelamo dao."

† 19:5 Bom 4:20; 7:6; 14:2; 26:18; Tai 2:14 †† 19:6 Ped 1:6; 5:10; 1 Pi 2:9 ‡ 19:13 Hib 12:18-20

‡† 19:16 Ped 4:5 ‡‡ 19:18 Bom 4:11-12

⁴“Nago tibo god me nigigio, tama nago te dagalude me, te tɔde me, ma te wɛ tomode elalubo naigo me, te tɔ dologode elalubo naigo te gasa nai piksa noma me deli munu me nigilamo dao. ⁵ Nago te tibo godiba, me te noma bidiba kidu sugunama, lotu me wagimio, magi basowe, ena Genuai Bidi Yawe te ena nago God, tama ena te tibo godigo hasegelemainogo ebo usu me egobeo. Mu menio. Tede eno hagela homu mu ebo dao. Tama ena hagela mu homu ebo we bidi dabe, augwaligo te naide magi sɛ yai elalubaso, te eno augwali dene iliyu, tama augwaligo wai hani sela, me me si me si nosali pedelabo hani, augwalibolo me te mabo dene tiwai ilaibao. ¹⁶ Tiali goli, ena godolo homu elama, tama eno bomai po tigidali wali pabo we bidi bidibaso, teda eno augwali me godolo eyu, te augwaligo wai dabe hauwa 1,000 mu nosali pedalobo hani me, te eno augwali dali wiegi yai homu eyu, augwali eno godolo mu yaibao, tama te kolesaga ebo siligob-eo.” ††

⁷“Nago eno nogi God dwai odolali nogi egio, te nago Genuai Bidi dao. Magi baso meni, ena nogi olo nogi ebo we bidi te eno augwali dene ilaibao.” †

⁸“Nago te Sabat side bugagia homugo koneama, te eno bodolu muani side dao. Te side te gasagi yai tedali elalumainao. ††9 Nago te Sarere deli tomode te sɛ ebo side te nogo a naga olama me badu nogo kibisa deli, te tama sogo sɛ ebo si elalubao. ¹⁰ Tialima, te a naga olama me badu nogo si wali, te me deli sogo te nago Genuai Bidi, God eno side dao. Te olo bidibo Sabat side nago sɛ me igio, tama nago ogwa dabe me, wegi dabe me, sɛ ebo we bidi dabe me, te nago sɛ ebo kibu dabe me, te nage dali bidibo gasa bulu tɔ bidi dabe me, dage tigidaligo te side sɛ me igimio. ††11 Nago te tama tiao, te magi baso meni, te a naga olama me badu nogo kibisa deli sogo naga Genuai Bidi eno te tɔ dagalu, me te tamu aji, me te tigidali elalubo nai nigai. Tiali goli, te a naga olama me badu nogo si wali, te me deli sogo eno olo bidiyu, toma tuai dao. Tama tibaso, Genuai Bidi eno te Sabat side te gasagi yai side te me tedali mu ilai. Tama te side te eno bodolu dolo mu dao.” †††

¹²“Nago naga aya ida dologode bidama, tama augwaligo po wali pao. Nago tama tiyu da, te nage polo me isigobeo. Menio, te nage hauwa sogo te tɔde bidi-mainogo te God eno nago Genuai Bidi eno nage mawainogo homu ebo tɔde bidagameo.” †††

¹³“Nago we bidi ela mugio.” †

¹⁴“Nago bidigo sai we dali, me ma te we sai bidi dali, me dwai sɛ me igio.” ††

¹⁵“Nago nai wi sigio.” †††

† 20:5 Sai 34:17; Prs 19:4; 26:1; Bom 4:15-18; 27:15 †† 20:6 Sai 34:6-7; Nam 14:18; Bom 7:9-10 † 20:7 Prs 19:12 †† 20:8 Sai 16:23-30; 31:12-14 †† 20:10 Sai 23:12; 31:15; 34:21; 35:2; Prs 23:3 ††† 20:11 Gag 2:1-3; Sai 31:17 ††† [Bom 27:16; Mat 15:4; 19:19; Mk 7:10; 10:19; Lu 18:20; Ef 6:2, 3] † [Gag 9:6; Prs 24:17; Mat 5:21; 19:18; Mk 10:19; Lu 18:20; Ro 13:9; Je 2:11] †† [Prs 20:10; Mat 5:27; 19:18; Mk 10:19; Lu 18:20; Ro 13:9; Je 2:11] ††† [Prs 20:10; Mat 5:27; 19:18; Mk 10:19; Lu 18:20; Ro 13:9; Je 2:11] [Prs 19:11; Mat 19:18; Mk 10:19; Lu 18:20; Ro 13:9]

¹⁶“Nago tibo po olama, tama gasa we bidi olo po tɔ ela magio.” ††

¹⁷“Nago gasa bidigo be sulama, pesa eyu, godolo igio. Tama nago gasa bidigo we dali gedu igio. Tama aga sɛ ebo bidi, me te sɛ ebo we, me te bulmakau, me bidi duabo donki, me te agai tigidali gasa nai dabe me, te nago godolo eyu, sabo homu me igio.” †††

Te we bidi augwali Godide wi yai

(Bom 5:22-23)

¹⁸ Te we bidi augwaligo te pɔ kulukulu wabo, me te bu wabo nai biugel gela wabo me odai. Tama augwaligo te be sele te pɔ ula ebo ugwaba peyu, eda asiyu eyu, tama genuai hano te bulu dude pedalobo sulama, tama augwali wi mu yai. Tama augwali kilasa ma pelama, te bulu du digibulu gana dolalugi pai. ¹⁹ Tama augwaligo Mosesbolo te po wai, “Nago digi te po dabolo wabo, te dago te po odaibao. Tiyu Godigo po dabolo wabo si, te da isidalio,” wali. ††

²⁰ Tama Mosesgo augwalibolo te po wai, “Dage wibo, tagalao. Godigo dage usu naga sagasiyu asali, te dage aga dologoba pelama bidiyu, tama dagego dwai sɛ ma idali weyu, tiwai sɛ yai.”

²¹ Tiali goli, te we bidi dabe augwali digibulu digi dolalubadi, Moses agaduba deli naga te genuai husugu yai pɔ paba, te God bidibo digi pai.

Alta nigibo bomai po dabe wai

²² Tama Genuai Bidigo po Mosesbolo olama, tama agai te Israel dabe augwalibolo te po omainogo yai. Tama Genuai Bidigo te po wai, “Dagego koneani te tiwai, te ena dagalude bidiyu, te eno po dage dali miai dao. ²³ Odiào, dagego te tibo god dabe te gol me silvago nigilama, tama te nai dabeba lotu po me wagio. Dagego ena delibolo naga lotu po wao. ²⁴ Tama dagego tɔ meba selama, tama eno alta nigao. Tama te altade dagego te sipsip dabe me, bulmakau me, te tigidali siaba ulama, siago dabo te ofa dali, te we bidi augwaligo ena dali dedeli homu yabo te ofa me yao. Tama dagego te tigidali bulude te dagego enabolo lotu omainogo, eno te sa mubo bulude dagego tama tibaso da, te ena aselama, dage bugagia wiegi yai mu ilaibao. ²⁵ Dagego masigigo te alta me deli nigiyu da, teda dagego te bidigo togwali masigi sigio. Magi baso meni, dagego te sɛ yai ain tulgo te masigi togoyu da, tama te tiwai masigigo eno sɛ ebo te dolo egobeo. ††26 Tama dagego te ugwadu daide te alta nigigio, te dagego ofa yainogo ugwaba holabo togobili nigigio. Tiyu yaide, dage te togobilidu ugwaba holobadi, tama augwaligo dagego hale hanielubo suidalio,” te po wai.

Te olo sɛ ebo bidi tonaluyu negebo kolesaga po

(Bom 15:12-18)

21 Tama Genuai Bidigo po me wadolama weyu, te po wai, “Nago te po tɔ dodolabo bomai po te Is-

†† [Sai 23:1; Mat 19:18; Mk 10:19; Lu 18:20] ††† 20:17 Rom 7:7; 13:9 †† 20:19 Hib 12:18-19 †† 20:25 Bom 27:5-7; Jos 8:31

rael we bidi augwalibolo mao. ² Bidi me deligo te olo sę yabo bidi me deli te duga Israel hanide me abelebaso da, teda agai te bidigo sę te kibu be 6 kibu bede te sę yaibao. Tama te kibu be 7 wabo, te kibu be delide te aga pomainogo tagala palao. Tama hasia agai mone meba mobaso, te sigio. Mu menio. Aga olo mu pomainao. ³ Tama aga te we sisabadi te sę ebo bidi pedelai baso da, teda agaduba deli naga pomainao. Tiali goli, hasia aga we bolo selama asai yai baso da, teda agai te sę ebo taga pabo sogo, te aga we dali sela pomainao. ⁴ Tama te bidi aga dali sę yali bidigo we menama, tama te wego wai dabe ame nai baso da, tama te we me, te wai dabe dali, augwali te aga sę yali bidi dali bidaibao. Tama bidi naga aga te sę yali tagalaibao.

^{5,6} Tiali goli, te sę bidigo te po weyu, 'Eno ena genuai bidi godolo mu yali, tama ena we me wai dabe godolo elama, tama eno augwali taga pabo hagela homu ebao,' te po obaso da, teda aga genuai bidigo aga te po tų dodolabo beba selama pao. Tama te sę ebo bidi te be tųde elalubo pos nide dolalubadi, tama aga genuai bidigo te nel selama, te sę bidigo olo podolama, dedage nigilao. Tama aga te genuai bidigo sę olo ebo bidi bidada pelama, tama aga isiyu, te sę tagalaibao." [†]

⁷ "Tama bidi me deligo masigi dabe sabo homu eyu, tama aga wegi muyu, Israel hani gasa bidigo te wegi abelebaso da, tama te kibu be 7 wabo kibu bede te genuai bidigo te we tagala palagio, tama agai te sę bidi dali hasia yali tiwai kolesaga naga yai. ⁸ Tama te bidigo te we te olo sę yabo we tiwai abelebaso da, tama hasia agai homugo te we sainogo yai, tiali goli nosali agai te we sabo homu isayū da, teda te we aga ayago ma abelama, somainao. Te bidigo te we dali te doloba pai kolesaga ebe, tama agai te we te gasa bulu bidigo abelemainogo elamo dao. ⁹ Tama agai te we aga ogwabolo mawainogo homu eyu da, teda agai wiegi yai sę aga dali ilama, te aga wegi dali ebo kolesaga tiwai gilama te we dali me tama tiao. ¹⁰ Tama te genuai bidigo gasa we siyu da, teda agai te hasia sali te olo sę ebo we te bugagia tonaluao. Agai te we nai mayu, te ugwa me mayu elama, tama aga te we dali piyu, te agai polobadu yali tiwai gilama yao. ¹¹ Tama agai te tobage sę sela te we dali isayū da, teda agai te we pomainogo tagala palama, tama te wego agabolo te mone meba magio," wali.

Hwɔ̄bode dodolobo bomai po dabe

¹² "Bidi me deligo gasa bidi bomonama elai digi, tama te bidi isai baso da, teda dagego te bidi elali te bidi aga me ela muao. ^{††13} Tiali goli, agai homugo te bidi mu ela muabo homu isayū da, tiali goli agai geda muyu naga te bidi elama, nosali aga isimainogo yai, tama te bidi elali bidi aga wi pomainao, te bidigi wi pabo buluba, te eno dagebolo sa muaibao, tama tede aga bugagia bidaibao. ^{††14} Tiali goli, bidi me deli agai gasa bidi dali sębe eyu, aga ela muabo homu ebaso da, tama nosali agai tama tiyu da, teda dagego aga di-

[†] 21:5-6 Prs 25:39-46 ^{††} 21:12 Prs 24:17 [‡] 21:13 Nam 35:10-34; Bom 19:1-13; Jos 20:1-9

gi ela muao. Te aga eno nai ulubo alta teba aselama, bugagia bidabo homu ebo tagaliyu, te dagego aga selasa pelama, aga ela muao."

¹⁵ "Mena bidigo aga aya, ma aga ida si elebaso da, teda dagego te bidi aga ela muao."

¹⁶ "Tama bidi me deligo aga abagi me deli wi selama, tama aga sę ebo bidi bidimainogo yai, ma agai gasa bidigo te bidi abelemainogo eyu da, teda dagego te tiwai kolesaga ebo bidi ma suyu, daq̄ olama eyu, tama aga ela muao." ^{‡‡}

¹⁷ "Niwai bidigo aga aya de ida si dali wado po weyu, dwai dolabo bomai po wabo bidi, teda te bidi aga dagego ela muao." ^{‡‡}

¹⁸⁻¹⁹ "Bidi me aga si wado po olama, tama bidi me deligo nogo sugunama, tama gasa bidi me elali, me ma masigi selama elali, tiali goli agai te bidi aga mu ela musiayū da, teda dagego te bidigo yali dwai sę wei ponogio. Tama elama, tigi dolai bidi aga te betide pila munama, tama nosali aga dono tulama, be bulu badu bilibaso, teda te elali bidigo te mone wei agabolo mao. Te monego agai sę te tigidali sogo isawani te usu nao. Tama te bidi elali bidi aga te bidi bugagia tonaluama tama, tama aga tigi usu ma ebo si te usu dao."

²⁰ "Tama bidi me deligo wabi selama, tama aga sę ebo bidi me, te aga sę ebo we me elama, tama aga te elali sogo dolo isibaso da, teda dagego te genuai bidi agabolo te dene mu ilao. ²¹ Tialima, te bidi ma te we te deli sogo, me ma si sogo bidilama, tama nosali aga isibaso da, teda dagego te aga genuai bidibolo dene iligio. Magi basowe, sę ebo bidi, ma te sę ebo we, te bidigo digi te aga sę dao, te abelai mone te olo hawawai baso, te aga sęge dao."

²² "Tama bidi meba wabi hwɔ̄ju, tama bidi me deligo te wai tabi elalubo we elali, tama te wai dolama, te wego te wai polo ame nani, tiali goli te wai ame nani ida te dolisiq̄baso da, teda te we elali bidigo te we page bidigo wabo po odama, tama agai te dwai sę yali dodoluyu wei begelama, te mone mao. Tiali goli, po tų ebode te mone sabo po usu da po weyu bolo elama, tama nosali te we aga bidigo te mone sao. ²³ Tiali goli, we ma aga wai tigi dolai baso da, teda dagego te bidibolo me te tiwai kolesaga naga wei ponao. Ma, te we isai yai baso da, teda dagego te we elali bidi aga ela muao. ²⁴ Tama te gedu, me ma te kele, me te nogo saq̄a dolai baso da, teda te tiwai kolesaga naga te aga dali wei ponao. ^{‡‡25} Tama me ma, agai te we siago, me ma te we tigi dolama, te keni me te keloago elai baso da, teda dagego te bidibolo te tiwai sę naga yao."

²⁶ "Tama bidi me deligo aga sę ebo bidi ma te aga sę ebo we te geduba elama, tama te gedu dolobaso da, teda aga te bidigo sę bidi ma, te sę ebo we ma, te sęde bidigio. Te bidigo te genuai bidi taga pao, te aga gedu dolali dali wei si ponao. ²⁷ Tama agai te sę ebo bidi me te sę ebo we me te elali digi, tama aga kele degebaso da, teda agai te sę ebo aga tagalao, te aga kele degali dali wei si yao."

^{††} 21:16 Bom 24:7 ^{‡‡} 21:17 Prs 20:9; Mat 15:4; Mak 7:10 ^{‡‡†} 21:24 Prs 24:19-20; Bom 19:21; Mat 5:38

Bulmakaugo ebo kolesaga dodolabo po wai

²⁸ "Tama bulmakaugo te bidi me deli, ma te we me, te agai gaḡgo ela mubaso da, teda te bulmakau dagego ela muao. Tiali goli, dagego te bulmakaugo mi tugio. Tama dagego te bulmakau aga aya po tṭ ela magio. ²⁹ Tiali goli, te bulmakaugo te we bidi augwali te gaḡgo eniyu ebaso, tama te we bidi augwaligo po bomonama te bulmakau page bidi dali wali digi, tama te bulmakau page bidigo te obo isaḡbaso da, teda dagego te tiwai kolesaga yao. Tama te bulmakaugo bidi me deli, ma te we me, ela mubaso da, teda dagego te bulmakau ela muyu, tama te bulmakau page bidi me ela muao. ³⁰ Tiali goli, po tṭ ebode te po obaso da, agai te isali bidi ma te we te aga hanibolo te bulmakaugo dwai seḡ yali me te aga dali te si ma abelama, tama te mone aga hanibolo mao. Tama tibo si, te aga isigobeo. Agai aga digi bidibo ula ma abelemainao. ³¹ Tama te bulmakaugo te wai puluba, te ogwa me, te wegime, elebaso da, teda te tiwai bomo yai po naga dagego wali piḡo. ³² Tama te bulmakaugo te seḡ ebo bidi ma te seḡ ebo we elebaso da, teda te kibu page bidigo te monego K300, te seḡ bidi ma te seḡ we te aga genuai bidibolo te mone menama, tama dagego masigi saḡnama te bulmakau ela muao."

³³ "Tama bidi me deligo te tṭ dedage haluali nai sela saḡwani, ma agai genuai tṭ dedage nigilama halusiḡwai, tama bulmakau me deli, ma te bidi duabo donki, te dedageba tulaluama isibaso da, ³⁴ teda te tṭ dedage nigali bidigo te kibu page bidi abelao. Tama te isali kibu aga somainao."

³⁵ "Tama bidi me deligo bulmakaugo te gasa bidigo bulmakau ela mubaso da, teda te bidi si me bidigo te bidibo bulmakau te gasa bidigo abelemainogo elama, tama te bidi augwa si te mone selama, tama te isali bulmakau mi, te augwa si dobola sao. ³⁶ Tiali goli, te bulmakaugo hwjbo bulmakau yai baso, te kibu page bidigo obo bugagia isaḡwai yai baso da, teda agai gasa bulmakau te isali bulmakau page bidibolo wei ponao. Tiali goli, agai te isali bulmakau te bidi aga somainao," wali.

Dwai kolesaga yali dodolabo bomai po dabe

22 Tama Genuai Bidigo po dage wadolama weyu, te po wai, "Tama bidi me deligo te bulmakau, me ma te sipsip me te wi selama ela muyu, me ma agai te gasa bidigo abelemainogo yai baso da, teda dagego te kibu page bidibolo te nai wi sali bidi agai te bulmakau a naga sobadi, te sipsip me si me si sobadi elama, wei ponomainao. ²⁴ Tama agai dolo ponomainao. Tiali goli, agai wei ponabo bulmakau me sipsip te meni baso da, te aga dagego te olo seḡ ebo bidi tiwai te gasa bidigo abelemainogo elama, tama te mone dagego selama, agai te wi sali kibu wei ponao. Tama agai te wi sali bulmakau, me sipsip, ma te bidi duabo donki, te nai dabe te agade elalubaso da, teda agai te nai si te aga te dwai seḡ yali wei ponao."

"Tama nai wi sabo bidi me deligo be hulide te be da-ga aluama, tama gasa bidigo aga daḡ olama, tama aga ela mubaso da, teda te nai wi sali bidi ela muani bidi aga te seḡ menio. Tiali goli, agai aga te siade ela muyu da, te agai bidi ela mubo seḡ elalubao."

⁵ "Tama bidi me deligo aga bulmakau dabe tedela pelama, tama aga tṭde, ma te aga wain bono du gide nai tumainogo yai, tama augwaligo agai daḡ bolama, tama gasa bidigo giba nai tugi pai yai baso da, teda te bulmakau page bidigo te aga gide wiegi yai nai me, te wain bono du me, te gi page bidibolo wei ponao."

⁶ "Tama bidigo aga tṭde te kala siago ulai digi, tama te sia genuai pedelama, tama te daḡ bolama, gasa bidigo gide elalubo te tubo nai wit, me ma te wit augwaligo togolama tama pesage holai elalui, tama te siago dobaso da, teda te sia ulali bidigo te siago dali nai tigi-dali wei ponao."

⁷ "Tama bidi me deligo aga doado bage meba, ma aga mone dabe te aga abagibolo menama, tama agai bugagia munalumainogo homu yai. Tama nai wi sabo bidi me deli asiyu, te nai dabe wi sai, tama nosali augwaligo aga gegelama subaso da, te nai wi sali bidigo te nai si si naga tigidali te mone sali wei ponao. ⁸ Tiali goli, augwaligo te nai wi sali bidi gegabo usu isaḡbaso da, teda te nai tonaluali bidi dagego selama, te eno geduba te po tṭ dodolobo bidi dabe bidibo digi pao. Tama agai te po weyu, 'Mu tama, eno te nai wi me sabeo,' te po wao. ⁹ Tama tigidali sogo bidigo po aga abagi dali te nai bulmakau, me te bidi duabo donki, me ma te sipsip, me te ugwa dabe, me gasa nai dabe hagawali po elalui, tama te bidi augwali sigo te po weyu, 'Te nai ena naga da,' obaso da, teda te bidi si eno geduba te po tṭ dodolobo bidi dabe bidibo digi selasa pao. Tama te tibo po wabo bidi te eno aga sa mubaso da, teda te bidigo te nai si si naga te aga abagibolo wei ponaibao."

¹⁰ "Tama bidi me deligo te bidi duabo donki, me te bulmakau, me ma te sipsip, ma gasa kibu dabe meba te aga abagibolo menama, tama agai tolalumainogo yai, tama te kibu dabe me dolo baso, me ma isiyu, me ma boi bidigo hwjyu selasa peyu da, tama bidigo te nai me susiḡyu da, ¹¹ teda te bidi augwali si te po tṭ dodolobo digi pelama, tama Genuai Bidi eno gedude te abagigo te po wao, 'Mu tama, eno agai nai doliyu, ma te kibu me te eno wi me sabeo.' Tama kibu page bidigo agai te po wabo usu da weyu, tama te abagigo agai te hagawali kibu dabe wei ponogobeo. ¹² Tiali goli, meba bidigo te abagigo tolalubo nai kibu dabe wi sobaso da, teda te kibu page bidibolo te abagigo te monego wei ponao. ¹³ Tama te uni hasago elai baso da, teda te abagigo te kibu elama tuali, te me badu dage te aga abagibolo waselainogo sela pao. Tama agai te uni hasago elali bulmakau wei te monego ponogobeo."

¹⁴ "Tama bidi me deligo aga abagigo te seḡ yabo bulmakau me deli osogo abelama, seḡ emainogo yai, tama te bulmakau page bidi te sogo tede bidisiḡbadi, tama te bulmakau doliyu, ma isiyu me ebaso da, teda te

abagigo te kibu page bidi abelao. ¹⁵ Tiali goli, te bulmakau page bidi aga te abagi dali bidibadi, tama te bulmakau dolobaso da, teda abagigo te abelegio. Tama abagi agai hasia nagebolo mone menama, tama te bulmakau se yainogo sai digi, tama te bulmakau dolobaso da, teda agai abelegio, magi basowe, agai te hasia mani mone te usu dao," wali.

Te bomo yai po meba

¹⁶ "Tama bidi me deligo te gesi wegi te bidibolo noma po wasiawai wegi, tama te bidi dali pisabadi, tama bidigo te wegi nogo tubaso da, teda agai te we abeleyu, aga ayabolo mone menama, tama agai te we sao. ¹⁷ Tama te we aga ayago te bidigo te we sabo hagela homu ebaso da, te usu dao. Tiali goli, agai te we aga aya te augwaligo bidi dali pisawai we abelebo mone usugo abelao." [†]

¹⁸ "Dagego te pobi nigibo we dabe ela muao." ^{††}

¹⁹ "Dagego te bulmakau so kibu tabo bidi ela mubadi, tama omai kibugo te we aga tamainogo ebo te we ela muao." [‡]

²⁰ "Tama te we bidi augwaligo ena Genuai Bidiba naga ofa yao. Tama me deligo te tibo godiba ofa ebaso da, te dagego aga ela muao." ^{‡‡}

²¹ "Dagego te gasa bulu tɔ bidi aselama, dage dali bidibo bidi aga dali haniani dwai kolesaga eyu, ma te sege agaba mugimio. Magi basowe, polobadu dage te aga tiwai te Isip tɔde bidai dao."

²² "Dagego te aga bidi isai we dali te dwai kolesaga eyu, ma te wai puluba, augwa aya ida isai tiana wai dabe dali me te kolesaga igio. ^{‡‡‡} Tama dagego augwali dolobaso, tama eno augwali tau somainogo tama augwaligo gela enabolo obaso da, te eno augwaligo gela wabo mu odaibao. ²⁴ Tama eno sebe eyu, tama te boi bidi dabego dage dali hwimainogo ilama, tama dage elemainogo yaibao. Tama dagego we dabe te bidi meni eyu, tama te dagego wai dabe augwaligo aya meni yaibao."

²⁵ "Tama eno we bidi augwali mone mu menia sobaso, tama augwaligo dage dali negeli sobaso da, teda dagego te mone sabo bisnis se ebo bidigo negeli mabo tiwai igio. Tama augwaligo te negeli sali wei ponobo sogo, te dagego gasa mone dali daganama, sigio. Mu menio. ^{‡‡‡‡} Tama dage dali te negeli sabo bidigo agai te negeli sali wei begelainogo te agai holobo ugwa te sa mubo tiwai eyu, dagebolo mubaso da, teda dagego te sia ge dega sisabadi, te sogo naga te ugwa agabolo ma mao. ²⁷ Magi basowe, agai te ugwa deli naga elaluali, te aga hulide kedau idali weyu, tigi bea sabo ugwa dao. Te ugwa nago tolalubaso da, te aga tigi magi naigo halua selama pigowe? Te eno aga tau somainogo, agai gedu haluasa po enabolo obaso da, te eno agai gedu haluasa po wabo odaibao,

[†] 22:17 Bom 22:28-29 ^{††} 22:18 Bom 18:10-11 [‡] 22:19 Prs 18:23; 20:15-16; Bom 27:21 ^{‡‡} 22:20 Bom 17:2-7 ^{‡‡‡} 22:22 Sai 23:9; Prs 19:33-34; Bom 24:17-18; 27:19 ^{‡‡‡‡} 22:25 Prs 25:35-38; Bom 15:7-11; 23:19-20

magi basowe, eno tigidali we bidi olo tau sabo homu kolesaga mabo dao." ^{‡‡‡}

²⁸ "Tama dagego dwai po God enabolo me wasiama, tama dagego te dwai po te we bidi augwaligo tobolu bidibolo dagego te Godigo aga dolomainogo, te dwai po me wagio." [§]

²⁹ "Tama hasia dagego te gide pedalobo te wit, me bono du wain, me tubo wel, me te oliv ni du dabe me, te selama, enabolo te ofa tiwai mabo te hagela igio."

"Tama dagego gomunai wai te ogwa te dagego enabolo mao. ³⁰ Tama dagego te bulmakau de sipsip sigo gomunai wai te enabolo ofa yao. Tama te bulmakaugo wai, me te sipsipgo wai ame nenama, te nogo a naga olama me badu si sogo te aga ida dali hasia bidimainogo elama, tama te nogo a naga olama me badu sela wali, te me deli sogode dagego te kibu wai elama, enabolo ofa ilao."

³¹ "Dage te eno tedali gasagi yai we bidi hani dao, tama tibaso, dagego te uni hasa dabe augwaligo te bulude ela muai kibu te nai mi dagego me tugio. Dagego te nai te yowi dabego naga tumainogo mao," te po wai. ^{§†}

Augwaligo doloba pai kolesaga yao

23 Tama Mosesgo Genuai Bidigo po pusuyu, te tiwai po wai, "Tama dagego te magi nai po me deli pedelali te po odoyu, tama te mu po meni homu eyu da, teda dagego te se yali po subigila ola biligio. Tama bidigo te dwai kolesaga ebaso da, teda dagego aga tau siyu, te po tɔ ebode tibo po wagio. ^{§††2} Tama bidi hauwa augwaligo te dwai kolesaga ebaso da, teda augwaligo te ebo kolesaga wali pigio. Ma, augwaligo te po tɔ ebode augwaligo tibo po weyu, te po tɔ dodolobo se doloyu eyu da, teda augwali dali deli homu eyu, augwaligo te ebo kolesaga me wali pigimio. ³ Tama bidi mebago te magi nai meni yai bidi po tɔ ela mainogo, tama augwaligo dage te se ebo suali tiwai po omainogo dage i obaso da, dagego te magi nai meni yai bidi tau siyu, te po mesegelama tibo po wagio." ^{§†}

⁴ "Tama dagego duga boi bidigo te bidi dualasa pabo donki, ma bulmakau te obo tagalama wi pai yai subaso da, teda dagego selama, te bidi agabolo ma magibao. ⁵ Tama dagego boi bidigo te donki, ma te bulmakau te walu dali tula muai elalubaso da, dagego te boi bidi tau selama, aga ma hodolao. Dagego aga te tɔde pila mumainogo tagaligio." ^{§††}

⁶ "Tama te magi nai meni yai bidigo magi nai me delide po tɔ yagasobaso da, dagego agai po tɔ ebo mesegelama, aiyaba elalugio. ⁷ Dagego gasa bidi tibo pode po tɔ ela magio. Tama doloba pai bidi agai dwai kolesaga me isabadi, tama augwaligo aga po tɔ olo mu ilubaso da, teda dagego aga ela mugio. Magi basowe, te tiwai dwai kolesaga ebo bidi eno aga po tɔ ilama, tama aga hagawaibao."

^{‡‡‡} 22:27 Bom 24:10-13 [§] 22:28 Tpi 23:5 ^{§†} 22:31 Prs 17:15 ^{§††} 23:1 Sai 20:16; Prs 19:11-12; Bom 5:20 ^{§‡} 23:3 Prs 19:15 ^{§††} 23:5 Bom 22:1-4

⁸“Tama bidigo dage homu bega siyu, te po tų ebode tibo po omainogo te mone mobaso da, dagego te mone sigio. Magi basowe, te tiwai kolesagago te wiegi yai bidigo homu te tibo po wabo bidi tiwai pedelama, tama te dwai kolesaga isawai bidigo po tų ebo aiyaba mesegelaibao.” †

⁹“Dagego bulude bidibo gasa bulu bidi dali dagego dwai kolesaga me igio, magi basowe, polobadu dage te Isipde bidibadi, te aga tų mude bidisawo we bidi ebo kolesaga te dagego bugagia koneai dao.” ††

Kibu be a naga olama, nogo me badu si tama me olo bidibo side

¹⁰“Dagego gide nai bulama tuyu, tama te kibu be a naga olama nogo me badu deli, te kibu bede te nai bulama siyu, beba sisinao. ¹¹Tiali goli, te kibu be 7 wabo, te kibu be me delide dagego nai bulisama, te tų toma tuyu, olo elalumainao, tama dagego te tųde olo pedalobo nai sigio. Tama te wain gide me, te ni du oliv gide me, dagego te tiwai kolesaga naga yao. Tama te magi nai meni yai bidi dabe augwaligo naga te gide olo holobo nai siyu, tama te magi nai meni yai bidi dabego sisama tagalali nai me badu, te uni hasa dabego tula silimainao.” ‡

¹²“Tama tigidali Sarere dagego sę te nogo a naga olama me deli, te tama sogo dagego sę eyu, tama te a naga olama nogo me badu si wali, te me deli sogo dagego sę igio. Tama tiyu da, te donki dabe, me te bulmakau, me te sę ebo bidi dabe, me te sę ebo we dabe, me te dage dali bidibo gasa bulu bidi augwali me, te toma tuyu, tama bomo ma saibao.” ††

¹³“Tama dagego eno te mabo po tigidali bugagia odolama, wali pao. Tama dagego tibo godibolo te gedu haluasa po me wagio. Tama dagego augwaligo nogi me wagio. Habu mu dao,” te po wali.

Sela sogo genuai lotu wabo side

(Sai 34:18-26; Bom 16:1-17)

¹⁴“Tama deli deli kibu bede sela sogo dagego genuai lotu enaba wabo bodolu muao. ¹⁵Tama dagego te Bo Disiawai Nai Bret te genuai side te me bodolu munama, tama sisinama, lotu po wainogo, te eno wali po gilama tiwai yao. Tama dagego te bo disiawai nai bret te a naga olama nogo me badu si, te tama sogo polua nogi Abip, te sogode te nai tuabo bodolu muai dao. Magi basowe, te poluade naga dagego te bulu Isip taga soai. Tama dagego enaba lotu po wagasainogo da, dagego te ofa yabo nai deli me selasa asiawo.” ††

¹⁶“Tama dagego te wit tau yali gagalama hasia bolo nai sabo sogo, tama dagego enabolo usu da po weyu, tama wiegi yai homu te nai tuyu yabo, te sogo genuai bodolu muao.” †††

“Tama dagego te genuai side te poluade te nedu du tau ebo sogo, te me bodolu muaiawo. Tama te sogo

dagego te wain gide te wain du siyu, osogo bidabo dwasianu be sęnama, tama te bede bidiyu, te wain me, oliv ni du dabe me, te gide asiawo.”

¹⁷“Ena God, dagego Genuai Bidi, tama eno te kibu be deli delide sela sogo lotu wabo bodolu muani, tama te tigidali bidi dage aselama, enaba lotu po te sogo wagasiawo.”

¹⁸“Dagego te kibu sipsip me bulmakau enaba ofa ebo sogo, dagego te bo dai yis elalubo bret dali ofa igio. Tama dagego te ofa ebo kibu ili dabe tigidali te siaba ulama, tama dagego te nosali kigamu ofa yabo me tagalama elalumainogo igio.”

¹⁹“Tama dagego te polasa mu tau yali wiegi yai nai mu te gasa nai elalubadi, te nai dagego Genuai Bidi God eno beba sela pao.” †††

“Dagego te meme ame pę te seneba munama, tama te memego digi wai elama, aga tigi mi te seneba munama, ulama tugio.”

Godigo po meba augwaliba mayu, tama po daw wai

²⁰“Odiawo, te eno sę ebo Ensel Mobo Bidi tagala palama, polasa peyu, tama dage tųdu pabode tonalua paibao. Tama agai te dage eno mawainogo sisi yai elaluali te bulu tųba odasa peyu, teba sabolaibao.

²¹Tama dua dao, dagego agai po bugagia odolama wali pao. Dagego agai po sela sawo, magi basowe, ena digi ena aga dali mu bidiyu, tama agai te po sela sawo we bidigo dwai kolesaga te sela sawobeo. ²²Tialima, dagego agai po wali pelama, tama eno te po wali sę tiwai tigidali ebaso da, te eno dagego boi bidi dabe augwali dali hwjnama, tama te dage dene mabo homu ebo bage me, te eno augwali aiyaba elaluaibao. ²³Eno sę ebo Ensel Mobo Bidi agai te dagego polasa pabo bidi pedelama, tama dage te Amor dabe, me te Hit dabe, me Peres, me te Kenan dabe, me te Hivi dabe, me te Jebus dabe, te hani augwaligo tųba dage odasa pelama, tama eno augwali hani mu ela silaibao.

²⁴Dagego augwaligo tibo godiba kidu sugunama, lotu wagio. Tama dagego augwaligo lotu wabo te kolesaga sigio. Dagego augwaligo te tibo god dolama, tama augwaligo te lotu wabo masigi dabe pepedela sayao.

²⁵Tama dagego lotu po enaba naga wao. Ena God, dagego Genuai Bidi dao. Dagego tama tiyu da, te eno dage wiegi yai iliyu, tama dage nai me te wę me mayu, tama dage gasi dabe me tigidali sela sawaibao.

²⁶Tama eno te wai haliga elalubo we dabego wai bugagia ame nomainogo yaibao. Tama eno te bidigo sai wego tabi daw me walogobeo, te tigidaligo wai ame nomainogo yaibao. Tama dage polo me isigobeo. Menio. Te eno dage tigidali e tųde bobobage sogo bida waibao.”

²⁷“Tama ena dage pabo digi polasa peyu, tama eno te boi bidi dabe augwaliba wi genuai ilama, tama eno augwali homu didibili ilaibao. Tama eno augwali dagede wi ilama pomainogo yaibao. ²⁸Tama eno te bidi gaw kelebo nai nenemo dabe polasa tagala palama, dage nosali asobadi, tama augwaligo te Hivi dabe me,

† 23:8 Prs 19:15; Bom 16:19 †† 23:9 Sai 22:21; Prs 19:33-34; Bom 24:17-18; 27:19 ‡ 23:11 Prs 25:1-7 †† 23:12 Sai 20:9-11; 31:15; 34:21; 35:2; Prs 23:3; Bom 5:13-14 ††† 23:15 Sai 12:14-20; Prs 23:6-8; Nam 28:17-25 ††† 23:16 Prs 23:15-21, 39-43; Nam 28:26-31

††† 23:19 Bom 26:2; Sai 34:26; Bom 14:21

te Kenan dabe me, te Hit dabe me, te hani augwali sela samainogo yaibao. ²⁹ Tiali goli, eno augwali te kibu be delide naga sela sagobeo. Eno tama tiyu da, te to olo elalubo digi te bulu uni hasa dabe hauwa tede pedelama, tama dage dolidalio. ³⁰ Te eno boi bidi dabe augwali dua dua digi sela sayu, tama dage hauwa pedelama, tama dagego te to tigidali usu na silao.”

³¹ “Tama eno dagego to dai e tiwai ilaibao, te we sanede, te mama tamu ai badu, te Akaba to te badu pelama, te to tomode elalubo genuai tamu ai Mediterenian teba sabolama, tama genuai we Yufretis te badu peyu, te masigi kemi elalubo badu teba te dai sabolaibao. Tama eno bombo dageba menama, tama te tode bidibo hani augwali aiyaba elaluama, tama dage te to tomoba peyu, augwali sela sawaibao. ³² Tama dagego augwali dali po dai weyu, me ma augwaligo tibo god dali me te tiwai kolesaga igio. ³³ Dagego augwali te dagego tode bidimainogo sula tagaligio. Tama tiyu, augwaligo dage dwai kolesaga tomoba kegeyu, tama enabolo sege ilidalio. Tama dagego augwaligo tibo godiba lotu weyu da, te dage tulaluama, tama mu dolaibao,” wali.

Bomai po dai wali dai

24 Genuai Bidigo Mosesbolo te po wai, “Eno homugo nage dali, te Aron, me Nadap, me Abihu, me te Israel dabe genuai bidi, te bidi sese sela olama nogo si bidi dabe, dage ena bidibo te bulu duba ugwa holomainogo yaibao. Tama dage digibulu gana dolaluyu, tama toba basi gulama, tama enaba lotu wagameo. ² Tama Moses, nage deli naga ena paba asagameo. Tama gasa te Israel genuai bidi dabe augwali te paba me asisama, tama te olo we bidi augwali me te nage dali aselamo dao,” wali.

³ Tama Moses pelama, te Genuai Bidigo bomai po tigidali te we bidi augwalibolo pusigi pai. Tama tigidaligo te po odolama, tama augwaligo pedauwali deliba munama, tama te po wai, “Dago te Genuai Bidigo po wali te se tigidali yaibao.” ⁴ Tama Mosesgo Genuai Bidigo bomai po tigidali aseai. Tama nosali side aga kigamu mu hodaluama, tama alta me deli te bulu du sesegede nigilama, tama te alta pade agai te masigi nogo si olama sagago si dodaluali, te Israel hani nogo si olama sagago si te dai ilai. ⁵ Tama nosali agai gesi bidi meba tagala palama, tama augwaligo te ofa dabe te Genuai Bidibolo igi pomainogo tagala palai. Augwaligo te siago tigidali dabo ofa eyu, tama te bulmakau dabe elama, tama God dali deli homu elama bidabo ofa dabe yai. ⁶ Tama augwaligo te ofa ebadi, tama Mosesgo te ofa yai bulmakau dabego kaneme selama, tama dobolama, meba te pouba muyu, tama te kaneme meba munalubo te agai selama, te altaba sawai. ⁷ Tama agai te bombo yai po dai wai elalubo buku selama, te Genuai Bidigo po te bukude elalubo te we bidi augwalibolo nedai. Augwaligo odolama, tama augwaligo te po wai, “Dago te Genuai Bidigo po tigidali odoyu, dolo wali paibao,” wali.

⁸ Tama Mosesgo te poude muani kaneme selama, te we bidi dabeba te kaneme segeni sasaga pali. Tama agai te po wai, “Te kanemego Genuai Bidi agai dage dali dai wali bombo yai po dai walai dao. Tama te bombo yai po dabe te dai wali po page dao.” [†]

⁹ Tama nosali Moses, me Aron, me Nadap, me Abihu, me te Israel dabe genuai bidi, te bidi sese sela olama nogo si tama, augwali te bulu duba holai. ¹⁰ Tama augwaligo Israel dabego God suai. Tama agai sasa dologode genuai sisi yai nai me deli, te be sai tiwai nai elaluai, tama te dagalu ula tiwai mu elaluai. ¹¹ Mu tama, augwaligo God suai, tiali goli agai augwali dolobeo. Tama nosali augwaligo nai te bulude tuai.

Moses Sainai bulu duba holai

¹² Nosali Genuai Bidigo Mosesbolo te po wai, “Nage bulu duba ma holama, tama ena paba bidagasao. Eno bombo yai po meba te masigi sawali side aseai. Tama eno te masigi si nagebolo menama, tama nago te bombo yai po te we bidibolo ola magameo,” wali.

¹³ Tama tibaso, Moses aga se bidi Josua dali, augwali si sisi elama, te Godigo bulu duba holainogo yai.

¹⁴ Tama hasia sogo Mosesgo te Israel dabe genuai bidi augwalibolo te po wai, “Dage te be senama, bidibo pesagede bidiyu, tama da si ma asobo tonaluyu bidao. Aron de Hur si dage dali bidaibao. Tama bidi mebagi po gasa bidi dali wabo elalubaso da, teda augwali te bidi si pageba pelama, tama te bidi sigo te po dodolomainao.” Te po wai.

¹⁵ Mosesgo te po ola silama, tama aga te Sainai bulu duba holai, tama pogo te bulu du halua sai. ¹⁶⁻¹⁷ Tama Godigo genuai ula te bulu duba dulai. Tama Israel dabe augwaligo te Genuai Bidigo te ula te bulu dude te genuai sia ula ebo tiwai suai. Tama pogo te bulu du halualubadi, te nogo a naga olama me badu nogo deli sogo yai. Tama te a naga olama me badu si wali, te me deli sogo te Genuai Bidi te po tomode bidiyu, Moses asomainogo i wai. ¹⁸ Tama Moses te po tomoba pelama, tama te bulu du ugwaba mu holai. Tama aga te bulu dude te bidi sese si 40 te tama sogo bidai. ^{††}

Godigo ugwa bede muabo nai dabe po wali

(Sai 35:4-9)

25 Tama Genuai Bidigo Mosesbolo te po wai, ² “Te Israel dabe augwalibolo po olama, tama augwaligo nai dabe selama, enabolo ofa momainao. Te we bidi augwaligo mena ofa nai mawainogo homu ebaso, te usu da, te nago sao. ³ Nago e tobage tiwai nai dabe augwali dali sao, te kapa gol, me silva, me bras, ⁴ me te sipsip nisigo nigai hobi dabe, meba sisi yai, meba mama yai, tama te wiegi yai au yai name ugwa me, te gasa ugwa augwaligo meme nisigo nigai me, ⁵ te sipsip omaigo wali te augwaligo mama pengi pilai me, tama wiegi yai hasa sikau wali tamu aide elalubo me, te me badu ni akas, te tama nai dabe sao. ⁶ Tama te lam sole udulabo oliv ni du wel me, te wel dali bege-

[†] 24:8 Mat 26:28; Mak 14:24; Luk 22:20; 1 Ko 11:25; Hib 9:19-20; 10:29 ^{††} 24:18 Bom 9:9

labo pauda me, te eno nai dabe daj ilabo nai, tama te pauda wiegi yai denami elalubo te hano dali yabo nai me sao. ⁷ Tama haniani bomai masigi, te mone hauwago abelabo masigi tiwai, te pris dabe tobolu bidi aga ugwade belabo ugwa, me te aga bobobage gudubo ugwade te hagawia badu muabo, te sao. ⁸ Tama te we bidi augwalibolo te po olama, tama te ofa mani naigo augwaligo te eno ugwa be me deli sɛnana, te wiegi yai tedali bede ena augwali dali tomode bidaibao. ⁹ Tama dagego te ugwa be me, te be tomode munalubo nai tigidali me, te dolo bugagia nigimainogo eyu, tama eno te piksa noma nagebolo hasia ola mawaibao.”

Bomo yai po muabo halobage
(Sai 37:1-9)

¹⁰ “Tama dagego halobage me deli te akas ni namego nigao, tama te halobage bobobage nigabo usu ni te 110 sentamita, te genuai te 66 sentamita, tama ugwadu usu ni te 66 sentamita, te tama tiwai nigao. ¹¹ Tama dagego wiegi yai kapa gol te augwaligo siade ulama, pobeke bage sela sawai selama, tama golgo te halobage bulu badu me, tomode me haluama, tama bobobage gol dage me deli te halobage sesegede bagulama keɔ. ¹² Tama te halobage tolabo ring me si me si te golgo nigilama, tama te dwasianu halobage dolalubo saɔade keɔ. Tama me si me saɔa side keyu, me si me saɔa side keyu yao. ¹³ Tama dagego te ni akas pedai si dulama, te halobage tolabo te ni pedai si te golgo haluao. ¹⁴ Tama te ni pedai si te ring tomoba te me badu muyu, me badu muyu elama, te halobage tolasa pomainogo eyu, tama tiao. ¹⁵ Tama te ni dage si sesemane sogo te ringde elalumainao. Tama dagego te gudulamo dao. ¹⁶ Tama nosali eno nage te bomo yai po elalubo masigi sawali si mawaibao, tama nago te masigi si te halobage tomoba muao,” wali.

¹⁷ “Tama dagego te halobage po paliabo nai te wiegi yai kapa golgo nigao, te bobobage nigabo usu ni te 110 sentamita, tama te genuai usu ni te 66 sentamita dao. Te halobage da, te we bidigo dwai sege sali sela sawo digi dao. ¹⁸ Tama dagego te gol meba selama, tama te hamago elama, tama te ensel mobo bidi noma si te golgo nigao. ¹⁹ Tama me deli te halobage dolo nogo badu te halobage po paliabo nai elalubo digi te dolalumainogo eyu, tama me deli te pobase nogo badu dolalumainogo muao. Dagego te gol dage me deli selama, te halobage paliabo nai nigilama, tama aga te mobo bidi si me nigao. Tiali goli, dagego te nai sela nigilamuo, menio. Tigidali nigibo nai te deli nai tiwai naga nigao. ²⁰ Tama te mobo bidi si te we bidi dabego dwai se yali sege sela sawo digi dolaluyu, tama mego gesabidigo me gesabidiba tiwai tonaluyu, tama augwali sigo aba te halobageba me tonalumainao. Tama augwali sigo bogo dinigina pai elaluyu, tama te halobage te tama dualumainao. ²¹ Tama nagebolo eno te bomo yai po elalubo masigi sawali si menama, tama

† 25:17 Rom 3:25

nago te masigi si te halobage tomoba munama, tama te halobage po paliabo. ²² Tama ena nage dali te dwai sege sela sawo buluba sisinaibao. Tama ena te mobo bidi si daidu tomode ugwadu bidiyu, tama nage dali da si deliba sisanama, tama eno te bomo yai po tigidali nagebolo pusaibao. Tama nago te bomo yai po te Israel we bidi dabe augwalibolo menama, tama augwaligo wali pomainao,” wali.

Augwaligo Godibolo maiabo bretgo tebol po wali

²³ “Tama dagego te ni akasgo te tebol sai me deli nigao, te bobobage usu ni te 88 sentamita, te genuai usu ni te 44 sentamita, tama te ugwadu daidu te usu ni 66 sentamita dao. ²⁴ Tama te tebol sai te wiegi yai golgo haluama, tama bobobage golgo te tebol sesege badu bagulama, daw wao. ²⁵ Tama dagego te gol genuai ilibo te 8 sentamita ilama, tama dwasianu gol dagego te tebol sesege badu tigidali te obo bogege-lao. ²⁶ Tama dagego te tebol tolabo nai ring me si me si te golgo nigilama, tama te tebol saɔa me si me si te badu keɔ. ²⁷ Tama te ring dabe te tebol pade ugwadu daide munaluaibao. ²⁸ Tama dagego te ni akas si te tebol tolabo ni dulama, tama te ni si te golgo haluao. ²⁹ Tama te wain ofa yabo genuai pou dabe, me te dwasianu pou dabe, me kap, me te botol me nigao. Dagego te nai dabe te wiegi yai golgo naga nigao. ³⁰ Tama sesemane sogo dagego enabolo maiabo bret te tebolba naga munama, tama eno gedude munaluaibao,” wali. ††

Te sole dabe tolalubo nai
(Sai 37:17-24)

³¹ “Dagego te lam sole dabe muabo nai me deli te wiegi yai golgo nigao. Tama te gol hamago elama, te lam dabe tolalubo nai dolaluabo pesage nigilama, tama dono nigilama, te lam nogo dabe muabo digi nigao. Tama te golgo naga aga au yabo ni duduli noma meba nigao. Tama te tigidali nigibo te deli tigi tiwai naga nigao. ³² Te lam donogo nogo te a naga olama nogo me badu deli elalubo, te me sela te me badu muyu, te me sela te me badu muyu yao. ³³ Tama tigidali nogo deli delide usu nama, te ni duduli noma sela elaluyu, te ni amongo nigai tonobo tiwai yaibao. ³⁴ Tama te lam dono aga digi me te tiwai yao. Tama te ni duduli noma me si me si te amon ni aga duduli tiwai dao. ³⁵ Tama te ni duduli yabe dwasianu dabe te lam dono nogo si si dologode naga nigao. ³⁶ Te dagego hama selama, te gol haluama, tama te nai dabe tigidali te deli nai tiwai naga nigao. ³⁷ Tama dagego te lam a naga olama me badu nogo si nigilama, tama augwali te lam tolalubo naiba muao. Tama augwali te bugagia wasilama, augwaligo ula te ugwa be tomoba pomainao. ³⁸ Tama te lamde mubo hobi dodolobo nai me, te pou me, te nai dabe te wiegi yai golgo naga nigao. ³⁹ Dagego te wiegi yai genuai sege elalubo te 35 kilogram golgo te lam tolalubo nai te nai dabe nigao. ⁴⁰ Dagego te nai nigibo

†† 25:30 Prs 24:5-8

sogo, dagego dua bugagia te piksa noma eno nagebolo e bulu dude ola mani, te dolo wali pelama, te nai dabe nigao," Genuai Bidigo te po Mosesbolo wai. †

Godigo ugwa be
(Sai 36:8-38)

26 Genuai Bidigo po me ma weyu, Mosesbolo te po wai, "Dagego enabolo lotu po waiabo ugwa be te nogo si wiegi yai name ugwa te sisi yai, me te mama yai, te augwaligo hobigo au ilai ugwago nigao. Tama hobi selama, te ensel mobo bidi piksa noma dabe te name ugwade hobolama nigao. Te name ugwa te hobigo wiegi yai au ebo sę mu koneai bidi, agai te tobage au ebo sę emainao. ² Tama tigidali te name ugwa te dedeli au yai tiwai naga nogo si nigao. Te ugwa dabe bobobage te 12 mita, tama te genuai usu sabo te 2 mita dao. ³ Tama a naga name ugwa dali bogo badu hobolama, tama te genuai moni bage kilasa pelama, tama gasa name ugwa te tiwai a naga hobolao. ⁴ Tama te genuai name ugwa side wadolabo sisi ugwade te ring meba nigao. Tama te ring dabe te genuai ugwa si sesegede kęķę pao. ⁵ Tama hasia te name ugwade te ring bidi sese si olama nogo si te sesegede bebe peyu, te gasa bidi sese si olama nogo si me te si wali name ugwa sesegede kęķo. ⁶ Tama dagego te bidi sese si olama nogo si huk te genuai ugwa si dali tama te deli ugwa tiwai naga pedelemainogo, bebe pabo te golgo nigao."

⁷ "Tama nosali dagego te genuai name ugwa deli te eno ugwa be haluabo nigao. Tama te name ugwa dage te nogo si olama saęaęo deli augwaligo te kibu meme nisigo nigao. ⁸ Te tigidali badu te deli tigi tiwai naga nigao. Bobobage usu ni sabo te 13 mita tama, te genuai usu ni sabo te 2 mita dao. ⁹ Tama a naga me badu dali hobolama, te bobobage ugwa deli tiwai naga pedelama, tama me sela me sela badu dali hobolama, tama te bobobage ugwa tiwai deli pedelaibao. Tama te me sela me sela wali te ugwa sigo pedelama, te ugwa be sunumi badu haluabo, te tama walolomainao. ¹⁰ Tama te bidi sese si olama nogo si ring te hasia ugwa sesegede kęņama, me te bidi si olama nogo si ring te ugwa si wali ugwade kęķo. ¹¹ Tama dagego te bidi sese si olama nogo si huk bras nigilama, tama te huk dabe te ringba munama, te genuai ugwa si dali si bebe pelama, te deli ugwa tiwai naga elaluaibao. ¹² Tama te usu sabo nai 1 mita te genuai ugwa te olo munalubo digi dagego te eno ugwa be tundi badude halalumainogo sula tagalao. ¹³ Tama te bobobage halubo ugwago te ugwa be bogo badu side bobobage aiya elaluama, te 50 sentamita me badu elaluyu, te me badu elaluyu yaibao. Tama tebogo te ugwa be tigidali mu halua sabo usu yaibao. ¹⁴ Tama te meme nisigo nigai genuai name ugwa, te nai ugwadu muabo gasa haluabo nai me si ma nigao. Me deli te omai sipsip wali te augwaligo mama pengo pilai tego nigao. Tama me deli te tamu aęde bidibo hasa nogi sikau, te dabego waligo te ugwadu haluabo te nigao."

† 25:40 Tpi 7:44; Hib 8:5

¹⁵ "Tama dagego te ugwa be daga dolaluabo ni name dabe te ni akasgo nigao. ¹⁶ Te tigidali ni name deli deligo usu sabo te 4 mita, tama te ni name genuai usu sabo te deli deli te 66 sentamita dao. ¹⁷ Tama dagego te ni name dabe dolaluama, tama pagede dulama, te pęwadage saęa si si dula dula pelama, tama dagego tigidali ni name te tiwai naga nigao. ¹⁸ Tama dagego te tobage ni name bidi sese deli usu nabo te lotu ugwa be me bogo badu dolalumainogo eyu nigao. ¹⁹ Tama dagego te kapa silva selama, tama te gelali ni page tiwai nai te bidi sese si te dedage elalubo te ni name saęa bulabo digi nigao. Te page nai si si te ni name deli deli dologode munaluyu, te tigidali daga ni name page daę elalumainao. ²⁰⁻²¹ Tama dagego te tiwai naga te be gasa bogo badu me tama tiao. Te bidi sese daga ni name nigiyu, te bidi sese si silva te ni name page daę wabo nai dabe nigilama, te silva pedai si te ni name deli delide muao. ²² Tama te be daga ni name te me sela me sela te ugwa be tundi badu, te sia ge dega sigi pabo badu, teba mumainogo nigao. ²³ Tama te badu kona side te ni name si si nigiyu, tama dabelim yao. Te tama nigao. ²⁴ Tama te be dili habu badu te kona ni name si pagede wadolama, tama tigidali ugwaba wadodolo holao. Tama dagego te si dali si habu badu tama tiao. ²⁵ Tama te tundi badu te daga ni name te a naga olama nogo me badu sela elaluaibao. Tama nogo si olama nogo a naga tama me badu deli te silva te ni name page daę wabo nai si usu nama, te deli deli usu dao."

²⁶⁻²⁹ "Tama dagego te ni akas selama, tama te ni name tuabo bobobage ni meba nigao. Tama te bobobage ni dabe te ugwa be daga dolalubo ni namede daę omainogo eyu, tama te wiegi yai kapa golgo te genuai ring dabe nigiyu, munalubo kęķo. Tama te dolalubo ni name tigidali me, te bobobage ni name tuabo ni dabe me, te nigo nigali nai tigidali te golgo haluao. Tama elama, tama te bobobage ni a naga tego te be me bogo badu dolalubo ni name dabede te ring dabego daę wao. Tama bobobage ni meba te ni name ugwadu muyu, meba te ni name aiya badu muyu yao. Tama meba me tomode muyu, tama te be tundi badu gagalama, tama asama, tama te be gesabi baduba sabolaibao. Tama te be u bogo badu me te bobage ni namego tama naga tiao. Tama te be tundi badu daga, te sia ge dega sigi pabo badu, tede me te bobage ni te dolalubo ni name dabego ringba bulama, tama daę walao."

³⁰ "Tama nosali dagego te lotu wabo ugwa be nigibo nai dabe silama, tama te be dodolobadi, te eno nagebolo e bulu dude ola mani te piksa subo tiwai yao."

³¹ "Tama dagego te ugwa be tomode walabo name ugwa gasa au wiegi yai genuai nigao. Tama te wiegi yai tedela yai hobi dabe siyu, te sipsip nisigo nigai sisi yai hobi dabe me siyu, tama te sipsip nisigo nigai mama yai hobi dabe me siyu yao, tama tego te wiegi yai name ugwa me deli nigao. Tama dagego gasa haniani wiegi yai hobi dabego te ensel mobo bidi noma bugagia mu te ugwade hobolao. ³² Tialima, te ni akas sela-

ma, te pos ni me si me si nigao. Tama te pos dabe te golgo haluama, tama te pos dabe te silvago nigai page me si me si tede bulao. Tama te gol huk meba nigilama, tama te ugwa dabe daꝥ elalumainogo te posde keꝥe piꝥo, tede walomainao. ³³ Tialima, tama te ugwa te huk dabeba walama, te bomoyai po daꝥ wai po aseꝥai masigi sawali si elalubo halobage, te nai te walobo name ugwa tudi badu muao. Tama te ugwago te lotu wabo be tomode daꝥ tiwai togolama, tama be habu si elaluaibao. Te sunumi paꝥde te polalubo be habu nogi wabo te Tedali Gasagi Yai Be Habu dao, te name ugwa daꝥ tudi badu te habu te Tedali Gasagi Yai Mu Be Habu dao. ¹³⁴ Tama te bomoyai daꝥ wali po elalubo masigi sawali si elalubo halobage, aga te Tedali Gasagi Yai Mu Be Habu te be habu badu te halobage munama, tama te halobage po paliabo nai te halobageba muao, te dwai kolesaga yali seꝥe sela saꝥo madigi dao. ³⁵ Tama tebol sai te gasa be habude muao, te nogi Tedali Gasagi Yai Be Habu dao, te ugwa be daga paꝥde, te sia ge pedalubo sesege pobase nogo badu muao. Tama ula ebo sole te gasa badu te be daga paꝥde muao, te tebol sai dolo si muao.”

³⁶ “Tama dagego te wiegi yai genuai au yai name ugwa te ugwa be tuꝥ bagulabo nigao. Tama te wiegi yai au yai hobolama, te e tiwai hobi, te sis hobi me, te mama yai hobi me, te augwaligo sipsip nisigo nigai dao. ³⁷ Tama te ni akas selama, tama a naga pos nigilama, te golgo haluao. Tama te pos dabede te huk gol keꝥnama, te ugwa walabode dao. Tama te page nai a naga te kapa brasgo nigao, dedage elalubo te pos dabe bulabo digi dao,” wali.

Augwaligo alta sai niga wai
(Sai 38:1-7)

27 Tama Genuai Bidigo po ma naga weyu, te po wai, “Dagego te ni akas selama, te alta sai nigao, te moni halobage tiwai paꝥde dao. Te tigidali bogo sesege badu te deli tigi gagawai naga nigilao, te usu ni 2 mita 30 sentamita, tama te daide ugwadu usu sabo me ma te usu ni 1 mita 30 sentamita, tama usu nama nigao. ² Tama te kibu bulmakau gaꝥ tiwai nai me si me si te ni akasgo nigilama, tama deli deli dage badu daꝥ walama, tama te alta tigidali te brasgo mesegelao, te aga deli tigi naga elaluaibao. ³ Tama bras selama, te sia keli sabo pou me, te dwasianu savol me, pou me, te ofa hasa mi dodolobo age yai naꝥ me, tama te sia dage sela pabo plet nigibadi yao. ⁴ Tama dagego te moni bras sawali selama, tama polola polola pelama, tama te tama pololai bras sawali te alta halobage tomoba muao. Magi baso meni, aga ugwadu daide augwaligo te sia nogelama, tama te ofa mabo nai te siago udubadi, tama te keli aiyaba tuloluaibao. Tama bagua si nai deli deli te bras sawali nai habu badu munama, tolabo madi muabo nai te brasgo nigao. ⁵ Tama te alta halobage tomode te tigidali habu badude te aiya badudu usu siyu, ugwaba asiyu, tama tomode mu te dwasianu sai nigiyu, tede daꝥ wao. Tama te moni polo-

† 26:33 Hib 6:19; 9:3-5

lai bras sawali, aga te dwasianu sai dabe ugwadu daide munaluaibao, te alta halobage tomode. ⁶ Tama dagego te ni akas dage si selama, tama dulama, tama te dono si brasgo haluao. ⁷ Tama dagego te alta tolasa painogo ebo sogo, te baguali dedageba te ni dono si munama, tama tolao. ⁸ Dagego ni name selama, te alta te halobage tiwai nigao, tiali goli dagego te ni name te halobage habu pagede musiꝥama, te dedage elalumainogo yao. Dagego te eno nagebolo te bulu dude ola mani piksa te tiwai nigao,” tama po wali.

Godigo ugwa be bagulali obo po wali
(Sai 38:9-20)

⁹ “Dagego te genuai gasagi yai ugwa obo ebogo te lotu ugwa be mesalo bagulao. Bobage nigibo usu sabo te 44 mita, te wiegi yai bobage ugwago obo tiwai bagulubo te me badu bogo badu nigilao. ¹⁰ Tama te wiegi yai bobage obo ugwa walomainogo eyu, tama te kapa bras selama, tama pos te bidi sese deli nigao. Te pos dabe bulabo page dabe me te brasgo nigao. Tama te wiegi yai kapa silva selama, tama bobage dono dabe nigiyu, tama huk dabe hauwa nigiyu yao. Tama te pos dabe si si dolaluyu, tama pos me si tomode ugwadu te dono me deli daꝥ wao. Tama te donode te huk meba munama, tama te ugwa obo te huk dabede tama walao. ¹¹ Tama hasia te nigali tiwai naga, te me badu bogo badu obo bagulubo te tiwai nigao.”

¹² “Tama te sia ge dega sabo badu obo, te ugwa me deli te bobage usu sabo te 22 mita te usu nama nigao. Tama pos nogo si badi, te pos page daꝥ walabo bras nai, te me nogo si te pos dodolabo madi dedage elalumainogo nigilao. ¹³ Tama te sia ge pedalubo badu obo te tuꝥ elalubo madi, te usu sabo me te 22 mita dao. ^{14,15} Te bobage ugwa walabo madi, te aga bobage usu nama, te 6 mita 90 sentamita, te tuꝥ si dali si badu dao. Te ugwa deli delide te pos sela te bras page dolalubo madi wawalo pao. ¹⁶ Te tuꝥ dolo gasa wiegi yai name ugwa walao, te aga te 9 mita usu dao. Tama aga hani-ani te sipsip kibu nisigo nigai, husugu hobigo, me mama yai hobigo au ilama, hobolao. Tama dagego te pos me si me si te brasgo nigali pagede dodolama, tama te posde te bobage wiegi yai ugwa wawalo pao. ¹⁷ Tama dagego te obo pos si si te ba silva dabego tigidali daꝥ walao. Tama te bisigi gaꝥ dabe te silvago nigilama, tama te pos dabe te ba silva keꝥnao. Tama bras selama, te pos dabe dodolabo madi nigao. ¹⁸ Tama te obogo bobage usu nama, te 44 mita, te aga genuai usu ni te 22 mita, tama te ugwadu usu sabo te si 2 mita me 20 sentamita dao. Tama dagego wiegi yai tedela yai ugwa te obo bagulabo selama, nigao. Tama dagego te bras selama, te obo pos dabe dodolabo madi nigilao. ¹⁹ Dagego te bras naga selama, te ugwa be de seꝥ yabo tigidali nai te brasgo nigao. Te ugwa be dali, aga mesalo obo dali si tuloluidali weyu, te bono dabe te augwali side gebelama, tama bobobage nil dabe tꝥba enama, tama te bono dabe te nil dabeba gebelao. Tama dagego te bobobage nil dabe te brasgo naga nigao.” Genuai Bidigo te po wai.

Te sole dabe tonalubo kolesaga ebo po wali

(Prs 24:1-4)

²⁰“Nago te Israel we bidi augwalibolo te po olama, augwaligo te wiegi yai oliv ni dude sabo wel te lamde muabo sela asa wao, tama te lamgo ula te tigidali sogo elaluaibao. ²¹Tama Aron aga ogomani dali, augwaligo te lam sole tolalubo nai eno ugwa be tomoba sela peyu, dodolomainao, te walali ugwa e badu me bogo badu, te bomo yai po elalubo halobage te ugwa tudi badu munalubao. Te ugwa bede ena te we bidi dali sisinabo be dao. Tama tigidali sogo Aron aga hani bagego wel te lamde munama, tama te lam ula ena bidibo madi ula elaluaibao, tama pio gagalama, kigamuba usu nigi paibao. Dage Israel dabe dali, dagego te nosali pedalobo wai dabe dali, augwaligo te eno te lamde wali bomo yai po sesemane sogo tolalua peyu, bidada paibao.”

Pris dabego gudubo ugwa po wali

(Sai 39:1-7)

28 Genuai Bidigo po ma wadolama weyu, e tiwai po wai, “Moses, nosali nage ma peyu, nago naga ama Aron aga ogwa dabe dali augwali i wao, Nadap, me Abihu, me Eleasar, me Itamar, augwali asomainao. Tama nago augwali te Israel bage tomode selama, tama augwali eno pris bidi pedalomainogo yao. ²Tama Aron prisgo gudabo ugwa wiegi yai tedali nigibadi, tama aga au ilama, tama gasagi yai pedelama, tama aga nogi te Israel we bidi gedude elalumainao. ³Tama eno homu kolesaga menama, te ugwa me gasa haniani nai nigao wali, te bidi augwali i olama, tama augwalibolo po olama, tama augwaligo te Aron pris pedalobo sogo muabo ugwa nigimainao. Tama agai enade pris se yaibao. ⁴Tama augwalibolo olama, te Arongo hagawiade muabo dwasianu ugwa dage deli au ilama, hobolao po wao. Tama augwaligo au yai ugwa me deli hobolobadi, me bobage ugwa deli badi, me te au ilai holobo ugwa, me tobolude bagulabo ugwa badi, me kukulu deli tama hobolao. Augwaligo te tedali gasagi yai ugwa dabe te Aron pris dali, te aga ogwa dabe, augwaligo me te ena tiwai pris se emainogo yabo ugwa dabe nigao. ⁵Te se bidi dabe augwaligo te husugu hobi, me mama yai hobi, augwaligo te kibu sipsip nisigo nigai, tama gol hobi me, tama wiegi yai name ugwago te ugwa dabe nigimainogo yao.” ⁶“Tama augwaligo te husugu hobi, me mama hobi te augwaligo sipsip nisigo nigali, me te gol hobi selama, tama wiegi yai ugwago hobolama, bugagia au ilao. Te tobage se ebo mu koneai bidigo naga te se yao. ⁷Tama augwaligo te ugwa daide ugwadu te ugwa daulolalubo kukulu si hobolao, tama kukulu te nagiba bolama, tama te tudiba abebolabo usu nama hobolao. ⁸Tama augwaligo te sisi hobi, me mama hobi selama, augwaligo te sipsip nisigo nigai, tama wiegi yai ugwa dage sobadi elama, te mo tiwai kukulu nigao. Tama augwaligo te kukulu te ugwa sesegede kenama, tama te ugwa dage aga tiwai elaluaibao. ⁹Tama augwaligo

nogi ebo wiegi yai masigi konilian si selama, te Jekopgo ogwa dabe nogo si olama saqago si nogi mumainogo yao. ¹⁰Tama gomunai ogwade hasia gagalama, tama te nogo si olama saqa si te sabi ogwaba te nogi mubo siminigi pao. Augwaligo te 6 nogi te me masigide mubadi, te 6 nogi te gasa masigi mede mubadi yao. ¹¹Nago te masigide asebo po togobo koneai bidi me delibolo te se menama, tama agai Jekopgo ogwa dabe nogi te masigi side asemainao. Tama dagego te gol selama, te masigi si daulolama tolalubo au ilabo dwasianu nai si nigao. ¹²Tama te masigi si te nagide bolai elalubo kukulu siba kenama, tama te Israel hani augwali daulolama yai tiwai elaluaibao. Tama Arongo augwali nogi te aga nagide tolasa bilibaso, tama Genuai Bidi eno sulama, tama eno bidi hani te eno homugo augwali sesemane sogo kone palaibao. ¹³⁻¹⁴Augwaligo te au yai nai dwasianu si te golgo nigibadi, tama te haliga si me golgo nigao. Augwaligo gol te dwasianu waia tiwai nigilama, tama te haliga nigibo kolesaga tiwai nigilama, tama te haliga si te au ilali golba kenao.”

Hagawiade mubo dwasianu ugwa

(Sai 39:8-21)

¹⁵“Dagego te het prisgo hagawiade muabo dwasianu ugwa me deli nigao. Te nai da, te Godigo homu kolesaga koneainogo tiaibao. Tama dagego te tiwai nai naga augwaligo te het prisgo dwasianu ugwa dagede au ilali tiwai selama, nigao. ¹⁶Tama dagego te dwasianu ugwa bobage ilibo usu sabo te 44 sentamita, tama aga genuai usu sabo te 22 sentamita dao. Tama bugagia tomode pobelama, te genuai agebele tiwai pobelama, tama tigidali badu me te tiwai daulolama elaluaibao. ¹⁷⁻²⁰Tama dagego te me si me si nama hani bomai wiegi yai masigi te ugwade wasilama, kenao. Tama hasia polalubo hani masigi augwaligo nogi wabo te rubi, me topas, me ganet, tama kenao. Tama te hani side te masigi emeral, me sapaia, me daimon, te tama kenao. Tama te kenabo hani sela masigi tekois, me aget, me ametis dao. Tama te kenabo masigi hani me si me si te beril, me konilian, me jasper dao. Tama dagego tigidali deli deli masigide te golgo au tiwai dwasianu ilama, tama nosali te masigi dabe ugwa kenao. ²¹Tama te nogo si olama saqago si wali te tigidali masigi deli delide dagego te Jekopgo ogwa nogi deli deli te duga Israel hani tigidali daulolama ela siyu, nogi ase se pao.” ²²“Tama dagego wiegi yai gol selama, tama haliga si te hagawiade ugwa tolalubo haliga si nigao. ²³Tama te ring gol si nigilama, tama te habu si badu te hagawiade muani ugwa daide ugwadu muao, ²⁴tama te haliga si te ring side kenao. ²⁵Tama dagego gasa te haliga gol si sesegede kenama, te au ilali gol side tama gol au ilali te kukulugo te het prisgo ugwa tolalumainogo kenao. ²⁶Tialima, tama dagego te ring gol me si ma nigilama, tama aiyadu habadu te ugwa elalubo madi hagawia badu te ugwa tudi pabadu kenao. ²⁷Tama dagego te ring gol me si ma nigilama, tama te si te

kukulugo te ugwa tolalubo madi kęnao, te gasa wiegi yai kukulu te tabi mogo bagulali madi pade, te nai kęnao. ²⁸ Tama sisi yai string hobi selama, te hagawiade elalubo genuai ugwade ring kęnama, tama tiyu da, te hagawiade elalubo ugwa te mę tiwai kukulude daę ola somainogo elama, tama te hagawiade muani ugwa te munu me peda pogobeo.”

²⁹ “Tama Aron te Tedali Gasagi Yai Be Habuba pabo sogo, agai te Israel hani tigidali nogi elalubo te dwasianu ugwa te aga hagawiade munama, sela pomainao. Tama ena Genuai Bidi, eno te ena hani bidi dabe augwali sulama, tama eno augwali sesemane sogo homugo kone palaibao. ³⁰ Tama te masigi si te Godigo homu kolesaga somainogo te hagawia badu muani ugwa agebele tomode munama, tama Aron te Tedali Gasagi Yai Be Habu tomoba pabo sogo, ena Genuai Bidi ena agade bidibao, aga te masigi si dali tolasa pomainogo yaibao. Sesemane sogo agai te hagawiade te muani ugwa sela asomainao, te agai eno Genuai Bidigo magi sę te Israel dabe dali yainogo ebo te agai konemai hagede yaibao,” wali. †

Prisgo gasa ugwa dabe po wali
(Sai 39:22-37)

³¹ “Te bobage ugwa te name ugwa dali kęnama, te dagego sisi hobi augwaligo te sipsip nisigo nigai naga selama, te ugwa nigao. ³² Dagego te tobolu muabo madi dedage nigilama, tama dwasianu ugwa dage me deligo te dedage bagulama, tama te sesegede te dedage bomo yai pedelama, tama dedage genuai pęda pabuo. ³³⁻³⁴ Tama sisi hobi, me haniani mama yai hobi te augwaligo sipsip nisigo nigai, tama nai mebagote ni pomigranet wai tiwai nigao. Te ni wai du dabe te prisgo ugwa sese aiyadu hobolama, tama golgo nigai belo deli deli te ni pomigranet du dabe tomo tomode hobolama walalumainogo yao. ³⁵ Tama Arongo te bobage ugwa munama, te pris sę emainao. Tama aga ena te bidibo paba te Tedali Gasagi Yai Be Habuba aselama, tama te buluba ma teda pabo sogo, te we bidigo te belo gela wabo odomainao. Ma, agai te bobobage ugwa gudasiąbaso da, teda eno aga ela muidalio.”

³⁶ “Tama dagego te wiegi yai gol me deli selama, te ula ilibo nai medal me deli nigilama, tama e tiwai po te naide asęao, ‘Te Genuai Bidigo Tedali Gasagi Yai Nai da,’ te po asęao. ³⁷ Tama sisi hobi selama, tama te gol nai tobolude muani ugwade kęnama, tama te het prisgo gesabidide ugwađu munalumainogo yao. ³⁸ Sesemane sogo Arongo te medal tobolude elalubo ugwa muao. Tama tibaso da, ena Genuai Bidi eno te Israel dabego enabolo mabo ofa ebo nai te eno saibao. Ma, augwaligo te ofa ebo kolesaga mebagote gęda mubaso da, teda, Arongo te tebo augwaligo dwai sę sęęę tomainogo yaibao.”

³⁹ “Dagego wiegi yai hobi selama, te holobo ugwa hobolao. Tama Arongo tobolude muabo ugwa wiegi yai nigilama, tama ugwa dage selama, tama mę tiwai

† 28:30 Nam 27:21; Esr 2:63; Neh 7:65

kukulu nigilama, tama tede wiegi yai au ilama hobolao.”

⁴⁰ “Tama dagego te holobo ugwa dabe, me te kukulu te mę tiwai, tama te tobolude muabo ugwa me, te Arongo ogwa dabe tigi munama, tama wiegi yai au mu ilama, tama te we bidi augwaligo gedude te Arongo ogwa dabe te nogi elaluyu, tama gasagi yai pedalomainogo tama tiao. ⁴¹ Tama Moses, nago te ugwa dabe te naga ama Aron dali, aga ogomani dali, augwalibolo muao. Tama te ni oliv wel augwaliba gelama, te augwali pris dabe da olama, sa munama, tama te pris sę enabolo augwaligo emainao.”

⁴² “Tama augwaligo gudabo pęwadage ugwa belibo trausis te wiegi yai uwago hobolama mao, te augwali tigi hale te bulu ulaba hania gagolama pedabuo.

⁴³ Tama Aron aga ogomani dali augwaligo te tiwai belibo trausis munama, te augwali alta paba te Tedali Gasagi Yai Be Habu tomoba pelama, te pris sę ebo sogo, ma gasa sogo te augwali eno ugwa be tomoba painogo te ugwa belibo trausis munama, asomainao. Ma, te tobage sę augwaligo me isąma, te augwali tigi olo eno bidibo madi asobaso da, teda augwali dwai sę yali homu eyu, te eno augwali ela muaibao. Sesemane bidada pabo sogo Aron me, aga waj dabe nosali pedalobo bage, augwaligo te bomo yai po wali pao,” Genuai Bidigo te po wai.

Pris dabe sa mubo kolesaga po wali
(Prs 8:1-36)

²⁹ Genuai Bidigo po ma weyu, te po wai, “Megi eno nagebolo nago te Aron dali, aga ogomani me, augwali te pris dabe pedalomainogo yabo sę po waibao. Te kibu bulmakau omai wai me deli badi, te sipsip omai si, te keni kenigo augwali tigi dolisiąwai dabe sao. ² Tama te witgo plaua hasia polali mu, te sao. Nago te plauade te yis me mugio. Tama te plaua meba selama, te bret nigibadi, tama te plaua meba selama, tama te ni oliv wel dali taluama, te bret nigao. Tama plaua meba selama, tama te bisket meba nigibadi elama, tama augwalide te oliv wel pilao. ³ Tama te bret, me te bisket dabe te bonou wa me deliba munama, tama nago te bulmakau omai, me te sipsip omai si te ofa ilibo sogo te enabolo mao. ⁴ Tama Aron dali, aga ogomani augwali dali, te eno lotu ugwa beba odasa aselama, augwali wę paluao. ⁵ Nago augwali wę paluama silibo si, teda te pris ugwa dabe te Aronba muao. Holobo ugwa mubadi, tama bobage gudubo ugwa me muyu, tama dwasianu hagawiade mubo ugwa me te agabolo gudulama, tama te wiegi yai kukulugo agaba kęnao. ⁶ Tama ugwa te aga tobolude bagulama, tama te po elalubo medal gol te nai sao, te Genuai Bidigo nai dao, tama te tobolude muani ugwade kęnao. ⁷ Tama wel selama, te pris nigilali bidi dabe sa muabo wel, tama aga tobolude te wel gelama, aga te sęde sa muao. ⁸ Nago Aron sa muna silibo si, teda agai ogomani odasa aselama, tama augwaliba te hobolo ugwa muao, ⁹ tama augwali tabide te kukulu bagulama, tama augwali tobolude ugwa dage dabe kęnao. Nago

tama tiwai sę te Aron aga ogomani dali augwali te pris dabe nigiliyu, tama tia. Tama te bidi dabe augwali dali, te augwa waji ogomani nosali pedalubo bage, augwali hanigo naga te pris sę sesemane sogo ela paibao," wali.

¹⁰ "Tama Moses nago te ofa yabo bulmakau te Deliba Sisinabo lotu ugwa be tu paba sela aselama, tama Aron dali, aga ogwa dabe dali, augwaligo nogo te bulmakau toboluba mumainao. ¹¹ Tama eno gedude nago te bulmakau te ugwa be tu pade elageo. ¹² Tama te bulmakau kaneme meba nago nogo danigo selama, tama te alta gaju dabeba muao. Tama te tigidali kaneme elalubadi te alta pagede gelao. ¹³ Tialima, nosali te tabide ili tigidali sobadi, te wiegi yai homu, me te dwasiyanu dini homu si te ili dali elalubadi selama, tama te tigidali altade ulama, te enabolo ofa ebo tiwai ilao. ¹⁴ Tiali goli, te bulmakau mi, me wali, me te di tabi tomode elalubo, te olo madi bulu badu siago domainogo ulao. Te bulmakau da, te augwaligo dwai sę yali sela sębo ofa yaibao."

¹⁵ "Tama nago te ofa yabo sipsip omai gomunai wai sao. Tama Aron dali, aga ogomani dali, augwaligo nogo te sipsip toboluba mumainao. ¹⁶ Tialima, te sipsip elama, tama te kaneme selama, te alta me si me si bogo badu sayao. ¹⁷ Tama nago te sipsip todogo pelama, tama te sęga si we telabadi, te haliga dabe me tilama, tama tigidali te sipsip tobolu daiba ugwa manuao. ¹⁸ Tama tigidali te altaba munama, te ofa tiwai yao. Tama ena Genuai Bidi eno homu pemene wiegi yai te ofa elama, siago dabo denami ebo te eno homu pemene wiegi yai yaibao." †

¹⁹ "Tama nago te si wali sipsip selama, tama Aron aga ogomani dali augwaligo nogo te sipsip tobolu daiba ugwa manuao," Genuai Bidigo Mosesbolo te po wai. ²⁰ "Tialima nago te sipsip kibu elama, tama aga te kaneme dwasiyanu selama, tama Aron aga ogomani dali augwaligo dolo olo sabi badu te kaneme muao, tama augwali te kaneme dolo a nogo danide mubadi, te dolo a sęga dani badu muyu yao. Tama te poude munalubo kaneme tigidali te alta me si me si bogo badu sęga pao. ²¹ Nosali nago te altade munalubo kaneme meba, me te pris sa muabo wel sobadi elama, tama Aronba me agai gudali ugwa segeni sęsayu, tama aga ogomaniba me augwaligo gudali ugwa segeni sęsayu yao. Nago tama tiali da, teda Aron aga ogomani dali augwaligo gudali ugwa me, te tigidali augwali eno bage deli naga dao."

²² "Tama nago te sipsip me togolama, tama te sipsip ili tigidali te pris bage augwali sa munama, tama ofa ilabo nai sao. Te nisali danu, me te haliga mesegelali delegabe ili, me te wiegi yai te sipsip kibu homu sobadi, te homu me si tede ili elalubo, tama dolo sęga badu te tele mi, te me sao. ²³ Tama te tudi badu augwaligo enabolo te bo disiwai yis meni yai bret ofa ilali nai, nago te deli deli haniani bret dabe sao, me deli augwaligo te oliv wel dali ulali, tama gasa augwaligo te oliv wel me te bisket dali me ulubeo. ²⁴ Tialima, te kibu

mi, me te bret te Aron aga ogomani dali augwalibolo menama, tama augwaligo te ofa ilibo sę eyu, te ena gedude augwaligo te nai dabe ugwa sidu geyu yaibao. ²⁵ Tama augwaligo nogode munalubo te nai selama, tama te alta daiba ugwa munama, te ofa ebo dabo siago tigidali domainao. Tama ena Genuai Bidi, eno te ofa ebo denami wiegi yai ebo te eno godolo mu yaibao. ²⁶ Tama nago te Aron te pris sęde sa mumainogo elali sipsip kibu aga bau te nago nogo tulama, tama sela bilibo, te eno gedude tama tia. Tama te kibu bau te naga tuageo."

²⁷ "Tama dagego te pris sa muabo sogo pedalubode, dagego te kibu bau, me te sipsip sęga tele mi selama, nago te pris sa muyu, ofa iliyu, tama nogogo tulama, eno gedude sabilao. Tama nosali te mi te pris dabe augwalibolo mao. ²⁸ Tigidali sogo Israel dabe augwaligo te kibu sipsip te ena dali deli homu pedelainu enabolo ofa mao, augwaligo te kibu bau, me te dolo sęga badu tele mi selama, tama te pris dabe augwalibolo mao. Te Israel dabe augwaligo te tiwai mabo ena Genuai Bidibolo momainao."

²⁹ "Te Aron isibo side da, teda augwaligo agai te pris sę yali ugwa dabe te aga ogomanibolo mao. Tama Aron aga hani bidi augwali te pris sę emainogo sa mubo sogo, te ugwa mumainogo yao. ³⁰ Tama te Aron go ogwago te aga aya Arongo het pris sę yali tiwai selama bidainogo ebo sogo, agai te a naga olama nogo me badu si sogo usu nama, te ugwa mubo usu selama, te ugwa mumainao. Tama te a naga olama me si sogo aga eno te Deliba Sisinabo ugwa be obo tomoba pelama, tama te Tedali Gasagi Yai Be Habu tomoba peyu, te sę emainogo yao."

³¹ "Tama nago te Aron aga ogomani dali augwali te pris sę emainogo sa mubo sogo, nago te ofa ilali te sipsip mi selama, tama senede munama, tama te ugwa be obo bagulali tomode ulao. ³² Tama pris dabe augwaligo te mi dali, te bret me te basket wade munalubadi selama, tama eno Deliba Sisinabo Ugwa Be tuđe dulaluyu, tuao. ³³ Augwaligo augwa dwai sę yali sela sayu ofa ilali nai te augwa ma tumainogo yao, te augwali te pris bidi dabe da olama, sa mubo sogo te tiwai yao. Te pris dabe augwaligo naga te nai tuyu, tama te we bidi augwaligo te nai me tugobeo. Menio. Te augwalide habu mu selao, te tedali mu gasagi yai nai naga dao. ³⁴ Tama te kibu mi me bret meba munalubadi te kigamuba sabalobaso da, teda te nai augwaligo me tugio. Te kibu mu habu selao, te tedali gasagi yai mu dao, tama augwaligo te siaba ulama, tama siago tigidali dela silimainao."

³⁵ "Nago te Aron aga ogomani dali augwali te pris sa mubo sę iliyu, tama eno nagebolo wali po gilama te a naga me te si sogo te sę dolo yao. ³⁶ Tama tigidali sogo nago te bulmakau me deli selama, te dwai sę yali sęga sela sayu, ofa ilao. Tama te ofa ebogo te eno alta te wiegi yai eno gedude ilao. Tama te ni oliv wel te eno altaba sa muyu gelao, te eno nai naga dao. ³⁷ Nago te altaba te tiwai sę ilibo te 7 tama sogo te sę yao. Tama te alta te eno nai mu da weyu, te eno habu mu selaibao.

† 29:18 Ef 5:2; Fil 4:18

Tama bidi me deligo nogogo me d̄jayu, ma magi nai me deligo te alta sai ugwadu daiba muyu da, te nai da, te tedali gasagi yai nai naga dao, te eno nai naga dao.”

Tigidali sogo ofa iduabo po wali
(Nam 28:1-8)

³⁸ “Tigidali sogo dagego te kibu sipsip wai si te kibu be deli yai elalubadi, tama te altaba munama, ofa yao. ³⁹ Tama sipsip me deli te kigamu ofa eyu, tama gasa sipsip me te pio mu ofa yao. ⁴⁰ Tama te seḡeḡ deli yai plaua te witgo nigai dali, te seḡeḡ deli yai oliv wel dali begelama, te hasia sipsip me deli dali ofa ilao. Tama me, dagego te seḡeḡ deli yai wain aḡi dali te ofa tiwai elama, te gelao. ⁴¹ Tama dagego te gasa sipsip me deli te pio ofa yao. Te deli tigi poai plaua me, te oliv wel me, te wain aḡi me selama, tama te kigamu yali ofa tiwai gilama yao. Te tubo naigo ofa ebo dagego te nai ena Genuai Bidibolo mobao, tama te siago deyu, tama wiegi yai denami ebo te eno godolo ebo dao. ⁴² Te siago tigidali domainogo ulubo ofa te dagego sesemane sogo te ofa nosali yao, te eno Deliba Sisinabo Ugwa Be t̄p̄ p̄de tigidali sogo te ofa ebo, te eno sueibao. ⁴³ Tama eno genuai ula te ugwa beba pedaliyu, tama te badu digi te eno bulu elaluyu, tama tedali gasagi yai bulu tama nigilaibao. Tede me ena te Israel we bidi dali deliba sisinaibao.”

⁴⁴ “Tama tibaso, te Deliba Sisinabo Ugwa Bede alta si da, te eno nai da weyu, te eno sa muaibao. Tama eno te Aron aga ogomani dali augwali sa munama, augwali te pris seḡeḡ tiwai emainogo yaibao. ⁴⁵ Tama ena dage Israel dabe tomode bidiyu, tama ena dagego God bidaibao. ⁴⁶ Tama dagego ena bugagia koneama, ena Genuai Bidi da weyu, ena duga God dao, tama eno naga dage te Isip t̄p̄de selama, tama eba odasa asai. Tama tiyu, ena dage tomode bidaibao. Ena digi, ena God, dagego Genuai Bidi dao,” te po wai.

Denami ebo pauda ulubo alta po wali
(Sai 37:25-28)

30 Tama Godigo po ma weyu, te po wai, “Dagego te ni akas selama, tama alta me deli nigilama, te denami ilabo nai pauda ulubo alta tama nigao. ² Te alta bobage usu sabo te 45 sentamita, tama aga genuai te tiwai te 45 sentamita, tama te ugwadu usu sabo te 90 sentamita dao. Tama dagego te bulmakau gaḡi tiwai me si me si te alta dononama, ugwadu muabo te nai dulao. ³ Tama te me si me si habu badu mesegelama, tama ugwadu me, tama aga gaḡde me, te wiegi yai golgo haluyu, tama bobage golgo te alta bobegelama, obo tiwai nigiyu, keḡnao. ⁴ Tama te ni munama, te alta tolabo madi te alta me badu gaga nigiyu, me badu te gaga nigibadi yao. Tama te gaga nigali nai si te aiyadu te alta bobegelali gol p̄de dagego te sesegede keḡnao. ⁵ Tama te ni akas dage si selama, te alta tolabo nai dulama, tama te nai si te golgo mesegelao. ⁶ Tialima, te ugwa be tomode te genuai walobo ugwa daḡi te bomo yai po dualali halobage, te daḡi ugwa e badu te alta muao, te dwai seḡeḡ

sela saḡo madi ugwadu p̄de, te halobage munalubo digio. Tama te seḡeḡ sela saḡo madi te eno dage sisi-naibao.”

⁷ “Te tigidali sogo kigamu Aron aselama, te lam sole sisi yagasaibao, tama te tiagasobo sogo agai te pusu wiegi yai ebo pauda meba te altaba denami elainogo ulao. ⁸ Tama agai te tiwai naga te pio te lam sole domonagasu asobo sogo tiao. Dagego te ofa ena Genuai Bidibolo tigidali sogo nosali me te tiwai ofa elalua pao. ⁹ Dagego te gasagi yai nai dabe te altade ofa igio. Te haniani denami ilibo pauda me te eno dagebolo habu selali nai, te kibu, me wit, me wain aḡi, te tama nai me e altade ofa igimio. ¹⁰ Tigidali kibu bede deli sogo Arongo te alta wiegi yai ilibo te seḡeḡ eno gedude yao. Te tiwai seḡeḡ yainogo da, dagego te seḡeḡ sela saḡu te ofa ilali kaneme me badu sobadi, tama te nigilali alta gaḡi dabeba muao. Dagego te tebo seḡeḡ te tigidali kibu bede yao. Tama tiyu, te alta te habu mu seliyu, tedali gasagi yai elaluaibao. Te Genuai Bidi eno nai naga da waibao.”

Genuai Bidigo lotu ugwa bede takis mone po

¹¹ Nosali Genuai Bidigo po Mosesbolo weyu, te po wai, ¹² “Nago te Israel bidi nogi selama, tama te bukude aseḡo sogo, tigidali bidi deli deligo mone meba enabolo mao. Ma, meni baso da, teda genuai gasi dwai mu pedelama, te sogo augwali dolaibao. ¹³ Tigidali bidi dabe augwali nogi sali bage, augwaligo te mone ge a naga te enabolo te ofa tiwai mao. ¹⁴ Augwaligo te tigidali bidigo kibu be te 20de gagalama, te kibu be ugwaba holali bidi dabe nogi selama, tama tigidaligo te mone enabolo mao. ¹⁵ Te mone bidigo te agai mone hauwa me menamuo, te magi nai meni yai bidigo te dwasianu mone me mayu me igio. Tigidaligo te mone ge a naga, te tama naga enabolo mao, te tama tiyu augwa yali seḡeḡ abeleyu da, teda augwali me isigobeo. ¹⁶ Te monego da, te eno lotu ugwa bede elalubo nai te dobaso da, te nai te monego gasa abelama, dodolabo mone dao. Te augwa bidibo ula abelabo mone eno te mone sulama, tama eno homu augwaliba muyu, tama augwali tonaluaibao.”

Te pou augwaligo te brasgo nigali po

¹⁷ Tama Genuai Bidigo Mosesbolo te po wai, ¹⁸ “Dagego te bras meba selama, tama te genuai pou me deli nigibadi, te pou muabo page me nigao. Tama te altade te ugwa be si tomode te t̄p̄ba te pou munama, tama te poude te weḡeḡ paḡaḡnao. ¹⁹ Tama Aron aga ogomani dali augwali nogo saḡaḡ te weḡeḡ telamainogo yao. ²⁰ Te augwali eno ugwa be tomoba painogo, me ma te altade te siago ulubo ofa dabe me yabo homu eyu da, teda augwaligo nogo saḡaḡ bolo hasia aḡgo tedelama, tama eno beba asobaso da, teda augwali me isigobeo. ²¹ Mu tama, augwali isidali weyu, augwa nogo saḡaḡ aḡgo tedelao. Augwali dali, augwa nosali ame nabo wai dabe dali, augwaligo te bomai po sese-

mane sogo wali peyu, bidimainao," wali. Te pris dabe sa mubo wel po wali

²² Tama Genuai Bidigo po Mosesbolo ma weyu, te po wai, ²³ "Megi nago te wiegi wiegi yai denami ebo nai dabe sao. Hasia bolo te denami ebo nai sanda mea sao, te nai seḡe te 6 kilo te elalubao. Tama te sinamon pauda meba te wiegi yai denami elalubo, te aga te 3 kilo, tama te tobage wiegi yai denami ebo awi dili badi, te aga seḡe me te 3 kilo dao. ²⁴ Tama te ni kasia waligo nigai pauda meba sao, te aga seḡe 6 kilo dao. Tama te oliv wel seḡe 4 lita elalubo te nai dabeba gelama, ²⁵ tama te sanda nigibo seḡ mu koneai bidigo ebo seḡ tiwai eyu, te nai dabe bugagia taluama, te sanda tiwai pedelemainao. Te nai dabe da, te eno nai sa muabo nai elaluaibao."

²⁶ "Tama nago te wel dwasianu selama, tama eno dage dali Deliba Sisinabo Ugwa Beba dwasianu geliyu, te bomai po munalubo halobageba gelibadi, ²⁷ tama te bret muabo tebol, me te tebolde munalubo nai dabeba me gelao, tama te lam dabe tolalubo nai, me aga nai dabeba badi, tama te denami ilibo altaba me gelao, ²⁸ tama te tigidali siaba uluyu ofa ebo alta me, te aga nai dabeba dali, te weḡ paubo pou me, te aga pageba me, te tiwai naga yao. ²⁹ Nago te nai dabe te eno tedali gasagi yai nai dabe mu da olama, tama te we bidi augwalibolo habu mu selao. Ma, bidi me deligo, me ma wego, me ma magi nai dabego te naiba djya idali weyu, te me habu seliyu, gasagi yai tedali pedelama, tama te eno nai naga dao."

³⁰ "Tialima, nosali te wel selama, tama dwasianu te Aronba, me te aga ogomani, augwaliba gelama, tama augwali pris pedelama, tama eno seḡ emainogo sa muao. ³¹ Tama nago te Israel we bidi augwalibolo e tiwai po wao, 'Dage dali, te duga hani nosali nosali pedalubo bage, dagego te wel selama, tama te dago Genuai Bidigo nai naga da olama, sa muao. ³² Dagego te wel te olo bidi dabeba geligimio. Tama dagego te deli tigi poai wel nigigio. Te Godigo tedali gasagi yai nai naga da weyu, tama dagebolo habu selibao. ³³ Ma, te bidi me deligo te deli tigi poai wel nigilama, te pris meni yai olo bidi mebabolo te wel gelibaso da, teda te bidi aga te Godigo we bidi hani bidibo tomode me bidigobeo,' te po pusao," wali.

Denami ebo pauda po wali

³⁴ Tialima, Genuai Bidigo Mosesbolo po ma weyu, te po wai, "Megi eno homugo dagego te wiegi yai denami yabo pauda meba nigiyao. Te pauda te deli tigi poai dabe naga usu nama, elalumainao. Te pauda mea badi, te augwaligo te lalaigo nigai nai dabe badi, tama te bomai nai te galbanum pauda kanemego nigai me, te ni balsam kanemego nigali, te nai dabe tama sao.

³⁵ Tama te nai dabe sesa pelama, tama te denami yabo nai pauda bugagia taluama nigao, te wiegi yai denami ilibo nai nigibo bidigo seḡ ebo tiwai yao. Tama tamu dwasianu te pauda denami wiegi yai tedali gasagi yai ilimainogo, te tamu muao. ³⁶ Te nai meba te pauda tiwai mu pedelemainogo, bugagia te nai me badu halu-

ao, tama te ugwa be tomoba eno gedude sela pelama, tama te bomai po munalubo halobage paḡe muao, te ena dage dali deliba sisinabo madi. Te denami ebo nai pauda te tedali gasagi yai nai mu dao, te olo nai mu menio. ³⁷ Tama dagego duga nai da, te homu elama, tama te tiwai nai munu me nigilamuo. Te Genuai Bidi eno nai naga dao, te tama homu naga yao. ³⁸ Ma, bidi me deli aga homugo naga agai te denami ebo nai sanda tiwai me deli odainogo nigali da, teda te bidi aga te eno we bidi hani tomode me bidigobeo," wali. †

Te ugwa bede mubo nai dabe nigibo koneai bidi po (Sai 35:30-36:1)

31 Tama Genuai Bidigo Mosesbolo e tiwai po wai, ² "Odao, eno te bidi Besalel sa muani, te Urigo ogwa, tama te Hurgo wajigo ogwa, te Juda hani bidi, ³⁴ tama agabolo eno homu kolesaga te bomo mawai. Tama eno agabolo te wiegi wiegi yai nai gol, me silva, me bras nigabo wiegi yai homu kolesaga mawai dao. ⁵ Tama eno agabolo te gasagi yai bomai masigi dabe togolama te duliyu, tama te ni namede, me te nide, me haniani nai togolama dulumainogo te homu kolesaga mawai, tama te ugwa be au ilibo gasa tigidali haniani seḡ emainogo yaibao. ⁶ Tama me te Oholiap te eno sa muani, te Ahisamakgo ogwa, tama te Dango hani, tama aga te Besalel dali te seḡ emainogo yaibao. Tama eno genuai wiegi yai homu kolesaga te gasa bidi dabe mebabolo menama, tama augwaligo eno te po weyu nigao wali nai nigimainogo te usu yaibao. ⁷ Augwaligo te eno ugwa be seḡ ebadi, te bomai po muabo halobage nigibadi, te aga paliabo nai da te seḡe sela saḡo madi tiwai me, te tigidali ugwa bede muabo nai dabe nigagameo. ⁸ Tama augwaligo te tebol sai dali, tebolde muabo aga doado bage dali nigibadi, tama te lam tolalubo nai dali, te nai aga doado bage, te me nigaiabao. Augwaligo te lam sole tolalubo nai te wiegi yai golgo naga nigibadi yao, te aga dali elalubo nai dabe me. Tama augwaligo te denami ilibo alta me nigagameo. ⁹ Tama augwaligo te siago tigidali domainogo te ofa eyu, te ulabo madi te alta nigiyu, tama aga doado bage me, tama te nogo saḡa aḡi telayabo pou nigibadi, tama te pou muabo page me nigaiabao. ¹⁰ Tama augwaligo Aron aga ogomani dali augwaligo gudabo ugwa te wiegi yai mu hobolama, nigagameo, te bage augwaligo te ugwa gudama pris seḡ yaibao. ¹¹ Tama augwaligo eno nai dabe sa muabo wel nigiyu, tama te Tedali Gasagi Yai Be Habu badu wiegi yai denami iliyu ulabo pauda nigaiabao. Augwaligo te nai dabe te eno nagebolo wali po tiwai gilama tama te nai dabe nigimainao," wali.

Toma tuyu olo bidibo side, te Sabat side da wali

¹²⁻¹³ Tialima, Genuai Bidigo Mosesbolo te po olama, te Israel we bidibolo te po omainogo yai, "Te Sabat side te olo bidiyu, toma nabo side dao, tama te Sabat side sesemane sogo dage eno po odolama, olo bidiyu,

† 30:38 Sai 37:29

toma nao. Te Sabat side eno dagebolo te sa mubo tiwai megi mayu, tama nosali me tigidali sogo tama naga tiao. Tama tebo sę dagego konemainogo, te ena digi ena dagego Genuai Bidi dao, tama eno dage te tedali gasagi yai we bidi hani pedalomainogo ebo dao. ¹⁴Te toma tubo side te Genuai Bidi eno side dao, tama tiyu, dage te sogo toma tuyu, olo bidao. Ma, bidi me deli aga te sogo sę yali da, agai te eno bomo yai po sela sębao, tama te bidi dagego aga ela muao. ¹⁵Te tigidali Sarere dagego sę yabo side te 6, te tama side sę yao, tiali goli te dei 7, te me deli sogo da, te eno olo bidibo sogo, tama te olo bidiyu, toma nabo genuai side dao. Dagego te olo bidibo side sę ebo bidi dabe tigidali ela muao. ¹⁶Dage Israel bage te sogo toma nao, magi baso meni, te polobadu te po daų wai elaluai, dagego po daų olama, te wali paibao wai dao. Tama tibaso, nosali dagego tama tidi pao. ¹⁷Te side te po daų wabo tiwai elama, te ena tomode me te dage Israel bage dali te po sesemane sogo elalua paibao. Magi baso meni, ena Genuai Bidi eno te dagalu de tų si nigali, te 6 te tama sogo nigilama, tama te 7 wali, te me deli sogo eno te sę tigidali tagalama, tama ena toma tuyu, olo bidai dao." ††

¹⁸Te Godigo po te Sainai bulu dude Moses dali wali sogo, agai te masigi name si te bomo yai po God aga digi nogogo așai, te Mosesbolo mawai dao.

Augwaligo bulmakau wai te golgo nigali
(Bom 9:6-29)

32 Te Moses te Sainai bulu duba holama, tama bobage sogo bidali, tama aga gesege mu yali, tama aga polo me asobeo. Tama te we bidi augwali te Aron pageba sisinigi pelama, agabolo te po wai, "Te magi nai te bidi Mosesba pedelali, te dago konebeo, te bidigo da te Isipde selama, tama da odasa eba asai. Tama nago god me deli nigilama, tama pabodu polasa peyu, tama da tųdu odasa pomainogo yaibao." Augwaligo te po wai. ‡

²Tialima, Arongo augwalibolo te po wai, "Dagego duga we dabego olode walalubo gol, me duga wai dabego olode walalubo gol me sesa pelama, tama selasa aselama, enabolo magasao." ³Arongo te po obaso, te we bidi dabe augwa olode walaluali gol dabe pepede pelama, tama sela aselama, agabolo magasai. ⁴Tama agai augwaligo te olode au yali gol dabe selama, tama ulama, tama te aų tiwai pedelai. Tama agai te tųde dedage me deli augwaligo te bulmakau noma tiwai nigilama, tama te aų tiwai pedelai gol teba gelama, tama te bulmakau tiwai pedelai. Tama agai hwę ge selama, te golgo nigai bulmakau noma bugagia dodolai. Tama nosali te we bidi augwaligo te po wai, "Odięo! Te nai aga da Israel bagego god dao. Agai da Isipde selama, tama da odasa eba asai dao," wali. ‡†

⁵Arongo te tebo sulama, tama agai te bulmakau paųde te alta sai me deli nigai. Tama agai te po wai, "Do da, dago Genuai Bidibolo genuai nogi mayu, genuai

nai tueibao." ⁶Tialima, te sogo nosali kigamu mu, te we bidi dabe augwaligo te ofa eyu, te siaba ulabo kibu bulmakau dabe sela asali. Tama augwaligo homu kole-saga deliba naga muainogo te ofa yabo kibu sipsip dabe me sela asai. Tama augwaligo te nai tuyu, te bomai wę tuyu elama, tama nosali te bidi dabe augwali pelama, te we dabe dali gagali igi pai. ‡†

⁷Tama Genuai Bidigo Mosesbolo te po wai, "Nage polo e bulu dude bidali tagalama, aba dulao. Te naga Isipde odasa asali we bidi dabe augwaligo dwai kole-saga hauwa megi ebao. ⁸Tama eno po weyu, augwalibolo te wali pao wali tų polo geda munama, tama augwaligo te bulmakau wai te golgo nigilama, tama agabolo lotu po weyu, tama agabolo ofa ilibao. Tama augwaligo te po wai, 'Odao,' wali, 'te aga dago god dao. Agai da Isipde selama, odasa asai dao.' Te po megi obao. ⁹Tama ena God eno te we bidi augwali eno koneanio. Augwali da, te hagoma mu ebo we bidi dao. ¹⁰Te eno augwali dali sębę mu elama, tama eno augwali mu dolaibao. Tama nago ena me togolamuo, mu menio. Tama nosali eno nage me, te naga hani ogo-mani dali, augwaligo te Israel bage hasegelama, tama genuai we bidi hani mu pedelaibao." Te po wai.

¹¹Tiali goli, Mosesgo te Genuai Bidigo homu bea sainu, agai bomonama gedu haluasa po aga Genuai Bidi Godibolo e tiwai po wai, "Genuai Bidio, tiyu nago sębęgo naga we bidi augwali dolomainogo sula tagalamuo. Nago te we bidi augwali te Isipde te nago naga genuai bomogo digi te augwali selama, odasa asai dao. ¹²Ma, nago te tiwai kolesaga augwalibolo ebaso da, teda te Isip dabego te po waibao, 'Godigo aga we bidi augwali dali dwai homu yai. Tama tibaso, augwali agai te Isipde selama, tama augwali odasa asali, te augwali te bulu dude mu dola silama, tama tigidali ela muani da,' te po wabuo. Tiali goli, Genuai Bidi, tagalao. Tama nago te sębę yali homu te nago tagalama, tama nago homu kolesaga hasegelama, tama te we bidi augwali nago me dolamu dao." Mosesgo te po wai.

¹³"Nago naga sę bidi Abraham, me Aisak, me Jepop, te homugo koneao. Tama nago te bomo yai po augwali dali daų wali po, te homude koneao. Nago bomoyai po daų mu weyu, e tiwai po wai, 'Eno mu po obao, eno te dagego wų nų dabe te dagebolo hauwa mu, te hų tiwai dageba mawaibao. Tama eno po daų weyu, te eno dagebolo mawaiba wali te tų, teda te tų te eno duga wų nų dabe augwaliba mawaibao. Tama augwali sesemane sogo mu te tųde bidada paibao,' nago te po wai." ‡††† Tama Mosesgo te tiwai gedu haluasa po obaso, tama Genuai Bidi aga homu ma hasegelama, tama aga te we bidi dolainu yali nai te aga we bidiba me tagala palobeo. ‡††

¹⁵Tialima, Moses te bulu dude bidali tagalama, tama aba duliyu, te Godigo bomoyai po așani te masigi pedai si sela dulai. Godigo po te masigi si te si dali si badu te po așai dao. ¹⁶Godigo digi te masigi si nigila-

† 31:15 Sai 20:8-11; 23:12; 34:21; 35:2; Prs 23:3; Bom 5:12-14
†† 31:17 Sai 20:11 ‡ 32:1 Tpi 7:40 ‡† 32:4 Tpi 7:41

‡† 32:6 1 Ko 10:7 ‡†† 32:13 Gag 17:8; 22:16-17 ‡††† 32:14 Nam 14:13-19

ma, tama te masigi side te bomu yai po asɛani, te bugagia ma dodolama todogo pai.

¹⁷ Tama Josua te Sainai bulu dude a badu gana Moses asobo tonaluyu bidali. Tama Moses teba dula-ma, tama augwali si aba pidubadi, tama Josua agai te we bidi dabe augwaligo te i wabo po daga agai odai. Tama agai Mosesbolo e tiwai po wai, "Ae, Moses! Eno te we bidi bidibo madi te wɛbi hwɛju kulukulu wabo odalio."

¹⁸ Tiali goli, Mosesgo te po wai, "Menio. Te bidigo wɛbi hwɛbo te aiyaba elaluyu, i wabo te tiwai me ebeo. Ma, te wɛbi hwɛbode te bidi dabe aiyaba elalubaso, te gela wabo tiwai menio. Eno te tɛɛbi wabo dogoni naga odobao," wali.

¹⁹ Tama Moses te we bidi bidibo pesage pɛba sabola-ma suali, te bulmakau gol, me te we bidi augwali tɛɛbi idubo suali, tialima tama aga sɛbɛ mu yai. Tama agai te tolasa asali te masigi si, agai te bulu du pageba sɛ-nama, tama te masigi si pepeda pai. ²⁰ Tama Mosesgo augwaligo te nigali bulmakau selama, tama siaba ulai. Tama te gol ɛ tiwai pedelama, tama nosali kedau elama, dila saide, agai te hamago haluama, te olo pauda tiwai pedelai. Tama agai te pauda gol te pabo ɛɛba sɛwai. Tama sɛsɛ bila silama, tama Mosesgo te tiwai ilama, te Israel dabe augwaligo te ɛ tumainogo yalio. ²¹ Tama agai Aronbolo te po hanalu wai, "Te e we bidi augwaligo magi sɛ nagebolo ebaso, tama nago augwaligo te dwai kolesaga mu emainogo sula tagalali-we?"

²² Tialima, Arongo po wei ponoyu, te po wai, "Genuai bidio, nago ena dali sɛbɛ igio. Nago te we bidi hani augwaligo ebo kolesaga koneai dao. Augwaligo dwai kolesaga yainogo bomu mu ebo dao. ²³ Tama augwaligo enabolo e tiwai po wai, 'Dago te bidi Mosesba magi nai pedelali, te dago konebeo, te bidigo da Isipde selama, tama da eba odasa asai. Tama da te pabo tɛɛde polasa pabo god me deli nago nigao.' ²⁴ Eno odolama, tama eno te gol olode elalubo we bidibolo te po olama, tama augwaligo te gol pedelama, enabolo mao wai. Tialima, augwaligo enabolo mawai, tama eno te gol te siaba ulalio. Tama polo te bulmakau wai aga digi odolali pedelalio," Arongo te po wai.

²⁵ Mosesgo koneani, te we bidi augwaligo dwai kolesaga subigila emainogo yali, tama Arongo augwali dɛɛ wabo usu ebeo, te homu yali. Tama agai te homu yai, tiyu augwa boi bidi dabego augwali sulama, tama posobo po me gisugu maidali, te homu yai. ²⁶ Tama tibaso, Moses pelama, te obo tɛɛba doligi pelama, tama te tiwai i wai, "Te mena bidigo te Genuai Bidi wali paiba wida, teda te bage te ena bidibo madi asao." Tialima, te Livai hani bidi tigidali augwali aselama, aga pɛba dolagasai.

²⁷ Tama agai augwalibolo te po wai, "God, te da Israel bagego Genuai Bidigo te po wai, 'Dage tigidaligo te bobage ge hwɛ selama, tama te u bidi dabe bidibo madi te pesageba pelama, tama te tibo god wali pabo bidi dabe ela muao, te ama, me te abagi dabe, te dage dali pɛɛde bidibo bage, te dao," wali. ²⁸ Tama te Livai

dabe augwaligo te Mosesgo wali po selama, te tiwai sɛ yai. Tama te sogo naga augwaligo te bidi sese umabo bidi dabe, 3,000 mu ela muai dao. ²⁹ Tama Mosesgo te Livai dabe augwalibolo te po wai, "Megi dagego te bidi dabe augwali ela muani, te wai dabe me, te duga ama dede dabe, augwali meba da, te duga wai dabe, ama dede dabe, tiali digi augwaligo dwai sɛ ebaso, dagego augwali ela muani. Tama dagego te kolesaga yaligo naga, dage te Genuai Bidigo pris dabe tau sabo bage pedelaibao. Tama tiyu, megid Genuai Bidigo wiegi yai sɛ dagebolo ilaibao," wali.

³⁰ Tama nosali sogo Mosesgo te we bidi augwalibolo te po wai, "Dagego te yali sɛɛɛ, te Genuai Bidi bidibo madi te bulu duba ma holama, tama eno agabolo te dagego sɛɛɛ sela sɛgowe naga, te eno agabolo hanalua sueibao," wali. ³¹ Tialima, Moses te bulu duba ugwa holama, tama Genuai Bidibolo te tiwai po wai, "Homu dene mu ebaso. Te e we bidi augwaligo te genuai sɛɛɛ sabo sɛ mu yalio. Augwaligo te tibo god me deli nigilama, tama augwaligo lotu po agaba wai dao. ³² Tiali goli, megid eno nagebolo hanalu obao, te nago homugo augwaligo sɛɛɛ sela sɛɛɛɛ homu ebaso da, teda nago augwaligo sɛɛɛɛ sela sɛɛɛɛ. Ma, nago hagela homu ebaso da, teda eno nagebolo te po hanalu waibao, te nago naga we bidi augwali nogi asɛai elalubo bukude te eno nogi asɛai elalubo, te deli naga te sela sɛɛɛɛgameo." Te po wai. †

³³ Tiali goli, Genuai Bidigo Mosesbolo te po wai, "Menio. Eno te dwai sɛɛɛ yali we bidi augwaligo nogi naga te eno sela sɛɛɛɛbaibao. ³⁴ Tialima, megid nage pelama, tama te we bidi augwali selama, tama eno nagebolo te po wali te buluba pao. Odao, eno Ensel Mobo Bidigo dage te pabo tɛɛdu odasa paibao. Tiali goli, nosali da, te dene mabo sogo ena asiyu, tama te dwai sɛɛɛ yali we bidi augwali eno dene mu ilaibao," Genuai Bidigo te po wai.

³⁵ Tialima, Genuai Bidigo nosali genuai gasi dwai me deli te bidi dabego dwai sɛɛɛ yali wei ponoyu, tama te gasi augwaliba tagala palai. Magi baso meni, augwaligo po bomu yai Aronbolo olama, tama agai te bulmakau wai te golgo nigai dao.

Genuai Bidigo te Israel dabebolo po weyu, te Sainai bulu du taga pao po wai

33 Megi da, Genuai Bidigo Mosesbolo e tiwai po wai, "Nage dali, te nago Isipde odasa asali we bidi me, dagego e bulu taga peyu, tama eno dagebolo po dɛɛ weyu, dagebolo te mawaibao wali, te buluba piɛo. Polobadu eno Abrahambolo, me Aisak dali, me Jekop dali, te tiwai po wai, 'Tama eno te tɛɛ te duga hani wɛɛ nɔɔ dabe augwalibolo mawaibao,' wai dao. †² Tama eno ensel mobo bidi me deli te dage pabo madi polasa tagalama, tama eno te Kenan hani, me Amor, me Hit, me Peres, me Hivi, me Jibus, te hani augwali eno sela sɛɛɛ paibao. ³ Tama dage te wiegi wiegi yai haniani nai holobo madi, te ili elalubo wiegi yai tɛɛba bidigi paibao. Tiali goli, ena digi te ena dage

† 32:32 Tib 69:28; Ped 3:5 †† 33:1 Gag 12:7; 26:3; 28:13

dali me pogobeo, magi baso meni, te dage hagoma ebo we bidi dabe dao. Tiyu, te ena dage dali peyu da, te dage eno te tude dolabuo," wali.

⁴Tama Mosesgo te we bidi augwalibolo te Genuai Bidigo te bomai po mobaso, tama augwaligo homu sege elama, tama augwaligo te wiegi yai au te tigide me mubeo. ⁵Tama Genuai Bidigo po Mosesgo te Israel we bidi augwalibolo omainogo te po wai, "Dage te hagoma ebo we bidi dabe mu dao. Te ena dage dali pobaso da, teda eno dage dolabuo. Te ena dage dali pewardage sogo naga bidagasali goli, te eno dage tigidali dolabuo. Tialima, odiao, te dagego tigide elalubo ring gol te nai dabe tigidali peda sawai madi, tama eno mena tiwai kolesaga dagebolo yabo te eno homugo bugagia konemainogo yaibao." Te po wai. ⁶Tama augwaligo te Sainai bulu du taga pabo sogo, augwaligo te tigide muani te au dobage te me mubeo.

Godigo ugwa be po

⁷Tigidali sogo te Israel dabe augwali pelama, te bidigi pabo madi, tama ugwa ugwa be se eyu yai, tama Mosesgo me ugwa be me deli selama, tama augwaligo te be se ebo pesage te bulu badu te dwasianu digibulu gana te ugwa be se eyu yai. Tama agai te ugwa be nogi te tiwai nogi poai, te God Dali Sisnibo Ugwa Be da wai. Tama dego te Genuai Bidigo homu kolesaga te koneainogo da, teda aga te ugwa beba paibao. ⁸Tama Moses te ugwa beba pabo sogo da, te tigidali we bidi augwa ugwa bede bidiyu, tama augwali hodaluama, tama ugwa ugwa be tude dolaluyu, tama Moses te ugwa be tomoba pabo suai dao. ⁹Tama Moses te ugwa be tomoba pai madigi, tama te po ase-lama, te ugwa be tu paba dolagasai. Tama Genuai Bidi te po tomode bidiyu, tama Moses dali po mianai dao. ¹⁰Tama te Israel we bidi augwali te augwa ugwa be tude dolaluyu, tama te po te ugwa be pade bidibaso da, teda augwali tobolu basi gulama, tama lotu po Godibolo wai dao. ¹¹Tama Genuai Bidigo Moses dali po miani, te bidigo aga abagi dali po mibo tiwai gilama yai. Augwa si te po ola silama, tama Moses aga te bidibo pesageba ma asiyu yai. Tiali goli, Mosesgo se ebo ogwa bidi, te Josua, te Nungo ogwa, aga te tomode me bididuai. Agai te Sisnibo Ugwa Be munu me taga pisawai dao.

Genuai Bidigo daw wali po

¹²Mosesgo e tiwai po Genuai Bidibolo wai, "Nago enabolo te e we bidi augwali te augwa toba odasa pao, te po wai. Tiali goli, nago enabolo te mena bidigo ena tau somainu yabo bidi te ena dali me pao wabo po, te nago me wabeo. Tama nago te po wai, 'Eno nage bugagia koneani, tama nage eno godolo ebo da,' wai. ¹³Tama nago ena godolo eba wida, teda eno homugo nago enabolo te nago homu kolesaga ola menama, tama eno nage bugagia konemainu, tama sesemane sogo eno te nago godolo yabo kolesaga naga yaibao. Tama eno homugo me te naga digi sa muani we bidi

te nago homugo ma konemainogo, te homu eno ebo dao."

¹⁴Tama Genuai Bidigo te po wai, "Ena digi nage dali hodobo peyu, tama nagebolo wiegi yai homu nagame ebo kolesaga mawaibao."

¹⁵Tialima, Mosesgo Genuai Bidibolo te po ma wai, "Te naga digi te da dali pisawani da, teda nago da ede bidali te taga pomainogo te me tigio. ¹⁶Ma, nage da dali pisawani da, te gasa bidi hani augwaligo mena tama te nago ena me, te naga we bidi dabe dali, godolo ebo te koneaibawe? Tiali goli, nage da dali pobaso da, teda te gasa bidi hani augwaligo koneama, te da we bidi te gasa we bidi hani tigidali tiwai meni, da te gasagi yai bage mu da waibao," wali.

¹⁷Tialima, Genuai Bidigo Mosesbolo te po wai, "Eno te nago wali po selama, te se yaibao. Magi baso meni, eno nage godolo eyu, tama eno nage bugagia koneai dao."

¹⁸Tama Mosesgo Genuai Bidibolo e tiwai po wai, "Eno homugo nago genuai ula ebo gesabi enabolo waselao."

¹⁹Tama Genuai Bidigo Mosesbolo po wei ponoyu, te po wai, "Eno nagebolo te eno wiegi yai ula tigidali ola mawaibao. Tama eno nogi nagebolo pusuyu, eno e tiwai po waibao, 'Ena Genuai Bidi dao.' Odao, te eno olo tau siyu mabo wiegi yai kolesaga eyu, tama eno bidi me delide homu dene eyu, tau sobaso da, teda eno te se eyu naga ebo dao. ²⁰Tiali goli, nago ena gesabi me sugobeo, magi baso meni, te bidi me deligo eno gesabi subaso da, teda aga isaibao. ²¹Suao, te genuai masigi me dedeli ena pade elalubao. Tama nage te masigi daiba ugwadu dolugulao. ²²Tama eno gesabigo genuai ula te nage paba asobo side, eno nage te masigi dudulawi me deli tomoba munama, tama nage eno nogogo mesegelama elalubadi, ena ela soaibao. ²³Tama nosali eno dagala sabosi, tama nago ena tudi badu naga sumainogo yaibao. Tiali goli, nago ena gesabi me sulamuo," te po wai.

Mosesgo bomai po si sogo ma sali

(Bom 10:1-5)

34 Nosali Genuai Bidigo po Mosesbolo weyu, te po wai, "Nago te masigi dage si togolama, tama bugagia dodolama, tama nago te sanama toga pali masigi sawali, te tiwai si ma emainao. Tama eno te hasia polobadu togolama aseani tiwai po naga ma aseibaio. ²Tama nago te masigi si dodola munama, tama do kigamu nage te bulu duba holama, tama ena dali da si deliba sisinaibao. ³Te bidi me deli nage dali me asomainogo menio. Eno homugo te gasa bidi te e bulu duba asela bidagasobo, te eno homu hagela ebo. Tigidali aiyade naga bidalumainao. Tama te sipsip bulmakau dabe me te bulu du paba aselama, te nosa dabe munu me tuagaselamu dao."

⁴Tialima, tama Mosesgo te masigi pedai si te polasa togali te tiwai elama, tama agai te masigi sawali si te Sainai bulu duba kigamu digi mu tolasa holali, te Gen-

uai Bidigo agabolo wali po selama, tama tiwai sę yai dao. ⁵ Tama Genuai Bidi te pę tomode bidama, tama dulama, tama Moses dali te bulu duba ugwadu dola-gaselama, tama aga digi, aga Genuai Bidi nogi page po pusagasai. ⁶ Tama aga te Moses pąba pelama ela soali, tama i weyu, te po wai, "Ena Genuai Bidi, ena Genuai Bidi dao. Ena God, tama ena te olo tau siyu mabo wiegi yai kolesaga badi, te homu dene ebo page bidi dao. Tama eno sębę polo me egobeo. Eno tigidali we bidi godolo mu elama, tama eno ena wali po tigi-dali wali pabo dao. ⁷ Te eno we bidi hani hauwa godolo iduyu, tama te eno po dąę wali tiwai gilama, tama eno augwaligo hagoma ebo haniani dwai kolesaga te sela sąbo dao. Tiali goli, te dwai sę ebo bidi dabebolo eno dene ilaibao. Tama eno augwaligo wai dabebolo me, tama augwaligo nosali pedalobo wai te wai dabebolo me, tama te sela, me te me si me si haniba te tiwai dene mabo sę naga augwaliba pedelaibao," wali. [†]

⁸ Tama Godigo po ola silibo si, tama polo Moses te tęba degasa dulama, tama Godibolo lotu po wai dao. ⁹ Tama Mosesgo te po wai, "Genuai Bidi, nago ena godolo mu ebo da wida, teda eno homugo nage da dali pomainogo homu ebao. Te mu tama, te e we bidi augwaligo hagoma eyu, dwai kolesaga ebo dao, tiali goli eno homugo te dago tigidali dwai kolesaga ebo me, tama dago sęę me, te sela sąnama, tama da selama, tama naga we bidi tiwai mu bidimainogo te homu eno ebo dao," Mosesgo te po wai.

Godigo te we bidi augwali dali te po dąę ma wali po
(Sai 23:14-19; Bom 7:1-5; 16:1-17)

¹⁰ Tama Genuai Bidigo Mosesbolo te po wai, "Megi eno bomai po dąę dage Israel dabe dali yainogo ebao. Te nago we bidi augwali gedude te eno genuai bomai sę te eno gasa tigidali we bidi hani dali polobadu me isąwai te sę yaibao. Tama tigidali gasa we bidigo te ena Genuai Bidigo dage eno tau siyu, haniani sę ebo te augwaligo sulama, tama augwali homu hauwa elama, tama noma saibao. ¹¹ Tama megı eno dagebolo te mawainogo ebo bomai po tigidali te dagego odoyu, wali piąo. Ena te dage pabo madi te ena polasa pelama, tama eno te Amor dabe badi, te Kenan dabe me, te Hit dabe me, te Peres dabe me, te Hivi dabe badi, te Jebus, te hani dabe augwali eno sela sągi paibao. ¹² Tama dua bugagia, te dagego megı painogo ebo te bulu tęde bidibo bidi dabe dali te abagi nami bidabo bomai po munu me dąę wagimio. Tiyu, augwaligo ebo kolesagaba dage kekelama, tama dage tulaluama, tama dage tigidali dolabuo. ¹³ Menio. Dagego augwaligo te lotu wabo nai dabe dolao. Te alta dabe, me te pos masigi dabe te pepedelama, tama augwaligo tibo god we Asera piksa te ni dagede elalubo, te togolama sayao." ^{††}

¹⁴ "Ena Genuai Bidi, tama dagego ena deliba naga lotu po wao. Dagego te tibo godiba lotu po me wagimio. Magi baso meni, te tibo god me deligo ena bidibo

hasegelainogo ebaso, te eno aga me gogologobeo. Tede ena sębę mu yaibao. ¹⁵ Dagego te bulu tęde bidi-bo bage augwali dali te abagi nami bidabo bomai po dąę munu me olamuo. Augwaligo te tibo godiba lotu wabo dao. Tama dagego augwali dali te bomai po dąę obaso da, teda augwaligo dagebolo te augwali dali deliba sisinabo po hanaluama, tama dagego te augwaligo tibo godiba ofa ilali te kibu me te nai dabe tu-aibao. ¹⁶ Tama tiyu, dage Israel gesi bidi dabego te gasa hani gesi wegi mani sabuo. Te dagego tama tiali da, teda te we dabego te augwa bidi kekelama, tama te bidi dabe augwaligo ena tagalama, tama te tibo god dabeba lotu waibao. Te eno gedude te kolesaga te penani ela bilibo kolesaga tiwai yaibao."

¹⁷ "Dagego te tibo god dabe te aingo nigilama, tama augwaliba lotu po me wagimio. Te habu mu dao."

¹⁸ "Dagego te Bo Disiawai Nai Bret te tubo sogo te genuai side te homugo me gegeda pigimio. Dagego polua Abipde te Isip taga soali, tama tigidali kibu bede dagego te yis meni yai bret te poluade, te a naga olama nogo me badu si, te tama sogo naga tuyu, te eno dagebolo polobadu wali gilama tama tiao." [‡]

¹⁹ "Te dagego tigidali gomunai ogwa, me te dagego bulmakau sipsip dabe te gomunai wai omai dabe me, te enabolo naga mao. ^{‡‡20} Tiali goli, dagego homugo te duga te bidi duabo donki kibu gomunai wai ma abela homu ebaso da, teda duga sipsip wai me deli selama, te donki hasegelama, tama sipsip wai ofa yao. Tama dagego ma abelesiawani da, teda dagego te donki mage togwao. Tama me te duga gomunai ogwa tigidali te ma abelao."

"Te dagego enaba lotu po wagasabo homu ebaso da, te dagego ofa yabo nai deli digi sela asao, olo asigio." ^{‡‡}

²¹ "Tama tigidali Sarere te dagego sę yabo side te a naga olama nogo kibisa, te tama sogo naga sę yabo sogo te elalubao, tiali goli te 7 wali, te me deli sogo te sę me egio, te habu selai. Te gide tę elabo sogo, ma te nai inayu tau yai nai sisinibo sogo elalubaso da, dagego te olo bidibo side te sę me igimio." ^{‡‡‡}

²² "Dagego homu wiegi yai pemene te genuai side te inawai nai siyu, te wiegi yai homu pemene yali side te dagego homu koneama, te side te wit hasia inawai te sali side dao. Tama me te poluade te ni du inayu tau yai sali side, dage te dwasianu tolu yabe dabe bede genuai sogo bidali side, te dagego homugo ma koneao. ^{‡‡‡23} Tama deli kibu bede sela sogo, dage bidi tigidaligo ena Tigidali Nai Tonalubo God bidibo madi aselama, lotu po wagasao, te duga Israel duga Genuai Bidi dao. ²⁴ Nosali da, eno dagego tęde megı te bidibo we bidi hani augwali sela sąnama, tama dagego tę dąę genuai ilaibao. Tama dagego enabolo lotu wagasobo sogo, te tigidali kibu bede sela sogo naga te lotu po weyu, tama dagego tama tibadi, te boi bidigo dagego tę sainogo homu me egobeo."

[†] 34:7 Sai 20:5-6; Nam 14:18; Bom 5:9-10; 7:9-10 ^{††} 34:13 Bom 16:21

[‡] 34:18 Sai 12:14-20; Prs 23:6-8; Nam 28:16-25 ^{††} 34:19 Sai 13:2 ^{‡‡} 34:20 Sai 13:13 ^{‡‡‡} 34:21 Sai 20:9-10; 23:12; 31:15; 35:2; Prs 23:3; Bom 5:13-14 ^{‡‡‡} 34:22 Prs 23:15-21, 39-43; Nam 28:26-31

²⁵ “Dagego te kibu sipsip, meme, bulmakau dabe te enabolo ofa ilibo sogo, dagego te yis elalubo bret te dali te enabolo ofa me elamuo. Tama dagego te Godigo dage Ela Soali Side te bodolu koneama, tama dagego te ofa eyu elali sipsip mi tigidali te dagego me tula silisabaso da, teda dagego te nai dage dabe te kigamu tuaiba homu elama me mugimio.” †

²⁶ “Te tigidali kibu bede dagego gide te polasa ina yani wiegi yai nai te Genuai Bidi eno beba sela asao.” ††
“Dagego te kibu meme ame pe te seneba peğena- ma, tama te meme digi wai te aḡgo me ulainogo me igimio.”

²⁷ Tama Genuai Bidigo Mosesbolo e tiwai po wai, “Nago te po dabe te buku me delide aseḡao, magi baso meni, te tigidali po nage dali, me te Israel dabe augwali dali, te po daḡ wali page e dao.” ²⁸ Tama Moses te Genuai Bidi dali te bulu dude te bidi sese si, 40 sogo bidai. Tama agai nai deli me, aḡ me, te me tubeo. Mu menio. Tama Genuai Bidigo te bomai po te Mosesgo te sela holali masigi side aseḡai. Te po te Godigo bomo yai nogo si po dabe dao.

Mosesgo gesabi ula mu yai

²⁹ Tama Mosesgo te bulu du tagalama dulali sogo, agai te bomai po elalubo masigi si me te sela dulali. Agai te Genuai Bidi dali po mianigo, tama Mosesgo gesabi ula mu yai. Tiali goli, aga digi te tiwai ula yali, te agai me konebeo. ³⁰ Aron dali te we bidi augwaligo te Moses gesabi ula yai sulama, tama augwali wi elama, tama augwali aga paḡba me pai menio. ³¹ Tiali goli, Mosesgo augwali i obaso, tama Aron dali, te Israel to- bolu bidi dabe dali, augwali aga pageba pelama, tama Mosesgo augwali dali po wai dao. ³² Tama nosali, te gasa Israel bage meba tigidali te aga paḡba pelama, tama Mosesgo augwali tigidalibolo dali te Genuai Bidi- go agabolo te Sainai bulu dude mani bomai po, te augwali tigidaliba te po wai dao. ³³ Mosesgo te po augwalibolo ola silibo si, teda aga te ugwa pedai selama, tama aga gesabi geme duala siyu yai dao. ³⁴ Tiali goli, Moses te lotu ugwa be tomoba te Genuai Bidi dali po miainogo pabo sogo, agai te gesabi dualaluali te ugwa pedai sela saḡnama, tama buluba ma asiyu, te gesabi halusiḡma asai. Aga te bedu buluba asobo si da, teda te we bidi augwalibolo te Genuai Bidigo agabolo wali po tigidali te augwalibolo wai dao. ³⁵ Tama te we bidi augwaligo te Moses gesabi ula ebo suai. Mosesgo augwalibolo te po ola silibo si da, teda aga gesabi ma haluama, tama aga te Genuai Bidi dali po ma migi painogo ebo sogo da, agai te ugwa pedai ma sela saḡ- nama, te Genuai Bidi dali po migi pabo dao. ‡

Te olo bidiyu toma nabo side te bomo yai po dabe po

35 Mosesgo te tigidali Israel we bidi i olama, aso- bode augwalibolo e tiwai po wai, “Genuai Bidigo te po wali, dagego te e bomai po wali piḡo, te po wai

† 34:25 Sai 12:10 †† 34:26 Bom 24:21; 26:2 ‡ 34:35 2 Ko 3:7-16

dao. ² Te Sarere dagego seḡ yabo side te 6 sogo te seḡ yabo side te elalubao. Tiali goli, te 7 wali, te me deli so- go te olo bidiyu, toma naga niḡo, tama te seḡ idali weyu, habu mu selao, magi baso meni, te Genuai Bidi- go side dolo dao. Te side te bidigo, ma te wego, te seḡ ebaso da, teda dagego aga ela muao. ‡³ Te dwasianu seḡ dagego bede te sia udulabo seḡ elalubaso, te me habu selai dao, te olo bidiyu toma nabo side dao.” Te po wai.

Te we bidi dabego nai dabe te ugwa beba Godibolo mani

⁴⁵ Nosali Mosesgo te Israel dabe augwalibolo e tiwai po wai, “Genuai Bidigo te po wai, megi dagego nai me- ba agabolo mao. Te agabolo nai mawainogo ebo we bidi, augwaligo e tiwai nai dabe sela asomainogo yao, te gol, me silva, me bras, ⁶ tama te gasa au wiegi yai name ugwa badi, te sisi yai, me te mama yai sipsip nisi, tama te augwaligo te meme nisigo nigai ugwa ba- di, tama te nai dabe sela asa wai. ⁷ Tama augwaligo te omai sipsip wali te mama pengo pilai, te sela aso- mainao. Tama augwaligo te wiegi yai hasa nogi sikau wali, te tamu aḡde elalubo, te wali me, te ni akas dage dabe, te sela asobadi, ⁸ tama te lam wel me, te wel dali taluabo denami ebo haniani nai me sela asiḡo. Te talu- ali wel da, te Godigo nai dabe sa mubo wel dao. Tama wiegi yai denami ebo pauda, te denami ilabo nai dao, te me sela asomainogo yao. ⁹ Tama augwaligo te wiegi yai masigi meba sela asiyu, te ugwa aulubo nai, tama te het pris bidi hagawiade muabo dwasianu masigi muai ugwa dage, teba muabo masigi dabe, te me sela asomainogo yao,” Mosesgo Genuai Bidigo po tama pusali.

Te ugwa be te nai dabe po

¹⁰ “Dage tomode te nai dabe nigibo koneai bidi dabe augwali bidibo, tama te bage aselama, te Genuai Bidi- go dagebolo niga wali nai dabe tigidali nigao. ¹¹ Tama te ugwa be seḡ badi, tama te haluabo nai dabe me nigiyu, tama te bisigi dabe te obo ni dili me, te obo eyu te pipili pabo ni dabe me, te tigi ni pos bras dali, te pos page daḡ walabo halobage, te nai dabe nigao. ¹² Tama augwaligo te bomai po muabo halobage nigibadi, tama augwaligo te halobage tolabo ni togobadi, tama augwaligo te gol selama, te seḡḡ sela saḡḡo madi te pesage nigiyu, tama augwaligo te bomai po muani halobage haluabo name ugwa nigibadi yao. ¹³ Tama augwaligo te tebol nigiyu, te aga tede muabo nai dabe me nigibadi, tama te tebol tolabo ni dulubadi, tama augwaligo te God gedude te tebolde muabo bret me niga po wai. ¹⁴ Tama augwaligo te lam muabo nai, me te aga nai dabe dali nigao. Tama augwaligo te ula yabo lam dabe me, te wel me nigao.”

¹⁵ “Tama augwaligo te denami ebo nai pauda ulabo alta nigiyu, tama te alta tolabo ni me togwao. Tama augwaligo te Genuai Bidigo nai da olama, te sa muabo

‡† 35:2 Sai 20:8-11; 23:12; 31:15; 34:21; Prs 23:3; Bom 5:12-14

wel me nigiyu, tama wiegi yai denami yabo pauda me nigao. Tama te ugwa be tɔde walabo name ugwa me nigao. ¹⁶ Tama augwaligo te ofa yabo te alta nigibadi, tama alta tomoba mubo pololai moni bras nai, te bras nai dage nigiyu, te alta tolabo ni dage si me, te altade muabo nai dabe tigidali me nigao. Tama te aji pauabo genuai pou me, te aga muabo page me, nigibadi yao. ¹⁷ Tama augwaligo te ugwa be bagulali te obode muabo ugwa nigibadi, tama te obo tigi ni pos dabe nigibadi, te tigi ni pos page daɗ walabo halobage me nigao. Tama augwaligo te obo bagulali madi tɔde muabo name ugwa me nigao. ¹⁸ Tama augwaligo te ugwa be keɗabo te bono dabe nigibadi, te obo keɗabo me te tɔde enebo bobobage nil bras, te haliga bono bomonabo nai dabe badi, tama nigao. ¹⁹ Tama augwaligo te Aron aga ogomani dali augwaligo te Tedali Gasagi Yai Be Habuba augwali te pris se igi pabo sogo muabo ugwa, te gasa wiegi yai mu nigao.”

Te we bidi augwaligo Godiba maiabo nai dabe selasa asali

²⁰ Tialima, tama tigidali Israel we bidigo Moses tagalama, tama palio. ²¹ Tama Mosesgo wali pogo te Israel we bidi hauwa augwali homude enebaso, tama augwaligo te Mosesgo wali po tiwai gilama te se yainogo yali. Tama augwaligo nai dabe te Genuai Bidiba sela pelama, agai ugwa be se emainogo yai. Tama augwaligo te lotu wabo nai dabe tigidali me, tama te ugwa bede se yabo tigidali nai dabe badi, te pris dabego gudabo ugwa nigibo nai dabe tigidali sela pai. ²² Tama tigidali we bidigo homugo, te augwaligo e tobage haniani au dobage dabe sela pali, gudubo ugwade walobo pin me, olode walobo ring me, nogode mubo ring me, magede domobo beli me, tama golgo haniani doado bage sela pai. Tama te we bidi dabe augwaligo te doado bage te Genuai Bidibolo te ofa tiwai elama, mu mawai dao. ²³ Tama meba we bidigo te gasa au wiegi yai ugwa, me te sisi yai, ma te mama yai sipsip nisigo, me te meme nisigo, me te omai sipsip wali te augwaligo mama pengo pilai badi, te tamu ajide elalubo wiegi yai hasa sikau wali badi, te tama doado bage elaluali, te augwaligo te nai dabe sela asai dao. ²⁴ Tama tigidali we bidigo te silva me bras elaluali, te augwaligo sela aselama, tama Genuai Bidi magasai. Tama te ni akas elaluali bidi dabego te ugwa be se yabo ni sela asai.

²⁵ Tama te hobi gudubo koneani tigidali we, augwaligo te sisi yai me mama yai sipsip nisi selama, te hobi gudai. Tama augwaligo te wiegi yai ugwa nigabo te tedela yai hobi nigai. Tama augwaligo te hobi dabe dali, te wiegi yai tedela yai name ugwa me, selasa asai. ²⁶ Tama te meme nisigo te hobi gudubo bugagia koneai we dabe mebage, te hobi augwaligo bugagia gudai dao. ²⁷ Tama te tobolu bidi dabe augwaligo wiegi wiegi yai masigi te ugwaba, me te het pris bidigo hagawiade mubo ugwa, me te aga magede mubo ugwade muabo masigi dabe selasa asai. ²⁸ Tama augwaligo te gasa tigi, me tedali yai pauda, me wel, me sanda

te wel nigilama, te Genuai Bidigo naiba sa muyu nigabo nai, me te lam dabeba muabo nai, me te denami emainogo munama nigabo nai dabe selasa asalio. ²⁹ Tigidali Israel we bidigo Genuai Bidibolo nai maiabo homu yali bage, augwaligo dwagi yai homu eyu, te Genuai Bidigo se te Mosesbolo yao wali, te se yainogo, te nai dabe olo sela asai.

Te Godigo ugwa be se yabo bidi dabe po wali

³⁰ Mosesgo te Israel dabe augwalibolo e tiwai po wai, “Genuai Bidigo te Besalel sa muani, te Urigo ogwa, tama Hur te aga waj, te Juda hani dao. ³¹ Tama Genuai Bidi Godigo digi aga noma bidi te agabolo mani, tama agai homu kolesaga wiegi yai elaluyu, tama tigidali haniani se ebo kolesaga wiegi yai koneai elaluai. ³² Tama agai homude bugagia koneama, tama te gol, me silva, me bras, te nai dabego te se emainogo yai. ³³ Tama agai te wiegi yai au yabo masigi togobo me, te ni dula ma te todogo pabo se me, te gasa au yabo nai meba togobo dabe me, te tigidali agai koneai. ³⁴ Tama Genuai Bidigo wiegi yai kolesaga te Besalel de Oholiap, te bidi sibolo mawai, te Oholiap aga te Ahisamakgo ogwa, te Dango hani dao. Tama augwali sigo te gasa bidi dabego te se dabe emainogo ola mabo te usu yaibao. ³⁵ Genuai Bidigo te bidi si te haniani se yabo homu kolesaga mawai dao, te masigi togobo se, me te gasagi yai au yai piksa noma nigibo se me, te wiegi yai gasa au yai ugwa hobolobo se me, te hobigo au ebo se me, te augwaligo sisi yai me mama yai sipsip nisigo augwaligo nigai. Augwali sigo te tigidali nai me, te piksa noma dabe me augwaligo nigainogo ebo, te augwali sigo te se dabe me ebo te usu yaibao,” Mosesgo te po wai.

36 Te Mosesgo po ma weyu, te po me wai, “Genuai Bidigo wiegi yai homu kolesaga te Besalel de Oholiap, te bidi sibolo dali, te tigidali se ebo koneani bidi dabebolo dali, te se emainogo eyu mani, tama augwaligo te Godigo ugwa be se yabo nai tigidali nigibo te usu yaibao. Tama te bidi dabego naga te tigidali nai dabe te Genuai Bidigo po wali gilama te se yainogo yao.”

Te we bidi augwaligo doado bage hauwa sela asai

² Tama nosali Mosesgo Besalel me, Oholiap badi, i weyu, tama te Genuai Bidigo wiegi yai homu kolesaga mani bidi augwali tigidali i wai. Tama te se ebo godolo homu ebo bidi dabe augwali asali, tama Mosesgo augwalibolo te se gagalama yao, te po wai dao. ³ Tama Mosesgo te bidi dabe augwalibolo te Godigo ugwa be se emainogo te Israel dabego sisinani nai tigidali te augwalibolo mawai. Tama tigidali sogo kigamu te Israel we bidi augwaligo te Godibolo te ofa tiwai maiabo nai dabe selasa pabo se idu geai. ⁴ Tama tibaso, te ugwa be se ebo bidi dabe augwaligo te nai dabe sela asobo sulama, tama augwa ebo se tagalama, ⁵ tama aselama, Mosesbolo e tiwai po wagasali, “Te we bidi augwaligo te doado bage hauwa sela asali. Te tigidali

sę yabo nai dabe te usu yali, te Genuai Bidigo dabolo te sę emainogo wali po gilama. Tama te doado bage meba hauwa te olo munaluaibao," augwaligo te po wai. ⁶ Tialima, te tiwai Mosesgo te tigidali we bidi bidi-bo madi po ola tolai, "Dage we bidigo te Godigo ugwa be sę yabo nai dabe me sela aselamuo." Augwaligo te po odama, tama te nai dabe augwaligo me sela pabeo. ⁷ Te we bidi dabego sela asali tigidali nai dabego te ugwa be sę yabo te usu elama, te dąj ela pelama, tama meba olo munaluai dao.

Augwaligo te Godigo ugwa be sę yani

⁸ Te tigidali sę bidigo te sę ebo mu koneama, tama augwaligo te Godigo ugwa be sę yai. Augwaligo te ugwa be sę yani, te genuai ugwa name nogo sigo sę yai. Augwaligo te gasa wiegi yai ugwa selama, tama augwaligo te mama yai, me sisi yai hobigo te name ugwa au ilai, te hobi te augwaligo sipsip nisigo nigai. Tama te sę mu koneai bidi augwaligo te mobo bidi ensel noma te tigidali ugwade hobobolo pai dao. ⁹ Te ugwa deli deli bobage usu sali, te 12 mita, te aga genuai usu nama te si tama 2 mita, tama tigidali ugwa te deli tigi poai naga dao. ¹⁰ Augwaligo te a naga ugwa dali te bobage iliyu, tama te gasa a naga bobage ugwa te tiwai naga elama hobolai dao. ¹¹ Tama augwaligo te ring meba te husugu ugwago nigilama, tama tego te genuai bobage ugwa siba wadolainogo hobolai. ¹² Te augwaligo 50 ring te hasia ugwa me dedeli sesegede kęnani, tama te tiwai naga augwaligo me si wali te ugwa sesegede kęnai dao. ¹³ Tama augwaligo te 50 huk gol nigilama, tama te genuai ugwa si dali te huk dabego dąj olama, tama deli ugwa poai naga pedelai dao.

¹⁴ Tama augwaligo te ugwa be haluabo genuai ugwa me dedeli nigai. Augwaligo te ugwa 11 nigali, te augwaligo meme nisigo nigai dao. ¹⁵ Te ugwa deli deli bobage usu sali, te 13 mita, tama te genuai dabe usu nama, te si tama 2 mita, te tigidali usu sali te deli tigi poai naga yai. ¹⁶ Augwaligo te nogo a naga ugwa dali hobolali, te bobage ugwa dedeli pedelai. Tama augwaligo te ugwa 11 de te gilama tiwai naga yai dao. ¹⁷ Tama augwaligo te 50 ring ugwa te hasia ugwa sesegede mubadi, te me ugwade te 50 te gasa me ugwa sesegede kęnai. ¹⁸ Tama augwaligo te 50 te huk bras te ugwa si dali kęnabo te nigilai. Tama te ugwa si te genuai deli tiwai naga pedelai. ¹⁹ Nosali augwaligo te ugwa be haluabo gasa nai me te augwaligo mama yai pengo pilai te omai sipsip waligo nigai. Tama nosali me augwaligo te sela wabo te be haluabo nai te tamu ąjde elalubo hasa nogi sikau waligo nigai. Te si haluali madi ugwadu muainogo nigai.

²⁰ Augwaligo te ugwa be daga ni name te ni akasgo nigai dao. ²¹ Te ni name tigidali bobage usu sali, te 4 mita, tama te ni name genuai usu sali usu ni te 66 sentamita dao. ²² Augwaligo te ni name dabe dwasianu bobage gana togolama, te be dili ni te page nai tomode dąj walomainogo yai. Tama augwaligo tigidali ni name te tiwai naga nigali. ²³⁻²⁴ Tama augwaligo te ni name dabe te bidi sese deli te tų sesege badu muabo

nigibadi, tama te silva page halobage te bidi sese si te augwaligo te dodolabo ni name nigilama, tama te halobage si te ni name deli deli dologode te ni name page dąj walama, elalumainogo yai. ²⁵ Tama augwaligo te tų sesege me badu te bidi sese dodolabo ni name nigali, ²⁶ tama augwaligo te bidi sese si silva halobage nigilama, te ni name page dabe dąj walomainogo yai. ²⁷ Tama augwaligo te dodolabo ni name me sela me sela te be tudi badu, te ugwa be te sia ge dega sigi pabo badu nigali. ²⁸ Tama augwaligo te ni nami si te ugwa be tudi badu te dage badu nigali. ²⁹ Augwaligo te be dage si aiyadu ugwaba digigo dąj wawalo holai. Augwaligo te tiwai sę te si dali si dage badu te tiwai yali. ³⁰ Tama te be tudi badu muani ni name te 8 badi, tama te 8 ni name dabe page dąj walabo silva halobage dabe elaluali. Te silva halobage si te tigidali dodolabo ni name deli deli dologode elalua muani.

³¹⁻³² Tama augwaligo te obo tuabo bobage ni meba te ni akasgo nigai. Augwaligo te tų sese me badu te obo tuabo ni nogo a naga nigibadi, te obo me badu sese badu tuabo ni a naga nigiyu, te sia ge dega sigi pabo tudi badu obo tuabo ni a naga nigiyu yai. ³³ Te ni name dabe tomode dąj walama tuabo ni dabe, augwaligo te be dolo usu nama bobage togai dao. ³⁴ Tama augwaligo te be daga ni name dabe te golgo haluama, tama tigidali ni name deli delide te ring gol meba kęnama, te bobage ni dabego te be daga ni dabe kęani dąj walali. Tama augwaligo te ni name dabe me te golgo haluai dao.

³⁵ Tama augwaligo te ugwa be tomode walabo dąj te gasa wiegi yai genuai ugwa me deli nigai. Tama augwaligo te sisi yai, me mama yai sipsip nisigo nigai hobigo te ugwa au ilai. Tama te sę mu koneai bidigo te mobo bidi ensel piksa noma te ugwade hobobolo pai dao. ³⁶ Tama augwaligo te genuai dąj ugwa walabo pos me si me si te ni akasgo nigai. Tama augwaligo te pos dabe te golgo haluama, tama te ugwa walabo gol huk dabe te posba muai. Tama augwaligo te silva page dąj walabo halobage me si me si te pos dabe dodolabo madi nigai. ³⁷ Tama augwaligo gasa wiegi yai genuai ugwa te ugwa be tųde muabo nigai. Tama augwaligo te gasagi yai hobi dabego bugagia au ilama, tama augwaligo te au yabo sisi yai hobi, me te mama yai hobi te sipsip nisigo nigai dao. ³⁸ Tama augwaligo a naga pos nigilama, tama augwalide te huk dabe kęnama, tama te ugwa dabe walabo madi tama tiwai nigilai. Tama augwaligo te gol selama, te pos toboluba halubadi, tama te posba wadolabo ba dabe me tia. Tama augwaligo a naga halobage bras, te pos dabe dodolabo madi te me nigai dao.

Augwaligo te bomai po muabo halobage nigali

37 Te Besalel dali sę ebo bidi dabe augwaligo te bomai po muabo halobage te ni akasgo nigali, te aga bobage usu nama nedali, te 110 sentamita, tama aga genuai yali usu nama, te 66 sentamita, tama aga ugwadu me te usu nama, te tiwai naga te 66 sentamita naga tama nigalio. ² Tama augwaligo te

halobage te wiegi yai golgo te tomo badu me, te bulu badu me haluama, tama augwaligo bobage gol me deligo te halobage sesege badu bagulai. ³Tama te ring gol me si me si te halobage tolabo nigali, tama te ring dabe te saḡa me si me si tede keḡnani, te me si me badu keḡniyu, te me si te me badu keḡniyu yai. ⁴Tama augwaligo te bomai po muani halobage tolabo ni dage si te ni akasgo dulama, tama te ni si te golgo haluai. ⁵Tama te ni dage si te ring dedage siba me badu me, me badu me palama muani, te halobage to-lainogo tiwai.

⁶Tama augwaligo te halobage po paliabo nai te wiegi yai golgo nigai, aga te dwai seḡ yali seḡe sela saḡo pesage dao. Te aga bobage usu nama usu sali, te 110 sentamita, tama aga genuai yali usu sali, te 66 sentamita tama nigai. ⁷Tama augwaligo te gol selama, tama te hamago haluama, tama mobo bidi ensel si nigai. Te mobo bidi ensel si te halobage po paliabo nai nigali si badu dolaluai. ⁸Tama te mobo bidi ensel si te me deli te dolo nogo badu dolaluyu, te me deli te pobase nogo badu dolaluyu yali. Augwaligo te mobo bidi ensel si nigibadi, tama te halobage po paliabo nai te deli nai tigi tiwai naga nigai. ⁹Te mobo bidi ensel augwa siba digi ma tonononaluyu, tama aba te halobageba me tonononaluyu, tama augwali sigo bogo te dinigaḡluyu, tama te halobage po paliabo nai geme dualama elaluai.

Augwaligo te bretgo tebol nigai

¹⁰Tama augwaligo tebol sai te ni akasgo nigali, tama bobage usu nama usu ni sali, te 88 sentamita, tama aga genuai usu sali, te 44 sentamita, tama ugwadu usu sali, te 66 sentamita, te tama tiai. ¹¹Tama te tebol augwaligo te wiegi yai golgo haluama, tama bobage golgo te sesege badu bagulai. ¹²Tama te gol dage me augwaligo te ugwadu dai tigidali sesege badu keḡnani, tama aga genuai usu sali, te 8 sentamita teba sabolali. Tama augwaligo te dwasianu golgo te tebol ugwadu dai sesege tigidali bagulama au yai dao. ¹³Tama augwaligo ring gol me si me si nigilama, tama te tebol dage dabe me si me si te tebol saḡa dabede keḡnai dao. ¹⁴Tama te ni tolaluali ring dabe te tebol tolobo nai augwaligo te sesegede paḡe ugwadu daiba muai. ¹⁵Tama augwaligo te tebol tolabo ni dage si te ni akasgo nigai, te si te golgo haluai. ¹⁶Tama augwaligo te tebolde muabo pou me te doado bage dabe te wiegi yai golgo nigai. Te wain aḡi ofa ilibo pou dabe, tama te plet dabe me, te kap dabe, me botol, te nai dabe tama te ofa yabo nai dao, tama augwaligo te nai dabe te wiegi yai golgo naga nigai.

Augwaligo te lam sole dabe tolaluabo nai nigai

¹⁷Tialima, augwaligo te wiegi yai golgo te lam sole dabe tolaluabo nai nigai. Tama augwaligo te gol hamago haluama, tama te lam dodolabo madi te pesage nigilama, tama lam nogo dabe muabo digi te lam tolalubo nai elaluai. Tama augwaligo te ni duduli dabe te

golgo nigilama, te lam tolaluabo nai au ilai. Augwaligo te deli tigi tiwai nai naga tigidali nigai dao. ¹⁸Te lam tolaluabo naigo nogo ageali, te me sela me sela elaluali, te me sela me badu elaluyu, tama me sela te me badu elaluyu yai. ¹⁹Augwaligo te tigidali nogo age deli deli te ni duduli sela, te ni amon duduli tiwaigo au ilai dao. ²⁰Tama augwaligo te lam tolaluabo nai au ilali, te ni duduli me si me sigo au ilai, tama te ni amon ni duduli tiwai tonobo aḡ yalio. ²¹Tama augwaligo te dwasianu ni duduli yabe dabe te lam ageali si si dologode nidigili pai dao. ²²Augwaligo te wiegi yai gol naga me dedeli selama, tama augwaligo te dabe nigilama, tama deli nai tiwai naga mu pedelai. ²³Tama augwaligo te gol nogo a naga olama me si lam genagi nigilama, tama selama, te lam tolaluabo naiba muainogo nigali, tama te lam genagi deli deliba muabo hobi, me te plet meba badi, te tama nai nigai dao. ²⁴Augwaligo te seḡe te 35 kilo elalubo te wiegi yai golgo te lam tolaluabo nai, me te aga muabo nai dabe tigidali nigai dao.

Augwaligo te denami ebo nai ulabo alta nigali

²⁵Augwaligo te ni akas selama, tama te denami ebo pauda ulabo alta nigai. Te tigidali sesege badu te deli tigi poai yali, te 45 sentamita usu naga tiwai, tama ugwadu usu sali te 90 sentamita daḡ yali. Te altade te tiwai nai te bulmakau gaḡ me si me si augwaligo dulama, tama te deli deli te alta kele ni dagede muai. ²⁶Tama augwaligo te nai me si me si ugwadu bogo badu haluama, tama te gaḡ me si me si me te golgo haluai. Tama augwaligo te bobobage golgo te tigidali sesege bobegelama paliai. ²⁷Tama me badude augwaligo te ni palabo madi te ring si golgo nigali, te alta tolabo madi nigilama, tama gasa badu me tama tiali, tama augwaligo te ring me si me si te alta ugwadu sesegede muai. ²⁸Tama te alta ni palabo ni dage si augwaligo te ni akasgo nigilama, tama te ni si te golgo haluai.

Augwaligo te wel me, denami ebo pauda me nigai

²⁹Tama augwaligo te wel nigilama, te Genuai Bidigo nai dabe da olama sa muabo wel dao, tama te beḡelali, te sanda tiwai dolo mu yai. Tama augwaligo te wiegi yai paudago te wiegi yai denami yabo nai nigali, tama augwaligo bugagia taluai dao. †

Augwaligo te ofa ebo nai dabe ulabo alta nigali

38 Te Besalel dali, te seḡ ebo bidi dabe dali, augwaligo te ni akas selama, te ofa ebo nai dabe ulabo alta sai nigai. Te alta sesegede te tigidali te deli tigi poai naga yali, te 2 mita 20 sentamita te usu tama yali, tama ugwadu usu sali, te 1 mita 30 sentamita, te tiwai usu sai dao. ²Tama augwaligo te bulmakau gaḡ tiwai nai me si me si habu badu te ugwadu, te tiwai nai me si me si dulama, tama te gaḡ dabe te altade mu daḡ wai. Tama te alta tigidali augwaligo te brasgo haluai dao. ³Tama augwaligo te bras selama, te sia munama

† 37:29 Sai 30:22-38

tolabo plet dabe badi, te dwasianu savol dabe me, te pou dabe badi, te age age yai na dabe me, tama te sia nogani keli sabo pou dabe, te tama nai dabe tigidali nigai. ⁴ Tama augwaligo te bras selama, tama te moni sawali bras nigiyu, polola polola pelama, tama te nai nigilama, tama te nai te alta halobage tomode elalumainogo eyu, muani. ⁵ Tama augwaligo te ring bras me si me si nigilama, tama te alta dage me si me si dage badu kēnai. Te ring dabe te ni munama, te alta tolabo digi nigai dao. ⁶ Tama augwaligo te alta tolabo te ni akas si dulama, tama brasgo haluai dao. ⁷ Tama augwaligo te ringba te alta si dali si badu muai. Te alta te augwaligo ni namego nigai halobage tiwai yali, tiali goli aga pagede te ni name meni yai.

Augwaligo te aḡ pauabo genuai pou nigai

⁸ Tialima, te Godigo ugwa be tḡ mabode sē ebo we dabe augwaligo te bras Besalebolo mawai. Te bras te augwa gesabi subo dula dabe tiwai. Tama te sē ebo bidi dabego te bras selama, tama te wē pauabo genuai pou me deli nigibadi, te pou muabo page me deli nigibadi yai dao. †

Te Godigo ugwa be bobegelali obo po

⁹ Augwaligo te Godigo ugwa be bagulabo obo ugwa nigali. Te sesege bogo badu bobobage usu sali, te 44 mita te usu tiwai. ¹⁰ Tama augwaligo te bras selama, te bidi sese pos nigibadi, te pos dabe page dodolabo halobage te bidi sese nigali, tama augwaligo te huk dabe, me te ba dabe te silva dabego nigai. ¹¹ Tama augwaligo te deli tigi poai naga te me sesege badu nigai dao.

¹² Tama te sia ge dulubo badu te name ugwa me deli walai elaluali, te ugwago bobage usu sali, te 22 mita elaluai, tama nogo si pos bras badi, te me nogo si te pos page dodolabo te halobage bras dabe elaluai. Tama te posde kēnabo dabe me, te ba me, te nai dabe augwaligo te silvago nigai. ¹³ Tama te giliga pedalu badu obo me te usu sali, 22 mita yai. Tḡ te obo badu elaluai. ¹⁴ Te obo me deli te sesege badu te tḡ sesegede te ugwa me deli walai elaluali, te ugwa aga bobage usu sali te 6 mita ma 60 sentamita usu sali tiwai yali, tama pos sela elaluali, me sela te pos dodolabo halobage nigai elaluai. ¹⁵ Tama augwaligo te deli tigi poai nai naga te gasa tḡ sesege obo badu nigai dao. ¹⁶ Augwaligo te gasa wiegi yai ugwa tigidali naga te obode walabo nigai. ¹⁷ Augwaligo te bras selama, tama te pos dabe page dodolabo halobage nigali. Tama augwaligo te silva selama, te huk dabe nigali, tama te pos dabe kēabo ba te nigai. Tama augwaligo te pos tobolude te silvago naga haluai. Tama te tigidali obo pos dabe augwaligo te ba silvago naga wadolai dao.

¹⁸ Tama augwaligo te obo tḡde muabo ugwa wiegi yai mu nigai. Tama augwaligo te ugwade au ilibo nai hobolali, te haniani hobigo, tama te husugu sipsipgo,

† 38:8 Sai 30:18

me te mama yai sipsip nisigo nigai hobigo hobolai. Te ugwago bobage usu sali, te 9 mita tama yali. Tama te ugwa ugwadu dai badu usu sali, te 2 mita 20 sentamita yali, te obo bagulali ugwa te tiwai nigai. ¹⁹ Tama augwaligo te bras halobage me si me side dolalubo te pos me si me side te ugwa walai. Tama te huk dabe me, te pos tobolu halualai nai me, te posba wadolali ba dabe me, te augwaligo silvago naga nigai. ²⁰ Tama augwaligo te bras selama, tama te tḡba enebo bobage nil dabe nigai, te bomonama kekelama tama te ugwa be dolaluabo bono daḡ waliyu, tama te ugwa be bobegelali obo daḡ waliyu yainogo tiwai dao.

Augwaligo Godigo ugwa bede sē yabo haniani kapa sali

²¹ Tama augwaligo te tigidali nai nigali gol, me silva, me bras nedali, augwaligo te tobage wiegi yai kapago nigali nai te Genuai Bidigo ugwa bede muani nai dao. Te ugwa be da, te Godigo nogo si bomai po elalubo masigi pedai si elalubo be dao. Tama Mosesgo digi te Livai dabe augwalibolo te nai nedao po olama, tama augwaligo nedelama, tama nisu naga gol elaluali te augwaligo asēani. Itama, te pris Arongo ogwago te Livai dabego te sē ebo tonaluai dao. ²² Tama Besalel, te Urigo ogwa, tama Uri te Hurgo ogwa, te Juda hani dao. Tialima, Besalelgo te Genuai Bidigo Mosesbolo wali po gilama te tigidali nai nigibo sē yalio. ²³ Tama Oholiap te Ahisamakgo ogwa, te Dango hani bidi dao. Te Oholiapgo te wiegi yai masigide asēbo po togobo sē konebadi, tama agai te haniani gasa nai dabe nigibo sē me koneai. Tama agai te haniani gasa hobi dabego te au ilibo sē me koneyu, te sisi yai hobi, me te mama yai hobi, te tobage sipsip nisigo nigai hobigo te au dabe ilibo sē koneai dao. Agai te Besalel dologode bidiyu, aga tau sali. ²⁴ Augwaligo te we bidigo te Godigo ugwa be sē emainogo sela asali nai dabe te tigidali gol nedai, tama te nai dabego aga sēḡ da te e tiwai, te 1,000 kilo usu dao.

²⁵⁻²⁶ Tama augwaligo te silva nedali, tama te naigo sēḡ te tiwai, te bidi sese hauwa, te 3,430 kilo sēḡ yai. Te silva te bukude augwa nogi asēna elaluali bidi dabego sela asai. Te bidi dabego kibu be te bidi sese delidu ugwaba holali bage, augwali deli deligo te silva monego te mone ge a naga muani. Te bidi dabe te bidi sese hauwa mu, te 603,550, te tama bidi te mone muna muna pai dao. ††²⁷ Tama augwaligo te silvade sēḡ 3,400 kilo yali, te Godigo ugwa be dili te daḡ walabo nai nigali, tama te pos dabe page dodolabo halobage me, te Tedali Gasagi Yai Be Habu me, te Tedali Gasagi Yai Mu Be Habu me, te madi si te dualabo madi nai nigai. Te bidi sese a naga te 100 halobage elaluai. Te silva dage halobage deli deligo sēḡ te 34 kilogram elaluai dao. ²⁸ Tama me badu te munaluali silvago sēḡ te 30 kilo usu tama elaluai. Tama te munaluali silvago augwaligo te huk nigilama, tama te pos dabede wadolama, tama te pos dabe ugwadu haluainogo tiwai sē yai dao.

†† 38:25-26 Sai 30:11-16; Mat 17:24

²⁹ Te augwaligo Genuai Bidiba mani tigidali brasgo seḡe te bidi sese hauwa mu, 2,425 kilogram igi pai dao. ³⁰ Tama augwaligo te bras selama, tama te pos dabe dodolabo halobage nigali, tama te Godigo ugwa be tude muainogo yali nai me, tama alta dali te alta to-moba muani pololai sawali bras, te nai dali elaluali, tama te altade se yabo nai dabe tigidali nigai dao. ³¹ Tama augwaligo te ugwa be bobegelabo te pos bu-labo halobage dabe, me te obo bagulali madi tu niga-bo nai dabe nigai. Tama augwaligo te t̄ba enabo bobage nil dabe, te ugwa be bomonama kekalumaino-go daḡ walobo nai nigiyu, tama te ugwa be bobege-labo nai me nigai dao.

Augwaligo te pris dabego gudabo ugwa dabe nigai

39 Augwaligo te sisi yai sipsip nisi, me mama yai sipsip nisigo nigali hobi te augwaligo selama, tama te gasa wiegi yai ugwa te pris dabe augwaligo gudabo ugwa au ilama, te pris dabe augwaligo te Tedali Gasagi Yai Be Habu, te be habuba pelama, te pris se ebo sogo te ugwa muani. Tama augwaligo te Genuai Bidigo Mosesbolo wali po gilama te Arongo pris se eyu muabo ugwa nigai dao. ² Augwaligo te wiegi yai ugwago te tobolu bidi pris gudabo wiegi yai ugwa nigilama, tama augwaligo te gol hobigo au ilama, tama te sisi sipsip nisigo, me mama sipsip nisigo nigai. ³ Augwaligo te gol hamago haluama, tama te pepa yabe tiwai pedelai. Tama te gol te hwaḡ gego bugagia pedama, tama hobi tiwai te golgo nigali. Tama augwaligo te ugwa hobolo dwasianu gol hobi tiwai dali, te gasa haniani hobi dabe dali gelali, tama sisi hobigo me mama hobigo badi, tama togolama hobolai, te tobage se mu koneai bidigo ebo se tiwai naga tama yai. ⁴ Tama augwaligo te nagede abebolabo kukulu si te ugwago nigilama, tama ugwago digi ma hobolai. ⁵ Tama augwaligo wiegi yai ugwa pedai selama, tama te sesegedu bagulabo kukulu, te haliga tiwai kukulu te ugwago nigai. Tama augwaligo te gasa haniani hobi dabe selama, tama tede au ilali, te Genuai Bidigo Mosesbolo wali po gilama te tiwai se yai dao. ⁶ Tama augwaligo te masigi konilian si te sisi ela munama, tama Jekopgo ogwa 12 te augwali nogi te masigi side aseḡama togwali. Tama te masigi si augwaligo te dwasianu golde keḡnani. ⁷ Tama augwaligo te masigi name si te nagede muani te ugwago nigali kukulude keḡnani, te Genuai Bidigo Mosesbolo wali po gilama tama tiai. Tama te masigi sigo te Israel hani 12 te hani sa muai dao, te Genuai Bidigo augwalide sesemane sogo homugo kone palomainogo eyu yali.

Augwaligo te hagawiade muabo dwasianu ugwa nigai

⁸ Tama augwaligo te hagawiade muabo ugwa te tobolu bidi prisgo gasa ugwa te tiwaigo naga nigai, te tobage se ebo koneai bidigo ebo tiwai naga nigai. Augwaligo te ugwa te golgo nigai hobigo me, te gasa haniani hobigo me, tama au ilama, nigalio. ⁹ Tama augwaligo te ugwa bobage yali me, te genuai me, te

bugagia tomode sugunama, te usususi yali te nedali, 22 sentamita teba sabolai. ¹⁰ Tama augwaligo te gasa wiegi yai masigi hani me si me si keḡnani. Te hasia polali hani augwaligo te masigi hani rubi, me topas, me ganet, te tama masigi bolo podolama keḡnai. ¹¹ Tama te hani side augwaligo te masigi emeral, me sapaia, me daimon, te tama masigi dabe keḡnai. ¹² Tama te hani me sela te masigi tekois, me aget, me ametis, te tama hani masigi augwaligo keḡnani. ¹³ Tama te hani me si me side te augwaligo te masigi hani beril, me konilian, me jasper, te tama masigi augwaligo keḡnani. Augwaligo te deli deli masigide te dwasianu gol au ilabo daḡ walobo nai muani, tama nosali augwaligo te masigi dabe te ugwa daide, keḡnai dao. ¹⁴ Te tigidali masigi no-go si olama saḡa me badu si, te masigi deli delide augwaligo te Jekopgo ogwa nogi deli deli aseḡe pali, te tigidali Israel hani sa muyu, tiai dao.

¹⁵ Tama augwaligo te wiegi yai golgo te sen si nigali, te hagawiade muabo ugwa daḡ olama, totalumainogo tama tiwai dao. ¹⁶ Tama augwaligo te au ilibo gol si nigibadi, te ring gol si me nigai. Tama te ring si te hagawiade muabo ugwa dage si badu te nai muai.

¹⁷ Tama augwaligo te sen gol deli deligo sabi te ring sigo keḡnai dao. ¹⁸ Tama augwaligo sen gol deli deligo gasa sabi te au yai gol sigo keḡni, tama augwaligo te au yali nai te ugwa tolalubo kukulude keḡnai dao.

¹⁹ Tama augwaligo te ring me si ma nigilama, tama te sabi si dabe aiyadu te hagawiade daḡ wali, te genuai ugwa paḡde te keḡnai dao. ²⁰ Tama augwaligo te ring me si ma nigali, tama te kukulugo te ugwa keḡalubo madi keḡniyu, te gasa wiegi yai kukulugo te tabi bagulali paḡde keḡai. ²¹ Tama augwaligo sisi yai string bono sobadi, tama te ring si te hagawiade elalubo ugwa te ring si sobadi elama, te genuai ugwaba keḡai. Tama te hagawiade muani ugwa te kukulude daḡ olama, tama me tulaluidali weyu daḡ wai. Augwaligo te Genuai Bidigo Mosesbolo po walali gilama wali peyu, te tiwai se yalio.

Augwaligo te pris dabego gasa ugwa dabe nigali

²² Tama augwaligo husugu hobi selama, tama te bobage gudubo ugwa te holobo ugwa dali daganama hobolalio. ²³ Tama augwaligo te tobolu muabo madi sesege badu te dedage daḡ olama hobolali, te ugwa dedage peda pelama, genuai me idali weyu. ²⁴⁻²⁶ Tama augwaligo gasa haniani hobi dabe selama, tama nai meba te ni pomigranet du tiwai hobolai. Tama augwaligo dwasianu belo te wiegi yai golgo nigai. Tama augwaligo te ni pomigranet du me, te belo me, te tobolu bidi prisgo gudabo ugwa aiyadu sabide walama hobolai. Augwaligo te deli deli gol belo te ni pomigranet du dabe tomo tomode te walalumainogo hobolama walai. Augwaligo te tiwai se te Genuai Bidigo Mosesbolo po wali gilama tama tiai dao.

²⁷⁻²⁹ Augwaligo te Arongo holobo ugwa me, te agai ogomanigo holobo ugwa me nigibadi, tama te tobolude bagulabo ugwa pedai dabe me, tama te pewadage belibo trausis dabe me, tama te mo tiwai kukulu dabe me, te tama nai nigai. Te augwaligo wiegi

yai name ugwa selama, tama te nai dabe nigai. Tama augwaligo gasa haniani hobi selama, tama te mọ tiwai nigali kukulude hobolama, wiegi yai au ilali, te Genuai Bidigo Mosesbolo po wali gilama wali peyu, te tiwai sę yai. ³⁰ Tama augwaligo te medal te wiegi yai golgo nigali, tego te het pris bidi te Genuai Bidigo bidi da olama sa muani. Augwaligo po me deli agade aseyu te tiwai po wai, "Te Genuai Bidigo Tedali Gasagi Yai Nai da." Te po wai. ³¹ Tama augwaligo husugu yai hobi bono selama, tama augwaligo te tobolude muani ugwade te medal kęnani, te Genuai Bidigo Mosesbolo wali po tiwai gilama tama tiwai sę yai dao.

Tigidali sę silali po

³² Tama te ugwa be sę yali tigidali silai. Tama te Israel dabe augwaligo te Genuai Bidigo te Mosesbolo po wali gilama te tigidali nai nigalio. ³³ Tama augwaligo te nai dabe te Moses bidiboba sela pai. Augwaligo te ugwa be dali, te aga doado bage dabe badi, tama sela pali, tama te huk dabe me, te be daga ni name dabe me, tama te ni name tuabo ni dabe me, te pos dabe me, tama te ni name dodolabo halobage dabe, te tama nai dabe sela pali, ³⁴ tama te ugwa be haluabo genuai nai augwaligo te omai sipsip waligo nigali, tama te haluabo nai me augwaligo te tamu ajide elalubo hasa sikau waligo nigali, tama te Tedali Gasagi Yai Mu Be Habu te geme dualabo genuai ugwa walobo nigibadi yalio. ³⁵ Tama augwaligo te daų walali bomai po muani halobage me, te aga sęęę sela sębo madi te po paliabo nai dali elalubo me sela asai. Tama te halobage tolobo ni si me sela asobadi yali, ³⁶ tama te tebol me, te tebolde mubo doado bage dali, tama te God gedude te tebolde mubo te bret me, te augwaligo sela pai dao.

³⁷ Tama augwaligo te wiegi yai golgo nigai te lam dabe tolalubo nai me, te aga doado bage dali me, te lamde muabo wel dabe dali, sela peyu, ³⁸ te alta gol me sela pai. Tama augwaligo te Godigo nai sa muainogo te wel sela pali, tama denami ilibo pauda me, tama te ugwa be tųde mubo ugwa me sela palio. ³⁹ Tama augwaligo te brasgo nigai alta me, te pololai sawali bras te alta halobage tomoba muabo nai, te dali sela pai, tama te alta tolobo ni dabe me, tama te tigidali altade nai dabe badi, tama te wę paubo pou me, te aga page dali, sela pali. ⁴⁰ Tama augwaligo te ugwa be bobegelabo obo ugwa dabe badi, te pos dabe dali, tama te pos dodolabo halobage me, te obo tųde muabo ugwa me, te obo daų walabo bono dabe dali, te tųba enabo bobobage nil dabe, te bono bomonobo nai dabe badi, tama nai dabe sela pai. Augwaligo te ugwa be tomode sę yabo nai dabe tigidali sela pai.

⁴¹ Tama te pris dabego te Tedali Gasagi Yai Be Habu tomoba pelama, te pris sę eyu, te gudabo wiegi wiegi yai ugwa dabe, te me augwaligo sela pai. Te ugwa dabe te Godigo te pris Aron aga ogomani dabe dali augwaligo naga te ugwa gudama, te pris sę emainogo sa munama, te tedali gasagi yai ugwa dabe elalumainao wali.

⁴² Te Israel dabe augwaligo te tigidali sę yali, te Genuai Bidigo Mosesbolo wali pode naga te tiwai gilama sę yai dao. ⁴³ Tialima, Mosesgo augwaligo te nigali nai tigidali bugagia tonono bilama, osola sulama, tama agai koneani, te Genuai Bidigo agabolo po weyu, te nigao wali nai te tigidali te tiwai naga nigai. Agai sulama, tama agai augwalibolo te po wai, "Genuai Bidigo wiegi yai sę bugagia mu dagego te sę yalio. Tama tibaso, eno homugo agai dage dali dwagi yai sę emainao," Mosesgo te po wai.

Augwaligo te ugwa be sęnama, te Godigo be da olama, sa muani

40 Tama Genuai Bidigo Mosesbolo te po wai, ² "Odao, te hasia nanobo polua, te dei deli wabode, te dagego eno ugwa be sę yao. ³ Tama dagego te bombo yai po nogo si elalubo te halobage selama, tama te ugwa be tomoba munama, tama te halobage dualiyu, te genuai name ugwa walao. ⁴ Tama te tebol tomoba sela pelama, tama te nai dabe ugwadu daiba manao. Tama te lam dabe tolalubo nai sela aselama, tama te lam dabe te aga nogoba muao. ⁵ Tama te denami ebo pauda ulubo alta gol te bombo yai po haluali ugwa te sesege e bulu badu pade muao. Tama te ugwa be tųde ugwa walao. ⁶ Tama te ofa dabe yabo genuai alta te ugwa obo tų pade muao, te mesalode. ⁷ Tama te wę pauabo genuai pou te mesalode muao, te ugwa be de te alta si tomode, te aj paganama, muao. ⁸ Tama te ugwa be bagulubo obo te dodolobadi, tama te genuai ugwa te obo tųde walobadi yao."

⁹ "Tialima, nosali te wel selama, te eno nai dabe sa muyu, tama te ugwa beba geliyu, te tomode munalubo nai dabe tigidaliba gelao. Te tiwai naga te dagego eno nai naga tigidali da sa muyu, tama tedali gasagi yai mu elalumainao. ¹⁰ Tama te bras altaba te wel geliyu, tama te sę yabo nai tigidaliba tiyu, tama te alta me te Genuai Bidigo nai naga dao homu eyu, tedali gasagi yai nai elalumainao. ¹¹ Tama te tiwai naga te wę paubo genuai pouba me tiyu, tama aga te pageba me, tama te me te eno nai dao."

¹² "Nosali nago te Aron aga ogomani augwali dali te ugwa be tųba sela pelama, tama augwali tede wę paumainao. ¹³ Tama te tobolu bidi pris ugwa te Aron tigiba muyu, te wel agaba sa muyu gelibadi, tama agai te eno te pris sę tiwai emainogo tiwai yao. ¹⁴ Tama nosali nago aga ogomani augwali me te paba sela aselama, tama te pris au dobage augwali tigiba muao. ¹⁵ Tama augwali te welgo mumuyu, te nago augwa aya sa muani gilama tiao, tama augwa enade te pris sę emainogo yao. Nago augwali te tiwai te welgo sa muao, tama nosali augwa digi, me te augwa hani dali, augwa te pris sę sesemane bidada pabo sogo te sę ela pomainao." Genuai Bidigo te po wai dao. ¹⁶ Tialima, Mosesgo te po odama, tama Genuai Bidigo agabolo te po wali te tigidali sę yai dao.

¹⁷ Tama te hasia polua deli, te dei deli wabode, te kibu be side te augwaligo te Isip bulu taga soali, te bodolu nosali pedalobo sogo, augwaligo te Godigo

ugwa be sę eyu yai dao. ¹⁸ Te augwaligo te ni name dabe bulabo te halobage dabe selama, te tōba munama, tama te be daga ni name dabe te halobage tomoba bulai, tama te ni name te ni name tuabo bobobage ni dabe munama, tama te genuai ugwa walabo te pos dabe bulai. ¹⁹ Tama augwaligo te genuai ugwa te ugwa be pedu dili ugwadu munama, tama te halubo nai sela selago te ugwa be haluali, te Genuai Bidigo te Mosesbolo wali po gilama te tiwai sę yalio.

²⁰ Tama augwaligo te Godigo bomai po așai masigi pedai si selama, tama te masigi si te daų wali bomai po muabo halobage tomoba muai. Tama augwaligo te ni dage si te halobage tolabo madi nigilali dedage me si me siba muani, tama te halobage po paliabo nai, te da te sęęę sela sębo madi, te halobage daiba ugwadu muai dao. ²¹ Tama te halobage te ugwa be tomoba munama, tama te halobage aga digi be habu elalumainogo eyu, augwaligo te moni wiegi yai daų ilibo name ugwa walama, te halobage te Tedali Gasagi Yai Mu Be Habu tama elalui. Augwaligo te tiwai sę yali, te Genuai Bidigo Mosesbolo po wali gilama tama tiai dao.

²² Tama augwaligo te tebol te daų ilibo ugwa e badu muyu, te Tedali Gasagi Yai Be Habu me badu tomoba muanio. ²³ Tama augwaligo te bret selama, te Genuai Bidigo gedude te tebolba muai, te Genuai Bidigo Mosesbolo po wali gilama te tiwai sę yai.

²⁴ Tama te lam dabe tolalubo wiegi yai nai te me badu te tebol dolo si muanio, te Tedali Gasagi Yai Be Habu tomode. ²⁵ Tama augwaligo te lam dabe te lam dabe tolalubo nai te nogo age yaliba muani, tama te lam dabe te Genuai Bidi gedude udulali. Augwaligo te tiwai sę yali, te Genuai Bidigo Mosesbolo po wali gilama te tiwai sę yai.

²⁶ Tama augwaligo te alta gol te Tedali Gasagi Yai Be Habu tomoba muyu, te daų ilibo wiegi yai name ugwa e badu muyu, tama muani. ²⁷ Tama te altade augwaligo te denami ebo nai pauda ulali, te Genuai Bidigo po Mosesbolo wali gilama tama tiai. ²⁸ Tama augwaligo te ugwa be tųde te genuai name ugwa walai dao.

²⁹ Tama nosali augwaligo te ofa ebo moni alta te ugwa be tų pade muani. Tama te altade augwaligo te sia-godo domainu tigidali ulubo kibu bulmakau me, te wit me, augwaligo ofa yali, te Genuai Bidigo Moses dali po wali gilama tama tiai dao.

³⁰ Tama augwaligo te wę pauabo genuai pou te alta de te ugwa be si tomode te aų paęanama muai dao. ³¹ Tialima, nosali Moses me, Aron me, te Aron aga ogo-mani me, augwali nogo sęę te aųde telawai dao. ³² Te augwali te Godigo ugwa be tomoba me te altaba painogo, augwaligo hasia bolo nogo sęę aųgo tedelama, pai. Augwaligo te Genuai Bidigo Mosesbolo po wali gilama tiai.

³³ Tama augwaligo te ugwa be dali, te alta me, bagulabo obo dodolama, tama augwaligo te obo tųde me te ugwa walali. Tama Moses dali, te bidi dabe me, augwaligo te tigidali sę yali, tama te ugwa be sę yani te sę tigidali silai.

Te pę Godigo ugwa be ugwadu elalui

³⁴ Tama te ugwa be sę silibo si, teda Genuai Bidigo pęgo te ugwa be mesega sagaselama, tama aga genuai bomoi yai ulago te be paęana sai dao. ³⁵ Tama tiyu, Moses te ugwa be tomoba pabo te usu me ebe, magi baso meni, te Genuai Bidigo pę me, te ula me, te ugwa bede elaluyu, tama te be paęana sai dao.

³⁶ Tama nosali te pęgo te Godigo ugwa be taga pabo sogo da, teda te Israel dabe augwa tigidali doado bage selama, tama te pę pabo wali pai dao. ³⁷ Tiali goli, te pę me te ugwa be ugwadu me bidibaso da, teda augwaligo te bulu me taga pabeo. Augwaligo suali, te pęgo te ugwa be taga pabosi, teda augwali me hogodolama, tama te pę wali peyu yai dao. ³⁸ Te Genuai Bidi bidibo pę te ugwa be ugwadu tigidali sogo bidai. Te siade augwaligo te pę suali, tama hulide te pęde sia elalubo suai. Te ela asali sę tiwai tama me ela pidubadi, te Genuai Bidigo augwali mawainogo yali te tų pedaiba augwali sabolama bidigi pai dao.

† 40:34 1 Kin 8:10-11; Ais 6:4; Ese 43:4-5; Ped 15:8

Pris Sę Ebo Bomai Po

Polasa wabo tau sabo po

Te bukude te Livai dabe sę ebo po wali, te hani bidigo digi te pris sę emainogo daj ilama, te Israel hani dabe lotu wabo tonaluminumo yalio. Te bukude te haniani bomai po elalubao, te pris hani dabego te Israel dabe lotu wabo pedai badu bidibo page bugagia tonalubo kolesaga yabo po wali. Tialima, te po hauwa me elalubao, te we bidi dabe bidibo page dodoliyu, te augwali lotu wabo tau siyu, te genuai side lotu wabo bodolu muani bugagia wali pomainogo yai dao.

Te bomai po page dabe e tama dao. God te tedali gasa wiegi yai mu dao. Agai te wiegi yai doloba pai kolesaga naga yaibao, tama tibaso agai te Israel hani dodolobo sę eyu, te augwa bidibo page bugagia tonaluyu, te aga pade bidimainogo yai. Te bukude te polasa mu wabo po te dao. Godigo digi te wiegi yai doloba pai kolesaga elalubaso, te da aga dali deliba sisinama, te agai homu godolo yabo kolesaga yagameo.

Te Israel hani gesi ogwa bidi dabego te Godigo po nedama koneainogo ebo sogo, te pris sę ebo buku te Daj 16 tede gagalama, te Daj 27 teba nedali. Te daj saptade te we bidi dabe te doloba pai kolesaga dabe naga wali pomainogo dodolobo po hauwa elalubao. Nosali Jisasgo me te po me deli pedai badu ma pusali. Te bomo yai po elalubo Daj 19:18, tede elalubao, "Nago te abagi dabe godolo mu yao, te naga digi naga godolo ebo tiwai yao." Te po te we bidi dabe hauwa augwaligo koneai dao.

Te ofa ebo bomo yai po dabe

(Daj 1-7)

1 Genuai Bidi aga Ugwa Be tomode bididu, te Moses asao olama i walima, te agabolo te po wai, ²"Te Israel we bidiba e tiwai po wao," wali, "'Te dage bidi me deligo te Genuai Bidiba ofa me deli selasa asainogo ebaso da, teda agai te kibu bulmakau me deli, ma kibu sipsip me deli, ma meme kibu me deli, te sela asobo usu dao,' tama po wao," wali.

Te isiba tigidali ulama dabo ofa dabe yabo po

³Tama Genuai Bidigo Mosesbolo ma walama, te Israel dabebolo e tiwai po walao po wali, "'Te bidi me deligo te isiba tigidali ulama dabo ofa ebo bulmakau sesebaso da, teda agai te bulmakau omai wiegi yai mu sao, te aga tigde keni keni pobolo meni yai sesao. Te bidigo homugo te Genuai Bidigo agaba bugai haliga emaina homu eyu da, teda agai te tiwai ofa tama yao. Agai te Godigo Ugwa Be sunumi badu te bulmakau selasa aselama, ⁴tama te bulmakau toboluba nogo muao, teda te bulmakau te bidi hasegelama tama te bidigo seęę dabe sela sayu, Godigo te ofade bugai haliga yaibao. ⁵Tama te Genuai Bidigo gedude, te bidigo te bulmakau elao, tama te pris dabe, te Arongo hani dabego, te bulmakau kaneme Genuai Bidiba ofa

yao. Augwali te Ugwa Be sunumi pabadu elalubo alta badu pelama, te kaneme te alta sabi dage me si me si te badu sayao,'" wali. ⁶"Tama nosali te bidigo te bulmakau tigi wali dagalama, te aga mi dabe tologao. ⁷⁻⁹Te kau aga haliga me saęa aj bugagia tela yao. Te pris dabego te altaba isi dabe munama, te isi udulao. Te augwaligo te kau tobolu me, ili me tigidali mi dage te isiba muao, te isigo tigidali dela silimainogo ilama, te keli hogomu naga elalueibao. Tama Genuai Bidigo te ofa denami ebo odama, te aga godolo homu elama bugai haliga yaibao."

¹⁰"Bidi me deligo te ofa yabo sipsip ma meme sesebaso, agai te omai sipsip ma omai meme wiegi yai mu sesemainao, te keni kenigo aga tigi dolisawai sela pao. ¹¹Tama te Genuai Bidigo gedude agai te sipsip ma meme te not badu altade elao. Tama te pris dabego te sipsip ma meme kaneme selama, te alta dage me si me si pedai badu sayao,'" po wai dao. ¹²⁻¹³"Tialima te bidigo te kibu mi togolama, te kibu haliga me saęa bugagia aj tedelama, te pris me deligo te tobolu me ili me te kibu pedai tigidali te alta siaba muao. Te prisgo Genuai Bidiba te ofa menama, te isigo tigidali dela silimainogo elama, te keli hogomu naga elalumainogo yao. Tama Genuai Bidigo te ofa ulubo denami ebo odama, te agai homu godolo elama, teba bugai haliga eyu yaibao."

¹⁴"Te bidi me deligo te Genuai Bidiba ofa yabo ba me deli sesainogo eyu da, teda te tobage ba me deli sela asao, te ba nogi balus, ma ba hi te tobage ba prisba sela asao,'" wai dao. ¹⁵"Tama prisgo te ba hi altaba

sela pelama, te aga ba dogoni pobegelama isaibao. Te agai te ba hi tobolu togolama, te tobolu te alta saiba ulao. Te ba hi kaneme te alta bogo badu gegeli pao. ¹⁶ Agai te ba hi nisi poabadi, te ba dogoni nai mubo tibu me te selama, te giliga pedalu badu alta te keli mubo badu muao. ¹⁷ Nosali prisgo te ba hi bogode tola selama, te aga tigi togwao, tialima te bogo mu togwa saġio. Agai te isigo tigidali domainogo yao, te keli naga elalumainogo ilao. Agai te tiwai ebaso da, teda Genuai Bidigo te ba ofa yali denami ebo odama, te aga homu godolo elama, te bugai haliga eyu yaibao," wali.

Te wit ulubo ofa dabe yabo po

2 Tama Godigo Mosesbolo walama, te Israel dabebolo e tiwai po walao po wali, "Te bidi me deligo te Genuai Bidiba te wit ofa yabo homu ebaso da, teda agai te wit wale bo sela sanama, te aga nai ge naga selama, te wiegi yai plaua mu nigilama, te plaua sela asao. Tama agai te ni oliv wel te plauaba gelama, tama te wiegi yai denami ebo pauda me te plaua ug-wadu daiba munama, ² te Arongo hani dabe, te pris dabeba sela pao. Te pris me deligo nogo te plauaba munama, te plaua dali wel dali si te dwasianu pedai siyu, tama te denami pedalubo pauda tigidali me selama, te altaba ulao. Te dwasianu plauago tigidali plaua te bidigo Genuai Bidiba daġ ilibo ofa mu ebo ofa tiwai dao. Te wit ulubo ofa denami Genuai Bidigo odama, te agai godolo homu elama, bugai haliga yaibao. ³ Te me badu elaluali plaua te pris dabego dao. Te plaua te pris dabego witde sali te bidi dabego Genuai Bidiba ofa yali nai, tama te pris sę isaġwai bidigo sabo te habu mu yai dao," wali.

⁴ "Dagego te nai ulubo be nogi aven tede te bret ulama, te Genuai Bidiba ofa yabo bret dage saiba wida, teda te bret dagego te yis dali nigilamuo. Dagego te plaua selama, te oliv ni wel dali taluama nigao, te dagego bret nigilama ofa yao. Te dagego bret nigibo hagela homu ebaso da, teda dagego te bisket naga nigilama, te ni oliv welgo piligilao. ⁵ Dagego te ofa yabo plaua praipende praim eyu da, dagego te yis meni yai wiegi yai plaua mu siyaġo. Te dagego te ni oliv wel te plaua dali talu bolo elama, te praim yao. ⁶ Te dagego te plaua dwasianu dwasianu miminama teba wel gelama, te Genuai Bidiba ofa yao," te po wai. ⁷ "Te dagego ofa yabo bret nigilama, te genuai sospen senede dagego ulainogo da, teda dagego wiegi yai plaua mu te yis meni yai selama, te ni oliv wel dali belegelama ulao," wali. ⁸ "Ulama, silama da, teda dagego te bret ma plaua te ofa tiwai Genuai Bidiba selama pelama, te pris me deliba mao. Tama prisgo te altaba sela paibao," wai. ⁹ "Nosali prisgo te dwasianu pedai bret ma plaua te dagego Genuai Bidiba ofa yali nai tigidali daġ ebo ofa mao, agai te alta siaba ulaibao. Tialima Genuai Bidigo te ofa denami ebo odama, te agai godolo eyu, bugai haliga mu yaibao," wai dao. ¹⁰ "Te bret ma plaua me, badu elaluali da, te pris dabe augwa nai dao. Te bret ma plaua te pris dabe augwa

tueinu saibao, te Genuai Bidiba ofa yali nai. Tialima, te pris sę isaġwai olo bidi dabede te habu mu selai dao."

¹¹ "Dagego ofa ebo bret ma plauaba te yis munama, te Genuai Bidiba me selama pigio, magi baso meni, te yis ma hani te ofa dabeba musġama, te Genuai Bidiba ofa mayu, te siaba ulubo ofa, te habu mu selai dao," wai.

¹² "Dagego te yis ma hani te hasia polasa gide sabo wit dali munama, te Genuai Bidiba ofa igi peyu selama pao. Te usu dao," wali. "Tiali goli te yis ma hani elalubo nai yai baso da, teda dagego te Genuai Bidiba wiegi yai denami iliyu, isiba domainogo ulubo altaba me ulamo dao. ¹³ Te dagego wit ulubo ofa ebo side tigidali sogo tamu muao, magi baso meni, tamugo dagego te God dali daġ walali bomai po daġ ebo tiwai ebo. Te dagego te duga God dali daġ wali bomai po gegeda pidali weyu, te tigidali ofade dagego tamu naga mu-dao. Dagego te ofa me delide tamu mubo me gegeda paligio. Mu menio," wali.

¹⁴ "Te dagego gide polasa ina yani wit selama, te Genuai Bidiba ofa yainogo da, teda dagego te nai ulubo madi avende bolo ulama, te mimia sanama, te dwasianu kakali ilama, nosali te Genuai Bidiba selama pabo usu dao. ¹⁵ Te wit ulubo ofade dagego te oliv wel me te wiegi yai denami ebo pauda me muao," te po wai. ¹⁶ "Tama prisgo te wit pedai dwasianu me wel me selama, te wiegi yai denami pedalubo pauda te tigidali selama, te dagego ofa daġ ilama te ulao. Te Genuai Bidibolo mabo ofa eyu isiba ulubo nai dao."

God dali deli haliga ebo ofa yabo po

3 Te Godigo Mosesbolo walama, te Israel dabebolo te tiwai po wao po wai, "Te bidi me deligo Genuai Bidi dali deli haliga ebo ofa yainogo, te agai kibu bulmakau ofa yainogo ebaso da, teda agai te kau kibu omai ma so kau kibu te wiegi yai mu aga tigde dwai keni kenigo dolisaġwai selama, ofa ebaso, usu dao. ² Te Godigo te Israel dabe dali deliba sisinibo Ugwa Be sunumiba asama, tama te bidigo nogo te kibu kau toboluba muyu bolo elama, te nosali agai te ela muao. Te pris dabe, augwali te Arongo hani dabe, augwaligo te alta bogo me si me si badu te kau kibu kaneme saġaġa bilao. ³ Te bidigo te kau kibu delage me badu selama te Genuai Bidiba mayu te pris dabego ofa tiwai ulumainao. Agai te haligade ili dabe sao, ⁴ tama te si wabo kibu homu dali te ili me te polalubo dini homu te wiegi yai me badu sao. Agai te namba wan homu me te namba tu homu si dali te sobadi yao. ⁵ Tama pris dabego te nai dabe te altaba siaba tigidali ulama dela silibo ofa dali ulao. Tama Genuai Bidigo te ofa ebo denami odama te aga godolo elama bugai haliga tede yaibao," wali.

⁶ "Te bidi me deligo te sipsip kibu ma meme kibu selama, te Genuai Bidi dali deli haliga ebo ofa yabo homu ebaso da, teda agai te omai kibu sipsip ma so kibu sipsip, ma te meme kibu omai ma so kibu meme so-mainao. Tiali goli, agai te kibu sipsip ma kibu meme te wiegi yai mu te keni kenigo tigi me dolisaġwai sobaso

da, te usu dao. ⁷ Te bidigo te sipsip kibu wai me deli ofa yai hagede eyu da, teda agai Genuai Bidigo gedude selasa asao. ⁸ Tama agai nogo te sipsip kibu toboluba muyu bolo elama, tama nosali agai sipsip kibu te Godigo Ugwa Be gesabidi badu pade ela mubaso usu dao. Tama pris dabego te kibu kaneme te alta bogo me si me si badu sasaga bilao," po wai dao. ⁹ "Silama da, teda te bidigo te kibu sipsip delage me badu selama, te Genuai Bidiba mao, te pris dabego te ofa tiwai ulaibao. Agai te sipsip ili tigidali me, te danu badu elalubo genuai ili me sobadi yao. Agai te danu te tudi dili pageba mu togogiluao. Tama agai te haligade ili elalubo tigidali sao. ¹⁰ Tama agai te si wabo hobuludu te ili dali sobadi, te sipsipgo wiegi yai te namba wan wabo homu lewa me sao. Te namba wan lewa homu, me namba tu homu lewa dali tama sabo usu dao. ¹¹ Tama prisgo te nai dabe te alta sai daiba ulao, te Genuai Bidiba ofa tiwai dao."

¹² "Bidi me deligo te kibu meme ofa yainogo eyu da, agai te Genuai Bidigo geduba selasa pao," wali.

¹³ "Tama agai te meme kibu toboluba nogo muyu bolo elama, tama agai te meme kibu te Genuai Bidigo Be sunumi pade ela muao. Tialima, te pris dabego te kibu kaneme te alta bogo me si me si badu sasaga bilao," po wai. ¹⁴ "Te bidigo te kibu meme delage meba selama, te Genuai Bidiba mao, te pris dabego ofa tiwai emainao. Agai te haligade elalubo ili dabe tigidali sao, ¹⁵ te namba tu homu lewa dali te ili dabe me te namba wan homu lewa wiegi yai me sao. Agai te namba wan homu lewa me namba tu homu lewa dali sobaso, te usu dao. ¹⁶ Tialima, prisgo te nai dabe selama, te alta sia daiba munama, te ofa tiwai yao, te Genuai Bidigo homu godolo elama, bugai homu yaibao. Te ili tigidali Genuai Bidigo naga dao. ¹⁷ Te dage Israelgo te kibu ili ma kaneme munu me tugio. Habu mu dao. Dage me te nosali pedalubo hani waj dabego te bomai po sesemane wali pidubadi geao. Te dage menaba bidigi pali bulude me te bomai po tagaligio, dagego te bomai po wali pao," te po wai dao.

Te seęę dabe sela saęo ofa yabo po

4 Genuai Bidigo Mosesbolo walali, ² te Israel we bidi dabebolo te tiwai po walomainogo yali, "Te bidi me we me deligo te bugagia homu kone palisama, te Genuai Bidigo bomai po bolobaso da, teda agai seęę sobao. Tama tibaso, aga te seęę sela saęo ofa ebaso usu dao."

Hetprisgo seęę sela saęo ofa yabo po

³ Te Mosesgo po ma weyu, te tama po wali, "Te hetprisgo digi seęę sali da, aga te tiali kolesaga dagede te tigidali we bidiba te seęę ilibao. Tialima, aga te ogwa bidi kau kibu omai wiegi yai mu te tigde keni kenigo dolisawai me deli sao. Te agai Genuai Bidiba ofa eyu, aga seęę sela samainao. ⁴ Agai te kau kibu te Godigo Ugwa Be sunumiba sela pelama, te kau kibu toboluba nogo muyu bolo elama da, nosali agai te Genuai Bidi-

go gedude ela mubaso da, usu dao. ⁵ Tama nosali hetprisgo te kau kibu kaneme selama, te Godigo Ugwa Be tomoba pobaso usu dao. ⁶ Te agai nogo tu deli te kanemeba munama, te danide elalubo kaneme te Tedali Gasagi Yai Mu Be Habuba te tede walobo genuai nami ugwa paba sagayao, tama Genuai Bidigo te tiwai sa ebo sueibao. Agai te tama tiwai se ebo te a naga olama si sogo usu nama tama yao. ⁷ Tama aga te wiegi yai denami ebo hano holobo ofa ebo alta te Genuai Bidigo geduba Ugwa Be tomoba pao. Tama agai te kau kibu kaneme meba te kau kibu gaę kom me si me si tiwai alta me si me si dage badu teba mumainao. Te kau kibu kaneme me badu tigidali elalubaso da, te agai Ugwa Be sunumi badu alta buluba sela solama, te augwaligo ofa ulubo madi, te alta ulubo dogwa saliba te kaneme gelao," wali.

⁸ "Nosali agai te bulmakau haligade elalubo ili delegabe tigidali sobadi yao, ⁹ te namba tu lewa dali te ili dabe me, te namba wan lewago wiegi yai te dali sao. Agai te namba wan lewa me namba tu lewa si dali sabo usu dao. ¹⁰ Tama prisgo te kibu ili dabe te ofa ulubo altaba ulama, te isigo tigidali dela silama, te keli hogomu naga elalueibao. Agai te bulmakau ili ulama, te deli haliga pedalumainogo ebo tiwai tobage ofa emainao," wai. ¹¹ "Tiali goli agai te bulmakau tigi wali me kibu mi badi, te tobolu, me saę si, me nogo si, te haliga tomode ili delegabe me selama, ¹² tama bulu badu peyu, te augwa te keli saęi soabo pesageba sela pao. Te pesage te Godigo gedude magi meda meni yai wiegi yai elalubao. Tama agai te sia nogonama, te kibu tigidali te isiba ulama, dela silama, te keli naga elalumainogo yao," wali.

Tigidali we bidigo seęę sela saęo ofa yabo po

¹³ Genuai Bidigo Mosesbolo walama, te Israel dabeba te tiwai po omainogo wai, "Te Israel we bidi tigidali te homu kone bugagia me palisama, te augwaligo Genuai Bidigo bomai po bolobaso da, teda augwaligo seęę sali dao. Te augwaligo seęę sali te augwaligo me konesiawai goli, augwa te yali kolesaga augwa dagede te seęę sai dao. ¹⁴ Te nosali augwa te yali seęę konebaso da, teda augwa te ogwa bidi bulmakau me deli selama, augwa te seęę sela samainogo ofa iyao. Augwaligo te ofa te Godigo Ugwa Be sunumiba sela pomainu yao. ¹⁵ Tama te Genuai Bidigo gedude te Israel hetman tobolu bidi dabego nogo te bulmakau toboluba munama, te nosali augwaligo te bulmakau ela mumainao. ¹⁶ Tama hetprisgo te bulmakau kaneme meba te Ugwa Be tomoba sela pao. ¹⁷ Tama agai nogo dani deli te kanemeba munama, tama te nogo danide elalubo kaneme te pade elalubo genuai nami ugwa te Tedali Gasagi Yai Mu Be Habu seselalubo teba saębaso, te Genuai Bidigo sueibao. Agai te a naga olama, si sogo te tama se ebaso, usu dao. ¹⁸ Tama agai te kau kibu kaneme meba te me si me si wali kom gaę te alta wiegi yai denami hano holobo te Genuai Bidigo gedu badu mubaso, usu yaibao. Te kau kibu kaneme tigidali me badu elalubadi ebaso da, agai te Ugwa Be sunumi

bulu badu te augwaligo ofa ulubo badu sela solama, te alta aiyadu dogwali madiba gelao," wali. ¹⁹ "Nosali agai te bulmakau ili tigidali selama, te alta siaba ulao," po wali. ²⁰ "Hetprisgo te deli tigi poąi kolesaga te bulmakaude yao, te agai aga sęęę sela sayu ofa yali bulmakaude yali kolesaga tiwai ebaso usu yaibao. Te tiwai naga hetprisgo te tigidali we bidigo sęęę sela sębo kolesaga eyu, tama tibaso da, teda Godigo augwaligo sęęę me sela sęwaibao," wai dao. ²¹ "Nosali agai te kau kibu delage selama, te pesage bulu badu sela solama, te isiba ulao, te aga digi sęęę sela sayu, te bulmakau ofa yali tiwai ebaso usu yaibao. Tigidali we bidigo te kau kibu ofa tama ebo, te augwa sęęę sela sayu ebaso," wali.

Te tobolu bidi dabego sęęę sela sębo ofa yabo po

²² Genuai Bidigo Mosesbolo waliyu, te Israel dabeba te tiwai po omainogo yali, "Te tobolu bidi me deligo te homu kone bugagia me palisęma, agai Genuai Bidi Godigo bomai po bolobaso da, teda sęęę saibao, te aga ebo kolesaga dagede te sęęę sobao. ²³ Te nosali agai te sęęę konebaso da, teda agai te wiegi yai meme kibu omai me deli sao, te keni kenigo aga tigi me dolisęwai, te ofa yagasu selasa asao," po wai dao. ²⁴ "Te Genuai Bidigo gedude agai te meme toboluba bolo nogo munama, tama nosali agai te kibu dabe elama, te isiba ulama domainu ofa ebo pesagede te meme kibu elimainao. Te meme kibugo aga sęęę sela sębo ofa ebo dao. ²⁵ Tama prisgo nogo dani deli te meme kibu kanemeba munama, te alta kom me si me siba te dwasianu kaneme munana pao. Te elalubo kaneme yai baso da, agai selama, te alta aiyaba dogwasali dedageba gealualo. ²⁶ Tama agai te meme ili altaba ulao. Prisgo te meme kibu elama, te meme ili me te deli haliga pedalumainu ebo ofa tobage tiwai ebaso usu yaibao. Te tiwai naga prisgo te hetman tobolu bidigo sęęę sela sębo kolesaga eyu, ofa yao, te Godigo agai sęęę sela sęmainao," te po wai.

Te we bidi dabego sęęę sela sębo ofa yabo po

²⁷ Te Genuai Bidigo Mosesbolo te po waliyu te Israel dabeba e tiwai po pusao wai, "Te we bidi augwali me deligo te bugagia homu konesięma, te Genuai Bidigo bomai po bolobaso da, teda agai te sęęę sali, te aga dagede te kolesaga ebo dao. ²⁸ Tialima, nosali aga homugo te sę koneagasu te aga sęęę sela sębo ofa yaibao. Te aga pris ma tobolu bidi te meni baso da, teda agai te meme kibu so te dwai keni kenigo tigi me dolisęwai wiegi yai mu me deli selama, te ofa yabo sela pobaso usu dao. ²⁹ Te agai meme kibu toboluba bolo nogo munama da, te nosali agai te siago tigidali dabo ofa ebo pesageba sela pelama, ela mubaso usu dao. ³⁰ Tama prisgo nogo dani me deli te meme kanemeba munama, te dwasianu kaneme te alta gaų me si me si teba muao. Tama te kaneme meba elalubadi yaibaso da, te selama, te alta pagede aiyaba gealualo," wai. ³¹ "Tama agai te meme kibu ili tigidali te altaba

ulao. Prisgo te meme ilide te deli haliga pedalubo ofa ebo tobage kolesaga tiwaigo te ofa yao. Tama agai ili te altade ulao, te Genuai Bidigo te ofa ebo denami godolo yaibao. Te tiwai naga te prisgo te bidi ma wego sęęę sela sębo ofa ebo kolesaga ebaso da, te Godigo agai sęęę sela sęwaibao." †

³² "Te bidi me deligo aga sęęę sela sayabo ofa yabo sipsip kibu sela asobaso da, agai te so kibu sipsip keni kenigo tigi dolisęwai wiegi yai mu sela asiyu, te usu mu dao. ³³ Agai te kibu sipsip toboluba bolo nogo mu-mainogo elama, te nosali agai te kibu sipsip elainogo da, te isigo tigidali mu dela silibo ofa ebo pesagede elama, te ofa ebo usu dao. ³⁴ Nosali prisgo nogo dani deli te sipsip kanemeba munama, tama kaneme dwasianu te alta gaų me si me si elaluboba muao. Te me badu elaluali kaneme agai selama, te ofa ebo alta dedageba gelao," wai dao. ³⁵ "Tama agai te sipsip kibu ili te altaba ulao. Prisgo te deli homu naga pedalumainu te ebo tobage ofa ebo tiwai gilama, te sipsip ili ofa eyu te tiwai tama yao. Tama agai te ili altade gasa ofa dali eyu, te augwaligo isigo tigidali domainogo te ulama, Genuai Bidiba mabo ofa tiwai yao. Te tiwai naga prisgo te bidigo sęęę sela sębo ofa ilao, te Godigo agai sęęę sela sęwaibao," wali.

Te tobage sęęę meba sela sębo ofa yabo po

5 Te Genuai Bidigo Mosesbolo waliyu, te Israel dabebolo te tiwai po omainu yai, "Te augwaligo bidi me deliba hanaluyu, te po tu kotba pelama, te agai gasa bidigo sę suali po hanilabo po weyu, ma te agai gasa bidigo wabo po odali, tiali goli te bidigo te sę yali po hanilisębaso da, teda aga te aga dagede te sę Godigo gedude geda muani dao."

² "Ma te bidi me deligo homu kone bugagia me palisęma, te Godigo te po weyu te wiegi yai meni da po wali nai me deliba nogogo diųy ebaso da, teda te bidi te Godigo gedude meda yai pedalubao. Tama te hasa sibi te Godigo wiegi yai meni da po wali da, te aga isilama, aga tigi te tęde munalubadi, tama te bidigo te hasa tigiba bugagia tonosięma diayagasobaso da, teda bidi te meda pedalubao. Te aga yali sę konebo sogo da, teda aga te yali sę dagede sęęę elalubo dao," wali.

³ "Ma, te bidi me deligo te homugo bugagia konesięma, te bidi me deli, me we me deli tigde pedelali sęde nogogo diųy elama, te Godigo gedude meda elalubaso da, teda te bidi God gedude meda yai pedalubao. Te aga yali kolesaga aga koneagasobo sogo, aga yali sę dagede te sęęę elalubo dao."

⁴ "Ma, bidi me deligo bugagia homu konesięma, te nai me delide mu po dao po ugwaba obaso da, teda agai Godigo gedude dwai sę ebaso. Te aga yali sę konebo sogo da, teda aga yali sę dagede te sęęę sabo dao," wali.

⁵ "Te bidi me deligo te tobage dobo sę tiwai ebaso da, teda aga yali sę dagede geda mubaso, te sę yali po hanilama pusao. ⁶ Tama agai te sipsip so kibu deli, ma meme kibu so deli selama, te Genuai Bidiba selasa

† 4:31 Nam 15:27-28

asama, te aga yali sęęę sela sębo ofa tiwai yagasao. Tama prisgo te kibugo te bidigo sęęę sela sayu ofa ilibaso da, Godigo agai sęęę sela sęwaibao."

⁷"Te bidi me aga dagede te mone sęę pelama, agai te sipsip ma meme Abelabo mone meni baso da, agai te ba hi si selama, te aga yali sęę sela sęwainu Genuai Bidiba selama asao. Te ba hi me deligo te sęęę sela sębo ofa tiwai eyu, me deligo te siaba tigidali ulama, te dela silibo ofa eyu yao," wai. ⁸"Tama agai te ba hi si te prisba sela pelama, te prisgo te ba hi mego te sęęę sela sębo ofa tiwai yao. Prisgo te ba hi mage togwa sę-nama, te tobolu sela sęęio. ⁹Tama agai te kaneme dwasianu selama, te alta bogu badu sęsęęę bilao, te gasa me badu kaneme te alta dogwa sali madiba gealualo. Te ba hi te sęęę sela sębo ofa dao. ¹⁰Nosali prisgo te me elalubo ba higo te isigo tigidali dela silibo ofa yao. Agai te tobage ebo ofago bomai po wali pao. Te tiwai naga prisgo te bidigo sęęę sela sębo ofa ebaso da, teda Godigo agai sęęę sela sęwaibao," wali.

¹¹"Te bidi me aga dagede aga te mone mu sęę pelama, agai te ba hi si Abelabo mone usu isębaso da, teda agai te kilogram deli yai wiegi yai plaua selama, selama asao. Tiali goli, agai te oliv wel me, te wiegi yai denami hano ilibo pauda me, te plauaba te wit ofa ebo tiwai me igio, magi baso meni, te plaua te sęęę sela sębo ofa tiwai ebo dao. ¹²Tama agai te plaua prisba sela pelama, te prisgo te plaua dwasianu nogode selama, te plaua tigidali te Genuai Bidiba ofa ilali dęę tiwai yaibao. Tama prisgo te dwasianu plaua te ofa ebo nai dabe dali te altaba ulao. Te plaua te sęęę sela sębo ofa dao. ¹³Tama tialima, prisgo te bidigo sęęę sela sębo ofa ebaso da, teda Godigo agai sęęę sela sębo dao. Te plaua me badu munalubadi yaibaso da, te prisgo plaua dao, te wit ulubo plaua ofa tiwai ebaso," wali.

Te dwai sęę dabe dodolobo ofa ebo po

¹⁴Genuai Bidigo Mosesbolo waliyu, te Israel dabeba te tiwai po omainogo yali, ¹⁵"Te bidi me deligo Genuai Bidiba te nai dabe me maiabo homu yai te agai homu kone ebo gegeda pobaso da, teda agai sęęę me elalubao. Tialima, te bidigo te Genuai Bidiba te masięwani nai wei ponoyu, te aga yali sęę silimainu ofa mao. Te prisgo agabolo walama, te wiegi yai sipsip omai kibu me deli sao, te keni kenigo aga tigi me dolisęwai, selama asao. Tama prisgo te bidigo sela asabo sipsipde mone namba dęę ilaibao. Tama bidigo te tiwai sipsip me deli selama, te prisba selama asao," te po wai. ¹⁶"Te mone me doado bage hasia Genuai Bidiba masięwani nai, megi agai mayu, te agai gasa dali ugwadu daganama mao. Te agai negeli a naga elalubaso da, teda agai a naga me deli ugwadu daganama, wei ponao, te negeli elaluali dodoliyu tama tiao. Agai te prisba mao. Te prisgo te bidigo sela asali sipsip selama, tama prisgo te bidigo aga sęęę sela sębaso da, teda Godigo agai sęęę sela sęwaibao," wai dao.

¹⁷"Te bidi me deligo bugagia homu kone palisęma, te Genuai Bidigo bomai po me deli bolobaso da, aga

dagede te Godigo gedude dwai sęę yali sęęę elalubao. ¹⁸Tialima, agai te ofa me deli prisba sela pelama, te dwai sęę yali sela sayu isilao. Prisgo agabolo weyu, te wiegi yai sipsip omai me deli somainu yao, te keni kenigo aga tigi me dolisęwai, sela asao. Te sipsip sesali bidiba te mone namba dęę ilao. Tama te bidigo te sipsip kibu tiwai me deli selama, te prisba sesao. Tama prisgo te bidigo sęęę sela sayu ofa elama, tama Godigo agai sęęę sela sęwaibao. ¹⁹Te aga yali sęę dagede, te Genuai Bidi gedude agai sęęę elalubao. Tama tibaso, te sipsip ofa ilao," te po wai dao.

6 Genuai Bidigo Mosesbolo po waliyu, te tiwai po Israel dabeba omainogo yali, ²"Te bidi me deligo aga abagigo doado bage bugagia totaluainu selama, tama agai te nai doado bage ma maiabo homu isębaso da, teda agai sęęę sobao. Te agai abagigo nai wi sobaso, ma agai augwali tibo po ola menama, te agai doado bage anoma elama sobaso me, ³ma agai gasa bidigo hagawai nai selama, te tibo po weyu, 'Mu po obao, eno me subeo,' obaso da, teda aga sęęę sabo dao. ⁴⁵Bidigo te tobage kolesaga dabe ebaso, te sęęę ebaso, te agai nai wi sabo kolesaga me tibo po wabo kolesaga ebaso, te doado bage wei ponao. Te aga yali kolesaga silimainogo ofa ebo sogo da, teda agai te doado bage aga ayabolo te nai tigidali wei ponao. Te agai 5 nai saibaso da, teda agai te 6 te tama nai wei ponobaso usu dao. ⁶Te sipsip omai me deli agai te prisba sela pelama, te aga yali kolesaga sia somainogo te Genuai Bidiba ofa eyu dola palobo sęę yao. Prisgo agabolo walama, te wiegi yai sipsip mu sao po wao, te keni kenigo aga tigi me dolisęwai selama sesao. Tama hasia bolo prisgo te bidigo sesebo sipsip Abelabo mone nogiyu dęę ilao. Tama bidigo te sipsip tiwai te prisba selama asao. ⁷Tama prisgo te bidigo sęęę sela sayu, te Genuai Bidiba ofa ebaso, tama Godigo agai sęęę sela sęwaibao," po wai dao. †

Siago tigidali domainu ulubo ofa po

⁸Genuai Bidigo Mosesbolo te tiwai po wali, ⁹"Nago te siaba tigidali ulubo ofa ebo bomai po te Aron aga ogomani dabe daliba te po walao. Augwaligo te ofa ebo nai te altaba ulama, te isigo dedubadi, te be posoboba usu nao. Te sia bogoli idubadi, te sula somainu me elamu dao. ¹⁰Nosali prisgo te pęwadage trausis te augwa wiegi yai nami ugwago nigai trausis gudama, tama te bobage tagalalubo ugwa me muna-ma, te aga altaba pelama, te keli sao, te ili yai ofa elalubo madi, te alta pęde tęba gealualo," po wai dao. ¹¹"Nosali aga gudali ugwa hasegelama, te sia dali keli selama, te pesage nigali buluba sela solama, te eno gedude meda meni yai pesage me deliba muao. ¹²Tama te altade nogani sia sesemane didumainao, te munu me sula sęęio. Tigidali side kigamu prisgo te sia nogonama, tama agai te ofa yabo kibu hasa dabe selama, te siago tigidali domainogo siaba ulaibao. Te deli haliga pedalubo ofa yabo kibu ili selama, tama te siaba uluyu yao. ¹³Sesemane sogo te altade sia ula idu-

† 6:7 Nam 5:5-8

mainao. Dagego te sia sula somainogo me elamu dao," wali.

Te wit ulubo ofa dabe po

¹⁴ Te Genuai Bidigo Mosesbolo te po walima, te Israel dabeba te tiwai po omainu yali, "Te wit ulubo ofago bomai po e tiwai. Te Arongo hanigo pris me deligo te ena Genuai Bidiba te wit ulubo ofa mao, te alta pade yao. ¹⁵ Tama prisgo te dwasianu plaua te augwaligo wel muai sobadi, te ofa wiegi yai denami ilabo pauda tigidali sao," wali. "Tama agai te tigidali te alta siaba tigidali ulao. Te dwasianu ofago te tigidali ofa daj ilibao, te enaba augwaligo mobao. Tama eno te ofa denami odama, eno godolo homu elama, bugai homu yaibao," wali. ¹⁶ "Te plaua me badu munalubaso da, te pris dabego tuiyao. Augwaligo te plaua selama, te yis meni yai bret nigilama, te augwaligo eno Ugwa Be mesalode tuiyao. ¹⁷ Augwaligo te plaua dali te yis dali taluama te bret ulamuo. Augwali odolali ulao, magi baso meni, te plaua te eno nai mu tama, te sege sela sabo ofa tiwai, me te bidigo yali dwai se silimainogo ebo ofa tiwai ebao. Tama eno te plaua dabe te prisba daj ilali. Te ofa ebo naigo te augwa me badu somainogo ebo dao. ¹⁸ Tama te Arongo hani pris bidi dabego te bret tumainao. Augwaligo te ebo ofade te Israel dabego enaba ofa ebo nai dabego somainao. Sese mane sesemane sogo nosali, te Arongo hani bidi dabego te ofa ebo nai me badu munalubo te augwaligo somainao. Tiali goli, te gasa bidigo diawani ma te nai me deli te tuabo ofaba dagana sobaso da, teda te bidi ma te nai te habu mu selama elalueibao," wali.

¹⁹ Genuai Bidigo Mosesbolo te tama po wali, ²⁰ "Te Arongo hani pris dabego te augwali gesi sogo mu hasia te pris se sabo side, augwaligo te ofa me deli yao," po wai. "Te bidi me deli augwaligo pris pedalumainogo augwaligo te ni oliv wel aga toboluba geleyu ebo side da, teda agai ofa enabolo yao. Agai te kilogram deli yai wiegi yai plaua deli sao, te wit ulubo ofa tiwai usu nama yao, te pedai me badu kigamu ofa eyu te me badu pedai te giliga dega sigulubadi yao. ²¹ Agai te plaua dali ni oliv wel dali begelama, te praipende bugagia ulao. Nosali agai pepedama, te enabolo mao, Genuai Bidiba. Tama eno te ofa ebo denami odama, te eno godolo elama, bugai homu yaibao. ²² Nosali nosali te Arongo hani bidi dabe augwali te hetpris pedelaibao, teda augwaligo te tobage ofa enaba yao. Te augwaligo te siaba tigidali domainu ulubo ofa emainu elama, te keli naga elalumainao. ²³ Te pris dabego te augwa digi sesali te wit ulubo ofa dwasianu me tugio. Augwa te siago tigidali domainu sula tagalao weyu yaibao," wali.

Te sege sela sabo ofa dabe po

²⁴ Genuai Bidigo Mosesbolo te tiwai po wali, ²⁵ "Nago te Aron aga ogomani dabe daliba te sege sela sabo ofago bomai po walao. Te bomai po e tiwai dao. Augwaligo te sege sela sayabo ofa yabo kibu dabe te eno gedude elibaso, te usu yaibao. Augwaligo te kibu el-

ma, te ofa eyu, tigidali siaba ulama dela pabo pesagede te kibu elao. Te eno ofa tedali mu ebao, te habu mu selibo dao. ²⁶ Prisgo te sege sela sabo ofa yali, agai digi te kibu mi eno Ugwa Be mesalode tumainao. ²⁷ Te pris nogi elalusabo bidigo, ma te magi nai me deligo te ofa ebo kibude diabaso da, teda te nai me ma te bidi te eno nai mu tama pedalumainu elama, te habu selalumainao. Te kibu kaneme te name ugwa me deliba tulalubaso da, dagego te name ugwa eno Ugwa Be obo tomode aj telayao," wali. ²⁸ "Te prisgo te meme mi te togo nigali sospen senede ulubaso da, teda nosali agai te sospen sene aluao. Tialima, agai te brasgo nigai sospende ulali da, teda nosali agai te sospen ajigo tedelama, bugagia holobo naigo brasim yao. ²⁹ Mena pris hani bidi dabego homu godolu eyu, agai te ofa ebo kibu mi tuainu eyu da, te aga tumainao, magi baso meni, te tobage ofa te eno nai mu dao. ³⁰ Tiali goli, te hetprisgo te ofa ebo kibu kaneme me badu selama, te eno Ugwa Be tomoba pelama, te sege sela sabo se ebaso da, teda te pris dabego te ofa ebo nai kibu mi me tulamuo. Augwaligo te isiba tigidali ulama, dela silama, te keli naga elalumainao," te po wai dao.

Dobo se dabe yali silimainu ebo ofa dabe po

⁷ Te Godigo Mosesbolo walama, te Israel dabeba e tiwai po walomainogo yali, "Te dobo se yali silimainogo ebo ofa dabe te Godiba dolo mu ebao, te habu mu selibao. Te ofa dabe ebo bomai po e tiwai dao. ² Augwaligo te ofa yabo sipsip dabe elainogo da, augwa te sipsip dabe elama, te ofa eyu, te isiba tigidali ulama, dela silibo pesagede te se yao. Tama augwa te sipsip kaneme te alta bogu me si me si te badu sasaga bilao," po wali. ³ "Augwaligo te sipsip kibu ili selama, te altade Godiba ofa ilao. Augwaligo te kibugo nisali danu sobadi, te kibu haliga tigidali bealubo te ili delegabe me sao," te po wai. ⁴ "Tama augwa te hobuludu si dali, tede daganalubo ili me sobadi yao, te sipsipgo polalubo dini homu me deli sao. Augwa te polalubo dini homu me deli siyu, te si wabo homu hobuludu si me sao. ⁵ Tama prisgo te kibu ili tigidali te alta siaba ulao, augwa te Genuai Bidiba mabo ofa tiwai ebao. Te sipsip ofa ebogo te augwa yali dobo kolesaga silimainu ebo dao. ⁶ Te pris hani dabe mena bidigo tuabo homu godolo ebaso, aga te ofa yali sipsip mi tumainao. Te Godiba dolo ofa tama ebao, agai te pris dabebolo daj ilali. Tama tialima, augwa te Godigo sel Ugwa Be obo tomode tubaso usu dao," wali.

⁷ "Te dwai sege sela sabo ofago bomai po me, te dobo kolesaga silimainogo ebo ofago bomai po me, te si te augwa bomai po dedeli naga elalubao. Tibaso, prisgo te kibugo ofa ebo side te tobage ofa si yaibao, aga digi te ofa ebo bulmakau mi ma sipsip mi somainu ebo dao. ⁸ Te prisgo te isigo tigidali dela silibo ofa me deli te kibu dabego ebo sogo da, teda aga digi te kibugo tigi wali somainu yaibao. ⁹ Te tiwai tama naga te prisgo te augwa wit te moni nai ulubo be nogi aven ma sospende, me praipende ulai wit te ofa ebaso da,

aga digi te sela tubo usu dao. ¹⁰ Te tigidali ulusiawai witgo ofa ebaso, te augwaligo ni oliv wel dali taluali, te tigidali Arongo hani prisgo dao. Te olo plauago ofa yali nai me, te me prisgo saibao. Augwaligo te pris deli deli usu nama, tama te nai dobola sao," te po wai.

Te God dali deli haliga pedalubo ofa dabe ebo po

¹¹ Te Godigo Mosesbolo walama, te Israel dabebolo te tiwai po walomainogo yali, "Te God dali deli haliga pedelabo ofa ebo bomai po, e tiwai elalubo dao. ¹² Te bidi me deligo Godiba buba hwi wabo homu eyu, agai te deli haliga pedelabo ofa yainu eyu da, agai te hasa dali te bret pedai dage agai yis meni yai plauago nigai, tego ofa yao. Agai te ni oliv wel dali taluali plauago nigai bretgo te ofa yao. Te agai te tama tiabo homu me ebaso da, aga te bisket dabe te oliv ni welgo pilai, tego ofa yao. Te meni baso da, agai te wiegi yai plaua dali, te ni oliv wel dali taluama, tama skon nigai, tego ofa ebaso usu dao. ¹³ Tama me agai te yis elalubo bret me badu pedai dage selama, tama te Genuai Bidi dali deli haliga pedalubo ofa yabo usu yaibao," te po wali.

¹⁴ "Agai te ofa yabo haniani bret deli deli pedai dage me deli selama, te Genuai Bidiba mao. Te prisgo te kibugo kaneme selama, te alta bogo badu sawai te pris bidigo te bret pedai dage dabe somainao. ¹⁵ Te bidigo ofa ebo side augwaligo te kibu mi me badu elaluali tigidali tuao. Augwaligo te nosali kigamude tueibao olama, te kibu mi me elalumainu sula tagalamu dao," wali.

¹⁶ "Te bidi me deligo deli haliga pedelabo ofa yabo homu yai, te aga Godiba po daw wali usu nainogo, ma te aga homu godolo ebaso, te ofa Godiba olo dali mobaso da, teda augwa te ofa yali kibu mi te bidigo ofa ebo side tubadi, te nosali me tubo usu dao.

¹⁷ Tama te si wali side augwa te nai tula silisama, te sela wabo sogoba usu nubaso da, teda augwaligo te isiba ulama, te isigo tigidali dela silaibao," wai dao.

¹⁸ "Augwaligo te sela wabo side te kibu mi tubaso da, teda Godigo te bidigo ofa ebo me sogobeo. Menio. Te Godigo te homu yaibao, te agai ofa te dwai kugumini yai da homu yaibao. Tama niwai bidigo te kibu mi tubaso da, te agai dagede dobo sę ebao, te sęęę elalubao," wali.

¹⁹ "Te deli haliga pedalubo ofa ebo kibu mi te Godigo gedude wiegi yai isawai naide dianalubaso da, teda augwaligo te kibu mi munu me tulumuo. Menio. Augwaligo te nai mi dabe tigidali isiba ulama, te isigo mu dela silimainao."

"Te Godigo gedude meda meni yai wiegi yai we bidi augwaligo te deli haliga pedalubo ofa ebo kibu mi tubaso da, te usu dao. ²⁰ Tiali goli, bidi me deli wiegi yai pedalisabadi agai te ofa ebo mi tubaso da, teda aga te Genuai Bidigo we bidi hani tomode me bidigobeo," wai dao. ²¹ "Te Godigo gedude wiegi yai me isawani naiba nogo diawani bidi, tagalao, agai te wiegi yai isawai meda yai naiba nogo diawani, ma te bidigo tigde pedalubo naiba diawani baso, ma te wego tigde pedalubo naiba nogo diawani, tama nosali agai te ofa

yali kibu mi tubaso da, teda aga te Genuai Bidigo we bidi hani tomode me bidigobeo," po wai dao.

Te Israel dabego te kibu hasa dabego kaneme tugobe olama, habu mu selali

²² Genuai Bidigo Mosesbolo walama, ²³ te po te Israel we bidi dabeba mao wai. Genuai Bidigo e tiwai po wali, "Dagego te kibu bulmakau me sipsip meme ili me tugio," po wai dao. ²⁴ "Te bulmakau me deli aga digi odolali isaibaso, te ili dagego me tugio. Te me bulu uni hasago te kau kibu ela mueibaso me, dagego kau kibu ili me tugio. Tialima, dagego te kibu ili selama, gasa sę yao. Te usu dao. ²⁵ Te augwaligo Genuai Bidiba ofa ebo kau kibu ili te bidi me deligo tubaso da, teda aga te Genuai Bidigo we bidi hani tomode me bidigobeo," wali. ²⁶ "Dage Israel, dage te mena bulu pedaide bidibo we bidi, dagego munu me te kibu hasa me ba dabe te kaneme dali me tulumu dao. Te kolesaga ebo habu mu selibao. ²⁷ Bidigo ma wego te daw wali bomai po bolobaso da, teda aga te Genuai Bidigo hani tomode munu me bidigobeo," wali. †

Te ofa ebo kibu mi pedai dage augwaligo te pris dabe mao wali po

²⁸ Te Genuai Bidigo Mosesbolo waliyu, ²⁹ te Israel we bidiba te po momainogo yali. Agai te tiwai po wai, "Bidigo te deli haliga pedelabo ofa sela aselama, agai te kibu pedai te Genuai Bidiba dolo daw ilao, te aga ofa te dao," wai dao. ³⁰ "Te bidi aga digi te Genuai Bidiba ofa yabo nai kibu sesemainao. Te Genuai Bidiba ma-iabo kibu pedai dage e tiwai sesao, te kibu ili me kibu baugo mi tama dao. Tama te bidigo Genuai Bidiba ofa e tiwai ilao. Agai te kibu bau mi te nogo tolaluyu, te Genuai Bidigo gedude iba oba hogabo sę yao. ³¹ Tama nosali prisgo te alta siade te kibu ili ulao, tialima te pris augwa te kibu bau sao, te augwa tuabo nai dao. ³² Te kibugo dolo sawa dagego prisba mao, te olo dali ma-iabo nai dao. Te pedai badu te deli haliga pedelabo ofa eyu, ³³ te prisgo te kibu kaneme me ili tego ofa ebo dao. Tama te ebo pris bidigo te dolo sawa somainao.

³⁴ Genuai Bidigo digi te kibu bau me dolo sawa dage Israel we bidide selama, tama te kibu pedai dage si te pris dabeba mawai, te augwali Arongo hani dabe dao. Tama tialima, sesemane sogo nosali te pris dabego te ofa ebo nai pedai dage somainogo yao. ³⁵ Te hasa pedai dage Genuai Bidigo digi sali, te dage we bidi dabego agaba ofa ebo nai dao. Te Genuai Bidigo te hasa pedai dage te Aron aga ogomani dabe daliba daw ilama, te side agai augwali te pris sęba munama bidai dao. ³⁶ Te side naga tama Genuai Bidigo te Israel augwaliba walama, augwaligo te ofa yali kibu pedai dage te pris dabe augwaliba mao po wali. Tama augwaligo te bomai po sesemane sesemane sogo wali pidubadi geao," te po wai dao.

³⁷ Te tigidali po te siaba tigidali ulama dela silibo ofa dabego bomai po, te wit ulubo ofa dabe me, te sęęę

† 7:27 Gag 9:4; Prs 17:10-14; 19:26; Bom 12:16, 23; 15:23

sela sąbo ofa dabe me, te dobo kolesaga augwa dagede yali silimainu ebo ofa me, te bidi pris ped-alumainogo ofa ebo me, te God dali deli haliga ped-alubo ofa me, te tama ofa dabego bomai po dao. ³⁸ Genuai Bidigo te bomai po dabe te Israel dabe te masigi kemi tō wa pai bulude bidali sogo, te bulu du Sainaide Mosesbolo te bomai po mawai. Te Godigo te Israel we bidi augwaliba te ofa yao po wali side, agai te bomai po dabe augwaliba mawai dao.

Pris sę Aron aga ogwa dabe daligo yali

(Daj 8-10)

Godigo pris dabe daj ilali

(Sai 29:1-37)

8 Te Genuai Bidigo Mosesbolo e tiwai po wai dao, ² "Te Aron me aga ogwa dabe dali selama, te eno sel Ugwa Be sunumiba pao. Te pris dabego gudubo ugwa me, te sęde augwali daj ilibo wel me somainu elama, tama te bulmakau omai me deli, me sipsip omai si, te sęęę sela sąyu ofa yabo nai selama, te basket wa me delide te yis meni yai bret paęaņama, tama te nai dabe me te sel Ugwa Beba selasa pao," wali. ³ "Tama nosali tigidali we bidi te sel Ugwa Beba aso-mainu i wao," wali. ⁴ Tialima, Mosesgo Genuai Bidigo po odama, te tama sę yali. Tama tigidali we bidi sisinagasali. ⁵ Tama Mosesgo augwaliba walali, "Eno megi e yainogo ebo sę da, te Genuai Bidigo enabolo te sę yao po polobadu obaso ebao." ⁶ Tialima, Mosesgo Aron aga ogwa dabe dali selama, te we bidi augwali geduba dodolagaselama, tama agai augwali aņgo paluali. ⁷ Tama agai te holobo ugwa Aronba bolo gudulali. Tama agai te bobage name ugwa te Aron tabidu belali. Tama Mosesgo bobage aiyaba tagalalubo ugwa te genuai name ugwa Aronba gudulama, te welia kukulu au yai selama, te genuai ugwago te Aron tabidu soani kekalio. ⁸ Tama agai te dwasianu name ugwa Arongo hagawiade kekelama, tama te Godigo homu kolesaga konebo masigi si muani, te ugwa agebele poketde muai elalui dao. ⁹ Tama agai bobage ugwa me deli te Arongo tobolude bagulama keņani. Tama agai te dwasianu nai medal gol selama, Aron te Godigo bidi mu da olama daj ilu, te ugwa name Arongo gesabidide ugwadu daganani. Mosesgo te sę dabe te Genuai Bidigo agabolo po wali gilama yai dao. ¹⁰ Nosali Mosesgo te Godigo nai dabe daj ilainogo te wel selama, te Godigo sel Ugwa Bede pilibadi, te be to-mode elalubo nai tigidali me pilali. Tama te tiali kole-sagade te nai doado bage dabe te Genuai Bidigo nai dolo da weyu, tama tiali dao. ¹¹ Tama agai te wel habu selama, te nogo a naga olama, me badu nogo si sogo te altaba sąwani, te altade sę yabo doado bage me, te wę paubo moni genuai disba me agai tebolba tama tialio. Te tiali kolesagade agai te nai dabe te Genuai

Bidigo nai mu da weyu daj iliyu tiai dao. ¹² Tama agai wel aņ dwasianu te Aron toboluba gelali, te tiali kole-sagade te Aron te Genuai Bidigo pris mu tiwai da olama daj ilai dao. ¹³ Nosali Mosesgo te Arongo ogwa dabe sela asama, augwaliba te holobo ugwa gudulama, tama agai te bobage name ugwa pedai te kukulu tiwai augwaliba belama, te augwali tobolude name ugwa keņani, te Genuai Bidigo wali po tiwai gilama yai dao.

¹⁴ Te silama da, tialima Mosesgo te bulmakau omai te bidi augwaligo te sęęę sela sąbo ofa yainu sela asali, te Aron aga ogwa dabe daligo te bulmakau toboluba nogo mumainao wali. ¹⁵ Tama nosali Mosesgo te kau kibu elama, te aga kaneme salio. Agai te kaneme dwasianu te nogo dani delide selama, te alta bogo me si me si badu te komde muna muna pali. Te kolesagade agai te alta God gedude wiegi yai tedali mu pedalumainu ilai dao. Nosali te elalui kaneme tigidali selama te alta aiyaba dogwa saliba gelali, te tama kolesagade te alta te Godigo mu da olama, habu seliyu, te daj tiwai ebao te po wali. ¹⁶ Tama Mosesgo te kibu kau haliga bealubo kibu ili delegabe tigidali sobadi, te hasia polalubo dini homu te wiegi yai sobadi, te si wali homugo si siyu, te ili dali selama, tama agai te nai dabe altade ulama, te keli naga elalu yai dao.

¹⁷ Tama agai te kibu kau pedai dage me badu dali, te wali me, kibu mi me, te haliga me, tigidali selama, te pesage nigali buluba sela soali. Tama agai te sia noganama, te kau kibu ulama, te siago tigidali dela silai. Agai te Genuai Bidigo agabolo wali po gilama tama sę yai dao.

¹⁸ Nosali Mosesgo te sipsip kibu omai si elalui te me deli agai sela asali. Te isigo tigidali dela silabo ofa yabo sipsip dao. Tialima, Aron aga ogwa dabe daligo te sipsip toboluba nogo muai dao. ¹⁹ Tama nosali Mosesgo te sipsip ela munama, te sipsip kaneme selama te alta pedai me si me si badu sąsaęa bilai dao. ²⁰⁻²¹ Agai te kaneme sąsaęa bila silibo si da, teda agai te sipsip kibu sikilama, te haliga bono dabe me, te kibu sipsip sąęa si me aņ telawali. Te nosali agai te kibu tobolu me ili me te sipsip kibu delage tigidali selama, te altaba munama, te tigidali siaba ulama, te keli naga elalueibao. Agai te Genuai Bidigo po wali gilama yali. Te siago tigidali dabo ofa ebo sipsip te sipsip ofa ebaso, te Genuai Bidigo te denami odama, te bugai haliga eyu yai dao.

²² Tialima, Mosesgo gasa kibu sipsip omai sela asali, te bidi pris sę emainogo daj eliyu ofa ebo sipsip. Te Aron aga ogwa dabe dali augwaligo te sipsip toboluba nogo muai. ²³ Tama nosali Mosesgo te kibu sipsip elama, te dwasianu kaneme selama, te Arongo dolo olo aiyaba muani, te dolo nogode te a wabo nogo danide, me te dolo sąęaęo te a wabo sąęa danide pilibadi yai dao. ²⁴ Nosali agai te Arongo ogwa dabe sela aselama, te dwasianu kaneme te augwaligo dolo olo badu aiyaba muani, me te dolo nogo te a wabo nogo danide mubadi, te dolo sąęa te a wali sąęa danide muyu yali.

Tama agai te me badu elaluali kaneme selama, te alta bogo me si me si badu sęsaęa bilai dao.

²⁵ Nosali agai te kibu sipsip ili salio. Agai te nisa pai kibu danu me sali, te haligade bealubo kibu ili dele-gabe sobadi, te polalubo dini homu wiegi yai sobadi, te si wabo te kibu homugo si siyu te ili dali sali, te sipsipgo dolo saęa me sai dao. ²⁶ Nosali Moses te yis meni yai bret paęanalubo basket te augwaligo Genuai Bidiba mabo bret munalubo madi pelama, tama agai augwaligo te yis dali ulisawai bret sali, te augwa plaua-go nigai bret me deli te oliv wel dali begelali, me te bisket me deli sobadi yali. Tama agai te nai dabe te kibu ili me kibu dolo saęa te nai si daiba muai.

²⁷ Mosesgo te nai dabe te Aron dali aga ogwa dabe daligo nogoba muani, tama augwaligo nogogo te nai tolaluyu, te Genuai Bidigo gedude te nogo edaba ug-waba hoga walio. ²⁸ Tama nosali Mosesgo te nai dabe augwalide ma selama, tama te siago tigidali dabo ofa ulubo alta kibu sipsip daiba te muani, tama te nai tigi-dali mu te isiba ulama, dela silali. Te nai dabego te pris nigali bidi daę ebo ofa elama, te denami ebo Genuai Bidigo odoyu, godolo eyu, bugai haliga yai dao. ²⁹ Tialima, Mosesgo te ofa yabo sipsip kibu bau selama, te nogode tolaluyu, ugwa eda te Genuai Bidigo gedude tama yalio. Te sipsip pedaigo te augwa pris daę ebo ofa yali, te kibu mi Moses aga digi tumainu yai. Mosesgo te Genuai Bidigo agabolo wali po gilama te sę tigidali ela silai.

³⁰ Te Mosesgo wel habu dwasianu selama, te gesi pris daę ilainu sali, te agai alta bogo badu sęsaęa bi-labo kaneme sali. Tama agai te kaneme me wel te Aron dali aga ogwa dabe daliba me augwaligo ug-waba me segene saęawani. Te tama tiali kolesagade Mosesgo te Aron dali, aga ogwa dabeba dali te me augwa ug-waba me daę ilama, te Genuai Bidigo mu dao wali.

³¹ Nosali Mosesgo Aron dali aga ogwa dabeba me te tama po wali, "Eno dagebolo te kibu mi te Godigo sel Ugwa Be sunumiba sela pelama, te posolo aęde ulama, te basketde munalubo bret dali tuao wali. Te basketde te pris daę ilibo ofa ebo bisket me bret elalubao," po wai. ³² "Te dage tuali tabi baso da, teda te me badu munalubo kibu mi me bret, dagego te siaba ulama, te siago tigidali dela silimainao," wali. ³³ "Dage te Godigo sel Ugwa Be sunumide bidaludubadi te nogo a naga olama, me badu nogo si wagi solama sogo bidao. Te dage pris sęba muani sogo 7 sogo elalueibao. Tama tibaso, dagego me tagaligio, te sogoba usu nama sili-mainao. ³⁴ Genuai Bidigo digi dabolo walama, te dagego sęęę sela saęu, te tigidali sę emainogo yai. Te megı da dago te sę yali dao. ³⁵ Dage te sel Ugwa Be sunumide te giligade me hulide bidalubadi, te a naga olama, me si sogo usu nao, tama dagego te Genuai Bidigo dagebolo yao wali sę tigidali yao. Genuai Bidigo enabolo tama tiwai po wai. Tiyu, dagego agai po sela sębaso, te dage isabuo wai dao." ³⁶ Te Mosesgo pedauwalide naga Genuai Bidigo Aron dali aga ogwa dabeba me te sę yabo po walama, tama augwaligo te tiwai sę yai dao.

Arongo ofa meba yali po

9 Te dei 7, te tama side augwaligo Aron dali aga ogwa dabe te pris sęba muna silibo sę ela silali. Te 8 wabo side Mosesgo te Aron dali aga ogwa dabe dali i obadi, te Israel tobolu bidi dabe me sisinagasao olama, i walio. ² Augwali agaba sisinagasobo si da, Mosesgo Aronbolo te tiwai po wai, "Te ogwa bidi bulmakau omai me deli sobadi, te omai sipsip kibu me deli sao, augwali si te keni kenigo tigi me dolisawai dabe tama sao. Tama nago te kibu si Genuai Bidiba ofa yao. Te kibu kaugo te sęęę sela sębo ofa ebadi, te sipsip kibugo te isiba tigidali ulama dela silibo ofa yao," te po wai. ³ "Tama nago te Israel we bidi dabeba waliyu, te sęęę sela saęabo meme kibu omai deli sesao po wao. Te kibu be deli yai omai kau kibu me deli sobadi, te kibu be deli yai sipsip kibu me deli sobadi elama, te isigo tigidali dabo ofa yaibao. Augwaligo te wiegi yai kibu naga sao, te keni kenigo augwa tigi me dolisawai naga sabo usu dao. ⁴ Tama te we bidi augwaligo te omai bulmakau me deli sobadi, te omai sipsip kibu me deli sobadi elama, te deli haliga yabo ofa yaibao. Augwaligo te kibu si Genuai Bidiba ofa emainao, te wit ulubo ofa augwaligo te oliv wel dali taluali. Te megı tama side Genuai Bidi augwali geduba pedalubaso da, teda hasia bolo te ofa augwaligo yao wao," wali.

⁵ Tialima, Aron dali te we bidi augwali pelama, te Mosesgo augwalibolo sigı pao po wali nai dabe selama, tama augwaligo te Godigo sel Ugwa Be paęa selasa asali. Te tigidali we bidi te Genuai Bidiba lotu wainogo te sel Ugwa Be paęa sisinagasalio. ⁶ Tama Mosesgo augwaliba te tiwai po wali, "Genuai Bidigo te po wali, dagego te ofa ebaso da, te Godigo moni bomai ula te dageba pedalumainu yaibao," wali. ⁷ Tama nosali Mosesgo Aronbolo te po walali, "Nage te altaba pelama, te sęęę sela sębo ofa me yao. Nago te naga sęęę dali, te we bidi dabego sęęę sela sębo ofa dali, si tama yao. Nosali, te tigidali we bidigo sesali ofa selama, te augwa sęęę sela sębo ofa yao, te Genuai Bidigo po wali gilama te sę yao," wali. †

⁸ Tialima, Aron te altaba pelama, te ogwa bidi kau kibu omai elali, te aga digi aga sęęę sela samainu yalio. ⁹ Te aga ogwa dabego te kibu kaneme selama, agabolo mani, tama agai nogo dani te kanemeba hola-ma, te dwasianu kaneme te gaę me si me si te alta dage me si me si badu teba muai. Tama agai te me badu munaluali kaneme selama, te alta aiya dogwa saliba gealuali. ¹⁰ Tama nosali Arongo te kau kibu ili tigidali sobadi, te haliga bealubo delegabe, me te si wabo homugo si siyu, tama te altaba ulai dao, te Genuai Bidigo Mosesbolo po wali gilama yai dao. ¹¹ Tama agai te kibu mi tigidali me kibu tigi wali te we bidi bidi-bi madi bulu badu nogani isiba ulama, te isigo tigidali dela silai dao.

¹² Arongo te silibo si da, teda agai te isiba tigidali ulama dabo ofa yabo kibu elali. Tama aga ogwa dabego

† 9:7 Hib 7:27

te kibu kaneme selama, agabolo mani, tama agai te kaneme te alta bogu me si me si badu sąsąąą pai dao. ¹³ Te augwaligo te kibu tobolu dali, te kibu me badu delage pedai me tigidali agabolo menama, tama te tigidali te isigo tigidali dela silibo altaba ulalio. ¹⁴ Agai te kibu tabi haliga bono dabe aj telawali, te kibu sąąą si me. Tama agai te me badu pedai tigidali te isiba tigidali ulubo ofa daiba munama, te isigo mu dela silai dao.

¹⁵ Nosali Arongo te we bidi augwaligo ofa dabe selama, te Genuai Bidiba ofa ilali. Te we bidi dabe augwa sęęę sela sąwainu sesali kibu meme agai salio. Agai ela munama, tego ofa yali, te agai aga sęęę sela sąyu, te ofa yali kibude yali sę tiwai te ofade tama tialio. ¹⁶⁻¹⁷ Te we bidi augwaligo te isiba tigidali ulubo ofa yainu sesali kibu si dabede te me deli agai sali, te ofago bomai pode wali po tiwai gilama, te augwaligo tigidali sogo kigamude ofa eyu yai. Tama agai te plaua selama, te wit ulubo ofa yali. Agai te dwasianu plaua nogogo selama, te plaua te isigo dela silibo ofa ebo altaba ulali. ¹⁸ Nosali Arongo te we bidi dabego Genuai Bidi dali deli haliga pedalubo ofa yainu sesali kau kibu me sipsip elali. Te kibu sigo kaneme aga ogwa dabego selama, te agabolo mani, tama agai te kaneme te alta bogu me si me si badu sąsąąą bilai dao. ¹⁹ Tama Arongo te nisai sipsip kibu danu sobadi, te kibu sigo te ili sali. Agai te haliga bealubo delegabe me te si wabo homugo si siyu, te polalubo deli wabo dini homu wiegi yai deli sai dao. ²⁰ Tialima, augwaligo te nai dabe te kibu si bauba munama, te tigidali altaba sela pali. Tama Arongo te kibu ili tigidali te altaba ulai dao. ²¹ Tama agai te kibu kau me sipsip bau, me kibu dolo sąąą me agai nogode totaluyu, te Genuai Bidigo gedude iba eda hoga yali, te Mosesgo po wali gilama yai dao.

²² Arongo te ofa dabe ela silama da, teda agai nogo si te we bidi dabeba ugwa selama, te po weyu, te Godigo augwali wiegi yai ilao wali. Nosali agai te alta tagalama, aiyaba dulalio. ^{††23} Te Moses de Aron si te Godigo sel Ugwa Be tomoba pai. Te augwali si buluba teda soabo sogo augwa si te po weyu, te augwa homugo te Godigo wiegi yai sę te tigidali we bidiba yao po wali, tama Godigo genuai ula hania haninama pedelama, te we bidi augwaligo suai dao. ²⁴ Te polo tama mu Genuai Bidigo isi te altaba tagala palama, tama isigo te siago tigidali mu dela silibo ofa dali te kibu ili tigidali me polo dela silai. Te we bidi dabego te sę ebo sulama, te augwa bomonama i weyu, te augwa gesabidi tþba pęęulama, te Genuai Bidiba lotu po wai dao.

Nadap de Abihu sigo dwai sę yali po

10 Te sogo Nadap dali Abihu, te Arongo ogwa si, te augwa si plet digi selama, te wiegi yai denami ebo pauda ulali. Tama augwa si te sia dage me pauda te wiegi yai denami hano ebo te plet pou dabeba munama, tama augwali sigo te isi te Genuai Bidiba te ofa

eyu sela pali. Tiali goli, Genuai Bidigo augwali sibolo te tiwai isi sesao po me wabeo. Tama te sia te Godigo nai da wasiayu, te Godigo homu godolo me ebeo. ² Te polo mu tama Genuai Bidigo te isi tagala palama, augwali si ulama, te augwali si Genuai Bidi gedude isai dao. ³ Tama Mosesgo Aronbolo te po wai, "Polobadu Genuai Bidigo te tiwai po wali, 'Te eno sę eyu þaba asobo bidi dabe, ena te olo bidi tiwai meni augwaligo te tiwai koneabo elalubao, ena God mu dao. Augwaligo te tama homu bugagia konebaso da, teda eno genuai bomo me ula te we bidi augwaliba ola mawaibao.' Agai te tama po wai, tiali goli te bidi sigo te po wali me pişabaso, tama Genuai Bidigo augwali si dolali," Mosesgo te po wai. Tama Arongo te tiali po odama, agai po me wabeo.

⁴ Te Mosesgo Misael me Elsafan i obaso augwali si asali. Augwali si te Usielgo ogwa si, te Arongo aya sabi bidi dao. Mosesgo augwali siba te tiwai po wali, "Dage sigo te duga si amago tigi sagasao, te Godigo sel Ugwa Be tagalama, augwali si te Godigo pesagede buluba sela peyu, pubaligi pao," te po wali. ⁵ Tialima, te bidi si pelama, te isali bidi si selama, te bidibo pesage tagalama, buluba soali, te Mosesgo wali po tiwai gilama yali. Tiali goli, augwali sigo te isali bidigo gudali ugwa me peda sąbeo. Menio. Augwali si ugwa dali te tigi tolasa palio.

⁶ Męgi da Mosesgo po Aronba mayu, te aga gasa ogwa sibolo te po wali, Eleasar dali Itamar si. Agai augwaliba te tiwai po wali, "Dagego te isali bidi side homu dene ebo kolesaga wali me pigio. Te dagego tobolu nisi yaga tigidali side sao. Te dagego olo elalumainogo me elamuo. Te dagego homu dene ebo daj iliyu, te duga ugwa me pişagio. Dagego te homu dene ebo kolesaga wali pobaso da, teda Genuai Bidigo dage tigidali ela silama, te Genuai Bidigo te da Israel we bidi tigidaliba wado po dwai mu waibao. Te gasa Israel dabe, te duga deli hani, te Genuai Bidigo isi tagala palama, te elali bidi side augwali gasa Israel dabego naga homu dene emainao. ⁷ Dagego te Godigo sel Ugwa Be me tagaligio. Dage te buluba sobaso da, te dage isaibao, magi baso meni, eno te Genuai Bidigo wel dageba muani, tama dage te Genuai Bidigo bidi dolo mu bidibao," wali. Tialima, augwaligo te Mosesgo po odama, augwaligo te tama tiwai yai dao.

Te pris dabego te po wali pomainogo ebo bomai po me badu

⁸ Genuai Bidigo Aronba te tiwai po wali, ⁹ "Te nage me nago ogwa dabego te bomai aj wain me bia tulam, dage eno sel Ugwa Be tomoba me pelamuo. Te habu mu dao. Te dagego sel Ugwa Be tomode sę yabo sogo aj tulama, te Ugwa Be tomoba pobaso da, te dage isaibao. Te dagego bulai waj nõų dabe nosali pedalubo hani, augwaligo me te bomai po wali pomainao. ¹⁰ Te dagego bomai aj tusabaso da, teda dagego bugagia dagaliyu, te mena nai eno nai ma te olo we bidigo nai mena elalubo bugagia dagalaibao. Te dagego eno gedude mena nai te meda menisayu,

† 9:18 Prs 3:1-11 †† 9:22 Nam 6:22-26

te mena nai meda elalubo te bugagia mu dagalaibao.

¹¹ Tama dagego te Israel we bidi te bomai po tigidali eno dagebolo te Mosesgo pedauwalide mabo te ola mobaso usu yaibao," te po wai.

¹² Tama Mosesgo Aron dali aga bidibo ogwa si daliba te po wali, Eleasar me Itamar. Agai te tama po wali, "Dagego te me badu pedai plaua te wit ulubo ofago te Genuai Bidiba ofa yali me badu munalubo sao. Tama te plauago, dagego te yis meni yai bret nigao. Tama dagego te alta pade te bret tuiyao, magi baso meni, te nai te olo nai menio, te God aga ofago digi dagebolo mabo dao. ¹³ Dagego te bret te Godigo sel Ugwa Be obo tomode bididu tuiyao. Te witgo ebo ofa pedai tigidali te duga dali te duga hani ogwa dabego dali me dao. Dagego te we bidigo Genuai Bidiba ofa yali plauago siyao. Genuai Bidigo enabolo te seđe po walai dao," wali. ¹⁴ "Te dage dali, te duga we bidi hanigo dali, te kibu bau me kibu dolo sađa te deli haliga pedaliyu ofa yali nai siyao. Te kibu bau augwa te Genuai Bidigo gedude nogo tolaluyu, ugwa eda ebo dao. Te pesage me deli God gedude wiegi yai me elalubaso da, teda dage te me badu pelama, te kibu dage tuiyao. Godigo te ofa yali kibu mi te dage me duga ogwa dabe dali tumainogo mawai dao. ¹⁵ Te we bidigo te ofa yabo ili me te kibu kau me sipsip sađa me bau te sela asobaso, te dagego nogo tulaluyu, te Genuai Bidi gedude iba eda yao. Tama nosali dagego te ili alta isiba ulao. Tiali goli, dagego te kibu sađa me kibu bau selama, tuiyao. Sese mane sogo te kibu pedai dage si dage dali, duga wai dabe daligo nai siyao. Genuai Bidigo te tama po wai dao," wali. ††

¹⁶ Nosali Mosesgo augwaliba po bomonama weyu, te tiwai po wali, "Dagego te seđe sela sašo ofa ebo memede mena se yaliwe?" Tialima, augwaligo te po agabolo wali, "Dago te isiba sese ulama, dela silalio." Tialima, Mosesgo te po odama, tama agai te Eleasar me Itamar augwali siba wado po wai. Tama agai te po wai, ¹⁷ "Magi baso dage te Godigo sel Ugwa Be tomode bidama, te seđe sela sawani kibu tubewe? Te God aga ofa me deli da olama, sa muyu, te agai dageba menama, te dagego te we bidi dabego yali seđe sela samainogo ebo ofa dao. ¹⁸ Dagego te ofa yali kibu kaneme te Tedali Gasagi Yai Be Habuba me sela pisawai, tama tialima, magi baso dagego te kibu dage te eno dagebolo wali po gilama te Tedali Gasagi Yai Be Habude tuai meniwe?"

¹⁹ Tialima, Arongo Mosesbolo te tiwai po wai, "Odao. Megi tama naga te we bidi dabego te augwa seđe sela sayabo ofa te Genuai Bidiba mayu, te augwaligo te isiba tigidali ulama dabo ofa yabo sesalio. Tiali goli, te dwai se enaba pedelai dao. Tialima, te megii tama eno te seđe sela sašo ofa ebo kibu mi tubaso da, teda Genuai Bidigo homugo te ebaso godolo yaiba, agawe? Eno homugo te menio," wali. ²⁰ Mosesgo te wabo odama, tama agai te Arongo po wiegi yai da homu yali. Tama aga haliga dua nagame igulama bidalio.

† 10:13 Prs 6:14-18 †† 10:15 Prs 7:30-34 ‡ 10:17 Prs 6:24-26

Te Godigo gedude wiegi yai meda meni yai nai me meda yai nai dabe po

(Daj 11-15)

Te me badu hasa sibi dabe Israel dabego tuagameo wali, me badu habu selali

(Bom 14:3-21)

¹¹ Te Genuai Bidigo Moses de Aron sibolo walama, ² te Israel dabeba te tiwai po omainogo yali, "Dagego e tobage tade bidibo hasa sibi naga tu-agameo," wali. ³ "Te nogo sađa age si elalubo hasa sibi dabe naga, te augwaligo kibu bulmakaugo nosai tudubo tiwai ebo dao. ⁴⁶ Tiali goli dagego te kamel kibu, me rabit, me te masigi gabalode bidibo bolo gesia, te me tulamuo. Te hasa dabego te kaugo nosai tubo tiwai ebo dao, tiali goli augwaligo nogo sađa te age si elalubeo. Tama tiyu, dagego homugo augwali te eno gedude wiegi yai meni da homu elama, te dagego habu sao. ⁷ Tama te kibu mu me dagego tugio. Te nogo sađa dani age si elalubo, tiali goli agai te kibu kaugo nosai tubo tiwai gilama ebo meni. Tama tiyu, dagego homugo kibu mu te dwai nai da homu eyu habu selao. ⁸ Dagego te tobage hasa sibi me tugio, te augwali isali sogo te dagego augwali tigiba nogo me mugio, magi baso meni, augwali eno gedude wiegi yai me ebo," wali.

⁹ "Dagego te tobage sugu tigidali te tigde pobolo yai me bogo elalubo, te tiwai sugu tuagameo, te olo aji dabede ma tamu ajide bidibo sugu dabe, te usu dao. ¹⁰ Tialima, tigidali sugu me te dwasianu nai tigidali te tamu ajide bidibo, me olo aji dabede bidibo, te tigi pobolo me bogo meni yai, dagego homugo augwali dwali homu yao. ¹¹ Tama eyu, dagego me tugimio, te augwali isai elalubadi te dagego nogogo me diagio. Te habu mu dao. ¹² Ma odao. Dagego te bogo meni yai sugu me te tigde pobolo isawai sugu te weđe bidibo me tugio. Te nai dabe dagego habu selao," wali.

¹³⁻¹⁹ "Te tobage ba meba dageba habu selibao, te dagego me tugio. Dagego te nai tigidali dwali homu yao. Te e tobage ba dabe, te tobage genuai me dwasianu ba kemedage, te tobage tigidali ba kemedage hani hulide bilibo ba me, te ba gaugau, me te kebi dabe, te kanai dabe, me te sađa dili bobage yai ba me, te tobage ba hopou, me te komoran wabo ba pato, me te dwasianu bogwa, me genuai bogwa, te dagego habu sao. Te nai tigidali dagego tubo habu selao. ²⁰ Te sađa si me nogo si me bogo elalubo nai tigidali, te augwali wiegi yai nai meni, te habu sabo usu dao. ²¹ Te sađago sasa mano pabo, te tobage nai yaibaso da, teda dagego tuabo usu yaibao. ²² Tama dagego te tobage kuli mano tigidali tubaso usu yaibao, te genuai me dwasianu dabe te tuagameo. Te tama dao. ²³ Te gasa nai tigidali te nogo si sađa si te

bogo me elalubaso da, teda augwali dagego te dwai nai da te homu elama, habu sao," wali.

²⁴ "Te me badu gasa tobage hasago me te dage eno gedude meda pedalubo sę yaibao. Te bidi me deli te isai hasago tigi diąwai baso da, ²⁵ ma agai gasaba me tolasa pai baso da, teda te bidi eno gedude meda pedelama, te bididubadi be pioba mu usu naibao. Tama te hasa tolali bidigo ugwa me ąj telayao," te po wai dao. ²⁶ "Te sęąde age elalubo tobage hasa dabego, te sęą dani age si elalusiąyu, ma te bulmakaugo nosai tubo tiwai isąbo hasa dabe, te hasa hani dabe dagego te wiegi yai nai meni da, te homu yao. ²⁷ Te tobage tigidali hasa te sęąde dani elalubaso, te wiegi yai hasa menio. Dage te tobage hasa isai tigi me diąwai baso da, teda dage eno gedude meda pedelama, tama dage tiwai bididubadi te giliga dega sigulaibao," Genuai Bidigo te po wai.

²⁸ "Bidigo te tobage hasa tigi gasaba me tolasa peyu da, agai ugwa ąj telayao, tiali goli aga meda elaludubadi te giliga dega sigulaibao. Te tobage hasa dabego dage meda ilibo dao," wali.

²⁹⁻³⁰ "Te tobage hasa hani me habu selali, te bolo gesia dabe me tęde bolo me, te dwasianu yogwa dabe me genuai yogai dabe, te habu saibao. ³¹ Eno te hasa dabe dageba habu selibao, te augwali isai madi dagego augwali tigi diąbaso da, te dage meda pedelama, te elaludubadi giliga dega siguluboba usu naibao. ³² Tama te hasa dabe me deli isilama, te nai me deli daiba tulaluei baso da, te nai eno gedude meda pedalubao. Te naigo tigi te augwaligo nigo nigai nai, me name ugwaba, me kau kibu waliba, me beg daiba tulaluei baso, te aga mena sę elalubaso da, te tagalao, te augwali meda pedelaibao. Tama tiyu, te dagego ąj telayao, tialima te nai dabego meda elalubadi te giliga dega sigulubo sogoba usu naibao," te po wai dao.

³³ "Tama te hasago tigi te tęgo nigai sospen tomoba tulaluei baso da, teda te sospende elaluali nai tigidali te meda pedelaibao. Tama dagego te sospen sene alua sęyao. ³⁴ Te nai meba pąde munalubadi te sospen ąj teba gelai baso da, teda te nai me meda pedelaibao. Te sospende elaluali ąj te doyu, meda yali dao. ³⁵ Te hasa sibi te mena naiba me tulalubaso te tagalao, te nai te meda ilaibao. Te augwa tęgo nigai stov ma aven me deli yaibaso, te me dagego aluao. ³⁶ Tialima, te hasa me te ulu pedalubo ąjba me te olo tęde pedalubo ąjba ma te tank ąjba tulaluei baso da, teda te ąj meda pedalugobeo. Menio. Tiali goli, te mena gasa nai te hasa tigde keąlubaso da, te meda elama, dwali dao.

³⁷ Te hasa sibi me deli te isama, te dagego bulainogo ebo nai waiba tulaluei baso da, te usu dao, magi baso meni, te nai wai meda ilibeo, aga te wiegi yai elalubao. ³⁸ Tiali goli, te nai wai te ąjde munalubadi, te hasago tigi daiba tulaluei baso da, teda te nai wai dabe te eno gedude meda pedalubaso, te habu selabo usu dao," wali.

³⁹ "Te eno dagebolo te tuao wali hasa dabe tuabo homu ebaso, te usu yaibao. Te hasa sibi hani me deli te odolali me isai madi, te bidi me we me deli teba nogo

diąwani da, te bidi ma we eno gedude meda pedelaibao. Te tiwai agade elalubadi, te sia ge dega siguluboba usu naibao," te po wai dao. ⁴⁰ "Tama bidi me deligo te hasa mi tubaso, ma agai te hasa tolai baso da, teda agai ugwa ąj telayao. Tialima, aga digi te meda elalubadi te sia ge dega sigi paboba mu usu naibao," wali.

⁴¹ "Dagego te dwasianu hasa dabe me, ma te tęba tedela pabo binatang me tulamuo. Augwali te dwai nai da, dagego te homu yao. ⁴² Te haligago bulu bilibo tobage hasa dabe, ma te nogo sęągo bilibo hasa, ma te sęąg hauwa elalubo hasa me, te dagego me tugio. Augwali te wiegi yai nai dabe meni, te habu sao.

⁴³ Dagego te hasa sibide deli me tugio. Te dagego tubaso da, te eno gedude dage meda mu pedelaibao," po wai. ⁴⁴ "Ena Genuai Bidi, ena duga God dao. Tama tiyu, te duga digi dage enabolo mayu, te dolo isąbo kolesaga tagaluyu, te doloba pai kolesaga wali peyu, te meda meni yai wiegi yai tedali mu bidao. Magi baso meni, ena digi ena te magi meda meni yai wiegi yai tedali bidiyu, eno te wiegi yai kolesaga me doloba pai sę mu ebo dao. Tama te tęde bilalubo dwasianu hasa dabe me tugimio. Tiyu, dage eno gedude meda pedelabuo. ⁴⁵ Ena Genuai Bidigo, eno dage te Isipde selama, odasa asali, te ena dagego God bidainogo yali. Tialima, dage te tedali gasagi yai mu bidu, te wiegi yai doloba pai kolesaga naga wali piyąo, magi baso meni, ena digi ena te tedali gasagi yai mu bidiyu, te eno kolesaga wiegi yai doloba pai mu elalubo dao," wali.

⁴⁶ "Te dagego megi sali te bomai pode elalubo po, agai te tobage hasa sibi me te ba dabe, te węde bidibo sugų dabe, te dwasianu hasa sibi tigidali, te tęde bilalubo binatang, te nai sibide bomai po wali dao.

⁴⁷ Tama dagego bugagia dagaliyu, te mena meda meni yai nai, me te mena naigo dage eno gedude meda pedelabo te bugagia dagaliąo. Te dagego tuabo hasa sibi dabe bugagia konebadi, dagego tusiąma habu sabo hasa sibi me konebadi tama yao," Genuai Bidigo te Moses dali Aron dali sibolo te po wai.

Te wego wai ame nani nosali badu aga wiegi yai meda meni yai ma pedelabo kolesaga ebo po

12 Genuai Bidigo Mosesbolo te tiwai po wali, ² "Nago te Israel we bidibolo walao, te we me deli haliga elama, te aga wai ogwa ame nobaso da, teda aga eno gedude meda elalubao, te we poluago elibo gasi ebo sogo te tiwai elalubao, te aga meda elalubadi te nogo a naga olama me badu nogo si wabo sogo bidaibao. ³ Tama te 8 wabo side, augwaligo te waigo gasa tigi wali togwao. ⁴ Te we te 33 sogo bidama, te aga wiegi yai meda meni yai ma pedelaibao, magi baso meni, te aga wai ame nani sogo te aga tigde elaluali kaneme tagalalio. Agai te Godiba mani nai da olama, habu selali nai me deli nogo diąsiąbadi te eno dąj ilali sogoba usu nao. Tama aga te eno sel Ugwa Be obo tomoba piąbadi, te aga meda meni yai wiegi yai pedalubo sogoba usu nao," po wai dao.

⁵“Te wego wegi ame nabo sogo, aga eno gedude wiegi yai ebeo, te we sibigo poluago elibo gasi ebo sogo tiwai ebao, te aga Sarere si, te 14 dei usu nama meda elalueibao. Tama te we aga bidibadi, te 66 dei ma bidama da, te aga meda meni yai dwagi yai ma pedelaibao, magi baso meni, agai kaneme tagalai dao.”

⁶“Te tama sogo te we dabe sibi meda meniyu, wiegi yai ma pedalubo si da, teda te wego te kibu be deli yai sipsip kibu sao, te siaba tigidali ulabo ofa yaibao, te augwaligo te ba hi wabo, te ba me deli, te seęę sela sąyu ofa yabo ba sao. Agai te ofa yabo nai si te eno sel Ugwa Be sunumiba selasa pobaso, usu dao. ⁷Tama prisgo te wego te sesali ba hi me kibu sipsip selama, te Genuai Bidi, enaba ofa ebaso da, te we te meda meniam, te wiegi yai pedelaibao. Tama te kanemego te we meda me elalumainogo me egobeo. Megi da aga eno gedude wiegi yai yalio. Te wai ogwa ma wegi ame nabo wego te bomai po wali pao,” te po wai dao.

⁸“Tialima, te wego mone sąę pelama, te aga sipsip kibu wai abelabo mone usu meni baso da, teda agai te ba hi sesao. Te ba hi me deligo te isiba tigidali ulubo ofa eyu, te me gasa bago te seęę sela sąbo ofa yaibao. Te prisgo te ba hi si ofa eyu, te we wiegi yai pedelaibao, tama te we eno gedude wiegi yai pedelaibao,” te po wai dao. †

Te augwali keni elalubo sogo emainu yabo kolesaga po

13 Te Genuai Bidigo Moses de Aron sibolo te tama po wai, ²“Te bidi me deli ma we te tigde keni ma dili keni pedalubaso, ma tigde magi seę me deli pedalubaso, tama te seęo tonobo te oiyabe gasi tiwai pedelabo homu tiwai ebaso da, teda augwaligo te bidi ma we te Aronba me aga hani prisba odasa pao,” wali. ³“Tama te prisgo te seę bugagia osolama, te agai suali madi te tigi nisi tedela elama, te keni tigi tomoba paibaso da, teda te oiyabe gasi dolo tama ebao. Te prisgo te bidi suali sogo da, agai te tama po wao, ‘Te bidigo tigi wiegi yai me elalubeo,’ po wabo dao. ⁴Tialima, te dąj tedela yai pedelama, te prisgo suali keni te tigi tomoba pisąma, te tigi nisi tedela pedalisąbaso da, teda prisgo te bidi agaduba te be me deliba munama elalubadi, te Sarere deli, a naga me si sogo, usu nama bidimainao. ⁵Te 7 wabo side, prisgo te dąj yai elaluali ma osola suao, tama agai homugo te tiwai naga tama me elalubaso, te genuai pedalisąbaso da, teda te bidi agaduba te be me deliba munama bididubadi, te 7 soga usu nao,” te po wai. ⁶“Te Sarere si silibaso da, teda prisgo te bidi ma sulama, te nai genuai pedalisąma silainogo ebaso da, teda te bidi olo keni da homu yao. Tialima, prisgo agabolo walama, ‘Nage God gedude wiegi yai da,’ po wao. Te bidi aga ugwa wę tedelama, te aga wiegi yai mu pedalumainao,” te po wai. ⁷“Te tudu badu nosali, te keni ma pedalubaso da, teda te bidigo pris ma sugi pao. ⁸Tama prisgo te bidi bugagia sumainao, tama te keni genuai pedalubaso da, teda te

bidigo oiyabe gasi elalueibao. Te prisgo agabolo te tiwai po waibao, ‘Nage wiegi yai me ebeo.’”

⁹“Te bidi me deli bomai keni elalubaso, te augwaligo aga te prisba odasa pao,” wali. ¹⁰“Te bidi te prisgo bugagia osa yao. Te keni tedela eyu, te tigi nisi tedela pedelama, tama te kenide keni bole paęąną pobaso da, ¹¹teda te bidi te oiyabe gasi dolo elalubao. ¹¹Tama prisgo te bidiba te tiwai po wao, ‘Nage wiegi yai me ebeo.’ Prisgo koneani, te bidi wiegi yai ebeo, tama tiyu, te bidi agaduba deli bidimainogo me elamu dao.

¹²Tama te gasi genuai mu pedelama, te bidigo tigi tigidali usu nubaso da, ¹³teda prisgo te bidigo tigi bugagia osa yao. Te prisgo suali digi te gasigo te bidigo tigi tigidali usu nama, te tigi tigidali tedela ebaso da, agai te bidibolo te tama po wao, ‘Nage Godigo gedude wiegi yai yalio.’ Te bidi wiegi yai mu yai dao. ¹⁴Tiali goli, nosali te keni ulu podilama, te tomode elalubo mi hanilibaso da, teda te bidi wiegi yai mu me ebeo dao.

¹⁵Prisgo te keni ma sulama, agai suali keni te tiwai ulu podilaibaso, agai te bidibolo walao, ‘Nage wiegi yai ebeo.’ Te keni elalubo bidi te keni ulu podilama, te keni tomode mi elalubo bidi da, aga eno gedude wiegi yai me egobeo. Te tobage keni te dwai mu dao. ¹⁶Tialima nosali, te keni pedela selama, tigi tedela pedalubaso da, teda te bidi te prisba ma pomainao,” wali. ¹⁷“Te prisgo te bidi bugagia ma sulama, agai suali te keni pedela selama, te tigi tedela yaibaso da, teda te bidi eno gedude wiegi yai yalio. Te prisgo agabolo te tiwai po walao, ‘Nage wiegi yai mu yai dao,’ po wao,” wali.

¹⁸“Te bidi me deli tigde dili keni elama, te keni pedela selama, ¹⁹tama nosali dili keni yali madi du elama, tedela pedalubaso, ma tigi mama yai me tedela dali elalubaso da, teda te bidi prisba pao,” wali.

²⁰“Tama prisgo te bidi dili keni yali pesage bugagia suao. Te keni dwasianu tomoba pelama, te badu tigi nisi te tedela pedelai baso da, teda prisgo te bidibolo te tiwai po walao, ‘Nage God gedude wiegi yai ebeo.’ Te gasi te dili keni pedela sali pesagede pedelali da, te dwai nai mu dao. ²¹Tiali goli, prisgo te tigi sulama, agai te tigi nisi tedela isąwai sulama, te keni tigi wali tomoba pisąwai, agai te usu ma yabo tiwai tonobo homu ebaso da, teda prisgo agaduba munama bidibadi, te Sarere deli bidama, te nogo a naga olama, te me badu nogo si wagi solama sogo usu nama bidao. ²²Te nosali te 7 wabo sogo te nai genuai pedalubaso da, teda te dwai nai mu da, te prisgo bidibolo te tama po walao, ‘Nage te God gedude wiegi yai ebeo,’ po wao. ²³Tiali goli, te tigde dąj ilali te tiwai me tama elaludu, te genuai pedalisąbaso da, teda te dili kenigo dila pali tigi wali te masalu pedela salio, te tama dao. Tama te prisgo te bidibolo te tiwai po wao, ‘Nage te God gedude wiegi yai yali dao,’” wali.

²⁴“Te isigo bidi me deli tigi dai madi, te keni mama yai ma tedela yai te pedalubaso da, ²⁵teda prisgo te keni bugagia osola suao. Te keni tedela yali madi te

† 12:8 Luk 2:24

†† Te Hibru dabe augwaligo te tobage gasi hauwade te nogi naga wali, “Oiyabe gasi da,” wali dao. Te wabo po te megı dago elalubo subo te oiyabe gasi delide po naga po weyu me wabeo.

kenide tigi nisi pedelama, te siago ulali madi keni to-moba paibaso da, teda te keni dwai nai mu dao. Tiba-so, prisgo te bidibolo te tama po wao, 'Nage God gedude wiegi yai ebeo,' po wao. ²⁶ Te keni elalubo madi tigi nisi te tedela yai pedalisąma, te keni tomoba pisąma, te suali madi pedela sabo homu tiwai ebaso da, teda prisgo te bidi agaduba munama bidibadi, te 7 wabo sogo usu nama bidimainao. ²⁷ Te 7 wabo side te prisgo aga ma osola suao. Te keni genuai pedelai baso, te keni dwai mu dao. Te prisgo agabolo te tiwai po walao, 'Nage dwagi yai me ebeo,' te po wao. ²⁸ Tiali goli, te keni me tama elalubaso, te genuai pedalisąbaso da, teda te tigde isigo ulali madi masalu naga elalubao. Tialima, prisgo te bidibolo te po walao, 'Nage God gedude wiegi yai dao,'" wali.

²⁹ "Te bidi me deli ma we buluba keni keni te to-bolude pedalubaso, ma penanede keni ebaso da, ³⁰ teda prisgo te buluba keni bugagia suao. Te prisgo homugo te keni keni tigi tomoba pali homu elama, te agai suali te buluba keni yali pesagede te tigi nisi hauwa elalu, te tigi nisi sęwa yaibaso da, teda prisgo koneama, te buluba keni keni dwai nai mu da homu yaibao. Agai te po te bidibolo walao, 'Nage God gedude wiegi yai ebeo,' wao. ³¹ Tiali goli, prisgo aga subo sogo, te agai suali te buluba keni kenigo tigi wali tomoba sela pabeo, te buluba keni elaluali madi tigi nisi wiegi yai me pedalisąwai, tialima agai te bidi agaduba munama, te Sarere deli bidimainao," te po wai. ³² "Te 7 wali side me tama elalubaso da, prisgo te bidigo tigi ma osola suao. Te buluba keni me tama elaluyu, te genuai pedalisąma, te prisgo homugo te tigi tomoba pogobe homu eyu, tama te badu sęwa yai tigi nisi pedalisąbaso da, ³³ teda te bidi aga tobolu nisi me penani nisi tigidali poayao, tiali goli te keni elalubo madi poagio. Te nosali prisgo te bidi agaduba tedali bididubadi, te nogo a naga olama, me badu nogo si wagi solama sogo ma bidimainao. ³⁴ Tama te 7 wabo sogode prisgo te bidigo keni keni ma suao. Te keni keni te tama tiwai me elalu, te genuai me isąyu, tama prisgo homugo te keni tigi tomoba pabe homu eyu da, te agai te bidibolo te tiwai po wao, 'Nage God gedude wiegi yai yalio.' Tialima, te bidigo ugwa ąj telabaso, te wiegi yai ebo dao. ³⁵ 'Nage wiegi yai yalio,' te prisgo te po wali sogo tudi badu nosali te habo keni genuai pedelai baso da, ³⁶ teda te prisgo aga ma osola suao. Te habo keni genuai pedelai baso da, teda prisgo te tiwai koneao, te bidi wiegi yai ebeo homu yao, tama agai te sęwa yali nisi munu me gegegio," wali. ³⁷ "Tialima, te prisgo aga suali madi, te habo keni te tiwai me elaluabo homu eyu, te genuai pedalugobe homu elama, tama te keni yali madi wiegi yai tigi nisi pedalubaso da, teda te habo keni silalio. Tialima, prisgo agabolo te tama po walao, 'Nage God gedude wiegi yai yalio.'" ³⁸ "Te bidi ma we me deligo tigde tedela yai nai me-ba pedelai elalubaso da, ³⁹ teda prisgo te tigde ąj elalubo bugagia suao. Te ąj elalubo te olo tedela elaluyu, te ula mu meni baso da, teda te ąj olo tama

te tigde pedelali homu yao. Tama tialima, te bidi eno gedude wiegi yai yali dao," wali.

⁴⁰ "Te bidigo tobolu nisi meniama wane paibaso da, teda aga eno gedude meda elalubeo. Menio. Aga wiegi yai bidi dao. ⁴¹ Te tobolu nisi tomo bulude naga, te wane pai bidi yai baso da, teda te bidi aga eno gedude meda meni yai wiegi yai bidi dao. ⁴² Tiali goli, te wane pai bidi tobolude te keni pedelama, te kenigo au te mama yai me tedela elalubaso da, teda te keni dwai mu dao. ⁴³ Te prisgo bugagia osola suao. Te kenigo au te mama yai ma tedela yai elalu, te oiyabe yai bidigo keni tiwai elalubaso da, ⁴⁴ teda te tobolu wanede keni te dwai nai mu dao, te prisgo agabolo te tiwai po wao, 'Nage Godigo gedude wiegi yai ebeo.'" ⁴⁵ "Bidi me delide te tobage keni elalubaso, agai te pisila pai ugwa munama, te tobolu nisi yaga sigio. Tama aga nogogo pedauwali pania selama, te tiwai i wao, 'Ena dwagi yai menio. Ena dwagi yai menio,' te tama po wao. ⁴⁶ Sesemane sogo te tobage keni elalubo bidi, aga eno gedude wiegi yai me ebeo. Agai te aga abagi dabe tagalama, te bidibo pesage bulu badu tedali bidao," te po wai dao.

Bomo yai pode te nai dabego ugwa doado bage dolobo po wai

⁴⁷⁻⁴⁸ Genuai Bidigo po ma weyu, te Moses de Aron sibolo te tama po walio, "Me sogo te nai mebago te ugwa dolobo sę eyu, te gudubo ugwa dabede, me name ugwade, me augwa te sipsip nisigo nigali, ma te wiegi yai hobigo nigali, te bulmakau tigi walide pedaliyu, te tobage naigo nigali naide pedaliyu yaibao," wali.

⁴⁹ "Tama te nai te ni yano tigi poai, ma mama yai ped-alubaso da, teda augwaligo te ugwa dabe prisba waselama, ola magasao," te po wai. ⁵⁰ "Te prisgo selama, bugagia sulama, te nai gasa, badu munama, te nogo a naga olama me badu nogo si sogo elalumainao. ⁵¹ Te 7 wabo side te agai ma suao, tama te ugwade genuai pedelaibaso da, teda te oiyabe gasi tiwai ebaso, tama te ugwa ma kau wali te eno gedude wiegi yai egobe dao. ⁵² Tama prisgo te ugwa isiba ulao. Te oiyabe pedalubo tiwai yali nai, te isiba ulama, mu siago dela silimainao," wali.

⁵³ "Tiali goli, prisgo te nai suali te tiwai tama me elaluyu, te ugwade genuai pedalisąbaso da, ⁵⁴ teda agai augwalibolo olama, te ugwa wę tela yao olama, te munalubadi te 7 wabo sogoba usu nao. ⁵⁵ Nosali agai ma suao, te oiyabe tiwai yali te au me tama elaludubaso, te ugwa menade te nai pedelali madi elalu, te nai elaluali pesagede me genuai pedalisąbaso da, tagalao, te eno gedude wiegi yai me egobeo. Tialima, prisgo te ugwa isiba ulao. ⁵⁶ Tialima, augwaligo ąj telawai madi te prisgo ma suali madi, te oiyabe tiwai yali nai silainu ebaso da, teda agai te ugwa pedai te nai pedelali madi togwa sąyu, te tigi wali me peda sąyao, te dolali naga sela sąyao. ⁵⁷ Tialima, nosali te ugwa me kau tigi wali dolali nai ma pedalubaso da, teda te ugwa aga ayago ma kau wali me te isiba ulao, te mu dela silimainao," wali. ⁵⁸ "Tialima, agai te ugwa me kau wali ąj telabo so-

go, te oiyabe tiwai nai menia sobaso da, teda agai si sogo aji tedelama, te ugwa eno gedude wiegi yai mu pedelaibao," wali.

⁵⁹ "Te tobage naigo te gasa tobage nai dolo bomai po elaluali, te ugwa ma te name ugwa augwa te wiegi yai hobigo nigali, ma te sipsip nisigo nigali, te tigidali nai augwa te kau waligo nigali nai. Te bomai pode te nai dabe te eno gedude wiegi yai yali, ma wiegi yai isařwani te bomai po wai dao," wali.

Te oiyabe gasi sia sabo side wiegi yai pedalubo kole-saga po

14 Te Genuai Bidigo Mosesbolo te tiwai po wai, ² "Te mena bidide oiyabe gasi elalubaso, te se yabo bomai po e dao. Te aga gasi silama, te aga eno gedude wiegi yai pedelainogo ebaso da, teda augwaligo te prisba tede po wagi pao. ¹³ Tialima, pris te we bidi bidibo pesage tagalama, buluba solama, te oiyabe gasi sai bidi tedali bidibo madiba peyu, tama te aga tigi bugagia osola suo. Te oiyabe gasi mu silai baso da, ⁴ teda prisgo augwalibolo olama, te eno gedude wiegi yai ba si bidibadi sesao," wali, "te ni sida dwasianu dage sobadi, te mama yai dila pai hobi me sesao, te ni hisop nologo me selasa asao," wai dao. ⁵ "Te prisgo augwaliba walama, te tōgo nigai sospen selama, te dwasianu we asobo madi te aji tulama sesao. Tialima, nosali augwaligo te ba si wali bago me deli selama, te tōgo nigai sospen ugwadu tolaluama, te ela munama, te kaneme sospen seneba dulaibao. ⁶ Te prisgo gasa ba me ni sida dage, te mama yai hobi string me, ni hisop me, te selama, te kaneme yai aji munama, te ugwaba polo ma sao. ⁷ Tama elama, agai te kaneme dwasianu te nogo a naga olama, te me badu nogo si wagi soabode te eno gedude dwagi yai pedelabo bidi tigiba sařařa bilao. Tama prisgo agabolo te tiwai po walao, 'Megi da nage God gedude wiegi yai pedelalio.' Tama prisgo te bidibo ba selama, te buluba solama, te aga bola pomainogo yaibao. ⁸ Te bidi aga wiegi yai pedelainogo eyu da, te aga ugwa aji tedelama, te tobolu nisi togolama, te aga tigi me te aga aji pauwao. Agai tama tibaso da, teda aga eno gedude wiegi yai pedelaibao. Tama aga te bidibo pesageba pagameo, tiali goli aga ugwa bede bulu, badu bidibadi a naga me si sogo usu nama te usu dao. ⁹ Te nogo a naga si wabo side te aga tobolu nisi me penani nisi tigidali ma togwao, te gedu nisi me, te aga tigde gasa tigi nisi elalubo tigidali mu poayao. Te aga ugwa me aji telayu, te aga me aji pauwao, teda aga eno gedude wiegi yai magi meda meni yai pedelaibao," wali.

¹⁰ "Te 8 wabo side agai te sipsip omai wai si selama, te sipsip kibu so me deli kibu be deli yai sobadi yao. Augwali te dwai keni kenigo me dolisařwai wiegi yai mu sao. Tama agai te plaua seře kilogram sela yali wiegi yai sao, agai te oliv wel dali taluali, te wit ofa ulubo ofa tiwai eyu, te oliv kap wel si me sao," wali. ¹¹ "Tama agai te kibu sipsip dabe te plaua nai me eno sel Ugwa Beba sela pao, te pris me deligo aga wiegi yai pedalumaino-

go tau saibao. Tialima, prisgo te bidi te aga ofa yabo nai dabe dali te ena Genuai Bidi eno sel Ugwa Be sunumiba selasa pao," wai dao. ¹² "Megi da prisgo te sipsip sigo te me deli selama, agai te oliv wel dali te dwai sa yali isilibo ofa tiwai yao. Hasia bolo agai te nai dabe nogogo tulama, te eno gedude hogayu, iba eda yao," po wai. ¹³ "Tama nosali prisgo te sipsip wai te pesagede elao, augwaligo te seře sela sařu, te bulmakau dabe elama, ofa ebo pesage, te isigo tigidali dela silimainu ofa ebo digi dao. Prisgo tama tiao, magi baso meni, te dwai seř silimainu ebo ofa tiwai te seře sela sařo ofa tiwai ebao. Te ena dolo mu ebo seř ena God, eno te sipsip mi te pris dabebolo mawai dao. ¹⁴ Nosali prisgo te sipsipgo kaneme dwasianu selama, te meda sela sařnama, wiegi yai pedelainu ebo bidigo dolo nogo olo badu muao, te dolo nogo a danide me mubadi, te bidigo dolo sařa a danide me muao," wali. ¹⁵ "Tama prisgo te oliv wel dwasianu selama, te aga pobase nogoba gelama, te wel nogo diayao. ¹⁶ Tama agai dolo nogo dani me deli te welba munama, te wel a naga si sogo sařařa bilibaso da, te ena Genuai Bidi, eno aga sueibao. ¹⁷ Nosali prisgo te aga nogode elaluali dwasianu wel selama, te wiegi yai pedalumainu ebo bidigo dolo nogo badu oloba muao, te genuai a nogo danide elalubo kanemeba me muyu, te bidigo a sařa danide elalubo me mubadi yao. ¹⁸ Te wel me badu prisgo nogode elalubo agai te bidi toboluba muao. Te tebo kolesagade agai te bidi eno gedude wiegi yai pedalubo seř ilibo dao," wali.

¹⁹ "Te silama da, teda prisgo te seře sela sařo ofa ebaso da, te bidi eno gedude wiegi yai mu pedelaibao. Te nosali agai te isigo tigidali mu dela silibo ofa yao," te po wai dao. ²⁰ "Tama agai te ofa ebo kibu dali te wit ulubo ofa dali te altade yao. Te kolesagade prisgo te bidi seře sela sařo ofa ebao, tama te bidi eno gedude meda meniama, wiegi yai mu pedelai dao," te po wai dao.

²¹ "Te bidi magi nai mu meniama, te aga wiegi yai pedelabo ofa yabo nai dabe abelabo mone meni baso da, teda agai te omai sipsip wai deli naga sesao. Te kibu sipsipgo te aga dwai seř yali silimainu yaibao. Te nosali prisgo nogogo tolaluyu, te iba eda eno gedude tama tiao. Tama te bidigo te kilogram deli yai wiegi yai plaua somainao, tama te oliv wel dali taluama te wit ulubo ofa yao. Te agai oliv wel kap si sesemainao," wali. ²² "Tama agai augwaligo te nogi hi wabo tobage ba si sesao, te ofa yabo, magi baso meni, agai te sipsip hauwa abelabo usu ebeo. Te ba hi me deligo te dwai seře sela sařu, te me deligo te isiba ulama tigidali dela silibo ofa yaibao," te po wai dao. ²³ "Te augwaligo aga te wiegi yai pedalumainu seř ebo side, te 8 wabo side, agai te kibu doado bage te prisba sela peyu, te Genuai Bidi eno sel Ugwa Be sunumiba selasa asobaso da, teda eno sueibao," wali. ²⁴ "Tialima, prisgo te sipsip me oliv wel saibao, te nogogo tulama, te eno gedude iba eda yao. ²⁵ Tama prisgo te sipsip wai elama, te dwai seř yali silimainogo ofa yaibao. Agai te ofa ebo nai kaneme dwasianu selama, te wiegi yai pedelainu ebo

† 14:2 Mat 8:4; Mak 1:44; Luk 5:14; 17:14

bidigo dolo nogo olo badu pilao, te agai dolo nogo a danide me pilibadi, te bidigo dolo saęa a danide me pilao," wai dao. ²⁶ "Te prisgo oliv wel dwasianu selama, te aga pobase nogode gealuama, te wel nogo tuwao. ²⁷ Te agai dolo nogo dani te welba munama, te wel nogo a naga si sogo saęaęa pobaso da, te ena Genuai Bidi, eno sueibao. ²⁸ Nosali prisgo te dwasianu wel aęi te hasia agai te dwasianu kaneme muani pesagede muao. Agai te bidigo dolo olo badu mumainao, te dolo a nogo danide me muyu, te agai dolo saęa a danide me muao. ²⁹ Te nogode elalubo wel tigidali te prisgo te wiegi yai pedelainu ebo bidigo tobolude pilao, te kolesagade prisgo te bidigo seęę sela saęo ofa ebao. ³⁰ Tama prisgo te ba hi si te bidigo sela asali te salio, te ofa yabo dao. ³¹ Agai te ba higo te seęę sela saęo ofa tiwai eyu, te gasa bago te isiba tigidali ulama dabo ofa yaibao. Agai te wit ulubo ofa dali te ba hi si dali ofa yao. Te kolesagade prisgo te bidigo seęę sela saęo seę eyu, eno gedude wiegi yai pedalubo seę tama yaibao. ³² Te bomai po te oiyabe gasi yali bidigo gasi sia so-mainu ebo bomai po, tiali goli te aga mone soęa pobaso, te agai te bomai pode sesao wali nai tigidali sela pabo usu isabaso, te aga eno gedude wiegi yai emainogo te tiwai ofa ebo dao," wali.

Te be dolobo nai bede pedalubo po

³³ Te Genuai Bidigo Moses de Aron dali sibolo te tiwai po wali, ³⁴ "Nosali dage te tę kantri Kenanba bidigi paibao, te eno dageba mawainogo homu ebo bulu, te dagego tę mu sesemane elalueibao. Tama dage te Kenan tęba sabolama bidibo sogo, te eno nai me deli te oiyabe pedalubo tiwai elama, te dagego masigigo nigai be mebade pedelama, te be dolobo seę ilaibao. ³⁵ Te be aga ayago suali, te tama seę elalubaso, aga te prisba pelama, agabolo te tiwai po walao, 'Eno suali, te oiyabe tiwai nai me deli eno beba pedelama, te eno be dolainu homu ebao.' ³⁶ Prisgo te tiwai po odobaso da, teda agai te be page bidibolo walama, te be tomode doado bage tigidali selama, te buluba sela soao. Te bidigo tama tisawani da, te pris aselama, agabolo te tiwai po walaibao, 'Te bede tigidali doado bage te God gedude dwalio olama, te nagebolo habu selaibao.' Tialima, bidigo te bede doado bage tigidali buluba sela soai digi yai baso da, teda pris te be tomoba pelama, te be sumainogo yao," po wai. ³⁷ "Agai te be paiyali daga masigi dabe dolobo nai te bugagia osola suao. Te agai suali madi te ni yabe tiwai nai ma mama yai naigo te amamogo tubo tiwai te be daga paiyali masigi dabede dwasianu dodogo paibaso, tama agai homugo te naigo te be daga dodogo pelama, tomoba mu paibaso da, ³⁸ teda pris te buluba dię solama, te po walao, 'Te bede bidisaęa, habu selama, te nogo a naga olama, me badu nogo si sogo olo elalumainao.' ³⁹ Te 7 wabo side pris aselama, te be ma suagasao. Te nai te be paiyali daga masigi dabede genuai mu pedelaibaso da, ⁴⁰ teda prisgo augwalibolo walama, te dwai nai elalubo masigi dabe sela saęama, te taun bulu, badu saęao te eno gedude dwai nai sela saęo pesage-

ba sela saęao. ⁴¹ Augwaligo tama tilama da, teda augwaligo te masigi mesegelali simen tigidali te be tomode elalubo sela saęao. Tama augwaligo te taun buluba sela solama, te dwai meda yai nai saęo pesageba naga saęao. ⁴² Tama augwaligo te gesi masigi dabe selama, te poloba elaluali masigi hasegelama, te be daga masigi te pedai badu ma nigao. Te augwaligo gesi simen selama, te be daga nigali tigidali ma haluao," wali.

⁴³ "Te oiyabe tiwai nai te be obo dagade ma pedaliyu, te seę yali tudi, badu te nai ma pedalubaso da, ⁴⁴ teda pris te beba ma pelama, bugagia suao. Te nai genuai pedelama, te be dolabo homu ebaso da, teda te be eno gedude dwali dao. ⁴⁵ Tibaso, te be augwaligo huęilama, te tigidali masigi me, ni me, simen me, sela saęao. Tama augwa te taun bulu badu sela soao, te augwa eno gedude meda yai doado bage sela saęo pesageba pelama, mugi pao," te po wai dao.

⁴⁶ "Te be habu selali elalubadi, te be tomoba bidi me deli pobaso da, te bidi eno gedude meda pedelama, aga te tiwai bididubadi te giliga iba dega sigulaibao," wali. ⁴⁷ "Te bidi me deli te tomode godege piali ma nai tubaso da, teda aga ugwa aęi telayao," wali.

⁴⁸ "Tialima, prisgo te be suagasobo sogo da, teda agai suali, te be wiegi yai elaluyu, te nai ma pedalisaębaso, te agai te tiwai po augwaliba walao, 'Te be Godigo gedude wiegi yai elalubao.' Magi baso meni, te oiyabe tiwai naigo te be dolali, te munu ma elalubeo. ⁴⁹ Te be eno gedude wiegi yai pedalubo kolesaga e tiwai elalubao. Prisgo te ba hi si sobadi, te ni sida dwasianu dagenu siyu, te mama hobi string dagenu sobadi, te ni hisop nologo sobadi yao. ⁵⁰ Tama augwaligo te tęgo nigai sospen selama, te dwasianu asobo aęiba pelama, te aęi tulama sesao. Te prisgo ba hi me deli selama, te sospen ugwadu tolaluyu elama, te kaneme sospenba dulaibao," wali. ⁵¹ "Nosali agai te ni sida dagenu me siyu, te ni hisop nologo me siyu, te mama hobi string me sobadi, te bidibo ba hi selama, te kaneme elalubo aęiba munama, te polo ma kega sao. Tama agai te kaneme elalubo aęi te a naga si sogo te beba saęayao. ⁵² Prisgo tama tilama, te be eno gedude wiegi yai pedelaibao. ⁵³ Tama agai te bidibo ba bidibadi te taun buluba te kala elalubo pesage buluba bola pomainogo tagala palama, bola pomainu yao. Te kolesaga te bego dwai meda elalubo sia selama, te be eno gedude wiegi yai ma pedalubo tiwai ebo dao," wali.

⁵⁴⁻⁵⁶ "Te bomai pode te tama po wali, te oiyabe gasi yai we bidi, me te habo keni keni yai we bidi, me te keni ebo me dili keni ebo, me te masalu tigde pedalubo po me walio, te ugwa doado bage, me be dolobo te bomai pode te po wali. ⁵⁷ Te bomai pogo te dagebolo ola mayu, te mena nai te meda yai nai, ma te mena nai te wiegi yai eno gedude pedalubo, te bomai pogo page ola mabo po dao," te po wai dao.

Te tigde te tobage meda meba pedalubo bomai po

15 Te Genuai Bidigo Moses de Aron sibolo te tiwai po walali, ² "Nago te Israel bidi dabebolo walao,

te bidi me deligo gasade keni dį pedalubaso, te keni dįgo aga eno gedude meda ilibao. ³ Te keni dį ebogo te aį bole tiwai gasade pedalubaso, ma te naigo bo-mogo te poi tabo sunumi pania sobaso da, teda te bidi eno gedude meda elalubao. ⁴ E tiwai elalubao. Te dugulalubo bet sai me pibo bet sai me tigidali te meda pedelaibao. Te aga dugabo sia sai tigidali me te meda ela silaibao. ⁵⁻⁶ Mena bidigo te bidigo pibo betba nogo mubaso, ma te bidi dugabo sia saiba dugabaso da, teda aga ugwa digi wę telayu, te aga me aį paugi pao, tiali goli te agade meda elaludubadi te be pio mu igi paibao. ⁷ Te mena bidi me wego te tobage gasi elalubo bidigo tigiba nogo mubaso, te aga ugwa digi aį telayu, te aga wę me paugi pao, te meda agade elaludubadi te giliga iba dega sigulaibao. ⁸ Te gasi elalubo bidi agai te eno gedude wiegi yai elalubo bidi me deliba pesą sşbaso da, teda te gasa bidi me te meda pedalubao, te agai ugwa me aį telayu, aį me paugi pao, te meda agade elalubadi te giliga iba dega sigulaibao," te po wai dao. ⁹ "Te tobage gasi elalubo bidi te hosde dugabo nai satelba dugabaso da, teda te nai meda pedalubao. ¹⁰ Te bidi me deligo te bidi dugayali nai satelba nogo muani da, aga me meda ilama, te tiwai me bididubadi te giliga iba dega sigulaibao. Te nai bidi me deligo sela pobaso me, nosali bidi teba dugabaso da, teda aga ugwa aį tedelama, te aį paugi pao, te meda agade elaludubadi te sia ge iba dega sigulaibao. ¹¹ Te gasi elalubo bidi, te agai nogo aį bolo telasiąma, te agai nogo gasa bidiba mubaso da, teda te gasa bidi agai ugwa aį tedelama, te aį paugi pao, te aga meda elaludubadi te sia ge iba dega sigulaibao," wai dao. ¹² "Te gasi elalubo bidigo agai nogo te tųgo nigai sospenba mubaso da, teda augwaligo te sospen alu-ao. Te agai augwaligo te nigo nigai pou disba nogo mubaso da, teda augwaligo te pou dis bugagia aį telayao," wali.

¹³ "Te bidigo gasi usu ma ebaso da, teda aga te a naga me si sogo bolo bidilama, te aga wiegi yai ma pedelaibao. Te Sarere silibaso da, teda aga ugwa aį telayao, te pelama, aį me deliba paugi pao, te aga eno gedude wiegi yai pedelaibao," wali. ¹⁴ "Te 8 wabo side agai te tobage ba hi si seselama, te ena Genuai Bidi geduba dolagasao, te eno sel Ugwa Be sunumiba aselama, te ba hi si prisba magasao. ¹⁵ Tama prisgo te ba hi me deligo te sęęę sela sşbo ofa tiwai eyu, te gasa ba mego te isiba tigidali ulama dela silibo ofa yaibao. Te tebo kolesagade agai te gasi silai bidi tau selama, te bidi eno gedude wiegi yai pedelaibao," wali.

¹⁶ "Te bidi me deli piali madi aga gasade olo dali gawa gealueibaso da, teda aga meda pedelali, te aga tigi tigidali aį pauwao, te aga meda elalubadi te giliga dega sigulaibao. ¹⁷ Te bidigo tigide aį te ugwade tulalueibaso, ma nami ugwade, ma te bulmakau waligo nigali nai dabede tulalueibaso da, teda te nai dabe meda yaibaso te aį telawaibao, te nai dabe meda elalubadi te giliga dega sigulaibao," wali. ¹⁸ "Te bidigo we dali pagela pibaso da, te augwali side meda pedelaibao. Te augwali si gagali ela silama da, te augwa si

aį paugi pao, te augwali side meda elalubadi te giliga dega sigulaibao," te po wai.

¹⁹ "Te we me deli poluago elibo gasi sabo side, te aga meda pedelama elalubadi, te Sarere deliba usu naibao. Bidi ma wego te weba nogo mubaso da, teda augwaliba te meda dagana selama elalubadi, te sia ge iba dega sigulaibao," wali. ²⁰ "Te we pibo bet sai me tigidali te aga dugabo sai me tigidali, te tigidali meda ela silaibao," wai dao. ²¹⁻²² "Mena bidi ma wego te betba nogo muani, ma aga duabo naiba me nogo mubaso da, te meda agade pedelaibao. Te aga ugwa digi aį telagi pelama, aį me paugi pao, te meda agade elalubadi sia ge iba dega sigulaibao. ²³ Te pibo ugwa sitbet, ma mena nai te we dulaluali te tagalao, te bidigo ma wego teba nogo mubaso da, te meda agade elalubadi, te be pio mu igi paibao. ²⁴ Te bidi me deligo te we poluago elai gasi elalubo sogo te we dali pagela pibaso da, teda bidigo te wego meda selama, te bidi meda elalubadi Sarere deli bidaibao. Te mena bet te bidi pibo madi me meda elalueibao," wali.

²⁵ "Te we aga tigide kaneme elalu, te meba sogoba usu niyu, te poluago elibo gasi agade isşbadi, ma te poluago elibo gasiba wadolama, te kaneme idubadi, te meba sogoba usu nubaso da, teda agade te meda elalubadi te silibo sogoba usu naibao. Te wego bulu be gasigo kolesagade te tama tebo dao. ²⁶ Te aga mena betde piali ma mena sia saide dulaluali me, te tagalao, te bet doado bage meda pedalubo dao," te po wai.

²⁷ "Te bidi ma we me deligo te naiba nogo mubaso da, te meda agade pedelali. Te aga ugwa aį tedelama, te aį paugi pao. Te meda agade elalubadi te sia ge dega sigulaibao. ²⁸ Te wego tigide pedelali kaneme wa pabo si da, te aga Sarere deli bidilama, te aga eno gedude meda meniama, wiegi yai pedalubo dao. ²⁹ Te a naga me sela wabo side agai te tobage ba hi si selama, te eno sel Ugwa Be sunumiba sela pelama, te prisba mao. ³⁰ Tama prisgo te ba higo te sęęę sela sşbo ofa tiwai me eyu, te gasa me bago te isiba tigidali ulama, dela silibo ofa emainao. Te kolesagade agai te we eno gedude wiegi yai pedalumainu usu ilibo dao," wai dao.

³¹ "Dage sigo bomai po te Israel dabeba menama, te augwali eno gedude meda elalubo sogo dua dao, bugagia koneao. Eno sel Ugwa Be augwali tomode elalubao, te augwali meda elalubaso da, teda te be tomoba augwali me pelamuo. Tiyu, augwaligo te sel Ugwa Be meda ilidalio. Te sel Ugwa Be augwaligo meda ilibaso da, teda eno augwali ela mueibao," wali.

³² Te bomai pode te tama po wali, te bidigo gasade tedela yai kaneme pedalubo, me odolali gasade aį gealubo, me te naigo aga meda ilibao. ³³ Tama te we tigide poluago elibo gasi ebo po me, te bidi ma we tigide te aga naide tedela kaneme pedalubaso, te bidigo aga we dali pibo po te me te meda elalubao po wai dao.

Godigo genuai bodolu muani, te Godigo te we bidi dabego sęęę sela sęawainogo

(Daj 16)

Hetprisgo te we bidi dabego sęęę sela sęabo ofa emainao

16 Polobadu Arongo ogwa sigo te Genuai Bidiba ofa igi pali te agai augwali sibolo te ofa yabo po wasiqbadi, tibaso augwali si isalio. Te tilama, nosali Genuai Bidigo Mosesbolo te tiwai po wali, ² "Nago naga ama Aronbolo walao, sesemane sogo aga te Tedali Gasagi Yai Mu Be Habu te genuai daj togwali tudi badu tomoba me pelamu dao. Tialima, ena digi daj ilibo sogo, aga tomoba pagameo. Magi baso meni, ena te pę me deli tomode bidama, te ena hanilagasu, te sęęę sela sęabo Daj Wali Bomai Po Elalubo Halobage daiba pedalubo dao. Te aga olo dali te be habu tomoba pobaso da, teda aga isaibao. ³ Aron te Tedali Gasagi Yai Mu Be Habu tomoba pabo sogo, agai e tama timainao. Hasia bolo agai te sęęę sela sęabo ofa yabo ogwa bidi bulmakau omai me deli sela pao, te agai omai kibu sipsip me deli te isiba tigidali ulama, dela silabo ofa yabo te me sela pao," wali. ^{††}

⁴ "Tama agai prisgo te tobage gasa ugwa gudaibao. Agai te bobage aiyaba tagalalubo ugwa gudama, te pęwadage trausis ugwa me muani, te ugwa nami agai haligade kukulu tiwai kekelama, te nami ugwa me deli te tobolodu madi tiwai munama, kekaluao. Te tedela ugwa dabe naga muao. Ena digi te prisgo gudabo ugwa dabe daj ilali. Tama tibaso, Aron aga aj bolo paluama, nosali te ugwa doado bage mubaso usu dao," wali.

⁵ "Te Israel we bidi augwaligo te sęęę sela sayabo meme omai si sobadi, te omai sipsip deli isiba tigidali ulabo me selama, te Aronbolo mao. ⁶ Tama Arongo te omai bulmakau aga digi sela asali te aga sęęę me aga we wai pulubago sęęę dali sela sayabo ofa yainogo eyu, tama te eno geduba osogo muao," te po wali. ⁷ "Nosali agai te meme omai si selama, te si selasa pelama, te ena Genuai Bidi eno sel Ugwa Be sunumiba dolagasobaso, eno sueibao," wali. ⁸ "Te agai masigi si sao, me masigi deli e tiwai po elalueibao, 'Te Genuai Bidigo da,' te gasa masigide e tiwai po elalueibao, 'Te Asaselgo dao.' [‡] Te masigi si agai geme dualama, te deli deli guda selama, te ena Genuai Bidigo meme me deli daj iliyu, te me deli Asasel daj ilao," te po wai dao. ⁹ "Tama Arongo enabolo te daj ilali meme selama, te we bidi dabego sęęę sela sęabo ofa tiwai yao. ¹⁰ Tialima,

[†] 16:2 Hib 6:19 ^{††} 16:3 Hib 9:7 [‡] Te po page Hibru pogo kuna page konebeo. Bidi mebago homugo te Asasel te Satango nogi ma dwai haubo mobo bidigo nogi da, te homu yai. Mebago homugo te dwai haubo bidi bidibo wa pai pesage me deli da homu elama, te mebago homugo te page e tiwai elalubo homu yali, "Te gasa pedai me deliba tagala palobo pesage dao," wali.

agai te Asaselba daj ilali meme me eligio. Menio. Arongo eno geduba sesao. Tama te bidi meni yai buluba agai te Asaselbolo tagala palao, tama tiyu da, te memego te we bidi augwaligo sęęę sela pabo tiwai yaibao," wali.

¹¹ "Arongo te sęęę sela sęabo ofa yabo homu ebo sogo, agai te kolesaga wali pao. Hasia bolo agai te omai bulmakau seselama, te ela munama, te aga sęęę me aga we wai pulubago sęęę sela sęabo ofa yao," po wali. ¹²⁻¹³ "Nosali agai ain sospen me deli selama, te altaba pelama, te sia dage sospenba bulama, te Tedali Gasagi Yai Mu Be Habuba selasa pao. Te wiegi yai denami ebo pauda agai nogo sigo sabua selama, te sela pelama, te sospende elalubo siaba mugi pao, te eno sueibao. Te paudago hanogo te sęęę sela sęabo pesage te Daj Wali Bomai Po Elalubo Halobage mesega saibao. Te tiwai ebaso da, Arongo te sęęę sela sęabo pesage sugobeo. Tiyu, agai subaso, te eno aga ela muidali weyu tama tiaibao. ¹⁴ Tama agai te bulmakau kaneme me badu selama, te kaneme nogoba holama, te kaneme te sęęę sela sęabo pesage daiba ugwadu sayao. Agai te kaneme nogo danide ma selama, te kaneme nogo a naga si sogo te Daj Wali Bomai Po Halobage gesabidiba sayao," po wali.

¹⁵ "Nosali agai te we bidi dabego sęęę sela sęabo ofa yabo kibu meme ela muao. Tama agai te meme kaneme te Ugwa Be Tedali Gasagi Yai Mu Be Habu tomoba sela pelama, te dwasianu me badu te sęęę sela sęabo pesageba sayao. Te agai dwasianu meba te Daj Wali Bomai Po Elalubo Halobage gesabidiba sayao. Agai te bulmakau kanemego yali sęęę tiwai yao," wai. ^{††16} "Te kolesagade agai te Tedali Gasagi Yai Mu Be Habu eno gedude wiegi yai pedelaibao. Magi baso meni, te Israel we bidigo hagoma eyu, eno po sela sęęę nama, te dwai sęęę hauwa eyu, te kolesagago te Tedali Gasagi Yai Mu Be Habu meda ilibo dao. Eno sel Ugwa Be te Israel dabe tomode elaluyu, te augwaligo dwai kolesagago te sel Ugwa Be eno gedude meda ped-alubao. Tibaso, Arongo te kaneme dwasianu selama, te tobage sęęę te sel Ugwa Beba me yao, te agai te Tedali Gasagi Yai Mu Be Habude yali sęęę tiwai elama, te sel Ugwa Be wiegi yai ma pedelaibao. ¹⁷ Arongo aga sęęę dali, aga we wai pulubago sęęę dali sela sęabo ofa eyu, te Israel we bidi tigidaligo sęęę sela sęabo ofa yao. Aga te Tedali Gasagi Yai Mu Be Habu mu tomoba pabo sogo, te bidi me deli eno sel Ugwa Be tomoba me pisabadi, te Aron buluba ma dię soaboba usu naibao. Te habu mu dao," wali. ¹⁸⁻¹⁹ "Nosali agai te Tedali Gasagi Yai Mu Be Habu tagalama, buluba dię solama, te isiba tigidali domainu ulubo ofa ebo altaba pao. Te Israel dabego dwai sęęę te alta eno gedude meda ilali. Tibaso, Arongo te alta wiegi yai pedalumainu ilao. Agai te bulmakau kaneme dwasianu siyu, te meme kaneme siyu elama, te alta bogu me si me si elalubo madi te kom me si me side pibili pao. Tama agai nogo dani te kanemeba munama, te kaneme a naga me si sogo te altaba sayao. Te kolesagade agai te alta wiegi yai ped-

^{††} 16:15 Hib 9:12

alumainu ilaibao, tama te alta eno sę delide naga elalumainu sula tagalao," te po wai dao.

Memego te Israel augwaligo sęęę selasa pabo po

²⁰ Genuai Bidigo po e tiwai ma wali, "Te Arongo te Tedali Gasagi Yai Mu Be Habude yali sę tigidali badi, te sel Ugwa Be badu yali sę tigidali mu sia somainu elama, te alta wiegi yai pedalumainu yai baso da, teda agai te meme, te Asaselba sa muani meme, te enabolo selasa asao," po wali. ²¹ "Te meme tede bidibadi te Arongo nogo si te meme toboluba munama, Arongo te Israel we bidi dabego yali dwai sę, me dwai kolesaga tigidali, me hagoma kolesaga hanilama pusao. Te kolesagade agai te sęęę tigidali te meme toboluba mueibao. Nosali te meme agai te sa muani bidi me deliba menama, tama te bidigo te tų wa pai buluba te meme kibu sela pelama, teba tagaligi paibao. ²² Tama te memego te Israel dabe augwaligo sęęę tigidali tolama, te bidi meni yai habu me deliba tagaligi pabo dao," te po wai dao.

²³ "Te sę silama da, teda Aron eno sel Ugwa Be tomoba pelama, tama aga te Tedali Gasagi Yai Mu Be Habu tomoba painogo gudali ugwa dabe peda mugı pao. Tama agai te ugwa te sel Ugwa Be tomode elalumainogo yao. ^{†24} Tama aga te sel Ugwa Be obo tomoba ađ paugi pao, tama aga te sel Ugwa Be tomoba ma pelama, te ugwa gudama, te hetprisgo gudubo ugwa au yao. Nosali aga te buluba teda solama, te isigo tigidali dela silibo ofa si yao, me ofa agade eyu, me te tigidali we bidide yao. Te ofago aga sęęę sela sębo ofa eyu, te we bidi augwaligo sęęę sela sębo ofa me yao," te po wali. ²⁵ "Te agai augwaligo sęęę sela sębo ofa yali kibu ili te siaba ulao. ²⁶ Te meme kibu te tų wa pai buluba sela pelama, tagaligi pali bidi, agai ugwa ađ tedelama, te aga tigi bolo ađ pauwao, tama nosali aga te bidibo pesage tomoba ma asomainao," te po wai dao.

²⁷ "Tama augwaligo te sęęę sela sayabo ofa yabo kibu bulmakau me meme sesao, te hasia bolo prisgo te kibu sigo kaneme te Tedali Gasagi Yai Mu Be Habu tomoba sela pelama, te aga sęęę sela sayu, te we bidi dabego sęęę me sela sęmainu tama tiali. Augwaligo te kibu si te bidibo pesage bulu badu sela pelama, te isiba ulama, te sia keli naga elalumainogo yao. Te bidi me deligo te kibu wali me mi me haliga di te isiba ulama, te mu deli silimainogo yaibao. ^{††28} Nosali te bidigo ugwa ađ tedelama, te aga tigi me ađ paluama, te aga bidibo pesageba ma asomainao," wai dao.

Te Godigo te we bidi augwaligo sęęę sela sębo genuai side yabo kolesaga po

²⁹ Genuai Bidigo po e tiwai ma wali, "Dagego te bomai po sesemane sogo wali piduao. Te polua a naga olama, me badu nogo si wabo polua, te dei 10de, dage tigidali Israel dali te gasa hani dage dali bidibo we bidi, dage te nai tubo habu selama, te wiegi yai pemene ebo sę me habu selao, tama dagego sę tagalama, te

dage toma tuao. ³⁰ Magi baso meni, te side naga te prisgo dagego sęęę sela sębo ofa yaibao, tama dage eno gedude wiegi yai ma pedelaibao. ³¹ Te side te eno genuai side dolo dao. Te dagego tigidali pemene ebo sę te side habu selama, te dage toma nao. Dagego sę munu me elamuo. Te habu mu dao. Te bomai po dagego sesemane sogo wali piduao. ³² Mena prisgo dage te duga ayago yali sę sabo ađ ilali bidi, agai naga te we bidi dabego sęęę sela sębo sę emainu yao. Hasia bolo hetprisgo gudubo tedela ugwa te aga tigde muao. ³³ Te nosali agai te sęęę sela sębo ofa ebaso da, teda te Tedali Gasagi Yai Mu Be Habu tigidali badu, me sel Ugwa Be me, alta me, te pris dabe me, te Israel we bidi tigidali, te eno gedude wiegi yai ma pedalumainogo yaibao," te po wai dao. ³⁴ "Augwaligo te bomai po sesemane sesemane sogo wali pidubadi geao. Hetprisgo te tobage ofa te tigidali kibu bede deli sogo yao, te Israel we bidigo sęęę sela sayu tiao, te augwali eno gedude wiegi yai pedalumainu ebao," wali.

Genuai Bidigo te po Mosesolo mobaso, te po tigidali Mosesgo wali pai dao. ‡

Godigo te Israel dabego wali pabo wiegi yai kolesaga po pusali

(Daj 17-27)

Te ofa dabe ebo pesage deli naga elalubao

17 Te Genuai Bidigo Mosesbolo po walama, ² te Aronbolo po weyu, agai te agai ogwa dabeba me te Israel we bidi tigidaliba walomainogo yali. Genuai Bidigo te tiwai po wai, "Eno te bomai po dabe dageba mobao. ³ Te dage Israel bidigo te kibu tuabo homu ebaso, dagego te kau, me sipsip, me meme me deli selama, te bidibo pesage tomode me bulu badu ela mubaso da, ⁴ teda dagego eno sel Ugwa Be sunumiba selasa aselama, te enabolo ofa tiwai mao, te nosali duga selama, tuagameo. Te dagego kibu elama, te kaneme gelama, te dagego enaba ofa me isębaso da, teda dagego te bidi ela muani tiwai ebaso, te dagego dwai sę eno gedude elalueibao. Tibaso, dage eno hani tomode bidibo sela sęwaibao. ⁵ Te po page e tiwai dao. Polobadu dage Israel dabego te kibu elama, te bidibo pesage bulu, badu ofa yali, tiali goli megı da, dagego te kibu elibaso, te prisba selasa pao, te eno sel Ugwa Be sunumiba pelama, te ena dali deli haliga pedalubo ofa yao. ⁶ Te prisgo te kibugo kaneme selama, te sel Ugwa Be sunumi pade elalubo te alta bogo baduba sęwaibao. Tama agai te ofa yabo kibu ili te ofa eyu, altaba ulubaso, te ena Genuai Bidi, eno denami odama, te eno homu godolo eyu, tede eno bugai haliga ebo dao. ⁷ Dage Israelgo te bulu haubo bidi dabeba kibu elama, ofa ebo sę munu ma elamuo. †† Dagego te tiwai

‡ 16:34 Prs 23:26-32; Nam 29:7-11 †† Bidi mebago homugo te wali po te tobage bulu kauwa bidi te kibu meme tonobo ađ ebo dao wali.

† 16:23 Ese 44:19 †† 16:27 Hib 13:11

elama, te dagego ena tagaliyu, te tibo godiba homu keę pali. Sesemane sogo dage hanigo te eno sel Ugwa Beba te kibu ofa tiwai siyu idu geao," wali.

⁸⁹ "Te nago te tiwai po augwaliba walao, te dage Israel bidi me deli, ma te dage dali bidibo gasa hani bidi me deligo, te isiba tigidali ulubo ofa me te agai gasa tobage ofa yabo homu ebaso da, teda agai te kibu eno sel Ugwa Beba sela aselama, ofa yao. Te meni baso da, te ena Genuai Bidi, eno hani we bidide aga sela sayu, gudulaibao," wali.

Kanemego naga seęę sela sębao, tibaso te kaneme tubo habu selali

¹⁰ "Dagego te kibu elibo sogo, dagego aga dogoni to-golama, te kaneme tigidali ayaba pomainao. Te dage Israel bidi me deli, ma dage dali bidibo gasa hanigo te kibu mi kaneme elalubadi tubaso da, teda ena Genuai Bidi eno agaba boi bidi eyu, te aga eno hani we bidide sela sęwaibao. ^{†11} Kanemego tigidali bidiba bidibo ula mayu, te kibuba mobao. Tibaso, eno te po dagebolo obao. Prisgo te ofa ebo kaneme altaba gelibao, te dage we bidigo seęę dabe sela sayu, kanemego te bidibo ula page elalubao, te kaneme deligo naga dage we bidi dabego seęę sela sębo dao. ^{††12} Tama tibaso, eno dage Israel dabebolo obao, te dage me deligo, ma te dage dali bidibo gasa hani bidi me deligo te kibu mi kaneme elalubadi me tugio. Te habu mu dao," wai dao.

¹³ "Te dage Israel bidi me deligo, ma te gasa hani bidi me deligo aga te hasa gegegi pelama, agai te uni meme me deli, ma ba me deli, te eno dagebolo tugio wasiqwai nai enai baso da, teda agai te naigo kaneme gelama, te kaneme tęgo haluao. ¹⁴ Magi baso meni, te tigidali bidigo bidibo ula me te hasago bidibo ula te aga kanemede naga elalubao. Te pagede naga eno dage Israel we bidibolo waliyu, dagego te kibu mi kaneme elalubadi tugio po obao. Bidigo te kibu mi kaneme elalubadi tubaso da, teda aga te eno we bidi hanide sela sęwaibao," te po wai dao.

¹⁵ "Tialima, te kibu me deli olo dali isali, me uni hasago te hasa ela muai, nosali dage hanide digi te bidi ma we me deligo te hasa mi tubaso da, teda aga eno gedude meda pedalubao. Tialima, aga ugwa aę tedelama, te aga digi me aę paugi pao, te meda agade elalubadi giliga dega sigulaibao. Giliga iba dega sigulai baso da, teda aga dwagi yai ma pedalubo dao. ¹⁶ Te agai tigi me ugwa aę telayu, pauyu isębaso, te seę page agade digi elalubao, te aga yali kolesagade te seęę aga tolobo dao," te po wai.

Bidi me we augwa deli kanemede we sabo kolesaga ebo habu selali

18 Genuai Bidigo Mosesbolo walama, ² te agai po Israel dabebolo omainogo yali. Agai te tiwai po wali, "Ena Genuai Bidi, ena dagego God dao. ³ Te mu

† 17:10 Gag 9:4; Prs 7:26-27; 19:26; Bom 12:16, 23; 15:23

†† 17:11 Hib 9:22

tama, dage Isipde bidaluyu, tialima dagego te Isip dabego kolesaga wali pigio. Te megi eno dage Kenan tęba odasa painogo ebao, tialima dagego te Kenan dabego kolesaga wali pelamuo. Dagego te augwaligo tama tiao wabo po dabe wali me pelamo dao. ⁴ Odao, dagego eno bomai po deli naga wali pao, tama eno dagebolo yao po wabo seę deli naga tigidali yao. Ena Genuai Bidi, ena duga Godgo eno te po dagebolo mobao. ⁵ Dagego te tigidali kolesaga me tigidali bomai po eno godolo yabo seę me eno dagebolo mobao. Te dagego tama seę eyu da, te dagego bidibo ula elalueibao. Ena Genuai Bidi, ena duga God, eno te po obao," wali. ‡

⁶ "Ena Genuai Bidi, eno te po obao. Nago te naga deli hanide we me deli sabo homu elama, nago aga gedu eyu, aga dali gagali me igio. Te tobage kolesaga habu mu selibao. ⁷ Nago naga ida mu dali gagali ebo seę igio. Nago te tiwai seę ebaso da, te nago naga aya hale ilibo seę mu ebao. Te naga ame nani ida mu dali gagali ebo seę habu mu selibao," te po wali. ⁸ "Nago naga ayago gasa we dabe, te nago paba dabe, te dali gagali ebo seę me elamuo. Te nago tama tibaso da, teda nago naga ayabolo dwai hale mu ilibo seę ebo dao. ^{††9} Nago naga abe mu dali dobo seę ebo gagali eyu, ma gasa ayago wegı me ida dali te dobo seę ebo gagali me igio. Te idago ayago bede ame naibaso, ma gasa bede ame naibaso, tagalao, te naga abe dao, te nago aga dali dobo gagali ebo seę me elamo dao. ^{††10} Nago naga wegı wegı, ma naga ogwago wegı dali te dobo seę ebo gagali me igio. Te kolesagade nage hale dwai mu ilaibao. ¹¹ Nago naga pabago wegı dali te penani seę ebo gagali igio. Te naga ayago wai dao, tibaso te nago abe elalubao. Te aga nago we da olama sabo seę te habu mu dao. ¹² Nago te naga ayago abe dali penani igio, magi baso meni, te ayago deli kaneme dao. ¹³ Nago te naga idago ama dali dwai penani seę ebo kolesaga igio, magi baso meni, te naga idago deli kaneme elalubao. ¹⁴ Nago te naga aya sabi bidigo we dali penani seę me elamuo, magi baso meni, te we te nago ida sabi we elalubao. Te naga aga dali pibaso da, teda nago te nago aya sabi bidi hale dwai mu ilibo seę ebo dao. ^{†††15} Nago te naga ogwago we dali penani seę igio. Magi baso meni, te nago we menio, teyu te nago aga dali penani ebo seę habu mu dao. ^{†††16} Nago naga amago we dali penani igio. Te nago aga dali pibaso da, teda nago ama hale dwai mu ilibo seę ebo dao. ^{§17} Te nago we me deli sali, te wego gasa bidide wegı ame naibaso da, teda nago te wai ma sigio, ma agai wegı me sigio. Te nago wego ogwago wegı me, te nago me somainu elamo dao," wali.

"Magi baso meni, te we dabe te nago wego deli kaneme elalubao. Te nago augwaliba dwai seę ebaso da, teda nago te hale genuai ebo kolesaga ebao.

^{§†18} Nago naga wego ama nago sigio, te nago we

‡ 18:5 Neh 9:29; Ese 18:9; 20:11-13; Luk 10:28; Rom 10:5; Gal 3:12 †† 18:8 Prs 20:11; Bom 22:30; 27:20 †† 18:9 Prs 20:17; Bom 27:22 ††† 18:14 Prs 20:19-20 ††† 18:15 Prs 20:12 § 18:16 Prs 20:21 §† 18:17 Prs 20:14; Bom 27:23

bidibadi sigio. Tiyu, nago augwa si wado yabo sę il-abuo. Te kolesaga dolo ebeo," te po wai dao.

¹⁹ "Nago te we poluago elai gasi sai elalubadi te penani igio, magi baso meni, te sogo aga wiegi yai me elalubeo. ¹²⁰ Nago naga abagigo we dali penani me igio. Nago tama tibaso da, teda nage eno gedude meda pedelaibao," wali. ^{††}

²¹ "Odao, ena duga Genuai Bidi eno dagebolo te duga wai dabe elama, te isiba ulama, te tibo god Molekba ofa ebo habu selama, te po eno dageba bomai po obao. Tiyu, dagego eno nogi aiyaba elaluidalio, te dagego God dao," wali. [‡]

²² "Te bidi duga hasigo te gasa bidi taęio. Te dwai kolesaga mu ebao, te eno homude godolo me egob-eo. ^{‡‡23} Bidi dagego te so hasa kibu sibi me te taęio, te we dagego te hasa sibigo dage taęainogo sula tagaligio. Te kolesagade dage eno gedude meda pedelaibao. Te tebo kolesaga dwai nai mu dao," wai dao. ^{‡‡}

²⁴ "Dagego te dwai kolesaga dabe me elamuo. Te sę dagego eyu da, teda dage eno gedude meda pedelaibao. Te ena Genuai Bidigo po odisawai hani bidi dabe te Kenan tęde bidaluyu, augwaligo te tobage dwai kolesaga dabe elama, te augwali meda mu pedelalio. Te megi eno augwali ela gudulubo sę ebao, te dagego augwaligo tę somainogo ebo dao. ²⁵ Te augwali dwai kolesagade te tę digi meda pedelali. Te augwaligo tęba eno dwai dene mabo sę elama, tama te tęgo te Genuai Bidigo po odisawai hani bage te bugubo tiwai eyu, te augwali Kenan tęde munu ma bidalugobeo. ²⁶ Tialima, dage da, dagego eno dagebolo te mani bomai po tigidali wali pao. Dage te Israel we bidi dali, te gasa hani dage dali bidalubo hanigo dali, te Genuai Bidigo po odisawo bidi dabego ebo kolesaga tiwai igio, magi baso meni, te kolesaga dwai kugumini mu ebaso, te eno godolo homu menio. ²⁷ Dagego koneani, te Godigo po odisawai hani dabe te tęde polasa bidali, augwaligo te kugumini yai kolesaga yali. Tibaso, te tę eno gedude meda yai dao. ²⁸ Tiyu, dagego me tama tidalio. Te tama sę dagego eyu da, teda te tęgo digi dage sela sawaibao, te ena Genuai Bidigo po odisawai hani dabe polasa bidali bage sela sawani tiwai gilama dage me tiabuo. ²⁹ Te dage Israel mena bidi ma wego te tobage dwai sę ebaso da, teda eno aga te eno hani we bidi tomode bidali sela sawaibao," te po wali.

³⁰ Genuai Bidigo te tama po wai, "Te eno dagebolo mabo po te dagego wali pao. Dagego te tęde polasa bidali hani bidi dabego yali dwai kugumini yai kolesaga wali me pelamuo. Te dagego tama tibaso da, tiyu dage eno gedude meda pedelabuo. Odao, ena Genuai Bidi, ena duga God, eno te po wai dao," wali.

Te Godigo godolo yabo tobage kolesaga dabe Israel dabe wali pao wali

19 Genuai Bidigo Mosesbolo te po walama, ² te Israel we bidibolo te tiwai po omainogo yali,

† 18:19 Prs 20:18 †† 18:20 Prs 20:10 ‡ 18:21 Prs 20:1-5
‡† 18:22 Prs 20:13 ‡‡ 18:23 Sai 22:19; Prs 20:15-16; Bom 27:21

"Dage wiegi yai mu tedali mu bidiyu, te eno godolo yabo wiegi yai doloba pai kolesaga wali pao. Magi baso meni, ena God, dagego Genuai Bidi, ena tedali wiegi yai mu elalu, eno kolesaga wiegi yai doloba pai mu elalubo dao. ^{‡‡‡3} Dage deli deligo duga ida aya dologode bidu, te augwaligo po wali pao. Dagego te olo toma nabo sogo, te Sabat side, sę me igio, dage olo toma naga tuyu, bidao. Ena Genuai Bidi, ena duga God, eno te po wai dao," wali. ^{‡‡‡}

⁴ "Dagego te tibo godiba lotu weyu, ena me tagaligio. Te dagego olo dali te olo nai aingo te lotu wabo tibo god nigilama, teba lotu me wagio. Te habu mu dao. Ena Genuai Bidi, ena dagego God, eno te po wai dao." [§]

⁵ "Te dagego ena dali deli haliga pedelabo ofa ebo sogo, dagego eno dagebolo mani bomai po wali pelama, te ofa yao. Dagego te tama ebaso da, teda eno dagego ofa ebo godolo yaibao. ⁶ Dagego te ofa yali kibu mi te kibu elali side ma te nosali side tuiyaęo. Te kibu mi munalubadi te sela sogo wabo siba sabalobaso da, teda dagego te isiba ulama, te keli naga elalumainao. ⁷ Te bidi me deligo te sela wabo side elaluali kibu mi tubaso da, teda te kolesaga eno gedude dwalio, tama eno te ebo ofa godolo homu me egobeo," wali. ⁸ "Mena bidigo te sela wali sogoba usu nani munaluali kibu mi tualu bidi da, te ena mani nai digi agai dwai ilibao, te aga yali sę dagede sęęę elalubao. Tama tialima, eno we bidi hanide aga sela sawaibao," wali.

⁹ "Te dagego duga gide nai inawai tau yai togobo sogo, dagego te gi sesege homu badu elalubo nai togolama sigio. Te gi tomode nai dagego sabo sogo, te nai meba ela soabaso da, teda dage ma geasa peyu te nai ma sigio. Tede tama elalumainogo sula tagalao. ¹⁰ Te dagego te wain tau inayani sela silibo sogo, dage te wain giba si sogo ma pelama, te hasia susiaęa tagalali nedu du wain ma sigi pigio. Te tęba tudulaluai munalubo wain du dagego me sigio. Dagego te nai dabe tagalama elalu, te magi nai meni yai bidi dabego, ma te gasa hani dage dali bidibo, te hani augwali somainao. Ena Genuai Bidi, ena duga Godigo, eno te tiwai po obao," wai dao. ^{§†}

¹¹ "Dagego gasa bidigo nai dabe wi me sigio, te dagego gasa bidiba tibo po wagio, te agai nai anoma elama sainogo tigio. Te dagego gasa bidiba tibo po ola magio. ^{§††12} Te dagego bidi me deliba bomai po daę walu, ena nogide te po daę walai baso da, teda dagego te bomai po olo dali daę walama, aga tibo po ola magio. Dagego duga te daę wali bomai po wali pisawo da, teda dagego eno nogi aiyaba elalubao. Ena Genuai Bidigo, eno te po wai dao. ^{§†13} Dagego gasa bidi me doloyu, te agai nai dabe wi me sigio. Te dagego bidi me deliba sę mawai baso da, teda dagego agai sę te ela silibo side te abelebo mone mao, te sogo

‡‡† 19:2 Prs 11:44-45; 1 Pi 1:16 ‡‡‡ 19:3 Sai 20:8, 12; Bom 5:12, 16 § 19:4 Sai 20:23; 34:17; Prs 26:1; Bom 17:2-5 §† 19:10 Prs 23:22; Bom 24:19-22 §†† 19:11 Sai 20:15, 16; Bom 5:19, 20
§† 19:12 Sai 20:7; Bom 5:11; Mat 5:33

piode. Dagego te mone tolalubadi be huliama te kigamude me magio," wai. ^{†14} "Dagego te olo degai we bidi augwaliba te po dwai me wagio, 'Godigo dage dolabo sę elalubao.' Dagego te gedu widai bage habela muabo bono gaga te sunumide me mugio. Dage ena Godide wi yao, duga Genuai Bidi dao," wali. ^{††}

¹⁵ "Te dagego po tų odobo si da, teda dagego te po tųde doloba pai kolesaga naga yao. Te dagego po bugagia dodolao. Dagego te magi nai meni yai bidi dabe tau siyu, te augwaligo po tų ebode ugwaba ela holomainogo elamuo. Me ma, dage te nogi yai bidide wi eyu, te augwali tau selama, te po tųde ela holomainogo elamo dao. ^{††16} Duga abagi dabeba kisa sigi pelama biliyu, te gasa bidiba posobo po wagio. Te augwaligo bidi me deligo te genuai sęęę sai madi po tų ilibaso, te dagego aga po tųde tau sabo homu eyu da, teda dagego tau sao. Tiyu, dage pedauwali panialubaso, te po tųgo aga ela muao po wabuo. Eno homugo dagego tama tiwai yao, magi baso meni, ena duga Genuai Bidi dao," wai dao.

¹⁷ "Te nago abagi me deligo nageba dobo sę yai baso da, teda nago homude aga dali sesemane sogo wado po udugio. Nago aga dali po dodolobaso da, te po isaibao. Tiyu, nago me agai yali kolesagade homu kone paludu, te nago me dwai sęęę me deli sabuo.

^{††18} Te naga abagi me deligo nageba dwai sę ebo te nago wei me ponogio, te nago sesemane sogo aga dali wado po me udugio. Nago gasa we bidi dabe godolo mu yao, te naga digi naga godolo ebo tiwai yao. Ena Genuai Bidigo eno te po obao." ^{††}

¹⁹ "Dagego eno bomai po dabe wali piyąo. Dagego te kibu hasa sibi si augwa hasi omai sę elama, te wai ame nomainogo sula tagaligio. Tama dagego te tobage nai wai hani si te gi delide buligio. Tama dagego augwaligo te olo hobigo hobolai nami ugwa dali te sipsip nisigo nigai hobigo hobolai ugwa te me gudugio. Te kolesaga ebo habu dao," wai dao. ^{†††}

²⁰ "Te bidi me deligo aga olo sę ebo we te agai gasa bidiba maiabo po daų wali, tialima te gasa bidigo abelesąwai. Tama te we tonalubo bidigo te we dali dobo sę gagali yai baso da, teda dagego augwali si te po tų kotba odasa piyąo. Tiali goli, te dagego augwali si ela mugio, magi baso meni, te we te tonalubo bidigo olo sę ebo we dao. ²¹ Tama te tonalubo bidigo te sipsip kibu omai me deli selama, te eno sel Ugwa Be sunumiba pao. Agai te sipsip ena Genuai Bidiba ofa elama, te dwai sę dodoliyu, te agade elalubo sęęę sili-mainao. ²² Tama prisgo te bidigo sęęę sela sębo ofa yao. Te eno sulama, eno te sęęę sela sęwaibao," wali.

²³ "Dage te Kenan tųba pabo sogo dagego te tobage du walobo ni du dabe bulubaso da, teda dagego te kibu be selade te bulali ni du tusiąma te habu selao.

²⁴ Te kibu be me si me si wabode, dagego te ni du wai tigidali te ena Genuai Bidiba mao, te dagego enaba

wiegi yai pemene eyu puba hwi wabo ola mabo tiwai ebao. ²⁵ Tialima, te a naga wabo kibu bede te ni du walobo nai duga tuao. Eno te po dagego wali pobaso da, teda dagego ni du wai hauwa umabo walaibao. Odao, ena God, dagego Genuai Bidi, eno te po obao."

²⁶ "Dagego te kaneme elalubo kibu mi tugio. Te dagego haniani pobi wabo sę me te kebele aubo sę me igio. ^{†††27} Te dagego tobolu nisi te dagego olo pąde togogimio, te dagego penani nisi togolama pęwadage iligimio. ²⁸ Te dagego tigde todogo pelama masalu ebo sę iligio. Te bidi isaide, ma we isaide homu dene eyu, duga tigi togobo sę igio. Ena Genuai Bidigo eno dagebolo te kolesaga dabe ebo habu mu selibao," wali. [§]

²⁹ "Dagego te Godigo po odisaųwai bidi dabego ebo kolesaga tiwai eyu, te duga wegı dabe te penanide sųbo we dabe tiwai pedalumainu elamuo. Tiyu, dagego te tiwai sę eyu, te ena tagaluyu, te dage te tibo godige gone tuą peyu, haniani dwai sę yabuo. Te dagego bulu tigidalide te dwai kolesaga pągąna pidalio." ^{§†}

³⁰ "Dagego te olo toma neyu bidibo sogo, te Sabat side, sę munu me igio. Dagego te we bidi dabe aselama, te enaba lotu po wagasobo sel Ugwa Be godolo mu yao. Ena Genuai Bidi, eno dagebolo wai dao," wali. ^{§††}

³¹ "Te dagego wiegi yai homu kolesaga sabo homu ebaso da, teda pelama, te isali bidi dabego noma bidi dali po mibo bidi dabeba me hanalugi pigio, te noma bidide homu kolesaga selama, dageba momainogo igio. Te dagego tama sę ebaso da, te dage eno gedude meda pedelaibao. Ena Genuai Bidi, ena duga God, eno te po wai dao." ^{§†}

³² "Dage te monu dabe dologoba pelama, augwaligo po wali peyu, te augwaliba wiegi yai sę yao. Te dage ena dologoba aselama bidao, te dagego God dao. Ena Genuai Bidi, eno te po wai dao," wali.

³³ "Dagego te gasa hani bidi te dagego tųde bidibo hani bidi augwaliba dwai sę elamo dao. ³⁴ Dagego wiegi yai kolesaga naga augwaliba yao, te duga deli hani te Israel dabeba ebo kolesaga tiwai yao. Te dagego augwali godolo homu mu eyu, te duga digi duga godolo ebo tiwai yao. Dage te Isipde polobadu bidali, tama te tiyu bidigo aga page bulu tagalama, te gasa bulu tų kantride bidibo kolesaga dagego koneao. Tama tiyu, dagego te gasa hani dage dali bidibo bage bugagia tonalua. Ena Genuai Bidi, ena duga God, eno te po wai dao." ^{§††}

³⁵ "Te gasa bidigo abelabo nai dabe usu selama, dagalama, te nedebo sogo da, teda dagego aga tibo po ola magobeo. ³⁶ Menio. Dagego dolo usu selama, dolo dodolama, te nai dabe dolo naga nedao. Ena Genuai Bidi, ena dagego God, te eno dage Isipde selama, te dage odasa asai dao. ^{§†37} Tama tibaso, eno dagebolo

† 19:13 Bom 24:14-15 †† 19:14 Bom 27:18 ‡ 19:15 Sai 23:6-8; Bom 16:19 †† 19:17 Mat 18:13 †† 19:18 Mat 5:43; 19:19; 22:39; Mak 12:31; Luk 10:27; Rom 13:9; Gal 5:14; Jer 2:8 ††† 19:19 Bom 22:9-11

††† 19:26 Gag 9:4; Prs 7:26-27; 17:10-14; Bom 12:16, 23; 15:23; 18:10 § 19:28 Prs 21:5; Bom 14:1 §† 19:29 Bom 23:17 §†† 19:30 Prs 26:2 §† 19:31 Bom 18:11; 1 Sml 28:3; 2 Kin 23:4; Ais 8:19 §†† 19:34 Sai 22:21; Bom 24:17-18; 27:19 §† 19:36 Bom 25:13-16; Prs 20:10; Ese 45:10

mani bomai po tigidali wali pao. Ena Genuai Bidigo, eno te po dagebolo wai dao," te po wai dao.

Godigo te po sela sąbo we bidi dabeba dwai dene mabo sę yaibao

20 Te Genuai Bidigo Mosesbolo te tiwai po walali, ²"Nago Israel we bidi augwaliba te tiwai po wao, te dage Israel me deli, ma dage dali bidibo gasa hani me deli, agai aga wai te tibo god Molekbolo ofa tiwai mobaso da, teda dagego te bidi ela muao. Tigidali we bidigo agaba masigi sąnama, te aga isibo siba usu nao. ³Te bidigo wai te Molekba mabo kolesagade, te eno sel Ugwa Be meda ilama, te eno genuai nogi aiya-ba mu elalubo sę ebao. Tibaso da, eno te bidiba boi bi-di elama, te aga eno we bidi hani tomode bidibo sela sąwaibao. ⁴Tiali goli, te we bidi augwaligo te bidigo kolesaga suali, te augwaligo homude olo nai me tiwai da homu elama, te augwaligo aga me ela musiąbaso da, ⁵teda ena digi eno agaba boi bidi eyu, te aga deli hani bageba me te ena tudiba munama, te Molekba lotu wabo we bidi tigidaliba te tiwai yaibao. Te augwali eno we bidi hanide sela sąwaibao," wali.

⁶"Te bidi me deli te kebele aubo bidiba pelama, te isali bidi noma bidi dali po mibo sę igi pabo sę ebo bidi yai baso da, teda te bidigo ena tagalama, te Godigo po odisąwai hanigo kolesaga wali pobao. Tibaso, eno agaba boi bidi eyu, te aga eno hani we bidide sela sąwaibao. ⁷Dage te tedali gasagi yai bidu tama sese-mané sogo te eno godolo yabo wiegi yai doloba pai kolesagade bilao. Ena Genuai Bidi, ena duga God, eno te wai dao. ⁸Dagego eno bomai po tigidali wali pao, magi baso meni, ena Genuai Bidigo dage eno we bidi wiegi yai pedalumainu sa muai dao," wali.

⁹"Te bidi me deligo me, o te we me deligo me, te aga ida ayabolo te dwai da te tiwai po weyu, 'Godigo nage dolomainao,' obaso da, teda dagego te bidi ma te we ela muao. Bidi ma wego te tobage po wali da, te aga yali sę dagede aga isimainao," wali. †

¹⁰"Te bidi me deligo abagi me deligo we penani yai baso da, teda dagego te bidi me te we dali si ela muao. ¹¹Te bidigo te aga ayago we me deli dali penani sę yai baso da, te bidigo aga aya dolobao. Tialima, augwaligo te bidi dali te we dali si ela muao. Augwali sigo dwai sę yali sęęę elalubao, tialima augwali si isimainao. ¹²Te bidi me deligo aga ogwago we dali penani ebaso da, teda dagego augwali si ela muao. Augwa si deli kanemego te penani yali, tialima augwali sigo dobo sę yali sęęę elalubaso, te augwali si isimainao. ¹³Te bidi mego gasa bidi me penani ebaso, augwali sigo dwai sę genuai mu yalio. Tialima, dagego augwali si ela muao. Augwa si yali sę dagede naga augwa si isibao. ¹⁴Te bidi me deligo te we me we aga ida dali sabo si da, te dagego augwali sela ela munama, augwa tigi isiba ulao, magi baso meni, augwaligo dwai sę genuai mu yali, tama dagego te tobage kole-

saga dage tomode ebo we me bidi te sula tagaligio. ¹⁵Te bidi me deligo te kibu sibi me penani ebo bidi, dagego te bidi ela muyu, te kibu me ela muao. ¹⁶Te we me deli te hasa sibiba pelama, te hasa sibigo aga penani emainogo ebaso da, dagego te we dali, te hasa dali, ela muao. Augwa si yali sęęęęę augwali si isimainao," wai dao. ††

¹⁷"Bidi me deligo aga abe mu ma sali, ma gasa aya ma idago wegi saibaso, te bidi me wego dwai kolesaga mu yalio. Tialima, tigidali we bidigo gedude dagego augwali siba wado po olama, te augwali si sela sąyu, te augwali si dage dali munu ma bidigio. Te bidi aga abe dali penani yali, tialima aga yali kolesagade sęęę tolo-mainao. ¹⁸Te bidi me deligo aga we te tigde bulu be gasi sai elalubadi te tąbaso da, teda augwali sigo eno gedude dwai meda yai kolesaga mu yali. Tama dagego augwali si eno we bidi hani tomode sela sąyao," wali. ††

¹⁹"Te bidi me deligo aga ida sabi we dali, ma aga ayago abe dali penani ebaso, te aga deli kanemede te sęęę sobao, te augwa si yali dwai kolesagade sęęę tolo-mainao. ²⁰Te bidi mego aga aya sabi bidigo we dali penani yali da, te bidigo aga aya sabi bidi hale dwai mu ilibao. Tama te bidi me te we augwa si yali sęęęęę tola. Te bidigo sobaso da, teda agai te wai dabe ame nabo usu egobeo, me te aya sabi bidigo wego te wai dabe me ame nogobeo. ²¹Te bidi mego aga amago we anoma elama sali da, te agai dwai kolesaga mu Genuai Bidi eno gedude ebao, te aga ama hale ilibao. Tibaso, te bidigo me te wego wai me ame nogobeo," te po wai dao. ††

²²"Dagego eno bomai po tigidali me eno po tigidali wali pao. Megi eno dage odasa pabo, te Kenan tų te agai dage me bugulisąma, te dage bugagia bidaibao."

²³"Te ena Genuai Bidigo po odisąma te Kenan tųde bidibo bidi dabego kolesaga dagego wali me pigio. Augwaligo te dwai sę yai baso, te eno augwali godolo homu mu ebeo. Te megie da, eno augwali te tų kantride sela sąnama, te dagego te tų sagameo. ²⁴Eno te po dagebolo wai dao, te tų da wiegi yai mu, te ili hauwa elalubao, te nai hauwa tede holaibao. Te eno dagebolo menama, te dagego tų mu pedelaibao. Ena Genuai Bidi, ena dagego God, te eno dage gasa hani tomode sali, te dage enaduba deligo we bidi naga bidimainogo yai dao. ²⁵Tama tialima, dagego te mena kibu hasa ba sibi me bugagia dagaliyu, te wiegi yai tuabo me tusiąma habu sabo me dagalao. Hasa me ba te eno gedude wiegi yai isąwani, te dagego habu sao. Eno te tobage nai dabe te wiegi yai isąwai nai po dagebolo wali, te hasa me ba te dwasianu nai me, tialima te dagego tubaso da, teda dage eno gedude meda mu pedelaibao. ²⁶Dagego te dwai kolesaga dabe tagalama, te wiegi yai tedali mu bidiyu, te eno wiegi yai doloba pai kolesaga naga wali pao, magi baso meni, ena digi ena tedali wiegi yai elaluyu, te eno kolesaga tigidali te wiegi yai doloba pai mu elalubao. Te ena Genuai Bidi, eno

† 20:9 Sai 21:17; Mat 15:4; Mak 7:10 †† 20:10 Sai 20:14; Prs 18:20; Bom 5:18 † 20:11 Prs 18:8; Bom 22:30; 27:20 †† 20:12 Prs 18:15 †† 20:13 Prs 18:22

††† 20:14 Prs 18:17; Bom 27:23 ††† 20:16 Sai 22:19; Prs 18:23; Bom 27:21 † 20:17 Prs 18:9; Bom 27:22 †† 20:18 Prs 18:19 ††† 20:20 Prs 18:12-14 †† 20:21 Prs 18:16

dage te gasa hani bage tomode sali, te dage ena bage naga elalubao. ²⁷ Mena bidigo ma wego te isali bidigo noma bidi dali po minama, te augwalide homu kolesaga sabo we bidi yai baso da, aga isimainao. Dagego agaba masigi sąnama, te aga ela muao. Aga yali sę dagede aga isimainao," te po wai dao.

Te pris dabego Godigo godolo yabo kolesaga wali pao

21 Te Genuai Bidigo Mosesbolo weyu, te Arongo hani pris augwaliba te po mao wali. Agai te tiwai po wali, "Te dage deli kaneme hani me deli isibaso da, teda diligi peyu, dagego te isali bidide homu dene ebo kolesaga wali pigimio. Te kolesagade dage eno gedude meda ilibo sę pedalubo dao. ² Tialima, te duga deli kaneme mu isai, te ida, ma aya, ma ogwa, me wegi ma ama, ³ te abenu mu bidigo sisąwai te aya dali bede bidibadi, te tiwai deli kaneme dabe isibaso da, teda dagego te homu dene ebo kolesagade meda pedalidali homu ebo tagalao, dagego te homu dene ebo kolesaga yagameo. ⁴ Tialima, te prisgo wego hanide, te aga wąj me deli isibaso da, teda prisgo te homu dene ebo kolesaga wali me pelamuo. Teyu, aga eno gedude meda pedalidatio," wali.

⁵ "Te dage prisgo homu dene ebo kolesaga wali pabo sogo da, teda dagego tobolu me badu tobolu nisi tigidali togogio, tama te penane nisi togolama pęwadage iligio, tama te homu dene ebo kolesagade duga tigi olo madi togogimio. ¹⁶ Magi baso meni, te dage pris dabe enaba kęą pai bidi mu bidimainogo sa muai. Ena dagego God, te dagego eno nogi aiyaba me elalugio. Dagego enaba ofa ebo sę dabe elalubao, te ofa dabe te dagego enaba nai mabo tiwai ebao. Tibaso, dagego te dwai kolesaga tigidali tudiba munama, te ena dali naga bilao. ⁷ Dage pris eno bidi naga elalubao. Tialima, dagego te penanide bilibo we me sigio, te gasa bidigo penani yai we, ma aga bidigo sela sęwai we me selamo dao. ⁸ Te we bidi augwaligo homude dage pris te eno bidi hani dolo da homu emainao, magi baso meni, dagego te ofa ebo nai dabe enabolo mabo dao. Ena digi ena Genuai Bidi. Ena tedali wiegi yai elaluyu, ena te wiegi yai doloba pai kolesaga naga ebo God bidibao. Eno ena we bidi dabe tedali wiegi yai pedalumainu yaibao, te augwaligo wiegi yai doloba pai kolesaga naga wali pabo dao," wai dao.

⁹ "Te dage prisgo wegi me deligo te penani ebo we pedelama, te meda yai kolesaga wali pabo si da, agai aga aya hale mu ilibao. Tibaso, te we bidi dabego aga ela munama, tama aga tigi isiba ulao," wali.

¹⁰ "Hetprisgo aga sęde te nogi yai namba sali, te augwaligo aga toboluba wel gelebo sogo, te augwaligo aga te pris sę emainogo sa muai. Tama aga deli hani bage me deli isibaso, te homu dene ebo kolesaga wali pabo sogo, agai tobolu nisi olo elalumainogo igio, aga tobolu yaga bugagia sao. Te agai aga ugwa me pisągio. ¹¹ Hetpris te isali bidi munalubo beba me pigio. Tiyu, aga eno gedude meda pedelabuo. Te aga aya ida isibaso, tagalao, agai aga digi te homu dene ebo sogo

te meda iligio. ¹² Tama aga te eno Ugwa Be tagalama, te bidi tigi munalubo beba pelamuo. Agai tama sę eyu da, agai eno sel Ugwa Be meda pedalubo sę ilaibao. Dagego aga wel pilali, te eno dagebolo mani welgo te aga hetpris pedalumainu sa muai dao, tama tialima aga te isai bidi tigi munalubo beba pigio. Ena Genuai Bidigo eno te po wai dao. ¹³ Hetprisgo te bidi dali me pisąwai we sobaso usu dao. ¹⁴ Agai te we, bidi me isiyu taga pai we me sigio, ma we aga bidigo sela sęwai we sigio. Agai te sunumide penani sę ela bilai we, ma we, gasa bidigo penani yai we me sigio. Te tama we dabe augwalide habu sali. Agai te bidi dali me pagela pisąwai we sao, tama agai we te pris augwa hanide naga sao," te po wai dao. ¹⁵ "Te agai eno te po wali pisąbaso da, teda agai wai dabe eno gedude meda pedelaibao. Ena Genuai Bidi, eno aga ena da olama, sa muani, tama eno aga te hetpris sęba muai dao," wali.

¹⁶ Genuai Bidigo Mosesbolo ma wali, ¹⁷ "Nago Aronba te tiwai po wao, te bidi me deli nago hanide pedalubaso, ma nosali te aga tigi dwasianu dolai baso, te bidigo enabolo mabo nai ofa me elamo dao. ¹⁸ Tigidali bidi augwali tigi dwasianu dolai baso, augwaligo enaba ofa me elamuo. Eno te tiwai tobage pris bidi dabede po obao, te gedu widai bidi dabe, ma sęą dwai bidi, ma gesabidi dwai bidi, ma te idago aga ame nani sogo te nogi sęą pęwadage elama gagea paibaso, ¹⁹ ma bidi sęą ma nogi dolali, ²⁰ ma bidi tudi sugąsi bidi, ma pęwadage bidi mu yai baso, ma gedu dwai bidi, ma tigi dolali bidi yai baso, ma bidi aga domo dolai bidi, te tama tiwai bidi dabego pris sę eyu, enaba ofa nai me magio. ²¹ Awe, te nago hanide bidai bidi me deli, te aga tigi dwasianu dolai elalubaso, agai te we bidigo mabo te tobage ofa dabe enaba me elamuo. Te habu mu dao. ²² Tialima, dagego enaba te ofa ebo kibu me gasa nai ofa ebo dabe te agai tumainao. Eno dage prisbolo menama tumainogo ebo ofa nai dabe te agai me sela tumainao. ²³ Tiali goli, aga te Tedali Gasagi Yai Mu Be Habu genuai ugwa munalubo be habu pąba me pigio, aga te alta pageba me pelamuo. Tiyu, te wiegi yai nai dabe agai eno gedude meda ilidatio. Magi baso meni, ena digi ena Genuai Bidi, tama eno te nai dabe dąj eyu, sa muani, ena sę digi emainogo yali." Genuai Bidigo te tama po wai dao.

²⁴ Tama Mosesgo te tigidali po Aronbolo weyu, te aga ogwa dabeba me walio, te Israel we bidi tigidaliba me te po wai dao.

Te Godigo ofa dabe digi dao

22 Genuai Bidigo Mosesbolo te tiwai po wali, ² "Te Aron dali, aga ogwa dabeba dali, te tama po walao. Bugagia kone palao, te Israel we bidi dabego ofa dabe da, te ena nai mu dao. Tialima, dagego te ofa dabe bugagia tonalua. Te meni baso da, teda dagego eno genuai nogi aiyaba muyu dolaibao. Ena Genuai Bidigo eno te po obao. ³ Te dage pris hanide bidi me deli te eno gedude meda pedalubaso da, teda aga te Israel dabego enabolo mabo ofa ebo nai pąba pabo habu mu selibao. Aga te pąba pali da, teda eno aga

sela sąyu, te aga pris sę munu ma egobeo. Dagego te bomai po sesemane sesemane sogo wali piduao. Ena Genuai Bidigo, eno te po wai dao.”

⁴⁵ “Te dage pris hani bidi me deli te oiyabe gasi elaluyu, ma aga tigde te bomai keni elama, te keni di tigde pedalubaso da, teda aga eno gedude meda pedelama, te enaba ofa ebo nai dabe tusąbadi, te aga usu ma ebo sogoba usu nao. Te tama kolesagade aga meda pedelai baso, te ofa ebo nai dabe me agai tulamuo, te isai bidi tigde elaluali nai agai me diąwai baso, ma agai gasade gawa ąj pedalubaso, ma agai te wiegi yai isąwai meda yai hasaba nogo mueibaso, ma agai eno gedude meda elalubo bidiba kisa sigi paibaso da, teda te tiwai bidigo eno ofa nai me tulamo dao.

⁶ Mena pris te tiwai meda pedalubaso, te meda agade elalubadi te giliga dega sigulaibao. Te aga ąj bolo bugagia paluama, te augwaligo enabolo ofa mabo kibu mi dabe tuageo. Te wę pausąbaso, te agai me tugobe dao. ⁷ Te giliga dega sigulai baso da, teda aga wiegi yai ma pedelali, te agai Genuai Bidi eno te ofa nai dabe tumainao, magi baso meni, te dage prisgo nai dao. ⁸ Agai te odolali isali kibugo mi yai baso me tulamuo, te bulu uni hasago ela muai dao, te me tugio. Te agai tubaso da, te aga eno gedude meda pedalubao. Ena Genuai Bidigo, eno te po obao. ⁹ Dage prisgo eno dagebolo mabo bomai po tigidali wali pao. Te dagego eno po sela sąbaso da, teda dagego dobo sę elama, te sęę elalubaso, te eno dage ela mueibao. Ena Genuai Bidi, eno dage pris ena hani bage mu te sa muai, teyu eno te po wabo dao,” wali.

¹⁰ “Bidi ma we te dage pris hanide, te augwa naga te we bidi augwaligo ena mabo ofa ebo nai tuao. Te gasa bidigo me tugio. Te pris dali osogo bidibo bidi, ma aga sę bidi, augwaligo me tugio. Te habu mu dao. ¹¹ Tialima, pris me deligo abelali olo sę ebo bidi dabe, ma olo sę ebo we dabe, te augwali aga dali bidali, te augwa wai dabe, te aga idago te prisgo bede ame nani, te augwaligo da te prisgo sabo tobage nai dabe so-mainao. ¹² Te pris me deligo wegi te pris sę isąbo bidigo sai baso da, teda te wego eno te ofa ebo nai dabe me tulamo dao. ¹³ Tialima, te wego bidi isama, te we aga olo bidibadi, ma aga bidigo sela sąnama olo bidibadi, te wai meni badi, te we aga ayago beba ma pelama, bidibadi yai baso da, teda aga te prisgo tubo nai tuao, te aga ayago tubao. Tiali goli, bidi ma we te prisgo hani isąwaigo me tugobeo. Te habu dao,” wai dao.

¹⁴ “Te bidi me deli dage pris hani isąwai, te aga bugagia homu kone palisąma, te agai enabolo ofa mabo nai me badu dage tueibaso da, teda agai prisgo te nai wei ponao. Te agai a naga nai dage saibaso da, teda aga a naga me deli wei ponomainao. ¹⁵ Tialima, te pris dabego bugagia tonaluao, te olo we bidi augwaligo enaba ofa mabo nai te me tugio,” te po wai dao. ¹⁶ “Te dage prisgo te olo bidi me deligo tumainogo yali da, teda te bidigo dwai sę yali, tama agai te nai wei te pris dabeba wei ponao. Magi baso meni, ena Genuai Bidi-

go eno te ofa sa munama, te ena da weyu, habu selai dao.” Te po wali.

¹⁷ Tama Genuai Bidigo Mosesbolo te tama po wali, ¹⁸ “Nago te po Aronba me aga ogwa dabeba menama, te Israel we bidi tigidaliba wao. Te dage Israel bidi me deli, ma te dage dali bidibo gasa hani bidi me deli, agai te isiba tigidali ulama dabo ofa me deli sela asiyu, te agai enaba daų wali po me deli usu nainogo, ma aga homugo digi naga sela asobaso da, ¹⁹ teda agai bulmakau omai me deli, ma sipsip omai, ma meme omai ofa emainao. Tialima, dagego te keni kenigo tigi dolai kibugo ofa me elamuo. Dagego tama teyu da, eno te godolo homu me egobeo. ²⁰ Bugagia odao. Te dagego kibu tigi dwasianu dwai gana yaigo ofa ebaso da, teda eno godolo me egobeo. ²¹ Te bidi me deligo ena Genuai Bidi dali deli) haliga ebo ofa mabo sogo, te agai ena dali daų wali po usu niyu, mabo ofa yaibaso, te tagalao, te aga homugo digi ebo ofa yaibaso da, teda agai wiegi yai bulmakau ma sipsip te keni kenigo aga tigi me dolisąwai sesao. Te agai tama tibaso da, teda eno agai ofa mabo godolo homu yaibao.

²² Dagego te gedu widai kibu, ma sąę dwai, ma tigi dolai, ma bomai keni elalubo, ma tigi gesigo togai, ma buluba yai kibu yaibaso, enabolo ofa me elamuo. Dagego te tobage tigi poąj kibu te eno altade ofa elamo dao. ²³ Te dagego ofa me deli duga homugo digi ebaso da, teda dagego te kibu nogo sąę kikasi pęwadage ma gagea pai selama, te sę ebaso usu yaibao. Tialima, dagego te tobage kibu tiwai selama, te dagego enaba daų wali bomai po me deli usu nabo ofa yainu da, te tiwai sę me elamuo. Te habu dao. ²⁴ Te kibu domo dolai baso, ma augwaligo togali ma pedali, ma augwaligo domo diasąwai baso, dagego te tobage kibu enabolo ofa me igio. Dagego te kibu dabe te tobage kolesagade te duga tų kantride doligio. Te habu dao. ²⁵ Dagego te tobage kibu dabe te gasa bulu tų kantride bidi nogode selama, te ofa me elamuo. Te tiwai kibu dabe eno gedude wiegi yai menio. Eno te tobage ofa homu godolo me egobeo. Mu menio,” wali.

²⁶ Te Genuai Bidigo te tiwai po Mosesbolo wali, ²⁷ “Te bulmakau, me sipsip, me meme te wai ame nabo sogo da, teda te wai dabe aga ida dali te a naga me si sogo bidiyu bolo yao. Te nosali badu, dagego ofa ebo homu eyu da, te altaba sela pelama, ofa yageo, eno dagego te ofa godolo homu ebo dao. ²⁸ Tiali goli, te deli sogo naga dagego te bulmakau, ma sipsip, ma meme te augwa wai dabe elama, te ida me wai selama, te ofa igio. Te habu dao. ²⁹ Te dagego ena Genuai Bidiba buba hwi wabo ofa me deli ebaso da, teda dagego te ofa ebo bomai po wali pao, teda eno dagego ebo ofa godolo yaibao. ³⁰ Te be ulade naga dagego ofa eyu, dagego te ofa ebo kibu mi tuao. Te me sogo kigamu nosali tueiba olama, te dagego elalumainogo igio. Te tebo sę habu mu selibao. Ena Genuai Bidigo eno te po wai dao,” wali.

³¹ “Odao. Dagego Genuai Bidi eno bomai po tigidali wali pao. ³² Dagego eno genuai nogi aiyaba muyu me

doligio. Dage tigidali Israel we bidi te ena dologode bidao, magi baso meni, ena wiegi yai doloba pai mu elalubao. Ena digi ena Genuai Bidi, te eno dage wiegi yai doloba pai we bidi pedalumainogo ebo dao. ³³Ena dagego God bidainogo, te dage eno Isipde selama, odasa asali. Ena Genuai Bidigo, eno tama tiai dao," wali.

Lotu wabo genuai side po dabe

23 Te Genuai Bidigo Mosesbolo e tama po wali, ²"Te Israel we bidi dabebolo te genuai lotu wabo side eno augwaliba bodolu muyu daj ilai dao po walao. Dage sisinama, e tama side lotu waiyao. ³Dagego sę yabo side te a naga me deli sogo elalubao. Tialima, te Sabat side da, te toma nabo side naga elalubao, te dagego sę me igio. Dage sisinama, lotu waiyao. Te Sabat side dage menade bidali tagalao, dagego te ena Genuai Bidigo bodolu muani side da homu yao. ¹⁴Megi da, eno dagebolo te genuai sogo daj ilali po walainogo ebao. Te tigidali kibu bede dage te sogo sisinama lotu wao," wali.

Godigo te Israel dabe bugagia bidimainu sula tagalali, me bo disawai bret tuabo genuai side homu kone palobo side po dao
(Nam 28:16-25)

⁵Te Genuai Bidigo e tiwai po wali, "Dagego Godigo Da te Isipde Bugagia Bidimainu Sula Tagalali Genuai Side, te Pasova Side homu kone palama, daj ilao. Te genuai side te hasia wabo polua, dei 14, tede gagalao, te giliga dega sigulubo sogo, te deli sogo bubugade usu nama bidao. ¹⁶Te polua dei 15 wabode, te Bo Disawai Bret Tubo Genuai Side elalubao. Tama dagego te bo disawai yis meni yai bret tudubadi, te Sarere deliba usu nao. ⁷Te Sarere hasia side dage lotu wainogo sisinao, te dagego duga sę me elamo dao. ⁸Dagego ena Genuai Bidiba te kibu me nai ula mabo ofa deli deli bubugade idubadi, te Sarere deliba usu nao. Te nogo a naga me si wabo side dage ma sisinama, lotu wao, te side dagego sę munu me elamo dao," wali. †

Te gide polasa ina yali tau yali nai ofa ebo po

⁹Te Genuai Bidigo Mosesbolo te tiwai po ma wali, ¹⁰"Te Israel we bidi augwaliba te tiwai ma wao. Te dage eno mawainogo ebo tōba bidigi pabo sogo, te nosali dagego duga gide te wit tau inawai sabo sogo da, teda te tigidali kibu bede te polasa duani wit selama, dagego te pris dabeba selasa pao. ¹¹Tama prisgo te wit duani nogode tolaluyu, te eno gedude uga eda elama, te eno dagebolo usu da waibao. Prisgo te Sabat side tudi badu nosali ofa ebaso usu dao. ¹²Tama dagego te wit ofa ebo sogo, dagego te sipsip wai kibu be deli yai ofa yao, te wiegi yai mu, te keni kenigo tigi me dolisawai ofa yao. Te sipsip te isiba tigidali ulubo

ofa yao. ¹³Dagego te wiegi yai plaua me badu dage sao, te aga sęę 2 kilogram, te oliv wel dali taluama, te wit ulubo ofa yao. Te isiba tigidali ulama dabo ofa dali ofa ilao, eno te ofa ebo denami godolo yaibao. Tama dagego te lita deli wain selama, te ofa si dali ofa yao. ¹⁴Tialima, dagego te hasia duani wit te duga God, enaba sela asisabadi, dagego te gide sabo gesi wit tugio. Te dagego sela aselama da, teda duga tuageo. Dagego te wit ge disawai nai tuao, ma duga isiba uluyu yao, ma dagego plaua nigilama, te bret ulama tuao. Dagego te ofago bomai po wali peyu, te duga waj nosali, me nosali pedalubo bage, augwaligo me wali pomainao," wali.

Te gide nai sabo sogo genuai pemene ebo side po

(Nam 28:26-31)

¹⁵Te Genuai Bidigo po te tiwai ma wali, "Te ena Genuai Bidiba, dagego te duani wit magasobo side te nosali badu nedebo gagalobo te Sarere a naga me si dao. ¹⁶Te 50 wabo side, te a naga olama si wali Sarere silibo si nosali badu, dagego te wit gasa gesi ofa enabolo mao. ¹⁷Te we bidi wai augwali deli delide bret si seselama, enabolo te gesi wit ofa mabo tiwai yao. Dagego te sęę kilogram si yai plaua si te bret deli deli nigabo usu selama, te yis dali taluama ulao, te Genuai Bidi, enaba te bret ofa yao. Te prisgo nogo tolaluyu, eno gedude iba eda yao. ¹⁸Te dagego gasa nai te bret dali ofa yao. Dagego te kibu sipsip wai te kibu be deli yai a naga me si ofa yao, te ogwa bidi bulmakau me deli, te omai sipsip si sobadi te ofa yao. Dagego te kenigo aga tigi dolali kibu me sigio. Te wiegi yai kibu naga sao. Te dagego enaba te isiba tigidali domainu ulubo ofa tiwai yao, te wit me wain meba te ofa dali muao, te dagego tigidali sogo ebo tiwai yao. Te ofago wiegi yai denami ebaso, ena Genuai Bidigo, eno godolo mu ebo dao. ¹⁹Dagego te omai kibu meme me deli selama, te sęę sela sębo ofa yao, te kibu be deli yai omai sipsip wai si me selama, te deli haliga pedelabo ofa yao. ²⁰Prisgo te polasa tau inawai witgo nigai bret me te sipsip si selama, nogode tolaluyu, iba eda eno gedude yao, te ofa tiwai ebao. Te ofa dabe te ena nai mu elalubaso, eno te pris augwaliba mawaibao. ²¹Dagego te ofa ebo side dage sisinama, lotu wao. Dagego duga sę dabe te side me elamuo. Te duga waj nęę dabe te nosali nosali pedelama, te menade bidibaso, tigidaligo te bomai po sesemane wali pidubadi geao," te po wai dao. †

²²"Te dagego duga gide te wit tau inawani sabo sogo, dagego te gi sesege badu mu gagalama sigimio. Dagego te gi tomode nai sabo sogo, te me badu nai dagego ela soeibaso da, teda dage te si sogo ma pelama sigi pigio. Te elalumainogo elama, te nai meni yai bidi dabego me te gasa bulu bidi dage dali bidibo bidi, augwaligo te nai somainao. Ena Genuai Bidi, ena dagego Godigo, eno te tama po wai dao." ††

† 23:3 Sai 20:8-10; 23:12; 31:15; 34:21; 35:2; Bom 5:12-14

†† 23:5 Sai 12:1-13; Bom 16:1-2 † 23:8 Sai 12:14-20; 23:15; 34:18; Bom 16:3-8

†† Te Israel dabego augwa genuai side te Grik pogo nogi eyu, Pentikos Side dao, wabo. Te Grik pode te nogi Pentikos wali, te tobage po pęde si elalubao, "Dei namba 50" wabo dao. Te tiwai po te

Biugel bu wabo genuai side po

(Nam 29:1-6)

²³ Genuai Bidigo Mosesbolo te tiwai po wali, ²⁴ "Te Israel we bidibolo te tiwai po walao. Te 7 polua dei 1, dage toma nao. Te duga genuai side me deli dao, te dagego bu wabo nai biugel bu olama, te dage sisinagaselama, lotu wao. ²⁵ Tama te side dagego duga sę me elamuo. Menio. Dage te altaba pelama, enaba ofa mao," te po wai dao.

Godigo te we bidi augwaligo sęęę sela sęwani genuai side po

(Nam 29:7-11)

²⁶ Te Genuai Bidigo Mosesbolo wali, ²⁷ "Te 7 polua dei 10de Te We Bidi Augwaligo Sęęę Sela Sębo Genuai Side dąj ilali. Te side dagego nai tubo me wiegi yai pemene ebo sę tigidali habu selao. Te dage lotu wainogo sisinama, te ofa me deli enaba sesao." Te po wai dao. ²⁸ "Te side dagego sę me igio, magi baso meni, te side prisgo te sęęę sela sębo ofa yaibao. Prisgo te ofa ebaso, ena God, dagego Genuai Bidi, te eno dagego sęęę tigidali sela sęwaibao. ²⁹ Bidi me deligo te side nai tuali da, te aga eno we bidi hanide sela sęwaibao. ³⁰ Bidi me deligo te side sę ebaso da, teda ena digi ena aga ela mueibao. ³¹ Odao. Eno po ma obao, dagego te side sę me deli igio. Dagego sesemane sogo te bomai po wali piduao. Te dagego wąj nų nosali nosali pedelama, menade bidibaso me, augwaligo me wali po-mainao," te po wai dao. ³² "Dage te side bugagia toma nao. Te gagalobo side te dei 9 wabode gagalaibao, te giliga dega sigi pabo sogo, te dei 10 wabode te sia ge dega sigi paboba usu naibao. Te side usu nama tigidali, dage nai tubo me wiegi yai pemene tigidali ebo habu mu selao," wali. †

Te tolu yabe bede bidibo genuai side po

(Nam 29:12-40)

³³ Genuai Bidigo Mosesbolo walama, Israel dabeba te po mao wali. ³⁴ Agai te tiwai po wali, "Te 7 polua 15 dei wabode, te namba 1 dei te genuai side te we bidi augwaligo te dwasianu be te ni nologo selama sę ebo side elalubao, te bede bididubadi te a naga si sogo Sarere deliba usu nama, ena homu kone palao. ³⁵ Te Sarere hasia wabo side, dage sisinama, lotu wao, te dagego duga sę me elamo dao. ³⁶ Dagego enaba te Sarere usu nama ofa tigidali side yao. Te 8 wabo side, dage ma sisinama, lotu weyu, te dagego ofa yao. Te dei 8 wabo side da, te lotu wabo side naga dao, te dagego sę me igio," te po wai. ††

³⁷ "Te side dabe da te ena Genuai Bidigo dąj ilali side, te dage lotuba sisinama, ena ofa yao. Te dagego isiba tigidali ulubo ofa eyu, te wit ulubo ofa, me wain ąj gelebo, me gasa ofa me yao. Tama dagego te ofa deli deli te aga bodolu muani side dolo iyąo. ³⁸ Dagego te

Tpi 2:1 tede elalubo suao. †† 23:21 Sai 23:16; 34:22; Bom 16:9-12 ††† 23:22 Prs 19:9-10; Bom 24:19-22 † 23:32 Prs 16:29-34 †† 23:36 Bom 16:13-15

tigidali side bodolu wali peyu, te enaba lotu weyu, toma nabo Sabat side tigidali me tiao. Dagego te ofa dabe eyu, te dagego enabolo gasa mabo nai me mao, te dąj yali po usu nubo ofa dabe, me te duga homugo digi enabolo mabo ofa me maiyąo," wali.

³⁹ "Te 7 polua 15 dei wabo side, te dagego tau yali nai sela aselama nosali, dagego te nogo a naga olama. me si wabo genuai si te osogo bidabo bede bidiyu, te ena Genuai Bidiba homu kone palao. Te hasia wabo dei me dei 8 wabo side, dage toma nabo side sę tagalama, bidao. ⁴⁰ Te namba wan dei wabo side dagego wiegi yai nai mu meba dagego te tubo ni dude sao. Tama dagego te ni det nologo me te yabe hauwa elalubo ni nologo me sao. Tama dage wiegi yai pemene idubadi, te nogo a naga me si wabo siba te eno gedude tama yao, Genuai Bidi, dagego God dao. ⁴¹ Tigidali kibu bede te 7 wabo poluade te dagego enaba muani genuai bodolu te 7 sogo elalueibao. Te duga wąj nų nosali nosali pedalubo bagego te bomai po wali pao. ⁴² Dage tigidali Israel we bidi te dwasianu tolu yabe bede te a naga me si sogo bidao. ⁴³ Dagego tama tibaso da, te wąj nų nosali pedalubo hani dabe, augwaligo sulama koneyu, te eno dage te tų kantri Isipde selama, te dage odasa asali homu yaibao, tama te sogo eno dage te tobage bede bidali tiwai yali. Ena Genuai Bidi, ena duga God, eno te po wai dao," wali. ‡

⁴⁴ Mosesgo te po odama, agai te Israel augwaliba olama, te tigidali genuai bodolu side te Godigo nogi ugwaba sao po wai dao.

Te Godigo sel Ugwa Bede te lam sole dabe tonalubo kolesaga ebo po

(Sai 27:20-21)

24 Genuai Bidigo Mosesbolo te tiwai po wali, ² "Te Israel tigidaliba walama. augwaligo te wiegi yai ni oliv wel te eno sel Ugwa Be tomode munalubo lam-ba muabo wel sesao. Te pris dagego tigidali hulide lam sole udaludaibao," te po wai. ³ "Arongo te lam sole dabe pio ebode mu udulama. te tigidali hulide te lam ula elaludu. te sogo kigamuba usu naibao. Te lam dabe te genuai walali ugwa dąj togali bulu.badu edade elalu. te Dąj Wali Bomai Po Munalubo Halobage te Tedali Gasagi Yai Mu Be Habu tomode munalubo ena Genuai Bidi, eno sueibao. Eno te bomai po dagebolo mani, te dage me duga hani nosali pedalubo hanigo me te bomai po sesemane wali pao. ⁴ Arongo te ni dagede elalubo lam sole bugagia tonaluo, te bugagia tonaluyu, te lam ula sula sabuo, te augwali ula elalubo eno sueibao," wali.

Bret augwaligo Godiba mawai

⁵ Genuai Bidigo Mosesbolo te po ma weyu, te tiwai wali, "Nago te sęęę 12 kilogram elalubo wiegi yai plaua selama, te plauago 12 bret nigao. Te sęęę deli deli dobolama, te bret deli deli nigao. ⁶ Nosali te bret dabe te tebolba muao, augwa te ni akasgo me wiegi

‡ 23:43 Sai 23:16; 34:22

yai golgo nigali, te Genuai Bidi ena gedude e mu-nalueibao. Te bret nani si wasilao, te bret a naga me deli te nani deli deli wasilao. ¹⁷ Te wiegi yai denami pedalubo pauda meba dali te bret nani si dali muao, te nosali augwaligo te pauda enabolo ofa yao, te bret hasegeliyu, tama yao. ⁸ Te tigidali Sabatde te pris augwaligo te bret tebolba mubaso eno sueibao. Sese-mané sogo te Israel augwaligo te kolesaga wali pao. Tede te po daŋ wabo kontrak me deli eno augwali dali ebao. ⁹ Te bret te Aron dali aga hani pris dabe daligo nai elalueibao. Augwaligo te bret eno sel Ugwa Be obo tomode tuao, magi baso meni, te we bidi augwaligo enaba ofa yali nai dage dao. Te ena nai digi, te eno pris dabeba mawaibao." Godigo te po Mosesbolo mawai dao. ^{††}

Godigo te bidigo dwai sę yali wei ponobo kolesaga po

¹⁰⁻¹¹ Bidi me deli bidali, aga aya Isip bidi, aga ida Israel we me deli. Ida nogi, te Selomit, Selomit te Dirigo wegi, te Dango hani. Te Selomitgo ogwa te bidibo pesagede bidiyu, te Israel bidi me deli dali hwjani. Augwa si hwjbo sę eyu, te Selomitgo ogwago te Genuai Bidigo nogide agabolo po dwai wali. Tama augwaligo aga Mosesba sela palio. ¹² Tama Mosesgo aga kalabusiba munama, te Genuai Bidigo te bidiba mena sę yabo po te agabolo wabo tonaluali.

¹³ Tialima, Genuai Bidigo Mosesbolo po walali, ¹⁴ "Te bidi selama, te bidibo pesage buluba pao. Agai enabolo po dwai po wabo odali bidi tigidali, augwaligo nogo aga toboluba muao. Augwaligo tama tebo, te we bidi augwaliba ola mayu, te bidigo dwai sę yalio, te seŋę agade elalubao. Te tigidali we bidigo agaba masigi sęnana, te aga isibo siba usu nao. ¹⁵ Nosali nago Israel augwaliba te po walao, 'Te bidi me deligo enaba po dwai wali da, aga yali dwai seŋę elalubaso, te aga yali seŋę seŋę totalubo dao. ¹⁶ Agai te dwai po wabo sogo ena Genuai Bidi nogi ebaso da, teda aga isimainao. Te Israel bidi mu me, te Israel tomode bidibo gasa hani dabe me, tagalao. Te bidigo ena nogi te tiwai nogi ebaso da, teda tigidali we bidigo agaba masigi sęnana, aga isiboba usu nao, ' te po wao," wali.

¹⁷ "Te gasa bidi ma we ela mubo bidi yai baso da, teda dagego aga me ela muao. ¹⁸ Bidigo gasa bidi mego bulmakau ela mubaso da, te agai gasa bulmakau te bidiba wei ponao. Te tobage dwai sę ebo dodolobo kolesaga e tiwai. Bidigo gasa bidigo kibu elali, agai te tobage tiwai naga agaba wei ponao."

¹⁹ "Te bidi mego gasa bidigo tigi dolobaso da, teda dagego deli tigi poai sę agaba wei ponao. ²⁰ Te agai gasa bidigo dili togai baso, dagego aga dili me togao. Te agai gasa bidigo gedu dolali, dagego agai gedu me dolao. Te agai gasa bidigo kele degai baso da, teda dagego agai kele me degao. Bidigo mena seŋę te gasa bidi dolai baso, dagego te tobage deli kolesaga naga agaba wei ponao. ²¹ Bidigo gasa bidigo kibu ela muani da, agai te bidiba deli tigi tobage naigo wei

† 24:6 Sai 25:30 †† 24:9 Mat 12:4; Mak 2:26; Luk 6:4 ‡ 24:17 Sai 21:12 †† 24:20 Sai 21:23-25; Bom 19:21; Mat 5:38

ponao. Tiali goli, bidigo gasa bidi me ela muani da, dagego te bidi aga digi ela munama, wei ponao. ²² Eno te bomai po deli dage Israelba me dage tomode bidi-bo gasa haniba me daŋ mubao. Ena Genuai Bidi, ena dagego God dao, eno dagebolo te po wai dao," wali. ^{‡‡}

²³ Mosesgo te po dabe Israel we bidi augwaliba pusula silama da, te nosali augwaligo te Godiba po dwai wali bidi selasa, te bidibo pesage buluba odasa pali. Te augwaligo agaba masigi sęnana, aga ela muani. Te kolesaga yali te Israel augwaligo te Genuai Bidigo Mosesba mani po wali peyu yai dao.

Te kibu be nogo a naga olama, me badu nogo sigo bomai po dabe (Bom 15:1-11)

25 Moses te Sainai bulu dude bidibadi, ² Genuai Bidigo agabolo te Israel augwaliba maiabo po pusali. Genuai Bidigo te tiwai po walio, "Te dagebolo eno mawainogo ebo tōba dage bidigi pabo sogo da, teda te a naga me si wali kibu be te kibu be me delide dagego nai me bulugio. Dagego te tō olo elalumainogo yao. Tō toma nomainao, te dage Sabat side toma nabo tiwai emainao. Dagego te tiwai ebo te eno kibu be da olama, daŋ eyu yao. ³ Te kibu be me sela me selade dagego te duga tōde mena tobage nai bulao, te wain nologo dabe togolama, te gide nai sao. ⁴ Tiali goli, te 7 wabo kibu be me delide dagego te tō toma neyu, olo elalumainao. Te kibu be dagego eno kibu be da olama, sa muao. Dagego nai me bulisęma, te ni wain nologo me togolamo dao. ⁵ Te nai wit pedelama olo dali elalubaso da, teda dagego te nai wai me selama, nai mubo beba me sisinigio. Te ni wainde te age holobaso da, teda dagego te wain nigainogo me sigio. Tigidali sula tagalama elalumainao, magi baso meni, te kibu bede tō bugagia toma nomainao. ⁶ Te kibu be dagego tōde nai odolali pedelali, te tuyu naga yao. Te nai sisinibo beba sisiniyu, ma wain nigibo sę me egobeo. Dage me, olo sę ebo bidi me, olo sę ebo we me, gasa sę bidi dabe me, te dage dali bidibo gasa hani we bidi dabe, duga tuiyaŋ. ⁷ Te bulmakau, sipsip, meme dabe, te bulu uni kibu hasa dabego me tumainao," te po wai dao. ^{‡‡‡}

Te nai dabe wei ma begelebo kibu be

⁸ Genuai Bidigo po ma weyu, te tiwai po wali, "Te a naga me si sogo dagego te kibu be 7 te tama nedao, te kibu be bidi sese si a naga me si me si, te 49 kibu beba usu naibao. ⁹ Te kibu be 49 wabo side, te 7 polua dei 10 wabo sogo, dagego bidi meba tagala palama, te duga tō kantri pedaiba te bu wabo nai biugel bu wagi pomainao. Te side te God eno genuai side, eno te We Bidi Augwaligo Seŋę Sela Sayabo Side mu dao. ¹⁰ Te kibu be te 50 gagalobo, te side dagego bu wabo nai biugel bu wao, te eno kibu bede dolo ebao. Te dagego tigidali we bidi augwaliba hanilama weyu, te augwa seŋę silama, te augwa bugagia bidaibao po wao. Te

‡‡ 24:22 Nam 15:16 ‡‡‡ 25:7 Sai 23:10-11

kibu bede, te gasa bidigo tų abelali bidi dabe, augwali-go te tų aga aya muba, me ma tų aga ayago deli hani-ba te wei ponao. Te olo sę ebo bidi dabe me olo sę ebo we dabe bidali, augwa te sę yali tagalama, te augwa deli hani sibiba ma pelama bidao. ¹¹ Te kibu be 50 oba-so, te kibu bede da, tigidali we bidi pemene elama, bugagia bidalubo kibu be pedelaibao. Te kibu bede duga tųde nai me bulugio, tama dagego te wit dabe togolama me sisinigio. Te dagego wain du selama, te wain aj me nigilamo dao. ¹² Magi baso meni, dagego te kibu be tigidalide ena Genuai Bidigo kibu be naga da, te homu yao. Te dagego duga tųde olo pedalubo nai sela tuao, te tama. Dagego te gasa nai dabe me tu-lamo dao," te po wai dao.

¹³ "Te kibu bede dage bidi dabego tų gasa bidiba mani, dagego te tų duga ma sao. ¹⁴⁻¹⁵ Te gasa bidi dagego tų abelemainogo mabo sogo, dagego koneao, te nisu naga kibu bede te nai tigidali wei ma mabo, te nisu naga sogo agai te bulali nai tau yali sabo me elalubo. Agai bugagia abelemainao, te tųde mone usu nama dolo sao. ¹⁶ Te kibu be hauwa yabo elalubaso da, teda mone ugwaba holao. Tialima, te kibu be hauwa egobe da weyu da, te mone aiya dulao, magi baso meni, agai te tų mu abelegobeo. Menio. Te tigidali kibu bede te tų agai nogode elalu, agai te tųde sabo nai abelebo dao. ¹⁷ Dagego te abagi me deli tibo po ola magio, te tų abelabo monede. Menio. Dagego enade wi yao, dagego God dao, te doloba pai kolesaga naga yao. Ena Genuai Bidigo te tiwai po obao," wali.

Godigo agai po wali pabo we bidi augwali bugagia tonalueibao

¹⁸ Genuai Bidigo po ma weyu, te tama po wai, "Dagego eno po tigidali bugagia wali peyu, eno bomai po me tigidali wali pao. Te dagego tama tibaso da, te-da eno dage mawainogo ebo tųde sesemane bugagia bidaibao. ¹⁹ Te nai hauwa te tųde pedelama, te dagego nai hauwa sesemane sogo tudaibao. Tama dage te tųde bugagia bidaibao. ²⁰ Tama teyu, dagego te tiwai po waidalio, 'Te a naga si wabo kibu bede dago te nai me bulisąma, te odolali tau yali nai naga sisinaibao,' wagio. 'Te tama tebo dago habu selai baso da, teda dago magi nai mu te kibu bede tueibawe?' ²¹ Tagalao, dage moni homu si me igio. Ena Genuai Bidi, te 6 wabo kibu bede eno te tų wiegi yai bugagia mu ilaibao, te dagego te nai tudubadi kibu be selaba usu naibao. ²² Te 8 wabo kibu bede dagego bulubo nai da, te kibu be a naga me delide sali nai tudubadi geaibao. Te dage nai usu elalubadi, te gesi tamadi bulali nai sabo bodoluba usu naibao," te po wai dao.

Augwaligo sali tų wei ma mabo sę dabe yali

²³ Genuai Bidigo te tiwai po ma wali, "Te gasa bidigo dagego tų abelai baso, agai sesemane sogo mu tonaludugio. Magi baso meni, te duga tų mu elalubeo. Te ena Genuai Bidigo tų elalubao, te eno dage Israel bidimainogo yali, te bidi dabego augwa tųde te gasa

tų kantri bidi dabe osogo bida wabo tiwai yai dao," wali.

²⁴ "Te dage bidi me deligo te duga bage gasa bidigo tų abelebaso da, teda agai te tiwai bugagia kone palao, te nosali tų aga ayago ma abelemainogo ebaso da, teda aga abelemainao. ²⁵ Te duga abagi me deli magi nai doado bage meni baso, te agai mone meba sabo homu elama, te gasa bidigo aga tų abelemainogo ebaso da, teda aga deli kanemego dolo tonalubo sę eyu aga tau sabo sę yao, † agai te tų ma abelama te agaba ma mao. ²⁶ Tialima, te aga tau sabo deli kaneme meni yai baso, aga digi ma abelemainao. Te nosali aga mone hauwa elalubaso da, teda aga te tų ma abelao. ²⁷ Agai nedali te nisu naga kibu be elalubaso, te nai dabe ma wei mabo kibu be gegabo sogo, te kibu be dabede agai nisu naga nai pedelabo te nedao. Tama agai te nai usu nabo mone usu selama, te aga tų polobadu abelali bidibolo mao, tama aga tų ma sabo usu dao. ²⁸ Tialima, te aga mone sę pelama, tama aga te tų ma abelabo usu meni yai baso da, teda te tų abelali bidi aga nogode elalubadi, te nai dabe page bidiba ma mabo sogoba ma usu numainao. Te kibu beba pedalubo sogo, te tų abelali bidigo te tų aga page bidiba ma dolo mabo usu dao," wali.

²⁹ "Te taun obo tomode elalubo bidigo be, te bidi me deligo abelai baso da, teda te be aga ayago te kibu be deli bididubadi, te be page bidigo ma abelabo usu dao. ³⁰ Te kibu be deli bidai digi agai te be ma abelesąbaso da, teda agai ma abelabo sunumi me elalubeo. Mu menio. Megi da te be te abelali bidi aga be elalueibao, te aga waj nų nosali pedalubo hanigo be pedelaibao. Tama agai te nai dabe wei ma mabo kibu bede ma abelainu ebo usu me egobeo. ³¹ Tiali goli, te obo elalusąbo madi elalubo dwasianu be dabe, te dagego homugo augwali te nai bulabo tų tiwai da homu yao. Tialima, te be dabe aga ayago ma abelabo usu yaibao, te nai dabe wei ma mabo kibu bede, te abelali bidi dabego te be aga ayabolo wei ponobaso usu dao. ³² Tialima, te Livai hani da, augwaligo te bo-mai po wali pelamuo. Te augwa taun obo tomode elalubo be yai baso da, teda augwaligo ma abelemainao," te po wai. ³³ "Te Livai me deligo aga be bidigo abelemainu yali, te aga ma abelesąbaso da, teda te be abelali bidigo agai te Livai agabolo ma mao, te nai dabe wei ma mabo kibu bede tiaio. Magi baso meni, eno dage gasa Israelba tų sa muani, tiali goli te Livai hanibolo te tiwai me ebeo. Menio. Eno taun naga aug-waliba mani. Tialima, te Livai dabego taunde elalubo be dabe, te Livai hani augwa be mu naga tama sese-mane elalubo dao. ³⁴ Te Livai dabego taun sesege

† Te Hibu dabego augwa bomai pode, te bidi me deli sę sę soba-so da, teda aga deli kaneme bidigo te aga tudi badu posolalubo sę eyu, aga tau sao. Genuai sę te deli kanemego yao, te sę sę elalubo bidigo tų ma abelebo sę, te tų te aga deli kaneme hanide elalueibao. Te Rut 3:12-13 me 4:1-6; Jer 32:6-12, tede te po elalubao, suo. Te buku Aisaiade te tiwai po begelama wali, God aga da te we bidi dabe tudi badu posolalubo sę elalu, te augwali tau sabo bidi mu bidibo dao. Te Ais 43:14 me 44:6; 44:24, te po tede elalubo suo.

badu elalubo tō dabe, te gasa bidigo me abelamuo. Te Livai dabe augwa tō sesemane elalueibao," wali.

Te magi nai doado bage meni yai bidi dabe tonalubo kolesaga

³⁵ Genuai Bidigo po te tiwai ma wali, "Te dagego abagi me deli magi nai meni yai bidi pedelama, te doado bage abelabo mone gegabo sę usu isąbaso da, teda duga digi aga tonalua, te gasa tō kantri bidi dage dali bidagasali bidi tonalubo tiwai yao. Te tiwai ebaso da, te abagi dage dali bidaibao. ^{†36-37} Te agai dagede mone negeli yai baso da, teda agai te mone negeli wei ponobo sogo te dagego gasa ugwadu daganobo mone dali manama, momainogo elamuo. Te agai nai abelainogo ebaso, te dagego mone ugwaba holoyu, te agade gasa mone dali saiba homu igio. Dage Godide wi naga elama, te abagi dage dali bidimainao. ^{††38} Ena God, duga Genuai Bidi, eno po dagebolo walio. Ena dagego God bidibao homu yai, tibaso eno dage te tō kantri Isipde selama, odasa asali, dagebolo te tō kantri Kenan mawai hagede yai dao," wali.

³⁹ Genuai Bidigo po te tiwai ma wali, "Te abagi me deli magi nai menia sobaso, te aga dagego olo mu sę ebo bidi tiwai abelebaso da, teda dagego aga te olo mu sę ebo bidi sesanobo tiwai elamo dao. ⁴⁰ Aga dage dali bidu, te mone sę ebo bidi tiwai bidao, te aga dage dali sę ela pidubadi, te tigidali nai wei ma mabo kibu beba usu nao," po wai. ⁴¹ "Te wali kibu bede aga me aga we wai dali, te augwaligo dage tagalama, te aga haniba ma pelama, te aga wāj nōy dabego tōde bidaibao. ⁴² Te page e tiwai elalubao. Polobadu dage Israel te Isipde olo mu sę ebo bidi bidai, eno dage sagaselama, dagego te Isip mu taga soali. Tama tialigo, dage ena Genuai Bidigo olo mu sę ebo bidi ma we pedelali, te dagego me abagi dabe abelama, te augwali olo mu sę ebo bidi sesemane bidaibao homu igio. Te habu mu dao. ⁴³ Tama tialima, dagego te abagi selebo sę eyu, aga sę dene ilibo sę igio. Menio. Dage enade wi yao, dagego God, te dagego bugagia wiegi yai sę naga agaba yao. ⁴⁴ Te dagego olo mu sę yabo sę bidi, me sę ebo we sabo homu ebaso da, teda dage pąde elalubo tō kantri dabede sao, augwali te Israel hani bage isąwai. ⁴⁵ Tama me dagego te olo mu sę ebo bidi abelai hagede te gasa tō kantri bidi dabe dage dali bidibo hanide abelao. Te dagego olo mu sę ebo bidi me olo sę ebo we te augwalide abelabo usu mu dao. ⁴⁶ Te dage isibo si da, te duga ogwa dabe augwaligo te olo mu sę ebo bidi ma we dabe somainao. Te augwaligo dagego ogwa dabego sę sesemane sogo idumainao. Tiali goli, te duga abagi dagego digi te olo mu sę ebo bidi pedelai baso da, teda dagego augwali selebo sę igio. Dagego augwalide dua dua yao," wali. ‡

⁴⁷ "Te gasa tō kantri bidi dage dali bidagasali bidi te mone bidi pedelali. Te dagego abagi Israel bidi me deli te magi nai meni yai bidi pedelai baso, aga te gasa tō kantri bidigo abelemainogo elama, aga te bidigo olo

sę ebo bidi bidimainao, ma te bidi aga deli hanigo olo sę ebo bidi bidibaso me usu dao. ⁴⁸ Te abagi Israelgo tama tibaso da, teda dagego aga ma abelama sagemento. Aga ama me deligo, ⁴⁹ ma aga aya sabi bidigo, ma aga deli kaneme hanigo aga ma abelao. Te aga mone sali usu yai baso da, teda aga digi abelama, te dwai sę olo ebo tagalao," wali. ⁵⁰ "Te bidigo aga abelali bidi dali po minama, te elaluali tigidali kibu be dali te nai wei ma mabo kibu be dali me usu nama nedao. Tialima, te olo sę yali bidi aga tonaluali genuai bidigo te kibu bede te bidigo mone sę yali dąj ilao. Tama te bidi aga digi ma aga deli kaneme bidigo te tobage tiwai monego mu te bidi ma abelebaso usu dao. ⁵¹ Te kibu be hauwa elalubadi yai baso da, teda te bidigo genuai mone te tonalubo genuai bidibolo wei ponama mao. ⁵² Te kibu be hauwa bidisąwai te nai wei ma mabo kibu sę pedalubaso da, teda agai dwasianu mone te tonalubo bidibolo wei ponao," te po wai. ⁵³ "Te tonalubo bidigo koneao, sę bidi te kibu be deli delide te kontrak sę ebo bidi tiwai da weyu, te aga dwagila selebo sę me igio. Agai dua tama naga yao. ⁵⁴ Te augwaligo te bidi te kolesaga me delide te ma abelesąbaso da, teda te nai dabe wei ma mabo kibu bede, te tonalubo bidigo te bidi aga we wai dali tagala palama, olo mu bidimainao. ⁵⁵ Dagego te dage Israel me deli olo mu sę ebo bidi sesemane bidimainao wagio, magi baso meni, ena Genuai Bidi, ena dagego God, te eno dage Isipde selama, te dage odasa asali. Tama tibaso, dage enade digi te olo mu sę ebo bidi bidimainogo yai dao," wali.

Godigo te agai po bugagia wali pabo we bidi augwali wiegi yai ilaibao

(Bom 7:12-24; 28:1-14)

26 Genuai Bidigo te po wai, "Dagego te ni dage selama, tego te piksa noma nigigio, ma genuai masigi selama dualiyu, ma te masigi selama, tego babaga pabo sę elama, te tobage nai dabe dagego tibogod da olama, teba lotu wagio. Menio. Dagego ena deliba naga lotu wao, dagego Genuai Bidi dao.

‡² Dagego te Sabat dabe side sę me igio, eno dageba dąj ilai dao. Dage toma naga nao. Te dagego eno be godolo mu iyąo. Ena Genuai Bidigo eno te po wai dao," wali.

³ "Te dagego eno bomai po dabe wali peyu, te eno dagebolo yao po wabo sę dabe ebaso da, ⁴ teda eno te tulubage tulubo sogo te tulubage tulumainogo ilaibao. Tama eno dagego tōde nai wiegi yai mu holomainogo elama, te ni dabego nai hauwa walaibao. ⁵ Te dagego nai hauwa mu elalu, te dagego wit tau yali sesa pidubadi, te wain du tau yali sabo sogoba usu naibao. Tama dagego te wain du tau yali sidubadi, te wit wai bulubo sogoba usu naibao. Te dage nai tudumainogo genama, te dage haliga mu pągąwaibao. Te dage bugagia mu duga tōde dugulalu bidaibao," wai dao. ‡

† 25:35 Bom 15:7-8 †† 25:36-37 Sai 22:25; Bom 23:19-20
‡ 25:46 Sai 21:2-6; Bom 15:12-18

†† 26:1 Sai 20:4; Prs 19:4; Bom 5:8; 16:21-22; 27:1 ‡‡ 26:5 Bom 11:13-15

⁶“Te eno dageba haliga nagame ebo kolesaga menama, te dage bugagia dugulalu, te dage godege pibo sogo magi nai me delide wi me egobeo. Eno dagego tōde te dwai uni hasa dabe sela sãnama, te boi bidi dabego dage te tōde bidibadi te boi me hwjgobeo. ⁷ Te boi bidi augwaliba dagego hwjbaso da, te dagego augwali pobelama, ela mubaso, te hwjbogo augwali mu dolaibao. ⁸ Te dage nogo a naga bidigo te bidi sese a naga 100 boi bidi aiyaba elalueibao, te dage 100 bidigo te bidi sese umabo hauwa 10,000 boi bidi aiyaba elalueibao, tama tigidali boi bidi dolaibao,” te po wai. ⁹ “Te eno dage wiegi yai iliyu, dagebolo eno te wai hauwa menama, te dage genuai hani pedalumainogo ilaibao. Te eno polobadu dage dali te daŋ wali bomai po kontrak usu naibao. ¹⁰ Te nai dabe dagego te gide polobadu kibu bede sali te elalubadi, te nosali kibu beba ma usu naibao. Te elaluali nai bugai te dagego gesi tau yali nai sabo sogo, te nai dagego sayu, tama te nai muani pesagede dagego gesi nai mueibao. ¹¹ Te ena dage tomode bidiyu, te ena be tomode digi bidaibao, te eno dage tudiba me mugobeo. ¹² Te ena dage tomode biliyu, te ena dagego God bidaibao. Te dage eno we bidi dabe bidaibao,” te po wai dao. ^{†13} “Ena digi ena Genuai Bidi, ena dagego God dao. Polobadu dage te Isipde olo sę ebo bidi bidibaso, eno te kalabus ebo sę togwa sãnama, te dage odasa asai. Eno dage te kalabus yali bidi dabego bogogo toga sãwai, te dage kalabus tagalama, te wiegi yai homu pemene eyu asai dao,” wali.

Godigo te agai po sela sãbo bidi dabe augwaliba dwai dene mawaibao wali
(Bom 28:15-68)

¹⁴ Genuai Bidigo po te tiwai ma wali, “Te dagego eno po sela sayu, tama dagego te bomai po dabe sela sãbaso da, teda eno dagebolo te dene mabo sę yaibao,” te po wai. ¹⁵ “Te dagego eno bomai po me eno po dali te tudiba munama, tama eno dage dali te daŋ wali bomai kontrak te dagego togwali da, ¹⁶ teda eno dagebolo dene maibao sę e tiwai yaibao. Polo tama eno dage dwai wi mu ilama, te dage te tobage genuai gasi somainogo ilaibao, te tigi posolo mu ilibo gasi, me te dage gedu widaibao, te dagego tigi me dolaibao. Te dagego gi nai da bulaibao, tiali goli dagego te nai ge me sela tugobeo. Mu menio. Te boi bidi dabego naga sela tueibao. ¹⁷ Te ena digi eno dageba boi bidi yaibao, tama eno te gasa bidi dabego dageba boi hwjagasomainogo elama, te dage aiyaba elalumainogo ilaibao. Tama te bidi dabego dage dali dwai homu mu eyu, augwaligo dage tonalubo sę yaibao. Te boi bidi dabego dage pobeasa asisãbadi goli tagalao, te duga digi odolali wi elama, te wi paibao,” wali.

¹⁸ “Tama eno te kolesaga dabego dageba te dwai dene mabo sę ebaso, te tudi, badu nosali dagego eno po wali me pisãbaso da, teda eno te dwai dene mabo sę dageba mu geninaibao. ¹⁹ Te eno dagego hagoma

aiyaba mu elalueibao. Te eno tulubage tulubo paliamma, te dagego tōba tulubage me tulugobeo, te tō mu wa pelama, te ain tiwai dila pai pedelaibao. ²⁰ Te nai dabe te gide dabe me hologobeo, te ni dabego du me walugobeo. Te dagego sę dene yali odolali yaibao,” te po wai dao.

²¹ “Te tama sęgę dabe dageba pedalubaso, te dagego hagoma idu, te po me odisãbaso da, teda eno dagego te ebo dwai kolesagade homu kone paludama, te eno dageba dwai dene mabo sę me mu ela pidubadi geaibao. ²² Eno te bulu uni hasa dabe dage tomoba tagala palama, te augwaligo te wai dabe ela muyu, te bulmakau dabe me ela mueibao. Tama tialima, te dagego tō kantri sunumide te bidi dabe me bilalugobeo, te dwasianu hani we bidi naga bidaibao,” wali.

²³ “Eno te tiwai dwai dene mabo sę dageba ebaso, te nosali dagego eno po me odisãma, te dagego enaba hagoma ebo dwai sę me idubaso da, ²⁴ teda eno digi dagego te ebo sęgęde homu kone palama, te eno dage dwai dene mabo sę genugia mu idubadi, te dage posolo dwai mu yaibao. ²⁵ Dagego eno daŋ wali bomai po kontrak togalio, tama dageba te boi bidi dabego hwjabo sę eno ilaibao. Te dage te genuai taun te bomai obo elalubo tomoba sisinigi pelama, te dage bugagia bidiba homu yaibao, tagalao, te eno dwai genuai gasi dabe dageba tagala palama, te dage we bidi hauwa mu isaibao. Te dage dolobo sogo da, teda eno dage te boi bidi dabe augwali nogoba mawaibao,” te po wai. ²⁶ “Te eno dagego nai mu sęã pomainogo yaibao, tama te we dabego augwa iside ulabo nai hauwa meni yaibao, te sia tigi delide nogo si wego nai ulaibao. Te dage tigidaligo te nai dwasianu dwasianu naga selama tueibao, tiali digi te dage nasi me elaludaibao,” Genuai Bidigo te po wai dao.

²⁷ “Eno te sę dabe yali, te dagego hagoma me idubadi geyu, te eno po ma sela sãbaso da, ²⁸ teda eno haliga sębę dwai mu eyu, te eno dagego dwai sę ebo umagia mu wei ponodu, te dageba dwai dene mu madubadi geaibao,” wali. ²⁹ “Te dage nasi dwai mu ebaso, te duga wai te ogwa me wegi dabe te ela tueibao,” te po wai dao.

³⁰ “Te eno dwai haliga dageba elama, te dagego tibo god dabego lotu be te bulu dude sę yani te eno dolaibao, te wiegi yai denami ebo hano holobo ofa ebo alta eno alueibao. Te eno dage ela munama, te eno dolali te tibo god piksa daiba sãwai. ³¹ Te eno dagego taun dabe me lotu be dabe dolaibao, tama eno dagego te ebo ofa dabe homu godolo me egobeo. ³² Te eno dagego tō mu dolaibao, te dagego boi bidi dabego te tō selama bidibo sogo, te augwa sulama, te dwai noma mu saibao. ³³ Eno digi te boi bidi dabego dageba boi hwjmainogo ilaibao, te eno dage augwaligo te gasa tō kantriba tedela palomainogo ilaibao. Te dagego tōde bidi meniamma olo elalu, te taun dabe dolai elalueibao. ³⁴⁻³⁵ Tialima, dage te boi bidi dabego tōde bidalubo sogo, dagego te tō dabe olo dali elalu, te toma nedueibao. Polobadu dage te tōde bidaluyu,

† 26:12 2 Ko 6:16

tama dagego te 7 wabo kibu bede te tō toma nomainu ilibeo, eno dagebolo te tama tiao po wali gilama me ebeo. Tialima, te tō olo elalubo sogo aga te bugagia toma tueibao, te sogo tōgo godolo yaibao," wali.

³⁶⁻³⁷ "Te dage hani dwasianu naga elalu, te boi hwjbo sogo me isigobeo, te dage boi bidi dabego tō kantriba bidigi paibao. Te dage eno wi dwai mu ilaibao, te dagego waligo te ni yabe gele gele dwasianu wabo odobaso da, teda dage odolali wi elama, tama te boi bidi dabego pobebaso wi pabo tiwai yaibao. Te boi bidi dabego pobesābadi digi, te dage odolali wi pelayu, ud-abogo duga hasi hodola palama, tula munana paibao. Te boi bidi dabego dage dali hwjbaso da, teda dagego augwali dali me hwjgobeo. ³⁸ Tialima, dage te boi dabego tōde isila paibao. Te augwaligo tōgo dage aiyaba mu dalubo tiwai yaibao. ³⁹ Te dage dwasianu hani dabe te boi bidi augwaligo tō kantride bidaibao, te dage deli deli dolama, te dage hani silabo homu yaibao. Magi baso meni, duga digi, me te aya dabe, me wāj nōq dabego yali sęęde me duga tigidaligo sęęde tama tiaibao," te po wai dao.

⁴⁰ "Tiali goli, nosali dage te hani dabe te augwa yali sęęde homu kone palama, te augwaligo enaba pu-saibao. Augwaligo te tama po waibao, 'Dena digi me te sęęde siyu, te wāj nōq dabego me sęęde salio. Dago hagoma elama, te nago po sela sęwai dao.' ⁴¹ Dagego hagoma ebaso, tialima eno dageba dwai dene menama, tama dage te duga boi bidi dabego tō kantriba tagala palali. Tialima, duga hanigo te hagoma ebo tagalobo sogo te augwa digi elaluama, te augwa yali sęęde dwai dene sobaso da, ⁴² teda eno te Jekop, me Aisak, me Abraham augwali dali te daq wali bomai po kontrak homu ma koneaibao, te Kenan tō augwa wāj nōq dabebolo mawaibao po wai dao. ⁴³ Tialima, hasia bolo dagego te tō tagalai elalueibao, te tō odolali elaluama, te bobage sesabi elama, toma neyu elalueibao, te dagego tō te olo elalumainogo isāwani te sogoba usu naibao. Te dage sęęde tolama, te dwai dene saibao, magi baso meni, dagego eno bomai po tigidali tudiba munama, te eno po me tigidali sela sęwai dao. ⁴⁴ Tiali goli, dage te boi bidi dabego tō kantride bidibo sogo, te dage mu tagalisāma, te eno dage tigidali mu me dologobeo. Mu menio. Eno te tiwai egi sogo da, teda eno dage dali te daq wali bomai po kontrak daq wali, te siligi da. Tiali goli, ena God, duga Genuai Bidi, eno te tama tiwai kolesaga me egobeo. ⁴⁵ Eno dageba homu koneama, eno te dagego wāj nōq dabe dali daq wali bomai po kontrak ma homu kone palaibao. Te bidi dabe eno polobadu te tō kantri Isipde selama odasa asali, te gasa tō kantri we bidi tigidaligo te eno genuai bomo suali. Eno dage sela asali, te Genuai Bidi ena hani bage pedalumainu yali, ena dage Israelgo God bidainogo yai dao," te po wai dao.

⁴⁶ Te po dabe me te bomai po Genuai Bidigo Moses-bolo te Sainai bulu dude mayu daq walai dao. Tama

agai te po weyu, te Israel dabego tigidali wali piyao wai dao.

Te we bidi augwaligo nai meba te Godiba mani te nai dabego bomai po

27 Genuai Bidigo po Mosesbolo weyu, ² te Israel dabebolo te tiwai po walao wali, "Te bidi me deli aga po daq waliyu, te aga enaba mawaibao, ma gasa bidi me we te enabolo mawaibao wai baso da, teda agai te daq wali po usu nainogo te monego te bidi ma we hasegelainogo eyu, te mone meba pris bidiba mao," te po wai. ³ "Te we bidi dabe ma abelabo daq ilali mone e tiwai elalubao. Te kibu be 20 daq elama, te kibu be bidi sese sela 60 igi pali bidi, augwaligo te mone 500 kina tama monego hasegeliyu abelao. ⁴ Te wego kibu be bidi sese delide daq elama te bidi sese selaba daq igi pali we da, te mone 300 kinago abelao. ⁵ Te bidi kibu be a nagade daq elama te kibu be bidi sese deliba usu nani bidi da, te mone 200 kinago abelao. Te we kibu be a naga daq elama te kibu be bidi sese deliba usu nani we da, te mone 100 kinago abelao," te po wai. ⁶ "Te wai ogwago polua delidu te kibu be a naga usu nani wai da, te mone 50 kinago hasegeliyu abelao. Te wegi te polua delidu te nogo a naga kibu beba usu nani wegi da te mone 30 kinago abelao," wali. ⁷ "Te kibu be bidi sese sela 60 yali bidi, te 150 kina monego abelao. Te kibu be bidi sese sela 60 yali we da, te 100 kina monego hasegeliyu abelao," te po wai dao.

⁸ "Te tiwai mone muabo po daq wali bidigo, te aga digi aga ma abelabo mone ma aga abagi abelabo mone me meni baso da, teda te bidi prisba pao. Te prisgo te bidigo mone aiyaba dulama, te prisgo homugo aga muabo homu ebo mone usu nama mueibao," wali.

⁹ "Te bidigo te kibu me deli ena Genuai Bidiba ofa yaibao po daq wai baso, agai te tobage kibu dabe eno dagebolo ofa yao po wabo kibugo te ofa yao. Te dagego ofa ebo kibu tigidali te eno nai mu dao.

¹⁰ Tama te bidigo te wiegi yai kibu hasegelama, te dwai kibugo ofa igio. Agai te kibu dwai hasegelama, te wiegi yai kibu ofa igio. Tialima, agai hasegelibaso da, teda te kibu si dali si te ena, Genuai Bidigo dao. ¹¹ Te bidi me agai enabolo te wiegi yai isāwai kibu me deli agai enabolo ofa yabo usu meni baso da, teda agai te prisba selasa pao," wali. ¹² "Prisgo te kibu wiegi yai yaliwe ma dwaliwe sulama, agai te mone daq ilaibao. Tama te mone nogi tagalama, gasa mone daq me iligio. ¹³ Te bidigo te kibu ma abelabo homu ebaso da, teda agai te mone meba dali te prisgo daq ilali mone dali sesao. Te prisgo 5 kina daq ilibaso da, teda agai te mone 6 kinago abelao. Ma, prisgo te mone 10 kina po obaso da, agai te mone 12 kina mobaso usu dao," wai dao.

¹⁴ "Te bidi me deligo aga be ena Genuai Bidiba ma-iabo homu ebaso da, teda prisgo te be wiegi yai ma dwai yabowe naga sua, agai digi te bego mone daq ilao, te prisgo daq ilali mone me hasegeligio. ¹⁵ Tama ena Genuai Bidiba te be mani bidigo, te nosali aga be ma abelabo homu ebaso da, teda agai te bego mone usu nama mayu, te gasa me badu dali daganama

mao. Te prisgo te bego mone 100 kina daj ilai baso da, teda te bidigo 120 kina mao. Agai te mone prisba menama, te aga be ma sobaso te usu dao," wali.

¹⁶"Te bidi me deligo agai tų pedai enaba mobaso da, teda prisgo te nisu naga te nai wai bali te tųde bulugowe naga te osola suo. Te augwaligo te seęę bidi sese deli 20 kilogram bali bulabo tų usu yai baso da, teda te tųgo mone 100 kina usu dao. ¹⁷Tama agai enabolo te mani tų te nai dabe wei ma ponabo kibu be yagasobode te hasia wabo kibu bede mobaso da, teda te mone te tiwai elalumainao, te me hasegelamo dao. ¹⁸Tialima, agai enabolo mabo tų te kibu be meba nosali wabo te genuai kibu be wabo sogo mobaso da, teda prisgo nisu naga kibu be elalubadi yai baso te nedao, te nai dabe wei ma ponabo kibu be nisu naga elalubo koneainogo tiao, tama agai te tųgo mone aiyaba togaibao. ¹⁹Te tų enabolo te mani bidi, te aga tų ma abelainogo ebaso da, teda agai te monego abelainao. Te mone prisgo 100 kina daj ilai baso da, teda te bidigo 120 kina mao. Agai te mone prisba menama, te aga tų ma somainogo emainao. ²⁰Te hasia bolo agai te tų ena Genuai Bidiba abelesąma, tama agai te tų gasa bidiba mawai baso da, teda nosali aga digi ma abelainogo ebaso, usu me egobe dao. ²¹Tama te nai dabe wei ma ponobo kibu be pedalubo sogo, teda te tų abelali bidigo enabolo ma mao. Tama te tų ena tų sesemane sogo elalua paibao, te we bidi augwalide habu selaibao. Te eno pris augwaliba naga mawaibao," te po walio.

²²"Te tų me deli bidigo abelai, te aga waj nų dabego tų menio, agai te tų ena Genuai Bidiba mobaso da, ²³teda te nai dabe wei ma mabo te nisu naga kibu be elalubowe naga te prisgo neda suo. Tama agai mena tama kibu be elalubo usu nama te tųde mone daj ilao, te side naga dolo te bidigo te prisgo tųba mone mao. Tama te mone da ena Genuai Bidigo nai dao. ²⁴Tialima, te nai dabe wei ma ponobo kibu bede, te tų sali bidigo te tų aga ayaba wei ponama dolo mao," wali.

²⁵"Dagego te eno megi po wali tigidali naigo mone dolo neda suo," te po wai.

²⁶"Te dagego ofa me deli enaba maiabo homu ebaso da, teda dagego te tigidali kibu me gasa nai dabego te

podolali nai dabe me sigio, magi baso meni, te eno nai da po walio. Tagalao, te bulmakau ma sipsipgo te gomunai wai dabe, tigidali te eno dao. ²⁷Tialima, te kibu-gomunai wai dabe te kibu dabego eno gedude me wiegi yai meni baso da, teda duga ma abelagameo. Te prisgo 10 kina daj ilibaso da, teda dagego agabolo 12 kina mao. Tama bidigo te kibu me abelesąbo homu ebaso da, teda prisgo gasa bidigo abelemainogo elama, te prisgo daj ilali mone usu nama abelao."

²⁸"Tialima, te bidi me deligo te nai me deli ena Genuai Bidi dolo daj mu ilali naigo, te gasa sę me igio olama, habu selai baso da, teda agai te nai gasa bidigo abelemainogo me igio, te aga digi me te pris dabede ma abelamuo. Te tagalao, agai bidi me deli, ma we me deli, ma kibu me deli, ma te aga waj nų dabede sali tų me deli yai baso da, teda sesemane sogo te ena Genuai Bidigo nai naga elalueibao." Te po wali.

²⁹"Odao. Te agai bidi ma we enabolo sa muyu daj ilai baso tagalao, teda agai ma abelainu ebo usu egobeo. Mu meni. Dagego te tiwai mani bidi ma we ela muyu naga yao."

³⁰"Te gide pedalubo nai tigidali, te nai wit wai ma ni du wai da, dagego te nogo si badu dobolama, te me deli badu ena Genuai Bidiba mao. Te nogo si wali nai dagego tubo habu mu selaibao. Te enaduba deligo nai naga dao. ³¹Te bidi me deligo te naigo meba abelainogo ebaso da, teda agai abelemainao. Te naide mone 5 kina yai baso da, teda agai 6 kinago hasegeliyu abelama, te pris dabeba mao. ³²Te nogo si bulmakau me sipsip dabe elalubaso, te me deli eno dao. Dagego te kibu dabe tigidali wasilama, te augwali nedelama, tama te nogo si wali tigidali enabolo mao. ³³Te nogo si wali kibu wiegi yai ma dwai baso me tagalao, dagego me hasegeligio. Tialima, dagego hasegelibasos da, teda te nogo si wali kibu dali te hasegelali dali saibao, te si dali si eno nai dao, te dagego ma abelamo dao," wali.

³⁴Te po dabe dali te bomai po me Genuai Bidigo Mosesbolo te Sainai bulu dude mawai. Tama agai te po weyu, te Israel dabe augwaligo tigidali wali piyąo po wai dao.

† 27:28 Nam 18:14 †† 27:30 Nam 18:21; Bom 14:22-29

Israel Hanigo Namba

Hasia nedebo tau sabo po

Te e bukude da, te Israel hani dabe augwali te Sainai bulu dude bidali tagalama, te gagalasa solama, augwali te bulu tɔ kantri Moap buluba sabolagasali sogoba usu nama te po wali, te Kenan bulu tɔ daj̄ badu tama, te Godigo augwaliba mawaibao olama, po daj̄ wali tɔ dao. Augwaligo te buku nogi poliyu, Namba da wali, magi baso meni, augwali te Sainai bulu dude bidali tagalama soainogo yali sogo, te bidi Mosesgo te Israel hani we bidi tigidali nedali, tama augwali te bulu kantri tɔ Moapba sabolama bidali sogo, agai augwali we bidi hani namba ma nedai dao.

Te Israel dabe augwali te bulu tomode kibu be hauwa bidali. Augwali bilali hasia te bulu Kades Barnea te Kenan tɔ saut badu sabolali. Augwali tede kibu be hauwa bidali, tiali goli augwali te Kenan tɔ tomoba pabeo. Tama nosali augwali te bidali tagalama, te augwali pelama, te sia ge pedalubo pedai badu, te aḷ Jordan elalubo badu sabolama, bidai. Me badu hani augwali tede mu homu pagea selama bidali, tiali goli augwali hauwa we bidi dabe te osogo toma naga tuyu bidama, tama augwa sisi elama, te wɛ Jordan nogelama, tama augwali te Godigo daj̄ ilali tɔ sainogo elaluai dao.

Te bukude da, te Godigo hani dabe bilali po pusali. Hauwa sogo augwali haliga seḡe yali, tama te seḡe ebo sogo augwali wi yali. Hauwa sogo augwaligo te bidi Moses me, God me, tudiba muani. Tialima, te e bukude te Godigo po me pusali elalubao. Godigo te Israel hani augwali me tagalobeo. Te augwali wi eyu, te wi pai homu yali digi tagalao, Godigo augwali me tagalobeo. Agai augwali hani dali te bomu yai po aga daj̄ wali, te po aga homude me gegeda pisama, homu konealu, tama agai augwaligo nɔy waj̄ dabe dali daj̄ olama mani bomai po me, agai konealu, agai augwali me tagalobeo. Godigo augwali bugagia tonalua pelama, te aga daj̄ wali bomu yai po te nai gilama walomainogo yai dao.

Te Israel dabe augwali Sainai bulu dude bidiyu, augwali painogo kegaluani

(Daj̄ 1:1-10:10)

Te tobolu bidi dabego Israel dabe nedali

1 Te si wabo kibu bede te Israel dabe te Isip bulu taga soali tudi badu nosali, te namba 2 poluago namba 1 dei, tede te Genuai Bidigo Moses dali te nai meni yai bulude te Godigo ugwa bede po miani. ² Genuai Bidigo te e tama po wali, "Nage dali Aron dage sigo te Israel dabego nogi tigidali siaḡ," po wali. "Dage sigo tigidali bidi dabe sese tama nedama, tama augwa waj̄ hani tali tali aseḡyao. ³ Te tigidali kibu be 20 yai bidi dabe dali, te kibu be 20 edelai bidi dabe dali, augwali te ami bidi nigabo usu yai bidi dabe dao, tama augwaligo nogi me aseḡyao. ⁴ Tama dage sigo deli deli bidi waj̄de deli deli tobolu bidi sa muyu ela pao, te dage si tau sabo bidi dabe. ⁵ Tama dage si te seḡ ebo tau sabo bidi dabego nogi e tama dao.

Te Ruben hanide da, nago te Sedeurgo ogwa Elisur sagameo.

⁶ Te Simeon hanide da, nago te Surisadaigo ogwa Selumiel sagameo.

⁷ Te Juda hanide da, nago te Aminadapgo ogwa Nason sagameo.

⁸ Te Isakar hanide da, nago Suargo ogwa Netanel sao.

⁹ Te Sebulun hanide da, nago Helongo ogwa Eliap sagameo.

¹⁰ Tama te Josepgo waj̄ hanide da, te Efraim hanide da, nago te Amihutgo ogwa Elisama sagameo. Tama te Manase hanide da, nago te Pedasurgo ogwa Gamaliel sagameo.

¹¹ Te Benjamin hanide da, nago te Gideongo ogwa Abidan sagameo.

¹² Te Dan hanide da, nago te Amisadaigo ogwa Ahieser sagameo.

¹³ Te Aser hanide da, nago te Okrango ogwa Pagieli sagameo.

¹⁴ Te Gat hanide da, nago te Duelgo ogwa Eliasap sagameo.

¹⁵ Te Naptali hanide da, nago te Enango ogwa Ahira sagameo," te po wai.

¹⁶⁻¹⁷ Tama te Mosesgo te Israel we bidi hani tomode te tobolu bidi dabe sa muna silali. Augwali da, te augwa waj hani polalubo bidi dabe dao. ¹⁸ Tama te Moses de Aron si me te 20 tobolu bidi dabe, augwaligo te tigi-dali we bidi sisinagasao po wali, tama te si wabo polu-ago hasia wabo dei, tede augwali polo sisinagasali. Tama te tobolu bidi dabego te tigidali we bidi dabego nogi, me augwa hani tali tali me nogi aseyu yali. Augwaligo te 20 kibu be yai bidi dabe dali, te 20 kibu be edelai bidi dabe me nedali. ¹⁹ Te Genuai Bidigo Moses-bolo wali po dolo tama wali pelama tama tiali. Te we bidi te nai meni yai bulu Sainaide bidibadi, Mosesgo augwaligo nogi selama, tama augwaligo nogi lista nigali. ²⁰⁻⁴⁶ Augwaligo te bidi dabe te kibu be nogo si saqa si eyu yai bidi dabe me nogi aseyu, me kibu be bidi sese edelai bidi dabego nogi me aseyu yali. Te bage te ami bidi dabe nigabo usu yai bidi dabe dao. Augwaligo te bidi dabego nogi selama, tama augwaligo augwa hani bidi we wai nanide nogi lista nigilama tagalali. Te Rubengo hanide gagalali, te Jekopgo gomunai ogwade gagalali. Te bidi dabego namba e tama dao.

Te Rubengo hani bidi namba

te 46,500 bidi tama bidali.

Te Simeongo hani bidi namba

te 59,300 bidi tama bidali.

Te Gat hani bidi namba

te 45,650 bidi tama bidali.

Te Juda hani bidi namba

te 74,600 bidi tama bidali.

Te Isakar hani bidi namba

te 54,400 bidi tama bidali.

Te Sebulun hani bidi namba

te 57,400 bidi tama bidali.

Te Efraim hani bidi namba

te 40,500 bidi tama bidali.

Te Manase hani bidi namba

te 32,200 bidi tama bidali.

Te Benjamin hani bidi namba

te 35,400 bidi tama bidali.

Te Dan hani bidi namba

te 62,700 bidi tama bidali.

Te Aser hani bidi namba

te 41,500 bidi tama bidali.

Te Naptali hani bidi namba

te 53,400 bidi tama bidali.

Te tigidali te ami bidi nigabo usu yai bidi dabe namba te 603,550 bidi tama bidali.

⁴⁷ Te augwaligo te bidi dabego nogi asebo sogo, augwaligo te Livai hani bidi dabego nogi te nogi listade asebeo. ⁴⁸ Te magi baso meni, Genuai Bidigo Moses-bolo e tama po wali, ⁴⁹ "Nago te bidi dabego nogi sabo sogo, nago te Livai hani dabego nogi asenamuo," po wali. ⁵⁰ "Te menio. Nago te Livai dabebolo nago se menama, tama augwali eno name ugwago nigali lotu be tonalubo se eyu, me augwaligo eno be tomode munalubo nai tonalubo se emainao, tama augwali tede se eyu emainao. Tama dage gasaba bidigi pabo sogo

augwaligo te name ugwago nigali lotu be dali, te be tomode munalubo nai sese dali tolasa pabo se eyu emainao. Tama augwaligo augwa ugwa be eno ugwa be bagulama se emainao. ⁵¹ Te dagego te pesage nigilama, tama gasaba gudasa painogo, te ugwa be hugiasa painogo da, tede te Livai dabego naga te ugwa be huginama, tama te bede mubo nai dabe dali augwaligo naga sela pomainao. Tama dagego gesi noma pesage nigibo sogo da, te Livai dabego naga te eno ugwa lotu be se emainao. Tama gasa olo bidi dabe teba paba me asobo si da, dagego augwali ela muao.

⁵² Te gasa Israel we bidi augwaligo augwa hani bagego plak ugwa dodolali madi augwaligo be tede naga sese peyu emainao, te augwa hani mu naga sisinibo madi.

⁵³ Tiali goli, te Livai dabego te ugwa be te eno ugwa be se yalubo bagulama naga se emainao, te augwaligo eno be tonaluyu emainogo. Tiyu, bidi me deli te be paba asai madi ena sebe ilama ebode, eno dage Israel dabe sese dolidali weyu," Genuai Bidigo te po wai.

⁵⁴ Tama te Mosesgo te Israel dabebolo Godigo te Moses agabolo wali po sese pusali, tama augwaligo wali pali.

Genuai Bidigo augwalibolo te gesi noma pesagenigigi pabo kolesaga po ola mani

2 Godigo Moses de Aron sibolo te tama po wali, ² "Te Israel dabe augwaligo gesi noma pesage nigigi pabo sogo da, te deli deli bidi aga ugwa be te aga hani mugo plak ugwa walalubo pagede mu se emainao. Augwaligo name ugwa be eno name ugwa lotu be bagulama sese pomainao. Tiali goli, augwaligo eno name ugwa be pade mu se emainu elamuo. Menio. Augwaligo be digibulu ganama se emainao."

³⁹ "Te giliga asobo badu bidi hani sela te Juda waj hanigo plak pade sisinalubo madi dao. Augwaligo te augwa hani tobolu bidi dologode naga bidiyu ebo dao. Te Juda waj hanigo tobolu bidi te Aminadapgo ogwa Nason dao. Te Juda hani bidi da, te 74,600 bidi dabe tama bidibao. Te Isakar hani bidi dabego tobolu bidi da, te Suargo ogwa Netanel dao. Te Isakar hani bidi te 54,400 bidi tama bidibao, tama augwali te Juda hani bogo badu bidaibao. Te Sebulun hani tobolu bidi da, te Helongo ogwa Eliap dao. Te Sebulun hani bidi te 57,400 bidi tama bidibao, tama augwali te Isakar hani pade bidaibao. Te bidi hani sela tama namba te 186,400 bidi tama elalubao. Tama te gasaba pabo sogo te hani sela bolo polasa pomainao," wali.

¹⁰⁻¹⁶ "Te Godigo ugwa lotu be saut badu te bidi hani sela te Ruben hanigo plak pagede sisinalubo dao. Augwali te augwa hanigo tobolu bidi dologode naga bidimainao. Te Ruben hanigo tobolu bidi te Sedeurgo ogwa Elisur dao. Te Ruben hanigo te 46,500 bidi tama elalubao. Te Simeon hanigo tobolu bidi da, te Surisadaigo ogwa Selumiel dao. Te Simeon hani bidi da, te 59,300 bidi tama bidibao. Tama augwali te Ruben hani bogo badu bidaibao. Te Gat hanigo tobolu bidi da, te Ruelgo ogwa Eliasap dao. Te Gat hani bidi da, te 45,650 bidi tama bidibao. Tama augwali te Sime-

on hani bogo badu bidaibao. Te bidi hani selago bidi dabe namba deliba sisinama, te 151,450 bidi tama bidali. Te gasaba pabo sogo da, te hani sela te polasa pabo hani wali tama pomainao.”

¹⁷ “Augwali te pesage nigilama bidali taga peyu, gasaba pabo sogo da, te Juda hani waj̄ dabe bolo polasa te gasa hani tudiba ilama, augwali bolo polasa pomainao, te gasa hani dabego te augwa dolo nogo badu bidibo bage augwa plak ugwa dali polasa yai digi, te meba hani nosali tama peyu emainao. Tama te Livai hani dabego te Godigo ugwa be, me te ugwa be tomode munalubo nai dabe, augwaligo selasa peyu, augwali te gasa hani dabe tomode mu elama tama peyu emainao. Te a naga olama, me badu nogo deli bidi hani polasa peyu, tama te Livai hani tomode elalu, me a naga olama, me badu nogo deli bidi hani nosali elama, tama pomainao.”

¹⁸⁻²⁴ “Te giliga dega sabo badu te bidi hani sela te Efraim waj̄ hanigo plak pade sisinalubo, tama te bage augwali te augwa hani tobolu bidi dologode naga bidimainao. Te Efraim hanigo tobolu bidi te Amihutgo ogwa Elisama dao. Te Efraim hani bidi te 40,500 bidi tama bidibao. Te Manase hanigo tobolu bidi te Pedasurgo ogwa Gamaliel dao. Te Manase hani bidi te 32,200 bidi dabe tama bidibao. Tama augwali te Efraim hani bogo badude bidaibao. Te Benjamin hanigo tobolu bidi da, te Gideongo ogwa Abidan dao. Te Benjamin hani bidi te 35,400 bidi dabe tama bidibao. Tama augwali te Manase hani bogo badude bidaibao. Te bidi hani selago nedali bidi namba deliba taluyu, te 108,100 bidi dabe tama elalubao. Tama te gasaba pabo sogo da, te bidi hani sela te Livai dabe wali nosali tama peyu yao.”

²⁵⁻³¹ “Te not badu te bidi hani dabe te Dan hanigo plak paba sisinama bidibo dao, te augwali te augwa tobolu bidi dologode bidalumainao. Te Dan hanigo tobolu bidi te Amisadaigo ogwa Ahieser dao. Te Dan hani bidi te 62,700 bidi dabe tama bidibao. Te Aser hanigo tobolu bidi te Okrango ogwa Pagiell dao. Tama te Aser hani bidi te 41,500 bidi dabe tama bidibao. Tama augwali te Dan hani bogo badude bidaibao. Te Naptali hanigo tobolu bidi te Enango ogwa Ahira dao. Tama te Naptali hani bidi te 53,400 bidi dabe tama bidibao. Tama augwali te Aser hani bogo badude bidaibao. Tama te bidi hani selago nedali bidi dabe te taluyu, te 157,600 bidi dabe tama elalubao. Tama te gasaba pabo sogo, te hani sela augwali te nosali mu elama peyu emainao.” Godigo te po wai dao.

³² Te tigidali Israel dabe namba sese deliba taluyu, te 603,550 bidi dabe tama elaluali. ³³ Tiali goli, augwaligo te Genuai Bidigo po wali peyu, augwaligo te Livai hani te gasa Israel dabe dali me nedebeo. Te Livai hani bage te tedali dao. ³⁴ Te tama tialima, te Israel dabe augwaligo te Genuai Bidigo te Mosesbolo augwaligo yao wali se dabe naga wali peyu yali. Tama deli deli bidigo aga ugwa be te augwa plak pade se eyu ela pali. Tama augwali gasaba pabo sogo, augwaligo augwa hani dabe mu wali naga peyu yali.

Arongo ogomani dabego nogi

3 Te Genuai Bidigo te Moses dali te bulu du Sainaide po wali sogo, te Aron de Moses sigo wai puluba e tama elaluali. ² Arongo te ogwa me si me si tama elaluali. Agai te gomunai ogwa te Nadap dao, te tudi badu Abihu, te tudi badu te Eleasar, te tudi badu te Itamar dao. ³ Mosesgo augwaligo tobolude wel gelama, tama augwali te pris bidi naga nigilali. ⁴ Tiali goli, augwali te nai meni yai bulu Sainaide bidiyu, te Nadap de Abihu augwali sigo te wiegi yai denami ebo hano holobo nai selama, tama Genuai Bidibolo te ofa tiwai mani. Te Genuai Bidi agai mao po wasiqbadi, tama tibaso Genuai Bidigo augwali si elama isilali. Tama augwali sigo wai boq̄ dabe meni yai dao. Tialima, te Eleasar de Itamar sigo naga te pris se yai dao, te Aron augwa aya bidibadi. ^{††}

Augwaligo te Livai dabe te pris bidi dabego se bidi tiwai sa muani

⁵ Te Genuai Bidigo Mosesbolo e tama po walali, ⁶ “Te Livai dabego hani odasa aselama, tama augwali te pris Arongo se bidi tiwai sa muao. ⁷ Augwali eno name ugwa bede se eyu, me pris dabe tau sabo se eyu, me te we bidi tau sabo se eyu emainao. ⁸ Augwaligo eno name ugwa lotu bede doado bage dabe bugagia tonaluyu emainao. Te eno Israel dabebolo emainu wali tiwai. ⁹ Te Livai dabe augwaligo te se deli naga dao. Augwali te Aron dali aga ogwa dabego se tigidali sogo emainao. ¹⁰ Nago te Aron me aga ogwa dabe augwaligo naga te pris se emainogo sa muao. Tiali te gasa bidi dabego me te pris se yainogo ebaso da, teda dagego aga ela muiq̄o,” wali.

¹¹ Tama Genuai Bidigo Moses e tama tiwai po walali, ¹²⁻¹³ “Megi eno te Livai hani te ena hani mu tiwai sa meḡi mubao. Te eno te Isip dabego gomunai ogwa dabe ela muani sogo, eno te dagego gomunai wai dabe me, te bulmakau sipsip meme dabego gomunai wai dabe me, eno sa muai dao. Tama augwali sese ena mu dao po wai dao. Tiali goli, meḡi da, eno te gomunai ogomani dabe me sogobeo. Menio. Te Livai dabego augwali hasegelali, tama te Livai dabe te ena mu dao. Ena Genuai Bidi, eno po polo wali.” [‡]

Augwaligo te Livai dabego nogi sali

¹⁴ Te nai meni yai bulu Sainaide Godigo Mosesbolo te po wai, ¹⁵ “Te Livai dabe nedama, tama augwa we wai tali tali augwa hanide lista nigao,” po wali. “Tama nago te augwaligo ogwa wai dabe te polua deli polo yai waide gagalasa, tama tigidali ogwa me bidi dabego nogi me sao,” te po wali. ¹⁶ Tama te Mosesgo te Genuai Bidigo wali po selama, tama tiwai yali. ¹⁷ Te Livaigo ogwa sela elaluali. Te Gerson, me Kohat, me Merari, tama dao. ¹⁸ Te Gersongo ogomani nogi te e tama dao, te Lipni me Simeil dao. ¹⁹ Te Kohatgo ogomani nogi e

[†] 3:2 Nam 26:60 ^{††} 3:4 Prs 10:1-2; Nam 26:61 [‡] 3:12-13 Sai 13:2

tama dao, te Amram, me Ishar, me Hebron, me Usiel, tama dao. ²⁰ Te Merarigo ogomani nogi da e tama dao, te Mali me Musi si dao.

Te Livai dabego hani waj nogi te e tobage nogi elaluali. ²¹ Gersongo hanigo bidi hani te si digi tama elaluali, te Lipni me Simei hani. ²² Augwaligo te bidi dabe dali te ogwa dabe te polua deli polo yai wai dabede gagalasa nedama, tama te namba te 7,500 tama elaluali. ²³ Te hani wajigo be dabe te name ugwa lotu be tudu badude te giliga pabo badu elalumainao, te Godigo be elalubo toq sesegede. ²⁴ Tama Eliasap, te Laelgo ogwa, te hanigo tobolu bidi dao. ²⁵ Augwaligo te Godigo ugwa be tonalubo se elaluyu, me te name be ugwadu halubo nai dabe tonalubo se elaluali, me te sunumi palibo name ugwa me tonaluyu, ²⁶ me te alta sai, me te ugwa be bagulubo name ugwa dabe tonalubo se eyu, me te name ugwa obo sunumi palibo name ugwa tonaluyu yali. Augwaligo te nai dabe tonalubo se naga elaluali.

²⁷ Te Kohat hani wai dabe te me si me si elaluali. Augwali te Amram, me Ishar, me Hebron, me Usiel tama. ²⁸ Te augwaligo bidi dabe dali te ogwa dabe te polua deli polo yai wai dabede gagalasa, ugwaba iguluyu nedama, te 8,300 tama elaluali. ²⁹ Te hani augwali te name ugwa be te saut badu augwaligo name ugwa be nani elama bidaluyu emainao. ³⁰ Tama augwaligo tobolu bidi te Usielgo ogwa Elisafan dao. ³¹ Augwaligo Godigo Daq Wali Bomai Po Munalubo Halobage me, tebol sai me, lam tolalubo nai me, alta si me, genuai pou me, plet dabe te pris bidi dabego te habu selai te habu badu me, te habu selai te be habu palibo name ugwa me, tama tonalubo se ebo dao. ³² Te pris bidi Arongo ogwa Eleasar te tigidali Livai dabego tobolu bidi dao. Agai te bidi dabe te Godigo be tomode se ebo bidi dabe tonalubo dao.

³³ Te Merari hanigo aga hani si elaluali. Te augwali te Mali dabe me Musi dabe, tama dao. ³⁴ Augwaligo bidi dabe dali te wai ogwa dabe te polua deli polo yai ma ugwaba igulali ogwa dabe me te namba te 6,200 tama usu nani. ³⁵ Te Abihailgo ogwa Suriel te augwaligo tobolu bidi dao. Tiali tama, te hani augwaligo name ugwa be nani te Godigo ugwa be te not badu augwaligo be nani emainao. ³⁶ Augwaligo te ugwa bego dili tonalubo se elaluali. Augwaligo te be ni pos, me te pos ni tulubo halobage tonalubo se eyu, me te pos ni tuabo te bobobage ni dabe me, te meba te be dili tolalubo doado bage dabe me tonalubo se ebo dao. Tama augwaligo te nai dabe naga tonalubo se emainao. ³⁷ Te me augwaligo te ugwa be mesalo bagulubo obo pos ni dabe, me te pos ni tulubo te halobage dabe me tonalubo se emainao. Me te brasgo nigai bobobage nil dabe, me te baklain bono me tonalubo

† Te Hibru pogo te po wali, 8,600 bidi. Tiali goli, te bidi mebage te Grik pode begelai, tama augwaligo te 8,300 tama aseani. Te tonobo te 8,300 te dolo tama yali. Magi baso meni, te ves 39de te po wali te bidi dabe namba te 22,000 tama wali. Ma, dago te 8,600 ede muyu da, teda te tigidali bidi namba te 22,300 tama yaibao, tama te usugobeo, te dolo si menio.

se emainao, te name ugwa be bomo elama kegaluabo.

³⁸ Moses me Aron si augwa wai puluba dabe dali augwaligo be Godigo name ugwa be gedu dolo mu dodolama muani, te giliga asobo badu. Te hani augwali deli naga te habu selalubo te be habuba pelama, tama augwaligo te haniani se eyu, me te we bidi tau sabo ofa nai mayu yali. Ma, te se gasa hani mebage ebaso da, teda Israel dabe augwaligo aga ela isilimainao.

³⁹ Te Livai hani bidigo namba te 22,000 bidi dabe tama usu nama elaluali. Augwaligo tigidali bidi dabe me, tigidali ogwa dabe me, te tigidali ogwa wai dabe te polua deli polo yai gagalasa, ugwaba igulali te genuai ogwa bidiba usu nani, te me augwaligo nedali.

Te Livai dabe augwaligo tegomunai ogomanigo pesage hasegelali

⁴⁰ Tama Genuai Bidigo Mosesbolo walali, "Te dage Israel dabego gomunai ogwa dabe te tigidali te eno naga dao. Tama tibaso, nago te tigidali gomunai ogwa dabe nogi sao, augwali polua deli polo yai dabede gagalasa, tama te genuai ogwa bidiba usu nama pao. ⁴¹ Tiali goli, eno te bage hasegelama, tama te bidi dabe bidimainu sula tagaliyu, tama eno te Livai dabe naga saibao. Te Genuai Bidi ena hani tiwai mu yaibao. Te me ma, te Livai dabego gomunai kau kibu omai dabe eno siyu, te we bidigo gomunai kau kibu omai dabe tagalaibao. Ena da, ena Genuai Bidi dao," wali.

⁴² Tama Mosesgo Genuai Bidigo po wali peyu, te te Israel dabede tigidali gomunai bidi dabe dali, te ogomani dali, ⁴³ te polua deli edelai ogwa dabe me nedali, te 22,273 tama elaluali.

⁴⁴ Tama Genuai Bidigo Mosesbolo ma weyu e tama po wali, ⁴⁵ "Megi da, nago te Livai dabe tigidali enabolo mao, te Israel dabego gomunai bidi dabe ogomani hasegeleyu, tama te Livai dabe te eno hani mu bidaibao. Tama augwaligo kau kibu ena mayu, tama augwaligo te Israel dabego gomunai kau kibu hasege-laibao. ⁴⁶ Te Israel dabego gomunai bidi dabego te Livai dabe te 273 nambago augwali edelali, tama tibaso dagego te bidi dabe ma abela sao, te 273 bidi dabe.

⁴⁷ Nago te silva mone ge a naga, a naga, tama sesa pao, te augwaligo deli deli bidi dabede, te augwali ma abelama siyu yao. ⁴⁸ Tama te mone te Araon aga ogomani dali augwalibolo mao," te po wai.

⁴⁹⁻⁵¹ Tialima, Mosesgo Genuai Bidigo te se yao wali po wali peyu, te deli deli ogwa dabede te mone siyu, te 13,650 kina selama, tama te mone te Aron me aga ogwa dabe augwalibolo te mone mani.

Genuai Bidigo Mosesbolo te Kohat hanigo se po ola mani

4 Genuai Bidigo Moses de Aron sibolo te po wai, ² "Te Livai genuai bidi hani bugulama, tama te Kohat hani bidi dabego nogi sao. ³ Dagego te e tobage Kohat hani bidi dabego nogi sao, te augwaligo kibu be

te 30 daj gagalasa, tama te kibu be 50 te dajba usu nagasobo bage, te augwaligo nogi sao. Te gesi ogwa bidi dali, te monu dabe dali si, te tagalao. Te nogi sali bidi augwali te eno name ugwa bede se yabo usu yai bidi dabe dao. ⁴ Augwaligo se te Tedali Gasagi Yai Mu Be Habu tomode elalubo doado bage dabe tonalubo se ebo dao," wali. ⁵ Tama Genuai Bidigo te po Mosesbolo mani. Agai te po wali, "Te Israel dabego te bidibo pesage taga peyu, gasaba painogo da, teda Aron aga ogwa dabe dali augwali eno ugwa be tomoba tula pelama, tama augwaligo te eno Daq Wali Bomai Po kontrak elalubo halobage pade walobo moni ugwa name selama, tama te halobage halumainao. ⁶ Tama me augwaligo te wiegi yai tamu wede bidibo sikau sabeago belama, tama me augwaligo wiegi yai sisi name ugwa belama, te halobage haluao. Te tigidali tama mesegeliyu, tama te ni dage si te gol ring dedage si elalubo tedu palama, tolabo nigilao."

⁷ "Tama augwaligo enabolo mani bret mubo tebol sai te sisi dagalu yai name ugwago halumainao, te ena Genuai Bidibolo mani nai. Tama augwaligo te pou me, plet me, te wiegi yai denami holobo hano nai dabe augwaligo somainao, me te gasa ofa ebo nai me, tama te nai dabe sese te sisi name ugwa daide muao. Tama tigidali sogo bret name te name ugwade munalumainao. ⁸ Tama augwaligo te nai dabe sese te bedeba name ugwa me deligo belemainao. Tama tamu wede sikau sabea wiegi yaigo te bedeba ugwa name belemainao, tama te tebol tolabo ni dage si te ring tomoba mumainao."

⁹ "Tama augwaligo te lam dabe tolalubo nai me, te lam dabe me, te lam wik me, te sisi dulu bulubo dwasianu plet me, te oliv wel bubo botol, te sisi dagalu yai name ugwago belao. ¹⁰ Tama augwaligo te tamu wede bidibo sikau sabea wiegi yai me selama, tego tomagelama, tama tolabo naiba me muao."

¹¹ "Nosali augwaligo gol alta sisi dagalu yai name ugwago tomagelao, tama te ugwa te tamu wede sikau sabea wiegi yaigo tomagelao, tama te alta tolabo te ring dedagede te ni dage muao, te alta tolabo."

¹² "Tama augwaligo te dis pou dabe te pris bidi dabe te Tedali Gasagi Yai Be Habu badu elalubo te pou doado bage dabe selama, tama sisi dagalu yai ugwago belama, tama tamu wede sikau sabea wiegi yaigo belama, tama tolabo nai tomoba muao."

¹³ "Tama augwaligo te brasgo nigai alta saide munalubo te sisi dulu dabe sela sanama, tama te alta te bedeba name ugwa belao. ¹⁴ Tama augwaligo te pris bidi dabego te alta saide se eyu sabilibo nai dabe sese sao. Te e tama nai dabe, te pou dabe te isi mubo dabe me, te mi enebo yaga dabe me, dwasianu savol dabe me, te dwasianu ofa ebo nai kaneme sabo dwasianu plet dabe sao. Tama augwaligo te nai dabe te tamu wede bidibo sikau sabeago belama, tama te alta saiba munama, tama te alta tolabo ni dage si tolabo muao."

¹⁵ "Te Kohat hanigo te nai dabe tolabo se elalubao, te eno name ugwa be tomode elalubo nai dabe. Tiali goli, augwaligo te nai dabe nogo toumainu elamo. Ma,

augwaligo nogo tuali da, teda eno augwali ela isilaibao. Tialima, Aron aga ogomani dali augwaligo te ugwa be tomode mubo doado bage bugagia tomagelama, tama te gasaba gudasa peyu yao. Tama nosali te Kohat dabego sagaselama, tolasa peyu emainao. Te da, te Kohat dabego se dao. Te se augwaligo tigidali sogo gasaba gudasa painogo, te se naga eyu emainao," wali.

¹⁶ "Te pris bidi Arongo ogwa Eleasargo te name ugwa be, me lam wel, me te pris bidi sa mubo te wel me, te wiegi yai denami ebo pauda me, te wit ofa nai dabe, tama agai tonalumainao. Me agai eno bede munalubo nai dabe sese me agai tonalumainao," te po wai.

¹⁷ Tama Genuai Bidigo Moses de Aron sibolo e tama tiwai po wali, ¹⁸⁻¹⁹ "Te Kohat hani augwali eno doado bage munaluboba paba asobo si da, dagego augwali bugagia tonalubao. Tiyu, augwaligo dwasianu se me geda muai digi, eno augwali ela muidalio. Tama tialima, Aron aga ogwa dabe dali augwali te be tomoba bolo pelama, tama te Kohat hani dabe deli deligo se bolo yao, tama augwalibolo mena nai dabe augwaligo tolabo po walao. ²⁰ Tiali goli, te Kohat dabe augwali te tomoba odolali pelama, te pris dabego eno doado bage dabe dodolodubadi sugi pali da, teda eno augwali elama isilaibao," te po wai.

Genuai Bidigo Mosesbolo Gerson dabego se po walali

²¹ Genuai Bidigo Mosesbolo wali, ²² "Te Gerson dabe augwa hani dabe nogi sao," po wali, "te Livai hani dabego deli kaneme bugwai dabe. ²³ Dagego te e tobage Gerson hani bidi dabego nogi sao, te augwaligo kibu be te 30 daj gagalasa, tama te kibu be 50 teba usu nagasobo bage, te augwaligo nogi sao. Te gesi bidi dali, monu dabe dali si te tagalao. Tama te nogi sai bidi dabe te augwali eno name ugwa be tomode se yabo usu yai bidi dabe dao."

²⁴ "Augwaligo e tama nai dabe tolabo se elalubao. ²⁵ Te da te name ugwa bego name ugwa dabe me, te namba wan walobo haluali genuai ugwa, me namba 2 walobo haluali genuai name ugwa me, te me augwaligo wiegi yai tamu wede sikau sabeago haluali te me, me te sunumi palibo te genuai name ugwa me, ²⁶ me te obo nigabo name ugwa me, me te name ugwa be bagulali baklain bono me, alta me, obo ebo genuai name ugwa, te sunumi paibo name ugwa me, te ugwa be daq walobo te dwasianu nai dabe me, te obo ebo nai dabe me, augwaligo somainao. Te Gerson dabego te doado bage dabe dodolama, tolabo se tigidali elalubao. ²⁷ Aron aga ogwa dabe dali augwaligo te Gerson dabego ebo se me tonaluyu, me te Gerson dabego tolabo doado bage dabe ola mayu yao. ²⁸ Te Gerson hani bage augwaligo te se te ugwa bede emainao. Tama te pris Arongo ogwa Itamargo augwaligo te se tonalumainao," wali.

Te Merari hanigo sę

²⁹ Genuai Bidigo Mosesbolo “Te Livai hanide Merari hanigo deli kaneme dabe me nogi sao,” po wali.
³⁰ “Tama dagego te e tobage Merari hani bidi dabego nogi sao, te augwaligo kibu be te 30 dađi gagalasa, tama te kibu be 50 teba usu nagasobo bage, te augwaligo nogi sao. Te gesi bidi dali monu dabe dali si te tagalao. Te nogi sali bidi augwali te eno ugwa lotu be tomode sę yabo usu yai bidi dabe dao. ³¹ Augwaligo te ugwa be pos ni tolabo sę elalubao, me te be paibo ni name dabe me, me ugwa be te pos ni tulubo halobage dabe me, ³² me te ugwa be mesalo bagualubo pos ni dabe, me te pos ni dađ walobo halobage dabe me, te bobobage brasgo nigai nil dabe, te obo dađ walobo te nil dabe, me baklain te obo ni dađ walobo me, te meba obo dađ walobo nai dabe me, tama te pris dabego deli deli bidi dabe augwaligo tolabo nai dabe ola mayu yao. ³³ Te Merari hani augwaligo te ugwa be augwaligo te sę emainao. Tama pris Arongo ogwa Itamargo augwaligo te sę tonalumainao,” wali.

Te Livai dabego namba

³⁴⁻⁴⁸ Moses me Aron me te we bidigo tobolu bidi dabe augwaligo Genuai Bidigo po wali peyu, tama augwaligo te Livai hani selade bidi dabego nogi sali. Augwali te Kohat dabe, me Gerson dabe, me Merari dabe, tama dao. Tama augwaligo augwa hani me augwa deli kaneme bagego nogi selama, lista nigali. Augwaligo te bidi dabe te kibu be 30 elama 50 kibu be tama yai bidi dabego nogi augwaligo sali, te augwali te Godigo ugwa bede sę yabo usu yai bidi dabe. Augwaligo namba e tama tiwai dao, te Kohat dabego te 2,750 bidi elaluali, me te Gerson dabe te 2,630 bidi elaluali, me te Merari dabe te 3,200 bidi tama elaluali. Te bidi dabe sesego namba te 8,580 tama dao. ⁴⁹ Augwaligo te Genuai Bidigo Mosesbolo te wali yali gilama, augwaligo tigidali bidigo nogi sali. Tama Genuai Bidigo deli deli Livai dabego sę Mosesbolo magi ilao po wali. Augwaligo te Godigo ugwa bede sę eyu, me augwaligo te ugwa bede nai dabe tolobo sę yao, Mosesgo te po polo odama, te Godigo wali po wali pali, te agabolo wali yali gilama.

Godigo gedude wiegi yai isađo we bidi dabede yabo kolesaga

5 Genuai Bidigo Mosesbolo e tama tiwai po walali, ² “Te Israel dabebolo te po pusao, te oiyabe yai bidi dabe me, te kenide keni wę bole ebo bidi dabe buluba tagala palao, me tigde wę me te kaneme augwaligo tigde pedalubaso, me te bidi isaide nogo tuali bidi dabe me, te tobage we bidi eno gedude wiegi yai menio. Tama augwali te dwai augwa tigde elaludubadi, te bidibo pesage nigilama, bidibo pesage taga pelama, digibulu gana pomainu yao. ³ Ena te eno we bidi bidalubo pesagede ena me tede bidibo dao, tama tialima, nago te eno gedude dolo isađwai we me bidi me te

dđa siyu, te buluba tagala palao. Tiyu, augwaligo te bidi bidibo pesage eno gedude meda ilabuo,” wali. ⁴ Tama te Israel dabego Genuai Bidigo Mosesbolo wali po wali dolo tama yali, tama augwaligo te tobage we bidi dđa selama, te bidi dabe bidalubo pesagede buluba tagala palali.

Dwai kolesaga wei ponobo bomai po

⁵ Tama Genuai Bidigo Mosesbolo ⁶ e tama tiwai po te Israel dabebolo pusa mao po wali. Agai e tama po wali, “Te bidi me we deligo ena tudiba sęnama, tama agai gasa bidi me we dali dwai kolesaga ebaso da, ⁷ teda agai aga yali dwai kolesaga wei ponoyu abele-mainao, te sęęę sela sęmainu yao. E tama tiwai yao. Agai te aga abagigo te 5 kina wi sobaso da, teda agai te 5 kina ma wei ponoyu, tama me wan kina me manao. ⁸ Tiali goli, te mone sabo bidi isai baso me, ma aga ama dabe me meni baso, ma aga ogwa meni baso da, teda te mone mabo bidigo ena Genuai Bidibolo mo-mainao, tama te pris bidi dabego somainao. Tama me agai sipsip kibu omaigo ofa nai menama, aga dwai sęęę sela sęmainao. ⁹ Tama me te Israel dabego wiegi yai nai seselama, enaba sesebaso da, teda te pris dabego augwaligo nogode saibao. ¹⁰ Te tigidali ofa mabo nai dabe te pris bidi me deliba mobaso da, teda te pris bidi aga somainao,” wali.

Bidigo aga wego dwai kolesaga yaliwe homu ebaso ebo bomai po

¹¹⁻¹⁴ Te Genuai Bidigo Mosesbolo te po te Israel dabebolo mao po wali, Genuai Bidigo e tama po wali, “Te bidi me aga homugo agai we te gasa bidi dali piali homu ebaso, tama te we eno gedude dwai meda yai tiwai pedalubaso me, tama te bidigo konesęma ebaso, te mu po yaliwe, ma tibo po yaliwe konesęma elama, me ma te wego pusisęma eyu, tama me gasa wego me bidigo me susę ebaso, tiali goli bidigo aga we dali dwai homu ebaso da, ¹⁵ teda te bidigo aga we te pris bidi pageba odasa pao. Tama me, te bidigo te 1 kilogram plaua te rais baligo nigai, te ofa nai tiwai sela pao. Tiali goli, agai oliv wel te ofa naiba gelamuo, me agai te wiegi yai denami holobo pauda me teba me gelamuo, magi baso meni, te ofa da te bidigo homugo aga wego dwai kolesaga yaliwe homu ebo ofa dao. Teda te agai ofa yali te augwaligo konemainogo, te wego te dwai kolesaga yaliwe ma meniwe, augwaligo kone-mainogo,” wali.

¹⁶ “Teda te pris bidigo te we eno geduba dodolagasao, ena Genuai Bidi, te alta sai pagede. ¹⁷ Tama te pris bidigo te habu selai wę te tđgo nigai seneba gelao, tama aga eno ugwa be suiyamede elalubo tđ hogomu meba selama, tama te wę dali taluao, tama te wę ha yaibao. ¹⁸ Tama te we eno gedude me dolalubadi da, te pris bidigo te wego tobolu haluali ugwa sela sęnama tobolu nisi olo tagalao, tama tobolu nisi olo elalumainogo yao. Tama pris bidigo te bidi aga homu-

go aga we dwai sę elama, gasa bidi dali piali da homu ebo bidigo ofa yali plaua selama, tama te plaua te we nogoba tolomainao. Tama pris aga digi te ha wę tō sene tolalumainao. Te węgo te dwai kolesaga yali we bidi dabe dolobo dao. ¹⁹ Tama pris bidigo eno gedude bomai po deli me weyu, te pris bidigo te webolo e tama po walao, 'Te nago dwai kolesaga bidi me dali yai meni wida, teda te dwai sę yali we bidi dabe dolobo węgo nage dologobeo. ²⁰ Tiali goli, nago bidi me deli dali dwai kolesaga yai wida, teda nage Godigo gedude meda yali, tama nage dolaibao.' Te pris bidigo te po te webolo wao. ²¹ Tama pris bidigo po geninama weyu, e tama po wao, 'Tialima, nago te sę mu tama yai da wida, te Genuai Bidigo nage dwai olo nai tiwai ilaibao, te we bidigo gedude, tama agai nago tabi bō delama, tama nago nai dagana somainu yaibao. ²² Tama te dwai sę yali we bidi dolobo wę nago tabi tomoba pelama, tama nago tabi bō delama, naga nai boga somainu ilaibao,' pris bidigo te po waibao. Tama te wego e tama po wei ponomainao, 'Te dolo dao. Genuai Bidigo te tama timainao.' Wego te po waibao," wali.

²³ "Tama pris bidigo te po te pepade me asęnama, tama te asęnama pen wę te ha ebo wę seneba tulao. ²⁴ Nosali te pris bidigo te wę te webolo menama, te wego te wę tulama, ha emainao, te agai haligade, me aga tigi dene dwai mu yaibao. ²⁵ Tiali goli, hasia bolo te pris bidigo te ofa yali plaua te wego nogode ma siyu bolo yao, tama ugwaba tulama, tama hogolama, iba eda eyu bolo yao, ena Genuai Bidi gedude. Tama nosali agai te alta saiba sela pao. ²⁶ Tama agai te dwasianu plaua selama, tama alta saide ulubo ofa tiwai uluyu, te ofa sa muao. Tama nosali agai te ha ebo wę te wego tumainu yao. ²⁷ Tialima, te wego bidi me deli dali dwai sę yai baso da, teda te wę Genuai Bidigo gedude dwai dao, tama aga tigi dene genuai mu ilama, tama agai tabi bō delama, tama aga nai boga saibao. Tama aga hanigo gasa bidi dabe dali dwai po wainogo da, augwaligo e tama po waibao, 'Godigo te we dolali yali gilama, nage me dolomainao,' te po waibao. ²⁸ Tiali goli, te wego dwai kolesaga isęwai da, teda aga eno gedude wiegi yai dao, tama te węgo aga me dologobeo. Menio. Te nosali aga tabi elama, wai sabo usu yaibao," wali.

²⁹ "Ma, te wego gasa bidiba me dwai kolesaga yali da, tama bidigo homugo aga wego dwai kolesaga yali dao homu elama, aga we dali dwai homu ebaso da, teda dagego te bomai po wali piąo. ³⁰ Tama me dagego bidigo aga wego bidi me deli dali dwai kolesaga yali dao olama, olo dali dwai homu ebaso me wali piąo. Tiali, bidigo te tama homu eyu da, teda agai te we odasa ena Genuai Bidi eno geduba dolalugi pao, te alta sai pąba. Tama pris bidigo te tigidali kolesaga emainao. ³¹ Tama te we aga bidigo po sęęę page meni yaibao. Tiali goli, te we aga sęęę elaluali da, teda aga te yali dwai kolesagago sęęę tolomainao," Genuai Bidigo Mosesbolo te po ola mani.

Bomai pogo te po wali bidi dabe augwa digi augwa Godiba mao po wali

6 Te Genuai Bidigo te po te Mosesbolo te po te Israel dabebolo mao po wali. ² Genuai Bidigo e tama po wali, "Tialima, me sogo te wego me bidigo me aga digi aga enaba mabo homu ebaso da, te aga bomai po daų walama ebaso da, ³ teda agai te wain me bomai wę me tulamuo. Me agai te wain du wę me tulamuo, me te wain du tau yai me tulamuo, me te augwaligo te wain ni du te giligade olai, te ni du agai tulamuo. Te tigidali nai habu mu dao. ¹⁴ Te bidi aga tigidali sogo aga digi enaba mayu da, teda te aga bodolu mani sogo tomode agai te ni wain du wali me, o te ni du me munu me ma tulamuo, te tigidali te ni wain dugo nai dabe me tulamuo," wali.

⁵ "Tigidali sogo bidi aga te wali po wali pidubadi, agai aga digi tedali gasagi yai nigilama, tama enaba mayu da, agai aga tobolu nisi me penane nisi me, me togolamuo. Te aga ena mu dao, tedali dao, tama te bodolu mani sogo tama agai aga tobolu nisi tagaliyu, me penane nisi bobobage holomainu sula tagalao. ⁶⁻⁷ Te bobobage tobolu nisigo aga te enaba mawai bidi tiwai magi ilaibao. Tama tibaso, tigidali sogo agai aga digi enaba mobao. Tama aga te we me bidi isai tigi munalubo pąba pelamuo. Te aga aya, ma aga ida, ma aga ama me abe isai ebaso me tagalao. Tiyu, aga eno gedude meda idalio. ⁸ Tigidali sogo te bidi aga digi aga enaba mawaibao wali te po wali peyu bidali da, te aga ena mu dao, te ena Genuai Bidigo mu dao," wali.

⁹ "Ma, deli sogo tama, bidi me deli aga pąde mu isali da, teda agai te tobolu nisi eno dao wali meda ilaibao. Tama tialima, aga te a naga olama, me badu nogo si sogo tama bolo tonaluama, tama agai tobolu nisi togomainao, tama te sogo aga eno gedude wiegi yai ma pedalaibao. ¹⁰ Tama te 8 wabo sogo da, agai ba hi si sela asiyu, eno ugwa be maboba asao, tama te ba hi si te pris bidibolo momainao. ¹¹ Tama pris bidi agai selama, tama me te sęęę sela sąbo ofa mayu, me te isigo sese ula silibo ofa mayu emainao. Te bidi te isai bidi tigi pąde bidai bidi te eno gedude meda yali da, tiali goli te ofa sigo eno gedude wiegi yai ma yaibao. Tama te sogo naga agai tobolu nisi te ena mu ma magi ilao.

¹² Tama agai aga digi enabolo mawai wali bubuga dabe nedebo ma gagalao. Agai hasia aga digi aga enaba mani bubuga bugai ma kone elamuo. Magi baso meni, te tobolu nisi agai enaba magi ilali da, te meda elama, tama enaba daų walali bodolu togalio. Teda te meda mu yalio. Tama tibaso, agai wai sipsip kibu omai te kibu be deli yai enaba sela aselama ofa yao, te agai te yali sęęę sela sayabo," te po wai.

¹³ "Te bidigo aga bomai po wali usu nama da, teda aga eno name ugwa be sunumi pąba doligi pao.

¹⁴ Tama agai ena Genuai Bidiba ofa sela tama yao. Agai te kibu be deli yai sipsip kibu wai omai selama, tama isigo sese dela silibo ofa yao. Tama me kibu be deli yai sipsip kibu so sela aselama, tama te sęęę sela sąbo ofa

yao. Tama me sipsip omai deligo me te ena dali deli homu ilabo ofa yao. Agai te wiegi yai sipsip kibu dabe naga tama sao. ¹⁵ Tama agai te bret te bo dabo nai yis meni yai te basket wa deli paqanama, tama ofa nai tiwai sesao. Te basket wade te bret nai genuai mu dabe te augwaligo wiegi yai plauago nigilama, augwaligo oliv wel dali begelama nigai sao. Tama te bisket te oliv welgo pilai dabe me sao. Tama agai te ofa nai ulubo kolesaga wali peyu, te wit ulubo ofa wali peyu, me wain te bretde gelama ulubo ofa wali pelama, tama yao."

¹⁶ "Tama te pris bidigo te nai dabe sese enaba mayu, me te sege sela sabo ofa mayu yao, me te isigo sese dela silibo ofa uluyu, tama yao. ¹⁷ Tama nosali agai te omai sipsip kibu elama, tama te bret basket wa dali ofa yao. Teda te ena Genuai Bidi dali homu deli ma ebo ofa tiwai tama yao. Tama me ma agai te wit me wain sigo ofa me tama yao," wali.

¹⁸ "Tama bidigo aga daq wali po usu na silama da, aga eno ugwa be sunumi paba bidigi pelama, tama aga tobolu nisi togolama, tama te tobolu nisi te homu deliba ma yabo te ofa nai ulubo teba siaba mugi pao, te siago te nisi domainao. ¹⁹ Tama nosali te prisgo te ofa yali sipsip kibu omaigo na mi selama, tama senede ulao. Tama te nai mi dabo si da, te pris bidigo te hasa mi dwasianu selama, tama aga te basket waba pelama, te yis meni yai bret deli me siyu, me bisket deli siyu, tama elama, te bidigo nogoba mao. ²⁰ Tama te pris bidigo te nai dabe te bidigo nogode ma selama, tama eno gedude hogolama, ugwa eda elama yao. Te ofa te eno mu elama, tama te pris bidigo somainao. Tama te omai sipsip kibugo bau me saqa te pris bidi dabego dao. Tama te pris bidigo te se ela silibo si da, te bidigo te wain ma tumainao. ²¹ Te we bidi augwa digi augwali enaba mawaiba wali, te we bidi dabego te bomai po wali peyu, omainao. Tiali goli, me deligo aga gasa nai me enabolo mawainu po daq wali da, teda agai agai te po wali peyu, tama timainao." Genuai Bidigo te po wai. †

Te pris dabego te we bidibolo dwagi yai se pedalumainao wabo po

²² Genuai Bidigo Mosesbolo e tama po walali, ²³ "Te Aron dali, aga ogwa dabe dali, augwaligo me sogo me sogo te Israel we bidibolo eno te wiegi yai mobo po mawainogo eyu, augwaligo e tama po pumainao,

²⁴ "Eno homugo Genuai Bidigo dage dali wiegi yai kolesaga elama, dage bugagia tonalumainao.

²⁵ Tama Genuai Bidigo dage dali dwagi yai homu elama, dage olo mu tau somainao.

²⁶ Tama Genuai Bidigo dage dali wiegi yai homu elama, dage dali homu ngame elama tama dage bugagia bidaibao."

²⁷ "Te tama tibo dwagi yai se pedalumai hagede ebo kolesagago augwaligo Genuai Bidi eno nogi nogilama, tama enabolo te Israel dabe dali wiegi yai se emainu hanalu waibao. Tama eno augwali dali wiegi yai se mu yaibao," Genuai Bidigo te po wai.

Te tobolu bidi dabego ofa nai meba mani

⁷ Te Mosesgo Godigo name ugwa lotu be dodoloyu se yani, tama agai te se silali sogode agai Godigo doado bage dabe sa muainogo wel selama, tama agai te name be wel meba muyu, me alta, me aga tigidali nai dabe wel muna muna peyu silali. Tama agai te doado bage dabe te Godigo doado bage magi ilali. ² Tama te Israel dabego deli deli tobolu bidi dabego doado bage dabe seselama, Godibolo magasali, te Israel waj hanigo tobolu bidi dabe. Te bidi dabe augwaligo naga tama te bidi dabe nogi aseyu nedyu ebo se polobadu tonaluai dao. ³ Augwaligo te a naga olama me badu nogo deli karis, me nogo si olama, me badu saqa si kau kibu sela aselama, Genuai Bidigo name ugwa beba sela aselama, magasali. Te deli deli tobolu bidi dabego te karis te deli te bidi sigo sigo ela pelama, te deli deli tobolu bidigo te karis kegabo kau kibu deli deli sesali.

⁴ Augwaligo seselama silibo si, tama Genuai Bidigo Mosesbolo e tama po wali, ⁵ "Nago augwaligo te mani nai dabe sela, tama te Livai dabebolo mao. Tama te deli deligo te name ugwa bede doado bage tolasa bilibo se emainu eyu, tama mao," wali.

⁶ Tama te Mosesgo te karis me kau kibu selama, te Livai dabebolo mani. ⁷ Te karis si, me kau kibu me si me si selama, Gerson dabebolo mani, te augwaligo augwa se emainogo. ⁸ Tama me agai te karis me si me si, me te kau kibu a naga olama, sela, te Merari dabebolo mani, te augwaligo augwa se emainogo yai. Tama te Arongo ogwa Itamargo te Gerson hani dabe dali te Merari hani dabego se dabe tonaluali. ⁹ Tiali goli, Mosesgo te karis me kau kibu dabe te Kohat dabebolo me mabeo. Magi baso meni, te Godigo nai dabe augwaligo tonalubo nai dabe te augwaligo olo nagede tolabo nai dabe naga dao.

¹⁰ Tama te alta sa mubo sogo te Godigo bubuga mu dao. Te tobolu bidi dabego te ofa yabo nai dabe sesali. Augwaligo te nai dabe seselama, altaba sabolama, tama augwaligo Godibolo mawainogo yali. ¹¹ Magi baso meni, Genuai Bidigo Mosesbolo e tama po walali, "Te deli deli bidigo te ofa ebo te alta eno dao olama sa muao. Te deli bubugade te deli bidigo ofa eyu, tama nosali bubugade gasa bidi me deligo ofa eyu tama yao, tama te tiwai augwali tigidaligo te ofa tigidali siligi pao," wali.

¹²⁻⁸³ Tama te deli deli tobolu bidi dabego te augwa sa muani deli deli bubugade te ofa nai sesiyu yali. Te dei namba wande, te Juda dabego tobolu bidi Aminadapgo ogwa Nasongo ofa sesali. Te dei namba tu, teda te Isakar hanigo tobolu bidi Suargo ogwa Netanelgo ofa sesali. Te namba 3 deide, te Sebulun hanigo tobolu bi-

† 6:21 Tpi 21:23-24

di Helongo ogwa Eliapgo ofa sesali. Te namba 4 deide, te Ruben hanigo tobolu bidi Sedeurgo ogwa Elisurgo ofa sesali. Te namba 5 deide, te Simeon hanigo tobolu bidi Surisadaigo ogwa Selumiel agai ofa sesali. Te namba 6 deide, te Gat hanigo tobolu bidi Duelgo ogwa Eliasapgo ofa sesali. Te namba 7 deide, te Efraim hanigo tobolu bidi Amihutgo ogwa Elisamago ofa sesali.

Te dei namba 8, tede te Manasę hanigo tobolu bidi Pedasurgo ogwa Gamalielgo ofa sesali. Te dei namba 9, tede te Benjamin hanigo tobolu bidi Gideongo ogwa Abidango ofa sesali. Te dei namba 10, tede te Dan hanigo tobolu bidi Amisadaigo ogwa Ahiesergo ofa sesali. Te dei namba 11, tede te Aser hanigo tobolu bidi Okrango ogwa Pagielgo ofa sesali. Te dei namba 12, te sogo te Naptali hanigo tobolu bidi Enango ogwa Ahirago ofa sesali.

Te tigidali tobolu bidi dabego te deli tigi poai ofa tiwai naga sesali, te silva pou te 1 kilogram elama hap deli sesiyu, me silva plet te sęę 800 gram yai deli sesiyu yali. Augwali deli deligo te dis pou me plet te wiegi yai plaua te augwaligo te oliv wel dali begelai plaua paęanama sesali, te witgo ofa yali. Tama te deli deli tobolu bidi dabego te gol plet te 110 gram tama sęę yai nai sesali. Tama te plet dabede te wiegi yai denami paęana pai paudago te plet paęana pali. Tama te deli deli tobolu bidi dabego te deli deli omai kau kibu ogwa bidi siyu, me deli deli sipsip kibu omai, me sipsip kibu omai kibu be deli yai, tama yali, te iside sese ula silabo ofa nai dabe. Me augwaligo sęę sela sębo ofa yabo meme kibu omai me sesali. Me kau kibu si omai, me a naga sipsip kibu omai, me a naga meme kibu omai, me a naga sipsip kibu omai te kibu be deli yai me sesiyu yali, te God dali deli homu ilabo ofa sesali.

⁸⁴⁻⁸⁵ Tama te bage augwaligo te 12 tobolu bidi dabego seselama te Godigo alta sai mu sa muani, te nai dabe nedali. Tama te nai dabe namba te e tama dao. Augwaligo 12 silva dis pou sesiyu, me 12 silva plet sesiyu tama yali. Te pou dali plet sigo sęę te 28 kilogram tama yali. ⁸⁶ Augwaligo te gol plet 12 tama sesali. Augwa sęę te 1,320 gram tama elaluali. Augwaligo te plet dabe te wiegi yai denami hano holobo paudago paęanama sesali. ⁸⁷ Tama me augwaligo te kau kibu omai te 12 sesiyu, me sipsip kibu 12 omai kibu sesiyu, me te kibu be deli polo yai omai sipsip kibu 12 kibu sesiyu tama yali, te iside sese dela silabo ofa yainogo. Tama augwaligo wit ulubo ofa te ofa dali deliba taluama ulali. Tama me augwaligo sęę sela sayabo ofa yainogo te 12 meme kibu omai me sesali. ⁸⁸ Tama te tiwai eyu, augwaligo te 24 kibu kau omai sesiyu, me 60 omai sipsip kibu sesiyu, me 60 te meme kibu omai sesiyu, me te kibu be deli yai sipsip kibu omai goę te 60 sesiyu, tama yali. Te wiegi yai homu deli yabo ofa nai tama sesali. Augwaligo te alta te Godigo mu dolo sa muani, te hasia augwaligo tama bolo tiali. Tama nosali augwaligo te ofa dabe Godibolo mani.

⁸⁹ Tama te Moses te Godigo ugwa beba te Genuai Bidi dali po miainogo tula pabo si da, teda agai te Genuai Bidigo penanedu po wabo agai te sęę sela sębo be tomode po wabo odali, te kontrak halobage ugwadu daide te ensel bidi piksa noma si tomode.

Augwaligo lam dabe te lam tolalubo naiba muani

8 Genuai Bidigo Mosesbolo walali, ²“Nago Aronbolo walao, te agai te 7 lam sole te lam tolalubo naiba mubo sogo da, te Tedali Gasagi Yai Be Habude mubo sogo, agai augwali bugagia mumainao, tama te be habu tomoba te sole ula emainao,” wali.

³ Tama Arongo Genuai Bidigo po wali pelama, tama agai te lam sole dabe te lam tolalubo naigo nogo dabede mumuna pali, tama te sole ula te Tedali Gasagi Yai Be Habuba ula yali. ⁴ Polobadu te nai nigali sogo, augwaligo gol meba selama, tama hamago te lam sole tolalubo nai sese nigainogo elali, tama agai pagede gagalama, agai nogo me aga au me te ni plaua dabe tiwai yali. Augwaligo te Genuai Bidigo Mosesbolo ola mani piksa tiwai tama nigali. †

Augwaligo te Livai dabe te Genuai Bidibolo sa muani

⁵ Tama Genuai Bidigo Mosesbolo po geninama weyu, e tiwai po walali, ⁶“Nago te Livai dabe naga te Israel hanide dę siyu i olama, tama eno gedude wiegi yai ilao. Te augwali i olama, tiao. ⁷ Nago e tama tiao: te bidi dabe eno gedude wiegi yai ebo aę selama, tama augwali tigiba sayao. Tama me augwaligo augwa tigide elalubo tigi nisi sese tama toga sayu, me augwa ugwa wę telayu emainao. Augwaligo te tama tila silama da, teda augwali wiegi yai yaibao. ⁸ Tama nosali augwaligo ogwa bidi kau kibu omai deli siyu, me te oliv wel dali begelai plaua wiegi yai me siyu yao, te wit ulubo ofa yainogo. Tama augwaligo te kau kibu dali ofa emainao. Tama me augwaligo gasa kau kibu omai me somainao, te sęę sela sayabo ofa yainogo. ⁹ Tama te Livai dabe eno ugwa lotu be sesegeba odasa aselama, tama te Israel hani augwali dali deliba sisinao. ¹⁰ Tama te Livai dabe eno gedude dolalubadi da, te Israel dabe dagego augwaligo toboluba nogo muięo. ¹¹ Tama Arongo te Livai dabe te nogogo tola selama, iba eda ebo ofa tiwai yali gilama, nogo tola selama, eno gedude iba pogoliyu, eda kegeyu yao. Tama te ebo kolesagago te Israel dabego te Livai dabe eno sę bidi dabe pedelaibao,” wali.

¹²“Tama te Livai dabego augwa nogo dabe te omai kau kibu sigo toboluba mumainao. Tama augwaligo me da te sęę sela sębo ofa mayu, me da augwaligo isigo sese mu ulubo ofa eyu emainao. Te ofa nai si da, te Livai dabego sęę sese mu sela sębo ofa dao. ¹³ Nago te Livai dabe enabolo te wiegi yai nai mabo tiwai yao. Te Livai dabe augwali te Aron dali aga ogwa dabego gesabidide dolalumainao. Tama Arongo te Livai dabe te nogogo tola selama, iba eda ebo ofa tiwai yali gilama, nogo tola selama, eno gedude iba

† 8:4 Sai 25:31-40; 37:17-24

pogoliyu, eda kegeyu yao. ¹⁴Tama nago te ebo kole-sagago te Livai dabe te meba Israel hanide gasagi yai me pedalomainogo magi ilama, tama ena hani mu bidaibao," wali.

¹⁵"Te nago augwali eno gedude wiegi yai ilama en-abolo mabo si da, teda augwali eno ugwa bede sę ebo usu yaibao. ¹⁶Eno te Israel dabe dagego gomunai ogwa dabe eno hasegelama, tama eno te Livai dabe eno sai dao. Tama te Livai dabe te eno mu dao. ¹⁷Odao. Dage Israel dabego gomunai ogwa dabe, me sipsip, meme, bulmakau kibu dabego gomunai wai dabe me, eno mu dao. Augwali eno te Isip dabego gomunai wai dabe elali sogo, eno dagego ogwa dabe me sipsip kibugo hasia wai dabe eno sa muai dao. ¹⁸Tama tialima, megi da, eno te Livai dabe sobao, te Israel dabe dagego gomunai ogwa dabe hasegelama salio. ¹⁹Tama eno te Livai hani te Aron aga ogwa dabe augwalibolo olo mobao, te wiegi yai olo mabo tiwai ebao, augwaligo te Israel dabe dagebolo eno ugwa be to-mode yao wali sę emainu ebao. Tama tialima, augwaligo dage hasegelalio. Tama dage te habu selai be habuba dage me peyu egobeo. Tiyu, dage pąba pabo digi eno dage dolidali weyu," te po wai.

²⁰Tama te Moses, me Aron, me Israel we bidi augwaligo te po wali peyu, te Livai dabe te Genuai Bidigo hani pedalumainu sa muani. ²¹Te Livai dabego te Godigo gedude wiegi yai pedalobo kolesaga wali pelama, tama augwa ugwa dabe wę telawali. Tama Arongo te nogo tulama mabo ofa tiwai elama, nogo tulama, tama Genuai Bidigo gesabidide iba eda hoga yali. Tama agai augwaligo sęę sela sayabo ofa yali, te augwali wiegi yai pedalaibao. ²²Te we bidigo Genuai Bidigo Mosesbolo walali po wali pelama, te Livai dabebolo tigidali sę tama yali. Tama tibaso, te Livai dabego Godigo ugwa be tomode sę yabo usu yali. Tama Aron aga ogwa dali augwaligo augwali tonaluali. ²³Tama Genuai Bidigo Mosesbolo e tiwai po wali, ²⁴"Te Livai dabe augwali te kibu be 25 yai bagego eno ugwa bede sę emainao. ²⁵Augwaligo te sę ela pidubadi, augwa te kibu be 50 tama usu nama te sę emainao. ²⁶Te sę elama, nosali augwaligo te sę ma tulamuo. Tiali goli, augwaligo augwa deli sę ebo bidi tau siyu digi emainao, te name ugwa be tomode. Nago te po te Livai dabebolo menama, tama augwaligo te tama timainao," Genuai Bidigo Mosesbolo te po wai.

Augwaligo te Pasova bubugade nai ulali

9 Te Israel dabe augwaligo Isip bulu taga solama, nosali te namba 2 kibu bego hasia wabo poluade augwali te nai meni yai bulu Sainaide bidibadi, Genuai Bidigo Mosesbolo e tama po wali, ²³"Edao, te poluago 14 deide, te pio mu dage Israel dabego sipsip dabe elama, ofa tiwai yao, tama te nai ulubo te eno dage bugagia bidimainogo sula tagalali bubuga Pasova te ma kone paliąo. Te nai ulubo bubuga mu te dao. Tama dagego aga te bomai po dabe dolo wali pelama, tama dage te nai dabe tuiąo," wali.

† 8:17 Sai 13:2

⁴Tama te Mosesgo te Israel we bidi dabebolo te Godigo augwali olo bidimainogo tagalali Pasova bubugade augwalibolo te nai dabe ulao po wali.

⁵Tama augwaligo te nai te namba wan poluago 14 deide ulali, te Sainai bulu nai meni yai bulude. Tama te we bidi dabego Godigo Mosesbolo wali po sese tama wali pelama, tama te nai dabe ula tuali. ^{††}

⁶Tiali goli, bidi meba augwaligo te isai bidi tigi nogo tulama yaligo augwali Godigo gedude wiegi yai menio. Tama tibaso, augwaligo agai te bubuga mude nai ula tubo usu egobeo. Tama te nai tubo bubugade augwali Moses de Aron si pageba pelama, ⁷augwaligo e tama po wagasali, "Dago te isai bidigo tigi nogo dįawai dao. Tama tibaso, da wiegi yai menio. Tiali goli, magi baso dago te meba we bidi dabe dali te ofa Genuai Bidiba ebo tagalomainowe?" Te po hanalu wali.

⁸Tama Mosesgo te po wali, "Dwasianu tonaluyu bolo yao. Eno Genuai Bidibolo hanaluyu bolo yaibao," wali.

⁹Tama Genuai Bidigo Mosesbolo te Israel we bidibolo ¹⁰e tama po walao wali, "Te dage dugago me, ma duga wąj wai bųą dabego te bidi isai bidi dabe nogo polo toulama, tama te Pasova tubo sogo eno gedude meda yaibaso da, teda tagalao. Te polua deli silama, tama nosali dagego te Pasova bubuga kone palobo nai te sogo uliagameo. Tama me dage hani meba digibulu bulu bilibaso da, teda augwaligo me tubo nosali usu yaibao. ¹¹⁻¹²Tiali goli, te bidi hani augwaligo te dei namba te namba 2 poluade te nai ulumainao, te pio mu. Tama augwaligo te nai uluyu, te nai ulubo bomai po wali peyu emainao. Augwaligo te nai te yis meni yai bret dali tuyu, me ha ebo dwanai dali tuyu emainao. Augwaligo te hasa mi me tagalama kigamuba me sabolamuo. Te augwaligo te sipsip pesabo sogo augwaligo te hasa dili togolamuo. ^{†††}Tialima, bidi me deli aga eno gedude wiegi yai elama, me ma augwali digibulu pisąma yai me augwaligo te namba wan poluade te nai ulisąma yali da, teda dagego augwali eno we bidi hanide sela sayao. Magi baso meni, augwaligo enaba ofa nai mabo sogo masiąma ebaso. Tama tibaso, augwali sęęę sęęę augwa ma tololomainao.

¹⁴Tama gasa bulu bidi dage dali bidama, agai me dage dali te nai ulama tuainogo yali da, te usu dao, agai emainao. Tiali goli, agai te naigo bomai po wali bugagia pomainao. Te bulu page bidi dabe, me gasa bulu badu asai bidi dabego augwaligo deli te bomai po wali peyu emainao," Genuai Bidigo Mosesbolo te po wai.

Te pągo Godigo name ugwa be mesega sali

(Sai 40:34-38)

¹⁵Augwaligo Genuai Bidigo name ugwa be sęą silama, tama ulade augwaligo sęą silali. Tama pągo te name ugwa lotu be mesega sagasali. Tama hulide augwaligo suali, pą te isi tiwai dabo suali. ¹⁶Te tigidali sogo ulade pągo te name ugwa be mesegaluyu iduali. Tama hulide da, te pą isi tiwai mu tama elaluali. ¹⁷Te pągo te ugwa be taga pabo sogo da, te Israel dabe augwaligo te doado bage dabe selama, wali peyu ebo

†† 9:5 Sai 12:1-13 ‡ 9:11-12 Sai 12:46; Jon 19:36

dao. Tama te pɔ gasa badu me dolalubaso da, teda augwaligo bidabo pesage tede nigigi pabo dao. ¹⁸ Te Genuai Bidigo po wabo si da, te Israel dabe augwaligo me pesage taga pabo dao. Tama me Genuai Bidigo po wabo si da, augwaligo gasa buluba pesage nigigi pabo dao, te gesi noma pesage nigigi pabo dao. Ma, te pɔ te name ugwa be dai pedude me elalubaso da, teda te we bidi hogodasa pabo menio. ¹⁹ Te pɔ hauwa sogo te name ugwa be pedude bidibaso da, te we bidi dabe augwaligo Genuai Bidigo po wali pelama, augwali gasaba me peyu ebe. ²⁰ Te me sogo da, te pɔ be pedude pɛwadage sogo bidama, tama ma gudasa peyu ebo dao. Te bobobage sogo ma pɛwadage sogo bidibadi me tagala. Te Israel dabe augwaligo te Genuai Bidigo po wali peyu, te pɔgo augwali ola mabo te wali naga tama peyu ebo dao. ²¹ Te me sogo da, te pɔ te deli madi me te pio deli madi elaluama, kigamu tama naga elalubo dao, tama te bulu taga peyu pabo dao. Tama augwaligo sulama, tama augwali te pɔ wali peyu ebo dao. Te pɔ hulide pobaso me ulade pobaso me, augwali wali peyu ebo dao. Te sogo tama te we bidi augwali me hogodama, wali peyu ebo dao. ²² Te mena tama sogo te pɔ name ugwa bede elaluali me tagala, te sigo me ma deli sogo me, ma polua deli me, ma kibu be deli bidibo me, augwali me pabeo. Tiali goli, te pɔ gudasa pabo si da, augwali me gudasa pabo dao, te bulu taga peyu. ²³ Te Genuai Bidigo po wabo sogo da, augwali gudasa gasaba pabo dao, te gasa buluba pesage nigigi peyu. Tama agai po wabo sogo augwaligo doado bage selama, gasa buluba gudasa pabo dao. Genuai Bidigo te po Mosesbolo mabo dao, tama Mosesgo te we bidibolo pusubo dao, tama te we bidigo wali pabo dao.

Augwaligo biugel si te silvago nigali

10 Te Genuai Bidigo Mosesbolo te po walali, ² “Me-gi dagego te kapa silva meba selama, hamago elama, te bu wabo nai biugel si nigiaɔ. Tama nago te biugel te nago te we bidi sisinagasomainu i wabo sogo me eliyu, me te painu doado bage sisi ebo sogo me eliyu yao. ³ Dagego te biugel si bobobage sogo elebo sogo da, teda te we bidi eno ugwa be sunumiba sisinagasomainao. ⁴ Ma, dagego biugel deli naga elebaso da, teda te tigidali hanigo tobolu bidi dabe naga aselama, nage dali sisinagasomainao. ⁵ Ma, dagego te biugel pɛwadage sogo mu elebaso da, teda te giliga asobo badu bidalubo hani bage augwali hogodasa pomainao, te kem pesagede bidalubo bage bolo pomainao. ⁶ Tama dagego te biugel pɛwadage sogo ma elebaso da, teda te saut badu bidibo bidi hani hogodasa pomainao. Dagego biugel dage te pesage nigilama bidibo pesage taga peyu painu da, dagego te biugel pɛwadage sogo eliyu yao. ⁷ Tiali goli, dagego te we bidi deliba sisimainogo i weyu da, dagego te biugel bobobage sogo elao,” wali.

⁸ “Te Arongo ogwa dabe te pris bidi dabe augwaligo te biugel elebo sɛ emainao. Dage me, dagego hani nosali asobo bagego te bomai po wali bidada peyu

yao. ⁹ Te boi bidi dabego dagego tɔba dage dali hwjainu asobaso da, teda dagego te biugel elama, bidi dabe hodolama, hwjigi pomainao, te boi bidi dabe dali. Dagego te tama tiyu da, teda ena God, dagego Genuai Bidi, eno dage homu koneama, tama te boi bidi dabe dolaibao, te augwaligo dage aiyaba elalugobeo.

¹⁰ Tama me ma, te lotu wabo genuai sogo me, te gesi noma poluade me, ma gasa lotu wabo genuai sogo me, te biugel eliyu yao. Dagego te biugel te isigo ulama, sese dela silibo ofa ulubode, me homu deliba yainu ebo ofa ebode, te biugel eliyu yao. Tama eno dage koneama, eno dage tau saibao. Ena God, dagego Genuai Bidi, eno polo wali.” Te po wai.

Te Israel dabe augwaligo Sainai bulu du taga pali

(Daj 10:11–12:16)

¹¹ Te namba 20 dei, te namba 2 poluade, namba 2 kibu bede te Israel dabe augwaligo Isip bulu taga solama nosali, te pɔgo Godigo name ugwa be tagalama pali. ¹² Tama te Israel dabego sulama, te nai meni yai bulu Sainai taga peyu pali. Tama te pɔ pelama, te nai meni yai bulu Paranba doligi pelama, elaluali. ¹³ Genuai Bidigo Mosesbolo po hasia menama, tama Mosesgo Israel dabe hogodama pao po wali. Tama augwali hogodama pali.

¹⁴ Tama te Juda hani, me Isakar, me Sebulun hani, augwali bolo polasa pali. Augwali dwasianu hani pebeda selama, augwa plak ugwa nogo tolasa pepela yali. Tama te Nason, te Aminadapgo ogwa, te hani selade tobolu bidi nigasa, tama Juda hani polasa mu pali.

¹⁵ Tama Natanel, te Suargo ogwa, te Isakar hanigo tobolu bidi nigasa pali. ¹⁶ Tama te Eliap, te Helongo ogwago, te Sebulun hanigo tobolu bidi nigasa pali. ¹⁷ Te Gerson hani me, Merari hani me, Livaigo hani si, augwaligo te hani sela wali tama pali. Augwaligo name ugwa lotu be me, aga doado bage me, augwaligo selasa pali.

¹⁸ Te augwali nosali badu te Ruben hani we bidi, me Simeon hani, me Gat hani, augwali augwa hanide dwasianu pebedasa, augwa plak ugwa tolasa pepela yali. Tama te Sedeurgo ogwa Elisur te hani selago tobolu bidi bidali. ¹⁹ Tama te Surisadaigo ogwa, Selumiel, te Simeon hanigo tobolu bidi bidali. ²⁰ Te Duelgo ogwa, Eliasap, te Gat hanigo tobolu bidi bidali. ²¹ Tama te Livai hanigo hani Kohat dabego te Tedali Gasagi Yai Be Habu doado bage dabe augwaligo tolasa, gasa hani meba wali tama pepela yali. Tama te Kohat dabe te gesi noma pesage nigibo madi saboligi peyu da, te hasia pali meba Livai hani dabe augwaligo Godigo name ugwa be polo sɛ eyu yai suali. Teda te Kohat dabe te tolali doado bage dabe te pris dabebolo menama, te pris dabego te doado bage dabe te ugwa be tomoba muyu yali.

²² Tama nosali te Efraim hani we bidi, me Manase hani we bidi, me Benjamin hani we bidi, augwali augwa dwasianu hani pebedasa pelama, augwa plak ugwa nogo tolasa pepela yali. Te hani selago tobolu bidi te Amihutgo ogwa, Elisama, bidali. ²³ Te Pedasurgo ogwa, Gamaliel, te Manase hanigo tobolu bidi bidali. ²⁴ Te Gideongo ogwa, Abidan, te Benjamin hanigo tobolu bidi bidali.

²⁵ Tama nosali mu te Dan hani we bidi, me Aser hani we bidi, me Naptali hani, augwali augwa dwasianu hani pebedasa pelama, augwa plak ugwa tola sesa pelama, pebela yali. Tama te hani selago tobolu bidi te Amisadaigo ogwa, Ahieser, bidali. ²⁶ Te Okrango ogwa, Pagiél, te Aser hanigo tobolu bidi bidali. ²⁷ Te Enango ogwa, Ahira, te Naptali hanigo tobolu bidi bidali. ²⁸ Te tigidali sogo te Israel dabego te pesage nigilama bidali te taga peyu da, augwali tama nanidu peyu yali.

²⁹ Augwali painogo Mosesgo aga base Hobap, Jetrogo ogwa, Midian bulu bidibolo e tiwai po wali, "Megi da, da te Genuai Bidigo dabolo mawaibao wali te buluba hogodama paibao. Agai dabolo polo wai dao, da te bulude bugagia mu bidaibao po wai dao. Tama tibaso, eno homugo nage da dali aselama, tama dago wiegi yai nai hauwa nage dali dobolama saibao," wali.

³⁰ Tiali goli, Hobapgo te po wali, "Te usu dao, tiali goli, tagalao. Ena ena bulu muba ma paibao," wali.

³¹ Tama Mosesgo te po wali, "Hobedeo, baseo, nago da taga pigio. Nago koneani, te menade te wiegi yai madi te pesage nigilama bidabo nago koneani, te moni nai meni yai bulude nago da ola mabo usu yaibao. ³² Ma, nage da dali asiyu da, teda Genuai Bidigo dabolo mani wiegi yai nai dabe nage dali dobola saibao," wali.

Te we bidi hogodama pepela yali

³³ Te we bidi augwaligo te Genuai Bidigo bulu du taga pali, te Sainai bulu du dao. Augwali sela sogo tama pali. Tama augwaligo Godigo Daꝓ Wali Bomai Po Munaluali Halobage bolo polasa sela pali, te bidabo pesage nigabo pesage gege peyu pali. ³⁴ Te augwali pabo sogo da, teda te Genuai Bidigo pꝓ augwali ugwadu elalubo dao. Te tigidali sogo giligade te pꝓ me tama elalubo dao. ³⁵ Augwaligo te kontrak halobage tolasa pabo sogo, te Mosesgo te po wabo dao, "Genuai Bidi, nage polasa pelama, nago boi bidi dabe dali hwɨnama, augwali sela saꝓi pao. Tama te bidi dabego nage godolo ebo tagalai bage, augwali wi peyu emainao." ^{†36} Tama augwaligo te kontrak halobage toma tuyu tꝓba mubo sogo, Mosesgo Genuai Bidibolo te po wabo dao, "Genuai Bidi, nage da tausen tausen Israel we bidi daba ma asao," te po wabo dao.

Te Israel dabe augwaligo po hauwa obaso, Godigo augwali meba ela silali

11 Te we bidigo seꝓe dabe augwali tigde pedalobaso, augwaligo konila po wabo Genuai Bidi-

go odali. Tama tibaso, aga seꝓe dwai mu elama, tama agai isi te we bidi bidibo pesageba taga palali. Tama te isigo te bidibo pesage me badu bogo badu dali. ² Te tama tibaso, te we bidigo Mosesgo augwali tau so-mainu i wali. Tama Mosesgo augwaligo po odama, agai Godibolo gedu haluasa po wabode te isi sula sali.

³ Tama augwaligo te bulu nogi augwaligo e tama nogi yali, Tabera wali, te po page da "Isigo dai." Magi baso meni, Genuai Bidigo isigo augwali dai madi dao.

Mosesgo bidi sese sela olama, nogo si tobolu bidi sa muani

⁴ Te gasa bulu we bidi Israel dabe dali aselawai bage me elaluali. Augwali bulu hasa hauwa tubo we bidi dao. Tama tibaso, augwali hasa hauwa tuaio po hauwa mu kuꝓa pali. Tama te Israel dabego me te po hauwa tama wali, "Dago te hasa hauwa tuaio. Tiali goli, dago menade sogowe? ⁵ Te Isipde dago suꝓu hauwa olo selama, tuyu yai dao. Me, dago te haniani bobi, me melen, me haniani aniani me sai dao. ⁶ Tiali goli, megida, dago bomo pela silalio, tama dago nai menio. Te nai mana naga elalubo da, te nai hagela mu dao," wali.

⁷ Mana te dwasianu bin ge tiwai nai dao, tama aga tigi poai te bunu dabego mege tiwai dao. ^{8,9} Tama te bidibo pesagede hulide te tulubage segeni eyu da, te mana dali tama tulalubo dao. Tama kigamu hulide we bidi te pesagede bilaluyu, te mana tama sesa bilibo dao. Tama nosali augwaligo masigi du selama dilama, ma ni dagego haluama plaua nigilama, tama nosali augwaligo meba selama, senede ulama, augwaligo bisket nigibo dao. Te augwaligo tubadi, te bret augwaligo oliv wel dali ulai bret tubo tiwai ebo dao. ^{††}

¹⁰ Tama te we bidi augwa we wai puluba augwali augwa ugwa be mabode dolalua peyu, gela weyu yali. Tama Mosesgo augwali gela wabo odali. Tama Genuai Bidigo augwali dali seꝓe genuai mu ebaso, Moses aga homu seꝓe yali, ¹¹ tama Genuai Bidibolo e tama po walali, "Nago magi baso ena dali dwai seꝓe yaliwe? Magi baso nago ena dali wiegi yai homu ebewe? Te me nago magi baso te we bidi tonalubo seꝓe enadubabolo mawai dawewe? ¹² Tama eno augwali tabide pedalumainu yai menio. Tama me ena we gilama augwali ame nai menio. Te tama tialima, nago enabolo te wai tolalubo we yali gilama, magi baso eno nogode tolalua po waliwe? Te Isip tꝓdu gagalama, te nago augwaligo wajibolo mawaibao olama wali te tꝓba usu nigipaubawe? ¹³ Te we bidi augwali hasa dabe hagede gela olama, enabolo hanalubo. Tiali goli, eno te hasa dabe menade sogowe? Ena usu munu me egobeo. ¹⁴ Enaduba deligo naga te we bidi tonalubo usu egobeo. Eno usu me egobeo. ¹⁵ Ma, nago te seꝓe ena dali tama tiainogo da, teda nago ena hobede elama, nago ena elama, isilao, tama eno te bomai seꝓe me te seꝓe tologobeo," Mosesgo te po wai.

¹⁶ Tama Genuai Bidigo Mosesbolo e tama po wali, "Nago 70 genuai bidi dabe ena pageba sesao. Tama nago augwali eno ugwa beba odasa aselama, tama

† 10:35 Tib 68:1

†† 11:8-9 Sai 16:13-15, 31

augwali nage dali dolalumainao. ¹⁷ Tama ena aiyaba dulama, nage dali po waibao. Tama eno nagebolo te mani te mobo bidigo bombo meba selama, tama eno augwalibolo mawaibao. Tama augwaligo nage tau selama, te bidi dabego seḡe augwaligo me tolomainao, tama nagaduba deligo nago te seḡe tigidali me tologobeo. ¹⁸ Megi te we bidi dabebolo e tama po walao, 'Dagego te Godigo gedude wiegi yai pedalobo kole-saga wali piḡo,' po wao. E po me augwalibolo wao, 'Tama dagego do te mi tuabo nai sabo kegaluao. Genuai Bidigo dagego hasa hagede gela wabo te polo odalio. Tama dagego dage Isipde bugagia bidai dao wabo po me, Genuai Bidigo polo odalio. Tialima, megida, odao, Genuai Bidigo dage hasa menama, tama dagego tuiagameo. ¹⁹ Dagego te hasa dabe tuabo te deli sogo o si sogo, o a naga sogo, o nogo si sogo, o 20 sogo me tugobeo, menio. ²⁰ Dagego te nai mi dabe te tudubadi polua deli pelama, tama dage boguabo homu elama, tuabo hagela yaibao. Genuai Bidi dage tomode te bidibao, tiali goli dagego aga tudi ola menama, tama dagego aga dali wado po wali weyu, e tiwai po wali dao, "Magi baso dago Isip tagalama asaliwe?" Dagego te tama kolesaga yalio. Tiali, megite nai dabe dageba megite pedalaibao. Te tama po augwalibolo pusao," Genuai Bidigo Mosesbolo te po wai.

²¹ Te Mosesgo Genuai Bidibolo e tama po wei ponani, "Genuai Bidi, odao. Eno te 600,000 bidi dabe tolalubo dao. Tama nago te po wali, 'Augwalibolo te polua delide tuabo te hasa dabe mi mawaibao,' po walio. Tiali goli, nago te hasa dabe menade gegelama, augwali mawaibawe? ²² Dago te tigidali sipsip me kau kibu dabe sese eliyu da, augwali sese usu egowe? Ma, te genuai tamu aḡde elalubo sḡḡ dabe augwali sese mu siyu da, augwali sese usu egowe?"

²³ Tama Genuai Bidigo Mosesbolo po wei ponoyu, e tama po wali, "Te eno bombo usu meni yali bogo. Te peḡwadage sogo tama nago suaibao. Tama nago koneama, nago homugo eno nagebolo mawaibao wali te nai te yabao po waibao. Te nai pedalogowe, ma meniwe?" wali.

²⁴ Mosesgo te po oda selama, tama aga buluba pelama, tama te be bulu badu bididuali we bidibolo Genuai Bidigo wali po pusigi pali. Tama agai 70 tobolu bidi dabe sisinama, tama augwali te lotu be bagulama dolaluao po wali. ²⁵ Nosali Genuai Bidi te pḡ dulude bidama, te tḡba dulama, tama Moses dali po wagasali. Tama nosali Genuai Bidigo Mosesbolo mani mobo bidigo bombo meba selama, te 70 tobolu bidi dabebolo mani. Tama te bombo augwaliba asobo si da, teda te peḡwadage sogo tama augwaligo te profet bidi dabego po pusubo tiwai pusali.

²⁶ Tiali goli, te 70 tobolu bidi dabe tomode bidi si, te Eldat me Medat, augwali si te bede bididuai, tama augwali si te meba tobolu bidi dabe dali te name ugwa beba pai menio. Augwali si te bede bidibadi, tama Genuai Bidigo te mobo te augwali sibolo mani, tama augwali sigo te profet dabego wabo po tiwai wali.

²⁷ Tama gesi bidi me udalama, Mosesbolo te po waligi

pali, "Eldat me Medat si bede bidiyu, te profet bidigo wabo po wali."

²⁸ Te Josua, Nungo ogwa, Moses dali bididuali. Te Josua aga te Moses tau sabo bidi, aga gesi bidide bida bida asudama, megiba tama usu nagasali. Tama Josuago te gesi bidigo wabo po odama, agai e tama po te Mosesbolo walali, "Genuai bidi, nage pelama, augwali sigo pedauwali panigi pao," wali.

²⁹ Tiali goli, Mosesgo te po wei ponoyu, e tiwai po wali, "Nago homugo ena bidi mebago hasegelaiba homu seḡe ebawe? Homu seḡe tagalao. Eno homugo Genuai Bidigo agai mobo bidi tigidali we bidibolo menama, tama tigidali we bidigo profet bidigo po omainao." ³⁰ Mosesgo po ola silama, aga dali te Israel dabego tobolu bidi dabe dali augwali beba ma pepela yali.

Genuai Bidigo ba hauwa te bidi dabe bidibo pesageba tagala palali

³¹ Tama te Genuai Bidigo moni genuai wali te tamu aḡde pedalomainogo elama, te waligo te ba sibi hauwa mu te wan mita tama ugwadu te tḡba bola asali. Tama augwali te bidi dabe bidibo pesage tomoba, me te bidibo pesage bogo badu dabe me duadua peyu tama yali. Augwaligo te kilomita hauwa mu te tḡ mesesege pelama elaluali. Te augwali bidibo pesage nigilama bidali tḡ sesegede tigidali tama. ³² Tama te we bidigo te ba dabe sabo seḡ te hulide me, ulade me yali. Tama me sogo be posobode me, augwaligo te tiwai seḡ naga yali. Tama te we bidi sesego ba dabe hauwa sali, te 1,000 kilogram usu nama deli deligo mu sali, tama we bidi mebago ba hauwa mu sali, te 1,000 kilogram edelama ba sali. Tama augwaligo te ba dabe pesalama, tama te be mesalo dabede giligade nani elama wialali, te giligago te ba mi omainu. ³³ Tama te we bidi dabe augwaligo te ba dabe tubo gagalo pobadi yaide, deli sogo tama Genuai Bidigo te we bidi dali seḡe yali, tama agai moni gasi tagala palama, tama we bidi hauwa isali. ³⁴ Tama augwaligo te we bidigo tigi te bulude pubulali. Tama augwaligo te bulu nogi e tiwai polali, "Te hasa tuainogo gela wabo we bidigo gḡ page dao." ³⁵ Tama nosali augwaligo te bulu taga pelama, te Haserot buluba pesage nigigi pali.

Miriam de Aron sigo Mosesbolo dwai po wali

12 Te Mosesgo te bulu Itiopia we me sai. Tama augwali te Haserotde bidibadi yaide, Miriam de Aron sigo Mosesgo te seḡ yali pode dwai po wali. ² Tama augwali sigo e tiwai po wali, "Te Genuai Bidigo te we bidibolo po te Mosesgo pedauwalidu naga mabo yali bogo? Meni ma, agai te po da sigo penanendu me mabo dao," wali. Tama Genuai Bidigo augwali sigo te wabo po odali. ³ Te bidi Moses agai aga nogi aga aiyaba dualabo bidi mu dao. Te kolesagade agai te gasa bidi dabe tigidali aiyaba elaluai dao. ⁴ Te augwali sigo po ola silibode, polo tama Genuai Bidigo Moses me Aron me Miriambolo e tama po walali, "Dage sela

eno ugwa beba asomainu homu ebao." Tama te bage augwali hogodama pali. ⁵ Augwali polo doligi pai madi te Genuai Bidi te pøde bidai aiyaba dulali, tama te pø te ugwa be sunumide dolaluali. Tama Genuai Bidigo i weyu e tama po wali, "Aron de Miriam si, dage si asiào," wali. Augwali sigo odama, tama augwali si pàbanu gana pali. ⁶ Tama Genuai Bidigo po wali, "Dage sigo eno po odiào. Te profet bidi me dage Israel dabe tomode bidibo sogo, eno ena digi agaba te nade ola mabo tiwai elama, eno aga dali nade po wabo dao. ⁷ Tiali goli, eno sè bidi Moses te profet bidi dabe tiwai menio. Eno aga dali gasa kolesaga mu ebo dao. Eno agabolo eno sè sese agabolo menama, tama eno koneani, agai eno sè sese yaibao. ¹⁸ Tialima, eno aga dali po wabo te bidigo aga abagi dali po wabo tiwai wabo dao. Tama eno po agabolo hanilama mu wabo dao, eno po begelama, po digi pogo me wabo menio. Te me agai ena dwasianu sui dao. Tama dage sigo magi baso mu Moses dali dwai po wabo wi ebewe? Te eno sè bidi dali." Te po wai. ⁹ Tama Genuai Bidigo augwali si dali wado po genuai mu elama, augwali si taga peyu pali.

¹⁰ Te pøgo Godigo ugwa be taga pali, tama polo tama te oiyabe gasigo Miriamgo tigi halua sagaselama, tama tigi wali tedela mu yali. Tama nosali Aron begelama suali, te gasigo Miriam mesega sai suali. ¹¹ Tama Arongo Mosesbolo e tama po walali, "Genuai bidi, da sigo dwai kolesaga elama, dwai sègè salio. Nago dadi si hobede elama, tama nago da sigo dwai kolesaga yalide sègè tolomainu igio, te dwai kolesagade. ¹² Tama nago te Miriam te wego wai tabide isai ame nabo wai tigi wali dadagala pabo tiwai ebadi sula tagalamuo. Agai tigi wali polo dagala palio," wali.

¹³ Tialima, Mosesgo Genuai Bidiba e tama po i walio, "Godio, eno homugo nago Miriam ma usu ilao," wali. ¹⁴ Te Genuai Bidigo te po wei ponoyu, e tiwai po wali, "Te Miriam aga ayago aga gesabidide pesà sayu da, te aga hale Sarere delide tama egowe? Waa? Te tama tiali goli, Miriam Sarere deli te bidi bidibo pesage bulu badu bolo bidimainao. Tama nosali aga be nani tomba ma asomainao," wali. ¹⁵ Tialima, augwaligo Miriam te be nani bulu badu bolo tagala palali, te Sarere delide tiali. Tama te we bidi gasaba me hogodasa pabeo. Menio, augwaligo Miriambolo ma asobo tonaluyu bolo yali. ¹⁶ Tama nosali augwaligo te bulu Haserot taga pelama, tama Paran bulugo nai meni yai buluba ugwa be nani nigigi pelama, bidigi pali.

Te Israel dabe augwali te bulu Kadesde bidaluyu Godigo po sela sàwani

(Daj 13:1-20:13)

Te bidi dabego te Kenan tø sa sugi pali

13 Genuai Bidigo Mosesbolo e tiwai po walali, ² "Nago koneani, te kantri bulu Kenan eno dage Israel dabebolo maiabo homu ebo nago koneanio, tama tialima, nago te 12 hani tomode deli deli tobolu bidi sa mumuna pelama, tama augwali te Kenan bulude tigidali tøba sa susa biligi pomainogo tagala palao," wali.

³ Mosesgo Genuai Bidigo po odama wali peyu, augwali te Paran bulu kemi sane yai bulude bidiyu, agai te hani tobolu bidi dabe tagala palali. ⁴ Augwaligo nogi te e dao: Samua, te Sakurgo ogwa, te Ruben hani dao. ⁵ Safat, te Horigo ogwa, te Simeon hani bidi. ⁶ Kalep, te Jefunego ogwa, te Juda hani bidi dao. ⁷ Igal, te Josepgo ogwa dao, te Isakar hani bidi dao. ⁸ Hosia, te Nungo ogwa dao, te Efraim hani bidi dao. ⁹ Palti, te Rafugo ogwa dao, aga te Benjamin hani bidi dao. ¹⁰ Gadiel, te Sodigo ogwa dao, aga te Sebulun hani bidi dao. ¹¹ Gadi, te Susigo ogwa dao, aga te Manase hani bidi dao. ¹² Amiel, te Gemaligo ogwa dao, aga te Dan hani bidi dao. ¹³ Setur, te Maikelgo ogwa dao. Aga te Aser hani bidi dao. ¹⁴ Nabi, te Vopsigo ogwa dao. Aga te Naptali hani bidi dao. ¹⁵ Me Guel, te Makigo ogwa dao, aga te Gat hani bidi dao. ¹⁶ Mosesgo te hani tobolu bidi dabe te Kenan bulu tø sese sa sugi pomainu tagala palali. Tama agai te Hosia te Nungo ogwago nogi hasegelali. Tama agai aga te Josua poali. †

¹⁷ Te Moses agai augwali tagala palainu, agai augwalibolo e tiwai po walali, "Dage pelama, te distrik Negev ela pelama, ugwadu bulu du dabeba piào. ¹⁸ Dagego bugagia suiào, tama dagego koneiào, te mena tiwai bulu yaliwe koneagameo. Tama dagego suiào, mena tama we bidi te bulude bidibawe weyu suiào, te augwali bomai hani yaliwe, ma meni yaliwe, suiawe? ¹⁹ Tama me dagego bugagia mu suiào, te bulu tø te dwai yaliwe, ma wiegi yai yaliwe suiào. Te we bidi te bomai obo tomode bidibowe, ma olo obo meni yai hanude bidibowe, suo. ²⁰ Tama bugagia suiào, te tø ili elalubowe, ma meniwe? Me te dulu elalubowe, ma meniwe, suo. Tama dagego te bulude ni du wai dabe me selama sesiào. Dage olo ma aselamu dao." Mosesgo augwalibolo te po te ni wain du tau ebo gagalobo sogo te po augwalibolo mani.

²¹ Tama te bidi dabe augwali te bulu tø dabe tigidali mu sa susa biligi pali. Te giliga asobo badu wè meni sane bulu badu gagalama, te saut badu usu nigigi pali, tama te hanu Rehopba saboligi pali, te hanu Hamatba

† Te bidi nogi Hosia te "Ma dobola sabo," te tama page elalubao. Tiali goli, te nogi Josua page te "Genuai Bidigo ma dobola sabo dao," tama page elalubao

pabo sunumi p̄badu te not badu. ²² Hasia augwali te distrik Negev sabolama, tama augwali te hanu Hebronba pali. Te Ahiman de Sesai, me Talmi hani, te Hebronde bidali. Augwali te hani sela te augwaligo w̄aj te Anak hani dao. Te hanu Hebron te gasa bidi hanigo bolo hasia nigai, tama te kibu be a naga olama si nosali te Isip hanigo te hanu Soan nigai dao. ²³ Tialima, te Israel tobolu bidi dabe augwali te Eskol † odogo yai buluba sabolama, tama augwaligo te ni wain du hauwa yai ni nologo deli togali. Te ni nologo seḡe mu yali, tama bidi deligo tolabo usu meni yani. Tama tibaso, bidi sigo ni palama dedage elama tolali. Te me augwaligo te ni fik du dabe me, pomigranet du dabe me, tama sali. ²⁴ Nosali Israel dabego te odogo yai bulu nogi Eskol poali. Magi baso meni, te genuai bidi dabe augwaligo te pesagede ni wain du tede sai dao weyu.

²⁵⁻²⁶ Augwaligo te bulu bidi sese si sogo sa susa bilama, nosali augwali te Moses, me Aron, me te Israel we bidi dabe pageba ma aselayali. Augwali sese te bulu Kades te nai meni yai bulu Parande bidibadi. Tama te tobolu bidi dabego augwaligo suali nai po pusigi pali, tama augwaligo te sesali nai te we bidibolo waselali.

²⁷ Tama augwaligo Mosesbolo e tama po wali, “Te nago dabolo sugi pao wali, te kantri bulu dago polo sugi pai dao. Tama te bulu t̄q wiegi yai mu elama, t̄q ili mu yai yali. Suao. Dago te bulu nai meba du sesali dao.

²⁸ Tiali goli, te bulu bidi dabe augwali bomai bidi dabe mu bidama, augwaligo hanu dabe genuai mu dabe elama, tama bomai obo mu elaluali. Tama me dago te Anakgo w̄aj wai puluba dabe bidibo suali. Augwali te moni moni bidi dabe. ²⁹ Te Amalek dabe te saut badu bidibo, te Negevde. Tama te Hit dabe me, Jebus hani dabe me, Amor hani dabe me, augwali te bulu du badu bidibo suali. Tama te Kenan dabe te genuai tamu aḡ Mediterenian p̄ade bidibo, tama me badu te w̄e Jordan sesegede bidibo,” augwaligo te po wai.

³⁰ Te Israel dabe augwaligo te tobolu bidi dabego po odama, augwali wi yali. Tama augwaligo Mosesbolo po hauwa wali. Tiali goli, tobolu bidi me deli, aga nogi Kalep, agai augwali daga bola sayu e tama po wali, “Dage magi baso po hauwa wabawe? Megi da augwali dali hw̄gi pelama, augwaligo t̄q sigi pinao. Magi baso meni. Dago bomo elalubao, tama dago augwa aiyaba elaluaibao, tama dago te t̄q saibao,” wali.

³¹ Tiali goli, te meba tobolu bidi dabe te Kalep dali te bulu sugi pali, te bidi dabe augwaligo te po wali, “Mu menio. Augwali bomo mu elalubao. Dago augwali dali hw̄jbo usu egobeo,” te po wai. ³² Tama tialima, augwaligo te Israel dabebolo te augwaligo suali bulu po ti-bo po ola mani. Augwaligo e tama po wali, “Te bulu t̄q te dwai mu dao,” wali. “Te dwasianu nai dabe naga holiyu, te we bidi nai habuge ebo. Tama tialima, te bulu da usu egobeo. Tama tigidali we bidi dago suali, augwali te dili bobobage yai bidi dabe mu. ³³ Tama dago moni bobobage moni bidi dabe mu bidibo suali. Augwali te Anakgo hani dao. Dago augwali sulama, dago homugo tiali da te olo nai te kuli mano tiwai dao

† Te po Eskol page e tiwai dao, “Te ni wain du hauwa walali.”

homu yali. Tama me ma, augwaligo da suali, te kuli mano tiwai tonani,” augwaligo te tobage tibo po wali. ††

Te we bidigo God dali po hauwa dogilali

14 Te we bidi dabego te tobolu bidi dabego po odama, te hulide augwali h̄q̄ olama, tama augwali gela udubadi be posali. ² Tama augwali sesego Moses de Aron si dali wado po wali. Augwaligo e tama po wali, “Te wiegi yai mu, da te Isipde me o e nai meni yai bulude isigi sogo da, usu mu igi dao. ³ Magi baso Genuai Bidigo da u buluba odasa painogo ebawe? Ma, da te buluba peyu da, teda da ela silama, tama augwaligo dago we dabe me wai dabe te kalabus bidi tiwai oda saibao. Ma, da Isipba ma peyu da, teda usu mu yaibao,” wali. ⁴ Tama augwa hasi po geninama ma weyu, e tama po wali, “Polo beda, dago tobolu bidi me deli sa munama, tama agai da Isipba ma kegasa po-mainu inao,” wali.

⁵ Te we bidigo te po obaso, Moses de Aron si tobolu aiyaba basi giluali, tama te we bidi dabego augwali si suali. ⁶ Tama te Josua, Nungo ogwa, de Kalep, te Jefunego ogwa, augwali si te Kenan bulu sa sugi pali bidi si, augwali si te wali pode homu seḡe elama, augwa si ugwa pisayali. ⁷ Tama augwali sigo te we bidibolo e tama po walali, “Te dago te sa sugi pali t̄q te wiegi yai mu dao. ⁸ Te Genuai Bidigo da dali wiegi yai homu eyu da, teda agai da te buluba odasa pelama, tama dabolo te t̄q ili hauwa elalubo t̄q dabolo mawaibao. ⁹ Dagego te Genuai Bidi dali dwai homu elama, agai po sela sayu elama, tobolu gagea pigimio, tama dage te ude bidibo we bidi dali wi igimio. Magi baso meni. Augwali te dago bulu hasa tiwai dao. Dago augwali aiyaba elalubo bomai seḡe me egobeo. Magi baso meni. Genuai Bidi da dali bidiyu, agai augwaligo augwa tonalubo tibo god dabe polo dolalio. Tialima, augwalide wi igimio,” te bidi sigo te po wai. †

¹⁰ Tiali goli, te Israel dabego te Kalep de Josua sigo po mu dao homu ebe. Tama augwaligo te bidi si masigi sanama, augwali si ela muaibao po wali. Augwaligo te tama tiainogo ebadi, polo tama te we bidigo Godigo bomo yai ula te name ugwa be pedude dula sabo suali. Tama tibaso, augwaligo te bidi siba masigi saḡeo.

Mosesgo te Godigo te Israel we bidi dali wiegi yai homu emainogo gedu haluasa po wali

¹¹ Tama Genuai Bidigo Mosesbolo e tama po wali, “Hauwa sogo mu te we bidigo eno po sela sayu, tama augwaligo eno po mu dao homu ebeo. Eno augwali tomode wiegi yai seḡe hauwa yali, Tiali goli, augwaligo teba homu daḡ wabeo. ¹² Tialima, eno augwaliba te moni gasi dwai mu tagala palama, tama augwali dolomainu yaibao. Tiali goli, eno nage te bomai hani mego w̄aj te Israel hani edelama emainu ilaibao,” Godigo te po wai.

†† 13:33 Gag 6:4 † 14:9 Hib 3:16

¹³ Tiali goli, Mosesgo Genuai Bidibolo e tama po walali, "Genuai Bidi, te nago naga bomogo te we bidi Isip buludu eba polo odasa asali dao. Tialima, nago te we bidi dolali da, teda te Isip dabego te sę yali po odaibao. ¹⁴ Tama augwaligo te bulude bidibo we bidi mebabolo te po walaibao. Te hanigo nage da dali bidibo po odali, tama nage haninama mu bidibo dao, te nago pọ te ugwadu elalubadi, da dali bidibo dao. Tama me augwaligo nage te pọde bidiyu, tama nage giligade polasa peyu, me hulide nage siade bidiyu ebo po augwaligo odai dao, te nage polasa peyu ebo po. ¹⁵ Tama tialima, nago naga we bidi tigidali sese tama eliyu da, te gasa we bidi hanigo nago genuai nogi odali bagego te e tama po waibao, ¹⁶ 'Genuai Bidigo aga hani agai augwalibolo mawaibao wali te tọba odasa pabo usu egobeo,' te po waibao. 'Tama tibaso, agai augwali te nai meni yai bulude ela muna silali dao,' augwaligo nagede te tama po waibao."

¹⁷ "Genuai Bidi, eno homugo nago te yaibao wali te sę yao, te nago genuai bomo dabolo ola mayu yao. Naga digi naga e tama po wai dao, ¹⁸ 'Ena Genuai Bidi, eno sębę polo me ebo menio. Tama eno te we bidi godolo eyu, tama eno ena po tigidali sogo wali peyu ebo dao. Tama eno augwali dwai sę tigidali sela sayu, me eno augwaligo hagoma homu ebo eno sela sayu, tama ebo dao. Tiali goli, eno te dwai sę ebo we bidi dene iliyu, me eno te wai dabe me dene iliyu, me agai waji wai dabe dene iliyu ela pelama, te namba 3 haniba saboligi peyu, me namba 4 haniba saboligi peyu, tama yaibao, te nosali pedalobo hanide.' Nago tama po wai dao. ¹⁹ Genuai Bidi, nago da godolo eyu, tama nago da hobede eyu, tama tede nago me hasegelebo menio. Tama tialima, eno nagebolo hanalu obao, nago te we bidigo sęęę sela sęmainogo. Te augwali Isip bulu tagalama asobode yali gilama, me megı tama me ela asudu gilama yao," Mosesgo te po wai. ^{††}

²⁰ Genuai Bidigo Mosesgo po odali. Tama agai te po wei ponoyu, e tama po wali, "Eno augwaligo sęęę sela sęwaibao. Te nago enabolo hanalu wali tiwai tama yaibao. ²¹ Tiali goli, ena tigidali sogo mu bidibo dao, tama eno bomo me ula tigidali tọde elalubo dao. Tama tialima, megı eno e bomai po wabao. ²² Te eno po odoyu wali pisawai we bidi augwali te eno augwalibolo mawaibao wali te tọ eno augwalibolo magobeo. Augwaligo te eno bomo yai ula suali, te augwalibolo eno ola mani, te ena augwali dali bidibao. Tama me augwaligo eno te Isipde, me nai meni yai kemi sane bulude yali sę augwaligo polo suai dao. Tiali goli, hauwa sogo mu augwaligo ena dali tobolu gagea pelama, tama augwaligo eno po wali pabeo. ²³ Te we bidi deli me augwali eno dagego waji dabebolo mawaibao wali te tọba augwali munu me pogobeo. Mu menio. ^{‡24} Tiali goli, eno sę bidi Kalep, agai te gasa homu me elalubao, tama agai eno homu kolesaga wali mu pabo. Tama tibaso, eno aga te agai sugı pali te buluba eno odasa paibao. Tama aga tede bidaibao. Tama agai waji

wai pulubago te bulu saibao. ^{‡25} Te Amalek hani me te Kenan dabe bidibo te bulu odogo te badi. Tialima, do dage sese e bulu tagalama, tama begasa peyu, dage te nai meni yai bulu kemi sanedu pelama, te tamu aji Retsi te Akaba bulu badi, te badu piąo," Genuai Bidigo Mosesbolo te po wai.

Genuai Bidigo Israel dabe dene menama isilali

²⁶ Tama Genuai Bidigo Moses de Aron sibolo e tama po walali, ²⁷ "Hauwa sogo te dwai we bidigo ena dali wado po wai dao. Eno polo odama, tama eno augwaligo te po hagela mu yalio. Nisu mu augwaligo te po wabo mu tagalogowe? ²⁸ Tiali megı da, eno te po augwalibolo pusa mao, 'Ena Genuai Bidi, ena tigidali sogo mu bidiyu, eno po mu dage dali e tama wabo dao. Eno odali, dagego dage te bulude isaibao po wali. Tama tiali, megı da eno dagego te homu yali po tiwai tama yaibao. ²⁹ Dage sese isila pelama, tama dagego tigi pulu dabe te kemi sane bulude olo tede munalua paibao. Dagego wado po olama, ena dali po hauwa mu walio. Tama tibaso, te bidi dabe te kibu be nogo si, sęą si, ²⁰ edelai bidi dabe, augwali te buluba pogobeo. ^{‡30} Eno dage sese te buluba bidigi pomainu po wai goli, megı da dage sese te buluba pogobeo. Kalep de Josua si naga paibao. ³¹ Dagego te po wali dao, "Te bulu bidi dabego da dali hwjnama, da ela silama, dago wai saibao," po wai dao. Tiali goli, menio. Eno te wai puluba dagego te hagela yali te buluba odasa paibao. Tama augwaligo selama, tama augwali tigidali sogo tede bidaibao. ³² Tiali goli, dage da, me usu egobeo. Te dage da, te olo kemi sane bulude isaibao. ³³ Tama dagego wai puluba dabe te kemi sane bulude bidi sese si ⁴⁰ kibu bedede te bulude subigila tama bilaluaibao, te dage sese isa silibo siba tama usu naibao. Dagego ena te wego aga bidi tagalama subigila penanide soyu, tama pabo tiwai te yali dao. Tama tibaso, te wai dabego dagego te dwai sę yalide sęęę tolo-mainao. ^{‡‡34} Dage te buluba biligi pelama, te bulu susa bilali te bidi sese si ⁴⁰ bubugade susa bilai da weyu. Tialima, dagego dwai sę yali te sęęę te kibu be bidi sese si te ⁴⁰ kibu bedede te dagego dwai sę yali te wei ponaibao. Eno deli kibu be te dage te bulude bilali deli deli bubuga usu naibao. Tama te tibogo dagego kone-mainu yaibao, eno te po sela sębo kolesaga hagela ebo dagego koneaibao. ³⁵ Eno mu po mu te wabao, eno dage tigidali we bidi eno po sela sęnama dage te deli homu naga yali, te we bidi dage sese tama eno silaibao, dage te ena tudi ola mani, te we bidi dage. Dage deli deli te kemi sane bulude isila paibao. Ena Genuai Bidi, eno po polo wali dao,' te po augwalibolo pusao." Genuai Bidigo Mosesbolo te po wai.

³⁶⁻³⁷ Te Mosesgo te bulu sa susa biligi pomainogo te taga palali, te bidi dabe augwali ma asiyu, augwaligo te we bidibolo tibo po walagasiyu, tama e tama po wali, "Te bulu te dwai mu dao," wali. Tama te wali pogo te we bidi tigidali Genuai Bidi dali sębę emainogo ilalio. Tama tialima, Genuai Bidigo te bidi dabebolo

† 14:18 Sai 20:5-6; 34:6-7; Bom 5:9-10; 7:9-10 †† 14:19 Sai 32:11-14 ‡ 14:23 Hib 3:18

†† 14:24 Jos 14:9-12 ‡‡ 14:29 Hib 3:17 ††† 14:33 Tpi 7:36

moni gasi mu emainogo ilama, te ili po wali bidi dabe augwali bolo hasia polo isali. ³⁸ Te bulu sugi pali bidi dabe augwali polo isila pali. Te Kalep dali Josua dali si da isibeo. Augwali si bugagia bididuali.

Te Israel dabe te Kenan bulu sainogo hwjgi pali

(Bom 1:41-46)

³⁹ Mosesgo Genuai Bidigo te wali po Israel dabebolo pusa silibo si, augwali gela dwai mu ola pali. ⁴⁰ Tama te sogo kigamu hulide mu augwali hogodama, Mosesbolo e tama po wagi pali, "Odao. Dago koneani, dago te dwai kolesaga yalio. Tiali goli, megi da, dago homugo Genuai Bidigo dabolo te wali te t̄qba da pabo homu ebao." Tama augwali te bulu duba hogodasa pali, te Kenan dabe dali hwjgi painogo yali.

⁴¹ Tiali goli, Mosesgo te po wali, "Mu menio. Magi baso dage po sela s̄nana, tama Genuai Bidi da hagoma yainogo ebawe? Tama dage peyu da, teda dagego augwali aiyaba elalubo usu egobeo. ⁴² Dage pigimio. Magi baso meni, Genuai Bidi dage dali me bidibeo. Tiyu, dage pabo digi te boi bidi dabego dage aiyaba elaluaibao. ⁴³ Ma, dage peyu da, te dage Kenan dabe dali, me Amalek dabe dali hwjyu, tama augwaligo dage ela silaibao. Genuai Bidi dage dali te hwj̄bode bidigobeo. Magi baso meni. Dage aga tudiba s̄nana, tama aga wali me pis̄ama ebaso," wali.

⁴⁴ Mosesgo te po augwalibolo mani, tiali goli augwaligo po odobeo. Augwali te bulu duba hogodasa pali. Tiali goli, Moses augwali dali pabeo. Aga te bidibo sili nigali digi bididuali. Tama me augwaligo te Godigo Daḡ Wali Bomai Po Munolubo Halobage sabeo. Te me augwaligo te bidibo pesagede tagalama pali. ⁴⁵ Tiali, te Israel dabe augwali pali, tama te Amalek dabe me Kenan dabe augwali bulu du taga solama, edaba dula, te Israel dabe dali hwj̄agasali, tama augwali aiya-ba elaluali. Tama augwaligo te Israel dabe pobeasa pelama, te hanu nogi Hormaba usu nigi pali.

Te haniani ofa ebo bomai po

15 ¹⁻² Genuai Bidigo Mosesbolo e po te Israel dabebolo mao po wali. Agai e tama po wali, "Te dage eno mawainogo ebo te buluba pabo sogo da, tama dage tede bugagia dualaluyu, ³ tama dagego ena Genuai Bidiba ofa nai ulainogo da, teda duga kau kibu, ma sipsip kibu, ma meme kibu siyu yagameo. Tama dagego te iside sese tama ulubo ofa eyu, me duga daḡ wali po usu nabo ofa eyu, me genuai lotu wabo sogo me ofa eyu, me duga homugo ofa ebo me, eno te dagego wiegi yai denami ebo ofa dabe enabolo ebo ofa eno godolo ebo dao. ⁴ Te bidi me deligo te isigo mu ula silabo ofa yabo sipsip kibu ma meme kibu omai sesiyu, tama agai ena Genuai Bidibolo mawainogo da, teda agai te kilogram deli yai plaua agai te oliv wel lita deli dali begelai plaua sesiyu, te isigo wit ulubo ofa emainao. ⁵ Me te wain aḡ lita deli yai me siyu, tama elama, tama agai te nai dabe agai te sipsip kibu dali, ma meme kibu dali, eyu emainao," wali.

⁶ "Ma agai sipsip kibu omai deligo ofa eyu da, teda agai te plaua kilogram si yai siyu, me oliv wel lita deli elama, habu siyu elama, taluai siyu elama, ⁷ tama me agai lita deli wain w̄ selama, habu siyu tama elama, te omai sipsip kibu dali ofa emainao. Te tobage wiegi yai denami ebo ofa eno godolo ebo dao. ⁸ Ma, te bidi me deligo te omai bulmakau sesiyu, te isigo sese ula silibo ofa uluyu, ma te daḡ wali po usu nubo ofa uluyu me, ma homu deliba daḡ wabo te ofa ulainogo da, ⁹ teda agai te kilogram sela yai plaua te lita si yai oliv wel dali selama, taluao. ¹⁰ Me agai te wain w̄ lita si yai siyu, tama elama seselama, tama te nai dabe te kau kibu omai dali ofa yao. Ena Genuai Bidi, eno te tobage wiegi yai denami ebo ofa eno godolo ebo dao," tama wali.

¹¹ "Dagego te tobage plaua, me oliv wel, me wain tama enabolo ofa iȳaḡo, te tigidali deli deli kau kibu omai dali me, sipsip kibu omai dali me, sipsip kibu ḡḡy, dagego enabolo ofa ebo dabe tama tiao. ¹² Ma, dagego kau kibu si ma sela ofa eyu da, te dagego te deli kau kibu usu nama plaua, me wel, me wain, te deli deli hasa usu nama, ofa yao. ¹³ Tama te tigidali sogo dage Israel dabego Genuai Bidi eno godolo ebo denami ebo ofa dagego me yainogo da, teda dagego te plaua, me wel, me wain, te ofa dali tama eyu yao.

¹⁴ Ma, te gasa bulu bidi aga dage dali p̄wadage sogo, ma dagego bulude mu bidainu bidibo bidigo Genuai Bidi eno godolo ebo ofa yainogo ebaso da, teda agai emainao. Te bomai po tigidali sogo elalua pidu piduaibao, tama te w̄j̄ nosali asobo te w̄j̄ dabeba mu tama usu nigi paibao. Tiali goli, agai te ofa ebo bomai po wali pomainao, te dage Israel dabego ebo kolesaga ebo tiwai yao. ¹⁵ Te bomai po deli naga elalubao, te Israel dabe dage me te gasa bulu bidi dabe dagego wali pabo po elalubao. Te bomai po tigidali sogo elalua pidu piduaibao, tama te w̄j̄ nosali asobo te w̄j̄ dabeba mu tama usu nigi paibao. Magi baso meni, ena Genuai Bidi eno suali, dage Israel dabe me gasa hani bidi dabe deli mu tama yai yalio. ¹⁶ Dage Israel dabe me gasa bulu bidi dabe me, dage deli kolesaga naga yao, te ofa ebo kolesaga." Te po wai. †

¹⁷ Genuai Bidigo te po Mosesbolo ¹⁸ te po Israel dabebolo magi pao po wali. Agai e tama po wali, "Megi da, eno dage mawaibao wali te t̄qba te odasa pobao. Tama nosali dage tede bugagia dualaluaibao. ¹⁹ Tama dagego nai gegelama, tama nai tau yai saibao, tama dagego tuainogo da, teda dagego te nai dabe meba selama, enabolo ofa tiwai maīaḡo. ²⁰ Te hasia mu dagego te hasia plaua witgo bret nigiyu da, dagego bret meba selama, enabolo ofa tiwai maīaḡo. Te witgo nai mu sabo pesagede mu selama, enabolo geside mu ofa yao. Te dagego te nai mibo pesagede mu selama, mao. ²¹ Dage me, duga w̄j̄ nosali pedalobo hani, dagego te hasia mu te ulubo te bret selama, tama enabolo te ofa tiwai maīaḡo," wali.

²²⁻²³ "Dagego te bomai po Mosesgo nogode sali, tama nosali pedalobo hani dabego me saibao. Tiali goli, bidi

mebago kuna konesaꝓa, te bomai po meba bolaibao. ²⁴ Te Israel dabego kuna homugo konesaꝓa, te bomai po meba bolobaso da, teda augwaligo kau kibu deli ofa emainao, te isigo mu ulu silibo ofa tiwai emainao. Me augwaligo te wit ulubo ofa me eyu, me te wain gelebo ofa te kau kibu dali emainao. Tama me augwaligo te meme kibu omai te seꝓe sela saꝓo ofa emainao. Tama eno te ofa denami ebo godolo yaibao. ²⁵ Te pris bidigo te ofa te we bidi tigidaligo seꝓe sela saꝓo ofa emainao, tama ena Genuai Bidi eno augwaligo seꝓe sela saꝓaibao. Magi baso meni, augwaligo homugo kuna kone palisaꝓa, augwaligo eno bomai po bogi pai yaibaso. Tama augwali augwa seꝓe sela saꝓabo ofa seselama, enabolo mobaso, ²⁶ eno te Israel we bidi tigidaligo seꝓe sela saꝓu, me te gasa bulu bidi tede bidibo we bidigo seꝓe me sela saꝓaibao. Te da, te augwaligo eno bomai po meba sela saꝓani da," wali.

²⁷ "Ma, te bidi me deligo homugo bugagia konesaꝓa dwai seꝓe yaibaso da, teda agai te meme kibu so te kibu be deli yai selama, ofa emainao, te seꝓe sela saꝓo ofa tiwai emainao. ²⁸ Tama Genuai Bidi eno gedude pris bidigo te meme kibu selama, tama te bidigo seꝓe sela saꝓo ofa yao. Te pris bidigo te tama tiyu da, teda eno te bidigo seꝓe sela saꝓaibao. ²⁹ Te dagego homugo bugagia konesaꝓa dwai seꝓe yaibaso da, te dagego te bomai po deli naga wali piꝓo. Te Israel dabe, ma te gasa bulu bidi duga bulude bidibo me, tagala. ³⁰ Tiali goli, bidigo me, ma wego me ena dali tobolu gagea pelama, dwai seꝓe ebaso da, teda agai ena Genuai Bidi posobo po tiwai te wabao. Tama tialima, dagego aga elama isilao. Te aga te dage Israel dabe, ma gasa bulu bidi yaibaso me, tagalao, te dagego bulude bidibo me tagalao. ³¹ Magi baso meni, te we ma bidi aga digi aga tobolu gagea peyu, aga homugo eno bomai po te sela saꝓao. Tama tibaso, dagego aga ela muao, te aga dagede dao," te po wali.

Te bidi mego Sabatde bomai po bolobo po

³² Te Israel dabe augwali te nai meni yai kemi sane bulude bidibadi, te bidi me deligo Sabat sogo isi sabo suali. ³³ Tama augwaligo te bidi Moses de Aron si eبادi, me te Israel we bidi tigidaliba odasa pali. ³⁴ Tama augwaligo aga kalabus iliyu bolo yali. Magi baso meni, augwaligo konebe, augwaligo aga magi seꝓe egowe te augwaligo konesaꝓbaso. ³⁵ Tama Genuai Bidigo Moses-bolo e tama po wali, "Dagego te bidi elama isilao," po wali. "Aga te dage bidibo pesage tagalama, buluba ogwaba odasa pelama, tama masigi dabe aga tigiba saꝓa-nama, aga elao, tama isibaso tagalao," wali. ³⁶ Tama te we bidi dabe augwaligo Genuai Bidigo po wali peyu, augwaligo te bidi bidalubo pesage taga peyu, odasa pelama, bulu badu augwali aga masigigo enama, isali.

Te peꝓadage hobi dage te ugwa dagede gebelabo bomai po

³⁷ Te Genuai Bidigo Mosesbolo Israel dabebolo e tama po pusao po wali, ³⁸ "Dagego te peꝓadage hobi bono du selama, tama duga ugwa sabi me si me si badu gebelabo nigilama gebelao. Te hobi du deli delide dagego sisi yai bono hobi deli deli muyu ela pao. Te dagego me duga wai nosali pedalabo bagego te tama tiao. ³⁹ Tama dagego te bono dage subo sogo, dagego eno dagebolo mani bomai po tigidali ma koneagameo. Tama dagego te bomai po wali pi-agame. Tama tiyu, dagego ena gegeda pelama, duga homugo bilama, dwai seꝓe dabe me egobeo. ⁴⁰ Te hobi dage dabego dagego eno bomai po kone palama, wali pomainogo yaibao, tama dage eno we bidi mu bidaibao. ⁴¹ Ena Genuai Bidi, ena dagego God dao. Eno dage Isip bulude selama, odasa asai dao, te ena dagego God tigidali sogo bidainogo. Ena God, dagego Genuai Bidi, eno po polo wali." Te po wai.

Kora, me Datan, me Abiram, augwaligo Moses dali wado homu yali

16 ¹⁻² Te Kora, te Ishargo ogwa, te Kohat hani bidi, te Livai bidi, aga dali me te Ruben hani bidi sela augwaligo Moses dali dobo kolesaga yali. Te bidi selago nogi te e dao: Datan me Abiram, te Eliapgo ogwa si, me On te Peletgo ogwa. Te me si me si bidigo te Israel dabe tobolu bidi te 250 selama, augwali hodobo tama te dwai tobolu gagea pabo kolesaga yali. Te Israel dabe augwaligo te tobolu bidi dabe sa muai, te tigidali we bidigo gedude nogi elalui dao. ³ Tama te bidi dabe augwali sisinagaselama, Moses de Aron si pageba sisinagaselama, tama augwali sibolo e tama po wali, "Odao, da tigidali tama te Genuai Bidigo dao, te dage si naga menio. Tama Genuai Bidi da tigidali dali bidibao. Tama tialima, dage sigo magi baso duga nogi ugwaba selama, da tonalubawe? Dage sigo kolesaga dolo menio," tama po wali.

⁴ Teda Mosesgo te po odama, toꝓa degasa dulama, gedu haluasa po wali. ⁵ Tama nosali aga hodaluama, aga Kora dali me Kora wali pabo bidibolo e tama po wali, "Odao. Do kigamu Genuai Bidigo ola mawaibao, te mena bidi te agai mu dawe, te dago suaibao. Te mena bidi te agai sa muaniwe, te suaibao. Te agai augwali naga te alta pageba paꝓa mu pomainu ebowe, te suaibao. ⁶ Teda Kora, nage dali, naga hani dali, dagego e tama tiao. Te do kigamu dagego te dwasianu plet selama, te denami ebo te pauda ulabo selama, ⁷ tama te dwasianu isi dage munama, tama te wiegi yai denami ebo pauda te pletide munama, sesao. Tama dagego altaba sela pelama, Genuai Bidigo geduba dolalugi pao. Tama Genuai Bidigo da tomode mena bidi agai sa muai yaliwe sueibao, te agai seꝓe emainogo. Dage Livai dabe, dagego naga te dolo isaꝓai kolesaga ebo," wali.

† 15:28 Prs 4:27-31

†† 15:38 Bom 22:12 † 16:1-2 Jut 11

⁸Tama Mosesgo Korabolo po geninama weyu, e tama po wali, "Livai dabe, dagego odao. ⁹⁻¹⁰God, da Israel dabego Genuai Bidigo da, te dago we bidi tomode dage dja sai dao. Tama dage naga agai se eyu, tama agai be paba pomainu yai dao. Me te we bidigo gedude dolaluyu, augwaligo ofa se tau siyu dolalumainu yai dao. Godigo dage me te gasa Livai dabe dagego agai se emainogo sa muyu, tedali gasagi yai muai dao, te nogi elalubo se emainogo. Tama, mena tama tiali te duga gedude te se te olo nai tiwai daw? Tama tialima, dage me te pris me nigainu ebawe? ¹¹Tama Aron ma mena tiwai bidi da weyu, dagego aga dali wado ebawe? Aga te olo bidi dao. Tialima, nage dali, naga hani dali, dagego Aron dali wado ebeo. Menio. Dagego God dali wado ebao, Genuai Bidi dali." Mosesgo te po wali.

¹²Tama Mosesgo te Datan de Abiram si asao wabo po ola tolali. Tiali goli, augwali sigo po wei ponoyu, e tama po wali, "Da si asogobeo," po wali. ¹³"Nago da wiegi yai bulu Isipdu odasa e nai meni yai buluba odasa aselama, da ela isilainu asai dao. Tama nago homugo te da, te olo se daw? Tama meg? me nago da tonaluainuwe? ¹⁴Nago da te wiegi yai buluba me odasa pai menio, te dago nai gi dabe elaluyu, me wain gi dabe elalu emainu odasa pai menio. Nago homugo da te kolesaga meni yai, tama nago da ili po ola mawaibawe? Nago usu egobe, tama tibaso da si me asogobeo," te bidi sigo te po ola tolali.

¹⁵Mosesgo te po odama, aga sebe elama, tama Genuai Bidibolo e tama po walali, "Nago te bidi hani dabego sesali ofa nago selamu dao. Augwaligo te po wali, eno augwali subigila tolalubo po wali. Tiali goli, eno augwaligo kibu donki deli me wi siyu, me augwali dali dwai kolesaga me eyu me ebeo. Mu menio," wali.

¹⁶Tama Mosesgo Korabolo e tama po walali, "Do nage me te nage wali pabo 250 bidi, dage te Godigo name ugwa beba asiao. Tama Aron me tama asaibao.

¹⁷Tama dage deli deligo isi dabo nogobo plet te wiegi yai denami ilibo pauda tede munama, tama Genuai Bidibolo agai altaba aselama, ofa yagasao." Te po wai.

¹⁸Tama te sogo kigamu te bidi dabe augwa te wiegi yai denami ilibo te pauda ulubo te plet sesali. Tama augwaligo te plet dabede te isi dage munama, tama te wiegi yai denami ebo te pauda te isi daide muani.

Tama augwali te Moses de Aron si dali te Godigo ugwa be sunumiba doligi pali. ¹⁹Nosali Korago te we bidi sese sisinama, tama augwali te Moses de Aron si bidiboba hobolu gelama, augwali si tonaluali. Augwali si me te ugwa be sunumide dolaluali. Augwali polo sina silibo si, Genuai Bidigo agai ula te Israel dabe tigidaligo sumainogo haninama pebili dilide mu yali, tama tigidali Israel dabego suali. ²⁰Tama Genuai Bidigo Moses de Aron sibolo e tama po wali, ²¹"Dage si gedao. Te we bidi taga pao. Meg? tama eno te we bidi ela silaibao," wali.

²²Tiali goli, Moses de Aron si gesabidi toba elama, degasa duliyu, augwali sigo Genuai Bidibolo e tama po wali, "God, nago deli naga te tigidali tode bidibo we bi-

di nigilama, augwali te bidibao. Te bidi deligo dwai sege sai madi, tama nago tigidali Israel we bidi ela silaibawe?"

²³Tama Genuai Bidigo Mosesbolo e tama po wali, ²⁴"Te we bidibolo te Kora, me Datan, me Abiram, augwaligo ugwa be tagalama, digibulu obanu gana pao po wao."

²⁵Tama Moses de Israel dabe tuni bidi dabe augwali te Datan de Abiram si sugi pali. ²⁶Tama Mosesgo tigidali we bidibolo e tama po walali, "Dage tigidali ugwanu kila sesa pia, te dwai bidi dabego ugwa be pade, tama augwaligo nai dabeba me dagana selama me elamuo. Tiyu, dage augwa pade bidiyu da, augwaligo sege dage me isabuo." ²⁷Tama te we bidi augwaligo odama, augwali ugwaba kila selama, Kora, me Datan, me Abiramgo ugwa be dabe taga pali. Tiali goli, te Datan de Abiram si augwa ugwa be buluba aselama, augwa be sunumiba dolaluagasaki. Tama augwa we wai dabe me augwali dali dolaluali.

²⁸Tama Mosesgo te we bidibolo e tama po wali, "Te meg? mag? nai me pedalainu ebo dagego meg? sueibao, tama dagego koneaibao, Genuai Bidigo digi ena taga palama, dage tonalumuainu yai dao. Eno ena homu kolesagago me ebeo. Mu menio. ²⁹Meg? da, te bidi dabe isaibao. Ma, Godigo augwali elisama ebaso da, tama augwali olo dwai isibaso da, teda dagego koneageo, te Genuai Bidigo agai se emainogo ena tagala palobe, te homu yaibao. ³⁰Tiali goli, Genuai Bidigo gasa sunumi medu te bidi dabe isilibaso da, te e tiwai elama, te to tomode mu peda pelama, tama te bidi dabe augwa doado bage dali te to dedageba gealubaso da, tama augwali bidibadi te isai bidigo buluba pobaso da, teda dagego koneaibao, te bidi dabe augwaligo te Genuai Bidi tudi ola menama, agai po sela sawali dao," te po wali.

³¹Mosesgo po ola silibo si, polo tama te Datan de Abiram si dolaluali te to tomode peda pelama, genuai to dedage mu yali. ³²Tama te Datan, me Abiram, me Kora, me aga dali bidali bidi dabe, augwa we wai puluba, me augwa doado bage sese tama, te to dedageba tula pelama, tama te to ma madua sali, tama te bage mesega sali. ³³Tialima, augwali isisabadi augwali augwa we wai, me augwa doado bage dali te isai bidigo buluba pali, tama te to ma madua selama, augwali mesega sali, tama te we bidi dabego augwali munu me ma subeo. ³⁴Te augwali te dedageba tulaluali sogo, augwali hqa dwai mu wali, tama te Israel we bidi te pade bidali we bidi augwaligo te po wali, "Da wi polo pinao, tiyu da te to peda peyu, da me te to dedageba tola pelama, da me hagayabuo." Tama tibaso, augwali wi polo pali. ³⁵Tama Genuai Bidigo isi tagala palama, te 250 bidi dela silali, te denami wiegi yai ebo pauda ulama ofa yali bidi dabe.

Augwaligo kapa bras selama, alta haluali

³⁶Nosali Genuai Bidigo Mosesbolo e tama po wali, ³⁷"Te pris bidi Arongo ogwa Eleasabolo te isigo dali te bidi dabego bras plet sao, tama nage pageba sesao, te

po agabolo wao. Tama nosali nago selama, digibulu gana ma pelama, tama te pletide elalubo isi dabe buluba saşayao. Magi baso meni, te plet dabe te eno nai dabe mu dao, tama habu selai nai mu dao. ³⁸ Te plet dabe te bidi dabe te Genuai Bidi eno altaba pali sogo habu selai nai pedelai dao. Tama augwaligo te wiegi yai denami hano holobo ofa yai dao. Tama tialima, te dwai seğę selama, isai bidi dabego plet seselama, tama elama, tama olo kapa dage tiwai pedalumainao. Tama te bras kapago te alta mesegelao. Te Israel dabego te brasgo te alta halualubaso, augwaligo koneaibao. Tama augwaligo te bidi dabego yali kole-saga tiwai egobeo," te po wai.

³⁹ Tama Mosesgo te pris Eleasarbolo te po wabo si, te Eleasargo te plet dabe sali. Tama bidi mebago te plet halubo si, te plet te bras kapa sawali dage tiwai pedelali, te alta haluabo kapa tiwai pedelali. ⁴⁰ Te halubo nai te Israel dabego homu dağ walabo dao. Tama augwaligo koneaibao, te Arongo hanigo naga te altaba pelama, te wiegi yai denami hano holobo pauda te Genuai Bidigo gedude uluyu yaibao. Ma, te gasa olo bidi dabego te tobage ofa ebaso da, Genuai Bidigo aga te Kora aga hani dali dolali tiwai aga hani dali dolaibao. Tama Eleasargo te Genuai Bidigo Mosesgo penanedu wali po wali pelama, te seğ dabe dolo tama yali.

Arongo te we bidi tau sali

⁴¹ Te sogo bidama me sogo bubugade, tigidali we bidigo Moses de Aron si dali wado po wali. Augwaligo e tama po wali, "Dage sigo Genuai Bidigo we bidi me-ba elalio." ⁴² Augwali sese polo sisinani, te Moses de Aron si dali wado po wainogo. Tama augwali begelama, Godigo ugwa beba tonani, tama augwaligo suali, pğgo te ugwa be mesega sai suali. Tama Genuai Bidigo ula haninama mu ebo suali. ⁴³ Tama te Moses de Aron si te ugwa be sunumiba doligi pali. ⁴⁴ Tama Genuai Bidigo Mosesbolo e tama po wali, ⁴⁵ "Dage si te we bidi pagede gediąo, pelama, te we bidi taga pelama, digibulu gana doligi piąo. Tama polo tama eno augwali dolaibao," wali. Augwali sigo te po odama, augwali si gesabidi aiyaba begelama, tğba degasa dulali.

⁴⁶ Tama Mosesgo Aronbolo e tama po walali, "Te wiegi yai denami yai pauda ulubo plet sao. Tama te altade isi dage me selama, nago te pletiba muao. Tama wiegi yai denami ebo pauda selama, tama te isi daide muao. Tama te we bidi pageba polo sela pelama, seğę sela şabo ofa igi pao, tama augwali Godigo gedude wiegi yai pedalaibao. Magi baso meni, Genuai Bidigo augwali dali seğę me elama, genuai gasi dwaigo te we bidi dolobo gagalali," wali. ⁴⁷ Tama Arongo Mosesgo po wali pali, tama agai te wiegi yai denami hano ebo ofa ulubo plet sali, tama aga te we bidi sisąlubo tomoba udayali. Tama agai suali, te gasi dwai te we bidi tigiba polo pedelai suali. Tama tibaso, agai te wiegi yai denami hano holobo te pauda te pletide munama ofa yali. ⁴⁸ Tama Aron te we bidi isali, me bidibo we bidi tomode dolaluyu, te ofa yali. Agai te tama tibo si, te gasi silali.

⁴⁹ Te 14,700 we bidi te gasigo isali. Tiali goli, augwaligo te Kora dali isali te we bidi dali nedebeo, te 14,700 we bidi dali nedebeo. ⁵⁰ Te gasi silibo si, Aron aga te Godigo ugwa be sunumiba Moses pageba ma asali.

Godigo Aron aga digi dağ ilai dao olama, te we bidibolo ola mani

17 Te Genuai Bidigo Mosesbolo e tama po walali, ² "Te Israel dabebolo te 12 te tolasa bilibo dono mao po walao. Te deli deli hani wağ tobolu bidide sao. Tama nago deli deli tobolu bidigo nogi te deli deli donode aseąo. ³ Tama Arongo nogi te Livai hanigo donode aseąo. ⁴ Tama nosali nago te dono dabe sisinama, eno ugwa bede te Dağ Wali Bomai Po Munalubo Halobage pađe ena dage dali pađa sisinagaselama, po mibo pađe wialagalao. ⁵ Tama te bidi eno sa muani bidigo ni dagede te kulubi holaibao. Tama augwaligo koneaiba, te bidi te pris seğ emainogo, eno sa muai te yabao po waibao. Tama eno te tama ebo kolesagago te Israel dabego penane paliaibao, te augwaligo nage dali wado yabo sunumi paliaibao, te augwaligo megi nage dali ebo tiwai egobeo," Genuai Bidigo te po wai.

⁶ Tama te po Mosesgo Israel dabebolo pusubo si, te deli deli tobolu bidi dabego dono Mosesbolo mani. Te deli deli dono te deli deli hanigo dao, te 12 hani wağ usu nama, tama augwaligo Aron nogi aseąi dono me te nogo si olama si dono dali muani. ⁷ Tama Mosesgo te dono dabe selama, te kontrak halobage pađe muani, te name ugwa be tomode.

⁸ Tama do Moses te ugwa be tomoba tula pali. Tama agai suali, te Aron nogi aseąi te dono suali, te Livai hani magi elama muani, te donode te kulubi holama, plaua walama, du walai suali, te ni amon du walama, tama te ni du polo tau yai suali. ⁹ Tama Mosesgo te dono dabe sela pelama, buluba solama, te Israel dabebolo waseligi pali. Augwaligo sula silibo si, tama te tobolu bidi dabe augwa dono dabe ma sagasiyu tama yali.

¹⁰ Tama Genuai Bidigo Mosesbolo e tama po walali, "Te Arongo nogi aseąi te dono selama, te ugwa be tomoba pelama, te kontrak halobage pađe mugi pao. Te aga tede munaluyu, te dwai kolesaga ebo we bidigo homu kolesaga elama konemainu ilaibao. Tama tego augwaligo penane paninama, tama augwaligo ena dali wado po me wagobeo. Tama eno augwali me elama isiligobeo," wali. ¹¹ Teda tama Mosesgo te Genuai Bidigo walali po tiwai wali pelama tiali. ¹² Mosesgo te seğ ela silibo si, te Israel we bidigo agabolo e tama po walali, "Te mu tama, megi da, da dola silaibao. Megi da, da sese hagala silaibao. ¹³ Te da hani bidi me te Godigo ugwa be pađa pobadi me tagala. Teda Godigo aga elama isilaibao. Tama tibaso, da tigidali tama isaibao," augwaligo te po wai.

Te pris bidi de Livai hani dabego sę

18 Genuai Bidigo Aronbolo e tama po walali, "Te nage, me Livai dabe, me nago ogwa dabe, dagego eno ugwa bede sę dolo isąma ebaso da, teda duga digi geda muani dao, tama te sęęę duga to-laibao. Tiali goli, ma nage naga ogwa dabe dagego te pris sęde dolali da, teda dage naga te sęęę saibao. ²Tama naga hani bidi naga sao, te augwali te Livai bidi hanigo bidi dabe sao, naga wąj dabe, tama augwali nage dali sę elama, nage tau saibao, te nage naga ogwa dabe dali eno ugwa bede sę ebo sogo. ³Augwaligo te nago mabo sę me eyu, me augwa sę me te ugwa bede yao. Tiali goli, augwaligo te Tedali Gasagi Yai Be Habude munalubo nai me, ma te altade elalubo nai dabe, augwaligo nogo me dąnamu dao. Ma, augwaligo nogo toyu da, teda nage me augwali dali isaibao. ⁴Te Livai hani dabe naga eno ugwa be tomode sę emainao. Tiali goli, te bidi dabe eno sa musiąma yali bidi dabe, augwali nage dali sę egobeo. ⁵Nage me, nago ogwa dabe dagego naga eno te habu selai be tomode sę eyu, me altade sę eyu, iyąo. Tama tiyu da, eno dage dali sębę elama, dage Israel dabe me ma dologobeo. ⁶Odao, ena digi eno nago hani sa muai dao. Te Livai dabe te Israel hani tomode eno dą selama, tama eno augwali nagebolo me nago ogwa dabe dagebolo mawai dao, te wiegi yai nai tiwai dao. Te bidi dabe augwali eno mu dao, te augwaligo eno ugwa be tomode sę emainogo. ⁷Tiali goli, nage dali nago ogwa dabe dagego naga te pris sę eyu, me te altade sę eyu, me te Tedali Gasagi Yai Mu Be Habude sę eyu, tama iyąo. Eno te pris sę dagebolo te wiegi yai nai tiwai tama mawai dao. Tama tialima, te pris sę, me altade sę, me te Tedali Gasagi Yai Mu Be Habude sę, te dagego sę mu dao. Ma, te bidi me aga eno sa musiąwai bidi aga te sę yainogo asobaso da, teda dagego aga ela muiąo," Genuai Bidigo te po Aronbolo wai.

Augwaligo pris bidi dabego nai dobabo sę yao

⁸Tama Genuai Bidigo Aronbolo po ma weyu, e tama po wali, "Odao, eno digi eno te hasa mi dage dabe te we bidi iside ulisąma enabolo masiąma yali te nagebolo mobao. Te ofa yali nai mi dage dabe te nagebolo me nago wąj hani dabebolo tigidali sogo mu mabo dao, tama dagego tuiagameo. ⁹Te ofa nai dabe te tedali gasagi yai nai mu dao, te eno nai mu dao weyu, tama augwaligo ulisąma yali te dabe dage pris dabego siąo. Te da te wit ulubo ofa, me te sęęę sela sąbo ofa, me te nai dabe wei ponobo te ofa dao. Te we bidi dabego enabolo mabo te nai dabe eno ofa mu dao. Eno te nagebolo me nago ogwa dabe dagebolo mobao. ¹⁰Dagego te hasa dabe te eno ofa mu tiwai suiąo. Tama tialima, dagego te nai dabe te ugwa be obo tomode tuiąo, te bidi dabego naga tumainao," wali.

¹¹"Te me ma dagego te gasa ofa te Israel dabego ena mabo te ofa siagameo, te da te pris dabe nogo tu-

lama, eno gedude te hogayu, ugwa eda ebo te ofa dao. Eno te nai nage, naga ogwa wegi dabe dali, te nai eno tigidali sogo te mobao. Te nago we bidi hani tigidali eno gedude wiegi yai mu polo pedalai dao, augwaligo te hasa nai dabe tumainao."

¹²"Te meba gasa Israel dabego te tigidali hasia podolali nai wiegi yai oliv wel, me wain, me wit deli deli kibu bede enabolo mabo dao. Tama eno te nai dabe dagebolo mawaibao. ¹³Te hasia tau yali nai dabe te Israel dabego enabolo maiabo nai, te dagego dao. Te tigidali dage hani we bidi eno gedude wiegi yai dao, te augwaligo selama tumainao. ¹⁴Te tigidali nai dabe enaba mani te Israel dabego augwaligo augwa ma abelegobeo, teda dagego mu dao. ¹⁵Te Israel dabego gomunai wai dabe, me hasa dabego gomunai wai dabe, augwaligo enabolo ofa sesebo, te me dagego mu dao. Tiali goli, te hasa meba augwali te ofa maiabo wiegi yai nai mu menio, te tobage hasa gomunai wai dabe te ofade sigio. Te page bidigo monego te hasa gomunai wai hasegeleyu, tama te mone nago sao. Te me te Israel dabego augwa gomunai wai augwali monego hasegelama abelemainao. ¹⁶Te Israel dabe augwaligo augwa wai dabe te a naga silva mone gego abelemainao, te waigo polua deli ebo si," wali.

¹⁷"Tiali goli, augwaligo te hasa dabe eno gedude wiegi yai tedali gasagi yai, augwaligo ma abelebo usu egobeo. Te da te kau kibugo gomunai wai, me sipsip kibugo gomunai wai, me meme kibugo gomunai wai dabe me, te augwaligo ma dobolama abelegobeo. Magi baso meni, te augwali te eno mu dao, tama te ofa yabo nai dabe dao. Dagego augwali ela munama, tama augwaligo kaneme te altaba te ofa tiwai sayao, tama agai ili te altade ofa tiwai ulao. Tama eno te ofa ulubo nai denami odama, tama eno godolo mu yaibao. ¹⁸Tama te ofa ebo nai mi dabe te dagego dao, te dagego te Israel dabego mabo ofa eno gedude ugwaba edaba te hogayali, te ofa bau me, dolo sąąą me mabo ofa tiwai dao, te dagego sabo nai dao. ¹⁹Te Israel dabego enabolo mabo te ofa dabe meba, megida, eno nage dali naga wai dabe dali tigidali sogo mawaibao. Eno tede te kontrak nage dali, me nago wai hani dali, te kontrak tigidali sogo mu te ebao, tama eno te kontrak toga sągobeo. Mu menio," wali.

²⁰Tama Genuai Bidigo Aronbolo e tama po wali, "Dagego te Israel bulu tomode tų me selamu dao, te dage isibaso, dagego wai dabe nosali bidabo. Me dagego te Israel tųde te gasa mone sabo sę me egobeo. Magi baso meni, te dagego habuge yali nai dabe dagego enade siagameo. Ena Genuai Bidide," tama po wali.

Genuai Bidigo Livai dabebolo nai nai dabe mani

²¹Tama Genuai Bidigo po genina ma weyu, e tama po wali, "Te Israel dabego te nai dabe nedama, nogo si wabo nai deli me bogelama, enaba magasobo si da, teda eno te nai deli dabe te Livai dabe mawaibao. Te da, te augwaligo pe tiwai, te sę ebo masigi tiwai sabo

dao, te eno ugwa bede sę ebo pe tiwai dao. ^{†22} Te tigi-dali sogo nosali me te Israel dabe eno ugwa be pąba me peyu me elamuo. Ma, augwali pąba pali da, teda augwa dagede augwali elama isilaibao. ²³ Te Livai dabe augwaligo naga te ugwa be tonalubo sę eyu, augwaligo te ugwa bede sę eyu emainao. Ma, augwaligo te sę bugagia me isąma yali da, teda augwa te sęęę augwa tolomainao. Te bomai po te me tama elalubadi, nago wąj nosali pedalobo te hanigo me wali pomainao. Te Livai dabe augwali te meba Israel dabego yali gilama, augwali tų menio. ²⁴ Magi baso meni, eno te Israel we bidi dabego mabo te nogo si nai me deli bogelama mabo, te nai dabe te Livai dabe augwali mabo dao. Te tama po pagede, eno augwalide te e tama po wali dao, 'Augwali te Israel tų tomode augwaligo tų me sogo-beo.'

Te Livai dabego te nogo si naidedeli bogea sali

²⁵ Genuai Bidigo Mosesbolo ²⁶ te Livai dabebolo e tama po wao po wali, "Te meba Israel dabego te nogo si nai deli me bogelama, Genuai Bidi mobaso da, tama te nai te Genuai Bidigo dagebolo mawaibao. Tama dagego te nai dabe sabo sogo da, teda dagego te nai dabe bugulama, nogo si nai nigilama, te nai nogo si wali deli bogelama, Genuai Bidi mao, te ofa tiwai mao. ²⁷ Tama dagego te tama mabo ofa te Genuai Bidigo ofa te gesi gi nai ofa, te gesi wit me wain, te bidi dabego agabolo mabo nai te tiwai gilama ebao waibao. ²⁸ Dagego te tama tiyu da, teda dagego te ofa te Genuai Bidibolo mawainu ebo usu yaibao, te Israel dabego hasia nai tau nogo si nai deli selama, dagebolo mabode, te dagego nogo si nai ma nedama, deli me te pris bidi Aronbolo mao. ²⁹ Dagego te sabo nai wiegi yai dabe bugagia bugulama, tama te wiegi yai nai te Genuai Bidigo nai sa muao, tama dagego agabolo mao. ³⁰ Te dagego te wiegi yai nai dabe te Genuai Bidibolo polo menama da, tama da, te Livai dabe dagego te me munalubo nai sgameo. Te bidigo ofa elama, te nai meba nosali sabo tiwai yali gilama tama yao. ³¹ Te nai dabe da, te dagego te Godigo ugwa be tomode dagego sę ebo pe tiwai dao. Tialima, dage pelama, dage duga we wai puluba dage duga te nai dabe meba elalubo te nai tugi piąo. ³² Dagego te wiegi yai nai dabe hasia ofa bolo elama, tama nosali dagego meba nai dabe tuyu da, teda dage me geda mugobeo. Tiali goli, ma dagego ofa bolo isąma, dagego bolo tuali da, teda dagego te Israel dabego ofade dagego geda muyu, tama dagego duga dagede Genuai Bidigo dage elama isilaibao," Genuai Bidigo te po wai.

Te bedeba so kau kibude bomai po

19 Genuai Bidigo Moses de Aron sibolo ² te bomai po te Israel we bidibolo mao po wali. Agai e tama po wali, "Te Israel dabego te so kau kibu bedeba yai, te wiegi yai kau kibu mu, agai te gi tų elibo nai kegebo sę isiąwai kau kibu dao, te kenigo agai tigi me

dolisąwai, te tobage so kau kibu sao. Tama augwaligo dage siba odasa asao. ³ Tama dage sigo te kau kibu te pris Eleasarbolo mao. Tama bidi mebago te kau kibu hanu nigila bidibo pesage taga pelama, bulu badu odasa pao. Tama te Eleasargo augwali subo si da, teda augwaligo kau kibu elama, isilao. ⁴ Tama te Eleasargo te kibu kaneme dwasianu agai nogo danigo selama, tama a naga olama si sogo agai eno ugwa be te badu tonoyu sayao. ⁵ Tama Eleasargo augwali tonalubadi, tama augwaligo te kau kibu sese tama iside ulumainao. Augwaligo te kau wali, me mi, me kaneme, me kigibili, sese tama iside ulumainao, te haliga bono dabe me sese tama ulumainao. Te tama sese tama sia saibao. ⁶ Tama te pris bidigo te ni bų pedai dage me siyu, me te ni hisop dage me siyu, me te sipsip nisi be-deba yai siyu, tama elama te nai sela te kau kibu ulubo te isiba ula palao. ⁷ Tama nosali te pris bidi aga ugwa wę tedalama, tama aga tigiba wę gea palao. Pris aga te sę ela silama, tama aga te bidi bidibo pesage tomo-ba pomainao. Tiali goli, aga eno gedude meda elaluama, giliga iba dega saboba usu naibao. ⁸ Tama te bidi te kau ulali te bidi aga ugwa me wę tedalama, tama aga tigi wę me paugi pao. Tama aga me eno gedude meda elaluama, giliga iba dega saboba tama usu naibao," wali.

⁹ "Tama nosali, te bidi me eno gedude wiegi yai bidi pelama, te kau kibu ulali te isi sisi dulu sigi pelama, tama te bidibo pesage bulu badu eno gedude wiegi yai yai pesageba pelama, tede muao. Tama te sisi dulu te wiegi yai pesagede bugagia munalubadi, te Israel dabe augwaligo węba munama, tama augwali augwa digi wę telayu elama, tama eno gedude dolo isąma yali nai dabe sela sąmainao. Augwaligo te ebo kole-sagade augwali me wę paumainao, te sęęę sela sąwainogo. ^{††10} Tama te sisi dulu sali bidi agai aga ugwa me wę tedamainao. Tiali goli, aga eno gedude meda elalubadi, giliga ibaba dega saboba usu naibao. Te bomai po da tigidali sogo elaluyu, elalua paibao. Tama te Israel we bidigo, me te gasa we bidi te Israel bulude bidibo we bidi augwaligo me, te bomai po wali pomainao," wali.

Te we bidi wiegi yai ilibo bomai po

¹¹ Genuai Bidigo po geninama ma weyu, e tama po wali, "Ma, te bidi mego te isai bidigo tigiba dąwai yaibaso da, teda aga eno gedude meda elalubadi, 7 sogo tamaba usu nigi paibao. ¹² Tama te dei namba 3 me namba 7, te si sogo tomode agai te bidi wiegi yai ilibo te wę selama, aga tigide munama, tama aga eno gedude wiegi yai pedalaibao. Tiali goli, agai te namba 3 deide, me dei namba 7, tede agai te tama tisąma yali da, teda aga wiegi yai pedalogobeo. ¹³ Te bidi me deli aga te bidi me isai te bidigo tigi dąwai yaibaso da, tama agai aga digi eno gedude wiegi yai pedalisąma ebaso da, teda aga eno gedude meda elaluaibao. Magi baso meni. Augwaligo te bidi wiegi yai ilibo te wę selama, tama augwaligo agai tigiba sąsiąma ebaso. Te

† 18:21 Prs 27:30-33; Bom 14:22-29

†† 19:9 Hib 9:13

kolesagago Genuai Bidi eno ugwa be eno gedude meda ilibo dao. Tama tialima, te bidi eno we bidi hani tomode aga me bidigobeo," wali.

¹⁴ "Ma, te we me bidi me te olo ugwa be tomode isali da, tama te bidi isibode te bidi dabe te ugwa bede bididuali me, ma te bidi dabe te ugwa be tomoba asobaso da, augwali eno gedude meda elalubadi, a naga olama, si sogo tama usu naibao. ¹⁵ Tama me te tō sene, me dis dabe te po meniama te ugwa bede munaluali da, augwali te meda yaibao."

¹⁶ "Ma, bidi me te dulude ma kala silide bilibadi, te isai bidi tigi me dǰawai yaibaso da, te bidi ela muai bidi ma aga digi olo dali isai bidi dǰawai yaibaso, ma te damua pai bidigo dili dǰawai yaibaso, ma agai te gǰ pagede saǰa agawai yaibaso da, teda te bidi eno gedude meda yaibao. Tama aga meda elalubadi, a naga olama, si sogo tama elaluaibao," wali.

¹⁷ "Te isai bidi tigiba dagana sai bidigo meda sela saǰo kolesaga da, te e tama dao. Te so kau kibu ulali te sisi dulu meba sao, te we bidigo seǰe sela saǰabo, tama te tōgo nigai seneba muao. Tama tǰ dedage wēba pelama, tama te senebe wē tabia sao. ¹⁸ Tama te bidi me eno gedude meda isǰawai bidi, agai te ni hisop nologo dwasianu me selama, agai te nigo te wē selama, te bidi isali ugwa beba me, te we bidi tomode bidibo me, te ugwa be tomode elalubo doado bage seseba te wē segeni saǰao. Tama ma, te bidi aga te isai bidi tigiba nogo dǰawai ebaso, ma te bidi dili dǰawai ebaso, ma te bidi gǰ pagede saǰa agawaibaso da, teda te bidi eno gedude wiegi yai yai bidigo te wē segeni te bidi tigiba saǰmainao. ¹⁹ Te dei namba 3; te dei namba 7, te bubuga side te eno gedude meda isǰawai bidigo te wē segeni te eno gedude meda elalubo bidi tigiba te wē segeni saǰmainao. Tama te bidi aga homugo aga wiegi yai pedalainogo da, teda te bidi aga ugwa wē telayu, me aga digi aga tigiba wē geliyu emainao, tama te namba 7 deide te giliga ibaba dega sabo side aga wiegi yai pedalaibao. ²⁰ Tialima, te bidi me deli aga eno gedude meda elaluai bidi yaibaso, tama agai te meda isǰawai pedalobo te kolesaga isǰama ebaso da, teda aga eno gedude meda elalubo bidi me bidaibao. Magi baso meni, augwaligo te bidi meda isǰawai pedalobo wē aga tigiba saǰiama ebaso. Tama tibaso, aga wiegi yai me pedalogobeo. Tama agai Genuai Bidi eno ugwa be eno gedude dwai pedalaibao. Tialima, aga eno we bidi tomode me bidigobeo. ²¹ Te Israel dabe augwaligo te bomai po tigidali sogo wali peyu emainao. Tama te bidigo te bidi dabe tigiba te wē segeni tigiba saǰba, te bidi aga ugwa wē telayu yao. Tama bidi mego nogo te aǰba muani da, te bidi wiegi yai ma pedalobo te wēba nogo dǰani da, teda te bidi eno gedude meda elalubo bidi pedalaibao, tama te tama elalubadi, te giliga dega saboba usu nigi paibao. ²² Tialima, bidi me eno gedude wiegi yai isǰawai bidi te nai meba dagana saibaso da, teda te nai dabe eno gedude meda yai elaluaibao. Tama te niwai bidi me te naiba dagana sali bidi me te meda elalubadi, giliga dega saboba usu nigi paibao," te po wali.

Te we bidigo Genuai Bidi dali po hauwa wali

(Sai 17:1-7)

20 Te hasia wabo poluade te Israel we bidi sese te masigi kemi sane buluba saboligi pelama, tama augwali te bulu Kadesba bidigi pali. Augwali te bulu Kadesde bidibadi, te Miriam, te Aron Moses sigo abe, tede isali, tama augwaligo tede pubulali. ² Te bulude wē mu meni yai. Tama tibaso, te we bidi augwali Moses de Aron si pageba sisinigi pali. ³ Tama augwaligo Moses dali wado po hauwa weyu, e tama po wali, "Te usu igi dao, da te Genuai Bidigo ugwa be mesalode dena abagi dali isigi sogo da, usu igi dao. ⁴ Magi baso nago da e wa pai buluba odasa asaliwe? Nago homugo da me dago hasa dabe e bulude isimainogo yaliwe? ⁵ Tama me nago magi baso da Isip bulude odasa e dwai buluba odasa asaliwe? Dago te nai bulubo usu isǰama yabo digi? Te bulude te wiegi yai wit me te wiegi yai ni du dabe me menio. Me te ni wain me me menio, me te tuabo aǰ me menio," te po wali.

⁶ Moses de Aron sigo te po odama, tama te we bidi taga pelama, tama augwali si te Godigo ugwa be sunumiba doligi pali. Tama augwali si gesabidi aiyaba elama, degasa dulali. Augwali sigo te tama tibo si, Genuai Bidigo ula augwali siba pedelali. ⁷ Tama Genuai Bidigo Mosesbolo te po wali, ⁸ "Te Daǰ Wali Bomai Po Munolubo Halobage paǰe munalubo te dono selama, tama nage dali Aron dage sigo te we bidi sisinama, tama augwali gedude nago te u genuai masigi dali po walamama, tama wē tedu asaibao. Nago te tama tibo kolesagago te wē te masigidu asobadi, te we bidigo, me kau kibu, me sipsip, augwaligo te wē tumainao," wali.

⁹ Tama Mosesgo Genuai Bidigo po wali pelama, tama te dono sigi pali. ¹⁰ Tama Moses de Aron sigo te we bidi te moni genuai masigi pageba sisinigi pali, tama Mosesgo augwalibolo te tama po walali, "Odao, dage te po sela saǰbo we bidi dao. Te dago dagego wē te masigide saibawe?" ¹¹ Tama te Mosesgo te masigi dali po wabe. Menio. Agai te dono selama, si sogo te masigi elali. Tama moni aǰ te masigide pedalali, tama te we bidi, me augwa kau me sipsip dabego te wē tuali.

¹² Tiali goli, Genuai Bidigo Moses de Aron sibolo e tama po wali, "Megi da e sogo dage sigo eno po sela saǰnama, tama dage sigo enaba homu daǰ wabeo. Tama dage sigo eno bomo te Israel we bidibolo olamabeo. Tialima, duga si digi te Israel we bidi eno augwali te mawainogo po daǰ wali te buluba odasa pogobeo," te po wai.

¹³ Te seǰ te bulu Meribade pedelai dao, te da te Mosesgo te wē pedalumainogo yali te bulu dao. Te Meribade te Israel we bidigo Genuai Bidi dali te po hauwa mu wali, tama Genuai Bidigo te Israel dabebolo aga te holi, tedali gasagi yai, te magi meni yai mu dao olama te ola mayu, tama agai te po sela saǰbo kolesaga hagela ebo dao olama ola mani. †

† 20:13 Sai 17:1-7

Te Israel dabe augwaligo te Kades bulu tagalama, augwali te Jordan wẹba pali

(Daḡi 20:14–21:35)

Te Idom tuni bidigo Israel dabete Idom bulude bilibo habu selali

¹⁴ Te Israel dabe te Kadesde bidibadi, Mosesgo Idom tuni bidiba po sela pabo bidi meba taga palali. Augwaligo agabolo e tama po wagi pali, “Dago naga deli hanigo po sesebao. Te augwali te Israel dabe dao. Augwaligo nagebolo e tama tiwai po walali, ‘Nago koneani, dade te haniani sẹ pedalali nago koneani. ¹⁵ Tama nago koneani, dago waji dabe te Isip bulude kibu be hauwa mu bidai dao. Tama te Isip dabego da dali dwai sẹ eyu, augwali dali me dwai sẹ eyu yai dao. ¹⁶ Tama tibaso, dago Genuai Bidibolo i olama, da tau sao po wai dao. Tama agai dago i wabo odama, tama agai ensel bidi me taga palali. Tama ensel bidigo da Isip bulude selama, odasa asai dao. Tama megı da Kadesde bidibao, te nago kantri bogo badu elalubo bulu. ¹⁷ Tama tialima, nago da nago bulude bilabo usu dao waibawe? Da te wit gidu me wain giba da me, dago kau kibu dabe me, bogi pogobeo, me dago dagego tḡ dedage wẹ me me tugobeo. Da te moni sunumidu naga pelama, te nago kantri edelaibao,’ te Israel bage augwaligo te po ola tolali,” te Mosesgo tagala palali bidi dabego te Idom bagebolo te po wai. ¹⁸ Tiali goli, te Idom dabego Israel dabebolo e tama po wali, “Mu menio,” po wali. “Dage dago buludu me solamu dao,” po wali. “Ma, dage asali da, dago dage dali hwjaibao,” te po wai.

¹⁹ Tama te Israel dabego augwalibolo te po walali, “Da te moni sunumidu naga soaio. Tama ma, dago me dago kau kibu dabego dagego wẹ tubaso da, teda dago abelaibao. Da dagego kantridu soaio, te tama dao,” wali.

²⁰ Tiali goli, Idom dabego po bomo elama ma weyu, e tama po wali, “Mu menio. Dage me solamuo.” Tama augwaligo ami bidi hauwa me selama, te Israel dabe dali hwjainogo asali. ²¹ Te Idom dabego Israel dabe augwaligo buludu solamu dama habu selali. Tama tibaso, Israel dabego Idom bulu tagalama, gasa sunumidu pali.

Aron isali

²² Te Israel we bidi augwali Kades bulu taga pelama, tama Hor bulu duba pali, ²³ te Idom bulu sesege badu. Augwali te bulu dude bidibadi, Genuai Bidigo Moses de Aron sibolo e tama po wali, ²⁴ “Aron, nage eno te Israel dabebolo mawaibao wali te tḡba nage pogobeo, nage isaibao. Magi baso meni, dage sigo eno po te bulu Meribade sela sḡwai dao. ²⁵ Tialima, Moses, nago Aron de aga ogwa Eleasar si oda selama, tama dage te

Hor bulu duba holao. ²⁶ Tama nago Arongo pris ugwa dinama, Eleasar tigiba bulao. Magi baso meni, Aron aga te bulu dude tede isaibao,” te po wali.

²⁷ Tama Mosesgo Genuai Bidigo po wali pali. Tama agai te Aron de Eleasar si te bulu duba odasa peyu, tama holali. Tama te Israel dabe augwaligo te bage augwali pabo sualı. ²⁸ Augwali saboligi pelama, Mosesgo te Arongo pris ugwa pedama, aga ogwa Eleasargo tigiba gudulali. Tama Aron te bulu dude bidama isali. Tama nosali Moses de Eleasar si te bulu du taga solama, dulali. ²⁹ Tama augwali sigo tigidali we bidibolo e tama po wali, “Aron polo isalio,” po wali. Tama augwali sese agade gela odubadi, polua deli usu nani.

Te Israel dabego Kenan dabe dali hwjnama, Kenan dabe augwali aiyaba elaluali

21 Te hanu Arat tuni bidi te Kenan hani bidi, tama agai hanu te Kenan bulude saut badu elalubo. Te tuni bidigo te Israel dabe te Atarim bulu sunumidu asobo po odali. Tama tialima, te tuni bidi aga hani ami bidi dabe dali augwali te Israel dabe dali hwjigi pali. Tama augwaligo Israel hani bidi meba toulama, odasa pali. ^{†2} Tialima, Israel dabe augwaligo Genuai Bidibolo bomo yai po deli daḡ walali. Augwaligo e tama po wali, “Te nago dago te bidi hani dolomainogo sula tagaliyu da, teda dago te we bidi sese me, augwaligo hanu me, dago dola silama, te ofa nai tiwai nagebolo mabo tiwai me yaibao,” te po wai. ³ Tama te Genuai Bidigo augwaligo po odama, tama augwali tau selama, te Kenan dabe te Arat hanu dolomainogo yali. Tialima, te Israel dabego te Kenan dabe augwa hanu dabe dali mu dolama tagalali. Tama augwaligo te bulu Horma polali. ‡

Gula mani augwaligo brasgo nigali

⁴ Te Israel dabe augwaligo te Hor bulu du tagalama, te Akaba bulu badu te Retsi mama tamu wẹdu pabo sunumidu pali. Magi baso meni, augwaligo Idom tḡ taga painogo. Augwali pali pali dobaso, augwali sunumide hagela mu yali. ^{†5} Tama augwaligo Godibolo me Moses dali augwaligo wado po wali. Augwaligo e tama po wali, “Magi baso dagego da Isipde oda selama, e nai meni yai buluba odasa asaliwe? Da te nai meni yai kemi sane bulude isimainu yaliwe? Te bulude nai mu menio. Tama dago te dwai nai mana da, dago hagela mu yalio,” te po wai.

⁶ Augwaligo te wado po wabo Genuai Bidigo odali. Tama Genuai Bidigo dwai gula mani dabe taga palali, te Israel dabeba, tama te gula mani dabego te we bidi hauwa gaḡ kelama isilali. ^{†7} Tama te we bidi te Moses pageba aselama, e tama po wali, “Dago sẹḡ polo salio, te dago Genuai Bidi dali, me nage dali wado po walide. Megi nago Genuai Bidibolo gedu haluasa po wao, agai te gula mani sela sḡmainao,” wali. Tama

† 20:28 Sai 29:29; Nam 33:38; Bom 10:6 †† 21:1 Nam 33:40
‡ Te Hibru pogo te nogi Horma, te paḡe te ‘Mu dolai’ wabo, te po page tiwai dao. †† 21:4 Bom 2:1 †† 21:6 1 Ko 10:9

Mosesgo te we bidi tau somainogo Genuai Bidibolo gedu haluasa po wali.

⁸ Genuai Bidigo te gedu haluasa po wabo odama, tama agai Mosesbolo e tama po wali, "Nago te dwai gula manigo noma me nigilama, tama moni bobobage pos nide walao. Tama te mena we bidi augwali te gula manigo gaq kelali da, augwaligo te gula mani nomaba tonobode augwali me isigobeo. Menio, augwali usu ma yaibao," te po wai. ⁹ Tama Mosesgo te brasgo gula mani me nigilama, tama bobobage ni posde walali. Tama te gula manigo te we bidi gaq kelali da, teda augwaligo te bras gula maniba tonobo si da, augwali usu ma yali. †

Te Israel dabe augwali te bulu du Hor taga pelama, augwali te bulu Moapba saboligi pali

¹⁰ Te Israel dabe augwali te Hor bulu du taga pelama, tama te bulu Obotde bidabo pesage nigali. ¹¹ Nosali augwali te bulu Obot taga pelama, Abarimba bidabo pesage nigigi pali. Te bulu Abarim te dolama mu elaluali. Abarim te Moap bulude giliga asobo badu elaluali, te nai meni yai bulude elaluali. ¹² Tama nosali augwaligo te pesage taga pelama, augwali te Seret odogo buluba pesage nigigi pali. ¹³ Tama nosali augwaligo te we Arnon nogegi pelama, te Arnon we not badu augwaligo pesage nigigi pali, te nai meni yai bulude. Te nai meni yai bulu te Amor dabego buluba pai elaluali. Tama te we Arnonde daj yai elaluali. ¹⁴ Te po pusubo sege yaigo te Genuai Bidigo hwjani po te bulude tama naga po pusali. Agai te po wabo, "Te bulu Wahep te Sufa badu me odogo bulu, me Arnon we me te odogo bulu te hanu Arba usu nigi pelama, ¹⁵ me te bulu Moap badu daj igi pali badu usu nigi pali," te bukude te po tama elalubao. ¹⁶ Nosali augwaligo te bulu tagalama, tama augwali te bulu me augwaligo tq dedage we wabo te buluba pali. Te bulude te ulu we genuai deli elaluali. Tama te we Genuai Bidigo Mosesbolo e tama po wali, "Te we bidi i olama, tama augwali sisinagasobo si, eno augwali we mawaibao," wali. ¹⁷ Tama te sogo te Israel dabego te balia po wali,

"Ulu we, nago we pedalama soao.

Tama dago te sulama, tama dago wiegi yai homu pemene ebo balia po waibao.

¹⁸ Te tuni bidi dabe, me tobolu bidi dabe, augwaligo te tobolu bidigo dono me biliyu, sabilibo dono me nogo tolasali, tama augwaligo te ulu we digawali."

Tama nosali te Israel dabe augwaligo te nai meni yai bulu taga pelama, augwali te bulu Matanaba pali.

¹⁹ Tama augwali te bulu Matana taga pelama, te bulu Nahalielba pali. Tama nosali augwali te bulu Nahaliel taga pelama, augwali te bulu Bamotba pali. ²⁰ Tama augwali te bulu Bamot tagalama, augwali te bulu Moap te bulu du Pisga paba pali. Te bulu dudu te bidi dabego te nai meni yai buluba tonobo dao.

† 21:9 2 Kin 18:4; Jon 3:14

Te Israel dabe augwaligo te tuni bidi Sihon, me tuni bidi Ok si aiyaba elaluali

(Bom 2:26-3:11)

²¹ Nosali te Israel dabego te Amor tuni bidibolo po olama tolali. Augwaligo te po olama tolali, ²² "Dago homugo nago da nago buludu somainogo sula tagalao. Dago te sunumi me tagalama, da dagego giba me o wain giba me bogea peyu me egobeo. Tama me dagego ulu we dabe me tuyu me egobeo. Da te moni sunumide pedu genama, nago bulu taga pabo si, tama usu naibao," te po ola tolali.

²³ Tiali goli, te tuni bidi Sihongo te Israel dabe agai buludu soao homu ebeo. Tama agai aga ami bidi dabe sisinama, tama augwali te hanu Jahasba te nai meni yai buluba pelama, te Israel dabe dali hwigi pali. ²⁴ Tiali goli, Israel dabego te Amor hani hauwa me elama, augwaligo tq sali. Te we Arnondu gagalama, te not badu elalubo we Jabokba usu nigi pali. Teda te bulu Amongo bulu daj dao. Tama te Amon hanigo bomai ami bagego te bulu daj tonalubo dao. ²⁵ Tama te Israel dabego te hanu Hesbon me, te meba pade elaluali hanu dabe me, te Amor dabego hanu dabe sese tama sali, tama augwali te hanu dabede bidali. ²⁶ Hesbon te Amor tuni bidigo wiegi yai hanu mu dao. Polobadu te Sihongo te Moap tuni bidi dali hwinama, tama agai tq tigidali sese tama sai dao, te we Arnonba usu nigi pai dao. ²⁷ Te tama tiali pagede te teabi po wabo bidi dabego te teabi po e tama wai dao,

"Dage Hesbonba asao, tuni bidi Sihongo hanuba.

Dago homugo augwaligo te hanu Hesbon ma nigimaina,

tama aga bomo elama bidimainao.

²⁸ Polobadu te Sihongo ami bidi dabego

te hanu taga pelama, tama hanu Arba bomo elama hwigi pai, te bulu Moapba.

Te kala isi dabo tiwai yali.

Tama te ami bidi dabego hanu dolama, tama tobolu bidi

dabe mu silali,

te Arnon we sesegede te bulu dude bidali bidi dabe.

²⁹ Moap we bidi dabe, hobede mu dao.

Dage moni sege mu saibao.

Te we bidi dagego te tibo god Kemosba

lotu po wabo dao, dage mu tama dolaibao.

Dagego te god te we bidi dabe aga

wali asomainogo ebo god aga bulu taga pelama,

te wau bilibo bidi tiwai bilaibao.

Tama agai te Amor tuni bidigo dagego

we dabe pagea somainu ilaio,

tama augwaligo agai kalabus sege yali. ††

³⁰ Tiali goli, megi da, dago augwali

polo enani dao, te Hesbon hani bidi me,

te hanu Dibon hani bidi me.

Dago augwali mu dolama, taga pelama,

te hanu Nofaba usu nigi pali, te hanu Medeba paba."

†† 21:29 Jer 48:45-46

Te tɛɛbi po wabo bagego tama tɛɛbi po wai dao.

³¹ Tiali tama, te Israel dabego te Amor dabego hanu dabe selama, tama augwali te hanude bidali. ³² Tama nosali Mosesgo bidi dabe te hanu Jaserba tagala palama, tama te hanu dolabo sunumi wiegi yai gegali. Tama te Israel dabego te hanu Jaser dali hwjnama, tama augwaligo te hanu me, te hanu pade elaluali bulu dabe tama sali. Tama augwaligo te Amor dabe te bulude bidali bidi dabe sela sayani. ³³ Tama nosali te Israel dabe ma begelama, tama begasa te bulu Basanba pabo sunumi badu begasa pali. Augwali saboligi pabo si, te Ok, te Basan bulu tuni bidi, aga ami bidi dabe dali, augwaligo te Israel dabe dali te hanu Edreiba wabi hwjagasali. ³⁴ Tama Genuai Bidigo Mosesbolo te po walali, "Dage te tuni bidi Okde wi igimio. Magi baso meni. Eno dage tau selama, tama dagego aga aiyaba elaluaibao, tama dagego agai tɔ saibao. Dagego aga te Amor tuni bidi dolali yali gilama tiwai tama yao, te aga polobadu te Hesbon bulude tuni bidi bidali bidi," te po wai.

³⁵ Tialima, Israel dabe augwaligo te po wali pelama, augwaligo tuni bidi Ok, me aga ogwa dabe, me aga hani bidi dabe sese ela silali. Tama deli me bidibeo. Tama nosali Israel dabego augwaligo tɔ sali.

Te tuni bidi Balak de Balam sigo po

(Daj 22-24)

Moap tuni bidigo te Balam oda sigi pomainogo bidi dabe taga palali

22 Nosali te Israel dabe augwaligo te bulu taga pelama, te Moap dabego buluba mu augwa bidabo pesage nigigi pali. Te bulu mu te wɛ Jordan te sia asobo badu te Jeriko hanu u badu elaluali. ² Balak, te Siporgo ogwa, te Moap dabego tuni bidi dao. Agai te Israel dabego te Amor dabe dali yali wali po agai odali. ³ Tama aga dali aga hani bidi dabe augwaligo te Israel dabe suali, augwali hauwa mu yali. Tama augwali sese tama te Israel dabede wi mu yali. ⁴ Tialima, te Moap dabego te Midian dabe tobolu bidibolo e tama po wali, "Pɛwadage sogo mu tama te hanigo dago bulude elalubo nai dabe sese mu silaibao, te kau kibugo nosai tubo tiwai yaibao," te po wai. ⁵ Tama tialima, tuni bidi Balakgo te bidi Balambolo waligi pomainu bidi dabe tagala palali, te Beorgo ogwa, te aga te tuni bidi Balak suagasomainogo yai. Balam te hanu Petor te aj Yufretis pade bidali, te aga page bulu pade. Balakgo te bidi dabebolo te Balambolo e tama po wao po wali, "Ena Balak dao. Eno homugo nago konemainogo ebao, te we bidi hani me te Isip buludu aselama, te tigidali buluba mu usu nigi palio. Tama megida, augwali dago bulu pade bidibao, tiyu augwaligo dago bulu sidalio. ¹⁶ Augwali hauwa mu dao, tama dago augwali aiyaba elaluabo usu menio. Tama tialima, eno ho-

mugo nago te god dabe nogi olama, tama te god dabego augwali dolomainao. Tiali tama nago tama tiyu da, teda dago homugo dago augwali dali bomona hwjnama, tama augwali dago tɔde sela saɔwaibao. Eno koneani, nago te god dabebolo te we bidi bugagia bida wali te godigo tama tibo dao. Tama ma, nago te we bidi dolao wali da, teda te god dabego augwali tama dolobo dao," Balakgo te po Balamba ola tolali.

⁷ Tialima, te Moap de Midian tobolu bidi dabego te po te Balam pageba sela pali. Augwaligo te Israel dabe dolao omainogo abelabo mone dabe meba me sela pali. Tama augwali Balam pageba sabolama, tama Balakgo po agabolo pusali.

⁸ Tama Balamgo e tama po wali, "Dage megida hulide eno bede piao, tama dagebolo eno Genuai Bidigo wabo po dabe dagebolo do pusaibao," te po wali. Tialima, te tobolu bidi dabego Balamgo po odama, aga dali bidali.

⁹ Tama hulide God aselama, Balambolo te po hanalu wagasali, "Te mena bidi dabe nage dali bidibowe? Augwali magi sɛ yainogo asaliwe?" wali.

¹⁰ Tama Balamgo Godibolo te po walali, "Balak te Moap tuni bidigo augwali eba taga palali, tama augwali enabolo te po pusainogo asali, ¹¹ te we bidi hani me deli Isip bulu tagalama, tama Moap bulu tigidali usu nani wabo po pusainu asai dao. Tama agai homugo eno te god dabebolo olama, te god dabego augwali dolama, tama agai te bage dali bomo elama hwjnama, augwali sela saɔwaio wali," Balamgo te po wai.

¹² Tiali goli, Godigo Balambolo te po wali, "Nage te bidi dabe dali me pelamu dao, tama nago te Israel dabe dolao po me wagi pelamu dao. Magi baso meni, ena augwali dali bidama, augwali eno bugagia tonaluai dao," wali.

¹³ Tialima, kigamu te Balam te Balakgo tuni bidi dabe pageba pelama, te po wali, "Dage naga duga buluba ma piɔ. Ena me pogobeo. Genuai Bidigo ena dage dali pigio homu yalio."

¹⁴ Tialima, te bidi dabe augwali Balak pageba pelama, te po wagi pali, "Balam da dali asobo hagela yalio," te po wai.

¹⁵ Tialima, nosali Balakgo te tobolu bidi dabe te hasia pali bidi dabe tobolu bidi nogi edelai bidi dabe hauwa mu i olama asali. ¹⁶ Tama agai augwalibolo agai po Balambolo pusigi pomainu yali. Balakgo po e dao, "Balam, nage ena pageba tama asao. Eno homugo nage magi nai mego nage daɣ omainu igio homu ebao.

¹⁷ Nage aselama, tama nage eno nai dabe hauwa mu menama, tama nago homugo enabolo ya wabo nai dabe sese tama eno yaibao. Tama tiali, eno homugo nage aselama, tama te we bidi dolabo bomai po nago wagasao," Balakgo te po ola tolali.

¹⁸ Tama augwali pelama, sabolama, te po Balamba pusali. Tiali goli, Balamgo te Balakgo sɛ bidi dabebolo te po wali, "Te Balakgo ena agai be te silva de gol sigo paɣanama, tigidali mobadi me tagalao. Eno Godigo po me sela saɔobeo. Te eno Genuai Bidigo magi nai me dabede me sela saɔobeo. ¹⁹ Tiali goli, dage eno bede

hulide piao, te hasia asali bidi dabego yali gilama, tama eno suaibao, Genuai Bidigo enabolo po meba me magowe nama suaibao, ma meni yaliwe suaibao," te po wai.

²⁰ Tialima, te sogo hulide God Balam pageba aselama, te po agabolo wagasali, "Te bidi dabe aselama, nage augwali dali pinao olama, hanalu wagasali dao. Tiali megida, nage augwali dali pagameo. Tiali goli, nago tigidali sę eno nagebolo wabo te sę naga yagameo. Nago gasa sę dabe me naga homugo me elamuo," wali. ²¹ Tama tiali, kigamu Balam aga kibu donkide dualama, te Moap tuni bidi dabe dali pali.

Balam aga donki dali sębę yali

²² Balam aga hogodasa pabode, Godigo aga dali sębę yali. Balam aga donkide dualama peyu, tama aga sę ebo bidi si aga dali peyu yali. Tama Genuai Bidigo ensel sunumide dolaluyu, sunumi palialuali. ²³ Te enselgo bainat hwa tolaluyu, sunumide dolalubo suali, tama tibaso donkigo sunumi tagalama, bogu badu pali. Tama tibaso, Balamgo aga donki elama, sunumba ma tagala palali. ²⁴ Tama nosali te ensel ma pelama, te wain gi si elalubo sunumi tomoba doligi pali. Tama te pesagede da, te sunumi pena sai madi, te masigigo te obo yai madi te sunumi sesege si tama badu.

²⁵ Donkigo ensel dolalubo suali, tama tibaso donki te oboba mu dagana sali madi te Balamgo saęa pena sali. Tama tibaso, Balamgo donki ma elali.

²⁶ Tialima, te ensel polasa ma pelama, te sunumi dwasianu mu yai digi doligi pali. ²⁷ Tama te donkigo te ensel subaso, agai koneani, agai te ensel edelegobe homu koneama, tama aga te sunumide pigiluali. Tama tibaso, Balam aga sębę elama, te donki kibu wabi dage selama elali. ²⁸ Tama Genuai Bidigo donki kibu po omainu ilali, tama donkigo Balambolo te po wali, "Eno nage dali magi sę ebaso, nago ena sela sogo elaliwe?"

²⁹ Tama Balamgo donkibolo te po wali, "Nago ena te polai bidi tiwai gagalalio. Tama tibaso, eno nage sela sogo elalio. Ma, eno bainat hwa tolalugi sogo da, eno nage ela mugida." ³⁰ Tama donkigo te po wali, "Ena naga donki mu dao, tama nage enade nage gesi bidide gagalama dualasa bilibadi, megiba tama te usu nagasobao. Eno te tobage sę nage dali hasia me yai dawe? Ma meniwe?" Tama Balamgo menio wali. ³¹ Tama Genuai Bidigo Balamgo te ensel bainat tolaluyu sunumide dolalubo sumainogo ilali. Tama polo tama Balam gesabidi aiya-ba elama, tęba degasa dulali.

³² Tama enselgo agabolo te po walali, "Magi baso nago naga donki sela sogo tama elaliwe? Odao. Eno nago sunumi paliainu asai dao. Magi baso meni, nage pabo eno wiegi yai homu ebeo. ³³ Tiali goli, nago donkigo ena sulama, sela sogo te gasa badu pai dao. Ma, te donkigo tama tigi meni sogo da, eno nage ela munama, donki naga tagaligi dao," te po wai.

³⁴ Tialima, Balamgo Genuai Bidigo enselbolo te po wei ponani, "Eno dwai kolesaga yalio. Eno konebeo, nago ena elainu sunumide dolalubo eno subeo. Tama

tialima, megida nago ena pabo godolo isama ebaso da, teda ena ena buluba ma geasa paibao," wali.

³⁵ Tiali goli, enselgo agabolo te po walali, "Te usu dao, nage te bidi dabe dali pao. Tiali goli, eno nagebolo mabo po naga pusao. Nago gasa po me pusulamuo." Tama te Balam te Balakgo tobolu bidi dabe dali pali.

Balakgo Balam asobaso, wiegi yai homu pemene yali

³⁶ Nosali Balakgo Balam asobo po odali. Tama tibaso, aga pelama, te Balam te hanu me wę Arnon paęde elalubo hanuba pali, te Moap bulu dęba Balam tęba pali. ³⁷ Tama Balakgo Balambolo te po walali, "Odao. Hasia eno bidi dabe tagala palama, nage odasa polo asomainu yai goli dao, tiali goli nage magi baso asobo hagela yaliwe? Nago homugo nage eno mone dabe hauwa magobe homu yaliwe?"

³⁸ Tama Balamgo te po wali, "Tagalao, eno megida asali dao. Tiali goli, eno God aga digi ena mabo po naga pusai-bao, te tama deli naga. Eno gasa po me wabo bomono eno menio," wali.

³⁹ Tialima, Balam te Balak dali te hanu Husotba pali. ⁴⁰ Tama Balakgo te kibu kau me sipsip elama, ofa eyu, tama mi dabe meba te Balam dali me aga dali te bidali te tobolu bidi dabebolo mani.

Balamgo hasia profet po pusali

⁴¹ Te kigamu Balakgo Balam te hanu Bamotbalba obaba odasa pali. Tama Balam doligi pelama, Israel dabe bugwai meba ade bidalubo suali.

23 Tama agai Balakbolo te po wali, "Eno homugo nago ede te 7 alta nigilama, tama 7 kau kibu omai, me 7 sipsip kibu omai sesao." ² Tama Balakgo te Balamgo agabolo wali po wali tama pelama, tama yali. Tama aga dali, Balam dali augwali sigo te kau kibu me sipsip kibu te deli deli altade ofa yali. ³ Augwali sigo ofa ela silama, Balamgo Balakbolo te po walali, "Nage te isigo sese dela silibo ofa pagede dolalua, tama ena uba paibao. Eno homugo Genuai Bidigo ena teba tęba asogowe, ma meniwe, eno konebeo. Ma, aga aselama, enabolo magi nai me ola magasobaso da, teda eno nagebolo waibao," wali. Agai te po olama, aga te bulu duba ugwaba holali. ⁴ Tialima, Godigo Balam tęba asali. Tama Balamgo Godibolo te po wali, "Eno a naga olama, si alta nigilama, tama a naga olama, si kau kibu omai, me sipsip kibu omai a naga olama, si deli deli altade ofa yalio," te po wai.

⁵ Genuai Bidigo te po odama, agai Balambolo te po wali, "Nage Balak pageba ma pelama, e po agabolo wagi pao." ⁶ Tiali aga ma pelama, suali, Balak te Moap bulu tobolu bidi dabe dali dolalubo suali, te isigo dela silibo ofa paęde dolalubo suali. ⁷ Tama Balamgo augwalibolo profet po pusuyu, te po wali,

"Balak, te Moap tuni bidigo, ena odasa asai dao. Agai ena Siria bulu oda selama asali, te giliga asobo badu bulu dude, tama ena asali. Agai te po wali, 'Eno homugo nage aselama,

e god dabego te Jekopgo hani bage dolabo po pusagasomainao,' po wali.
 'Asao, nago te Israel dabeba dwai sę pedalumainogo eyu,
 nago naga po wao,' te po wali.
⁸ Tiali goli, Godigo augwali dolomainao po wabeo. Tama magi baso eno tama wabo usu yaibawe? Godigo augwali po tų me ela mabeo. Tama magi baso eno augwali po tų ela magawe?
⁹ Ena te masigi bulu du te bulu dude dolaluyu, eno augwali suali. Ena ugwadu bidiyu suali, te we bidi augwali tedali bugagia bidibo suali. Godigo augwali bugagia tau siyu, tama augwaligo koneani, augwali gasa we bidi hani dali deli menio homu yalio. †
¹⁰ Te Israel hani waji augwali hauwa mu, te tų hogomu tiwai mu pedalaibao. Dego mu augwali meba naga nedaibawe? Te bidigo usu me egobeo. Eno homugo ena te Godigo we bidi tiwai pedalaibao. Tama eno homugo ena tama bida bida pelama, ena isiboba usu nigi paibao. Mu tamao, ena tabi nagame elama, bidama isaibao, te doloba pai we bidi hani yali gilama," wali.
¹¹ Balakgo te po odama, tama agai Balambolo te po wali, "Magi baso nago te tobage kolesaga ena dali ebawe? Eno nage odasa asali da, nago te Godigo eno te boi bidi dabe dolao po omainogo yai. Tiali goli, nago te sę ebeo. Menio. Nago ma augwali bugagia bidimainao po naga wali."
¹² Tama Balamgo po wei ponoyu, te po wali, "Hobede mu dao. Tiali goli, eno te Genuai Bidigo enabolo mani te po naga nagebolo pusa mawaibao. Eno gasa po me pusugobeo," te po wai.

Balamgo profet po si wagi soali

¹³ Tama nosali Balakgo Balambolo te po wali, "Ena dali asao, da si gasa buluba me pinao. Tama nago te Israel dabe pade mu me bidibo suagameo. Nago tigi-dali mu sugobeo. Tama nage tede dolaluyu, augwali dolabo po wagameo." Balakgo te po wai. ¹⁴ Tama agai Balam te bulu Pisga te bulu duba dolo pali, te augwaligo te bulu aiyaba tonabo usu yai madi. Tama agai 7 alta nigilama, tama kau kibu omai 7; sipsip kibu 7 tama, te deli deli altade ofa yali. ¹⁵ Tama Balamgo Balakbolo te po wali, "Nage e isigo ula silibo ofa pagede dolaluaao, tama ena God uba sugi paibao," wali. ¹⁶ Tama Balam agai pelama, Genuai Bidigo agai sulama, tama agai wabo po pusa mani. Genuai Bidigo Balambolo te po wali, "Nage pelama, Balakbolo te po agabolo pusigi pao." ¹⁷ Tialima, aga ma pelama, te Balak te Moap tuni bidi dabe dali te isigo sese dela silibo te ofa pagede dolalubo suali. Tama Balakgo Balambolo hanaluyu, te po wali, "Genuai Bidigo nagebolo mena po maniwe?"

† 23:9 Gag 12:3; 49:9

¹⁸ Tama Balamgo te pusabo po pusali, "Balak, hodaluaao, odao. Siporgo ogwa, eno megi e pusainogo ebo po odao. ¹⁹ God da, aga te tųde bidi mu menio. Godigo da bidigo yali gilama ili po me wabo menio. Agai homu da bidigo yali gilama me hasegelebo menio. Mu menio. Te agai magi sę me yainogo eyu, po dąų wali da, teda agai tama ebo dao. Agai te po wabogo naga te sę tama pedalobo dao. ²⁰ Godigo enabolo te po pusumainao po wali, 'Te Israel dabe bugagia bidaibao.' God aga digi augwali bugagia bidimainu ilibo dao, tama eno hasegelebo usu egobeo. Mu menio. ²¹ Te Israel dabeba pedelainu ebo sę eno suali, te augwali dali dwai sę elama, dolabo sę menio. Te mu menio. God augwa Genuai Bidi augwali dali bidibao, tama augwaligo te po wali, aga te augwaligo tuni bidi dao po walio. ²² Godigo augwali Isip bulude oda selama, asali dao. Tama augwaligo bomo te bomo yai bulu uni kau kibugo bomo tiwai dao. ²³ Ma, te boi bidi dabego pobi weyu, me kebele aulama augwali elali da, tego augwali me dologobeo. Tama tialima, megi te gasa we bidigo te Jekopgo hani dabede te po waibao, 'Te Godigo Israel bage augwali tau sainogo genuai sę dabe mu yali suaoo.' ²⁴ Israel dabe te boma pai uni yowi laion tiwai dao. Aga toma polo tubo menio. Agai te hasa elama, mi pepedama tuyu ebo dao, tama te hasa dabego kaneme me tubo dao, tama nosali aga toma tubo dao." ²⁵ Te Balakgo te po odama, Balambolo te po walali, "Te nago te Israel dabe dolomainao po wagobe wida, teda nago Godigo augwali bugagia tau saibao po me wagio," wali. ²⁶ Tama Balamgo te po wei ponoyu, te po wali, "Hasia eno nagebolo polo wai dao, te Genuai Bidigo enabolo yao wabo sę naga eno wali paibao po wai dao. Tama nago odai meniwe?" Te po wai.

Balamgo profetgo po sela wagi soyu wali

²⁷ Tialima, Balakgo Balambolo te po wali, "Nage ena dali asao, tama nage eno gasa bulu meba odasa paibao. Tiali, te Godigo nage te gasa bulude dolalubo sulama, tama agai nago te Israel dabe dolao wabo po omainu sula tagalaibawe, ma meniwe, te dago sueibao," te po wali. ²⁸ Agai po ola silama, Balam te bulu du Peor peduba odasa pali. Bidi te bulu dude dolaluyu, te nai meni yai wa pai bulu sese tigidali sula silaibao. ²⁹ Tialima, Balamgo agabolo te po wali, "Eno homugo nago te a na-

ga olama si alta e pesagede nigao. Tama te a naga olama si kau kibu omai, me sipsip kibu a naga olama si omai ena pageba sesao," wali. ³⁰ Balakgo te po odama, agai Balamgo wali po tiwai tama wali pelama yali. Tama agai te kau kibu me sipsip kibu deli deli te deli deli altade ofa yali.

24 Megi da, Balam agai koneani, Genuai Bidigo Israel dabe dali wiegi yai kolesaga yainogo ebo suali. Te tama tibaso, aga pelama, Genuai Bidibolo hasia yali gilama agabolo te po ola momainu me hanalube. Menio. Aga begelama, nai meni yai wa pai buluba tonani. ² Tama agai deli deli Israel hani dabego ugwa be dabe waselama, elalua pabo suali. Te Godigo Mobo Bidi agaba aselama, ³ tama agai te profet po pusuyu te po wali,

"Eno e po odao.

Ena Balam, te Beorgo ogwa dao.

Eno gedu wiegi yai mu elama,

tama eno bugagia mu tonono bilibo dao.

⁴ Tama eno Godigo pusubo po odobo dao.

God Tigidali Bomo Elalubo Bidigo

te nade ebo sę tiwai enade pedalobo dao.

Tama eno bomonama mu tonama,

te nai dabe eno hania mu subo dao.

⁵ Eno te Israel dabego ugwa be sualio,

tama te wiegi yai mu dao.

⁶ Te ugwa be dabe bugagia dolo wasilama,

te ni det bobobage nani dabe tiwai dao.

Me, te genuai wę sesegede elalubo gi tiwai dao.

Me, te Genuai Bidigo bulai wiegi yai ni alo tiwai dao,

me te ni bę te wę sesegede elalubo tiwai dao.

⁷ Te tulubage hauwa te Israel buluba tulaibao.

Tama te Israel dabe augwa nai dabe te

wiegi yai tęde bulaibao.

Te Israel dabego tuni bidigo bomo me genuai nogigo

te Agak tuni bidigo nogi aiyaba elaluaibao.

Tama Israel dabego tuni bidigo

we bidi hani hauwa mu tonaluaibao.

⁸ Godigo augwali Isip buludu oda selama,

augwali eba odasa asai dao.

Godigo te bulu uni kau kibu omai tiwai

bomonama elama, tama Israel dabego

boi bidi dabe aiyaba elalubo dao.

Tama tialima, te Israel dabego te boi bidi dabego

ene dolama, augwaligo dili mia sęwaibao.

⁹ Israel dabe te boma pai laion tiwai dao.

Te aga pilamubadi da, te bidi me deligo aga

hodolobo

usu egobeo.

Ma, te bidi mego Godigo te Israel dabe dali

wiegi yai sę yao po wali da,

teda eno homugo Godigo te bidi dali wiegi yai sę yaibao.

Ma, te bidi me deligo Godigo te Israel dabe dolomainao

po wali da, teda eno homugo

Godigo te bidi dolaibao," Balamgo te po wai.

¹⁰ Balakgo te po odama, aga sębę mu elama, aga no-
go si elali. Tama agai Balamgo te po walali, "Eno
nage i olama asali da, nago eno boi bidi dabe dolao po
omainogo i wai dao. Tiali goli, nago sela sogo augwali
bugagia bidaibao po walio. ¹¹ Teda tagalao, ena hagela
ebo. Nage naga buluba megi ma pao. Hasia eno mone
dabe hauwa nagebolo mawaibao po wai dao. Tiali goli,
Genuai Bidigo nago sunumi palialigo da, nago sogobeo," wali.

¹² Tama Balamgo te po wei ponoyu, te po wali,
"Odao. Eno nago ena oda sagasomainu taga palali bidi
dabebolo eno polo wai dao, ¹³ te nago te gol me silva
dabe te tuni bidigo bede selama, ena mobaso me
tagalao. Eno ena homugo sę me egobeo. Tiyu, eno
Genuai Bidigo po sela sędalio. Eno te Genuai Bidigo
enabolo pusao wali po naga pusaibao," Balamgo te po
wai.

Balamgo sabi simanigi soyu wali profet po

¹⁴ Tama Balamgo Balak dali po genina ma weyu, te
po wali, "Megi ena ena we bidiba ma paibao. Tiali goli,
eno nagebolo te Israel dabego nago we bidi dali nosali
yabo sę po nagebolo pusaibao." ¹⁵ Tama agai te profet
po pusali,

"Beorgo ogwa Balam, eno te po odao.

Eno gedu wiegi yai mu elama,

tama eno bugagia tonono bilibo dao.

¹⁶ Tama eno Godigo pusubo po eno odobo dao.

Tama eno God Dagalude Bidibo Bidigo

mabo kolesaga sabo dao.

God Tigidali Bomo Elalubo Bidigo

enabolo te nade ebo sę tiwai enabolo haninani,

tama eno te nai hania mu suali.

¹⁷ Eno te nosali yabo sę dabe

naga suali, te sę megi pedalugobeo.

Tama eno te Israel dabe bidibo suali.

Te bidi me deli te bomo dali genuai nogi yai bidi

te Israel hani dabego tuni bidi pedalaibao.

Tama agai te Moap tobolu bidi dabe dali

bomona mu hwjaibao,

tama augwaligo tobolu dili aluaibao,

tama agai te Setgo hani wę dabego

tobolu dili dolama tagalaibao.

¹⁸ Agai te aga boi bidi dabe te Idom bulude dolama,
tama augwaligo tę saibao.

Tama te Israel dabego bomonama,

aga Seir boi bidi dabe augwali aiyaba elaluyu

yaibao.

¹⁹ Tama te Israel dabego te boi bidi dabe agalama,

tama augwali mu dolaibao,

tama augwali deli me bidigobeo," wali.

²⁰ Tama te Balamgo te nade suali nai dabe po, te
Amalek dabe suali po te profet po augwalide pusali.

Agai te po wali,

"Te Amalek dabe te bomai bidi hani

me deli bidai dao.
Tiali goli, augwali nosali mu dolaibao.”

²¹ Tama te nade suali te profet po te Kin hani bidi dabe po augwalide pusali. Agai te po wali,

“Dagego te bidibo pesage
te wiegi yai bomai pesage me deli dao.
Dage te ba kemodagego be
te bulu du te masigi yai bulude
elalubo be tiwai dao.

²² Tiali goli, nosali te Asiria dabego
dage dali hwjagaselama, dage dolama,
tama dage Kin hani dabe kalabus elama,
odasa paibao.”

²³ Tama Balamgo profet po me deli pusuyu,
te po wali,

“Tiali, Godigo te tobage kolesaga eyu da, teda de mu
bugagia bidaibawe?

²⁴ Te Saiprus dabego te sip geba sela aselama,
tama te Asiria de Eber dali hwjnama,
augwali aiyaba elaluaibao.
Tiali goli, Saiprus dabe me mu tama hagawaibao.”

²⁵ Balamgo te po polo ola silama, tama aga buluba
ma geasa pali, tama Balak me aga buluba ma pali.

Te Israel dabe augwali te Sitim bulude bidiyu, te Kenan tq sabo kegaluali

(Daj 25-36)

Te Israel dabego tibo god Balba lotu po wali

25 Te Israel dabe augwali augwa pesage te odogo
bulu, te bulu Sitim tede bidiyu, te Israel dabego
te Moap we dabe te bulude bidali we dabe dali penane
sę ebo gagalali. ² Tama te we dabego te Israel dabe te
Moap dabego te tibo godibolo ofa elama, lotu po
wabo pesageba odasa pali. Tama te Israel dabego te
ofa yali nai tulama, tama tibo godiba lotu po wali.
³ Tama te kolesagago te Israel dabego tibo god Bal
wali pali, te Peor bulu dabego tibo god. Tama tibaso,
Genuai Bidigo augwali dali sębę yali. ⁴ Tama agai
Mosesbolo te po wali, “Dage Israel dabego duga to-
bolu bidi dabe selama, tama te dwai sę yali bidi dabe
selama, te niba walama, bidi gesabidide ela muao, te
we bidi dabego augwali suaibao. Dagego te tama tiyu
da, teda eno te tigidali we bidi dabe dali moni sębę me
ma egobeo,” wali.

⁵ Tialima, Mosesgo Israel dabe tobolu bidi dabe dali
te po wali, “Dage deli deligo duga hani bidi te Peor bu-
lugo tibo god Balba lotu po wabo bidi ela muao,” wali.

⁶ Moses te we bidi dabe dali augwali te Godigo ugwa
be sunumide bidiyu, gela odubadi yaide, tama aug-
waligo suali, te Israel hani bidi me deligo te Midian we

me deli odasa, aga ugwa be tomoba odasa soabo su-
ali. ⁷ Tama te Finias, te pris bidi Arongo ogwa Eleasar-
go ogwago augwali si suali. Tialima, agai te we bidi
taga pelama, tama polo pelama, aga sesemone sigi
pali. ^{8,9} Tama aga te we bidi si wali pelama, te ugwa be
tomoba tula pelama, te we de bidi si hodobo agai
sesemonego enani. Genuai Bidigo dwai gasi me te Is-
rael we bidibolo menama, tama 24,000 we bidi te gasi
selama isali. Tiali goli, Finiasgo te we de bidi si ela
mubo si, te gasi sia sali.

¹⁰ Tialima, Genuai Bidigo Mosesbolo te po wali, ¹¹ “Te
Finiasgo te si elalio, tama tibaso eno te Israel we bidi
dali sębę menio. Magi baso meni. Agai homugo te Is-
rael dabego te tibo godiba lotu wabo hagela mu yali.
Agai bomogo augwali ena deliba naga lotu omainao
olama bomo yali dao, te eno ena homugo emainao
wali gilama tama. Tama tialima, eno tigidali we bidi
mu dolai menio. ¹² Tama tibaso, megi nago agabolo te
po wao, eno aga dali megi mu kęą pobao, te ena aga
abagi tigidali sogo bidaibao. ¹³ Tama tialima, aga aga
waj wai dabe augwali pris sę sesemane sogo elalua
pidu mu elalua paibao. Magi baso meni. Agai homugo
te Israel dabe ena hasegelama, te tibo godiba lotu
wabo hagela mu yalio. Tama agai te we bidi dabego
sęęę sela sayabo sę me deli yalio,” te po wai.

¹⁴ Simri te Finiasgo te Midian we dali hodobo elama
isilali Israel bidi dao. Simri te Salugo ogwa dao. Tama
te Salu te Simeon hani bugai mebago tobolu bidi dao.

¹⁵ Tama te Midian wego nogi te Kosbi dao, tama te
Kosbi aga aya nogi te Sur dao. Tama te Sur te Midian
hani mego tobolu bidi dao.

¹⁶ Tama Genuai Bidigo Mosesbolo te po wali, ¹⁷ “Dage
te Midian dabe dali hwjgi pelama, augwali doligi piąo.

¹⁸ Magi baso meni. Augwaligo te Peorde yali te ili po
walide augwaligo dage dali dwai kolesaga yai dao. Me
te Kosbigi yali dwai kolesagago me dage dolai dao.
Kosbi te Midian bulu we dao, te Finiasgo te ela muani
we dao, te moni gasi me deli te Israel dabede ebaso
elali we dao, te Peorde.” Genuai Bidigo te po wai.

Si wagi soayu augwaligo Israel dabe nedali

26 Te genuai gasi silama, tama Genuai Bidigo
Moses de Arongo ogwa Eleasar sibolo te po
wali, ² “Megi da, nago te Israel hanigo waj hani bidi
dabe sese tama nedao. Teda te kibu be nogo si saęą si
yai bidi dabe, me te nogo si saęą si edelai bidi dabe
me nedao, tama augwali ami bidi nigabo usu yai sao,”
wali. ^{3,4} Tialima, Moses de Eleasar sigo Genuai Bidigo
po wali pali. Tama augwali sigo te bidi dabe te kibu be
nogo si saęą si, me te kibu be edelai bidi dabe i wali.
Tama augwali te Moapde dola pai buluba sasinagasali,
te wę Jordan sesege badu, te hanu Jeriko pąde. Aug-
waligo te Isip tagalama asali bidi dabe nedao po wali,
tama augwaligo namba e tama dao.

⁵ Ruben te Jekopgo gomunai ogwago hanigo waj aga
hani mu e tama elaluali, Hanok, me Palu, ⁶ me Hesron,
me Karmi. ⁷ Te hani me si me si bidi dabe te 43,730 te
elaluali. ⁸ Te Palugo ogwa te Eliap dao. ⁹ Tama te Eliap-

go ogwa te e dao, te Nemuel, me Datan, me Abiram. Tama polobadu te we bidigo te Datan me Abiram si to-bolu bidi bidimainogo sa muai dao. Tiali goli, augwali si te Moses de Aron si dali hagoma elama, augwali si Kora hani dali taluama, augwali sesego Genuai Bidi dali dwai hagoma kolesaga yali. ¹⁰ Tialima, te t̄o to-mode si peda pelama, moni dedage nigilama, tama te bidi augwali sese tama te dedageba tulaluama, tama t̄o ma madu selama, augwali mesegelai dao. Augwali te Kora dali tama isali, tama te sogo me te 250 bidi aga wali pali bidi te isigo dolali. Tama te kolesagago te Godigo bomai homu kolesaga mu te we bidi mani, te augwaligo me te dwai kolesaga wali pidali weyu. ¹¹ Tiali goli, te Korago ogwa dabe te dolali sogo isai menio.

¹² Te Simeon aga hani meba e tama elaluali, te Nemuel, me Jamin, me Jakin, ¹³ me Sera, me Saul dao.

¹⁴ Tama te a naga hani deligo da te 22,200 bidi elaluali.

¹⁵ Te Gat hani bidi dabe augwa hani meba e tama elaluali, te Sefon, me Hagi, me Suni, ¹⁶ me Osni, me Eri, ¹⁷ me Arot, me te Areli dao. ¹⁸ Tama te a naga olama si hani deligo te 40,500 bidi dabe elaluali.

¹⁹⁻²¹ Te Juda hanigo aga hani meba e tama elaluali, Sela, me Peres, me Sera, Hesron me Hamul, Peres te Hesron de Hamul sigo aya dao. Polobadu Judago ogwa si me te Er me Onan si te bulu Kenande isai dao. ²² Te a naga hani deligo te 76,500 bidi dabe tama elaluali.

²³⁻²⁴ Isakar aga hani meba te tama elaluali, te Tola, me Puva, me Jasup, me Simron. Te Puva aga hani augwa digi augwa nogi te Pun nogi yali. ²⁵ Te me si me si hani deligo te 64,300 bidi tama elaluali.

²⁶ Te Sebulun hanigo hani meba e tama elaluali, te Seret me Elon me Jalel. ²⁷ Te hani selago bidi dabe te 60,500 tama elaluali.

²⁸ Te Josepgo hani si elaluali, te Manase me Efraim. ²⁹⁻³⁰ Te Manase hani te e tama dao. Te Makir te Manasego ogwa dao, te Gileatgo aya. Tama te Gileatgo w̄aj dabe deli hani da, te e tama dao, te Ieser, me Helek, ³¹ me Asriel, me Sekem, ³² me Semida, me Hefer.

³³ Selofehat, te Hefergo ogwa, agai ogwa meni. Agai te wegi mani naga elaluali. Augwaligo nogi e tama dao, Mala, me Noa, me Hokla, me Milka, me Tirsa. ³⁴ Te a naga olama deli te Manase w̄aj hani deligo te 52,700 bidi dabe tama elaluali.

³⁵ Te Efraim hani w̄aj deligo da e tama elaluali, Sutela, me Beker, me Tahan. ³⁶ Tama Sutela te Eran hanigo w̄aj dao. ³⁷ Tama te hani w̄aj deli selago da te 32,500 bidi tama elaluali. Te Manase hani de Efraim hani augwali sigo w̄aj deli dao, te Josep dao.

³⁸ Te Benjamin hanigo w̄aj e tama elaluali, Bela, me Asbel, me Ahiram, ³⁹ me Sefufam, me Hufam. ⁴⁰ Tama te Art me Naman augwa w̄aj te Bela dao. ⁴¹ Tama te hani w̄aj a naga augwaligo te 45,600 bidi tama elaluali.

⁴² Te Dango te aga hani w̄aj deli tama elaluali, te Husim dao, ⁴³ tama te hanigo te 64,400 bidi tama elaluali.

⁴⁴ Te Aser hanigo w̄aj te e tama elaluali, te Imna, me Isvi, me Beria. ⁴⁵ Tama te Beria te Heber de Malkiel sigo w̄aj dao. ⁴⁶ Asergo wegi deli dao, te wegi nogi te Sera dao. ⁴⁷ Te deli w̄aj selago te 53,400 bidi tama bidali.

⁴⁸ Te Naptali hani w̄aj te e tama elaluali, Jasiel, me Guni, ⁴⁹ me Jeser, me Silem. ⁵⁰ Te deli w̄aj me si me sigo te 45,400 bidi dabe tama elaluali.

⁵¹ Tialima, te Israel dabe namba sese tama te 601,730 bidi dabe tama elaluali.

⁵² Nosali Genuai Bidigo Mosesbolo te po walali, ⁵³ "Megi da, eno homugo nago te deli deli hani bidi w̄ajgo we bidi dabe namba usu nama, augwali t̄o nosali dobayao. ⁵⁴⁻⁵⁶ Nago te t̄o togola dobayainu, te satu gagali yao. Tama te we bidi hauwa elaluali we bidi haniba te t̄o genuai togola mao, tama te we bidi dwasianu yali we bidi haniba te t̄o dwasianu tama togola dobayao," te po wai. †

⁵⁷ Te Livai hanigo w̄aj te dao, Gerson me Kohat me Merari. ⁵⁸ Gerson, me Kohat, me Merari, augwali hani w̄aj te e dao, Lipni, me Hebron, me Mali, me Musi, me Kora. Kohat te Amramgo aya dao. ⁵⁹ Tama Amramgo te Jokebet sai dao, te Livaigo wegi. Jokebet augwali te Isipde bidibadi ame nai dao. Tama Jokebetgo ogwa si ame nai dao, te Aron de Moses si. Tama Jokebetgo te wegi deli ame nai dao, te agai nogi te Miriam dao.

⁶⁰ Tama nosali Aron aga we selama, te ogwa me si me si ame nani, te Nadap, me Abihu, me Eleasar, me Itamar dao. ††⁶¹ Te Nadap de Abihu si te habu selai isi selama, Genuai Bidibolo ofa yaide isai dao. ‡

⁶² Te Livai hani dabego bidi dabe naga namba te dwasianu polua deli yai waidu gagalama, polo monu dabe yaiba sabolali bidi namba, te 23,000 dao. Augwaligo te Livai dabego namba dali te Israel dabego namba dali deliba talubeo. Magi baso meni, augwaligo te Israel dabebolo yali gilama te Livai dabebolo t̄o me mawai menio.

⁶³ Moses de Eleasar si te Moap bulude te dola pai bulude bidiyu, te Jordan w̄e u badu, te Jeriko hanu p̄ade, augwali si tede bidiyu, te Israel bidi dabego nogi selama, tama lista nigali. ⁶⁴ Polobadu te Moses de Aron sigo te bidi dabe te nai meni yai bulude nedai dao, te Sainai bulu du p̄ade. Tiali goli, megi da, te hani me bidibadi Mosesgo augwali nogi me sabeo. Mu menio. ⁶⁵ Polobadu Genuai Bidigo augwalibolo te po walai dao, "Te bidi dabe augwali sese te nai meni yai bulude isila paibao," po wai dao. Tiali goli, Jefunego ogwa Kalep, de Nungo ogwa Josua augwali si digi te isibeo. ††

Te Selofehatgo wegi manigo t̄o sali

27 Te Selofehat te Hefergo ogwa dao, te Hefer te Gileatgo ogwa dao, tama te Gileat te Makirgo ogwa da, tama te Makir te Manasego ogwa dao, tama te Manase te Josepgo ogwa dao. Tialima, Selofehatgo we selama, wegi a naga ame nani. Augwaligo nogi Mala, me Noa, me Hokla, me Milka, me Tirsa dao.

† 26:54-56 Nam 34:13; Jos 14:1-2 †† 26:60 Nam 3:2 ‡ 26:61 Prs 10:1-2; Nam 3:4 †† 26:65 Nam 14:26-35

Tama augwali te hani wegi mani augwali ² te Godigo name ugwa be sunumi paba dolalugi pali, te Moses, me Eleasar, me te tobolu bidi dabe, me te Israel hani geduba doligi pali. Tama te wegi manigo te po wali, ³“Dago aya te nai meni yai kemi sane bulude isai dao. Aga te Kora wali pelama, te Genuai Bidi dali hagoma yali bidi hani me deli menio. Aga digi sege selama isai dao. Tiali goli, agai ogwa menio. ⁴Te mu tama. Agai ogwa menio te agai nogi sabo. Tiali goli, magi baso ayago nogi da Israel tomode hagagowe? Tama tialima, dago homugo nago dabolo te ayago hanigo to da mao,” wali.

⁵ Tiali, Mosesgo augwaligo po selasa Genuai Bidiba selasa pali. ⁶ Tama Genuai Bidigo Mosesbolo te po wali, ⁷“Te Selofehatgo wegi manigo te po te dolo dao. Tama tialima, nago te wegi manibolo augwa ayago hanigo sabo to meba mao. Augwaligo agai to somainogo sula tagalao. ⁸ Tama eno homugo nago Israel dabebolo te po wao, ‘Te bidigo aga ogwa meniama, agai wegi naga elalubaso da, tama nosali aga isali da, teda aga wegi manigo agai doado bage dabe somainao. ⁹ Ma, te bidigo wegi mani me meniama isibaso da, teda te bidi aga ama sologo te bidigo nai dabe somainao. ¹⁰ Ma, agai ama mu meni yai baso da, teda te bidi aga ayago amago te doado bage dabe somainao. ¹¹ Ma, aga ayago ama mu meni yai baso da, teda te bidi aga deli hani wago somainao, te bidigo doado bage. Te tigidali te Israel dabego te bomai po wali pomainao. Te Genuai Bidi eno nagebobo meggi wabo te po wali pomainogo yao,” te po wai.

Godigo Josuago te Moses hasegelemainogo sa muani (Bom 31:1-8)

¹² Genuai Bidigo Mosesbolo te po wali, “Nage te bulu du Abarimba pelama, tama nago eno te Israel dabebolo mawainogo ebo te toba nago tonao. ¹³ Nago bolo suo, tama nosali nage isaibao. Te naga ama Aron isali tiwai nage me isaibao. ¹⁴ Magi baso meni. Dage sigo eno po te nai meni yai bulu te augwaligo te Sen wabo bulude sela sawai dao. Te we bidigo enabolo te po hauwa wali te bulu Meribade. Nago augwalibolo eno genuai bomo ola mawai menio,” tama wali. Te ulu we te nai meni yai kemi sane bulu Sende elalubao. †

¹⁵ Tama Mosesgo Genuai Bidibolo te po wali, ¹⁶“God, Genuai Bidi, nage deli naga nage te tigidali we bidigo bidibo ula page bidi dao. Tama tialima, eno nagebobo e we bidi tonaluabo bidi me deli sa muao po nagebobo hanalu obao. ¹⁷ Te augwali bugagia bidimainogo tau siyu, me wabi hwibode augwali bugagia tonaluyu yabo. Tama naga hani te sipsip kibu aga tolalubo bidi meni yai tiwai bidigobeo,” Mosesgo te po wali. ‡

¹⁸⁻¹⁹ Tama Genuai Bidigo Mosesbolo te po wali, “Josua te Nungo ogwa, aga dali te eno Mobo Bidi mu bidibao, tama aga eno se ebo usu yaibao. Tama tialima, eno homugo nago aga oda sigi pelama asao. Tama aga te pris Eleasar, me te Israel we bidi si pageba odasa pela-

ma, doligi pao. Tama augwaligo gedude nago nogo agai hobolude munama, tama te po wao, ‘Te Josuago ena hasegelaibao,’ po wao. Tama nago se agabolo mao. †²⁰ Tama nago namba dage me, nago bomo me agabolo mao, te we bidi tigidaligo agai po wali peyu emainogo. ²¹ Tiali goli, Josua te Eleasar pageba pelama, tama eno homu kolesaga te tigidali nai dabede koneainogo yaibao, nosali. Tama Eleasargo te prisgo gudubo te name ugwa baude daganalubo te masigi si te dwasianu paus sao, te eno homu kolesaga konea sainogo. Tama Eleasargo te Josuabolo me te we bidi sesebobo te tigidali te se ela silimainogo,” wali. ‡

²² Tialima, te Mosesgo te Genuai Bidigo wali po tiwai tama yali. Agai te Josua te Eleasar me te we bidi pageba dolalumainogo yagasali. ²³ Tama Mosesgo aga nogo te Josuago toboluba nogo munama, tama te po wali, “Josuago ena hasegelama, tama dagego tobolu bidi bidaibao,” wali. Mosesgo te Genuai Bidigo agabolo wali po wali pelama, tama yali. ‡†

Te augwaligo tigidali sogo yabo ofa po (Sai 29:38-46)

28 Te Genuai Bidigo Mosesbolo ² te bomai po te Israel dabebolo mao po wali. Tama agai te po wali, “Dage Israel dabego te enabolo digi ofa eyu, te ulubo te haniani nai dabe sao. Tama eyu, wiegi yai denami ebo ofa ulao. Eno te tobage ofa godolo ebo dao. Dagego te tobage ofa te eno bodolu muani te tigidali sogo uluyu yao.’ ³ Moses, nago te Israel dabebolo tama wao, ‘Dagego te ofa Genuai Bidibolo mao,’ po wao. ‘Te tigidali sogo dagego sipsip kibu te kibu be deli yai, tama keni dabego agai tigi me dolisama yai, si selama, ofa eyu yao. Te si te isigo mu dela silabo ofa dao. ⁴ Tama dagego me deli kigamu ofa eyu, me pio ofa eyu yao. ⁵ Tama te kigamu ebo ofade te kilo deli yai plaua augwaligo te witgo nigilama, tama lita deli te oliv wel dali begelai, te nai te sipsip dali ofa yao. ⁶ Dagego te ofa tigidali sogo yao, te isigo tigidali mu dela silama, tama sisi dulu naga tede elaluaibao. Polobadu dage te Sainai bulu dude bidibadi, eno te tobage ofa yao wai dao. Te wiegi yai hasa dabego te wiegi yai denami ebo tiwai te ofa ulubo te ena Genuai Bidigo godolo elama, wiegi yai homu ebo dao. ⁷ Tama dagego lita deli wain we selama, te sipsip dali ofa yao, tama nosali te wain te alta sesegede gelao. ⁸ Tama pio te sipsip te wit ulubo ofa me wain gelebo ofa me ulao. Te dagego kigamu ulali ofa tiwai tama yao. Te me te isigo sese ula mu dela silibo ofa dao, tama te wiegi yai denami elama, ena Genuai Bidigo godolo elama, wiegi yai homu ebo ofa dao,’ te po augwalibolo pusao,” te po wai.

Augwaligo Sabat side yabo ofa dabe po

⁹ Tama Genuai Bidigo Mosesbolo te Israel bagebobo e pusabo po wali, “Te Sabat side dagego te omai sipsip kibu si, kibu be deli yai sipsip si ofa yao, tama te keni dabego augwaligo tigi me dolisama yai sao. Tama

† 27:7 Nam 36:2 †† 27:14 Bom 3:23-27; 32:48-52 ‡ 27:17 1 Kin 22:17; Ese 34:5; Mat 9:36; Mak 6:34

†† 27:18-19 Sai 24:13 ‡† 27:21 Sai 28:30; 1 Sml 14:41; 28:6 ‡†† 27:23 Bom 31:23

kilo si yai wiegi yai plaua selama, tama oliv wel dali begelao, te wit ulubo ofa tiwai. Tama te wit ulubo ofa me te wain gelebo ofa te sipsip dali ulao. ¹⁰ Dagego te ofa te tigidali Sabat side isigo dela silibo ofa yao. Tama me dagego isigo sese dela silibo ofa, me te wain gelebo ofa dali tama yao, te dagego tigidali sogo ofa ebo dao, 'te po augwalibolo pusao,' te po wai. †

Te ofa augwaligo tigidali deli delipoluago hasia wabo deide yabo ofa po

¹¹ Tama Genuai Bidigo Mosesbolo te we bidibolo te po omainu yali, "Te tigidali poluago namba wan deide dagego Genuai Bidiba ofa yao. Te da, te isigo mu dela silabo ofa dao. Dagego kau kibu omai si ofa eyu, me sipsip kibu omai si ofa eyu, me 7 sipsip kibu omai te kibu be deli yai, te ofa yao. Tama te hasa dabe tigidali te augwaligo tigi keni dabego me dolisama yai dabe sao. ¹² Tama dagego te wit ulubo ofa te sipsip me kau kibu dabe deli deli dali yao. Te kilo sela yai te plaua selama, tama te oliv wel dali taluai te plaua selama, tama te kau kibu dali ofa yao. Tama te 2 kilo yai te plaua selama, tama te oliv wel dali taluama, tama te sipsip kibu omai dali ofa yao. ¹³ Tama me te wan kilo plaua selama, te oliv wel dali taluama, tama te sipsip kibu gq̄ dabe dali ofa yao, te sipsip omai gq̄ deli deli dali ofa yao. Te isigo sese dela silabo te hasa ofa dao. Tama Genuai Bidigo te wiegi yai denami godolo elama, tama aga wiegi yai homu yabo ofa dao. ¹⁴ Dagego 2 lita wain wē selama, te kau kibu omai dali ofa yao, tama wan lita sela habu wain selama, te sipsip kibu omai dali ofa yao. Tama sipsip kibu gq̄ dali da, te wan lita wain te deli deli sipsip gq̄ dali ofa yao. Dagego te tama ofa te tigidali kibu bede deli deli poluago hasia wabo deide yao. Te isigo sese dela silabo ofa dao. ¹⁵ Tama dagego meme kibu omai te seḡeḡ sela sayabo ofa yainogo sao, tama te isigo sese mu dela silabo te ofa dali me te wain gelebo ofa dali yao. Te ofa dali te tigidali sogo yabo ofa dali tama yao. 'Te po augwalibolo pusao,' Genuai Bidigo Mosesbolo te po wai

Te yis meni yai bret ulubo Pasova ebo ofa po

(Prs 23:5-14)

¹⁶ Tama Genuai Bidigo Mosesbolo te we bidi dabebolo te po wao wali, "Dagego te namba wan poluago dei 14 te e tiwai sogo, te Pasova sogo sa muao. Tama te sogo dagego genuai nogi Genuai Bidibolo mao. ††¹⁷ Tama te dei namba 15 te genuai lotu wabo gagalabo sogo dao. Tama dagego te yis meni yai bret te a naga olama me badu nogo si sogo dabe tuiq̄o. ¹⁸ Te hasia wabo sogo, te tedali gasagi yai sogo wabo, te we bidi te lotu wainogo sisiniq̄o. Tama augwaligo te sogo seḡ me elamuo. ¹⁹ Tama dagego Genuai Bidibolo ofa iyq̄o. Te ogwa bidi kau kibu omai si selama, tama sipsip kibu omai deli me, te 7 sipsip kibu omai gq̄ te kibu be deli yai, te keni meni yai dabe selama, ofa yao. Tama dagego te isigo sese dela silibo ofa tama ulao.

²⁰ Tama dagego te hasa dabe dali te wit ulubo ofa me yao. Dagego te plaua te oliv wel dali taluao. Te plaua kilo sela te omai kau kibu deli deli dali ofa yao, tama te plaua kilo si te sipsip kibu omai dali ofa yao. ²¹ Tama te kilo deli te sipsip kibu gq̄ deli deli dali ofa yao.

²² Tama me dagego te seḡeḡ sela saḡo ofa te meme kibu omai te ofa yao. Tama te ofago te we bidi tigidali eno gedude wiegi yai pedalaibao. ²³ Dagego te ofa te tigidali sogo kigamu ebo ofa dali tiwai tama yao.

²⁴ Dagego deli kolesaga naga elama, te ofa a naga sogo olama me badu nogo si wabo sogoba usu nigi pao. Tama agai te ofa ebo denami godolo yaibao. Tama me dagego te isigo sese mu dela silibo ofa, me te wain gelebo ofa tigidali sogo yao. ²⁵ Tama te dei namba 7, te genuai tedali gasagi yai sogo da, tede dage ma sisinama lotu po ma wao. Tama te sogo te seḡ ebo te habu mu dao, 'te po pusao,' te po wali. ‡

Augwaligo gide nai sainogo wiegi yai homu ebo genuai sogo ebo ofa po

(Prs 23:15-22)

²⁶ Tama Genuai Bidigo Mosesbolo te we bidibolo e tama po wao po wali, "Te gide nai siyu, wiegi yai homu ebo genuai sogo da, teda dagego te nai hasia inayali te selama, Genuai Bidibolo mao. Tama dage sisinama, lotu po wao. Tama te tedali gasagi yai sogo dagego seḡ me elamu dao. ²⁷ Tama dagego te kau kibu omai si selama, te sipsip kibu omai deli me, te 7 sipsip kibu gq̄, te keni dabego augwaligo tigi me dolisama yai sao. Tama dagego te nai dabe te isigo sese mu dela silibo ofa tiwai ulao. Te tobage ofa te Genuai Bidi agai godolo elama, tama wiegi yai homu ebo dao. ²⁸ Tama dagego wiegi yai plaua augwaligo witgo nigai sao, tama dagego te plaua te oliv wel dali taluao. Tama dagego te plaua kilo sela te deli deli kau kibu omai dali ofa yao. Tama te kilo si plaua te sipsip kibu omai dali ofa yao. ²⁹ Tama deli deli omai sipsip kibu gq̄ dali, te kilo deli plaua dali ofa yao. ³⁰ Tama me ma, dagego te meme kibu omai te seḡeḡ sela saḡo ofa yao, tama te we bidi Genuai Bidigo gedude wiegi yai pedalabo ofa yao. ³¹ Tama dagego te ofa ebo sogo dagego bugagia suo, te kenigo augwaligo tigi me dolisama yai suo. Tama me ma, dagego te wain gelebo ofa me yao, me te isigo sese mu dela silibo ofa me yao, me te wit ulubo ofa me yao. Te dagego tigidali sogo ebo ofa tiwai tama yao, 'augwalibolo te po wao,' Genuai Bidigo te po wali. ††

Augwaligo biugel elebo genuai sogo ebo ofa po

(Prs 23:23-25)

²⁹ Tama Genuai Bidigo te we bidibolo Mosesgo te po wao wali, "Te 7 wabo poluago dei namba wande dage sisinama lotu weyu, tama dage te seḡ me elamuo. Te sogo da te biugel eliyu, wiegi yai homu ebo genuai sogo dao. ² Tama me dagego te isigo mu dela silabo ofa Genuai Bidiba maiabo sogo dao. Agai te to-

† 28:10 Mat 12:5 †† 28:16 Sai 12:1-13; Bom 16:1-2

‡ 28:25 Sai 12:14-20; 23:15; 34:18; Bom 16:3-8 †† 28:31 Sai 23:16; 34:22; Bom 16:9-12

bage ofa agai godolo ebo dao. Dagego te kau kibu omai ogwa bidi kibu deli, me sipsip kibu omai deli, me 7 sipsip kibu gɔɔ, te kibu be deli elama, augwaligo tigide keni dabego dolisawai selama, ofa iyao. ³ Tama dagego te wit ulubo ofa te ofa dabe dali yao. Dagego te wiegi yai plaua augwaligo witgo nigai, tama augwaligo oliv wel dali taluai selama, te ofa yao. Te kau kibu omai dali te 3 kilo plaua dali ofa yao, tama sipsip kibu omai dali te kilo si yai plaua ofa yao. ⁴ Tama sipsip gɔɔ dabe deli deli dali te plaua kilo deli dali ofa yao. ⁵ Tama me ma, dagego meme kibu omai te sege sela sayabo ofa yao. Tama te se ebogo te we bidi Genuai Bidigo gedude wiegi yai pedalaibao. ⁶ Dagego te ofa dabe yao, tama me dagego te isigo dela silibo ofa me eyu, me te wit ulubo ofa me eyu yao, te dagego tigidali poluago hasia wabo deide ebo tiwai yao. Tama me tigidali sogo yabo ofa me yao. Te da, te isigo sese dela silibo ofa, me te wit ulubo ofa, me te wain gelebo ofa dao. Genuai Bidigo te tobage ofa dabe godolo ebo dao, te wiegi yai denami ebo ofa, 'augwalibolo te po wao,' te po wai.

Augwaligo te Godigo te we bidigo sege sela sabo genuai sogo ebo ofa
(Prs 23:26-32)

⁷ Tama Genuai Bidigo Mosesbolo te we bidibolo te po wao po wali, "Dage te 7 poluago namba 10 deide dage sinagaselama, lotu wagasao. Tama dage nai dabe habu selama, tama dagego duga digi wiegi yai homu pemene ebo se elamuo. Tama me dage te sogo se me elamuo. ⁸ Tialima, dagego te kau kibu omai ogwa bidi kau kibu, me omai sipsip kibu, me 7 sipsip kibu gɔɔ dabe sao, te kibu be deli yai kibu sipsip dabe. Te hasa tigidali augwali tigide keni dabe mu meni yai sao. Tama dagego sese tama Genuai Bidibolo ofa yao. Te isigo sese dela silibo ofa tiwai ulao. Tama Genuai Bidigo te tobage ofa denami godolo mu yaibao. ⁹ Tama me dagego te wit ulubo ofa, me te isigo sese dela silibo ofa dali tama ulao. Te witgo wiegi yai plaua selama, tama oliv wel dali taluama, tama ofa yao. Dagego plaua kilo sela te kau kibu omai dali ofa yao, ¹⁰ me te sipsip kibu omai dali te plaua kilo si ofa yao, me te sipsip kibu gɔɔ deli deli dali te plaua kilo deli ofa yao. ¹¹ Tama me ma, dagego te meme kibu omai te we bidigo sege sela sabo ofa tiwai yao, te Genuai Bidigo gedude wiegi yai pedalabo ofa eyu, me te tigidali sogo yabo ofa me tama yao. Te da, te isigo sese dela silibo ofa, me te wit ulubo ofa, me te wain aj gelebo ofa dao.' Augwalibolo te po wao," Genuai Bidigo te po wai. †

Augwaligo osogo bidabo bede bidiyu, genuai sogo ebo ofa po
(Prs 23:33-44)

¹² Tialima, Genuai Bidigo Mosesbolo te we bidibolo te po walao po wali, "Dage te dei 15, te 7 poluade sisonama, lotu po omainu yao. Dagego a naga olama, me badu nogo si sogo te Genuai Bidiba genuai lotu wabo

† 29:11 Prs 16:29-34

sogo bodolu muao. Tama dagego te sogo dabe dage se me elamuo. ¹³ Te dei namba wan te 7 lotu wabo bodolu muani, te sogo dagego Genuai Bidiba ofa yao. Agai te tobage ofa ebo denami agai godolo ebo dao. Dagego te kau kibu omai ogwa bidi kibu te 13 tama ofa yao, me te sipsip kibu omai si, me 14 sipsip kibu gɔɔ te kibu be deli yai, tama keni dabego augwaligo tigi me dolisawai sao. Dagego wiegi yai hasa dabe naga sao, te augwali tigide keni dabego me dolisawai sao. ¹⁴ Te wit ulubo ofa, me te plaua ulainogo dagego te plaua oliv wel dali taluao. Te plaua kilo sela te kau kibu omai deli deli dali ofa yao. Tama te sipsip kibu deli deli dali te plaua kilo si te sipsip kibu dali ofa yao. ¹⁵ Tama me te plaua kilo deli te deli deli sipsip kibu gɔɔ dali ofa yao. ¹⁶ Tama me dagego te meme kibu deli te sege sela sayabo ofa yao. Dage tigidali sogo yabo ofa me tama iyao, te da te isigo sese dela silibo ofa dao, me te wit ulubo ofa, me wain gelebo ofa me, tama yao.' Te po wao," wali.

¹⁷ "Tama te dei namba 2, teda dagego te kau kibu omai ogwa bidi kibu 12 te ofa yao, tama te sipsip kibu omai si, me te 14 sipsip kibu gɔɔ te kibu be deli yai tama ofa yao, te augwali te keni dabego tigi me dolisawama yai sao. ¹⁸⁻¹⁹ Dagego te ofa dabe dali te dei namba wande yali ofa dali yao, te wit dali, wain aj dali, te tobage nai me te dei namba 2 ma mayu ofa tama iyao. Tama me dagego te meme omai me deli te dwai sege sela sabo ofa dali yao."

²⁰ "Tama te dei namba 3, teda dagego te 11 kau kibu omai ofa yao, me te sipsip kibu omai si, me te 14 sipsip kibu gɔɔ te kibu be deli yai, te ofa yao. Te kibu dabe augwali keni dabego dolisawama yai sao, tilama tama ofa yao. ²¹⁻²² Dagego te ofa te dage te dei namba wande te yali ofa, te wit, me wain, me meme, te tobage ofa dali tama me ulao. Tama me dagego te meme omai me deligo te dwai sege sela sabo ofa dali yao."

²³ "Tialima, te dei namba 4, teda dagego te kau kibu nogo si ofa yao, tama te sipsip kibu omai si, me te 14 sipsip kibu omai gɔɔ te kibu be deli yai, tama augwaligo tigide keni dabego me dolisawai selama ofa yao. ²⁴⁻²⁵ Dagego te ofa dabe te gasa ofa dabe dagego te dei namba wande yali ofa dali me ma yao. Tama me dagego te meme omai me deligo te dwai sege sela sabo ofa dali yao."

²⁶ "Tama te dei namba 5, teda dagego te kau kibu omai 9; te sipsip kibu omai si, me te sipsip kibu gɔɔ 14 te kibu be deli elama, tama keni dabego me augwaligo tigi dolisawai selama, ofa yao. ²⁷⁻²⁸ Tama dagego te ofa te dagego gasa meba sogo te dei namba wande yali ofa dali tama me yao, te wit, me wain, te tobage ofa me ma yao. Tama me dagego te meme omai me deligo te dwai sege sela sabo ofa dali yao."

²⁹ "Te dei namba 6, teda dagego te kau kibu omai 8 ofa yao, me te sipsip kibu omai si, me te sipsip kibu omai gɔɔ 14, tama te kibu augwali te keni dabego me dolisawai sao, te kibu be deli yai kibu dabe. ³⁰⁻³¹ Tama dagego te ofa dabe dagego te dei namba wande yali

ofa dali ma eyu, tama yao. Tama me dagego te meme omai me deligo te dwai seḡeḡ sela saḡo ofa dali yao.”

³²“Tama te dei namba 7, tede dagego te 7 kau kibu omai ofa yao. Me te sipsip kibu omai si, me te sipsip kibu omai ḡḡ 14, te kibu be deli yai, te keni dabego augwaligo tigi me dolisaḡa yai selama, ofa tama yao. ³³⁻³⁴Tama dagego te ofa te gasa ofa dagego te dei namba wande yali ofa dali tama yao. Tama me dagego te meme omai me deligo te dwai seḡeḡ sela saḡo ofa dali yao.”

³⁵“Tama te dei namba 8, tede dage sisinama, lotu wao. Tama te sogo dagego seḡ me elamu dao. ³⁶Tama dagego nai ofa Genuai Bidiba yao. Agai te tobage ofa ebo denami godolo ebo dao. Tama te ofade dagego te kau kibu omai deli siyu, me sipsip kibu omai deli siyu, me 7 omai sipsip kibu ḡḡ, te kibu be deli elama, tama keni dabego augwaligo tigi dabe me dolisaḡa yai selama, ofa yao. Tama isigo sese dela silabo ofa yao. Te kibu dabe te keni dabego augwaligo tigi dolisaḡa elama, wiegi yai mu selama, te ofa yao. ³⁷⁻³⁸Dagego te kibu dabe ofa dali te dagego te gasa dei namba wande yali ofa dali yao, te wit me, wain me, te seḡeḡ sela saḡo meme omai ofa me, te tama ofa me ma yao.” †

³⁹“Dagego te isigo dela silibo ofa ebo bomai po wali peyu, me te wit ulubo ofago bomai po, me wain gelebo ofa ebo bomai po, me homu deli ilibo ofa ebo bomai po, te dage bolo agai te genuai lotu wabo sogo agai dagebolo sa muani sogo wali pabo bomai po dao. Dagego te ofa dabe dagego te daḡ ilali sogoba usu nabo ofa, me duga homugo ebo ofa me tama yao, te po augwalibolo pusao,” Genuai Bidigo te po Mosesbolo wai.

⁴⁰Mosesgo te po odama, tama agai te Israel we bidibolo agai te wali po sese tama pusa mani.

Te we bidigo daḡ wabo po wabode bomai po

30 Mosesgo te Genuai Bidigo po dabe te Israel dabego tobolu bidi dabebolo pusali. ²Agai te po wali, “Te bidi mego te nai me Genuai Bidibolo maiabo po polo wai ebaso da, ma agai mu po ugwadu mu weyu, agai magi seḡ dabe me yainogo po daḡ obaso da, teda agai aga po wali pelama, tama agai yaibao wali seḡ dabe tama mu yao, agai te daḡ wali po togogio,” wali. ††

³“Ma, te gesi wegi aga ayago bede bidiyu, tama Genuai Bidibolo magi nai me mawaibao po weyu, ma agai magi seḡ dabe me egobeo po wali da, teda agai te po usu dao. ⁴Ma, agai ayago te po odama, aga habu seleḡbaso da, teda te wegigo aga te wali po tigidali wali pelama, emainao. ⁵Tiali goli, aga ayago te wegi agai wali po odobaso da, tama agai te odali sogo te wegibolo agai wali po wali pigio olama habu selali da, teda te wegigo digi wali po wali pelamuo. Tama te Genuai Bidigo agai seḡ te agai wali po wali pisama yali te seḡeḡ

† 29:37-38 Prs 23:16, 34; Bom 16:13-15 †† 30:2 Bom 23:21-23; Mat 5:33

sela saḡwaibao. Magi baso meni, aga ayago te wegigo wali po wali pomainogo sula tagalobeo,” wali.

⁶“Ma, te bidigo sasiḡwai gesi wegigo aga homugo bugagia kone palama, te mena mena seḡ eno yaibao wali da, ma agai olo dali tama wali da, teda te dwagi yai dao. ⁷Tialima, te wegi aga nosali bidi pelama, tama aga te bidigo agai te yaibao wali seḡ po agai odama habu selisaḡa yali da, teda te wegi aga te yaibao wali te seḡ dabe wali pelama tama yao. ⁸Tiali goli, te wegi aga bidigo te wegigo aga haniani seḡ dabe aga homugo yaibao wali po odali sogo, tama aga we habu selali da, teda te we aga te po wali pelamuo. Tama tiali, te Genuai Bidigo te wego aga wali po wali pisama yali te seḡeḡ sela saḡwaibao.”

⁹“Ma, te we me aga bidi isai, ma aga bidigo aga sela saḡwai wego agai aga mena mena seḡ dabe aga yaibao waibaso, ma egobe waibaso da, teda te usu dao, aga te mena mena seḡ aga emainao. Tiali goli, agai te daḡ wali po wali pao.”

¹⁰“Ma, te bidigo sai wego te mena mena seḡ dabe aga yaibao po me waibaso da, teda wiegi yai dao. ¹¹Ma, te we aga bidigo aga wego wabo po odama, tama agai magi po me olama, aga webolo te po wali me pelamuo olama, habu selisaḡa yali da, teda te we aga te yaibao wali po wali pelama, tama aga te seḡ dabe sese tama wali pela emainao. ¹²Tiali goli, te we aga bidigo te wego wabo po odali sogo tama habu selali da, teda te we aga te wali po sese tama wali pomainu elamuo. Te aga bidigo aga habu selali dao. Tama tialima, Genuai Bidigo te wego seḡeḡ sela saḡwaibao, te we aga wali po wali pisama yali seḡeḡ. ¹³Te we aga bidigo te wego wali po wali pao wabo me, ma aga wego wali po wali pigio wabo me ebo, te usu dao. ¹⁴Tiali goli, te bidigo te po odali sogo nosali bidama, agai po me olama, habu selisaḡa yali da, teda te wego aga wali po dabe sese tama wali pelama, aga mena seḡ dabe yai wali tama yao. Te we aga bidigo te po daḡ walalio, magi baso meni, agai aga we habu selebo po olama ebeo. ¹⁵Tiali goli, bidama nosali me sogo agai aga we te po wali pelamuo olama, habu selali da, teda te bidi aga digi te wego aga te wali po wali pisama yali te seḡeḡ te bidigo saibao,” Mosesgo Godigo te po augwalibolo pusa mani.

¹⁶Genuai Bidigo te mena mena seḡ yaibao olama, te daḡ walobo pogo bomai po te Mosesbolo mani. Te bomai po dabe te bidigo wego ma wegigo augwa mena mena seḡ augwa yaibao olama daḡ wali pogo bomai po dao. Te bidigo wego yabo po dao, me te gesi wegi aga bidi pisabadi te aga aya dali bidibadi, te wego yabo po dao.

Te Israel dabego Midian dabe dali hwjani

31 Genuai Bidigo Mosesbolo te po wali, ²“Dage pelama, te Midian bagego dage Israel dabe dali dwai seḡ yali, te seḡ wei ponigi peyu, augwali sese ela mugi pao. Dagego te seḡ ela silibo si, tama nosali Moses nage isaibao,” te po wali.

³Tialima, Mosesgo Israel dabebolo te po wali, "Dagego hwjbo nai dabe dodolama, tama Midian dabe dali hwjgi pao. Magi baso meni. Genuai Bidigo te bidi dabe augwaligo dage dali dwai kolesaga yali te sę wei ponoyu, augwali sese ela silaibao. ⁴Dagego te deli deli waj dabede dagego te 1,000 bidi dabe dage Israel dabe tomode sa munama, hwjgi pomainao," te po wai. ⁵Tama tialima, augwaligo te Israel dabego waj deli delide augwaligo 1,000 bidi dabe sesa pelama, 12,000 bidi tama nigali. Augwali hwjgi pabo usu mu elaluali. ⁶Tama Mosesgo augwali hwjgi pao po olama, tagala palali. Tama Eleasargo ogwa Finias augwali dali pelama, augwali tonaluali. Tama Finiasgo te Godigo ugwa bede nai dabe meba selama totaluali, me te bidi hwjgi pomainu bu wabo te biugel, me te beba ma asomainu bu wabo, te biugel me agai tonaluali.

⁷Tama augwali te Genuai Bidigo po wali gilama, te Midian dabe dali hwjgi pali, te Mosesbolo wali po wali peyu, tama augwaligo te Midian bidi dabe sese tama ela muna silali. ⁸Tama augwaligo Midian dabego tuni bidi dabe a naga me ela muani. Te da te Evi, me Rekem, me Sur, me Hur, me Reba. Me augwaligo te Beorgo ogwa Balam me augwaligo ela muani. ⁹Te Israel dabe augwaligo te Midian dabego we wai, me augwaligo kau kibu, me sipsip kibu dabe selama, asali. Te meba wiegi yai nai dabe me tama sali. ¹⁰Tama nosali augwaligo te Midian dabego hanu, me te augwali osogo bidali pesage sese tama isi tulali. ¹¹Tama nosali augwaligo te we wai, me kau kibu, me sipsip kibu, me te wiegi yai nai dabe augwaligo te ¹²Moses, me Eleasar, me te Israel dabe pageba te Moapde malu bulude bidibadi sesali, te wę Jordan u badu, te Jeriko dolo si dao.

Te ami bidi dabe ma asali

¹³Moses, me Eleasar, me te Israel dabego tobolu bidi dabe sese, augwali te bidibo pesage tagalama, bulu badu pelama, te ami bidi dabe tiąba pali. ¹⁴Augwaligo te bage sulama, tama Mosesgo te 1,000 ami bidi tonalubo ofisa bidi, me 100 ami bidi dabe tonalubo ofisa bidi dabe sesanani. Megi da, augwali hwjani madi tagalama, augwa pesageba ma asali. ¹⁵Tama agai augwalibolo hanaluyu, te po wali, "Magi baso dagego te we dabe ela mubewe? ¹⁶Dagego polo koneai dao, te we dabe augwaligo te Balamgo po wali pelama, tama da hani we bidi te Genuai Bidi tudi ola momainogo yai dao, te da te bulu Peorde bidibadi. Tama tibaso, te gasi dwai me deli te Genuai Bidigo we bidi tigide pedalai dao. ¹⁷Tialima, megie da, dagego ogwa dabe, me te we dabe bidi dali piyai we dabe ela muao. ¹⁸Tiali goli, te bidi dabe dali pisąma yali, te wegi dabe da, tagalao. Tama augwali duga siąo," wali.

¹⁹"Tama dage te bidi ela muani bidi dabe, ma te isai bidi tigi nogo tuali bidi dabe, dage bulu badu bidibadi, a naga sogo olama, si sogo dage bulu badu, te bidibo pesage bulu badu bidiaęo. Tama te dei namba 3; te namba 7 deide, dage me duga te hwjani sogo sali te

we dabe dage te Godigo gedude wiegi yai pedalainu ebo kolesaga iyaęo. Tama dage Godigo gedude wiegi yai pedalaibao. ²⁰Tama dagego te duga nai dabe me te Godigo gedude wiegi yai pedalobo kolesaga iyaęo. Te da, te dagego ugwa dabe, me te augwaligo kau kibu waligo nigai nai me, te meme nisigo nigai nai me, te ni name dage me." Mosesgo te po wai.

²¹Tialima, te pris Eleasargo te wabi hwjnama ma asali bidi dabebolo te po wali, "Genuai Bidigo Mosesbolo te mani te bomai po odiaęo. ²²⁻²³Te isigo dolisąbo nai dabe, te gol, me silva, me ain, me kapa, me bras, te tama nai dabe dagego isi bogoliba osogo muao, tama te nai dabe Genuai Bidigo gedude ma wiegi yai pedalaibao. Ma, te nai dabe te isigo mu dolabo nai dabe yaibaso da, dagego te wę telayao, te bedeba so kau kibu sisi dulu dali taluali węgo tama telayao, tama augwali wiegi yai ma pedalaibao. ²⁴Te dei namba 7, tede dage te duga ugwa dabe aę tedalama, tama dage Godigo gedude wiegi yai pedalaibao. Tama dage te bidi bidibo pesage tomoba pagameo," Eleasargo te po wai.

Te Israel dabe augwaligo te hwjyu sali nai dobayali

²⁵Tama Genuai Bidigo Mosesbolo te po wali, ²⁶"Nage, me Eleasar, me we bidigo tobolu bidi dabe, dagego te wegi dabe sese, me wai dabe, me te hasa sibi, te ami bidi dabego boide sali nai, dagego te nai dabe tama nedao. ²⁷Tama te nai dabe si bugulama, tama hani sibolo dobayao, te hwjgi pali bidi dabe, me te bede bidali bidi hani si bugulama, tama dobayao. ²⁸Nago eno takis me sao, Genuai Bidi eno takis sao, te nago te ami dabebolo mawainogo ebo te hanide. Te 500 kalabus ilali wegide me deli, me te 500 kau kibude me deli, me te donkide deli, me sipsip kibude deli, me meme kibude deli tama selama, ²⁹tama te takis te pris Eleasarbolo mao, te nai bugai te enabolo ma mabo tiwai. ³⁰Tama tialima, nago te bede bidali we bidibolo mabo te nai dabede me takis sao. Te 50 kalabus wegi dabede deli siyu, me te kau kibude deli, donkide deli, me sipsipde deli, me meme kibugo deli, tama te tigi-dali 50 50 elama te Livai dabebolo takis mao. Te augwali eno ugwa be tonalubo bidi dabe dao," Genuai Bidigo te po wai. ³¹Tialima, Moses de Eleasar sigo Genuai Bidigo Mosesbolo wali po dolo tama tiali.

³²⁻³⁵Te ami bidi dabego te boide sali nai dabe namba e tama dao, te sipsip kibu te 675,000, me kau kibu te 72,000, me te kibu donki te 61,000, me te 32,000 bidi dali pisąwai gesi wegi mani. Tiali goli, augwaligo te boide isali boi bidi dabego au dodobage dabe me sai dao. ³⁶⁻⁴⁰Te nai dabe si bugulama, te ami bidi dabego te 337,500 sipsip kibu sali, tama augwaligo te 675 te Genuai Bidibolo te takis tiwai mani. Te kau kibu me augwaligo te 36,000 sali, tama Genuai Bidibolo te takis mayu, te 72 mani. Te 30,500 donki kibu augwaligo sali. Tama augwaligo 61 donki kibu te Genuai Bidibolo takis mani. Tama augwaligo 16,000 gesi wegi mani sali, tama augwaligo 32 wegi mani Genuai Bidibolo te takis tiwai manio. ⁴¹Tama Mosesgo te takis augwaligo mani

selama, Eleasarbolo mani. Te Genuai Bidigo wali po gilama tama tiali.

⁴²⁻⁴⁶ Tama Mosesgo te ami bidi dabebolo dobayali tiwai te we bidibolo dobayali. Te we bidigo te 337,500 sipsip, me 36,000 kau kibu, me 30,500 donki kibu, me te 16,000 gesi wegi mani tama sali. ⁴⁷ Tama Mosesgo te nai tama dobalama, tama agai te tigidali 50 kalabus wede deli selama, me kau kibude deli, me te donki kibude me deli, me sipsip kibude deli, me te meme kibude me deli selama, tama agai Livai dabe te Godigo ugwa be tonalubo bidi dabebolo mani. Agai Genuai Bidigo wali po gilama dolo tama tiali.

⁴⁸ Tama nosali te ami ofisa dabe, te 1,000 ami bidi dabe, me 100 ami bidi dabe tonaluali ofisa bidi dabe, augwali Moses pageba aselama, ⁴⁹ agabolo te po wali, "Genuai bidi, dago dena tonaluali ami bidi dabe nedali, te dolo tama bidibo suali, te boide me isai sube.

⁵⁰ Tama tibaso, dago te aubo nai dabe, te gol nogode mubo nai, me dogonide domobo, me olode walobo, me te ring dabe da deli deligo boide sali, dago God Genuai Bidibolo mawaibao. Te da ma abelali pe tiwai dao. Magi baso meni, Genuai Bidigo da boi bidigo da elemainu sula tagalobeo," te po wai.

⁵¹ Tialima, Moses de Eleasar sigo te gol au dodobage sali. ⁵² Te gol au dodobage seḡe te paḡe 200 kilo tama yali. ⁵³ Tiali goli, te olo ami bidi dabego te boide sali nai dabe sesebeo. ⁵⁴ Tama Moses de Eleasar sigo te gol au dodobage selama, tama ugwa be tomoba mugi pali, te Godigo ugwa be tomoba. Augwali sigo te tama tiali, te Godigo te Israel dabe homugo koneama, tama tonalumainu tiali.

Te Israel dabe te giliga asobo badu te Jordan węde bidali

(Bom 3:12-22)

32 Te Ruben hani, me Gat hani augwaligo kau kibu dali sipsip dali hauwa mu bidali. Tama augwaligo te distrik Jaser, me Gileat tōde te kau kibu dabego tubo nosai dabe wiegi yai mu elalubo suali. ² Tama tibaso, augwali te Moses, me Eleasar, me te we bidi dabego tobolu bidi dabe pageba pelama, augwalibolo te po wagi pali, ³⁴ "Te Genuai Bidigo da Israel dabego tō somainu tau sali da, teda wiegi yai mu dao. Tama te tō te hanu Atarot, me Dibon, me Jaser, me Nimra, me Hesbon, me Eleale, me Sipma, me Nebo, me Beon elalubo pesage da. Tama te bulu dabede te kaugo nosai dabe wiegi yai mu elalubao, tama dago kau kibu hauwa mu bidibao. ⁵ Tama tialima, dago homugo dagego te tō dage dabolo me mao homu ebao. Dago homugo dagego da te wę Jordan nogelama, u badu bidigi pomainu ebo tagalao," wali.

⁶ Tama Mosesgo te Gat hani, me te Ruben hani dali po bomona weyu, te po wali, "Magi baso dage ede bidiyu, duga Israel hani meba naga boi hwīgi pomainu ebawe? ⁷ Dagego te meba Israel dabego homu kole-saga dolainu ebawe? Dagego homugo Genuai Bidigo augwalibolo mani te buluba Jordan wę nogelama pabo tagalamainu homu ebawe? Magi baso dagego te tama

tiainu ebawe? ⁸ Polobadu duga aya dabego tama tiai dao, te da te bulu Kades Barneade bidali sogo, tama eno augwali te tō sugi pomainu tagala palali sogo.

⁹ Augwali te malu bulu Eskolba naga pelama, te bulu sugi pali. Tiali goli, augwali ma aselama, augwaligo te augwa abagi Israel dabe wi ilama, tama augwali te Genuai Bidigo augwalibolo mani tō tomoba pabeo.

¹⁰ Tama tialima, te sogo polobadu Genuai Bidi aga seḡe elama, bomai po te tama wali, ¹¹ "Te bidi dabe te kibu be 20 elama, me te kibu be 20 edelai bidi dabe te Isip tagalama te asali da. Augwaligo homu daḡ olama, tama augwaligo ena wali me asobeo. Tama tialima, mu tama, augwali me deli te eno te Abraham, me Aisak, me Jekopbolo mu mawaibao wali te buluba augwali me pogobeo. ¹² Te e bidi si naga paibao, te Kalep, te Jefunego ogwa te Kenas hani, me Josua, te Nungo ogwa, augwali si naga paibao. Magi baso meni. Augwali sigo homugo ena keḡ pelama, ena Genuai Bidi wali asalio,' walio. ¹³ Tama Genuai Bidigo te we bidi dali wado elama, te we bidi te nai meni yai bulude kibu be bidi sese si tede bidimainu yai dao. Te bidi dabe aga seḡe ilali, te bidi dabe isila pomainu yai dao," wali. ¹⁴

"Tama megi dage duga aya dede hasegelama, tama dage seḡe sai bidi dabe pedalobawe? Tama dagego Genuai Bidi seḡe dwai mu emainu elama, tama agai da Israel dabe elemainu ebawe? ¹⁵ Te dage Ruben hani, me Gat hani, dagego Genuai Bidi wali megi pabeo. Tama agai da Israel dabe tudi ola mawaibao, tama da olo te nai meni yai bulude ma deli bilimainu elama, tama da sese tama ede dolaibao. Tama te seḡ pedalobaso da, teda te duga dagede yaibao," Mosesgo te po wali.

¹⁶ Augwaligo te po odama, tama augwali Moses paḡa pelama, te po wali, "Odao. Te nago da te sipsip obo me te hanu te masigi obo bolo ebo sula tagalaibawe? Tama dago we wai bugagia bidaibao. ¹⁷ Dago te seḡ elama da, nosali da hogodama, pelama, dena abagi dabe dali talua sigi pelama, tama te boi bidi dabe aiyaba elaluama, tama dago abagi dabe sela pelama, augwali duagi painogo ebo te buluba tagaligi paibao. Tialima, da te obo bolo elama, te boi hwīgi pali da, teda da hani we bidi te bomai hanude bidiyu, tama te bulu we bidigo augwali me dologobeo. ¹⁸ Te da meba Israel hani deli deligo augwa sabo tō bolo me siyu bolo emainao. Tama nosali da dena buluba ma asaibao. ¹⁹ Dago te wę Jordan u badu dago tō me sogobeo. Magi baso meni, dago te Jordan wę giliga asobo badu dago sabo tō polo sai dao," te po wai.

²⁰ Tama Mosesgo augwalibolo po wei ponoyu, te po wali, "Te dagego po mu oba wida, teda dagego duga ami bidi dabe dodolama, tama Genuai Bidigo gedude dage boi hwīgi pao. ²¹ Dagego ami bidi dabe sese Genuai Bidi dologode elaluyu, tama te Jordan wę nogelama, tama dago boi bidi dabe dali hwīgi pelama, Genuai Bidigo augwali aiyaba elaluboba usu nama, ²² tama augwaligo tō saibao. Te tama tilama, nosali dage ma asagameo. Magi baso meni. Dagego Genuai Bidigo

dage mani sę silama, me dagego duga abagi dabe polo tau sela silali dao. Tama tibaso da, Genuai Bidigo dagego te Jordan wę giliga asobo badu elalubo tō sobaso, te usu dao po waibao," wali.

²³ "Megi eno po bomona dage dali te obao, dagego duga daų wali po wali pisiąbaso da, teda dagego Genuai Bidi dali sęęę saibao. Tama dagego te tama koneao, Genuai Bidigo dagego dwai sęęę kone palama, tama dage ela silaibao. ²⁴ Te usu dao, dagego hanu dabe geseliyu, me sipsip obo dabe bolo eyu yao. Tama nosali dage hwįgi piąo, duga po polo yaibao wali gilama," Mosesgo te po wai.

²⁵ Tama te Gat hani de Ruben hani sigo Mosesbolo te po wali, "Genuai bidi, da naga sę bidi dabe dago nago po wali paibao. ²⁶ Tama te we wai, me kau kibu, me sipsip kibu dabe te Gileat dabego hanude bidaibao.

²⁷ Tiali goli, da bidi dabe dena hwįbo nai dabe dodolama, tama te Genuai Bidigo da tonaluminu usu elama, tama hwįgi paibao. Da te Jordan wę nogelama, tama te boi bidi dabe dali hwįgi paibao, te nago wali yali gilama," te po wali.

²⁸ Tama tialima, Mosesgo po meba te pris bidi Eleasar, me Josua aga aya nogi Nun, me te Israel dabe tobolu bidi dabebolo mani. ²⁹ Mosesgo te po wali, "Te Gat hani bidi, me Ruben hani bidi dabe, augwaligo Genuai Bidigo po wali pelama, tama dage dali Jordan wę nogelama, tama boi bidi dabe dali hwįgi peyu da, teda usu dao, wiegi yai dao. Tama dagego te boi bidi dabe aiyaba elaluama, te bulu sobaso da, teda dagego te Gileat tō pedai me te bage augwalibolo menama, tama augwali tigidali sogo tede bidimainao. ³⁰ Tiali goli, augwali te Jordan wę nogelama, dage dali hwįgi piąama ebaso da, teda augwaligo tō Kenan bulude tō somainao, dage yali gilama." Mosesgo te genuai bidi dabebolo te po wai.

³¹ Tama Gat hani de Ruben hani sigo po wei ponoyu, te po wali, "Te usu dao, dago te Genuai Bidigo wali po wali pelama, tama tiaibao. ³² Genuai Bidigo da tonalubadi, te wę Jordan nogelama, tama Kenan buluba boi hwįgi paibao. Tama nosali da te Jordan aį giliga asobo bulu tōde tede bidaibao, te wę e badu," wali. †

³³ Tama tialima, Mosesgo te Sihongo tō sese magi yali, te Amor tuni bidigo tō, me te Basan tuni bidi Okgo tō me magi yali, te hanu dabe me tō dabe tama magi yali, me pade elalua pabo bulu me. Tama agai te tō te Gat hani, me Ruben hani, me te Manase hani bugai, tama bage augwalibolo mani. ³⁴ Tama te Gat hani we bidigo te polobadu bomai obo elaluali te sipsip tomoba muabo obo dabe ma dodolali. Augwaligo hanu Dibon, me Atarot, me Aroer, ³⁵ me Atrot Sofan, me Jaser, me Jokbeha, ³⁶ me Betnimra, me Betharan ma geselali. ³⁷ Tama te Ruben hani we bidigo te hanu Hesbon, me Eleale, me Kiriataim, ³⁸ me Nebo, me Balmeon, tama hanu ma geselali. Augwaligo hanu Balmeon nogi ma hasegelali, tama gasa nogi me polali. Tama augwaligo hanu Sipma ma geselali. Tama

augwaligo te geselali hanu dabe gesi nogi dabe ma poali.

³⁹ Tama te Manasego ogwa Makirgo aga hani kegasa pelama, te Gileat tōba pelama, te Amor dabe dali hwįnama, augwali sela sęnama, tama augwaligo tō sali.

⁴⁰ Tama tialima, Mosesgo te Gileat tō te Makirgo hani-bolo mani, tama te hani we bidi augwali te tō selama, bidali. ⁴¹ Tama bidi me nogi Jair, te Manase hani bidi, aga hani selama, tama gasa bulu mebaba pelama, hwįgi pali, tama te bulu selama, tama te bulu nogi te tama poali, "Te Jairo Bulu Dabe Dao," po wali. ⁴² Tama bidi me nogi Noba, aga hani kegasa pelama, tama te hanu Kenat me te Kenat sesegede elalubo buluba hwįgi pelama, te bulu sali. Tama te bulu nogi te hanu Noba polali, te aga nogi tiwai polali.

Te Israel dabe bilali bulu dabe nogi

33 E da te Israel dabego pesage nigilama bidali bulu dabe nogi dao. Augwali te Isip bulu taga solama, nosali te Moses de Aron sigo augwali tonaluali dao. ² Genuai Bidi aga digi obadi, te Mosesgo te pesage nigilama, bida bida bilali bulu nogi asęani. Te bulu dabe nogi e tama dao.

³ Te Israel dabego Isip bulu te namba 15 deide, te namba wan poluade taga soali. Teda te Israel dabego te Godigo augwali bugagia bidimainu sula tagalali, te genuai nai ulali Pasova sogo nosali, Genuai Bidigo augwali tonalubadi, augwali te hanu Rameses tagalama pali. Tama Isip dabego augwali suali. ⁴ Te sogo te Isip dabe augwa gomunai ogwa dabe pubalobadi yaide. Te Genuai Bidigo augwali ela wialai. Te da, te Genuai Bidigo te tibo god dabego bomu aiyaba elaluama, tama agai bomu te Isip dabe augwalibolo ola mayu yai.

⁵ Tama Israel dabego te bulu Rameses taga pelama, tama hanu Sukotba solama, pesage nigilama bidali. ⁶ Tama nosali augwali Sukot taga pelama, bulu Etamba pesage nigigi pali, te nai meni yai wa pai bulu sesegeba augwaligo pesage nigigi pali. ⁷ Tama augwali te bulu Etam tagalama, tama te bulu Pihahirote te giliga asobo bulu Balsefon sabolama, tama te hanu Mikdol pade pesage nigilama bidali. ⁸ Tama augwali te Pihahirote tagalama, tama te tamu wę Retsi nogelama, tama Surgo nai meni yai wa pai bulu sabolali. Tama te masigi kemi sane buludu augwali sela sogo pelama, tama augwali te bulu Maraba sabolama, tama tede pesage nigali. ⁹ Tama nosali augwali Mara taga pelama, augwali bulu Elimba saboligi pelama, tama augwaligo pesage tede nigali. Elimde te nogo si olama, sęęę si ulu aį elalubo, me te du tubo ni det te 70 tama elalubo.

¹⁰ Nosali augwali te bulu Elim taga pelama, te tamu aį Retsiba sabolama, pesage nigigi pali. ¹¹ Tama augwali Retsi taga pelama, tama augwali te bulu augwaligo te nai meni yai wa pai bulu Sen wabo, te buluba saboligi pali, tama augwaligo pesage nigali. ¹² Tama augwali te bulu te nai meni yai wa pai bulu Sen taga pelama, augwali te bulu Dopkaba sabolama, tama pesage nigigi pali. ¹³ Nosali augwali te Dopka taga

† 32:32 Jos 1:12-15

pelama, tama augwali bulu Alusba pelama, pesage nigigi pali. ¹⁴ Tama augwali Alus taga pelama, tama augwali te bulu Refidimba sabolama, pesage nigigi pali. Te bulu Refidim te tuabo wẹ meni yai bulu dao.

¹⁵⁻³⁷ Augwaligo te bulu Refidim taga pelama, augwali te bulu dabede pesage nigigi peyu, ela pali: nai meni yai bulu Sainai, me bulu Kibrot, me Hatava, me bulu Haserot, me bulu Ritma, me Rimonperes, me bulu Lipna, me bulu Risa, me bulu Kehelata, me te bulu du Sefer, me bulu Harada, me bulu Makhelot, me bulu Tahat, me bulu Tera, me bulu Mitka, me bulu Hasmona, me bulu Moserot, me bulu Benejakan, me bulu Hor Hagigat, me bulu Jotbata, me bulu Abrona, me te hanu Esiongeber, me te nai meni yai bulu Sen, te gasa nogi wabo Kades. Tama nosali augwali te bulu du Hor te Idom bulu sesegeba sabolama, pesage nigali.

³⁸⁻³⁹ Augwali tede bidiyu, tama namba 5 poluago namba wan deide, te kibu be bidi sese si bidama Isip bulu taga solama nosali, te pris Aron aga Genuai Bidigo po wali pelama, te bulu du Horba holama, isali. Te aga 123 kibu be bidai dao. †

⁴⁰ Tama te bulu saut badu bulu Arat te Kenan badu tuni bidigo te Israel dabe asobo po odali. ††

⁴¹⁻⁴⁹ Te Israel dabe augwali te bulu du Hor taga pelama, tama augwali te buluba dabe pali: te bulu Salmona, me te bulu Punan, me te bulu Obot, me te bulu Abarim, te bulu hanu dolai elaluali, te bulu Moapde, me te bulu Dibon Gat, me te bulu Almon Diplataim, me bulu du Abarim te bulu du Nebo pade, me te bulu Moapgo malu bulu te Jeriko pade, te Jordan wẹ u badu. Te hanu Bet Jesimot me te Abel Sitim bulu tomode augwaligo pesage tede nigali.

Genuai Bidigo tọ dobabo kolesaga po wali

⁵⁰ Augwali te Moapgo malu bulu, te Jeriko pade, te Jordan wẹ u badu bidibadi, Genuai Bidigo Mosesbolo po meba mani, ⁵¹ te Israel we bidibolo pusumainu. Genuai Bidigo e tama po wali, “Dage te wẹ Jordan nogelama, Kenan bulu tomoba peyu da, ⁵² teda dagego te bulude bidibo bidi dabe sese sela sayao. Tama augwali nigali tibo god dabe dolao, te augwali masigi dali ain dali sigo nigali god. Tama augwaligo lotu wabo pesage dabe me dolao. ⁵³ Eno te tọ dagebolo te mobao, tama dage te tọ selama, tama dage tede bidiào. ⁵⁴ Tama dage satu gagali elama, tama duga hani deli deli waji, me duga deli kaneme dabebolo dobayabo yali gilama tiao. Tama te tọ te we bidi geninama elalubo hanibolo genuai tọ mayu, me te we bidi dwasianu elalubo we bidi hanibolo tọ dwasianu mayu yao. ⁵⁵ Tiali goli, dagego te bulude bidibo bidi dabe sela sasiqama yali da, teda augwaligo dagebolo dene me sege mawaibao, te sesane bonogo gedude me bogo badu enebo tiwai yaibao. Tama augwaligo dage te bidibo bulude dage dali hwjaibao. ⁵⁶ Dagego augwali sela sasiqama yali da, teda eno dage dolaibao, te eno

augwali dolainu yali homu ebo tiwai gilama,” Genuai Bidigo te po wai.

Israel dabego tọ daj dabe

34 Genuai Bidigo te po te Mosesbolo te Israel ² dabego yabo po dabe mani. Agai te po wali, “Dage te bulu Kenan tomoba peyu da, te bulu eno dage mawaiba, dagego te bulu tigidali mu sese tama saibao. ³ Te bulu daj te nai meni yai bulu augwaligo Sen wabo, te bulu du gagalama, tama te Idom bulu daj tama magi usu tama soali dao, te saut badu polobadu. Tama te giliga asobo badu da, te saut badu sigi wẹ Detsi badu daj dao. ⁴ Tama te magi te saut badu polobadu te Akrabim bulu du badu pabo sunumi badu, te odogo te bulu du dabe tomodu soayu, te odogodu todogo soayu, Sen badu tama soayu, tama te bulu Kades Barneaba tama usu nigi paibao. Tama te daj te Hasaradar badu begasa soayu, tama Asmon bulu usu nigi paibao. ⁵ Tama te magi te Asmon bulu tagalama, Isip dali daj wẹ dulu dulama, tama moni tamu aj Mediterenianba usu nigi paibao,” wali.

⁶ “Te moni tamu aj Mediterenian pabadu elalubo tọ, te da te dagego daj tiwai te giliga dega sabo badu elaluaibao.”

⁷ “Te not badu magi te moni tamu wẹ Mediterenian tagalama, bulu du Horba tagaligi paibao. ⁸ Tama te bulu du Hor tagalama, odogo bulu Hamatba tagaligi paibao. Tama te magi pelama, bulu Sedatba sabolama, ⁹ tama Sifronba saboligi paibao, tama te bulu Hasarenanba usu nigi paibao,” wali.

¹⁰ “Te giliga asobo badu magi da, te Hasarenandu gagalama, tama pelama, Sefamba saboligi paibao. ¹¹ Tama te magi te bulu Sefam tagalama, pelama, te saut badu te bulu Riplaba sabolama, giliga asobo badu Ainba sabolama, tama te sigi wẹ Galili nambis sesegedu dwasianu bulu duba usu nigi pelama, tama sigi wẹ Galili giliga asoboba saboligi paibao. ¹² Tama daj te sautba pelama, tama Jordan wẹ dulu dulama, tama sigi wẹ Detsiba saboligi paibao. Te da, te dagego bulu tọ sesege daj dao,” Genuai Bidigo Mosesbolo te po wai.

¹³ Tama tialima, Mosesgo Israel dabe augwalibolo walali, “Genuai Bidigo te tọ te 9 waji hani bidi dabe, me te Manase hani bugai me badu, dage tama bagego tọ magi yalio. Dagego duga satu gagali yao, duga te tọ bugulama, daj elama sainogo tama iyao. ¹⁴ Te Ruben hani, me te Gat hani, me Manase hani bugai, augwali augwa tọ polo sai dao. ¹⁵ Augwaligo te giliga asobo badu te Jordan wẹ u badu te Jeriko pade salio,” Mosesgo te po wai. ††

Te tọ dobabo se te tobolu bidi dabego tonaluali

¹⁶ Tama Genuai Bidigo Mosesbolo te po wali, ¹⁷ “Te pris Eleasar, me Josua te Nungo ogwa, augwali sigo te tọ te we bidibolo dobawaibao. ¹⁸ Tama nago te Eleasar

† 33:38-39 Nam 20:22-28; Bom 10:6 †† 33:40 Nam 21:1

‡ 33:54 Nam 26:54-56

†† 34:13 Nam 26:52-56 †† 34:15 Jos 14:1-5

de Josua si tau sabo tobolu bidi dabe me sa muao," wali.

¹⁹ Tama Genuai Bidigo te bidi dabe sa muani. Te Juda hanide da, te Jefunego ogwa Kalep magi ilali. ²⁰ Te Simeon hanide da, te Amihutgo ogwa Selumiel magi ilali. ²¹ Tama te Benjamin hanide da, te Kislango ogwa Elidat magi ilali. ²² Tama te Dan hanide da, te Jokligo ogwa Bukui magi ilali. ²³ Tama te Manase hanide da, te Efotgo ogwa Haniel magi ilali. ²⁴ Tama te Efraim hanide, te Siptango ogwa Kemuel magi ilali. ²⁵ Te Sebulun hanide, te Parnakgo ogwa Elisafan magi ilali. ²⁶ Te Isakar hanide, te Asango ogwa Paltiel magi ilali. ²⁷ Te Aser hanide, te Selomigo ogwa Ahihut sa muani. ²⁸ Te Naptali hanide te Amihutgo ogwa Pedahel sa muani. ²⁹ Genuai Bidigo te bidi dabe naga sa muani, te Eleasar dali Josua si te bulu Kenande tɔ togola dobayabo bidi dabe, te Israel we bidi dabebolo dobayabo bage, te Kenan bulude.

Genuai Bidigo Livai dabego hanu daj ilali

35 Augwali te Moap bulugo dola pai bulude te Jordan wɛ u badu, te Jeriko pade bidibadi, Genuai Bidigo Mosesbolo te po wali, ² "Eno homugo nago Israel dabebolo te po walao homu ebao: augwaligo hanu meba geselama, tama te Livai dabebolo mao. Te nosai wiegi yai elalubo tɔ te hanu pade elalumainao, te kau kibu dabego tuabo. ³ Te Livai dabe augwaligo te hanu dabe saibao. Tama te nosai wiegi yai elalubo tɔ te hanu dabe pade, te da te kau kibu me sipsip te Livai dabego kibu dabego tuabo nai. ⁴ Te tɔ te nosai dabego te hanu bagua sai elalumainao. Te obo sesegedu gagalama, tama te 450 mita te tɔ dajba usu nigi pao. ⁵ Tama tialima, te hanu tomode elalubadi, te tɔgo bagua sai elalumainao. Te me badu sabidu te me badu sabiba te 900 mita tama elalumainao. ⁶ Dagego te a naga olama, me badu nogo deli hanu te Livai dabebolo duala sabo hanu me mao. Te bidi mego aga abagi dali boi bidi isama, tama agai olo dali aga abagi elali da, teda aga te duala sabo hanu me deliba wi udula somainao. Te bidi mego aga te abagi isali te wei ponainu yali da, teda agai te bidi elama isidali weyu. Tama me dagego gasa 42 hanu dabe te Livai dabebolo maijo. ⁷ Te wiegi yai nosai elalubo tɔ te hanu page dabede elalumainao. Tama te Livai dabego te 48 hanu dabe tama elalumainao. ⁸ Dagego te Israel hani dabego hanu dabe dagego te Livai hanibolo momainogo da, teda dagego te gasa Israel hani dwasianu elalubaso da, teda dagego augwaligo hanu si sela naga Livaibolo mao, ma genuai hani yaibaso da, teda dagego augwalide hanu hauwa siyu, tama te Livai dabebolo mao. Te bidi hani bugagia dodolama, hanu selama, tama augwali hani namba dolo sao," wali. †

Te duala siyu yabo hanu dabe

(Bom 19:1-13; Jos 20:1-9)

⁹ Tama Genuai Bidigo Mosesgo ¹⁰ te Israel dabebolo te po momainu e tama po wali, "Dage te Jordan wɛ no-gelama, te bulu Kenan tomoba peyu da, ¹¹ teda dagego duala sabo hanu me sa muijo. Tialima, te bidi mego aga abagi dali boi bidi homu isama, geda muyu ela mubaso da, teda aga te hanu me deliba wi udula selama, tama tede bugagia bidimainao. ¹² Te hanu dabe te duala sabo bulu tiwai elalumainao. Tama te isali bidi aga hanigo te isali bidi wei ponidali weyu. Tama te gasa bidi elali bidi aga bugagia bidama, tama aga po tɔ eboba bolo usu nigi pomainao. Tama te po tɔde aga isimainao wali da, teda augwaligo aga ela mumainao. ¹³ Dagego a naga olama me badu nogo deli hanu tama sa muao. ¹⁴ Te hanu sela te Jordan wɛ u badu giliga asobo badu elalu, me sela te Kenan bulude elalumainao. ¹⁵ Te hanu dabe da, te Israel dabe duga duala sabo, te gasa bulu bidi dage dali pewadage sogo ma bobobage sogo bidibo bidi dabe duala sabo hanu dao. Tiali te bidi deli aga abagi dali boi bidi homu isama, tama mena se ebode geda muyu, aga abagi ela mubaso da, teda aga te hanu dabe meba geme duala sigi pomainao," te po wali.

¹⁶⁻¹⁸ "Tiali goli, te bidigo aga abagi dali boi bidi homu elama, tama agai ain dili, ma masigi du, ma wabi dage selama, aga abagi ela muani da, teda dagego aga me ela muao. Magi baso meni, aga digi polo sege sai dao, aga te bidi ela muani bidi mu dao. ¹⁹ Te isali bidi aga deli kaneme bidi me deligo te bidi ela mumainao. Te aga deli kaneme hani deligo te bidi subaso da, teda agai te bidi tama ela mumainao. ²⁰⁻²¹ Ma, te bidi mego aga abagi godolo isama, olo dali bomona dega palama, tama aga abagi tulaluyu isalio, agai magi nai me nogogo sanama, ma agai nogo sugunama elama isali da, teda agai te sege sai dao, tama dagego aga me ela muao. Teda aga amago te bidi isali wei ponabo se elalubao. Agai te bidi ela mumainao. Te agai te bidi subosi, agai te bidi polo ela mumainao," wali.

²² "Tiali goli, aga abagigo boi bidi homu isama, aga abagi bomona dega palali digi isibaso, ma agai magi nai me nogogo sanama, tama aga abagi ela mubaso, ²³ ma agai suisama olo dali masigi togolai madi te bidi ela muani da, teda dagego te tama tijo. ²⁴ Dagego te se yali po te bomai po wali peyu, tama te bidi aga abagi elali bidigo kolesaga me agai po osola suyu bolo yao. Tama dagego te isali bidi aga deli kaneme mego te ela mumainu sula tagaligio. ²⁵ Dagego aga ma oda selama, tama te isali bidi aga amago te bidi elegobeo. Tama dagego aga te duala sabo te hanuba taga palao. Te bidi te hanude bidibadi, te sogo te bidibo te tobolu bidi pris bidi isiyu bolo elama, tama nosali aga te duala sabo te hanu taga pomainao," wali.

²⁶⁻²⁷ "Tiali goli, te tobolu bidi pris bidi isisama ebadi, te bidi elali bidi aga digi te hanu tagalama buluba sobadi, te isali bidi aga hanigo te bidi sulama ela mubaso da, teda te po tɔ menio. ²⁸ Magi baso meni. Te

aga abagi elali te bidi aga digi te duala sabo hanu taga soali dao, te sogo bidibo tobolu bidi pris bidi isisama ebadi. Tialima, agai taga pobaso da, teda aga dagede dao. Te hetpris bidi isai digi da, teda aga te aga bulu muba ma pomainao, tama agai te yali sède po mu menia saibao."

²⁹ "Dage me duga hani nosali asobo waj dabego te bomai po wali naga pia, tigidali sogo. Dage me gasa bulude bidali me tagalao, te bomai po wali naga pia. ³⁰ Te augwaligo po tu ela mubadi, bidi mego aga abagi dali boi bidi homu eyu elalio po obaso, tama bidi si ma selago sulama, tama po tu ebode deli po naga obaso da, teda dagego aga ela muagameo. Tiali goli, bidi deligo sulama, aga po tu ela mobaso da, teda dagego aga ela mugio," wali. †

³¹ "Dagego te bidi aga abagi dali boi bidi homu elama, aga abagi ela muani bidi dagego ela mui. Te bidi aga digi aga te monego ma abelegobeo. Mu menio. Aga isimainu yao."

³² "Ma, te bidi me aga te duala sabo te hanuba pelama, geme dualaluama, tama nosali aga te aga buluba ma soainu sunumi abelebaso da, te hetpris bidi bidibadi, teda agai usu egobeo. Dagego agai te tama timainu sula tagalamuo. Te habu mu dao."

³³ "Ma, dagego aga pomainu sula tagalali da, teda duga digi duga bulu eno gedude meda ilaibao. Te bidi ela mubo kolesagago te bulu meda ilibo dao. Tama te bulu wiegi yai ma ilabo sunumi deli elalubao. Te da e tama dao. Dagego te bidi aga abagi elali te bidi aga wei ponama ma elao. ³⁴ Dagego duga bidibo bulu eno gedude meda ilamu dao, Genuai Bidi eno gedude. Magi baso meni. Ena dage Israel dabe tomode bidibao," Genuai Bidigo te po wali.

Te bidigo sai we dabego te aya isibode te ayago nai dabe somainao

36 Te Josep te Manasego aya, tama Manase te Makirgo aya, tama Makir te Gileatgo aya dao. Tialima, me sogo te Gileatgo hani tobolu bidi augwali te Moses pageba pali, me te gasa Israel dabego tobolu bidi dabe pageba pali. ² Tama augwaligo te po wali,

† 35:30 Bom 17:6; 19:15

"Genuai Bidigo dagebolo te to da Israel dabebolo dobayainu, dage satu gagali yao po wai dao. Tama me ma, agai dagebolo te dago hani Selofehatgo to dabe me mao po wai dao, te aga wegi dabebolo. ^{†3} Tiali goli, augwali te gasa hani bidi dabe dali bidi peyu da, teda augwa bidi dabego waj hanigo te to dage saibao. Te augwa bidigo hanigo te to selama, tama augwa to dali talua saibao. Tama dagego da magi ela mani te to te dwasianu igi paibao. ⁴ Tama nosali te to gasa bidibolo mani te to ma siyu, te to abelali nai ma wei ponobo genuai sogo da, teda te Selofehatgo wegi mani dabego te to dage, te wegi manigo augwa bidi dabego hanigo te to selama, tama augwa to dali talua saibao. Tama te to da hanigo meni yaibao," te po wai.

⁵ Tama tialima, Mosesgo Genuai Bidigo te po te tigidali Israel dabebolo mani. Mosesgo te po wali, "Te Manase hanigo te po te mu tama dao. ⁶ Tialima, Genuai Bidigo te po wali, te Selofehatgo wegi dabe augwa homugo te bidi me pomainao. Tiali goli, augwaligo augwa hani bidi dali naga augwali bidi pomainao.

⁷ Tama tiali da, dage deli deli Israel hani dabego duga to dugade naga elalua paibao. Tama duga hani mebago me sogobeo. ⁸ Te wegi mani augwa aya isaide augwa ayago doado bage dabe saibaso da, teda te wegi aga ayago hani bidi dali peyu emainao. Dagego te tama tiyu da, teda dage Israel dabego duga waj mugo nai dabe me to dabe selama, elalua pidu mu elalua paibao. ⁹ Tama tialima, dagego te gasa hanigo dagego to somainu sula tagaligio. Menio. Deli deli hanigo augwa to mu naga tolaluaibao," Mosesgo te po wai.

¹⁰⁻¹¹ Tialima, te Selofehatgo wegi dabe, augwaligo nongi Mala, me Tirsa, me Hokla, me Milka, me Noa, augwali te augwa ayago hani mu dali pali. Te Genuai Bidigo Mosesbolo wali gilama tama tiali.

¹² Augwali te Manase hani bidi dabe dali bidi pali, te Josepgo ogwago hani. Tama tialima, te to dage te aga ayago hanide elaluali.

¹³ Te bomai po dabe te Genuai Bidigo Mosesbolo te Moapgo malu bulude, te Jordan we u badu, te Jeriko pade mani.

†† 36:2 Nam 27:7

Mosesgo Godigo Bomai Po Ma Pusali

Te hasia nedebo po

Te bukude te Mosesgo te Israel dabebolo te bomai po si wabo sogo wagi soayu ma pusali, te augwaligo homu hodolama, tama augwali homu kolesaga daꝓ omainogo yali. Augwali Moap bulu tꝓde bidiyu, augwali Jordan wꝓ nogelama, Kenan tꝓ sigi pabo kegaluali. Moses aga augwali dali pogobe da weyu, tama tialima, agai sabi simanobo po augwalibolo pusa mani. Mosesgo te po sela te Israel dabe augwalibolo mani. Tama te buku sabi simanigi peyu, te Moses isali po te elalubo.

Mosesgo te genuai po dabe e tama po pusali. Agai te Israel dabe augwali te Isipdu asali teba ma kone palali, te Godigo genuai sꝓ augwali dali yali. Te aga bomogo naga Godigo augwali tau sali. Tama tialima, augwali te aga dologode naga bidimainao. Moses agai te bomai nogo si po augwali dali ma pusulama, tama agai te bomai po page te Israel dabe augwali bidibo kolesaga ma hanina mani. Agai te polalubo bomai po agai bomona daꝓ walama, tama augwaligo homu hodolama, tama augwali te bomai po te Godigo augwalibolo mawaibao wali te tꝓde bidiyu, bugagia wali pomainu yali.

Genuai nai me deli e bukugo yabo nai deli da. Te da, te Israel dabego te namba wan te bomai po deli wali bugagia pabo te deli dao. Te bomai po te Daj 6, te ves 4 me 5, tede elalubo, tama e tama po wali, "Dagego God dago Genuai Bidi deli naga godolo mu iyꝓ. Dagego aga te duga haligade godolo mu eyu, me dagego homu kolesagago godolo eyu, me dagego bomogo dali mu aga godolo iyꝓ." Te da te bomai po daꝓ walainu, Mosesgo augwalibolo te bulu duba dabe me pelama, lotu po dabe me olamuo po wali, te tibo god dabeba lotu olamuo wali. Augwaligo te buluba kolesaga te lotu wabode me wali pelamuo. Augwaligo te Godiba lotu po wabo te pesage deli sa munama, tama tigidali we bidi teba naga lotu po wagi pomainu yao.

Te bukugo te Israel hani te Godigo augwali dali daꝓ walali bomai po tede homu kolesaga hodolali. God aga digi te homu kolesaga daꝓ walali te po wali peyu aselama, megi tama usu nagasali. Tama tialima, augwaligo me te Kenan tꝓ sabo sogo augwaligo bugagia kꝓnelama, tama bugagia wali pomainao.

Mosesgo te Israel dabego Sainai bulu taga solama asali po pusali

(Daj 1-3)

1 Te bukude te Mosesgo te Israel we bidibolo te bidi meni yai bulude augwali bidiyu, te po pusa mani buku dao. Te Jordan wꝓ pꝓde, te giliga asobo badu, augwali te Jordan wꝓ sesegede malu bulude bidai, te bulu Sup pꝓde. Tama hanu Paran te me badu pedai badu elaluali. Tama te hanu Tofel, me Laban, me Haserot, me Disahap, te gasa me badu pedai badu elaluali. ² Tialima, nage te bulu du Sainaidu hogodama, tama nage te Idom bulu du sunumidu peyu da, teda nage nogo si olama, deli sogo te bulu Kades Barneaba sabolaibao. ³ Te Israel dabe augwali te Isip bulu taga soali te kibu be bidi sese si silama, tama te dei namba wan, te 11 poluade, Mosesgo te we bidibolo te God, Genuai Bidigo agabolo walali po pusali. ⁴ Te sꝓ te Genuai Bidigo te Sihon, te Amor dabego tuni bidi, aiyaba elaluama, nosali te po pusubo sꝓ pedelai

dao. Tuni bidi Sihongo te hanu Hesbon tonaluai dao. Tama Genuai Bidigo te tuni bidi Ok aiyaba elaluai dao. Te Basan dabego tuni bidigo te hanu si tonaluai dao, te hanu Astarot, me hanu Edrei. ⁵ Te da, te Israel dabe augwali Jordan wꝓ giliga asobo badu bidali sogo, te Moap dabego tꝓ dage badu bidali sogo, Mosesgo te bomai po me te Godigo po page bugagia hanilama, tama te we bidibolo ola mabo gagalali.

⁶ Mosesgo te po wali, "Da te Sainai bulu dude bidali sogo, God, dago Genuai Bidigo dabolo e tama po walai dao, 'Dage e bulu dude bobobage sogo mu bidali dao. Eno homugo te usu dao. ⁷ Dage te pesage tagalama, tama pelama, tama dage te Amor dabego bulu du buluba piꝓ, tama me te bulu pꝓde elalubo bulu dabeba me. Te da, te Jordan wꝓ odogode elalubo bulu dao, tama te malu bulu me, bulu du bulu me, tama te tꝓ dage me te saut badu elaluyu me, te genuai tamu wꝓ Mediterenian pꝓbadu elalubo nambis tꝓ me. Tama dage Kenan dabego tꝓba piꝓ, tama me te bulu du Lebanon tꝓ u badu me pelama, te genuai wꝓ Yufretisba usu nigi pao. ⁸ Te tigidali tꝓ ena Genuai Bidi

† 1:4 Nam 21:31-35

eno te t̄o duga w̄ajbolo mawaibao po d̄aḡ walai dao. Te Abraham, me Aisak, me Jekobolo wai dao, me te augwaligo w̄aj nosali asobo bagebolo me. Tialima, dage megi pelama sigi pīaḡ, 'wali,' Mosesgo te po wali.

Mosesgo tobolu bidi dabe sa muani

(Sai 18:13-27)

⁹Tialima, Mosesgo te we bidibolo walali, "Hasia eno dagebolo e tiwai po walai dao. 'Dage tonalubo s̄e genuai mu dao. Enaduba usu egobeo. ¹⁰God, dago Genuai Bidigo dage hauwa mu, te dagalude h̄o tiwai pedalumainu ilai dao. ¹¹Eno homugo Genuai Bidi, dago w̄ajgo Godigo dage bidi hani hauwa umabo mu pedalumainu ebao. Tama eno homugo agai dagego tigidali nai dabe wiegi yai pedalumainu ebao, te agai dage dali hasia d̄aḡ wali gilama yali. ¹²Tiali goli, mena tama enaduba deligo dagego tigidali pogo hw̄jbo s̄eḡ dodologowe? Ena usu egobeo. ¹³Tama tialima, dagego me badu koneai bidi dabe, me wiegi yai bidi dabe, me te tobolu bidi bidibo kolesaga koneai bidi dabe, dagego sa muīaḡ. Dagego augwali duga hani deli deli tomode sa muīaḡ. Tama eno augwali dage tonalumainogo sa muaibao.' ¹⁴Eno te tama po wai, tama dagego te s̄e yabo usu dao po wai dao. ¹⁵Tama tialima, eno te polalubo bidi dabe, te koneai bidi dabe me, te wiegi yai tobolu bidi dabe eno sai dao. Te duga digi duga hani deli deli tomode sa muai dao. Tama eno augwali dagego tuni bidi bidimainu sa muai dao. Tama mebago te 1,000 we bidi tonaluyu, meba te 100 we bidi tonaluyu, mebago te 50 we bidi, me te nogo si we bidi tama tonalubo s̄e yai dao. Tiali me ma, eno deli deli hani tomode ofisa bidi deli deli sa mumuna pai dao."

¹⁶"Tama te sogo eno te tobolu bidi dabe te e tama ola mawai dao, 'Dagego olo bugagia munama, te we bidigo wabo po dabe bugagia odao,' po wai dao, 'te we bidi aga hasi tomode wabo po. Tama dagego te we bidigo wabo po bugagia osola suo, te duga abagi dabe tomode, ma te Israel hani is̄awai bidi hani dabe dage tomode bidibo bagede pedalubaso me.

¹⁷Dagego te tigidali bidi dabe te deli kolesagago naga dodolao. Te aga genuai bidi me, ma olo bidi me. Tama dage bidi me delide wi me elamuo. Magi baso meni, God aga digi dagego homu kolesaga te po t̄u ebode dodolaibao. Ma, te s̄eḡ genuai mu me elalubaso da, tama dodolabo usu is̄abaso da, teda dagego ena pageba odasa asao, teda eno po t̄u odaibao.' Eno augwalibolo te tama po walai dao. ¹⁸Tama te sogo me, eno dagego meba s̄e dabe yabo eno ola mawai dao," Mosesgo te po wai.

Te Israel dabego sa sugi pabo bidi tagala palali po

(Nam 13:1-33)

¹⁹Mosesgo po geninama weyu, te po wali, "Dago te God dago Genuai Bidigo wali po wali pelama, tama dago Sainai bulu du taga solama, tama da te bulu me te mu dwai digi pai dao, te moni nai meni yai kemi sane buluba. Tama tedu peyu, da te Amor dabego bulu du-

ba dabe sabolali. Da te bulu Kades Barnea sabolali sogo, ²⁰eno dagebolo te tama po walai dao, 'Megi da, da te Amor dabego bulu duba te sabolai dao,' po wai dao. 'Dago Godigo te bulu dagebolo megi mawainogo te ebao. ²¹Te t̄o suo. God dago w̄aj dabego Genuai Bidigo dagebolo megi mani dao. Dage pelama, teba duagi pīaḡ, te agai dagebolo hasia wali gilama. Dage wi elama, homu hauwa me k̄uḡ pelamo dao.' Eno te po wai."

²²"Tiali goli, dage ena pageba sabolama, tama dagego te po wali, 'Polo beda, dago bidi meba polasa tagala palama, tama augwaligo polasa te bulu sa sugi pomainao. Tama augwaligo dago wali pabo sunumi wiegi yai deli ola momainao. Tama me augwaligo dabolo mena tiwai hanu elalubowe dabolo augwaligo omainao,' wali. ²³Eno homugo tiali dago te po wali peyu da, te usu yaibao homu yali. Tama tialima, dago nogo si olama si hanide eno te deli deli bidi dabe sa muai dao. ²⁴Tama augwali te bulu du, me malu bulu me, te Eskol buluba dabe tama susa biligi pali. ²⁵Augwaligo ni du dabe meba ma seselama, dabolo ma magasali. Tama augwaligo te po wali, 'Te God, dago Genuai Bidigo dabolo megi maiabo t̄o, te t̄o ili hauwa mu elalualio,' wali."

²⁶"Augwaligo te tama po wai goli, dagego God dago Genuai Bidigo wali po sela s̄anama, tama dage te buluba pabo hagela homu yai dao. ^{†27}Dage duga ugwa be tomode dabe bidiyu, duga hasi po k̄uḡ pali. Tama dagego te po wali, 'Genuai Bidigo da godolo ebeo,' po wali. 'Tama tiyu, agai da Isipdu oda selama, e buluba odasa asalio, tama da te Amor dabego nogoba magasali dao. Tama augwaligo da dolaibao. ²⁸Magi baso mu da te buluba pogowe? Da wi ebao. Te bidi dabe, dago te sa sugi pomainu tagala palali bidi dabe, augwali ma aselama, te po wagasali, "Te we bidi augwali boma pai, tama bobobage dili yai we bidi mu, te bulude bidibao." Augwaligo te po wali. "Te we bidi dabe augwali te masigigo nigai bomai obo tomode bidibo, te dagalu d̄aḡ yai obo tomode bidibo. Tama te hanu dabede augwali te moni moni bidi dabe bida bida pabo suali," te sa sugi pali bidi dabego dabolo te po wai,' dagego te po wali."

²⁹"Tiali goli, eno dagebolo te po wai dao, 'Dage te we bidi dabede wi igimio. ³⁰God, dago Genuai Bidi, agai dage tudiba togolama aga bolo polasa paibao. Aga polasa pelama, hw̄jaibao, te dagego agai te Isip bulude ebo suali tiwai yaibao. ³¹Me, te nai meni yai kemi sane bulude yali me. Dagego gedugo polobadu suali, agai dage odasa asiyu yali kolesaga, me megi dage e bidibo te buluba me te sabalobao. Te da, te aya me deligo aga wai nogode tolasa bilibo tiwai te ebao.'

^{†32}Eno te po dagebolo walio. Tiali goli, tegoba!

Dagego te po odis̄ama bididuai. Tama dagego Genuai Bidiba homu d̄aḡ wabeo. ^{†33}Polobadu te aga polasa pelama, tama agai dage sunumi ola menama, tama agai dage duga ugwa be dabe s̄e yabo pesage ola mawaidu geai dao. Te hulide da, te aga polasa peyu, te sia bogoli me ebo tiwai elama, dage kegasa pai dao.

Ma, ulade da, te pō me tiwaigo dage kegasa pai dao," Mosesgo te po wali.

Godigo Israel dabe dene ilali

(Nam 14:20-45)

³⁴ Mosesgo te po wali, "Genuai Bidigo dagego po dogia pabo suali, tama aga haliga sēbē mu yai dao. Tama tialima, agai po haninama, bomona weyu, te po wali, ³⁵ 'Dage dwai we bidi, dage eno duga wājibolo mawaibao wali te buluba dage mu pogobeo. Mu menio. ¹³⁶ Kalep, te Jefunego ogwa deli digi, aga te buluba paibao. Aga ena dali deli homu mu eyu, agai deligo naga eno tigidali po wali palio. Tama tialima, aga dali, te aga ame nabo wai puluba dali sigo naga, eno te mabo tō suaibao,' Genuai Bidigo te po wai."

³⁷ "Te nosali badu me sogo deli te dage we bidi dabego yali kolesagago te Genuai Bidigo ena dali me sēbē ebo sē ilali, tama agai te po wali, 'Moses, nage me te bulu tomoba me pogobeo. ³⁸ Tiali goli, nago namba tu bidi Josua, te Nungo ogwa, deli naga teba paibao. Nago Josuago homu kolesaga daḡ walao. Magi baso meni, agai te Israel dabe te buluba odasa pelama, te buluba bidigi paibao,' wali."

³⁹ "Nosali Genuai Bidigo da tigidalibolo te po wali, 'Dagego wai bōḡ dabego te dwai sē me wiegi yai kolesaga augwaligo me kuna dagalasiḡyu ebo konebeo. Te augwali te wai puluba naga. Te augwali naga te bulu tomoba paibao. Dagego te po wali, te boi bidi dabego augwali elaibao, wali. Tiali goli, eno te bulu augwalibolo mawaibao. Tama augwali te bulude bidaibao.

⁴⁰ Tama dage genuai we bidi da, dage ma gelama, tama te nai meni yai kemi sane buluba ma soaiḡo. Te tamu wē Ret Si, te Akaba, te buluba pabo sunumi badu soaiḡo,' wali."

⁴¹ "Tama dagego enabolo te po wali, 'Hobedeo. Moses, dago Godigo gedude dago dwai sē yalio. Tiali goli, dago megī da te Amor dabe dali hwjgi paibao, te Genuai Bidigo dabolo wali gilama,' wali. Tama dage deli deligo te hwjyu gudubo ugwa dabe gudama, tama dagego homugo te bulu du bidi dabe te olo nai tiwai dao homu yai dao, tama dagego augwali aiyaba elaluaibao homu yali. ⁴² Tiali goli, Genuai Bidigo enabolo te po wali, 'Dagego augwali habu selao. Tama augwali hwjgi pomainogo igio. Magi baso meni. Eno augwali tau sogobeo. Tama te boi bidi dabego augwali mu dolaibao,' wali. ⁴³ Genuai Bidigo po eno dagebolo mani. Tiali goli, dagego agai po odobeo. Te dagego hagoma eyu, po sela saḡnama, tama dage hogodama pelama, te boi bidi dabe dali subigila hwjgi pali, te bulu du buluba. ⁴⁴ Tialima, te Amor dabe augwali dagego te bulu dude te bidi gaḡ kelebo te nenemo tiwai bidibo dagego suali. Augwaligo dage pobeasa, te Horma buluba saboligi pali. Te Idom bulugo bulu du tomoba pali. Tama augwaligo dage sese tama mu dolali.

⁴⁵ Tama dage gela olama, tama Genuai Bidigo tau so-mainogo i wai dao. Tiali goli, agai dagego po me odobeo. Menio. ⁴⁶ Tama te tiali hagede dage te bulu

Kadesde bobobage sogo mu bidai dao," Mosesgo te po wai.

Te Israel dabe augwali te bulu Idom me Moapba sabolali

(Nam 14:39-45)

² Tama Mosesgo te po wali, "Tama nosali mu, da te ma geasa te nai meni yai kemi sane buluba pai dao. Tama da te tamu wē Retsiba pabo sunumi badu pai dao. Tama dago te Genuai Bidigo wali po wali tama pai dao. Tama da bobobage sogo mu te Idom bulude te bulu dude bilai dao," wali. ††

² "Tama nosali Genuai Bidigo enabolo te po wali, ³ 'Bobobage sogo mu dage e nai meni yai bulu du elalubo tōde bilai dao. Tama megī dage te notba te badu pao.' ⁴ Agai te po dagebolo pusao obaso walai dao, 'Megī da, dage te Idom bulu tomoba paibao,' po wali. 'Te da, te duga ama dabego tō dao, te Isogo wai hani dabego tō dao. Tama augwaligo dagede wi yaibao. Tiali goli, dagego augwali dali dua dao.

⁵ Dagego augwali homu hogodama, te hwjainogo igimio. Magi baso meni. Eno augwaligo tō dage dwasianu dagebolo me magobeo. Menio. Eno te bulu du elalubo bulu Idom te Isogo wāj dabebolo naga polobadu mu mawai dao. ⁶ Te augwaligo bulude dagego te wē dabe nai dabe abelagameo,' Genuai Bidigo te po wali."

⁷ "Dagego te sē dabe gegeda pelamuo. God dago Genuai Bidigo da tigidali te wiegi yai sē naga yali. Agai dage wiegila mu te nai meni yai bulude bugagia mu tonaluali. Te kibu be bidi sese si 40 agai da bugagia tonalubao. Aga dage dali bidibao, tama dage magi nai me soḡ pabeo," wali.

⁸ "Tialima, da te sunumi te hanu si Elat me Esiongeber sidu gagalama asali. Tama te sigi aḡ Detsiba saboligi pali. Tama da te nai meni yai bulu Moapba ma begasa pai dao. ⁹ Tama Genuai Bidigo enabolo te po wali, 'Dagego te Moap dabe dali dwai sē me elamo dao,' po walio. 'Augwali te Lotgo wāj hani dao. Tama augwali dali wābi me hwjnamuo. Magi baso meni, augwalibolo eno te hanu Ar mawai dao. Tama eno augwaligo tō dage dwasianu dagebolo me magobeo,' Godigo te po wali," Mosesgo te po wai. ††

¹⁰⁻¹¹ (Te genuai bomai we bidi me deli, augwaligo augwali te Em hani wabo dao, augwali te bulu Ar wabo, te bulude augwali polobadu bidai dao. Augwaligo bobobage dili te Anak dabego dili bobobage tiwai elaluali. Te bidi dabego augwali te Refaim poai dao. Tama te Refaim dabe augwali te bulu Moapde bidibaso, te Moap dabego augwali te Em dabe dao po wai dao. ¹² Polobadu te Hor dabe te bulu Idomde bidai dao. Tiali goli, te Isogo wājgo te hani dolama, tama te tō selama, tama te tōde te bidibao. Nosali te Israel dabego me te deli tobage kolesaga naga elama, tama augwaligo Genuai Bidigo augwalibolo mani tō sai dao.)

† 1:35 Hib 3:18

†† 2:1 Nam 21:4 ‡ 2:4 Gag 36:8 †† 2:9 Gag 19:37

¹³ Tama Mosesgo po geninama weyu, te po wali, "Nosali dago Genuai Bidigo po wali gilama, te wẹ Seret nogeyu da, tama nogeai dao. ¹⁴ Tama kibu be 38 dolo tama pela silama, te Kades Barnea taga solama, tama dago te wẹ nogeagasali sogoba tama usu nagasali. Tama te da Israel hani tomode elaluali hwjbo bidi dabe dago te Kades Barnea taga soabode bidai dao, te kibu be 40 tomode augwali sese tama isila silai dao. Te sẹ te yali da, te Genuai Bidigo wali gilama tama te pedalali dao. ¹⁵ Tama Genuai Bidigo te bidi dabe dali boi bidi mu elama, tama augwali silibo si tama tagalali, augwali megı da dali me bidibo menio," wali.

¹⁶ "Te polobadu bidali Israel hwjbo bidi dabe augwali-gı sabı bidi dabe isila silibo si, ¹⁷ Genuai Bidigo te po wali, ¹⁸ 'Megı tama dage te Moap dabego tẹ tomodu peyu, te hanu Arba pabo sunumidu pao. ¹⁹ Tama dage te Amon dabego bulu paba paibao, te Lotgo waj hani bidi dabe bidalubo digi. Tiali goli, dagego te bage augwali te sẹbẹ elama, tama wado yabo sẹ me elamuo, magı baso meni, te tẹ eno augwalibolo mawai dao, tama eno te augwaligo tẹ dagebolo me te tẹ dage me magobeo,' Genuai Bidigo te po wai." ††

²⁰ (Te tẹ dage me te Refaim dabego tẹ dage dao po wabo dao. Magı baso meni. Augwali polobadu te tẹde bidai dao. Tiali goli, te Amor dabego te bidi dabe augwalibolo te Samsum dabe dao po wai dao. ²¹ Tama augwali me te Anak dabe bobobage bidi dabe tiwai dao. Augwali hani te hauwa mu dao, tama augwali bomai bidi dabe mu bidai dao. Tiali goli, Genuai Bidigo augwali mu silama, tama te Amon dabego augwali hasegeliyu, tama te tẹ selama, tama augwali te tẹde bidibao. ²² Agai te sẹ tiwai te Isogo hani dali elama, te Idom dabego bulu dude bidibo tiwai yalio. Tama Genuai Bidigo Hor dabe silali. Tama tialima, te Idom dabego augwaligo tẹ selama, tama augwali tede bidibao. ²³ Te tama tiali gilama, tama te ailan Krit hani-gı te Av dabe ela silama, augwali tede bidibo gilama tiali. Augwaligo tẹ te genuai tamu wẹ Gasa paba tama usu nigı pelama elaluali, te sautba polo badu. Tama te Krit dabego augwaligo tẹ selama, augwali tede bidali.)

²⁴ Tama Mosesgo po geninama weyu, te po wali, "Dago te Moap taga soali, tama Genuai Bidigo dabolo te po wali, 'Megı da, dagego te Armon wẹ nogeao. Megı da, eno te Amor bidi dabe tede tagalaibao. Te Hesbon bulu bidi dabego tuni bidi Sihon, agai tẹ dali dagego nogoba muaibao. Tialima, dagego augwali dali boi dala palama, tama agai tẹ sabo gagalao. ²⁵ Megı tama, eno te tigidali bulu bidi dabe dagege wi emainogo ilaibao. Tialima, augwaligo dagego nogı odobo si da, tede augwali wi elama, didibili yaibao,' Genuai Bidigo te po wali," Mosesgo te po wai.

Te Israel dabego te tuni bidi Sihon aiyaba elaluali

(Nam 21:21-30)

²⁶ Tama Mosesgo po geninama weyu, te po wali, "Tialima, da te bulu Kedemot kemi sanede bidali sogo, eno te Hesbon tuni bidi Sihonbolo wiegi yai po sela

pabo bidi tagala palali. ²⁷ Augwali saboligi pelama, te po wagi pali, 'Nago da nago bulu tomo sunumidu soabo usu dao po waibawe? Da te genuai sunumi delidu naga soaibao. ²⁸ Tama dago te wẹ me, nai me, olo me sogobeo. Menio. Teda dago abeliyu naga yaibao. Da olo nago bulu tomodu soaibao. ²⁹ Tama da te tomodu solama, te Jordan wẹ nogelama, te God dago Genuai Bidigo da mawainogo te wali tẹba paibao. Te Isogo hani te Idom bulude bidibo. Tama te Moap dabe te Ar bulude bidibo. Augwali sesego dabolo usu dao po olama, da augwaligo bulu tomodu soao po walio,' te po sela pabo bidi dabego te bidi Sihonbolo te po wali."

³⁰ "Tiali goli, tuni bidi Sihongo da agai buludu so-mainogo usu dao po wabeo. God dago Genuai Bidigo aga te hagoma homu ebo sẹ iliyu, aga homu dağ walali. Te dago aga aiyaba elaluama, tama agai te tẹ dago somainogo tama yali. Te tẹ megı da, te bidibao," wali.

³¹ "Tama Genuai Bidigo enabolo te po walali, 'Odao, megı eno te tuni bidi Sihon me agai tẹ sese tama nago nogoba mubao. Te tẹ sabo gagaliyu, tede bidao,' Genuai Bidigo tama wali. ³² Tialima, te tuni bidi Sihon aga hani bidi dabe selama, tama da dali te hanu Jahas pade hwjagasali. ³³ Tiali goli, God dago Genuai Bidigo te bidi aga ogwa dabe, me aga hani sese tama, dago aiyaba elaluama tama dago augwali ela silimainu ilai dao. ³⁴ Tama te sogo tama dago agai tẹ selama, tama dago agai hanu sese tama dolama tagalai dao. Tama dago te bidi sese tama ela siliyu, me dago augwaligo we wai dabe sese tama ela silai dao. Dago te bage me bidibadi me sulama tagalai menio. ³⁵ Tama dago te tigidali hanu dabede te tigidali kau kibu, me tigidali doado bage dago sai dao. ³⁶ God dago Genuai Bidigo te tigidali hanu dabe dolomainogo sula tagalai dao. Te moni hanu Aroerdu gagalama, te Arnon wẹ sesegede, me te wẹ sesegede elalua pabo bulu du tama pelama, te Gileat dabego tẹba usu nigı pali, te hanu me deligo da paliabo usu me ebeo. ³⁷ Tiali goli, da te Amon dabego tẹ pageba me pabeo, me te Jabok wẹ pageba me da me pabeo, me te bulu dude dabe elalubo hanu me, ma te gasa buluba me da pabeo. Te da, te God dago Genuai Bidigo da habu selai dao," Mosesgo te po wai.

Te Israel dabego te tuni bidi Ok aiyaba elaluali

(Nam 21:31-35)

3 Tama Mosesgo po geninama pusuyu, te po wali, "Tama nosali da te notba polo badu da pali. Te bulu Basanba pabo sunumidu pali. Tama te tuni bidi Ok aga hani bidi dali asali, te da dali hwjainogo, te hanu Edrei pade. ² Tiali goli, Genuai Bidigo enabolo te po wali, 'Nage te bidide wi me elamuo. Te eno aga, me aga we bidi tigidali, me tẹ dali, sese tama nagebolo mawaibao. Tama nago te Amor dabego tuni bidi Sihon dali yali kolesaga tiwai me aga dali yaibao,' Genuai Bidigo te po wali."

† 2:14 Nam 14:28-35 †† 2:19 Gag 19:38

³“Tama tialima, Genuai Bidigo te tuni bidi Ok me aga we bidi sese dago nogoba mubo si, dago tigidali mu ela silai dao. ⁴Tama te sogo dago agai hanu dabe sese dago selama, tama deli me tagalai menio. Mu menio. Dago te bulu Argopde dago te 60 hanu mu sese tama sai dao. Te da, te tuni bidi Okgo bulu tiai dao. Ok aga te genuai hanu Basande bidiyu, tama te bulu me hanu tonaluai dao. ⁵Tigidali te hanu dabe te masigigo nigai moni obo mu elama, tama bomai sunumi mu nigali, tama augwaligo te sunumi dabe te bomai ain dili dabego daj waliyu yali dao. Tama te obo meni yai dwasianu bulu dabe hauwa mu elaluali. ⁶Dago te tigidali hanu dabe doliyu, me te we bidi me wai dabe dago sese mu ela muna silai dao. Dago te deli kolesaga tiwai naga dago te Sihon te Hesbon hanu tuni bidi dabe dali dago tama tiai dao. ⁷Tama dago te kau kibu dabe, me te hanude elaluali nai dabe sese tama sai dao.”

⁸“Tama tialima, dago te tuni bidi sigo tō dago sai dao, te Amor dabego tuni bidigo tō, te Sihon me Ok si. Te tō te wē Jordan te giliga asobo badu elalubao. Tama te wē Arnundu gagalama, tama pelama, te bulu du Hermon te sautba sabolama, tama te notba saboligi pali. ⁹Tiali goli, te Saidon bidi dabego te Hermon wabo dao, te Amor dabego te Senir wabo dao. ¹⁰Dago te malu bulude elaluali bulu dabe dago sai dao. Tama dago te Gileat tō dabe, me Basan tō, me te hanu si Saleka me Edrei hanu tō me, sese tama dago salio. Te tō dabe sese te tuni bidi Okgo tō dago sese tama sai dao,” Mosesgo te po wali. ¹¹(Te tuni bidi Ok aga te Refaim dabe sabi simanobo tuni bidi dao. Aga pubulabo halobage augwaligo te masigigo nigali. Te halobage bobobage te 4 mita, tama genuai te 2 mita tama. Te da, te hanu Raba te bulu Amonde elalubao.)

Te Israel bidi hani meba te giliga asobo badute Jordan wēde bidali
(Nam 32:1-14)

¹² Mosesgo te Israel dabebolo te po wali, “Dago te hanu dabe sela silibo si, eno te Ruben hani me Gat hani dali sibolo tō mani, eno te hanu Aroerdu gagalama, te wē Arnon pāba saboligi pelama, te daj ilali. Tama eno augwalibolo te Gileat bulu du si badu augwalibolo eno mawai dao. Te aga hanu dabe dali sese tama mawai dao. ¹³Tama eno te Gileat me te Basan tō sese te Manase hani bugai mebabolo mawai dao. Basan te tuni bidi Okgo polobadu tonaluai tō badu dao. Te tō tigidali te Manase hanibolo mawai dao,” wali. (Te bulu augwaligo Argop dao wabo dao. Polobadu augwaligo te Basanbolo te po wai dao, te Refaim dabego tō dao po wai dao. ¹⁴Nosali te Manase hani bidi me Jairgo te bulu Argop sese tama sali. Te tō augwaligo te Basan te wabao. Te tō daj te bulu Gesur me Maka bulu si sesegeba te daj igi palio. Tama aga digi aga nogi te bulu dabe poali. Tama tialima, te bidi dabego te po wabo dao, te bulu dabe te Jairgo bulu dabe dao wabo dao.)

¹⁵ Tama Mosesgo po ma wadolama weyu, te po wali, “Eno te Gileat tō te Makir dabego somainu sa muai dao. Te Makir dabe te Manase hani bugai meba dao. ¹⁶Tama te Ruben hani, de Gat hanibolo da, eno te tō te Gileat tōdu gagalama, tama Arnon wēba tama usu nigi pelama mawai dao. Augwaligo daj te saut badu gagalama, te wē tomoba saboligi pai dao. Tama augwaligo tō daj te giliga asobo badu pelama, tama te Jabok wēba saboligi pali. Tama te wē Jabok te Amon bulu dali daj elaluali wē dao. ¹⁷Tama te giliga dega sabo badu da, te augwaligo daj te Jordan wēba daj igi pali. Te daj te sigi wē Galilidu te not badu gagalama, tama pelama, te sigi wē Detsi te saut badu tama pelama, te bulu du Pisgadu pelama, te sigi wē Detsiba saboligi palio,” wali.

¹⁸ “Tama te sogo naga eno te Ruben hani dali, Gat hani dali, te Manase hani dali, augwalibolo te po wali, ‘God dago Genuai Bidigo dagebolo te tō te giliga asobo badu te Jordan wē badu dage mani dao, te dage tede bidimainogo. Megi da, dagego bidi dabego te hwjabo nai dabe sao. Tama dagego augwali polasa te Jordan wē nogelama, tama augwali augwa ama Israel dabe nosali ilama, tama pelama, te tō somainogo tau sigi pao. ¹⁹Tama dagego we wai dabe augwali te dagebolo eno mani te hanu dabede tagalao, augwali tede tonalumainu yao. Eno koneani, dagego kau kibu hauwa bidibao. Tiali goli, augwali me te hanu dabede bidimainao. ²⁰Dagego duga ama solo tau sela mao, tama augwali te God dago Genuai Bidigo augwalibolo mawainu yali te Jordan aj pabo badu te giliga dega sabo badu tō sabo si tagalao. Dage augwali dali bidibadi, te Genuai Bidigo augwali te tōde bugagia bidimainu sula tagalobode tagalao. Te agai dage dali yali sē tiwai tama ebaso. Tama nosali da, teda dage duga eno dagebolo mani tōba ma piagameo,’ wali.” †

²¹ “Nosali eno Josuabolo te po wali, ‘Nago polo suali dao, God dago Genuai Bidigo te tuni bidi Ok de Sihon side agai tigidali sē yali. Te agai te tiwai deli kolesaga naga te dagego hwjnama, tama te augwaligo tō sainu ebo bage dali tiaibao. ²²Dage augwalide wi me elamu. Magi baso meni, God dago Genuai Bidigo dage tau selama, tama augwali dali hwjaibao,’ eno te po wali,” Mosesgo te po wai.

Godigo Moses Kenan tōba pomainu sula tagalobeo

²³ Te Mosesgo te po wali, “Te sogo eno gedu haluasa po bomo elama, te po wai dao, ²⁴ ‘God, Genuai Bidi, eno koneani, nago enabolo nago genuai yabo sēde te sē dwasianu deli naga me nago enabolo ola manio. Te gasa god dagalude me tōde me bidibeo, te nago te genuai sē nago polo yali, te sē tiwai yabo. ²⁵ Megi eno homugo nago ena te Jordan aj nogelama, u badu pomainogo yao. Tama eno te wiegi yai ili yai tō me, wiegi yai bulu du me, te Lebanon bulu du me sugi pomainogo yao,’ eno tama po wali.”

²⁶ “Tiali goli, menio. Dagego geda muanigo dagego dolaligo da, Genuai Bidigo ena dali sēbē elama, tama

† 3:20 Jos 1:12-15

olo palialubao. Agai te po wali, 'Penane pania sao,' wali. 'Nago enabolo te nai po ma hanalugio. ²⁷ Nage te Pisga bulu duba pelama, tama te notba me sautba tonoyu, me giliga asobo badu tonoyu, me giliga dega sabo badu tonoyu yao. Nago te buluba dabe bugagia mu tonono bilao. Magi baso meni, nage te aḡ Jordan nogelama, te tḡ tomoba nage pogobeo. Mu menio. ^{†28} Josua bugagia ola mao, tama agai homu kolesaga bugagia daḡ walao. Magi baso meni, aga digi aga te we bidi te wḡ u badu odasa paibao. Tama augwali nago megi te suabo tḡde bidaibao,' wali. ²⁹ Tama tialima, da te odogo bulude bidai dao, te hanu Betpeor u badu,' Mosesgo te po wali.

Mosesgo Israel dabebolo Godigo bomai po bugagia wali piḡo po wali

(Daj 4-11)

Mosesgo Israel dabebolo Godigo po wali piḡo po wali

4 Megi da, Mosesgo te we bidibolo te tama po walali, "Dagego eno megi dagebolo mabo po bugagia wali pobaso, tama dage bugagia bidiagameo. Tama dage duga wḡ dabego God, Genuai Bidigo mawainu ebo tḡde bidiagameo, te dagebolo megi mabo tḡ dao. ² Te God dago Genuai Bidigo megi agai e mabo bomai poba dagego duga gesi noma bomai po me teba daganamuo, te megi eno dagebolo e mobao. Tama dagego te Godigo bomai po me deli sela saḡnamuo. Dagego te bomai po tigidali tama wali piḡo. ^{††3} Genuai Bidigo te bulu du Peorde yali sḡ duga digi polo te suali dao. Te bulude te dage tomode bidi hauwago te tibo god Balba lotu wali, tama Godigo augwali sese tama dolalio. ^{†4} Tiali goli, te dago God Genuai Bidide augwa homu mu kḡḡ pai bidi dabe, dage da me te bidibao," wali.

⁵ "Edao. Eno dage tigidali haniani bomai po ola mena silali, te God dago Genuai Bidigo dabolo wali gilama tiai dao. Megi da, dage te bulu sigi pelama, tama tede duagi paibao. Tama dage te bulude bidiyu da, teda dagego te bomai po tigidali wali piḡameo. ⁶ Dagego te bomai po dabe mu tama wali piḡo. Tama te gasa bulu bidi dabego te tiwai sḡ ebo konemainao, te dagego wiegi yai kolesaga elaluyu, me wiegi yai homu kolesaga hauwa elaluyu ebo augwaligo koneaibao. Tialima, augwaligo dagego te bomai po elalubo po odobo sogo, augwaligo te po waibao, 'Tegoba! Te we bidi augwaligo wiegi yai kolesaga, me wiegi yai homu kolesaga elalubao,' po waibao. 'Augwaligo da mu edelama, mu elalubao,' waibao," Mosesgo te po wai.

⁷ "Dagego meba we bidi dabe kone paliawe? Augwaligo genuai bomo da elalubadi goli, tagalao, augwali tau sabo god menio, te God dago Genuai Bidi da dali ebo tiwai. Tigidali sogo Genuai Bidi aḡa da dali

paḡe mu bidiyu, tama dago agaba i wabo si da, teda agai da polo tau sabo dao. ⁸ Tama te gasa we bidi augwaligo te doloba pai bomo yai po augwaligo elalusiḡwai, te eno dagebolo me e ola mabo haniani bomo yai po tiwai elalubeo. Mu menio. ⁹ Dagego bugagia tonaluiḡo. Te dage tigidali sogo e tḡde bidiyu, dagego duga te suali te nai dabe munu me gegeda pelamuo. Te Godigo yali sḡ suali te duga homude mu daḡ walao. Dagego duga wai dabe, me waigo wai dabeba pusa mayu, ¹⁰ te dagego te God Genuai Bidi paḡe dolaluyu suali, te po pusao, te Sainai bulu dude. Te sogo Godigo enabolo te po wali, 'Te tigidali we bidi i olama sisinao. Eno homugo augwaligo eno wabo po odomainao. Tama tiyu, augwali e tḡde bidiyu, ena dologode naga elalumainao. Tama augwaligo augwa wai dabeba me nosali ola menama, tama augwali me ena dologode elalumainao,' Godigo enabolo te po wali."

¹¹ "Godigo po wabo si, dage te bulu du sesegeba dolaluagasai dao. Tama sisi pḡ me hano sigo bulu du mesega selama, tama moni isi bogoli dagaluba holai dao. ¹² Tama Genuai Bidi te iside bidiyu, dage dali po wabo dagego odai dao, te agai digi po wabo. Tiali goli, te God e tiwai nai me deli da weyu, te agai tigi te dagego me subeo. Mu menio. ^{††13} Tama te sogo agai nogo si bomai po dagebolo menama, tama agai masigi sawali side asḡai dao. Te bomai po te agai dage dali te po daḡ waliyu, te tama tiai dao. Tama agai dagebolo te bomai po wali piḡo po wai dao. ^{††14} Tama Genuai Bidigo enabolo dage agai megi mawainu ebo te tḡde bidiyu, wali pabo haniani bomai po meba eno dagebolo ola mao po wali," Mosesgo te po wai. ^{†††}

Te Israel dabego tibo god dabe wali me pelamuo

¹⁵ Te Mosesgo po geninama weyu, te po wali, "Te Sainai bulu dude te Genuai Bidi te isi dabo tiwai ebo tomoba bidagaselama, te dage dali po miani sogo, dagego te God e tiwai nai me deli da olama daḡ ilibo dagego me subeo. Tama tialima, dage bugagia dolasa bidiḡo, ¹⁶⁻¹⁸ tiyu dagego tibo god me nigidali weyu. Ma, dagego tama tiyu da, teda dagego dwai kolesaga yaibao. Dagego te bidi piksa, ma we piksa, ma te hasa dabe piksa, ma ba piksa, ma te gula mane piksa, ma sugḡ piksa me nigilama, dagego god dao olamuo. ^{†††19} Tiyu dagego dagalude elalubo subo nai dabeba lotu po waidalio, te giliga, me polua, me hḡ dabeba lotu olamuo. Menio. God dago Genuai Bidigo te gasa we bidi dabego te nai dabeba lotu omainu sula tagalai dao. ²⁰ Tiali goli, dage da, menio. Godigo dage Isip bulude oda selama, dage eba odasa asali. Te dage te isi hobulude honialuai tiwai tama odasa soai dao. Tama agai dage odasa asali, te aga we bidi mu bidainogo odasa asai dao, te dage megi bidibo tiwai tama. ^{†21} Te dagego dwai kolesaga yaligo da, God dago Genuai Bidigo ena dali sḡḡe yali. Tama agai po bomonama, hanilama weyu, te po wali, te ena te Jordan aḡ nogela-

† 3:27 Nam 27:12-14; Bom 32:48-52 †† 4:2 Ped 22:18-19 ††† 4:3 Nam 25:1-9

†† 4:12 19:16-18; Hib 12:18-19 ††† 4:13 Sai 31:18 †††† 4:14 Sai 21:1 †††† 4:16-18 Sai 20:4; Prs 26:1; Bom 5:8; 27:15; Rom 1:23 § 4:20 Sai 19:5; Bom 7:6; 14:2; 26:18; Tai 2:14; 1 Pi 2:9

ma, te wiegi yai t̄q elalubo te buluba pogobeo po wali, agai megi dagebolo mawainu ebo te t̄qba. ^{†22} Eno te w̄q nogegobeo. Menio. Ena e bulude isaibao. Tiali goli, dage da, te w̄q nogelama, tama te wiegi yai ili yai t̄qba bidigi paibao. ²³ Dage bugagia tonalua. Tiyu dagego God Genuai Bidigo dage dali daq walali te po dagego gegeda pabuo, dagego. Dagego agai po wali piq̄o. Tama dagego duga tibo tibo god dabe me geselamuo. ²⁴ Dagego te tama tilamuo. Magi baso meni, God dago Genuai Bidi, aga deli naga te God mu dao. Tama agai dage te gasa tibo godiba me lotu omainu sula tagalogo-gebo. God aga da, te posolai isi tiwai mu dao, tama agai aga boi bidi dabe ulama daibao," wali. ^{††}

²⁵ "Tama nosali, dage te t̄qde bobobage sogo bidama, tama dagego wai dabe me dagego waj̄ wai puluba dabego me bidiyu, tama dagego dwai kole-saga eyu, dagego te tibo god me geselamuo. Ma, dagego te tobage nai dabe geseliyu da, teda dagego seḡḡ saibao. Te da, te Godigo gedude dwai kolesaga mu dao, tama te kolesaga aga seḡḡ mu ilaibao.

²⁶ Odiq̄awe, megi eno te dagalu me t̄q si i obao, te augwaligo eno dage dali te wabo bomai po odomainu. Ma, dagego Godigo po sela saḡani da, teda dua dao. Godigo dage tigidali polo tama te t̄qde sela saḡaibao. Tama dage te Jordan w̄q u badu elalubo te t̄qde bobobage sogo bidigobeo, te dagego megi te sainu ebo te t̄qde. Menio. Dage sese sia saibao. ²⁷ Teda Genuai Bidigo dage sese tama gasa buluba dabe subigila sela saḡaibao. Tama we bidi hauwa mu isila paibao, tama dage dwasianu we bidi naga te gasa haniani bidi hani tomode bidaibao. ²⁸ Tama te bulu dabede da, dage tibo godiba dabe lotu po waibao, te bidi dabego te masigigo me ni dabego nigai godide. Te god dabego te tonoyu, me odoyu, me po weyu, me nai tuyu, me nai denami odoyu me egobeo. ^{†29} Tama te sogo dagego homu hogodama, tama dagego duga dago God Genuai Bidiba ma asabo homu mu hogodaibao. Te dagego sese homugo me sese homu kolesagago aga gegabo homu yali da, teda dage aga paḡba mu asi-agameo. ^{††30} Tiali goli, dage genuai seḡḡ tomode bidibo sogo da, me te dwai nai dabe dageba pedalobo sogo me, teda dage homu begelama, ma geasa asama, Genuai Bidigo po wali paibao. ³¹ Magi baso meni, aga te bidi hobede ebo God dao. Agai dage mu tagaliyu, ma dage mu dola siliyu me egobeo. Tama agai te dago waj̄ dali daq walali te bomai po me gegeda pogobeo," Mosesgo te po wai.

³² "Dagego polobadu bidaliba ma kone paliawe, te dage ame nisabadi? Tama me te Godigo hasia bidi me deli nivaliba kone palawe. Te dage te tigidali t̄qba pobadi goli, tagalao, dagego te tobage genuai seḡḡ tiwai me pedalobo sugobeo. Te tobage seḡḡ po polobadu bidi mego odai elalubawe? Menio. ³³ God te isi tomode bidiyu, po wai dao, tama dagego agai po odai dao. Tiali goli, te bidi me te po polobadu odai goli, me isisaḡma me yai elalubadi bogo? Te menio. ³⁴ God dago Gen-

uai Bidigo da Isip bulude oda selama, da te Isip hani tomodu d̄q̄ selama, odasa asu, da aga we bidi mu pedelai dao. Te dagego gedude agai haniani seḡḡ hauwa agai genuai bomogo yai dao. Agai te Isip dabebolo genuai gasi augwalibolo mayu, me agai augwali dali hwiyu yai dao. Tama agai gasi hauwa mayu, me agai haniani bidi noma sabo seḡḡ geninama mu yali, te augwali wi ma iliyu. Tialima, te gasa god mego te tobage seḡḡ me yai dawe? Mu menio. ³⁵ Genuai Bidigo te seḡḡ dabe ola mani da, teda dagego konemainu te yali dao, te aga deli digi naga God bidibao olama konemainu te yali dao. Tama te gasa God me bidibeo. Mu menio.

^{††36} Agai dage dodola ola mawainogo, tama tialima, agai dagego agai po dagaludu wabo odomainu tagaliyu te yali dao. Tama te t̄qde dagego agai genuai isi dabo sumainu te yali dao, tama agai te iside bidiyu, dage dali po te wali dao. ³⁷ Genuai Bidigo duga waj̄ dabe godolo mu elama, tama agai dage aga we bidi mu bidimainu sa muai dao. Tama tialima, aga dage dali bidiyu, agai genuai bomogo dage Isip bulude oda selama, tama dage e buluba te odasa asali dao.

³⁸ Tama dage te asali sogo, agai te genuai boma pai we bidi sela saḡwai dao, te augwaligo bomo te dagego bomo edelai bage. Agai te tama tiali da, te da agai dage odasa aselama, tama augwaligo t̄q dagebolo mawainu te yali dao. Te da, te t̄q dage megi bidibo, te t̄q te dao.

³⁹ Tama tialima, dagego te tiali seḡḡ gegeda pelamuo. Genuai Bidi aga te dagalude me t̄qde God dao. Tama te gasa God me menio. Mu menio. ⁴⁰ Dagego agai bomai po tigidali wali piq̄o, te eno dagebolo mani te po. Tama tiyu da, dage me, duga wai dabe me, dage bugagia bidaibao. Tama dage te God, dago Genuai Bidi, te mabo te t̄qde dage bugagia bobobage sogo mu bidaibao. Tama te t̄q tigidali sogo duga t̄q elaluaibao," Mosesgo te Israel dabebolo te po wai.

Mosesgo duala siyu yabo hanu sa muani

⁴¹ Nosali Mosesgo giliga asobo badu te Jordan w̄q badu agai hanu sela sa muani. ⁴² Te hanu sela, te da, te bidi me deligo agai magi seḡḡ ebode geda muyu, olo bidi me ela muai yai baso da, te hanuba duala sigi peyu emainu. Agai hasia bolo te isai bidi dali dwai homu ebeo. Menio. Geda muyu, isilibaso da, te bidide po menio. Te bidi aga te hanu sela me deliba duala sigi peyu, wi pomainogo, tama wei ponobo bidi augwaligo aga elama isilibo usu egobeo, te habu selai dao. ⁴³ Te hanu sela te e tama dao. Te hanu me te Beser, te da te Ruben hanigo duala sabo hanu dao. Te da te bulu dude elalubo. Me da, te Ramot dao, te Gileat t̄q dage badu. Te da, te Gat hanigo duala sabo hanu dao. Tama me da, te Golan dao. Te da, te Basan t̄q dage badu. Te da, te Manase hanigo duala siyu yabo hanu dao. ^{†††}

Israel dabego sali t̄q̄q̄o p̄wadage po

⁴⁴ Mosesgo Godigo bomai po te Israel dabebolo mani. ⁴⁵⁻⁴⁶ Agai te bomai po augwalibolo augwali te Isip

† 4:21 Nam 20:12 †† 4:24 Hib 12:29 ‡ 4:28 Bom 28:36
†† 4:29 Jer 29:13

†† 4:35 Mak 12:32 ††† 4:43 Jos 20:8-9

bulu taga solama, tama augwali te giliga asobo badu te Jordan wẹ badu, te malu bulude bidibadi, te po mani, te Betpeorba tonobo badu polo badu. Te badu te tọ te tuni bidi Sihon, te Amor dabego tuni bidigo tọ dao. Polobadu agai te hanu Hesbonde bidiyu, te tọ tonaluai dao. Tama Moses de Israel dabe augwaligo te bage augwali te Isip bulu tagalama asali sogo, augwali aiyaba elaluai dao. ⁴⁷ Tama augwali agai tọde, me te Ok te Basan tuni bidigo tọde augwali bidaluai. Te Amor dabego tuni bidi si te Jordan wẹ te giliga asobo badu bidai dao. ⁴⁸ Te Israel dabego polo sali tọ te daj te Aroerde gagalali, tama Arnon wẹba sabolama, tama pelama, te bulu du Sirion, te nogi me Hermon, teba saboligi pali. ⁴⁹ Tama me augwaligo te Jordan wẹ te giliga asobo badu tọ sese tama sali, tama pelama, tamu wẹ Detsiba tama pelama, tama bulu du Pisgaba saboligi pali.

Te Godigo nogo si bomai po dabe

(Sai 20:1-17)

5 Te Mosesgo Israel we bidi tigidali i ola sisinama, tama agai augwalibolo te po walali, "Dage Israel dabe, dagego eno megi dagebolo mawainogo ebo te bomai po odiawe. Dagego te bomai po konea sao, tama bugagia wali piąo. ² God, dago Genuai Bidigo, da dali te Sainai bulu dude po daų walai dao. ³ Agai te daų walali po te dago waj dabe dali naga daų walai menio. Menio. Agai te po daų walali te da megi e bidibo bage da dali me daų walali dao. ⁴ God te isi tomode te bulu dude bidiyu, tama agai po dage dali dolo wai dao. ⁵ Tama te sogo eno te Genuai Bidi de me dage dali tomode po ugwaba pusuyu, edaba pusuyu ebo bidi bidai dao. Magi baso meni, dage te iside wi elama, tama dage bulu duba pabo usu isąbaso tiali," wali. "Genuai Bidigo te po wali, ⁶ 'Ena Genuai Bidi, ena dagego God dao. Dage olo sę ebo bidi te Isip bulude bidibaso, eno dage oda selama, eno dage odasa asai dao."

⁷ "Dage gasa God meba lotu po me olamuo. Dagego ena deliba naga lotu po wao."

⁸ "Dagego te olo nai piksa te dagalude me tọde elalubo nai, ma wẹ te tọ dologode elalubo nai piksa dabe me nigilamuo. ⁹ Dage te tibo god piksaba bogoli sugunama, lotu po me olamuo. Magi baso meni, ena Genuai Bidi, ena dagego God dao, tama eno dage te tibo god piksaba lotu omainu me sula tagalogobeo. Eno kolesaga da, e tama tilalubo, eno te bidi dabe ena godolo isąma ebo bidi dene mabo dao. Tama eno te bage augwaligo wai te nosali pedalobo bage te namba 3; te namba 4 hani, me nosali pedalobo bagebolo me te tobage dene me mawaibao. ¹⁰ Tiali goli, te we bidi ena godolo elama, eno bomai po wali asobo we bidi da, teda eno augwali godolo mu elama, augwa hani nosali 1,000 pedalobo me godolo mu elalua paibao,' wali." ^{††}

¹¹ "Dagego God eno nogi olo dali nogi igio, duga Genuai Bidi. Magi baso meni, eno nogi olo dali nogi ebo bidi dene mawaibao." [‡]

¹² "Dagego Sabat sogo eno bubuga mu nigilao, duga God, Genuai Bidi, eno sogo, te eno dagebolo wali gilama tama. ^{†13} Te a naga olama deli sogo duga olo sę yao. ¹⁴ Tama te dei namba 7 te Sabat dao, ma te hodo dolobo sogo dao. Te da eno bubuga dao. Tama te sogo mu deli da dage me, duga wai puluba me, duga sę bidi me, we dabe me, duga negebo hasa dabe me, gasa bulu bidi me dagego bulude bidibaso da, teda te sogo deli munu me sę elamuo, te sę ebo habu mu dao. Te duga sę ebo we bidi augwali te sogo te dage hodo doliyu, dage olo bidibo te yali gilama augwali me olo bidimainao. ^{†15} Dagego koneawe, dage te Isip bulude te olo sę ebo bidi bidali, te koneao, tama eno genuai bomogo, ena dagego God Genuai Bidi, eno dage tedu odasa asai dao. Tama te tiali pagede da, dagego eno te bomai po wali piąo, tama te toma tubo sogo bugagia wali pelama, toma tuyu yao,' wali."

¹⁶ "Dage duga ida aya dologode elaluyu, tama augwaligo po wali piąo, te ena God, dagego Genuai Bidi, eno dagebolo wabo yali gilama. Tialima, dagego te tama sę eyu da, teda dagede tigidali sę wiegi yai mu pedelaibao. Tama dage eno megi te mabo te tọde dage bobobage sogo mu bidaibao,' wali."

¹⁷ "Dagego gasa we bidi elama isiligio."

¹⁸ "We sai me bidi pai we te we bidi dagego penani sę igio."

¹⁹ "Dagego nai wi sigio."

²⁰ "Dagego ili po olama, gasa we bidi po tų ela magio."

²¹ "Dagego gasa bidigo we pesą igio. Tama dagego agai be pesą daliyu, me tọ pesą daliyu, me agai sę ebo we bidi me pesą iyu, me kau kibu pesą iyu, me donki kibu me pesą me iyu elamuo, me te agai meba gasa nai dabe me pesą me iyu elamuo." ^{†††}

²² Tama Mosesgo te po wali, "Dage tigidali te bulu dude sisinani sogo, Genuai Bidi te isi tomode me te moni genuai sisi pọ tomode bidai dao. Tama agai po bomona haninama, tama te bomai po dabe dagebolo mani. Tama agai gasa po teba daganobeo. Tama agai te bomai po te masigi pedai side asęnama, enabolo mani," wali.

Te we bidi augwali wi yali

(Sai 20:18-21)

²³ Mosesgo po geninama weyu, te po wali, "Te isigo te bulu du mesega sali sogo, dagego te pọ hulua sai tomode po me deli wabo odali. Tama tibaso, dagego genuai bidi dabe me dagego hanide genuai bidi augwali ena pageba aselama, tama augwaligo te po wali, ²⁴ 'God, dago Genuai Bidigo, dabolo agai genuai bomo mu ola mani, te dago aga te isi tomode po wabo odali sogo. Megi da, dago koneani. Me sogo Godigo te bidi me deli dali po wabo usu yaibao, tama te bidi me isi-

† 5:9 Prs 26:1; Bom 4:15-18; 27:15 †† 5:10 Sai 34:6-7; Nam 14:18; Bom 7:9-10

‡ 5:11 Prs 19:12 †† 5:12 Sai 16:23-30; 31:12-14 ††† 5:14 Sai 23:12; 31:15; 34:21; 35:2; Prs 23:3 ††† 5:21 Rom 7:7; 13:9

beo. ²⁵ Tiali goli, God dago Genuai Bidigo da dali po ma wabo dago ma odiyu da, teda da isaibao. Te dwai isigo mu da dolaibao. Te magi baso mu megi da isaibawo? ²⁶ Te niwai bidi mu te God tigidali sogo mu bidibo bidigo po te isi tomode bidi po wabo de isigobewe? ²⁷ Moses, nage ma pelama, God dago Genuai Bidigo wainogo ebo te po ma odigi pao. Tama odama, tama ma asama, nago te odali po dabolo pusao. Teda dago odama, wali paibao, 'dagego tobolu bidi dabego te po enabolo te sogo wali,' Mosesgo te po wai. †

²⁸ "Te tama tialima, Genuai Bidigo dagego ena dali te wabo po odali, tama agai enabolo te po wali, 'Te we bidi augwaligo po eno polo odalio, tama augwaligo po te dolo mu dao. ²⁹ Eno homugo augwaligo te tobage kolesaga tigidali sogo emainu homu ebao, tama augwali tigidali sogo ena dologode elaluyu, tama eno bomai po tigidali sogo wali pomainao. Te tama eyu da, augwaligo sę dabe, me augwa waji nosali asobo bagego sę dabe bugagia pedalaibao. ³⁰ Tama tialima, nage ma pelama, augwali augwa ugwa beba ma piąo po wagi pao. ³¹ Tiali goli, Moses, nage ma asama, nage deli naga ena dali ede bidao, tama nagebolo eno bomai po tigidali mawaibao. Nago te we bidi te bomai po ola mao. Tama augwaligo te bomai po tigidali augwalibolo eno megi mawainu ebo te tęde bidiyu, te bomai po wali pomainao,' wali."

³² Tama Mosesgo augwalibolo te po wali, "Dagego bugagia tonaluiąwe, God dago Genuai Bidigo dagebolo mani te tigidali bomai po dabe wali piąwe. Dagego te bomai po me deli geda munamo dao. ³³ Te tigidali bomai po bugagia wali peyu da, dagego ebo sę dabe tigidali wiegi yai pedalaibao. Tama dage bobobage sogo mu te megi dagego sainogo ebo te tęde bidaibao," Mosesgo te po wali.

Godigo polalubo bomai po mu

6 Te Mosesgo po geninama weyu, te po wali, "Megi da e dao, te God dago Genuai Bidigo dagebolo ola mao wali te bomai po dabe. Tama dage te megi dagego sainogo ebo te buluba sabolama, duagi painogo ebo buluba sabolama da, teda dagego te bomai po wali piąo. ² Dage tigidali sogo tęde bidiyu da, dage me, duga wai nosali pedalobo te wai dabego me, tigidali sogo God dago Genuai Bidi dologode naga elaluo. Tama dagego agai bomai po tigidali wali piąo, eno megi dagebolo te mobao. Tama tiyu da, dage tęde bobobage sogo mu bidaibao. ³ Israel dabe, dagego bugagia odiąo, tama te bomai po bugagia wali piąo. Tama tiyu da, dagego tigidali sę dabe ebo wiegi yai mu pedalaibao, tama dage te bomai we bidi deli me pedalama, tama dage te wiegi yai tę ili elalubo te tęde wiegila bidiagameo. God, dago waji dabego Genuai Bidigo, te tama po daų walalio," Mosesgo te po pusai.

⁴ "Dage Israel dabe, dagego bugagia odiąo. Genuai Bidi deli tama dago God deli tama dao. ^{†5} Dagego God dago Genuai Bidi deli naga godolo mu iyąo. Dagego aga te duga haligade godolo eyu, me dagego homu

kolesagade godolo eyu, me dagego bomogo dali mu aga godolo iyąo. ^{†6} Tigidali sogo dagego eno dagebolo megi mabo te bomai po kone paliyu yao. ⁷ Tama dagego te bomai po duga wai bęų dabebolo tigidali sogo ola mayu yao. Tama augwalibolo te bomai po duga bede bidiyu, me dage sunumidu peyu me, me dage toma tubo sogo me, ma dage duga sę ebo sogo dagego te bomai po duga wai dabebolo ola mao.

⁸ Tama dagego te po dabe dagego pepade asęnama, tama duga nogode me, ma te duga gebode dagana-ma, keųu yao. Tama tiyu da, dagego po dabe munu me gegeda pogobeo. ⁹ Tama me te duga be sunumi nide me, ma duga be mesalo obo sunumi nide me, asęao," Mosesgo te po wai. ††

Te Israel dabego te tigidali bomai po wali peyu emainao

¹⁰ Mosesgo te po wali, "God dago Genuai Bidigo dago waji Abraham, me Aisak, me Jekop, te augwalibolo te genuai bulu me deli, te hanu wiegi yai hanu hauwa duga digi nigisiąwai bulu mawaibao po polobadu daų walai dao. ^{††1} Tama te wiegi wiegi yai nai dabe dagego bede paąanaluaiba po wai dao, te da duga digi te be tomoba musiąwai nai dabe. Tama te tę dedage wę dabe meba me hauwa elalubo, te duga digi nigisiąwai wę elaluaibao. Tama me te wain gi me, te oliv gi me elaluaibao, te duga digi bulisąwai elaluaibao. Genuai Bidigo dage odasa pelama, te buluba sabolama, tama dagebolo te nai dabe mawaibao. Tama dagego te haniani wiegi yai nai dagego tulama, tama dage tabia peyu ebaso da, ¹² teda dage dua mu dao, tiyu dagego Genuai Bidi gegeda palabuo. Agai digi dage Isipde olo kalabus sę ebo bidi tiwai bidibaso, dage odasa asai dao. Tama agai digi dage Isip bulu tagalama, odasa asai dao. ¹³ Dage God dago Genuai Bidi dologode naga bidiąo. Tama dage deli deligo gasa bidi dali po daų omainogo eyu da, teda Genuai Bidigo nogi naga nogi elama, te po daų walao. ^{††14} Dagego te dage paęe bidalubo te we bidi dabego tibo godiba lotu po me olamuo. ¹⁵ Ma, dagego te tibo god dabeba lotu po wali da, teda Genuai Bidi agai sębę mu elama, tama agai dage te isigo dwai dwai nai dabe dela silibo tiwai tama dela silaibao. Magi baso meni, God dago Genuai Bidi da dali megi bidiyu, tama agai dage gasa god meba lotu omainu sula tagalogobeo, mu menio," wali.

¹⁶ "Dagego God dago Genuai Bidigo bomu usu sigimio, te dagego te bulu Masade polobadu yali tiwai elamuo. ^{††17} Dagego agai dagebolo mani te bomai po dabe, me mena kolesaga wali pao wali po, te dolo mu wali piąo. ¹⁸ Dagego tigidali sę dage eyu, te Genuai Bidigo te wiegi yai dola pai nai dao wabo te sę dabe naga yao. Tama tialima, dagego tigidali yainu ebo sę dabe te wiegi yai mu pedalaibao. Tama dagego te wiegi yai ili yai tę saibao, te da te Genuai Bidigo duga waji dabebolo dage mawaibao wali te tę dao. ¹⁹ Tama

‡ 6:5 Mat 22:37; Mak 12:30; Luk 10:27 †† 6:9 Bom 11:18-20

†† 6:10 Gag 12:7; 26:3; 28:13 ††† 6:13 Mat 4:10; Luk 4:8 ††† 6:16 Sai 17:1-7; Mat 4:7; Luk 4:12

† 5:27 Hib 12:18-19 †† 6:4 Mak 12:29

dagego duga boi bidi dabe sela saḡo usu yaibao, te Genuai Bidi aga digi te po daḡ walali gilama tiaibao," wali.

²⁰ "Nosali nosali duga wai dabego dagebolo e tama po hanaluyu, 'Magi baso God dago Genuai Bidigo dabolo te tigidali bomai po wali pao po waliwe?' waibao. ²¹ Teda dagego augwalibolo te po walao, 'Da te Isip tuni bidigo olo se ebo bidi bidai dao, tama Genuai Bidigo da agai bomogo oda sai dao. ²² Mu tama, dago gedude mu tama Genuai Bidigo te haniani se, me te haniani dene te Isip hani bidi dabe, me augwa tuni bidibolo, me aga ofisa bidi dabebolo te dene mabo suai dao. ²³ Agai da Isip bulude oda selama, tama da buluba olo madi odasa asai dao. Te da eba odasa aselama, tama dabolo te e to mawainogo. Te agai dago wajibolo polobadu po daḡ wali gilama tialio. ²⁴ Tama nosali God dago Genuai Bidigo dabolo e bomai po wali pomainogo mawai dao, tama da aga dologode eluinao. Tialima, dago tama tiyu da, tigidali sogo agai dago bulu tonaluaibao, tama megilalubo yali gilama tama tiwai elalumainogo yaibao. ²⁵ Tialima, dago agai bomai po tigidali wali peyu da, teda agai da dali wiegi yai homu elama, dabolo te doloba pai we bidi dao po waibao,' te tama po duga wai augwalibolo wei ponoyu pusao," Mosesgo te po wai.

Te Israel dabe Godigo we bidi mu dao

(Sai 34:11-16)

7 Te Mosesgo po geninama weyu, te po wali, "God dago Genuai Bidigo dagebolo megilalubo ebo te toba odasa paibao. Tama agai te bidi hani hauwa te tode bidibo bidi hani sela saḡaibao. Dage toba pabo sogo, agai te a naga olama si, te 7 bidi hani sela saḡaibao, te tode bidali bidi hani. Te bage augwaligo bomogo da, dagego bomo edelai bage dao. Te hani te Hit, me Girgas, me Amor, me Kenan, me Peres, me Hivi, me Jebus, te tama hani dao. ¹² Te God dago Genuai Bidigo dagego augwali aiyaba elalumainogo ebo si da, teda dagego augwali ela mu silao. Dagego augwali dali abagi olama, tama augwali hobede me eyu elamuo. ³ Tama me dagego augwali dali we si me abelamo dao. ⁴ Magi baso meni. Augwaligo dagego ogwa dabego God tudiba mubo ilaibao, tama augwaligo tibo godiba lotu po waibao. Tama tialima, te wai dabego te tama tiali da, tede polo tama Genuai Bidi seḡe elama, tama dage dolaibao. ⁵ Dage te bidi hani dali abagi igimio. Menio. Dagego augwaligo alta togoyu, me augwaligo tibo god noma elalubo masigi pos ni toga saḡu, me te tibo god we nogi Aserago noma elalubo ni pos toga saḡu elama, me augwaligo tibo god piksa sia uluyu yao. ¹⁶ Dagego tama tiao. Magi baso meni, dage da God dago Genuai Bidi aga we bidi dao. Te tigidali tode we bidi hani tomode agai dage deli naga sa munama, dage agai doloba pai we bidi dao," wali. †

⁷ "Dage te genuai bidi hani edelebaso, te Genuai Bidigo dage koneama, tama dage sa muai meni. Menio. Dage te dwasianu hani naga bidai dao. ⁸ Tiali goli, Genuai Bidigo dage godolo mu elama, tama agai dago waj dali te daḡ wali te po wali peyu te ebao. Te page delide tama agai genuai bomogo dage tau sali dao. Tama teyu, dage te Isip tuni bidigo olo se ebo bidi dabe bidibadi, agai dage te Isip tuni bidigo nogode ma dobola sai dao. ⁹ Dagego te tiali se wiegila koneiawe, God dago Genuai Bidi aga deli naga te God mu dao. Tigidali sogo agai aga po dolo wali peyu ebo dao. Tede aga munu me tulalubeo. Tama tialima, agai aga daḡ wali po wali peyu yaibao, tama agai te we bidi augwaligo aga godolo eyu, agai bomai po wali pabo we bidi, augwali hani te nosali nosali pedalua pabo bage, augwali 1,000 solo usu siyu, tama agai augwali godolo mu eyu ebo dao. ¹⁰ Tiali goli, we bidigo aga godolo isama yali we bidi, agai polo tama dene dolo mu mawaibao. ¹¹ Tialima, dagego agai dagebolo mani te po wiegila wali peyu, tama dagego eno dagebolo megilalubo te haniani bomai po bugagia wali piḡo," Mosesgo te po wali.

Godigo agai po wali pabo we bidi dali wiegi yai se yaibao

(Bom 28:1-14)

¹² Mosesgo te po wali, "Tialima, dagego te bomai po dabe odama, tama dagego te po wali dolo peyu da, teda God dago Genuai Bidigo aga daḡ wali po wali paibao. Tama tigidali sogo agai dage godolo mu yaibao, te agai dagego waj dali wali gilama tama yaibao. ¹³ Agai dage godolo mu elama, tama agai dage dali wiegi yai se mu yaibao. Tialima, dagego wai puluba hauwa mu elama, tama dagego waj genuai mu yaibao. Tama me agai dagego gi dabe wiegi yai ilama, tama dagego gide wit me, wain bono du me, te oliv wel me, hauwa mu elaluaibao. Tama me te kau kibu me sipsip dabego wai hauwa ame nomainogo yaibao. Agai te wiegi yai nai dabe hauwa dage mawaibao, te agai duga wajibolo mawaibao olama po daḡ wali te tode. ¹⁴ Te tode we bidi mebabolo Godigo dagebolo te nai dabe hauwa mabo tiwai te gasa we bidi mebabolo me egobeo. Te dagego we dabe me, o dagego kau kibu so dabe te wai ame nisama olo bidigobeo. ¹⁵ Tama Genuai Bidigo dage bugagia tonaluama, tama dage te tigidali haniani gasi me sogobeo. Tama agai dagebolo te haniani dwai gasi dagego Isip bulude suli, te gasi tigidali dagebolo me tagala palogobeo. Tiali goli, agai te gasi te dagego boi bidi dabebolo naga mawaibao. ¹⁶ Dagego te tigidali bidi hani dabe mu tama ela siliḡo, te God dago Genuai Bidigo dagebolo dagego nogoba mabo, te bidi hani dabe. Tama dagego augwali hobede me elamuo. Me augwaligo tibo godiba lotu wabo te habu mu dao. Ma, dagego augwaliba lotu po wali da, teda dage tuloluaibao," Mosesgo te po wai. ††

† 7:1 Tpi 13:19 †† 7:5 Bom 12:3 ‡ 7:6 Sai 19:5; Bom 4:20; 14:2; 26:18; Tai 2:14; 1 Pi 2:9

†† 7:10 Sai 20:5-6; 34:6-7; Nam 14:16; Bom 5:9-10 ††† 7:16 Bom 11:13-17

¹⁷“Tiyu dagego te homu idali, ‘Te hani bidi augwali genuai hani bidi dao,’ homu elama, dagego ‘augwaligo da elalugowe’ homu idalio. Tama dagego augwali sela saḡobeo homu idalio. ¹⁸Menio, dage augwalide wi me elamuo. Dagego dago God Genuai Bidigo te Isip tuni bidi hani we bidi dabe augwaligo tigide yali te seḡ bugagia ma koneiaḡo. ¹⁹Dagego te Isip bulude suali, te haniani gasi koneiaḡo. Tama me dagego te Godigo yali te we bidi noma sabo seḡ, me te haniani genuai seḡ yali te koneiaḡawe. Tama dagego Godigo dage Isip bulude dobola sainogo yali te genuai bomo koneiaḡo. Tama tialima, Godigo dagego megī wi ebo te we bidi dabe dali me te deli tiwai seḡ naga yaibao. Tama agai augwali dolama, mu dola silaibao. ²⁰Tiali goli, augwali hani meba wi pelama, duala sigi pali da, teda Godigo te bidi tigide gaḡ kelebo te bunu dabe tagala palama, augwali dolomainu yaibao,” wali.

²¹“Tama tialima, dage te bidi hanide wi elamo dao. Magi baso meni, God dago Genuai Bidi dage dali bidibao. Agai bomo genuai mu elalubao, tama tigidali bidi dabe augwali agade wi mu yao. ²²Dage paḡa saboligi pabo si, agai te hani bidi dua dua sela saḡo seḡ iduaiba, te dage paḡa saboligi pabo si. Tama dagego augwali polo dolobo usu me egobeo. Ma, dagego augwali polo doliyu da, teda bulu hasa dabe hauwa mu pedelama, tama augwaligo dage elaibao. ²³Genuai Bidigo dagego duga boi bidi dabe aiyaba elaluama, dolomainogo sula tagalaibao. Tama agai augwali wi mu ilama, tama dagego augwali ma siliboba usu naibao. ²⁴Tama agai augwaligo tuni bidi dabe dagego nogoba muaibao. Tama dagego augwali ela muaibao. Tama nosali te bidi dabego augwali me kone me egobeo, gegeda mu paibao. Tama dage paliabo bidi meni yaibao. Menio. Dagego augwali sese ela isila silaibao. ²⁵Dagego augwaligo tibo god dabe sese tama isi ula silao. Tama me dagego augwaligo te augwa te tibo god au ilali gol me silva, te nai dabe godolo me elamuo. Dagego te nai dabe me selamuo. Magi baso menio, Genuai Bidigo te tibo god dabede dwai homu mu ebo dao. Tiyu, dagego sai madi dagego Genuai Bidiba lotu po wabo kolesaga tagalamu dao. ²⁶Dagego te tibo god dagego be tomoba me seselamuo. Godigo te po wali, te nai dabe dolaibao wali, tama dagego me sali dage me dolaibao wali. Te tibo god dabe te dwai nai mu dao. Tama tialima, dagego augwaliba tudi mu ola mao,” Mosesgo te po wai.

Te Israel dabe augwaligo wiegi yai tḡ saibao

8 Tama Mosesgo te po wali, “Dagego megī eno dagebolo mawainogo ebo te bomai po wiegila wali piḡo. Tama tiyu da, dage bugagia bidiyu, tama dagego Genuai Bidigo dagego waḡbolo mawaibao olama daḡ walali te tḡ sigi paibao. Tama dage tede hauwa mu pedalaibao. ²Dagego bugagia mu kone paliḡo, God dago Genuai Bidi aga polasa peyu, tama agai dage te bobobage sunumidu asali tau sai dao. Dage te nai meni yai kemi sane bulude dage te kibu be bidi sese si 40, te tama te bulude bilai dao. Tama Godi-

go haniani seḡḡ taga palai dao, te dage usu sela suyu, te dagego te tigidali bomai po wali pogowe ma meniwe elama suainogo tiai dao. ³Te dage hagoma homu idali, agai dage nasi ilai dao, tama nosali agai dage te mana mawai dao, te dagego tumainogo. Te nai dagego me duga waḡ dabego te tobage nai polobadu augwaligo me tuai menio. Agai te tama tiali da, te bidi dago konemainogo te yali dao, te bidi da te tubo nai naga da bidibo ula sogobe da weyu, te yali dao. Menio. Dago Godigo po deli naga wali peyu da, teda da bidibo ula saibao. ¹⁴Te 40 kibu bede dagego ugwa dabe me pisila pai menio. Tama me dagego saḡa dabe me, me bḡ dai menio. Meni, te bugagia naga tama bidali. ⁵Tialima, dagego koneao, te aya mego aga wai elama dodolainogo elebo tiwai elama, God dago Genuai Bidigo da te dodolali dao,” wali.

⁶“Tama tialima, dagego Godigo dagebolo yao wali te seḡ dabe wali pelama yao. Tama me, dagego agai bomai po wali pelama, tama aga dologode naga elalua. ⁷Magi baso meni, God dago Genuai Bidigo dage te wiegi yai buluba te odasa pobao. Te bulude te genuai weḡ hauwa elaluyu, te ulu weḡ hauwa te ebao. Tama weḡ meba me te tḡ dologodu solama, tama te odogo bulude pedaliyu, meba te bulu dude pedaliyu ebo dao. ⁸Te bulude te nai wit elaluyu, me bali, me wain ni du, me ni fik du, me pomigranet ni du, me ni oliv du, me pusai bunu ge te hani elaluyu ebo bulu dao. ⁹Tama te tḡde dage nasi me elama, tama dage magi nai me saḡ pogobeo. Tama me te bulu masigi te ain elalubao. Me dagego te kapa dabe te bulu dude dabe gegeyu digameo. ¹⁰Tama me dagego tuabo homu ebo nai dagego saibao. Tama dagego agabolo buba hwi po waigameo, te agai te wiegi yai bulu dagebolo manide,” te po wai.

Israel dabego Genuai Bidi gegeda pigimio

¹¹Mosesgo po geninama weyu, te po wali, “Dagego bugagia tonaluiḡawe, tiyu dagego God dago Genuai Bidi gegeda pidali weyu. Tiyu dagego Genuai Bidigo haniani bomai po eno dage megī mabo, te bomai po gegeda pidalio. ¹²Ma, dagego te tubo nai dabe hauwa eyu, me dagego wiegi yai be dabe seḡ eyu ebode, ¹³me kau kibu hauwa elaluyu, me sipsip kibu hauwa elalu ebode, me gol me silva, me te wiegi yai nai hauwa elaluyu ebode, ¹⁴teda dage dila pelama, tama hagoma homu elama, tama God dago Genuai Bidi gegeda pelamuo. Agai dage Isip bulude oda sai dao, te dage te olo seḡ ebo bidi bididuali pesagede. ¹⁵Tama aga digi aga te nai meni yai kemi sane bulude aga polasa dage nosaliba ilama, polasa pai dao, te dwai gula mane elaluyu, me te bidi gaḡ kelebo hwaḡ dwai elaluyu ebo bulude tiai dao. Tama te bulude te mu wa pai me elaluyu ebo digi, agai te weḡ me te genuai dila pai masigi delide pedemainogo elama ebode dagego te aḡ tuai dao. ¹⁶Tama me te bulude agai dage mana mawai dao, dage tumainogo. Te da, te gasa nai me deli dagego waḡ dabego polobadu me tusiḡama yai nai dao.

† 8:3 Mat 4:4; Luk 4:4

Tama agai seḡe dabe tagala palai dao, te dage usu siyu. Tama tialima, agai wiegi yai se dageba nosali pedalomainogo tama yai dao. ^{†17} Tama tialima, dage homugo te wiegi yai nai dabe dena nogogo te nigilali dao, te homu me elamuo. Menio. ^{†18} God dago Genuai Bidigo dage te nai dabe hauwa somainogo te bomo mabo dao. Dagego te se me gegeda pelamo dao. Agai te tama tibo da, magi baso meni, agai dagego waj dali te daḡ wali te po wali peyu, tama tibo dao. ^{†19} Dagego God dago Genuai Bidi me gegeda pelamuo. Tama dagego tibo god dabe wali pelama, tama augwaliba lotu po me olamuo. Megi eno haninama dagebolo bomona te walibao, ma dagego te po sela sayani da, teda mu tama o, Godigo dage mu tama dolaibao. ^{†20} Genuai Bidigo dagego pabo sunumidu elalubo te bulu dabe dolai dao. Tiali goli, dagego agai po wali pisama yali da, teda dage me te deli tiwai dene naga saibao," Mosesgo te po wai.

Te Israel dabe augwaligo Godigo po polobadu sela sayani

9 Mosesgo te po wali, "Israel dabe, dagego odao. Tamadi tama, dage te Jordan we nogelama, tama dagego te genuai hani bidigo tḡ sigi paibao. Augwaligo bomogo da, dagego bomo edelama elalubao. Augwaligo hanu genuai hauwa mu elaluyu, me augwaligo hanu masigigo nigai obo te ugwanu mu holama, te dagaluba usu nigi pai elalubao. ² Te bomai we bidi augwali bobobage dili elalubao, tama augwali genuai we bidi mu dao, tama dage polo odai dao, te bidi mego augwali dali hwjibode elaluabo bidi deli me menio. ³ Tiali goli, dagego megı bugagia mu koneagameo, God, dago Genuai Bidi, aga bolo polasa paibao, te isi hobolu tiwai elama polasa paibao, te dage tudiba togolama. Te dage pabo sogo agai augwaligo bomu aiyaba elaluaibao. Te dagego augwali dali hwjnama, tama augwali aiyaba elaluama, tama polo sela sawaibao, te agai polo daḡ walali gilama," Mosesgo te po wai.

⁴ "Te God dago Genuai Bidigo augwali polo sela sabo side, tiyu duga hasi duga digi te po olamuo, 'Godigo da te tḡ mani, magi baso meni, agai da sualı, da te wiegi yai doloba pai bidi tiwai sualı.' Te tobage homu ebo te mu po menio. Genuai Bidigo sualı, megı te tḡde bidibo we bidigo augwaligo dwai kolesaga hauwa mu ebo, tama tibaso agai augwali tede sela sawaibao. ⁵ Dagego homugo tilamuo, dago wiegi yai doloba pai kolesaga ebo dao homu elamuo, tama te tama tibo pagede Genuai Bidigo dago te tḡ somainogo sula tagalali dao homu elamo dao. Menio. Agai augwali sela sawaibao, magi baso meni, augwali te dwai bidi dabe dao. Me ma, agai te waj dabe dali daḡ wali po usu nainogo te ebao, te dago waj Abraham, me Aisak, me Jekop dali. ⁶ Mu tama, te tḡ ili hauwa elalubo tḡ dao. Tiali goli, Genuai Bidigo te tḡ dagego wiegi yai doloba pai kolesaga ebaso dagebolo me mabeo. Me-

nio. Dage te po odisawai hagoma ebo homu ebo we bidi naga dao," wali.

⁷ "Dage te nai meni yai kemi sane bulude bidali te gegeda pelamuo. Te dage tede bidiyu, dagego Genuai Bidi seḡe ilali, te gegeda pelamuo. Dagego te Isip taga solama, megı e bulu bidibode dagego Genuai Bidigo po sela sayu idu geai dao. ⁸ Tama me, te Sainai bulu dude dagego Genuai Bidi seḡe dwai mu ilama, tama dage paḡe dolainogo yai dao. ⁹ Ena te bulu duba holama, tama te masigi si sigi painogo pai dao, te masigi pedai side agai dage dali daḡ walali te po aseai dao. Ena te giligade me hulide te bidi sese si 40 bubugade tede bidai dao, tama eno nai me tuyu, we me tuyu me yai menio. ^{††10} Tialima, Genuai Bidigo enabolo te masigi pedai si mani, te masigi pedai side agai dagebolo mani te bomai po tede aga nogogo digi aseani, te dage te bulu du pagede bidiyu, aga te isi tomode bidiyu yali sogo," wali.

¹¹ "Ena te bulu dude te bidi sese si 40 dei bidai dao. Tama Godigo enabolo agai te daḡ wali po aseani te masigi mawai dao. ¹² Tama agai enabolo te po walali, 'Nage te bulu du tagalama, tama nage aiyaba polo dulao. Magi baso meni, te we bidi nago te Isipde odasa asali, te we bidi augwaligo dwai dwai kolesaga hauwa mu ebao,' te po wali. 'Polo tama augwaligo eno bomai po togolama, tama augwaligo tibo god me geselalio,' wali."

¹³ "Tama Genuai Bidigo enabolo po geninama weyu, te po wali, 'Eno polo koneanio, te we bidi augwali tobolu mu gagea pabo o. ¹⁴ Tama tialima, eno augwali sese mu tama dola silaibao, tama bidi mebage augwali me konegobeo. Nago ena me togolamuo. Eno te tama tilama, tama nage nosali moni genuai bomai hanigo aya nigilaibao, te dwai we bidi dabe edelama ilaibao,' Genuai Bidigo enabolo te po wai."

¹⁵ "Tialima, eno te Godigo daḡ walali te po aseani te masigi pedai si selama, tama ena te bulu dude ena aiyaba dulai dao. Tama te sogo genuai isi bogoli te bulu dude dai dao. Tama agai bogoli ugwaba mu holai dao. ¹⁶ Ena aiyaba polo dulama, sualı da, dagego te bomai po mu tama bolama, tama God dago Genuai Bidiba tudi ola mawai sualı dao. Tama dagego tibo godigo piksa kau kibu noma te golgo nigai dao. Tama te kolesagago dagego God bolo te seḡe sai dao. ¹⁷ Tama tialima, dagego gedude eno te masigi si tḡba sanama, tama te masigi pedai si tama tomode si togwa pai dao. ¹⁸ Tama deli sogo ma deli ena Genuai Bidi pageba pelama, tama ena gesabidi tḡ aiyaba ilama, pila muani. Ena pila mudubadi, te giligade me hulide te bidi sese si 40 dei tama yali. Tama eno magi nai me we me tuai menio. Eno te tama tiali, magi baso meni, dagego Genuai Bidigo gedude dwai kolesaga elama, agabolo seḡe selama, tama aga seḡe ilai baso. ¹⁹ Genuai Bidigo dage dali seḡe mu elama, tama agai dage mu tama silabo homu yali. Tama tibaso, ena wi mu genuai yali. Tiali goli, eno gedu haluasa po olama, tama Genuai Bidigo eno po ma odali. ^{†20} Tama Genuai

† 8:16 Hos 13:5-6

†† 9:9 Sai 24:18 † 9:19 Hib 12:21

Bidigo Aron dali wado genuai mu yali, tama agai aga ela muainogo yali. Tama tibaso, eno Aron me dage tau somainogo gedu haluasa po wali. ²¹ Dagego te kau kibu wai geselama, tama dage seḡḡ sali. Tama tibaso, eno te kau kibu selama, tama eno isiba saḡwani, tama eno tigidali miminama, tama tigidali tama hogomu tiwai gagawali, tama eno te hogomu te bulu dude gomo elalubo wēba aiyaba gea palali," Mosesgo te po wali.

²² "Tama me dage te bulu Masa, me te bulu nogi Isigo Dai wabo, te bulude, me te We Bidi Hasa Tuainogo Gela Hauwa Wali Te We Bidi Gu Page nogi wabo bulude me, dagego God dago Genuai Bidi seḡḡ ilai dao. v ²³ Me polobadu agai dagebolo te Kades Barneade agai dagebolo mawaibao wali te buluba bidigi piḡo wai goli, dagego agai po sela saḡwai dao. Tama dagego agai po mu dao olama, agai po wali me pai menio. Mu menio. ²⁴ Te ena dage dali seḡḡ gagalama, dage dali megi bida bida asoboba tama, dagego God dali tobolu gagea pabo dao," wali.

²⁵ "Tama tialima, dage te bulu du sesegede bidibadi, ena te bulu duba holama, tama ena gesabidi tḡba ilama, tama ena bidi sese si 40 dei tama ena pila muai dao. Eno te tama tiali, magi baso meni, Genuai Bidigo dage sese tama dola silaibao obaso. ²⁶ Tama eno gedu haluasa po weyu, te po wali, 'God, Genuai Bidi, nago naga we bidi doligio,' te po wali. 'Naga digi nago te we bidi augwali nago genuai bomogo Isip bulude oda selama, odasa asai dao. ²⁷ Nago Abraham, me Aisak, me Jekop, te bage koneao, naga seḡḡ bidi dabe. Tama nago te e we bidigo seḡḡ, me dwai kolesaga, me dwai augwaligo geda mubo kolesaga kone me igio, te sula tagalao. ²⁸ Tiyu te Isip dabego nago te we bidi augwali te nago augwalibolo mawaibao te tḡba odasa pabo usu egobe po wabuo. Tama tiyu, agai aga we bidi te nai meni yai buluba ela isila silainogo odasa pali dao wabuo. ²⁹ Hobede mu tama, Genuai Bidi, nago te we bidi naga we bidi mu dao olama, sa muai dao. Tama naga genuai bomogo augwali Isipde oda selama, odasa asai dao. Tama tialima, nago augwali doligio,' eno te gedu haluasa po tama wali," Mosesgo te po wali.

Si wagi soayu, Mosesgo nogo si bomai po sali

(Sai 34:1-10)

10 Mosesgo po geninama weyu, te po wali, "Tialima Genuai Bidigo enabolo te po wali, 'Nagebolo eno hasia mani te masigi pedai tiwai si togwao. Tama ni name dabe dulama, tama halobage me deli geselao. Tama nago te masigi si enabolo ugwa bulu duba sesao. ² Tama eno te masigi side ma aseḡaibao, te eno polobadu nago togwa saḡyani te masigide aseḡani po ma te masigi side ma aseḡaibao. Eno aseḡa silibo si da, teda nago si tama te halobageba muagameo,' wali."

³ "Tialima, eno te halobage te ni akasgo geseliyu, me eno te masigi si togoyu te hasia masigi tiwai tama. Tama eno te masigi si tama bulu duba ugwaba sela

pali. ⁴ Tama Genuai Bidigo te hasia aseḡani te po tiwai tama te masigi side ma aseḡani. Agai te nogo si bomai po aseḡani, te agai dagebolo dage bulu du pageba sisi-nama bidiyu, aga te isi tomode te bulu dude bidiyu yali sogo dagebolo te mani nogo si bomai po. Agai aseḡa silama, agai te masigi dage si enabolo mani. ⁵ Tama ena begelama, tama ena bulu dudu aiyaba asali. Tialima, eno te masigi si te Genuai Bidigo enabolo obaso te nigali te halobageba muani, te Genuai Bidigo enabolo wali gilama tiali. Tama te masigi si halobagede me munalubao," wali.

⁶ (Nosali Israel dabe augwali te Jakan we bidi dabego ulu wē dabe tagalama, augwali bulu Moseraba pali. Tama Aron te bulude isibaso, augwaligo aga tede pubulali. Tama aga ogwa Eleasargo aga hasegelama, tama pris seḡḡ sali. ^{††7} Augwali tede hogodama, augwali te bulu Gugodaba pali, tama nosali augwali bulu Jotbataba ma pali, te da te wē hauwa elalubo bulu dao.

⁸ Polobadu augwali Sainai bulu dude bidibadi, Godigo te Livai hanigo te Daḡ Wali Bomai Po Halobage tolo-mainogo sa muai dao. Te bidi dabe augwaligo te pris seḡḡ tuyu, me te we bidibolo augwaligo God augwali dali wiegi yai seḡḡ yaibao po weyu yai dao. Tama augwaligo te seḡḡ ela asidubadi, megiba tama usu nubao. ^{†9} Tama tialima, te Livaigo hanigo te meba Israel we bidi dabego yali gilama tḡ me sai menio. Wiegi yai nai augwaligo sali da te e dao, te augwali Genuai Bidigo pris bidi nigali. Te God dago Genuai Bidigo daḡ polo wali po wali gilama tiali.)

¹⁰ Mosesgo te po wali, "Ena te bulu dude te bidi sese si 40 dei te giligade me hulide bidali, te eno hasia yali gilama tama tiali. Tama Genuai Bidigo eno gedu haluasa po wali ma odama, tama agai ao olama, tama agai dage dolobeo. ^{††11} Nosali agai enabolo te po wali, 'Nage te we bidi pageba pelama, tama nago augwali eno dagebolo mawaiba wali te tḡba sela pao, te augwaligo wḡḡ dabebolo dage mawaibao wali te tḡ,' wali." Mosesgo te po wali.

Te Godigo homugo te we bidigo yabo kolesaga po

¹² Te Mosesgo po geninama weyu, te po wali, "Megi da, dage Israel dage bugagia odiḡo, te God dago Genuai Bidigo te dagego yao wabo po odao. Dage tigidali sogo God dologode naga bidiḡo, tama agai po tigidali wali piḡo. Dagego aga godolo mu yao, tama dagego wiegi yai homu pemene dagego homude, me duga homu kolesagade eyu, tama agai seḡḡ iyḡo. Te tebo yalawainu igimio, te dagego homugo sese tama te tobage kolesaga iyḡo. ¹³ Tama megi dagego agai bomai po tigidali wali piḡo, megi eno dagebolo mobao, te po. Dagego bugagia wali peyu da, teda dage bugagia mu bidaibao. ¹⁴ Dagalugwanu mu elalubao, te da te Godigo dao. Tama te tḡ, me te tḡde elalubo nai dabe sese tama, te Godigo naga dao. ¹⁵ Tiali goli, Genuai Bidigo dagego wḡḡ dabe godolo mu yali, tama tiyu agai gasa hani me sa me mubeo. Menio. Agai dage naga aga we bidi naga bidimainogo sa muai dao. Tama

† 9:23 Nam 13:31; Bom 1:21, 26; Hib 3:16

†† 10:6 Nam 20:28; 33:38 † 10:8 Nam 3:5-8 †† 10:10 Sai 34:28

megi me, dage agai we bidi te bidibao. ¹⁶ Tialima, dagego te tobolu gagea pabo kolesaga tagalião, tama agaba homu kęą peyu, Genuai Bidigo po bugagia wali pião. ¹⁷ Magi baso meni, God dago Genuai Bidigo te tigidali te tibo god dabe me te tigidali bomo elalubo te tigidali nai dabego bomo edelai mu elalubo. Aga te genuai bomai mu dao, tama tiyu tigidali nai dabe aga dologode naga elaluao. Agai te po tų ebode te abagi si ebo kolesaga wali peyu, me te we bidigo agaba magi nai mayu, aga homu bea sabo homu ebo kolesaga emainogo sula tagalobo menio, te haniani sę ebo kolesagade. ¹⁸ Agai te bidi isai wilawe we dabe dali wiegi yai doloba pai kolesaga ebo dao, me te wai bų dabe augwa aya isai wai dabe me, augwali agai bugagia tonalubo dao. Agai gasa buludu asai we bidi da dali bidibo, te bage augwali nai dabe mayu, me augwali ugwa dabe mayu ebo dao. ¹⁹ Tama tialima, dagego me gasa we bidi digibulu we bidi dage to-mode bidibo we bidi godolo iyão. Magi baso meni, dage me te Isip bulude te gasa badu bulu we bidi tiwai bidai dao. ²⁰ Dage tigidali sogo God dago Genuai Bidi dologode bidião, tama aga delide naga lotu weyu yao. Dagego agaba daų ola selama, tama dagego tigidali po aga delide naga daų waliyu yao. ²¹ Dagego agai nogi ugwaba siyu yao. Aga te dago God dao, tama agai dage tau sainogo te bidi wi ilabo bomai sę eyu, me gasa noma sabo bomu yai kolesaga me yali, te dage tau somainogo. Tama dagego duga gedugo digi te agai yali sę suai dao. ²² Dagego wai dabe Isip buluba pali da, teda augwali 70 we bidi tama naga pai dao. Tiali goli, megi da, God dago Genuai Bidigo dage hauwa mu, te dagalude elalubo hų tiwai pedalomainogo ilali dao," Mosesgo te po wai. ††

Godigo genuai nogi mu elalubao

11 Mosesgo augwalibolo te po wali, "Dagego God dago Genuai Bidi godolo mu yao, tama agai haniani bomai po tigidali sogo wali pião. ² Dagego Genuai Bidigo da ola mayu, agai haniani bomai sę hauwa ebo dagego suai dao. Duga digi duga te sę dabe ebo suai dao, te dagego wai dabego menio. Menio. Dagego Godigo bomu suai, te genuai mu dao. ³ Tama dagego suai, Genuai Bidigo te we bidi noma sabo kolesaga me ebo suai. Tama me dagego te Isip tuni bidide me agai bulude yali, te kolesaga tigidali dagego suai dao. ⁴ Dagego suai dao, Genuai Bidigo te Isip ami bidi dabe augwa hos kibu me karis dabe sese tama ela silibo suai dao, te augwaligo dage pobeasa asali sogo. Agai te tamu wę Retsigo augwali mesega somainogo yai dao. ⁵ Duga digi duga polo koneai dao, te Genuai Bidigo dage tau sainogo yali sę dabe koneai dao, te nai meni yai kemi sane bulude, te dage megi da e bidi-buluba sabolisama ebadi. ⁶ Tama me, dagego agai te Datan de Abiram side yali sę me koneai, te Eliapgo ogwa si, te Ruben hani bidigo ogwa si. Dage tigidaligo

† 10:17 Tpi 10:34; Rom 2:11; Gal 2:6; Ef 6:9; 1 Ti 6:15; Ped 17:14; 19:16 †† 10:22 Gag 15:5; 22:17; 46:27 ‡ 11:3 Sai 7:8-12:13 ‡† 11:4 Sai 14:28

te tų peda pelama, tama te bidi si augwa we wai, me augwali sigo ugwa be, me augwa doado bage sese tama te tų dedageba tulalubo suai dao, tama te tųgo augwali sese tama ma halua sabo suai dao. Te dagego wai dabe augwaligo te sę dabe suai meni. Menio. ⁷ Mu tama dao, duga digi Godigo te genuai sę dabe yali suai dao," Mosesgo te po wali.

Godigo Israel dabe wiegi yai nai dabe elalubo tų mani

⁸ Te Mosesgo po geninama weyu, te po wali, "Dagego eno dagebolo megi mabo te bomai po tigidali mu tama wali pião. Tama tiyu da, teda dage te aų nogelama, u badu pelama, tama dagego megi sigi painogo ebo te tų sigi pabo usu yaibao. ⁹ Tama dage te wiegi yai tų ili hauwa elalubo, te tųde dage bobobage sogo mu bidaibao. Te da, te Genuai Bidigo duga wai nų dabebolo mawaibao olama po daų wali te tų tama agai te tų dagebolo me mawaibao, dage da te bagego bulai wai dabe dao. ¹⁰ Te bulu dagego megi sainogo ebo, te bulu te Isip bulu tiwai menio. Te dage polobadu bidali te bulu tiwai menio. Menio. Te dagego Isip bulude te gide nai bulama, dagego giba wę tula-ma usabo bomai sę mu yai dao. ¹¹ Tiali goli, te bulu dagego megi sigi painogo te eba te bulu da, te bulu du dabe elaluyu, me odogo bulu elaluyu yai digi, tama tulubage te giba dabe tuluyu ebo dao. ¹² God dago Genuai Bidigo te tų tigidali polua me kibu bede bugagia tonalubo dao, sesemane sogo," wali.

¹³ "Tama tibaso, dagego eno megi dagebolo e mabo te bomai po bugagia wali pião. Dagego God dago Genuai Bidi godolo mu iyão, tama dagego haligade, me homu kolesagade sese wiegi yai homu pemene mu agai sę eyu yao. ¹⁴ Tama dagego te tama tiyu da, teda agai tulubage te gi bugagia tau sabo sogo tulubage dagego giba dabe tagala palaibao. Tama tiyu, dagego nai dabe hauwa mu elaluyu, me wain dabe, me oliv wel dabe usu me elama, mu elaluaibao.

¹⁵ Tama dage nai me sų pogobe, me dagego kau kibu dabego tuabo nosai dabe hauwa mu elaluaibao," wali.

¹⁶ "Dagego gasa hani bidi dabego dagego homu kolesaga dolomainogo sula tagaligimio. Tiyu, augwaligo dagego homu kolesaga dolai madi, dagego duga Genuai Bidi gegeda pelama, augwaligo tibo god dabe-ba lotu olama, tama te tibo godigo sę dabe eyu yabuo. ¹⁷ Tialima, dagego te kolesaga wali peyu da, teda Genuai Bidigo dage dali sębę yaibao. Tama agai tulubage paliama, tama tųde wę meniama, tama nai dabe me hologobeo. Tama polo tama, dage te Genuai Bidigo dagebolo te wiegi yai tų bulu mawainogo ebo tųde polo isaibao," Mosesgo te po wali. ‡†

¹⁸ "Dagego homu kolesaga me, dagego homu me, te e bomai pogo paąana elaluao. Dagego te bomai po dabe asęnama, tama dagego nogode me gesabidide dagana keyu yao, tama dagego augwali me gegeda pogobeo. ¹⁹ Tama dagego te bomai po duga wai dabebolo me ola maião. Tama dagego te bomai po

‡† 11:6 Nam 16:31-32 ‡†† 11:17 Prs 26:3-5; Bom 7:12-16; 28:1-14

tigidali miąo. Te dage duga bulude bidibo sogo, me digibulu bidiyu, me te sę ebo sogo, me olo toma tubo sogo, te bomai pode po miąo. ²⁰ Dagego te bomai po duga be sunumide, me obo bogi pabo sunumide, te bomai po dabe aseiąo. ^{†21} Tialima, dagego tama tiyu da, teda dage me duga wai dabe dage bobobage sogo mu God dago Genuai Bidigo dago wajbоло mawaibao wali te tęde dage bobobage sogo mu bidaibao. Dage te tę tigidali sogo bidaibao, te dagalu te tę ugwadu tigidali sogo elaluaibao tiwai tigidali sogo bidaibao," wali.

²² "Dagego eno dagebolo obao te po tigidali wali piąo. Dagego God dago Genuai Bidi godolo mu iyaąo, tama agai po tigidali bugagia wali piąo, tama dagego homugo agaba bugagia kęą peyu yao. ²³ Tama tiyu da, agai te meba gasa bidi hani dage augwali pąba pabo si, augwali sela sąwaibao. Tama dage te genuai bomai we bidi hanigo tęde dage bidaibao, te augwaligo bomo dagego bomо edelama elalubo bagego tęde dage bidaibao. ²⁴ Tama tigidali tę dage bilaiba tę, te tigidali tę duga tę gagawaibao. Dagego tę dąj te olo kemi sane bulu te saut badu gagalama, tama pelama, te Lebanon bulu duba usu nigi paibao, te not badu usu nigi paibao. Tama dąj te giliga asobo badu te wę Yufretisdu gagalama, tama pelama, te genuai tamu ąj Mediterenian te giliga dega sabo badu te usu nigi paibao. ²⁵ Tama dagego sunumi togolabo bidi mu meni yaibao. Tama me dage tigidali e tę dage mena badu pabo si da, teda God dago Genuai Bidigo te we bidi dabe dwai wi mu ilaibao, te agai polobadu dąj walali gilama," Mosesgo te po wai. ^{††}

²⁶ "Odią, eno dagebolo sunumi si ola mobao, te dagego me deli selama, wali pao. Te sunumi me deli da, te Godigo dage tau sabo sunumi dao, tama me sunumi da, te agai dage dolabo sunumi dao. ²⁷ Ma, dagego God dago Genuai Bidigo bomai po wali peyu da, te eno dagebolo megi e mabo te po wali peyu da, ²⁸ teda Godigo dage dali wiegi yai sę yaibao. Tiali goli, dagego Godigo po wali pabo sunumi dega muyu da, tama dagego tibo godiba lotu po wagi peyu da, te dagego polobadu lotu me wasiąma yali teba lotu obaso da, teda Godigo dage dolaibao. ²⁹ Te Genuai Bidigo dage odasa agai dagebolo megi mawainogo ebo te tęba odasa pabo si da, teda dage te bulu du Gerisim me bulu du Ebal teba piąo. Tama te bulu du Gerisimde dagego Genuai Bidigo dage dali yaibao wali te wiegi yai sę po dabe nogi iyaąo. Tama te bulu du Ebalde da, dagego te Godigo dage dali dwai sę yainogo yali te sę dabe po nogi iyaąo. ^{‡30} Te bulu du si te Jordan wę giliga dega sabo badu te elalubao, te Kenan dabego tę, te Jordan wę odogo malude. Te bulu du si te giliga dega sabo badu elalubo, tama te tedali gasagi yai te ni sili pąde, te More bulude, te Gilgal hanu pąde. ³¹ Tamadi tama, dagego Jordan wę nogelama, tama God dago Genuai Bidigo dabolo mawaibao wali te tęba bidigi paibao. Dagego polo selama, tama dage teba bidigi

peyu da, ³² teda dagego bugagia koneama, tama dagego eno dagebolo megi mabo te bomai po bugagia wali piąo," Mosesgo te po wali.

Mosesgo Godigo bomai pode po wali

(Dąj 12-26)

Augwaligo lotu wabo pesage deli elaluaibao

12 Tama Mosesgo po geninama weyu, te po wali, "Te e bomai po bugagia mu odiąo. Genuai Bidi, dagego wajigo God, aga te u badu tę dagebolo mawaibao wali, te tę dagego mu somainogo yali. Tama tialima, dage te tęba bidigi pelama, tama tede bidada peyu, bidada pidubadi, dagego te bomai po dabe bugagia dolo naga wali mu piąo. ² Tama dage te bulu dabe polo sabo si da, dagego te we bidigo tibo godiba lotu wabo pesage dolama, mu silao. Te bulu dabe te genuai bulu dude, me dwasianu bulu dude te elalubao, me te moni genuai ni silide te elalubao. ³ Augwaligo te lotu wabo alta me, te masigi pos dabe me dolama, tagalao. Tama dagego te we god Asera augwaligo nigo nigali te piksa me tama sigi hwą selama, te tibo godigo piksa dabe togolama, tagalao, te augwaligo nigali te tibo god piksa. Tama tiyu da, augwali teba pelama, lotu po ma wagi pidali weyu," wali. ^{‡†}

⁴ "Dagego dago Genuai Bidi dago Godiba lotu po wabo sogo, dagego te tibo godiba lotu po wabo bidi dabego ebo kolesaga elamo dao. ⁵ Genuai Bidigo dage lotu po wabo pesage me deli dage hanigo tęde sa muaibao. Tama te pesagede naga te we bidi augwali pąba aselama, tama augwali agaba lotu po omainao. ⁶ Tama te pesagede dagego te duga te haniani ofa iyaąo. Te da, te isigo sese dela silibo te ofa, me te gasa meba ofa dabe tama yao. Tama dagego te nai dabe sese nogo si dobola silama, tama nogo si olama, deli Godibolo mao. Dagego te nai bugwai me deli te lotu wabo pesageba sesao. Tama me dagego meba gasa nai dabe Genuai Bidibolo mawainogo ebo, te nai dabe me seselama, tama me dagego dąj wali te poba usu nabo te ofa yabo nai dabe, me te duga homugo ma-iabo homu ebo, te ofa yabo nai, me te kau kibugo hasia ame nani te kibu gęų dabe me, te tigidali tama seselama, ofa igi pao. ⁷ Te pesage da, te God dago Genuai Bidigo gedude, te dage me duga we wai dagego tuyu, me dage wiegi yai homu pemene yabo madi da, magi baso meni, te Genuai Bidigo dagebolo bomо mayu, tama tigidali dagego yali sę te wiegi yai pedelai baso, tama tiagameo," wali.

⁸ "Tama dagego te lotu wabo pesage deli nigilama da, teda dagego duga digi duga homugo subigila lotu po waba, te kolesaga me elamuo, te dagego megi ebo gilama. ⁹ Magi baso meni, dage Genuai Bidigo dagebolo mawainogo ebo te tęba dage me sabalobeo. Dage te bulude bugagia bidama, tama te bulude

† 11:20 Bom 6:6-9 †† 11:25 Jos 1:3-5 ‡ 11:29 Bom 27:11-14; Jos 8:33-35

‡† 12:3 Bom 7:5

bugagia toma tuyu bidagameo. ¹⁰ Dage te Jordan wẹ nogebo si da, teda Genuai Bidigo dagebolo te tọ mawaibao, tama dage te tọde bidimainu yaibao. Agai dage bugagia tonaluyu, tama te boi bidi dabe dage pąba me asogobeo. Tama tiyu, dage homu nagame elama bidiagameo. ¹¹ Genuai Bidigo agaba lotu wabo pesage deli aga sa muaibao. Tama te pesagede da, dagego eno megi dagebolo wali te nai dabe sesiąo. Tama te ofa da, te isigo sese dela silibo ofa, me te meba ofa dabe me, te tigidali nai bugwai me badu te ofa me, te me gasa nai dabe dagego Genuai Bidibolo mawainogo yali, te ofa me te wiegi wiegi yai nai dabe te daų wali te po usu nabo, te nai dabe tama sesao, te eno hasia polo wali. ¹² Tialima, dage, me duga wai dabe, me duga sẹ ebo we bidi, me te Livai dabe te dagego hanude bidibo, te bage dage sese tama Genuai Bidi pageba pelama, tama agaba wiegi yai homu pemene mu igi piąo. Dagego Livai dabe bugagia mu koneawe, magi baso meni, augwaligo tọ mu menio. ¹³ Dagego duga homu kolesagago niga selama, tama ofa subigilama olo madi tede ela biligimio. ¹⁴ Dagego ofa te Genuai Bidigo dage hani mego pesagede te sa mubo, te pesage delide naga dagego ofa eyu yao. Te pesage delide naga dagego te isigo dela silibo ofa eyu, me te gasa meba ofa dabe eno dagebolo polo wali, te ofa dabe tama iyąo," wali.

¹⁵ "Tiali goli, dage bidibo pesagede dabe da, te hasa dabe ela tubo da habu me selebeo. Te tigidali nai dabe Genuai Bidigo dagebolo mani, te nai dabe da, dagego tuabo nai dabe naga dao. Dage sesego tama tuiąo. Te dage Godigo gedude wiegi yai bidi me, o te Godigo gedude meda yai bidi dabe, dagego mu tuiagameo. Dagego te olo pesage dabede tuiagameo, te dagego olo bulu hasa dabe tubo yali gilama tuiąo. ¹⁶ Tiali goli, dagego augwaligo kaneme tulamo dao. Mu menio. Dagego tọba olo wẹ yali gilama, olo tọba gea palao. ^{†17} Dagego te nai dabe da tuiagameo. Tiali goli, dagego Genuai Bidigo ofa duga bulude tulamuo. Te ofa nai dabe da e dao. Te nogo si wabo te wit dabe, me te wain, me oliv wel, me te kau kibugo gomunai wai, me sipsip kibugo gomunai wai, me te dagego Genuai Bidi dali daų wali po usu nabo, te nai dabe me te duga homugo mabo, te ofa me te gasa meba ofa dabe. ¹⁸ Dage me duga wai puluba, me duga sẹ ebo we bidi dabe, me te Livai dabe dagego hanude bidibo, te bagego dage dali te ofa tuiagameo. Tiali goli, dagego te ofa te God dago Genuai Bidigo bulude tuiagameo. Te pesage delide naga Genuai Bidigo te lotu po wabo pesage magi ilaibao. Dagego te pesagede tuyu, tama dage duga te wiegi yai nai dabe bomai sẹ elama, nigilalide wiegi yai homu tede iyąo. ¹⁹ Tama tigidali sogo dage te tọde bidiyu da, dagego te Livai dabe tau sabo gegeda pelamuo," wali.

²⁰ "Nosali Genuai Bidigo dagego bulu genuai mu igi pabo si da, te agai te po polo daų walali gilama ebo si da, teda duga homugo mena sogo duga hasa dabe tuabo homu ebaso da, tuiagameo. ²¹ Tialima, te lotu

wabo pesage digibulu mu yaibaso da, teda dagego eno wali po sao. Dagego te kau kibu o sipsip kibu elao, tama dagego te hasa dabe duga bulude tuiąo, te Genuai Bidigo mani, te nai dabe. Dagego te sẹ tigidali sogo dagego godolo ebo sogo tama tiao. ²² Te Godigo gedude wiegi yai bidi me o te Godigo gedude meda yai bidigo me te hasa dabe tuiagameo. Te augwa te bulu hasa dabe tubo gilama tama tuagameo. ²³ Tiali goli, dage te hasa dabe augwa kaneme dali dagego tulamo dao. Magi baso meni, kaneme da, te tigidali bidibo nai dabego bomo mabo page nai dao, tama dagego te bidibo ula mabo nai te kaneme tugio. ²⁴ Dagego te hasa dabego kaneme tugimio. Menio. Dagego te tọba olo wẹ gea palobo tiwai tama tọba gea palao. ^{†25} Tialima, dagego te hasa dabego kaneme tusiąma ebaso da, teda Genuai Bidigo dagego kolesaga godolo yaibao. Tama agai dagego sẹ dabe me agai wiegi yai pedalomainogo yaibao. ²⁶ Tiali goli, dagego te ofa me aga dali daų walali te po usu nabo te ofa dabe te Genuai Bidi agai te sa muabo te pesageba pelama, tama te ofa lotu wabo sa muabo te pesage deliba naga sela piąo. ²⁷ Tama te pesagede dagego te isigo sese dela silibo ofa me uluyu, me te mi, me te kaneme sese tama Genuai Bidigo alta saide ulao. Tama meba ofa dabe dagego kaneme dabe sese alta bogo baduba gelama, tama te mi dabe da, dagego tuiagameo. ²⁸ Dagego eno te mani te bomai po tigidali bugagia wali peyu da, tama Genuai Bidigo dagego me duga waigo wai dabego sẹ dabe sese tama tigidali sogo wiegila mu pedalomainogo yaibao. Magi baso meni. Dagego Godigo gedude wiegi yai doloba pai kolesaga naga yaiba weyu, te God dago Genuai Bidigo gedude," Mosesgo te po wali.

Godigo augwalibolo tibo godiba lotu wabo habu selali

²⁹ Tama Mosesgo po geninama weyu, te po wali, "Genuai Bidi, dago God, agai te tigidali we bidi hani sese tama dage augwaligo buluba pabo si, augwali sese tama dola silaibao. Tama dagego te tọ selama, tama tede bidiagameo. ³⁰ Te Godigo augwali dola sili-bo si da, teda dage bugagia dua dao, tama augwaligo lotu wabo kolesagade habu selama, tama augwaligo lotu wabo kolesaga wali pelamuo. Tiyu dage augwaligo kolesaga wali peyu da, teda dage isaibao. Tiyu dagego te po wabo, 'Te bulu badu olo bidibo bagego lotu po mena tama wabowe' wabo. 'Teda dago me te tobage kolesaga elama, lotu po waina,' te po wabuo. ³¹ Te dage Genuai Bidi dago God agaba lotu po wabo sogo da, dagego te Godigo po odisąbo bulu badu bage augwa lotu weyu ebo kolesaga me elamuo. Menio. Te bage augwali lotu po augwa te tibo godiba lotu weyu da, augwaligo te Godigo godolo isąwai haniani dwai sẹ ebo dao. Augwaligo te e tama me tibo dao, augwaligo augwa wai bọų dabe meba elama, tama te alta saide te ofa ulubo dao," Mosesgo te po wai.

³² "Dagego eno dagebolo walali te sẹ dabe naga eyu yao. Te gasa bomai po ugwadu ma daganebo, me te

† 12:16 Gag 9:4; Prs 7:26-27; 17:10-14; 19:26; Bom 15:23

†† 12:24 Prs 17:10-14

bomai po me deli sela saḡo tagalao, te habu mu dao," Mosesgo te po wai. †

13 ¹⁻² "Ma, te profet bidi o te na yai po haninibo bidigo dage kegasa, dage te tibo god dagego polobadu lotu me wasiḡa yai, te lotuba odasa painogo ebaso, me agai haniani bomo yai seḡ dagego sula-ma, homu begelama, mu dao omainogo ebaso, ma agai po mu dao omainogo te seḡ dabe ebaso da, teda dagego te po munu me odamuo. Agai pogo obadi, te haniani seḡ te tiwai mu pedaluai goli, tagalao. ³ Dagego agai po me odamuo. Dago God Genuai Bidi-gage agai pode tulalubowe olama usu somainogo tiaibao. Dagego dago Genuai Bidi dagego homudu, me dagego kolesagadu sese tama aga mu godolo ebowe weyu, ma meniwe olama, tama tiaibao. ⁴ Dage Genuai Bidi dologode naga elaluyu, aga wali naga piḡo. Tama dagego agai po odama, tama agai bomai po tigidali wali piḡo, tama aga deliba naga lotu weyu, tama aga daḡ olama tola sao. ⁵ Tiali goli, dagego te profet bidi o te na yali po page pusubo bidi ela muiḡo. Ma, augwaligo dagebolo Godigo po sela saḡao obaso da. Dagego God aga dage Isip bulu olo seḡ ebo kalabus bidi tiwai bidibadi odasa sali, te konea. Te tama bidi hani dabego dage te Genuai Bidigo dagebolo te wali pao wali te sunumi taga pelama, digibulu pomainogo kegebo bage dao. Tama dagego te tama bidi dabe elama, isilao. Tama tiyu da, dagego te dwai kolesaga silaibao," Mosesgo te po wali.

⁶ "Tialima, te bidi o we, te dagego ama, o duga ogwa, o duga wegī, o duga we me, te dagego godolo mu ebo we me, o duga abagi mugo me, agai geme mu tama dagebolo tibo godiba lotu po wao po obaso da, teda dagego agai po me odamuo. Magi baso meni, dage me duga waḡ dagego te tibo godiba polobadu lotu po me wai menio. ⁷ Te tigidali e tḡde we bidi tigidaligo te tibo godiba lotu po wabo dao. Te augwali dage paḡde bidibo bage me, o te digibulu bidibo bage me, tagalao. ⁸ Tialima, te we o bidigo dage te tibo godiba lotu omainogo kegebaso da, teda dagego agai ili po wabo odogio. Dagego agai po sela saḡao. Tama dagego aga hobede dwasianu me elamuo, o dagego aga tau me selamuo. Menio. ⁹ Dagego aga ela muao. Te wego o bidigo dage kegainogo ili po waibaso da, teda duga bolo hasia te we o bidiba masigi saḡao. Tama nosali meba gasa we bidigo masigi saḡao. ¹⁰ Masigi saḡa-nama, aga elama, isilao. Agai dage God dago Genuai Bidi paḡde tagalama, digibulu mu pomainogo ili po olama, te kegeyu, te yali dao. Dagego kone palao, God aga digi dage Isip bulude olo seḡ ebo bidi bidibaso, oda sai dao. ¹¹ Dagego te we o bidi mu tama ela muiḡo. Teda te Israel we bidi sesego te tama tiali po odama, tama augwaligo bugagia tonaluama, tama augwali wi elama, tama augwaligo te tobage dwai kolesaga me ma egobeo," wali.

¹² "Dage te Genuai Bidi dago God agai dagebolo mawainogo ebo te hanuba bidigi pelama, tama dagego po me deli e tama wabo odoyu da, ¹³ te dage

tomode te dwai bidi dabe meba augwa hanude bidalubo we bidi dabe homu kolesaga dolama, tama augwali te tibo god augwali polobadu lotu wasiḡawai, te godiba lotu wabao po wabo odoyu da, ¹⁴ teda dagego te tama po sabi odobaso da, teda dagego po page bugagia bolo gegela suao. Tama augwaligo te dwai kolesaga mu tama yaibaso da, ¹⁵ teda te hanude we bidi augwa kau kibu dabe dali sese tama ela silao. Te hanu mu tama dolama, tagalao. ¹⁶ Tama dagego te we bidi dabe doado bage dabe sese selama, tama hanu tomoba sisinao. Tama dagego te hanu, me te bagego hanude elaluali nai dabe sese tama isi ulao. Te da, te dago Godigo ofa tiwai ulao. Tama te hanu da, te dolai tama elaluaibao. Tama te hanu munu me ma nigigobeo, te habu mu dao. ¹⁷ Dagego te hanude nai deli me selamo dao. Te isigo sese dela silimainogo sula tagalao. Tama tiyu da, Genuai Bidigo seḡḡ tagalama, dage hobede yaibao. Tama agai dage hani genuai mu pedalomainogo yaibao, te agai dagego waḡ dabe dali polobadu po daḡ walali gilama tiaibao. ¹⁸ Agai te tama tiaibao, magi baso meni, te dagego agai tigidali bomai po wali pali da, te eno megi dagebolo mani, te po. Tama me dagego agai godolo ebo seḡ naga eyu yali dao," Mosesgo te po wai.

Te Israel dabe augwali te bulu badu Godigo po wali pisḡo bidi dabego ebo kolesaga wali pelama, tama isai bidide gela olamo dao

14 Mosesgo po geninama weyu, te po wali, "Dage da, te Genuai Bidi dago God agai wai puluba dao. Tialima, dage te isai bidide gela weyu da, te usu dao. Tiali goli, dagego duga tigi wali me togoyu, o duga tobolu nisi gebo badu me poayu me igio. Teda te wani yaibao, te Godigo po wali pisḡo bagego ebo gilama yaibao. †² Dage Genuai Bidi dago Godigo tedali gasagi yai we bidi dao. Magi baso meni, agai dage tigidali tḡde we bidi tomode selama, tama dage aga we bidi bidimainogo dage sa muai dao. Dage da, agai dila pai wiegi yai nai tiwai elalubao," wali. ‡

Te Godigo gedude wiegi yai hasa dabe me meda yai hasa dabe

(Prs 11:1-47)

³ Tama Mosesgo po ma wadoliyu, te po wali, "Dagego te hasa dabe te dwai nai dao olama habu selali, te hasa dabe tulamo dao. ⁴ Dagego kau kibu, me sipsip kibu, me meme kibu mi, ⁵ me bulu hasa dia, me bulu kibu sipsip, me bulu kibu meme, te dagego tuiagameo, me bulu hasa dabe te bulu dude bidibo, te hasa dabe tuiagameo. ⁶ Augwaligo nogo saḡa tomode si peda pelama, tama augwali kau kibugo yali gilama augwali nosai tubo dao. ⁷ Tiali goli, te hasa dabe augwaligo nosai te bulmakaugo tiwai tusiḡa, tama nogo saḡa dani peda pisḡa ebaso da, teda dagego tubo habu mu dao. Dagego te kamel, me rabit, me gesia te masigi bulude bidibo, te hasa tubo habu mu dao. Aug-

† 12:32 Bom 4:2; Ped 22:18-19

†† 14:1 Prs 19:28; 21:5 ‡ 14:2 Sai 19:5-6; Bom 4:20; 7:6; 26:18; Tai 2:14; 1 Pi 2:9

wali te kau kibu yaligia te nosai dabe tuyu ebo dao, tiali goli agai nogo saḡa dani te tomode si peda pabeo. Tama tibaso, dagego koneao, te tama tiwai hasa dabe te Godigo gedude meda yai dao homu yao. ⁸ Dagego kibu tugio. Augwaligo kau kibugo yaligiama saḡa ogo dani elalubadi goli, augwaligo nosai te bulmakaugo tiwai tubo menio. Tama tibaso, dagego koneiḡo, te tama tiwai nai dabe te Godigo gedude meda yai dao. Dagego te hasa dabe tubo habu dao, tama augwali isai digi dagego nogo tubo me habu dao," Mosesgo te po wai.

⁹ "Dagego te suḡu dabe te bogo elaluyu, tigide abolo elaluyu ebo, te suḡu dabe tuyu yagameo. ¹⁰ Tiali goli, te weḡe bidibo nai dabe te bogo meni eyu, abolo meni eyu yai, te nai dabe da me tulamuo. Dagego te homu yao, te suḡu nai dabe te Godigo gedude meda yai nai dao, te homu yao," wali.

¹¹ "Dagego Godigo gedude wiegi yai ba naga tuao. ¹²⁻¹⁸ Tiali goli, dagego te tigidali hani genuai me dwasianu kemedage, me hulide bilibo uni, me kugidi, me te toli, me te nambisde ba kanai, me te bobobage dogoni yai ba, me te ba augwaligo hupou nogi wabo, me te pato, me augwaligo komoran wabo, te pato, me hulide bilibo bogwa, dagego tugio," wali.

¹⁹ "Te Godigo gedude bogo yai te pa dabe te meda yai dao. Tama tibaso, dagego tulamo dao. ²⁰ Tiali goli, dagego Godigo gedude wiegi yai te pa o mano dabe tuiagameo."

²¹ "Dagego te hasa dabe olo dali isai tulamo dao. Te gasa bulu bidi dagego bulude bidiba, te bidi dabego te hasa tumainogo tagalao, ma augwaligo dageba abele-mainogo yao. Tiali goli, dage da, te God Genuai Bidigo we bidi dao. Dage aga tedali gasagi yai hani we bidi mu dao," wali.

"Dagego te meme kibu so me deligo ame pe te seneḡe tabilama, tama te meme so kibugo digi goḡ tede ma ulamo dao," wali. †

Augwaligo te nogo si naide me deli Godibolo mo-mainao

²² Mosesgo te po wali, "Dagego tigidali nai dabe dagego tigidali sogo kibu bede duga gide siyu eba, dagego nogo si pesage holama, tama dagego pesage deli muao. ²³ Nosali dagego te nai dabe te Genuai Bidigo lotu wabo pesage deli sa muaibao, te pesageba sela pao. Tama te pesagede Genuai Bidigo gedude dagego te nai dabe te wit, me wain dabe, me ni oliv wel me dagego te nai pesage deli te sesali te nai tula siliḡo. Tama me ma, dagego te kau kibu me sipsip kibu dabego gomunai wai dabe tede elama tuiḡo, te lotu wabo pesagede. Dagego te tama tiyu da, teda dagego tigidali sogo God dologode naga bidibo kolesaga elaluaibao, te God dago Genuai Bidi. ²⁴ Ma, dage digibulu mu bidiyu da, teda dagego te wiegi yai nai dagego me selama, tama dagego te Godigo lotu wabo pesage sa muani teba seseyu usu saḡaso, ²⁵ teda dagego te olo bidi dabego te nai dabe abelemainogo

† 14:21 Sai 23:19; 34:26

sula tagalao. Tama nosali te mone te sa muani lotu wabo pesage deliba selasa pao. ²⁶ Tama monego dagego te godolo ebo nai sese tama abelagameo. Te kau kibu me te sipsip kibu dabe tama abeliḡo, me te wain, me bia tiwai nai abeliḡo. Tama te lotu wabo pesagede te Genuai Bidigo gedude dagego me, duga wai puluba, dagego te nai dabe tulama, tama wiegi yai homu pemene mu iyḡo."

²⁷ "Tiali goli, dagego te Livai dabe dagego hanude bidibo bage me gegeda pelamuo. Augwaligo dagego hanude augwaligo to me, be me, te meba nai dabe te augwa mu menio. ²⁸ Te tigidali kibu be sela ebo sogo, dagego te bugulali muani tubo nai dabe sese sela pelama, tama te bakstuaba mua-gasao, te duga hanu dabede tama tiao. ²⁹ Te nai dabe te Livai dabego nai dao. Magi baso meni, te bage augwaligo augwa to me, be me menio. Tama me ma, te digibulu asama bidagasai bidi, me te tiana wai, me wilawe we dabe me, augwali dagego hanude te bidibao. Te we bidi augwali augwa homugo aselama, te muani nai sagasiyu emainao. Dagego te tama tiyu da, teda Genuai Bidi dago God aga dagego tigidali se dabe wiegi yai mu ilaibao," Mosesgo te po wai. ††

Te negeli silabo kibu be

(Prs 25:1-7)

¹⁵ Tama Mosesgo po geninama weyu, te po wali, "Te tigidali kibu be namba 7 wabode, te kibu be silibo si, dagego te bidi dabego dage negeli ilali te negeli wei ponao homu ebo tagalama, te negeli sela sayu, isiliyu yao. ² Dagego te tama tiao. Bidi mego aga abagi mone mawai baso me, te bidi aga abagigo negeli sela saḡama isilao. Tama aga abagibolo wei ponao po wagio. Magi baso meni, Genuai Bidi agai digi te abagigo negeli yali sela sayu silabo sogo te pedelai dao, te kibu bede. ³ Ma, te Israel hani isaḡwai gasa bulu bidigo dage dali negeli yai baso da, teda dagego agabolo negeli yali we ponao po wagameo, te usu dao. Tiali goli, duga abagi solo, te Israel hani bage, augwali dali negeli yali da, wei ponao po wagio. Menio. Te negeli sela sayao. ⁴⁵ Te dagego Genuai Bidigo po eno dagebolo megi mabo te bomai po wali bugagia peyu, agai po odiyu yali da, teda Genuai Bidi dago God agai dagebolo mawainogo ebo te bulude dage dali wiegi yai se yaibao. Tama tibaso, te dage hani bidi me deli nai me habuge me elamuo. ⁶ Magi baso meni, Genuai Bidigo agai po daḡ wali da, te po wali pelama, tama dage dali wiegi yai se yaibao. Tama we bidi hauwago dage dali negeli eyu yaibao. Tiali goli, dagego augwali dali negeli me egobeo. Tama dagego te to pedai kantri hauwa tonaluaibao. Tiali goli, kantri mego dage me tonalugobeo," wali.

⁷ "Tialima, duga abagi me Genuai Bidigo dage mawainogo ebo te hanude bidibaso da, tama aga nai meba habuge yai baso da, teda dagego aga tudiba togolama, tama aga tau sabo homu me tagalamuo. ⁸ Menio. Dagego aga hobede elama, tama dagego

†† 14:29 Prs 27:30-33; Nam 18:21

agai sqa pali nai tau sao. ¹⁹ Dagego homugo te negeli yali sela sayabo kibu be paba yalio homu igio. Tama tilama, dagego homu daq olama, tama abagi tau sabo hagela ebo homu igimio. Dagego te dwai homu kole-saga dagede pedalomainogo sula tagalamuo. Ma, dagego tau sabo mone agabolo mabo hagela homu yali da, teda te bidigo Genuai Bidi i olama, tama agai dage wei ponoyu, dage Godigo gedude seqe saibao. ¹⁰ Te agai hanalubo nai dabe tigidali tama maiqo. Te hagela ebo homu igio. Tama Genuai Bidigo dagego ebo seqe sese tama wiegi yai pedalomainogo ilaibao. ¹¹ Tigidali sogo dage Israel dabe meba te nai dabe sqa peyu bidaibao. Tama tibaso, eno dagebolo te po te wabao, dagego augwali hobede elama, tama augwaligo habuge yali nai dabe tau sao, tama augwali dali wiegi yai seqe yao," Mosesgo te po wai. ††

Te Israel dabego augwa seqe bidi dabe dali yabo kole-saga po
(Sai 21:1-11)

¹² Te Mosesgo po geninama weyu, te po wali, "Te Israel hani tomode te we o bidi me deli te negeli elalubaso, agai digi aga bidi mebolo olo seqe ebo bidi tiwai mobaso da, teda agai seqe te kibu be a naga olama, deli, te 6 kibu be tama naga seqe emainao. Tama te namba 7 kibu be wabode aga seqe tagalomainao. ¹³ Tama agai te bidigo seqe ebo tagalama pabo si da, teda te page bidigo aga aga buluba olo taga palamuo. Menio. ¹⁴ Dagego Genuai Bidigo dagebolo mani te nai dabe meba, te sipsip, me wit, me wain dabe, tama selama aga mao. ¹⁵ Dagego te dage me te Isipde olo seqe ebo bidi bidali te kone paliqo, tama Genuai Bidi dago God agai dage oda selama, olo ma tagala palai dao. Te tama tiali po pagede eno megie te bomai po dagebolo te mobao," wali.

¹⁶ "Tiali goli, te seqe bidigo te page bidi me aga we wai godolo mu eyu da, teda agai te po waibao, 'Eno dage taga pabo hagela ebo,' po waibao. ¹⁷ Te tama po obaso da, teda aga odasa pelama, aga genuai bidigo be sunumiba sabolama, tama neli me deli selama, tama agai olo te sunumi pos niba munama, neligo enama, sunumi nigilama, tama aga te be page bidigo seqe bidi bidama, aga monu dabe elama isimainao. Dagego te deli seqe te duga seqe ebo we dabe dali me tama tiao. ¹⁸ Dagego duga te aga negelide sali seqe bidi dabe te namba 7 wabo kibu bede olo taga paliyu, tede dwai homu me elamuo. Magi baso meni, agai dagede seqe te kibu be a naga olama deli kibu be, te 6 tama elama, tama agai hap pe naga sali. Dagego te tama tiyu da, Genuai Bidi dago God agai dagego tigidali seqe ebo agai wiegi yai mu pedalomainogo yaibao," wali. ‡

Kau kibu me sipsip kibugo gomunai omai wai dabe po

¹⁹ Mosesgo po geninama weyu, te po wali, "Dagego duga te kau kibugo hasia wai omai, me sipsip kibugo hasia wai omai, te Genuai Bidi dago Godibolo sa

muao. Tama tialima, te sa muani kau kibugo waigo seqe ebo te habu mu dao. Me te sa muani sipsip kibu waigo nisi togoyu sabo me habu mu dao. ^{†20} Te tigidali deli deli kibu bede dagego te tobage sa muani kibu dabe te lotu wabo pesage deliba sela pelama, duga hani we wai dagego te hasa dabe tuyu yao. ²¹ Tiali goli, te kau kibu o sipsip kibu augwaligo sqa gagea peyu, ma agai gedu hwidiyu, o agai meba dwai gasi dabe yai baso da, teda dagego Genuai Bidi dago Godibolo ofa eyu tama tugimio. ²² Menio. Te tama tiwai hasa dabe te duga bulude naga tuiqo. Dagego tigidaligo tama tuiqo, te dage Godigo gedude wiegi yai bidigo me o meda osogo yai bidigo me tama tuiqo. ²³ Tiali goli, dagego te hasa dabego kaneme tugimio. Menio. Dagego olo we yali gilama tpa gea palao," Mosesgo te Israel dabebolo te po wai. ‡‡

Te Genuai Bidi Godigo Israel dabe wiegi yai bidimainogo sula tagalali side te konebo sogo
(Sai 12:1-20)

16 Tama Mosesgo po geninama weyu, te po wali, "Te tigidali sogo kibu bede, te polua Abipde, teda dagego te Genuai Bidi Godigo dage Isipde bugagia bidimainogo sula tagalali te side sa muyu, nai ulama tuiqo. Tama dagego Genuai Bidi dago God agai nogi ugwaba siqo. Magi baso meni, polobadu me sogo hulide, te polua Abipde, agai dage Isip bulude oda sai dao. ² Dage te Genuai Bidigo deli sa muaibao te lotu wabo pesage deli, te pesageba pelama, tama te kau kibu deli o te sipsip kibu deli te dagego God dago Genuai Bidibolo ofa tiwai elama elao. Tama duga te Godigo dage bugagia bidimainogo sula tagalali, te Pasova nogi poai sogo, te hasa dabe me te nai dabe tuao. ³ Dagego te nai tubo sogo, dagego yis dali ulai bret tulamuo. Te a naga olama si, te 7 tama sogo, dagego te yis meni yai bret tuao. Magi baso meni. Te polobadu dagego te Isip bulu taga soainogo aseasa biliyu, dagego te yis meni yai bret tuai dao. Dagego te bret tubo da, teda dagego Isip bulude dodolama bidali me Isip bulu taga soali, te bodolu tigidali kibu be ma kone paliyu, tama te bret tuao, te dage isibo sogoba usu tama nao. ⁴ Te a naga olama si, te 7 tama sogo, te Yis Meni Yai Genuai Sogo tomode, dagego be tomode te bret bo dabo nai yis elalubo habu mu dao. Tama te hasia wabo deide, dagego hasa dabe ofa ebo te tuao, tama hulide naga silao. Dagego kigamu tuabo me tagalamuo," wali.

⁵ "Dagego te Godigo dage olo taga palali te bubuga kone paliyu, te eleba te hasa dabe Genuai Bidi agai dagebolo mawainogo ebo te hanu dabede elamo dao. Menio. ⁶ Dagego te agai sa muani lotu po wabo te pesage delide naga elama, tama Genuai Bidibolo ofa yao, te giliga ibaba dega sabo sogo mu dao. Magi baso meni, dagego Isip bulu te giliga dega sabode taga soai dao. ⁷ Dagego te hasa dabe te lotu wabo pesage delide naga uluyu tuiqo. Tama kigamu duga buluba

† 15:8 Prs 25:35 †† 15:11 Mat 26:11; Mak 14:7; Jon 12:8
‡ 15:18 Prs 25:39-46

†† 15:19 Sai 13:12 ‡‡ 15:23 Gag 9:4; Prs 7:26-27; 17:10-14;
19:26; Bom 12:16, 23

ma piào. ⁸Te a naga sogo olama deli, te 6 tama sogo naga dagego te yis meni yai bret tuiào. Tama te dei namba 7, tede dagego God dago Genuai Bidiba lotu po wao. Tama te sogo te sê dabe ebo te habu mu dao," Mosesgo te po wai. [†]

Gide nai siyu, wiegi yai homu ebo genuai sogo

(Sai 34:22; Prs 23:15-21)

⁹Tama Mosesgo po geninama weyu, te po wali, "Te dagego gide wit dabe sabo gagalobo sogo da, teda dagego te Sarere dabe nedebo gagalao. ¹⁰Tama dagego te namba 7 wikde sabi simanobo sogo deli ma magi yao, te Genuai Bidi dago God agaba wiegi yai homu pemene yabo sogo. Tama dagego homugo tiao, Godigo dabololo te nai dabe hauwa mu mani dao homu yao. Tama tialima, duga homugo digi te nai meba bugulama, tama Genuai Bidibolo ofa tiwai mao.

¹¹Dage sese tama te lotu wabo pesage deliba pelama, tama Genuai Bidigo gedude dage wiegi yai homu pemene igi pao, te dage, me duga wai puluba, me duga sê ebo we bidi, me te Livai dabe, me te gasa bulu bidi dabe, me te wai dabe augwa aya isai dabe, me te we dabe augwa bidi isai dabe, dage te hanu dabede bidalubo bage, dage sese tama wiegi yai homu pemene iyào. ¹²Dagego dage te Isip bulude olo sê bidi dabe bidiyu yali kone palao. Tialima, dagego te bomai po dabe tigidali bugagia wali piào," Mosesgo te po wali. ^{††}

Te osogo bidabo bede bidibo genuai sogo dabe po

(Prs 23:33-43)

¹³Tama Mosesgo po geninama weyu, te po wali, "Dagego te wit bo sela sayu, me dagego te wain du agalama, silama, nosali da, teda te osogo bidabo yano be, te bede olo bidibo genuai sogo dao. Tama te 7 dei wabode, ¹⁴dage tigidali sese tama olo toma tuyu bidao, te dagego homu wiegi yai pemene eyu bidao. Te duga, me duga wai puluba, me duga sê bidi, me duga sê we dabe, me te Livai dabe, me te gasa bulu bidi dage dali bidibo, me te wai puluba augwa aya isai, me we augwa bidi isai wilawe we dabe, dage sese te hanu dabede bidalubo, te bage. ¹⁵Dage sese tama te Godigo sa muaibao wali lotu wabo pesage delide dage te Genuai Bidi dago God agaba lotu po weyu, tama agai nogi ugwaba siyu yao. Dagego homugo tiao, 'Genuai Bidigo dago gi me dago sê dabe sese tama wiegi yai ilai dao,' te homu yao, tama dage wiegi yai homu pemene mu yao," wali. [‡]

¹⁶"Tama tialima, sela sogo deli kibu be tomode te duga hani bidi dabe dage naga te Genuai Bidiba lotu po wabo sa muani pesage deliba pelama, lotu weyu yao. Te sela sogo te e tama dao. Te Yis Meni Yai Bret Genuai Sogo, me te Gide Nai Siyu Wiegi Yai Homu Pemene Ebo Sogo, tama me te Osogo Bidabo Yano Bede Bidibo Genuai Sogo. Tama dage bidi deli deli nogo olo Genuai Bidigo geduba olo me aselamuo. ¹⁷Menio.

[†] 16:8 Sai 12:1-20; Prs 23:5-8; Nam 28:16-25 ^{††} 16:12 Prs 23:15-21; Nam 28:26-31 [‡] 16:15 Prs 23:33-36, 39-43; Nam 29:12-38

Dagego Genuai Bidibolo maiabo nai dabe sesao. Dagego te homu yao, 'Godigo dabololo wiegi yai nai hauwa mani dao,' te homu yao. Tama tialima, dagego te nai dabe meba bugulama, meba agabololo mao," Mosesgo te po wali.

Po tų ebo kolesaga po

¹⁸Tama Mosesgo po geninama weyu, te po wali, "Te dage hani deli deli tomode, dagego te jas me te ofisa dabe sa mumuna pao, te Genuai Bidi dago God agai dage mawainogo ebo te hanu dabede bida bida pabo, te bidi dabe. ¹⁹Te bidi dabe augwaligo te po tų odobo kolesaga te doloba pai kolesagadu naga yao. Augwaligo te po tų ebo dolama, tama bidi meba naga tau selama, tama te bidi meba aiyaba me elaluamuo. Tama augwaligo te bidi mebage augwali nai momainogo me elamuo. Magi baso meni. Te bidi gugu po olama mabo te nai dabego te doloba pai bidi dabego kolesaga dolama, tama te wiegi yai homu kolesaga yai bidi dabe te po tų ebo sogo augwaligo te po tų eyu, po bugagia dodologobeo. ^{‡20}Tigidali sogo dagego mu po naga olama, tama dagego doloba pai kolesaga naga te po tų ebode wali pao. Tama tiyu da, dage te Genuai Bidi dago Godigo mawainogo ebo te tųde tigidali sogo wiegila bida bida peyu, bidaibao," wali.

²¹"Te dagego Genuai Bidi dago God agai alta nigibo sogo, dagego haniani ni pos togolama, tama te we god Aseraba lotu wabo pos dabe me tede bulamuo. ^{‡22}Tama dagego te tibo god agaba lotu waboba te masigi du pos tede me bulamuo. Te tobage nai dabe te Genuai Bidi dago God agai gedude te dwai nai mu dao," Mosesgo te po wai. ^{‡‡}

17 "Dagego te kau kibu o sipsip kibu te agai tigi dolai me selama, tama Genuai Bidi dago God agaba ofa me elamuo. Genuai Bidigo te tiwai nai mu godolo me egobeo," wali, Mosesgo.

²"Te me sogo te dage hani we bidi me deli aga te Genuai Bidigo dagebololo mani hanude bidibo bage, agai te Genuai Bidi dago Godigo te da dali daų walali bomai po bogi paibao, tama te ebo kolesagago da, agai agade sêgê saibao. ^{‡‡3}Teda agai Godigo bomai po sela saņama, tama agai te tibo godiba lotu po waibao, te giligaba lotu weyu, o te poluaba lotu weyu, o te hōba lotu weyu yaibao, tama agai te nai dabe wali peyu tiaibao. ⁴Tialima, dagego te tama kolesaga tiali po obaso da, teda dagego te po page bugagia gegelama suyu bolo yao. Tialima, te po mu tama elama, tama te dwai sê dage Israel dabe tomode pedalobaso da, ⁵teda dagego te we o bidi te hanu bulu badu odasa pelama, tama masigi aga tigiba saņama, tama aga mu isilao. ⁶Tialima, te bidi sigo ma selago te we o te bidigo te dwai kolesaga ebo subaso da, teda dagego te we o te bidi elama, isilao. Ma, bidi deligo naga suai baso da, teda te we o bidi elama isilabo sunumi meni yaibao. ⁵⁷Te bidigo me o te wego te we o

^{††} 16:19 Sai 23:6-8; Prs 19:15 ^{‡‡} 16:21 Sai 34:13 ^{‡‡‡} 16:22 Prs 26:1 ^{‡‡‡} 17:2 Sai 22:20 [§] 17:6 Nam 35:30; Bom 19:15; Mat 18:16; 2 Ko 13:1; 1 Ti 5:19; Hib 10:28

bidigo te dwai kolesaga ebo suali da, te we bidi augwa digi bolo masigi hasia te bidi tigiba saṅama, tama olo we bidigo nosali masigi te bidi tigiba saṅmainao. Dagego te bidi elama isiliyu, dagego te dwai kolesaga dage tomode pedalali sela sayu yao," wali. †

⁸ "Te me sogo te po seḡe genuai mu te hanude yaibao, tama te jas dabe te hanu dabede bidibo te bagego dodolobo usu egobeo. Te bidi dabe aga hasi boi bidi homu elama, me bidi ela muai baso, o te bidigo tḡ hagede o be hagede wado yai baso, o te bidi dabe aga hasi hwɨnama, me bidigo tigi mu dolai baso. Tiali tama, te tobage nai dabe te jas dabego dodolobo usu isaḡbaso da, teda dage te lotu wabo pesage Genuai Bidi dago God agai sa muaiba, te pesage deliba naga pao. ⁹ Tama dagego te Livai hani dabego pris dabebolo me te sogo te po tḡ ebo tonalubo te jas dabebolo hasia bolo pusao, tama augwaligo dagego po dodolomainao. ¹⁰ Augwaligo te po tḡ ebo kolesaga page sese tama pusaibao, te Genuai Bidigo sa muai bulude, tama dagego augwaligo wabo seḡ dabe sese tama wali piḡo. ¹¹ Dagego augwaligo te po dabe sese selama, tama augwaligo po sese tama wali pao, te augwaligo dagebolo mabo te po. ¹² Ma, bidi mego te jas o te pris te Genuai Bidigo gedude seḡ ebo bidigo po sela saḡwani da, teda dagego te bidi elama, isilao. Te tama tiyu, dagego te dwai kolesaga te Israel tomode sela sayu yao. Po menio. ¹³ Tama tiyu da, te po te tigidali we bidigo odama, tama augwali wi elama, te gasa we bidi mebago te tobage dwai kolesaga me egobeo," Mosesgo te po wali.

Te tuni bidigo ebo kolesaga po

¹⁴ Tama Mosesgo po geninama weyu, te po wali, "Dagego te Genuai Bidi dago God agai dagebolo mawainogo ebo te tḡ selama, tama dage te tḡde du-alaluyu da, teda dagego homugo tiaibao, 'Te tuni bidi te kingo da tonalumaina,' te homu yaibao, 'te gasa hani bidi dabego ebo tiwai inao,' homu yaibao. ^{†15} Tialima, teda te sogo dagego Genuai Bidi aga digi te bidi me deli te king tuni bidi pedalomainogo sa mumainao. Dagego duga homugo me sa munamo dao, tama me ma duga hani bidi me deli te tuni bidi pedalomainogo yao. Dagego gasa hani bidi te tuni bidi nigimainogo sa mugio. ¹⁶ Te tuni bidi dolo siyu, tama agai ami bidigo hos kibu hauwa me selamo dao. Tama agai te bidi dabe te hos abelemainogo Isipba tagala palamuo. Magi baso meni, God Genuai Bidigo te po wai dao, 'Eno we bidi te Isip buluba ma pelamuo,' po wai dao. ^{‡17} Te tuni bidi kingo we hauwa selamo dao. Magi baso meni, augwaligo agai Genuai Bidiba tudi ola momainogo yaibao. Tama me ma, agai gol me silva hauwa sabo seḡ elamuo wao. ^{‡18} Te bidi aga tuni bidi king nigibo sogo, agai te Godigo bomai po aseḡi buku me deli e tiwai somainao. Agai te Livai pris dabego tonalubo bomai po elalubo buku nedama, tama aga nogogo digi te gasa bukude te bomai po aseḡo, tama te buku

† 17:7 1 Ko 5:13 †† 17:14 1 Sml 8:5 ‡ 17:16 1 Kin 10:28; 2 Sto 1:16; 9:28 †† 17:17 1 Kin 10:14-22, 27; 11:1-8; 2 Sto 1:15; 9:27

agade munolumainao. ¹⁹ Agai te buku aga pagede munama, tama agai te tigidali po page agai tede nedemainogo yao. Tama tiyu da, agai Godigo bomai po wali peyu, aga tigidali sogo Genuai Bidi dologode elaluyu, tama agai te bukude elalubo po dolo wali paibao.

²⁰ Tama tialima, agai aga digi ugwaba siyu, tama agai meba Israel dabe aiyaba me elalugobeo. Tama me ma, agai te Genuai Bidigo dwasianu bomai po dabe me bolamuo. Tama dwagi yai kolesaga tama tiyu da, aga tuni bidi king kibu be hauwa sogo bidaibao. Tama nosali nosali me tuni bidi king aga hanide naga pedalaliyu, iduaibao," Mosesgo te po wali.

Te ofa ebo nai bugai, meba te pris dabeba pomainao

18 Tama Mosesgo po wadolama ma weyu, te po wali, "Te pris dabe augwali te Livai hani dabe dao. Tama tibaso, augwali dali te gasa Livai hani sese augwaligo te tḡ me selamuo, te da meba Israel dabego yali gilama egobeo. Menio. Te augwaligo nai dabe da, te da augwaligo te Israel dabego te ofa mabonaide, me te Genuai Bidibolo olo mabo te nai dabede somainao. ² Augwaligo te meba hanigo yali gilama, tama tḡ augwaligo me sogobeo. Te wiegi yai nai augwaligo sali da, te e dao, augwali te Genuai Bidigo pris bidi te nigali dao, te Genuai Bidigo po daḡ wali gilama yali," wali. ‡

³ "Tialima, te bidi me deligo te kau kibu omai me te sipsip kibu elama, tama agai Godibolo ofa tiwai nai mobaso da, teda agai te hoboludu mi, me nogo na mi me sobadi, me penane mi sobadi, me haliga selama, tama agai te pris bidibolo mao. ⁴ Tama me dagego te hasia inabo wit meba, me wain, me oliv wel, me te sipsip nisi selama, tama te pris bidi dabebolo mao. ⁵ Genuai Bidi dago God, agai te dage Israel hani tomode gasa bidi hani meba te pris bidi nigimainogo sa me mubeo. Mu menio. Agai te Livai hani deli naga aga nogide te pris seḡ tigidali sogo emainogo sa muai dao," wali.

⁶ "Tialima, te Livai me deligo aga bidali hanu taga pelama, tama te eno sa muani lotu wabo pesageba bidigi pabo homu ebaso da, ⁷ teda agai te Godigo pris seḡ emainao, te aga hani dali augwaligo augwa te lotu wabo pesagede te pris seḡ tigidali sogo ebo gilama ma emainao. Te usu dao. ⁸ Te deli deli pris bidigo sabo nai tiwai deli naga siyu emainao. Tama me augwaligo te meba nai dabe te augwa hanide sabo nai, te me tolalumainao," wali.

Te Godigo po wali pisḡo Israel hani isaḡwani bidigo ebo kolesaga te habu mu dao

⁹ Tama Mosesgo po geninama weyu, te po wali, "Dage te Genuai Bidi dago God agai dage mawainogo yali te buluba sabalobo sogo da, teda dagego te bulu we bidigo ebo dwai kolesaga konea siyu, mu wali me pelamuo. ¹⁰⁻¹¹ Dagego duga wai boḡ dabe elama, te iside te alta saide me ulamuo. Tama me dagego duga

‡ 18:2 Nam 18:20

hani we bidi te sogo yesi bidi nigiyu, me esela bidi nigiyu, me kebele aubo sę eyu, me pobi mubo sę eyu, me te ho po wabo sę dabe me emainogo sula tagalamuo, me dagego te isai bidi noma dali po me olamuo. ^{†12} Genuai Bidi dago God agai te tobage dwai kolesaga ebo we bidi agai godolo me ebo menio. Te tama tibo te page delide tama agai te we bidi dage paba saboligi pabo si, agai augwali te bulude sela saıwaibao. ^{‡13} Te tigidali kolesaga ebode dagego Genuai Bidi wali naga piąo,” wali. ^{††}

Godigo te profet bidi tagala palaibao po daı wali

¹⁴ Tama Mosesgo te po wali, “Megi dagego augwaligo tı sigi painogo ebo, te we bidi hani da, te da augwaligo te yesi bidi dabego po wali pelama, tama esela bidi wali peyu, tama ebo dao. Tiali goli, Genuai Bidi dago God, agai dagego te kolesaga wali pelamuo olama, habu selai dao. ¹⁵ Tiali goli, Genuai Bidi dago God agai duga ama me te profet bidi ena yali gilama tiwai bidi nigabo sa muaibao. Tama dagego agai po wali peyu yao,” wali. [‡]

¹⁶ “Te dage te Sainai bulu duba sisinani sogo da, dagego Genuai Bidibolo hanaluyu, agai po ma olamuo po wai dao. Tama me ma, dagego te God bidibo te moni isi bogoli ebo subo wi ebo po wai dao. Magi baso meni, dage wi dwai mu elama, dagego homugo tiali. Te dagego odoıy, me suıy ebode dage isidali weıy, te homu yai dao. ¹⁷ Tama tialima, Genuai Bidigo enabolo te po wali, ‘Augwaligo hanalubo po usu dao,’ wali. ¹⁸ ‘Tama eno te we bidi hani tomode eno bidi me deli sa muaibao,’ po wali. ‘Tama aga te profet bidi nage yali gilama nigaıbao. Tama eno po agabolo mayu yaıbao. Tama eno po me deli te we bidibolo pusigi pao po obaso da, teda agai pusıy yaıbao. ¹⁹ Tama ena nogide naga te profet bidigo te po pusıy yaıbao. Tialima, te bidi mebage agai po sela sayani da, teda eno aga dene mawaıbao. ^{†20} Tiali goli, bidi mego aga homugo eno agabolo masııma yai po aga homugo naga nigilama pusali da, teda aga isımainao. Ma, bidi mego te tibo godigo nogide te profet tiwai po weıy da, teda aga me isımainao,’ Genuai Bidigo te sogo enabolo te po wai dao,” Mosesgo te po wali.

²¹ “Tama dagego homugo mena tama dagego koneaıbao, te profet bidigo po te Genuai Bidigo pusai po dawı, ma meniwe, dagego konegobeo, te homu yaıbao. ²² Dagego te po e tama koneagameo. Agai te po Genuai Bidigo nogide pusai goli, te sę pedalııma ebaso da, teda agai te po Genuai Bidide sabeo. Te da, te profet bidi aga homugo naga Genuai Bidigo nogide tibo po pusai yaba homu yao. Tama dagego agade wi homu me elamuo,” Mosesgo te po wali.

Te game duala sabo hanu dabe

(Nam 35:9-28; Jos 20:1-9)

19 Tama Mosesgo po geninama weıy, te po wali, “Genuai Bidi dago God agai dagebolo mawaino-

† 18:10-11 Sai 22:18; Prs 19:26, 31 †† 18:13 Mat 5:48 ‡ 18:15 Tpi 3:22; 7:37 †† 18:19 Tpi 3:23

go eba te bulu bidi dabe sese dola silaıbao. Tama dagego augwaligo hanu me be dabe saıbao. Te dage bugagia duagi pabo sogo da, ²⁻³ teda dagego te bulu te distrik sela nigııao. Tama te sela bulude da, dagego hanu wiegi yai madi me nigııo, te bidi me ela muani bidi wi duala sigi pabo sunumi sinana bilibo sę yabuo. Tialima, te bidi mego te bidi elebaso da, teda aga wi pelama, tama te hanuba game duala sigi pomainao. ⁴ Tialima, te bidi mego aga abagi olo dali ela muai baso da, o me augwali si hasia wado isııma, o boı bidi isııma yai baso da, teda aga te hanu sela me deliba game duala sigi pelama, bugagia bidımainao. ⁵ Te e dao. Te bidi si augwa si busıba pelama, aga abagi mego ni gelıduai madi mego te sigi hwı osoga sainuma, me isııai yai baso da, teda aga te hanu me delıba wi pelama, tama te hanude game duala selama, bugagia bidımainao. ⁶ Ma, hanu deli naga elaluyu da, teda usu me egobeo. Tıy te hanu digıbulu mu elaluyu, te bidi wei sabo bidigo aga ama mego te bidi wei sıy, te bidi olo dali ela muabo, te bidi aga sębı genuai me elama, te bidi toulama elabo. Tiali goli, te ogwaba, te bidigo sęgı menio. Agai homugo aga abagi dali boı bidı homu elama, tama agai aga abagi ela muabo homu me ebo. Menio. Te sigi hwı naga osoga sainuma, aga elai goli, te wei elıdali weıy, te game wi duala sigi pomainao. ⁷ Te tama tidali weıy, eno dagebolo te hanu sela sa muao po te wabao,” wali.

⁸ “Nosali Genuai Bidigo dagego bulu tı genuai ugwanu ma daı igi paıbao. Te agai duga wıı dabeboı po daı wali gilama tiaıbao. Tama agai augwalıboı te mawaıbao wali te tı sese tama mawaıbao. ⁹ Tama tialıma, te sogo dagego te gasa hanu sela me ma sa muagameo. Tialıma, dagego eno dagebolo megi wabo te bomai po dabe tıgidali wali pelama eyu da, me dagego Genuai Bidi dago Godigo po godolo mu elama, tama agai po tıgidali sogo wali peyu da, teda agai te tı sese tama dagebolo mawaıbao. ¹⁰ Dagego duala sabo hanu sela me ma sa muao. Tama elama, tama dage te agai dagebolo mabo tıde bidıy da, dagego te bidi sęgı meni yai bidi olo dali ela mubode te dage sęgı me sogobeo,” wali.

¹¹ “Ma, te bidi mego aga abagi hagela mu elama, tama game dualaluama, tama aga dwagıla mu elama, tama aga ela muai baso da, tama tilama, aga wi pelama, te hanu me delıba game duala sigi peyu pai ebaso da, ¹² teda aga hanu page tobolu bidi dabego te game duala sigi pabo hanu page bidıboı hanaluama, tama aga te aga hanuba ma asao po omainao. Tama augwaligo te aga ama wei sabo bidigo nogoba menama, tama agai te bidi elama isııımainao. ¹³ Dagego aga hobede me elamuo. Mu menio. Te bidigo sęgı meni yai bidi elabo kolesaga te Israelde elalubo. Tama te ebo kolesagago dagego te sęgı sela sayao. Tama tilama, dage bugagia bidıagameo,” Mosesgo te po wali. [‡]

‡† 19:13 Jos 20:1-9

Polobadu daj augwa tode elalumainao

¹⁴ Tama Mosesgo po geninama weyu, te po wali, "Dagego duga abagigo tō daj ugwanu ma pogolama, aga tō meba sigio. Magi baso meni. Augwaligo polobadu polo daj ilai dao, te Genuai Bidigo megī dagebolo mawainogo ebo te tōde," te po wai. †

Te po tū ebode bidigo gasa bidi mego dwai sē ebo su- ali po wabo po

¹⁵ Tama Mosesgo po geninama weyu, te po wali, "Tialima, te bidi me deligo naga te dwai sē ebo سوالی po agai te po tū ebode pusubaso da, teda te po tū ebo bidigo odobo bidigo te po odigio. Te bidi sela o sigio suai dao obaso da, teda augwaligo agai po tū ela mabo usu yaibao." ††

¹⁶ "Tialima, te bidi me deligo ili po olama, tama me bidi doliyu, agai te bomai po te bolali dao po obaso da, ¹⁷ teda augwali si tama te lotu wabo pesageba po-mainao. Tama te pris bidi me jas bidi dabe augwaligo te sogo te Genuai Bidigo gedude te dodolomainao.

¹⁸ Te jas dabe augwaligo te po bugagia osolama, tama augwaligo suali madi te aga abagi po tū ela mani bidigo agai ili po olama, aga abagibolo po olo dali kisilama waibaso da, ¹⁹ teda te dwai dene te augwaligo te po tū ela mani bidigo sabo magi ilali te bidi aga somainao. Te tama tiyu da, dagego te dwai kolesaga dage tomode elalubo sela saṣaibao. ²⁰ Tama tiyu da, te we bidi tigidaligo te tama tiali po oda silama, tama augwali bugagia tonaluama, tama bidi mego te tobage kole-saga me egobeo. ²¹ Dagego te tibo po wabo bidi dagego hobede me elamuo. Agai homugo aga abagi isimainogo yali, teda te tibo po wali te bidi aga isimainao. Te bidi agai homugo aga abagigo gedu, o kele, o saṣa, o nogo me dolomainao homu elama waibaso da, teda te ili po wali te bidi aga tigde te gedu, ma kele, ma nogo, ma saṣa dolomainao. Te bidi aga tigde te sē aga tigiba ma wei ponao," Mosesgo te po wai. ‡

Te boi hwjbo bomai po

20 Tama Mosesgo po wadolama weyu, te po wali, "Te dage te boi hwjgi pabo sogo, te dagego duga boi bidigo te karis me hos kibu elalubo suyu, me augwa ami bidi nambago dage edelai baso da, tagalao, dage wi me elamuo, augwalide. Magi baso menio. Genuai Bidi, dago God, agai dage Isip bulude selama, tama dage odasa asai dao. Aga digi dage dali bidaibao. ² Te dagego boi gagalisiabadi, te pris bidi me deli te ami bidi dabego gesabidiba dolagaselama, tama augwalibolo te po wao, ³ "Dage Israel bidi dabe, dagego odao. Megi da, dage boi hwjgi painogo te ebao. Tiali goli, dagego te boi bidi dabede wi me elamuo. Tama dagego nogo nagame me elamuo. Tama dage augwalide noma me selamuo, wi pelamuo.

† 19:14 Bom 27:17 †† 19:15 Mat 18:16; Jon 8:17; 2 Ko 13:1; 1 Ti 5:19; Hib 10:28 ‡ 19:21 Sai 21:23-25; Prs 24:19-20; Mat 5:38

⁴ Genuai Bidi, dena God, aga digi dage dali te pobao. Tama agai dagego hwjbo tau saibao. Tama agai boi bidi dabe aiyaba elaluama, tama dagego ugaba ela holomainu yaibao,' te pris bidigo te po waibao," Mosesgo te po wai.

⁵ "Tama te ofisa dabego te po walaibao, 'Te niwai bidi te aga be gesi sēnama, tama agai Godibolo te augwali te bede bugagia bidimainogo tau sao po olama bidisiabadi yali bidi me ede bidibo homu ebawe? Te tama tiwai bidi me ede bidiba wida, teda augwali augwa buluba ma pomainao, te hwjbo madigi pogobeo. Magi baso meni, augwali te hwjbo boide elai madi, gasa bidigo agai gesi be sidali weyu. ⁶ Te bidi meba te wain gi gesi elama, tama te wain du togolama, wain wē nigisiama yai bidi me e tomode bidibo homu ebawe? Te tama tiwai bidi meba ede bidiba wida, teda te bidi dabe augwali geasa, aga beba ma pao. Tiyu augwali boide elai madi, augwa wain gi gasa bidigo saibao. Te dolo egobeo. ⁷ Te bidi meba te we sainogo te we noma sali bidi meba e tomode me bidibawe? Te tama tiwai bidi me ede bidibaso, teda te bidi te hwjbo madigi pogobeo, aga beba ma geasa pao. Tiyu augwali boide isai digi, gasa bidigo augwaligo te we sabuo,' te ofisa bidi dabego te po wao," Mosesgo te po wali.

⁸ "Tama te ami ofisa bidigo te po me waibao, 'Te bidi meba te boi hwjbo wi elama, didibili homu ebo bidi me bidibo homu ebawe? Te tama tiwai bidi me ede bidibo wida, teda te bidi aga beba ma geasa pao, augwaligo ebo sēde meba bidi dabe me wi ilidali weyu.' ⁹ Te ofisa dabego te po ola silama, tama augwaligo te deli deli ami bidi hani tomode polaluabo bidi dabe sa mumuna pao, te boi hwjbo bidi hani tomode," wali.

¹⁰ "Dage te genuai obo me yai hanuba me hwjgi pabo si da, tama dage te hanu paṣa saboligi peyu da, teda hasia dagego te po waiṣo, te hanu page we bidibolo te po waiṣo, 'Dagego da dali hwjgio. Dagego te hanu dabolo olo maiṣo,' te po walao."

¹¹ "Augwaligo dagego pode usu dao olama, tama augwaligo hanu genuai sunumi dabe olo dabaso da, teda augwali dage dologode bidiyu yaide augwali kalabus sē emainao. ¹² Tiali goli, te hanu page we bidi dabego dagego po waliba usu dao po wasiama, augwaligo dage dali hwjainogo ebaso da, teda dagego ami bidi dabego te hanu bomo elama, bobegela sao. ¹³ Tama Genuai Bidi, dago God, agai dagego te hanu somainogo dagego nogoba mubo si, dagego polo selama da, teda dagego te hanu tomode bidi dabe sese tama ela silao. ¹⁴ Tiali goli, dagego te hanude we dabe, me wai dabe, me kau kibu dabe, me te gasa meba nai dabe te hanude nai dabe sao. Tama dagego duga boi bidi dabego nai dabe selama, sabilagameo. Magi baso meni, Genuai Bidi aga digi te nai dabe dagebolo mawaibao. ¹⁵ Dagego te tama sē dabe te gasa meba hanu dabe dagego bulu digibulu elalubo hanu dabede me tama naga tiao," Mosesgo te po wai.

¹⁶ "Tiali goli, dagego te Genuai Bidi dago Godigo dabolo mu mawainogo ebo te bulude dagego te hanu me siyu da, teda dagego tigidali we bidi elama, mu

silao. ¹⁷ Dagego te Hit dabe, me Amor dabe, me Kenan dabe, me te Peres dabe, me te Hivi dabe, me te Jebus dabe, tama elama mu silao. Te da te Genuai Bidi aga wali gilama tama tiao. ¹⁸ Dagego augwali mu tama ela silao, tiyu augwaligo te tibo godiba lotu po wabo dwai kolesaga ola magobeo. Tiyu, augwaligo dage kegelama, tama dagego Genuai Bidide seḡe sabuo," wali.

¹⁹ "Te dagego te hanu me deli sainogo hauwa sogo bomonama, bagulama biliyu, tama dagego te hanu obo sesegede elalubo te ni dabe gela gela peyu da, te da dagego te ni du walobo ni gelamo dao, dagego te ni du tuiagameo. Tialigo dagego te ni dabe dolamo dao. Magi baso meni, te ni dabe dagego boi bidi dabe menio. ²⁰ Tiali goli, dagego meba olo ni dabe da, dagego gelama, tama dage hwiḡbo tau sabo nai dabe nigao, te boi bidi dabe aiyaba elaluama, te hanu sabo gilama," Mosesgo te po wali.

Bidi elebo dwai kolesaga sela saḡbo page

21 Tama Mosesgo po geninama ma weyu, te po wali, "Te dagego te bidi dabe mebage te ela muai bidigo tigi isai munalubo, te Godigo dagebolo mawainogo ebo te tḡde munalubaso da, teda dego elaliwe, dagego konesiḡama ebaso da, ² teda dagego e tama tiao. Te tobolu bidi dabe, me te augwa jas dabe oda selama pelama, te bidi tigi munalubo tedu gagalama, tama paḡde elalubo hanuba usu siyu, usu ni sesa pao. ³ Tialima, te paḡde elalubo hanu page tobolu bidi dabego te kau kibu so te seḡ dabe isaḡwai sa muao. ⁴ Tama augwaligo te kau kibu te sula sisḡbo weḡ paḡba sela pelama, tama te tḡ pedai te bidigo gi isaḡwai digi, augwaligo te kau kibu elama, mage togwa. ⁵ Tama te pris dabe, te Livai hani bage, augwali me te pesageba pomainao. Magi baso menio. Augwaligo te bidi mego te gasa bidi me elai baso, te po tḡ odobo seḡ ebo bage dao. Genuai Bidi dago God aga augwali sa munama, aga seḡ elama, tama te Godigo nogi te we bidibolo ola mayu, te Godigo augwali dali wiegi yai seḡ yaibao po weyu yabo bage dao. ⁶ Tialima, te hanu paḡde elalubo tobolu bidi dabe augwaligo te kau kibu daide augwaligo nogo aḡ telamainao. ⁷ Tama augwaligo te po wao, 'Dago te bidi ela mubeo,' po omainu yao. 'Tama dago konebeo, te dego te seḡ yaliwe,' po omainao. 'Genuai Bidi, nago da te Israel we bidi dabego seḡe sela saḡyao. Nago da Isip bulude ma oda sai dao,' po wao. 'Te bidigo dwai seḡ me isaḡbadi, augwaligo aga ela muani dao. ⁸ Tama nago homugo te dwai seḡ yali te page dade elalubo homu elamo dao,' augwaligo te tama po wao. ⁹ Tialima, dagego te wiegi yai doloba pai kolesaga Genuai Bidigo gedude tama eyu da, teda Genuai Bidigo te po waibao, 'Dagego te dwai kolesaga geda munama, te bidi ela mubeo,' po waibao," Mosesgo te po wai.

Te Israel dabego boide sali we dabe

¹⁰ Tama Mosesgo po geninama weyu, te po wali, "Te Genuai Bidi dago God aga dage tau selama, tama

dagego te boi hwiḡbo gasa bidi aiyaba elalubaso da, tama dagego te boi bidi dabe meba kalabus ilibaso da, ¹¹ te bidi me deli dage hani tomode aga te sawi yai we me deli te kalabus yali bidi hani tomode bidibo suaibao, tama aga te we sabo homu yaibao. ¹² Te da, te bidi naga te we naga beba odasa pelama, tama te we aga aga tobolu nisi sese togwa saḡmainao, tama me aga nogo dani sese togwao. ¹³ Tama aga te wego te kalabus hanude gudali te ugwa sese sela saḡmainao, te gasa ugwa gudao. Tama aga te bede bidiyu, aga ida aya hagede gela odubadi, te polua deli pomainao, tama nosali nago te we saḡameo. ¹⁴ Tama tialima, nosali da, nago aga godolo ma isaḡma ebaso da, teda nago aga olo ma taga palao. Magi baso meni, nago aga bomo elama, kegelama, tama dage si te pagela piali dao. Tilama, nago te olo seḡ we dao homu elama, tama gasa bidi mego abelemainao homu me elamo dao. Mu menio," Mosesgo te po wai.

Te aya isibode te doado bage dobabo kolesaga ebo po

¹⁵ Tama Mosesgo po geninama weyu, te po wali, "Tialima, bidi mego te we si sai baso da, tama aga te we me deli naga godolo mu elama, tama aga me we kuna godolo isaḡma ebaso da, tama te wego aga gomunai ogwa ame nenama, tama nosali me wego me ogwa ame nobaso me. ¹⁶ Tama te bidi aga homugo te aga isibo sogo augwaligo te nai dabe te ogwa dabe dali dobayabo homu ebaso da, teda aga te gomunai ogwago sabo doado bage sa muyu, te aga godolo ebo wego ogwabololo magio. Menio. ¹⁷ Aga te e kolesaga wali peyu, tama tiao. Aga te doado bage bugulama, tama te ogwa wegi augwali tigidali deli delibolo maiabo nai dodolama, tama te hasia mu ame nani ogwa agabolo te doado bage me manama, agabolo mawainogo sa muao. Te agabolo maiabo nai te dadagano pabo seḡ tama yao. Magi baso meni, te da te bidi aga hasia mu te ame nai ogwa dao. Tama aga da te aga ayago gomunai ogwa mu dao, tama aga te gomunai ogwago te sabo doado bage nosali somainao," wali.

Po sela saḡbo ogwade wabo po

¹⁸ Tama Mosesgo po geninama weyu, te po wali, "Tialima, te bidi mego te ogwa me deli bidiyu, tama tigidali sogo te aga ida de aya sigo po sela saḡduai dao, tama augwaligo aga eliyu iduali goli, tama aga aga ida ayago po me sela saḡyu, te wali piḡama eyu ebaso da, ¹⁹ teda aga ida ayago te wai augwa hanude bidibo tobolu bidi dabe pageba odasa pelama, te wai po tḡ ela momainu yao. ²⁰ Te ida ayago te tobolu bidi dabebolo te po wao, 'Da sigo ogwa te bidi po odisḡbo bidi dao,' po wao, 'tama po sela saḡyu, tama aga da sigo po odobo menio. Aga te polobo bidi tiwai dao, aga te poliyu, da sigo mone subigila saḡyu ela bilibo dao,' tama po wao. ²¹ Tialima, te hanude tobolu bidi dabego te ogwa te masigi nogogo selama, aga tigiba saḡnama, elama, isilao. Tama tialima, dagego te dwai nai dabe

sela sɔnana, tama dage tomode elalumainu igio. Tama te Israel we bidi sesego te tama tiali po odama, tama augwali wi yaibao," Mosesgo te po wai.

Bomai po haniani meba mani

²²Tama Mosesgo po geninama weyu, te po wali, "Tialima, te bidi mego te dwai kolesaga mu yai baso, tama augwaligo aga elama, tama augwaligo agai tigi te ni pos me delide walai baso da, ²³teda te nide walalubadi, te be huliamu, kigamu ebo te habu mu dao. Magi baso meni. Bidigo tigi te nide walalubo te Godigo gedude te dwai seḡḡ maiabo bidi mu dao. Tama tialima, te bidigo tigi te bidi isibo sogo tama pubulao. Ma, meni eyu da, teda te Genuai Bidi dago God agai dabolo te mani tɔ te agai gedude te dwai meda mu ilaibao," Mosesgo te po wali. †

22 "Tialima, me dagego te duga abagi mego kau kibu o sipsip kibu te aga obo tagalama, te olo bulu badu bilibo subaso da, teda dagego te tama bilimainogo sula tagaligio. Menio. Dagego te abagi aga pageba ma odasa pao. ²Tiali goli, te kau kibu o sipsip kibu aga ayago be digibulu elalubaso, o te dagego te kau kibu o sipsip kibugo aya dagego konesiama ebaso da, te dagego duga dali beba odasa pao, tama nosali te kau kibu o sipsip kibu aga ayago gege asobaso da, agabolo ma magameo. ³Tama tialima, dagego duga abagigo te donki kibu o te ugwa dage dabe me, te mu tula pai te sunumide subaso da, te meba nai dabe me te tula pai subaso da, teda dagego te tiwai deli kolesaga naga yao," Mosesgo te po wai.

⁴"Te naga abagigo kau kibu o donki kibu te sunumide me tula muai me elalubaso da, teda dagego te tama elalumainogo sula tagaligio. Menio. Dagego te abagi tau selama, te abagigo te kau me donki ma hodolomainogo tau sao," wali. ††

⁵"Te we sibigo te bidi ogwago ugwa gudubo habu mu dao. Me, te bidi sibigo te we sibigo ugwa gudubo te habu mu dao. Genuai Bidi dago God agai te tobage kolesaga dabede dwai homu mu ebo dao. Mu tama dao."

⁶"Tialima, te ba kimi me te nide o tɔde aga gede pilamubaso da, o aga ḡḡ dabe dali bidibaso da, teda dagego te ba kimi me selamuo. ⁷Dagego te ba wai dabe naga sago meo. Tiali goli, dagego te ba kimi pomainogo tagalao. Tama tiyu da, dage e tɔde bobobage sogo bidama, tama Genuai Bidigo dage bugagia bidimainogo ilaibao," wali.

⁸"Te dagego gesi be me se ebo sogo, dagego te be nigilama, te sawale yai pedu sesegede dagego dwasianu obo yao, te bidi me tula muidali weyu. Tama tiyu da, te obo elaluali goli, te bidi me tulaluyu, isilibaso da, teda dagego seḡḡ sogobeo, te page aga digi dao," Mosesgo te po wai.

⁹"Dagego te wain gide gasa meba olo nai dabe bulamo dao. Ma, dagego te gasa meba olo nai wai dabe me buliyu da, teda dagego te meba olo nai me, te wain du me, me selamo dao, te habu dao."

¹⁰"Dagego te kau kibu me donki si te deli gi tɔ elebo ain dagede bono gebelama, tama augwali si te gi tɔ el-mainogo tagalamuo."

¹¹"Dagego te sipsip kibu nisigo nigai hobi dali, te gasagi yai nisigo nigai hobi dali taluama, te gudubo ugwa nigigio," wali. ‡

¹²"Dagego te duga name ugwa habu badu me si me side te au ilabo nai hobolao," Mosesgo te po wali. ‡†

Te we bidi dabego te meda meni yai kolesaga naga yao

¹³Tama Mosesgo po geninama weyu, te po wali, "Tialima, bidi me deligo we me deli selama, tama aga dali pagela pilama, tama nosali aga te we godolo ma isama eyu da, ¹⁴tama agai te webolo po olo dali kisilama, te we te gasa bidi mego penani yai te eno megi koneai dao po obaso da, ¹⁵teda te wego aga ida ayago te wegigo te penani me yai menio olama, te sa munama me elaluali te nai selama, ola mao. Tama me agai hanu tomoba tula pabo sunumiba sela pao, te po tɔ ebo pesageba. ¹⁶Tama te we aga ayago te tobolu bidi dabebolo e tama po walao, 'Eno wegi te bidibolo tama menama, tama aga tama sai dao. Tiali goli, megi agai godolo ma ebeo. ¹⁷Tama te bidigo te wegibolo ili po weyu te po wali, "Eno te sali goli, eno suali, te we te penani se polobadu yai eno tamadi tama sualio," po walio. Tiali goli, dagego suao, te name ugwago te wegi te penani se me isawai dao olama, te sa elaluali, te name ugwa e dao,' po wao. Tama agai te ugwa te tobolu bidi dabego gesabidide tɔba mumainogo yao.

¹⁸Tama tialima, te tobolu bidi dabego te wego bidi te bɔgo elemainao. ¹⁹Tama te bidigo te mone K1,000 tego te kot abelemainao, tama te mone te wegi aga ayago somainao, te aga ayabolo mao. Magi baso meni, te bidi agai te Israel we wiegi yai me deli hale ilai baso. Tama te we aga te bidigo we bidama, tama te bidi isiboba tama usu nigi pomainao. Te bidigo te me sela sɔmainu me elamuo. Mu menio," wali.

²⁰"Tiali goli, te po mu tama olama, tama augwaligo te we aga bugagia dolo bidai dao olama, augwalibolo ola maiabo nai meni baso da, ²¹teda te we te tobolu bidi dabego te we aga ayago be sunumi bulu badu odasa pelama, tama aga te hanu page bidi dabe augwa digi te masigi sɔnana, tama isibode tagalao. Agai te dwai hale yai se te dago we bidi tomode te yali dao. Magi baso meni. Aga te aga bidigo sisabadi, aga ayago bede bidiyu, te bidi me deli dali te penani yali dao. Tama tialima, dagego aga ela mubaso, te dwai kolesaga sela sɔnana, silaibao," Mosesgo te po wali.

²²"Tialima, dagego te bidi mego te gasa bidigo we dali pibo subaso da, teda te we de bidi si tama ela muao. Tama tialima, dagego te tama tiyu da, dagego te dage tomode elalubo dwai kolesaga ebo sela saɔwaibao."

²³"Tialima, dagego te bidi mego te wegi me te bidi mebolu odolai elalubadi, te bidi mego penani ebadi subaso da, ²⁴teda dagego augwali si te hanu bulu

† 21:23 Gal 3:13 †† 22:4 Sai 23:4-5

‡ 22:11 Prs 19:19 †† 22:12 Nam 15:37-41

badu odasa pelama, masigigo elama, isilao, te augwali si isimainao. Te we aga te hanu pade te gela wabo odabo pade goli, tama agai augwaligo aga tau somainogo hae wasiqama ebaso da, teda aga isimainao. Te bidi me isimainao. Magi baso meni, agai te aga abagi mebolo odolai we penani yai baso. Te tama tiyu da, dagego te dage Israel tomode elaluali dwai kolesaga ebo sela saqwaibao," wali.

²⁵ "Tiali goli, te we me te bidigo sabo kegalubadi, tama aga te hanu pade bidisama ebadi, te bidi mego sulama, tama agai odasa pelama, tama agai te wegi penani se yai baso da, teda augwaligo te bidi naga elama isilimainao. ²⁶ Te kolesaga da, te bidi mego aga abagi me olo dali elama isilibo tiwai dao. Tiali goli, augwaligo te wegi dali te magi se me deli elamuo. Magi baso meni, agai dwai sege me sabeo, te augwaligo aga elama isilabo page menio. ²⁷ Te bidigo te hanu bulu badu mu bomonama eyu, te wegi dali penani yali dao. Tama te wegigo te bidi dabego aga tau somainogo hae wai goli, te bidi meni yalio, pade me bidibeo," Mosesgo te po wali.

²⁸ "Tialima, dagego te wegi me te bidigo noma sisawai olo bidai wegi dali te bidi mego bomonama penani yai baso da, ²⁹ teda te bidigo te wegi aga ayabolo te mone 500 kina te we aga ayabolo menama, tama agai te we somainao. Magi baso meni. Te bidigo te wegi kegelama, aga dali te piali dao. Tama tialima, te we te bidigo we bidama, te bidi isibasos tama usu nao. Tama te bidigo te we me sela sanamo dao. Mu menio." †

³⁰ "Te me, te bidi mego aga ayago we dali penani se me elamuo. Tiyu, augwaligo aga aya hale ilabuo," Mosesgo te po wali. ††

Te meba we bidi te Godigo we bidi hani tomoba me pelamuo

23 Tama Mosesgo po geninama weyu, te po wali, "Tialima, augwaligo te bidi mego sogoli dinamama, ma augwaligo agai gasa sese togwai bidi yai baso da, aga te Godigo we bidi hani tomoba pelamuo, augwali deliba sisinama, Godibolo lotu po wabo sogo."

² "Tialima, bidi mego te we me dali penani se elama, tama wai ame naibaso da, teda te wai te Genuai Bidigo we bidi hani tomoba me aselamuo. Tama agai wai hani me, augwali nosali te Genuai Bidigo we bidi tomoba aselamuo, te waj hani nosali ame neyu, neyu idu gelama, tama hani sibi nogo siba usu nenama, tama te nosali ame nabo bage augwali te Genuai Bidigo we bidi hani tomoba asobo te usu dao, te nosali mu," wali.

³ "Te Amon hani me Moap hani me, augwali te Genuai Bidigo we bidi hani tomoba aselamuo, augwaligo hani waj nosali ame neyu, neyu idu gelama, tama hani sibi te nogo siba usu nubosi da, nosali mu, teda augwali te Genuai Bidigo we bidi hani tomoba asomainao. ⁴ Te tama tiabo page da e tama dao. Da te Isip tagalama asali sogo, augwaligo da nai mawai menio, te we me da me mawai menio. Tama augwaligo Balam

abelama, da Godigo dolomainu yao wabo po omainogo abelai dao. Balam da, te Beorgo ogwa dao, te hanu Petor, te Mesopotemia bulu bidi dao. ⁵ Tiali goli, Genuai Bidi dago God aga te Balamgo po odobeo, menio. Agai te da dolomainogo wali dwai po dabe, te po te wiegi yai po naga iliyu yai dao, te da tau sabo po nigiliyu yai dao. Magi baso menio. God agai da godolo mu ebaso. ⁶ Tama tialima, dagego tigidali sogo te we bidi augwali dali abagi dao weyu, dwagi yai bidabo bomai po augwali dali daw wagimio. ⁷ Tama te Idom me Isip dabe meba dage dali bidaibao. Tialima, dagego te Idom dabe dali dwai homu me elamo dao. Magi baso meni, augwali te duga deli kaneme dao. Tama me ma, dagego te Isip dabe dali me dwai homu me elamuo, magi baso meni, polobadu dage augwaligo bulude te bulu meni yai bage tiwai tede bidai dao. ⁸ Augwaligo hani wajgo waidu gagalasa, augwali te Genuai Bidigo we bidi hani tomoba asobo te usu yaibao," Mosesgo te po wali.

Te ami bidi dabe bidibo pesage Godigo gedude wiegi yai elalumainao

⁹ Tama Mosesgo po geninama weyu, te po wali, "Te dage hwjainogo pabo sogo da, tama dagego ami bidi dabe te pesage nigali tede bidibaso me, teda augwali te Godigo gedude dwai nai dabede wi homu yao. ¹⁰ E tama tiwai yao. Tiali te bidi me hulide piadi madi agai naide aga gasadu we olo dali pedalai baso da, teda aga te bidibo pesage taga pelama, bulu badu bidigi pomainao. ¹¹ Tama aga pio we bugagia paulama, tama pio giliga iba dega sainogo ebode aga te bidibo pesageba ma asomainao," wali.

¹² "Te ami bidi dabego poi tabo pesage me di tabo pesage bidibo pesage bulu badu deli madi naga elalumainao. ¹³ Tama te ami bidi dabego te ni dage me deli augwaligo sabiliyu emainao. Tama augwali di tainogo da, augwaligo te ni dagego to dogolama, di telama, tama ma halumainao. ¹⁴ Genuai Bidi dago God tigidali sogo dage dali te kem nigilama bidibo pesagede bidaibao. Te dagego te boi bidi aiyaba elalumainogo tau siyu bidaibao. Tama tiyu, dage bidibo pesage agai gedude wiegi yai mu elalumainao, te tigidali sogo. Dagego Godigo gedude meda yai se me deli elamo dao. Tiyu, Genuai Bidigo dageba tudi ola maiabuo," wali.

Bomai po meba me

¹⁵ Tama Mosesgo po geninama weyu, te po wali, "Tialima, te olo se bidi me deli aga te dage Israel dabego to bulu badu bidiyu, tama aga tonalubo bidide wi pelama, tama aga dageba aselama, aga tau somainogo hanalu wagasobaso da, teda dagego aga ma tagala paligio. ¹⁶ Tialima aga dagego hanu me deliba bidigi painogo ebaso da, te usu dao, aga bidigi pomainao. Tama dagego agaba dwai se me elamo dao."

† 22:29 Sai 22:16-17 †† 22:30 Prs 18:8; 20:11; Bom 27:20

‡ 23:4 Nam 22:1-6 †† 23:5 Nam 23:7-24:9; Neh 13:1-2

¹⁷“Dage Israel dabe, dage te Israel hani isəwai we bi-di dabego tibo godigo lotu bede penani we penani bi-di gagalamo dao. ^{†18} Me, te penani sę elama sai mone te Godigo lotu beba sela aselamo dao. Te habu mu dao. Dagego agabolo daŋ wali po me deli usu nainogo eyu, te Genuai Bidi dago God agai beba seselamo dao. Agai te niwai we ma bidigo te tobage kolesaga ebode agai dwai homu mu ebo dao,” te po wali.

¹⁹“Tialima, dagego duga abagigo dagego mone negeli sainogo elama da, teda dagego te monede ug-wadu gasa mone me daganama selamo dao. Tialima, augwaligo tubo naide negeli sobaso, me o gasa meba nai dabede negeli sobaso da, teda dagego te negeli yali nai wei ponama, gasa ug-wadu me dagana ma mao po olamo dao. ²⁰ Tialima, dagego gasa hani mego dageba negeli somainu yai da, te Israel hani isəwai bage, teda dagego augwalide te ug-wadu daganabo mone sagemento. Tiali goli, duga abagi solo mu da, te Israel hani bagede, me tilamo. Menio. Dagego te bomai po wali pelama, tama Genuai Bidi, dago God, agai dagego te ebo sę dabe sese tama wiegi yai mu ilaibao, te dage megi te bidigi painogo ebo te tǝde tama tiaibao.” ††

²¹“Tialima, dagego Genuai Bidi dago God agabolo po me deli daŋ olama wai baso da, teda dagego te po polo usu nao. Teda Godigo dagego daŋ wali te po gege-da pogobeo, tama dagego te daŋ wali te po usu nisəma ebaso da, teda Godigo gedude sę sę saibao. ^{‡22} Me ma, dagego Genuai Bidiba po me daŋ wasiama yali da, teda dagego sę sę me sogobeo. ²³ Tiali goli, dagego duga digi duga homugo Genuai Bidiba po me daŋ walai baso da, teda dagego te daŋ wali te po wali pelama, tama mu tama yao,” wali.

²⁴“Tama dagego duga abagi dedego wain gidu nogegi soayu da, teda duga homugo te wain du meba selama tuiəo. Tiali goli, dagego te du hauwa wade bulama, sela pelamo dao. ²⁵ Ma, dage duga abagigo wit gidu nogegi peyu da, teda wit ge dagego nogogo gugudu piagameo, tama dagego tuiagameo. Tiali goli, dagego te wit hauwa sarip hwəgo togolamo dao,” Mosesgo te po wai.

Te sali we sela sənama, te gesi we ma sabo bomai po

24 Tama Mosesgo po wadolama ma weyu, te po wali, “Tialima, niwai bidi mego we saibaso da, tama nosali agai gedude te wego te dwai sę yali homu gegebaso da, tama agai te we godolo isəma ebaso da, teda agai te webolo pas asənama, menama, tama agai te we aga sela sənama pomainao. ^{‡2} Tama tiali goli, te we aga gasa bidi ma pobaso da, ³ tama nosali te bidigo me te we godolo isəma ebaso da, teda agai me te we sela səbo pas asənama, te webolo menama, tama te we sela səwai dao. Ma, te wego nosali pali te bidi isibaso da, ⁴ teda aga hasia tagalali bidigo te we ma sogobeo. Menio. Te bidi aga digi koneao, te we te bidi aga gedude meda yai dao, te po konemainao, tama

agai te ma selamo dao. Ma, te bidigo te we aga ma sobaso da, teda Genuai Bidigo te tobage kolesaga godolo me egobeo. Tama tialima, Genuai Bidigo dage mawainogo ebo te tǝba dage bidigi pabo side, dagego te tobage dwai kolesaga tede me elamo dao,” Mosesgo te po wali.

Haniani bomai po me badu

⁵ Tama Mosesgo po meba ma weyu, te po wali, “Tialima, bidigo we tamadi sobaso da, augwaligo aga te ami sęba o gavmanigo meba genuai sęba tagala palamo dao. Menio. Aga te bulu badu olo bidibadi, kibu be deli bolo emainao, tama aga we dwagi yai homu pemene ilimainao.”

⁶“Tialima, dagego gasa bidigo dage negeli emainogo tagaliyu da, tama dage agai magi nai me momainogo homu eyu, o te negeli yali nai begelebao homu yabo nai me deli momainogo da, teda dagego agai wit bo palubo te masigi me selamo dao. Tiyu, dagego agai sę ebo nai sela səyabuo. Tama te bidi aga tuabo nai dola muabo menia sabuo.”

⁷“Tialima, te bidi mego aga abagi Israel hani bidi me deli wi selama, tama aga olo sę emainogo tola saibaso da, ma agai te gasa bidi mego te wi sali bidi abele-mainu elama, tama te abagi te bidigo olo sę ebo bidi pedelemainogo ebaso da, teda dagego te tobage kolesaga ebo bidi elama, isilao. Tama tiyu da, dagego te tobage dwai kolesaga dage tomode sela səwaibao,” wali. ††

⁸“Tialima, te keni dwai dagego tigide olo dali ped-alobaso da, teda dagego te pris, te Livai dabe, augwaligo wabo tigidali po wali piəo, te dagebolo wabo po dabe. Dagego eno augwalibolo mani te bomai po tigidali wali piəo. ^{‡†9} Dagego te Genuai Bidi dago Godigo te we Miriam dali polobadu yali te kolesaga kone palao, dago te Isip taga solama, asali sogo,” wali. †††

¹⁰“Dagego duga abagigo dageba negeli emainogo sula tagaliyu da, tama agai te negeli mu wei ponaibao po daŋ omainogo eyu, aga doado bage nai me deli nagebolo osogo mawaibao wali. Tama tibo da, teda dagego aga be tomoba pelama, tama te nai sigi pelamo dao. Menio. ¹¹ Dage bulu badu tonalubadi, te bidi aga digi te nai buluba sela asomainao. ¹² Tialima, aga nai meni yai bidi mu yai baso da, tama agai moni name ugwa te agai negeli yali te nai osogo mabogo te mu wei ponaibao po daŋ olama mobaso da, teda dagego nogo tusiəbadi do sabolao. ¹³ Dagego aga pageba ma giliga dega sabode sela pao. Teda aga pibo sogo banua pimainao, te pibo sogo. Tama tiyu da, te bidigo dagebolo agai buba hwi po waibao, tama me Genuai Bidi dago God agai dagego kolesaga godolo mu yaibao,” wali. ⁵

¹⁴“Tialima, dagego sę bidi aga nai meni yai baso da, teda dagego aga dali dwai sę me elamo dao. Te aga duga abagi Israel hani bidi yai baso, me o gasa hani bidi dagego hanuba bidagasai me, ¹⁵ dagego aga sę

† 23:17 Prs 19:29 †† 23:20 Sai 22:25; Prs 25:36-37; Bom 15:7-11
‡ 23:21 Nam 30:1-16; Mat 5:33 †† 24:1 Mat 5:31; 19:7; Mak 10:4

‡† 24:7 Sai 21:16 ††† 24:8 Prs 13:1-14:54 ††† 24:9 Nam 12:10
§ 24:13 Sai 22:26-27

yali pe te tigidali sogo pio abeliyu yao, te aga te yali sęde. Aga mone habuge ebaso, tama agai momainogo tonaluyu te ebaso. Te dagego aga pe masiama yali da, teda agai Genuai Bidiba gela obaso da, dage Godigo gedude sęęę pedelama elaluaibao," Mosesgo te po wali. †

¹⁶ "Tialima, te niwai bidi mego dwai sę yaibaso da, teda dagego aga ida ayaba te sę wei ponamo dao, tama augwali si elama, isilamo dao. Te tiwai naga, te aga ida ayago dwai kolesaga yaibaso da, dagego te augwaligo wai puluba me ela munamo dao. Dagego te dwai kolesaga yali bidi deli digi naga ela muao," wali. ††

¹⁷ "Dagego te gasa hani bidi me, o te tiana wai puluba, te tobage bomo meni yai bage augwali dali dwai kolesaga me elamo dao, tama augwaligo nai dabe me anoma elama, selamo dao. Tialima, te we me aga bidi isai wego dage dali negeli yaibaso da, teda dagego agai nai wei ponaibao wali po dąų walabo nai siyu, aga ugwa selamo dao. ¹⁸ Magi baso meni. Dagego te dage Isip bulude te olo sę ebo bidi dabe dwai madi bidali sogo yali, te kone paliąo. Genuai Bidi dago God agai dage wiegila olo bidimainogo iliyu, dage ma dobola sali, te koneiąo. Dage me te sogo te dwagila mu bidai dao. Tama tialima, eno dagebolo te bomai po te mobao," Mosesgo te po wali. ‡

¹⁹⁻²¹ "Dagego gide wit nai togolama muai te sigi pelama, tama meba gegeda peyu, taga soai baso da, teda dage ma pelama, ma selamo dao. Dagego te oliv du me, o te wain bono du me, te hasia pelama, sisinama, saibaso da, teda dagego si sogo ma pelama, te ni du dabe te nide elaluali ma sigi pelamo dao. Dagego te wit me oliv du me wain bono du te elalumainogo sula tagalao, tama te gasa bulu bidi hani ebadi, me te wai puluba aga aya isai, me we aga bidi isai, te wilawe we, te bage augwaligo te nai tagalali dabe somainao. Tama tiyu da, Genuai Bidi dago God aga dagego ebo tigidali sę dabe tau selama, wiegi yai mu pedelemainogo yaibao. ‡‡ Dagego te dage Isip bulude olo sę bidi bidiyu, dage dwagila mu bidali, te dwai sogo bidali koneiąo. Tama tibaso, eno dagebolo te bomai po megi te mobao," Mosesgo te po wai.

25 "Me sogo dage Israel dabe bidi si te jas pageba pelama, wado po wali dodoligi peyu pelama, tama jas te po tų ebo bidigo te po dodola suali madi te bidi me deligo te sęęę sai suaibao, tama mego te sęęę meni yai suaibao. ² Tama tialima, te po tų odobo jas bidigo te po obaso da, te sęęę elalubo bidi augwaligo bidi elebo bj selama, te bidi tudi ela obaso da, teda te bidi te bet saiba piao olama, augwaligo aga te aga dwai sę yaliba usu nama tama elao, te jas bidigo gesabidide. ³ Tiali goli, agai dwai sę mu yai baso da, te dąј me elalubo, augwaligo aga te bidi sese si olama tama naga elemainao. Tiyu, augwaligo te 40 edelama, aga hauwa sogo mu elebaso, aga hale mu yabuo, te we bidi hauwa gedude. Te dolo menio," wali. ‡‡

† 24:15 Prs 19:13 †† 24:16 2 Kin 14:6; 2 Sto 25:4; Ese 18:20
‡ 24:18 Sai 23:9; Prs 19:33-34; Bom 27:19 †† 24:19-21 Prs 19:9-10; 23:22 ‡‡ 25:3 2 Ko 11:24

⁴ "Te dagego kau kibugo te wit ge agayu, te bo tama sela sąbo sę edubadi, tama dagego aga penane pani-namo dao, agai te wit ge meba tumainao," wali. ‡‡‡

Isai bidigo we wai tonaluabo bomai po

⁵ Tialima, Mosesgo po wadolama ma weyu, te po wali, "Tialima, aga ama name si deli tų pedai badu bididuama, tama aga ama mego wai ogwa me ame nisama, tama aga isibaso da, teda te bidigo we te gasa bidi hani dali me pelamo dao. Menio. Te isali bidi aga amago te we somainao. ⁶ Tama gomunai ogwa te wego ame nobaso da, teda augwaligo te isali amago wai dao po waibao. Tama tiyu da, te isali bidi agai hani sibi nogi da Israel hani tomode hagasiąwaibao. ‡‡‡ Ma, te isali bidi aga amago te we sabo hagela ebaso da, teda te we te po tų ebo madiba pelama, te tobolu bidi dabe sugi pelama, te po wagi pao, 'Te eno bidi aga amago te bomai po wali pabo hagela yalio,' po wao. 'Agai ena selama, tama wai ame nenama, tama aga amago wai pedelemainu ebo hagela yalio. Tiyu, agai amago wai hani da Israel hani tomode menia sabuo,' tama po wao, te wego. ⁸ Tialima, te hanude tobolu bidi dabego te bidi i olama, aselama, tama te bidi dali po dodolomainao. Tama tialima, agai te we sabo hagela me ebaso da, ⁹ teda te bidi isai wego aga salego sąą su me deli sela sayao, te tobolu bidi dabego geduba sabolama tiao, tama agai gesabidiba pesą sayao, tama te po wao, 'Dago te tobage kolesaga te bidigo aga ama tau selama, aga amago wai dalabo homu isąbo bidi dolo te tobage kolesaga ebo dao,' po wao. ¹⁰ Tama dage Israel dabego te bidigo we wai dabe nogi te augwaligo agai sąą nadoba pisiga sąwai bidigo wai puluba hani dao po waibao," wali. §

Bomai po si ma

¹¹ Mosesgo po geninama weyu, te po wali, "Tialima, te bidi si hwjyadi, te bidi me aga wego aga bidi tau selama tama me bidigo sogoli kegebaso da, ¹² teda dagego te we hobede me elamo dao. Agai nogo togolama, sayao."

¹³⁻¹⁴ "Tialima, te we bidi dabego dagego nai dabe abelagasobaso da, teda dagego te nai meba ma buga selamo dao. ¹⁵ Dolo tama mao. Tama tiyu da, dage e tųde bobobage sogo bugagia bidaibao, te Genuai Bidi dago God agai dabolo mawainogo ebo te tųde.

¹⁶ Godigo te tibo kolesaga ebo bidide dwai homu mu ebo dao," Mosesgo te po wai. §†

Te Israel dabego Amalek dabe elama isilao

¹⁷ Tama Mosesgo po geninama ma weyu, te po wali, "Dagego te Amalek dabego dage Isip bulu tagalama asobadi yali dwai sę koneiąo, te gegeda pigimio.

¹⁸ Augwaligo God dali wi me ebo menio. Tama tiyu, augwali tudi badu aselama dage dali hwjagasali. Dage meba te dili telega elama dobadi, te pabo usu isąbadi,

‡‡† 25:4 1 Ko 9:9; 1 Ti 5:18 ‡‡‡ 25:6 Mat 22:24; Mak 12:19; Luk 20:28 § 25:10 Rut 4:7-8 §† 25:16 Prs 19:35-36

tama augwaligo te bidi dabe te omagia polo pabo usu isama nosali asali bidi dabe augwaligo elama muai dao. ¹⁹ Tama tialima, Godigo te bulu dagebolo mabo sogo tama bugagia bagulama, tama boi bidi dabe pade bidalubo bagego dage me dologobeo. Teda dagego Amalek dabe tigidali elama isilao. Tama tilama da, te bidi dabego augwali kone me egobeo. Dagego te tama tiya. Dagego munu me gegeda pelamo dao," Mosesgo te Israel dabebolo te po wai. †

Gide hasia inabo naigo ofa po

26 Tama Mosesgo po geninama weyu, te po wali, "Nosali dage Genuai Bidi dago God agai mawainogo ebo te t̄ba sabolama, bidiyu da, ² teda dagego te bulude hasia inabo gide nai dabe sabo sogo, dage deli deligo te Genuai Bidibolo magasao. Tama te basket wade bulama, tama Godigo sa muna-ma elaluabo te pesageba selasa pao. †³ Dagego te ofa ebo tonalubo pris bidi bidibo pesageba te pris bidi te sogo bidibo bidi pageba sela pao, tama agabolo te po wao, 'Megi da, eno mu koneani, Genuai Bidi nago God agai te day wali te po mu tama te pedelali dao, tama agai dago waj̄bolo da mawaibao wali te t̄ba da agai odasa asai dao,' te po wao."

⁴ "Tialima, te pris bidigo te basket wa nai dagego nocode selama, tama agai Genuai Bidi dago God agai alta p̄ba mugi paibao. ⁵ Tialima, Godigo gesabidide dagego e tama po wao, 'Eno waj̄ da, te aga te Aram bidi dao, tama aga page bulu mu tagalama, subigila bilai dao. Tama nosali aga we wai puluba selama, augwali Isip buluba bidigi pai dao. Augwali te Isip buluba pali sogo, augwali te dwasianu hani naga dao. Tiali goli, augwali genuai hani mu pedelama, tama augwali boma pai hani mu pedelalio. ⁶ Te Isip dabego da selama, tama da dali dwai s̄ elama, dene menama, tama da te olo s̄ ebo bidi tiwai nigimainogo ilali. ⁷ Tama tibaso, dago te Genuai Bidi, dago waj̄ dabego God, dago aga i wali, te da tau somainogo. Agai dago gela wali odali, tama me agai suali, dago tigde dene ebo, me bomai s̄ dabe, me dwai sogo dade posobo me agai suali. ⁸ Tama tialima, Godigo genuai bomai s̄ mu yali, da te Isip bulude ma dobola sainogo. Godigo gasagi yai boma pai s̄ dabe elama, tama haniani dwai s̄ augwalide pedalomainogo ilali. ⁹ Tama agai da odasa aselama, tama agai da e wiegi yai ili yai t̄ da mani. ¹⁰ Tama tialima, Genuai Bidi, eno te nago enabolo mani te t̄de hasia inawani nai megī nage e sesali dao,' te po dagego wao."

"Dagego po ola silama da, dagego te nai basket wa te Godigo gesabidiba p̄ba muagasao. Tama te pesagede lotu po wao. ¹¹ Tama dagego Genuai Bidi dago Godiba wiegi yai homu pemene iȳa, te aga wiegi yai s̄ dagebolo me duga haniba yali pode. Tama te Livai hani, me te gasa bulu hani bidi dage tomode bidibo me, dage dali wiegi yai homu pemene emainogo yao, te dage dali deliba sisinama." ‡

¹² "Te tigidali kibu be sela wabode, dagego duga gide nai sesao, tama nogo si tama 10 bugulama wialao. Tama dagego te nai pesage me deli te Livai hani dabebolo mao. Me te gasa bulu bidi hani dage dali bidibo, te hani sibolo te nai mao, me te tiana wai pulubabolo, me te wilawe we dabe, te bagebolo te bugulali nai pesage me deli dobola mao. Tialima, dagego tama tiyu da, teda te we bidi nai usu elama mu bidaluaibao. Dagego te s̄ dabe elama, silibo sogo da, ¹³ teda dagego Genuai Bidi dago Godiba te tama po walao, 'Tigidali nai eno nagebolo momainu yali, te nai dabe sese eno nagebolo mani dao. Te eno polo dobola silama, tama eno bede me munalubeo. Eno te nai dabe te Livai dabebolo mayu, te we bidi gasa hani bulu we bidibolo mayu, me te tiana wai puluba mayu, me te wilawe we dabebolo mayu, ela silai dao. Eno nago po tigidali sese wali pela silalio. Eno nago po sela sayu o gegeda peyu me ebeo. Mu menio. ¹⁴ Eno bidi isali sogo gela wali sogo eno nago nai dali me tuai menio. Te ena nago gedude meda yai bidali sogo, eno te nai dabe eno be buluba pali me eno me selama, tuai menio. Tama eno meba selama, te isai bidiba ofa me yai menio. Genuai Bidi, eno God, eno nago naga te nai dabego nago enabolo yao wali, te s̄ dabe dolo tama yai dao. ¹⁵ Nage naga wiegi yai bulu dagalude bidiyu, tama eno homugo nago da Israel dabeba eba tonama, dabolo wiegi yai s̄ yao. Tama te t̄ wiegi yai ili hauwa yai, te t̄ nago dabolo mani t̄ wiegi yai ilao. Te naga digi dago waj̄ dabebolo mawaibao wali gilama tama,' te tama po wao," Mosesgo te we bidibolo te po wai.

Israel dabe augwali Godigo we bidi mu dao

¹⁶ Tama Mosesgo po geninama weyu, te po wali, "Megi da, Genuai Bidi dago God agai te po wali, dagego agai tigidali bomai po wali pao po walio. Tama tialima dage godolo mu elama, tama homu day olama, mu te bomai po wali pabo homu yao. ¹⁷ Megi da, dagego haninama te po wali dao, Genuai Bidi da, te dagego God dao, te po wali dao. Tama dagego agai tigidali po dabe me agai tigidali bomai po wali paibao po duga polo day wali dao. Tama me, agai tigidali ya wali s̄ dabe po me yaibao wali. ¹⁸ Tama megī da, Genuai Bidigo dage aga we bidi mu tiwai te sali dao, te aga digi dagebolo wali gilama. Dage da, te agai dila pai wiegi yai nai mu tiwai dao. Tama agai dagebolo agai tigidali bomai po wali pīa po te wali dao. †¹⁹ Agai dage hani bidi geninama mu pedelemainogo yaibao, te tigidali agai e t̄de nigali we bidi hani edelama, mu elaluaibao. Tama augwaligo dagego wiegi yai kolesaga sulama, tama augwali Godiba genuai nogi mu mawaibao. Tama dage God aga we bidi hani mu bidai-ba, te aga te po hasia polo day wali gilama," Mosesgo te po wali.

† 25:19 Sai 17:8-14; 1 Sm 15:2-9 †† 26:2 Sai 23:19 ‡ 26:11 Bom 14:28-29

‡† 26:18 Sai 19:5; Bom 4:20; 7:6; 14:2; Tai 2:14; 1 Pi 2:9

Mosesgo Israel dabe augwali augwa kole-saga yali dononama, wiegi yai pe me o dwai pe me saibao

(Daj 27-30)

Augwaligo Godigo bomai po masigide aseao po wali

27 Tialima, Moses de Israel dabego tobolu bidi dabe, augwaligo te Israel we bidi dabebolo te po walali, "Dagego eno megı dagebolo mabo te po tıgdalı wali piąo. ² Te dage te Jordan wę nogelama, u badu Genuai Bidi dago God agai dagebolo mawaıbao wali te tıba sabolıgi pabo sogo da, teda dagego genuai masıgi dabe selama, tama simenıgo pilao, ³ tama te bomai po dabe sese te simen daıde aseao, te dage te wiegi yai ili hauwa elalubo tıba sabolıgi pabo sogo, te dago wąıgo Godıgo dagebolo mawaıbao wali te tı. ⁴ Tama dage Jordan wę u badu sabolıgi pabo sogo da, teda dagego te masıgi du dabe te bulu du Ebalde du adalao, tama te masıgi du dabe te simengo mesesegele pao, te eno megı dagebolo wabo gilama. ⁵ Tama dagego masıgi meba selama, alta nıgao. Tıalı goli, te alta nıgıbo bagego te masıgi aıngo nıgai hama haluyu, o togoyu elamo dao. ⁶ Dagego te masıgi augwalıgo halısama yai masıgi selama, dagego te alta geselao, te Genuai Bidi dago Godıgo alta. Tama te alta delıde naga dagego te ısıgo dela silıbo ofa yao, ⁷ me te God dali halıga tıgi delı ebo ofa me yao. Tama dagego te halıga tıgi delı ebo te ofa ebo kıbu mı te pesagede naga tuao, tama Genuai Bidi dago God agai gesabıdide wiegi yai homu pemene iyao. ⁸ Tıalıma, dagego te masıgıde simenıgo pilalı te masıgi dagede Godıgo bomai po tıgdalı hanınama, bugagıa mu aseıao," wali. ††

⁹ Tama tıalıma, Moses te Lıvai hani pris bidi dabe dali augwali dolıgulama, te Israel dabebolo te po walalı, "Dage tıgdalıgo odıao. Olo bugagıa eno po waboba muao. Megı da, dage Genuai Bidi dago Godıgo we bidi mu te pedelalı dao. ¹⁰ Tama tıalıma, dagego agai po wali piąo. Tama dagego agai bomai po eno megı dagebolo mabo, te po tıgdalı mu wali piąo," wali.

Godıgo po sela sąbo we bidi dolaıbao

¹¹ Tıalıma, Mosesgo Israel dabebolo te sogo ma walalı, ¹² "Dage Jordan wę nogelama, nosalı te Godıgo dage tıgdalı te wiegi yai ilabo po odainogo dage hani we bidi meba pelama, te Gerısım bulu duba dolalugi piąo. Te da, te Sımeon hani, me Lıvai hani, me Juda hani, me Isakar hani, me Josep hani, Benjamin hani, tama tıao. ¹³ Tama tıalıma, meba hani da, augwali te Ebal bulu dude dolo sı dolaluaıbao. Te da, te Ruben hani, me Gat hani, me Aser hani, me Sebulun hani, me

† 27:6 Sai 20:25 †† 27:8 Jos 8:30-32 ‡ 27:12 Bom 11:29; Jos 8:33-35

Dan hani, me Naptalı hani dao. Tama te Godıgo po odobo sogo da, te hani bage augwalıgo te po wali piąo bagede te dwai dolabo bomai po te po walaıbao. ¹⁴ Tama te Lıvai dabego po bomonama weyu, e tama po delı delı te we bıdı sesebolo weyu, tama te we bıdıgo te po delı delıba po wei ponaıbao. ¹⁵ Te Lıvai dabego e tama wao, 'Te bıdı mego te tıbo god te masıgıgo nıgilama, ma te nıgo nıgilama, ma aıngo nıgilama, tama agai geme dualama, tama agai geme teba lotu po odubaso da, teda Godıgo te bıdı dolaıbao. Te nai dabe da, te bıdıgo dıgi nıgai nai dabe dao. Tama Godıgo te tıbo godıba lotu po wabo we bıdı godolo ebo menıo,' wao. Tama te we bıdı sesego te po wei ponoyu, e tama po waıbao, 'Te mu tama dao, Godıgo te tama tımainao,' waıbao." ††

¹⁶ "Te Lıvai dabego ma weyu, tama wao, 'Tıalıma, te bıdı mego aga ıda ayago nogı dolalı baso da, teda Godıgo te bıdı dolomainao.' Tama te we bıdı sesego te po waıbao, 'Mu tama dao. Godıgo te tama tımainao.'" ††

¹⁷ "Tıalıma te bıdı mego aga abagıgo tı dąı poagasalı baso da, teda Godıgo te bıdı dolaıbao.' Tama tıgdalı we bıdıgo te po waıbao, 'Te mu tama dao. Godıgo te tama tımainao.'" †††

¹⁸ "Te Lıvai dabego ma weyu, te po waıbao, 'Tıalıma, te bıdı mego me gedu wıdai bıdı kegasa pelama, tama aga sunımı dolo painogo ısama ebaso da, teda Godıgo te tobage dwai sę ebo bıdı dolomainao,' waıbao. Tama tıgdalı we bıdıgo te po waıbao, 'Te mu tama dao, Godıgo te tama tımainao.'" †††

¹⁹ "Tıalıma, te bıdı mego dwai sę te gasa hani bıdı dali me, o te augwa aya ısai wai puluba dali me, o te wılawe we dabe dali me yai baso da, teda Godıgo te bıdı dolomainao.' Tama tıgdalı we bıdıgo te po waıbao, 'Mu tama dao. Godıgo te tama tımainao.'" †

²⁰ "Te bıdı mego aga ayago we dali dwai sę me yai baso da, teda Godıgo te bıdı dolaıbao. Te tama tıalı kolesagago aga aya hale dwai mu te ilalı dao.' Tama tıgdalı we bıdıgo te Lıvai dabego te po wei ponoyu te po waıbao, 'Mu tama dao, Godıgo te tama tımainao.'" ††

²¹ "Te bıdı mego te hasa dabe me penanı yai baso da, teda Godıgo te bıdı dolomainao,' te Lıvai dagego te po waıbao. Tama tıgdalı we bıdıgo te po wei ponaıbao, 'Mu tama dao, Godıgo te tama tımainao.'" †††

²² "Te bıdı mego aga abe dali penanı ebo sę yai baso da, Godıgo te bıdı dolomainao.' Tama tıgdalı we bıdıgo te po waıbao, 'Mu tama dao. Godıgo te bıdı dolomainao.'" ††

²³ "Te bıdı mego aga au, te aga wego ıda dali penanı ebo sę yai baso da, teda Godıgo te bıdı dolomainao.' Tama te we bıdı tıgdalıgo te po waıbao, 'Mu tama dao. Godıgo te tama tımainao.'" †††

†† 27:15 Sai 20:4; 34:17; Prs 19:4; 26:1; Bom 4:15-18; 5:8

††† 27:16 Bom 5:16 ††† 27:17 Bom 19:14 ††† 27:18 Prs 19:14
§ 27:19 Sai 22:21; 23:9; Prs 19:33-34; Bom 24:17-18 †† 27:20 Prs 18:8; 20:11; Bom 22:30 ††† 27:21 Sai 22:19; Prs 18:23; 20:15
§† 27:22 Prs 18:9; 20:17 ††† 27:23 Prs 18:17; 20:14

²⁴“Te bidi mego geme gasa bidi me elama, mu isilai baso da, teda Godigo te bidi dolomainao.’ Tama tigidali we bidigo te po wei ponoyu, te po waibao, ‘Mu tama dao, Godigo te bidi dolomainao.’”

²⁵“Te bidi mego te bidi me seḡḡ meni yai bidi ela muabo mone sai baso da, Godigo te bidi dolomainao.’ Tama tigidali we bidigo te po waibao, ‘Te mu tama dao, Godigo te bidi dolomainao.’”

²⁶“Te bidi mego Godigo bomai po wali pisama yai baso da, teda Godigo te bidi dolomainao,’ te Livai dabego te po waibao. Tama te we bidi sesego te po wei ponoyu, te po wao, ‘Te mu tama dao. Godigo te bidi dolomainao,’ tama po wao,” Mosesgo te po wali. †

Godigo agai po wali pabo bidi dali wiegi yai seḡ yaibao
(Prs 26:3-13; Bom 7:12-24)

28 Tama Mosesgo po geninama weyu, te po wali, “Te dagego Genuai Bidi dago God agai po bugagia wali pelama, tama agai bomai po tigidali bugagia wali peyu da, te da eno dage megi e mabo po, teda dagego te tigidali tḡde bidalubo we bidi hani tigidaligo genuai nogi aiyaba elaluaibao. Te agai dagebolo genuai nogi mabo sogo tiaibao. Dagego Genuai Bidi dago Godigo po wali piḡo. ² Dagego Genuai Bidi dago Godigo tigidali po wali peyu da, teda agai dageba e tobage wiegi yai seḡ dabe pedalomainogo ilaibao,” wali.

³“Godigo dagego hanu dabe me gi dabe wiegi yai ilaibao.”

⁴“Godigo dage wai bḡḡ dabe hauwa mayu, me gide nai hauwa holomainogo elama, me dagebolo kau kibu hauwa mayu, me sipsip kibu hauwa mayu yaibao.”

⁵“Godigo dagego wit gi dabe wiegi yai iliyu, me dage isi ulama tuainogo ebo nai dabe wiegi yai ilaibao.”

⁶“Godigo dagego ebo seḡ dabe wiegi yai pedalomainu yaibao.”

⁷“Godigo dagego boi bidi dabe dage dali hwḡaga-sainogo asobode aiyaba elaluaibao. Augwali te sunumi me delidu pedalagasaibao. Tiali goli, augwali sunumi hauwadu wi paibao.”

⁸“Genuai Bidi dago God agai dagego ebo seḡ dabe wiegi yai pedalomainogo elama, tama dagego wit nai dabe genuai mu elama, tama dagego nai mubo be paḡamainu ilaibao. Tama agai dagebolo megi mabo te kantride dage wiegi yai ilaibao,” Mosesgo te po wali.

⁹“Te dagego Genuai Bidi dago God agai po wali pali da, tama dagego agai wabo po te seḡ dagego bugagia eyu da, teda agai dage aga tedali gasagi yai we bidi mu pedalomainogo ilaibao, te agai polobadu daḡ wali po wali gilama. ¹⁰ Tama tialima, te tigidali tḡde we bidi dabego Genuai Bidi aga digi dage sa munama, aga we bidi mu dolo suaibao. Tama augwali dagede wi yaibao.

¹¹ Tama Genuai Bidigo dagebolo wai puluba hauwa mayu, me kau kibu hauwa mayu, me gide nai hauwa mayu yaibao, te aga digi dagego wḡḡbolo mawaibao wali te tḡde te gide tama tiaibao. ¹² God aga digi tulubage tonalubo dao, tama agai tulubage bugagia tagala palaibao, te tulubage side naga. Tama agai

dagego tigidali seḡ dabe wiegi yai mu pedalomainogo yaibao. Tama tiyu, dagego gasa we bidi hanigo dageba negeli emainogo yaibao. Tiali goli, dagego doado bage usu genuai baso da, dagego augwaliba negeli emainogo me egobeo. ¹³ Te dagego tigidali sogo eno megi dagebolo mabo te po bugagia wali peyu da, teda Godigo dage tobolu bidi pedelemainu yaibao, te tigidali we bidi hani tomode. Tama augwali te danu tiwai naga bidaibao. Tama dage polasa paibao, dage augwali nosali me biligobeo. Tama tigidali sogo dagego nai dabe hauwa mu elaluaibao, tama dage nosali nai me soḡ pogobeo. ¹⁴ Tiali goli, dagego tigidali bomai po wali piḡo, dagego deli me geda munamo dao. Mu menio. Tama me dagego tibo godiba lotu po olama, tama dagego augwaligo seḡ me elamo dao. Te habu kedale mu dao,” Mosesgo te po wali. ††

Te bomai po bolobo bidi dolaibao
(Prs 26:14-46)

¹⁵ Tama Mosesgo po geninama weyu, te po wali, “Tiali goli, dagego Genuai Bidi dago Godigo po sela saḡ-nama, tama dagego agai bomai po eno megi dagebolo mabo te po tigidali bugagia wali pisama eyu da, teda e tama dwai seḡ dabe dageba pedelaibao,” wali.

¹⁶“Godigo dagego hanu dabe me gi dabeba dwai seḡ ilaibao.”

¹⁷“Godigo dagego gide wit dabe dolama tagalaibao, me dage tuainogo ulubo nai dabe me dolaibao.”

¹⁸“Godigo dage dali dwai seḡ elama, tama dagebolo wai bḡḡ dabe hauwa me magobeo. Tama dagego gi dabe mu dwai mu yaibao, tama te kau kibu me sipsip kibu dabe hauwa me ame nogobeo.”

¹⁹“Godigo dagego tigidali ebo seḡ dabe dolaibao.”

²⁰“Te dagego Genuai Bidiba tudi ola menama, dwai seḡ dabe yali da, teda agai haniani dwai seḡ dage tigde pedalomainu yaibao. Tama agai dage dolomainu elama, tama dagego ebo seḡ tigidali geda muyu elama, te nai dabe dolaibao. Tama polo tama dage sese dola silaibao. ²¹ Tama agai haniani gasi dageba tagala palaibao. Te gasigo dage sese tama agai dagebolo megi mawainogo ebo te sainogo ebo tḡde silibo si tagalaibao. ²² Genuai Bidigo dage haniani dwai gasigo mu dolaibao, tama tigi bḡ dabo me, tigi posolo ebo me, tama agai mu posolai giliga tagala palama, tama bomai wali tagala palama, tama te gide nai sese tama mu dolaibao. Te dwai seḡ dabe dage tigde me elalubadi, dage isiboba sabolaibao. ²³ Tama dage tulubage menia selama, tama dagego tḡ te ain tiwai mu pedalaibao. ²⁴ Tama Genuai Bidigo tulubage hasegelama, bomai wali dali hogomu dali, kemi sane dali tagala palaibao. Te dage sese dolama tagalaboba usu naibao,” Mosesgo te po wali.

²⁵“Tama Genuai Bidigo te boi bidi dabego dage aiyaba elalumainogo yaibao. Dage augwali dali hwḡainogo deli sunumidu paibao. Tiali goli, dage augwalide wi soayu, sunumi hauwadu wi soaibao. Tama te tigidali tḡde we bidigo dagede te seḡ dabe pedalobo sulama,

† 27:26 Gal 3:10

†† 28:14 Bom 11:13-17

tama augwali noma dwai mu saibao. ²⁶ Dage isaibao, tama te ba dabe me bulu hasa dabe aselama, dagego tigi tuagasaibao. Tama augwali osalabo bidi mu menia saibao. ²⁷ Tama Genuai Bidigo dili keni dagego tigide emainu yaibao, te agai Isip bageba yali gilama. Tama agai dagego tigide diluai keni dabe pedalomainogo yaibao. Te buluba keni dagego tigide pedelemainu elama, tama dagego kębo sę yaibao. Tiali goli, te gasi usu ma ilabo sunumi mu meni yaibao. ²⁸ Tama Genuai Bidigo dagego homu kolesaga dolama, tama dage gedu widai bidi nigilama, tama dage polomainu yaibao. ²⁹ Te moni giliga tomode mu dage pelama, tama dagego sunumi dabe gege bilaibao, te gedu widai bidi dabego sunumi gegebo tiwai yaibao, tama dagego sunumi gegebo usu egobeo. Tama dagego ebo sę dabe tigidali wiegi yai me pedalogobeo. Tama tigidali sogo gasa bidi dabe augwaligo dage aiyaba elaluama, tama augwaligo dagego nai dabe wi saibao. Tama dage tau sabo bidi me bidigobeo," wali.

³⁰ "Tiali, dagego bidi mego we odolai baso da, teda te bidigo te we sogobeo. Menio. Te gasa bidigo naga te we saibao. Dagego be sę yaiba, tiali goli dage te bede bidigobeo. Dagego wain gi bulaibao, tiali goli dagego te wain du dagego tugobeo. ³¹ Duga gedude mu te boi bidi dabego dagego kau kibu dabe elaibao, tama dagego te kibu mu me tugobeo. Tama dagego olo gedugo naga tonalubadi, augwaligo dagego donki kibu dabe selasa paibao, tama dagego augwali ma sogobeo. Tama me augwaligo dagego sipsip kibu dabe sagasaibao, tama dage tau sabo bidi dabe mu meni yaibao. ³² Tama dagego olo gedugo naga tonalubadi yaide, te gasa kantri bidi dabego duga wai puluba dabe selasa paibao. Tama tigidali sogo dage duga wai puluba ma asogowe weyu, tonaluyu yaibao, tama dagego te sunumidu gedu pomonama tonaluyu yaibao. Tiali goli, dage olo dali tonalubadi, dagego gedu olo dali dene yaibao. Tama dagego wai puluba ma oda sainogo dagego magi sę me egobeo. ³³ Te gasa kantri bidi dabe, dagego konesiąma yali bidi dabe, augwaligo dagego bomai sę elama bulai gi nai dabe sagasaibao. Tama tigidali sogo augwaligo dage dali dwai sę elama, dage dwai dene mayu yaibao. ³⁴ Tama tialima, dagego te dwai sę dabe sulama, tama dagego homu kolesaga kone mu tųą paibao, tama meba te polobo bidi pedelaibao. ³⁵ Tama Genuai Bidigo dagego saąą dabede dwai keni hauwa pedalomainu yaibao. Tama dili keni dabe dagego tigi sese tamade emainogo ilaibao. Tama te keni olama, tama pedela sabo sunumi mu menia saibao," wali.

³⁶ "Tama Genuai Bidigo dagego tuni bidi king me, dage me, duga wąj dabe augwali polobadu me piąąma yai kantriba odasa paibao. Tama dage te bulude bidiyu, tama augwaligo tibo godiba dagego lotu waibao, te augwaligo nigo me masigigo nigai godiba lotu po waibao. ³⁷ Tama te bulude dabe Genuai Bidigo dage subigila besela pomainogo yaibao. Tialima, te dwai sę dabe dage tigide pedalobo sulama, te we bidi augwali noma dwai mu saibao. Tama nosali augwaligo

dage gisugu dwai menama, tama nosali augwaligo dage posobo po waibao," Mosesgo te po wali.

³⁸ "Dagego nai hauwa bulaibao, tiali goli manogo tula siliyu, mu menia saibao, tama tiyu dagego dwasianu bugai naga saibao. ³⁹ Tama me dagego wain gi bulama tonaluaibao, tiali goli te muna dabego dolaibao. Tama tiyu dagego wain du selama, te wain wę me nigigobeo. ⁴⁰ Tama me te oliv ni hauwa dagego tųde holaibao. Tiali goli, te oliv du tau isąbadi, olo dali tųba tegaibao, tama dagego oliv wel me nigigobeo. ⁴¹ Tama me dagego wai dabe elaluaiba, tiali goli augwali dage dali bugagia me bidigobeo. Te boi bidi dabego augwali sagaselama, tama augwa kantriba sela paibao.

⁴² Tama me te mano dabego dagego gide nai dabe me ni dabe tigidali dola silaibao," wali.

⁴³ "Te gasa kantridu asali te dage tomode bidibo bage, augwali genuai bomo siyu, genuai nogi siyu yaibao, tiali goli dage da, dagego bomo dali nogi dali si tulaluaibao, tama dage augwali dologode naga bidaibao. ⁴⁴ Tama augwaligo mone hauwa elalubaso, dagego augwalide negeli yaibao. Tiali goli, augwaligo dage dali negeli me egobeo. Augwaligo dage tonaluaibao, tama dage te augwali dologode naga bidaibao," wali.

⁴⁵ "Te tobage dwai sę dabe me sęę dagede pedalaibao, te boi bidi dabego dage pobeasa peyu, nogo tuali gilama, te dage siliboba usu nigii paibao. Magi baso meni, dagego Genuai Bidi dago Godigo po wali piąąma ebaso. Tama me dagego agai dagebolo mani te bomai po tigidali wali piąąma ebaso. ⁴⁶ Te dwai sę dabe tigidali elalubadi, dagego wai nosali pedalobo bagede me te sę dabe me ela pidu geaibao. Tama gasa we bidi hanigo dagede ebo sę sulama, tama augwaligo Godigo dage dali sębę ebo sueibao. ⁴⁷ Genuai Bidi dago Godigo dagebolo wiegi yai nai hauwa mawai goli, dagego wiegi yai homu nagame elama, tama te naide bugagia sę yabo homu isąma ebaso da, ⁴⁸ tama tibaso Genuai Bidigo boi bidi dabe tagala palama, dage dali hwągaselama, tama dage augwalide sę yaibao. Tama dage nai sili bidaibao, tama dage wę nongonego isaibao. Tama me name ugwa dabe, me ugwa meba dabe, me gasa meba nai dabe habuge yaibao. Tama te boi bidi dabego dage agalama, dage sese dola siliboba usu naibao. ⁴⁹ Te tama tilama, Godigo bidi hani me deli digibulu mu bulu badu me odasa asaibao, te dagego augwaligo po odisaąma yai bidi hani me deli. Augwali dageba te kemodage me hasa ela tuainogo polo asobo tiwai yaibao. ⁵⁰ Tama augwaligo bidi me hobede me egobeo, te dwasianu wai bųų o monu dabe yai baso me, tagalao. ⁵¹ Tama augwaligo dagego kau kibu dabe, me sipsip kibu dabe, me gide nai dabe, me tigidali wit dabe, me wain, me oliv ni du wel me, augwaligo sese tula silaibao. Tama dage sese tama nasi dwai mu elama, tama dage isaibao. ⁵² Tama augwaligo hwąnama, tama augwaligo dagego Genuai Bidi dago Godigo mani te hanu dabe tigidali dolama silaibao. Tama te hanu bomai obo dagego te duala

sainogo nigali, te hanu obo dabe degaibao," Mosesgo te po wali.

⁵³ "Te boi bidi dabego te hanu dabe bobegelama selama, hwiđubadi da, dage tuabo nai menia selama, tama dagego Genuai Bidi dago God agai dagebolo mani wai bõy dabe sese dagego elama, tula silaibao. ⁵⁴⁻⁵⁵ Tama te sogo da, te wiegi yai nagamea pai bidi, genuai nogi elalui bidi dabego me augwa wai bõy elama tuaibao, tama augwaligo wai bõy mi pedai augwa ama mabo hagela yaibao, o augwa godolo ebo we dabebolo mabo hagela yaibao, o meba te bidigo wai dabebolo me, me magobeo. ⁵⁶⁻⁵⁷ Tama te wiegi yai nagamea pai we dabe, dage tomode nogi elalui we dabe me, te augwaligo mone hauwa elama, sawi yai duabo siade dualama, bidi dabego augwali tolasa biliba, te we dabe augwaligo deli te tobage sę naga yaibao. Te augwaligo te boi bidi dabego te hanu bobegelalubadi, te wai me ame nani da, teda augwaligo geme dualama, te wai bõy elama, te wai be dali tama augwaligo geme tuaibao. Tama augwaligo augwa bidi dabebolo dage mabo hagela yaibao. Augwa godolo mu elama augwa meba wai dabebolo me magobeo," wali. †

⁵⁸ "Te dagego Godigo tigidali po e bukude elalubo te po dabe sese bugagia wali pelama, tama dagego Genuai Bidi dago Godigo nogi bugagia ugwaba sela musiawani da, te tama tiaibao. ⁵⁹ Tama tialima, agai te haniani dwai gasi dabe dageba me, duga waj dabeba me, te dwai gasi dabe pedelaibao. Tama te boma pai gasi dabe bobobage sogo elaluyu, me sia sogobeo.

⁶⁰ Tama agai dagebolo te haniani dwai gasi dabe dagego Isip bulude suali, te gasi tiwai yaibao. Tama dage usu ma egobeo. ⁶¹ Tama me agai gasa dwai gasi dabe dage tigiba tagala palaibao, tama dage sese tama silaibao. Tiali goli, te gasi nogi te Godigo haniani bomai po dabe elalubo e bukude nogi elalubeo.

⁶² Dage te hõ dabe ugwadu elalubo tiwai umabo mu pedalubadi me tagalao, dage sese tama silama, deli deli naga bidaibao. Magi baso meni, dagego Genuai Bidi dago Godigo po wali pisama ebaso, tama tiaibao.

⁶³ Hasia da, Godigo dage godolo mu elama, dage wiegi yai pedalama, tama dagego nai dabe hauwa elalumainogo ilai goli dao, te dage hauwa pedalama. Tama tiali goli, megida, Genuai Bidigo dage dolama, silibo godolo mu yaibao. Tama agai dage megida te bidigi painu ebo te tõde gudulama, sela sawaibao," wali.

⁶⁴ "Te Genuai Bidigo dage subigila teba teba dobola palaibao, te tigidali e tõba tedela palaibao. Tama te bulude dabe dage augwaligo masigigo me nigo nigai tibo god dabeba lotu po waibao. Polobadu dage me duga waj dagego te tibo godiba lotu po me wai menio.

⁶⁵ Tama dage wiegila bidabo madi gasa madi me gegobeo. Tama dage duga bulu mu meni yaibao. Tama Genuai Bidigo dage homu kone hauwa sogo tų so-mainogo yaibao, tama dage homu sęę elama, tama dagego homugo dage mu tama hagayali dao homu yaibao. ⁶⁶ Tigidali sogo dage dolobo wi yaibao. Te gili-

gade me, hulide me, dage isibo deli moni homu elama, wi eyu yaibao. ⁶⁷ Te tigidali nai dabe dagego subo da, dage wi dwai mu ilaibao. Tama tibaso, dagego be posobo si polo pomainogo yaibao. Tama tigidali sogo kigamu dagego te po waibao, 'Te be polo pio eyu da, wiegi yai yaibao,' te po waibao. Tama pio da, dagego te po waibao, 'Te be kigamu polo eyu da, wiegi yai dao,' po waibao. ⁶⁸ Genuai Bidigo dagebolo te po wai dao, dage Isip buluba ma pabo usu egobeo po wai dao. Tiali goli, tagalao, Genuai Bidigo dage teba sipidu ma tagala palaibao. Tama te Isip bulude dagego te homu yaibao, te boi bidi dabego dage abelama, tama augwaligo sę emainu yaibao. Tiali goli, augwaligo hagela yaibao," Mosesgo te po wai.

Godigo Israel dabe dali Moap bulude augwali aga hani mu dao olama, po daų wali

29 Te Genuai Bidigo Israel dabe dali te kantri Moapde daų wali po page dabe te e dao. Agai te Israel dabe dali kontrak po daų wali po wadolama, ma wali, te Sainai bulu dude polobadu wali po.

² Mosesgo tigidali Israel dabe i olama, sisinama, agai augwalibolo te tama po wali, "Dagego te Genuai Bidigo te Isip king tuni bidi dali yali sę dagego polo suai dao, te aga ofisa dabe dali, me agai bulu tigidali tomode yali sę. ³ Tama dagego gedugo digi te augwali tigide te dwai gasi sali hauwa mu sualio, me te haniani boma pai sę ebo me, te Genuai Bidigo te genuai sę dabe ebo te suali dao. ⁴ Tiali goli, Genuai Bidigo dagego te sę dabe yali page konemainu sula tagalobeo, tama agai dagego gedugo tonomainu ebeo, tama me dagego ologo te sę yali page odomainogo me tagalobeo. Tama dage tama bida bida asidu gagali, megiba te usu naga sobao. ⁵ Tama Genuai Bidigo te po wali, 'Te kibu be bidi sese si 40 eno dage kemi sane buludu odasa pai dao. Tama dagego ugwa dabe me, su dabe me, togwa pai menio. Mu menio. ⁶ Dagego bret, me wain, me bia me meni yai dao. Tiali goli, eno dage bugagia tonaluai, te dagego bugagia konemai hagede, te ena da Genuai Bidi dao, dagego God dao omainogo,' wali."

⁷ Tama Mosesgo po geninama weyu, te po wali, "Te da te buluba sabolagasali sogo da, te Hesbon tuni bidi king Sihon, me Basan tuni bidi king Ok, augwali si ase-lama, da dali hwiagasai dao. Tiali goli, dago augwali aiyaba elalui dao. ^{††8} Tama dago augwaligo tõ selama, dago Ruben hani de Gat hani, me te Manase hani bugai, augwalibolo dobawai dao," wali. †

⁹ Tama Mosesgo te po me wali, "Tigidali sogo dagego te daų wali po wali pao. Tama eyu da, dagego tigidali ebo sę dabe wiegi yai pedalaibao. ¹⁰ Megi dage Genuai Bidi dago Godigo gedude dolalubao, dage me, te to-bolu bidi dabe me, haniani ofisa dabe me, ¹¹ te we dabe sibi me, wai puluba me, te gasa bulu bidi dabe dage tomode bidibo me, te augwali dage dali bidiyu, dagego isi bagala mayu, me wę tula mayu eyu bidibo. ¹² Dage megida ede bidibao, te Genuai Bidi dago Godigo

† 28:56-57 2 Kin 6:28-29; Gel 4:10

†† 29:7 Nam 21:21-30, 31-35 † 29:8 Nam 32:33

gesi noma kontrak o daꝓ walobo po sainogo te bidibao, te dage dali daꝓ walobo po. Tama dagego te po wali paibao po olama, tama te po daꝓ walao.

¹³ Tama tiyu da, Genuai Bidigo dage aga we bidi pedalomainu elama, tama aga dagego God bidaibao. Te agai dagebolo daꝓ waliyu, me duga waꝓ dabebolo daꝓ waliyu yali gilama, te Abraham, me Aisak, me Jekopbolo wali gilama. ¹⁴⁻¹⁵ Godigo te kontrak o daꝓ wabo po da, megi aga gedude megi e dolalubo we bidi dabe da dali naga daꝓ walobeo. Menio. Agai dago waꝓ nosali pedalabo wai dabe dali me te ebaio. Tama da tigidaligo wali paibao olama daꝓ wao," Mosesgo te po wai.

¹⁶ "Dagego ma kone palao, dage mena tama te Isip bulude bidai dawe koneiaꝓ. Tama dagego dage te gasa bidi hanigo tꝓdu asiyu suali, te nai dabe me kone paliꝓ. ¹⁷ Dagego te mu dwai tibo god dabe augwaligo nigo nigali, me masigigo nigali, me golgo nigali, me silvago nigali, te suali dao. Te tibo god dabe te dwai nai mu dao. ¹⁸ Dagego bugagia mu tonaluiꝓ, te dage megi ede dolalubo we dabego, o bidi dabego, o bidigo we wai puluba deligo me, o bidi waꝓ ede dolalubo bage, dagego Genuai Bidi dago God agaba tudi me ola maidali weyu, tama te haniani dwai godiba lotu me waidali weyu, te gasa kantri bidi dabego god dabeba. Tialima, dagego te tobage kolesaga eyu da, teda te ni mego bono te ha ebo bono tiwai dao. Nosali agai honu genuai elama, genuai mu igi pabode da, te agai bidi hauwa mu dolaibao. ¹⁹ Dage tigidaligo bugagia mu tonaluiꝓ, te bidi me eno megi ede pusali te bomai po odali bidigo, te bidi me deligo te po sela saꝓnama, tama aga bugagia bidaibao homu yaibao. Tiali te bidi mego te po sela saꝓyani da, teda te tialigo dage sese tama dolomainu yaibao. Te wiegi yai bidi dabe me, te dwai bidi dabe dali si tama dolaibao. ²⁰ Godigo te tama bidi dabego seꝓe munu me sela saꝓobeo. Tiali goli, God seꝓe mu elama, tama isi delama, posolo genuai mu ebo tiwai mu yaibao. Tama te dwai seꝓe dabe te bukude wali te dwai seꝓe dabe te bidi tigde pedalaibao, te seꝓe tama ela ela pidubadi, te Genuai Bidigo aga dolama, silibo siba usu nigi paibao. ²¹ Tama Genuai Bidigo te bidi deli naga diꝓ selama, dene menama, tama aga mu doloba usu naibao. Te Genuai Bidigo te tigidali dwai seꝓe aga tigde yaibao, tama aga mu tama dolaibao, te agai e bukude wali gilama, te bomai po bukude wali gilama, agai te kontrak daꝓ walali po wali pisꝓama yali bidide te seꝓe yaibao," wali.

²² "Nosali duga wai nosali pedalobo, me gasa bulu bidi hani augwaligo te dwai seꝓe yali dabe, me te seꝓe dabe te Godigo dagego kantride yali suaibao. ²³ Te gi dabe dola silama, dwai olo elaluaibao. Tama te tamu me dwai pauda nai salfa, te ni me nosai isilibo nai si te gide paꝓana paibao, tama dagego nai me bulabo usu me egobeo. Tama te nosai dabe me te tꝓde me holo-gobeo. Tama tialima, dagego bulu te Sodom de Gomora si tiwai tama yaibao, te Atma de Seboim hanu si tiwai me. Te hanu dabe Genuai Bidigo polobadu dolai dao, te agai wado elama, tama agai seꝓe dwai mu yali

† 29:18 Hib 12:15

sogo. ^{†24} Tama te tigidali bulu tꝓ we bidi dabego hanalua paibao, 'Magi baso Godigo te Israel dabe augwaligo bulude te tama tialiwe?' te po weyu, 'Magi baso agai augwali dali seꝓe dwai mu yaliwe?' te po waibao. ²⁵ Tama augwaligo augwa digi po ma wei ponoyu, te po waibao, 'Magi baso menio, te we bidigo te augwa waꝓgo God augwali Isip bulude bidibadi augwali te odasa asali, te Godigo daꝓ walali po sela saꝓwai baso da. ²⁶ Te Israel dabe augwaligo tibo godiba lotu wali. Te god dabe augwaligo polobadu lotu po me wai menio. Te Genuai Bidigo augwali te nai dabeba lotu waidali weyu, habu selai dao. ²⁷ Te tama tibaso, Genuai Bidigo aga we bidi dabe dali seꝓe elama, tama agai e bukude elalubo dwai nai dabe te augwaligo bulude pedalama elalubao. ²⁸ Genuai Bidi moni seꝓe elama, wado po dwai mu yali. Tama tibaso, agai augwali augwa tꝓde sela saꝓnama, tama augwali gasa buluba dabe tagala palali. Tama megi me augwali te tama bidibao,' te bagego nosali te po waibao," Mosesgo te po wali.

²⁹ Tama Mosesgo po geninama ma weyu, te po wali, "Te Genuai Bidi dago God agai dabolo hanilisꝓama geme duali po meba te elalubao. Awe, te usu dao, te agai seꝓe dao. Tiali goli, agai bomai po dabolo hanilama pusa mani, tama dago nosali ame nabo waꝓ dabego me, dago me, te bomai po wali tigidali sogo pomainogo yali," Mosesgo te po wali.

Godiba ma aselama, bugagia bidibo kolesaga

30 Te Mosesgo po geninama weyu, te po wali, "Tialima, megi da eno sunumi si dagego wali peyu yabo magi ilibao. Te me deli da, te Godigo dage dali wiegi yai seꝓe mu yabo, me da Godigo dage mu dolabo. Duga digi koneao, dage mena sunumidu dage wali painogo da. Tama nosali, te dwai nai dabe dageba pedalobode, tama dage te Genuai Bidi dago Godigo dage te tedela palali te gasa bidi dabego bulude bidiyu da, teda dagego eno dagebolo eno te ola mani te sunumi kone palao. ² Tialima, dage me duga waꝓ dabe dage homu begelama, tama Genuai Bidi wali mu peyu, tama dagego homu sese daꝓ olama, tama eno agai bomai po dage megi mabo te bomai po mu wali painogo ebaso da, ³ teda Genuai Bidi dago God agai dage hobede yaibao. Tama agai dage aga digi te dobola palali te bulude dabe ma oda saibao, tama agai dage duga buluba mu ma odasa asaibao. Tama agai dagego tigidali nai dabe wiegi yai ma pedalomainogo yaibao. ⁴ Te dage digibulu bulude bidali goli, Genuai Bidi dago Godigo dage ma sisinama, ma odasa asaibao. ⁵ Tama dage duga waꝓ dabe polobadu bidali tꝓde bugagia ma bidaibao. ⁶ Tama Genuai Bidi dago God agai dage hauwa mu pedalomainu elama, tama nai dabe hauwa mu elalumainu yaibao, te duga polobadu bidali waꝓ dabe edelama elalueibao. Tama agai dage me duga wai puluba dabe dage homu kolesaga hasegelama, tama gesi noma bidi ma pedalomainu yaibao. Tama dagego agai po sese wali mu paibao. Tama tiyu, dagego duga homugo sese aga godolo mu yaibao.

†† 29:23 Gag 19:24-25

Tama dage te t̄de tigidali sogo mu bidaibao. ⁷ Tama te tigidali dwai dolabo s̄e dabe po eno dagebolo wali da, te Genuai Bidigo te dwai s̄e dabe te boi bidi dabe dage godolo is̄ama yali bidi dabeba pedalomainu yaibao, me te dage dali dwai s̄e yali bidi dabeba te dwai s̄e pedalomainu yaibao. ⁸ Tiali goli, dagego agai po wali ma pelama, tama agai bomai po tigidali wali me paibao, te eno dagebolo megi mabo te po. ⁹ Tama Genuai Bidigo dagego tigidali s̄e dabe wiegi yai pedalomainu yaibao. Tama dagego wai b̄ō dabe hauwa mu elama, me kau kibu dabe hauwa mu yaibao. Tama me dagego gide nai dabe hauwa mu holaibao. Tama Genuai Bidigo dagebolo nai hauwa mabo agai wiegi yai homu pemene mu yaibao, te agai dagego w̄aj dabe dali polobadu yali gilama. ¹⁰ Tiali goli, dagego Genuai Bidi dago God agai po wali pelama, tama e bukude elalubo bomai po me tigidali wali pīo. Dage agaba ma aselama, tama aga dagego homugo me homu kolesagago sese mu godolo mu iȳo, "Mosesgo te po wali.

¹¹ "Te po eno dagebolo megi pusa mani po da, te po koneama wali pabo da bomai s̄e me egobeo. Menio. ¹² Te po te ogwa dagalude me elalubeo. Tama 'Te niwai bidi dagaluba holama, te bomai po sela dulubaso, dago te po odama, wali paibawe?' te tama po dagego me hanalu obaso, usu egobeo. ¹³ Tama me ma, te bomai po te tamu w̄e u badu digibulu elalubeo, tama tibaso dagego me bolo hanalugobeo, 'Dago te po odama wali pomainogo, de u badu pelama, te bomai po sese-lama, edaba magasogowe?' ¹⁴ Menio. Te po da, duga pagede mu te elalubao, te duga homu tomode, me duga penanede te elalubao. Tama tialima, dage aga koneama, tama agaba haninabo usu dao, tama tigidali sogo dagego te po wali piagameo," wali. †

¹⁵ "Tialima suo, eno megi dage sunumi si te ola mobao, te tama tialima, dagego sunumi deli naga wali pali da, dage bidibo ula wiegi yai mu saibao, tama dage tigidali sogo bugagia mu bidaibao. Tiali goli, dagego gasa sunumidu pali da, teda dage dwai dene siyu elama, tama dage isaibao. ¹⁶ Megi dagebolo eno po walobao, te dagego God mu godolo elama, tama agai po wali pelama, tama agai godolo ebo kolesaga dabe naga yao. Tama ebaso da, dage genuai we bidi pedalama, tama tigidali sogo dage bugagia mu bidaibao. Tama Genuai Bidi dago God agai dage megi te bidigi painogo ebo bulude dage dali wiegi yai s̄e mu ilaibao," Mosesgo te po wali.

¹⁷ "Tiali goli, dage tobolu gagea pelama, tama po sela sayu elama, tama dagego gasa hanigo ili po omainogo sula tagaliyu elama, tama dage augwaligo tibo godiba kidu sugunama, lotu po wagi peyu da, ¹⁸ teda dage sese tama mu hagala silaibao. Odao. Eno dagebolo haninama te obao, te dagego po sela sayani da, teda dagego te Jordan w̄e u badu sigi pelama, bidigi painogo ebo te bulude dage bobobage sogo me bidigobeo. ¹⁹ Tialima, te bugagia bidabo sunumi me, isabo sunumi me, si te elalubao. Te me sunumidu da, Godigo

† 30:14 Rom 10:6-8

dage dali wiegi yai s̄e yaibao. Tama te me sunumidu da, dage dolabo sunumi sueibao. Tialima, megi da, dagego wali pabo sunumi sa muao. Tama eno dagalu dali t̄o dali si i olama, tama augwali sigo dagego mena sunumidu painogo sa muaniwe konemainao. Tiali goli, eno homugo dagego te bugagia bidabo sunumi wali pīo, te dage me duga wai puluba dage bidainogo tama tiao. ²⁰ Dagego Genuai Bidi dago God godolo mu elama, tama agai po wali pelama, tama agaba mu homu tigidali sogo k̄ē peyu yao. Tama tilama da, dage me duga wai puluba dabe me, dage bobobage sogo mu te Genuai Bidigo dago w̄aj dabebolo mawaibao wali te t̄de dage bugagia mu bidaibao, te Abraham, me Aisak, me Jekobolo mawaibao olama, po d̄u walali t̄de bugagia bidaibao," Mosesgo te po wali. ††

Josuago Mosesgo pesage hasegelama sali

(Daj 31-34)

Josuago Moses hasegelali

31 Te Mosesgo Israel dabe tigidali dali po me weyu, te po wali, ² "Ena 120 kibu be me bidibao, tama ena dagego polalubo bidi me bidigobeo. Tama me ma, Genuai Bidigo enabolo te po wai dao, 'Nage te Jordan w̄e nogegobeo,' wai dao. ³ Genuai Bidi dago God aga digi polasa pelama, tama agai te bulu badu bidibo bidi hani dolaibao, te agai dage tudiba togolama, polasa peyu. Tama tialima, dagego augwaligo t̄o sabo usu yaibao. Tama Josua dagego polasa pabo tobolu bidi nigaibao, te Genuai Bidigo wali gilama.

⁴ Tama Genuai Bidigo te hani dolaibao, te agai te Sihon de Ok si dali si augwa sigo kantri dolali gilama tiaibao, te Amor dabego tuni bidi sigo bulu yali gilama.

⁵ Tama Godigo dage tau selama, tama dagego augwali aiyaba elaluaibao, tama dagego augwali dali eno yao wali te s̄e sese tama augwali dali yao. ⁶ Dage dili elama dolalua, dage noma selama, augwalide wi elamo dao. Magi baso meni, Genuai Bidi dago God dage dali bidaibao. Tama agai dage me gegeda pelama, o dage olo bidimainogo me sula tagalogobeo," Mosesgo te po wali.

⁷ Tama nosali Mosesgo Josua i olama, asobo si da, tama tigidali we bidi gesabidide agai agabolo te po walali, "Nage dili elama dolaluyu, nage wi me elamo dao. Nage te we bidi nosaliba togolama, tama nage bolo polasa pelama, tama Genuai Bidigo dago w̄aj dabebolo da mawaibao wali te t̄o sigi pao. Tama selama, nago te t̄o bugulama, tama meba te Israel hani dabe deli deliba dobola mao, te augwaligo Godigo nogo sabo t̄o pedai dabe dao. ⁸ Genuai Bidi nage tudiba togolama, aga bolo polasa pelama, tama nage tau saibao. Agai nage tagalama, nage dolomainogo te

†† 30:20 Gag 12:7; 26:3; 28:13 † 31:2 Nam 20:12 †† 31:4 Nam 21:21-35

tagalogobeo. Tama tialima, nage noma selama, wi me elamo," Mosesgo Josuabolo te po wai. †

Tigidali kibu be a naga olama si pabo si da, augwaligo te bomai po nedeyu emainao

⁹Te tama tialima, Mosesgo bomai po sese asenama, tama agai te Livai hani pris bidi dabebolo, me te Israel dabego tobolu bidi dabebolo mani. Te Livai dabe augwaligo te Godigo kontrak asenani daŋ walali po munalubo halobage tonalubo se ebo dao. ¹⁰Tama Mosesgo augwalibolo te po wali, "Te tigidali kibu be a naga olama si, te 7 kibu be siligi pabo sabide, te osogo bidabo bede bidibo genuai sogo da, teda dagego te bomai po tigidali te we bidibolo neda mao. Te namba 7 kibu be wabo, te kibu be da te negeli yali silibo kibu be dao. ††¹¹ Tama te kibu be tomode dagego Israel dabebolo me te bomai po sese nedao, te augwali Genuai Bidi dago Godiba lotu po wagasobode, te Godigo lotu po wabo pesage me deli sa mubo, tede. ¹²Te bidi, me we, me wai, me gasa bulu bidi dagego hanude bidalubo sese tama i olama, tama dage sese tama aselama, te po odagameo. Augwaligo odama, tama Genuai Bidi dago God wi eyu, aga dologode bidimainao, tama agai tigidali bomai po bugagia wali pomainogo tama tiao. ¹³Dagego te tama tiyu da, teda duga waj wai puluba augwaligo Godigo bomai po me odisawai, augwaligo nosali odaibao. Tama augwaligo odama, tama augwali aga dologode tigidali sogo dagego te Jordan we u badu sigi painogo ebo te tode bugagia mu bidaibao," wali.

Genuai Bidigo Moses balia po me deli ola mani

¹⁴Nosali Godigo Mosesbolo walali, "Tamadi tama nage isaibao. Tama tialima, Josua i olama, eno ugwa beba odasa asao, tama eno agabolo eno godolo elama agai emainogo ebo se po ola mawaibao," wali. Tama tialima, Moses de Josua si te sel ugwa beba pali. ¹⁵Tama Genuai Bidi te bobobage po me te sel ugwa be sunumide elalubo po de bidali.

¹⁶Tama Mosesbolo Genuai Bidigo te po walali, "Pa de tama nage isaibao. Tama nosali te Israel we bidigo eno augwali dali daŋ wali po togolama, ena tagalaibao, te bidi me aga we tagalama, te penani ebo weba pabo tiwai gilama. Tama tiyu augwaligo ena tudiba togolama, tama augwaligo tibo godiba lotu po waibao, te augwaligo megii sigi painogo ebo te bulude bidiyu tiaibao. ¹⁷Te augwaligo te tama tibo sogo da, teda eno augwali sebe dwai mu yaibao. Tama tibaso, eno augwali tagalama, tama augwali tudi ola mawaibao. Tama augwali mu dolaibao, tama dwai se dabe hauwa mu augwaliba pedalaibao. Tama augwaligo te po waibao, 'Te God da dali bidibe yali bogo, tama te dwai se dabe daba te pedalobo yabao,' te po waibao. ¹⁸Tama eno te sogo augwali tau sabo hagela mu yaibao. Magi baso meni, augwaligo dwai se elama, augwaligo tibo godiba lotu wali pode. ¹⁹Tama eno nagebolo balia me deli

mawaibao, tama dagego asao. Tama nago te Israel dabebolo te balia ola mao. Tama tialima, te balia pogo augwali nosali po tu ela mawaibao. ²⁰Eno augwali te wigi yai buluba odasa painogo ebao. Te agai to ili hauwa elalubo, te eno augwaligo waj dabebolo po daŋ walali gilama tama. Tama te bulude da, augwaligo nai hauwa mu saibao, tama augwali wigiila mu bidaibao. Tama tialima, te tama tibo sogo augwaligo ena tudiba togolaibao, tama tibo godiba lotu po waibao. Te augwaligo eno daŋ walali po togwaibao. ²¹Tama nosali hani dwai se dabe augwali tigde pedalaibao. Tama te Israel dabe augwali te dwai sogo bidibo bage augwaligo te balia po gegeda pomainogo egobeo. Te augwaligo te balia po me odubadi geaibao. Tama te balia po augwaligo augwa yali dwai kolesagade homu hogodolaibao. Eno augwali te mawaibao wali te kantriba odasa pisabadi goli, tiali goli eno augwaligo homu kolesaga polo koneanio," Genuai Bidigo te po wali.

²²Te sogo tama Mosesgo te balia po asenama, Israel dabe ola mani.

²³Tama tialima, Genuai Bidigo Nungo ogwa Josuabolo te tama po walali, "Nage dili elama dolaluyu, tama nago magi naide wi me elamo dao. Nago te Israel dabe odasa, eno augwalibolo mawaibao wali te buluba pao. Tama ena da, ena digi nage dali tigidali sogo bidaibao," wali. ‡

²⁴Te tama tialima, Mosesgo Godigo bomai po dabe tigidali buku me delide asena silali, tama me deli me tagalobe. ²⁵Agai asena silama, tama agai po me deli Livai pris bidi dabe dali wali, te augwaligo Godigo kontrak daŋ walali po munalubo halobage tonalubo bage. Te augwalibolo te po walali, ²⁶"Te Genuai Bidi dago God agai bomai po elalubo buku selama, tama te kontrak munalubo bokis pa de muao. Tama aga te pesagede munalumainao, tama te Godigo we bidi po tu ela mayu emainao. ²⁷Magi baso meni. Eno koneani, augwali tobolu gagea pelama, po sela sabo we bidi dao. Megi ena bidibadi, augwaligo Genuai Bidigo po sela sanama, tama agai bomai po bolobo dao. Tiali goli, ena mu isibo si da, teda tegoba, teda eno homugo te augwaligo dwai kolesaga genuai mu pedalaibao. ²⁸Tama tialima, te tobolu bidi dabe me te tigidali hani go ofisa bidi dabe ena pa ba sisinagasa po i wao. Eno te balia pogo po augwalibolo mawaio. Tama eno dagalu dali to dali i olama, tama augwaligo eno te po dagebolo mabo sumainao. ²⁹Eno koneani, ena isai digi dage we bidi dwai mu pedalaibao, tama eno dagebolo mani po me wali pogobeo. Te dagego dwai kolesaga hauwa mu yaibao. Tama dagego Genuai Bidi sebe mu ilaibao, tama agai dageba dwai se dabe mu pedalomainu yaibao," Mosesgo te Livai pris dabebolo te po wali.

† 31:8 Jos 1:5; Hib 13:5 †† 31:10 Bom 15:1; 16:13-15

‡ 31:23 Nam 27:23; Jos 1:6

Mosesgo balia po

³⁰ Tama tialima, Mosesgo te balia pogo page tigidali pusa mani, tama Israel dabe tigidaligo te po odali. Agai te po wali,

32 "Dagalu dali, tɔ dali, dage sigo eno po odao. Eno wabo poba bugagia olo munama, odao.

² Eno pogo te dage we bidi bugagia sɛ mu ilaibao, te tulubage tulama, tama te nosai dabe bugagia holobo tiwai yaibao. Eno pogo da, te tulubage tulama, tama te tubo nai dabe hogodo gesi ma holama, dila pelama, tama genuai ebo tiwai yaibao.

³ Tama tialima, eno Genuai Bidigo nogi ugwaba saibao,

tama dagego agai nogi haninaibao.

⁴ Dago God te tama tigidali sogo bidibo dao.

Agai da, te genuai masigi me tiwai dao, te me hasegelisawai masigi tiwai dao.

Tigidali sogo agai aga po wali pabo dao, tama agai ili po me wabo menio.

Tama agai kolesaga da, wiegi yai mu elama, doloba pai mu dao.

⁵ Tiali goli, dage Israel we bidi, dage te tiwai menio.

Dage da, ili po wabo we bidi dao.

Dagego po hasegeliyu, te daɣ wali po boliyu ebo dao.

Dage dwai sɛɣɛ sabo we bidi dao.

Tama tialima, dage Godigo wai puluba hani me bidigobeo.

⁶ Tiali goli, God dagego aya dao.

Agai dage sese tama nigai dao.

Tama agai dage we bidi hani deli pedalomaiu ilai dao.

Tama tialima, dagego magi baso

te dwai kolesaga agaba ebawe?

Dage polobo bage, dage homu kolesaga mu meni yai dao."

⁷ "Dagego te polobadu pedelali sɛ dabe kone palao.

Duga aya dabebolo mena sɛ dabe yai dawo po hanalu wao.

Tama me polo monu dabebolo polobadu yali sɛ dabe po pusumainogo hanalu wao.

⁸ God ogwa dagalu bidi, aga digi te tigidali we bidi hani bidabo pesage dobola menama,

tama augwali bidabo digi daj elama, mawai dao.

Tama hasia bolo agai te Israel dabe nedama, augwaligo namba wali pelama,

tama augwaligo tɔ daj elama,

tama tebogo gasa hani we bidi

bidabo digi nosali daj ilai dao. †

⁹ Tiali goli, agai Jekopgo hani sa munama, aga digi augwali tonalumainogo yai dao.

¹⁰ Te Israel dabe augwali polama, augwali subigila bilaluali, te masigi kemi sane dwai bulude,

me te wali genuai ebo bulude bilali. Tama Genuai Bidigo augwali gegelama, augwali oda selama, tama augwali tau sali. Tama agai augwali tonaluali, te aga digi aga tonalubo tiwai yali.

¹¹ Godigo Israel dabe bugagia tau selama, tama te Israel dabe augwali me dolobeo, te ba kemodagego aga wai bola pomainu ola mabo tiwai yali.

Tama te ba gɔɣ tulaluainu ebode, te kimi ba aga dologo badu polo pelama, tama aga bogogo sabua sabo dao, tama te ba gɔɣ dolobo menio.

¹² God deligo tama aga we bidi sunumi ola mabo dao.

Tama augwali gasa bulu tɔde tibo godigo augwali me tau sabeo."

¹³ "Godigo augwali sula tagalu, te bulu du dabe tonalumainu ilali, tama te gide bulali nai dabe te augwaligo sela tuyu yali.

Tama augwaligo te pusu nai te hani bunu ge te masigi dedagede sela tuyu yai dao.

Tama me augwaligo oliv ni bugagia holali, te masigi hauwa yai tɔde.

¹⁴ Augwaligo kau kibu dabe, me meme kibu dabego ame pɛ hauwa augwaligo sali.

Tama augwaligo kau kibu, me sipsip kibu, me meme kibu dabe moni bage mu nisali.

Tama augwaligo wit me wain dabe wiegi yai mu holali."

¹⁵ "Te Genuai Bidigo we bidi

augwaligo nai dabe hauwa mu sali.

Tiali goli, augwaligo aga dali dwai hagoma sɛ yali.

Augwali nai hauwa sogo mu tulama, tama augwali genuai bidi dabe mu nisali.

Godigo augwali nigilali, tama aga bomogo augwali ma oda sali.

Tiali goli, augwaligo aga tudiba togolali, tama aga tagalali.

¹⁶ Augwaligo tibo godiba lotu po weyu yali.

Tama augwaligo te dwai kolesagago

Genuai Bidi sɛbɛ ilama, tama augwali dali wado yali.

¹⁷ Augwaligo bulu howa bidiba dabe ofa eyu yali, te augwaligo polobadu lotu wasiɔma yai.

Tama augwaligo gesi god dabe wali pali, te augwa waj dabego polobadu dologode elalusɔma yai goli.

Te tobage nai dabe te god mu menio. ††

¹⁸ Augwaligo bomai God, augwali nigali God da, gegeda palali."

¹⁹ "Tiali, Godigo aga wai dabe augwaligo te dwai kolesaga ebo sulama,

† 32:8 Tpi 17:26

†† 32:17 1 Ko 10:20

aga sêbê elama, tama augwaliba tudi ola mani.
²⁰ Tama agai te po wali, 'Te we bidi
 augwali tobolu gagea pelama,
 tama augwali ena wali asobeo.
 Te dwai sêgê dabe augwaliba pedalobadi, me
 tagalao,
 eno augwali me ma tau sogobeo.
²¹ Augwaligo tibo god dabe wali pabo,
 teda augwali olo nai mu dao.
 Tama augwaligo te dwai kolesagago ena sêbê elama,
 augwaliba wado homu emainu yali dao.
 Tama tialima, eno te bidi hani me deli,
 augwali nogi meni yai hani,
 te olo nai tiwai o augwali polobo bidi dabe tiwai,
 tama augwali eno tagala palama,
 tama te Israel dabe haliga tigi dolomainu elama,
 wado emainu tagala palaibao. †
²² Tama te sogo eno sêbê te isi bogoli tiwai elama,
 tama tõe nai dabe tigidali mu ulaibao.
 Te sêbê te tõi aiyadu dologodu paibao,
 te isai bidi dabego buludu paibao.
 Tama agai te bulu du dabe dolalubo
 masigi du dabe isi ulaibao.'"

²³ "Eno te dwai sê dabe
 te Israel dabe augwalide pedalomainu yaibao,
 te bidigo ene hauwa elalu,
 tama bidi enebo tiwai yaibao.

²⁴ Eno augwali moni dwai nasi emainogo ilaibao,
 tama augwali haniani gasi elama, isila paibao.
 Tama eno haniani dwai gula mane dabe
 bulu hasa dabe aselama,
 augwali tula silimainu yaibao.

²⁵ Tama genuai wabi hwjbo si asobo suaibao.
 Te tama tialima, augwali sunumide bidali da,
 te boi bidi dabego augwali elama, isilaibao.
 Tialima, augwali bede geme dualaluyu da,
 augwali wi dwai mu yaibao,
 tama augwali me isaibao.
 Te boi bidi dabe augwaligo augwali sese
 tama ela isila silaibao, te gesi bidi, me gesi wegi,
 me wai bõq dabe,
 me polo monu dabe me ela silaibao.

²⁶ Hasia da, eno augwali sese mu tama
 silabo homu yai goli dao,
 te tama tilama, te bidi mego
 augwali kone me igi meni dao.

²⁷ Tiali goli, eno tama tiali da,
 te boi bidi dabe augwali polama, te po wagi dao,
 "Dago Godigo we bidi dago bomogo
 augwali aiyaba elaluali dao," po wagi dao.
 "Augwa Genuai Bidigo te sê dabe emainogo ebeo,"
 wagi dao.

Tiyu, te boi bidi dabe augwaligo te po waidalio,
 tama tibaso, eno augwali mu siligobeo.'"

²⁸ "Te Israel hani augwaligo kolesaga

† 32:21 1 Ko 10:22; Rom 10:19

wiegi yai menio.
 Augwaligo homu kolesaga mu puna pai mu dao.
²⁹ Tialima, augwaligo homu kolesaga elaluyu da,
 teda augwaligo augwali te dolali
 te sê page konigi dao.
³⁰ Magi baso mu boi bidi dabe
 deli deligo te 1,000 Israel dabe dolama tagalaliwe?
 Tama ma, magi baso te boi bidi sigo
 te 10,000 Israel dabe aiyaba elalualiwe?
 Te po page da e tama dao.
 Te augwa Genuai Bidi Godigo augwali hagela polo
 yali.
 Augwa bomai Godigo augwali tudi ola mani.
³¹ Te boi bidi dabe augwaligo koneani da,
 augwaligo tibo god dabego bomomo menio homu yali.
 Tiali goli, Israel dabego Godigo
 genuai bomomo te genuai masigi deli tiwai dao.
³² Te Israel dabego boi bidi dabego
 kolesaga te dwai kugumini yai mu elaluali,
 te Sodom me Gomora te taun side bidali we bidi
 augwaligo yali dwai kolesaga tiwai mu yalio.
 Augwali te ha dwai mu ebo wain ni du tiwai yai dao.
³³ Te augwaligo kolesaga te dwai hasamanigo
 bidi gâq kelebo bidi isilibo dwai nai tiwai dao.'"

³⁴ "Ena Genuai Bidi, eno
 te Israel dabego boi bidi dabego
 yali kolesaga dabe konealubo dao.
 Eno augwali dene maiabo bubuga te tonalubo dao.
³⁵ Te dwai sê yali wei ponobo kolesaga te eno sê dao.
 Ena digi te eno dwai dene wei augwalibolo ponaibao.
 Te mani bodolude augwali tuloluuaibao.
 Pewardage sogo mu augwali tolaluama,
 tama augwali sese mu dola silaibao,'
 Genuai Bidigo te po wali." ††

³⁶ "Tama Genuai Bidigo aga hani
 we bidigo bomomo sia selama,
 deli deli bidi naga bidibo subaso da,
 teda agai augwali
 te deli deli bidi dabe hobede elama,
 tama augwali agai sê ebo bage augwali ma oda
 saibao. ‡

³⁷ Tialima, Genuai Bidigo aga
 we bidibolo te po walaibao,
 'Dagego homugo te tibo god dabego bomomo elalubao,
 dage tau saiba homu ebawe?
 Tiali goli, megi da, magi yaliwe?

³⁸ Dagego augwaliba sipsip ili me
 wain dabe ofa yai dao.
 Teda megi augwaligo dage tau somainao.
 Augwaligo dage dwai madi bidibo ma oda somainao.
³⁹ Dagego mu koneao, ena deli ena God mu dao.
 Tama ena tiwai god me menio.
 Eno bidi dabebolo bidibo ula mabo dao,
 tama eno bidigo bidibo ula ma sela sãbo dao.
 Eno bidi mu dolama, tama eno aga ma usu ilibo dao.
 Eno magi sê me yainogo da, teda eno yaibao,

†† 32:35 Rom 12:19; Hib 10:30 ‡ 32:36 Tib 135:14

te bidi mego ena hagegobeo.

⁴⁰ Awe, te mu tama dao.

Ena deli naga Tigidali Sogo Bidibo God dao.

Tama eno bomo yai po daꝥ waliyu, te po wali,

⁴¹⁻⁴² te eno bidi dabego kolesaga osola suaibao.

Tama eno moni ge hwaꝥ dulama,

tama aga mu poa pelama,

tama ula mu yaibao,

tama eno te hwaꝥ selama,

tama eno ena boi bidi dabe ela muaibao,

tama ena godolo isaꝥa ebo bidi me

ela muyu yaibao.

Tama eno te bidi dabego ena dali

hwꝥainu ebo bidi enaibao,

tama augwaligo kaneme te enesigigo

eneba geasa dulaibao.

Tama tialima, bidi meba te boide isisaꝥa ebaso da,

tada eno augwali me ela muaibao,

Genuai Bidigo te po wali."

⁴³ "Te gasa bulu we bidi, dagego Godigo we bidi dali wiegi yai homu pemene eyu yao.

Godigo agai we bidi elama silibo we bidi dolabo dao.

Tiali goli, aga we bidigo tꝥ agai gedude

egesi noma yai mu ilibo dao." †

⁴⁴ Moses de Nungo ogwa Josua sigo te balia po page pusubaso da, Israel dabego odali.

Godigo po te dage bugagia mu bidabo page po mu dao

⁴⁵ Mosesgo Godigo te bomai po sese tama te we bidi dabebolo pusa mani. ⁴⁶ Tama tialima, agai po geninama weyu, te tama po wali, "Dagego bugagia mu koneama, tama dagego eno megi dagebolo mani te bomai po bugagia mu wali piꝥo. Tama dagego duga wai puluba dabebolo me pusa mayu yao. Tama tiyu da, augwaligo me Godigo po tigidali sogo wali po-mainao. ⁴⁷ Godigo te po te olo po menio. Menio. Te da, te dage bugagia mu bidabo page po mu dao. Dagego bugagia wali pelama, tama dage bobobage sogo dage Jordan wꝥ u badu bidaibao, te dage megi te bidigi painu ebo te bulude," Mosesgo te po wali.

Moses te Kenan buluba pabo usu ebeo

⁴⁸ Tama te sogo bubugade naga Godigo Mosesbolo walali, ⁴⁹ "Nage te Moap dabego bulu du te Abarim bulu duba dabe pao. Te bulu du dabe te Jordan wꝥ paꝥe elalubao, tama Jeriko hanu te aꝥ u badu dolo si elalubao. Nage te bulu du Neboba holama, tama eno dage Israel dabebolo mawainogo ebo te buluba tonao. ⁵⁰ Tama nage te bulu dude isaibao, te naga ama Aron te bulu du Horde isali yali gilama. Tama nage me naga waꝥ dabe dali bidigi paibao. ⁵¹ Aron isai dao, tama nage me isaibao. Magi baso meni. Dage sigo eno po me wali sogo bugagia wali pabeo, tama dage sigo eno nogi aiyaba elalualio, te Israel dabego gedude, te dage

† 32:43 Rom 15:10; Ped 19:2

te Meriba bulude bidali sogo, te Kades hanu paꝥe, te masigi kemi sane olo bulude. ⁵² Tama tialima, nago te bulu suagameo, tiali goli nage te bulu paꝥa pogobeo. Tama nage eno megi te Israel dabe augwalibolo mabo te tꝥ tomoba nage pogobeo," Genuai Bidigo Mosesbolo te po wai. ††

Mosesgo tigidali Israel dabe wiegi yai ilao olama hanalu wali

33 Te Moses te Godigo po pusubo bidi isabo sogo paꝥe ebaso, agai Godibolo Israel dabe dali wiegi yai seꝥ yao po olama, tama hanalu wali. ² Agai te po wali,

"Genuai Bidi Sainai bulu dude bidama asali.

Aga te Idom bulu ugwadu te giliga tiwai asali,

tama agai ula te Paran bulu dude elaluali,

tama te ula aga we bidiba ula yali.

Te ensel sibi tausen hauwa aga dali bidali,

tama agai dolo nogo badu isi bogoli

genuai mu iduali.

³ Godigo aga we bidi godolo mu ebaso,

tama agai augwali bugagia mu tonalubo dao.

Tama tialima, dago agaba kidu sugunama,

agaba tobolu basiliyu yao.

Tama dago agai bomai po wali pinao.

⁴ Ena Moses dao.

Eno te Godigo te bomai po dagebolo

mani dao, tama dago wali pinao.

Te bomai po da, te dage kantride polaluabo po mu dao.

⁵ Te Genuai Bidigo we bidi tigidali me,

augwali tobolu bidi dabe me, deliba sisinai dao.

Tama te sogo Genuai Bidi

te augwa tuni bidi king bidai dao."

⁶ "Te Ruben hani te dwasianu hani dao.

Tiali goli, te hani munu me silamo dao."

⁷ Tama Moses agai Juda hani kone

palama, agai te po wali,

"Genuai Bidi, nosali nago te Juda dabe

augwaligo augwali tau somainu i wabo odao.

Nago augwali ma odasa aselama,

meba hani dali sisinagasomainao.

Tama nago augwaligo

augwa boi bidi dabe dali hwꝥbode tau sao," wali.

⁸ Tama agai Livai hani dabe kone palama, agai te po wali, ‡

"Genuai Bidi, te Livai dabe te augwali

nago wiegi yai seꝥ ebo bidi dabe dao.

Tama nago augwali te masigi si mani,

te nago homu kolesaga tiwai dabolo

ola maiabo masigi si.

Nago augwali te bulu Masade me

†† 32:52 Nam 27:12-14; Bom 3:23-27 ‡ 33:8 Sai 17:7; 28:30; Nam 20:13

Meribade nago augwaligo kolesaga
usu selama, suai dao,
tama augwaligo kolesaga doloba pai
mu elalubo suai dao.

⁹ Augwaligo nago po me nago kontrak
daꝋ wali po wali pabo bomo elalubao.
Tama augwaligo augwa ida aya, me augwa ama
dede,
me augwa wai boꝋ dabego
homu kolesaga wali me pabeo.

Menio. Augwaligo te nago
homu kolesaga naga wali pai dao.

¹⁰ Tama augwaligo Israel dabego
nago bomai po wali pomainu ola mawaibao.
Tama augwaligo nago altade augwaligo
ofa dabe eyu yaibao.

¹¹ Genuai Bidi, nago Livai dabe dali
wiegi yai homu elama,
tama nago augwali tau selama,
augwaligo seꝋ bomo mu emainogo tau sao,
tama nago augwaligo ebo seꝋde
wiegi yai homu pemene yagameo.
Tama nago augwaligo boi bidi dabe sese
aiyaba agayagameo,
tama augwali munu me ma hodalogobeo," wali.

¹² Tama Moses aga Benjamin hani kone palama, agai
te po wali,
"Genuai Bidigo Benjamin hani godolo mu elama,
agai tigidali sogo beasa bilibo dao.
Tama tigidali sogo aga augwali dali
paꝋde mu bidibo dao," wali.

¹³ Tama agai Josep hani kone palama, agai te po wali,
"Genuai Bidigo Josep hanibolo
tulubage hauwa magameo.

¹⁴ Tama augwaligo toꝋde weꝋ hauwa ilimainao.
Tama Genuai Bidigo augwaligo gi wiegi yai iliyu,
tama giligago augwaligo gide
tigidali nai tau dabe bugagia mu
augwa side bugagia tau emainao.

¹⁵ Tama te polobadu bulu du dabe
te gi yabo pesage wiegi yai
bulu dabe pedalomainao.

¹⁶ Wiegi yai nai dabe te Josep hanigo
bulude hauwa mu paꝋana pomainao,
te Josep hanigo toꝋde.
Genuai Bidi te dwasianu ni me isi dabo digi bidama,
tama ena Mosesbolo te po wai dao,
agai te Josep hani dali wiegi yai seꝋ yaibao po wai
dao. Magi baso meni.
Josep aga te aga ama dedego tobolu bidi bidai dao.

¹⁷ Te Josep hani augwali bomo elalubo,
te bulu uni kau kibugo tobulude
gaꝋ holai tiwai elalubao.
Te Josepgo ogwa me Manase, te hani we bidi augwali
te kau kibugo tobolu gaꝋ me deli tiwai dao.

Tama me te Josepgo gasa ogwa Efraim
aga we bidi hani tausen hauwa
te kau kibugo me tobolu gaꝋ tiwai dao.
Tama te tobolu gaꝋ sigo te gasa we bidi hani enebo
dao,
tama augwali popogolo pelama,
te toꝋ sabiba usu nigi paibao," wali.

¹⁸ Tama Moses agai Sebulun hani me Isakar hani si
kone palama te po wali,

"Sebulun hani, dagego gasa bulu
bidi dabe dali bisnis seꝋ ebo wiegi yai pedalaibao.
Tama me Isakar hani augwaligo
augwa bulude ebo bisnis me wiegi yai pedalaibao.

¹⁹ Te bidi hani augwali sigo gasa
we bidi hani augwaligo
bulu duba sisinagasomainogo i waibao.
Tama augwaligo wiegi yai doloba pai ofa mu yaibao.
Tama augwaligo te bisnis seꝋ augwaligo
te tamu aꝋide sali nai dabede yaibao,
me te kemi sanede sali naigo me.
Tama augwaligo te bisnis seꝋde
augwaligo mone hauwa mu saibao," wali.

²⁰ Tama agai Gat hani kone elama, te po wali,
"Godigo Gat hanigo toꝋ genuai pedalomainu ilai dao.
Te tama tialima, dage sesego
Godigo nogi ugwaba sagameo.
Te Gat hani te boma pai dao,
te laion te uni yowi te bulu hasa
ela tuainogo nogo guda saꝋo
o tobolu wali me dagala sabo tiwai yaibao.

²¹ Te Israel hani tobolu bidi dabego toꝋ
dobola sainogo sisinibo sogo,
te Gat hani augwa digi augwa sabo toꝋ
genuai bage wiegi yai me daꝋ elama sali.
Te wiegi yai toꝋ dage me deli te Gat hanigo sali.
Tama augwaligo Genuai Bidigo po me
bomai po bugagia wali pali,"
Mosesgo te po wali.

²² Tama Moses agai Dan hani homu kone elama te
po wali,

"Dan hani te tamadi nisai laion yowi tiwai dao.
Agai te bulu Basan tagalama, sasamano asali," wali.

²³ Tama agai Naptali hani kone elama, te po wali,
"Genuai Bidigo nai wiegi yai hauwa
te Naptali hanibolo mani.
Te Galili sigi aꝋ augwaligo bulude elalubao.
Tiali goli, te toꝋ te weꝋ edelama,
ibanu pelama, ganama dao, te aꝋ u badu."

²⁴ Tama agai te Aser hani kone pelama,
agai te po wali,
"Genuai Bidigo te Aser hani dali
wiegi yai seꝋ genina mu elama,
gasa meba hani augwali dali usu egobeo.
Tama me Israel hani dabego augwali

godolo umabo mu yaibao.

Tama te ni oliv augwaligo t̄ode hauwa mu pedalama,
tama augwaligo te oliv wel hauwa mu saibao.

²⁵ Tama augwaligo taun obo
sunumi dabe te boma pai ain
sunumi dabe elaluaibao.

Tama tibaso, tigidali sogo augwali bugagia mu bidiyu,
augwali wi me egobeo," wali.

²⁶ Tama Mosesgo te po wali,

"Israel dabe, dago God tiwai gasa god me menio.

Agai genuai bomo elaluyu,
tama genuai ula tomode bidiyu,
tama te dagalu p̄q̄ daidu ugwadu asali, te da tau sain-
ogo.

²⁷ God Tigidali Sogo Bida Bida Pabo God dao,
aga te dago duala sabo pesage dao.
Tigidali sogo da aga nogogo tolaluyu,
tama agai da me tagalobo menio.

Dage te duga t̄q̄ dabe sigi pabo sogo da,
agai te boi bidi dabe sela s̄awaibao.
Tama dagebolo augwali sese elama,
isila sila po walaibao.

²⁸ Tama tiyu da, te Jekopgo hani
augwali bugagia bidaluyu,
tama te boi bidi dabego augwaliba
me hw̄jagasogobeo.

Tama te pesagede te hulide
āj̄ segeni tulama, tama t̄q̄ tedolama,
tama tubo nai dabe hauwa elama,
wain dabe me hauwa elaluaibao.

²⁹ Te Israel dabe, dage wiegi yai
homu pemene mu yao.

Genuai Bidigo dage tau selama,
ma oda sali tiwai, agai gasa we bidi hani me
tau sai menio.

Genuai Bidi aga digi te dagego awa tiwai elama,
me dagego moni ge hw̄j̄ tiwai dao.

Agai dage obo ela selama,
tama dagego w̄bi hw̄j̄bode dagego gasa bidi dabe
elalumainu ilibo dao.

Dagego boi bidi dabe dageba aselama,
tama dagego augwali hobede emainogo dageba
gela wagasabao.

Tiali goli, dagego augwali agalama,
tama augwali aiyaba elaluaibao,"
Mosesgo te po wai.

Moses isali

34 Te Mosesgo te Moap dabego malu bulu tagala-
ma, tama te bulu du Neboba holali, tama te Pis-
ga bulu du boiabiba ugwaba holali, te giliga asobo

badu, te Jeriko hanuba dolo si badu. Tama Moses te
bulude dolalubadi, Genuai Bidigo agai te Israel
dabebolo maiabo t̄q̄ sese tama ola mani. Genuai Bidi-
go agabolo te Gileat t̄q̄ dage ola menama, tama u
badu not badu te Dan hanuba usu niḡi pali. ² Tama
Naptali hanigo t̄q̄ sese, me Efraim hanigo t̄q̄ sese, me
te Manase hanigo t̄q̄ sese ola mena silali, tama Juda
hanigo t̄q̄du pelama, te genuai tamu āj̄ Mediterenian-
ba usu niḡi pali, te giliga dega sabo badu. ³ Tama agai
Mosesbolo Judago saut badu agai genuai t̄q̄ mu ola
mani. Tama me Jerikode elalubo malu t̄q̄ me ola mani,
te hanude ni det hauwa mu elaluali, tama pelama,
Soar u badu usu niḡi pali, te saut badu. ⁴ Te tama tiali-
ma, Genuai Bidigo Mosesbolo te po walali, "Eno te t̄q̄
te Abraham, me Aisak, me Jekop, augwalibolo te t̄q̄ te
augwa w̄j̄ dabebolo mawaiba po eno augwali dali
dāj̄ walai dao, polobadu mu. Megi eno nago sumainu
sula tagalali dao. Tiali goli, eno nage te t̄q̄ tomoba po-
mainogo sula tagalogobeo," wali. [†]

⁵ Tama tialima, Moses, te Genuai Bidigo s̄e ebo bidi,
aga te Moap dabego t̄q̄ dagede tede bidama, tama
aga tede isali, te Genuai Bidigo agabolo te hasia polo
walali gilama tama tiali. ⁶ Tama Genuai Bidigo Moses-
go tigi te Moap bulude te hanu me te Betpeor hanu
dolo si te odogo malu bulude pubulali. Tama meḡi me
te bidi mego te Mosesgo ḡu page mena bulude
odogode elalubawe, bidigo me konebeo. ⁷ Moses agai
kibu be 120 kibu be elama, aga isali, tama aga bomo
elalubadi, tama agai gedu wiegi yai elaluali. ⁸ Te Moses
polo isai digi Israel dabe augwali te Moap dabego te
malu bulude bidiyu, augwali gela udubadi, 30 be
bubuga usu nani.

⁹ Te tama tilama, nosali da, teda Godigo Nungo ogwa
Josuabolo wiegi yai homu kolesaga me kolesaga dabe
hauwa mu mani. Magi baso meni, Mosesgo aga
hasegelama, bidimainogo sa muai baso. Tama te we
bidigo Josuago po odama, tama augwaligo te bomai
po dabe Genuai Bidigo Mosesgo nogode mani po wali
pali.

¹⁰ Tama meḡi tama usu nagasiyu da, Israel dabego
profet bidi me te Moses tiwai bidi me menio. Genuai
Bidigo Moses dali po te bidi sigo augwa hasi po wabo
tiwai tama po weyu yai dao. ^{††11} Genuai Bidigo Moses
te Isip bulu tuni bidi me te tuni bidi aga ofisa bidi dabe
me agai bulu tigidalide haniani bomai s̄e emainogo
tagala palali. Te meba profet dabego te Mosesgo yali
te bomai s̄e yali tiwai usu me egobeo. ¹² Tama augwali-
go genuai s̄e dabe me te we bidi dabe wi ilainogo yali,
te s̄e tiwai usu me egobeo, te Israel we bidi tomode
yali tiwai, te we bidigo gedude yali tiwai.

[†] 34:4 Gag 12:7; 26:3; 28:13 ^{††} 34:10 Sai 33:11

Hetman Josuago Po Elalubo Buku

Hasia Nedebo Po

Te buku Bomai Po tede Mosesgo si wali sogo te Godigo bomo yai po te Israel we bidi dabe augwalibolo ma ola mawai dao. Tama elama, tama Moses isali. Te e bukude te Israel dabego te Kenan moni t̄q sainu yali po dabe wai.

Te Israel hani dabe augwali te masigi kemi t̄q bulude bagula bilaludubadi, kibu be hauwa yali, te augwali bobage sogo te Godigo augwaliba mawaiba olama sa muani te t̄q sainogo tonalua peyu tama tialio. Tialima megida, Godigo augwaliba usu da obaso, augwali te t̄q tomoba pali. Josua agai te Moses bidali pesage selama, tama aga te Israel dabe augwaligo polalubo tobolu bidi pedelali. Josuago bukude te Israel dabego yali s̄q po pusali, te gagalama peyu, te Jordan āj nogelama pali, te Kenan dabe augwali bidali t̄q sainogo te boi hw̄jai dao. Te hw̄jani po hauwa te bukude elalubao. Te boi hw̄jani po bage te Godigo sa muyu d̄aj ilali sunumi wali peyu, te buku Bomai Po D̄aj 20 tede wali po wali pelama, te tama tiali. God aga digi te augwaligo Aya bidiyu, te augwaligo boi hw̄jani side aga polasa pabo bidi tiwai elaluali, te agai augwa w̄aj n̄q̄ dabe dali wali poba mu usu nai hagede tama tiai dao.

Josuago buku pedai sela elalubao. (1) Te D̄aj 1-12de Israel dabe augwaligo te Kenan t̄q sali po elalubao. (2) Te D̄aj 13-22de augwaligo te tigidali hani deli deliba te t̄q doba yali po elalubao. (3) Te D̄aj 23-24de te Josuago silagasu wabo po obaso, tama te Israel dabe augwaligo te bomo yai po kontrak po ma d̄aj walalio. Augwaligo te po weyu bidada pabo sesemane sogo God deli naga wali peduaiba po d̄aj wali, magi baso meni, agai moni genuai bomo hanilama ola mawai dao.

Te Josuago silagasobo po wali, te Josuago homugo ma koneani te tigidali s̄q Godigo bomai nogogo yali s̄q agai te Abrahamde bulali w̄aj n̄q̄ dabe augwaliba mawaiba wali t̄q saiba wali poba mu usu nai da, te homu yalio. Tama Josuago po hanilama pusuyu, tama wali, "Te dagego Genuai Bidiba lotu wabo homu is̄baso da, teda dagego bugagia homu kone palao. Te dagego deba lotu po waibawe? Tiali goli eno da, ena we wai puluba dali, dago te Genuai Bidiba lotu waibao." D̄aj 24:15de, te po elalubao. Te e bukude genuai koneabo polalubo homu kolesaga te dao.

Te Israel dabe augwaligo te Kenan t̄q sainu sisi elaluali

(D̄aj 1-12)

1 Te Moses aga te Godigo s̄q bidi dao. Tama Josua te Nungo ogwa te Moses tau sali bidi dao. Moses isai madi, tama Godigo Josuabolo te tiwai po wai, ² "Eno s̄q bidi Moses isalio. Tialima, nage megida, sisi yao. Nage dali te Israel we bidi tigidali dage e Jordan w̄e nogelama, tama eno dage mawainogo ebo te t̄q̄ba sabolao. ³ Eno Mosesbolo te tiwai po d̄aj walali, te dage soabo t̄q tigidali badu, te eno dagebolo mawaibao wai dao. ⁴ Te dagego t̄q sesege badu gagalama, te tiwai elaluaibao. Te olo masigi kemi t̄q elalubo te olo page badu gagalasa, u bulu du Lebanon te olo page meba, teba usu nigi pelama, tama te giliga pedalubo badu te genuai w̄e Yufretis te badu usu nigi peyu, tama te Hit we bidi hanigo tigidali t̄q pedai badu

d̄aj igi pelama, tama te giliga dega sigi pabo badu te genuai tamu āj, te badu d̄aj igi paibao. ⁵ Te bidi me deligo te dage aiyaba elalumainu elama, te nage is-mainu ebo, te usu me egobeo. Te ena nage dali bidiyu, te ena Moses dali bidali tiwai gilama yaibao. Eno homugo nage me gegeda palogobeo, eno nage munu me taga pogobeo. ¹⁶ Nage bomo elama dolaluyu, tama nage wi me elamuo. Magi baso meni. Te nago te we bidi dabe augwali te eno augwalibolo mawaibao wali te t̄q pedaiba odasa pomainu yaibao, te tiwai eno te po augwa w̄ajbobo d̄aj wai dao. ¹⁷ Tama tibaso, nage bomu elama dolaluyu, tama nage wi me isīayu, tama habu bulu me pelamuo. Nago bugagia tonaluyu, tama eno s̄q bidi Mosesgo nagebolo mani bomai po tigidali mu wali pao. Nago te bomai po me badu dwasianu munu me tagalamuo. Nago te bomu yai po dabe tigidali bugagia wali peyu da, teda te nage mena badu pabo te nage munu me dolomainu me egobe, te nage bugagia naga bidaibao. ⁸ Nago te bomai po

† 1:5 Bom 11:24-25; 31:6, 8; Hib 13:5 †† 1:6 Bom 31:6, 7, 23

elalubo bukugo po munu me homugo gegeda pelamuo. Te nago bugagia tonaluyu, tama te bomai pode elalubo tigidali po mu wali pomainogo eyu, nago te giligade me, hulide me, nago te bomai pode bugagia skul elama, konea sao. Te nago tama tiyu da, te nago gasa sę tigidali ebo te wiegi yai naga ilaibao. ⁹ Eno nagebolo wai dao. Tama nage bomo elama dolaluyu, tama nage wi munu me isiyu, tama nage magi nai me delide habu bulu me pelamuo. Magi baso meni, ena God, te nago Genuai Bidi, te ena nage dali te nage pabo tigidali buluba paibao," te po wali.

¹⁰ Tialima, Josuago te we bidi augwali tonalubo tobolu bidi dabebolo te po wai, ¹¹ "Dage te we bidi bidibo pesage tomode bagula biliyu, te we bidi augwalibolo te po waiąo, 'Te duga nai dabe sisinao,' po wao. 'Sela sogo naga digi elalubao, tama dagego e Jordan wę nogelama, tama God, duga Genuai Bidigo, dagebolo te mawaibao wali te tų dagego saibao,' tama po wao," Josuago te po wai.

¹² Tama Josuago te po te Rubengo hanibolo, me Gatgo hanibolo, me te Manasego hani me badubolo me te tiwai po wai, ¹³ "Dagego te po bugagia homu kone palao, te tigidali po Mosesgo dagebolo wai dao, aga te Genuai Bidigo sę ebo bidi bidali. Agai te po wali, 'God, duga Genuai Bidigo, e tų dagebolo menama, tama dage tede bidiyu, toma tuabo madi elaluaibao,' te po wai. ¹⁴ Tialima, dagego e tų habu badu dagego selama da, tama duga we wai puluba me, te kibu dabe badi, augwali ede te wę Jordan e badu te Mosesgo mani tųde tonaluyu bidagameo. Tiali goli, dagego ami bidi dabe da, augwa hwjabo nai dabe dodolama, tama e wę nogelama, te abagi dabe dali augwali polasa pelama, tama augwali tudi badu tonaluyu, te wabi hwjbo tau somainao. ¹⁵ Te duga Genuai Bidi Godigo e tų dagebolo mawai dao. Tama dagego te gasa Israel hani bage duga abagi dede tau siyu, tama agai augwalibolo mabo tų sabo sogoba usu nagasu yao. Tama elama, te boi pilama wiegi yai pemene ebo sogo elaluyu, tama augwali me te toma tueibao, te dage megi ebo tiwai gilama yaibao. Tama tiliama, tama nosali dage duga e tųba ma asomainogo, polobadu te tų Mosesgo dagebolo mawai dao, e tų te Jordan aj badu, te giliga pedalubo badu dao," Josuago te po wai. †

¹⁶ Tama tigidaligo Josuabolo po wei ponoyu, te po wai, "Awe," wali. "Te dago nago dabolo wali po tiwai gilama, te tama tigidali sę dago yaibao. Tama tigidaliba nago da tagala palobaso da, teda da teba paibao. ¹⁷ Te dago nago po tigidali wali peyu, te dago Mosesgo po sesemane sogo wali pali tiwai gilama yaibao. Tama dena homugo te God, naga Genuai Bidi, te nage dali bidiyu, te polobadu Moses dali bidali tiwai gilama bidimainao. ¹⁸ Te bidi me deligo hagoma eyu, nago po sela sębaso da, te aga isimainu yaibao. Tiali goli, nage da, nage te bomo elama bidiyu, tama nage wi munu me elamu dao!" wali, te we bidi dabego.

Josuago te moni hanu Jerikoba te sa pabo bidi si tagala palai

2 Te Israel dabe augwali te bulu Sitimde bidalubadi, tama Josuago te moni tų Kenanba sa pabo bidi si tagala palali, tama agai augwali sibolo te po wai, "Dage si pelama, te moni tų Jeriko genuai hanu me, te pade elalubo tų me, bugagia suao." Tialima, te bidi si te Jeriko hanu tųba pelama, tama te penani we me deligo beba sabolali, te we aga nogi Rahap. Tama augwali si agai bede bidai. ††

² Tama gasa bidi dabe augwaligo te Jeriko tuni bidibolo te tiwai po wai, "Dua dao! Te Israel bidi meba te e sogo hulide te tųba sa asobo bidi asai dao." ³ Tama te tųde te gavman tuni bidigo te tiwai po odolama, agai te bidi meba tagala palama, te po te Rahapbolo wagi pao wali, "Te nago bede bidibo bidi dabe, augwali te e tųba sa asai bidi dabe dao! Nago augwali odasa asao," wali.

⁴ Rahapgo te bidi si deli deli geme dualama, tama agai te tuni bidigo po tolagasali bage augwalibolo te po wai, "Mu tamao, bidi meba te eno beba asali. Tiali goli, augwali mena bulu badu asali te eno konebeo. ⁵ Te be pio ebode, te bidi dabego te hanu tomoba asobo genuai sunumi palibo sogo, augwali ede bidali ma tagalali. Augwali menaba pali, eno konebe, augwaligo enabolo me wabeo. Tiali goli, dagego augwali wali polo pobaso da, teda dagego augwali gegebo usu yaibao," te po wai. ⁶ Mu tamao, Rahapgo te po wali, tiali goli hasia bolo agai augwali si te aga bidigi beba ugwaba odasa holama, tama agai augwali si te aga te name ugwa nigibo nosai dabe dunama muani, te dologoba geme dualai dao. ⁷ Tialima, megi da, te tuni bidigo bage augwaligo te hanu tagalama, tama augwali te sa asali bidi si gegegi peyu pai. Augwaligo gege pali pidubadi genama, te wę Jordan bolabo madi me deliba pabo sunumidu pai. Nosali augwaligo te hanu taga soai madi, te sunumi tonalubo bidi dabego te hanu tomoba pabo genuai sunumi paliali.

⁸ Te Israel bidi si godege pisabadi, tama Rahap te be ugwaba holama, ⁹ tama augwali sibolo te po wai, "Eno koneani, Genuai Bidigo e genuai tų te dage Israel dabego nogoba mawainogo ebao. Tama eno po dolo mu dage sibolo obao. Da tigidali dagede wi elama, tama da didibili dwai mu ebo. ¹⁰ Magi baso meni, dagego te Isip tų taga soali sogo te Genuai Bidigo te Nosai Elaluali Tamu Aj wai ilali po augwaligo dabolo te po pusai. Tama dago odali, dagego te Amor dabego gavman tuni bidi Sihon de Ok si me, te augwali sigo ami bidi dabe dali, te wę Jordan u badu ela silali po dago odai dao. ¹¹ Dago te po odolama, tama da dagede wi mu ebao. Tama megi, da tigidali bomomo menio. Magi baso meni, God, dagego Genuai Bidi, aga te dagalu de tų sigo God dao. ¹² Tialima, megi da, dage sigo te Genuai Bidigo gedude te dage sigo eno hani bage bugagia tonaluabo po daų walao, magi baso meni, te eno dage si bugagia tonaluali tiwai gilama yao. Tama dage sigo

† 1:15 Bom 3:18-20; Jos 22:1-6

†† 2:1 Hib 11:31; Jer 2:25 ‡ 2:10 Sai 14:21; Nam 21:21-35

duga si daꝓ wali po mu daꝓ walobo daꝓ me dedeli enabolo mao. ¹³Tama mayu, dage Israel dabego te eno aya ida badi, te ama, me abe, me te augwa hani bage tigidali munu me ela munamuo! Dage sigo te bidi dabe augwaligo da elemainu sula tagalu munu me tilamu dao!" te we Rahapgo te po wali.

¹⁴Tialima, te bidi sigo po wei ponoyu, te po wai, "Da sigo po nagebolo daꝓ mu obao. Tama da sigo te daꝓ wali po togobaso da, te Godigo da si dolomainu yaibao. Te nago da sigo yali seꝓ po dabe hanilisiabaso da, teda da sigo te daꝓ wali po munu me togosiayu, te nage dali, nago hani bage dali tau saibao, te Genuai Bidigo te genuai tꝓ dabolob mabo sogo te tama tiaibao," te po wai.

¹⁵Te penani we Rahapgo be te moni hanu bagulali obo dali ksilai elaluai, tama me badu daꝓ togwali badu te be pola sali windo dedage te obo ugwadu elaluai. Tama Rahapgo te bono baklain te windode keꝓama, tama baklain te masigigo nigali bobobage obo bulu badu manama, te bidi sigo te bonodu nogo toda duluyu, aiyaba dulama, te hanu buluba dꝓ pomainu tama tiai dao. ¹⁶Tama augwali si tama painu ebadi, tama Rahapgo te po wai, "Dage si te bulu duba geme duala sigi pelama, sela sogo bidao. Tiyu, tuni bidigo bidi dabego dage si gegelama, suabuo. Nosali augwali te Jeriko hanuba ma soai digi, teda duga si buluba ma pao," wali.

¹⁷Tama te bidi sigo Rahapbolo te po wai, "Te da sigo nagebolo te yao wabo seꝓ tigidali ela silibaso da, teda da sigo meg i nagebolo e daꝓ wabo po munu me togogobeo. ¹⁸Tialima, meg i nago bugagia odao! Te da Israel dabe e buluba sabalobo sogode, nago te mama yai bono keꝓao, meg i da si aiyaba e dulubo windode, te da sigo nagebolo e mabo mama yai bono keꝓao. Tama nago naga aya ida, me te ama dede dabe, me te naga hani bage tigidali selama, tama augwali nago beba naga sisinao. ¹⁹Te me deli te bede bidali tagalama, te hanuba pabo sunumidu pobadi, tama augwali ela muani da, teda aga digi te dolabo page yali dao. Te da sigo seꝓ menio. Tiali goli, me deli te be tomode bidibadi dolobaso da, teda te seꝓ yali page da side elaluaibao.

²⁰Tiali goli, dua dao! Te nago da sigo e yali seꝓ po pusuyu da, teda da sigo daꝓ wali po te sia saibao," wali.

²¹Tama Rahapgo po wei ponani, "Eno dage sigo pode usu da po obao." Agai te tama po olama, tama agai augwali si tagala palai. Nosali agai te mama yai bono te be windode gebelai.

²²Tialima, te bidi si te bulu du dabeba sabolama, tama augwali si geme dualaludai. Tama tuni bidigo hani dabe augwaligo te bidi si te sunumidu tigidali bulu badu sela sogo gege du ge gedubadi geai. Tiali goli, augwaligo bidi me deli susiabaso, tama augwali te moni hanu Jerikoba ma geasa pai. ²³Nosali te bidi sigo te bulu du dabe tagalama, tama aiyaba dulai, tama augwali si te weꝓ Jordan nogelama, tama te Josua bidibo madi ma sabolama, tama te tigidali seꝓ pedelali po agabolo pusai. ²⁴Tama te bidi sigo Josuabolo te po wai,

"Mu tamao, Genuai Bidigo te tꝓ tigidali da nogoba mawaibao. Awe, te tꝓ tolalubo tuni bidi aga we bidi tigidali dade te dwai wi mu ebo dao," wali.

Te Israel dabe augwaligo te Jordan weꝓ nogai

3 Tama Josua te kigamu digi mu hodaluama, tama aga dali te Israel dabe augwali te bidali pesage te Sitim tagalama, tama augwali te Jordan aꝓba sabolai. Tama augwali bidabo pesage tede nigai. Augwaligo te weꝓ Jordan nogobeo. ²Te nosali pabo sela sogo elalubadi, te genuai bidi nigali bidi dabe te pesage tomode biliyu, ³tama te we bidibolo te tiwai po wai, "Dagego te Livai dabego pris bidi hani dabe augwali pabo subo sogo, tama te dago Genuai Bidi Godigo bomai po daꝓ wali po muani halobage tolasa pobaso da, teda dage hogodama, te duga tigidali doado bage selama, tama augwali wali piꝓo. ⁴Tama tiyu, dage pabo sunumi te duga konemainu ebao, magi baso meni, dage te buluba polobadu me sabolisiawai. Tiali goli, te bomai po daꝓ olama muani halobage paꝓa dage munu me pelamuo. Menio. Dage te dwasianu digibulu gana te po daꝓ wali halobage tolasa pabo wali pao," te genuai bidi nigali bidi dabego augwalibolo wali.

⁵Tama Josuago te we bidi dabebolo te po wai, "Te duga homu me kolesaga dodolobo seꝓ iliyu, lotu po wao, magi baso meni, do da, te Genuai Bidigo noma sabo bomai seꝓ te dage tomode yaibao," wali. ⁶Nosali Josuago te pris bidi dabebolo te po wai, "Dagego te bomai po daꝓ wali halobage te we bidi augwali nosaliba ilama, polasa te halobage tolasa pao," wai. Te augwaligo tama tiai dao.

⁷Tialima, Genuai Bidigo Josuabolo te po wai, "Meg i da, te eno nago nogi ugwaba sabo seꝓ te Israel dabe augwali gedude gagalaibao, te ena nage dali bidibo konemainu, te ena Moses dali bidali tiwai gilama yaibao. ⁸Nago te bomai daꝓ wali po muani halobage tolobo pris bidi dabebolo te po wao, 'Dage te Jordan aꝓ sesegeba sabalubo sogo, dage te weꝓ tomoba doligi pelama, tonaluyu, bidao,' te po wao," wali.

⁹Tama meg i da, Josuago te Israel dabe augwalibolo te po wai, "Dage te paꝓa aselama, te Godigo po odao, te dago Genuai Bidi dao. ¹⁰Meg i da, dagego te dena God, te bidibo ula elalubo God, aga te da tomode elalubaso, tama agai te Kenan dabe me, te Hit bage dabe me, te Hivi dabe me, te Peres dabe me, te Girgas me, te Amor me, te Jebus dabe badi, te tama bidi hani dabe te Godigo bomogo sela saꝓo te dagego koneaibao. Dagego te Godigo bomog bugagia sula selama, mu konemainu eyu, ¹¹te Godigo daꝓ wali bomai po muani halobage te tolasa polasa peyu, te weꝓ Jordan nogobo sogo te tiwai yaibao. ¹²Tama tibaso, dagego te Israel hani deli delide te deli deli bidi selama, te nogo si olama, saꝓaꝓo si bidi nigilao. ¹³Te pris bidi dabego te tigidali tꝓde Genuai Bidi Godigo te daꝓ wali po muani halobage tolasa pabode, tama augwaligo saꝓaꝓa te weꝓa agabo sogo, teda te weꝓ tigidali daꝓ mu ola sigi pelama, tama te weꝓ me soagobeo. Magi baso meni,

te ugwadu wẹ daide te bulu du me dedeli tiwai gilama dolaluaibao," Josuago te po wali.

¹⁴Tialima, te we bidi augwali te bidali pesage tagalama, te wẹ Jordan nogoainu yali. Tama te pris dabego te daų wali po muani halobage tolama, tama augwali polasa pai. ¹⁵Te sogo te inawai nai gide sabo sogo, tama te Jordan wẹ genuai asobo sogo dao. Tiali goli, augwali te wẹ sesegeba sabolama, tama augwaligo saų te wẹba agabo sogo, ¹⁶te wẹ togoyu, mu daų olama, tama te wẹ ma soabeo. Te wẹ ugwadu te bobobage bulu du tiwai gilama, te bulu Adamba usu nigil pelama, te wẹ pesage holai tiwai elalui, te Saretan hanu me deli pađe yali. Tama te sigi aį Det Si teba dulubo wẹ te tigidali sula sai elalui. Tama te we bidi augwali te wẹ tomodu pelama, te Jeriko hanu pađa u badu sabolai. ¹⁷Te Israel dabe augwali te tọ wa pai madi naga pai. Tama te Genuai Bidigo te daų wali po muani halobage tolali te pris bidi dabe, augwali te wẹ Jordan sula salı digi te tọ dolo tomode dolaluali, te we bidi tigidali te wẹ nogelama, gasaba u badu sabola silibo usu nigil pomainu yai.

Josuago te masigi nogo si olama, saųağı si te Gilgalde pesage holali

4 Te tigidali Israel dabego te wẹ Jordan nogola silali sogo, Genuai Bidigo te tiwai po Josuabolo wai, ²"Te Israel hani deli delide, te nago bidi deli deli siyu, tama nogo si olama, saųağı badu si bidi nigilao," po wai. ³"Tama augwalibolo te po mao, 'Dagego te pris dabe dolalubo badu te Jordan wẹ tomode te masigi nogo si olama, saųağı si sao. Tama te masigi dabe dagego te megi hulide bidabo pesage nigibo digi te tolasa asama, muao,'" wai.

⁴Tama po obaso, Josuago te bidi nogo si olama, saųağı si bidi nigilama, tama agai augwali i olama, asobode tama augwalibolo te po wai, ⁵"Dage te Jordan aįba dulama, tama te dago Genuai Bidi Godigo te daų wali po muani halobage tolali bidi pris dabe augwali edelao. Dagego te genuai masigi dabe saųa, te Israel hani nogo si olama, saųağı badu si usu nama sao. Tama dagego te deli deli masigi te duga nagede munama, tama tolasa asao. ⁶Te masigi dabede te Genuai Bidigo yali seų dabede te we bidi augwaligo homude konealuabo seų daį tama ilaibao. Tama nosali nosali sogo te duga waį te nosali ame nabo wai dabego dagebolo te masigi dabe tede magi baso munalubawe po hanalu obaso da, ⁷teda dagego augwalibolo te po waią, te Genuai Bidigo daų wali po muani halobagego te wẹ Jordan nogali sogo te wẹ sula sai elalubadi, te masigi dabe sai dao po wainogo tama tiwai. Tama te masigi dabego te Israel dabego homu te sesemane bidaba pabo sogo hogodomainogo tama tiao," wali.

⁸Tialima, te bidi dabego te Josuago po wali gilama tama tiali. Augwali te Jordan wẹ tomoba pelama, tama te masigi nogo si olama, saųağı si sai, te Genuai Bidigo Josuabolo wali po gilama tiwai. Tama augwaligo te masigi dabe te sogo bidabo pesageba tolasa aselama,

muagasai. ⁹Tama Josuago te gasa masigi dabe te nogo si olama, saųağı badu si masigi te pris dabego te daų wali po muani halobage tolaluyu dolaluali madi, te Jordan aį tomode te sesege badu te masigi dabe dodolai. Tama te masigi dabe me elalubo dao.

¹⁰Te pris dabe te Jordan aį tomode me dolaludubadi, te bidi dabego te tigidali seų te Genuai Bidigo me, te Mosesgo me, te Josuabolo po wali seų tigidali ela siligi peyu, usu nigil pai. Te we bidi augwali polo mu te wẹ u badu sabolai. ¹¹Tama nosali augwali sabola silaide, te Genuai Bidigo daų wali po munalubo halobage tolali pris bidi dabe, augwali me te augwali pela saboligi pelama, tama nosali augwali tudiba ilama, augwali ma poligi pai dao. ¹²Te Rubengo bidi hani dabe me, te Gatgo hani me, te Manasego hani me badu badi, augwaligo te hwjainogo sisi elama, tama augwali polasa peyu, te gasa we bidi dabe augwali tudiba togolama, te Mosesgo augwalibolo wali po tiwai gilama yai. ¹³Te hani selago hwjabo sisi yali bidi hani te bidi sese umabo, 40,000 bidigo te hwjainu sisi yai, tama Genuai Bidigo gedude augwali te doloba pai tọ odogo malu me deli te hanu Jeriko pađa sabolai.

¹⁴Te Israel dabego te sogode te Genuai Bidigo augwalibolo yali seų dabe sulama, tama augwaligo te Josua nogi ugwaba salı, augwaligo te Mosesbolo te tigidali sogo te aga nogi ugwaba sidubadi, te aga isiboba usu nagasali tiwai gilama yai dao.

¹⁵Genuai Bidigo Josuabolo te po wali, ¹⁶"Te pris dabebolo te daų wali po tolali bage augwaligo te wẹ Jordan tagalama, edaba holao po wao," wali, ¹⁷tama Josuago te tiwai po augwalibolo wai. ¹⁸Tama te daų wali po muani halobage tolali bage te pris dabe te sesegeba sabolai digi, te wẹ daų olaluali te gelama, tama aga soali pesagede dolo ma soai dao, genuai mu eyu tama yali.

¹⁹Te we bidi augwaligo te Jordan wẹ nogali, te polua delide, te dei nogo si, te sogo te wẹ nogali, tama augwali bidali pesage te Gilgal, tede te Jeriko hanu pađe te giliga pedalubo badu te pesage nigai dao. ²⁰Te Gilgalde Josuago te masigi nogo si olama, saųağı badu si masigi te Jordan aįde te bidi dabego salı masigi tede ugwaba dodolai. ²¹Tama Josuago Israel dabebolo te tiwai po wai, "Nosali, te ame nabo wai dabego te augwa aya dabebolo te tobage po hanalu obaso, te e masigi dabe magi baso ede munalubawe po obaso da, ²²teda augwaligo augwalibolo te po waią, 'Te Israel dabego te Jordan wẹ te wẹ sula sai digi nogali te daį ilali te dao,' te po wao. ²³Magi baso meni, te dago Genuai Bidi Godigo te wẹ Jordan wai ilali, te dage asobadi polasa soyu tama tiwai, te dage gasa badu sabolomainu usu ilai, te agai te Nosai Elalubo Tamu Aį wai ilali madi te da nogali tiwai yai dao. ²⁴Genuai Bidigo te seų yaligo da, te tigidali tọ badu bidibo tigidali bidigo te agai bomo konemainu elama, tama dagego duga Genuai Bidi Godibolo sesemane sogo te lotu po omainogo yai dao," Josuago te po wali.

Te Israel bidi dabe tigiwali togolama, te Pasova nai te Gilgalde tuai

5 Te sia ge dulubo badu te Jordan wẹ badu, te Amor tɔde bidibo te tigidali tuni bidi dabe badi, te genuai tamu aḡ Mediterenian te sesegede te Kenan moni tɔde bidibo tigidali tuni bidi dabego me, augwaligo te Genuai Bidigo te Jordan wẹ wai ilai digi te da Israel dabego te wẹ nogali po odali. Tama te da Israel dabe augwali p̄ba asobaso, te tuni bidi dabe augwali wi dwai mu eyu, tama augwali homu didibili mu yai dao. ² Nosali Genuai Bidigo Josuabolo te po wai, “Te masigi hw̄a ge poa pai meba nigilama, tama te Israel bidi dabego tigiwali pedai togwao, te Israel dabe augwaligo polobadu yali tiwai gilama yao,” te po wai.

³ Tialima, Josuago te hw̄a ge dabe nigilama, tama te bidi dabego tigiwali te dwasianu bulu du me deli tede togwali, tama augwaligo te bulu du nogi poyu, te Tigiwali Togobo Bulu Du dao po wai. ⁴ Agai te kolesaga yali page, e tiwai. Te Israel dabego te Isip tɔ taga soali sogo, te hw̄bo usu yali bidi dabe tigidali, augwali te olo kemi tɔ bulude isila pai dao. ⁵ Te tigidali bidigo te Isip bulu taga soali sogo, augwaligo te augwa tigiwali togwai. Tiali goli, te idago te olo kemi tɔ bulude ame nani bidi dabe, augwaligo tigiwali te me togosiawai. ⁶ Te Israel dabe augwali te nai meni yai olo kemi tɔde bilaludubadi, te kibu be bidi sese si 40 yia yai. Te sogo te hw̄bo usu yali bidi dabe tigidali te augwali isila pai. Magi baso meni, te augwaligo Genuai Bidigo po wali me pis̄baso, tiwai dao. Te mu tama Genuai Bidigo te w̄ḡ dabe augwalibolo po daḡ waliyu, agai te tɔ dabolo mawaibao wai. Te tɔ da, te wiegi yai mu dao. Tiali goli, agai te po wai, te po sela s̄bo bidi dabe augwaligo me sugubeo, wai. ⁷ Tiali goli, te augwali bidali pesage hasegelali, te augwaligo ogwa dabe te tigiwali me togosiawai, te augwali kemi tɔ bulude bilali sogo. Tama meḡ Josuago te tiwai s̄ augwalibolo yai. ⁸ Augwaligo te tigidali bidigo tigiwali togwa silama, tama te Israel dabe augwali te pesagede bidibadi, te bidi dabe augwaligo keni pedela sabo sogoba usu nagasai.

⁹ Nosali Genuai Bidigo Josuabolo te po wai, “Polobadu dage te Isip tɔde olo s̄ eyu bidai, tama dage hale mu yai. Tiali goli, meḡ eno dage te hale yali s̄ te dagala s̄bao,” wai. Tama tibaso, te e sogo meḡ bubugade augwaligo te bulu nogi Gilgal wali, te page e dao, “Dagala s̄wai.”

¹⁰ Te Israel dabe augwali te bulu nogi Gilgal te doloba pai tɔ Jerikode bidaluyu, tama te namba wan polua, dei te 14de, tede augwaligo te hulide te Pasova nai tuai dao. ^{††1} Te nosali side te Israel dabego te nai bali me wit te Kenande sai. Augwaligo te bali ulama, te bo dis̄awai nai bret nigilama, tama augwaligo tuai dao.

¹² Nosali te sogo te nai mana te munu ma dulubeo. Tama te Israel dabego te Kenande elalubo nai naga selama, tubo gagalalio. ‡

Josuago te bainat hw̄a tolaluali bidi dali po wai

¹³ Josua te hanu Jeriko p̄de bidali sogo, agai bidi me deli te bainat hw̄a ge tolaluyu, dolalubo suai. Tama Josua aga dwai noma mu selama, tama agaba pelama, tama agabolo hanalu wali, “Nage te dago ami bidi me deli dawe, ma nage te boi bidi me deli dawe?” te po wai.

¹⁴ Te bidigo te po wei ponai, “Ena te ami bidi meni, tama ena te boi menio. Ena te Genuai Bidi Godigo ami kepten bidi dao,” wai. Te Josua aga tobolu te tɔba aiya-ba mu pogulama, tama agabolo lotu po weyu, te po wai, “Ena nago s̄ bidi dao. Nago homugo eno mena s̄ emainogowe?” te po wai.

¹⁵ Tama Genuai Bidigo ami bidi keptengo Josuabolo te po wai, “Nago naga s̄ḡ nadoba d̄ḡ s̄yao. Magi baso meni, te nage dolalubo tɔ, te gasa wiegi yai tedali mu elalubao.” Tama Josuago te tiwai tama yai.

Jeriko hanu dolai

6 Te Israel dabe augwali te p̄ba bidagasai elalubaso, tama te Jeriko hanu tomode bidibo bidi dabego te hanu tomoba pabo sunumi tigidali bugagia daḡ walali. Te bidi dabe buluba peyu, edaba asu yabo usu me ebeo. ² Tiali goli, Genuai Bidigo Josuabolo te po wai, “Bugagia odao! Te eno nagebolo te Jeriko hanu badi, te aga tuni bidi me, te bomai ami bidi dabe me, te eno nago nogoba mawaibao. ³ Nago naga ami bidi dabe dali te deli sogo te deli bubugade te nogo a naga olama, me badu deli sogo te hanu bagula bilao. ⁴ Te nogo a naga me si wabo sogo te pris bidi te daḡ wali po muani halobage tolali bage polasa pabo badu te augwali poligi pelama, tama augwaligo te bu wabo nai biugel tolomainu yao, augwaligo te omai kibu sipsip ḡḡ pedelaligo nigai. Tama te nogo a naga me badu si wabo side, nage dali te ami bidi dabe badi tama te hanu bagula nogo a naga olama, me badu si te tama sogo biliyu yao,” wai. “Tama dage te hanu obo sesege badu bagula bilibo sogo, te pris dabego te bu wabo nai biugel te bu ola biliduao. ⁵ Te augwaligo te biugel bu wabo te bobobage mu kegasa pabo sogo da, teda dage tigidaligo te i olama, po daga genuai mu wao, tama te po obadi, te hanu bagulali moni masigigo nigali obo masigi te pepeda paibao. Tama tigidali bidi te hanu tomoba dolo pomainao,” wali.

⁶ Tialima, Josuago te pris dabe i olama, asobode tama augwalibolo te po wai, “Dagego te daḡ wali po muani halobage tolao,” wai. “Tama te pris a naga me badu sigo te biugel tolama, tama te daḡ wali po muani halobage tolali bidi dabe asobadi, te augwali poligi pao,” wai dao. ⁷ Nosali Josuago te we bidibolo te po wai, “Dage piḡo! Dagego te hanu bagulali masigi obo bagula biliyu, tama te ami bidi dabe te Genuai Bidigo daḡ wali po muani halobage tolali bidi dabe asobadi te polasa pao.” Te po wai.

⁸ Tialima, augwaligo te Josuago wali po tiwai gilama yai. Te pris bidi dabe a naga olama, me badu si te Gen-

uai Bidigo te daꝓ wali po muani halobage tolali bidi dabe nosali asobadi, te augwali te Genuai Bidigo gedude polasa peyu, te biugel bu ola pai. ⁹Tama ami bidi dabe meba te pris dabe pabo badu polasa peyu, tama meba te daꝓ wali po muani halobage tolali bidi dabe pabodu nosali pai. Tama augwali pali sogo, te a naga olama me badu si te pris dabego te nai biugel bu olalua pai. ¹⁰Tiali goli, Josuago te we bidi augwalibolo te po wai, “Te dagego te i me te kilikili me deli munu me wasiaꝓbadi, te eno po dagebolo waboba te usu nigi pao,” wali. ¹¹Te agai te pris dabe dali, te Genuai Bidigo bomai po daꝓ wali po muani halobage tolali bage dali tagala palama, te hanu deli sogo bagulama bilimainogo yai. Te augwali ma geasa aselama, te sogo hulide augwali bidali pesageba ma bidagasai.

¹²Tama Josua te kigamu digi mu hodaluama, tama te pris dabego te daꝓ wali po muani halobage ma selama, tama tolasa palio. ¹³Tama te a naga olama, me badu si te pris dabego te bu wabo nai biugel te a naga olama, me badu si selama, tama polasa peyu, te bu wabo nai biugel bu ola pai. Tama ami bidi dabe meba te pris pabo badu polasa peyu, te meba nosali asiyu yai. ¹⁴Augwaligo te tiwai naga te si sogo elama, tama augwa bidali pesageba ma geasa asai. Augwaligo te tama tiwai seꝓ te nogo a naga me deli sogo te tiwai seꝓ yai dao.

¹⁵Te 7 wabo sogode, te be posobaso, tama augwali hogodaluama, te augwaligo polobadu yali tiwai gilama, augwaligo te hanu bagula bilai. Tiali goli, te bubugade augwaligo te hanu bagula bilali te nogo a naga sogo olama, me badu si, te tama sogo bilai. ¹⁶Te tama sogo bilali silama, teda te pris dabego te bu wabo nai biugel te bu wabo mu bobobage sesabia pabode tama Josuago te we bidi augwalibolo te po wai, “Te i bomo elama, waiꝓ! Genuai Bidigo te hanu dagebolo mawai dao! ¹⁷Dago te hanude elalubo tigidali nai dabe dali dolinao, dago te ofa me deli te Genuai Bidibolo te tigidali mabo tiwai gilama yao. Te penani we Rahap naga, te aga aya ida, aga hani dali, augwali te me ela munamuo, magi baso meni, agai te hanu sa asela suagasomainu tagala palali bidi si geme dualai dao. ¹⁸Tiali goli, dagego te hanude nai me deli sidali weyu habu sai. Te dagego sali da, teda te dolabo te moni dwai seꝓ te dage Israel dabe bidibo pesagede mu pedelaibao.” Te po wai. ¹⁹“Te tigidali nai augwaligo te silvago me gol me bras me ain, tego nigali nai dabe, te Genuai Bidigo nai dabe naga dao. Dagego te Genuai Bidigo mone mubo beba naga sela asao,” Josuago te po wai.

²⁰Tialima, te pris dabego te bu wabo nai biugel bu wai. Tama te we bidi augwaligo odobo sogo, deli sogo mu tigidaligo te genuai i wabo sogode tama te hanu bagulali obo dabe te gisigasa dulali. Tama tia digi, nosali te we bidi tigidali te tomoba pelama, tama augwaligo te hanu sai dao. ²¹Augwaligo te tigidali we bidi me, te gesi we bidi me, te monu dabe, mosi dabe me,

te bulmakau dabe me, sipsip, donki me, te nai dabe dali augwaligo te moni hwaꝓ bainatgo ela silai.

²²Tialima, hasia bolo Josuago te buluba sa asela suagasali bidi sibolo te po wai dao, “Dage si te penani wego be tomoba pelama, tama aga dali, te aga hani bage dali, augwali te selasa asama, te duga si daꝓ wali po tiwai gilama yao,” te po wai. ²³Tialima, te bidi si te be tomoba pelama, tama Rahap dali, te aga aya ida, me ama dede, me te tigidali hani wai puluba, me te augwa seꝓ olo ebo bidi dabe, te augwali selasa aselama, tama augwali sigo te bage augwali te Israel dabe augwali bidibo pesage paꝓde tagalama, bidaluai.

²⁴Tama nosali te Israel dabe augwaligo sia nogolama, tama te hanu me te tomode elaluali nai tigidali te siago dai. Tiali goli, hasiabolo te Israel dabego te gol, me silva, me bras, me ain, tego nigali te nai dabe augwaligo selama, tama deli madi sisinama, te Genuai Bidigo mone mubo be tomoba muai dao. ²⁵Tiali goli, Josuago te Rahap me te aga hani bage tigidali bidalumainu sula tagalai, magi baso meni, agai te bidi si Josuago te Jeriko toꝓba sa asobo bidi tagala palali sogo, agai te bidi si geme dualai. Tama te we Rahapgo waꝓ hani dabe te Israelde bidada asali, te megi e po aseꝓbo sogo me bidibo dao. †

²⁶Tialima, Josuago bomai po te we bidi augwalibolo weyu, te tiwai po wai, “Te bidi me deligo e hanu Jeriko ma nigibaso da, teda Genuai Bidigo te bidi dali dwai seꝓ yaibao,” wai. “Tama gasa bidi mego te hanu genuai obo dabe ma nigibaso da, teda aga ogwa gomunai bidi te isaibao. Ma, te tomoba pabo genuai sunumi ma nigibo bidi, te bidigo sabi ogwa bidi te isaibao,” te po wai, Josuago. ‡

²⁷Genuai Bidi te Josua dali bidibaso, tama te toꝓ dabe badu bidalubo tigidali bidi augwaligo agabolo genuai nogi mawai dao.

Akango dwai seꝓe sali po

7 Hasia sogo Genuai Bidigo te po wai, te Israel dabego te dolabo nai dabego te nai me deli munu me selamuo po wai. Tiali goli, te Israel dabego te po sela saꝓwai, tama bidi me deli aga nogi Akan, te bidigo te nai meba sai. Tama tibaso, Genuai Bidigo seꝓe mu te Israel dabe dali eyu bidai. Akan te Karmigo ogwa, Karmi te Sapdigo ogwa, Sapdi te Serago ogwa, te Juda hani dabe dao.

²Josua te Jerikode bidiyu, tama bidi meba te bulu nogi Ai teba tagala palai, te hanu me deli te giliga pedalubo badu te Betel badu, te Betaven paꝓde elaluai. Agai augwalibolo te hanu susa biligi pao po wai. Tialima, te bidi dabe augwali pelama, tama tiwai igi pai.

³Nosali augwali ma asu, Josuabolo te tiwai po wai, “Nago te tigidali bidi pomainu mu elamuo. Te bidi sese sigo te umabo bidi hauwa mu 2,000, ma te bidi sese sela wabogo te umabo hauwa 3,000 bidi naga pelama, te Ai hanuba hwꝓgi pomainu tagala palao. Nago te tigidali bidi mu tagala palama, te hwꝓgi pomainogo me elamuo. Te genuai hanu menio,” te po wai. ⁴Tialima, te

† 6:20 Hib 11:30

†† 6:25 Hib 11:31 ‡ 6:26 1 Kin 16:34

Israel ami bidi dabe te bidi sese umabo 3,000 bidi mu pali. Tiali goli, te Ai hanu bidi dabego augwali edaba ma pobeasa asai. ⁵ Augwaligo te Israel dabe te hanu tomoba pabo te genuai sunumidu pobeasa pelama, te masigi pepedebo buluba usu nigi pai. Tama augwaligo te bulu duba aiya dulubo te sunumide te bidi te 36 tama bidi usu nama elai. Tama te Israel dabe augwali wi mu elama, tama bomo elama me dolalubeo.

⁶ Josua te homu seḡe mu elama, tama aga gudali ugwa piṣawai. Tama aga te Genuai Bidigo bomai ḡu wali po halobage munalubo paḡa te aga gesabidi te tḡba degasa dulama, munaluai. Tama te Israel dabe tonalubo bidi dabe augwali me te Josua dali tḡba degasa dulama, tama augwali tede bididubadi, te giliga aiyaba dega sigi pai. Augwaligo homu seḡe ebo te sa muyu, te augwa tobolude te tḡ hogomu muanio.

⁷ Tama nosali Josuago te po wai, "O God, Genuai Bidio! Magi elama, nago da te Jordan we e badu odasa asaliwe? Nago da te Amor dabego nogoba menama, da dolomainogo yai dawe? Magi baso da te we Jordan u badu bidimainu yai meniwe? ⁸ O Genuai Bidio, te Israel dabego te boi bidi dabe augwali tudiba ilama, tama augwali wi eyu, ma geasa asalio. Te eno magi po wagawe? ⁹ Te Kenan bidi dabego, me te e tḡde bidalubo gasa tigidali we bidi dabego te seḡ yali po odaibao. Tama tiyu, augwaligo da bobegelama, tama da tigidali elaibao! Tama naga nogi ugwaba sabo seḡ te nago megi magi elama yaibawe?" Josuago te po wai.

¹⁰ Tialima, Genuai Bidigo Josuabolo te po wai, "Hodalualuo! Magi elama nage te tiwai tḡde pila mubawe?"

¹¹ Te Israel dabe augwaligo dwai seḡ yalio! Hasia eno augwalibolo habu seliyu, te Jeriko hanude elalubo nai dabe me sigio po wai, tiali goli augwaligo eno po sela saḡwanio. Tama eno augwalibolo te dolao po wali nai dabe meba te augwaligo salio. Augwaligo te nai dabe wi selama, tama augwaligo tibo seḡ elama, tama augwaligo te nai dabe te augwa nai dabe tomoba geme dualalio. ¹² Tama tialigo te Israel augwali bomo elama dolalu, te boi bidi dabe dali hwjabo te usu ebeo. Megi da, augwali te boi bidi dabe dali hwjbo wi soai, magi baso meni, te augwali dolomainao! Te dagebolo eno habu selali nai dabe te dagego dolisiḡbaso da, teda ena munu me dage dali bidimainogo egobeo," Genuai Bidigo wali.

¹³ "Tialima, hodalualuo! Nage pelama, te we bidi dwagi yai ilama, tama augwali ena gesabidiba do asomainu sisi wiegi yai iligi pao. Magi baso meni, ena dagego God te eno po te elalubao, 'Dage Israel dabe, dagego eno dagebolo te habu selali nai dabe meba salio. Dagego te nai dabe sela saḡsiḡbaso da, teda dagego te boi bidi dabe aiyaba me elalugobeo. ¹⁴ Tialima, te kigamu digi te dagego hani tigidali deli deli te ena bidibo madi sabolao. Te nai wi sali bidi hani haninimainogo tama tiao. Tama te hani me deli eno sa mubaso da, teda aga te hani bage tigidali deli deli bidi te ena bidiboba pedelao. Tama mena hani bage te eno nogo tḡ ilibasoda, teda aga hani we wai hani tigidali deli deli te sabola silao. ¹⁵ Tama mena bidigo eno te habu selali

nai dabe saibaso da, teda dagego te bidi dali, te aga we wai puluba dabe dali, augwali te isimainu siaba ulama, tama aga tigidali doado bage dali ulaibao. Te bidigo te dwai seḡ genuai yaligo, tama te Israel dabe augwali hale dwai mu ilai. Tama agai te we bidigo ena dali ḡu wali po togolama, bolalio,' te po augwalibolo pusao," Genuai Bidigo te po Josuabolo wai.

¹⁶ Tialima, Josua te kigamu digi mu hodalualuma, tama te Israel hani tigidali deli deli pedalumainu ilalio. Tama agai te Judago hanibolo hasia mu sa muanio. ¹⁷ Agai te Judade te sibi bage tigidali te odasa asama, tama agai te Serago sibi sa muai. Tama Josuago te Serago hani sibi tigidali deli deli pedela silabo seḡ yalio. Tama agai te Sapdigo hani bage dolo sa muai. ¹⁸ Tialima, Sapdigo te aga hani tigidalide te bidi deli deli wasilama, tama Josuago te bidi Akan nogo tḡ ilai. Akan te Karmigo ogwa, tama Karmi te Sapdigo ogwa, tama Sapdi te Serago ogwa, te aga Juda hani dao.

¹⁹ Tama Josuago Akanbolo te po wai, "Ogwao, megi nage te Israel dabe dago Genuai Bidi God gedude dolugulama, tama nago te yali seḡ po dabe hanilama, hania pusao. Nago enade magi seḡ me deli munu me dualigio," wali.

²⁰ Tialima, Akango te po wai, "Mu tamao, eno dwai seḡ te Genuai Bidi, da Israel dabego God, agai gedude yalio. Megi nagebolo eno te yali seḡ po pusubao. ²¹ Te dago hwjyu, te Jeriko dabego nai dabe sali sogo, eno te nai dabe tomode te Babilon dabego sawi yai bobobage gudubo ugwa me deli suali, tama te silva seḡe me badu te 2 kilo usu badi, te gol me badu te seḡe deli usu elalubo eno suai. Eno te nai dabe pesa mu ebaso, tama augwali eno sai. Nago te eno ugwa be tomode munalubo gegelama, suagameo. Eno tigidali te tḡba pubulama, tama silva te dologode mu munalubao," te bidi Akango te po wai.

²² Tama te po obaso, Josuago te bidi meba tagala palama, augwali udulama, te ugwa beba pai. Tama augwaligo te Akango po wali tiwai gilama te gegali, tama silva te gasa nai dologode mu munalubo suai.

²³ Augwaligo te nai dabe selama, tama te Josua me te Israel bage tigidali bidiboba sela pai. Tama te Genuai Bidigo gedude augwaligo te tḡba muai.

²⁴ Tialima, Josua dali te Israel dabe tigidaligo te Akan dali, te silva dabe badi, te ugwa me, te gol dage me, tama aga te ogwa dabe me, te aga wegi dabe me sobadi, tama te kibu bulmakau dabe badi, te donki dabe badi, te sipsip dabe me, te aga doado bage tigidali me sai. Augwaligo te tigidali nai dabe te selama, Akor bulu odogoba dulai dao. ²⁵ Tama Josuago te po wai, "Magi elama nago te genuai seḡe daba sela asai dawe? Tama megi da, te Genuai Bidigo nagebolo me te seḡe mubao!"

Te po ola silama, nosali te tigidali pali we bidigo te Akan aga we wai puluba dali tigidali te masigigo ela silama, tama augwali dali te augwa doado bage dali augwali tigidali te siago dai dao. ²⁶ Tama augwaligo te masigi dabe hauwa te Akan aga we wai puluba dali augwali tigiba te masigi pesage holai. Tama te masigi

pesage holali te e po asẽbo sogo me elalubao. Tama augwaligo te bulu nogi Akor poali, te sęę pedelai bulu odogo dao. Augwaligo tama tialigo, tama Genuai Bidigo homu kedau ilai dao.

Augwaligo te Ai hanu selama, dolali po

8 Tialima, Genuai Bidigo Josuabolo te po wai, "Te wi ebo tagalama, tama habu bulu pabo me tagalao! Te ami bidi tigidali nage dali pelama, te Ai dabe dali hwjgi pao. Eno nage tau selama, tama nago te Ai dabego tuni bidi te aiyaba elaluaibao. Tama agai bidi dabe badi, te hanu me, tama agai t̄ me, te eno nago nogoba mawaibao. ² Nago te Ai hanude bidibo we bidi me, te augwa tuni bidi me, te mu silao, te nago Jeriko moni hanude te aga tuni bidi dabe dali silali tiwai gilama ilao. Tiali goli, te sogo dagego te tigidali bulmakau me, tama te bulude elalubo nai dabe tigidali sagameo. Megi dagego te hanuba hwjgi painu sisi elalua. Hasia sogo bolo nago te ami bidi dabe meba tagala palama, te hanu tudi badu geme duala sigi pomainogo tagala palao," wali.

³ Tialima, Josua dali te tigidali ami bidi dabe te Ai hanuba hwjgi painu sisi yai. Agai te hwjabo bomai bidi naga dagalama, tama te bidi sese umabo hauwa 30,000 bidi sa munama, tama augwali te hulide tagala palai. ⁴ Tama agai te po augwalibolo wai, "Dage pelama, te hanu p̄de tudi badu geme duala sigi pao, te n̄ momainogo tama yao. Tama dagego te hwjabo sisi elalua. ⁵ Tiali goli, ena dali, te eno ami bidi dabe dali, da te hanu dolo asaibao. Tama te Ai hanu bidi dabego te da dali hwjainogo buluba asobaso da, teda dago te hasia sogo yali tiwai gilama te da wi soaibao. ⁶ Teda augwaligo da pobeasa asomainu sula tagaliyu, te dago augwali te hanu tagalama, digibulu kegasa soabo usu tiwai yaibao. Augwaligo homugo da te polobadu augwalide wi soali tiwai gilama ebo, te homu yaibao. ⁷ Dagego te tiwai ebo subaso da, teda dage te dualaluali pesage tagalama, tama te hanu tomoba pedela sigi pao. God, dago Genuai Bidigo, te hanu dagego nogoba mawaibao. ⁸ Dagego te hanu tomoba pedela sigi pabo sogo, dagego te Genuai Bidigo po wali tiwai gilama, te hanu siago ulao. Te eno po da, tama dagego bugagia wali pīo," wali.

⁹ Tialima, Josuago augwali tagala palobaso, tama augwali pelama, te sia ge dega sigi pabo bulu me deli badu geme duala sigi pali, te Ai hanu de te Betel, te bulu si tomoba duala sigi pelama, tama te n̄ muai. Tama augwali tonalu bidali. Tiali goli, Josua te bidibo pesagede te sogo hulide tede bididuai.

¹⁰ Tialima, te kigamu digi mu te Josua hodaluama, tama te ami bidi dabe deliba sasinagasomainogo i wai. Nosali, aga dali, te Israel dabe genuai bidi dabe dali, augwali polasa peyu, tama te ami te Ai hanuba odasa pai dao. ¹¹ Te Josua dali pali ami bidi dabe augwali te p̄ba pelama gana, te hanu tomoba pabo genuai sunumi te me badu sesege bogo badu pelama, tama augwali osogo bidabo pesage nigai. Tama te bulu odogo me deli te augwali de te Ai dabe dali te tomode elaluai.

¹² Tama Josuago te bidi sese hauwa umabo 5,000 bidi tiwai usu p̄de ami bidi dabe selama, tama augwali te sia dega sigi pabo badu, te hanu Ai de Betel tomo agebele si tomoba pelama, geme duala sigi pomainu tagala palai dao, te do tama yai dao. ¹³ Te ami bidi dabego te tama tialio, te genuai ami hanigo bidabo pesage te hanu sese bogo badu p̄de nigai. Tama te gasa ami bidi dabe meba te sia ge dulubo badu te n̄ muyu bidali. Tama Josua te hulide te bulu odogode bidalio.

¹⁴ Te Ai hanu tuni bidigo te Josuago ami bidi dabe bidibo suali sogo, kigamu digi mu aga te aga bidi dabe tigidali dali asesu polo te Jordan odogo buluba dula-ma, te Israel dabe dali hwjainogo yali. Te bulu odogode te augwali polobadu hwjai madi. Tiali goli, te Ai gavman tuni bidigo te n̄ muani hwjbo bidi tudi badu asabo te agai munu me konebeo. ¹⁵ Josua me, te aga ami bidi dabe dali, te augwali tibo digi te augwali te kemi t̄ buluba wi soai. ¹⁶ Tunu bidigo te tama tebo subaso, tama agai te hanude bidibo tigidali bidi dabe i olama, te Israel dabe augwali n̄ bagulagasao wai. Tama augwaligo te Josua pobeasa soabo sę eyu, tama augwaligo te hanu taga soyu, digibulu mu soalio.

¹⁷ Megi da, te Ai hanu dali Betel hanu si ami bidi dabe tigidaligo te Israel dabe pobeasa pelama silai. Tama te hanu tomoba pabo genuai sunumi te olo dalaluali, tama te tonaluabo bidi me meni yanio.

¹⁸ Tialima, Genuai Bidigo Josuabolo te po wai, "Te nago sesemone ene ugwaba selama, tama te Ai hanu usu sao. Megi eno te hanu nage nogoba mawaibao," wali. Tama Josuago te Genuai Bidigo wali po tiwai gilama yai. ¹⁹ Agai te sesemone ene ugwaba sobaso, tama polo mu, te ami bidi dabe geme dualaluali augwali hogodaluama, tama augwali udada peyu, te hanu tomoba pai. Augwaligo te hanu pedela sigi pelama, tama polo augwaligo te hanu siago ulalio.

²⁰ Te Ai bidi dabego te hanuba tonono pobadi, augwaligo te hano ugwaba holobo suai. Augwaligo koneani, te augwali geme duala sabo pesage meni isīayu, te dolabo sęgo augwali me edeligobeo. Magi baso meni, te Israel dabego augwali tibo po olama, tama te masigi t̄ buluba wi pali, megid da te augwali ma begelama, tama augwali dali hwjai. ²¹ Josua dali te ami bidi dabe augwaligo suali, te augwa age dabego te hanu selama, tama te siago ulubo suai. Tama tibasoo, augwali ma gelama, begasama asiyu, tama te Ai bidi dabe ela mubo sę yai dao. ²² Tama te hanu tomoba pali te Israel dabe te buluba ma aselama, tama te Israel hani si augwaligo te Ai bidi bagua selama, tama te tigidali augwaligo ela muai. Te me deli wi me pabe, te me deli me bidibeo. ²³ Te Ai hanu tuni bidi deli digi agaduba naga bidai. Tama Israel dabego aga pageabi elama, tama Josua bidibo madi odasa pai.

²⁴ Te Israel dabe augwaligo te augwa boi bidi dabe tigidali te augwali pobeasa asali, te kemi t̄ bulude ela silai. Nosali augwali te Ai hanuba ma pelama, tama augwaligo te hanu tomode bidali we bidi tigidali ela muai. ²⁵ Te sogode te Ai hanude bidali tigidali we bidi

ela silali, te augwali elali namba te bidi sese umabo mu, te 12,000 dao. ²⁶ Josua agai sesemone ene te Ai hanuba ponama tolaluali usu nama, tigidali te badu bidali we bidi tigidali isai. ²⁷ Te Israel dabe augwaligo te bulmakau dabe, me te hanude elaluali doado bage dabe sali, te Genuai Bidigo Josuabolo wali po gilama tama tiai dao.

²⁸ Josuago te Ai hanu siago ulama mu dolali, te megii tama e po asębo sogo me te tiwai dwai elalubao.

²⁹ Tama Josuago te Ai tuni bidi te ni me delide walama, tama aga elalubadi te be pio igi pai. Tama pio Josuago po olama, tama te bidi dabego te tigi aiyaba sela dula-ma, tama augwaligo te hanu tomoba pabo genuai sunumiba sawai. Tama augwaligo masigi hauwa aga tigi daiba ugwadu pesage holai. Te masigi pesage ho-lali te e po asębo sogo me elalubo dao.

Josuago te Mosesgo bomai po te Ebal bulu dude nedali

³⁰ Te silama, nosali Josuago te Israel dabego Genuai Bidi Godigo alta me deli te Ebal bulu du bagede nigai.

³¹ Tama tiyu, agai te Genuai Bidigo se bidi Mosesgo te Israel dabebolo wali po dolo tigidali wali palio. Mosesgo bomai pode te po wai, "Dagego te alta me deli te masigigo nigao, tiali goli dagego te masigi dabe te ain dage me deligo munu me togolamuo," wali. Te alta daide te Israel dabego te siaba tigidali ulama dabo te ofa ilali, te siago dali keli naga elaluai. Tama augwaligo te Genuai Bidi dali deli homu ebo ofa yalio. ^{†32} Te Israel dabe augwaligo tononaluyu dolalubadi, tama Josuago te Mosesgo bomai po te alta nigali masigide asęai.

^{††33} Te tigidali Israel dabe dali te augwa genuai bidi dabe me, te ami dabego ofisa bage me, tama te po tu dodolobo jas dabe me, te augwali dali bidibo gasa bulu bidi dabe dali, tigidali te Genuai Bidigo po daę wali halobage munalubo tomoba ilama, si dali si badu dolaluai. Te Livai hani pris dabego te bomai po munalubo halobage toloboba augwaligo tononaluai. Me deli badu te we bidi augwali te bulu du Gerisim te badu dolaluyu, tama te we bidi meba augwali gasa bulu du Ebal te badu dolaluyu yai. Moses, Genuai Bidigo se bidigo, polobadu te bidi dabe augwalibolo weyu, te Genuai Bidigo augwali dali dwagi yai se emainao po maiabo sogo te tiwai lain si wasiao po wai dao.

³⁴ Augwali tama dolalubadi, tama Josuago te Mosesgo te bomai po elaluali bukude asęani po tigidali nedali, agai te Godigo augwalibolo te dwagi yai se yabo po me, tama te Godigo augwali dolabo po me nedai. ³⁵ Megi da, Josuago te Mosesgo asęani bomai po tigidali mu nedama, tama tigidali Israel we bidigo odai. Te we dabe sibi me, te wai puluba me, te gasa buludu aselama augwali dali bidibo we bidi, augwaligo me te nedali po odai. ‡

Josua dali te Gibeon bidi dabe dali side po wali

⁹ Te Jordan weę sia ge dega sabo badu bidalubo tuni bidi dabe badi, te bulu dude bidalubo tuni bidi dabego me, tama te nabis aę sani Mediterenian te badu te Lebanon teba usu nigii pelama bidalubo, te tuni bidi dabe augwali tigidaligo te Israel dabego ebo se dabe po odada pai. Te Hit tuni bidi dabego badi, te Amor dabe badi, te Kenan dabe badi, te Peres dabego me, te Hivi, me Jebus, te tama tęde bidalubo tuni bidi dabego te po odai. ² Augwaligo te se ebo po odama, tama augwali sisinama, te Josua dali me te Israel dabe dali hwjainogo yai.

³ Tama te Gibeon bulu bidi dabego me te Josuago te Jeriko de Ai hanu side yali se po odama, ⁴ tama augwaligo aga gagamu selainu usu sabo po miani. Tama augwaligo te tibo nai dabe selama, te badi waba buluyu, te poloba badi meme waligo nigai botol pepeda pai selama, tama augwaligo ma hobolai. Tama augwaligo te nai dabe te augwa donki daiba ugwadu muai dao. ⁵ Tama augwaligo poloba badi ugwa gudubadi, te poloba badi saęa nadoba mubadi yai, tama te wa pai bret dwai mu yai selasa palio. ⁶ Tama nosali augwali te Josua bidibo pesage te Gilgal teba sabolama, tama augwaligo agabolo me te Israel bidi dabebolo te tiwai po wai, "Da te digibulu asalio. Te dago dage dali bomai po daę walama, te da bugagia bidiyu, te me hwjgob-eo, menio," wali.

⁷ Tiali goli, te Israel dabego te Gibeondu asali Hivi dabebolo te po wai, "Magi baso dago te po me deli dage dali bomai po daę omainogowe? Te dage paęde naga bidibo homu ebao," wali. ††

⁸ Tiali goli, te Hivi dabego Josuabolo te po wai, "Dago te dagego se bidi dabego se ebo tiwai gilama se yaibao."

Tialima, Josuago augwalibolo hanalu wali, "Dage mena hani dawe? Tama dage menadu asaliwe?"

⁹ Tialima, augwaligo agabolo te tiwai po wai, "Da te digibulu bulu me delidu asali, magi baso meni, dago te dagego Genuai Bidi Godigo genuai nogi elalubo po odalio. Dago te tigidali se agai te Isip tęde yali odai dao. ¹⁰ Dago agai te Amor dabego tuni bidi si dali, te weę Jordan te sia ge pedalubo badu yali se po dabe odai. Augwali si da te Sihon, te Hesbon bulu tuni bidi, me Ok, te Basan tuni bidi dao. Aga te Astarot tede bidai dao. ¹¹ Tama dena genuai bidi dabego, me te dago tęde bidalubo tigidali we bidigo dabolo te tiwai po wai, 'Te dage bilabo me deli te nai meba sisi ilao. Tama dage pelama, te Israel we bidi dabe sisinigi pelama, te po wagi pao, "Da te dagego se ebo bidi dabe dao. Te dagego da dali te bugagia bidabo bomai po me deli daę wao." Te po Israel dabebolo pusigi pao, dena hani begego dabolo te po wali. ¹² Te dago tubo nai bret suao. Te dago bidibo bulu taga soyu soali sogo, te bret tamadi tama ulama posolo elaluali. Tiali goli, suao! Te bret dabe te wa pelama, tama dwalio. ¹³ Te e meme

† 8:31 Sai 20:25 †† 8:32 Bom 27:2-8 ‡ 8:35 Bom 11:29; 27:11-14

†† 9:7 Sai 23:32; 34:12; Bom 7:2

tigiwali botol dabe te gesi elalubadi, te sogo dago te wain aḡ buai. Tiali goli, megī da, suao! Augwali te pepe-da pai. Tama dago gudali ugwa dabe me, te saḡa nadoba me, te bobobage sunumidu asidubadi dolai dao," te po wai.

¹⁴ Tama te Israel bidi dabe augwaligo te Hivi dabego elalubo nai dabe suali. Tiali goli, hasia bolo te Genuai Bidi God aga homuba augwaligo me hanalubeo.

¹⁵ Tialima, Josuago augwali nogo menama, tama te Israel dabego augwali munu me eligobeo po olama, te bomai po augwali dali daḡ wai. Tama te Israel dabe genuai bidi dabego me te bomai po augwali dali daḡ walio.

¹⁶ Augwaligo te bomai po daḡ ola sai madi, tama nosali sela sogo bidai digi, te Israel dabego te po wali page gegali, te bidi dabe augwali te digibulu bidi meni, te bulu paḡde bidi naga asai yalio. ¹⁷ Tama tibaso, megī da, te Israel dabe augwali hogodama, te gasa badu poloba palio. Augwali pelama, te sela sogo daḡ igi pabode, tama augwali te hani dabego hanuba sabolai. Te hanu dabe nogi e dao: Gibeon, Kefira, me Berot, me Kiriāt Jearim. Te e tama hanuba augwali sabolai. ¹⁸ Tiali goli, te Israel dabego augwali me elibeo, magi baso meni, te Israel augwa genuai bidi dabego te bomai po te we bidi augwali dali te augwa Genuai Bidi Godigo nogide te po te we bidi dabe dali daḡ wai. Tama tiyu, te Israel dabego te augwa genuai bidi dabe augwalibolo te tama tiali pode te wado po naga augwalibolo wai dao. ¹⁹ Tiali goli, te Israel dabe augwa genuai bidi dabego po wei ponoyu, te po wai, "Dago te we bidi dabe augwali dali te dago Genuai Bidi God dali te bomai po daḡ walio. Dago megī augwali me dologobeo!" ²⁰ Dago augwali magi baso sula tagaliyu meni, te dago bomai po daḡ walio. Te dago augwali elibaso da, te da Godigo da dolaibao. ²¹ Te augwali bidimainu sula tagaliyu, tiali goli augwaligo te dago isi me wē dabe sela mabo sē emainao." Te genuai bidi dabego te tiwai po naga walai. Te po obaso, te Israel dabego te Gibeon bage elebeo.

²² Tialima, Josuago te Gibeon dabe i olama asobode, tama augwalibolo agai te po wai, "Magi baso dagego da tibo po ola maniwe? Dagego te dage digibulu me delidu asalio po wali. Tiali goli, dage paḡde naga bidibao! ²³ Dagego tibo po waligo da, teda dagebolo Godigo dwai sē ilaibao. Tama tibaso, sesemane sogo dage te eno Godigo lotu beba te isi me wē me sela mabo sē bidi bidageameo," wali.

²⁴ Tama te Gibeon dabego te po wai, "Dago e tiwai po odali, te dagego God, Genuai Bidigo, te aga sē bidi Mosesbolo weyu, te tḡ tigidali dagebolo mawaibao po wai, tama dage sabalubo sogo da, teda dagego tede bidibo we bidi tigidali ela siliḡo po walio. Tama tibaso, da dwai wi mu dagede ebaso, tama dago te usu sabo po wai dao. ²⁵ Tiali goli, megī da te nago nogode bidibao. Mena sē nago homude te dwagi yai dolo da homu ebaso, te sē nago dabolo yageameo," wali.

²⁶ Tialima, Josuago te Gibeon dabe tau selama, te Israel dabego augwali me ela mubeo. ²⁷ Tialima, Josuago

augwali te Israel dabego isi me wē me sigi pabo sē yabo bidi nigilai. Tama me augwaligo te Genuai Bidigo lotu bede muabo altade me te isi me wē me sesabo bidi dabe nigilai. Tama Gibeon dabego te tigidali te Genuai Bidigo lotu po wabo pesage nigabo madi te tigidali bulude te sē ela bilai dao. Tama te sē eyu, tama megī e po aḡbo sogoba usu nigī pai dao.

Amor dabe augwali te hwjani sēde aiyaba elaluai

10 Te Adoni Sedek, te Jerusalem tuni bidigo, te Josuago te Ai hanu pedela selama, tama tigidali bidi dolama, tama Ai hanu tuni bidi ela mubadi yai, te agai te Jeriko hanude te aga tuni bidi dali yali sē tiwai gilama yali po odai. Tama agai odali, te Gibeon dabego te Israel dabe dali abagi si olama, nogo menama, tama augwali dali deli madi bidibo po odalio. ² Tibaso, aga de te Jerusalem hanude bidali we bidi dabe dali, augwali si wi dwai mu yai, magi baso meni, te Gibeon hanu te genuai hanu elalualai, te gasa genuai tuni bidi elalubo hanu gagawai elaluai. Te genuai hanu digi mu te Ai hanu te aiyaba elaluai elalualai, tama tigidali bidi te hwjbo bomai bidi naga bidai. Tama tibaso, te Jerusalem bidi dabe te augwalide wi umabo mu yalio. ³ Tialima, Adoni Sedek tuni bidigo po te Hebron tuni bidi Hohambolo po tolobadi, tama Piram te Jarmut hanu tuni bidibolo me, tama Jafia te Lakis hanu tuni bidibolo me, tama Debir te Eklon hanu tuni bidi dali, te augwalibolo po ola tolalio. ⁴ Agai te tiwai po wai, "Dagego te eno Gibeon hanu bidi dabe dali hwjbo te dage aselama, tau sagasao, magi baso meni, augwaligo te Josua de te Israel dabe dali sibolo te abagi olama, deliba bidainogo nogo mawai dao," te po ola tolali.

⁵ Te e tama a naga te moni hanu Amor tuni bidi dabe, augwali te Jerusalem hanu tuni bidi, me te Hebron, me Jarmut, me Lakis, me Eklon, te e tama a naga hanu dao. Tama te tuni bidi dabego te augwa ami bidi dabe sisinama, tama augwaligo te Gibeon hanu bobogela sigi pelama, tama augwaligo augwali dali hwjaga-sai.

⁶ Tama tibaso, te Gibeon hanu bidi dabe augwaligo Josua bidibo pesage te Gilgal teba po ola tolai. Augwaligo te po wai, "Te bulu dude bidalubo moni hanu Amor tuni bidi dabe tigidali te augwali deliba sisinama tama augwaligo da dali hwjainogo sabolai dao. Nago te naga sē bidi da munu mu tagalamuo! Nage polo asama, da tau sagasao!" wai.

⁷ Josuago te po odama, tama aga ami bidi tigidali dali hogodama, tama te bidali pesage Gilgal te tagalama, tama pelama, augwali tau sigi pai dao. Agai te hwjbo bomai bidi dabe me aga dali pali. ⁸ Tialima, Genuai Bidigo Josuabolo te po wai, "Te boi bidi augwalide wi me igio. Eno augwali te nago nogoba manio. Te bidi me deligo dage aiyaba me elalugobeo," wali.

⁹ Tama Josua te aga ami bidi dabe dali augwali hulide pelama, tama te Amor dabe bidalubo madi pedelai. Te Amor dabe augwaligo te hwjabo sisi isiḡbadi, tiali goli polo tama, te Israel dabe augwaligo te hwjbo

gagalalio. ¹⁰ Te Amor dabego te Israel ami bidi dabe asobo sulama, tama Genuai Bidigo augwali wi ilama, tama augwali homu kolesaga umuna palai. Tama te Israel dabe augwaligo te Amor dabe augwali te Gibeon hanude dolobo sę ilama, tama augwaligo augwali pobeasa duluyu, te bulu du bagua sali te Bethoron teba dulai. Augwaligo te Amor dabe dolobo sę ela pidubadi, te Aseka te bogo badu usu nama, te Makeda teba daj iligi pai. ¹¹ Tama te Amor dabe te Israel ami bidi dabede wi pabo sę elayu, tama augwali te Bethoron te bulu baguba me te Aseka teba wi aiyaba palio. Tialima, Genuai Bidigo te moni kedau ilibo talua ge kulubage te masigi tiwai tulumainu ilama, tama te Amor dabe ela muna silai. Te masigi du tiwai talua ge tulubagego ela muani bidi dabego nambago te Israel bidi dabego ela muani bidi te namba aiyaba elaluai dao.

¹² Tama te sogo te Genuai Bidigo te Israel dabe tau selama, tama augwaligo te Amor dabe aiyaba elaluai. Tama Josuago Genuai Bidi dali po miai. Tama te Israel dabe augwaligo gedude agai te po wai,

“Giliga, nage te Gibeon hanu ugwadu dolalualo. Polua, nage te Aijalon bulu odogo ugwadu dolalualo.”

Te po wai dao. ¹³ Tama te po obaso, te giliga ge dolalubadi, tama polua aiyaba me dulisq̄badi, te Israel dabego te boi bidi dabe aiyaba elalubo siba usu nai. Giliga ge te polo me dega sigi pabeo. Aga te dagalude dolaludubadi, te deli sogo bubuga te tiwai usu nai. Tama augwaligo te sę yali po te Doloba Pai Bidi Dabede Po Wabo Bukude aseai dao. ¹⁴ Te polobadu sogo tede gagalasa, asama, tama megi e po asebo sogoba usu nagasobo, te tiwai sę me deli te me ebeo. Genuai Bidigo te bidi me deligo po odama, tama te Israel dabego hwj̄bode te agai augwali tau sai dao!

¹⁵ Nosali Josua te ami bidi dabe dali augwali te augwa bidali pesage te Gilgalba ma palio. ¹⁶ Tiali goli, te a naga tuni bidi dabe wi pelama, tama te bulu Makeda tede te masigi ola bede geme dualaludai. ¹⁷ Tama bidi mebago augwali dualalubo sulama, tama augwaligo Josuabolo te augwali dualalubo pesage te po wai.

¹⁸ Tialima, Josuago te po wai, “Te genuai masigi meba hogogobele pelama, tama te ola be dalalubo te palia-ma, tama te tonaluabo ami bidi meba teba munama te tonalualo,” wai. ¹⁹ “Tiali goli, duga digi tede olo me bidilamuo. Dage te gasa boi bidi dabe wali pelama, tama augwali tudi badu te nosali asali bidi dabe dalibolo hwj̄gi pao. Dagego augwali te augwa hanuba sabalomainogo sula tagalamuo! Magi baso meni, God, dago Genuai Bidigo, te dagego hwj̄bo bomo usu elama, te boi bidi dabe aiyaba elalualo po wai dao,” wai.

²⁰ Tialima, Josuago me te Israel dabe augwaligo dali te boi bidi dabe tigidali pade ela silainu yai. Tiali goli, meba wi peyu, te augwa hanu tomoba geme duala sigi palio, te hanu te genuai bomai obo elalualo. ²¹ Nosali Josuago ami bidi dabe tigidali augwali te Makedaba ma geasa asai. Te me dedeli me dolobeo. Tama tibaso,

mena bidi me deligo te dwai posobo po te Israel dabebolo me wainogo ebo usu me isiawai dao.

²² Nosali Josuago po ma wali, “Te masigi ola be paliali po dala saq̄nama, tama te a naga tuni bidi te ena bidiboba odasa asao,” te po wai. ²³ Tialima, augwaligo tama tiwai yalio. Te bidi dabe augwaligo te Jerusalem hanu tuni bidi, me te Hebron, me Jarmut, me Lakis, me Eklon, te tama a naga hanu tuni bidi dabe te Josua bidiboba odasa palio. ²⁴ Augwaligo te augwali te Josua bidiboba odasa aselawai madi, tama agai te Israel dabe tigidali i wali, tama agai te aga dali pali te ami bidi dabego ofisa bidi dabebolo te po wai, “Dage eba aselama, tama dagego saq̄a te tuni bidi dabego mageba agayao,” wali. Tialima, augwaligo tama tialio.

²⁵ Nosali Josuago te ofisa bidi dabe augwalibolo te po wai, “Dage wi eyu, tama didibili munu me elamuo, bomonama dolalualo, te dagego nosali augwali dali hwj̄abo boi bidi dabebolo te Genuai Bidigo te tiwai naga ilaibao,” wali. ²⁶ Nosali Josuago te tuni bidi dabe elama, tama augwali te ni pedai a nagade walalio. Augwali te nide walalubadi, te sia ge aiyaba dulai dao.

²⁷ Tama be pio mu ebode, Josuago te bidi dabebolo olama, tama augwaligo te tigi dabe aiyaba sela dula-ma, tama augwa te dualalualo ola be tomoba saq̄wai. Tama te ola be augwaligo te moni genuai masigigo paliai. Tama te masigi dabe e po asebo sogode me elalubo dao.

²⁸ Te sogo naga Josuago te Makeda hanu pedela sigi pelama, tama te hanude bidali tuni bidi pageabi yai. Tama agai te hanude bidali we bidi tigidali ela silai. Te deli me bidibeo. Agai te deli tobage tiwai kolesaga naga te Makeda tuni bidi dali yai, agai te Jeriko hanu tuni bidide yali sę tiwai gilama naga yalio.

²⁹ Te silama nosali, Josua aga ami bidi dabe dali augwaligo te Makeda hanu tagalama, te Lipna hanuba pelama, tama augwaligo te hanude bidibo bidi dabe augwali dali hwj̄gi palio. ³⁰ Tama Genuai Bidigo te Israel dabe augwali tau selama, tama augwaligo te boi bidi dabe augwali aiyaba elaluama, tama te hanu selama, te hanude bidali tuni bidi me pageabi yai. Tama Josuago te hanude bidali bidi tigidali ela silama, tama deli digi me bidibeo. Agai te tuni bidibolo te Jeriko tuni bidibolo yali kolesaga tiwai naga yai dao.

³¹ Te silama nosali, Josua aga ami dabe dali augwaligo te Lipna hanu tagalama, tama te Lakis hanuba pali. Augwaligo te hanu bobegelama, tama augwaligo te Lakis hanu bidi dabe dali hwj̄janio. ³² Genuai Bidigo te Israel dabe augwali tau selama, tama te si sogo wabode augwaligo te boi bidi dabe aiyaba elalualo. Tama Josuago me deli sula me tagalobeo. Agai tigidali bidi ela muai, agai te Lipna hanude yali tiwai gilama yalio.

³³ Te Horam, te Geser hanu tuni bidi, aga aselama, te Lakis hanu bidi dabe tau sagasai. Tiali goli, Josuago aga me, te aga hani bidi dabe dali, te hwj̄janigo augwali aiyaba elaluai. Tama Josuago augwali me deli bidimainu me gogola tagalobeo.

³⁴ Te silama nosali, Josua aga ami bidi dabe dali augwaligo te hanu Lakis tagalama, tama te hanu me nogi

Eklonba pai. Augwaligo te hanu bagulama, tama augwaligo te Eklon dabe augwali dali hwjanio. ³⁵ Augwaligo te hanu te deli sogo bubugade naga salio. Tama Josuago te hanude bidali bidi tigidali ela muani, te agai Lakis hanude yali tiwai gilama yai.

³⁶ Te silama nosali, Josua aga ami bidi dabe dali augwaligo te Eklon hanu tagalama, tama te Hebron hanuba pai. Tama augwaligo te Hebron hanude bidali bidi dabe dali hwjnama, ³⁷ tama te hanu sai. Tama augwaligo te tuni bidi eleyu, tama te Hebronde bidali we bidi dali tigidali elebadi, te gasa dwasianu hanu pade bidaluali bidi dabe dali tigidali elalio. Tama Josuago te Hebron hanu tigidali mu dolali, te agai Eklon hanude yali tiwai gilama yai. Tama te hanu bidi me deli me bidai menio.

³⁸ Nosali Josua aga ami bidi dabe dali augwali begelama, tama te Debirba pelama, tama augwaligo te Debir dabe dali hwjgi pai. ³⁹ Augwaligo te hanu dali, te tuni bidi me siyu, tama te gasa pade elalubo dwasianu hanu dabe me sai. Augwaligo tede bidali bidi dabe tigidali ela muai. Josuago te dedeli kolesaga tiwai naga te Debir hanude bidibo bidi dabebolo me te tuni bidi dali tiali, agai te Hebronde me te Lipna hanu side te augwa tuni bidi dabe dali yali kolesaga tiwai naga yai dao.

⁴⁰ Tama elama, tama Josuago te tō tigidali badu te hwjanigo aiyaba elalui. Agai te bulu dude bidali tuni bidi dabe me, te Negev dabe badu tuni bidi dabe me, te tō malude bidali tuni bidi dabe me, te bulu du pade bidali tuni bidi dabe me, te agai augwali aiyaba elalui. Agai bidi deli me sulama, gogola me tagalobeo. Agai tigidali ela muai. Agai te Israel dabego Genuai Bidi Godigo te agabolo wali po tiwai gilama yalio. ⁴¹ Josuago te giliga bogo badu te Kades Barneade gagalasa, te Gasu te nabis paba daj elama bidali bage tigidali aiyaba elaluali, tama te Gosen tō elalubo badu tedu daj elama, te Gibeon badu, te tō me bogo badu usu nigi pai dao. ⁴² God, te Israel dabego Genuai Bidigo, te augwali tau sobaso, tama augwaligo te tigidali tōde bidali tuni bidi dabe tigidali augwali aiyaba elaluama, tama augwaligo tō te hwjanigo naga sai dao. ⁴³ Nosali Josua aga ami bidi dabe dali augwali te augwa bidali pesage te Gilgal teba ma pai dao.

Jabin aga age dabe dali, augwali te hwjgi pali digi hawwali po

11 Te bidi dabe augwaligo te Josuago yali tigidali sē po sela bilali po te Hasor tō tuni bidi Jabinba sabolali. Tama agai te po te Jobapbolo ola tolali, te Madon hanuba, tama te Simron hanu tuni bidibolo me, te Aksap hanu tuni bidiba me, te po ola tolali. ² Tama te tō bogo badu te bulu du elalubo badu bidali tuni bidibolo me, tama te Jordan wē odogo malu tōde, te Kineret, te tō bogo badu bidali tuni bidibolo me, tama te dolo elalubo tōde bidali tuni bidibolo badi, tama te Dor hanude te aj sane pade bidali tuni bidibolo badi, te tama hanu tuni bidi dabe augwalibolo te po ola tolalio. ³ Tama agai te Jordan wē pade bidaluali te

Kenan dabebolo me po ola tolobadi, tama te bulu du bagede bidaluali hani, augwalibolo me wai. Te augwali Amor dabe, me te Hit dabe, me te Peres dabe, me te Jebus dabe, te augwalibolo po tolai. Tama agai te Hivi dabe augwali te Hermon bulu du pade, te Mispa dabego tōde bidalubo bage augwalibolo me te po ola tolai dao. ⁴ Augwaligo te po odama, tama augwali te augwa ami bidi dabe tigidali augwali dali asai. Tama augwali te bidi hauwa umabo mu elaluali, augwaligo ami bidi dabe te nabis masigi sane usu tiwai. Tama augwaligo hwjbo nai hos me karis hauwa mu elalui. ⁵ Te tuni bidi dabego te augwa ami bidi dabe hauwa sisinama, tama augwali bidabo pesage te sigi aj Meromde nigilama, te Israel dabe augwali dali hwjainogo yali.

⁶ Tialima, Genuai Bidigo Josuabolo te po wai, "Nage augwalide wi munu me elamuo. Do te tobage sogo ebode da, teda eno digi te Israel dabe augwali tau selama, tama augwaligo te boi bidi dabe tigidali ela muaibao. Tama dagego te hos dabe saḡa genuai kigibili togolama, tama augwa te karis dabe dali siaba ulao," wali.

⁷ Tama te boi bidi dabego hwjbo sisi isaḡbadi, tialima polo mu tama Josua dali, aga ami bidi dali, tigidaligo augwali dali te wē Meromde te hwjani. ⁸ Tama Genuai Bidigo te Israel dabe augwali tau selama, tama augwaligo te boi bidi dabe aiyaba elalui. Te Israel dabe augwaligo hwjyu, tama te boi bidi dabe pobeasa peyu, te tō bogo badu te genuai bulu Saidon teba usu nama, te Misrefot Maim daj igi pelama, tama te giliga pedalubo badu, te odogo bulu Mispa, te badu saboligi pali. Augwaligo hwj hwj pali, te boi bidi dabe tigidali siliboba usu nai dao. ⁹ Tama Josuago augwaligo hwjbo nai hos saḡa genuai kigibili togobadi, te augwaligo karis dabe me siaba ulubadi yali, te Genuai Bidigo agabolo wali gilama tama tiai.

¹⁰ Te silama, nosali Josua ma begasa asiyu, tama te hanu Hasor selama, tama te hanude bidali tuni bidi ela muai. Te sogo te Hasor hanu te tigidali tōde elaluali hanu dabego te polaluali hanu elalui. ¹¹ Te Israel dabe augwaligo te Hasor hanude bidali bidi tigidali ela munama, tama deli me bidibeo. Tama augwaligo te hanu siago ulai dao.

¹² Josuago te tigidali tuni bidi pageabi elama, tama augwaligo hanu tigidali sai. Tama agai te bidi tigidali elibadi yali, te Genuai Bidigo sē yali bidi Mosesgo wali tiwai gilama yalio. ¹³ Tiali goli, te Israel dabe augwaligo te bidi dabe augwaligo te dwasianu bulu dude nigali hanu te me siago ulubeo. Josuago te Hasor hanu naga siago ulai dao. ¹⁴ Te Israel dabe augwaligo te hanude tigidali mone, me te tigidali bulmakau me selama, te augwa digi te augwa nai da olama, tolalulai. Tama augwaligo te bidi me deli sula tagalobeo. Te augwaligo tigidali ela silai dao. ¹⁵ Hasia bolo Genuai Bidigo po te aga sē bidi Mosesbolo mawai. Tama Mosesgo te po dabe te Josuabolo menama, tama Josuago te po tigidali wali pai. Josuago tigidali sē yali, te Genuai Bidigo Godigo Mosesbolo wali po tiwai gilama tama tiai.

Josuago te t̄o pedai badu tigidali salio

¹⁶ Josuago te t̄o tigidali pedai badu sai. Agai te bulu dude elaluali tigidali bulu me, te tigidali Negev hanu t̄o badu me, te tigidali Gosen bulu badu me, tama te dolo t̄o elaluali bulu me, te Jordan w̄e odogo bulu elaluali me, tama te malu t̄o bulu me, te nosali nogi yali te Israel dabego bulu du elaluali bulu me, te tigidali Josuago sela silai. ¹⁷⁻¹⁸ Te t̄o d̄aj te Halak bulu dude gagalali, te Seir p̄ade, tama pelama, te bulu Balgat te Lebanon odogode elalubo, teba d̄aj igi pelama, te bulu du Hermon te t̄o bogo badu dao. Josuago te bobobage sogo mu te tuni bidi dabe dali hw̄inama, tama agai te tigidali bidi ela silai dao. ¹⁹ Te hanu me deligo te Israel dabe augwali dali nogo menama, tama augwali dali me bidibeo. Gibeon te Hivi dabego page bulu, te bulu deligo te Israel dabe dali nogo mawai. Tigidali te gasa hanu dabe te hw̄anigo dolai dao. ²⁰ Magi baso meni, Genuai Bidigo digi te hani dabe homu hodolubo s̄e ilama, te Israel hani dali hw̄mainnogo ilali. Agai homugo te Israel dabego augwali te homu dene eyu, olo tau sabo homu kolesaga wiegi yai yabo homu munu me egobeo. Menio. Te augwaligo tigidali ela silaibao. Augwaligo te Genuai Bidigo te Mosesbolo polobadu mani po wali palio. †

²¹ Tama te sogo Josua pelama, tama te Anak bidi dabe mu dolai. Augwali te Hebron bulu du bagede me, te Debir bulude me, me te Anap bulude me, te tigidali gasa Juda me Israel dabego bulu du bagede bidaluali. Josuago te bidi dabe tigidali mu ela siyu, te augwaligo tigidali hanu me mu dolai. ²² Te Anak dabe me dedeli te Israelde me bidibeo. Te dwasianu hani naga te Gasade me, Gatde me, te Asdot, tede bidaluai. ²³ Josuago te moni t̄o pedai tigidali badu sela silali, te Genuai Bidigo Mosesbolo wali gilama te tiwai yali. Tama Josuago te Israel dabe augwalibolo te moni t̄o te augwa page bulu tiwai ilama mawai. Tama te t̄o te tigidali Israel hani deli delibolo dobayali. Tama tilama, te we bidi augwaligo hw̄ibo s̄e ebo sogo silama, tama augwaligo hw̄ibode te toma tuyu bidali.

Te hw̄inama, Mosesgo aiyaba elaluali tuni bidi dabego nogi

12 Te Moses isis̄abadi, te sogo te Israel dabe augwaligo te boi bidi dabe tigidali t̄ode aiyaba elaluama, tama augwaligo te tigidali bulu te Jordan w̄e p̄ade te sia ge pedalubo badu te bulu dabe sai. Te t̄o te malu bulu te Arnonde gagalasa, tama pelama, te Jordan t̄o malu d̄aj igi pelama, tama te Hermon bulu duba usu nigi pai. Hasia bolo te Israel dabego hw̄inama, te tuni bidi si aiyaba elaluai. Te augwali si nogi e dao: Sihon, me Ok. ² Sihon te Amor dabego genuai tuni bidi, aga te Hesbonde bidai. Te agai tonaluali hanu te Aroer t̄ode gagalama, te odogo malu elalubo t̄o Arnon sesege d̄aj igi pelama, tama te bulu badu d̄aj elama, tama pelama, te w̄e Jabokba usu nani. Te w̄e Jabok te

† 11:20 Bom 7:16

bulu Arnon dabe de te Amon dabe dali sigo d̄aj elaluai. Te hanu te Gileat hanu pedai badu elaluai. ³ Tama te Jordan w̄e t̄o dolo elalubodu te sia ge pedalubo badu sigo āj t̄o Galili hanu badu d̄aj gagalasa pelama, te Bet Jesimot te Isai Tamu Āj d̄aj igi pelama, tama palio olama, te Pisga bulu du pageba, te t̄o me bogo badu d̄aj igi pai dao.

⁴ Tama te Israel dabe augwaligo te Basan hanu genuai tuni bidi Ok dali boi hw̄inama, tama aga aiyaba elaluai. Aga te Refaimgo hani bidi. Polobadu te hani genuai elaluali, tama megi da te augwali dwasianu hani naga elalubo. Ok genuai tuni bidi te bulu Astarot, me Edrei, te bulu side bidai. ⁵ Okgo te bulu du Hermon badu me, te Saleka, me te tigidali Basan badu pelama, te Gesur dabe badu, me Maka te sesegeba usu nigi pelama, tama te Gileat badu te tuni bidi Sihongo tolalubo badu sigo pelama, tonalubo d̄aj yai. ^{†6} Moses dali te Israel dabe augwaligo te boi hw̄inama, te tuni bidi si aiyaba elaluai, polobadu. Tama Moses, te Genuai Bidigo s̄e bidigo, te augwa si t̄o te Rubengo hanibolo mobadi, te Gatgo hani me, te Manasego hani me badubolo mobadi yali. ‡

Te tuni bidi dabe me te bulu dabe Josuago boi hw̄inama, aiyaba elaluali

⁷ Josua dali, te Israel dabe dali, augwaligo te Jordan w̄e te sia ge dega sabo badu te tigidali genuai t̄ode bidali tuni bidi tigidali aiyaba elaluali, te Lebanon odogode elalubo bulu Balgat tede gagalasa, te Halak bulu du badu te Idom p̄ade, teba usu nigi pai. Tama Josuago te t̄o dobolama, tama te Israel hani sibibolo menama, tama megi te augwa page bulu mu gagalama bidibo dao. ⁸ Te mani t̄o da, te bulu du dabe elalubo t̄o, te dwasianu bulu du dabe, me te Jordan malu bulu me, tama te Jordan āj p̄ade te dwasianu bulu du elalubo me, te olo kemi t̄o bulu elalubo madi me, te Negev bulu te d̄aj igi pai. Polobadu te Hit hani bage me, te Amor dabe me, te Kenan dabe me, te Peres dabe me, te Hivi dabe me, te Jebus dabe me, augwali tigidali te genuai t̄ode bidaluai dao.

⁹ Te e nogi da te boi hw̄jani sogo te aiyaba elaluali tuni bidi dabego hanu nogi e dao: Jeriko, me Ai, te Betel bulu p̄ade elaluai, ¹⁰ Jerusalem, Hebron, ¹¹ Jarmut, Lakis, ¹² Eklon, Geser, ¹³ Debir, Geder, ¹⁴ Horma, Arat, ¹⁵ Lipna, Adulam, ¹⁶ Makeda, Betel, ¹⁷ Tapua, Hefer, ¹⁸ Afek, Lasaron, ¹⁹ Madon, Hasor, ²⁰ Simron Meron, Ak-sap, ²¹ Tanak, Megido, ²² Kedes, Jokneam te moni t̄o pedai Karmelde elaluai, ²³ Dor te nabis sese p̄ade elaluai, te Goim bulu te Gilgal t̄ode elaluali, ²⁴ tama Tirsameo. Te tiwai te tigidali tuni bidi te bidi sese olama, nogo si te me badu deli, te tama usu nama tigidali bidiyu, tama Josua dali, te Israel dabe dali si, augwaligo te tuni bidi dabe tigidali aiyaba elaluama, augwaligo t̄o sai dao.

†† 12:5 Nam 21:21-35; Bom 2:26-3:11 ‡ 12:6 Nam 32:33; Bom 3:12

Augwaligo te t̄ te Israel hani deli delibolo dobayali

(Daj 13-22)

Te bulu dabe augwaligo sis̄badio

13 Megi da, Josua monu dabe mu yai. Tama Genuai Bidigo agabolo te po wai, "Nage monu dabe yalio. Tiali goli, te bulu hauwa te Israel dabego me sis̄badi elalubao. ² Te elalubo bulu dabe te e dao: te tigidali Filistia dabego bulu me, te Gesur dabego bulu tigidali badi, ³ te t̄ te dwasianu w̄ Sihor te Isip t̄ sesede elalubo, tedu gagalasa, te palio olama, te Eklon t̄ bogo baduba daj̄ igi pelama, hasia bolo te Kenan dabe bidaluai madi. Te Filistia dabe tonalubo bidi dabe te bulu Gasade me, te Asdot, me te Askelon, me Gat, me Eklon, me tama te Av dabego moni t̄ te giliga dega sabo bogo badu elalubao. ⁴ Te tigidali Kenan, me Meara dabego tigidali elalubo t̄, te Saidon dabego t̄de augwali bidibao, te t̄ pali te Afekba usu nama, te Amor dabe bidibo sesegeba daj̄ igi pai. ⁵ Te Gebal bulu bidi hani dabego t̄, te tigidali Lebanon tedu pelama, te sia ge pedalubo badu daj̄ igi pali, te Balgat sesegebe te Hermon bulu du p̄de, tedu te bulu du baguali madiba pelama, usu nigi pali, te bulu augwaligo Hamat nogi yai," wali.

⁶ "Tigidali Saidon bage, te augwali te Lebanon, me te Misrefot Maim te bulu du dabe elalubo tomo bulude bidalubo, tigidali te moni pedai hanu tomode bidibao. Te Israel dabe augwali asidubadi, tama eno digi te Saidon bage augwali gudulama, sela s̄waibao. Tama tialima, nago te t̄ usu selama, tama te Israel dabe augwalibolo menama, te augwa t̄ mu gagalama bidaibao. Nago te s̄ eno nagebolo wabo po tiwai gilama yao. ⁷ Tialima, meḡi da, te t̄ te Israel hani a naga me si me si dabebolo, me te Manasego hani me badubolo me, te t̄ dobolama, teda augwaligo te augwa t̄ mu tiwai selama, bidimainogo obao," Genuai Bidigo te Josuabolo te po wai.

Te Ruben, me Gat, me Manase, te tamago t̄ dao

⁸ Te Ruben hanigo, me Gat, me Manasego hani me badugo te Jordan w̄ te sia ge pedalubo badu te t̄ polobadu sai. Te Moses, Genuai Bidigo s̄ bidigo, te t̄ augwalibolo mawai dao. ⁹ Te augwaligo sali t̄ te Arnon odogo t̄ sesegebe elalubo bulu nogi Aroer, tedu gagalama, tama te odogo tomode elalubo hanu ela soayu, tama te Medeba dabego dolo elalubo t̄du pelama, te Dibon t̄ba usu nigi palio. ¹⁰ Tama augwaligo te Sihongo hanu tigidali sali, te Amor dabe tuni bidigo hanu sai. Polobadu te Sihon aga digi te Hesbonde bidiyu, tama agai te hanu dabe tolaluali te Amor dabe bidalubo sesege daj̄ igi pai. ¹¹ Augwaligo te

Gileat dabego t̄ me sali, tama te Gesur, me Maka dabego t̄ me, tama te Hermon bulu du pedai tigidali me, tama te Basandu te Saleka teba usu nigi pelama, ¹² tama te Okgo tonalubo t̄ tigidali sobadi, te aga tuni bidi te Astarot me Edreide bidali sogo. Ok aga te Refaim bage me deli, tama aga te augwaligo sabi siminani dao. Mosesgo te boi hw̄nama, te Refaim dabe augwali aiyaba elaluama, tama augwali ela gudulali. ¹³ Tiali goli, te Israel dabe augwaligo te Gesur dabe, me te Maka dabe dali te augwali ela gudulube. Augwali te Israel dabe dali hodobo bidada peyu, tama meḡi e po as̄bo sogoba usu nagasai.

¹⁴ Tiali goli, Mosesgo te Livai hani te t̄ me masīwai. Magi baso meni, te Israel we bidi dabego Genuai Bidiba ofa ilabo nai dabe sela asobo si da, te Livai dabego meba sabo dao. Te Genuai Bidigo Mosesbolo wali po gilama yali. [‡]

¹⁵ Mosesgo te t̄ pedai me badu deli te Rubengo hani sibi dabe deli delibolo menama, tama te augwa t̄ mu pedelali. ¹⁶ Te augwaligo hanu t̄ pedai te Arnon odogo t̄ sesegebe elalubo bulu nogi Aroer tede gagalama, tama te odogo tomode elalubo hanu ela soayu, tama te Medeba dabego dolo elalubo t̄ tigidali tedu pelama, ¹⁷ tama pelama, te Hesbonba sabolama, te t̄ malu dolo t̄de te tigidali hanu elaluali: Dibon, me Bamotbal, me Bet Balmeon, ¹⁸ me Jahas, me Kedemot, Mefat, ¹⁹ me Kiriataim, me Sipma, me Seretsahar, te tama bulu te malu t̄ te dwasianu bulu du ugwadu bagede elaluali, ²⁰ tama te Betpeor, tama te Pisga bulu du pedai badu me, te Bet Jesimot, ²¹ me te gasa tigidali hanu me te t̄ malude elaluali. Tama te Amor dabe tigidali hanu dabe te tuni bidi Sihon deligo tonaluali. Aga te Hesbonde te gavman tuni bidi bidali. Mosesgo te boide hw̄nama, tama aga aiyaba elalubadi, tama te Midian dabe tobolu bidi dabe me aiyaba elalubadi yali. Augwali da, te Evi, me Rekem, me Sur, me Hur, me Raba. Tigidali te hanude bidalubadi, tama te gavman tuni bidi Sihongo te augwa bidibo madi tonalumainu s̄ mani. ²² Tama Balam, te Beorgo ogwa, tama te bidigo te nosali pedelabo s̄ po wabo koneai bidi, te Israel dabego aga me ela muani. ²³ Te w̄ Jordan te Rubengo hani bidibo sesegebe elaluali. Tama te hanu me te bulu dabe te Rubengo hani sibi deli deligo te augwa t̄ da olama, sesa pali.

²⁴ Tama Mosesgo te t̄ te Gatgo hani sibi tigidali deli delibolo doba yali, tama augwa t̄ gagalama bidali. ²⁵ Jasago t̄ me te Gileat tigidali hanu, tama te Amon dabego t̄ pedai te Aroer teba usu nama, te Amon dabego t̄ tomode elaluali, te giliga ge pedalubo madi, te Raba t̄ p̄de elaluali. ²⁶ Te t̄ te Hesbonde gagalasa, pelama, te Ramatmisp̄e, me Betonim, me te Mahanaim, te pelama, te Lodebar te sesegeba usu nigi pali. ²⁷ Te Jordan w̄ t̄ malude elaluali bulu te Betharam, me Betnimra, me Sukot, me Safon, te gavman tuni bidi Sihongo tonaluali t̄ pedai badu, te Hesbon t̄ pedai badu, te Jordan w̄ te badu gagalasa, te giliga pedalu badu sabolama, tama te sigi āj Galili t̄

† 13:6 Nam 33:54 †† 13:8 Nam 32:33; Bom 3:12

‡ 13:14 Bom 18:1

badu daj igi pelama sai. ²⁸Tama te hanu dabe me te bulu dabe, te Gatgo hani sibi te bagego te augwa to da olama, sali.

²⁹Tama Mosesgo te Manasego hani sibi dabe deli delibolo te to me badu te augwali bidimainu mani.

³⁰Augwaligo sali to te Mahanaimde gagalasa, pelama, tama te Basan pedai tigidali badu sali, te gavman tuni bidi Ok tego polobadu tonaluali hanu Basan da. Tama augwaligo te Jairgo tonaluali hanu te bidi sese sela 60 hanu te Basande tomode elaluali to tigidali sali. ³¹Te to sali te Gileat te badu me sali, tama te Astarot, me Edrei me sigi pali, te gavman bidi Okgo polobadu tonaluali hanu dabe da. Tama Mosesgo te to dabe te Makirgo hani sibi dabe deli delibolo mani, te Manasego ogwa dao.

³²Te tiwai naga Mosesgo te giliga pedalubo badu to, te Jeriko me Jordan to, te sa muani, te aga Moap dabego te to malude bidibo sogo tiali. ³³Tiali goli, Mosesgo te Livaigo hanibolo te to me masiqwai. Agai augwalibolo te po wali, "God, te da Israel dabego Genuai Bidi, agade te dagego se yaibao, tama tibaso te to me badu dagego me sogobeo," wali. †

Augwaligo te Kenan to dobayali

14 Te Israel dabego te Kenan to sali. Te pris bidi Eleasar, me Josua te Nungo ogwa, tama tigidali Israel hani tobolu bidi dabego hani sibi deli deli augwalibolo te to dobayali. ²Hasia bolo Genuai Bidigo Mosesbolo te po wali gilama eyu, te tobolu bidi dabego te mena hani sibigo te mena to sabo po dodolama, tama te to te a naga olama, me si me si haniba dobayali. Tama augwaligo te tiwai yali. ^{††34}Tama polobadu Mosesgo te to deli deli pedai badu te hani sibolo mayu, tama gasa Israel hani me badubolo mayu, te Jordan we te giliga pedalubo badu mobadi yali. Te Josepgo hani waj dabe te hani si bugali, Manase me Efraim. Tiali goli, Mosesgo te Livai hani dabebolo te to me mabeo. Augwaligo te hanu meba naga sali. Tama te hanude te augwaligo bulmakau me sipsip dabe elaluali, te hanu dabe pade nosai elalubo digi me augwaligo sali. ⁴⁵Te Israel dabe augwaligo te to tama dobayali, te Genuai Bidigo Mosesbolo wali gilama tama tiali.

Augwaligo Hebron te Kalepbolo mani

⁶Te to dobayabo sogode, te Juda bidi dabe meba te Josua bidibo digi te Gilgalba sabolali. Tama Kalep te Jefunego ogwa, te Kenas bidi, te e tiwai po Josuabolo wali, "Nago koneani, te polobadu Genuai Bidigo te Godigo se bidi Mosesbolo te po wali, te da sibolo te Kades Barneade wai dao. ^{††7}Te sogo eno kibu be te bidi sese si, te 40 yia elalubadi, tama Genuai Bidigo se bidi Mosesgo ena te to Kades Barnea te ena geme sa pabo bidi tagala palali. Tama eno tede suali nai po mu te po eno te Mosesba wagasali. ^{††8}Tiali goli, te ena dali

† 13:33 Nam 18:20; Bom 18:2 †† 14:2 Nam 26:52-56; 34:13

‡ 14:3-4 Nam 32:33; 34:14-15; Bom 3:12-17 †† 14:6 Nam 14:30

‡‡ 14:7 Nam 13:1-30

pali bidi dabe augwaligo te we bidi wi ebo se ilali. Tiali goli, eno te dago Genuai Bidi Godigo po bugagia dolo wali pali. ⁹Tama tibaso, Mosesgo te tiwai po me deli ena dali te sogo daj wali. Agai te po wai, "Nago te God wali bugagia pali, te dago Genuai Bidi da, tama tibaso, nage me, nago ogomani dali, te nage bilali to pedai badu siyu, tama augwaligo te to sesemane sogo elalua pidu, mu elalua paibao," te po wai. ^{†††}

¹⁰Tama Kalepgo te tiwai po ma weyu, te po wali, "Nago odao. Genuai Bidigo Mosesbolo te tama po olama, tama nosali te Israel dabe augwali te masigi kemi tode bilalubadi, tama megii da, te kibu be bidi sese si olama, a naga silalio. Tiali goli, Genuai Bidigo ena tau sobaso, tama ena megii e sogo me bidibao. Tialima, nago ena sua. Eno kibu be te bidi sese me si me si elama, te nogo a naga, te 85 kibu be yalio. ¹¹Tiali goli, megii te eno bomo me elalubo, te polobadu ena teba biligi pomainu tagala palali tiwai gilama elalubo. Te ena bomo me elalubadi, tama eno te boi hwigi pelama, tama tigidali se eno ela silabo megii me usu dao, te eno polobadu yali gilama elalubo. ¹²Tialima megii da, te Genuai Bidigo enabolo te mawaibao wali te bulu du to pesage te enabolo mao. Te polobadu sogo nago odali, te ena me, te ena dali pali bidi dabe, dago te nai suali po Mosesbolo pusali. Te Anakde moni bidi dabe te bulude bidalubadi, tama dago nagebolo wai. Augwali te genuai obo yai hanude bidalubo po wali. Te Genuai Bidi ena dali bidiyu da, teda te bidi dabe augwali eno ela gudulaiba homu eba, te agai wali po tiwai gilama yaibao," Kalepgo te po wai.

¹³Tama Josuago te Kalepgo wali po odama, tama agai te Godigo nage dali dwagi yai se emainao po te Kalepbolo wali, tama te Hebron hanu agabolo manio, te aga sabo to mu tama dao. ¹⁴Kalepgo Godigo po bugagia wali pali da, God da te Israel dabego Genuai Bidi dao. Tama Hebron hanu te Kalepgo waj hanigo to gagalama bidali, te Jefunego ogwa, te Kenas bidi dao. ¹⁵Polobadu te Hebron hanu nogi te Kiriati Arba nogi yali. Tama Arba te Anak bulude te moni bidi me deli bidai.

Tialima, te to Kalepgo selama, tama te sogo da te bulude wabi munu ma hwisama, bidaluali.

Te Juda dabego to sa munama, dobayali

15 Te Judago hani sibi deli deligo te hanude to sainu, te tiwai po augwaligo po miani: te to daj pali te Idom to pedai bogo badu saboligi pali, tama pelama, te masigi kemi to te augwaligo Sin nogi yali, te sesege bogo badu mu daj iligi pali. ²Te daj pali te Isai Tamu Aj te badu daj igi pelama, ³tama pali te bulu du Akribim, te bulu nogi Sinba pedaligi pali. Tama Negevdu daj pali, te Kades Barneaba sabolama, tama Hesron ela soayu, tama pelama, te Adarba sabolali. Tama nosali begelama, te Karkaba sabolama, ⁴tama pelama, te Asmonba sabolama, tama te Isip daj badu te dwasianu we wali peyu, tama te we nogi Mediteren-

††† 14:9 Nam 14:24

ian Tamu Aj teba daj igi pali. Te Judago tq daj yali te saut badu siligi pai dao.

⁵ Te giliga pedalubo badu daj te Isai Tamu Ajde elama, tama pelama, te Jordan pabo we te Isai Tamu Ajba sabalobo madiba sabolali. Tama te pedai a badu te badu gagalama, daj yali, ⁶ tama pelama, te Bethokla sabolama, tama pelama, te Betaraba te a badu ma sabolali. Tama palima, te Bohango genuai masigi elalubo teba saboligi pali, te Rubengo ogwa dao. ⁷ Tialima, te odogo tq Akor tede daj palima, te Debir teba sabolama, tama nosali te not a badu palima, tama begelalima, te Gilgal teba pali. Te bulu Gilgal tedu te Adumim te malu tq bulu du te ogwa badu suali. Tama pidubadi, te we Ensemes sabolama, tama palima, te Enrogelba daj igi pali, ⁸ tama te Hinomgo ogwago te odogo tq tedu wali pelama, te Jebusgo bulu du te a badu sabolali. Te Jerusalem te badu elaluali. Tama daj pidubadi geanima, te bulu duba sabolali, tama te giliga dega sigi pabo badu te Hinomgo malu elaluali, te badu daj igi pali. Te daj yali te Refaim dabego te tq odogo sesege badu tede elaluali. ⁹ Tama te bulu du bageba holama, tama palima, te Neptoa dabego te ulu weba sabolama, tama te Efrongo hanu dabe pade te bulu duba pedelama, daj igi pai. Te pedai badu te daj begelama, te Bala te badu pali, te gasa nogi me elaluali te Kiriati Jearim dao. ¹⁰ Te Bala te badu te daj yali te giliga dega sigi pabo badu palima, te Idomgo Bulu Du dabe elaluboba pedelali, tama palima, te bulu du Jearimba sabolali, te gasa nogi me elaluali Kesalon, te not badu tama pelama, te Betsemes teba dulalima, tama peyu, te Timna te bulu taga pali. ¹¹ Tialima, te daj te bulu du sao badu te Ekron te not badu wali palima, tama begelalima, te Sikeromba sabolama, tama te Bala bulu du taga peyu, tama te Japnelba sabolali. Tama te daj pali, te Mediterenian Tamu Aj teba siligi pai.

¹² Te giliga dega sigi pabo badu te daj igi pali, te Mediterenian Tamu Aj sesege te tama dao. Te tq daj ilama, bagulali, te Judago hani bage naga bidabo digi nigilali.

Kalepgo te Hebron me Debir si sali

¹³ Polobadu Genuai Bidigo te Josuabolo po mayu, te augwaligo Juda dabego hanu tq me deli te Kalepbolo mao po wali, te Jefunego ogwabolo. Tialima, Josuago tama tiali. Tama te tq pedai Hebron, te Arbago hanu, te Anakgo aya dao. ¹⁴ Kalepgo te Anakgo hani bidi sela ela gudulali, Sesai, me Ahiman, me Talmi. ¹⁵ Nosali Kalepgo te bulu taga peyu, te pelama, te Debirde bidalubo hani bage dali boi hwigi pali. Polobadu augwaligo te hanu nogi te Kiriati Sefer nogi yali. ¹⁶ Tialima, Kalepgo te po wali, "Te niwai bidigo te Kiriati Sefer teba boi hwigi pelama, tama te hanude bidibo bage te aiya-ba elalubaso da, teda agai te eno wegi Aksa somainogo yaibao," wali.

¹⁷ Tama Otniel, te Kenasgo ogwa, te Kalepgo amago ogwa, te hanuba hwigi pelama, te bulu bidi dabe aiya-

ba elaluama, te hanu sali, tama Kalepgo wegi Aksa te agaba menama, tama agai sali.

¹⁸ Tama te we Otnielba asobadi te sogo, Otnielgo bommo elama, te wego te aga ayabolo te tq me deli momainogo hanalu wao po olama, bommo yali. Tama te we te Kalep bidiboba pelama, tama aga donki kibu daide dulaluali tagalama, aiyaba samonani, tama Kalepgo agabolo hanalu wali, "Nago magi nai godolo ebasowe?"

¹⁹ Tialima, wego te po wali, "Eno homugo te nago ena wiegi yai homu yabo nai me deli mao. Nago te Negev hanu tq enaba mani, te tqde we menio. Tama nago enabolo te ulu we meba mao," wali. Tialima, Kalepgo te we ulu ugwadu elalubo me aiyadu me mani.

Te Juda dabego hanu dabe

²⁰ Te tq dabe te Judago ogwa hani sibigo te augwa tq da olama, sesa pali. ²¹ Te Juda dabego hanu dabe te saut teba polobadu te Idom dabego tq sesege pade elaluali, te hanu dabe augwali nogi te e dao, Kapsel, Eder, Jagur, ²² Kina, Dimona, Adada, ²³ Kedes, Hasor, Itnan, ²⁴ Sif, Telem, Bealot, ²⁵ Hasor, Hadatat, Keriati Herson, te gasa nogi me Hasor elaluali, ²⁶ Amam, Sema, Molada, ²⁷ Hasargada, Hesmon, Betpelet, ²⁸ Hasarsual, Berseba, Bisiotia, ²⁹ Bala, Im, Esem, ³⁰ Eltolat, Kesil, Horma, ³¹ Siklak, Matmana, Sansana, ³² Lebaot, Silhim, Ain, Rimon. Te bidi sese deli olama, te nogo a naga me si me si, te ²⁹, te tama hanu dabe badi, tama te hanu dabe pade te dwasianu bulu dabe, te Juda hani sibigo elaluali.

³³ Te dwasianu bulu du elalubo tqde te giliga dega sigi pabo badude, e tama hanu dabe elaluali, te Estaol, Sora, Asna, ³⁴ Sanoa, Enganim, Tapua, Enam, ³⁵ Jarmut, Adulam, Soko, Aseka, ³⁶ Saraim, Aditaim, Gedera, te gasa nogi me Gederotaim, te elaluali. Te nogo si olama, sagago me si me si hanu badi, te tama tigidali bulu dabe dali te pade elaluali.

³⁷ Te e tama hanu dabe me elaluali, te Senan, Hadasa, Mikdalgat, ³⁸ Dilean, Mispa, Joktel, ³⁹ Lakis, Boskat, Ekron, ⁴⁰ Kabon, Lamon, Kitlis, ⁴¹ Gederot, Betdagon, Nama, Makeda. Te 16 tama hani dali, te pade elalubo dwasianu bulu dabe dali, te Juda dabego elaluali.

⁴² Te e tama hanu dabe me elaluali, Lipna, Eter, Asan, ⁴³ Ipta, Asna, Nesip, ⁴⁴ Keila, Aksip, Maresa, te tama hanu elaluali. Te 9 hanu te dwasianu bulu dabe meba augwali pade elalua pali.

⁴⁵ Te e tama hanu me elaluai, Ekron hanu me te dwasianu bulu dabe dali, ⁴⁶ me tama tigidali hanu me bulu te Asdot pade elaluali, te Ekron me te Mediterenian Tamu Aj tomode elaluali. ⁴⁷ Asdot me Gasa tede te hanu me te bulu dabe dali elaluali, te Isip dwasianu we sesege, me te Mediterenian Tamu Aj te we si pade elalua pali.

⁴⁸ Te bulu du bagede te e tama hanu dabe elaluali, Samir, Jatir, Soko, ⁴⁹ Dana, Kiriati Sefer, te gasa nogi me Debir elaluali, ⁵⁰ Anap, Estemo, Anim, ⁵¹ Gosen, Holon,

Gilo, te tama hanu elaluai. Te 11 hanu dali, te augwali pade elalubo dwasianu bulu dabe dali, te Juda dabego elaluai.

⁵² Te e tama hanu dabe me elaluai, Arap, Duma, Esan, ⁵³ Janim, Bet Tapua, Afeka, ⁵⁴ Humta, Kiriati Arba, te gasa nogi Hebron wabo, tama Sior, te tama hanu elaluai. Te 9 hanu dabe, me te augwali pade elalubo dwasianu bulu dabe dali, te Juda dabego elaluai.

⁵⁵ Te e tama hanu dabe me elaluai, Maon, Karmel, Sif, Juta, ⁵⁶ Jesril, Jokdeam, Sanoa, ⁵⁷ Kain, Gibeaa, Timna, te e tama hanu elaluai. Te nogo si hanu dali, te augwali pade elalubo dwasianu bulu dabe dali, te Juda hani sibi dabego selama, elaluai.

⁵⁸ Te e tama hanu dabe me elaluai, te Halhul, Betsur, Gedor, ⁵⁹ Marat, Betanot, Eltekon, te e tama hanu elaluai. Te hanu 6 dali, te augwali pade elalubo dwasianu bulu dabe dali, elalua pali.

⁶⁰ Te e tama moni hanu si elaluai, Kiriati Bal, te gasa nogi wabo me te Kiriati Jearim, me Raba, te moni hanu si elaluai. Te hanu si pade te dwasianu hanu dabe me elaluai.

⁶¹ Te masigi kemi olo tode te e tama bulu elaluai, Betaraba, Midin, Sekaka, elalubadi yali, ⁶² Nipsan, me te tode tamu elalubo hanu me elaluai, Engedi hanu me elaluai. Te hanu 6 dali, te augwali pade elalubo dwasianu bulu dabe me, te Juda dabego dobayali.

⁶³ Tiali goli, te Juda dabego te Jebus dabe te Jerusalemde bidalubo te augwali me sela sayu, te me ela gudulubeo. Tama tibaso, te Jebus dabe te Juda dabe dali te Jerusalemde bidali, te megie e po asebo sogoba usu nagasali. †

Te augwaligo Efraimgo tō daj nigilali

16 Te augwaligo Josepgo waj dabego tō daj nigilibo gagalali, te wē Jordan te Jeriko hanu pade gagalasa pelama, te giliga pedalubo badu te Jeriko wē ulu pedalubo paba sabolalima, tama te masigi kemi olo tō tomoba saboligi pali. Tama daj tedu pelama, tama te bulu duba sabaligi palima, te Betel buluba daj igi pali. ² Te Beteldu daj pali te bulu Lusba sabolama, tama palima, te Atarotba daj igi palima, te Arka bidi dabe bidalubo madi dao. ³ Nosali te daj pali, te giliga dega sigi pabo teba pedelama, te Japlet dabe bidiboba sabolali, tama pelama, te Bethoron elalubo te aiyadu te daj igi pai. Tama tedu te daj palima, Geserba pelama, tama te Mediterenian Tamu Aj te pedaligi pali. ⁴ Te Josepgo waj dabe, te Manasego hani me te Efraimgo hani dali, augwaligo te tō sali.

⁵ Te e da te Efraim hani sibigo tō dao. Te augwaligo te giliga pedalubo badu sabo, te Atarot Adar hanude gagalasa pali, tama palima, te Bethoron teba daj igi pali. ⁶ Tama te daj pali, te Mediterenian Tamu Aj teba saboligi pali. Mikmetat te augwaligo tō pedai te not badu elaluai. Te giliga pedalubo badu daj te Tanatsilode begelali, tama te bulu taga palima, tama pelama, te Janoade teba saboligi pali. ⁷ Tialima, daj te Janoade tagalalima, te Atarot me Nara te bulu siba du-

lali. Tama Jerikoba sabolama, tama te Jordan wēba simanigi pali. ^{8,9} Te Tapuadu daj pali, te giliga dega sigi paboba sabolama, tama te wē Kanaba pedelama, tama palima, te Mediterenian Tamu Aj teba sabolali. Te tō dabe dali te tigidali hanu elaluai, augwaligo te Efraimgo hani sibigo sabo nai naga dao. Tama te Efraim dabe meba te Manasego hanu dabede bidiyu, tama Manasego bulu tō tomode me bidaluai. ¹⁰ Tiali goli, augwaligo te Geserde bidali te Kenan bidi dabe te augwali me ela gudulubeo. Tama te Kenan dabe te Efraim dabe tomode bidaluai. Tama te Efraim dabego te Kenan dabe te augwaligo olo se ebo bidi tiwai se emainu yalio. ††

Te Manasego tō

17 Augwaligo te Manasego hani dabego tō me deli te daj ilali, magi baso meni, Manase te Josepgo gomunai ogwa dao. Makir, te Manasego gomunai ogwa da, tama aga te ami bidi me deli da, tama te Gileat tōgo aya da. Tama augwaligo aga tō te Gileat badu, me Basan te badu, te tō daj ilama, bidali. ² Tama augwaligo te Manasego gasa hani dabe mebago tō daj ilama, mani, Abieser, me Helek, me Asriel, me Sekem, me Hefer, me Semida, te tama bage tō daj ilali. Te bidi dabe augwali te Manasego wai dabe, tama augwali te augwa hani dabe tomode te augwali tobolu bidi bidali da.

³ Te Selofehat, te Hefergo ogwa da, tama Hefer te Gileatgo ogwa, tama Gileat te Makirgo ogwa, tama Makir te Manasego ogwa da. Tiali goli, Selofehatgo te wai ogwa me deli ame nabe. Te agai wegii dabe a naga ame nani. Te augwali nogi e dao, Mala, me Noa, me Hokla, me Milka, me Tirsaa. ⁴ Augwali pelama, te pris bidi Eleasar, me Josua, me te tobolu bidi dabe me sugi pelama, tama augwaligo te po wali, "Genuai Bidigo te Mosesbolo po weyu, te tō me deli te dabolo me mao weyu, te dena aya aga ama solobolo mabo tiwai gilama yao po weyu yali." Te we a nagago te po wai. Tialima, augwaligo te tō me te we dabebolo me, te augwa aya aga ama solo bidi dabebolo me, te tō mani, te Genuai Bidigo wali po gilama yalio. ⁵ Tama te Manasego hanigo te nogo si tō pedai sali, te augwaligo polobadu te Gileatgo tō dali, me te Basan te Jordan wē u badu te giliga pedalubo badu dali sali. ⁶ Magi baso meni, augwaligo te Manasego ogwa wegii dali augwalibolo te tō mani. Tama augwaligo te Gileatgo tō te Manasego gasa hani waj dabebolo mobadi yai.

⁷ Te Manasego tō sali te Aserdu gagalasa pelama, te Mikmetat buluba sabolama, tama te Sekem bulu paba te giliga pedalubo madi sabolali. Tama te daj te saut te badu te Entapua buluba sabaligi pali. ⁸ Te tō Tapua te Manasego tō dao. Tiali goli, te Tapua hanu te Efraimgo hanigo hanu mu dao, te Manasego tō sesege badu mu elaluai. ⁹ Tama daj dulali, te dwasianu wē Kanaba daj igi pali. Te wē te saut badu elaluai hanu dabe te Efraimgo hanu da. Te hanu dabe te Manasego hanu tō tomode elaluai. Tama Manasego tō daj pali, te

† 15:63 Tob 1:21; 2 Sml 5:6; 1 Sto 11:4

†† 16:10 Tob 1:29; 17:4 Nam 27:1-7

dwasiyanu wẹ te not badu te Mediterenian Tamu Aj te badu pedaligi pali. ¹⁰ Te Efraimgo pedai badu te saut badu elalu, te Manasego tọ pedai daj te not badu elalu yali, tama Mediterenian Tamu Aj te augwali sigo tọ daj si tomode te giliga dega sabo badu elaluai. Tama augwali sigo tọ daj te not badu te Asergo tọ, me te Isakar-go tọ te giliga pedalubo badu elalu yali.

¹¹ Te Isakar de Aser Israel hani sigo tọ tomode te Manasego te hanu Betsan dali Ipleam dali si, me te pade elalubo bulu dabe dali sobadi yali, tama Dor hanu te nabis aj sane badu elaluai, tama Endor, me Tanak, me Megido, te pade elaluai bulu dabe dali sai. ¹² Tiali goli, te Manase hani dabe augwaligo te Kenan dabe te hanu me ela gudulubeo. Tama te Kenan dabego homu bomonama eyu, tama tede me bidaludali. ¹³ Nosali te Israel dabe bomai bage pedalubode, tama augwaligo te Kenan dabe te augwaligo se olo ebo bidi pedela silali. Tiali goli, te augwaligo te augwali me sela sayu, me ela gudulubeo. †

¹⁴ Nosali te Josepgo waj dabego Josuabolo te po wali, "Magi baso nago te tọ pedai deli naga dabolo maniwe? Te da usu ebeo. Magi baso meni, te Genuai Bidigo da dali dwagi yai se eyu, tama dago hani te genuai ped-alumainu ilali, tama da hani hauwa mu pedelalio," wali.

¹⁵ Tama Josuago te po wei ponani, "Te dage hauwa mu, tama te Efraimgo te bulu dude bidabo te dage usu meni baso da, teda dage te moni ni sili bulu tomba pelama, tama duga bidabo digi penama, te Peres me Refaim dabego te tode bidao," wali.

¹⁶ Tama te Josepgo waj dabe augwaligo te po wali, "Te bulu du me te da usu me egobeo. Tiali goli, te Kenan dabe te malu tode bidiyu, tama te Betsande te pade elalubo dwasiyanu bulu dabe dali, te Jesril malu tode me bidibo, augwaligo te boma pai hwjabo nai ain karis dabe elalubao," wali.

¹⁷ Tialima, Josuago te Efraimgo me Manasego hani sibolo wali, "Te mu tama, dage te hauwa mu tama ebaso, tama dage te bomai hani me deli dao. Te tọ pedai delide te dage usu egobeo. Tama tibaso, dagego te tọ meba sagameo. ¹⁸ Te dagego te moni ni sili bulu du elalubo bulu te dagego sagameo. Mu tama, te genuai bulu elalubo, tiali goli te dagego penama, tama te tọ tigidali saibao. Tede bidalubo Kenan dabego te bomoyu, tama augwaligo te ain karis dabe elalubao, tiali goli te dagego augwali sela sayu, ela gudulagameo," Josuago te po wai.

Te Israel dabe augwaligo tọ usu sali

18 Te Israel dabe augwaligo boi hwjnama, te tigidali bulu bidi dabe aiyaba elaluama, tama augwa hani tigidali te Siloba sisinani. Tede augwaligo te God dali sisinabo lotu be, te ugwa be, te augwaligo dodolama muai. ² Tiali goli, te a naga olama, me badu si hani te augwali tọ sisawai. ³ Tama tibaso, Josuago te Israel dabe augwalibolo wali, "God, te duga wajgo Genuai Bidigo, te tọ dagebolo mawai. Dagego magi

nai tonaludu, te dagego sabewe? ⁴ Te tigidali hani deli delide te bidi sela naga nidigili pao. Tama eno augwali te tigidali tọ pedai usu nama tagala palama, tama augwa digi te augwa hanigo sabo tọ daj iligi paibao. Tama elama, tama augwaligo te tode po te ripot te aseibaio. Tama nosali augwali ena bidibo digi ma asaibao.

⁵ Augwaligo te tọ a naga olama, me si te tama pedemainu yaibao. Te Judago hani augwali te saut badu te augwa sali tode bidiyu, tama te Josepgo hani augwali te not badu augwaligo sali tode bidiyu emainu yaibao.

⁶ Tama dagego te a naga olama, me si te tama tọ suali po te asenama, tama enaba selasa asao. Nosali eno te Genuai Bidigo gedude te tọ sabo po dodolobo se elama, te mena tọ mu Godigo dagebolo sa mubowe, te koneaibao. ⁷ Tiali goli, te Livaigo hani da, te Genuai Bidigo pris se ebo bage bidaibao, tama augwaligo te dagego tọ sabo tiwai gilama te tọ me sogobeo. Tama Gatgo hani me, Rubengo hani me, Manasego hani bage me badu me, augwali te wẹ Jordan te giliga ped-alubo u badu te tọ polobadu sai dao. Moses te Genuai Bidigo se bidigo te tọ augwali mani," Josuago te po wai.

⁸ Josuago te tọ sugi pelama, te po asebo bidi dabebolo te e tiwai po wali, "Dage pelama, te tigidali tọ sulama, tama tọ po asenama, tama enaba ma selasa asao. Tama e bulu Silode eno te tọ sabo po dodolobo se gagali elama, te mena tọ te Genuai Bidigo dagego hani deli delibolo mabowe naga koneaibao." Josuago te po wai. Tialima, te bidi dabego te Josuago po odama, tama augwali pali. ⁹ Tama augwali te tigidali tọ bilama, tama augwaligo te suali po te buku me delide asenani. Augwaligo te tọ a naga olama, me badu si togwali, tama te hanu dabe nogi me asenani. Nosali augwali te Josua bidibo madi te Siloba ma pali. ¹⁰ Tialima, Josuago te tọ sabo po dodolobo se elama, te mena tọ Genuai Bidigo augwalibolo mabowe naga koneainogo yali. Tama nosali agai te tọ dobolama, te Israel hani deli deli augwaliba te tọ mani.

Te Benjamin tọ augwaligo daj ilali

¹¹ Te Benjamingo hani sibi deli deligo tọ te Juda hani me Josep hani si tomode te tọ daj ilama, sali. ¹² Te not pedai badu te augwaligo tọ sabo daj gagali, te wẹ Jordande gagalasa pelama, te dwasiyanu bulu duba holama, te not pedai badu te bulu Jerikoba sabolali. Tama daj pali, te giliga dega sigi pabo te bulu dude begelalima, te masigi kemi olo tọ badu te Betaven, teba daj igi pali. ¹³ Tama te daj pidubadi geani, te saut pedai badu te dwasiyanu bulu du me Lus teba daj igi pali, te augwaligo te nogi Betel wali, tama te Atarot Adar teba aiya dulali, te bulu du me deli Bethoron pade ugwadu elaluai, te saut pedai badu dao.

¹⁴ Tama te daj gasaba poloba begelali. Te saut badu tagalama, te sia ge degegi pabo badu te bulu du a badu, te saut badu te Bethoron teba sabolali. Tama daj pali, te hanu Kiriat Bal, te nogi augwaligo Kiriat Jearim wabo, teba pedelali. Te hanu te Juda dabego hanu. Te giliga dega sigi pabo te daj pedai badu elaluai.

† 17:13 Tob 1:27-28

¹⁵ Te saut badu daj te Kiriati Jearimde gagalasa pelama, te giliga dega sabo badu tugi pelama, te Neptoa dabego ulu wə elalubo madiba sabolali. ¹⁶ Tama te dulali te bulu du dolalubo sesege badu te Hinomgo ogwago tō malu elalubo paba pedelali. Te bulu du te not badu te Refaim dabego malu tō sesege badu elaluali. Tama daj pali te saut badu te Hinomgo tō malu bolama, tama te Jebus dabego dwasianu bulu du togolama, tama palima, te Enrogel te pedai badu daj igi pali. ¹⁷ Tama daj pali, te not badu te Ensemes sabolama, tama pali, te Gelilot daj igi pelama, te bulu sesege Adumim pedai badu elaluali. Tama te daj dulali, te Rubengo ogwa Bohango genuai masigi elaluali madiba sabolali. ¹⁸ Tama te daj yaligo te dwasianu bulu du dabe bolali, te Betaraba teba sabolama, tama dulalima, te Jordan tō maluba sabolali. ¹⁹ Tama daj pali, te dwasianu bulu du te not badu te Bethokla teba daj igi pelama, tama te Isai Tamu Aj te wə Jordan age siba pedelali. Te saut sesege badu dao.

²⁰ Te giliga pedalubo badu te daj pali, te wə Jordan wali pali. Te daj yali te tō te Benjamin hani sibi dabego sabo tō dao. ²¹ Te Benjamingo hani dabe te e tama elaluali, Jeriko, Bethokla, Emek Kesis, ²² Betaraba, Semaraim, Betel, ²³ Avim, Para, Ofra, ²⁴ Kefar Amoni, Opni, Geba, te 12 hani dabe, te pade bulu dabe dali elaluali.

²⁵ Te e tama hani me elaluali, Gibeon, Rama, Berot, ²⁶ Mispa, Kefira, Mosa, ²⁷ Rekem, Irpel, Tarala, ²⁸ Sela, Haelep, Jebus, te augwaligo Jerusalem nogi yali, Gibeon, Kiriati Jearim, te tama hani elaluali. Te 14 hani dabe, te pade bulu dabe dali elaluali. Te tō pedai te Benjamingo hanigo sali tō me hani dali, te dao.

Te augwaligo Simeongo tō sa muani

19 Te augwaligo si wali tō daj ilali, te Simeongo hani sibi deli deliba mani. Te tō pedai te augwaligo te Judago tō daj ilali madi, te tō tomode elaluali.

² Te tō pedaigo sigi pali tō te e hani dabe elaluali, Berseba, aga gasa nogi Seba, te Molada, ³ Hasarsual, Bala, Esem, ⁴ Etolat, Betul, Horma, ⁵ Siklak, Bet Markabot, Hasarsusa, ⁶ Bet Lebaot, Saruhen, te tama hani tō sali. Te 13 hani dabe dali, te pade bulu dali elaluali.

⁷ Te e tama hani me elaluali, Ain, me Rimon, me Eter, me Asan, tama elaluali. Te hani me si me si dali, te pade bulu dabe dali elaluali. ⁸ Te Balatber teba daj igi pali, te gasa nogi wabo Rama tama, te Negev pedai badu elaluali, tama tede elalubo dwasianu bulu dabe elaluali. Te tama tō pedai naga te Simeongo hani sibi deli deligo sai dao. ⁹ Te Simeongo tō te Judago tō tomode elaluali. Te augwaligo Judago tō daj ilali te genuai mu elaluali. Tama tibaso, te Juda dabego usu da po weyu, tama te tō pedai me badu te Simeongo hanigo sali.

Te augwaligo Sebulungo tō daj ilama, mani

¹⁰ Te sela wali tō augwaligo te Sebulungo hani sibi deli delibolo daj ilama, mani. Te augwaligo sali tō daj pali, te Sarit daj igi pali. ¹¹ Tama daj pali, te giliga dega sabo badu te Mareal daj igi pelama, te Dabeset te paba sabolama, tama te Jokneam pade elalubo dwasianu wə te giliga pedalubo badu sabolali. ¹² Te Sarit pedai badu, te daj pali, te Kislot Tabor te giliga pedalubo te sesege badu daj igi palima, te pelama, Daberat sabolama, tama te Jafia te ugwaba pelama, sabolali. ¹³ Tama daj pidubadi, te giliga pedalubo te daj igi pelama, te Gathefer me Etkasin, teba sabolama, tama begelalima, te Nea badu te Rimon teba pabo sunumi te daj igi pai. ¹⁴ Tama te not badu daj begelali, te Hanaton daj igi palima, tama te Iptahel tō maluba pedelali. ¹⁵ Tama te tōgo te Katat, me Nahalal, me Simron, me Idala, me Betlehem, te tama hani sigi pali. Te 12 te tama hani dali, te pade bulu dabe dali elaluali. ¹⁶ Te hani dabe dali, te pade elaluali bulu dabe dali, te Sebulungo hani sibi deli deligo sali tōde te pedaide elaluali.

Te Isakargo tō augwaligo daj ilali

¹⁷ Te tō me si me si wali te augwaligo te Isakar hani sibi deli deliba sa munama mani. ¹⁸ Te tō pedaigo te Jesril, Kesulot, Sunem, te tama hani sali, ¹⁹ Hafaraim, Sion, Anaharat, ²⁰ Rabit, Kision, Ebes, ²¹ Remet, Enganim, Enhada, Betpases, te tama hani dabe sali. ²² Tama daj pali, te Tabor paba sabolama, tama te Sahasuma, me Betsemes daj igi pelama, tama pali, te wə Jordanba sabolali. Agai te 16 hani te tama hani dali, te bulu pade elaluali bulu dabe dali sai dao. ²³ Te hani me bulu dabe dali, te tō pedai me te Isakargo hani sibi dabego sali.

Te Asergo sabo tō augwaligo daj ilali

²⁴ Te tō pedai a naga wali te augwaligo Asergo hani go somainogo sa muani. ²⁵ Te tō pedai te Helkat, me Hali, me Beten, me Aksap, te tama hani sobadi, ²⁶ tama te Alamelek, me Amat, me Misal, te tama sali. Te giliga dega sabo badu te Karmel me Sihorlipnat te paba pedelali. ²⁷ Tama daj begelali, te giliga pedalubo madi teba sabolali, te Betdagon te daj igi pelama, tama palima, te Sebulungo tō paba daj igi pelama, tama te Iptahel te tō maludu pelama, te not te Bete-mek me Neiel sabolali. Tama daj pidubadi, te not badu te Kabul daj igi pelama, ²⁸ tama Ebron, me Rehop, me Hamon, me Kana tama pali, te genuai hani Saidonba sabolali. ²⁹ Tama te daj begelama, te Rama teba pelama, tama te Tairba pedelali, te hanude te dila pai obo masigigo bagulai elaluali. Tama te daj begelalima, te Hosaba pelama, tama pali, te Mediterenian Tamu Aj te badu sabolali. Te tō pedaigo te Mahalap, me Aksip sobadi, ³⁰ me Uma, me Afek, me Rehop, te tama tō me hani sobadi yali. Te 22 hani, te tama hani badi, te pade elaluali bulu dabe dali sobadi yali. ³¹ Te hani me,

te bulu dabe dali, te t̄o dali te Asergo hani sibi deli deligo sali t̄ode elaluali.

Te augwaligo Naptaligo t̄o daj ilali

³² Te a naga olama, me badu nogo kibisa deli wali t̄o te augwaligo Naptaligo hani sibi deli delibolo daj ilali.

³³ Te augwaligo daj eyu, te Helep tagalama, tama te Sananimde elaluali ni ok te daj igi pelama, tama te Adami Nekep me Japnel daj igi pelama, tama pali, te Lakum daj igi pelama, tama te w̄ Jordanba siligi pali.

³⁴ Tama daj pali, te giliga dulubo badu begelama, te Asnot Tabor, me Hukok te daj igi pelama, tama te Sebulungo t̄o te saut p̄badu sabolama, tama te Asergo t̄o badu, me te giliga dega sabo badu pelama, te Judago t̄o badu daj igi palima, te giliga pedalubo badu te w̄ Jordan daj igi pai. ³⁵ Te dili yai masigigo nigali obo bagulali elaluali hanu dabe te e dao, Sidim, Ser, Hamat, Rakat, Kineret, ³⁶ Adama, Rama, Hasor, ³⁷ Kedes, Edrei, Enhasor, ³⁸ Yiron, Mikdalel, Horem, Betanat, me Betsemes. Te hanu dabe dali, te gasa hanu dali nedeyu, te 19 tama hanu dali te tama bulu p̄ade dabe dali elaluali. ³⁹ Te tama hanu me, te bulu dabe dali, te Naptali hani sibi deli deligo sali t̄ode elaluali.

Te Dango t̄o augwaligo sa muani

⁴⁰ Te a naga olama, me badu nogo si t̄o te augwaligo Dan hani sibi deli delibolo sa muani. ⁴¹ Te t̄o pedaigo te e tama hanu sali, Sora, Estaol, Irsemes, ⁴² Salabin, Aijalon, Itla, ⁴³ Elon, Timna, Ekron, ⁴⁴ Elteke, Gibeton, Balat, ⁴⁵ Jehut, Beneberak, Gatrimon, ⁴⁶ Mejarkon, me Rakon, me te Jopa, te bulu habu badu elaluali.

⁴⁷ Nosali te Dango hani dabe bidali t̄ode te t̄o page bidi dabego augwali ela gudulai. Tama tibaso, te Dan dabe te Lesem buluba pelama, tama augwali dali boi hw̄igi pali. Augwaligo te hanu sainu, te hanude bidali bulu page bidi dabe te tigidali ela silai. Nosali augwaligo te po wali, te t̄o te augwa t̄o dao wali, tama augwali tede bidaluali. Augwaligo te hanu Lesem te nogi hasegelama, tama augwaligo te nogi Dan poali, te augwa w̄igo nogi tiwai mu dolo poali. ^{†48} Te bulude te elaluali hanu, me te p̄ade elaluali bulu dabe dali, te Dango hani sibi deli deli augwa sali.

Te Josuago t̄o augwaligo sa munama, daj ilali

⁴⁹ Te Israel dabe augwaligo te tigidali t̄o sesabela silama, tama augwaligo te t̄o pedai me deli te Josua mani, te aga Nungo ogwa dao. ⁵⁰ Josuago te bidi dabe augwalibolo hanaluyu, te Timnat Sera, te Efraimgo bulu du pedai badu mao po wali. Tialima, augwaligo agabolo te hanu mani, te Genuai Bidigo po wali gilama tama tiali. Tama Josuago te hanu ma nigilama, tama aga te hanude bidali.

⁵¹ Te pris Eleasar, me Josua te Nungo ogwa, tama te tigidali deli deli Israel hani sibi tigidalide te augwa genuai bidi deliba sisinama, te augwaligo te t̄o dobabo po dodolobo s̄e elama, te mena t̄o te Genuai Bidigo

augwalibolo mabowe naga koneainogo yali. Te genuai bidi dabego te tiwai s̄e te Silo bulu p̄ade, te God dali deli sisinabo ugwa be sunumi p̄ade tama tiwai s̄e yai. Tama te t̄o daj ebo, me te t̄o dobabo s̄e me, te silalio.

Te bidi dabe teba wi pabo hanu dabe

20 Nosali Genuai Bidigo te tiwai po Josuabolo wali, ² "Nago te Israel dabebolo wao, 'Dagego te bidi dabe teba wi pomainu yabo hanu dabe meba nogo t̄u ilao, te eno Mosesbolo olama, te dagebolo wali, te tiwai gilama yao. ³ Magi baso meni, te niwai bidi mego te gasa bidi me ela muai madi, tiali goli aga dali te boi is̄ama tama tiali, tama bidigo me konebe, te bidi aga digi te gasa bidi me ela mubo digi homu is̄ama te konebe, teda aga te hanu dabe te me deli teba pomainogo yao, te boi wei ponobo bidigo aga ela muidali weyu yao. ⁴ Aga te hanu dabe me deliba wi pelama, tama te po t̄u yabo madi te hanu genuai sunumi teba pedelama, tama te tobolu bidi dabebolo te s̄e mena tama yali po te hanilama pusumainogo yao. Nosali te tobolu bidi dabego aga te hanu tomoba pomainogo yaibao, tama augwaligo te aga augwali dali bidabo pesage te bulu menama bidimainogo yaibao. ⁵ Tama te wei ponainogo yali bidigo te aga wali pobeasa pelama, te hanuba pedalubaso da, teda tede bidibo bidi dabego te wi asali bidi te aga nogoba elimainogo magobeo. Magi baso meni, agai wado elama, te bidi me elibeo. Menio. Tama agai abagi Israel me deli ela muabo homu ebeo. Tama tibaso, te we bidi augwaligo te wi asali bidi bugagia tonaluaibao. ⁶ Tama aga te hanude bididubadi, te aga po t̄u te tigidali bidi gedude ilibo sogoba usu nao. Tama nosali aga tede bididubadi, tama te sogo bidali te het pris isibo sogoba usu naibao. Teda nosali te aga page bulu ma pabo te usu da, te aga polobadu wi soyu taga soali buluba ma pomainao," Genuai Bidigo te we bidibolo pusabo po te Josuabolo wali.

⁷ Tama po obaso, te we bidi augwaligo te Kedes hanu te Galili badu, te Naptaligo bulu du elalubo badu daj ilali, tama te Efraimgo bulu du badu te Sekem hanu daj ilibadi, tama te hanu Kiriya Arba, te gasa nogi Hebron tama, te Judago bulu du badu elaluai. ⁸ Te Jordan w̄ u badu, te giliga pedalubo badu, te Jeriko te masigi kemi t̄o badu daj ilali, augwaligo te Rubengo t̄ode te Beser hanu t̄o daj ilali, tama me te Ramot hanu te Gileat bulu te Gatgo t̄o badu, tama me te Golan hanu te Basan bulu tomode, te Manasego t̄o badu elaluai. ⁹ Te tama hanu dabe te tigidali Israel dabe geme duala sigi pabo hanu dabe nigilali, te gasa bulu bidi dabe te augwali dali bidali bage me te hanuba naga wi duala sigi pomainogo yali. Tama te bidi me deligo te gasa bidi me elibaso da, tiali goli te agai aga dali boi bidi eyu me elibe, teda aga pelama, te hanude bugagia bidigi pagameo. Tama te bidigo wei ponainu wali pali bidi, agai te bidi me elamuo, tama te bidi te tigidali bidi dabe gedude te po t̄uba pedalumainogo emai hagede yao. ^{††}

† 19:47 Tob 18:27-29

†† 20:9 Nam 35:6-32; Bom 4:41-43; 19:1-13

Te Livai dabego hanu dabe

21 Te Livaigo hanide te tobolu bidi dabe pelama, te pris bidi Eleasar me, te Josua te Nungo ogwa me, te tigidali Israel hani dabe te tobolu bidi dabe bidi-bo madi sugi pali. ² Augwaligo te bidi dabe te Silo bulu te Kenan dabego t̄ba sisinama, tama augwalibolo te tiwai po wali, "Genuai Bidigo bomai po dabolo te Mosesgo pedauwalide mani, te dago digi dena hanu meba sobadi, tama te dago bulmakaugo tuabo te wiegi yai nosai elalubo t̄ saibao wali," augwaligo te po wai. ¹³ Tama tibaso, te Israel dabego te Genuai Bidigo po wali pelama, tama augwaligo te hanu dabe me, tama te augwa nosai elalubo dwasianu t̄ dabe badi, te Livai hani dabebolo mani.

⁴ Hasia augwaligo te Kohatgo hani sibibolo d̄j ilama, tama augwaligo te hanu dabe sai. Te hani pris dabe te augwali te polasa bidali, te pris te w̄j Arongo hani dabe, tama augwaligo te Juda hanide me, te Simeon hani me, Benjamin, te hani selade augwaligo te nogo si olama, s̄ḡago sela hanu sali. ⁵ Tama te Kohatgo gasa hani augwaligo te nogo si hanu dabe sali, te Efraimgo hanide, me Dango hani, me Manasego hanide te hanu dabe sali.

⁶ Te Gersongo hani sibigo te Isakar, me Aser, me Naptali, te hanide te augwaligo te 13, te tama hanu sali, tama te Manasego hani te Basande bidali bagego hanu meba, te Gersongo hani sibigo me sobadi yali.

⁷ Te Merari hani sibigo te Ruben, me Gat, me Sebulun, te hani selago hanu te 12 hanu sai.

⁸ Te Israel dabe augwaligo te Livai dabe hanu, me te bulmakau dabe bidabo t̄ d̄j ilali. Augwaligo te Genuai Bidigo te Mosesgo pedauwalide wali po tiwai gilama te s̄ yali.

⁹⁻¹⁰ Te e nogi da te Juda me Simeon te hani sigo hanu dabe te Kohat hani sibigo te pris s̄ emainogo te hanu dabe hasia bolo mani. Te bidi dabe augwali te Arongo w̄j dabe dao. Te we bidigo augwali bidabo badu bolo te hanu t̄ mani. ¹¹ Tama augwaligo te hanu Kiriati Arba, te gasa nogi me Hebron elaluali, te augwaliba mani. Tama te polobadu bidali bidi Arba te Anakgo aya dao. Kiriati Arba te bulu du te Judago bulu badu elaluali. Augwaligo te Kohat dabebolo te hanu, me te p̄de elaluali t̄ dali, te tama te bulmakau dabego tuabo wiegi yai nosai elaluali dali, te augwalibolo mani.

¹² Tiali goli te we bidi augwaligo te gi s̄ yabo t̄ me, tama te hanu p̄de elaluali bulu dabe dali, te Kalep agabolo polobadu mawai dao. Kalep te Jefunego ogwa dao.

¹³ Augwaligo te hanu dabe te pris Arongo w̄j dabebolo mani. Te Hebron, te bidi dabe geme duala wi sigi pabo hanu da, me Lipna, ¹⁴ me Jatir, me Estemoa, ¹⁵ me Holon, me Debir, ¹⁶ me Ain, me Juta, me Betsemes, te tama hanu dabe dali te wiegi yai nosai te bulmakaugo tuabo te t̄de elaluai. Te Juda de Simeon hani sigo te 9 hanu augwali mani.

¹⁷ Te Benjamingo hanigo te hanu me si me si augwaliba mani, Gibeon me Geba, ¹⁸ me Anatot, me Almon, te bulmakaugo tuabo nosai elalubo wiegi yai t̄ dali, te augwali mani. ¹⁹ Augwaligo te hanu nogo si olama, s̄ḡago sela hanu dali, te bulmakaugo tuabo wiegi yai nosai elalubo t̄ dabe dali mawai, te pris dabebolo, te augwali Arongo w̄j dabe dao.

²⁰ Te Kohatgo gasa hani mebago te Efraimgo hanide te t̄ me hanu meba sali. ²¹ Te bidi dabego te hanu me si me si augwali mani. Sekemde, te bulmakaugo tuabo nosai wiegi yai elaluali te Efraimgo bulu dude, te bidi elali bidi dabe geme wi duala sigi pabo hanu elaluali, me Geser, ²² me Kipsaim, me Bethoron dali, te wiegi yai nosai bulmakaugo tuabo t̄ dali elaluali. ²³ Tama augwaligo te Kohat dabebolo te Dango hanigo hanu me si me si mani, te Elteke, me Gibeton, ²⁴ me Aijalon, me Gatrimon dali, te wiegi yai nosai te bulmakau dabego tuabo nosai t̄ dali elaluali.

²⁵ Te Manasego me badu hanigo te hanu si augwalibolo mani, Tanak, me Gatrimon dali, te bulmakaugo tuabo nosai elalubo wiegi yai t̄ dali mani. ²⁶ Te hanu nosali sabo Kohatgo hani sibi dabe, augwaligo te hanu nogo si dali, te bulmakaugo tuabo nosai elalubo wiegi yai t̄ dali sali.

²⁷ Te Livaigo gasa hani sibi te augwali nogi Gerson nogi wali, augwaligo te Manasego hani badu te hanu si sali, Golan te Basan pedai badu, te bidi elali bidi dabe geme wi duala sigi pabo hanu me deli, me te Bestera dali, te bulmakaugo tuabo wiegi yai nosai elalubo t̄ dali sali. ²⁸ Te Isakargo hanigo te hanu me si me si te augwali mani, te hanu nogi dabe Kision, me Daberat, ²⁹ me Jarmut, me Enganim, te bulmakaugo tuabo wiegi yai nosai elalubo t̄ dali mani. ³⁰ Te Asergo hanigo te hanu me si me si te augwali mani, Misal, me Apdon, ³¹ me Helkat, me Rehob, te bulmakaugo tuabo nosai elalubo wiegi yai t̄ dali mani. ³² Te Naptaligo hanigo te hanu sela te Livai hani augwalibolo mani, Kedes te Galili pedai badu, te wiegi yai nosai elalubo badu, tama te da te bidi elali bidi dabe geme wi duala sigi pabo hanu me deli dao, tama me Hamotdor, me Kartan, te kibu bulmakau dabego tuabo nosai wiegi yai elalubo t̄ dali mawai. ³³ Tama elama, tama te Gersongo hani sibi augwaligo te 13 hanu, me te augwali p̄de te bulmakaugo tuabo nosai elalubo wiegi yai t̄ dali sali.

³⁴ Te Livai gasa hani me badu, augwaligo nogi te Merari wali, augwaligo te Sebulungo hanigo hanu me si me si sai, Jokneam, me Karta, ³⁵ me Dimna, me Nahalal, te bulmakaugo tuabo nosai wiegi yai elalubo t̄ dali sali. ³⁶ Te Rubengo hani augwaligo te hanu me si me si te augwali mani, Beser, Jahas, ³⁷ me Kedemot, me Mefat dali, te wiegi yai nosai bulmakaugo tuabo elalubo t̄ dali mani. ³⁸ Te Gatgo hani augwaligo hanu me si me si te tigidali augwali mani, Ramot te Gileat pedai badu, te hanu da te bidi elali bidi dabe geme duala sigi pabo hanu me deli dao, tama me Mahanaim, ³⁹ me Hesbon, me Jaser, te wiegi yai nosai te bulmakaugo tuabo elaluali t̄ dali mani. ⁴⁰ Te Merarigo

hani sibigo te hanu nogo si olama, saḡaḡo si hanu dali te sali.

⁴¹ Te Israel dabe tigidali bidaluali tḡ pedai, te augwaligo te hanu bidi sese si olama, te a naga me sela, te tama hanu 48 dali, te bulmakauḡo tuabo wiegi yai nosai elalubo tḡ dali, te Livai hani sibi augwalibolo mani. ⁴² Te tigidali hanu deli delide tḡde te bulmakau dabego tubo nosai te paḡde elaluali.

Te Israel dabe augwaligo tḡ sali

⁴³ Tialima, Genuai Bidigo te tigidali tḡ pedai te Israel dabe augwaliba mani, te polobadu agai te augwa waḡ dabebolo te bomu yai po daḡ wali tiwai gilama yali. Tama te Israel dabe augwaligo te bulu tḡ selama, tama augwali tede bidali. ⁴⁴ Tama Genuai Bidigo te boi pilama wiegi yai pemene ebo sogo augwalibolo mani, te agai augwa waḡ dabe dali daḡ wali po tiwai gilama yali. Te haniani boi bidi hani dabe augwali te Israel dabe tigidali badu bidai goli, tama Genuai Bidigo augwali tau siyu, tama augwaligo augwa boi bidi dabe tigidali aiyaba elaluama, tama te boi bidi dabe deli mego te augwali aiyaba elaluainu ebo te usu meni yani. ⁴⁵ Genuai Bidigo te tigidali wiegi yai te daḡ wali po te Israel bage augwaliba mu usu nama, tama te seḡ ela silali. Agai wali po me deli munu me tulalubeo.

Te weḡ Jordan paḡde alta elaluali

22 Nosali Josuago te Rubengo hani me, te Gatgo hani me, te Manasego hani me badu me, te augwali i olama, tama augwali deliba sisinagasali. ² Tama agai te tiwai po augwalibolo wali, "Dagego te tigidali seḡ te Moses, te Genuai Bidigo seḡ bidigo, te dagebolo weyu, te yao po wali seḡ te tigidali ela silali. Tama dagego eno po tigidali wali pai. ³ Te tigidali sogo dagego te duga ama dede dabe tau sali, te megi e sogoba usu nani. Te deli sogo me dagego te augwali me tagalubeo. Dagego te Godigo po dabe bugagia wali pali, te dago Genuai Bidi dao. ⁴ Megi te God, te dago Genuai Bidigo, te boi pilama wiegi yai pemene ebo sogo te dagego ama dabebolo mayu, te polobadu agai po daḡ wali tiwai gilama yali. Tialima, dage te duga beba ma geasa pelama, te tḡ pedai te Jordan weḡ u badu, polobadu Moses, te Genuai Bidigo seḡ bidigo, te dagebolo mani. ⁵ Tama dagego homu kone bugagia palama, tama te Genuai Bidigo seḡ bidi te Mosesgo po dabe me te bomai po te dagebolo mani, bugagia wali pao. Te bomai po page e tiwai dao, dagego duga Genuai Bidi God godolo mu iyao. Tama dagego agai homu kole-saga me, po me, wali pao. Dage te aga dali bidiyu, tama dagego homu kolesaga me bomu tigidali te agaba munama, tama agai seḡ yao," agai te po wai.

⁶ Tama Josua te wiegi yai po mobo augwali menama, tama agai augwali te Jordan weḡ boloyu, augwa beba ma pomainu tagala palali. ⁷ Mosesgo te Basan tḡ te Manasego hani me badubolo mani, te Jordan weḡ u badu, te giliga pedalubo badude. Tiali goli, Josuago te

Manase hani me badubolo te tḡ mani, tama te gasa Israel hanibolo me, te Jordan weḡ e badu, te giliga dega sigilubo pedai badu, te tḡ me mani. Te Josuago te hani te augwa buluba ma tagala palali sogo, agai te po mobo augwaliba mayu, ⁸ tama agai te po wali, "Dagego te boide sali doado bage hauwa elalubao, tama megi dage duga buluba ma piḡo. Dagego te bulmakau hauwa elalubo, me silva, me gol, me bras, me ain, tama ugwa me hauwa elalubao. Tama dagego te boi bidide sali doado bage meba te duga ude bidali abagi dabe mao," wali.

⁹ Tialima, te Rubengo hani bidi dabe, me te Gatgo hani, me te Manasego hani, te augwali te augwa buluba ma soali. Te hanigo te gasa Israel hani dabe te Silo bulu te Kenan dabego tḡde taga soyu, tama augwali te Gileat, te augwa tḡba soali. Augwaligo te tḡ sali te Genuai Bidigo augwalibolo te Mosesgo pedauwalide wali pode tiwai gilama te tḡ polobadu sali.

¹⁰ Augwali Gelilotba sabolali, te Kenan dabego tḡ te Jordan weḡ sesegede, tama augwaligo te genuai alta me deli te bulu te weḡ paḡde dodolali. ¹¹ Tama tigidali gasa Israel dabego te tiwai seḡ yali po odali, "Odiao! Te Ruben dabego, me Gat, me Manase me badu, te tama hani bagego te alta me deli te Gelilot bulu, te Kenan tḡ sesegede, te Jordan weḡ paḡde, te da bidibo pedai badu te alta nigalio," te po wabo odali. ¹² Augwaligo te po odama, tama tigidali te Silo buluba sisinama, tama augwaligo te hani sela dali boi hwainogo sisi ilali.

¹³ Tialima, te Israel dabe augwaligo te Finias tagala palali, te pris bidi Eleasargo ogwa, te Rubengo hani me, te Gatgo hani me, te Manasego hani badi, te hani sela bidibo madiba te bulu Gileatba pai. ¹⁴ Tama te nogo si tobolu bidi dabe te Finias dali pali. Te bidi dabe augwali tigidali te Israel bidi dabe naga, tama te augwa deli hani sibi tobolu bidi dabe dao. ¹⁵ Augwali te Gileatba sabolama, tama augwaligo te tiwai po te Rubenbolo me, te Gat me, Manase me badu, te hani bage selabolo te po wali, ¹⁶ "Te Genuai Bidigo po odobo we bidi tigidaligo te tiwai po wali, 'Magi baso dagego te dwai seḡ dena Godibolo yaliwe? Dagego te Genuai Bidigo po sela saḡama, tama dagego te duga alta te nigalio! Dagego te Genuai Bidi wali pabo aḡ me ebeo! ¹⁷ Polobadu dago te bulu Peorde te dwai seḡ yali, tama Genuai Bidigo te gasi tagala palama, tama aga we bidi dolali. Dagego homugo te dwai seḡ yali te usu ebe homu elama, tama dagego gasa dwai seḡ me ma yali da, agawe? ¹⁸ Magi yaliwe, megi dagego te Genuai Bidi wali pabo hagela homu ebaso yaliwe? Te dagego agai po megi sela saḡani wida, teda do agai da Israel dabe tigidalibolo wado po waibao. ¹⁹ Te dage Genuai Bidigo gedude meda elaluyu, tama dagego tḡde lotu wabo te usu meni ebaso da, teda dage te Genuai Bidigo tḡba asiḡo, te agai ugwa be elalubo buluba. Tede Godiba nai ula mabo alta elalubao, te dago Genuai Bidi dao. Tama dagego te da tomode te tḡ meba siagameo. Tiali goli, tiyu, te dagego Genuai Bidigo po sela sayu, dagego te alta nigali gilama idalio.

† 22:2 Nam 32:20-32; Jos 1:12-15

†† 22:16 Bom 12:6 † 22:17 Nam 25:1-9

²⁰ Dagego te Akan te Serago bulali wāj ogwa te homu-gegeda palamuo. Te hasia Godigo te Jeriko hanude nai sigio olama, habu selali elalubadi, tama Akango te po sela s̄n̄ama, tama te nai meba sali. Tama te tigidali Israel dabego te dwai s̄ yali s̄ḡḡ tolali. Te Akango yali dwai s̄ te Akan aga delide naga me elalubeo. Menio! Te gasa Israel we bidi dabe augwali me dolai dao! we bidi tigidaligo wali," augwaligo te po wai. †

²¹ Tialima, te Rubengo hani, me te Gatgo hani me, te Manasego hani meba me, te augwaligo te hani sibi tobolu bidi augwalibolo te tiwai po wei ponani, ²² "God te tigidali bomu elalubo! Agaduba deli naga te Genuai Bidi dao! Te dago magi baso te s̄ yali, te agai koneani. Tama dago homugo te dagego me konemainogo yaibao! Te dago Genuai Bidigo po sela s̄n̄ama, tama dago agai bomai po wali pis̄wai baso da, teda dagego da te bidibo ula elalu bidimainu me gogolamu dao!

²³ Te dago Genuai Bidigo po sela s̄n̄ama, tama dago te dena alta digi nigilama, tama te ofa ebo nai ulai digi, te wit ofa ilabo me, te deli homu ilabo ofa me, te s̄ yaibasoda, teda Genuai Bidi agai digi da dene ilimainogo yao. ²⁴ Tiali goli, meniama, dago te s̄ is̄basoda, magi baso, te da wi eyu, tiyu te nosali dagego wāj dabego te tiwai po weyu, 'Te magi baso dagego te God, da Israel dabego Genuai Bidibolo lotu po obawe?' po waibao. ²⁵ 'Genuai Bidigo te w̄ Jordango da d̄j̄ tomode muani, tama dage te Ruben me Gat tego hani we bidi dabe, dage te Genuai Bidigo hani meni,' te po waidalio. Tama tiyu, te dagego wāj dabego te dago wāj dabe paliama, tama augwaligo te Genuai Bidibolo lotu po me wagobeo."

²⁶ "Tama tibaso, dago te alta nigali. Te ofa yabo nai dabe, me te gasa tobage ofa, te ofa dabe yabo te me egobeo. Menio! ²⁷ Te dago hanide d̄j̄ me deli, me te dage hanide d̄j̄ tama te dago wāj dabe ola mani, te aga ugwa bede dago lotu te Genuai Bidiba naga weyu, tama dago te ofa ebo nai dabe ulubo da, tama te dwai s̄ ebo ofa, me te deli homu ebo ofa me, te ofa yaibao. Tiyu nosali dagego wājgo te dago hanibolo te tiwai po waidalio, 'Dage te Genuai Bidigo hani menio,' te po waidalio! ²⁸ Dago te tiwai homu yali, 'Te tobage posobo po te dabolo me te dago wāj dabebolo wabo side, teda dago te po wainogo, "Suao, te alta dago aya dabego nigali, te dagego alta tobage deli tiwai e elalubao," omainogo yali. Tama te olo nai dabe me te dwai ofa ebo te tiwai me ebeo. Menio! Te alta da, te dago hani dali, te dage hani dali, te d̄j̄ deli naga iliyu hanilama tiwai yali,' dago te homu yali. ²⁹ Dago te olo nai, te hasa, me te wit, me te dwai s̄ ilibo ofa te tiwai me ebeo. Dago te tiwai s̄ ebo hagela yai. Mu menio. Te dago tama tiyu da, te Genuai Bidigo po sela s̄n̄ama, tama tudiba muaibao. Dago te Godigo alta te me hasegelegobeo, te dago Genuai Bidi, te alta aga ugwa be te gedude dolalubao." Te Ruben, Gat, te Manase bage meba me, te hani selago te po wai.

³⁰ Te pris bidi Finias te augwa we bidigo genuai dabe dali, te augwali te Israel hani sibi dabego tobolu bidi

dao, augwaligo te Rubengo hani me, te Gatgo hani me, Manasego hani, te augwaligo wabo po odama, tama augwali wiegi yai homu pemene yai. ³¹ Tialima, Finias, te pris Eleasargo ogwago te Ruben, me Gat, me Manase, te hanibolo te tiwai po wali, "Megi dago koneani, te Genuai Bidi da dali bidibo, magi baso meni, dagego agai po me sela s̄beo. Tama tibaso, Genuai Bidigo da dali wado po me wagobeo," wali.

³² Nosali Finias, me te tobolu bidi dabe, augwaligo te Ruben, me Gat, me Manase, te hani augwali te Gileat bulude taga peyu, tama augwali te Kenanba ma pelama, tama te wali po dabe te Israel dabebolo pusigi pali. ³³ Tama te Israel dabego te augwaligo pusagasali pode te augwali wiegi yai homu pemene yai. Augwaligo te God nogi ugwaba siyu, tama augwaligo te Ruben, me Gat, te augwali dali boi hw̄gi pabo homu eyu, te augwali bidali t̄ doligi pabo homu yali, te homu kone muni me ebeo. ³⁴ Tama tialima, te Ruben dabe, me te Gat dabe, te augwaligo te alta nogi poali te "Hania Haninama Pusali," magi baso meni, augwaligo te po wali, "E altago da tigidalibolo d̄j̄ iliyu, hanilama e po oda mabo dao, te Genuai Bidi aga deli naga te God dao," wai.

Josua isali

(D̄j̄ 23-24)

Josuago po te we bidibolo pusa mani

23 Te kibu be hauwa bidama, tama Genuai Bidigo te boi pilama wiegi yai pemene ebo sogo te Israel dabebolo mani. Tama augwaligo te bidalua pabo boi bidi dabe dali te boi me hw̄beo. Te megida, te Josua monu dabe mu yali. ² Tialima, agai te Israel dabe tigidali i olama, tama te tobolu bidi dabe me, te genuai bidi dabe me, tama te tonalubo bidi dabe me, te ofisa bidi me, augwali i olama, tama agai augwalibolo te po wali, "Megi da, ena monu dabe yalio. ³ Dagego digi te tigidali s̄ te God, dago Genuai Bidigo, te boi bidi hani dali te dage homugo koneama, te s̄ yali dagego suali. God, te dago Genuai Bidigo, te dagego boi hw̄badi tau sali. ⁴ Megi te dagego bugagia odīo! Te gasa hani dali tama te elalubo t̄, te eno dagebolo somainogo sa muani. Eno te boi hw̄j̄nama aiyaba elaluali hani dali te tiwai naga yali. Tama dagego t̄ te w̄ Jordan sesege badu gagalasa pali, te giliga pedalubo madi, te Mediterenian Tamu Āj̄ badu, te giliga dega sigilubo pedai badu d̄j̄ igi pali. ⁵ God, dago Genuai Bidigo, te boi bidi dabe ela gudulama, tama dagede wi eyu pomainogo ilaibao. Tama te dagego augwaligo t̄ saibao, te Godigo bomu yai po d̄j̄ wali tiwai gilama yaibao."

⁶ "Tama dage bomu dolaluyu, tama bugagia dua tama elama, tama dagego te tigidali po te Mosesgo as̄ani bukude elalubo bomai po wali pīo. Dagego te agai po dwasianu me deli tagalamuo. ⁷ Tama te dage tomode bidalubo gasa we bidi hani dali deliba me sisi-

† 22:20 Jos 7:1-26

namuo, tama dagego te augwaligo tibo god nogi te me nogilamuo, tama dagego te mu po daꝝ walainu te augwali nogi me nogi igio. Tama dagego te kidu sugunama, tama te augwaligo tibo godiba lotu po me waggio. Menio! ⁸ Tialima, te dagego te Genuai Bidi dali bugagia keꝝ pelama, tama aga wali peyu, te megi tama dagego te ela asali tiwai gilama yao.”

⁹ “Genuai Bidigo te genuai bidi dabe me, te bomai we bidi hani me, sela saꝝu ela gudulama, tama mena bidi me deli te aga bomo elama dolalu, te dage me sela saꝝbeo. ¹⁰ Te dage hani bidi me deligo te umabo bidi mu, te 1,000 bidi dabe te wi pomainu ilibo seꝝ ebaso, te usu yai dao, magi baso meni, God, te dago Genuai Bidigo, te dage tau siyu, augwali dali hwjai dao, te agai polobadu po daꝝ wali tiwai gilama yaibao. ¹¹ Tama tibaso, dage te duga ebo kolesagade te bugagia dua yao. Dagego te dena Genuai Bidi, God, te godolo mu yao,” wali.

¹² “Tiali goli, dagego te dena God tagaliyu, tama dage te hwjibode isiꝝwai gasa hani we bidi te dage tomode bidalubo bage dali sisinama, tama dagego augwali dali we si ebaso da, ¹³ teda dagego koneani, te Godigo te augwali munu me sela saꝝgobeo. Menio. Te dagego boi bidi mu augwali pedelaibao. Te augwali te dage tulaluabo toꝝ dedage tiwai elaluaibao. Tama augwaligo dage te keloago dene mayu, te bidi tudi badu elibo tiwai gilama dene mawaibao, tama te sesanigo bidi gedude enibo tiwai gilama yaibao. Tama te seꝝeꝝ elalubadi, te dage tigidali te e wiegi yai toꝝde polo isaibao, te dena Genuai Bidigo dagebolo mani toꝝ.”

¹⁴ “Tialima, megi ena te toꝝde bidibo sogo silainogo ebaso. Dagego mu koneani, God, te dago Genuai Bidigo, te tigidali wiegi yai nai te po daꝝ wali nai mena silali. Te agai po daꝝ wali nai te tigidali pedela silali, te agai wali po me deli munu me tulalubeo. ¹⁵⁻¹⁶ Mu tama, God, te dago Genuai Bidigo, te agai po weyu, te seꝝ yaibao wali te tigidali wiegi yai seꝝ ela silali. Tiali goli, dagebolo te Godigo wali bomai daꝝ wali po, te dagego boloyu, bugagia wali me pisayu, tama dagego te tibo godiba lotu weyu, tama dagego te augwaliba kidu sugunubaso da, teda Genuai Bidigo dagebolo wado po weyu, tama agai dageba dene ilama, te dage tigidali agai te mani wiegi yai toꝝde polo isimainogo yaibao,” Josuago te po wali.

Josuago te Sekemde we bidi dabe dali po miani

24 Josuago te Israel hani tigidali te Sekemba sisanani, tama nosali agai te tobolu bidi dabe me, te genuai bidi dabe me, te tonalubo bidi dabe me, te augwali tigidali i olama, sisinama, tama augwali te God gedude doligi pali. ² Tama Josuago te tiwai po te tigidali we bidibolo wali, “Te Godigo po, te da Israel dabego Genuai Bidigo po, te tiwai obao, ‘Polobadu mu te dagego waꝝ dabe augwali te weꝝ Yufretis pedai u badu bidali. Tama augwaligo te tibo godiba lotu po wai. Te waꝝ me deli nogi te Tera, tama aga te Abraham de Nahor sigo aya dao. ^{††3} Tiali goli, eno te duga waꝝ

Abraham te weꝝ Yufretis u badu elaluali toꝝde selama, tama eno aga te Kenan toꝝ pedai tigidali badu selama bilali. Tama eno te agabolo waꝝ hauwa mani. Eno te ogwa Aisak deli agabolo mani, ^{††4} tama eno ogwa si mani, Jekop me Iso, te Aisakbolo mani. Tama eno te bulu du Seir, aga gasa nogi me Idom, te Iso mani, te aga toꝝ gagalama bidali. Tiali goli, Jekop me, te aga hani wai dabe dali, augwali te Isipba pali.” ^{††}

⁵ “Te nosali eno te Moses de Aron si tagala palama, tama eno te dwai nai dabe mugo te Isip dabe mu dolali. Nosali eno dage te Isip taga soyu, tama eba odasa asali. ⁶ Eno dagego aya selama, tama te Isip taga soyu asali. Tama te Isip dabego te bomai hwjibo nai karis, me hos me selama, tama dage soali wali pobeasa asali, te augwali te nosai elalubo tamu aꝝba sabolali. ⁷ Tiali goli, te aya dabe augwali wi elama, tama eno te Israel dabe tigidali augwali tau somainogo te i bomonama mu wali, tama eno te be hulua sabo tiwai te augwalide te Isip ami dabe dali si tomode muani. Tama eno te tamu aꝝ peda pomainogo ilama, tama te Isip dabe mesega sali. Dagego eno te Isip dabede yali seꝝ te dagego suai dao. Tama nosali dage te kemi toꝝ bulude sesabi elama, hauwa sogo mu bidali.” ^{††}

⁸ “Nosali eno dage te Amor dabego toꝝba te Jordan weꝝ pedai te giliga pedalubo badu odasa pali. Tama augwaligo dage dali hwjani. Tiali goli, eno dage tau selama, tama dagego augwali aiyaba elaluali. Tama dagego augwaligo toꝝ sali, magi baso meni, ena polasa peyu, tama eno augwali dolali. ^{††9} Nosali Balak, te Moap dabego tuni bidi Siporgo ogwago, te dage Israel bage dali hwjani. Agai po te Balambolo ola tolali, te Beorgo ogwa, tama agai te po dwai me deli weyu, tama dage dolomainogo hanalu wali. ¹⁰ Tiali goli, eno te Balamgo po odobo hagela homu yali, tama agai te dwagi yai mobo dagebolo maidu geani. Tama eno dage te Balakgo nogode ma dobola sali.” ^{†††}

¹¹ “Dage te weꝝ Jordan nogelama, te Jerikoba sabolali. Tama te Jeriko bidi dabego dage dali boi hwjani. Tama te Amor dabe me, te Peres dabe me, te Kenan me, te Hit dabe me, te Girgas me, te Hivi dabe me, te Jebus dabe me, te augwaligo me dage dali boi hwjani. Tiali goli, eno augwali dagego nogoba muani. ^{§12} Ena dage asobadi polasa peyu, tama eno digi te boi bidi dabe wi ilama, tama augwali sela saꝝwai dao, tama te tialigo te Amor tuni bidi si wi pomainu ilali. Tiali goli, duga digi te poai hwꝝ ge bainatgo, me te sesemonego te augwali si gudulu baso wi me pabeo. ^{§†13} Tama tiyu, eno dagebolo te toꝝ me deli te duga digi seꝝ me isaꝝwai digi, te toꝝ dagebolo mani. Tama eno dagebolo te dagego me nigisiꝝwai hanu me mobadi yali. Megi dage te bulu dabede bidaluyu, tama dagego te ni du wain, me te ni oliv me tuyu bidibao. Tiali goli, te duga digi me bu-

† 24:3 Gag 12:1-9; 21:13 †† 24:4 Gag 25:24-26; 36:8; 46:1-7; Bom 2:5 ††† 24:7 Sai 14:1-31 †††† 24:8 Nam 21:21-35 †††† 24:10 Nam 22:1-24:25 § 24:11 Jos 3:14-17; 6:1-21 §† 24:12 Sai 23:28; Bom 7:20

lusiawai dao,' dago Genuai Bidi God agai te po obao," Josuago te po wai. †

¹⁴ Tama Josuago po ma weyu, te po wai, "Tialima, megi da, dagego te Genuai Bidi dologode bidiyu, agaba lotu po weyu, tama sesemane sogo dagego agade sę te dagego bomo tigidali teba munama, sę yao.

Dagego te tibo godiba homu kone ebo tagalama, te duga wajı dabego te Mesopotemiade me te Isip pedai badu side bidali sogo augwalibolo te lotu po wali.

Dagego te Genuai Bidiba naga lotu po wao. ¹⁵ Tiali goli, dagego te Genuai Bidiba lotu wabo hagela homu ebaso da, teda dagego bugagia homu kone palao. Te dagego lotu po debolo waibawe? Te duga wajıgo te Mesopotemiade te tibo godiba lotu wali te Godiba lotu po waibawe? Ma, te Amor dabego tibo god, te megi te dage te bidibo tęde te Godiba lotu waibawe? Tiali goli, ena, te ena we wai sibi dali, te dago da te Genuai Bidiba naga lotu po waibao," Josuago te po wai.

¹⁶ Tama te we bidi augwaligo te tiwai po wei ponoyu, te po wai, "Dago te Genuai Bidi tagalama, te tibo god dabeba lotu munu me wagobeo! Mu menio! ¹⁷ Te Genuai Bidi deli naga te dago God, tama agai te da dali, te dago aya dede dali, te Isip kalabus sęde bidibadi, te da ma dobola selama, odasa asali. Tama dago te agai te ebo bomai sę suali. Te da gasa hani dabego tęde bilaluali sogo, tama da te mena pabo sogo me, te Godigo da bugagia tonalualigo te da bugagia bidali. ¹⁸ Te da asali sogo, Genuai Bidigo te tigidali hani bage ela gudulubo sę yali, te Amor dabe dali, augwali te e tęde bidibadi tiali. Tama tibaso, dago me te Genuai Bidiba lotu waibao wali. Aga deli naga te dago God dao," augwaligo te po wai.

¹⁹ Tialima, Josuago augwalibolo te po wei ponani, "Te dagego homugo te Genuai Bidiba lotu po wabo homu ebawe? Aga te magi dwai sę isiaıma, tama agai homugo te dagego tibo godiba lotu wabo hagela homu ebao. Agai homu te tibo god me deligo aga me hasegelegobeo. Te agai dagego sęę me dwai sę yali te me sela sęgobeo. ²⁰ Tama mu tama, agai polobadu dagebolo wiegi yai sę mu yali, tiali goli te dagego Genuai Bidi tagalama, tama te gasa hanigo tibo Godiba lotu po obaso da, teda Genuai Bidigo po wado po olama, tama agai dage dene ilama, tama agai dage dolaibao," te po wai.

²¹ Tiali goli, te we bidigo Josuabolo te tiwai po wei ponani, "Mu menio! Te sę me egobeo. Te dago Genuai Bidiba naga lotu po waibao."

²² Tialima, Josuago augwalibolo te po wali, "Duga digi haninama pusali, tama duga digi te Genuai Bidiba naga lotu po wabo po daı wali."

Tama augwaligo te po wali, "Te tama dao! Dago haninama po pusali. Te dena digi dade wali po dao."

† 24:13 Bom 6:10-11

²³ Tama Josuago po ma wali, "Tialima, dagego te gasa hani dabego te tibo god dage tomode bidalubo te dagego sela sayao. Tama dagego duga homu tigidali te God, te duga Israel dabego Genuai Bidiba muao."

²⁴ Tama te we bidi augwaligo Josuabolo te po wali, "Dago te Godiba lotu wainogo, te dago Genuai Bidi, tama aga bomai po naga wali paibao."

²⁵ Tialima, te sogo Josuago te we bidi dabe dali po me deli daı walali. Tama te bulu Sekemde Josuago te bomai po me te po me asęnama, augwalibolo mani, te augwaligo wali pomainogo. ²⁶ Josuago te po dabe te Godigo bomai po elalubo buku me deli tomode asęani. Nosali agai te masigi me deli selama, tama te ni kali paęde, te Genuai Bidiba lotu po wabo madi paęde te masigi dolaluama, muani.

²⁷ Tama Josuago te we bidi augwalibolo wali, "Te sesemane sogo dago te masigi subo sogo da, te dago homugo te dago te daı wali poba homu kone ma palaibao. Te masigigo te Genuai Bidigo dabolo wali po tigidali odali. Te dage homu hodolabo daı me deli te ilali, te dagego te dena Godigo po munu me sela sęnamu dao," te po wali.

²⁸ Nosali Josuago te augwali te augwaligo sabo tęba ma tagala palali. Tama tigidali te augwa buluba ma pelawali.

Josua de Eleasar si isali

²⁹ Nosali Josua, te Nungo ogwa, te Genuai Bidigo sę bidi, aga isali. Tama aga isali sogo agai kibu be te 110 kibu be yali. ³⁰ Augwaligo aga te tę doba yali sogode agai sali tę Timnat Sera tede pubulali. Te bulu te not te bulu du Gas, te Efraimgo bulu du, te pedaide dao. ††

³¹ Te Josua bidibadi, te sogo da, te Israel dabego te Genuai Bidiba lotu po uduai. Tama nosali te Josua isai madi me te augwaligo Genuai Bidiba lotu po udali. Augwaligo tama tidubadi, te Genuai Bidigo te Israel dabe tau siyu ebo sę suali te genuai bidi dabe augwali me isali.

³² Te Josepgo dili te we bidigo Isipdu tolasa asali, te augwaligo te Sekemde pubulali, augwaligo te Jekopgo te mone 100 silvago te Hamorgo ogwa dabe dali polobadu abelali, te tęde pubulali. Hamor te Sekemgo aya dao. Tama Josepgo hani augwaligo te tę sali. ‡

³³ Tama Eleasar, te Arongo ogwa, te isibasos, tama augwaligo aga te Gibeade pubulali. Te hanu augwaligo te aga ogwa Finiasbolo mani, tama te Efraimgo bulu du te badu elaluai dao.

†† 24:30 Jos 19:49-50 ‡ 24:32 Gag 33:19; 50:24-25; Sai 13:19; Jon 4:5; Tpi 7:16

Te Israel Tobolu Bidi Dabe

Hasia Nedebo Po

Te buku Te Israel Tobolu Bidi Dabede te nosali augwaligo te Kenan t̄o sainogo yali s̄e me te po hauwa elalubo, tama s̄e ela pelama, te augwa digi augwa tuni bidi nigilama bidali teba usu nigi pali. Augwaligo te Israel dabe tobolu bidi meba dabede te po wali. Te e tobolu bidi dabe hauwa augwali te ami bidi tonalubo bidi dabe dao, augwali te po t̄u odoobi bidi dabe me te bomai po dabe bolobaso, te po dodolobo bidi dabe augwali te bage menio. Godigo augwali te augwa hani dabe te boi bidigo augwali aiyaba elaluama, tama te augwali s̄e s̄e mobaso, te augwaligo tau somainogo yali. Te bidi me deli augwali tomode te genuai nogi elaluali, te Samson, te augwaligo agade yali s̄e po as̄ani te Daj 13-16 tede te po elalubao.

Te genuai s̄e me deli te Godigo dabolo ola mawainu yali, te e tama: Israelgo te Godigo po wali mu peyu tama bugagia bidimainu yali, tiali goli te augwaligo agai po sela s̄abaso da, te augwali boi bidigo mu dolomainu yali. Tiali goli, te aiyaba elalubo gasa nai me deli te elaluali. Te augwaligo Godigo po sela s̄abo sogo, te augwali dolobo si da, te Godigo augwali homu dene idu, tama augwali tau sabo homu yali. Tiali goli, agai augwali odolali me tau sabe, augwaligo homu begelama, tama dwai s̄e yali tagalama, tama agaba homu begelama asobo si da, teda agai te tobolu bidi dabe augwaligo nogode tau sabo bomu mawai dao.

Tobolu Bidi Dabego te Israel Hani Tonaluali

(Daj 1-3)

Te Juda dabe me te Simeon dabe dede augwaligo te tuni bidi Adoni Sedek pageabi yali

¹ Te Josua isai madi tama te Israel dabego te tiwai po te Genuai Bidibolo hanalu wali, "Te mena hani polasa peyu, tama te Kenan dabe dali boi hw̄igi pogowe?" wali.

² Tama Genuai Bidigo te po wei ponani, "Te Judago hani polasa paibao, magi baso meni, eno te t̄o augwalibolo mawai dao."

³ Tama Judago hanigo te Simeongo hanibolo wali, "Te hasia dage da dali aselama, tama da te augwaligo dabolo sa muani t̄ba pinao," wali, "tama dago te Kenan dabe dali hw̄jaibao. Nosali da Juda dabe dage dali te augwaligo dagebolo sa muani t̄ba paibao." Te po wai. Tama te Simeongo hani te Judago hani dali pali.

⁴ Tama Judago hani te boi hw̄igi painu polasa pali, tama Genuai Bidigo te Kenan hani me te Peres hani si te Judago hani dabe nogoba munama, tama augwaligo te bidi sese umabo bidi mu, te 10,000 bidi te Besekde ela silali. ⁵ Tama te Juda dabego te tuni bidi Adoni Besek te aga hani dali gegelama, tama augwaligo augwali dali hw̄jani, tama augwali aiyaba elaluali.

⁶ Adoni Besek wi pali, tiali goli te Juda dabego aga

pobeasa pelama, tama aga pageabi elama, tama te genuai a nogo si togwali, tama te a s̄a s̄a si me togobadi yali.

⁷ Tama Adoni Besekgo te po wali, "Polobadu eno te tuni bage bidi sese sela te gasa bidigo nogo si te 70 bidi te augwali eno te a nogo me, a s̄a s̄a me togolama, tama augwaligo te nai kakali te eno tebol sai dologode sela tuyu yai. Megi Godigo te tiwai s̄e naga te enaba wei ponobao," wali. Tama augwaligo te tuni bidi Adoni Besek te moni hanu Jerusalemba sela pelama, te Jerusalemda bidibadi tama aga isai dao.

Te Judago hanigo te Jerusalem me Hebron dali sali

⁸ Te Juda dabego te Jerusalemda bidali bidi dabe dali boi hw̄jnama, tama augwaligo t̄o sali. Tama augwaligo te we bidi ela munama, tama augwaligo bulu dabe dali sia ulali.

⁹ Nosali augwali pelama, te Kenan bidi dabe te bulu dude me bulu odogode bidalubo bidi dabe dali hw̄igi pali, tama augwaligo te bulu nogi Negev teba pelama, me hw̄igi pai. ¹⁰ Tama nosali ma augwali pelama, te Hebronde bidibo Kenan bidi dabe dali hw̄igi pali. Te bulu Hebron te polobadu augwaligo te hanu nogi Kiri-at Arba nogi yai. Tama Juda dabego te Sesai bulu bidi me, te Ahiman bulu me, te Talmai bulu bidi, te augwali aiyaba elaluai dao.

Otnielgo te Debir hanu sali

¹¹ Te Juda dabego te Hebron bidi dabe augwali aiyaba elaluama, tama augwali pelama, te Debir we bidi

dabe dali hwjgi pali. Te bulu Debir polobadu augwaligo te hanu nogi Sefer nogi yali. ¹² Tama Kalepgo te po wali, "Te niwai bidi me deligo te Sefer hanu we bidi dali boi hwjnama, te augwali aiyaba elaluama, tama te hanu sobaso da, teda agai te eno wegi Aksa te so-mainu yaibao." Kalepgo te po wali. ¹³ Tama Otniel, te Kenasgo ogwa, te Kenas da te Kalepgo dwasianu amanu, agai te hanu sigi pali. Tama tibaso, Kalepgo aga wegi Aksa te Otniel menama, tama agai sali.

¹⁴ Tama te Aksa sabalubode, Otnielgo agabolo po bomo elama weyu, te aga ayabolo te t̄o pedai me deli momainogo te po hanalu wao po wali. Tama Aksa te Kalepba pelama, tama aga te kibu donkide dualaluali te tagalama t̄oba samonani, tama Kalepgo agabolo hanalu wali, "Nago magi nai sabo homu ebowe?"

¹⁵ Tama Aksago po wei ponani, "Eno te nai me deli sabo homu ebao. Nago ena te ili meni yai wa pai t̄oba muani, te t̄o nogi Negev, te megì nago ena te w̄e ulu meba mao," wali. Tama Kalepgo te ulu w̄e ugwadu me aiyadu me elalubo t̄o me te agabolo mani.

Te Juda dabe dali te Benjamin dabe dali te augwali ugwaba ela holali

¹⁶ Te Mosesgo waj̄ monu te Kengo hani dao. Tialima, te ayago hani dali, te Judago hani dali, augwaligo te pam ni sili elalubo bulu † taga peyu, tama augwali te Judago bulu te wa pai elalubo te Arat pedai te badu bidigi pali. Tama augwali te Amalek bidi dabe dali te bulude bidali. ¹⁷ Tama te Juda me, te Simeon me, te hani si augwali pelama, tama te Sefat hanude bidibo Kenan bidi dabe aiyaba elaluali. Tama augwaligo te hanu tigidali dola silali. Tama augwaligo te hanu nogi gesi poali, te Horma nogi yai. ^{††18} Tiali goli te Juda dabe augwaligo te bulu Gasa me Askelon si te sabeo, tama Ekron te t̄o pedai dabe dali te sis̄awai.

¹⁹ Genuai Bidigo te Juda dabe tau sobaso tama augwaligo bulu du elalubo t̄o dabe sali. Tiali goli, augwaligo te w̄e sanide bidalubo bidi dabe sela s̄ayabo te usu meni yai, magi basowe, te bidi dabe augwaligo te hwj̄bo nai dabe karis ain elaluali. ²⁰ Tama augwaligo te bulu Hebron te Kalep mani, te tiwai te polobadu Mosesgo po wali gilama. Tama Kalepgo te Anakgo ogwa sela te augwali Hebronde bidali te sela s̄awani. ^{‡21} Tiali goli, te Benjamin hanigo te Jebus dabe te Jerusalemde bidibo te me sela s̄abeo. Tama te Jebus dabe te Benjamin hani dali bidaluama, tama megì e po as̄ani sogoba usu nagasali. [‡]

Te Josepgo hani dabego te Betel bulu hani bidi augwali aiyaba elaluali

²²⁻²³ Tama tialima, te Josepgo hani pelama, te Betel hanude bidali we bidi dali boi hwjgi pali. Polobadu augwaligo te hanu nogi te tiwai nogi poali, te Lus wai. Tama Genuai Bidigo augwali tau sabo s̄e yali. Tialima,

† Te pam ni sili elalubo bulu te augwaligo polobadu te Jeriko nogi poali. †† Te hanugo gesi noma nogi page da te "Dola silali," tama wabo dao. ‡ 1:20 Jos 15:13-14 †† 1:21 Jos 15:63; 2 Sml 5:6; 1 Sto 11:4

augwaligo te bidi meba tagala palama, te hanuba sa pali. ²⁴ Tama te sa pali bidi dabego te bidi me deli te hanu tagalama buluba soabo suali. Tialima, augwaligo agabolo te po wali, "Te nago dabolo te hanu tomoba pabo sunumi ola mobaso da, teda dago nage dali dwai s̄e me iligobeo," te po wali. ²⁵ Tama agai augwalibolo te hanu tomoba pabo sunumi ola mani. Tama augwali te hanu tomoba pelama, tama te hanude bidali we bidi tigidali ela silali. Tiali goli, augwaligo te bidi deli te aga hani dali te augwali me elibeo. ²⁶ Tama te bidi aga te Hit dabego t̄oba pelama, tama agai te hanu me deli nigali, tama agai te hanu nogi te Lus nogi poali. Tama te nogi me elalubo dao.

Te Manase hani me Efraim hani si te ugwaba igulali

²⁷ Te Manasego hanigo te bulu Betsan, me Tanak, me Dor, me Ipleam, me Megido, te bulu dabe p̄ade elaluali dwasianu bulu dabede te bidali bidi dabe te augwali te augwaligo me sela s̄abeo. Magi baso meni, te Kenan dabego homu bomonama eyu, tama tede me bidalu dali. ²⁸ Tama te Israel dabe augwaligo bomo pedalubo sogo, augwaligo te Kenan we bidi augwali kalabus ilibo s̄e yali. Tiali goli, te Israel dabego te augwali mu tigidali sela s̄ayu me ebeo. ^{‡‡29} Tama Efraimgo hanigo te Kenan we bidi te Geser hanude bidali te augwali me ela gudulisīawai. Tama te Kenan we bidi augwali dali tede me bidaluai. ^{‡‡}

Te gasa hani dabe augwali ugwaba ela holali

³⁰ Tama Sebulungo hanigo te hanu Kitron me Nahalal te hanu side bidali we bidi te augwaligo ela gudulube. Tama te Kenan we bidi te augwali dali hodobo bidaluai. Tama te Sebulun hanigo te Kenan dabe augwali kalabus ebo s̄e ilali. ³¹ Tama Asergo hanigo te Ako me Saidon, me Alap, me Aksip, me Helba, me Afek, me Rehob, te tama hanude bidali we bidi te augwaligo me sela s̄asīawai. ³² Tama te Aser dabe te Kenan dabe dali bidali, magi baso meni, te augwaligo augwali te bidi me sela s̄asīawai. ³³ Tama Naptaligo hanigo te hanu Betsemes me Betanat te hanu side bidali we bidi augwali te me sela s̄abeo. Tama augwali te Kenan dabe dali bidaluali. Tama Naptaligo hanigo te Kenan dabe augwali kalabus ilibo s̄e yali. ³⁴ Tiali goli, te Amor dabego bomo eyu, tama te Dango hani dabego augwali te odogo t̄o de ela gudulubo usu meni yai. Tama tibaso te Dango hani dabe meba bulu duba holama bidali. Tama te Amor dabego te augwali te t̄o maluba dulumainu me ebeo. ³⁵ Te Amor dabe augwali naga te Aijalon, me Salbim, me Heres, te tama sela bulude bidaluai. Tiali goli, nosali te Josepgo hanigo bomo genuai pedelama, tama augwali tonaluyu, tama augwali kalabus ilibo s̄e yai. ³⁶ Tama te Amor dabego t̄o d̄aj̄ te bulu du Akrabimde gagalasa pelama, te bulu Selaba sabolama, tama ugwaba mu pidubadi geani.

‡‡ 1:28 Jos 17:11-13 ‡‡‡ 1:29 Jos 16:10

Genuai Bidigo Mobo Bidi Ensel te Bokim buluba pali

2 Te Genuai Bidigo Mobo Bidi Ensel te Gilgal bulu tagalama, te Bokim buluba pali. Tama agai te Israel dabebolo te po wali, "Eno dage te Isip t̄de odasa, te eno duga w̄j dabebolo mawaibao wali bulu tagaligi soali. Tama eno te po wali, 'Te eno dage dali dau wali po te eno togogobeo. 2 Tama tialima, dagego te t̄de bidalubo bidi dabe dali te po dau me waidali weyu, te eno habu selebao. Dagego te augwaligo alta dabe aluama dolao,' eno te po wai. Tiali goli, dagego te eno dagebolo igio wali te s̄ mu nu me elamuo. Menio. Dagego te gasagi yai s̄ mu yalio! 13 Tama tialima, eno dagebolo meḡi obao, te eno dage pabo madi te bidi dabe augwali eno polasa me sela s̄gobeo, te dage augwaligo t̄ba painogo ebo sogo tama tiaibao. Te augwali dagego boi bidi dabe bidaluaibao. Tama augwaligo tibo godigo te dagego konealubo po usu selama, mu dolaibao." Genuai Bidigo Mobo Bidi Enselgo te po wali.

4 Nosali Mobo Bidigo te po wai madi, te tigidali Israel we bidi dwai gela mu wali. 5 Tama te tiali bulu nogi augwaligo te Bokim poali. Tama augwaligo te bulude God Genuai Bidibolo ofa ilali.

Josua isali

6 Tialima, polobadu Josuago te Israel dabe augwalibolo te sabo t̄ sigi pīo po wali. Tama deli deli bidi dabe pelama, te augwa sa muani t̄ selama, tama tede bidali. 7 Te Josua bidibadi te sogo te Israel dabe augwaligo te Genuai Bidiba lotu po wali. Tama nosali te Josua isai madi me te augwaligo Genuai Bidiba lotu po me udali. Augwaligo tama tiwai s̄ me idubadi, te Genuai Bidigo ebo s̄ sulama, te Israel dabe tau sali bidi dabe me augwali isai. 8 Josua, te Nungo ogwa, te Genuai Bidigo s̄ bidi, te agai kibu be 110 bidama, te aga isali. 9 Tialima, augwaligo aga te bulu Timnat Sera tede pubulali. Te bulu te aga bidali madi te Efraimgo bulu te bulu dude, te Gas bulu du te not pedai badu. 10 Te Josua aga deli hani me te augwali isila pali, tama gesi noma we bidi pedelai. Te gesi hani we bidigo te Genuai Bidi konesīayu, tama agai te Israel dabede yali s̄ me te munu me konesīayu gegeda pali.

Te Israel dabe augwaligo Genuai Bidiba lotu munu me wabeo

11 Tialima, te Israel dabe augwaligo te tibo god dabe Balba lotu weyu, tama dwai s̄ Genuai Bidigo gedude ilali. 12 Augwaligo munu me te Genuai Bidiba lotu me wabe, te augwa w̄jgo God dao. Te aga digi augwali sigi pelama, te Isip t̄ augwaligo taga soai dao. Megi da, te augwaligo te bulude bidalubo bidi dabego haniani tibo godiba lotu wali. Te Israel dabe augwaligo te tibo godiba kidu sugunama, lotu obaso, tama Genuai Bidigo te tiwai s̄b̄ sali. 13 Augwaligo munu me te Genuai Bidiba lotu po me wabeo. Augwaligo lotu te Bal, me te

tibo god we dabe Astarte teba lotu wali. 14 Tama Genuai Bidigo s̄b̄ eyu, tama dwai homu mu elama, tama agai te hw̄jbo boi bidi dabe me, te nai wi sabo bidi me te aselama, te Israel dabe dali hw̄jagasomainu ilali, tama augwaligo doado bage dabe me wi sagasomainu yali. Tama Genuai Bidigo te bidalubo boi bidi dabego te augwali aiyaba elalumainu ilali. Tama te Israel dabe augwali bomo elama, dolalu hw̄jaiyu ebo usu me isīwai dao. 15 Tigidali sogo augwali hw̄ji pali, te augwali tulalumainu eyu, te Genuai Bidigo augwali munu me augwali dwasianu tau me sabe, te agai augwali dali po dau wali gilama tama tiali. Tama te Israel dabe augwali dwai mu bidali.

16 Megi da, Genuai Bidigo te Israel dabebolo te bomu yai tobolu bidi meba mani. Te tobolu bidi dabego te Israel dabe tau selama, tama te hw̄jbo boi bidi dabe, me te doado bage wi sagasobo bidi dabego nogode ma dobola sali. 17 Tiali goli, te we bidi augwaligo te tobolu bidi dabego po me odobe. Augwaligo te Genuai Bidi tudiba munama, tama augwaligo te tibo godiba lotu po me udai, te bidigo aga we tagalama, te penani ebo weba pabo tiwai yali. Te augwa w̄j dabe augwaligo te Godigo po wali pai, tiali goli te hani wai dabe polo hasegelama, tama augwaligo te tiwai kolesaga me ebeo. 18 Tigidali sogo Genuai Bidigo te Israel dabego tobolu bidi me deli sa muani, te agai tonalua pidubadi, te aga isiboba usu niyu yali. Tama te tobolu bidi dabego te Israel dabe tau siyu, te boi bidi dabe aiyaba elaluali. Genuai Bidigo te augwali homu dene eyu, tau sali, magi baso meni, augwali te augwa yali s̄de dene me s̄ḡ te boi bidigo nogode siyu, gela weyu yali. 19 Tiali goli, te tobolu bidi isibode, te we bidi augwaligo te augwa poloba yali kolesagaba ma begasa peyu yali. Tama augwaligo dwai kolesagago te augwa w̄j polasa pali bidi dabego yali kolesaga te aiyaba elaluali. Augwaligo te gasa tibo god wali peyu, tama teba lotu wali. Augwaligo te bomu mu eyu, te augwa ebo dwai kolesaga wali mu pali. Augwa dwai s̄ tagalabo homu ebeo, tede hagela homu naga yali. 20 Tama tibaso, Genuai Bidigo te dwai s̄b̄ mu te Israel dabe dali eyu, tama wado yali, tama agai te po wali, "Te we bidi augwaligo te augwa w̄j dabebolo wali pao wali te dau wali po bolali. Te augwaligo eno po wali me pībaso, 21 tama eno te bidalubo boi bidi dabe pomainu me gudulugobeo, te Josua isai madi tiali. 22 Tama eno te boi bidigo te Israel dabe usu siyu, tama eno augwali suainogo te augwaligo eno po wali pabo te augwa w̄j dabego yali kolesaga tiwai ebowe naga suainogo tiaibao," wali. 23 Tama Genuai Bidigo te Kenan hani bidi dabe bidalumainu yai dao. Te agai augwali polo asesa me gudulubeo. Tama agai augwali te Josuago nogoba mu mabeo.

Te Godigo gasa hani te Israel dabeusu somainu bidalumainu yali

3 Genuai Bidigo te Israel hani tomode te gasa we bidi hani meba te Israel we bidi dabe tomode bidimainogo tagalali, te Kenan t̄de, magi baso meni,

† 2:2 Sai 34:12-13; Bom 7:2-5 †† 2:9 Jos 19:49-50

agai homugo te Kenan dabe dali moni boi hwjani sogo te boi hwjsiawani Israel bage te augwaligo bomo te sogo usu sela suainu, te Genuai Bidigo tama tiali.

² Genuai Bidigo tama tiwai kolesaga yali, te gesi hani Israel dabe deli deli te wabi hwjbo kolesaga ola mayu tama tiali. ³ Te e tama hani we bidi, te Godigo augwali bidimainu yali: te Filistia dabe a naga hanu, tama tigi-dali hanu te Kenan dabego me, te Saidon me, te Hivi dabego me, te bulu du Lebanonde bidali, tama te bulu du Balhermon te pelama, te Hamat Sunumi tulu mage si teba usu nigipali. ⁴ Genuai Bidigo te hani dabe augwali bidalumainu elama, te Israel dabe dali te hwjbo usu somainu yali, te augwaligo agai bomai po wali pabowe naga koneainu yalio. Te bomai po dabe te Godigo te augwa waj dabebolo mani, te Mosesgo nogode mawai dao.

⁵ Tama te Israel dabe augwali te Kenan dabe, me te Peres dabe, me te Hit dabe, me te Amor dabe, me te Hivi dabe, me te Jebus dabe, te tama hani tomode te Israel dabe bidalwai. ⁶ Tama te Israel dabe augwaligo te hani dali we si elama bidiyu, tama augwaligo tibo godiba lotu weyu yali.

Otniel

⁷ Te Israel dabego te augwa Genuai Bidi, te God te augwaligo homugo konesiayu gegeda palali. Augwaligo dwai se eyu, tama augwaligo te god Bal dali, te god we Astarte, te god dabe siba lotu wali. ⁸ Tama Genuai Bidigo te Israel dabe dali wado po olama, tama agai te gavman tuni bidi Kusan Risataim te Mesopotemia bulu bidi asomainu elama, te augwali aiyaba elaluali. Te Israel dabe augwali te gavman tuni bidi Kusan Risataim tego bomo dologode bididubadi, te kibu be a naga olama, me badu sela bidai. ⁹ Tama te Israel dabe augwaligo Genuai Bidiba gela obaso, tama Genuai Bidigo te bidi me deli sa munama, te augwali te gavman tuni bidigo bomo dologode bidibo tagalumainu yali. Te bidi aga te Otniel aga te hwjbo madiba pelama, tama Genuai Bidigo te bidigo te Mesopotemia gavman tuni bidi aiyaba elalumainu ilali. ¹⁰ Tama Genuai Bidigo Mobo Bidi te Otnielba asama, tama aga te Israel dabego tobolu bidi pedelali. Tama Otnielgo te Mesopotemia gavman tuni bidi dali hwjgi pelama, tama Genuai Bidigo aga tau selama, tama agai augwali aiyaba elaluali.

¹¹ Nosali te bulu bidi hani dali me boi hwjsiawadi, te kibu be bidi sese si bidali. Tama Kalep aga ama Kenas aga ogwa Otniel, te aga isali.

Ehut

¹² Te Israel dabe augwaligo dwai se Genuai Bidi dali ma yali. Tama tibaso, Genuai Bidigo te genuai bomo te Moap gavman tuni bidi Eklonbolo menama, tama agai te Israel dabe aiyaba elaluali. ¹³ Te gavman tuni bidi Eklongo te Amor dabe me te Amalek dabe dali selama, tama augwaligo te Israel dabe aiyaba elaluama, tama te hanu nogi Ni Pam te nogi poali hanu me sali.

¹⁴ Tama te Israel dabe te gavman tuni bidi Eklongo bo-

mo dologode bidiyu, tama augwali agade te kalabus se idubadi, te kibu be 18 tama kibu be bidai.

¹⁵ Tialima, te Israel dabe augwaligo Genuai Bidiba gela obaso, tama agai bidi me deli augwali te boi bidigo nogode bidibo tagalumainu sa muani. Te bidi aga nogi te Ehut, aga te pobase nogo yai bidi, tama te Benjamingo hanide te Gerago ogwa dao. Tama te Israel dabego te gavman tuni bidi Eklon te wiegi yai homu ilibo nai tolali, te Moap gavman bidi bidai, tama te nai te Ehutgo sela pali. ¹⁶ Ehutgo te aga hwag ge bainat te tedali nigali. Te hwag ge poai te si badu elaluali, tama te bobage gana elaluali te hap mita. Tama agai te hwag ge te aga dolo nogo badu te aga sagade dag olama, te gudali ugwa dologode geme dualali. ¹⁷ Tialima, agai te wiegi yai homu ilibo doado bage te gavman tuni bidi Eklonbolo magi peyu pali. Eklon te moni genuai tigi ili yai bidi mu bidai. ¹⁸ Ehutgo te agai sela pali doado bage te Eklonbolo menama, tama aga dali te doado bage sela asali bidi dabe te augwali pai. ¹⁹ Augwali palima, te masigi togolama sabo bulu te Gilgal paba sabolali, tama Ehut te agaduba ma gelama, tama te bulu Moapba ma sabolali. Agai te gavman tuni bidi Eklongo suainu eyu, tama agabolo te po ola tolali, "Tuni bidi, eno po te nage deli dali naga wainogo asalio," wali. Tama te tuni bidigo aga se ebo bidi dabebolo te po wali, "Dage piyo," wali. "Denaduba si naga bidaibao," wali. Tialima, tigidali se bidi dabe sese buluba sola silali.

²⁰ Te gavman tuni bidi agaduba deli te kedau asobo be habu te ugwadu daide dulaludali, Ehut agaba asama te po wali, "Eno te nago po te Godidu asali po me deli te nage dali wabo po elalubao," wali. Te gavman tuni bidi dolugulali, ²¹ tama Ehutgo te bainat hwag te pobase nogogo selama, tama te hwag ge te tuni bidigo tabide elali madi te hwag ge te tabi tomoba bula sigi pali. ²² Ehutgo te bainat hwag te tuni bidigo tabide djag sabeo. Tama te hwag poai yali me te hwag ge sigi me te tigidali mu tomoba bula sigi pali. Tama te tabi iligo te hwag ge mesega sali, tama te bainat poai yali te tudi badu pedaligi soali. ²³ Ehutgo te be sunumi paliama, dag walama, tama te gasa sunumidu buluba teda soali, tama aga palio.

²⁴ Te se bidi dabe aselama suali, te be sunumi palialubo suali, tama augwaligo te homu yali, "Te gavman tuni bidi te di beba pali da," te homu yalio. ²⁵ Augwaligo sesabi gana elama tonaluali goli, agai te be sunumi dabo sube. Tama augwaligo ki selama, te be sunumi dalama, tama augwaligo suali, te augwa genuai bidi isama, tama te be dedegude pila mubo suali.

²⁶ Te se bidi dabego homu hauwa eyu tonalu dali sogo, te Ehut aga wi soai. Aga palima, te masigi togobo pesage dabe te edelama, tama wi peyu, te bulu me nogi Seira teba geme wi duala sigi pai. ²⁷ Nosali aga te Israel dabego tqba pedelama, tama agai Efraimgo bidali bulu duba sabolama, te bu wabo nai biugel bu olama, te Israel bidi i olama, te hwjagasao wai. Tama augwali nosali asobadi aga polasa peyu, tama augwali te bulu duba dabe aiyaba dulali.

²⁸ Ehutgo te Israel dabebolo wali, "Dage ena wali asião! Genuai Bidigo duga boi bidi, te Moap dabe, te dagego nogoba manio. Te dagego augwali aiyaba elaluaibao," wali. Tialima, augwaligo te Ehut wali palima, tama augwaligo te Moap dabe soabo sunumi geã sigi pali, te Moap dabe augwali te wẽ Jordan nogeidali weyu tama tiali. Tama me deli te wẽ nogelama te me soabeo. Mu menio. ²⁹ Te sogode te Israel dabe augwaligo te Moap dabego bomai ami bidi dabe te bidi sese umabo bidi, te 10,000 bidi ela muani. Te deli munu me wi pabeo. ³⁰ Tama te Israel dabego te sogo te Moap dabe aiyaba elaluai. Tama te tõe te boi me hwjãbadi, te kibu be bidi sese me si me si, te 80 yia bidai.

Samgar

³¹ Te Ehut tudi badu te gasa tobolu bidi me pedelali, te aga nogi Samgar da, te Anatgo ogwa dao. Agai te bidi sese bidi hauwa elali, te e tama bidi, 600 te Filistia bidi dabe te dwasianu te kibu bulmakau tonalubo ene sesemonego te bidi dabe ela silali. Tama te Israel dabe tau siyu, agai tama tiai dao.

Debora me Barak

(Daj 4-5)

Debora de Barak sigo te boi bidi dabe aiyaba elaluali

4 Ehut isai madi tama Israel dabego te Genuai Bidi Godigo gedude dwai sã ma ilali. ² Tama tibaso, Genuai Bidigo te Kenan gavman tuni bidi Jabingo te augwali aiyaba elalumainu ilali. Te tuni bidigo te Hasor hanu tonaluali. Tama aga sã tonalubo te polalubo bidi Sisera te aga ami bidi dabego ofisa bidi dao. Aga te bulu Hasoret Hagoim tede bidali. ³ Jabin agai hwjbo nai te bidi sese hauwa 900 te karis ain elaluai. Tama agai te Israel dabe dodolama mu tolaluali, tama augwali subigila eliyu, tama doliyu idubadi, te kibu be bidi sese deli bidai. Tama te Israel dabe augwali tau so-mainu te Genuai Bidiba gela wali.

⁴ Te sogo te nosali pedelabo sã po pusali profet we me deli bidai, te we nogi Debora. Te bidi me deligo we, te bidi aga nogi Lapidot. Te sogo te we Deborago te Godigo homude mabo kolesaga te po te Israel dabebolo ola mawai. ⁵ Aga te ni me deli te ni pam dologode dulalu bidibadi, tama te Israel dabe agaba asemama, tama agai augwaligo po tũ dodolomainu eyu, augwaligo agai po odagasiyu yali. Te ni te bulu Rama me Betel te Efraimgo bulu du tomode elaluali. ⁶ Tama Deborago po te Barakba ola tolali, te Abinoamgo ogwa da, te Naptali hanigo hanu Kedes te badu bidali. Tama Deborago agabolo te tiwai po wali, "God, te dago Genuai Bidigo, nagebolo te po wainogo yali: 'Nage pelama, te Naptaligo hanide, me Sebulungo hanide te bidi sese umabo bidi e tama bidi, te 10,000 bidi dabe sigi pelama, tama augwali te bulu du Tabor teba sisi-

nao,' wali. ⁷ Te eno te gavman tuni bidi Jabingo sã ebo polalubo ofisa bidi Sisera, te aga ami bidi dabe dali odasa asiyu, te nage dali te wẽ Kisonba hwjgulaibao,' wali. 'Aga te aga karis dabe me te aga ami bidi dabe dali asaibao,' wali, 'tiali goli tagalao, te eno augwali te dagego nogoba mawaibao,' Genuai Bidigo te po wali." Deborago te po te bidi Barakbobo pusali.

⁸ Tama Barakgo Deborabolo te po wali, "Te nage ena dali asobaso da, te ena paibao. Tiali goli te nage asisãbaso da, te ena me pogobeo," wali.

⁹ Tama Deborago po wei ponoyu, te tiwai po wali, "Tialima, te ena nage dali pelama, tama nago te wãbi hwjbo bomogo te aiyaba elaluaibao. Tiali goli, te nago naga genuai nogi ugwaba me sogobeo, magi baso meni, Genuai Bidigo te hwjbo tobolu bidi Sisera te we me deligo nogoba mawaibao," wali. Tialima, Debora hogodama, tama Barak dali te bulu Kedesba pali.

¹⁰ Barakgo te Sebulungo hani me, te Naptaligo hani me i olama, tama te Kedes hanuba pali, tama te bidi sese umabo 10,000 bidi te aga wali pai. ¹¹ Tama Deborago me te aga dali pali. Te sogo te Kengo hani te bidi me deli Heber, te agai ugwa be te Kedes hanu sesegede sãnama bididuai, te moni ni te Sananim bulu pãde dao. Polobadu Hebergo te Kengo gasa hani tede taga soai, te Hobap aga deli kaneme hani, te Moses aga wãjgo aya dao.

¹² Te Siserago te Barak te Tabor bulu duba pali po odobaso, ¹³ agai te hwjbo nai te bidi umabo te 900 karis ain me, te aga hani bage me asao olama i wali, tama augwali te wẽ Kison te badu te elalubo hanu te Haroset Hagoim te badu pai.

¹⁴ Tama Deborago te Barakbobo te tiwai po wali, "Tegobao! Da pinao. Genuai Bidi te nage pabo badu te polasa pobao. Tama tibaso, te sogo Genuai Bidigo te nage tau selama, tama nago te Sisera aiyaba elalueibao," te po wai. Tama po obaso, Barakgo te 10,000 bidi hauwa selama, tama augwaligo te Tabor bulu du tagalama, aiyaba dulali. ¹⁵ Te Barak aga ami bidi dabe dali pedalubo sogo te augwaligo hwjbo sã hodolali, tialima Genuai Bidigo te Sisera me aga karis dali tigidali badi, te aga ami bidi dabe dali, te augwali wabo pabo bidi dabe tiwai ilama, subigila tedela pali. Tama Siserago te aga karis dabe taga peyu, tama aga wi pali. ¹⁶ Barakgo te karis dabe me te ami bidi dabe dali pobeasa pidubadi, te Haroset Hagoim teba tagaligi pali. Tama Barakgo ami bidi dabego te Siserago ami bidi dabe tigidali ela silali. Te deli digi me bidibeo.

¹⁷ Sisera wi peyu, te Hebergo we Jaelgo ugwa beba wi duala sigi pali, te Kengo haniba, magi baso meni, Jabin, te Hasor gavman tuni bidi, agai te Hebergo hani dabe dali abagi olama bidali. ¹⁸ Tama Jael pelama, Sisera subaso, tama agai Siserabolo te po wai, "Genuai bidi, be tomoba asao," wali. "Nage eno ugwa be tomoba asao," wali. "Nage wi me elamuo." Tama Sisera te ugwa be tomoba pelama, tama Jaelgo aga te ugwa blanket ugwa me deligo geme dologoba dualali.

¹⁹ Tama Siserago Jaelbobo te po wai, "Eno dogoni wa palio. Eno homugo te nago wẽ ena menama tueio,"

wali. Tialima, Jaelgo te kibu meme waligo nigai te botol wẹ dala mani, tama te ame pẹ elaluali tama agai te Sisera menama tuali. Nosali Jaelgo aga ma dualali.

²⁰ Tama Sisera Jaelbolo te po wali, "Nage te ugwa be sunumide dolalua," wali, "tama bidi me deli asama nagebolo hanalu wagasiyu, 'Te bidi me deli tede bidi-bowe?' wagasobaso da, teda nago te po weyu, 'Menio' po wao!" Sisera go te po wali.

²¹ Te Sisera tigi hagela gana mu ebaso, tama aga piali te bidi isibo tiwai mu elama mu piai. Tama Jaelgo te hama me deli me te pẹwadage ni me deli badi, te ugwa be sesege te tọde dau wabo ni pin, te ni me selama, tama aga te dua dua digi te Sisera pila mubo madiba pali. Tama agai te ni pin te hamago elama, te bidi Sisera tobolu tomoba enani, tama te ni bulu badu teda solama, te tọba bida sigi pali. Tama Sisera isali.

²² Tama Barakgo te Sisera gege asali sogo, Jaelgo te aga tiąba pelama, tama aga sulama, tama agabolo te tiwai po wali, "Nage asao!" wali. "Te eno nago te gegebo sẹ yali bidi te nagebolo eno ola mawaibao," wali. Tama Barak te we dali te ugwa be tomoba pali. Tama agai suali, te Sisera isama, te tọde pila mubo suai. Te enani ni te aga tobolude me elaluali.

²³ Te sogode Godigo te Israel dabe tau selama, te Kenan gavman tuni bidi Jabin aiyaba elaluali. ²⁴ Tama te Israel dabego te Kenan gavman tuni bidi Jabin dali bo-mo mu elama hwjnama, te augwaligo aga te tigidali mu dolama mu yalio.

Te Debora me Barak sigo tẹąbi yali po

5 Te sogo te we Debora, me Barak, te Abinoamgo ogwa, augwali sigo te tama tẹąbi po wai:

² "Genuai Bidigo nogi ugwaba sao!
Te Israel tobolu bidi dabe augwaligo
wąbi hwjabo bomo mu yali.
Tigidali bidi wiegi yai homu
pemene eyu, hwjabo homu yai!"

³ "Odao, dage gavman tuni bidi dabeo!
Olo bugagia munama, dage tobolu bidi dabe dao!
Te eno tẹąbi me deli weyu, tama musik gagali
te Genuai Bidiba waibao,
te Israel dabe dago God dao!"

⁴ "Genuai Bidi, nago te Seir bulu du dabe taga solama,

te Idomgo bulu taga soyu, tama aiyaba dulai,
tialima te tọ mali eyu, tama te tulubage tulali.
Mu tama tiali, te wẹ dagaludu dulalio.

⁵ Te bulu du dabe Godigo gedude te mali yali,
te Sainai bulu dugo Genuai Bidi,
te Godigo gedude, te da Israel dabego
Genuai Bidi dao." †

⁶ "Te Samgar, te Anatgo ogwa bidali sogo me,
tama te Jael bidali sogo

te bisnis sẹ ebo bidi dabe
te genuai sunumidu me bilibeo.

Te iba soyu, obaba soyu ebo bidi dabe,
augwali te dwasianu sunumidu naga bilaluali.

⁷ Debora, te Israel dabego augwa hanu tagalama,
tama te hanu olo elaludubadi, te nage pedalubo
sogoba usu nagasali.

Tama nage te augwali tonalubo ida tiwai yali.

⁸ Tama te Israel dabego te gesi god wali pabo sogo,
te augwaliba boi hwjbo sẹ pedelali.

Te Israel dabego boi hwjbo ami bidi dabe te bidi sese
hauwa mu te 40,000 bidi dabe,
tiali goli me deligo te boi hwjabo sabele me
sesemone me me sela pabeo.

⁹ Te eno homu kolesaga te Israel dabego ofisago
ami bidi dabe elaluali,
tama te boi hwjainogo ebo bidi dabe dali elalu yali.
Te Genuai Bidigo nogi ugwaba sao!"

¹⁰ "Dage te tedela yai donki
te sadelde duabo genuai bidi dabe,
tama dage te sẹągo bilibo olo bidi dabe,
dagego te nai po page pusao.

¹¹ Odiąo! Te wẹ uluba sisinama,
te po hauwa miani we bidi hani
augwaligo te Genuai Bidigo nogi
ugwanu sali po pusao,
augwaligo te Israel bidi dabego
ugaba ela holali po pusao wali!

Tama te Genuai Bidigo we bidi
augwaligo te hanu tagalama,
tama augwali aiyaba dulai.

¹² "Nage poligi pao, Debora,
nage poligi pao! Nage poligi pao!
Nago tẹąbi po me deli wao!
Tama nage poligi pao!

Barak te Abinoamgo ogwa, nage hogodama pao!
Nago te naga aiyaba elaluali kalabus
bidi dabe sela pao!"

¹³ "Tama te boi hwjani wiegi yai bidi dabe augwali
te augwa genuai bidi bidibo madiba sisinagasali.
Te Genuai Bidigo bidi dabe agaba aselama,
tama augwali te boi hwjabo sisi elama bidali.

¹⁴ Te Efraim dabe aiyaba dulama,
tama te tọ maluba pali.

Augwaligo te Benjamin hani bidi dabe wali pali.
Te Makir bidi sibi tobolu bidi dabe te buluba dulali.
Tama te Sebulungo hanide ofisa dabe
te buluba dulali.

¹⁵ Te Isakargo genuai tobolu bidi dabe
te Debora dali asali.

Megi da, te Isakar me, Barak me asobao wai.
Augwaligo te augwali wali peyu, te malu tọba pali.
Tiali goli, te Rubengo hani bidi augwaligo homu si
elalu,

tama augwali asabo homu me ebeo.

¹⁶ Magi baso dage te sipsip dabe dali bidibawe?

† 5:5 Sai 19:18

Te sipsip tonalubo bidi dabego te sipsip hani dabe i wabo odainogo ebawe?
 Mu tama, te Rubengo bidi hani te si pedali, tama augwali asabo homu me ebeo.
¹⁷ Te Gatgo hani bidi te wę Jordan te giliga pedalubo pedai badu bidali.
 Tiali goli, magi baso te Dango hani te moni geba sipde sę yaliwe?
 Te Asergo hani te tamu aĵ sanede bidai.
 Augwali te olo tama te augwa te wę sanede bidaluai.
¹⁸ Tiali goli, te Sebulungo bidi me, te Naptaligo bidi me te pąde augwali te boi hwĵbo pesagede dolainu yali."

¹⁹ "Te Israel isąwai gavman tuni bidi dabe aselama, te Tanakde hwĵani, te Megido wę pąde hwĵani.
 Te Kenan tuni bidi dabego Israel dali hwĵagasali, tiali goli augwaligo te silva dabe me sela pabeo.
²⁰ Te dagalude hą dabego me hwĵani.
 Augwaligo te augwa sunumi ogwade wali biliyu, tama augwaligo Sisera dali hwĵani.
²¹ Te wę Kison me aga bomo elama asiyu, te hwĵbo bage augwali tolasa pali.
 Te węgo asobo te bomu mu yali.
 Te eno dili mobo selama, tama bomu elama paibao!
²² Tama te bomu yai hos dabe polo wi udalama, augwaligo te tąba augwa sągągo elali, te be kulu wabo tiwai yali.
²³ Te Genuai Bidigo ensel mobo bidigo te po wai, 'Te Meros hanu dolomainao,' wali.
 'Tama te hanude bidibo we bidi augwali me dolomainao.
 Magi basowe, augwaligo te Genuai Bidi tau sainu me asobeo, augwali te Genuai Bidi hwĵbode tau sainu asobo ami bidi tiwai me asobeo.'"

²⁴ "Jael, te Hebergo we, te Kengo hanide, te wiegi yai homu pemene emainao.
 Te agai wiegi yai homu pemene ebogo te gasa te ugwa bede bidalubo we dabego ebo homu pemene te aiyaba elalumainao.
²⁵ Siserago te wę po agabolo hanalu wali, tiali goli Jaelgo ame pę aga mawai.
 Agai te wiegi yai ame pę te gasagi yai kap me delide sela asali.
²⁶ Agai te ugwa be bobegelainu tąde bulali ni elalubadi, te selama, me badu nogode tuali, tama dolo nogode te sę bidi dabe hama tola sali.
 Tama te agai Sisera elalima, tama aga tobolu pedai.
 Agai te poali ni aga tobolude enanima, tama tigidali peda pali.
²⁷ Te Sisera aga sągą kiduba tulaluali, tama pila muani te Jaelgo sągą pąde.
 Te megı da, aga te tulaluama tama isalio."

²⁸ "Te Sisera aga ida dolugulama,

te windodu tonaluali, agai gedu te be genagi dili agebeledu munama tonaluali.
 Tama agai te po wai, 'Magi baso te Siserago karis te asobewe?' wali.
 'Magi baso agai hos dabe me polo asobewe?'
²⁹⁻³⁰ Te aga dali bidibo kolesaga koneai we me deligo agabolo te po wei ponai,
 'Te ami bidi dabego te e tama tobage tiwai nai dabe dobadu te gegebo sę idubadi bogo,' homu yali.
 'Te ami bidi dabego we deli ma me si, ma te Siserago sabo wiegi yai ugwa me, tama te kwin au ilibo wiegi yai beligo te kwingo magede au ilabo nai siyu ebadi bogo,' te homu yali.
 Tama Siserago idago me te tiwai homu yai."

³¹ "Tialima, Genuai Bidi, dago homugo te tama tialigo te nago boi bidi dabe isimainogo yao.
 Tiali goli, nago abagi dabe da, te ula eyu, tama te giliga nanobo ula tiwai pedalumainu yao,"

te Debora dali Barak sigo te tiwai tęąbi po tama wali.
 Tama te tąpedaide te boi munu me hwĵsiąbadi, te kibu be bidi sese si 40 yia bidali.

Gideon te Israel dabego tobolu bidi pedelai

(Dąj 6-9)

Genuai Bidigo te Gideonbolo sę me deli mawai

6 Te Israel dabego Genuai Bidigo gedude dwai sę ma yai. Tama agai augwali te Midian dabego aiyaba elalumainu ilama, tama augwali te Midian dabego tonalubadi te kibu be nogo a naga olama, me badu nogo si kibu be bidai. ² Te Midian dabego bomogo te Israel dabego bomu aiyaba mu elalubaso, tama te Israel dabe te Midian dabede wi ebaso, augwali te masigi dedagede me gasa bulude me te augwali game dula sigi pela silama, tama te Midian hani bidi dabego augwali gegainu ebo usu meni yani. ³ Tigidali sogo te Israel dabego nai dabe te gide bulama elalubadi, te Midian dabe me, te Amalek dabe dali me, te kemi tąbulude bidibo bidi dabe, te giliga pedalubo badu bidi dabe, te tama bidi hani aselama, tama augwaligo te Israel dabe dali boi hwĵagasali. ⁴ Augwali bidabo pesage te tąpedai badu nigagaselama, tama gide elalubo nai dabe tigidali dolama, te Gasa tąpedai badu te saut teba usu nigi palio. Augwaligo te Israel dabego nai me badu dwasianu tagalama elalumainu me ilibeo. Tama augwaligo te sipsip dabe me, te bulmakau dabe me, te tigidali donki dabe me, te augwaligo tigidali sela pela silalio. Augwaligo te nai dabe te deli me tagalama me elalumainu ebeo. ⁵ Augwali te augwa bulmakau me te augwa ugwa be dabe dali sela asela wali, te sagado sibi dabe sisinama asobo tiwai elama asali. Te we bidi

dabe dali te augwa kibu te kamel dabe me te augwali umabo mu, tama te bidigo nedabo usu meni yani. Augwali aselama, tama te tigidali gi dabe dolagasali, ⁶ tama te Israel dabego te augwali dali hwjabo bomo meni yani. Tama te Israel dabego te augwa Genuai Bidiba gela weyu, te augwali tau sao wali.

⁷ Te Midian dabego te Israel dabe augwali dolali sogo, teda te Israel dabego te augwa Genuai Bidiba gela weyu, te augwali tau sao wali. ⁸ Tama Genuai Bidigo profet me deli te augwaliba tagala palali. Te profetgo Godigo te po sali, te Israel bagego Genuai Bidi dao. Tama agai te po wali, "Eno dage odasa asaligo tama dage te Isipde kalabus sę yali taga soai dao. ⁹ Eno dage te Isip dabego nogode ma dobola selama tialigo tama e tֹde te bidi dabego dage dali te boi hwjani. Te dage asali sogo, te eno augwali ela gudulai. Tama augwaligo tֹ te eno dagebolo mawai dao. ¹⁰ Tama eno dagebolo wali, 'Ena te God, duga Genuai Bidi da,' po wai. 'Dagego te Amor dabego tibo godiba lotu me olamu da,' po wali. 'Te bidi dabe augwaligo tֹde dage bidalu, te augwaligo tibo godiba lotu po me wagio,' po wali. Tiali goli, dagego eno po me odobeo." Profet bidi me deligo te Genuai Bidigo po wali.

¹¹ Nosali Genuai Bidigo Mobo Bidi ensel asama, tama te moni ni te Ofra bulu pade te ni dologode bidagasali, te Abiesergo hani bidi Joasgo bulude. Te aga ogwa Gideon, aga te Midian dabede wi ebaso, tama aga te wit agabo masigi me deli te tֹ dedage tiwai elalubo madi tede te geme duala sigi pelama bididuali. Tama agai te wit bo wali sela sֹbo sę iduai. ¹² Tama Genuai Bidigo Mobo Bidi ensel agaba pedelama, tama te po wai, "Nage te boi hwjabo bomai bidi dao, te Genuai Bidi nage dali bidibao!" Te po wai.

¹³ Tama Gideongo agabolo te po wali, "Genuai bidi, eno te po me deli nagebolo hanalu obao. Te Genuai Bidi da dali bidibao wida, magi baso te dwai sę dabolo pedelama elalubawe? Tama agai polobadu dago hani tau sali wiegi yai kolesaga, te tobage kolesaga agai te meggi ma ebo menio. Magi basowe? Agai te dago waj dabe te Isipdu sela soali, tama dago aya dedego dabolo te tiwai po pusai. Tiali goli, meggi da, Genuai Bidigo da tagalama, tama da te Midian dabego nogode bidibao." Gideongo te po wali.

¹⁴ Tama Genuai Bidigo agabolo te po wali, "Nago bomo tigidali dali te nage pelama, tama nago te Israel dabe te Midian dabego nogode ma dobola sao. Ena digi eno nage tagala palobao," wali.

¹⁵ Tama Gideongo te tiwai po wei ponani, "Tiali goli, Genuai Bidio, te eno Israel dabe mena tama ma dobola sogowe? Eno hanigo bomo menio. Te gasa Manasego hani dabego da aiyaba elaluali. Tama ena da, te ena hanide te olo nai tiwai elalubao," wali.

¹⁶ Tama Genuai Bidigo agabolo te po wai, "Nago ebo usu yaibao, magi baso meni, te eno nage tau saibao. Te nago Midian dabe eliyu, te bidi deli elibo te tiwai yaibao." Te po wai.

¹⁷ Tialima, Gideongo te tiwai po wei ponai, "Te ena nago gedude dwagi yai bidi da omainogo da, nago en-

abolo te eno koneabo daj me deli ilibaso, teda eno koneama, te nage Genuai Bidigo digi te ena dali po miani, te eno koneaibao. ¹⁸ Tama nage me pigio. Te nai meba eno nagebolo te wiegi yai homu ilama ofa mawaibao," wali. Tama Mobo Bidi enselgo te po wali, "Te ena nage asobo tonalu bidaibao."

¹⁹ Tama Gideon te aga be tomoba pelama, tama te ogwa bidi tamadi nisai meme me deli elama ulali. Tama agai te plaua meba ulali, te naigo sęę te 10 kilo, tama yis meni yai. Agai te kibu mi te basket me delide muani, te sup ulali te poude muai. Tama agai te nai te Genuai Bidigo Mobo Bidi ensel te moni ni dologode bidibadi teba magi pali.

²⁰ Tama ensel agabolo te po wali, "Te kibu mi dali te bret me te masigi daiba manao," wali. "Tama te naiba ugwadu te sup gelao." Tama Gideongo tama tiwai yali.

²¹ Tialima, te Genuai Bidigo Mobo Bidi enselgo te dono me deli agai nogogo tolasama, tama agai te dono habu te kibu miba dali te bretba me ugwadu muani. Tama polo te masigide sia bogoli pedelama, tama te kibu mi dali te bret me siago dali. Tama te Mobo Bidi ensel polo palio. ²² Tama Gideongo koneani, agai te Genuai Bidigo Mobo Bidi ensel suali homu elama, tama aga dwai noma mu selama, tama te po wai, "God Genuai Bidi dao! Eno nago Mobo Bidi ensel gesabidi sualio. Meggi da magi nai enaba pedelaibawe?"

²³ Tiali goli, Genuai Bidigo agabolo te po wai, "Te usu da, nage wi me igio. Te nage me isibeo," wali. ²⁴ Tama tibaso, Gideongo Genuai Bidigo alta me deli te bulude nigilama, tama agai te alta nogi weyu, "Te Genuai Bidi aga te homu nagame dua ebo bidi da," wali. Te nigali alta te Abiesergo hani bagego tֹ pedai badu e po asębo sogode me elalubao, augwaligo te bulu nogi Ofra wai dao.

²⁵ Te sogo hulide Genuai Bidigo Gideonbolo te po wai, "Nago te naga ayago bulmakau omai me deli sobadi, tama gasa bulmakau te kibu be 7 yai, te bulmakau me sao. Tama nago te naga ayago te tibo god Balba lotu wainu nigali te alta aluama dolao. Tama te pade dolaluali, te tibo god we Asera aga noma piksa elalubo pos ni me te gelama, tama isi bagayao," wali.

²⁶ "Tama nago te Genuai Bidigo alta wiegi yai me deli te dwasianu bulu du daide nigao. Nosali nago te si wali bulmakau selama, tama nago te togali te habu selali ni pos dali te ofa tiwai elama ulao." Genuai Bidigo te po wai.

²⁷ Tialima Gideongo aga sę ebo bidi nogo si selama, tama augwaligo te Genuai Bidigo wali po selama, te tiwai sę yali. Tiali goli, Gideongo te sę te giligade me ebeo, magi baso meni, aga deli hani sibide wi ebaso, tama me te hanu tomode bidalubo bidi dabede me wi yali. Tama tibaso, agai te sę hulide yai dao.

²⁸ Te kigamu mu te hanude bidaluali we bidi hogo-dama, tama augwaligo te alta dali te habu selali Asera pos ni dali tede elalubo me subeo. Tama augwaligo suali, te bidi dabego te si wali bulmakau te gesi altade ofa elama ulai sualio. ²⁹ Tama te we bidi dabego augwa hasi tomode digi hanalua bilali, "Dego te sę yaliwe?"

Augwaligo hanalua bilama, tama augwaligo bugagia gege bilama, te Gideongo te se yali suali, te Joasgo ogwago, te se yai. ³⁰ Tama augwaligo Joasbolo te po wali, "Nago ogwa eba odasa asao, tama dago aga elaibao! Agai te god Balba ofa yali alta dali, te pade dolaluali te dago god we Asera pos ni me dolalio," wali.

³¹ Tiali goli, Joasgo te aga dali wado po wabo bidi dabe augwalibolo te tiwai wai, "Te dage da, dagego te tibo god Bal tau sabo homu elama, tama tiyu dagego te konila po obawe? Mena bidi agai te tibo god Bal tau siyu, te konila po wabo bidi da, te aga te giliga pedalisiq̄badi isimainu yaibao. Te Bal te god me deli yai baso da, teda aga digi aga tau somaina," Joasgo te po wali, "te magi baso meni, te augwaligo te togolama dolali alta te Bal aga nogi elalubo alta dao," Joasgo te po wali. ³² Te sogo gagalasa, megi e sogo usu nagasu, te Gideongo gesi nogi elaluali Jerubal, † magi baso meni, Joasgo tama po wali, "Te Bal aga digi aga tau somainu yao," wali, "te magi baso wabe, augwaligo te togolama te dolali alta te Bal aga digi nogi elalubo alta dao," po weyu, agai te tiwai po wai dao.

³³ Megi da, te Midian dabe me, te Amalek dabe me, tama te olo kemi t̄ bulude bidibo bidi dabe me, augwali sisinai elaluali. Augwaligo te we Jordan nogelama, tama te Jesril t̄ malu odogo bulude te osogo bidibo pesage nigilama bidai. ³⁴ Tialima, Genuai Bidigo po wabo Mobo Ogwa Wai te Gideonba dulama, tama Gideongo te nai biugel me deli bu wali, te nai augwaligo te sipsip gaugo nigai, te Abiesergo hani augwali aga wali asomainu i wali. ³⁵ Agai te po sela pabo bidi dabe te tigidali buluba tagala palama, te Manasego hanibolo wagi pelama, te augwali aga wali asao po wai. Agai te po sela pabo bidi augwali te po te Asergo haniba me tagala palu, te Sebulungo hanibolo me, te Naptaligo haniba me te po sela pali. Te augwali me aselama, tama aga dali sisinama talualio.

³⁶ Tama Gideongo Godiba te po wai, "Nago po weyu, te nago ena bomo mobaso, te Israel dabe tau sagameo po wai. ³⁷ Tialima, eno te kibu sipsipgo tigi nisi meba te t̄ba muaibao, te dago te wit haluyu agabo madi te tama tiaibao. Te kigamu te we segeni naga te sipsip niside elalu, tama te t̄de we segeni me elalusiabaso da, teda eno mu koneama, te nago homugo eno te Israel dabe tau somainu te tiwai po nago wali gilama te se yali te homu yaibao." Gideongo Godibolo te po wai. ³⁸ Tama te naide te tiwai se pedelali. Tama Gideon te kigamu digi mu hodaluama, tama agai te sipsip niside elaluali aji segeni sela sawani. Tama te wego te dwasianu pou me deli pagawai.

³⁹ Nosali Gideongo Godibolo te po ma wai, "Genuai Bidi, nago ena dali wado po wabo homu me elamuo, eno deli sogo digi ma po miabo homu eba. Eno homugo nago enabolo te sipsip nisi deli sogo ma usu somainu yabo po eno nage dali omainu yao. Eno homugo te sipsip niside aji segeni ebo te niside elalugobeo, tama te t̄de naga te aji segeni elalumainu homu yai."

Te po wai. ⁴⁰ Tialima, te sogo hulide Godigo te tama tiwai naga ilali. Te sipsip niside te aji segeni elalubeo, tiali goli te t̄de da, te aji segeni elaluali.

Gideongo te Midian dabe aiyaba elaluali

⁷ Tialima Jerubal, te tiwai te Gideon nogi, te aga bidi dabe dali tigidali augwali te kigamu digi mu hodaluama, tama augwaligo augwa osogo bidabo pesage te we ulu Harot sesegede nigai. Tama te Midian dabego osogo bidibo pesage te Morego bulu du aiyadu pade elaluali. Te Jerubalgo bidibo pesage pade elaluai, tama aga hani meba te not badu bidai. ² Tama Genuai Bidigo Gideonbolo te po wai, "Eno dage tau selama, te Midian dabe dali hw̄n̄nama, te augwali aiyaba elaluabo homu yali, tiali goli te bidi hauwa mu nage dali bidibao. Te augwaligo homu te tiwai idali, 'Dago te Midian dabe aiyaba elaluali te dena bomode naga te tiali!' te homu yaibao. Tama augwaligo homugo te eno augwali tau sali te homu me egobeo. ³ Tama nago te bidi dabebolo te po olama, 'Te mena wi ebo bidi te aga te Gilboa bulu dude bidibo tagalama, tama augwa bidibo buluba ma geasa piq̄o!' te po wao," wali. Tialima, Gideongo te tiwai po olama, tama te bidi sese umabo mu, te 22,000 bidi te augwa buluba ma geasa pali. Tama te me badu nogo si hani bidi hauwa te 10,000 bidi naga bidali. ††

⁴ Nosali Genuai Bidigo Gideonbolo te po wali, "Te bidi dabe hauwa mu elalubao. Te augwali te aji aiyaba sela dulama, tama te bidi dabe dobolama wasilibo se ebode te nage eno tau saibao. Te eno te tiwai po nagebobo weyu, 'Te bidi da, te nage dali paiba,' obaso da, teda aga paibao. Te eno te tiwai po me nagebobo weyu, 'Te bidi nage dali me pigio,' po obaso da, teda aga me pogobeo," wali.

⁵ Tialima, Gideongo te bidi dabe te aji aiyaba selasa dulali. Tama Genuai Bidigo te po agabolo wai, "Nago te tigidali bidi te hani si nigilama wasilao. Te bidi dabego te we tubadi te we meba nogogo siyu, tama yowigo hamenago aji tubo tiwai gilama ebo bidi, te augwali gasa me badu tedali muao. Tama te kidu sugunama, aji tubo bidi tigidali, te gasaba me muao," te po wai. ⁶ Tialima, te 300 bidigo naga te yowi hamenago we tubo tiwai yali, tama gasa me badu bidi dabe tigidaligo te kidu sugunama, we tuai.

⁷ Tama Genuai Bidigo Gideonbolo te po wali, "Te hamenago aji tuali te 300 bidi dabego nogode te nage eno tau selama, tama dagego te Midian dabe aiyaba elaluaibao. Tama te gasa bidi dabe tigidali te augwa buluba ma geasa pao po wao." Genuai Bidigo te po wai. ⁸ Tialima, Gideongo te tigidali Israel bidi te augwa buluba ma geasa pomainu tagala palu, tiali goli hasia agai te augwaligo te t̄go nigali sospen sene me te augwaligo bu wabo nai biugel te tigidali sali. Tama tialima, te 300 bidi naga bidaluali.

Tama te Midian dabe bidali pesage t̄ te t̄ malu aiyadu odogode elaluai. ⁹ Te sogo hulide Genuai Bidigo Gideonbolo te po wali, "Dage hogodama, tama te

† Te nogi Jerubal te page elalubao, "Bal aga digi aga tau somainu," tama wabo.

†† 7:3 Bom 20:8

augwali bidibo pesageba dulama hwjgulao," po wai. "Te eno dage tau selama, te Midian bidi hani dabe aiyaba elalumainu yaibao. ¹⁰ Tama nago te boi hwjgula labo wi ebaso da, teda hasia nago te naga sę bidi Pura selama, tama dage si te Midian dabe bidalubo pesageba dulao," wali. ¹¹ "Te nago augwaligo mibo po odama, tama nago augwali dali boi hwjabo bomo te sogode saibao." Genuai Bidigo te po wai. Tialima, Gideon dali te aga sę ebo bidi Pura te augwali si te boi bidi dabe bidalubo pesage sesege badu pali. ¹² Te Midian dabe me te Amalek dabe me, tama te kemi tę masigi wa pai bulude bidalubo bidi hani me, augwali te tę malu bulude te genuai kuli mano hani tiwai te bulu odogode bidada pai. Tama augwali te boi hwjbo tau sabo kibu kamel dabe te hauwa umabo me te aji sanede ebo masigi kemi tiwai elaluali.

¹³ Te Gideon pedalubo sogo, agai odali, te bidi me deligo te aga abagi me delibolo te aga na yali po pusubo te agai odali. Te bidigo te po wali, "Eno e tiwai na yai. Eno te bret me deli suali, augwaligo te baligo nigai, tama te da bidalubo pesage tomoba bebegeli asama, tama te ugwa beba elagasali. Tama te ugwa be gea palama, tama tęba degelama, tama tęde dolo pila muanio," wali.

¹⁴ Tialima, aga abagigo po wei ponoyu, te tiwai po wali, "Te gasa sę me ebeo. Menio! Te Gideongo bainat me deli dao! Te tama dao! Godigo te Gideon tau selama, tama agai da Midian dabe me, te dago ami bidi dabe dali, te tigidali aiyaba elaluaibao," wali.

¹⁵ Tama Gideongo te na yali po page pusubo odali sogo, aga te kidu sugunama, tama Godiba lotu wali. Tama aga te Israel dabe bidalubo pesageba ma sabolama, tama i wali, "Hodalua! Da pinao! Megi da, te Genuai Bidigo da tau selama, tama dago te Midian ami bidi dabe aiyaba elaluabo te usu yaibao." Te po wai. ¹⁶ Tama Gideongo te 300 bidi dabe te hani sela nigilama wasilali. Tama agai te biugel me, te genagi dagede te ula ilibo ni kaneme elalubo te sospen sene tomode elalubo te selama, tama augwali deli delibolo te nai dabe mena mena pali. ¹⁷ Tama agai augwalibolo tama po wali, "Dagego tonalu, tama enaba sulama tonao. Te ena te boi bidi dabe bidalubo pesageba sabalubo sogo, te eno mena sę me ebo si da, teda dagego me te sę yao. ¹⁸ Tama eno te ena hani dali te biugel bu wabo si da, dagego me te boi bidi dabe bidalubo pesage tigidali badu bobegela selama, te biugel bu ola pelayu, tama te tiwai i waięo, 'Da te Genuai Bidigo hani dao! Da te Gideongo hani bidi dao,' te po waięo," te po wali.

¹⁹ Tama Gideon dali, te aga dali pali bidi dabe te bidi sese a naga 100 bidi augwali pelama, te boi bidi dabe bidalubo pesage sesegeba sabolali. Te be mu hulua sai pęde tama te sogo te Midian dabego hulide tonalubo ami bidi dabe te hasegelai digi dao. Tialima, Gideon me te bidi dabe badi augwaligo te augwa te biugel bu ola peyu, tama augwaligo te todolaluali tęgo nigali sospen sene alulu palio. ²⁰ Augwali te sela hanigo te biugel bu ola peyu, tama te tęgo nigai sospen sene alu-

ali. Tama augwaligo te genagi dagede ula ilibo nai te pobase nogo badu tulama, te biugel te dolo nogo badu tolasa tama augwaligo i weyu, te tiwai wali, "Te Genuai Bidigo bainat me te Gideongo bainat me dao!"

²¹ Tigidali bidi dolugulama, tama te boi bidi Midian dabe bidalubo pesage bobegela sali. Tama te Midian dabego ami bidi dabego te i olala pelama, tama wi palio. ²² Tama te 300 bidi dabego te biugel bu wabo te sogo, Genuai Bidigo te Midian dabe esela pabo bidi tiwai ilama, tama augwa abagi dabe ma te bainatgo elali. Tama augwali wi peyu, te Betsita te Serera tę pedai badu palio. Tama augwali wi pelama, usu nigali pali bulu te Tabat pęde, te Abel Mehola buluba wi pai. ²³ Gideon dali, aga ami bidi ofisa dabe dali, augwaligo te Naptali hani, me Aser hani, me te tigidali Manasego hani badi, te augwali aselama, te Midian dabe pobeasa bilagasao po olama i walio. ²⁴ Tama Gideongo te bidi dabe augwali tigidali te Efraimgo bulu dude elalubo buluba pomainu tagala palu te po wai, "Dage aiyaba dulama, tama te Midian dabe dali hwjgi pao," wali. "Dagego te wę Jordan me te dwasianu aji te Betbara tede elalubo aji dabe, te bugagia tonalua. Tiyu, augwali te aji nogelama u badu pabuo," wali. Tama te Efraim bidi dabe augwali deliba sisinama, tama Gideongo po wali gilama tama yali. ²⁵ Tama augwaligo te Midian dabego tobolu bidi si pageabi elama tualu, te bidi si nogi Orep me Sep. Tama augwaligo te Orep elamuanu, te Orep aga nogi elalubo moni masigide elali, tama Sep augwaligo te wain haluama agabo madi te pesagede elama, te nogi augwaligo nogi eyu, te Sepgo wain elalubo pesage dao po wali. Tama augwaligo te Midian dabe pobeasa pabo sę idubadi geanio. Gideon te Jordan pabo pedai badu bidali, tama augwaligo te tobolu bidi si te Orep me Sep, te augwali sigo tobolu selama, tama te Gideon aga bidibo madi sela asai.

Te Israel dabego te Midian dabe tigidali aiyaba elalualio

8 Te Efraim hani bidi dabego te Gideonbolo te tiwai po wali, "Te nago te Midian dabe dali hwjani sogo te nago da i wabe, te magi baso yaliwe? Magi baso nago dabolote tiwai sę yaliwe?" Tama augwaligo agabolodwai homu mu elama, wado po wai.

² Tiali goli, Gideongo te po augwalibolo wai, "Te dagego yali sę te genuai sę mu yalio. Te eno yali sę te olo sę tama yali. Te dwasianu sę dage Efraim dabego yali sęgo te dago yali sę tigidali te aiyaba elalualio.

³ Godigo dagebolo te Midian dabego tobolu bidi si mani, te Orep me Sep. Te eno yabo usu isębo sę te dagego yali." Gideongo te po obaso, tama te Efraim hani dabego te wado po ma wabeo.

⁴ Gideon dali, te aga ami 300 bidi dabe dali, aga te Jordan pabo aji sabolama, tama augwali te aji ugaba nogali. Augwali bomonama bilali, tigi bomo kimi isiyu, tama nasi yali, tiali goli augwaligo te boi bidi dabe pobeasa bilidubadi gebo sę yalio. ⁵ Tama Gideongo te Sukot hanude bidalubo bidi dabebolo hanalu te tiwai po wai, "Te eno ami bidi dabebolo te dagego bret me-

ba maiḳo. Augwali te bomo kimi isiyu, tama nasi ebao. Tama eno te Midian dabego king bidi si te Seba me Salmuna te augwali si pobeasa bilibo sę idubadi gebao," Gideongo te po wai.

⁶Tiali goli, te Sukot hanude bidali genuai bidi dabego te po wai, "Magi baso te dago nago ami bidi dabe nai momainogowe? Dagego te tuni bidi si Seba me Salmuna te bidi me pageabi elama nogo tubeo."

⁷Tama tibaso, Gideongo te po weyu, "Wiegi yai da!" wali. "Te Genuai Bidigo te Salmuna me Seba te ena noga mabo si da, te eno dagego tigi walide te masigi kemi tḳ wa pai bulude te sesani yai elalubo bonogo te dage tigi tologa pomainu elaiḳao," wai.

⁸Tialima, Gideon mu pelama, tama te bulu Penuelba sabolama, tama agai te bulu bidi dabebolo me te nai meba mao wabo po hanalu wali. Tiali goli, te Penuel bidi dabego po wei ponoyu, te Sukot bidi dabego wali po tiwai naga walio. ⁹Tama Gideongo augwalibolo te po wali, "Te ena ma bega asiyu da, tama eno te dagego te boi bidi asobo tonaluabo bobobage be taua te pepedama dolaibao!" po wali.

¹⁰Tama te Seba me, Salmuna me, te augwali sigo ami bidi dabe dali, augwali te bulu Karkorde bidaluali. Te bidi sese hauwa me badu te paḳde 15,000 ami bidi dabe naga bidali, magi baso meni, te Israel dabe augwaligo te bidi sese hauwa umabo te 120,000 ami bidi dabe te elali. ¹¹Tama Gideon te masigi kemi tḳ wa pai bulu sesege badu sunumi wali pali. Te sunumi te giliga pedalubo badu te Noba me Jokbeha te tḳ pedai si badu elaluali. Tama polo tama mu Gideon teba sabolama, te wḳbi hwḳbo hodolali, tama te Midian dabego ami bidi dabe te dwai noma mu selama, midigi sai.

¹²Tama te Midian king bidi si, Seba me Salmuna, augwali si wi pai. Tiali goli, Gideongo augwali si pobeasa pelama, tama augwali si pageabi elama, nogo tuai. Agai te augwali sigo ami bidi tigidali dwai noma selibas, tama augwali wi mu pai.

¹³Tialima, Gideon aga te hwjani pesage tagalama, tama te sunumidu wali peyu, te Heres buluba ugwa holali. ¹⁴Te aga pobadi, te sogo agai te Sukot hanude bidibo gesi ogwa bidi me deli asobo sulama, tama aga nogo tolasa, tama agabolo hanalu te Sukot hanude bidibo tobolu bidi te de dawē wali. Tialima, te ogwa bidigo te bidi te 77 tobolu bidi dabe nogi aḳnama, te Gideonbolo mani. ¹⁵Nosali Gideon te Sukot hanu bidi dabe bidibo madiba sabolama, te tama po wali, "Dagego te sogo homu kone palu, tama dagego ena gisugu mayu, tama dagego te po wali, dagego te eno ami bidi dabe te bomo kimi meni eyu nasi ebadi, te dagego augwaligo nai me magobe po wali, magi baso ebe, eno te king bidi si te Seba me Salmuna te bidi si nogo tulama sisḳbaso te tama tiali. Tiali goli, megi da, suiḳo. Te augwali si e bidibao!" Gideongo tama po wali.

¹⁶Tialima, agai te masigi kemi tḳ bulude elalubo te sesane elalubo bono selama, tama agai te sesane yai bonogo te Sukot hanude bidali tobolu bidi te elibo umabo sę mu yali. ¹⁷Tama agai te Penuelde elaluali

bobobage be taua aluama, dolama, tama te hanude bidali bidi dabe ela muai.

¹⁸Nosali Gideongo te Seba de Salmuna sibolo te tiwai po hanalu wali, "Te Tabor bulude, te dage sigo ela muani bidi dabe, te augwaligo gesabidi te mena tiwai yaliwe?"

Tama augwali sigo te tiwai po wei ponai, "Te augwaligo gesabidi te nago gesabidi naga tiwai. Augwali tigidali te king bidi deligo wai dabe tiwai dao," wali.

¹⁹Tama Gideongo te po wali, "Augwali te eno ama dede mu dao. Augwali te eno idago wai dabe mu dao. Te dagalu bidigo nogide mu po tama obao, te dagego augwali me ela mugī menigi sogo da, teda eno dage megi dage me eligi menigi dao." ²⁰Tialima, te Gideongo aga gomunai ogwa, te Jeterbolo, wali, "Ae, te nago augwali si ela muao," wali. Tiali goli, te ogwa agai te bainat hwḳ sisḳwani, te magi baso ebe, aga te genuai bidi nigisiḳbadi, tama tibaso aga wi yali. ²¹Tiali goli, Seba de Salmuna sigo te po wai, "Tagalao! Naga digi naga da si ela muao," wai. "Nage bidi mu da wida, teda nago tama tiao," wali. Tialima, Gideongo te Seba de Salmuna si ela munama, tama agai te augwali sigo kamel magede au elaluali doado bage dabe sali.

²²Tama te Israel bidi dabego Gideonbolo te tama po wai, "Dago homugo te nage dago tobolu bidi bidimainu homu ebao. Tama nago wai dabe me, te nago waigo wai dabe te nago wḳ dabe me, te nosali augwali dago tobolu bidi dabe bidimainu yaibao, magi baso meni, nago da tau selama, tama da te Midian dabego nogode bidali te ma dobola salio," augwaligo te po wali.

²³Tiali goli, Gideongo te po wali, "Ena te dagego tobolu bidi me bidigobeo. Tama eno wai dabe me te dagego tobolu bidi me bidigobeo. Genuai Bidi naga te dagego tobolu bidi bidaibao," wali. ²⁴Tiali goli, Gideongo po wadolama weyu, te tiwai po wai, "Eno dagebolo te nai me deli po hanalu obao. Dage tigidali deli deligo te dagego hwjyu, te boi bidi dabego olode mubo nai ring te sali enabolo maiḳo," wali. Te Midian dabe augwali te Ismaelgo hani tama tiyu, augwaligo te ring gol te augwa olode munama walai.

²⁵Tama augwaligo te tama po wali, "Te usu da, te dago nage mawaibao." Tama augwaligo te ugwa pedai me deli te tḳba munama, tama tigidali deli deli bidi dabego te augwaligo sali ring te muani ugwa daiba mugī peyu yalio. ²⁶Te augwaligo te sisinani te ring gol dabego sęḳ te 25 kilogram tama. Te sęḳ te ring gol dabego sęḳ naga tama. Te gasa au dobage dabego sęḳ, te beli me te Midian king dabego muani te mama gudubo ugwa me, te kamel dabego magede au ilali au dobage dabe, te doado bage te ring dali taluama me nedebeo. ²⁷Tialima, Gideongo te tibo god me deli te golgo nigilama, tama agai te aga hanu Ofra teba muani. Tama tigidali Israel dabego te God tagalama, tama augwali te hanu Ofraba pelama, te nigali tibo godiba lotu wagi pali. Te tibo god te Gideongo nigali, te naigo te Gideon dali, te aga hani sibi we wai dabe dali, te mu kone tua pali. ²⁸Te Israel dabego te

Midian dabe aiyaba elaluama, tama te Midian dabego magi sę me deli yabo bomu meni yani. Tama te Gideon bidali sogo te tęde wabi munu me hwişıabadi, te kibu be bidi sese si 40 yia bidai dao.

Gideon isai

²⁹ Megi da, Gideon te aga beba pelama bidigi pali.
³⁰ Agai ogwa dabe te bidi sese sela olama, te gasa nogo si te 70 tama elaluali, magi baso meni, te agai we hauwa elaluai. ³¹ Gideongo we me deli te bulu Sekemde bidali. Tama te wego te ogwa me deli ameanani, tama Gideongo te ogwa nogi Abimelek poali.
³² Tama Gideon te monu dabe mu pedelama, tama isali. Tama augwaligo aga te aga aya Joasgo gu pagede pubulali, te bulu Ofrade, te Abiesergo hani dabego hanude dao.
³³ Gideon isai madigi tama te Israel dabego Godiba lotu munu ma wabeo. Augwaligo te tibo god Balba naga lotu wali. Tama augwaligo te Balberit te augwa god elaluali. ³⁴ Augwaligo te God, te augwa Genuai Bidi, te homu kone munu ma palubeo, te augwali boi bidi dabego bagua selama tomode bidibadi te augwali tau selama, te boi bidi dabe aiyaba elaluali, te homu augwaligo ma kone palubeo. ³⁵ Tama augwaligo te Gideon hani sibiba te buba hwj po me wabeo, te tigidali wiegi yai sę te Gideongo augwali tau selama yai.

Abimelekgo po

9 Te Abimelek, te Jerubalgo ogwa, te Sekem hanuba pali, te bulude te aga idago deli kanemedede ame nani abe dede te bulude bidali. Tama Abimelekgo te aga deli kanemego nigali bagebolo olama, ² te tiwai po te Sekem we bidibolo hanalu omainu wali, "Dagego homude te mena nai usu yaiba homu ebo dawew? Dagego homugo te Jerubalgo ogwa dabe te 70 bidi tigidali te dagego tobolu bidi bidimainu homu ebo dawew, ma dagego homugo te bidi deli naga te tobolu bidi bidimainao homu ebawew? Tama ena me homu kone palao, ena te dage dali deli kanemego nigai mu dao." Abimelekgo te po wai.

³ Tama te Abimelekgo idago deli kanemedede ame nani bage augwaligo te agai po selama, tama augwaligo te Sekem we bidi dabebolo pusali. Augwaligo te po odama, tama augwali aga wali pabo homu yali, magi baso meni, aga te augwa idago deli kaneme mu dao.
⁴ Augwaligo agabolo te ge mone bidi sese sela olama, nogo si, te 70 mone silva te tibo godiba lotu wabo be Balberit tempel bede te mone selama mani, tama agai te monego aga wali pabo dwai bidi dabe abelai.
⁵ Tama aga te aga ayago be elalubo bulu te Ofra teba ma geasa pai. Tama agai te aga ama dabe te bidi sese sela olama, nogo si bidi dabe te masigi me deli ugwadu daide augwali ela muai. Te bidi dabe te augwali Jerubalgo ogwa dabe naga tama elali. Tama Jotam te Jerubalgo sabi ogwa dao. Aga wi pelama, geme duala sigi pali, tama tiyu te Abimelekgo aga me ela mubeo.
⁶ Tialima, te Sekem me Betmilo we bidi tigidali augwali

sisinama, tama augwali te Sekemde te wiegi yai genuai ni mu elalubo teba pelama, tama augwaligo te Abimelek te augwa tuni bidi king pedalumainu ilalio.

⁷ Tama Jotamgo te tiwai sę ebo po odobo sogode, aga pelama, te bulu du Gerisimba doligi pai. Tama agai hae augwaliba wali, "Dage Sekem bidigo, eno po odięo, tama Godigo dagego po odabo homu yaibao.
⁸ Te me sogo te ni dabego te ni me deli te augwali tomode te king nigimainu nogo tu yaibao. Tama augwaligo te ni olivbolo po weyu, 'Nage dago king pedelao,' wai.

⁹ Tiali goli, te ni olivgo tama po wali, 'Te enade elalubo wel te bidi dabego selama, te augwa god dabeba genuai nogi mabo sę ebo me te bidi dabeba te tiwai ebo dao. Magi baso te eno tagalu, tama te dagego king bidi pedalumainu obawew? te ni olivgo te po wai. ¹⁰ Tama te ni dabego te ni kayabolo weyu, te po wali, 'Dago homugo te nage dago king pedalumainu homu ebao,' wali. ¹¹ Tiali goli, ni kayago te po wali, 'Magi basowew? Te eno tubo wiegi yai pusu ebo nai tagalu, tama ena dagego king pedalumainu obawew? te po wali.

¹² Tama tibaso, te ni dabego te ni wainbolo weyu, te po wali, 'Te dago homugo nage te dago king pedalumai homu ebao.' Te po wai. ¹³ Tiali goli, te wain nigo te po wali, 'Magi basowew? Eno aęgo te tibo god me te bidi dabe dali augwali te wiegi yai homu pemene ilibo dao. Te eno tagalama, tama ena dagego king bidi pedalumainu homu ebawew? wali.

¹⁴ Tialima, te ni dabego te sesane elalubo dwasianu nibolo weyu, te tama po wali, 'Dago homugo te nage dago king pedalumai homu ebao,' wali.

¹⁵ Tiali goli, te sesane elalubo dwasianu nigo te po wai, 'Te dagego homugo godolo mu eyu, te ena dagego king pedalumainu te homu ebaso da, teda dage aselama, tama te eno nologo dologoba aselama, toma tuagasao. Te meni yani da, teda te dwasianu sesane elalubo nide te sia pedelama, tama te Lebanonde elalubo te wiegi yai ni wuli dabe te siago daibao,' te sesene elalubo dwasianu nigo te po wali." Jotamgo te po wai.

¹⁶ Tama tialima, Jotamgo te po wai, "Te dagego Abimelek te duga king bidi nigilama bidibo sogo, te dagego wiegi yai te doloba pai kolesaga ebo homu egowew, ma menigowew? Jerubal dali, te aga hani sibi dali, augwaligo te wiegi yai kolesaga elama, dage tau sabo sę yai. Tiali goli, te dagego aga homu te wiegi yai bugagia ilali, ma meniwe? Te menio. ¹⁷ Odięo, te eno ayago dage tau siyu, te boi bidi dali hwjani. Aga digi te tobolu bidi nigilama, tama dage tau siyu hwjnama, tama dage te Midian dabego nogode bidibadi te ma dobola sai dao. ¹⁸ Tiali goli, megi da, dagego dwai kolesaga aga dali elama, tama dagego agai hani sibi ogwa dabe dolali. Dagego agai ogwa dabe te 70 bage augwali te masigi me deli daide elali. Te Jerubalgo sę ebo wego te Abimelek ame nai. Te aga deli naga tama ameanani. Tiali goli, megi da, dagego aga te Sekem bulu king bidi nigilali. Dagego homugo te aga duga deli

kanemego ame nani da homu elama, dagego tama tialio. ¹⁹ Dagego te sę te Jerubal me aga hani sibi ogwa dabe dali yali, te wiegi yai doloba pai kolesaga yali homu eba wida, teda dagego te Abimelek dali te wiegi yai homu pemene iyao. Tama agai me te dage dali wiegi yai homu pemene emainao. ²⁰ Tiali goli, te sę dwai wida, teda sia te Abimelekde pedalumainu elama, tama te Sekemde me te Betmilo te bulu side bidi-bo bidi dabe te siago domainu yaibao. Tama tialima, te sia Sekemde me Betmilo bulu side pedalu, tama te siago Abimelek daibao," Jotamgo te po wai.

²¹ Jotamgo te po ola silama, tama aga wi pali. Aga te aga ama Abimelekde wi ebaso, tama aga te bulu Ber teba pelama bidigi pai, te nogi page te wę ulu ped-alubo madi da wali.

²² Abimelek te Israel dabego king bidibadi te kibu be sela bidai. ²³ Tama nosali Godigo te wado po homu ilibo sę te Abimelek tomode me te Sekem bidi dabe dali pedalumainu ilali. Tama te Sekem bidi dabego te aga dali hagoma ebo sę yali. ²⁴ Te sę pedelali te Abimelek dali, te Sekem bidi dabe dali, te augwaligo yali dwai sę wei ponoyu tiali, magi baso meni, te bidi dabe augwaligo aga bomo mayu dąy walobaso, te agai ama dede dabe ela muani, te augwali Jerubalgo ogwa dabe te bidi sese sela olama nogo si te 70 bidi ela muai dao. ²⁵ Tama te Sekem bidi dabego te bidi dabe meba tagala palama, te bulu du dabe mageba duala sigi pelama, tama augwaligo te Abimelek elainu tonaluali. Tiali goli, te bidi dabego te sunumidu asela wali bidi dabe elama, tama augwaligo doado bage dabe siyu yai. Tama Abimelekgo te sę ebo po odali.

²⁶ Tialima Gal, te Ebetgo ogwa, te aga ama dede dabe dali augwali te Sekemba asali. Tama te Sekem dabe augwali te aga wali pai. ²⁷ Tialima, augwali te augwaligo wain giba pelama, tama te tau yali wain du dabe tigidali salio. Tama augwaligo te wain du pęęelama, tama aga aј te selama, tama augwaligo genuai nai daa tuali. Tama augwali te augwa tibo godiba lotu wabo be tempel tomoba pelama, tama augwa te nai me wę me tubo sę eyu, tama te Abimelekde dwai posobo po weyu yalio. ²⁸ Tama Galgo te po wali, "Da Sekem dabe da maguai bidi dabe te dago Abimelek wali pobawe? Abimelek te de dawe? Polobadu Jerubal dali, te aga ofisa bidi Sebul dali, te Hamor te Sekemgo aya dologode bidali. Tialima, magi baso dago te Abimelek dologode bidibawe? ²⁹ Tama te tigidali bidi dabe ena dologode bidibaso da, teda eno te Abimelek sela sęwaibao. Te eno agabolo weyu, 'Nage pelama, te naga ami bidi tigidali sigi pelama, tama aselama, ena dali hwјagasao' po waibao!" wali.

³⁰ Tama Sebul, te hanude bidibo tobolu bidigo, te Galgo wali po odali, te Ebetgo ogwa, tama agai dwai homu mu elama wado po wali. ³¹ Tama agai te bidi dabe te Aruma teba tagala palama, tama augwaligo te tiwai po Abimelekbolo wagi pali, "Odao! Gal, te Ebetgo ogwa, te aga ama dede dali, te Sekemba aselama, tama te bidi homu hogodolama, te bidi dabego nage dali hwјmainu ebao," wali. ³² "Tama tibaso, te hulide

naga te nage naga ami bidi dabe dali, dage geme pelama, te bulu tomo busiba duala sigi pao," wali. ³³ "Tama kigamu mu dage hogodama, tama polo te hanuba pelama, tama boi hwјbo gagalao. Tama Gal te aga ami bidi dabe dali aselama hwјagasobo sogo, teda dagego augwali isilibo bidi mu elama dolao," te po wai.

³⁴ Tama tialima, te hulide Abimelek dali, te aga ami bidi dabe dali, tigidali augwali hogodama palio. Tama augwali hani me si me si buga selama, tama augwali te hanu bagulali obo bulu badu geme duala sigi pali.

³⁵ Tama kigamu mu Gal te hanuba pabo sunumiba dolagasali, tama Abimelek te aga ami bidi dabe dali te augwali dualaluali pesage taga soali.

³⁶ Tialima, Galgo augwali sulama, tama agai te Sebul-bolo wali, "Suao! Te bidi te bulu du padodu aiyaba te dulubao!"

Tama Sebulgo te po wali, "Te bidi menio. Nago te bulu du noma bidi sulama, tama nago te bidi yaliwe homu ebao."

³⁷ Tama Galgo po ma wali, "Menio! Te bidi dabe te bulu padodu dulubao. Tama gasa hani te moni wiegi yai ni elalubo badu holobo sunumidu wali asobao," wali.

³⁸ Tama megi da, Sebulgo Galbolo te po wali, "Megi da, nago posobo po wali te po mena elalubawe? Naga digi nago te po wai, 'Abimelek te de dawe? Magi baso da te aga dologode bidibawe?' Te e bidi dabe augwalibolo te nago posobo po walio. Tialima, megi da, te nage pelama, te augwali dali boi hwјgi pao," wali.

³⁹ Tama po obaso, Galgo te Sekem bidi dabe selama, tama aga digi te polasa peyu, te augwaligo Abimelek dali boi hwјani. ⁴⁰ Tiali goli, te Abimelekgo aga pobeasa asobaso tama aga wi palio. Tama Abimelekgo hanigo te Galgo hani bidi hauwa ela muani, tama te bidi dabe augwaligo tigi te sunumidu munalua peyu, te hanuba pabo sunumiba dąј igi pali. ⁴¹ Tama Abimelek ma geasa pelama, te Aruma bulude bidai. Tama Sebulgo te Gal dali, te aga ama dede dali, sela sęyu ela gudulali, tama augwali te Sekemde ma bidainu ebo te usu meni yai. ⁴² Te nosali badu side te we bidigo te hanu tagalama, tama te giba pelawali. Tama me badu bidigo te po Abimelekbolo walali.

⁴³ Tialima, Abimelekgo aga bidi dabe selama, tama hani sela nigilali. Tama augwali geme te bulu tomoba duala sigi pelama, tonalu bidali. Te agai te we bidi augwali te hanu tagalama aselabo side, aga te geme dualaluali pesage tagalama asiyu, tama augwali elagasali. ⁴⁴ Abimelek dali, aga hani bidi dali, augwali uada pelama, tama te hanuba pabo sunumi pąba doligi pali. Tama te gasa hani si augwaligo te gide bidaluali bidi tigidali dali hwјnama, tama te tigidali ela muai.

⁴⁵ Tama Abimelekgo te hanu tomode bidaluali bidi dabe dali boi hwјdubadi te be pio igi pali. Agai te hanu siyu, tama te hanude bidali we bidi tigidali ela silali. Tama agai te hanu tigidali aluama dolama, tama agai te hanu tąba te tamu sęwani.

⁴⁶ Te we bidi augwali te Sekemde te ami bidi dabego te genuai bomai bede bidalubo we bidigo te tebo sę

po odama, tama augwali te bomai be tempel Elberit tomoba pelama, tama augwali geme dualaluali. ⁴⁷ Te bidi dabego te Abimelekbolo weyu, te tigidali bidi te be tomoba sisinama bidalubo po walio. ⁴⁸ Tama tibaso, aga dali, aga ami bidi dabe dali, te bulu du Salmon holali. Tama agai te sigi hwą me deli selama, tama agai te ni nologo meba togolama, tama aga magede tolasa pali. Tama agai aga ami bidi dabebolo te tiwai po wali, "Dagego eno e ebo sę suiąo. Tialima, dagego me polo asesa tama tiwai sę iyąo," wali. ⁴⁹ Tama tibaso, tigidali bidigo te ni nologo meba togali. Tama augwali te Abimelek pabo wali pelama, tama te sia sela pelama, te be sesegeba sisinigi pai. Tama augwaligo te sia nogonama, tama te siago te be tomode bidali bidi tigidali delama isali. Te pąde te Sekem bomai bobobage bede bidali we bidi dabe umabo 1,000 we bidi te augwali isai dao.

⁵⁰ Nosali Abimelek pelama, te Tebes hanu tų bagua sigi pelama, tama te bidi dabe dali hwįnama, tama te hanu aga sali. ⁵¹ Tiali goli, te bomai bobobage be taua me deli te hanu tomode elaluali. Tama tibaso, tigidali we bidi wi peyu, teba pali. Tama augwali te tomoba pelama, tama sunumi paliama, tama te daiba holama bidaluai. ⁵² Abimelek aselama, tama te taua sainu te boi hwįgasali. Aga te taua te pabo sunumi pąba pelama, tama te pagede sia nogainogo yali. ⁵³ Tiali goli, we me deligo te wit halulu pabo genuai masigi selama, tama aiyaba tula palu sąwanima, tama Abimelek toboluba tulalu, tama tobolu alua pali. ⁵⁴ Tama polo agai te aga hwįbo nai sabilibo gesi bidi i wali. Tialima, agai te po agabolo wali, "Te nago bainat hwą selama, ena elao," wali. "Te bidi dabego te po weyu, te wego ena ela muani po wabo te eno homugo usugobeo," wali. Tama tibaso, te gesi bidigo te hwą bainatgo aga enama, tama aga isali. ⁵⁵ Te Israel dabe augwaligo te Abimelek isibo sulama, tama tigidali te augwa bulubama pelawali.

⁵⁶ Tama tialigo Godigo te Abimelekgo te aga ayabolo me, te aga ama solo te bidi sese sela olama te gasa bidigo nogo si, te 70 bidi dabe ela muani, te dwai sę yali wei agabolo ponai. ⁵⁷ Tama Godigo te Sekem dabe augwa dwai kolesaga yali sę wei ponani. Polobadu Jotam, te Jerubalgo ogwago te Sekem dabe augwali dolaibao po wali, tama megi da te tiwai sę pedelalio.

Jepta Dali te Gasa Bidi Dabede Po

(Dąj 10-12)

10 Abimelek isai madi tama Tola, te Puago ogwa, te Dodogo wąįgo wai, te Israel ma dobola sabo bidi pedelali. Aga Isakar hanigo bidi. Tama aga te Efraimgo hani bidali bulu du te Samirde bidali. ² Aga te Israel dabe tobolu bidi nigilama bidibadi, te kibu be te 23 kibu be bidai. Tama aga isibaso, tama augwaligo aga te Samirde pubulali.

³ Te Tola bidali tudi badu nosali, te Jair te Gileat bulu bidi te tobolu bidi pedelai. Aga te Israel dabego tobolu bidi bididubadi, te kibu te 22 kibu be bidai. ⁴ Te agai ogwa dabe te 30 ogwa dabe elaluali, tama augwali te kibu donki te 30 donkide dualama bilali. Te augwaligo hanu 30 te Gileat tųde elaluali. Tama te hanu dabe augwaligo nogi eyu, te Jairgo Ugwa Be Hanu da wali, te nogi elalua asali te megi e sogoba usu nagasali elalubao. ⁵ Nosali Jair isibaso, tama augwaligo aga te Kamonde pubulali.

Te Amon dabego te Israel dabebolo sęę mawai

⁶ Tama te Israel dabe augwaligo Genuai Bidigo gedude dwai sę ma yai. Augwaligo lotu po te Bal dabe me, te Astarte dabe me, lotu weyu yai. Te augwali te Siria dabego god, te Saidon me Moap, me Amon dabe me Filistia te tama bulu bagego god dao. Augwaligo te Genuai Bidi tagalama, tama te agaba lotu po me wabeo. ⁷ Tama tibaso, Genuai Bidigo te Israel dabe dali haliga sębę elama, tama agai te Filistia dabe me te Amon dabe aselama, te augwali dali boi hwįgaselama, te augwali aiyaba elalumainu ilali. ⁸ Te sogo kibu bede te augwali Israel dabe aiyaba elaluama, tama augwali mu dolali. Te Filistia dabego me te Amon dabego te Israel dabe aiyaba elaluama, tama augwaliba dwai sę mu ilidubadi, te 18 kibu be bidai. Te wę Jordan pedai me badu te Gileat te badu bidali te Israel dabede te tama sę yali. Te giliga pedalubo badu te Amon dabe bidali badu te sę yalio. ⁹ Tama te Amon dabego te ą Jordan nogelama, tama te Judago hani me, te Benjamingo hani me, te Efraimgo hani, te hani augwali dali te Amon dabego boi hwįgi pai. Tama tialima, te Israel dabe augwali dwai dene mu sabo sogo pedelai dao. ¹⁰ Tialima, te Israel dabego Genuai Bidiba i weyu, tama augwaligo te po wali, "Dago dwai sę nagebolo yali, magi baso meni, dago nage tagalali, te dago God nage dago tagalama, tama dago te Balba lotu wali." Augwaligo te po wali.

¹¹ Tama Genuai Bidigo te Israel dabebolo te tama po wali, "Polobadu te Isip dabe me, te Amor dabe, me te Amon dabe, me te Filistia dabe me, ¹² te Saidon dabe me, te Amalek me, te Maon dabe, te hani augwaligo dage elaluama, tama dageba dwai sę mu ilai. Tama dagego enaba i obaso, tama eno dage te augwaligo nogode ma dobola sai dao. ¹³ Tiali goli, dagego ena tagalama, tama gasa tibo godiba lotu wali. Tama tibuso, te eno dage tau ma sogobeo. ¹⁴ Dage pelama, te duga digi sa muyu nigilali god i wagi pao. Augwaligo te dage sęę sabo sogo tau somainu emainao." Genuai Bidigo te Israel bagebolo te po wai.

¹⁵ Tiali goli, te Israel dabego Genuai Bidi dali te po wali, "Dago dwai sę yalio. Te nago dabolo yainogo ebo sę te nago yao. Tiali goli, megi dago nagebolo hanalubo, te magi baso meni, te nago megi e sogo ma dobola somainogo hanalu wali." Te Israel dabego te po wai. ¹⁶ Tialima, augwaligo augwa te tibo godiba lotu wali te tiali te sę dabe sela sąnama, tama augwaligo Genuai Bidiba lotu po wali. Tama agai te Israel dabe

homu dene elama, tama agai homugo augwali te seḡe ma tolidali homu yai.

¹⁷ Nosali te Amon dabego ami bidi dabe sisinagaselama, tama augwa bidabo pesage te Gileatde nigali. Tama te Israel bidi dabe me sisinagaselama, tama augwa bidabo pesage te Mispa bulude nigalio. ¹⁸ Te bidi dabe me te Israel dabe polalubo bidi dabe te Gileatde bidalubo bidi dabe augwa hasi tomode digi hanalua pali, "Te niwai bidi da dali polasa peyu, tama te Amon dabe dali boi hwjaibawe? Te tama tebo bidi aga te Gileatde te tigidali bidigo tobolu bidi bidaibao," po wali.

Jepta

11 Jepta te Gileat bidi, aga te hwjbo bomai bidi me deli dao. Aga te penani we me deligo ogwa, tama Gileat te aga aya dao. ² Tama Gileat aga sali we mugo me te wai ogwa meba ame nani. Tama te wai dabe augwali genuai ebo sogode, augwaligo te Jepta sela sayu ela gudulali. Tama augwaligo agabolo te po wali, "Nago te dago ayago doado bage deli munu me selamuo," wali. "Nage gasa wego wai dao." ³ Tama tibaso, Jepta aga wi peyu, tama aga ama dede taga palio. Tama aga pelama, te Topgo tḡba bidigi pai. Agai te dwai se ebo bidi meba haliga bega sabo po obaso tama augwali aga wali asai. Tama augwali te bulu dabeba tedela pelama, tama te bidi dabe elibo se elama, tama augwaligo doado bage dobabo se yali.

⁴ Tama nosali te Amon dabego te Israel dabe dali hwjgi pai. ⁵ Augwaligo tama tibaso, teda te Gileat bulu genuai bidi dabe te Topba pelama, te Jepta sigi pali. ⁶ Tama augwaligo agabolo te tama po wali, "Nage aselama, te nage dago polalubo bidi bidagasao, tama dago te Amon dabe dali hwjbo dao," te po wali.

⁷ Tiali goli, Jeptago te genuai bidi dabebolo te tiwai po wali, "Dagego ena homu dene eyu godolo me isiḡma, tama eno ayago bede te dagego ena sela sawani. Tama magi baso dage ena bidibo madigi megii asaliwe? Dage seḡe sobaso, tama dage ena bidibo madi asali dawee?"

⁸ Tama te Gileatdu asali genuai bidi dabego te po wali, "Te tama dao. Dago te nage sagasiyu asalio, te nage da dali pelama, te Amon dabe dali hwjaibao. Dago homugo nage te da Gileat we bidi tigidaligo polalubo bidi bidimainu homu ebao," wali.

⁹ Tialima, Jeptago te Gileat genuai bidi dabebolo te po wali, "Te dagego ena ma odasa pelama, tama eno te Amon dabe dali hwjbo si da, tama Genuai Bidigo ena tau selama, tama eno te Amon dabe aiyaba elalubaso da, teda ena dagego polalubo bidi mu bidaibao," wali.

¹⁰ Tama te genuai bidi dabego te tama po wali, "Te dago nago te wabo po gilama tiwaibao. Genuai Bidigo te tama tiabo koneani," wali. ¹¹ Tama tibaso, Jepta te Gileat genuai bidi dabe dali palio, tama te we bidi dabego aga te augwaligo te augwa tigidali seḡe te polalubo bidi nigilali. Tialima, Jeptago aga te seḡe wali po

tigidali te Genuai Bidi gedude te Mispa bulude te po wai.

¹² Nosali Jeptago te Amon tuni bidi king bidibo digi te bidi meba tagala palama, tama augwaligo agabolo hanalugi pai, "Nago magi naide homu seḡe ebaso, tama nago da dali hwjagasaliwe?"

¹³ Te Amon king bidigo te Jeptago tagala palali bidi dabebolo te po wei ponani. Agai te po wai, "Polobadu te Israel dabego te Isip tḡ taga soyu, tama augwali aselama, tama eno tḡ te weḡ Arnon pedai badu tḡ sagasali, te pali te weḡ Jabok me te weḡ Jordan daj igi pali. Eno tede naga te eno haliga seḡe yali. Megi da, eno homugo dagego te tḡ enabolo ma momainu homu ebao. Tiyu, da hwjdalio," wali.

¹⁴ Tama Jeptago te Amon king bidiba te bidi dabe meba ma tagala palali. ¹⁵ Tama augwaligo agai po wei ponama te po wali, "Jeptago te po walio, 'Te Israel dabego te Moapgo tḡ me te Amon dabego tḡ me te me sabeo,' wali. ¹⁶ 'Polobadu te Israel dabego te Isip tḡ taga soyu asali sogo, augwali te masigi elalubo bulu wa pai tḡdu naga sosolayu, tama augwali te nosai elalubo tamu aj teba sabolali. Tama augwali te Kadesba sabolai dao. ¹⁷ Tama te Israel dabego te bidi meba tagala palu, te Idom king bidibolo te tiwai po hanalugi pali, "Te da nago tḡ tomodu soao po wabo usu da po waibawe?" Tiali goli, te king bidigo hagela homu yai. Tama augwaligo te Moap king bidiba hanalugi pabo bidi tagala palali. Tiali goli, te agai me te hagela homu yai. Tama tibaso, te Israel dabe augwali te Kades bulude naga bidaluai dao.' Jeptago te po wai dao," te Jeptago tagala palali bidi dabego te po wai. †

¹⁸ "Te nosali augwali te bidi meni yai te tḡ wa pai madi te buluba pali. Tama augwaligo te Idomgo tḡ me, te Moap dabego tḡ me, te edelama pali. Augwali te giliga pedalubo te Moap dabego tḡ pedai badu soai, te weḡ Arnon pedai badu dao. Augwali bidabo pesage tede nigali, tiali goli augwaligo te aj Arnon nogesiawai, magi baso meni, te aj te Moap dabego tḡ daj yagasali madi dao." ††

¹⁹ "Tama te Israel dabego te Sihon, te Amor dabego king bidi, te Hesbonde bidibo madi teba te bidi meba tagala palali. Te augwaligo agabolo hanaluyu, "Te da nago tḡ tomodu soabo usu yaibawe?" po wali. "Da te dena tḡba soabo homu eyu obao," wali. ²⁰ Tiali goli, te king bidi Sihongo hagela homu yai dao. Tama agai aga ami bidi tigidali selama asiyu, tama te Jahasde te bidabo pesage nigilama, tama augwaligo te Israel dabe dali hwjai dao. ²¹ Tiali goli, God, te Israel dabe augwa Genuai Bidigo, te Israel dabe tau selama, tama augwaligo te king bidi Sihon aga ami bidi dabe dali tigidali aiyaba elaluai. Tama tialima, te Israel dabe augwaligo te Amor dabego tede elaluali tḡ tigidali sai dao.

²² Tama augwaligo te Amor dabego tḡ tigidali sali, te Arnon te tḡ saut badu gagalali, pelama, te Jabok te tḡ not te badu, tama te giliga pedalubo badu te bidi meni yai tḡ wa pai madiba sabolali, tama te pelama, giliga dega sigi pabo badu te Jordan aj teba daj igi pai." †

²³ “Te God, te Israel dabego Genuai Bidi, aga digi te Amor dabe sela sayu gudulama, tama augwaligo t̄ te aga hani bage te Israel dabebolo mani. Tama nago te t̄ ma sabo homu ebaso, oba agawe? ²⁴ Naga god Kemosgo nagebolo mani te doado bage tigidali te naga sao,’ wali. ‘Tiali goli, te tigidali doado bage te dena Godigo dabololo mani, te dago doado bage mu tama dao. ²⁵ Tama nago magi homu ebowe? Nago homugo nage te polobadu bidai bidi Balak aiyaba elalubo homu eyu, te Siporgo ogwa, te Moap king bidi da, te homu ebawe? Nago homugo te agai da Israel dabe dali po konila yali, ma agai da dali hwjani homu ebawe? † Menio! ²⁶ Te Israel dabego te e tama t̄ sali, te Hesbon me Aroer tama augwaligo dwasianu bulu me, tama te w̄ Arnon sesegede elaluali tigidali hanu selama, tama te hanu dabede bidada pali te kibu be umabo te 300 bidali. Magi baso dagego te sogo te bulu dabe ma sai meniwe? ²⁷ Tama tialima, eno dwai kolesaga me deli nage dali me ebeo. Nago digi te nago dwai kolesaga ena dali elama, tama nago ena dali hwjani. God te aga tigidali bidigo kolesaga dagalubo bidi da, tama meḡi da, te agai dago kolesaga dali, te dagego kolesaga dali osayu dagalaibao.’ Jeptago te po wali,” te agai tagala palali bidigo te Amon king bidibolo wali. ²⁸ Tiali goli Amon king bidigo te Jeptago ola tolali po me odisiawai.

²⁹ Tialima, te Genuai Bidigo Mobo Bidi te Jeptaba bomonama bidagaselama, tama aga hogodama palima, te Gileat me Manase te badu te Mispa buluba pelama, tama aga te Amon dabe bidalubo madiba palio. ³⁰ Jeptago te Genuai Bidibolo te tiwai bomai po me deli daḡ walali, “Te nago ena tau selama, tama eno te Amon dabe augwali aiyaba elalubaso da, ³¹ teda eno te hwjgi pali silama, te ena eno beba ma asobo sogo, tama eno be taga soyu te sunumiba te ena tiḡba asobo bidi da, teda eno aga te nagebolo mawaibao, te ofa me deli te tigidali siaba ulumainu ebo gilama yaibao,” wai.

³² Tialima, Jepta te w̄ nogelama, tama te Amon dabe dali hwjainu teba sabolali. Tama Genuai Bidigo aga tau selama, tama te Amon dabe aiyaba elaluai dao. ³³ Agai augwali te bulu Aroerde elibo gagali pelama, tama te bulu Minit te badu pedaiba sabolali, te tigidali bidi sese te 20 hanu da. Tama agai te boi hwj hwj pali te aḡ Keramim daḡ igi pai. Te hwjani madi te bidi umabo mu isalio. Tama te Israel dabego te Amon dabe augwali mu ela silai dao.

Te Jeptago weḡi

³⁴ Tama te Jepta aga bulu te Mispa teba ma begasa asobadi, te aga weḡi te bede bidali taga soyu, te aga tiḡba asai. Agai homu te wiegi yai pemene elama, tama dwasianu habidi elala asobo s̄ yai. Tama Jeptago weḡi te deli naga tama bidai. Te agai gasa wai me mu meni yai dao. ³⁵ Tialima, aga te weḡi asobo subo si, te aga dwai noma selama, midigi siyu, tama aga ugwa pisayu tama po wai, “Hobede ya! Eno weḡio! Megi na-

go eno hobolu du togalubao!” wai. “Magi baso te nage asama, tama nago enaba genuai s̄ḡḡ mobawe? Eno bomai po mu te Genuai Bidiba daḡ walobo po wali te po eno me tagalogobeo!” Jeptago te po wai. ††

³⁶ Tama te weḡigo te po wai, “Ayao, te nago Genuai Bidiba bomai po daḡ waibasoda, te nago po dau wali gilama te tiwai s̄ enade yagameo, magi baso meni, te Genuai Bidigo nage tau selama, tama nago te boi bidi Amon dabe aiyaba elaluali, te augwali nago boi bidi dabe dao.” Weḡigo te po wai. ³⁷ Tiali goli, te weḡigo aga ayabolo te tiwai po wali, “Eno homugo te nago enade s̄ yabo po me deli omainu te homu ebaso. Eno homugo te nago ena te polua si ena gogolama bidimainu homu ebaso. Tama ena te ena abagi dabe dali pelama, tama bulu dude bilaluyu, tama ena te bidigo sisabadi te isaiba olama, te homu dene ebo gela ola bilainu yaibao,” wali.

³⁸ Tama aga ayago te po wali, “Te usu dao. Nage pao.” Tama Jeptago aga tagala palama, te aga polua si bilali. Tialima, aga dali, te aga abagi dede dali, augwali te bulu duba pelama, tede te aga abagi dabe dali pilala bilama, tama aga te bidigo sisabadi isaiba wabo homu dene ebo gela wai. ³⁹ Te polua si silama, tama aga aya bidiboba ma asali, tama ayago te Genuai Bidi dali bomai po daḡ wali gilama tama tialio. Tama te weḡi te bidi me deli dali me pagela pisawai weḡi. Te Israel dabede elalubo kolesaga page tama telalubo dao.

⁴⁰ Augwaligo te tama tiwai kolesaga ebo dao: te Israel weḡi ogwa we dabe te augwa pesage taga solama, tama te Jeptago weḡi isaide te gela wagisu diligi pabo dao, te Gileat bidi, te tigidali kibu be usu nama, te tomode te me si me si tama sogo te tiwai s̄ ebo dao.

12 Te Efraim hani bidi dabe sisinama, tama te hwjbo doado bage selama, tama augwali te w̄ Jordan nogelama, tama te Safonba pali. Augwali pelama, Jeptabolo te tiwai po wagi pali, “Magi baso dage te aḡ nogelama, tama dagego te Amon dabe dali hwjgi peyu, tama dagego da i olama, tama dage dali po-mainogo yai meniwe? Odiḡo! Megi te dago nage me te naga be dali domainu sia ulaibao,” wali.

² Tiali goli, Jeptago augwalibolo te po wali, “Ena dali, te eno hani bage dali, dago te haliga s̄ḡḡ genuai te Amon dabe dali yali. Tama eno dage i wali goli, te dagego ena tau me sagasobeo. ³ Te sogo dagego ena tau sabo homu aḡ isabaso, teda eno te tiwai homu eyu te ‘Tagala,’ homu yali, ‘te ena isimainu yaibao,’ wali, ‘tiali goli eno te Amon dabe dali hwjgi paibao,’ wali. Tama eno te w̄ nogelama, te boi hwjani. Tama Genuai Bidigo ena tau selama te hani bidi aiyaba elaluai. Magi baso meḡi dagego ena dali hwjainu ebawe?” Jeptago te po wali.

⁴ Tialima, Jeptago te Gileat bidi dabe tigidali sisinama, tama augwaligo te Efraimgo hani dabe dali hwjnama, tama augwali aiyaba elaluali, magi baso meni, te Efraimgo hani bidigo te Gileat hani bidi dabebolo te tama tiwai po wali, “Dage Gileat dabe te Efraim dabego bulude me te Manase dabego bulude me

† 11:22 Nam 21:21-24 † 11:25 Nam 22:1-6

†† 11:35 Nam 30:2

bidaluyu, te dage te boi bidi asama hwjagasobo side, te dage wi soyu tama da taga soali!" ⁵Tama te Gileat bidi dabego te bidi dabe te Jordan aji nogebo pesage tigidali badu usu selama, no bidada pela silali, te we pedai me badu, te we ge bo kuna disawai elaluali. Augwaligo tama tiwai yali, te Efraim dabe augwali te aji Jordan munu me nogeidali homu yali. Te Efraim dabe dali hwjbo sogo augwali wi painu soyu, augwali aselama, tama augwaligo te po wali, "Da te aji nogeainu ebao," wali. Tialima, te Gileat dabego te augwali deli delibolo hanalua pali, "Nage te Efraimgo hani bage dawe?" Te agai te po weyu, "Menio," po obaso da, teda augwaligo agabolo te po wai, ⁶"Teda nago tama po wao," obaso, "Sihibolet," wali. Tama agai te "Sibolet" po obaso da, te augwaligo aga pageabi elama, tama ela muani, magi baso meni, agai te po dolo nogi isabaso tiali. Tama augwaligo te tiwai ela pelama, tama te bidi umabo 42,000 te Efraim hani bidi dabe te we nogebo madi no munama ela silali.

⁷Jepta te Gileat bidi, te Israel dabego tobolu bidi nigilama bidibadi, te kibu be nogo a naga olama, me deli bidama tama aga isai. Tama augwaligo aga hanude digi pubulai dao.

Ipsan, me Elon, me Apdon

⁸Jepta isibaso, tama Ipsan te Betlehem bulu bidi te Israel dabego polalubo tobolu bidi bidai. ⁹Agai ogwa dabe te 30 elaluali, te agai wegi dabe te me te 30 elaluali. Tama agai te wegi dabe gasa hani bidigo so-mainu mani. Tama agai te gasa hani bagego wegi te 30 wegi dabe selama, tama augwali te agai ogwa dabego sali. Ipsan te Israel dabego tobolu bidi bidali te kibu be a naga olama, me badu si bidai. ¹⁰Tama aga isibaso, augwaligo aga te bulu Betlehemde pubulai dao.

¹¹Te Ipsan isibaso, tama Elon te Sebulun hani bidi te Israel dabego tobolu bidi bidibadi, te kibu be nogo si bidai. ¹²Tama aga isibaso, te augwaligo aga te Aijalonde pubulali, te Sebulun hanigo hanu tode dao.

¹³Te tobolu bidi Elon isai madi tama Apdon, te Hilelgo ogwa, te Piraton bulu bidi, aga te Israel dabego tobolu bidi dao. ¹⁴Agai ogwa dabe te bidi sese si te 40 elaluali, tama te ogwago wai dabe te 30 elaluai. Tama augwali te donki dabe te 70 donkide dualasa bilali. Apdon te Israel dabego tobolu bidi bidibadi, te kibu be 8 bidai dao. ¹⁵Tama aga isibo si, te augwaligo aga te Piraton bulude pubulali, te Efraim dabego hanu tode pubulalio. Te bulu te Amalek dabego te bulu du bagede elalualio.

Samson pedelali

(Daji 13-16)

Manoago wego Samson ame nani

13 Te Israel dabego dwai se te Genuai Bidi gedude ma yali, tama agai augwali te Filistia dabego tolalumainu ilama, tama augwali te hanigo tonalubadi, te kibu be bidi sese si te 40 bidalio. ²Tama bidi me deli te Sora hanude bidali, te bidi nogi Manoa. Aga te Danggo hani bidi. Te agai wego te wai me ame nesiawai. ³Me sogode te Genuai Bidigo Ensel Bidi te weba asama, tama agabolo te tiwai po wali, "Polobadu nago wai me ame nesiawai, tiali goli nage haliga elama, tama nago ogwa ame naibao," wali. ⁴"Tama tialima, nago bugagia odao. Nago te wain we me, te bomai aji me, te me tulamuo. Tama nago te eno bidi dabebolo te tugio olama, habu selali nai te me tulamuo, ⁵magi baso meni, te nage haliga elama, tama nago te ogwa me deli ame naibao. Tama nago aga tobolu nisi me togolamuo. Te da te Genuai Bidigo se naga tede elalubao, te aga idago ame nabo sogo tiaibao. Tama agai te wain aji me, te bomai aji me, me tusiama, tama te bidi dabebolo tugio olama habu selali nai me te munu me tugio," wai. "Tama agai te Israel dabe te Filistia dabego nogode ma dobola sabo se te gagalaibao," wali. [†]

⁶Tama te wego aga bidibolo wagi peyu, te tama tiwai po wali, "Te Godigo bidi me deli enaba asai. Te agai gesabidi ula yali, te Godigo Ensel gesabidi ula ebo tiwai yalio. Eno aga sulama, te ena wi mu yai. Eno aga te menadu asali po te hanalubeo. Tama agai te aga nogi me te nogi ebeo. ⁷Tiali goli, agai enabolo te po wali, te ena haliga elama, te eno ogwa me deli ame naibao wai. Tama agai te po wai, eno te wain we me, te bomai aji me, te me tugio wali, tama eno te Genuai Bidigo habu selali nai me tugio wai. Godigo te ogwa sa muai baso, te aga Godigo bidi dolo bididubadi, te aga pedalubo sogo gagalasa pelama, te aga isibo sogoba usu nugi paibao wali." Manoago wego agaba te po wai.

⁸Tama Manoago Godiba gedu haluasa po weyu, te po wali, "Genuai Bidi, te nago tagala palali bidi, te eno homugo te bidi te nago da siba ma asomainu tagala palao. Tama agai da sibolo te wai nosali pedalubo si sabo se po tigidali te da sibolo wagasomainu homu yai," te po wai.

⁹Tama Godigo Manoago te gedu haluasa po wabo odai. Nosali aga we te gide bididubadi, tama Godigo Ensel Bidi agaba pedelali. Tiali goli, aga bidi Manoa, te aga dali bidisiawai. ¹⁰Tama tibaso, te we polo udada pelama, tama aga bidibolo wagi pali, "Odao! Te polobadu enaba po wagsali bidi te meggi ma asalio."

¹¹Tama Manoa hogodama, tama te aga we wali pali. Manoa te bidi bidiboba sabolama, tama agabolo te

† 13:5 Nam 6:1-5

tama po hanalu wali, "Nage te bidi polobadu nago te eno we dali po miani bidi da, agawe?" Tama te bidigo te po wali, "Awe, ena tama dao." ¹² Tama Manoago te po wali, "Teda, nago te po wali nai, te nosali pedalubo si da, teda te wai mena tama bidigowe? Te agai magi sę egowe?"

¹³ Tialima, Genuai Bidigo Ensel Bidigo Manoabolo te po walali, "Te wego te eno agabolo wali po tigidali te bugagia wali pao," wali. ¹⁴ "Agai te ni wain du me tulumuo. Tama agai te wain aji me tusiama, te bomai we me tugio. Tama agai te Genuai Bidigo te habu selali nai dabe me tugio. Agai te eno po tigidali dolo wali pela silao," wali.

¹⁵⁻¹⁶ Manoago te bidi te Genuai Bidigo Ensel Bidi da homu isiayu te agai koneaiwai. Tama tiyu, agai te po wali, "Nage polo pelamuo, te nage bidiyu bolo yao olama, tama da sigo te ogwa bidi meme kibu elama, ulama, te nage tuagameo," wali.

Tiali goli, enselgo te po wali, "Te dage sigo ena daę olalubaso, te eno dage sigo nai me sela tugobeo. Te dagego te kibu elainu da, teda dagego te Genuai Bidiba ofa elama, tama te siaba ulama, tigidali domainu yao." Te po wai. ¹⁷ Tialima, Manoago te po wali, "Nage nogi nogi yao. Tama nago te po wagasali sę, te sogo pedalubo side, teda da sigo nago nogi ugwaba saibao," wai. ¹⁸ Tama enselgo te po wali, "Magi baso te dagego eno nogi koneainogowe? Te eno nogide te we bidi homu hauwa eyu, noma siyu ilaibao," wali.

¹⁹ Tama tilama, Manoago te gesi ogwa bidi meme dali, te wit me selama, tama te Genuai Bidiba ofa ilali. Agai te alta masigi daide te ofa yali. ²⁰ Te altade nogani sia te genuai deyu, tama te sia bogoli ugwaba holali, tialima te Manoa we de bidi sigo suali, te Genuai Bidigo Ensel Bidi te sia dabo wali te dagaluba holalio.

Tama te we de bidi si te tıba degasa dulama, te gesabidi tıba pıgulali. ²¹ Tama te ensel te Manoa dali aga we de bidi si bidiboba munu ma pedalubeo. Tialima, megı da, Manoago koneani, te bidi te Genuai Bidigo Ensel Bidi da te homu yai. ²² Tama Manoago aga webolo te po waliyu, te po wai, "Te da si isaibao, magi baso meni, dago te Genuai Bidigo Ensel Bidi sualio." ²³ Tiali goli, aga wego te po wai, "Te Genuai Bidigo da si elainogo tigi sogo da, te agai da sigo ofa yali te godolo igi menio. Tama agai te tigidali nai da sibolo me ola magi menio. Tama agai dabolo te megı e ola mani tobage sę po te me pusigi menigi dao," wali.

²⁴ Tialima nosali te wego te ogwa ame nenama, tama augwaligo aga nogi Samson poali. Te wai bomapi pedalubaso, te Genuai Bidigo aga dali wiegi yai sę yali.

²⁵ Tama aga te Dango pesagede bididuali, te Sora me Estaol bulu si tomode bidai, tama Genuai Bidigo Mobogo aga sunumi ola mabo sę galalali.

Samson me te Timna gesi wegi dali side po

14 Samson te Timna buluba dulama, tama te bulude agai te Filistia dabego gesi wegi ogwa we me deli suali. ² Tama aga buluba ma begasa pelama, tama aga aya idabolo wagi pali, "Eno te gesi wegi og-

wa we me deli te Filistia dabego bulu Timnade suali. Eno homugo nago aga oda sobaso da, te aga eno saibao," wali.

³ Tiali goli aga aya de ida sigo agabolo te po wali, "Magi basowe? Te wegi ogwa we me deli te da Dango hani tomode meni baso, ma te dena we bidi dabe tomode me meni baso weyu, obawe? Magi baso nago te Filistia we me deli sainogo, te augwali tigi wali togobo meni daweo?"

Tiali goli Samsongo aga ayabolo wali, "Eno te we godolo mu ebao! Dagego te aga eno we siąo." ⁴ Te aga aya dali ida sigo te Genuai Bidigo te Samson ola mayu, te tiwai sę ebo te koneaiwai, magi baso meni, Genuai Bidigo te Filistia dabe dali hwjabo sunumi gegebo sę yali. Te sogo te Filistia dabego te Israel dabe tonaluali.

⁵ Nosali Samson dali, te aga aya de ida si dali, te Timna buluba dulali. Tama Samsongo aga aya ida osogo tagalama, tama te Timna dabego wain giba sabolali. Tama polo te ogwa bidi laion me deli aselama, hwa weyu, aga gaę kela tueinu yali. ⁶ Tiali goli, Godigo Mobogo agaba bomomenama, tama agai te laion nogogo naga tola selama elali, te bidigo te meme wai me deli nogogo ela mubo tiwai gilama yai. Tiali goli, Samsongo te aga aya de ida sibolo te sę yali po me wabeo. ⁷ Tama Samson pelama, te wegi ogwa we dali po migi pali. Tama agai aga godolo mu yali.

⁸ Nosali dwasianu gana, Samson te we sainu ma palio. Tama aga te Timna buluba pabo sunumi tagalama, te agai te polobadu ela muani te laion sasia pai tigi sugi pali, tama suali, te genuai bunu hanigo te ganoma bunu ge tomoba mubo suai. ⁹ Agai te ganoma bunu meba te agai nogogo selama, tama aga tıdu peyu, te sunumi wali pai. Tama aga aya de ida si bidibo madiba sabolama, tama te bunu ge pedai augwali si menama, tama augwali sigo me tuali. Tiali goli, agai te ganoma bunu ge te laion tigde sali nai po te augwali sibolo me wasiawai.

¹⁰ Tama aga aya pelama, te we dali po migi pelama, tama nosali Samsongo te genuai nai daa me deli te bulude ulama tuali, magi baso meni, te augwa gesi bidi dabego ebo kolesaga dao. ¹¹ Tama te Filistia dabego te Samson subo sogo, augwaligo te gasa gesi bidi te 30 gesi bidi sigi pelama, tama augwali aga dali bidali.

¹² Tama Samsongo augwalibolo te po walali, "Te eno po begelama wabo po me deli te dage dali waibao. Te dagego enabolo te po begelama wabo po te nai tuyu bidibo te a naga olama, me badu nogo si te sogo dagego te po begelali po page te enabolo obaso da, teda te eno dagebolo te pedai name ugwa te 30, me te holobo bobage ugwa te 30 te dage mawaibao," wai.

¹³ "Tiali goli, dagego enabolo te po page me wabo te usu meni baso da, te dagego enabolo te pedai name ugwa te 30, me te holobo ugwa 30, te tama ena magameo," wali.

Tama augwaligo agabolo te po wali, "Ao! Nago po begelebo po pusao! Dago odaio."

¹⁴ Tialima, agai augwalibolo wali, “Te tubo nai te nai tubo bage me delide pedelai. Te pusu nai te bomai nai me delide pedelai.” Samsongo te po begelama wali.

Te sela sogo bidai, tiali goli augwaligo te po begelai page me konebeo. ¹⁵ Te me si me si wabo sogode augwaligo te Samsongo webolo walali, “Nago te naga bidi homu bega sabo po olama te agai dabolo te begelali po page dabolo omainao. Te meni baso da, teda dago nage dali, te nago hani dabe dali, te dago siaba ulaibao. Dage sigo da i obaso asali te dago doado bage wi sagasomaiu wali dawew?” Te bidi dabego te webolo te po wai.

¹⁶ Tama tialima te Samsongo we te aga gesabidiba pelama, te gela wagi peyu, tama po wali, “Te nago ena godolo homu meni ebo! Nago wado homu naga ebaol! Nago eno hanibolo te po page begelama mawai, tiali goli nago enabolo te po page wabeo,” wali.

Tama Samsongo agabolo te po wali, “Ae, tegoba, eno te ena aya idabolo me te po me wabeo! Magi baso eno nagebolo te po wa naga obawew?” ¹⁷ Te wego te tiwai gela naga odubadi, te genuai nai ulama tuyu bidali te sogo te a naga olama, me badu nogo si wali sogo usu nigi pali. Agai po hauwa mu obaso, tama te a naga olama, nogo me si wabo side, Samsongo te begelali po page agabolo walali. Tama aga pelama, te aga hanibolo wagi pai.

¹⁸ Tama te giliga dega sigilusiabadi, te 7 wabo side, tama te hanude bidali bidi dabego te po Samsonbolo walali, “Mena naigo pusugo te bunu ge hanigo pusu ebo aiyaba elalubo dawew? Tama mena naigo bomogo te laiongo bomu aiyaba elalualiwe?”

Samsongo augwalibolo te tiwai po wali, “Te dagego eno so kibu bulmakau dali te to pedegi menigi sogo da, te dagego eno begelali po page te konebo usu me igi menio.”

¹⁹ Tialima, te Genuai Bidigo Mobogo te Samsonba bomu mobaso, tama aga te Askelonba dulali. Agai te hanude bidali bidi te 30 bidi elibadi, tama augwaligo doado bage dabe dali sali. Tama agai te 30 ugwa te agai begelali po page pusali bidi dabe mani. Tama te se pedelalide te aga haliga sebe mu elama, tama aga buluba ma begasa pai. ²⁰ Tama augwaligo te Samsongo we te Samson dali te we sabo sogo te hai namu olama te bidali bidi me delibolo te we mawai.

Samsongo te Filistia bage wei ponani

15 Te nosali dwasianu gana, te wit togobo sogo, Samson pelama, aga we sugi pali. Agai te ogwa bidi meme me deli aga webolo mawainu sela pali. Tama agai te we aga ayabolo te po walali, “Ena te ena we bidibo be habu tomoba paio,” wali.

Tiali goli we aga ayago hagela yai. ² Agai Samsonbolo te po wali, “Mu tamao, eno homugo nago aga godolo homu mu isiwai. Tama tibaso, eno aga te nai uluyu te sogo nage dali hai namu olama bidali bidibolo te we manio. Tiali goli, te aga amanu te sawi gesabi yai mu bidibao. Nago te aga sobaso, te usu yaibao,” wali.

³ Tiali goli Samsongo te po wali, “Eno te Filistia dabeba dwai se ilaibao. Tama eno dwai se yali po me wago beo. Te augwa yali kolesagago naga dao!” ⁴ Tama tialima, aga pelama, te 300 uni yowi sigi pali. Agai te si si danu keke pelama, tama nosali agai te sole me deli te kenani danu side kenani. ⁵ Tama agai te sole domonama, tama te uni yowi si si tagala palama, tama augwali udada peyu, te Filistia dabego wit gi tomoba pali. Agai te wit dabe te togai elaluali me, te togosiawai elaluali wit dabe me te siago ulali. Tama te oliv ni dabe me, te wain ai nigibo du walobo bono dabe me, te siago dai dao.

⁶ Tama te Filistia dabego hanalua biliyu, te tiwai po wali, “Dego te se yaliwe?” Tama augwaligo po odobadi te po wai, “Samsongo te se yalio. Magi baso meni, te aga waj ayago, te Timna bidigo te agai we selama, te aga dali te we sabo sogo nai uluyu te hai namu olama bidali bidi aga abagibolo te we mani,” wali. Tama te Filistia dabe pelama, te we dali aga aya me te aga be dali te siago te augwali dali ulugi pai dao. ⁷ Tialima, Samsongo augwaliba te po walai, “Dagego te tiwai kolesaga yali da, agawew? Tialima, eno te tiwai po daw walobao, te ena polo toma me nogobeo. Hasia bolo eno dagego te yali kolesaga wei ponoma da, tama nosali te ena toma naibao,” wali. ⁸ Tama Samsongo augwali dolama, subigila mu elama, tama hauwa bidi mu ela muani. Nosali aga te moni dedage elalubo te masigi ola be me deli elalubo te Etam teba bidigi pai.

Samsongo te Filistia dabe aiyaba elaluali

⁹ Nosali te Filistia dabe aselama, tama te Juda dabego toba te bidabo pesage nigagaselama, tama augwaligo te Lehi hanude bidibo bidi dabe dali hwjagasai. ¹⁰ Tialima, te Juda dabego augwaliba hanalu wali, “Magi baso te dagego da dali hwjagasaliwe?”

Augwaligo te tiwai po wei ponani, “Da asali te dago Samson selama, kalabus ilainu, tama dago te agabolo te agai da dali yali deli tigi poai kolesaga te wei ponainogo te tiwai ilaibao,” wai.

¹¹ Tialima, te Juda bidi dabe te bidi sese umabo mu, te 3,000 bidi te Etam te ola be masigi bulu duba pelama, tama Samsonbolo waliyu, te po wali, “Ae, tegoba! Te Filistia dabego megida tonalubo te nago konebewew? Magi baso nago te tiwai dwai sege dabolo pedalumainu yaliwe?”

Tama agai te po wei ponoyu, te po wai, “Te augwaligo ena dali yali dwai se te eno augwaliba dolo wei ponoyu yali.”

¹² Tama augwaligo agabolo wali, “Te dago nago nogo duagasu asali, tama nage te Filistia dabego nogoba muainogo eyu yaibao,” wali.

Tama Samsongo te tiwai po augwaliba walali, “Dagego bomai po me deli enaba daw waliyu, te tiwai waiyo, te dagego digi ena me ela mugobe po waiyo.”

¹³ Tama augwaligo te po wali, “Te usu da, te dago nage me ela mugobeo. Dago te nago nogo duagasu naga asali, tama nage te augwali nogoba odasa paibao,” wali. Tama te Juda dabego aga nogo te gesi

bomai bono baklain sigo dunama, tama augwaligo te ola be masigi bulu du tagalama ma palio. ¹⁴ Augwali te Lehi hanuba sabalubo sogo, te Filistia dabego i weyu, udada asu, tama augwali tiąba asali. Tama Godigo Mobogo te Samsonba genuai bomo menama, tama te gesi baklaingo aga nogo duani, Samsongo te baklain te ugwa hobolobo hobi togobo tiwai te olo nai gagawai togali. ¹⁵ Tama agai te tamadi isali ogwa bidi donki me deligo penane dili sulama, tama te agai sali. Tama agai te penane diligo te bidi hauwa umabo te 1,000 bidi ela muai.

¹⁶ Tama tibaso, Samsongo teąbi po me deli te tiwai wali,

“Te donki penanego eno te bidi umabo 1,000 ela muani.

Mu tamao, te donkigo penanego eno augwali dolama mu elali.”

¹⁷ Agai te po ola silama, tama agai te penane dili saąani. Tama augwaligo te bulu nogi Ramatlehi wali. Te tiwai te penanego ela muani bage te dwasianu bulu du da wali. ¹⁸ Tama Samsongo dogoni te mu wa pali. Tama tibaso, agai Genuai Bidiba i olama, te tiwai wali, “Nago ena naga seą bidi tau sali, tama tialigo eno te boi bidi dabe dali hwįnama, augwali aiyaba elaluali. Magi eyu ebaso, te nago ena megi tagalali. Te enade aą me-niama, tama tiyu ena isabo aą ebaso. Tama tiyu, te Genuai Bidi nago po odisaąo bidi dabego ena dol-idalio.” Te po wai. ¹⁹ Tama Godigo te dedage me deli te Lehi hanude aluama, tama aą tedu pedelai. Tialima, Samsongo te aą tulama, tama aga bomo ma sali. Tama tialima, augwaligo te weą nogi Hakore poali. Te nogigo page te tama tiwai, te bidigo i wali aą dao. Te ulu weą te Lehi bulude me elalubo dao. ²⁰ Te Filistia dabego te toą tonaluali sogo, Samson te Israel dabego tobolu bidi bididubadi, te kibu be bidi sese deli, te 20 kibu be bidai dao.

Samson te bulu Gasaba pali

16 Tialima, Samsongo te Lehi hanu tagalama, te Gasaba pai. Tama te Gasa bulude agai te penani we me deli sulama, tama aga te wego beba bidigi pali. ² Tama bidi mebago te Gasa bidi dabebolo waliyu, te po wali, “Samson asalio.” Tama tialima, augwaligo te bulu bagua selama, tama augwaligo aga te hanu bulu badu soabo sunumide geme dualaluyu tonaluali. Augwaligo te hulide kilikili me wabeo. Tama augwaligo tama homu yali, “Te dago tonaludubadi, te be posoboba usu nama, tama dago aga ela muaibao.” Te homu yali. ³ Tiali goli, Samson te pibo sai betide pila mudu bididubadi, te be huli tomoba mu usu nani. Nosali aga hodaluama, tama te hanu buluba piduali, te sunumi nogogo tulama, tama agai te sunumi te dali, pos ni si me, te tigidali elaluali daą wabo nai dabe tigidali gudali. Tama agai te sunumi doado bage dali te Hebron bulu paąe elaluali bulu duba ugwaba tolasa holalio.

Samson me Delaila

⁴ Te seą elama nosali, Samsongo te odogo bulu Sorek we me deli godolo homu yai. Te wego nogi te Delaila dao. ⁵ Tama te a naga Filistia tobolu bidi te we Delailaba pelama, agabolo te po walali, “Nago aga homu bega sabo po olama, tama agai te elalubo bomo te menade sali po koneainu tiao, tama magi baso dago aga aiyaba elaluabo usu ebe. Tama tiyu, te dago aga nogo dunama, tama aga aiyaba elaluaibao. Te nago te tama tebaso da, teda da deli deligo te mone 1,100 mone silva nage mawaibao,” wali.

⁶ Tama tibaso, Delailago Samsonbolo te po walali, “Te magi baso nago te tiwai genuai bomo elalubowe? Te po enabolo walao. Tama bidi me deligo te nage nogo dunama, tama nage aiyaba elaluainu ebaso da, te agai mena tama tiwai seą yaibawe?” wali.

⁷ Tama Samsongo agabolo te tiwai po walali, “Te ena augwaligo te enesigi balibi dolobo bono kelo a te a naga te me si te tamago te ena nogo dubaso da, teda te eno bomo sia saibao. Tama ena te tigidali gasa bidi tiwai naga yaibao,” wali.

⁸ Tama me sogo nosali te Filistia dabe tobolu bidigo te gesi enesigi balibi dolobo bono kelo a te a naga me si tama selama, tama augwaligo te we Delailabolo magasali. Tama agai Samson te bono kelo a dabe nogo dunama elaluali. ⁹ Tialima, agai te bidi mebabolo po walama, te augwali gasa be habu badu tonalua po wali. Tama agai i weyu, “Samson, dua dao! Te Filistia dabe megi da asobao!” Tiali goli, agai te keą yani bono kelo a dabe toga saąu, te ugwa hobolobo hobi te siago ulubo sogo te togobo tiwai yali. Tama augwaligo agai te bomo ebo po page te me konesiąwai dao.

¹⁰ Tama Delailago Samsonbolo po wali, “Odao! Nago enabolo te tibo po wabo seą naga eyu, te ena pomonani. Tiali goli, megi nago enaba po dolo weyu, te bidi dabego nage mena tama tilama te bono keą yabo po waibawe?” wali.

¹¹ Tialima, Samsongo agabolo walali, “Te augwaligo ena te gesi baklain mugo, te augwaligo polobadu magi seą me isiąwaigo te ena keą ebaso da, teda eno bomo elalubo te sia selama, tama ena te olo gasa bidi dabe tiwai naga yaibao.” Te po wai.

¹² Tama tibaso, Delailago te gesi bono baklain meba selama, tama aga keąnani. Tama agai i weyu, “Samson, dua dao!” wali. “Te Filistia dabe asobao!” Tama te bidi meba te gasa be habu badu ma tonaluali. Tiali goli, Samsongo te bono baklain dabe tologa saąani, te olo hobi tiwai naga ilali.

¹³ Tialima, Delailago Samsonbolo te po walali, “Nago enaba te tibo po wabogo te ena ma poma palali. Megi da, te nago enabolo mu po dolo te nage te bidi dabego mena tama keą emainu yabo po waibawe?”

Tama agai te po wai, “Te e nago eno bobage tobolu nisi duani te haliga a naga olama, me si tiwai elalubo, te selama, tama nago bomonama te blanket ugwa nigibo masin bono string tomoba keąnama, tama bobage medabu selama, tama bomonama elibaso da, te to-

bolu nisi mu daꝓ ola saibao, te tama tebo si te eno bomo meniama, te ena te gasa olo bidi dabe tiwai naga pedelaibao," wali.

¹⁴ Tialima, Delailago te Samson tibo po ola mayu, te aga godege mu pialio. Tama agai te Samsongo tobolude te bobage tobolu nisi haliga tiwai elalubo nisi a naga me si te tama selama, tama te masinde bomonama keꝓama, tama te medabugo bomonama keꝓani. Tialima megı da, Delailago i wali, "Samson, dua dao! Te Filistia dabe asobao!" Tiali goli, aga hodaluama, te tobolu nisi kega saꝓama, te daꝓ walali medabu toga saꝓama, te masin me tıgidali nai dabe alua peyu toga palio.

¹⁵ Tama Delailago agabolo te po wai, "Magı baso nago te po weyu nago ena godolo ebo po obawe? Nago pedauwalidu olo gani bole ebo po naga obao. Nago ena dali te deli homu me ebeo. Megı da, sela sogo nago enabolo te tibo po wabo pogo te ena pomonobo se elama, tama nago enabolo te nago bomo mena tama pedalubo po te enabolo me wabeo." Te wego te po wali. ¹⁶ Te tıgidali sogo te wego po hauwa weyu, tama agaba hanalubo se yali. Tama tiyu, Samson te pode hagela dwai mu yalio.

¹⁷ Te megı da, Samsongo Delailabolo po dolo walali. Agai tama tiwai po wali, "Augwaligo te eno tobolu nisi me togobeo. Te idago ena ame nani sogo, ena te God aga mu dolo bidi pedelali. Te augwaligo eno tobolu nisi togobaso da, teda eno bomo silama, tama ena te gasa bidi dabe tiwai gilama te bomo meni yaibao," te po wali.

¹⁸ Te sogo Delailago koneani, te Samsongo mu po wabo homu yali, tialima megı da agai te Filistia dabe tobolu bidiba po ola tolu, tama augwalibolo te tama po wai, "Dage ma asiꝓo. Megı da, agai enabolo mu po walio." Tama augwaligo mone dali sela asu asali.

¹⁹ Tama Delailago te Samson ili po ola menama, tama aga telede pila mubadi, tama agai bidi me deli i olama asobo si tama te Samsongo bobage tobolu nisi te a naga olama, me si elaluali te tobolu nisi togali. Tama Delailago aga hodolobo se iduali. Tiali goli megı da, te agai bomo elaluali te tıgidali pela silalio. ²⁰ Tama te wego i wali, "Samson, dua dao! Te Filistia dabe asobao!" wai.

Tama Samson hodaluama te homu yai, "Te ena hodaluama peyu, tama ena te polobadu hasia te eno nogo keꝓuali sogo yali se tiwai eyu, te nai dabe tologa paibao," te homu elama pali. Tiali goli, te Genuai Bidigo agaba mani bomo te taga pali te agai me konebeo.

²¹ Tialima, te Filistia dabego aga pageabi elama, tama agai gedu si guda saꝓani. Tama augwaligo aga te Gasaba sela pelama, tama augwaligo aga te brasgo nigai sengo gebelali. Tama augwaligo aga te sia me wit te nai se ebo be te kalabus be tomode agaga pabo se emainu ilali. ²² Tiali goli nosali te Samsongo tobolu nisi te bobage ma holobo gagalali.

Samson isai

²³ Nosali te Filistia dabe tıgidali polalubo bidi te sisi-nagasai. Augwaligo te wiegi yai homu pemene elama, tama augwa tibo godiba ofa ilali, Dagon. Tama augwaligo te po wali, "Te dena godigo da tau selama, dago te dena boi bidi Samson te aiyaba elaluali!" te po wali. ²⁴⁻²⁵ Nosali augwali te aꝓ tuai geꝓ eyu, tama augwaligo te po wali, "Te Samson odasa asama, tama dago agaba te hagoma ilibo se yaibao!" Tialima, augwali te kalabus beba pelama, tama aga selasa asali. Tama te we bidi augwaligo aga subo sogo, augwaligo te augwa tibo god nogi ugwaba siyu, tama augwaligo te po wali, "Te dena godigo da tau selama, te dago dena boi bidi Samson aiyaba elaluali," po wali. "Agai te dago tꝓ mu dolama, tama dago bidi dabe hauwa ela muani!" Tama augwaligo aga te be genuai masigi pos elalubo tomoba dodolama dolalubadi, tama augwaligo agaba te dwai hagoma se yali.

²⁶ Tama Samsongo aga te nogo tolasa biliyu, tama aga pabo dolasa pomainu ebo te dwasianu ogwabolo po walali, "Nago ena sela pelama, eno te be genuai masigigo nigai pos te eno nogo tola sigı paibao. Ena te masigigo nigali posde te eno tıgi tede tialumainu homu yai." Te po wai. ²⁷ Te be te we bidigo mu paꝓana sai elaluali. Tama te tıgidali Filistia dabe polalubo bidi a naga te augwali dali bidali. Tama te bidi sese umabo te paꝓe te we bidi 3,000 te be ugwadu daide bidalu, tama augwaligo te Samsonba aba tononalu, tama augwaligo agaba gagali ebo po wabo se yali. ²⁸ Tama Samsongo te Genuai Bidiba gedu haluasa po weyu, te e tama po wali, "God Genuai Bidi Yawe, nago ena megı homu kone palao. God, nago te megı e sogo deli naga enaba te genuai bomo ma mao," wai. "Tama eno te Filistia dabeba te eno gedu si dolali te wei ponaibao," wai. ²⁹ Tialima, Samsongo te be tomode daꝓ olalubo te genuai masigi pos si nogogo tuali. Agai te pos si nogogo tulalu, tama aga tıgi te pos siba tinigi palio.

³⁰ Agai i wali, "Ena te Filistia dabe dali isainogo ebao!" Tialima, agai bomogo te pos si pogolali. Tama te be aluama, te degeyu, te polalubo bidi dabeba dali, te be tomode bidali gasa we bidi dabeba dali, te be degalio. Te aga dali isiyu te ela muani bidi dabego nambago, te aga bidibadi te elali bidi dabego namba te aiyaba elaluai dao.

³¹ Tama aga ama dede dabe me aga hani sibi tıgidali dulama, tama aga tıgi sagasali. Tama augwaligo aga te bulu si Sora me Estaol tomode pubulali, te aga aya Manoa muani gu pageade muai. Aga te Israel dabego polalubo bidi bidibadi te kibu be bidi sese deli bidai dao.

Te Hani Si Dan Dali Benjamin Side Po

(Daj 17-21)

Te Maikago tibo god dabe

17 Bidi me deli te Efraimgo hani bidali bulu du bagede bidali, te bidi aga nogi Maika dao. ² Agai te aga idabolo po wali, "Te bidi dabego nago mone silva te 1,100 mone te wi sali sogo, nago po weyu, te nai wi sali bidi dolomainao wali. Tama eno te po odai. Suao, te mone enade munalubao. Ena digi eno wi sali!"

Tama idago te po wai, "Genuai Bidigo nage mobo momainu yao, te eno ogwa dao." ³ Tama Maikago te mone te aga idabolo ma mawai. Tama idago te po wali, "Ena digi eno te mone te Genuai Bidiba mawaibao, tama te wiegi yai mu yali. Tama augwaligo te ni dulama tama te tibo god me deli nigilama, tama te silvago tigidali haluaibao," wali. "Tiali goli, hasia bolo eno te mone nagebolo ma mawaibao." ⁴ Nosali Maikago te mone aga idabolo ma mawai. Tialima, Maikago idago te mone 200 silva selama, tama agai te silva sę ebo bidiba mawai. Tama agai te tibo god me deli te nigo nigilama, tama te tigidali silvago haluali. Tama te Maikago bede te tibo god muai elaluali. ⁵ Te bidi Maika, agai dwasianu lotu be elaluali. Tama agai te pris bidi gudubo ugwa me te tibo god te lotu beba muani. Tialima, augwaligo teba lotu weyu, te aga ogwa digi me deli te pris bidi pedalumainu ilali. ⁶ Te sogo te Israelde te polalubo bidi me deli te bidisiqawai. Tigidali bidigo te augwa homu naga wali pali. †

⁷ Te sogo te Livai hanigo te gesi ogwa bidi me deli elaluali, aga te Betlehem te Juda tęde bidali. ⁸ Agai te aga bulu taga peyu, tama aga te gasaba bidigi painu homu yali. Tialima, aga pelama, tama te Maikago beba sabolali, te Efraimgo bulu du bage buluba pai. ⁹ Tama Maikago agabolo hanalu wai, "Nage menadu asaliwe?"

Agai po wei ponoyu, te tama po wai, "Ena te Livai hani me deli te Betlehem te Juda bidi dao. Ena te bidainu ebo bulu me deli gege asai dao," wali.

¹⁰ Tialima, Maikago agabolo te po wai, "Nage ede ena dali bidao. Te enabolo te homu kolesaga mabo bidi bididu tama nage eno pris me bidagameo," wali. "Tama tigidali kibu bede te eno nagebolo te silva mone te nogo si mayu yaibao, tama te gudabo ugwa dabe me te tuabo nai dali mawaibao." ¹¹ Tama tibaso, te Livai gesi ogwa bidigo te po usu da olama, tama aga te Maika dali bidai. Tama aga te aga ogwa tiwai mu pedelali. ¹² Tialima, Maikago te gesi ogwa bidi te agai pris bidi nigilali. Tama aga te aga bede bidali. ¹³ Tama Maikago te po wali, "Megi da, eno koneani, te Genuai Bidigo ena bidibo tomode te wiegi yai sę pedelaibao, magi baso meni, eno te Livai hani te eno pris bidi nigilai elalubao." Te po wali.

Maika me Dango hani dabe

18 Te sogo te Israelde te king bidi meni yani. Tama te Dango hani dabe meba te augwali bidabo tę me deli gegebo sę yali. Magi baso meni, te sogo augwali te Israel dabe tomode te augwa sabo tę tigidali me sisqawai. Te augwali olo naga bidalwai. ² Tama tiyu, te Dan dabego te hanu si Sora me Estaol te kolesaga koneai bidi te nogo a naga bomai bidi tagala palu, te augwali te tigidali tę pedai susa biligi pomainu tagala palali. Tialima, augwali pelama, te Efraimgo bulu du bageba te Maikago beba sabolama, tama augwali aga dali bidali. ³ Augwali te Maikago beba sabolama, tama augwaligo te Livai gesi ogwa bidigo wabo po odama, tama augwaligo koneama, te Juda bidigo dogonide po odobo tiwai yali. Tialima, augwali doligi pelama, tama agabolo te tiwai po hanalu wali, "Nago e bulude magi sę ebawe? Dego nage eba sela asaliwe?"

⁴ Tama agai augwaliba te po wali, "Te Maikago enabolo usu da obaso, tama ena bidibao. Ena agai pris sę tiwai ebaso, tama agai ena abelibo dao," wali.

⁵ Augwaligo agabolo te po walali, "Dago homugo te nago da e bilagasali sę po te Godiba hanalu omainu obao. Te wiegi yai dawe, ma meniwe?"

⁶ Tama te prisgo te tiwai po augwaliba wei ponani, "Dage te nai me deli homu si me dogia pelamuo. Te Genuai Bidigo te dage bilibo tonaluaibao," wali.

⁷ Tama tialima, te a naga bidi dabego te bulu tagalama, tama augwali pelama, te hanu Laisba sabolali. Augwali pelama suali, te bidi dabe bugagia bidaluali, te Saidon bidi dabe tiwai bugagia bidali. Augwali te dua digi bugagia mu bidali, tama augwaligo te gasa bidiba wado po me wasiqawai. Tama augwaligo hwjabo homu me isiqawai. Augwali te nai me deli me sę pabeo. Tama augwaligo te gasa hani bage dali te bisnis sę me isiqawai. Tama augwali te Saidon dabe pęde me bidibeo.

⁸ Te a naga bidigo te bulu susa bilama, tama augwali te bulu Sora me Estaolba ma geasa pabo si, tama augwali deli hanigo augwaliba hanalu wali, "Dage pelama, te magi nai naga sualiwe?"

⁹ Tama augwaligo te e tama tiwai po wali, "Te dage asesa polo asama, tama dago augwali dali hwjnao. Dago te tę wiegi yai mu suali. Dage olo me bidilamuo. Asesa dao! Dago te augwaligo tę sigi paibao. ¹⁰ Te dage pabo sogo da, te augwali bugagia bidiyu, tama augwaligo hwjabo homu me elalubo sugubeo. Te tę genuai tama, te augwali magi nai me deli me sę pabeo. Odiqo, te Godigo da tau selama, tama dago augwali aiyaba elaluaibao," wali.

¹¹ Tama tialima, te Dango hani bidi dabe te 600 ami bidi te hanu Sora me Estaol tagalama, tama augwali hwjgi painu sisi yai. ¹² Augwali pelama, tama te bidabo pesage te Kariat Jearim te Juda tę pedai badu nigali. Tama te bulu nogi augwaligo te Dango Nigali Pesage wabo te nogi megı me elalubao. Tama te nigali pesage te giliga degasa dulubo badu te bulu Kariat Jearimde elaluai. ¹³ Tialima, augwaligo te bulu taga peyu, tama

† 17:6 Tob 21:25

te bidi Maikago beba sabolali, te Efraimgo bulu bage bulude elaluai.

¹⁴ Tama te a naga bidi te Lais dabego hanu t̄ba sa pelama suali bidi dabego te augwa deli hanibolo te tiwai po wali, "Te badu te be me delide te tibo god me deli augwaligo te nigo nigilama, tama augwaligo te silvago haluama elaluali. Dagego te koneaniwe, ma meniwe? Tama te tibo god meba u mabo elalu, te pris dabego holobo ugwa me elalubao. Megi da te dago magi yaibawe?" te a naga bidi dabego te po wai. ¹⁵ Tialima, augwaligo te sunumi tagalama, tama te Maikago beba pelama, tama augwaligo te Livai gesi ogwa bidi bidibo suali. Augwaligo agabolo te siade da po weyu, te po wali, "Nage bugagia bidibawe?" ¹⁶ Tama te Dango ami bidi te 600 bidi te hanu bagulali obo te pabo sunumi dolalu, te augwaligo hwj̄abo sisi elalu bidali. ¹⁷ Te bulu sa geme pelama sugi pali te a naga bidi dabe augwali te be tomoba pelama, te tibo god dabe sigi pali. Tama te pris te 600 ami bidi dabe dali te hanuba pabo sunumide bidali. ¹⁸ Te bidi te Maikago be tomoba pelama, tama augwaligo te tibo god dabe sali, tama te prisgo augwaliba hanalu wali, "Dagego magi ebawe?" ¹⁹ Tama augwaligo agaba po waliyu, "Nago pedauwali pania sao," wali. "Nago po me olamuo. Tama nage da dali asao, te nage pris bididu, tama nage te dabolo homu konebo kolesaga ola mabo bidi bidagameo. Te nage te Israel hani tigidaligo pris bidi bidibaso, te wiegi yai yaibao. Te deli hani sibigo pris naga bidibo te dwai dao," wali.

²⁰ Pris te pode wiegi yai homu pemene elama, tama agai te tibo god dabe selama, te augwali dali palio.

²¹ Tialima, tigidali bidi ma geasa pali. Tama te wai dabe me, te bulmakau dabe me, te doado bage me, te augwali polasa pali.

²² Te Dan dabego te Maikago be taga peyu, te digibulu pai madi, tama Maikago te aga p̄de bidali bidi dabeba i waliyu, te augwali wali pobeasa pelama, te augwali dali hwj̄gi pao wai. Augwaligo te Dango hani dabe pobeasa peyu, wali pelama, te nosali augwaligo augwali suali. ²³ Tama Maikago hanigo te Dango haniba i olama, hae wai. Tialima, te Dango hani dabe begelama, te Maikabolo wali, "Magi s̄ yaliwe? Magi baso nage te genuai hani bidi dali asaliwe?"

²⁴ Tialima agai te po wai, "Dagego eno pris bidi me te eno nigali tibo god dabe selama, te dage wi soallo. Te eno doado bage deli te me munalubeo. Magi baso te dagego enabolo 'Magi s̄ yaliwe?' po hanalu obawe?"

²⁵ Tama te Dango hanigo te po wali, "Te nago po me deli dabolo munu me olamuo. Tiyu, te bidi dabe wado ebo homu elama, te augwaligo dage dali hwj̄abuo. Tama augwaligo te nage dali, naga hani sibi dali ela muabuo," wali. ²⁶ Te Dan dabego po ola silama, te augwali palio. Tialima, Maikago suali, te bidi dabego bomobaso, tama aga augwali dali usu yabo homu isībaso, tama aga buluba me geasa palio. ²⁷ Te Dan dabego te Maikago nigali nai me, te agai pris bidi me selama, tama augwali te hanu Laisba palio. Tama te Lais hanude bidali we bidi, te augwa bugagia bididu, tama

hwj̄abo homu me isīama bidali. Tama te Dan dabego te augwali tigidali ela munama, tama augwa hanu me te siago ulali. ²⁸ Te augwali tau sabo bidi me meni yai, magi baso meni, te hanu te Saidon bulu digibulu elaluali. Tama augwaligo bisnis s̄ te gasa hani dabe dali me isīwai. Te hanu te Betrehop hanu p̄de elaluali. Tama te Dan hani dabego te hanu ma nigilama, tama augwa tede bidali. ²⁹ Tialima, te hanu nogi augwaligo te Dan nogi poali. Augwaligo te augwa w̄j̄go nogi sali, Dan te Jekopgo ogwa, tama augwaligo te nogi te hanuba mawai. Polobadu augwaligo te hanu nogi Lais poali. ³⁰ Tama te Dan dabego te nigo nigali tibo god dodolama, tama augwaligo teba lotu wai. Jonatan te Gersomgo ogwa, te Mosesgo w̄j̄, agai te Dan dabego pris s̄ yali. Tama agade koliali w̄j̄ dabe me te pris s̄ ela pali, te augwali te gasaba kalabus igi pali sogoba usu nigali palio. ³¹ Tama te Maikago tibo god dabe tede elalubadi, te Godigo ugwa be te Silo bulude elaluai dao.

Te Livai bidi me deli aga we dali side po dao

19 Te sogo te Israel dabego king bidi meni yai, te we sai Livai bidi me deli te Efraimgo bulu bagede bidai. Tama agai gasa we me deli te Betlehem bulu te Juda t̄de sai, te aga dali bidainu sali. ² Tiali goli, te we te aga bidi dali bugagia bidisīayu, penani ebo kolesaga yai. Tama te we te aga ayago bulu te Betlehembra wi ma pali. Tama aga ayago bede bidibadi, te polua me si me si bidai. ³ Tama nosali aga bidi hogodama, tama aga wali pelama, te aga dali po dodoligi pelama, te aga ma odasa asainu pali. Agai te aga s̄ ebo bidi me deli selama, te donki si me aga dali pali. Nosali te wego te bidi sulama, te aga selama, te aga ayago beba pali. Tama we aga ayago te bidi sulama, tama wiegi yai homu pemene mu yai. ⁴ Tialima te we aga ayago bomu eyu, te bidi aga dali bidao wali. Tama tibaso, aga sela sogo bidai, tama augwali nai tuyu, me w̄ tuyu yalio.

⁵ Tama te ene nanobo sogo me si me si tede te augwali si te kigamu mu hogodama, te augwa si painu doado bage sisi yali. Tiali goli, te we aga ayago te Livai bidiba weyu, te po wali, "Te nage nai tulama, haliga d̄ȳ waliyu bolo yao," wai. "Nosali te naga pagameo," wali. ⁶ Tama tibaso, augwali si dugulama, tama w̄ me nai me tuyu yai. Tama we aga ayago agabolo te po wali, "Eno homugo nage ede ma bidimainu elama, te da wiegi yai homu pemene emainao." ⁷ Te bidi hogodama painu yali, tiali goli te wego ayago te aga bidimainu bomu mu yali. Tama tibaso, aga te deli sogo hulide aga dali bidai. ⁸ Te a naga sogo wabode te bidi te kigamu digi mu hogodama painu yali. Tiali goli, te we aga ayago te po wai, "Ae, te nage nai bolo tuyu bidi bolo yao," wali. "Te giliga dwasianu kekeyu kedau ebo sogo da, teda naga pagameo," wali. Tama tibaso, te bidi si dali nai ma tuali.

⁹ Tama te bidi aga we dali, te aga s̄ ebo bidi te augwali painogo sisi ebaso, te we aga ayago te po wali, "Suao, te giliga dega sigulainu ebaso, tama dwasianu

sogo tama be hulua sainu yali. Te wiegi yai mu tama te dage te sogo hulide bidiyu, te wiegi yai homu pemene yao. Do da, te kigamu mu, te duga hogodama, te duga buluba ma piagameo," wali. ¹⁰⁻¹¹ Tiali goli, te Livai bidi aga te gasa sogo hulide ma bidibo te aga hagela homu yali. Tialima, aga dali aga we me te augwa si hogodama palio. Augwa si te donki daide duabo nai sadel te donki side elaluali te donki tudide aqasa pali. Te giliga dega sigulai madi augwali te Jebusba sabolali, te Jerusalem bulugo gasa nogi me dao. Tama te sę ebo bidigo te aga mama monubolo te tiwai po wali, "Te da te hanu Jebus tomoba pelama, tama hulide tede pinao," wali.

¹²⁻¹³ Tiali goli aga mama monugo te po wai, "Menio, da te Israel hani aq isiawai bagego hanude me bidigobeo. Te da dwasianu ma pelama gana te Gibeade ma Rama tede piaibao," wali. ¹⁴ Tama tiyu, augwaligo te Jebus hanu edelama, tama augwali palio. Tama be mu hulua sigilubode te augwali te bulu Gibeaba sabolali, te Benjamingo tq pedai badu dao. ¹⁵ Augwaligo te genuai sunumi tagalama, tama augwali te hanu tomoba pelama, te piabo pesage gegegi pali. Tama augwali te bidi dabe sisinama po mibo pesageba duadalalugi pali. Tiali goli, te bidi me deligo augwali te aga beba me odasa pabeo.

¹⁶ Augwali tede duadalaludubadi, tama monu dabe bidi me deli asali. Te aga gide sę yali silama, tama aga ma asali. Te bidi te Efraimgo te bage bulude bidai bidi, tiali goli aga aselama, te Gibeaba buluba bidagasali. Tama te Gibeade te Benjamingo hani bage bidaluai.

¹⁷ Te monu dabe bidigo te Livai bidi dali, te aga sę ebo bidi me, aga we dali, te bidi dabe po mibo pesagede dudulalubo suali. Tama agai augwaliba hanalu wali, "Dage menadu asaliwe? Tama dage menaba sobawe?"

¹⁸ Tama te Livai bidigo te po wali, "Da te Betlehem, te Juda buludu asali, tama da te eno bulu te Efraimgo bage bulu tomode elalubo buluba sobao. Tiali goli, te bidi me deligo da te aga beba me odasa pabeo.

¹⁹ Tagalao. Dago te dena nai dabe tigidali elalubao. Te donki sigo tuabo nai me elalubo, te eno bret me wain dali me, te eno sę ebo bidigo doado bage me elalubao," wali.

²⁰ Te monu dabe bidigo te po wali, "Te wiegi yai dao. Te dage eno beba asiąo! Te eno tigidali nai dabego te dage mayu gesaibao. Tiali goli, dage te po mibo pesagede te hulide me bidigobeo," te po wai. ²¹ Tialima, agai augwali te aga beba odasa pelama, tama agai te donki si me nai mani. Agai te wę augwaliba menama, tama augwali saqą wę tedelama, tama nosali augwali nai me wę me tuali.

²² Te augwali wiegi yai homu pemene elama bidibadi, tama te hanude dwai kolesaga ebo bidi meba aselama, te be bagua sagaselama, tama te be sunumiba bebego wabo sę iduali. Tama augwaligo te monu dabe bidiba po waliyu, te po wali, "Te nago bede nage dali bidibo bidi, te aga buluba dinao. Te dago aga penani yaio," wali.

²³ Tiali goli, te monu dabe bidi buluba tede solama, tama augwalibolo walali, "Menio. Te eno ama dedeo, dagego te tiwai kolesaga me elamuo. Te e bidi eno beba asobaso, te eno aga tonalubao. Dagego te dwai kolesaga me elalumu dao. ²⁴ Odiąo! Te eno gesi wegogwa we, me te e bede bidibo bidigo we me bidibao. Te eno augwali si odasa aselama, tama dagego augwali si penani yagameo. Tama duga te godolo ebo sę te duga homugo yagameo. Tiali goli, dagego te bidiba te hale ilibo kolesaga me elamu dao." Monu dabego te po wai.

²⁵ Tiali goli, te bidi dabego agai po me odisiąwai. Tama tibaso, te Livai bidigo te aga we selama, tama augwaliba mani. Tama augwaligo aga selama, tama aga taqnama, te agaba haniani dwai kolesaga idubadi te be mu posa palio. Tama nosali augwaligo aga tede bididubadi taga pali. ²⁶ Tama te we asama, tama te monu dabe bidigo be sunumiba degagasali. Te aga bidi te bede bidai. Tama we te sunumide pila mudubadi te giliga pedelali.

²⁷ Tialima, te kigamu te aga bidi hogodama, tama sunumi dalama, tama painu yai. Te agai sunumi dabadı, te sogo te aga we tede pila mubo suai, aga nogo si te sunumiba muainu yali, tiali goli usu meni yai. ²⁸ Tialima te Livai bidigo te po wali, "Te hodaluama, da pinao," wali. Tiali goli wego te po wei me ponobeo. Tama tibaso, agai te donki tudiba te we aunama, tama aga buluba palio.

²⁹ Te aga buluba sabolama, te aga be tomoba pelama, tama hwą ge me deli sali. Tama aga te isai wego tigi tologali, te nogo si olama, saqągo si pedai pedelali. Tama agai te pedai deli deli te Israel hani te nogo si olama, saqągo si haniba todolo palio. ³⁰ Tigidali bidigo te wego tigi pedai sulama, te po wai, "Dago te tobage tiwai sę te polobadu me subeo. Te da Israel dabego waj dabego te Isip taga soyu asela bidali te e sogo megiba usu nagasali, te tiwai kolesaga me pedalubeo. Dagego mena tiwai homu ebawe? Te dago magi yaibawe?" augwaligo te po wai.

Te Israel dabe augwaligo hwjainu sisi yali

20 Te Israel bage tigidaligo te Livai bidigo wede po odama, tama augwali te deli hani tiwai naga aselama, tama augwali te Genuai Bidi gedude te Mispaba buluba sisinagasali. Augwali te tq pedai tigidali badu te Dango tq pedai te not badu gagalasa asali, tama te saut te Berseba teba usu nigı pali, tama te Gileat tq pedai bage te giliga pedalubo badu augwali me asalio. ² Tama te tigidali Israel hanigo polalubo bidi dabe te tigidali bage te Godiba sisinama po mibo madiba sabolali. Te bainatgo hwjbo ami bidi dabe te bidi sese umabo te 400,000 ami bidi dabe elaluali. ³ Tama te Benjamingo hani dabego te tiwai po wabo odali, te gasa Israel hani dabe te Mispaba sisinigi pali po walio. Tama te Israel dabego te Livai bidiba hanalu wali, "Nago dabolo pusao. Te dwai kolesaga mena tama pedelaliwe?"

⁴Tama te Gibeade bidali Benjamin hani bagego te dolali we aga bidi agai te po wali, "Ena eno we dali, da si te Gibeaba pali, te Benjamingo hani dabego t̄ba pali, tama da si te bulude hulide bidainu yali. ⁵Tiali goli, te Gibeaa hani bidi dabe augwali aselama, tama augwaligo ena elainu yai. Augwaligo ena te bidibo be hulide bagua sagasali. Tiali goli, augwaligo ena tagalu, tama augwaligo eno we t̄dubadi te aga isaboba usu nigi palio. ⁶Tialima, eno aga tigi selasa aselama, tama eno te tigi pedai todogo pelama, tama eno te Israel t̄ pedai tigidaliba todolo pela silali. Magi baso meni, te bidi dabego te Israel tomode te dwai hale ilibo kolesaga yalio. ⁷Dage tigidali Israel bidi dabe te eba sisinani, dagego homu kone bugagia palama, tama po waīo. Megi da, dago te kolesagade magi s̄ yai bawe?" Te isali wego bidigo te po wai.

⁸Tama tigidali bage dabe hogodama, tama augwaligo te tiwai po me deli wali, "Te da me deli te aga ugwa beba me pisīama, tama me deli te aga buluba me pogobe dao. ⁹⁻¹⁰Te Gibeaa dali hw̄ainogo te tiwai yai bawo: te dago nogo si bidi te tigidali Israel hani deli delide te 100 bidi nidigili pelama, tama te 100 bidi nedada pabogo te 1,000 tigidali pedelama, tama te 1,000 bidi nedebogo te 10,000 bidi pedelaibao. Te bidi dabego te Gibeaa dabe dali hw̄igi pabo bidi dabe tuabonai sela pelama, te augwaligo hale ebo dwai kolesaga te Israel dabe dali yali s̄ te wei ponaibao," augwaligo te po wai. ¹¹Megi da te Israel bidi tigidali te hani deli tiwai sisinama, tama augwaligo homu kolesaga me te deli elaluyu, te augwaligo te Gibeaa hanuba hw̄igi painu yalio.

¹²Tialima, tigidali Israel hanigo te bidi dabe tagala palama, te Benjamingo hanibolo wagi pomainu yali, "Magi baso e te tiwai dwai kolesaga dagego yaliwe?"

¹³Tama tialima, megie da dagego te dwai kolesaga yali Gibeaa bidi dabe selasa asao, te dago augwali ela munama, tama te Israelde dwai kolesaga elaluali te sela s̄waibao," wali.

Tiali goli te Benjamingo hanigo te Israel dabe gasa bidi dabego wagi pali po te sela s̄wani. ¹⁴Tama te Benjamingo hani tigidaligo te augwa hani dabe tagalama, tama te Gibeaa hanuba sisinagasali, te Israel dabe dali hw̄ainogo yali. ¹⁵⁻¹⁶Te sogode augwaligo te tigidali hanude bidalubo bidi dabe sisinama te 26,000 bidi pedelai. Te bidi dabego te bainat hw̄ago hw̄ibo koneani bidi. Tama te Gibeago digi te pobase nogogo hw̄ibo bidi te 700 bidi elaluali. Augwaligo te kibu wali-gonigai te masigi enebo naigo hw̄ibo mu koneani, tama augwaligo enebo masigi te daiba mu sabalu ebo dao. ¹⁷Tama te Israel dabego te hw̄jabo bidi dabe te 400,000 bidi sisinani, te augwaligo te bainat hw̄ago hw̄ibo dao. Tama augwaligo te namba nedali te Benjamingo hani dabe dali me nedebao.

Te Israel dabego te Benjamingo hani dabe dali hw̄jani

¹⁸Megi da, te Israel dabe te lotu wabo pesage te Betelba pelama, tama augwaligo te Genuai Bidiba hanalu wai, "Te da mena hani bolo te hasia pelama, te

Benjamingo hani dabe dali hw̄igi paibawe?" Tama Genuai Bidigo te po wali, "Te Juda hani bolo polasa pomainao," wali.

¹⁹Tama tialima, te Israel dabego ami bidi dabe te kigamu mu hogodama, tama te Gibeaa hani p̄ba sisinigi pelama, tama augwa osogo bidabo pesage tede nigilali. ²⁰Augwaligo te Benjamingo hani dali hw̄igi pabo ami bidi dabe wasilama sisi elaluali. ²¹Tama te Benjamingo hani dabe te hani tagalama, tama aselama, hw̄jagasalio. Te giliga dega sigulusīabadi tama te Benjamingo hani bagego te Israel ami bidi dabe te bidi sese umabo 22,000 bidi ela muanio. ²²⁻²³Tama te Israel bidi te lotu wabo pesageba ma geasa pelama, tama augwaligo te Genuai Bidiba gela udubadi, te giliga dega sigulali. Augwaligo agaba hanalu wali, "Te dago dena ama dede te Benjamingo hani dabe dali ma hw̄jowe, ma meni yai bawe?"

Tama Genuai Bidigo augwaliba te po walali, "Dagego te augwali dali ma hw̄igi pao," wai. Tama tibaso, te Israel dabe te bomo ma selama, tama augwaligo te hw̄igi pabo ami bidi dabe te hasia sogo te wasilali pesageba ma pelama, te ami bidi dabe ma wasilai dao. ²⁴Tialima, te Israel dabego te Benjamingo hani dali te si sogo ma hw̄igi palio. ²⁵Tama te Benjamingo hani dabego me te sogo Gibeaa hani tagalama, tama te Israel dabe dali hw̄jagasali. Te sogo te Benjamingo hani ami bidi dabego te Israel dabe hw̄ibo s̄ koneani ami te bidi sese umabo te 18,000 bidi ela muani.

²⁶Tama te Israel bage dabe tigidali te Betelba ma pelama, tama augwaligo te Genuai Bidiba gela wagi pai. Augwali te Genuai Bidigo gedude dualaludubadi, te giliga dega sigulama, tama augwaligo te nai me w̄ me munu me tusīwai. Tama augwaligo te siago domainu te tigidali siaba ulubo ofa te Genuai Bidiba homu deli elama, te tama ofa yalio. ²⁷⁻²⁸Te Dāu Wali Boma Po halobage te sogo te Betelde munaluali, tama Finias, te Eleasargo ogwa, te Arongo ogwago, te tonalubo s̄ yai. Tama te Israel dabego Genuai Bidiba te tiwai po hanalu wali, "Te dago dena ama dabe te Benjamingo hani dabe dali ma hw̄igi paibawe, ma dago tagalagawe?" Tama Genuai Bidigo te po wali, "Dage pīo. Do da, eno dage tau selama, tama dagego te augwali aiyaba elaluaibao," te po wai.

²⁹Tama tibaso, te Israel dabego te Gibeaa hani bagulabo bidi meba tagala palama, tama augwali teba geme duala sigi pai. ³⁰Tama te sela sogo wabo side augwali pelama, te Benjamingo hani bage dali hw̄igi pai. Augwa te poloba yali gilama te ami bidi dabe te Gibeaa hani p̄ade wasilai. ³¹Te Benjamingo hani dabe te hw̄jagasu asobode tama te Israel dabego augwali te hani digi kekasa soali. Tialima, te Benjamin dabego te polasa yali tiwai gilama yai, tama te Betelba pabo sunumide te bidi meba elibo s̄ ela peyu, tama te Gibeaba pabo sunumide bidi elala pelama, tama te bulu dabe-de te bidi elali. Tama augwaligo te Israel bidi dabe elala pali, te bidi sese deli olama, nogo si, te 30 bidi naga elali. ³²Tama te Benjamingo hani bagego te tama

po wali, "Te wiegi yai da. Dago augwali aiyaba ma elaluali, te polasa yali tiwai gilama yali," wali.

Tiali goli, te Israel bidi dabego te po wai, "Ae, wi pinao, te dago augwali te kekasa peyu, te genuai sunumi te hanu taga soyu digibulu soainao." ³³⁻³⁴ Tama tigidali Israel ami bidi dabe ma begasa pelama, tama augwali te Baltamar bulude sisinama bidali. Tama augwali bage meba te augwali te hanu bagulama, te geme dualalu, te Gibeaa ola be masigi elalubo madi te giliga dega sigulubo pedai badu bidali ami bidi dabe, te augwali polo tama te geme dualaluali pesage tagalama, tama haninama pedelai. Te hwjbo bombo ebo te Israel wiegi yai bidi dabe te augwaligo te hwjmainu sa muani bidi, te bidi sese umabo mu, te 10,000 bidi tama pedelai. Tama augwaligo hwjbo bombo mu yali. Tiali goli, te Benjamingo hani dabego te Israel dabego augwali dolabo te me konebeo. ³⁵ Megi da tama te Genuai Bidigo augwali tau selama, tama augwaligo te Benjamingo hani bage dabe te aiyaba elaluali. Tama te sogode te Israel dabego te augwaligo ami bidi dabe te bidi sese umabo mu, te 25,100 bidi ela muani. ³⁶ Tama te Benjamingo hani dabego koneani, te hwjanigo augwali aiyaba elaluali.

Te Israel dabego hwjani ugaba igulama, tama te Benjamingo hani aiyaba elaluali

Te Israel dabe te Benjamin dabede wi pela wali, magi baso meni, augwaligo koneani, te Gibeaa hanu pade te gasa Israel bidi dabe geme dualalubo homu yalio.

³⁷ Tama te dualaluali Israel bidi dabe augwali te Gibeaa hanu tomoba polo udada pelama, tama tigidali we bidi ela muai. ³⁸ Tama te polasa Israel ami bidi hani me te dualaluali ami bidi te po mia selama, te daj ilibo se me deli yaibao wali. Te augwaligo te genuai hano te hanudu ugwaba holobo subo sogo da, ³⁹ teda te polasa pali te ami bidi dabe ma begasa asali. Te sogo te hwjbo gagalu, te Benjamingo hani dabego te Israel bidi dabe te 30 bidi ela muani, tama augwaligo te homu yali, "Dago te augwali aiyaba elalu, te polasa tiwai yali da," homu yalio. ⁴⁰ Megi da te daj ilaiba wali te pedelai. Te hanude te hano genuai ugwaba holali. Tama te Benjamin dabego te hanu begelama ma tonobadi, tama augwaligo te hanu tigidali siago dabo hano holobo سوالio. ⁴¹ Tialima megie da, te tibo se eyu, wi pali Israel dabe ma begelali. Te Benjamin dabego te tiwai ebo subaso, te augwali wi mu elama, tama augwaligo bombo me sia salio. Augwaligo megie da koneama, te augwali mu dola silaiba homu yalio. ⁴² Tama augwali te Israel dabede wi peyu, tama augwali te masigi tq kemi buluba pelawali. Tiali goli, augwali wi pabo sunumi meni yanio. Te geme dualaluali bidi dabe te hanu tagalama pali, tama te Israel ami bidi hani sigo augwali pobeasa pelama, tama augwali ela silalio. ⁴³ Te Israel dabego te Benjamingo hani dabe pobeasa pelama, tama augwali te Nohade ela muna muna pidubadi, te Gibeaa pedai badu te giliga pedalubo pedaiba sabolali. ⁴⁴ Augwaligo te bidi umabo mu te bidi sese 18,000 te Benjamin dabego wiegi yai hwjbo bidi dabe

ela muai. ⁴⁵ Te Benjamin dabego gasa bidi dabe begelama, tama wi peyu, te Rimon tq wa pai bulu te ola beba palio. Tama te Israel dabego te bidi meba te umabo te 5,000 bidi dabe te sunumide elala pali. Tama gasa bidi dabe te augwaligo pobeasa pelama, te Gidom hanuba te augwaligo siligi paboba mu usu nigi pali. Augwaligo te umabo bidi sese meba ma elali, te 2,000 bidi ela muani.

⁴⁶ Tama te sogo ela muani bidi dabe te nedali namba te umabo mu, te 25,000 Benjamin hani bidi tama. Te bidi dabe hwjbo bomai bidi dabe dao. ⁴⁷ Tiali goli, te 600 bidi begasa pelama, te wi peyu, te ola be masigi elalubo madi te Rimonba wi pai. Tama augwali tede bidaludubadi, te polua me si me si bidai dao. ⁴⁸ Te Israel augwali ma begasa pelama, tama tigidali bidi elibadi te tigidali kibu me te augwaligo suali doado bage tigidali dolali. Tama augwaligo te Benjamin dabego tigidali hanu dabe te siago ula silalio.

Te Israel dabego te Benjamin dabego sabo we meba gegabo homu yai

21 Te Israel bidi dabego te Genuai Bidiba te bomai daj wabo po te Mispa bulude wali. Augwaligo te tama tiwai po wali, "Dago te dena wegi mani te Benjamingo hani dabeba munu me bidi pomainu magobeo," wai. ² Tama te bage dabe te Betelba aselama, tama augwali te God gedude dualalubadi te giliga degegi palio. Tama augwa dwai gela mu wali. ³ Tama augwaligo tama po wali, "God, te da Israel hanigo Genuai Bidi, magi baso te se daba pedalubawe? Tama magi baso dago hani me deli hagawainu ebowe?" Augwaligo te po hanalu wali. ⁴ Tama do te kigamu mu te we bidi hogodama, tama te pesagede te alta me deli nigai. Tama augwa te tigidali ulama siago domainu ebo ofa me te homu deliba mubo ofa yali. ⁵ Tama augwa te po wai, "Te da tomode mena we bidi hani te Genuai Bidi geduba eba me sisinagasobewe?" Augwaligo hanalu wali, magi baso meni, augwa bomai pode daj walu, te tiwai po wai, "Te bidi me hani deli te Genuai Bidiba te Mispa te buluba asisabaso da, te augwali isimainao," wai dao, polobadu.

⁶ Tiali goli, augwaligo te augwa ama dabede homu dene mu yali, te Benjamingo hani. Tama augwa te po wali, "Te megie e sogode te Israel hani me deli hagawainu ebao," po wai. ⁷ "Te dago magie elama te bidalubo bidi hani dabe we magowe? Magie baso meni, te dago bomai po te Genuai Bidiba daj walu wai, te dago dena wegi dabe te augwaliba me magobe po wai dao." Te po wai. ⁸ Tialima augwaligo hanalu wali, "Te dago hani mena bage, te Genuai Bidiba te Mispa buluba asobewe?" Tama augwaligo gegali te tiwai, te Jabes Gileat ami hwjbo bidi dabe te sisinani madiba me asisawai. ⁹ Te polobadu hasia augwaligo te tigidali we bidi dabe sisinibo po weyu i wali, tiali goli te Jabes Gileat bulu ami bidi dabe me asisawai. ¹⁰⁻¹¹ Tama tibuso, te sisinani bidi hani dabego te bomai bidi naga dagalama, te 12,000 bomai bidi te Jabes hanu buluba tagala pali. Tama augwaligo bomai po augwaliba

weyu, te tiwai po wali, "Dage te Jabes hanuba pelama, te tigidali bidi elibadi, te tigidali bidigo sali we me te tigidali wai dali ela muao," wali. ¹² Tialima augwali pelama, te tiwai elama, tama augwaligo te Jabes hanu tomode te gesi wegi ogwa we te bidi sese hauwa te 400 gegalio. Te wegi ogwa we dabe te bidi dali pagela pisiwari wegi dabe dao. Tama augwaligo te wegi ogwa we dabe sela asu, te bidibo pesage Silo te Kenan tɔ pedaiba ma asai.

¹³ Te bidi dabe sisinagaselama, tama te Benjamingo hani me badu pedai te Rimon ola be masigide bidalubo madiba po ola tolu, tama augwaligo te tiwai po wali, "Megi da, te dago dage dali ma hwjabo homu ebeo. Tama dago homugo te boi pimainao," wali.

¹⁴ Tialima, te Benjamingo hani te ma aselawali. Tama te gasa Israel hanigo te wegi ogwa we augwaliba menama, tama augwaligo sali. Augwaligo te wegi ogwa we dabe augwali te Jabes Gileat hanuba hwjigi pali sogo sai.

Tiali goli te gesi we dabego te Benjamingo hani me badu te usu isiawai. ¹⁵ Te Israel dabego homugo te Genuai Bidigo te Israel hani me deli pedelali homu elama, tama augwaligo te Benjamin dabede homu dene mu iduali. ¹⁶ Tama tiyu, te Israel polalubo bidi dabego te po wali, "Te Benjamingo hanide te we dabe me bidisiama elalubao. Te dago mena tama tilama, te gasa bidalubo bidi dabego sabo we gegowe?" ¹⁷ Te Benjamin hani bidi dabego we elalusiabaso, wai ame nogobeo, tama te hani sia saibao. Te dago te augwaligo we sabo sunumi gegemainao." Te homu yai. ¹⁸ "Tiali goli dago te bidi dabe me deligo te dago wegi mani somainu me elamuo." Augwaligo te tiwai po wali, magi baso meni, te po augwa polobadu wai, "Te bidi me deligo aga wegi te Benjamin hani bidi me delibolo mobaso da, te aga dolomainao," wai dao. ¹⁹ Tama teyu, te polalubo bidi dabego te po wali, "Te Godiba genuai

nai ulubo nai daa tubo sogo te megri da paɓa ya-gasali. Te ulubo nai daa tubo sɛ te tigidali kibu bede pedalubo, te megri te Silo hanude pedalubao," wali. Silo te Betel pedai badu te notde elaluali, te Lebona bulu paɓe te saut badu, tama te giliga pedalubo badu te bulu Betel me Sekem si pabo sunumi tomode dao.

²⁰ Tama augwaligo te Benjamingo hani dabebolo weyu, te po wali, "Dage pelama, tama te wain gi tomo-ba geme duala sigi pelama, ²¹ tama tonaludu yao. Te genuai nai daa tubosi pedalubo sogo tama te Silo hanu gesi wegi ogwa we dabe sabolama, te tɛɛbi ebaso da, teda dage pedelama, tama dage deli deligo te wegi mani deli deli pageabi yao. Tama duga te we dabe selama, tama duga bulu tɔba ma piagameo.

²² Nosali augwa aya dabe me, ma te augwa abe dabe asu, tama dageba wado po wagasobaso da, teda dagego augwaliba te po waiɔ, 'Te augwali da dali bidimainu yao, magi baso meni, te da deli deligo te hwjani sogo te we me sisawai. Tama duga digi dabolo me mabe, tama tibaso te duga daɗu wali po te me dagego togobeo,' te tiwai po augwalibolo waiɔ." Te polalubo bidi dabego te po wai.

²³ Tama te Benjamingo hani dabego te tama tiali, tigidali deli deligo te danis yagasali wegi dabe selama, tama augwali palio. Tialima, augwali te augwa tɔba ma pelama, tama augwa hanu ma nigilama, tama augwa tede bidaluali.

²⁴ Tama tigidali Israel dabe me te augwa haniba me te augwa deli hani sibiba ma pelama, te augwa tɔ pedai tigidaliba pelama bidada palio. ²⁵ Tama te sogo te Israel dabe augwa king bidi meni yai. Tama tiyu, tigidali we bidi deli deligo te augwa homugo digi te mena mena sɛ ela peyu bidaluali. †

† 21:25 Tob 17:6

Rutgo Po Elalubo Buku

Hasia nedebo po

Rut te genuai t̄o pedai Moap we me deli dao. Aga te Israel bidi me deligo sai, tiali goli nosali aga bidi isai. Te aga bidigo ida te Israel we, tama te Israel bidigo sai, tama aga bidi me isai. Tialima, nosali Rut te aga bidigo ida dali te Israel t̄ōba bidigi palio. Rutgo te aga auwa mosi we godolo mu elama, te aga bugagia tonaluai. Te auwa wego te Israel dabego Godiba lotu po wai, tama Rutgo me te kolesaga selama, tama agai God godolo mu edubadi geai. Te nosali mu te Israel dabe augwaligo te Rutgo po nedelama augwaligo koneani, te gasa t̄ō pedai we bidi augwaligo te God wali pobaso da, teda agai augwali godolo mu yaibao. Tama Godigo Rut sula tagalali, te gasa bulu t̄ō pedai we, te Israel hani isīq̄wai we, te nosali bidabo bidi Devit aga auwa mosi pedelali, te Israel dabego bomai gavman tuni bidi king dao.

Elimelek aga we wai puluba dali augwali pelama, Moap t̄ōba bidigi pai

1 Tama te tobolu bidi dabego te Israel dabe augwali tonalubo sogo, tama augwaligo te augwali tonalubo tuni bidi king me deli nigilisīq̄badi, tama genuai nasi te t̄ōba pedelai. Tama te Betlehem hanu bidi me deli, aga te Juda hani me deli dao, aga pelama, te Moap t̄ō pedaiba kibu be meba bidigi palio, aga augwaligo t̄ōde bidai. Agai te t̄ō abeliyu mone me sabeo. Te bidi aga we dali, aga ogwa si dali pai. **2** Te bidi aga nogi Elimelek, tama aga we nogi Naomi. Aga ogwa si nogi e dao, Malon me Kilion. Augwali te Efrata hani, tama te hanigo bulu te Betlehem, te genuai t̄ō hani Juda. Tama augwali pelama, te Moap t̄ō pedaiba bidigi palio. **3** Tama augwali te Moap t̄ō pedaibe bidali sogo, te bidi Elimelek isali, tama aga we Naomi naga aga ogwa si dali bidai. **4** Nosali Naomigo ogwa sigo te Moap t̄ō we si sai. Te we si nogi e dao, Orpa, me Rut. Augwali we selama, tama augwali te Moap t̄ōde kibu be nogo si bidali homu yai dao. **5** Tialima, te sogo te Malon de Kilion si me isalio. Tama megī da, te Naomi agaduba deli bididuali, magi baso meni, aga bidi dali, aga ogwa si me, augwali isai dao.

Naomi de Rut si te Betlehem buluba ma soali

6 Tama Naomi te Moap t̄ōde bidibadi, te sogo agai e tiwai po odai, Genuai Bidigo wiegi yai sogo aga we bidi Israel augwalibolo menama, tama nai augwaligo gide ma holobo po odalio. Tama Naomi aga auwa we si dali, augwaligo te Moap t̄ō taga painogo sisi elalualio. **7** Megi da, augwali hogodolama, te Juda t̄ōba ma painogo yali, tiali goli augwali t̄ūdu pidu digi, **8** tama Naomigo augwali sibolo te po wai, "Dage si ma geasa pelama, duga si ida dali duga page buluba bidigi pao.

Dage sigo wiegi yai kolesaga ena dali me eyu, te isali bidi dabe dali me tialio. Tama eno homugo te tiwai s̄e naga te Genuai Bidigo wiegi yai s̄e dage si dali emainao. **9** Tama eno homugo te Genuai Bidigo dage si tau sobaso, tama dage sigo bidi me gegebaso, tama dage si bidigo ma selama, tama dage si bugagia ma bidaibao," te po wai.

Naomigo te we sibolo dage si tao wali, tiali goli, te we si dwai gela mu walio, **10** tama te we sigo e tiwai po te Naomi dali wai, "Menio, dago nage taga pogobeo. Da tigidali nago hani bidibo madi pinao," wai.

11 Tiali goli, Naomigo te po wai, "Eno auwa we o, te dage si ma geasa pao. Magi baso dage si ena dali painogowe? Dage sigo homugo eno ogwa meba ma ame nenama, dage si ma somainogo homu eyuwe? Menio. **12** Ena mosi dabe yalio. Ena bidigo selama, wai ma ame nabo usu me egobeo. Duga si buluba ma geasa pao. Ma, ena megī hulide naga bidigo selama, tama ena haliga elama, tama wai meba ame nobaso da, **13** teda dage si augwaligo somainogo tonalubo usu me egobeo. Teda dage si gasa bidi dali pabo homu yaibao. Dage sigo tonalubo usu me egobeo. Menio! Genuai Bidigo ena dolama, tama eno dage homu dene ebao, magi baso meni, duga si bidi isai digi, tama dage si olo naga bidibao," Naomigo te po wai.

14 Agai po ola silibo si, tama Rut de Orpa augwali si gela ma wabo s̄e yalio. Nosali Orpago Naomi dali nage tao olama, tama aga taga palio. Tiali goli, Rut aga Naomi dali bidainogo homu yalio. **15** Tama Naomigo Rutbolo te po wai, "Suao! Naga we ama aga haniba me aga w̄aigo godiba te geasa pobao. Nage aga dali pao," wali.

16 Tiali goli, Rutgo te po wai, "Nago enabolo nage taga pabo po wago, tama nago ena nage dali pabo te geligio. Tigidali bulu nago pabo madi, te ena me ena paibao. Tigidali nage bidibo bulude, te ena me ena

tede bidaibao. Nago hani te eno hani mu pedelaibao, te nago God da, te eno God me pedelaibao. ¹⁷ Te nago isibo bulude, te ena me isimai yaibao, tama augwaligo ena te bulude pubulumai yaibao. Eno te magi nai me deligo dadi si tomode daj ilainogo ebo te me gogologobeo. Isibogo naga dadi si tomode pedemainu yaibao. Mu tamao. Ma, eno te po wali te eno wali pisayu da, teda Godigo enabolo dene genuai mu ilimainogo emainao," Rutgo te po wai.

¹⁸ Naomigo koneani, Rut aga dali painogo bomu mu yali, tibaso agai po me wabeo. ¹⁹ Augwali si pidubadi genama, tama Betlehembra sabolali. Augwali si Betlehembra sabolobo si, tialima tede bidali we bidi augwali dwai noma mu sali. Tama te we dabe sibigo te po wai, "E ma te we Naomi dawewe? Ma, aga bidi badi, aga ogwa si, te mena bidibowe?"

²⁰ Naomigo po wei ponoyu, te po wai, "Dagego ena nogi te Naomi te tiwai te dwagi yai homu pemene ebo we nogi igio. Menio! God te Tigidali Bomo Elalubo Bidigo enabolo dwai homu dene ilalio. Tama dagego ena nogi te Mara wao, te tiwai te homu sege ebo we dao.

²¹ Magi baso meni, eno e bulu taga pali sogo, eno doado bage hauwa elaluali, tiali goli Genuai Bidigo ena eba ma odasa asali, te eno doado bage tigidali menio. Dagego ena nogi Naomi munu me ma nogi elamu dao. Magi baso meni, God Genuai Bomo Tigidali Elalubo Bidigo ena aiyaba elaluama, tama ena mu dolalio." Naomigo te po wai.

²² Tialima, e po da te Naomigo Moap tq taga soali po pusali, tama Naomi aga Rut dali ma asali, te Moap tq we, aga auwa augwali si te Betlehembra sabolali, te bali togobo sogode sabolali. †

Rut Boasgo giba pai

2 Bidi me deli aga nogi Boas bidai. Aga te genuai bidi, tama aga te Elimelekgi hani bidi, te bidi polobadu Naomigo bidi isai dao. ² Tialima, meggi da, Rut te Moap tq we agai Naomibolo te po wai, "Ena te gi dabe meba teba pelama, tama te bidi dabego togolama tagalai elalubo bali te sisinigi paio. Tama te gide se ebo bidi dabego te po usu da obaso da, teda ena augwali wali pelama, te nai ge bali sisinigi paibao," wali. Tama Naomigo po wei ponoyu, te po wai, "Te usu da, auwa. Nage pagameo." ††

³ Naomigo po ola silama, tama Rut te gi me deliba pelama, tama aga te gide se ebo bidi dabe augwali wali pelama, tama te olo tulaluai munalubo bali dabe sisinibo se yai. Aga te mena bidigo giba pali te agai me konebeo. Tiali goli, aga te Boasgo giba dolo pai, te bidi hani me deli te Elimelekgi hani dao. ⁴ Tama nosali gana, Boas agaduba digi aga te Betlehem hanude bidali tagalama, aga se ebo bidi dabe augwali pageba sabolama, tama siade da weyu, te po wai, "Eno homugo te Genuai Bidi dage dali bidimainao," wali. Tama augwaligo po wei ponoyu, te po wai, "Genuai Bidigo wiegi yai se nagebobo ilimainao." ⁵ Tama Boasgo te se

† Te nai nogi bali wabo, te nai ge te meggi dago tubo nai rais ge tiwai me deli dao. †† 2:2 Prs 19:9-10; Bom 24:19

ebo tonalubo bidibolo hanaluyu, te po wai, "Te e gesi wegi we te mena hani dawewe?" wali.

⁶ Te se ebo bidi dabe tonalubo bidigo po wei ponoyu, te po wai, "Te e we gasa hani, tama Naomi dali asai. Augwali sigo te Moap tq tagalama, eba ma asai dao.

⁷ Agai enabolo te se ebo bidi dabe wali pelama, te bali sisinigi paio po hanalu wai. Tama agai se kigamu digi yali, meggi tama usu nagasali, tama meggi aga toma dwasianu tuyu, te dwasianu bede bidibao," wali.

⁸ Agai po siminama, tama Boas pelama, Rutbolo te po wai, "Gesi wegi we, nago eno po odao. Nago te gasa bidigo giba pelama, te bali munu me sisinigi pigio. Menio! Te nago bali te e gide naga selama, sisinao. Nage e gide bidiyu, eno gide se ebo we dabe dali se eyu, bidao. ⁹ Tama augwali se ebo badu bugagia daj elama, tama nage augwali dali bidao. Eno po te ena se ebo bidi dabebolo walio, te augwaligo dwai se munu me nage dali igio, te po wai. Tama me, nage aj nogone ebaso da, teda nage pelama, eno se ebo bidi dabego tuai we te botolde munalubo we tugi pao," te po wai.

¹⁰ Agai po silibo si, tama Rut aga tobolu tqba mu aiyaba pqgqlali, te tiwai agai te Boas aga digi aga homu pemene wiegi yai mu emainu te agabolo ola mani. Tama agai Boasbolo te po wali, "Ena gasa bulu we dao. Magi baso nago homugo ena koneama, tama nago wiegi yai se enabolo bugagia ilibawe?"

¹¹ Boasgo po wei ponoyu, te po wai, "Eno odali, nago tigidali se nago naga bidigo ida dali te naga bidi isali sogo yali po odalio. Tama eno koneani, nago naga aya ida me naga bulu taga solama, tama nage te polobadu nago konesiawai we bidi augwali dali eba bidagasalio. Nago tama tiali po eno odama, tama eno homugo nage tau sainogo ebaso. ¹² Nage te God, te da Israel hanigo Genuai Bidiba asalio, te agai nage bugagia tonalumainu yaibao. Agai te nago wiegi yai kolesaga tigidali ebo suali, tama eno homugo agai te wiegi yai kolesaga nagebobo wei ponemainu ebaso, tama agai te kolesaga me mu nagebobo wei ponono pidubadi gemainu yaibao," agai te po wai.

¹³ Tama Rutgo po wei ponoyu, Boas dali te po wai, "Nago wiegi yai kolesaga mu enabolo ilibao! Ena te nago se ebo we dabe tiwai wiegi yai meni, tiali goli, nago po dua digi mu enabolo wabo, tama tebo pogo ena homu daj walobao," wali.

¹⁴ Tama nosali te nai tubo sogo, Boasgo Rutbolo te po wai, "Nage eba da dali aselama, tama e nai bret dabe meba selama, tama te gasa tubo nai dali muna-ma, tama meba selama, tama naga tuagameo." Agai te tiwai po obaso, tama Rut aga te se ebo bidi dabe augwali dali dulaluali. Tama te bali meba augwaligo te siade ulali, te Boasgo Rutbolo mani. Rut agai te nai tuali, aga tabi usu elama pagabaso, tama te nai dabe meba munalualio. ¹⁵ Tama te nai tula silama, tama Rut aga ma hodaluama, te bali dabe ma sisinanio. Tama Boasgo aga se ebo bidi dabebolo po weyu, te po wai, "Dagego te duna muani nai pade te bali dabe meba te Rutgo sisinimainogo emainao. Dagego agai ede me te bali sobadi, aga dali wado po me olamuo. ¹⁶ Dagego

kęanama muani bali te pisigina pai elalubo te agai me-ba sisinimainao. Dagego aga guduligio," Boasgo te po wai.

¹⁷ Tama Rut agai te bali sisini pidubadi, tama be pio elama, sia ge iba dulai. Agai te bali dabe sisina silama, tama te bali dabe aga dono wąbigo elama, tama te nai aga ge naga sai. Te naigo sęę te nogo si, te 10 kilo ti-wai dao. ¹⁸ Tama Rutgo te nai bali ge selama, aga te hanuba pelama, aga bidigo ida Naomibolo te nai waseligi palio. Tama aga nai habu me badu te siade tusiąwani, agai te nai me sela pelama, agabolo magi pai.

¹⁹ Tama Naomigo Rutbolo e tiwai po hanalu wali, "Megi nago e bali menade saiwe? Nage mena bidigo bali gide sę yaiwe? Eno homugo Genuai Bidigo te nage sulama, te nage homu yali bidi dali te agai wiegi yai sę emainogo homu ebao," wali.

Rutgo te po wai, "Eno megı te bidi me deligo gide sę yali, te bidi nogi Boas dao."

²⁰ Tama Naomigo te po wai, "Eno homugo te bidide Genuai Bidigo wiegi yai sę emainao. Genuai Bidigo po te bidibo ula elalubo bidi dabe dali, me te isali bidi dabe dali, daų wali po te munu me tagalogobo." Tama Naomigo te tiwai po oduai, "Te bidi aga te da deli hani, te da tomode augwaligo te da dali te Elimelekgo tų dabe dali tonalubo bidi me deli dao," wali. †

²¹ Tama tialima, Rutgo te po wai, "Boasgo po me deli enabolo ma wai. Te ena agai sę ebo we dabe dali naga sę yao, te sę silibo sogo usu nagasaibao, te po walio."

²² Naomigo te po wali, "Te mu dao, auwa. Ma, nage gasa bidi dabego giba sę igi pali da, teda te gi page bidigo sę ebo bidi dabego dwai kolesaga nagebolo yaibao. Ma, nage te Boasgo sę ebo we dabe dali naga sę eyu da, teda nage bugagia bidiyu, magi sę me egobeo," wali.

²³ Tama tibaso, Rut te Boasgo sę ebo we dabe dali sę idubadi, te bali togobo sę me te wit sę dali silalio. Tama Rut aga auwa we dali bidaluai.

Boasgo wiegi yai kolesaga Rut dali yai

3 Tama nosali gana Naomigo Rutbolo te tiwai po wai, "Auwa o, eno bidi me deli gegelama, nage te bidigo selama, bugagia bidimainogo yaibao. ² Tialima, nago megı odao. Te bidi Boas, nage te agai sę ebo we dabe dali sę yali, aga te dago deli hani mu dao. Megı hulide aga te tubo nai bali wali haluama sela sębo ma-di solama, sę igi soaibao. ³ Tama nage wę paugi pelama, tama te denami ebo nai sanda me te wiegi yai ug-wa muao. Megı da, nage te aga sę ebo badu pelama, tiali goli, te nage aga pade me biligio. Tiyu, agai nage tonaluabuo. Tialima, nago aga nai tubo me wę tubo silibo tonaluyu, bidao. ⁴ Tama aga piainogo ebo sogo, teda, nago aga piabo madi bugagia suao. Nosali aga godege piai digi, nage aga piali ugwa dagalama, aga sęą pęba pigibao. Te tiwai kolesaga nago ebaso, te

Boasgo nage tonaluama, te po hanalu waibao. Nosali agai te magi sę yabo po nagebolo waibao," wali.

⁵ Tama Naomigo po ola silibo si, teda, Rutgo po wei ponani, "Wiegi yai dao! Te eno nago po tigidali wali paibao," wali. ⁶ Tama Rut te bali haluama wali sela sębo madi pali, tama agai Naomigo wali po tigidali wali palio.

⁷ Boas aga te nai me wę tula silibo si, te aga homu pemene wiegi yai yalio. Aga gedu sęę ebaso, tama aga te bali pesage holali madi pade pigi palio. Tama, nosali Rut aga dua digi naga pelama, tama aga te piali ugwa dagalama, te Boas sęą pęba pigi pali, te aga tonaluabo po agabolo hanalu wainogo tama tialio.

⁸⁻⁹ Tama huli tomode magi nai me deli Boas aga godege pila mubadi hodolali, tama begelama, agai te we me deli te aga sęą pade pila mubo suai. Tama Boas aga noma siyu, agai e tiwai po hanalu walio, "Nage dewe?"

Rutgo po wei ponoyu, te po wai, "Ena te Rut dao, ena te nago sę ebo we me deli tiwai dao. Nage te Elimelek-go deli hani dao, tama nago ena tau sainu, nago ena sao."

¹⁰ Tama Boasgo te po wai, "Eno homugo wiegi yai sę Genuai Bidigo nagebolo emainogo, nage gesi wegi we dao. Magi baso meni, te kolesaga megı nago yali, te nago enabolo hanalu wali te nage eno somainogo, te nago naga bidigo ida bugagia tonaluali kolesaga te aiyaba elalualio. Te gesi bidi hauwa bidalubo, mebago doado bage hauwa elalubo, mebago doado bage menio, tiali goli, nage augwali me deli dali te augwaligo somainogo pabo homu te nago ebeo. Menio! Nago naga auwa wede homu naga me yai, te nago enabolo hanalu walio. ¹¹ Tigidali e bulude bidibo we bidi aug-waligo koneani, nage wiegi yai we dao. Tama nage wi me igio. Te nago enabolo wali sę tigidali te eno yaibao.

¹² Tama nago mu po obao. Ena nage polobadu isali bidigo deli hani bidi dao, tama eno nage tonalubo sę megı ebao. Tiali goli, bidi me deli bidibo, aga te tobolu bidi, tama agai te sę ebo dao. ††¹³ Tama megı hulide nage ede bidagameo, tama do kigamu ena te bidi pageba pelama, agai homu kolesaga te eno koneaibao. Ma, agai nage tonaluainogo ebaso da, te usu dao. Tiali goli, aga hagela homu ebaso da, teda eno nage tonaluaibao. Eno po te mu po naga dao. Genuai Bidigo te eno wabo po odobao. Tialima, megı da, nage ma piagameo," wali.

¹⁴ Tama Boasgo po ma weyu, te po wai, "Tiyu, te we bidi augwaligo nage te penani sę ebo we dabego ebo kolesaga tiwai wali painu nage ede sę ebo bidi dabe dali eba piagasali, te homu yabuo." Tama Rut te Boas sęą pagede ma piai. Tiali goli, be posisiąbadi, tama Rut hodaluama, tama bidi dabego aga me subeo. Tama aga buluba painu yai. ¹⁵ Tialima, Boasgo Rutbolo te po wai, "Nago naga name ugwa me deli sela aselama, tęba muao." Rutgo tama tiai, tama Boasgo bali te name ugwa ugwaba gelai. Te baligo sęę te bidi sese, 20 kilo dao. Tama Boasgo te Rutgo bali abibo ugwaba

† 2:20 Prs 25:25

†† 3:12 Rut 2:20

sagolali, tama Rutgo te bali abilama, aga bidibo buluba pali. Tama Boas te hanuba pali, te Rutde te nai dodolainogo yai.

¹⁶ Tama Rut te aga bidibo madi sabalobadi, tama aga polobadu isali bidigo ida aga auwa wego agabolo e tiwai po hanalu wali, "Magi yaliwe, auwa?" Tama Rutgo agabolo te Boasgo yali sę po walio. ¹⁷ Tama Rutgo te po wai, "Boasgo bali hauwa bugulama, enabolo mani, tama agai te po wai, 'Eno homugo nage naga auwa we bidibo digi olo pabo te eno homu usu egobeo,' Boasgo te po enabolo wai." Rutgo te po wai.

¹⁸ Tialima, Naomigo te po wai, "Auwa o, nage dwasianu tonaluyu toma tuao. Boas aga megi olo me bidigobeo. Menio! Agai te sę bolo hasia dodolaibao. Magi sę pedelabo te da sigo me konebe dao," Naomigo te po wai.

Boasgo Rut sali

4 Tialima, Boas te hanuba pelama, te po mibo madi pali, tama aga tede dulaluali. Tama gesege gana isiabadi, te sogo agai suali, te gasa bidi me te Elimelek aga deli hani asobo sualio. Tama Boasgo aga i olama, "Ae, ama, nage aselama, eba duayagasao. Eno dwasianu po elalubao." ² Tama Boasgo te bulude bidibo tobolu bidi dabe nogo si bidi selama, tama augwalibolo agai te po wai, "Dage eba aselama, duayagasao." Tama augwali aselama, duayagasalio. ³ Tama Boasgo aga deli hani bidibolo te po wali, "Naomi te Moap tęde bidigi pali tagalama, eba ma asalio. Agai homugo bidi me deligo da sigo deli hani bidi Elimelekgo tę abelama, tama tonaluminumo homu yai. Tama gasa hani bidigo te tę abelai dao. ⁴ Tama eno te po nagebolo wainogo eba. Ma, nago te homu ebaso da, teda nago te we Naomi tau siyu, tama te tę te tobolu bidi dabe dali te megi e bidalubo bidi gedude te tę nago ma dobola siyu, abelao. Te tę ma dobola sabo sęde, te nage tobolu bidi dao, te ena da te tudi badu bidi dao. Ma, nage sogobe da homu eyu da, teda nago enabolo te po wao." Boasgo te po wali.

Te bidigo te po wai, "Te eno saibao," wali.

⁵ Tialima, Boasgo agabolo te po wai, "Nago te Naomigo tę ma dobola saiba homu eba wida, teda nago te Moap bulu we Rut, te nago aga me sao. Tama eyu da, te tę te isali bage aga hanigo tę ma elaluaibao," wali.

⁶ Tiali goli, te bidigo te po wai, "Te mu tama, te tę ma dobola sabo sę te eno sę dao. Tiali goli, eno te we Rut selama, tama agai wai ame nobaso, eno te ena doado bage te wai dali, te eno megi elalubo wai dabe dali, augwali tigidaliba dobabo, te tiwai sę ebo te eno hagela ebo dao. Eno te tę me ma dobola selama, tonalugobeo. Tama megi te nai te naga nai dao," Boasgo te po wai.

⁷ Te polobadu te Israel bidi dabe augwaligo abelai nai dabe te po dodolainogo da, ma augwaligo nai dobu si yai madi yaibaso da, augwaligo te tiwai kole-saga yai: bidi mego sęę nadoba me deli pedelama, tama gasa bidibolo mawaibao. Te Israel dabe augwali-

go po dodolainogo tama iduai dao. ⁸ Tialima, te bidigo Boasbolo te po wai, "Naga digi naga te tę selama, tonaluaio," tama agai sęę nadoba pedelama, Boasbolo manio. †

⁹ Te bidigo sęę nadoba pedelama, Boasbolo mabode, tama Boasgo te tobolu bidi dabebolo, me te we bidi augwalibolo te tiwai po wali, "Dage tigidaligo suao. Hasia Naomigo te Elimelek badi, Kilion me Malon, augwaligo nai tigidali te Naomigo tonalualio. Tiali goli, megi te nai tigidali sabo sę eno yai dao. ¹⁰ Tama nai me deli digi elalubo. Eno Rut selama, tama megi te eno we dao. Te Moap bulu we Malongo sai, tama Malon isiyu, aga taga pai. Eno te Rut selama, tama Malong tę te aga hanide dolo elaluaibao. Tama te isali bidi aga page bulu, te aga deli hanigo aga nogi sesemane sogo konealuminumo yaibao. Megi dagego sulama, tama dagego te sę ebo koneani dao," te po wai. ††

¹¹ Tama tigidali bidigo te po wai, "Awe, dago sulama, tama dago koneanio." Tama tobolu bidi dabebo te po wai, "Te we megi nago beba asobo we, dago homugo Genuai Bidigo agabolo wiegi yai sę emainogo, tama aga te Resel de Lea si tiwai pedalomainogo, te Israel dabego wai hauwa ame nani we, augwaligo auwa we si dao. Tama naga digi nage te nai hauwa elalubo genuai bidi nigilama, te Efratago hanide te Juda hani me dedeli, tama naga genuai nogi Betlehem hanude bidagameo. ††2 Awe, dago homugo Genuai Bidigo wai hauwa dage sibolo momainogo elama, tama nago te Peresgo hani tiwai pedalmi yaibao, aga te Juda de we Tamar augwali sigo ogwa," augwaligo te po wali. ††

¹³ Tama Boasgo Rut sali, tama Genuai Bidigo wiegi yai sę augwali sibolo yai. Magi baso meni, Boas Rut dali pilama, tama Rut haliga yai. Tama nosali agai ogwa me deli ame nanio. ¹⁴ Tama te we dabe augwaligo Naomibolo te po wai, "Dago Genuai Bidi nogi ugwaba sinao! Megi agai ogwa me deli nagebolo manio. Te e wai aga te nago waj olama, tama aga genuai ebo sogo nage tonaluaibao. Dago homugo aga te Israel hani tomode te genuai nogi somainogo eba! ¹⁵ Awe, agai nage bidibo tau siyu, tama nage mosi dabe ebode bugagia tonaluminumo yaibao. Naga auwago te e wai ame nani da, te we Rutgo nage godolo mu yalio. Agai nage tau sabo sę hauwa yali, tama agai yali sę te ogwa a naga olama, me badu nogo si bidigo yabo sę usu agai yali sęgo te aiyaba elaluai dao," te we dabe sibigo Naomibolo te po wai.

¹⁶ Tialima, Naomigo te Rutgo wai selama, tama te wai aga bugagia tonalualio.

¹⁷ Tama te bulude bidali we dabego te po wai, "Rutgo wai ogwa ame nani, te Naomibolo mawai." Tama augwaligo wai nogi mani, tama aga nogi Obet poai. Tama nosali Obet te Jesigo aya pedelali, tama Jesi te Devitgo aya, te aga Israel bagego genuai tuni bidi dao. ¹⁸⁻²² Te aga Peresgo hanide gagalama, te Devitgo haniba daj

† 4:8 Bom 25:9 †† 4:10 Bom 25:5-6 ‡ 4:11 Gag 29:31 †† Te bidi Peres da, te aga te Efrata bagego polobadu bidali waj mu dao. †† 4:12 Gag 38:27-30

tama igi palio: Peres te Hesrongo aya, tama Hesron te Ramgo aya, tama Ram te Aminadapgo aya, tama Aminadap te Nasongo aya, tama Nason te Salmongo aya

dao. Salmon te Boasgo aya, tama Boasgo ogwa Obet, tama Obetgo ogwa Jesi, tama Jesi te Devitgo aya dao. Te tama dao.

Profet Samuelgo Po Elalubo Buku Deli

Hasia Nedebo Po

Te Olpela Testamende elalubo buku me si nogi te Samuel elalubao. Te buku dabede wali po te Israel t̄ode te profet Samuel me king Sol, me king Devit, me king Solomon, te augwali bidali sogo pedelali s̄e dabe po wali. Te bidi dabego te Israel t̄o tonaludubadi, te kibu be umabo mu, te sogo te Jisas pedalisiq̄badi, te tama kibu be bidai dao.

Te Godigo te Israel dabe te Isip t̄ode oda selama, te augwali Kenan t̄oba sela asali sogo, te Israel dabe augwa king bidi meni yai. God aga digi te augwa king tiwai bidai. Te po wali elalubo buku nogi da te Ma Dobola Sali, te buku dao. Tama nosali te Israel dabego te Kenan t̄ode polobadu bidali we bidi ela gudulama, tama te Israel dabe augwa digi te t̄o sali. Tama te sogo me, te Israel dabego king bidi meni yai, tama te tobolu bidi dabego augwali tonaluali. Tama te po wali nogi elalubo buku si, te buku Josua me te buku Te Israel Tobolu Bidi Dabe dao.

Tiali goli, nosali, te Israel dabego suali, te gasa t̄o pedai bidi dabego te kingo augwa tonalubo subaso, tama te Israel dabego homugo, te augwa me king elalumainu homu yai. Te sogo te profet Samuel te augwa tobolu bidi bidai. Tama tibaso, te Israel dabe te Samuel pageba pelama, po weyu, agai te augwaligo tonalubo king bidi nigilao po wali. Hasia agai te hagela homu yai, tiali goli, te we bidigo bomu mu ebaso, tama te Godigo Samuel-bolo olama, te Sol te Israel dabego king bidi nigilao po wali. Tiali goli, te Sol king pedalubo side, agai te Godigo po wali pisq̄baso, tama Godigo te gesi king bidi me nigilali, te Devit dao. King Devitgo te Israel dabe bobobage sogo mu tonaluama, tama aga isibo sogode te aga ogwa Solomongo te aga bidali pesage selama, tama king pedelai. Te s̄e dabe yali po te megi nago tolalubo bukude elalubao.

Elkana aga we wai sibi dali te Siloba palio

1 Te Israel bidi me deli bidali, te aga nogi Elkana. Aga te Efraim hani bidi, tama aga te Rama hanude bidali, te Efraimgo bulu du bage bulude. Elkana te Jerohamgo ogwa, tama Jeroham te Elihugo ogwa da, tama Elihu te Tohugo ogwa, tama Tohu te Sufgo ogwa dao. ² Elkanago we si sai, te we si nogi Hana me Penina. Peninago wai meba ame nani, tiali goli Hanago wai me ame nabeo.

³ Te tigidali kibu be te deli sogo naga te Elkana te aga bidibo hanu tagalama, tama te Silo buluba pelama, te Tigidali Bomo Elalubo Genuai Bidibolo te lotu po wainu, te ofa dabe igi pali. Hopni dali Finias si, te Eligo ogwa si, te Genuai Bidiba pris s̄e ebo bidi si te bulude bidali. ⁴ Tigidali sogo Elkanago ofa eyu, agai te ofa ebo kibu sipsip mi te hauwa dobaba pelama, tama te pedai deli deli te Penina me aga wai dabe deli delibolo me mayu yali. ⁵ Elkanago te Hana godolo mu yali, tiali goli Elkanago te ofa ebo mi agabolo te genuai pedai me mabeo. Menio. Agai te mi pedai deli naga mani. Magi baso meni, Godigo te Hanago haliga paliama, tama aga wai me ame nabeo. ⁶ Tama Peninago homugo te Genuai Bidigo te Hana haliga pali ali homu yali, tama agai te Hanabolo te posobo po me hale ebo po te Han-

abolo wali, te Hana haliga s̄e q̄ ilibo s̄e yai. ⁷ Te hauwa kibu bede Peninago te tobage kolesaga te Hana dali yali. Tigidali sogo augwali te Genuai Bidigo beba pabo sogode, Peninago te Hanaba posobo po obaso, tama Hana aga te pode homude dwai dene ebaso, tama gela weyu yali, tama tiyu, aga nai tusiama, nai gisiliyu yai. ⁸ Tama Elkanago agabolo te tobage po hanalu wali, "Hana, magi baso nage gela obawe? Magi baso te nage nai tusiama ebawe? Tama magi baso nage sese-mané sogo haliga s̄e q̄ elaludubawe? Mu tama, nago te wai me ame nabeo. Tiali goli, eno homugo nago ena godolo ebo homu mu ebaso, tama nago te wai ogwa nogo si ame nabode te homu tagalama, te nago homugo ena te nago polalubo bidi bidimainu te homu ebo dao," wali.

Hanago Eli dali po miani

⁹ Me sogo deli sogo augwali te Silode bidalu, tama augwa nai tula silibo si, tialima Hana hogodasa pali-ma, te Genuai Bidiba ofa maiabo name ugwa be p̄aba doligi pali. Te sogo te pris bidi Eli te aga duabo sia saide dulalubadi, te Genuai Bidigo be obo bagulali to-moba pabo sunumi p̄ade dao. ¹⁰ Hana aga te homu dwai dene mu ebaso, tama gela udubadi genama, tama Genuai Bidiba gedu haluasa po walio. ¹¹ Tama

Hanago bomai po me deli te Genuai Bidiba daꝝ weyu, te tiwai po wai, "Genuai Bidio, nago tigidali bomo elalubo. Eno homugo nago ena sumainu homu ebao, nago seꝝ ebo we dao. Eno te elalubo homu seꝝe ebo sulama, tama ena homu kone palao. Te nago ena homu kone palobo te munu me tagalamuo. Te nago ena te wai ogwa me deli mobaso da, teda eno aga te nageba mayu, te aga nago seꝝ bidi bididubadi, te aga isiboba usu nigi paibao. Tama te daꝝ nigiliyu, te augwaligo aga tobolu nisi munu me togogobeo," tama po wali. †

¹² Hanago bobage sogo mu gedu haluasa po te Genuai Bidiba wali, tama Eligo te Hanago pedauwali memenege ebo seꝝ suali. ¹³ Hanago homude naga te gedu haluasa po obadi, tama Eligo suali, te agai po wainu pedauwali mobodo ebo kolesaga tiwai ebo suali, tiali goli agai te Hanago po wabo me odobe. Tama Eligo homugo te Hana te polobo homu ebaso, ¹⁴ tama agabolo te tiwai po wali, "Nisu sogo nage te polobo homu ebo kolesaga tagalaibawe? Nago te e be tagalama, pao. Te nago polobo homu ebo kolesaga silibo si, te nage ma asagameo," wali.

¹⁵ Tama Hanago po wei ponoyu, te tiwai po wali, "Genuai bidi, te ena me polobeo. Ena te wain me bia weꝝ me tubeo. Mu menio. Eno haligade seꝝe mu dwai ebaso, tama eno gedu haluasa po weyu, tama eno seꝝe te Genuai Bidiba pusubao. ¹⁶ Nago homugo ena te dwai we me deli da, te tiwai homu me elamuo. Menio. Eno homude dwai homu mu eyu, te eno homu dolobo homu ebao. Tama eno gedu haluasa po weyu, te tiwai kolesaga ebo nago suali," Hanago te po wali.

¹⁷ Tialima, Eligo te po odama, tama agabolo te po wali, "Tagalao, nage homu nagame elama, tama nage pao. Tama Israel dena Godigo nagebolo nago te hanalubo nai mawaibao."

¹⁸ Tama Hanago Elibolo te tiwai po wali, "Genuai bidio, eno homugo nago dwagi yai haliga sesemane sogo enabolo yao." Tialima, agai po ola silama, tama palio. Tama aga nai tulama, tama nosali aga homu seꝝe ma ebeo.

Hanago ogwa ame nenama, tama Godibolo manio

¹⁹ Tialima, Elkana aga we wai puluba dali te Silo bulude tede hulide pilama, tama kigamu mu augwali hogodama, tama Genuai Bidiba lotu po wali. Augwa te lotu po ola silama, tialima te augwali te augwa bulu te Rama teba ma pai. Nosali Genuai Bidigo te Hanago gedu haluasa po wali te homu kone palama, tama te Hanago hanalu wali po tiwai gilama te wali palio.

²⁰ Tama te Hana haliga elama, tama nosali agai te wai ogwa ame nani. Tama agai te po wai, "Eno Genuai Bidiba hanalu, te wai ena mao obaso, mawai. Tama teyu, eno aga nogi Samuel poali." ††

²¹ Te tudi badu nosali, Elkana aga we wai puluba dali te Siloba ma pelama, te augwa Genuai Bidiba te tigidali kibu bede te ofa igi pabo tiwai ma igi pali, tama me te agai daꝝ walali bomai po me deli te usu nainogo

† 1:11 Nam 6:5 †† Te Hibru pogo te nogi Samuel page te paꝝe te tobage te e tiwai po, "Godibolo po hanalu wali."

homu yai. ²² Tiali goli, Hana te augwali dali me pabeo. Agai Elkanabolo te tiwai po wai, "Te wai dwasianu genuai gana elama, te ame tuali tagalubo side, teda aga eno te Genuai Bidiba selasa paibao. Tama aga te Genuai Bidigo bede sesemane sogo bidaibao," wali.

²³ Tialima, Elkanago Hanabolo te po wali, "Te nago homugo te tiwai ebo wiegi yai da homu ebaso da, teda nage te bulude bidiyu, tama te waigo ame tubo tagalubo si usu nao. Tama Genuai Bidigo te nago daꝝ walali po te mu pedelama, te agai wali po tiwai gilama emainao," wali. Tama tiyu, Hana te bulude bidama, tama aga wai bugagia tonaluai.

²⁴ Nosali te waigo ame tuali tagalubo side, teda Hanago te wai Genuai Bidiba sela pali. Tama agai te tiwai ofa me sela pali, te bulmakau omai sela, me te seꝝe nogo si elalubo plaua, te meme waligo nigai beg me deli, tama tede te augwaligo wain aꝝ buai elalualu. Samuel te dwasianu ogwa pedalubadi, tama aga idago aga te Genuai Bidigo be te Silo buluba sela pali. ²⁵ Augwali sabolama da, teda augwaligo te bulmakau me deli bolo hasia elama, tama nosali augwaligo te wai Samuel te Eli bidibo madiba sela pali. ²⁶ Tama Hanago Elibolo te tiwai po wai, "Genuai bidio, nago ena homu kone palalubawe, ma meniwe? Mu tama, ena te we te ede polobadu dolalu, te Genuai Bidiba gedu haluasa po wali we dao. ²⁷ Eno te Genuai Bidiba hanalu, te enabolo wai me deli mao wali, tama agai eno gedu haluasa po wabo odama, tama e wai te enabolo mawai.

²⁸ Tama tibaso, megii eno aga te Genuai Bidiba mawainu ebao. Tama agai te Genuai Bidigo seꝝ sesemane sogo yaibao." Idago te po ola silibo si, teda Samuelgo gesabidi Genuai Bidiba basi gulama, agabolo lotu po wali.

Hanago gedu haluasa po wali

2 Tama Hanago God dali te tiwai po wai, "Genuai Bidi, nago ena wiegi yai homu pemene umabo emainu ilali. Tama nago te genuai nogi enabolo mani, te eno homu wiegi yai pemene mu ebao. Tama eno te ena boi bidi dabede te gisugu dwai mu mobao. God, nago ena tau sali, tama eno haliga bugagia mu ebao. ² Genuai Bidi, nago kolesaga te gasagi yai tedali mu ebo, tama nage wiegi yai gagawai, tama nage tiwai bidi tobage bidi me deli me elalubeo. Mu menio. Nago tigidali mu aiyaba elaluai. God, nage deligo te da tudi badu pogalu, tama da tau sobao. Te niwai bidi me deligo te nago ebo tiwai gilama me egobeo, te dago God nage naga dao," wali.

³ "Da we bidigo bugagia koneao, Genuai Bidi aga God te dago ebo seꝝ tigidali koneama, tama agai dago ebo kolesaga dagalubao. Tama tibaso, dage we bidigo duga digi duga nogi ugaba siyu, te po daꝝ wabo, dage pedauwali pania selama, tama te tobage po wabo tagaliqo. ⁴ Godigo te bomai ami boi bidi dabego enesigi togolama, tama augwaligo waꝝi hwjabo bomu munu me egobeo. Tiali goli, te bomu meni yai bidi dabe, agai te augwali bomu ilibo dao. ⁵ Te polobadu nai hauwa elalualu bidi dabe, megii Godigo augwali

nasi ilama, tama augwa sę emainu elama, tama augwa te nai naga siyu, te augwa mone sabo tiwai gilama emainao. Tama polobadu te nai menia siyu, nasi elama bidali we bidi, megi te Godigo nai hauwa augwaliba menama, tama augwali nasi me egobeo. Tama te polobadu wai ame nesiawani we dabe, megi te Godigo augwali tau selama, tama augwaligo wai te a naga olama, nogo me si, te tama ame nabo usu yaibao. Tama te polobadu wai hauwa ame nani we, megi te wai dabe hagala silama, tama Godigo te we agaduba deli digi hobedagia bidimainu ilibo dao," wali.

⁶ "Genuai Bidigo te bidi ela munama, tama te isai bidi dabe te bidibo ula mawaibao. Tama agai te we bidi dabe te isai bidi dabego pesageba tagala palama, tama agai te isai bidi dabe selama, tama augwali ma odasa aselama, tama augwa te bidibo ula ma selama, bidibo dao. ⁷ Tama Genuai Bidigo te we bidi meba te doado bage meni yai bidi pedalumainu ilama, tama agai te meba bidi dabe te doado bage mone hauwa elalumainu ilaibao. Agai te meba aiyaba elaluama, tama te mebabolo te genuai nogi mayu ebo dao.

⁸ Agai te magi doado bage meniama, te sę pabo we bidi dabe tau selama, tama augwali bugagia bidaibao. Tama agai augwali te augwa bulu tęde te genuai pedelama, bidimainu ilama, tama te we bidigo augwaliba genuai nogi mawaibao. Agai te tama tebo, magi baso meni, te e tę totalubo bomai nai dabe augwali te Genuai Bidigo digi nigilai nai dabe, tama aga digi te nai dabe daide ugwadu te tę sese nigilama elalubo dao," wali.

⁹ "Genuai Bidigo te aga wali mu pabo we bidi dabe tonalueibao. Tiali goli, te dwai kolesaga ebo we bidi dabe agai augwali dolaibao, tama augwali te bulu dwai mu hulua sai madi hagawaibao. Te genuai bomomu elalubo bidi me te tagalao, aga te aga bomode digi te bugagia me bidigobeo. ¹⁰ Genuai Bidigo te aga boi bidi dabe te dwai mu ilama, dolaibao. Aga te dagalude bidu, te agai augwaliba bomu elama, te dagalude be kulukulu wabo tiwai gilama yaibao. Tama Genuai Bidigo tigidali tęde we bidi te agai po tęba sisinama, tama augwa yali kolesagade dagalaibao. Tama agai te sa muyu nigilali king bidiba bomu menama, tama te king bidigo genuai nogi te tigidali bidi hanide elalueibao," wali. †

¹¹ Hanago te tama gedu haluasa po olama, tama aga ma pali. Tiali goli, te gesi ogwa bidi Samuel te Silo bulude bidama, tama te Genuai Bidigo sę yali, tama te pris Eligo aga tonalubadi te sę yai.

Eligo ogwa dabego yali kolesaga

¹² Hopni me Finias, te Eligo ogwa si, te bidi dwai si mu. Augwali si te pris bidai, tiali goli, augwali sigo te tiwai homu yai, Genuai Bidi te olo nai tobage tiwai da homu elama, tama augwali sigo subigila sę yali.

¹³ Tama augwali sigo te ofa ebo nai dage te pris dabego sela tumainu ebo, te bomai po wali me pabeo. Menio, te bidi me deligo te ofa ebo nai ulubo sę iduba-

di, teda te pris bidi sigo te augwa si sę ebo bidi tagala palama, te ulubo nai mi sagasai. Teda te ofa nai ula mabo sę bidigo te sipun nę age sela yai tego pusula selama, sela asiyu yai. ¹⁴ Tama te sę ebo bidigo te sene tomoba age yai sipun pok enama, tama mena tiwai kibu mi dage tede pusulasa holobaso da, teda agai te mi te pris si pageba selasa pali. Augwaligo te tobage dwai kolesaga te tigidali Israel we bidi dabe dali yali, te augwaligo ofa te Siloba igi pabo sogo tiali. ¹⁵ Tama me sogo te prisgo sę ebo bidigo te ofa yabo kibu ili sela sasiam, te siaba ulusiabadi, te bidi asai. Tama agai te ofa ebo bidibolo te po wai, "Te prisgo kibu mi meba enabolo mao, wai. Aga te siade ulainu, magi baso meni, agai dagego te sospen senede ulubo mi tubo te aga hagela homu ebo, wali. Dage aga te disawai gesi mi mao, wai dao," te po wai.

¹⁶ Tama te ofa yainu ebo bidigo agai te po obaso, "Te eno ofa ebo bomai po wali pelama, te ili te siade bolo ulama, tama nosali te nago mena tiwai mi godolo homu ebaso, sagemento," po wali. Tiali goli, te prisgo sę ebo bidigo te po wai, "Woo, menio, megi tama nago ena mao," po wai. "Te nago mabo hagela homu ebaso da, teda ena digi saibao," wai. ¹⁷ Te Eligo ogwa sigo te tiwai dwai kolesaga dabe te we bidi dabego te Genuai Bidiba ofa yainu sesali nai dabede tama tiai, tama Genuai Bidigo suali, augwali sigo sęę te dwai nai mu gagawai yai.

Samuel te Silode bidali

¹⁸ Augwali sigo te tobage dwai sę tama yali, tiali goli, te sogo me te gesi ogwa wai Samuelgo te Genuai Bidigo sę eyu, tama agai te prisgo sę ebo ugwa gudama, te sę yai. ¹⁹ Te tigidali kibu bede te aga idago te aga bulubo ugwa me deli nigiyu yai. Tama te tigidali kibu bede te aga ida de aya sigo te ofa yagasu asobo sogo, te idago te holobo ugwa sela aselama, te Samuelbolo magasu yai dao. ²⁰ Tama aga aya de ida si te Eli bidiba pelama, tama agai te Godiba hanalu, te Godigo augwali siba wiegi yai bugagia ilao po wai. Agai Elkanabolo te tiwai po weyu yai, "Te eno homugo te Genuai Bidigo nago te wego wai meba ma ame nomainu ilaibao, nago te Genuai Bidiba mani ogwa hasegeli-mainu yaibao." Eligo te po ola silibo si, teda augwa si buluba ma soyu yai dao. ²¹ Tialima, Genuai Bidigo Hana bugagia wiegi yai ilama, tama nosali Hanago ogwa sela me wegi si tama ame nani. Tama Samuel te Godigo sę idubadi, tama genuai dwasianu yali.

Te Eligo ogwa sigo hagoma yali

²² Te sogo te Eli monu dabe mu yai bidali. Tama hauwa sogo Eligo odali, te aga ogwa sigo dwai sę tigidali te Israel dabe dali ebo po wai. Tama me agai te tiwai po odali, augwali sigo te Godigo ugwa be sunumi tonalu sę ebo we dabe dali pibo po wai. ²³ Tama agai te po augwali sibolo wai, "Magi baso dage sigo te tobage dwai kolesaga ebo dawę? Tigidali we bidigo te dage sigo ebo kolesaga po te enabolo wagasobao. ²⁴ Te dage

† 2:10 Luk 1:46-55

si eno wai, tama dage sigo te tebo kolesaga tagaliao. Te Genuai Bidigo hani bagego te dage sigo ebo kolesaga po mimi bilibao, tama te dwai sę mu dao. ²⁵ Te bidi me deligo gasa bidi dali dwai sę me ebaso da, teda Godigo te po isimainu elama, tama te sę dodoloyu ebo dao. Tiali goli, bidigo te Godiba dwai sę yali da, te niwai bidi te tomode dolalu, tama te dwai sę dodolaibawe?" Eligo augwali sibolo te tiwai po wali, tiali goli, te Genuai Bidigo augwali si ela muabo homu elama, tama agai augwali sigo tobolu te dila palama, tama augwali sigo te augwa ayago po me odobeo.

²⁶ Te sogo te Samuel te genuai bidi dwasianu pedalubo gana ebaso, tama God dali te bidi dabego me aga godolo homu yali, tama augwaligo homu me te bomai homu mu igulali.

Profetgo po me deli Elibolo pusali

²⁷ Nosali Genuai Bidi agai po te profet bidi me delibolo menama, tama aga tagala palama, te Elibolo wagasali. Genuai Bidigo po te tiwai po wai, "Te nago waj nęq Aron, te aga we wai hani sibi dali, te Isip king bidigo olo sę ebo bidi bidibadi, tama ena augwaliba pedelama, tama augwaliba te eno homude elalubo kolesagade po walai dao. ²⁸ Tama dage te Israel hani tigidali tomode, eno te Arongo hani deli selama, tama augwali eno pris bidi hani nigilali. Tama augwaligo te altade te denami ilibo pauda hano ilibo sę emainu yali, tama ena paąa asobo sogo te prisgo gudubo ugwa gudama, asu yao wali. Tama eno po weyu, augwa te Israel dabego te ofa yainu altaba selasa asobo nai dage te augwa tuao po wai dao. ²⁹ Tama tiali, te magi baso te dagego te ofa dabe eno te Israel dabebolo yao wali sę te magi baso dolobawe? Te nago ogwa sigo te tigidali ofa ebo nai wiegi yai te eno hani bidi dabego enabolo magasobo nai, te augwali sigo tulama, tama augwali si tigi nisalio. Tama nago augwali sigo te tama temainu yali. Tama te kolesagago nago te augwali si nogi ugwaba siyu, tama eno nogi aiyaba elalubao. Magi baso nago te kolesaga ebo dawę? ³⁰ Ena God, te dage Israel dabego Genuai Bidi, polobadu eno po nago waj nęq Aron dali po daę walali, tama aga hani dali me, te augwali hani sesemane te pris sę iduaibao wai. Tiali goli, megi eno te daę walali po hasegelaibao. Megi eno te tiwai po obao, te eno nogi ugwaba sabo bidi da, teda eno agaba genuai nogi mawaibao. Tama ena dali hagoma homu ebo bidi da, teda eno aga aiyaba mu elalueibao."

³¹ "Bugagia odao. Nosali eno te tigidali gesi bidi hani pris bidi me, te nago hani nosali pedalubo me, te eno aiyaba elaluama, dolaibao, tama nago hanide te bidi me deli bomo elaluyu, te monu dabe yai me bidigoboe. ³² Tama dage dwai noma siyu, tama eno te wiegi yai nai dabe te gasa Israel dabebolo mobaso, pesa yaibao, tama dagego me sogobeo. Tama tigidali sogo nosali te nage hani bidi deli te monu dabe pedelama, me bidigoboe. Mu menio. ³³ Tama nosali eno te boi bidi dabe asomainu elama, te nago hani bidi tigidali ela

mumainu yaibao. Tama bidi deli naga bididu, te pris sę iduaibao. Tama te tebo sę dabego te nago homu kolesaga dolama, tama nago gedu halua saibao. ³⁴ Tama nosali nago ogwa si, Hopni me Finias, te augwali si te deli sogo bubugade naga isaibao," wali. "Tama augwali si isibo sogode nago koneaibao, eno te wali po tigidali mu po da homu yaibao. ³⁵ Tiali goli, eno te pris bidi me deli nigilama, tama agai homu enaba mu munama, tama eno homugo emainu ebo sę tigidali te agai yaibao. Tama eno te agai hani dabe te sesemane sogo pris bidada pomainu ilama, tama augwali te eno nigilali king bidi dali sę emainu yaibao. ³⁶ Tama nago hanide niwai bidi me deli bidali da, te pris pageba pelama, tama agabolo gonoyu, te dwasianu mone po me, nai po me hanalu waibao. Tama augwaligo te pris-bolo te tiwai po waibao, 'Te nago da meba te pris sę emainu eyu, te da nai meba somainu yaibawe?' God Genuai Bidigo te po wai," te profet bidigo Elibolo te po wali.

God Genuai Bidigo Samuel dali po miani

3 Te gesi ogwa bidi Samuelgo te Genuai Bidigo sę ebadi, te Eligo aga tonaluali. Te kibu be hauwa bidai madi, tama Genuai Bidigo te Israel dabebolo po hauwa sogo me wasiawai. Te deli deli sogo naga te aga augwaliba te nade pedalubo tiwai elama, te augwaliba po magasali. ² Megi da, Eligo gedu doyu, tama paąe aga gedu halua sainu yali. Tialima, me sogo hulide aga te Godigo be habude pila muani, ³ tama Samuel te Godigo Daę Wali Bomai Po Muani Halobage elalubo madi pila muai. Te paąe be posainu ebadi, tama Godigo bede ula elaluali lam te me ula elaludai, ⁴ tialima, Genuai Bidigo Samuelba i wali. Tama Samuelgo te po wai, "Awe, ena bidibao," wai. ⁵ Tama aga hodaluama, te Eli bidiboba udada pelama, tama te po wai, "Eno odali, nago ena i wabo, tibaso ena asali," wali.

Tiali goli, Eligo po wei ponoyu, te po wali, "Eno nage i me wabeo. Nage pelama, te naga betba ma pigi pao."

Tialima, Samuel te aga betba ma solama, pigi soali, ⁶ tama nosali Genuai Bidigo aga i ma wali, tama Samuel te Eli pila muboba hodasa pelama, tama te po wai, "Nago ena i obaso, tama ena asalio." Tiali goli, Eligo te po wali, "Ogwa, eno nage i me wabeo. Nage te naga betba pelama, ma pigi pao." ⁷ Samuelgo te Genuai Bidi bugagia konebe, magi baso meni, Genuai Bidigo polobadu aga dali po me misawai dao.

⁸ Tialima, nosali Genuai Bidigo Samuel te sela sogo weyu i wali, tama Samuel Eli bidiboba hogodasa pelama, te po wai, "Nago ena i obaso, ena asalio," wali. Megi da, Eligo koneani, Genuai Bidigo naga te Samuel i obao walio. ⁹ Tama Eligo agabolo wali, "Nage te betba ma pigi pao, tama agai nage i ma obaso da, teda nago te tiwai po wao, 'Genuai Bidi, nago enabolo po walao. Ena nago sę bidi, te eno nago poba olo munama, odalubao.' Nago te po wao," Eligo te po wai. Tialima, Samuelgo Eligo wali po odama, tama aga te betba ma pigi pali.

¹⁰ Tama nosali Genuai Bidi ma dolagaselama, tama agaba i weyu, te polobadu wali po tiwai gilama wali, "Samuel! Samuel!"

Tama Samuelgo te po wali, "Nago po megı da wao, ena nago sę bidi tama eno nago po waboba olo muai elalubao," wali.

¹¹ Tama Genuai Bidigo agabolo te tiwai po wali, "Bugagia odao. Te pade eno te magi sę me deli te Israel dabe tomode yaibao, tama augwaligo te sę yabo po odama, te augwali midigi dwai mu saibao. ¹² Tama te sogo te eno te tigidali dwai sę te Eligo hani sibi dabe dali wali po gilama te sę yaibao. ¹³ Eno homugo nago te tiwai po agabolo walao, te eno agai hani sibi dabe-de te yaibao wali sę elama, tama augwali mu silaibao, magi baso meni, te agai ogwa sigo dwai po enabolo wali. Tama Eli aga digi augwali sigo te sę ebo kolesaga koneani, tiali goli, agai augwali si te sę ebo hagebeo. ¹⁴ Tama teyu, eno te Eligo hani sibibolo te tiwai bomai po wai dao, te kibu elebo ofa ma te gasagi yai ofa ebo sę me deligo te augwaligo dwai sę yali, te munu me sela sago-beo. Mu menio," wali. ¹⁵ Tialima, Samuelgo te po wabo odama, tama aga te betde pila munama, te be posa pali.

Tama kigamude Samuel hodaluama, tama Genuai Bidigo be sunumi dagi pali. Tiali goli, Samuelgo te nade subo tiwai yali sę po te Elibolo wabo te aga wi yali. ¹⁶ Tiali goli Eligo Samuel i weyu, te tiwai wali, "Samuel, eno ogwa, nage e asao." Tialima, Samuelgo te po wai, "Awe, ena asobao," wali. ¹⁷ Tama Eligo agabolo hanalu wali, "Genuai Bidigo mena po nagebobo waliwe? Nago ena dali po me deli dualigio. Te nago po me deli dualubaso da, teda Godigo nageba dene momainu mu yaibao," wali. ¹⁸ Tama tibaso, Samuelgo agabolo te Genuai Bidigo wali po tigidali wali, tama agai po deli te me dualubeo. Mu menio. Eligo odama, tama agai te po wali, "Aga digi te Genuai Bidi dao. Te agai mena sę yainu ebaso da, teda agai te sę ebo dao," wali.

¹⁹ Tama bidu, nosali Samuel genuai bidi pedelama, tama God Genuai Bidi aga dali bidai. Tama teyu, Samuelgo te magi nai me deli pedelaibao po obaso da, teda Genuai Bidigo te Samuelgo wali po gilama te sę pedalu yai. ²⁰ Tama teyu, te Israel tų pedai we bidi tigidaligo te tiwai koneani, Genuai Bidigo Samuel te aga profet bidi mu nigilali. ²¹ Tama te Genuai Bidi te Samuelba te Silo buluba pedelama, tama agabolo te po magasai.

4 Tama Samuelgo te Israel dabebolo te tigidali e sę ebo po obaso, augwaligo agai poba olo bugagia muani.

Te Filistia dabego te Daų Wali Bomai Po Muani Halobage sela pali

Te sogo te Filistia dabego te Israel dabe dali boi hwjagasu asobaso, tama te Israel dabe hogodama, augwali dali te boi hwjigi pai. Tama te Israel dabe bidabo pesage te bulu Ebeneser te pade nigilama bidali, tama te Filistia dabe bidabo pesage te hanu Afek pade

nigilama bidai. ² Tama nosali te Filistia dabego augwa ami bidi dabe wasilama, tama te Israel dabe dali boi hwjani. Te boi genuai mu hodolama, tama te Filistia dabego te Israel dabe aiyaba elaluama, tama te bidi umabo, te bidi sese hauwa, te 4,000 bidi ela muai.

³ Tama te Israel ami bidi dabe te bidibo pesageba ma asobode, te polalubo bidi hetman dabego te po wai, "Magi baso Genuai Bidigo te da Filistia dabego aiyaba elalumainu ilaliwe? Tegoba, polo tama, dago bidi meba te Siloba tagala palama, te Genuai Bidigo Daų Wali Bomai Po Munalubo Halobage te selasa asomainao. Tama da pelama, hwjigi pabo sogo, te Genuai Bidi da dali pelama, te da tau sobaso, te boi bidi dabego da aiyaba me elalugobeo," wali.

⁴ Te polalubo bidi te hetman dabego te po wali silibo side, teda te ami bidi dabego te bidi meba Siloba tagala palama, tama augwaligo te Daų Wali Bomai Po Munalubo Halobage te Genuai Bidigo Tigidali Bomo Elalubo, te halobage sigi pomainu tagala palai. Te halobagede te ensel bidi noma nigali elalubo, te ug-wadu daide elalui, tama te Genuai Bidi king duabo sia sai tiwai elalui. Tama augwaligo te halobage sela asobo sogo da, teda te Eligo ogwa si, Hopni me Finias sigo te Daų Wali Bomai Po Munalubo Halobage sela asobo tonalua asu, te bidi dabe dali asai dao. †

⁵ Augwali te bidibo pesageba sabolama, tama te Israel dabe augwaligo te Daų Wali Bomai Po Munalubo Halobage sela asobo sulama, tama augwa wiegi yai homu pemene eyu, tama po daga bomonama wali, tama posolu wabo genuai mu pedelali. ⁶ Te Filistia dabego te Israel dabego te tiwai i wabo odama, tama augwa te po wai, "Te i wabo te Hibru dabe bidibo pesagede wabo odali. Magi baso te tiwai i dwai wabowe?" Nosali te Filistia dabego te tiwai po odali, te Genuai Bidigo Daų Wali Bomai Po Munalubo Halobage te augwa bidibo pesageba sela asali po wai, ⁷ tama teyu, augwali wi elama, te po wai, "Te god meba augwali bidibo pesage tomoba asalio. Tegoba! Megi da, te da mu dolaibao. Polobadu te boi bidi me deligo te tiwai kolesaga da dali me yai menio. ⁸ Megi da, da mu hagala silaibao. Dego da tau selama, tama te bomai god dabego da dolidali da wabo usu egowe? Te god dabego naga te haniani dwai sę te Isip dabeba tagala palama, tama augwali te wa pai bulude ela muai dao. ⁹ Tiali goli, tagalao. Da bomo elama dolalu, tama bidi mugo hwjbo tiwai yao. Te tama tisayı da, teda da te Hibru dabe olo sę ebo bidi pedelaibao, te augwali te da dologode polobadu bidali tiwai gilama yaibao. Tama tidali weyu, dago bomo elama hwjnao!" Te Filistia dabego augwa hasi te po wai.

¹⁰ Tialima, te Filistia dabego wabi bomo elama, mu hwjnama, tama te Israel dabe aiyaba elalubaso, tama Israel dabe augwa buluba wi pepela walio. Te wabi hwjani side te Filistia dabego te bidi umabo hauwa mu elalio, te e tama, 30,000 bidi tigidali elai dao. ¹¹ Tama augwaligo te Eligo ogwa si me elibadi, tama augwaligo

† 4:4 Sai 25:22

te Daꝓ Wali Bomai Po Muani Genuai Bidigo Halobage, te me sobadi yai.

Eli isai

¹² Te Benjamin hanide ami bidi me deli te hwꝓani pesage taga soyu, te Siloba udulama, tama te sogo naga te buluba sabolali. Te hwꝓani sꝓ pedelali sꝓde te aga haliga sꝓꝓ mu ebaso, tama aga gudubo ugwa pisilama, tama tobolude tꝓ pialio. ¹³ Eli te Silode bidu, tama duabo sia saide te sunumi sesegede dulaludai. Aga te Genuai Bidigo Daꝓ Wali Bomai Po Muani Halobagede homu hauwa elama, homu kone palu bididuai. Tialima, te ami bidi te Siloba sabolama, tama te Israel we bidi te boide aiyaba elaluama, hagawali po pusali. Tama tigidali we bidi wi elama, tama dwai i wabo hwa walio.

¹⁴⁻¹⁵ Te sogo te Eligo kibu be 98 yali elaluali, tama aga gedu tigidali mu halua sai. Tialima, Eligo te we bidigo i hai wabo odama, augwalibolo hanalu wali, "Magi baso dagego tama tiwai i hai obawe?" Tialima, te ami bidi te Eli pageba udulama, tama agabolo te tiwai po wali, ¹⁶ "Megi e sogo naga ena te wꝓbi hwꝓbo pesagede wi asu, asali." Tama Eligo agabolo hanalu wali, "Ogwa, magi yaliwe?" ¹⁷ Tama te bidigo po wei ponoyu, te tiwai po wai, "Te Filistia dabego da aiyaba elaluama, tama ami bidi dabe hauwa mu elali. Tama da augwalide wi soali. Tama me augwaligo nago ogwa si me elali, Hopni me Finias. Tama augwaligo te Genuai Bidigo Daꝓ Wali Bomai Po Munalubo Halobage me dobola sai dao," wali.

¹⁸ Eligo te Daꝓ Wali Bomai Po Muani Halobage te sali po odama, teda aga te dualaluali sia sai tudi badu te Godigo be sunumi pꝓde tulaluali. Aga monu dabe eyu, te tigi nisai bidai, tama aga te sia tudiba degasa dulu, te aga dogoni mage toga peyu, tama isalio. Agai te Israel dabe tonalubo sꝓ idubadi, te kibu be bidi sese si, 40 kibu be bidai dao.

Te Finiasgo we isai

¹⁹ Te sogo Eli aga ogwago we, te Finiasgo we, aga haliga elaluai, tama aga wai ame nabo te pꝓde yagasali. Tialima, agai te tiwai po odali, te Filistia dabego te Godigo Daꝓ Wali Bomai Po Muani Halobage sela pali po wali, tama aga wꝓ monu me aga bidi me, augwali si isali po odai. Tama polo tama, te wai ame nabo dene agaba pedelama, agai te wai ame nani. ²⁰ Te pꝓde aga isainu, te aga tau sabo we dabego agabolo te tiwai po wali, "Nage wi me igio. Odao, nago ogwa ame nai dao," wali. Tiali goli, wai aga idago te po odisiꝓma, tama te wego wali po wei ponobeo. ²¹ Tiali goli, agai te tiwai po wali, "Te Godigo ula yai bomogo da Israel dabe tagalalio." Tama isiyu, agai te wai nogi Ikabot poali. † Agai homugo te boi bidi dabego te Daꝓ Wali Bomai Po Muani Halobage sali, me te aga wꝓ monu, me aga bidi isali, te homu kone palama, tama

† Te Hibru pogo te nogi Ikabot page te pꝓde te tobage te e tiwai po, "ula yai bomo menio," tama wabo.

te tiwai po wai. ²² Tama teyu, agai te po wai, "Te Godigo bomogo da Israel tagalali, magi baso meni, te boi bidi dabego te Godigo Daꝓ Wali Bomai Po Muani Halobage te salio," wali.

Te halobage te Filistia hanu tꝓde munaluai

5 Te Filistia dabego te Godigo Daꝓ Wali Bomai Po Muani Halobage selama, tama augwa te bulu Ebeneser tagalama, tama te halobage tolasa peyu, te augwa taun hanu me deli, te Asdotba pali. ² Augwali teba sabolama, tama augwa te halobage tolasa peyu, te augwa tibo god Dagon lotu be tomoba pelama, tama augwali te masigigo nigali Dagon piksa noma pꝓde muani. ³ Tialima, kigamu mu te nosali side, te Asdot bulu bidi dabe hogodama, tama Dagon piksa noma suali, te tulaluama, gesabidi te tꝓba te Godigo Daꝓ Wali Bomai Po Muani Halobage pꝓba pogulai elaluali. Tama augwa te Dagon selama, tama aga te muani pesageba ma muai. ⁴ Tiali goli, hulide augwali pilama, tama kigamu mu hodaluama, augwali te lotu beba pelama, tama augwaligo suai, te Dagon piksa noma te Genuai Bidigo halobage munalubo pꝓba ma tulaluai elalubo suali. Tama te Dagongo tobolu me nogo dali si alua pelama, tama te be degedu te sunumi pꝓde munaluali. Tiali goli, te Dagongo tigi me badu te alua pisꝓma, bugagia munalubo suali. ⁵ Te pagede naga tama, tama megid da te Filistia pris dabe me, te bidi dabe dali, augwaligo lotu po te Dagonba wali, augwali te Dagongo lotu be te munalubo madi pesage te degedude te Dagon tobolude nogo dali si te tulaluama, munalubo pesagede te augwali me bilisiꝓwai. Augwaligo te bogo badu naga bilibo dao.

⁶ Te halobage te Asdotde munaluali sogo, Genuai Bidigo te haniani sꝓ mu te Asdot we bidi dabede eyu ebaso, tama te Asdot pꝓde bidali we bidi, te agai augwali wi dwai mu ilali. Tama agai augwali tigde te dwai dili keni pedalumainu ilali. ⁷ Te Asdot bulu bidi dabego te sꝓꝓ pedalubo sulama, tama augwa te po wai, "Te Israel dabego Godigo te dabolo, me te dago god Dagonbolo te dwai dene mawai. Tama teyu, dago te Daꝓ Wali Bomai Po Muani Halobage, te dago bulude munalumainu me elamu dao," wali. ⁸ Tama tibaso, augwaligo te Filistia king bidi a nagabolo te po ola toloyu, te hanaluyu, augwali sisinagasao wali. Augwali sisina silibo si, tama te Asdot bulu bidi dabego augwalibolo te po wai, "Dago te Israel dabego halobage magi yaibawe?" Tama te polalubo tobolu bidi dabego te tiwai po wei ponani, "Te Gat taun hanuba sela pao," wali. Tialima, augwaligo te Gat hanuba tolasa pali, te Filistia dabego gasa hanu dao.

⁹ Tiali goli, augwaligo te halobage te Gat hanuba sela pali goli, Genuai Bidigo te hanude bidali we bidi dabeba me te dwai dene mobaso, te augwali wi mu ilalio. Tama agai tigidali we bidi augwaliba te dili keni dwai mu pedalumainu elama, tama augwali mu dolalio.

¹⁰ Tama tibaso, te Gat hanu bidi dabego te halobage te Filistia dabego gasa hanu me nogi Ekron, teba tolali. Te halobage sabalubo side, te Ekron bulu bidi dabego i

weyu, po daga bomo elama weyu, te tiwai po wai, "Ae, tegobao! Augwaligo da tigidali ela mumainu, tama augwaligo te Israel dabego Godigo te Daj Wali Bomai Po Munalubo Halobage te sela asalio," wali. ¹¹ Tama tibaso, augwaligo te Filistia king dabe i olama, asobo side, tama augwaligo te tiwai po te king dabebolo wali, "Dagego te Israel dabego Godigo e Daj Wali Bomai Po Munalubo Halobage te augwa buluba ma tolao. Tama tibaso da, te agai da me, dago we wai dabe dali, me eligobeo." Augwaligo te tiwai po wali, magi baso meni, Godigo augwaliba te dene mabo se umabo eyu, tama hauwa we bidi isai. Tama teyu, augwali tigidali wi dwai mu yai. ¹² Tama te bulu we bidi augwali meba isibeo, tiali goli, te dwai dili keni augwali tigiba pedelama elaluali. Tama augwa te Godigo tau so-mainu i weyu yalio.

Augwaligo te halobage Israelba ma tolali

6 Te Genuai Bidigo Daj Wali Bomai Po Munalubo Halobage te Filistia bagego bulude munalubadi, te polua a naga me badu si bidali, ² tama te Filistia we bidi dabego augwa pris dabe, me te po page konebo Filistia bidi dabe i olama, asobode te augwalibolo te tiwai po hanalu wali, "Te Genuai Bidigo halobage te dago magi yaibawe? Tama dago aga buluba ma tolao bode, te dago magi nai dali tolaibawe?"

³ Tialima, te pris dabego me, te po page konebo bidi dabe daligo te tiwai po wai, "Te dagego te Israel dabego Godigo te halobage te augwa buluba ma tolao homu ebaso da, te dolo da, dagego olo me tolamuo. Dagego te duga yali dwai se silimainu ofa yabo nai meba dali tolao. Dagego tama teyu da, teda duga te gasi dabe usu elama, tama dagego bugagia koneaibao, te Godigo dwai dene dageba mabo se page koneaibao," wali.

⁴ Tama te bidi dabego te po wali, "Te dago magi ofa te Godiba tolaibawe?" Tama te pris dabego me, te po page konebo bidi dabe daligo te po wai, "Te gol selama, te dage tigde yali dili keni piksa noma a naga, me te bolo piksa noma a naga badi nigilama, tama te halobage dali tolao. Te dili keni yali namba me te bolo te Filistia dabe dago king a naga te usu nama tiao. Magi baso meni, te tobage genuai gasi te dageba, me te dago king a naga bidiba te gasi pedelali. ⁵ Dagego te dili keni piksa noma me, te dago bulu to dolali bolo piksa noma dabe me, nigao," wali. "Tama dagego te Israel dabego God dologode bidiyu, tama agai nogi uga-ba sia. Dagego te tiwai eyu da, te agai dageba me, te dagego godiba me, te dago bulu toba me, te dwai dene mabo se me iligobeo. ⁶ Teyu, dagego te God dali hagoma eyu, te polobadu Isip king bidigo me te we bidi dabego yali tiwai yabuo. Tama Godigo te dwai nai dabe augwaliba tagala palu, tama augwaliba te se dabego mu poma palama, te augwaligo te Israel dabe te Isip to taga pomainu ilalio. Dagego te homu kone palama, tama dagego aga dali hagoma me elamu da," wali.

⁷ "Tialima odiao, dagego te gesi karis me deli nigilama, tama te so kibu bulmakau si, te se me isiawai kibu, tama augwa si wai ame tubo te tagalisiabadi, tama tiwai kibu si sao. Tama dagego te kau kibu side te karis teba gebelama, tama augwa si wai dabe te kaugo obo banis muaniba ma sela pao. ⁸ Tialima, tama te Genuai Bidigo halobage selama, tama te karis daiba muao. Tama te bolo piksa noma, me te dili keni piksa noma dabe dagego te golgo nigai, te dwai se yali silimainu ebo ofa tiwai yabo nigali nai, te bokis me deliba munama, te bokis te karisba munama, te halobage paba muao," wali. "Tama nosali te so bulmakau si pomainu ilama, tama te karis kekasa solama, tama augwa pomainu yao. ⁹ Tama dagego te karis mena tama pabowe suainu, te bugagia tonaliao. Te aga te taun hanu Betsemes to te halobage asali bulu to badu wali pobaso da, teda dagego bugagia koneiao, te Israel dabego Godigo te dwai se daba tagala palali da waibao. Tiali goli, karis te tiwai elama pisabaso da, teda dagego koneama, Godigo te genuai sege daba tagala palobeo. Menio. Te sege olo naga pedelali wabo dao," augwaligo te po wai.

¹⁰ Te bidi dabego te po olama, tama augwa wali pai. Augwaligo te so kibu bulmakau si selama, tama augwali side te karis keni. Tama augwaligo te bulmakau sigo wai selama, tama te kau obo banis tomoba muani. ¹¹ Tama augwaligo te Daj Wali Bomai Po Munalubo Halobage me, te golgo nigai te dili keni piksa noma me, te bolo piksa noma muani te bokis halobage me selama, tama te karis daiba muanio. ¹² Augwaligo te doado bage muai digi da, teda te bulmakau si pabo gagalali, tama augwali sigo te taun hanu Betsemes teba pabo sunumi dolo wali palio. Tama augwali sigo te sunumi me geda muyu, me ela pabeo, mu menio. Te augwa si hwa wabo i dali wabo se ela palio. Tama te Filistia king bidi a naga te karis pabo wali pelama, te taun hanu Betsemes te tama daj igi palio.

Te Godigo Daj Wali Bomai Po Munalubo Halobage te Betsemes me Kariat Jearim, te hanude munaluali

¹³ Te Betsemes hanu to bidi dabe augwa te bulu odogode te wit togobo se iduai. Tama augwaligo te sunumiba tononobadi, tama augwaligo te halobage asobo sulama, tama augwa wiegi yai homu pemene mu yai. ¹⁴⁻¹⁵ Tama te bulmakau sigo te karis kekasa pelama, te Josuago wit giba sabolali, te Betsemes hanu to bidi me deli, tama augwali si te gi tomode elalubo genuai masigi me deli paba doligi pai. Tama te Livai dabe aselama, te Genuai Bidigo Daj Wali Bomai Po Munalubo Halobage dali, te piksa noma munalubo halobage bokis me, augwaligo te golgo nigai, te augwaligo selama, te genuai masigi daiba muani. Tialima, te bidi dabego te karis nigali ni nami selama, te no-gabo sia pedali. Tama augwaligo te so kibu bulmakau si elama, tama Genuai Bidiba ofa ilali, te sia tigidali pomainu ebo ofa tiwai yai. Tama me te Betsemes hanu bidi dabego me te sogo naga te Genuai Bidiba gasa

ofa dabe me yai dao. ¹⁶ Te Filistia king bidi dabe a naga bidigo augwaligo te sę dabe ebo sulama, tama te sogo naga augwali te taun tų Ekronba ma geasa pai dao.

¹⁷ Te Filistia dabego te dili keni piksa golgo nigali a naga piksa noma te Genuai Bidiba tolali, te augwa dwai sę yali silimainu ebo ofa tiwai eyu tolalio. Te deli deli augwa hanu usu nama nigali, te Asdot, me Gasa, me Askelon, me Gat, me Ekron, te tama hanu taun dao. ¹⁸ Tama augwaligo te bolo dabego piksa noma me tolali, deli deli te bomai obo banis elalubo tigidali taun hanu usu nama tolali, tama Filistia king a naga bidigo tonalubo dwasianu bulu me te piksa noma tolali. Tama megı te genuai masigi te Genuai Bidigo halobage augwaligo muani te Josuago wit gide me elalubao, te hanu Betsemes bulu bidi. Tama te bulude pedelali sę te dajı tiwai ilali, te masigi elalubo dao.

¹⁹ Te Betsemes taun hanu bidi dabe te bidi sese sela olama, nogo si, te 70 bidi dabego te halobage tomoba tonononalubaso, tama Genuai Bidigo te bidi dabe ela muani. Tama te bulu bidi dabego homugo te Genuai Bidigo augwali dolali da homu elama, tama augwali gela wabo mu geninama wali. ²⁰ Tama te Betsemes bidi dabego te tiwai po wai, "God, Genuai Bidi, te aga da te gasagi yai tedali mu dao, te dwai sę me deli isąbo bidi dao. Te agai da dali haliga sębę eyu da, teda da me deli te bugagia me bidigobeo. Tama dago te God bidibo halobage, te gasaba tolaibao. Tiali goli, dago menaba tolaibawe?" te po wali.

²¹ Tama te bidi dabe augwaligo te taun Kiriart Jearim hanude bidibo bidi dabe augwaliba te tiwai po wagi pomainu tagala palai, "Te Filistia dabego te Genuai Bidigo Dajı Wali Bomai Po Munalubo Halobage te dago buluba ma sela asalio. Tama tibaso, dago homugo te dage aiyaba dulama asu, tama sagasiąo," te po wagi pai.

7 Tialima, te Kiriart Jearim bulude bidali bidi dabe aselama, te Genuai Bidigo halobage selasa peyu, te augwa hanuba ma sela solama, tama augwaligo te Abinadapgo be te dwasianu bulu dude elalubo beba muani. Tama augwaligo te aga ogwa te Eleasar te tonalubo bidi pedalumainu nigilali, te Dajı Wali Bomai Po Munalubo Halobage te bugagia tonalumainu yai. †

Samuelgo Israel tonaluali

² Te kibu be bidi sese deli 20 sabalubode nosali badu, te Genuai Bidigo Dajı Wali Po Munalubo Halobage te Kiriart Jearim hanu buluba sabolali, te Israel dabe augwali tau somainu, Genuai Bidiba gela wabo sę bomonama yai dao. ³ Tama nosali Samuelgo te Israel dabebolo te tiwai po wai, "Te dage homu mu begelama, tama Genuai Bidiba ma begasa asabo homu ebaso da, teda duga te tibo god, me tama te tibo god we Astarte piksaba lotu wabo, te dagego sela sayao. Tama dage Genuai Bidi dologode mu bidiyu, tama aga deliba naga lotu waiąo, tama teyu da, agai dage tau selama, tama te Filistia ami bidi dabe sela sayu, te augwaligo dage ma tonalumainu me egobeo," wali. ⁴ Tiali-

† 7:1 2 Sml 6:2-4; 1 Sto 13:5-7

ma, Israel dabego te Samuelgo po odama, tama augwa te tibo god Bal piksa me, te god we Astarte piksa me, sela sanama, tama augwa te Genuai Bidiba naga lotu walio.

⁵ Nosali Samuelgo te Israel dabeba po ola tolu, te tiwai po wai, "Dage te hanu Mispa teba sisinagasao, tama eno Genuai Bidiba gedu haluasa po olama, dage tau somainu yaibao," wali. ⁶ Tialima, tigidali we bidi te Mispa hanuba sisinagasai. Tama augwa te wę te ulu węde tulama, tama tųba gelu, te Genuai Bidiba ofa ebo tiwai yalio. Tama augwa nai tubo habu selama bididubadi, te giliga dega sigulali. Tama augwa te Genuai Bidiba te tiwai po wali, "Dago dwai sę te nago gedude yai dao." Tama Samuel te Mispade bidu, tama te Israel dabego po tų yagasobo odama, tama augwaligo po dodola mayu yai dao.

⁷ Te Filistia dabego te Israel dabe te Mispa hanuba sisinani po odali. Tama te a naga king bidi dabego te augwa ami bidi dabe selama, tama te Mispa hanuba pelama, te Israel dabe dali boi hwıgi painu yali. Tama te Israel dabego te Filistia dabe asainu ebo po odama, tama augwali wi ebaso, ⁸ tama augwaligo Samuelbolo te po wai, "Nago te Godiba gedu haluasa po wabo bomo yao, te dago Genuai Bidi, te da tau sobaso, te Filistia dabego da dolainu ebo usu me egobeo. Nago te gedu haluasa po wabo munu me tagalamu dao," wali. ⁹ Tialima, Samuelgo te ogwa bidi sipsip me deli elama, tama te tigidali siaba ulama, te Genuai Bidiba ofa ebo tiwai yai. Tama Samuelgo gedu haluasa po bomu elama weyu, te Genuai Bidigo te Israel dabe tau somainu yai, tama Genuai Bidigo agai te gedu haluasa po wabo odama, tama augwali tau sai dao.

¹⁰ Te Samuelgo ofa idubadi, te Filistia dabe paąba aselama, boi hwıainu yai. Tiali goli, Genuai Bidigo te dagaludu delege be bomu mu elama, te Filistia dabego ugwadu delege be elebo odobaso, tama augwali homu mu puna pelama, tama augwali wi tedela pobadi, tama te Israel dabego augwali sualio. ¹¹ Tama te Israel bidi dabego te Mispa tagalama, tama te Filistia dabe pobeasa pelama, tama te sunumide hauwa bidi elala pidubadi, te augwali te bulu Betkar paąba sabolai.

¹² Tama nosali Samuelgo te genuai masigi me deli selama, tama te masigi te bulu Mispa de Sen, te bulu si tomode ugwaba dodolama, muani. Tama Samuelgo te tiwai po wai, "Te masigigo te Genuai Bidigo da tau sesa asali usu nagasobo dajı ilibo masigi dao." Tama agai te masigi nogi poliyu, te tiwai wai, Te Tau Sali Masigi dao. ††

¹³ Genuai Bidigo te tiwai sę dabe elama, tama te Filistia dabe aiyaba elaluama, te augwali paliama, tama augwaligo te Israel tų pedai tomoba ma hwıjagasiąbadi te Samuel polalubo tobolu bidi bidali sogo tama tiai dao. ¹⁴ Polobadu te Israel dabego te hanu meba elalualı, te Filistia dabego hanu tų pedai si Ekron me Gat tomode elalualı. Tama te Filistia dabego te Israel hanu dabe selama bidali. Tama megı te augwaligo

†† Te Tau Sali Masigi. Te Hibru pogo te masigi nogi wabo "Ebeneser" tama dao.

Israel dabeba ma mawai. Tama teyu, te Filistia dabego te Israel dabego t̄o pedai me deli te augwaligo me tonalubeo. Tama me te Israel dabego te Kenan bidi dabe dali me hwijsama, tama augwali dali bugagia bidai dao.

¹⁵ Samuel te Israelde polalubo tobolu bidi bidada pidubadi, te aga isiboba mu usu nigipai dao. ¹⁶ Te tigidali kibu bede aga te Betelba, me Gilgalba, me Mispa, te bulu selaba pelama, tama te Israel dabego po t̄u ebo po odolama, tama augwaligo seḡe elalubo dodoliyu yai dao. ¹⁷ Agai te bulu dabede seḡe silibo si da, teda aga te aga bidali bulu te Rama buluba ma peyu yai. Tama agai te bulude me te po t̄u odali. Tama te Rama agai te Genuai Bidigo alta me deli nigai elaluali.

Te Israel dabego homude te bidi me deli augwa king bidi pedalumainu homu yai

8 Te Samuel aga monu dabe ebo sogo, agai aga ogwa si te Israel dabego polalubo tobolu bidi munama, bidali. ² Te gomunai ogwa nogi Joel, te tomo ogwa nogi Abia. Tama augwali si te Berseba bulude bidiyu, tama te we bidi dabe po t̄u odama, tama augwaligo po dodoliyu bidalio. ³ Tiali goli, augwali sigo te augwa ayago kolesaga tiwai me wali pabeo. Menio. Augwali sigo te mone sabo homu godolo yai, tama augwali sigo te gasa bidigo homu bega sabo po odoyu, tama tede te mone siyu, tama augwali sigo te ebo kolesaga geda muyu, tama te po t̄u bugagia me dodolobeo. ⁴ Tama tibaso, te Israel polalubo tobolu bidi dabe deliba sisinama, tama pelama, Samuel te Rama hanude bidibo sugi pali. ⁵ Augwali teba sabolama, tama augwaligo Samuelbolo te tiwai po wai, "Odao. Nage monu dabe yai, tama nago ogwa sigo te nago yali wiegi yai kolesaga tiwai me wali pabeo. Tama teyu, dago homugo te nago bidi me deli nogo t̄u ilama, te da tonaluabo king bidi pedalumainu yaibao. Tama tiyu da, te da te gasa t̄o pedai bidi dabe tiwai pedalumainu homu ebo," augwaligo te po wai. †

⁶ Tiali goli, Samuelgo te augwaligo hanalu wali pode wiegi yai homu godolo me isiḡbaso, tama agai te Genuai Bidiba hanalu, te agabolo mena po walobowe naga te po hanalu wali. ⁷ Tama Genuai Bidigo agabolo te tiwai po wai, "Te we bidi dabego te tigidali seḡe wali po odao," wai. "Te nago homugo te augwaligo nage hagela homu ebaso, te nage sela sayabo homu eyu me wabeo. Menio. Augwaligo homugo te ena augwa king bidi bidibo te hagela homu ebaso, tama teyu, augwaligo ena sela saḡbao. ⁸ Bugagia odao. Te eno augwali te Isipde selama, odasa asali, te megiba usu nagasu, te augwaligo ena tudiba munama, tama te tibo god dabeba lotu wai. Tama megime, te augwaligo nage tudiba mubao. ⁹ Tama teyu, eno homugo te nago augwaligo po wali pelama, tama augwa king bidi nigilao. Tiali goli, hasia bolo te nago te po augwaliba pusao, te kingo tigidali kolesaga augwaliba yabo po. Tama nago bomai po augwaliba mayu, te augwaligo

hanalu wali seḡe te homu bugagia kone palomainu yao," wali.

¹⁰ Tialima, te king po agaba hanalu wali bidi dabe bidibo madi te Samuel pelama, tama te augwalibolo te Genuai Bidigo agabolo wali po tigidali augwalibolo wai. ¹¹ Samuelgo te tiwai po augwalibolo wai, "Te dagego king bidi elalubo sogo, teda te kingo te tama seḡe dabe dageba yaibao. Agai te dagego ogwa dabe te ami bidi nigilaibao. Tama te hwiḡbo sogo meba te karisde dolalu hwiḡbadi, tama meba te hosde dualasa peyu, hwiḡbaibao. Tama meba te king aga te karisdu gasaba me painu pabo sogode te asobode udada paibao.

¹² Tama agai te bidi meba te 1,000 ami bidigo kepten polalubo bidi, me te 50 ami bidigo polalubo bidi tama nigilaibao. Tama agai te dagego wai mebago te agai gi bulabo t̄o elimainu eyu, tama mebago te agai gide in-ayu tau yali nai saibao. Tama mebago te hwiḡbo ene nigaibao, tama agai karisde peyu, hwiḡbo nai dabe me nigaibao. ¹³ Tama te kingo te dagego wegi dabe selama, tama augwaligo agai te denami ebo nai sanda nigiyu, tama mebago me te bret, me gasa nai dabe te agai bede ulaibao. ¹⁴ Tama agai te dagego wiegi wiegi yai gi nai me, wain gi me, oliv gi me selama, tama aga seḡe polalubo ofisa bidibolo mawaibao. ¹⁵ Tama dagego wit dabe, me wain wai dabe te nogo si wali, te me deli agaba mawaibao. Tama agai te nai dabe te aga seḡe ebo polalubo ofisa bidiba, me aga seḡe ebo bidi dabeba mawaibao. ¹⁶ Tama kingo te dagego seḡe ebo bidi dabe me seḡe ebo we dabe siyu, tama dagego wiegi yai gesi bidi dabe me, te dagego donki dabe me selama, te agai seḡe emainu yaibao. ¹⁷ Tama agai dagego te tigidali nogo si sipsip elalubaso, te me deli agai saibao. Tama agai dage te olo seḡe ebo bidi pedalubo tiwai ilaibao.

¹⁸ Nosali te king pedalubode tama te kolesaga dagebolo ebaso, teda te dagego te duga kingo ebo kole-sagade te wado eyu, dagego God Genuai Bidiba po hauwa waibao. Tiali goli, duga digi te kingo nigilali, tama tibaso, Genuai Bidigo te dagego wabo po me odogobeo." Samuelgo Genuai Bidigo te wali po sese te bidi dabebolo tama pusali.

¹⁹ Tiali goli, te bidi dabego te Samuelgo wabo po odisiḡama, tama augwaligo agabolo te tama po wai, "Tagalao, dago homugo te nago king me deli nigilao," wali. ²⁰ "Da te gasa t̄o pedai badu ebo tiwai pedelama, tama dena kingo da tonalumainu yaibao. Tama agai te dago boi bidi dali hwiḡgi pabode, te polasa peyu, te dago ami bidi dabe tonalumainu yaibao," wali.

²¹ Tialima, Samuelgo te we bidi dabego wabo po odama, tama agai Genuai Bidiba te po wagi pali.

²² Tama Genuai Bidigo Samuelbolo te tiwai po wai, "Tialima, nago augwa po wali pelama, tama augwa king bidi me deli nigilao." Genuai Bidigo po ola silibo si, tama Samuel pelama, te Israel bidi dabebolo te tiwai po wai, "Dage tigidali te duga buluba ma geasa pelama, tama nosali te eno dage i ma waibao," wai.

† 8:5 Bom 17:14

Sol te Samuel dali gesabidi si deliba yalio

9 Bidi me deli bidai, te bidi nogi Kis, te Benjamin hani bidi. Kis te Abielgo ogwa, tama Abiel te Serorgo ogwa, tama Seror te Bekoratgo owga, aga te Afiago ogwa dao. Kisgo doado bage hauwa elaluali, tama te gasa bidi dabe tomode te aga nogi elalubo bi-di bidai. ² Tama agai ogwa deli elaluali, te aga nogi Sol. Sol aga te bomai bidi, tama dili bobage uganu yai bidi, tama te gasa Israel bidi dabe te aga bobage yali tiwai me isiawai. Tama me aga te sawi gesabidi mu yai, tama te gasa Israel dabe me te aiyaba elaluali. ³ Tialima, me sogo deli te bidi Kisgo donki kibu meba te tedela pelama, tama hagawai. Tama tibaso, Kisgo te tiwai po Solbolo wai, "Sol, nago te sę bidi me deli selama, dage sigo te donki dabe gegegi pao," wali. ⁴ Tialima, augwali hogodama, te Efraimgo bage buluba pali, tama te Salisago tų pedaiba pali, tiali goli, augwaligo me sube. Tama tibaso, augwali te Salimgo tų pedaiba pali, tiali goli, te donki dabe tede me bidalubeo. Nosali augwali te Benjamin hanigo tųba pai, tiali goli, augwali sigo te donki dabe tede me subeo. Mu menio.

⁵ Tama augwali te Sufgo tųba pai. Tialima, augwali sabolama, tama Solgo aga sę bidibolo te po wai, "Ae, tegobao, dena buluba ma geasa pinao. Te meni baso da, te ayago dadi side homu dene eyu, tama te donki dabede homu kone me egobeo," wali.

⁶ Tiali goli, sę bidigo Solbolo te po wai, "Dwasianu gana bolo tonaluinao. Te Godigo po pusubo bidi me deli te hanu Sufde bidibao. Tama tigidali po agai pusubo, te mu naga pedelaibao. Tama teyu, te we bidi dabego agaba genuai nogi mabo dao. Dago agabolo sugi pinao. Te da menadu gege peyu, wali pomainu ebo sunumi te agai dabolo ola mabo usu yaibao," wali. ⁷ Tama Solgo te sę bidibolo te po wai, "Tiali goli, te da agaba pobaso da, te dago agabolo wiegi yai homu ilabo nai me deli magi pabo usu yaibao. Tiali goli, dago nai silama, te beg olo elalubao. Dago agaba magi nai mabo usu egowe?"

⁸ Tialima, sę bidigo te po wai, "Eno te dwasianu silva pedai dagenu me deli munalubao. Eno te aga menama, tama agai te donki bidalubo pesage mena badu elalubo te dabolo omainu ebo dao."

⁹⁻¹¹ Tama Solgo agabolo te po wali, "Te nago po wiegi yai mu wabo. Awe, da pinao." Tialima, augwali si te Godigo po pusubo te bidi bidibo hanuba pali. Te augwali si te hanu elalubo madi te dwasianu bulu duba ugaba holobadi, augwali sigo te gesi ogwa we wegiman meba te asobo augwali si gesabidiba yaga sali. Te we dabe te hanu buluba dia soali, te wę tuainu yali. Tama te bidi sigo augwaliba hanalu wali, "Te geme dulai po haninibo bidi te taun hanude bidibowe, ma meniwe?" Polobadu te Israel dabego te profet bidi nogi poali, te geme dulai po haninibo bidi wai. Tama te bidi mebago te Godiba magi nai po me deli hanalugi painu da, augwaligo te tiwai po wai, "Dago te geme dulai po haninibo bidi sugi pinao," wali. Tama tibaso, Solgo te tiwai po weyu, te wegiman dabe hanalu walio.

¹² Tialima, te we dabego augwali sigo po wei ponoyu, te po wai, "Geme dulai po haninibo bidi te ede bidibao. Megi tama aga te taunba pali, magi baso meni, te bidi dabego te dwasianu bulu dude ofa yainu ebaso pali. Aga te dage si pabodu polasa pali, tama dage si asesa polo piąo. ¹³ Tama dage si te taun tomoba pabo sogo, te dage sigo aga sueibao, magi baso meni, aga te taunde me bididuaibao, tama aga te bulu duba nai tugi peyu pabeo. Agai te we bidi meba te ofa yali kibu mi tuagasomainu i wali. Tiali goli, te augwaligo agabolo asomainu tonalu, te aga sabalubo si te nai tueibao. Te aga asobo si da, teda agai te Godiba hanalu, te ofa wiegi yai ilimainu elama, tama nosali augwa te nai tueibao. Dage si asesa polo pobaso da, te dage sigo aga subaso usu yaibao," wali.

¹⁴ Te we dabego po ola silibo si, tialima Sol aga sę bidi dali te taunba pai. Tama augwali si te obo elalubo sunumi tomoba pelama, tama te profet Samuel te asobo suali. Aga te taundu buluba dia solama, tama te lotu wabo pesageba holainu yai.

¹⁵ Te polobadu side kigamu te Genuai Bidigo Samuelbolo te tiwai po wai, ¹⁶ "Do te tama tobage tebo sogo, te eno te Benjamin hani bidi me deli te nageba tagala palaibao," wali. "Tama nago aga toboluba te wel geliyu, te aga te eno we bidi Israel dabego king bidi pedalumainu ilao. Eno suali, te Filistia dabego genuai sęę me, dene me, te tigidali Israel dabeba mobaso, tama te Israel dabego enaba gela weyu, te eno augwali tau sao po wabo odali. Tama tibaso, te bidigo augwali tau siyu, tama te Filistia dabego bomode bidalubo te ma dobola somainu yaibao," wali.

¹⁷ Tialima, te side nosali Samuelgo Sol suali, tama Genuai Bidigo agabolo te po wali, "Te dao, do eno nagebolo po wali bidi te tama dao. Agai te eno we bidi tigidali tonaluaibao," wali.

¹⁸ Tialima, Solgo te Samuel te taunba pabo sunumide gesabidi deliba unulubaso, te agabolo hanalu wali, "Te geme dulai po haninibo bidigo be menade dawę? Te nago enabolo wabo usu egowe?"

¹⁹ Tama Samuelgo te po wei ponai, "Te bidi ena dao. Dage si ena pabodu te lotu wabo pesageba polasa piduao, tama dage si megiman sogode ena dali nai tu-iagameo. Tama do kigamu te nago koneabo sę po tigidali nagebolo olama, tama eno nage tagala palaibao. ²⁰ Eno koneani, te dagego donki dabe te hagawali polobadu sela sogo bidali, tiali goli, nago augwalide homu hauwa me dogia pelamuo. Te bidi mebago augwali gegela suali. Tiali goli, odao, te Israel we bidi dabego niwai bidi godolo mu ebo dawę? Augwaligo nage dali, te nago ayago hani sibi dali godolo ebao, te tama dao," Samuelgo te po wali.

²¹ Tialima, Solgo Samuelbolo te tama po wai, "Ena te Benjamingo hani bidi, tama eno hani te dwasianu hani naga te Israel dago hani tomode elalubao. Tama eno ayago hani sibi te Benjamingo hani tomode nogi me elalubeo. Tama teyu, magi baso nago te tiwai po enabolo obawe?"

²² Solgo po ola silibo si, teda Samuelgo aga te aga sę bidi dali selama, te genuai tebol sai elalubo be habu tomoba pali. Samuelgo te bidi sese deli olama, nogo si bidi i wali, te bidi dabe augwali te nai tuabo madi duralama elaluali. Tialima, Samuelgo Sol me, aga sę bidi dali, augwali sibolo te po weyu, te polalubo sai te tebol elalubo pesage badu duagi pao wali. ²³ Tialima, Samuelgo te nai ulubo bidibolo te tiwai po wali, "Te eno nagebolo mayu te muao po wai kibu sipsip mi, te megı da, nago sesao," wali. ²⁴ Tialima, te nai ulubo bidigo te kibu sipsip saęa me deli te mi dwagi yai mu elalubadi, tama te tebol daiba te Sol paęa muani. Tama Samuelgo Solbolo te tama po wai, "Te kibu mi sao, te dago nage nai muai elaluali, tama nage te tuo. Eno nage tonaluali te megıba usu nani, tama tibaso, eno te i wali bidi dabe dali nago te nai tuięo," wali. Tama tialima, Solgo Samuel dali te sogo nai tuali.

²⁵ Tama nosali augwali te ofa yali bulu tagalama, tama te taunba dulai. Tama Samuelgo te Sol te aga be peduba odasa holama, tama Sol dali po miani. Tama hulide Sol te Samuel dali te bulude piali.

Samuelgo te Sol king pedalumainu nigilali

²⁶ Te kigamu mu Samuel hogodama, tama Sol i olama, te po wai, "Nage hodaluao. Eno te nage naga buluba tagala palaibao." Tialima, Sol hodaluama, tama aga Samuel dali te be taga solama, tama sunumıba pali, te Sol aga sę ebo bidi augwali si dali pali. ²⁷ Augwali te taun sesegeba sabolama, tama Samuelgo Solbolo te tiwai po wai, "Naga sę bidibolo polasa pa po wao. Tiali goli, nage da ena dali dwasianu gana dolalu, tama te eno nagebolo te Godigo po mawaibao," wali.

10 Tialima, Solgo te sę bidi polasa tagala palai, tama Samuelgo te oliv wel botol dwasianu me deli selama, tama te wel habu te Sol toboluba geliyu, te aga king pedalumainu nigiliyu, sa muani. Tama Samuelgo agaba te gesabidi nono neyu, te e tiwai po wai, "Genuai Bidigo te nage aga we bidi, te Israel dabego king bidi nigilali dao. Tama nago augwali tonalu, tama augwali tau siyu, te boi bidi dabego augwali dolomainu me egobeo. Tama megı eno te nageba nosali pedelabo sę po nagebolo wainogo eba. Tama nago te sę dabe pedalubo subaso da, te nago koneao, Genuai Bidigo te nage sa muyu, te aga we bidi dabe tonalumainu nigilali dao. Te e tama tiwai sę dabe dao. ² Te nago ena taga peyu pabo sogo, te nage te Benjamingo bulu tę te Selsa buluba sabolaibao. Tama nago te ola be masigi te Resel muani masigi paęe, te bidi si te nago augwali si gesabidi deli sisinaibao. Tama augwali sigo nagebolo te tiwai po waibao, "Te nago gegali donki dabe, te augwaligo gegelama, sulama, tama nago ayago te donki dabede te homu godolo menisęwai. Megı agai te nagede homu kone palu, tama hanalubo sę te tiwai eba, eno mena tama tilama, te eno ogwa gegegowe?" Te bidi sigo nagebolo te po waibao," Samuelgo Solbolo te po wali.

³ "Tialima, nago te bidi augwali si tagalama pobadi, tama te habu selali ni te Tabor buluba sabolama, tama

nago tede bidi sela te gesabidi sueibao. Augwali te Godıba ofa ilainu, te Betel buluba pabo sueibao. Te bidi sela te bidi me deligo te gesı ogwa bidi meme sela te sela asobo, te gasa bidi mego te bret sela sesali, tama sela wali bidigo te meme tigi walide augwaligo te wain wę tabiali, te abilasa asobo sueibao. ⁴ Tama te sela bidigo nagebolo siade da weyu, tama te bret si nage mawaibao. Tialima, nago te bret sao," wali.

⁵ "Tama nosali nage te Godigo bulu du te taun Gıbea te Filistia dabego ami bidi dabe bidalubo madi teba pao. Tama nage te taun paęa pabo sogo, te nago profet hani me deli augwa te bulu dude te alta tagalama, tama aiyaba dulubadi, te gesabidi delıba ununaibao. Tama augwaligo te tobage gıta me, tamborın dabe me, ona elebo me, te tiwai eyu, tama te profetgo kole-saga ebo gilama, te Godigo po pususu paibao. ⁶ Tialima, te Genuai Bidigo Moba te bomo elama, nageba pedalu, tama nage te profet dabe dali delıba muna selama, tama nago augwaligo te ebo kolesaga tobage tiwai yaibao. Tama nage gasagi yai bidi mu pedelaibao. ⁷ Te sę dabe nageba pedalubo sogo da, teda nago koneaibao, te God nage dali bidu, te Godigo nageba mani sę ebo te nage tau saibao. Tama nosali, nago homugo te mena sę te we bidi tau sabo wiegi yai sę da homu ebaso da, teda nago te sę yagameo. ⁸ Tama nage polasa pao, te bulu Gilgalba pelama, tama te bulude ena tonalu, te a naga olama me si sogo bidai madi, tama ena asu, nage dali muna sagasaibao. Tama eno te siaba tıgdali ulubo ofa meba elama, te God dali deli haliga ebo ofa me yaibao. Tama eno nagebolo te nago mena sę yabo po me te waibao," Samuelgo Solbolo te po wai.

⁹ Solgo te po odama, tama aga begelama, te Samuel tagalubo sogo, teda Godigo gesı homu kolesaga agaba mawai. Tama te sogode naga te sę tıgdali te Solbolo ola mayu pedelali, Godigo aga te king pedalumainu nigilali, te Samuelgo agabolo wali po tiwai gilama yalio.

¹⁰ Te Sol aga sę bidi dali te Gıbea buluba sabalubo sogo, te profet hani me deligo aga dali delıba gesabidi munasa, tama te Godigo Moba agaba bomo elama pedelali. Tama aga te augwali dali delıba muna selama, tęębi weyu, tama te profet dabego ebo tiwai te sasa mano bilai. ¹¹ Tama te polobadu aga koneani, te mena we bidi augwaligo agai te profet bidi dabe dali te tiwai kolesaga ebo sulama, tama augwa hası hanalu, te tiwai wali, "Magı sę te Kisgo ogwa Solba pedalubowe? Aga me te profet pedelainu ebowe?"

¹² Tama te bulude bidi me deligo te po wei ponoyu, te po wai, "Te gasa profet dabe magı yai dawe? Eno homugo te augwa aya dabe te profet bidi bidisęwani homu eba," wali. Te Solba pedalubo sęde, te Israel dabego wabo po page me deli elalubao. Te bidi me deligo mena sę me deli yainu ebo sulama, tama augwaligo homugo agai te sę ebo usu egobe homu elama, tialima augwaligo te po wabo, "Magı elama, Sol te profet pedelainu ebo, agawe?" ¹¹³ Tialima, Solgo te pro-

fetgo ebo kolesaga tiwai elama, aga te bulu dude elalubo alta elalubo madi pai.

¹⁴ Nosali Solgo te aga aya sabi bidi te deliba gesabidi unclubaso, tama aga aya sabi bidigo te agabolo me, te aga sę bidiba me hanalu, te tiwai po wali, "Dage si mena pai asobawe?" Tama Solgo te po agabolo wai, "Da si te donki dabe gegegi pai. Tiali goli, da sigo gegegegi pali meni yani, tama tibaso, da si pelama, te Samuel sugi pai."

¹⁵ Tialima, te aya sabi bidigo te po wali, "Agai mena po dage si dali waliwe?"

¹⁶ Tama Solgo te tiwai po wai, "Agai da sibolo te tiwai po wali, te bidi mebago te donki dabe gegela سوالو, wai." Tiali goli, Solgo te aga aya sabi bidibolo te Samuelgo aga te king pedelaibao wali po te aga aya sabi bidibolo wabeo.

Sol te king pedelali

¹⁷ Nosali Samuelgo te tigidali Israel dabe te Mispa buluba te Genuai Bidi geduba sisinagasomainu i wai dao. ¹⁸ Augwali sisina silibo si, tama agai augwaliba te tiwai po wali, "God, te da Israel dabego Genuai Bidigo, te po wai, agai dage te Isipde selama, tama dage odasa asai. Agai dage te Isip dabego nogode, me te gasa hani dabego dageba dwai sę mu ilibaso, tama agai dage ma dobola selama, te odasa soai dao.

¹⁹ Godigo dage ma dobola sali, te dwai sę ebo me sęę te dageba pedalubaso sali. Tiali goli, megi dagego aga tudiba togoliyu, tama dagego te po obao, te Godigo dage tonalubo te dagego hagela ebo homu yai. Dagego homugo te eno dagebolo te king bidi me deli momainu yali. Tialima, megi da, te dage pelama, te duga hani sibi dali te Genuai Bidigo geduba dolalugi piąo," wali.

²⁰ Tialima, Samuelgo te tigidali hani deli delibolo te pąba asao po olama, tama agai te Genuai Bidigo homugo te gegelama hanilibo kolesaga elama, tama Genuai Bidigo te Benjamingo hani sa muyu, nigilali.

²¹ Tama Samuelgo te Benjamingo hani solo bage asao olama, tama God Genuai Bidigo te Matrigo hani nigilali. Tama Samuelgo te Matrigo hani sibi bidi asao po olama, tama Genuai Bidigo digi te Sol sa munama nigali, te Kisgo ogwa. Tama augwaligo aga gegebo sę yali, tiali goli, augwaligo aga me subeo. ²² Tama tibaso, augwaligo te Genuai Bidiba hanalu, te tama wali, "Te bidi asaliwe, ma meniwe?" Tama Genuai Bidigo po wei ponoyu, te tiwai po wali, "Sol te duga walu doado bage tomode te geme dualalubao," wai.

²³ Augwa te po odama, tama augwa udulama, tama Sol sela asai. Tama aga te we bidi dali dolaluali sogo, augwaligo aga suali, te dili bobage ugwanu gudai bidi, tama gasa bidi dabe te pęwadage elama, tama aga tiwai usu me ebeo. ²⁴ Tialima, Samuelgo te we bidibolo te po wai, "Te Genuai Bidigo sa muyu nigilali bidi suao. Te tobage bidi tiwai me deli te da tomode me menio."

Tama tigidali bagego po dagą genuai olama, i weyu, te tiwai wai, "Aga te dago king bidi dao. Aga te kibu be hauwa te king bidimainao!" wali.

²⁵ Tama Samuelgo te kingo yabo sę dabe po te bage dabebolo te po hania hanilama wali. Tama nosali agai te po te buku me delide asęnama, tama Genuai Bidigo beba munama elaluali. Tama agai te tigidali we bidi te augwa buluba ma tagala palali.

²⁶ Tama Sol aga bulu Gibeaba ma pali. Tiali goli, Godigo te bomai bidi meba homu hodolama, tama augwali te Sol dali pelawali. ²⁷ Tiali goli, te hagoma ebo bidi mebago te po wai, "Magi elama tama, te bidigo da tau saibawe?" Tama augwaligo te Sol hagela homu mu elama, tama augwaligo te wiegi yai nai me deli agaba me ma mabeo. Tiali goli, Solgo te po me deli augwaliba me wabeo.

Solgo te Amon dabe dali hwjnama, tama augwali aiya-ba elaluai

11 Nosali Nahas, te Amon dabego king bidi, te aga ami bidi dabe selama, tama te Israel dabe augwa te nogi ebo bulu Gileat tų pedai tomoba asai. Tama Nahasgo ami bidi dabego te Jabes taun hanu bagulali, tama te Jabes taun bidi dabego te king agabolo te po wai, "Nago bomai po da dali daų walama, te da bidimainu sula tagalu, tama te da nage dologode bidaibao," wali.

² Tiali goli, Nahasgo te po wali, "Te eno dage dali bomai po daų wabo sunumi deli naga elalubao. Eno te dage tigidali Jabes dabego dolo badu gedu widilaibao, te dageba tama tilama, tama te tigidali gasa Israel dabe hale dwai ilaibao," te po wai.

³ Tama te Jabes dabe augwa polalubo tobolu bidigo te tama po odobaso, tama augwaligo te Nahasbolo te po wai, "Te dagego da te 7 sogo bolo tonaluiąo, te dago te tigidali Israel tų pedaiba te bidi tagala palama, tama augwaliba hanalu, te da tau sagasao waibao. Tama da tau sabo bidi meni ebaso da, teda te da dagego tonalumainu ilaibao," wali.

⁴ Nahasgo te Jabes dabego pode usu da po obaso, tama augwaligo te bidi meba te gasa Israel hani dabeba tagala palai. Te bidi dabe te Sol bidibo madi te Gibeaba sabolama, tama augwaligo te we bidibolo te po pusai. Te Gibeaba dabego odama, tialima, te augwali gela dwagila mu wai. ⁵ Te sogo Sol te gide sę iduai. Tama aga te gi taga soabo sogo, tama te sę ebo bulmakau odasa asobadi, agai te we bidi dabego gela wabo odali. Aga te bidibo pesageba sabolama, tiali te agai augwaliba hanalu wali, "Magi baso dage tigidali gela waliwe?" Tialima, augwaligo te Jabes dabego augwaliba ola tolali po wai.

⁶ Te Solgo te po odali sogo, te Godigo Mobo te bomo elama, agaba pedalubaso, te aga haliga sębę mu geninanio. ⁷ Tama tibaso, agai te bulmakau si selama, tama elama, tama te kibu sigo mi te todogo pai. Tama agai te kibu mi te bidi mebablo menama, tama augwaliba weyu, te mi te Israel tų pedai tigidaliba sela pelama, tama te we bidiba ola mao wali. Tama Solgo augwaliba weyu, te po pusao, wai, "Niwai bidigo te Sol de Samuel sigo te Amon dabe dali hwjbo tau sisąbo bidi da, teda

Solgo te bidigo bulmakau dabe ela munama, tama te kibu mi tologali tiwai gilama yaibao," te po wali.

Te we bidi dabego te po odama, tialima, te Genuai Bidigo augwali wi ilama, tama tigidali hogodama asali. Tama bidi me deli te bulude me bidibeo. ⁸Tama Solgo te tigidali bidi te Besek buluba sisinagasao olama, tama agai suali, te Juda dabe umabo bidi te 30,000 bidi, te gasa Israel dabe te 300,000 te buluba sisinai. ⁹Tama te ami bidi dabego te Jabes dabebolo weyu, te po wai, "Duga bage bidi dabebolo te tama po wagi pao, te do giliga te pedelai digi, te dago dage tau sagasu aselama, tama te boi bidi dabe ela gudulama, sela saɣwaibao," wali. Tialima, te Jabes dabe pelama, te augwa bage bidi dabebolo te po magi pali. Tama augwaligo te po odama, tama augwa wiegi yai homu pemene mu yai. ¹⁰Tama te Jabes dabego augwa te po te boi bidi tobolu bidi Nahasbolo wali, "Do te da Jabes bage nageba asaibao, te nage dologode bidimainu, tama nago mena seɣ dabolo yainu da, teda nago te seɣ yagameo," wali.

¹¹Te kigamu digi mu, te be posisaɣbadi, teda Solgo te aga ami bidi dabe dagalama, hani sela wasilali, tama be posa pabode augwali te udada pelama, te Amon dabe dali hwigi pali. Tama augwaligo te augwali elala pidubadi, tama te belo nai tuboba usu nigi pai. Tama te Amon dabe deli deli te tigi dolisiɣwani bage, augwali te wi tedela pai.

¹²Nosali te Israel dabego Samuelbolo te tiwai po wai, "Te mena abagi dabego te po weyu, te Sol dago king bidi bidigio waliwe? Nago dabolo olama, tama dago te augwali ela muaibao," wai. ¹³Tiali goli, Solgo augwaligo po wabo odama, tama agai te po wali, "Menio. Dago abagi deli me ela mugobeo, te sogode naga Genuai Bidigo da Israel dabe te boi bidi dabego nogode ma dobola sai dao," wali.

¹⁴Solgo po ola silibo si, tialima Samuelgo te we bidi dabebolo te po wai, "Da te taun Gilgalba pelama, tama po hanilama weyu, te Sol dena king bidi bidibao po waibao," wali. ¹⁵Tama teyu, tigidali te Gilgal hanu taunba pelama, tama te Genuai Bidigo gedude augwaligo te tiwai po wai, "Sol aga te dago king dao." Tama augwa te God dali deli haliga yabo ofa yali. Tama Sol dali, te tigidali Israel dabe daligo te yali seɣde wiegi yai homu pemene mu yai dao.

Samuelgo Israel dabebolo pusali po

12 Nosali Samuelgo Israel dabebolo te tiwai po wai, "Dagego odiɣo. Eno te dagego enabolo hanalu wali seɣ tigidali yali, tama eno dageba te dage tonaluabo king bidi me deli mawai. ²Tama agai ena bidali pesage hasegelama, tama dageba te wiegi yai sunumi ola mawaibao. Tiali goli, ena monu dabe elama, tama ena tobolu nisi te ili nisi yali, tama eno wai dabe te genuai, dage tiwai yalio. Ena te dagego polalubo bidi bidali, te ena gesi ogwa bidide bidada asali, te megie e sogoba usu nagasobao. ³Dagego eno kole-saga bugagia koneani. Tiali goli, eno dwai seɣ me deli dageba yaibaso da, teda dagego megie ena te Genuai

Bidigo gedude, me te agai sa muani king bidi gedude, te ena po tu iliɣo. Te eno bidi me deligo bulmakau me donki te sai dawew? Ma, eno te bidi me deli tibo po ola mayu, tama agai doado bage me wi sai dawew? Ma, eno bidi me delide dwai seɣ ilaliwe? Te bidi me deligo enabolo te po tu ebo te homu bega sabo po weyu, mone mawai dawew? Eno te tiwai seɣ me deli yaibaso da, teda megie dagego enabolo te po obaso, tama eno te seɣ wei ponoyu, tama dodolaibao," te po wai.

⁴Tialima, te bidi dabego po wei ponoyu, te tiwai po wai, "Mu menio. Nago da ili po ola mayu, te nai me deli anoma eyu, ma dwai seɣ te dabolo me ebeo. Tama te bidi me deli nage homu bega somainu ebo po me wabeo," wali.

⁵Tama tialima, Samuelgo augwaliba te po wai, "Wiegi yai dao. Genuai Bidi dali king bidi agai sa muyu nigilali, te dagego wabo po augwali sigo odali, tama koneani, te dagego eno dwai seɣ yali me gegebeo." Tama augwa te po wali, "Mu tama dao. Genuai Bidigo koneanio," wali.

⁶Tama Samuelgo po wadolama weyu, te tiwai po wai, "Awe, God Genuai Bidigo koneanio. Polobadu Genuai Bidigo naga te Moses de Aron si sa muyu nigilali, tama aga digi te duga waj nɣu dabe te Isip tɔde selama, tama augwali odasa asai dao. ⁷Tialima, dagego olo bugagia munama odalubadi, tama eno dage te Genuai Bidi gedude po tu ilaibao. Eno dagebolo te po obao, te Genuai Bidigo bomai seɣ elama, te dage me ma siyu, te duga waj nɣu dabe me ma sai dao. ⁸Tama tiwai dao. Te waj monu Jekop te aga we wai dabe dali te Isip tɔba pelama bidigi pali sogo, te Isip bulu bidi dabego te duga waj nɣu dabeba dwai seɣ mu yali. Tama tibaso, te augwali tau somainu Genuai Bidiba gela wali, tama agai te Moses dali Aron si augwaliba tagala palali. Tama augwali sigo te waj nɣu dabe te Isip tɔde selama, tama augwali odasa aselama, te tɔ pedaiba bidagasomainu yai dao," wali. ^{††}

⁹"Tiali goli, te we bidi augwaligo te dago Genuai Bidi te homugo gegeda palali. Tama tibaso, agai te Moap hani king bidi asomainu ilama, tama augwaliba te boi hwjagaselama, tama augwali aiyaba elalualali. Tama gasa sogo me agai te Sisera, te Hasor genuai taun ami bidi dabego polalubo kepten bidi asomainu ilali. Tama me sogo te Filistia dabe asali. ^{†10}Tama tiyu, te nɣu waj dabego te Genuai Bidiba gedu haluasa po wabo bomonama weyu, te augwali tau somainu yali. Augwaligo agabolo te tiwai po wali, 'Genuai Bidio, dago nage tudiba munama, tama dago te tibo god Balba me te Astarte dabeba lotu po weyu yali. Tama tiyu, dago seɣe salio. Megie dago nageba hanalu obao, te nago da te boi bidi dabego nogode ma dobola sobaso da, te dago nageba lotu weyu, tama nage deli naga wali asaibao,' augwaligo te po wali. ^{††11}Tialima, Genuai Bidigo te augwaligo gedu haluasa po wabo odama, tama agai te Gideon, me Barak, me Jepta, me ena Samuel te augwali tau somainu tagala palali. Da tigi-

† 12:6 Sai 6:26 †† 12:8 Sai 2:23 ‡ 12:9 Tob 3:12; 4:2; 13:1
†† 12:10 Tob 10:10-15

dali deli deli dago te ma dobola selama, tama dage Israel dabe bugagia bidibao," wali. †

¹² "Tama te tigidali sogo God, dena Genuai Bidi naga, te dena king bidi bidai. Tiali goli, nosali dagego suali, te Nahas, te Amon dabego kingo, te dage dali boi hwjagasainu yali. Tama tibaso, te God dagego king bidi bidibo te dagego homugo hagela yali. Tama dagego enabolo po wagasu, te tiwai po wali, 'Tagalao. Dago homugo te nago king bidi me deli nigilao,' wai. †¹³ Tialima, te e dao duga sa muani king bidi. Dagego te Genuai Bidiba te naide hanalu wali, tama Genuai Bidigo aga te dageba mani dao. ¹⁴ Tama dage dali, te duga king me, te dena Genuai Bidi God dologode bidao, tama dagego agaba lotu weyu, tama po odoyu, tama agai bomai po wali peyu, tama aga wali sesemane sogo pobaso da, teda te Godigo dage te bugagia mu bidabo pesage mawaibao. ¹⁵ Tiali goli, te dagego Genuai Bidigo po odobo hagela ebo homu elama, tama dagego hagoma eyu, tama agai bomai po bolobaso da, teda te Genuai Bidigo tigi dene ilabo sę dageba yaibao, te agai duga waji nqy dabeba yali sę tiwai dageba yaibao," wali.

¹⁶ "Tialima, odiqo. Te dagego dwasianu tonalubo gana elama, tama dagego te genuai sę me deli te Genuai Bidigo digi te sę ebo suagameo. ¹⁷ Duga koneani, megi sogo te wit ininama tau yai togobo sogo elalubao, tama te tulubage ebo sogo me elalubeo. Tiali goli, megi eno gedu haluasa po obaso, te Genuai Bidigo dagalude te pordu te be kulukulu omainu ilama, tama tulubage tagala palaibao. Tama dagego te sę ebo sulama, tama dagego koneaibao, te dagego Genuai Bidiba hanalu, te dage king bidi me deli mao po wali sogo, te dage genuai sęęę salio," Samuelgo te we bidi dabebolo te po wai.

¹⁸ Tialima, Samuelgo gedu haluasa po wali, te sogo bubugade naga Genuai Bidigo te dagalude pę kulukulu omainu ilama, tama tulubage tulali. Te bidi dabego sulama, tama augwali te Genuai Bidiba me Samuel dali me te wi dwai mu yalio. ¹⁹ Tama teyu, te we bidi dabego te tiwai po Samuelbolo wali, "Genuai bidio, dago homugo te nago gedu haluasa po te Godiba omainu homu ebaso, te dago Genuai Bidibolo, tama agaba hanalu, te dabolo olo mu tau sabo wiegi yai homu kolesaga emainao, teda da isimainu me egobeo. Dago te dwai sę hauwa yali, tama megi dago koneani, dago te gasa sę me ma eyu, te dago nageba hanalu, te king me deli sa muyu nigilao po wali sogo, te sęęę me dago salio," augwaligo te po wai.

²⁰ Tiali goli, Samuelgo te tiwai po wei ponani, "Dage munu me wi elamuo. Mu tama, dagego te dwai kolesaga yali, tiali goli dagego te Genuai Bidi tudiba mu-mainu me igimio. Menio. Dagego aga wali mu peyu, tama dagego agai sę ebo bomonama yao. ²¹ Tama dagego te tibo god dabe wali me pelamuo. Augwali te olo nai naga elalu, tama augwaligo dage tau selama, te dage ma dobola sabo usu me egobeo. ²² Te Genuai Bidigo homugo naga te agai dage sa munama, te aga

hani bage pedelali. Tama teyu, agai te aga genuai nogi me te aga daw walali poba homu kone palama, tama agai dage tudiba me mugobeo. ²³ Tiali goli, eno digi te eno gedu haluasa po sesemane sogo weyu, te dage tau sabo elalueibao. Ma, eno gedu haluasa po wabo tagaligi sogo da, eno dwai sę Genuai Bidiba igi dao. Te eno munu me egobeo. Tama eno dage te wiegi yai doloba pai kolesaga wali pomainu ola mawaibao. ²⁴ Te Godigo dage tau siyu, te genuai sę dabe dageba yali te homu kone palama, tama dage aga dologode sesemane sogo bidiqo. Tama dagego aga wali mu peyu, tama dagego agai sę bomonama yao. ²⁵ Tiali goli, dagego te dwai sę me idubadi gebaso da, teda Genuai Bidigo dage te duga king bidi dali dolaibao," Samuelgo te po wai.

Israel dabego te Filistia dabe dali boi hwjani

13 Te Solgo kibu be 40 elalubadi, te aga king bidi pedelali, tama aga king nigilama bidibadi, te 22 kibu be bidai dao. ² Te Sol king bidi pedelama bidali sogo, te Israel dabe deli madi sisinaluali, tama Solgo te Israel bidi dabe te bidi sese umabo, te 3,000 bidi, te ami bidi nigilama, tama gasa bidi dabe te augwa buluba ma tagala palali. Agai te ami bidi dabede te bidi sese umabo, te 2,000 ami bidi te agai selama, tama augwali aga dali te bulu Mikmas te Betel bagego bulu dude bidaluai. Tama agai te 1,000 ami bidi te Jonatan dali tagala palali, te aga ogwa, tama augwali pelama, te Gibeat q te Benjamingo hanigo q tomoba bidigi pali. ³ Tialima, Jonatan aga ami bidi dabe dali augwaligo te Filistia ami bidi dabe dali te Geba bulude hwjnama, tama augwali aiyaba elaluali. Tama te gasa Filistia dabego te tiali po odama, tama augwaligo te Israel dabe dali wado po wali. Tama tialima, Solgo te bidi meba te Israel q pedai tigidaliba tagala palama, tama augwaligo te biugelgo te Sol tau sagasu hwjabo bidi dabe i ola bilali. ⁴ Te bidi dabego te tiwai po augwalibolo wali, Solgo te Filistia hani ami bidi dabe aiyaba elalubaso, tama megi da, te tigidali Filistia dabego te Israel dabe dali boi bidi ebaso. Tialima, te bidi dabego te po odama, tama augwali Sol dali te Gilgal buluba sisinagasai.

⁵ Tama te sogo te Filistia dabe hauwa sisinagaselama, te Israel dabe dali hwjainu yali. Augwaligo boi hwjabo karis te bidi sese umabo mu, te 3,000 elaluali, tama te ami bidi 6,000 te hosde duayabo elaluai, tama qdu pabo ami bidi umabo mu, te nambisde masigi sane kemi tiwai elaluai. Te ami bidi dabe te Mikmas, te giliga pedalubo pedai badu, te Betaven te badu pelama, teda te augwa bidabo pesage nigilama bidai.

⁶ Tialima, te Filistia dabe dali te Israel dabe dali boi hwjani. Tiali goli, te Filistia dabego hwjbo te bomu ebaso, tama te Israel dabego koneani, te augwaligo bomogo te boi bidi dabe aiyaba elaluabo homu ebeo. Tama tibaso, te Israel dabe meba te q dedageba geme duala sigi peyu, te genuai bulu duba duala sigi peyu yali, tama meba te genuai masigi ola be tomoba duala sigi peyu, tama meba te wę ulu pedalubo q

† 12:11 Tob 4:6; 7:1; 11:29; 1 Sml 3:20 †† 12:12 1 Sml 8:19

dedage tomoba pelama, duala sigi pali. ⁷⁻⁸ Tama meba te we Jordan nogelama, te Gat hanigo tɔba, me te Gileat tɔba peyu yali. Te Israel dabe hwjgi peyu pabode, te Sol augwali dali me pisiɔwai, magi baso meni, te Samuelgo po agabolo waliyu, aga te Gilgalde tonaluao obaso, te aga tonalubadi, te Sadede deli tama usu nama bidai. Tama tiyu, Sol te Gilgalde bididuai. Tama aga dali tede bidali ami bidi dabe, augwaligo odali, te Filistia dabego te Israel dabe aiyaba elaluali po wai, tama augwali wi dwai mu yali. Tama te Sadede deli tonalu, Sol tede bidali, tiali goli Samuel me asobeo, tama te bidi dabego te Sol taga pabo gagalama, tedela pela wali. ¹⁹ Tama tialima, Solgo augwaliba te po wai, "Te siago tigidali domainu ulubo ofa, me te deli haliga ilibo ofa yabo nai dabe selama, te enaba sesao," wai. Tialima, augwaligo sela asobaso, tama agai selama, tama te siago tigidali domainu ebo ofa yalio. ¹⁰ Te ofa dabe ebo se tigidali silali madi, teda Samuel sabolali. Tama Sol te lotu bedu buluba teda sobadi, tama aga dali deliba gesabi elama, tama agaba siade da po wai.

¹¹ Tiali goli, Samuelgo Solbolo te tiwai po wai, "Nago magi se yaliwe?"

Tama Solgo te po wai, "Eno suali, te we bidi dabego ena tagalama, tama tedela pobaso, tama eno nage tonaluali te po wali gilama tama nage sabalubeo. Tama eno subadi, te Filistia dabego bidabo pesage te Mikmas buluba nigagasobo sualio. ¹² Tama eno te tiwai homu yai, te Filistia dabego da dali te Gilgalba hwjagasobo homu yali, tama eno te Genuai Bidigo ena dali wiegi yai deli haliga yabo nai me deli masiɔbo homu yai. Tama teyu, eno te ofa yabo homu yai dao." Solgo te po wali.

¹³ Tialima, Samuelgo agabolo te po wai, "Nago kole-saga mu geda muanio. Nago te dena Genuai Bidi Godigo te nagebolo mani po, te nago wali me pabeo. Te nago agai po wali pigi sogo da, teda agai nage me, naga hani daligo me, te Israel bage sesemane sogo tonalumainu iligi dao. ¹⁴ Tiali goli, megi da, nage te king bidibo te sesabi elama, bobage sogo me bidigobeo. Nago te Genuai Bidigo po wali me pabe, tama tibasoo, agai te bidi wiegi yai me deli te Genuai Bidi homude godolo ebo kolesaga ebo bidi gegelama, tama agai te bidi te aga we bidigo king bidi nigilama bidimainu yaibao," wali. ^{††}

¹⁵ Samuelgo te po ola silama, tama agai te bulu Gilgal tagalama, tama gasaba palio.

Tama Solgo me te Gilgal bulu tagalama, tama te Gibeaba pelama, te aga ami bidi dabe dali deliba sisonama bidai. Tama te Gilgalde bidali tigidali we bidigo aga wali pali. Gibeaba bulu te Benjamingo tɔde elaluai. Augwali sabolama, tialima Solgo te aga dali bidalubo ami bidi dabe nedali, tama te 600 ami bidi naga elaluali. ¹⁶ Tialima, Sol dali, Jonatan dali, te augwa si ami bidi me pelama, te Geba tɔ te Benjamingo tɔ badu bidigi pali. Tama te Filistia dabe augwa bidibo madi te Mikmasde bidaluai. ¹⁷ Tama te Filistia dabego ami bidi te

hani sela peda selama, tama te Israel dabe dali hwjgi pali. Hani me deli te taun Ofra te Sual tɔ pedai tomoba pali, te not pedai badu pali, ¹⁸ tama gasa hani meba te giliga dega sabo badu te Bethoron teba pali, tama gasa hani me te giliga pedalubo badu te tɔ wa pai bulu du pa badu pali, tama te bulu odogo yai badu te augwa nogi eyu, te uni yowi dabego odogo bulu da wai.

¹⁹ Te sogo te Israel tɔ pedai bidi me deligo te nai dabe te aingo me nigisiɔwai, magi baso meni, te Filistia dabego homugo tiali, tiyu te Hibru dabego te bainat me sesemone nigidali homu yai. Tama tibaso, augwaligo te Israel dabebolo te nai dabe nigilamu po olama, habu selali. ²⁰ Te tama pagede naga, te tigidali Israel dabe te Filistia dabeba pelama, te Filistia dabego te baida me, gasa tobage te tɔ pedebo ain me, te sigi hwɔ dabe, me te sarip dabe dulainogo abelai dao.

²¹ Tama te tɔ pedebo ain dulubo mone, te mone ge me deli, me te sigi hwɔ dulubo mone, me te bulmakau polo se emainu selibo dwasianu ain sesemone dodolobo se ebo, tede mone te dwasianu mone ge me deli dao.

²² Tama te hwjbo sogo, Sol de Jonatan sigo naga te sesemone me bainat hwɔ elaluali, tama te Israel ami bidi dabego te nai me elalubeo, menio.

Jonatango te Filistia dabe meba aiyaba elaluali

²³ Te sogo te Filistia dabego te ami hani meba tagala palama, te Mikmas paɔde elalubo sunumi bobegela sigi pomainu yali, te bulu du si sau pado tomodu pabo sunumiba no bidigi pomainu, tagala palai dao.

14 Me sogo side nosali, Jonatango te aga gesi ogwa bidi ami bidi te hwjbo sesemone tolasa bilibo bidibolo te po wai, "Da si te Filistia dabe bidibo pesage, te pedai badu pinao," wali. Tiali goli, Jonatango te aga aya Solbolo weyu, te aga paiba po me wabeo. ² Te sogo Solgo ugwa be te ni pomigranet dologode se yani, te Mikron bulu, te Gibeaba tɔ paɔde, tama te ami bidi dabe te 600 te aga dali te Mikronde bidai. ³ Pris Ahiya te prisgo bebo ugwa gudama, te augwali dali bidai. Ahiya te Ahitupgo ogwa. Tama Ahitup te Ikabotgo ama, te Finiasgo ogwa si. Tama Finias te Eligo ogwa dao, te Genuai Bidigo pris polobadu te pris bidi te Silo bulude bidai. Tialima, Jonatan pai, tiali goli, te Solgo ami bidi dabego te Jonatan pali konebeo.

⁴ Jonatan dali, te aga hwjbo nai tolasa bilibo bidi dali, augwali si te Filistia dabego bidalubo pesageba pabo sunumi wali pali, tama augwali si te bulu du sau pado te tomodu pabo sunumi teba pedelali. Te pedai badu te moni masigi dolalubo pesage elaluali, me me badu elalu, me me badu elalu yali. Me masigi elalubo pesage nogi augwaligo te Boses nogi yali, tama gasa me masigi elalubo pesage augwaligo te Sene nogi yai. ⁵ Te masigi elalubo pesage me deli te not pedai badu te Mikmas sunumi elalubo badu, tama gasa masigi me te Geba tɔ pedai badu elaluali. ⁶ Tialima, Jonatan te masigi elalubo pesageba sabolama, tama aga te aga dali hodobo asali bidibolo te tiwai po wali, "Ae, da u badu pedai badu pelama, tama da te Genuai Bidigo po

† 13:7-8 1 Sml 10:8 †† 13:14 Tpi 13:22

odisiq̄bo bage, te Filistia dabe bidalubo pesageba paibao. Te Genuai Bidigo da tau siyu, te dago augwali aiyaba elaluabo homu ebao. Te Genuai Bidigo te hwj̄abo bidi hauwa selama, te boi bidi dabe augwali aiyaba elalumainu me egobeo. Menio. Te dwasianu hani naga te usu dao," wali.

⁷ Tama aga hwj̄bo nai tolasa bilibo bidigo te po wai, "Te usu dao. Nago mena s̄q̄ yainogo ebaso da, teda eno deli haliga nage dali yaibao," wai. ⁸ Tama Jonatango agabolo te po wali, "Wiegi yai mu dao. Megi da, da si te uba pedai badu pelama, tama te Filistia dabego da sumainu yaibao. ⁹ Tama augwaligo dabolo weyu, te augwali daba asainu tonalua po obaso da, teda da tedede tonalu dolalueibao. Te da augwali pageba me pogobeo. ¹⁰ Tiali goli, te augwaligo po weyu, 'Dage si asao,' po obaso da, teda da augwali pageba paibao, magi baso meni, te tiwai ebaso, te dago koneabo s̄q̄ ebao, te Genuai Bidigo da tau sobaso, te dago augwali aiyaba elalueibao," wali.

¹¹ Tialima, augwali si pelama, te pepeli diliba doligi pelama, tama te Filistia dabego augwali si suali. Tama te Filistia dabego te po wai, "Suao! Te Hibru bidi meba te augwa geme dualaluali dedagedu teda asai dao."

¹² Tama te Filistia ami bidi dabego te Jonatan dali aga hwj̄bo nai tolasa bilibo bidi dali augwali siba te tiwai i wali, "Ae! Dage si edaba holao," wali. "Dago magi nai me deli dage siba ola mawaibao," wali.

Jonatango te po odama, tama agai te aga hwj̄bo nai tolasa bilibo bidibolo wali, "Nage ena wali asu, tama da pinao. Megi dago koneani, te Genuai Bidigo da Israel dabego augwali aiyaba elalumainu yaibao," wali.

¹³ Tialima, Jonatan te bulu pado dwai madi nogo de s̄q̄ḡa sigo gigi holali, tama aga tau sabo bidi me te aga wali holali. Tama augwali si te Filistia dabe bidibo madi sabolali. Tama Jonatango augwali elama, tama augwali te t̄q̄ba tulalubadi, tama aga tau sabo bidigo augwali te bainat hw̄q̄go ela muyu yai dao. ¹⁴ Jonatan te aga tau sabo bidi dali sigo te w̄q̄bi te Filistia dabe dali hwj̄-nama, tama augwali sigo te bidi sese deli bidi ela muai. Te w̄q̄bi hwj̄ani te dwasianu t̄q̄ dage pedaide hwj̄ai dao. ¹⁵ Tama te Filistia ami dabe te bidibo pesagede bidali, tama te bulude biliyu hwj̄bo ami bidi dabe, tama te tigidali gasa Filistia dabego me te hwj̄ani po sabilibo odama, tama augwali wi dwai mu yali. Tama t̄q̄ mali yai. Tama Godigo te Filistia dabe homu kolesaga dolama, tama augwali wi tedela pai dao.

Te Israel dabego te Filistia dabe aiyaba elaluali

¹⁶ Tama Solgo te Gibeana hanu tonalumainu nigilali ami bidi dabego te Filistia dabe bidibo pesageba tononobadi, tama suali, augwali udayu, te iba soyu, eda asu eyu, te esela pabo bidi dabe tiwai bilalubo suai. ¹⁷ Tialima, augwali pelama, Solba wagi pali, tama Solgo homugo te agai ami bidi meba pelama, te Filistia dabe dali hwj̄gi pali da homu yai. Tama tiyu, Solgo aga ami bidi dabega te tama po wali, "Te ami dabe nedama, tama niwai bidi dabe te bidisiq̄baso da, te dago koneaibao," wali. Tialima, augwa te tiwai elama,

tama Jonatan dali te aga hwj̄bo sesemone sabilibo bidi dali, te augwali si bidisiq̄wai.

¹⁸ Te sogo te Godigo Daq̄ Wali Bomai Po Munalubo Halobage te Gibeade munaluai. Tama tiyu, Solgo te pris Ahiyabolo olama, te halobage sesao po olama, te augwa Genuai Bidigo homu kolesaga hanalu wainu yai. ¹⁹ Solgo te prisde po midubadi, tama te Filistia dabego i wabo s̄q̄ mu idubadi genama, tama udayu, te augwa bidibo pesage tomoba pelama, te augwali esela pabo bidi dabe tiwai mu yali. Tialima, Solgo augwaligo te tebo odama, tama agai te prisbolo walali, "Te halobage tagalao. Da hwj̄gi pobao," wai. ²⁰ Tama Sol aga ami dabe dali i hae olama, tama udulama, te Filistia dabe dali hwj̄gi pali. Tama augwaligo te Filistia dabe te esela mu pabo tiwai sulama, tama augwa abagi hasi hwj̄yu yali. ²¹ Tama te Hibru bage meba te Filistia dabego ami dabe bidibo pesage tomode bidali. Tama megid da, augwaligo te Filistia dabe tagalu, tama Sol de Jonatan si dali deliba muna sigi pelama, tama augwa abagi dede, te Israel dabe, te hwj̄bo tau salio. ²² Tama te meba Israel dabe te Efraimgo bage bulu dude geme dulaluali bage, augwaligo te tiwai po odali, te Filistia dabe wi palio wai. Tama augwali aselama, te Sol de Jonatan si tau selama, te Filistia dabe pobeasa pali. ²³ Tama augwaligo te Filistia dabe pobelama, tama hwj̄ hwj̄ pedubadi, te Betaven edelama, tama mu hwj̄ hwj̄ palio. Tama tiyu, te sogode Genuai Bidigo te Israel dabe tau selama, tama augwali aiyaba elaluali.

Te hwj̄ani sogode pedelali nai dabe

²⁴ Te hwj̄ani sogode Solgo bomai po te Israel dabega wali. Agai te tiwai po wai, "Megi naga eno te boi bidi dabega te dwai s̄q̄ yali wei ponama, tama augwaliba dene mu mawainu ebao. Tama tiyu, dage tigidali bidi te nai me deli tusiq̄ma, te giliga dega sigiluboba usu nao. Te bidi mego nai tuali da, teda eno homugo te Godigo aga dolomainu yaibao," wali. Tama tibaso, te bidi mego nai me tusiq̄ma, tama te Israel dabe tigidali te nasi dwai mu elama, tama bomo mu meni yani.

²⁵ Tama augwali te busi me deliba sabolama, tama suali, te kiabi bunu hauwa te t̄q̄de elalubo suali. ²⁶ Augwaligo te kiabi bunu suali, tiali goli bidigo me tusiq̄wai, augwali te Solgo bomai po walide te wi ebaso tiali.

²⁷ Tiali goli, Jonatango aga ayago te ami bidi dabe dali wali po te agai odisiq̄wai. Tama agai te tolasa bilibo dono sesegede te kiabi bunu meba elalubo selama, tama agai tuali. Agai tula silibo si, tama polo aga bomoma sai. ²⁸ Tama bidi me deligo Jonatanbolo te po wai, "Da tigidali nasi eyu, bomo meni ebo, magi baso meni, te nago ayago da te nai tugio olama, habu seliyu, tama dabolo po bomonama te tiwai po wai, te bidi me deligo e boi hwj̄bo sogo bubugade te nai me tubaso da, teda Godigo aga dolaibao po wai dao," wali.

²⁹ Tialima, Jonatango agabolo te po wai, "Eno ayago te wali pogo te da tigidali dolalio. Dagego ena suao. Eno te dwasianu hanamu naga tuali goli, te ena bomoma salio. ³⁰ Te dago te boi bidi dabede sali nai te dago tubaso da, teda dago bomoma sabo usu yaibao. Dago te

Filistia dabe hauwa elali, tiali goli dago te tiwai bomo sigi sogo da, teda dago te Filistia dabe umabo mu ele-gi dao," wali.

³¹ Te sogode te Israel dabego te Filistia dabe dali hwjani, te Mikmas bulude gagalama, tama pelama, te taun Aijalonba usu nigipali. Tama tiyu, te Israel dabe nasi mu dwai eyu, tama bomo meni yai. ³² Giliga degasa dulai madi, teda augwali udulama, te sipsip me bulmakau dabe te boi bidi dabego nai dabe sali, te nai dabe sigi pali. Tama augwaligo ulama, tama te mi kaneme elalubadi tuali. ³³ Tialima, bidi meba pelama, Solbolo wagi pali, "Odao. Te ami bidi dabego te kibu mi kaneme elalubadi tubo se yai! Augwaligo te Genuai Bidiba sege sabo se yalio," te po wai. †

Solgo te po odama, teda agai te tiwai i wai, "Tegobao, augwaligo te God tudiba muani dao." Tama agabolo te po sesali bidi dabebolo te tiwai po wai, "Dagego te genuai masigi me deli sigi pelama, tama hogogob-ele aselama, ena pageba sabolao. ³⁴ Tama nosali dage te ami bidi dabe tomoba tedela pelama, tama augwalibolo te bulmakau me sipsip dabe sesao po wagi pagameo. Tama augwaligo te masigi ugwadu daide ela munama, tama ulama tede tuagameo. Tiyu, augwaligo te kibu mi kaneme elalubadi tulama, te Genuai Bidigo gedude dwai se idalio," wali. Tama tialima, te sogo hulide digi te ami bidi dabego bulmakau sela asobaso, tama te pesagede elali. ³⁵ Tama Solgo te masigi te Genuai Bidigo alta tiwai ilama daj ilali, te hasia sogo naga agai te alta nigibo se yai.

³⁶ Nosali, Solgo aga bidi dabebolo te tiwai po wali, "Ae, da aiyaba dulama, tama te Filistia dabe hulide pobeasa pelama, tama augwali dali wabi hwjdubadi, te giliga pedalumainu yaibao. Tama dago te bidi dabe tigidali elama, tama augwaligo doado bage saibao," wali. Tama augwa te po wai, "Te usu dao, dago tama tiwai yaibao." Tiali goli, prisgo te po wai, "Te Godiba dago hanalu bolo ebo dao," wai. ³⁷ Tialima, Solgo te tiwai po Godiba hanalu wali, "Te dago te Filistia dabeba hwjigi pogowe, ma meni egowe? Tama te usu yali da, teda nago da tau sobaso, te augwali aiyaba elalugowe?" Tiali goli, megi te sogo Godigo agai po wei me ponobeo. ³⁸ Tama Solgo te Israel dabe tobolu bidibolo te po wai, "Dage asiyo," wali. "Te e megi bubugade dego te dwai sege yali te gegelama hanilaibao, tama tialigo te Genuai Bidigo dabolo te po wei ponobeo. ³⁹ Genuai Bidi te sesemane sogo bidada pidu, tama da Israel dabe tau sabo, tama aga nogide eno te tiwai bomai po daw wali, te dwai se yali bidi aga isimainao, te mena bidi yaibaso me te tagalao, te isimainu yaibao. Tama te dwai se Jonatango me yaibaso da, te eno wai tama digi tagalao, aga te isimainu yaibao." Solgo te po wai. Tiali goli, te niwai bidi me deligo te po wei me ponobeo, mu menio.

⁴⁰ Tialima, Solgo te tama po te tigidali Israel dabebolo wali, "Dage tigidali u badu pedai badu dolaluiyo, tama Jonatan da si te e pedai badu dolalueibao." Tama

augwaligo te po wali, "Te usu da, dago te tama tiaibao," wai. ⁴¹ Tialima, Solgo Godiba hanalu wali, te Israel dabego Genuai Bidiba hanalu, te tiwai wali, "Genuai Bidio, magi baso nago eno po wei ponobewe? God, te Israel dabe dago Genuai Bidi, te eno ma te eno ogwa Jonatango te dwai se yaibaso da, teda nago te prisgo te polalubo masigi somainu daj ilao. Tiali goli, te gasa Israel we bidigo te dwai se yaibaso da, teda nago te prisgo te namba 2 masigi somainu ilao," wali. Tialima, Godigo odama, tama prisgo te Jonatan dali Sol si naga daj ilibo masigi sali, tama te olo we bidi dabe menio. ††⁴² Tama megi da, Solgo tama po wali, "Te dego dwai se yaliwe naga gegebo se ebo tobage kole-saga eyu, ena ma Jonatan da si yaliwe, te sueibao." Tialima, augwaligo tama tiali, tama te masigigo te Jonatan daj ilali. ⁴³ Tama tialima, Solgo Jonatanba hanalu wali, "Nago magi se yaliwe?"

Tama Jonatango te po wai, "Eno te tolasa bilibo donode te dwasianu kiabi bunu ge naga te sela tuali. Tiali goli, tagalao, ena isimainu yaibao," wali.

⁴⁴ Tialima, Solgo agabolo te po wai, "Awe, nage isimainao. Dago te nage elisabaso da, teda eno dwai se te Genuai Bidi gedude elalubaso, tama Godigo ena ela muaibao," wali.

⁴⁵ Tiali goli, te we bidi dabego te po Solbolo wai, "Odiyo. Jonatango da Israel dabe tau selama, tama agai te genuai wabi hwjagasali bage te augwali aiyaba elaluai. Te aga elimainu obawe? Mu menio! Dago te sesemane sogo bidada pabo Genuai Bidigo nogide mu po obao, nago dwai se me deli agaba munu me elamu. Magi baso meni, Godigo e sogo side aga tau selama, tama agai te se yai," wali. Tama tibaso, te we bidigo te Jonatan ma dobola sali, tama Solgo aga me ela mubeo. ⁴⁶ Tialima, te sogo nosali, Solgo te Filistia dabe ma pobeasa me pabeo. Tama te Filistia dabe te augwa to pedaiba ma geasa pai.

King Sol aga we wai sibi dali

⁴⁷ Te Sol Israel dabego king mu pedelali sogo, aga dali, te aga ami bidi dabe dali, te Israel dabego boi bidi te tigidali to pedaide bidalubo bage dali hwjani. Augwaligo te Moap dabe me, Amon dabe me, Idom dabe dali, me te Filistia dali, me te Soba king dabe dali hwjani. Tama te hwjani te augwaligo te boi bidi dabe tigidali aiyaba elaluama, tama te boi bidi dabeba dene mayu yai dao. ⁴⁸ Tama Solgo te ami bidi dabe haliga hodolama, hwjmainu elama, tama augwaligo hwjibo bomu mu elama, tama te Amalek dabe me aiyaba elaluali. Tama tibaso, te boi bidi dabe te Israel dabe dali hwjagasu munu me asobeo.

⁴⁹ Te Solgo ogwa dabe te e tiwai, Jonatan, me Isvi, me Malkisua. Tama agai wegisi nogi te e tiwai, gomunai wegisi te Merap, te tomo wegisi Mikal. ⁵⁰ Te Solgo we nogi te Ahinoam, te Ahimasgo wegisi da. Tama Solgo ami polalubo tobolu bidi te Apner, te Nergo ogwa, tama Ner te Solgo aya sabi bidi dao. ⁵¹ Te Sol aga aya Kis, tama Kis me Ner, augwali si te Abielgo ogwa si dao.

† 14:33 Gag 9:4; Prs 7:26-27; 17:10-14; 19:26; Bom 12:16, 23; 15:23

†† 14:41 Nam 27:21; 1 Sml 28:6

⁵² Te Sol king bidali sogo, agai ami bidi dabego te Filistia dabe dali hwjbo bomo mu yali. Tama agai te hwj-bode wi isiawai bomai bidi dabe te olo bidibo subo si da, teda agai augwali selama, tama augwali te aga ami bidi dabe pedalumainu sai dao.

Solgo Godigo po sela sawani

15 Me sogo deli Samuelgo Solbolo te tiwai po wai, "Te eno nage te Israel dabego king tiwai nigilama sa muani sogo, te Genuai Bidigo we bidi, te Genuai Bidigo digi enabolo te tama tia olama, tagala palali. Tama tialima, megì nago odao, ^{†2} te Tigidali Bomo Elalubo Genuai Bidigo po. Genuai Bidigo te Amalek dabeba dwai dene mawaibao po wali, magi baso meni, te dago waj nõq dabe te Isip tõ tagalama asali sogo, te Amalek dabego dwai sę augwaliba yai dao. ^{††3} Tama tiyu, nage te naga ami dabe dali pelama, tama te Amalek dabe dali hwjgi pelama, tama augwaligo doado bage tigidali dolama, tama tigidali bidi me, we me, ogwa me, wegì me, wai puluba me elibadi, tama tigidali bulmakau me, sipsip me, kamel me, donki me, te ela silao wali. Nago te deli munu me tagalamu dao," Samuelgo Solbolo te po wai.

⁴ Solgo te po odali, tialima agai te ami bidi dabe i olama, te Telaim hanuba sisinani. Tama te Juda hani bidi 10,000 elaluali, tama te gasa Israel hani sibi dabego te 200,000 bidi elaluai. ⁵ Nosali Solgo te aga ami dabe selama, te Amalek dabego taun paba pelama, tama augwali te polobadu wę soai digi tama megì te wę sula sai madi, te pesage me delide te geme duala selama bidaluai. ⁶ Te Amalek dabe pade bidali Ken hani bageba te Solgo te tiwai po ola tolali, "Dagego te Amalek dabe taga peyu, te duga gasa pedai badu bidigi pao," wai. "Tiyu, dago dage te Amalek dabe dali elabuo. Eno te duga waj nõq dabego te wiegi yai kolesaga te da Israel dabeba eyu, te dago waj nõq dabe te Isip tõ taga soyu asali sogo te wiegi yai kolesaga yali, te homu kone palama obao, tama tiyu, eno dage me eligobeo," Solgo te po ola tolali. Tialima, te Ken dabego odama, tama augwa te Amalek dabe taga peyu palio.

⁷ Tama Solgo hwjbo sę bomu mu ela pelama, tama te Amalek dabe aiyaba elaluali, te Havilago tõde gagalasa pali, tama te tõ wa pai bulu te Sur, te giliga pedalubo pedai badu, te Isip te badu usu nigì palio.

⁸ Tama agai te Agak nogo pageabi yali, te Amalek dabe augwa king bidi da. Tama te Israel dabego te gasa tigidali Amalek dabe ela muani. ⁹ Tiali goli, augwaligo te augwa king bidi Agak te elibeo, tama me augwaligo te wiegi yai nisai sipsip wai dabe me, nisai bulmakau wai dabe me, elisawai, magi baso meni, augwaligo te hagela homu yai dao. Augwaligo te sipsip me bulmakau dabe te dwai yali te gasa tobage kibu sibi dabe naga te ela silali.

Godigo homugo te Sol king munu ma bidigobe homu yalio

¹⁰ Tama Genuai Bidigo Samuelbolo te tiwai po wali, ¹¹ "Odao. Solgo ena tudiba munama, tama eno po sela sawanio. Tama tibaso, eno aga te king pedalumainu ilali tama eno tede homu dene mu ebao," wali.

Samuelgo te po odama, tama aga homu sęę eyu, tama haliga dwai yali. Tama te sogo hulide Samuelgo te Genuai Bidiba hanalu, te olo tau sabo wiegi yai homu kolesaga te Solba emainu yali, tama be posobo side te agai gedu haluasa wali po te silagasu, gedu haluasa po walio.

¹² Te kigamu mu Samuel hogodasa peyu, te Sol gegegi pali. Tiali goli, augwaligo agabolo weyu, Sol aga te taun Karmelba pelama, te aga hwjanide te genuai nogi tede sali te sa muyu, te masigi me deli dodoligi pali po wai. Aga te masigi dodolugulama, teda aga te Gilgalba pai. ¹³ Tialima, Samuel pelama, te Sol sugi poba-di, tama Solgo agabolo te tiwai siade da po wali, "Samuel, te Genuai Bidigo wiegi yai sę bugagia nageba emainao. Eno te Genuai Bidigo po wali pai dao," wali.

¹⁴ Tiali goli, Samuelgo te po agabolo wai, "Mu da, agawe? Tama magi baso eno te bulmakau me sipsip dabe hwa wabo odobawe?"

¹⁵ Tama Solgo tama po wei ponani, "Te eno ami bidi dabego te Amalek dabede salio. Augwaligo te sipsip me bulmakau dabe ela muyu silali, tiali goli augwaligo te wiegi wiegi yai te dago Genuai Bidi Godiba ofa yainu sai dao," wali.

¹⁶ Tialima, Samuelgo agabolo te po wai, "Sagia sao. Pedauwali panialuao. Tama eno nagebolo te Genuai Bidigo megì hulide enabolo wali po waibao," wali.

Tama Solgo te po wai, "Te usu da, nago enabolo wao."

¹⁷ Tialima, Samuelgo Solba te tiwai po wai, "Polobadu naga homugo nage te olo nai tiwai homu yali, tiali goli nage te da Israel hanigo polalubo tobolu bidi pedelali. Genuai Bidigo digi nage sa munama, tama nage te king bidi pedelai dao. ¹⁸ Tama agai nage tagala palobaso, te nago Amalek dabe dali hwjgi pali. Tama agai te po wai, 'Nago hwj hwj pidu genama, tama te tigidali dwai bidi dabe ela silao,' po wai. ¹⁹ Tiali goli, magi baso nago te Genuai Bidigo po wali pabewe? Magi baso dage udada pelama, te Amalek dabego doado bage sigi paliwe? Genuai Bidigo homude dagego te yali dwai kolesaga hagela mu yalio," wali.

²⁰ Tiali goli, Solgo Samuelba te tiwai po wei ponai, "Menio. Eno te Genuai Bidigo po wali palio. Tama ena pelama, te Amalek dabe dali hwjgi pali, te agai enabolo wali po gilama yali. Tama eno te Amalek we bidi tigidali elali. Tama eno te king Agak odasa asai dao. ²¹ Dago koneani, Genuai Bidigo aga da wali te kibu sa mu-na selama, tama agai dabolo weyu ela po wai. Tiali goli, te ami bidi dabego te wiegi wiegi yai kibu dabe naga te e Gilgalba odasa aselama, tama dago Genuai

Bidi Godiba ofa eyu elaiba homu eyu odasa asai dao," po wai.

²² Tiali goli, Samuelgo agabolo te po wali, "Genuai Bidigo dago mena kolesaga ebo godolo ebo dawé? Agai te tobage ofa ebo dabe naga godolo ebo dawé? Ma, te dago agai po wali pomainu homu ebo dawé? Odao. Te agai po wali pabo kolesaga te polasa yaibao. Tama te wiegi yai kibu dabe ofa ebo sę, te nosali badu naga yaibao. Te dago agai po odobo kolesaga te wiegi yai dao, tiali goli te omai sipsip ili siago deyu, tama ofa ilibo, te nosali badu naga yaibao. ²³ Magi baso meni. Te Godigo po sela sębo kolesaga tobage te dwai pobi wabo kolesaga tobage ebao, tama te God dali hagoma ebo kolesaga te tibo god wali pabo kolesaga tiwai ebao. Te tobage kolesaga ebo te dwai kolesaga mu dao. Nago te Genuai Bidigo po tudiba muani, tama tiyu agai nage tudi ola mayu, tama nage king munu me bidigobeo dao," Samuelgo te po wali.

²⁴ Tama Solgo te tiwai po wei ponani, "Awe. Eno dwai sę yalio, tama eno Genuai Bidigo po me, nago po me, sela sęwani. Ena te ena ami bidi dabede wi ebaso, tama eno augwaligo po wali pai dao. ²⁵ Tiali goli, megí eno homugo te nago eno dwai sę sela sęnama tagalu, tama ena dali aselama, tama eno te Genuai Bidiba lotu waibao," wali.

²⁶ Tiali goli, Samuelgo Solba te tiwai po wali, "Ena nage dali me pogobeo, magi baso meni, nago te Genuai Bidigo po tudiba muani, tama tiyu agai nage tudiba muyu, tama nage te king munu ma bidigobeo," wai.

²⁷ Tialima, Samuel te baguasa soyu, painogo yali. Tiali goli, Solgo aga gemainu yali, tama tiyu agai te Samuelgo ugwa sabi badu tola sagasali, tama te ugwa pisila pai. ²⁸ Tama Samuelgo te tebo sulama, tama Solbolo te tiwai po wali, "Te usu da, odao. Megi te Genuai Bidigo te king sę nagede elaluali te sela sęwani, tama nago te Israel dabe munu me tonalugobeo, te nago megí te ugwa pisila sęwani tiwai gilama ebao. Tama agai te gasa Israel bidi me deliba mawaibao. Aga te wiegi yai bidi te nage aiyaba elalui dao. ²⁹ Nago homugo Godigo te e po hasegelaiba te homu me elamu. Mu menio. God, te da Israel dabego wiegi yai ula yai bomo agade elalubao, tama agai tibo po me wago, ma agai homu me hasegeligobeo. Menio. God te da bidi tiwai meni, tama tiyu agai wali po ma hasegeligobeo," wali.

³⁰ Tama Solgo po wei ponoyu, te tama po wali, "Mu da, eno dwai sę yalio. Tiali goli, te nage ena dali asobo homu usu eyu da, te eno dago Genuai Bidi Godiba lotu wagowe? Tama tiyu da, nago te tobolu bidi dabe me te gasa we bidi dabego te augwa homu ena bugagia ma konemainu ilao," te po wai.

³¹ Tialima, Samuel te Sol dali pelama, tama Solgo te Genuai Bidiba lotu po walio.

³² Nosali Samuelgo augwaliba te po wali, "Te Agak odasa asao, te Amalek dabe augwa king bidi." Agak te bugai haliga elasa asu, tama tiwai homu yali, 'Te ena isigobe da,' homu yai.

³³ Tiali goli, Samuelgo te po wai, "Nago bidi hauwa elali, tama megí da, te bidi dabe augwa ida dabego wai meni. Tama tiyu, megí te nago ida me, te ida dabe tiwai gilama pedelaibao," wali. Tama agai po olama, augwaligo te Agak ela munama, tama aga dwasianu dwasianu te Genuai Bidigo gedude te Gilgal alta pęde te dwasianu tologalio.

³⁴ Tama nosali Samuel te Ramaba ma geasa peyu, tama te king Sol aga be te Gibeaba palio. ³⁵ Tama Samuelgo te Sol gesabidi munu me ma susiábadi, te aga isiboba usu nani, tiali goli agai te Solde homu kone palu, te aga haliga sęę mu yalio. Tama Genuai Bidigo Sol te Israel king pedalumainu ilali sęde te aga homu dene mu yai dao.

Samuelgo Devit te king pedalumainu nigilali

16 Nosali Genuai Bidigo Samuelbolo te tiwai po wali, "Nago sesemane sogo te Solde haliga sęę elalui. Nisu sogo nago te haliga sęę elalubo silaibawe? Eno aga sela sęwani, tama eno gedude aga te Israel king munu ma bidibeo. Tialima, eno homugo megí nago te sipsip gęę me deli selama, tama tede te king bidi sa muabo oliv wel tabilao, tama nage pelama, Jesi sugi pao, te Betlehem bidi me deli, magi baso meni, eno te agai ogwa dabede te ogwa me deli te king pedalumainu nigilai dao," wali.

² Tiali goli, Samuelgo Genuai Bidiba te tiwai po wai, "Eno te sę mena tama egowe? Te Solgo eno tama tiali po odobaso da, teda agai ena ela muaibao." Tialima, Genuai Bidigo agabolo te po wali, "Menio. Te bulmakau so kibu me deli te Betlehembra sela pelama, tama te taunde bidibo we bidibolo te tiwai po weyu, 'Ena te Genuai Bidiba ofa yainu asai dao,' po wao.

³ Tama nago Jesibolo hanalu, te ofa eboba asao olama, tama eno nagebolo te mena sę nago te Jesi dali yabo sę po waibao. Tama eno nagebolo te mena bidi nago te welgo te king nigilabo po waibao," wali.

⁴ Tialima, Samuelgo te Genuai Bidigo po odama, tama hogodama, te Betlehembra pai. Aga sabaligi pabode, te taunde bidali tobolu bidi dabego te aga dali deliba gesabidi ununani. Augwali wi elama, dwai nomasiyu, tama agabolo te po wali, "Haniani po page konebo bidi, magi yaliwe? Nage asali, te da wiegi yai bugagia ilagasu asaliwe, ma meniwe?" wali.

⁵ Tama Samuelgo te po wali, "Ena te Genuai Bidiba naga ofa ilagasu asali. Dage te duga digi te God gedude wiegi yai bolo ilama da, tama nosali dage ena dali asama, te ofa yagasao," wali. Tama aga te Jesiba pelama, tama te Jesi dali aga ogomani me te Genuai Bidi gedude dwagi yai ilama, tama augwaliba hanalu te ofa yaboba asao wai. ⁶ Augwali sabola silama, tama te Genuai Bidi geduba dolagasali, tialima Samuelgo te Eliap, te Jesigo gomunai ogwa, sulama, te tiwai homu yali, 'Te bidi tama, te Genuai Bidigo aga te king pedalumainu nigilali,' te homu yalio.

⁷ Tiali goli, Genuai Bidigo agabolo te po wai, "Nago homugo aga te dili bobage bidi, ma aga te sawia pai suyu, tama eno aga nigilabo homu me egobeo. Menio,

eno homugo te bidi king pedalumainu homu ebo hagela homu ebao. Magi baso meni, eno bidi dagalubo sę ebo te e tֿode bidigo bidi dagalubo tiwai gil-ama me tegobeo. Menio. Te bidi dabego te bidi tigiba tonono ebao. Tiali goli, eno te homu kolesaga me te bidigo kolesagade si sulama, tama eno augwali dagalaibao," wali. ¹⁸ Tama Jesigo te tomo ogwa Abinadap i wali, tama aga te Samuelba odasa asai. Tiali goli, Samuelgo te po wai, "Menio, Genuai Bidigo aga sa mubeo." ⁹ Tama Jesigo te ogwa me te Sama te Samuelba odasa asali, tiali goli Samuelgo te po wai, "Menio. Aga me, te Genuai Bidigo sa me mubeo." ¹⁰ Tialima, Jesigo aga gasa ogomani me si me si te Samuelba odasa asali, tama Samuelgo agabolo te po wai, "Genuai Bidigo te bidi dabe augwalide me deli te sa me mubeo." ¹¹ Tama Samuelgo Jesibolo te tiwai po wali, "Nago ogomani te tigidali tama naga dawe?" Tama Jesigo te po wali, "Menio. Te ogwa bidi ogwa me deli digi elalubao. Te augwa ama sabi bidi tama. Tiali goli, aga te sipsip dabe tonalubo sę ebao," wali. Tialima, Samuelgo agabolo te po wali, "Tagalao. Te bidi me deli tagala palama, te aga odasa asao. Aga bolo asobo si da, te dago ofa yaibao," wali.

¹² Tialima, Jesigo te bidi me deli tagala palama, aga te ogwa sela asomainu yali. Jesigo te ogwa te gesi ogwa bidi, tama aga gesabidi te sawia pai mu elama, tama aga gedu te ula mu elama, tama aga tigi te wiegi yai mu yai. Tialima, Genuai Bidigo te tiwai po Samuelbolo wai, "Aga te bidi tama dao. Te king sa mubo wel selama, tama agaba muao," wali.

¹³ Tialima, Samuelgo agai te selasa pali oliv wel selama, tama agai te wel te Devit toboluba te aga ama dede gedude gelali. Tama te sogode te Genuai Bidigo Mobo Bidi te agaba bomo elama bidagaselama, tama te Mobo Bidi agade nosali sesemane sogo bidada pali. Samuelgo wel te Devit toboluba munama da, teda Samuel te Ramaba ma pai.

Devit te Solgo bede bidali

¹⁴ Te sogo te Genuai Bidigo Mobo Bidigo te Sol tagalu, tama Genuai Bidigo te dwai haubo mobo me deli te Sol agaba tagala palama, tama aga homu kolesaga dolama, tama aga wi dwai ilali. ¹⁵ Tama Sol aga sę ebo bidi dabego agaba te tiwai po wai, "King o, dago koneani, Godigo te dwai haubo mobo me deli nageba tagala palama, tama nage dwai ilibao." ¹⁶ Tama nago homu usu da wida, teda da pelama, te string elalubo musik elibo bugagia mu koneai bidi me deli gegi paibao. Tama Godigo nageba te dwai haubo mobo tagala palubo sogo da, teda te bidigo te musik elibo si, tama nago homu kolesaga te wiegi yai ma pedaligi soaibao," wali.

¹⁷ Tialima, Solgo aga sę bidi dabeba te tiwai po wai, "Te tama dao. Dage pelama, te musik bugagia elibo koneai bidi me deli gegegi pelama, tama aga enaba odasa asao," wali.

¹⁸ Tama sę bidi me deligo Solbolo te po wali, "Eno te Betlehem bidi Jesigo ogwa me deli suai dao. Te gesi ogwa bidigo agai te musik elibo mu koneai. Tama aga te wiegi yai hwjbo bomai bidi da. Tama aga te wiegi yai po weyu, tama tonobo sawi yai bidi mu. Tama Genuai Bidi me aga dali bidibo dao," wali.

¹⁹ Solgo te po odama, tama agai te bidi dabe tagala palu, te tiwai po Jesibolo wagi pali, "Nago te ogwa Devit, te sipsip dabe tonalubo bidi, eno homu nago aga te ena pageba tagala palao homu ebao," te po wagi pali. ²⁰ Tialima, Jesigo odama, tama Devit te Solba tagala palali. Agai Devitbolo te donki me deli mobadi, tama te bret meba te basket side paņanama, tama te donki tudi badu daide keņani. Tama me agai te Devitba te meme wali me deli augwaligo te wain buai te mani, tama gesi meme me deli me, tama agai Devitbolo weyu, te nai dabe te Solba wiegi yai homu tiwai ilama mao wai. ²¹ Tama Devit te Sol pageba sabolama, tama aga sę bidi pedelali. Tama Solgo te Devit godolo mu yali. Tama tiyu, agai Devitbolo te aga hwjbo sesemone sabilibo sę mawai dao. ²² Tama Solgo Jesiba po ola toliyu, te tiwai po wai, "Eno Devit godolo homu ebao. Tama tiyu, eno homugo nago aga te eno sę bidi bidimainu ilao," wali. ²³ Tialima, Devit Sol dali bidali. Tama Godigo te dwai haubo mobo te Solba tagala palobo sogo da, teda Devitgo te musik eliyu yai. Tama Solgo te musik elibo odobo sogo, teda te dwai haubo mobogo te Sol tagalubaso, tama aga homu kolesaga wiegi yai ma pedaliyu, tama aga usu ma eyu yai dao.

Goliatgo te Israel dabeba te aga digi nogi ugaba sabo po wai dao

17 Nosali te Filistia ami dabe te Sokoba sisinagasali, te Juda dabego taun me deli dao. Tama augwali osogo bidabo pesage te Efesdamimde nigali, te Soko taun de Aseka taun si tomode, tama augwaligo te Israel dabe dali hwjainu sisi elaluali. ² Tama Sol dali, te aga ami bidi Israel dabe dali pelama, te Ela bulu odogoba sisinama, tama bidabo pesage nigai. Augwali te bulude bidalu, tama augwa te Filistia dabe dali hwjainu sisi elama bidali. ³ Tama te Filistia dabe te bulu du me deli u badu bidalu, tama te Israel dabe te bulu du me deli e badu bidalu yali, tama te ami hani sigo hwjbo pesage te tomo bulu odogo malu tֿode elaluali.

⁴ Te sogo te hwjbo bomai bidi me deli, augwa te Goliat nogi yali, te Get taun bidi, aga te Filistia ami dabe bidibo pesage taga soyu aselama, te pepeli diliba hania dolagaselama, tama te Israel dabego aga suali. Te aga bobage usu te 3 mita paņe tama. ⁵ Tama aga te hwjbo madi me, bulubo ugwa me, te augwaligo te brasgo nigai te muani, tama te hwjbo ugwa dabe sęę te 50 kilogram elaluai. ⁶ Tama aga saņa te bras dagego haluai. Tama agai te brasgo nigai sesemone te aga nagede tolasa bilali. ⁷ Te sesemone te genuai mu, te ugwa hobolobo masin moni ba ain dili tiwai. Tama poai yali te enego gaņ te augwa aingo nigai. Tama te aingo sęę te 7 kilogram tama elaluai. Tama ami bidi

me deligo te Goliatgo hwjbo sabele tolama, tama aga asobodu polasa pai.

⁸ Tialima, te Goliat dolagaselama, tama te Israel dabeba genuai po dagā weyu, te tiwai po wai, “Magi baso dage te tama tiwai wasialubawe? Dagego hwjainogo, ebawe? Dage te Solgo olo sę ebo bidi naga da, tama ena deli da, te Filistia ami bidi dao. Ae, dagego te bidi me deli nigilama, te ena dali hwjagasao. ⁹ Te agai bomo ugwaba igulama, tama ena ela mubaso da, teda da te dagego olo sę ebo bidi pedelaibao. Tiali goli, eno aga aiyaba elaluama, tama aga ela mubaso da, teda dage te dago olo sę ebo bage pedelagameo,” te po wai. ¹⁰ Tama Goliatgo po mu ma weyu, te tiwai po wali, “Odiqo, megi eno dage Israel ami dabe usu saibao. Dagego te ena dali hwjabo bidi me deli nigilao,” wali. ¹¹ Sol me aga ami dabe daligo te po odama, tama augwali wi dwai mu yai.

Devit te Israel dabe bidalubo pesageba pali

¹² Te Devitgo hani sibi te tiwai dao. Devit te Jesigo ogwa dao. Tama Jesi te Efrata bulu bidi, tama te Betlehem bulu te Juda hanigo tqde bidai. Jesigo ogwa te a naga olama, meba sela elalubo sogo te Sol king pedelali, Jesi te monu dabe yai mu bidai. ¹³⁻¹⁴ Te Jesigo gomunai ogwa me, tomo ogwa me, te tudi badu ogwa me, te boi hwjgi paboba Sol dali pali. Te gomunai ogwa nogi Eliap, tama te tomo ogwa nogi Abinadap, tama te ogwa me Sama. Tama Devit aga te Jesigo sabi ogwa mu dao. ¹⁵ Tama me sogo side Devit pelama, te Solba sę igi peyu, tama me sogo side agai te Sol taga soyu, te Betlehembra ma solama, te aga ayago sipsip dabe tonalugi peyu yai dao.

¹⁶ Te bidi sese si te 40 sogo usu nama, te kigamu me pio te Goliat aselama, te pepeli diliba dolagaselama, tama te Israelba i weyu, te aga dali hwjabo bidi me deli te tagala palao po wai. ¹⁷ Te me sogo deli Jesigo te Devitbolo te tiwai po wali, “Te e nogo si bret selama, tama te sęęę nogo si yai te augwaligo te siade ulubo wit me selama, tama augwa te bidalubo pesageba polo selasa pelama, tama naga ama dede genuai bagebolo te nai magi pao,” te po wai. ¹⁸ “Tama te nogo si sis me sela pelama, tama te ami hani dabe augwa polalubo ofisa bidi magi pao. Tama nago naga ama dede dabeba hanalu, te augwali bugagia bidibawe, ma meniwe, te po hanalu wao. Tama nago nai me deli selasa ma asobaso da, teda eno koneama, te nago augwali suali da waibao. ¹⁹ Te king Sol dali, naga ama dede me, te gasa ami bidi dabe dali, te Filistia dabe dali te Ela odogo bulude hwjbo sę ebao,” Jesigo Devitbolo te po wai.

²⁰ Tialima, te sogo nosali Devit te kigamu mu hogodama peyu, tama gasa bidibolo te sipsip dabe tonalua po wali. Tama agai te nai dabe selama, te Jesigo agabolo wali gilama te bage bidalubo pesageba pali. Tama te Israel dabe te hwjbo pesageba pobadi, te aga augwali bidibo pesageba pedelali. Te ami dabego i weyu, genuai po dagā dali pelawali. ²¹ Tama te Filistia ami me, te Israel ami me, te nani u badu me e badu

me wasilama, tama augwa hwjainu sisi elaluali. ²² Devitgo te nai dabe te walu tonalubo ofisa bidi dabeba menama, tama aga te ami dabe bidibo madiba udulama, tama aga ama dede dali po miani. ²³ Te agai augwali dali po midubadi, Goliatgo te Filistia hani taga soyu, tama te pepeli diliba dolagaselama, tama te Israel dabeba te polobadu wali po tiwai wali, tama Devitgo agai te wabo po odali. ²⁴ Te Israel dabe augwaligo te Goliat sulama, te augwali wi dwai mu ebaso, tama augwali wi pai.

²⁵ Tama te Israel dabe augwa hasi digi po miyu, te tiwai po wai, “Te bidi suo, te agai i wabo po odao. Agai te wabi hwjainu da dianobao. Tiali goli, kingo te po wali, te Filistia elibo bidibolo te agai mone umabo hauwa mawaibao wali, tama te bidibolo te agai megi somainu yaibao wai. Tama kingo te bidi aga hanide te takis mone me sisama, tama augwali haniba te kingo sę tobage yagasomainu i me wagobeo,” wali. ²⁶ Devitgo te po bugagia odisqbaso, tama agai te aga pade bidalubo bidi dabeba hanalu, te tiwai wali, “Te kingo mena sę te Filistia elibo bidibolo elama, tama da Israel dabeba te genuai hale pedalubo sę tagalaibawe? Te Filistia bidi te Godigo po odisiqwai bidi naga te dao. Agai hagoma mu eyu, tama te Sesemane Sogo Bidibo Godigo amiba te posobo po wali dao,” te po wai.

²⁷ Tama augwaligo agabolo te tigidali sę te Goliat elali bidibolo te kingo yabo sę po wali. ²⁸ Eliap, te Devitgo ama gomunai bidigo, te agai te bidi dabe dali po mibo odai. Tama aga haliga sębę elama, tama Devitbolo te tiwai po wai, “Magi baso nage eba asai dawew? Tama dego nago te dwai sipsip dabe te buside tonalubawe? Eno koneani, nage te hagoma ebo bidi, tama nage te hagoma kolesaga ebo bidi da. Nage te hwjbo naga suainogo asali dao,” wali.

²⁹ Tama Devitgo aga amabolo te tiwai po wai, “Menio. Eno te nai me deli koneainogo, tama tiyu, eno te bidi dabeba hanalu wali. Te dwai da, agawew?” wali. ³⁰ Tialima, aga begelama, palima, tama gasa bidi dabeba hanalugi peyu, te mena sę kingo te Godigo amiba te posobo po wali Filistia bidi elibo bidibolo yabo po wai. Tama augwaligo agabolo te sę yabo po dabe walio. ³¹ Te bidi mebago Devitgo po odama, tama augwaligo te Solba wagi pali. Tama tibaso, agai te Devit aga asomainu i wali.

³² Devit sabolama, tama agai Solba te tiwai po wali, “King, odao. Da Israel te Filistiade wi me elamuo. Te ena digi eno aga dali hwjgi paibao,” wali.

³³ Tiali goli, Solgo te po wali, “Mu menio. Nage usu me egobeo. Te nago mena tama aga dali hwjaibawe? Nage olo ogomani da, tama aga te ami bidi te ogwa bidide sogo bidali te e sogo megiba usu nagasobao,” wali.

³⁴ Tiali goli, Devitgo Solba te tiwai po wei ponani, “King o, eno te ena ayago sipsip tonaluali. Tama meba sogo te dwai uni hasa laion me bea dabe aselama, tama te sipsip dabe selasa pali. ³⁵ Tialima, eno te laion me bea te pobeasa pelama, tama elama, tama te sipsip ma dobola siyu yai. Tama te laion me bea te bege-

lama, ena elainu ebaso da, teda eno te mage pedu nisi tola selama, tama aga ela muyu yai dao. ³⁶ King o, eno te laion dabe me te bea me eliyu yai, tama eno te tobage tama tiwai kolesaga te Genuai Bidigo po odisiqabo Filistia bidide tiaibao, magi baso meni, agai te Sesemane Sogo Bidada Pabo Godigo amibolo te posobo po walio. ³⁷ Genuai Bidigo ena tau sobaso, tama tiyu te laion me beago te ena me dolobeo. Tama megie me, agai ena tau siyu, tama te Filistia bidigo ena me ela mugobeo," wali.

Tialima, Solgo agabolo te po wai, "Wiegi yai da, nage pagameo. Tama eno homugo Genuai Bidi nage dali bidimainao," wali. ³⁸ Tama Solgo te brasgo nigai madi te Devit toboluba muani, tama te brasgo nigali holobo ugwa agaba menama, te aga tigi halua somainu yali. Te hwjbo doado bage te Solgo nai dabe mani. ³⁹ Devitgo te Solgo bainat hwą te brasgo nigai te holobo ugwade walama, tama pabo usu sela suali. Tiali goli, te usu meni yani, magi baso meni, agai te tobage nai te aga tigde polobadu musiawai. Tama tiyu, te Solbolo agai te po wali, "Eno nago e hwjbo doado bage muna ma tama hwjgi pogobeo. Eno te doado bage tigde musiawai," wali. Tama agai te tigidali peda sawai. ⁴⁰ Nosali aga te tolasa bilibo dono selama, tama te dwasianu wę me deli elalubo madi pelama, tama te dwasianu dudu du masigi a naga selama, tama aga dwasianu waba bulali. Tama agai te masigi sayabo kibu wali tolasa peyu, tama pelama, te Goliat dali hwjgi palio.

Devitgo Goliat aiyaba elaluali

⁴¹ Tama Goliatgo Devit suali, tama aga asu, te agaba gesabidi deli ununama asali. Tama te Goliatgo hwjbo sabele tolasa bilibo bidi, aga te polasa asali. Tialima, Goliat asu, te Devit pąba aselama, ⁴² tama agai Devit suali, te gesi bidi mu, tama aga gesabidi te wiegi yai mu yai, tama agai hwjabo usu meni yai. Tama tiyu, agai homugo Devit te olo nai naga homu yali. ⁴³ Tama tiyu, aga dolagaselama, tama Devitbolo te po wali, "Magi baso nago te bilibo dono sela asaliwe? Nago homugo ena te yowi da weyu, elainu asali, agawe?" Tialima, agai te aga tibo god dabe i olama, te Devit dolomainu yali. ⁴⁴ Tama agai Devitbolo te tiwai po wali, "Nage asao, te eno nage ela munama, tama nago tigi te ba dabebolo me te uni hasa dabeba me menama, tama augwaligo tumainu yaibao," wali.

⁴⁵ Tama Devitgo po wei ponoyu, te po wai, "Nago te bainat me sesemone dabe tolasa asu, ena dali hwjagasainu ebao. Tiali goli, eno nageba hwjagasainu ebo te Tigidali Bomo Elalubo Genuai Bidi, te da Israel ami dabe tonalubo Godigo nogide, te eno nage dali hwjagasobao. Te God agaba nago hagoma elama, tama agabolo te dwai posobo po wali dao. ⁴⁶ Odao. Megi e sogode naga te Genuai Bidigo nage eno nogoba mawaibao. Tama eno nage ela munama, tama nago tobolu togwaibao. Tama dago te dage Filistia ami dabe ela munama, tama augwaligo tigi dabe te ba dabeba, me te uni hasa dabeba menama, augwaligo tueibao.

Te eno tama tiwai sę ebo sogo, te tigidali tų pedaide bidalubo we bidi augwaligo te tiwai eyu koneaibao, te da Israel dabego God, te God mu da waibao. ⁴⁷ Tama ede bidibo tigidali bidigo te tiwai ebo suyu, te Genuai Bidigo aga we bidi dabe te aga bomogo digi ma dobola sabo sueibao. Agai te hwjbo sesemone me bainat tolasa asobo bidigo bomogo te da ma dobola sogobeo. Mu menio. Genuai Bidigo digi te hwjbo aiyaba elaluama, tama agai dage tigidali te dago nogoba mawaibao," te po wali.

⁴⁸ Devitgo po ola silama, tialima Goliat ma peyu, te Devit pąba asali, tama polo tama Devitgo te Goliat dali hwjainu udada peyu pai. ⁴⁹ Tialima, Devitgo nogo te aga waba munama, tama masigi me deli selama, tama te masigi sayabo naiba munama, tama Goliatba enani. Te masigigo te Goliat gesabidide dolo dolama, tama aga gebo tomoba bula sigi pelama, tama aga gesabidi tųba ilama degasa dulali. ⁵⁰ Tama tialima, Devitgo ugwaba ela holama, tama Goliat te masigi sayabo nai dali masigi sigo naga ela muai dao. Aga te hwą bainat meni yai. ⁵¹ Goliat te tųde pigulai munalubadi, tama Devit udada pelama, aga pąba doligi pelama, tama Goliatgo bainat hwą dią selama, tama aga mage toga sųnama, tama aga ela muani.

Te Filistia dabego augwa te polaluali ami bidi ela mubo sogo suyu, tialima tigidali wi tedela palio. ⁵² Tialima, te Israel bidi dabe me, te Juda dabe me, te i weyu genuai po dagą olama, tama augwali pobeasa pelama, tama augwali ela muani. Tama te Filistia dabe dolama, tama te sunumide degasa peyu ela pali, te Saraim tagalama pali, te Getba usu nigi pelama, te Ekron taun sunumi obo elalubo madiba sabaligi palio. ⁵³ Te Israel dabego augwali pobeasa pelama, tama augwali te Filistia dabe bidali pesageba ma geasa aselama, tama te Filistia dabego taga pali tigidali doado bage te sali. ⁵⁴ Tama Devitgo te Goliatgo tobolu sela peyu, te Jerusalemba pelama, te agai Goliat aiyaba elaluali po te augwaliba ola magi peyu waseligi palio. Tiali goli, hasia bolo te aga ugwa beba digi pelama, tama te tigidali hwjbo nai te Goliatde sali nai mugi palio.

Devitgo Sol sugi pali

⁵⁵ Devit pelama, te Goliatba hwjgi pabo Solgo sula ma, tama agai te ami dabe augwa polalubo ofisa bidi, Apnerbolo te tiwai po hanalu wai, "Te ogwa te dego wai dawew?" Tama Apnergo agabolo wali, "King o, eno mu po nagebolo obao, eno konebeo," wali. ⁵⁶ Tama Solgo te po agabolo wai, "Tialima, nago te bidi dabeba hanalua biligi pelama, tama nago enabolo wagasao," wai.

⁵⁷ Nosali badu Devitgo te Goliat ela munama, te aga bidali pesageba ma asobode tama Apnergo aga selama, te Solba pali. Devitgo te Goliat tobolu totalubadi, tama te Apner dali pelama, te Sol sugi pali. ⁵⁸ Tama Solgo agaba hanalu wali, "Te ogwa bidio, nage te dego ogwa dawew?" Tama Devitgo agabolo te po wali, "King o, ena te Jesigo ogwa da, te Betlehem bidi me deli dao,

aga te nago dologode bidibo bidi dao," Devitgo te po wai.

18 Sol de Devit dali si po mia silibo si, tialima nosali Jonatan, te Solgo ogwa, te aga homu Devitba mu keꝓ pelama, tama agai te Devit godolo mu eyu, te aga digi aga godolo ebo tiwai mu yalio. ² Tama te sogode Solgo Devit selama, aga dali bidali, tama aga page buluba ma pomainu me ebeo. ³ Tama Jonatango Devit godolo homu mu ebaso, tama tiyu, agai bomai po me deli Devitba daꝓ walali, te agai Devit godolo ebo homu te sesemane elalubao. Tama Devitgo me Jonatanba te tiwai po naga wai, tama augwali si te age name si tama bidai. ⁴ Tama Jonatan aga bobage holobo ugwa te pedelama, tama aga hwjbo doado bage me te sali. Tama agai te doado bage dali, te bainat me, sesemone me, kukulu me selama, te Devitba mawai.

⁵ Tama Devit te Sol dali bidali, tama Solgo te Devitbololama, te ami bidi dabe selama, te boi bidi dabe dali hwjgi pao wali, tama augwali hwjbo sogo da, teda Devitgo hanigo te boi bidi dabe aiyaba elaluali. Tama tibaso, Solgo aga te ami dabego polalubo ofisa bidi nigilali. Te tigidali we bidigo me, te Solgo ofisa bidi dabego me, augwaligo suali, Devit te genuai bidi pedalubaso, tama augwali bugai haliga mu yai.

Solgo homu dwai Devitba yai

⁶ Te Devitgo Goliat elibode nosali tama te ami dabego hwjani silibo si, teda augwa pesageba ma begasa asali. Tialima, te tigidali hanude te Israel we dabe te taundu buluba soyu, te king Sol sunumide tiꝓba pali. Augwaligo te wiegi yai pemene ebo teꝓbi weyu, tama augwaligo te balia dali wai. Tama augwaligo te wiegi yai musik weyu, te dudu du musik te belo elalubo te eliyu, tama te tobage gita me deli dali te teꝓbi wali. ⁷ Tama augwaligo teꝓbi te tiwai wai, "Solgo te hauwa umabo tausen bidi elali. Tama Devitgo te umabo umabo hauwa tausen bidi mu elalio," augwaligo te tiwai wai.

⁸ Solgo te teꝓbi odama, tama agai homugo godolo mu meni yai. Tama aga haliga seꝓe elama, te po wai, "Augwaligo homugo te Devitgo te umabo tausen hauwa bidi elali homu yali, tama eno umabo tausen naga elali homu ebaso. Te nosali augwaligo homugo te agai eno bidibo seꝓ ebo pesage me saibao homu ebaso," wali. ⁹ Tama tiyu, te sogode gagalasa, Solgo homu tede kone palama, tama tiyu Devitba haliga dwai yalio.

¹⁰ Te nosali side Genuai Bidigo te dwai mobo haubo me deli te Sol aga bede bidibadi te agaba tagala palali. Tama deli sogo polo tama, te dwai mobo haubogo te Solgo homu kolesaga tonaluagaselama, tama Solgo te i ola biliyu, te esela pabo bidi mu tiwai ilali. Te sogo Devitgo te agai gita elibo seꝓ iduali, te aga tigidali sogo ebo tiwai gilama yali. Tama Solgo aga sesemone ene tolalu, ¹¹ tama te tiwai homu yali, 'Megi da, te eno Devit te sesemone enego enama, tama aga ela muaibao,' homu yai. Tialima, agai te sesemone ene te Devitba

saꝓnama enani, tiali goli Devitgo te sesemone ene geda munama, ela soali. Tama Solgo te tiwai si sogo yali.

¹² Genuai Bidi te Devit dali bidibo te Solgo koneani, tama Sol tudiba muduali. Tama tiyu, Sol te Devitde wi elama, ¹³ tama agai te Devit aga dali te kingo bede bidimainu me ilibeo. Menio, agai aga te 1,000 ami bidi dabego ofisa bidimainu muani. Tama tiyu, Devitgo te ami dabe selama, te boi bidi dabe dali hwjgi peyu yalio. ¹⁴ Tiali goli, Genuai Bidi aga dali bidiyu, tama aga tau siyu, tama tigidali seꝓ agai ebo te wiegi yai naga pedelali. ¹⁵ Tama Solgo suali, Devitgo te wiegi yai seꝓ mu ebaso, tama aga te Devitde wi mu umabo yalio. ¹⁶ Tiali goli, te tigidali Israel me Juda bagego te Devit godolo homu mu yali, magi baso meni, aga te ami dabego wiegi yai ofisa bidi dao.

Devitgo te Solgo wegi sali

¹⁷ Nosali Solgo te tama homu yai, 'Eno homugo te Devit isimaina homu yali. Tiali goli, tiyu eno digi aga ela muidalio. Te aga te Filistia dabeba hwjgi pelama, tama te Filistia dabego aga ela mumainao,' homu yai. Tama teyu, Solgo Devitba te po wali, "Odao. Eno nage te Merap maiabo homu ebaso, te eno gomunai wegi, tama nago selama, duga si bidagameo. Eno homugo nago aga te tobage mone tiwaigo abelimainu homu yai. Nago eno ami bidi seꝓe bomo elama seꝓ eyu, tama nage wi munu me elamuo. Tama te Genuai Bidigo homugo dago te boi bidi dali hwjgi pomainu ebo sogo da, teda nago te augwali dali hwjgi peyu yagameo," wali.

¹⁸ Tialima, Devitgo Solgo te tama po wabo odama, tama po wei ponoyu, te tiwai po wai, "Tagalao, eno aga me sogobeo. Ena te olo bidi naga dao. Tama ena hani sibi dabe te nogi me elalubeo. Tama tiyu, eno nago wegi me sogobeo," wali.

¹⁹ Tiali goli, Solgo bomo elama, Devitgo te Merap somainu eyu, tama agai te wegi somainogo ebo bodolu muani. Tiali goli, te we sabo bodolu muani sogo, Solgo aga te Devitba magasobeo. Menio. Agai te Merap gasa bidiba mani, te bidi aga nogi Adriel, te Mehola taun bidi dao.

²⁰ Tama nosali, Mikal, te Solgo gasa wegi, te Devitde mu tulaluama, wei mu eyu, tama aga godolo mu yali. Tama Solgo te tebo po odama, tama aga wiegi yai homu pemene mu yalio. ²¹ Tama agai homu te tiwai yali, 'Wiegi yai mu da. Te Mikal eno te Devitba mawaibao. Tama eno te Devit te Filistia dabe dali hwjmainu tagala palaibao, te wegi abelibo mone mabo tiwai elama, tama te Filistia dabego aga ela mumainu yaibao.' Tama Solgo Devitbolo ma po wali, "Eno homugo nago te eno wegi somainu homu ebaso," wali.

²² Tama Solgo aga ofisa dabebolo weyu, te Devit sugi pao wali, te Devit agaduba deli naga bidibo sogo, tama aga homu bega sabo po te tiwai wai, "King Solgo nageba wiegi yai homu pemene eyu, te aga ofisa dabe dago me nage godolo ebaso. Tama odao, megie e wiegi yai sogo nago te agai wegi siyu da, te usu dao," wali.

²³ Tialima, augwali pelama, te po te Devitba wagi pali.

Tiali goli, agai po wei ponoyu, te tiwai po wali, "Dagego homugo ena te mone bidi da homu elama, tama ena nogi elalu, te eno kingo wegi somai da homu eyu, oba agawe? Mu menio. Ena magi nai meni yai bidi, tama ena te olo bidi tama dao. Tama tiyu, aga eno me sogobeo," wali.

²⁴ Tialima, te ofisa dabego te Devitgo wali po tigidali te Solba wagi palio. ²⁵ Tama Solgo homugo te Devit te Filistia dabeba hwiji pomainu tagala palama, tama te Filistia dabego aga ela mumainu homu yai. Tama tiyu, agai te ofisa dabebolo olama, te po Devitba ma wagi soali. Agai te tiwai po wali, "Eno homugo Devitgo enabolo te wegi abelabo nai deli te tiwai momainu homu yai. Eno homugo Devitgo te Filistia ami dabe te bidi sese a naga te 100 elimainu elama, te enade boi bidi yali wei ponomainu homu ebao. Tama agai te 100 bidi augwa gasa tigi wali togolama, tama te tigiwali enabolo sela asomainu yaibao," wali. ²⁶ Tialima, te Solgo po te aga ofisa dabe pelama, te Devitba wagi pali. Tama Devitgo te homu yali, te Solgo wegi abelimainu ebo te wiegi yai kolesaga da homu eyu, tama aga te kingo waji pedelabo homu eyu, aga homu wiegi yai mu yai. Tama Solgo te tigi wali sesabo bodolu muani. Tiali goli, te bodolu muani sogoba pedalisiabadi, ²⁷ tama Devit aga ami bidi dabe dali pelama, tama te Filistia bidi 200 bidi elama, tama augwa gasa tigi wali togolama, tama te kingba selasa aselama, tama nedalio. Agai te se dabe yali te Solgo wegi sainu tama tiali. Tama tialima, Solgo aga wegi Mikal te Devitbobo menama, tama augwa si selama bidalio.

²⁸ Megi da, Solgo te tiwai bugagia koneani, Genuai Bidi te Devit dali bidibaso, tama te Mikalgo me Devit godolo homu mu yai dao. ²⁹ Tama teyu, Sol te Devitde wi umabo mu ebaso, tama aga godolo meni yani. Tama Solgo sesemane sogo aga dali boi bidi homu elaluali.

³⁰ Te hauwa sogo te ami dabe augwa polalubo bidi kepten tego te Filistia ami bidi dabe odasa asu, te Israel dabeba hwjagasali, tiali goli Devitgo aga ami bidi dabe daligo te hwjbo bomu mu eyu, tama augwali aiyaba elalu iduali. Te Solgo gasa ofisa dabe te augwa hani ami dabe dali te augwaligo hwjbo bomu te Devitgo hwjbo bomu tiwai gilama me ebeo. Tama tibaso, te we bidi dabego te genuai nogi Devitba mayu yai dao.

Jonatango Devit tau sali

19 Te Solgo te Devit ela muabo homu elama, tama agai te po aga ogwa Jonatanbolo walali, tama aga ofisa dabebolo me wali. Tiali goli, Jonatango te Devit godolo homu mu yai, ² tama tibaso aga pelama, Devit sugi pelama, agabolo te po wai, "Eno ayago nage ela muainu ebao. Tama teyu, do kigamu nago naga digi te bugagia tonalua. Nage te giba pelama, geme duala sigi pao. ³ Tialima, te aya da si te pedai te pa badu te nage geme dualalubo badu soyu, tama ena te aya dali dolalu, te nagede po miaibao. Tama agai magi se nage dali yainu ebo te eno gegelama subaso da, teda eno nagebobo waibao," wali.

⁴ Tialima, kigamu Jonatan de Sol si peyu, tama po mi-ani, tama Jonatango te Devit nogi ugwaba siyu tama Solbolo te tiwai po wai, "Ayao, te eno magi nai po me deli nageba wabo usu egowe? Te e tiwai dao. Nago dwai kolesaga te naga se bidi Devitba munu me elamu. Magi baso meni, te agai dwai se me deli nage dali me ebeo, menio. Te tigidali se agai yali, te nage tau siyu naga yali. ⁵ Te agai Goliat elali sogo, te aga isabo me, te aga bugagia bidabo, te me agai toba eyu godolo me ebeo. Tama tialima, te Devitgo nogode, Genuai Bidigo da Israel tau sabo te geninama mu elalu, tama te boi bidi aiyaba mu elalualio. Tama naga digi sulama, tama nage wiegi yai homu pemene mu yai. Agai te dwai se me eyu, tama magi nai me delide dwai se yali me elalubeo. Tama tialima, magi baso nago aga olo dali ela muainu ebase? Te nago tama tiyu da, teda nago dwai se yali elalueibao," te po wali.

⁶ Solgo Jonatango te wali po odama, teda tialima agai bomai po me dawu walu, te po wai, "Eno mu po te Sesemane Sogo Bidibo Genuai Bidigo nogide obao, eno Devit munu me ela mugobeo," wali. ⁷ Solgo po ola silama da, teda aga palio, tama nosali Jonatango Devit i olama asali, tama agabolo te aga ayago wali po pusali. Nosali agai Devit selama, te Sol pageba pali, tama Devit aga te kingde polobadu yali se tiwai ma yalio.

Solgo Devit ela muainu yali

⁸ Me sogo nosali, te Filistia dabe me Israel dabe dali ma hwjani. Tialima, Devit te ami dabe dali pelama, te Filistia dabeba hwjbo te bomu mu igi pelama, tama augwali aiyaba mu elalubaso, tama te Filistia dabe wi tedela palio.

⁹ Te tudi badu nosali, Genuai Bidigo te dwai haubo mobo me deli te Solba ma tagala palama, tama aga tolalugi pali. Te sogo Sol te aga be tomode dugulalu, tama te sesemone ene nogode tolaluai. Tama Devit aga dali bidiyu, tama aga te gita elibo se iduai. ¹⁰ Tialima, Solgo sesemone ene te Devitba sanama, tama aga ela mumainu yai. Tiali goli, Devitgo te enani ene geda muani, tama te enego te be paiali dagade naga dolali. Tama Devit aga wi palio.

¹¹ Tama te sogo hulide Solgo te se bidi meba tagala palama, te Devit te bede tonalumainu, te tiwai ebaso te Devit wi pisiabadi, tama Solgo aga te kigamu te beba aselama, te bede ela muainu tialio. Tiali goli, Mikal, te Devitgo wego, te Devitbobo te tiwai po walali, "Megi e sogo hulide naga nage wi pao. Te meni yani da, te do augwaligo nage ela muaibao," wali. ¹² Tama te Mikalgo te baklain bono me deli selama, tama te be windode gebelama, tama Devitgo te baklain bonodu te toba dulama, tama aga wi palio. ¹³ Devit pai madi, teda Mikalgo te agai tibo god me deli augwaligo te nigoi selama, tama te god te Devitgo betba pilali. Tama agai te dwasianu tobolo ni pilo me deli augwa te meme nisigo nigai te selama, tama te tibo godigo to-

bolu dologo badu muani. Tama nosali agai te tibo god te bobage ugwa pedai me deligo halualio.

¹⁴ Tialima, te Solgo sê bidi dabe aselama, te Devit sagasainu asobo sogo, Mikalgo augwaliba te tama po wai, "Devit te gasi elalubao," wai.

¹⁵ Tialima, augwali te Solba ma pelama, tama agabolo wagi pali. Tiali goli, agai augwaliba te po wali, "Dage ma geasa pelama, tama te be tomoba pelama, tama Devit suao. Tama dage aga te betde selama, tama aga odasa aselama, tama eno aga ela muaibao." ¹⁶ Tialima, augwali geasa ma pelama, tama be tomoba pelama, tama augwaligo te tibo god betde te pilo tobolo ni tobolu dologode aiyadu munama pila mubo te suali.

¹⁷ Augwaligo sula selama, tama Solba wagi pali. Tama nosali Solgo Mikalba te tama po hanalu wali, "Magi baso nago ena usu sabo sê yaliwe? Magi baso nago eno boi bidi wi pomainu ilaliwe?" Te po wai. Tialima, Mikalgo te tiwai po agaba wei ponani, "Devitgo enabolo weyu, te aga wi pomainu eno aga tau sisabaso da, te agai ena ela muaibao po wali. Tama tibaso, eno aga tau sai dao," te po wai.

¹⁸ Te Devit wi pali sogo, aga pelama, Samuel te Rama taunba sugi pali. Tama Devitgo agabolo te Solgo te tigidali sê yali po pusali. Nosali Devit dali Samuel si te Naiotba pelama, bidigi pai. ¹⁹ Tama bidi mebago Solba te tama tiwai po wai, "Devit te Naiot bulude bidibao, te taun Rama pade dao," wali. ²⁰ Tama tialima, Solgo te bidi meba tagala palama, te Devit pageabi igi pomainu yali. Tama augwali teba sabalubo sogo, augwaligo te profet hani me deli te teq̄bi weyu, tama te profet hanigo ebo kolesaga tiwai eyu, te sasa mano pabo sê ebo sualio. Tama augwaligo suali, Samuel te profet dabego tobolu bidi bidali. Tialima, Genuai Bidigo Mobo te Solgo tagala palali bidi dabeba bomo elama pedaliyu, tama augwaligo me te teq̄bi weyu, sasa mano pali.

²¹ Nosali Solgo te tama sê ebo po odama, tama agai gasa bidi dabe tagala palali, tama augwali me te profet dabego ebo kolesaga tiwai yali. Tialima, Solgo me tama tiwai ebo odali, te agai geninama bidi meba mu tagala pali, tiali goli augwali me te profet dabego ebo kolesaga tiwai yalio. ²² Tama nosali Sol digi aga te Ramaba pali, tama pidubadi genama, te genuai ulu wê pedalubo madi te bulu Sekuba sabolali. Tialima, agai te Seku bidi dabeba hanalu wali, "Samuel me Devit menade bidibowe?" Tama augwaligo te po wali, "Augwali si te Rama pade, te Naiot bulude bidibao," wali.

²³ Tialima, aga te sunumidu pidubadi, tama Godigo Mobo agaba bomo elama pedaliyu, tama aga me te teq̄bi eyu, tama te sunumidu sasa mano peyu, aga te Naiot buluba sabolalio. ²⁴ Tama agai te aga ugwa dabe peda sanama, te gasa bidi dabego ebo tiwai elama, tama aga me te profet dabego ebo kolesaga tiwai yali, te Samuel pade tiali. Tama te giligade me, hulide me, aga te dwasianu ugwa name bea selama, tama pila mudali. Te sê te Solba pedelali, te po me deli page te bidi dabego pusali po elaluai. Te pogo te tiwai po wai, "Magi yaliwe? Te Sol me te profet pedalubo, agawe?" te po page te tama po wabo dao. †

Jonatango Devit tau sali

20 Sol te bulu Naiotba sabalubo si, te Devitgo te bulu taga soyu, tama Jonatan bidibo madi wi ma soali. Tama agai Jonatanbolo te tiwai po wali, "Ei, Jonatan! Magi baso nago ayago ena ela muainu ebawe? Eno magi dwai sê me deli isiayu, ma dwai kolesaga me deli agaba me ebeo. Mu tama, eno magi dwai sê me deli me ebeo," wali.

² Tialima, Jonatango Devitba po wei ponoyu, te po wali, "Menio. Nage me isigobeo. Eno ayago enabolo te agai yabo sê po tigidali waibao, te dwasianu sê yabo me, genuai sê me, te enabolo weyu yaibao. Tama agai te tobage sê yabo po geme me dualugobeo. Tama tiyu, eno koneani, te agai nage me ela muainu ebo usu me egobeo," wali.

³ Tiali goli, Devitgo agabolo te po wali, "Nago ayago bugagia koneani, te nago ena godolo homu ebo agai koneani. Tama tiyu, te agai ena ela muabo homu ebo po te nageba me walogobe homu yaibao. Agai homugo te sêde nago homu sêgê idali homu yaibao. Tiali goli, te Sesemane Sogo Bidibo Genuai Bidigo nogide eno mu po obao, nago ayago ena ela muabo homu ebao. Eno te koneanio, te eno koneani meggi nage ena dali bidibo tiwai. Tama dwasianu sogo pade te nago ayago te tama tiaibao," wali.

⁴ Tama Jonatango Devitbolo te po wai, "Nago homugo eno magi sê ebogo nage tau somainuwe? Te mena sê yaibaso, eno ebaso te usu yaibao," wali.

⁵ Tialima, Devitgo te tama po agabolo wali, "Do da, te gesi poluago te genuai side tama eno te king dali nai tugi pabo da. Tiali goli, nago homugo te wiegi yai da eyu da, teda ena te giba geme duala sigi pelama, te gasa do da wabo sogo te be pio eboba usu naibao.

^{††6} Tama nago ayago suali, ena te tebol te nai tubo madi dugulalusiabaso, tama agai nageba hanalu, ena menade bidibowe obaso da, teda nago agabolo te tiwai po wao, 'Devit te aga asesa polo te aga bulu Betlehempa painu yali, magi baso meni, te sogo te tigidali kibu bede te aga hani sibi deliba sisinama, te ofa ebo da po wali. Agai enabolo hanalu, te ena pao waibawe obaso, tama eno agabolo usu da wai dao.' Nago te po agabolo wao. ⁷ Nago te kingba po walama, tama agai te po weyu, 'Wieggi yai da,' obaso da, teda nago koneani, te ena bugagia bidimainu ebao. Tiali goli, te aga haliga sêbê ebaso da, teda nago koneao, te agai enade dwai sê yabo homu eyu tebao. ⁸ Eno koneani, ena te olo bage nai tiwai yali, tiali goli nago ena wiegi yai bugagia ilao, magi baso meni, te Genuai Bidigo gedude nago te bomai po me deli daq̄ walu, te ena nago abagi mu sesemane sogo bidaibao po wai. Tiali goli, eno dwai sê elama, tama eno te sê yali sêgê elalubaso da, teda nago digi ena ela muagameo. Tiyu, nago ena te naga aya bidibo madi selama, pelama, te agai ena ela muidalio," Devitgo te po wali.

⁹ Tama Jonatango agabolo te tama wali, "Tagalao, nago te tama homu tiwai homu me igio. Te eno ayago

dwai sę nageba yainu ebo te eno konebaso da, teda eno nageba walaibao. Eno munu me geme dualugob-eo," wali.

¹⁰ Tialima, Devitgo agabolo te po wali, "Nago enade po ayabolo walali madi, tama agai te wado pogo naga te po wei ponobaso da, teda dego enabolo te po wagasogowe?"

¹¹ Tama Jonatango Devitbolo te po wai, "Da si te giba pelama, po migi pinao." Tialima, augwa si hogodama palio. ¹² Augwa si teba sabolama, tede Jonatango Devitbolo te tiwai po wali, "God, te da Israelgo Genuai Bidi, te dago e wabo po odomainao. Tama eno tibo po weyu da, teda agai enaba te dene momainu yaibao. Do, ma duba, e tiwai tobage sogo, eno ayabolo te nagede po hanalu waibao. Tama agai nagede usu da po obaso da, teda eno nageba po ola talaibao. ¹³ Tiali goli, eno ayago nage dolabo homu ebaso da, teda eno nagebolo walaibao. Te eno nageba walisiayu, tama eno nage wai pomainu tau sisabaso da, teda Genuai Bidigo te genuai dene enaba momainu yaibao. Genuai Bidi te eno aya dali bidu, tama eno homugo me te nage dali bidiba homu ebaso. ¹⁴ Tama nosali, ena me bididubaso da, teda eno homugo te nago ena isimainu me iligobeo. Menio. Nago wiegi yai homu eyu, olo tau mabo kolesagago te ena wiegi yai bugagia ilao, te nago Genuai Bidigo gedude te bomai po daę walali po te tiwai yao. ¹⁵ Tama sesemane sogo nago eno wai hani sibiba me te wiegi yai bugagia ilao. Nago dwai sę augwaliba me elamuo. ¹⁶ Tama Genuai Bidigo te nageba boi bidi yali tigidali silibo sogo da, teda nago dago te daę walali bomai po te nago homugo me gegeda palamuo. Nago te daę wali bomai po wali pisawani da, teda Genuai Bidigo nageba dene mawaibao," wali.

¹⁷ Tama Jonatango Devitba ma weyu, te Devitgo aga sesemane sogo godolo homu ebo bomai po daę wao po wali. Magi baso meni, Jonatango te Devit godolo homu mu yali, te aga digi aga godolo homu ebo tiwai yai. Tama Devitgo te Jonatango wali po tiwai gilama te bomai po daę walali. ¹⁸ Tama Jonatango Devitba te tiwai po wali, "Do da, te gesi poluago genuai side dao. Tama nage te nai tubode bidisiabaso da, teda ayago te nago sia sai te olo elalubo subaso, tama aga homu hauwa yaibao. ¹⁹ Tama duba nage te genuai masigi tundi badu pelama, te polobadu yali tiwai gilama teba geme duala sigi pelama bidao," wai. ²⁰ "Tama ena asama, tama eno te ene te wali po selama, te tiwai sa muani madiba eneyu, tama eno te ene sela te masigiba enaibao. ²¹ Tama eno ena sę bidibolo weyu, te eno ene te gegegi pao po waibao. Tama eno agabolo weyu, te edanu ma asao po waibao, magi baso meni, te ene eda badu munalubaso waibao, teda Devit, nage enaba asao. Te Genuai Bidigo nogide eno mu po obao, te nago eno tama po wabo odobaso da, te nago koneama te nage bugagia bidimainu eyu, tama te magi nai me deligo nage me dologobeo. ²² Tiali goli, eno te sę bidiba po weyu, te ene dabe uga badu mu-

nalubao obaso da, teda nage hogodama, gasa badu pao, magi baso meni, Genuai Bidigo digi nage te tagala palobao. ²³ Tama nage bugagia bidibo sogo, nago te Genuai Bidigo dago e po daę wabo suali, te homugo me gegeda palamuo, tama sesemane sogo nago te daę wali po wali pao," Jonatango te po wali.

²⁴ Tama tiyu, Devit te giba geme duala sigi pelama bidali. Tama do te king Sol te gesi polua side te genuai nai tugi peyu palio. ²⁵ Tama aga te be paliali daga paęde elalubo sia saide dugayu, te aga sesemane sogo ebo tiwai gilama yali. Tama Jonatan hogodama, dolugulali, tama Apner te king paęde dulaluali. Tiali goli, te Devitgo sia duabo sai te olo elaluali. ²⁶ Tialima, Solgo suali, te Devit bidibo subeo, tiali goli te sogode agai te sęde po me mibeo. Aga homugo naga kone palali, 'Te Devit mena sę yaliwe? Te magi nai me deli agaba pedelama, tama aga te God gedude wiegi yai me egobe da homu ebaso, te aga asobewe?' ²⁷ Tialima, te gesi polua te si sogo wabode augwali te nai ma tueinu sisinani, tama te side me te Devitgo sia olo elaluai. Tialima, Solgo Jonatanbolo wali, "Ae, tegobao! Do bidali sogo, me meggi me, te Jesi aga ogwa te nai tuboba me asobeo. Magi baso aga asobewe?" Solgo te po hanalu wali.

²⁸ Tama Jonatango te po wali, "Agai bomo elama, enaba hanalu, aga te Betlehemba pomainu yao po wali. ²⁹ Agai enabolo te tiwai po wali, 'Eno homugo nago ena pomainu yao, magi baso meni, te eno hani sibigo bulude te ofa yainu, tama eno amago te po ola tolai baso, ena augwali dali sisinagasao po wali. Tama nage eno abagi mu da wida, teda nago ena pomainu elama, te eno hani sugi pomainogo yao.' Agai te tiwai po obaso, teda eno aga pomainu ilalio. Tama te pagede naga tama aga te nage dali te nai tubode dulalu bidibe dao," te po wai.

³⁰ Solgo te po odama, tama aga te Jonatan dali dwai haliga sębę mu yali, tama agabolo te tiwai po wai, "Nage sunumidu bilama ame nai wede wai dao! Nage te dwai hagoma ebo we mugo wai dao! Nage eno koneani, nago te Jesigo ogwa dali abagi hai namu olasa bilali. Tama nago te kolesaga eyu, nage te olo bidi tiwai pedaliyu, tama teyu, te genuai hale ebo te nageba dali te nago idaba me pedalubao. ³¹ Magi baso meni, te bidi bidibo sogo digi, nago te tę pedaide king bidi me pedalugobeo. Tama tiyu, nago te bidi polo tagala palama, te aga selasa asao, te eno aga ela muaibao," wali. ³² Tama Jonatango Solgo po wei ponoyu, te tiwai po wai, "Magi baso aga isimainu obawe? Agai magi dwai sę yaliwe?"

³³ Solgo te po odama, tama polo tama aga te sesemone ene Jonatanba saęu aga dolomainu yali, tiali goli Jonatango te enani ene geda muani. Tama meggi da agai koneani, te aga ayago Devit ela muabo homu bomo ebo koneanio. ³⁴ Tialima, Jonatango te aga aya dali haliga sębę umabo mu elama, tama te nai tudali tebol sai taga peyu, palio. Tama aga te gesi polua side te nai tubo si sogo wabode te nai me tubeo. Agai homugo te ayago aga dolali homu eyu, tama aga te Devitde homu dene mu elama, tama haliga sęęę mu yalio.

³⁵ Te nosali badu kigamu, Jonatan te giba pelama, te Devit dali deliba sisainainu yali, te augwa si wali po gilama tiwai yai. Tama agai te ogomani me deli aga dali selama pai. ³⁶ Tama Jonatango te ogwabolo te tiwai po wali, "Eno te enesigi ene meba te uba elainu ebao. Te ene dabe eno ena silibo si da, teda nage pelama, gegegi pagameo. Ae, megi da nage pao." Tialima, te ogwa udulama pobadi, tama Jonatango ene me deli enani, te ela soyu, tama u badu tulalugi pai. ³⁷ Te ogomani pelama, te ene tulaluali madiba sabalubo side, teda Jonatango te tiwai i wali, "Nage ugaba dwasianu gana pao. Te ene uga badu munalubo homu ebao." ³⁸ Tama Jonatango te ogwanuba te tiwai i ma wali, "Asesa polo pao! Nage olo tede dolalugio." Tama te ogwago te ene sela asu, aga bidiboba ma asai. ³⁹ Tiali goli, te ogwago Jonatango te wali po page agai me konebeo. Menio. Jonatan de Devit dali sigo naga koneani. ⁴⁰ Tama Jonatango enesigi dali te ene dabe me te ogwabolo menama, tama agabolo weyu, te taunba ma tolasa pao po wai.

⁴¹ Te ogwa pai madi, teda Devit hogodama, tama te masigi tudi badu geme dualaluali taga soyu asama, tama Jonatan paba kidu sugunagaselama, tama aga tobolu t̄ba sela sogo basi gulali. Tama aga dolugulama, tama augwa si nono nenama, tama gela wai. Tama Devitgo homu dene eyu, hobede ebo homugo te Jonatango homu dene eyu hobede ebo homu te aiyaba elalualio. ⁴² Tialima, Jonatango Devitbolo te po wai, "Nage te wiegi yai homu nagame dali pao. Dago te Genuai Bidigo nogide te po d̄q̄ waliyu, te dena digi dena bugagia wiegi yai sesemane sogo ilao, tama nago hani me eno hani nosali pedalubo bage me, augwa me te tobage deli kolesaga emainu yaibao. Tama Genuai Bidigo dago te d̄q̄ walubo po odali, tama dago wali paibao." Agai po ola siminama, tama Devit gasaba peyu, tama Jonatan te taunba ma begasa palio.

Devit te Solde wi elama, palio

21 Devit wi peyu, te taun Nopba sabolama, tama pelama, te pris Ahimelek sugi pali. Tama Ahimelek noma selama, tama aga bedu bulu dia aselama, tama Devitbolo weyu, te po wai, "Magi baso nage nagaduba asaliwe?" ² Tama Devitgo te po wai, "Kingo te s̄ me deli enaba mobaso, tama ena asalio. Tama agai te po wali, te eno gasa bidi dabeba te s̄de ena tagala palobaso asaide po me wagobeo. Tama eno ena ami bidi dabebolo waliyu, te ena augwaligo gasa badu deliba sisinaibao wali. ³ Tiali goli, nago mena tobage nai munalubawe? Te nago bret elalubaso da, teda ena a naga mao. Te meni baso da, teda gasa naigo me ena mao," wali.

⁴ Tama prisgo agabolo te po wai, "Eno olo bret me elalubeo. Te Godigo gedude muani habu selali bret naga munalubao. Te nago ami bidi dabe te e sogo augwali te we dali me pis̄wani wida, teda nago te bret sagameo," wali.

⁵ Tama Devitgo Ahimelekbolo wali, "Eno nagebolo dolo obao, dago e sogo te we dabe dali me pibeo. Tigi-

dali sogo dago te boi bidi dali hw̄igi pali, te ami dabe augwa digi me, te augwa doado bage dabe me, te God gedude wiegi yai elalubao. Tama megi me, te dago gasagi yai genuai s̄ elalubaso, tama da te wiegi yai mu bidibao." ⁶ Tama tibaso, prisgo te habu selali elaluali bret te agabolo mani. Te habu selibo bret augwa te Godiba mabo nai, te naga elaluali. Te gasa nai me elalube. Augwaligo te poloba bret hasegelama, tama gesi bret te God gedude te tebol saiba muani. Tama teyu, prisgo te poloba habu selai munaluali bret te Devitba mawai. †

⁷ Te sogo te Idom bidi me deli, aga nogi Doek, te Godigo bede bidu, tama te ofa ebo sogo tonaluali. Tama agai suali, Ahimelekgo te bret Devitbolo mabo suai. Doek te Solgo bulmakau dabe tonalubo bidi me deli, tama aga te bomai bidi mu dao. ⁸ Devitgo te bret siyu bolo elama, tialima agai te Ahimelekba te tama po wai, "Nago te sesemone me deli, ma te bainat me munalubawe, ma meniwe? Te nago elalubaso da, eno homugo nago ena mao, magi baso meni, te kingo agai s̄ emainu ena asesa polo selibo s̄ ebaso, tama tiyu, eno te hw̄ibo bainat me gasa nai te sis̄wai. Ena olo naga asai dao," wali.

⁹ Tama Ahimelekgo agabolo te po wai, "Eno te bainat hw̄ deli naga munalubao. Te Goliatgo bainat, te Filistia nago te Ela bulu odogode elali. Augwaligo te name ugwago mesegelama, tama te prisgo name ugwa elalubo madi te tudi badu munalubao. Te nago sabo homu ebaso da, nago te bainat sao." Tama Devitgo te po wai, "Ena mao. Te bainat wiegi yai mu tama. Te gasa bainatgo te bainat aiyaba me elalubeo," wali. ††

¹⁰ Tialima, Devit te Solde wi elama, tama te side digi Devitgo te bulu tagalama palio. Tama aga pelama, te Get taun king Akis bidibo madiba sabolali. ¹¹ Tama te king Akisgo ofisa bidi dabego te kingbolo te tiwai po wali, "Te bidi te Devit tama da, te aga t̄q̄ pedaide king bidi da. Te we dabego agade t̄q̄bi po te tiwai wali, 'Solgo te umabo hauwa tausen bidi elai. Tama Devitgo te umabo tausen tausen bidi elalio,' augwaligo agade te po wai," te ofisa dabego te po te king Akisbolo wali. ‡

¹² Devitgo odama, tama te agai homugo kone mu palali, tama aga te king Akisgo elabo homu eyu wi mu yalio. ††¹³ Tama tiyu, te kingo me te aga ofisa dabego gedude dali, Devitgo te tibo po digi te aga esela pabo pedelali. Tama augwaligo aga nogo tuainu ebo sogo, teda aga te esela pabo bidi mu tiwai yalio. Tama aga te taunba pabo sunumide asesa biliyu, tama aga pedauwalide te pesa dini pedalumainu ilama tama te pesa te aga penani nisidu gila dulali. ††

¹⁴ Akisgo sulama, tama aga ofisa dabebolo te tama po wali, "Te bidi te esela mu pobao. Tama teyu, magi baso dagego aga enaba odasa asaliwe? ¹⁵ Dagego homugo eno bulu t̄q̄ pedaide te esela pabo bidi hauwa te meni da weyu yali, agawe? Te hauwa bidalubao, tama

† 21:6 Mat 12:3-4; Mak 2:25-26; Luk 6:3 †† 21:9 1 Sml 17:51

‡ 21:11 1 Sml 18:7; 29:5 †† Tib 56 Tobolu pode †† Tib 34 Tobolu pode

tialima, magi baso dagego te bidi te eno gedude te es-ela pabo kolesaga emainu odasa asaliwe? Aga te eno bede me bidigobeo," wali. Tama tialima, Akisgo te Devit pomainu yai.

Solgo te pris bidi dabe ela muanio

22 Devitgo te taun Get tagalama, tama aga wi pelama, te taun Adulam pāba pelama, tama te genuai bulu du ola be me delide bididuali. Te aga ama dede dali te aga hani bagego aga te bulude bidibo po odobaso, teda augwali pelama, aga dali bidigi pai. ^{†2} Tama te tigidali haniani sēge elalubo bidi me, te tigidali negeli elalubo bidi me, te tigidali te Sol dali wado po wali elalubo bidi me, augwali me te Devitba pelama, tama aga te augwaligo polalubo hetman bidi pedelali. Tama te bidi sese hauwa, 400 tiwai aga dali bidalio. ³ Tialima, Devitgo aga aya ida selama, tama te badu bidali tagalama, te taun Mispa te Moap bulu t̄q pedaiba pali. Tama agai te Moap kingbolo weyu, te tama po wali, "Eno homugo nago te eno aya me ida te nage dali bidagasomainu elama, te Godigo magi sē enaba yainu ebo te eno koneainu yaibao," wali. ⁴ Te Moap king bidigo te Devitgo wali po te usu da po obaso, tama Devitgo aga aya de ida si tede tagalama, tama augwa si te Moap king bidi dali bidibadi, te sogo Devit te masigi ola bede geme dulalualio.

⁵ Nosali te profet Gat te Devitba aselama, tama agaba te po walali, "Nage te bulu munu me ma bidamuo. Nage megii tama hogodama, tama te Juda t̄ba pao," wali. Tialima, Devitgo te bulu tagalama, tama te Judaba pelama, tama te genuai busi bulu me nogi augwaligo te Heret wali, tede bidai.

⁶ Me sogode Sol te genuai ni me deli dologode te dwasianu bulu du Gibea bagede dugulalu, tama aga sesemone ene tolalubo sē elaluai. Tama aga ofisa dabego aga pāde dolalu, tama aga bagulama elaluai. Te bidi mebago te Devit me badu bidibo po te agabolo pusa mani. ⁷ Tama tialima, Solgo aga ofisa dabebolo te po walali, "Dage te Benjamingo hani bidi da, bugagia odīa! Dagego homugo te bidi Devitgo dageba te nai gi meba, me te wain gi me meba te maiabo homu eyu yali da, agawe? Tama agai dage deli delibolo te 1,000 ami bidi, ma te 100 ami bidi tonalubo ofisa bidi pedalumainu homu ilibo homu eyu, yali da agawe?"

⁸ Dagego tede homu kone palama, tama tiyu, dagego ena dolomai da homu eyu, te po miai dawee? Te dage me deligo enabolo weyu, te naga ogwago te Devit tau sabo po dāq walali po ena dali me walobeo. Dagego ena homu kone ma isīama, tama enabolo weyu, te eno ogwago te Devit, te eno sē bidigo enade boi bidi pedalubo sē po enabolo me wabeo. Tama megii da, te Devitgo ena ela muabo sunumi gegebo sē ebao," Solgo te po wali.

⁹ Te sogo te Doek, te Idom bulu bidi, te Solgo ofisa bage dali dolaluali. Tama agai Solba te tiwai wai, "Ena te Nop taunde bidali sogo tama eno suali, Devit te Ahimelek pris bidiboba pali, te Ahitupgo ogwa dao.

¹⁰ Tama Ahimelekgo te Genuai Bidiba hanalu, te Devitgo aga mena sunumi wali pomainu ebo po wai. Tama prisgo te nai meba siyu, te Goliatgo bainat hwā me selama, tama Devitba mawai," wali. ^{††}

¹¹ Solgo te po odama, teda agai te bidi meba te Nopba tagala palama, tama te pris Ahimelek dali te aga hani pris tigidali selama, tama augwali odasa asao wali. ¹² Te pris hani pedalubo side da, teda Solgo Ahimelekbolo te tama po wai, "Ahimelek, eno nagede po elalubao." Tama Ahimelekgo te po wali, "Genuai bidio, nago magi po elalubowe?" ¹³ Tama Solgo agabolo te po wai, "Magi baso nage dali Devit dage sigo ena dolabo po miai dawee? Nago te nai meba Devit mayu, te bainat hwā me deli mani, tama nago Genuai Bidiba hanaluama, te agaba momainu yai. Tama megii da, agai enade boi bidi elama, tama agai ena ela muabo sunumi gegebo dao," wali.

¹⁴ Tama Ahimelekgo po wei ponoyu, te tama po wali, "Mu menio. Devit te wiegi yai ofisa mu tama nage wali mu peyu yali. Te mena ofisa me deligo aga aiyaba elalubeo. Tama aga te nago wāj da, tama nage pāde te nage bugagia tonalu ebo ami bidi hani me deli dao. Tama nago bede bidibo bidi tigidali, augwaligo te agai wiegi yai kolesaga homu kone palama, tama genuai nogi agaba mabo dao. ¹⁵ Te hasia sogo naga eno te Genuai Bidiba hanalu, te agaba po momainu yali da, agawe? Mu menio. Tama nago po enaba me ma eno we wai haniba po kisiligio. Dago te dage dolabo po me mibeo. Tama nago megii te wabo po eno konesīwai po dao," te po wai.

¹⁶ Tiali goli, kingo te po wali, "Tagalao. Eno nago po me odogobeo. Nage dali, naga hani bage, dage tigidali isimainu yaibao." ¹⁷ Tama agai te pāde dolalubo ami bidi dabe augwaliba te tiwai po wali, "Polo mu dao. Dagego te Genuai Bidigo pris dabe ela muao. Augwali te Devit dali muna sabo sē eyu, tama aga enade wi pabo te augwa koneani, tiali goli te augwaligo enabolo me wabeo." Solgo te tama po wali, tiali goli te ami bidi dabego augwali elabo homu ebe, magi baso meni, augwali te Genuai Bidigo pris dabe dao.

¹⁸ Tama tialima, Solgo te Doekbolo weyu, "Nage pelama, augwali ela mugi pao," wali. Tialima, Doek pelama, te pris dabe tigidali ela muani. Te side agai te Genuai Bidigo pris bidi dabe te bidi sese me si me si olama, a naga, te 85 bidi elali, te bidi dabe augwali te prisgo gudubo ugwa mumainu nigilali bidi dabe dao.

¹⁹ Tama Solgo aga ami bidi dabe te Nopba tagala palama, te pris dabego taunba pelama, tama augwaligo te tigidali we bidi ela muai. Augwaligo te tigidali bidi me, we me, ogomani me, te dwasianu augwa idago ame tubo wai dabe me elali, tama te tigidali bulmakau, me sipsip, me donki, te ela muani. Te Solgo ami dabego te augwali mu ela silalio.

²⁰ Tiali goli, augwaligo te Abiatar, te Ahimelekgo ogwa me deli, te elibeo. Menio. Aga te augwalide wi pelama, tama Devit dali bidigi pai. ²¹ Tama Abiataro Devitba te tiwai po wali, "Solgo te Genuai Bidigo pris tigidali

† Tib 57 Tobolu pode; Tib 142 Tobolu pode

†† Tib 52 Tobolu pode

elalio.”²² Tialima, Devitgo agabolo te po wali, “Ena homu dene mu ebao. Tama megii eno te nago aya dali bidali te sogo homu kone palubao. Eno te Doek me bidibo suali, tama eno koneani, agai Solbolo te enade po walali homu ebao. Te eno yali sę pagede naga tama Solgo te nago deli kaneme bage tigidali elalio.”²³ Tiali goli, nage wi munu me igio. Nage ena dali bidao. Te mu tama, Solgo te nage me, ena me, da si elainu ebao. Tiali goli, nage ena dali bidibaso da, teda eno nage tonalu, tama nage bugagia bidaibao,” wali.

Devitgo te Keila dabe tau sali

23 Nosali bidi mebago Devitba te tiwai po wali, “Te Filistia dabego te Keila taun bulu bidi dabe dali hwjbo sę po wali. Tama augwaligo te Keila dabego wit te Keila dabego te nai sela tuabo madi pesage holali elalubadi, te wi sela pali,” te po wali.² Devitgo te po odama, tama agai te Genuai Bidiba hanalu, te tama po wali, “Te ena pelama, te Filistia dabe dali hwjgi pabo te usu yaibawe, me meniwe?” Tama Genuai Bidigo agabolo te po wali, “Te usu dao. Nago augwaliba hwjgi pelama, tama te Keila dabe tau siyu, te augwali dolidali weyu te tama tiao,” wali.³ Tiali goli, te Devit dali bidali bidi dabego te po Devitbolo wai, “Odao. Megi da te Judade bidiyu, tama da wi ilibo nai hauwa elalubao. Tama magi baso da te Keilaba pelama, te Filistia dabe dali hwjgi paibawe? Da me pogobeo,” wali.⁴ Augwaligo te tama po obaso, tialima Devitgo te Genuai Bidiba ma hanalu wali. Tama Genuai Bidigo te tiwai po te Devitbolo wai, “Dage te hogodama, pelama, tama te Filistia dabeba hwjgi pao,” wai. “Magi baso meni, eno dage tau siyu, tama dagego augwali aiyaba elalueibao.” Te po wali.⁵ Tialima, Devit aga bidi dabe dali te Keilaba pelama, tama te Filistia dabeba hwjgi pali. Tama augwaligo te Filistia dabe hauwa ela munama, tama augwaligo bulmakau dabe sali. Te hwjanigo te Devitgo te Keila dabe ma dobola selama, tama augwali me dolobeo.

⁶ Te Devit te Keilaba pisiqbadi, tama Abiatar, te Ahimelekgo ogwa, te king Solde wi peyu, tama te Devitba asali sogo, Abiatarigo te prisgo masigi si elalubo ugwa sesali, augwa te Godigo homu konea sabo nai, tama te sela asai. Tama augwali te Keilaba pabo sogo, teda Abiatarigo te ugwa pedai augwa dali peyu sela pai dao.

⁷ Tama bidi mebago Solbolo weyu, te tiwai po wali, “Devit te Keilaba pelama bidibao,” wai. Tialima, Solgo te po wai, “Wiegi yai mu da, megii te Godigo aga te ena nogoba mawaibao. Devit te obo elalubo taun tomoba pali, tama te kolesagade aga digi aga te kalabus tiwai ilali. Tama tiyu, eno aga tuainu ebo te sunumi gegebo sę dene yai dao.”⁸ Tialima, nosali Solgo te aga ami bidi tigidali i olama, tama augwali te bulu Keila pelama, te Devit aga bidi dabe dali bidibo teba bagua sigi painu yali.

⁹ Tiali goli, Devitgo odali, te Solgo agaba dwai sę yabo homu ebo po wai. Tama tibaso, agai te pris Abiatarbolo walali, “Te pris ugwa selama, sesao,” po wali.

¹⁰ Agai sela asobo si da, teda Devitgo gedu haluasa po te tiwai wali, “God, da Israelgo Genuai Bidi, ena naga sę ebo bidi da, eno te tiwai po odali, Solgo ena e Keilade bidibo koneanio. Tama aga aselama, te bulu dolagasabo homu ebo dao.”¹¹ Tama eno koneainogo homu yali, te e bulu bidi dabego ena te Solba magowe, ma meniwe? God, da Israelgo Genuai Bidi, eno homugo nago eno te hanalu wali po wei pomainu homu ebao.” Tama Genuai Bidigo agabolo te tiwai po wali, “Sol da te asaibao.”

¹² Tama Devitgo Genuai Bidiba ma hanalu wali, “Te Keila bulu bidi dabego ena me, te eno bidi dabe dali, te Solba mawaibawe, ma meniwe?” Tama Genuai Bidigo te po wai, “Augwaligo te tama tiwai yaibao.”¹³ Devitgo te po odama, tialima te polo mu tama aga hani bidi dabe selama, te megii da augwali namba te tama 600 bidi elaluali. Tama tigidali hogodama, tama te Keila bulu tagalama palio. Augwali te hauwa pedai badu tedela bilali. Te Solgo te Devit te bulu Keila tagalama wi pali po odobo side, teda Sol te Keila buluba pabo homu me ebeo.

Devit te bulu du bage bulude bidai

¹⁴ Devit pelama, te bulu meba wiegi yai madi te Sif bulu pade, te bulu du dabede geme dualaluali. Te bulu pedai te bidi meniama, olo elalubo bulu tama. Tama Solgo Devit sesemane sogo gegabo sę yali, tiali goli Godigo te Solgo aga somainu me ilibeo.¹⁵ Solgo te Devit ela muabo homu ebaso, tama tiyu Devit wi yai. Tama te sogo Devit pelama, te Sif bulu pade te Hores bulude bidai.¹⁶ Tama Jonatango aga sugi pelama, tama wiegi yai po agaba weyu, te Devitgo konealubo po Godiba bomo elaluabo po wai.¹⁷ Jonatango agabolo te tiwai po wali, “Nage wi munu me igio. Eno ayago nage me dologobeo. Nosali nage te Israel king pedalubo side, tama ena te nage tudi badu bidi nigilama bidaibao. Tama eno ayago me te sę yabo koneai dao,” wali.¹⁸ Tama Genuai Bidigo gedude, augwa si te abagi mu olama, sesemane sogo bidabo te bomai dą walubo po ma wali. Tama nosali Jonatan aga buluba ma begasa peyu, tama Devit te bulu Horesde me bididuai. †

¹⁹ Tialima, te Sif bulu bidi mebago te Sol Gibeade sulama, tama agabolo te tiwai po wali, “King, odao. Devit te da bidibo pedai badu, te Hakila bulu du pedai badu, te Juda dabego bulu tq wa pai te saut badu geme dualalubao. Augwali te hwjbo pesage me badu te geme dualalubao, te Hores bulu pade dao.”^{†20} Dago koneani, nago homugo te bidi tolasabo homu mu elalubao, tama tiyu te nage aselama, aga sagasao. Tama dena digi te aga nage nogoba mawaibao,” te po wai.

²¹ Tama Solgo augwaliba te po wai, “Dagego wiegi yai kolesaga eyu, te ena tau sobao. Tama tiyu, eno homugo te Genuai Bidigo dage wiegi yai bugagia ilimainu yaibao.”²² Tiali goli, te bidi dabego te po wali, Devit te geme dualubo sę mu konea pai bidi, tama agai da tibo po me ola mawaibao. Tama tiyu, eno homugo dage te

† 23:18 1 Sml 18:3 †† Tib 54 Tobolu pode

deli sogo ma pelama, te aga bidibo pesage sugi pelama, tama aga suali bidi dabe te nogi koneyu yao," te po wali. ²³ "Dagego te aga geme dualubo pesage tigidali te bugagia koneama, tama polo aselama, enabolo wagasao. Tama ena dage dali pelama, tama aga tede me bididubaso da, teda eno aga bugagia gegegi paibao. Tama eno aga pobeasa peyu, te tigidali juda pedai badu pobaso da, teda te eno aga sigi pabo si mu te usu naibao."

²⁴ Solgo po ola silibo si da, te Sif dabego aga taga peyu, tama aga asomainu elama, tama augwa buluba polasa pai. Tama augwa te tama tiwai koneani, Devit dali, te aga dali bidibo bidi dabe dali, augwali te Maon wa pai bulude bidaluali, te juda pedai genuai bulu te saut badu bidalio. ²⁵ Solgo odama da, teda aga dali, te aga bidi hani dali, augwali hogodama, teba pelama, te Devit gegegi pali. Tiali goli, te bidi mebago Devitba wagi pali. Tama tibaso, aga pelama, te masigi hauwa elalubo bulu dwai me deliba pelama bidigi pali, te gasa pedai badu, te Maon wa pai bulu pedai badu bidigi pai. Te Solgo Devit te badu pali po odobo si da, teda Solgo aga wali pai dao.

²⁶ Tama Sol aga hani bidi dabe dali te bulu du pado me deli pedai badu bidali, tama Devit dali, aga hani bidi dali, te augwali Solde wi pelama, tama te bulu du gasa pedai badu bidigi pai. Tama Sol aga hani bidi dali te aga hani bidi dali tola sainu yali. ²⁷ Tialima, bidi me deli aselama, te Solbolo wagasiyu te po wai, "Odao. Te Filistia dabego dago bulu t̄q pedaiba hwjagasobao. Nage ases polo ma geasa asao," te po wagasali. ²⁸ Tialima, Solgo te po odama, tama aga me, te aga hani bidi dabe dali te Devit taga soyu, tama te Filistia dabe dali hwjgi soai. Tama tialima, augwaligo te bulu nogi polali, Te W̄bi Hw̄bo Togolali Masigi Hauwa Elalubo Bulu Da po wai. ²⁹ Tama Devitgo te pesagede bidali te tagalama, tama pelama, te wiegi yai geme dualaluabo pesage te Engedi dabego t̄ba bidigi palio.

Devitgo te king Sol me elibeo

24 Solgo te Filistia dabe pobeasa pelama, teda aga ma geasa aselama, te Devit ma gegagasali. Tialima, te bidi mebago agabolo te po wali, "Devit te t̄q wa pai bulu te Engedi p̄ade bidibao," wali. ² Tama tibaso, Solgo te wiegi yai Israel ami bidi dabe te 3,000 nigilama, tama augwali selama, pelama, te Devit dali, aga hani dali, gegegi pali. Augwali te dwai bulu padodu soali, augwa te bulu nogi poyu, te Dwai Uni Memego Bulu da po wai. ³ Augwali pelama, te genuai ola be me deli te sunumi sese bulu dude elalui, tama te sipsip meba obo p̄ade elalui. Tama Sol aga te di tabo homu ebaso, tama aga te ola be tomoba pali. Tiali goli, Devit dali, te aga bidi dabe dali, augwali te ola be tomode mu dulalu bidaludai. ¹⁴ Tialima, te Devitgo aga bidi dabego agabolo weyu, te po wali, "Te dao. Megi te nago wiegi yai sogo dao. Genuai Bidigo nagebolo waliyu, te agai te boi bidi nage mawaibao po wai, tama nago

mena s̄e agade yainogo da, teda nago te s̄e yao. Megi da, te s̄e ebo sogo dao. Ae, nage pao." Tialima, Devit te dua dua peyu, te Sol p̄aba pelama, tama te Solgo bobage ugwa aiyadu dwasianu pedainu togwa sali, tiali goli Solgo me konebeo. ⁵ Devitgo togwa selama, teda nosali agai te yali s̄ede aga homu kone palali, te dwai s̄e dao, te homu yali. ⁶ Tama aga bidi dabe bidibo madiba ma pelama, tama augwaliba te tiwai po walali, "Genuai Bidigo enabolo te eno king dolomainu ilibeo, magi baso meni, te Genuai Bidigo digi aga nigilama, tama aga te king munama bidali. Eno te Genuai Bidigo sa muani kingba dwai kolesaga deli me egobeo," wali. ⁷ Tama Devitgo aga hani bidi dabeba wado po waliyu, tama augwaligo te Sol eligi pomainu ebeo. Tama Sol te di telama, tama aga hogodama peyu, tama te ola be tagalama, soalio.

⁸ Tialima, Devit te Sol pali tudi badu nosali aga te ola bedu buluba dia solama, tama Devitgo agaba i weyu, te tiwai po wali, "King Sol, eno genuai bidi dao!" Solgo te i wabo odama begelali, tama Devit kidu sugunama, tama tobolu t̄ba pogulali, te Solba genuai nogi mayu tiali. ⁹ Tama Devitgo Solba te tiwai po wali, "Magi baso nago olo te bidi dabego wabo poba muyu, te eno nage dolaibao homu ebo dawē? ¹⁰ Megi da, nago koneani, e sogo naga nage te bulu du ola bede bidibadi, tama Genuai Bidigo nage eno nogoba muanio. Tama eno hani bagego nage elao po wali, tiali goli eno olo tau sabo wiegi yai homu kolesagago nage tau siyu, eno te po wali, eno nage me dologobeo, magi baso meni, Genuai Bidigo digi nage sa mubaso, tama nage te king pedelai dao. ¹¹ Eno aya, sua, nago eno e totalubo ugwa dage pedai bugagia sua. Eno te nago ugwade togwa sali, tiali goli eno nage me elibeo. Tama teyu, nago bugagia koneao, eno nageba dwai s̄e yabo homu me, te nage dolabo homu me elalubeo. Eno nagede hagoma eyu, nage dologode bidibo hagela homu ebeo. Eno tede s̄e s̄e sabeo. Eno dwai s̄e me deli nageba me ebe, tiali goli, nago ena gegebo s̄e eyu, te ena ela muainu ebaso. ¹² Genuai Bidigo digi te da sigo ebo kolesaga dagalama, tama dego te dwai s̄e yali sueibao. Agai nageba te dwai dene mayu, te nago ena dali yali dwai kolesaga wei ponoyu tiaibao. Tiali goli, eno digi eno te nageba dwai s̄e me iligobeo. ¹³ Te polobadu digi te wali po nago koneani, 'Te bidi dwaigo naga te dwai kolesaga yaibao.' Tiali goli, ena te bidi dwai meni tiyu, te eno dwai kolesaga nageba me egobeo. Mu menio. ¹⁴ Da Israelgo king, nago ena pobeasa biliba, agawe? Tiali goli, ena de dawē? Ena te isai yowi tiwai yai. Ena te n̄q me deli tiwai naga dao. ¹⁵ Tama tibaso, te da si tomode te dego dwai s̄e yali te Genuai Bidigo digi dagalumainu yaibao. Agai ena tau siyu, te po dodoliyu, te nago ena me dologobeo. Tama eyu, agai da sibolo ola mawaibao, eno nagede dwai s̄e me deli me ebeo," wali.

¹⁶ Devitgo po ola silibo side, tama Solgo agabolo te po wali, "Devit, eno waio, nago digi enaba te po oba, agawe?" Tama Sol gela walio. ¹⁷ Tama agai Devitba te tiwai po wali, "Nage wiegi yai bidi, te ena da dwai bidi

† Tib 57 Tobolu pode; Tib 142 Tobolu pode

mu dao. Nago enaba wiegi yai kolesaga mu yali, tiali goli eno dwai kolesaga nage dali yalio. ¹⁸ Tama megii tama nago ena pusali, nago wiegi yai kolesaga enaba elama, tama ena nago nogoba te Genuai Bidigo muani sogo, nago ena me ela mubeo. ¹⁹ Eno koneani, te bidi me deligo aga boi bidi dolabo sunumi elalubaso da, teda agai te aga olo me tagala palogobeo. Tiali goli, nago te wiegi yai kolesaga megii enaba yaligo, tama tiyu eno homugo te Genuai Bidigo nage wiegi yai bugagia mu ilimainu yaibao. ²⁰ Odao, eno mu koneani, te nage Israelde bomai king pedelaibao. ²¹ Tama tiyu, eno homugo nago te Genuai Bidigo nogide te bomai po daꝓ walu, te nage king pedalubo sogo, te nago eno hani munu me eligobe po wao. Tiyu, nago augwali elibaso, tama eno nogi dali, te eno hani dali, tigidali mu silidalio," Solgo te po wali.

²² Tialima, Devitgo bomai po daꝓ walali. Tama Sol aga buluba ma geasa peyu, tama Devit aga bidi dabe dali te geme dualualu pesageba ma geasa pai.

Samuel isai

25 Nosali Samuel isibaso, tama tigidali Israel we bidi sininagaselama, tama agade gela wali. Tama augwaligo aga te Ramade te aga be paꝓe pubulali.

Abigelgo Devit tau sali

Nosali te Samuel isai madide, Devit te aga bidi dabe dali te toꝓ wa pai Paran buluba bidigi pai. ²³ Te Maon taun bidi me deli, te aga nogi Nabal bidali. Aga te Kalep hani bidi. Tama agai toꝓ pedai me deli te Karmel taun elaluali. Aga te mone hauwa elalubo bidi mu, tama agai sipsip te 3,000 elaluai, me 1,000 meme dali elaluali. Aga we, te Abigel, aga te wiegi yai sawi yai we mu, tama aga wiegi yai homu kolesaga hauwa koneai elaluali. Tiali goli, Nabal te wado po wabo bidi, tama aga kolesaga te wiegi yai elalusiꝓwai. Te sogo Nabal te Karmel taunde bidiyu, tama augwaligo te agai sipsip nisi dabe togobo seꝓ iduai.

⁴ Devit te toꝓ wa pai bulude bidibadi, tama Nabalgo te seꝓ ebo po odai. ⁵ Tama tibaso, agai nogo si gesi bidi tagala palama, Nabal te taun Karmelba sugi pomainu yai. Devitgo te tiwai po augwaliba wai, "Dage te taun Karmelba pelama, tama Nabal gegegi pao, tama eno nogide dagego agaba te siade da po waiꝓo. ⁶ Tama dagego Nabalbolo te tama po wao, 'Nage dali, te nago hani sibi dali, te nago tigidali doado bage dali me, te nage bugagia bidao. ⁷ Devitgo te tiwai po odali, te bidi dabego nago sipsip nisi togobo seꝓ ebo po wai. Tama Devitgo nago bugagia konemainu yali, te nago sipsip tonalubo bidi dabe te da dali te Karmelde bidali sogo, dago augwaliba te dwai seꝓ me ilibeo. Tama dago te augwaligo doado bage wi me sabeo. ⁸ Te nago augwaliba hanalu da, teda augwaligo te tobage deli po tiwai nageba waibao. Megi nago te genuai nai daa tubo po obaso, te Devitgo da nageba tagala palali. Tama tiyu, agai homugo te nago daba olo tau mabo wiegi yai kolesaga emainu homu yai. Da te nago seꝓ bidi ti-

wai, tama nage te Devitgo aya tiwai dao. Tama tiyu, nago nai meba elalubaso da, te nago dabolo maiabo homu yao, 'te po wao," Devitgo te po wali.

⁹ Tialima, te Devitgo bidi dabe pelama, tama te po te Devitgo nogide te Nabalba wagi pelama, tama augwali tonalu bidali. ¹⁰ Tama Nabalgo te tama po wei augwaliba ponoyu, te tiwai po wai, "Te Devit, te Jesigo ogwa, te de dawe? Eno aga me konebeo. Megi e sogo te seꝓ tonalubo bidide te olo seꝓ bidi hauwa wi peyu ebo sogo elalubao. Te aga me te olo seꝓ ebo bidi naga homu ebao. ¹¹ Dage menadu asali, te eno konebeo. Tama tiyu, eno te bret me, weꝓ me, te kibu dabe te sipsip nisi togobo seꝓ ebo bidi dabe ela maiabo nai, te dageba selama me magobeo. Mu menio," wali.

¹² Te Devitgo tagala palali bidi dabego te po odama, tama augwa te Devitba ma geasa pelama, tama te Nabalgo wali po tigidali agaba walali. ¹³ Tialima, Devitgo te po wali, "Dage tigidali te bainat hwaꝓ selama, tama hwaꝓo sisi yao." Tama tibaso, augwaligo agai po wali pali. Tama Devitgo me aga bainat hwaꝓ kukuluba gedelali. Tama agai te 400 bidi aga selama pali, tama agai te 200 bidibolo waliyu, te bida po olama, te doado bage tonalua wai.

¹⁴ Te sogo te Nabalgo seꝓ ebo bidi me deli palima, te Abigel sugi pali, te Nabalgo we, tama agabolo te tama wai, "Devit te toꝓ wa pai bulude bidiyu, tama aga bidi meba tagala palama, te dago genuai bidi Nabalba selama, tama augwaligo agaba te siade da po wai. Tiali goli, agai po dwai augwaliba manio. ¹⁵ Tiali goli, augwaligo dwai seꝓ daba me ebeo, menio. Augwaligo te wiegi yai kolesaga naga dabolo sesemane sogo yali. Tama tigidali sogo augwali da dali te kala elalubo pesagede bidiyu, te augwaligo dago doado bage wi me sabeo. ¹⁶ Tama tigidali sogo dago te sipsip dabe tonalubo seꝓ yali sogo, teda te Devitgo hanigo da te giligade me, hulide me, bugagia tonalua dao. ¹⁷ Tama tiyu, nago bugagia koneao, megii da, te Devit aga bidi dabe dali asiyu, te dago genuai bidi me te tigidali we bidi dali dolagasaibao. Tama magi naigo nago te yaga-sobo seꝓ paliabo sunumi te bugagia homu kone palao. Ena nageba asali, magi baso meni, Nabal te hagoma bidi, tama agai te dago po me odogobeo," wali.

¹⁸ Abigelgo te po odama, tama polo tama aga te 200 bret sisi elama, tama te meme wali si me augwa te wain weꝓ paganai elaluali, tama te ulali a naga sipsip, me te 20 kilogram wit augwa te siaba ulai nai me, te 100 wain bono du duani me, te duani 200 fik te augwa olali, tama te tigidali nai selama, te donki meba teba muanio. ¹⁹ Tama agai aga seꝓ ebo bidi dabebolo te tiwai wai, "Dagego te donki dabe polasa sela pidua. Te ena dage wali asaibao," wali. Tiali goli, agai te tama tiali seꝓe te aga bidibolo me walobeo.

²⁰ Tama Abigel te donki me delide dugulama, tama te sunumi me delidu wali peyu, te Devit gegegi pali. Tama Devit te aga bage bidi dali augwali te deli sunumidu naga asai. Tama Abigelgo te bulu du me deli te sau pado sunumi wali bagula pelama, tama Devit dali deliba sininani. ²¹ Devitgo te tiwai homu yali, "Magi ba-

so eno te bidigo nai dabe te wa pai bulude bugagia tonaluali, agawe? Dago te agai nai me deli wi me sabeo, menio. Te agai nai tigidali te bugagia elaluali. Tama megii agai dwai kolesaga enaba wei ponani. Te aga kolesaga dolo me ebeo. ²² Tama tialima, eno te hani bidi tigidali te hulide digi ela muainu yaibao. Te meni ebaso da, Godigo ena te boi bidi dabego ela muainu emainao," wai.

²³ Abigelgo Devit sulama, tama polo tama aga te donki dulaluali tagalu, tama te t̄ba samonani. ²⁴ Tama aga te Devit p̄ba pelama, tama kidu sugunigi pelama, tama tobolu te t̄ba pogulali. Tama agai Devitbolo te tama wali, "Genuai bidi, eno nage dali po miainu ebao. Tama nago eno po odabo homu yaibawe? Te nage wado ilabo homu ebo aq̄ ilali s̄, te page enade naga elalubao. ²⁵ Tama nago te Nabalgo poba homu kone me palamuo, magi baso meni, te aga kolesaga dwai mu yali. Te aga nogi page te tiwai, kolesaga geda mubo bidi da. Tama aga kolesaga te deli tigi poai tiwai naga yali. Tama genuai bidio, ena digi eno te nago tagala palali gesi bidi te eno me subeo. Mu menio.

²⁶ Odao. Genuai Bidigo digi nage paliama, tama nago te boi bidi dabeba te dwai kolesaga isiayyu, tama augwali me ela mubeo. Tama te Sesemane Sogo Bidibo Genuai Bidigo nogide eno po bomo elama weyu, te tiwai po obao, te nago boi bidi dabeba te Godigo dene ilimainu yaibao, te Nabalba yabo s̄ tiwai gilama yaibao. ²⁷ Tama tialima, genuai bidi, eno homugo te eno nageba wiegi yai homu ilimainu te sesali nai te nago somainu homu ebao, tama naga hani bidi dabeba mao," wali.

²⁸ "Te eno yali s̄ nage gedude dolo meni ebaso da, teda eno homugo nago te eno yali dwai s̄ te sela sayao. Eno koneani, te Genuai Bidigo homugo nago te boi bidi dabe dali hw̄gi pomainu homu ebo sogo, teda nago te boi bidi dabe dali hw̄gi pali. Tama nago te dwai kolesaga ebo bidi meni. Tama tibaso, Genuai Bidigo nage te king pedalumainu elama, tama te Israel king dabe te nago wai hanide pedelaibao. ²⁹ Te bidi meba aselama, nage dali hw̄jagasu, te nage elainu ebaso da, teda God, dago Genuai Bidigo, te nage bugagia tonaluyu, te bidigo aga wiegi yai doado bage bugagia tonalubo tiwai yaibao. Tiali goli, te agai nago boi bidi ela gudulu, te bidigo masigi te katapelde mu-nama, tama te masigi enebo tiwai gilama yaibao.

³⁰ Tama Genuai Bidigo te tigidali wiegi yai s̄ agai nageba po daq̄ walu te nageba yaibao wali s̄ tigidali yaibao. Tama agai nage te da Israel dabego king ped-alumainu ilaibao. ³¹ Te nago bidi meba odolali me elisiayyu, ma nago digi te bidi me deliba dwai s̄ me isiabaso da, teda te Genuai Bidigo nage te king ped-alumainu ebo sogo te nage haliga seq̄ ilibo nai, ma nage hale ilibo s̄ me deli te meni yaibao. Tama Genuai Bidigo nage wiegi yai ilibo sogo, teda nago ena homu kone palama, tama ena bugagia wiegi yai ilao," wali.

³² Devitgo te po odama, tama Abigelbolo te po wali, "God, da Israelgo Genuai Bidigo, te nage megii tagala

palobaso asali, tama nago ena dali deliba gesabidi sisi-nama bidibao. Tama tiyu, eno wiegi yai homu pemene eyu, te aga nogi ugwaba sobao. ³³ Eno Godiba te nago wiegi yai homu kolesaga me po walide te usu da po obao, tama agai nage wiegi yai bugagia mu ilimainao. Magi baso meni. Megii nago ena palialigo tama eno bidi meba elisiayyu, tama te Nabalgo yali dwai s̄ te eno digi nogide wei ponama me elibeo. ³⁴ Tama Genuai Bidigo ena palibaso, te eno nageba dwai s̄ me yainu homu yali te me ebeo. Tiali goli, te Sesemane Sogo Bidibo Genuai Bidigo nogide, eno mu po obao, te nage enaba polo tama asigi menigi sogo da, teda te kigamu te Nabalgo s̄ bidi te me deli te bidibo ula dali me bidigi menigi dao," Devitgo te po wali.

³⁵ Tama Devitgo te Abigelgo sesali nai tigidali selama, tama Abigelbolo te tiwai po wali, "Megii nage te naga beba ma peyu, tama nago haliga dua nagame igulama bidao. Te eno nago po wali tiwai gilama eyu, tama eno te Nabal me ela mugobeo," wali.

³⁶ Tialima, Abigel te Nabalba ma geasa pali. Tama aga te beba sabolama suali, Nabalgo te nai daa tuali, te kingo genuai wiegi yai nai daa tiwai tobage tualio. Tama Nabal te geq̄ page mu eyu, tama wiegi yai homu pemene eyu bidali, tama tibaso, te Abigelgo po me deli te agabolo me wasiama te kigamuba usu nani.

³⁷ Te be posobode te Nabalgo tobolu ula ma igi soabo si da, teda tama Abigelgo agabolo te tigidali pedelali s̄ po wali. Nabalgo te po odama, tama polo mu tama aga tobolu abuai dwasianu doliyu, tama aga tigi te bomo kimi meni yani. Tama aga degasa dulama, tama te masigi tiwai elama pila mugulali. ³⁸ Tama te tiwai te nogo si sogo bidama da, tama Genuai Bidigo te Nabal ela muanio.

³⁹ Devitgo te Nabal isali po odama, tama agai te tiwai po wai, "Eno Genuai Bidiba wiegi yai homu pemene ebao. Aga digi te dwai kolesaga Nabalgo enaba yali te homu koneama, tama agai wei ponani. Nabalgo te dwai kolesaga ebaso, tama Genuai Bidigo agaba dene manio. Tama Genuai Bidigo aga s̄ bidi eno sunumi palialigo, tama eno dwai s̄ me ebeo," wali.

Tialima, nosali Devitgo s̄ bidi meba tagala palama, te Devitgo aga sabo po te Abigelbolo wagi pai. ⁴⁰ Tama te s̄ bidi dabe pelama, te bulu Karmelba sabolama, tama Abigelbolo waliyu te tiwai po wai, "Devitgo nage sainu walio. Tama agai da tagala palu, te nage agaba odasa asao wai," augwaligo te po wai.

⁴¹ Abigelgo te po odama, teda aga kidu sugunama, tama tobolu t̄ba basi gulali. Tama aga te tiwai po wai, "Ena te aga odolali s̄ ebo we tiwai dao. Tama eno ena te genuai bidigo s̄ ebo bidi dabego saq̄ w̄ telawaibao," wali. ⁴² Tama polo tama aga hogodama, te aga donki selama, teba duagulali. Tama agai s̄ ebo a naga we te aga dali pinao po wai. Tialima, aga dali, te aga s̄ ebo we dabe me, te Devitgo s̄ bidi dabe dali pela wali. Augwali te Devit bidibo madiba sabolama da, teda Abigel te Devit aga we pedelama bidali. ⁴³ Te hasia Devitgo te Jesril taun we Ahinoam sai, tama megii agai te Abigel me sali. ⁴⁴ Tama Mikal, te Solgo wegi,

aga me te Devitgo we bidali. Tiali goli, Solgo aga te wegi ma oda selama, tama aga te bidi Paltielba mani, te Laisgo ogwa, te taun Galim bidi dao.

Te si sogo wagisu Devitgo Sol me elibeo

26 Te Sif bulu bidi meba aselama, te Sol Gibeaba suagaselama, tama agabolo te tama po wai, "Devit te bulu du Hakilade, te Juda bulu t̄wa pai bulu sesegede geme dulaluyu bidibao," wai. ¹²Tama polo Solgo te wiegi yai Israel ami bidi te 3,000 selama, tama te t̄wa pai bulu te Sifba pelama, Devit gegegi pali. ³Tama Solgo osogo bidabo pesage te Hakila bulu du te sunumi p̄ade nigali. Devit te t̄wa pai bulude bidibadi, tama agai odali, Solgo aga te t̄wa pai bulu-ba gegagasali po wali. ⁴Tama tialima, agai te bidi meba tagala palama, te Sol geme sa pelama sugi pali, tama augwaligo te tiwai koneani, Sol asai yalio. ⁵Augwali aselama, Devitba wagasobaso, tama Devit hogodama, te Sol bidagasobo pesageba pelama, tama te Sol me te polalubo ofisa bidi, Apner, te Nergo ogwa, augwali si pibo pesage te bugagia sula sali. Sol te pesage nigali tomode pibadi, tama aga ami dabego aga bagulama piai.

⁶Tama Devitgo te Ahimelek te Hit hani, me Abisai, te Devit aga abe Seruiago ogwabolo walali. Abisai aga te Joapgo ama da. Devitgo augwali sibolo te tama po wali, "Te dage sigo de te Solgo bidibo pesageba pabo homu ebowe?" Tama Abisaigo te po wali, "Ena paibao." ⁷Tialima, te sogo hulide Devit dali Abisai si te Solgo bidibo pesage tomoba pai. Tama augwali sigo suali, aga te pesage tomode pila muyu, tama aga sesemone ene te aga tobolu p̄ade te t̄ba tulama elaluali. Tama Apner dali te ami bidi dabe daligo aga bagua selama, piai elaluali.

⁸Tialima, Abisaigo Devitbolo te tama po wai, "Megi da, te Godigo nago boi bidi te nago nogoba muanio. Te eno aga te aga sesemone enego digi enemainu eyu, te t̄ba d̄aḡ walumainu ilao. Te eno aga deli sogo naga enama, tama aga isaibao. Eno aga si sogo me enegobeo," wali.

⁹Tiali goli, Devitgo agabolo te po wali, "Tagalao, nago aga me dolamuo. Magi baso meni, Genuai Bidigo Sol te sa mubaso king pedelali, tama bidi me deligo te Sol dolobaso da, teda Genuai Bidigo te tebo bidiba dwai dene ilaibao." ¹⁰Tama Devitgo po ma mu weyu, te po wai, "Te Sesemane Sogo Bidibo Genuai Bidigo nogide eno nagebolo obao, te Genuai Bidigo digi Sol elabo, me ma Sol aga digi isabo sogo bodolu elalu, ma te boi bidi dabego aga te hwj̄bode elabo te elalubao.

¹¹Genuai Bidigo agai te sa muani king te eno aga dolomainu ilibeo. Dago te agai sesemone me te sene w̄ naga selama, tama da pinao." Devitgo te po wali.

¹²Tialima, Devitgo te aga tobolu p̄ade munaluali sesemone ene me sene w̄ dali si sali. Tama aga dali, te Abisai me, augwali si palio. Tama te bidi me deligo ma augwali sigo te tiali s̄ me konebeo. Tama te sogo te bidi me deli te me hodalubeo. Menio. Augwali te ni pu-

lu tiwai mu piali, magi baso meni, Genuai Bidigo digi te tigidali bidi bomo elama, mu pimainu ilalio.

¹³Tialima, Devit soyu, te bulu du si tomode te odogo malu bulu si nogelama, solama, tama te Sol bidibo pesage dwasianu digi bulu gana elaluali, tama te bulu du me deli bageba holama dolugulai. ¹⁴Tama aga te Solgo ami dabeba me te Apnerba i wai. Agai te tiwai po wai, "Apner! Nago eno i wabo odaliwe, ma meniwe?"

Tialima, Apnergo agaba te i wei ponoyu, te tama po wai, "Nage dego tama nago te kingba i obawe?"

¹⁵Tama Devitgo po wei ponoyu, te tiwai po wali, "Te nage bidi mugo oba, agawe? Te Israelde mena bidi te nage tiwai dawe? Te mu menio. Nago augwali aiyaba elaluai. Tama tiyu, magi baso naga tonalubo bidi, te king bugagia tonalubo meni dawe? Te nago konebe, agawe? Megi naga tama, te bidi me deli te king bidibo pesage tomoba pelama, te king ela muainu yali. ¹⁶Apner, odao. Nago wiegi yai s̄ me ebo. Tama dage ami bage, dage tigidaligo te duga tonalubo bidi te bugagia me tonalubeo, te Genuai Bidigo sa munama te king bidibo, te bidi dao. Tama te Sesemane Sogo Bidibo Genuai Bidigo nogide, eno mu po obao, te dagego te bidi bugagia tonalusībaso, te kingo dage tigidali ela mugi sogo da, te usu igi dao. Dage pelama, te king aga tobolu muani p̄ade te sesemone me sene aḡ sugi pao. Te nai si te munalubowe, ma meniwe?"

¹⁷Solgo koneani, te Devitgo dogoni da wali, tama tiyu agai Devitba i wali, "Devit o, eno wai, te nage tama da, agawe?"

Tama Devitgo agabolo te po wali, "Awe, king, te ena tama dao. ¹⁸Genuai bidi, eno magi dwai kolesaga ebaso, tama nago naga s̄ bidi ena nago gegebo s̄ ebawe? ¹⁹Tialima, king, eno po te nago odomainu homu ebao. Te Genuai Bidigo digi te nage aselama, ena dolomainu yai baso da, teda eno agaba te ofa me deli eyu, tama agai te olo tau sabo wiegi yai kolesagago ena tau somainu yaibao. Tiali goli, te bidi dabego te nago ena elimainu ebo si da, teda eno homugo te Genuai Bidigo augwali dolomainu yaibao. Magi baso meni, augwaligo ena te Genuai Bidigo t̄ pedaide ela gudulama, tama ena te tibo godiba lotu wagi pomainu ilibao. Tama eno te Genuai Bidigo aga hani bageba mabo wiegi yai doado bage te eno me sogobeo.

²⁰King, nago ena elainu asali te bidigo n̄ gegainu, ma bidigo te bulu dude te bidibo uni gogolo ba elainu asobo tiwai gilama yali. Tiali goli, nago ena te gasa hanigo t̄ pedaide me ela mugio. Tiyu, ena te Genuai Bidi digibulu bidibo gana elalubadi, te ena isidalio." Devitgo te po wai.

²¹Solgo te po odama, tama Devitba te tiwai po wai, "Hobede da. Eno dwai kolesaga yali. Tiali goli, Devit, te eno wai, nage enaba ma geasa asao. Eno nage dolabo usu me sogobeo, magi baso meni, te e sogo hulide nago ena me ela mubeo. Mu tama, te eno ebo kolesaga te mu geda muani. Eno dwai s̄ ebo te dwasianu me ebeo," wali.

²² Tialima, Devitgo Solbolo wali, "King, odao. Te nago sesemone ene te eno nogode elalubao. Eno homugo te nago bidi me deli tagala palama, sagasomainu yao. ²³ Genuai Bidigo te aga bugagia wali mu pabo bidi te wiegi yai iliyu, tama te doloba pai kolesaga ebo bidiba me te wiegi yai ilaibao. Nago homugo te megii naga agai nage te eno nogoba muani, tiali goli eno nage me dolobeo. Magi baso meni, eno koneani, te Genuai Bidigo nage sa munama, nage te king bidibao. ²⁴ Eno te tama homu yali, eno homugo te nage dologobeo. Menio, eno nage te bugagia bidimainu ilali. Tialima, megii da, eno homugo te Genuai Bidigo te tiwai wiegi yai kolesaga enaba emainu homu yali, tama eno seḡḡ tigidali silama, te ena bugagia bidainu homu ebo dao," te po wai.

²⁵ Tialima, Solgo Devitbolo te tiwai po wali, "Devit, eno waio, Godigo wiegi yai seḡ nageba emainao. Tama tiyu, nago yainu ebo seḡ tigidali te wiegi yai naga pedelaibao," wali. Augwa si te po mia silama, teda Devitgo te bulu du tagalama, tama palio, tama Sol te aga buluba ma geasa soai dao.

Devit te Filistia dabe dali bidali

27 Nosali Devitgo te tama homu yali, 'Te paḡe sogo tama te Solgo ena ela muaibao,' homu yali. 'Tama te wiegi yai mu da ena te Filistia tḡ pedaiba wi pelama, bidigi pobaso da, teda Solgo ena me sogobe da,' homu yali. 'Tama Sol te hagela ebaso, tama ena gegebo seḡ munu ma egobeo,' te homu yali. ² Tama tialima, Devit dali, te aga hani bage te 600 bidi me, te Get taun king bidi pageba pali, te Akis, te Maokgo ogwa dao. ³ Tama Devit aga me, aga bidi hani dabe dali, te aga we wai dabe dali, augwali te Getde bidaluali. Tama Devitgo we si te aga dali bidai. Te we me deligo nogi te Jesril bulu we Ahinoam, tama gasa we nogi Abigel te Karmel bulu we, aga te we da, te aga hasia isali bidi Nabalgo we dao. ⁴ Solgo te tiwai po sabilibo odali, Devit wi pelama, te taun Getde bidibo po odobo sogo, agai te aga munu ma pobeasa me bilibeo.

⁵ Nosali Devitgo te king Akisbolo te tama po wai, "Te nago ena wei ebaso da, teda nago ena te nago dwasianu buside elalubo taun me deliba ena bidigi pomainu yao. Tiyu, da nage dali te genuai taunde bidiyu, tama nago da tonalubo seḡ dene yabuo," wali. ⁶ Tialima, Akisgo te Devitgo po odama, tama agabolo te dwasianu taun me deli mani, augwa te nogi Siklak nogi yali. Tama tialima, te Siklak taun te Juda dabe kingo taun me pedelama, tama augwa taun elaluali te e buku aseḡani bidi dabe bidibo sogo usu nama elaluai dao. ⁷ Devit te Filistia bulu tḡ pedaibe bidali, te kibu be deli olama, polua me si me si bidai dao.

⁸ Te sogo Devitgo aga hani bidi dabe dali te pelama, te Gesurba, me Girsi, me Amalek, te tama bageba hwigi pali. Te hani bage te Israel dabego boi bidi dabe elaluai, tama augwali te Isip paḡe, te tḡ wa pai bulu te saut pedai badu bidali. Tama augwali tede te kibu be bidi sese umabo mu bidai dao. ⁹ Tama Devitgo aga hani bage dali augwaligo te augwali dali hwijani sogo,

augwaligo te tigidali we bidi elama, tama tigidali sip-sip, me bulmakau, me donki, me kamel te augwaligo ugwa dabe me, te tigidali nai sali. Augwaligo te tiwai ela silama da, teda augwali te Akis bidibo madi ma asiyu yai. ¹⁰ Tama Akisgo Devitba hanalu wali, "Megii da, nago mena badu hwigi paliwe?" Tama Devitgo te Akisba tibo po ola mayu, agabolo te tiwai po weyu yali, "Eno te Juda dabeba hwigi pai da," weyu yali, ma "Eno te Kin dabeba hwigi pali," te po weyu yali. Te bidi dabe te Juda tḡ pedai te saut badu bidiba po wali. ¹¹ Te Devit pelama hwigi pabo sogo, agai te tigidali we bidi ela muyu yali. Agai te tama homu yali, 'Tiyu me deli te Get taunba pelama, tama augwaliba te eno me, ena hani bage dali, dago ebo seḡ po wagi pidali,' homu yai. Tigidali sogo Devit te Filistia de bidu, te tama kolesaga naga yalio. ¹² Tialima, Akisgo te Devitba homu keḡ peyu, tama tiwai homu yali, 'Agai te Israel dabeba hwigi peyu, te aga abagi dabeba digi hwigi poba,' homu elama, 'tama tibaso, augwaligo aga wei ebo homu meni yani. Megii da, te agai ena tau siyu, tama eno seḡ sesemane sogo yaibao,' te po wai dao.

28 Dwasiyanu bidama gana, nosali te Filistia dabe augwa ami bidi dabe sisinama, te Israel dabeba hwigi painu yai. Tama Akisgo Devitba te tama po wali, "Te nago koneani, te nage dali te naga hani bidi dabe te ena dali pelama, te Israel dabe dali hwigi painu homu ebo, agawe?"

² Tama Devitgo agabolo te po wali, "Eno koneanio. Ena nago seḡ bidi da, tama nosali nago eno wiegi yai seḡ ebo sueibao."

Tama Akisgo te po wali, "Wiegi yai mu dao. Te eno nago nogi ugwaba siyu, nagebolo te ena sesemane sogo tonalubo seḡ mawaibao," wali.

Solgo te Samuelgo noma bidi dali po miai

³ Polobadu te Samuel isibaso, tama tigidali Israel te agade gela olama, tama augwaligo aga te Ramade pubulali, te aga taunde digi. Tama te sogo Solgo te tigidali bidi me we te isali bidi dabe noma bidi dali po mibo we bidi augwali ela gudulali. Tama agai te bidi dabe te Israelde bidimainu me ebeo. †

⁴ Te Filistia dabego te Israel dabe dali hwijainu yai. Tialima, te Filistia ami dabe te not pedai badu pelama, tama te augwa osogo bidabo pesage te Sunem taun paḡe nigai. Tama Solgo te Israel ami bidi dabe sisinama, tama augwali pelama, te augwa bidabo pesage te bulu du Gilboade nigilama bidali. ⁵ Te Solgo te Filistia ami bidi dabe suali sogo, te aga wi dwai mu yai. ⁶ Tama tiyu, agai te Genuai Bidiba te tama po hanalu wali, "Te eno mena tama seḡ yagawe?" Tiali goli, Genuai Bidigo te nade agabolo te po wei ponisiḡyu, ma te Godigo homu konea pabo masigi me, ma te profet dabego pedauwalide me, te po wei me ponisiḡwai. Genuai Bidigo te po me deli te wei me ponobeo. Mu menio. ††7 Tialima, Solgo te aga ofisa dabebolo te tama po wali, "Dage pelama, te isai bidi noma dali po mibo we me deli gegegi pelama, tama te eno aga dali po migi

† 28:3 Prs 20:27; Bom 18:10-11; 1 Sml 25:1 †† 28:6 Nam 27:21

paibao." Tama augwaligo agabolo te po wai, "Te me deli te taun Endorde bidibao," wai.

⁸ Tialima, Solgo te kingo mubo ugwa muani te hasegelama, tama gasagi yai tobage ugwa bulali, te bidi dabego aga te king da weyu koneidali weyu te tama tiali. Tama agai te aga ofisa bidi si selama, tama hulide augwali pelama, te we sugi pali. Augwali sabo-lama da, tialima Solgo te tiwai po te webolo wali, "Eno homugo nago te isai bidi noma bidi dali po mimainu homu ebao, tama te mena sę pedelabo po te enabolo omainu yaibao. Eno homugo te bidi nogi elama, tama nago aga noma bidi i obaso, te hania hanilagaso-mainu yaibao," wali.

⁹ Tialima, te wego te po wali, "Nago te king Solgo yali sę koneani. Agai te isali bidi noma bidi dali po mibo we bidi tigidali sela sayu, ela gudulali. Magi baso nago ena usu sagasu, tama te Solgo ena ela mumainu yabo sunumi te hanilagasobawe?" wali.

¹⁰ Tama Solgo agaba te tiwai bomai po me deli daę waliyu, te tiwai po wali, "Te Genuai Bidigo nogide eno te mu po nageba daę walu obao, nago te sę ebaso da, teda augwaligo nageba te dwai dene me iligobeo," wali.

¹¹ Tama te wego Solba hanalu wali, "Tialima, nago homugo eno de i omainuwe?" Tama Solgo te po wali, "Nago te Samuel i wao." ¹² Tialima, te wego te Samuelba i wali, tama agai te Samuel pedalubo sogo sulama, aga te i dwai mu weyu, tama te Solbolo te tama po wali, "Magi baso nago ena usu sobawe? Naga digi nage te king Sol dao!" Te wego te po wai.

¹³ Tama kingo te po wali, "Tagalao, nage wi me elamu. Nago magi nai sualiwe?"

Tialima, te wego te po wali, "Eno te bidi noma me deli te tę daidu asobo sualio."

¹⁴ Tama Solgo agabolo hanalu wali, "Te noma bidi te magi nai dawew?" Tama te wego te po wali, "Te monu dabe tiwai te bobage ugwa gudama, tama asalio." Tialima, Solgo koneani, te Samuel tama da homu elama, tama Sol te kidu sugunama, tama aga tobolu te tęba basi gulama, te Samuelba genuai nogi mayu tama tialio.

¹⁵ Tama Samuelgo Solba te tiwai po wali, "Magi baso nago ena hodolama, tama ena ma asomainu i obawe?"

Tama Solgo te tama po Samuelba wei ponani, "Eno sęę genuai mu elalubao. Magi baso meni, te Filistia dabego enaba hwjagasobo side, tama Godigo ena tagalalio. Te agai enaba te profet dabego pedauwalide me, ma te nade me, te po ena dali me wabeo. Te eno mena sę elama te eno homugo konemainu ebao. Tama tiyu, te nago enabolo omainu te eno nage i wali," Solgo te po wali.

¹⁶ Tialima, Samuelgo agabolo te po wali, "Odao. Genuai Bidigo nage tudiba muyu, tama nago boi bidi pedelalio. Tama tialima, magi baso nago ena i waliwe? Eno nage tau me sogobeo. ¹⁷ Genuai Bidigo nageba te sę yali, te nagede po agai eno pedauwalide polobadu wali. Agai nage te king sęde sela sayu, tama nago te

Israel munu ma tonalugio po wai. Tama agai te sę te nago abagi Devitba mawai dao. ^{†18} Nago te Genuai Bidigo po sela sawani. Polobadu Genuai Bidigo te Amalek dabe dali haliga sębę ebaso, tama nagebolo weyu, te Amalek tigidali dolao po walali, tiali goli nago agai po wali pabeo. Tama megi Genuai Bidigo te sę nageba ebao. ^{††19} Tama te sę naga nageba me egobeo. Menio. Aga te nage dali, te gasa Israel dabe dali, te Filistia dabego nogoba mawaibao. Do da, te nage dali, te naga ogwa dabe dali, te isama, tama ena dali te isali bidi dabe bidibo pesageba bidagasaibao. Tama Genuai Bidigo te Filistia ami dabego te dage Israel aiyaba elalumainu elama, tama dage aiyaba mu elalueibao," Samuelgo te po wai.

²⁰ Solgo te po odama, tama aga wi dwai mu elama, tama polo tama mu aga te tęba degasa dulama, tama pila muani. Tama aga bomo kimi meni yani, magi baso meni, aga te sogode nai me tusiawai.

²¹ Tialima, te we te Solba pelama, tama aga te wi dwai mu ebo suali. Tama te wego Solba te tiwai po wali, "Genuai bidi, odao. Eno nago po wali pali. Ena te augwaligo ela muaiba homu me ebeo. Menio. Eno nago po odama, te sę yalio. ²² Tama tialima, megi eno homugo te nago eno po odama, te sę me deli emainu obao. Eno te nai meba nage menama, tama eno homugo te nago tumainu homu ebao. Nago te nai tula-ma da, te nago bomo sabo si da, tama nage ma pobaso te usu dao," wali.

²³ Tiali goli, Solgo te po wali, "Woo, menio. Ena nai tubo hagela ebuo," wai. Tialima, aga te ofisa bidi si badi te wego me, augwa bomu eyu, Solgo te nai tuo wali. Tama agai augwaligo po odama, tama hogodama, te pibo bet saiba duagulali. ²⁴ Tama polo tama te wego te aga ogwa bidi nisai bulmakau elama, tama te bulmakau mi ulai. Tama aga te plaua meba selama, tama te yis meni yai bret meba polo nigilama, tama ulali. ²⁵ Te nai sisi ela silama da, teda te wego te nai te Solba me, te aga ofisa dabe daliba, sela asama tama augwali tuali. Augwa tula silibo si da, teda te sogo hulide naga augwa te we taga soyu, tama soalio.

Te Filistia dabego homugo te Devitgo augwa tau sabo hagela homu yai

29 Te Filistia dabego augwa ami dabe sese selama, augwa te taun Afekba sisinagasali. Tama te Israel dabe augwa bidabo pesage te wę ulu pedalubo pęde nigilali, te Jesril bulu odogode te wę ulu odolali te tęde pedalubo madi bidali. ² Te Filistia a naga king dabego te augwa ami dabe te 100 bidi me 1,000 bidi hani bubugulu pelama, tama te ami bidi dabe te hwjbo pesageba sela painu yali. Te Filistia dabe augwa ami polasa pobadi, tama Devit aga ami bidi dabe dali te king Akis tudi badu nosali pali. ³ Tama te Filistia ofisa dabego te Devit aga hani bidi dali asobo sulama, tama augwa te po wali, "Magi baso te Hibru dabe ede bidalubawe?" Tialima king Akisgo augwaliba te po wali, "Te aga da Devit dao, polobadu aga te Solgo ofisa

† 28:17 1 Sml 15:28 †† 28:18 1 Sml 15:3-9

bidi me deli da, te Israel king bidi dao. Tiali goli, aga te hauwa sogo mu te ena dali bidali. Tama tigidali sogo me aga ena dali bidali, te eno agade te dwai sę ebo me gegebeo," wali.

⁴Tiali goli, te ofisa dabego te Akisba wado po weyu, te po wai, "Aga te nago mani taunba ma geasa po-mainu tagala palao. Nago aga te munu me da dali te hwj̄boba pomainu elamuo. Tiyu, aga homu hasegelama, tama da Filistia dabeba hwj̄yu, tama da ela muidalio. Te agai te tama tiyu da, teda te wiegi yai sun-umi nigilibaso, te king Solgo aga wei ma eyu, te wiegi yai homu pemene yaibao. ⁵Aga te bidi Devit tama dao, te we dabe sibigo agade te augwa balia yali sogo, te tęąbi po wai. Augwa tęąbi po te tiwai wali, 'Solgo te boi hwj̄bode te umabo tausen bidi elali, tiali goli Devitgo te bidi umabo hauwa tausen tausen bidi elali,' po weyu tęąbi wai dao," te po wali. †

⁶Tama tibaso, Akisgo te Devit i olama, agabolo te tama po walali, "Te Sesemane Sogo Bidada Pabo Genuai Bidigo nogide, te dage Israel dabego God dao, eno te tiwai mu po nagebolo obao, nage te doloba pai bidi, tama ena digi eno homugo te nage ena dali asu, tama te wąbi hwj̄bo side da tau somai da homu eyu, wiegi yai homu yai. Eno te magi dwai sę nago ebo te susiąbadi, nage enaba asali sogoba usu nama te megı sogoba dąj yagasobao. Tiali goli, te gasa king dabego te nage da dali asomai da homu usu ebeo. ⁷Tama tiyu, nago te king dabeba wado po weyu, subigila sę me elamuo. Tiyu, augwaligo homu dwai nage dali yabuo. Nage te naga bidali pesageba ma geasa pelama, tama bugagia dulalu bidao," wali.

⁸Tama Devitgo Akisbolo te po wali, "Tiali goli, genuai bidio, eno mena dwai sę yaliwe? Eno te nago sę gagalali sogo eno mena dwai kolesaga ebo nago suali, te megı e sogoba usu nubawe? King o, magı baso ena te nage dali peyu, te eno genuai bidigo boi bidi dabe dali hwj̄gi pomainu ebewe?"

⁹Tialima, Akisgo Devitba te tiwai po wei ponani, "Te eno gedude nage te Godigo ensel me deli tiwai yali, tama nago te magı nai me delide te dwai sę yali me elalubeo. Tiali goli, te gasa ofisa dabego po walio, nage da dali te hwj̄bo digi pogobe po wali dao. ¹⁰Tialima, Devit, odao. Do da, te nage dali, te gasa Israel ami dabe dali, te huli tomode digi hogodama, tama doado bage sisi yao. Tama be posobo si da, teda dage hogodama, piąo," wali. ¹¹Tama tialima, kigamu mu Devit te aga ami bidi dabe dali te Filistia bulu tę pedaiba ma geasa pobadi yaide, tama te Filistia dabe te Jesril bulu-palio.

Devit me, aga ami bidi dabe dali, augwaligo te Amalek dabe dali hwj̄ani

30 Te Devit dali, aga ami bidi dabe dali, te sela sogo solama, tama augwali te augwa taunba sabolali, te Siklak taun, tama augwaligo te Siklak taun dolai sualio. Devit te Filistia ami dabe dali bidali sogo te Amalek dabe aselama, te saut badu bidali Juda we bidi

dali hwj̄gasali. Tama augwaligo te Siklak dabe dali hwj̄nama, tama augwali aiyaba elaluama, tama te taun siyu, te taun siago ulali. ²Tama te Amalek dabego te Siklak taunde bidali we wai tigidali sali. Augwaligo te deli me te me elibeo, menio. Augwaligo te tigidali selama, te augwa dali pali.

³Nosali Devit te aga ami dabe dali augwali te Siklak taunba sabolama, tama augwaligo te taun siago dai sualio. Tama augwa te tama koneani, te Amalek dabego te Devitgo we wai me, te aga ami dabego we wai me selama, tama tigidali augwali dali selama pai yalio. ⁴Tialima, Devit dali, te aga ami bidi dabe dali, augwali te dwai gela mu ola pidubadi, te augwa bomo siligi pabo si teba usu nani. ⁵Tama te Amalek dabego te Devitgo we si me sela pali, te Ahinoam me Abigel, tama augwali si te augwali dali pai sualio. ††6 Te Devitgo bidi dabego homugo te boi bidi dabego te augwaligo we me wai sela pali homu elama, tama augwa haliga sęę elama, tama Devitba wado po wali. Tama tialima, augwaligo agaba te masigi sęnama, tama aga ela muaibao wali. Tama Devit aga genuai sęę mu elaluali. Tama Devitgo gedu haluasa po, te aga Genuai Bidiba wali, tama Godigo aga homu kolesaga dą walalio.

⁷Tama tialima, Devitgo te pris Abiatarbolo wali, te Ahimelekgo ogwa da. Agai te tama po wai, "Te pris ugwa seselama, tama dago te Godigo homu sulama koneaibao." Tialima, Abiatargo te Devitba sesalio.

†8 Tama Devitgo Genuai Bidiba hanalu wali, "Te bidi dabe augwali te eno pobeasa pabo usu yaibawe? Tama ena pobaso da, teda eno augwali suabo usu yaibawe?" Tama Genuai Bidigo agabolo te po wali, "Nago augwali pobeasa pao. Te nage augwali paboba sabolama, tama augwali elama, tama te dagego we me wai dabe augwali ma dobola saibao," te po wali.

⁹⁻¹⁰Tama tialima, Devit dali, te aga 600 bidi dabe dali, augwa hogodama peyu, te Amalek dabe pobeasa pali. Augwali pali, te wę Besorba sabolama, tama bidi meba te ma pabo usu meni yani. Te tama 200 bidi usu nama, te węde bidali, magı baso meni, te augwali tigi te hagela eyu, tama augwa te wę nogelama pabo usu ebeo. Tama tibaso, Devit dali te 400 bidi naga augwali te Amalek dabe pali wali pai. ¹¹Te Devitgo ami bidi dabe augwali pelama, tama te Isip bidi me deli te ogwa bidi sulama, tama augwaligo aga te Devitba odasa asali. Tama augwaligo aga te bret meba me, wę me menama, ¹²tama te ni fik du wai dwasianu me deli duani te augwa olali te me selama, tama te wain du wai duani si me augwa te wai ilali, te tama nai meba mawai. Aga te nai me wę tusiąbadi, te sela sogo mu nai sili bidai, tama aga te nai sigo mu selama, tama bomo meni yai. Tama tialima, aga te nai tula silibo si da, aga te bomo ma salio.

¹³Tialima, Devitgo agaba hanalu wali, "Te nage tonalubo bidi de dawę? Nage mena bulu bidi dawę?" Tama aga te po wali, "Ena te Isip bidi da, tama ena te Amalek dabego sę bidi me deli dao. Ena te gasi sobaso, tama ena tonalubo bidigo ena ede bididubadi taga

† 29:5 1 Sml 18:7; 21:11

†† 30:5 1 Sml 25:42-43 ‡ 30:7 1 Sml 22:20-23

pali, tama enaduba ede te sela sogo bidai dao. ¹⁴ Da te saut te Juda t̄o pedai badu pelama, te Keret dabe dali hw̄jyu, te Juda dabe dali, me te Kalep dabe dali te hw̄jgi pelama, tama augwaligo doado bage sobadi yali. Tama da te Siklakba pelama, tama te taun siago ulubadi yali," te po wali.

¹⁵ Tialima, Devitgo agaba hanalu wali, "Nago te Amalek dabeba ena odasa pobaso da, te usu yaiba, agawe?"

Tama agai te po wali, "Eno usu yaibao. Tiali goli, nago te Godigo nogide te bomai po daḡ waliyu, te nago ena munu me ela musiḡyu, ma ena te tonalubo bidigo nogoba magobe po wao," wali. Tialima, Devitgo te bomai po agaba daḡ walali. ¹⁶ Tama te Isip bidigo Devit te Amalek dabeba sela pali. Te Amalek dabe te t̄o pedai badu digi bidalu, tama augwa te genuai nai daa tubo s̄ eyu bidali, magi baso meni, augwaligo te Filistia dabede me te Juda dabego t̄ode me, te doado bage hauwa umabo mu sali. ¹⁷ Tialima, Devit te aga ami dabe dali te kigamu digi mu pelama, tonalugi pelama, tama augwali pelama, te w̄bi hodolama hw̄jani. Tama augwaligo te Amalek dabe dali hw̄jdubadi, te pio mu igi palio. Tama augwaligo te Amalek dabe hauwa ela muani. Te 400 bidi naga te kamelba duagi pelama, tama augwa wi palio. Tiali goli, te Devitgo hanigo te gasa Amalek tigidali ela muanio. ¹⁸ Tama Devitgo te aga we si ma dobola siyu, te gasa tigidali we dabe me, te wai dabe me sobadi, te Amalek dabe sela soali doado bage tigidali me, te ma sai dao. ¹⁹ Te augwa doado bage deli te me hagabeo. Te aga ami dabego wai tigidali, te tigidali bidaluali. Tama augwa te tigidali ma dobola sai. ²⁰ Tama augwaligo te Amalek dabego bulmakau me, sipsip me, tigidali sali. Tama te ami dabego te kibu dabe polasa sela soyu, tama augwa hae olama i weyu, te tiwai po wali, "Te e kibu dabe da, te Devitgo naga dao," wai.

²¹ Augwali pelayu, tama te bomu meni ebaso, te Devit dali painu yali, te augwali te w̄ Besorde bidali te 200 bidi dabe tonalu bidibo madiba sabolali. Te bidi dabe asiyu, te Devit dali asali te we bidi dali deliba gesabidi sisinama, tama Devit te augwali p̄aba pelama, te augwaliba siade da po walio. ²² Tiali goli, te Devit dali pelawali te ami bidi mebago, te augwali bidi dwai, tama tiyu augwa te po wai, "Te bidi dabe augwali te da dali me pabeo. Tama tiyu, dago te boi hw̄jyu sali doado bage te augwali somainu me egobeo. Te augwa we wai naga selama, tama pomainu yaibao," wali.

²³ Tiali goli, Devitgo te po wai, "Ama dede dabeo, dagego te tobage tiwai po me wagimio, magi baso meni, Genuai Bidigo digi te doado bage dabolo mani. Agai da tonalu, tama da tau sobaso, te dago taun dolali bidi te dago augwali aiyaba elaluali dao. ²⁴ De go te dagego pode usu da po waibawe? Te po wabo bidi me deli te menio. Dago te doado bage bugagia te tigidali bidiba te deli tiwai si naga dobolama, sesa paibao. Te bidiyu, te doado bage tonalu bidali bidi dabego sabo doado bage deli te tiwai te hw̄jgi pali bidi dabego me saibao," wai. ²⁵ Tama Devitgo te kolesaga eyu, te Is-

rael augwa bomai po me deli te pedalumainu yai. Tama tiyu, te Israel dabe augwa te bomai po sese mane sogo wali pai dao.

²⁶ Devit te Siklak taunba ma begasa pelama, tama agai te hw̄jyu sali doado bage meba selama, tama aga abagi dabeba tolali, te Juda dabe polalubo tobolu bidi dabeba tolali. Tama agai augwaliba te tiwai po wali, "Te dage wiegi yai homu ilibo doado bage dao. Dago te Genuai Bidigo boi bidide te doado bage hauwa sali, tama dago me badu dage mobao." ²⁷ Devitgo te wiegi yai homu pemene ilibo doado bage te e tama taunde bidibo bidi dabeba tolali, Betel me tama te taun bulu Rama te Juda pedai te saut badu elaluali, tama te Jatir buluba me, ²⁸ tama te Aroer me Sipmot buluba, me Estemoa buluba, ²⁹ me Rakalba, me te Jeramel dabego taunba me, te taun bulu Kinba me, ³⁰ Horma, me Borasan, me Atak, ³¹ me Hebron, te e tama bulu dabeba te doado bage tolali. Tama agai te doado bage meba te aga dali te aga ami bidi dabe augwali te polobadu bilali te bulu tigidaliba usu nama tolalio.

Sol me aga ogwa dabe dali isali

31 Te Filistia dabego te Israel dabe dali te Gilboa bulu dude hw̄jnama, tama te Israel bidi hauwa te hw̄jani madi isali. Tama te gasa Israel dabe te hw̄jani tagalama, wi pai. ² Sol dali, te aga ogomani dali me, wi pali, tiali goli te Filistia dabego augwali pobeasa pelama, tama te Solgo ogwa sela ela muani, te Jonatan, me Abinadap, me Malkisua. ³ Te Sol pobeasa pali bidi dabego w̄bi hw̄jani te bomu mu yai. Tama te Filistia dabe mebago te Solba ene sesemone enani, tama te ene sesemone mebago te Sol dolama, tama aga dolabo homu yali. ⁴ Tama aga te hw̄jbo doado bage sabilibo te gesi bidi i olama, tama agabolo te tiwai po wai, "Te nago bainat hw̄ selama, ena ela muao," wali. "Te Godigo po odisiḡwai Filistia dabego te enade dwai gagadi s̄ eyu, ena ela muidali weyu, te nago ena ela muao," wali. Tiali goli, te gesi ogwa bidi aga wi dwai mu eyu, tama agai Sol te bainat hw̄go me enebeo. Tama tialima, Sol aga bainat hw̄ aga digi tolasa te bainat poa pali daiba ugadu degasa dulama, tama te bainatgo aga tigde enama, tama aga isai dao. ⁵ Te gesi ogwa bidigo te Sol isali subo si da, teda aga digi aga bainat poaiba degasa dulama, tama aga te Sol dali isalio. ⁶ Tama tialima, te sogo naga te Sol dali, te aga ogwa sela badi, tama te gesi ogwa bidi me, tama te Sol tonaluali ami bidi dabe me, te tigidali isalio.

⁷ Tama te Jesril bulu pedai pesage odogode bidali Israel dabe, me te giliga degasa dulubo pedai badu te w̄ Jordan badu bidali bage, augwaligo po odali, te Israel ami dabe te Filistia ami dabede wi pali po wai. Tama me te tiwai po odali, Sol dali, te aga ogomani dabe dali isali po wai. Tialima, te augwa taun digi te tagalama, tama augwa wi pebelawali. Tama nosali te Filistia dabe aselama, te Israel dabe augwa te taun sagaselama, tama tede bidalio.

⁸Te hwjani silibo si da, teda te nosali side te Filistia dabe pelama, te Israel isali bidi dabego hwjani doado bage te tigide elaluali te sigi peyu pali. Tama augwaligo te Sol tigi dali, me te aga ogomanigo tigi me, te Gilboa bulu dude munalubo suai. ⁹Tialima, augwaligo te Solgo tobolu togolama, tama agai hwjbo doado bage elaluali me sai. Tama augwaligo te po sela pabo bidi dabe te Filistia bulu tɔ pedaiba tagala palama, te wiegi yai po te augwa tibo godiba, me te augwa bageba, te po sela pomainu yai dao. ¹⁰Tama augwaligo te Solgo tigide muani te hwjbo doado bage te tibo god we Astartego te lotu beba muani. Tama augwaligo te Solgo tigi me, te aga ogomanigo tigi me, te Betsan taun buluba sela pelama, tama te taun bagulali masigi obode daganama enai.

¹¹Tama te Jabes taun te Gileat tɔde bidali Israel dabego te Filistia dabego te Solde yali sɛ po odai.

¹²Tama tialima, te Jabes taun bulu bidi dabe te bomai bidi dabe te hulide pelama, tama te Betsan taunba sabolali. Tama augwali te taun bagulali masigi obo elaluboba pelama, tama te Solgo tigi me, te aga ogomanigo tigi dali selama, tama te Jabesba tolasa aselama, tama te tigi dabe siaba ulali. ¹³Tama augwa te Solgo dili me te aga ogomanigo dili me sobadi elama, tama Jabes taun ni me deli dologode pubulali. Tama augwalide te augwa homu dene mu ebaso, tama nai osogo habu selalubadi, te Sadede deli, te a naga olama, me si, te tama sogo nai tusiama bidai dao.

Profet Samuelgo Po Elalubo Buku Si

Hasia nedebo po

E bukugo te po pusali te buku 1 Samuelgo po pusai madi nosali pedelai nai dabe po dao. Hasia da te buku si te buku deli elaluai dao. Tiali goli, nosali augwaligo te buku 2 Samuel agaduba tali elalumainogo tagalali. Magi baso meni, te bukude te bidi delide po hauwa pusai baso, te da te king Devit dao. E buku te Devit aga king bidali sogo yali sę po wabo buku dao.

God te king Devit dali bidai dao. Devit aga te bomai bidi dao, tama agai God mu godolo elama, tama agai te Israel we bidi me godolo mu ebo bidi dao. Agai Godiba homu daę olama mu elaluai dao, tama te Israel dabego aga godolu mu yai dao. Tiali goli, Devit me tulaluai dao. Agai te aga digi pemene ilabo sę meba me yai dao. Tama nosali profet Natango agai dwai sę dabe ola mabo si, te Devit aga sęęę sela sęnama, homu begeliyu yali. Te Israel dabego gedude Devitgo genuai nogi mu elaluali. Te Devit bidama nosali da, te Israel dabe augwali sęęę siyu ebaso da, augwaligo king Devit ma kone palibo dao. Tama augwaligo homu bomo elama, augwali king Devit tiwai me elalumainawe homu ebo dao. Te homu begelama, homu daę wabo kolesagago te Devitgo Israel hani tomode genuai nogi mu sai dao.

Devitgo te Sol isali po odali

1 Devit te aga ami dabe dali, augwaligo te Amalek dabe dali wabi hwjani. Augwaligo te Amalek dabe aiyaba elalubo si da, teda augwa te Siklak taunba ma geasa solama, tama si sogo bidali. Te sogo te king Sol isalio. ² Tama te sela sogo wabode te gesi ogwa bidi me deli te Siklakba sabolali. Agai te aga ugwa pisilama, tama aga tobolude te tų piali, te aga homu dene ebo ola magasiyu tiai. Aga te Devitba pelama, tama kidu sugunama, tama gesabidi tųba pogulama, Devitba homu dwagi yai ilali. Te bidi te Sol bidali pesage tagalama, asali. ³ Tama Devitgo agaba te tiwai hanalu wali, "Nage menadu asaliwe?"

Tialima, te ogwa bidigo te po wai, "Te boi bidi dabego te Israel dabe dolobaso, tama ena te bidali pesage taga soyu, tama nageba wi asai dao," wali.

⁴ Tama Devitgo agaba hanalu wali, "Eno homugo nago te hwjani sęde po enabolo pusumainu homu ebao," wali.

Tama te gesi bidigo te po wali, "Te Israel ami dabe te hwjbaso wi sobadi, tama te Filistia ami dabego te bidi dabe augwali hauwa ela muanio. Tama king Sol dali, te aga ogwa Jonatan me, te augwali si me isalio," wali.

⁵ Tialima, Devitgo agabolo hanalu wali, "Mena tama tilama te Sol de Jonatan si isali, te nago koneaniwe?"

⁶ Tama te gesi ogwa bidigo te po wali, "Ena te Gilboa bulu dude bidiyu, tama eno suali, te Solgo aga sesemone te tųba dodolama, tama aga digi te sesemone enede tialuainu daę walubo sę eyu tonaluai. Tama me te boi bidi dabe te Sol pąba pabo sę iduali, te karisde

dugawali ami dabe, me te hosde dugawali ami bidi dabe, augwaligo te tiwai yali. ⁷ Tama Sol begelama, tama ena sulama, te ena i wali. Tama eno te po wali, 'Awe, genuai bidio,' wali. ⁸ Tama agai enabolo te tama po hanalu wali, 'Nage mena badu bidi dawew?' Tama eno te po wai, 'Ena te Amalek bidi me deli dao,' walio. ⁹ Tialima, agai te tiwai po enabolo wai, 'Te boi bidi dabego ena doliyu, dwai mu elama, tama pąde ena isainu ebao. Nage polo asu, tama ena silagasao,' walio. ¹⁰ Eno agai po odobo si da, teda ena aga pąba pelama, tama aga ela muanio, magi baso meni, eno koneani, te aga nogogo tolaluali te sesemone ene tagalu da, te aga tųba degasa dulubaso da, teda aga mu isaibao wai. Aga isibo si da, teda eno aga tobolude muani te kingo madi me sobadi, te nogode muani nogo mų me siyu elama, tama eno sesalio. Genuai bidi, te e doado bage eno nageba mawainu ebao," te gesi bidigo te po wai. †

¹¹ Devitgo te po odama, tama aga haliga sęęę mu elama, tama aga ugwa pisa yali. Tama aga ami bidi dabego me te tobage deli kolesaga tiwai naga yalio.

¹² Augwaligo te Sol, me Jonatan, me te gasa Israel dabede homu kone paliyu tiali, te augwali Genuai Bidigo hani bage da homu elama, tama augwa te augwalide homu dene ebo gela weyu, tama nai habu selalubadi, te giliga dega sigulali. Magi baso meni, te hwjani madigi te bidi hauwa isai.

¹³ Tama Devitgo te gesi ogwa bidiba te tiwai po hanalu wali, "Nage mena badu bulu bidi dawew?"

† 1:10 1 Sml 31:1-6; 1 Sto 10:1-6

Tama agai te po wai, “Ena te Amalek bidi deli da, tiali goli polobadu digi eno ayago te Amalek dabego bulu tagalama, Israel tɔ pedaiba gudasa soai dao,” wali.

¹⁴ Tialima, Devitgo agaba ma hanalu wali, “Magi baso yaliwe? Te Genuai Bidigo sa muyu nigilali bidi, te king elibo te nage wi dwasianu me isiaɣu yali, agawe?”

¹⁵ Tama Devitgo aga ami bidi me deli i olama, asobo side, tama agabolo te tiwai po walali, “Te bidi ela muao,” wali. Tialima, te Devitgo ami bidigo te bidi te bainat hwągo togolama tama te bidi isalio. ¹⁶ Magi baso meni. Tama Devitgo te Amalek bidibolo tama te po hasia bolo walio, “Te naga digi yali sęgo, te nage isaibao. Naga digi nago te Genuai Bidigo sa muyu nigilali king ela muani po te hanilama pusali dao,” wali.

Devitgo te Sol de Jonatan sidehomu dene ebo balia wali

¹⁷ Devitgo te homu dene ebo balia po te Sol de aga ogwa Jonatan side wai dao. ¹⁸ Tama Devitgo te Juda we bidiba te balia po usu somainu ebo po wali. Te baliago nogi te Balia Enesigi poali. Tama augwa te Doloba Pai Bidi Dabego bukude aseani. Devitgo te balia po te tama tiwai wai dao. †

¹⁹ “Te da Israelgo polaluali bidi dabe te bulu dude isalio.

Te dago bomai ami bidi dabe te isali dao.

²⁰ Dagego te tiali sę po munu me te Get taunde me, ma te Askelon taun sunumide me pusulamuo.

Tiyu, te Filistia dabego we dabego odoyu, tama augwali wiegi yai homu pemene yabuo.

Tiyu, te Genuai Bidigo po odisąbo bidigo wegi manigo

te augwa bugai haliga mu yabuo.”

²¹ “Te dago bomai ami bidi dabe te Gilboa bulu dude isalio.

Tama te hwjani sabele dabe

te bulu du dabede olo munalubo.

Tama te Solgo sabele me te olo munalu, tama augwaligo me mubeo.

Tama tibaso, eno homugo te hulide

tulubo tulubage segeni wę, me tulubage te bulu duba munu ma tulumainu me egobeo.

Tama nai me te tɔde munu ma pedalumainu me egobeo.”

²² “Te Jonatango enesigi te nai dwai mu elaluali.

Te munu me geda musiąwai.

Tama te Solgo bainat hwą te olo me munalubeo. Menio.

Te bainat hwągo te bomai ami bidi dabe

eliyu, tama te boi bidi dabego kaneme tede paąanaluai dao.

²³ Te Israel aga hanigo bidigo te Sol de Jonatan si godolo homu mu eyu yai.

Augwali si te wiegi yai bidi mu dao.

Te sesemane sogo augwa si bugagia mu kisasa bilama, tama augwa si isali me te kisalubadi isalio.

Augwali si te polo asesu mu udayu,

te boi bidi dabe pobeasa pali,

tama te ba kemodagego te hasa dabe

ela tuainu pobebo te aiyaba mu elaluali.

Tama augwali sigo bomogo te laiongo bomu aiyaba elaluai dao.”

²⁴ “Dage te Israel we dabe, dagego

te Solde homu dene ebo gela waiąo.

Agai dageba te sawi yai mama ugwa

te gasagi yai mu mani,

tama te dage au yabo te tobage

gol dabe mawai dao.”

²⁵ “Te bomai ami bidi te hwjode isalio.

Tama Jonatan me isali, tama aga tigi

te bulu dude munaluai dao.

²⁶ Eno ama, Jonatan, nagede eno homu dene mu ebao.

Eno nage godolo mu eyu, tama nago

ena me godolo mu yai.

Nago godolo ebo homu te bomu mu eyu,

tama te wego bidi godolo ebo homu

te aiyaba elalualio.

²⁷ Te bomai ami bidi dabe te hwjani sogo isiyu,

tama te hwjbo genuai bage te dolalio.”

Devitgo te balia po wai.

Devit te Juda dabego king pedelali

2 Te Sol de Jonatan si isai madi, tama nosali Devitgo Genuai Bidiba te tama po hanalu wali, “Ena pelama, te Juda dabego taun me deliba duagi pelama bidibaso, usu yaibawe?” Tama Genuai Bidigo te po wali, “Nage pao.” Tialima, Devitgo agaba ma hanalu wali, “Te ena mena taunba duagi pelama bidigowe?” Tama Genuai Bidigo agaba te tiwai po wei ponani, “Nage pelama, te Hebron taunba bidigi pao,” wai.

² Tama tialima, Devitgo aga we si, te Ahinoam te Jesril bulu we, me te Karmel bulu we Abigel badi selama, tama augwali pelama, te Hebronba bidigi pai.

Polobadu u Abigel te Nabalgo we da, tiali goli Nabal

isibaso, tama Devitgo aga sali. †³ Devitgo hani bidi te

aga sibi dabe dali, augwali te Devit dali pelama, tama

augwali te Hebronde bidiyu, tama te Hebron pađe

elalubo bulude bidiyu yai. ⁴ Tialima, te Juda hani bidi

dabe te Hebronba aselama, tama augwaligo te Devit

toboluba wel gelama, te augwa king pedalumainu

yalio.

Devit te king pedalubo si da, teda agai te tiwai po

odali, te Jabes taun bage, te Gilgal tɔ bidi dabego te

Sol tigi pubulali po walio. †⁵ Tama tialima, te aga bidi

meba tagala palama, te Jabes dabeba te tama po wagi

† 1:18 Jos 10:13

†† 2:2 1 Sml 25:42-43 ‡ 2:4 1 Sml 31:11-13

pomainu yali, "Genuai Bidigo te dage wiegi yai bugagia ilimainao, magi baso meni, dagego wiegi yai homu ebo kolesaga te Solba ola mayu, te duga kingba tiali, tama dagego aga tigi pubulali dao. ⁶ Tama megı da, eno homugo te Genuai Bidigo dage bugagia tonalu, tama dage dali sesemane sogo bidimainao. Tama eno me te dageba wiegi yai kolesaga eyu, te dagego wiegi yai kolesaga te Solba yali te wei ponoyu, te tiwai ebo dao. ⁷ Mu tama Sol, te dagego king, isalio, tiali goli te Juda hanigo ena te augwa king pedalumainu yai. Tama tibaso, dage bomo elama dolalu, tama dage te magi nai me delide te wi me elamu dao," wali.

Te Israel dabego te Isboset te augwa king sa munama pedelali

⁸ Te Filistia dabego te Sol elali sogo, Apner, te Nergo ogwago, te Isboset oda sali, te Solgo ogwa da, tama augwa peyu, te wę Jordan nogelama, tama te taun Mahanaimba sabolai. Apner te Solgo amide te polaluali ofisa bidi dao. ⁹ Augwali te Mahanaimde bidalu, tama Apnergo te Isboset te Gileat tų, me Aser, me Jesril, me Efraim, me Benjamin, me te Israel tų tigidali tų gasa badu, te tama bulu bage bidigo king bidi pedalumainu nigilali. ¹⁰ Isbosetgo kibu be bidi sese si, te 40 bidai elalubadi, tama augwaligo aga te king nigilali. Tama aga te king bidali te kibu be si naga bidai. Tiali goli, te Juda hani dabego te Devit wali pelama, ¹¹ tama aga te augwa king nigilama bidali. Tama aga te Hebron taunde bidali kibu be te 7, te polua a naga, me badu nogo kibisa deli, te tama sogo bidalio.

Te Israel dabego te Juda hani dabe dali hwjani

¹² Apner dali te Isbosetgo ami dabe hogodama, augwa te Mahanaim taun taga soyu, tama te Gibeon taunba sabolali. ¹³ Tialima, Joap te Devitgo ami bidi dabe dali asiyu, augwali te Gibeon sigi ađ pąba te augwali deliba gesabidi sisinanio. Te Isbosetgo hani te sigi wę sesege e badu bidalu, te Devitgo hani dabe te ađ sesege u badu bidalu yali. Te Joap aga ida te Seruia dao.

¹⁴ Tialima, Apnergo te tiwai po te Joapba hanalu wali, "Te da hwjbo usu si yaibawe? Nago te naga gesi ogwa bidi ami meba tagala palu, tama eno ami bidi meba te tagala palu elama, te augwali dali hwjbo usu somainu inao," wali. Tama Joapgo te po wali, "Te usu da, dago tama tibo dao."

¹⁵ Tialima, te Benjamin hanigo te nogo si olama, saęaęo si bidi, te Isbosetgo ami bidi dabe, augwali aselama, te Devitgo ami bidi nogo si olama, saęaęo si bidi dabe dali te hwjbo ususu si yagasalio. Tama te Devitgo ami bidi deli deligo te Isbosetgo ami bidi deli deli dali tedali hwj hwj palio. ¹⁶ Tama augwali te hwjbo ususu si yali sogo, te deli deli bidigo aga boi bidi te tobolu tola sesa pelama, tama aga boi bidi te tigi me badu te bainat hwąo enani. Tama te bidi sese deli olama, me si me si, te 24 bidi tigidali degasa dulu, tama isalio. Te bidi dabego te tiali pesage bulu nogi

poyu, "Te Bainat Dabego Pesage Dao," wai. ¹⁷ Tama te sogo te genuai wąbi te hani si tomode hodolama, hwjanio. Tama Devitgo hanigo te Apnergo hani, me te Israel hani dabe aiyaba elaluai dao.

¹⁸ Te Devit aga abe Seruiago ogwa sela, te Joap, me Abisai, me Asahel, augwali me te hwjbode bidali. Asahelgo udabo te bulu uni hasago bomo elama, mu udabo te tiwai yai dao. ¹⁹ Tama tialima, te Israel dabe wi tedela pabo side, tama Asahel hogodama, tama te Apner dolo udulama, tama aga pobeasa pali. ²⁰ Tialima, Apnergo begelama, ma tonobadi, tama te Asahelgo aga pobeasa asobo seę ebo subaso, tama agaba hanalu wali, "Asahel, te nage tama da, agawe?" Tama Asahelgo te po wai, "Awe, ena tama dao."

²¹ Tialima, Apnergo te po wali, "Nago ena me pobeasa aselamuo. Nago te gesi ogwa bidi me deli pobeasa pelama, tama aga pageabi elama, tama agai doado bage dabe sao." Tiali goli, Asahelgo te Apnergo po me odobeo. Menio. Agai te Apner pobeasa pabo seę idubadi geani.

²² Tialima, Apnergo agabolo ma wali, "Ena sula tagalao. Nago homugo te eno nage ela mumainu eba, agawe? Tiali goli, te eno nage ela mubaso da, teda ena te nago ama Joap gedude te dwai hale mu yaibao," wali.

²³ Tiali goli, Asahelgo aga sula me tagalubeo. Tama tialima, Apnergo sesemone ene te tudiba pogolali digi, tama te ene page poa pali tego te Asahel haligade dolama, tama me badu pedelalio. Tama Asahel degasa dulama, tama isalio. Tama te gasa ami bidi dabe te Asahel tigi munalubo pesageba pedelali sogo, te augwali doligi pelama naga tononaluali.

²⁴ Tiali goli Joap de Abisai sigi Apner pobeasa pali, tama te be pio ebode mu augwali si te bulu du Ama te giliga pedalubo badu te Gia bulu te Gibeonde pabo tų wa pai sunumi elalubo te badu pedaiba sabolalio.

²⁵ Tama augwali sigi suali, te Benjamin hani bidi dabe dali, Apner dali, te dwasianu bulu du bagede deliba ma muna selama, tama hwjainu elaluai. ²⁶ Te Apnergo augwali si subo si da, agai aba Joapba te tiwai i wali, "Magi yaliwe? Te hwjani siligobe da, agawe? Te kole-sagago te daba genuai seęę maiabo, te nago kone-siaęu eba, agawe? Da te deli kaneme dao. Mena sogo te nago te naga bidi dabeba waliyu, te augwaligo da munu me pobeasa pelamuo po waibawe?" wali.

²⁷ Joapgo te tama wabo po odama, tama agai te tama po wei ponani, "Te Sesemane Sogo Bidada Pabo Godigo nogide, eno mu po nagebolo obao. Nago te tama po me wagi menigi sogo da, te eno hani bidi dabego dage pobeasa pidubadi te do kigamu be posoboba usu nigi pigi dao," wali. ²⁸ Joapgo te po ola siminama, tama agai te biugel bu wali, te aga ami bidi dabego te Israel dabe ma pobeasa pidali weyu, paliali. Tama tibaso, te wąbi hwjani silalio.

²⁹ Apner te aga ami bidi hani dali augwa te bulu tagalama, tama te Jordan odogo malu buluba pali. Tama te hulide augwali te odogo buludu pelama, tama te wę Jordan nogealio. Tama augwali pelama, tama te

giliga tomo yagasobadi, te belode augwali te taun Mahanaimba sabolali.

³⁰ Te Apner aga ami bidi dabe dali pai madi, teda Joapgo aga ami bidi hani dabe sininama nedali. Tama agai nedalama koneani, te aga ami bidi dabe te 19 bidi isai yalio. Tama Asahel me isai. ³¹ Tiali goli, te Devitgo hanigo te Benjamingo hani bidi dabe te 360 bidi elai, te Apnergo hani dabe dao. ³² Tialima, Joap te aga bidi dabe dali augwa te Asahel tigi sela pelama, te Betlehempa pubaligi pali, te aga ayago gų pageba. Augwaligo aga pubulama da, teda augwali hulide pelama, tama augwali te Hebronba be posobadi sabolalio.

3 Te tudi badu nosali side, te Devitgo hanide Solgo hani si tomode te wąbi hwjani sesabi mu elaluali. Tama Devitgo hani te bomu yai mu pedelama, tama augwaligo te Solgo hanigo bomu tamonobo sę mu yalio.

Te Devitgo ogwa dabe

² Te Devit te Hebronde bidali sogo, agai te ogwa a naga olama, me badu kibisa nogo deli tede ame nani. Augwa nogi dabe te tiwai, te gomunai ogwa aga te Amnon. Te Amnongo ida te Ahinoam, te Jesril bulu we dao. ³ Te tomo ogwa te Kileap. Te Kileapgo ida te Abigel, te Karmel bulu we. Polobadu Abigel te Nabalgo we da, tiali goli te Nabal isibaso, tama Devitgo aga sali. Te sela wali ogwa te Apsalom. Te Apsalomgo ida te Maka, te king Talmai te Gesur bulu bidigo wegi dao. ⁴ Te me si me si wabo ogwa te Adoniya. Te Adoniyago ida te Hagit. Te a naga wali ogwa te Sefatia. Te Sefatigo ida te Abital. Te nogo kibisa ogwa te Istream dao. ⁵ Te Istreamgo ida te Ekla. Te tigidali ogomani te Hebronde bidiyu, ame nai dao.

Apnergo Devit dali po miai

⁶ Te Solgo hani, me te Devitgo hani si tomode hwjbo sę yali sogo, Apner te Solgo hanide genuai bidi pedalubo sę yalio. ⁷ Tialima, me sogode Isbosetgo te Apnerbolo te tiwai po kisilama wali, "Nago te eno aya Solgo we me deli dali pagela pialio. Te we aga te Rispa, te Aiago wegi da. Te nago magi baso yaliwe?"

⁸ Apnergo te po odama, tama haliga sębę dwai mu elama, tama te po wali, "Nago homugo ena te naga yowi da weyu, wali da, agawe? Tama nago homugo eno te Juda dabe tau sabo sę eba homu eyu wabo, agawe? Menio. Kone palao. Te nago aya, Sol, te king pedelali sogo dąj elama, te megi e sogoba usu niyu, te ena aga wali bilali, tama te aga ama dabe me, abagi dali me, te megi tama me wali bilibao. Tama me, te eno nage te Devitgo selama dolomainu ilibeo. Tiali goli, megi nago te we me deli po enaba kisilibao. Te olo nai naga tiwai dao. ⁹⁻¹⁰ Genuai Bidigo te bomai po te Devitba dąj waliyu, agai te Solgo hani dabe sela sęnama tama augwali te Israel king bidilamu da po wai. Tama Genuai Bidigo te po weyu, te agai Devit te Israel me Juda daligo king pedelama, tama Devitgo te tų pedai bulu tigidali tonaluaibao, wai. Te Godigo bomai

po dąj wali gilama, eno te Devit king pedalumainu tau sisąwani da, teda Godigo ena ela mumainao," te po wali. ¹¹ Tialima, Isboset te Apnerde wi mu ebaso, tama agai po deli me wabeo.

¹² Tialima, Apnergo Devitba po ola toliyu, te tama po wai, "Dego mu te bulu tų pedai tonalueibawe? Eno homugo te nago bomai po me deli ena dali dąj walubaso da, teda eno nage tau siyu, tama te tigidali Israel hani we bidi te nago hani we bidi naga pedelaibao," te po ola tolali.

¹³ Tialima, Devitgo Apnerba te tiwai po ola tolali, "Te nago po wiegi yai dao. Tiali goli, eno homugo te nago sę me deli bolo hasia ebaso da, tama eno te tobage bomai po nage dali dąj waibao. Te sę te tama tiwai. Nago te Mikal, te Solgo wegi, selama, tama aga te enaba ma odasa asao. Te nago tama tisąbaso da, teda nage eno me sugobeo," wali. ¹⁴ Tama nosali Devitgo te Isbosetba po ola toliyu, tama po wai, "Eno homugo te nago eno we, Mikal, te enaba ma tagala palao. Eno aga te Filistia dabe te bidi sese a naga 100 bidigo gasa tigi waligo abelali. Tama aga te eno we mu tama dao," wali. ††

¹⁵ Isbosetgo te po odolama, tama agai te bidi meba te aga bidi Paltielba tagala palama, tama te Mikal sigi pali, te bidi Laisgo ogwa dao. ¹⁶ Tiali goli, te Mikal augwaligo te Devitba ma odasa soabo sogo, Paltiel te Mikal wali peyu, gela wabo sę ela pali. Tialima, augwali te taun Bahunimba sabalubo si, tama Apnergo te Paltielbolo walali, "Nage te naga buluba ma geasa pao," wai. Tialima, Paltielgo te po odama, tama aga ma geasa palio.

¹⁷ Te augwali Devitba pisąbadi, Apner te Israel polalubo hetman dabeba pelama, tama augwaliba te tiwai po wai, "Odao," wali. "Hauwa sogo weyu, dagego te Devit duga king pedalumainu homu godolo ebo homu yai dao. ¹⁸ Tialima, megi da, te aga king pedalumainu ebo sogo dao. Dagego te Genuai Bidigo wali po homu kone palao. Agai te tama po wai, 'Devit te eno sę bidi, tama te eno agabolo te eno we bidi, Israel dabe, te Filistia dabego nogode me, te gasa boi bidi dabe nogode dali, te ma dobola sabo sę mawaiba,' po wai dao," Apnergo augwalibolo te po wali.

¹⁹ Tama Apnergo te Benjamingo hani dabe dali me po miani. Tama nosali aga te Hebronba pelama, te Devitba te Benjamingo hani dabego me te Israel dabego yainogo yali sę po te Devitbolo wagi pali. ²⁰ Tialima, Apnergo te we Mikal selama, tama aga bidi dabe te bidi sese deli bidi dali pelama, te Devit bidibo bulu Hebronba sabolali, tama Devitgo genuai naa te augwaliba ula mani. ²¹ Tama nosali Apnergo Devitbolo te tama po wai, "Te ena pelama, tama te Israel tigidali odasa aselama, tama augwali te nage dologode bidabo bomai po dąj walumainu yaibao. Tama nage te tigidali bulu tų pedai king bidi pedalu, te nago godolo ebo sę tiwai yagameo," wali. Tama Devitgo te aga hani dabeba hanilibo po wali, te augwaligo Apnerbolo te dwai sę

me elamu da po wai. Tama nosali agai te Apner tagala palama, tama Apner bugagia ma soallo.

Joapgo Apner ela muani

²² Apner te Hebronde osogo bidali sogo, te Joap dali, te Devitgo ami bidi dabe dali, augwali te sogo tede bidisawai. Augwali te boi bidi dabeba hwigi pai. Tama dwasianu bidama gana, nosali Devitgo te Apner tagala palama pai madi, te Joapgo hanigo te hwibode sali hauwa doado dali augwali te Hebronba sabolali.

²³ Tama Joapgo te tama po odali, te Apner, te bidi Ner-go ogwa, aga te king Devit suagasali po wai. Tama Devitgo te bidi dabeba habu seliyu, augwaligo te Apner me elamu da po olama, tama Devitgo aga tagala palai.

²⁴ Tama tialima, Joap pelama, te king sugi pelama, tama agabolo te tiwai po wali, "Augwaligo te tama po walio, Apnergo nage suagasu aselama, tama nago aga olo mu pomainu tagala palali po walio. Magi baso nago tama tialiwe? Nago te kolesaga yali te dolo ebeo.

²⁵ Te nago Apnergo kolesaga konesiyu, te tama tiali da, agawe? Aga asali, te agai tibo po naga nageba ola magasali, te nage tau sagasu me ebeo. Menio. Aga asali, te nage pabo bulu tigidali te menaba pabo me, te nago se ebo tigidali me, te bugagia sula sainu naga yali, te nageba ma aselama, hwjagasainu yali dao," wai.

²⁶ Joapgo te po ola silama da, teda aga te Devit tagalama, palio. Tama agai bidi meba tagala palama, te Apner pali wali pobeasa peyu, te agaba hanalu omainu elama, te ma geasa asomainu yai. Tama te bidi dabe te Apner pidubadi, te ulu we nogi te Sira teba sabolama, tama augwaligo aga ma odasa asai. Tiali goli, Devitgo te Joapgo yali se te agai me konebeo.

²⁷ Te Apner aselama, te Hebronba sabolali sogo, Joapgo aga sela pelama, te taun genuai sunumi elalubo paba doligi pelama, tama aga dali te geme po miainu ebo tiwai gilama yai. Tiali goli, augwali si te sunumide dolaluali sogo, Joapgo te aga pewadage hwa ge selama, tama Apner te haligade enani, tama Apner isalio. Joapgo Apner elali, te Asahel isali te wei ponani, te Joapgo ama dao.

²⁸ Nosali augwaligo te se yali po te Devitba wabo si, tama agai te po wali, "Genuai Bidigo koneani, te eno yali se te Apner me isibeo. Tama eno we bidi tigidaligo me, te se te augwali magi se me egobeo. Menio. Te Joap agaduba deligo yali se naga dao. ²⁹ Tama Genuai Bidigo agade me te we wai sibi tigidalide homu kone palama yaibao, tama aga waj te nosali pedalubode me, tama Genuai Bidigo te augwaliba dene mawaibao. Eno homugo te Joapgo hani bidi sibi deli delide te tobage gasi nogi gonoria me, oiyabe gasi me, ma augwali te we dabego se naga emainu me, ma te boi bidi dabego augwali te hwjbo side ela mumainu homu ebo me, ma augwali te sesemane sogo nai nasi eyu, te nai saq pomainu homu eba," Devitgo te po wai. ³⁰ Apnergo te Asahel elali, te Joap de Abisai sigo ama, te polobadu te Gibeonde hwjani digi da. Tama tibaso,

augwali sigo te augwa si ama isali te wei ponoyu, tama augwali sigo te Apner ela muani.

Augwaligo te Apner tigi pubulali

³¹⁻³² Devitgo te Joapbolo me te Joap aga hani dabebolo te tiwai po wali, "Dagego te duga ugwa dabe pisilama, tama homu dene ebo ugwa gudao," wai. "Tama te pubulabo madiba peyu, dage aga tigi polasa biliyu, dagego Apnerde te homu dene ebo gela wao." Te Apnergo hani bage augwaligo Apner te Hebronde pubulali. Tama augwaligo te Apnergo tigi tolama, te gu pageba pubaligi pabo sogo, king Devit te augwali pabo wali pai. Tama Devit dali, te we bidi tigidali te gu page pade dolalu, tama tigidaligo gela bomu elama mu walio. ³³ Tama Devitgo Apnerde homu dene ebo balia te tama wali,

"Apner te esela me pisawai bidi.

Magi baso aga te tiwai isali dawew?

³⁴ Augwaligo te aga nogo saqa me dubeo.

Augwaligo aga tibo po weyu, usu selama, te aga elali, te nai wi sabo bidi raskol dabego ebo tiwai yalio."

Devitgo te balia po ola silama, tama tigidali we bidi dabego te Apnerde gela ma wai.

³⁵ Te silibo si nosali, te we bidi dabego Devitbolo weyu, te aga nai tuao wali. Tiali goli, aga hagela homu elama, tama aga bomai po daq weyu, te tama po wai, "Ena te nai munu me tusiabadi, te giliga dega sigulaibao. Tiali goli, eno homugo te giliga dega sigi pisabadi, te eno nai tubaso da, teda Godigo ena ela mumainao," Devitgo te po wali.

³⁶ Te we bidi dabego kingo te po wabo odobo si da, augwali haliga te wiegi yai pemene mu yali. Tiali goli, te se deligo naga augwali wiegi yai homu pemene me ilibeo. Menio. Augwa te kingo ebo kolesaga tigidalide te wiegi yai homu pemene yai dao. ³⁷ Tama te Devitgo we bidigo me, te Israel we bidigo me, te se dabe te king Devitgo te sogode ebo sulama, tama augwa te tama koneani, te kingo te Ner-go ogwa Apner ela muani bidi dali te deli homu me ebe homu yali.

³⁸ Tama kingo te aga ofisa dabebolo te tiwai po wali, "Odiao. Te e sogode da Israelgo bomai bidi mu me deli te isali dao. ³⁹ Te mu tama, Godigo ena sa munama, tama ena te king pedelali. Tiali goli, eno digi eno te Seruiago ogwa sigo yali dwai kolesaga wei ponabo bomu menio. Augwali si te bomu elalubao. God Genuai Bidigo digi te augwaliba dene mayu, te augwa yali dwai kolesaga usu niyu tiaibao," king Devitgo te po wali.

Bidi sigo te Isboset ela muai

4 Te Solgo ogwa Isbosetgo te tama po odali, augwaligo te Apner te Hebronde ela muani po odali, aga te wi dwai mu elama, tama te tigidali Israel dabe dwai noma mu sai. ² Te Isbosetgo ofisa bidi sigo te boi bidi dabe dali hwigi pabode tonalubo bidi si bidali.

Augwa si nogi Bana me Rekap, tama augwali si te Rimongo ogwa si. Rimon te Berot taun bidi me deli da. Te bidi si te Benjamingo hani, magi baso meni, te bidi dabe augwa te Berot taun te Benjamin hanigo taun me deli tiwai nigilai. ³ Te Berot taun bulu bidi hani bage mu te wi pelama, tama megii da augwali te bulu Gitaimde bidiba, te augwa page bulu me menio wai.

⁴ Jonatan, te Solgo ogwago, te ogwa me deli elaluali, aga nogi te Mefiboset. Te Sol me Jonatan isali sogo, te Jesril dabego te Jonatango hani sibiba po ola tolali. Te sogo te Mefibosetgo kibu be a naga elaluali. Augwa te po odobo si da, teda te Mefiboset tonaluali wego te Mefiboset aḡwā selama, wi pali. Tiali goli, aga asesa polo mu udawali digi, tama Mefiboset tulaluama, tama dolama, te saḡa dwai pedelali. †

⁵ Me sogo deli sogode, te ama nami si te Rekap me Bana te Isbosetgo beba pelama, te augwali si giliga tomo yagasobode te agai beba sabolali. Te sogode te Isboset te toma neyu, te aga be habu badu pila mudai. ^{6,7} Tama augwali si te wit sainu ebo tiwai gilama eyu, te be tomoba pali. Tiali goli, augwali si te Isbosetgo be habu tomoba pelama, tama aga te bet saide pila mubo suai. Tama augwali sigo aga haligade te hwaḡ gego enama, tama aga ela muani. Tialima, augwali sigo aga mage togolama, tama aga tobolu te augwali si susiḡwani bidi dabeba sela pali. Augwali si te hulide te Jordan wḡ odogo maludu pelama, tama te do da ⁸ augwali te Hebronba sabolali. Tama augwali sigo te Isboset tobolu sela peyu, te king Devitba tama agabolo waseligi pai. Tama augwali sigo te tama po kingbolo wali, “King o, suo! Te e da Isbosetgo tobolu da, te naga boi bidi, Solgo ogwa da. Polobadu te Solgo nage elainu usu sesa bilali, tama tialima, te Genuai Bidigo nage tau siyu, te Sol dali, te aga hani ogomani dabe daligo te dwai sḡ yali kolesaga wei ponani da,” te po wai.

⁹ Tiali goli, Devitgo augwali siba te tiwai po wei ponani, “Te Sesemane Sogo Bidibo Genuai Bidigo aga ena te dolabo te tobage sḡ dabe ma dobola sali. Tama aga nogide, eno dagebolo te tiwai mu po obao. ¹⁰ Te ena Siklakde bidali sogo, te bidi me deli ena bidiboba sabolama, tama te Sol isali po wagasali. Tama agai homugo te eno agai pode wiegi yai homu pemene yaibao homu yali. Tiali goli, menio. Eno te ami bidi dabebolo olama, te augwaligo te bidi aga pageabi elama, tama aga ela muani. Te tiwai yali te agai te po sela asalide te agabolo te eno mone mabo te tiwai yai dao. ^{††11} Tama megii dage sigo te bidi me deli te aga bede pila munubadi, te odolali mu ela muanio. Dage si te dwai bidi si mu. Tama dage sigo homugo te dage si eno gogolama, bidaiba homu eyu, yali da, agawe? Mu menio. Te eno dage sigo dwai kolesaga yali sḡ wei ponoyu, tama eno dage sigo bidabo ula me mu sia so-mainu yaibao,” Devitgo te po wali.

¹² Tialima, Devitgo te aga ami bidi dabeba te usu da po weyu, te Rekap de Bana si ela muao po wai. Tama te ami bidi dabego augwali si ela munama, te togola-

ma, peselama, tama augwa nogo saḡa gugudama, tama augwa tigi te Hebron paḡe elaluali sigi aḡ paḡe walali. Tiali goli, te ami bidi dabego te Isbosetgo tobolu selama, tama te Apner pubulali guḡ page te Hebron bulude pubulai dao.

Devit te Israel me Juda dali side king pedelali

(1 Sto 11:1-9; 14:1-7)

⁵ Te sḡ dabe elama nosali badu, te tigidali Israel hanigo te Devit Hebronba suagasali. Tama augwa te tama po Devitba wai, “Da tigidali te deli kaneme dao. ² Polobadu, Sol te king bidali sogo, tialima naga digi te da Israel ami bidi dabe tonalu, tama augwali te hwjbo madiba odasa peyu yai. Tama Genuai Bidigo nageba weyu, te aga we bidi dabe da tonalubo bidi nage pedelama, tama nage dago king pedelaiba po wai dao,” augwaligo te po wai.

³ Tama nosali, te tigidali Israel polalubo tobolu bidi dabe aselama, te king Devit bidibo madi te Hebronba sisinagasali. Tama agai te God gedude te bomai po me deli augwali dali daḡ wali. Tama augwaligo aga toboluba te wel gelama, te aga Israel king pedalumainu sa muyu nigilali. ⁴ Devitgo kibu be te bidi sese deli olama, nogo si, te 30 kibu be elalubadi, tama aga te king pedelali. Tama aga te king sḡde bidibadi, te kibu be bidi sese si, te 40 kibu be bidai dao. ⁵ Devit te Hebronde king bidibadi, te kibu be 7 olama, te polua nogo a naga olama, me deli tede bidali. Tama aga te Jerusalemde king bidali kibu be te 33 kibu be tama te Israel me Juda dabe dali tonalubo king bidi bidai dao. †

⁶ Me sogo deli sogo king Devit te aga ami bidi dali te Jerusalem taun sainu hwjgi pali. Jerusalem te Jebus dabego augwa page bulu da. Te Jebus dabego homugo Devitgo te augwaligo taun sabo usu egobe da homu yai, tama tiyu, augwa te tiwai posobo po Devitba wali, “Dage te dago taun tomoba asainu ebaso, te usu me egobeo. Te gedu widai bidigo me, te saḡa dwai bidi dabego, te augwaligo dage asabo sunumi panibaso, te usu yaibao,” wali. ^{††7} Tiali goli, augwaligo po te geda muani, magi baso meni, Devit dali, te aga ami bidi dabe dali, hwjgi pelama, tama te bomai masigigo bagulai obo elaluali taun salio. Te taun nogi Saion, te Jerusalem bulu me badu pedai dao. Tiali goli, nosali te we bidi dabego te tiwai nogi polali, Devitgo Taun da wali. ⁸ Tama Devitgo te taun me sisḡbadi, hasia bolo agai te aga ami bidi dabebolo te tiwai po wai, “Dago te taun sainogo da, teda da te Jebus dabe augwa hanu tomoba asobo wḡ dedage nivalidu geme paibao,” wai. “Tama dago te dedage wali pidu genama, tama da te taun tomoba sabolaibao. Tama dago te u gedu widai bidi dabe dali, me te saḡa dwai bidi dabe dali hwjaibao. Eno te tobage bidi wei eyu, godolo me ebeo,” wali. Megii da, Devitgo te wali po homude kone elaluama, tama augwa te tiwai po weyu yai, “Te gedu widai bidi me saḡa dwai bidi dabe te genuai bidi kingo be tomoba munu me pelamu da,” po wabo dao.

† 4:4 2 Sml 9:3 †† 4:10 2 Sml 1:1-16

‡ 5:5 1 Kin 2:11; 1 Sto 3:4; 29:27 †† 5:6 Jos 15:63; Tob 1:21

⁹Tama nosali, Devit te Saionba bidigi pelama, tama te taunba te tiwai nogi mawai, Te Devitgo Taun da wali. Tama Devitgo te po wali, tama te sę bidi dabego te taun bagulama, be dabe sę yao po wai. Augwaligo te be dabe sę ebo gagalu, te tōgo pağanani bulu me deli odogode te be dabe sę yani. ¹⁰God, te Tigidali Bomo Elalubo Genuai Bidi, te Devit dali bidali, tama tibas Devit te bomai king sesemane sogo pedalubo sę iduai dao.

¹¹Te king Hiram te Tair taun bidigo te polalubo bidi meba te Devitba tagala palali. Tama agai te wiegi yai ni bę tigi dabe me, te be sę ebo kamda bidi me, te masigide sę ebo koneai bidi dabe augwali tagala palama, te king Devitgo genuai be sę emainu yai. ¹²Devitgo te nai dabe te doado bage te agaba sabalubo te tiwai aga sulama, tama koneani, te Genuai Bidigo aga te king mu pedalumainu yai. Tama agai te tama koneani, te Genuai Bidigo te aga we bidi tau sabo homu yali homu yai, tama tiyu, Genuai Bidigo te Israel bulu tę pedai te bugagia mu pedalumainu ilibo sę yai dao.

¹³Te Devit Hebronde bidali tagalama, te Jerusalemba aselama, bidagasali sogo, agai te we meba ma siyu, tama agai te we hani si meba ma sai. Tama aga te we dabego te ogomani me wegi mani meba te Jerusalemdede bidu ame nani. ¹⁴Te ogwa dabego nogi te e tiwai elaluali, Samua, me Sobap, me Natan, me Solomon, ¹⁵me Iphar, me Elisua, me Nefek, me Jafia, ¹⁶me Elisama, me Eliada, me Elifelet. Te Devitgo ogwa dabego nogi dao.

Devitgo te Filistia dabe dali hwjnama, te augwali aiyaba elaluali
(1 Sto 14:8-17)

¹⁷Te Filistia dabego te tama po odoyu, te Israel dabego te Devit te augwa king bidi nigilali po odobaso, tama te Filistia dabe hogodama, te hwjgi pelama, aga sainu yai. Tiali goli, Devitgo augwaligo te sę yabo koneama, te geme duala sigi pabo bomai pesageba dulama, tede bididuai. ¹⁸Tama te Filistia dabe aselama, augwali te bulu pesage Refaim odogoba sabolama, tama augwali tede bidalulai. ¹⁹Tialima, Devitgo Genuai Bidiba te tama po hanalu wali, "Nago homugo eno te Filistia dabeba hwjgi pomainu homu ebawe? Tama ena pobaso da, teda nago ena tau siyu, te augwali aiyaba elalumainu yaibawe?" Tama Genuai Bidigo te tama po agaba wei ponani, "Awe, nage pao. Te augwali nage nogoba eno munama, tama te nago augwali aiyaba mu elalueibao," wali.

²⁰Tialima, Devitgo te Filistia dabe augwaliba hwjgi pelama, tama augwali aiyaba elalulai. Tama agai te tama po wai, "Genuai Bidi te wę bomo asobo tiwai elama, tama eno boi bidi hani dabe pedelama togolali." Tama tiyu, augwaligo te bulu nogi te tiwai nogi yali, Te Genuai Bidigo Te Hani Togolai Dao. ²¹Te Filistia dabe wi peyu, te augwa tibo god dabe taga pali. Tama Devit dali te aga ami bidi dabego te doado bage selasa palio.

²²Tiali goli, nosali te Filistia dabe ma geasa aselama, te Refaim bulu odogode bidali. ²³Tama Devitgo Genuai Bidiba hanalu, te po wali, "Te eno magi yagawe?" Tama Genuai Bidigo te po wei ponoyu, te tiwai po wai, "Dagego augwaliba hwjgi pao, tiali goli dage augwali bidibo dolo si me pelamuo. Dage te augwali tudi badu pelama, tama te ni balsam sili dolalubo pesage badu pelama, te hwjabo sisi elaluięo," wali. ²⁴"Tama dagego te ni dabe ugwadu daide te hauwa bidi bilibo kilikili wabo tiwai odaibao. Tialima, dagego koneama, ena digi ena te dage Filistia dabe dali hwjgi pabodu te ena polasa paibao. Dagego te tiwai sę ebo po odobo si da, teda dage udayu, te augwaliba hwjgi pięo," wali. ²⁵Tialima, Devitgo te Genuai Bidigo po odama, tama te Israel dabego te Filistia dabe pobeasa pelama, tama augwali dolali, te Geba taunde gagalasa pali, te Geser taunba usu nigi palio.

Augwa te Daę Wali Bomai Po Muani Halobage te Jerusalemba sesai

(1 Sto 13:1-14; 15:25-16:6, 43)

6 Devitgo te hwjbo bugagia mu koneani bidi dabe ma sisinani. Te Israel ami dabego namba te umabo mu, 30,000 usu nama elalulai. ²Tama Devitgo augwali te Juda tęde elalubo taun Balaba sela pelama, te Godigo Daę Wali Bomai Po Muani Halobage sigi painu yali. Te halobage augwa nogi eyu, Te Tigidali Bomo Elalubo Genuai Bidigo Halobage da wali. Te halobagede te ensel bidi noma si te ugadu daide elaluali, tama te king bidigo Genuai Bidigo duabo sia tiwai dao. ¹³Tialima, te Devit aga ami dabe dali te Bala taunba sabolama, tama augwali te Abinadapgo dwasianu bulu dude elalubo beba pai. Tama augwa te halobage selama, tama te gesi karis me deliba munama, te augwali dali sela painu yali. Usa me Ahio, te Abinadapgo ogwa sigi, te augwali pabo sogo te karis nogogo dodolubo sę ela piduai. ¹⁴Ahio te karis asobodu te polasa pali. ⁵Tama Devit dali, te tigidali Israel dali, te karis dali peyu, tama augwa te tęębi po me weyu, te musik wabo sę me yali, te Genuai Bidigo nogi ugwaba siyu tialio. Augwa te ni wuligo nigai habidi, me gita eliyu, tama te haniani musik wabo sę dali yalio.

⁶Tialima, augwali te bidi me deligo tę pedaiba sabolali, te bidi Nakon, te augwa te nai wit selama, tama te bo sela sębo pesageba sabolali. Tama tede te karis kegebo bulmakau dabego te Godigo halobage te hogobeasa dulainu yai. Tama tibas, Usago nogo mug pelama, tama te halobage tola sali. ⁷Tama Genuai Bidigo te Usa dali wado eyu, sębę mu yali, magi baso meni, Usago homugo te halobage olo nai da homu eyu, tama agai nogogo tualu. Tama Godigo aga elalima, tama aga te Godigo halobage dolo paęde isalio.

⁸Devitgo te Genuai Bidigo Usade ebo te sę sulama, tama Devitgo sębę homu eyu, wado yali. Tama augwa te pesage nogi eyu, Godigo Te Usa Dene Mani Pesage da wali. Tama megi me te bulu bage bidigo te tiwai nogi udubo dao. †

† 6:2 Sai 25:22 †† 6:3 1 Sml 7:1-2

⁹Tama megì da, Devitgo te tama po wali, “Magi elama tama, te Genuai Bidigo Daḡ Wali Bomai Po Muani Halobage ena dali pelama, bidigi pogowe?” wali.

¹⁰Tama tibaso, Devitgo te halobage te Devitgo taunba sela pabo hagela homu yali, te Jerusalem, tama aga te Jerusalemba pabo sunumi tagalama, tama te halobage te Get taun bidi me deli, te Obetidomgo beba sela pali. ¹¹Tama halobage te Obetidomgo bede munalubadi, te polua sela bidai. Tama te sogo Genuai Bidigo te Obetidom dali te aga hani sibi tigidali te wiegi yai bugagia ilali. †

¹²Tama nosali, king Devitgo te tama po odali, Genuai Bidigo te Obetidom dali te aga hani sibi me tigidali doado bage te wiegi yai bugagia ilibo po wali, magi baso meni, te halobage augwali dali munaluai. Tama tialima, Devit te Obetidomgo beba pelama, te Godigo halobage te Jerusalemba selasa asainu yai. Tama te we bidi dabe augwa homu wiegi yai pemene mu yai.

¹³Tialima, te bidi dabego te halobage tolama, soabo gagalali. Augwaligo soabo gagalama, dwasianu gana pelama, tama augwali doligi pelama, tama Devitgo te Genuai Bidiba ofa yali. Agai te bulmakau omai me deli dali, te nisali sabi omai bulmakau me deli dali, ofa yalio. Te ofa ebo silama, tama augwali ma pabo gagalalio. ¹⁴Devitgo te prisgo bebo ugwa me deli gudali, te augwa sawi yai name ugwago nigai. Tama aga tḡabi eyu, tama sasa mano pali, te Genuai Bidigo nogi ugwaba siyu tiai dao. ¹⁵Tama te tama kolesaga yaligo te Devit dali te tigidali Israelgo te Genuai Bidigo Daḡ Wali Bomai Po Muani Halobage te Jerusalemba selasa soali. Augwa wiegi yai homu pemene eyu, tama i weyu, tama te bu wabo nai biugel dali pomono pai dao.

¹⁶Te halobage augwa te Devitgo taun tomoba sela asali sogo, Mikal, te Solgo wegi, te sigi be windodu abatonalubadi, tama augwali suali. Tama agai te aga bidi suali, te king Devit, te tḡabi eyu, te sasa mano bilu, te Genuai Bidigo nogi ugwaba sali. Tama Mikalgo Devitgo te tama tebo kolesaga te aga hagela homu yai, tama aga haliga dwai aga dali yalio.

¹⁷Tialima, augwa te halobage te Devitgo augwa te halobage muainu sḡ yani ugwa be me deli tomoba te halobage muani. Tama aga te siago tigidali domainu ulubo ofa me, te Genuai Bidi dali deli haliga pedalubo ofa me, yalio. ¹⁸Augwa te ofa ela silibo si da, teda Devitgo te we bidi dabeba te tiwai po wai, “Te Tigidali Bomo Elalubo Genuai Bidigo te dage wiegi yai bugagia ilimainu yao,” wali. ¹⁹Tama Devitgo te we bidi tigidali nai mani. Te tigidali we me bidi deli deligo te bret deli me, augwa te siade ulai sipsip kibu mi me, te augwa te siade olali wain wai duani me, te augwa salio. Augwa te selama da, teda augwa pesageba digi ma geasa peyu yai.

²⁰Tama Devit aga beba ma pelama, te aga hani sibi wiegi yai ilimainu, te Godiba hanalugi peyu pali. Tama

Mikal te bedu buluba dia solama, tama aga dali deliba gesabidi ilama, tama agai te po wali, “Ae, te Israel kingo te aga genuai nogi ola mayu, tama te bugagia sasa mano pali. Tama aga ofisa dabego olo sḡ ebo we dabego gedude te aga hale gagolobo sḡ ebo sumainu yalio. Nago te tama tiali, te homu kolesaga meni yai bidigo ebo tiwai yali dao,” te we Mikalgo te po wali. ††

²¹Tama Devitgo te tiwai po wei ponani, “Eno te sasa mano peyu, te tḡabi yali da, te Genuai Bidigo nogi ugwaba siyu yai. Agai ena sa munama nigilali, te nago aya me hani sibi te hasegeliyu, tama tiali, tama agai ena aga te hani bage dabego tobolu bidi nigilali, te Israel dabede. Tama eno aga genuai nogi mayu, tḡabi mu iduaibao. ²²Tama ena digi ena nogi aiyaba mu elaluama, tama ena gedude te olo bage tiwai pedalumainu yaibao. Tiali goli, megì nago te po wabo olo sḡ ebo we dabe, augwaligo te genuai nogi enaba mawaibao,” Devitgo te po wai. ²³Tama Mikal, Solgo wegi, te aga wai me ame nisḡbadi, te aga isibo sogoba usu nani.

Profet Natango Godigo te Devit dali daḡ wali bomai po te Devitbolo pusa mawai

(1 Sto 17:1-15)

7 King Devit aga bede bidiyu, tama bugagia dulaluali, magi baso meni, Genuai Bidigo te boi bidi dabego te Israel dabeba hwḡagasomainu me ilibeo.

²Tama kingo profet Natanbolo te tiwai po wali, “Ena te augwaligo te ni bḡgo sḡwai wiegi yai genuai be me delide bidibao, tiali goli te Godigo Daḡ Wali Bomai Po Muani Halobage te ugwa bede naga munalubao. Te dolo meni da, homu ebao,” wali.

³Tialima, profet Natango te tiwai po Devitba wali, “Genuai Bidi nage dali bidibao, tama tiyu, nago magi sḡ me deli yainogo homu ebaso da, nago te sḡ naga yao,” wali.

⁴Tiali goli, te sogo hulide Genuai Bidigo Natanbolo te tiwai po wali, ⁵“Eno sḡ bidi Devitba nage pelama, tama eno te po agabolo pusa magi pao. Te po wao, ‘Devit, nage te bidi eno sa muyu, eno te be sḡ emainu yali bidi nage menio. ⁶Ena te genuai bede munu me bidibeo. Menio. Te Israel dabe eno te Isip dabede dobola selama, te augwali ma odasa asali sogo, ena te ugwa bede naga bidali. Tama te tigidali pedai badu ena peyu, asu yali, ena te ugwa bede naga bidiyu ebo dao. ⁷Ena te dage Israel dabe dali te bulu pedai hauwa badu bilali, tama eno te dage tonalumainu nigilali te tobolu bidi dabe me delibolo eno te tiwai po me hanalu, te tama tiwai po me wasiḡwai, “Magi baso te nago eno be me deli te ni bḡgo me sḡ ebe dawew?” eno te po wabe,’ te po Devitbolo wao,” Genuai Bidigo Natanbolo te po wai.

⁸Tama God Genuai Bidigo te po Natanbolo ma weyu, tama po wali, “Te eno sḡ bidi, Devitbolo, te tiwai po wao,” wali. “Ena, Te Tigidali Bomo Elalubo Genuai Bidi, eno nage te sipsip tonalubo sḡ ebo bidi bidibadi selama, tama eno nage sa muyu, te eno hani bage bidi, te

† Te megì e wabo po te da megì bidibo bidide po weyu me wabeo. Menio. Agai te wali po te e buku asḡani bidi bidali sogode wali po te wali dao. † 6:11 1 Sto 26:4-5

†† 6:20 1 Sto 16:43

Israel dabego tobolu bidi pedalumainu yai dao. ⁹ Ena te nage dali bidiyu, te nage pabo tigidali t̄q pedaide te ena bilai dao. Tama eno te nago boi bidi dabe aiyaba elalu yai dao. Tama eno nageba te genuai nogi mawainu yali, te gasa bulu t̄q pedai te bulu tonalubo bomai bidi tiwai pedalumainu yai. ¹⁰⁻¹¹ Eno dage Israel dabego t̄q me deli sa muani, te ena we bidi dabe, tama eno dage te duga bulu t̄q pedaide bugagia bidimainu ilali. Tama te dwai boi bidi dabego dage me dolyu me egobeo. Polobadu digi te boi bidi dabego dage dolali. Te w̄j n̄q dabego te t̄q sagasobo gagalali sogo, tama te eno dagego tobolu bidi nigilama mani sogo, te boi bidi dabego dage dolobo s̄q iduali. Tiali goli, meḡi da, te eno augwali paniama, tama te augwaligo nage me, te nago bulu t̄q me, te me dologobeo. Tama eno nago hani bidi bidimainu elama, tama augwaligo te nago w̄j n̄q wai dabe te ame nomainu yaibao.”

¹² “Te nage isibode te augwaligo nage pubalubo sogo, teda te eno nago ogwa me deli te king pedalumainu ilama, tama aga te bomai king pedelama, tama eno te maḡi nai me deligo aga aiyaba elalumainu me egobeo. ¹³ Te kingo naga te eno be s̄q emainu yaibao, te eno we bidi dabe augwali ena p̄ba asomainu emainao. Tama te eno aga hani bidi dabede naga te sesemane bidada pabo sogo king bidi pedalumainu ilaibao. ¹⁴ Tama ena te aga aya bidiyu, tama aga te eno wai bidiyu yaibao. Te agai dwai kolesaga ebo sogo, te eno agaba dene mabo s̄q eyu, te ayago aga waibolo ebo s̄q tiwai yaibao. ¹⁵ Tiali goli, eno aga godolo mu eyu, te olo tau sabo wiegi yai kolesaga agaba sesemane sogo yaibao. Te eno aga tudiba me musiayu, te eno te Solba yali s̄q tiwai eyu, te eno aga sela s̄q wani sogo, tama te nago agai bidali pesage sali gilama te tiwai me egobeo. ¹⁶ Te nago hani da, te me sia sogobeo. Tama eno te nago hani bidi dabede te king sesemane sogo pedalumainu ilaibao,’ nago te po Devitbolo pusigi pao,” God Genuai Bidigo te po Natanbolo wali.

¹⁷ Tama Natango Genuai Bidigo te wali po dabe odama da, teda tama aga pelama, te Genuai Bidigo te agaba ola mani po dabe tigidali te Devitba wagi palio.

Devitgo gedu haluasa po Genuai Bidiba wali

(1 Sto 17:16-27)

¹⁸ King Devitgo Godigo te wali po dabe oda silama da, teda aga te Genuai Bidigo ugwa be tomoba pelama, tama te Genuai Bidigo geduba duagi pelama, tama te tiwai gedu haluasa po wali, “Tigidali Nai Tonalubo God, Genuai Bidi, nago wiegi yai kolesaga hauwa enaba yali. Tiali goli, ena dali, te ena hani sibi dabe, da de dawē? Da te nogi meni yai bage naga dao. Da wiegi yai baso tama nago te tiwai s̄q me ebeo.

¹⁹ Tigidali Nai Tonalubo God, Genuai Bidi, nago te wiegi yai kolesaga dabe enabolo yali te usu meni da homu elama, tama meḡi nago gasa kolesaga yabo s̄q po enabolo ma walio. Nago te eno w̄j n̄q hani dabeba

yabo s̄q po te enabolo pusali. Genuai Bidi, ena olo bidi gagawai da. Tiali goli, nago enabolo te nago yabo s̄q dabe po ola manio. Nago te da we bidi dali te tiwai kolesaga ebo dawē?”

²⁰ “Tama tialima, Tigidali Nai Tonalubo Genuai Bidi, te eno mena po me nageba wagawē? Ena naga s̄q bidi, tama nago ena koneanio. ²¹ Te nago te genuai s̄q dabe te naga homugo digi yali. Tama meḡi te nago enabolo te po pusa mani, te naga kolesaga digi ena ola mani.”

²² “Tigidali Nai Tonalubo God, Genuai Bidi, nage te polalubo bidi mu bidibao! Te nage tiwai me elalubeo. Nage deli te God mu bidibo, te dago n̄q w̄j dabego pedauwalide odali po tiwai odobo dao. ²³ Nago da Israel te Isip dabe nogode kalabus bidibadi ma dobola selama, tama nago da te naga we bidi hani pedalumainu ilali. Tama te gasa we bidi hani te naga we bidi hani bidi da Israel tiwai me bidibawē? Mu menio. Tama nago te tobage wiegi yai genuai s̄q te da tau siyu, te nago we bidi da te bulu t̄q pedaiba sabolali sogo, te tobage s̄q dabe yai. Nago te gasa we bidi dabe ela gudulu sela s̄q nama, tama nago augwaligo tibo god dabe doliyu elama, tama dago augwaligo bulu t̄q sagasali. Tama tialima, te tigidali bulu t̄q pedaide bidali we bidi dabego te nageba genuai nogi mawai dao.

²⁴ Genuai Bidi, nago da Israel hani we bidi dabe te naga hani we bidi mu pedelama, tama da te tiwai sesemane sogo bidaibao. Tama Genuai Bidi naga digi nage te dago God pedelai dao.”

²⁵ “God, Genuai Bidi, ena te naga s̄q bidi, meḡi eno homugo nago enabolo me te eno haniba d̄q walali po te tiwai s̄q pedaliyu, tama nago te tiwai s̄q sesemane sogo iduao. ²⁶ Tama te we bidi dabego nago te tebo s̄q ebo dabe sulama, tama sesemane sogo augwaligo nage genuai nogi mayu yaibao. Tama augwa te po weyu, ‘Te Tigidali Bomo Elalubo Genuai Bidi te Israel dabego God da,’ po waibao. Tama nago te eno hani bidi dabede naga te sesemane sogo king bidi pedalumainu ilaibao.”

²⁷ “Genuai Bidi, nage te tigidali bomo elalubo, tama nage te da Israel dabego God. Tama nago enabolo te tama po pusali, nago te eno w̄j n̄q hani bidi dabe te bomo sesemane sogo elaluaiba wali. Tama ena, te naga s̄q bidi, eno te nageba gedu haluasa po wabo wi me egobeo. ²⁸ Tigidali Nai Tonalubo God, Genuai Bidi, naga digi nage te God, tama nago te po d̄q weyu, te yaibao po wali wiegi yai s̄q tigidali te s̄q ebo da. Tama nago te wiegi yai s̄q yabo po ena nago s̄q bidi dali d̄q wali. ²⁹ Tama eno homugo te nago d̄q wali po te homu kone palu, tama nago te eno hani dabe wiegi yai bugagia ilao. Tama te augwali sesemane sogo nage dologode bugagia bidimainu yao. Maḡi baso meni, Tigidali Nai Tonalubo God, ena naga s̄q bidi naga bidali goli, nago te tobage wiegi yai s̄q sesemane ilabo po te eno w̄j n̄q dabe dali d̄q wabo po wai dao,” Devitgo te po wali.

Devitgo te boi bidi dabe aiyaba elaluali

(1 Sto 18:1-17)

8 Me sogo deli sogo nosali, Devit dali aga ami dabe daligo te Filistia dabe dali wabi hodolama, hwjani. Augwaligo te Filistia dabe aiyaba elaluali, tama tibaso te Filistia dabego te Israel dabe munu ma tonalubeo.

²Tama nosali Devit dali, te aga ami bidi dabe dali pelama, te Moap dabe dali boi hwjgi pelama, tama augwali aiyaba elaluali. Tama agai te Moap dabe te wasilama, te tqde pimainu ilali. Tama agai te bono baklain me deli selama, tama augwali usu sali. Te bidi dabe te polaluali daj elalubode bidali me, te si wali daj ilalide bidali bidi dabebolo, agai te augwali isimaina po wai. Tiali goli te sela wali daj ilalide bidali bidi dabe, agai te augwali sula tagalalu bidimainu yali. Tama agai te tiwai se ela pidubadi, te wasilali hani siligi paboba usu nigipali. Tama te ela musiawai Moap dabe aga dologode bidiyu, tama agaba te takis mawai.

³Tama nosali, Devit dali, te aga ami bidi dali, augwa te Soba tq kingba boi hwjgi pali, aga te Hadateser, te Rehoppo ogwa dao. Soba bulu tq te Siria hani bage me deligo tq pedai elaluai. Te sogo Hadatesergo aga ami bidi dabe selama, tama te we Yufretis pedai badu pidubo se elama, te boi bidi dali hwjainu yali, te aga tq pedai ma sainu yali. Tama Devitgo hanigo augwali sisonama, ⁴tama te hwjnama, te augwali aiyaba elaluali. Tama Devitgo te Hadatesergo ami bidi dabe hauwa sai. Agai te ami bidi te bidi sese hauwa, 20,000 sali, tama te hosde dualama hwjbo ami dabe te 1,700 bidi sobadi yai. Tama me, Devitgo te hwjbo side te karis dabe kegabo hos dabe te bidi sese a naga, 100 sali. Tiali goli, Devitgo te gasa hos dabego sagga gabulu kigibili dabe dolama, tama augwali te bomo elama bilabu usu meni yai.

⁵Te sogo te Damaskus bulude bidali Siria dabe, augwali hogodama, te king Hadateser dali hwjbo tau sigipali. Tiali goli, Devit dali, aga ami bidi dabego dali, te Siria ami bidi dabe te bidi sese umabo, te 22,000 bidi ela muani. ⁶Tama Devit aga ami bidi meba te Siria dabego bulu tq pedaide muna muna pelama, te augwaligo wabi ma hwjdali weyu, te tonalumainu muani. Tama te Siria dabe te Devitgo dologode bidiyu, tama augwaligo agaba takis mone mani. Te tigidali bulu tq pedaiba Devitgo boi hwjgi pabo side, te Genuai Bidigo aga tau siyu, tama aga ugwaba dja holali.

⁷Tama Devitgo te Hadatesergo ofisa dabego te golgo nigai hwjbo sabele tolasa asobo suali. Tama agai te wiegi yai sabele dabe selama, tama te sabele dabe te Jerusalemba selasa palio. ⁸Tama me, agai te Beta taunde, me Berotai taun side te bras umabo hauwa sali, te Hadatesergo taun si dao.

⁹Te Hamat bulu tq king Toigo te tama tiwai po odali, Devitgo te Hadatesergo ami bidi dabe aiyaba elaluali po odalio. ¹⁰Tama tialima, Toigo aga ogwa tagala palali, Joram, te king Devitba pelama, te wiegi yai homu iliyu, siade da po wagi peyu, tama Devitgo te Hadateser aiyaba elaluali te wiegi yai homu pemene ilibo

po wagi pomainogo tagala palai. Te Devitgo te Hadateser aiyaba elalualide te king Toi aga wiegi yai homu pemene yai, magi baso meni, te hauwa sogo Hadatesergo te Toi dali boi bidi iduali. Tialima, Joram te Devitba aselama, tama agaba te wiegi yai homu ilibo nai dabe magasali, te augwa te silvago, me golgo, me brasgo nigai dao.

¹¹Devitgo te wiegi yai homu eyu magasobo nai dabe selama, tama God Genuai Bidiba sa munani. Te agai gasa boi bidi dabe aiyaba elaluama, te sali gol me silvade te tobage kolesaga yali tiwai gilama yalio. ¹²Agai te silva me gol dabe te Idom dabede, me Moapde, me Amon dabede, me Filistia dabede, me Amalek dabede te nai dabe sali, tama te Soba hanu tq te king Hadateserde te me sai dao. Agai te tobage sali nai dabe tigidalide te Godigo nai dao po olama, Godiba maduali.

¹³Tama nosali, Devit dali, te aga ami bidi dabe dali pelama, te Tamu Hauwa Elalubo Odogo Bulude bidibo Idom bage dali hwjgi pali. Tama augwaligo te Idom bidi dabe te bidi sese umabo, te 18,000 bidi ela muani. Te bidi dabego te hwjani po odama, tama augwa te Devitba genuai nogi mu mawai dao. ¹⁴Tama Devitgo te aga ami hani bidi meba te Idom bulu tq pedaide munama, te Idom dabe tonalumainu yali. Tama te Idom dabe aga dologode bidai. Te Devit pelama, hwjgi pabo bulu tq pedai tigidalide, te Genuai Bidigo aga tau siyu, tama aga ugwaba dja holali.

¹⁵Devitgo te Israel tq pedai tigidali badu tonalu, tama agai wiegi yai doloba pai kolesaga te tigidali we bidi dali yalio. ¹⁶Joap, te Devit aga abe Seruiago ogwa, te ami dabego polalubo ofisa bidi bidali. Tama Jehosafat, te Ahilutgo ogwa, te polalubo kuskus se bidi bidiyu, tama te gavman dabego se ebo buku dabe tonalubo se bidi bidali. ¹⁷Tama Sadok dali Ahimelek, augwali si te pris bidi bidali. Sadok te Ahitupgo ogwa. Tama Ahimelek te Abiatargo ogwa dao. Tama Seraia aga te kingo kuskus se ebo bidi bidai. ¹⁸Tama Benaia, te Jehoiadago ogwa, tego te king Devit tonalubo ami bidi dabe te augwa tonalubo se yali, te augwali Keret me Pelet hani dabe da. Tama te Devitgo ogwa dabe te pris bidi bidai dao.

Devitgo te Mefiboset bugagia wiegi yai ilali

9 Devitgo te tama po te bidi dabebolo hanalu wali, "Te Solgo hani sibi bage meba elalubawe, ma meniwe? Te elalubaso da, teda eno augwali wiegi yai bugagia ilainu homu yali, te Jonatango wiegi yai kolesaga enaba yali te wei ponainu tiaibao," wali. ¹²Te sogo te Solgo hani sibide te se ebo bidi me deli bidali, aga nogi te Siba. Tialima, augwaligo aga i olama, aga te king sugi somainu yali. Aga te kingba sabalubo si, tama te kingo agaba te tama po hanalu wali, "Nage te Siba da, agawe?" Tama aga te tama po wai, "Awe, ena tama dao." ³Tama te kingo agaba ma hanalu wali, "Te Solgo hani sibi bage meba elalubawe, ma meniwe? Te elalubaso da, teda eno augwali wiegi yai bugagia

ilaibao, te eno Godiba bomai po daŋ wali gilama tiainu obao," wali.

Tialima, Sibago Devitba po walali, "Te Jonatango ogwa me deli bidibadi goli, te aga saŋa penelama, dwai bidibao," po wali. ¹⁴ Tama kingo te po wali, "Aga menade bidibowe?" Tama Sibago agabolo te po wai, "Aga te taun hanu Lodebarde bidibao, te Amielgo ogwa, Makirgo bede bidibao," po wali.

⁵ Kingo te tama po odama, tama agai te bidi meba tagala palama, te Jonatango ogwa odasa asomainu yai. ⁶ Te bidi aga nogi te Mefiboset dao. Aga te Jonatango ogwa, tama te king Solgo ogwago wai, te aga nŋu waji dao. Te aga sabalubo sogode, teda aga kidu sugunugulama, tama aga gesabidi tŋba pogulama, te Devitgo nogi ugwaba siyu tama tiali. Tama Devitgo agabolo te tama po wali, "Mefiboset, siade dao." Tama Mefibosetgo te tama po wali, "King o, ena naga seŋ bidi naga dao."

⁷ Tama Devitgo te tama po wali, "Nage wi munu me elamuo. Eno nago aya Jonatan te homu kone me elalubadi geani, tama tiyu, eno te wiegi yai kolesaga nageba yabo homu ebao. Te eno nageba te nago nŋu waji Solgo tŋ tigidali te nageba mawaibao. Tama tigidali sogo nage te enaba naga aselama, nai tuagasu yagameo," wali.

⁸ Tama Mefibosetgo gesabidi te tŋba ma pogulama, te po wai, "King, magi baso nago te tiwai wiegi yai kolesaga enabolo yainogo obawe? Ena te olo nai tobage naga, te isali yowi me deli te tiwai dao," wali.

⁹ Mefiboset pai madigi, tialima te kingo Siba i olama, asobo side tama agabolo te tama po wali, "Te naga genuai bidi Solgo tigidali tŋ dali doado bage me, tama agai hani sibi bage me, megi eno te Mefibosetgo noga manio, te Solgo nŋu waji dao. ¹⁰ Tama tibaso, nage dali, te naga ogwa dabe me, te naga seŋ ebo bidi dabe me, te tŋde gi buluiŋo. Tama dagego te gide inayu tau yai nai selama, tama selasa asiŋo. Tama tiyu da, te Solgo hani sibi te augwa nai elalueibao. Tiali goli, Mefiboset aga da te ena dali sesemane sogo nai tuagasu daibao," Devitgo te po wali.

Te bidi Sibago ogwa te 15 elaluyu, me te seŋ bidi dabe te bidi sese tama elaluali. ¹¹ Tialima, Sibago te tiwai po Devitba wali, "King o, te nago wali po tiwai gilama te tigidali seŋ eno yaibao," wali. Te seŋ dabe elama, nosali Mefiboset te king Devit dali nai tugi peyu yali, te king aga ogwa me deli tiwai mu gagawai dao. ¹² Mefibosetgo ogwa me deli te ogwa bidi bidali, aga nogi te Mika. Te sogo te Sibago hani sibi bage bidi me we, te Mefibosetgo tŋde seŋ iduali. ¹³ Tiali goli, Mefiboset te Jerusalemda bidali, magi baso meni, tigidali sogo bidi-bo dononama, te aga king Devitgo bede nai tudali. Te Mefibosetgo saŋa si te penelama, dwai elaluai dao.

Devitgo te Amon dabe me, Siria dabe me, aiyaba elaluali

(1 Sto 19:1-19)

10 Nahas, te Amon dabego king bidi, te isibaso, tama aga ogwa, Hanun, te king pedelali. ² Tama Devitgo te tama po wali, "Eno te wiegi yai kolesaga Hanunba yaiba," wali, "te aga aya, Nahasgo, te enabolo yali kolesaga tiwai gilama yaiba," wali. Tama tiyu, Devitgo te bidi meba tagala palama, te Hanunba homu dene ebo po wagi pomainu yali. Tiali goli, augwali te buluba sabalubo side, ³ te Amon bulu tŋ pedai tobolu bidi dabego te augwa kingba te tama tiwai po wali, "Nago homugo Devitgo te bidi dabego te nago ayabolo homu dene eyu, te genuai nogi magasu asali da, homu eyu teba, agawe? Mu menio. Agai augwali tagala palali, te dago hanu taun te bugagia sula selama, tama nosali te aga ami bidi dabe dali aselama, te da dolagasainu yalio," tama po wali. ⁴ Hanungo te po odama, tama agai te Devitgo hani bidi dabe pageabi elama, tama augwaligo penane nisi me badu togolama, tama me badu te elalubadi, tagalali. Tama agai te augwaligo bobage gudali ugwa te togolama, pŋwadage mu igulali, te gasa bidi dabego augwaligo tigi habu mi sumainu ebo tiwai ilama, tama agai augwali te augwa buluba tagala palalio.

⁵ Tiali goli, te bidi dabe augwa te hale mu ebaso, tama augwa buluba ma pabo te augwa hagela homu yali. Te Devitgo haniba te Hanungo te tama kolesaga yali po odama da, teda agai te bidi dabeba te tama po ola tolali, "Dage te Jerusalemba polo asabo homu kekelele me elamuo. Menio. Dage te Jerikode bidilama, te dagego penane nisi ma holobo si, tama nosali dage asiŋo," wali.

⁶ Te Amon dabe augwa koneani, augwa te tiali kolesagade te Devitgo haliga seŋbe mu ilabo seŋ yali homu yai. Tama tiyu, te Devit augwali dali hwjagaselama, augwali aiyaba elaluidali homu eyu, augwa te bidi meba te Siria tŋba tagala palama, te Betrehop bulu bidi dabe me, Soba bulu bidi dabe, augwali dali te bomai po daŋ walali. Tama te bulu side te ami bidi umabo mu, te 20,000 bidi tagala palu, te Amon dabe dali hwjibode tau sagasomainu tialio. Tama te Amon dabego te Top bulu bidi dabe dali me te bomai po daŋ walama, te ami bidi umabo mu, te 12,000 bidi sainu tiali. Tama te Amon dabego te Maka bulu king bidi dali me bomai po daŋ walama, te augwali te Devit dali hwjibode tau sabo ami bidi dabe umabo, te 1,000 bidi me abelama, salio.

⁷ Te Devitgo te Amon dabego te tama tiwai eyu, te ami bidi dabe sisinibo po odolama, tama agai te Joap dali, te Israel ami bidi dabe tigidali dali tagala palu, te augwaliba boi hwjgi pomainu yali. ⁸ Tialima, te Amon dabe te augwa genuai hanu taun, te Raba, te masigigo bagulali obo te tomoba pabo sunumi elalubo pade te sisinama dolaluali. Tama te Siria dabe me, te Top dabe me, te Maka dabe augwali te kala sili elalubo pe-

sagede wasilama, sisinama bidaluai. Tama tigidaligo te Israel dabe dali hwjainu sisi elalualio.

⁹Joapgo te boi bidi dabe sulama, tama agai koneani, te Israel dabeba augwaligo te si badu bugasa hwjaiba homu yali. Tama tibaso, agai te Israel wiegi yai bomai ami bidi meba nidigili pelama, tama augwali te kala silide bidalubo ami bidi hani dabe bidalubo pade te augwali wasilali. Tama aga digi te augwali tonalualio.

¹⁰Tama agai aga ama, Abisai, nigilama, te agai gasa ami bidi dabe tonalumainu nigilali, tama Abisaigo augwali te Amon dabe bidalubo pade wasilali. ¹¹Tialima, Joapgo Abisaibolo te tama po walali, "Te hwjbo hodolama hwjbo sogo, tama nago suali, te Siria dabego da aiyaba elaluabo homu ebaso da, teda dage asu, da tau sagasao. Ma, te Amon dabego dage aiyaba elalueinu ebaso da, teda dago dage tau sagasaiba," wali.

¹²"Dage wi me elamu. Dago dena hani bidi me te Godigo dabolo mani hanude homu kone palama, tama dago bomu elama, hwjao. Tama Genuai Bidigo aga homu wali pelama, tama aga te godolo ebo homu tiwai emainu yao," Joapgo te aga ama Abisaibolo te po wai.

¹³Tialima, Joap te aga ami bidi dabe dali pelama, te boi hwjgi pobadi, tama te Siria dabe wi pela walio.

¹⁴Tama te Amon dabego te Siria dabe wi pabo subo sogo, augwali me te Abisaigo hanide wi peyu, tama te augwa taun bagulali obo tomoba pelama, geme duala sigi pali. Tialima, Joapgo te Amon dabe tagalama, te aga ami bidi dabe selama, te Jerusalemba ma geasa palio.

¹⁵Te Siria dabe augwali te hwjanide te suali, te usu meni yani tiwai yali, tama tialima, augwa ami bidi dabe tigidali i olama, sisinagasalio. ¹⁶Tama te Soba bulu king bidi Hadatesergo te bidi meba tagala palama, te giliga pedalubo madi, te we Yufretis elalubo badu bidalubo, te Siria bulu bidi dabe sigi pomainu elama, tama augwali sisinagasali. Tigidali te bulu Helamba sisinama, tama Sobak, te king Hadatesergo polalubo ofisa bidigo, te augwali tonalualio.

¹⁷Devitgo te Siria dabe te Helamba sisinibo se ebo po odobaso, tama aga hogodama, te Israel ami bidi dabe tigidali sisinama, tama augwa pelama, te we Jordan nogelama, tama pelama, te bulu Helamba sabolai. Tama te Siria dabe deliba wasilama, nani bidiyu, tama augwa te Israel dabeba boi hwjbo hodolama, hwjanio.

¹⁸Tiali goli, te Israel dabego hwjbo te bomu mu elama, tama te Siria dabe augwali pogasa peyu, te augwa bidiboba ma palio. Tama Devit te aga ami bidi dabe daligo te karisde dolalua peyu hwjbo ami bidi dabe te bidi sese hauwa, 700 bidi elali, tama te hosde dualasa peyu hwjbo ami bidi dabe te bidi sese umabo mu, te 40,000 bidi ela muani. Tama augwa te Sobak me elali, te Siria dabe augwa polalualio ofisa bidi, tama aga te hwjani pesagede dolo tede tama isai dao. ¹⁹Te king Hadatesergo dologode bidali king mebago te tiwai ebo si, te Israel dabego augwali aiyaba elalubo sulama, tama augwa te Israel dabe dali nogo menama, tama augwali dologode bidalio. Tama te Siria dabe te

Israel dabede wi mu elama, tama tibaso, augwaligo te Amon dabe tau ma me sabeo.

Devitgo te Uriago we dali penane se yali

11 Te tigidali deli deli kibu bede, te kedau ebo silainu ebo sogo, te king dabego te augwa boi bidi dabe dali boi hwjyu yai. Tialima, te Devitgo te Siria dabe aiyaba elalualio te kibu bede nosali badu, tama te kedau ebo silainu ebo sogo, Devitgo te Joap dali, te aga ofisa dabe me, te Israel ami bage tigidali dali, te Amon dabe dali boi hwjgi pomainu tagala palali. Augwa te boi hwjgi pelama, tama te Amon dabe aiyaba elaluama, tama te taun hanu Raba bagulali. Tiali goli, Devit digi te hwjbo madiba me pisawai. Aga te Jerusalemde bidai. †

²Me sogo deli be pio ebode Devit godege pilama, tama pio mu ebadi, aga te betde pila muani tagalama, hogodalualio. Te aga be te pedu daide te toma nabo pesage elaluai. Tama tialima, aga teba ugwaba holama, tama tede toma neyu bilali. Aga te aba tonono bilibadi, tama agai te we me deli gasa bede we paduboso suali. Tama te we te gasa sawi yai we muo.

³Tialima, Devitgo te niwai we mu yaliwe, te mu koneai sainu, te bidi me deli tagala palali. Tama agai te tama koneani, te we aga te Batseba bidibo suali, te Eliamgo wegi, tama aga te Uriago we dao, te Hit hani bidi me deli dao. ⁴Tama Devitgo te bidi meba ma tagala palama, te we Batseba odasa asomainu yali. Te sogo te Batseba aga te poluago elali gasi te silibaso, tama aga te wiegi yai ma pedalubo kolesaga wali pai. Tialima aga te Devitba aselama, tama Devitgo te we aga dali pagela pai. Tama nosali Batseba te aga beba ma pai. ⁵Tama bidama gana nosali, Batseba aga haliga ebo si koneama, tama aga Devitba po ola tolali.

⁶Devitgo te tama se ebo konebaso, tama agai po me deli Joapba ola toliyu, te tiwai po wai, "Eno homugo nago Hit hani bidi, Uria, te enaba tagala palomainu homu ebaso," wali. Tama Joapgo Uria te Devitba tagala palali. ⁷Uria te aselama, te Devit pageba sabalubo si, tama Devitgo te tama po agaba hanalu wali, "Joap te aga ami bidi dabe dali bugagia bidibawe, ma meniwe? Tama te boi hwjbo mena tama tebawe? Da te ugwaba dia holabo homu ebowe, ma meniwe?" Tama Uriago te se ebo po dabe te agaba pusali. ⁸Devitgo Uriabolo tama po wai, "Wiegi yai mu dao. Eno odalio. Megi nage te naga beba pelama, tama we payu, toma nao." Tialima Uriago te king tagalama, buluba dia soali. Tama nosali Devitgo te bidi me deli tagala palama, te wiegi yai homu ilibo nai te Uriaba selasa pali. ⁹Tiali goli, Uria te beba me pabeo. Aga te king tonalubo bidi dabe dali piali, te kingo be sunumi pade pai.

¹⁰Augwaligo Devitba waliyu, te Uria aga beba me pabeo po wali. Tama tibaso, Devitgo agaba walaligi pali, "Nago te naga be bobage sogo taga pai dao. Magi baso te nage naga beba pabewe?" wali.

¹¹Tialima, Uriago te tama po wei ponani, "Te Israel ami dabe, me Juda ami dabe, te hwjbo pesagede te

† 11:1 1 Sto 20:1

ugwa bede naga me bidalubao, tama te Daꝓ Wali Boma Po Muani Halobage te augwali dali munalubao. Tama Joap, te eno genuai bidi, te bidibo pesagede te ofisa dabe dali bididubao. Te ena naga te ena beba pelama, tama te nai sela tuyu, te wꝑ tuyu, tama te ena we dali pagela piyu ebo, te eno homugo te dwai da homu ebao. Eno mu po tama obao, eno te tama kole-saga me egobeo. Ma eno te tiwai eyu da, teda Genuai Bidi Godigo ena ela mumainao," te po wali.

¹² Tama tialima, Devitgo te tama po wali, "Te usu dao, megí nage ede bidao, tama do te nage eno ma tagala palaibao." Tialima, Uria te Jerusalemde bidalio. Tama do te be pio ebadi, ¹³ Devitgo te Uria i olama, te aga dali te nai me wꝑ tuagasomainu elama, tama agai te Uria gꝑꝑ page ilali. Tiali goli, te sogo hulide me Uria te aga bede me pibeo. Menio, te aga ugwade digi banuama, tama te king tonalubo bagego be habude pialio.

¹⁴ Tama kigamu digi Devitgo te pas me deli Joapba asꝑnama, tama Uria menama, tama aga te hwjbo pesageba ma tagala palalio. Tama Devitgo agabolo waliyu, te pas Joapba mao wai. ¹⁵ Devitgo te paside asꝑani po te tiwai po wali, "Te Uria dali, te polalubo ofisa hani dali, te hwjbo bomu ebo madiba muao," po wali. "Tama dage tigidali te tudiba ma kilasa peyu, tama te boi bidi dabego te Uria ela mumainu yao," po walio.

¹⁶ Joap dali, te ami bidi dabe, augwa te Raba taun hanu sainu hwjbo sꝑ idubadi geai. Tama Joapgo te pas sali sogo, teda agai te Uria te Amon dabego hwjbo sꝑ bomu mu ebo madiba muanio. ¹⁷ Tama te Amon dabe ami bidi te taun hanu buluba dia solama, tama te Joapgo ami dabe dali hwjani. Tama te hwjanide, te Devitgo ofisa bidi meba isali. Uria aga te ofisa dabe dali isali bidi me deli te aga dao. ¹⁸ Tama nosali, Joapgo te boi hwjani digi te sꝑ yali po te Devitba po ola tolali. ¹⁹ Tama Joapgo te hwjani po sela soainogo ebo bidiba te tama po walali, "Nago te hwjyu suali sꝑ po tigidali te kingba wagi pao," wai. ²⁰ "Tama eno homugo te kingo te tiwai wado po waiba homu yali, 'Magi baso dage te taun hanu bagulali obo pꝑba hwjgi pai dawew' te po waibao. 'Dagego koneanio, te boi bidi dabe te bagulali masigi obo daide bidiyu, tama augwaligo dage enabo usu elalubo dao. ²¹ Te polobadu te Abimelekde yali sꝑ te dagego homude gegeda pai elalui dawew? Abimelek, te Gideongo ogwa, te taun hanu Tebes obo bagulali pꝑde dolalubadi, tama we me deli te masigi obo daide dolalu, tama genuai masigi aba sꝑnama, tama aga ela muani. Tama tialima, magi baso dage te bagulali obo pꝑba pai dawew? Te kingo tama po nageba obaso da, teda nago agaba te tama po wao, 'Nago sꝑ bidi, Uria te Hit bidi, te ofisa dabe dali isali bidi me deli dao,' tama po wao," Joapgo te po wai. †

²² Tama tialima, te Devitba po sela pabo bidi te pelama, tama agaba te po pusigi pai dao. ²³ Agai te tama wai, "Te boi bidi dabego hwjbo bomu mu ebaso, tama augwa te taun hanu tomode bidali te buluba dꝓ solama, tama da dali te pepeli deliba aselama, hwjani. Tiali

goli, dago te hwjbo bomu mu ebaso, tama augwali ma pogosa pelama, te taun hanu tomoba pabo sunumi pꝑba dꝓ igi palio. ²⁴ Tiali goli, te Amon ami bidi dabe meba te bagulali obo daide bidiyu, tama augwa te enesigigo enama, tama nago ofisa bidi meba dolama, tama isalio. Nago sꝑ bidi Uria te Hit bidi, aga te ofisa dabe dali isali bidi me deli dao," te po wali.

²⁵ Devitgo te po agabolo wali, "Nage ma geasa pelama, tama te po Joapbolo pusa mao, te aga bomu elama hwjmainu ebo po. 'Joap, nage te sꝑde te haliga sꝑgꝑ me elamuo, magi baso meni, te mena bidi aga te hwjbode isabo, te aga me konegobeo. Nago te Amon dabe dali hwjbo sꝑ bomu elama, tama augwali aiyaba elaluama, tama te taun hanu mu dola silao,' te Joapgo homu dꝓ omainogo te po agabolo pusao," Devitgo te po wali.

²⁶ Tama nosali, Batsebago te aga bidi isali po odobaso, tama aga homu dene ebo gela te aga bidide wai dao. ²⁷ Te homu dene yali sogo silibo side da, teda Devitgo augwaliba te Batseba te kingo beba odasa asao po wai. Tama Devitgo aga sali, tama nosali Batsebago te Devitgo wai ogwa me deli ame nani. Tiali goli, Genuai Bidigo Devitgo te sꝑ yalide te aga homu godolo eyu, wei me ebeo.

Natango te Devitgo dwai sꝑ yali po pusali

12 Te Genuai Bidigo te profet Natan Devitba tagala palama, tama Natango te tiwai po Devitbolo wai, "Te bidi me si te taun hanu me delide bidali. Me deligo te mone me doado bage hauwa elaluyu, tama gasa me bidi te magi nai meniama, tama dwasianu doado bage naga elalui. †² Te mone hauwa elalubo bidigo te bulmakau me sipsip hauwa umabo elaluali. ³ Tiali goli, te magi doado bage meni yani bidigo te dwasianu sipsip kibu so me deli naga elaluali. Aga te sipsip abelama, te bugagia tonaluai. Tama te sipsip aga bede bidiyu, tama te bidi aga wai dabe dali te genuai pedelama bidali. Tama aga tubo nai kakali te sipsipba mayu, tama te sipsipgo aga wꝑ tubo kapde wꝑ tumainu eyu yali, tama te sipsip te bidi aga hagawiade piyu yai. Tama tiyu, te sipsip te aga wegi tiwai mu pedelali."

⁴ "Tiali goli, me sogo deli te mone hauwa elalubo bidi aga abagi aselama, te aga beba sabolagasali. Tialima, te mone bidigo te aga sipsipgo digi me deli elama, tama aga abagi ula maiabo homu me ebeo. Menio. Aga pelama, te magi doado bage meni yai bidigo sipsip sigi pelama, te elama, tama ulama, te aga abagigo tumainu yalio."

⁵ Devitgo Natango te wali po odolama da, teda Devitba aga haliga sꝑde dwai mu te mone hauwa elalubo bidi dali eyu, tama po wali, "Te Genuai Bidigo nogide, eno mu po tama obao, te tobage kolesaga yali bidi te aga dwai bidi mu dao. Te augwaligo aga ela muabo sunumi te wiegi yai mu tama nigali dao. ⁶ Tama agai te magi nai doado bage meni yai bidibolo te sipsip me si me si te wei ponao wagi dao, magi baso meni, agai dwai

† 11:21 Tob 9:53

†† Tib 51 Tobolu pode

kolesaga mu elama, tama te bidide homu dene dwasianu me ebeo," wali.

⁷ Tialima, Natango te tama po Devitbolo walali, "Te mone hauwa elalubo bidi wali, te nage tama dao! Tama God, te Israel dabe dago Genuai Bidigo, te tama tiwai po nagede elalubao, 'Eno nage tau saligo, tama nage Solgo me dolobeo. Tama eno nage te Israel king bidi pedalumainu nigilali. ⁸ Tama eno te king Solgo be me, we dabe me, te doado bage dabe nageba menama, tama nage te Israel me Juda king pedalumainu ilali. Te nai dabe nage usu meni baso da, teda eno nage umabo nai doado bage madubadi geai dao. ⁹ Magi baso nago ena Genuai Bidigo po te olo nai da homu eyu, te po sela saṅama, tama nago te dwai kolesaga yaliwe? Nago Uria te Amon dabego nogode ela mumainu elama, tama nago aga we salio. ¹⁰ Tialima, bugagia odao. Nago eno po sela saṅanama, tama nago te Uriago we salii. Tama tialima, tigidali sogo nosali te bidi dabe mebago te nago hani sibi waj̄ bōṅ dabe meba ela mubo s̄ yaibao. ¹¹ Ena Genuai Bidi, eno tama po wali, te eno te tiwai iliyu, te naga hani sibi meba bidigo digi te genuai s̄ḡ nageba mawaibao. Tama eno te nago we dabe selama, te gasa bidi dabeba mabo, te naga sueibao. Tama aga te augwali te pepeli dilide hania penani s̄ yaibao. Tama tigidali we bidigo aga te kolesaga ebo sueibao. ¹² Nago dwai kolesaga yali s̄ te geme pesagede yali. Tiali goli, eno nago te kolesaga yali wei ponoyu, te hanilama, pepeli dilide ebo tama te tigidali Israel dabego sueibao,' te po Devitbolo pusao, "wali. †

¹³ Devitgo te po odama, tama aga te po wai, "Eno te Genuai Bidi gedude agade dwai s̄ yalio."

Tama Natango te tama po agabolo wei ponani, "Genuai Bidigo nago te dwai s̄ yali sela saṅama, tama nage me isigobeo. ¹⁴ Tiali goli, naga te dwai kolesaga, te Genuai Bidigo boi bidi dabego te agaba hagoma emainu yali dao. Tama tibaso, nago wai te Batsebago ame nabo si da, te aga isaibao," wali. ¹⁵ Natango Devitgo te dwai s̄ yali po pusa silama da, teda aga te aga beba ma begasa pai dao.

Devitgo ogwa isalio

Tama nosali, Genuai Bidigo Devit de te Batseba sigo te wai te dwai gasi somainu ilali. ¹⁶ Tama Devitgo gedu haluasa po Godiba weyu, te Godigo te wai usu ma ilimainu tiali. Tama Devit aga osogo nai tubo habu siyu, gisilali. Tama hulide te aga be habuba pelama, te be soiyamede olo bulude pila muani. ¹⁷ Te aga s̄ ebo bidi monu dabe te agaba pelama, te aga hodolobo usu sabo s̄ ilali, tiali goli aga me hodolubo hagela homu yai. Tama te aga augwali dali nai tubo me hagela homu yalio.

¹⁸ Te Sadede deli pabo side tama te wai isalio, tama te Devit aga s̄ ebo bidi dabego te wai isali po te agabolo walabo te augwa wi mu yalio. Augwa hasi digi augwa po mia siyu, te tama po wali, "Te wai isis̄badi, te dago Devitba po waligi pali, tiali goli te agai dago po

odabo homu isiṅwani. Tama tiyu, megi te dago agabolo te wai isali po walainu ebaso, te usu me egobeo. Tiyu, aga hodalu, te aga digi aga dolabuo," augwaligo te po mia salii.

¹⁹ Tialima, Devitgo te augwa hasi pomu po ola pabo suali, tama megi da aga koneani, te wai isali homu yalio. Tama agai augwaliba te tama po hanalu wali, "Wai isali da, agawe?"

Tama augwa te po wali, "Awe, aga isalio."

²⁰ Devitgo te po odolama, aga te be soiyame degedude pila muani hogodama, tama pelama, w̄ pagu pali. Tialima, aga tigi te denami ebo wel sandago au ilama, tama tobolu nisi yagago selama, tama gesi ugwa muani. Tama aga te Genuai Bidigo lotu beba pelama, tama Genuai Bidiba lotu po wali. Tama Devit te aga beba ma begasa asobo sogo, agai te aga nai ulubo bidi dabeba hanaluama, tama augwaligo te aga nai meba te poba togolama, tama aga nai tuai dao.

²¹ Te s̄ bidi dabego Devitgo te tama tebo kolesaga sulama, tama augwa te tama po agabolo wali, "Nago te tama kolesaga ebo magi basowe? Te wai isis̄badi, nago agade gela olama, tama nago te nai tubo habu siyu gisilali. Tiali goli, megi da, aga isibode te nage hogodama, nai tubao. Nago te tebo kolesaga page mena tama dawew?" augwaligo te po hanalu wali.

²² Tialima, Devitgo te tama po wali, "Ena gela olama, tama nai gisilali te wai isis̄badi, te magi baso meni, eno homugo te Genuai Bidigo olo tau sabo wiegi yai kolesaga enaba eyu, tama te wai isimainu iligobe homu yali. ²³ Tiali goli, megi da, te aga isai digi, tama magi baso te eno nai tubo habu selalueibawe? Te kolesagago te wai ma odasa asomainu eba, agawe? Mu menio. Nosali te ena te aga pali buluba paibao. Tiali goli, te aga enaba ma begasa me asobo usu me egobeo," wali.

Batsebago Solomon ame nani

²⁴ Devitgo wiegi yai po mobo aga we Batsebabolo mani, te aga homu haliga daṅ walii. Tama nosali Devit aga dali pilama, tama nosali Batseba te haliga elama, tama gasa ogwa me ame nani, tama Devitgo aga nogi te Solomon nogi yali. Tama Genuai Bidigo te wai godolo homu mu yai. ²⁵ Tama tiyu, agai te profet Natan te Devitba tagala palama, te waiba te nogi Jedidia momainu yalio. ††

Devitgo boi hw̄nana, te Raba taun hanu salio

²⁶ Te sogo te Joapgo ami dabego te Raba taun hanude hw̄bo s̄ idubadi geani, te Amon dabe augwa genuai taun dao. Tama agai te taungo t̄ṅ pedai me badu sai. ²⁷ Tama tibaso, agai Devitba po ola toliyu, te tama po wai, "Eno te Raba taun bidi dabe dali hw̄nana, tama eno augwaligo te w̄ tubo madi te pesage sai dao," po wali. ²⁸ "Tama tiyu, nago asesa, te Israelde bidalubo ami bidi sisinama, tama aselama, te Raba

† 12:12 2 Sml 16:22

†† Jedidia. Te nogigo page e tama tiwai, Genuai Bidigo aga godolo mu yai.

taunba hwjagaselama, tama augwali aiyaba elaluama, tama te hanu taun sinao. Tiyu, eno hanigo naga te hanude bidibo bidi aiyaba elalubaso, tama te we bidi dabego genuai nogi enaba maidalio." Joapgo te po ola tolali.

²⁹ Tama Devitgo te ami bidi dabe tigidali sisinama, tama augwa te Raba taun hanuba hwjgi pelama, tama te taun hanu sai dao. ³⁰ Tama Devitgo te kingo madi te Amon dabego king tobolude sai. Te madi augwa te golgo nigai, tama aga seqę te 35 kilogram tama. Tama augwa te madi te wiegi yai masigi mugo au ilali. Tialima, te Israel dabego te madi selama, tama te Devitgo toboluba muani. Tama Devitgo te taun hanude te mone hauwa, me doado bage sai dao. ³¹ Tama agai te Raba taun hanude bidali we bidi tigidali selama, tama augwali te so, me baira, me tamiok hwa, te naigo ebo haniani seba muani. Tama agai augwali meba te brik nigibo seba muani. Agai te tobage kolesaga tiwai naga te gasa taun hanu te Amon bulu tq pedaide bidalubo bage bidi dabeba te tiwai yai. Tama nosali, Devit te aga ami bidi dabe tigidali dali augwa te Jerusalemba ma geasa soalio.

Amnongo dwai kolesaga te Tamarba yali

13 Apsalom te Devitgo ogwago abe te gasa sawi yai mu me deli bidali, aga nogi te Tamar. Tama Amnon, te Devitgo gasa ogwa mego, te Tamar godolo mu elama, ² tama aga pesa mu yai. Tiali goli, Tamar te bidi me deli dali me pagela pisawai, tama augwa te habu seliyu, te bidi me deli aga paba me pelamuo po wai. Tama tiyu, Amnongo koneani, aga te Tamar paba pelama, tolasainu yabo usu meni yai, tama Amnon aga te Tamarde wei mu eyu, godolo mu elama, te aga gasi sai.

³ Tiali goli, Amnon aga abagi me deli elaluali, aga nogi te Jonadap. Aga te Samago ogwa, te Devit aga ama, tama aga te gasagi yai tedali te haniani sunumi gegelama konea pabo homu kolesaga elaluali. ⁴ Tialima, Jonadapgo Amnonbolo te tama po wali, "Te kingo ogwao, magi yaliwe? Tigidali sogo eno nage te wiegi yai homu pemene eyu bidibo me subeo. Magi baso nage haliga seqę elalubawe?" wali.

Tama Amnongo te tama po agaba wei ponani, "Eno homu pesa mu te Tamarde ebao, te Apsalomgo abe, te eno amago abe dao," wali.

⁵ Tialima, Jonadapgo Amnonba te tama po wali, "Nage te gasi ebo tiwai elama, te naga betba pila mugi pao. Tama naga ayago nage suagasobo sogo da, teda nago te tama tiwai po agabolo walao, 'Eno homugo te nago eno abe Tamar te enaba tagala palama, te eno gesabidiba te nai ulagasomainu yao. Tama aga te nai ulali silibo si, te aga digi enaba magasomainu yaibao.' Nago te king tibo po ola mayu, te tama po obaso da, teda agai te Tamar nageba tagala palaibao." Jonadapgo te po wali. ⁶ Tama Amnongo te Jonadapgo po wali pai. Aga te tibo gasi elama, tama te aga betba pila mugi pali.

King Devitgo te aga ogwa, Amnon, te gasi elalubo po odobaso, tama aga te Amnongo beba pelama, aga sugi pali. Tama Amnongo agabolo te tama po wali, "Ena gasi elalubo, tama eno homugo nago eno abe Tamar te tagala palama, tama te pusu yai kek meba enaba ula magasomainu homu yali. Tama aga digi te nai enaba magasomainu yaibao," te tama po wai.

⁷ Tamar te king Devitgo bede bidali, tama tibaso Devitgo te tama po agaba ola tolali, "Eno homugo nage te Amnongo beba pelama, te agaba nai meba ula mo-mainu homu ebao," wali. ⁸ Tialima, Tamargo te Devitgo po odolama, tama te Amnongo beba pelama, tama te Amnon aga betde pila mudubo suai. Tama Tamargo te plaua meba selama, tama te kek dabe nigilama, tama te praipande ulubadi, tama Amnongo aga tonalu dalio. ⁹ Agai ula silibo si da, tialima aga plet poubagelama, te Amnongo tumainu yali, tiali goli Amnon aga te nai tubo hagela homu yai. Aga te tama po wai, "Tigidali bidi buluba piqo," wali. Te bidi dabe augwa te po odolama, tama augwa te be tagalama, tama palio.

¹⁰ Megi da, Amnongo Tamarbolo te tama po wali, "Te kek dabe eno betba selasa asao, tama nago digi ena mobaso, te eno tueibao," wali. Tialima, Tamargo te kek dabe selama, te aga sela pali. ¹¹ Tiali goli, Tamargo te kek dabe agaba magi pabo si da, teda Amnongo aga pageabi eyu, tama po wali, "Abeo, eno homugo te nage ena dali pimainu homu ebao," wali.

¹² Tiali goli, Tamargo hagela homu ebaso, tama aga po bomu eyu, te tama po wali, "Menio, nago ena te tobage dwai kolesaga yaboba me kekegio," wali. "Da Israelgo te tobage kolesaga me ebo menio. ¹³ Nago te tama tobage kolesaga eyu da, teda ena hale dwai mu elama, tama ena te we bidi dabe gedude munu ma biligobeo. Tama nage me, te gasa Israel dabego nage aiyaba elalu, tama nage mu dolaibao. Nago te kolesaga meggi me elamuo. Te kingba hanaluyu bolo ebaso, te wiegi yai yaibao. Te nago ena sainu ebo homu te agai nage me paligobeo," Tamargo te po wali. ¹⁴ Tiali goli, Amnongo te Tamargo wali po me odobeo. Amnongo bomu mu eyu, te Tamar aga kekelama, tama te dwai seqę agade yalio.

¹⁵ Te Amnongo aga dali pilama da, teda meggi da, agai te Tamar wei elama, godolo homu me ebeo. Polobadu agai te Tamar wei eyu, godolo mu yali, tiali goli meggi da, agai te Tamar wei homu me isiama, tama agade te haliga dwai mu elalu dalio. Tama tiyu, aga po bomu elama, Tamarba weyu, "Nage pao," wali. "Nage ede me bidamuo," wali.

¹⁶ Tiali goli, Tamargo agaba te tama po wei ponai, "Ama, homu deneo, nage te tobage kolesaga igio. Te nago ena meggi sela sayu da, te genuai seqę mu elama, tama nago enaba te yali dwai seqę te aiyaba elalueibao," wali.

Tiali goli, Amnongo te Tamargo po odobo te aga hagela homu mu yai. ¹⁷ Tama tialima, aga seqę bidi i olama, te tama po wali, "Te we asesa polo tama te buluba ela gudulao," po wai. "Te eno aga ma subo te ena hagela mu ebao. Te aga ela gudulama tama sunumi

palião," wali. ¹⁸ Tialima, te sê bidigo Tamar sela sayu, tama te sunumi paliali.

Te kingo wegi dabego kolesaga te tama tiwai yai. Te augwali bidigo sisabadi, te wegi ogwa we bidibo sogo, augwa te bobobage nogo yai sawi yai ugwa me deli muyu ebo dao. Tama Tamargo te tobage bobage nogo ugwa te aga Amnonba asali sogo muani. ¹⁹ Tiali goli, Amnongo te Tamar sela sãbo si da, Tamar pelama, te sia keli aga toboluba munama, tama te ugwa pisawali, te aga homu sêgê me homu dene ebo ola mayu, te tama tiali. Tama aga nogo te aga toboluba munama, tama bomonama gela weyu tama soallo.

²⁰ Nosali, Apsalomgo te aga abe Tamar te gela ola asobo sulama, te agabolo hanalu wali, "Magi yaliwe? Te naga abe Amnongo te dwai sê nageba yali da homu ebe da, agawe? Tagalao, te nage homu sêgê kuna me elamuo, magi baso meni, te naga abe naga dao. Tiali goli, nago te Amnongo yali kolesaga te bidi me deliba me pusulamuo," wali. Tama Tamar te Apsalomgo beba pelama, tama aga dali bidali. Tiali goli, Tamar te homu sêgê dali me mu sesemane sogo elalu bididualio.

²¹ Tama Devitgo Amnongo te kolesaga yali po odoyu, agai te wado po dwai mu walio. ²² Tama Apsalomgo me te Amnon dali haliga sêbê mu elama, tama aga godolo me ebeo, magi baso meni, Amnongo te dwai kolesaga agai abeba yali, Tamarba. Tama tiyu, Apsalomgo te mena sê yabo po deli me te Amnon dali po munu me ma mibeo.

Apsalomgo te Amnon ela muabo sunumi gegali

²³ Te nosali kibu be si bidama da, teda te sê bidi dabego te Apsalomgo sipsip nisi togobo sê te Balhasor bulude yali. Te bulu te Efraim hanigo tã pedai pãde elaluali. Tama Apsalomgo te kingo ogomani tigidali i olama, augwali te buluba sisinagasomainu yali. ²⁴ Apsalom te king Devitba pelama, tama agabolo te tama po wali, "King o, te bidi dabe augwali te eno sipsip nisi togobo sê ebaso, tama eno homugo te genuai nai daa tueinu ebao. Te nage dali, naga ofisa dabe augwali dali, dage te eno genuai nai daa tuboba asabo usu yaibawe?"

²⁵ Tama kingo te tama po wei ponani, "Ogwao, menio. Da me pogobeo. Te da tigidali peyu da, teda nago da tonalubo sê eyu, te gesebo sê dene mu yabuo." Tiali goli, Apsalomgo bomu eyu, te kingba hanalu wali, tama kingo bomu eyu, pabo hagela homu yai. Tama kingo te tama po wali, "Apsalom, te nage da pao."

²⁶ Tiali goli, Apsalomgo te po wai, "Tialima, te nage pogobe da wida, te nago gomunai ogwa Amnon pomainu ebo usu egowe?" Tama kingo agaba hanalu wali, "Magi eyu te nago aga pomainu obawe?" ²⁷ Tiali goli, Apsalomgo te Devitba bomu elama mu hanalu obaso, tama nosali Devitgo te Amnonde usu da weyu, te aga gasa ogomani dabe me te Apsalom dali pomainu yalio.

²⁸ Te Apsalomgo Devit taga soyu, te Balhasor buluba ma soabo sogo, agai te aga sê bidi dabeba te tama po walali, "Te nai daa tubo sogo, dagego te Amnon buga-

gia tonalua. Te aga gëg page ebo sogo, teda eno dagebolo olama, tama dagego aga ela muiyagameo. Dage wi me elamuo, magi baso meni, ena digi eno te aga ela mua po obao. Tama dagego aga ela muyu naga yao, tama dage munu me wia selamuo." ²⁹ Tialima, te sê bidi dabego te Apsalomgo po wali peyu, tama te nai daa tubo sogo augwaligo te Amnon ela muai dao. Te kingo gasa ogomanigo te tama tebo sulama, tama augwali te augwa donkiba aqã sigulama, tama wi soai dao.

³⁰ Te augwali sunumidu aseladubadi, te bidi meba polasa pelama, tama Devitba te tama po wai, "Apsalomgo te nago ogomani tigidali ela muani, tama deli me bidibeo." ³¹ Kingo te po wabo odolama, tama aga haliga dwai midigi selama, tama agai te aga ugwa pisilama, tama tãba pigulali. Tama aga ofisa dabe me te tobage kolesaga naga yalio.

³² Tiali goli, Jonadap, te Samago ogwa, te Devitgo ama, agai Devitba te tama po walali, "King o, nago te poba homu munu me mugio. Augwaligo te nago ogwa dabe tigidali me ela mubeo. Menio. Augwaligo te Amnon deli naga elali. Te page te tama telaluali. Polobadu Amnongo te dwai kolesaga Tamarba yali, te Apsalomgo abe da, tama tiyu, Apsalomgo te dwai kolesaga wei ponabo homu elalu, sesemane sogo te homu kone palaludu genama, tama te Amnon ela muanio. Eno koneanio, Apsalomgo te homu elalubo, magi baso meni, eno aga gesabidi te be hulua si tiwai elalubo suali. ³³ King, augwaligo te po da, te po wali asobo tiwai ebao. Te nago gasa ogwa tigidali te bidalubao. Amnon deli naga isai dao," te po wali.

³⁴⁻³⁸ Te Jonadap Devit dali po midubadi, te hanu tonalubo ami bidi me deligo te Horonaim badu asobo sunumiba tonobadi, tama agai te bidi hauwa te bulu du badu dulubo suali. Tialima, aga te kingba pelama, te tama po wai, "Eno te bidi meba bulu dudu aiyaba dulubo suali, te Horonaim badu asobo sunumi badu asali," wali. Tama tialima, Jonadapgo Devitba te po wali, "Te tama dao. Te nago ogwa dabe asobao, te eno nageba wali po tiwai gilama ebo," wali. Jonadapgo po ola silibo side, teda polo tama mu, te Devitgo ogomani te tomoba asiyu, tama augwa te gela wabo gagalali. Tama Devit dali aga ofisa dabe me te gela geninama augwali dali walio. † ††

Apsalom wi pai

Apsalomgo te Amnon ela mubo si da, teda aga te Gesur bulu tã pedaiba wi pelama, tama aga te Talmi dali bidai, te Amihutgo ogwa dao. Talmi aga te Gesur bulu tã pedai tonalubo king bidai, tama Apsalom te Gesur tã pedaide bidibadi, kibu be sela bidai. Tama tigidali side Devitgo te Amnon isalide homu dene iduali. ³⁹ Tiali goli, nosali, aga te Amnonde homu dene yai sia sabo side, tama aga te Apsalomde homu dene ebaso, te aga ma asomainu homu yai dao.

† Talmi aga te Apsalomgo waj aya dao. Te 2 Sml 3:3, tede te po elalubo suao. †† 13:34-38 2 Sml 3:3

Joapgo te Apsalom ma asomainu yabo sunumi gegali po

14 Joap, te Seruiago ogwago, te king Devitgo te aga ogwa, Absalom, te ma suabo homu godolo ebo te koneani. ² Tama tialima, Joapgo te bidi me deli te Tekoa buluba pomainu tagala palama, te we me deli agaba sela asomainu yai. Te wego homu kolesaga wiegi yai elaluali. Te we sabalubo side da, tama Joapgo te tama te webolo wali, “Eno homugo nago e tama temainu, nage te haliga sege mu elalu, tama nage te bidi me deli isai homu dene tiwai elalua. Nago te homu dene ebo ugwa gudama, tama nago tobolu nisi te tobolu yaga me selamuo. Nago naga digi te bidi me deli isaide te bobage sogo homu dene elaluali, te tama tiwai pedelao,” wali. ³ “Tialima, nage te kingba dolo pelama, tama eno nageba te mawainu ebo po dabe pusao,” wali. Tama Joapgo agai te kingba pusumainu yabo po meba agaba mani. Tialima, te wego te Joapgo agaba wali se po tigidali te ola silama, tama nosali aga te kingba pai.

⁴ Aga te king gesabidide te tɔba degasa dulama, te kingba genuai nogi mayu tiali. Tama wego te tama po wali, “Te king o, eno homugo te nago ena tau somainu homu ebao.”

⁵ Tama kingo agaba hanalu wali, “Nago magi sege elalubawe?”

Tama wego te tama po wali, “King o, ena bidi isai dao. ⁶ Polobadu eno ogwa si elaluali, tiali goli me sogo deli sogo augwa si te gide bidali, tama augwa si te magi nai me delide wado po olama, tama augwa si hwjani. Te augwa si hwjbo togolabo bidi meni yani, tama te ogwa me deligo bomu mu elama, tama aga ama ela muani. ⁷ Tama te ena bidigo hanigo te ena dali wado genuai elama, tama augwa te tama po weyu, eno te bidibo ogwa selama, tama te augwaliba tagala palao olama, tama augwa te bomai po wali peyu, tama aga ela muainu yali, te agai elali ama wei siyu, te aga ela muainu yali. Tiali goli, eno te augwaligo po wali pigi sogo da, teda eno wai me deli bidigi menio. Te eno sia dage me deli dwasianu elalubo tiwai ebadi, tama augwaligo te sia me sula sawainu ebo tiwai yali. Te augwaligo tama tiyu da, teda eno bidigo hani me te eno bidigo nogi dali te sia sigi dao,” te wego te po wali.

⁸ Kingo te po odolama, tama agai te weba te tama po wai, “Tagalao, nago moni homu me elamuo. Naga beba ma geasa pao, tama nago te sege eno dodolaibao,” wali.

⁹ Tiali goli, wego te tama po kingba wai, “King, te nago eno te sege dodolabo te tobage sunumi te mena tama gegibaso da, teda nago te se yali page te enaba me, eno hani sibiba dali, asomainu yaibao. Tiali goli, nage dali te naga hani sibide me, te se po meni yaibao,” wali.

¹⁰ Tama kingo agaba te tama po walai, “Te bidi me deligo nageba dwai se ilaiba po obaso da, teda nago

aga enaba odasa asao. Tama tiyu da, te agai nageba sege me magobeo,” wali.

¹¹ Tiali goli, te wego po wadoliyu, te tiwai po ma wali, “King, eno homugo nago te naga Genuai Bidi Godigo nogide po bomu elama omainu homu ebao, tama augwaligo eno e gasa ogwa te ela mumainu homu me egobeo. Menio. Te mu tama, te deli kanemego te aga ama ela mumainu yabo bomai po muani te elaluali, tiali goli, nago agai te tama temainu elama, tama eno te wai ela mumainu me elamuo,” wali.

Tama Devitgo te tama po wali, “Te Sesemane Sogo Bidibo Genuai Bidigo nogide, eno mu po nageba obao, augwaligo te nago ogwaba te magi se deli me egobeo,” wali.

¹² Tama te wego agabolo te tama po wai, “King, te eno nageba po me deli ma omainu yabo te usu da wagowe?”

Tama Devitgo te po wai, “Te usu da, nago po wao.”

¹³ Tialima, megi da, te wego po hanilama te Devitba walali, “Magi baso naga digi nago te tobage dwai kolesaga te Godigo we bidi dabeba yai dawo? Naga digi nago te naga ogwa sela sayu, ela gudulama, tama nago aga ma asomainu ebeo. Tama tialima, megi nago enaba te mani pogo, naga digi naga sege elalubo po ilali dao. ¹⁴ Dago koneani, da tigidali te isaibao, tama te da bidabo ula ma sainu ebo te usu me egobeo. Te we tɔba gealuali, te dago ma sainu ebo te usu isiabo, te tobage tiwai ebao. Tiali goli, Godigo te bidigo bidibo ula te olo dali sela sawainu ebaso, usu me egobeo. Menio. Te bidi me deli agade te digibulu bidibaso da, agai te bidi te aga paba ma odasa asabo sunumi gegibo dao. ¹⁵ King o, te bidi dabego nageba te dwai se yai ba po obaso, tama ena augwalide wi elama, tama ena nageba asalio. Eno homugo te eno nageba hanalu obaso da, te nago ena tau sabo sunumi gegaibao homu yai dao. ¹⁶ Eno homugo te ena me, eno ogwa dali dolobo bidi te nago gogologobe da homu yali. Te agai tama tiyu da, teda te Godigo aga we bidi dabe daba mani tɔde te da si te tɔde ma bidainu ebo te usu egobe da, homu yai dao. ¹⁷ Tama tiyu, eno homugo te nago ena tau sabo bomai po daw walobaso, tama ena bugagia bidaio. Eno genuai bidi, nage da te Godigo mobo bidi ensel tiwai eyu, tama nago te mena wiegi yai kolesaga me, te dwai kolesaga ebo me, te nago koneani. Tama God, te naga Genuai Bidi, te nage dali bidimainao,” te wego te po wali.

¹⁸ Kingo odama, tama agai te weba te tama po wai, “Wiegi yai dao. Tiali goli, megi da, eno hanalubo po me deli elalubao, tama eno homugo te nago mu po enaba wei ponainu homu ebao.”

Tama wego te po wali, “Tialima, king, nago enaba hanalu wao,” wali.

¹⁹ Tialima, Devitgo agaba te tama po hanalu wali, “Te Joapgo nage tagala palobaso, te nago te po wagasu asali da, agawe?”

Tama wego te tama po wali, “King o, te ugwaba mu da, eno nago te hanalubo po me ela soyu, tama eno po geme me dualugobeo. Awe, te mu dao, te nago

ofisa bidi Joapgo ena tagala palu, tama aga digi te megi eno nageba pusali po tigidali te enabolo ola mawai dao. ²⁰ Tiali goli, agai odolali me wabeo. Menio. Agai te Apsalomgo te seḡe silabo homu elama, tama po wali. Tiali goli, king, nago te wiegi yai homu kolesaga koneani hauwa elalubao, te Godigo mobo bidi ensel tiwai elalu, tama nago te tḡde pedalubo seḡe tigidali konebo dao," wali.

²¹ Te we pai madigi, tama nosali kingo te Joap i olama asobo si, tama agai te tama po Joapbolo wali. "Odao. Eno nago homu wali peyu, usu da po wali. Tama tialima, nage pelama, te Apsalom sigi pelama, tama aga odasa asao," wali.

²² Joapgo te po odolama, tama aga te king gesabidiba te tḡba degasa dulama, te kingba genuai nogi mayu tialio. Tama agai te tama po wai, "O king, Godigo wiegi yai seḡe nageba yao. Megi da, eno koneani, nago enaba wiegi yai homu pemene ebao, magi baso meni, nago eno hanalu wali pode usu da po walio," wali.

²³ Tialima, Joap hogodolama, te Gesurba pelama, tama Apsalom te Jerusalemba ma odasa asai. ²⁴ Tiali goli, kingo te tama po wali, "Apsalom te aga bede digi bidimainu emainao. Aga aselama, te ena me suagase-lamuo," wali. Tialima, Apsalom te aga bede digi bidiyu, tama aga te king gesabidiba me sabaligi pabeo.

Devitgo te Apsalomgo yali dwai seḡe sela sayu, tagalali

²⁵ Apsalom te gasa sawi yai bidi mu, tama aga tigde te keni keni yali masalu deli me elalusiḡwani. Te Israel bidi me deli te Apsalomgo gesabidi sawi yai tiwai me elalusiḡwai, tama te Israel augwa te aga suabo homu elama, te wiegi yai homu pemene mu yai dao. ²⁶ Te aga tobolu nisi hauwa elalu, tama te tobolu nisi bobage holama, te seḡe yai. Tama aga te tigidali kibu bede te deli sogo togoyu iduai. Tama agai te togali tobolu nisi augwa te seḡe dagala subadi, te aga seḡe te dagala suali te kilogram si usu igulali, te kingo skel tiwai yai dao. ²⁷ Tama Apsalom te we sali, tama te ogwa sela elaluai, te wegi deli, aga nogi te Tamar. Tamar te gasa sawi yai we mu dao.

²⁸ Te Apsalom te Jerusalemda kibu be si bidali, tiali goli te kibu be si tomode aga te king sugi pabo usu me ebeo. ²⁹ Tama tiyu, Apsalomgo te Joapba hanaluama, te aga kingba tagala palomainu homu yali, tiali goli Apsalomgo te Joapba po ola tolobo sogo, Joapgo te Apsalom suagasabo homu me isaḡwai. Tialima, te si sogo weyu, agai te Joapba po ma ola tolali, tiali goli Joap aga me asisaḡwai. ³⁰ Tialima, Apsalom te hagela ebaso, tama te aga seḡe bidi dabeba te tama po wai, "Joapgo bali nedu du gi te eno gi paḡde elalubao. Eno homugo dage pelama, te agai nedu du bali gi te siago ulugi piḡo," wai. Te seḡe bidi dabego te po odama, tama pelama, Joapgo te bali nedu du gi te siago ulugi pai.

³¹ Tama te seḡe bidi dabego te seḡe yali kolesaga po te Joapgo odolama, tama aga te Apsalomgo beba pelama, te agaba hanalugi pai, "Magi baso nago seḡe bidi dabego te eno nedu du gi siago ulali dawew?"

³² Tama Apsalomgo te tama po wei ponani, "Eno nageba po ola toliyu, te nago ena suagasao wali, tiali goli nage asisaḡwai. Eno homugo nago te eno po selama, te kingba wagi pomainu homu yai. Eno po te tama tiwai. Te magi baso dagego ena te Gesurde bidibadi selama, te Jerusalemba ma odasa asali, te page eno konemainu yali. Te ena Gesurde me bididugi sogo da, teda wiegi yai mu igi dao. Tialima, megi da, eno homugo nage te kingba pelama, agabolo hanalugi pao, te agai te eno aga sugi pabo te usu da po wagowe? Tama agai homugo te eno dwai seḡe yai da homu ebaso da, teda aga ena ela mumainu yaibao," wali.

³³ Tialima, Joap te kingba pelama, tama agaba te Apsalomgo wali po dabe wagi pali. Kingo odolama, tama agai te bidi meba tagala palama, te Apsalom sigi pelama asomainu yai. Apsalom aselama, te king gesabidiba te tḡba degasa dulali, te kingba genuai nogi mayu tiali. Tama kingo aga nono nanio.

Apsalomgo te king Devit sela sayabo sunumi gegali

15 Tiali goli nosali, Apsalomgo te wiegi yai karis me deli me, te hos meba me selama, tama te aga meba me painogo ebo sogo, aga te karisde duralasa peyu, te polasa pabo bidi te bidi sese si olama, nogi si, te 50 bidi me salio. ² Tigidali side aga te kigamu digi mu hogodama, tama pelama, te hanu tomoba soabo sunumi paḡba dolalugi piduali. Tama bidi me deligo te aga abagi dali wado po olama, tama te kingo dodolomainu asobo sogo da, teda te Apsalomgo aga i olama asobo si, tama agaba te tama po hanalu wali, "Nage mena bulu bidi dawew?" Tama te bidigo te aga te mena hani Israeldu asali po te agabolo weyu yai dao. ³ Tialima, Apsalomgo te seḡeḡe page koneama tama da, te Apsalomgo agaba te tama po weyu yai, "Odao, te nago po dolo mu da," weyu yali. "Tiali goli, hobede ya, kingo te nago po dagalumainu ebo bidi me nigilibeo," tama po wali. ⁴ Tama Apsalomgo te bidiba te tama po weyu yai, "Eno homugo ena digi ena te po odobo jas bidi bidabo homu godolo ebao. Te ena tama te bidigi sogo da, teda eno te seḡe elalubo bidi dabego po dagaligi baso, tama te augwaligo po te eno bugagia dodoligi dao," wali.

⁵ Tama me, te bidi me deligo te Apsalom sulama, tama agaba kidu sugunagasu, te agaba genuai nogi magasubaso da, teda Apsalomgo te bidigo te tama temainu eyu gogoliyu, me sula tagalobeo. Menio. Te Apsalomgo aga pagea siyu, nono nani. ⁶ Tama Apsalomgo te bidi dabe augwa seḡe te kingba dodolainu asobo side, te tama naga tialio. Tama te kolesagago, Apsalomgo te Israel bidi dabego homu kekelama, tama augwaligo aga godolo homu yai. ⁷ Te kibu be me si me si te bidama da, tama Apsalomgo te king Devitba te tama po wagi pali, "King o, te eno bomai po me deli te Genuai Bidide daḡ walali po usu nigipeyu, tama nago ena te Hebronba pomainu yao homu yaibawew? ⁸ Magi baso meni, te ena te Gesur te Siria tḡ pedaide bidali sogo, eno te tama bomai po Genuai Bidiba daḡ walali, te Genuai Bidigo ena te Jerusalemba ma odasa

pabo sogo da, teda eno te agaba lotu waibao po wai," Apsalomgo te po wali.

⁹ Tialima, kingo agaba te po wai, "Nage te nagame yai homu dali pao," wali.

Tama tialima, Apsalomgo te Jerusalem tagalama, tama te Hebronba pai dao. ¹⁰ Tiali goli, agai te tigidali Israel hani mebabolo te po sela pabo bidi meba tagala palali. Tama augwaliba te tama po wai, "Te dagego te biugel bu wabo odobo si da, teda dagego te tama i waiqo, 'Apsalom te Hebronde king pedelama, bidiba,' po wao," wali. ¹¹ Te aga Hebronba pabo sogo, Apsalomgo te Jerusalem bidi dabe te bidi sese nogo si, 200 bidi dabeba hanalu, te aga dali pinao po wai. Tiali goli, te bidi dabego te Apsalomgo elalubo homu kolesaga page te mu konesiqwai. Augwa te aga wali odolali tama palio. ¹² Augwa pelama, te Hebronba sabolama, tama Apsalomgo te ofa me yai. Tama aga te ofa yali sogo, agai te taun hanu Giloba te bidi meba tagala palama, te Ahitofel sela asomainu yai. Ahitofel aga te king Devitba wiegi yai homu kolesaga mabo bidi dabede te bidi aga me deli dao. Tama aga te Gilo, te aga hanu tagasu, tama Apsalomba asai. Megi da, te Apsalom wali pabo bidigo namba te genuai pedaliyu, tama augwali te bomai hani mu pedelalio.

Devit te Jerusalem tagalama, wi pali

¹³ Bidi me deli asu, tama king Devitba te tama po wali, "Megi da, te Israel hani bidi tigidali te Apsalomba wali painu sisi elalubao," wali. ¹⁴ Devitgo te odolama, tama agai te aga dali Jerusalemde bidibo ofisa dabe te sisinama, tama augwaliba te tama po wai, "Dago te Jerusalem polo tagalama, tama polo wi pinao. Tiyu, Apsalomgo da tigidali elabuo. Da polo asesa pinao. Te tama tisayu da, teda te Apsalomgo hani polo asiyu, te hanu dolama, tama te hanude we bidi tigidali elaibao," Devitgo te po wali.

¹⁵ Tialima, te kingo ofisa dabego te tama po wei ponani, "King o, te nago mena se yainogo ebo, dago te nage wali pabo naga te sisi elalubao," wali.

¹⁶ Tama tialima, te king dali, te aga we wai dabe me, te aga ofisa dabe me, augwa te Jerusalem hanu tagalama, palio. Tiali goli, aga te namba tu wali te nogo si wali we hani te bidimainu yali, te kingo be tonalumainu tiai dao. ¹⁷ Te king aga hani dali peyu, tama te Jerusalem taga painu yali sogo, augwali te hanu sesege dage badu mu elalubo be paba doligi pali. ¹⁸ Tama king dolaludubadi, tama te ofisa dabe nogo saqa sayu, tama polasa peyu, te king tonalubo ami bidi hani dabe dali pela wali, te augwali te hani Keret me Pelet hani dabe tama. Tama te Get hanu ami bidi tigidali te 600 bidi me te augwa nogo saqa saqa pelayu, palio. Polobadu te 600 ami bidi dabe te Get hanude Devit dali bidai, tama augwa te aga wali asali.

¹⁹ Tama kingo te tama po Itaibolo wai, te Get hanu ami bidi augwa polalubo bidibolo, te tama po wai, "Magi baso nage te da dali painogowe? Nage te ma geasa pelama, tama te king Apsalom dali bidigi pao," wai. "Magi baso meni, nage te gasa badu bidi dao,

tama nage eba bidagasali, te naga bulu to pedai digibulu taga soyu, bidagasai dao. ²⁰ Nage ede te pewadage sogo naga bidali, tama tiyu, eno homugo nago te bidibo bulu tagalumainu ilama, tama da dali bilimainu me iligobeo. Da te bulu wau subigila bilalubo bidi tiwai bilaluaibao. Te nago naga hani selama, tama dage ma geasa peyu da, te wiegi yai dao. Tama eno homugo te Genuai Bidigo nage bugagia wiegi yai ilama, tama nage sesemane sogo tonalumainu homu ebao," Devitgo te po wali.

²¹ Tiali goli, Itaigo Devitba te tama po wai, "Te Sese mane Sogo Bidibo Genuai Bidigo nogide, eno mu po tama obao, te ena sesemane sogo nage dali bidada paibao," wali. "Tama nage mena buluba pobaso, te ena nage dali paibao. Tama augwaligo te nage ela mubaso da, teda augwa ena me ela mumainu yaibao," Itaigo te po wali.

²² Megi da, Devitgo agaba te po wai, "Te usu da, dage ena dali pogoo." Tama tibaso, Itai me, aga ami bidi dabe me, te augwa we wai puluba dali, augwa te gasa hani wali palio.

²³ Te Devit aga hani dali augwa te Jerusalem taga pabo sogo, te tigidali we bidi gela umabo se elama, mu dwai homu dene ebo gela wai. Tama king te aga hani dali te we Kidron nogelama, tama te bulu kemi to wa pai bulu pedaiba poloba pelawali. ²⁴ Te Devit doligi pelama, tama te we bidi dabe paboba tonani sogo, te pris Sadok me, Abiatar me, tama te Livai dabe me bidalubo suali. Te Livai dabego te Daq Wali Bomai Po Munalubo Halobage te tolasa aselama, tama te toba aiya mubo suai. Tama te pris Abiataro te ofa ebo se ela pidubadi, te we bidi augwa te Jerusalem hanu taga pabo sogoba usu nanio.

²⁵ Tama kingo Sadokbolo te tama po wai, "Te Daq Wali Bomai Po Muani Halobage te hanuba ma sela pao," wai. "Te Genuai Bidigo enaba wiegi yai homu pemene eyu da, teda agai ena te ma odasa aselama, tama eno te Daq Wali Bomai Po Munalubo Halobage me, te aga bidibo ugwa be me, te eno sueibao. ²⁶ Tiali goli, agai enade wiegi yai homu pemene isiabaso da, teda tagalao. Te agai mena se enade yainogo homu yali da, aga te se emainu yaibao," Devitgo Sadokbolo te po wali.

²⁷ Tama Devitgo te po ma naga te Sadokba weyu, te tama po wai, "Nage te nosali pedalubo se koneani bidi dawe, ma meniwe? Eno e tama po obao. Nago te naga ogwa, Ahimas, me Jonatan, te Abiataro ogwa sobadi elama, tama dage te taunba te duga wiegi yai nagame yai homu pemene dali ma geasa piao," wali. ²⁸ "Ena te kemi to wa pai buluba pelama, ena te we nogebo pesageba sabalubo sogo da, teda te Jerusalemde pedelali se po te dagego ola tolobo po odainu, te dage tonalu te sogoba usu naibao," wali. ²⁹ Tialima, Sadok de Abiatar dali sigo te Daq Wali Bomai Po Muani Halobage te ma sela pelama, tama augwa te Jerusalemde bidali.

³⁰ Tama king Devit te homu sege mu ebaso, tama aga saqa nadoba su dia sanama, tama ugwa namego

aga tobolu mesegaluali. Tama aga gela umabo sę elama mu weyu, tama peyu, te sunumidu wali palio. Te ugwaba holobo sunumi te Oliv bulu du bolama pabo sunumi elaluali. Tama aga dali pali we bidi tigidali, augwali me te augwa tobolu mesega selama, tama augwa gela wabo sę ela peyu, tama palio. ³¹ Tama augwali pelabadi, te sogo Devitgo te tama po odali, "Ahitofel pelama, te Apsalom aga hani dali tau sigi pai da," po walio. Tialima, Devitgo te tama gedu haluasa po wali, "Genuai Bidio, nago te Ahitofelgo wabo po te tedali gasagi yai omainu ilama, te mu geda mumainu ilao," wali.

³² Augwali te bulu duba holama, tama augwa te Genuai Bidiba lotu wabo pesageba sabaligi palio. Augwa teba sabalubo si da, teda te Devitgo abagi me deligo te aga dali deliba gesabi ununama, tama aga dali painu yali. Te bidi aga nogi Husai, tama aga te Arka bulu bidi dao. Agai te aga ugwa pisilama, tama aga tobolude tų piali, te aga Devitde genuai homu dene ebo ola mayu, te tiwai yai dao. ³³ Devitgo aga sulama, tama agabolo te tama po wai, "Te nage ena dali asainogo da, teda nago dabolo te nage dago tonalubo sę dene mawainu ebao. ³⁴ Tiali goli, te nago ena tau sabo homu ebaso da, teda te wiegi yai da, te nage te Jerusalem moni hanu tomoba ma pelama, tama nago te Apsalom subaso da, teda nago agabolo te tama po wao, 'King, polobadu eno te wiegi yai homu ilibo kolesaga te nago ayabolo mabo sę yai. Tama megi da, ena te nago sę bidi me deli tiwai bidaio,' te tama wao. Te nago te tiwai ebaso da, teda nago te Apsalomba mawainu ebo homu kolesagago te Ahitofelgo agaba mani homu kolesaga te aiyaba elalueibao. ³⁵ Odao, te pris si, Sadok me, Abiatar si me, te Jerusalemde bidiba," po wai. "Tama nago te kingo bede tigidali odali po te augwali siba waibao. ³⁶ Tama Ahimas, te Sadokgo ogwa, te Jonatan dali, te Abiatargo ogwa, augwali si me te augwa si aya dali bidibao. Te mena po nago odali, teda nago augwali siba wagi pobaso, tama augwali sigo te enaba te po wagasomainu yaibao," Devitgo Husaibolo te po wai. ³⁷ Tialima, Husai, te Devitgo abagigo te Devitgo po wali pelama, tama te Jerusalem ma geasa palio. Te aga pelama, te Jerusalem sabaligi pabo sogo, te Apsalom me te hanuba sabolasalio.

Sibago Devit te sunumide deliba gesabidi ununani

16 Devitgo te Husai dali po mia silama da, teda aga te bulu du bagede bidali tagalama, tama dwasianu pabo gana yali. Tama Siba, te Mefibosetgo sę bidi, te asu, agaba gesabidi ununani. Sibago te 200 bret me, te augwaligo olali te duani wain wai te 100 me sobadi, te ni fik wai duani te 100 me, te meme tigiwali delide te augwa wain wę tede tabiai elaluali. Tama aga te nai dabe te donki siba munama, tama Devitba selasa asai. ¹² Tama Devitgo agaba hanalu wali, "Magi baso nago te nai dabe sesaliwe?"

Tialima, Sibago te tama po wei ponani, "Te e donki dabe te nago sibi dabego dugulasa bilabo donki dabe dao. Tama te bret, me te nedu du, te nago hanigo tumainu ebo nai da. Tama te wain wę da, augwa te kemi tų wa paide bilalu, tama augwa tigi te hagela ebaso tumainu yabo wę dao," Sibago te po wali.

³ Tama kingo te tama po wai, "Wiegi yai mu dao. Tiali goli, eno koneainu yai, te naga tonalubo bidi, Mefiboset, aga menade bidibawe?"

Tama Sibago te po wai, "Aga te Jerusalemde me bididubao, magi baso meni, aga te homu ebao, megi te Israel dabego aga te king pedalumainu nigilama, tama agai te Israel dabe tonalu, te aga waj nų, te king Solgo, yali tiwai gilama yaibao," wali. ⁴ King Devitgo te tama po odolama, tama aga te Sibabolo te tama po wai, "Mu da, agawe? Tialima, megi eno te Mefibosetgo doado bage tigidali te nageba mawaibao," wali.

Tialima, Sibago Devitba te tama po wali, "Ei, king, ena te nago olo sę ebo bidi tiwai me deli dao. Tama eno homugo te eno ebo sę tigidaligo te nago homu wiegi yai pemene ilaibao," wali.

Simeigo Devitba po dwai wali

⁵ Devitgo te Siba dali po miani silibo si da, teda Devit te aga hani dabe dali te Bahurim buluba pali. Augwali te pesageba sabalubo sogo, te Solgo hani bidi me deli te buluba dja aselama, te Devit dali deli gesabidi ununani. Aga nogi te Simeig, tama aga te Gerago ogwa da. Simeigo te wado po wabo sę eyu, tama dwai po Devitba weyu, tama asidualio. ⁶ Te Simeig te Devit me aga ofisa dabe augwali paba asali sogo, agai te masigi meba augwaliba sawani. Agai te hauwa we bidide me, te Devit tonalubo ami bidi dabede me, te wi me isayu, augwali te Devit dali peyu, tama Devit te augwali tomode bidai. Te aga wi me ebeo. Menio. ⁷ Simeigo Devitba te dwai po te tama wai, "Nage gedao! Nage te bidi ela mubo bidi dao! Nage dwai bidi, nage gedao!" ⁸ Nago te Sol sela sanama, tama aga bidali pesage hasegelama, tama king pedelali. Tama nago te Solgo hani bidide te bidi hauwa ela muani. Tama tibaso, megi God Genuai Bidigo nago te dwai kolesaga yali wei ponobao. Tama Genuai Bidigo nage hasegelama, tama naga ogwa Apsalom te Israel king pedalumainu nigilaibao. Nage te bidi elibo bidi yai baso, tama tiyu, Godigo nage te dolobao," te bidi Simeigo te po wai.

⁹ Tama Abisai, te Seruiago ogwago, te Devitba te tama po wali, "King, magi baso te dwai yowigo nageba te dwai po wali gogola tagalaliwe? Te eno aga dogoni togomainu ilao," wali.

¹⁰ Tiali goli, kingo Abisaibolo me, te aga ama Joapba me, te tama po wai, "Te dage sigo sę me menio. Te aga gogola tagalao. Te Genuai Bidigo te bidiba po walobaso, te agai enaba te dwai po waibaso da, teda dego agaba hanalu waibawe, 'Magi baso nago te tobage po obawe?'" ¹¹ Tama Devitgo te Abisaibolo me te gasa ofisa dabeba te tama po wai, "Odao. Te ena ogwago digi ena ela muabo homu eyu da, teda magi baso da

te e Benjamin hani bidigo enaba te wado po wabode te da midigi sobawe? Genuai Bidigo digi agaba obaso, te enaba dwai po omainu homu yali bogo, tama tibuso, aga te po omainu gogola tagalao. ¹² Genuai Bidigo te eno ebo dwai kolesaga koneama, tama Genuai Bidigo te homu eyu, te agai enaba te dwai po wali dabe hasegelama, tama aga te wiegi yai sę enaba yaibawe? Te dago sueibao," wali.

¹³ Devitgo te tama po ola silama da, tama aga dali, te aga hani bidi dabe dali, palio. Augwa te wali pali sunumi, te bulu du pąba pabo sunumi elaluali. Tama Simei te bulu du ugwadu soyu, tama Devitba dwai po wabo sę eyu, tama agaba te masigi me tų dulu sąbo sę yai dao. ¹⁴ Tiali goli, king dali te ami bidi dabe, me te aga we bidi dabe te pelama, tama augwa te painogo yali buluba sabolalio. Augwali pali te bomu mu yai, tama tibaso, augwa tede toma nanio.

Apsalom te Jerusalemba sabolali

¹⁵ Te Apsalom dali, te gasa Israel dabe tigidali me, te Jerusalemba sabolali. Tama Ahitofel te Apsalom dali asai. ¹⁶ Tama nosali, Husai, te Devitgo abagi, pali, te Apsalom dali deliba gesabidi si ununama, tama agai Apsalomba i weyu, te tama po wali, "King o, nage te sesabi gana elama, bidagameo!"

¹⁷ Apsalomgo te po odama, tama aga Husaiba te tama po wai, "Ei, nage te Devitgo wiegi yai abagi me deli dao. Magi baso nage te aga dali pabewe? Te kolesaga te abagi kolesaga ebo wiegi yai da, agawe?"

¹⁸ Tialima, Husaigo Apsalomba te tama po wai, "Menio. Te Genuai Bidigo dali, te e bidalubo we bidi dabe me, te tigidali gasa Israel dabe daligo te king me deli nigilibaso da, teda ena te aga dologoba pelama, tama aga dali bidaibao. ¹⁹ Tama ena te nago sę bidi bidisąyu da, teda ena dego sę bidi bidigi pagawe? Polobadu eno te nago ayago sę yali, tama megı da, te aga ogwa, nago sę yaibao," te po wai.

²⁰ Tialima, Apsalomgo Ahitofelbolo te tama po wai, "Megı da, te dagego enabolo waiąo. Te eno magı yagawe?"

²¹ Tama Ahitofelgo te po wali, "Nage pelama, te naga ayago si wali we hani dali pigı pao, agai te kingo be tonalumainu taga pai. Te nago tama tiyu da, teda te tigidali Israel we bidi hanigo te tama koneaibao, nago te naga aya dali boi bidi ebo tiwai mu pedelaibao. Tama tiyu, te megı nage wali painu ebo we bidi tigidaligo, augwa te nage wali pabo bomu mu yaibao," wali. ²² Ahitofelgo te tama po wali, tialima augwa te kingo be ugwadu daiba te bidi meba tagala palama, tama augwa te ugwa be me deli sę yani. Tama tigidali we bidigo gedude Apsalom te ugwa be tomoba pai. Tama augwa te aga ayago si wali we dabe sibi hani odasa aselama, te Apsalomgo augwali deli deli dali pagela pimainu yai dao. ²³ Te bidi dabe augwa te Ahitofelgo po odali sogo, augwa te homu eyu, te po te Godigo digi pusai po wali te homu elama, tama augwa wali mu palio. Hasia bolo Devitgo te Ahitofelgo po tigi-

dali wali pali, tama megı me Apsalomgo wali pabo homu yalio.

Husaigo Apsalom tibo po ola mani

¹⁷ Nosali gana dwasianu, Ahitofelgo te tama po Apsalomba wai, "Te nago usu da obaso, te eno te bidi sese hauwa, te 12,000 bidi selama, tama megı hulide te ena dali te bidi dabe dago te Devit pali wali pomainu ilaibao," te po wai. ² "Megı da, aga poma peyu, tama haliga sęę elalubadi, te eno aga dali hwjgi paibao. Te aga dwai noma siyu, tama aga hani bidi dabe wi pabo si da, tama eno te king deli naga ela muaibao," po wali. ³ "Tama eno agai hani bidi tigidali te eno nageba ma odasa asaibao. Te augwali te we me deli te megı tamadi sai wego tama aga bidide dwai haliga sębę ebaso, te wi pabo tiwai yali, tiali goli nosali te aga bidiba ma asobo tiwai gilama emainu yaibao. Te nago homugo te Devit wali pali we bidi te nageba ma odasa asomainu ebo homu elalubao. Tama tiyu, nago te Devit ela mumainu homu elama, tama te we bidi dabe bugagia bidimainu homu elalubao," wali. ⁴ Apsalom dali, te Israel dabego tonalubo bidi dabe daligo te po odama, tama augwa homugo te wiegi yai homu mu da homu yali.

⁵ Tama Apsalomgo te tama po wai, "Te Husai me i olama, te aga homude elalubo po pusagaselama, te dago odaibao," wali. Tialima, augwa aga i olama, asali. ⁶ Husai asobo si da, tama Apsalomgo te Ahitofelgo wali po tigidali te agabolo walali. Apsalomgo agaba te tama po olama da, teda Apsalomgo te Husaiba hanalu wali, "Te homu dago wali pobaso, te usu egowe, ma meniwe? Te meniyu da, teda nago te dabolo te mena sę yabo po te nago dabolo walao," wali.

⁷ Husaigo te tama po Apsalomba wei ponani, "Te megı Ahitofelgo nageba te mani homu kolesaga te wiegi yai me ebeo. ⁸ Nago koneani, naga aya, Devit, te aga ami bidi dabe dali, augwali te hwjbo bomai bidi dabe dao. Augwali te haliga sębę dwai mu elama tama bidibao, te so hasa beago te aga wai dabe tigidali te bidigo wi sela paide te haliga sębę ebo tiwai elalubao. Te nago ayago te hwjbo kolesaga mu koneani, tama tibaso, aga te we bidi dali hulide piainu eyu, te usu me egobeo. ⁹ Te megı da, aga te bulu du genuai tų dedagede, ma gasa pedai badu me, te geme du-alalubo homu ebao. Tama te megı dago hwjgi pobaso, tama augwaligo te dago ami bidi meba elibaso da, teda te we bidi dabego te sę yali po odoyu, tama augwa te tama po waibao, 'Te Apsalomgo hani te dwai sę yabo sogoba mu gegali da,' po wabuo. ¹⁰ Tama nago te gasa ami bidi dabego te tama po odama, tama te wi dwai mu eyu, te augwa digi te hwjbo bomai bidi elalu, tama augwa te laion tiwai gilama te bomai bage dolalu, te tagala weyu godolo meni yani. Te Israel bage tigidaligo koneani, te nago aya te polalubo ami bidi mu, tama agai bidi dabego te bomonama mu hwjbo dao," wali.

¹¹ "Tialima, eno homu da te tama tiwai, nago te Israel bulu tų pedai tigidali badu te tigidali bidi i olama, tama

augwali sisinama, tama augwali umabo mu pedelama, te tamu aji masigi kemi tiwai pedalumainu emainao. Tialima, te naga digi polasa peyu, tama dagego te Devit dali hwigi pião," wai. ¹² "Te dago Devit gegi pelama, te dago menade te aga dali deliba gesabidi unulubaso da, teda dago agai haniba te hwjbo sę umabo mu ilaibao. Te augwaligo da palibaso, te usu me egobe, te hulide tãba dulubo segene wę te bidigo palibo usu isiãbo tiwai gilama yaibao. Tama dago te Devit dali, te aga hani dali tigidali elama, tama me deli te me bidigobeo. ¹³ Tiali goli, te aga hanu me deli tomoba wi pobaso da, teda da Israel ami bidi dabego te baklain bono selama, tama te bono dabe te hanu bagulali obode gebelama, tama te hanu te odogo buluba kekelama, tama te tigidali dolaibao. Tama te hanu bagulali masigi te dwasianu elalumainu me egobeo. Mu menio." Husaigo te po wali.

¹⁴ Husaigo po ola siminibo si da, teda Apsalom dali, te tigidali Israel dabe daligo te tama po wai, "Te Husaigo homu kolesaga te wiegi yai mu elama, tama te Ahitofelgo homu kolesaga te aiyaba elalualio," te po wai. Genuai Bidigo te augwaligo homu te Husaigo homu kolesaga wali pomainu ilali, magi baso meni, Genuai Bidigo te Apsalom dolabo homu dola sai elalui. Te mu tama, te Ahitofelgo homu te wiegi yai po wali, tiali goli Genuai Bidigo augwaligo te homu kolesaga wali pomainu me ilibeo.

Devit te Jordan wę pedai u badu palio

¹⁵ Te po minama nosali, Husai pelama, te pris Sadok me Abiatar siba te po waligi peyu, te agai Apsalomba me, te Israel dabe tobolu bidi dabeba dali mani po te wagi pali. Tama agai augwali siba te Ahitofelgo yali homu kolesagade po me wai. ¹⁶ Tama agai te tama po wali, "Te dage sigo te po asesa, te Devitba ola tolião. Te tama po agabolo wao, 'King, megi nage te Jordan wę nogeabo bulu pãde me pigio,' po wao. 'Nago te wę asesa nogelama, tama te wę u badu pedaiba polo pao. Tiyu, augwali aselama, te nage me, naga hani dali, tigidali ela muabuo,' dage sigo te po Devitba ola tolao," Husaigo te po wali.

¹⁷ Jonatan de Ahimas si te Jerusalem obo bogo badu te wę Enrogelde tonalu, bididuali. Augwali si te pris sigo ogwa dao. Te augwali te hanu tomoba soabo te we bidi dabego augwali si suidali homu eyu te hagela yali, tama augwa si te bulu badu geme dualualali. Tama te sę ebo we me deligo te hanu tomode ebo sę po te augwali siba wagi peyu yali, tama augwali pelama, te po te Devitba wagi peyu yai dao. ¹⁸ Tiali goli, te sogo te gesi ogwa bidi me deligo augwali si sulama, tama te Apsalombolo wagi pali. Tama augwali si asesa polo te Bahurim bulu bidi me deligo beba palio. Te bidigo be pãde te wę ulu me deli elalualali, tama Jonatan dali Ahimas si te tã dedage tomoba pelama, geme dualualali. ¹⁹ Tama te bidigo wego te name ugwa me deli selama, tama te wę ulu dedage dalalubo te mesegelali. Tama agai te wit meba selama, tama te ugwa daide ugwadu

muna muna palio. Te augwali geme dualalubo, te bidi dabego konesiãmainu ebo tiwai ilalio.

²⁰ Nosali, te Apsalomgo bidi mebage te augwali si soali wali aselama, pedlagasu, tama te weba te tama po hanalu wali, "Ahimas me Jonatan si menade bidibawe?"

Tama wego te tama po wali, "Augwali si te wę nogelama, palio." Tialima, te bidi dabego te Jonatan de Ahimas si gegegi pali, tiali goli augwaligo te augwali si me subeo. Tama tibaso, te Apsalomgo tagala palali bidi dabe augwa te Jerusalemba ma geasa palio. ²¹ Te ofisa dabe augwa ma geasa pai madigi, Ahimas de Jonatan si te tã dedagede dualualali tagalama, tama buluba teda soallo. Tama augwali si te hogodama, te Devit bidibo madiba palio. Tama augwali sigo agaba te tama po wai, "Nage ede me bidilamuo. Nago te naga hani tigidali selama, tama asesa, tama te wę nogelama, te u badu pedaiba pao," wali. Tama nosali, augwali sigo te Ahitofelgo aga dolainu wali po tigidali te Devitba walali. ²² Devitgo te po wabo oda selama da, teda polo tama mu te aga hani selama, tama augwa te wę Jordan nogelama, u badu palio. Tama be posobode, tigidali pela silalio. Te me deli tede me bidibeo.

²³ Ahitofelgo te Apsalomgo agai po wali pabo susiãbaso da, tama aga donkiba duagi pelama, tama aga hanuba digi ma geasa pai. Tama aga pelama, te aga we waigo tigidali doado bage me, te aga bisnis me, te tigidali dodolama, tama nosali aga digi te aga ba bonoba walama, tama isalio. Tama aga hani sibi dabego te aga tigi selama, tama aga ayago gų pageba pubaligi palio.

²⁴ Tialima, Apsalom dali, te Israel ami bidi dabe dali, te hogodama, Devit pali wali pobeali. Tiali goli, Apsalom te Jordan wę nogebo sogo, Devit te aga hani bidi dabe dali te hanu taun Mahanaimba sabolalio. ²⁵ Apsalomgo te Amasago te Joapgo pesage selama, te aga ami dabego polalubo ofisa bidi nigilali. Amasa te Jetergo ogwa dao. Jeter te Ismael hani bidi me deli, tama agai te we Abigel sali, te Nahasgo wegi da. Tama Seruia, te Joapgo ida, aga te Abigelgo ama dao. ²⁶ Tialima, Apsalom te Israel dabe dali te Gileat bulu tã pedai sabolama, tama tede te bidabo pesage nigalio.

²⁷ Tama Devit te Mahanaimba sabaligi pabo sogo, te bidi selago agaba gesabidi deliba unulagasali. Te augwa nogi te tama. Sobi, te Nahasgo ogwa. Sobi te Raba hanu bidi, te Amon bulu tã pedai bidi dao. Tama Makir, te Amielgo ogwa dao. Makir aga te Lodebar hanu bidi da. Tama Barsilai, te Rogelim hani bidi, te Gileat bulu tã pedai bidi dao. ²⁸⁻²⁹ Augwaligo te plet, me sospen, te tãgo nigai sene, me te bet dabe, te tama nai meba seselama, te Devitba me te aga hani bidi dabeba mawainu sela asai. Tama augwaligo te nai me meba sesali, te wit me, bali me, plaua me, tama augwa te siade ulai wit me, tama gasa tobage tagabi si me, hani me, te bulmakau ame pę me, tama te bulmakau ame pęgo nigai nai sis me, te tama nai sesela magasalio. Tama augwa te sipsip meba me sesali. Augwa koneani, Devit te aga hani dabe dali te wa pai bulu te bobage

sunumidu aselawali homu yali, tama te tialigo te Devitgo hani te nasi ilama, tama dogoni wa palama, tama augwali tigi te bomu kimi mu meni yani homu yai. Tama tibaso, augwaligo te nai dabe augwaliba sesali, augwa te nai tumainu elama, tama bomu ma so-mainu, tama tiai dao.

Joapgo Apsalom ela muai

18 King Devitgo aga ami bidi dabe sisinama, tama te 1,000 bidi hani, me te 100 bidi hani tonaluabo ofisa dabe nidigili pai. ² Tama agai aga ami bugulama, te genuai hani sela nigilama, tama Joapgo te hani me deli tonalu, tama Abisai, te Joapgo amago, te hani me deli tonalu, tama te Get bulu bidi Itaigo te hani me deli tonalu yali. Tama Devitgo aga hani ami bidi dabeba te tama wai, "Te ena digi ena me te hwɔboba dage dali paibao," wali.

³ Tiali goli, augwaligo te tama po agabolo wai, "Menio. Nage da dali me pogobeo. Te boi hwɔbode da tigidali wi sobaso da, teda augwaligo dade te homu kone me egobeo. Te augwaligo da hani me badu togwa selama, elibaso da, teda me te augwaligo homu kone me egobeo. Tiali goli, nage da dali pai madi, tama augwaligo nage elibaso da, teda augwaligo te da hani 10,000 bidi elimainu ebo tiwai yaibao. Tama tiyu, dago homugo nage te taunde bidibaso, te wiegi yai yaiba homu ebao. Tama da te bidi, me hwɔbo doado bage, sɔɔ pobaso da, teda nago da tau selama, tolomainu yaibao," wali.

⁴ Tama kingo po wei ponoyu, te tama wai, "Te usu dao, eno te dagego homu wali pabo homu elalubao." Tama Devit te taun bagulali genuai obo pade dolalu, tama agai te ami hani dabe te nogo sɔɔɔ sayu, te mas ela peyu, te buluba soabo suai. Te ami bidi dabe te 1,000 bidi hanidu, me 100 bidi hanidu wasiasa soalio. ⁵ Tama Devitgo te Joapba, me Abisaiba, me Itaibolo te tama bomai po mawai, "Dagego ena homu kone palama, tama dagego te gesi ogwa bidi Apsalomba te wiegi yai homu elama, olo tau sabo homu te bidiba yao," te po wai. Tama Devitgo te ofisa bidi selabolo wabo po te ami bidi dabego me odali.

⁶ Te Devitgo ami bidi dabe pelama, te Israel dabe daliba gesabidi deliba ununani, te augwali Apsalomgo ami bidi dabeba te augwali deliba gesabidi ununanio. Tama augwaligo augwali dali te Efraimgo busi bulude hwɔjano. ⁷⁻⁸ Augwali hwɔj hwɔj pelama, tama te Devitgo ami bidi dabego te Israel dabe aiyaba elaluama, tama augwali mu dolali. Te hwɔbo genuai pelama, tama augwa te bulu tɔ pedai tigidali badu hwɔj hwɔj pela walio. Tama bidi hauwa te bulu tomode esela pelama, tama augwali isila pai. Tama tialima, te buside isali bidi dabego nambago te hwɔbode isali bidi dabego namba te aiyaba elalualio. Te hwɔjani sogo tomode isali ami bidi dabego namba te umabo bidi sese, te 20,000 bidi tama isai dao.

⁹ Te Apsalom te donkide dualasa peyu, tama donki te genuai ni kali te ni me elalubo dologodu pobadi, tama Apsalomgo bobage tobolu nisi te ni nologo tomode

habela selama, daɔ wali. Tama te donki udayu, tama Apsalom teda walaluai. Apsalomgo te Devitgo ami bidi meba te agaba gesabidi unulubaso, te sogo aga wi pobadi, te tama sɔ agaba pedelai dao. ¹⁰ Tama te ami bidi dabe augwali me deligo te Apsalom sulama, tama agai te tama po Joapba waligi pali, "Megi da, eno Apsalom te ni me deli te ni kali nologode walalubo سوالio," po wai.

¹¹ Tama Joapgo te tama po agabolo wali, "Mu tama, nago aga sualiwe? Tialima, magi baso nago te aga polo ela muai meniwe? Te nago aga ela mugi sogo da, teda eno nagebolo te mone 100 kina me, te kukulu me deli me, te nageba magi dao," wali.

¹² Tiali goli, te bidigo Joapbolo te tama po wai, "Tagalao, nago enaba te mone silvago te 10,000 kina mobaso da, teda eno magi sɔ me deli te kingo ogwa dali me egobeo," wali. "Magi baso meni, da tigidaligo te kingo po nageba me, Abisai me, Itaiba me, te tama po mabo odai, 'Dagego ena homu kone palama, tama te gesi ogwa bidi Apsalomba olo tau sabo wiegi yai kolesaga yao,' po wai dao. ¹³ Tama eno kingo te po wali sela sayu, tama Apsalom ela mubaso da, teda kingo eno te sɔ yali po odaibao. Magi baso meni, kingo te tigidali sɔ pedelali po odobo dao. Tama kingo ena po tɔ ela mobaso da, eno koneani, te nago ena tau me sogobeo," wali.

¹⁴ Tama Joapgo te tama po wei ponai, "Te tagalao, ena nage dali po mibo hagela ebao," wali. Tialima, Joapgo te sesemone ene sela selama, tama te Apsalom walalubo ni elalubo madiba palio. Te Apsalom isisabadi, tama Joapgo aga te enego enani, tama te enego aga homu hobolu dude dolalio. ¹⁵ Tama nosali, te Joap agai ene sela bilibo ami bidi nogo si bidi, augwali te Apsalom paba udada aselama, tama aga ela muai.

¹⁶ Apsalom isaide, teda Joapgo te ami bidi me delibolo te biugel bu wao po olama, te Devitgo ami bidi augwa te hwɔbo tagalumainu yai. Tialima, Devitgo hanigo odolama, tama augwa te Israel dabe taga soyu, ma geasa asali. ¹⁷ Tama augwa te Apsalomgo tigi selama, tama te buside genuai tɔ dedage me deliba aiyaba sawani. Tama augwa te masigi hauwa selama, tama aga tigi daiba ugwadu te masigi sawana, tama augwa te masigi pesage holali te genuai pedelai. Tama te Israel dabe wi pelayu, te augwa bulu deli deliba ma tedela palio.

¹⁸ Polobadu, te Apsalom bidibo ula elalu bidali sogo, agai te bobage masigi genuai me deli selama, tama te Kingo Odogo Bulude dodolali, te aga nogi sa mubo tiwai ilali. Tama agai te tama wai, "Te ena bidali pesage hasegelama bidabo wai meni baso, tama te Israel dabego ena homu kone palabo ogwa meni yani," homu elama, te tama kolesaga yai. Tama tialima, Apsalom aga nogi digi te masigiba mawai elaluai. Tama megime te we bidi dabego te masigi nogi weyu, te tama po obao, "Te Apsalomgo masigi da," wabo dao. †

Augwaligo Devitba te Apsalom isali po walali

¹⁹ Te Apsalom isai madi nosali, Ahimas, te Sadokgo ogwago, te Joapbolo te tama po wai, "Te nago ena te kingba udulama pomainu elama, tama te wiegi yai po agaba magi pomainu eyu, te Genuai Bidigo aga boi bidi dabego bomo te togwa sawani po wagi pomainu yabo, te usu da po waibawe?" te po wali.

²⁰ Tiali goli, Joapgo agaba te tama po wai, "Menio, meggi nago te kingba wiegi yai po me sela pomainu me egobeo. Te me sogo gasa sogo nosali nage pomainu ebo homu usu yaibao. Tiali goli, meggi da, menio, magi baso meni, te aga ogwa isai dao," wali. ²¹ Tama Sudan bulu bidi me deli bidali, tama aga te kingo se bidi da. Tama Joapgo agaba te tama po wai, "Nage udada pelama, nago te suali se dabe po te kingba waligi pao," po wai. Tialima, te se bidigo Joapba te mage basigulama, tama nosali te aga udada palio.

²² Tiali goli, Ahimasgo Joapba po bomo elama, te tama po wai, "Te enaba magi se pedalubaso, me te tagalao, eno homugo nago ena te Sudan bidi pali wali peyu, tama ena me te kingba paio," wali.

Tama Joapgo agaba te tama wai, "Gesi ogwa bidi, magi baso nage painogowe? Te nago mena wiegi yai nai me sogobeo."

²³ Tiali goli Ahimasgo po ma wali, "Te enade magi se pedalubaso, teda tagalao, ena paio," wai.

Tama Joapgo te tama po wali, "Usu da, nage pao," wali. Tama Ahimas te Jordan malu to dolo elalubo badu te udada pelama, tama te Sudan bidi asobo badu te aga polasa saboligi pai dao.

²⁴ Te sogo Devit te hanu obo bagulali genuai obo pade dugulaludali. Tialima, te hanuba asobo bage tonalubo bidi pelama, te bagulali obo sunumi pade ugwadu daiba dolagasali. Agai digibulu tonono poadi, tama te bidi deli naga udada asobo suai. ²⁵ Tama te tonalubo bidigo te kingba i weyu, te tama po wai, "Te bidi me deli udada asobao," wali.

Tama kingo te tama po wai, "Te bidi me deli naga asobaso da, teda agai te wiegi yai po sela asiyu tebao." Tama te tonalubo bidigo te bidi te hanu paba udada asobo suai.

²⁶ Tama nosali te tonalubo bidigo te gasa bidi me udada asobo sulama, tama agai te sunumi tonalubo bidiba i weyu, tama agaba te tama po wai, "Suao, te gasa bidi me udada asobao," wali.

Tama kingo te tama po wai, "Te bidigo me te wiegi yai po sela asiyu ebadi bogo dao."

²⁷ Tama te tonalubo bidigo te tama po ma weyu te po wai, "Eno te polasa udada asobo bidi te Ahimas, te Sadokgo ogwa, subo tiwai ebao," wali.

Tama kingo te tama po wai, "Ahimas te wiegi yai bidi, tama agai te wiegi yai po sela asoba homu ebao."

²⁸ Tialima, Ahimas te paba asiyu, tama aga te kingba i weyu, te tama po wai, "Da te bugagia bidibao." Tama

† Te meggi e elalubo po, te da e bidalubo bidi dabede po olama me wabeo. Menio. Agai te wali po te e buku aseani sogo bidali bidi dabede te tama po olama, walio.

aga te kingba sabolama, tama te tobolu toba basigulama, tama aga te po wai, "King, nage eno genuai bidi da, dago te dena Genuai Bidi God nogi ugwaba sinao. Te augwaligo nage dali hwinama, te nage sela sawainu yali, tiali goli Genuai Bidigo augwali te dago nogoba munama, tama dago augwali aiyaba elalualio," wali.

²⁹ Tama kingo Ahimasbolo te tama po hanalu wai, "Te eno ogwa, Apsalom, aga me te bugagia bidibawe, ma meniwe?"

Tialima, Ahimasgo agabolo te tama po wai, "King, eno te bidi hauwa sisinama, tama genuai po daga weyu ebadi, te eno sulama tama te Joapgo ena te nago se bidi dali tagala palali. Tiali goli te augwaligo mena se ebo te eno me konebeo," wali.

³⁰ Tialima, kingo te tama po agabolo wali, "Nage u badu dolalugi pao." Tama Ahimasgo te king taga soyu, u badu dolalugi soali.

³¹ Tialima, polo tama te Sudan bidi te sabolagaselama, tama kingba te tama po wai, "King, nage eno genuai bidi da, eno nageba maiabo wiegi yai po sela asali elalubao. Te nage dali hwinama te nage sela sawainu yali bidi dabe da, tiali goli te sogode meggi te Genuai Bidigo nage tau selama, tama augwaligo magi dwai se nage dali ma egobeo," te po wai.

³² Kingo odolama, tama te po wai, "Te eno ogwa, Apsalom, aga te bugagia bidibawe, ma meniwe?" Tama te Sudan bidigo po wei ponyu, te tama po wai, "King o, eno homugo te tobage se te gesi ogwa bidiba me pedalumainu homu eyu, te nago boi bidi tigidaliba me, te nage dali hwainu eyu, te nageba dwai se yainu ebo bage dabeba me, pedalumainu homu ebo dao," wali.

³³ Kingo te po odolama, tama aga haliga dwai mu elama, tama aga hogodasa peyu, te obo bagulali sunumi te elalubo pade daiba te be habu tomoba pelama, tama aga gela udali. Tama aga ugwaba holiyu, te tama tiwai i wali, "Te eno ogwa, Apsalom o. Eno ogwao, eno ogwa, Apsalom. Te eno nage hasegeliyu, te ena isigi sogo da, te wiegi yai mu igi dao. O Apsalom, eno wai o, eno wai o!"

Joapgo bomai po Devitba mawai

19 Tama nosali bidi mebago Joapbolo te tama po wali, "Devitgo te Apsalomde homu dene mu ebaso, tama gela wabo se idubao," wali. ² Tama te sogo te Devitgo ami bidi dabego te tama tiwai po odali, te king Devitgo te aga ogwa Apsalomde homu dene ebo gela udubo po odobaso, tama augwa te hwjanide te wiegi yai homu pemene yali tiwai ma ebeo. Menio, augwa haliga sege elaluali. ³ Tama te ami bidi dabe augwa te hanuba ma begasa asiyu, te dua dua mu asiyu, te hwjbo side wi aselabo ami bidi dabe tiwai elama, tama genuai hale dali elasa asasawai dao. ⁴ Tama te sogo te kingo aga gesabidi halua selama, tama homu dene ebo se ebaso, te bomonama i weyu, te tama po wai, "O eno wainu, Apsalom. O Apsalom, eno wai, eno waio." Te tama po wai.

⁵Tialima, Joap te kingo beba pelama, tama agaba te tama po wai, "Odao. Megi nago te naga ami bidi tigidali te dwai hale mu ilibo sę yalio. Te sogode naga te bidi dabego nage tau salio. Tama nage dali, te nago we wai, me te nago si wali we hani dabe dali, te dage tigidali me dolobeo. ⁶Tiali goli, nago te nage wei eyu godolo ebo bidi dabe te nago godolo ebo meni, tama nago te nage godolo meni sabo bidi dabe, te nago augwali godolo ebo da. Te nago kolesagade dabolo te tama tiwai dolo ola mani, nago homugo te naga ofisa dabe, me ami dabe te olo nai tiwai da homu ebao. Tama eno koneani, te Apsalom bidibadi, tama da tigidali isigi sogo da, teda tego nago homu wiegi yai pemene iligi dao," Joapgo te po wali.

⁷"Tialima, odao. Nage hogodasa pelama, te ami bidi dabe wiegi yai homu pemene ilabo po migi pao," wali. "Te Genuai Bidigo nogide, eno mu po tama obao, te nago tama tisayū da, teda te sogo hulide te tigidaligo nage taga pobaso, tama nage sęęę genuai mu saibao. Tama te sęęęgo te nage gesi ogwa bidide bidibadi nageba te pedelali tigidali sęęę te aiyaba elaluama, tama megı e sogoba usu nagasaibao," wali.

⁸Joapgo po ola simanobo si da, teda king Devit hogodasa pelama, te taun hanuba pabo sunumi paba duagi pai. Tama aga ami bidi dabego tama po odali, te king aselama, te taun hanuba soabo sunumi paba duayagaselama, tede bidibo po odai. Tama tibaso, te ami bidi dabe pelama, aga dali hodobo bidigi pai.

Te Juda dabego Devit ma asomainu hanalu wali

Te tigidali Israel dabe wi pelayu, te augwa bidali deli deli buluba ma pela silalio. ⁹Tama te tigidali Israel hani we bidi augwa hasi tomode digi te konila po wai. Tama mebago te tama po wali, "King Devitgo te da tau selama, tama te Filistia dabego, me te gasa boi bidi dabego te da me dolobeo. Tiali goli, aga te Apsalomde wi peyu, tama dago bulu tų pedai taga pai dao. ¹⁰Dago te Apsalom te dago king bidi pedalumainu nigilali, tiali goli augwa te hwınama, tama augwaligo te aga ela muai dao. Tialima, magi baso te da olo tama bidiyu, tama dago te king Devit ma oda sigi pisama ebawe?" Augwaligo te po wali.

¹¹Bidi mebago te Israel dabego te wabo po te Devitba walali, tama tibaso, king Devitgo po te pris Sadokba me te pris Abiatarbolo ola tolu, te tama po wai. "Eno homugo dagego eno po Juda bage tobolu bidi dabeba pusumainu homu ebao. Ena ede bidiyu, tama te Israel dabego wabo po eno odali. Tialima, magi baso dage Juda bagego te Israel hani dabego te polasa enaba hanalu, te ena eno beba ma asomainu ebo po omainu sula tagalu gogolobawe? ¹²Da tigidali te deli kaneme dao. Tama tiyu, magi baso dagego te gasa bidi dabe te dageba poligi somainu elama, tama ena ma odasa asomainu ebo po omainu ebo dawew?" ¹³Tama me Devitgo te pris siba po waliyu, te tama po Amasaba omainu yai, "Dadi si te deli kaneme dao. Eno nago te Joapgo pesage selama, tama eno ami dabego po-

lalubo ofisa bidi nigilaibao. Te eno tama tisąbaso da, teda Godigo ena ela mumainu yaibao," wali.

¹⁴Tialima, Devitgo te wali pogo te Juda bidi dabe tigidaligo homu kekebaso, tama augwaligo agaba te tama po ola tolali, "Dago homugo te nage naga hani dabe dali, dage tigidali te Jerusalemba ma asomainu homu ebao," wai. ¹⁵Tialima, Devit dali, aga hani dabe te hogodama, palima, tama te wę Jordanba sabolali. Te Juda bidi dabego Devit te wę Jordan nogebo sogo, te Devit dali gesabidi deliba unulabo homu yai. Tama tiyu, augwali pelama, tama te wę Jordan pade te bulu Gilgalba tonalugi pai dao. ¹⁶Tama Simeı, te Gerago ogwa, aga te Benjamingo hani bidi, tama aga te bulu Bahurimdu asai, aga te Juda dabe dali polo asesa, te Devit dali deliba gesabidi unulainu asai. ¹⁷Tama te Benjamingo hani bidi 1,000 te aga dali asai. Tama me, Siba, te Solgo hani sibi dabego sę bidi me, te aga ogwa dabe te 15 ogomani, me te aga sę bidi te bidi sese deli badi, tama augwa bolo asesa pelama, te king Devit asisabadi, te wę Jordanba polasa sabolai. ¹⁸Tama augwa te kingo we wai hani sibi dabe te wędu edaba nogebo te tau sainu yali. Tama augwa te tigidali sę yali te kingo homugo emainu ebo sę naga te augwaligo yalio.

Devitgo olo tau sabo homu ebo wiegi yai kolesaga te Simeıba yai

Te king aga wę nogeainu sisi ebo sogo, tama Simeı aga aselama, te aga gesabidi te king pade te tųba pųgulali. ¹⁹Tama Simeıgo te tama po kingba wali, "O, genuai bidi, eno homugo te nago eno yali dwai sę tagalumainu homu ebao. Tama nago te Jerusalem taga soyu sobadi, te eno nageba yali dwai sę te nago homude munu ma homu kone palamuo," wali. "Eno homugo nago eno te dwai kolesaga yalide te homu kone palobo te tigidali mu tagalumainu homu ebao. ²⁰King o, eno koneani, eno dwai sę yali, tama tiyu, te gasa not pedai badu bidibo hani te tudiba togolama, te ena bolo polasa aselama, tama ena genuai bidi, te eno nage dali gesabidi deliba ununainu, te ena nage tiąba asai dao," te bidi Simeıgo te po wali.

²¹Tiali goli, Abisai, te Devitgo abe Seruiago ogwago, te tama po wai, "Te Simeı isimaina ebo homu te wiegi yai da homu yai. Magi baso meni, agai te Genuai Bidigo nigilali kingba po dwai walio," wali.

²²Tiali goli, Devitgo te Abisaide, te aga ama Joap dali siba te tama po wai, "Te dage sigo sę menio," wali. "Dage si te Seruiago ogwa si da, magi baso megı dage sigo enaba boi bidi yabo homu ebawe? Megı eno koneani, ena te tigidali Israelgo king bidibao, tama te tobage sogo, dago te Israel bidi deli me ela mugobeo. Mu menio!" ²³Tama kingo bomai po te Simeıba weyu, aga nogo guni sisu weyu, te tama po wai, "Eno mu po nagebolo obao, augwaligo nage me ela mugobeo," wali.

**Devitgo olo tau sabo wiegi yai homu ebo kolesaga
Mefibosetba yai**

²⁴ Tama Mefiboset, te Solgo ogwago ogwa, te wai, aga me aselama, te king dali deliba gesabidi ununani. Te Devitgo te Jerusalem taga soali sogo gagalasa, tama te king ma asobo sogoba usu nagasu, te Mefiboset te aga saḡa wẹ me telasiḡbadi, tama aga penane nisi me togosiḡma, tama aga ugwa me wẹ me telayu isiḡbadi te Devit Jerusalemba ma asobo sogoba usu nanio. ^{†25} Mefibosetgo te Jerusalem taga soyu, tama aselama, te kingba sabolai. Tialima, kingo agaba te tama po hanalu wai, "Mefiboset, magi baso te nage ena dali wi pabewe?" te po wai.

²⁶ Tama Mefibosetgo te tama po wei ponai, "Eno genuai bidi, nago koneani, ena saḡa dwai elalubao. Tama te sogo nago te Jerusalem taga pali sogo, te eno augwaliba weyu, te eno donki dodolao po wali, te donkiba ena duagulama, te ena nage dali painogo yai. Tiali goli, ena seḡ bidigo ena tibo po ola mawai dao. ²⁷ Tama aga nage wali peyu, tama ena nogi te aiyaba elalubo tibo po walio. Tiali goli, genuai bidi, nage te Genuai Bidigo mobo bidi ensel tiwai dao. Tama nago mena wiegi yai seḡ enaba yabo te wiegi yai da homu eyu da, nago te seḡ naga tama yao. ²⁸ Nago te eno ayago hani we bidi tigidali eligi da. Tiali goli nago olo tau sabo wiegi yai homu ebo kolesaga enaba eyu, tama nago ena te nago bede sesemane sogo nai tuagasomainu ilali. Tama tibaso, te eno nageba te gasa nai me ma enaba mao olama, me hanalugobeo," Mefibosetgo te po wali.

²⁹ Tama kingo te po wai, "Te usu da, te po ma wagio. Eno homude te tama tiali, nage me Siba dage sigo te duga wai Solgo tḡ dobyu, te bugulama, te me badu nago siyu, te me badu agai siyu emainu, te tama homu yalio," wali.

³⁰ Tiali goli, Mefibosetgo kingba te tama po wai, "Te Sibago tigidali somainu yaibao. Eno tede homu si me ebeo. Eno homugo te nage bugagia bidimaina homu yali, tama te nage ma asali dao."

³¹ Tama Barsilai te Gileat bulu bidigo te Rogelim tḡ tagalama, tama te wẹ Jordanba dulama, te king dali te kingo te wẹ nogebo sogo bidali. ^{†32} Barsilaigo kibu be te bidi sese me si me si, te 80 kibu be bidai elaluai, tama aga monu dabe mu yai. Agai te mone doado bage hauwa elaluai, tama agai te king Devit tonalu, tama te Devit dali, aga hani dabe dali, augwali te hanu Mahanaimde bidali sogo nai geseyu bidai dao. ³³ Tama kingo agabolo te tama po wai, "Nage ena dali te Jerusalemba aselama, te eno nage tonalueibao," po wai.

³⁴ Tiali goli, Barsilaigo te tama po wei ponai, "Genuai bidio, te kibu be hauwa isiḡbadi, te ena isabo homu ebao. Tama tibaso, ena te nage dali te Jerusalemba painu wabo te usu meni baso, te tagalao. ³⁵ Odao, eno kibu be te bidi sese me si me si, 80 kibu be megii elalubao, tama eno te mena nai me deli te wiegi yai,

ma meni, te eno konebeo. Tama eno te nai me wẹ me tubaso da, eno te naigo pusu te odobowe, ma meni, te eno konebeo. Tama eno olo te wiegi yai meni baso, tama te we bidi dabego balia po wabo dogoni te eno odabo usu meni yaibao. Tama tibaso, magi baso te ena nage dali pelama, te nageba seḡe momainuwe?

³⁶ Tama king, magi baso nago te wiegi yai kolesaga mu enaba yabo homu ebawe? Menio. Eno homugo te wẹ Jordan nogelama, tama ena nage dali dwasianu pelama gana, tama eno nage tama taga soyu, te ena ma soabo homu ebao. ³⁷ Ae, nago ena te ena buluba ma pomainu elama, tama ena te ena aya de ida si muani pesage te gḡ pagede nosali pubulumainu yaibao. Tiali goli, eno ogwa, Kimham, te bidibao. Tama aga te nage dali pomainu yaibao. Tama nago aga mena seḡo tau sabo homu eyu da, teda te tama naga tiao," Barsilaigo te po wali.

³⁸ Tama kingo po wei ponoyu, te tama po wai, "Wiegi yai dao. Kimham te ena dali pomainu yaibao. Tama nago homugo eno mena seḡ agade emainu homu ebaso da, teda te tama naga eno te seḡ yaibao. Te nago enaba te mena seḡ emainu hanalu wali da, teda tagala, te seḡ eno yaibao," Devitgo Barsilaibolo te po wali.

³⁹ Tialima, king me aga hani we bidi dabe te wẹ Jordan nogelama, u badu tugi pali. Tama kingo te Barsilaiba te gesabidi nono nenama, tama Godiba hanalu, te Barsilai wiegi yai ilimainu yali. Tama Barsilai te aga buluba ma geasa palio. ⁴⁰ Tialima, king te hanu Gilgalba pali, tama Kimham aga dali pai. Tama te Juda ami bidi tigidali dali, te Israel ami bidi hani me badu me, te king dali pela wali.

Te Israel dabe me, Juda me, augwa hasi konila po wai

⁴¹ Devit te Gilgalde bidibadi, tama te Israel bidi tigidali asama, tama agaba te tama po wai, "Genuai bidio, magi baso dago ama dede, te Juda dabego, te da Israel dabede te po geme dualama, te augwa digi te nage dali, te nago we wai dabe me, te nago ami bidi dabe daligo te wẹ Jordan nogemainu, te odasa asaliwe?"

⁴² Te Juda bidi tigidaligo te po odolama, tama augwa po wei ponoyu, te tama po wai, "King aga te da deli hani elalubaso, tama tiyu, dago te tama kolesaga yali. Tialima, magi baso dagego daba hale seḡe ebawe? Kingo te dago nai me abelama, tama agai te nai me deli te dabolo me mabeo," wali.

⁴³ Tama te Israel bidi dabego po wei ponoyu, te tama po wai, "Te bidi me deli king pedalubaso da, teda aga te dago tḡ pedai tonalubo king bidaibao. Tama te bulu tḡ pedai tomode, te da Israel te nogo si hani elalubao, tama dage Juda bagego hani te deli naga elalubao. Mu tama, Devit te dagego hanidu king bidibao, tama da nogo si hanigo te dage aiyaba elaluali. Tama tiyu, magi baso dagego da begela dolobawe? Dagego bugagia homu kone palao, dago digi te king edaba odasa asabo te homu kolesaga yabo page te dade elalubao," wali. Tiali goli, te Juda dabego konila po te bomonama

mu olama, tama te Israel dabego po aiyaba elaluai dao.

Sebago te king aiyaba elaluainu yai

20 Te sogo te bidi dwai me deli te Israel dabe to-mode bidali, aga nogi Seba. Aga te Bikrigo ogwa, tama aga te Benjamingo hani bidi. Sebago te biugel bu weyu, te i olama, te tama po wali, "Te Devit tagalao, da te agai hani menio. Da te Jesigo ogwago hani bidi menio. Dago aga wali me pelamuo. Ae, te da Israel bidi tigidali, dena buluba ma pelainao," po wai. ^{†2} Tialima, te Israel dabego te tama po odolama, tama tigidaligo te Devit tagalama, tama Seba dali palio. Tiali goli, te Juda bidi dabe da, te Devit dologode bidiyu, tama augwa aga wali pabo bage bidibo daj te Jordan we sunumi tedu pelama, te Jerusalemba usu nama elaluai.

³ Augwali te Jerusalemba sabolama, tama Devit aga te king bidibo beba pelama, tama te si wali nogo si we hani, te aga kingo be tonalumainu taga pali we dabe sali. Tama agai augwali te gasa beba munama, tama augwali tonaluabo bidi meba nigilali. Tama agai te bidi hani mebago augwali tonalu, te augwali nai mayu yabo bidi dabe meba nigilali, tiali goli agai te polobadu yali tiwai gilama te aga augwali dali ma pagelama pigi pabeo. Tama sesemane sogo augwa te bede naga bidaludubadi, te augwa isibo sogoba usu nani. Te we dabe augwali wilawe we dabe bidalubo tiwai yai. ^{††}

⁴ Nosali kingo Amasabolo te tama po wai, "Nage pelama, te Juda bidi dabe i olama, tama augwali sisi-nama, tama do ma duba dage tigidali aselama, enaba sabolao," wai. ⁵ Tialima, Amasa pelama, augwali i wagi pali, tiali goli agai te kingo bodolu mani sogo edelama, me asobeo. ⁶ Amasa te polo ma asisabaso, tama kingo Abisaiba te tama po wai, "Apsalomgo te daba genuai sege mawai, tiali goli meggi Seba, te Bikrigo ogwago, te genuai sege dabolo ma manio. Tama tibaso, nago eno ami bidi dabe selama, tama aga pobegi pelama, tama aga pageabi igi pao. Tiyu, Seba te aga hani dabe dali pelama, te bomai obo bagulai tomoba pelama, bidigi pai madi, tama dago aga sainu ebo usu egobeo," wali. ⁷ Tama tialima, Abisaigo te Joapgo ami bidi dabe selama, tama te king tonalubo ami bidi me sali, te augwali Keret me Pelet dabe, tama te tigidali hwjbo bomai bidi me, tama augwa te Jerusalem tagalama, tama pelama, te Seba pobegi pai.

⁸ Augwali te Gibeon moni masigi elalubo teba sabolali, tama Amasa te augwali dali deliba gesabidi ununani. Joapgo te hwjbo nai munasa pai, tama agai te aga kukulude te bainat hwa ge gedelai. Te bainat te aga bulalubo be tomode bulaluai, tiali goli Joap te Amasa paba pabo sogode, te bainat te toba dialuali. ⁹ Tama Joapgo te tama po Amasa dali wali, "Siade da, ama, nage bugagia bidibawe?" Tama aga Amasago penane nisi te dolo nogogo tola selama, tama agai te aga dali nono nainogo ebo tiwai gilama yalio. ¹⁰ Tama Joapgo te bainat hwa me deli te pobase nogode tolalu-

ali, tiali goli Amasago te bainat hwa subeo. Tama Joapgo Amasago haligade te hwa enama, tama agai haliga tigidali dja soyu, te toba tulaluama, tama polo tama aga isai. Tama tibaso, Joapgo te hwa aga ma enebeo. Joapgo te Amasa ela munama da, teda aga dali, te aga ama Abisai, augwali sigo te Seba pobeasa palio.

¹¹ Tama te Joapgo ami bidi me deli te Amasago tigi pade dolalu, te i weyu, te tama po wali, "Te Joap me Devit godolo homu ebo bidi dabego, te augwali Joap wali pia," walio. ¹² Tiali goli, te kanemego Amasa tigidali mu halua sali, tama te tigi te sunumi tomode munaluali. Tama te tigidali ami asela wali, augwaligo te tigi sulama, tama augwali ma pabeo. Te Joapgo ami bidigo te augwali me soasiabaso, teda agai te tigi te sunumi sesegeba kekasa pelama, tama te tigi te ugwago mesegehalio. ¹³ Te Amasago tigi te sunumide ma munalusiabaso, tama te tigidali ami bidi te Joap wali pelama, tama te Seba pobeasa palio.

¹⁴ Seba pelama, te tigidali Israel dabego tpe pelama, te siminigi pali te tpe sesegeba mu sabolama, tama aga te hanu Abel Betmaka teba sabolali. Tama te Beri hani tigidali te aga dali muna selama, tama aga wali peyu, te hanu tomoba palio. ¹⁵ Te Joapgo ami bidi dabego odali, te Seba te hanu tomode bidibo po odai, tama tialima augwali aselama, te hanu bobegelali obo pade te tpe pesage holama, te augwa te hanude hwjainogo yalio. Tama augwaligo te obo pade te dedage dogali, te masigi obo degasa dulumainu yai. ¹⁶ Tiali goli, te wiegi yai homu yai we me deli te hanude bidai, tama agai te Joapgo haniba te i weyu te tama po wali, "Ae! Dagego odiqo! Te Joap asa po walao. Eno agade po elalubao." ¹⁷ Tialima, Joap te paba pelama, tama te wego agaba hanalu wali, "Nage te Joap dawee?"

Tama Joapgo te po wai, "Awe, te ena tama dao."

Tama wego agabolo te po walali, "Genuai bidio, eno po me deli elalubao. Tama eno homugo nago eno te poba bugagia olo mumainu homu ebao."

Tialima, Joapgo te po wai, "Te usu dao. Eno nago po odaibao."

¹⁸ Tama wego Joapba te tama po wai, "Polobadu augwaligo te tama po wai, 'Te nago homude po me elalubaso da, nage te hanu Abelba pao,' wai. Augwa te dena bulu Abelba aselama, tama te Abel dabego augwa te homu sege elalubo dodoliyu yai dao. ¹⁹ Odao. Te dago hanu te Israel bulu tpe pedaide te polalubo hanu me deli dao. Dago te hwjbo se dabe me isiqwai. Dago te dena king naga mu wali peyu ebao. Tiali goli, meggi nago te hanu dolainu ebao. Magi baso nago te Genuai Bidigo nai te dolainu ebawe?" wali.

²⁰ Tama Joapgo te po wai, "Eno te hanu doliyu, te silabo homu me elalubeo. ²¹ Mu menio. Dago te bidi me deli naga sagasu asali, aga nogi te Seba, te Bikrigo ogwa. Aga te Efraimgo pesage te bulu dude bidi dao. Te bidigo te bidi dabego homu hodolobaso, te king Devit aiyaba elaluainu yai. Dago homugo dagego te bidi Seba naga daba mobaso tama, teda dago te dagego hanu tagalama, paibao," Joapgo te po wai.

Tama te wego Joapbolo te tama po wai, "Mu tama obao, dago te bidi ela munama, tama agai tobolu naga te obo buluba sābo, te nago sueibao," wali.

²² Tama tialima, te we te hanude bidibo bidi dabeba pelama, tama agai homude sela pali po te augwaliba pusali. Augwaligo te agai po wali pelama, tama augwaligo te Sebago tobolu mage togogi pelama, tama aga tobolu selama, tama Joapba te tobolu buluba dinani. Tialima, Joapgo te biugel bu obaso, tama aga ami dabe te hanu taga soyu, tama augwa buluba ma palio. Tama Joap te king Devit bidibo madi, te Jerusalemba ma pai.

Te Devitgo ofisa dabe

²³ Joap te ami dabego polalubo ofisa bidi, tama te Israel bulu t̄de tigidali ami tonalubo bidi dao. Tama Benaia, te Jehoiadago ogwago, te king tonalubo ami bidi dabe tonalubo bidi bidai, te augwali Kelet me Pelet dabe dao. ²⁴ Tama te kingo te bidi mebabolo te agai s̄e yao po wabo sogo da, teda Adoniramgo te hani bidi dabe tonalu yai. Tama Jehosafat, te Ahilutgo ogwa, aga te king Devitgo ebo s̄e tigidali po te as̄ebo bidi bidali. ²⁵ Tama Seva aga te kingo kuskus s̄e ebo bidi bidai. Tama Sadok me Abiatar te pris s̄e ebo bidi si bidai, ²⁶ tama Jair hani bidi Ira, aga me te Devitgo pris bidi bidai dao.

Te Gibeon dabego te Solgo dwai s̄e yali wei ponani

21 Te Devit king bidali sogo, te nasi ebo sogo me deli pedelama, tama te Israel dabe me, Juda me, te nai sāa pelama, te nai sili bididubadi, te kibu be sela bidai. Tama tibaso, Devitgo Genuai Bidiba te tebo s̄e ebo page hanalu wali, tama Genuai Bidigo agaba te po wai, "Te s̄e ebo page te tama telalubao. King Solgo te Gibeon dabe ela muani, tama te dwai s̄e yali page te aga hanide elalubao," wai.

² Tialima, Devitgo te Gibeon dabe i olama, asali. Te Gibeon dabe augwali te Israel we bidi menio. Augwali te Amor hani bage da. Te gasa Amor dabe te hagawai, tama te dwasianu hani naga bidai. Polobadu mu te Israel dabego te bomai po mu dāu weyu, te Gibeon dabe augwaligo me dologobeo po wai. Tiali goli, king Solgo bomu eyu, te Israel de Juda si naga te Israel t̄de bidimainu yai. Tama tiyu, Solgo te Gibeon dabe silimainu tiai dao. ^{†3} Megi da, te Gibeon dabego Devit suagasobaso, tama agai augwaliba te tama po wai, "Eno homugo dago dageba te dwai s̄e yali dodolainu ebao, tama dagego te Genuai Bidiba hanaluama, te aga we bidi hani dabolo wiegi yai s̄e emainu yao. Dagego homugo eno magi s̄ego te dwai s̄e yali dodolumainu homu ebawe?" Devitgo te Gibeon bage te po hanalu wali.

⁴ Tama te Gibeon dabego Devitba po wei ponoyu, te tama po wai, "Te s̄e s̄e te da dali, te Solgo hani sibi dali tomode elalubo s̄e s̄e, te sia somainu ebaso, te usu me egobeo, te nago dabolo te gol me silva mawainu eba-

so, te tagalao. Tama me, dago nageba hanalu, te gasa Israel bidi dabe ela muao po me obaso, me te usu egobeo."

Tama Devitgo te po wai, "Tama dagego homugo te eno magi s̄e dageba emainu homu ebawe?"

⁵ Tama augwaligo kingba po wei ponoyu, te po wai, "Solgo te da dolama, tama da tigidali silimainu homu yali, te da hani me deli te Israelgo t̄de me bididali homu yai dao. ⁶ Tama tibaso, dago homugo te nago dabolo te Solgo hani sibigo bidi te a naga olama, me si, te tama bidi dabolo momainu homu ebao. Tama dago augwali te bulu Gibeaba sela paibao, magi baso meni, Gibeaba te Solgo page bulu dao, te king te Genuai Bidigo nigilali. Tama te God Genuai Bidigo gedude te dago augwali te niba walama, tama augwali isimainu yaibao," te Gibeon bagego te po wai.

Tama Devitgo augwaliba te tama po wai, "Tialima, te eno augwali dageba mawaibao," wai. ⁷ Te Genuai Bidigo nogide, Devitgo te Solgo ogwa Jonatan dali te bomai po dāu wali, tama megi da, agai te dāu wali bomai po te homu kone ma palali. Tama tiyu, agai te Mefiboset sabeo, te Jonatango ogwa, tama te Solgo waj, tama te Gibeon dabeba mabeo. Menio. ^{††8} Agai te Armoni, me gasa Mefiboset, te si sali. Augwali si te Sol de Rispa sigo ogwa, te Aiago wegi dao. Rispa aga te Solgo si wali we hanide te we me deli da. Tama Devitgo te Merapgo ogwa a naga me sali, te Solgo wegigo wai. Merap te bidi Adrielgo sai, te Barsilaigo ogwa te Mehola bulu bidigo selama, tama augwali sigo te a naga ogomani ame nai. ⁹ Devitgo te bidi dabe te Gibeon dabeba menama, tama te Gibeon dabego augwali sela holiyu, te bulu duba holama, tama te Genuai Bidigo gedude augwaligo te a naga olama, me si, te tama bidi dali te niba walama, tama tigidali isalio. Te s̄e pedelali, te bali gi nedu du sabo sogo sisi elalubadi, tiali tama te bidi dabe augwa te rais bali wai sabo gagalalio.

¹⁰ Tialima, Rispa, te isali bidi sigo ida, aga te poloba badi ugwa meba selama, tama te bulu duba ugwa holali. Tama aga te sela holali badi ugwa dabego te dwasianu ugwa be tiwai gana te masigi t̄q bulude kekelama s̄e yani. Tama aga te bidi dabego tigi tonaludubadi, te polua meba bidali, te tulubage te t̄q-ba ma tulubo sogo, te nogo a naga, me badu si, te tama bidigo tigi dili te tulubagego telamainu ebo soga usu numainu tonalualio. Rispago te bidi dabego tigi te giligade me hulide te bugagia tonaluai, tiyu te ba dabego me te bulu hasa dabego augwali tigi tuagasidali weyu, tama tiai dao. ¹¹ Nosali Devitgo te Rispa, te Aiago wegigo yali s̄e po odama, ¹² tama Devit te Jabes bidi dabego hanu te Gileat t̄q pedaiba pelama, te Sol de Jonatan sigo tigi dili dabe sigo pali, te Solgo ogwa dao. Polobadu te Filistia dabego te Sol me Jonatan si te Gilboa bulu dude elama, tama augwali sigo tigi selama, te deliba sisinibo hanu te Betsanba waligi pali. Tama nosali te Jabes dabe te Betsan hanuba pelama, tama augwali sigo tigi wi selama, tolasa soai dao.

† 21:2 Jos 9:3-15

†† 21:7 1 Sml 20:15-17; 2 Sml 9:1-7

¹³ Tialima, megi da, Devitgo te po aga sę bidi dabeba olama, tama augwaligo te Sol de Jonatan sigo dili dabe sela palio. Tama augwaligo te a naga olama, me si, te Gibeon dabego elali bidi dabego dili dabe me sisinama, salio. ¹⁴ Tama augwali te Benjamin hanigo tų te hanu Selaba pelama, tama augwaligo te Solgo dili me, Jonatango dili dali, te Solgo aya Kis muani gų pagede pubulali. Augwaligo te kingo wali po gilama, te tigidali sę ela silai. Tama te elama nosali badu, te Godiba gedu haluasa po wabo bidi dabego te augwa bulu tų pedai bugagia ilabo gedu haluasa po wali, tama Godigo augwaligo te gedu haluasa po wabo odai.

Te Israel dabego te Filistia moni moni bidi dabe dali hwjani
(1 Sto 20:4-8)

¹⁵ Te Filistia dabe de Israel dabe si tomode te hwjbo ma hodolali, tama Devit te aga ami bidi dabe dali aiya-ba dulama, tama te Filistia dabe dali hwjani. Augwali te boi hwj hwj pelama, tama Devit te bomu kimi meni baso, tama ma hwjabo aų ebeo. ¹⁶ Tama te Filistia bidi me deli, aga nogi te Isbibenop, agai te Devit ela muainu yali. Isbibenop te moni moni bidi dabede te bidi me deli aga da. Te agai ene tobolu bobage, augwaligo te brasgo nigai, tama te brasgo sęę te sela olama, me badu pedai, te tri hap kilogram usu tama. Tama Isbibenopgo te gesi bainat me te kukulude gedelai elaluai. ¹⁷ Tiali goli, Abisai, te Devitgo abe Seruiago ogwago, te Filistia bidi sulama, tama aga aselama, te Devit tau sagasali. Tama Abisaigo te Filistia bidi dali hwj-nama, tama aga ela muai. Tama te Devitgo ami bidi dabe aselama, tama Devitba bomai po weyu, te tama po wai, "Te dago boi hwjgi pabo sogo, nage da dali munu me aselamuo," wali. "Nage te da Israelba te ula mabo lam sole tiwai elalubao, tama nago te lam sole ula sula sawainu me elamuo," te po wai.

¹⁸ Nosali te Israel dabego te Filistia dabe dali ma hwjani. Te sogo augwali te bulu Gopde hwjani. Tama Israel bidi me deli, aga nogi Sibekai, te Husa bulu bidi, agai te moni moni bidi dabede te bidi me deli ela muani, aga nogi te Saf dao.

¹⁹ Tama gasa sogo ma, te Israel dabego te Filistia dabe dali te bulu Gopde hwjani. Tama Elhanan, te Jare-oregim te Betlehem bulu bidigo ogwago te Get hanu bidi Goliat ela muani. Te Goliatgo enego bobobage te ugwa hobolo masin ba te genuai tiwai dao.

²⁰ Tama nosali ma, te Get hanude gasa boi hwjbo ma hodolali. Tama te moni moni genuai bidi dabego te bidi me deli bidali, tama aga te dili bobage bidi mu tama. Te aga nogo dani deli delide te nogo a naga, me badu nogo kibisa deli tama elaluai, tama aga saų dabe me te tiwai naga elalualai. Aga nogo saų dani te bidi sese deli olama, me si me si elaluai. ²¹ Te bidigo te dwai posobo po Israel dabeba wali, tama te Jonatan, te Samago ogwa, te Devitgo amago, te aga ela muai.

²² Te me si me si te Filistia dabe augwa te Get hanu moni moni genuai hani bidi dabe tedu asali. Tiali goli,

Devit dali, te aga ami dabego dali, te augwali ela muanio.

Devit te Godigo aga tau sobaso, te wiegi yai homu pemene yai
(Tib 18)

22 Te Genuai Bidigo Devit te Solgo nogode, me te tigidali gasa boi bidi dabego nogode, te ma dobola sobaso, tialima Devitgo te balia gagalama weyu, te Genuai Bidiba balia wali. ² Te baliade te tama po wali,

"Genuai Bidi te eno bomai obo dao. Aga te ena geme sesalubo masigi tiwai, tama agai ena te boi bidi dabego nogode ma sai dao.

³ God te genuai masigi tiwai, te ena agaba pelama, te boi bidi dabede geme duala sigi pabo masigi tiwai elalubao. Genuai Bidi te eno sabele tiwai elalu, tama ena te boi bidi dabede geme dualalubo tiwai ebao.

Agai te ena ma dobola selama, tama ena tonalubo bomu elalubao. Aga te bomai obo, tama ena dualalubo pesage da. Genuai Bidi, nago ena tau mabo bidi, tama ena dolainu ebo sogo tama nago ena ma dobola sabo dao.

⁴ Eno Genuai Bidiba gedu haluasa po obaso, tama agai ena tau sali. Tama te boi bidi dabego ena dolainu yali usu ebeo. Dago te Genuai Bidigo nogi ugwaba sao!"

⁵ "Te isabogo te ena paų gegali, te wę si genuai pedaliyu, tama ena haluainu yai.

⁶ Te isabogo ena paų tola selama, tama ena te gų pageba painu yali.

Te umben wago ena tola selama, tama ena te wi pabo usu isiųbo tiwai yalio.

⁷ Ena haliga sęę dwai mu ebaso, tama ena gela weyu, Genuai Bidiba i wali.

Eno ena Godiba i weyu, te agai ena tau somainu yai. Aga te aga bede bidiyu, tama agai eno gela wabo odali.

Tama agai eno gedu haluasa po waboba olo muai."

⁸ "Tialima, Genuai Bidigo te eno boi bidi dabeba wado yali.

Tama tiyu, agai te tų mali dwai mu ilibaso, tama te bulu du dabe me dagalu te aiyųge page mu yalio.

⁹ Te Genuai Bidigo gunide hano pedelali.

Tama aga pedauwalide sia pedelama, tama nai hauwa ulali.

Tama agai te sia dage eneyu, tedela palali.

¹⁰ Agai te dagalu dalama, aiyaba dulai.

Tama husugu yai pų te aga saų dologode elalubao.

¹¹ Te mobo bidi ensel me deligo aga tolama,

tama bola asobo tiwai yaibao.
 Tama te Genuai Bidi te walide bidiyu,
 tama bomonama, asesa asobo
 tiwai gilama ebo dao.

12 Agai te be hulua sabo
 te aga ugwa be tiwai pedalumainu ilali,
 tama te tulubagego husugu haowago
 aga mesegelali.

13 Tiali goli, agai te bulu ula tigidali ilali,
 tama te sia dage te uladu te buluba teda soali.

14 Genuai Bidi ugwadu bidiyu,
 tama genuai po daḡ mu weyu,
 te pḡ kulukulu wabo tiwai yali.

Te Ugwadu Mu Bidibo Godigo te aga po pusali.

15 Agai te pḡgo ula be sele te aga ene tiwai pedelali,
 tama agai te boi bidi dabe enebaso,
 tama augwa wi tedela pai dao.

16 Genuai Bidigo te boi bidi dabeba wado po olama,
 tama aga haliga sḡḡe te bomai waligo
 augwali sela sḡbo tiwai yali.

Tama aga haliga sḡḡe te tamu aḡ
 te tigidali sula sḡbo tiwai eyu,
 tama te tḡ daḡ walali nai dabe te hanilama pedelalio.”

17 “Genuai Bidi te ugwadu bidiyu,
 tama te nogo aiyaba munama,
 tama ena ma dobola sali.
 Te genuai sigo ena mesegelali,
 tiali goli agai ena ugwaba kekasa holali.

18 Te eno boi bidi dabe augwaligo bomu ebaso,
 tama eno augwali aiyaba elaluainu
 ebo usu meni yai.

Tiali goli, Genuai Bidigo ena te augwali
 nogode ma dobola sali.

19 Te enade sḡḡe elalubo sogo
 augwaligo enaba hwjagasali.

Tiali goli, Genuai Bidigo ena tonaluali.

20 Agai ena tau sobaso, tama ena bugagia bidai.
 Agai ena godolo mu ebaso, tama agai ena ma sai
 dao.”

21 “Eno te doloba pai kolesaga wali pobaso,
 tama tiyu, Genuai Bidigo
 te wiegi yai nai hauwa enaba mawai.
 Eno te dwai sḡ me deli isiḡbaso,
 tama Godigo ena wiegi yai bugagia ilai dao.

22 Eno te Genuai Bidigo bomai po bugagia wali pali.
 Eno te ena God tudiba munama,
 tama dwai kolesaga me ebeo.

23 Eno te agai bomai po wali peyu,
 tama eno agai po te tudiba me mubeo.

24 Eno dwai sḡ yali me deli elalubeo.
 Eno te ena bilibo te bugagia tonaluali,
 tiyu eno dwai sḡ me deli idali weyu tama tiali.

25 Tama tiyu, Genuai Bidigo eno doloba pai kolesaga
 te homu kone palama, tama agai wiegi yai kolesaga
 enaba wei ponani,
 magi baso meni, ena te aga gedude

magi dwai sḡ isayu, te wiegi yai mu bidali.”

26 “Genuai Bidi, te bidi mego nage me tagalisiḡbaso
 da,
 teda nago aga me tagalugobeo.
 Te bidigo doloba pai kolesaga eyu,
 tama dwai sḡ me elalusiḡbaso da,
 teda nago agaba te doloba pai
 kolesaga naga wei ponobo dao.

27 Te bidi me deligo te wiegi yai
 kolesaga wali peyu da,
 teda nago agaba te nago wiegi yai
 kolesaga ola mobao.
 Tiali goli, bidigo te dwai kolesaga wali pobaso da,
 teda nago agaba dwai kolesaga wei ponaibao.

28 Nago te augwa digi augwa aiyaba
 elalubo we bidi ma sabo da.
 Tiali goli, nago te hagoma ebo
 we bidi dabe aiyaba elalubo dao.”

29 “Genuai Bidi, nago digi naga te enade ula da,
 tama nago enade te be hulua sai
 elalubo te sela sḡbo dao.

30 God, te nago ena tau sobaso da,
 teda eno te genuai boi bidi hani
 te aiyaba elalubaso, te usu yaibao.
 Tama nago ena daḡ walobaso da,
 eno te hanu genuai obo bolobaso, te usu yaibao.

31 Te Godigo kolesaga wiegi yai mu
 elama, tama tigidali dolo mu elalubao.
 Tama agai po te mu po naga wabo da.
 Genuai Bidi te hwjbo sabele tiwai elama,
 tama agai te agaba pabo bidi tigidali bugagia
 tonalu,
 tama augwali te boi bidi dabede
 geme wi dualalubo dao.”

32 “Genuai Bidi naga te God mu da.
 Agaduba deligo naga da,
 te genuai masigigo bagualubo tiwai elalubao.

33 God aga te ena geme duala sabo
 bomai pesage elalubo.
 Agai ena bilabo sunumi te wiegi yai nigali.

34 Agai ena bugagia bilimainu ilali,
 te bulu uni hasa te bulu du bagede
 bilibo tiwai eyu, tama ena tulaluabo
 te usu me egobeo. †

35 Agai ena te hwjbo ola mani,
 tama eno nogo bomu ilali.
 Tama eno augwaligo te brasgo nigali
 enesigi te balibi kegeyu, enebo usu yaibao.

36 Genuai Bidi, nago ena te boi bidi dabego nogode
 ma dobola sali.
 Nago enabolo te naga sabele mobaso,
 tama ena tede geme duala sai.
 Nago ena tau sobaso, tama eno genuai nogi
 te we bidi dabe gedude elaluai.

† 22:34 Hab 3:19

³⁷ Nago enaba wiegi yai sunumi mobaso,
tama eno saḡa te bedege me ebeo.
Ena pobadi, te ena me tula mubeo.”

³⁸ “Eno te boi bidi dabe
pobeasa pelama, tama augwali dolali.
Eno augwali dwai dene mu menama, dolama,
tama eno augwali tigidali silalio.
³⁹ Eno augwali tigidali enama, tama augwali tulaluali.
Augwali te eno saḡa paḡe pila muani,
tama augwali ma hodaluḡeo.
⁴⁰ Nago te hwjbo bomo enaba mani.
Tama nago te boi bidi dabe eno nogoba mawai,
tama eno augwali aiyaba elaluai.
⁴¹ Nago te boi bidi dabe enade wi pomainu ilali,
tama eno te ena godolo isiḡbo
bidi dabe te eno augwali ela silalio.
⁴² Augwaligo te augwali tau sabo bidi meba gegali,
tiali goli bidi me bidibeo.
Tama augwaligo Genuai Bidi nageba gela wali,
tiali goli te nago augwaligo gedu
haluasa po wali te me odobeo.
⁴³ Eno te augwali mu dolama,
tama augwali te tḡ hogomu tiwai pedelali.
Eno augwali agalama,
tama augwali aiyaba elaluali,
te ena pu elalubo nagame yai tḡ
elalubo sunumidu pabo tiwai yali.”

⁴⁴ “Te ena we bidi dabego enaba
boi bidi ebo sogo, nago ena tau sobaso,
tama augwaligo ena me dolobeo.
Tama nago ena te gasa we bidi
tonalubo bidi me bidimainu ilali.
Te eno augwali konesiḡwani we bidi,
megi augwali te ena dologode bidibao.
⁴⁵ Te gasa bulu tḡ pedai we bidi
dabego enade wi elama,
tama enaba kidu sugunagasali.
Augwaligo eno genuai nogide po odama,
tama polo tama augwali ena dologoba pali.
⁴⁶ Augwa bomo haga wali,
tama augwa bomai hanu tagalama,
tama augwali didibili dali enaba asai.”

⁴⁷ “Genuai Bidi sesemane sogo bidibao!
Aga te genuai masigigo ena bobegelalubo tiwai yali,
tama dago aga nogi ugwaba sao.
Godigo ena tau siyu, tama ena ma sali,
tama dago aga genuai nogi ugwaba sao.
⁴⁸ Godigo te eno boi bidi dabego
dwai kolesaga wei ponani.
Tama agai te gasa hani bage te ena dologoba muani.
⁴⁹ Tama agai ena te boi bidi dabego
nogode ma dobola sai.
Genuai Bidi, nago enaba
te we bidi dabego gedude genuai nogi manio.
Nago ena tau sobaso, tama te hwjbo
bidi dabego ena me ela mubeo.

⁵⁰ Tama tibaso, te gasa we bidi hani
tomode te eno nago nogi ugwaba saibao.
Tama eno nago nogi ugwaba sabo balia obao.” †

⁵¹ “Genuai Bidigo ena Devit te king
pedalumainu nigilali.
Tama sesemane sogo eno te boi
bidi dabe aiyaba mu elalumainu ilali.
Sesemane sogo agai ena godolo mu eyu,
tama agai eno hani nosali pedalubo bage me
te godolo homu yaibao.”

Devitgo po silagasu wabo po

23 Te e da te Devitgo po silagasu pusali po.
“Ena Devit, te Jesigo ogwa, eno te tama po wai.
Te Jekopgo Godigo ena te king nigilama, te ena
bidibao,
tama agai enabolo te we bidi gedude
genuai nogi mawai.
Tama eno te Israel dabego wabo
wiegi yai balia hauwa aḡani.
Eno te tama po obao.”
² “Te Genuai Bidigo Mobo Bidigo eno
pedauwalide te po pusali.
Eno te dagebolo wabo po te agai enabolo pusa mani.
³ Te da Israel dabego God te genuai masigi tiwai ela-
ma,
tama da bobegelalubao.
Agai enabolo te tama po wai,
‘Te king God dologode bidiyu,
tama te we bidi doloba pai
kolesagade tonalubaso da,
⁴ teda te we bidi dabego agaba
wiegi yai homu pemene eyu,
augwa te kigamude giliga bugagia naniyu,
tama te pḡgo te ula mesegelisiḡbaso,
te wiegi yai homu pemene ebo tiwai yaibao.
Tama te tulubage nosali silibo side,
te giligago te nosa ula ilali.’ Eno te po wai.”

⁵ “Tama Godigo te eno hani sibi
bomo ilama, bidimainu ilali, magi baso meni,
agai te bomai po me deli te ena dali daḡ wali,
tama agai te daḡ wali po te togolama,
me ma bologobeo. Menio.
Teda te daḡ wali po te sesemane sogo elalueibao.
Te eno godolo ebo nai tigidali, te Godigo ena
mawaibao.
Tama agai te ena te sesemane sogo
ugwaba ela holomainu ilali.
⁶ Tiali goli, te dwai bidi dabe augwali
te sesani yai bono elalubo tiwai yali,
te bidi dabego sela saḡaibao.
Te bidi mego te tobage sesane yai bono
te nogode tolalubaso, te usu me egobeo.
⁷ Te bidi mego te bono sela saḡawainu da,
agai te ain dage me, te ene sigi me selama,

† 22:50 Rom 15:9

tama te bono dabe elalubo pesagede
te deliba sisinama, tama augwali te siaba ulao.
Tama augwali tigidali te sia saibao.”
Te da te Devitgo po silagasu pusali po dao.

**Te genuai nogi elaluali te bomai ami bidi dabego nogi
e dao**
(1 Sto 11:10-47)

⁸ Te Devitgo bomai ami bidi dabego nogi te tama elaluali. Josep Basebet te Takemon hani bidi, aga te nogi elalubo hwjbo bidi selago polalubo ofisa bidi dao. Me sogo deli te Josep Basebetgo te sesemone tolalu, tama te 800 boi bidi dali hwjnama, tama agai tigidali ela muai.

⁹ Eleasar, te Dodogo ogwa, aga te sela wali genuai nogi elaluali ami bidi dabede te si wali polalubo bidi me deli dao. Aga te Ahohi hani bidi dao. Me sogo deli Eleasar te Devit dali bidai, tama te Israel dabego te Filistia dabe te hwjabo madiba sisinibo suali. Tama te Israel dabego te Filistia dabeba te hwjainu diana sali, tiali goli te Filistia dabe asobaso, te Israel ibaba habu bulu kilasa pai. ¹⁰ Eleasar aga deli naga te bomo elama dolalu, tama te Filistia dabe ela mubo sę yalio. Tama aga nogo tobalu elama, tama aga nogo te ge hwę poude holalu tolalubo tagalobeo. Te sogo Genuai Bidigo te Filistia dabe aiyaba mu elalualio. Tama nosali, te Israel dabe te Eleasarba ma begasa asali, tiali aga te Filistia dabe ela muani augwaligo suali. Tama sę me deli naga elaluali. Te isali Filistia bidi dabego hwjani doado bage sabo sę elaluali.

¹¹ Sama, te Agigo ogwa, te Harar bulu bidi, aga te genuai nogi elalubo bidi dabede te sela wali bidi aga da. Me sogo deli te Filistia dabe te Lehi buluba sisinagasai, te bidi dabego tagabi bulai gi me deli pade elaluai. Tama te Israel dabego augwali bidalubo sula-tama tama wi pai. ¹² Tiali goli, Sama te wi elama, me kilasa pabeo. Menio. Aga te gi tomode dolalu, te Filistia dabe dali bomonama hwjani, augwaligo te tų sidali weyu te tama tialio. Tama agai te Filistia dabe ela muani, tama te tiali kolesagago te Genuai Bidigo te Filistia dabe aiyaba mu elaluai dao.

¹³ Te Devitgo ami bidi dabego tobolu bidi meba elaluali, tama augwa te hani dabe nogi poyu, te 30 bomai ami bidi dabe da po wali. Tama me sogo deli Devit te genuai tų dedage te Adulam bulu dude bidibadi, tama te 30 wali bomai ami bidi dabede te ami bidi me selago te Devit aga sugi pali. Te nai inilama tau yai sabo sogo tama tiali. Tama te sogo me te Filistia ami bidi meba te Refaim bulu odogoba dulama, tama augwa bidibo pesage tede nigilama bidali. ¹⁴ Te sogo Devit te bomai geme dualalubo pesagede bidali, tama te Filistia ami dabego te Betlehem hanu salio. ¹⁵ Tama Devitgo te Betlehemde elalubo wiegi yai węba ma homu kone palama, te tama po wai, “Homu dene mu ebao,” wali, “te Betlehem hanu sunumi pade elalubo ulu wę meba tugi sogo da, teda ena wiegi yai homu pemene mu igi dao,” wali. ¹⁶ Te bomai ami bidi selago te tama po wabo odama, tama augwali hogodama, palio. Te

Filistia dabego te Betlehem hanu tonalubo te wi homu me isia ma tagalali, te bidi selago augwali dega palama, tama augwali pelama, Devitgo te po wali ulu wę tugi pai. Tama augwa te wę selasa aselama, te Devitba magasali. Tiali goli, aga te wę tuabo homu me ebeo. Menio. Agai selama, tama Genuai Bidiba te ofa tiwai eyu, gelali. ¹⁷ Tama agai te tama po wai, “Genuai Bidi, eno te wę me tugobeo. Te eno tubaso da, teda eno te bidi dabego kaneme tubo aų yaibao, magi baso meni, te augwali te wę sigi painu pali sogo, te isibogo augwali mu gegali digi tama dao,” wali. Tama tiyu, Devitgo te wę me tubeo.

**Te sę me deli te bomai ami bidi selago te tama sę yai
dao.**

¹⁸ Abisai, aga te 30 bomai ami bidi dabego polalubo ofisa bidi da wali. Aga te Joapgo ama, tama augwa si ida te Seruia dao, te we da te Devitgo abe dao. Me sogo deli sogode Abisaigo te aga sesemone tulama, tama te 300 boi bidi dali hwjnama, tama tigidali ela muai. Tama aga te sela ami bidi dabego sali genuai nogi tobage te agai me salio. ¹⁹ Agai te genuai namba mu siyu, tama te genuai nogi elalu, te augwaligo polalubo bidi dabe bidali te agai augwali ela soali. Tiali goli, aga digi aga te ami bidi selade te aga deli me kisalubeo.

²⁰ Tama Benaia, te Jehoiada te Kapsel hanu bidigo ogwa, aga me te bomai ami bidi me deli dao. Tama hauwa sogo agai te boi bidi dabe dali bomonama, hwjani. Me sogo deli agai te Moap dabe bomai ami bidi si ela muani. Tama me sogo deli sogode te talua ge tulubage te tųba tulubo side, Benaia te genuai tų dedage me deli aiyaba dulama, tama te bomai hasa laion me deli ela muani. ²¹ Tama gasa sogo agai te Isip moni dobo dwai bidi me deli ela muani. Te bidigo te sesemone tolaluali, tiali goli Benaiaigo te ni dage selama, tama aga paba pelama, tama aga dali hwjani. Tama Benaiaigo te bidigo sesemone nogode dobola selama, tama aga te sesemonego aga ma enema, ela muai. ²² Benaiaigo te bomai sę dabe yali, tama tiyu, agai te ami bidi selago te genuai nogi elalubo te to-bage genuai nogi agai me salio. ²³ Agai te sali genuai nogigo te gasa bidi sese olama, nogo si ami bidi dabego te sali genuai nogi te aiyaba elaluali, tiali goli aga te genuai nogi elalubo ami bidi selade te aga deli me kisalubeo. Devitgo te Benaiaigo te king tonalubo ami bidi dabe tonalumainu nigilali.

²⁴ Te e da te bidi sese olama, nogo si te bomai ami bidi dabe nogi te tama tiwai.

Asahel, te Joapgo ama, Elhanan, te Dodogo ogwa, te Betlehem hanu bidi, ²⁵ Sama de Elika si, te Harot bulu bidi si da, ²⁶ Heles, te Pelet hanu bidi, Ira, te Ikesgo ogwa, te Tekoa hanu bidi, ²⁷ Abieser te Anatot hanu bidi, Mebunai te Husa bulu bidi da, ²⁸ Salmon te Ahohi hanu bidi, Maharai te Netofa hanu bidi, ²⁹ Helep, te Banago ogwa, te Netofa hanu bidi, Itai, te Ribaigo ogwa da, te Benjamingo hanigo tų te Gibeana hanu bidi, ³⁰ Benaia te Piraton hanu bidi, Hidai te Gas bulu du te odogo bulu

pađe bidi da, ³¹ Abialbon te Araba hanu bidi, Asmavet te Bahurim bulu bidi, ³² Eliaba te Salbon hanu bidi, Jasengo ogwa dabe, Jonatan, ³³ Sama te Harar bulu bidi, Ahiam, te Sarargo ogwa, te Harar bulu bidi, ³⁴ Elifelet, te Ahasbaigo ogwa, te Maka bulu t̄o pedai bidi, Eliam, te Ahitofelgo ogwa, te Gilo bulu bidi ³⁵ Hesito te Karmel hanu bidi, Parai te Arap bulu bidi, ³⁶ Igal, te Soba hanu bidi Natango ogwa, Bani te Gat hani bidi, ³⁷ Selek te Amon bulu t̄o pedai bidi, Naharai te Berot hanu bidi, aga te Joapgo hw̄jbo sesemone ene dabe tolasa bilali bidi dao,

³⁸ Ira me Garep si te Itra hani bidi da, ³⁹ Uria te Hit hani bidi da. Te ami bidi dabego namba te bidi sese deli olama, nogo si olama, a naga me badu si, te tigidali usu nama te 37 ami bidi dabe dao.

Devitgo te we bidi dabe augwali nedali

(1 Sto 21:1-27)

24 Me sogo deli sogo ma Genuai Bidigo te Israel dabeba wado elama, tama agai te Devitba homu kolesaga menama, te Devitgo augwaliba te seḡe sesemone yai. Genuai Bidigo Devitba te tama po wai, "Nage pelama, te Israel me Juda we bidi augwali nedegi pao," wai. ² Tialima, Devitgo Joapba te tama po wai, te aga ami bidi dabego polalubo ofisa bidi dabeba me te tama po wali, "Nago naga ofisa bidi dabe selama, tama pelama, te dago hani Israel we bidi tigidali nedegi pao," wai. "Dage te bulu t̄o pedai tigidaliba pelama, te Dan hanu te not t̄o pedai badu, me te saut t̄o pedai, te Berseba hanu pedai badu usu nigi pelama, tama augwali nedao," wai. "Eno te we bidi dabego namba koneainu obao," wali.

³ Tiali goli, Joapgo te tama po kingba wei ponani, "King, eno homu te God, te nago Genuai Bidigo, te we bidigo namba te ugwaba mu holomainu ilama, tama augwali te umabo hauwa we bidi mu pedalumainu yao. Tama eno homugo te nage bidibadi, te pedalubo nago sumainu homu ebao. Tiali goli, te we bidi nedebos̄e te dago seḡe meni, tama tiyu magi baso nago te dwai kolesaga yabo homu ebawe?" wali.

⁴ Tiali goli, kingo bomu eyu, te Joap aga ofisa dabe daligo te po wali pao wai. Tama tibaso, augwa te king taga peyu, tama augwa pelama, te Israel hani bage nedegi palio. ⁵ Tialima, augwa te we Jordan nogelama, tama augwa te Aroerba sabolali, te hanu te Gatgo hanigo t̄o te odogo malu tomode elaluali. Tama augwa bidigi pali pesage te hanu t̄o te saut pedai badu nigilama bidali. Tama nosali augwa te Aroer tagalama peyu, tama te not t̄o pedai badu pelama, tama te hanu Jaserba sabolai dao. ⁶ Nosali ma augwa te Jaser taga peyu pelama, te Gileat bulu t̄oba pali, te Tatimhotsi te t̄o pedai badu palio. Tialima, augwa te badu bidali tagalama, tama augwali te bulu Danjanba sabolali, tama augwa baguasa pelama, tama te Saidon bulu, te giliga dega sigulubo pedai badu, teba sabolali. ⁷ Tama augwali te saut t̄o pedai badu ma begasa aselama, tama te Tair hanuba pedelagasali, te hanu te bobegelali masigi obo te bomai mu elaluali. Tama nosali augwa

te Tair hanu tagalama, tama augwa hogodama, te Hivi dabego me Kenan dabego hanu tigidaliba pali. Tama nosali mu augwali te Juda t̄o pedai saut badu te Berseba buluba sabolali.

⁸ Augwa te tigidali bulu t̄o pedai bila usu nama, tama augwa te moni hanu Jerusalemba ma asai. Augwali te bulu tigidali usu nama bilali, te polua a naga olama, me si me si, te 9 polua me te Sadede sela tama usu nama bilali. ⁹ Te augwali sabolali sogode, tama Joap pelama, te bilali po tigidali te kingba waligi pali, "Israelde te ami seḡe yabo bidi te bidi sese umabo mu, te 800,000 bidi elaluali, tama te Judade te umabo bidi sese mu te 500,000 bidi elaluali," Joapgo Devitbolo te po wali.

¹⁰ Nosali Devit aga te yali seḡe homu seḡe ebaso, tama aga Genuai Bidiba gedu haluasa po weyu, te tama po wai, "Ena te homu mu puna peyu, tama eno te bidi dabe nedalio. Tama eno te tiali kolesagade te eno dwai seḡe mu yali. Tiali goli, Genuai Bidi, eno nageba hanalu obao, eno te yali seḡe te nago sela sayao," wali.

¹¹⁻¹² Tiali goli, te side digi tama, Genuai Bidigo Gatba te po walali, te Devitgo profet bidi, te agai te tama po Devitba wagi pomainu yai. "Ena Genuai Bidi, eno po dolo obao, eno te sunumi sela nageba mobao, tama naga digi te augwali selade te me deli sa muao. Tama mena sunumi nago nigilali, te naga eno wali peyu, tama nageba te seḡe pedalumainu ilaibao," wali. Te nosali badu kigamude Devit hodalubo si da, tama te ¹³ Gatgo aga sugi pali, tama te Genuai Bidigo po agaba pusali. Tama agai Devitba te tama po hanalu wali, "Genuai Bidigo homugo te nago te sela pode te po me deli nago te daj̄ ilao. Nago homugo te genuai nasi elalubadi, te kibu be a naga olama, me si, te tama bidabo homu usu yaibawe? Ma, nago homugo te boi bidi dabego dageba hw̄jagasomainu homu elama, tama dage augwalide wi pelama, te polua sela bidibaso te usu egowe? Ma, nago homugo te nago bulu t̄o pedai we bidiba te dwai gasi te sela sogo pedalumainu ebaso, te nago homugo usu yaibawe? Nago homu kone bugagia palama da, te nago homugo wei ebo po te enabolo obaso da, tama eno nago te po selama, te Genuai Bidiba ma begasa paibao," te profet bidi Gatgo te po wali.

¹⁴ Tialima, Devitgo Gatba te tama po wali, "Nago enabolo te wali pode te ena homu seḡe mu ebao. Tama tibaso, Genuai Bidigo digi te agai mena seḡe te dabolo yabo homu ebo te seḡe emainu yao, magi baso meni, aga te olo tau sabo wiegi yai kolesaga sesemane sogo ebo God dao. Tiali goli, te eno homugo te boi bidi dabego da dolomainu ebo te eno homugo usu meni yai," wali.

¹⁵ Tama tialima, Genuai Bidigo te dwai gasi te Israel dabeba tagala palali, te sogo kigamu digi gagalama, tama agai te daj̄ ilali bodoluba usu nigi pali. Tama te bidi sese umabo bidi mu, te 70,000 we bidi isali, te tigidali bulu t̄o pedai te Dan hanu te not t̄o pedaiba daj̄ igi pelama, tama te hanu te saut te Berseba, te tama bulu t̄o pedaiba te gasi usu nigi palio. ¹⁶ Tama te we bidi dolobo seḡe ebo mobo bidi ensel, aga te Jerusalemba

sabolama, tama te Jerusalem dolainu sisi elaluali. Tiali goli, Genuai Bidigo te dwai sę te we bidiba pedalubo sęde te homu dene yali. Tama aga homu hasegelama, tama te mobo bidi enselba te tama po wai, "Tagalao, te usu dao," wai. Te sogo te mobo bidi ensel te augwa te wit nai ge siyu, tama te bo wali dabe sela sębo pesage me deli pęde te dolaluali. Te tę pedai te Arauna, te Jebus hani bidi me deligo tę elaluali.

¹⁷ Devitgo te mobo bidi ensel sulama, tama agai Genuai Bidiba te tama po wai, "Eno naga tama eno te dwai sę yali, tama eno dwai sę genuai yalio. Tiali goli, te we bidi dabe augwali, augwa te mena dwai sę ebaso, tama nago augwaliba te dene maniwe? Nago te ena me, ena we wai, dabolo naga te dene magi sogo da, usu igi tama dao," wali. ¹⁸ Tama te sogode naga te profet Gatgo te Devit sugi pelama, tama agaba te tama po wai, "Tama nage te Jebus hani bidi Araunago te nai wit sabo madi, te pesage te bulu duba ugwa holama, tama nago te Genuai Bidigo alta me deli nigao," te po wai. ¹⁹ Tialima, Devitgo te Genuai Bidigo po wali pali, te Gatgo agabolo po wali gilama, tama aga te nai wit sabo pesageba palio. ²⁰ Tama Arauna te sę ebo pesagede bidiyu, tama aiyaba tonono ebadi, tama te king me aga ofisa dabe dali augwali te agaba asobo suali. Tama aga te augwali dali deliba gesabidi unulama, tama aga te king pęba kidu sugunigi pelama, tama te tobolu basi gulama, te kingba genuai nogi mayu tama tialio. ²¹ Tama aga te tama po wai, "King, magi baso nago ena suagasu asaliwe?"

Tama Devitgo po wei ponoyu, te tama po wai, "Te eno homugo megi te nago te wit nai sabo pesage tę abelabo homu ebao," wali. "Eno te Genuai Bidigo alta te pesagede nigabo homu yali, tama te we bidiba pedelali te genuai gasi silimainu yaibao," wali.

²² Tialima, Araunago Devitba te tama po wai, "King, nago eno te tę abelainu wabo, te eno homugo tagala homu ebao. Te nago tama sao. Tama nago te ofa yabo te gasa nai me sainu da, te sao. Nago te ofa eyu, te tigidali siago domainu ulabo te bulmakau dabe me sao," po wai. "Tama nago te wit bo paulubo ni name me, te bulmakau sigo sę emainogo magede poliali ni nami me selama, tama nago te sia nogonama, tama te ofa ebo nai te siaba ulao," te po wali. ²³ "King, te tigidali doado bage te eno nageba mobao." Tama Araunago te po ma weyu, te tama po wai, "Eno homugo te God, nago Genuai Bidigo, te nago agaba ofa ebode te wiegi yai homu pemene emainogo yao."

²⁴ Tiali goli, kingo agaba te tama po wai, "Te eno ena digi te sę dene isięwai nai te eno olo selama, te Genuai Bidiba te ofa tiwai eyu magobeo. Tama tibaso, eno nago te doado bage abelaibao," wali. Tialima, Devitgo te tę pedai me, te bulmakau dabe dali, te silva mone bidi sese te 500 kinago abelali. ²⁵ Tama Devitgo te Genuai Bidigo alta me deli te pesagede nigilama, tama te siago tigidali dabo ofa me, te God dali deli homu pedalubo ofa me, yalio. Tama nosali, Genuai Bidigo te bidi dabego augwa bulu tę pedai te bugagia wiegi yai emainu, te gedu haluasa po wabo odali. Tama agai te Israelde elaluali te gasi silalio.

Te Israel me Juda Hani Sigo Tuni Bidigo Po

Elalubo Buku Deli

Hasia nedabo tau sabo po

Te buku nogi 2 Samuelgo dabolo haniani sę po ola mabo dao. Tama e buku 1 King agai te buku 2 Samuelde elalubo po te nosali pedelali sę dabede po pusubao. Agai te king Devit bidibo ula elalu, te sę siminagasabo sogo bidali po pusubao. Tama me agai te king Solomon bidu yabo sę po weyu, te Israel hani pedelama, te tų kantri si pedelali, te side nosali gasa king dabe pedelama bidali po me obao. Te profet dabe me badugo po me elalubao. Augwaligo te Godigo po pusubo sę eyu, tama te king dabebolo wiegi yai sunumi dabe ola mayu, tama te we bidi dabego wali pomainogo yali. Te profet dabede te tiwai wiegi yai po pusali profet bidi me deli nogi e da, te bidi Elaisa dao.

E buku dao, te buku si 1 Samuel me 2 Samuel tiwai dao. Magi baso meni, agai po odolali pusubeo. Agai te king dabego ebo sęde po pusali sogo, agai augwaligo kolesaga me dagalobo dao. Te Genuai Bidi dologode bidali king dabe da, augwalide wiegi yai nogi elaluai, tama augwali king bidibo sogo, te Israel hani augwali te bugagia dologode bidali. Tiali goli, te hagoma elama, Godigo po sela sawani king dabe da, augwali nogi dwai sali. Te tiwai king dabe augwali bidali sogo, te Israel hani augwali dolali. Te king hauwago dwai sę eyu, te bulu du dabeba holama, te tibo god dabeba lotu po wagi pabo kolesaga iduali. Te tama tiali kolesagade te Godiba genuai haliga sęę maduai dao.

Solomon te Israel king bidi bidali

(Dąj 1-11)

King Devit te monu dabe mu pedelali

1 Megi da, king Devit te monu dabe mu pedelalio, tama sesemane sogo aga tigi te kedau yali. Tama augwaligo te ugwa blanket dabe selama, aga banulani, tiali goli te blanket dabego aga tigi dwasianu posolo me ilibeo. Menio. ²Tama tiyu, aga ofisa bidi dabego agabolo te tiwai po wai, "King, dago homugo te nage dali bidiyu, te nage tonaluabo gesi wegi we me deli te gegabo homu eba. Aga te nage dali pibas, te nage tigi posolo ilimainu yaibao," wai.

³Tama tialima, augwali te Israel tų pedai tigidaliba biligi pelama, te gasa sawi yai sawi wegi ogwa we me deli gegegi pali. Tama augwaligo te Sunem bulu wegi Abisak sulama, tama aga te kingba selasa asali.

⁴Abisak aga te gasa sawi yai wegi mu dao. Tama agai

te king bugagia tonalu, tama aga tau sali, tiali goli kingo te aga dali gagali me ebeo.

Adoniya te king pedelainu yali

⁵⁻⁶Adoniya aga te Devit de Hagit dali sigo ogwa da. Te Hagitgo aga ame nani, te Apsalomgo idago te Apsalom bolo ame nai madi te nosali aga ame nani. Adoniya te gasa sawi yai gesabidi yai bidi mu da. Te aga ogwa bidi bidali sogode gagalasa, te megisogoba usu nagasu, te aga ayago aga dali wado po weyu, ma te aga dodoliyu me ebeo. Tialima megida, aga te king pedelabo homu elama, bomoyali. Tama agai te karis meba me, hos me, te karisdu polasa pabo bidi te bidi sese si olama, nogosi bidi, te 50 bidi me te sogo te aga gasaba painu te tama bidi selama pai. ¹⁷Agai te Joapba po migi pali, te Seruiago ogwa, tama te pris Abiatar dali me te po olama, tama augwali sigo aga dali te deli homu yalio. ⁸Tiali goli, pris Sadok me Benaia, te Jehoiadago ogwa, tama te profet Natan me, Simeime, Reime, te king tonalubo ami bidi dabe me, augwaligo te Adoniya dali deli homu me ebeo.

† 1:5-6 2 Sml 3:4

⁹ Me sogo deli sogode te Adoniyago te ofa yainu, tama aga te augwa nogi ebo bulu meba pali, te Masigi Hasamani wai, te dwasianu wẹ Enrogel pade elaluali. Agai te sipsip dabe me, te omai bulmakau me, te nisai bulmakau wai me elama, tama te kibu dabe augwali te Godiba ofa ilali. Te aga ofa yainu ebo sogo, agai te kingo gasa ogwa dabe tigidaliba, me te kingo ofisa te Juda dabe te po ola toliyu, tama agai augwaliba hanalu, te ofa ebo genuai nai ulubo madiba asao po wali. ¹⁰ Tiali goli, agai te profet Natanba me, Benaia me, te king tonalubo ami bidiba me, te aga ama Solomonba me, te po me ola toloboe.

Te Solomon king pedalai

¹¹ Tialima, profet Natan te Solomongo ida, te Batseba, bidibo madiba pelama, tama agabolo te tama po wai, "Adoniya, te Hagitgo ogwa, te aga digi te king pedelainu ebao, tama king Devitgo te se ebo me konebeo. Nago te tebo se ebo po odaliwe, ma meniwe? ¹² Te augwaligo nage dali, te nago ogwa Solomon dali elebo te nago hagela homu ebaso da, teda nago eno te e wabo po wali pao," po wai. ¹³ "Nage te king Devitba polo pelama, tama agabolo te tama po wao, 'King, polobadu nago enaba te bomai po day waliyu, te eno wai Solomongo te nago se yali pesage selama, te king pedelaibao wali. Tiali goli, magi baso tama megi da te Adoniya king pedelainu ebawe? Nago te po Devitbolo wao. ¹⁴ Tialima, Batseba, nago te king Devit dali po midubadi, te ena tomoba asiyu, tama nago pode eno te mu po dao waibao," Natango te po wali.

¹⁵ Tialima Batseba pelama, te king aga pibo be habuba sugi pali. King te monu dabe mu yai digi, tama Abisak, te Sunem bulu wegigo, te aga tonalubo se yai dao. ¹⁶ Tama Batsebago te king paba tobolu basi gulubaso, tama kingo agaba te tama po hanalu wali, "Nago magi nai godolo ebowe?" ¹⁷ Tialima, Batsebago agabolo te po wali, "Eno king o, polobadu nago digi bomai po me deli te ena dali day walali, te dena Genuai Bidi Godigo nogide te tama po wali. Nago bomai po day waliyu, te eno ogwa Solomongo te nage hasegelama, tama te king pedelama, tama te nage king bidali siade dulaluaibao po wai dao. ¹⁸ Tiali goli, megi Adoniya te king pedelalio, tama nago te se ebo konebe dao. ¹⁹ Tama agai te bulmakau omai hauwa, me te nisali bulmakau wai hauwa, me te sipsip hauwa badi te elama, tama te ofa yali. Tama agai te nago ogwa tigidaliba, me te pris Abiatar, me Joap, te ami bidigo polalubo ofisa bidiba te po ola tolobaso, tama augwali agai te nai ulubo madiba pali. Tiali goli, agai te Solomonba hanalu, te augwali dali pina po me wabeo. ²⁰ Eno king, te odao. Te Israel we bidi tigidaligo te nageba digi te tonalu, te dego mu nage hasegelama, te king pedelabo po nago digi wabo te tonalubao," te po wai. ²¹ "Te nago augwaliba megi po walisiqbaso da, teda nage isai madi da, te bidi dabego ena dali me eno wai, Solomon, da si te bidi me we dwai subo tiwai eyu,

tama augwaligo da si ela muaibao," Batsebago te tama po wai.

²² Batsebago po odubadi, tama te profet Natan te kingo beba sabolagasalio. ²³ Tialima, te kingo se ebo bidi dabego te kingba te po walali, "Profet Natan ase-lama, te nage suagasainu ebao," wali. Kingo usu da po obaso, tama Natan te be tomoba pelama, tama kidu sugunama, tama te king pade te aga tobolu tpa basi gulalio. ²⁴ Tama Natango Devitba te tiwai po wai, "Eno king dao, te nago po obaso, tama te Adoniyago te nago se yali pesage selama, tama te king pedelama, tama nage te king dualalubo sia saide bidimainu homu eba, agawe? ²⁵ Magi baso meni, megi te sogode naga Adoniya te me badu me pelama, tama te bulmakau hauwa me, sipsip me, te nisali bulmakau wai dabe me, te hauwa elama, tama agai te Godiba ofa igi palio. Tama agai te nago ogwa dabeba hanaluyu, tama te ami ofisa dabeba me, te pris Abiatarba me hanalu elama, te aga dali nai tuagasao po wai. Tama megi da, augwali te nai me we me tubo se eyu, tama te Adoniyaba i weyu, wiegi yai homu pemene ebo po te tama waibao, 'Adoniya te bobage sogo king bidimainu yao,' po obao," wali. ²⁶ "Tiali goli, agai te enaba me, te pris Sadokba me, Benaia me, te Solomonba te po me ola toloboe. ²⁷ Tama king, magi yaibawe? Nago te se ebo usu da homu yaiba, agawe? Te tiyu da, teda magi baso nago te naga ofisa dabeba te po waliyu, te bidigo nage hasegelama, tama te king pedelaiba po wai meni dawew?" profet bidi Natango Devitbolo te po wali.

²⁸ Tialima, king Devitgo te se bidi dabeba te po walam, te Batseba i olama ma asao po wai. Batseba aselama, tama te king paba dolagasali. ²⁹ Tama kingo agabolo te tama po wali, "Te Sesemane Sogo Bidibo Genuai Bidigo, agai ena tau selama, tama ena te tobage tigidali sege de ma dobola sai dao. ³⁰ Tama agai nogide te eno mu po nageba obao, megi e sogode naga eno te polobadu nage dali te Israelgo Genuai Bidi Godigo nogide te nage dali day walali bomai po te usu niba kadu weyu, usu naibao. Eno day wali bomai po te tama tiwai, te nago ogwa Solomongo eno se yali pesage te hasegelama siyu, tama ena te king bidali sia saide bidaibao po wai dao," wali.

³¹ Batsebago te po odobo si da, teda te aga kidu sugunama, tama tobolu basi gulama, tama Devitba te tama po wai, "King, nage eno genuai bidi, tama eno homugo nage sesemane sogo nage bugagia bidimainu homu ebao," te po wai.

³² Tama te king Devitgo te se bidi dabe augwaliba te po walali, "Dage pelama, te Benaia, me pris Sadok, me profet Natan, te augwali i olama, tama augwaligo ena suagasa po walao." Te sela bage asobo si da, ³³ teda te kingo te tama po augwaliba wali, "Dagego te Solomon te eno donkiba duagulao po walama, tama dage dali, te ena tonalubo ami bidi dabe daligo, aga te we Gi-honba selasa piqo," po wai. ³⁴ "Tama tede, te pris Sadok me profet Natan sigo te wel te Solomon toboluba gelao, te aga te Israel king pedalumainogo te tama tiao. Dagego te se ela silibo si da, teda dagego te bi-

ugel bu weyu, tama te tiwai i waiḳo, 'Solomon da, te bobage sogo king bidaiba,' po waiḳo," po wai. ³⁵ "Tama dage aga wali ma aselama, tama aga te ena king bidali sia saide duayagasaibao. Tama agai eno sę yali pesage te hasegelama, tama te king pedelaibao, magi baso meni, te eno aga te Israel me Juda hani bagego king pedalumainogo nigilali," Devitgo te po wai.

³⁶ Tama Benaiaḳo kingba te tama po wai, "Wiegi yai dao, te dago homugo te God, dena Genuai Bidigo, te nago po wali te tigidali sę dabe te tiwai tama ped-alumainu yaibao. ³⁷ Tama Genuai Bidi te Solomon dali bidiyu, te aga tau somainu yaibao, te agai nagede yali gilama tiwai emainu yaibao. Tama me te Godigo Solomon te wiegi yai bomai king pedalumainu elama, tama te genuai nogi elalu, te nago genuai nogi elaluali te aiyaba elalueibao," wali.

³⁸ Tama tialima, te Sadok, me Natan, me Benaia, me te king tonalubo ami bidi dabe dali, te augwali Keret me Pelet dabe, augwaligo te Solomonba po obaso, tama aga te king Devitgo donkide duagulama, tama augwaligo aga te wę Gihonba odasa pali. ³⁹ Sadok te Genuai Bidigo ugwa beba pelama, tama te sipsip gaḳde augwa te oliv wel tabia muai te sali. Tama augwali te wę Gihonba sabalobo sogo, agai te kibu gaḳ selama, tama te wel meba te Solomongo toboluba gelali, te aga king pedalumainu sa munama nigilali. Tama augwa te biugel bu obaso, tama tigidali we bidi-go te tiwai i wali, "Solomon te bobobage sogo king bidaibao," po walio. ⁴⁰ Tigidali we bidigo te Solomon wali peyu, te Jerusalemba ma pepelayu, tama augwa wiegi yai homu pemene mu eyu, tama i weyu, te ona eliyu yali. Augwaligo i wabo te bomonama mu obaso, te tḳ mali ebo tiwai usu yalio.

Adoniya te king Solomonde wi yali

⁴¹ Adoniya dali, te aga hani bage dali, augwali te nai tula silama da, tama augwaligo te genuai i wabo odali. Tama Joapgo te biugel bu wabo odama, tama agai te po wai, "Te magi sę eyu, te genuai kulukulu te Jerusalemdede pedalobowe?" wali.

⁴² Te Joapgo po odubadi yaide, Jonatan, te pris Abi-atargo ogwa, te augwali bidibo madiba sabolali. Tama Adoniyago agabolo te tama po wai, "Nage asao," wali. "Nage wiegi yai bidi da, te nago daba te wiegi yai po sela asai da, te homu ebao," wali.

⁴³ Tiali goli, Jonatango Adoniyaba po wei ponoyu, te tama po wai, "Hobede da, eno te wiegi yai po me sela asobeo, magi baso meni, dago genuai bidi king Devitgo te Solomon king pedalumainu ilali. ⁴⁴ Devitgo te pris Sadok dali, te profet Natan me, Benaia me, te king tonalubo ami bidi dabe me tagala palama, tama augwali te Solomon dali pai. Tama augwali pali sogo, Solomon te king Devitgo donkide digi dugulasa pai.

⁴⁵ Tama augwali te wę Gihonba pali, tama Sadok de Natan dali sigo te Solomon toboluba wel gelama, tama aga te king sa muyu nigilali. Tama augwa te i weyu, wiegi yai homu pemene elama, tama te Jerusalemba ma aselama, tama megi da, te Jerusalem

bidi dabego me te i hai weyu, tama kulukulu genuai mu wali. Te kulukulu wabo naga megi nago odalio.

⁴⁶ Tama megi da, Solomon te king dugulalubo sia saide dugulalubao," po wai. ⁴⁷ "Tama te kingo ofisa bidi dabego me te king Devit sugi pelama, tama agaba wiegi yai homu pemene yai. Augwa te tiwai po wai, 'Godigo digi te Solomon te wiegi yai bomai king ped-alumainogo ilama, tama agai te Solomongo genuai nogi ilibogo te nago genuai nogi elaluali te aiyaba elalueibao.' Augwaligo te po wai. Tialima, te king Devit te aga betde bidiyu, tama te Godiba genuai nogi mayu, te agai tobolu basi gulali. ⁴⁸ Tama agai te po wai, 'Dago te Godigo nogi ugwaba sao, te da Israel dabego Genuai Bidi dao, magi baso meni, megi agai te ena ogwago ena hasegelama, tama eno sę yali pesage siyu, te king pedelali, tama agai enabolo te agai yali sę eno sumainu ilali. Dago te Godiba wiegi yai homu pemene inao,' Devitgo te po wai," te bidi Jonatango te po Adoniyabolo wali.

⁴⁹ Te Adoniya dali dugulaluyu nai tudali bidi dabego te Jonatango te po wabo odama, tama augwali wi dwai mu yai. Tama augwali hogodama, tama te Adoniya taga peyu, tama augwali tedela palio. ⁵⁰ Adoniya te Solomonde wi elama, tama aga te Genuai Bidigo ugwa beba wi tomoba pelama, tama te alta dage badu te dolalugi pali, te bulmakaugo gaḳ tiwai naiba te kisa si-gi pali. ⁵¹ Tama bidi mebago te king Solomonba te ti-wai po wagi pai, "Adoniya aga te nagede wi ebaso, tama te Genuai Bidigo name ugwa beba pelama, tama te alta dage badu kisa sigi pelama, dolalugi pai, te aga bugagia bidaiba homu elama, te tama tiali. Tama agai te tiwai po walio, 'Eno te alta tolaluyu kisalubo te me tagalisiḳama, te king Solomongo bomai po te Genuai Bidigo nogide daḳ weyu, te agai ena ela mugobe po wabo si, teba usu naibao,' te po wai."

⁵² Tialima, Solomongo augwaliba te tiwai po wei pon-ai, "Te agai wiegi yai kolesaga wali peyu da, te eno agaba dwai sę me iligobeo. Tiali goli, te agai dwai kole-saga eyu da, teda aga isaibao," po wai. ⁵³ Tama king Solomongo te bidi meba tagala palama, tama Adoniya te altade kisalubo te sigi pomainu yali. Tama augwali-go aga te Solomonba selasa asali, tama Adoniyago te king paḳba kidu sugunama, basi gulali. Tama te king Solomongo agaba te tiwai po wai, "Naga beba pao," walio. Devitgo te Solomonba silagasu wabo po mawai

2 Te Devitgo koneani, te dwasianu paḳde sogo tama aga isabo homu ebaso, tama tiyu, te aga ogwa Solomonba te po dabe pusa mawai. ² Agai te tiwai po wali, "Te megi da, te paḳde ena isaibao. Nage te bidi mu tiwai bomonama dolaluyu, tama naga te sę yao.

³ Tama nago te tigidali sę te God, dago Genuai Bidigo, te nagebolo yao po wali sę te yao. Nage te wiegi yai sunumidu bilao, te agai daba te tiwai tama sa muani, tama nago te bomai po tigidali wali peyu, tama aga po te Mosesba mani bomai pode te po elalubao. Tama te nage mena badu pedaide bidibaso da, te tagala, tama te Godigo nage tau siyu, te nago ebo sę tigidali te wie-gi yai pedelaibao. ⁴ Genuai Bidigo te bomai po me deli

enaba daꝓ waliyu, tama enabolo te tiwai po wai, 'Devit, te nago hani ogomanigo te sesemane sogo ena wali pabo bomo eyu, tama augwa homu sese teba muyu, tama eno gedude te bugagia dolo bilibaso da, teda sesemane sogo eno te nago hani me deli te Israelde king pedalumainogo ilaibao.' Genuai Bidigo te tama po wai. Tama tialima, Solomon, nago agai po tigidali te bugagia wali peyu, tama agai te enaba daꝓ walali bomai po te togolidali weyu te tama tiao," Devitgo te po wali.

⁵ "Tama odao, nago koneani, eno te Seruiago ogwa te Joapgo dwai kolesaga yalide te eno genuai seꝓe elalubao. Agai te Israelde te polalubo ofisa bidi si ela muani, te Apner, te Nergo ogwa, me te Amasa, te Jetergo ogwa ela muani. Agai augwali si te hwjbo side me ela mubeo. Menio, agai te bidi si te odolali tama ela muani, tama te dwai seꝓ yali seꝓe te agade daganalubo dao. ¹⁶ Nago te naga wiegi yai homu kolesagade wali peyu, tama aga te dwai seꝓ yali kolesagade wei ponao, tiali goli nago aga te odolali monu dabe elama, te isimainu me elamuo," wali.

⁷ "Tiali goli, nago te Gileat bulu bidi Barsilaigo ogo- mani te bugagia wiegi yai ilama, tama augwali te nago hani dabe dali duayagaselama, te nai tumainu yao. Magi baso meni, te ena nago ama Apsalomde wi pali sogo, te augwaligo ena bugagia nai mayu, geseyu yai dao," wali. ^{††}

⁸ "Tama Simeï, te Gerago ogwa, te Benjamin hanigo tꝓde te Bahurim bulu bidi, aga me bidali. Polobadu ena te Mahanaim tꝓba pali sogo, agai enaba te po dwai mu weyu, tama te ena dolomainu te Godiba hanalu wai. Tiali goli, ena ma asali sogode, aga te weꝓ Jordanba dulama, tama ena dali gesabidi deliba un- unani, tama eno te Genuai Bidigo nogide bomai po daꝓ waliyu, te eno aga me ela mugobeo wali. ⁴⁹ Tiali goli, te nago agaba te dwai dene mao. Nago homu kolesaga te wiegi yai elama, te nago aga ela muainogo te mena sunumi wali pabo te konebaso, te aga ela muao," te po wai.

Devit isai

¹⁰ Tama nosali, Devit isilama, tama augwaligo aga te Jerusalemde pubulali, te hanu pedai augwa te tama nogi poali "Te Devitgo Hanu da," wali. ¹¹ Aga te Israel tꝓde te king bidibadi, te kibu be bidi sese si, te 40 yia bidai. Aga hasia bolo te Hebronde king bidibadi, te kibu be a naga olama, me si elama, tama nosali te Jerusalemde king bidibadi, te 33 kibu be bidali. ^{††12} Devit isibaso, tama aga ogwa Solomongo te aga bidali pesage hasegelama, tama te king pedelai. Tama Solomon te bomai king pedelali, tama bidi mego aga aiya elalueinu ebo te usu meni yai dao. ^{‡‡}

Augwaligo te Adoniya ela muai

¹³ Me sogo deli Adoniya, te Hagitgo ogwa, aselama, te Batseba suagasali, te Solomongo ida dao. Tama Batsebago agaba hanalu wali, "Nago te wiegi yai po me wagasiyu asai dawe?"

Tama Adoniyago po wei ponoyu, te tiwai po wai, "Awe, te dolo dao." ¹⁴ Tama agai po te ma weyu, te tama po wali, "Eno te po me deli dwasianu elalubao."

Tama Batsebago agabolo te tama po wai, "Te usu da, nago te po enaba wao," po wali.

¹⁵ Tama Adoniyago te po wali, "Nago koneani, te hasia bolo te Israel bidi tigidaligo te ena king pedelaiba homu yai. Tama ena te king pedaligi digi, te Genuai Bidigo homugo digi te eno ama king pedalumainu elama, tama ena meni yanio. ¹⁶ Tialima, megi da, eno hanalubo po deli naga elalubao. Tama eno homugo nago eno te hanalubo pode usu da po omainu homu ebao." Tama Batsebago te po wai, "Nago enaba olama, tama eno odaibao," te po wai.

¹⁷ Tialima, Adoniyago agabolo te po wali, "Eno homugo nago te king Solomonba hanalugi pomainu elama, tama agai enabolo te Sunem bulu we, te Abisak, so- mainu usu da po omainogo te homu yai. Eno koneani, te kingo nago po sela saꝓobe da homu yai."

¹⁸ Tama Batsebago te Adoniyaba te tiwai po wai, "Te usu da, te ena pelama, te agaba hanalugi paibao," wali. ¹⁹ Batseba pelama, te king Solomon sugi pelama, te agaba hanaluyu, te Abisak te Adoniyago sabo po hanalugi pai.

Kingo te Batseba asobo sulama, tama aga dolugula- ma, tama kidu sugunu gulama, tama tobolu basi gula- ma, te aga idaba genuai nogi mayu te tama tiali. Tama aga te king dulalubo sia saiba ma duagulama, tama te seꝓ bidi dabeba weyu, te augwaligo sia sai me deli sela asao olama, tama aga te king dugulalubo sia sai paꝓe te aga dolo nogo badu munama, tama Batseba te sia saiba duagulali.

²⁰ Tama Batsebago te tiwai po wai, "Eno homugo nageba te po me deli dwasianu hanalu wainu ebao, tama eno homugo nago eno te hanalubo pode usu da po omainu ebao."

Tama Solomongo te tiwai po wei ponani, "Ida, nago te hanaluyu bolo yao. Nago koneani, eno nago te hanalubo pode te po olamo po me wagobeo."

²¹ Tialima, Batsebago te tama po wali, "Eno homugo te nago ama, Adoniyago, te we Abisak somainu homu ebao."

²² Kingo te hanalubo po odama, tama aga wado po weyu, te tiwai po wali, "Magi baso nago enaba te Abisak te Adoniyaba mao po hanalubawe? Te tiwai ebaso da, teda nago enaba dolo hanaluyu, te agai ena hasegelama, tama te king pedalumainogo ilibewe, magi baso meni, aga te eno ama genuai bidi dao. Tama nago te pris Abiatar me Joap, te Seruiago ogwa, te augwali sigo hanalu wali po me sela asobewe?" te po wai. ²³ Tialima, king Solomongo te Genuai Bidigo nogide te bomai po te tiwai wali, "Adoniyago te wali po

† 2:5 2 Sml 3:27; 2 Sml 20:10 †† 2:7 2 Sml 17:27-29 ‡ 2:8 2 Sml 16:5-13; 2 Sml 19:16-23 ††† 2:11 2 Sml 5:4-5; 1 Sto 3:4 ††† 2:12 1 Sto 29:23

te geda muani elalubao. Tama tibaso, eno te aga ela muaibao. Te eno te tama tisabaso da, teda eno homugo Godigo ena ela mumainao. ²⁴ Magi baso meni, Genuai Bidigo digi ena tau sobaso, tama ena daꝝ walama, tama eno te ena aya Devitgo seꝝ yali pesage selama, tama ena te king bidibao, te polobadu Genuai Bidigo te enaba me te eno haniba te tiwai bomai po daꝝ walali. Tama te Sesemane Sogo Bidibo Genuai Bidi nogide, te mu tama, megi tama te Adoniya te isaiba," walio. ²⁵ Tialima, king Solomongo te po wali, tama Benaia pelama, te Adoniya ela muani.

Solomongo Abiatar te pris seꝝde sela saꝝwani

²⁶ Solomongo te pris Abiatarbolo te tiwai po wali, "Nage te hanu Anatotba ma pelama, tama naga tꝝba bidigi pao," wali. "Nago te dwai seꝝ yai elalubaso, tama nage isimainu yaibao, tiali goli te eno nage me eligobeo. Magi baso meni, polobadu nage te eno aya Devit dali bidai, tama nago te dena Genuai Bidigo te Daꝝ Wali Bomai Po Muani Halobage tolasa bilali. Tama Devitgo te seꝝge me dwai seꝝ hauwa tolali sogo da, teda nage aga dali bidiyu, tama nago me te seꝝge dabe toliyu yai dao." Solomongo te po wai. ^{†27} Solomongo te Abiatar te Genuai Bidigo pris seꝝ yali te sela saꝝwani, tama te kolesagade agai te Genuai Bidigo polobadu te Silo bulude te mena seꝝ te pris Eligo haniba pedalu-bode te wali poba usu niyu, tama te tiwai yai dao. ^{††}

Augwaligo te Joap ela muai

²⁸ Te Joapgo te Apsalom dali me kisasiꝝwai, tiali goli agai te Adoniya tau salio. Tama agai te Adoniya me Abiatar dali side pedelali seꝝ dabe po odama, aga te wi ebaso, tama te Genuai Bidigo ugwa beba wi pelama, tama te alta dage badu kisa sigi pelama, dolalugi pai dao. ²⁹ Tama bidi meba pelama, te king Solomonba te tiwai po wagi pali, "Joap te udulama, te Genuai Bidigo ugwa be tomoba pelama, tama te alta sabi badu tolalubao," po wai. Tialima, Solomongo Benaia ba te po olama, tama te Joap ela mugi pao po wali.

³⁰ Tama Benaia te Genuai Bidigo ugwa beba pelama, tama Joapbolo te tiwai po wai, "Kingo te po wai, nage te pesagede bidibo tagalama, te buluba dia soa po wali."

Tiali goli, Joapgo te po wai, "Woo, menio, ena te buluba me dia soagobeo," wai. "Nago ena ede tama ela muao," wali.

Tialima, Benaia te kingba ma begasa pelama, tama agaba te Joapgo wali po wagi pali. ³¹ Tama kingo Benaibolo te tiwai po wei ponani, "Te usu da," wali. "Nago te agai homu wali pelama, tama aga te bidibo pesagede elao," wali. "Tama agai tigi tolasa pelama, pubaligi pao. Joapgo te magi dwai seꝝ me isiꝝwai bidi dabe te odolali ela muai, tama agai te dwai seꝝ yali kolesaga enade me, te eno ayago hanide me elaluali. Tama nago te aga elao, tama agai te dwai seꝝ yali seꝝge dade te ma elalugobeo. ³² Genuai Bidigo te wei ponobo dwai

kolesaga te Joapba me iduaibao, te aga yali dwai seꝝde te tama tiaibao. Joapgo te Nergo ogwa, Apner, te olo dali elali, tama te Amasa, te Jetergo ogwa me elali. Apner te Israelde ami bidi dabego polaluali ofisa bidi, tama Amasa te Juda bage ami bidi dabego polaluali ofisa bidi da. Te bidi si te wiegi yai bidi si, tama te magi dwai seꝝ me isiꝝwai, tama augwali sigo kolesagago te Joapgo kolesaga aiyaba elaluali. Tiali goli, Joapgo te eno ayabolo po me wasiꝝma, tama agai te aga homugo digi te bidi si ela muai dao. ³³ Eno homugo te Genuai Bidigo Joapgo te dwai seꝝ yalide te seꝝ yali homu kone palidu, te sesemane sogo te Joapba me te aga hani nosali pedalubo bageba te dwai dene maduaibao," wali. "Tiali goli, sesemane sogo Genuai Bidigo te Devitgo haniba te bugagia bidimainu ebo kolesaga mayu, tama agai hanide te pedalubo tigidali kingde te tiwai yaibao," Solomongo te po wai.

³⁴ Benaia go te po odama, tama aga te Genuai Bidigo ugwa beba ma pelama, tama te Joap ela mugi pai. Tama augwa te Joapgo tigi te aga beba sela pali, te bulu tꝝ pesage wai madi, tama augwaligo aga te aga be paꝝde pubulali. ³⁵ Tama kingo Benaia te ami bidi dabego polalubo ofisa bidi nigilali, te Joapgo pesage agai hasegelama sali. Benaia te Jehoiadago ogwa dao.

Tama kingo te pris Abiatargo bidali pesage te pris Sadokgo hasegelama somainu nigilali.

Augwaligo te Simeia ela muai

³⁶ Te Joap isai madi, tama nosali kingo te Simeia i olama, asobo side tama agabolo te tiwai po wai, "Nago be me deli te Jerusalemde seꝝnama, tama nage te bedebidao. Tama nago munu me te Jerusalem tagalama, tama gasa tꝝ bogo badu me pelamuo," wai. ³⁷ "Te nago te weꝝ Kidron bolama, tama te hanu Jerusalem dali daꝝ elalubo taga pali da, teda polo tama eno te nage ela muaibao. Tama nage te naga digi yali dwai seꝝde isaibao," wali.

³⁸ Tialima, Simeigo te po wei ponani, "King, te nago po te wiegi yai da, tama eno nago te po wali gilama te tiwai yaibao," wali.

Tama tialima, Simeia te bobage sogo mu te Jerusalemde bidai. ³⁹ Te kibu be sela bidama da, tialima te Simeigo olo seꝝ ebo bidi si te Get hanuba wi pelama, tama te king Akis dali bidai, te Makago ogwa da. Tama bidi mebago te Simeiba te tiwai po wali, "Nago seꝝ bidi si te Get hanude bidibao," po wai. ⁴⁰ Tialima, polo tama Simeia te aga donkiba duagulama, tama te king Akis bidibo Get hanuba pali, te aga seꝝ bidi si gegi pali. Te agai augwali si gegali sulama da, agai te augwali si te Jerusalemba selasa asali.

⁴¹ Tama Solomongo odali, Simeigo te Jerusalem tagalama, tama te Get hanuba pelama, tama ma asali po odali. ⁴² Tama agai te Simeia i olama, asobo side te po agabolo walali, "Eno te Genuai Bidigo nogide te bomai po nageba daꝝ walali, te nago te Jerusalem tagalama, te gasa tꝝba me pelamuo po wai. Tama eno po bomo elama, nageba weyu, te tiwai po wali, 'Nago te hanu taga pali da, teda polo tama te eno nage ela

muaibao,' po wai. Tama nago te tiwai po enabolo wai, 'Te usu da, te eno nago po wali paibao,' po wai dao. ⁴³ Tialima, magi baso nago te Genuai Bidigo nogide daꝥ walali bomai po te togolama, tama nago eno po sela saꝥwaniwe? ⁴⁴ Te nago dwai kolesaga te nago eno aya Devitba yali, te nago koneai. Tama megida, nago te yali kolesagade, te Genuai Bidigo te nageba dene mawainu ebao," wali. ⁴⁵ "Tiali goli, te Genuai Bidigo te ena bugagia wiegi yai iliyu, tama sesemane sogo agai te Devitgo hani bidi dabe te king pedalumainu ilaibao," wali.

⁴⁶ Te Simeipai madi, tama te kingo te Benaiabolo walama, te aga ela mugi pao po wai. Tialima, te Benaiago te king tagalama, pelama, tama te Simeipai mugi pali.

Megida, Solomon te bomai king mu pedelama, tama te bidi mego aga aiyaba elaluainu ebo te usu me ebeo.

Solomongo te Godiba gedu haluasa po weyu, te agaba wiegi yai homu kolesaga momainu yai
(2 Sto 1:3-12)

3 Solomongo te Isip king bidigo wegi sai, tama te kolesaga yaligo agai te Isip king bidi dali te bomai po daꝥ walali, tama te bulu tꝥ pedai kantri si te bugagia bidiyu, tama te hwiyu me ebeo. Solomongo aga we te Jerusalem te Devitgo Hanuba odasa asali. Tama te Solomongo te aga be me, te Genuai Bidigo tempel be me, te Jerusalem obo bagulu, tama te seꝥ dabe ebadi yali sogo, te we aga dali te sogo tede bidali.

² Polobadu te Israel dabego te Genuai Bidigo be me deli te dolo me sesiꝥwai, te augwa Genuai Bidiba lotu wabo digi tama, tama tiyu, te we bidi dabego te Genuai Bidiba ofa ebo seꝥ te lotu wabo pesagede te bulu du bage dabede ofa eyu yai dao. ³ Solomongo te Genuai Bidi godolo mu elama, tama agai te wiegi yai kolesaga dabe wali pali, te aga aya Devitgo kolesaga tiwai yali, te agabolo te tiwai tama yao po wali. Tiali goli, agai me te kibu dabe elama, tama te lotu wabo pesagede te Genuai Bidiba ofa eyu yai, te bulu du bage dabede tama iduai. ⁴ Gibeon te lotu wabo polalubo pesage tama, tama tibaso me sogo deli Solomon te Gibeonba pelama, ofa igi pai. Solomongo te bidi sese hauwa umabo, te 1,000 omai kau kibu dabe odasa pelama, tama te siago tigidali domainu ulubo ofa te Gibeon altade te ofa yai. ⁵ Tama te hulide Solomon te Gibeonde godege piapai madi, tama te nade te Genuai Bidi agaba pedelali. Tama Godigo te tiwai po wali, "Te nago mena nai godolo eyu, te enaba hanalu obaso da, tama teda eno nageba mawaibao," po wali.

⁶ Solomongo po wei ponoyu, te tama po wai, "Eno aya Devitgo te nage wali mu peyu, tama te wiegi yai doloba pai kolesaga yali, tama tiyu, sesemane sogo nago aga godolo mu elama, tama agaba wiegi yai seꝥ bugagia mu yai. Tama megida, nago te tiwai seꝥ me idu, tama nago ena, te aga ogwago, te aga hasegelama, tama te king bidimainu ilama bidibo dao. ⁷ O God, eno Genuai Bidi, nago te eno te ena ayago seꝥ yali pesage hasegelama somainogo ilali, tiali goli, ena te

olo ogomani tiwai elalu, tama eno te mena tama te we bidi tonalubo kolesaga ebo te eno konebeo. ⁸ Megida, ena te nago da olama, te sa muani te we bidi hani dabe tomode bidibao," wali. "Augwali te hauwa umabo mu ebaso, tama te bidi dabego nedebaso, te usu me egobeo. ⁹ Tama tibaso, eno homugo nago enabolo te konebo wiegi yai homu kolesaga mao, te tama eno nago te we bidi bugagia tonalumainogo tiao, tama te mena kolesaga te wiegi yai ebo, ma te mena dwai kolesaga ebo me, te eno bugagia dagalamainu te tama tiao. Te meni ebaso da, teda te mena bidi me deligo nago te genuai we bidi hani dabe tonalubaso, te usu egobeo. Ena digi eno te usu mu me egobeo," wali.

¹⁰ Genuai Bidigo Solomongo te hanalu wali po odama, tama agai bugai homu mu te Solomonba yalio. ¹¹ Tama tibaso, Godigo Solomonba te tiwai po wali, "Te nago enaba hanaluyu, te nageba eno te wiegi yai konebo homu kolesaga nageba menama, te nago te Israel dabe bugagia tonaluaibao po hanalu wali, te wiegi yai dao. Tama nago enaba te nage te tꝥde sesabi sogo elama bidabo po me hanalubeo, tama nago enaba hanalu, te eno nageba te mone hauwa mao po wabe, tama me nago enabolo te nago boi bidi dabe dolabo po me hanalubeo. ¹² Tama tiyu, te mu tama, nago enaba te hanalu wali nai te eno nage mawaibao," wali. "Megida, te eno nagebolo te konebo wiegi yai homu kolesaga hauwa mawaibao," po wai. "Polobadu te bidi me deligo te tobage kolesaga koneai me elalubeo, tama te nosali me te bidi me deligo nago te koneani kolesaga tobage tiwai te bidi mego sogobeo. ¹³ Mu tama, nago enaba te genuai nogi me te mone hauwa saio wabo po me hanalubeo. Tiali goli, eno nagebolo te tigidali nai doado bage mawaibao, tama nage te king bidibo sogo te nago genuai nogi elalubo tiwai te gasa kingo te tiwai genuai nogi me elalugobeo. ¹⁴ Tama te nage eno te sa muani te wiegi yai sunumidu peyu, tama nago te bomai po me eno po me wali peyu, te naga aya Devitgo te yali kolesaga tiwai ebaso da, teda eno nage te sesabi elama, te bobage sogo te tꝥde bidimainu yaibao," po wali.

¹⁵ Genuai Bidigo po ola silibo si da, teda Solomon hodaluai, tama te tiwai te na yali da homu eyu, te tama koneani. Tialima, nosali te aga Jerusalemba ma pelama, tama te Genuai Bidigo Daꝥ Walali Bomai Po Munalubo Halobage elalubo madi paꝥba dologi pali. Tama agai te tigidali siago domainu ulubo ofa me, tama te God dali deli homu pedalumainu ebo ofa dabe dali yalio. Tama te tudi badu nosali, agai te ofisa dabego me, te aga seꝥ bidi dabego dali, te genuai daa tubo nai ulama, tuai dao.

Te wiegi yai homu kolesagago te Solomongo doloba pai po tꝥ emainu tau sali

¹⁶ Me sogo deli te penani we si te kingba asali, te agai augwali si po dodolumainogo asalio. ¹⁷ Tama we me deligo te tiwai po wai, "Eno king, te odao. Te we da si te be delide bidali. Tama eno te wai ogwa me deli

ame nani. Tama eno te wai ame nani sogo, te we te bede ena dali bidai. ¹⁸ Te si sogo nosali, agai me te wai ogwa ame nani. Tama da si naga te bede bidai. Te sogo te gasa bidi ma we te da si dali me bidibeo. ¹⁹ Tama te hulide, te agai wai te isali, magi baso meni, aga bomonama pigilu, tama begeligi soyu, tama aga wai dai badu pigulali. Tama tialigo te wai isali. ²⁰ Ena pilamubadi, tama te huli tomode te aga hodaluama, tama eno wai sagaselama, tama aga pibo betba selasa pai yalio. Tama agai te isali wai sela aselama, tama ena pa-ba pilagasai yalio. ²¹ Te kigamu ena hodalu, tama eno te ena wai ame mawainu yali, tiali goli eno suali, te aga isai yalio. Tama eno aga te wai bugagia tonalu osola sulama, tama eno koneani, te aga eno ame nani wai tiwai tonobo aq me ebeo," wali.

²² Te wego po ola silibo si da, tama gasa wego te po wai, "Menio. Te isali wai, te naga wai dao. Tama te bidibo wai da, te eno wai dao," wali.

Tiali goli, te polasa po wali wego po wei ponoyu, te po wai, "Mu menio. Te isali wai, te naga wai dao," wai. "Tama te bidibo wai da, te eno wai dao." Tama augwa si te konila po wabo se te king gedude yalio.

²³ Tialima, kingo te tama po wai, "Dage si te deli tobage pode te konila po wabo se idubao. Me deligo te po wali, 'Te bidibo wai da, te eno dao, tama te isali wai te naga wai dao,' tama gasa wego me te po wai, 'Mu menio, te isali wai, te naga dao, tama te bidibo wai da te eno da,' po wali."

²⁴ Tama kingo te tiwai po aga se bidi dabeba wai, "Te bainat hwa me deli sela asao," wai. Tialima, augwaligo sigi pelama, tama te kingba selasa asai. ²⁵ Tama agai augwaliba te po wali, "Te bidibo wai selama, tama te tomode dolo asegelama, tama me badu pedai te we meba mayu, tama te gasa pedai me badu te gasa weba mayu yao," te tama po wali.

²⁶ Tiali goli, te wai aga ida mugo te waide homu dene mu eyu, tama kingo te ela mumainu homu me ebeo. Tama agai kingba te tiwai po wali, "King, te tagalao. Te wego te wai somainu emainao. Nago aga me ela mugio." Tiali goli, te gasa wego te po wai, "Woo, menio, nago te agaba ma te enaba me menamuo," wai. "Te si badu asegaio," po wai.

²⁷ Tialima, kingo te po wali, "Enabolo te wai elamuo po wabo webolo te wai mao," wali. "Te aga da te waigo ida mu tama dao. Dagego te wai munu me elamuo," wali.

²⁸ Nosali te king Solomongo te we sigo po dodolali kolesagade po te tigidali Israel we bidigo te po odolama, tama agai te koneani wiegi yai kolesagade te augwali dwai noma mu sai. Tama augwaligo agaba te genuai nogi mawai, magi baso meni, augwa koneani, te Godigo digi te wiegi yai koneani homu kolesaga te kingba menama, tama te kingo te we bidi dabego po tu bugagia dodolumainogo te homu kolesaga mani da, te homu yai.

**Te king Solomongo polalubo ofisa bidi dabe nogi e
tama wali**

4 Te King Solomongo te Israel to pedai tigidali badu tonaluali. ² Te aga polalubo ofisa bidi dabe te tama tiwai elaluai: Asaria, te Sadokgo ogwa, aga te pris bidai.

³ Elihorep me Ahiya, augwali si te Sisago ogwa si, augwali si te kingo kuskus se ebo bidi si dao.

Jehosafat, te Ahilutgo ogwa, agai te kingo ebo se po page tigidali te asebo bidi dao.

⁴ Benaia, te Jehoiadago ogwa, aga te ami dabego polalubo ofisa bidi dao.

Sadok dali Abiatar, te pris bidi si dao.

⁵ Asaria, te Natango ogwa, agai te polalubo kiap dabe tonalubo se elaluai.

Pris Sabut, te Natango ogwa, agai te kingba wiegi yai homu kolesaga mabo se ebo bidi bidai.

⁶ Ahisargo te kingo bede se ebo se bidi dabe tonaluali.

Adoniram, te Apdago ogwago, te kingo se yao po wabo sogo te bidi dabe tonaluali.

⁷ King Solomongo te Israel to pedai dabe tonaluabo polalubo kiap dabe te nogo si olama, sagago si, te tama bidi nigilali. Te bidi dabego te augwa bulu to pedaide digi te nai gegebo se elalu, tama te Jerusalemba toloyu, te Solomon me te aga dali bidibo we bidi dabego tumainogo yabo nai toloyu yali. Te deli deli to pedaide te king dali aga hani me tonalubo se elaluali, te tigidali kibu bede te deli deli poluade tuabo nai te tama tiali. ⁸ Te polalubo kiap dabego nogi te e tama tiwai:

Benhur, agai te Efraim hanigo te bage bulu hani pesage tonaluali.

⁹ Bendeker, agai te Makas hanu, me te Salbim, me Betsemes hanu me, tama te Elon Bethanan bulu me tonaluali.

¹⁰ Benheset, agai te hanu Arubot, me te Soko hanu, me te Hefer hanude elalubo bulu to tigidali te tonaluali.

¹¹ Ben Abinadapgo te Dor hanude elalubo te bage bulu du te pesage tonaluai. Agai te Tafat sali, te Solomongo wegi me deli te sai dao.

¹² Bana, te Ahilutgo ogwa, agai te Tanak hanu me, Megido hanu me, tama te Betsande elalubo tigidali bulu to te tonaluali. Te to te Saretan hanu pa de elaluali, te saut pedai badu te Jesril hanu badu elaluali. Te bulu to pedai go da jali, te hanu Abel Mehola te giliga pedalubo badu usu nigi pelama, tama te hanu Jokmeam te giliga dega sigulubo madiba te da jali sabolalio.

¹³ Bengebergo te Gileat to de te Ramot hanu tonaluai, tama agai te Jair dabego bulu to dabe me tonaluali, te bidi te Manasego hani bidi dao. Te bulu dabe me te Gileat to de elaluali. Tama agai te bulu badu te Argop, te Basango to pedai badu me tonaluali. Te badu te genuai hanu te bidi sese sela, te 60 genuai hanu elaluali, tama te hanu dabede te bomai masigi obo me te bomai sunumi te elaluali. Augwa te sunumi dabe pali-

bo nai augwa te brasgo te bomai nai bago te sunumi nigai elaluai.

¹⁴ Ahinadap, te Idogo ogwago, te Mahanaim hanu tonaluai.

¹⁵ Ahimasgo te Naptali hanigo t̄ tonaluai. Agai te Basemat sali, te Solomongo gasa wegi me dao.

¹⁶ Bana, te Husaigo ogwago, te Aser hanigo t̄ me agai te Bealot hanu me tonaluai dao.

¹⁷ Jehosafat, te Paruago ogwago, te Isakargo hanigo t̄ tonaluai.

¹⁸ Simeï, te Elago ogwago, te Benjamingo hanigo t̄ tonaluai.

¹⁹ Geber, te Urigo ogwago, te Gileat bulu t̄ pedai tonaluai. Polobadu te bulu t̄ te king Sihon te Amor dabe, me te king Ok te Basan bulu t̄ pedai, te king bidi sigo t̄ elaluai.

Te tigidali bulu t̄ pedaide te polalubo kiap dabe tonalubo ofisa bidi me deli elaluai dao.

Solomon te king bidiyu, tama te bulu t̄ pedai te wiegi yai mu pedelali

²⁰ Te Juda me Israel we bidi dabe augwali te genuai hani mu bidali, te nabisde te masigi kemi sane gisiga sawai tiwai usu nama te tiwai yali. Augwali te bugagia bidiyu, tama augwa te nai me w̄ te elaluyu, tama augwa wiegi yai homu pemene eyu bidali. ²¹ Solomon te tigidali t̄ pedai te w̄ Yufretisdu gagalasa, te giliga pedaluboba usu nama, tama te giliga dega sigilubo te Filistia dabego t̄ pedaiba usu nigi pelama, te tigidali t̄ tomode te king bidali. Tama te Isip t̄ te saut badu daj̄ igi pali. Te bulu t̄ pedai bidi dabego te Solomonba takis mone mayu, tama augwali te aga dologode bida-da pali te aga isibo sogoba usu nai dao. ^{†22} Tigidali sogo Solomongo te tiwai nai sali, 6,000 kilogram plaua, me 3,000 kilogram te wiegi yai plaua, ²³ me te bidi sese deli te 20 bulmakau, me te nogo si nisai bulmakau, te augwa bugagia negali bulmakau kibu dabe me, te bidi sese a naga te 100 sipsip me, tama te buside elalubo te haniani hasa dia me te nisali kakaruk dabe, te tama nai dabe te deli deli sogo sai dao.

²⁴ Solomongo te tigidali t̄ pedai te Israel t̄ p̄de elalubo bulu me, te pali te w̄ Yufretis te giliga ped-alubo pedai, te badu te usu nigi pai. Te daj̄ te hanu Tip-sade gagalasa peyu, te w̄ Yufretisba daj̄ igi pelama, tama pali, te Gasu hani te giliga dega sigilubo teba usu nigi pali. Te badu te tigidali t̄ pedaide bidali te tigidali king te aga dologode bidali, tama te agai bulu t̄ pedai p̄de elaluai, te gasa bulu t̄ pedai bidi dabe, augwaligo te agaba boi bidi me ebeo. ²⁵ Te Solomon king bidali sogo, te Juda me Israel te tigidali badu te tigidali we bidi, augwali te augwa te wain bono dabe me te ni kaya fik gi dabe p̄de bugagia dugulalu bidali, tama te dwai nai me deli te augwaliba me pedalubeo.

²⁶ Solomongo te hwj̄bo karis kegebo hos dabe mubo be hauwa elaluai. Tama te be dabede te hos bidabo be habu nigilai elaluai. Agai te 40,000 hos dabe te be-

ba muabo usu yali. Tama me Solomongo te hwj̄bo ami bidi dualabo hos dabe te 12,000 elaluai. ^{††}

²⁷ Te t̄ pedai deli delide bidibo te polalubo kiap dabe te nogo si olama, sawago si, te augwaligo te king Solomongo augwaliba te daj̄ ilali poluade te nai sela asu yali. Te nai te king dali, te aga bede bidibo hani bage tigidaligo tuabo nai sesali. Te kiap dabego augwa s̄ te bugagia ebaso, tama tiyu, te king aga nai me saw pabeo. ²⁸ Tama te kingo daj̄ ilali poluade, augwa te rais bali me, tama te karis dabe kegebo hos dabego nosa dabe me, te gasa polo pabo hos dabego tuabo nosa dabe seseyu yali. Augwa te nai dabede te hos dabe bidalubo deli deli hanuba selasa peyu yai dao.

²⁹ Godigo te wiegi yai homu me konebo homu kole-saga te Solomonba mawai. Agai koneani kolesaga te umabo mu, te nabis w̄ sanede te masigi kemi tiwai elalu, tama te bidigo nedainu ebo te usu me egobeo.

³⁰ Te agai wiegi yai homu me te koneani kolesagago te giliga pedalu badu tede bidali koneani bidigo kole-saga, me te Isip bidi dabego kolesaga koneani bidi dabe me, te agai aiyaba mu elaluai dao. ³¹ Te Solomongo koneani wiegi yai homu kolesagago te tigidali t̄de bidigo koneani wiegi yai kolesaga yali bidi dabe te aiyaba elaluai. Agai te Esra hani bidi Etango koneani wiegi yai kolesaga me, te Hemango koneani wiegi yai kolesaga me, te Kalkol me Darda, te bidi Maholgo ogwa dabego koneani te wiegi yai homu kolesaga te aiyaba elaluai. Tama te Israel bulu t̄ pedai p̄de bidalubo we bidi dabe, augwaligo te agai genuai nogide po odali. ^{‡32} Solomongo te 3,000 te wiegi yai homu kolesagade te wiegi yai p̄wadage po as̄ani, me te 1,005 balia po me as̄anio. ^{‡33} Te agai wali po dabede te tiwai te tobage tigidali nai dabede po peni togoliyu, mesegelama wali, te genuai ni te tiwai te Lebanon moni ni b̄, me te dwasianu ni te hisop te masigi obo dabede holobo ni po wali. Tama agai te tobage hasa me, ba me, yogeai me, saw̄, te tama tobage nai dabede po me wai dao. ³⁴ Te tigidali bulu t̄ pedaide king dabego te Solomongo koneani wiegi yai homu kolesaga te hauwa elalubo po odolama, tama agai te wiegi yai po odagasomainogo, te augwa bidi meba agaba tagala palai dao.

Solomongo te Genuai Bidigo be s̄ yabo doado bage sisinani (2 Sto 2:1-18)

5 Polobadu Hiram te Tair hanu king bidigo te Devit dali wiegi yai abagi olama bidai. Tama Hiramgo odali, te Solomongo te Devit hasegelama, tama te king pedelali po odobaso, agai te tobolu bidi mebago te Solomon sugi pomainogo tagala palai dao. ² Tama Solomongo te Hiramba te tiwai po ola tolai, ³ "Nago koneani, te eno aya Devit te king bidali sogo, agai te aga Genuai Bidi Godigo be te s̄ yabo sogo te meni yani, magi baso meni, te tigidali sogo te boi bidi dabego agaba hwj̄gasu iduali. Agai homugo te Genu-

† 4:21 Gag 15:18; 2 Sto 9:26

†† 4:26 1 Kin 10:26; 2 Sto 1:14; 9:25 ‡ Tib 89 Tobolu pode

‡‡ 4:32 Prs 1:1; 10:1; 25:1; Sol 1:1

ai Bidigo te boi bidi dabe bolo elalumainu homu elama, tama nosali agai te Genuai Bidigo be sɛwaiba homu yali. ⁴Tiali goli, te megɛ da, te God, eno Genuai Bidigo, te gasa bulu tɔ pedai bage te augwali ena dali bugagia bidimainu ilali. Te hani dabe augwaligo te da dali boi bidi munu ma isiayɛ, tama te dwai sɛ ebo nai dabe daba me pedalubeo. ⁵Tama tibaso, megɛ da, te eno Genuai Bidi Godigo be sɛ yabo homu ebao. Polobadu Genuai Bidigo te bomai po daɣ waliyu, eno ayabolo te tiwai po wai, 'Eno te nage te naga ogwa me deligo hasegelama, te king pedalumainu yaibao,' po wai. 'Tama agai te eno be sɛ emainogo elama, te we bidi augwali tede ena paba asomainu yaibao,' wali. Genuai Bidigo te tiwai bomai po daɣ walaligo tama megɛ da, eno agai te daɣ walali bomai poba usu naga-sobao," wali. †

⁶"Tama tialima, eno homugo te nago sɛ bidi dabe tagala palumainu yai, te augwali Saidon dabe, te Lebanon bulu duba pelama, tama eno te be sɛ emainu yabo ni bɔ dabe togogi pomainu yao," wai. "Te Saidon dabego te ni togobo te mu koneai, tama eno sɛ bidi dabego te me konebeo," wali. "Tiali goli, te eno sɛ bidi dabego te tau sagsomainu naga te augwali tagala palaibao. Tama nago te naga sɛ bidi dabe te nisu naga monego abelimainu homu ebaso da, teda eno mayu naga yaibao," po wai.

⁷Hiramgo Solomongo te po odolama, tama aga haliga te wiegi yai mu yai. Tama agai te tiwai po wai, "Megɛ dago te Genuai Bidigo nogi ugwaba sinao. Magi baso meni, agai te wiegi yai ogwa te Devitba manigo te aga hasegelimainu elama, tama te bomai bulu tɔ pedai tonalumainu yai. Devitgo te ogwago te kolesaga koneani wiegi yai homu kolesaga elalui dao," wali.

⁸Tialima Hiramgo Solomonba te tiwai po ola tolai, "Eno nago po odama, tama eno tede usu da wai. Tama eno te ni bɔ dabe me te ni wuli dabe te nageba to-laibao," wai. ⁹"Te eno sɛ bidi dabego te Lebanonde te ni dabe togolama, tama te nabis wɛ saneba sela du-laibao," wali. "Tama augwa te ni dabe te tamu aɣba sisinigi pelama, tama bonogo bomonama kɛnama, seseba dabe nigilama, tama te augwaligo nageba se-saiba," wai. "Te augwaligo sela asiyu, te nago mena badu tuagasabo te daɣ ilali pesage nabis badu tuagasomainu yaibao. Tama tede, te eno sɛ bidi dabego te bono dabe pisiginama, tama naga sɛ bidi dabego te ni dabe somainu yaibao. Te nai me delide eno homugo nago te sɛ emainu homu ebao. Eno homugo nago te nai dabe tolomainu homu ebao, te ena dali te eno be-de bidibo hani dabe dago tuabo nai dao," Hiramgo te po ola tolali.

¹⁰Tama tialima, Hiramgo te ni bɔ me wuli te hauwa mu te Solomonba tolali, te Solomongo daɣ ilali namba usu nama tama tolai dao. ¹¹Tama te tigidali kibu bede Solomongo Hiramba te 2,000 ton wit me 4,000 lita te wiegi yai oliv wel madu geani, te Hiram dali te aga hani daligo tuabo nai te tiwai toloyu yai dao. ††¹² Genu-

† 5:5 2 Sml 7:12-13; 1 Sto 17:11-12 †† Te polobadu digi bidi mebagu te po begelali, tama augwa homugo te 400,000 lita po ola-

ai Bidigo te aga bomai po daɣ walali gilama te koneani wiegi yai homu kolesaga te Solomonba mawai. Tama Hiram dali Solomon si te wiegi yai abagi mu pedelali. Tama augwa si tomode te bugagia bidabo bomai po daɣ walali.

¹³King Solomongo te Israel bulu tɔ tigidali pedai badu te 30,000 bidi selama, tama augwaliba weyu, agai te sɛ yao po wai dao. ¹⁴Agai augwali te hani sela dobayu elama, tama augwali deli deli hanide te 10,000 bidi elalui. Tama te tigidali poluade te hani me deli te Lebanonba sɛ igi peyu, te polua deli bidama, tama augwa ma asiyu yai. Tama gasa hanigo augwali bidali pesageba hasegelama, peyu yai. Te hani sela te hasegeliyu, hasegeliyu, te tiwai yali, tama te kolesagade te deli deli hani te polua deli sɛ igi pelama, tama ma aselama, te augwa pesagede polua si bidiyu yai. Adoniramgo te sɛ ebo bidi hani dabe tonalu bidai dao. ¹⁵Tama Solomongo te masigi togwabo te 80,000 bidi me selama, tama augwali te bulu du pesagede te masigi togobo sɛ yali. Tama agai te masigi dabe tolabo bidi te 70,000 bidi salio. ¹⁶Tama agai te sɛ tonaluabo bidi dabe te 3,300 bidi nigilali. ¹⁷Te sɛ bidi dabego te Solomongo po wali pelama, tama augwali te gasa sawi sawi yai masigi elalubo pesageba pelama, tama te masigi moni moni bage togwali, te wasilama, te daide ugwadu te Genuai Bidigo be sɛ yainu tama tiali.

¹⁸Tama te be sɛ ebo koneani bidi dabe te Solomongo me Hiramgo sɛ ebo bidi dabe tomode bidali, tama augwa te Biblos hanu bidi dabe dali te Genuai Bidigo be sɛ yabo nai te masigi me ni name dabe dulama, tama dodolobo sɛ yai dao.

Solomongo te Genuai Bidigo be sɛ yali

6 Te Israel dabego te Isip taga soyu aselama, te augwa bulali wɔɣ dabego wɔɣ dabe bidali sogoba usu nagasu, te tama kibu be 480 yia bidali. Tama te wabo kibu be me si me si te Solomon te Israelde te king te tama kibu be bidali. Tialima, te kibu bede, te si wali polua, te polua nogi augwa te Siv poali, † Solomongo te Genuai Bidigo be sɛ ebo gagalali.

²Te habu selali be habu te be tomode daɣ te tiwai nigai. Te bobage usu sali te 27 mita, me te genuai da te 9 mita, tama te be pedu daɣ badu te 13 me hap mita nigali. ³Tama te be mabo me deli te be hobolu badu elalui. Te aga daɣ te tiwai. Te aga genuai te habu selali be habu tiwai tobage, te 9 mita usu elalui. Tama te aga bobagego usu da, te 4 me hap mita naga tama dao. ⁴Te be paiali daga dabede te windo meba elalui, tama te windo dabede te tomode genuai elalu, te bulu badu dwasianu elalui. Tama augwa te windo dabe te dedage hauwa elalubo nai dabego te haluama, te be tomoba te ula asomainu yai dao. ⁵Tama te gasa be me badugo te habu selabo be habu sela bagulai elalui. Te be habu badu te dwasianu be habu dabe hauwa elalui, tama te be habu badude te sela

ma, te tama po wali homu yali. Tama te po te 2 Sto 2:10 tede me te po elalubo suo. † Te Israel dabego te polua Siv wali, te dago polua Epril me te polua Me tede pedelali.

be soiyame ni sawali elaluai. ⁶ Augwa te be habu dabe nigabo homu yali, tiali goli, augwa te habu selabo be habu daga dabe badu te agebele me nigibeo, te soiyame saide te kau ni te pos daiba muai dao. Tama augwa te si wali soiyame sai plua te kau ni muabo obo nigilali pesagede, augwa daga dwasianu tomoba gana nigali, te tobolu ni pilabo madi te pesage elaluai. Tama augwa te deli tobage tiwai kolesaga te sela wabo plua te pesagede elaluai. Tama te pagede tama te hasia plua te dwasianu igi pali, te 2 mita me 20 sentimita teba usu nani. Tama te si wali plua te dwasianu genuai gana yai, te 2 mita me 70 sentimita teba usu nani. Tama te sela wali plua, te ugwaba muabo plua tama, te genuai mu nigali, te 3 mita me 10 sentimita usu nama nigalio.

⁷ Te augwaligo te masigi dabe sali sogo, augwa halama, tama augwa te masigi dabe sabo madi bugagia dodolali. Tama nosali augwa te Genuai Bidigo be se yainu sela asalio. Tama augwa te be se ebo sogo, te hama me, hwa me, gasa nai dabe augwa te aingo nigali nai dabe me, te be se ebo madi te kao me kidagalo me wabeo.

⁸ Te be sai si nigali habuba holobo togobili si elaluai, tama te togobili te be pedai saut badu elaluai. ⁹ Te Solomongo se bidi dabego te be me badu pedai se silibasoo, teda augwaligo te ni bo dabe selama, tama te daq weyu, te walawali ni dabe me te ene sabali ni tiwai munama, te be pedu nigali. Tama augwa te bo nami selama, tama te be haluali. ¹⁰ Te bego te habu selalubo be habu bagulali, tego te bedugu sela elaluai. Tama te pedu hani ugwadu daide te tobage deli tigi poai naga sela elaluai, te 2 mita me 20 sentimita usu tama. Tama augwa te ni bo me selama, te be pedu bagulali oboba podolama muani, te habu selali be habu dabe me te ni dabe te be plua nigali, te pos ni dabe ugwadu daiba muani, tama te be pedai badu te pedu tiwai pedelai dao.

¹¹ Tama nosali, Genuai Bidigo Solomonba te tiwai po wai, ¹² "Te megii nago eno be se ebao, tede eno po nage dali wainu ebao. Te nago eno tigidali bomai po me eno po odoyu, te bugagia wali pobaso da, teda eno nageba te wiegi yai kolesaga dabe eyu, te eno polobadu nago aya Devitba daq walali gilama tiwai yaibao. ¹³ Tama ena dage Israel tomode bidiyu, te dage eno we bidi bidaibao. Tama eno dage munu me tagalogobeo. Mu menio," wali.

Augwaligo te Genuai Bidigo be habu dabe au ilali
(2 Sto 3:8-14)

¹⁴ Te Solomon aga se bidi dabe dali augwa te Genuai Bidigo be se silibo si da, ¹⁵ teda augwa te bo ni nami selama, tama te habu selali be habu paiali masigi be daga dabe haluali, te be sai te pluade gagalasa, te be peduba usu nigi pai. Tama augwa te ni wuli ni nami dabe selama, tama augwa te be sai plua haluali. ¹⁶⁻¹⁷ Augwaligo te Genuai Bidigo be habu tomoba baguliyu, te genuai daga nigali. Te be habu tomode mu augwa te tama nogi poali, te Tedali Gasagi Yai Mu Be

Habu da wali, tama aga usu sali daq te 9 mita. Tama gasa be habu me, te Tedali Gasagi Yai Be Habu, te aga bobage usu nama te 18 mita. Te habu si tomode togali daga, augwaligo te bo ni nami dabego nigali. Tama te daga te be peduba usu nama nigali. ¹⁸ Augwaligo te bo ni nami dabe selama, tama te be tomode te daga tigidali haluama, tama te bidi dabego masigigo bagulali daga suabo usu meni yai. Tama augwaligo te ni nami daide te bobigo wiegi yai piksa noma me, te ni dabego te plua dabe me aseyu, togoyu yali.

¹⁹ Te Tedali Gasagi Yai Mu Be Habu augwaligo te be tomode mu nigali, te Genuai Bidigo Daq Wali Bomai Po Munalubo Halobage muabo digi nigali. ²⁰ Te Tedali Gasagi Yai Mu Be Habu tigidali te deli tigi poai naga nigali. Te aga bobage usu, te 9 mita, tama aga genuai da, te 9 mita, tama te daq ugwadu me, te 9 mita. Augwa te wiegi yai gol selama, tama te be haluali daga ni nami dabe haluali. Te be habu sunumi paide augwaligo te ni bo nigali alta me deli elaluai, tama augwaligo te alta me te golgo haluali. ²¹ Tama augwaligo te wiegi yai gol selama, tama te tempel be tomo bagulali madi te tigidali daga haluali. Tama augwa te sen gol meba nigilama, tama te Tedali Gasagi Yai Mu Be Habu sunumi tede walali. Augwaligo te be habu togwali madi te golgo haluali, ²² tama tialima, te Genuai Bidigo be pedai tigidali tomo badu me, te Tedali Gasagi Yai Mu Be Habude elalubo alta me, augwaligo te tigidali golgo mesegelali. †

²³⁻²⁶ Augwaligo te ni oliv selama, tama te ensel mobo bidi si noma nigali, te ensel si te Tedali Gasagi Yai Mu Be Habu tomoba muainu yai. Te ensel mobo bidi noma sigo bobage usu nama te 4 me hap mita, te tama usu nigali. Te ensel si te deli tigi poai si mu nigali. Augwa si bogo te dolo si diliga palama elaluai. Tama te deli deli bogo usu sali, te 2 mita me 25 sentimita teba usu nani. Tama te ensel me deligo bogo si bobage, te 4 me hap mita dao. ²⁷ Augwaligo te ensel si nigila silama da, teda augwaligo te ensel si te Tedali Gasagi Yai Mu Be Habu tomode dodolali. Te ensel me deli te dolo nogo badu dolaluyu, tama aga bogo me deligo te dolo nogo badu elalubo dagaba ponigi pelama elaluai. Tama gasa ensel te pobase nogo badu dolaluyu, tama aga bogo me deli te pobase nogo badu elalubo dagade ponigi pelama elaluai. Tama augwali sigo te gasa bogo si te be habu tomoba mu sisinagaselama elaluai. ²⁸ Tama augwaligo te ensel mobo bidi noma si me te golgo haluali. ‡

²⁹ Augwaligo te ensel dabego piksa me, ni det me, tama te ni plua me, te Tedali Gasagi Yai Be Habu me te Tedali Gasagi Yai Mu Be Habu daga daide te aseyu togolama, te daq togwali be habu si au ilai tama tiali. ³⁰ Tama augwaligo te gol selama, tama te be habu si te plua sai te golgo haluali.

³¹ Augwaligo te oliv ni nami selama, tama te Tedali Gasagi Yai Mu Be Habu sunumi nigali, tama augwaligo te sunumi muabo pesagede walama elaluai. Tama augwa te sunumi paliainu ebo sogo, te sunumi si te

deliba madua sagasai. Te sunumi sigo walabo pesage te a naga pedai badu elaluali. ³² Tama augwa te ensel mobo bidigo piksa me, te ni det me, te sunumi sigo plaua me aseyu togwalio. Tama augwa te gol selama, tama te be sunumi dali, te enselgo piksa me, te ni det, te tama nai te golgo mesegelali. ³³ Tama te Tedali Gasagi Yai Be Habu sunumi nigainu, augwa te oliv ni nami selama, tama te sunumi muabo pesage nigilali. Tama te sunumigo walabo pesage te me si me si pedai badu tama naga elaluali. ³⁴ Tama augwaligo te wuli ni nami selama, tama te be sunumi si nigali. Tama te sunumi si deli deligo te se si elaluali. Tama augwaligo te be sunumi muabo madi te sunumi walama elaluai, augwaligo te Tedali Gasagi Yai Mu Be Habu nigali tiwai gilama yali. ³⁵ Tama augwaligo te enselgo piksa, me te ni det, me plaua te be sunumi dabe au ilabo nai dabe aseyu togolama, tama te golgo bugagia mesegelali.

³⁶ Te be bulu badu te be mesalo bagulali obo augwaligo nigai dao. Augwaligo te masigi dabe augwa te bugagia dodolama togwai te selama, tama te bugulama, nani sela wasilali, te gasa nani te me nani daide ugwadu muani. Tama augwa te bo ni hani me deli te masigi hani sela daide ugwadu manama, muani. Tama augwa te masigi hani sela ma wasilama, tama te ni nami hani deli muani, tama augwa tama tede holudubadi, te be mesalo obo se usu nigi pabo madiba usu nigi pali. ³⁷ Augwaligo te Genuai Bidigo be se ebo gagalali te si wabo polua, te kibu be me si me si elama, te Solomon king bidibo sogo te be se yani. Te polua nogi augwaligo Siv poali. Te poluade digi augwa te genuai masigi wasilibo se gagaliyu, te masigi dabe daide ugwadu te be se yainu yalio. ³⁸ Te se bidi dabego te be se yani kibu be 7, te tama kibu bede te be se yani, tama te polua 8 te Solomon te king bidibadi, te kibu be 11, teba usu nagasu, te be se silali, te polua nogi augwa te Bul nogi yali, † augwa te be se ebo se tigidali silalio. Augwaligo te se bugagia yaligo, tama te bede tigidali se te dolo mu pedelali, te Solomongo augwalibolo te se tama yao wali gilama te be se tama yai dao.

Augwaligo te Solomongo genuai be se yali

7 Te Solomon aga obo tomode genuai bego digi se yani, tama te se ebo bidi dabego te be silabo se idubadi te kibu be 13 te be dabe se ebo se yai dao. ² Te Solomongo se bidi dabego te genuai be me deli se yani, aga nogi te tama tiwai, te Lebanon Genuai Ni Sili Be da wai. Te bego bobage usu te 44 mita, te aga genuai usu te 22 mita, te ugwadu usu sali te 13 me hap mita usu yali. Te be tomode te ni pos te Lebanonde sali ni bo genuai tigi te ni hani wasilali, te me si me si tama elaluai. Augwaligo te be bobage usu nama wali peyu, te bo ni bobage selama, tama te pos dabe daide ugwadu te bego pedu ene sabali ni dabe muani.

³ Tama te bego genuai usu nama wali pali te augwaligo te be pedu ene sabali ni hani sela te pos dabe ugwadu daide nani wasilali. Tama augwaligo te

Lebanonde sali ni bo selama, te be pedu haluali.

⁴⁻⁵ Tama te be paiali daga e badu me u badu pedai badu te windo hani sela elaluali. Augwaligo te windo dabe dolo si bugagia wasilaligo tama te deli deli windo te gasa pedai badu elalubo windo te dolo si ponai elaluai. Te bego sunumigo ebo se te me si me si naga elaluai.

⁶ Tama augwaligo genuai be me deli senama, te nogi te tiwai polali, Te Genuai Pos Dabego Be da wali. Te bego bobage usu te 22 mita, tama te bego aga genuai usu te 13 me hap mita yai. Te bego mabo veranda me tama te veranda mabo daug elalubo pos me elaluai.

⁷ Tama augwaligo te Sia King Be, ma te Po Tu Odobo Be, me se yani. Te Solomongo te we bidigo po tu odobo be tama se yani. Augwaligo te bo ni nami dabe selama, tama te be paiali daga dabe haluali, te aiyadu plua saide gagalasa, te be peduba usu nigi holalio.

⁸ Augwaligo te Solomongo be digi se yani, te gasa obo banis tomo badu te Po Tu Odobo Be tudu badu elaluali. Augwaligo te gasa be dabe se yani tiwai gilama naga se yani. Tama augwaligo te Solomongo wego be me te tiwai se yani, te Isip king bidigo wegi dao. ††

⁹ Augwaligo te be tigidali se yainu te gasa sawi sawi yai sagala masigi dabe naga selama, te be se yani, te aiyadu sabo suiyame saide gagalasa, te be peduba usu nigulali, tama te bidi dabe me deliba sisinabo pesage me te obo nigilama, bagulali. Augwa te usu selama, tama te masigi dabe togwali, tama augwa te so selama, tama te me badu pedai te bugagia dodolali.

¹⁰ Tama augwaligo te sawi sawi yai masigi dabego te moni moni bage todogo pedama, te nani wasilama, tama te daide te be ugwadu se yainugo tiali. Te masigi mebago genuai usu te 3 me hap mita usu, te meba te 4 me hap mita dao. ¹¹ Augwaligo te genuai moni masigi dabe nani wasila silama da, teda augwaligo te bugagia dodolali te gasa sawi yai masigi me, te bo tigi dabe me selama, tama augwa te be dabe se yai dao. ¹² Tama augwaligo te kompaun tigidali bagulubo obo me deli nigali. Te obo augwa te tiwai nigali. Augwa te togolama bugagia dodolai masigi hani sela te muani. Tama augwaligo te masigi dabe daide te ni bo hani ni tigi deli te daide muna muna pali. Augwaligo te tiwai naga ela pidubadi, te obo bagulubo se siligi pabo siba usu nani. Augwaligo te obo nigali deli poai kolesaga elama, augwa te bidi deliba sisinibo obo bagubo se yali, te Genuai Bidigo tempel be gesabidi badu elaluai, tama te tiwai te be habu te Genuai Bidigo tempel be gesabidi nigai elaluali.

Huram aselama, te king Solomongo se yagasai

¹³⁻¹⁴ Te Tair hanude bidi me deli bidali, aga nogi te Huram. Te bidi aga te brasgo te nai dabe nigibo se te mu koneai bidi mu dao. Te bidi Huramgo aya aga te Tair hanu bidi, tama agai me te brasgo te nai doado bage nigibo te mu koneai bidi me deli, tiali goli te aga isali. Te Huram aga ida te Naptali hani we me deli dao. Solomongo te Huramba po ola tolobaso, tama aga

† *Te Israel dabego polua Bul pedalubo te dago polua Oktoba ma Novemba te tiwai pedelali.*

†† *7:8 1 Kin 3:1*

aselama, tama te tigidali nai te brasgo nigila silali, te Solomongo agabolo wali po tiwai gilama te tiwai yalio.

Huramgo te brasgo bobage pos si nigali
(2 Sto 3:15-17)

¹⁵ Te Huramgo te genuai bobage pos si te brasgo nigali. Agai te pos si te deli tobage tigi poai si tama nigali. Te pos sigo bobage usu te 8 mita, tama te pos sigo tigi genuai usu te 5 mita me 30 sentimita dao.

¹⁶ Tama agai te pos sigo tobolu me te brasgo nigai, te augwali si te bobage pos dabe daiba ugwadu muainu tialio. Te pos tobolu dabe aiyadu ugwaba gagalasa nedali usu, te 2 mita me 20 sentimita dao. ¹⁷ Tama agai te brasgo sen dabe nigilama, tama te wego nigibo wa tiwai kęnama, te pos si tobolu dagede walali, te pos si au iliyu tama tialio. Te deli deli posde te tobage au ilali te a naga nogo me si elaluali. ¹⁸ Tama agai te bras selama, tama te ni wai pomigranet piksa hauwa nigilama, tama agai te pomigranet piksa dabe te wa tiwai sen dabede walama, te pos si bagulama elaluali. Deli deli posde te au yabo pomigranet hani si elalua palio. ¹⁹ Te deli deli pos tobolude te gasa sawi yai plaua me deli te dinigalubo tiwai tonobo aq yalio, tama te plauago bobage usu te 1 mita me 80 sentimita elaluai. ²⁰ Te pos dabe tobolu te bagua sai tama Huramgo te nai dabe te wa tiwai te dwasianu ugwadu gana te bagua salide kęnama walali. Tama te daide ugwadu, agai te pomigranet piksa te hani si walali. Te deli deli posde te 200 pomigranet elalua pali. ²¹ Huramgo te pos dabede sę yali silibaso, tama te pos si augwaligo te Genuai Bidigo tempel be sunumi pade te ugwaba dodolama muani. Te saut badu elaluali sunumi pedai badu dodolama muani pos, te nogi augwa te Jakin nogi yali, † tama te not pedai badu muani gasa pos, te nogi augwa te Boas nogi yai dao. ††²² Te pos si tobolude te nai te augwaligo gasa sawi yai plaua nigai te dinigaluali. Tama te pos dabede yali sę tigidali silai.

Huramgo te brasgo te genuai tank aj nigai
(2 Sto 4:2-5)

²³ Te Huramgo te genuai tank aj deli te brasgo nigali. Te tank ugwadu daide usu sali, te 2 mita me 20 sentimita, tama te dedage usu sali, te 4 mita me 40 sentimita, tama aga tigi genuai yali, te 13 me hap teba usu nigi pai. ²⁴ Te tank sese tobolu badu te agai te bobigo piksa hani si nigilama, te tank tobolu sese tigidali bagulali, tama te tigidali mita daj tomode te nogo si piksa elaluali. Tiali goli, agai te piksa dabe nigilama, te tankde kęnebeo. Menio. Agai te tank nigali sogo, agai te piksa dabe dali nigai, tama augwali te tankde elalubo tiwai yai dao.

²⁵ Huramgo te omai bulmakau te nogo si olama, saęago si te brasgo nigali, tama augwaligo te nigali bulmakau tudi daide te tank aj muani. Te bulmakau dabe tudi badu te tank aj dologode elaluali, tama aug-

† Te Hıbru pogo te Jakin nogi page te pade te tiwai po wali, "Godigo pedalumainu ilali." †† Te Hıbru pogo te Boas nogi page te pade te tiwai po wali, "Te Godigo bomode dao."

waligo gesabidigo te tigidali pedaiba tonalua pai. Te bulmakau selago te giliga pedaluboba tonalu, te me selago te giliga dega sabo pedai badu elalu, te me sela te not pedai badu elalu, te me sela te saut pedai badu elalu yalio. ²⁶ Te brasgo daj igi pali, te tank bulu badu gagalasa pali te tank tomoba usu nani, te usu sali te 8 sentimita yali. Te tank sesege badu te kap pedauwali tiwai elama, tama te gasa sawi yai plaua dinigalubo tiwai yali. Te tankde wę elaluabo usu te 40,000 lita wę elalueibao.

Huramgo te wilkar dabe te brasgo nigai

²⁷ Huramgo nogo si wilkar te brasgo nigali, te daide ugwadu te dwasianu tank wę dabe muainu yali. Te wilkar me si me si pedai bogo badu te deli tigi tobage daj elaluali, te 1 mita me 80 sentimita usu nama, tama augwali te daide ugwadu, te 1 mita 30 sentimita usu nama elaluai. ²⁸⁻²⁹ Agai te wilkar dabe te tiwai nigali. Hasia bolo agai te wilkar dabego dili nigilama, tama nosali agai te bras dabego te laion piksa dabe elalubo nigali, me te omai bulmakau, me ensel, te piksa dabe nigali. Agai te bras pedai dabe selama, tama te wilkar me si me si elalubo te dili dabe kęani. Tiali goli, agai te dili dabe tigidali mu me halubeo. Te wilkar dabego dili te bagua si dodo bolo pai au tiwai dabe elalualio, tama te dodo bolo pali te dologode elalubo te laion me bulmakau dabego piksade te tiwai elaluali. Tama te deli tigi poai dodo bolo pali te piksa dabede ugwadu elalualio. ³⁰ Te deli deli wilkar dabede te me si me si wil bras, me te ba bras dabego te wil dabe daj olama tolaluali. Te habu suga sali me si me si ugwadu te tigidali wilkarde te bras me si me si elaluai, te tank aj tolalubo tiwai elama, tama te pos dabede te baguasi madi au dodo bolo pai elaluai dao. ³¹ Te ring tiwai baguasi bras me deli elaluali, tama te pos me si me si dabego te deli ring naga daj olama tolaluali. Tama te wę tank te ring daide ugwadu munaluali. Te wilkar dagede digi gagalasa pali, te ring sabi badu usu nigi pali te 45 sentimita. Tiali goli, te wilkar ugwadu dagede gagalasa pali, tama te ring dage ugwadu teba usu nigi pali, te 67 sentimita yai. Te ringde te windo piksa dabe elalu, te ring tigidali bagua selama, tama te haniani piksa dabe te windo dabe tomode elaluai dao. ³² Te wilkar dabego genuai wil te 67 sentimita elaluai. Tama te wil tolaluali te bras ba dabe, te Huramgo nigilama, te wilkarde me kęnebeo. Menio. Te wilkar aga tiwai tigi poaigo digi nigali. Te wil dabe te laiongo piksa dabe dologode elaluali. ³³ Te wil dabe te hwjbo karis dabego wil tiwai si yali. Tiali goli, Huramgo te wil tigidali te brasgo nigali, te wil dabe tolaluabo ba dabe, tama te wil dili spok dabe tolalubo nai dabe, tama te spok dabego digi, tama te wil sesegede baguasi elaluali.

³⁴⁻³⁵ Tama te ring dabe dali, te tank wę dualabo pos dabe me, te Huramgo nigilama, tama te wilkar daide ugwadu me kęnebeo. Menio. Agai te wilkar dolo si tiwai pedaigo nigali. Te ring dabe ugwadu usu sali, te 22 sentimita usu si yai dao. ³⁶ Huramgo te ensel dabego piksa noma, me laion, me te ni det te ni pos dabego

togolama nigali, tama te nai dabe tomode te ringde windo elalubo tiwai elaluali. Mena badu te piksa aseabo elalubaso da, teda agai te piksa dabe tede aseani. Tama agai te piksa dabe baguluyu, te dodo bo- lo pai te au ilibo nai hauwa aseani. ³⁷ Huramgo te nogo si wilkar nigali, te deli tigi poai si naga nigilama, tama te tigidali wilkarde nigilali nai te mak te deli tigi poai naga pedelai dao.

³⁸ Huramgo te nogo si tank wẹ nigilama, te deli deli wilkarde muainu yali. Te tigidali tank wẹgo genuai usu selama nigali usu te 1 mita me 80 sentimita tama. Tama augwa te tank wẹ deli delide te wẹ elaluabo te 800 lita wẹ te tama usu nigai dao. ³⁹ Huramgo te nai dabe nigila silama da, teda agai te a naga wilkar te Genuai Bidigo tempel be mesalode muyu, te saut pedai obo pade muani, tama te gasa a naga wilkar te not pedai obo pade te badu muani. Tama agai te genuai tank wẹ te be sabi badu pade te saut badu pedai badu muani.

Te Huramgo te Genuai Bidigo tempel be se eyu, te se yali tigidali nai dabe po te tiwai
(2 Sto 4:11-18)

⁴⁰ Huramgo te wẹ pauabo moni dis pou me, te dwasianu savol dabe me, te gasa dis pou dabe me nigalio. Tialima, megı da, Huramgo te king Solomongo agabolo te mani se, te Genuai Bidigo tempel be se yali, te se tigidali silalio. ⁴¹ Te Huramgo nigali nai dabe te e tama dao. Te genuai bobage brasgo nigai pos si, tama te pos dabego baguasi tobolu si me, tama te pos dabe tobolu au ilibo te wa tiwai nai dabe me nigali.

⁴² Tama agai te 400 pomigranet piksa nigilama, te pos si tobolude bagulali te wa dabede kẹnainu yali. Te deli deli posde te pomigranet hani te tobolude elalua pai. ⁴³ Tama agai te nogo si wilkar, me te nogo si tank wẹ te wilkarba muabo nai dabe nigali, ⁴⁴ tama te genuai tank wẹ me deli me, tama te omai bulmakau nogo si olama, sağago si nigali, te bulmakau dabe daide te genuai tank wẹ muani. ⁴⁵ Tama agai te sospen sene dabe, me te dwasianu savol dabe, me te dis dabe, tama nai nigali. Huramgo te Solomongo po wali pelama, tama te Genuai Bidigo tempel bedede te tigidali nai nigila silali. Agai te nai dabe nigila silama da, tama agai augwali te dwagi yai brasgo bugagia mu nigai dao. ⁴⁶ King Solomongo te Hurambolo po weyu, te nai dabe te Jordan wẹ odogo bulu, te hanu Sukot me te hanu Saretan si tomode nigao po wali. Tede te tobage se yabo wiegi yai mama yai tọ elaluai. ⁴⁷ Te tigidali nai Huramgo te brasgo nigai, augwali te hauwa umabo mu tama dao. Tama tibaso, Solomongo te bidi dabe augwaliba po weyu, te brasgo sege dabe osola suabo po me wabe. Tama tiyu, te nai dabego sege te bidigo me konebeo.

Te Genuai Bidigo tempel bedede muabo nai dabe augwa te nai dabe te golgo nigali
(2 Sto 4:19-5:1)

⁴⁸ Solomongo te se bidi dabebolo weyu, te Genuai Bidigo bedede muabo doado bage dabe nigao po wali. Tialima, augwa te gol selama, tama te alta, me tebol te Godigo gedude maiabo nai bret muabo nai dabe nigali. ⁴⁹ Tama augwa te wiegi yai gol selama, tama te nogo si lam tolaluabo nai nigali, te Tedali Gasagi Yai Be Habu daga pade dodolabo nai nigai. Te a naga te dolo nogo daga pade dolaluyu, te me a naga te pobase nogo badu elalubo be daga pade dolaluali. Tama augwaligo te gol selama, tama te plaua piksa noma dabe me, te lam, te sisis tiwai nai te sia tolalubo nai, te tama nai dabe te golgo nigai dao. ⁵⁰ Tama augwa te wiegi yai gol selama, te ofa ebo kaneme muabo pou dis dabe, me gasa dis dabe me nigali, tama te lam sula sabo nai me, tama te denami ebo pauda ulabo plet me, te sia tolasa bilabo plet me nigali. Tama augwa te gol selama, tama te Tedali Gasagi Yai Mu Be Habu paliabo sunumi te hinsis dabe nigali, tama te tempel bego moni be habu sunumi hinsis me nigai dao.

⁵¹ Te king Solomon dali, te se bidi dabe daligo te Genuai Bidigo tempel be se yali tigidali silama da, teda Solomongo te tigidali silva, me gol, me te dis nai dabe te aga aya Devitgo nai dabe selama, te Genuai Bidiba daı ilali nai dabe, tama augwa te doado bage tigidali te Genuai Bidigo be tomode elaluali bakstua be habu tomoba muanio. ^{††}

Augwaligo te Godigo Daı Wali Bomai Po Muani Halobage te Genuai Bidigo tempel beba sela pali

8 King Solomongo te tigidali te Israel dabe te polalubo bidi tigidali dali, te tigidali hani sibi tobolu bidi dabe dali, te genuai haniba po ola tolali, tama te dwasianu hanigo tobolu bidi dabeba me po weyu, tama agai augwaliba po waliyu, te augwali aselama, te aga bidibo Jerusalemba sisinagasao po wai. Agai augwali te Saionba pomainu homu yali, te Devitgo Taun Hanuba pelama, tama te Genuai Bidigo Daı Wali Bomai Po Muani Halobage sigi pelama, tama Genuai Bidigo tempel beba tolasa asao po wai dao. ^{††2} Tialima, tigidali te sisinagasali te nogo a naga me si wabo poluade, te polua nogi augwa te Etanim poali, ^{†††} te osogo bidabo bedede bidibo genuai sogode te tama tiai dao. ³ Te tigidali polalubo bidi me tobolu bidi te deliba sisanani sogo, teda te pris dabego te Daı Wali Bomai Po Muani Halobage te tolali. ⁴ Tama te meba pris me Livai dabe daligo te Genuai Bidigo ugwa lotu be, me te Godigo nai da weyu sa muani te ugwa bedede muani doado bage me selama, tama te Genuai Bidigo tempel be paba selasa pali. ⁵ Augwali pelama, sabalubo si da, teda e Solomon dali te tigidali Israel we bidi me te Daı

^{††} 7:48 Sai 25:23-30; 30:1-3 [†] 7:49 Sai 25:31-40 ^{††} 7:51 2 Sml 8:11; 1 Sto 18:11 ^{††} 8:1 2 Sml 6:12-16; 1 Sto 15:25-29 ^{†††} Te Israel dabego polua Etanim te polua pedalubo te dago polua te Septemba ma Oktoba te nogi ebo nogi tiwai si te pedelai.

Wali Bomai Po Muani Halobage p̄ba sisinani. Tama augwaligo te genuai sipsip hani me, te omai bulmakau dabe dali elama, tama Godiba ofa yali. Augwaligo te kibu hauwa mu te ofa eyu elali, tama bidigo augwali nedabo usu meni yai dao.

⁶ Augwa te tigidali kibu dabe ofa ela silama da, teda te pris dabego te Daḡ Wali Bomai Po Muani Halobage te Genuai Bidigo tempel be tomoba tolasa pelama, tama agai te muainu sisi ilali pesage te Tedali Gasagi Yai Mu Be Habuba muani, te ensel mobo bidi noma sigo bogo dologoba muai dao. ⁷ Te bogo dabe te dini-galuali, tama tialima, augwa te halobage dali te halobage ni palali bobage ni si me te halualio. ⁸ Te ni palali ni si te bobage mu, tama bidi te Tedali Gasagi Yai Be Habude dolaluyu, tama te Tedali Gasagi Yai Mu Be Habuba tonobaso da, agai te ni si dage badu suali. Tiali goli, bidi te be habu bulu badu dolalubaso da, te agai me sugobeo. Tama te ni me munalu dai dao. ⁹ Te halobage tomode te hauwa nai me munalubeo. Te Godigo bomai po elalubo masigi sawali si elaluali, te naga munaluali. Polobadu te Israel dabego te Isip bulu taga soyu, te Sainai bulu duba bidagasali sogo, tama Genuai Bidigo bomai po augwali dali daḡ wai. Te daḡ wali bomai po te masigi sawali side aseḡai elaluai, tama Mosesgo te masigi si te halobage tomoba muai dao. ††

¹⁰ Te pris dabe augwali te Tedali Gasagi Yai Mu Be Habude bidama, te buluba teda soali, tialima polo mu tama te p̄go te Genuai Bidigo tempel be paḡaḡa sali. ¹¹ Tama Genuai Bidigo bomai yai ula te p̄de ula umabo mu eyu, tama aga te paḡaḡa sali, tama tiyu te pris dabego augwa seḡ yabo usu meni yani. †

¹² Tialima, Solomongo gedu haluasa po e tama wali, "Genuai Bidi, nago te po weyu, nage te hulua sai p̄de mu bidaibao wai dao. ¹³ Tiali goli, megī da, eno te nago be wiegi yai mu me deli seḡ yani elalubao, tama nage te bede sesemane sogo bidada peyu, bidada pagameo," wali.

Solomongo po te we bidi augwaliba pusa mawai
(2 Sto 6:3-11)

¹⁴ King Solomongo gedu haluasa po olama da, teda aga begegi solama, tama te we bidi dabeba tonagasu, tama Godiba hanalu, te augwali bugagia wiegi yai ilao po wali. ¹⁵⁻¹⁸ Tialima, agai te tama po wali, "Te Godigo nogi ugwaba sao," wali, "te Israel dabe dago Genuai Bidi dao. Magi baso meni. Aga digi agai te eno aya Devit dali daḡ wali po te bugagia wali pali. Devitgo homugo te we bidi God p̄ba sisinagasabo be me deli seḡ emainu homu yai, te dago Genuai Bidi, te agaba lotu po omainu yali. Tiali goli, Genuai Bidigo agabolo te tama po wai, 'Te eno ena we bidi te Isipde gagalasa sela asali, te megī sogoba usu nagasu, eno te Israel dabe augwaligo enaba lotu omainu ebo be seḡ yabo te hani me deligo hanu me deli te eno sa me musiḡwai

† Te ni dono dabe te me munalubo wali te megī e sogode munalubo po olama me wabeo. Menio. Te po wali te e buku aseḡani bidi bidibo sogo po olama, te tiwai po walio. †† 8:9 Bom 10:5 † 8:11 Sai 40:34-35

dao. Tiali goli, Devit, eno nage sa muani, te eno we bidi nago tonalumainu yali. Nago te eno genuai be me deli seḡ yabo homu ebo, tama nago te ebo homu te wiegi yai homu dao. ††¹⁹ Tiali goli, nago digi eno te be me seḡ egobeo. Menio. Te nago ogwa mu me deligo te eno be seḡ emainu yaibao, te eno we bidi dabe augwali te ena p̄ba asomainu yaibao, 'God Genuai Bidigo te po wali.'" ††

²⁰ "Genuai Bidigo te bomai po daḡ waligo da, tama megī da, agai te tigidali usu nanio. Eno te ena aya Devitgo seḡ yali pesage hasegelama selama, tama ena te dage Israel bagego king bidibao, te Genuai Bidigo bomai po daḡ wali gilama te tiwai yali. Tama te dena Genuai Bidi te Godigo be me deli te eno seḡ yani, te da Genuai Bidi p̄ba pomainu yabo be dao. ²¹ Tama eno te pesage me deli te be tomode nigali, te Daḡ Wali Bomai Po Muani Halobage muabo madi. Te halobagede te dago waḡ n̄ḡ dabe te Isip t̄ḡ tagalama, te bidi meni yai bulu te Sainai bulu duba odasa aselama bidali sogo, te Genuai Bidigo mani bomai po aseḡani masigi sawali si te halobagede munaluali," Solomongo te Israel we bidi dabebolo te po wai.

Solomongo gedu haluasa po wali
(2 Sto 6:12-42)

²² Tama te tigidali Israel we bidi gedude Solomon pelama, te Genuai Bidigo alta p̄ba doligi pelama, tama agai nogo si ugwaba selama, ²³ tama gedu haluasa po te tiwai wali, "God, Israelgo Genuai Bidio, te nage tiwai god me deli te dagalu ugwadu ma te t̄ḡ aiyadu me bidibeo. Tama da te nago gedude bugagia bilibaso da, tama te dwai kolesaga me yabo homu isiḡyu ebaso da, teda nago te naga seḡ ebo bage da dali te daḡ wali bomai po te bugagia wali pomainu elama, tama sesemane sogo nago da godolo mu ebo dao. ²⁴ Naga digi nago te eno aya Devit te naga seḡ bidi dali polobadu te bomai po daḡ wali, tama naga digi te po bugagia wali pelama, tama megī da, nago naga te daḡ wali bomai po te usu nani dao," wali.

²⁵ "Tama megī da, te God, te Israel dabego Genuai Bidi, eno nageba te nago gasa bomai po te eno aya Devit dali daḡ wali pode te nageba hanalu obao," wali. "Nago agaba te tama po wali, 'Devit, te nago wai puluba hanigo te wali po sesemane sogo bugagia wali peyu, tama eno gedude dolo biliyu, te nago ebo tiwai gilama ebaso da, teda sesemane sogo te eno nago hanide te bidi me deli te Israel bagego king pedalumainu yaibao,' wali. ††²⁶ Awe, te Israelgo God, eno homugo nago te eno aya Devit dali te daḡ wali bomai po usu numainu homu ebao," wali. ²⁷ "Tiali goli, God, te mu tama nage te t̄ḡba bidagasainu homu ebo da, agawe? Dagalu te genuai pesage mu tama da, tiali goli te nage bidabo pesage te genuai me elalube. Tama magi baso te eno nago be seḡ yani te be te nago usu da waibawe? Te be usu egobeo. ††²⁸ Tiali goli God, eno Genuai Bidi, eno homugo te nago ena naga seḡ bidigo

†† 8:15-18 2 Sml 7:1-11; 1 Sto 17:1-10 †† 8:19 2 Sml 7:12-13; 1 Sto 17:11-12 ††† 8:25 1 Kin 2:4 ††† 8:27 2 Sto 2:6

gedu haluasa po wabo, me eno hanalubo po, te nago odomainu homu ebao, tama megi eno nagebolo bomonama hanalubo po te tiwai se nago emainu homu yai. ²⁹ Nago te po wali, te nago we bidi te nage paba asomainu yabo be da po wai. Tama eno homugo nago te beba tigidali sogode tonalumainu homu ebao, te giligade me hulide, tama ena nago se bidi eno te beba tonaluyu, te gedu haluasa po nageba wabo sogo da, teda nago eno te gedu haluasa po wabo odobo usu yaibao. ³⁰ Genuai Bidi, nage te naga bulu te dagalude bidibao. Tiali goli, te ena nago se ebo bidi me te Israel dabe, te naga we bidi hani dabego, te beba tonalu, te nageba gedu haluasa po obaso da, teda nago dago te gedu haluasa po wabo odolama, tama te dago sege sela sayao," po wai.

³¹ "Te bidi me deligo te gasa bidiba dwai se ebaso, tama augwali te beba aselama, tama te nago alta paba pelama, tama agai te aga te dwai se mu ebeo dau wabo po obaso da, ³² teda Genuai Bidi, nage te dagalude bidiyu, tama nago augwali sigo te po wabo odolama, tama augwaligo te po tu dodolao. Tama nago te dwai se yali bidiba te dwai dene ilama, tama te dwai kolesaga agaba wei ponao. Tama nago te dwai se isiwani bidiba te wiegi yai se eyu, te agai dwai se isiwani te bidiba ola mayu, te tama tiao," wali.

³³ "Tama da Israel dabe, naga we bidi dabego, te boi bidi dabeba hwibode tama nago te augwaligo da aiyaba elalumainu yai, magi baso meni, dago te nageba dwai se ebaso, tama nosali dago homu ma begeliyu, te nage dologode bidiyu, tama da nago te be tomoba aselama, tama gedu haluasa po weyu, te dago dwai sege sela saya po hanalubaso da, ³⁴ teda Genuai Bidi, nage te dagalude bidiyu, tama nago te naga we bidi dabego gedu haluasa po wabo odolama, tama dago dwai sege sela sayao," wali. "Tama te boi bidi dabego da te gasa tu pedaiba selasa pobaso da, teda nago digi da te dena waj nu dabebolo te nago polobadu da mani te toba ma odasa asu yao," po wai.

³⁵ "Tama naga we bidi dago dwai se nageba ebaso, tama nago te dwai se wei ponoyu, te tulubage dau weyu palia sobaso, te nosali dago ge nenama, homu begeliyu, tama nage dologoba aselama bidiyu, tama dago te beba tonalu, tama nageba gedu haluasa po obaso da, ³⁶ teda Genuai Bidi, nage te dagalude bidiyu, te gedu haluasa po odoyu, tama nago te da Israel naga se ebo we bidi dabego sege sela sayu yao. Nago dabolo te doloba pai kolesaga wali pomainu ola mao. Tama te dago tu da olama bidimainu nago te polobadu naga we bidi dabolo mani toba te tulubage ma mayu tagala palao," te po wai.

³⁷ "Tama te genuai nasi te dago toba pedalubaso, ma te genuai gasi me deli pedalubaso, ma te posolai wali asu, tama te gide nai dabe dolabo gasi me deli pedalubaso, ma te kuli mano hauwa umabo mu asiyu, te nai dabe silibaso, ma te boi bidi dabego hwjagasu te dago hanude te da bagua sagasobaso, ma te haniani gasigo da dolobaso, ³⁸ tama nosali da Israel dabe me

deli te naga we bidi dabe, te sege agaba pedaluyu, tama aga yali dwai se koneyu elama, tama te tempel beba tonalu, tama aga nogo ugwaba siyu, tama nageba gedu haluasa po obaso da, ³⁹ teda Genuai Bidi, nage te naga bulu te dagalude bidiyu, tama nago agai gedu haluasa po wabo odolama, tama agai sege sela sayu, te aga tau sao. Nago naga te nago tigidali bidigo homu koneani, tama tiyu, nago te tigidali deli deli bidigo kolesaga dagaliyu, tama augwa te yali kolesagade usu nama, te dene wei ponobo dao. ⁴⁰ Te nago tama tibaso da, teda da naga hani bidi dabe te nago dago waj nu dabebolo te mani toba bidiyu, te tigidali sogo nage dologode bidaibao," te po wali.

⁴¹⁻⁴² "Te gasa bulu tu pedaide bidibo Israel hani isawai bidi dabego te nago genuai nogide po odoyu, tama te nago te naga we bidi dabe tau siyu, te genuai se dabe mu ebo po wali. Tama te bidi dabe augwali me deligo te nageba lotu wabo homu ebaso, tama te aga page bulu tagalama, tama te tempel be paba aselama, tama nageba gedu haluasa po obaso da, ⁴³ teda Genuai Bidi, nage te naga bulu dagalude bidiyu, tama nago agai gedu haluasa po wabo odolama, tama nagebolo hanalu, te yao wali se te se nago yao. Tama tiyu, te tigidali bulu bidi hanigo te nage koneama, te nage dologode bidaibao, te da Israel dabe, te nago we bidi dabego ebo tiwai gilama yaibao. Tama te augwa koneama, eno te se yani be, te nago be elalubaso, tama te pesageba te we bidi dabe nage paba asomainu te tama tiao," po wali.

⁴⁴ "Tama nago te naga we bidi dabe da te me badu me te boi bidi dabeba hwjgi pomainu tagala palalima, tama augwaligo nago te sa muani taunba dali, te tempel beba dali si tonalu, tama augwaligo gedu haluasa po obaso da, ⁴⁵ teda Genuai Bidi, nage te bulu dagalude bidiyu, tama te nago augwaligo gedu haluasa po wabo odolama, te nago te olo mu tau sabo wiegi yai kolesaga elama, te augwali tau sao," po wali.

⁴⁶ "Tigidali we bidigo dwai se ebo da. Tama nosali te Israel dabego te dwai se nageba ebaso, tama nago augwali dali wado po weyu, tama nago te boi bidi dabego augwali aiyaba elalumainu elama, te augwali kalabus elama, tama augwali te pade elalubo bulu toba, ma te digibulu toba selasa pomainu ilama, ⁴⁷⁻⁴⁹ tama nosali augwali te boi bidi dabego bulu toba bidiyu, tama augwaligo te augwa yali dwai sege homu hauwa kone paliyu, te augwaligo homu begelibaso da, teda Genuai Bidi, nago augwaligo te gedu haluasa po wabo odao. Mu tama, augwali te boi bidi dabego toba kalabuside bidiyu, tama augwaligo nageba konealubo homu dau weyu, te nageba naga homu koneyu, tama ge nenama, homu mu begelama, tama augwaligo te nago augwaligo waj nu dabeba sa muyu mani te toba tonalu, te e hanuba dali te nago eno se yani beba tonalu, te we bidi dabe nage paba asainu ebo homu elama, tama te augwaligo gedu haluasa po te tama waibao, 'Te hobede mu da, da te dwai se ebo kolesagade biliyu, tama te dwai kolesaga haniani yali dao,' te po obaso da, teda nage te naga bulu dagalude

bidiyu, tama te nago augwaligo gedu haluasa po wabo odolama, te nago olo tau mabo wiegi yai kole-saga eyu, te augwali tau sao," po wai. ⁵⁰ "Tama nago te nago we bidigo nagede yali tigidali dwai sę me, hago-ma ebo kolesaga tigidali te tagalumainu elama, tama nago te boi bidi dabego augwali homu dene emainu eyu, tama te olo mu tau mabo wiegi yai kolesaga emainu ilao, ⁵¹ magi baso meni, da Israel hani te nago digi tedali sa muani we bidi dabe mu da. Tama nago da te Isipde sali, te bulu te sesena pabo sia tiwai ebaso, tama nago da te sa muani tęde bidimainu odasa asai dao," wali.

⁵² "Genuai Bidi, sesemane sogo nosali nago sę ebo we bidi da Israel dabe tonaluyu, tama naga we bidi dabe dago gedu haluasa po wabo odainu sisi elaluao, me ena te Israel dabego kingo gedu haluasa po weyu, hanalu wabo po me odoyu yao. ⁵³ Magi baso meni, nago da Israel dabe te gasa hani we bidi tigidali tomode dia selama, tama da te nago tedali sa muani we bidi mu pedelali, te nago bomai pode daę wali po wali peyu, te tiwai yali. God, Genuai Bidi, nago te bomai po te Moses, naga sę bidigo pedauwalide daę walali, te nago dago waę nõę dabe te Isip tęde selama, te augwali odasa asali sogo te tama tiai dao," Solomongo te tiwai aga gedu haluasa po wai.

Te we bidi bugagia wiegi yai ilimainu te Solomongo Godiba hanalu wai

⁵⁴ Te Solomongo Genuai Bidiba gedu haluasa po wabo sogo, agai kidu te alta paęa sugunugulama, tama agai nogo si te ugwa sali. Tialima, agai te tigidali gedu haluasa po ola silibo si da, te aga hodaluama dolalu, ⁵⁵ tama agai bomonama i weyu, te tigidali we bidigo bugagia odomainu yali, tama agai Godiba hanaluyu, te Israel we bidi tigidali bugagia wiegi yai ilao po hanalu wai. Solomongo te tiwai wali, ⁵⁶ "Te Genuai Bidigo nogi ugwaba sao. Agai te wiegi yai homu nagame ebo me, te bugagia bidibo kolesaga te da Israelbolo mani, te aga we bidi dabebolo, te agai po daę walali tiwai gilama te tiwai yali. Agai dade te aga daę wali wiegi yai po te aga sę bidi Mosesgo pedauwalide wali po te me deli me tagalubeo. Menio. Agai te po tigidali usu nai dao. ¹⁵⁷ God, dago Genuai Bidi, eno homugo te nage da dali bidimainu ebaso, te dago waę nõę dabe dali bidali tiwai gilama emainu yao. Tama eno homugo agai da tagaliyu, te da olo bidimainu me egobeo. ⁵⁸ Tama eno homugo agai te dago homugo aga wei homu emainu elama, tama da te agai dabolo sa muani wiegi yai sunumidu bilimainu yaibao, tama dago te bomai po dabe me te agai dago waę nõę dabebolo mani po te wali pomainu emainao. ⁵⁹ Tama eno homugo sesemane sogo giligade me hulide, God, dago Genuai Bidigo, te eno agabolo gedu haluasa po wabo te aga homugo konemainu ebaso. Tama agai te olo mu tau sabo wiegi yai homu kolesagago te da Israel dabe, te aga we bidi, tau somainu yaibao, tama agai te dago king tau somainu yaibao. Tama tigidali

side te da nai te me sęa pomainu me egobeo. ⁶⁰ Tama tialima, te tigidali bulu tę pedai badu te tigidali bidi hanigo te tiwai konemainu yaibao, te Genuai Bidi deli naga te God tama, te gasa god me meni da homu emainao. ⁶¹ Tiali goli, sesemane sogo dagego te dena Genuai Bidi, te Godiba naga homu kone paliyu, tama aga deli dologode naga bidao," wali. "Tama dagego te tigidali bomai po me, agai po me, bomonama wali peyu, te dagego megi ebo tiwai gilama yao," Solomongo augwalibolo te po wai.

Augwaligo te be sa muyu, te Genuai Bidigo be mu da wali (2 Sto 7:4-10)

⁶² Tialima, king Solomon dali te tigidali we bidigo te ofa dabe te Genuai Bidiba yali. ⁶³ Solomongo te bidi sese umabo te 22,000 bulmakau omai, me te bidi sese umabo te 120,000 sipsip dali meme dali sela aselama, tama te God dali deli homu pedalubo ofa yali. Te kole-sagade, te king dali, te tigidali Israelgo me te tempel be te Genuai Bidigo be mu da weyu, te sa muyu, te tama sę pedelali.

⁶⁴ Te sogo me, king Solomongo te sisinani pesage tomode te Genuai Bidigo tempel be gesabidide elaluali tę pedaide te sa muani, tama te tę te Genuai Bidigo tę mu pedelali. Tama te tę pedaide te siago tigidali domainu ulubo ofa me, te wit ofa ebo me, tama agai te kibu dabego ili me te deli homu pedelainu ebo ofa dabe yabo tę nigilali. Augwa te ofa dabe te tę pedaide te siaba ulali, magi baso meni, te pesagede te genuai elaluali, tama te alta bras te dwasianu ebaso, tama augwa te ofa dabe te altade naga yabo te usu meni yani.

⁶⁵ Te sogo Solomon dali, te tigidali Israel dabe me, te Jerusalemba sisinama, te osogo bidabo bedo bidibo bodolu muani te genuai side sisinama bidali. Augwali te Genuai Bidi dago Godigo gedude sisinama bidali te a naga olama, me si sogo te sisinama bidali, tama nosali augwali te a naga olama, me si te tama sogo ma sisinani, te tigidali deliba taluama, te 14 sogo bidai. Te genuai hani we bidi te tigidali tę pedai badu asali, te Hamat hanuba pabo sunumi tulumage side gagalasa pali, te not pedai badu teba usu nigi pelama, te Isip tę pedai te saut badu daę igi pai. ⁶⁶ Te genuai bodolu muani side bidali te silama, tama te nosali Solomongo te we bidi dabe augwa buluba ma tagala palali. Tama te we bidi dabego te kingba usu da po weyu, te tigidali sę agai te elama, te augwaligo te Genuai Bidiba hanaluyu, te agaba wiegi yai sę bugagia emainu yali. Tama augwali pabo sogo te augwali wiegi yai homu pemene mu yali, magi baso meni, te Genuai Bidigo te Israel dabe augwaliba te tigidali wiegi yai sę yali homu kone palama tiali, te aga we bidi augwaliba te sę yai, te aga sę bidi Devit dali te daę walali po tigidali te usu nagasu te tama tiai dao.

God te Solomonba ma pedelai
(2 Sto 7:11-22)

9 Te Solomongo te Genuai Bidigo tempel be me, te aga kingo bidabo genuai wiegi yai be me, tama agai te sę yabo homu yali, te tigidali gasa be me te sę silai. ² Tama nosali Genuai Bidi agaba te nade ma pedelali, te polobadu Genuai Bidi te Gibeonde pedelali tiwai gilama yali. ¹³ Tama Genuai Bidigo agabolo te tama po wai, "Eno te nago te enaba wali gedu haluasa po dali, te nago bomonama hanalu wali po me, te odali. Tama eno nago te sę yani be sa muyu, te be te eno be elalueibao, tama sesemane sogo te we bidi augwali te ena pąba te beba asiyu yao po wai. Tama sesemane sogo eno te beba tonaludu, tama teba homu kone yaibao. ⁴ Tama nagede, te nago ena deli naga homu konealu, tama doloba pai kolesagade biliyu, tama eno bomai po tigidali wali peyu, tama eno nagebolo wali sę po tigidali eyu, te naga aya Devitgo yali sę tiwai gilama yao po wai. ⁵ Te nago te tama tibaso da, teda te sesemane sogo eno te Israel king dabe te nago hanide naga pedalumainu yaibao, te eno nago aya Devit dali te daų wali bomai po usu nainogo te tama tiaibao. Eno agabolo te tama po wai, 'Devit, te sesemane sogo te eno nago hani bidi me delide te Israel king pedalumainu ilaibao,' po wai dao," wali. ††

⁶ "Tiali goli, Solomon, te nage me, te nago hani nosali pedalubo bagego, te ena mu tagaliyu, te eno dagebolo mani bomai po me eno gasa po dali te wali me pisiąma, tama dagego te tibo god dabe wali peyu, te augwaliba lotu obaso da, ⁷ teda eno augwaliba te mani tųde bidibo te tigidali Israel dabe te eno sela sąwaibao," wali. "Tama me eno te tempel be te tudi ola mayu, te ena digi sa muai be te eno te beba homu kone me egobeo. Tama te tigidali bulu bidi hanigo te Israel dabe te dolobo po me, te posobo po me, te augwaliba waibao ⁸ Megi da, te tempel bego genuai nogi elalubao, tiali goli te dolaibao. Tama tedu asobo bidi augwaligo sueibao. Te augwali midigi dwai mu selama, te moni wi mu yaibao. Tama augwa te kęnę po waibao, 'Magi baso Genuai Bidigo te tų me, te be dolaliwe?' ¹⁹ Tama mebago te po wei ponaibao, 'Te page e dao,' po waibao. 'Te Israel dabego te God tagalali, te augwa Genuai Bidi dao. Polobadu agai te augwa wąj nųd dabe te Isipde selama, tama augwali te buluba odasa asali. Tiali goli, augwaligo te God tagaliyu, tama te tibo godiba begegi pelama, te augwali dologode bidiyu, augwali wali peyu, te augwaliba lotu wali. Tama tibaso, Genuai Bidigo te dolobo sę augwaliba pedelali dao,' augwaligo te po waibao," God Genuai Bidigo te po wali.

Solomongo te king Hiramba te wiegi yai homu ilibo
nai mani
(2 Sto 8:1-2)

¹⁰ Te Solomon dali, te aga sę bidi dabe daligo te Genuai Bidigo tempel be sę yani silama, tama nosali aga be me sę yani. Te tigidali sę te bidi sese kibu be 20 yia tomode ela silali. ¹¹ King Hiram te Tair hanu bidigo te bų ni dabe me, wuli ni me, tama te gol hauwa me te Solomonba menama, te sę emainu yali. Tama te tigidali sę silali sogo, Solomongo te bidi sese deli te 20 taun te Hiramba te wiegi yai homu ilibo tiwai elama mani. Te hanu dabe te Galili bulu tų pedaide elaluai. ¹² Tama Hiram te Tair hanude bidali tagalama, te aselama, te taun dabe suagasali, tiali goli te taun dabe augwali te agai wei meni yani. ¹³ Tama te agai Solomonbolo te tama po wali, "Amao, te menagi yai taun dabe te nago enaba maniwe?" Te tama page naga elalubaso, tama megi te tama tebode te bidi dabego te badu pedai badu te tama nogi polali, te Kabul Tų da wai dao. ¹⁴ Te Hiramgo Solomonbolo mani te gol dabe te hauwa umabo mu tama mawai dao, te be dabe sę yabo nai dao. Tama te golgo sęęęo te 4 ton wabo te aiyaba mu elaluai dao.

Te gasa sę dabe Solomongo yai
(2 Sto 8:3-18)

¹⁵ King Solomongo te bidi hauwa selama, tama augwalibolo te agai sę yao po wali. Agai te Genuai Bidigo tempel be sę me, te aga be sę me, te Jerusalem masigi obo bagulubo sę me emainu yali. Tama agai augwaligo te Jerusalemde te odogo elaluali pesage te dolo si iliyu, pąąnumainu ebo sę ilali. Tama agai augwaligo te Hasor hanu me, Megido hanu me, Geser hanu te ma nigimainu ebo sę mawai dao. ¹⁶ Polobadu te hanu Geser te Kenan dabego hanu elaluali, tiali goli te Isip kingo augwaliba hwągaselama, tama augwali ela muyu, tama te hanu siago uluyu yai. Tialima, Solomongo te kingo wegi sali sogo, te kingo te Geser hanu te aga wegiba wiegi yai homu ilibo tiwai eyu, te hanu mawai dao. ¹⁷ Tama nosali Solomongo te hanu Geser ma nigai. Tama agai te Bethoron Aiyadu te hanu me, ¹⁸ te Balat hanu me, te Tamar hanu ma nigali. Balat me Tamar te hanu si te Juda wa pai bulu tųde elaluai. ¹⁹ Tama agai te mena hanu te aga genuai bakstua elalubo hanu me, te hwįbo karis muabo hanu me, te hos dabe muabo hanu me, te tigidali gasa nai agai te Jerusalemde me Lebanonde te agai tonalu tigidali bulu hanu tųde nigabo homu yali nai, te tigidali nigila silali.

²⁰ Te Israel bulu tųde te gasa hani we bidi meba augwali bidali. Te augwali te Amor, me Hit, me Peres, me Hivi, me Jebus, te hani augwali bidali. ²¹ Polobadu mu te Israel dabego te hani augwali te hauwa mu elali, tiali goli augwaligo te augwali tigidali mu ela silibeo. Megi da, Solomongo te hani dabe augwali aga te olo mu sę ebo bidi dabe pedelali, tama megi me augwali

† 9:2 1 Kin 3:5; 2 Sto 1:7 †† 9:5 1 Kin 2:4 ‡ 9:8 2 Kin 25:9; 2 Sto 36:19

†† Kabul Tų. Te Hibru pogo te nogi te pąde te tiwai te tobage po, Dwai Tų Da po wali.

te olo mu sę ebo bidi dabe bidibao. ^{†22} Tiali goli, Solomongo te Israel dabe augwali te olo sę ebo bidi tiwai pedalumainu me ebeo. Mu menio. Te agai augwali te ami bidi bidibo sę me, te gavman ofisa bidi sę me, te ami bidi dabe tonalubo bidi ofisa sę me emainu yali. Tama meba te ami bidi dabe tonalubo ofisa sę bidi tiwai te karisde dolaluyu, hwjgi pabo ami bidi tonalubo sę me, te hosde dualasa peyu hwjbo ami bidi dabe tonalubo sę ebo bidi meba te sę ela pali. ²³ Te Solomongo sę ebo bidi hani dabe tonalubo sę ebo bidi dabe te 550 elaluai dao.

²⁴ Te Solomongo wego te Devitgo hanude bidali tagalama, te Solomongo aga gesi sę yani beba pelama, bidigi pali. Te we te Isip kingo wegi dao. Tama te tudi badu nosali, Solomongo te bidi dabebolo te po weyu, te Jerusalem odogo elalubo pesage badu te paęanao po wai dao.

²⁵ Te tigidali kibu bede, te sela sogode, Solomongo aga te nigali altade te Genuai Bidiba ofa eyu yai. Agai te siago tigidali domainu ulubo ofa me, te Genuai Bidi dali deli homu pedalumainu ebo ofa dabe me yali. Tama agai te ebo ofa dabe dali, te denami hano holobo ofa dali yali. Solomongo te tempel be sę yani te ofa me te lotu me wainu sę yai. Tama agai te ofa dabe gagalama yali sogo, te bego sę te agai usu nama mu yai dao. ^{††}

²⁶ King Solomongo sip hauwa te Esiongeber hanude nigali. Esiongeber te Idom bulu tų pedai, te Elat hanu paęde, te Mama Yai Tamu aę sane, te Akaba tų pedai badu elaluai dao. ²⁷ Tama king Hiramgo te agai wiegi yai boskru meba te Solomongo boskru dabe dali te sipde sę emainu tagala palalio. ²⁸ Tama te sip dabe te Ofir bulu tų pedaiba pelama, tama te gol hauwa selama, tama te Solomonba selasa asiyu yali. Te gol dabego sęęę te nogo si olama, saęaęo me si me si, te 14 ton aiyaba elaluai dao.

Te Seba kwin aselama, Solomon suagasali
(2 Sto 9:1-12)

10 Te Seba tų pedai kantri polalubo we, te kwin wabo we, te kwingo te tama po odali, te Genuai Bidigo te Solomon bugagia wiegi yai ilama, tama te Solomongo genuai nogi elalubo po odali. Tama tiyu, te kwin we aselama, te Solomonba te gegeda pai hanalubo po meba, te Solomon aga usu sabo hanalubo po meba, te agaba hanalu wagasali. ² Kwin te Jerusalemba asali, te aga sę bidi hauwa dali, te genuai hani kamel dali me asali. Te kamel dabego te gol hauwa mu me, te tobage pauda me, te wiegi yai denami ebo nai dabe me, te gasa sawi yai masigi dabe, te nai dabe sesali. Te kwin we sabolagaselama da, teda agai te hanaluabo homu yali po tigidali te Solomonba hanalu walio. ³ Tama Solomongo agai te hanalu wali po tigidali dolo mu wei ponani. Te hanalu wali po me deli te Solomongo me konesięwai ebeo. Mu menio.

[†] Te megı wali po me te megı e sogo elalubo po olama te po me wabeo. Menio. Te e buku asęani bidi bidali sogo elaluali po olama, te po wai dao. ^{††} 9:25 Sai 23:17; 34:23; Bom 16:16

⁴ Kwingo te Solomongo koneani wiegi yai homu kole-saga tigidali po odali, tama me agai te kingo genuai be sę yani me suali. ⁵ Tama kwingo te wiegi yai nai hauwa te tigidali sogo Solomongo sabo suali, te agai ofisa dabe te Solomon dali deliba dualama nai tubo me suali. Tama agai te kingo sę bidi dabe me, te gasa sawi yai ugwa te augwa mubo suyu, te agai te wain wę dob-
abo bidi dabe me suali. Tama agai Solomongo te Genuai Bidigo tempel beba sela pabo kibu dabe me, te tigidali siaba ulama domainu ofa ebo me suai. Agai te wiegi yai nai dabe tigidali sulama, tama aga midigi mu elama, te aga po mu wabeo.

⁶ Tama nosali Solomonba agai te tiwai po wali, "Ena te ena bulu tų pedaide bidiyu, tama eno te nago ebo sę dabe po, me te nago koneani wiegi yai homu kole-sagade po te eno odali. Tama megı da, eno koneani, te tigidali po te mu dao. ⁷ Hasia eno homugo te mu po da homu me ebeo. Tiali goli, megı da, ena aselama, te ena gedugo digi eno subao. Te mu tamao, te megı eno suali nai dabego te eno odali po te aiyaba elaluali. Te nago koneani wiegi yai homu kolesaga te umabo digi mu igulama, tama te nago mone me doado bage te hauwa mu elalubao," po wali. ⁸ "Te nago bidi dabego te wiegi yai homu pemene ebadi bogo dao. Tama naga dali te bidalubo ofisa dabego, augwaligo me te wiegi yai homu pemene ebo homu ebao, magı baso meni, sesemane sogo augwaligo te nago koneani wiegi yai homu kolesagade po te augwaligo odobao. ⁹ Eno te Genuai Bidi te nago God nogi ugwaba sobao. Agai bugai homu nageba ebaso, te nage Israel king pedalumainu ilali. Agai dage Israel te wei ebo homu umabo mu elama, tama agai te godolo eyu, wei ebo homu te me siligobeo. Tama tialima, agai nage te king pedalumainogo ilama, te nago te po tų odobo sę dolo mu naga eyu, tama te Israel dabe te wiegi yai doloba pai kolesagago tonalumainu yali dao," te Seba kwin wego te po wai.

¹⁰ Tialima, te Seba kwingo te gol hauwa te Solomonba mani, tama te golgo sęęęo te 4 ton aiyaba elaluali. Tama kwingo te tobage nai pauda dabe te wiegi yai denami ebo nai me, te gasa wiegi yai masigi dabe me mani. Te pauda dabe te hauwa mu tamao. Tama nosali te sogo te tobage denami ebo pauda hauwa te Israel bulu tų tomoba me asobeo. [‡]

¹¹ Te Hiram kingo sip dabe te Ofir tų pedaiba pelama, te gol hauwa me, te tobage wiegi yai ni nami me deli te hauwa badi, te gasa wiegi yai masigi me hauwa selama, tama augwaligo te Israelba selasa asali. ¹² Tialima, Solomongo te sę bidi dabebolo te wiegi yai ni sao po olama, tama te Genuai Bidigo tempel be au ilabo nai me, te aga be au ilabo nai me nigibadi yali. Tama me agai augwalibolo te wiegi yai ni selama, te gita dabe nigao po wali, te bidi dabego te musik weyu elimainu yali. Tama te sogo nosali te bidi dabego te tobage wiegi yai ni hauwa te Israel tų pedaide me susięwai.

[‡] 10:10 Mat 12:42; Luk 11:31

¹³ King Solomongo te wiegi yai nai hauwa te Seba kwinba mani, te kwingo wei homu ebo te usu nubo se yali. Tama me te Solomongo digi te gasa wiegi yai nai hauwa te agabolo mawai. Tialima, nosali te kwin aga se bidi dabe dali te augwa bulu to pedaiba ma palio.

Solomongo te doado bage me mone hauwa elaluali
(2 Sto 9:13-28)

¹⁴ Te tigidali kibu bede Solomongo te 23 ton gol siyu yai. ¹⁵ Tama agai te tobage bisnis bidi dabede me te takis mone siyu yai. Tama te Arebia bulu kingo me, te Israel to pedai dabede bidibo te polalubo kiap dagego me, te agaba mone mayu yai dao.

¹⁶ Solomongo po obaso, tama augwa te se bidi dabego te hwjbo genuai sabele te 200 nigali. Tama augwa te gol selama, te sabele dabe haluali. Te deli deli ni sabele te golgo sege te pade 7 kilogram tama. ¹⁷ Tama augwa te hwjbo dwasianu ni nami sabele te 300 nigali. Tama augwa te gol selama, te ni sabele dabe haluali. Te deli deli sabelede te golgo sege te pade 2 kilogram tama. Tama Solomongo po obaso, tama te se bidi dabego te tigidali sabele te nogi polali be, te Lebanon Genuai Ni Sili Be, te tomoba muani, te be au iliyu tama tiali.

¹⁸ Tama te Solomongo po obaso, tama augwaligo te genuai sia king me deli nigai. Tama augwaligo te wiegi yai gol me, te genuai hasa elefango moni kele dabe me selama, tama te sia sai au ilali. ¹⁹⁻²⁰ Te ugwadu daide muabo sia king te augwaligo te agala sabo madi te me sela, me sela nigali, te siaba holabo digi nigilali. Tama augwaligo te boma pai uni hasa laiongo piksa te nogo si olama, sagago si nigilama, tama te agala sabo madi dualali. Te agala sabo pesage deli delide te laion si elaluali, te me badu me elalu, te me badu me elalu yali. Tama te sia ugwadu tudi badu te baguasi elaluai. Tama te siade te nogo muabo pesage si elaluali. Te nogo muabo pesage pade te augwa laiongo piksa si ma nigai, te me badu me elalu, me badu me elalu yali. Te gasa bulu to pedai king dabego te tobage tiwai sia me elalubeo. ²¹ Te se bidi dabego te gol selama, tama te Solomongo we tubo kap dabe nigali. Tama te tigidali plet pou te Lebanon Genuai Ni Sili Bede munaluali, augwa te wiegi yai golgo naga nigai. Augwaligo te nai dabe me deli te silvago me nigibe, magi baso meni, te Solomon bidali sogo augwaligo homugo te silva te olo nai tiwai da homu yali. ²² Solomongo te genuai sip hauwa elaluali, tama te sip dabe te buluba pabo te Hiramgo sip dabe dali bilali. Te sip dabe te kibu be selade bilyu, te gol, me silva, me te elefan kele, me te haniani hasa monki dabe selama, tama augwaligo te Israelba selasa asali.

²³ King Solomongo te gasa bulu to pedai king dabe te doado bagego, me monego, me te koneani wiegi yai homu kolesagago te augwali gasa bulu king dabe te aiyaba mu elaluai dao. ²⁴ Te tigidali bulu bidi dabe aselama, Solomon suagasu yali, te Godigo agabolo mani te koneani wiegi yai homu kolesaga te po odainu yai. ²⁵ Te tigidali kibu bede te bidi dabe asiyu, tama

tigidaligo te Solomonba wiegi yai homu eyu maiabo nai sesali. Augwaligo te bidi dabego te silvago me golgo nigai nai dabe sela asiyu, me augwaligo te wiegi yai ugwa dabe, me te hwjbo nai dabe sesali, tama te tobage pauda me te wiegi yai denami ebo nai, te hos dabe, me te donki dabe, te sela asiyu yai dao.

²⁶ Te sesemane sogo Solomongo te hwjbo karis dabe, me te aga ami dabego hos dabe sabo se yali. Tama agai te karis dabe me, te hos me, te hanu meba dabeba munama, te agai augwali tonaluminum sa muani hanuba te augwali muani, tama meba aga dali te Jerusalemde bidali. Agai te hwjbo karis te 1,400, me te hos 12,000 me tama elaluali. ²⁷ Te Solomon king bidali sogo, agai te silva me te bo ni hauwa te Jerusalemba sesali. Tama te sogo te silva hauwa mu elaluai, te olo masigi dabe tiwai elaluai. Tama te ni bo me hauwa elaluali, te olo ni dabe te Israelde te dwasianu bulu dude sai ni dabe tiwai elaluai dao.

²⁸ Solomongo te aga hos dabe te bulu Musri tode, me te Silisia to pedaide salio. Agai te bisnis bidi dabe te Silisia toba te agai hos dabe abeligi pomainu tagala palai dao. ²⁹ Tama te bisnis bidi dabego te karis me, hos dabe me, te Musri bulude abelali. Te deli deli karis abelali mone te 6,000 kina, me te deli deli hosde te abelali mone, te 1,500 kina dao. Tama te bisnis bidi dabego te karis dabe, me te hos dabe selama, te Hit me Siria bulu king dabeba sela pelama, tama te king dabego abeliyu yai dao.

Solomongo God tudiba muani

11 Solomongo te gasa bulu we dabe hauwa te wei eyu, godolo homu yai. Agai te Isip king bidigo wegi sali, tiali goli agai te gasa bulu te Moap, me Amon, me Idom, me Saidon, me Hit, te tama bulu we dabe me te sali. ² Tiali goli, te we dabe augwali te Godigo po odisabo bulu hani we, tama Genuai Bidigo te Israel dabe augwaliba habu seliyu, te tobage we dabe sigio wali. Polobadu Genuai Bidigo te Israel dabeba te tiwai po wai, "Dage Israel dabego te Godigo po odisawai bulu we dabe sigio," wali. "Te tiwai dagego ebaso da, mu tama te augwaligo dage kekebaso, tama te dagego ena tagalama, tama te augwaligo tibo god te wali paibao." Genuai Bidigo te tama po wali, tiali goli Solomongo te we dabe augwali wei eyu, godolo homu mu yali. ³ Solomongo we 700 elaluali, te augwali te gasa to pedai kantri polalubo bidi dabego wegi da, tama agai te gasa si wali we hani me te 300 elaluai. Tama te we dabego agai homu bega selama, tama agai te Genuai Bidi tudiba muani. ⁴ Te aga monu dabe ebo sogo, aga te we dabego aga homu te tibo godiba kekasa pali. Tama tiyu, Solomongo te aga aya Devitgo kolesaga te tagalama, tama agai te aga Genuai Bidi wali mu me pabeo. Menio. ⁵ Agai te As-tarte, te Saidon dabego god weba lotu weyu, tama aga te Molek, te Amon dabego kugumini yai tibo godiba me lotu weyu yai. ⁶ Te kolesagade Solomongo te Genu-

† 10:26 1 Kin 4:26 †† 10:27 Bom 17:17 ‡ 10:28 Bom 17:16
†† 11:1 Bom 17:17 ‡† 11:2 Sai 34:16; Bom 7:3-4

ai Bidigo gedude te dwai kolesaga mu yali. Agai te Devitgo wiegi yai kolesaga tagalali, tama agai te Genuai Bidi wali mu me pabeo. ⁷ Agai te Moap dabego te kugumini yai tibo god te Kemosba lotu wabo pesage me deli nigali. Te bulu te Jerusalem giliga pedalubo badu te bulu du bagede elalui. Tama agai te Amon dabego kugumini yai god te Molekba lotu wabo pesage me deli nigali. ⁸ Tama agai te Godigo po odis-
aḅo bulu we dabego te denami ilibo ofa, me te gasa tobage te tibo god dabeba ofa yabo pesage meba me nigai.

⁹⁻¹⁰ God, te Israelgo Genuai Bidi, te si sogo Solomonba pedelama, tama agabolo te tibo godiba lotu wagio po olama, te habu selali. Tiali goli, Solomongo te Genuai Bidigo po sela saḅama, te aga tudiba muani. Tama tialima, Genuai Bidigo Solomonba wado po weyu, ¹¹ tama agabolo te tiwai po wali, "Odao. Nago te naga homu wali naga peyu, tama nago eno daḅ wali bomai po togolama, tama nago eno po wali me pabeo. Tama tibaso, eno homugo te nage king bidibo seḅ te sela saḅabo homu eyu, tama nago te bulu tḅ ma tonalubaso, te usu me egobeo. Tama eno te nago ofisa bidi me deli te king pedalumainu yaibao," po wali. ¹² "Tiali goli, te seḅ megi tama me egobeo, magi baso meni, eno nago aya Devit te homu kone palali. Nage isai madi, te nago ogwa king pedalubaso da, teda eno te aga sela saḅaibao. ¹³ Tiali goli, eno aga te king seḅde mu sela saḅobeo. Menio. Magi baso meni, eno te ena seḅ bidi Devitde homu kone palali, me te Jerusalem, eno te sa muani hanu da. Tama tiyu, eno te nago ogwago te king bidibaso, te agai te Israel hani nogo si olama, saḅa me badu si hani dabe tomode agai te hani me deligo naga king bidimainu ilaibao," God Genuai Bidigo te po wai.

Te Solomongo boi bidi si pedelai

¹⁴ Tialima, Genuai Bidigo te Solomonba boi bidi ebo bidi me deli pedalumainu ilali. Te boi bidi nogi te Hadat, tama aga te Idom kingo hani bage dao.

¹⁵ Polobadu, king Devit bidali sogo te Idom dabe dali boi hwjani. Tama Joap, te Israel amide polalubo ofisa bidi, aga te Idomba pelama, te boi hwjyu isali bidi tigidali pubaligi pai. ¹⁶ Tialima, te aga ami bidi dabe dali te Idom bulude te polua me sela me sela bidiyu, tama augwaligo te Idom bidi dabe naga elala pali, te tigidali siligi pabo teba usu nani. ¹⁷ Te sogo Hadat aga te dwasianu ogomanide, tama aga te Idom bidi meba dali wi pali, te aga ayago ofisa bidi dabe dali pai. Augwali te Isipba painu pai, ¹⁸ tama augwali peyu, te Midian tḅ taga pelama, tama te wa pai bulu Paranba sabolali. Tama augwaligo te Paran bidi meba selama, tama tigidali te Isipba pali. Augwali sabolama, teda augwaligo te king sugi pelama, tama agai te Hadatbolo te tḅ me deli mayu, te be me deli mayu elama, tama aga te nai mayu bidali.

¹⁹ Kingo te Hadat wei eyu, godolo homu elama, tama kingo te kwin Tapenesgo ama te Hadatba mawai. Tapenes te Isip kingo we dao. ²⁰ Tialima, te Hadatgo

wego te ogwa me deli ame nani, tama augwaligo aga nogi te Genubat poali. Tama kwin Tapenesgo te Genubat selama, tama aga te kingo bede te Isip king bidigo wai dabe dali tonalu bidali.

²¹ Te Hadat te Isipde bidali, tama nosali agai te tiwai po asobo odali, Devit dali Joap me, te Israel ami tonalubo polaluali ofisa bidi, te isali po odali. Agai odali, te Israel bage te isali po wai. Agai te po odama, teda aga pelama, te Isip kingba te tiwai po wagi pali, "Eno homugo te nago ena te ena bulu tḅba ma po-mainu ilao," po wali.

²² Tama kingo agabolo te tama po hanalu wali, "Magi baso te nage naga bulu tḅba ma painu obawe? Te nage ena dali bidiyu, te magi nai me deli saḅ pobaso obawe?"

Tama Hadatgo agabolo te tama po wai, "Ena te magi nai deli me saḅ pabeo. Tiali goli, eno homugo te ena pomainu ilao," wali.

²³ Te Godigo te Solomonba boi bidi yabo gasa bidi me deli ma pedalumainu ilali. Te bidi aga nogi Reson, te Eliadago ogwa dao. Polobadu Reson te king Hadateser te Soba bulu tḅ bidide seḅ yali, tiali goli aga wi pelama, tama aga te hwjbo hani bidi, me te nai wi sabo bidi, te polalubo bidi pedelama bidali. ²⁴ Nosali te Devitgo te Hadatesergo ami bidi dabe ela silali sogo, † te Reson aga hani dabe dali te Damaskus hanuba pelama, bidigi pai. Tama aga hanigo aga tau sobaso, aga te Damaskus hanude king pedelali. ²⁵ Tama te Solomon king bidali sogo, Resongo te Israel dabe dali boi bidi ebo seḅ yali, te Hadatgo ebo kolesaga tobage tiwai yali. Tama Reson te Siria tḅde king bidiyu, tama te Israel dabe te agai wei isiayu, godolo homu me isiawai.

Godigo Jeroboam dali bomai po daḅ wai

²⁶ Te Solomon aga ofisa bidi me deligo me te Solomonba tudi ola mayu, tama agaba boi bidi yai. Te bidigo nogi te Jeroboam. Te aga ayago nogi, te Nebat, te aga ida te Serua dao. Tiali goli, Nebat te isalio. Jeroboam aga te Sereda hanu bidi, te Efraim hanigo bulu tḅde bidibo bidi dao. ²⁷ Jeroboamgo te king Solomon aiyaba elaluabo homu yali. Te homu yali po page te e tiwai dao. Te Solomongo te Jerusalem odogo bulu tḅ paḅanobo seḅ yali sogo, me te Devitgo taun bagulubo obo seḅ dodolali sogo, ²⁸ Jeroboamgo seḅ bugagia mu yai. Solomongo te agai seḅ wiegi yai ebo subaso, tama agai aga te Josepgo hani tonalubo bidi nigilali, te kingo augwaliba seḅ manio.

²⁹ Me sogo deli Jeroboamgo te Jerusalem tagalama, tama te sunumi me deli wali pobadi, tama te Silo hanu bidi profet Ahiyago aga dali te sunumide gesabidi deliba ununani. Augwali si naga bidali, tama gasa bidi te paḅde me bidibeo. Te sogo Ahiyago te gudubo ugwa gesi me deli munasa asali. ³⁰ Tialima, Ahiyago te ugwa dilama, tama te ugwa pisilama, te nogo si olama, saḅaḅgo si wagi soali. ³¹ Tama agai te Jeroboamba te

† *Te tiwai po te 2 Sml 8:3-6 me 10:15-19, tede te tiwai po elalubo, suaoo.*

tama po wali, "Te nogo si pedai ugwa nago sao," wali, "magi baso meni, God, da Israel dabego Genuai Bidi, te tama po nagebolo wali, 'Ena Genuai Bidi, eno homu-go te Solomon te king sède sela sayabo homu yai. Tama eno nago te Israel hani nogo si nago tonalumainu ilaibao,' po wai dao. ³² 'Tiali goli, eno te Solomongo te hani deli tonalumainu yaibao, magi baso meni, eno te ena sè bidi Devitde homu kone paluyu, tama te hanu Jerusalem eno te ena hanu da weyu, te tigidali Israel hanu tomode te sa muai dao. ³³ Eno te kolesaga te Israel dabeba yaibao, magi baso meni, augwaligo ena tudiba munama, tama augwaligo te Astarteba lotu wali, te Saidon dabego god we, tama te Kemos, te Moap dabego god, tama te Molek, te Amon dabego god dao. Tama augwaligo te eno sa muani wiegi yai sunumidu bilibeo, tama augwaligo te eno bomai po dabe me, te eno gasa po me wali pisiama, tama augwaligo te eno wei eyu, godolo homu yabo sè me isiawai. Augwaligo te Devitgo yali wiegi yai kolesaga tagalalio,'" te po wali.

³⁴ "Tiali goli, eno Solomon te king sède mu me sela sàgobeo. Eno te ena sè bidi Devitde homu kone paliyu, te bidi eno sa muani. Agai te eno bomai po, me eno gasa po wali pali. Eno agade homu kone paliyu, tama te Solomon king bidimainu ilama, te aga isibo siba usu naibao,' te po wai. ³⁵ 'Solomon isibaso, tama aga ogwa te king pedelali, teda eno te Israel hani nogo si te aga nogode dobola selama, tama nageba mawaibao,' wai. ³⁶ 'Tiali goli, eno te Solomongo ogwago te Israel hani me deli tonalumainu yaibao. Tama tiyu, te eno sè bidi Devitgo lam sole te sula somainu me egobeo. Menio. Te sesemane sogo te Devitgo hani bidi me deli te Jerusalemde king bidimainu yaibao, te taun eno te bidi dabego te ena pàba aselama, lotu wagasomainu nigilali pesage tiwai dao. ³⁷ Tama Jeroboam, te eno nage te Israel king pedalumainu elama, tama nago te tonalubo homu yali, te tigidali tō te nago tonaluaibao. ³⁸ Te nago eno bomai po tigidali me, te eno po me, te wali peyu, tama nage te eno sa muani te wiegi yai sunumidu biliyu, tama nago eno te wei eyu, godolo homu yabo kolesaga eyu, te Devitgo yali tiwai ebaso da, teda ena nage dali bidiyu, te nage tau saibao. Tama eno nage te Israel dabego king bidimainu yaibao. Tama sesemane sogo eno te nago hanide king pedalumainu eyu, te eno Devit dali yali tiwai gilama yaibao.

³⁹ Solomongo dwai sè yali, tama te eno te Devitgo wāj nq̄ nosali pedalubo hani dabede te dwai dene mawaibao. Tiali goli, te eno sesemane sogo augwaliba te tobage sè eyu me egobeo,'" te profet bidi Ahiyago te Godigo pusali po tama wali.

⁴⁰ Nosali Solomongo koneama, te Jeroboamgo aga aiyaba elaluainu ebo homu koneani. Tama tiyu, Solomongo te Jeroboam te ela muabo homu yali. Tiali goli, Jeroboam te Isipba wi pelama, tama te Isip king Sisak dali bidai. Tama aga te Isipde bididubadi, te Solomon isibo bodoluba usu nanio.

Solomon isali
(2 Sto 9:29-31)

⁴¹ Te tigidali gasa sè Solomongo yali me te agai koneai wiegi yai homu kolesaga tigidali, te augwaligo te bukude asèani, augwa te nogi tama nogi yai, Te Solomongo Po Dabe Da Asèani Po dao. ⁴² Solomon te Jerusalemde king bidibadi, te kibu be bidi sese si, te ⁴⁰ yia bidali, tama aga te Israel hani tigidali tonalua dai. ⁴³ Tialima, aga isibaso, tama augwaligo aga te Jerusalem tō pedaide pubulali, augwa te nogi poyu, te Devitgo Hanu Da wali. Tama Rehoboam, te aga ogwago, te agai sè yali pesage hasegelama, tama te king pedelali.

Israel hani dali, Juda hani dali si bugulama, tō pedai kantri si nigilama bidali

(Daj 12-16)

Te Israel hani te pedai not badu bidali bidi hani dabe augwaligo pedama, te Juda hani augwali tagalali
(2 Sto 10:1-19)

12 Te bidi Rehoboam aga te Sekem hanuba pali, magi baso meni, te tigidali Israel hani we bidi dabe, te not badu bidali hani we bidi dabe, augwali te taun Sekemba sisinama bidibaso, te bidi Rehoboam aga augwa king bidi nigilaiongo yali. ² Polobadu te bidi Jeroboam, te bidi aga aya Nebatgo ogwa da, tama aga te king Solomon sulama, te aga wi pelama, te Isip buluba bidigi pali. Tama tialima, te sogo te Israel hanigo te bidi Rehoboam king bidi nigilabo homu yali, tama ti-bo po te bidi Jeroboamgo te po agai odali, tama te aga te Isip bulu tagalama, tama aga asobe. ³ Tama te Israel hani dabego te me badu bidi dabe augwali tagala palama, te bidi Jeroboambolo te po waligi pali, aga asao po wagi pali. Tama aga asali, tama aga dali, te tigidali Israel hani dabe dali, augwali pelama, te bidi Rehoboam sugi pelama, tama augwaligo e tama po agabolo wali, ⁴ "Nago aya Solomon agai dabolo moni sègè menama, tama dago sè dene dwai mu eyu bidibao," wali. "Tama teyu, megì dago homugo nago da dua tonalua, tama dago tigde me badu sègè elalubo sègè silama, bidaio. Tialima, nage tama teyu da, teda da nage dologode bugagia bidaibao," tama po wali.

⁵ Tama te king Rehoboamgo agai te po odama, tama agai augwalibolo e tama po wali, "Dage pelama, te sela sogo bidigi pelama, tama dage ma asiào," wali, "tama eno homude elalubo po dagebolo ola mawaibao," wali. Tama augwaligo aga tagalama, tama augwali pali.

⁶ Tama te king Rehoboam pelama, te monu dabe ofisa bidi dabe dali po miani. Polobadu te gavman ofisa bidi dabego aga aya Solomon te dwagi yai kolesaga yabo po ola mawai bidi dabe da. Te king Re-

hoboamgo augwalibolo e tama po hanalu wali,
“Dagego homugo eno mena tama tiwai po te we bidi
dabe augwalibolo wei ponomainuwe?”

⁷ Tialima, augwaligo te bidi agabolo e tama po ola
mani, “Tialima, nage dwagi yai sę bidi bidainu homu
eyu da, teda teya, te hani we bidi dabe augwali nago
tau sao, awe, megi nago dwagi yai po me augwalibolo
ola mao. Tialima, nago tama teyu da, teda te augwali
nage dologode bidaibao,” te po wai.

⁸ Tiali goli, te king Rehoboamgo te monu dabe gav-
man ofisa bidi dabego ola mani po sela sęnama, tama
aga te gesi ogwa bidi gavman ofisa bidibolo ma
hanalugi pali, aga ma dwagi yai kolesaga ola mo-
mainu. Te gesi ogwa bidi gavman ofisa bidi dabe te
aga dali dilai bidi dabe da, te aga age tiwai hani bidi
dabe da. ⁹ Tama agai augwalibolo e tama po wali, “Te
we bidi dabe augwaligo homugo te me badu sęęę yai
sę te eno ayago te augwaliba muani sęęę sę te eno
sela sęyu yao po wabo. Tialima, dagego homugo te
dago mena po te augwaliba wei ponaibawe?”

¹⁰ Tama te gesi ogwa bidi gavman ofisa bidi dabego e
tama po wali, “Tialima, nago homugo te we bidi dabe
augwaligo te nago ayago mani sęęę me badu sili-
mainu hanalu wali po, nago homugo augwaligo te
hanalu wali po e tama po begelama, augwalibolo wei
ponao, nago e tama po augwalibolo ola mao, ‘Dagego
homugo eno ayago dage dolo bomai po olama, pobe-
gai dawe, a? Menio. Teda te ayago te yali sę te olo
bage mu dao,’ wao. ‘Eno dwasianu kibisa nogo danigo
te eno ayago bomo aiyaba elaluaibao,’ tama wao. ¹¹ Te
mu tama dao, eno ayago dagebolo sęęę mani, tiali
goli eno da, dagebolo moni genuai sęęę mu ma
mawaibao,’ wao. ‘Eno ayago dage te wipgo elai dao,
tiali goli eno da, dage te bomai wip selama, bomona-
ma me eluduaibao,’ tama po wao,” te gesi ogwa bidi
gavman ofisa bidi dabe augwaligo te po wai.

¹² Sela sogo wali bodolu polo sia sigi pali, tibaso te
bidi Jeroboam dali, te tigidali Israel hani we bidi dabe
tigidali asama, te king Rehoboam augwaligo sugi pali,
aga te wali po tiwai. ¹³⁻¹⁴ Tama te kingo te monu dabe
gavman ofisa bidigo ola mani kolesaga tų wali pabe.
Mu meni. Tama agai te gesi ogwa bidi gavman ofisa
bidi dabego ola mani kolesaga tų wali peyu, tama agai
te tigidali we bidi agai te augwalibolo po bomai mu
wali. Agai augwalibolo e tama po ola mani, “Te mu
tama, ayago dagebolo sęęę mawai dao, tiali goli eno
dagebolo genuai sęęę ma mawaibao. Eno ayago dage
te wip bįgo elai dao, tiali goli eno da, te dage bomai
wip bį selama, tama dage me eluduaibao,” wali.

¹⁵ Genuai Bidi God aga digi te king bidi Rehoboam ho-
mu kolesaga begelama, te tigidali we bidigo kolesaga
tų wali pabe. Magi baso meni, Genuai Bidi aga te
polobadu te Jeroboam dali po bodolu muani poba usu
nigi painu tama kolesaga yali, Jeroboam te Nebatgo
ogwa. Polobadu te profet bidi Ahiya, te Silo bulu bidi,
agai te Genuai Bidigo te po te Jeroboambolo te po
wali.

¹⁶ Tialima, megi da, te we bidi dabego koneani, te
kingo te augwali dali po wabo odobo usu meni, tama
augwaligo moni dagę weyu, e tama i wali, “Da te Devit-
go hani king bidi dologode da bidibo hagela palio,”
wali. “Da te Devitgo hani menio, tama da te Jesigo og-
wago agai hani da menio. Da tigidali te Israel hani
dabe naga dao, dena buluba ma begasa pinao. Tama
dage te Devitgo hani dabe, duga digi duga hani
tonalua.” Augwaligo te po tama olama, tama augwa
buluba tedela pali. ¹⁷ Tiali goli, me badu Israel hani bi-
di dabe te Juda dabego te moni hanude te Juda dabe
dali bidali. Te bidali bidi dabe digi te king bidi Re-
hoboam dologode bidali.

¹⁸ Nosali te king Rehoboamgo te bidi Adoniram aga
te Israel hani bidi dabe bidibo madigi tagala palali.
Adoniramgo agai sę te king bidigo sę ebo bidi dabe
tonalubo sę ebo bidi da. Agai gasa nogi me e tama,
Adoram. Tialima, te bidi Adoniram augwali pageba sa-
balobo sogo, tama te tigidali Israel bidi dabego te bidi
tigiba masigi sęnama, tama aga elama, isilali. Tama te
tiali po te king Rehoboamgo augwaligo te bidi tama
elali po odobo si, tama aga te aga karisba polo hola-
ma, dugula siyu, te Jerusalem taun buluba aga wi
samana pali. ¹⁹ Te sogo tama gagalama, tama asu, me-
gi tama e bidibo bodoluba usu nagasali, † te Israel
hani bidi dabe, te not badu bidibo bidi dabe, augwali-
go homugo te Devitgo hanigo te king nigilama, aug-
wali tonalubo augwali hagela ebo olama, tama aug-
waligo hagoma genuai mu yali.

²⁰ Te Israel hani we bidi dabe tigidaligo te bidi Jer-
oboam te Isip bulu tagalama, tama ma asali po odoba-
so, tama augwaligo agabolo hanalubo po me deli ola
tolali, “Nage dago po mitin eboba asao,” wali. Tama
aga aselama, sabolali, tama augwaligo aga te augwali-
go king bidi nigilali. Tialima, te Juda hani deli naga te
Devitgo hanigo king bidi nigibo dologode naga bidali.

Te profet bidi Semaiago te Godigo po pusali

(2 Sto 11:1-4)

²¹ Te king Rehoboam te Jerusalem taunba sabaluyu,
tama agai te Juda hani bidi dabe, me te Benjamingo
hani bidi dabe te bomai ami soldia bidi dabe naga i
olama, tama augwali asama, sisinagasali. Te soldia ami
bidi dabe augwaligo namba e tama namba usu nama,
ami bidi dabe sali namba 180,000. Rehoboam agai ho-
mugo te not badu bidibo Israel hani bidi dabe dali boi
hwįgi painogo homu yali, tama tilama, te augwali aga
dologode ma bidimainogo yali.

²² Tiali goli, te profet Semaiabolo te Godigo e tama
po ola mani, ²³ “Nage te Juda hanigo king bidi Re-
hoboam pageba pao, tama me te Benjamingo hani we
bidibolo me, me te Juda hani we bidibolo me, me te
gasu hani we bidi dabebolo me, tama nago augwalibo-
lo e tama po ola mao, ²⁴ ‘Ena Genuai Bidi, eno obao,
dage pelama, te Israel hani dali boi hwįgi pigio, te aug-

† 12:16 2 Sml 20:1 †† Te po, “te megi tama e bidibo bodoluba
usu nagasali,” te po te da megi e tama bidibo bodolude yai po me-
nio. Te po te polobadu te e buku asęani bidi bidibo sogo yai po dao.

wali te dagego abagi solo. Meni. Dage tigidali duga buluba pela silao, magi baso meni, ena digi ena tilama, te Israel togolama, tama dage tagalalio, 'te po wao,' Godigo te po wai. Tama tialima, te profet bidi Semaia pelama, augwalibolo te Genuai Bidigo po pusa magi pali, tama augwali augwa buluba begasa pelawali.

Te king Jeroboamgo te Genuai Bidi tudiba ilali

²⁵ Te king Jeroboamgo te taun Sekem masigigo nigai obo ma geselama, daꝓ walama, te Efraim bulu dudu gagalama, tama te taun Sekem bagulama daꝓ wali. Tama tilama, me badu sogo aga te taunde bidali. Tama nosali te hanu tagalama, tama aga te Penuel hanuba pelama, tama te hanu te Gileat bulu pedaide elalubo hanu da, tama agai te hanu me obo masigi bagulama, te hanu bugagia daꝓ walali, magi baso meni, te boi bidi dabego te hanu sidali weyu yali.

²⁶ Te king Jeroboamgo e tama homu yali, 'Eno hani we bidigo ena tagalama, tama augwaligo te Devitgo hani king bidi dologoba ma bidigi paibao. ²⁷ Megi tama augwali te Jerusalemde te Genuai Bidigo beba pelama, te Genuai Bidi dolo denami yai ofa nai ula magi pabo dao. Tiali goli, tigidali sogo tama tiyu da, teda augwaligo kolesaga hasegelama, tama augwali augwa tobolu bidi dologode ma bidigi paibao. Aga da, te Juda hanigo king bidi Rehoboam. Tama tiyu, augwaligo ena ela munama, tama augwali te king Rehoboam pageba ma geasa paibao, 'agai te homu yali.

²⁸ Te king bidi Jeroboamgo te tama tibo homu kolesaga dagalobo sogo, tialima agai te kibu bulmakau omai noma si te gol selama, nigali. Tama agai te we bidi dabebolo e tama po ola mani, "Dage umabo sogo te Jerusalemba pelama, te lotu po wagi pai dao. Tiali goli, meg i da, dage munu ma pelamuo. Suao. E elalubo da, Israel hani duga god dao. Te godigo da, dage te Isip buludu selasa asai dao. Dagego te e godiba lotu po waiꝓ," agai te po wai. ¹²⁹ Tama tialima, agai te tibo god noma dabe nigali te me deli te taun Betel buluba mug i pali, tama me te taun Dan buluba mug i pali.

³⁰ Tialima, te we bidi dabe augwaligo te tibo god te bulmakau noma siba lotu po wali. Tama te tibo kolesagago te augwaligo seꝓe sali. Tiali goli, hanu Dan te digibulu elalubo bulu goli, te tigidali we bidi dabe augwali te Dan taunde elalubo tibo god bulmakau noma ba augwaligo lotu po wagi pabo kolesaga iduai dao.

³¹ Tama te king Jeroboam agai te kolesaga me yali, te bulu du dabede te lotu po wabo pesage nidigi bilibo seꝓ yali. Tama agai te me badu bidi dabe te pris bidi dabe daꝓ ilali. Tiali goli, te agai daꝓ ilali bidi dabe augwali te Livai bidi hani dabe menio, te olo bage tama dao.

Genuai Bidigo te Betel hanude lotu po wabo pesage dolaibao po wali

³² Tama te king Jeroboamgo agai te namba 8 polua wabode, te 15 dei, te sogo te Israel dabego moni lotu po wabo bodolu deli dao olama, daꝓ ilali. Te genuai lotu po wabo sogo, te Juda hanigo lotu po wabo bodolu sogo deli gagawai tiwai tama da. Tama agai te hasa dabe elama, tama te denami yai ofa nai ulubo alta saide ulali, tama aga te golgo nigali kibu bulmakau noma siba te ofa eyu, tama tiwai. Tama agai te ofa nai ulali te Betel hanude tama tiwai. Tama agai te aga te seꝓ tama tonalumainu, me te lotu po wabo pesage tonalumainu, tama agai te daꝓ ilali pris bidi dabebolo te e Betel bulu hanuba te dage eba seꝓ yagasiꝓ olama, agai augwali asao olama, po ola tolali. ³³ Tialima, te namba 8 polua, te 15 dei, te dei da wabode te aga digi daꝓ iliyu, te po wali, te Israel hani we bidi dabego moni lotu po wabo bodolu sogo dao wali, tama te king bidi Jeroboam aga te Betel bulude nigali ofa nai ulubo alta saiba pelama, te agai ofa nai ulugi pali. ††

13 Tama te king Jeroboamgo aga te alta saide dolaluyu, te ofa nai ulubo seꝓ eyu, alta saide dolaluali, tama te Godigo seꝓ ebo profet bidi me deli aga pageba sabolali. Te profet bidi te Juda hani bidi da, tama te Genuai Bidigo te agabolo "Te Juda tꝓ tagalama, tama nage te Betel buluba asao," wali. ² Tama te Genuai Bidigo homugo te alta po elalubaso, tama te profet bidibolo te e tama po pusa mao po agabolo ola mani, "Alta sai, ena Genuai Bidi God da, eno nage dali po elalubao. Ogwa me deli, agai nogi e dao, Josai, te ogwa aga te Devitgo hanidu pedelaibao," wali. "Tama aga king bidi nigilama, bidibo sogo da, tama agai naga ugwadu te ofa nai ulubo pris bidi dabe selama, tama agai augwaligo augwa tigi te nage baude ugwadu dai-ba munama, tama augwali elama, isilaibao. Tama agai te isali bidi dabe dili selama, tama te ugwadu nage baude uluyu, tama nage tigidali meda mu ilaibao," te po wali. ³³ Tama te profet bidigo te po wai, te agai po ma wadolama weyu, te tama po wali, "Megi tama, eno nagebolo wabo pode, te Genuai Bidigo te seꝓ me deli yabo po pusali. Te Genuai Bidigo wali po te dolo mu wayabo homu emainu, te koneama dagalamainu te ola mabo seꝓ gedugo sumainu yabo po wali. Tama te ofa nai ula mabo alta sai auluama, tama te aga pagede munalubo sisi dabe gelaibao," te po wai.

⁴ Tama te king Jeroboam te alta saide dolalubadi yaide, te po tama wabo odali. Tialima, agai nogo hodolama, tama te profet bidiba nogo tꝓ eyu, te po wali, tama po wali, "Te bidi pageabi yao," wali. Tama tialima, te polo tama mu te king Jeroboamgo nogo tama mu daꝓ olama, tama dolaluali, tama agai nogo aiyaba me elalubo usu meni. ⁵ Tama me te alta sai me auluama, tama te sia sisi dabe te tꝓba tulaluama, pesala sayani, te Genuai Bidigo te profet bidigo pedauwalidu poba usu nig i soyu tama tiali.

† 12:28 Sai 32:4

†† 12:33 Prs 23:33-34 ‡ 13:2 2 Kin 23:15-16

⁶Tama tialima, te king Jeroboamgo te profet bidibolo e tama po wali, “Eno homugo nago te Godibolo gedu haluasa po wao,” wali, “naga Genuai Bidi Godibolo wao, tama agai ena tau selama, tama eno nogo ma gesa somainao,” wali. Tama tialima, te profet bidigo te gedu haluasa po wabode te Godigo te king bidi nogo dwagi yai ma ilama, tama te kingo nogo te polobadu tiwai ma ilai.

⁷Nosali king bidigo profet bidibolo e tama po wali, “Eno homugo nage te eno beba pelama, tama nage ena dali nai tugi paibao. Tama nage eno te wiegi yai nai me deli olo mawaibao,” te po wai.

⁸Tiali goli, profet bidigo agabolo e tama po wali, “Tagalao,” wali. “Tialima, nago homugo te naga mone dabe me maiabo homu eyu da, teya si bugulama, te me badu pedai te ena maiabo homu yali goli, ena te nago beba me pelama, te e Betel bulude te nai me tuyu, aji me tuyu egobeo,” wali. ⁹“Magi baso meni, Genuai Bidigo te po wali, eno te dage dali te nai tuyu, tama te aji tuyu, me te magi nai me siyu egio po wai. Tama me te ena asali tudu ma begasa peyu, te ena buluba pogobeo. Menio. Ena gasa tudu ma paibao,” wali. ¹⁰Tialima, te profet bidi aga te Betel bulu tagalama, tama aga gasa tudu wali pali. Aga te aga asali tudu ma pabe.

Te monu dabe bidigo te Juda profet te ili po ola mani po da

¹¹Tama te tiali sogo, te Betelde te monu dabe profet bidi me deli bidali. Tama aga ogwa dabe asama, agabolo te Juda profet bidi asama, te sogo te Betel bulude yali po dabe agabolo pusali. Tama nosali aga te ogwago te Juda hani profet bidigo te king Jeroboambolo wali po agabolo wali. ¹²Tama tialima, te augwa aya monugo augwalibolo e tama po hanalu wali, “Te profet bidi te mena tudu pabo sualiwe?” Te profet bidi pali tu te aga ogomanigo suai, tama teyu, te augwaligo te augwa ayabolo pusali. ¹³Tialima, tama agai augwalibolo e tama po wali, “Dage pelama, te eno donkiba te eno dugabo satel ugwa mugi pao,” wali. Augwaligo tama tibo si, aga te donki kibude dugula siyu, tama aga pali. ¹⁴Tama te monu dabe profet aga te Juda profet bidi pali tudu aga wali pali, tama nosali agai suali, ma te Juda profet bidi te ni me deli dologode dugulalubo suali, te ni nogi kali. Tama te monu dabe profet bidigo te Juda profetbolo e tama po hanalu wali, “Nage te Juda bulu taga solama, asali profet bidi da, agawe?” Tama te profetgo te po wali, “Awe, te ena tama dao,” wali.

¹⁵Tialima tama, te monu dabe profet bidigo agabolo e tama po wali, “Eno homugo nage eno beba asama, tama ena dali nai tuagasao,” wali. ¹⁶Tiali goli, te Juda profet bidigo agabolo e tama po wali, “Ena nage dali nago beba ma geasa pabo usu egobeo,” wali. “Tama eno nai me, aji me, e bulu pedaide me tugobeo,” wali. ¹⁷“Magi baso meni, Genuai Bidigo te enabolo te po wai, te bulu pedai badu te nai me tugio, te aji me tugio po wai dao, me te ena asali tudu ma begasa soagio po

wai. Tama ena ena buluba peyu, ena gasa tudu paibao,” wali.

¹⁸Tialima, te monu dabe profet bidigo te agabolo e tama po wali, “Ena me te nage tiwai bidi profet bidi dao,” wali. “Tama Genuai Bidigo se ebo ensel bidi me deli asama, enabolo e tama po wagasali, ena nage ma pelama, nage oda sigi pelama, tama eno nage ma odasa, eno beba pelama, te me badu nai dabe nage mayu, tama me te nage tuabo aji me mayu yao po wai.” Tiali goli, te monu dabe profet bidigo agabolo ili po ola mani. ¹⁹Tama te Juda hanigo profet bidigo te po odama, tama aga te monu dabe profet bidigo beba pelama, tama te nai tuyu, te aji tuyu, tama yali. ²⁰Augwali si te tebol saide tugulaluali, tialima te monu dabe profet bidibolo te Genuai Bidigo po me deli ola mani. ²¹Tama te monu dabe profet bidigo moni po dagu mu weyu, e tama po te Juda profet bidibolo ola mani, “God Genuai Bidigo e tama po wali, nago agai wali po sela sanama, nago agai wali po tu wali pabe. Meni. ²²Nage te eba ma begasa asama, tama te nai tuyu, tama te aji tuyu yali. Agai te habu selali bulude nago nai dabe tuali. Tama teyu, nage ede isaibao, tama augwaligo te nage naga hani pubalobo gu pagede te nago tigi pubalogobeo,” te po wai.

²³Te Juda hani profet bidi nai tula silali, tama te monu dabe profet bidigo aga te kibu donki dodolama, tama te Juda profet bidi dugulama, pomainu sula tagalali. ²⁴Tama aga pabo sogo, tama te bulu uni yowi laion me deli asama, tama aga ela muani. Tama agai tigi te tude munalubo suali, tama aga te donki kibu me te aga tigi munalubo madigi sesegede dolaluyu, bidi-bo susali, tama te bulu uni yowi laion me te aga tigi munalubo sesegede te pade dolalubo suali. ²⁵Tama nosali me badu bidi dabe augwali te tudu peyu, tama augwaligo suali, te bidi tigi te tude munalubo suali, tama te bulu uni yowi laion me te bidi tigi munalubo pade dolalubo susali. Tama tialima, augwali pelama, te Betel buluba pelama, tama te we bidi dabebolo wagi pali, te bidi tigi munalubo suali po augwalibolo pusigi pali.

²⁶Te monu dabe profet bidigo te tama tiali po odama, tama agai e tama po wali, “Te da, te Juda hani-go profet bidi tigi tama dao,” wali. “Agai te Genuai Bidigo po sela sananigo da, tama te Genuai Bidigo te uni yowi laion tagala palama, tama te uni yowi asu, tama aga dolama, tama aga ela muanio, te Genuai Bidigo tama tiaibao wali po usu nigi soyu tama tiali,” te po wai. ²⁷Te tama tialima, te agai aga ogomanibolo agai e tama po augwalibolo wali, “Eno donki kibuba te dugabo satel ugwa saligi soao,” wali. Tama augwaligo tama tiali. ²⁸Tama aga te tudu wali pobadi yaide, tama te aga tonono pobadi yaide, te profet bidi tigi tama te tu dilide munalubo suali. Tama agai subadi yaide, te aga donki kibu dali, te bulu uni yowi laion dali si, te aga tigi munalubo madigi pade dolalubo suali. Te bulu uni yowigo te agai tigi mi me pedama tube, te agai te donki kibu tigide me te bulu uni yowigo kelama tube, bugagia tama dolalubo suali. ²⁹Tama te monu dabe

profet bidigo te Juda profet bidi tigi selama, tama te aga kibu donki ugwadu te tudi dai badu munama, tama agai te Betel buluba ma Selasa pali, tama aga hobede eyu, tama aga gela olama, tama te Juda hani-goprofet bidi aga tigi pubulali. ³⁰ Tama te monu dabe profet bidigo te Juda profet bidi tigi te aga hani pubalobo gu pagede te profet bidi tigi pubulali. Tama aga dali, te aga ogomani dali, tama augwaligo hobede genuai mu eyu, gela olama, tama augwaligo e tama po wali, "Hobede mu dao, dago ama. Hobede mu dao, dago ama dao," tama po wali.

³¹ Tama augwaligo te profet bidigo tigi pubalobo se silali, tama te monu dabe profet bidigo aga ogomani-bolo e tama po wali, "Te ena isibo sogo, dagego te eno tigi te Godigo profet bidi pubulali gu page pade te ena me isibo si da, ena me te deli gu pageba naga pubulao," wali. ³² "Mu tamao, Genuai Bidigo te profet bidigo agai pedauwalidu te tigidali wali poba usu nigi paibao. Genuai Bidigo agai te Betel bulude elalubo ofa nai ulubo alta sai me dolama, tama me te agai te Samaria taun dabede elalubo lotu po wabo pesage me dodolo paibao," te po wai.

Te king Jeroboamgo agai te sege sabo dwai kolesaga me tama edu gani

³³ Te king Jeroboam agai te augwaligo te tama se pedalobo suali, tiali goli agai te meda yai te dwai sege sabo kolesaga me tagalu ebe. Meni. Tama agai te pris se yabo bidi dabe dai ilibo se eyu, tama me te agai te lotu po wabo pesage nigali. Mena olo bidi te aga homugo te pris bidi nigainu homu yali, tialima te king Jeroboamgo aga te tama se yabo dai ilibo se yali. ³⁴ Te king Jeroboam dali, te aga hani dali, augwaligo te tama sege sabo dwai meda yai kolesaga me eyu gani, tama augwaligo augwa te dwai kolesagago sege me se edu gani. Tama te tiali bagego da, Genuai Bidigo te king Jeroboamgo hani tigidali nosali mu dolali.

Te king Jeroboamgo ogwa moni gasi sali po

14 Tama te tiali sogo Abiya, te king Jeroboamgo ogwa, gasi yali. ² Tama te king Jeroboamgo aga webolo e tama tiwai po ola mani, "Eno homugo nage te gasa gagawai au yao, tama te tigidali bidi dabego te king eno we da homu munu me konegobeo. Awe, tama te nage te Silo buluba pao. Te bulude te profet bidi Ahiya te bidibao," wali. "Tama te profet bidi agai enabolo weyu, ena nage te Israel hanigo king bidi nigilama bidao wali profet bidi te bulude te bidibao," wali. ³ "Tama nago te nogo si bret name sobadi, te me badu bisket dabe sao, tama me te kanama bunugo ai tabiali sospen genagi deli selama, tama nago te nai dabe selama, aga magi pao," wali. "Tama eno homugo nago agabolo hanalu wao, te magi nai mugo te dadi sigo wai tigde pedelaibawe po wao," wali. "Tama agai te po bage agai nagebolo ola mawaibao," wali. ⁴ Tama te king Jeroboam aga wego te aga bidigo wali po odama,

tama aga te Silo buluba pelama, tama te profet bidi Ahiyago beba sabolali.

Tama te profet bidi Ahiya aga te megi monu dabe mu yai, tama agai gedu tigidali mu halua sali. ⁵ Tiali goli, te we te profetgo beba sabalisiqbadi yaide, Genuai Bidigo te profet Ahiyabolo e tama po wali, "Te king Jeroboamgo ogwa moni gasi ebao," wali. "Tama te king Jeroboamgo we aselama, te nagebolo hanalu wagaibao, agai wai ma usu ilaibawe, ma meniwe, po hanaluyu wagasobao. Tama te we aga te gasa we gagawai mu elama asu, nagebolo ili po mu waibao," wali. Tama te Genuai Bidi agai te profet Ahiyabolo te king Jeroboamgo we asobode pusabo po dabe ola mani.

⁶ Tama te king Jeroboamgo we asama sabolali, tama te profet bidi Ahiyago te king Jeroboamgo we asu, te agai be tu pade te sagago agaga asu, bada wabo odolama, tama agai e tama po wali, "Jeroboamgo we o," wali, "nage e be tomoba asao," wali. "Magi baso nage te gasa we galalama, tama nago enabolo ili po wagasobawe? Eno nagebolo wabo po me deli elalubao, tama te pogo nago haligade sege yai po mu ma waibao. ⁷ Nage te naga bidi Jeroboam pageba ma geasa pao," wali, "tama agabolo Genuai Bidigo e po tama pusa magi pao," wali, "Ena God, Israel hanigo Genuai Bidi dao, eno e tama po obao. Jeroboam o, eno nage deli te Israel hani tomode sai dao, eno hani we bidi dabeo, tama eno nage deli tama augwaligo genuai bidi king nigilama bidimainu dai ilai dao. ⁸ Eno bomonama, te Devitgo hanigo te king se yali sela sanama, tama te se eno nagebolo mawai dao. Tiali goli, nago te Devitgo yali gilama dwagi yai kolesaga tu wali pabeo, aga te eno se bidio," wali. "Agai te bomu elama, tama te eno bomai po wali painu ebo bidi bidali. Tama te magi kolesaga doloba pai eno gedude ebawe, te tama tiwai kolesaga te Devitgo yai dao. ⁹ Tiali goli, nago te sege sabo meda yai kolesaga me tama edubao," wali. "Nago te sege sabo meda yai kolesagago da, te polobadu king bidi dabego yali kolesaga aiyaba elalualio. Nago bomonama, ena mu tudiba mu ilama, tama nago te bras dabe selama, tama te tibo god noma nigilama, tama augwaliba nago kidu sugunama, tama augwaliba nago lotu po wabo," wali. "Nago tama tibo kolesagade eno haliga sebe dwai mu ebo," wali. ¹⁰ "Tama teyu, mu tama, eno te nago hani mu tama dolaibao. Tama te Jeroboam, tama eno te Israel hani tomode elalubo te nago hani we bidi dabe tigidali eno mu dola silaibao," wali, "ma te augwali te ogwa bidi me, ma te we sai bidi genuai bidi me, te augwali tigidali eno sela sawaibao. Te e tama tiwai gilama yaibao, bidigo te di telama, te habude me dwasianu te elalusiqbo tiwai gilama yaibao. ¹¹ Tialima, nago deli hani me deli e taun tomode isibaso da, teda augwaligo tigi te yowigo tuaibao. Tama tialima, te me badu bidi dabe te taun bulu badu isai baso da, te bidi tigi te ba kemodage aselama tuabuo. Ena Genuai Bidi, eno po mu walio," te Ahiyago te po wai.

¹² Tama te profet bidi Ahiyago agai te king Jeroboamgo webolo e tama po ma wadolama ola mani, "Nage te naga buluba ma geasa pao. Tama nage te taun tomoba pabo sogo, teya naga wai isaibao. ¹³ Tama te tigidali Israel hani dabego aga gela usu menama, tama aga gu pageba pubulaibao. God, da Israel hani dena Genuai Bidi dao, suali, te ogwa deligo mu te Jeroboamgo hani tomode agai dwagi yai kolesaga mu ebao. Tama tialima, Genuai Bidigo agai tigi gu pageba pubalobo sula tagalali, tiali goli te Jeroboamgo gasa hani bidi, meni. ¹⁴ Genuai Bidigo bidi me deli daj ilali, te bidi te Israel hanigo king bidi nigilainu, tama te king hanigo da te king Jeroboamgo hani mu augwaligo mu dola silaibao. Awe, te tama se megi tama pedelaibao," wali.

¹⁵ Te profet bidi Ahiyago po ma wadolama, te po wai, "Te Israel dabe augwaligo te tibo god we Asera noma nigilama, tama augwaligo teba lotu po wali, tama augwaligo te tama tibo kolesagade Genuai Bidigo haliga sebe mu augwali dali yali. Tama tialima, Genuai Bidigo augwali dolobaso da, teya tama augwali wi mu eyu, tama midigi dwai mu eyu, tama te sigi te aje dolalu, tama te aje asu, peme ebo aje yaibao. Tama te Genuai Bidigo te Israel hani augwali te dwagi yai te agai te aga wai nje dabe augwali mani tede bidibo agai augwali sela sawaibao. Tama agai te augwali selama, te aje Yufretis u badu pedai badu tatagalo paibao. ¹⁶ Tama te king Jeroboam agai me te sege sabo se me eduali, tama agai te Israel hani augwali me kegelama, tama sege sabo kolesaga eyu sege sali. Tama te Genuai Bidi Godigo te augwaligo te sege sabo kolesaga homu kone palama, tama agai te Israel hani dabe augwaliba agai tudi ola mani," Ahiyago te po wai.

¹⁷ Tama te king Jeroboamgo wego agai te po odali, tama tialima, aga hogodama, tama aga te Tirsu hanu taunba ma geasa pali. Tama aga te gagalama, te aga be tomoba pabo sogo, te sogo tama te wai boje isali. ¹⁸ Tama augwaligo te wai boje tigi pubulama, tama te tigidali Israel hani we bidi dabe augwaligo te wai boje pubulama, hobede ebo gela wali. Te tama tialigo da, te profet bidi Ahiya agabolo te Genuai Bidi Godigo ola mani poba usu nigi pali, aga se bidi.

Jeroboam isali po

¹⁹ Te tigidali po te king Jeroboamgo gasa haniani se agai yali po da, te po gasa bukude elalubo, augwaligo e tama te buku nogi ebo da, Israel Hani King Bidi Dabego Po Dao. Te buku da te agai te boi hwju, te boi bidi hani dali yali se yali po me, me te aga bidibo bulu te tonaluali kolesaga po me elalubo buku dao. ²⁰ Te king Jeroboam aga te king nigilama, bidali kibu be te 22 yia, tama te aga isalima, tama augwaligo aga tigi te gu pageba pubulali. Tama aga ogwa, nogi Nadapgo, te aga ayago te king se yali te aga ogwago hasegelama, te aga te king bidi nigilama se yali.

Rehoboam te aga te Juda hanigo king bidi bidali (2 Sto 11:5-12:15)

²¹ Rehoboam, aga te Solomongo ogwa, tama aga te Judago king bidi bidali. Te aga king bidi pedalobo sogo, te agai kibu be bidi sese si olama, te ugwadu deli wabode te aga king bidi pedelali. Tama aga te king se edubadi yaide, agai kibu be nogo si olama, te sawago a naga olama, me badu sawago si, tama kibu be usu nama bidali, te 17 yia. Te aga te Jerusalemde bidali, te hanu te Genuai Bidi agai te Israel hani bulu te tigidali pedai badu te te tomode daj ilai bulu dao, tama tialima, te tigidali Israel hani augwali tigidali te aga pageba paba aselama, tama augwaligo agadolo lotu po omainogo daj ilai bulu dao. Rehoboam aga ida, aga te Amon bulu hani bidi we da. Aga ida nogi Nama dao.

²² Te tama tibo sogo, te Juda hani we bidi dabe augwaligo te Genuai Bidi Godigo gedude augwaligo te dwai kolesaga ebo se umabo mu yali. Augwaligo tama tibo kolesaga ebogo te Genuai Bidi God agai augwali dali haliga sebe dwai mu yali. Polobadu augwa wai nje dabego sege sali kolesaga tiwai gilama yali, tama tede Genuai Bidigo sebe yai dao. Tiali goli, megi te e hanigo te yali dwai kolesagade te Genuai Bidigo sebe moni genuai mu yai. ²³ Megi tama te Juda hani dabe me augwaligo te lotu po wabo pesage te augwaligo te bulu dude me, te moni ni dologode me, tama ninigi pali. Tama augwaligo te masigigo te kaw ni tiwai te pos nigilama, tama augwaligo tulama, tama te tibo god we Asera noma te kaw nide te lotu po wabo pesagede wawalo pali, tama augwaligo te nomabolo lotu po wali. ²⁴ Tama augwaligo te dwai kolesaga mu me deli pedelali. Tama te me badu we bidi dabe augwaligo te penani ebo se selama, tama augwaligo te lotu po wabo pesagede te penani se yali. Polobadu te tede bidali we bidi augwaligo te tobage dwai kolesaga eduyu geai baso, tama Genuai Bidigo te hani augwali sela sanama, tama te te te Israel hani dali Juda hani sibolo mani. Tiali goli, tegoba! Te Juda hani we bidi dabe tigidaligo te polobadu te tede bidali we bidi dabego te augwaligo te dwai damua pai kolesaga yalidu augwaligo me wali pelama tiwai kolesaga naga yai. ††

²⁵ Te bidi Rehoboam aga te kibu be a naga te king se eyu bidai, Sisak, te Isip king bidi da, te king bidi aga ami bidi dabe dali asama, tama te augwaligo te Jerusalem taunba boi hwjagasali. ²⁶ Tama augwaligo te Jerusalem bulu hani bidi dabe ayaba elaluama, tama augwaligo te dwagi dwagi yai doado bage dabe me siyu, te Genuai Bidi God dolo lotu po wabo bede muani doado bage me, tama me te kingo bede muani doado bage me sali. Tama me te augwaligo te king Solomongo nigali sabele ni name dabe, te golgo halu ni name, te me te tigidali doado bage augwaligo sali. Tama te doado bage augwaligo te Isip buluba tolasa pai. ²⁷ Tama tilama, nosali te king Rehoboam aga se ebo bidi dabebolo te po wali, tama augwaligo te

† 14:23 2 Kin 17:9-10 †† 14:24 Bom 23:17 ‡ 14:25 2 Sto 12:2-8
‡† 14:26 1 Kin 10:16-17; 2 Sto 9:15-16

bras selama, tama augwaligo te sabele dabe ma nigali. Te Isip hani dabego selasa pali sabele dabe hasegelama, te muani siliba muani. Tama te king Rehoboamgo agai te king be tų tonaluabo gavman ofisa bidi me deli dąj ilama sę mani, tama augwaligo te sabele dabe bugagia tonalubo dao. ²⁸ Tama te king te Genuai Bidigo tempel beba pabo sogo, teda te sabele tolalubo bidi dabego te tola selama, te king dali hodobo pabo da. Tama te king aga beba ma begasa pabo sogo, teda te sabele tolalubo bidigo be habuba ma muyu ebo dao.

²⁹ Te king Rehoboamgo gasa tigidali haniani sę dabe yali po da, te gasa bukude elalubao. Augwaligo e tama nogi wabo dao, te Juda Hani Dabego King Bidi Dabego Po Elalubo Buku Dao wabo dao. ³⁰ Te king Rehoboam me, me te king Jeroboam dali, augwali si bidibo sogo, te bulu hani bidi si tigidali sogo tama boi naga hwjduai dao. ³¹ Tama nosali te king bidi Rehoboam isai, tama augwaligo aga tigi te aga wąj nųq Devitgo taun bulu te isali bidi pubalobo gų pageba augwaligo aga tigi pubaligi pai. Tama aga ogwa, nogi Abiya, agai te aga ayago yali sę agai selama, tama aga king bidi pedelali. Rehoboam aga ida, agai nogi e tama Nama da, tama aga page bulu te Amon bulu hani we dao.

Abiya aga te Juda hanigo king bidi pedelali
(2 Sto 13:1-14:1)

15 Te king Jeroboam aga te Israel hani dali king bidi bidali kibu be te nogo si olama, saęągo a naga olama, me badu saęągo sela, 18 yia, Abiya, agai gasa nogi me Abijam, aga te Juda hanigo king bidi pedelali. ² Tama aga te Jerusalemde king nigilama bidali kibu be me si me deli, tama kibu be usu nama bidai. Maka, Apsalomgo wegi da, aga te Abiyago ida da. ³ Te Abiya agai te aga ayago yali dwai sęę sabo kolesaga yali gilama, Abiya agai me te tigidali haniani kolesaga dwai mu yali. Agai te aga wąj nųq Devitgo yali dwagi yai kolesagadu wali pabe, tama agai te God dali deli homu ebe, aga Genuai Bidi. ⁴ Tiali goli God Genuai Bidigo Devit ma kone palali, tama tibaso agai te ogwa deli te Abiyabolo mani, tama agai te aga bidali silide te king bidi pedelama bidimainu yali. Tama teyu, te king Devitgo sole munu me sula sogobeo. Tama teyu, te Genuai Bidigo te bulu Jerusalem taun bugagia elalumainao homu yai. ⁵ Genuai Bidigo te Devit homu kone palali, magi baso meni, Devit agai te dwagi yai kolesaga te Genuai Bidigo gedude yai. Tigidali sogo agai te Genuai Bidigo tigidali bomu yai po wali pai. Tialima, me sogo deli, meni. Te tama sogo deli Devitgo te Hit hani bidi Uria dali te dwai sę yali. ⁶ Te king Abiya † dali te king Jeroboam dali si bidibo sogo, tigidali sogo te augwali sigo hani si te boi naga hwjduai. ⁷ Te king Abiyago te gasa haniani sę yali po da, te po gasa bukude elalubo. Augwaligo te buku e tama nogi

† 15:4 1 Kin 11:36 †† 15:5 2 Sml 11:1-27 ‡ Polobadu te buku te Hibru pogo e pedai badu te deli po menio. Umabo mu augwaligo te king Rehoboam nogi naga elalubo, tama me badu naga te bidi nogi elalubo, Abiya. †† 15:6 2 Sto 13:3-21

wabo da, te Juda Hani King Bidi Dabe Augwaligo Po Elalubo Buku Da wabo dao. ⁸ Tama nosali te king bidi Abiya isibo si, tama augwaligo aga tigi sela pelama, te aga wąj nųq Devitgo hanu taunba pubaligi pai. Tama aga ogwa, Asa, agai aga ayago king sę yali silide selama, te aga king pedelama bidali.

Asa aga te Juda hanigo king bidi pedelama bidali
(2 Sto 15:16-16:14)

⁹ Te bidi sese deli kibu be, te 20 yia, te Jeroboam aga king bidi nigilama, te Israel hani dali bidiyu, tama kibu be usu nama bidali, te bidi sese deli, 20 yia, te bidi Asa aga te Juda hanigo king bidi nigilama bidali. ¹⁰ Tama aga te Jerusalem bulude king nigilama bidali kibu be e tama dao, te 41 yia usu nama bidai. Maka, aga te Apsalomgo wegi da, te Asa aga auwa mosi da. ¹¹ Tialima, te bidi Asa agai te wiegi yai kolesaga te Genuai Bidigo gedude yali, te Devitgo yali gilama tiwai mu yai, aga wąj da, agai tama tiali. ¹² Tama te bidi Asa agai te tibo god dolo lotu po wabo pesagede bidiyu, te penani ebo sę yali we bidi dabe sela sayani. Tama me te agai te aga wąj nųq dabego te tibo god noma nigilama, te kaų nide wawalo pali piksa noma dabe me agai sela sayani. ¹³ Tama agai te aga idago auwa mosi agai sela sayani, Maka, tama agai sę me te ma sula tagalobe, te aga namba yali me, te kingo ida da homu meni. Magi baso meni, te we Maka agai te tibo god we Asera noma me deli nigibo sę yai. Tama te bidi Asago te po wali, "Tama dagego te dwai kugumini yai piksa noma nigali togolama, tama dagego selasa pelama, te Kidron wę odogo maluba sia ulugi pao," wali. ¹⁴ Te mu tama dao, te king bidi Asa agai te augwaligo te tibo god dolo lotu po wabo pesage munu me dolobe, tiali goli tigidali sogo agai te Genuai Bidi deli koneama, tama agai godolo mu eyu, tama aga te tigidali sogo te Genuai Bidi dologoba mu egi pai. ¹⁵ Tama te king Asa agai te aga ayago te Genuai Bidigo nai dao olama, dąj ilali doado bage dabe me, me te agai me te doado bage selama, te Genuai Bidiba mawaibao olama dąj ilali, tama agai te nai dabe selama, tigidali te Genuai Bidigo tempel be tomoba muani. Te nai dabe, te me silva, me te gol, tama me te haniani dis pou dabe me, te tigidali tempel be tomoba muai.

¹⁶ Te tama tibo sogo, te bidi Basa aga te Israel hanigo king bidi nigilama bidali. Tama te king bidi si, Asa dali, te Basa dali, augwali si te king bidi bidibo sogo, te sogo te augwali sigo hanigo augwa hasi te tigidali sogo boi hwjdu bidai dao. ¹⁷ Me sogo deli te king Basago aga boi hwjbo ami bidi dabe selama, tama te Juda hani dabe augwali dali boi hwjai. Tama augwaligo te hanu taun Rama selama, tama augwaligo te hanu taungo masigigo nigai obo bologo pelama, obo dąų walobo sę yali, tama te tigidali we bidi dabe te Juda buluba ugwa peyu, eda asu eidali weyu, augwaligo te tų paliali.

¹⁸ Tama tibaso, te king Asa agai te tigidali silva me, me te gol, me te Genuai Bidigo mone mubo be habu badu muani me, me te kingo bede muani doado bage dabe

‡‡ 15:12 2 Sto 15:8-15

tigidali mu agai sali. Tama agai selama, te aga sę ebo ofisa bidibolo menama, tama agai augwali tagala palama, te Damaskus bulu king bidi Benhadatbolo mo-mainu augwali tagala palali, te Siria king bidi. Te bidi Benhadat aga aya te Taprimon dao, tama aga waj nų Hesiongo ogwago ogwa dao. Tama te king Asago aga sę ebo ofisa bidi dabebolo e tama po wali, "Te king Benhadatbolo e tama po agabolo ola mao," wali, ¹⁹ "Eno homugo te dadi si te po daų olama, te abagi name si da olama, bidaibao, te polobadu te dadi sigo aya sigo yali gilama tiwai yaibao," wali. "Tama teyu, megi eno te e silva me, te gol me, te e tolobo dao, te olo tama mobao. Eno homugo nago te bidi Basa dali po daų walali po toga sayao, te Israel hanigo king bidi. Tama agai aga ami soldia bidi dabe sela peyu, tama eno tų taga pomainao,' te po te king Benhadatbolo pusao," king Asago te po wali.

²⁰ Tama te king Benhadat agai te king Asago te ola tolali po agai odama, tama agai aga dali te po usu dao po wali. Tama teyu, agai aga ofisa bidi dabe dali e tama po wai, "Dagego te ami soldia bidi dabe selama, te Israel hanigo taunba boi hwįgi pao," wali. Tama augwaligo te boi hwįgi pelama, tama augwaligo te hanu Ijon me, me te taun Dan me, me te taun Abel Betmaka, te taun sela tama augwaligo sali. Tama me te augwaligo te Galili bulu sigi wę ge elalubo pađe elalubo tų me, te Naptali hanigo te tigidali tų dabe me augwaligo sali. ²¹ Tama te king Basago te Siria hani augwali asama, te Israel hani dabego hanu taunba boi hwįgasali po odobo sogo, tama agai hanu taun Ramade yali sę tagalali, tama aga te Tirsu hanu taunba pelama bidali.

²² Tama nosali te king Asago agai te tigidali Juda hani bidi dabebolo agai po ola tolama, "Dage te Rama hanu taunba pao," wali. Tama augwali pelama, tama te king Basago tigidali te masigi me, te ni name me, Basa agai te sisinani doado bage te Juda dabe augwaligo sali. Tama te Basago te hanu taun obo daų wabo sę yainu yali nai augwaligo selama, tama augwaligo tolasa pali. Tama te king Asa agai te aga Mispa hanu taun obo me, me te Benjamingo hanigo tųde elalubo hanu taun Geba taun obo me, tama te king Asa agai te taun sigo obo daų walobo sę yai.

²³ Te king Asago te haniani gasa sę yali po te gasa bukude elalubo, te buku augwaligo e tama nogi wabo da, Juda Hani Dabego King Bidi Dabe Po Elalubo Buku Da wabo dao. Te bukude elalubo po te king bidi Asago agai te bomai sę yali po me, me te agai te gasa sę me, te taun masigigo nigai obo daų walobo sę yali po dabe me elalubo buku da. Tialima, te king Asa aga monu dabe ebo sogo, tama aga sağade te dwai gasi me deli pedelali. ²⁴ Tama nosali te king Asa isibaso, augwaligo aga tigi te aga waj nų dabe pubalobo gu pageba pubaligi pali, te aga waj nų Devitgo hanu taunba. Tama te aga ogwa Jehosafatgo, agai te aga ayago sę yali silide selama, tama aga te king bidi nigilama bidali.

Nadap aga te Israel hanigo king bidi pedelai

²⁵ Te bidi Asa aga te Juda hanigo king bidi nigilama bidali kibu be si naga bidai, te Nadap, aga te aya te king Jeroboamgo ogwa da, aga te Israel hani dabego king bidi pedelama bidali. Tama aga te kibu be si digi tama bidali. ²⁶ Tama agai te aga ayago yali dwai kolesaga tiwaidu wali pali. Aga digi aga sę sę sabo dwai kolesaga te Genuai Bidigo gedude yali, tama teyu, agai te Israel hani we bidi dabe me agai kegelama, sę sę sali.

²⁷ Tama te Basa, aga aya te Ahiyago ogwa da, augwali te Isakargo hani dao, agai te bidi Nadap ela muainu tų kegalı. Tama tibaso, te bidi Nadap dali, te aga ami bidi dabe dali, augwali te Filistia hani dali boi hwįgi pai, tama augwaligo te Gibeton hanu taun bologobe yai, tama te king Basa aga te king Nadap aga pageba sabolama, tama te king Nadap ela muani.

²⁸ Tama tilama, te bidi Basa aga te Israel hanigo king bidi nigilama bidali. Te tama sę sę pedelali, te bidi Asa aga te Juda hanigo king bidi nigilama bidiyu, te kibu be sela wabo kibu bede te sę sę pedelali. ²⁹ Polo tama te king Basago te king Jeroboamgo hani we wai dabe tigidali agai polo ela munama silali. Tama te agai te bidi me deli bidibadi me deli sulama, tagalobe. Mu meni. Tama te tiali kolesagago da, te Genuai Bidi aga sę ebo bidigo pedauwalidu wali poba usu nigı peyu, te tama sę sę pedelai, te taun Silode bidibo profet bidi Ahiyago wali poba usu nani. ^{†30} Te king Jeroboamgo hanide yali sę sę te page e tama tiwai da, te king bidi Jeroboam aga digi te polobadu te Genuai Bidi Godigo gedude yali sę sęde dao, Israel bidi dabego Genuai Bidi, tama me te agai te Israel hani we bidi dabe kegelama, te augwaligo sę sę sali bage. Augwaligo te tama yali sę sęde te Genuai Bidi haliga sę sę genuai mu ilali, tama teyu, te Genuai Bidigo te king Jeroboamgo hani tigidali dola silali.

³¹ Te king Nadapgo te tigidali haniani sę yali po elalubo te gasa bukude elalubo, te augwaligo e tama nogi wabo da, Israel Hanigo King Bidi Dabego Po Elalubo Buku Da wabo da.

Basa aga te Israel hanigo king bidi nigilali

³²⁻³³ Te bidi Asa aga te sela wabo kibu bede aga te Juda hanigo king bidi bidai, te side Basa, aga te Ahiyago ogwa, aga te Israel hani dabego king bidi pedelali. Tama aga te Tirsu bulu taunde king bidi nigilama bidali kibu be te 24 yia usu nama bidai. Tama te king Asa dali, te king Basa dali si, te augwali si king bidi nigilama bidibo sogo, tigidali sogo augwa sigo hani dali boi uga de eda si boi hwįdu geai. ³⁴ Basa agai te king Jeroboamgo yali dwai kolesaga yali gilama, te agai me te yali kolesagadu wali pelama, tama agai me dwai kolesaga yali. Tama te agai me te Genuai Bidi God gedude sę sę sali. Tama me te agai te tigidali Israel hani we bidi kegelama sę sę sai.

16 Me sogo deli te Genuai Bidi Godigo te profet Jehubolo te po walali, Hananigo ogwa dao, agabolo te king Basabolo pusabo po wali. Genuai Bidi Godigo po e tama dao, ²“Basa, bugagia odao. Hasia te nage olo bidi mu gagawai, tialima eno nage te king bidi nigilama, tama nago te Israel hani augwali tonaluai, te we bidi dabe augwali te eno hani we bidi dabe da. Tiali goli, nago te king Jeroboamgo yali gilama, te nago kolesaga dwai mu ebuo,” wali. “Tama nago te we bidi dabe augwali kegelama, seḡe sabuo,” wali. “Tama augwaligo te seḡe sabo kolesagago te eno haliga seḡe augwali dali ebao,” wali. ³“Tama tibaso, eno nage dali, te naga hani we wai me silaibao, te eno te king Jeroboam aga hani dali yali gilama yaibao,” te tama po wai. ⁴“Tama tialima, te nago hani bidi dabe me badu te taun tomode isibaso da, teda te augwaligo tigi te yowigo tuaibao,” wali. “Tama tialima, me badu bidi dabe te taun bulu badu isibaso da, teda augwaligo tigi te ba kemodagego tuaibao,” Godigo te Basabolo te po wali.

⁵ Te king Basa agai te tigidali haniani seḡe yali po da, te po gasa bukude elalubo, tama augwaligo e tama nogi ebo da, Israel Hani Dabego King Bidi Dabego Po Elalubo Buku Da wabo dao. Te bukugo te agai te tigidali dila pai seḡe yali po ola mabo buku dao. ⁶ Tama nosali te king Basa isali, tama augwaligo te agai tigi te Tirsataunde pubaligi pali. Tama aga ogwa nogi Ela, agai te aga ayago king bidi nigilama bidali silide aga ogwago selama, tama aga te king bidi nigilama bidali.

⁷ Te king bidi Basa agai te Genuai Bidigo gedude seḡe sai, te king Jeroboam aga hani dali bidiyu, te augwaligo yali kolesaga tiwai mu yali, tama te king bidi Basa agai te dwai kolesaga ebaso, te Genuai Bidigo haliga seḡe dwai mu yai. Tama me, te king Basa agai te king Jeroboamgo hani we bidi dabe tigidali ela muna silali. Tama tibaso, te Genuai Bidigo te profet bidi Jehu tagala palama, tama aga te king Basa pageba pelama, tama agai agabolo e tama tiwai po ola mani, “Genuai Bidigo nage dali, te naga hani dali si tigidali agai dolaibao po walio,” po wali.

Te bidi Ela aga te Israel hani dabego king bidi pedelai

⁸ Te bidi Asa aga te Juda hani bidi dabego king bidi bidibadi, agai kibu be te 26 yia wagi solama kibu be yai, te side Ela, aga te king Basago ogwa da, aga te Israel hanigo king bidi pedelali. Tama te king bidi Ela aga te taun Tirsataunde king bidi nigilama bidali kibu be si digi mu usu nama bidai. ⁹ Tama te king Ela aga seḡe ebo ofisa bidi, agai nogi Simri, tama te bidi agai te king Ela ela muabo sunumi kegali. Te bidi Simrigo agai te king bidigo boi hwjbo nai karis me badu bugulama, te Simrigo tonalubo seḡe yai. Me sogo deli te king Ela aga te bidi Arsago beba pai, tama te bidi aga te kingo be tonalubo seḡe ebo bidi da. Tama agai suali, ma te king Ela aga te bomai weḡe tuyu bidibo suai, tama aga te wabo pabo gagalobo suali. ¹⁰ Tama tibaso, te bidi Simri aga te be tomoba pelama, tama agai te king bidi Ela mu ela muani. Tama te Simri aga te king bidi pedela-

ma bidali. Te tama seḡe pedelali, te Juda hanigo king bidi Asa aga kibu be te 27 wagi solama kibu be bidibadi te tama seḡe pedelali.

¹¹ Te bidi Simri king bidi pedelai madigi, tialima, polo tama agai te king Basago hani bidi dabe tigidali ela muna silai. Tama me te aga deli kaneme me, te aga abagi dabe me, ela muna silai. Tama agai te bidigo hani bidi me deli me, me bidibo sula tagalobe. ¹² Tama te bidi Simri agai te king Basago hani bidi dabe ela silai. Tama tiali kolesaga, te Genuai Bidi Godigo seḡe ebo profet bidi Jehugo pedauwalidu ola mani poba usu nigipeyu tama tiali. ¹³ Te king Basago hani tigde pedelali seḡe page e tama dao. Te king bidi Basa dali, te aga wai te king bidi Ela dali si, augwali sigo te Genuai Bidi Godigo gedude augwali sigo seḡe sai, Israel hanigo Genuai Bidi, tama augwali sigo te tibo godiba lotu po wali. Tama augwali sigo te Israel hani dabe augwali kegelama, seḡe sabo seḡe yali. Augwali sigo tama tiali seḡede te Genuai Bidigo augwali dali agai haliga seḡe mu yai, tama teyu, te Genuai Bidi agai te king Basago hani tigidali dolali. ¹⁴ Te king Elago agai te tigidali haniani gasa seḡe yali po dabe da, te po dabe gasa bukude elalubaso, augwaligo e tama nogi wabo da, Israel Hanigo King Bidi Dabego Po Elalubo Buku Da wabo dao.

Te bidi Simri aga te Israel hanigo king bidi pedelali

¹⁵ Te Juda hanigo king bidi Asa aga te Juda dabe dali king bidi bidibadi, agai kibu be te 27 yia bidali, tama te bidi Simri aga te Israel hanigo king bidi pedelama bidai. Tama aga te Tirsataunde king bidi bidali, te 7 pela dei bidai, te Sadede deli tama usu nama bidali. Tama te sogo te Israel ami soldia bidi dabego te Filistia hanigo te Gibeton hanu bologobe yagaselama, tama augwaligo boi hwjbo seḡe eyu, tama augwaligo te hanu sabo homu eyu yai. ¹⁶ Tama augwali te boi hwjbo seḡe eyu bidibadi, tama augwaligo e tama po odali, te bidi Simrigo agai te dwai kolesaga eyu, tama agai te king Ela ela muani. Tialima, te sogo tama te tigidali ami soldia bagego augwaligo te augwa tobolu ofisa bidi me deli augwaligo daj ilali, te nogi te Omri, aga te Israel bagego king bidi pedelali. ¹⁷ Tama tialima, te bidi Omri dali, te aga ami soldia bidi dabe tigidali, augwaligo te Gibeton hanu tagalama, tama augwaligo te Tirsataunde egi pelama, tama augwaligo boi hwjnama, tama augwaligo te Tirsataun sai. ¹⁸ Tama te king bidi Simri aga te Tirsataunde bidibo sogo tama agai suali, ma te Omrigo ami bidi dabego bomomu eyu, tama augwaligo agai ami soldia dabe aiyaba elaluama, tama te Tirsataun te taun sali, tama tibaso, aga te kingo kompaunde te dila pai be me deliba aga bula sigi pali. Tama agai te beba isi nogonama, tama te kingo be dabe tigidali siago dela peyu, tama aga me aga digi aga te siago delama, aga isali. ¹⁹ Te bidi Simri aga tigde te pedelali seḡe, magi baso meni, agai te king Jeroboamgo yali tiwai dwai kolesaga agai me tibaso, te tiwai seḡe aga tigde pedelai. Agai te Genuai Bidigo gedude agai me seḡe sai, tama me te agai te Is-

rael hani we bidi dabe agai kegelama, te we bidi dabe augwaligo me seḡe sali. ²⁰ Te king Simri agai te tigidali haniani gasa seḡe yali po da, te po gasa bukude elalubo, tama augwaligo e tama nogi ebo da, te Israel Hanigo King Bidi Dabego Po Elalubo Buku Da wabo da. Tama te bukugo agai te king Ela aiyaba elaluali po wabo buku da.

Te bidi Omri aga te Israel hanigo king bidi pedelali

²¹ Te bidi Simri isama, tama nosali te Israel hani we bidi dabe augwali bugulama, tama augwali nani si nigilama bidali. Me hani augwaligo homugo te bidi Tipni aga augwaligo king bidi nigilama bidaibao. Tipni aga aya nogi te Ginatgo ogwa da. Tama te me hani augwaligo king bidi te Omri king bidi nigilama, augwali tonalumainogo homu yali. ²² Tama nosali te king Omri hani augwaligo bomu mu elama, te king Tipnigo hani dabe augwali aiyaba elaluali. Tama te Tipni isilama, tama te bidi Omri aga king bidi pedelali.

²³ Tama te bidi Asa aga te Juda hanigo king bidi nigilama bididubadi, tama agai kibu be 31 tama kibu be usu nama king bidi bidali, Omri aga te Israel hanigo king bidi pedelama bidali. Tama aga tede 12 yia bidali. Hasia aga te Tirsahande agai kibu be te nogo a olama, me badu nogo deli wagi solama kibu be bidali, ²⁴ tama nosali te king Omri agai te dwasianu bulu du me deli elalubo tḡ dobu elama sai, tama te bulu dude te agai homugo te hanu taun nigilama, tama te dila pai obo mu masigigo nigai. Agai te dobu yali tḡ te bidi me deligo tḡ da, te bidi nogi Semer, tama agai te tḡ dobu yali silva mone te 60,000 kina agai te bidi Semer-bolo mawai. Omri agai homugo te bidi Semer nogi koneama, tama te agai te hanu taun nogi te Samaria taun nogi poai da.

²⁵ Te king bidi Omri agai te Genuai Bidigo gedude agai te seḡe genuai mu yai. Te bidi Omri agai ebo seḡeḡo te hasia bidali king bidi dabego yali seḡe aiyaba mu elaluali. ²⁶ Agai te king Jeroboamgo yali dwai kolesaga tiwaidu agai me eyu, wali pai. Tama agai me te Godigo gedude agai seḡe sai, Israel hanigo Genuai Bidi. Tama me te agai te Israel hani we bidi agai augwali kegelama, te seḡe sabo seḡe eyu, tama augwaligo te tibo godiba lotu po wabo seḡe yai. Tama augwa te seḡe sabo kolesagago te Genuai Bidigo augwali dali haliga seḡe emainu dianani. ²⁷ Te king Omri hani seḡe yali po da, te po gasa bukude elalubo, augwaligo e tama nogi ebo da, Israel Hani Dabego King Bidi Dabego Po Elalubo Buku Da wabo da. Te bukugo te king bidi Omri agai te haniani tigidali dila pai seḡe yali po ola mabo buku dao. ²⁸ Tama nosali te king bidi Omri isibaso, tama augwaligo aga tigi te bulu Samaria taunde pubulali. Tama aga ogwa, Ahap, agai te aga ayago king bidi nigilama bidali silide agai selama, king bidi nigilama bidali.

Te bidi Ahap aga te Israel hani dabego king bidi pedelali

²⁹ Asa aga te Juda hani dali king bidi bidibadi, aga e tama kibu be usu nama bidai, 38 yia bidali, Ahap aga te Omri ogwa da, aga te Israel hanigo king bidi nigilama bidali. Tama aga te Samaria bulude king bidi nigilama bidali kibu be, te 22 yia usu bidali. ³⁰ Tama te king Ahap agai te Genuai Bidigo gedude umabo seḡe mu sai. Te king bidi Ahapgo agai yali seḡe te hasia pedali king bidi dabe augwaligo seḡe aiyaba mu elaluai, tama agai mu umabo seḡe mu sai. ³¹ Agai te seḡe sali te king Jeroboamgo sali seḡe tiwai agai me sai, tiali goli agai homugo te da olo bage da homu yali. Tama teyu, agai te we Jesebel sai, te Saidon hanude bidali king bidi Etbalgo wegi sali. Tama agai te tibo god Balbalo lotu po wabo gagalali, te Saidon hanigo tibo god. ³² Tama te king Ahapgo agai Samaria bulude be me deli seḡe yali, te bede te tibo god Balbalo lotu po wabo be, tama agai te tibo god Balgo alta me deli nigibo seḡe yai, te lotu be tomode. ³³ Tama me te agai te tibo god we Asera piksa noma nigibo seḡe yai. Tama agai te tama tiali seḡeḡo God, Israel hanigo Genuai Bidi, agai agai dali seḡe mu yai. Te bidi Ahapgo seḡe umabo mu siyu, tama agai te seḡeḡo te hasia pedali king dabego yali seḡe aiyaba elaluai.

³⁴ Te king Ahap aga te king bidibo sogo, te bidi Hiel agai te Betel taun bidi, agai te Jeriko taun ma hodolobo seḡe yai. Te bidi Hielgo seḡe ma hodolobo sogo, te bidi Abiram, Hielgo hasia gomunai ogwa, aga mu isali. Tama agai te taunde moni tḡ nigibo seḡe ebadi, tialima Segup, agai te sabi ogwa, aga isali. Tama seḡe te Hiel tigde pedelali, aga tigde te yali seḡe te polobadu te Genuai Bidigo te profet Josuabolo ola mani poba usu nagasu, tama seḡe aga tigde pedelai dao, Josua te polobadu bidali bidi nogi Nungo ogwa da. † ††

Te profet bidi Elaijago po da

(Daj 17-21)

Elaijago te Israel bulude kulubage munu me tulugobeo po wai

17 Elaija aga te Tisbe taundu asai profet bidi deli da, aga te Gileat tḡ page bidi da. Me sogo deli aga aselama, tama te king Ahap suagaselama, tama agai agabolo e tama po wali, "Ena Godigo seḡe bidi dao, Israel hani dabe dena Genuai Bidi. Te God tigidali sogo bidada peyu, bidada pabo God dao, tama agai nogide eno nagebolo dolo po mu obao, te kulubage me, te hulide asobo segeni weḡe me asisiqbadi, te si sela kibu beba usu nigi paibao," te po tama wali. "Tama tilaludu bididubadi, tama eno po wabo sogo bodoluba usu nagasaibao," Elaijago te po wai. ‡

† Te buku Jos, Daj 6:26, tede suo. †† 16:34 Jos 6:26

²Tama nosali te Genuai Bidigo te Elaijabolo e tama po wai, ³"Nage e bulu tagalama, tama nage te giliga pedalobo madi te wẹ Jordan u badu pao, tama nage te dwasianu wẹ Kerit pade duala selama, bidao," wali. ⁴"Nago te wẹ tuyu bidao. Tama eno te ba tadibolo olama, tama augwaligo tigidali sogo nagebolo nai magasu yaibao," wali. ⁵Tama tialima, te profet Elaija agai te Genuai Bidigo te wali podu wali pai, tama aga pelama, te wẹ Kerit pade bidali, te Jordan wẹ u badu, te giliga pedalobo badu dao. ⁶Tama te tigidali sogo te kigamu me, tama te pio me, te ba tadi dabe augwaligo te nai bret me, me te tuabo mi dabe me, te ba dabego agabolo magasuduali, tama agai te nai dabe tuyu, tama aga te dwasianu wẹ tuyu, tama bidali. ⁷Tiali goli, te Israel bulude te tulubage munu me tulube, tama teyu, te me badu sogo nosali, te dwasianu wẹ Kerit me sula siyu yai.

Elaijago agai te we me deli dali, te aga wai dali, si tau sali po

⁸Te wẹ Kerit te sula sai, tama tialima, Genuai Bidigo te Elaijabolo e tama po ola mani, ⁹"Tama nage hogodama, nage te Saidon bulude te Sarefat hanu taunba bidigi pao," wali. "Te taunde te Israel hani isawai we me deli te bidibao, te we aga bidi isai dao," wali. "Eno te we daj ilibao, te wego agai nage tubo nai tau siyu, tama agai nage bugagia tonalumainao," wali. ¹⁰Tama tibaso, Elaija aga hodaloama, Sarefat buluba pai. Tama aga pelama, te oboba sabaligi pai, tama agai suali, ma we me deligo isi selama, sisinibo suali. Elaija agai sula, agai koneani, te we wilawe we da homu yali. Tama agai te we i weyu, e tama wali, "Ena wẹ tuabo homu ebuo," wali. "Nago te wẹ tubo mouwa dage genagi wẹ tulama, tama nago enabolo magasobo usu yaibawe?" te po wali. ¹¹Te wego te Elaijago wali po odama, tama aga wẹ sigi peyu pali. Tama Elaijago te we ma i weyu, e tama wali, "Eno homugo nago te dwasianu tubo nai bret pedainu me magasao," wali.

¹²Tama te wego agabolo te po wali, "Godigo nogide, naga Genuai Bidi, te God tigidali sogo bidada peyu, bidada pabo God dao, eno mu po tama obao, eno te bret nai menio," wali. "Eno te dwasianu o gagawai nai plaua deli digi te togo nigali mouwa dage genagi suspende munalubo," wali. "Tama me te dwasianu oliv wel te gasa mouwa dage genagi suspende munalubao," wali. "Eno megı te e dwasianu isi sesa bilibo da, teda eno te plauanu ulugi painu ebao," wali. "Eno ogwa dali dadi sigo te megı tama silibo nai tama dadi sigo ula tulama, tama nosali dago tuabo nai mu menio," wali, "tama teyu, da mu isaibao," te wilawe we agai tama po wali.

¹³Tialima, te Elaijago agabolo e tama po wali, "Nago homugo naga te dwasianu nai da olama, moni homu egio," wali. "Nage pelama, te nago munalubo wali bret tama ulao," wali. "Tiali goli, hasia bolo nago te plauago dwasianu peda siyu, tama me te nago wel me dwasianu siyu, tama te nago te bret dali ulama, tama

‡ 17:1 Jer 5:17† 17:9 Luk 4:25-26

nago enabolo magasao," wali. "Tama nosali naga wai dali duga sigo tuabo bret nai ula tuao," wali. ¹⁴"Magi baso meni, God, Israel hanigo Genuai Bidi, agai e tama po wai, 'Naga te mouwa dage genagi munalubo plaua munu me sia sogobeo, tama me te nago te wel me, te nago mouwa dage genagi suspende munalubo wel me munu me sia sogobeo,' po wali, 'tama munalua pobadi, te Genuai Bidigo te kulubage e tɔba tulubo bodoluba usu nigı paibao,' po wali," Elaijago te po te webolo wai. ¹⁵Tama tialima, te wego aga beba pelama, te Elaijago wali po gilama yali. Tama nosali Elaija dali te we aga hani dali sigo augwali tuabo nai te umabo sogo tuabo nai usu mu elaluali. ¹⁶Tama agai te mouwa dage genagide moni plaua umabo mu me munaluali, munu me sia sabe. Tama agai te wel mubo mouwa dage genagi me, te wel munu me sia sabe, tialima Genuai Bidigo agai te Elaijago pedauwalidu wali gilama yali.

¹⁷Tialima, nosali te wego te wai gasi sali. Tama te wai gasi genuai mu elama, tama te wai isali. ¹⁸Tama tialima, te wego te Elaijabolo te po wai, "Nage te Godigo se ebo bidi dao, magi baso nago te tiwai kolesaga ena dali yaliwe? Tama nage aselama, tama Godigo homugo eno sege koneama, tama teyu, te eno wai isalio," te wego te po wai.

¹⁹Tama te Elaija agai te po wei ponoyu, e tama wali, "Nago te wai enabolo mao," wali. Tama tialima, te Elaijago agai te isali wai digi aga idago nogode agai selama, tama agai aga pibo be ugwa badu habuba selasa holali, tama agai te betba pilali. ²⁰Tama agai e tama gedu haluasa po bomai mu wali, "God, eno Genuai Bidi, te e wilawe wego ena agai bugagia tonalubo da. Magi baso nago genuai sege e we tigde pedelaliwe? Tama magi baso agai e wai isilaliwe?" ²¹Tama Elaija agai te wai bau badu aga sela sogo pigiluama, tama agai e tama gedu haluasa po wai, "God, eno Genuai Bidi, nago te e waigo hoboludu ogwa wai mobo ma mao," wali. ²²Tama tialima, te Genuai Bidigo te Elaijago te gedu haluasa po wabo odama, tama agai te wai go hoboludu ogwa wai mobo ma mawai. Tama tibaso, te isali wai ma hoda holali. ²³Tama tibaso, Elaijago agai te wai nogo tolasa, aiyaba dulali, tama aga idabolo mani. Tama te Elaijago aga idabolo e tama po wali, "Suao, naga wai bugagia bidibao," wali. ²⁴Tama aga idago e tama po wei ponani, "Mu tama o, megı eno koneanio, nage te Godigo se ebo bidi dao. Mu tama dao, Genuai Bidi aga digi nagebolo mabo po te nago dabolo pusubo dao," te wego te po wali.

Elaijago te tibo god Balgo profet dabe dali usu si yali po

18 Te sogo te genuai poi pibo giliga nanobo sesabi elama bidali sogo, te sela wabo kibu bede Genuai Bidigo Elaijabolo te tiwai po wai dao, "Nage pelama, te king Ahap sugı pao, te eno tulubage ma tagala palaibao," wali. ²Tialima, Elaija hogodama, palio.

³Te tiali sogo, te Samaria dabe te nai mu meniama soq pai, tama king Ahapgo po ola toloyu, te Obadia

aselama, aga suagasao po wai. Obadia aga te kingo bede tigidali doado bage tonalubo sę idualio. Obadia-
go te Genuai Bidi deliba naga lotu weyu, aga dologode
bidai dao. ⁴ Tama te sogo te we kwin Jesebelgo te Gen-
uai Bidigo po pusumainu tagala palali profet dabe ela
mubo sę ebaso, Obadiago te profet dabe bidi sese a
naga, 100 profet bidi dabe selama, augwali te genuai
masigi ola be dedage tomoba geme dualali. Agai te bi-
di sese si olama, nogo si, 50 te gasa ola be dedageba
dualiyu, te gasa bidi sese si olama, nogo si, 50 te gasa
masigi ola beba geme dualiyu yai. Te agai augwali
tonalu, te nai me wę mayu, iduai dao. ⁵ Obadia te
Ahap pageba asobaso, te Ahapgo agabolo te tama po
wali, "Da si te tigidali tų kantri dabeba pelama, te ulu
ąj, me dwasianu ąj dabe polobadu elaluali madi susa
bilaibao. Te pedai badu te nosai dabe elalubo suina
homu ebao, te hos dabe me, donki dabego me tu-
mainu homu ebao. Te nosai elalubaso da, teda dago te
hos dabe me donki dabe eligobeo," te po wali. ⁶ Tiali-
ma, augwali sigo te tų kantri pedai me badu pabo
badu dąj ilali, te Ahap aga pelama, te nosai gegegi
pabo madi, te me badu pedai badu te Obadia pabo
madi tama tialio. Tialima, augwali si pai dao.

⁷ Te augwali sigo dąj ilali madi Obadia pali, tama Elai-
ja aselama, aga dali te sunumide gesabidi si deliba un-
unani. Tama Obadiago aga sulama, konebaso, te aga
gesabidi tųba pųgulama, te Elaijabolo genuai nogi
mawai. Tama agabolo e tiwai hanalu walio, "Elaija, eno
genuai bidi, te nage tama da, agawe?" ⁸ Tama Elaijago
te tiwai po wei ponani, "Awe, ena Elaija dao. Nage ma
peyu, te king Ahapbolo te tiwai po wao, Elaija asai
dao," wali.

⁹ Tama Obadiago agabolo te tiwai po wali, "Genuai
bidi, eno mena dwai sę ebaso, te nago homugo te
king Ahapgo ena ela mumainogo ebawe? ¹⁰ Te Sese-
mane Sogo Bidibo Godigo nogide, eno mu po tama
obao, kingo nage ma suabo homu godolo ebao. Tama
agai nage te tigidali tų kantride gegebo sę idubao. Te
tų kantri pedai me deli tonalubo tuni bidi me deligo te
po weyu, nage te agai tų kantride bidisiąbaso da, teda
Ahapgo te tų kantri pedai tonalubo bidibolo po
bomonama weyu, mu po ugwaba obao po weyu, te
nage ede bidibeo po weyu, te po wabo dao. ¹¹ Tialima,
nago homugo ena pelama, te kingba nage ma asai da
po wagi pomainu homu ebao. Eno te tiwai ebo hagela
homu ebao. ¹² Te eno nage taga pabo sogo, teyu te
Genuai Bidigo Mobo Bidigo nage selasa, te eno kone-
siąwai bulu me deliba sela pidalio. Te king Ahapgo
nage gegagasali nage susąbaso, te agai wado homu
elama, te ena ela mueibao. Nago ena me tagala palo-
gobeo. Menio. Nago ena homu dene yao, magi baso
meni, sesemane sogo ena Genuai Bidi dologode
bidiyu, te agaba lotu udali, te ena ogomanide gagalali,
te megı e sogoba usu nagasalio. ¹³ Te kwin we Jesebel-
go te Genuai Bidigo profet dabe ela muani sogo, eno
te bidi sese a naga, 100 profet dabe te genuai masigi
ola beba geme dualali. Eno te bidi sese si olama, no-
gogo si, 50 bidi te gasa ola beba geme dualali, te gasa

bidi sese si me nogo si, 50 bidi dabe te gasa ola beba
geme dualali. Te eno augwali tonalu, te nai mayu, wę
mayu, yali. Eno te wiegi yai sę yali nago koneao," te po
wai. ¹⁴ "Tiali goli, nago homugo eno te kingba wagi
pelama, te nage asai da po waibao. Te eno nago po
wabo tiwai elama, te nosali kingo nage susąbaso da,
teda agai ena ela mueibao," Obadiago te po wali.

¹⁵ Tialima, Elaijago agabolo te tiwai po wai, "Nage wi
elamuo. Ena te Tigidali Bomo Elalubo Genuai Bidigo sę
bidi dao, te Sesemane Sogo Bidibo God dao. Te eno
agai nogide po weyu, mu po tama obao, Ahapgo ena
megı e side tama sueibao," wali.

¹⁶ Tialima, Obadia pelama, te king Ahap gege pelama
subaso, agai Ahapbolo te tiwai po weyu, te Elaija ma
asalio po wai dao. Tama Ahap hogodasa pelama, te
Elaija sugı pai dao. ¹⁷ Ahapgo aga sulama, te po wai,
"Te megı da, eno nage سوالio. Te sę yali page te
nagede naga elalubaso, tama te tulubage tulisiąbaso,
genuai sęę Israelde elalubo dao," wali. ¹⁸ Tama Elaija-
go Ahapgo poba wei ponoyu, te tiwai po wai, "Nago ti-
bo po obao. Te sę yabo page eno menio. Te sę yabo
page nago dali, te nago ayago hanide dali elalubao,
magı baso meni, dagego te Genuai Bidigo po sela sa-
nama, te dagego tibo god Bal dabeba lotu oduai dao.

¹⁹ Tialima, megı da, nago te Israel we bidi tigidaliba po
ola tolama, te augwaligo ena te Karmel bulu duba
tede da gesabidi sisinaibao. Tama nago te tibo god
Balgo profet dabe 450 me, te tibo god we Aserago
profet dabe 400 me sesao," wali, "te tigidali te kwin we
Jesebelgo augwali tonalu nai ula maduai dao," Elaijago
te po wai.

²⁰ Tialima, Ahapgo Israel we bidi tigidali i obadi, te
profet tigidali me i walio, tama augwali pelama, te bu-
lu du Karmelba sisinigi pai dao. ²¹ Tama Elaija te we bi-
di dabe augwali pąba doligi pelama, te tama tiwai po
walio, "Dage homu si elalubo we bidi dabe da, mena
sogo dagego homu deli naga elalueibawe? Genuai Bi-
di aga te God mu yaibaso da, teda dagego aga deliba
naga lotu waiyąo. Bal te God mu yaibaso da, teda
dagego aga deliba naga lotu wabo usu dao," wali. Tiali-
ma, te we bidi augwaligo po me deli wei me ponobeo.
Mu menio. ²² Tialima, Elaijago augwaliba te tiwai po
wai, "Te Genuai Bidigo profet me deli me bidibeo. Ena
deli naga bidibao. Tialima, te Balgo profet dabe 450
elalubao. ²³ Tialima, eno homugo dagego te omai bul-
makau si sesao. Tama eno homugo te Balgo profet
dabego me deli somainao. Te augwaligo me ela muna-
ma, te peselama, te ofa yao. Tama augwaligo te god
Balgo altaba te isi munama, tama te kibu mi dabe te
isiba ugwadu muao. Tiali goli, te sia me nogonama,
domainu me igio. Tama eno te gasa bulmakau me se-
lama, te tiwai ofa yabo deli kolesaga tiwai yaibao. Te
eno me isi me nogogobeo. ²⁴ Tialima, dagego te duga
godiba gedu haluasa po obadi, te eno ena Genuai
Bidiba gedu haluasa po obadi yaibao. Tama mena
godigo te gedu haluasa po odama, te isi tagala pala-
ma, te ofa nai ulubaso da, teda te naga te God mu da
wabo dao," Elaijago te po wai. Tigidali we bidigo te po

odama, te augwaligo i te tiwai wali, "Te wiegi yai dao. Dago tama tiaibao," wali.

²⁵ Tialima, Elaijago Balgo profet dabeba te tiwai po wai, "Dage hauwa dao, tama dage polasa pao. Dagego te bulmakau me deli selama, te ofa yabo sisi ilao. Tiali goli, dagego isi me nogolamuo. Te dagego duga godiba gedu haluasa po weyu, te agai isi tagala palama, te ofa ulagasomainao," wali. ²⁶ Tialima, te profet bidi dabego te bulmakau sali, te we bidi dabego augwaliba sesai. Te augwaligo ofa yabo sisi ilalio. Tama augwaligo te god Balba gedu haluasa po wali, te kigamude gagalasa, te sia ge tomoba yagasobo te belo wabo si-ba usu nagasalio. Augwaligo gedu haluasa po weyu, i e tiwai wali, "Bal, dago homugo nago dago gedu haluasa po wabo odomainu obao," wali. Tialima augwaligo te gedu haluasa po wali wei me ponobeo. Mu menio. Augwaligo t̄ābi weyu, te bidi dabego nigali alta bobegelabo siyu, sasa mano bilali.

²⁷ Tama te giliga tomo yagasobode, te belo wabo side, Elaijago augwaliba te tiwai posobo po wali, "Dage bomo kimi me igimio. Aga te god dao. Tama te bomo elama, gedu haluasa po wabo s̄e mu yao. Te agai gasa naiba me homu kone palidu, te agai dageba olo musayu, ma aga toma nigi pali homu ebao. Ma, te meni baso da, te aga digibulu buluba pali homu yaibao. Ma, te aga godege pila mubowe homu me ebao, tama tibaso dagego aga hodolīo," wali. ²⁸ Tialima, te profet dabego i hai bomonama mu weyu, te augwaligo hw̄a ge dabe me, p̄w̄adage bainat me sobadi elama, te augwaligo augwa lotu wabo kolesaga wali peyu, augwa digi augwa tigi dabe tologwalio. Te kaneme augwa tigide dulai dao. ²⁹ Te be pio mu yai madi tagalao, augwaligo te esela pai bidi dabego i wabo tiwai udubadi, te be pio te ofa yabo sogoba usu nigi palio. Tialima, te augwaligo gedu haluasa po wabode wei munu me ponosīama, te magi nai me deli pedalubeo. Mu menio.

³⁰ Tialima, Elaijago te we bidi augwaliba te tama po wali, "Dage ena p̄aba asīo." Tama tigidali sisinagaselama, aga bagua sagasali. Tialima, Elaijago te Genuai Bidigo alta ma dodolali, te bidi dabego polobadu alu-ali. ³¹ Agai te nogo si olama, sāgāgo si alta nigabo masigi sali. Te masigi dabego te d̄aj tiwai te Jekopgo ogwa dabe nogo si olama, sāgāgo me si hani d̄aj ilali tiwai yali, te Israel dabego w̄aj n̄ōy dabe dao. Polobadu Genuai Bidigo Jekopbolo te tiwai po wali, "Te we bidi augwaligo nago nogi Israel nogi yaibao." Te po wai dao. ³² Tialima, Elaijago te masigi dabe selama, te Genuai Bidiba ofa yabo alta nigali. Agai te alta nigila silibo si da, teda agai te alta bagulubo āj gamia nigali. Te āj gamiade āj p̄āḡawani usu te nogo si olama, sāgāgo me si me si, te 14 lita usu nama dao. ³³ Nosali Elaijago te alta daiba isi manama, te kibu bulmakau mi tologolama, te sia daiba ugwadu mananio. ³⁴ Tama agai te we bidi augwaliba te tiwai po wali, "Te genuai sospen sene me si me si selama, te augwalide w̄e tulama, te ofa yabo kibu miba ugwadu me, te isiba me, gelao,"

wali. Tialima, augwaligo te tama tialio. Tama agai augwalibolo te tama ma tiao wali. Augwaligo te tiwai ela silibo si da, te agai augwalibolo te po ma wali, "Deli sogo ma yao." Tama augwaligo te tiwai yai dao. ³⁵ Tama w̄e te alta sese badu dulama, te alta bagulama nigali āj gamia p̄āḡawai dao.

³⁶ Tama te pio mu ebode te ofa ebo sogo, te Godigo po pusali bidi profet Elaija te alta p̄aba pelama, te gedu haluasa po te tama wali, "God, te Abraham, me Aisak, me Israel, te augwaligo Genuai Bidi, eno homugo nago te tiwai nago te we bidi dabeba meḡi ola momainu homu ebao, nage naga te Israelgo God dao. Tama me nago augwaliba te tiwai ola momainu ebao, ena nago s̄e bidi eno nago po naga wali pelama, eno te tigidali s̄e yai dao. ³⁷ Genuai Bidi, eno buba hwi wabo po odama, te eno nagebolo hanalubo tiwai gilama yao, tama te we bidi dabe augwaligo konemainao, nage naga, naga te God mu, tama te nago augwali homu begelama, te nageba ma asomainu ebo dao," tama wali.

³⁸ Tialima, Genuai Bidigo isi aiyaba tagala palai. Tama isigo te ofa me, te isi me, te alta nigali masigi dabe me, te alta sesede elaluali t̄ō me isigo dela silali. Tama te āj gamiade elaluali āj me tigidali sula selama, wa pai dao. ³⁹ Te we bidi augwaligo te sulama da, teda augwa digi te t̄ōba pinilaluama, tama augwaligo te tiwai i hai wali, "Genuai Bidi naga aga God mu dao. Genuai Bidi naga aga God mu dao," te po wai dao. ⁴⁰ Tama Elaijago augwaliba te tama po wali, "Te god Balgo profet bidi dabe tigidali pageabi yao. Te me deli wi pomainu me sula tagaligio," wali. Tama tialima, augwaligo te profet dabe pageabi elala pelama, tama Elaijago te profet dabe selama, te āj Kison sesegeba dulama, te augwali ela muai dao.

Tulubage te Israel t̄ō kantri pedaiba ma tulalio

⁴¹ Augwali te badu bidibadi, te Elaijago Ahapbolo te tama po wali, "Nage polo asesa pelama, nai tugi pao. Eno odali, te genuai tulubage u ola asida obao po walio," wali. ⁴² Tialima, Ahap pelama, nai tugi pali. Te Elaija aga s̄e bidi dali te bulu du Karmelba ugwaba holali. Tama Elaija basi gulama, te aga tobolu te sāgā kidu si tomoba p̄ogulali. ⁴³ Tama agai aga s̄e bidibolo te tiwai po wai, "Nage u badu pelama, te tamu ājba tonaludugi pao," wali. Tialima, te s̄e bidi pelama, tonaludugi pelama, ma asu, te tama po wali, "Eno magi nai deli me subeo." Tama Elaijago te s̄e bidibolo te tama po wai, "Nage ma pelama, tonaludugi pao." Te s̄e bidigo tama tiwai yalio. Elaijago te deli po naga udubadi, te a naga olama, me si sogo usu nani. ⁴⁴ Te a naga olama, si wabo side, te s̄e bidi ma begasa asu, te tiwai po wali, "Eno suali, te dagalu p̄ō me deli tamu ājde pedelali. Te dwasianu naga, te bidigo nogo tiwai usu." Tialima, Elaijago aga s̄e bidibolo te tiwai po wali, "Nage polo pelama, te king Ahapbolo walama, te aga karis sisi elama, te asesa polo aiyaba dulao. Tiyu, tulubagego aga pabo sina sabuo," te po wai dao.

⁴⁵ Te polo tama te haowa pedelama, te dagalu polo sesela sai. Te wali po tiwai pedelama, te genuai tulubage tulubo gagalali. Te Ahap aga karisba duagalama, te hanu Jesril sunumidu wali palio. ^{†46} Tama Genuai Bidigo bomo Elaijaba pedelai. Te Elaija aga name ugwa bugagia daꝓ olama, te Ahapgo karis pabodu aga polasa uda yali. Aga te tiwai udada pidubadi, augwali si te Jesrilba sabolali.

Elaija te Sainai bulu duba wi pali

19 King Ahap te Jesrilba sabolama da, teda agai aga we kwin Jesebelbolo, te Elaijago yali seꝓ po tigidali pusali. Tama me agai te Elaijago te tibo god Balgo profet bidi tigidali ela muani po me walio.

² Tama Jesebelgo Elaijaba te tiwai po ola tolai, "Te eno nage ela mueibao, te nago Balgo profet bidi dabe ela muani tiwai nage ela mueibao. Do megi e tiwai sogo usu nagasobo side, te nage isaibao. Te eno te tiwai me isaꝓbaso, eno homugo te god dabego ena digi ela mumainao," wali. ³ Elaijago te po odama, te aga wi elama, wi palio. Agai aga seꝓ bidi selama, augwali si pelama, te Berseba te Juda tꝓ kantri buluba saboligi pai.

Elaijago aga seꝓ bidi te bulude bididubadi taga pelama, ⁴ te agaduba digi te tꝓ wa pai bulude bilidubadi, te deli sogo bubugaba usu nai. Te aga ni me deli elalubo madi pedelama, te ni dologode dugulaluyu, gedu haluasa po te tiwai wali, "Genuai Bidi, enaba te pedelali seꝓe dabede ena usu yalio. Te megi eno homugo nago ena isimainu sula tagalao, magi baso meni, ena wiegi yai bidi me elalubeo. Menio. Ena te ena waꝓ nõꝓ dabe tiwai gagawai dao," wali. ⁵ Agai te gedu haluasa po wali silibo si da, teda aga gedu seꝓe ebaso, aga te ni dologode godege piali. Tama polo mu tama, te mobo bidi ensel me deli asu, aga tigiba diꝓ yagaselama, te hodoliyu, te tama po wai, "Nage hodaluama, nai tugulao," wali. ⁶ Tialima, Elaijago gedu peda sanama, tonono bilibadi, te aga tobolu badu paꝓde agai te bret me deli augwaligo masigide ulai munalubo suali, te weꝓ sospen me suali. Tialima, agai te nai me weꝓ tulama, nosali te aga godege ma pialio.

⁷ Nosali te Genuai Bidigo mobo bidi ensel aselama, te aga ma hodolagasu, agabolo te tiwai po wali, "Nage hodaluama, nai tugulao. Te meni baso, nage te bobobage sunumidu pobaso usu egobe dao," wali.

⁸ Tialima, Elaija hodaluama, te nai me weꝓ ma tuali. Te naigo aga tigi dili ilama, te aga pidubadi, te giligade me hulide usu nama te bidi sese si, 40 dei wabo sogoba usu nai. Tama nosali aga te bulu du Horep ma Sainaiba sabolai, te Godigo bulu du dao. ⁹ Te hulide Elaija te masigi ola be me deli tomoba pelama, piai.

Elaija te masigi ola be tomode bidibadi, te Genuai Bidigo agabolo te tiwai po hanalu wai, "Elaija, nage magi baso ede bidibawe?" te po wai. ¹⁰ Te Elaijago te tama po wai, "Genuai Bidi, Tigidali Bomo Elalubo God dao, eno te Israel we bidi tigidaligo nage deli naga wali pomainogo ebo seꝓ bomo ebao. Tiali goli, augwaligo nage tudiba muyu, tama te nago augwali dali daꝓ

† 18:45 Jer 5:18

wali bomai po kontrak bolali. Te augwaligo nago alta dabe aluama, te nago po pusubo profet bidi tigidali ela muani. Te enaduba deli naga bidibao, te megi augwaligo ena me ela mumainu ebo dao," wali.

¹¹ Tialima, Genuai Bidigo agabolo te po wali, "Nage te buluba eda teda solama, te eno gesabidide bulu duba doligi soao. Magi baso meni, ena te bulu du paꝓba aselama paibao," wali. Tialima, bomai wali me deli asama, te Genuai Bidigo bomode, te waligo te bulu du dabe masigi me pepeda saꝓwai. Tiali goli, Genuai Bidi aga digi te walide me bidisiꝓwai. Tialima, wali silama, te tꝓ mali pedelali, tiali goli Genuai Bidi te mali ebo tomode me bidibeo. ¹² Te mali elama, nosali te sia pedelali. Tiali goli, Genuai Bidi te sia tomode bidibeo. Te isi pedelali tudi badu, Elaijago odali, te bidigo dua digi mu po mibo posolu wabo tiwai odalio.

¹³ Elaijago te tebo odolama da, tialima aga bobobage gudali ugwago aga gesabi dali halua selama, te aga masigi ola bede bidali tagalama, te masigi dedage paꝓba dolagasali. Tama agai po me deli te tiwai odali, "Elaija, magi baso nage ede bidibawe?" te po wali.

¹⁴ Tama Elaijago po e tiwai wei ponani, "God, Tigidali Bomo Elalubo Genuai Bidi, eno te Israel we bidi tigidali nage deliba naga wali pomainu ebo seꝓ bomo ebao. Tiali goli, augwaligo nage tudiba munama, te nago augwali dali daꝓ wali bomai po bolalio. Te augwaligo nago alta dabe aluama doliyu, te nago po pusubo profet bidi dabe tigidali ela muani. Tama enaduba deli naga bidibao. Te megi augwaligo ena me ela mueinu ebo dao," tama wali. ^{††}

¹⁵ Tialima, Genuai Bidigo agabolo te tama po wali, "Nago te naga sunumi wali pelama, tama pidubadi, te tꝓ wa pai bulu te Damaskus hanu paꝓba sabolao. Te nosali nage te taun tomoba pelama, te Hasael sulama, te nago aga toboluba te wel aꝓ gelao, aga te Siria king bidi pedalumainogo daꝓ tama ilao. ^{†16} Tama nago te Jehu me daꝓ ilao, te Nimsigo hani, te Israel king pedalumainao. Tama nago te Elisa me daꝓ ilao, te Safatgo ogwa, te taun Abel Mehola bidi da, te nage bidali pesage selama, te eno po pusabo profet bidi pedalumainogo yao. ^{†17} Te Hasael king bididubadi, agai te we bidi hauwa ela mueibao. Te meba agade wi pobaso da, teda Jehugo augwali ela mueibao. Te Jehude meba wi sobaso da, teda Elisago augwali ela mueibao. ¹⁸ Tiali goli, te eno bidi sese umabo, 7,000 we bidi, te Israelde bidimainu hageai dao. Te augwali enaba naga wali pabo we bidi da, te augwaligo te tibo god Balba kidu sugunisama, te agai piksa noma dabeba nono nisama, te agaba lotu po me wasiꝓyani we bidi dao," Genuai Bidigo te po wai. ^{‡‡}

Elaija de Elisa si deliba gesabi unulai

¹⁹ Elaijago Genuai Bidigo po odola silibo si, teda agai te Sainai taga soyu, te Israelgo tꝓba ma soalio. Tama agai Elisa suali, te Safatgo ogwa, aga te nogo si olama, saꝓago deli gasa bidi dali te gide seꝓ iduai. Augwaligo

†† 19:14 Rom 11:3 ‡ 19:15 2 Kin 8:7-13 †† 19:16 2 Kin 9:1-6
‡‡ 19:18 Rom 11:4

te bulmakaugo te t̄o elibo nai kegasa bilibo s̄e ebo tonalubo s̄e yai. Te nogo si olama, saḡaḡo deli bidi dabe te augwa bulmakau dali polasa pobadi, te Elisa aga bulmakau si dali nosali asali. Tialima, Elaija te Elisa pageba pelama, te aga gudaluuli tigidu aiyaba tagalaluuli bobage ugwa saket dilama, te Elisaba gudulalio. ²⁰ Te tama tilama, Elaija aga pobaso, te Elisa aga s̄e iduali tagalama, te Elaija pabo wali udulama, te agabolo te tama po wali, "Te ena ma begasa ma pelama, te eno aya idabolo dage tao po wagi pelama, te ena ma asobaso usu dawe?" Te Elaijago agabolo te tiwai po wali, "Te usu da, nage pao. Eno nage me paligobeo," wali.

²¹ Tialima, Elisa ma begasa palio. Tama agai te aga bulmakau dabe elali. Agai te bulmakaude keḡani ni name dabe te bulmakau mi dabe ulabo isi dabe sali. Tama agai te we bidi augwaliba menama, te augwa tualio. Agai tama tila silama da, teda aga te Elaija wali pelama, te agai s̄e bidi pedelai dao.

Te Siria dabego Israel dabe dali boi hwjani

20 Te Benhadat, te Siria king bidi, te aga ami bidi soldia dabe tigidali sisinama, te Israel dabeba boi hwjigi painogo sisi ilali. Tama te bidi sese deli olama, nogo si olama si, 32 gasa king bidi te augwa hos hani dabe me, te boi hwjbode kegasa pabo karis me selama, te aga tau sagasainu yalio. Tialima, tigidali pelama, te Samaria taun bagua sigi pelama, te Israel dabeba boi hwjainu elalualio. ² King Ahap te Samariade bidibadi, te Benhadatgo te bidi dabe tagala palama, ³ te Ahapbolo te tiwai po wagi pomainogo yai, "Nago te tigidali silva me, gol me, te nago wiegi yai we dabe me, wai dabe me, enabolo mao," te po wai dao. ⁴ Tama king Ahapgo e tama po te Benhadatbolo ola tolali, "King Benhadat, eno genuai bidi da, te eno nago wali po tiwai gilama yaibao. Ena me, eno doado bage tigidali, te tigidali naga nai naga dao," te po wai.

⁵ Nosali Benhadatgo te bidi dabe te Ahapba ma tagala palama, te po agabolo wagi pomainu yali, "Hasia bolo eno nagebolo weyu, te nago silva dabe, me gol, te nago we wai dabe, augwali ena mao po wai dao. ⁶ Tialima, megi eno homugo te eno ami ofisa dabe nago beba me, te nago ofisa dabego beba tagala palaibao. Tama augwaligo te nago homugo godolo ebo nai dabe gegelama subaso da, bomonama saibao. Do tama augwali nageba asaibao, te megi e sogo tobage side asaibao," te po ola tolali.

⁷ King Ahapgo te po odobo si da, teda agai te tigidali Israel tobolu bidi dabe i olama, augwali sisinagasobaso, te agai augwalibolo te tiwai po walio, "Hasia bolo te bidigo enabolo weyu, eno agabolo te eno we dabe sibi me, wai me, te eno silva me, gol dabe, te mao po wai. Tama eno agai te wali pode usu da po wai. Tialima, megi agai po hasegelai, tama te tiwai dabolo ola mawai, te agai da dolaiongo wabo po tiwai yali dao," wali. ⁸ Tama te tobolu bidi dabego, me te tigidali we bidigo Ahapbolo te tiwai po walio, "Nago agai te po

munu me wali pelamuo. Nago te kolesaga me elamu dao," wali.

⁹ Tialima, Ahapgo te Benhadatgo bidi dabebolo te tiwai po wali, "Dage pelama, te king Benhadatbolo te tama po waligi pao, eno agai te hasia wali pode usu da wali, tiali goli agai te namba 2 wali pode eno usu da munu me wagobeo. Mu menio," wali. ¹⁰ Tialima, Benhadatgo augwali ma tagala palama, te gasa po Ahapbolo wagasomainogo yali, "Megi da, eno ami bidi umabo mu seselama, nago te taun dolagasomainu yaibao. Augwaligo te tigidali doado bage dolama, te olo nai pobebe bage tiwai mu pedelaibao. Eno te tiwai isaḡaso da, teda ena te ena god dabego ela mumainu emainao," te po ola tolali. ¹¹ Tialima, Ahapgo te bidi dabeba te po ma wai, "Dage pelama, Benhadatba te tama po wagi pao. Ami bidi mugo, agai te genuai po daḡa me pemene ebo te bainat hw̄a aga bede bulalubo sogo me tegobeo. Menio. Agai te boi bidi dali hasia bolo hw̄jnama, te aiyaba elalubaso, te nosali naga aga pemene ebo usu dao," Ahapgo te po ola tolali. ¹² King Benhadat dali, te gasa king dabe me, augwali te taun Sukotde bidaluyu, te bomai w̄e tubo s̄e idu bidali. Tama te Ahapgo po sela asobo bidi agaba asali. Agai te po wali odama, te aga ami soldia bidi dabeba waliyu, te augwali Samariaba pelama, boi hw̄jigi pao wali. Tialima, augwali te Sukot taun tagalama, palio.

¹³ Te sogode te profet me deli te king Ahapba pelama, agabolo te tama po walali, "Genuai Bidi Godigo te tiwai po wai, 'Te Benhadatgo genuai ami soldia hani sua. Megi da, eno te nago augwali aiyaba elalumainu sula tagalaibao. Te nago koneama, ena digi ena Genuai Bidi da wao.' Genuai Bidigo te po wai," te profet bidigo wali. ¹⁴ Tialima, Ahapgo profetba te tiwai hanalu wali, "Dego augwaliba hw̄jnama, te augwali aiyaba elalueibawe?" Tama profetgo Ahapbolo te tiwai po wali, "Genuai Bidigo te po wai, te gesi ogwa bidi ami soldia dabe, te t̄o pedai distrikde bidibo tobolu bidi dabe bidibo, te hani dabe augwaligo te augwali aiyaba elalueibao," wali. Te king agaba ma hanalu wali, "Te dego mu augwalibolo hw̄jigi pao obaso, te augwaligo hw̄jigi paibawe?" Te profetgo tama po wali, "Nage tama dao."

¹⁵ Tialima, kingo te gesi ogwa bidi ami soldia i olama, sisinagasomainogo yali. Te augwaligo namba te 232 usu da. Tama nosali agai te gasa Israel ami tigidali sisinagasomainu i wai. Te augwaligo namba te bidi sese umabo mu, te 7,000 bidi dabe dao. ¹⁶ Te giliga tomo yagasu, te belo wabo side, augwa te taun tagalama, te boi hw̄jainu pali. Te sogo Benhadat dali, te gasa 32 king dabe dali, te Sukotde bidaluyu, te bomai wain aḡ tulama, te geḡ page s̄e ebo gagalalio. ¹⁷ Benhadatgo te aga ami soldia dabe tagala palama, te Israel ami dabe asobo tonalugi pomainu yali, tama augwaligo te Israel ami bidi dabe aselabo suai. Te augwali ma pelama, te tiwai po te Benhadatbolo wagi pali, "Bidi meba te Samaria tagalama, asobao," po wali. ¹⁸ Tialima, Benhadatgo aga ami bidi dabeba te tiwai po wai, "Dage pelama, augwali pageabi igi pao, te augwali boi

hwjainu asai baso, ma te boi hwjbo hagela ebo po wagasai baso me, te tagalao. Tialima, dagego augwali me ela munamo dao," wali.

¹⁹ Te Israel gesi ogwa bidi ami bidi dabe polasa poba-di, te tigidali gasa ami soldia bidi dabe augwali wali pali, tama augwa te Siria dabe dali hwjgi pai dao. ²⁰ Te hwjbo gagalali sogo, te Israel ami dabego bugagia mu hwjnama, tama augwaliba boi hwjagasali Siria dabe tigidali ela silali. Tialima, te gasa Siria dabe wi pobaso, te Israel dabego augwali pobeali. Tiali goli, Benhadat te hosde dugulama wi peyu, tama te hosde dugulasa boi hwjani ami bidi dabe dali wi palio. ²¹ Te king Ahap dali, te meba ami dabe dali, augwa te Samaria tagalama, te Siria ami dabe te hosde me karisde dualasa wi pali ami dabe dali hwjgi pali. Tama augwaligo te Siria dabe hauwa mu ela munama, augwali aiyaba mu elalui dao. ²² Te nosali te profet bidi te king Ahapba pelama, agabolo te po ma wali, "Nage ma begasa solama, te naga ami bidi dabe ma daq walama, te nago mena kolesagago te Siria ami dabe dali hwjabo te bugagia homu kone palao. Magi baso meni, te Siria kingo dageba te nosali kibu bede ma hwjagasaibao," te po wai dao.

Te Siria dabego Israel dabe augwaliba ma hwjani

²³ Te hasia hwjani side nosali badu, te king Benhadatgo ami ofisa dabego agabolo te tiwai po wai, "Te Israel dabego god te bulu dude bidibo god da, tialima dago te bulu dude hwjani sogo, te god dabego Israel dabe tau selama, te augwaligo da aiyaba elalui. Tialima, dago augwali dali te odogo bulude hwjbaso da, teda dago augwali aiyaba elalueibao," wai dao. ²⁴ "Tama me nago te king dabe sela sawaibao, te augwaligo nago ami bidi dabe munu ma tonalugobeo, te nago te ami bidi soldia dabe tonalumainu yabo ofisa bidi dabe muagameo. ²⁵ Te me nago ami soldia pedelabo bidi hauwa sao, te nago ami bidi hani te genuai pedelama, te polobadu tiwai yaibao. Te me nago te hwjabo hos, me karis hauwa sao, te dolali hos me karis dabe augwaligo pesage hasegelaibao. Tama dago te Israel dabe dali te doloba pai odogo bulude hwjgi pelama, te dago augwali aiyaba elalueibao," augwaligo te po wai.

King Benhadatgo augwaligo te wabo po odama, tama agai augwaligo wali po tiwai gilama yai dao. ²⁶ Te nosali kibu bede agai te aga ami bidi dabe selama, augwali te Afek taunba pelama, te Israel dabe augwali dali hwjgi pai. ²⁷ Tialima, te Israel kingo aga ami bidi dabe sisinagasomainu i olama, te augwa hwjabo doado bage sisi ilali. Tama augwali pelama, te Siria dabe bidibo pesage paba pali, te Israel dabego bidabo pesage si badu nigai. Te Israel hani dabe dwasianu mu elaluali, te meme hani si tiwai elalui. Tiali goli, te Siria ami te umabo mu, te tigidali pedai badu usu nama bidada pai dao.

²⁸ Tialima, te profet te king Ahap bidibo madiba ma pelama, agabolo te tiwai po wai, "Genuai Bidigo te tama po walio, 'Te Siria dabego ena te bulu dude bidibo God da tiwai po obao, tama ena te odogo bulude

God meni da po wai. Tama tialima, eno dagego te augwaligo genuai ami bidi dabe aiyaba elalubo si da, teda dage Israelgo koneagameo, ena digi ena Genuai Bidi dao, dagego te tama po waibao,' God Genuai Bidigo te po wai," profet bidigo te po wali.

²⁹ Te Siria dabe me Israel dabe augwali te augwa kem nigali pesagede naga te a naga me deli wabo si usu bidali, tama te a naga si wabo side augwa te hwjbo gagalali. Te side digi tama te Israel dabego te Siria ami bidi dabe te bidi sese umabo mu, te 100,000 bidi ela muai dao. ³⁰ Tama te Siria gasa ami bidi dabe te taun Afek tomoba wi pai. Tama te taun bagulali genuai masigigo nigali obo aluasa dulu, te augwali mesega sigulama, te bidi sese umabo bidi, te 27,000 bidi te tiwai isai dao.

Benhadat me wi pali, te taun tomoba pelama, te be me deli daj habuba geme duala sigi pali. ³¹ Tama aga ami polalubo tobolu bidi ofisa dabego aga sugi pelama, agaba te tiwai po walio, "Dago odali, te Israel king dabego te olo mu tau sabo kolesaga ebo bidi dabe dao wali. Tama tialima, dago homugo te homu dene ebo ola mabo ugwa gudulama, te dago magede baklain bono bagulama, te Israel kingba paibao. Dago te tama tebo usu egowe, ma meniwe? Dago te tiwai ebaso da, te agai nageba te olo tau sabo homu kolesaga elama, te nage sula gogola tagalu, te nage me ela mugobe, te homu ebo dao," augwaligo te po wai. ³² Benhadatgo te augwaligo hanalu wali pode usu da obaso, tama augwaligo te homu dene ebo ola mabo ugwa gudama, te bono baklain augwa magede bagulai. Tama augwali te Ahapba pelama, te agabolo te tama po wai, "Te nago se bidi Benhadatgo homugo te nago aga homu dene elama, te nago aga munu me ela mugio," wali. Te Ahapgo augwaliba te tiwai po wai, "Aga bidiba, agawe? Wiegi yai dao. Aga eno ama tiwai dao," wali.

³³ Te Benhadatgo ofisa dabego Ahapgo te po wabo sogo olo mubadi, tama augwaligo te tiwai po odali sogo, "ama da," obaso da, teda augwaligo koneai, augwaligo yainu homu yali se te pedalubo usu yaibao wali. Tama tialima, polo tama te "ama dao" wabo po selama, te augwaligo te tama po wali, "Mu tamao, Benhadat te nago ama da." Te Ahapgo augwaliba te po walali, "Aga enaba odasa asao." Tialima, augwali pelama, Benhadatbolo wagi pobaso aga te Ahapba palio. Tama Ahapgo Benhadatbolo waliyu, te nage aga karisba duagulao po wai dao. ³⁴ Te Benhadatgo Ahapbolo te tama po wali, "Te polobadu eno ayago nago aya dali boi hwjnama, te sali taun tigidali nagebolo eno wei ponaibao. Te me te tobage bisnis dabe nago te Damaskusde yagameo, te polobadu eno ayago te Samaria taunde yali tiwai," wali. Te Ahapgo agabolo te tama po wali, "Te nago tama tiabo homu ebaso da, teda eno nage pomainogo sula tagalaibao," wali. Tama Ahapgo te Benhadat dali te bomai po kontrak me deli daq walama, tama Benhadat pomainogo yai dao.

Profet me deligo Ahap dolabo po wai

³⁵ Benhadat pai digi da, teda Genuai Bidigo te profet hani dabede te profet me deli homu hodolali, tama te profetgo gasa profetba te tiwai po walali, "Eno homugo nago ena ela homu ebao." Tiali goli, te gasa profetgo hagela homu yalio. ³⁶ Tama te profetgo gasa profetba te tiwai po wali, "Eno nageba te mani po, te Genuai Bidigo digi wali po. Tialima, nago te Genuai Bidigo po sela saḡwai, te nago ena tagalama pabo sogo da, teda te bomai hasa laion me deligo nage ela mueibao," wali. Tama te gasa profet pabo si da, te laion me deli pedelama, te aga ela muai dao.

³⁷ Tialima, nosali te profet te gasa bidiba pelama, agabolo te tiwai po wali, "Eno homugo nago ena elimainu homu ebao." Tialima, te bidigo te profet bomonama umagia mu elalima, te profet bidigo tigi selali. ³⁸ Te profet aga digi aga gesabidi te name ugwa go halua sali, te bidi dabego aga te profet da waidali weyu, te tama tiali. Tama aga pelama, te sunumi paḡe dolalu, te king Ahap asobo tonalulai dao. ³⁹ Te king sabalubo si da, profetgo te tiwai i wali, "King, odao. Ena te boi hwjibode bidai, tama dago ami bidi me deligo te boi bidi me deli enaba odasa aselama, tagalagasu, agai te tiwai po ena dali wali, 'Te bidi bugagia tonalua-o,' po wai. 'Te aga wi pali da, teda eno nage ela mueibao. Ma nage elisaḡu da, teda nago mone bidi sese umabo mu, te 30,000 kina silvago te kot abelaibao.' Te ami bidigo te tama po ena dali olama, aga palio. ⁴⁰ Tialima, king, eno te gasa seḡ hauwa eyu, eno te boi bidi bugagia tonalusiḡwai, te aga wi palio," wali.

Tialima, kingo agabolo te tama po wai, "Naga digi naga po tu ilalio. Tama te nageba magi seḡ pedelaibao, te nage koneani dao." ⁴¹ Kingo po ola silibo si da, te polo mu tama, te profetgo aga gesabidi halualuali namu ugwa pedai dagala saḡnama, te aga gesabidi sumainu ilali, tama kingo sulama koneai, aga te profet bidi gesabidi suai dao. ⁴² Tama profetgo kingba te tiwai po wai, "Genuai Bidigo te tama po walio, 'Ena Genuai Bidi, eno te po wai dao, te dage boi hwjibo sogo, dagego te boi bidi tigidali mu ela muao. Tiali goli, nago te Benhadat sula tagalama pomainu yali, tama nago aga ami bidi dabe wi pomainu sula tagalai. Tama tibaso, nage isibogo te Benhadatgo pesage nago hasegelaibao, te nago ami bidi dabe me isibogo te agai ami bidi dabego pesage hasegelaibao,'" te po wai dao. ⁴³ Kingo te po oda silama da, teda aga wado homu elama, te haliga seḡbe dwai mu elama, tama ma aga begasa peyu, te aga bulu Samariaba pai dao.

Ahapgo te Nabotgo wain gi sabo homu pesa yai

21 Te Nabot te taun Jesril bidi me deli da, tama agai wain gi te king Ahapgo genuai be paḡe te Jesril taunde elaluali. Tama nosali te Siria dabego genuai boi hwjagasali side, ² Ahapgo Nabotbolo te tiwai po wali, "Nago wain gi eno be pagede elalubao. Tama

tialima, eno homugo nago ena menama, te eno te toḡde keba gi bulabo homu ebao. Te nago enaba mobaso da, teda eno nageba te gasa wain gi mayu, te wain gigo nago gi aiyaba elalubo tiwai yaibao. Ma, nago mone sabo homu wei ebaso da, eno te gi te genuai monego abelaibao," wali. ³ Tialima, Nabotgo kingba te tiwai po wai, "Polobadu digi te toḡ pedai te eno waḡ noḡ hani dabego toḡ elaluama, te megi me eno tonalubao. Tialima, te Genuai Bidigo nogide, eno nageba me magobeo," wali.

⁴ Ahapgo Nabotgo te wali po odama, te aga wado homu elama, haliga seḡbe me dwai yali. Tama aga be elalubo madi Samariaba pelama, te betba pigi palima, te gesabidi be dagaba begaluai. Te aga nai tubo gisilai dao. ⁵ Nosali aga we Jesebelgo aga sugi pelama, agabolo te tiwai po hanalu wali, "Magi baso nago haliga seḡbe dwai elama, nai tubewe?" wali. ⁶ Tama agai Jesebelbolo te tama po wai, "Nabot, te Jesril bulu bidigo, eno po odisaḡwai. Eno agabolo po waliyu, te eno agai wain gi abelabo homu yai. Ma, agai te mone sabo homu wei isaḡbaso, eno agaba te gasa wain gi maiabo homu yai. Tiali goli, agai enabolo maiabo homu me ebeo," wali. ⁷ Tama Jesebelgo agabolo te tiwai po wali, "De mu te Israel toḡ kantri king bidi da, nage, ma gasa bidi dawe? Moni homu igio, tagalao. Hogodama, nai tugulao. Eno te Nabotgo wain gi selama, nageba mawaibao," wali.

⁸ Tialima, Jesebelgo te pas dabe asḡnama, te Ahapgo nogi me daḡ te ugwadu te pas daide muani. Tama agai te Jesril taun tobolu bidi dabeba, me te genuai bidi dabe augwaliba tolai dao. ⁹ Te pas dabede asḡani po te tama tiwai elaluali, "Dagego te nai tusiaḡma, habu selabo sogo me daḡ ilao. Te side, dagego te taun Jesril we bidi dabe sisinagasao olama, i wao. Tama te sisinibo side, Nabot te hasia te polali siade dugamainu ilao," wali. ¹⁰ "Tama te dwai bidi si aga paḡe dugamainu ilao, tama te bidi sigo agaba te tiwai po kisilama omainu ilao, 'Nabot, nago dwai po te Godiba me kingba wali.' Te tama po Nabotba kisilama po walama, Nabot te taun buluba sela solama, te agaba masigi saḡnama, te aga ela muao," te po te pasde wai dao.

¹¹ Te Jesril taun tobolu bidi dabe, me genuai bidi dabe, augwaligo te pas sabo si da, teda augwaligo te Jesebelgo po wali pelama, ¹² tama augwa te nai me sogo deli gisilabo sogo daḡ ilai. Tama augwa te we bidi dabe i olama, sisinagasali. Tama augwaligo Nabot te polalubo sia saide dugamainu ilali. ¹³ Tialima, te dwai bidi si Nabot paḡa dolo si dugayagasali, te we bidi dabego gedude augwali sigo tibo po kisilama, Nabotba te tiwai po wali, "Nabotgo te dwai posobo po te Godiba me kingba walio," wali. Te we bidi augwaligo te wabo po odolama, tama augwaligo Nabot te bedu taun buluba sela solama, te augwaligo agaba masigi saḡnama, aga ela muai dao. ¹⁴ Nosali augwaligo Jesebelba te tiwai po tagala palali, "Dago Nabot te masigigo ela munama isalio," te po ola tolali.

¹⁵ Jesebelgo te po odama, te polo tama Ahapbolo te tiwai po wagi pali, "Nabot aga me bidibeo. Aga isai

dao. Tialima, nage pelama, te agai te wain gi sigi pao, polobadu agai nageba mabo hagela homu yai dao," wali. ¹⁶ Ahapgo te po odobo si da, teda aga hogodasa pelama, te wain gi sigi pai dao.

¹⁷ Tama te sogo Genuai Bidigo te profet bidi Elaijabolo te po wali, te taun Tisbe bidibolo te tama po wai, ¹⁸ "Nage hogodasa pelama, te Israel king Ahapbolo te tama po wagi pao. Megi aga te Samaria tagalama, te Nabotgo wain gide bidibao. Agai te gi saji hagede ebo dao. ¹⁹ Nago agabolo te tama po walao, 'Ena Genuai Bidi, eno te po obao, nago te bidi ela munama, megid da nago agai wain gi me sainogo eba, agawe? Tialima, eno te tiwai po dolo nageba obao, te yowigo Nabotgo kaneme tuali pesagede, te nago kaneme me augwaligo tede tueibao,' te po agabolo pusao," Genuai Bidigo te po wali.

²⁰ Elaijago Genuai Bidigo po odama, aga te Ahap bidibo madiba pali. Tama Ahapgo te Elaija subo sogo, aga te tama po wali, "Eno boi bidi, nage enaba ma pedaluba, agawe?" Tama Elaijago te tama po wei ponani, "Awe, eno nage suagasali, magi baso meni, nago godolo ebo homu, me te homu kolesaga tigidali bomo elama, te Genuai Bidigo gedude dwai kolesaga nago ebo dao. ²¹ Tialima, Genuai Bidigo nagede te po elalubao, 'Ena Genuai Bidi, te eno nage dolaibao. Te eno nage te Israel hanide pedalubo bidi tigidali sili-mainogo yaibao, te augwali gesi ogwa bidi yaibaso, ma te gegunai bidi dabe me, tagalao, te mu silaibao. ²² Nago te we bidi augwali dwai se eboba kegebaso, tama nago te tebo kolesagago ena haliga sebe ilibao. Tama tialima, eno te deli tigi poai kolesaga te nago deli hani sibiba yaibao, eno te king Jeroboamgo deli hani sibiba yali se tiwai yaibao, te Nebatgo ogwa da, te king Basago deli hani sibiba me te tiwai yali, te Ahiyago ogwa dao,' wali. ²³ Te Genuai Bidigo po te nago we Jesebelde me elaluali. Agai te tama po wai, 'Te Jesebel isibo si da, te yowi dabego agai tigi te Jesril obo banis pade tueibao,' Genuai Bidigo te po wai dao. ^{†24} Te Ahap, nago hani sibi bidi meba te taun tomode isibaso da, teda yowi dabego augwaligo tigi tueibao. Te me badu taun bulu badu isai baso da, teda te ba kemodagego augwa tigi tueibao," Elaijago Ahapbolo te po pusali.

²⁵ Mu tamao, te Ahap king bidali sogo, te agai homugo me koneani kolesaga tigidali te Genuai Bidigo gedude dwai se yabo kolesaga bomo elaluali. Polobadu bidi me deligo te tiwai kolesaga me ebeo. Aga we Jesebelgo naga, te aga homu begelibo po obaso, te dwai kolesaga yali dao. ²⁶ Ahapgo te tibo god dabeba lotu weyu, tama agai te Amor dabego kugumini yai kolesaga dabe wali pali, te augwali te tode polobadu bidali we bidi dabe da. Tialima, Genuai Bidigo augwali ela gudulama, tama te to Israel dabe augwaliba mawai dao.

²⁷ Ahapgo te Elaijago po odali sogo da, teda aga homu dwai dene mu yalio. Agai aga ugwa pisilama, te homu dene ola mabo ugwa gudalio. Tama aga nai

† 21:23 2 Kin 9:36

tubo habu selali. Tama aga hulide me te homu dene ola mabo ugwa dali piali. Aga moni homu hauwa ma elama, te aga homu pemene dali se me ebeo. ²⁸ Tialima, Genuai Bidigo te profet Elaijabolo te tiwai po walali, ²⁹ "Megi da, te Ahap aga digi eno gedude aiyaba elaluali. Nago agai te tebo kolesaga sualiwe, ma meniwe? Agai te tiwai kolesaga ebaso, tama eno agai hani sibi dabeba te dwai dene mabo se te aga bidibo sogo me egobeo. Menio. Eno agai hani sibi dolabo se te aga ogwa king bidibo sogode te tama se yaibao," te po wai.

Te profet Mikaiago pusali po

(Daj 22)

Profet Mikaiago po weyu, te Ahap isaibao po wai

(2 Sto 18:2-27)

22 Te Israel me Siria te to pedai kantri si munu ma boi hwisabadi, te bugagia mu bidada pali, te kibu be si yai dao. ² Te sela wabo kibu bede, Jehosafat, te Juda king, aga pelama, te Israel king Ahap sugi palio. ³ Tama Ahapgo te Israel ami polalubo ofisa bidi dabe augwaliba te tama po wali, "Dagego koneani, te Gileat to pedaide te Ramot taun te dago taun elalui, tiali goli te Siria dabego sali. Te magi baso dago dena te taun te Siria dabe kingo nogode ma sabo se me deli ebe dawe?" wali. ⁴ Tama Jehosafat sabolama, tama Ahapgo agabolo te tiwai po wali, "Eno te taun Ramot ma sainu boi hwigi pabo homu eba. Nage ena dali asobaso usu dawe, ma meniwe?" Tama Jehosafatgo te tiwai po wei ponani, "Ena nago homu wali asabo dola sai naga elalubao. Te eno ami bidi dabe, me te hos dabe dola selama, te nage tau sabo homu naga elalubao. ⁵ Tialima, hasia bolo dago te yainu ebo se de Genuai Bidigo homude mena tiwai ebo dago koneainogo inao," wali.

⁶ Tialima, Ahapgo te profet bidi dabe asomainu i wali. Te bidi sese nogo si saqa si, te 400 profet bidi dabe sabalubaso, te Ahapgo augwaliba te tiwai po hanalu wali, "Eno te Ramot taun ma sainu boi hwigi pobaso usu yaibawe, ma meniwe?" Te augwaligo te tiwai po wei ponani, "Te usu da, nage pagameo. Genuai Bidigo nage tau sobaso, te nago augwali aiyaba elalueibao," wali.

⁷ Tiali goli, Jehosafatgo Ahapbolo te tiwai hanalu wali, "Te Genuai Bidigo geme dualali po pusubo profet bidi me deli elalubawe, ma meniwe? Te bidibaso da, te Genuai Bidigo mena homu elalubo dago koneainu, agaba hanalu wainao," wali. ⁸ Tama Ahapgo agaba te tama po wai, "Te profet me deli bidibao, aga nogi Mikaia, te Imlago ogwa da. Tiali goli, eno te bidi godolo homu me isawai, magi baso meni, agai te wiegi yai profet po enabolo me pusasabaso. Sesemane sogo agai te dwai se naga enaba pedelabo po wabo dao," wali. Tialima, Jehosafatgo te po agaba wali, "Na-

go te tobage po me olamuo.”⁹ Tialima, Ahapgo aga ofisa bidi me deli i olama, asobo si agabolo te tama po walali, “Nage polo tama pelama, te Mikaia, Imlago ogwa, odasa asao,” te po wai.

¹⁰ King Ahap de king Jehosafat augwali si te kingo gudubo ugwa au elama, te augwali si augwa sia kingde dugulaluai. Augwaligo te augwali sigo dugabo sia sai te taun Samaria genuai obo sunumi bulu badu muani, te tɔ malu dolo yai pesage tɔ me deli, te bidi dabego te wit dili bo dabe sela sanama, te nai ge sabo madi, te badu elalualui. Tama te profet dabego te nosali badu pedelabo nai po olama, te profet te king sibolo pusubo sɛ yalio. ¹¹ Sedekaia, te Kenango ogwa, aga me deli te bidi sese nogo si, saɣaɣo si, 400 profet dabe tomode bidali bidi. Agai te ain dage selama, te bulmakau gaɣ tiwai nigali. Te aga toboluba munama asu, te Ahapba te tiwai po wali, “Genuai Bidigo te tiwai po wali, nago te Siria dabe dali boi hwɔnana, te augwali aiyaba elalueibao. Te tiwai nago augwali te kau gaɣ komgo augwali enana pidubadi, te augwali silibo siba mu usu naibao,” te po wai. ¹² Te gasa profet dabego me te tiwai deli po naga wali. Augwaligo te tama po wai, “Nago te Ramotba hwɔgi pobaso, te mu tama, nago te taun saibao. Genuai Bidigo nage tau sobaso, te nago augwali aiyaba elalueibao,” wali.

¹³ Te ofisa bidi, Ahapgo te Mikaia sigi pomainu tagala palali bidi, agai te Mikaia odasa asali. Augwali si te kingba sabalisiɣbadi, ofisago Mikaiaba te tama po wai, “Tigidali profetgo po weyu, kingo hwɔbaso, te boi bidi aiyaba elalueibao wali. Tama tialima, nago me nago wiegi yai kolesaga eyu, wiegi yai po naga te kingba mao,” te po wai. ¹⁴ Tialima, Mikaiago ofisa bidiba te tama po wai, “Te Sesemane Sogo Bidibo Genuai Bidigo nogide, eno mu po nageba obao, mena po Genuai Bidigo enaba mani, te po naga eno pusaibao,” wali.

¹⁵ Te Mikaia pelama, te king Ahapba sabalubo si da, teda Ahapgo agaba te tama po hanalu wali, “Mikaia, te dago Ramot taun ma sainu hwɔgi pobaso usu yaibawe, ma meniwe?” Tama Mikaiago te kingba posobo po wabo homu ebo po te tiwai wai, “Magia! Te usu da, nago hwɔgi pelama da, te taun nago saibao. Genuai Bidigo nage tau sobaso, te nago augwali aiyaba elalueibao,” wali. ¹⁶ Tiali goli, Ahapgo agaba te tama po wali, “Tibo po tagalao. Sesemane sogo eno nagebolo weyu, te nago Genuai Bidigo nogide mu po naga omainogo yai. Nisu sogo nago po odaibawe?” wali.

¹⁷ Tialima, Mikaiago Ahapba te tiwai po wali, “Eno suali, te Israel ami bidi dabe te bulu du dabede bidalua pelawali, te kibu sipsip augwa tonalubo bidi wasman meni yai tiwai elalualui. Tama eno odali, Genuai Bidigo te po wai, te bidi dabe augwa tobolu bidi meni yai. Augwa te hwɔbo tagalama, te augwa buluba ma pelama, te bugagia bidibaso usu yaibao,” Mikaiago te po wali. ¹⁸ King Ahapgo te po odama, agai te king Jehosafatbolo te tiwai po wali, “Tes, te megi da, eno nagebolo walio. Te profetgo enabolo wiegi yai po me

wagobeo. Sesemane sogo agai enaba te dwai nai naga pedelabo po naga wabo dao,” wali.

¹⁹ Tialima, Mikaiago po wadolama weyu, te tama po wai, “Tialima, megi da, eno homu nago olo bugagia munama, odao, te eno nagebolo te Genuai Bidigo enabolo ola mani nai dabede po waibao. Eno suali, te dagalude Genuai Bidi te aga dugulalubo sia saide dugulalualui, te tigidali mobo bidi ensel dabe aga paɣe dolalubo suai dao. ²⁰ Te Genuai Bidigo augwaliba te tama po hanalu wai, ‘Dego mu te Ahap te Ramotba pelama, isimainu geanigi paibawe?’ Tama te deli deli mobo bidi enselgo augwa konealubo homude po te Genuai Bidiba pusai. ²¹ Augwaligo te tiwai idubadi, te noma bidi mobo me deli Genuai Bidi paɣa pelama, te tama po wai, ‘Ena da, ena pelama, aga geanigi paibao,’ te po wai. ²² Te Genuai Bidigo agaba hanalu wai, ‘Nago te Ahap mena tama tɔba geanobo po waibawe?’ Tialima, te mobo noma bidigo Genuai Bidiba te tama po wali, ‘Te ena pelama, te Ahap aga profet dabego digi aga tibo po momainogo ilaibao.’ Tama Genuai Bidigo te noma mobo bidibolo te tiwai po wali, ‘Nage pelama, aga geanobo po wagi pao, te agai nago poba homu mueibao,’ Genuai Bidigo te po wai,” Mikaiago te tiwai wali. ²³ Tama Mikaiago po dolo tama te Ahapba te tiwai po wali, “Genuai Bidigo homugo nage dolomainu homu elama, tama agai te noma mobo bidi tagala palama, tama naga te profet bidi tigidaligo nage te poba homu daɣ omainu, tibo po ola mabo tiwai yali dao,” wali.

²⁴ Profet Sedekaia, te Kenango ogwago, Mikaiago Ahapba te pusali po odama, te aga Mikaia paɣa pelama, tama aga naboge badu nogo sawaligo eliyu, te tama po wai, “Te Genuai Bidigo Noma Mobo Bidigo ena magi elama tagalama, te nageba solama, tama nagebolo te po maniwe?” ²⁵ Te Mikaiago Sedekaiago po te tiwai wei ponani, “Nosali te boi bidi dabe asu, te da Israel aiyaba elalubaso, te naga digi wi peyu, te be me deli habu tomoba game dula sigi paibao. Te tebo sogo naga nago koneaibao, Genuai Bidigo digi enaba te po mobaso, eno te po pusai yabo, te homu nago yagameo,” Mikaiago te po wali.

²⁶ Tialima, king Ahapgo aga ofisa bidi me deliba te tiwai po wali, “Te Mikaia pageabi elama, aga te Emonba sela pao, te polalubo kiap bidi da, me te eno ogwa Joasba pao. ²⁷ Tama nago eno te po augwali siba mao, ‘Eno homugo dage sigo te bidi kalabusiba ma mu-mainu homu ebao. Te aga dwasianu tubo nai bret me weɣ naga mao, tama te boi hwɔbo silama, ena ma asobo siba usu nao,’ te po wao,” wali. ²⁸ Tama Mikaiago Ahapba te tiwai po ma wali, “Nage te dolobo sego gegesiama, te nage asobaso da, teda Genuai Bidigo enabolo te po mabe da homu yagameo,” wali. Tama Mikaiago te tama po ma wali, “Dage tigidali hani we bidigo te po bugagia odao,” wali.

Ahapgo boi hwjigi pai
(2 Sto 18:28-34)

²⁹ Tialima, nosali Ahap, te Israel king, me Jehosafat, te Juda king, sigo te ami bidi dabe selama, te Siria dabe dali te taun Ramot, te Gileat bulu t̄q pedaiba boi hwjigi palio. ³⁰ Te boi hwj̄s̄abadi yaide, Ahapgo Jehosafatba te tiwai po wali, "Te dago boi hwjigi pabo sogo, te eno kingo gudubo ugwa hasegelama, te gasa ugwa mueibao, te boi bidi dabego ena king da te konea pidali weyu, te tiwai yaibao. Tialima, nago da, te kingo ugwa au elama muao," wali. Tibaso, king Ahapgo te gasa ugwa gudama, te augwa si boi hwjigi peyu palio.

³¹ Te sogo naga tama, te Siria kingo te 32 kepten bidi dabe i wali, te ami augwali te karisde dolalu hwj̄bo bidi dabe augwaliba te tama po wali, "Dagego te Israel kingba naga boi hwj̄q̄o, te dagego gasa bidi dabeba me hwj̄n̄amo dao," wali. ³² Te augwali boi hwj̄ani sogo, te kepten dabego te king Jehosafat sulama, augwaligo Israel king Ahap mu dao, te homu yai. Te augwaligo aga dali boi hwj̄igi painu yali, tialima Jehosafatgo bomonama i obaso, ³³ tama augwaligo te tiwai koneai, aga te Israel king meni da homu yai. Tama augwaligo aga dali hwj̄bo tagalalio.

³⁴ Te ami bidi dabe augwa hwj̄bo s̄q̄ idubadi, te Siria ami bidi me deligo te ene te enesigi balibiba nanama, te enesigi kegelama, te Israel dabe bidibo pedaiba enanio. Te enego te Ahap dolali, te aga tigi te hwj̄bo nai olo mesegelis̄awai elaluali badu dolalio. Tama Ahapgo aga karis guni tolasa pabo bidibolo te tama po walali, "Ena dolalio. Te karis polo begelama, te hwj̄bo pesage tagalao," wali. ³⁵ Tialima, te Siria ami bidi dabe me Israel ami bidi augwa te boi hwj̄bo bomu ebaso, Ahapgo te hwj̄bo pesage taga soabo usu ebeo. Aga te karisde naga bididuai, te aga ami bidi dabego aga tonalubo s̄q̄ yai. Tama agai Siria dabeba tonaludualio. Tama Ahapgo kaneme duludu, te aga karis sawali ni nami mesegelali. Aga te tiwai bididubadi, te be pio muba usu nigi pelama, te aga isai dao.

³⁶ Te giliga iba degasa dulubo p̄ade igi pabo si da, teda te Israel ami bidi dabe, me Juda ami bidi dabego te tiwai i walio, "Da tigidali te dena bulu t̄q̄ pedai kantriba, me te dena bulu dabeba pela silinao," walio.

³⁷ King Ahap isai baso da, teda augwaligo aga tigi te Samariaba sela pelama, te augwaligo ḡq̄ pageba pubulalio. ³⁸ Tama augwaligo aga karis te Samaria dwasianu sigi āj̄ba sela pelama, w̄q̄ telagi pai. Te w̄q̄e te penani ebo we dabe augwa te āj̄ paubo da. Te yowi dabe asu, agai kaneme tuagasali, tama te tama tiali s̄q̄go te Genuai Bidigo pusali poba mu usu nai dao.

³⁹ Te king Ahapgo gasa s̄q̄ dabe tigidali yali po, te tiwai nogi wabo bukude te po elalubo, Te Israel King Dabego Yali S̄q̄ Po Buku Dao. Te bukude te wiegi yai genuai be agai s̄q̄nama, te elefan hasa kelego au ilali po wali, te me agai te taun dabe obo masigi banis d̄aj̄ walobo s̄q̄ me yali po wai dao. ⁴⁰ Ahap isai baso da, teda augwaligo aga tigi pubulama da, te aga ogwa

Ahasiago te aga ayago pesage selama, te king pedelalio.

Jhosafat te Juda king bidi pedelali
(2 Sto 20:31-21:1)

⁴¹ Te kibu be me si me si Ahap te Israel king bidali side, Jehosafat, te Asago ogwa, te Juda king pedelai dao. ⁴² Jehosafatgo kibu be te 35 kibu be elalubadi, te sogo aga king pedelali, tama aga te Jerusalemde king bidibadi, te kibu be bidi sese deli olama, a naga bidai. Jehosafatgo ida, te Asuba, te Silhigo wai dao. ⁴³ Jehosafatgo te aga aya Asago yali kolesaga tigidali bugagia wali pali, te agai wiegi yai doloba pai kolesaga Genuai Bidigo gedude yali. Tialima, agai is̄awani s̄q̄ me deli te tiwai, agai te tibo godiba lotu wabo pesage dolobeo. Tibaso, te we bidi augwaligo te ofa ebo s̄q̄ me, te wiegi yai denami hano ilibo pauda me, te pesage ulubo s̄q̄ iduai dao. ⁴⁴ Te Jehosafat king bidali sogo, te t̄q̄ kantri Israel de Juda t̄q̄ kantri si te munu me boi hwj̄beo. Menio. Jehosafatgo te Israel king dali nogo menama, te augwali bugagia hodobo bidai.

⁴⁵ Te king Jehosafatgo te gasa s̄q̄ tigidali yali po, te tiwai nogi wabo bukude elalubao, Te Juda Kingo Yali S̄q̄ Po Buku Dao. Te bukude wali po te tigidali bomai s̄q̄ agai yali po wali, te agai gasa t̄q̄ kantri dabeba boi hwj̄gi pali po dabe wali dao. ⁴⁶ Polobadu Asa, te Jehosafatgo ayago te tibo godiba lotu wabo pesagede te penani kolesaga ebo s̄q̄ bidi dabe ela gudulali. Tiali goli, te meba me elalubaso, te Jehosafatgo augwali tigidali mu dola silai dao.

⁴⁷ Te sogo te t̄q̄ kantri pedai Idom te king elalubeo. Te Juda kingo naga te bidi d̄aj̄ ilama, te Idom dabe tonalumainu yalio.

⁴⁸ King Jehosafatgo po obaso, te s̄q̄ bidi dabego genuai sip te t̄q̄ kantri Ofirba gol sigi pabo sip dabe nigali. Tiali goli, augwali pabeo, magi baso meni, te sip dabe te saut badu tamu āj̄ nambisde elaluali taun Esiongeberde dolali. ⁴⁹ Te nosali, Ahasia, te Israel kingo, te Jehosafatgo sip dolali po te tiwai odama, tama agai Jehosafatba te tama po wali, "Te nago sip dabe ma tagala palabo homu ebaso da, teda eno boskru bidi dabe te nago boskru bidi dabe dali pomainu yaibao," wali. Tialima, Jehosafatgo hagela homu yai dao.

⁵⁰ Nosali Jehosafat isibasos, te augwaligo aga te aga waj̄ n̄q̄go ḡq̄ pagede pubulali, te Devitgo Taunde elaluali. Te Jehoram, te aga ogwago, te agai s̄q̄ yali pesage selama, te king pedelai dao.

Ahasia te Israel king pedelai

⁵¹ Te nogo si olama, s̄q̄ago a naga me si, te tama kibu be te Jehosafat te Juda king bidali kibu bede, Ahasia, te Ahapgo ogwa, te Israel king pedelali. Te aga Samariade te kibu be si tama bidalio. ⁵² Agai te aga aya me ida sigo yali dwai kolesaga tiwai eyu, te Jeroboam, te Nebatgo ogwa, agai me te Israel dabe dwai s̄q̄ eoba kegali king dao. Ahasiago Genuai Bidi gedude dwai s̄q̄ eyu, ⁵³ agai te tibo god Balba lotu wabo s̄q̄ yai. Te tiali kolesagade agai te God, te Israelgo Genuai Bidi,

agaba haliga sẹbẹ dwai ilali, te aga aya Ahapba dwai
haliga yali tiwai yai dao.

Te Israel me Juda Hani Sigo Tuni Bidigo Po

Elalubo Buku Si

Hasia Nedebo Po

Te buku 2 Kingo te nosali pedelabo se dabede po te buku I Kingo pusali po tiwai agai me pusali. Hasia te buku si te buku deli naga elaluali. Te 2 King bukude te to kantri si Israel king dabede po pusali, te kantri Juda, te saut badu elalu, te to kantri Israel te not badu elalu yalio. Agai te se dabe pedelama ela pidubadi, te to kantri si te boi bidi dabego nogode dolali po agai pusali sogoba usu nigi palio. Te not badu bidali bidi hani dabe augwali bolo te hasia te bidi hani Asiria dabego nogode dolali, tama te saut badu bidali bidi hani dabe augwali nosali dolali, te bulu to kantri Babilon king Nebukatnesar nogode dene menama, dolai dao.

E buku da, te 1 King tiwai si, tama agai te kingo dabego yali kolesaga dagalali po pusali. Augwali te God dologode bidaliwe, ma meniwe? Te e bukude ola mani genuai se da, e tiwai dao. Te se te Israel hani siba pedelama, tama augwali te boi bidi nogode dolali, te se yabo page te augwade dali, te augwa king dabede dali elalualio. Te Israel king dabe me, Juda king dabe me, te augwa hani we bidi dabego dali, augwaligo te God dali hagoma mu eyu, te hauwa sogo augwaligo te bomo yai po me, agai gasa po dali, te sela sawani. Tama tialigo te augwali genuai sege gegai dao.

Te we bidi dabe augwaligo homugo te tama homu elaluali, Jerusalem dali te Godigo be dali elalubaso, te genuai nai mu ola mabo tiwai, te God augwali dali bidibao homu yalio. Tama tibaso, te dwai dene mabo nai me deli augwaliba me pedalugobe da homu elaluali. Tiali goli, e bukude te Jerusalem dolama, te boi bidi dabego te Godigo be aluama, besala sawani po pusali. Te tama tiali sego te Israel we bidi dabe augwaligo homu kolesaga mu dolalio. Te tama tiali sedu, tama nosali augwaligo hauwa bilibo kolesaga, me lotu wabo kolesaga me, augwali te gasagi yai tedali hasegelai dao.

Elaija dali te Elisa sabi name side po elalubo buku

(Daj 1:1-8:15)

Elaijago te king Ahasia isabo po wai

1 Tama te nosali te Israel bidigo king bidi Ahap isali, te Moap bage augwaligo homugo te Israel bagego da tonalugobeo homu yai. Tama tibaso, augwaligo te Israel bage augwali sela sawani. **2** Me sogo deli te Israel bidigo king bidi te Ahasia aga bedede te ugwa badu habu badu bidibadi yaide, tama te be kaq to-gasa dulunama, tama aga te toba tulaluama, tama aga te nogo saqa me, te tigide me genuai mu tama selali. Tama tibaso, agai te me badu po sela pabo bidi dabe te Filistia bulu te moni hani te Ekronba tagala

palali, te augwaligo te Ekron hanude bidibo bidi dabego te augwa tibo god Balsebup hanalugi pao olama, tama te aga ma usu yaibawe, ma meniwe, olama hanalu wai.

3 Tiali goli, te Genuai Bidigo po sela pabo ensel bidigo te profet bidi Elaija te Tisbe taun hanude bidibadi e tiwai po wali, "Tama nage pelama, te Samaria king bidigo te taun Ekronba tagala palali bidi dabe nago augwali tiqba pelama, tama nago augwalibolo e tiwai po tama wao, 'Magi baso te dagego homugo Ekron augwaligo tibo god Balsebup hanalugi sobawe?' wao," wali. "Tialima, Israel bidi dabeo, dage dali God bidibewe?" wao," wali, "tibaso dage sobawe?" wao," wali. **4** "Awe, odao, Genuai Bidi Godigo te e po te king bidi Ahasiabol waliqo," wali, "nage ma usu egobeo. Mu menio. Nage tama pila muna muna pedubadi genama, tama isibo bodoluba usu nigi paibao,' tama po wao," wali. Elaijago te po odama, tama aga hodalu-ama peyu, te bidi dabebolo te po wagi pai.

⁵ Te bidi dabe augwaligo te Elaijago wabo po odama, te bage augwali te king pageba ma geasa pelama, tama te kingo augwalibolo e tiwai po hanalu wali, "Magi baso te dage polo ma begasa asaliwe?"

⁶ Tama augwaligo te kingo wali po wei ponoyu, te e tiwai po wali, "Bidi me deligo te da te tɔba tiɔba aselama, tama agai dabolo te po wai, 'Dage me geasa pelama, te Genuai Bidigo po te kingo bidibolo wagi pao,' obaso da, ma geai dao," wali. "Te po e tiwai dao, 'Magi baso nago te bidi dabe augwali tagala palama, te augwali pelama, te Balsebup hanalugi pa waiwe, te Ekron bidi augwaligo tibo godiba? God Mu Israel bidi dage dali meni baso, nago tama tiwai da, agawe? Mu tamao, nage munu ma gesa solama, ma usu egobeo. Mu menio. Nage tama pila muna muna pedubadi keɔnama, te nage isibo bodoluba sabaligi paibao,' agai dabolo te po wao wali," augwaligo te kingo bidibolo te po wali.

⁷ Kingo te po odama, tama agai augwalibolo e tiwai po hanalu wali, "Te bidigo dagebolo te po ola mani, aga mena tiwai bidi dawew?"

⁸ Tama augwaligo te po wei begelu e tiwai po wali, "Te bidi aga te hasa nisigo nigai bulubo ugwa bulai bidi dao," wali, "tama aga te hasa usugaligo nigai kukulu gudai bidi dao," wali. †

Kingo odama, tama agai te po wai, "Te bidi aga te Godigo po pusubo profet bidi Elaija da," wali. ⁹ Awe, tama te kingo te ami tobolu bidi me deli dali, te bidi sese si olama, nogo si, 50 ami bidi dabe dali, tagala palama, tama augwali pelama, te Elaija odasa asomainu tagala palai. Augwali pelama, te Elaija aga bidibo buluba sabolali, tama te ami tobolu bidi keptengo Elaija te bulu dude dugulalubo suali. Tama te keptengo te Elaijabolo e tiwai po tama wai, "Nage Godigo po pusa mabo bidi da, kingo nage asao wali. Nage eba dulama, tama te kingo agai sugi pao," wali.

¹⁰ Tialima, Elaijago e tiwai po wei ponani, "Tialima, mu tama, ena Godigo po pusa mabo bidi da wida," Elaijago te po wali, "teda eno homugo te dagalude elalubo isi tagala palama, te nage dali, te naga te 50 ami bidi dali, isigo domainao," wali. Tama te po wabo si, te dagalude elalubo isi polo tulaluama, tama te ami tobolu bidi kepten bidi dali, te aga te 50 ami bidi dali, isigo dela pelama, tama augwali isila pali.

¹¹ Nosali te kingo gasa me ami kepten bidi dali, te bidi sese si selama, te nogo si, 50 ami bidi dali, te Elaija pageba ma tagala palali. Tama augwali Elaija pageba sabolama, tama kepten bidigo te Elaijabolo e tiwai po wai, "Nage Godigo po pusubo bidi da, kingo te po walio, nage polo dulama, tama nago agai suagasao po wali," te po wai.

¹² Tama Elaijago agabolo te po wei ponoyu, te po wai, "Tialima, mu tama dao, ena te Godigo po pusa mabo bidi da wida, teda eno homugo te dagalude elalubo isi polo tulaluama, tama te nage dali, te naga 50 ami bidi dali, isigo domainao," wali. Tama te po wabo si yaide, te Godigo isi polo tagala palama, tama te kepten bidi

dali, te 50 ami bidi dali, tama te augwali isigo dali, tama augwali isigo dela pelama, isali. ††

¹³ Tialima, kingo gasa kepten me dali, te 50 ami bidi dali, te Elaija pageba ma tagala palali. Tiali goli, te sela wagi siyu pali kepten, te bidi agai te e tiwai kolesaga yai, aga te Elaija bidibo bulu duba holama, tama aga te Elaija bidibo paɔba sabolama, tama te kepten agai te kidu sugunama, Elaija agabolo e tiwai po olama wai, "Godigo po pusa mabo bidio." Keptengo agai te bomai po weyu, e tiwai po wali, "Nago ena dali, te eno ami bidi dali, te nago ena dali te bugai homu pemene yao," wai. "Tama nago da doligio," wali. ¹⁴ "Eno koneanio, te dagalude elalubo isi tulaluama, te kepten si dali, te bidi sese a naga, 100 ami bidi dali, te augwali isigo dai dao." Keptengo bomai po weyu, te po wai, "Eno homugo nago ena dali, te eno 50 ami bidi dali homu dene eyu, tama da doligio," wali.

¹⁵ Keptengo po ola silali, tialima te Genuai Bidigo en sel bidigo te Elaijabolo e tiwai po tama ola mawai, "Nage dulama, te kepten bidi dali pao," wali. "Nage aga sulama, wi egio." Awe, Elaija hodaluama, tama aga kepten bidi dali te kingo pageba pai. ¹⁶ Elaija sabaligi pelama, kingbolo te po wai, "Genuai Bidigo e tiwai po tama wai. 'Nago homugo God Israel bidi dabe dali bidibewe?' wai, 'tama tibaso, nago me badu bidi tagala palama, te Balsebup hanalugi pao waliwe, te Ekron dabego tibo god dao. Tama tibaso, nage munu ma usu egobeo. Mu menio. Nage tama pila muna muna pedubadi keɔnama, tama nage isigi paibao,' wali." Elaijago kingbolo te po ola mawai.

¹⁷ Tama te nosali Ahasia isali, tama te po Elaijago pedawalidu te Genuai Bidigo po pusali te sogo mu usu nani. Ahasia aga ogwa meni. Tama tibaso, aga ama Joramgo aga ama Ahasiago yali seɔ selama, te kingo bidiyu, Israel bidi dabe tonaluyu bidali. Te Joram kingo nigilama bidibadi, te kibu be si pai, te Jehoramgo, te Jehoram te Jehosafatgo ogwa, tama aga Juda bulu tɔde aga kingo bidi nigilama, Juda dabe tonaluyu bidai. ¹⁸ E po dabe te kingo Ahasiago te tigidali te gasa seɔ yali po, te po gasa buku elalubo, augwaligo te nogi wai, te Israel Bidi Dabe Augwaligo Kingo Yali Seɔ Po Elalubo Buku dao wali.

Godigo Elaija dagaluba sela holali po

2 Genuai Bidi Godigo homugo te Elaija deli sogo te pobege ebo waligo dagaluba selasa holaiba homu yali. Tama te seɔ pedalabo elalubadi yaide, te Elaija dali, te Elisa dali, augwali sabi name si te Gilgal bulu tagalama pai. ² Tama Elaijago te aga sabi Elisabolo e tiwai po wai, "Nage ede tama bidiyu, tonalua," wai. "Magi baso meni, Genuai Bidigo ena Betel buluba pao wai," wali.

Tiali goli, Elisago e tiwai po wei ponani, "Genuai Bidi bidada peyu, bidada paibao. Te mu po dao. Tama te tiwai gilama, eno mu po tama obao, ena nage dali paibao," wali. Tama tibaso, te augwali te Betel taunba talua si pai.

† 1:8 Mat 3:4; Mak 1:6

†† 1:12 Luk 9:54

³ Te Betelde te Godigo po pusubo profet bidi hani me badu tede bidai. Tama augwali aselama, te Elisa sabi name si sisinagaselama, tama augwaligo Elisabolo e tiwai po ola mani, "Megi te Genuai Bidi Godigo te naga genuai bidi Elaija selasa paibao," te tiwai po Elisabolo ola mawai, "te nago koneaniwe, ma meniwe?" wali.

Tama Elisa agai augwalibolo te po wei ponoyu, e tiwai po wai, "Eno me te konea palio. Dagego te nai po me wagio," wali.

⁴ Augwali si te Betel bulude me bidibadi yaide, tama Elaijago te Elisabolo e tiwai po tama wai, "Nage ede tama bidu tonaluao," wai, "magi baso meni, Genuai Bidigo ena Jeriko pao walio."

Tialima, Elisago te po wai, "Genuai Bidi bidada peyu, bidada paibao. Te mu po dao. Tama te tiwai gilama, eno mu po tama obao, ena nage dali mu paibao," wali. Tialima, augwali si te Jeriko taunba talua si pai. ⁵ Te me badu te profet hani te Jeriko taunde bidalubo bidi dabe, tama augwali te Elisa pageba aselama, tama augwaligo agabolo e tiwai po tama wai, "Megi te Genuai Bidi Godigo te naga genuai bidi Elaija selasa holalubao," wali. "Tama nago teda koneaniwe, ma meniwe?"

Tama Elisago augwalibolo te po wei ponoyu, e tiwai po augwalibolo wai, "Eno koneanio," wali. "Te se yabo po dagego munu ma wagio," wali.

⁶ Augwali si te Jerikode me bidibadi yaide, tama te Elaijago aga sabi bidi Elisabolo e tiwai po tama wai, "Nage ede tama bidiyu, tonaluao, magi baso meni, Genuai Bidigo enabolo 'Te nage te Jordan aɓba pao,' walio."

Tiali goli, te Elisago te po wai, "Genuai Bidi tigidali sogo bidada peyu, bidada paibao. Te mu po dao. Tama te tiwai gilama, eno mu po tama obao, ena nage dali paibao." Tialima, aga sabi dali talua si pai.

⁷ Tama bidi sese si olama, te nogo si, 50 profet bidi dabe te sabi name si wali pai. Augwali pelama, te Jordan aɓba sabolama, tama te aɓ paɗe dolalualu. Tiali goli, te 50 profet bidi dabe te digibulu ganama dolalualu, tama te sabi name si tonalualu. ⁸ Tialima, Elaija aga bobobage bulubo ugwa dilama, tama te tomagelama, tama te bulubo ugwago te Jordan aɓba elali. Tama te aɓ tomode si bugasa pelama, tama te aɓ tomode tɔ dila pai mu elalualu. Tama augwali si tedu pelama, te Jordan aɓ uba pedai badu sabolali.

⁹ Augwa si peyu, tama te Elaijago te aga sabi Elisabolo e tiwai po tama wai, "Paɗe tama megɓi Genuai Bidigo ena saibao," wali, "tama eno nage taga paibao. Tama tibaso, nago homugo eno nage magi naigo nagebolo hasia tau sagawe?" wali.

Elisago te po wei ponoyu, e tiwai po tama wai, "Nago te Godigo bomu mu selama, tama nage te profet se yai dao. Tama eno homugo nago te se yali bomu ena mao," wali, "te ayago aga gomunai ogwa umabo nai mabo kolesaga tiwai gilama yao. † Tama eno te nago bidali madigi bidiyu, te usu nama, tama te profet se yaio," wali. ††

† Te Bom 21:17 tede elalubo po suao. †† 2:9 Bom 21:17

¹⁰ Elaijago te po wei ponoyu, e tiwai po tama wai, "Te nai nago enabolo hanalu wali, te eno tama polo nagebolo polo magobeo," wali. "Tiali goli, Genuai Bidigo ena sela holobo sogo, te sogo nago ena subaso da, teda te sogo nago te bomu sagameo, tama tialima, nago ena pabo sogo susayu da, teda nago sabo usu egobeo," wali.

¹¹ Tama augwali si te po mimi pabo se ela peyu pali, tibadi yaide, polo tama te isi bogoli te bidi si tomo agebelede isi bogoli pedalali. Te isi tomode augwali sigo tonobadi yaide, te kibu hosgo te ni namego sai yai madigi bidi dugabo karis kegasa asobo suai. Awe, tama tialima, te pobege ebo waligo te bidi Elaija te dagaluba selasa holali. ¹² Elisago te Elaija pabo sulama, tama te Elisago agai i weyu, e tiwai tama wai, "Eno aya, eno aya. Nage bomai bidi mu dao, te Israel bage tau sali bidi mu dao. Tama nage te hauwa hwɓbo nai te kibu hos me te karis, nage te tiwai dao," wali. Elaija te dagaluba polo paide te Elisa agai munu ma sube, tama tibaso, te Elisa aga haligade moni homu sege mu eyu, te aga te bobobage bulubo ugwa tomode si peda sayani. Te page e tiwai, aga homu dene ebo page ola mani. ‡

¹³ Te sogo te Elaija Godigo te dagaluba selasa holali sogo, te aga bobobage holobo ugwa te agai te tɔba tula palali. Awe, tama tibaso, Elisa agai te Elaijago te holobo ugwa selama, te Jordan aɓba geasa pelama, tama aga te Jordan aɓ sanide dolalualu. ¹⁴ Tama te Elisa agai te Elaijago bobobage holobo ugwa selama, tama agai te Elaijago yali kolesaga tiwai elama, te agai te holobo ugwa selama, te aɓba elali. Tama agai te weɓa elali sogo agai te po wai, "God, nage Elaijago Genuai Bidio, nage mena bidibawe?" Tama te po obadi yaide, te aɓ tomode si buga pali, tama tibo si, te Elisa te aɓ tomodu pelama, te aɓ u badu pedaiba sabaligi pali.

¹⁵ Te 50 profet bidi dabe te augwali te Jeriko bulude bidibo bidi dabe da, tama augwali te bulude me bidalualu. Te bidali bage magi baso meni, augwaligo homugo te Elisago ebo se page suainu bidalualu. Tama augwaligo te po wai, "Suao. Te bomu te polobadu te Godigo Elaijabolo mawai bomu dao, te bomu megɓi te Elisa dali bidibao," wali. Tama augwali asama, tama aga tiɓa aselama, augwaligo kidu sugunama, tama augwaligo tobolu me tɔba naga basilali, tilama augwaligo te Elisa genuai nogi mani. ¹⁶ Tama augwaligo te Elisabolo e tiwai po wai, "Dago hanigo te bidi sese si olama, te nogo si bomai bidi dabe bidibo," wali. "Tama dago homugo te bomai bidi dabe augwaligo te nago genuai bidi Elaija gegegi pomainao," wali. "Genuai Bidigo Mobogo aga selasa pelama, tama te aga bulu du me, bulu odogode me, aga tede tagalama, bidi badi bogo," wali.

Tiali goli, te Elisago augwalibolo te po wai, "O tegio," wali. "Dagego te bage tagala palama, aga gegegi pigio," wali.

¹⁷ Tiali goli, te profet bage augwaligo bomu mu yali, tama augwaligo te Elisa aga hanalubo se bomu mu

‡ 2:12 2 Kin 13:14

yali, tama tibaso, Elisa agai homugo te augwali pogobeo olama, agai augwali daꝓ wagobeo homu elama, tama agai te po wai, "Awe, usu dao," wali, "dagego te augwali tagala palao," wali. Tama augwaligo te bidi sese si olama, te nogo si, 50 bidi augwali pelama, tama te Elaija gegedubadi yaide, te sela sogo hodolai, tiali goli augwaligo aga me sube. ¹⁸ Elisa aga te Jerikode bidiyu, tama augwali asobo tonaluali. Tama augwali ma geasa asobo sogo, Elisa agai te profet bagebolo e tiwai po tama wai, "Eno magi po waidawe? Tialima, dagego homugo eno wali po dagego odoebo," wali.

Elisago te aꝓ ma dwagi yai ma ilali

¹⁹ Elisa te Jeriko taunde me bidibadi yaide, tama te taun bidi dabe augwali aselama, Elisa agabolo e tiwai po wali, "Genuai bidio, nago suao, te e taun te dwagi yai mu dao," wali. "Tiali goli, wꝓ digi dwagi yai menio. Tama te we dabe augwali wai haliga elalubo sogo augwaligo te wꝓ naga tubo dao," wali, "tama augwaligo te wai polo ame nabo, tama augwaligo te wai dabe te haligade genuai isaꝓbadi ame nabo dao, tama teyu, augwaligo te wai dabe polo isibo dao," wali.

²⁰ Tama te Elisago augwalibolo e tiwai po tama wali, "Dage pelama, te gesi pou dis me deli selama, tama te poude te sol tamu munama, selasa asao," wali. Awe, tama augwaligo te Elisago wali po wali pelama, tama tiali. ²¹ Tama te Elisa aga te ulu aꝓba pelama, te ulu aꝓba te tamu gelali, tama agai te po wai, "Genuai Bidi Godigo e tiwai po tama wai, 'Ena Genuai Bidi, eno e wꝓ ma dwagi yai ma ilibao. Tama te e wꝓgo bidi te munu ma isibo sꝓ egobeo, tama te we dabego polobadu yaliga te we dabego wai ame nabode te haligade genuai isaꝓwai augwaligo ame neyu yai, te yali tiwai ma egobeo,'" wali. ²² Awe, tama te aꝓ ma dwagi yai pedalali, tama te Elisago wali yali gilama, tama bidada asali yali gilama, tama megii eba usu nagasobao.

Te ogomani augwaligo te Elisa posobo po wai

²³ Tama nosali te Elisa Jeriko taun tagalama, tama te Betel buluba pali. Tama te umabo ogomani te taunde bidibo ogomani te taun bulu badu bidalubadi yaide, te augwaligo Elisa soabo suali, tama augwaligo te Elisa posoyu, e tiwai po olama, tama posoyu yai, "E, nage tobolu wane yai bidio, nage gedao," wali, "nage te pesagede bidigio, nage gedao," wali.

²⁴ Elisa aga ma begelama, tama agai te ogomani bomo mu elama tama tonaluyu, agai te augwaliba e tiwai po agai wali, "Eno mu po tama obao, Genuai Bidigo dage dolaibao." Elisago te po wabo si, te bomo yai genuai uni kibu tiwai kibu sou si nogi bea, te kibu te dwai tꝓdi gagawai kibu da, te kibu bea si aselama, te bidi sese si olama, me si, 42 ogomani te kibu sigo ela muna silali, tama te augwali tigi minama mu silai.

²⁵ Tama Elisago te bulu tagalama, te Karmel bulu duba pai, tama nosali aga te Karmel bulu du tagalama, tama te aga te Samaria buluba ma begasa pai.

Israel bage augwaligo te Moap bage dali boi hwꝓani po

³ Te Jehosafat te Juda tꝓde te king bidi nigila bidiyu, te kibu be 18 wagi solama kibu be pai, te Joram, Ahapgo ogwa, te Joram aga te Israel bage tonaluabo king bidi nigilama bidai, tama aga te Samaria bulude king nigilama bidali, me te kibu be nogo si olama, te saꝓaꝓo si, 12 kibu be pai. ² Joram agai te Genuai Bidi gedude agai dwai kolesaga yali. Tiali goli, agai dwai kolesaga yali, te aga ida dali, te aya dali sigo yali kolesaga tiwai me ebe. Menio. Agai te kolesaga yali te tibo god Bal noma piksa te bede dagana ulali te Joram agai sela saꝓani, te polobadu te aga ayaꝓo te tibo god Bal noma nigai. ³ Tialima, Joramgo te dwai kolesaga yali seꝓe te king Jeroboamgo yali te seꝓe sabo kolesaga te tiwai naga yali, aga te Nebatgo ogwa, te agai yali seꝓe te tiwai, augwaligo te yali tiwai seꝓe sabo kolesaga naga eyu, te Jeroboamgo agai te Israel augwali kegelama, te augwaligo te tiwai dwai kolesaga emainu Joramgo Israel augwaligo me tiwai kolesaga emainu kegai. Joramgo agai te dwai kolesaga ebo me tagalobe. Mu meni.

⁴ King Mesa, te Moap bagego king bidi, te bidi agai te kibu sipsip umabo mu bidali. Tama te Moap hanigo king bidi te Israel hanigo king dologode bidali. Tama teyu, tigidali kibu bede te agai koneama, te kibu sipsip wai te bidi sese umabo te 100,000 selama, te Israel kingbolo te takis mone tiwai mawai. Tama me te agai te kibu sipsip omai kibu te bidi sese umabo mu, te 100,000 aga sa muyu yali. Tama te kibu omai dabe augwaligo nisi me poalama, tama te nisi augwaligo te Israel bagego king bidi pageba toliyu yai. ⁵ Tialima, nosali te Israel bidi dabego king bidi te Ahap isali, te Moap hanigo king bidi Mesago te Israel bidi dabego gesi noma king bidi dali hagoma eyu, tama agai takis mone ma mabe. ⁶ Awe, tialima te king Joram aga te Samaria polo taga soyu, tama agai te tigidali ami bidi sisinibo sꝓ yali. ⁷ Tama Joramgo te Juda bidi dabego king bidi Jehosafatbolo po ola tolali, Judago king o, e tama tiwai dao, "Te Moap bulu king bidigo ena dali hagoma ebo. Tama tibaso, eno homugo eno aga dali hwꝓgi paibao. Tama nage ena dali paibawe, o ma meniwe?" te po hanalu wali.

Tama Jehosafat agai te po wei ponoyu, e tiwai tama wali, "Ena te nage dali muna selama paibao," wali, "tialima ena tonalu bidibao, te naga homugo mena sogo pobaso da, teda ena asaibao. Tama te eno ami soldia bidi me, te eno hos kibu me, eno te nage tau sabo dodo bage dola selama bidibao," wali. ⁸ "Tialima, da mena tꝓdu tama da paibawe?" wali.

Tama Joramgo te po wei ponoyu, e tiwai po tama wai, "Tama da te wa pai buludu te Idom bulu tꝓdu paibao," wali.

⁹ Awe, tama te king Joram badi, te Juda bidi dabego king bidi badi, me te Idom bidi dabego king bidi badi elama, te augwa ami bidi dabe me selama, tama augwali pali. Tama te tꝓ te bobobage tꝓ mu tama augwali pedubadi yaide, te Sadede deli mu silai, tama teyu te

augwaligo wẹ sia sali. Tama tialima, te ami bidi dabe me, me te walu sela pabo donki kibu dabe me, tama te augwali tuabo wẹ sia sali.

¹⁰ Tama te king Joram agai e tiwai po tama wai, "Homu dene mu ebao, God Genuai Bidi aga digi da sela king bidi dabe sisinama, tama agai da sela bidi te Moap bidi dabego king bidi nogoba mubo yabao," wali.

¹¹ Tialima, te king Jehosafatgo te king Jorambolo hanaluyu, te po wai, "Genuai Bidi Godigo po pusubo profet bidi me deli bidibowe, ma meniwe?" wali. "Tialima, bidibaso da, teda dago agabolo e tiwai po tama wainao, 'Naga Genuai Bidi Godibolo hanaluama, te dago mena tiwai sẹ yaibawe?' wainao, 'Jehosafatgo te po wali.

Te king Joramgo sẹ ebo kiap tobolu bidi me deligo te po wei e tiwai tama ponani, "Elisa, aga te Safatgo ogwa, bidibao. Polobadu aga te profet Elaijago sẹ ebo bidi bidali," wali.

¹² Tama te king Jehosafat agai odama, tama agai te po wai, "Elisa aga te Genuai Bidi Godigo sẹ ebo profet bidi mu dao," wali. Tama tialima, te king dabe augwaligo te profet Elisa sugi pali.

¹³ Elisa agai te Israel bidi dabego king bidi subaso, tama agai te po wai, "Magi baso nage ena pageba asobawe? Nage pao, tama te polobadu naga aya me, te ida me, augwaligo pelama, te hanalugi pali te profet bidi bageba pao," wali.

Tiali goli, te king Joramgo te po wei ponoyu, e tiwai po tama wali, "Menio. Genuai Bidi aga digi te da sela king bidi dabe sisinama, tama da te Moap hanigo king nogoba muainu ebao," wali. "Tama tibaso, da nage pageba asai dao," wali.

¹⁴ Tama te Elisago te Jorambolo e tiwai po tama ola mani, "Ena te Genuai Bidigo sẹ ebo bidi dao. Aga te tigidali sogo bidada peyu, bidada pabo dao, tama aga tigidali bomu mu elalubo bidi dao. Tama agai nogide eno mu po tama e obao, tama tialima, te Jehosafat nage dali bidigi menigi sogo da, teda eno nage gesabidi sugi menio, ma po me wagi menio. Tiali goli, eno koneanio, Jehosafat aga te dwagi yai bidi mu yai baso, tama eno nago po odobao," Elisago te po te king bagebolo wai. ¹⁵ "Awe, eno homugo megı te dagego pelama, te gita gagali ebo bidi, me ma te musik gagali ebo konea pai bidi mu me deli odasa asao," wali.

Awe, tama augwaligo te gita gagali ebo bidi odasa asali, tama te bidigo te gita gagali ebo side, te Genuai Bidi Godigo bomu te Elisaba asali. ¹⁶ Tama Elisago agai po pusuyu, e tiwai po tama wali, "Genuai Bidigo te po wai, polobadu te wẹ soali silide, te dagego te wẹ soabo madigi te umabo aḡ sabo tḡ dedage nigao wali, tiali goli te megı da, te aḡ te sula sali dao, wali. ¹⁷ Tama dagego te kulubage me, te wali me, asobo susiḡbadi, tialima te wẹ te aga soali madigi wẹ ma soabo suaibao, wali. Tama tialima, dage dali, te duga bulmakau kau kibu me, me te donki kibu me, te dagego te tuabo aḡ me mu usu elama, te umabo mu paḡawaibao," wali. ¹⁸ Tama te Elisago agai po me

wadolama pusuyu, e tama wali, "Genuai Bidigo te homu yai, te wẹ dage mabo sẹ, te genuai nai menio. Te dwasianu nai dao. Tama tialima, Genuai Bidi agai homugo te gasa sẹ dagebolo me mawaibao. Te sẹ tama pedalaibao, te dagego te Moap hani dali boi hwıbode agai dage tau selama, augwali aiyaba elaluaibao, wali. ¹⁹ Tama tilama, te bomai obo elalubo te dwagi yai taun siagameo. Tama dagego te tigidali te dwagi yai ni dabe togolama, tama te tigidali augwaligo te ulu aḡ tubo pesage hagalu pelama silao. Tama dagego te masigi selama, tama te augwaligo te gi yabo tḡba saḡawaibao wali, tama te augwaligo nai wai bulubo usu me egobeo." Tama te Elisago te po ola silibo si, te king bidi sela te augwaligo te Elisa aga tagalama, augwali wali.

²⁰ Tama te giliga pedalubo si, te giliga nosali pedalai badi te kigamu digi mu, tama tibo sogo te kigamu denami yai ofa nai te Godidolo ula mabo sogo dao, wẹ te wa pai aḡ gamiadu te Idom tḡ pedai badu aselama, tama te tigidali te augwaligo digawai tḡ dedage dabe te wẹgo paḡawai dao.

²¹ Moap bage augwaligo e tiwai po tama wabo augwaligo odai, te sela king bidi hani aselama, te augwali dali boi hwıgasaibao po wabo odali. Tama tibaso, te augwaligo tigidali bomai bidi te ami nigilama, te boi hwıjabo bidi naga i olama, tama augwali sisinagasali. Tama nosali augwali aselama, te Moap tḡ dali, te Idom tḡ pedai dali, te daḡ dolo tonaluyu bidaluai, tama augwali dola selama, te boi hwıjabo deli naga tonaluai.

²² Tama te nosali te do kigamu tama, te Moap hani augwali te kigamu digi hodaluai. Tama tialima, te sogo tama te Genuai Bidi Godigo te Israel bagebolo wẹ mawai. Tama te giliga naniyu, te wẹba ula ilali, tama augwaligo te wẹba subo si, te wẹde te kaneme tiwai mu te mama yai mu elaluali. Tama te Moap bage augwali digibulu bidiyu, tama augwaligo sualı. ²³ Tama augwaligo i weyu, e tiwai tama wali, "Tonaol! Tialima kaneme naga elalubo suo!" Augwaligo te homu eyu, te po wai, "Te boi bidigo tama te augwa digi te augwali te umabo mu te boi hwıju, te elali bidi kaneme te e tḡde elalubao," wali. "Polo pinao. Dago pelama, te augwaligo nai dabe me, me te augwali te bidibo bulu pesage dago sigı pinao!" te po wali.

²⁴ Awe, te po olama, augwali hodaluama peyu, te Israel bidi bidibo buluba pali. Tialima, augwali pelama, sabaligi pali sogo, te Israel bagego te ami bidi dabe hodaluama, tama augwali dali bomu mu elama, boi hwıjai, tama augwali tigidali pobeasa pelama, te augwa bulu tḡ Moapba tagaligi pai. Tama te Israel ami bidi dabego te Moap ami bidi dabe te umabo mu ela muani. ²⁵ Tama te augwaligo te moni hanu taun mu tama dolali. Tama te Israel bidi dabe augwaligo te Moap hanigo tigidali taun bilama, mu usu nigı pali. Tama augwali te augwaligo gi nai bulabo tḡ dwagi yai me deli elalubo madigi sabalobo sogo, tama te tigidali ami soldia bage augwaligo te masigi selama, tama augwaligo te gi bulabo madigi te masigi saḡ pelama silali, tama te masigigo te tḡ tigidali te tḡ paḡana sela

silali. Tama me te augwaligo tubo ulu aḡ te ma paliali. Tama te dwagi yai ni dabe augwaligo gelali, tama augwaligo te tigidali taun dola silali. Tama te tialima, te taun me deli digi tagalali, te taun nogi Kirheres, te Moap bage augwaligo moni hanu. Awe, tama te sut katapel ami bidi dabe augwaligo te taun augwaligo bagua sali, tama augwaligo te taun tomoba te masigi selama, enebo sę yali.

²⁶ Te Moap king bidigo suali, ma te boi bidi dabego te aga paḡde tama aiyaba elaluaibao homu ebaso, tialima te king agai te bainat ge hwḡ tulama, te boi hwḡbo konea pai bidi naga te agai sali, te bidi dabe te bidi sese hauwa, te 700 ami bidi sai, tama augwali te taun tagalama, te Idom king bidi pageba painu yai, tiali goli augwaligo usu ebe. ²⁷ Tama tibaso, te Moap king bidigo te agai godigo aga tau sao homu eyu, te aga te gomunai ogwa selama, aga te waigo te aga isibode te king nigilama, te king sę yaga wali ogwa. Tama te kingo aga te ogwa selama, tama elama, te tibo godiba ofa nai ula mawainogo te wai elali, te ogwa te isiba sese ulama, te ofa tigidali dela pela silali. Te ofa te Moap bage augwa te tibo godiba ula mawai. † Agai te ofa nai ulali, te taun genuai obo ugwa badu daide ofa nai ulai. Israel bage augwaligo te tama tibo sulama, tama te augwali te sęde dwai homu mu yai. Tama augwali te boi hwḡbo tagalama, tama te augwali te augwa buluba ma pai.

Elisa agai te wilawe we me deli tau sai po

4 Me sogo deli te profet bidigo we me deli te Elisa pageba asai. Te we aga bidi isai, tama te we aga olo bidibo wilawe we dao. Awe, agai te Elisabolo e tiwai po tama wai, “Genuai bidi, eno bidi isai dao,” wali. “Naga koneani, aga Genuai Bidi dologode bidada pai dao. Tialima, agai bidi me delide negeli sai, tama megı eno te negeli sali nai wei begelabo mone menio. Tama tialima, te bidi aselama, te eno wai ogwa si selama, tama te ogwa sigo te bidi aga te olo sę ela mabo bidi nigimainu ebo,” wali, “magu meni, te bidigo te negeli mone begelu, te ogwa sigo te bidi aga olo sę ela momainu homu yai,” te wego te po wali.

² Elisago te po odama, tama agai te webolo e tiwai po tama ola mani, “Tama eno nage mena tama tau saibawe? Nago magı nai nago bede munalubowe?” wali.

Tama te wego po wei ponoyu, e tiwai po tama wai, “Eno te oliv wel munalubo dwasianu sospen genage deli dao,” wali, “eno bede te gasa nai me menio. Te deli tama dao,” wali.

† *Te Hıbru pogo te habu badu bugagia me konebe, meba bidigo te homu yai, te Israel dabe augwali wi eba homu yali. Magı basowe, augwaligo homugo te Moap bagego te tibo godigo augwali dali sębe yaibao homu yali. Tama te bidi me badu bidigo te homu yai, te Israel bage augwali wi yali, te augwa Genuai Bidi God aga digi augwali dali sębe yai, tama agai te dwai nai te augwaligo gedude pedalali. Tama meba bidigo te homu yali, te hani augwaligo te po wai Israel bidi dabe augwa digi te augwaligo haligade sębe dwai mu ebao, te Moap hani king bidigo ebo kolesaga sulama, tama augwaligo te boi hwḡbo tagalali.*

³ Tama te Elisa agai te we agabolo e tiwai po agabolo ola mawai, “Nage pelama, te naga abagi dabebolo hanalugi pelama, te augwaligo te nai bula tubo mouwa dage kenage sospen, nage me osogo momainao,” wali. “Tama augwaligo te olo me munalubo mouwa dage kenage augwaligo nage me mobaso da, tama nago umabo mouwa dage kenage sao. ⁴ Tama nago te mouwa dage kenage osogo selama, tama te naga be tomoba selasa pelama, tama te tų paliao,” wali. “Tama te nage dali, te naga wai dali si tama bidiyu, tama naga te mouwa dage kenagede munalubo wel te gasa mouwa dage kenageba te wel gelao,” wali. “Te sogo nago te mouwa kenage me deliba gelama te paḡana muai, awe, tama nago te gasa habuba me deli muao,” wai. “Nago te tama naga tidi pedubadi keḡama, tama naga te sali tigidali mouwa dage kenageba te wel gelama, te tigidali mouwa dage kenageba te paḡanoboba usu nigı pao,” wali.

⁵ Te wego te po odama silıbo si, tama aga pelama, te aga abagi dedego mouwa dage kenage sospen dabe sigı pai, tama aga beba selasa pali. Tama aga dali, te aga ogwa dabe dali, te aga be tomoba bula selama, tama aga te be tų paliali. Tama te aga ogwa si augwaligo te mouwa dage kenage selama, te augwa idabolo magı pabo sę yali. Tama te augwa idago te mouwa dage kenage te wel gelebo sę yali. ⁶ Te wego te tigidali mouwa dabe kenage te welgo paḡana silali, tama te agai te aga ogwa me delibolo te e tiwai po tama wai, “Te gasa mouwa dage kenage me sela magasao,” wali.

Tama te ogwago te po wai, “Idao, te tigidali mouwa dage kenage welgo paḡana silalio,” wali. Awe, tama te sogo dolo mu, wel te wego te mouwa dage kenageba wel munu ma pedalobeo. Menio. Te wel asobo silalio.

⁷ Awe, tama te wego te profet Elisabolo e tiwai po tama wagi pali, “Eno te tigidali mouwa dage kenage sospen welgo paḡana silalio,” wali.

Tama Elisago agabolo e tiwai po tama wali, “Tama nago te wel selama, te we bidibolo dobolama, mone sao. Tama naga bidigo te negeli sali mone naga te welde sali monego wei begelao. Tiali goli, me badu mone te nagade munaluaibao. Tama te monego te nage dali, te naga ogwa si dali bidiyu, tama naga nai abelama tuagameo,” wali.

Te Sunem moni hanude bidibo we me deligo Elisa tonaluali

⁸ Me sogo deli Elisa te Sunem hani taunba pai. Te hanude we me deli bidibo, tama agai te mone me, te haniani doado bage me, umabo mu munalubo we da. Tama te wego te Elisa hanalu wali, “Nage asama, eno beba nai tuagasao,” olama, hanalu wai. Tama tibaso, tigidali sogo Elisa te Sunem hanuba te we bidibo madi-gı peduali, tama agai te we pageba pelama, te agai bede nai tugi peduai. ⁹ Me sogo deli te wego aga bidibolo e tiwai po tama wali, “Eno konea palio, te bidi da dali me sogo me sogo asama, nai tuagasobo bidi, aga te dwagi yai bidi mu da, tama aga te Godigo sę ebo profet bidi mu dao,” wali. ¹⁰ “Tama teyu, eno homugo da-

go bede te aga piagasabo madigi te be habu badu me deli nigilama, daj palinao," wali, "te dago e be pedu badu nigilinao. Tama dago te be habude te piabo bet me, te tama ni name me, te tebol sai me, te lam sole me, me te dugabo ni name me, te nai dabe tigidali te dago aga pibo habu badu te nai dabe dago muguo. Tama te bidi aga asobo sogo, awe, te aga te habude bidimainao." Awe, tialima, augwaligo te bidi piagasabo habu me deli nigibo se yali.

¹¹ Me sogo deli Elisa te Sunem hanu buluba ma geasa asama, tama aga te be peduba ugwaba holama, tama aga pibo habu badu te aga bet saide piali, te dwasianu toma tuyu piai. ¹² Tama aga te toma tuyu, tama aga bidiyu, te Gehasibolo te po wai, aga se bidi, e tiwai dao, "Tama nage aba dulama, te a we sugi pao, te agai eno piabo be habu nigali. Tama aga asao po wao." Awe, Gehasigo tama tiali. Tama te we ugwaba holama, tama aga te be pibo pesage habu bulu badu dolaluali. ¹³ Tama Elisago Gehasibolo te po wai, "Nage pelama, te webolo e tiwai po tama hanalugi pao, 'Nago homugo da tau siyu, te se yali, te magi naigo nage homu pemene ilagawe, te nago da tau siyu, te moni se dene yali magi naigo begelagawe? Nago homugo te Elisa pelama, te king sugi pomainu homu ebawe? Ma, te ami tonalubo tobolu ofisa bidi me deli tama augwali hanalugi pelama, tama augwaligo dwagi yai nai me deli nage momainuwe?" Awe, tialima Gehasi pelama, te webolo hanalugi pali, tama te wego te po wei ponoyu, e tiwai po tama wali, "Ena te ena hani dali augwali tomode ena bugagia bidibo dao," te po wali, "tama eno magi nai me deli godolo ebeo," wali.

¹⁴ Gehasi aselama, Elisabolo te po wai, "Tama Elisago agabolo e tiwai po tama hanalu wali, "Tiali goli, te we aga da dali te dwagi yai kolesaga ebo te magi naigo wei begelaibawe?"

Tama Gehasigo te po wai, "Te we agai wai menio, tama aga bidi monu dabe mu yalio."

¹⁵ Awe, tama te Elisago te Gehasibolo te po wai, "Te webolo olama, eba asao," wali. Tama te Gehasi pelama, te webolo wagi pobaso, tama te we aselama, te be tupa dolagasali. ¹⁶ Tama Elisago te webolo e tiwai po tama wali, "Te nosali kibu bede, megie te polua mude, te nago ogwa me deli ame naibao, tama nago nago nogo tuaibao," wali.

Tiali goli, te wego te po wei e tiwai po tama ponani, "Mu tama o, genuai bidio, nage Godigo po pusubo bidi dao. Nago enabolo ili po ola magio," wali.

¹⁷ Tiali goli nosali, te we haliga yali. Tama nosali kibu bede, te polua dolo mu, te wego aga wai ogwa ame nani, te Elisago wali po tiwai gilama yali. ¹⁸ Tama te wai dwasianu genuai yali, tama nosali me badu kibu bede te waigo aga aya te gide bilibo sugi pai. Te bodolu te wit togobo sogo da, tama teyu, te aga aya te aga se ebo bidi dabe dali te gide bidibadi. ¹⁹ Te waigo augwali se eyu bidibadi, te augwali tonono bilali, polo tama agai aga ayabolo i weyu, e tiwai wali, "E, aya, eno tobolude dene dwai mu ebo. Dene me elalubo." Tibaso, aga ayago te aga se bidi me delibolo wali, "E wai aga

ida pageba auwasa pao," wali. ²⁰ Tama aga te se ebo bidigo te wai auwasa peyu, aga ida pageba tagaligi pali. Tama te wai aga ida saqa pagede godege pila mudubadi, te giliga dolo dolagasu, te belo waboba usu nigi pai, tama te wai aga isali. ²¹ Awe, tama aga idago te wai tola selama, te Elisa pibo be, te augwa be pedude, te habuba tolasa holama, te bet saiba mugiluma, tama aga ida buluba teda solama, tama tu pialiali. ²² Tama aga bidi i olama asobode, tama aga bidibolo e tiwai po tama wali, "Eno homugo nage pelama, te naga se ebo bidi me delibolo olama, te kibu donki me deli odasa, ena pageba asao," wali. "Magi baso, eno homugo ena polo pelama, tama te profet bidi sugi paio, tama ena ma polo asaibao," wali.

²³ Tama aga bidigo te po wai, "Magi baso nago homugo nage megie tama polo paiwe? Nago homugo te Sabat bodolude sabolagasobo tonalubo meniwe, ma te gesi polua genuai bodolude pedalubo tonalubo meni da, agawe?"

Tama wego te po wali, "Tagalao, ena homugo dao. Nage dua bidao," wego te po wali. ²⁴ Te se ebo bidigo te kibu donki tudide te dugabo sai yai te somo gagawai nai muani, tama we te kibu donkide duga yali. Awe, tama te wego te se ebo bidibolo e tiwai po tama wali, "Dadi si pabo sogo, nago te kibu donki polo pomainu osalao. Tialima, eno homugo donki kibu dua pomainu da, teda eno nagebolo waibao," tama po wali. ²⁵ Tama te we te donki kibude dugulama, tama aga dali, te se ebo bidi dali, te augwali te Karmel bulu duba pali, te profet Elisa sugi pai. † Augwali si digibulu asobadi yaide, tama te Elisago augwali si asobo suai. Tama Elisago Gehasibolo te po wai, aga se ebo bidibolo, e tiwai po tama wali, "Suao, te Sunem hanude bidibo we te asobao," wali. ²⁶ "Nage aga pageba udalama, sugi pao, aga dali te aga bidi me aga wai me bugagia bidibowe, ma meniwe?" Awe, Gehasigo te webolo hanalugi pali, tama te wego e tiwai po wei ponani, "Da bugagia bidibao," wali.

²⁷ Tiali goli, te we te bulu duba te Elisa bidibo madigi asama, sabalobo sogode, agai te basi gulama, tama te Elisago saqa tuali. Gehasigo te wego tama tibo sula, tama agai homugo te we dwasianu digibulu ganama pao olama, dega palali. Tiali goli, Elisago Gehasibolo e tiwai po tama wali, "Tegio, sula tagalao," wali, "eno koneanio, aga genuai sege mu ebaso ebaso. Tiali goli, Genuai Bidigo agai te sege ebo po enabolo wabeo," wali.

²⁸ Tama wego e tiwai po wali, "Genuai bidi, e da naga po dao, tama tiali goli Godigo ena te wai mawai dao. Eno nagebolo hanalubeo. Tiali goli, eno nagebolo te po wai, 'Nago ena ili po ola magio,' te po eno nagebolo hasia wai dao."

²⁹ Elisago te wego wabo po odama silibo si, tama Elisago aga se ebo bidi Gehasibolo e tiwai po tama oli mani, "Naga gudubo name ugwa daj olama, guda selama, tama te eno tolasa bilibo dono selama, tama

† Te Karmel bulu du digibulu, te 40 kilomita usu te Karmel bulu du te digibulu, te Sunem taun dali pade meni.

nage te Sunem hanuba polo pao. Tialima, tomode bidi me deli nago me subaso da, teda nago siade da po olama, nago dolalubo sesabi egio. Tialima, bidi me deligo nage dali siade da po obaso da, teda nago agai te po wei ponogio, taga pao. Nage te wego beba dolo mu pelama, tama eno tolasa bilibo dono te wai gesabidide ugwa badu te eno dono muao," po wali.

³⁰ Tialima te wai aga idago tama suali ma, Elisa aga dali pabo homu meni baso, tama agai Elisabolo e tiwai po tama wali, "Genuai Bidi te bidada peyu, bidada pabo dao. Te mu po naga dao. Tama te tiwai gilama, eno mu po tama obao, eno nage taga pogobeo." Tama tialima, Elisa hodama, te we dali te Sunem hanuba pali.

³¹ Te Gehasi polasa pelama, tama te Elisago tolasa bilibo dono te wai gesabidi badu mugli pali, tiali goli magi nai me deli pedalobeo, mu menio. Tama tibaso, Gehasi ma begasa pali. Tama agai te augwali tude sisi-nani sogo, agai te Elisabolo e tiwai po tama wali, "Eno te nago te po wali gilama yali, tiali goli te wai hodalobeo," wali.

³² Awe, tama augwali te beba sabalobode, tama Elisa aga pibo be habu badu tude doligi pelama, tama subadi yaide, tama te isali wai agai pibo be habu badu te agai betde munalubo suali. ³³ Awe, aga te pibo be habuba tula pelama, tama tu paliali, tama aga gedu halua selama, po Genuai Bidibolo wali. ³⁴ Tama aga te bet saiba hola solama, tama aga te wai tigi munalubo madigi aga kidu sugunama, aga tobolu te wai tigiba ugwadu daiba basi gulai, tama Elisa agai e tama tiali, agai pedawali me, te gedu me, te nogo me, tama te waigo nogo me, pedawali me, te gedu dabe dali ugwa badu sebedi usubo aq elama, ususu si yai. Elisa agai tama tibode te wai tigi posolo dwasianu yali.

³⁵ Tama tialima, Elisa te bet saide bidali tagalama, te be tomo habude dwasianu tama bilali. Tama aga ma pelama, te wai bau boalu kidu sugunani. Tama tibo si, te waigo asiga weyu, te nogo a olama, me badu nogo si wagi solama sogo asiga wali, tama te waigo gedu me pedali.

³⁶ Tama Elisago te aga se ebo bidi Gehasi i olama, tama agabolo e tiwai po tama wali, "Nage pelama, e wai aga ida asao po wagi pao," wali. Awe, tama Gehasigo te po odama pai, tama te wego te be peduba ugwa holama, tama te Elisa pibo be habuba tula pali, tama Elisago te webolo e tiwai po tama wali, "Tama nago e wai sela pao," wali. ³⁷ Awe, tama te wego kidu sugunama, tama aga tobolu te Elisago saqa page pade te toba te wego tobolu toba ponani, tama te Elisabolo genuai nogi mawainu te se yai, tama nosali aga hodaluama, tama aga wai selasa pai.

Elisago te nai dwagi yai ma ilali po

³⁸ Israel bulude te dwai bodolu sogo me deli pedalali. Tama te we bidi dabe augwaligo tuabo nai mu menia sali. Tama te sogo Elisa aga te Gilgal hanuba tama ma geasa pelama, bidigi pai. Me sogo bodolude deli sogo, me badu profet bidi dabe augwali te Elisa pageba

asama, agade skul olama, kolesaga sali. Tama augwali dugulama, tama te Elisago po odoyu bidali. Tama Elisago aga se ebo bidibolo e tiwai po wai, "Genuai mouwa dage kenage sospen selama, tama te profet bage tuabo nai dali, te keba me, te sup ulao," wali.

³⁹ Tama profet bidi me deli pelama, te sup dwanai dali ulabo keba gegegi pai. Tialima, te agai te bulu bobi sulama, agai homugo te dwagi yai tubo bobi da, homu yali. Tama tialima, agai te bulu wel bobi umabo mu sali, tama aga name ugwaba togolama muani madigi, te aga name ugwa mu pagawai. Tama agai te beba sela asama, tama agai te hwa ge selama, te totogolama, tama te keba sup nai dali ulai. ⁴⁰ Te dwanai sup yali nai dali, awe, tama augwaligo te pouba muna muna pali, te profet bidi dabe augwa tumainu. Tiali goli, augwaligo te tubode, te augwaligo pedauwalide sup dwanai ha yali, tama augwaligo Elisabolo i e tiwai tama wali, "Nage Godigo profet bidi dao, te sup dwanai ha dwai mu ebo. Dago tugobeo, da isidialio," wali. Tama tibaso, augwaligo homugo te nai tugobeo homu yai.

⁴¹ Awe, tama Elisago te po wali, "Te wit siago nigali te o gagawai plaua selasa asao," wai. Augwaligo selasa pelama, tama Elisago agai te mouwa dage kenageba sayani, tama te aga se ebo bidibolo e tiwai po tama wali, "Tama te sup dwanai augwaligo pouba ma muao, tama te profet bagego tumainao." Tama augwaligo tuali, tama te sup dwanai te augwaligo pedauwalide megi ma ha ebe.

Elisago te bidi sese a naga 100 bidi nai mawai po

⁴² Nosali me sogo deli, bidi me deli te aga Balsalisa bulu tagalama, tama te Elisa pageba asali. Te sogo te sia gagawai wit togobo sogo, tama nedu bali du gide tau ebo sogo. Tama te hasia sogo augwaligo te nai bali du togwali, augwaligo te dwasianu bret skon nigainu. Tama tibo bodolu sogo, te bidi Elisa pageba asali, te bidi agai te me badu te sia gagawai wit selasa asai, tama te augwaligo te togwali sia gagawai nai witgo nigai bret agai te bidi sese deli tama selama, tama aga begba bulama, sela asai. Tama Elisago te aga se ebo bidibolo e tiwai po tama wali, "Te nai te profet bidi dabe mao," wali.

⁴³ Tiali goli, aga se ebo bidigo e tiwai po tama wali, "Tialima, e nai dwasianu mu dao," wai. "Magi elama te e dwasianu naigo te bidi sese a naga, 100 bidi mena tama usu yaibawe?"

Awe, tama Elisago agai po wei ponoyu, e tama po wai, "Po menio, te nai augwali mao," wali. "Magi basowe, Genuai Bidigo e tiwai po tama wai dao, Tigidaligo te nai tuao, tama te nai me badu me munalu-aibao," wali. ⁴⁴ Tama te se bidigo te agai profet bage augwali te nai mawai, tama augwaligo te nai tuali. Tama augwaligo tulama, tabi mu pagana pali, tama me badu me munaluali, Genuai Bidigo wali poba usu nigli pali.

Namango oiyabe gasi silali po

5 Te Naman aga te Siria bulude ami polalubo ofisa tobolu bidi da. Siria bulude bidibo kingo te bidi agade godolo mu elama, tama agai moni homu pemene mu yai, magi baso meni, te bidi Naman aga nogo tų yaide te God Genuai Bidi aga digi te Siria ami bidi dabe augwali tau siyu, tama augwaligo te boi bidi dabe aiyaba elaluali. Naman aga te dwagi yai ami bidi mu, tiali goli aga tigide oiyabe gasi yali.

² Me sogo deli Siria ami bidi dabe augwaligo te Israel bidi dabe dali boi hwjgi pai, tama augwaligo te Israelgo wegi ogwa we me deli nogo tulama, augwa buluba odasa soali. Tama te wegi te Namango wego sę ebo we nigilama bidai. ³ Nosali te Israel wegi ogwa wego te Namango webolo e tiwai po tama wai, "Tialima, te naga bidi aga pelama, te Samaria bulude bidibo profet bidi sugi pobaso da, teda te dwagi yai mu yaibao. Magi baso meni, te profet bidi agai nago bidi te gasi ma usu ilaibao," wali.

⁴ Te Namango te po odama, tama aga pelama, te king agabolo wagi pali, te Israel wegi ogwa wego wali po wagi pai. ⁵ Awe, kingo agabolo e tiwai po tama ola mani, "Eno pas me deli asęnama, te Israel bidigo kingo bidiba tolaibao. Te pas eno nagebolo menama, tama nago sela pelama, agabolo magi pagameo," wali. Tama kingo pas asęnama, te Namanbolo mawai, tama Namango te 300,000 silva mone sobadi, tama me te gol te sęę bidi sese sela 60 kilogram gol sobadi, me te nogo si dwagi yai au ebo bulubo ugwa sobadi elama, tama aga hodaluama, te Samaria buluba pai.

⁶ Tama te Namango te Siria bidi dabego kingo bidigo te pas selama, tama agai sela pelama, tama te Israel kingo bidibolo magi pali. Te pasde e tiwai po wali, "Te pasgo te eno ami sę ebo polalubo ofisa bidigo sęę po nagebolo konelaibao," wali. "Naman aga te oiyabe gasi yalio, tama eno homugo te nago aga ma usu ilao," wali.

⁷ Israel kingo te Siria kingo agai te pas sulama, tama agai te aga holobo ugwa pisą yali. Aga te ugwa pisą yali te aga haligade sębę dwai mu ebo page ola mayu, tama tiwai. Tama agai e tiwai po tama wai, "Magi elama, te Siria kingo bidigo te po enabolo tolali, eno menagi elama, e bidi oiyabe gasi dodolomainu waliwe? Agai homugo ena God da weyu, tama te bidi dabe bugagia bidibo me, ma te bidi isibo me, te bomo agai homugo eno elalubawe weyu, waliwe, a? Eno koneanio, agai homugo ena dali boi hwjainu tų gegeyu walio, te tama dao," wali.

⁸ Tiali goli Elisa, te Godigo sę ebo profet bidi, agai te kingo te holobo ugwa pisąlama, te haligade sębę ebo po odali. Tama tibaso, Elisago te kingbolo e tiwai po ola tolali, "Magi baso nage haliga sęę elama, tama naga holobo ugwa pisą yaliwe? Te bidi ena pageba eba tagala palao, tama eno aga e tama ola mawaibao, te Godigo profet bidi me deli te Israelgo bulude bidibao," wali. ⁹ Awe, kingo Namanbolo te po wai, tama Naman aga te kibu hosgo kegebo karis nai Naman aga tede

dugulasa pali. Te me badu karis me te bidi aubo hos kibu me aga dali augwali hodobo pali. Tama augwali hodobo tama pelama, te Elisago be tųba sabaligi pali. ¹⁰ Tama Elisago bidi me deli tagala palama, te bidigo Namanbolo e tiwai po tama walali, "Nage te wę Jordan teba pelama, te nogo a olama, me badu nogo si wagi solama sogo, nage tama sogo wę pauao. Tama teyu, nago gasi silaibao, tama naga tigi wiegi yai tigiwali yaibao," wali.

¹¹ Namango te po odama, tama agai wado dwai mu yali, tama te Elisago be tagalama pali. Tama agai te po wali, "Eno homugo Elisa aga buluba tią asama, agai ena sumainu homu yaio. Tama agai Godibolo mu gedu haluasa po omainu eyu, aga Genuai Bidi dolo, tama agai nogo ena e gasi oiyabe keni yai tigiba pąba mugi sogo da usu, tama agai te kolesaga egi sogo da, teda ena ma usu egi dao. Tiali goli, menio. ¹² Agai enabolo Jordan wę paugi pao, te po wali. Tiali goli, Damaskus bulude wę si elalubo, te wę si nogi Abana me Farpar, te wę sigo Israel bulude elalubo tigidali wę dabe aiyaba elalui dao. Tiali te wę dabede tegi sogo da, teda eno oiyabe gasi ma usu egi dao. Tialima, ena bulude bidigi sogo da, tama ena te wę si paubo si, teda eno oiyabe gasi ma usu egi dao." Namango te po wali, tama agai haligade sębę genuai me elasa peyu, aga pali.

¹³ Awe, aga sę ebo bidi dabe augwaligo tama augwali aga pageba aselama, te po wai, "Genuai bidi, tialima profet bidi agai nagebolo tigi dene yabo sę po nagebolo wagi sogo da, dago koneanio, tama nago te sę egi da. Tialima, agai te tiwai po me wabeo. Menio. Tialima, agai nagebolo wę deli pauao po walio," wali. "Tama tialima, dwagi yai dao, tialima nago agai po wali pelama, nage wę pauagameo," wali. ¹⁴ Awe, tama Namango augwaligo te wali po odama, tama aga pelama, wę nogo a olama, me badu nogo si wagi solama sogo Jordan węde pauali, Elisago te po wali gilama, tama tibo si agai te oiyabe gasi tigidali sia sali. Tama agai tigiwali te dwagi yai elama, te gesi wai bų tigiwali tiwai pedelali. ¹⁵ Tama aga dali, te aga sę ebo bidi dabe dali, augwali hodobo ma geasa peyu, te Elisa pageba sabolali. Te profet te Godigo profet bidi mu. Tama te Namango Elisabolo e tiwai po tama wali, "Mu tamao, megi eno koneanio, e tigidali bulu tųde god me deli me bidibeo. Israel dagego God, te God deligo tigidali bulu usu elalubao. Tama tialima, Elisa, eno genuai bidi, eno homugo eno nagebolo eno puba hwi wabo nai nagebolo mawaio," wali.

¹⁶ Tialima, Elisago te po wei ponoyu, te po wali, "Menio. Ena te tigidali sogo bidada pabo Genuai Bidi Godigo sę ebo bidi dao. Tama agai nogide, eno mu po obao, eno nago magi nai me deli munu me deli sogobeo," wali. Naman agai bomu eyu, "Elisa nago eno nagebolo puba hwi wabo nai nago sao," wali. Tiali goli, Elisa agai hagela ebo, tama agai sogobeo.

¹⁷ Namango te po wai, "Tialima, nago homugo te puba hwi nai enade sogobe wida, awe, teda tagalao. Tial-

ima, eno homugo nago ena sula tagalao, eno te Israel bagego t̄q me eno saio, dwasianu te eno donki kibu sigo tolabo usu nuu, tama ena buluba ma peyu, selasa paio. Te t̄q aiyadu munama, Genuai Bidi dolo denami yai ofa nai ulabo madigi sai yainu, alta ugwa badu te Genuai Bidi dolo denami yai ofa nai ula mabo s̄q yaio. Tama nosali eno te ofa nai siaba ulama, te siago tigi-dali ulama, te siago tigidali nai dela pabo ofa nai me, tama te gasa ofa nai me, te genuai mu deliba tama sisinama, ulaio. Tama eno te gasa tibo godiba ofa nai ula magobeo, eno munu ma usu egobeo. Mu menio. ¹⁸ Tiali goli, eno homugo nago eno s̄q̄ḡ koneao, tama Genuai Bidi agai eno te dwai kolesaga yali s̄q̄ḡ sela s̄amainao. Te eno king bidi agai te tibo god Rimon godiba lotu po wagi pabo dao. Tama ena aga dali bidibo. Tama da te lotu be tomoba pabo sogo, kingo ena nogo tolasa pabo da. Tama teyu, te agai te tibo god Rimon lotu po weyu, kidu sugunubo dao. Agai ena kegasa pabo dao, tama eno me te eno te tibo god noma elalubo madigi te p̄aba pelama, eno kidu sugunubo dao. Tama eno homugo te Genuai Bidi God agai eno te s̄q̄ḡ sela s̄amaio," wali.

¹⁹ Tama Elisago te po wai, "Nago haliga s̄q̄ḡ egio," wali. "Nago haliga tegaluama, tama nage pao," wali.

Awe, tama te Namango Elisa taga pali. Tialima, Naman digibulu pis̄abadi, ²⁰ tama Gehasi, Elisago s̄q̄ bidi, aga digi e tiwai po aga homude tama wali, 'Eno genuai bidigo te Naman olo pabo sula tagalali. Magi baso agai Namango te Naman aga homugo te aga dolo mawainu yali nai sabewe? Genuai Bidi God aga te tigidali sogo bidada pabo dao. Te mu po dao. Tama te tiwai gilama, eno mu po tama obao, tama ena Naman aga pali wali ma udada pelama, tama me badu agai te nai eno saio,' Gehasigo te homu yai.

²¹ Tama aga hodaluama, te Naman pali wali pai. Namango tonobadi yaide, bidi me deli udada asu, te aga wali asobo suali, tama tibaso aga te karis kibu d̄aḡ walama, tama aga t̄q̄ba dulama, tama te t̄ḡ tilide dolaluali, tama Gehasi asama, tama aga sisinagasali. Tama Namango Gehasibolo e tama tiwai po hanalu wali, "Magi nai me deli dagede pedalaliwe, a?"

²² Tama Gehasigo te po wai, "Menio. Da bugagia bidibao. Tiali goli, eno genuai bidigo ena tagala palama, e tiwai po nagebolo tama wagi soao obaso, ena asobao," wai. "Megi tama bolo te profet gesi bidi si agai beba asalio. Te profet bidi si augwali si te bulu du Efraimde bidibo profet hani dao. Tama agai homugo te nago aga silva mone beg me deli badi, me te dwagi yai bulubo ugwa si ebadi elama, mao wali. Tama Elisa agai te profet bidi dabe augwaliba mawaibao," wali.

²³ Te po obaso Namango te po wei ponoyu, e tama po wali, "Deli silva beg naga sigio, me silva beg me sao," wali. Tama agai te Gehasigo sao olama, bomo yali, tama Gehasi agai te po usu dao wali. Tama tialima, Namango te beg side silva muani silva te 60,000 kina mone usu te beg side bulali. Tama me te agai te dwagi yai holobo ugwa si me sela mani, tama agai te nai dabe selama, tama aga te s̄q̄ ebo bidi sibolo mani,

tama agai augwali sibolo te dodobage tolao po wali, tama dage si polasa pao wali, Gehasi aga Elisago beba polasa pali.

²⁴ Augwaligo te Samaria bulude te Elisago beba sabalobo sogo, Gehasigo te nai dabe tolama, te be tomoba selasa pali. Tama aga te s̄q̄ ebo bidi si te Naman pageba tagala palali. ²⁵ Te bidi si paide, tama aga te beba ma pai. Tama Elisago agabolo hanalu wali, "Gehasi, nage mena pai, tama nage asobawe?"

Tama Gehasigo te po wali, "Genuai bidi, ena gasaba me pabeo."

²⁶ Tiali goli, Elisago te po agabolo wali, "Menio, nago tibo po wabuo. Nago homugo da, eno nage subewe weyu obawe, a? Eno mobo nage dali bidibadi, tama eno sulali da, te bidi te kibu karisde duga yali tagaluyu, nage pageba asobo sualio," wali. "Gehasi, meḡi da, te mone selama, te holobo ugwa me, me te oliv gi me, tama me te wain gi me, tama me te sipsip kibu me, tama me te bulmakau dabe me, tama me te s̄q̄ bidi dabe me, me te olo s̄q̄ we dabe me, te abelabo sogo meḡi menio. ²⁷ Tiali goli, nago te Naman dali te mone me te haniani dodobage salio," wali. "Tama tialima, te Namango tigide elaluali oiyabe gasi, meḡi te nage tigide pedalaibao. Tama nage dali, te naga hani te nosali pedalobo hanide, dage te oiyabe gasi tigidali sogo sesa peduagameo," wali.

Tama te Gehasigo te Elisa taga pabo sogo, te Gehasi te oiyabe gasi sali. Tama agai tigi usugali tigidali te tedela yai mugo sela pali.

Elisago te profet bidi me deli tau selama, te sigi hwaḡ ge ma sai

6 Elisago te me badu profet hani dali bidiyu, tama augwali tonaluali. Tama me sogo deli te profet bidi dabe augwaligo agabolo e tiwai po tama wali, "Dago te be dwasianu mu dao, tama da usu egobeo. ² Nago da tigidali te Jordan w̄ḡba tama ni togogi pabo usu yaibawe? Tama dago gesi be me s̄q̄ yaio, dago te be Jordan w̄ḡ sesegede s̄q̄ yaibao," wali.

Tama Elisago te po wai, "Usu dao, dagego be s̄q̄ yao."

³ Tama profet bidi me deligo agabolo e tama hanalu wali, "Mu tamao, genuai bidi, dago homugo nage da dali asao."

Tama Elisa agai te po wali, "Usu dao, ena dage dali asaibao," wali.

⁴ Awe, tama aga augwali dali pali. Augwali te Jordan w̄ḡba sabolama, tama te augwaligo te ni gelebo gagalali. ⁵ Tama augwali te s̄q̄ eyu bidali, tama profet bidi me deligo agai sigi hwaḡ ge osaga peyu, te Jordan w̄ḡba tula pali. Tama te profet bidi agai aga te sigi hwaḡ agai sabo usu ebe, tama agai e tiwai i Elisabolo tama wali, "Genuai bidio, homu dene mu dao, ena gasa bidigo hwaḡ osogo sesalio, tama meḡi te hwaḡ w̄ḡba tula palio," wali.

⁶ Tama Elisa, te Godigo profetgo, e tiwai po tama hanalu wali, "Te hwaḡ menade tula paliwe?" Tama profetgo te Elisabolo te hwaḡ tula pali pesage ola mani. Awe, tama Elisago ni nologo dwasianu toga selama,

tama te węba sayani, tama te hwa wędu aiyadu edaba pedalu gulama, ađ daide pilali. ⁷ Tama Elisago te po wali, "Megi da, nago te hwa sao," wali. Tama te profetgo aga dulama, aga nogogo te hwa sali.

Elisago te Siria hani ili po ola mawai

⁸ Te Siria king bidigo aga ami bidi dali aselama, te Israel bidi dabe augwali dali boi hwjagasainu yai. Tama kingo te aga se ebo gavman ofisa bidi dabe dali po mi ai, tama te ofisa bage augwalibolo te kem nigilama, bidabo pesage nigigi pomainu augwalibolo po ola mani. ⁹ Tialima, Elisa, te Godigo profet bidigo, agai te Siria bidi dabego kem nigilama bidabo pesage te agai koneai, tama agai te Israel king bidibolo po konelani, tama me te Israel kingbolo te po dali tama wali, "Dage te Siria bage augwali bidibo pesage pađa pigio," wali. "Tama dage Siria bage augwali bidibo madigi pađa peyu da, teda augwaligo dage dolaibao," wali. ¹⁰ Tama te Israel king bidigo te po odama, tama te agai te soldia ami bidi meba tagala palama, te ami bidi dabego te Siria bagego kem nigilama bidabo pesage sugi pomainu tagala pali. Tama te Siria bage teba te buluba pedalobo sogo, augwaligo suali, ma te Israelgo ami bidi te pesagede bidibo suai. Tama tibaso, augwaligo kem nigilama bidabo pesage nigibo usu meni. Te tobage kolesaga hauwa sogo mu pedalagi.

¹¹ Tama Siria king bidigo te tobage se pedalubaso, agai homu kolesaga hauwa sogo mu eyu, moni homu elama bidali. Tama tibaso, agai aga se ebo gavman ofisa bidi dabe augwali agai i olama, tama augwali asobo si, e tiwai po tama hanalu wali, "Enabolo wao," wali, "da hani niwai bidi me deligo te Israel hani king bidi tigidali sogo tau siduai dawew?" wali.

¹² Tama aga se ebo gavman ofisa bidi me deligo te po wei ponoyu, e tama wali, "King, da hani bidi me deligo te Israel king bidi tau me sai menio, mu menio. Tialima, Elisa deli digi dao, te Israel bage augwaligo profet bidi. Te profet bidi agai te tigidali nai dabe, dago homugo yaibao wabo se dabe me, agai koneama, te aga Israel king bidibolo ola mabo dao. Elisago nago te tigidali po wabo te agai konea palio, naga te pibo be habude bidiyu wabo po me, me nage te geme wabo po me, te Elisago konea palio," wali.

¹³ Tama kingo te aga se ebo gavman ofisa bidi augwalibolo e tiwai po tama wali, "Dage pelama, te Elisa mena badu pedai badu bidibo wenama, kegegi pao," wali. "Tama dagego te ami soldia bidi dabe selama, tama dagego te nogo tulama, kegasa asiąo," wali. Augwaligo tama kegegi pelama, tama Elisa aga te Dotan hanude bidibo sualio. ¹⁴ Tama tibaso, kingo te umabo ami soldia bidi dađ ilama, tama agai te bidi dubo hos kibu me, me te karis kibu dali, tama augwali te Dotan hanuba tagala palali. Tama augwali hulide sabolama, tama te augwaligo te taun bobegela sali.

¹⁵ Tama kigamu hulide mu Elisago se ebo bidi hodaluama, tama aga buluba teda soali, tama agai subadi yaide, te Siria ami bidi dali, te hos kibu me, me te karis kibu me, tama augwali augwa te nai dabe dali

asama, te taun bobegela saiali. Tama aga pelama, tama te Elisabolo e tama po walali, "Genuai bidio, te Siria bidi dabe augwali asama, da ną bagua sai yabuo," wali. "Megi tama dago magi yagawew?" te po hanalu wali.

¹⁶ Tialima, Elisago agabolo te po wali, "Wi egio, tagalao," wali. "Tialima, mu tama, augwaligo umabo ami bidi bidibo, tiali goli dago me, te da tau sabo hani te genuai mu dao," wali. ¹⁷ Awe, tama Elisago agai e tama God dolo gedu haluasa po wai, "Genuai Bidi, nago te bidi gedu pedelao, tama agai te eno te po wali bidi hani agai sumainao." Tama tialima, te Elisago se ebo bidi te agai gedu te Genuai Bidigo pedelama, tama te se bidi agai suali, ma te gasa hos kibu me, te karis kibu me, te augwali asama, te Elisa bidibo bulu duba usu na sai yali. Te hos kibu me, me te karis kibu me, te bidi dabe me, augwali te isi bogoli ula gagawai mu tiwai pedelai.

¹⁸ Awe, tama te Siria bidi dabe augwali asama, te Elisa pageabi yai hagede yai. Tama Elisago e tama God dolo gedu haluasa po wali, "Genuai Bidio, eno homugo nago te Siria hani augwaligo gedu te hulia palama, tama augwaligo bugagia tonalubo usu me igio," wali. Tama tialima, Genuai Bidigo tama augwaligo gedu hwidilali.

¹⁹ Tama Elisa aga pelama, te Siria bage augwali bidiboba pelama, tama augwalibolo e tama po wali, "Tialima, dage kekede asalio," wali. "E tu da, tea dage te hanuba pabo dage usu egobeo, te duga homugo soainu yali taunba sabalogobeo. Usu dao. Dage ena wali asiąo, tama eno dage odasa pelama, tama dagego te kegebo se ebo bidi bidibo madigi sabolagameo," wali. Awe, tama augwali aga wali pali, tama agai augwali odasa pelama, te Samaria taunba tagaligi pali.

²⁰ Tama augwali te taun tomoba pela silali, awe, Elisago e tama gedu haluasa po wali, "Genuai Bidi, nago te Siria bage augwali gedu ma pedelama, ma usu ilao," wali, "tama augwaligo gedugo bugagia usu nama tonomainao." Tama Genuai Bidigo augwaligo gedu ma usu ilali. Tama augwaligo e tama suali, ma te augwali te Samaria taun tomode bidibo suali.

²¹ Te Israel king bidigo sualima, te Siria bidi dabe te taun tomode bidibo sulama, tama agai te Elisabolo e tama hanalu wali, "Genuai bidi, tialima eno augwali elama, isilagawew, a?"

²² Tiali goli, Elisago te po wali, "Menio. Elegio," wali. "Tama nago te hwjbo sogo te boi bidi dabe tuao wali, nago augwali me elama, isilibo menio. Tama teyu, nago te hani augwali nago eligio. Menio. Tama dago augwali nai bugagia mao, tama augwali augwa king pageba nosali sabalu," wali. ²³ Tama tibaso, te Israel king bidigo moni nai mu dodolama, tama te Siria bage augwali mani. Augwaligo te nai dabe me, te ađ dabe me, tula silama, tama agai augwali augwa te Siria king bidi pageba tagala palali. Tama te sogo te Siria bage augwaligo te Israel bage augwali dali munu ma hwjagasobe.

Siria bage augwaligo te Samaria taun bobegela sali

²⁴ Me badu kibu be sia sali, tama te Benhadat, Siria-go king bidi, agai te tigidali soldia ami bidi sisinama, tama augwali pelama, tama te Samaria taun bobegela sali, tama augwaligo te Samaria hani bidi dabe dali hwjainu tama tiai. ²⁵ Tama te sogo te Samaria bage augwali nai menia sai, te nasi ebo bodolude da, tialima te Siria bage augwaligo bobobage sogo mu te taun bobegela selama bidali. Tama Samaria bage augwaligo te nai me te taun tomoba magasobe. Tama tialima, bidi me deli aga homugo te donki kibu tobolu abela tuainu da, teda mone bidi sese sigo abelao wali, 80 kina. Tama tialima, bidi me deli aga 250 gram sege ba di tiwai tubo nai ge abelainogo da, teda agai te ni yabe si podolai, te 5 kina, te monego abelemainao.

²⁶ Me sogo deli te Israel king bidi aga te taun moni masigigo nigai obo banis te ugwadu te daide pai, tama we me deligo aga i weyu, e tama wali, "Eno king, nago ena tau sao," wali.

²⁷ Tama kingo e tama po wei ponani, "Tialima, Genuai Bidi Godigo nage tau sabo usu esiqbasowe, tialima eno mena tama nage tau saibawe? Nago homugo eno te sia gagawai nai wit me, me te wain we, te nai si eno bede me munalubaso, nage tau somainu obawe, a?"

²⁸ Awe, tama kingo aga hanalu wali, "Nago homugo eno mena tama nage tau somainu obawe?"

Tama te wego te po wei ponoyu, e tama wali, "Ena dali, te e wego aga dali, dadi sigo e tama po olama daq wai, tama dadi sigo te po wai, hasia eno ogwa bolol elama tuaibao wai, tama nosali dadi sigo te agai wai elama, tuaibao wai. ²⁹ Tama tialima, dadi sigo te eno wai elama, tama dadi sigo te wai nogelama, tuai dao," wali. "Tama nosali eno te po wai, 'Megi da, nago wai te dadi sigo elama, tuinao,' wali. Tiali goli, agai wai elebeo. Menio. Tama agai aga wai dualigi pali," te wego te po wali. †

³⁰ Kingo te po odali, tama aga holobo ugwa pisa yali, magi baso, te agai haligade sege mu yai. Tama aga te taun obo banis ugwa badu daide dolalua pai, tama me te tigidali we bidi augwaligo te agai homu dene eyu holobo ugwa holama, bilibo tigidali we bidi augwaligo usu nama suali, king agai holobo ugwa dologode keai elalubo suai. ³¹ Tama kingo te po wai, "Elisa aga te dago e sege yabo te agai page dao. Megi tama e bubugade eno te agai mage togoluyu, aga tobolu sawaibao, tama megie aga isaibao," wali, "tialima, eno homugo te eno tama tisayu da, teda Godigo agai ena elama, isilimainao." ³² Kingo te po tama olama, tama agai te Elisa eligi pao olama, tama agai bidi me deli tagala palali.

Te sogo Elisa aga dali, te Samaria tobolu bidi dabe dali, tama te aga bede te aga dali bidai. Te bidi te kingo tagala palai bidi, te bidi aga sabalisiqbadi, te Elisago e tama po te tobolu bidi dabebolo e tama po ola mawai, "Dago king bidi, aga bidi ela mubo bidi dao. Tama megie agai te bidi me deli ena dogoni togo-

† 6:29 Bom 28:57

mainu tagala palali dao. Tialima, te sogo te bidi asama sabalobaso da, tama dagego te be tu daq olama, paiqo," wali, "tama aga e be tomoba asobo usu egobeo. Tama te nosali te king aga me te bidi wali tama asobao," wali.

³³ Elisago po odubadi yaide, tama te kingo tagala palali bidi sabolagasobadi yaide, te king bidi tama asama, sabolagasali. Tama kingo †† Elisabolo e tiwai po tama wai, "Genuai Bidi aga digi te bodolu sogo dwai mu da tigde pedalai dao," wali. "Tama dago agai da nai me deli tau somaio olama, tama magi baso dago aga me tonaluaibawe?" wali.

7 Tama te moni nasi ebo sogode Elisago te po wei ponoyu, e tama wali, "Mu tama dao, odao. Genuai Bidigo te po wai, 'Do tama tibo sogo bodolude, te we bidi dabe augwali te taun sunumi pade elalubo maket teba peyu, tama augwaligo te 3 kilogram te witgo nigai dwagi yai plaua abeligi paibao, me te 6 kilogram rais bali, te podolai monego abeligi paibao' tama wali." Elisago te po wali.

² Tama te king tonaluyu tau sabo gavman ofisa bidi me deli aga te king dali asali. Te bidigo te Elisago wali po odali, awe, tama agai te po wei e tama ponani, "Tagalao. Tialima, Genuai Bidi God aga digi te dagalude elalubo moni bakstua tu dalama, te umabo nai daba gealugi sogo da, teda eno homugo dago e tiwai dwasianu monego dago nai abelebo me usu egi menigi da," wali.

Tama Elisago te gavman ofisa bidibolo te po wai, "Mu tama dao, tama nago te nai pedalobo suagameo, tiali goli nago te wit nai dabe munu me tugobeo," Elisago te po wai.

Siria ami bidi dabe augwali wi pai po

³ Te sogo te bidi me si me si tama bidi tigde te oiyabe gasi yai bidi, te bage te Samaria taun tomoba pabo moni tu te bulu badu te me si me si tama bidi augwali tede bidai. Tama augwa naga po miyu, e tama po wali, "Magi baso da ede naga olo bidiyu, tama te isibo bodolu naga tonalubo wagawe?" te po wali. ⁴ "Da pelama, te tuabo nai kegegi pinao," wali. "Tiali goli, da te Samaria taun tomoba pogobeo. Augwali te tuabo nai meni, tama teyu nasigo da me isaibao, tama me ma te tiali, tama da e pesagede naga bidalu da, teda da me isaibao. Tialima, da te Siria bage bidibo pesageba pinao. Tama tialima, augwaligo da me elebaso da, te usu dao. Tialima, augwaligo da sula tagalama, da bida obaso da, teda usu dao," augwaligo augwa hasi te po wai.

⁵ Tama tialima, te pio mu augwali hodaluama, te Siria bidi hani bidibo pesageba pali. Tama te Siria bage bidibo pesage paba sabalobo sogo, augwaligo suali, ma te pesagede bidi me deli bidibo sube. ⁶⁻⁷ Magi baso, tigidali te Siria bage wi pela silai suali. Te pio mu, te Genuai Bidi aga digi te Siria bage augwali wi pomainu genuai po mu kulukulu u wai, te Siria bage augwaligo

†† Te Hibru pogo te "king" po meni, tiali goli te dago homugo te po te kingo te Elisabolo wali te po dao.

odama, tama tialima, te genuai hani ami bidi dabe te bidi duabo kibu hos me, me te karis kibu dabe dali, augwali hodobo asai tiwai aq̄ yali. Tama te Siria bage augwaligo te po tama wai, "Tialima, te Israel bage augwaligo te Hit king bidi badi, te Isip king dabe dali, augwaligo abelama, tama te ami bidi dabe augwaligo da dali hw̄jagasainu wabao," wali. Siria bagego te po olama, tama te augwali bidali pesage polo tagalama, tama augwali polo tama mu hodaluama, isidali weyu wi pai. Augwaligo te sel ugwa be me, te hos kibu me, me te donki kibu me, augwa naga tede bidibadi taga pai. Tama augwali wi pai, tama augwali peyu, magi nai me deli sela pabe.

⁸ Tama te sogo te me si me si tama bidi augwali te Siria bidi dabe bidali pesageba sabaligi pali, augwaligo pelama, te sel ugwa be me deli tomoba pali, tama augwaligo te be tomoba subadi yaide, te Siria bagego tubo nai me, te wain aq̄ me, te be tomode munalubo suali. Tama augwaligo te nai selama tuyu, te aq̄ me selama tuyu bidali. Tama nosali augwaligo te silva me, gol me, ma name ugwa me, te Siria bagego doado bage hauwa mu augwaligo selama, tama te tolasa pelama, te gasa madigi me deli dualigi pai. Tama augwali ma aselama, tama augwaligo te me sel ugwa bede muani doado bage dabe me ma sali. Tama augwa ma tolasa pelama, gasa madigi me dualigi pali. ⁹ Tama nosali augwa digi augwa tomode po miyu, te e tiwai po tama wali, "Tialima, dago dwagi yai kolesaga ebeo. Megi dago dwagi yai nai mu sualio. Tama da pelama, te tigidali we bidibolo wagi pinao," wali. "Tialima, dago te pedauwali daq̄ ola selama bidiyu, tama te be posoboba usu nigi peyu da, teda dago seq̄e mu elalu-aibao. Polo tama, da megī pelama, tama te kingo se ebo gavman tobolu ofisa bidi dabe augwalibolo wagi pinao," wali.

¹⁰ Augwali te hulide tama augwali te Samaria buluba ma geasa pai. Tama te taun t̄y tonalubo bidi dabe augwali i wagi peyu, e tama wai, "Da te Siria bage bidali pesageba pai dao. Tama dago suali, ma bidi me deli bidibo subeo," wali, "tama te bidi dabego po wabo dago odobeo," wai. "Te Siria bage augwali pela silai, tama te augwaligo tigidali doado bage te augwa bidali pesagede taga pela silai yalio," wali. "Tama te doado bage munalubao. Augwaligo te hos kibu, me te donki kibu, me te gebelali haliga augwaligo te peda palebe yalio," wali. "Menio. Te kibu dabe te haliga kebealu bidibo, te Siria bage bidali pesagede bidibo sualio. Tama te tubo nai me, te tigidali doado bage me, te sel ugwa bede me munalubo," tama po wali.

¹¹ Te taun obo sunumi tonalubo bidi dabe augwaligo te po odali, tama augwaligo i weyu, tama te we bidibolo po olama, tama te po te kingo beba pusugi pao wali.

¹² Huli tomode mu kingo te po odali. Tama aga hodaluama, te aga se ebo gavman ofisa bidi dabe augwalibolo e tiwai po tama ola mani, "Eno koneanio, te Siria bagego homu kolesaga. Augwaligo koneani, ma dago tuabo nai mu menia sobaso yalio. Tama tibaso,

augwaligo te bidali pesage taga pelama, tama augwali te kala dasuba duala sali bogo. Augwaligo te homu yai, tama dago te taun tagalama, buluba pali bogo homu eyu, tama augwaligo homugo da pageabi elama, tama dago te taun augwaligo sainu ebao," kingo te po wali.

¹³ Tama te gavman ofisa bidi me deligo agabolo te po wai, "Tama dago bidi me badu tagala palama, tama augwali pelama, te Siria bage wi pali page te magi nai me pedalubaso wi pai yabo wenama, sugi pomainao," wali. "Tama tialima, te Siria bage augwaligo te dago e tagala palobo bidi dabe me ela muai baso da, teda usu dao, magi basowe, da tigidali te taun tomode te bidibao, da dolabo me hasia te toali bidi hani isilali gilama da me tama isilaibao. Tama tialima, dago te me badu bidi dabe augwaligo te e bidibo a naga hos kibu selama, tama augwali pomainao," wali.

¹⁴ Awe, tama tialima, augwaligo te bidi me badu daq̄ ilali. Tama te kingo te karis kibu si badi, me te hos kibu badi elama, te bidi dabebolo mani. Tama te bidi dabe tagala palama, tama augwali pali, te magi naigo te Siria bage bidibo pesage gudulali wenama, sugi pai.

¹⁵ Te bidi dabe augwali pelama, kegegi pali bage e tiwai tama suali, te Siria bidi dabe augwa digi wi pai suali. Tama augwali te Siria bidi dabe pali wali pelama, te we Jordanba sabaligi pali, tama augwaligo te Siria bagego doado bage te name ugwa me, me te hw̄bo nai me, me te gasa nai dabe me tama, te Siria bage augwali wi peyu, te doado bage dabe te t̄y sisiyu tulalua pai suali. Tama tialima, augwali ma geasa pelama, te king bidibolo pusugi pali.

¹⁶ Tama te sogo te we bidi dabego te nai dabe suali po odobo si, augwali polo udulama peyu, te Siria bage bidali pesageba sabolama, tama augwaligo te Siria bagego taga pali nai dabe tigidali sai. Tama augwaligo te o gagawai nai te plaua umabo mu sali, tama me te nai bali me umabo mu sali. Tama tibaso, augwaligo 3 kilogram te seq̄e te dwagi yai o gagawai nai plaua, o 6 kilogram seq̄e te bret bali, te nai si te maket munama, te mone podolai sabo usu naga muani, te Genuai Bidi Godigo tama tiaibao wali podu wali peyu, tama tia.

¹⁷ Kingo te aga se ebo gavman ofisa bidi, te bidi aga te hulide se ebo konea pai bidi mu, king agai te bidi daq̄ ilali, te bidi aga pelama, te ami bidi dabego tonalubo madigi te taun moni t̄yba tonalugi pao wali. Tama te gavman ofisa bidi te taun t̄y pađe dolalubadi yaide, tama te we bidi dabe augwali te Siria bidi dabe bidali madi soainu soyu, tama te we bidigo udulama soali. Tama te umabo we bidi mu te t̄y bulu badu udulama asali, tama tialima, te we bidi dabe augwaligo te bidi agabolo hanalubadi yaide, tama aga degasa pai munalubadi yaide, tama te we bidi dabego agaga pedubadi keŋama, te bidi isiboba usu nigi pali. Polobadu te kingo Elisa sugi pali sogo, tama Elisago te agai homugo te nosali yabo seq̄e po te agai koneama pusali po, te wali poba usu nigi soyu, te bidi isibo yabao wali. Megi te po te nai walali gilama, te poba mu usu nani dao wali. ¹⁸ Elisago te kingbolo e tiwai po tama

polobadu ola mani, "Do e tama tibo bodolu tiwaide, te tigidali we bidi augwali te Samaria taunba pabo tɔba naga paibao," wali, "tama augwaligo te 3 kilogram sege yai te dwagi yai o gagawai nai plaua me, me te nogo a olama, te me badu nogo kibisa wagi solama sege yai 6 kilogram rais bali te podolai mone usu te augwaligo abelaibao," Elisago te po polobadu gana wai dao. ¹⁹ Tialima, te gavman se ebo ofisa bidi megida mu isali. Agai Elisago po wei ponoyu, e tama po wali, "Tagalao. Tialima, Genuai Bidi God aga digi te dagalude elalubo moni bakstua tɔ dalama, te umabo nai daba gealugi sogo da, teda eno homugo dago e tiwai dwasianu monego nai abelebo usu egi menigi da," te po wai dao. Awe, tama te Elisago te gavman ofisa bidibolo e tama po wai, "Mu tamao, naga gedugo digi suagameo, te nai te pedalobao, tialima nago da te wit nai nago munu me usu elama te nai tugobeo," wali. ²⁰ Tama megida te sege te Elisago wali po tiwai gilama te pedalobao wali. Te gavman se ebo ofisa bidi te taun tomoba pabo tɔde dolaluali bidi, tama te we bidi augwali te nai polo sainu te buluba udulama soyu, tama augwaligo te bidi degasa pai munalubadi, tama te we bidigo ugwadu agaga sodu geai madigi, tama te ofisa bidi aga mu isali.

**Te taun Sunemde bidibo we me deli aga te Israel hani-
ba ma begasa asali po**

8 Polobadu me sogo deli te Elisa pelama, te taun Sunemde bidibo te webolo po ola magi pai dao. Te we te polobadu aga ogwa wai isali we tama, tama Elisago agai te wai ma hodolai. Tama megida Elisa agai te webolo e tama po wali, "Genuai Bidigo te po wai, nosali dago e bulude moni nasi mu pedelaibao, tama te we bidi dabe augwali te nai menibadi, te kibu be nogo a olama, me badu nogo si, te 7 kibu beba usu nigi paibao, wali. Tama tialima, naga wai dabe me, me te naga deli hani me, tama augwali selama, tama nage gasa bulu meba bidigi pelama, tama te nasi ebo kibu be te dwai bodolu siliboba usu nigi pao," wali. ¹² Tama tialima, te wego te Elisago wali podu wali pai, tama te wego te aga hani dali tama augwali pelama, te Filistia buluba bidigi pali, te kibu be nogo a olama, me badu nogo si, 7 kibu be silali.

³ Te nogo a olama, meba nogo si wagi soabo kibu be silibo si, te we aga hani dali te Israel buluba ma begasa asali. Tama aga pelama, te kingbolo hanalugi pali, magi baso meni, te aga be me te tɔ me ma sa wabo wenama odainu hanalugi pai. ⁴ Te we te king pageba pabo sogo, kingo te Gehasi dali po miai, te Elisago se ebo bidi. Kingo te Gehasibolo e tiwai po tama wai, "Eno homugo nago te Elisago te moni se yali po ena dali po pusao," wali. ⁵ Tama tialima, Gehasigo te Elisago se yali po gagalama pusali, polobadu mu te sogo te Elisago te wai bɔq me deli isai te agai ma hodolali. Gehasigo te Elisago te se yali po pusudubadi yaide, tama te we asama, sabolagasali, te kingbolo aga tɔ me, te be me, aga te tigidali doado bage ma

sabo sula tagalaibawe olama, te kingbolo hanalu wagasali.

Gehasigo te we asobo sulama, tama agai te kingbolo e tama po walali, "King, suao. Te isai hodolali wai page we, te dao. Tama te wai tama isai, tama te Elisago ma hodolali wai, te dao." ⁶ Awe, tama kingo te webolo te Elisago te wai hodolali po te webolo hanalu wali, tama te wego king agabolo te se yali po pusai, tama nosali te kingo te aga se ebo gavman ofisa bidi me deli i olama, tama te bidi asobode te bidi agabolo e tama po ola mani, "Nago te we tau selama, tama aga te tigidali nai dabe, ma doado bage dabe ma somainao. Tama me te nago te aga mone sabo me tau sao, te mone te aga gide bulali nai dabe usu nama tama mao, te nogo a olama, te me badu nogo si olama kibu bede te gasa bulude bidibadi yai dao," wali.

Te Siria bulude bidali king Benhadat isali po

⁷ Me sogo deli Elisa te Damaskus buluba pai, Siria bagego moni hani taun, te sogo Benhadat, Siria bulude king bidi bidai, tama aga gasi yai. Tama augwaligo te kingbolo e tiwai po tama wai, "Elisa, te Godigo po pusubo profet bidi, aga digibulu aselama, tama aga megida te Damaskus bulude bidibo," wali. ⁸ Awe, tama te kingo Hasaelbolo te po wai, aga se ebo gavman ofisa bidi me delibolo, e tama po wai, "Tama nago magi nai me deli selasa peyu, te profet bidi sugi pao. Tama nago agabolo e tama po hanalu wao, 'Nago te Genuai Bidi Godibolo e tama hanalu wao, ena gasi ebo po te sia saibawe, ma meniwe?' tama po hanalu wao," wali.

⁹ Tama tialima, te Hasaelgo te me badu dwagi yai haniani te kingo doado bage te Damaskusde sai, te bidi sese si 40 kamel kibugo tolabo usu nama tama sai, tama agai te kamel kibuba munama, tama te Elisa pageba selasa pai. Tama aga Elisa pageba sabolama, tama agai Elisabolo e tama po wai, "Genuai bidio, ena te king Benhadatgo se ebo bidi dao, tama agai ena tagala palu, te po wai, aga gasi ebo sia saibawe, ma meniwe olama, te nagebolo hanalu wagasali," te po wai.

¹⁰ Tama Elisago agai te po wei ponoyu, e tama po wai, "Nage pelama, te kingbolo wao, aga gasi da, teda silaibao. Tiali goli, Genuai Bidi Godigo agai enabolo e tama po ola manio, te king aga isaibao po walio," wali.

¹¹ Elisago te po tama ola silama, tama agai te Hasael aga bomu mu elama, gedugo tonaluai, tama tibaso, te Hasael aga te moni homu sege mu eyu bididubaso, tama Elisa gela mu wali.

¹² Tama te Hasaelgo agabolo hanalu wali, "Genuai bidi, magi baso nage gela obawe?"

Tama Elisago agai te hanalu wali po wei ponoyu, e tama wali, "Eno e gela wabo. Magi baso meni, eno koneani, nosali nago te dwai haniani kolesaga umabo mu te Israel we bidi augwali dali yaibao," wali. "Nage dali, te naga ami soldia bidi dabe dali, muna siyu, tama augwaligo te bomai obo mu dolama, tama te isi ulaibao. Tama dagego te Israel hanigo ogwa bidi naga dagego elama, isilaibao," wali. "Tama dagego da te

augwali dwasianu wai puluba tola sabo aq elama, tama te tpa sabode tama augwali isaibao. Tama dagego te haliga yai we subode, tama dagego te bainat hwq ge selama, tama te we haliga pedaibao," wali.

¹³ Hasaelgo te po odobo si, tama te Elisago po wei ponoyu, e tama wali, "Ena olo bidi dao. Tama te genuai sege yai se eno ma mena tama usu nama yaibawe?" wali. †

Awe, tama Elisago agabolo e tama po wai, "Genuai Bidigo enabolo e tama ola mawai dao, nage Siria hani tonaluabo king bidi nigaibao," wali.

¹⁴ Augwali si te po minama sia sali, tama te Hasael aga te king Benhadat pageba ma geasa pai. Tama kingo agabolo hanalu wali, "Elisago nagebolo mena tama po ola maniwe?" Tama Hasaelgo te po wai, "Agai te po wali, mu tama nago gasi da sia selama, tama nage ma usu yaibao," wali. ¹⁵ Tiali goli, te nosali te sogo Hasael agai homugo te king elainogo homu yai. Tama tialima, agai te bolo nisi ugwa agai me deli selama, tama te weba mugi pelama, tama agai selama pelama, te king gesabidiba halua paligi pai. Tama agai bomonama mu daq olama, halualu tolaluai, magu meni, king aga te mobo sidali weyu tiai. Tama teyu, te king isali. Tama nosali te Hasael aga te Siria hanigo king nigilama bidai.

Israel hani dali, te Juda hani dali si bidada pelama, te Israel hanigo taun bulu te dolobo bodoluba usu nigipai po

(Daj 8:16-17:41)

Jehoram te bidi te Juda hanigo king nigilama, bidai (2 Sto 21:1-20)

¹⁶ Te Joram aga tama bidibadi, te kibu be nogo a naga pai, Joram aga te Ahapgo ogwa, aga Israel king bidi bidai, te Jehoram aga aya te Jehosafat da, aga aya king bidali pesagede selama, tama te Juda hanigo king bidi nigilama bidai. ¹⁷ Agai kibu be te 32, tama kibu be pelama, aga te king nigai. Tama aga te Jerusalemde king bidibadi, te kibu be te 8 yia pai. ¹⁸ Tama agai te Ahapgo wegi sai, Israel hanigo king. Tama teyu, agai te Ahap hani dali te Israel hanigo te me badu king dabego yali te dwai kolesagadu agai wali pali, tama agai te Godigo gedude te dwai kolesaga yaligo te sege sai. ¹⁹ Tiali goli, Genuai Bidigo te Juda bagego bulu me dolobe. Magi baso meni, Genuai Bidigo te aga se ebo bidi bidali koneama, te bidi te Devit, tama te me agai te polobadu po bodolu me te agai muai, te po bodolu e tiwai, te king Devitgo hani me deligo te king bidi nigilama bidaibao wai. Tama teyu, te Devitgo lam sole munu ma sula sogobeo wali. † ‡

† 8:13 1 Kin 19:15 †† Te 1 Kin 11:36, tede elalubo po suao.
‡ 8:19 1 Kin 11:36

²⁰ Te sogo te Jehoram te Juda hanigo king bidi nigilama, bidali sogo, te Idom hani augwaligo te po sela sabo kolesaga genuai mu eyu, tama augwali te Juda hanigo king bidi dologode me bidibeo. Mu meni. Augwa digi augwa king dali daj ilama, tama augwa te kingo augwa tedali tonaluali. ²¹ Tama tibaso, te Jehoram agai te ami soldia bidi te karis kibude dolalua peyu, te haqwa hwjbo koneai bidi naga sali, tama augwali Sair buluba te pedai badu te Idom hani dali hwjgi pali. Tama augwali pelama, te sabaligi pabode, tama te Idom hani augwali asama, tama te bage augwali bobegela sagaselama, tama augwali dali hwjainu tonaluali. Tama te hulide te Jehoram dali, te aga se ebo gavman ofisa bidi dabe dali, augwaligo te haqwa hwjbo karis kibu dolaluali, tama augwaligo te bomo mu elama, tama haqwa hwjnama, te Idom hani sela sayani. Tiali goli, agai te me badu ami soldia bidi dabe augwaligo te haqwa hwjsama, te augwa buluba ma wi pai. ²² Tama tialima, te Juda dabe augwaligo te Idom hani aiyaba me elalube, tama tialima, te Idom hani augwa digi augwa bulu tonalu bidali, tama bidada asu, megitama te po asebo bodoluba usu nagasali. Tama te tibo bodolu sogo te Lipna hanude bidibo we bidigo me te po sela sabo kolesaga eyu, te hagoma yali, tama augwali te Juda hani dologode munu me bidibeo.

²³ Te e po dabe te king Jehoram agai te tigidali te gasa gasa nai se yali po dao, te po buku me delide elalubao, tama te buku augwaligo nogi eyu, e tama wabo da, Te Juda Dabego King Bidi Dabego Po Elalubo Buku Da wabo dao. ²⁴ Nosali te king Jehoram isali, tama augwaligo te aga tigi te aga waj nqy pubulali gu pagede aga pubulali, te king Devitgo moni hanude. Tama aga ogwa, Ahasia, agai aga ayago yali se te agai selama, tama aga king bidi nigali.

Ahasia aga te Juda hanigo king bidi nigali (2 Sto 22:1-6)

²⁵ Te Joram, aga Ahapgo ogwa da, aga kibu be te nogo si olama, te saqa badu si, 12, te Israel bulude king nigilama bidai, te sogo Ahasia, aga aya te Jehoramgo ogwa dao, aga te Juda bulude te king nigilama bidibo gagalali. ²⁶ Ahasia agai te kibu be te 22 wabode te aga king nigai, tama aga te Jerusalem bulude aga te king nigilama bidiyu, te agai kibu be deli digi silali. Aga ida nogi Atalia, aga aya te king Ahapgo wegi, tama te Ahap aga waj nqy te nogi Omri, Omri te Israel bidi dabego polobadu bidali king bidi da. ²⁷ Te Ahasia aga ida te Ahapgo hanidu asai, tama tialima, Ahasia agai te Ahapgo dwai kolesaga yali tu wali pali, agai tama teyu, te Genuai Bidi gedude te dwai sege sabo kolesaga eyu ma bidali, tama te Ahap augwaligo hanigo ebo kolesaga tu wali peyu, te dwai se yali gilama yali.

²⁸ Me sogo deli te king Ahasia aga te Joram dali pai, Joram aga te Israel hanigo king da, tama augwali te Hasael dali hwjgi pai, te Hasael te Siria king bidi da. Augwali te Ramot hanu pade boi hwjai, te moni distrik Gileat, tama te Siria soldia ami bidigo te king Joram pi-

†† 8:20 Gag 27:40

gi enesigigo tama aga enani, tama aga isibe, aga sili enama tagalali. ²⁹ Awe, tama tialima, Joram aga te boi hwjani tagalama, tama aga pelama, te hanu Jesril te hanude aga bidibadi aga tigi ma usu ebo wenama suainu bidigi pai. Tama aga te Jesril hanude bidibadi yaide, tama te king Ahasiago aga suagasali.

Godigo te Jehu te Israel bidi dabego king bidi daj ilama, king nigilali

9 Te king Joram aga te Jesril hanude bidibo sogo, te Godigo po pusa mabo profet bidi Elisago te gasa ogwa bidi profet bidi me deli i olama, aga pageba asai, tama agabolo e tama tiwai po wai, "Naga name ugwa bugagia gudama, tama nage e dwasianu botol te oliv wel yai nai sao," wali. "Tama nage hodolama, te Ramot hanuba, te Gileat to, te moni hanuba pao," wali.

² "Tama nage te Ramot hanuba sabalobo sogo, tama nage pelama, te Jehu kegegi pao," wali, "Jehu aga te Jehosafatgo ogwa dao, tama te Jehosafat aga waj nqu Nimsigo ogwa da. [†] Tama tialima, aga te aga abagi hasi dali augwali deliba bidibaso da, awe, tama tibaso da, teda nago aga selasa, gasa be habu me deliba aga odasa pao. ³ Awe, tama te botol wel selama, tama te wel aga toboluba geliyu, e tiwai po agabolo wao, 'Genuai Bidigo aga digi nagebolo te po obaso, aga digi nage te Israel hanigo king bidi bidimainu daj ilibao,' tama wao. Tama nago te se elama silibo si, tama te tu dala salama, nage polo wi pao," wali.

⁴ Elisago te po ola silama, tama te ogwa bidi profet bidi hodaluama, te Ramot hanuba pai. ⁵ Tama te aga sabalobo sogo, agai te tonobadi yaide, te Jehu aga dugulalu, te aga gasa ami ofisa bidi dabe dali po miyu bidibo suali. Tama agai e tama po wali, "Ofisa, eno po me deli elalubo."

Tama te Jehugo agabolo hanalu wali, "Nago te po de dali wabo elalubowe?"

Tama te profetgo te po wai, "Eno po nage dali wabo elalubao."

⁶ Awe, tama tialima, augwali si te be me deli habu to-moba augwali pai, tama te profet bidigo te oliv wel selama, te Jehu toboluba te oliv wel gelaliyu, agabolo e tama po wai, "God, Israel we bidi dena Genuai Bidigo, te po tama wai, 'Megi eno nage daj ilibo, te nage Israel we bidigo king bidi nigilibao,' wali. 'Tama nago eno te we bidi dabe augwali nago tonalua. ^{††7} Tama nago te Ahap hani augwali nago elama isilao, te king nage polobadu te nage gavman ofisa bidi bidai dao. Tama tibo kolesagago eno wei ma dolo te kwin we Jesebel agaba wei ma begelaibao. Te wego polobadu agai te eno profet bidi dabe me, tama me te eno te gasa se ebo bidi dabe me, ela muai dao. ⁸ Tialima, eno te Ahap aga deli hani me te aga hani tigidali dola silaibao. Mu tamao, eno te tigidali bidi te Ahapgo hani te Israel haniba wadolali bidi me, te eno homugo te tigidali

[†] Te Jehu aga aya te Juda dabego king bidi bidali te Jehosafat menio, tama agai po te 1 Kin bukude me te Daj 22, tama 2 Kin bukude me elalubo te Daj 3. Te meni, te gasa tedali bidi nogi Jehosafat dao.

^{††} 9:6 1 Kin 19:16

silaibao. Tama augwali te ogomani me, o te genuai bidi me, mu silaibao. ⁹ Tama eno augwali dali deli kolesaga naga yaibao, tama te polobadu eno te king Jeroboam aga hani dali silali yaligia gagawai yaibao, Jeroboam aga te Nebatgo ogwa da, te king Basago deli hani dao, te Basa aga te Ahiyago ogwa dao. ¹⁰ Tama te Jesebel isibo si, te agai tigi selasa pelama, pubaligi pabo bidi menia saibao. Mu meni. Tama agai tigi te yowi dabego tueibao, te Jesril hanu pade. 'Genuai Bidigo te po wai.' Te profet bidigo te Genuai Bidigo po Jehubolo pusa silama, tama aga te be tu dala sanama, tama aga wi pai. [‡]

¹¹ Jehu ma geasa pelama, te gasa gavman ofisa bidi dabe augwali bidiboba sabalobode, te ofisa dabe augwaligo agabolo e tama po hanalu wai, "Magi nai me deli pedalaliwe, a? Magi baso te e wabo pabo bidigo asama, nage suagasaliwe?" wali.

Tama Jehugo te po wei ponoyu, e tama po wai, "Dagego koneanio, te tama tibo bidi dabego augwaligo kolesaga. Augwaligo te po subigilama po wabo dao," wali.

¹² Tama augwaligo te po wali, "Polo tama, nago da dali wabo po dolo mu wao. Tama nago te ili po olama, te po dualobo tagalao," wali.

Tama tialima, te Jehugo po dolo mu te ofisa bage dali pusuyu, e tama po wali, "Te bidi asama, enabolo wagasali po e tama po walio, agai ena te Israel hani tonalua king bidi daj ilalio," wali.

¹³ Te ofisa bagego te po odobo si, polo tama augwaligo te bobobage bulubo ugwa dia sasa pelama, tama augwaligo te be togobiliba hagalu pai, tama te Jehu te be togobili ugwa badu mu dolalugi ulali. Tama augwaligo te bu wabo nai biugel selama, te bu weyu, te i weyu, te po wai, "Te Jehu te king nigalio," po wai.

Jehugo te Israel hanigo king bidi Joram ela muai po

¹⁴⁻¹⁵ Jehu te Ramot hanude bidiyu, tama te aga se ebo gavman ofisa bidi dabe dali po minama, te po daj walu, te po wai, "King Joram elama, isilaibao," wali.

"Tama te aga bidali pesagede ena king nigilama bidaibao," wali. Tiali goli, Joram te Jesril hanude me bidali. Magi basowe, aga te Israel hanigo te Siria hanigo king Hasael dali hwjani sogo, Joram aga me tama te ene dolai gasi munalu bidai, tama aga te gasi sana pesiabadi. Tama tialima, Jehu aga se ebo gavman ofisa bidi dabe augwali dali e tama po wali, "Tialima, dagego ena dali deli homu eyu da, awe, teda dage bugagia tonalua, tama bidi me deligo te Ramot hanu tagalama, tama te Jesril hanuba pelama, tama te dena homugo ede yabo se po te Jesril hanuba pusigi pigio," wali. ¹⁶ Awe, te Jehu te aga hosgo kegebo karis nai ugwa badu daiba hola pali, tama aga dali, te me badu soldia ami bidi dabe dali, te augwali te Ramot hanu tagalama, tama augwali te Jesril hanuba pai. Te king Joramgo gasi usu esiabadi pai. Tama tibaso, aga bet saiba pigi ulali, te Jesril hanude. Tama te sogo te Juda hanigo king bidi Ahasia aga te Jesril hanuba te king Jo-

[‡] 9:10 1 Kin 21:23

ram suagasiyu asai. Tama tialima, aga si talua si te Jesril hanude bidibadi.

¹⁷ Tama te bidi me deli te Jesril hanu genuai masigi obode nigai bobobage sigi be te be tomoba bula selama bidiyu, te digibulu asobo bidi suainu tonalubo dao. Tama te bidigo tonobadi yaide, te king Jehu aga hani dali asobo suali. Tama agai i olama, tama te taun tomode bidibo bidi dabebolo e tama po pusai, "Eno suali, te geninama bidi mu asobo," wali. Te bidi dabe augwaligo te Jorambolo te taun tonalubo bidigo wali po agabolo wali. Tama Joramgo augwalibolo e tama po wali, "Te ami soldia me delibolo olama, te aga pelama, te hos kibu me deli sigi pao, tama aga tede dugulama, tama aga udulama peyu, tama augwali asobo tomoba tiq̄ba pelama, tama agai augwalibolo e tama po hanalu omainao, 'Dage dwagi yai homu eyu asaliwe, ma meniwe?' te po aga hanalugi pao, "te po wali.

¹⁸ Awe, tama tiali, te ami soldia bidi me deli te kibu hosde dugulama, tama aga udada peyu, tama augwaligo te Jehubolo sisinigi pelama, tama agai e tama po wali, "King Joram agai homugo koneaio, dage dwagi yai homu eyu asaliwe, ma meniwe?"

Tama te Jehugo e tama po wei begelali, "Te nago nai menio. Nage da wali naga asao," wali.

Tialima, Jesrilde bidibo te tonalubo bidigo suali, ma te ami soldia bidi ma begasa asobe, tama tibaso, agai te kingbolo e tama po ola tolali, "Te ami soldia bidi nago tagala palali bidi, te bidi aga te pelama, augwali pageba sabolali. Tiali goli, aga polo ma begasa asobeo," wali.

¹⁹ Tialima, kingo te gasa ami soldia bidi me tagala palali, tama te ami soldia bidi augwali pageba pedalobo sogo, te ami soldia bidi agai me te king Jehubolo e tama po wali, "King Joram agai homugo koneaio, dage dwagi yai homu eyu asaliwe, ma meniwe?" wali.

Tama Jehu agai te po wei ponoyu, e tama po wai, "Te nago s̄ menio. Nage da wali asao," wali.

²⁰ Te taun tonalubo bidigo te tagala palali ami soldia bidi ma geasa asobo subeo, tama agai te king bidibolo e tama po ola tolali, "Te nago te tagala palali gasa ami soldia bidi, te ami bidi aga me asobeo. Tama eno suali, ma te bidi te karis naide bidibo suali, tama agai te wabo pabo kolesaga homu mu ebao, te Jehu te Nimsigo hani, augwaligo koneama te tiwai kolesaga ebo da, augwaligo te hos kibu augwali bomonama mu udayu, tama te karis gegasa asobao," wali.

²¹ Tama tialima, te king Joramgo te po wali, "Eno karis dodolao," wali. Awe, tama augwaligo te Joramgo karis dodolama, tama te Joram aga te karisba hola solama, dugawai, tama te king Ahasia aga me te gasa karis meba hola solama dugayali, tama augwali si udulama peyu, te Jehu asobo tomoba tiq̄ba pali. Tama augwali sigo te Jehu te Jesril bidi Nabotgo t̄q̄ p̄q̄de asobadi, teba tiq̄ba pai. ²² Tama te Joramgo Jehu suali, agai te Jehubolo e tama po hanalu wali, "Te dage dwagi yai homu dali asaliwe, ma meniwe?"

Tama te Jehugo te po wei ponoyu, e tama po wali, "Magi yaliwe usu elalubao," wali, "tialima, naga ida Je-

sebel, agai te tibo god wali pabo s̄ eyu, tama te dwai kolesaga eyu, tama te bidi isibo pobi enebo s̄ ebo dao," wali. "Naga idago te tama tibo dwai kolesaga ebo s̄q̄q̄ te genuai mu pedalobao," wali.

²³ Jehugo te wali po te Joramgo odama, tama agai te karis begelama, tama polo wi pai. Tama agai te king Ahasia i weyu, e tama i wali, "Ahasia, te asali bidigo ena aiyaba elaluainu ebao," wali.

²⁴ Tialima, te Jehugo aga enesigi polo bomonama kegelama, tama te ene toga peyu, te Joram tudide dolali. Tama te enego aga hobolu dude dolali. Tama te Joram aga te karis daide tulaluama, tama te Joram aga isali. ²⁵ Tama te Jehugo te Bitkarbolo te po walali, te aga dali bidiyu s̄q̄ yali gavman ofisa bidi, e tama, "Te Joramgo tigi sagaselama, tama te bidi Nabotgo t̄q̄ba saqi pao," wali, "te Jesril bidi. Te Genuai Bidigo te polobadu king Ahapbolo pusa mani po nago me konealubawe, Joram aga aya? Dadi si te Ahap wali pobao, te dadi sigo karis me tama te Genuai Bidigo te Ahapbolo e tama po wali, ²⁶ 'Tialima, te do tama eno suali, ma te bidi dabe augwaligo te nago homugo ebo kolesaga t̄q̄ wali peyu, tama augwali te Nabot aga wai buluba dali te augwaligo elama isilalio, tama teyu, te ena Genuai Bidi dao, te eno mu po tama obao, tama te nago te Nabot t̄q̄de yali dwai kolesaga te eno nagebollo dolo mu wei begelaibao.'" Tama te Jehugo te Bitkarbolo e tama po ma wali, "Te Joramgo tigi selama, tama te Nabotgo t̄q̄ naga tama saqi pao, te Genuai Bidigo poba usu niggi peyu, tama tiao," wali. †

Te Juda hanigo king bidi Ahasia isali po

²⁷ Te Juda king Ahasiago te Joram isibo suali, tama agai te aga karisde bidibadi yaide, tama tibaso, agai te Bethagan hanu pedai badu wi pai. Tama te Jehu aga ami soldia bidi dabe daligo te Juda king Ahasia pobeai, tama te Jehugo te aga ami soldia bidi dabebolo e tama po wali, "Te king aga me enao," wali. Awe, tama tialima, te king aga karisde dugula selama, te Gur bulu duba ugwaba udada holobadi yaide, tama augwaligo aga enani, te Ipleam hanu p̄q̄de. Tiali goli, te king Ahasia aga wi peyu, te Megido hanu pedai badu wi pai, tama nosali aga isali. ²⁸ Tama te aga s̄q̄ ebo gavman ofisa bidi dabe augwaligo te aga tigi sagaselama, tama te karis me deliba munama, tama te Jerusalem buluba selasa pali. Tama augwaligo te augwa w̄q̄ n̄q̄q̄ pubalobo ḡq̄ pageba pubaligi pai, te Devitgo hanude elalubo madigi pubulali. ²⁹ Joram aga te Israel dabego king bidi bidiyu, tama te nogo si olama, te saq̄a badu deli wagi soabo kibu be silali sogo, te sogo te king bidi Ahasia aga te Juda hanigo king bidi nigilama, pedelali.

Augwaligo te kwin we Jesebel elama isilali

³⁰ Tama te Jehu aga hani dali augwaligo te king Ahasia pobeasa pelama, tagaligi pai, tama augwali ma te Jesril hanu t̄q̄du ma begasa asai. Tama te kwin we Jesebel te bulu pedai badu bidibo da, tama agai po

† 9:26 1 Kin 21:19

odali, e tama po wai, Joram isai dao wali. Tama tialima, te kwin we Jesebel aga te gedude me, te aga tobolude me au yai, tama tilama, te kingo sigi be te dwasianu windo tude dolaluyu, te tupa aiyaba tonaluai. ³¹ Tama te Jehu aga te taun te moni tu badu te taun tomoba asai, tama te kwin we Jesebelgo aga dolo i weyu, e tama i wai, "Simri, nage naga genuai bidi ela mubo bidi dao, nage bugagia bidibawe, a?" [†]

³² Jehu agai te po wabo odama, tama agai te beba te dwasianu windo tu elalubo madigi te agai ugwaba tonani, tama agai e tama i wali, "De nage eno haniba asaibawe?" Tama te me badu se ebo bidi dabe augwali te kingo te bede bidali bidi dabego te Jehugo wabo po odama, tama augwali te bede te dwasianu windo tu badu dolagaselama, tama augwaligo te Jehu agaba aiyaba tonani. ³³ Tama Jehugo augwalibolo e tama po wali, "Te we eba eda sayao," wali. Tama augwaligo te Jesebel selama, tama te we aga aba sawai. Tama agai kanemego dobola sayu, tama te kanemego tama te bede me te kaneme dagana sali, tama te Jehugo hos kibude me te kaneme dagana sali. Tama Jehugo te hos kibugo me te karisgo me te Jesebel tigidu agaga pali.

³⁴ Nosali te Jehu aga te kingo be tomoba pelama, te nai tuai. Tama aga nai tuyu, tama te we tuyu elama, tama agai te bidi dabebolo e tama po augwalibolo wali, "Godigo te po wai dao, te dwai we dolao, wai dao. Tiali goli, te we aga aya te king me deligo wegi dao, tama tialima, dagego te we agai tigi selasa pelama, pubaligi pao," wali. ³⁵ Tama augwaligo buluba pelama, tama te wego tigi siyu, pubulainu yali. Tiali goli, augwaligo te wego tigi munalubo sube, menio. Augwaligo te suali, te tobolu dili dali, te nogo sawali dili badi, te sanga sawale dili badi elama munalubo suali. ³⁶ Tama augwali ma begasa pelama, te Jehubolo te se yali po pusugi pali, tama agai e tama po pusali, "Te se te Genuai Bidi God aga se ebo bidigo pedawalidu wali podu dolo mu pedalali, te Elaija aga te Tisbe hanude bidali bidi dao. Genuai Bidigo e tama po wai dao, 'Te kwin we Jesebel isibo sogo, te yowigo agai tigi tueibao,' wali, 'te Jesril hanu tude tiaibao. ^{††37} Tama te agai tigi pebeda pai mu, te yowi di gagawai mu te tude munalua pabo sueibao, tama tiwai munalua pabo te bidi dabego sueibao, te augwaligo te Jesebel tigi te yaba wabo augwaligo munu me konebe,' Genuai Bidigo te po polobadu wai dao," Jehugo te po wai.

Augwaligo te Ahapgo hani elali po

10 Te wai dabe te ogomani naga ebadi elama, te king Ahapgo waj nq̄ ogomani Samaria taunde bidali. Te bidi dabe augwaligo namba te bidi sese sela selama, te ugwadu nogo si bidi selama, 70 bidi bidai. Tama te Jehugo te pas asenama, tama te Jesril hanu tobolu bidibolo me, te genuai bidi dabe te taun

[†] Te Jesebelgo te Jehu nogi weyu te "Simri" wali, magi baso meni, polobadu te Simri, te kingo te se ebo gavman ofisa bidi deli dao. Te ofisa bidi Simri agai aga te kingo bidi ela muna isilai dao. Tama tialima, meḡi te Jehugo me agai te deli tigi poai kolesaga naga yali. Te 1 Kin te Daj̄ 16:8-20, tede suo. ^{††} 9:36 1 Kin 21:23

tonalubo bidibolo me, tama me te Ahapgo waj nq̄ ogwa dabe tonalubo genuai bidi dabebolo me, te Jehugo pas asenama, augwalibolo tolali. [‡] Agai te po e tama po aseni, ² "Te Ahapgo ogomani augwali hani dage dali bidibao, tama te dagego te hawa hwjbo karis me, te hos kibu me, me te ene me, tama me te hawa hwjbo gasa nai me munalubo. Tama dage te taunde bidibo te masigigo nigai bomai obo elalubo. Tama tialima, dagego eno e pas sabo sogo, ³ dagego te Ahapgo hanigo te augwa tomode te dwagi yai bidi me deli selama, te bidi aga king daj̄ ilao. Tama aga te king nigilama bidimainogo eyu, dagego aga tau siyu, tama da dali wabi hwj̄nao," te po asena tolali.

⁴ Te Samaria tobolu bidi badi, te me badu genuai bidi badi, augwaligo te Jehugo te tolali pas selama, tama augwali wi dwai mu eyu, tama augwa hasi te po wali, "Jehugo te king si tama aiyaba elaluali. Tama tialima, mena tama dago aga aiyaba elaluaibawe? Dago aga aiyaba elalubo usu munu ma egobeo," wali. ⁵ Tama tialima, te kingo be tonalubo bidi me, me te taunde polalubo tobolu bidi deli ebadi, te me badu tobolu bidi dabe ebadi, te me badu te Ahapgo hani ogomani tonalubo genuai bidi dabe ebadi elama, augwali tigidaligo te Jehubolo e tama po ola tolali, "Da tigidali te naga se bidi dabe naga dao, tama dago homugo te nago homu kolesagadu naga wali painu, te da dola selama bidibao. Dago te gasa bidi me deli te king me nigiligobeo. Mu menio. Nago homugo mena tama se yabo homu ebowe, teda teya naga se yao," te po ola tolali.

⁶ Awe, tialima, Jehugo te gasa pas me asenama, tama te bidi dabe augwalibolo e tama po wali, "Tialima, dagego homugo ena wali asainu, tama dage ena dologode bidagameo, tialima, eno homugo dagego te Ahapgo hani ogomani tigidali ela silao," wali. "Tama te do kigamu e tama tibo sogo, dagego te augwali tobolu naga toga selama, tama te Jesril hanuba muagasao," wali

Tama te bidi sese sela selama, te ugwadu nogo si bidi te Ahapgo hani ogomani, te Samaria taun bulude bidibo genuai bidi dali augwali te bidalubao, tama te genuai bidi dabe augwaligo te augwali te ola mayu bidali. ⁷ Tialima, te genuai bidi dabe augwaligo te Jehugo te pas sali, tama augwaligo te Ahapgo hani ogomani te bidi sese sela selama, te nogo si bidi, te 70, te augwaligo elama, isilali. Tama augwaligo te bage tobolu togolama, tama augwaligo te basket wa dabeba bulama, te Jehubolo tolali, te Jesril hanuba. ⁸ Te sogo Jehugo te po odali, te bidi dabego te Ahapgo ogomani tobolu togolama, augwaligo teba muagasali po odali, tama agai te bidi dabebolo e tama po wali, "Augwaligo te bage tobolu pesage te taun tomoba pabo tu sesegede te pade tobolu pesage si sisinao, tama augwaligo te tobolu dabe munalubadi, te doba tama usu niḡi pomainao," wali.

[‡] Te Hibr̄u pogo te po wai, te Jesril hanu dao, wai. Tiali goli, te me badu bidi dabego te polobadu mu te Grik pogo begelai po, tama augwaligo homugo te Samaria hanu nogi te dolo da homu yai.

⁹ Do kigamu te giliga asai badi, tama te Jehu hodasa pelama, te taun tomoba asobo tų sesegeba pelama, te tobolu dabe munalubo sugi pai. Umabo we bidi sisinama bidibo sulama, tama Jehu aga doligulama, tama agai augwalibolo e tama po wali, “Ena digi ena homugo te Joram aga eno aiyaba elaluai dao. Tama tialima, eno aga elama, isilai dao. Tama eno koneanio, dagego bidi me ela mubo menio. Tiali goli, te dego mu te hani ela muaniwe? Dago konebeo. ¹⁰ Tiali goli, tego da e tama ola mawai, tigidali po te Genuai Bidigo te Ahapgo hani dali polobadu wai po naga dao, te mu te pedalobo sę naga ebao. Te Godigo sę ebo profet bidi Elaijago pedauwalidu wali te dąj wali poba te megı Genuai Bidi usu na silibao,” wali. ¹¹ Tama tialima, nosali Jehugo te Ahapgo hani te Jesril taunde bidali deli hani te Jehugo ela silali. Me te aga sę ebo gavman bidi me, me aga dwagi yai hai namu me, tama me te pris bidi dabe me, tama te bage augwali tigidali te Jehugo augwali me deli me bidibo sula tagalobe. Mu meni. ††

Te Jehugo te king Ahasiago te deli hani augwali elama silai

¹² Tialima, te Jehu dali, te aga ami soldia bidi dabe dali, augwaligo te Jesril hanu tagalama, te augwaligo homugo te Samaria hanuba painu homu yali. Tama augwali te tųdu wali pelama, tama augwali te bulu me deliba sabaligi pai, te bulu nogi da Te Kibu Sipsip Tonalubo Bidi Dabego Sisınibo Pesage da. ¹³ Tama augwaligo te me badu bidi dabe sulama sisınibo si, tama augwaligo e tama po hanalu wali, “Dage mena pedai badu asaiwe?” Tama augwaligo te po wei ponoyu, e tama po wai, “Da da, te king Ahasiago hani dao,” wali. “Dago homugo te Jesril hanuba sobao, te king Joramgo hani ebadi, te kwin Jesebelgo hani dabe ebadi elama, te augwali dago suainu sobao,” wali.

¹⁴ Jehugo te po odali, tama aga hanibolo e tama po augwalibolo wali, “Te bidi dabe augwali polo tuao.” Tama augwaligo te bidi dabe tigidali tulama, tama augwaligo te bidi dabe te moni maguludawe elalubo madigi te bidi dabe odasa pai. Tama augwaligo te king Ahasiago hani tigidali ela silali, me deli me munu me bidibe. Te augwaligo namba te bidi sese si olama, te ugwadu si tama usu, bidi 42 isali.

Jehugo te Ahapgo gasa hani bage tigidali me ela silali po

¹⁵ Te Jehu dali, te aga ami soldia bidi dabe dali, augwaligo te bulu tagalama, tama augwali pobadi yaide, tama augwaligo te bidi me suali, te bidi nogi Jonadap, te bidi te Rekapgo ogwa da. Tama te Jehugo te bidibolo te giligade dao po wali, tama agai agabolo e tama po wali, “Eno homugo te nago ebo homu kolesaga te godolo mu ebo. Tama tialima, nage magi yaliwe, eno ebo sęde nago bugai homu pemene ebawe, ma meniwe?”

Tama te Jonadapgo te Jehubolo e tama po wai, “Awe, eno nage dali eno deli haliga ebao,” wali.

Tialima, Jehugo te po wai, “Dwagi yai dao. Tama tibo so da, tea nago nogo enaba mao. Dadi si nogo mainao.” Tialima, te Jehugo te Jonadapgo nogo tulamama, tama aga te karis daiba agai nogo kegali. ¹⁶ Tama Jehugo agabolo e tama po ola mani, “Nage ena dali asu da, teda nago koneaibao, eno te Genuai Bidi naga wali painu, bomu mu ebao.” Jonadapgo te po usu da homu yali, tama augwali te karisdu augwali te Samariaba pali. ¹⁷ Augwali te Samaria buluba sabolali, tama te Jehugo te bulude te Ahapgo hani gasa me badu te bulude bidali bidi dabe tigidali elama, isilali. Agai te bidi dabe elama, mu silali, tama te tialigo te Genuai Bidigo polobadu te profet Elaijabolo mani te poba usu na silali. †

Jehugo te tigidali we bidi te tibo god Balba lotu po wabo we bidi dabe elama silali

¹⁸ Tama nosali te Jehugo te Samaria we bidi dabe tigidali i olama, tama “Eba sisınagasiąo,” wali, tama agai augwalibolo e tama po wali, “Polobadu te king Ahapgo te Balba lotu po weyu yai. Tiali goli, eno te Balba lotu po bomu mu yaibao. ¹⁹ Tama tialima, eno homugo dagego te profet bage me, me pris bage me, tama te tigidali we bidi augwaligo te Balba lotu po wabo we bidi me, tama augwali asama, eba sisınagasao,” wali. “Te bede me deli me bidigio,” wali. “Magi baso meni, eno homugo Balba moni denami yai ofa nai ula mawaio. Tialima, bidi me deli asisąbaso da, teda te bidi isaibao,” wali. Jehugo te po wali, te tibo god Bal lotu po wabo we bidi mumua siyu, agai homugo agai te we bidi tigidali ela silainu te po wali.

²⁰ Tama Jehugo e tama po ma wali, “Dago te me sogo te genuai bodolu deli dąj ilama, tama te Bal lotu po wago,” wali. Tialima, augwaligo te bodolu deli dąj ilali. ²¹ Tama te Jehugo te Israel bidi dabe bidibo buluba te agai po ola todolo pali, tama te Balba lotu po wabo we bidi dabe, augwali asama, sisınagasao wali. “Bidi me deli me te naga bede bidigio,” wali. Tama tialima, te we bidi dabe te Bal lotu po wabo moni lotu beba te tigidali we bidi te be tomoba pelama, te mu pąğana sai. ²² Augwali te lotu be tomoba bula sela silama bidaluali, tama tialima, te Jehu aga te pelama, te lotu weyu te bulubo ugwa tonalubo bidi pageba pai. Tama agai e tama po agabolo wali, “Tama te bulubo ugwa selama, te Balba lotu po wabo we bidi dabebolo mena mena pao,” wali. Tama te bidigo te Jehugo wali po selama, te ugwa selama, mena mena pali.

²³ Tama nosali te Jehu dali, te Jonadap dali si, Jonadap aga aya te Rekapgo ogwa da, augwali si te lotu be tomoba pali. Tama te Jehugo te we bidibolo e tama po wali, “Dagego te duga hasi bugagia tononu bilama, tama duga digi dagaliąo, magu menio, bidi me deli me, we me deli me, te Genuai Bidi God dolo mu lotu po wabo we bidi me deli da dali bidamuo,” wali. “Te eno homugo da te Bal dolo lotu po wabo we bidi naga

† Te 1 Kin 21:20-24 tede elalubo po suo. †† 10:11 Hos 1:4

‡ Te 1 Kin 21:20-24 tede elalubo po suo.

da e be tomode bidinao," wali. ²⁴ Agai te po tama olama sia sali, tama aga dali, te Jonadap dali si, augwali si te denami yai ofa nai ula mabo madigi te habuba pai. Tama augwaligo te habu badu denami yai ofa nai me, me te gasa ofa nai me, te augwaligo te tibo god Balba te tigidali ofa nai selama, te siaba ula palama, te siago sese tama dela pelama, silibo da. Tama te tigidali we bidi asisaḅo sogo Jehu aga te bidi sese te me si me si nama, 80 ami soldia bidi daḅ ilama, tama agai augwalibolo e tama po wai, "Dage te lotu be togobe badu bidiyu, te bulu badu tonalu bidao." Tama agai augwalibolo e tama po wali, "Dagego te tama tiao, te tibo god Balba lotu po wabo we bidi dabe tigidali te hani elama, silao," wali. "Tialima, te soldia bidi me deligo te hani augwali me deli wi pabo sula tagalobaso da, tea te soldia bidi aga me elama, isilaibao," wali.

²⁵ Jehugo te siaba te ulama, te siago sese dela pabo denami yai ofa nai ulubo seḅ ela silali, tama tilama, te lotu be tomode taga solama, tama aga te ami soldia bidi dali, te aga seḅ ebo gavman ofisa bidi dabe dalibollo e tama po wali, "Dage te lotu be tomoba pelama, te we bidi dabe tigidali ela muna silao," wali. "Dagego augwali me badu te wi pabo sula tagaligo," wali. Te po obaso, te ami soldia bidi dabe augwali te be tomoba pelama, te we bidi dabe tigidali te bainat hwaḅ gego te we bidi dabe elama, silali. Tama nosali tama te we bidi augwaligo tigi selasa pelama, te taun sesege bulu badu pubaligi pai. Tama tilama, augwali ma begasa peyu, te taun tomode te tibo god Bal lotu po wabo beba ma pai. ²⁶ Tama augwali te lotu po wabo be tomoba pelama, tama augwaligo te bidi dabego lotu po wabo te noma ni dabe sali, tama augwaligo te ni dabe selasa buluba pelama, tama augwaligo te bulude te noma ni dabe isiba ulali. ²⁷ Tama augwaligo te tibo god Bal noma nigali piksa me, te lotu po wabo be me, te augwaligo mu dolali, tama augwaligo te lotu be te di be mu nigilali, tama te be me tama elalu, bidada asama, megie po aseḅo bidi dabe bidali sogoba usu nagasalio.

²⁸ Tama tilama, te Jehugo te kolesaga eyu, tama te tibo god Bal teba lotu po wabo kolesaga sia sayani, tama te Israel bage augwaligo te tibo god Balba lotu po munu ma wabe. ²⁹⁻³⁰ Tama te Genuai Bidi Godigo te Jehubolo e tama po ola mani, "Nago te ebo homu kolesaga te eno me te tiwai kolesaga tu wali te pobao," wali, "tama nago te Ahapgo hani dali te tibo seḅ, tama nago te tibo kolesaga te dwagi yai mu dao. Tama tialima, te nosali te eno homugo te nago hani augwali tomode te bidi me deli te king bidi nigilibo eno sula tagalaibao," wali. "Tama tidi peyu, te duga ame nabo wai dabe te waḅ nḅu te me si me si tama namba haniba nama usu nigi paibao," wali. Tama tiali goli, nosali te king Jehugo te king Jeroboamgo yali dwai kolesaga wali ma pai, te bidigo te polobadu te Israel hani agai kegelama, te augwaligo te seḅḅ sabo te dwai kolesaga yali bidi dao, Jeroboam agai te golgo te kibu bulmakau noma si nigilama, tama agai me deli te Betel hanude muani, tama me deli te Dan hanude muani. Tama te Israel hani augwaligo te kibu bul-

makau nomaba lotu po obaso, te Jehugo sulama, tagalali. ³¹ Tama me te Jehugo te Israel bidi dabego Genuai Bidi Godigo te tigidali bomai po te agai bugagia bomo elama, wali pabe. Menio. Agai te king Jeroboamgo yali kolesagadu wali pali, te kingo te polobadu agai te Israel hani augwali kegelama, te augwaligo te dwai seḅḅ ebo kolesaga yai.

Jehu isali

³² Te Jehu aga king bidi nigila bidibo bodolude te Genuai Bidigo te gagalama, te gasa hanigo te Israel hani aiyaba elaluama, te augwaligo tḅ dabe te me badu pedai te boi bidi dabego somainogo sula tagalai. Te Siria hanigo king bidi te aga nogi Hasaelgo te Israel hani dabe dali te boi hwḅbo seḅ yali, magu meni, augwaligo homugo te Israel bagego moni te tigidali te tḅ dabe te augwaligo sainogo te moni boi mu hwḅjai. ³³ Te tḅ pedai te giliga asobo pedai badu elaluali, te weḅ Jordan u badu elaluali, tama te king Hasaelgo te Israel hani aiyaba elaluama, tama te tigidali tḅ dabe sali, te taun Aroer tedu gagalama sai. Te weḅ Arnon paḅde te giliga pabo badu gagalama, tama te moni te genuai tobolu hanu si, te hanu si nogi te Gileat me te Basan, te bulu siba usu nigi pali, te giliga asobo badu, te pedai badu, te not, te tḅ dabe te bidi dabego tḅ da, me te Gat agai hanigo tḅ me, te Rubengo hanigo tḅ me da, tama me te Manasego hanigo tḅ me dao. Te hani sela augwaligo tḅ dabe dao.

³⁴ Te king Jehugo te gasa seḅ yali po dabe, te gasa bukude elalubo da, augwaligo te buku e tama tiwai nogi wabo da, Te Israel Hanigo King Bidi Dabe Augwalide Po Elalubo Buku dao, wabo da. Te bukude te tigidali king bidi dabego te tigidali bomai seḅ yali po elalubo buku dao. ³⁵ Tama te nosali te king Jehu isali, tama augwaligo aga te Samaria bulude pubulali. Tama te aga ogwa Jehoahasgo te aga ayago yali seḅ eyu, te king nigilama bidali. ³⁶ Te Jehu te king nigilama bidali kibu be te 28 olama kibu be usu nama kibu be silai.

Te we Atalia te Juda bidi dabego te kwin we pedelali (2 Sto 22:10-23:15)

11 Te sogo te Atalia, te king Ahasia aga idago, e tama po odali, aga ogwa Ahasia isali po odali. Awe, tama tialima, agai polo tama te ami soldia bidi dabebolo e tama po ola mani, "Dagego te Juda dabego king bidigo hani bidi dabe tigidali ela silao," wali. ² Tiali goli, te ami soldia bidi dabe augwaligo te Joas deli digi elebe, te king Ahasiago ogwa, magi baso meni, Jehoseba, te we Jehoseba aga te king Joramgo wegii, tama te king Ahasiago aga abe, tama Jehosebago te Joas dali te aga tau siyu tonaluabo we me deli dali selama, tama augwali si te augwaligo te pibo somo gagawai nai matres dabe te pibo bet sai dabe mubo madigi te habuba Jehosebago te wai ogwa Joas me te aga tonaluabo we augwali si teba geme dualali. Tama tialima, te Ataliago te Joas ela muabo usu meni. ³ Tama

te Jehoseba agai te ogwa te Joas dualaludubadi, te kibu be nogo a olama, me badu nogo kibisa olama kibu be usu nigi pali, te tama kibu be tomode te Genuai Bidigo tempel be tomode naga geme bididubadi genama, te kibisa nogo kibu beba usu nigi pai. Tama te sogo te Atalia te Juda hanigo kwin we bididuali.

⁴Tiali goli, te Atalia aga te kwin we nigilama bidibadi, te nogo a olama, me badu nogo si, te kibu be bidali, tialima te pris bidi Jehoiadago agai te gavman ofisa bidi dabebolo, te ami soldia bidi te kwin tonalubo soldia bidi me, te kwingo be tonalubo soldia bidi dabe, augwalibolo e tama po ola tolai. Tama agai augwalibolo e tama po wali, "Dage te Genuai Bidigo tempel beba asião," wali. Te po obaso, augwali teba asai, awe, tama te Jehoiada agai te augwali dali te bomai po mu e tama olama, ðaꝓ wali. Agai te po me deli augwali dali polali, tama augwaligo te bomai po mu te Genuai Bidigo nogide polama, tama augwaligo te tigidali seꝓ agai augwalibolo e tama seꝓ yao wabo seꝓ po te wali mu paibao wali. Tama nosali agai te Joas odasa asali, Ahasiãgo ogwa da, tama te asama, augwalibolo ola magasali. ⁵⁻⁸Tama te Jehoiada agai augwalibolo e tama po ola mani, "Eno homugo dago te Joas aga king bidi nigilinao," wali. "Tama teyu, eno homugo dagebolo eno e tama po ola mobao, te dago yabo seꝓ po waibao. Eno koneanio, te ami soldia hani si augwaligo te seꝓ ebo te Sabat bodolu side silama, tama augwali toma tubo dao, tama te gasa hani me deligo te augwaligo hasegeligi pelama, tama augwaligo te seꝓ ma gagalama seꝓ ebo da. Tiali goli, te Sabat bidibo bodoluba sabalobao, eno homugo te dage te sela nani dage tigidali te Genuai Bidigo tempel beba asao, te ami soldia bage augwaligo te Sabat bodolu side seꝓ gagalobo, te ami soldia bage hani te augwaligo te kingo be tonaluyu, tama te me badu bage augwaligo te moni tu, te augwaligo te tu nogi te Sur, te tonalubo bage dao, tama te me badu hani augwaligo te me badu gasa ami soldia bidi dabe dolalubo tudi badu, augwaligo te obo banis moni tu tonalubo ami soldia bidi dabe tudi badu dolalua. Dage tigidali asama, te Genuai Bidigo tempel beba asama, tama te Joas tonalugasao. Tigidali ami soldia bidi dabe, dagego te bainat hwaꝓ ge tolama, tama te dagego tigidali pedai badu dolalua peyu, te Genuai Bidigo tempel be tomoba ilama, tama te king dali bugagia tonalua. Tialima, te king aga te bulu me deliba pabo side, te dage meba aga dali hodobo peyu yao, tialima bidi me deli te aga page paꝓa asobaso da, teda dagego te asobo bidi ela muao," wali.

⁹Te gavman ofisa bidi dabe augwaligo te pris Jehoiadago te wali po wali peyu, tama te Sabat bodolude augwaligo te seꝓ silali ami soldia bidi dabe augwaligo selama, tama augwali toma tuabo homu ebadi, tama te ami soldia bidi dabe augwali hasegelama, tama augwaligo te seꝓ gagalali, tama augwaligo tigidali te Jehoiada pageba te Genuai Bidigo tempel beba odasa asali. ¹⁰Te king Devitgo polobadu muani sesemone badi, tama te me badu sabele dabe te Genuai Bidigo

tempel be tomode munalubo. Tama te Jehoiada agai te augwaligo te nai dabe selama, te gavman ofisa bagebolo mawai. ¹¹Tama tialima, te ami soldia bidi dabe augwali pelama, te Genuai Bidigo tempel be bologobea sali obo tigidali pedai badu augwali dolalua pali. Augwali dolalubo te giliga dega sabo pedai badu gagalama dolalu, te ela pelama, te giliga asobo badu pedai badu usu nigi pali. Tama augwali te Genuai Bidiba nai ula mabo madigi te mabo alta te pedai badu paꝓe dolaluyu elama, tama augwaligo te bainat hwaꝓ ge tolama, tama augwaligo bugagia tonaluali.

¹²Ami soldia bidi dabe dola selama silali, tama tilama, te pris Jehoiadago te Joas odasa te buluba teda aselama, tama agai te Joas tobolude te kingo wiegi yai madi bulali. Tama me agai te Joasbolo te bomai po elalubo buku me deli agabolo mani. Tama nosali augwaligo te oliv wel te Joas agai toboluba gelali, te aga king bidi nigiliyu, te ðaꝓ ilama tama tiali. Tama te tigidali we bidi dabe augwaligo bugai homu pemene eyu, tama augwaligo nogo eleyu, e tama tiwai i wali, "Joas, dena homugo nage king bidi bidiyu, te bobobage sogo mu bidagameo," wali.

¹³Te kwin we Ataliãgo te ami soldia bidi dabego me, te tigidali we bidi dabego me, augwaligo te i wabo te Ataliãgo odali, tama aga te aga be tagalama, te aga te Genuai Bidigo tempel beba pelama, te agai suali, ma te we bidi dabe augwali sisinama, bidali. ¹⁴Aga pelama, sabaligi pali, tama agai te gesi noma king bidi te bobobage pos bras dolalubo madigi paꝓe dolaluyu bidibo suali, te Genuai Bidigo tempel be gesabidi dolo, e tama tiwai te king bidi dabego au ebo gilama yai. Tama agai suali, ma te ami gavman ofisa bidi me, tama me te biugel selama, te bu wabo bidi me, te augwali te king bidi pagede te paꝓe bidibo suali. Tama agai me te we bidi dabego augwaligo te pemene ebo seꝓ suali, tama te me badu we bidi dabego te biugel selama, bu wabo suali. Tama tibaso, te Atalia aga bulubo ugwa selama, te pisa yali. Magi baso meni, agai haliga seꝓe dwai mu yali. Tama agai e tama i wali, "Dage dwai bidi dabe mu dao. Dagego dwai kolesaga mu yalio, tama dagego ena kwin we aiyaba elaluainu yalio," tama i wali.

¹⁵Te pris bidi Jehoiada agai homugo te Atalia augwaligo aga te Genuai Bidigo tempel be elalubo paꝓe augwaligo te Atalia elamuo homu yali. Tama tialima, agai te gavman ofisa bagebolo e tiwai po wali, "Te Atalia tulama, tama agabolo e tama po walao, 'Nage te ami soldia bidi dabe tomo agebeledu pao,' wao. Tama te Genuai Bidigo be obo banis buluba teda pelama, tama tialima, te bidi me deli aga wali pobaso da, teda te bidi dagego ela muao," Jehoiadago te po wai. ¹⁶Tialima, augwaligo te kwin we te Atalia tulama, tama augwaligo te aga selama, te kibu hos te kingo be obo banis tomoba pabo tuðu pali. Tama augwaligo aga te tomoba odasa pelama, tama augwaligo te Atalia aga tede ela muani.

Te pris Jehoiada agai te we bidi dabe tau selama, augwali te Genuai Bidi naga wali pomainogo yali
(2 Sto 23:16-21)

¹⁷ Te pris bidi Jehoiadago te king Joas dali, te we bidi dabe dali, e tiwai po augwali dali wali, "Tama te dage te Genuai Bidi dali wadolagaselama, te gesi noma bomai pode daꝝ wagasião," wali, tama augwali te augwali Genuai Bidigo hani we bidi naga bidimainogo yai. Tama me te agai te king dali, te we bidi dabe augwali dali, e tama po wai, tama augwaligo te augwa tomode te gasa bomai po me deli augwa digi daꝝ wali. ¹⁸ Tama nosali te we bidi dabe augwali te tibo god Balgo lotu beba pelama, tama te lotu be huꝝgia sayani. Tama augwaligo te lotu wabo pesage te alta dabe me, tama me te tibo god Bal noma piksa me, pepedelama sayani. Tama augwaligo te Matan elama isilali, te tibo god Balgo pris bidi, te alta dabe paꝝde elali. Tialima, te Jehoiada agai te ami soldia bidi dabe me badu te Genuai Bidigo tempel be tonaluabo soldia ami bidi dabe daꝝ ilali.

¹⁹ Tama tialima, te Jehoiada dali, te ami gavman tobolu bidi ofisa badi, tama me te king tonalubo ami soldia bidi dabe me, tama me te kingo be tonalubo ami soldia bidi dabe me, augwaligo te Genuai Bidigo tempel bedu king Joas oda selama, tama king aga beba tagaligi pali. Tama te tigidali we bidi dabe augwali wali pali. Augwali sabalobo sogo, te Joas aga te augwaligo te tu te Ami Soldia Sunumi nogi wabo tuꝝdu tomoba pelama, tama aga te king dugabo wiegi yai ni pedaide duga yali. ²⁰ Tama tigidali we bidi dabe augwaligo te bugai homu pemene genuai mu eyu, tama augwali te Jerusalemde augwaligo nagamea pai haliga naga me elama bidali, magi baso meni, soldia bidi dabego te kingo be paꝝde te kwin we Atalia augwaligo elali.

²¹ Joas aga te king nigilama, te king seꝝ sali sogo, te sogo te aga kibu be nogo a olama, me badu nogo si, te 7 kibu be naga elaluali.

Joasgo te Genuai Bidigo be ma dodolali po
(2 Sto 24:1-14)

12 Te Jehu aga te Israel hanigo king bidi nigilama bidibadi, agai kibu be nogo a naga olama, me badu nogogo si olama kibu be pai, te Joas aga te Juda hanigo king bidi nigilama bidali. Tama aga te Jerusalemde king bidi nigilama bidibadi, agai bidi sese si, 40 kibu beba usu nigali pali. Joas aga ida, aga nogi Sibia, te Berseba we dao. ² Te Joas aga king bidibo sogo, tama agai Genuai Bidigo gedude te agai dwagi yai doloba pai kolesaga naga yali. Magi baso meni, te polalubo pris bidi Jehoiada agai aga te e tama dwagi yai kolesaga ola mabo seꝝ yali. ³ Tiali goli, Joas agai te augwaligo tibo god dolo lotu po wabo bulu du pesage me dolobe, tama teyu, te we bidi dabego te lotu po wabo pesageba ugwaba pelama, tama augwaligo te tibo godiba te denami yai ofa nai ula mayu, tama me te dwagi yai denami pedalomainogo ebo te pauda augwaligo uluyu yali.

⁴ Tama te Joas agai te pris bage i wali, tama augwali asobo si, tama agai augwalibolo e tama po wali, "Te pris bage dagego te tigidali mone selasa asao, te tigidali we bidi dabego te Genuai Bidigo tempel bede mubo takis mone dao, tama me te bidi dabego te bodolu ponaniba usu numainogo te augwaligo te mabo mone me, ¹⁵ tama pris bidi dabego te we bidi dabe augwaligo dagebolo mabo mone dagego bugagia tonaluao. Tama te sogo dagego suali madigi, te Genuai Bidigo tempel be te me badu pedai badu deli dolai baso da, teda dagego te mone selama, tama dagego te tempel be dolali dodolobo bidi abelao," wali.

⁶ Tiali goli, me badu nosali kibu bede, agai te king bidi bidibadi, agai e tama kibu be bidali, te 23 kibu be bidali, te Joasgo suali, ma te pris bage augwaligo te seꝝ me deli ebe, te Genuai Bidigo tempel be dodolobeo.

⁷ Tama tibaso, te king Joasgo te polalubo pris Jehoiada dali, te gasa pris bidi dabe dali, augwali asao olama i wali, tama augwali asobo si, tama Joas agai e tama po augwalibolo wali, "Magi baso dagego te Genuai Bidigo tempel be me badu pedai dologa pali dodolosiãma tonalubawe? Tama teyu da, teya dagego te we bidi dabe augwalide te sabo mone te dagego munu ma tonalugio. Menio. Dagego te tonalubo mone te eno bidi me deli eno digi daꝝ ilama, tama dagego te bidibolo maiyagameo. Tama tilama, te tempel be me badu pedai dologa pali dodolomainao," po wali. ⁸ Te pris bidi dabe augwaligo te Joasgo wali po usu dao wali, tama augwaligo augwa po minama, po me deli daꝝ weyu, e tama po olama daꝝ walali, tama augwaligo te we bidi dabe dali mone me sogobeo wali, me te augwaligo te po wali, "Te Genuai Bidigo tempel be dologa pai baso, dodolobo seꝝ me te dago me tonalugobeo," wali.

⁹ Tama nosali Jehoiadago te halobage me deli selama, tama agai te halobagede dedage me deli nigilama, tama gedu ge gagawai nigali. Tama tilama, te halobage te alta paꝝde muani. Tama te we bidi dabe te tempel be bologobea sali obo tomoba te we bidi dabe augwali aselama, bagula bilibo sogo, tama augwaligo te halobage te alta elalubo madi dolo nogo badu munalubo suali. Te pris bage augwaligo te pabo tuꝝde tonaluali, magi baso meni, augwaligo te we bidi dabego muagasobo mone augwaligo sainogo, tama tilama augwaligo te mone selama, te halobageba bulali. ¹⁰ Tama te pris bidi dabego subo sogo suali, ma te halobage te monego paꝝaꝝwainogo yali tama tibaso, te pris bage augwaligo te king bidi dali, te tobolu pris bidi dali, te augwali sigo te mone dodolobo kuskus bidi asao olama, po ola tolali. Tama te kuskus bidi augwali si aselama, tama te mone begde bulama, tama sela pelama, tama te mone nedigi pali. ¹¹ Tama augwaligo neda silama, tama te augwaligo Genuai Bidigo tempel be dologa pali dodolomainogo seꝝ tonalubo bidi dabe augwalibolo te mone menama, tama augwaligo te be seꝝ ebo kamda bidi abelali. ¹² Tama te bidi dabe augwaligo te masigi be seꝝ ebo koneai bidi me, me te masi-

gi togobo koneai bidi me, tama me te ni name me, me te masigi me, te sę yabo doado bage abelebo bidi dabe me tama abelali. Tama me te gasa nai dabe me te nai dabego augwaligo te sę ebo tau sabo da, tama augwaligo te deli monego naga abelebo dao.

¹³⁻¹⁴ Te mone augwaligo te Genuai Bidigo bedede sabo da, te deli sę naga da, te deligo naga te Genuai Bidigo be dologa pali dodolobo dao. Tama teyu, augwaligo te mone selama, te monego te silvago nigali te dis pou me, me te dwasianu plet pou me, te monego augwaligo abelebo munu me usu egobeo, me te bu wabo nai biugel me, tama me te augwaligo lam sole sula sabo nai me. Tama me te badu te gasa doado bage dabe augwaligo te golgo me, me te silvago me nigali nai dabe me, te nai dabego te Genuai Bidigo tempel be tomode sę ebo nai naga dao. Te nai dabe augwaligo te tempel be ma dodolobo monego abelebo, te tedali mu dao. ¹⁵ Te sę tonalubo bidi dabe augwaligo te monede me subigila kolesaga elama, augwaligo wi tubo meni, tama teyu, te polalubo tobolu bidi dabe augwaligo te mone tonalubo bidi dabe augwali dali te monego dagego magi sę me yaliwe olama, augwaligo me hanalubeo. ¹⁶ Tiali goli, te we bidi dabe augwaligo te God dolo mu augwa te dwai kolesaga yali sęęę dodoluyu ofa mabo mone me, me te sęęę sela sębo ofa yali, te tibo mone augwaligo te Genuai Bidigo tempel be dologa pali dodolobo mone mubo halobagede augwaligo te mube. Augwaligo te tobage ofa mone te pris bidi dabe augwalibolo naga dolo mani. †

Siria hani king bidigo te Juda hani dali boi hwjainogo homu yali po

¹⁷ Te Juda dabego king bidi Joasgo te Genuai Bidigo tempel be dodolobo bidi augwali daj ila silali, tama te nosali te Siria king bidi Hasael aga ami soldia bidi dabe dali augwali aselama, tama te taun Get hanude boi hwjani. Tama te augwaligo te taun Get bage augwali aiyaba elaluama, tama augwaligo te Get hanu sali. Tama tialima, augwali ma begegi soyu, te Jerusalemba boi hwjgi painu pali. ¹⁸ Tiali goli, te king Joasgo agai te homu yali, 'Te king Hasaelgo aga ami soldia bage dali aselama, te eno hani dali te e Jerusalem taunba hwjagasigio,' homu yali. Tama teyu, te Joas agai te king Hasaelbolo te olo mabo doado bage tolali. Tama te Joasgo te aga waj nõęgo tigidali doado bage aga naga sai, te king Jehosafatgo doado bage me, tama me te king Jehoramgo doado bage me, tama me te king Ahasiago doado bage me, augwaligo te Genuai Bidiba daj ilai doado bage dabe da, tama te king Joas agai me te tigidali doado bage te Genuai Bidiba daj ilali me, tama me te agai te tigidali gol me, te Genuai Bidigo tempel bedede te mone mubo habadu muani goli me, me te kingo bedede muani gol me agai sali. Tama agai te nai dabe selama, te king Hasaelbolo olo mu te bugai homu pemene iliyu mani. Tama te king Hasaelgo te doado bage dabe sali, tama tibaso, agai te Jerusalem bage dali hwsama, sula taga pali.

† 12:16 Prs 7:7

¹⁹ E te king Joasgo te gasa sę dabe yali po dabe elalubao, te gasa bukude elalubao, te buku augwaligo nogi weyu, Juda Hanigo King Bidi Dabego Yali Sę Po Elalubo Buku dao. ²⁰⁻²¹ Me sogo deli te Joas aga sę ebo gavman ofisa bidi dabe augwaligo te Joas elabo po sisinama, minama daj wali. Tama augwali me sigo, me nogi Josakar, Simeatgo ogwa da, tama me te Jehosabat, aga te Somergo ogwa da. Tama te augwaligo te Joas aga te Sila buluba aiyaba pabo tude be me delide bidibadi, augwaligo te Joas elama, isilali. Te be te Jerusalem elalubo pedai badu te bulu odogo elalubo madigi be teba naga maganama be sę eyu yai. Joas aga isali. Tama augwaligo aga te aga waj nõęgo gę pageba pubaligi pai, te Devitgo moni hanude, tama te aga ogwa Amasia, agai aga ayago sę yali silide tama te king nigilama, sę yali.

Joahas aga te Israel hanigo king bidi nigilali

13 Te Ahasiago ogwa Joas aga te Juda hanigo king bidi bidiyu, tama kibu be te bidi sese deli olama, te ugwadu nogogo sela kibu be silali. Tama te sogo te Jehugo ogwa Joahas, aga te Israel hanigo king bidi nigilama, bidali. Tama aga te Samaria bulude king bidi nigilama bidali kibu be te 17 kibu be usu nama bidali. ² Tama agai te king Jeroboamgo yali dwai kolesaga tiwai te agai me te Genuai Bidi gedude dwai kolesaga yali. Polobadu te king Jeroboamgo te Israel hani kegelama, tama teyu augwaligo te Genuai Bidigo gedude augwaligo dwai sęęę sabo kolesaga yali. Tama tialima, te Joahas agai me te king Jeroboamgo yali gilama deli kolesaga naga yali, tama agai te dwai kolesaga me tagalobe. Mu menio. ³ Tama tialima, te Genuai Bidigo umabo sogo mu te Israel hani dali wado po weyu yali, tama teyu, agai king Hasaelgo augwali dali boi hwjmainu sula tagalali, te Siria king bidi, tama umabo sogo augwali asama, te Israel hani dali boi hwjagasali, tama te Israel hani augwali aiyaba elaluali. Tama nosali Benhadat, aga te Hasaelgo ogwa, tama te bidi aga Siria hanigo king bidi nigilama bidali, tama agai me te Israel hani dali naga boi hwjyu, tama aiyaba naga elaluali.

⁴ Tama tialima, te king Joahas agai te Genuai Bidi dolo gedu haluasa po wali, tama Genuai Bidigo te Joahasgo gedu haluasa wali po odali, magi baso meni, Genuai Bidigo konea pali, te Siria bage augwaligo te Israel bage aiyaba elaluama, mu dolobo sę ebaso.

⁵ Tama Genuai Bidigo te Israel bidi dabe tau sabo bidi me deli daj ilali, tama te bage augwali te bidigo te Siria hanigo nogode ma dobola sali. Tama tialima, te Israel bage augwali augwa bulude bugagia ma bidali, te polobadu bidali gilama ma bugagia bidali. ⁶ Tiali goli, augwa te sęęę sabo dwai kolesaga sela sębe. Te polobadu te king Jeroboamgo hani bidiyu yali gilama, tama te Israel hani augwaligo me augwali wali pabo tagalobeo. Menio. Augwaligo te dwai kolesaga ebo sę me eduali. Tama augwaligo te tibo god te we Asera noma nigilama, te Samaria bulude muani piksa noma, augwaligo munu me sela sębeo.

⁷Tama te sogo te king Joahas agai te ami soldia bidi umabo mu meni badi, magi basowe, te Siria hani augwaligo te Israel hanigo ami soldia bidi dabe umabo mu ela muai dao. Tigidali sogo te Siria hanigo augwali dolobo sę mu yali, tialima megı te Israel hani augwaligo ami soldia bidi dabe te bidi sese si olama, nogo si, 50 tama bidi dabe naga te hos kibude dugulama, tama boi hwjbo usu elalubo. Tama tialima, augwaligo te boi hwjbo karis nai nogo si naga bidali, me te gasa ami soldia bidi dabe te 10,000 tđdu pabo ami soldia bidi naga bidali.

⁸Te king Joahasgo agai te gasa sę yali po tigidali dao, te gasa bukude elalubaso, augwaligo te buku nogi e tama wabo da, Te Israel Hanigo King Bidi Dabe Augwaligo Haniani Sę Yali Po Elalubo Buku dao. Te po elalubo buku te kingo te bomai sę yali po tigidali elalubao. ⁹Tama nosali te king Joahas isali, tama augwaligo te Samaria bulude aga pubulali. Tama te aga ogwa Jehoas, tama agai te aga ayago yali sę agai selama, tama king bidi nigilama sę yali.

Jehoas aga Israel hanigo king bidi nigilali

¹⁰Tama te Joas aga Juda hanigo king bidi nigilama bidali, kibu be e tama pai, te 37 kibu be silai, Jehoas, aga te Joahasgo ogwa da, aga te Israel hanigo king bidi nigilama bidali. Tama aga te Samaria bulude king nigilama bidali kibu be e tama pai, te 16 kibu beba usu nigı pali. ¹¹Tama agai dwai sęęę sabo dwai kolesaga Genuai Bidigo gedude te king Jeroboamgo yali kolesaga tiwai naga yali. Polobadu te Jeroboamgo te Israel hani kegelama, tama augwaligo te Genuai Bidigo gedude te dwai sęęę sabo kolesaga yali. Tama megı me, te Jehoasgo me agai te Jeroboamgo yali gilama tiwai te dwai sęęę sabo dwai kolesaga deli naga yali. Tama agai te dwai kolesaga me tagalobe. Mu menio.

¹²Te king Jehoasgo te tigidali te haniani sę yali po da, te gasa bukude elalubo dao, augwaligo te buku nogi ebo da, Israel Hanigo King Bidi Dabe Augwaligo Haniani Sę Po Elalubo Buku da wabo dao. Te e bukude te Israel hanigo te Juda hanigo king bidi Amasiago hani dali te boi hwjbode te king Jehoasgo te haniani bomai sę yali po elalubo buku dao. ¹³Tama nosali te king Jehoas isali, tama augwaligo aga te Samaria bulude te Israel hani dabego king bidi isibo side pubalobude gų pagede augwaligo aga pubulali. Tama te gasa Jeroboam te aga sabi bidigo tama aga king nigilama, te king Jehoasgo sę yali silide agai selama, sę yali.

Elisa isali po

¹⁴Te Jehoas aga king nigilama bidibo sogo, Elisa aga monu dabe bidiyu, tama aga gasi sali. Tama te pąde aga isabo aę ebadi yaide, tama te king Jehoas aga pelama, sugı pali. Tama king Jehoasgo Elisa aga sula ma, homu dene eyu, tama aga gela wali, tama agai agabolo e tama po wali, "Eno aya, eno aya, nage bomai bidi, nago da Israel tau sai bidi dao, nage da, te

boma pai boi hwjbo hos kibu me, te karis nai me tiwai mu dao," wali. †

¹⁵Tama Elisago agabolo e tama po wali, "Nage pelama, naga enesigi selama asao," wali. Tialima, Jehoas aga pelama, tama te enesigi selama, tama magasali.

¹⁶Tama Elisago agabolo e tama po ola mani, "Te enesigi selama, tama enainu tama te ene enesigi balibiba tulama dolalua." Tama te kingo tama tiali, tama te Elisago nogo te kingo nogo ugwadu dai badu agai nogo muani. ¹⁷Tama Elisago kingbolo e tama po wali, "Megı nago te dwasianu windo tų nage pelama, dagı pelama, tama nago te giliga asoboba tonalua." Tama tialima, te king Jehoasgo te enesigi balibi petegelama, tama pelama, aga pelama, te dwasianu windo tų dagı pali. Tama Elisago te kingbolo te po wali, "Tama nago enesigi balibi dolama, tama te pelama ene enigi pao." Tama te king Jehoasgo agai wali po selama, tama tiali, tama Elisago i wali, "Te ene, te Genuai Bidigo ene dao. Te enego te Siria hani aiyaba elaluaibao. Tama tialima, te sogo te nago Siria hani dali boi hwjbo sogo, te augwa te Afek taunde boi hwjaibao, tama nago augwali mu silaibao," wali.

¹⁸Tama Elisago te kingbolo e tama po wai, "Te ene dabe sao," tama kingo te ene dabe selama, tama te Elisago e tama po wali, "Te ene dabego te tđba elao," wali. Tama tibaso, te king Jehoasgo te ene selama, te tđba sela sogo tđba elali. ¹⁹Te profet bidi Elisago sula ma, tama agai wado po weyu, tama kingbolo e tama po wali, "Nago homugo te enego a naga sogo, ma a olama, me badu nogo kibisa wagi solama sogo tđba elai meniwe? Tialima, nago tama tigi sogo da, teda te nago te Siria hani te nago usu mu elama, aiyaba elalugi da. Tiali goli, nago megı da, nago augwali sela sogo naga aiyaba elaluaibao, "wali.

²⁰Nosali Elisa aga isali. Tama augwaligo aga tigi selama pelama, te augwaligo masigigo te isibo bidi muainogo dedage nigali gų pageba pubaligi pali.

Tigidali kibu bedede te Moap hani bidi dabe me badu aselama, te Israel hani dabe dolagasali. ²¹Me sogo deli te Israel hanigo te bidi me deli isai bidi te gų pageba pubulainu edubadi, tialima augwaligo sualı, ma te Moap hani bidi dabe me badu asobaso, tama augwaligo te isali bidi tigi polo tama augwaligo te Elisa pubulali digı te Elisago dili munalubo madigi augwaligo te isali bidi tigi te gų page dedageba polo subigila muna ma, tama taga pali, tama augwali wi pela silali. Tama te isali bidigo tigi te Elisago dili munalubo madigi daganası pali, tibaso te isali bidigo mobo bidi aga tigi ba ma begasa asobo si, tama te isali bidi ma hoda holali.

Siria hani augwaligo te Israel hani dabe dali ma boi hwjani po

²²Joahasgo tigidali kibu bedede, Jehoas aga aya, aga te Israel hanigo king bidi bidali sogo, te king Hasael, aga te Siria bidigo king bidi bidai, tama agai te Israel hani dali boi hwjagaselama, tama augwalibolo sęęę madu

† 13:14 2 Kin 2:12

geani. ²³ Tiali goli, Genuai Bidigo te Israel hani augwali hobede mu yali, tama tibaso, aga bugai homu pemene augwaliba yali. Agai te polobadu te Abraham dali, te me te Aisak ebadi, me te Jekop ebadi, te bage dali te agai bomai po bodolu selama, daꝝ waliba gogone peyu tama tiali, tama teyu, agai te Israel bage augwali tau selama, tama agai augwali munu me dolobe. Tama agai homugo te Israel hani sela saꝓnama, tama augwali te aga gesabidide te augwali digibulu bidigi pabo agai hagela homu yali.

²⁴ Tama nosali te king Hasael isali, tama te Benhadat, aga ogwago, te aga ayago yali seꝝ selama, tama aga aya bidali silide bidiyu, tama aga te Siria hanigo king bidi nigilama bidali. ²⁵ Awe, tama te Jehoas, aga te Israel hanigo king bidi dali, tama te aga ami soldia bidi dabe dali, augwaligo te Siria king bidi Benhadat dali, te aga ami soldia bidi dabe dali, augwaligo augwali dali boi hwjigi pali. Tama te king Jehoasgo te king Benhadatgo aga soldia dali aiyaba elalualima, tama augwaligo te Siria hanigo sali taun augwa ma sali, te taun polobadu te Israel hanigo taun te polobadu te king Jehoasgo aya Joahas bidali sogo te Siria hanigo sai taun megi te augwa ma sali. Jehoasgo te king Benhadat aga te sela sogo aga aiyaba elaluali.

Te bidi Amasia aga te Juda hanigo king bidi nigilali
(2 Sto 25:1-24)

14 Jehoas agai te kibu be si pali, aga te Joahasgo ogwa da, aga te Israel hanigo king bidi bidali, Amasia, aga te Joasgo ogwa da, tama aga Juda hanigo king bidi nigilama bidali. ² Agai kibu be te 25 kibu be elalubadi, te aga king bidi pedelali, tama aga te king bidi nigilama, te Jerusalemde bidali kibu be e tama da, te 29 kibu beba usu nigi pai da. Aga ida, aga nogi Jehoadin, te we te aga bulu te Jerusalem moni taun bage we dao. ³ Te king Amasia agai te Genuai Bidigo gedude dwagi yai kolesaga yali, tama tialima aga aya Joas agai tama seꝝ yali, tiali goli agai aga waj nõꝝgo te king Devitgo yali gilama te dwagi yai kolesaga gagawai me ebe, Devit agai yali gilama. ⁴ Magi baso meni, te king Amasia agai te augwaligo te tibo godiba lotu po wabo pesage te king Amasiago me dolobeo. Tama tibaso, te tigidali we bidi dabego me seꝝ eyu bidali, te augwaligo te lotu po wabo bulu du pesageba pelama, tama augwaligo te tibo godiba te denami yai ofa nai ula mayu, tama me te wiegi yai hano holama denami ilibo pauda ulubo seꝝ iduali.

⁵ Tama te sogo king Amasiago te Juda hanigo bulu bomo mu elama tonaluali, agai tama po wali, "Te eno aya elali gavman ofisa bidi elama, isilao," wali, tama augwaligo augwali elama, isilali. ⁶ Tiali goli, agai te gavman ofisa bidigo wai dabe da me elebe. Menio, tama agai te bidimainu sulama tagalali. Agai Genuai Bidigo bomai po te Mosesgo te polobadu Israel we bidibolo mawai, te bomai po elalubo bukude sulama, wali pali. Te Genuai Bidigo po e tama tiwai, "Tialima, bidi me deligo waigo kolesaga geda mugi sobaso da, teda dagego te wei begelama, te aga ida aya ela mu-

gio. Tama tialima, aga ida ayago kolesaga geda muai baso da, teda dagego te ida aya naga dagego ela muao. Dagego te kolesaga wei ponoyu, te augwaligo wai puluba ela mugio. Bidigo kolesaga dwai ebaso da, te aga deli naga ela muao," te aseꝓani po te Amasiago wali peyu yali. †

⁷ Tama me sogo deli te king Amasia dali, te aga ami soldia bidi dabe dali, augwaligo te Idom hani te 10,000 ami bidi dabe dali boi hwjigi pali, te Idom bulu odogo malu te umabo tamu elalubo madi hwjani. Tama augwaligo te Idom hani aiyaba elaluama, tama augwaligo te taun Sela sali. Tama te king Amasiago te taun nogi poali, te taun nogi Joktel. Tama te megi tama e po aseꝓo sogo me, te augwaligo te king Amasiago te gesi nogi poali te nogi naga wabo dao.

⁸ Tama te king Amasiago te me badu bidi dabe te king Jehoas pageba tagala palali, te bidi te Israel bagego king bidi da. Te king Jehoas te aga aya te Joahas, te Joahas aga waj nõꝝ te king Jehu dao. Tama te tagala palali bidi dabe augwali pelama, te king Jehoas pageba sabolama, tama augwaligo agabolo e tama po ola mani, "Te king Amasiago te agai homugo te Israel bage dage dali hwjaibao walio," wali.

⁹ Tialima, te king Jehoas te po wei ponoyu, Amasiabolo e tama po page po digi po begelama pusali, "Te Lebanon bulude, te sesane yai nosaigo te po ola tolali, te moni ni me delibolo, te ni nogi boꝝ, tama agabolo e tama po wali, 'Eno homugo nago te wegi te eno ogwa me magameo, ma aga si selama, tama bidimaio,' wali. Tiali goli, nosai te bulu uni hasa me deli te pedai badu biliyu, tama te nosai te uni hasago agayali, tama te nosai agalama dolali." ¹⁰ Te king Jehoasgo te po digi po begelama pusali, tama agai king Amasiabolo e tama po wadolama pusali, "Eno koneanio, nago te Idom hani augwali dali tama te nago boi hwjnama, tama augwali aiyaba elaluai dao. Tama tialima, te nago bugai homu pemene mu gana peyu, tama nago naga digi naga nogi ugwaba siyu, te wabao," wali. "Nage genuai nogi sali, te nago te boi hwjanide saliaꝝ," wali, "tama tialima, megi te nage naga bulude bugagia bidiyu, tama nage bugai homu pemene yao. Tiali goli, te nago da dali boi hwjainogo ebadi, te menio. Naga digi dolabuo, nago tama teyu, te Juda hani augwali me dolabuo," tama wali.

¹¹ Tiali goli, te king Amasiago homugo te king Jehoasgo wali po odobe. Tama tibaso, te king Jehoas dali, te Israelgo ami soldia bidi dabe dali, augwali pelama, te moni hanu Betsemesba pai, te Juda hanigo taunba, tama augwaligo te king Amasia dali, te aga ami bidi dabe dali, hwjigi pali. ¹² Tama augwaligo boi hwj hwj pelama, tama te Israel hani ami soldia bidi dagego te Juda ami soldia bidi dabe augwali aiyaba elaluali, tama te Juda dabego ami bidi dabe augwali augwa buluba wi pela silali. ¹³ Tama te king Jehoasgo te king Amasia nogo tulama, tama aga hadabu ilali. Tama nosali, te king Jehoas dali, te aga te Israel ami bidi dabe dali, augwaligo te Betsemes hanu tagalama, tama augwali

† 14:6 Bom 24:16

te Jerusalem taunba pali. Tama augwaligo te taun bologobeasali moni masigi obo banis aluali, tama augwaligo te Efraim Pabo Tų badu gagalama, agalu pelama, te tų me nogi te Kona, te tųba usu nigipali. Tama augwaligo te obo banis aluali bobobage daj usu, te 200 mita daj usu tama aluali. ¹⁴ Tama te king Jehoas aga te Jerusalem taun tomoba pelama, tama agai te taun tomode muani gol me, te silva me tigidali sali. Tama te agai te pou dis me, tama me te dwasianu plet pou me, te me badu te Genuai Bidigo tempel bedemuani doado bage me, tama me te tigidali doado bage me, te kingo mone mubo madigi te habu badumuani doado bage me, tigidali te agai naga sali. Tama me te Juda hanigo genuai bidi dabe hadabu ilama, tama te Jehoasgo te king Amasiabolo e tama po wali, "Amasia, nago da Israel hani dali ma boi hwjainu homu kone paligio. Tialima, nago tama ma teyu da, teda te eno nago e genuai bidi dabe ela muaibao." Agai te po tama ola silali, tama agai te genuai bidi dabe dali, te tigidali sali doado bage dali selama, tama te Samaria buluba ma geasa pali.

Te king Jehoas isali po

¹⁵ Te king Jehoasgo agai te gasa tigidali se yali po dao, te gasa bukude elalubo, augwaligo te buku e tama nogi wabo da, Te Israel King Bidi Dabe Augwaligo Yali Se Po Buku. Tama te bukude po tigidali te bomai se agai yali po dao, tama agai te boi hwjani, te Israel hani dabe augwaligo te Juda dabego king bidi Amasia dali hwjani po. ¹⁶ Tama nosali te king Jehoas isali, tama augwali aga tigi te Israelgo king bidi pubalubo gu pageba te augwali Samaria buluba pubaligi pali. Tama aga ogwago nogi Jeroboam, tama agai te aga ayago yali se selama, tama aga king nigilama, te bulude bidali.

Te king Amasia isali po

(2 Sto 25:25-28)

¹⁷ Te Israel hanigo te king Jehoas isali, tiali te Juda hanigo king bidi te Amasia aga te 15 yia bidama, tama aga me isali. ¹⁸ Te king Amasiago agai te tigidali gasa se yali po, te po dabe te gasa bukude elalubo. Augwaligo te buku nogi weyu, e tama wabo da, te Juda Dabego King Bidi Dabego Yali Se Po Elalubo Buku dao, wabo dao. ¹⁹ Te king Amasia aga te Jerusalemde bidibadi yaide, tama te me badu bidi dabego augwaligo te king Amasia aga ela muabo po minama, daj wali. Augwaligo te tama tiabo po wali te agai odali, tama tibaso, aga te Lakis hanuba wi pai. Tiali goli, aga te boi bidi dabe augwaligo te me badu bidi dabe tagala palama, tama augwali aga wali pelama, te Lakis taunba sabolama, tama augwaligo te king Amasia ela muani. ²⁰ Tama augwaligo aga tigi selama, te kibu hosba munama, tama augwaligo te Jerusalem taunba ma selasa asali. Tama augwaligo aga te aga waj nq pubalubo gu pagede augwaligo aga tede pubulai, aga waj nq Devitgo taunde. ²¹ Tama te nosali Juda hani augwaligo te gasa bidi me sali, te bidi nogi Usia, agai nogi

me te Asaria, tama augwaligo te bidi aga daj ilama, tama te king bidi nigilali. Te bidigo aga aya Amasiago se yali pesagede bidiyu, se yali. Usia agai kibu be te nogo si olama, te saqa a olama, te me badu saqago kibisa deli wagi solama, te 16 kibu bede aga king bidi nigai. ²² Tama nosali me badu sogo te aga tudi badu te king bidi nigilali, tama agai boi hwjigi pelama, tama te Elat taun te boi bidi dabego nogode elalubadi ma sali. Tama te taun te me badu pedai badu dolali, te agai me dodolali.

Te gasa Jeroboam te bidi te Israel hanigo king bidi nigilali

²³ Te king Amasia te Joasgo ogwa da, tama agai kibu be te 15 kibu be yai, te Juda hanigo king bidi tama kibu be bidali, Jeroboam, Jehoasgo ogwa, aga te Israel hanigo king bidi nigilama, pedelali. Tama aga te Samaria bulude te king bidi nigilama bidiyu, tama te kibu be te bidi sese si olama, te deli, te 41 kibu beba usu nama bidai dao. ²⁴ Tama agai kolesaga te aga sabi bidi Jeroboamgo yali dwai kolesaga tiwai agai me te Genuai Bidi gedude te dwai kolesaga yali. Polobadu te king Jeroboam te aga sabi bidigo te Israel hani kegelama, tama augwaligo te dwai sege sabo kolesaga te Genuai Bidigo gedude dwai mu yali. Tama megi te king nigali sabi bidi te Jeroboamgo me, te hasia king Jeroboamgo yali deli kolesaga tiwai naga te sege sabo kolesaga eyu, tama bidali. ²⁵ Te Jeroboam aga king bidi nigisabadi, te sogo te boi bidi dabe augwaligo te Israel hanigo umabo tq mu te boi bidi dabego sai. Tialima, megi te king nigali Jeroboam agai boi hwjnama, tama te tq dabe tigidali ma sali, te tq sabo gagalali te not badu te taun Hamat pabo tųdu gagalama, sesa pabogo te saut badu te sigi aj ge elalubo pesageba usu nigipali, te aj nogi Detsi wabo da. Tama te king Jeroboamgo agai te tq ma sabo yali kolesagago te Genuai Bidi Godigo wali poba usu nigipali, Israel hanigo Genuai Bidi. Te tama tiali se te profet bidi Jonago pedauwalidu wali poba usu nigipai, te Jona aga aya te Amitaigo ogwa dao. Te profet bidi Jona aga te taun Gathefer bulu bidi deli dao. †

²⁶ Genuai Bidigo suali, ma te Israel hani augwa boi bidi dabego te augwali tigiba genuai sege mu mabo se eyu, tama augwali mu silibo homu ebo koneani. Tama tialima, te deli deli bidi naga bidada pali. Tama me te augwali tau sabo bidi me deli meni. ²⁷ Tama te Genuai Bidigo te Israel hani augwali mu silaibao po me wai menio, tama augwaligo nogi me tigidali silaibao po me wai menio. Tama teyu, agai te king Jeroboam daj ilali, Jeroboam aga te Jehoasgo ogwa da, te bidigo bomo elama, te Israel hani te boi bidigo nogode augwali ma somainogo daj ilai.

²⁸ Te po te king Jeroboamgo te gasa tigidali haniani se yali po dao, te po te gasa bukude te elalubao. Te buku augwaligo e tama nogi wabo da, Te Israel Hanigo King Bidi Dabego Yali Se Po Elalubo Buku dao wabo dao. Te e bukugo te king Jeroboam agai te bomai se

† 14:25 Jna 1:1

yali po me, me te boi hwjnama te taun Damaskus dali, te taun Hamat dali si ma sali po elalubo buku dao. Polobadu te Juda hani augwaligo te Hamat taun tonaluai dao. ²⁹Tama nosali te king Jeroboam isalio, tama aga ogwa te Sekaraia ago aga ayago yali sę agai selama, tama aga king nigilama bidai dao.

Usia te Juda hanigo king bidi nigilali

15 Te king Jeroboam aga te Israel hanide te king nigilama bidali kibu be te 27 kibu be silai, tama te sogo Usia, Usia aga te king Amasiago ogwa dao, te Usia aga te Juda hanigo king bidi nigilama bidali. Te Usia aga me nogi Asaria. ²Agai kibu be te 16 kibu be silama, aga king bidi nigali, tama aga king bidi nigilama, te Jerusalemde bidali kibu be te 52, tama kibu be usu nigi pai. Aga ida nogi Jekolia. Te we aga bulu te taun Jerusalem bulu we deli da. ³Te king Usia agai te Genuai Bidi Godigo gedude agai te dwagi yai kolesaga yali, tialima te aga aya te Amasiago yali kolesaga tiwai gilama yali. ⁴Tiali goli, te king Usia agai te augwaligo te tibo god dolo lotu po wabo bulu du pesage me dolobeo. Tama teyu, te we bidi dabe augwaligo te tibo god dolo te denami yai ofa nai me, tama me te dwagi yai hano holoyu, denami naga pedalumainu ebo pada ulubo sę me iduali. ⁵Me sogo deli te Genuai Bidigo te king Usia tigide te oiyabe gasi pedalali. Tama te oiyabe gasi te mena tama polo usu elama siligobe. Tama te king Usia aga te king bidi bidibo be tagalama, tama te aga gasa tedali beba pelama, bidigi pali, tama aga ogwa, te Jotamgo, agai te king sę gagawai eyu, tama te king be tonaluyu, tama me te Juda hanigo bulu tonaluyu, tama teyu, te king Usia isiboba usu nigi pai.

⁶E po te king Usiago agai te tigidali gasa sę yali po da, te po te gasa bukude elalubo dao, tama augwaligo te buku e tama nogi ebo da, Juda Hanigo King Bidi Dabego Yali Sę Po Elalubo Buku dao, wabo dao. ⁷Tama te king Usia isibo sogo, tama augwaligo aga tigi sela pelama, te aga waj nęq pubalubo gę pageba pubulali, te Devitgo taunde. Tama tialima, te megı aga ogwa, Jotamgo, te aga ayago sę te agai selama, tama aga king mu nigilama, king sę mu yali. †

Te Sekaraia aga te Israel hanigo king bidi nigilali

⁸Te Usia aga te Juda hanigo king bidi nigilama bidali kibu be te 38 kibu be, te sogo Sekaraia, aga aya te namba 2 king bidi Jeroboamgo ogwa da, te bidigo ogwa Sekaraia aga te Israel hanigo king bidi nigali. Tama aga te Samaria bulude king bidi bidali te polua nogo a olama, me badu nogo kibisa nogo deli wagi solama polua naga bidali. ⁹Tama te king Sekaraia ago te Genuai Bidigo gedude agai me dwai kolesaga yali, te aga waj nęq dabego yali kolesaga tiwai naga yali. Agai te dwai sęę sabo dwai kolesaga yali, te hasia king Jeroboamgo yali tiwai naga yali. Polobadu te king Jeroboamgo te Israel hani agai kegelama, te dwai kolesaga eyu,

† 15:7 Ais 6:1

tama te augwaligo Genuai Bidigo gedude te sęę sabo kolesaga genuai mu yai. Tama te king Sekaraia ago agai me te king bidi dabego yali kolesaga tiwai ma yali.

¹⁰Tama te Salum, aga te Jabesgo ogwa da, Salum dali, te me badu bidi dabe dali, augwali sısınama, tama augwaligo te Sekaraia ela muainogo tų me deli gegali. Tama nosali te Salumgo te tigidali we bidi dabe gesabidide Sekaraia ela muani, tama te Salum aga te king bidi nigilama bidali. ¹¹⁻¹²Tama agai te kolesagago te Genuai Bidigo te polobadu wali poba usu nigi pali. †† Polobadu Genuai Bidigo te king Jehubolo e tama po wai, "Tama eno te bidi dabe te nago hanigo king bidi naga nidigi peyu, tama te nago me si me si tama nani waj nęqba usu nigi pomainu sula tagalaibao." Te king Sekaraia ago te tigidali te gasa haniani sę yali po, te gasa bukude elalubo, te buku augwaligo e tama nogi wabo da, Te Israel Hani King Bidi Dabego Yali Sę Po Elalubo Buku da wabo dao. ‡

Te bidi Salum te Israel hanigo king bidi nigilali

¹³Te Juda hanigo king bidi Usia agai kibu be te 39 kibu be te king nigilama bidai, tama te sogo Salum, Salum aga te Jabesgo ogwa da, aga te Israel hanigo king bidi nigali. Tama aga te Samaria taunde king sę eyu, polua deli naga bidai. ¹⁴Tama te sogo te bidi te Menahem, aga aya te Gadigo ogwa, aga te Tirsahanu tagalama, tama aga te Samaria hanuba pali, tama agai te king Salum ela munama, tama Menahem aga king nigilama bidali. ¹⁵Te king Salumgo te gasa nai dabede sę yali po, te gasa bukude elalubao, tama augwaligo te buku e tama nogi ebo da, Te Israel King Bidi Dabego Yali Sę Po Elalubo Buku da. Te e bukude elalubo po te king Salumgo kolesaga dali, te gasa bidi dabe daligo te king Sekaraia ela muani po me elalubao.

¹⁶Tama te sogo te bidi Menahem dali, te aga hani bidi dabe dali, augwaligo te Tirsahanu tagalama, tama augwali te Samaria hanuba pali, tama augwali te Tipsa hanuba sabolali. Tiali goli, te Tipsa hani bidi dabego te Menahemgo hani bidi dabe te augwaligo taun tomoba soao po wabe. Tama tibaso, te Menahem aga hani dali sisa siyu, tama te Tipsa hani bidi dabe dali boi hwjani. Tama augwaligo boi hwjnama, tama te Menahem aga hani dali augwaligo te Tipsa taun mu dolali. Tama augwaligo te Tipsa taun we bidi me te bulu pedai badu bidada pali we bidi dabe me ela muna muna pali. Tama augwaligo te bulu we te wai haliga yai we naga selama, tama augwaligo te we dabe haliga hwę gego togobo si yaide, tama augwali isai dao.

Te Menahem te Israel hanigo king bidi bidali

¹⁷Te king bidi Usia te Juda hanigo king bidi nigilama bidali kibu be bidi sese si pade, te 39 kibu be pai, tama te sogo Menahem, aga te Gadigo ogwa da, aga te Israel hanigo king bidi nigilama bidali. Tama aga te Samaria bulude king nigilama bidali kibu be te nogo si

†† Te 2 King 10:30 tede suao. ‡ 15:11-12 2 Kin 10:30

kibu be bidai. ¹⁸ Tama te Genuai Bidigo gedude agai dwai kolesaga mu yali. Tama te hasia king Jeroboamgo yali kolesaga tiwai naga yali. Polobadu te king Jeroboamgo te Israel hani agai kegelama, tama augwaligo te Genuai Bidigo gedude sege sai dao. Tama te bidi te Menahemgo me te deli kolesaga naga ela pedu kename, tama aga isiboba usu nigi pai. ¹⁹ Tama te bidi Menahem aga king bidi bidibo sogo, te Asiria king bidi nogi Tiklat Pileseser, aga asama, te Israel hani dali boi hwjagasali. Te king Tiklat Pilesesergo gasa nogi me te Pul. Tama tialima, te Menahemgo e tama doado bage me mone me sali, 3,000,000 mone silva selama, tama te king bidi Tiklat Pileseser bidibolo mani, tama te aga abeleyu mawai da, te magu meni, te Israel hani dali nosali agai ma hwjagasidali weyu tama teyu, aga te king Menahem tau siyu, tama te Israel bulude Menahem aga bomai king bidi mu bidimainu yali. ²⁰ Tama te mone sainu, Menahem agai te tigidali bidi te umabo mone mubo bidi dabe dali te takis mone sali. Tama agai te deli deli te tobage bidigo te 50 kina mone sali,, tama te king Tiklat Pileseser mawai. Tama tibaso, te king Tiklat Pilesesergo te Israel bulu tagalama, aga pali.

²¹ Te king Menahem bidiyu, te agai haniani se yali po te gasa bukude elalubo, augwaligo te buku e tama nogi ebo da, Israel Hani King Bidi Dabego Yali Se Po Elalubo Buku da wabo dao. ²² Te king Menahem isali, tama augwaligo aga pubaligi pali. Tama aga ogwa Pekahiago aga ayago yali se selama, tama king bidi nigali.

Pekahia aga Israel hanigo king bidi bidali

²³ Te king Usia te Juda hanigo king bidi bidibadi, agai kibu be te 50 kibu be pai, tama te sogo Pekahia, aga te king Menahemgo ogwa da, aga te Israel hanigo king bidi nigali. Tama te bidi Pekahia aga te Samaria bulude king se eyu, kibu be si bidali. ²⁴ Tama agai te dwai sege sabo kolesaga te Genuai Bidigo gedude yali, te hasia king Jeroboamgo yali kolesaga tiwai gilama yali. Polobadu king Jeroboamgo te Israel hani augwali kegelama, tama augwaligo te Genuai Bidi gedude dwai kolesaga eyu, sege sali. Tama te megi tama nigali king bidi Pekahiago me te deli kolesaga naga iduali. ²⁵ Tama te king Pekahia agai boi hwjbo ami gavman tobolu bidi me deli, te bidi agai nogi Peka, te bidi aga aya Remaliago ogwa da, tama te bidi Peka dali, te me badu bidi dabe te moni taun Gileat bulu bidigo te 50 bidi dabe dali, augwali sisinama, tama augwaligo te king Pekahia ela muabo po minama, daq wali. Te king Pekahia aga te Samaria bulude te king be te bomai daga rum habude bidibadi yaide, tama te bidi dabe augwali te bomai rum habu tomoba pelama, tama augwaligo te king Pekahia ela muani. Tama augwaligo te bidi me si nogi Argop me te Arie, te bidi si me ela muani. Tama te ami tobolu bidi Pekago te king bidi nigilama, se yali.

²⁶ Te king Pekahiago te tigidali haniani se yali po da, te po gasa bukude elalubo, augwaligo te buku e tama

nogi ebo da, Israel Hanigo King Bidi Dabego Yali Se Po Elalubo Buku da wabo dao.

Peka te Israel hanigo king bidi nigilali

²⁷ Te Juda hanigo king bidi Usia aga king bidi bidibadi yaide, te 52 kibu be silama, tama Peka, Remaliago ogwa da, te Peka aga te Israel hanigo king bidi nigilama, bidali. Tama aga te Samaria bulude king nigilama bidali kibu be te bidi sese deli usu nama bidai dao.

²⁸ Tama te Peka agai te Genuai Bidigo gedude te dwai kolesaga yali, te hasia king Jeroboamgo yali dwai kolesaga tiwai deli naga yali. Polobadu te king Jeroboamgo te Israel hani kegelama, tama augwaligo te Genuai Bidi gedude tama augwaligo dwai kolesaga eyu, sege sali. Tama te king Pekago me te deli kolesaga naga yali.

²⁹ Te bidi Peka king bidibo sogo, te Tiklat Pileseser, te Asiria king bidi, augwali asama, te Israel hani dali boi hwjagaselama, tama augwali aiyaba elaluama, tama te Asiria hanigo te taun tigidali sesa pali, me te taun Ijon sali, me te taun Abel Betmaka, tama me te taun Janoa, tama me te taun Kedes, tama me te taun Hasor, tama te genuai distrik Gileat, tama me te moni distrik Galili me, tama te Naptali hanigo tigidali tq pedai dabe me, te Asiria hanigo sali. Tama te bulu we bidi dabe augwaligo selama, tama te Asiria digibulu buluba kalabus mugali.

³⁰ Te bidi Jotamgo agai kibu be te bidi sese deli, te bidi king Usiago ogwa da, aga te Juda hanigo king bidi nigilama bidali, te bidi me Hosia, aga aya Elago ogwa da, tama te Hosia dali, te me badu bidi dabe dali sisinama, te king bidi Peka elabo po minama, sunumi kegali, tama nosali te bidi Hosiago te king Peka ela muani. Tama Hosia aga te Israel hanigo king bidi nigilama bidali. ³¹ Te king Pekago te tigidali haniani se yali po te gasa bukude elalubo, augwaligo te buku e tama nogi ebo, Te Israel Hanigo Te King Bidi Dabe Augwaligo Yali Se Po Elalubo Buku dao.

Jotam aga te Juda hanigo king bidi nigilali

(2 Sto 27:1-9)

³² Peka te Israel hani dali king bidali kibu be si digi mu bidali, Jotam, aga te king Usiago ogwa da, te Jotam aga te Juda hanigo king bidi bidali. ³³ Tama agai kibu be te bidi sese deli olama, ugwadu nogo a naga, te 25 kibu be elaluama, tama aga king bidi nigali. Tama aga te Jerusalem bulude king nigilama bidali kibu be te 16 kibu beba usu nama bidali. Aga ida nogi Jerusa, te we aga aya Sadokgo wegi da. ³⁴ Tama te Jotamgo agai dwagi yai kolesaga te Genuai Bidi gedude dwagi yai kolesaga yali. Tama te aga aya Usiago yali dwagi yai kolesaga tiwai yali. ³⁵ Tiali goli, Jotam agai te tibo god dolo lotu po wabo bulu du pesage dolobe. Tama tiyu, te tigidali we bidigo te lotu po wabo pesageba holama, lotu po wabo se bomo mu eyu, tama augwaligo te pesageba pelama, tama te denami yai ofa nai ula mayu, me te denami yai hano ebo pauda me selama, uluyu iduali. Jotamgo te po obaso, tama augwaligo te

Genuai Bidigo tempel be obo tų ma nigao po wali, augwaligo te tų nogi eyu Ugwadu Obo Tų dao. Tama po obaso, augwaligo te sę yali.

³⁶ Te king Jotamgo te tigidali haniani sę yali po da, te po gasa bukude elalubao, augwaligo e tama nogi wabo, Juda Hanigo King Bidi Dabego Yali Sę Po Elalubo Buku dao. ³⁷ Jotam te king bidibo sogo, Genuai Bidigo te Resin tagala palali, te Siria king bidi, tama te king Peka, aga te Israel hanigo king da. Aga dali, te augwa si ami bidi dabe dali, augwaligo te hasia sogo mu deli tama te Juda hani dali boi hwjgi pali. ³⁸ Tama te king Jotam isali, tama augwaligo sela pelama, tama te aga wj nų pubalubo gų pageba pubaligi pali. Te gų page te aga wj nų Devitgo taunde elalubo. Tama Jotam aga ogwa Ahas, Ahas agai te aga ayago yali king sę selama yali, tama aga king bidi nigali.

Ahas aga te Juda hanigo king bidi nigali
(2 Sto 28:1-27)

16 Te king Peka aga te Israel hani dali king sę eyu bidibadi, te 17 kibu be silama, tama te sogo Ahas, aga te king Jotamgo ogwa, tama Ahas aga te Juda hanigo king bidi nigali. ² Tama agai kibu be bidi sese deli olama silibo si, tama aga king bidi nigali, tama aga te Jerusalem bulude king nigila bidali kibu be te 16 kibu be pai. Tiali goli, agai aga Genuai Bidi Godigo gedude agai doloba pai kolesaga me ebe, tiali tama aga wj nų Devitgo yali kolesaga tiwai ebe. ³ Meni. Agai te dwai kolesaga naga yali, te Israel hanigo king bidi dabego yali kolesaga tiwai naga yali. Tama me te agai te dwai kolesaga naga mu yali. Tama tiyu, te aga wai bų me elama, te tibo godiba ofa nai tiwai ula mayu, te siaba tigidali mu sese ulali. Tama agai dwai kolesaga mu wali pai polobadu te tųde bidali Israel hani isųwai we bidigo yali kolesaga wali pali. Tiali goli, Genuai Bidigo augwali sela sųnama, tama te tų te Israel hani augwalibolo mani, polobadu. ¹⁴ Tama te king Ahas aga te tibo god dolo lotu po wabo bulu du pesageba piduai. Tama te lotu po wabo pesage te bulu du ugwadu elaluyu, tama me te moni ni page pųde nigilama, elaluyu yai. Tama agai te pesagede agai te ofa nai ula mayu, me te dwagi yai hano ilama, denami ebo pauda siaba ulama, dwagi yai denami yali. †

⁵ Tama te Siria king bidi Resin dali, te Israel king bidi Peka dali si, tama augwali sigo te augwa si ami soldia bidi dabe augwali sigo selama, te Jerusalem bulu taunba boi baguligi pali, tama te Jerusalem bidi dabe dali augwali boi hwjani. Tiali goli, augwaligo te king Ahas dali, te aga ami bidi dabe dali, augwaligo augwali aiya-ba elaluabo usu meni. ⁶ Tama te sogo te Siria king bidi Resin aga soldia bidi dabe dali boi hwjnama, tama te taun Elat ma sali. Tama agai te taun selama, te Juda hani te taunde bidali we bidi augwali sela sųyani. Tama agai te Idom hani te taunba asama bidali we bidi dabe da, teda agai sela sųbe. Tama augwali bidadada asama, megi tama e po asębo bodoluba usu nagasobao.

† 16:3 Bom 12:31 †† 16:4 Ais 7:1

⁷ Tama te king Resin dali, te Peka dali sigo te taun Jerusalem bulude me bagusa bididuali, tama tibaso, te king Ahasgo te me badu bidi dabe selama, te Asiria king bidi Tiklat Pileser pageba tagala palali, tama agai agabolo e tama po ola mani, "Ena te king Ahas dao, ena te nago sę ebo bidi dao, tama ena nago wai bų bidibao. Tama megi te Siria hanigo king dali, te Israel hanigo king bidi badi elama, augwali asama, te ena dali augwaligo boi hwjagasalio," wali. "Tama tibaso, eno homugo nage asama, te augwali dali boi hwjagasao," wali, "tama augwaligo da dolidalio." Te po wai.

⁸ Tama te king Ahas agai te Genuai Bidigo tempel bede munalubo gol me, me te silva me, tama me te mone munalubo bede silva me, gol me, me te kingo bede muani nai dabe me selama, tama te agai te nai dabe selama, te Asiria kingba tolali. Magi baso meni, agai homugo te Tiklat Pilesergo te Juda hani tau sao homu eyu, tama te monego abelainu yali. ⁹ Tama te king Tiklat Pileser agai te king Ahasgo agabolo wali te po agai odali, tama agai aga ami soldia bidi dabe selama, tama agai te Damaskus taunba pelama, boi hwjgi pelama, tama agai te Siria dabego taun Damaskus sali. Tama te king Tiklat Pileser agai te Siria king Resin ela muani. Tama te we bidi agai augwali digibulu odasa pelama, te taun Kirba kalabus egi pali, te gasa tedali tų pedai mude.

¹⁰ Tama nosali te king Ahas aga te Damaskus buluba pelama, te king Tiklat Pileser sugi pali. Tama aga te bulu pedai badu bidibo sogo, agai te taun Damaskus alta elalubo suali. Tama agai te taun alta noma nigilama, tama te alta nigibo haniani kolesaga ebo po asęani. Tama agai te pris bidi Uriabolo te Jerusalemba tolali, tama agai e tama po me ola mayu, tama wali, "Te nomaba tonama, tama nago e alta tiwai me deli nigao," wali. ¹¹ Tama te pris bidi Uria agai te king Ahasgo wali po agai odali, tama agai te Damaskus bulude elalubo alta tiwai mu tama nigali, tama te king Ahas aga te Jerusalem buluba asisųbadi yaide, te pris bidi Uriago te alta polo nigila silai. ¹² Tama te sogo te king Ahas te Jerusalemba ma sabolagasali, tama agai te alta sugi pali. Tama agai homugo te ofa nai ulainu homu yali, tama tibaso, aga te moni genuai alta ugwadu dai-ba holali. ¹³ Tama agai te ofa nai te siaba naga ulama, tama tigidali siago dela pela silai. Tama te sia gagawai nai te wit te ofa nai ulali, me te wain wę gelebo ofa yali. Tama te aga hasa kaneme selama, tama te God dali te deli homu ebo ofa yali, tama agai te hasa kaneme te alta daiba segeni sųsųga pali. ¹⁴ Tama te king Ahas agai te gesi alta tede te ofa nai ula mena silali, tama agai te polobadu te ain brasgo nigali alta sela sųnama, tama te gesi nigali alta bogo badu dodolali, te not pedai badu. Hasia te ain brasgo nigali alta sai te gesi alta sai uga togolu te Godigo tempel be tų edaba togolu elama, tomo agebelede te polobadu alta sai dodolali. ‡

¹⁵ Tama te king Ahasgo te pris bidi Uriabolo e tama po wali, "Tigidali sogo nago te ofa nai ulainu da, teda

‡ 16:14 Sai 27:1-2; 2 Sto 4:1

nago te gesi alta saiba naga pelama, ofa nai ulao. Tigidali sogo te kigamu naga nago te isigo dela pabo ofa nai naga uluyu, me te tigidali sogo te pio naga te sia gagawai nai te witgo naga ofa nai ulao. Tama nago te king bidigo ofa nai ula mayu, tama te tigidali we bidigo ofa nai uluyu yao," po wali. "Te ofa te tigidali te sia-ba sese ula palobo ofa nai da, tama me te sia gagawai nai witgo ula mabo ofa nai da. Tama me te nago te gasa ofa ebo te we bidi dabe ofa tama yao," wali, "te ofa te nago te wain wẹ gelao. Tama nago te tigidali hasa kaneme selama, te ofa elama, tama te gesi alta saiba segeni saşaga pao. Tiali goli, te brasgo te nigali te alta sai, te ena naga dao. Te alta sai eno naga dolaluabo page te eno Godibolo hanaluama, tama agai enabolo te tigidali se eno yabo se te agai mobogo te eno mobo ola momainao," te po wali. ¹⁶ Tama te pris bidi Uriago te kingo tigidali po odama, tama tigidali sogo agai wali pali, tama agai wali po wali peyu, e tama se ela silali.

¹⁷ Tama nosali te king Ahasgo te aga se ebo bidi dabebolo te po olama, tama augwali Genuai Bidigo tempel be obo banis tomoba pelama, tama augwaligo te wilkar dabe aluali, polobadu te king Solomongo se ebo bidi dabego te brasgo nigai nai dabe da. Tama augwaligo te we tubo tank dabe te wilkar ugwadu daide muani tank aji me sali. Tama me te augwaligo te brasgo nigai bulmakau noma dabe te genuai aji tubo tank te dologo badu elaluali nai me sali. Tama nosali augwaligo te masigi dabe selama, tama te gesi bet sai yali, te genuai aji tubo tank muabo bet sai nigali. [†] ^{††18} Tama te Genuai Bidigo tempel be togobe badu pađe tama, te king aga dulabo dwasianu be gagawai nai me deli elaluai, augwaligo te nai nigali page e tiwai, te giliga asobo badu paliainu, te Sabat side te madi tiwai nigai nai da, tama megı Ahasgo po obaso, augwaligo te nai huğiali. Tama augwali te Genuai Bidigo tempel be obo banis tuđa te king pabo tuđa te augwali pai, tama augwaligo te tuđe te dwagi yai au yai nai elaluali me huğiali, tama te au yai nai te bidi dabego munu me subeo. Tama te king Ahasgo agai te Asiria kingo homu wali painu homu yai, tama agai te tobage se te tempel bede se yali.

¹⁹ Te king Ahasgo te gasa haniani se yali po da, te po gasa bukude elalubo, te augwaligo e tama nogi wabo da, Te Juda Hanigo King Bidi Dabe Augwaligo Yali Se Po Elalubo Buku da. ²⁰ Tama nosali te king Ahas isali, tama augwaligo aga te aga waj nqy dabe gy pageba te Devitgo taunba pubaligi pali. Tama aga ogwa, te Heseikiago, te aga ayago se selama, tama aga king bidi nigali. [‡]

Hosia aga te Israel hanigo king bidi nigali

17 Te king Ahas aga te Juda hanigo king bidi nigilama bidali kibu be te nogo si olama, te saşago si,

[†] Polobadu te king Solomongo te nai dabe selama, te Godigo tempel be se yai dao. Tiali goli, te king Ahas agai homugo te brasabe selama, te gasa se yainu. Te 1 King 7:23-39, tede suao.

^{††} 16:17 1 Kin 7:23-39; 2 Sto 4:2-6 ‡ 16:20 Ais 14:28

te 12 kibu be silama, tama Hosia, aga te Elago ogwa da, te Hosia aga te Israel hanigo king bidi nigali. Tama aga te Samaria bulude king bidi nigilama bidali kibu be te 9 kibu be pai. ² Tama agai te Genuai Bidigo gedude te agai dwai kolesaga yali, tiali goli te agai te dwai kolesaga ebo se te gasa king dabego yali kolesaga tiwai gilama te agai genuai me ebe. ³ Tama te Hosia aga king bidibo sogo, te Asiria king bidi nogi Salmaneser, aga asama, tama te Israel hani dali boi hwjagasali. Tama te Asiria hanigo te Israel hani aiyaba elaluali, tama te king Hosiago te po dağ wali, te Asiria king bidi Salmaneser dologode bidiyu, tama te takis mone te tigidali kibu bede mawaibao wali. ⁴ Tiali goli, kibu be me delide te king Hosiago te meba bidi dabe te Isip king bidi So pageba tagala palali, tama te king Sogo aga tau somainu hanalu wali. Tama te kibu bede te king Hosiago te takis sabo mone te king Salmaneser pageba me mabe, tama te tigidali kibu be yali tiwai me ebe. Te Asiria king bidi Salmanesergo te Israel hanigo king bidi Hosiago dağ wali po togobo page te agai polo kegelama, polo haninani, tama tibasoa, agai te me badu ami soldia bidi dabe tagala palali, tama augwaligo te king Hosia tulama, tama aga kalabus beba muainu yai.

Te Asiria hani augwaligo te boi hwjnama, tama te Samaria hani augwali aiyaba elaluali

⁵ Tama te nosali te king Hosia augwaligo aga kalabus ilali, tama te king Salmanesergo aga ami soldia bidi dabe selama, tama augwali pelama, te tigidali Israel bidi dabe dali boi hwjgi pai. Augwali pelama, tama te Samaria taun bulu bobegelama, tama augwali boi hwj-dubadi yaide, te kibu be selaba usu nigi pali. ⁶ Tama te Israel hanigo king bidi Hosia te Israel hani dabe dali king bidi nigilama bidibadi, te agai kibu be te 9 kibu be silama, tama te sogo te Asiria king bidigo te boi hwjnama, te Samaria hani me aiyaba elaluama, tama te taun sali. Tama agai te Israel hani te Asiria buluba selasa pai, tama te me badu bidi dabe te agai te Hala taun bulude bidao wali, tama te me badu bidi dabe agai te Habor we pađe te distrik Gosan bulude bidao wali, tama me badu bidi dabe te Midia taun bulu tıde bidao wali. ⁷ Te tama sege te Israel hani augwali tigide ped-alali, magi baso meni, augwaligo te Godigo gedude augwaligo sege sabo dwai kolesaga yali, augwa Genuai Bidi. Augwaligo te homu ebe, augwa waj nqy dabe te augwali te Isip king bidi nogode ma sali augwaligo te konebe. Meni. Israel hani augwaligo te tibo god dolo lotu po wabo se yali, ⁸ tama augwaligo augwa king bidi dabego dwai kolesaga yalidu wali pabo se yali. Tama me te polobadu te gasa hani we bidi dabe te tıde bidali we bidi dabego yali dwai kolesagadu wali peyu yai. Tiali tama, te Genuai Bidigo te hani dabe augwali sela saşama, tama te tı te Israel hani augwal-ibolo mani. ⁹ Te Israel hani dabe augwaligo Genuai Bidigo godolo isaşo haniani dwai kolesaga geme yali. Augwaligo te tigidali genuai boma pai masigigo nigai obo elaluali taun bulu dabede me, te dwasianu bulu

dabede me, te augwaligo te tibo god dolo lotu po wabo pesage elalua pali. ¹⁰ Tama augwaligo te kole-saga yali, augwali te bulu duba holama me, tama me te moni ni dologode me tama kolesaga yali, tama augwaligo te masigigo te ni pos tulubo aq elama, tama te tibo god we Asera noma muna muna pali, tama augwaligo te teba lotu po wali. ¹¹ Tama augwaligo te bulu dude lotu po wabo pesagede tama augwaligo te tode polobadu bidali we bidi dabego lotu po weyu yali kolesaga tiwai delidu wali pali, tama augwaligo te dwagi yai hano holama, denami ebo pauda siaba uluyu yai. Te Israel hani dabe augwaligo te haniani dwai kolesaga ebaso, te Genuai Bidi Godigo moni sebe mu yali. ¹² Polobadu Genuai Bidigo augwalibolo e tama po ola mawai, "Dagego te tibo god nomaba dagego te lotu po teba wagio," po wali. Tiali goli, augwaligo agai te wali po sela sayani, tama augwaligo te nomaba me lotu po wabo se yali. ¹³ Tama te Genuai Bidigo te profet bidi dabe me te nosali pedalubo se koneai bidi dabe me augwali te Israel haniba me, me te Juda haniba me tagala palali, tama augwalibolo bomai po e tama wali, "Dagego kolesaga begelama, tama dagego te dwai kolesaga ebo se tagalama, tama dagego te tigidali bomai po te eno po odama wali pao," wali. "Te bomai po dabe me te eno te dagego waj nqubolo mawai po dao, tama te po dabe te eno se ebo bidi dabego eno ola mobaso, augwaligo pedauwalidu pusai dao, te bage te profet bidi dabe dao," te po wali.

¹⁴ Tiali goli, te Israel hani dabe augwaligo te Godigo po sela sanama, tama augwaligo God dali hagoma genuai mu yali, tama augwaligo augwa waj nqugo yali kolesagadu wali pai. Te waj nqo dabe augwaligo te Godigo po day wasiama, tama augwaligo konealubo homu te God dali kenama, day wai meni, augwa Genuai Bidi dali. ¹⁵ Te Israel hani bidi dabe augwaligo te augwa Genuai Bidi Godigo po tudiba sanama, tama te bomai po te agai augwa waj nqo dabe augwali dali day wai po, tama te tigidali bomai po agai augwalibolo mani. Tama augwaligo te po umabo sogo mu sela sanama, tama augwaligo te tibo godiba lotu po mu weyu, bidali. Te tibo god augwali te God mu menio. Tiali goli, te Israel we bidi dabe augwaligo te tibo god te olo naiba augwaligo lotu po bomo yali. Tama te Israel hani augwa digi augwa te olo bage gagawai mu pedelali, te olo tibo god tiwai. Polobadu te Genuai Bidigo augwalibolo e tama po augwalibolo ola mawai, "Dagego te dage pade bidibo bidi dabego ebo kolesagadu wali pigio," wali, tiali goli te Israel hani augwaligo te Genuai Bidigo wali po sela sanama, tama augwaligo te hanigo yali kolesagadu wali pali. ¹⁶ Tama augwaligo te Godigo bomai po tigidali sela sayani, augwa Genuai Bidigo po. Tama augwaligo te gol selama, te bulmakau kibu omai si nigilama, tama augwaligo te kibu noma siba lotu po wali. Tama me te tibo god we Asera noma nigaliba lotu po weyu yali. Tama me te augwaligo te dagalu hoba lotu po wali, tama me te tibo god Balba lotu po weyu yali. ^{††17} Tama augwa

† 17:10 1 Kin 14:23 †† 17:16 1 Kin 12:28

wai boq dabe elama, tama augwaligo te wai dabego tigi te siaba munama, augwa tibo godiba te ofa nai tiwai gilama olo mani. Tama augwali me badu te sogo yesi bidi pageba pali, me badu te we bidi dabego te isai we bidigo isi bidi dali po mibo we bidi dabe pageba pali, tama augwaligo te hani augwalibolo augwali tau somainu hanalu wali. Te Israel hani dabe augwaligo deli homu naga yali, tama teyu, augwaligo dwai kolesaga me edu bidali. Tama Genuai Bidigo augwaligo te kolesaga me ebo sulama, tama agai augwalibolo agai wado ela mani. [‡]

¹⁸ Tama Genuai Bidigo te Israel hani dabe augwali dali agai sebe genuai mu me eyu, tama agai te Israel hani subo hagela mu yali. Tama tibaso, agai augwali augwa aga dali bidali buludu digibulu mu sela sayani. Tama te Israel hani bidi dabe me deli te bulude me bidibe. Te Juda hani augwa naga te augwa tode bidali. ¹⁹ Tialima, te Juda hani bidi dabe augwaligo me te Godigo bomai podu wali pabe, augwa Genuai Bidi. Mu meni. Augwaligo me te deli kolesaga naga yali, polobadu te Israel hani bidaluyu yali kolesaga tiwaidu me wali pali. ²⁰ Tama tibaso, Genuai Bidigo te Israel hani we bidi dabe augwali agai tudiba mu sayani. Tama agai sebe mu eyu, tama agai te boi bidi dabe tagala palama, tama te boi bidi dabego te Israel hani dali boi hwjnama, te Israel bidi dabe me badu ela muyu, ela pali. Tiali goli, te Israel hani bidi dabe augwaligo te dwai kolesaga ebo se me tagalobe, tama tibaso te Genuai Bidigo hagela mu eyu, tama augwali aga dali me bidisiaininogo eyu, te agai augwali augwa buludu digibulu mu sela sanama, bidigi pao wali.

²¹ Polobadu Israel hani dali, te Juda hani dali si, augwali te king Devit dologode bidai. Tiali goli, nosali te Genuai Bidigo te Israel hani augwaligo te Juda hani tagalama, augwa tedali bidimainu nigilali. Tama tilama, te Israel hani augwa king tedali day ilali, te bidi te Jeroboam, Nebatgo ogwa, te Jeroboam te bidi te Israel hanigo king bidi nigilali. Tiali goli, te king Jeroboamgo te Israel hani augwali kegelama, tama augwaligo Genuai Bidi tagalama, tama augwaligo dwai kolesaga umabo mu eyu, tama genuai sege mu sali. ²² Tama nosali te Israel hanigo me te augwaligo te king Jeroboamgo ebo kolesaga wali pabo se eyu, tama augwaligo te haniani sege sali, te kingo sali sege tiwai sali. Augwaligo te sege sabo kolesaga me tagalobe. Mu meni. ²³ Tama nosali te Genuai Bidigo augwali hagela mu ebaso, tama augwali aga pade me bidisiaininogo eyu, agai augwali te gasa buluba bidigi pomainu digibulu mu sela sayani. Genuai Bidigo tama tiali, magi baso meni, te Israel hani bidi dabe augwaligo te tigidali po agai te aga se bidi profet bidi dabego pedauwalidu ola mani podu wali pabe, te profet bidi dabe te aga se ebo bidi dabe dao. Tama tibaso, te Asiria hani augwali asama, te Israel hani dabe dali boi hwjagaselama, te Israel hani augwali aiyaba elaluali, tama augwali te Asiria buluba odasa pali. Tama augwali te bulude me bidibao. ^{‡‡}

‡ 17:17 Bom 18:10

Te gasa hani we bidi dabe augwali asama, te Israel hanigo buluba bidagasali.

²⁴ Te Asiria king bidigo te taun Babilon we bidi dabe me, me te taun Kuta, tama me te taun Iva we bidi dabe me, tama me te taun Hamat we bidi me, me te taun Sefarvaim we bidi me agai selama, tama te augwali te Samaria bulu taun dabeba odasa pelama, tama te Israel hanigo bulu taunba augwali tatagalo pali. Tama te we bidi augwali te Israel hani we bidigo bulu t̄ɔ selama, mu bidali. ²⁵ Te gesi noma we bidi dabe augwaligo te Genuai Bidi dolo mu lotu po wabo we bidi dabe meni, tama tialima, Genuai Bidigo te bulu uni yowi laion tagala palama, tama me badu bidi dabe te uni yowi laiongo ela muani. ²⁶ Tama tialima, te me badu we bidi dabe pelama, te Asiria kingbolo e tama po wagi pali, "Te nago te i Samaria bulu taunba odasa pali hani we bidi dabe, augwaligo te i t̄ɔde godigo bomai po augwaligo konebeo," wali. "Tama teyu, te godigo te dwai bulu uni yowi tagala palama, tama te we bidi dabe ela mubo s̄e ebo," wali.

²⁷ Tama te kingo te po odobaso, tama te aga s̄e ebo gavman ofisa bidibolo e tama po ola mani, "Nage pelama, te dago te e Asiria buluba odasa asali pris bidi me deli oda sigi pao," wali. "Tama te pris bidi aga te Israel bagego Samaria buluba ma tagala palinao, tama aga bidiyu, te we bidi dabe augwali te bulu t̄ɔ page bidi godigo bomai po agai augwali ola momainao," te po wali. ²⁸ Tama augwaligo te Israel hanigo pris bidi me deli sali, tama augwaligo aga te Samaria bulu t̄ɔdu tagala palali. Tama aga te taun Betel buluba bidigi pali, tama agai te we bidi dabebolo Genuai Bidi God dolo mu lotu po wabo kolesaga mu ola mani.

²⁹ Tiali goli, te hani dabe deli deli augwaligo te tibo god noma nigilama, teba wali pabo kolesaga me idu bidali. Tama augwaligo te god noma nigali, te polobadu te Israel hani dabego te lotu po wali pesagede muna muna pai, te bulu du dabede. Tama augwaligo te deli deli hani augwa god deli deli nidigi pelama, tama augwa bidibo taun bulude muna muna pali. ³⁰ Tama te Babilon hani augwa tali nigali tibo god noma nogi da Sukotbenot, tama me te taun Kuta hanigo tibo god noma nogi e dao, Nergal da, tama me te taun Hamat hanigo tibo god noma nogi e dao, Asima da. ³¹ Tama te taun Iva hanigo tibo god noma nigali nogi e dao, Niphaz, tama te me nogi Tartak dao. Te Sefarvaim hani augwali te augwa wai b̄ɔɔ elama, tama augwaligo te ofa nai tiwai gagawai mu te tibo god siba ula mani, tama te god si nogi me nogi Adramelek, tama me nogi Anamelek. ³² Tama me te Genuai Bidi dolo lotu po mu wabo we bidi dabe augwa digi augwa hani bidi dabe me deli Genuai Bidigo pris bidi me deli d̄aj ilali. Te pris bidi aga te lotu po wabo bulu du pesagede bidiyu, agai e tama kolesaga yali, te we bidi dabego magasabo hasa dabego te Genuai Bidi dolo ofa nai ula mayu yali. ³³ Tama me te augwaligo Genuai Bidi dolo lotu po mu wabo kolesaga me, tama me te augwa

†† Te e po "me bidibao," te e po megi tama bodolu side as̄eai po meni. Menio. Te e po polobadu te e buku as̄eani bidigo po dao.

page bulude polobadu bidiyu yali kolesagadu wali peyu, tama augwaligo te augwa tibo god dolo lotu po weyu yali, te tedali kolesaga si talua si yali.

³⁴ Tama te megi tama me, te hani augwaligo te kolesagadu me wali peyu bidibao. Augwaligo te Genuai Bidi dolo mu lotu po wabo meni, tama augwaligo te agai te bomai po te Jekopgo hanibolo mani po augwaligo wali pabo meni. Jekop te bidi te aga te Genuai Bidigo gasa nogi me poali nogi, te nogi te Israel da.

³⁵ Polobadu te Israel hani dabe augwali dali te Genuai Bidigo te bomai po me deli d̄aj wali po e tama po d̄aj wali, "Dagego te tibo godiba lotu po wagio," wali. "Tama dage te tibo god dologode dage bidigio. Mu menio. Dagego augwalide kidu sugunama, tama ofa nai augwalibolo magimio. ^{†36} Menio. Dagego ena Genuai Bidi deliba naga lotu po wao, tama ena dologode naga bidao. Te eno genuai bomogo naga te eno dage te Isip bulude selama, tama dage eba odasa asai dao. Tama teyu, dagego ena deliba naga kidu sugunama, lotu po weyu, tama te ofa nai ena deliba naga mao," po wali. ³⁷ "Dagego te eno as̄eani tigidali bomai po me, te eno e tobage kolesaga yao wali po dabe me, tama dage dua dua eyu, dagego te po mu wali pao. Dagego te tibo god dolo lotu po wagio. ³⁸ Tama dagego te eno dage dali te bomai po d̄aj wali po kegeda paligio, tama tilama, dagego te tibo godiba lotu po wagio. ³⁹ Menio. Dagego ena Genuai Bidi duga God deliba naga lotu po wao, tama ena dologode naga bidalua," wali. "Tialima, dagego tama teyu da, teda te eno dage tau saibao, tama eno dage te boi bidigo nogode ma dobola saibao," wali.

⁴⁰ Genuai Bidigo e tama po wali, tiali goli te we bidi dabego agai te wali po sela s̄anama, tama augwaligo te polobadu yali kolesagadu me wali pabo s̄e iduali.

⁴¹ Te Samaria buluba asama bidagasali hani we bidi dabe, tama augwaligo te Genuai Bidi dolo lotu po weyu, tama me augwa te tibo god dolo lotu po weyu iduali. Tama te megi tama augwa ame nani wai dabego me te polobadu te yali deli kolesagadu naga wali pabo dao, e po as̄ebo sogoba usu nagasali.

Te Juda hanigo bidada asama, te haniani kolesaga eyu, te Juda hanigo te taun bulu dolali po

(Te D̄aj 18-25)

Te bidi Hesekia aga Juda hanigo king bidi nigai (2 Sto 29:1-2; 31:1)

18 Hosia aga king nigilama bididubadi, te kibu be sela pai, te Hosia aga aya te Elago ogwa da, te bidi aga te Israel hanigo king bidi nigilama bidali, Hesekia, aga aya Ahasgo ogwa, aga te Juda hanigo king bidi niqilali. ² Hesekiago agai kibu be bidi sese deli ola-

† 17:34 Gag 32:28; 35:10 †† 17:35 Sai 20:5; Bom 5:9 ‡ 17:36 Bom 6:13

ma, ugwadu nogo a nama kibu be pabo side, te aga king bidi nigai, tama aga te Jerusalem bulude king bidi nigila bidali kibu be te 29 kibu be bidali. Te aga ida nogi Abiya, Abiya aga aya te Sekaraiago wegi da. ³ Hesehia agai te dwagi yai kolesaga te Genuai Bidigo gedude yali, te aga waj nq̄ king Devitgo yali kolesaga tiwai yali. ⁴ Tama te king Hesehia agai te e tama kolesaga yali, te augwaligo te tibo godiba lotu po wabo pesage dolama, tama agai te masigide age ni posde te tibo god noma piksa nigilama daganani masigi pos dabe me huginama sayani. Tama me te nigo te tibo god we Asera noma nigilama daganai age ni pos gelama, sayani. Tama me polobadu Mosesgo te brasgo nigali hasamani te agai selama, augwaligo te hasamani e tama nogi poai, Nehustan, tama te hasamani noma agai te denege minama, sayani. Magi baso meni, te we bidi dabego te hasamaniba lotu po weyu, te dwagi yai denami emainu hano ebo pauda ulubaso, tiai dao.

⁵ Hesehia agai te Genuai Bidiba konealubo homu daq̄ mu wali, te Israel hanigo God da. Te Juda hani king bidigo Godiba konealubo homu daq̄ wai king bidi me deli bidai meni, te Hesehiago yali tiwai gilama yai bidi me deli meni yai. Agai te Godiba konealubo homu daq̄ mu wai, te agai konealubo homugo te hasia king bidi dabe me, te nosali nigabo king bidi dabego konealubo homu me, te king Hesehiago konealubo homugo augwali aiyaba elalui mu dao. ⁶ Aga te Godiba k̄a pelama, daq̄ mu wagi pali. Tama agai te tigidali sogo Genuai Bidi munu me tagalobe. Mu meni. Tama agai tigidali bomai po te Godigo te Mosesbolo mani po tigidali te agai bugagia wali mu pali. ⁷ Tama teyu, te Genuai Bidi te king Hesehia dali bidiyu, tama aga tau sali, tama tigidali s̄ agai yali, te bugagia mu pedalali. Te king Hesehiago homugo te Asiria hani king bidigo te Juda hani augwali tonalubo hagela mu yali, tama tibaso augwali te hanigo dologode ma bidibe. ⁸ Tama te king Hesehia aga ami soldia bidi dabe selama, te Filistia bidi dabe dali boi hw̄jgi pelama, tama te tigidali taunde me, me te bulude te bomai obo bogo badu elalubo bulu dabe me, augwaligo te boi hw̄jgi pali. Tama augwaligo te Filistia hani aiyaba elalu, ela peyu, tama te taun Gasaba usu nigi peyu, tama te bulu p̄de elalubo bulu dabe dali aiyaba elaluama, sali.

⁹ Te king Hesehia aga te Juda hanigo king bidi bidibadi, te agai kibu be te me si me si tama kibu be pai, tama te Israel hanigo king bidi bidibadi e tama kibu be yali, te 7 kibu be yali. Aga aya te Ela dao. Tama te kibu bede, te Asiria king bidi Salmanesergo aga ami soldia bidi selama, te Israel hani bidi dabe dali boi hw̄jgasali. Tama augwaligo te taun Samaria bobegelalu, tama te taun sainu boi hw̄jani. ¹⁰ Tama augwaligo te taun bobegelalu te boi hw̄jdubadi yaide, kibu be selaba usu nigi pali, tama te nosali augwaligo te Samaria hani aiyaba elaluama, te Samaria bulu taun sali. Tama te kibu bede da, te king Hesehia agai king bidali kibu be te 6 kibu be ebadi

† 18:4 Nam 21:9

te boi hw̄jani, tama te Israel hani bidi dabego king bidi Hosia aga king bidali kibu be te 9 tama kibu be wabode te boi hw̄jani. ¹¹ Tama te Asiria king bidigo te Israel hani augwali te Asiria buluba odasa pali, tama tede me badu bidi dabe te taun Hala bulude tagalama bidao wali, tama te me badu bidi dabe te Gosan bulu taun p̄de te w̄ Habor te bulude bidao wali, tama me badu bidi dabe augwali te Midia hanigo taun dabe bulu t̄de bidao wali. ¹² Te s̄ḡ te Israel hani augwalide pedalali, magi baso meni, augwaligo te Godigo po sela s̄baso, augwa Genuai Bidi, tama augwaligo te Genuai Bidigo augwali dali te bomai po bodolu selama daq̄ wali po togolama, tama augwaligo Genuai Bidigo aga s̄ bidi Mosesbolo mani bomai po me tigidali bolali. Augwaligo te Genuai Bidigo po odobe, tama augwaligo te agai bomai po me wali pabe.

Te Asiria hani dabe augwaligo te Jerusalem bulu taun t̄p̄ sainu bomu mu yai
(2 Sto 32:1-19; Ais 36:1-22)

¹³ Te Hesehia aga king bidibadi, agai te 14 kibu be silama, tama te Asiria hanigo king bidi Senakerip aga ami soldia bidi dabe dali asama, tama augwaligo te Juda hani dabe dali boi hw̄jagaselama, tama augwaligo te Juda hani aiyaba elaluama, tama augwaligo te bomai obo yai taun naga sesa pelama, bidali. Tiali goli, te Jerusalem taun bulu digi sabeo. ¹⁴ Te king Senakerip aga te taun Lakis bulude bidali, tama te Hesehiago te kingbolo e tama po ola tolali, "Eno nage dali hagoma eyu, tama eno dwasianu geda muanio. Tiali goli, eno homugo nago ena dali boi hw̄jbo tagalama, tama nago eno bulu tagalama, pao," wali. "Tialima, nago tama teyu da, teda eno nagebolo magi nai mawaibawe te nago enabolo hanalubaso." Tama tibaso, te king Senakeripgo te king Hesehiabolo e tama po wali, "Nago enabolo te 10,000 kilogram silva me sobadi, tama me te 1,000 kilogram gol sobadi elama, enabolo mao," te po wai. ¹⁵ Tama te po obaso, te king Hesehia agai te Genuai Bidigo tempel bede muani te tigidali silva dabe me, tama me te kingo bede te mone munalubo habu badu muani doado bage me, tigidali agai selama, tama te king Senakeripbolo sese tama mani.

¹⁶ Tama me te agai te Genuai Bidigo tempel be t̄de elaluali gol me, tama me te t̄p̄ sesegede elalubo golgo age ni pos me tama agai tigidali sela sanama. Polobadu te king Hesehia aga digi te aga s̄ ebo bidibolo olama, tama te t̄p̄ sunumi daide te golgo haluali, tama me te pos ni daide golgo haluama dagayani. Tama meḡ agai te tama muani gol selama, tama te gol dabe te king Senakeripbolo mani. ¹⁷ Tama te king Senakeripgo te gol dabe me, te silva dabe me agai sali, tiali goli agai te ami gavman tobolu ofisa bidi sela dali, te ami soldia bidi umabo dali, tagala palali, tama augwali te Lakis bulu taun tagalama, Jerusalem taun buluba pali. Tama augwali te Jerusalem taunba sabolali, tama augwali te Jerusalem taunba te sigi w̄go te ugwadu da Jerusalemba aiyaba kegasa tulali w̄ pabo gamia, te w̄ gamia p̄de augwali bidaluali. Te w̄

gamia tu te moni sunumi sesegede te name ugwa nigibo buluba pabo sunumi sesegede pade elaluali.

¹⁸ Tama te Asiria hanigo te king Hesekiabolo augwaligo po ola tolali, te aga asao olama po wali. Tama tiali goli, agai te aga se ebo gavman tobolu bidi sela tagala palama, tama augwaligo te Asiria hani sugi pali. Tama agai te tagala palali bidi dabe nogi da, te bidi me te Eliakim, aga aya Hilkiago ogwa da, te bidi agai se te kingo be tonalubo bidi da, tama me bidi nogi Sepna, te bidigo se te king bidigo kuskus bidi da, te bidi me nogi Joa, aga aya te Asap, te bidigo ogwa da, te bidigo agai ebo se te king bidigo agai te tigidali ebo se po asebo se ebo bidi dao.

¹⁹ Tama te bidi sela te Asiria hani bidiboba sabalobo sogo, te Asiria ami gavman tobolu bidi me deligo augwali dali e tama bomo yai po wali, "Dage pelama, te king Hesekiabolo te e bomai king bidigo po agabolo pusigi pao, aga te Asiria hanigo king bidi, e tama po wali, 'Hesekia, nago mena tama tiwai bomo elalubaso ebawe, nago eno bomo dologode bidibeo?" ²⁰ Nago homugo olo po tama wabogo bomu eyu, te wabao, te boi hwjbo da nago aiyaba me elaluaibawe, a? Nago ena dali hagoma ebawe? Naga homugo dego asama, nage tau sagasabo weyu, tama nago ena dali hagoma ebawe? ²¹ Eno koneani, nago homugo te Isip haniba tonono eyu, tama nago boi hwjbode augwaligo nage tau saiba. Tiali goli, eno nagebolo obao, te Isip hani augwali da, te da te sigi dili deli toga pai tiwai dao. Tiali tama, nago selama, tama te tolasa bilibo dono tiwai dao, tama tialima, te sigi dage mego naga nogode eneyu, dolaibao. Te Isip hanigo king bidigo agai kole-saga te bomu isawai sigi dili mu tiwai dao,' wali. 'Tama teyu, nago boi hwjbode agai nage usu nama, nage me tau sagasogobeo. ²² Tiali goli, nago te po weyu da, dage Israel hani dabe dagego konealubo homu Godiba daq wali da, duga Genuai Bidi, tama te agai dage tau saibao, tiali goli dego me te usu me egobeo. Magi baso meni, Hesekia, nago te aga dolo lotu po wabo pesage me, tama me te ofa nai ulubo sai alta dabe elalua pali bulu dabe dolai dao. Tama nago te Juda hani dabe ebadi, te Jerusalem ebadi elama, tama nago augwali e Jerusalem buluba sisinama, tama deli ofa nai ulubo alta saiba naga sisinama, lotu po wao, wai.'"

²³ "Tama eno kingo gasa po me wali, Hesekia, eno kingo 2,000 hos kibu nage mabo usu yaibao, tialima nago te 2,000 ami soldia bidi kegelama, tama augwali te kibu hosde dugulama, tama augwaligo boi hwjabo. Tiali goli, eno koneani, naga digi naga te namba tiwai ami soldia bidi menio," te po wali. ²⁴ "Tama nago homugo te Isip hanigo ami soldia bidi dabe augwaligo te hos kibu me, tama me te karis me, tama te nai dabe nago boi hwjbode tama augwaligo nage tau saibawe? Tiali goli, nage munu me tau sogobeo, tama augwali munu ma asogobeo. Tama teyu, naga bula bomogo eno dwasianu ami soldia hani da me aiyaba elalugobeo. ²⁵ Nago homugo ena te asali, te ena homugo digi asama, te boi hwjagaselama, nago bulu dolaliwe weyu, a? Mu menio. Genuai Bidi Godigo aga digi en-

abolo obaso, te ena aselama, te nago te bulu te dolaliqo wali," te Senakeripgo tagala palali bidi dabego te po wali.

²⁶ Eliakim tama, me te Sepna ebadi, tama me te Joa, tama te bidi selago te po wabo odali, tama augwaligo te Asiriago ami soldia gavman tobolu bidi dali e tama po wali, "Nago da dali po wainu da, te Siria pogo naga wao," wali, "magi baso meni, dage te hanigo po koneani dao. Nago te Hibru pogo naga wagio, te taun obo banis daide ugwa badu dolalubo Juda bagego me nago te wabo po odabuo," wali.

²⁷ Tiali goli, te ami gavman ofisa bidigo e tama po wei ponani, "Eno kingo ena tagala palama, te eno e wabo po te duga king dali, dage dali sigo naga odomainu ena tagala palobeo. Menio. Te oga taun obo banisde dolalubo bagego me te po odomainao wali. Magi baso meni, tialima te boi hwjbaso da, teda te dage te Jerusalem taun bologobea saibao, tama te dage tigidalide dwai bodolu sogo mu dageba dolo pedalaibao," wali. "Tama te taun obo banis daide ugwadu oga bidibo bage augwaligo tuabo nai mu menio. Tama augwali te di tuyu, tama te augwa poi ma tuyu, te yaibao," wali, "te tibo tiwai te dage tama dao," wali.

²⁸ Tama te Asiria gavman ofisa bidigo te taun obo ugwadu daide te bidibo bidi dabeba tonama, tama agai te Hibru pogo moni daqa olama weyu, e tama po wali, "Dagego olo bugagia munama, tama te bomai kingo po bugagia odao, aga te Asiria king bidi dao," wali.

²⁹ "Agai te tama po wali, 'Dagego te king Hesekiago agai dage dali ili po wabo po te mu po da homu igimio,' wali. 'Te Hesekiago dage tau selama, ena aiyaba me elaluama, dage bugagia me bidigobeo.

³⁰ Dagego te Hesekiago agai te ili po wabo munu me odogio, tama dagego homugo te Genuai Bidigo dage tau selama, tama te da Asiriago dage aiyaba elalusiama, tama te taun Jerusalem sogobewe homu eyuwe?

³¹ Dagego te king Hesekiago agai wabo po munu me odogio, tama agai po dagego odama, tama dagego ena dali dagego boi hwjagasabo homu egio. Tiali tama, dage bugagia bidabo homu eyu, tama naga te ulu aq bugagia tuyu, tama duga te ni wain du me tuyu, tama me duga te gide ebo kaya du me bugagia bidiyu tuainu da, teda tea dagego te taun dage sagasobaso da, teda dagego gedugo sula tagalao,' wali. ³² 'Tama dage bugagia bidada pedubadi yaide, tama ena asama, tama dage selama, tama te gasa bulu meba tagalama, te bulu te duga bulu tiwaide bidaibao. Te bulu da, te du tubo ni wain gi me umabo mu ebo dao, tama me te sia gagawai nai wit, te bret nigibo nai gi me te bulude umabo mu elalubao. Tama te ni oliv me, tama me te ganama bunu me te bulude umabo elalubo bulu dao,' wali. 'Tialima, dagego eno po wali peyu da, tea dage bugagia bidiyu, tama dage me isigobeo. Tama Hesekiago agai dage ili po ola mayu, e tama po wabo da, Genuai Bidigo dage tau selama, tama da aiyaba elaluaibao wabo po. Tiali goli, dagego homugo agai po mu da olama, dage te boi hwjaibao olama, dagego genuai homugo konealugio,' te po

wali. ³³ 'Dagego homugo te gasa hani augwaligo godigo augwali tau selama, tama augwaligo da Asiria hani dali boi hwjnama, tama augwaligo da aiyaba elalualiwe, a? Mu menio. ³⁴ Tama dago te taun Hamat, tama me te taun Arpat, tama me te taun Sefarvaim, tama me te taun Hena, tama me te taun Iva, te hani dabe dali boi hwjgi pabo sogo, augwaligo god mena bidibowe tama augwali tau sabowe? Tama dago te Samaria buluba boi hwjagasali sogo, tama te Samaria hani augwa godigo augwali tau selama, tama augwaligo da Asiria aiyaba elalualiwe? Mu menio. ³⁵ Dago te umabo bulu bidi dabe dali hwjani, tama te hani augwaligo da te augwa umabo god bidibadi, tiali goli augwaligo te god me deligo augwa te bulu me tau selama, tama dago augwali dali boi hwjani me tagalai menio. Tama tialima, te Jerusalem hani bidi dabe, dagego homugo te duga Genuai Bidigo dage tau saibawe, tama dago dage aiyaba elalubo usu egobewe? Eno king bidigo te po dagebolo ola tolai dao," te Asiria gavman ofisa bidigo te po wai.

³⁶ Te Asiria gavman ofisa bidigo agai te po wabo silama, tiali goli te taun obo ugwadu daide bidali bidi dabego tama augwaligo sagia siyu, po me deli wei ponobe, magi baso meni, te king Hesekiago augwalibolo te Asiria hani augwaligo te po wei ponogio olama, habu selai baso, tama augwaligo te po wei ponobeo.

³⁷ Tama tialima, te Asiria gavman ofisa bidigo wali pode te Eliakim, tama me te Sepna, tama me te Joa, te bidi sela augwaligo haliga sege mu yali. Tama tibaso, augwa bulubo ugwa pibisayali. Tama augwaligo te Asiria gavman ofisa bidigo wali po tigidali po te king Hesekiabolo pusigi pali.

Te king Hesekiago agai sege yai po te profet Aisaiabolo pusigi pali
(Ais 37:1-7)

19 Tama te king Hesekiago te Asiria bagego wali po dabe odali, tama aga homu sege mu ebaso, tama aga bulubo ugwa pisila sawai. Tama agai te homu dene ebo bulubo ugwa bulama, tama aga te Genuai Bidigo tempel be tomoba pali. ² Tama te king Hesekiago te kingo be tomode se ebo bidi Eliakim i wali, te bidi te kingo be tonalubo bidi da, me te bidi Sepna dali, te bidi te kingo kuskus bidi da, tama me te pris se kibu be hauwa yali bidi dabe dali. Tama agai augwali te profet Aisaia sugi pomainu tagala palali, aga aya Amos da. Tama te bidi dabe me tigidali te homu dene eyu, te tobage ugwa naga bubulu pali. ³ Tama augwali pelama, te profet bidi Aisaia pageba sabolama, tama augwaligo te profet bidi Aisaiabolo e tama po wali, "Kingo te po wali, 'Megi e tama side da, teda moni homu sege ebo sogo dao,' wali. 'Tama te Asiria hani augwaligo dabolo tama te hale yabo po umabo po weyu, posobo po walio. Da te we me deli haliga yai we gagawai dao, tama te wai ame nabo sogo te pedalobao, tiali goli te we te wai ame nabo te bomomenio,' wali. ⁴ 'Asiria king bidigo aga se ebo gavman ofisa

bidi tagala palali bidigo aselama, dago God dolo agai dwai po mu wagasalio, dena Genuai Bidi dao, aga te tigidali sogo bidada peyu, bidada pabo God dao. Tialima, te aga dolo te dwai po wali aga odali bogo, tama aga digi te po wali bidibolo wei ponoyu, sege mawaibao,' wali. 'Tama teyu, dago homugo nago te God dolo gedu haluasa po wao, tama agai da dwasianu hani bidibo tau somainao,' kingo te po wali," augwaligo te po wai.

⁵ Te profet bidi Aisaia te king Hesekiago ola tolali po odali, ⁶ tama te po sela asali bage augwalibolo e tama po wali, "Dage te king pageba ma peyu, tama te Genuai Bidigo e po tama aga dolo pusao. Genuai Bidigo e tama po wai, 'Nago augwaligo te dwai po wali te pode moni homu elama, nage wi igio,' wali. 'Te po wali bidi dabe augwali da, te Asiria king bidigo olo se ebo bidigo ena dolo te po wali dao. ⁷ Magi baso meni, ena Genuai Bidi, eno te Asiria king bidigo homu begela tagalama, tama agai po me deli odobo si, teda agai dage tagalama, aga buluba ma begasa paibao,' wali. 'Tama aga te Asiria bulude bidibo sogo, tama eno te me badu bidi homu begelama, augwaligo moni ge hwago aga ela mumai yaibao,' Genuai Bidi Godigo te tama wali," Aisaia te po wali.

Te Asiria hani augwaligo te Jerusalem taun dolabo po ma wali
(Ais 37:8-20)

⁸ Te Asiria bulu bidi gavman ofisa bidigo e tama po odali, te king Senakerip te Lakis taun tagalama pali po odali. Tibaso, te ofisa bidi aga te Jerusalem bulu tagalama, tama aga ma begasa pelama, tama te bidi pali page koneainu kegegi pai, kingo te taun Lipna hani dali boi hwjgi pobaso, tama agai aga teba sugi pali. ⁹ Te Asiria hani augwaligo boi hwjyu bidali, tama me badu bidi dabe aselama, te king Senakerip e tama po wagasali, "Te Itiopia bulu king bidi Tirhaka aga ami soldia bidi dabe dali, augwali asama, nage dali boi hwjagasobao," wali. Te king Senakerip agai te po odobaso, tama agai pas asenama, te me badu bidi nógode munama, tama augwaligo te king Hesekiabolo magi pali, magi baso meni, te agai homugo te taun Jerusalem agai sabo homu eyu, tama tiai dao. ¹⁰ Te king Senakeripgo pasde e tama po wali, "Eno koneanio, te nago konealubo god, te agai te po wai, agai ena sula tagalama, tama eno dage aiyaba elaluma, te Jerusalem taun me sogobe," wali. "Tiali goli, te ili po dao, tama teyu, nago homugo agai te wali po mu da homu eyu, konealugio," wali. ¹¹ "Naga digi naga konea palio, da Asiria hani king bidi dabego ebo kole-saga da, dago te gasa bulu hani bidi dabe dali boi hwjgi pabo kolesaga, dago naga augwali mu dolobo dao. Nago homugo eno te nago bulu dolobe da homu eyuwe, a? ¹² Polobadu eno waj nq dabe augwaligo gasa bulu taun Gosan, me te taun Haran, tama me te taun Resep, tama te hanu dabe dolai dao. Tama augwaligo te Beteden hani augwali te Telasar taunde bidibadi, ela muna silai dao," wali. "Tama augwaligo

god dabego te hani augwali me tau sabeo," wali, "tama augwali bugagia me bidibe. Mu menio. ¹³ Te taun Hamat, tama me te taun Arpat, tama me te taun Sefarvaim, tama me te taun Hena, tama me te taun Iva, te taun bulu hani king bidi dabe augwali me bidiba, agawe? Menio. Dago augwali tigidali ela muna silai dao," Senakeripgo pasde te po wali.

¹⁴ Te king Hesekiago agai te king Senakeripgo tolali pas agai te bidi dabego nogode agai sali. Agai te pas aseani po neda silama, tama agai te Genuai Bidigo tempel be tomoba selasa pali. Tama agai te pas te Genuai Bidi bidibo pesage pade muani, tama agai pisaganama, tama bugagia dodolama, muani. ¹⁵ Tama te king Hesekia agai te Genuai Bidi dolo gedu haluasa e po tama wali, "Genuai Bidi, nage da Israel hanigo God, tama nage e bede naga se ebo ensel mobo bidi si noma si ugwadu daide bidibo dao, tama nage king naga te dugabo ni namede dugulubao. Nage te nage God mu dao, te nago naga te e tode te tigidali bulu hani dabe tonalubo dao. Naga deli naga te to me, te dagalu me, naga naga nigai dao," te po wali. ¹⁶ "Genuai Bidi, eno homugo nago olo bugagia munama, tama eno gedu haluasa po wabo odao, tama naga te da tigde te dwai nai pedalabo nago bugagia suao," wali. "Tama eno homugo augwaligo te dwai po wali te nago odao, te king Senakeripgo agai nage dali posobo po wabo, God nage tigidali sogo bidada pabo bidi dao. ¹⁷ Genuai Bidi, dago koneanio, te Asiria king hani augwaligo te umabo we bidi mu tama augwaligo elama, silibo dao, tama augwaligo taun bulu me tama dolobo dao," wali. ¹⁸ "Tama me te king bidi dabe augwaligo te hani we bidi dabe augwaligo te tibo god noma nigali piksa dabe tigidali selasa pelama, siaba tigidali ulali. Te tibo god dabe da, polo dolobo god dabe da, magi baso meni, te god dabe da, te da tibo god dabe da. Te god dabe da, bidigo digi te ni dabe te masigi dabe selama, te nogo nagai god naga dao. ¹⁹ God, dago Genuai Bidi, megii tama eno homugo nago da tau selama, te megii te king Senakeripgo nogode nago tama nago da ma dobola sao," wali. "Tama tiyu, tigidali tode hani we bidi dabe augwaligo nage bugagia mu konemainao, nage deli mu God mu dao." Te king Hesekiago te God dolo gedu haluasa po weyu, e tama po wai dao.

Profet bidi Aisaigo te king bidibolo te Godigo po ola mani
(Ais 37:21-38)

²⁰ Awe, te profet Aisaia, aga aya nogi Amos, te Aisaigo te king Hesekia e tama po ola tolali, "God, Israel hani dena Genuai Bidigo, e tama po walio, agai te nago gedu haluasa po wali te agai odalio. ²¹ Tama megii te agai te king Senakerip dali naga po elalubao wali, te Asiria king bidi. Genuai Bidigo e tama po wali, 'Senakerip, te taun Jerusalemgo te nage dali te gisugu dwai mu weyu, tama nage dali posobo po weyu, tama nage dali dwai bidi mu da olama, tama dwai mu da wabuo,' wali. ²² 'Senakerip, tama nago te posobo po

weyu, tama te po dwai weyu, tama te naga digi naga nogi ugwaba siyu, tama teyu, nago hagoma ebao,' wali, 'nago homugo nago te tibo se de dali ebawe? Nago te tama tibo kolesaga ena dali tama tibao, Israel hanigo God, God ena da dwagi yai bidiyu, tama te doloba pai kolesaga naga tigidali sogo ebo dao. ²³ Nago po te naga se ebo gavman ofisa bidi dabe augwaligo ola menama, tama augwali nago nogi ugwaba mu salio,' te po wali, 'tama augwali ena dolo posobo po walio. Senakerip, tama augwaligo pedauwalidu nago e tama po digi po wali, nage te naga te boi hwjbo karis hauwadu dolaluyu, tama nage te Lebanon moni te bulu du tobolu muba holobao, wali. Tama nage te Lebanon bulu te ni dulu tomoba mu tula pobao wali, tama te bulu te bidi bilisabo madigi pelama, tama nago te ni bo dabe te bobobage bobobage ni dabe naga togwao, tama te dwagi dwagi yai ni saipres me togwao wali. ²⁴ Tama nago me po tama wali, nage te gasa bulu taunba pabo sogo, te nage tubo we da nage me habuge me ebeo. Te nage te wa pai buluba pabo sogo me, te naga te to togalide me te we pagana sai elalua pai dao, tama tiwai we te naga hani augwaligo tama me te we tuai dao. Tama tialima, nage te Isip buludu te pobadi me, nago sagago sula sawai dao."

²⁵ "King Senakerip, nago konebeo, polobadu digi eno nage tama se emainu dai ilai dao. Ena digi nagebobo tama bomo menama, tama nago te bomai obo elalua pabo taun dabe dolomainu bomu eno nage mawai dao. Tama nago eno homu kolesagadu wali peyu, tama nago te taun dabe dolama, tama augwali te moni masigi pesage tiwai nigilama, tama te moni pobe bage tiwai pesage holao, eno te homu polobadu elama, tama nago tama tiai dao. ²⁶ Tama te taunde bidali we bidigo augwali wi dwai mu yali, tama augwaligo homu kolesaga teba dai mu wali, augwaligo tama teyu, augwa bomu mu sia sali. Augwali e tama tiwai bidaluali, te nosai giliga doloyu, wa pabo tiwai gillama mu tiwai, mu tama augwali bidaluali, te posola pai wali te giliga asobo badu asali. Te nosai te be pedu ugwa badu holai, tama te nosai dabe holala pali, te nosai dabe te nosai te posola pai wali asobo sogo dila pai elalubo nosai menio."

²⁷ "Tiali goli, eno nage bugagia mu konea palio. Te eno nago homu kolesaga konea palio, tama me te eno nago homu kolesagago ebo se eno subo dao, tama te tigidali nage pabo bulude me. Tama me te eno koneanio, te nago ena dali sebe mu genuai ebo, te eno koneanio. ²⁸ Nago ena dali sebe ebo eno sualio, tama te nago te hagoma eyu, wabo po me, tama te kolesaga me eno koneanio, tama te naga digi naga nogi ugwaba sabo. Tama te megii eno nage dali eno bomai po mu obao. Tama eno te huk selama, tama eno te nago guniba muaibao, tama me te eno te ain dage te bidi dabego te kibu hos gunide mubo ain dage eno selama, tama eno te nage pedauwalide munama, dai walaibao. Tama tilama, te nosali eno nage te naga asali te tudu te nage eno kegasa paibao,' God Genuai Bidigo te po wali," Aisaigo te po ola tolali.

† 19:15 Sai 25:22

²⁹ Tama te profet bidi Aisaiago te king Hesekiabolo e tama po me deli ola mani, te king Hesekiago agai te e tama sę ebo sulama, daj ilimainu, tama te king Hesekia agai te tama sę ebo sulama, tama agai koneagameo, tama te tigidali sę dabe te Genuai Bidigo wali po gilama te Asiria king bidi Senakerip tigde mu pedalama, sęę saibao. Te profet bidi Aisaiago te po wali, "Tama nago te tama tibo sę ebo subaso da, te da te daj nago suo. Tama te megi tama bidibo kibu bede me, tama te nosali bidibo kibu bede me, te dagego tuabo nai bulubo usu me egobeo, te boi bidi dabe pađe bidibaso. Tama tialima, dagego te sia gagawai nai wit dabe tama te dagego gide olo dali pedalai nai tiwai duga selama, tuaibao," wali. "Tiali goli, te sela wabo kibu bede, te dagego gide nai bulama, tama duga nai selama, tuaibao," wali. "Tama te ni wain me duga bulama, tama duga te ni wain du me duga selama, tama tuaibao, te sela wabo kibu bede.

³⁰ Tama te Juda hani we bidi augwali, te boi bidi dabego te augwaligo te Juda hani augwali mu dolobo munu me usu egobeo, tama augwali bugagia mu bidaibao, tama augwali hani te umabo mu ma pedalaibao, te sia gagawai nai te wit tiwai te gide bulama, te umabo mu mubo tiwai mu ma pedalaibao," wali.

³¹ "Te boi bidi hani augwaligo te Jerusalemde bidibo tigidali we bidi dabe munu me mu dologobeo. Menio. Te dwasianu hani augwali me bidaibao. Tigidali Bomo Elalubo Genuai Bidigo agai te dila pai homu kolesago te nai nosali mu pedalaibao homu yali," Aisaiago te Hesekiabolo te po wali.

³² Tama agai po me wadolama, tama wali, "Tama te Genuai Bidigo e tama po ma wai, 'Asiria king bidi dali, te aga ami soldia bidi dabe dali, augwaligo te Jerusalem taun tomoba asobo usu egobeo, tama me te augwaligo te ene me deli te taun tomoba enebo usu egobeo. Te ami soldia hani augwaligo te boi hwjbo awa me deli selama, tama augwali te taun pađa asobo usu egobeo,' wali. 'Tama augwaligo te tų selama, te taun obo banis pađe sisinyu, tedu holomainu ebo usu me egobeo, tama augwali te tų tųde dolaluyu, boi hwjabo, te me menio. ³³ Ena Genuai Bidi da, tama eno te Asiria king bidi homu begelama, te tama aga asali tųdu ma begasa paibao. Tama tiyu, aga te e Jerusalem bulu taun tomoba asobo usu me egobeo. ³⁴ Eno tama tiwaibao, magi baso meni, eno ena genuai nogi tobade, tama me te polobadu eno sę bidi Devit dali po daj wali po tobade tama tiwaibao.'" Aisaiago te Genuai Bidigo te tama wali po te king Hesekiabolo pusa mani.

³⁵ Tialima, megi hulide tama, te Genuai Bidigo sę ebo ensel mobo bidi me deli te Asiria hani bidibo pesageba pelama, tama te 185,000 ami soldia bidi elama, isilali. Tama te do kigamu mu te king Senakerip aga hodaluma, te ami soldia bidi dabe isali tigi suali. ³⁶ Tama tialima, te aga dali, te me badu ami soldia bidi dabe dali, augwali me bidaluali, tama augwali hodaluma, tama augwali te Asiria pabo bulu tųdu ma geasa pali, tama te king Senakerip aga te Nineve taunba bidigi pali.

³⁷ Tama nosali me sogo deli aga te lotu be tomoba pelama, te Nisrokba lotu po wabo sę edubadi yaide, te Nisrok te aga tibo god da. Tama aga ogwa si, me nogi Adramelek, tama te me wai nogi Sareser da, tama te augwa sigo te ge pedai bainat hwą selama, tama te lotu be tomoba pelama, te augwa si aya king Senakerip elama, isilali. Tama tilama, nosali augwa si te Ararat buluba wi pelama, bidigi pali. Tama tiali, te aga te gasa ogwa me, aga nogi e dao, Esarhadon, aga te ogwago aga ayago te king yali sę selama, tama aga te Asiria king nigilama bidali.

Te king Hesekia gasi sobaso, tama te Genuai Bidigo aga tau sali

(Ais 38:1-8; 38:21-22; 2 Sto 32:24-26)

20 Tama te Asiria hani augwali asama, te Juda hani me dolagasiabadi, te sogo, te king Hesekia aga moni gasi mu sali, tama pađe aga isabo homu mu yali. Tialima, te profet bidi Aisaia, te Amosgo ogwa, agai te king Hesekia gasi ebo sugi pelama, tama agai e tama po wali, "Genuai Bidigo e tama po wali, 'Nago te gasi sia sogobeo, tama nage isaibao,' wali, 'tama teyu nago te naga bede bidibo we bidi augwalibolo e po wao, tama augwaligo te nago sę dabe dodolinao,' God Genuai Bidigo te po wai," Aisaiago te po wali.

² Tama te Hesekia agai te wali po odali, tama aga gesabidi te be habu dagaba gegi solama, tama agai e tama gedu haluasa po Genuai Bidibolo wali, ³ "Genuai Bidi, ena nage wali mu peyu, tama eno nago sę mu yai dao. Tigidali sogo eno nago homu godolo ebo kolesagadu naga wali pai dao," wali. "Tama teyu, nago te eno te sę yaliba kone palama, tama nago ena isimainogo sula tagaligio." Tama agai tama gedu haluasa po olama, tama aga gela genuai wali.

⁴ Tama te profet Aisaia aga te kingo be tagalama, tama aga pali. Tiali goli, aga te kingo te be obo sesege taga pisabadi yaide, tama Genuai Bidigo agabolo po ma wali, ⁵ "Nage ma geasa pelama, te king Hesekia sugi pao, te king te eno hani we bidigo king bidi dao," wali, "tama agabolo e tama po wao, ena God dao, aga waj nų Devitgo Genuai Bidi, eno agai gedu haluasa po wali eno odalio, tama aga moni gela wabo sualio," wali. "Tama tibaso, eno aga ma wiegi yai ma ilibao," wali. "Tama duba te aga te eno lotu beba ma pelama, te ena dolo lotu po waibao," wali. ⁶ "Tama agabolo e tama po wao, ena Genuai Bidi, eno po obao, tama eno aga bidabo kibu be ma bobo ilibao, te e tama kibu be aga ma bidaibao, te nogo si olama, te sađa badu a naga, te 15 kibu me ma bidama, tama nosali aga isaibao," wali. "Tama teyu, te Asiria king bidigo aga aiyaba elaluama, tama augwaligo te Jerusalem taun somainu eno sula tagalogobeo. Mu menio," wali. "Eno tama tiwaibao," wali, "magi baso meni, eno ena genuai nogi ma kone paliyu, tama me te eno polobadu te king Devit dali po me bodolu sali poba kone paliyu, tama tiaibao, te eno sę bidi." Genuai Bidigo te po Aisaiabolo pusali.

⁷ Tama te profet bidi Aisaia pelama, te po mina silama, tama agai te kingo sę ebo bidi dabebolo e tama po ola mani, "Dage pelama, te ni kaya du augwaligo te wa ilali kaya du sigi piąo," wali. Tama augwaligo te ni du dabe sigi pelama, tama dodolama, tama te king Hesekiago te bomai keniba muani, tama tibo si, te kingo bomai keni pedala selama, tama te moni gasi silali.

⁸ Tialima, hasia bolo king Hesekiago Aisaiabolo e tama po hanalu wali, "Genuai Bidigo agai enabolo mena tama tiwai sę ola menama, tama tedu eno koneaibao, eno ma wiegi yai pedalama, tama duba ena nago gedude te tempel beba paibawe?" te po hanalu wali.

⁹ Tama te profet bidi Aisaiago agabolo e tama po ola mani, "Genuai Bidigo e tama dąj nagebolo ola mawaibao. Nago te tama dąj sulama, koneagameo. Dago te be posobode te giliga ge soabo me nedebo togobilide suao. Nago homugo te giligago te togobili-noma polo selasa peyu, te nogo si dąjba usu nigi pabo si, ma nago homugo te togobilide te noma polo ma geasa peyu, te nogo si dąjba usu nigi pabo si?"

¹⁰ Tama te king Hesekiago e tama po wali, "Te tama tibo te usu dao, te giligago te togobili noma polo selasa peyu, te nogo si dąj usu nigi pabo te bomai sę meni. Tama tialima, eno homugo me te togobili noma aga polo tama ma begasa peyu, te nogo si dąjba usu nigi pabo tama emainao," wali. ¹¹ Tama tialima, te profet bidi Aisaiago te Genuai Bidi God dolo bomonama mu wali, tama te Genuai Bidi Godigo te togobili noma te giligago polo ma selasama, ma geasa peyu, te nogo si dąjba polo usu nigi pali. Te togobili te polobadu king Ahasgo nigai togobili dao.

Te Babilon king bidi Merodakgo agai te me badu bidi te Jerusalem bulu taunba tagala palali

(Ais 39:1-8)

¹² Te Merodak Baladan, Baladango ogwa, aga te Babilon bulu king bidi. Agai te king Hesekia moni gasi yali po odali, tama tibaso, agai te pas me deli asęnama, tama me te agai te olo tau siyu maiabo nai me deli dodolama, tama agai te tagala palobo bidi dabebolo nogode munama tolali, tama augwaligo selasa pelama, te king Hesekiabolo magi pali. ¹³ Tama te king Hesekiago te bidi dabego wali po odama silibo si, tama agai te bidi dabe te agai te moni bakstuaba te agai augwali odasa pelama, tama agai te tigidali mone me, tama me te gasa nai dabe me, te nai dabe me tigidali te bidi dabebolo agai augwalibolo wasilali. Tama te augwaligo te agai te mone mubo bede muani te tigidali silva me, me te gol me, te nai dabe tigidali augwaligo sula silali, tama te dwagi yai denami ebo pauda me, tama me te dwagi yai denami ebo sanda wel me, tama me te boi hwjbo nai dabe tigidali me, tama me te agai te bakstuade muani te gasa nai dabe tigidali augwaligo suali. Te king Hesekia agai te nai me deli me dualobe. Mu meni. Tama agai te kingo be obo tomode

elalubo nai me, tama me te Jerusalem bulude elalubo nai dabe tigidali te agai augwalibolo ola mena silali.

¹⁴ Tama te Babilon bulu bidi dabe te augwa buluba ma begasa pela silali, tama nosali te profet bidi Aisaia asama, te king Hesekia suagasali, tama agai agabolo e tama po hanalu wali, "Nage pageba te asali bidi dabe, te augwali mena bulu bidi dabe dawę? Tama augwaligo nagebolo magi nai po waliwe?" Tama te king Hesekiago agai agabolo e tama po wei ponani, "Te bidi dabe augwali te digibulu bulu mu, te Babilon bulu bidi dabe asalio," wali.

¹⁵ Tama te profet bidi Aisaiago te po wali, "Tama augwaligo mena mena nai naga mu te nago obo tomoba pelama, sualiwe?" Tama te king Hesekiago agai te po wei ponoyu, e tama po wali, "Tama eno augwalibolo te eno te tigidali doado bage dabe me dualobeo," wali, "tama augwalibolo te eno te doado bage tigidali mu ola mena silalio," wali.

¹⁶ Tialima, te profet bidi Aisaiago te king Hesekiabolo te po wali, "Megi eno nagebolo eno e po obao, Genuai Bidigo po dao. ¹⁷ Genuai Bidigo te po wai, 'Bodolu me deli nosali pedalaibao,' wali, 'tama te Babilon hani augwali asama, tama te kingo bede te mubo doado bage tigidali sagasaibao,' wali, 'tama me te tigidali doado bage te naga wąj nųęo polobadu te augwaligo te mone te genuai bakstuade sisinama muani doado bage me. Tama augwaligo te doado bage me deli munalubo sula tagalogobeo. Mu menio. Tama augwaligo te tigidali doado bage dabe selasa, te augwa Babilon buluba paibao,' wali. ¹⁸ 'Tama te augwaligo te nago hanigo tomode te me badu wai dabe selama, tama te wai dabe augwali te Babilon buluba odasa paibao. Tama augwaligo te odasa pabo ogomani te augwali te kibu ebo gilama te sogoli tinama, tama te augwali te Babilon bulu king bidigo bede sę yabo bidi nigilaibao,' wali." ††

¹⁹ Tama te king Hesekiago agai te profet Aisaiago wali po odali, tama agai te profet bidi Aisaiabolo e tama po walali, "Genuai Bidigo po nago enabolo pusa mobao," wali, "te po te dwagi yai po dao." Hesekiago te tama po wali, magi baso meni, agai e homu yali, 'Te ena king bidi me bidibo sogo, te dwai dwai sęęę ebo sę pedalogobeo. Tama da bugagia mu bidaibao, tama te boi me hwjgobeo,' te homu yali.

Te king Hesekia isali po

(2 Sto 32:32-33)

²⁰ Te king Hesekiago te tigidali haniani sę yali po da, te po gasa bukude elalubo, augwaligo e tama nogi wabo da, Te Juda Hanigo King Bidi Dabego Yali Sę Po Buku dao. Te bukugo te tigidali bomai sę agai yali po, tama te tų dulude te bobobage wę asabo wę gamia tų agai nigilama, te Jerusalem taun buluba wę kegasa asai dao. Tama te e bukugo me te po wabo da, te agai ulu wę nigai da wabo dao. ²¹ Te king Hesekia isali,

† 20:17 2 Kin 24:13; 2 Sto 36:10 †† 20:18 2 Kin 24:14-15; Dan 1:1-7

tama te aga wai, te Manase, te aga ayago yali sę selama, te aga king bidi nigilama bidali.

Manase aga te Juda hanigo king bidi nigilama bidibo sogo
(2 Sto 33:1-20)

21 Te Manase aga king bidi nigilama bidibo sogo, agai kibu be te nogo si olama, te saęaęo si olama, te kibu be elaluama, tama te aga king bidi nigali. Tama aga te Jerusalem taunde te king bidi nigilama bidali kibu be, te 55 kibu be usu nama bidali. Aga ida nogi te dao, Hepsiba dao. ² Tama te king Manase agai te dwagi yai kolesagadu me wali pabe. Mu meni. Tama me te agai te tęde polobadu te bidali bidi dabego yali haniani dwai kolesagadu wali peyu, tama Genuai Bidigo augwali sela saęnama, tama agai te tę te Israel hani dabe augwali te tę mani. Tama te king Manase agai te hanigo yali kolesagadu wali pali, tama te king Manase agai te Genuai Bidigo gedude dwai kolesaga mu iduali. ¹³ Te king Manase agai te dwai haniani kolesaga naga tama yali. Tama agai te tibo god dolo lotu po wabo pesage ma nigibo sę yali, polobadu aga ayago, te king Hesekiago, sela saęani pesage. Tama agai te tibo god Bal dolo lotu po wabo pesagede agai te alta sai nigibo sę yali. Tama agai te tibo god we nogi Asera noma nigibo sę yali, te polobadu te king Ahapgo yali tiwai, te Israel hanigo king bidi, te agai te sę yai, tama me te agai te dagalude elalubo hęba lotu po wabo sę iduali. ⁴ Tama agai te tiwai sę yali, te Genuai Bidigo tempel be tomode te agai te tibo god dolo lotu po wabo alta sai nigibo sę yalio. Tiali goli, polobadu Genuai Bidigo te bede e tama po wai, "Te Jerusalemde elalubo be, te be te tigidali we bidi dabe augwaligo ena deli dolo naga lotu po wabo be dao," wai dao. ¹⁵ Tiali goli, te king Manase agai te me badu alta sai te Genuai Bidigo tempel be habude te tigidali we bidi sisinagasabo madigi te pesagede si te be tomode elalubo madigi, te agai te me badu alta sai nigibo sę yali, tama aga te alta saide bidiyu, te hę dabeba lotu po wali. ⁶ Tama agai te aga ogwa elama, tama agai aga te wai te siaba sese ula palali, te ofa nai ulubo tiwai gilama yali. Tama agai te polobadu isali bidi isi bidigo aga tau somainu i wali, tama agai me te sogo yesi bidi me hanalu wali, tama te bidi dabe augwaligo aga tau somainu, tama agai te haniani kolesaga umabo mu yali. Manase agai te Genuai Bidi gedude sęęę sabo kolesaga genuai mu sęęę sali. Tama agai tama tibo dwai kolesaga ebaso, tama te Genuai Bidigo te king Manase dali sębę genuai mu yali.

⁷ Tama te king Manasego agai te tibo god we Asera noma nigali piksa selama, tama agai te Genuai Bidigo tempel be tomode muani, tialima te polobadu te Genuai Bidigo te king Devit dali, te king Solomon dali, augwali sibolo e tama po ola mawai dao, "Te Jerusalemde elalubo tempel be, te be te ena digi te ena te Israel hani dabe augwali tomode eno daę ilai dao," wali, "tama tigidali sogo tama augwali eno te beba naga

† 21:2 Jer 15:4 †† 21:4 2 Sml 7:13

aselama, tama augwaligo ena deliba naga lotu po wabo be dao. ⁸ Tama tialima, dage tigidali eno hani we bidi dabe me, me te eno po odama wali pabo we bidi dabe, me te eno bomai po wali pabo we bidi dabe me, Moses, eno sę bidi, agai dagebolo mawai po, tama tiali tama te eno dage munu me sela saęobeo, te tę te polobadu te eno duga wąj nõębolo mawai tę dao, tama te megi te tęde dage te bidibao," wali. ⁹ Tiali goli, augwaligo te po odama, tama augwaligo wali pabe. Mu meni. Tama te king Manasego te augwali kegelama, tama augwaligo te dwai dwai kolesaga umabo mu yali. Polobadu te tęde te bidali Israel hani isaęwai we bidi dabe augwaligo te dwai dwai kolesaga ebaso, tama Genuai Bidigo augwali te tędu sela saęani. Tama te Juda bagego te dwai dwai kolesagago te polobadu te tęde bidali dwai bagego yali kolesaga aiyaba elaluali.

¹⁰ Genuai Bidigo te king Manasego te dwai kolesaga ebo sę suali, tama tibaso te Genuai Bidigo te profet bidi dabebolo e tama po augwalibolo ola mani, te profet bidi dabe augwali te aga sę ebo bidi dabe da. Te Genuai Bidigo po e tama da, ¹¹ "Te king Manase agai te haniani dwai dwai kolesaga mu yali, te polobadu te Amor bagego yali kolesaga aiyaba elaluali. Agai te tibo god noma nigilama, tama agai teba lotu po wali. Tama agai te tibo kolesagago te Juda hani umabo mu agai kegelama, tama augwaligo me ena gedude sęęę sabuo.

¹² Tama tialima, ena God dao, Israel hani duga Genuai Bidi dao, eno po obao, tama eno te Jerusalem bulu me doloyu, tama te Juda hani me mu dolaibao," wali, "tama te gasa bulu bidi dabe augwaligo te sę yali po odobo sogo, tama augwali midigi genuai mu selama, tama augwali moni homu mu yaibao. ¹³ Tama te eno te Jerusalem taun dolabo kolesaga e tiwai dao, eno te Samaria bulu doloyu, te king Ahap aga hani dali doloyu yali deli kolesaga tiwai naga yaibao," wali.

"Tama eno te Jerusalem bulu taun dolama, tama te tigidali we bidi dabe mu dola silaibao, tama tilama, te Jerusalem taun te e tama tiwai elaluaibao, te plet pou wę telawai tiwai gilama, te magi nai mu me te dwasianu pobele bage me meni yai olo mu elaluaibao," wali. ¹⁴ "Tama tialima, te me badu we bidi dabe tede me bidibaso da, teda augwali te eno munu me tau sogobeo. Mu menio. Tama augwali te eno te boi bidi nogoba muaibao. Tama te boi bidi dabe augwaligo te augwali dolama, tama augwaligo doado bage dabe me wi sela pomainao," wali. ¹⁵ "Eno tama tiwaibao, magi baso meni, te eno hani we bidi dabe augwaligo eno gedude te dwai sęęę sabo kolesaga te augwa wąj nõęęo te Isip bulu tagalobo side te sęęę sabo gagalalio, tama augwaligo te deli kolesaga naga me edu bidali. Tama augwaligo te dwai sęęę sabo kolesaga me edu bidibaso, te eno te haliga sębę mu yalio," God Genuai Bidigo te po wai.

¹⁶ Te king Manasego agai te Juda hani augwali kegelama, tama augwaligo te Genuai Bidi gedude sęęę genuai mu sali. Tama me te agai aga hani we bidi dabe

‡ 21:8 1 Kin 9:3-5; 2 Sto 7:12-18

dali boi bidi ebo kolesaga yali. Tama te tigidali Jerusalem bulude te king Manase agai e tama kolesaga yali, te dwai kolesaga isiawai doloba pai we bidi umabo mu agai ela muna muna pali.

¹⁷ Te king Manase agai te haniani sę yali po, te gasa bukude elalubo, te buku da augwaligo e tama nogi ebo buku dao, Te Juda Hanigo King Bidi Dabego Yali Sę Po Elalubo Buku da, wabo dao. Te e bukude me, te king Manasego sęęę sali sę po ola mabo buku dao.

¹⁸ Tama te king Manase isali, tama augwaligo te aga te kingo be sesegede te obo tomode te tọ me deli elalubo madigi te king Manase pubulali. Te tọ te augwaligo e tama nogi wabo, te tọ te Usago tọ da. Te aga ogwa, agai nogi te e dao, Emon, tama te bidi agai te bidigo sę yali silide te aga king sę yali.

Emon aga te Juda hanigo king bidi nigali
(2 Sto 33:1-25)

¹⁹ Te bidi Emon aga te king bidi nigilibo sogo, agai kibu be te bidi sese deli olama, te ugwadu si, te 22, tama te aga Jerusalem bulude te king nigilama bidali kibu be te si digi mu tama bidai. Te aga idago nogi da, Mesulemet, te aga bulu te taun Jotba bulu bidi Harusgo wegi da. ²⁰ Tama te king Emon agai me te Genuai Bidi gedude dwai kolesaga yali, te aga ayago yali tiwai yali, te king Manasego yali gilama tiwai kolesaga yali. ²¹ Tama agai te aga ayago polobadu yali gilama te tibo godiba lotu po wabo sę yali, tama agai te aga ayago yali dwai kolesagadu dolo mu wali pali. ²² Agai te God tudiba mu togolali, te aga waji nųęęo Genuai Bidi mu, tama agai te Genuai Bidigo godolo ebo kolesagadu wali pabe.

²³ Tama me sogo deli te Emon aga sę ebo gavman ofisa bidi dabe augwali sisinama, tama augwaligo te king Emon ela muabo tų kegeyu, te po miani. Tama nosali augwaligo te aga te kingo be tomoba pelama, ela muani. ²⁴ Tama nosali te Juda hani we bidi dabego te king Emon elali ofisa bidi dabe me te augwali me ela muanio. Tama augwaligo te bidi te Josaia sali, te king Emongo ogwa da, tama augwaligo te bidi daji ilama, tama te bidi aga te Juda hani augwaligo king bidi nigilalio. ²⁵ Te king Emongo te gasa haniani sę yali po da, te gasa bukude elalubo, te buku augwaligo e tama nogi wabo buku da, Te Juda Hanigo King Bidi Dabego Yali Sę Po Elalubo Buku da, wabo dao. ²⁶ Tama augwaligo te king Emon te Usago tųde elalubo gų pageba pubaligi pali. Tama aga ogwa Josaia tama aga ayago king sę yali silide selama, tama king bidi nigilama, sę yali.

Te Josaia aga te Juda hanigo king bidi nigilali
(2 Sto 34:1-2)

22 Te Josaia agai kibu be te nogo a olama, te me badu nogo sela, te 8 kibu be bidama, tama aga te Juda hanigo king bidi nigilali. Tama aga te Jerusalem taun bulude king nigilama, sę eyu bidali kibu be te 31 kibu be usu nama bidai. Aga idago nogi dao, Jedida, te taun Boskat bulu bidi Adaiaog wegigo ame nani ogwa

dao. ¹² Tama te king Josaia agai te Genuai Bidigo gedude te dwagi yai kolesaga yali. Tama agai te aga waji nųęę Devitgo yali tiwai dwagi yai kolesaga mu yali, te king Devit, agai te polobadu yali sę. Tama te king Josaia agai te Genuai Bidigo tigidali po agai bomu mu elama, dolo naga wali pali.

**Augwaligo te Genuai Bidigo bede te Bomai Po elalubo
buku suali**
(2 Sto 34:8-28)

³ Tama te king Josaia aga te king bidi sę edubadi yaide, te kibu be te 18 wabo kibu be tomode, tama agai te aga kuskus bidi tagala palali, te bidi nogi Safan, agai te po Genuai Bidigo tempel beba selasa pali. Te bidi Safan, te aga aya Asaliago ogwa da, tama te aga waji nųęę ogwa te Mesulam. Te king Josaia te kuskus bidi Safanbolo e tama po ola mani, ⁴ "Nago te tobolu pris bidi Hilkiia sugi pelama, tama agabolo e tama po wao, te Genuai Bidigo tempel be tųde tonalubo bidi dabe augwaligo te tigidali we bidigo mabo te tigidali mone nedao wao," wali. ⁵ "Tama te Hilkiabolo e tama po walao, tama agai te mone selama, tama te sę tonalubo bidi dabebolo te mone mao," wali, "tama augwaligo selama, tama te Genuai Bidigo tempel be ma geselao. Tama augwaligo te monego te sę bidi dabe abelama, tama augwaligo te Genuai Bidigo be ma geseleyu, dodolobo sę emainao. ⁶ Tama augwaligo te monego naga te be sę ebo kapenda bidi dabe dali, tama me te masigigo te be sę ebo koneai bidi dabe me abelao. Tama me te ni name me, te masigi me, abelao," wali, "tama te me badu bidi dabe augwaligo te togolama, tama bugagia dodola muna silali selama, tama te Genuai Bidigo tempel be ma geseleyu sę yao. ⁷ Eno koneanio, te sę tonalubo bidi dabe augwaligo te ili po olama, te augwaligo te mone wi sabo bidi dabe menio. Tama teyu, te tobolu pris bidi nago homugo augwaligo te monego magi sę egowe weyu, nago augwalibolo hanalugio," Josaia te tama po ola tolali.

⁸ Tama te kuskus bidi Safan aga pelama, te kingo wali po gilama wali. Tama te pris bidi Hilkiago te po oda silibo si, tama agai te kuskus bidi Safanbolo e tama po wali, "Eno te Genuai Bidigo tempel bede mu nalubo buku me deli suai dao. Te bukude te Genuai Bidigo Bomai Po elalubao," wali. Tama te buku te pris bidi Hilkiago te kuskus bidi Safanbolo mani, tama te bidi Safango nedali. ⁹ Agai te buku neda silama, tama agai te buku dali agai sela pelama, te king Josaia agabolo e tama po wagi pali, "Naga sę ebo bidi dabe augwaligo te Genuai Bidigo tempel bede muani mone tigidali selama, tama te sę tonalubo bidibolo menama, tama augwaligo te Genuai Bidigo be dodolobo sę emainog yalio," wali. ¹⁰ Tama te kuskus bidi Safango agai e tama po ma wali, "King, te tobolu pris bidi Hilkiago te e buku enabolo manio." Tama agai te buku dinigilama nedali, te kingbolo te po nedali.

¹¹ Tama te kingo te Godigo te Bomai Po te buku tomode elalubo po odobo si, tama agai haliga sęęę mu

eyu, tama aga holobo ugwa pisayali. ¹² Tama agai te pris bidi Hilikia i wali, me te bidi Ahikam, aga te kuskus bidi Safango ogwa da, tama me te bidi te Akbor, aga aya te Mikaiago ogwa da, me te kingo kuskus bidi Safan, tama me te Asaia, te bidi Asaia aga te kingo sę ebo ofisa bidi da. Tama te bidi dabe augwali asela silibo si, augwalibolo e tama po wali, ¹³ "Megi te Bomai Po elalubo buku eno salio, Genuai Bidi agai homugo agai da tigidali da e kolesagadu wali pomainu, e tama po hanilama wali. Tiali goli, dago waji nõu dabe augwali te e dwagi yai po wali pabeo. Tama tialigo da, teda te Genuai Bidi agai da dali te moni haliga sębę mu yalio. Tiali goli, te megı dago te Genuai Bidigo Bomai Po elalubo buku dago te ma sualı dao," wali, "tama tialima, eno homugo dage pelama, te Genuai Bidibolo hanalugi pelama, tama agai homugo te mena sę te ena dali me, te Juda hani we bidi dabe dali me, me te Jerusalem bulu we bidi dabe dali yabo sę po page gegegi piąo," wali.

¹⁴ Te bidi dabe augwaligo te kingo po oda silibo si, tama augwali te Jerusalemde te gesi noma taun pedai baduba pelama, tama augwaligo te profet we me deli te gesi noma taunde bidibadi yaide, augwaligo te profet we dali po miani, te wego nogi e dao, Hulda. Hulda aga te Salumgo we da, Salum agai te pris bidi dabego te au dodobage gudubo ugwa mubo habu pesage tonalubo sę ebo bidi da. Salum aga aya te Tikvago ogwa da, tama aga waji nõu ogwa te Harhas. Tama te Huldago agai te bidi dabe augwaligo wali po oda silali. ¹⁵ Tama agai e tama po wei ponani, "God, da Israel hanigo Genuai Bidi, agai te po wai, 'Dage tagala palali bidi pageba ma geasa pao,' wali, 'tama agabolo e tama po walao', ¹⁶ 'Ena God, Genuai Bidi, tama eno te e buku tomode elalubo Bomai Po wali peyu, tama te Bomai Po te kingo nedebadi yaide, tama te eno te Jerusalem taunde bidibo we bidi dabe dali te taun dali dolaibao. ¹⁷ Te tigidali we bidigo ena tudiba ilama, tama augwaligo te tibo god dabeba ofa nai ula mabo sę ebo dao. Tama augwa te dwai kolesaga ebogo te eno augwali dali eno wado te eba. Eno sębę genuai mu te Jerusalem dali eyu, tama eno te sębę ebo sę te eno polo sia sogobeo,' wali. ¹⁸ 'Tama tialima, te megı te ena God da, te Israel bage duga Genuai Bidi da, eno homugo duga king bidibolo e tama po ola mobao. Tama augwaligo te buku nagebolo neda mabo sogo, ¹⁹ nago koneanio, te magi nai sę eno dagebolo olama, tama te Jerusalem dali, te Jerusalem taunde bidibo we bidi dabe augwali dali yabo sę po, eno e tama po obao, Jerusalem bulu dolaibao, tama te Jerusalem te olo bulu mu elaluaibao. Tama te gasa hani we bidi dabe augwaligo homugo te dwai po te augwa boi bidi dabe dali weyu, augwaligo e tama po waibao, "Dage te Jerusalem taun bulu dolali yali gilama dage me tama dolao," waibao. Tialima, te king, nago te e tama po odobo sogo tama te nago hani we bidi dabe dali yabo sę po da, nage haliga begelama, tama te eno gedude naga digi aiyaba elaluali. Tama me te naga bulubo ugwa pisalama, tama gela weyu, tama ena i wai dao.

Tama teyu, megı ena Genuai Bidi, eno po obao, eno nago i wabo odalio. ²⁰ Tama te Jerusalem taun bulu dolabo sogo nage dolidali weyu, teda eno sula tagalogo-beo. Menio. Nage bugagia mu bidaibao. Tiali goli, nosali nage isibo si, tama augwaligo nage gı pageba pubalobo sogo, teda te eno te Jerusalem taun dolaibao.' Genuai Bidigo te po wai." Te profet we Huldago agai te Genuai Bidigo po te bidi dabe augwalibolo mena silali, tama tilama, augwaligo te po te king-bolo pusigi pali.

Juda hani augwaligo te Genuai Bidi dologode bidaibao
olama, po daų wali
(2 Sto 34:3-7; 34:29-33)

23 Tama tialima, te king Josaia agai te tigidali Juda hani tobolu bidi dabe me, me te Jerusalem taunde bidibo tobolu bidi dabe me, agai te augwali asama, sisinagasamainu i wali. ² Tama te kingo te pris bidi dabe me, me te profet bidi dabe me, me te Juda hani tigidali we bidi dabe me, tama me te Jerusalem hani we bidi dabe me, augwali te nogi yai bage me, te nogi meni yai bage me, agai augwali deliba te Genuai Bidigo tempel beba sisinani. Augwali sisina silali, tama agai te Genuai Bidigo tempel be tomode ma sualı buku, te Daų Wali Bomai Po elalubo buku agai selama, tama agai te tigidali po te bukude elalubo augwalibolo neda mani. ³ Te king aga te Genuai Bidigo be mabo dolo elalubo bobobage pos dolalubo madigi aga dolaluali, tama agai te Genuai Bidi dali e tama bomai po daų wali. Agai te tigidali te bomai po te buku tomode muani po wali paibao wai. Agai te po bodolu selama polali deli homu naga, deli kolesaga naga tigidali bomai po me, me te Genuai Bidi agai po me wali mu paibao. Tama te tigidali we bidi dabego me augwali tigidaligo te bodolu selama, daų wali po delidu naga wali paibao olama, polali.

⁴ Nosali te king Josaia agai tobolu pris bidi Hilikia dali, te aga dologode sę ebo pris bidi dabe dali sali, tama me badu pris bidi dabe te augwali te Genuai Bidigo tempel be tu tonalubo pris bidi dabe me, tama agai augwalibolo te po wali, "Dage te Genuai Bidigo te be tomoba pelama, tama te tigidali te tibo god Bal me, me te god we Asera me, me te dagalu hę dabe, te tobage tibo god dabeba lotu po wabo doado bage dabe tigidali selama, buluba sela sayao," wali. Tama tilama, te kingo augwalibolo te po wali, "Te doado bage dabe tigidali selama, tama te buluba tolasa pelama, tama te wę Kidron wę bulu odogoba pelama, te doado bage tigidali sia ulao," wali. Tigidali doado bage siago dela pela silibo si, tama te augwaligo te keli naga sela pelama, tama te taun Betel buluba pao wai. ⁵ Tama te king Josaia agai te tibo godiba te alta saide te ofa nai ula mabo pris bidi dabe sela sayani. Polobadu te Juda hanigo king bidi dabego daų ilai bidi dabe da, te pris bidi dabe augwaligo te tibo god dolo lotu po wabo pesagede ofa nai ula momainu daų ilai pris bidi dabe dao. Tama te lotu po wabo bulu du pesage dabe te Juda hanigo taunde me elaluyu, me te Jerusalem taun pađe

me elaluyu yali. Tama me te tibo god Bal me, me te giliga, me te polua, me te dagalu hō dabe, te tobage tibo god dabeba ofa nai ula mabo pris bidi dabe me, te agai sela sayani. ⁶ Tama agai te augwaligo te tibo god we Asera noma nigilama, te Genuai Bidigo tempel bede munaluali piksa noma me sela sayani, tama augwaligo te Jerusalem bulu tagalama, tama te bulu me odogo te wē Kidron elalubo odogoba selasa pai. Tama te augwaligo siaba ulali. Tama te nosali augwaligo te sisi selama, tama augwaligo haluama, te pauda mu dolo nigali. Tama tilama, augwaligo te pauda selasa pelama, te taun Jerusalem bulude te olo we bidi dabe isali te pubulali gu pageba saşā biligi pali. Magi baso meni, te Aseraba lotu po wabo nai te dwai dwai nai mu da, te ola momainogo tama tiali. ¹⁷ Tama te king Josaiago te po wai, tama augwaligo te tigidali we bidi dabe augwaligo te Genuai Bidigo be tomode te penani sē ebo we bidi dabe augwaligo dwasianu be dabe sela sayao wali. Te be dabe te god we Aserago gudabo name ugwa ebo we dabe sē eyu, bidibo tō pedai badu elalubao wali.

⁸ Te Juda hanigo bulu tomode te tigidali taun bulude te pris bidi dabego te tibo godiba ofa nai ula mabo bulu du alta sai, te king Josaiago sela saşā pela silali. Agai te alta dolobo sē te taun Geba te taun te not badu da, te taundu gagalama, te saut badu te taun Bersebaba usu nigi pali. Tama agai te augwaligo te lotu po wabo pesage te tigidali bidi dabe gedude meda mu ilali. Tama agai te pris bidi dabe selama, tama te Jerusalem taunba odasa asali. Tama me te agai te Josuago beba pabo tū pađe dolo elaluali alta sai me dolali. Tama te bidi Josua te aga te Jerusalem taun tonalubo namba wan gavman tobolu bidi deli da. Tama te bidi agai te tū nigali, te pobase nogo badu nigilama, te Jerusalem taun tomoba pabo genuai tū pedai badu nigai. ⁹ Te pris bidi dabe, te kingo te Jerusalem taunba odasa asali bidi dabe augwali, augwaligo te Jerusalemde bidi-bo pris bidi dabe augwali dali sisinama, te nai bret bo dabo yis musiawai nai tuali. Tiali goli, augwaligo te Genuai Bidigo te tempel bede elalubo alta saide te augwaligo ofa nai me ulubo usu meni.

¹⁰ Te king Josaiago agai te augwaligo te lotu wabo pesage nogi te Tofet wabo pesage te agai dolali, te bulu te Hinom bulu odogode elaluai dao, tama te bulu me te bidi dabego gedude meda mu ilali. Tama tibaso, te bidi dabe augwaligo augwa te buluba nosali ma begasa pelama, tama te augwaligo augwa wai bōy elama, te tibo god Molekba te ofa nai tiwai gilama me augwaligo ula magi pogobe. ¹¹ Polobadu te Juda hanigo king bidi dabe me badugo homugo te giliga te god deli da homu elama, tama augwaligo teba lotu po wali. Tama augwaligo te me badu hos kibu siyu, me te boi hwjābo te karis siyu elama, tama augwaligo te god giligaba dāj ilama, tama augwaligo te doado bage dabe te Genuai Bidigo tempel be obo banis bologobea sai madigi pađe, te tomode te tō pedai me delide te

† 23:6 2 Kin 21:3; 2 Sto 33:3 †† 23:10 Prs 18:21; Jer 7:31; 19:1-6; 32:35

doado bage dabe muani. Te tō pedai te Natanmelekgo be obo tū pađe elaluai, te kingo sē ebo gavman ofisa bidi me deli. Tama tialima, te king Josaiago te sē yali te hos kibu sela sayani, tama me te karis dabe selama, tama siaba ula palali.

¹² Tama te kingo be ugwađu te pedu badu rum habu me deli nigai, te habu badu augwaligo e tama nogi wabo da, te King Ahasgo Be Habu Badu da wabo da. Polobadu te Juda hanigo king bidi dabe augwaligo te me badu alta sai te rum habu badu te be pedu doloba pai pedude te alta sai nigali. Tama te king Manasego te alta sai te sisinibo pesage si elalubo madigi te Genuai Bidigo te be obo bologobea sali tomode elaluali. Tialima, te king Josaiago te tigidali alta sai hūgia şana-ma, tama te miminama mu, dwasianunu mu ilali. Tama nosali augwali te alta mimina sayani, te pobe bage selama, tama augwaligo te Kidron wē elalubo odogo buluba sağı pali. ¹³ Tama te polobadu king Solomongo nigali ofa nai mubo alta sai te giliga asobo pedai badu elaluali alta sai, te king Josaiago dolali, te saut pedai badu te Oliv Bulu Du elalubo bulu du pedai badu elaluai. ¹⁴ Te king Solomongo te nigali alta sai dabe te tibo god we Astarte teba ofa nai ula maiabo alta sai nigai, te Saidon hanigo te dwai we god da, tama me te Moap hanigo te dwai god me nogi da, tama te nogi te Kemos da, me te god Molek, te god te Amon hanigo te dwai god da, tama te tibo dwai god dabe augwali te Genuai Bidigo gedude te dwai olo bage mu tonani. ¹⁴ Tama te king Josaiago agai te masigigo te pos nigali me, me te nigo pos nigilama te te tibo god we Asera noma piksa nigilama daganani pos ni dabe togolama, sayani. Tama agai te isai bidi dili dabe selama, tama lotu po wabo pesagede subigila saşā pali. ¹⁵

¹⁵ Polobadu te king Jeroboamgo, te Nebatgo ogwa da, tama agai te ofa nai muabo alta sai me deli nigali, tama te lotu po wabo bulu du pesage me deli te taun Betelde nigali. Jeroboam aga te king te polobadu Israel hani kegelama, tama te Genuai Bidi gedude dwai kolesaga haniani elama, seğē sali. Tialima, megi te king Josaiago agai te taun Betel buluba pelama, tama te bidi dabe augwalibolo e tama po ola mani, tama augwaligo te lotu po wabo pesage me dolama, tama te alta sai me hūginama, sayani. Tama augwaligo te lotu po wabo pesagede te sia dogonama, tama nosali augwaligo te sisi dabe selama, tama augwaligo te haluama, tama te pauda gagawai mu pedalali. Tama me te augwaligo tibo god we Asera noma piksa elalubo pos

‡ 23:12 2 Kin 21:5; 2 Sto 33:5 †† Te pedai badu, te Hibru pogo te bulu du te Oliv, te gasa me nogi te Dolobo Bulu Du da nogi wabo dao. Magi baso meni, te e buku aşani bidigo te e tama homu eyu nogi poai, te bulu dude te dwai nai dabe munalubaso nogi eyu, te Dolobo Bulu Du da wai da. Te pesage te bidi dabe augwaligo gedude te dolama, mu meda mu ilali. †† 23:13 1 Kin 11:7 ††† Te Israel hani bidi dabe augwaligo e tama homu eyu konealuali, te isali bidi dabego dili te dwai te mu da homu eyu, augwaligo wi mu yai. Tama teyu, te king Josaiago te isali bidi dili dabe meba selama, tama te bidi dabe wi eyu, augwali te lotu po wabo pesage digibulu bidada pomainu, te king Josaiago te isali bidi dili dabe selama, teba saşā pali.

ni selama, tama augwaligo siaba ulali. ^{†16} Tama te king Josaia aga dolalu bidama, tama aga begegi soabo sogo, agai te gų page me deli te dwasianu bulu dude elalubo suali. Tama tialima, te agai te aga sę ebo bidi dabebolo te po wali, "Tama dage pelama, te isali bidi dabe dili hodigi pao," wali. Tama te king Josaia te isali bidi dili dabe selama, te king Jeroboamgo nigali alta saiba munama, tama siaba ulali, tama te kolesaga yaligo da, te alta sai te tigidali bidi dabe gedude meda mu ilali. Tama tiali kolesagago te Genuai Bidigo te profet bidi me deli pedawalidu wali pogo te kolesagaba usu nigali pali. ^{††} ^{†17} Tama te king Josaia te dili dabe siaba ula silama, tama agai suali, ma te gasa gų page me elalubo suali. Tama agai augwalibolo hanalu wali, "Te e te gų page dego dawe?" Tama te taun Betel bulu bidi dabego e tama po wei ponani, "Te gų page da, te Juda buludu asali profet bidi gų page dao," wali, "polobadu te profet bidi aga aselama, te megali nago te e alta saide yali sę po page pusa magasali bidi dao," wali. ^{††}

¹⁸ Tama te Josaia augwalibolo e tama po ola mani, "Dagego aga gų pagede te magi sę me deli elamuo," wali. "Aga gų pagede te aga dili bugagia munalubo sula tagalao," wali. Tama tialima, augwaligo te profet bidigo dili me sabe, tama me te gasa profet bidi te Samaria buludu asali profet bidi agai dili me sabe.

¹⁹ Polobadu te Israel hani bidi dabego king bidi dabe augwaligo te Samaria bulu taunde te tibo god dolo lotu po wabo bulu du pesage nigigi pali, tama augwaligo te tama tiali kolesagago te Genuai Bidi aga haliga sębę ilali. Tama te megali da, te king Josaia agai te augwaligo te lotu po wali pesage dabe dolali, te agai Betel bulu taunde yali gilama yali. ²⁰ Tama agai te augwaligo te lotu po wali pesagede te pris bidi dabe tigidali agai oda sali, tama agai augwali te augwa te nigali alta sai dabede te pris bidi dabe augwali ugwa badu munama, tama ela muna muna pali. Tama me te agai isali bidi dabe dili me selama, tama te augwa te nigali altaba munama, tama te sia ulali. Tama agai tama tibo sę silali, tama aga te Jerusalem taun buluba ma begasa pali.

**Te we bidi dabe augwaligo te Pasova daj ilali bodolu
koneama, augwaligo nai ula tuali**
(2 Sto 35:1-19)

²¹ Tama nosali te king Josaia te we bidi dabebolo e tama po ola tolali, "Dago te Pasova nai ula tubo te bodolu kone palao," wali, "God, dena Genuai Bidi, agai te dago waj nõų dabe te Isip bulude augwali bugagia bidimainu sula tagalai bidi dao, tama te augwaligo te e po bodolu selama, daj wali bukude augwaligo asęani. Da tigidaligo te bukude elalubo tigidali po wali pao," wali. Tama tialima, te tigidali we bidi dabe augwaligo te kingo wali gilama te po wali pali. ²² Tama te sese Israel dabego tobolu bidi dabe augwali bidibo sogo te sę ebo kolesaga gagalama, ela asu, te Israel hanigo

king bidi dabe me, me te Juda hanigo king bidi dabe bidibo sogoba usu nagasai, te Israel hani we bidi dabe augwaligo te Pasovade wabo bomai po wali bugagia me pabeo, te polobadu te Godigo te Israel hani augwali bugagia bidimainogo Godigo te sula tagalama daj ilali sogode te augwaligo te nai ulama, tubo bodolu sogo augwaligo bugagia kone palama, wali me pabe. ²³ Tiali goli, te king Josaia agai te king bidi bidibadi, te kibu be te 18 wagi solama kibu be pai, tama augwaligo te bukude muani po bugagia wali pali. Tama augwaligo te Jerusalem bulude te Genuai Bidide kone paleyu, te Pasova bodolu sogo koneama, nai ulama tuali.

**Te king Josaia te Juda bulude augwaligo te haniani
dwai kolesaga yali agai sela sayani**

²⁴ Tama te king Josaia agai te isali we bidi dabe noma dali po mibo we bidi dabe me agai augwali sela sayani, tama me te agai te augwaligo bedede munalua pali te tibo dwasianu god dabe agai sela sęsę pali, tama me te augwaligo nogogo nigali god noma me. Tama te Jerusalem bulude elaluali me, tama me te tigidali Juda bulu pedaide me elaluali doado bage me, te bulu badu Genuai Bidi Godibolo lotu po wasiawai we bidi hani dabego lotu po wabo dwai haniani doado bage dabe buluba tigidali agai buluba sela sayani. Agai tama tiali, magi baso meni, agai homugo augwaligo te tobolu pris bidi Hilkiago te Genuai Bidigo tempel be tomode munalubo ma suali bukude te Godigo tigidali Bomai Po elalubo podu wali pomainu, tama kolesaga yai. ²⁵ Josaia aga dwagi yai king bidi mu da. Agai homu kolesaga me mu deli homu kolesaga naga yai, agai te Genuai Bidigo bomu dologodu naga wali pai, tama me te Mosesgo tigidali bomai po me wali pai. Polobadu te king bidi dabe augwali te king Josaia tiwai me bidai meni, tama te nosali me te aga tiwai me bidai meni. Te king Josaia aga deli mugo tigidali king bidi dabe aiyaba elaluai da.

²⁶ Te king Josaia agai dwagi yai kolesaga umabo mu yali, tiali goli te Genuai Bidigo agai te homu yali, te king Manasego agai te dwai kolesaga yaliba ma agai me kone palali, tama agai haliga sębę genuai mu te Juda hani augwali dali yali, agai te haliga sębę yali te sębę me sia sabe. Mu menio. ²⁷ Tama tibaso, te Genuai Bidigo te tama po wali, "Tama te deli kolesaga naga te Juda hanigo bulude yaibao," wali, "te polobadu te eno te Israel hanigo bulude yali tiwai yaibao. Tama eno augwali sela sęnama, tama augwali digibulu mu gudulaibao," wali. "Magi baso meni, eno augwali tonobo hagela mu ebuo. Tama eno te Jerusalem bulu taun eno tudiba ilaibao, te taun bulu te ena digi ena bulu da olama, daj ilai dao. Tama eno te we bidi dabe augwali asama, te ena dolo lotu po omainu eno te daj ilali be, te me eno tudiba ilaibao," God Genuai Bidigo te po wali.

† 23:15 1 Kin 12:33 †† Te 1 Kin 13:1-2 tede elalubo po suo.

‡ 23:16 1 Kin 13:2 †† 23:17 1 Kin 13:30-32

Te king Josaiia isali po dao
(2 Sto 35:20-36:1)

²⁸ Te king Josaiago te agai te gasa sę dabe yali po dao, te po gasa bukude elalubo, augwaligo te buku e tama nogi wabo da, Te Juda Hanigo King Bidi Dabego Yali Sę Po Elalubo Buku da wabo dao.

²⁹ Te Josaiia aga king bidibo sogo, te bidi Neko, te Isip king bidi, agai te aga Isip ami soldia bidi dabe selama, tama augwali te Juda hanigo tų ela solama, te Yufretis węba pali, augwali te Asiria hani tau somainu, augwa sigo boi bidi dabe dali boi hwjgi peyu pali. Tama te king Josaiago te boi hwjbo po odali, tama te agai te aga ami soldia bidi dabe selama, tama te augwali pelama, te Isip hani dali boi hwjgi pali. Tama augwaligo te Megido hanu taunde augwaligo te boi hwjani, tama te Isip hanigo te king Josaiia elama, isilali. ³⁰ Tama te Josaiago sę ebo gavman tobolu ofisa bidi dabego te king Josaiia tigi selama, te boi hwjbo karis me deliba munama, tama augwaligo te Jerusalem taunba selasa pali. Tama augwaligo te king Josaiia tigi selama, te Juda hanigo king bidi dabe pubalobo gų pageba pubaligi pali. Tama tialima, te Juda hani augwaligo te bidi Joahas sali, aga aya te king Josaiago ogwa, tama augwaligo te wel selama, tama aga toboluba te wel gelama, tama aga augwaligo te king bidi nigilama, dąj ilali.

Te bidi Joahas aga te Juda hanigo king bidi nigilama bidali
(2 Sto 36:2-4)

³¹ Te bidi Joahas aga kibu be te 23 kibu be usu nama, tama augwaligo aga te Juda hanigo king bidi nigilama bidali. Tama aga te Jerusalemde king bidi nigilama bidali, polua sela digi bidai. Aga ida nogi da, Hamutal da, te we aga bulu te Lipna bulu taun bidi Jeremaiaigo wegi da. ³² Te bidi Joahas agai te aga wąj nųųgo yali kolesagadu wali pali, tama teyu, agai te Genuai Bidigo gedude dwai kolesaga genuai mu yali. ³³ Te Isip bulu king bidi Nekogo agai te bidi Joahasgo te king sę yali sela sayani, tama aga te Hamat bulu taun Ripla taunde aga te hadabu bede bidali, tama te king Joahas aga king bidi nigilama ma bidibe. Tama te king Nekogo te Juda hani dali te agai takis mone sali, te mone te 3,400 kilogram usu silva me sali, me te 34 kilogram gol, tama mone dabe selama, takis mone mani. ³⁴ Tama te king Nekogo agai te bidi Eliakim sali, te king Josaiago gasa ogwa me da, tama te king Neko agai homugo te bidi Eliakim aga te Juda hanigo king bidi nigilainu yali, te bidigo te aga aya Josaiago king sę yali silide bidiyu, king sę yali. Tama te king Neko agai te bidi Eliakim nogi hasegelama, tama aga nogi Jehoiakim poali. Tama nosali te king Nekogo te Joahas aga te Isip buluba odasa pelama, tama aga te Isip bulude bididubadi yaide, isibo bodoluba usu nigi pali. ³⁵ Tama te king Jehoiakim agai te tigidali we bidi dabe dali, te silva me gol me sali, tama te agai te nai dabe selama, tama te Isip king bidi Nekobolo te takis mone mawai. Te king

† 23:34 Jer 22:11-12

bidi Jehoiakim agai augwalibolo te po wali, "Dagego te takis mone te duga usu naga sesaibao," wali. "Te umabo mone mubo bidigo da, teda augwaligo genuai mone muao," wali, "tama te dwasianu mone munalubo bidigo da, teda te dwasianu mone mao," wali. Tama tialima, te king Jehoiakimgo te we bidi dabego te muani te silva me, te gol me agai selama, tama te king Nekobolo tolali.

Te bidi Jehoiakim aga te Juda hanigo king bidi nigilali
(2 Sto 36:5-8)

³⁶ Te bidi Jehoiakim aga king bidi nigila bidibo sogo, agai kibu be te bidi sese deli selama, te ugwadu nogo a naga, te 25 kibu be usu bidali. Tama te aga Jerusalemde aga king bidi nigilama bidali kibu be te 11 kibu be usu nama bidai. Aga ida nogi te e da, Sebida, te wegi aga aya te Ruma taun bulu bidi Pedaiago wegi da. ^{†37} Te king bidi Jehoiakim agai te aga wąj nųųgo yali kolesagadu wali peyu, tama agai te dwai sęęę sabo kolesaga te Genuai Bidigo gedude yali.

24 Te Jehoiakim aga te Juda hanigo king bidi nigilama bidibo sogo, te Babilon bulu king bidi Nebukatnesargo te aga ami soldia bidi dabe selama, tama te augwaligo te Juda hani dabe dali boi hwjagasali. Tama te augwaligo te king Jehoiakim aga hani dali augwali aiyaba elaluali. Tiali goli, nosali te kibu be sela silibo si, te king Jehoiakim agai homugo te king Nebukatnesargo aga munu me tonalugobe homu yali, tama teyu, te king Jehoiakim aga te king Nebukatnesar dologode munu ma bidibe. ^{‡2} Tama tibaso, Genuai Bidi Godigo te Babilon hani bidi me siyu, me te Siria hani bidi dabe me siyu, tama me te Moap hani bidi dabe me siyu, tama me te Amon hani bidi dabe me siyu elama, tama te king Jehoiakim dali boi hwjnama, tama te Juda hanigo bulu Jerusalem taun dolomainu Genuai Bidigo tagala palali. Genuai Bidigo agai tama tiali sę te agai te profet bagebolo pusa mani poba usu nigi pai, te profet bidi dabe te aga sę ebo bidi dabe da. ³ Genuai Bidi aga digi te tama tiwai kolesaga te bidi haniba menama, tama tiwai sę yali. Magi baso meni, agai homugo te Juda hani hagela mu eyu, agai homugo te Juda hani augwali te augwa tų tagalama, te digibulu sela sęwainu yai. Genuai Bidi agai te king Manasego yali te dwai kolesaga me konealudu, agai tama kolesaga augwalide dolo yali. ⁴ Tama me te agai e tama homu koneani, te king Manasego agai te tigidali Jerusalem bulu pedaide te haniani dwai kolesaga isęwai doloba pai we bidi dabe ela muani, tama Genuai Bidi agai homu te king Manasego te dwai kolesaga yali sęęę sali sęęę agai tagalabo homu ebe.

⁵ Te king Jehoiakim agai te haniani sę yali po elalubo, te gasa bukude elalubo da, te buku augwaligo e tama nogi ebo da, Te Juda Hanigo King Bidi Dabego Yali Sę Po Elalubo Buku da, wabo dao. ⁶ Te king Jehoiakim isali, tama te aga ogwa, Jehoiakingo te aga ayago sę selama, tama aga king bidi nigilama, sę yali.

†† 23:36 Jer 22:18-19; 26:1-6; 35:1-19 ‡ 24:1 Jer 25:1-38; Dan 1:1-2

⁷ Megi tama tibo sogo te Babilon kingo te bulu taun tonaluali polobadu te Isip bulu king bidigo te bulu taun tonaluai, tama te Isip bulu dajide gagalama, te we Yufretis teba sabaligi pali. Tama teyu, te Isip hani dali te augwa ami soldia bidi dabe augwaligo te gasa buluba me pelama, te boi me hwjgi pabe.

Te bidi Jehoiakin aga te Juda hanigo king bidi nigilali
(2 Sto 36:9-10)

⁸ Te bidi Jehoiakin agai kibu be te 18 kibu be usu nama bidama, aga te Juda hanigo king bidi nigilali. Tama aga te Jerusalem bulude aga te king bidi nigilama bidali, te polua sela bidai. Aga ida nogi te e dao, te agai nogi Nehusta, te aga aya te Jerusalem bulu bidi Elnatango wegi da. ⁹ Te king Jehoiakingo agai te aga ayago yali kolesagadu wali pali, tama agai te Genuai Bidi gedude dwai kolesaga mu yali.

¹⁰ Tama te king Jehoiakin aga te king bidi bidibo sogo, tama te Nebukatnesar aga se ebo gavman ofisa bidi dabe meba augwaligo te Babilon ami soldia bidi dabe siyu elama, tama te augwali asama, te Jerusalem bulu taun bobegela sagaselama, tama augwaligo te boi hwjnama, te Jerusalem taun sainu yali. ¹¹ Te Babilon ami soldia bidi dabe augwaligo te Jerusalem bulu taun bologobealudubadi yaide, tama te king Nebukatnesar aga digi aga ami soldia bidi dabe dali aga aselama, bidalubo suali. ¹² Tama te king Jehoiakingo sualima, te king Nebukatnesar aga ami soldia bidi dabe dali asama bidibo suali, tama tialima, te king Jehoiakin ebadi, te aga ida ebadi, tama me te aga gavman ofisa bidi me, me te augwa genuai bidi dabe me, tama me te kingo be tonalubo bidi dabe me, augwali tigidali te taun tagalama, buluba pelama, te king Nebukatnesar dali sisinama, tama augwaligo Nebukatnesarboloto po wali, "Tama dago homugo te boi ma hwjgobeo," wali. Tama tialima, te king Nebukatnesargo te king Jehoiakin aga kalabusiba muani. Tama te se yali sogo, te king Nebukatnesar agai kibu be te 8 kibu be te Babilon bulude king bidai. ¹³ Tama te king Nebukatnesar aga te Genuai Bidigo tempel be tomoba pelama, tama agai te tigidali gol te king Solomongo nigali naide muani gol dabe tigidali sali. Tama me te gasa dwagi yai doado bage te Genuai Bidigo tempel bedede muani me, me te kingo bedede muani doado bage me, tama tigidali te agai te Babilon buluba selasa pali. Agai te tama tiali se te Genuai Bidigo polobadu wali poba usu nigi peyu, tama se yali. ¹⁴ Tama te king Nebukatnesar agai te tigidali te Jerusalem bulude bidali we bidi dabe tigidali me, me te tigidali gavman ofisa bidi dabe me, tama me te boma pai ami soldia bidi dabe me, te we bidi dabe tigidali, te 10,000 usu bidi dabe agai selasa, te Babilon buluba pai. Tama me te agai te tigidali bidi dabe te haniani nai dabe nigibo konea pai bidi naga selama, tama me te ain nigibo konea pai bidi dabe me, agai selasa pali. Tama agai te bidi dabe augwali tigidali te Babilon taun buluba odasa pelama, te kalabus iligi pali. Tama agai e tama tiali, te tigidali te haniani nai

† 24:12 Jer 22:24-30; 24:1-10; 29:1-2

dabe mu meni yai bidi dabe naga tagalama, te Juda hani augwa bulude bidibadi taga soali.

¹⁵ Tama te king Nebukatnesargo te king Jehoiakin dali, te aga ida ebadi, me te aga we me, me te aga se ebo gavman ofisa bidi dabe me, tama me te Juda hanigo genuai bidi dabe me, augwali tigidali te kalabus elama, tama agai augwali te Babilon buluba odasa pali. ^{†16} Te king Nebukatnesargo agai te tigidali te Juda hanigo bomai ami soldia bidi dabe naga selasa pali, te bidi dabego namba usu te 7,000. Tama me te haniani nai dabe nigibo konea pali bidi me, tama me te haniani nai te ain dabe nigibo konea pai bidi dabe me naga, agai te augwali umabo mu sali. Te bidi dabe augwaligo namba te 1,000 usu da. Te tigidali bidi dabe, tama te bidi dabe augwali te ami soldia bidi dabe nigilama, se yabo boma pai bidi naga mu.

¹⁷ Te king Nebukatnesar agai homugo te bidi Matania, te bidi te king Jehoiakin aga aya sabi bidi da, te bidi agai te aga amago ogwa Jehoiakin hasegelama, aga te king bidi nigilali. Tama te king Nebukatnesargo te bidi Matania nogi hasegelama, te agai nogi Sedekaia nogi polali. ‡

Te Babilon bulu bidi dabego te Jerusalem bulu bidi dabe dali boi hwjnama, tama te taun Jerusalem sali
(2 Sto 36:11-21; Jer 52:1-11)

¹⁸ Te bidi Sedekaia agai kibu be te 21 kibu be elalubadi, tama aga te Juda hanigo king bidi nigilali. Tama aga te Jerusalem taunde aga king nigilama bidali kibu be te 11 kibu be bidai. Aga ida nogi da, agai nogi Hamutal, Jeremaiago wegi da, aga aya te taun Lipna bulu bidi da. ^{†19} Sedekaia agai te king Jehoiakingo yali kolesagadu wali pali, tama agai te Genuai Bidigo gedude dwai kolesaga mu yali.

²⁰ Tama te Juda hanigo augwaligo me, te Jerusalem taunde bidibo we bidi dabego me, te haniani dwai kolesaga ebo se te Genuai Bidi aga haliga se se dwai mu yali, tama tibaso, te Genuai Bidigo te we bidi dabe augwaligo gesabidi subo hagela mu eyu, tama agai te we bidi dabe augwali te augwa bulu to tagalama, digibulu bidigi pomainu, mu sela sayani. ‡

25 Te king Sedekaia agai homugo te Babilon king bidigo aga tonalubo hagela yali, tama teyu, aga te Babilon hanigo king aga dologode munu ma bidigobe homu yali. Tama tialima, te king Sedekaia agai kibu be te te 9 yia, te ugwadu polua nogo si, te 10 mun, tama te king bidi bidali, tama te nogo si wabo poluade te dei nogo si dei, te Babilon king Nebukatnesargo te agai te tigidali ami soldia bidi dabe selama, tama te Jerusalem bulu taun bologobea sagaselama, tama augwaligo te taun sainogo te boi hwjani. Tama augwaligo te Jerusalem taun bologobea selama, tama augwaligo te to selama, te taun obo pade munama, tama du ilali, tama augwali teba doligiluama, boi hwjainogo tama tiai dao. ^{††2} Tama augwaligo te taun

†† 24:15 Eze 17:12 ‡ 24:17 Jer 37:1; Eze 17:13 †† 24:18 Jer 27:1-22; 28:1-17 †† 24:20 Eze 17:15 ††† 25:1 Jer 21:1-10; 34:1-5; Eze 24:2

Jerusalem bologobealudubadi yaide, te kibu be deli selama, te hap yia, te polua nogo a olama, te me badu nogo deli, te 6 mun tama bidali, te kibu bede te Sedekaia aga te king bidi bidali kibu be te 11 yia.

³Tama te kibu be tomode te 4 polua, dei 9 wabode, te Jerusalem taunde bidali we bidi dabe te nasi dwai mu yali, magi baso meni, augwaligo tuabo nai sia sali.

^{†4}Tama te sogo te Babilon hanigo te masigigo nigai genuai obo banis te me badu pedai badu deli auluma, te Jerusalem taun tomoba augwali pai. Tialima, te king Sedekaia dali, te Jerusalemde bidibo ami soldia bidi dabe dali, augwaligo homugo wi painu, tama be hulide augwali te kingo giba pabo t̄ɖu peyu, tama te augwaligo te taun tagalama, te obo banis si unulali nogo habu badu te elalubo t̄ɖu augwali pai. Te umabo Babilon hani bidi dabe augwaligo te Jerusalem taun bulu bologobea sabo s̄ me elalubo suali, tiali goli te Jerusalem taun ami soldia bidi dabe augwali tama te Jerusalem taun tagalama, tama augwali te w̄ Jordan w̄ elalubo odogoba pabo t̄ɖu wali pali.

^{††5}Tiali goli, te Babilon ami soldia bidi dabego te king Sedekaia pobeasa pelama, tama augwaligo aga pageba sabaligi pelama, te Jeriko hanu p̄ade te t̄ɔ malu pesage elalubo madigi augwaligo aga nogo tuali.

Tama tibaso, te king Sedekaiaagi ami soldia bidi dabego aga tagalama, tama augwali wi pela silali.

⁶Tama tialima, te Babilon hani ami bidi dabego te king Sedekaia nogo bono dunama, tama augwaligo aga te Babilon bulu king bidi pageba odasa pali. Te tama tiali sogo, te Babilon king bidi aga te Ripla hanude bidibadi da. Te king Nebukatnesargo te king Sedekaia sulama, tama te po wali, "Te king Sedekaia, naga digi te kole-saga geda muanigo da, teda te nage dwai dene mu sao," wali. ⁷Te Babilon hani ami bidi dabego te king Sedekaiaigo ogwa dabe me oda sali, tama augwaligo te Ripla hanuba augwali odasa asali. Tama te bulude te king Nebukatnesargo te po wai, tama te augwaligo te king Sedekaiaigo ogwa dabe te augwaligo te augwa aya Sedekaiaigo gedugo tonalubadi yaide, augwaligo ela muani. Tama te kingo te po wali, tama augwaligo te king Sedekaiaigo gedu ge si dia sayani. Tama augwaligo aga nogo s̄aḡa dabe te aligabo bonogo dunama, tama te Babilon buluba kalabusiba muḡi pali. †

Te Babilon bulu ami bidi dabe augwaligo te Jerusalem
bulu taun dolali
(Jer 52:12-23)

⁸Te Babilon king bidi Nebukatnesar aga te Babilonde king bidi bidibadi, agai kibu be te bidi sese deli p̄ade, te 19 yia, aga king bidi bidama, tama te nogo a wabo poluago dei te nogo a olama, te me badu nogogo si, te 7 dei, meḡi e kibu be tomode tama, te king Nebukatnesar te Babilon king bidigo aga s̄ ebo gavman ofisa bidi me deli, aga te Jerusalem buluba asali. Te bidi Nebusaradan agai te king tonalubo ami soldia

† Te Hibiru pogo te pedai badu te polua namba meni. Tiali goli, te buku Jer Daj̄ 52:6, tede te po wali, te s̄ dabe te me si me si namba wabo poluade pedalai dao. †† 25:4 Ese 33:21 † 25:7 Ese 12:13

bidi dabe tonalubo tobolu bidi dao. ⁹Tama agai te Genuai Bidigo tempel be me, tama me te Juda hanigo king bidigo be me, tama me te Jerusalemde bidibo genuai bidi dabego be dabe tigidali sia tulama, tama siago dela pela silali. Te Babilon hani augwaligo mu te be me tulube. ^{††10}Tama te Babilon ami soldia bidi dabe tigidali, augwaligo te bidi Nebusaradan dali naga bidai hani naga da, augwaligo te masigi obo togolama, te Jerusalem taun bologobea sali moni masigi obo banis auluali. ¹¹Tama te Nebusaradango agai te taun Jerusalem bulude bidali we bidi dabe dali, te gasa hani we bidi dabe dali oda sali, tama augwali te odasa pelama, te Babilon buluba kalabusiba muḡi pali. Tama me te Juda hani dabe te boi hw̄ibo sogo te Jerusalem bulu tagalama, wi peyu, te Babilon hani dabego bidibo pesageba osogo bidigi pali we bidi dabe me, agai te augwali selama, tama agai augwali te Babilon buluba odasa pelama, tama agai hadabu iligi pali. ¹²Tialima, me badu Juda hani we bidi dabe augwali te me badu te tigidali doado bage dabe meni yai we bidi dabe, tama te augwali te bidi Nebusaradango augwali tagalama, tama augwali bidaluyu, tama augwaligo te wain gi dabe me, me te gasa gasa gi dabe me augwaligo tonaluali.

¹³Tama te Babilon hani bidi dabe augwaligo te Genuai Bidigo tempel beba pelama, tama augwaligo te brasgo nigali moni pos si me, tama me te bidi dabego te bras selama, nogogo nigali wilkar dabe me, tama te w̄ tubo dwasianu tank te wilkar ugwadu daide muani nai dabe me tigidali, te augwaligo auluama sayani, tama augwaligo te tigidali te bras dabe te Babilon buluba selasa pali. ^{††14}Tama te Babilon hani bidi dabe augwaligo te nai bulanabo kamugi kenage dage me, tama me te savol me, tama me te lam sole sula sabo nai dabe me, tama me te dwagi yai hanu holoyu, denami ebo pauda ulubo plet pou dabe me, tama me badu te gasa doado bage dabe me, te Genuai Bidigo tempel bede muani te brasgo nigali doado bage dabe tigidali, te augwaligo sela silali. ^{†††15}Tama te bidi Nebusaradan agai te bidi dabego te nogogo te gol me te silva selama nigali wiegi yai nai dabe me sali, tama me te sia sabo plet pou me, tama me te ofa nai ulubo te kaneme mubo dis pou dabe me sali.

¹⁶Polobadu te king Solomongo s̄ ebo bidi dabego te bras dabe selama nigali bobobage genuai pos side, tama te genuai tank āj̄ muani me, te dwasianu wilkarde te dwasianu tank w̄ dabe ugwadu muani. Tama te king Solomongo te po wai, tama augwaligo te doado bage dabe te Genuai Bidigo tempel beba muao wali. Tiali goli, meḡi te Babilon hani bidi dabe augwaligo te nai dabe auluama, tede muani bras dabe augwaligo sali, tama te brasgo s̄eḡe te bidigo skelim ebo usu me ebe, te hauwa mu elaluali. ¹⁷Te bidi dabe augwaligo polobadu te brasgo nigali pos si te augwaligo hasia nigali ususi elama naga pos si nigali. Te bobobage yali usu te 8 mita usu. Te augwaligo te pos si toboluba

†† 25:9 1 Kin 9:8 †† 25:13 1 Kin 7:15-26; 2 Sto 3:15-17; 4:2-5
††† 25:14 1 Kin 7:45; 2 Sto 4:16

mubo au ebo nai nigali, te dwasianu genuai gagawai, tama te au ebo nai bobobage usu te 1 mita tama te 30 sentimita usu. Tama augwaligo te bras selama, te dwagi yai te au yai nigali, te tiwai te sugu gegebo wago au yali tiwai mu, me te ni du pomigranet dabe te ni dugo au yali tiwai au yali, te augwaligo te pos side tama augwaligo te au yai nigali. Tama augwaligo te brasgo nigai ni pomigranet du dabe selama, tama te wa umben gege pabo au yali. Tama augwaligo te au yai doado bage selama, tama te brasgo nigai bobobage pos tobolu side tama augwaligo au yai nai munama, tama te pos si tobolude bagulali.

Te Juda hani te Babilon buluba kalabus egi pali
(Jer 52:24-27)

¹⁸ Te bidi Nebusaradan, te bidi aga te Babilon bulude polalubo tobolu gavman ofisa bidi deli da, tama agai te tobolu pris bidi Seraia sali, tama me te Sefanaia me sali, te bidi te Seraia tudi badu bidiyu se ebo bidi da, tama me te gasa pris bidi sela, te bidi sela te Godigo tempel be tu tonalubo bidi sela dao, te bidi selama, agai kalabus ilali. ¹⁹ Tama te Jerusalem bulude bidibo ami soldia tonalubo gavman ofisa bidi me agai sali. Tama me te agai te Juda hanigo king bidi dabe te kole-saga ola mabo bidi dabe te a naga sali. Te bidi hani dabe augwali te Jerusalem bulude bidibadi, te agai te augwali nogo tuali. Tama agai te Juda hani bidi dabego ami soldia bidi dabego tobolu gavman ofisa bidigo kuskus bidi te agai sali, te bidi agai se te ami soldia bidi nigabo bidi dabe te agai sabo se ebo bidi da. Tama agai suali, ma te Jerusalem bulude te kuskus bidi tau sabo bidi sese sela bidi bidibo suali, tama agai te bidi dabe me sali. ²⁰ Tama tialima, te bidi Nebusaradango agai te sali bidi dabe tigidali te Babilon king bidi aga te Ripla hanude bidiboba odasa pali. ²¹ Te Hamat hanigo to, te Ripla hanude, tama te kingo te po wai, tama augwaligo te bidi dabe elama, isilao wali. Tama te Babilon hani bidi dabego e tama tiali, tama nosali te augwaligo te gasa Juda hani bidi dabe selama pelama, te Juda to tagalama, te Babilon buluba hadabu egi pali.

Te bidi Gedalia agai te Juda hanigo to tonaluali
(Jer 40:7-9; 41:1-3)

²² Tama te king Nebukatnesargo agai te Juda bidi Gedalia daj ilama, tama agai te Babilon hani bidi dabego te Juda hani siyu, te me badu we bidi dabe te Juda hani dabe augwa bulu tode me bidibadi taga soali we bidi dabe tonalua olama, te bidi Gedalia daj ilali. Gedalia aga aya Ahikamgo ogwa da, tama te aga waj nõy bidi te Safan dao. ²³ Te me badu Juda ami gavman ofisa tobolu bidi ebadu, me te Juda hanigo ami soldia bidi dabe augwali, te bidi dabe augwali te gasa bulu mede polobadu bidada pali. Tama augwaligo e tama po odobo sogo, tama te Babilon king bidigo te bidi Gedalia daj ilama, tama te bidigo te Juda hanigo to tonalua wali, augwaligo te bidi Gedalia te Mispa

bulude bidibo sugi pali. Te gavman ofisa bidi dabe nogi e tama da, me Netaniago ogwa Ismael da, tama me te bidi Johanan, te bidi te Kareago ogwa, tama me te Seraia, te Seraia aga aya Tanhumetgo ogwa da, te bidi aga bulu Netofa, me te Maka to page bidi Jesania da. ²⁴ Tama te bidi Gedaliago augwali sulama, augwalibolo e tama po wali, nogo guni sisiyu muyu, te po wali, "Mu tama dao, dagego te Babilon hani bidi dabe augwali sulama, dage wi me egio. Mu menio. Dage te e tode tama bidiyu, tama te Babilon hanigo king bidi dologode tama bidao, tama tialima dage bugagia mu bidaibao," wali.

²⁵ Te bidi Ismael aga te bidi te Netaniago ogwa da, tama te aga waj nõy bidi te nogi Elisama da. Tama te bidi aga te Juda hanigo king bidi augwali deli hani bidi dao. Tama tialima, te megi te kibu bede te nogo a olama, te me badu nogogo si me da sigi soabo poluade, te bidi agai te nogo si bidi selama, tama augwali te Mispa buluba asama, tama augwaligo te bidi Gedalia ela muani. Tama augwaligo te bidi aga dali bidali Juda hani bidi dabe me ela muani, tama me te Babilon hani ami soldia bidi dabe me, te bidi Gedalia dali te Mispa bulude bidali ami soldia bidi dabe me, augwali ela muai dao. ²⁶ Tama tede nosali, te tigidali Juda hani bidi dabe augwali te bulu pedaide bidali bidi dabe, te ami gavman ofisa bidi dabe me, augwali tigidali te Babilon hani bidi dabe sula peyu, wi mu yali. Tama teyu, augwali tigidali te wi pelama, te Isip buluba bidigi pali. †

Te Babilon king bidigo te king Jehoiakin kalabuside bidali te tagala palali
(Jer 52:31-34)

²⁷ Te Juda hanigo king bidi Jehoiakin aga te Babilon bulude hadabu bede bidali kibu be e tama bidali, te 37 kibu be usu nama bidali, tama te 37 kibu be wabo te Evil Merodak aga te Babilon hanigo king bidi nigali. Tama te kibu bede te polua te nogo si olama, te saqago si wabo polua, te 27 dei, Evil Merodak agai te king Jehoiakin hobede eyu, tama agai aga te kalabuside bidali tagala palali. ²⁸ Tama te bidi Evil Merodak agai te king Jehoiakin dali te dwagi yai kolesaga eyu, tama agai agabolo te genuai nogi mayu, tama aga namba mayu yali, tama te tialigo te gasa king bidi dabe te king Jehoiakin aga dali te Babilon bulude kalabus bidali augwaligo namba me aiyaba elaluali. ²⁹ Tama teyu, te king Jehoiakin agai te kalabus bidigo bulubo ogwa ma bulube. Tama tigidali sogo te Babilon hani king bidi dali nai tuyu bidai, tama aga te nai tuyu bida-da pelama, te king Jehoiakin isibo bodoluba usu nigi pali. ³⁰ Te Babilon king bidigo te po wai, tama te tigidali sogo augwaligo mone me, te tigidali doado bage dabe me, te king bidi Jehoiakin mayu bidali, te bidi Jehoiakin aga bugagia bidimainu. Augwaligo tama tidi peduama, tama te king Jehoiakin isibo bodoluba usu nigi pai dao.

† 25:26 Jer 43:5-7

Tuni Bidi Dabego Po Elalubo Buku Deli

Hasia nedebo po

Te buku 1 Storime 2 Storidago nogi ebo dao, te buku si tomode te buku Samuel me buku King tomode pusali po tiwai hauwa ma pusai elalubao. Tede wali po hauwa te deli me bukude wali po tiwai hauwa mu ma wali, tiali goli te asɛani bidigo homude asɛani po page, te tedali dwasianu gasagi yai asɛani. Te buku sigo te bidigo yali homu po te hanilama hania pusali.

(1) Mu dao, Israel hani augwaligo God tudiba mubaso, te haniani sɛgɛgo augwali dolali, tiali goli Godigo augwali mu tagalobeo. Menio. Godigo sɛ augwali dali me idubadi, agai augwa wɛj nɔɔ dabe dali daɔ wali bomai poba usu nainogo yalio. Te homu kolesaga hanilama ola mawai hagede yali, te buku sigo hanilama pusali po te wiegi yai sɛ dabe te king Devit, me Solomon, me Jehosafat, me Hesehia, me Josaia, augwali nogode pedelali sɛ po pusali.

(2) Te buku side wali po te Godigo Moni tempel be Jerusalemde te we bidigo Godiba lotu wabo kolesagade po hauwa elalubao. Te augwaligo mena page elalubaso, te kolesaga dabe pedelali, te buku side wali pogo hania hanilama ola mawai. Tama me, augwali sigo te pris dabego me te Livai hani dabe augwaligo ebo sɛde po hania hanilama pusa mawai dao.

1 Storibukude te Israel dabe augwali bulali wɛj nɔɔ dabe nogi asɛani po elalubao, te Adamde gagalasa te king Solba usu nagasali. Tama agai te king Sol me king Devit si bidu yali sɛ po me pusai dao.

Adamgo Hani Dabe Dao

(Daj 1:1-27)

Adamgo ogwa dabego hani dabego nogi dao

(Gag 5:1-32; 10:1-31; 11:10-26)

¹ Adam te Setgo aya, te Set Enosgo aya dao. ² Enos te Kenango aya, tama te Kenan te Mahalalelgo aya, te Mahalalel te Jaretgo aya dao. ³ Jaret aga te Enokgo aya, tama Enok te Metuselago aya, Metusela te Lamekgo aya, ⁴ tama Lamek te Noago aya dao. Tama Noago ogwa sela elaluali. Ogwa sela nogi e tiwai, Sem, me Ham, me Jafet.

⁵ Te Jafetgo ogwa dabego nogi e tiwai dao, Gomer, me Magok, me Madai, me Javan, me Tubal, me Mesek, me Tiras dao. ⁶ Gomer agade bulali wɛj nɔɔ hani bage te Askenas, me Rifat, me Togarma dao. ⁷ Javan agade bulali wɛj nɔɔ hani bage Elisa, me Tarsis, me Saiprus, me Rodes dao.

⁸ Hamgo ogwa dabe nogi e tama dao, Kus, me Misraim, me Put, me Kenan. Kus agade bulali wɛj nɔɔ dabe Sudan, te Misraim agade bulali wɛj nɔɔ te Isip dabe dao, te Put agade bulali wɛj nɔɔ te Libia dao, te Kenan agade bulali wɛj nɔɔ te Kenan hani dabe dao.

⁹ Te Kusgo ogwa dabego nogi e tiwai, Seba, me Havila, me Sapta, me Rama, me Sapteka. Ramago ogwa si

ame nai, Seba me Dedan dao. ¹⁰ Kusgo gasa ogwa me elaluai, aga nogi te Nimrot. Nimrot te hasia mu te we bidi tonalubo bomai king bidi pedelama bidali.

¹¹ Misraim agai wɛj nɔɔ dabe te Lidia dabe, me Anam dabe, me Leahap dabe, me Naptu dabe, ¹² me Patrus dabe, me Kaslu dabe dao. Tama nosali te Filistia dabe da te Kaslu hanidu pedelai dao. Tama te Kaptor dabe me augwali te Misraim agai wɛj nɔɔ dabe dao. ¹³ Kenan agai bulali wɛj nɔɔ dabe te Saidon dabe, te agai gomunai ogwago bulali wɛj nɔɔ hani dabe dao. Tama me Kenan aga te Hit dabe, me

¹⁴ te Jebus dabe, me Amor dabe, me Girgas dabe, ¹⁵ me Hivi dabe, me Arka dabe, me Sini dabe, ¹⁶ me Arvat dabe, me Semar dabe, me Hamat dabe, te augwali bulali wɛj nɔɔ Kenan dao.

¹⁷ Siemgo ogwa dabe nogi e tiwai, Elam, me Asur, me Arpaksat, me Lut, me Aram, me Us, me Hul, me Geter, me Mesek dao. ¹⁸ Arpaksat aga te ogwa Selago aya, te Sela te ogwa Ebergo aya dao. ¹⁹ Ebergo ogwa si ame nani, Pelek me Joktan dao. Te tɔde we bidi augwali te hani hauwa pebeda pabo sɛ ebo gagalali, te Pelek pedelali sogo tialio, tama tibaso aga ayago aga nogi Pelek poalio. ²⁰ Te Joktango ogwa dabego nogi e tiwai dao, Almodat, me Selep, me Hasarmavet, me Jera, ²¹ me Hadoram, me Usal, me Dikla, ²² me Ebal, me Abimael, me Seba, ²³ me Ofir, me Havila, me Jobap dao.

²⁴ Siem te Arpaksatgo aya, aga Selago aya, me ²⁵ Sela

† Te Hibru pode te nogi Pelek te page te tobage pade te tiwai si elalubao, "pebeda palio."

te Ebergo aya, te Eber Pelekgo aya, aga te Reugo aya dao, ²⁶ te Reu aga te Serukgo aya, te Seruk Nahorgo aya dao. Tama Nahor te Terago aya, ²⁷ tama Tera te Abramgo aya da. Abram nogi gesi me hasegelali, te nogi Abraham dao.

Abrahamgo hani dabe

(Daj 1:28-54)

Abrahamgo hani ogwa mebago nogi dao

(Gag 25:12-16)

²⁸ Abrahamgo ogwa si elalui, Aisak me Ismael dao. ²⁹ Ismaelgo gomunai ogwa te Nebaiot. Te Ismaelgo gasa ogwa dabego nogi e tiwai dao, Kedar, me Atbel, me Mipsam, ³⁰ me Misma, me Duma, me Masa, me Hadat, me Tema dao, ³¹ me Jetur, me Nafis, me Kedema dao.

³² Abrahamgo si wali we me sai, aga nogi Ketur. Te Keturago ame nani ogwa dabe nogi e tiwai, Simran, me Joksan, me Medan, me Midian, me Isbak, me Sua. Joksango ogwa si elalui, Seba me Dedan. ³³ Te Midianggo ogwa dabe nogi e tiwai, Efa, me Efer, me Hanok, me Abida, me Elda, te tama dao.

Te Isogo hani ogwa dabe nogi dao

(Gag 36:1-19)

³⁴ Aisak, te Abrahamgo ogwa, agai ogwa si elalui, Iso me Jekop. Te Jekopgo gasa nogi me da, te Israel dao. ³⁵ Tama Isogo ogwa dabego ogwa nogi dabe e tiwai, Elifas, me Ruel, me Jeus, me Jalam, me Kora dao. ³⁶ Elifasgo ogwa dabe nogi e tiwai, Teman, me Omar, me Sefi, me Gatam, me Kenas, me Timna, me Amalek dao. ³⁷ Ruelgo ogwa dabe nogi e tiwai, Nahat, me Sera, me Sama, me Misa dao.

Te Seirgo ogwa dabe hani nogi dabe

(Gag 36:20-30)

³⁸ Seirgo ogwa dabe nogi e tiwai, Lotan, me Sobal, me Sibeon, me Ana, me Dison, me Eser, me Disan dao. ³⁹ Lotango ogwa dabe nogi e tiwai dao, Hori me Homam. Lotango abe Timna dao ⁴⁰ Sobalgo ogwa dabe nogi e tiwai, Alvan, me Manahat, me Ebal, me Sefi, me Onam dao. Sibeongo ogwa dabe nogi e tama, Aia me Ana dao. ⁴¹ Anago ogwa te Dison da. Disongo ogwa dabe nogi e tama, te Anago ogwago ogwa nogi e tiwai, Hamran, me Esban, me Itran, me Keran dao. ⁴² Esergo ogwa dabe nogi e tama da, Bilhan, me Savan, me Jakan. Te Disango ogwa dabe nogi e tama, Us me Aran dao.

Te Idom king dabego nogi dao

(Gag 36:31-43)

⁴³ Te t̄ kantri Israelde tuni bidi king elalusiabadi, te t̄ kantri Idomde king hauwa elalua pali. Hasia mu bidali king Bela, te Beorgo ogwa da. Aga te taun Din-

habade king bidali. ⁴⁴ Tama Bela isibaso, Jobap, te Serago ogwa, te taun Bosra bidi, te king pedelai dao. ⁴⁵ Tama Jobap isibaso, te Husam te Teman bulu t̄ bidi te king bidai dao. ⁴⁶ Tama Husam isibaso, Hadat, te Bedatgo ogwa, te king pedelai dao. Hadat te t̄ kantri Moapba pelama, te Midian dabe dali boi hwjnama augwali aiyaba elalui. Hadat te taun Avitde king bidalio. ⁴⁷ Te Hadat isibaso da, Samla te taun Masreka bulu bidi king pedelai. ⁴⁸ Te Samla isibo si da, Saul te taun Rehobot te w̄ Yufretis bulu p̄de bidi, te king pedelama bidai dao. ⁴⁹ Te Saul isibaso da, Balhanan, te Akborgo ogwa, te king pedelai dao. ⁵⁰ Tama te Balhanan isibaso, Hadat king pedelai. Tama aga te taun Pau tede king bidai, aga we, te Mehetabel da, te Matretgo wegi, te Mesahapgo bulai w̄j n̄ugo wegi dao. ⁵¹ Hadat isibo si da, nosali te tobolu bidi hetman dabego te Idom tonaluai dao. Augwaligo te bulu t̄ pedai distrik dabe tonaluai, Timna, me Alva, me Jetet, ⁵² me Oholibama, me Ela, me Pinon, ⁵³ me Kenas, me Teman, me Mipsar, ⁵⁴ me Makdiel, me Iram, te bulu dabe te 11 tama bulu dabe tonaluai dao

Israelgo ogwa dabe nogi e dao

(Daj 2:1-9:1)

2 Israelgo ogwa dabe augwaligo nogi dabe e dao, Ruben, me Simeon, me Livai, me Juda, me Isakar, me Sebulun, ² me Dan, me Josep, me Benjamin, me Naptali, me Gat, me Aser dao.

Judago hani

Judago ogwa dabe augwaligo nogi dao

³ Judago ogwa dabego nogi e tiwai, Er, me Onan, me Sela dao. Te sela bidigo augwa ida te Batsua, te Kenan hani we me deli da. Er, Judago gomunai ogwa, agai dwai kolesaga mu ebaso, te Genuai Bidigo aga ela muai dao. ⁴ Tama Judago gasa ogwa si me elalui, Peres me Sera. Augwali sigo ida Tamar da, Judago au we da. Judago ogwa a naga elalui dao.

⁵ Peresgo ogwa dabego nogi e tama da, Hesron me Hamul dao. ⁶ Te Serago ogwa dabe nogi e tama da, Simri, me Etan, me Heman, me Kalkol, me Darda. Serago ogwa a naga elalui dao. ⁷ Akan, † te Kamrigo ogwa, aga te Serago hani da. Te Israel dabego Godiba sa muai nai dabe agai salio. Te tama tiali hagede Godigo te Israel we bidi genuai s̄ḡ mawai dao. ††⁸ Etango ogwa deli ame nai, te ogwa nogi te Asaria dao.

† Akan te bidi aga nogi mu da. Tialima te po dage as̄ani bidi agai te nogi Akar as̄ani. Magi baso meni, te Hibru pode te nogi Akar te tiwai po p̄de tiwai si elalui, te po page e tama dao, "Dolali," wali. †† 2:7 Jos 7:1

King Devit pedelali hani waj

⁹ Hesron te Peresgo ogwago te ogwa dabe sela elaluai, augwa nogi e dao, Jeramel, me Ram, me Kalep dao. ¹⁰ Ram te Aminadapgo aya, tama Aminadap te Nasongo aya da, te Juda hani dabego polalubo tobolu bidi me deli dao. ¹¹ Tama Nason te Salmongo aya, tama Salmon te Boasgo aya da, ¹² tama Boas te Obetgo aya da, tama Obet te Jesigo aya dao.

¹³ Jesigo ogwa nogo a naga olama, me badu nogo si tama bidali. Gomunai ogwa Eliap, si wali ogwa Aminadap, sela ogwa wali Simea, aga gasa nogi me Sama dao. ¹⁴ Te me si me si wali ogwa Netanel, te a naga wali ogwa Radai. ¹⁵ Me badu nogo kibisa wali ogwa nogi da Osem, te nogo a naga olama, me badu nogo si wali ogwa da te Devit dao. ¹⁶ Tama me Jesigo wegı si elaluai, Seruia me Abigel. Seruiago ogwa sela ame nani, Abisai, me Joap, me Asahel. ¹⁷ Tama Abigel te Ismael hani bidi Jetergo selama, tama Abigelgo ogwa deli ame nani, aga nogi Amasa dao.

Te Hesrongo ogwa dabe hani meba nogi dao

¹⁸ Kalep, te Hesrongo ogwago, te we Asuba sali. Tama Asubago wegı me deli ame nai, aga nogi Jeriot. Tama Jeriotgo ogwa dabe nogi e tiwai, Jeser, me Sobap, me Ardon dao. ¹⁹ Te Asuba isibaso, Kalepgo te we Efrata salio. Tama nosali Efratago te ogwa me deli ame nai, aga nogi Hur dao. ²⁰ Tama Hur te Urigo aya, tama Uri te Besalelgo aya dao.

²¹ Te Hesrongo kibu be bidi sese sela, 60 kibu be elalubadi, aga te bidi Makirgo wegı salio. Te we Gileatgo abe da. Tama te wego te ogwa deli ame nai, aga nogi Segup dao. ²² Segup te Jairgo aya da. Tama Jairgo te tı kantri Gileatde elaluai taun dabe te 23 taun te tonaluai dao. ²³ Tialima te Gesur me Siria te hani dabego te boi hwıagaselama, te Jairgo taun dabe sobadi te taun Kenat dali te aga pıde elaluai taun dabe me salio. Augwaligo te 60 taun dabe salio. Te badu we bidi dabe augwali te Makirgo bulali waj nıı dabe da, te Gileatgo aya dao. ²⁴ Te Hesron te taun Kalep Efrata tede isali sogo, aga we, Abiya, haliga elaluai. Tama nosali Abiyago ogwa ame nobaso, tama aga nogi te Asur poali. Tama Asurgo te taun Tekoa nigilama hodolai dao.

Jeramelgo ogwa dabe hanigo nogi dao

²⁵ Jeramel, te Hesrongo gomunai ogwa da, agai a naga ogwa elaluai. Gomunai ogwa te Ram, te gasa ogwa dabego nogi e tiwai, Buna, me Oren, me Osem, me Ahiya dao. ²⁶⁻²⁷ Ramgo ogwa sela elaluai, Mas, me Jamin, me Eker dao. Tialima Jeramelgo gasa we me sali, agai nogi da Atara. Tama Atarago ogwa deli ame nani, aga nogi da Onam dao. ²⁸ Tama Onamgo wai dabe nogi e tiwai, Samai me Jada. Te Samaigo wai dabe nogi da e tama, Nadap, me Abisur, si tama dao. ²⁹ Abisurgo te we Abihail selama, tama Abihailgo te ogwa si ame nani, Aban me Molit si dao.

³⁰ Te Nadapgo ogwa dabe nogi e tama, Selet me Apaim. Selet aga wai meni ebadi aga isai dao. ³¹ Tialima Apaimgo ogwa deli ame nani, aga nogi Isi dao. Tama Isigo ogwa deli elaluai, aga nogi da Sesan. Te Sesango ogwa deli bidali, aga nogi da Alai dao.

³² Jadago ogwa dabe nogi da e tama da, te Samaigo amago ogwa dabe e tiwai, Jeter me Jonatan. Jeter aga ogwa me ame nisıbadi aga isai dao. ³³ Tialima Jonatango ogwa si bidali, Pelet me Sasa. Te hani bidi augwali da te Jeramelgo ogwa hani dabe dao.

³⁴ Sesango ogwa me bidibeo. Agai wegı dabe naga bidali. Tama te Sesango olo sı ebo Isip bidi me deli bidai. Te olo sı iduali bidigo nogi da, te Jara dao.

³⁵ Tama Sesango aga wegı me deli te Jarago somainu ilalio. Tama augwali sigo ogwa deli ame nani, aga nogi da Atai dao. ³⁶ Tama Atai te Natango aya, tama Natan te Sabatgo aya dao. ³⁷ Tama Sabat te Eplalgo aya, tama Eplal te Obetgo aya dao. ³⁸ Tama Obet te Jehugo aya, te Jehu da Asariago aya dao. ³⁹ Tama Asaria te Helesgo aya, te Heles Eleasago aya da. ⁴⁰ Tama Eleasa te Sismaigo aya, tama Sismai te Salumgo aya dao. ⁴¹ Tama Salum aga Jekamiago aya, tama Jekamia te Elisamago aya dao.

Kalepgo ogwa dabe hanigo nogi dao

⁴² Kalep aga te Jeramelgo ama, te agai hasia gomunai ogwa, te Mesa dao. Tama Mesa te Sifgo aya da, tama Sif te Maresago aya, tama Maresa te Hebrongo aya dao. ⁴³ Te Hebrongo ogwa dabego nogi e tama dao, Kora, me Tapua, me Rekem, me Sema dao. ⁴⁴ Sema te Rahamgo aya, tama Raham te Jorkeamgo aya dao.

Rekem te Samaigo aya, ⁴⁵ tama Samai aga te Maongo aya, te Maon te Betsurgo aya dao.

⁴⁶ Te Kalepgo si wali we hani me deli nogi, te Efa. Te we Efago ogwa dabe nogi e tama dao, Haran, me Mosa, me Gases. Tama Haran te gasa Gasesgo aya dao.

⁴⁷ Te Jadaigo ogwa dabe nogi e tiwai, Regem, me Jotam, me Gesan, me Pelet, me Efa, me Sap, te tama dao.

⁴⁸ Te Kalepgo gasa si wali we hani me, te Maka dao. Te Makago ogwa dabe nogi e tiwai, Seber, me Tirhana, ⁴⁹ me Sap, me Seva da. Sapgo te taun Matmana hodolobo sı yali, tama Sevago te taun Makbena hodolobo sı ebadi te taun Gibeaa me nıgalio. Tama Kalepgo wegı deli bidali, aga nogi Aksa dao.

⁵⁰⁻⁵¹ Tama Kalepgo gasa ogwa hani dabe me elaluai, Hur te Kalepgo we Efratago gomunai ogwa dao, tedu te gasa hani pedelali. Te Hurgo ogwa dabe nogi e tiwai, Sobal, me Salma, me Harep. Sobalgo te taun Kiri-at Jearim nigali, te Salmago te taun Betlehem nigali, tama Harepgo te taun Betgader nigai dao.

⁵² Sobal, te Kiri-at Jearim taun hodolali bidi da, aga te Haroe hani me Menuhot hani pedai bulali waj nıı da, ⁵³ me te Kiri-at Jearim hani dabe, te augwali Itra, me Put dabe, me Sumat dabe, me te Misra dabe da. Te So-

ra taun me Estaol taun te hani we bidi dabe augwaligo taun dao.

⁵⁴ Salma te Betlehem taun we bidi dabego bulai wāj nḡ da, tama me te taun Netofa, me te bulu Atrot. Betjoap tama te Manahatgo hani pedai dabe, te augwali Sor dabe dao. ⁵⁵ Tama gasa hani dabe augwali te taun Jabesde bidaluali, tama augwali te polobadu yali sḡ ripot po ma asḡbo sḡ, me te gasa naide po asḡbo sḡ page konea pai bidi dabe. Te hani dabe augwa nogi e tama dao, te Tira dabe, me Simea dabe, me Suka dabe, te tama bage bidali. Te hani dabe augwali te Kingo hani dao. Te augwali bulali wāj nḡ da, te Hamat. Hamat aga te Rekap dabego wāj nḡ me dao.

Te king Devitgo ogwa dabego nogi

3 Te Devitgo ogwa dabe meba te aga Hebron taunde bidali sogo ame nani. Augwaligo nogi dabe e dao. Gomunai ogwa Amnon da. Aga ida Ahinoam, te Jesril bulu we dao. Te si wali ogwa te nogi Daniel da, aga ida te Abigel, te taun Karmel we dao. ² Sela wali ogwa Apsalom. Aga ida, te Maka, te Talmaigo wegi da, te Gesur king bidi da. Te ene nanobo me si me si wabo ogwa nogi Adoniya. Aga ida da, te Hagit dao. ³ Te nogo a naga wali ogwa te Sefatia da. Aga ida nogi da, te Abital. Te nogo kibisa wali ogwa te Iteam. Aga ida nogi da, te Ekla dao. ⁴ Devitgo ogwa dabe te 6 tama ogwa dabe aga te Hebronde king bidali sogo ame nani. Te aga Hebronde king bidali kibu be nogo a naga si, me polua a naga me deli tama bidai dao. Tama nosali aga Jerusalemde king bidibadi te kibu be 33 kibu be bidai dao. ¹⁵ Tama aga tede bididubadi, agai te ogwa Simea, me Sobap, me Natan, me Solomon ame nani. Te me si me si ogwa dabego augwa ida te Batseba, te Amielgo wegi dao. ^{††6} Tama nosali, Devitgo gasa ogwa a naga olama, me si me si pedelali. Augwali nogi e tama, Iphar, me Elisama, me Elifelet, ⁷ me Noga, me Nefek, me Jafia, ⁸ me gasa Elisama, me Eliada, me gasa nogi sabi Elifelet dao. ⁹ Devitgo te tama ogwa dabe ame nai. Tama agai ogwa meba umabo me elaluali, te agai si wali hani we dabego ame nani. Tama Tamar te Devitgo wegi dao.

Solomongo ogwa dabego hani nogi dabe

¹⁰ Solomongo ogwa dabe hani dabego nogi e tiwai elalubao. Solomon te Rehoboamgo aya, te Rehoboam te Abiyago aya, te Abiya Asago aya da. Te Asa Jehosafatgo aya, ¹¹ tama Jehosafat te Jehoramgo aya da, te Jehoram Ahasiago aya da, tama Ahasia te Joasgo aya dao. ¹² Tama Joas te Amasiago aya, tama Amasia te Usiago aya da, agai gasa nogi me Asaria. Tama Usia te Jotamgo aya da, ¹³ tama Jotam te Ahasgo aya, te Ahas Hesekiago aya, tama Hesekia te Manasego aya dao. ¹⁴ Tama Manase te Emongo aya, te Emon te Josaiago aya dao.

¹⁵ Josaiago ogwa dabe nogi e tiwai. Gomunai ogwa Johanan, tomo ogwa Jehoiakim, te sela wali ogwa

† 3:4 2 Sml 5:4-5; 1 Kin 2:11; 1 Sto 29:27 †† 3:5 2 Sml 11:3

Sedekaia, te ene nanobo me si me si wali ogwa Salum da, te aga gasa nogi me Joahas dao. ¹⁶ Te Jehoiakimgo ogwa si elaluali, Jekonia me Sedekaia. Jekoniago gasa nogi me Jehoiakin dao.

Jehoiakingo ogwa dabe hani nogi

¹⁷ Te Jehoiakin aga te boi bidi dabego selama, te gasa tḡ kantriba kalabus igi pali king da. Te agai ogwa dabego nogi e tama elalubao, Sealtiel, ¹⁸ me Malkiram, me Pedaia, me Senasar, me Jekamia, me Hosama, me Nedabia dao.

¹⁹ Pedaiaigo ogwa dabe nogi e tiwai elalubao, Serubabel me Simei. Serubabelgo ogwa si elaluali, Mesulam me Hanania, te wegi me deli elaluali, aga nogi da Selomit dao. ²⁰ Tama Pedaiaigo gasa ogwa me nogo a naga ogwa dabe bidali. Augwa nogi dabe e tiwai da, Hasuba, me Ohel, me Berekia, me Hasadia, me Jusap Heset. ²¹ Te Hananiago ogwa dabe nogi e tama, Pelatia, me Jesaia. Te Jesaia aga te Refaiago aya, te Refaia te Arnango aya, te Annan te Obadiago aya, tama Obadia te Sekaniago aya dao. ²² Sekaniago ogwa deli naga elaluai, aga nogi da Semaia. Te Semaiaigo ogwa nogo a naga elaluai. Augwa nogi dabe e tama, Hatus, me Igal, me Baria, me Nearia, me Safat dao. ²³ Neariigo ogwa sela bidali, Elioena, me Hiskia, me Asrikam da. ²⁴ Elioenaigo ogwa te 7 ogwa dabe bidali, Hodavia, me Eliasip, me Pelaia, me Akup, me Johanan, me Delaia, me Anani, te tama dao.

Te Juda hani meba umabo hanigo nogi dao

4 Judago ogwa hani meba nogi e tiwai elalubao, Peres, me Hesron, me Karmi, me Hur, me Sobal dao.

² Sobal te Reaiago aya da, te Reaia te Jahatgo aya, aga te Ahumai de Lahat sigo aya. Te bidi dabe augwali te Sora taun we bidigo wāj nḡ dao.

³⁴ Hur te gomunai ogwa da, Efrata, Kalepgo wego ame nani. Hurgo te Betlehem taun nigibo sḡ hodolali. Hurgo ogwa dabe e tiwai elalubao, Jesril, me Isma, me Itbas, me Penuel, me Eser. Jesril ma Isma me Itbas, augwaligo te taun Etam nigibo sḡ hodolali. Te Hasaleponi te sela bidigo abe da. Penuelgo te taun Gedor hodolobo sḡ yali, te Esergo te taun Husa nigibo sḡ hodolai dao.

⁵ Asur, te Tekoa taun nigali bidi da, agai we si elaluali, Hela me Nara dao. ⁶ Narago ogwa ene nanobo ogwa me si me si ame nani. Augwali nogi e tiwai elalubao, Ahusam, me Hefer, me Temeni, me Hahastari da. ⁷ Tama Helago ogwa sela ame nani. Augwali nogi e tiwai, Seret, me Ishar, me Etnan dao.

⁸ Kos te Anupgo aya me Sobebago aya da. Tama aga te Aharhelgo bulai wāj nḡ deli hani bage mu da, te Harumgo ogwa dao.

⁹ Bidi me deli bidali, aga nogi da Jabes. Agai kolesaga te wiegi yai mu eyu te aga ama dabego ebo kolesaga aiyaba elaluali. Tama we bidi augwaligo genuai nogi agabolo mawai. Te Jabes aga idago aga ame nani sogo

genuai dene ebadi ame nani, tama tibaso agai aga nogi Jabes † nogi yali. ¹⁰ Me sogo deli Jabesgo te Israelgo Godiba gedu haluasa po te tiwai wali, "God, eno homugo nago ena t̄o hauwa mao. Te eno homugo nage ena dali bidama ena tau sao, te nago ena bugagia tonalua, te dwai nai dabego enabolo dene maidalio," wali. Tialima Godigo agai gedu haluasa po wabo odama, tama Jabesgo agaba hanalu wali s̄e po tiwai s̄e yai dao.

¹¹ Kelup, te Suhago ama da, aga te Mehirgo aya, tama Mehira te Estongo aya dao. ¹² Tama Eston te Betrafa, me Pasea, me Tehina augwali selago aya da. Tehinago te taun Nahas nigibo s̄e hodolali. Te hani augwali te bulu Reka pedai badu bidai dao.

¹³ Kenasgo ogwa dabe nogi te tiwai elalubao, Otniel, me Seraia. Tama Otniel te Hatatgo aya dao.

¹⁴ Meonotai te Ofrago aya. Seraia aga te Joapgo aya da. Te bulali waj̄ n̄o Joap te bidali bulu augwa te tiwai nogi yali, "Te S̄e Bidi Augwa Odogo Bulu Da," wai dao. Te odogo bulugo nogi te tama telaluali, magi baso meni, tede bidali bidi dabe augwaligo te haniani nai nigibo s̄e mu konea pai bidi dabe dao.

¹⁵ Kalep, te Jefunego ogwa, agai ogwa sela elaluali. Augwa nogi e tiwai elalubao, Iru, me Ela, me Nam. Te Ela Kenasgo aya da. ¹⁶ Te Jehalelgo ogwa dabe nogi e tiwai, Sif, me Sifa, me Tiria me Asarel.

¹⁷⁻¹⁸ Te Esrago ogwa dabe nogi e tiwai elalubao, Jeter, me Meret, me Efer me Jalon. Meretgo we Bitia sali, te Isip king bidigo wegi da. Te augwali sigo wai dabe nogi e tiwai da, Miriam me Samai me Isba. Isbago te Estemoa taun nigibo s̄e yalio. Tama Meretgo te Juda hanigo we me deli salio. Augwali sigo wai dabe nogi e tiwai da, Jeret me Heber me Jekutieli. Jeretgo te taun Gedor nigibo s̄e yali, te Hebergo te taun Sogo nigibo s̄e hodolali, te Jekutieli go te taun Sanoa nigibo s̄e hodolalio.

¹⁹ Hodiago te Nahamgo abe sali. Augwali si te Gerem hanigo waj̄ n̄o te taun Keilade bidali, me te Maka hani te taun Estemoade bidalio.

²⁰ Te Simongo ogwa dabe nogi e dao, Amnon, me Rina, me Benhanan, me Tilon da.

Te bidi Isigo ogwa nogi dabe e tama, Sohet me Bensohet dao.

²¹⁻²³ Sela te Judago ogwa me deli da. Selago ogwa dabe meba nogi e tiwai, Er, me Lada, me Jokim, me Joas, me Sarap da, te Koseba taunde me Betasbea te taun side bidali bidi hani dabe da. Te Betasbea hani bidi dabego te wiegi yai nami ugwa dabe nigibo s̄e yai. Ergo te taun Leka nigibo s̄e yali, te Ladago te taun Maresa nigibo s̄e yai. Tama Joas me Sarap sigo te Moap t̄o me Jasubi Lahem t̄o tonalualio. Te bidi dabe augwali te taun Netaim me taun Gederade bidalual, tama augwaligo te augwali tonaluali king bidigo s̄e eyu tama te t̄ogo sospen nigibo s̄e agabolo yai. Te augwalide as̄eai po dage te bidi dabego polobadu mu as̄eai dao.

† Te Hibru pogo te nogi Jabes page te tobage p̄ade si tiwai elalubao, "dene," wali.

Simeongo hani dao

²⁴ Te Simeongo ogwa dabe nogi e dao, Nemuel, me Jamin, me Jarip, me Sera, me Saul dao. ²⁵ Saul te Salumgo aya, te Salum Mipsamgo aya, tama Mipsam te Mismago aya da. ²⁶ Te Mismago hani dabe nogi e dao. Misma te Hamuelgo aya, te Hamuel Sakurgo aya, te Sakur Simeigo aya da.

²⁷ Simeigo ogwa te 16 ogwa, te wegi 6 tama elaluai. Tialima aga ama dedego wai hauwa me ame nabeo. Tama tialigo, te Simeongo hani genuai pedalisiayu te Judago hani tiwai me ebeo. ²⁸ Te Simeon hani dabe te tama taunde bidali, Berseba, me Molada, me Hasarsual, ²⁹ me Bilha, me Esem, me Tolat, ³⁰ me Betuel, me Horma, me Siklak, ³¹ me Bet Markabot, me Hasarsusim, me Betbir, me Saraim. Te Simeongo hani dabe te taun dabede bidalubadi te king Devit bidali sogoba usu nai dao. ³² Tama me augwali te a naga taunde bidali, Etam, me Ain, me Rimon, me Token, me Asan, ³³ tama te taun dabe p̄ade elalubo dwasianu bulu dabede me bidada pelama, te taun Balatba usu nigi palio. Te taun dabe te Simeongo hanigo taun dabe elaluali. Tama te Simeongo hanigo te augwa waj̄ n̄o hanidu gagalasa te augwa deli hani tigidali nogi as̄eai elaluai dao. ††

³⁴⁻³⁸ Te Simeongo tobolu bidi dabego nogi dabe te e dao, Mesobap, me Jamlek, me Josa, te Amasiago ogwa, me Joel, me Elioenai, me Jakoba, me Jesohaia, me Asaia, me Adiel, me Jesimiel, me Benaia, me Jehu, me Sisa da. Jehu te Josibiago ogwa, Josibia te Seraiago ogwa, tama Seraia te Asielgo ogwa da. Tama Sisa te Sifigo wai, te Sifi te Alongo ogwa, te Alon Jedaia wai, tama Jedaia te Simrigo wai, tama Simri te Semaiago ogwa dao.

Te tobolu bidi dabego ame nani ogwago bulali wai dabe hani te umabo genuai mu pedelama, ³⁹ tama augwa te bulmakau me sipsip tuabo wiegi yai nosai gegabo homu yai. Tibaso, augwali te Gedor taun p̄aba bidigi pali, te giliga pedalubo badu te odogo bulu badu dao. ⁴⁰ Augwaligo te bulu odogo malu t̄o genuai mu elalu, te wiegi yai nosai elalubo sualio. Te augwali bugagia tegaluama bidiyu, te magi nai me deligo augwaliba s̄e s̄e me mabeo. Te Ham hani augwali polobadu tede bidai dao.

⁴¹ Te Juda king bidi Hesechia bidali sogo, te Simeon hani tobolu bidi dabego te badu te wiegi yai nosai dabe elalubo suali. Tama tialima, augwali pelama, te Ham dabe dali me Meun dabeba me boi hw̄igi palio. Tama augwaligo te hani dabego sel ugwa be dolama, te tigidali we bidi mu ela silai. Te delinu me bidibeo. Tama nosali te Simeon hani augwali te t̄oba bidigi palio.

⁴² Tama te bidi sese hauwa 500 bidi te Simeongo hani hogodama, te Seir bulu du te Idom pedai badu pali. Te augwa polalubo bidi dabe te Isigo ogwa dabe da. Augwa nogi da e tama da, Pelatia, me Nearia, me

†† 4:33 Jos 19:2-8

Refaia, me Usiel dao. ⁴³ Polobadu te Amalek dwasianu hani te Israel dabede wi solama te badu bidigi soai. Tialima te Simeongo hanigo te Amalek hani tigidali ela munama, tama te Simeon hani te t̄ɔba bidigi pali, te bidada pali te buku as̄ani bidi bidali sogoba usu nai dao.

Rubengo hani

5 Ruben aga te Jekopgo gomunai ogwa da, Jekop aga gasa nogi Israel. Tialima agai te aga ayago we me deli dali pagela piali. Tama s̄ yaligo, aga te gomunai ogwa wabo nogi sabeo. Menio. Te aga ama Josepgo ogwa dabego te nogi salio. Tama tialima te Israelgo ogwa dabego nogi elalubo madide, te Ruben polalubo gomunai ogwa nogi elalube dao. ^{†2} Mu tama, Judago genuai nogi aga ama dede tomode elaluali, tiali goli Josepgo nogi ugwanu igulama, te gomunai ogwa nogi tiwai elaluai dao. ^{††3} Rubengo ogwa dabego nogi e tiwai da, te Israelgo hasia ame nani ogwago ogwa dabe te tiwai elalubao, Hanok, me Palu, me Hesron, me Kar-mi dao.

⁴ Joelgo hani e tiwai dao. Joel te Semaiaigo aya, tama Semaia te Gokgo aya, te Gok Simeigo aya da, ⁵ tama Sime te Maikago aya, tama Maika te Reaiago aya, tama Reaia te Balgo aya da, ⁶ tama Bal te Berago aya. Te Bera te Ruben hanide tobolu bidi me deli da, tama Tiklat Pileses, te Asiria kingo, aga te kalabus sela pai dao. [‡]

⁷ Te Rubengo bulali deli hani dabe, te polalubo tobolu bidi dabego nogi e tama da. Hasia bidi Jeiel, te gasa si me elalubao, Sekaraia, ⁸ me Bela da. Bela te Asasgo ogwa, tama Asas te Semago ogwa, te Sema Joelgo ogwa da. Te Belago hani dabe augwali te taun Aroerde bidali, te Aroer not badu t̄ɔde bidada pali, te Nebo taunba usu nama, te Balmeon taun d̄aj igi pai dao. ⁹ Augwali te t̄ɔ pedai Gileat badu bidalu, tama augwaligo bulmakau me sipsip hauwa umabo pedelalio. Tibaso, augwali meba pelama, te giliga pedalubo badu te wa pai bulu t̄ɔde bidali, te wa pai bulugo d̄aj pali te w̄ Yufretisba usu nigi pai dao.

¹⁰ Te Sol king bidali sogo, te Rubengo hanigo te Hagar hani dali boi hw̄inama, te augwali ela muai. Tama Ruben hani dabego te Hagar hani dabego t̄ɔ selama, tama augwaligo te bulude augwali bidalio. Te t̄ɔ pedai te giliga pedalubo badu te Gileat t̄ɔ pedai badu elaluai dao.

Gat hani

¹¹ Te Gatgo hani dabe te Basan t̄ɔ pedai te not badu te Ruben hani bidali badu p̄ɔde bidali. Te augwaligo t̄ɔ d̄aj pali te taun Saleka te giliga pedalubo badu usu nigi pai dao. ¹² Te Gatgo deli hani bage meba te Basan t̄ɔ pedaide bididubadi te bidi Joel hasia polaluali, tama te Safam si wabo bidi bidali, tama te tobolu bidi si Janai dali Safat dali si bidali.

† 5:1 Gag 35:22; 49:3-4 †† 5:2 Gag 49:8-10 ‡ 5:6 2 Kin 15:29

¹³ Te Gatgo deli hani te gasa ayago ame nani hani te 7 te tama hani me bidali. Augwa nogi da e tama da, Maikel, Mesulam, me Seba, me Jorai, me Jakan, me Sia, me Eber dao. ¹⁴ Te hani augwa bulali w̄aj n̄ɔy da te Abihail, te Hurigo ogwa da. Tama Huri te Jaroago ogwa, tama Jaroa te Gileatgo ogwa, tama Gileat te Maikelgo ogwa, tama Maikel te Jesisaigo ogwa, te Jesisai te Jado-go ogwa, tama Jado te Busgo ogwa da. ¹⁵ Te hani augwaligo polalubo tobolu bidi da te Ahi da, te Apdielgo ogwa te Gunigo w̄aj n̄ɔy dao. ¹⁶ Te a naga olama me si hani augwali te Gileat me Basan t̄ɔ pedai te taun dabe-de me te p̄ɔde dwasianu bulu dabede bidali, tama me augwali te t̄ɔ Saronde bidai, te tigidali bulude te bulmakau me sipsipgo tuabo wiegi yai nosai dabe elalualio. ¹⁷ Te Gat hani dabe nogi as̄ani bidi dabego king Jotam te Juda king bidali sogo me te Jeroboam te Israel king bidali sogo te as̄ai dao.

Ruben me Gat me Manase augwaligo te boi bidi dabe aiyaba elaluai

¹⁸ Te Israel dabe augwali te w̄ Jordan te giliga pedalubo badu bidali, te Ruben hani me Gat hani me Manase hani me badu bidali, augwaligo ami bidi dabe te bidi sese hauwa umabo mu, te 44,760 bidi dabe bidali. Augwaligo te boi hw̄jbo sabele tulama, te hw̄j bainatgo hw̄jbo mu konea pai bidi dabe da, tama augwa te enesigigo enebo s̄ me mu konea palio. ¹⁹ Augwali pelama, te Hagar, me Jetur, me Nafis, me Nodap hani dabeboi hw̄jgi pai dao. ²⁰ Te boi hw̄jgi pabo sogo te Israel dabe augwaligo Godiba gedu haluasa po weyu hanalu te augwali tau somainu yali. Tama Godigo augwali tau mu selama, tama augwaligo te boi bidi dabe aiyaba elaluali. Te Israel dabego homu kolesaga bomo elama, te Godigo augwali tau somainu ebaso, tialima agai augwali tau salio. ²¹ Te Israel dabe augwaligo te boi bidi dabego hasa sibi dabe salio. Augwaligo te bidi sese hauwa umabo 50,000 kamel sobadi, te 250,000 sipsip sobadi, te 2,000 donki me salio. Tama me augwaligo te boi we bidi dabe bidi sese hauwa mu 100,000 boi bidi dabe sali. ²² Tiali goli te augwali boi hw̄jani sogo te boi bidi hauwa isali, magi baso meni, God aga digi te hw̄jbo tonalualigo te tama tialio. Tama nosali te Israel dabego te boi bidi dabego t̄ɔ augwa selama bidali. Tama augwali te t̄ɔde bidada pidubadi, te gasa boi bidi dabego te Israel dabe gasa t̄ɔ kantriba kalabus sela pali sogoba usu nai dao.

Manasego hani me badu

²³ Manasego hani me badu genuai mu bidali. Augwali t̄ɔ pedai distrik Basan badu bidali, tama augwali bidali bulu t̄ɔ d̄aj te not badu te taun Balhermon buluba usu nama pali, te bulu du Senirba me Hermon bulu du d̄aj igi pai elaluai dao.

²⁴ Te augwali hanide tobolu bidi bidali bidi dabego nogi da e dao, Efer, Isi, Eliel, Asriel, Jeremaia, Hodavia, me Jadiel dao. Te tobolu bidi dabe te wiegi yai ami dabe te genuai nogi elalualio.

Ruben me Gat me Manase te hani augwali te Asiriaba kalabus pai

²⁵ Ruben, me Gat, me Manase te hani sela augwaligo te augwa wāj nųgo Godigo po sela s̄nana, augwa dwai s̄ yali. Tama augwaligo te bulude polobadu bidali bidi hanigo tibo godiba lotu po walio. Te Israel augwali te t̄ba sabolali sogo, Godigo te t̄de bidali gasa hani bage sela s̄wani. Tialima megi da, te Israel dabego God tagalali, te wego aga bidi tagalama subig-ila bidi hauwa dali penani s̄ ela bilibo tiwai yalio. ²⁶ Tama tialima, Israelgo Godigo te Asiria king bidi Pul homu hodolali, te aga gasa nogi me Tiklat Pileser wali. Tama te Asiria dabego te Israel dabeba boi hw̄agase-lama, te augwali aiyaba elalualio. Tama te Asiria dabego augwali selama, te Hala t̄ba kalabus mugi pali, te Habor t̄ba me, te w̄ Gosan p̄de te Hara bulu du pesageba pali. Tama augwali tede bidalubadi, te e buku as̄ani bidi bidali sogoba usu nai dao. †

Livai hani

Te Livai hani dabe augwali polalubo pris bidali bidi dabe nogi e tiwai elalubao

6 Te Livaigo ogwa dabe nogi te tama da, Gerson, me Kohat, me Merari dao. ² Kohatgo ogwa nogi dabe e tiwai da, Amram, Ishar, me Hebron, me Usiel da. ³ Amramgo ogwa dabe nogi da e tama, Aron me Moses, me te wegi nogi Miriam. Te Arongo ogwa dabe nogi da e tama Nadap, me Abihu, me Eleasar, me Itamar dao. ⁴ Eleasar te Finiasgo aya, te Finias Abisuago aya, ⁵ me Abisua te Bukigo aya, Buki te Usigo aya, ⁶ tama Usi te Serahiago aya, tama Serahia te Meraiotgo aya, ⁷ tama Meraiot te Amariago aya, tama Amaria te Ahitupgo aya da, ⁸ tama Ahitup te Sadokgo aya, tama Sadok te Ahimasgo aya, ⁹ tama Ahimas te Asariago aya, tama Asaria te Johanango aya, ¹⁰ aga te gasa Asaria mego aya da. Te king Solomongo Godigo tempel be te Jerusalemde s̄ yani sogo te bidi Asaria aga te hetpris bidai dao. ¹¹ Tama te Asaria te Amariago aya, tama Amaria te Ahitupgo aya, ¹² Ahitup te Sadokgo aya, te Sadok Salumgo aya, ¹³ te Salum te Hilkiago aya, tama Hilkia te Asariago aya, ¹⁴ tama Asaria te Seraiago aya, tama Seraia te Jehosadakgo aya dao. ¹⁵ Te Genuai Bidigo king Nebukatnesar homu hodolali sogo, te Babilon dabe asama, te Juda dabe me Jerusalem dali selama, kalabus igi pali, te sogo augwaligo te bidi Jehosadak me kalabus sela pai dao.

Te gasa hani Livai dabego nogi da

¹⁶ Te Livaigo ogwa dabe nogi da e tama da, Gerson, Kohat, Merari da. ¹⁷ Te Gersongo ogwa dabe nogi da e tama da, Lipni me Simei da. ¹⁸ Kohatgo ogwa dabe nogi e tama da, Amram, me Ishar, me Hebron, me Usiel da. ¹⁹ Merarigo ogwa dabe nogi da e da, Mali me Musi.

† 5:26 2 Kin 15:19, 29; 17:6

Te hani sibi bidi dabe augwali te Livaigo deli hani bage dao. ††

²⁰ Te Gersongo hani dabego nogi dabe da e tama da. Gerson te Lipnigo aya, Lipni te Jahatgo aya, Jahat te Simago aya, ²¹ Sima te Joago aya, Joa te Idogo aya da, Ido te Serago aya, Sera te Jeateraigo aya dao.

²² Kohatgo hani e tama da. Kohat te Aminadapgo aya, Aminadap te Korago aya, te Kora Asirgo aya, ²³ te Asir Elkanago aya, te Elkana Ebiasapgo aya, tama Ebiasap te gasa Asirgo aya, ²⁴ tama Asir te Tahatgo aya, Tahat te Urielgo aya da, Uriel te Usiigo aya, tama Usia te Saulgo aya dao.

²⁵ Elkanago ogwa dabe nogi e tama da, Amasai, me Ahimot, ²⁶ me Elkana. Te Elkanago hani da e tama, Elkana te Sofaigo aya, te Sofai te Nahatgo aya, ²⁷ te Nahat te Eliapgo aya, tama Eliap te Jerohamgo aya, tama Jeroham te Elkanago aya dao.

²⁸ Samuelgo ogwa dabe nogi e tiwai elalubao, Joel ‡ te gomunai ogwa, te tomo ogwa Abiya dao.

²⁹ Merarigo hani da e tama elalubao. Merari te Maligo aya, Mali te Lipnigo aya, Lipni te Simeigo aya, tama Simei te Usago aya, ³⁰ tama Usa te Simeago aya, tama Simea te Hagiago aya, tama Hagia te Asaiago aya dao.

Te Godigo bedede te wiegi yai musik wabo bidi dabego nogi dabe da

³¹ Te ede nogi elalubo bidi dabe te king Devitgo te Genuai Bidigo bedede wiegi yai po wabo nai musik elabo bidi dabe sa muai dao. Te Daų Wali Bomo Yai Po Muani Halobage te Genuai Bidigo sel ugwa beba muagaselama nosali badu Devitgo te hani d̄j ilai dao. ³² Te lotu wabo sogo te hani dabego te sisinibo pesage te Genuai Bidigo ugwa be sunumi mabo p̄de te wiegi yai musik wabo s̄ yai. Augwaligo te s̄ Genuai Bidigo sel ugwa bedede ela pidubadi, te king Solomongo te Genuai Bidigo gesi tempel be Jerusalemde s̄ yani silibo sogoba mu usu nai. Te hani augwaligo te augwa ebo s̄de te bomai po bugagia wali pabo s̄ ela piduai dao.

³³ Devitgo te musik wabo s̄ tonalubo bidi sela d̄j ilali. Tama nosali augwa wai dabego me te tobage deli s̄ naga yalio. Te hasia polalubo bidi te Kohatgo hani, tama aga nogi da te Heman. Agai te t̄abi po wabo mu koneani. Heman te Joelgo ogwa, tama Joel te Samuelgo ogwa, tama ³⁴ Samuel te Elkanago ogwa, tama Elkana te Jerohamgo ogwa, tama Jeroham te Elielgo ogwa, te Eliel te Toago ogwa da, ³⁵ tama Toa te Sufgo ogwa, Suf te Elkanago ogwa, tama Elkana te Mahatgo ogwa, Mahat te Amasaigo ogwa da, ³⁶ tama Amasai te Elkanago ogwa, te Elkana Joelgo ogwa, te Joel Asariago ogwa, tama Asaria te Sefanaigo ogwa, ³⁷ tama Sefanaia te Tahatgo ogwa, te Tahat Asirgo ogwa, te Asir Ebiasapgo ogwa, tama Ebiasap te Korago ogwa da, ³⁸ tama Kora te Ishargo ogwa, te Ishar Kohatgo ogwa, tama Kohat te Livaigo ogwa da, tama Livai te Israelgo ogwa dao.

†† 6:19 Sai 6:16-19 ‡ Te bidi nogi Joel te Hibru pode megi elalubeo. Te polobadu elalubo subo aq̄ tiwai yali, te megi da. Te buku D̄j 6 ves 33 me te 1 Sml 8:2, tede me te po elalubao, suao.

³⁹ Te Devitgo daj ilali si wali bidi me nogi, te Asap. Asap te aga ama te Heman dali deli se ebo bidi da. Tama te musik teabi wabo sogo Asap te aga hani dali te Hemanigo hanigo dolo nogo badu dolaluali. Asap te Berekiago ogwa, te Berekia Simeago ogwa da, ⁴⁰ tama Simea te Maikelgo ogwa, tama Maikel te Baseago ogwa da, tama Basea te Malkiago ogwa da, ⁴¹ tama Malkia te Etnigo ogwa, te Etni te Serago ogwa, tama Sera te Adaiago ogwa da, ⁴² tama Adai te Etango ogwa, tama Etan te Simago ogwa, te Sima Simeigo ogwa da, ⁴³ tama Sime te Jahatgo ogwa, tama Jahat te Gersongo ogwa, tama Gerson te Livaigo ogwa dao.

⁴⁴ Devitgo daj ilali sela wali bidi me nogi te Etan, agai te Merari hani tonaluali. Te musik teabi wabo sogo te Merarigo hani bage te Heman hani pobase nogo badu dolaluali. Etan te Kisigo ogwa, tama Kisi te Apdigo ogwa, tama Apdi te Malukgo ogwa dao, ⁴⁵ tama Maluk te Hasabiago ogwa, tama Hasabia te Amasiago ogwa, te Amasia te Hilkiago ogwa, ⁴⁶ tama Hilki te Amsigo ogwa, te Amsi te Banigo ogwa da, tama Bani te Semergo ogwa, ⁴⁷ Semer te Maligo ogwa, Mali te Musigo ogwa, Musi te Merarigo ogwa, tama Merari te Livaigo ogwa dao.

⁴⁸ Te Godigo ugwa be tomode meba gasa se tigidali yabo, te genuai bidi dabego te Livaigo gasa haniba daj ilalio.

Te Arongo ogwa dabe nogi dao

⁴⁹ Te Aron me aga ogomani dabe dali augwaligo te isiba tigidali ulama dela silibo ofa te altade ebo se elaluali, tama te gasa altade me te wiegi yai denami ilibo hano holobo ofa ebo se ilali. Tama augwaligo te tigidali Tedali Gasagi Yai Mu Be Habude se me yali. Tama augwaligo te Israel dabego sege sela sabo ofa me yalio. Tama augwaligo te tigidali se ebo sogo augwaligo tigidali po te Moses, Godigo se bidigo, te Aronba mani po tigidali mu wali pabo se yalio.

⁵⁰ Arongo hani e tama dao. Aron te Eleasargo aya, Eleasar te Finiasgo aya, tama Finias te Abisuago aya, ⁵¹ tama Abisua te Bukigo aya, te Buki Usigo aya, tama Usi te Serahiago aya, ⁵² Serahia te Meraiotgo aya, tama Meraiot te Amariago aya da, te Amaria Ahitupgo aya, ⁵³ tama Ahitup te Sadokgo aya, tama Sadok te Ahimasgo aya dao.

Te Israel dabego te Livai hani dabe daj ilali taun dabe nogi

⁵⁴ Te ede da te Israel dabego Arongo hani dabeba daj ilama mani taun nogi dabe aseani elalubao. Aron te Kohat hani bidi da. Te Israel dabego te Livai haniba te taun dabe dobawainogo yali sogo, augwaligo te satu gagali bolo elama, te mena hanigo mu hasia te taun sabo ola momainu yalio. Tialima satugo te Arongo hani dabego te taun sabo daj ilama dolo ponanio.

⁵⁵ Tama tibaso, te Israel dabego te Juda hanigo tede elaluali taun Hebron te Arongo haniba mawai. Tama augwaligo te taun pade elaluali to me tigidali manio.

Te tede te bulmakau me sipsip dabego tuabo wiegi yai nosai elaluai. ⁵⁶ Tialima te gi dabe me te dwasianu bulu te Hebron pade elaluali, te Israel dabego te Arongo hani dabeba mabeo, magi baso meni, augwaligo te Kalepba mawai, te Jefunego ogwa dao. ⁵⁷ Te Israel augwaligo te taun Hebron me taun Jatir te hanu si te Arongo hani dabeba mawai. Hebron taun te Israel dabego te gasa bidi ela muani bidi wi pelama geme duala sigi pabo taun da olama daj ilali. † Tama augwaligo te gasa taun dabe me te Aron hani dabeba mawai. Te taun nogi dabe e tama da, Lipna, me Estemoa, ⁵⁸ me Hilan, me Debir da, ⁵⁹ me Asan, me Betsemas. Tama augwaligo te taun pade elaluali to meba me mawai. Te tede te wiegi yai nosai te bulmakau dabe me sipsip dabego tuabo nosai elaluai dao. ⁶⁰ Tama te Israel dabego te Benjamin hanigo tede elaluali taun meba mawai. Te taun dabego nogi e tama da, Geba, me Alemet, me Anatot. Tama augwaligo te wiegi yai nosai elalubo to dali mawai. Augwaligo te 13 te tama taun tigidali te Arongo hani dabeba mawai dao.

⁶¹ Te Israel dabe augwaligo satu gagali ma elama, te gasa hani te Kohat hani dabe taun nogo si daj ma ilali. Te taun dabe te Manase hani pedaigo tede te giliga dega sabo badu elaluali. ⁶² Tama augwaligo te nogo si olama sela taun dabe te Gersongo haniba daj ilama mawai. Te taun dabe te Isakar, me Aser, me Naptali, me te Manase hani pedai te Basan tede bidali, te hani me si me sigo taun dabe manio. ⁶³ Tama augwaligo te 12 taun dabe te Merarigo hani dabeba daj ilala peyu mawai. Te taun dabe te Ruben, me Gat, me Sebulun, te augwali hanigo tede elaluai dao. ⁶⁴ Te tama tiali kolesagade augwaligo te taun dabe dali te wiegi yai nosai elalubo to dali te Livai dabeba mawai dao. ⁶⁵ Te taun dabe meba te Juda, me Simeon, me Benjamin, te augwali hanigo tede elaluali. Te hanu dabe nogi nago suali dao. Augwaligo satu gagali elama te taun daj ilai dao.

⁶⁶ Te Kohat hani dabe meba augwaligo sali taun dabe meba te Efraim hani augwaligo tede elaluai dao.

⁶⁷ Sekem te elaluali taun dabede te taun me deli da, tama te Efraimgo bulu du badu elaluai. Te taun Sekem te Israel dabego daj ilali te bidi elali wi pabo bidi te taunba geme duala sigibu yali taun me deli da. Te gasa taun dabe nogi e tiwai elalubao, Geser, ⁶⁸ me Jokmeam, me Bethoron, ⁶⁹ me Aijalon, me Gatrimon da. Te Israel dabego te taun dabe te Kohat haniba mani sogo, augwaligo te wiegi yai nosai elalubo to dali te augwaliba mawai. ⁷⁰ Te Kohat hanigo taun meba te Manasego hani pedaigo to badu elalualio. Te taun nogi e tama da, Aner me Bileam. Te Israel dabego te taun dabe te Kohat haniba mani sogo, augwaligo te wiegi yai nosai elalubo to dali manio.

⁷¹ Te Israel dabego te Gerson haniba mani taun dabe meba, te Manase hani pedaigo tede elaluai. Te taun dabe nogi e tama da, te Basan to pedai distrikde, te taun Golan me taun Astarot si elaluali. ⁷² Tama te taun meba te Isakargo hani dabego tede elaluali. Te taun

† Te buku Jos, Daj 20, tede te po elalubo suao.

nogi e tama, Kedes, me Daberat, ⁷³ me Ramot, me Anem dao. ⁷⁴ Te taun meba te Aser hanigo tōde elaluai. Augwa nogi e tiwai da, Masal, me Apdon, ⁷⁵ me Hukok, me Rehop dao. ⁷⁶ Te taun dabe meba te Naptali hanigo tōde elaluai. Augwa nogi da e tama da, taun Kedes te tō pedai distrik Galilide elalu, me taun te Hamon, me taun te Kiriataim da. Tama Israel dabego te taun dabe te Gerson haniba mani sogo, augwaligo te wiegi yai nosai elalubo tō dali manio.

⁷⁷ Te Israel dabego te taun dabe meba te Merarigo haniba mani, te gasa Livai hani me da. Te taun dabe te Ruben hani me Gat hani me Sebulun hani te augwaligo tōde elaluai. Te Sebulun hanigo tōde elaluai taun dabe nogi e tama da, Rimon me Tabor da. ⁷⁸⁻⁷⁹ Te Ruben hanigo tōde elaluai taun dabe nogi e tama da, Beser te tō wa pai bulude elaluai, me Jasa, me Kedemot, me Mefat da. Te Ruben hanigo tō da, te giliga asobo badu te wē Jordan te Jeriko taun pāde dao. ⁸⁰ Te Gat hanigo tōde elaluai taun dabe nogi e tiwai da, Ramot te Gileat tō pedai distrikde elaluai, me Mahanaim, ⁸¹ me Hesbon, me Jaser da. Te Israel dabego te taun dabe te Merari haniba mani sogo, augwaligo te wiegi yai nosai elalubo tō dali mawai dao.

Isakar hani

⁷ Te Isakargo ogwa me si me si bidali. Augwali nogi e tama da, Tola, me Pua, me Jasup, me Simron da. ² Te Tolago ogwa dabe nogi da e tama da, Usi, me Refaia, me Jeriel, me Jamai, me Ipsam, me Samuel. Te bidi dabe augwali te Tolago hani dabe te tobolu bidi dabe, tama augwali te bomai ami bidi dabe da. Tama Devit te king bidali sogo, te Tola hanigo bidi 22,600 bidi dabe bidali te ami bidi pedelabo usu yai dao.

³ Usigo ogwa deli digi mu tama bidali, aga nogi Israhia da. Te Israhia ogwa me si me si bidali. Augwa nogi e tama da, Maikel, me Obadia, me Joel, me Isia. Tigidali te augwa hanide polalubo tobolu bidi bidai dao. ⁴ Te hani augwaligo we me wai hauwa elaluai. Tama augwali hani te genuai pedelali, tama te hani dabe nogi asəni sogo, augwaligo nedali te 36,000 bidi te ami bidi pedelabo usu yalio.

⁵ Isakargo hani we bidi dabe tigidali nogi dodolali sē yali sogo, augwaligo nedali namba e tama 87,000 bidi te ami bidi nigabo te usu yalio.

Benjamin hani

⁶ Benjamingo ogwa sela elaluai, Bela, me Beker, me Jediel dao. ⁷ Belago ogwa nogo a naga ogwa bidali. Augwali nogi e tama da, Esbon, me Usi, me Usiel, me Jerimot, me Iri da. Tigidali te augwa hanide tobolu bidi bidali, te augwali bomai ami bidi dabe da. Tama te hani dabego nogi dodolali sogo, augwaligo nedali te 22,034 bidi te ami bidi pedelabo usu elaluai dao.

⁸ Bekergo ogwa dabe nogi e tama da, Semira, me Joas, Elieser, Elioenai, Omri, Jeremot, Abiya, me Anatot, me Alemet da. Te tigidali bidi te Bekergo ogwa dabe,

tama tigidali te augwa hani dabede polalubo tobolu bidi dabe bidali, tama augwali te bomai ami bidi dabe bidai dao. ⁹ Tama augwaligo te hani dabe nogi dodolobo sogo da, augwaligo nedali 20,200 bidi te ami pedelabo usu yai elalualio.

¹⁰ Jedielgo ogwa deli digi tama bidali, aga nogi da Bilhan. Tama Bilhango ogwa dabe nogi e tama da, Jeus, Benjamin, Ehut, Kenana, me Sitan, Tarsis, me Ahisahar dao. ¹¹ Te tigidali bidi augwali te Jedielgo hani dabe te augwali tigidali te augwa hanide polalubo tobolu bidi bidali, te augwali bomai ami bidi dabe naga nigilama bidali. Tama augwaligo te hani dabego nogi deliba sisinama nedali sogo, augwaligo suali, te 17,200 bidi te ami bidi pedelabo usu elaluai.

¹² Irgo ogwa dabe nogi e tama da, Supim me Hupim, tama augwali sigo hani si nosali pedelali. Tama Husim te Ahergo † ogwa dao.

Naptali hani

¹³ Te Naptaligo ogwa dabe nogi e tama da, Jasiel, Guni, Jeser, me Salum da. Te wai dabe augwa auwa mosi te Bilha da, te Jekopgo si wagi soayu sali we dao.

Manase hani bugwa meba

¹⁴ Te Manasego ogwa dabe nogi da, Asriel me Makir da. Augwa ida, te Manasego si wali we da, aga te Aram hani we me deli da. Te Makir te Gileatgo aya dao.

¹⁵ Makirgo te Hupimba maiabo we me deli gegali, te gasa we me Supimbolo mawainogo me yalio. Makirgo abe te Maka. Te Makirgo tomo ogwa, te Selofahat. Te Selofehatgo te wegi dabe naga elalualio. ¹⁶ Te gasa Maka, te Makirgo wego, te ogwa si ma ame nani. Makago te me deligo nogi e tiwai poali, Peres, te gasa ogwa me nogi Seres. Seresgo ogwa si ame nai, Ulam me Rakem dao. ¹⁷ Ulamgo ogwa dedeli ame nai, aga nogi Bedan. Te nogi tama nogi yali we bidi, augwali te Gileatgo hani dabe da, Gileat te Makirgo ogwa, te Makir Manasego ogwa dao. ¹⁸ Hamoleket, te Gileatgo abe da, agai te ogwa Ishot, me Abieser, me Mala, te ogwa sela ame nai dao. ¹⁹ Semidago ogwa nogi e tama da, Ahian, Sekem, me Likhi, me Aniam da.

Efraim hani

²⁰ Te Efraimgo hani e tama da. Efraim te Sutelago aya, Sutela te Beretgo aya, te Beret Tahatgo aya da, te Tahat Eleadago aya, ²¹ Eleada te gasa Tahatgo aya, tama Tahat te Sabatgo aya da, tama Sabat te gasa Sutelago aya. Efraimgo gasa ogwa si me bidali, te Eser me Eleat. Tiali goli te Get dabego augwali si ela muai, te augwali si Get taunba pelama, te Get dabego bulmakau wi sigi painu ebadi te Get dabego augwali si ela muai dao. ²² Tama Efraim, augwa si aya, te augwalide homu dene ebo gela hauwa sogo wali, te aga ama dede asama, te aga dali homu dene eyu bidagaselama

† *Bidi mebago homu te nogi Aher te da Dango gasa nogi da.*

te aga homu bedegau ilibo sę yalio. ²³ Tama nosali Efraim aga we dali sigo te gasa ogwa ame nani. Tama Efraimgo te ogwa nogi Beria † poali, magi baso meni, te aga ogwa dabeba dwai sogo pedelai dao. ²⁴ Te Efraimgo wegi te Sera. Aga dali te aga hani dabe dali te taun Bethoron Ugwadu nigibadi, te taun Bethoron Aiyadu me Usensera taun nigibadi yali.

²⁵ Tama Efraim te Refago aya, tama Refa te Resepgo aya, te Resep aga te Telago aya, te Tela te Tahango aya, ²⁶ tama Tahan te Ladango aya, te Ladan te Amihutgo aya, te Amihut te Elisamago aya da, ²⁷ tama Elisama te Nungo aya, tama Nun te Josuago aya dao.

²⁸ Te Efraim hani augwaligo taun me tų te tama da, taun Betel me te pade elaluali bulu dabe me, tama me te tigidali tų te Naran taunde gagalasa te giliga asoboba usu nama pali, te giliga dega sabo badu te taun Geserba usu nai, te Geser pade elaluali bulu dabe me da. Te Sekem taun me te pade elaluali bulu dabe me, te taun Aia me te pade elaluali bulu dabe te Efraim hani dabego dao. ²⁹ Tama te Manasego hani dabego te taun Betsan, me Tanak, me Megido, me Dor, te tama taun me te pade elaluali bulu dabe te Manasego hani dabego tonaluali. Te Josepgo bulali waj nų dabe, te Israelgo ogwa, augwali te taun dabede bidalio.

Asergo hani

³⁰ Te Asergo ogwa dabe nogi e tama da, Imna, Isva, Isvi, me Beria. Te Asergo wegi te Sera da. ³¹ Beriago ogwa dabe nogi da e tama da, Heber me Malkiel. Tama te Malkiel te Birsaitgo aya da. ³² Heber te Japlet, me Somer, me Hotam te augwali selago aya da. Tama Hebergo wegi da, te Sua dao. ³³ Japletgo ogwa dabe nogi da, Pasak, me Bimhal, me Asvat dao. ³⁴ Somer, te Japletgo amago ogwa dabe nogi e tama da, Roga, me Jehuba, me Aram dao. ³⁵ Helem te Somer amago ogwa dabe nogi da, e tama da, Sofa, me Imna, me Seles, me Amal da. ³⁶ Te Sofago ogwa dabe nogi da, Sua, me Harnefer, me Sual, me Beri, me Imra da, ³⁷ me Beser, me Hot, me Sama, me Silsa, me Itram, me Bera dao.

³⁸ Te Jetergo ogwa dabe nogi da, Jefune, me Pispas, me Ara da. ³⁹ Te Ulago ogwa dabe nogi da e tama da, Ara, me Haniel, me Risia da.

⁴⁰ Te bidi dabe te Asergo hani ogomani tama augwali te augwa hani dabede tobolu bidi bidalio. Te polaluali genuai bidi dabe augwali wiegi yai bidi mu tama te bo-mai ami dabe da. Te Aser hani dabe nogi te bidi dabe augwaligo sisinani sogo, te augwali nedali namba 26,000 bidi te ami bidi pedalobo usu yaibao te homu yai dao.

Benjamin hani

Benjamingo ogwa dabe hanigo nogi

8 Benjamingo ogwa dabe nogi da. Te gomunai ogwa Bela, tomo ogwa Asbel, sela ogwa Ahara, ² te ene nanobo me si me si wali ogwa Noha, te a naga ogwa te Rafa dao. ³ Belago ogwa dabe nogi e tama da, Adar, me Gera, me Abihut da, ⁴ me Abisua, me Naman, me Ahoa, ⁵ me Gera, me Sefufam, me Huram da.

⁶⁻⁷ Te Ehutgo ogwa dabe nogi da, Naman, me Ahiya, me Gera. Augwali te taun Gebade bidali we bidi hani dabego polalubo tobolu bidi dabe bidali. Tialima Gera-ga te aga ama dede sela sębaso, augwali pelama, te taun Manahatba bidigi palio. Gera te Usa me Ahihut sigo aya da.

⁸⁻⁹ Saharaim te tų kantri Moapde bidiyu, te aga we si sela sęwani, Husim me Bara. Tama nosali Hodes, agai gasa we mego, te wai ogwa dabe ame nai. Augwa nogi e tama da, Jobap, me Sibia, me Mesa, me Malkam, ¹⁰ me Jeus, me Sakia, me Mirma da. Te ogwa dabe augwali te augwa hanide te tobolu bidi pedelama bidai. ¹¹ Tama me te Saharaimgo gasa ogwa si elaluali, te we Husimgo ame nai, te Abitup me Elpal dao. ¹² Elpalgo ogwa dabe nogi da, Eber, me Misam, me Semet da. Semet te aga hani dali augwaligo te taun Ono me taun Lot te pade elaluali bulu dabe me nigai dao.

¹³ Te Elpalgo gasa ogwa si te Beria me Sema augwali sigo hani bidi dabe augwali te taun Aijalonde bidalio. Augwali si te hanide tobolu bidi bidali, tama augwaligo te taun Getde bidali hani we bidi dabe augwali sela sęwai dao.

¹⁴⁻¹⁶ Beriago ogwa dabe nogi e tama da, Ahio, me Sasak, me Jeremot, me Sebadaia, me Arat, me Eder, me Maikel, me Ispa, me Joha dao.

¹⁷⁻¹⁸ Te Elpalgo ogwa dabe nogi da e tama, Sebadaia, me Mesulam, me Hiski, me Heber, me Ismerai, me Isilia, me Jobap dao.

¹⁹⁻²¹ Simeigo ogwa dabe nogi e tama da, Jakim, me Sikri, me Sapdi, me Elienai, me Siletai, me Eliel, me Adaia, me Beraia, me Simrat da.

²²⁻²⁵ Sasakgo ogwa dabe nogi da e tama, Ispan, me Eber, me Eliel, me Apdon, me Sikri, me Hanan, me Hanania, me Elam, me Antotiya. me Ipdea, me Penuel dao.

²⁶⁻²⁷ Te Jerohamgo ogwa dabe nogi da e tama da, Samserai, me Seharai, me Atalia, me Jaresia, me Elaija, me Sikri dao.

²⁸ Te bidi dabe te augwa hanide polalubo tobolu bidi bidiyu, te genuai bidi pedelama bidai. Augwali te Jerusalemde bidalio.

²⁹ Te Gibeon taun nigibo sę hodolali bidi †† te taun Gibeonde aga we dali bidali, aga we nogi Maka dao.

³⁰ Agai gomunai ogwa te Apdon. Te agai gasa ogwa dabe nogi e tiwai da, Sur, me Kis, me Bal, me Nadap,

† Te Hibru pogo te ogwago nogi Beria wali te pade te tobage po tiwai si page elalubao, "dwai sę pedelali sogo da," wali.

†† Ede te Hibru pogo te sę yali bidigo nogi nogi isęwai, tiali goli te Daj 9, te ves 35, tede agai te tiwai po wali, aga nogi Jeiel da wali.

³¹ me Gedor, me Ahio, me Seker da, ³² me Miklot. Miklot te Simeago aya da. Te hani dabe te Benjamingo gasa hani me badu te Jerusalemde bidibo te hani pade bidalio.

Te King Solgo hani dabe augwali nogi da
(1 Sto 9:39-44)

³³ Te bidi Ner te Kisgo aya, tama Kis te Solgo aya da. Solgo ogwa dabe nogi e da, Jonatan, me Malkisua, me Abinadap, me Esbal, aga gasa nogi me da Isboset dao. ³⁴ Jonatan te Meribalgo aya, aga gasa nogi me da Mefiboset. Tama Meribal te Maikago aya dao. ³⁵ Maikago ogwa dabe nogi e tiwai da, Piton, me Melek, me Tarea, me Ahas da. ³⁶ Ahas te Jehoadago aya. Tama Jehoadago ogwa dabe nogi da, Alemet, me Asmavet, me Simri da. Simri te Mosago aya, ³⁷ tama Mosa te Bineago aya, tama Binea te Rafago aya, te Rafa te Eleasago aya, tama Eleasa te Aselgo aya dao.

³⁸ Asergo ogwa te 6 wagi solama ogwa bidali. Augwa nogi da e tama, Asrikam, me Bokeru, me Ismael, me Searia, me Obadia, me Hanan da. ³⁹ Te Aselgo ama Es-ekgo ogwa dabe nogi e tama da, gomunai ogwa te Ulam, tomo ogwa te Jeus, te tudi badu ogwa te Elifelet dao. ⁴⁰ Te bidi Ulamgo ogwa dabe te bomai ami bidi elalu, te augwaligo te enesigigo enebo se mu koneai da. Augwaligo wai dabe hauwa elalu, te bulali waj nõu wai me hauwa elaluali, te bidi 150 usu elalui. Te nogi elalubo bidi tigidali te Benjamingo hani dao.

9 Augwaligo te Israel hani dabe tigidali nogi sisi-nani. Tama te nogi sisinama aseani buku nogi augwaligo e tama nogi ebo da, Te Israel Dabego King Dabego Po Buku wabo dao.

Te Israel dabe kalabus igi pali bulu tagalama ma asali

(Daj 9:1-34)

Te we bidi dabe augwa tobolu bidi dabego nogi

Te Israel augwali te to kantri Judade bidalu, te God tudiba muani, tama tibaso agai te Babilon dabego te augwali sagaselama, te to kantri Babilonba kalabus sela pomainogo ilalio. ² Tama nosali te Israel hani dabe meba te kalabus igi pali bulu tagalama, te augwa page bulu, te augwa toba me augwa taunba bidagasalio. Te tomode te hasia polasa ma asali hani dabe e tama da, te pris hani dabe me Livai hani dabe badi, te augwa bulali waj nõu hani wai dabe te Godigo be tomode se yali hani bage badi, te gasa we bidi dabe augwali me te polasa ma asai dao.

³ Israel meba te Juda hani me, Benjamin hani me, Efraim hani me, Manase hani me, te augwali hani dabe te Jerusalembe bidagasalio. ^{†4-6} Te Juda hani we bidi te 690 te Jerusalembe bidagasali. Augwa tobolu

bidi me deli te Utai. Utai te Amihutgo ogwa, aga te Omrigo ogwa, te Omri te Imrigo ogwa, tama Imri te Banigo ogwa da. Te bidi hani dabe augwali te Peresgo hani bidi dabe, te Judago ogwa da. Te gasa tobolu bidi me Asaia. Te aga ayago gomunai ogwa te aga te Sela hanide tobolu bidi bidali, te Judago ogwa da. Te gasa tobolu bidi me Juel. Aga te Serago hanide tobolu bidi bidai, te Judago ogwa dao.

⁷ Te Benjamingo hanide tobolu bidi me deli nogi Salu, te Mesulamgo ogwa. Mesulam te Hodaviago ogwa da, tama Hodavia te Hasenuago ogwa dao. ⁸ Benjamingo gasa tobolu bidi dabego nogi da e tiwai, Ipnea, te Jerohamgo ogwa, te Ela, te Usigo ogwa, te bulali waj nõu Mikri da, tama Mesulam, te Sefatiago ogwa da. Sefatia te Ruelgo ogwa, Ruel te Ipnnyago ogwa dao. ⁹ Te bidi dabe augwali te Benjamin hanigo te tobolu bidi hani dabe Te hani dabe augwali hani we bidi namba te 956 elalui dao.

Te pris dabego tobolu bidi dabe meba nogi

¹⁰ Te pris meba te pris hani mebade tobolu bidi bidali. Augwali nogi e tama da, Jedaia, me Jehoiarip, me Jakin, ¹¹ me Asaria da. Augwaligo Asaria te Godigo bede polalubo bidi nigilali. Asaria te Hilkiago ogwa, te Hilkia Mesulamgo ogwa, Mesulam te Sadokgo ogwa, tama Sadok te Meraiotgo ogwa, te Meraiot Ahitupgo ogwa dao. ¹² Tama gasa tobolu bidi te Adaia. Adaia te Jerohamgo ogwa, te Jeroham Pasurgo ogwa, te Pasur Malkiago ogwa da. Te gasa tobolu bidi Masai. Masai te Adielgo ogwa, te Adiel Jaserago ogwa, tama Jasera te Mesulamgo ogwa, te Mesulam te Mesilemitgo ogwa, te Mesilemit te Imergo ogwa dao.

¹³ Te pris hani dabe augwade te tobolu bidi dabe bidali namba e tama, 1,760 elalui. Te tobolu bidi dabego te Godigo bede ebo se augwa nogode elaluali, tama augwaligo te se bugagia ela piduai dao.

Te Livai dabego tobolu bidi meba nogi dabe da

¹⁴ Te Livai meba te tobolu bidi augwa hani dabede bidali. Tobolu bidi me deli te Semaia, te Hasupgo ogwa. Te Hasup Asrikamgo ogwa, tama Asrikam te Hasabiago ogwa da. Te hani bidi dabe augwali te Merari hani dao. ¹⁵ Te tobolu bidi mebagi nogi da e tiwai da, Bakbakar, me Heres, me Galal, me Matania. Matania te Mikago ogwa, tama Mika te Sikrigo ogwa, te Sikri Asapgo ogwa dao. ¹⁶ Tama gasa tobolu bidi me da te Obadia, te Semaiaigo ogwa. Semaia te Galalgo ogwa, tama Galal te Jedutungo ogwa da. Te gasa tobolu bidi me Berekia, te Asago ogwa, te Elkanago ogwago bulai waj nõu da. Te Berekiago hani dabe augwali te Netofa taun pade elalubo bulu dabede bidalio.

Godigo be tonaluali bidi dabego nogi dabe da

¹⁷ Te kalabus igi pali bulu tagalama te ma asali we bidi hani augwali tomode, te Godigo be tonalubo bidi hani dabe meba elaluali. Augwa nogi e tama da, Salum, me Akup, me Talmon, me Ahiman, me te deli

† 9:3 Esr 2:27; Neh 7:73

sę ebo bage, te augwa ama dabe da. Tama Salum aga te hanide tobolu bidi bidai dao. ¹⁸ Polobadu, te Jerusalem dolisabadi, te hani bidi dabego te Godigo be sunumi tonalubo sę te giliga asobo badu yali, te sunumi nogi augwaligo te tama wali, Kingo Sunumi Dao, wali. Te polobadu mu te hani dabe augwa nõu hani dabego te Livai dabe bidali pesagede te Israel te tõ wa pai bulude bidali sogo augwali te tonalubo sę ebo bidi bidalio. ¹⁹⁻²⁰ Tama te sogo te Kora hani augwali te Genuai Bidigo pesage elaluali madi augwali te pesage to-moba pabo sunumide tonalubo bidi bidali. Te Finias, te Eleasargo ogwago, augwaligo te ebo sę dabe tonaluali. Genuai Bidi te Finias dali bidimainao, te bidi dabego sulama augwaligo te tama po walio.

Tama te Devit bidali sogo, te gasa bidi Salum te aga ama dede dali, te Kora hani bidi dabe da, augwaligo te Genuai Bidigo Sel Ugwa Be sunumi badu tonalubo sę elaluali. Te Salum te Korego ogwa, te Ebiasapgo ogwago ame nenama bulali hani waj nõu dao. ²¹ Tama Sekaraia, te Meselemiago ogwa, aga te Genuai Bidigo Sel Ugwa Be sunumi tonalubo sę ebo bidi bidalio. ²² Augwaligo te sę emainu daj ilali bidi dabe tigidali namba te 212 bidi da. Augwaligo te bidi dabe augwa hani bage deli deli dabego nogi asęşędulali te augwali hani deli deli bidada pabo pesagede tama sę yali. King Devitgo me profet Samuel sigo te sę te bidi dabeba mawai dao. ²³ Tama te hani dabe augwali te Genuai Bidigo Sel Ugwa Be sunumi dabe tonalubo bidi bidai da. Tama nosali augwa ame nani ogwago ame nani waj nõu dabego me Genuai Bidigo tempel be tonalubo tobage sę naga yai dao. ²⁴ Augwaligo te me si me si badu elalubo be daga sunumi dabe tonaluali, te not badu me saut badu, me giliga asobo badu me giliga dega sabo badu, te tama badu elaluali be sunumi tonaluai dao. ²⁵ Tama me sogo augwa ama dede bidali bulu tagalama asu augwali te tau sabo sę yagasali. Te ama dabe augwa te sę Sadede delide elama, augwa buluba ma peyu yai dao. ²⁶ Tialima, te Livai hani bidi me si me sigo te tonalubo polalubo bidi bidali. Augwaligo te be daj togwali habu dabe me te Godigo bede nai mubo be habu dabe tonalubo sę elaluai dao. ²⁷ Te hulide augwali te Godigo be obo banis te be habu daj togwali tomode piyu yali, magi baso meni, augwa te be tonalubo sę yali, tama te tigidali sogo kigamu te sunumi dabe dayu yalio.

Te gasa Livai hani dabego sę

²⁸ Tama te Jerusalem dolisiawani sogo, te Livai hani mebago te moni dis dabe, me te pou plet, me doado bage tonaluali, te bidi dabego lotu wabo sogo te sę ebo nai dabe da. Te lotu wagi pabo sogo augwaligo sela pelama, te augwaligo ma sela asobo sogo, te Livai hani dabe augwaligo bugagia nedeyu yalio. ²⁹ Tama te gasa hani Livaigo te Genuai Bidigo bede sę ebo gasa doado bage dabe tonalubo sę yali. Tama te hanigo te wiegi yai nai plaua, me wain, me oliv wel, me te wiegi yai denami hano ilibo pauda, me te tobage wiegi yai pauda, te tama nai dabe tonalubo sę me yai dao.

³⁰ Tialima te haniani pauda dabe selama te deliba talubo sę te pris dabego ebo sę naga dao.

³¹ Livai me deli, aga nogi te Matitia, agai te ofa yabo plaua dabe ulubo sę elaluali. Matitia aga te Salumgo gomunai ogwa, te Korago hani dao. ³² Te Kohat hani Livai mebago te Godiba tigidali Sabat side maiabo bret dodolobo sę agai yai dao.

³³ Te tobolu bidi hani dabe mebade te Livai hani dabego te wiegi yai tęabi musik wabo sę meba elaluali. Te bidi dabe augwali te Godigo be obo te daj togwali be habu tomode piyu yali, magi baso meni, augwaligo sę te siade me hulide me te sę tama yai dao, tama augwaligo gasa sę me ebeo.

Te ma asali genuai bidi dabe, augwali te Jerusalemde bidali

³⁴ Te kalabus igi pali bulu tagalama ma asali bidi dabe, augwali te Livai hanide polalubo tobolu bidi hani dabe da. Tama te genuai bidi dabe augwali te Jerusalemde bidalio. †

King Solgo hani dabe

(Daj 9:35-10:14)

King Solgo bulali hani wai dabe nogi da

(1 Sto 8:29-38)

³⁵ Jeiel, te Gibeon taun hodolali bidi, te taun Gibeonde aga we Maka dali bidali. ³⁶ Agai gomunai ogwa te Apdon. Te agai gasa ogwa dabego nogi e tama, Sur, me Kis, me Bal, me Ner, me Nadap da, ³⁷ me Gedor, me Ahio, me Sekaraia, me Miklot dao. ³⁸ Miklot te Simeamgo aya. Te augwali hani dabe te Benjamingo gasa hani te Jerusalem pade bidali te hani dabe pade bidalio.

³⁹ Ner te Kisgo aya, tama Kis te Solgo aya da. Te Solgo ogwa dabe nogi e tama da, Jonatan, me Malkisua, me Abinadap, me Esbal, aga gasa nogi me Isboset dao. ⁴⁰ Jonatan te Meribalgo aya, agai gasa nogi me Mefiboset. Tama Meribal te Maikago aya dao. ⁴¹ Maikago ogwa dabe nogi e tama da, Piton, me Melek, me Tarea, me Ahas. ^{†42} Ahas te Jarago aya. Tama Jarago ogwa dabe nogi e tama, Alemet, me Asmavet, me Simri. Simri te Mosago aya da, ⁴³ tama Mosa te Bineago aya, te Binea te Refaiago aya, te Refaia te Eleasago aya, Eleasa te Aselgo aya dao. ⁴⁴ Aselgo ogwa dabe te 6 ogwa dabe bidali. Augwali nogi da e tama, Asrikam, me Bokeru, me Ismael, me Searia, me Obadia, me Hanan dao.

† Te vesde te bidi dabe po olama wali, augwali nogi te ves 14-17 tede elalubo, suao. †† Te Hibru pogo te vesde te Ahasde po meni yai. Tialima te ves 42de me 1 Sto 8:35, tede te po me elalubao, suao.

Sol aga ogwa dabe dali isali

(1 Sml 31:1-13)

10 Te Filistia augwaligo te Israel dabe dali te bulu du Gilboade boi hwjnama, tama te Israel bidi hauwa te hwjani madi isai. Te gasa Israel dabe te hwjani tagalama wi pai dao. ² Sol me te aga ogwa dabe dali wi palio, tiali goli te Filistia dabego augwali pobelama, te Solgo ogwa sela ela muai, te Jonatan, me Abinadap, me Malkisua dao. ³ Te bidi dabe augwaligo te Sol pobeyu, te hwjbo bomu mu yali. Tama te Filistia mebago te ene dabe Solba enani madi tama te ene mebago aga tigi dolama, te aga dolainu yalio. ⁴ Tama tialima, agai te hwjbo nai tolasa bilibo gesi bidi i olama, te agaba te tiwai po walio, "Te nago bainat hwą selama, ena ela muao. Tiyu, te bulu badu haiden bidi te Filistia dabe asu, te enaba hagoma eyu, te ena ela muidalio," wali. Tiali goli te gesi bidi wi mu ebaso, tama agai bainat hwągo aga elebeo. Tama tibaso, Sol aga bainat hwągo aga digi tolalu badi tama te bainat hwą poaiba ugwađu degasa dulama, te hwą poaigo enama isalio. ⁵ Te gesi ogwa bidigo suali, te Sol isaibaso, teda aga me aga digi aga bainat hwą poaiba degasa dulama isai dao. ⁶ Tialima te Sol dali te aga ogwa dabe sela dali isali, te aga hani mu silalio. ⁷ Tama te odogo bulude bidali Israel tigidali, augwaligo suali, te augwa ami bidi dabe te Filistia dabede wi palio. Tama me augwaligo te tama po odali, Sol dali aga ogwa dabe dali isalio po odalio. Tialima augwa taun dabe digi tagalama, te augwali wi pepelawalio. Tama nosali te Filistia dabe augwa te Israel dabego te taun dabe sagaselama bidalio.

⁸ Hwjani silama da, teda te nosali badu te Filistia dabe augwa te hwjboade isali Israel bidi dabego hwjyu gudali ugwa dabe pepeda sađi pelama, tama te isali Israel bidi dabego doado bage salio. Tama augwaligo suali, te Sol me aga ogwa dabe daligo tigi dabe te Gilboa bulu dude munalubo suali. ⁹ Tialima augwaligo te Solgo tobolu togwalio. Tama augwaligo te tobolu dali, te agai hwjani nai dabe dali sela palio. Tama augwa te kantri Filistia dabeba te seđ yali po me te augwa tibo godiba me te we bidi dabeba po sela pabo bidi dabe tagala palalio. ¹⁰ Tama augwa te tibo godigo lotu bede te Solgo boi hwjyu gudali nai doado bage muanio. Tama augwaligo te Solgo tobolu selama, te augwa tibo god Dagon muani be dagade keńanio.

¹¹ Tama te taun Jabes te Gileat tode bidali Israel dabego te Filistia dabego te Solde te tiali seđ po odalio.

¹² Tialima te Jabes boma pai bidi dabe pelama, te Sol me aga ogomanigo tigi dabe dali sigi pelama, te Jabesba sela asalio. Tama augwaligo te Solgo dili dabe te aga ogwa dabego dili dabe me sigi pelama, tama augwaligo te Jabes taunde elalubo moni ni ok dologode pubulalio. Te augwaligo augwalide homu dene dwai ebaso, te augwa nai osogo gisilama te Sadede deli bidai dao.

¹³ Sol isali, magi baso meni, agai Genuai Bidigo po bugagia wali pabeo. Menio. Agai te Genuai Bidi bomai

po sela sađwani. Tama agai te isali bidi dabego noma bidiba hanalu te agaba mena sunumi ola mabo te agai wali painu yali, ^{†14} tama agai Genuai Bidiba hanaluama te agabolo ola momainogo ebeo. Tibaso, Genuai Bidigo aga ela munama, tama Devit, te Jesigo ogwa, te king pedelai dao.

King Devitde aseđani po da

(Daj 11:1-22:1)

Devit te Israel dabego king pedelali

(2 Sml 5:1-10)

11 Te seđ yali nosali badu, tigidali Israelgo Devit te Hebronba suagasali. Tama augwaligo te tama po agabolo walali, "Da tigidali te deli kaneme dao. ² Polobadu Sol king bidali, tiali goli naga digi te da Israelgo ami bidi tonalu, te augwali hwjboboda odasa peyu ma odasa asu yali. Tama God, Genuai Bidigo, nageba walobaso, te aga we bidi dabe da tonalubo bidi pedelaibao, tama nage dago king pedelaibao," wali. ³ Tama nosali te Israel tobolu bidi dabe tigidaligo te king Devit Hebronba sisinagaselama gesabi deliba yalio. Tama agai te Godigo gedude bomai po me deli dađ walyu kontrak salio. Tama augwaligo aga toboluba te dađ ilibo wel gelama, te aga Israel king da olama dađ ilali, te Genuai Bidigo po te profet bidi Samuelgo pedauwalide wali tiwai gilama yai dao.

⁴ Tama king Devit dali te tigidali Israel bage te Jerusalemba pali, te taun gasa nogi Jebus da, te Jebus dabego page bulu mu dao. ^{†15} Tama te Jebus dabego Devitba te tama po wali, "Dage munu ma te dago taun tomoba me aselamuo," wali. Tiali digi Devit aga ami dabe daligo te boi hwjnama, tama te masigigo nigai bomai obo elaluali taun pedai sali. Te taun pedai badu nogi da Saion. Tiali goli, nosali te we bidi dabego te taun nogi e tiwai wali, Devitgo Taun Dao, walio. ⁶ Devitgo te taunba boi hwjainu yali sogo, agai te tiwai po aga ami dabeba wali, "Niwai bidigo te Jebus bidi me deli te polasa ela mubo bidi yaibaso da, teda aga eno ami dabede te polalubo ofisa bidi pedelaibao," wali. Tialima Joap, te Seruiago ogwa, te polasa pelama, te boi hwjbo gagalali. Tama tialima, Devitgo aga te amide polalubo ofisa bidi sa muanio. ⁷ Tama nosali Devit pelama, te Saionba bidigi pai. Tama tialima, te we bidi augwaligo te taun nogi e tama wali, Devitgo Taun Dao. ⁸ Tama Devitgo te po obaso, tama te seđ bidi dabego te be dabe seđ seđ pelama, te taun tigidali badu bagua salio. Augwaligo te be dabe seđ ebo gagalali te tđ wai bulama pađanani pesage badu te seđ yai. Te Joapgo te taun dabe gasa badu me ma nivalio. ⁹ Tigidali Bomo Elalubo Genuai Bidi te Devit dali bidali, tama tibaso Devit te sesemane sogo bomai king pedelai dao.

† 10:13 Prs 19:31; 20:6; 1 Sml 13:8-14; 15:1-24; 28:7-8 †† 11:4 Jos 15:63; Tob 1:21

Devitgo ami dabe nogi da

(2 Sml 23:8-39)

¹⁰ Te nogi asęşędulai elalubo da, te Devitgo bomai ami bidi tobolu bidi dabe da. Godigo te tų kantri Israelde homu kone palama, te agai bomai po daų weyu, Devit te king pedalumainu yalio. Te ami bidi dabe augwali dali te tigidali gasa Israelgo me te sę bomo eyu, Devit te king pedelama bomai bidi bidali, te tama tiali kolesagade te Genuai Bidigo aga daų wali poba mu usu nai dao. ¹¹ Te Devitgo bomai ami bidi dabego nogi da e tiwai, Jasobeam te Hakmoni hani, aga te polalubo ofisa bidi. Me sogo deli sogo Jasobeamgo aga hwjbo sesemone ene tolalu, te 300 boi bidi dali hwjnama, te tigidali ela silai dao.

¹² Te Eleasar, te Dodogo ogwa, aga te genuai nogi elalubo sela wali ami bidide te si wali bidi aga da. Aga te Ahohi hani dao. ¹³ Me sogo deli aga Devit dali te bulu Pasdanimde bidali, tama te Filistia dabego boi hwjainu sisanani. Te Filistia dabe asobo si da, te Israel dabe wi palio. Te pedai badu te bali gi me deli elaluali, ¹⁴ tama Devit de Eleasar augwali si te gi tomode dolaluali, tama te Filistia dabe dali hwjbo bomo yali, augwaligo te tų sidali weyu yali. Tama augwali sigo te Filistia dabe ela muanio. Te kolesaga yalide Genuai Bidigo te Filistia dabe aiyaba mu elaluama, tama te Israel dabe augwali bugagia bidai dao.

¹⁵ Te Devitgo ami dabede te ami tobolu bidi dabe elaluali, te hani dabe nogi augwaligo te tiwai nogi yalio, te Bidi Sese Deli Olama Nogo Si 30 Ami Tobolu Bidi Da, wali. Me sogo deli Devit te bulu Adulam genuai masigi ola bede bidibadi, tama Bidi Sese Deli Olama Nogo Si wali ami bidi dabe tomode te ami tobolu bidi selago Devit aga suagasali. Te tama tebo sogode me te ami dabe te bulu Refaimba dulama bidabo pesage nigilama bidai dao. ¹⁶ Te sogo Devit te boma pai game dulalubo bulude bididubadi, tama te Filistia ami dabe mebagote te Betlehem taun sai yalio. ¹⁷ Tama Devitgo te Betlehem wiegi yai aįba homu kone paligi solama, tama agai te tama po walio, "Homu dene mu eba, eno te taun Betlehem obo sunumi pade elalubo wę meba tugi sogo da, teda ena wiegi yai homu pemene mu igi dao." Devitgo te po wali.

¹⁸ Te bomai ami bidi selago te po odama, te augwali hogodama palio. Te Filistia dabego te Betlehem taun tomoba pabo sunumi tonalubadi goli, tagalao, te ami selago augwali sela sęnama peyu, Devitgo te po wali ulu aį tugi palio. Tama augwaligo sela asama, Devit magasali. Tiali goli, aga te wę tuainu yali te aga hagela ebaso tubeo. Menio. Agai te selama, te Genuai Bidiba ofa tiwai eyu gelalio. ¹⁹ Tama agai te tiwai po wali, "Te Godigo nogide, eno mu po obao, eno te aį me tugobeo. Te wę eno tubaso da, eno te bidi dabe augwaligo kaneme tubo tiwai yaibao, magi baso meni, augwali te wę sigi painu pali sogo te augwali isabo sę tiwai mu yalio." Tama tibaso, Devitgo te aį tubeo. Te bomai ami bidi selago yali sę me deli te dao.

²⁰ Abisai, Joapgo ama, aga te 30 wali bomai ami augwalide † te polalubo bidi da. Me sogo deli Abisai aga hwjbo sesemone tolasa te 300 boi bidi dali hwjnama, te tigidali ela silalio. Tama agai nogi ugwanu ma igulama, te sela ami bidigo genuai nogi elalubo tiwai si me elaluai dao. ²¹ Agai namba genuai ugwanu mu sigiluma, te sela ami bidi dabego genuai nogi elaluali edelali, te augwa polalubo bidi pedelali. Tiali goli aga digi te sela ami bidi dabe tiwai me elalubeo.

²² Tama Benaia, te Jehoiadago ogwa te Kapsel taun bidi, aga me te bomai ami bidi me deli da. Te hauwa sogo agai te boi bidi dabe dali hwjbo bomo yalio. Me sogo deli agai te Moap moni bomai ami bidi si ela muai. Te me sogo deli, te talua ge tulubage te tųba tulalubo sogo, Benaia te genuai tų dedage me deliba dulama, te bidi elebo bomai hasa laion me deli ela muai dao. ²³ Te gasa me sogo agai te moni dobo dwai Isip bidi me deli ela muani. Te Isip bidigo tigi bobobage usu nama te 2 mita, te bobage bidi mu da. Te Isip bidigo sesemone te genuai mu da. Te sesemone sigi te genuai, te ugwa hobolobo masin lum dili tiwai da. Tiali digi Benaia te ni tigi dage selama, te Isip bidi paba pelama, aga dali hwjani. Tama Benaia te bidigo sesemone dobola selama, tama aga te aga sesemonego digi aga ma ela muai dao. ²⁴ Benaia te bomai sę dabe yali, tialima agai nogi genuai elalu te ami bidi selago genuai nogi elalubo tiwai elaluali. ²⁵ Agai te sali genuai nogigo te ami bidi bidi sese deli olama nogo si 30 te gasa ami dabego elalubo bomo aiyaba elaluali, tialima aga te genuai nogi elalubo ami bidi selago nogi tiwai agade me elalubeo. Devitgo Benaia daį ilama, te kingo be tonalubo ami bidi hani dabe tonalubo bidi nigilai dao.

²⁶ Te badu te Devitgo ami bidi hani dabede te bomai ami bidi dabego nogi asęani elalubao. Asahel, te Joapgo ama, me te Elhanan, te Dodogo ogwa, te taun Betlehem bidi da, ²⁷ tama Samot te Haror bulu bidi, te Heles te Pelon bulu bidi, ²⁸ te Ira, te Ikesgo ogwa, te taun Tekoa bidi da, te Abieser te Anatot taun bidi, ²⁹ tama Sibekai te Husa bulu bidi, te Ilai te Ahohi hani bidi da, ³⁰ tama Maharai te Netofa taun bidi, te Helet, te Banago ogwa, te Netofa taun bidi, ³¹ te Itai, te Ribai go ogwa, te Gibeataun bidi te Benjamin hanigo tų da, tama Benaia te taun Piraton bidi da, ³² tama Hurai te odogo bulu pade te Gas bulu du bidi, te Abiel te taun Araba bidi, ³³ te Asmavet te Baharum bulu bidi, te Eliaba te taun Salbon bidi da, ³⁴ tama te Hasemgo ogwa dabe te bulu Gison bage, te Jonatan, te Sagego ogwa, te Harar bulu bidi da, ³⁵ tama Ahiam, te Sakargo ogwa, te Harar bulu bidi, me Elifali, te Urgo ogwa da, ³⁶ te Hefer te Mekera bulu bidi, te Ahiya te Pelon bulu bidi, ³⁷ tama Hesro te taun Karmel bidi, te Nadai, te Esbaigo ogwa, ³⁸ tama Joel, te Natango ama, te Miphar, te Hakrigo ogwa da, ³⁹ tama Selek te tų kantri Amon bidi, te Naharai te taun Berot bidi da, aga te Joapgo boi hwjbo nai te ene dabe sabilibo bidi, ⁴⁰ tama Ira me

† Bidi mebagote homugo te namba te sela naga tama da homu yai dao.

Garep te bidi si te Itra taun bidi, ⁴¹ tama Uria te Hit hani, te Sabat, te Alaigo ogwa, ⁴² te Adina te Sisago ogwa, aga te Ruben hanide tobolu bidi me deli da, tama te Adina hani te bidi sese deli nogo si 30 bidi da, ⁴³ tama Hanan, te Makago ogwa, te Josafat te Mitan bulu bidi, ⁴⁴ tama Usia te Astarot taun bidi, te Sama me Jeiel, augwali si te Hotamgo ogwa te Aroer taun bidi da, ⁴⁵ tama Jediael me Joha, te bidi si te Simrigo ogwa si te Tis bulu bidi da, ⁴⁶ te Eliel te Mahava bulu bidi, te Jeribai me Josavia, te bidi si te Elnamgo ogwa, te Itma te Moap t̄o kantri bidi da, ⁴⁷ tama Eliel, me Obet, me Jasiel, te bidi sela te bulu Mesoba bidi dao.

Benjamin hani dabe te Devitgo ami bidi dabe pedelali

12 Te Sol, Kisgo ogwa, agai te Devit pobeasa bilibo s̄e ebaso, Devit pelama, te taun Siklakba bidigi pali. Devit te Siklakde bidibadi, tama te bomai ami bidi dabe meba aga dali bidagasali. Tama augwaligo aga te boi hwj̄bo tau siyu bidalio. ² Augwaligo te enesigigo ene enebo me te katapel tiwai naigo enebo mu konea pai bidi dabe da, te augwaligo dolo nogo badu enebo me pobase nogogo enebo te mu koneai baso tagala wali. Tama augwali te Benjamin hani bidi, Sol te hanidu bulasa asai dao.

³ Augwaligo polalubo ofisa bidi, te Ahieser. Te aga ama, Joas, aga te tomo bidi da. Augwali si te Semago ogwa, te Gibeaa taun bidi. Te gasa bidi dabe nogi e tiwai elalubao, Jesiel me Pelet, te bidi si Asmavetgo ogwa, te Beraka, me Jehu te Anatot taun bidi da, ⁴ te Ismaia te Gibeon taun bidi. Ismaia te bidi sese deli olama nogo si 30 te Devitgo ami bidi dabede polalubo ofisa bidi da, tama aga te wiegi yai ami bidi mu da. Te Benjamin hanide te gasa bidi dabe augwali nogi e tiwai elalubao, Jeremaia, me Jahasiel, me Johanan, me Josabat, aga te Gedera taun bidi me deli dao, ⁵ tama te Elusai, me Jerimot, me Bealia, me Semaria, me Sefatia, te Harip bulu bidi da, ⁶ tama Elkana, me Isia, me Asarel, me Joeser, me Jasobeam, augwali te bulu Kora bidi da, ⁷ tama Joela me Sebadaia, te Jerohamgo ogwa si, te Gedor bulu bidi dao.

Te Devitgo ami pedelali te Gat dabego nogi dabe

⁸ Te Devit te geme duala sabo bomai bulu te t̄o wa pai bulude bidali sogo, te Gat hanigo bomai ami bidi mebago Sol tagalama, te Devit dali bidagasalio. Te bidi augwali te wiegi yai ami bidi dabe mu te sabele tula-ma, te sesemone enego enebo mu koneai. Te augwali boi hwj̄ani sogo, augwa gesabi mu tuluga sali, te wi meni yai hasa laiongo gesabi tiwai yali. Tama augwa umagia mu udayu, te bulu dude bidibo uni hasa udabo tiwai yalio.

⁹ Augwa nogi e tiwai elalubao. Hasia polalubo bidi Eser, namba 2 Obadia, namba 3 Eliap, ¹⁰ namba 4 Mismana, namba 5 te Jeremaia, ¹¹ te namba 6 Atai, me namba 7 Eliel, ¹² namba 8 te Johanan, te namba 9 Elsabat, ¹³ te namba 10 te gasa Jeremaia, te namba 11 Makbanai dao.

¹⁴ Te Gatgo hani augwali te Devitgo ami polalubo ofisa bidi pedelai. Augwali te wiegi yai ofisa dabe mu da. Te boi bidi dali augwaligo hwj̄bo sogo, te augwali gasa me badugo te bidi sese nogo a naga 100 bidi aiyaba elalueibao, te gasa me badu augwaligo te bidi sese hauwa 1,000 boi bidi ela mubo dao.

¹⁵ Te ami dabe augwaligo tama te w̄ Jordan asali genuai mu te āj̄ asobo d̄aj̄ ela holai mu elalubadi, te kibu be me deli te polua deli wabode, te sogo te āj̄ no-gealio. Te sogo augwaligo te āj̄ p̄ade te giliga asobo badu me giliga dega sabo badu tede bidali we bidi augwali dali boi hwj̄gi pali. Tama te we bidi augwali wi tedela sanama pela silai dao.

Te Benjamin hani me Juda hani augwali te Devitgo ofisa polalubo bidi pedelali

¹⁶ Me sogo deli te gasa Benjamin hani me te Juda hani te bidi meba pelama, te Devit geme dualalubo bomai buluba sugi palio. ¹⁷ Devitgo augwali dali deliba gesabi hanilibo sogo, agai augwaliba te po wali, "Te dage abagi tiwai homu elama, ena tau sainu asali wi-da, teda ena wiegi yai pemene eyu dagego abagi pedelaibao. Tiali digi eno dwai s̄e deli me ebeo, tama tialima dagego ena te eno boi bidi dabe nogoba muabo homu ebaso da, teda dena w̄j̄ n̄ōy dabego Godigo koneaibao, te agai dage po t̄y ilaibao, magi baso meni, eno dage dolo s̄e me ebeo," Devitgo te po wai dao.

¹⁸ Tialima, Godigo Mobo Noma Bidi te Amasaiba pedelali, te augwali me deliba, tama Amasaigo Devitba te tama po wali, "Devit, te Jesigo ogwa, da te nago hani bidabo homu eba. Te naga Godigo nage tau sobaso, tama nage dali, te nage tau sabo hani dabego dali te sesemane sogo ugwaba ela holama te bugagia bidaibao," wali. Tialima Devitgo augwali selama, tama augwali te agai ami dabego ofisa dabe pedelai. Te nosali, Amasai te nogi yai 30 bomai ofisa bidi dabe to-mode aga te polalubo ofisa bidi pedelai dao.

Te Manase hani bidi meba te Devitgo ofisa bidi pedelali

¹⁹ Devit te Filistia dabe dali pelama, te Sol dali boi hwj̄gi painu yali sogo, te Manase hanigo ami bidi mebago te Sol tagalama, te Devit dali bidigi pali. Tialima, Devitgo te Filistia dabe tau sabeo, magi baso meni, te Filistia kingo te Devit aga hani dabe dali sela s̄awani. Augwaligo aga sela s̄awani, magi baso meni, augwaligo koneani, polobadu Devit te Solgo s̄e bidi bidai, te augwa wi elama te homu yali, tiyu te hwj̄bo sogo Devitgo te Solgo hani tau selama, te Filistia dabe ela muidali da homu yali. Tibaso, te king dabe augwa po mia selama, te Devit aga tagala palai dao. ²⁰ Tama Devit te aga bidali taun Siklakba ma soali sogo, te Manasego ami hani bidi aga dali soalio. Augwa nogi e tama da, Atna, me Josabat, me Jediael, me Maikel, te me gasa Josabat, me Elihu, me Siletai. Te Manase hanigo amide augwali te bidi sese hauwa te 1,000 amigo

ofisa bidi bidai dao. ²¹ Te bidi dabe augwali te polalubo ami dabe mu tama Devitgo augwali agai amide te ofisa dabe pedalumainu ilali. Tama augwaligo Devit tau selama, te hwjyu nai wi siyu ebo bidi hani dabe dali boi hwjai dao. ²² Tama tigidali side te bidi hauwa te Devitba asesas selama, te agai ami pedelainu yali. Tialima agai ami bidi hani te genuai mu pedelai.

Tigidali Israelgo Devit tau selama te king pedalumainu yai

²³ Devit te Hebron taunde bidibadi, tama te ami bidi hani hauwa agaba aselama, aga te Israel king pedalumainu ilama te Solgo pesage hasegelimainu yali, te Genuai Bidigo wali po tiwai gilama yai. Augwaligo te augwa boi hwjbo doado bage dali sesalio. Te asali bidi dabego namba e tiwai dao.

²⁴ Te Juda hani ami bidi dabe bidi sese umabo te 6,800 ami bidi bidali, te augwa boi hwjbo sabele dabe me te bobage sesemone ene dali sesalio.

²⁵ Te Simeon hanigo ami bidi dabe te bidi sese hauwa mu te 7,100 ami bidalio. Augwali te boi hwjbo mu konea pai wiegi yai ami bidi dabe dao.

²⁶ Te Livai hanigo ami bidi sese umabo te 4,600 ami bidi elaluai. ²⁷ Te Jehoiada te Aron hanide tobolu bidi dabede te bidi sese umabo bidi mu te 3,700 ami bidi bidalio. ²⁸ Tama me Sadok, te gesi ogwa bidi me deli te wiegi yai ami bidi, aga deli hani te 22 bidi dabe dali asalio. Te bidi dabe augwali te ami ofisa bidi dao.

²⁹ Te Benjamin hani da, te augwali Solgo deli hani dabe da, augwaligo ami bidi dabe te bidi sese umabo mu 3,000 bidai. Hasia mu te hani bidi hauwa te Sol wali pali, tiali goli megida augwali te Devitba asalio.

³⁰ Te Efraim hanigo bidi hauwa umabo mu te 20,800 ami bidi bidali. Augwali te wiegi yai ami dabe mu, te augwa deli hani tomode digi te genuai nogi elalualio.

³¹ Te Manase hani me badu pedai te giliga dega sabo badu bidibo hani bidi, te bidi sese umabo 18,000 ami bidi bidai. Te augwa hani dabego digi augwali te Hebronba pelama, te Devit king pedalumainao po obaso, te augwali daj ilibaso pai dao.

³² Tama Isakar hanide te ofisa bidi te 200 bidi dali te Isakar hani ami tigidali badi te augwali dologode bidali. Te ofisa dabego homu kolesaga wiegi yai elalu, te mena tiwai nai pedalubo page me koneani, tama te Israel dabego mena tiwai se yabo me koneai silai dao.

³³ Tama te Sebulun hani bidi dabe te bidi sese umabo hauwa mu te 50,000 dwagi yai ami bidi bidali. Augwa te Devit deli naga tau sabo homu kolesaga naga elaluai. Tama augwa te tobage boi hwjbo nai doado bage dabe dali sesu asalio.

³⁴ Te Naptali hanide te ofisa bidi dabe te bidi sese umabo te 1,000 bidi elalu, te ami bidi te bidi sese hauwa me 37,000 bidi bidali. Tama augwa te boi hwjbo sabele me bobage sesemone ene dali sela asalio.

³⁵ Tama te Dan hani bidi dabe te bidi sese hauwa 28,600 ami bidi bidali. Tigidali sogo augwaligo te boi hwjbo sisi elalu bidalio.

³⁶ Te Aser hani bidi dabe te bidi sese hauwa mu te 40,000 ami bidi bidali. Tama tigidali sogo augwaligo me te boi hwjbo sisi elalu bidai dao.

³⁷ Te Ruben hani me Gat hani me te Manase hani pedai te giliga asobo badu te we Jordan badu bidali, augwali te hani dabe, te bidi sese umabo mu te 120,000 ami bidali, te augwa boi hwjbo te tobage nai doado bage dali sesalio.

³⁸ Te ami bidi dabe augwaligo te augwa boi hwjbo nai dabe dali seseyu, te Hebronba sabolalio. Augwaligo deli homu naga elalualio, te tigidali Israel pedai badu te Devit king pedalumainao homu naga yali. Te tigidali gasa Israel dabego me te tobage deli homu naga yai dao. ³⁹ Te bidi dabe augwali Devit dali te Hebronba bidali. Te augwa abagi dabego augwali nai hauwa sisi ilali, tama augwa genuai nai daa sela sogo usu nama tuai dao. ⁴⁰ Te tigidali tq pedai badu te tigidali Israel, te Isakar me Sebulun me Naptali te hani sela bidibo te not badu usu nama sisinama, te wiegi yai pemene umabo mu eyu, tama augwa te haniani nai sibi te Hebronba sisinibo se yai. Augwaligo te plaua hauwa badi, te duani wain wai du dabe me, te ni fik kaya te augwaligo olali me salio, te hauwa wain me oliv wel sobadi yali. Augwa te nai dabe te donki dabeba, me kamel dabeba, me bulmakau dabeba ugwadu munama sesalio. Tama augwa te we bidi dabego tuabo bulmakau me sipsip dabe me sesai dao.

Devitgo te Godigo Daj Wali Bomai Po Muani Halobage sigi pali (2 Sml 6:1-11)

13 Devitgo te bidi sese hauwa umabo 1,000 ami bidi tonalu, me te bidi sese a naga 100 bidi tonalubo ofisa bidi dabe augwali dali te po mibadi, te gasa tobolu bidi dabe dali me te po pusalio. ²⁻³ Tialima nosali te miani po agai te aga dali sisalu bidibo te tigidali Israelba te po pusalio. Agai augwaliba te tiwai po wali, "Eno te tama homu yali, da pelama, te Godigo Daj Wali Bomai Po Muani Halobage sigi pelama sela asobaso, te wiegi yai egowe te homu ebao, magi baso meni, dago te Daj Wali Bomai Po Halobage te Sol king bidali sogo homu kone me isama tagalalio. Tibaso, dagego te tama homu ebo usu da olama, tama te God, dago Genuai Bidigo, homugo dago te Daj Wali Bomai Po Munalubo Halobage sela asomaina homu ebaso da, teda dago dena abagi dabe te tigidlai habu badu te Israel tq pedai kantride bidalubo bage tigidali i waibao. Tama dago te pris dabe me Livai dabe te augwa taunde bidalubo me i waibao. Tama te hani tigidali da dali deliba sisinagasomainao," te po walio. ⁴ Te we bidi tigidali augwaligo homugo te wali po godolo mu elama, Devitgo te po usu da po walio.

⁵ Tibaso, Devitgo te tigidali Israel dabe te tigidali tq pedaiba i wali, te we Sihor te Isip tq daj igi pali te saut badu gagalama, tama te bulu Hamatba pabo te sunumi tunu mage si te not badu usu nigi palio. Tialima augwali sisinagaselama, te bulu Kiriath Jearimba pelama, te Daj Wali Bomai Po Munalubo Halobage muani

te sigi peyu yalio. ¹⁶ Tama Devit dali te tigidali Israel te Juda t̄q̄ba pali, te Bala taunba pali, te aga gasa nogi me Kiriati Jearim. Augwaligo te Godigo Daḡ Wali Bomai Po Muani Halobage sigibu palio. Te halobage te nogi augwa e tiwai wali, Genuai Bidigo Daḡ Wali Bomai Po Munalubo Halobage dao wali. Te halobagede te mobo bidi ensel si noma ugwadu daide elaluali, te Genuai Bidi king dugulalubo sia sai tiwai dao. ¹⁷ Tialima augwali pelama, te taun Balaba sabolali, tama augwali te Abinadapgo beba pali. Tama augwa te Daḡ Wali Bomai Po Munalubo Halobage selama, te gesi karis me deliba muani, te augwa dali sela painu yali. Tialima augwali hogodasa peyu, tama Usa dali Ahio dali sigo te karis pogolobo s̄ḡ ela palio. ⁸ Tama Devit dali te tigidali Israel dali dwagi yai homu eyu, te karis sela pelayu, te augwa t̄ḡabi wabo s̄ḡ genuai eyu musik weyu, te Godigo nogi ugwaba mu salio. Augwa te bu wabo nai biugel ponoyu, te ḡabidi me gita eleyu, te musik wabo s̄ḡ haniani mu yalio.

⁹ Tialima augwali te bidi me deligo t̄ḡ badu sabolali, te bidi Kidon, te bidi dabego tubo nai wit ge naga siyu, te wit wali sela s̄ḡbo pesageba sabolali. Tama te pesagede te karis kegebo bulmakau dabe degasa painu, tama tebogo te Daḡ Wali Bomai Po Munalubo Halobage t̄q̄ba tula palainogo ilali. Tibaso, te bidi Usago te halobage nogogo d̄ḡayanio. ¹⁰ Tama Genuai Bidi s̄ḡb̄ḡ mu yai, magi baso meni, Usago nogo te Daḡ Wali Bomai Po Muani Halobageba muani. Tama tede digi tama te Genuai Bidigo aga ela muani, te Genuai Bidi aga gedude tiwai dao. ¹¹ Devitgo suali, Genuai Bidigo te Usa ela muani s̄ḡ sulama, tama Devitgo wado yali. Te bulu nogi augwaligo te tiwai nogi yai, Godigo Usa Ela Muani Pesage dao, wali. Tama te buku as̄ḡani bidi bidali sogo te we bidi augwaligo te tiwai nogi me udalio.

¹² Tama Devit te Genuai Bidide wi ebaso te tama po wali, "Magi elama mu eno te Godigo Daḡ Wali Bomai Po Muani Halobage ena dali te buluba sela paibawe?"

¹³ Tama tialima, Devitgo te halobage te Devit agai taun, te Jerusalemba sela pabeo. Menio. Agai te Jerusalemba pabo sunumi tagalama, te Daḡ Wali Bomai Po Muani Halobage te bidi Obetidomgo beba mugi pali, te Get taun bidi me deli dao. ¹⁴ Tama te Daḡ Wali Bomai Po Muani Halobage te bidi Obetidomgo bede munalubadi te polua sela bidali. Te tiali sogo Genuai Bidigo te Obetidom te aga we wai augwaliba wiegi yai s̄ḡ ilama, te augwa tididali nai doado bage wiegi yai usu mu ilalio. ‡

Devit Jerusalemdede king bidali

(2 Sml 5:11-16)

14 Te king Hiram te taun Tair bidigo te agai gavman ofisa bidi meba te Devitba tagala palali. Tama me agai te ni b̄ḡ tigi dabe me te kapenda bidi dabe dali, te masigigo be nigibo s̄ḡ yabo bidi dabe me tagala palali, te augwaligo king Devitgo genuai wiegi yai be s̄ḡ emainogo yai dao. ² Devit agaba te s̄ḡ dabe

pedalubo sulama, tama agai te tama koneani, Genuai Bidigo digi aga te Israel king mu pedalumainu ilali homu yalio. Tama me agai koneai, Genuai Bidigo aga we bidi dabe tau sainu ebao homu yali, tama tiyu Genuai Bidigo te Israel t̄ḡ kantri te wiegi yai mu pedalumainu ilalio. †

³ Devit te Jerusalemdede bidu agai te we meba salio, tama agai te wai dabe meba ame nanio. ⁴ Te agai ogwa dabe nogi e tama da, Samua, me Sobap, me Natan, me Solomon da, ⁵ tama Iphar, me Elisua, me Elpelet, ⁶ me Noga, me Nefek, me Jafia da, ⁷ tama me Elisama, me Beliada, me Elifelet dao.

Devitgo te Filistia dabe dali boi hw̄ḡnama, augwali aiya-ba elaluali

(2 Sml 5:17-25)

⁸ Te Filistia dabe augwaligo te e tiwai po tama odali, te Israel dabego Devit te augwa king pedelali po obaso, te Filistia dabe hogodama, te boi hw̄ḡgi pelama, aga sainu yali. Tialima Devitgo te Filistia dabego te s̄ḡ yainu ebo po odama, te agai aga ami bidi selama, te augwaliba boi hw̄ḡgi painu yalio. ⁹ Te Filistia dabe augwali te odogo bulu Refaimba dulama, tama augwaligo te bulude bidibo we bidi augwaliba dwai s̄ḡ ilalio.

¹⁰ Tialima Devitgo Genuai Bidiba te tiwai hanalu wali, "Nago homugo eno te Filistia dabe augwaliba boi hw̄ḡgi homu eba agawe, ma meniwe? Te ena pobaso da, teda nago ena tau siyu, te augwali aiyaba elalumainu yaibawe, ma meniwe?" wali. Tama Genuai Bidigo te tiwai po agaba wei ponani, "Awe, nage pao. Te eno augwali nago nogoba munama, te nago augwali aiyaba elalueibao," te po wai dao.

¹¹ Tialima Devit dali, aga ami bidi dabe dali, augwaligo te Filistia dabe dali hw̄ḡgi pelama, te augwali aiyaba elaluai. Te agai te tiwai po wali, "God te bomai w̄ḡ tiwai asama, te eno nogode agai eno boi bidi hani dabe togolalio," wali. Tama augwaligo te bulu nogi te tiwai wali, Genuai Bidigo Te Hani Si Togolobo Dao, walio.

¹² Te Filistia dabe augwali wi peyu, te augwa tibo god taga palio. Tama Devitgo te tama po aga ami bidi dabeba obaso, te augwaligo te tibo god dabe isiba ulai dao.

¹³ Tialima nosali te Filistia dabe te odogo bulu Refaimba ma aselama, te augwaligo dwai s̄ḡ te we bidi augwaliba ma yagasalio. ¹⁴ Tama Devitgo Godiba te tiwai po hanalu wai, "Eno magi s̄ḡ yagawe?" Tama Godigo te tiwai po wei ponani, "Dagego augwaliba boi hw̄ḡgi pao, tialima dage augwali gesabidi dolo mu me pigio. Menio. Te dage augwali tudi badu pelama, te augwaliba hw̄ḡjainu te ni balsam sili dolalubo pesagede te hw̄ḡjabo sisi elalua. ¹⁵ Tama dagego te bidi dabe augwali te ni abude bilibo sela wabo tiwai odaibao. Tialima dagego koneaibao, ena digi eno te Filistia dabe dali hw̄ḡjainu polasa paibao. Tama dagego te sela wabo odobo sogo, te dage udayu, te augwaliba boi hw̄ḡgi pao," te po wali. †¹⁶ Tialima Devitgo te Godigo po wali pelama, te Israel augwaligo te Filistia dabe pobelama,

† 13:5 1 Sml 7:1-2 †† 13:6 Sai 25:22 ‡ 13:14 1 Sto 26:4-5

†† 14:2 Bom 10:8 †† 14:15 Sai 25:14

te augwali dolali, te taun Gibeonde gagalasa pali, te taun Geserba usu nigipalio. ¹⁷ Te tigidali bulu t̄ kantri we bidigo Devitgo te tama s̄ yali po odama, te augwaligo Devitba genuai nogi manio, tama Genuai Bidigo digi te augwali Devitde wi emainu ilai dao.

Augwaligo te Daḡ Wali Bomai Po Muani Halobage sela pabo sisi elaluai

15 Te Devitgo aga be dabe digi te Jerusalemde s̄ yani, te Devitgo Taun dao. Tama me aga te Godigo Daḡ Wali Bomai Po Muani Halobage muabo pesage me deli sisi elama, tama augwa te pesagede sel ugwa be s̄ yai dao. ² Tialima Devitgo te tama po walio, "Genuai Bidigo te Livai dabe daḡ ilama, te Daḡ Wali Bomai Po Muani Halobage tolabo bage daḡ ilama, te agai s̄ sesemane sogo emainogo yali. Tama tibaso, te Livai dabego augwaligo naga te tedali halobage tolobo s̄ emainu daḡ ilai dao," wali. ³ Tama Devitgo te Israel dabe tigidali te Jerusalembe sisinagasomainu i wali, te augwali pelama, te Daḡ Wali Bomai Po Munolubo Halobage te agai sisi ilali pesageba sela asomainu yalio. ⁴ Tama agai te pris dabe sisinani, te Arongo hani dabe, tama agai te gasa Livai dabe sisinani. Te Livai dabe nogi te tama da, ⁵ Uriel, te Kohat hanigo tobolu bidi, te gasa 120 aga hani bidi dali, ⁶ tama Asaia, te Merari hani tobolu bidi, te aga hani bidi 220 bidi dali, ⁷ tama Joel, te Gerson hani tobolu bidi me, te aga hani bidi 130 bidi dali me, ⁸ tama Semaia, te Elisafan hani tobolu bidi me, te aga hani bidi 200 bidi dali sisinani, ⁹ tama Eliel, te Hebron hanide tobolu bidi, te aga hani bidi 80 bidi dali sisinani, ¹⁰ te Abinadap, te Usiel hanide tobolu bidi bidali, te aga hani bidi 112 bidi dali sisinagasalio.

¹¹ Tialima Devitgo te pris Sadok me pris Abiatar i obadi, te Livai hani dabego tobolu bidi me i walio, te bidi Uriel, me Asaia, me Joel, me Semaia, me Eliel, me Aminadap, te tama tobolu bidi dabe i wai dao. ¹² Tama agai te tiwai po augwaliba wali, "Dage te Livai deli hani dabede tobolu bidi dabe, dage dali, te duga hani dali, te Genuai Bidi gedude duga digi wiegi yai pedalubo kolesaga wali pao. Tama dagego te God, te da Israelgo Genuai Bidigo, Daḡ Wali Bomai Po Muani Halobage sela asobaso usu yaibao, eno te sisi ilali pesage te buluba sesao," walio. ¹³ "Te hasia dago sigi pali sogo te dage da dali me piṣawai. Te God, Genuai Bidigo, te dabolo dene mabo s̄ yali, magi baso meni, dago te dolo yai kolesaga wali pelama te Godiba bolo te dago mena kolesaga yabo te hanalubeo," wali ¹⁴ Tialima te pris dabe me Livai dabe te augwa digi God gedude wiegi yai pedalubo kolesaga yalio, te augwa te Israelgo Genuai Bidi Godigo te Daḡ Wali Bomai Po Muani Halobage sigi painu tama tilama, te sesai dao. ¹⁵ Te Livai hani dabego te halobage tolainu yali sogo, augwaligo te halobage tolobo kolesaga wali pali, te polobadu Genuai Bidigo Mosesbolo wali po tiwai gilama yali. Augwaligo te halobage ni palali ni te augwa nagede manama, te halobage tolasa pai dao.

¹⁶ Tama Devitgo te Livai hani tobolu bidi dabeba walama, te t̄abi weyu musik te halobage sela asobo sogo wabo Livai hani bidi meba daḡ ilao po wali. Augwaligo te gita dabe me te brasgo nigai plet pou dabe me te elibo s̄ eyu, te musik hwaḡ genuai u omainu ilama, te augwaligo wiegi yai homu pemene ebo s̄ hania ola mao wai. ¹⁷⁻²¹ Tialima te tobolu bidi dabego te bidi Heman daḡ ilali, te Joelgo ogwa, me aga hani bidi te Asap, te Berekiago ogwa. Tama me augwaligo te Etan daḡ ilali, te Kusaiaago ogwa te Merari hani bidi. Te bidi dabego te t̄abi eyu te brasgo nigai plet pou elibo s̄ eyu yalio. Te tobolu bidi dabego te bidi sela tau sabo gasa bidi dabe me daḡ ilali. Te Livai dabego te gita elebo s̄ elaluai. Te augwali mebage te gasa tobage gita me elali, te aga dogoni ugwaba ebo da. Te bidi dabe nogi da e tama, Sekaraia, me Jasiel, me Semiramot, me Jehiel, me Uni, me Eliap, me Masea, me Benaia da. Te mebage te gasa tobage gita me elali, te dogoni aiyaba dulalio. Te bidi dabe nogi e tiwai da, Matitia, me Elifelehu, me Miknea, me Obetidom, me Jeiel, me Asaia. Obetidom me Jeiel te bidi si te Godigo be sunumi tonalubo bidi hani dabede te s̄ ebo bidi me si dao. ²² Augwaligo te bidi Kenaia daḡ ilama te halobage sela asobo s̄ tigidali tonaluali, magi baso meni, agai te tobage s̄ ebo mu koneai bidi. Kenaiaago te tobage s̄ sesemane sogo tonalubo s̄ ebo bidi bidai. ²³⁻²⁴ Tama augwaligo te Berekiago, me Elkana, me Obetidom, me Jehia, te me si me si bidigo te Daḡ Wali Bomai Po Muani Halobage tonalubo bidi daḡ ilali. Tama augwaligo te halobage tolasa asobodu polasa pabo pris meba daḡ ilama, te bu wabo nai biugel bu ola pomainu yali. Te pris dabe nogi e dao, Sebania, me Josafat, me Netanel, me Amasai, me Sekaraia, me Benaia, me Elieser dao.

Augwaligo te Daḡ Wali Bomai Po Muani Halobage te Jerusalembe sesalio

(2 Sml 6:12-22)

²⁵ Augwali sisi ela silibo si da, teda Devit dali, te Israel tobolu bidi dabe me te bidi sese umabo 1,000 ami tonalubo ofisa bidi dabe dali, augwali te Obetidomgo beba pelama, te Genuai Bidigo Daḡ Wali Bomai Po Munalubo Halobage selama, te Jerusalembe sela palio. Tama te we bidi dabe augwali wiegi yai homu pemene mu yai dao. ²⁶ Tama te Livai dabego te Godigo Daḡ Wali Bomai Po Munalubo Halobage tolasa pabo sogo, te Godigo augwali tau salio. Tibaso, augwaligo te kibu bulmakau omai a naga olama si badi, te sipsip kibu omai me a naga olama si te Godiba ofa yai dao. ²⁷ Devitgo te bobobage aiyaba tagalalubo ugwa augwaligo te gasa sawi yai nami ugwago nigai ugwa au yalio. Te Daḡ Wali Bomai Po Munalubo Halobage tolobo pris dabe me te musik wabo prisgo me, te Kenaia, te s̄ tonalubo bidi, tigidaligo te Devitgo gudali ugwa au yali tiwai tobage au naga yalio. Te bobage ugwa daide ugwadu, Devitgo te prisgo gudubo nami ugwa me deli te muani, te augwa gasa sawi yai nami ugwago nigai dao. ²⁸ Tama tiali kolesagade te Genuai Bidigo Daḡ Wali Bomai Po Muani Halobage te tigidali

Israelgo te Jerusalemba selasa pai. Augwa wiegi yai homu pemene elama i bomonama weyu, tama augwa te tobage biugel bu weyu, te brasgo nigali pletba elu, te tobage gita dabe me elali, tama te musik eliyu kulluku genuai mu pedelalio.

²⁹ Tama augwaligo te halobage te Devitgo Taun tomoba sesali sogo, Mikal, te Solgo wegi, te be habu dogwa sali windodu dolalu te augwali suali. Tama agai te aga bidi king Devit suali, te aga wiegi yai pemene dali te tẹ̀abi eyu sasamano bilali, tama Mikalgo Devitgo te tama tebo kolesaga aga hagela eyu, tama aga dali dwai haliga sẹ̀bẹ̀ yai dao.

16 Tialima augwaligo te Godigo Daꝝ Wali Bomai Po Munalubo Halobage muaiba olama Devitgo te sẹ̀ yai sel ugwa be tomoba te Daꝝ Wali Bomai Po Muani Halobage teba muanio. Tama augwa te isiba tigidali ulama domainu ebo ofa dabe ebadi, te God dali deli haliga pedalubo ofa me yalio. ² Devitgo te ofa dabe ela silama da, teda agai te tiwai po te we bidi dabeba wali, “Eno homugo te Genuai Bidigo wiegi yai sẹ̀ dagebolo emainao,” wali. ³ Devitgo te tigidali we bidiba nai mani. Tigidali we bidi deli delibolo te bret deli selama, te augwa te iside ulali bulmakau kibu mi dali mena mena pelama, te olali wit meba dali mawai dao.

⁴ Tama nosali Devitgo te Livai meba daꝝ ilali, te Daꝝ Wali Bomai Po Munalubo Halobage paꝑa pelama, Godiba lotu wabo bidi meba daꝝ ilali, te Israelgo Genuai Bidi da. Augwa te Godiba buba hwi olama, gedu haluasa po weyu, usu da po olama, te agai nogi ugwa-ba somainao wali. ⁵ Devitgo te hanigo tobolu bidi te Asap daꝝ ilali, te Sekaraia te Asap tudi badu dangalubo si wali bidi da. Te gasa bidi meba nogi e tama da, Jeiel, me Semiramot, me Jehiel, me Matitia, me Eliap, me Benaia, me Obetidom, me gasa Jeiel da. Te bidi dabego sẹ̀ da te gita elebo sẹ̀ elaluali. Te Asapgo te brasgo nigali pou pletba elebo sẹ̀ yai dao. ⁶ Tama Devitgo te pris Benaia me pris Jahasiel te pris si daꝝ ilama, te Daꝝ Wali Bomai Po Munalubo Halobage pageba pelama te biugel bu omainu yai dao. ⁷ Te hasia sogo mu tama Devitgo te Asapgo haniba te sẹ̀ mayu, te Genuai Bidiba usu da po wabo tẹ̀abi po omainu yai dao.

Augwaligo Genuai Bidiba usu da po wabo tẹ̀abi yali
(Tib 105:1-15; 96:1-13; 106:1; 106:47-48)

⁸ Te Asapgo hani augwaligo te tẹ̀abi yalio,

“Dago Genuai Bidi nogi olama, agaba i weyu te agabolo usu da po wao.

Te dago po hanilama pusao, te tigidali we bidi haniba te agai yali genuai sẹ̀ dabe po pusao.

⁹ Dago tẹ̀abi po dabe agaba pemene elama weyu, te agai nogi ugwaba sao.

Te agai wiegi wiegi yai sẹ̀ dabe yali po dago hanilama pusubaso usu dao.

¹⁰ Dago wiegi yai pemene elama, te agaba genuai nogi mao.

Te Genuai Bidi pageba pabo bidi dabe augwali te wiegi yai pemene mu emainao.

¹¹ Sesemane sogo dago te Genuai Bidi pageba pelama, te agabolo hanalu te da tau selama bomo mo-mainao.

¹²⁻¹³ Dage te waj nõꝝ Abrahamgo wai dabe, aga te Genuai Bidigo sẹ̀ bidi, dage Jekopgo hani, dage we bidi dabe

Genuai Bidi aga da olama sa muani, dagego homu kone ma palao, te Genuai Bidigo bomai sẹ̀ dabe te bidigo isawai noma sabo sẹ̀ agai yalio.

Te dagego homu kone palao, agai yabo sẹ̀ dabe te dwai bidi dabeba te dwai dene mawaibao.

¹⁴ Genuai Bidi aga dago God tama da. Agai e tõe we bidi tigidali tonalubao.

¹⁵ Agai bomai po daꝝ wali kontrak me deli da dali yali, te daꝝ wali po te sesemane sogo elalueibao.

Tama sesemane sogo agai te daꝝ wali poba homu kone paludubo dao.

¹⁶ Genuai Bidigo te daꝝ wali bomai po Abraham dali yai.

Tama agai bomai po bodolu selama daꝝ wali po Aisak dali weyu te daꝝ wali bomai po wali pao wali. †

¹⁷ Agai Jekopba te po ma wali, aga te Israel dabe waj nõꝝ da, te agade eno te daꝝ wali bomai po sesemane elalua paibao.

¹⁸ Genuai Bidigo te tama po wali, ‘Eno te Kenan tõe nageba mawaibao, tama te tõe te nago waj nõꝝ dabe augwali hani wai dabego tõe elalueibao,’ wali. ††

¹⁹ Polobadu Israel dabe augwali te dwasianu hani mu bidali, tama augwali te bulu wau bilibo bidi te tõe meni yai bidi tiwai bidalio.

²⁰ Augwali te gasa hani dabego tõe subigila bilalualio.

²¹ Tialima te Genuai Bidigo gasa hani bidi dabe mebago dage aiyaba elalumainu me ilibeo.

Agai augwali tau siyu te augwaliba dwai sẹ̀ yainu ebo king dabe agai wado po wali.

²² Agai te tiwai po te king dabeba walali, ‘Eno te we bidi augwali daꝝ ilali, te eno sẹ̀ emainu, tama dagego augwaliba te dwai sẹ̀ munu me igio.

Te dagego eno po pusubo sẹ̀ ebo profet bidi dabeba dwai sẹ̀ me elamo dao,’ wali. ‡

²³ Dage tigidali tõe we bidi, dagego tẹ̀abi po te Genuai Bidiba wao.

Te tigidali side agai dage ma dobola sali po hanilama pusao.

²⁴ Dagego te tigidali we bidi haniba te agai genuai nogi po dagego te po walao,

† 16:16 Gag 12:7; 26:3 †† 16:18 Gag 28:13 ‡ 16:22 Gag 20:3-7

te agai wiegi wiegi yai sę dabe yai dao.
²⁵ Genuai Bidi te polalubo bidi mu da,
 tama dago agai nogi ugwaba mu sinao.
 Te gasa god dabe te Genuai Bidi tiwai me elalubeo.
 Tama tibaso, da te Genuai Bidi dologoba pelama bidi-
 nao.

²⁶ Magi baso meni, te gasa hani
 we bidi augwaligo god dabe
 augwali te tibo god naga da.
 Tialima Genuai Bidigo naga te dagalu nigai dao.

²⁷ Genuai Bidi aga bede bidibao,
 te aga genuai nogi elalu te king bidibao.
 Aga te tigidali bomo elalubo page bidi,
 te tigidali wiegi yai pemene ebo kolesaga me te
 tigidali sawi yai nai page bidi dao.

²⁸ Dage tigidali hani we bidi,
 dagego wiegi yai homu pemene Genuai Bidiba yao.
 Dage te agai genuai nogi me
 bomode wiegi yai pemene yao.

²⁹ Genuai Bidi polalubao,
 tama tialima dagego agai genuai nogi ugwaba sao.
 Dagego te ofa sela asu, agai beba asiąo.
 Genuai Bidigo kolesaga te wiegi yai

doloba pai mu elalubao,
 te kolesaga aga wiegi yai au tiwai elalubao.
 Tama tialima dagego te homu koneama
 te agaba lotu po wao.

³⁰ Dage tigidali tęde we bidi da,
 dage agade wi elama didibili yao.
 Genuai Bidigo te tę dili ilama elalubao,
 tama tę te kikilasa me biligobeo.

³¹ Tę me dagalu, dage si homu pemene elama
 te we bidi hani dabeba te tiwai po walao,
 'Genuai Bidi king bidibao,' te po wao.

³² Tamu ąj, nage pemene elama te ąj u genuai wao.
 Te dage tigidali nai dabe te tamu ąj tomode bidibao,
 dagego me wiegi yai pemene yao.
 Dage gi dabe, dage te gide elalubo nai dabe,
 dage tigidaligo wiegi yai homu pemene yao.

³³ Genuai Bidi asama te king bidu,
 te tigidali tę habu badu tonalubao.
 Tama tebo sogo te genuai bulu tę
 tomode te tigidali nigo te wiegi yai pemene ebo
 tęąbi po wabo dao.

³⁴ Dago Genuai Bidiba usu da po wao,
 magi baso meni, agai kolesaga
 te wiegi yai mu da, tama sesemane sogo
 agai da godolo homu mu ebo dao. †

³⁵ Tama dago te tiwai po me wainao,
 'Te we bidi dabe ma dobola sabo God,
 megi nago da ma sao.
 Da sisinama te gasa hani dabego nogode ma sao.
 Tama tibaso dago nago genuai nogide
 homu kone palama,
 te nageba gedu haluasa po weyu usu da po waibao.
 Tama dago wiegi yai homu pemene eyu

† 16:34 2 Sto 5:13; 7:3; Esr 3:11; Tib 100:5; 106:1; 107:1; 118:1;
 136:1; Jer 33:11

te nago nogi ugwaba saibao.'
³⁶ Dago God nogi ugwaba sinao,
 Israelgo Genuai Bidi da, megi me tigidali sogo nos-
 ali,
 me bidada peyu bidada paiba."

Te Asapgo hani augwaligo te tęąbi po ola silama da,
 teda te we bidi augwaligo te po wali, "Mu dao, te sę
 mu pedalumainao. Te Genuai Bidigo nogi ugwano
 sao," wali.

Asap aga deli hani dabe dali yali sę

³⁷ Devitgo Asap aga deli hani dabeba dali te sę mayu,
 te Genuai Bidigo Dąų Wali Bomai Po Muani Halobage
 pagede bidao wali, te deli deli side lotu wabo
 tonalumainu yali. Augwa te sę sesemane sogo
 tonalumainu yai dao. ³⁸ Tama Devitgo Obetidomba sę
 mani, te Jedutungo ogwa, te aga hani dabe te 68 bidi
 dabe, augwaliba dali te sę mawai, te Asapgo hani tau
 somainu yali. Tama Obetidom dali te Hosa siba te Dąų
 Wali Bomai Po Munalubo Halobage munalubo sel ug-
 wa be tonalubo sę mawai dao.

Taun Gibeonde lotu wabo sę yali

³⁹ Tama Devitgo te pris Sadok aga ama dali dąj ilali,
 te gasa pris dabe, te Gibeon taunde elalubo sel ugwa
 bede lotu wabo sę tonalumainu yalio. ⁴⁰ Tigidali side
 kigamu me pio augwaligo te isiba tigidali ulama dela
 silibo ofa yao wali, te Gibeonde elalubo altade te sę
 yali. Augwaligo te ofa ebo bomai po wali piyąo te sę
 Genuai Bidigo Israel augwaliba mawai sę dao. ⁴¹ Tama
 Devitgo Heman me Jedutun dali te Livai meba te Gen-
 uai Bidiba tęąbi weyu usu da po wabo bidi meba agai
 dąj ilalio. Te tęąbi nogi e tiwai wali, "Sesemane sogo
 Genuai Bidigo da godolo umagi mu ebo dao." ⁴² He-
 man de Jedutun sigo te biugel eliyu, te brasgo nigai
 pletba elali, te gasagi yai musik dabe te lotu tęąbi
 wabo sogo elalio. Tama te Jedutungo ogwa dabego te
 Gibeonde elaluali Genuai Bidigo sel ugwa be sunumi
 dabe tonalubo sę yalio.

⁴³ Devitgo po silibo si da, teda te tigidali we bidi dabe
 augwa buluba pela silalio. Tama Devit aga beba ma
 peyu, te Godiba gedu haluasa po hanalu te aga we wai
 dabeba wiegi yai sę bugagia ilimainu hanalu wai dao.
 ††

Profet Natango Godigo po Devitba mawai

(2 Sml 7:1-17)

17 King Devit aga beba pelama bidigi pai elaluba-
 di, tama nosali aga te Godigo po pusa mani bidi
 profet Natanbolo e tiwai wali, "Ena te genuai wiegi yai
 be me deli augwaligo te dwagi yai ni bęgo sęwai bede
 bidibao, tiali goli te Genuai Bidigo Dąų Wali Bomai Po
 Halobage te sel ugwa olo bede munalubao. Te dolo
 meni da homu ebaso," wali. ² Tialima te profet Natango
 Devitba te tiwai po walio, "God nage dali bidibao, tiba-
 so nago mena sę me deli yabo homu ebaso, te sę yao,"

†† 16:43 2 Sml 6:19-20

wali.³ Tialima te sogo hulide digi Godigo Natanbolo te tiwai po wali,⁴ "Nage eno sę bidi Devitba pelama, tama nago eno e po agabolo mao, 'Devit, nage eno te be sę yabo bidi da olama, sa muani bidi nage menio,' te po Devitbolo wao."⁵ Ena te genuai bede bidibeo. Menio. Eno te Israel dabe te Isipde ma selama odasa asali sogo, ena te sel ugwa bede naga bidali. Te tigidali badu ena peyu asu yali, ena te sel ugwa bede naga bidai dao.⁶ Te dage Israel dabe dali te hauwa pedai badu bilalio, tama eno te dageba daj ilali tobolu bidi dabe me deli augwaliba hanalu eno te tiwai po me wabeo, "Magi baso nago eno be te wiegi yai ni bę namego sę ebe dawe?" eno te po wabe.' Te po Devitbolo pusao," Genuai Bidigo te Natanbolo wali.⁷ Tama Genuai Bidigo po ma daganu Natanbolo tama po wali, "Nago te Devitbolo e po pusao, 'Ena Tigidali Bomo Elalubo Genuai Bidigo, eno nage te kibu sipsip tonalubo bidi bidali sogo selama, tama eno nage te ena we bidi Israel dabego tobolu bidi pedalumainu sa muyu daj ilai dao."⁸ Ena te nage mena badu pabo tigidali usu nama bidai. Tama nago boi bidi dabe eno aiyaba bomo kidilai madi te nosali nago augwali aiyaba elaluai. Te eno nageba genuai nogi mawaibao, te gasa tę kantri dabego polalubo bomai bidi dabego genuai nogi tiwai elalueibao.⁹⁻¹⁰ Eno te dage Israel dabego tę me deli daj ilali elalubao, te ena we bidi dabe, tama eno dage duga te tęde bugagia bidimainu yalio. Tama te dwai sę ebo bidi dabego dageba dwai sę munu ma me egobeo. Te waj nęę dabego te tę sabode gagalama, te eno dagego tobolu bidi daj ilibo sogoba usu nama te boi bidi dabego dage dolali sę teba daj yagasaibao. Tialima megi da, eno augwali palibaso da, te augwaligo dage munu ma dolisayu, te dagego tę kantri me dologobeo. Te eno nago hani dabe bidalumainu sula tagalama, te augwaligo nago waj nęę dabe dalomainu yaibao,' te po Devitbolo wao," wali.

¹¹ "Te nage isama augwaligo nage pubalobo sogo da, teda eno nago ogwa me deli te king pedalumainu yaibao. Te aga bomai king pedelama, te eno magi nai me deligo aga aiyaba elalumainu me egobeo.¹² Te kingo tama te eno be sęwaibao. Te eno agai hani bidide naga te sesemane sogo king pedalumainu yaibao po walio.¹³ Tama ena te aga aya bidu, te aga eno ogwa bidaibao. Tama eno agaba te olo mu tau sabo wiegi yai kolesaga sesemane sogo idueibao. Eno aga tudiba me mugobeo, te nage king bidisiąbadi te bidali kingba eno te yali kolesaga tiwai me egobeo. Menio.¹⁴ Te eno agai hani bidi dabede te king sesemane pedalumainu ilaibao, tama augwaligo eno te we bidi hani dabe tonalumainu yaibao po wai dao,' te po Devitbolo pusao," Genuai Bidigo Natanbolo te po wai.¹⁵ Tama Natango Genuai Bidigo te po dabe wabo odama, tialima aga pelama, te Genuai Bidigo agabolo te ola mani sę po tigidali te Devitba waligi palio.

Devitgo gedu haluasa po Genuai Bidiba wali

(2 Sml 7:1-17)

¹⁶ King Devitgo Godigo te po dabe wali odobo si da, tialima aga te Genuai Bidigo sel ugwa be tomoba pelama te Genuai Bidigo geduba duagi pelama, te tiwai gedu haluasa po wali, "God, Genuai Bidi, nago te wiegi yai kolesaga hauwa enabolo yalio. Tialima ena dali te eno we wai da hani sibi, da te wiegi yai mu bidibaso nago te tiwai sę ebeo.¹⁷ God, nago te wiegi yai kolesaga dabe enabolo yali te usu isąbo homu ebaso, te nago gasa wiegi yai sę megi enabolo ma ebaso. Te nago eno waj nęę dabe dali yabo sę po pusalio. God, Genuai Bidi, megi digi nago ena te genuai nogi elalubo bidi tonobo tiwai elama,¹⁸ te nago ena nogi ugwaba sobao. Tama tialima, eno mena po nagebolo wagawe? Ena naga sę bidi, te nago ena koneai dao.¹⁹ Nago ena wiegi yai bugagia ilabo homu ebaso, te naga homugo digi nago te genuai sę dabe ebaso. Te megi da, nago te tama genuai sę dabe yabo po enabolo pusali dao.²⁰ Genuai Bidi, nage tiwai deli me menio. Naga duba deli te God mu da, te dago dena waj nęę dabego pedauwalide odali tiwai dao.²¹ Nago da Israel dabe te Isipde kalabus bidibadi ma selama, nago da te naga hani we bidi pedalumainu ilali. Tama tialima, te gasa hani bage te naga hani we bidi dabe da tiwai me elalubeo. Tama nago da tau sabo te wiegi yai genuai mu te nago we bidi dabe da te tę kantriba sabalubo sogo ebaso. Nago te gasa hani we bidi dabe ela gudu-lama, te dago augwaligo tę sagasalio. Tama tibaso, te tigidali bulu tę kantrigo te nageba genuai nogi mabo dao.²² Genuai Bidio, nago da Israel dabe te naga we bidi hani mu pedalumainu elama, tama da te tiwai sesemane sogo bidaibao. Te naga digi nage dago God pedelama bidibao," wali.

²³ "Genuai Bidio, eno homugo nago te enabolo me eno haniba te bomai po daj walu te yaibao wali tiwai sę te tiwai sę nago sesemane sogo yao.²⁴ Te we bidi dabe augwaligo nago te sę ebo sulama, te sesemane augwaligo nageba homu kone palu, te nageba genuai nogi mawaibao. Augwa te tama po waibao, 'Tigidali Bomo Elalubo Genuai Bidi, te Israelgo God, aga duba deli mu te Israel augwaligo God da.' Tama nago eno hani bidi dabe delide naga te king sesemane sogo pedaludumainu yaibao te po wai dao.²⁵ Nage eno God, nago enabolo te tama tiwai ola mani, nago te eno waj nęę hani dabe te bomo sesemane elaludumainu ilaibao. Tibaso ena, nago sę bidi, eno te tama gedu haluasa po nageba wabo wi me egobeo.²⁶ Genuai Bidi, naga digi nage God, tama nago te wiegi yai po ena dali daj wai dao.²⁷ Tama tialima eno homugo nago eno haniba wiegi yai sę bugagia yao, tama augwali nage dologode sesemane sogo bugagia bidimainao. Nago eno hani dabe augwaliba te dwagi yai sę yaibao po wali, tibaso eno koneani, te nago sesemane sogo augwali bugagia wiegi yai ilaibao," Devitgo te gedu haluasa po wai dao.

Devitgo te boi bidi dabe aiyaba elaluali

(2 Sml 8:1-18)

18 Me sogo nosali, Devit dali aga ami bidi dabego dali te Filistia dabeba boi hwjgi pali. Augwaligo te Filistia dabe aiyaba elaluama, tama augwaligo te taun Get dali, te pade elaluali bulu dabe dali sai dao. ²Tama nosali, Devit dali, te aga ami bidi dabego dali te Moap dabeba boi hwjgi pelama, augwali me aiyaba elaluai. Tama te Moap dabe aga dologode bidiyu, te agaba takis mone madu geai dao. ³Tama nosali, Devit aga ami bidi dabe dali augwa te Hadateser dali boi hwjgi pali, aga te Soba king bidi da. Soba te Siria hani dabego tq kantri me deli da, tama te tq kanrti Hamat pade elaluai. Te sogo Hadatesergo aga ami bidi dabe selama, te wq Yufretis u badu pedai badu pabo sq yali, te boi hwjnama te tq sai hagede yali. Tama Devitgo hanigo augwali dali deliba gesabi unutama, ⁴te boi hwjani digi augwali aiyaba elaluali. Tama Devitgo te Hadatesergo ami bidi dabe umabo salio. Agai te 20,000 ami bidi sobadi, te hosde dugulama hwjbo ami bidi umabo te 7,000 bidi sali. Tama Devitgo te hwjbo karis bidi sese umabo te 1,000 sobadi, te hwjbo karis kekebo hos 100 salio. Tialima Devitgo te gasa hos dabe saqa meba dolai madi te augwali bomona pabo usu isawai.

⁵Te sogo te Siria dabe te bulu taun Damaskusde bidali, augwali hogodama peyu, te king Hadateser tau selama te boi hwjani. Tialima, Devit te aga ami bidi dali augwaligo te Siria ami bidi umabo te 22,000 bidi ela muanio. ⁶Tama Devitgo aga ami bidi hani dabe meba te tq kantri Siriade muani, te augwali tonalu, te augwaligo boi ma hwjdali weyu yalio. Te Siria dabe aga dologode bidu, te Devitba takis mone manio. Te tigidali habuba Devitgo boi hwjgi pabode, Genuai Bidigo aga tau sobaso, te agai bomu ugwanu mu yai dao. ⁷Tama Devitgo suali, te king Hadatesergo ami polalubo ofisa dabego te hwjbo sabele dabe augwa te golgo nigai sela asali. Tama agai te wiegi yai sabele dabe selama, tama augwali te Jerusalemba odasa palio. ⁸Tama me, agai te bras hauwa te taun Tiphath me taun Kunde sali, te taun si te Hadatesergo taun da. Nosali, Solomongo te bras dabego te Godigo tempel bede muabo nai dabe nigainu salio, te genuai aj tank me te bobobage pos si, te dis dabe me plet dabe, te tama nai nigalio. †

⁹King Toi te tq kantri Hamat bidigo odali, te Devitgo te king Hadatesergo ami bidi dabe aiyaba elaluali po odai, te Soba taun king dao. ¹⁰Tama tialima, Toigo aga ogwa Hadoram tagala palalio, aga gasa nogi me Joram, te king Devit bidibo madiba pelama, Devitgo te king Hadateser aiyaba elaluali po obaso te agaba wiegi yai homu pemene ebo weyu siade da po wagi pali. Tama me, Toigo te Devitba wiegi yai homu ilibo nai tolali. Augwaligo te wiegi yai homu ebo ilibo nai te gol me silva me brasgo nigai. King Toigo te Devitgo te king Hadateser aiyaba elalualide wiegi yai homu pemene

† 18:8 1 Kin 7:40-47; 2 Sto 4:11-18

yali, magi baso meni, hauwa sogo Hadatesergo Toi dali boi bidi yai dao. ¹¹Devitgo te Toigo wiegi yai homu eyu mani nai dabe agai te Genuai Bidiba daj ilama manio. Agai te tobage deli kolesaga te agai gasa boi bidi dabe elaluama sali silva me gol te Genuai Bidiba naga mawai, te Idom dabe, me Moap dabe, me Amon dabe, me Filistia dabe, me Amalek dabe, te hani augwali Devitgo aiyaba elaluai dao.

¹²Tama nosali, Abisai, te Seruiago ogwago, te Devitgo ami bidi dabe selama, te Tamu Hauwa Elalubo Odogo Bulude bidibo Idom dabeba boi hwjgi pali. Tama augwaligo te bidi sese umabo te 18,000 Idom bidi dabe ela muai dao. ††¹³Tama Abisaigo te Idom bidi hani dabe tonaluabo ami bidi dabe meba muani, tama te Idom dabe augwali Devit dologode bidalio. Te Devitgo boi hwjgi pabo tigidali habuba, te Genuai Bidigo aga tau sobaso, aga ugwanu igulama elaluai dao.

¹⁴Devitgo te tigidali Israel habu badu tonalu, te wiegi yai doloba pai kolesaga tigidali we bidiba yalio. ¹⁵Joap, te Seruiago ogwa, te ami bidi dabego augwa polalubo ofisa bidi bidali. Te Jehosafat, te Ahilutgo ogwa, te polalubo kuskus bidi bidiyu, te gavmango buku dabe tonalubo bidi bidai dao. ¹⁶Te Sadok dali Ahimelek si, augwali si pris bidali. Sadok te Ahitupgo ogwa. Te Ahimelek te Abiatargo ogwa. Tama Savsa te kingo sq ebo kuskus bidi bidai. ¹⁷Te Benaia, te Jehoiadago ogwa, agai te king Devit seselalubo ami dabe tonalubo ofisa bidali, te augwali Keret me Pelet hani dabe da. Tama te Devitgo ogwa dabe augwali te gavmande genuai bidi naga bidai dao.

Devitgo te Amon dabe me Siria dabe aiyaba elalualio

(2 Sml 10:1-19)

19 Te Devit te bomai king pedelai madi, tama nosali Nahas te Amon dabego king isama, te aga ogwa Hanun, te king pedelai dao. ²Tama Devitgo te tiwai po wali, "Eno te Hanunba wiegi yai kolesaga yaibao, magi baso meni, aga aya Nahasgo te ena dali wiegi yai kolesaga yalio," wali. Tibaso Devitgo te bidi meba tagala palama, te Hanunba wiegi yai homu yabo po wagi pabo bidi tagala palai. Tialima augwali te Hanunba sabaligi pabo side, ³te tq kantri Amon tobolu bidi dabego te tiwai po Hanunba walali, "Nago homugo Devitgo te bidi dabe tagala palali te nago ayade wiegi yai po wagasu te genuai nogi magasu yali da homu eba, agawe? Mu menio. Te agai augwali tagala palali te dago tq pedai kantri bugagia susa bilimainu yali, tama nosali aga dali, te aga ami bidi dabe dali aselama, da dolainu yali dao," wali.

⁴Hanungo te po odama tama agai po obaso agai sq ebo bidi dabego te Devitgo tagala palali te hani bidi dabe pageabi elama, te augwaligo penane nisi me badu poa yalio. Tama me augwaligo gudali bobobage ugwa te togolama pewardage ilali, te gasa bidi dabego augwaligo habu mi sulama hale yabo sq ilalio, tama tilama agai te bidi dabe tagala palalio. ⁵Tialima te bidi dabe augwali hale mu ebaso, te augwa buluba ma be-

†† Tib 60 Tobolu pode

gasa pabo hagela homu yalio. Hanungo te tama kole-saga Devit agai hani bidi dabeba yali po odali sogo, agai te tiwai po te bidi dabeba ola tolalio, "Dage te Jerusalemba polo asabo te moni homu igio. Menio. Dage te Jerikode bidalu, te dagego penane nisi ma holobo sogoba usu nao, tama nosali dage ma asi-agameo," te po wai dao.

⁶ Te Amon dabe augwaligo koneani, augwaligo te yali kolesagago Devitgo haliga dwai posolo mu ilali homu yai. Tama tibaso Hanun dali aga hani dabego te Mesopotemia dabeba, me te Siria dabe te tɔ kantri Makade bidali bidi haniba, me te tɔ pedai Soba te augwaliba te boi hwjbo karis dabe meba me ami bidi meba badi te aga tau somainu hanalu wali, te hos dabede dualama hwjbo ami bidi dabe me, te aga tau sao wali. Tama Hanungo te silva hauwa tolali, te aga seŋe te bidi sese umabo 35,000 kilogram usu dao, te kantriba tolali, te ami bidi dabe me te karis dabe dali abeliyu yalio. ⁷ Augwaligo Hanunba te boi hwjbo nai karis te bidi sese hauwa 32,000 manio. Tama me, te Maka taun king bidi aga ami dali asu, te Hanun tau sagasainu yali, tama augwa bidabo pesage te taun Medeba paba sili nigilama bidagasalio. Te Amon ami bidi dabe me augwa te taun dabe tagalama, te augwali asama, te Israel dabe dali boi hwjainu sisi elaluai dao.

⁸ Devitgo odali, te Amon dabe augwaligo te ami bidi dabe sisinibo po odama, tama agai Joap dali, te Israel ami bidi dabe dali, te boi hwjgi pomainu tagala palalio. ⁹ Tialima te Amon dabe te taun Raba bagulali genuai obo sunumi pade dolalualu, te augwaligo genuai taun da. Te Siria king ami bidi dabe aselama, te Amon dabe tau sagasali, te augwali te kala bulu badu dolalualu. Tama tigidaligo te Israel dabe dali boi hwjainu sisi elaluai dao.

¹⁰ Joapgo te boi bidi dabe sulama agai koneani, augwaligo te Israel dabeba si badu hwjainu elalubo koneanio. Tama agai te wiegi yai bomai ami dabe meba daj ilama, tama augwali te kala bulu pesage badu dolalubo bage pabadu wasilali. Tama aga digi augwali tonalualu dao. ¹¹ Tama agai aga ama Abisai daj ilali, te agai gasa ami bidi dabe tonalumainu yali, tama Abisai-go augwali te Amon dabe pabadu wasilalio. ¹² Tialima Joapgo Abisaibolo te tiwai po wali, "Te boi hwjbo hodolobo sogo nago suali te Siria dabego da aiyaba elaluabo homu ebaso da, teda dagego da tau sagasao. Me ma, te Amon dabego dage aiyaba elalueinu ebaso da, teda dago dage tau sagasaibao. ¹³ Dage wi me elamu. Dago dena we bidi dabede me Godigo dabolo mani taun dabe homu kone palama, tama dago hwjbo bombo yao. Te mena se Genuai Bidigo dabolo yabo se te wiegi yai da homu ebaso da, teda agai te tama se naga emainao," Joapgo aga ama Abisaibolo te po wali.

¹⁴ Tialima Joap te aga ami dabe daligo boi hwjgi pali-ma, te Siria dabe wi palio. ¹⁵ Te Amon dabego te Siria dabe wi pabo sulama, augwali me te Abisaigo hanide wi pelama, tama augwa taun genuai obo tomoba geme duala sigi pali. Tialima Joapgo aga ami bidi dabe selama, te Jerusalemba ma palio.

¹⁶ Te Siria dabe augwaligo te tiwai suali, augwaligo te boi hwjabo usu meni baso, te augwaligo bidi meba tagala palama, te Siria hani bidi dabe augwali te sia ge asobo badu te we Yufretis elalubo madi teba sigi pelama, tama te Siria dabe aselama, augwali tau sagasomainu yalio. Tama Sobak te king Hadatesergo polalubo ofisa bidigo augwali tonalualu. ¹⁷ Devitgo te Siria dabe deliba sisinibo po odobaso, tama aga hogodama, te Israel ami dabe tigidali sisinama, tama augwali pelama, te we Jordan nogelama, tama te Siria dabe bidibo pesage paba sabolali. Te Israel dabe nani wasilama dolalu, tama Devitgo te Siria dabe dali hwjani. Te Siria dabego Israel dabe dali boi hwjanio.

¹⁸ Tialima te Israel dabego hwjbo bombo mu eyu, te Siria dabe pogasa palio. Tama Devit aga ami bidi dabego dali te bidi sese umabo bidi 7,000 ami bidi te karis dabede dolalu hwjbo bidi dabe elali, te meba ami bidi dabe te bidi sese umabo mu te 40,000 bidi ela muani. Tama augwaligo te Sobak me elalio, te Siria dabe augwa polalubo ofisa bidi dao. ¹⁹ Te Siria dabe te king Hadateser dologode bidali sogo, te suali, te tiwai te Israel dabego augwali aiyaba elaluai baso, augwaligo Devitba walama, te augwaligo Israel dabe augwali dali munu ma boi hwjgobeo po walio, tialima augwali te Devit dologode bidali. Te tudi badu nosali, te Siria dabego te Amon dabe tau selama, te Israel dabe augwaliba ma hwjbo hagela yai dao.

Devitgo boi hwjnama, te Raba taun salio

(2 Sml 11:1; 12:26-31)

20 Tigidali kibu be deli delide, te kedau ebo silainu ebo sogo, te kingo augwa ami bidi dabe odasa pelama, te boi bidi dabe dali hwjgi pomainu yalio. Tialima te nosali kibu bede Devitgo te Siria dabe aiyaba elalualu, tama te kedau silainu ebo sogo, Joapgo te aga ami bidi dabe selama, te Amon dabeba boi hwjgi palio. Augwaligo hwjnama, te Amon dabe aiyaba elaluama, te taun Raba bagulali, te augwa genuai taun da. Tiali goli Devit te hwjbo madi pabeo. Aga te Jerusalemda bidali.

Joap dali te Israel ami bidi dabe daligo te Amon dabe dali hwjbo bombo elama, te taun Raba selama tama mu dolai dao. ¹² Tama Devit te taun Raba teba aselama, te kingo madi te Amon kingo tobolude sagasali. Te madi augwaligo te golgo nigali, te aga seŋe te 35 kilogram elaluai. Tama augwa te madi te gasa sawi yai wiegi yai masigi dabego au ilali. Tialima te Israel dabego te madi selama, te Devitgo toboluba muani. Tama me Devitgo te taunde moné hauwa sai dao. ³ Tama agai te taun Raba we bidi tigidali selama, tama augwali te so me baria me sigi hwa mayu, augwaligo se emainu yalio. Agai te tobage deli tigi poai kolesaga te tɔ Amon taun we bidi dabebolo te gasa we bidi augwaliba tama se yalio. Tama nosali, Devit dali te aga ami bidi hani dabe dali augwali te Jerusalemba ma pai dao.

Te Israel dabe augwaligo te Filistia moni dobo dwai bidi dabe dali boi hwjani

(2 Sml 21:18-22)

⁴ Tialima te Filistia dabe dali Israel dabe dali si to-mode te boi dala sai, te Geser taun pađe da. Te Israel me deli, te aga nogi Sibekai te Husa bulu bidigo, agai te moni dobo dwai bidi dabede te bidi me deli ela muani, aga nogi Sipai. Tama te Israel dabe augwaligo te Filistia dabe aiyaba elaluai dao.

⁵ Tama me sogo ma te Israel dabe augwaligo te Filistia dabe dali ma hwjani. Tama Elhanan, te Jairgo ogwago, te Lami ela muani, te Goliatgo ama te Get taun bidi da. Te Lamigo sesemone ene te genuai mu te ugwa hobolobo masin lum ain dili tiwai dao. †

⁶ Tama nosali te Get taunde boi me ma dala selama hwjani. Te moni dobo dwai bidi dabede te dobo dwai bidi me deli bidali, te agai dili bobage ugwanu mu holai bidi. Aga nogo deli delide te nogo a naga me deli tama elaluai, te agai sađa me te tiwai elaluai. Agai dani dabe te 24 dao. ⁷ Te bidigo te Israel dabe augwaliba posobo po wali, tama te Jonatan, te Samago ogwa, te Devitgo amago ogwago, aga ela muanio.

⁸ Te Filistia moni dobo dwai bidi nani dabedu te Get taun badu asalio. Tiali goli, Devitgo te aga ami bidi dabe daligo augwali ela muai dao.

Devitgo te we bidi augwali nedalio

(2 Sml 24:1-25)

21 Te Satango te Israel dabe seđe mawai hagede, tama agai Devitba homu kolesaga mobaso te Israel we bidi augwali nedao wai dao.

² Tialima Devitgo te Joapbolo te gasa ami ofisa dabeba te tiwai po walali, "Dage pelama, te Israel we bidi nedegi pao," wali. "Dage te tɔ pedai tigidali badu bilao, te taun Berseba te saut badu usu nama pao, tama te taun Dan te not badu me pao. Tama dagego te se yali po asɛnama enaba sesao, tama tibaso eno te we bidi dabego namba koneaibao," wali.

³ Tialima Joapgo kingba te tiwai po wei ponani, "King, eno homugo Genuai Bidigo te we bidi dabe augwaligo namba ugwanu holomaina homu ebao, tama augwali te we bidi hauwa umabo pedalumainu homu ebao. Nago koneao, tigidali Israel nage dologode bidibao, te nage tama augwaligo king bidibao. Tialima magi baso nago te dwai kolesaga elama, te tigidali we bidide dwai se elalueibawe?" te po wai. ⁴ Tialima kingo Joapgo te po wali pao olama bomo yali. Tialima Joapgo te king tagalama, te tigidali tɔ pedaiba tedela pelama, te we bidi dabe nedegi painu yali. Te nosali aga Jerusalemba ma asalio.

⁵ Tialima Joapgo te se ela bilali po Devitba wagi pali, Israelde te hauwa umabo we bidi mu, te 1,100,000 bidigo te ami bidi se yabo elaluai, te Juda bidi me te bidi sese umabo hauwa mu te 470,000 bidi dao. ⁶ Tiali goli Joapgo te kingo aga te mani seđe agai homu wei

ebeo, tama tiyu agai te Livai hani dabe dali te Benjamin hani dabe dali si te nedebeo.

⁷ Augwaligo te Israel we bidi dabe nedali seđe Godigo wiegi yai homu pemene isaƵwai, tama teyu agai te Israel dabeba dwai dene mabo se yalio. ⁸ Tama Devitgo Godiba te tiwai gedu haluasa po wali, "Eno homu kone mu tɔa palama, eno te bidi dabe nedalio. Te tama tiali kolesagade eno dwai se genuai mu yalio. Tialima nago ena homu dene eba wida, te eno nage-bolo hanalu obao, te nago eno yali seđe sela saƵao," wali.

⁹⁻¹⁰ Tialima Genuai Bidigo Gatba te po walali, te Devitgo profet bidi, te agai te tiwai po Devitba waligi po-mainu yali, "Ena, Genuai Bidi, eno po dolo tama obao, eno nagebolo te sunumi sela ola mobao, te naga digi te nago me deli te dɔ ilao. Te nago mena sunumi dɔ ilali, te naga te eno wali pelama, te se nageba ped-alumainu ilaibao," te po walio. ¹¹ Tialima Gat pelama, Devit sugi pelama, agaba te tiwai po walio, "Genuai Bidigo nageba te po weyu, te sunumi sela elaluba wali nai dabede te nai me deli nago dɔ ilao po wali dao.

¹² Nago homugo te kibu be selade usu nama te genuai nai nasi si pedelama te bidimai da homu yaibawe? Ma, nago homugo te boi bidi dabego dage dolagaselama, te dage augwalide wi pelama, te polua sela bidigi pabo homu yaibawe? Ma, nago homugo te Genuai Bidigo dage dolama te dwai gasi nago tɔ pedai we bidi augwaliba te gasi sela sogo elalumainao homu nago yaibawe? Megi tama nago homu kone palama, te nago mena homu ebo po enabolo walobaso, tama eno te po Genuai Bidiba ma sela pelama wagi paibao," Gatgo te po wali.

¹³ Tialima Devitgo Gatba te tama po wali, "Nago enabolo te wali po dabede homu seđe mu ebao. Tama tibaso, te Genuai Bidi aga digi enabolo emainu sula tagalao, magi baso meni, aga te dade homu dene eyu tau sabo wiegi yai kolesaga sesemane sogo ebo God da. Tialima eno homugo te bidi dabego da dolobo te hagela homu ebao," wali.

¹⁴ Tama tialima, Genuai Bidigo dwai gasi te Israel dabe augwaliba tagala palama, tama bidi sese umabo hauwa te 70,000 we bidi isalio. ¹⁵ Tama Godigo te mobo bidi enselgo te Jerusalem dolomainu tagala palali. Tialima Genuai Bidigo suali, te enselgo te Jerusalem elainu ebaso, tama te dwai nai te we bidi augwaliba pedalubo te agai homu dene yalio. Te agai homu hasegelama, tama te ensel bidiba te tama po wali, "Tagalao. Te usu dao," wali.

Te sogo te ensel te augwaligo te nai wit ge siyu, te bo wali sela saɔo pesage me deli pađe dolaluai. Te tɔ dage te Araunago tɔ da, te Jebus hani bidi me deli. Te Araunago me nogi Ornan dao. ¹⁶ Tama Devit te Israel tobolu bidi dabe daligo te homu dene ebo ugwa gudalio. Tama Devitgo gedu ugwaba selama tonobadi, te Genuai Bidigo ensel bidi te dagalu de tɔ si tomode dolalu, te agai nogode bainat hƵa tolalu, te Jerusalem dolai hagede sisilaluai. Tama Devit te tobolu bidi dabe dali degasa dulama te gesabidi tɔba pɔgulalio. ¹⁷ Tama

† 20:5 1 Sml 17:4-7

Devitgo Godiba te tiwai gedu haluasa po wali, "Ena digi eno te po obaso, augwaligo te we bidi dabe nedalio. Eno naga eno te seḡḡ sali, tama eno dwai seḡ genuai yalio. Tialima te we bidi augwali hobedagi yali, augwaligo mena seḡ ebaso nago augwaliba te dwai dene maniwe? Augwali da, augwali te olo bidibo sipsip dabe naga tiwai dao. God, eno Genuai Bidi, nago ena te ena we wai dabe daliba te dene mao, tama nago naga we bidi dabe augwali te dwai gasigo dolomainu sula tagaligio," wali.

¹⁸ Tialima te Genuai Bidigo enselgo te po Gatba walama, te Devitba wagi pomainogo yali, "Nage te bulu duba holao, te Jebus hani Araunago wit sabo pesageba holao, tama tede nago te Genuai Bidigo alta me deli nigao," wali. ¹⁹ Tialima Devitgo Genuai Bidigo po wali pali, te Gatgo agabolo wali po gilama, tama aga te nai wit sabo pesageba holalio. ²⁰ Te Arauna aga ogwa me si me si dabe dali te nai wit sabo seḡ iduai. Tama augwa te ensel subo sogo da, te ogwa dabe udulama geme duala sigi palio. ²¹ Tialima Araunago tonobadi te Devit asobo suali. Tama aga peyu, Devit dali deliba gesabi unalama, te aga saḡaḡ pageba bogoli sugunanio. Te aga tobolu basi gulama, te Devitba genuai nogi manio. ²² Tama Devitgo Araunabolo te tiwai po wali, "Te nago megii te nai wit sabo seḡ ebo pesageba enabolo mao. Tama eno nageba te tḡ abelabo mone usugo dolo tama abelaibao. Eno te Genuai Bidigo alta te pesagede nigilama, tama te we bidi dabe augwaliba te pedalubo genuai gasi, te silimainu yaibao," wali.

²³ Tialima Araunago Devitba te tiwai po wali, "King, tagalao, eno te tḡ nago abelibo eno hagela homu ebao. Nago olo sao," wali. "Tama nago te ofa yabo gasa nai dabe dali me sao. Eno te bulmakau dabe nageba mobao, te nago isiba tigidali ulama ofa yabo nai da. Te eno nagebolo te wit yabe dabe sela sayabo ni pedai dabe dali te wit ge meba me mawaibao, te nago wit ulubo ofa emainu yaibao. King o, te tigidali nai eno nageba olo mobao," wali.

²⁴ Tialima king Devitgo Araunabolo e tiwai po wali, "Eno nago nai dabe te olo mu selama te Genuai Bidiba me magobeo. Eno ena digi seḡ dene elama pedalisawai nai me delide te ofa ebo seḡ tiwai egobeo. Menio. Eno te nai dabe nagede abelibaso usu da, te aga mone dologo tama abelaibao," wali. ²⁵ Tialima Devitgo Araunabolo te 7 kilogram gol mawai, te tḡ abelama mawai dao. ²⁶ Tama Devitgo te pesagede Genuai Bidigo alta me deli nigalio, tama agai te isiba tigidali ulama dabo ofa dabe ebadi, te God dali deli haliga pedalubo ofa me yalio. Tama Devitgo Genuai Bidiba gedu haluasa po obaso, tama Genuai Bidigo agai gedu haluasa po odama, tama te dagaludu isi tagala palama, tama te altade munaluali ofa yali nai dabe isigo dela silalio. ²⁷ Tama Genuai Bidigo po obaso, te ensel bidigo te bainat hwaḡ te aga munaluali pesageba ma muai dao.

²⁸ Devit te Araunago tḡde bidu, tama agai gedu haluasa po te Genuai Bidigo odobo subo tiwai yali. Tama tibaso, Devit agai te bulude te Genuai Bidiba te ofa

dabe ebo kolesaga gagalali. ²⁹ Te sogo, te Genuai Bidi-go sel ugwa be me te agaba ofa ebo alta dabe, te lotu wabo pesage mu te Gibeon taunde elaluali. Polobadu Mosesgo te sel ugwa be seḡ yani te Israel dabe augwali te tḡ wa pai bulude bidali sogo te tobage be seḡ yai dao. ³⁰ Tialima te sogo Devit te taun Gibeonba pelama, te Genuai Bidigo homu konemainu yabo usu meni yai, magi baso meni, aga te Genuai Bidigo enselgo bainat hwaḡ tolalubo sulama wi yai dao.

22 Tama tialima Devit te Araunago tḡde bididu agai te tama po wali, "Dago te Genuai Bidi Godigo be ede seḡ yaibao. Tama te ofa yabo alta dabe, te me ede elalueibao, tama te Israel dabe eba aselama, te ofa dabe yagasomainao," wali.

Devitgo te Genuai Bidigo be seḡ yabo doado bage sisinani

(Dai 22:1–29:30)

Solomongo te Genuai Bidigo be seḡ yaibao wai

² Te Israel hani isawai hani bidi dabe meba te Israel dabe dali bidali, tama king Devitgo augwali sisinagaso-mainu i olama, te agai seḡ augwaliba mawai. Agai meba daj ilama, te masigi togobo seḡ emainu yali, tama agai augwaliba te po weyu, "Te masigi dabe bugagia togolama dodolao," wali, "te Godigo be seḡ yabo nai dao," wali. ³ Tama Devitgo te nil dabe nigabo ain umabo hauwa sisinani, tama te be sunumi dabe daḡ walabo ain delage dabe me nigabo ain sisinani. Tama me, agai te bras hauwa mu sisinani, te bidigo aga seḡḡ dabe dagalabo usu meni yai dao. ⁴ Tama me, te taun Tair me Saidon bulu bidi dabego te wiegi yai ni bḡ hauwa mu te Devitba sesalio, tama te bidigo nedabo usu meni yai dao. ⁵ Te Devit isisabadi, agai te Genuai Bidigo be seḡ yabo nai hauwa sisinanio. Agai te tiwai po wali, "Eno ogwa, Solomon, aga te gesi ogwa bidi mu elalubaso, tama agai te be seḡ ebo kolesaga kuna konesawai elalubao. Tiali goli eno homugo Solomongo te Genuai Bidigo be wiegi yai sawi yai mu seḡ emaina homu elama, tama te tigidali bulu tḡ kantri we bidi augwaligo sulama, te wiegi yai pemene genuai mu eyu, te Genuai Bidiba genuai nogi mawaibao. Tama tiyu, ena digi eno Solomongo te be seḡ yabo nai doado bage sisinaibao," wali.

⁶ Devit aga ogwa Solomonbolo agai te po walaiba homu yali, te Solomongo te Godigo be seḡ emai hagede yali, te Israelgo Genuai Bidi da. Tama tialima Devitgo Solomon asomainogo i olama, ⁷ tama agabolo te tama po walali, "Ogwao, ena digi eno te we bidi augwali te dago Genuai Bidi God pageba aselama, te agaba lotu wabo be me deli seḡ yabo homu yali. ⁸ Tiali goli Genuai Bidigo po enabolo mayu, te tiwai po wali, 'Devit, nago eno be seḡ enamuo, magi baso meni, nago boi hauwa hwaḡnama, te bidi hauwa ela muai. Eno suali, nago bidi hauwa ela muani, tama tibaso eno homugo

nago te be sę me egobeo. Menio. ⁹Tialima eno te wai ogwa me deli nageba mawaibao, tama aga te king pedalubo sogo, agai te we bidi augwali bugagia tegaluama bidabo sę mawaibao, tama te gasa bulu tų kantri dabe augwaligo agaba te boi bidi yabo sę me iligobeo. Eno nagebolo te mabo wai da, agabolo polabo nogi da te nogi Solomon, magi baso meni, te aga king bidibo sogo eno te Israel we bidi augwali homu wiegi yai bugagia nagame elama bidabo sę ilaibao, wali. ¹⁰Te king agai tama naga te we bidi augwali ena pageba aselama lotu wabo be sę yaibao. Aga eno wai bidiyu, te ena agai aya bidaibao. Te eno agai hani bidi dabede naga te Israel king pedalu sę sesemane ilaibao, Godigo enabolo te po wai dao, Devitgo aga ogwa Solomonboli wali. †

¹¹Tama Devitgo po te Solomonba ma weyu te tama wali, "Ogwao, eno homugo te Genuai Bidi nage dali bidu te nage tau sobaso, te Godigo be sę yaibao, dago Genuai Bidi, te tiwai po aga digi wai dao. ¹²Te eno homugo Genuai Bidigo te wiegi yai homu konebo homu kolesaga nagebolo menama, tama nago te dago Genuai Bidi te Godigo bomai po tigidali wali paibao, te agai nage te Israel king pedalumainu ilibo sogo te tama tiaibao. ¹³Solomon, te nago bugagia mu tonalubo sę eyu, nago te bomai po tigidali wali pao, te Genuai Bidigo da Israel dabebolo maiabo po Mosesba wali, te bomai po tigidali nago wali pobaso da, teda nago ebo sę tigidali te wiegi yai naga pedelaibao. Nage bomonama dolalu, te nage wi me elamuo. Te nage magi nai me delide kila sigio," wali. ††

¹⁴"Ena te sę dene mu elama, te tama nai sisinani, te 3,500 ton golgo sęęę, me te 35,000 ton silva, te tama sęęę elalubo nai sisinani, te Genuai Bidigo be sę yabo nai da. Tama eno te ain me bras hauwa umabo sisinani, te nai dabego sęęę te bidi dabego te skel ebaso usu egobeo. Tama me, eno te ni dabe me masigi dabe sisinani, tiali goli te nago umabo mu ma sao." Devitgo te po Solomon dali wai dao. ¹⁵"Nago sę yabo bidi hauwa elalubao. Te masigi togobo bidi dabe, me te masigigo be sę ebo koneai bidi dabe elalubao. Te be sę ebo kamda dabe me elalu, te tobage nai dabe te gol me silva me bras me ain, ¹⁶te tama nai dabego haniani nai nigibo koneai bidi hauwa elalubao. Nago sę hodolao, tama te Genuai Bidi nage dali bidaibao," Devitgo te po wali.

¹⁷Tama nosali, Devitgo te Israelde polalubo bidi tigidaliba po walama, te Solomon tau sao walio. ¹⁸Tama agai te tiwai po augwaliba wali, "God, dago Genuai Bidi, te dage dali bidibao. Agai eno te e tųde polobadu bidali we bidi hani dabe augwali aiyaba elalumainu ilama, tama megı da augwali te aga me dage dologode bidibao. Te tama tiali kolesagade agai te wiegi yai bodolu si dageba menama, te dage bugagia tegaluama bidu, te boi bidi augwaligo dageba munu ma boi hwıbe dao. ¹⁹Tama tialima, megı da, dagego homu deli naga elalu, tama dagego bomu mu elama, te dago Genuai Bidi Godigo homu wali pao. Tialima megı

da, dagego te Genuai Bidi Godigo be sę ebo gagalao. Tama nosali dagego te Genuai Bidigo Daų Wali Bomai Po Munalubo Halobage me te dis plet agai nai dabe selama, tama te beba muagameo, te be da te we bidi augwali te Genuai Bidi pageba aselama lotu wagasabo be dao," Devitgo te po wai.

23 Te Devit te monu dabe mu ebaso, agai aga ogwa Solomon sa munama tama Solomon te Israel dabego king pedelai dao. ‡

Devitgo te Livai dabego yabo sę daj ilali

²King Devitgo te Israel augwa polalubo bidi dabe sisinama, te pris dabe me Livai dabe dali sisinano. ³Agai te po obaso, te bidi dabe augwaligo te Livai hani bidi dabe nedada palio. Augwaligo te Livai dabe te kibu be 30 yia edelali bidide gagalama nedalio, tama te Livai dabe nedada pali te bidi sese umabo mu te 38,000 bidi bidai dao. ⁴Tialima Devitgo te tama po wali, "Te bidi dabe augwalide te 24,000 bidigo te Genuai Bidigo tempel bede sę ebo tonalumainao, me te gasa 6,000 bidigo te ofisade pepa asębo kuskus bidi sę eyu, te po tų odobo sę ebo bidi bidimainao. ⁵Tama te me 4,000 bidigo te Genuai Bidigo be tonalubo bidi bidao, te gasa 4,000 bidigo te Genuai Bidigo nogi ugwaba sabo tųabi wabo wiegi yai musik omainao. Eno te musik wabo haniani nai dabe nigali, tama augwaligo te nai dabe selama te musik elebo sę emainao," Devitgo te po wali.

⁶Te Livai dabede te augwali hani sela elaluali. Augwali te Livaigo ogwa selade te hani pedelali, te ogwa dabe nogi e dao, Gerson, me Kohat, me Merari. Tama Devitgo te Livai dabe te hani selade dobayali, te augwaligo augwa te sę dabe emainu yalio.

⁷Te Gersongo ogwa dabe nogi e tama tiwai da, Ladan me Simeı dao. ⁸Tama Ladango ogwa sela ame nani ogwa bidalio. Te gomunai ogwa te Jehiel. Te meba ogwa dabe nogi e tiwai da, Setam me Joel. ⁹Te sela bage augwali te Ladango hani dabede tobolu bidi bidali. Simeıgo †† ogwa sela bidali. Augwali nogi e tiwai da, Selomot, me Hasiel, me Haran dao. ¹⁰⁻¹¹Te bidi Simeıgo ogwa me si me si nama ogwa bidali. Gomunai ogwa te Jahat, tomo ogwa Sina, aga nogi me te Sisa. Te mebago nogi e tiwai, Jeus me Beria. Jeus de Beria sigo te ogwa hauwa me elalubeo, tama tiyu te augwali sigo waigo ame nani wai dabe te deliba sisę palama te deli hani dabe naga tama pedelai dao.

¹²Kohatgo ogwa me si me si bidali. Augwali nogi e tama da, Amram, me Ishar, me Hebron, me Usiel dao. ¹³Te Amramgo ogwa dabe nogi e tiwai da, Aron me Moses da. Genuai Bidigo Aron te aga ogwa dabe dali daj ilama, te we bidi augwaligo te Genuai Bidiba daj ilama hasia podolali nai dabe te Aron aga ogwa dabe dali augwaligo tonalualio, tama augwaligo te sę dabe sesemane sogo idualio. Tama te Genuai Bidiba lotu

‡ 23:1 1 Kin 1:1-40 †† Te Simeıgo ogwa dabe namba te ves 9 tede elalubo tiwai si te agai ogwa dabe te elaluali te ves 10-11 tede elalubo namba tiwai si elalubeo. Te mena namba dolo mu elalubowe, te dage konebe dao.

wabo sogo tigidali augwaligo te wiegi yai denami ebo hano ilibo nai pauda ulubo sę yai dao. Tama me augwaligo Genuai Bidigo sę eyu, te we bidi augwaliba wiegi yai sę bugagia ilimainu te Genuai Bidiba hanalubo sę yai dao. ^{†14} Tialima te Mosesgo ogwa dabe, te Godigo bidigo ogwa dabe, augwali te gasa olo Livai hani dabe tiwai pedelai dao. ¹⁵ Mosesgo ogwa dabe nogi e tama da, Gerson me Elieser dao. ¹⁶ Gersongo gomunai ogwa te Sebuel dao. ¹⁷ Te Eliesergo ogwa deli digi mu bidali, agai nogi da Rehabia da. Tialima Rehabiango ogwa hani hauwa elalualio.

¹⁸ Ishar te Kohatgo ogwa, tama Ishargo gomunai ogwa te Selomit bidali. ¹⁹ Te Hebron, te Kohatgo me ogwago te ogwa me si me si nama bidali. Gomunai ogwa te Jeria, tomo ogwa te Amaria, te sela ogwa Jahasiel, te ene nanobo ogwa wali te Jekameam dao. ²⁰ Tama Usiel, te Kohatgo me ogwa mego te ogwa si bidali. Gomunai ogwa te Maika, te tomo ogwa Isia dao.

²¹ Merari te Livaigo ogwa da, tama te Merarigo ogwa dabe nogi e tiwai elalubao, Mali me Musi. Te Maligo ogwa nogi e tiwai elalubao, Eleasar me Kis da.

²² Eleasargo te wegi dabe naga ame nai bidali, tama agai te wegi dabe te augwa deli hani bidi dabego sali, te Kisgo ogwa dabego sai dao. ²³ Musigo ogwa sela bidali. Augwali nogi e tama da, Mali, me Eder, me Jeremot dao.

²⁴ Te tigidali bidi augwali te Livaigo hani wai dabe da, tama augwali te Livai augwa hanide tobolu bidi hani bidali. Te bidi dabe augwaligo te Livai hani augwaligo nogi dodolama asęşędulali sogo, tama deli deli bidi nogi te augwa bulali waji hani me deli bidigo ame nani wai dabe te nogi muanio. Tama te Livai dabego kibu be bidi sese deli edelali da, augwa te Genuai Bidigo tempel bede sę eyu yai dao.

²⁵ Devitgo te tama po wali, "God, Israelgo Genuai Bidigo, te agai we bidi augwaliba bugagia bidabo bodolu mawai, tama aga da te Jerusalemde sesemane sogo bidaibao. ²⁶ Tama tialima te Livai dabe augwaligo te Genuai Bidigo sel ugwa be tolasa bilali sę me te lotu wabo nai dabe tolali sę me munu ma egobeo, te tobage sę ebo sogo te silali dao," wali. ^{†27} Tama nosali, te bidi dabe augwaligo te Devitgo simanobo po wali pelama, tama augwaligo te Livai hani dabe nogi asębo sę yali. Te Livai bidi dabego kibu be bidi sese deli edelebaso da, teda te bidi dabego augwaligo nogi mubo pesageba muani, augwa te Genuai Bidigo bede sę emainu yai dao. ²⁸ Te Livai dabego sę e tiwai elalubao. [‡] Augwaligo te Genuai Bidigo bede te Arongo hani tau sabo sę elaluaibao. Tama augwaligo sę te bidi sisinibo pesage dabe me te Genuai Bidigo obo habu tomode tonalubo sę elaluali. Tama te dis me plet dabe te Genuai Bidigo nai da olama sa muani nai, te Genuai Bidigo gedude meda pedelai baso da, teda te Livai dabe augwaligo te nai dabe wiegi yai ma pedalumainu ebo sę elaluai dao.

† 23:13 Sai 28:1 †† 23:26 Bom 10:8 ‡ Te Devitgo wali po te ves 26 tede silali subo tiwai yali. Tialima bidi mebagu homugo te ves 28du 32ba elalubo te po dabe, te me Devitgo po elaluba homu yalio.

Tama me te Livai dabe augwaligo te tobage gasa sę te Genuai Bidigo be tomode ebo sę elaluai dao. ²⁹ Augwaligo te Godiba mabo bret tonalubo sę yali, tama te wit ulubo ofa ebo plaua me tonalubo sę eyu, tama te bisket dabe tonalu te avende ulubo ofa dabe tonalu yali, tama augwa te wel dali taluama ulubo plaua me tonalubo sę yai. Tama me augwaligo te ofa yabo nai dabe dagala mubo sę elaluai dao. ³⁰ Tama te tigidali sogo kigamu me pio augwa te Genuai Bidi gesabidi paba asobo sę elalu, te wiegi yai pemene eyu agai nogi ugwaba sabo sę yalio. ³¹ Tama augwaligo te tobage deli kolesaga te tigidali Sabatde te ofa ulubo sogo eyu, te gesi polua genuai bodolu side me, te gasa lotu wabo genuai side te sę yalio. Te bomai pode te po wai te Livai dabe nisu naga bidigo te sę dabe te deli deli sogo yabo bomai po elaluai. Sesemane sogo te Livai dabego te Genuai Bidiba lotu wabo sę elaluai dao.

³² Te Livai dabe augwaligo hasia bolo te Genuai Bidigo sel ugwa be tonalubo sę eyu, tama nosali te Genuai Bidigo tempel be dali tonalubo sę yali. Te augwa deli hani dabe tau sabo sę me elaluai, te Arongo pris hani dabe, te augwaligo sę te Genuai Bidigo tempel bede yai dao. ^{‡†}

Devitgo te pris dabe hani meba dobayali augwaligo te Godigo sę emainogo yali

24 E da te Arongo ogwa dabe hani sibi dabe da. Arongo ogwa dabe nogi da e tiwai elalubao, Nadap, me Abihu, me Eleasar, me Itamar dao. ² Tialima Nadap me Abihu sigo wai me ame nisiabadi te augwali si isali, te augwa si aya bidibadi da. Tialima Eleasar me Itamar si naga te pris pedelalio. ^{‡3} Tama Devit te king bidali sogo, agai homugo te pris dabego sę bugagia emainu homu elama, tama agai te pris hani dabe deli deliba te sę sabo daji ilali. Tama Sadok de Ahimelek sigo te agai te pris dabeba sę dobabo tau salio. Sadok te Eleasargo hani wai da, tama Ahimelek te Itamar hanigo wai dao. ⁴ Augwaligo suali, te Eleasargo hanide tobolu bidi hauwa elaluali, tibaso augwaligo te 16 te tama hani augwali dobayalio. Tialima te Itamargo hani tobolu bidi hauwa meni baso, tama augwali hani te a naga me sela hani naga dobayalio. ⁵ Devitgo te pris sę yabo bidi dabe augwali daji ilainu yali sogo, agai te Eleasargo hanide naga, ma te Itamargo hanide naga te daji ebaso usu me egobeo. Menio. Agai te bidi hani dabe talua side naga daji ilaibao, magi baso meni, te hani side te Godigo sę ebo usu yabo bidi dabe naga bidali, tama te Genuai Bidigo bede sę ebo usu yabo bidi dabe bidali. Tama tialima augwa te satu gagali elama, te bidi dabe daji ilali.

⁶ Te Eleasar me Itamar sigo hani ogwa dabe te satu gagalide hasesegele pelama te pris dabe daji ilali. Augwaligo daji ilama te kuskus Semaia, te Livai hani te Netanelgo ogwa, agai augwaligo nogi asęani. Tama king Devit aga ofisa dabe dali, me te pris Sadok, me pris Ahimelek, te Abiatargo ogwa, tama te pris me Livai

‡† 23:32 Nam 3:5-9 ‡‡ 24:2 Prs 10:1-2

dabe augwali hani tobolu bidi dabe, tigidaligo te Se-maiaigo te nogi asebo سوالو.

⁷ Te augwaligo hasia sogo te satu gagali yalima, augwaligo te Jehoiaripgo hani dabe daj ilali. Tama namba 2 te Jedaia hani daj yali, ⁸ tama namba 3 te Harimgo hani, te namba 4 te Seorim hani daj ilali. ⁹ Te namba 5 te Malkia hani da, te namba 6 te Mijamingo hani, ¹⁰ te namba 7 te Hakosgo hani, te namba 8 Abiyago hani dao. ¹¹ Te namba 9 Jesuago hani da, te namba 10 te Sekanaiaigo hani daj ilali, ¹² te namba 11 te Eliasipgo hani, me namba 12 te Jakimgo hani dabe daj ilali. ¹³ Te namba 13 te Hupgo hani da, te namba 14 te Jesebeapgo hani daj ilali, ¹⁴ te namba 15 te Bilga hani, me te namba 16 te Imergo hani daj ilali. ¹⁵ Te namba 17 te Hesirgo hani, me namba 18 te Hapisesgo hani daj ilali, ¹⁶ te namba 19 te Petahiago hani daj ilali, me te namba 20 te Jeheskelgo hani daj ilali. ¹⁷ Namba 21 te Jakingo hani, me te namba 22 te Gamulgo hani daj yali, ¹⁸ te namba 23 te Delaiago hani, me te namba 24 te Masia hani daj ilai dao.

¹⁹ Augwaligo te daj ilali pris hani dabe te Genuai Bidigo beba pelama, te augwa waj noq dabe te Arongo yali kolesaga tiwai se tobage yaibao wali. Polobadu God, te Israel dabe augwa Genuai Bidigo, te po Aronba walama te se yalio.

Te Livai hani sibi augwaligo nogi dabe

²⁰ Te e da te Livai sibigo bidi meba dao. Sebucl, aga me nogi Subael, te Amramgo hani ogwa dabe, te Jedaia te Sebuclgo hani ogwa dabe dao. ²¹ Tama Isia te Rehabiigo ogwa dabego polalubo bidi bidali. ²² Tama Selomit te Ishar hanigo wai dabe da, tama Jahat te Selomitgo hani dabe augwaligo ogwa dao. ²³ Tama Hebron † agai ogwa me si me si nama bidali. Gomunai ogwa Jeria, tomo ogwa Amaria, te sela ogwa Jahasiel, te ene nanobo ogwa Jakameam dao. ²⁴ Maika te Usiel hani dabego ogwa, te Samir te Maikago hani dabego ogwa da. ²⁵ Isia te Maikago ama, tama Sekaraia te Isiaigo hani ogwa dabe dao. ²⁶⁻²⁷ Te Merarigo ogwa dabe nogi e tama elalubao, Mali me Musi. Te Jasiago ogwa si, te Merarigo ogwa da. Te Merarigo gasa ogwa dabego nogi e tama elalubao, Soham me Sakur me Ipri. dao. ²⁸⁻²⁹ Te Maligo ogwa dabe nogi te tiwai elalubao, Eleasar me Kis. Eleasargo ogwa me ame nabeo. Tama Jeramel te Kisgo hani ogwa dao ³⁰ Te Musigo ogwa nogi dabe e tiwai da, Mali, me Eder, me Jeremot. Te tama nogi yali bidi dabe, augwali tigidali te Livai hani sibi dabe dao.

³¹ Te Livai hani sibi tobolu bidi me te tobolu bidi dabego augwa dwasianu ama dede dabego te satu gagali elama, te Livai hani dabego mena se yabo te daj ilimainu yali. Augwaligo te augwa hani te ama dabego yali kolesaga tiwai si yainu yali, te augwali Arongo hani pris dabe da. Tama king Devit, me Sadok, me Ahimelek, me te pris hani sibi dabede tobolu bidi badi

† Te nogi Hebron te Hiburowode te ves 23 tede elalubeo. Tialima te ves tiwai si pade te 1 Sto 23:19 tede te po elalubao, te nogi Hebron te Daj 23:19 tede elalubo suao.

te Livai dabego me, augwali tigidaligo augwaligo te satu gagali ebo daj ilibo se ebo سوالو.

Devitgo te Genuai Bidigo bede musik wabo Livai dabe daj ilali

25 Te Devit dali te Genuai Bidigo be tonalubo bidi dabego dali te Asapgo hani ogwa dabe, me Heman me Jedutun, te sela bidi hanigo ogwa dabe te Genuai Bidigo be tomode lotu wabo se yabo hani dabe daj ilali. Augwaligo te we bidi dabeba te Genuai Bidigo po pusubo se elaluali. Augwaligo te gita haniani badi te plet bras badi eleyu, te po dali pusali. Te e da te hani dabego nogi dali te augwaligo yali se po dali elalubao.

² Te Asapgo hani ogwa dabede, augwaligo te Sakur, me Josep, me Netania, me Asarela, te tama daj ilali. Asap aga digi augwali tonaluali, tama te Godigo po te kingo augwalibolo pusao po wabo sogo te po augwaligo pusai dao.

³ Te Jedutungo hani ogwa dabede, augwaligo te bidi nogi a naga me badu kibisa deli daj ilali, te Gedalia, me Seri, me Jesaia, me Simei †† me Hasabia, me Matitia da. Tama Jedutun augwa ayago te augwali tonaluali. Augwaligo Godigo po te tiwai kolesagade pusali. Augwaligo te gasa tobage gita me deli elali tama Godiba buba hwj wabo teqabi po weyu, te aga nogi ugwaba salio.

⁴ Te Hemango ogwa hani dabede, augwaligo te tama bidi dabe daj yali. Bukia, me Matania, me Usiel, me Sebucl, me Jerimot, me Hanania, me Hanani, me Eliata, me Gidalti, me Romamtieser da, me Josbekasa, me Maloti, me Hotir, me Mahasiot dao. ⁵ Heman agai te Godigo po kingba pusubo se elaluai. Godigo te bomai po daj weyu Hemanba te genuai nogi mawaibao wai, tama tialima Godigo agabolo te wai ogwa dabe 14 badi te wegi sela mobadi yalio. ⁶ Hemango te hani ogwa dabego te haniani gita dabe badi te plet pou bras badi elali, te Genuai Bidigo bede te Godiba lotu wabo sogo tialio. Tama augwa ayago augwali tonaluali.

Tama king Devitgo Asap me Jedutun me Heman te bidi sela tonaluai dao. ⁷ Te Genuai Bidigo nogi ugwaba siyu te teqabi dabe bugagia wabo skul bugagia wali te bidi dabe dali te gasa meba Livai dabe daligo namba te 288 bidi dao. Te tigidali bidigo te musik wabo mu konea pai dao. ⁸ Te mena hanigo mu te se hodolobowe noma suainogo, te tigidaligo te satu gagali yai dao. Te gesi ogwa bidi me monu dabe yaibaso me te tagalao, te musik wabo mu konea pai bidi dabe ma te musik wabo skul udubadi yaibaso me te tagalao, tigidaligo mu te satu gagali yai. Te deli deli hani augwalide te bidi 12 bidi elalua pai dao.

⁹ Hasia mu augwali te satu gagali elama, tama augwaligo te Josepgo hani daj ilali, te Asapgo hani da. Te namba 2 sogo augwaligo te Gedalia dali te aga ogwa dabe me te aga deli hani dabe dali daj ilali. ¹⁰ Te nam-

†† Te nogi Simei te Hiburowode megi elalubeo. Tialima te nogi polobadu elaluali subo tiwai yali te megi da hagawali subo aq eba. Te ves 17 tede te Simeide po elalubao.

ba 3 sogo augwaligo te Sakur dali te agai ogwa dabe me aga deli hani dali augwali daj ilalio. ¹¹ Tama te namba 4 wagisu augwaligo te Seri daj ilali, agai gasa nogi me da Isri, te aga ogwa dabe dali te aga deli hani dabe me daj ilai dao. ¹² Te namba 5 wagisu te Netania dali te aga ogwa dabe me aga deli hani dabe dali daj yalio. ¹³ Te namba 6 wagisu te Bukia me aga ogwa dabe dali te aga deli hani dabe dali daj ilalio. ¹⁴ Te namba 7 wagisu te Asarela daj ilali, te aga nogi me Jesarela dali, te aga ogwa dabe me te deli hani dabe dali daj yalio. ¹⁵ Te namba 8 wagisu augwaligo te Jesaia dali, aga ogwa dabe me, te aga deli hani dabe dali daj ilai dao. ¹⁶ Te namba 9 wagisu augwaligo te Matania dali, aga ogwa dabe me, te aga deli hani dabe dali daj ilai. ¹⁷ Te namba 10 wagisu Simeia dali, aga ogwa dabe me, te aga deli hani dabe dali daj ilali. ¹⁸ Te namba 11 wagisu augwaligo Usiel daj ilali, te aga nogi me Asarel, te aga ogwa dabe dali me te aga deli hani dabe dali daj ilalio. ¹⁹ Te namba 12 wagisu augwaligo Hasabia te aga ogwa dabe dali me te aga deli hani dabe dali daj ilai dao. ²⁰ Te namba 13 wagisu augwaligo Sebucl daj ilali, te aga ogwa dabe me aga deli hani dabe dali dao. ²¹ Te namba 14 wagisu augwaligo te Matitia te aga ogwa dabe me aga deli hani dabe dali daj ilalio. ²² Te namba 15 wagisu augwaligo te Jerimot te aga ogwa dabe me aga deli hani bage dali daj ilai. ²³ Te namba 16 wagisu te augwaligo Hanania aga ogwa dabe me aga deli hani bage dali daj ilai dao. ²⁴ Te namba 17 wagisu te Josbekasa aga ogwa dabe me aga deli hani dabe dali daj ilalio. ²⁵ Te namba 18 wagisu augwaligo te Hanani aga ogwa dabe me aga deli hani dabe dali daj ilali. ²⁶ Te namba 19 wagisu augwaligo Maloti aga ogwa dabe me aga deli hani dabe dali daj ilalio. ²⁷ Te namba 20 wagisu augwaligo Eliata aga ogwa dabe dali te aga deli hani bage me daj ilali. ²⁸ Te namba 21 wagisu augwaligo Hotir aga ogwa dabe me aga deli hani bage dali daj ilali. ²⁹ Te namba 22 wagisu augwaligo Gidalti aga ogwa dabe me aga deli hani bage dali daj ilalio. ³⁰ Te namba 23 wagisu augwaligo Mahasiot aga ogwa dabe me aga deli hani bage dali daj ilai dao. ³¹ Te namba 24 wagisu augwaligo Romamtieser aga ogwa dabe me aga deli hani bage dali daj ilalio.

Genuai Bidigo be tonaluali bidi dabe

26 Te Livai bidi mebago Genuai Bidigo tempel be tonaluali. Augwali nogi e tiwai elalubao. Meselemia, te Korego ogwa, te Asap hani sibidu asali, te Kora hani dao. ² Meselemiago ogwa dabe nogi e tiwai elalubao. Gomunai ogwa te Sekaraia, te tomo ogwa Jediael, te sela ogwa Sebadaia, te ene nanobo ogwa Jataniel dao. ³ Te a naga wali ogwa Elam, te kibisa nogo badu deli wali ogwa te Jehohanan da, te nogo me badu si wagi soali ogwa te Elioena dao. ⁴⁵ Godigo te wiegi yai se Obetidomba ebaso, te agai ogwa hauwa elaluali. Augwali nogi e tama da. Gomunai ogwa Semaia, te tomo ogwa Jehosabat, te sela wali ogwa Joa, te ene nanobo wali ogwa Sakar, te a naga wali ogwa Netanel, te nogo kibisa wali ogwa Amiel, te nogo me

badu si wali ogwa Isakar, te nogo me badu sela wali ogwa te Peuletai dao. [†]

⁶ Semaia, te Obetidomgo gomunai ogwago, te ogwa meba elaluali. Augwali te wiegi yai bidi dabe, tibaso augwali te augwa hani dabede te tobolu bidi pedelama bidali. ⁷ Augwali nogi da e tama elalubao, Otni, me Refael, me Obet, me Elsabat, me Elihu, me Semakia da. Elihu me Semakia augwali sigo te haniani se ebo kolesaga mu konea pai bidi si dao. ⁸ Te Obetidomgo hani sibide te 62 bidi tigidali te tonalubo bidi bidali, tama tigidaligo augwa ebo se mu koneai dao.

⁹ Te Meselemiago deli hani dabede te bidi nogo si olama a naga me badu sela bidi, augwaligo te augwa yali se page bugagia koneai dao.

¹⁰ Hosa te Merarigo hani sibidu koliama asalio. Te Hosago ogwa dabego nogi e tama tiwai elalubao. Simri te polalubo bidi bidai, ¹¹ tama tomo ogwa Hilkia, te sela wali ogwa Tebalia, te ene nanobo ogwa wali Sekaraia da. Simri te Hosago gomunai ogwa wali te meni, tiali goli aga ayago aga te polalubo bidi nigilali. Te Hosago deli hani sibide te 13 bidi te Godigo tempel be tonalubo bidi bidai dao.

¹² Te tigidali tobolu bidi augwa te moni tempel be sunumi tonalubo bidi dabe te augwa hani dabe daligo, te Genuai Bidigo bede yabo se elaluai, te meba Livai dabego ebo se tiwai yalio.

¹³ Te hani sibi tigidaligo te satu gagali elama te Genuai Bidigo tempel bede mena sunumi te augwaligo tonalumainu ola mabowe naga ola momainu yali. Te augwali hauwa hani dabe ma dwasianu hani dabe yaibaso me te tagalao, te augwa tigidali se ebaso usu dao. ¹⁴ Augwa te satu gagali elama, dego mu te giliga asobo badu sunumi tonalubo te bidi hani ola momainu yali, tama satugo te Meselemia daj ilai. Tama nosali augwa te satu gagali ma elama, te Sekaraia te mena badu sunumi tonalugowe te ola momainu yali, tama satugo te not badu sunumi daj ilali. Sekaraia te Meselemiago ogwa da, tama aga te wiegi yai homu kolesaga ola mabo bidi dao. ¹⁵ Tialima nosali satugo te Obetidom daj ilama, te saut badu sunumi tonalumainu yali, satugo te agai ogwa dabe daj ilama, te nai dabe doado bage muabo be habu tonaluo walio. ¹⁶ Tama satugo Supim me Hosa daj ilama, te gili-ga dega sabo badu tonalumainogo yali, tama te sunumi nogi augwaligo Saleket te me tonaluo wali. Te sunumi Saleket te ugwaba holobo pabo tu pade elaluali. Augwaligo te hani deli deligo te se tonalubo sogo daj ilali, tama augwali te sunumi tonalubo se me hasegelu me hani hasegelu iduai dao.

¹⁷ Tigidali side te sia ge asobo badu te sunumi tonalubo Livai te 6 bidigo te badu tonaluali, te me si me sigo te not badu sunumi tonaluai, te me si me sigo te saut badu sunumi tonaluali. Te me si me sigo te doado bage mubo madi tonaluai, me si te gasa habu badu tonalu, me si te me be habu badu tonalu yai dao. ¹⁸ Te 6 bidigo te be tonaluali te sia ge dega sabo badu tonaluai. Te bidi si te be sunumi tonalu, te bidi me si

† 26:4-5 2 Sml 6:11; 1 Sto 13:14

me sigo te pabo tų sunumi badu tonalu yalio. ¹⁹ Tigidali te tonaluali bidi te Korago hanidu me Merarigo hanidu asai dao. Augwaligo augwali tama dodolama, augwa sęba muani.

Te Livai dabe augwaligo yali sę meba

²⁰ Te Ahiya, te Livai hani dabede te bidi me deli da, agai te Genuai Bidigo bedede munalubo mone mubo be tonalubo tobolu bidi da, tama agai te wiegi yai nai dabe te elalubo be habu te bidi dabego Genuai Bidigo nai da olama dąj ilali nai te tonalubo bidi dabe tobolu bidi dao. ²¹ Bidi me deli te Ladan hani sibide te Gerson hani bidi, te Jehiel dao. ²² Tama te Jehielgo ogwa dabe nogi e tiwai elalubao, Setam dali aga ama Joel da. Augwaligo te Genuai Bidigo mone mubo be tonalubo sę elaluai dao.

²³ Tama te Amram hani dabe, me Ishar hani, me Hebron, me Usiel, te hani dabe augwa yabo sę elaluai.

²⁴ Sebuel te Amram hani da, aga te Genuai Bidigo monego be tonalubo polalubo ofisa bidi bidali. Te Gersomgo ogwa dabe hani bidi me deli da, te Mosesgo ogwa dao.

²⁵ Sebuelgo ama deli bidali, aga nogi da Selomit. Selomit aga te Eliesergo hanigo ogwa, te Gersomgo ogwa. Elieser aga te Rehabiago aya, te Rehabia Jesaia go aya, tama Jesaia te Joramgo aya, te Joram da Sikri go aya, tama Sikri te Selomitgo aya dao. ²⁶ Selomit aga deli hani bage dali te wiegi wiegi yai nai dabe te bidi dabego Godiba dąj ilama te Genuai Bidigo beba muani nai dabe tonaluali. Te wiegi yai nai dabe da, te king Devit me augwa tobolu bidi dabe me te deli hani sibi te ami ofisa dabe, augwali tigidaligo te wiegi yai nai dabe te Godiba dąj ilai dao. ²⁷ Te augwaligo boi bidi dabe aiyaba elaluali sogo, augwaligo te boi bidi dabego wiegi yai nai hauwa salio. Tama nosali augwaligo te nai meba te Godigo nai da olama sa munama, tama te Genuai Bidigo beba sela asalio. Nosali me sogo augwaligo te moni tempel bedede ma geselebo sę elalubaso da, teda teba muani naigo augwaligo te sę ebo abelaibao homu yali. ²⁸ Te Genuai Bidigo bedede munaluali wiegi yai nai meba dabe, te profet Samuel me king Sol me Apner, te Nergo ogwa, te Joap, te Seruiago ogwa, te tama bidigo Godiba mawai. Te Selomit aga deli hani dabe daligo te nai dabe tigidali tonalulai dao.

²⁹ Te Ishar hanigo ogwa dabede, augwaligo te Kenaia dali aga ogwa dabe dali te gavman sę emainu dąj ilali. Augwa te kuskus sę eyu te Israel we bidi dabego po tų odalio.

³⁰ Te Hebrongo hani ogwa dabede, augwaligo te Hasabia dali te bidi aga deli hani bidi te 1,700 bidigo te gavman sę emainu dąj ilai. Augwaligo te gavman sę tigidali tonaluali te Israel tų kantri pedai te giliga dega sabo badu te wę Jordan pedai badu elaluai. Te bidi hani dabe augwaligo te gavman sę ebo mu koneai, tama te bidi dabego tigidali sę Genuai Bidiba ebo sę tonaluali, te kingo sę me tigidali tonalulai dao. ³¹ Jeria te tobolu bidi augwa hani tigidalide bidali, te Hebrongo wai dabe da. Te kibu be bidi sese si 40 te Devit king

bidali sogo, augwaligo te Hebrongo hani tigidali gegebo sę yai. Tama augwaligo te hani bidi hauwa te taun Jaser te Gileat tųde bidibo سوالio. Te Jaser bidi dabe te augwaligo haniani sę ebo mu koneai bidi dabe mu bidalio. ³² Tama tialima, king Devitgo te Jeria hani bidi dabe te 2,700 bidi dąj ilama, te giliga asobo badu te wę Jordan pedai badu te bidibo Israel hani dabe tonalumainu yali, te Ruben hanigo tų, me Gat hanigo tų, me te Manase hani pedai, te hani selago tų da. Te 2,700 bidi dabe augwali te wiegi yai bidi tama augwali te augwali deli hanide tobolu bidi bidali. Te augwaligo tigidali sę te bidi dabego Godiba ebo sę tonalu, te kingo sę me tigidali tonalulai dao.

Te kingo tobolu bidi hani dabe dali te ofisa dabego nogi dabe dao

27 Te ede nogi elalubo te Israel hani sibi dabede bidali tobolu bidi dabe nogi da, tama te polalubo bidi dabe badi te gavman ami sę tonalubo sęde bidali ofisa dabe da. Te tobolu bidi dabe augwaligo te 12 te genuai hani bidi te sę ebo tonalulai. Te deli deli hanigo te polua deli deli dabede te sę yali, tama te deli deli hanide te bidi sese umabo 24,000 bidi tonalubo sę elaluai. Te tobolu bidi dabego nogi e tiwai tama elalualio.

² Jasobeam te Sapdielgo ogwago te bidi sese umabo 24,000 bidi te polua delide sę ebo tonalulai dao. ³ Tama me, agai te ami ofisa tigidali tonalubo sę me yai. Aga te Peres hani bidi me deli dao.

⁴ Dodai te Ahohi hani bidigo te bidi sese umabo 24,000 bidi te namba tu poluade te bidi dabe augwali te sę ebo tonaluali. Miklot aga tudi badu daganalubo si wali bidi bidali.

⁵ Benaia te pris Jehoiadago ogwago te bidi sese umabo 24,000 bidi dabe augwali te namba 3 sela wali poluade sę ebo tonaluali bidi dao. ⁶ Aga te Devitgo bomai ami bidi dabe te 30 wali bidi dabede te bidi me deli wali aga da, tama aga te ami bidi dabede polalubo bidi bidali. Te Amisabat, aga ogwa, te aga tudi badu daganalubo si wali bidi bidai.

⁷ Asahel te Joapgo amago te namba 4 ene nanobo poluade te bidi sese umabo mu te 24,000 bidi te sę ebo tonaluali. Nosali aga ogwa te aga tudi badu daganalubo si wali bidi bidalio.

⁸ Samhut te Ishar hani bidigo te bidi sese umabo 24,000 bidi te namba 5 wali poluade sę ebo tonalubo bidi bidai dao.

⁹ Ira te Tekoa taun bidi Ikesgo ogwago te 6 wagi soabo poluade te bidi sese umabo mu te 24,000 bidi te sę ebo tonalubo sę yali.

¹⁰ Heles te Pelon bidigo te bidi sese hauwa umabo 24,000 bidi te namba 7 poluade te sę ebo tonalulai. Heles te Efraim hani bidi dao.

¹¹ Sibekai te Husa bulu bidigo te bidi sese umabo 24,000 bidi te namba 8 wabo poluade te sę ebo tonalubo sę yali. Sibekai aga te Sera hani bidi dao.

¹² Abieser te Anatot taun bidigo te bidi sese umabo 24,000 bidi dabe te 9 poluade augwali sę ebo tonaluai. Abieser te Benjamin hani bidi dao.

¹³ Maharai te Netofa taun bidigo te bidi sese umabo 24,000 bidi te namba 10 poluade te augwali sę ebo tonaluai dao. Maharai te Sera hani bidi dao.

¹⁴ Benaia te Piraton taun bidigo te bidi sese umabo 24,000 bidi te 11 wabo poluade te bidi dabe augwali sę ebo tonaluai. Benaia te Efraim hani bidi dao.

¹⁵ Heldai te Netofa taun bidigo te bidi sese umabo 24,000 bidi augwali te 12 wagi soabo poluade te sę ebo bidi dabe tonalualio. Heldai te Otniel hani bidi dao.

Te Israel hani bidi dabe tonaluali bidi dabe augwali no-gi da

¹⁶ Te Israel hani dabe augwali tonaluali gavman ofisa bidi dabe nogi e tiwai elalubao. Elieser, te Sikrigo ogwago, te Rubengo hani tonalualio. Tama Sefatia, te Makago ogwago, te Simeongo hani tonaluai dao. ¹⁷ Te Hasabia, te Kemuelgo ogwago, te Livai hani tonaluai. Tama Sadokgo te Arongo hani tonaluai.

¹⁸ Te Elihu, te Devitgo ama me deligo, te Juda hani tonalualio. Tama Omri, te Maikelgo ogwago, te Isakar hani tonaluai dao. ¹⁹ Te Ismaia, te Obadiago ogwago, te Sebulun hani tonaluali. Te Jeremot, te Asrielgo ogwago, te Naptali hani tonaluai dao.

²⁰ Tama Hosia, te Asaiago ogwago, te Efraimgo hani dabe tonaluai. Te Joel, te Pedaiago ogwago, te Manasego hani pedai me deli tonaluai. ²¹ Te Ido, te Sekaraiago ogwago, te Manase gasa hani pedai te Gileat tų badu bidali hani tonaluali. Tama Jasiel, te Apnergo ogwago, te Benjamin hani tonaluai dao. ²² Tama Asarel, te Jerohamgo ogwago, te Dango hani tonaluai. Teda te ofisa dabego te Israel hani deli deli augwali tonalubo sę yai dao.

²³ King Devitgo te megi tama holobo gesi ogwa bidi augwaligo kibu be te bidi sese deliba usu nisąbo bidi dabego kibu be isąwai bidi augwali nedebeo, magi baso meni, Genuai Bidigo te Israel we bidi augwaligo namba ugwaba igulama, te hauwa mu te dagalude elalubo hų dabe tiwai pedalumainu hagede te Genuai Bidigo daų wali bomai po wali peyu te tama tiai dao. ^{†24} Joap, te Seruiago ogwago, te tobage bidi nedebo sę gagalali, tialima agai te sę yali simanobeo. Augwaligo te bidi hani nedebo sę ebaso, Godigo wiegi yai homu pemene isąwani, tama tialima te Israel augwaliba dene mabo sę yalio. Te sę yali pagede naga tama augwaligo te bidi dabego namba te bukude asęşama, te king Devitgo yali sę po elalubo bukude me asęai menio. ††

Te kingo nai dabe tonaluali bidi dabe augwali nogi

²⁵ Te bidi Asmavet, te Adielgo ogwago, te kingo mone me doado bage tonalubo bidi bidali. Te Jonatan,

† 27:23 Gag 15:5; 22:17; 26:4 †† 27:24 2 Sml 24:1-15; 1 Sto 21:1-14

te Usiago ogwago, te tigidali tų kantride elalua pabo moni nai mubo genuai bakstua dabe tonalubo bidi bidali, te taun dabede, me te bidibo bulu dabede, me te hwjabo bomai bulu pesage dabede te moni bakstua elalua palio. ²⁶ Esri, te Kelupgo ogwago, te gi sę ebo bidi dabe augwali tonalubo sę yalio. ²⁷ Tama Simej, te Rama taun bidi, aga te kingo wain gi dabe tonalubo bidi bidai. Tama Sapdi te Sefam bulu bidi te wain mubo be habu dabe tonalubo bidi bidai dao. ²⁸ Balhanan te Geder taun bidi te oliv ni du tonalubo bidi bidali, te sikomor ni dabe te giliga dega sabo badu te dwasianu bulu du dabe elalubo pedai badu elaluali me agai tonalubo sę yalio. Tama Joas te oliv wel mubo pesage tonalubo sę yai dao. ²⁹ Sitrai, te odogo bulu Saron bidi, agai te odogo bulu Saronde bidalubo bulmakau dabe tonalubo bidi bidali. Tama Safat, te Atlaigo ogwa, agai te gasa odogo bulude bidibo bulmakau dabe tonalubo bidi bidali. ³⁰ Obil te Ismael hani bidi te kingo kamel dabe tonalubo bidi bidali. Tama Jedea te Meronot bulu bidi aga te donki dabe tonalubo bidi bidali. Te Jasis te Hagar hani bidigo te kibu sipsip dabe meme dabe me tonalubo bidi bidai dao. ³¹ Te tigidali bidigo te king Devitgo nai doado bage tonalubo bidi dabe bidai dao.

Te Devitba wiegi yai homu kolesaga mani bidi hani dabe

³² Te Jonatan, te Devitgo aga aya sabi bidi da, agai te kingba wiegi yai homu kolesaga mani bidi da, magi baso meni, agai te bomai po bugagia koneama, te wiegi yai kolesaga hauwa koneai mu elaluai. Aga me Jehiel dali si, te Hakmonigo ogwa, augwali sigo te kingo ogwa dabe ola mabo sę elaluai dao.

³³ Te Ahitofel aga te kingba wiegi yai homu kolesaga mabo polalubo bidi bidali, tama Husai te Arka bulu bidi aga te kingo wiegi yai abagi mu dao. ³⁴ Nosali te Ahitofel isibo si da, Abiatar me Jehoiada, te Benaiago ogwago, te Ahitofelgo sę yali pesage hasegelalio. Tama Joap te kingo ami bidi dabego polalubo ami ofisa bidi bidai dao.

Devitgo te genuai bidi dabe augwaliba te Genuai Bidigo tempel be sę ebo kolesaga po walalio

28 Devitgo te Israel tigidali genuai bidiba po ola tolu, te Jerusalemba sisinagasao po walio. Tibaso te Israel hani dabe augwa kiap polalubo bidi me, te kingo sę ebo genuai hani bidi tonalubo tobolu bidi dabe me, te deli deli hani sibi dabe tonalubo tobolu bidi dabe me, tama te kingo nai doado bage tonalubo bidi me te augwa ogwa dabe dali, te kingo bede sę ebo tonalubo bidi dabe dali me, te bomai ami bidi dabe me, tama te tigidali gegunai bidi dabe te Jerusalemba sisinagasao po wai dao.

² Tialima king Devit dolugulama augwaliba te tiwai po walali, "Dage eno hani ama dabe, me te eno we bidi dabe, te eno dageba wabo po odiąo. Eno bomai homu elama te Genuai Bidigo Daų Wali Bomai Po Muani Halobage muabo wiegi yai be sę yaibao homu yali,

tama te be da te dena Godigo dugabo nai sia sai tiwai elalueibao. Tama eno te be sę yabo doado bage sisi-nani. ³Tiali goli Godigo enabolo e tiwai po walio, 'Devit, nage te ena pageba asabo we bidi augwaligo lotu wabo be sę yabo daj ilali bidi nage menio. Magi baso meni, nage te ami bidi bidali sogo nago te bidi hauwa ela muai dao,' Godigo enabolo te po wali."

⁴"Tialima God, da Israelgo Genuai Bidigo, ena daj te eno ogwa dabe dali daj ilama, te Israel sesemane bidabo sogo te Israel tonaluminumu yalio. Hasia bolo agai te Judago hani daj ilama, te Israel hanigo polalubo bidi hani bidimainu nigilali. Tama te Juda hanide agai eno ayago hani sibide daj ilali. Tama nosali, Genuai Bidigo aga homu wali digi pelama, tama eno ama dede dabe tomode ena daj ilali, tama agai ena te tigidali Israel hanigo king bidimainogo ilai dao. ⁵Tama agai enabolo ogwa hauwa mani, tama te ogwa dabe augwali tomode agai te Solomon daj ilama, te Israel we bidi tonaluminumu yali, te Genuai Bidigo tų kantri dao.

⁶Tama Genuai Bidigo enabolo te tiwai po wali, 'Nago te ogwa Solomongo tama eno be sę badi, te be sesegede elalubo we bidi bilabo pesage dali nigibo sę me yaibao, magi baso meni, eno aga daj ilama aga eno wai bidimainu yali, te ena agai aya bidaibao.

⁷Tama agai eno bomai po me eno po dali wali pabo sę bomu eyu, te agai megı ebo sę tiwai ebaso da, teda te eno agai hani bidi dabede te sesemane bidada pabo sogo te king pedaludaibao,' Genuai Bidigo enabolo tama po wali," Devitgo te po walio. †

⁸Tama Devitgo te we bidi augwaliba te tiwai po ma walio, "Tialima te dena Godigo gedude me, te dage tigidali Israelgo gedude, dage te Genuai Bidigo we bidi dabe, eno te tiwai po dolo mu dagebolo obao. Dagego te bomai po tigidali bugagia wali pao, aga te God, dago Genuai Bidigo dabolo manio. Dagego te tiwai ebaso da, teda dage te wiegi yai tųde bidaibao, tama te tų te dagego tų mu elalueibao. Te nosali dagego hanigo wai dabego me te tųde sesemane bidada pidu, bidada paibao," te po wai dao.

⁹"Tialima nage Solomon, eno ogwa da, eno te tiwai bomai po nageba obao. Nago homu kolesaga deli naga elaluo, te naga ayago God dologode bidao. Te nago agai homu wali pabo sę bomu mu yao. Nago te tiwai yao, magi baso meni, Genuai Bidigo dago homude magi homu te tigidali agai koneaibao. Te nago agai godolo yabo kolesaga wali pabo sę bomu ebo kolesaga sobaso da, teda te nago aga bugagia konemainu yaibao. Tiali goli nago aga tudiba mubaso da, teda agai nage sela sęnama, te sesemane sogo agai nage tudiba mueibao. ¹⁰Tialima megı da, bugagia odao. Genuai Bidigo nage daj elama, nago te agaba te we bidi dabego lotu wabo tempel be sę emainu yai. Tama tialima nago bomu elama te sę yao," Devitgo te po aga ogwa Solomonbolo wai dao.

¹¹ Devitgo te po ola silama da, tialima agai te Solomongo te Genuai Bidigo tempel bede yabo po asęani nai salio, te sę yabo nai piksa dabe wali pelama,

† 28:7 2 Sml 7:1-16; 1 Sto 17:1-14

te sę emainu yai. Tama agai te asęani nai elalubo pepa te Solomonba mawai. Te asęani elalubo piksa dabede te Genuai Bidigo be habu tigidali piksa elalui, te gesabidi badu elaluali be habu dabe da, te nai doado bage muabo be habu dabe me da, te ugwadu daide elalubo dwasianu be habu dabe me, te tomode elalubo genuai be habu dabe me, te Tedali Gasagi Yai Mu Be Habu me, te Daų Wali Bomai Po Muani Halobage muabo pesage me nigilali. Te Daų Wali Bomai Po Munalubo Halobage muabo pesage da, te we bidi augwaligo dwai sę yali sęęę sela sębo madi elalui dao.

¹²Tama me te nogi asęanide te tigidali nai te Godigo Mobo Noma Bidigo Devitba ola mani, te sisinabo pesage te Genuai Bidigo tempel be sę yabo pesage nigabo, me te piksa noma dabe elalubo ola mani te sisinibo pesage bagulali habu dabe, me te Godigo bede mone mubo be, me te Genuai Bidiba daj ilama te bidi dabego mabo wiegi yai nai dabe ola mawai dao.

¹³Tama me te asęani pode te pris dabeba me Livai dabeba te augwali hani deli deliba te sę yabo kolesaga po daj eyu, te Genuai Bidigo bede sę yabo kolesaga po obadi yali. Tama te asęani pogo te po weyu, te Genuai Bidigo bede sę yabo plet dabe nigibo kolesaga yabo po walio. ¹⁴Te asęai elalubo pode te nisu naga gol me silva selama, augwaligo te tobage kap me plet dabe nigimainu yali, ¹⁵tama te sole lam dabe me, te lam ni dili muabo nai dabe me, ¹⁶te tebol sai dabe nigabo ola mabo po asęai elalui. Te tebol sai augwaligo te golgo nigali, te augwaligo Godiba mabo bret muabo tebol sai dao. ¹⁷Tama te asęani po me te tiwai elaluali, te nisu naga wiegi yai gol augwaligo selama, te gaų yai na pok dabe te dis dabe me kap dabe nigabo po asęani elalui, te nisu naga silva me gol dabego augwaligo te gasa dis dabe nigao po asęnama elalui dao.

¹⁸Te asęani pode te nisu naga wiegi yai gol augwaligo te selama, te wiegi yai denami ebo hano ebo ofa yabo pauda ulubo alta nigibadi, tama nisu naga golgo te ensel noma si nigibadi yaibao, te augwa si bogu dinigaļu te Genuai Bidigo Daų Wali Bomai Po Munalubo Halobage daide elalueibao. Te ensel dabe te Genuai Bidigo gasaba pabo karis tiwai dao.

¹⁹Tialima king Devitgo te po wai, "Te asęani elalubo piksa tigidali, te Genuai Bidi aga digi enabolo bugagia ola mobaso, eno te asęanio," wali. ²⁰Megi da, king Devitgo Solomomba te tiwai po wali, "Nage bomu elama mu dolalu, te sę yao, te haniani sęęęgo nage aiyaba elaluminumu ebaso te tagalao, magi baso meni, God, eno Genuai Bidi, te nage dali bidiyu, te nage tau saibao. Agai nage me tagalogobeo. Menio. Te aga nage dali bididubadi nago te be sę tigidali silibo siba usu naibao. ²¹Dago te pris hani dabe me te Livai dabe te Godigo bede te tobage tigidali sę yabo bage daj ilalio. Te haniani sę ebo page koneai bidi dabe augwaligo nage tau sainu tonalubao. Tama me te polalubo bidi dabe, me te tigidali we bidi dabego dali, augwaligo te nago po tigidali wali pabo dola sai naga elalubao," Devitgo te po aga ogwa Solomon dali wai dao.

Te we bidi augwaligo te Godigo tempel be sę yabo nai dabe olo mawai

29 Tialima king Devitgo tigidali we bidiba te tiwai po wai, "Godigo eno ogwa Solomon daj ilali, tiali goli aga gesi ogwa bidi mu elalubaso, te sę yabo kolesaga hauwa kuna konebeo. Te Genuai Bidi Godigo be sę ebo sę, te bidi dabe dago be sę eyu dua ebo tiwai sę gilama me egobeo. Menio, te genuai sę mu dao.

²Tama tialima, eno te gol dabe me silva me bras me ni dabe sisinibo sę bombo yali, te Godigo tempel be sę yabo nai dabe nigibo sę yali. Tama eno te haniani gasa sawi yai masigi dabe hauwa sisinanio. ³Eno te sisinani nai dabe daide ugwadu, eno te ena gol dabe me silva digi mawai. Magi baso meni, eno te ena Godigo tempel bede dwagi yai homu godolo genuai ebaso eno te tama sę yalio. ⁴Eno te mani wiegi yai gol dabego sęę da, te 100,000 kilogram igulama, te wiegi yai silvago sęę da te 240,000 kilogram pedelali. Te Godigo be te daga dabe tomode au ilibo sę yaibao. ⁵Tama me te kolesaga page koneai bidi dabe augwa te gol me silva te Godigo be sę yabo nai te piksade elalubo sulama, gasa nai dabe nigabo sę yaibao. Megi da, dage dego mu agai nai te Genuai Bidiba ofa mabo tiwai yaibawe?" te po wali.

⁶Te deli sibi hani bage augwa tobolu bidi dabe dali, te Israel hani dabe augwa tobolu bidi dabego me, te 1,000 ami bidi tonalubo ofisa dabego dali, te 100 bidi tonalubo ofisa bidigo me, te kingo nai dabe doado bage tonalubo bidi dabego badi, augwaligo Devitgo te wali po oda selama da, te augwaligo haliga hogodama, te augwa wiegi yai nai dabe mawai dao. ⁷Te augwaligo mani nai dabego sęę te tiwai pedelalio, golgo te sęę 170,000 kilogram igulali, te silvago sęę 340,000 kilogram igulali, te brasgo sęę 620,000 kilogram igulali, tama aingo sęę da te 340,000 kilogram igulai dao. ⁸Tama te haniani gasa sawi yai masigi elaluali bidi dabe, augwaligo te Godigo mone mubo be te Godigo be tomoba muanio. Jehiel, te Gerson hani bidi, aga te mone tonalubo bidi bidai dao. ⁹Te we bidi augwaligo te augwa polalubo tobolu bidi dabego augwa haliga hogodama, te augwa wiegi yai nai mabo sulama, te augwa wiegi yai pemene umabo mu yalio. Tama king Devit me wiegi yai pemene umabo mu yalio.

Devitgo Genuai Bidigo nogi ugwaba sali

¹⁰Tialima te tigidali we bidigo gedude Devitgo te Genuai Bidigo nogi ugwaba siyu, tama agai gedu haluasa po te tiwai wali, "O Genuai Bidio, nage dago waj nęę Jekopgo God da, da naga we bidi dabego te sesemane sogo nago nogi ugwaba sidueibao," walio.

¹¹"Nago tigidali bombo kolesaga mu elalubao. Nago nogi genuai elalu, te nage ugwadu mu bidibao. Nage mu polalubao. Magi baso meni, tigidali dagalude me tęde elalubo nai tigidali te nago nigai nai naga

elalubao. Tama nage te tigidali naigo tuni bidi king bidibao. ¹²Nago te wiegi yai nai dabe hauwa dabolo mobao. Te nago naga te tigidali nai tonalubao. Naga digi nage te tigidali bombo me kolesaga page bidi da, tama nago naga te bidi dabe bombo pedalabo sę ilibasote genuai nogi sabo dao."

¹³"Dago God da, megi dago nageba buba hwi obao, te nago genuai nogi ugwaba sobao. ¹⁴Ena dali, te eno we bidi hani dabe dali, dago te tiwai po weyu dago nagebolo te mani nai dabego aya mu da dao po obaso usu egobeo. Menio. Da te olo bidi naga tama, te nai me deli te dena nai dabe dolo mu me elalubeo. Te tigidali nai nago nai naga da. Hasia bolo nago dabolo mani, te megi dago nageba ma mobao. ¹⁵Te nago gedude da te bulu wau bilibo bidi tiwai ebao. Te dago dena waj nęę hani dabego yali sę tiwai gilama yalio. Te dago e tęde dena bidibo ula dago dęę obaso usu egobeo. Da te plaua dabe pedalubo tiwai elama, te pęwadage sogo bidama, te isibo dao. ¹⁶O God, dago Genuai Bidi, dago e sisinani nai tigidali te nago be sę elama, te nago genuai nogi ugwaba pedelabo sę ebao. Tialima te tigidali nai nagedu asali, te nago naga nigai nai dao," wali.

¹⁷"Eno God, nago tigidali bidigo haliga usu sabo da, tama nago te bugai haliga te doloba pai kolesaga ebo bidigo ebo sueibao. Eno te homu kone palama, tama me eno nago genuai nogiba homu kone elama, tama eno haliga hogodalu, eno te nai dabe nagebolo mawai. Te tobage deli kolesagade naga, nago te we bidi dabego te augwa nai dabe manio. Te eno augwaligo tama tebo sę ebo sulama, eno wiegi yai homu pemene umagi mu ebao. ¹⁸Nage God, te dago waj nęę dabego Genuai Bidi, Abraham, me Aisak, me Jekop, te we bidi augwaligo te tobage wiegi yai homu kolesaga ebo te bombo elama, sesemane sogo elalumainu ilao. Tama me te augwaligo godolo ebo homu te nageba kęę pai sesemane elalubo sę ilao," po wai dao. ¹⁹"Nago Solomonba wiegi yai homu kolesaga hodolao, eno ogwa da, te agai nago bomai po me nago po mobo mabo wali pelama, tama agai nago te wiegi yai be sę emainao, eno te be sę yabo doado bage sisi ilai dao," Devitgo te gedu haluasa po tama wali.

²⁰Tialima Devitgo te we bidi augwaliba te tiwai po walio, "Godigo nogi ugwaba sao, dago Genuai Bidi dao." Te we bidi augwaligo odama, te augwa kidu sugunama, te gesabidi tęba pęęulali, te genuai nogi Devitba me Godiba mayu tialio, te augwaligo Genuai Bidi me augwa waj nęę dabego Genuai Bidi me dao. ²¹Te nosali side, te we bidi dabe augwaligo te kibu bulmakau bidi sese hauwa mu te 1,000 kibu omai elali, me te kibu sipsip omai 1,000 elali, tama te kibu sipsip waigo te 1,000 sobadi elama, te Genuai Bidiba te isiba tigidali ulubo ofa tiwai elama manio. Tama augwaligo te wain gelebo ofa dabe me yalio. Te tigidali Israel we bidide te gasa ofa dabe me hauwa yalio. ²²Tama te side te we bidi dabe augwa te aj dabe me kibu mi

dabe tuali, te gasa ofa yali nai dabe tuyu, tama augwa wiegi yai pemene umabo mu te Genuai Bidiba yai.

Tama me te side, te Genuai Bidigo nogide augwaligo wel te Solomon toboluba gealuama, te aga si sogo ma daj ilama, te aga king pedalumainu ilalio. Tama me augwaligo Sadok te polalubo pris bidimainu daj ilalio. ²³ Megi da Solomongo te aga aya king bidali pesage hasegelama, tama te Genuai Bidigo we bidi augwaligo king pedelalio. Agai se wiegi yai mu pedalubaso, tama Israel we bidi tigidaligo agai po wali pai dao. ^{†24} Tama me te gavman ofisa bidi tigidaligo me, te bomai ami dabe dali me, te Devitgo ogwa tigidaligo me te king Solomon dologoba peyu, tede bidai dao. ²⁵ Genuai Bidigo Solomon te tigidali Israel gedude polalubo bidi mu pedelalio se ilalio. Tama me agai Solomon te genuai mu pedelalio se ilama, te agai sali genuai nogigo te polobadu bidali Israel king tigidali aiyaba elalualio.

Devit isalio

²⁶ Te Devit, Jesigo ogwa, aga te tigidali Israel to pedai kantri badu king bidai dao. ²⁷ Aga te kibu be bidi sese si, 40 yia, king bidalio. Aga hasia bolo te Hebronde

† 29:23 1 Kin 2:12

king bidali kibu be te 7 yia bidali, te Jerusalemde king bidali kibu be te 33 kibu be bidai dao. ^{††28} Aga te we bidi augwaligo gedude genuai nogi elalualio, te agai mone me doado bage hauwa elalualio. Aga bidali sogo pewadage meni, aga bidada pelama, monu dabe mu elama aga isalio. Nosali aga ogwa Solomongo agai se yali pesage selama, te king pedelai dao. ²⁹ Te king Devitgo yali se po dabe, te aga king pedelama bidali sogo ela pali se te isali sogoba usu nugi palio, te se yali po dabe aseani buku sela nogi augwaligo te tama nogi yali, Te Profet Samuelgo Pusali Po, me Te Profet Natango Pusali Po, me Te Profet Gatgo Pusali Po, te profet bidi selago te Devitgo yali se po aseani dao. ^{‡30} Te buku dabede te Devitgo bomai se yali po aseani elalualio, te aga king bidali sogo te to kantri tonalubo kolesaga yali po aseani buku elalualio. Te agaba gasa se dabe pedelali po me augwaligo pusali, te Israel we bidi augwaliba me te Israel bagualualio to kantri dabeba me te se pedelali po elalualio dao.

†† 29:27 2 Sml 5:4-5; 1 Sto 3:4 ‡ Te buku sela te profet dabego polobadu aseani, meggi da augwali hagawalio, te menagjai po te augwalide elalualio te dago konebe dao.

Tuni Bidi Dabego Po Elalubo Buku Si

Hasia nedebo po

Te polobadu te Juda dabe augwaligo te buku nogi Tuni Bidi Dabego Po Elalubo Buku me deli naga elaluali, te moni bobobage buku dao. Tiali goli nosali gasa bidi dabe augwaligo te bobobage buku pedema, tama te me pedai nogi Tuni Bidi Dabego Po Elalubo Buku Deli poali, te nosali pedai buku nogi Tuni Bidi Dabego Po Elalubo Buku Si poayu yali. Tialima te Buku Si wabo bukude elalubo po page suainu da, te Buku Deli nogi wabo bukude Hasia Nedebo Pode sua. Te Buku Si wabo bukugo te king Solomon bidali sogo gagalama, tama pelama, te Israel dabe augwa kantri si peda pali te po pusai buku dao. Tama te bukugo po ibanu pelama, te kantri si te boi bidi dabego nogode doligi pali poba sabolai dao. Tiali goli e bukugo te Israel bulude te not badu pedalali sę dabe po hauwa kuna pusubeo. Te e bukugo te Juda bulude yali sę po dabe dali te hanu Jerusalem side naga pedalali po dabe naga elalubao.

King Solomongo po

(Daj 1-9)

Godigo wiegi yai homu kolesaga Solomonbolo mani (1 Kin 3:4-15)

1 Solomon, te Devitgo ogwa, agai bomonama eyu, te bomai king mu pedelali. Tama God Genuai Bidi aga dali bidiyu, tama agai genuai nogi ugwanu mu so-mainu ilali. ²Tialima Solomongo te tigidali ofisa dabe i wali, augwali mebago te 1,000 bidi dabe tonaluali, mebago 100 bidi dabe tonaluali, agai augwali i wali. Me te po tų odo bo jas bidi dabe me, te Israel dabego augwa hanide genuai bidi dabe me i wali. Tama me te deli ayago togali hanigo tobolu bidi dabe i wali. Tama te bidi dabe augwali te Israel we bidi dabe dali sisinagasali, tama Solomongo augwali dali po pusali. ³Tama nosali augwali sese tama aga dali te lotu wabo pesage te hanu Gibeonba pali. Magi baso meni. Godigo ugwa be te hanude elalubaso. Te haus sel te polobadu Moses, te Genuai Bidi aga sę bidigo, sę yani te sel ugwa be dao, te nai meni yai wa pai bulude sę yani sel ugwa be. ⁴Tiali goli te Daų Wali Bomai Po Muani Halobage da, te Jerusalemde te gasa ugwa be me elaluali Te polobadu king Devitgo sę yani ugwa be dao. Tama Devitgo te Daų Wali Bomai Po Muani Halobage te hanu Kariat Jearimde selama, tama seselama, te Jerusalem taunba te sel ugwa be ba muagasai dao. ^{†5}Tama me te alta me te Genuai Bidigo ugwa be gesabidi badu me elaluali, te bulu Gibeonde. Te da te

† 1:4 2 Sml 6:1-17; 1 Sto 13:5-14; 15:25-16:1

brasgo nigai alta dao, te bidi Besalelgo polobadu nigai dao. Besalel te Urigo ogwa dao, tama waj te Hur dao. Tialima Solomon aga te tigidali we bidi dabe dali te buluba pelama, augwali teba lotu po wagi pali, te Godiba. ^{††6}Tama Solomon aga te brasgo nigai alta paąa dologi pelama, tama Genuai Bidigo gedude agai 1,000 ofa te isigo te hasa dabe sese dela silibo ofa yali, te alta saide.

⁷Solomongo te ofa ela silai digi, te hulide God aga bidibo digi aselama, e tiwai po walali, "Nago enabolo mena nai nago wei ebaso da, nago enabolo hanalu wagameo. Tama eno nagebolo mawaibao," wali. ⁸Tama Solomongo Godigo po wei ponoyu, e tiwai po wali, "Nago eno aya Devit godolo mu eyu te aga dali homu keą pai kolesaga iduai dao, tama nago aga dali wiegi yai sę mu yai dao. Tialima megi da nago ena king pedalama, agai pesage somainu ilai dao. ⁹O God, Genuai Bidi, nago enabolo tonalumainu mani te we bidi augwali hauwa mu dao, tama te bidi dabego augwali nedebo usu me egobeo. Tama tialima megi da, eno aya Devit dali nago daų wali po usu nagasa homu ebao. ^{††10}Tama eno homugo nago enabolo wiegi yai hobolu du dali, wiegi yai kolesaga dali momainao homu ebao. Te tama tilama da, eno te we bidi bugagia tonaluabo usu yaibao. Tialima meni eyu da, teda nago te genuai we bidi hani tonaluabo bidi meni yaibao. Eno deligo eno usu munu me egobeo," Solomongo te po wai.

^{††11}Tama Godigo Solomongo po wei ponoyu e tiwai po wali, "Nago hanalu wali po wiegi yai mu dao. Nago enabolo mone hauwa hanaluyu, me o genuai nogi sainogo hanalubeo, tama nago enabolo nago boi bidi dabe dolomainogo me hanalubeo. Tama nago enabolo

†† 1:5 Sai 38:1-7‡ 1:9 Gag 13:16; 28:14

nage t̄ode nage bobobage sogo bidaio olama me hanalubeo. Menio. Nago enabolo wiegi yai hobolu du dali, wiegi yai kolesaga dali si hanalu wai dao. Teda nago eno nagebolo tonaluminumu mani te we bidi nago wiagila tonalubo usu yaibao. ¹²Tama tialima, megi da eno nagebolo te wiegi yai hobolu du dali, me kolesaga dali si nagebolo mawaibao. Tama me eno nagebolo mone hauwa me mayu, te we bidigo nagebolo genuai nogi momainu ilaibao. Tama te tibogo da, te hasia bidali king dabego mone dabe me genuai nogi edelaibao, me te nosali asobo te king dabego mone dabe me genuai nogi dabe edelama mu elaluaibao," Godigo te po wai. ¹³Tama tialima Solomon aga Gibeonde te Godigo sel ugwa be te lotu wabo pesage taga pelama, tama aga Jerusalemba ma pali. Tama aga king Jerusalemda bidiyu, te Israel dabe tonaluali.

King Solomongo ami bidi me doado bage hauwa mu elaluali

(1 Kin 10:26-29)

¹⁴Tigidali sogo Solomongo te karis dabe te hwjabo nai dabe siyu, me te aga ami bidi dabego hos kibu dabe siyu yali. Tama me badu agai te nai dabe te agai tonaluainogo sa muani te hanude dabe tagalali, tama me badu aga dali Jerusalemda bidali. Agai 1,400 hwjbo karis elaluali, me te 12,000 hos kibu me elaluali.

¹⁵Tama te Solomon aga king bidali sogo agai te silva me gol me wiegi yai ni b̄q hauwa mu te Jerusalemba sesali. Tama tialima te sogo silva me gol hauwa mu elaluali, te olo masigi dabe tiwai yali gilama. Me te ni b̄q hauwa mu elaluali, te olo ni dabe te Israel dabego dwasianu bulu du dabede elalua pabo ni dabe yali gilama tama elaluali. ¹⁶Solomon agai aga hos kibu dabe te kantri Musri [‡] me kantri Silisiade sali. Agai te bisnis bidi dabe te Silisiaba agai hos dabe abeligi pomainu tagala paliyu yali. ¹⁷Tama te bisnis bidi dabego agai karis dabe hos dabe Musride abeliyu yali. Tama te deli karis abelebo mone te 6,000 kina, me te deli deli hos kibu abelebo mone te 1,500 kina usu nama elaluali. Tama te bisnis bidi dabego te karis me hos dabe te Hit dabe me Siria dabego king dabe pageba sela peyu yali. Tama te king dabego abeliyu yali dao.

Solomongo Genuai Bidigo be s̄q yabo doado bage dabe dodolali

(1 Kin 5:1-18)

2 Te Solomongo Genuai Bidigo lotu be me deli genuai s̄qnama tama te we bidi te beba aselama, Genuai Bidiba lotu po wagasiyu yabo be s̄q yabo homu kone palali. Tama agai aga be s̄q yabo homu kone me palali. ²Tama tialima agai 80,000 bidi dabe te bulu du dabede masigi du togobo s̄q emainu sa muani, tama me 70,000 bidi dabe te masigi dabe tolama usa yabo bidi dabe sa muani, tama agai te s̄q tonaluabo bos bidi dabe te 3,600 bidi dabe sa muani.

† 1:14 1 Kin 4:26 †† 1:15 Bom 17:17 ‡ Te bidi mebago homu te kantri Musri da te Isip dao.

³Tama Solomongo te king Hiram te taun Tair bidibolo po ola toliyu, e tiwai po wali, "Polobadu nago eno aya king Devit agai aga be s̄q emainogo nago agabolo ni b̄q tolai dao. Tama tialima, eno homugo nago te tiwai deli kolesaga naga ena dali me yao. ⁴Eno megi God eno Genuai Bidigo lotu be me deli s̄q yainogo ebao. Te be da te God aga be mu elaluaibao, tama ena dali eno we bidi da te lotu be tomoba pelama, tama wiegi yai pauda te wiegi yai denami hano holomainu ulubo pauda uluyu yaibao. Tama tigidali sogo ofa tiwai mabo te bret tigidali sogo dago Godigo gedude muyu yaibao. Tama me dago isigo sese dela silibo ofa me iyu yaibao. Dago te ofa dabe tigidali sogo kigamu dabe iyu, me pio dabe iyu, me tigidali Sabat side iyu, me te gasa genuai sogo me ofa iyu, me gesi polua pedalobo side ofa iyu, me gasa genuai sogo te God dago Genuai Bidiba lotu wabo sogo ofa iyu yaibao. Agai da Israel dabebolo te tama s̄q tigidali sogo iyu ya po wai dao.

⁵Tama eno genuai be mu s̄q yaibao. Magi baso meni. Dago Godigo genuai nogi mu elaluyu, tama me genuai bomu mu elaluyu, tama agai gasa meba god dabe edelama aiyaba elalubao. ⁶Te mu tama, te bidi mego Godigo be s̄q yabo usu menio. Dago koneani. Dagaluda te genuai bulu mu dao, tiali goli aga te God bidabo usu genuai menio. Tama dego agai be s̄q ebo usu me egowe? Tama eno me eno agai be s̄q ebo usu me egobeo. Tiali goli, eno be te wiegi yai denami hano holobo pauda ulabo be s̄q yaibao, te God bidiboba wiegi yai denami hano holobo pauda ulubo be s̄q yainogo." ††

⁷"Eno ena bidi meba te Judade me Jerusalemda bidibao. Te polobadu eno aya Devitgo augwali te Godigo bede s̄q emainogo sa muai bidi dabe meba bidibao. Augwaligo haniani nai dabe nigibo kolesaga koneai dao. Tama tiali goli, eno homugo nago bidi me deli te wiegi yai kolesaga te tobage s̄q dabe ebo mu koneai bidi dali me tagala palao, te bage augwali dali s̄q emainogo. Te bidigo te golgo me silva me bras me aingo wiegi yai nai dabe nigibo, me te mama yai me sisi yai name ugwago wiegi yai au yai nai nigibo koneai bidi mu suo. Tama agai te golgo me masigi dabego piksa nigibo koneai bidi sao. ⁸Tama eno me koneani, nago s̄q bidi dabe mebago te Lebanon bulude bulu du dabede ni gelebo kolesaga dabe koneai bidi dabe dao. Tama tialima, eno homugo te bage augwaligo te ni b̄q me pain ni dabe me ni junipa te Lebanonde elalubo ni gelama, ena bidiboba tolomainu yao. Tama eno ena s̄q bidi dabego nago s̄q bidi dabe tau somainogo tagala palaibao, ⁹te ni dabe hauwa mu sisinimainu. Magi baso meni. Eno genuai sawi yai be mu s̄q yainogo. ¹⁰Tama eno nago s̄q bidi dabe nai dabe meba mawaibao, tama eno augwali te 2,000 ton s̄q̄̄̄ yai wit te augwaligo polo agawai yai mayu, me 2,000 ton s̄q̄̄̄ yai rais bali mayu, me 400,000 lita wain mayu, me 400,000 lita oliv wel me mayu yaibao," Solomongo te po olama as̄q̄̄̄na tolali.

†† 2:6 1 Kin 8:27; 2 Sto 6:18

¹¹ Te king Hiramgo te Solomongo po polo odali. Tialima agai pas asenama, Solomongo po wei ponoyu, e tiwai po wali, "Genuai Bidigo aga we bidi godolo mu yali. Tama tiyu, agai nage augwaligo king pedalomainu ilali dao. ¹² Megi dago God, te Israel dabego Genuai Bidigo, nogi ugwaba sinao. Aga digi dagalu dali tɔ dali si nigai dao. Dago agai nogi ugwaba sinao. Magi baso meni, agai wiegi yai wai ogwa king Devitbolo manio, te aga hasegelama king pedalomainogo. Te Devitgo ogwago wiegi yai hobolu du me kolesaga hauwa elalubao, tama agai Genuai Bidigo be me aga be si sɛ yaibao. ¹³ Tama tialima eno polalubo sɛ bidi Huram nage tau somainogo tagala palaibao. Agai te haniani nai dabe nigibo kolesaga elaluyu, me agai wiegi yai homu kolesaga elalubo dao. ¹⁴ Aga ida te Dan hanigo we me deli dao, tama aga aya te hanu Tair bidi dao. Te Huramgo te golgo, me silva, me bras, me ain, me masigi, me nigo haniani nai dabe nigibo sɛ koneai dao, tama me te sisi yai name ugwago, me mama yai ugwa, me wiegi yai tedela ugwa dabego wiegi yai au yai nai dabe geselebo koneai bidi dao. Tama agai te wiegi yai piksa te golgo me masigigo nigibo koneai dao, tama agai te haniani piksa bidi dabego agabolo nigao olama hanalubo, te nai dabe agai nigibo dao. Tama nago aga te naga sɛ bidi dabe dali me naga aya king Devitgo polobadu sɛ bidi dabe dali sɛ emainu tagalagameo."

¹⁵ "Tialima king Solomon, megj da dago homugo nago te tolaibao wali te wit, me bali, me wain, me oliv wel tolaiba wali, te nai dabe tolao homu eba, nago te wali gilama. ¹⁶ Tama eno sɛ bidi dabe te Lebanonba pelama, tama nago te wei ebo ni dabe tigidali geligi paibao, tama augwaligo nabisba aiyaba selasa paibao. Tama augwaligo te ni dabe tamu wɛde sisinama, tama daɣ olama, genuai ni seseba dabe nigiyu kɛnaibao. Tama hanu Jopaba te tamu aɣdu tama selasa paibao. Tialima, nago sɛ bidi dabego te ni dabe te hanu Jopade selama, Jerusalemba ugwa sela holaibao," te king Hiramgo Solomonbolo te po wei ponoyu asɛna tolali.

Augwaligo Godigo be sɛ ebo sɛ gagalali

(1 Kin 5:15-6:38)

¹⁷ Te king Solomongo pode augwaligo te gasa kantri bidi dabe te Israel bulude bidibo bidi dabe nedali. Te polobadu king Devit te Solomon aga ayago nedali, te hani. Tama megj da, Solomongo me augwali ma nedali. Tama augwaligo namba te 153,000 usu nama elaluali. ¹⁸ Tama agai te bage augwali te 80,000 bidi dabe augwali te bulu du dabede te masigi dabe togobo sɛ emainogo sa muani, tama me te 70,000 te masigi tolama usabo sɛ emainogo sali, tama me te 3,600 te sɛ tonalubo bos bidi nigilama, te sɛ tonalumainogo yali, te sɛ bage tonaluyu sɛ bugagia tonalumainogo ilali.

3 Te king Solomongo te Genuai Bidigo lotu be tempel te bulu du nogi Moria tede te be sɛ ebo sɛ gagalali, te Jerusalemda. Tiali te bulu dude Genuai Bidi

Devitba polobadu pedelagasai dao, te Solomon aga aya. Polobadu te bidi Arauna te bulu dude te wit nai ge bo sela sɛbo sɛ te bulu dude yai dao. Te Arauna da, te Jebus hani bidi me deli dao. Tama Devitgo te Araunago te sɛ iduali te pesage sa munama, tama agai te pesagede te Genuai Bidigo be sɛ yaibao wali.

² Solomon te king pedelama, tama aga namba 4 wabo te kibu bedede te polua namba 2 wabo polua silama, tama te sogo agai te sɛ gagalali. ³ Te Genuai Bidigo tempel be palibo be daga te king Solomongo usu siyu magi yali. Te tama tiwai, aga bobobage te 27 mita usu nama, tama aga genuai te 9 mita usu nama magi yali.

⁴ Tama te be gesabidi badu te rum me deli elaluali, te moni be mabo tiwai da, tama agai genuai te 9 mita usu nama elaluali, te Genuai Bidi aga tempel be magi tiwai si tama. Tama te be mabo be ugwa badu da te 54 mita usu nama elaluali, te genuai sigi be mu dao.

Tama augwaligo te wiegi yai gol selama, tama augwaligo te be paiyai daga tomo badu munama, te be daga sese tama halua silali. ⁵ Tama augwaligo te ni pain name selama, tama augwaligo te Genuai Bidigo Tedali Gasagi Yai Be Habu badu papali pelama silali.

Augwaligo te nel enene pelama silali. Tama augwaligo wiegi yai gol selama, te ni name dabe haluali. Tama te gol daide augwaligo ni det piksa noma togwalama, tama augwaligo au te sen tiwai yali. ⁶ Kingo te wiegi yai gol dabe te kantri Parvaimde sai dao. Tama agai te masigi dabe te bidigo abelainogo te genuai prais

elalubo sawi yai masigi dabe selama, te be au ilali, te Genuai Bidigo tempel be. ⁷ Agai te bidi dabebolo te po wali, tama augwaligo te gol dabe selama, tama te be tigidali badu halua silao po wali. Teda te be punali daga ni, me te soiamme ni, me te wala wala ni, me te sunumi dabe me te sunumidu aiyadu elalubo ni name dabe te gol selama mesegelali. Tama augwaligo ensel bidigo piksa te be daga nide togoali.

⁸ Tama Solomongo augwalibolo obaso, augwaligo te Tedali Gasagi Yai Mu Be Habu togali, te habugo genuai te 9 mita usu nama togwali. Te be aga magi dolo e tiwai tama togoali. Tama te be aga bobobage te deli tiwai magi naga yali, te 9 mita usu nama tama yali. Tama augwaligo wiegi yai gol selama, tama augwaligo te Tedali Gasagi Yai Mu Be Habu tomo badu be daga dabe te golgo mesegelali. Te golgo sɛgɛ te 20,000 kilogram sɛgɛ edelali. ⁹ Tama augwaligo te hap kilogram sɛgɛ yai gol selama, tama augwaligo te nel hagalu pali. Tama me augwaligo te gol selama, augwaligo ugwadu elalubo be habu dabego daga dabe te golgo halua silali.

¹⁰ Tama te kingo sɛ bidi dabego ensel bidigo noma si nigali, tama augwaligo gol dabe selama, tama augwaligo te piksa noma si halua silali. Tama augwaligo te piksa noma si te Tedali Gasagi Yai Mu Be Habude dodolali. ¹¹⁻¹³ Te piksa noma si tama te Tedali Gasagi Yai Mu Be Habuba gesabidi elama elaluali. Te augwali sigo bogo si dinigilama tama dolo mu tama elaluali, tama deli deli bogogo bobobage te 2 mita usu nama

elaluali tama 25 sentimita elaluali. Tama te ensel me te dolo nogo badu dolaluyu, tama aga bogu me te dolo nogo badu be daga nide dagana sai elaluali. Tama te ensel me te pobase nogo badu dolaluyu, tama agai bogu me te pobase nogo badu be daga niba dagana sai elaluali. Tama augwali sigo me badu bogu si da te be habu tomoba talua sagasai elaluali. Te ensel sigo bogu bobobage si te 9 mita usu nama elaluali. ^{†14} Tama te sę ebo bidi dabe augwaligo sisi ugwa name me bedeba ugwa name siyu, me wiegi yai tedela name ugwa siyu elama hobolama, augwaligo te Tedali Gasagi Yai Mu Be Habuba tula pabo sunumi paliali. Tama me augwaligo te ensel dabego piksa noma te name ugwa dabe daide hobolali. Tama augwaligo te moni name ugwa walama, te be sunumi tula pabo digi paliali. ^{††}

Augwaligo te kapa nogi brasgo te pos bobobage si nigali (1 Kin 7:15-22)

¹⁵ Kingo po obaso, augwaligo pos bobobage si togolama, tama augwaligo Genuai Bidigo tempel be gesabidi badu dodolabo pos si dodolali. Te pos bobobage si tamago usu da te 16 mita usu nama elaluali, tama me augwaligo te pos si daide ugwadu augwaligo pos si guni nigilama tama te pos si daide muani. Tama te pos ugwadu daide muani au yabo guni naigo bobobage te 2 mita me 20 sentimita usu nama nigilama, te pos si daide ugwadu muani. ¹⁶ Nosali augwaligo sen dabe nigali tama te pos si ugwadude walali. Tama augwaligo te 100 pomigranetgo du piksa noma te brasgo nigilama, te sende wawalo pali.

¹⁷ Augwaligo te sę dabe ela silama, tama augwaligo te pos si te Genuai Bidigo tempel be gesabidi badu dodolali. Te pos me te u badu saut badu dodolali, me te not badu dodolali. Kingo te saut badu dodolali pos nogi te Jakin mani, tama agai te not badu dodolali pos-bolo agai nogi Boas polali. [‡]

Augwaligo Genuai Bidigo tempel bede nai dabe meba ma geselali

4 Te king Solomongo pode augwaligo bras selama, alta me deli nigali. Te nai bobobage te 9 mita usu nama, tama aga genuai me te 9 mita usu nama nigali, tama aga bobobage ugwaba da te 4 hap mita tama usu nama nigali. ^{‡2} Tama augwaligo te genuai tank wę me deli te brasgo nigali. Te tank wę bobobage te 2 mita me te 20 sentimita usu nama nigali. Tama aga tomo dedage hala pali da, te 4 mita me 40 sentimita tama usu nama nigali, tama agai genuai usu da te 13 hap mita tama dao. ³ Tama te tank wę bogu badu tobolu badu augwaligo te lain si te kau kibu omai piksa noma tiwai si nigali. Te piksa noma sesego te tank wę ugwadu daide usu nama nigilama silalio. Tama te tigidali hap mita elalua pabo tomode te nogo si 10 kau kibu

[†] 3:11-13 Sai 25:18-20 ^{††} 3:14 Sai 26:31 [‡] Te Hibru pogo te nogi Jakin page e tiwai dao, "Godigo e nai pedelabo sę yali dao." Tama te nogi Boasgo page e tiwai, "Te Godigo bomogo yali," tama wabo.

^{††} 4:1 Sai 27:1-2

noma elalua pali. Tiali goli augwaligo te piksa noma nigilama te tankde daganebeo. Menio. Te augwaligo te tank nigali sogo augwaligo te piksa dali tama nigali. Tama augwali te tank pedai me tiwai tama elaluali. ⁴ Augwaligo nogo si olama, ugwadu si genuai kau kibu omai piksa noma te brasgo nigilama, tama augwaligo te tank wę ugwadu daide tede muani. Te kau kibu dabego tudi te tank dologode elaluama, tama augwaligo gesabidi te tigidali buluba ugwa gesabidi elalua pali. Te kau kibu selago te giliga asoboba poloba tonaluali, tama me selago te giliga paboba tonaluali, tama me selago te pobase oloba te notba pedai badu tonaluali, tama me selago te dolo olo badu te saut badu pedaiba tonaluali. ⁵ Te brasgo dąj te tank bulu baduagalama, tama te tank tomoba usu nigipai elaluali, teda te 8 sentimita usu nama elaluali. Tama te tank po te kapu po tiwai elaluali, tama te wiegi yai sawi yai plaua diniga pai elalubo tiwai yali. Tama te tank tomode augwaligo te 60,000 lita usu nama wę tomode paęanama elaluabo usu yali. ⁶ Tama me augwaligo te nogo si te 10 tank dwasianu me nigali. Tama augwaligo a naga te saut badu te Genuai Bidigo tempel be daga pađe muani, tama me a naga te not badu be daga pađe muani. Te tank dabe da, te ofa yali hasa dage dabe ađ telayabo tank dabe dao. Tama te genuai tank te pris bidi dabe tede ađ pauabo dao. [‡]

⁷⁻⁸ Tama augwaligo gol selama, tama lam sole walabo bobobage nai geselali. Te lam sole walabo te bobobage nai nigibode bomai po elaluali. Augwaligo bugagia wali pelama, tama augwaligo te lam sole walabo nai dabe nigali, augwa te bomai pode elaluali kolesagadu bugagia wali pali. Tama me augwaligo nogo si 10 tebol sai geselali. Tama augwaligo te tebol me lam dabe augwaligo Genuai Bidigo tempel be tomode te Tedali Gasagi Yai Be Habude muani. Te tebol a naga ebadi me lam sole walabo bobobage nai a naga ebadi augwaligo not badu polo badu te be habu tomode muani, tama te a naga tebol me lam sole walabo bobobage nai dabe me augwaligo te saut badu polo badu muani, te be habu badu, te be tomode. Tama augwaligo gol selama, 100 dis pou nigali. ^{‡‡9} Augwaligo genuai me dwasianu bidi sisinibo pesage nigali. Te dwasianu yalawai sisinibo pesage te pris bidi dabe naga sisinibo pesage nigali. Tama augwaligo genuai sisinibo pesageba pabo sunumi dabe nigali. Tama augwaligo bras dabe selama, te sunumi dabe hagalu pelama, simanigi pelama silali. ¹⁰ Tama augwaligo te genuai tank augwaligo te be mesalode te saut badu muani, te kona o sabi pađe gana muani.

¹¹ Te Huramgo te wę paubo dis dabe geseliyu, me dwasianu savol dabe geseliyu, me gasa meba dis pou dabe geseliyu yali. Tama tialima megida, Huramgo te king Solomongo agabolo nigilama Godigo tempel be tomode muabo nai dabe nigao wali, te nai dabe nigila silali. ¹² Te Huramgo nigali nai dabe te e tama dao. Te genuai bobobage bras pos si, me te pos si ugwadu bagulali bagua sai nai me nigali, tama me te umben te

^{‡‡} 4:6 Sai 30:17-21 ^{‡‡†} 4:7-8 Sai 25:23-30, 31-40

wa tiwai nai geselama te pos si ugwadu au ilabo geselali. ¹³ Tama agai te pomigranet du piksa noma te 400 geselali, te pos side bagulali te umben bono dabede wawalo pabo nai dabe geselali. Te deli deli pos tobolude te pomigranet du te hani si te umben bonode te pos bagulama elaluali. ¹⁴ Tama agai te wilkar geselali, tama me agai te wilkarde muabo tank dabe geselali. ¹⁵ Tama me te genuai tank wẹ me te tank tolaluabonogo si olama ugwadu si genuai kau kibugo piksa noma te tank tolaluabonigali, te omai kau kibu piksa noma nigali. ¹⁶ Tama agai te sene dabe me dwasianu savol dabe me te pok dabe geselali.

Te Huram, te haniani nai dabe nigibo kolesaga mu konea pai bidigo, te Solomongo po wali pelama, tama agai te Genuai Bidigo tempel bedemuabo nai dabe tigidali te brasgo geselai dao. Agai te nai dabe augwaligesela silama, tama agai augwali bugagia sawi yai ilali.

¹⁷ King Solomongo te Hurambolo te nai dabe geselao po te Jordan wẹde odogo malu bulude, te hanu Sukot me hanu Sereda tomode nigao po wali. Te bulude augwaligo te tobage sẹ yabo mama yai tọ elalubo pesagewiegi yai madi mu dao. ¹⁸ Huram agai Solomongo po wali pelama, tama agai te nai dabe hauwa mu geselali, tama te nai dabego sẹgẹ bidigo me konebeo.

¹⁹ Solomongo te sẹ bidi dabebolo te Godigo tempel be tomode muabo nai dabe geselao po wali. Tialima augwaligo gol selama alta geselali, tama me augwaligo Godiba mabo bret muabo tebol dabe me geselali. ²⁰ Tama me augwaligo te gol selama, tama augwaligolam dabe geseliyu me te lam walabo bobobage nai dabe me geselali, te Tedali Gasagi Yai Mu Be Habu pade muabo madi geselali. Te lam walabo bobobage nai dabe geselabo sẹ yabode po te bomai po te elaluali. Tama augwaligo bugagia wali pelama, tama te lam walabo nai dabe geselali. ²¹ Tama me augwaligo te wiegi yai gol selama, tama augwaligo te plaua dabe geseliyu, me te lam dabe geseliyu, me te sisis tiwai te isi nogo tuabo nai dabe geselali. ²² Tama augwaligo te wiegi yai gol selama, tama lam sole sula sayabo nai geselali, tama te ofa ebo nai kaneme muabo dis pou me geselali. Tama me te wiegi yai denami hano holobo pauda ulabo plet pou me geseliyu, me te isi sabilabo plet pou geseliyu yali. Tama me augwaligo gol selama, tama augwaligo te Tedali Gasagi Yai Mu Be Habu tomoba pabo sunumi daide muyu, me eda badu te Tedali Gasagi Yai Be Habu sunumi daide muyu tama yali, tama sese tama te golgo haluali.

5 King Solomon dali aga sẹ bidi dabe augwaligo Genuai Bidigo tempel bedemuabo sese tama elama silali. Tialima Solomongo aga aya king Devitgo te silva dabe me gol me dis pou dabe me selama, te Genuai Bidi mawainu sa muani nai dabe augwaligosali, tama augwaligo te nai dabe sese tama selama, te tempel be tomoba pelama, tama te wiegi yai nai muabo be habuba mugi pela silali. †

Augwaligo te Daḡ Wali Bomai Po Munalubo Halobage te Genuai Bidigo tempel beba muani

(1 Kin 8:10-11)

² Te king Solomongo te tigidali genuai wajigo hani tobolu bidi dabeba, me te dwasianu hani wai dabebolo me, agai augwali te Jerusalemba sisinagasao po wali. Agai homugo augwali te Devitgo hanu Saionba painogohomu yali, te da te Jerusalem hanu pedai me deli dao. Tama te Daḡ Wali Bomai Po Muani Halobage, te selama tama Genuai Bidigo tempel beba sesemainao homu yali. ^{†3} Tialima sese tama te namba 7 poluade augwali sisinagasali. Te da te genuai sogo te Osogo Bidabo Bede Bidibo Genuai Sogo. ⁴ Te polalubo bidi dabe me tigidali hetman dabe sisina silibo sogo da, teda te Livai dabego te halobage tolali. ⁵ Tama te Livai dabe augwaligo te Daḡ Wali Bomai Po Muani Halobage dali, te Godigo ugwa be lotu be dali, te aga tomode elalubo nai tigidali me, te Godiba sa muani nai dabe dao, te nai sese te Livai hani pris dabego selama, tama te tempel beba selasa pali. ⁶ Tama augwali tebasabolama, tama tede king Solomon dali, te Israel we bidi dali, augwali tigidali deliba sisinama, tama te Godigo Daḡ Wali Bomai Po Muani Halobage pade dolaluali. Tama augwaligo kau kibu omai dabe me sip-sip kibu dabe augwaligo elama, Godiba ofa yali. Te ofa yabo hasa dabe augwaligo hauwa mu elali, tama te bidi mego augwaligo te ofa yainogo elali hasa dabe nedabo usu meni yani. ⁷ Augwaligo te hasa dabe ofa elasilama da, teda te pris dabego te halobage te tempel be tomoba augwaligo te Tedali Gasagi Yai Mu Be Habu me elaluali te Be Habu dodolagalai elaluali teba selapali, te Genuai Bidigo be tomode, te ensel bidi sigo bogosi dologode muani. ⁸ Te bogo si dinigaluali. Tama tialima augwaligo te halobage dali te halobage toloboni dabe bobobage sigo haluali. ⁹ Te ni dage si te bobobage mu si dao. Tama tialima, te bidi te Tedali Gasagi Yai Be Habude dolaluyu da, teda te ni dage si sabi si suaibao. Tiali goli, bidi te be habu bulu badu dolaluyu da, teda agai te ni dabe sabi sugobeo. Tama te ni dage si me tama elalubao. ¹⁰ Te halobage tomode te nai dabe hauwa tomode meni yani. Te Godigo bomai po aseani te masigi si naga munaluali. Polobadu Israel dabe augwali Isip tagalama augwali bulu du Sainai bidagasali, tama tede Genuai Bidigo augwaldali po daḡ walai dao. Te kontrak iyu, te daḡ wali po te masigi side elalubadi Mosesgo te halobage tomoba muai dao. ‡

Godigo genuai ulago Genuai Bidigo tempel be paḡana sagasali

(1 Kin 8:10-11)

¹¹⁻¹³ Te augwaligo te Genuai Bidigo be tomoba te Daḡ Wali Bomai Po Munalubo Halobage te muabo sogo bubuga isaḡbadi, te tigidali haniani pris bidi hani sibi augwa te Godigo gedude wiegi yai pedalobo kolesaga wali pelama yali. Tama te we bidi polo sisinagasai madi

† 5:1 2 Sml 8:11; 1 Sto 18:11

†† 5:2 2 Sml 6:12-15; 1 Sto 15:25-28 ‡ 5:10 Bom 10:5

da, te Asap, me Heman, me Jedutun, te hani sela augwa wai puluba dabe dali, me augwa deli hani dali, augwali te wiegi yai nala ugwa gudama, tama augwali te giliga asobo badu elalubo alta pade dolaluali, te tempel be mesalode. Te bidi dabe augwaligo te Livai dabego bidi hani dao, tama augwali te teqabi po weyu musik elebo bidi dabe dao. Augwaligo haniani gita me bras plet dabe todolaluali. Tama te 120 pris bidi dabego te bu wabo nai biugel nogo tolaluyu, augwali dali dolaluali. Te bidi dabe augwali te musik elebo mu konea pai bidi dabe mu dao. Tama mena sogo augwali sisanama Genuai Bidigo nogi ugwaba siyu, buba hwi po olama teqabi wabo sogo, te teqabi po wabo bidi dabe me te biugel bu wabo bidi dabe augwali deliba taluama augwaligo teqabi po wiegi yai mu wabo dao, tama te dogoni deli mu pedalobo tiwai ebo dao.

Te pris bidi dabe augwaligo te Daq Wali Bomai Po Munalubo Halobage te Genuai Bidigo tempel be tomoba polo muani, tama augwali buluba ma teda soabo sogo da, te musik elebo bidi hanigo biugel bu weyu, te plet bras tama elebo gagalali. Tama augwaligo Genuai Bidigo nogi ugwaba sabo teqabi po tama wali. Augwaligo teqabi po e tama tiwai wali, "Dago Genuai Bidiba buba hwi po wainao. Magi baso meni. Aga da, te da dali wiegi yai kolesaga ebo bidi dao. Agai da godolo mu ebo kolesaga te gamonaibao," wali. Te augwaligo teqabi po wabo si, polo tama te genuai pogo te Genuai Bidigo tempel be pagana sagasali. ^{†14} Tama Genuai Bidigo ula te pade ula genuai mu elama, tama aga te be tomo mu tama pagana sali. Tialima te pris dabe augwali te be tomoba pelama augwa se dabe igi pabo usu meni yani. ^{††}

6 ¹⁻² Solomongo te pogo te tempel be pagana sabo sulama, tama agai e tama gedu haluasa po wali, "Genuai Bidi, eno nago be wiegi yai me deli se yani dao. Tama eno megii koneani, nage te be tomode polo bidibao. Magi baso meni, nago te po wali nage te po mu hulua sai madi bidibo dao po wali. Nage tigidali sogo te bede mu bidagameo," Solomongo te gedu haluasa po wali.

Solomongo po te we bidiba pusali

(1 Kin 8:14-21)

³ King Solomon aga gedu haluasa po ola silama, begelama subadi, tama agai te we bidi dolalubo suali. Tama agai Godibolo augwali dali wiegi yai se yao po hanalu wali. ⁴⁸ Tialima agai augwalibolo e tama po walali, "Genuai Bidigo nogi ugwaba saqo, te Israel dabe dena God dao. Agai eno aya Devit dali daq walali po wali palio. Devitgo homugo te Godigo be me deli senama, tama te we bidi te beba paba aselama, tama Genuai Bidi dago Godiba asomainao homu yali, te agaba lotu po weyu yainogo homu yali. Tiali goli Genuai Bidigo Devitbolo e tiwai po walali, 'Te ena we bidi Isip bulude odasa asalidu gagalasa aselama, megiba usu nagasali side, eno te Israel dabego eno nogi elalubo tem-

pel be me se emainogo te hanu me sa muai menio. Tama me ma, eno te bidi mego eno we bidi tonalumainogo sa me muai menio. Menio. Tiali goli megii da, eno hanu Jerusalem eno te we bidi augwali aselama, enaba lotu wagasiyu yabo pesage te sa mubao. Tama Devit nage eno we bidi tonalumainu sa mubao. Tama eno koneani, nago eno genuai tempel be me deli se yabo homu ebo suali, tama nago te homu yali te wiegi yai dao. ⁹ Tiali goli, naga digi eno be se enamo dao. Menio. Te naga ogwa mu mego eno te be se yaibao, te we bidi ena paba sisanagasabo madi, 'Genuai Bidigo te eno aya Devitbolo te po wali," Solomongo te po wai. [‡]

¹⁰ Solomongo po me weyu, te po wali, "Genuai Bidigo te po daq walai dao, tama megii da, te poba usu nagasali dao. Eno ena ayago pesage polo hasegelama sai dao, te ena aya Devitgo pesage sali, tama ena Israel dabego king bidibao, te Genuai Bidigo te po daq walali gilama. Tama eno Genuai Bidi dago Godigo tempel be se yani dao, te da Genuai Bidi aga pageba pelama lotu po weyu yabo gilama. ¹¹ Tama eno te Daq Wali Bomai Po Munalubo Halobage te be tomoba muai dao. Te halobage tomode te bomai po te we bidi dabe dali daq walama aseani te masigi si te halobage tomode munaluali, te Israel we bidi dabe dali daq walali po aseani masigi sawale si," Solomongo te po wali.

Solomongo gedu haluasa po wali

(1 Kin 8:22-53; Tib 132:8-10)

¹²⁻¹³ Te Israel we bidi gesabidide Solomon aga te Genuai Bidigo alta paba pali. Tama aga te augwaligo brasgo nigai saiba ugwaba doligi pali. Te sai te bidi sisinagasobo pesagede elaluali te alta sai pade. Te sai genuai usu da te 2 mita me 20 sentimita usu nama tama dao, tama te sai aga ugwaba bobobage da, te 1 mita me 30 sentimita usu nama dao. Tama tialima, te Israel we bidi tigidali gedude agai bogoli si sugunama, tama aga nogo ugwaba dodolama, ¹⁴ tama gedu haluasa po weyu e tiwai po wali. "Genuai Bidi, Israel dabego God, te dagalude me tade god nage tiwai me menio. Te dago deli homu kolesaga naga elama, nago gedude bugagia bilibaso da, teda nago naga daq walali po bugagia wali pelama, tama tigidali sogo nago da naga we bidi dali daq wali po wali peyu, tama tigidali sogo nago da godolo mu ebo dao. ¹⁵ Nago eno aya Devit dali polobadu daq wali po bugagia wali pai dao, te naga se bidi dali, tama megii da nago te daq wali po usu nagasali dao. ¹⁶ Tama megii da, Genuai Bidi, da Israel dabego God, eno nago eno aya Devit dali po me daq wali te po me kone palao homu ebao. Nago agabolo e tama po walai dao, 'Devit, te nago wai pulubago ena wali tigidali sogo peyu elama, tama eno gedude bugagia dolasa biliyu ebaso da, te nago ebo tiwai ebaso da, teda eno tigidali sogo nago hani bidide te Israel dabego king bidi pedalomainogo iyu yaibao,' wali. ^{††17} Tama tialima Genuai Bidi, Israel dabego God, eno

† 5:11-13 1 Sto 16:34; 2 Sto 7:3; Esr 3:11; Tib 100:5; 106:1; 107:1; 116:1; 136:1; Jer 33:11 †† 5:14 Sai 40:34-35

‡ 6:9 2 Sml 7:1-13; 1 Sto 17:1-12 †† 6:16 1 Kin 2:4

homugo nago naga sę bidi Devit dali wali te po usuna homu ebao."

¹⁸ "Tiali goli God, nage te da tęde we bidi dali bidaga-sainu ebo te mu da, agawe? Dagalude te genuai bulu mu dao. Tiali goli nage tede bidabo usu meni yali bogo. Tama tialima, eno te sę yani bego nage mena tama til-ama usu egowe? ¹⁹ Tiali goli, Genuai Bidi, eno God, eno homugo nago eno hanalubo po me eno gedu haluasa po wabo odao homu ebao, ena naga sę bidi, nago eno nagebolo hanalubo tiwai yao. ²⁰ Magi baso meni. Nago e be te naga be tiwai pedalomainu po daę walai dao, tama te we bidi augwali teba sisinagasiyu emainao. Tama eno homugo nago tigidali sogo te beba tonalumi ebao, te hulide me ulade me. Tama tialima, eno me eno te beba tonaluyu gedu haluasa po wabo si da, teda nago eno gedu haluasa po wabo odaibao. ²¹ Nage Genuai Bidi, nage naga bulu dagalude bidibao. Tiali goli eno homugo te ena me te Israel dabe te naga we bidi, dago nago te beba tonaluyu, gedu haluasa po wabo si da, teda nago dago gedu haluasa po wabo odama, tama nago dago sęę sela sayao."

²² "Tialima bidi me deligo gasa bidi dali dwai sę yaibasio, tama augwali nago te beba te alta pęba pelama, tama nagebolo 'Te eno dwai sę eyu da, teda nago ena dolao,' po hanalubaso da, ²³ teda Genuai Bidi nage ugwa dagalude bidiyu, tama nago augwaligo gedu haluasa po wabo odama tama augwaligo po tu ebo odao. Tama nago te dwai sę yali bidi dene mao. Tama nago te dwai sę isęwai bidi nago aga wiegi yai sę ilao. Teda te bidi dabebolo agai dwai sę ebeo olama ola mayu tama tiao."

²⁴ "Tama tialima, da Israel dabe naga we bidi dabe dago te boi bidi dabe dali hwęgi pabode augwaligo da aiyaba elalumainu ebo da, te magi baso meni, dago nageba dago sęę sabo sę yalio, tiali goli da nosali homu begelama, tama nage dologoba bidagaselama, tama nago te beba bidagaselama gedu haluasa po weyu nageba hanaluyu, dago sęę sela sayao po obaso da, ²⁵ teda Genuai Bidi, eno homugo nage dagalude bidiyu, tama nago da nago we bidigo gedu haluasa po wabo odama, dago sęę sela sayao. Tama me ma, te boi bidi dabego da gasa kantriba odasa paibaso da, teda nago da te e tęba ma odasa asao, te nago polobadu dago węj dabebolo mani tęba."

²⁶ "Tama tialima, da naga we bidi dabe dago nageba sęę saibaso da, tama nago te sęę wei ponoyu tubage paliai baso, tama nosali dago homu begelama, tama nage dologode bidiyu, tama dago te beba tonaluyu, gedu haluasa po obaso da, ²⁷ teda, Genuai Bidi, nage dagalude bidiyu tama nago da Israel dabe naga we bidigo sęę sela sayao. Tama nago da te wiegi yai kolesaga wali pomainu ola mao. Tama nago tubage te da naga we bidi dena tę tiwai dabolo mani tęba tulubage ma mao."

²⁸ "Tialima genuai nasi dago kantride pedalobaso, o genuai gasi me deli pedalobaso, o te genuai bomai

wali me pedalama, tama gide nai dabe gasi selama dolobaso, o te kuli mano dabe hauwa mu elama tama te nai dabe dolobaso, ma te boi bidi dabe aselama, tama da dena taun dabe tomoba bagua sagasobaso, o te haniani gasi dabego da dolagasobaso, ²⁹ tama tialima te sogo da Israel dabe naga we bidi dabego te sęę agade pedelali dao homu elama, tama agai nago te beba gedu tonama, tama agai nogo ugwaba selama, tama nageba gedu haluasa po obaso da, ³⁰ teda, Genuai Bidi, nage nago bulu dagalude bidiyu, tama nago agai gedu haluasa po wabo odama, tama nago aga tau sao. Nago deligo naga bidigo ebo homu kolesaga konebo dao, tama tiyu nago tigidali deli deli bidigo ebo kolesaga dagalama, tama nago augwaligo yali kolesagaba usu nama pe wei mawaibao. ³¹ Tialima nago tama tiyu da, teda da nago we bidi nage dologode bidama, tama nago godolo ebo kolesaga wali paibao, te tigidali sogo da nago te dago węj dabebolo mani te tęde bidiyu tama tiaibao."

³² "Tialima, te gasa kantri bidi dabego nago genuai nogi koneama, tama me genuai sę dabe nago naga we bidi da tau siyu yali sę koneyu elama, tama augwali me deligo nageba lotu po wainogo aga bulu tagalama, te be pęba aselama, nageba gedu haluasa po wainu ebaso da, ³³ teda, Genuai Bidi, nage naga bulu dagalude bidiyu, tama agai gedu haluasa po wabo odama, tama nago agai nagebolo mena nai me hanalu obaso tau sao. Tama tiyu da, te tigidali gasa kantri we bidi nage koneama, tama nage dologode naga bidimainao, te da Israel dabe naga we bidi dago ebo tiwai emainao. Tama augwaligo koneaibao, eno te sę yani be te naga be mu dao homu yaibao. Tama te pesagede te we bidi augwali teba pęba aselama, tama nageba lotu po wagasiyu emainao."

³⁴ "Tama tialima, naga we bidi da gasa bulu meba hwęgi pomainu tagala palobode, tama dago te sa muani te hanuba tonama, eno nago te be sę yani teba tonaluyu, dago gedu haluasa po obaso da, ³⁵ teda, Genuai Bidi, nage dagalude bidiyu, tama dago gedu haluasa po wabo odama, tama nago da hobede elama, tama nago da tau sao."

³⁶ "Te tigidali we bidigo sęę sabo sę ebo dao. Tama tialima, dago nage dali sęę sabo sę eyu da, tama nago da dali wado elama, tama nago boi bidi dabego da dali hwęgaselama da aiyaba elaluama, tama da kalabus elama, da digibulu o pęde elalubo kantri dabeba pomainu sula tagaliyu, ³⁷⁻³⁹ tama da te kantri dabede kalabuside bidiyu, dago dena yali dwai sę dabede homu sęę hauwa kua pelama, tama dago homu begebaso da, teda, Genuai Bidi, nago dago gedu haluasa po wabo odao. Mu tama, te da te boi bidi dabego kantride bidiyu, tama dago nageba homu bomo elama daę olama tama nage deliba naga homu kone elama tama homu mu begelama, tama dago nago dago węj nęj dabebolo mani te tęba tonama, me nago sa muani te hanude te nago sa muani madi te sę yani nago te beba, te we bidi nage pageba pęba asomainu yali teba tonama, tama tialima dago gedu haluasa po

weyu te e tiwai po obaso da, 'Hobede mu dao, da dwai se eyu bilai dao, tama dago haniani dwai kolesaga hauwa mu yalio,' obaso da, teda nage naga bulu dagalude bidiyu, tama dago gedu haluasa po wabo odama, tama nago da hobede elama tama nago da tau sao. Tama nago da naga we bidigo sege sela sayao."

⁴⁰ "O eno God, eno homugo tigidali sogo nage pade tede bidiyu, tama nago dago gedu haluasa po wabo wei ponainogo nage pade bididua, te nago be elalubo madi. ⁴¹ God, Genuai Bidi, nage naga Daq Wali Bomai Po Munalubo Halobage dali aselama, tama naga toma tubo digi duyagasao. Te halobage te genuai bomai nago daj me deli dao. God, Genuai Bidi, nago naga pris bidi dabe hobede elama, tigidali sogo nago augwali ma oda sao. Tama nago te kolesaga augwaligo au dodobage tiwai elalumainao. Tama naga we bidigo nago wiegi yai kolesagade wiegi yai homu pemene emainao. ⁴² Genuai Bidi, nago naga se bidi Devit kone palao. Tigidali sogo nago aga godolo mu yai dao. Tama tialima, nago naga digi sa muani te king tudiba togolama tagalamo dao," Solomongo te tiwai gedu haluasa po wali. †

Solomongo te tempel be te Godigo be mu pedalo-mainogo ofa yali

(1 Kin 8:62-66)

7 Te Solomongo gedu haluasa po ola silibo si da, teda Godigo dagaludu isi tagala palama, tama te isigo mu dela silibo ofa sese tama dela siliyu, me te gasa meba ofa yali dabe sese tama dela silali. Tama Genuai Bidigo ula genuai mu elama, tama aga te be ulago pagana sali. ^{†2} Godigo te genuai ulago te be pagana sobaso, tama te pris bidi dabe te be tomoba pabo usu me ebe. ³ Te Israel dabe augwaligo te isi dubo suyu, me augwaligo Godigo ula genuai mu aga te be tomode ebo suali, tama augwaligo bogoli suganama, tama augwaligo tobolu te masigi augwaligo Genuai Bidigo be tomo badu daj elama wasilali masigiba tobolu munama, tama augwaligo agaba lotu po weyu, tama Genuai Bidigo nogi ugwaba siyu e tiwai po wali, "Genuai Bidi aga da dali wiegi yai mu ebo dao. Agai da godolo mu ebo kolesaga te sesemane sogo elalua paibao," wali. ⁴ Solomon me te we bidi augwaligo gasa me badu ofa dabe Genuai Bidiba yali. ⁵ King Solomongo te omai kau kibu te 22,000 sesiyu, me 120,000 sipsip kibu sesiyu elama ofa yali. King aga we bidi dabe dali augwaligo te ofa yali te be te Godigo be dolo mu dao olama sa muyu, te ofa yali. ⁶ Te pris dabe u badu dolaluyu me Livai dabe me e badu dolaluyu yali, te king Devitgo te musik elebo nai niga mani te nai dabe dali dolaluali. Polobadu Devitgo Genuai Bidigo nogi ugwaba sainogo da, te Livai dabe augwaligo musik omainogo te nai dabe eliyu yai dao. Tama Genuai Bidibolo buba hwi wabo teabi po weyu yai dao. Augwaligo te teabi po augwaligo te e tiwai nogi ebo te

† 6:42 Tib 132:8-10 †† 7:1 Prs 9:23-24 ‡ 7:3 1 Sto 16:34; 2 Sto 5:13; Esr 3:11; Tib 100:5; 106:1; 107:1; 118:1; 136:1; Jer 33:11

teabi po weyu yali, "Genuai Bidigo da godolo mu ebo kolesaga te sesemane sogo elalua paibao," te wabo teabi po wali. Tialima megi da, te we bidi dabe dolalubadi tama te Livai dabego te teabi po obadi te pris dabego biugel bu wali.

⁷ Tama te sogo bubugade naga, te Solomongo te bidi sisinagasobo pesage te Genuai Bidigo tempel be gesabidi badu sa muani, tama te tq pedai te Genuai Bidigo tq mu pedelali. Tama te tq pedaide agai te isigo mu dela silibo ofa, me te wit ulubo ofa, me te ofa ebo hasa dabego ili dabe te God dali deli haliga yainu ulubo ofa dabe tama yali. Augwaligo te ofa dabe te tqde ulali, magi baso meni, te pesage te genuai mu tama alta bras te dwasianu mu, tama augwaligo te alta daide ofa yabo usu meni yai.

⁸⁻⁹ Tama te sogo Solomon aga te Israel dabe dali augwali te Jerusalemba te nogo a naga olama me badu nogo si, te tama 7 sogo te Osogo Bidabo Bede Bidibo Genuai Sogo augwali tede sisinama bidali. Te genuai we bidi hauwa augwali te tigidali kantri badu asali. Te not badu te hanu Hamatba pabo sunumidu daj elama, tama u badu te saut badu te kantri Isip usu nama tama asali. Te 7 sogo ma sisinama bidai dao, te alta te Godigo nai mu dao olama sa muainogo. Augwali te 14 sogo sisinama bidali. Tama te sogo nosali augwali deliba genuai mu ma sisinani. ¹⁰ Tama te namba 7 poluago 23 deide Solomongo Israel dabe augwali augwalubuluba ma pepelamainu tagala palali. Tama augwali ma pepelabo sogo augwali wiegi yai homu pemene mu yali. Magi baso meni, augwaligo Genuai Bidigo tigidali wiegi yai se Devit dali iyu, me Solomon dali iyu, me Israel we bidi dabe dali iyu yaibaso, te aga we bidi dabe dali.

God Solomonba ma pedelali

(1 Kin 9:1-9)

¹¹ Te king Solomongo Genuai Bidigo tempel be se eyu, me aga be se eyu ela silali. Agai te be side yaibao homu yali te nai dabe sese tama se ela silali. ¹² Tama Genuai Bidi agaba hulide pedelama, e tiwai po walali, "Eno nago gedu haluasa po wali polo odalio. Tama eno te pesage te bidi dabe teba aselama enaba ofa yagasabo pesage sa muani. ¹³⁻¹⁴ Tiali goli dagego eno po sela sanama tama sege siyu eyu da, teda eno tulubage palibawe o kuli mano dabe tagala palama, dagego gide nai dabe tuagasomainu yaibao, o eno gasi dwai me dage eno hani we bidiba tagala palaibao. Tama te sogo tialima dage eno we bidi sa muani we bidi dagego duga yali dwai se dabe kone palama, hobede elama, tama dage ena pageba aselama, gedu haluasa po wagasiyu, tama dagego te yali dwai kolesaga tagaliyu da, teda ena dagalude bidiyu, dagego gedu haluasa po wabo odama, dagego sege sela sayu me dagego tq wiegi yai ma iliyu yaibao. ¹⁵ Tigidali sogo eno dagego te eno be elalubo pesagede gedu haluasa po wabo odainogo no munaluaibao. ¹⁶ Magi baso meni. Eno te be sa munama, tama te be ena be mu pedelama elaluaibao. Tama tigidali sogo we bidi eno

te be p̄aba aselama, enaba lotu po wagasiyu emainao. Tama tigidali sogo eno te beba tonaluyu yaibao, tama teba homu kone iyu yaibao. ¹⁷ Tiali goli Solomon nage eno gedude dolasa bilao, tama eno bomai po sese bugagia wali pao, tama nagebolo eno yao wabo s̄e sese tama yao, te naga aya Devitgo yali tiwai yao.

¹⁸ Tialima nago te tama tiali da, teda eno nago aya Devit dali daɣ wali te bomai po wali paibao. Eno agabolo e tiwai po wai dao, 'Devit, tigidali sogo eno naga hani t̄de naga king bidi pedalomainu ilama, tama te Israel dabe tonalumainu yaibao.' Eno aga dali te po daɣ wali." †

¹⁹ "Tiali goli dage Israel dabego eno bomai po me eno gasa po dabe wali pis̄ama, dagego tibo godiba lotu po olama wali peyu ebaso da, ²⁰ teda eno dagebolo mani te t̄de sela s̄awaibao. Tama eno te ena be dao wali te be tudiba ola menama, tama eno te be homugo kone me egobeo. Tama gasa bidi hanigo te be posobo po olama, dolama tagalaibao. ²¹ Tialima megida, te be te genuai nogi te elalubao. Tiali goli dagego ena tagaliyu da, teda te be dolaibao. Tama te bidi dabe augwali te pesagedu asiyu augwaligo sulama, augwali noma saibao. Tama augwaligo hanalu waibao, 'Magi baso Genuai Bidi te bulu dali, te be dali si dolaliwe?' po waibao. ²² Tama meba we bidigo augwalibolo te po walaibao, 'Te po page da, e dao. Te Israel dabe augwaligo augwa w̄aj̄ n̄oɣgo God tagalai dao. Polobadu agai augwali Isip bulude oda selama, tama augwali te buluba odasa asai dao. Tiali goli augwaligo God mu tagalama, tama augwaligo tibo god dabeba begelama, te god dabeba lotu po weyu yali. Te tama tialima, Genuai Bidigo te genuai s̄eɣe augwaliba pedelemainu ilai dao,' te Israel hani is̄awai we bidigo te po waibao," Godigo Solomonbolo te po wali.

Solomongo yali s̄e dabe meba

(1 Kin 9:10-28)

8 Te Solomon aga s̄e bidi dabe dali augwaligo Genuai Bidigo tempel be s̄e ela silama, tama nosali Solomon aga be mu s̄e yani. Te s̄e dabe sese tama augwaligo kibu be bidi sese deli, te 20 kibu be tama augwaligo te s̄e yali. ² Tama Solomongo te be side s̄e silibo si, teda agai te king Hiramgo agabolo mani te hanu dabe geselebo s̄e ma yali. Tama agai te Israel dabe meba te hanude bidimainu tagala palali. ³ Tama megida aga ami bidi dabe selama, augwali te hanu Hamatba me Sobaba hw̄jgi pelama, augwali aiyaba elaluama, te hanu si sali. ⁴ Tama agai hanu me te wa pai bulu Tatmorde me geselali. Tama te hanu te distrik Hamatde agai bakstua dabe elaluali. ⁵ Tama me Solomongo hanu Bethoron Ugwadu geseliyu, me hanu Bethoron Aiyadu geseliyu yali. Agai bomai obo te hanu si bagulama yali. Tama me agai ain ba te hanu si-ba pabo sunumi palibo nai geselali. ⁶ Tama agai hanu Balat me geselali, me agai bakstua dabe elalubo madi me geselali, tama me agai boi hw̄jabo karis dabe muabo hanu dabe me geselali, me te hos kibu tagal-

† 7:18 1 Kin 2:4

abo hanu dabe me geselali. Tama agai meba nai dabe Jerusalem geselainu homu yali nai dabe geselali, te Lebanon me te agai tonalubo bulude dabe ela silali.

⁷ Te kantri Israelde te gasa bulu we bidi me bidali. Te augwali te Hit hani, me Amor hani, me Peres hani, me Hivi hani, me Jebus hani augwali dao. ⁸ Polobadu mu te Israel dabe augwaligo augwali hani te hauwa mu elai dao. Tiali goli augwaligo augwali mu silai menio. Tialima Solomongo augwali selama, tama augwali aga olo s̄e bidi dabe nigilali. Tama megida me augwali olo s̄e ebo bidi dabe bidibao. ¹⁹ Tiali goli Israel hani mude Solomongo te bidi me selama, agai olo s̄e ebo bidi me nigilibeo. Mu menio. Agai augwali te aga ami s̄e dabe me ofisa s̄e dabe somainogo sula tagalali. Tama mebagote karisde dualama te hw̄jgi pabo te tonalubo ofisa bidi nigiyu, meba te hos kibude dualama hw̄jgi pabo ami bidi dabe tonalubo ofisa bidi nigiyu tama yali. ¹⁰ Te bidi dabe tonalubo bos bidi dabe te 250 bidi tama bidi dabe elaluali.

¹¹ Solomongo Isip king bidigo wegida sai dao. Tama agai te we te Devitgo hanude bidali. Tiali goli Solomongo te po wali, "Eno we te Devitgo bede bidamo dao," po wali, "te Israel dabego kingo bede. Magi baso meni, polobadu Godigo Daɣ Wali Bomai Po Munalubo Halobage te pesagede munaluai da weyu. Tama te halobage munaluali pesage te habu selai mu elaluai dao," te po wali. Tama tibaso, Solomongo aga wego gesi be me s̄enama, tama aga te we te beba odasa pelama, tama aga te beba bidigi pali.

¹² Te Solomon aga te Genuai Bidigo tempel be elalubo pesageba pelama, tama agai te alta elaluboba pelama,, tama agai tede te isigo mu dela silibo ofa igi peyu yali. ¹³ Agai te ofa tigidali sogo mu iyu iduali, te Mosesgo wali gilama tiali. Tama me agai te Sabat side dabe me ofa iyu, me te genuai sogo dabe me ofa iyu, me gesi polua nanobo side me ofa iyu, me tigidali kibu bede sela sogo genuai side me ofa iyu yali. Te da te Yis Meni Yai Bret Ulubo Genuai Sogo, me Wiegi Yai Homu Ebo te Gide Nai Dabe Sabo Sogo, me te Osogo Bidabo Bede Bidibo Genuai Sogo me. ¹⁴ Solomongo aga aya Devitgo bomai po dabe me gasa po dabe wali pali, te Godigo s̄e bidigo po. Tama agai pris bidi dabe deli deli haniba dobayali, te s̄e tigidali sogo emainogo. Tama agai te Livai dabe te deli deli haniba dobayali, te pris dabe tau selama, te s̄e emainogo, tama me te Godigo nogi ugwaba sabo t̄eɣbi po me weyu emainu yali. Te Livai dabego augwalibolo emainu deli deli sogo sa muani s̄e naga ebo dao. Tama me Solomongo deli deli haniba bidi tonalubo bidi dobayali, te Genuai Bidigo tempel be sunumide tonaluyu emainogo yali. ¹⁵ Te pris dabe me Livai dabego Devitgo augwalibolo mena s̄e emainu wali po tigidali dolo tama wali peyu yali. Tama me augwaligo mone dabe mubo be tonalubo kolesaga dabe po ola mani me augwaligo wali pali.

†† Te "megida" wabo po page da, te augwaligo polobadu e buku as̄eani sogode obao. ‡ 8:13 Sai 23:14-17; 34:22-23; Nam 28:9-16; Bom 16:16

¹⁶ Te Genuai Bidigo tempel be sę eyu, Solomongo genuai sę mu yali. Hasia aga sę bidi dabego genuai masigi dabe dodobage dodolama elaluali. Augwaligo te sę ela pidubadi te gagaloboba usu nigi pali, tama te sę me ela pidubadi te be sę mu siligi pabo si tagalali. Megi da, Solomongo Genuai Bidigo tempel be sę mu siligi pali. Tama te be sawi yai mu pedelali.

¹⁷ Tama nosali Solomon te hanu Esiongeber me taun Elatba pali. Te hanu si te kantri Idomde elaluali, te tamu aḡ Retsi wabo te bulu nabis badu elaluali, te u badu Akababa polo badu. ¹⁸ Tama king Hiram te Tair bidigo aga sip meba dabe me wiegi yai boskru dabe selama, king Solomon bidibo madi tagala palali. Augwaligo Solomongo sę bidi dabe selama, kantri Ofirba odasa pali, tama tede dobu ebo sę eyu, gol hauwa selama, Solomon bidibo madi ma sesali. Te golgo sęęę te pađe 16 ton dao.

Te kantri Seba kwin wego Solomon suagasali

(1 Kin 10:1-13)

9 Te kantri Seba kwin we, te polalubo wego Solomongo genuai nogi elalubo po odali. Tama tialima, te kwingo Solomonbolo bidi me deligo wei ponabo usu isayabo hanalubo po hanalu wainogo asali, te Solomongo kolesaga usu sela suainogo. Kwingo Jerusalemba aga sę bidi dabe hauwa me kibu kamel sibi hauwa dali asali. Te kamel kibu dabego gol dabe hauwa mu tolasa asiyu, me wiegi yai denami ebo pauda dabe hauwa, me te genuai umabo monego abelabo wiegi yai masigi dabe dali sesali. Tama te kwin polo sabolagaselama, teda agai te bomai bidigo ponobo usu isawai po hanalu wainu kone palali po dabe Solomonbolo hanalu wali. ² Tama Solomongo agai hanalu wali po sese tama wei ponani. Te hanalu wali po Solomongo gededabo me meni yai elaluali. Mu meni. ³ Kwingo Solomongo kolesaga me homu kolesaga po odali, tama me agai te kingo sę yani be me suali. ⁴ Tama kwingo Solomongo wiegi yai tubo nai dabe tigidali be posobo sogo tubo suali. Tama me agai suali, ofisa bidi dabe Solomon dali dualama, Solomon dali nai tubo suali. Tama agai kingo sę bidi dabe suyu, me augwaligo gudubo au doado bage dabe me agai suali. Tama me agai te wain aḡ dobabo bidi dabe me augwaligo mubo au doado bage dabe me suali. Tama me agai te Solomon agai hani dali augwali Genuai Bidigo tempel be ugwa holiyu ebo wiegi yai kolesaga ebo me agai suali. Agai te wiegi yai sę dabe ebo sulama, tama aga noma guda pelama, tama aga po menia sali.

⁵ Tama nosali agai Solomonbolo e tama po wali, "Ena ena kantride bidiyu, nago ebo sę dabe po me nago wiegi yai homu kolesaga me kolesaga po eno odali. Tama eno megikoneani, te po te mu tama mu dao.

⁶ Hasia da eno te po mu dao homu yai menio. Tiali goli megikoneani, eno ena gedugo mu suali dao. Eno nage sulama, eno polo koneani, nago homu kolesaga me kolesaga te genuai mu dao, tama tego te gasa bidi dabego pedauwalidu odali po mu edelalio.

⁷ Te naga bidi dabe augwali tigidali sogo wiegi yai ho-

mu pemene iyu ebo dao. Tama me nage dali bidalubo te ofisa dabe augwali me tigidali sogo wiegi yai homu pemene ebo dao. Magi baso meni. Tigidali sogo augwaligo nago wiegi yai homu kolesagadu po augwaligo odobo dao. ⁸ Eno nago God Genuai Bidigo nogi ugwa-ba sobao. Agai nage dali wiegi yai homu nagame elama, tama agai nage aga we bidigo king bidimainu nigilali dao. Agai dage Israel dabe godolo genuai mu ebao. Tama agai homugo dage tigidali sogo bugagia bidimaina homu ebao. Tama tialima, agai nage king bidi sa muani dao, te naga te Israel dabe te wiegi yai doloba pai kolesagago tonalumainu te yali dao," te kwin wego Solomonbolo te po wali.

⁹ Tialima Seba we kwingo te doado bage dabe te Solomonbolo manani. Agai agabolo gol hauwa mu mani, tama te golgo sęęę te 4 ton edelai. Tama me kwingo te wiegi yai mu dila pai masigi dabe me wiegi yai denami ebo pauda dabe agabolo mani. Kwingo Solomonbolo te wiegi yai denami ebo pauda hauwa mu mani, te pauda dabe te wiegi yai mu elama, gasa meba pauda dabego denami mu edelai dao. †

¹⁰ Te king Hiram sę bidi dabe me king Solomongo sę bidi dabe augwali te kantri Ofirba pelama, te gol, me gasa wiegi yai nigo name, me wiegi yai dila pai au yabo masigi dabe sigi pabo sę iduali. Tama augwaligo Solomon pageba sesedu geani. ¹¹ Tialima Solomongo sę bidi dabebolo te ni name dabe selama, te Genuai Bidigo tempel be togobili me agai be togobili me geselao po wali. Tama me agai te ni name dabe selama, wiegi yai gita dabe me geselao po wali, te musik elebo bidi dabego nai dabe. Polobadu bidi dabego te kantri Judade augwaligo te tobage wiegi yai nai dabe me suai menio.

¹² Tama me king Solomongo Seba kantri kwin webolo agai wiegi yai nai dabe hauwa mu mani. Te kwingo homu usu ilabo mu tama mani. Tama te nai dabe te king Solomongo te kwin webolo mani te nai dabego kwingo Solomon mani nai dabe edelama mu mani. Tama tialima kwin aga sę bidi dabe dali augwali augwa kantriba ma pali.

Solomongo doado bage hauwa mu elaluali

(1 Kin 10:14-29)

¹³ Tigidali kibu bede Solomongo 23 ton sęęę gol sabo dao. ¹⁴ Tama me agai te haniani bisnis sę ebo bidi dabede agai takis mone sabo dao. Tama me te Arebia king dabego me Israel distrik polalubo kiap dabe agabolo gol dabe silva dabe mayu ebo dao.

¹⁵ Solomongo po obaso aga sę bidi dabego 200 wabi hwjbo sabele geselali. Tama augwaligo gol selama, te ni name ugwadu hagalu pali. Te deli deli sabelede ugwadu daganani golgo sęęę te 7 kilogram pađe yai gol mayu yali. ¹⁶ Tama augwaligo dwasianu hwjbo sabele te 300 geselali. Tama augwaligo gol selama, te sabele ugwadu daganabo gol me selama daganani. Te sabele dwasianude muani golgo sęęę te 4 kilogram sęęę pađe yai gol muani, te sabele deli deliba. Tama

† 9:9 Mat 12:42; Luk 11:31

Solomongo pode te sę bidi dabego te sabele dabe selama, tama augwaligo te wiegi yai be nogi augwaligo Lebanon Ni Sili Be wabo be tomoba muani.

¹⁷ Tama Solomongo pode augwaligo genuai sia king deli geselali. Augwaligo wiegi yai gol siyu, me elefan kibugo moni kele dabe siyu elama, te sia king au ilali. ¹⁸⁻¹⁹ Te sia king bobobage ugwanu mu geselali, tama augwaligo te sia saiba holabo togobili ni nogo a naga olama, me badu nogo deli podilali. Tama augwaligo te 12 hasa laiongo piksa nigilama, deli deli togobili ni podilali te nide dodolo pali. Te deli deli togobili ni dage badu si tama te laion piksa si si naga dodolo pali. Augwaligo me me badu muyu, me me badu muyu yali. Tama augwaligo dwasianu nai me deli te sia noma gagawai me geselali, te kingo aga saęa te daiba mu-mainu. Augwaligo gol selama muani, te nai mesega somainogo, tama augwaligo te sia king saęade ke-nani. Te sia kingde te nogo muabo pesage si elaluali. Te nogo si manobo te pesage side augwaligo hasa laiongo piksa nigilama muani, te si te me me badu muyu, me me badu muyu yali. Te gasa me badu bulu king dabego te tobage sia king mu meni yai.

²⁰ Te sę bidi dabe augwaligo gol selama, Solomongo aę tuabo kapu nigali. Tama me te be nogi Lebanon Ni Sili Bede elaluali nai dabe augwaligo wiegi yai golgo naga geselali. Te Solomongo silva hauwa mu elalubo sogo augwaligo te po weyu yali, te silva te olo nai dao po olama, augwaligo te silvago wiegi yai nai dabe me geseliyu me ebeo.

²¹ Te king Hiramgo boskru dabego Solomongo genuai sip te kantri Tarsisba sela peyu ebo dao. Te Solomongo te sip dabe tagala palobo sogo da, augwali kibu be sela mu biliyu ebo dao. Tama augwaligo gol dabe, me silva dabe, me elefan kibugo kele dabe, me haniani hasa monki dabe sela asiyu ebo dao. Tama nosali augwali ma biligi peyu ebo dao.

²² King Solomongo mone hauwa elaluyu, me haniani wiegi yai nai dabe hauwa mu elaluyu yali. Tama me agai wiegi yai homu kolesaga me kolesaga hauwa mu elaluali. Agai gasa tigidali kantri king dabe edelai mu elaluali. ²³ Te tigidali gasa kantri king dabego Solomon suagasiyu ebo dao. Te Godigo agabolo mani te wiegi yai homu kolesaga po odainogo asiyu yali. ²⁴ Tigidali kibu bede augwali asiyu, augwaligo Solomon olo ma-iabo presen dali sesiyu asobo dao. Augwaligo wiegi yai nai dabe bidi dabego golgo me silvago geselai wiegi yai nai dabe sesiyu, me wiegi yai ugwa dabe, me ene dabe tama sesiyu yali, tama me wiegi yai denami ebo pauda me hos me donki me sesiyu yali.

²⁵ Solomongo be habu dabe dwasianu hauwa mu geselai mu elaluali, te hos kibu dabe me hwjbo karis dabe muabo be habu. Te be habu dabe namba te 4,000 usu nama elaluali. Tama agai gasa 12,000 hos kibu meba elaluali, tama me badu aga dali Jerusalemde bidali, tama me badu te gasa meba hanu dabede tagalali, agai te augwali bidimainogo magi yali bulude tagalama tonalumainogo yali. †

† 9:25 1 Kin 4:26

²⁶ King Solomongo te tigidali kantri king bidi dabe tonaluali, te moni pabo aę nogi Yufretis gagalasa pelama, kantri Filistiadu pelama, kantri Isip daj usu nigali. ^{†27} Te Solomon aga king bidali sogo agai silva me wiegi yai ni bę hauwa te Jerusalembe sesali. Tama tiyu, te sogo silva hauwa mu elaluai dao, te olo masigi du tiwai elaluali. Tama te ni sida bę hauwa mu elaluali, te Israel bulu du dabede dwasianu olo ni elalubo tiwai elaluali. ^{‡28} Solomongo aga hos dabe te kantri Musride siyu, me gasa kantri dabede siyu yali. † †

Solomon isali

(1 Kin 11:41-43)

²⁹ Te Solomongo meba sę dabe yali po, te aga king pedelalidu gagalama, tama pelama, aga isaliba usu nagasali po te buku sela tomode asęna elalubao, te profet bidi Natango bukude, me profet Ahiya te taun Silo bidigo bukude, me Godigo profet Idobolo ola mani nai dabe po bukude elalubao. Te profet Idogo bukude te bidi Jeroboam te Nebatgo ogwago po me te elalubao. ³⁰ Solomon aga Jerusalemde bididubadi, aga king te kibu be 40 bidama, agai te Israel hani tigidali tonaluali. ³¹ Tialima aga isibaso, augwaligo aga te Jerusalemde pubulali, te augwaligo Devitgo Taun Dao wabo madi. Tama aga ogwa Rehoboamgo agai king sę sali, tama aga king pedelali.

King Rehoboamgo po dabe

(Daj 10-12)

Te u badu not badu Israel hani togwa pelama, Juda hani tagalali

(1 Kin 12:1-19)

10 Te not badu Israel we bidi augwali te taun Sekemba sisinagasali, te Rehoboam augwaligo king bidimainogo sa muainogo. ² Polobadu Nebatgo ogwa Jeroboam te king Solomonde wi pelama, Isipba polobadu bidigi pai. Tama Israel dagego te Rehoboam king nigilainogo ebo po odama, Jeroboam aga kantri Isip tagalama asali. ³ Tama Israel dabego bidi meba te Jeroboam odasa ma asomainu tagala palali. Tama aga polo asai digi da. Aga dali, te Israel dabe dali, augwali te Rehobobolo e tama po walainogo pali. ⁴ "Naga aya Solomongo dabolo genuai sęęę mu mawai dao, tama dago te tigi dene ebo bomai sę mu emainogo ilai dao. Tama tialima, dago homugo megı da nago da dali dua elama, tama dago meba sęęę dabe silaibao. Tialima nago te tama tiali da, teda da nage dologode bidaibao," te po wali.

⁵ King Rehoboamgo te po odama tama agai augwalibolo e tama po wali, "Dage sela sogo bidiyu pelama, dage ma asao, tama dagebolo eno homu kolesagade

†† 9:26 Gag 15:18; 1 Kin 4:21 ‡ 9:27 Bom 17:17 †† Te kantri nogi Musri da, te megı dago te gasa nogi te Isip wabo dao. †† 9:28 Bom 17:16

po pusa mawaibao," wali. Tialima augwaligo aga taga peyu pali. ⁶ Tama Rehoboam aga pelama, aga polo monu dabe ofisa bidi dabe dali po migi pali. Polobadu te bidi dabego aga aya Solomonbolo wiegi yai homu kolesaga mayu yai dao. Rehoboamgo e tama po hanalu wali, "Dagego homugo eno magi po mu te we bidibolo wei ponomainu yagawe?" ⁷ Tialima augwaligo aga e tama po walali, "Tialima nago augwaligo po wali pelama, wiegi yai kolesaga ola mayu, augwali dali wiegi yai po wali da, teda augwali nage dologode sesemane sogo bidaibao," wali.

⁸ Tiali goli Rehoboamgo te monu dabe ofisa dabego po sela şanama, tama agabolo homu kolesaga mabo gesi ofisa dabebolo hanalugi pali. Te bidi dabe te aga deli hai namu dabe tama aga dali genuai yai. ⁹ Tama agai augwalibolo e tama po walali, "Te we bidi augwaligo homugo eno ayago augwalibolo mani şeşę meba sela şamainu homu yali. Tiali goli dagego homugo dago augwaliba mena tama po te we bidibolo wagowe?" wali. ¹⁰ Tama te gesi bidi ofisa bidi dabe agabolo e tama po wei ponani, "Tialima nago te we bidi augwaligo te hanalu wali po wei ponama, naga ayago augwalibolo mani şeşę meba silimainogo da, teda nago augwalibolo e tama po walao, 'Dagego homugo eno ayago dage selai da, agawe? Menio. Te da olo nai dao. Eno dwasianu nogo danigo eno ayago bomo edelalio. ¹¹ Te mu dao, eno ayago dagebolo şeşę mawai dao. Tiali goli, eno da, dagebolo şeşę genuai mu mawaibao. Agai dage bjgo elai dao. Tiali goli eno bomai bj wip selama, dage geninama mu elaibao,' nago te po augwalibolo wao," te gesi bidi ofisa bidi dabego te po wali.

¹² Te sela sogo pela silibo si, te Jeroboam dali te Israel we bidi dabe dali augwaligo king Rehoboam suaşali, aga te po wali şilama tiali. ¹³⁻¹⁴ Tama te kingo te monu dabe ofisa bidi dabego po wali pabeo. Menio. Agai te gesi bidi ofisa dabego po wali pelama, tama agai bomai po mu te we bidibolo mani. Agai augwalibolo e tama po walali, "Te mu tama dao, ayago dagebolo şeşę mawai dao. Tiali goli eno da dagebolo genuai şeşę mu mawaibao. Agai dage bj wipgo elai dao. Tiali goli, eno da, bomai dila pai bj wip selama, dage geninama mu elaibao," te po wali. ¹⁵ God aga digi ebaso, te king Rehoboamgo te we bidigo homu kolesaga wali pabeo. Magi baso meni. Genuai Bidigo Jeroboamde daş wali po usu nagasainu tiali, te Nebatgo ogwade. Polobadu profet bidi Ahiya te Silo bidibolo te Genuai Bidigo te po te Jeroboambolo pusugi pomainu po ola mawai dao. ¹⁶ Tialima megi da, te we bidigo koneani, te kingo augwaligo po wali pogobe homu yali, tama augwaligo hai olama po weyu e tama po wali, "Da Devitgo hani dologode bidibo da mu hagela mu yalio. Da Devitgo hani bidi menio, tama da te Devitgo ogwa hani menio. Da Israel bidi dabe, da dena buluba ma pinao. Tama Devit hani dage duga digi duga ma tonaluişo." Augwaligo te po dabe ola silama, tama augwali augwa buluba tedela pali. ¹⁷ Tiali goli,

Israel hani dabe meba augwali te Juda distrik te Juda hani dali meba tede bidali. Te hani augwali naga te king Rehoboam dologode bidali.

¹⁸ Nosali king Rehoboamgo Adoniram te Israel dabe pageba tagala palali. Adoniram aga te kingo şeş ebo bidi dabe tonalubo bidi dao. Agai nogi me da te Hadoram dao. Tiali goli te Adoniram augwali bidiboba pedalobo si, te we bidigo masigi selama, enama, ela isilali. Rehoboamgo augwaligo te tama tiali po odama, tama polo tama aga aga karisba holama, tama aga Jerusalemba wi pali. ¹⁹ Te sogo tama gagalama, megi eba tama usu nagasalio, te Israel dabe te not badu bidali bidi dabe augwaligo homugo te Devitgo hani king bidigo dologode bidibo augwali hagela mu yali. Augwali hagoma homu elama tama tiali.

Profet Semaiaşo Godigo po pusali

(1 Kin 12:21-24)

11 Te Rehoboam aga Jerusalemba saboligi pelama, agai bomai Juda hani ami bidi me Benjamin hanigo bomai ami bidi dabe i olama sisinagaşali. Te ami bidi dabego namba te 180,000 usu nama asali. Rehoboamgo homugo augwali te Israel dabe dali te not badu hwjgi pomainao homu yali, tama augwali aga dologode ma bidimainu ilaibao homu yali.

² Tiali goli, Genuai Bidigo te profet Semaiaşolo e tama po walali, ³ "Nage king Rehoboam te Juda dabego king pageba, me Juda hani we bidi, me Benjamin hani we bidi pageba pelama, tama augwalibolo e tama po waligi pao. ⁴ 'Ena Genuai Bidi, eno po obao, dage duga ama dede dali hwjgi pelamo dao. Magi baso meni, eno ena digi ebaso, te Israel dabego dagede buga pelama, dage taga pali dao,' te po wao," Genuai Bidigo te po wai. Tialima Semaiaşo aga pelama, Genuai Bidigo po augwalibolo pusigi pali, tibaso augwali augwa buluba geasa ma pali, tama augwali Jeroboam dali hwjgi pabeo.

Rehoboamgo me badu taun obo daş walali

⁵ Te Rehoboam aga Jerusalemdede bidiyu, agai meba şeş bidi dabebolo te distrik Judade elalubo hanu bagulali masigigo nigai obo me badu bugagia daş walao po wali. ⁶ Augwaligo te obo daş walobo şeş ela bilali hanu dabe te e dao, Betlehem, Etam, me Tekoa, ⁷ me Betsur, me Soko, me Adulam, ⁸ me Get, me Maresa, me Sif, ⁹ me Adoraim, me Lakis, me Aşeka, ¹⁰ me Sora, me Aijalon, me Hebron dao. Te tama taun dabe te Juda hanigo tşde me Benjamin hani dabego tşde elaluali.

¹¹⁻¹² Augwaligo te obo dabe bugagia mu daş walali. Te hanu tomode dabede king Rehoboamgo te hanu tonalubo ami bidi dabe me badu sa munama tatagalo pali. Deli deli hanude ofisa bidi deli deli te ami hani deli dali tagaliyu yali. Tama me agai te hanu dabede agai hwjabo no munaluabo nai dabe hauwa munama elaluali. Agai tubo nai hauwa muyu, me ni oliv wel me hauwa muyu, me wain du dabe muyu, me hauwa me hwjabo awa me sesemone hauwa mu muyu yali. Agai te tama tialigo da, agai te hanu dabe bomai hanu mu

elalumainu ilama, tama aga Juda hani me Benjamin hani dabego king bidi bidali.

Te pris dabe me Livai dabe augwali Jerusalemba ma asali

¹³Te pris dabe me Livai dabe te Israel bulu badu tigi-dali augwali augwa bulu dabe taga solama, augwali Rehoboam dali bidagasali. ¹⁴Te tama tiali page da e dao. Jeroboam me aga tudi badu nosali pedelali king dabego augwali sela sɔnana, augwaligo te pris sɛ emainogo sula tagalobeo, te Genuai Bidigo sɛ emainogo. Tama tibaso, te pris bidi dabe me Livai dabe augwaligo augwa be dabe me tɔ dabe tagalama, augwali Jerusalemba me te Juda tɔ badu meba tɔba dabe bidigi peyu ela pali. ¹⁵Jeroboamgo augwali sese sela sɔna silama, tama aga digi aga gasa olo bidi dabe te pris sɛ te lotu wabo pesagede dabe tatagalo pali, te tibo god dabeba lotu wabo pesage dabede. Tama me te pris dabego te bulu hwa bidiba lotu wabo sɛ iyu, me kau kibu piksa omai siba lotu wabo sɛ iyu yali, te Jeroboamgo nigai piksa. ¹⁶Israel we bidi meba augwaligo God augwa Genuai Bidiba lotu wabo godolo naga yali. Tama tibaso augwali te pris bidi me Livai dabe wali augwa distrik taga soayu asali, te Jerusalemba te augwali te lotu po weyu, God augwa wɔj dabego Genuai Bidiba ofa iyu yainogo. ¹⁷Te we bidi augwali te distrik Judade bidiyu, te kantri bomai bulu mu pedelali. Tama te kibu be selade augwaligo te king Devit me king Solomongo yali wiegi yai kolesaga tiwai yali. Tama te tama tialigo da, king Rehoboam te bomai king pedelemainogo tau sali.

Rehoboamgo we hauwa bidiyu, me wai puluba hauwa elaluyu yali

¹⁸Te Rehoboamgo we Mahalat te Jerimotgo wegi sali. Jerimot aga te king Devitgo ogwa dabe me deli dao. Mahalat aga ida te Abihail dao. Tama Abihail aga aya te Eliap dao, te Jesigo ogwa. ¹⁹Mahalatgo ogwa sela ame nani, te bage selago nogi da te e tama dao, te Jeus ebadi, me Semaria ebadi, me Saham dao. ²⁰Nosali Rehoboamgo Maka sali, te Apsalomgo wegi. Tama Makago ogwa me si me si ame nani. Te bage augwaligo nogi da e tama dao, Abiya, me Atai, me Sisa, me Silomit dao. ²¹Rehoboamgo we 18 tama sali, tama agai i badu namba tu we dabe sibi hani te 60 we bidali. Tama te we sibi hanigo ogwa dabe 28 ame niyu, me 60 wegi mane ame niyu yali. Rehoboamgo we hauwa mu sali goli, agai Maka godolo genuai mu yali. ²²Tama tibaso, Rehoboamgo Makago ogwa Abiya aga isibode nosali king bidimainogo sa muani. Tama agai Abiya te aga ama solo tomode polalubo bidi muani. ²³Tiali goli, Rehoboam aga wiegi yai homu elaluyu, tama aga ogwa dabe aga te obo daɔ wawalo bilali te hanu dabe tonalua pomainogo sa muna muna pali, te Juda distrik me Benjamin distrikde tonalumainogo tama tiali. Tama agai augwalibolo tubo nai dabe

† 11:15 1 Kin 12:31

hauwa mu augwalibolo mani. Tama me agai augwaligo sabo we hauwa mu gegela mani.

Te Juda dabego dwai sɛ ebaso Godigo augwali dene mani

(1 Kin 14:22-28)

12 Te king Rehoboam aga bomai king pedelama, te kantri Juda bugagia tonalubo sogo da, teda aga dali aga we bidi dabe dali augwaligo Genuai Bidi-go bomai poba tudi ola mani. ²Tama te Rehoboam aga king bidibadi kibu be nogo a naga wabode, Sisak, te Isip king bidi, aga ami bidi dabe dali augwali aselama, Jerusalemba hwɔagasali. Te sɛ pedelali da, magi baso meni, Juda dabe augwaligo Genuai Bidigo po sela sɔnana hagoma ebaso tiai dao. ³King Sisak aga geninama ami bidi dabe dali mu asali, te bidigo nedabo usu meni yai. Tama me agai 1,200 hwɔbo karis elaluali, me 60,000 ami te hosde dualama hwɔabo ami dao. Te ami bidi dabe te kantri Isip bidi, meba te kantri Libia, me kantri Suki bidi, meba te kantri Sudan ami bidi dabe dao. ⁴Te ami bidi dabe augwaligo hwɔnana, augwali bomai obo yai hanu dabe sesa pali, te kantri Judade. Tama augwali Jerusalem pɔba sabolagasali.

⁵Te Juda dabego tobolu bidi dabe augwali Sisakde wi elama, wi solama, Jerusalemba Rehoboam dali bidagasali. Tama tialima, Godigo profet bidi aga nogi Semaiaga agai augwali sugi pelama, e tama po augwalibolo walali. "Genuai Bidigo e tama po wali, 'Dagego ena tudi ola mani, tama tibaso megi eno dage tudi ola mani dao, tama eno Sisakgo dage aiyaba elalumainogo yali dao,' Genuai Bidigo te po wali," te Semaiago te po wai. ⁶King dali aga tobolu bidi dabe dali, augwaligo te po odama, augwaligo e tama po wali, "Mu tama dao. Dago genuai sɛgɛ mu elalubao, tama Genuai Bidigo ebo kolesaga te dolo mu dao," te po wali.

⁷Te Genuai Bidigo augwaligo augwa digi augwa aiyaba mubo suali, tama agai gasa po me te profet Semaiabolo e tama po mani, "Eno augwaligo augwa digi augwa aiyaba ma elalubo sualio. Tama tialima, eno augwali dologobeo. Te Sisakgo te Jerusalemba hwɔgasobaso da, teda eno augwali mu dolomainogo egobeo. Mu tama, eno augwali dali sɛbɛ mu yai goli, eno Sisakgo te hanu Jerusalem mu dolomainu eno agai nogoba mugobeo. Menio. ⁸Eno Sisakgo augwali aiyaba elaluama, tama augwali agai sɛ bidi dabe pedalomainu yaibao. Tama te ebo kolesagago augwaligo koneaibao, augwali eno sɛ bidi bidibo kolesaga te wiegi yai dao waibao, tiali goli tɔde king bidi dabego sɛ bidi bidibo te kolesaga te dwai dao, te homu yaibao," Genuai Bidigo te po wai. ⁹Tialima te king Sisak aga ami bidi dabe dali augwali te Jerusalemba hwɔagasali. Tama augwaligo augwali aiyaba elaluama, tama augwaligo te Genuai Bidigo tempel bede me kingo bede wiegi wiegi yai nai dabe tigidali sali. Tama me augwaligo te Solomongo nigali sabele te golgo mesegelali te sabele dabe me sali. Tama augwaligo te nai dabe te Isip buluba selasa pali. ¹⁰Tiali goli te sɛ yai nosali

†† 12:9 1 Kin 10:16-17; 2 Sto 9:15-16

badu, te king Rehoboamgo aga sę bidi dabebolo olama, augwaligo te bras me ni name dabe selama, te hwjabo sabele dabe nigali, te Isip dabego te sela pali te sabele ni dage dabe hasegelama nigali. Tama ami ofisa bidi dabego te kingo be sunumi tonalubo bidi dabebolo mani, tama augwaligo te sabele ni dage dabe tonalubo sę yali. ¹¹ Tama te king aga Genuai Bidigo tempel beba painogo ebo sogo da, teda te tonalubo bidigo te sabele ni dabe selama, aga dali peyu ebo dao. Tama te king aga aga beba ma pabo sogo da, te tonalubo bidi dabego te sabele ni dage te wasman dabego be habuba ma sela peyu ebo dao. ¹² Genuai Bidigo king Rehoboamgo aga digi aga aiya-ba elaluama tama aga dologode bidibo suali. Tama me agai meba wiegi yai kolesaga te kantri Judade elalubo suali. Tama tibaso, augwali dali aga sębę me ebeo, te Rehoboam dali, tama agai aga mu dolama tagalobeo.

Rehoboam isali

(1 Kin 14:21-22; 14:29-31)

¹³ Rehoboam aga Jerusalemde bidiyu, aga bomai king mu pedelali. Aga te king pedelali sogo aga te kibu be 41 elaluali, tama aga king te 17 kibu be bidali. Aga Jerusalemde bidali, Genuai Bidigo te hanu te kantri Israel tomode mu sa muani. Te da te tigidali Israel dabe aga pąba sisinama lotu wagasiyu yabo pesage. Rehoboam aga ida te kantri Amon bulu we dao, te aga nogi te Nama dao. ¹⁴ Rehoboamgo dwai kolesaga Genuai Bidigo gedude yali. Magi baso meni, agai Genuai Bidigo homu kolesaga wali pabo homu ebeo.

¹⁵ Te king Rehoboamgo po dabe aga te king pedelali tedu gagalasa yali sę dabe te buku me augwaligo te profet Semaia me profet Ido sigo po bukude elalubao, te aga king pedelalidu isaliba sabolali po sese aseai te elalubao. Tama te bukude te kingo hani wajgo nogi lista nigai te elalubao. Te king Rehoboam me king Jeroboam Israel bidi si king bidali side da, augwali si sesemane sogo hwjyu yai dao. ¹⁶ Tama nosali Rehoboam isali, tama augwaligo aga te Devitgo hanude pubulali. Tama aga ogwa Abiyago agai pesage selama king pedelali.

King Abiyago po dabe

(Daj 13)

Te Juda dabe dali Israel dabe hwjali

(1 Kin 15:1-8)

13 Te Jeroboam aga te Israel dabego king bidali kibu be 18 wabode, Abiya te Juda dabego king bidi pedelali. ² Tama Abiya aga Jeruselemde kibu be sela king bidali. Aga ida te Mikaia, te bidi Uriel te hanu Gibeabidigo wegi dao.

Tama boi genuai mu te king Abiya me king Jeroboam si tomode yali. ³ Abiyago 400,000 bomai ami bidi selama, tama augwali Israel dabe dali hwjgi pali. Tama Jer-

oboamgo 800,000 bomai ami bidi sali, te augwali boi hwjbo mu konea pai bidi dabe mu, tama augwali Juda dabe dali hwjainogo asali. ⁴ Te king si augwa ami bidi dabe dali augwali te Efraim hanigo bulu duba sisinani, te boi hwjabo kegaluyu. Tama Abiya aga te bulu du te Semaraim bageba doligi pelama, hai olama, e tama po wali. "Jeroboam, nage dali dage Israel dabe, dagego eno po waboba olo bugagia munama odao. ⁵ Genuai Bidi, da genuai hani Israel dabego God, agai bomai kontrak mu te Devit dali me aga hani dali yai dao. Te kontrakde e tama po elalubao, 'Tigidali sogo Israel dabego king te Devitgo hanide naga pedaliyu emainao,' po wai dao. Dagego te po konebe, agawe?"

⁶ "Polobadu Jeroboam te Nebatgo ogwa aga king Solomongo sę bidi bidai. Tiali goli aga hagoma elama, tama aga dali boi bidi nigali, te aga king bidi dali.

⁷ Tama haniani dwai dwai kolesaga ebo bidi dabego Jeroboam dali age nama kisa selama bilali. Tama augwaligo Solomongo ogwa Rehoboamgo augwaligo homu kolesaga wali pomainogo bomu yali. Te sogo te Rehoboam aga gesi bidi mu, tama agai te kantri tonalubo kolesaga bugagia konesiama ebadi. Tama tialima, agai augwaligo po sela sayabo usu isawai.

⁸ Tama megi dage ami bidi dabe hauwa dali asiyu, me dagego te Jeroboamgo nigali te kau kibu noma te golgo nigali te duga god dabe tiwai nigali, te piksa dali asiyu ebao. Tama dagego hwjnama, Genuai Bidigo kantri aiyaba elaluainu ebao. Genuai Bidi aga digi Devitgo hani sa munama king pedalomainu elama, e kantri tonalumainu yai dao. ⁹ Tama me dagego Genuai Bidigo pris bidi dabe sela sawai dao. Augwali te Arongo hani dao, tama me dagego Livaigo hani sela sawai dao. Tama dagego duga haniani pris bidi duga digi sa muai dao, te gasa kantri we bidi dabego ebo kolesaga tiwai yali. Te bidi me deligo te kau kibu deli me sipsip kibu nogo a naga olama si sesebaso me tagalao, dagego aga dagego te tibo god dabego pris bidi bidimainu sa mubo dao."

¹⁰ "Tiali goli dago da, dena Genuai Bidi dena God wali pobao, tama dago agaba tudi me ola mabeo. Tama Arongo hani pris bidigo Genuai Bidigo sę ebo dao, tama Livai dabego augwali tau sabo dao. ¹¹ Te tigidali sogo kigamu me pio augwaligo isigo dela silibo ofa eyu, me augwaligo wiegi yai denami ebo pauda dabe ulama, Genuai Bidiba denami holiyu ebo dao. Tama augwaligo Godibolo te ofa tiwai mani te bret siyu ebo dao, tama augwaligo te bret te Godigo gedude doloba pai elalubo tebolba mugu peyu ebo dao. Tama tigidali sogo pio augwaligo lam sole udalobo dao, augwaligo te golgo nigali te lam ni dagede udaliyu ebo dao. Dago Genuai Bidi dena Godigo po wali pabo dao, tama te sę dabe tama ebo dao. Tiali goli dage da, menio, dagego aga tudiba mu ola manio. ¹² Tama megi da, dagego bugagia odao. God aga da te dago polalubo bidi dao. Tama agai pris bidi dabe da dali megi ede bidiyu, dage dali hwjainu biugel bu wabo e kegalubao. Dage Israel dabe, dago Genuai Bidi dago waj dabego God dali hwjbo tagalao. Dagego munu me ugwa ela hologob-

eo. Mu menio," te Juda dabego king Abiyago tama po wali.

¹³ Te Abiyago po odubadi, Jeroboamgo aga ami bidi dabe me badu Abiyago ami dabe tudi badu geme no pomainu tagala palali, te augwali no bagua somainu.

¹⁴ Tiali goli Abiyago ami bidi dabe begelama suali, te Israel dabe ami bidi, tama augwaligo koneani, te Israel dabego augwali bagua selama te boi gagalainu ebao homu yali. Tama tibaso, polo tama augwaligo Genuai Bidi augwa God i wali te augwali tau somainogo, tama te pris dabego biugel bu wali. ¹⁵ Tama te Juda dabego i hai bomo elama geninama mu wali. Tama augwaligo te hai wabo si, Godigo Jeroboam aga hani dali wi ilama, augwa wi pomainu ilali. ¹⁶ Te Juda dabego Israel dabe pobeasa pelama, tama Godigo Israel dabe Juda dabego dolomainu sula tagalali. ¹⁷ Tama Abiya aga hani ami bidi dabe augwaligo Israel dabe dolama mu elama isilali, tama augwaligo te 500,000 Israel dabego wiegi yai hani ami bidi dabe elama isilali. ¹⁸ Te Juda dabe augwaligo koneani, te Genuai Bidi augwa waj dabego God agai augwali hwjibode tau saibao homugo koneani. Tama tibaso augwaligo homu daju mu olama, bomo elama, augwaligo Israel dabe aiyaba elaluama, tama augwali mu dolali.

¹⁹ Tama tialima, Abiya aga hani ami bidi dabe dali augwaligo te Jeroboam aga ami bidi dabe dali pobeasa pali, tama augwaligo Israel dabego hanu sela sali. Augwaligo nogi te e dao, te hanu Betel, me Jesana, me Efron dao. Tama me augwaligo te hanu sela pade elaluali dwasianu bulu dabe me sese tama sali. ²⁰⁻²¹ Tama Abiya aga bomai king mu pedelali. Agai we 14 selama, tama augwaligo 22 ogwa ame nani, tama augwali wegi 16 ame nani. Tiali goli Jeroboam aga bomai king ma pedalobeo, te king Abiya isiboba usu nugasali. Tama nosali Genuai Bidigo Jeroboam dolama, tama aga isali. ²² King Abiyago meba se yali po te gasa buku me augwaligo te profet Idogo po buku wabo, te bukude elalubao. Te bukugo te Abiyago yali se po dabe me agai tigidali kolesaga po me pusai te elalubao.

King Asago po

(Daj 14-16)

Asa aga Juda dabego king pedelali

14 Te king Abiya isibo si, augwaligo aga king Devitgo taunde pubulali. Tama aga ogwa Asa te king pedelali. Te Asago te kantri Juda tonalubadi boi me hwjsamadi kibu be nogo si mu pali. ² Asago wiegi yai doloba pai kolesaga naga te Genuai Bidi aga God gedude yali. ³ Asago te bidi dabego gasa kantri bidi dabego tibo godiba lotu weyu yali te alta sai sela sayani. Tama me agai te tibo godiba lotu wabo pesage dolama, tama me agai te tibo godigo piksa elalubo masigi pos me togwa sayu, me agai te god we Asera-

go piksa elalubo te ni pos gelama tagalali. ⁴ Tama agai Juda dabebolo augwaligo augwa wajigo God Genuai Bidigo homu kolesaga wali pabo bomo elama piao po wali, tama agai bomai po tigidali wali peyu, agai po wali piago po wali. ⁵ Te Juda bulude tigidali taun dabede agai tigidali tibo godiba lotu wabo pesage sese sela sanama, tama agai te wiegi yai denami hano holobo ofa ulabo te alta dabe me sese tama dolama tagalali. Agai te kantri bugagia tonalubadi te boi me pedalobeo

⁶⁻⁷ Tialima Asago Juda dabebolo e tiwai po walali, "Dago meba taun bagulabo bomai obo meba elama, tama te obo ugwadu daide bobobage taua be geselinao, te ami bidi dabe tede bidiyu, te boi bidi dabe no bidiyu tonalubao. Tama me dago hanu sunumi dabe geseliyu, me te sunumi paliabo bomai ain ba geselinao. Megi da, da dena kantride wiagila te bidibao. Magi baso meni. Dago dena God dago Genuai Bidigo homu kolesaga wali bomo elama peyu ebao. Tama tialima, Genuai Bidigo dago kantri bugagia tonaluyu, tama tiyu dwai sege dago bulude me pedalobeo," Asago te po wai. Tama tialima, Asago se bidi dabe meba tagala palama, tama masigigo nigai bomai obo te meba taun dabe bagulama igi pali, te Juda bulude. Tama augwaligo te se dabe idubadi, te boi me hwjibeo. Magi baso meni. Genuai Bidigo boi bidi dabego augwaliba hwjagasomainu me sula tagalobeo. Tama tialima Juda dabego te yali se te wiegi yai mu yali. ⁸ King Asago ami bidi dabe te Juda hanigo bidi dabe te 300,000; Benjamin hani bidi agai ami tomode bidali bidi te 280,000 ami bidi tama bidali. Te Juda hani bidi dabego da, te ene sesemone dabe me hwjabo awa ni name dabe tolalubo dao. Tama te Benjamin bidi hanigo da, te hwjabo sabele ni name dage dabe me enesigi dabe dali tolalubo dao. Te bidi dabe augwali boma pelama, tama augwali hwjabo wiegi yai bage dao.

Genuai Bidigo Asago Sudan bage aiyaba elalumainu tau sali

⁹ Te Asa aga te Juda bulude king bidi bidibadi, te Sera te kantri Sudan bidigo aga ami bidi hauwa mu selama, tama kantri Judaba boi hwjainu asali. Te Serago ami bidi dabego namba te 1,000,000 dao, tama hwjabo karis te 300 tama elaluali. Augwali aselama, te taun Maresaba sabolagasali. ¹⁰ Augwali polo sabolagasai madi, king Asa aga ami bidi dabe dali hogodama, augwali hwjainu pali. Te Juda dabe augwali te taun Maresa paba saboligi pali, tama augwaligo te Serago ami bidi dabe augwaligo te odogo malu bulu te augwali nogi Sefata wabo bulude suali. Tama te ami bidi hani si tama dolaluyu boi hwjabo kegaluali. ¹¹ Tama tialima Asago Godibolo i weyu e tama po wali, "Genuai Bidi, nago koneani, eno ami hauwa menio, tama dago bomomenio. Tama te bidigo da ami hani hauwa mu dao. Tiali goli nago te bomomeni yai bidi dabe tau sabo dao, tama augwaligo te bomai bidi dabe aiyaba elalubo dao. Genuai Bidi, nage da te dago God dao. Da tau sao, magi baso meni, dago dena homu nageba megi mubao," Asago te po wai.

¹² Asago gedu haluasa po ola silama, tama aga ami bidi dabe dali augwali Sudan dabe dali boi hwjigi pali. Tama Genuai Bidigo Sudan dabe aiyaba elalubaso, te Sudan dabe augwali wi pali. ¹³ Tama tialima Asa aga ami bidi dabe dali augwaligo te bage pobeasa pelama, taun Gerarba usu nigi pali, tama ami bidi dabe hauwa mu elama isilali, tama te Sudan ami bidi dabego ma hwjabo usu meni yani. Genuai Bidigo aga ami bidi dabe tau sali, te Juda dabe dao, tama augwaligo augwali mu dolama, tama augwaligo te boide augwaligo nai dabe hauwa mu sali. ¹⁴ Tama Genuai Bidigo te taun Gerar augwali wi dwai mu emainu ilali. Tama tialima Asago ami bidi dabego te hanu dua mu sali, te taun dabede nai dabe hauwa mu te bulude elaluali, tama te Asago ami bidi dabego te doado bage hauwa mu selama selasa pali. ¹⁵ Tama me te bulude te sipsip kibu me donki kibu tonalubo bidi dabe dali hwjnama tama augwaligo sipsip kibu me donki hauwa selama, tama augwa Jerusalemba selasa pali.

King Asago Juda dabebolo augwa kolesaga dodolao po wali

15 Te sogo Godigo Spirit Mobo Bidi te Odetgo ogwa Asaria tigide bomo elama mu pedelali. ² Tama king Asa te Jerusalemba ma asobadi, te Asaria aga tiaba pelama, tama agabolo e tama po wali, "King Asa, me tigidali Juda dabe, me tigidali Benjamin hani, dagego odiào. Tialima dage Genuai Bidi dali pade mu bidiyu da, teda aga dage dali pade mu bidaibao. Ma, dagego aga gegebo se iyu da, teda dage aga paba mu asobo usu yaibao. Tiali goli, dagego aga tudi ola mayu da, teda agai dage tudi ola mawaibao. ³ Bobobage sogo mu te God Mu Israel dabe dali munu me bidai menio. Magi baso meni, augwaligo agaba tudi ola mobaso. Tama augwaligo Godigo po augwaliba ola maiabo pris bidi meni yai dao. Tama me augwaligo agai bomai po dabe wali me pai menio. ⁴ Tiali goli te genuai po sege dali me sege augwaliba pedalobo si, te Israel dabe augwali Genuai Bidi dago Godiba ma asai dao. Augwaligo aga gegebo se ebaso, agai augwali aga paba mu asomainu sula tagalai dao. ⁵ Te polobadu Israel dabe augwali God dali digibulu mu bidali sogo da, teda haniani dwai dwai kolesaga dabe pedelama, tama te tigidali kantride we bidi dabe bidibo page dolai dao. Tialima te bidi dabe augwali augwa bulu tagalama, tama augwali gasa buluba me painu ebadi, te dwai bidi dabego augwali elama, augwali doliyu yai dao. ⁶ Tama me te meba kantri dabego meba kantri aiyaba elaluainu boi hwjyu, me te meba taun dabego meba gasa taun dali boi hwjnama tama gasa taun dabe sainogo iyu yai dao. Te tama kolesaga dabe pedelai dao, magi baso meni, Godigo te tobage trabel te bulude pedelama tama augwalibolo sege momainu yai dao. ⁷ Tiali goli dagego wiegi yai se dabe ebo bomo elama iyao. Dage dili elama dolaluiào, tama Genuai Bidigo dagego se sulama, tama dage dali wiegi yai se yaibao," Asariago te po wali.

⁸ Te Asago te Odetgo ogwa Asariago te po wabo odali, tama te pogo agai homu kolesaga daq walali. Tama tialima agai te Juda hanigo tde me Benjamin hanigo tde agai te tibo god dabego piksa dabe sese sela sayani. Tama me aga te Efraim hanigo tde bulu du dabeba me agai te boide sali, te taun dabeba pelama, tama agai te tibo god dabego piksa sela sagi pali. Te god dabe te Genuai Bidigo gedude te dwai nai mu dao. Tama Asa agai te se bidi dabebolo olama, tama te Genuai Bidigo tempel bede elalubo alta bugagia dodolao po walali, te Genuai Bidigo tempel be gesabidi badu elalubo pesagede. ⁹ Te Efraim we bidi hauwa, me Manase we bidi hanigo, me Simeon hani dabe, augwali hauwago God Genuai Bidi Asa dali bidibo suali. Tama tibaso, te we bidi augwali kantri Israel tagalama, augwa Asa dali te kantri Judade saut badu bida-gasali. Tama tialima, Asago te we bidi dabe ebadi te Juda we bidi me Benjamin we bidi augwali deliba sisinagasao po walali.

¹⁰ Tama namba 3 poluade, te Asa aga 15 kibu be wabode aga king bidi bidibadi, te we bidi augwali te Jerusalemba sisinagasali. ¹¹ Tama augwali te sisinagasali sogo augwaligo te boi hwjbode sali te kau kibu 700 siyu me 7,000 sipsip kibu siyu elama, tama augwaligo kau kibu me te sipsip kibu augwaligo Genuai Bidiba ofa yali. ¹² Tama augwaligo bomai po deli daq waliyu te po wali, augwali tigidali sogo augwa waj dabego God, Genuai Bidi, aga dologode bidaibao po wali. Tama me augwaligo augwa homu kolesaga bomo elama aga wali peyu, me augwaligo homude me daq olama wali peyu yaibao po wali. ¹³ Tama augwaligo te po wali, te wego o bidigo te tama tisama yali da, teda augwaligo aga elama isilaibao po wali. Te bidi aga gesi bidi bidibadi me aga monu dabe yai digi me tagalao, te ela muyu naga yaibao. ¹⁴ Augwaligo te bomai po Genuai Bidigo nogide daq walali. Tama augwaligo hai olama, tama augwa biugel bu genuai wali. ¹⁵ Tama te kantri Juda we bidi augwaligo augwa te daq walali te bomai pode augwali wiegi yai homu pemene yali. Magi baso meni. Augwaligo homu kolesaga bomo mu elama Genuai Bidi wali pabo homu ebaso. Augwaligo Genuai Bidi gegabo homu bomo yai mu yali, tama Genuai Bidigo augwali aga paba asomainu sula tagalali. Tama agai augwaligo kantri bugagia tonaluyu, tama augwaliba sege me asomainu me sula tagalobeo.

¹⁶ Asago aga aua mosi Maka aga kingo ida se de namba elaluali sela sayani. Magi baso meni. Makago te tibo god we Asera piksa noma me deli nigai dao. Asago pode augwaligo te damua pai dwai piksa noma togolama, tama miminama, tama augwaligo sela pelama augwaligo te we Kidrongo odogo malu buluba isi ulugi pali. ¹⁷ Te mu tama, Asago te tibo godiba lotu wabo pesage sese dolama silibeo. Tiali goli tigidali sogo agai Genuai Bidi wali pabo dao, tama agai dwai se Genuai Bidigo gedude me ebeo. ¹⁸ Tama Asago aga ayago Godigo nai dao olama sa muani te nai dabe sese me silva me gol me haniani dis dabe me, te aga

digi Godigo dao olama sa muani te nai dabe sese selama, tama Godigo tempel be tomoba mugu pali.
¹⁹ Tama te sogo tama gagalama Asa aga kingde bidibadi 35 kibu be yali tomode te boi bidi augwali dali me hwjagasobeo.

Te Israel dabego Juda dabe dali boi hwjagasali
 (1 Kin 15:17-22)

16 Te Asa aga Juda dabego king bidibadi kibu be 36 wabode, Basa te Israel dabego king aga ami bidi dabe selama, tama augwali Juda dabe dali hwjainogo pali. Augwaligo taun Rama selama, tama augwaligo te hanu bagulali obo daꝓ walama iduali. Te we bidi te Juda buluba ugwa eda idali weyu te sunumi paliyu yali. ² Tama tialima Asago te Godigo tempel be tomode elalubo te mone mubo be tomoba pelama, tama silva me gol siyu, me aga digi kingo be tomoba pelama, te be habude elalubo nai dabe me siyu elama, tama Benhadat, te Siria king pageba tolali. Tama Asago king Benhadatbolo e tiwai po ola tolali, ³ "Eno homugo dadi si abagi si bidabo po daꝓ waibao, te polobadu dadi sigo aya sigo yali gilama. Tama tibaso eno te silva me gol dali si nagebolo te tolobao. Eno homugo nago te Israel dabego king Basa dali daꝓ wali po hꝓgia sayao. Tama agai aga ami dabe sela peyu eno tꝓ taga po-mainao," Asago te po ola tolali.

⁴ Te king Benhadatgo king Asago te po odali, tama agai agabolo usu dao po wali. Tama tialima agai aga ami ofisa bidi dabebolo augwa ami bidi dabe selama, augwali Israel dabe dali boi hwjigi pao po wali. Tama tialima augwali boi hwjigi pelama, tama augwaligo taun Ijon sobadi, me taun Dan sobadi, me taun Abel Betmak sobadi, te taun me nogi Abel Maim sali. Tama me augwaligo Naptali hanigo tꝓde taun dabe me sali. Te da te Israel dabego tubo nai dabe mubo hanu dabe dao. ⁵ Tama king Basago te Siria dabego Israel dabego taun dabeba hwjagasalio po odobo si, teda agai te Ramade iduali sꝓ tagalama, te obo silisama taga pali. ⁶ Tama tialima king Asago tigidali Juda bidi dabe asao po wali, tama augwaligo te taun Ramaba pelama, tama augwalibolo king Basago te obo sꝓ yainogo yali te masigi dabe me ni name dabe sigi pelama sela asao po wali. Tialima augwaligo te nai dabe sigi pelama, tama augwaligo hanu Mispa me hanu Geba siba sela pelama, tama augwaligo te hanu si obo daꝓ walali.

Profet Hananigo bomai po mu king Asabolo mani

⁷ Tama te sogo profet Hanani pelama, te king Asa sugi pelama, agabolo e tama po walali, "Nago homugo Siria king bidigo nage tau sabo bomu genuai elalubao homu elama, tama nago dago Genuai Bidi dena Godiba homu daꝓ wabeo, tama agabolo nage tau sao olama hanalubeo. Tama tialima, nago naga boi bidi dabe aiyaba me elalubeo, me te Siria ami bidi dabe me nago aiyaba me elalugobeo. ⁸ Nago koneani, polobadu te kantri Sudan me kantri Libia ami sigo nage dali boi hwjagasai dao. Augwaligo ami sibi hauwa mu elaluyu, me augwaligo karis hauwa elaluyu, me augwaligo ami

hani hauwa te hosde dualama boi hwjyu yai dao. Tiali goli te sogo nago Genuai Bidiba homu daꝓ olama, tama nago agabolo nage tau sao po hanalu wai dao. Tama Genuai Bidigo nagebolo bomu menama, tama nago augwali aiyaba elaluai dao. ⁹ Tigidali sogo Genuai Bidigo aga dologode elalubo bidi dabe naga bugagia tonalubo dao. Augwali menade tꝓ dabede bidibo me tagala. Agai augwali tau selama augwali bomu ilibo dao. Tiali goli nago Siria king bidibolo nage tau somainogo hanalu wali da, teda te dwai kolesaga mu dao. Tama tialima nage dali te Juda dabe dage bugagia dua me bidigobeo, menio. Tigidali sogo boi bidi dabego dage dali boi hwjagasiyu yaibao," wali. ¹⁰ Te profet Hananigo te wali pogo king Asa sꝓbꝓ dwai mu ilali. Tama agai pode augwaligo Hanani kalabusiba muani, tama agai saꝓa ni namego daꝓ walali. Tama te sogo naga Asago bomonama dwai sꝓ te Juda we bidi meba dali yali.

King Asa isali
 (1 Kin 15:23-24)

¹¹ King Asago yali sꝓ dabe tigidali te po dabe te aga king pedelalidu gagalasa aga isaliba saboluyu yali sꝓ po dabe, te buku augwali Juda Dabego King Dabego Po Buku wabo, me Israel Dabe Kingo Po Buku wabo, tede aseai dao. ¹² Asa aga king bidibadi kibu be 39 wabode, gasi dwai me agai saꝓade pedelali. Tiali goli Asa agai Genuai Bidibolo aga tau somainu hanalubeo. Menio. Agai te dokta dabebolo naga hanalu wali. ¹³ Tama Asa aga king bidibadi kibu be 41 wabode aga isali. ¹⁴ Tama tialima, augwaligo aga te augwaligo Devitgo Taun wabo tede pubulali, te masigi dudulawe tomode, aga digi te bidi dabebolo dogao po polo wai madigi. Te bidi dabego te wiegi yai denami ebo pauda me wel si taluama, tama augwaligo te pauda te dedage tomode bet me tomode muai tede gelali. Tama augwaligo kingo tigi te bet saiba ugwaba muani. Tama augwaligo aga hobede ebaso tama augwaligo agai genuai nogi konealuainogo, tama augwaligo genuai isi mu no-goani.

King Jehosafatgo po

(Daj 17-20)

Jehosafat aga Juda dabego king pedelali

17 Te Jehosafat aga aya Asago pesage selama, tama aga Juda dabego king pedelali. Tama agai aga ami dabe bomu ilama daꝓ olama bomu mu ilali. Tama tibaso, te Israel dabe augwaliba boi hwjagasabo usu meni yani. ² Agai aga ami bidi dabe te bomai obo elalubo taun dabede tagaliyu, me te kantride tigidali buluba dabe tatagalo bilali. Tama agai te ami dabe meba te Efraim hanigo taun dabede tagalali, te aga aya Asago te boide sali te taun dabe. ³ Tama Jehosafatgo aga waj Devit hasia king pedelali sogo yali wiegi yai

sę tiwai yali. Tama Jehosafat agai tibo god Balba lotu po me wayu ebeo. Tama tibaso Genuai Bidi aga dali bidiyu aga tau sali. ⁴ Jehosafatgo aga ayago God wali pelama, tama me agai aga Godigo bomai po sese tama bugagia wali pali, tama agai te Israel dabego king dabego ebo dwai kolesaga tiwai me ebeo. ⁵ Tama Genuai Bidigo Jehosafat aga bomai king mu pedalo-mainu elama, tama agai kantri Juda tonaluali. Tama tigidali we bidigo agabolo doado bage dabe magasali. Tama tiyu, agai mone me nai dabe hauwa elaluyu, tama Juda dabego gedude agai genuai nogi mu elaluali. ⁶ Jehosafat aga Genuai Bidi wali pabo bomo elama mu yali. Tama aga te tigidali Juda kantri tų pedai badu sese tama biligi pali, tama agai te tibo god dabeba lotu wabo pesage doliyu, me god we Aserago piksa no-ma me doliyu yali.

⁷⁹ Te Jehosafat aga king bidibadi kibu be sela wabode, agai aga genuai bidi dabe meba e badi, Livai dabe meba ebadi, pris bidi si ebadi agai Juda tų tigidali badu tagala palali. Agai augwalibolo Godigo tigidali bomai po dabe elalubo buku sese selasa tigidali taun dabeba pelama, tigidali we bidibolo te bomai po skul ola memena biligi pao po wali. Te genuai bidi dabego nogi e dao, Benhail, me Obadia, me Sekaraia, me Netanel, me Mikaia dao. Tama te Livai dabego nogi da e dao, Semaia, me Netania, me Sebadaia, me Asahel, me Semiramot, me Jehonatan, me Adoniya, me Tobia, me Tobadonia dao, tama pris bidi sigo nogi e dao, Elisama me Jehoram dao.

Jehosafat aga bomai king bidali

¹⁰ Te Jehosafat aga king bidibadi Genuai Bidigo te Juda bulu pąde elalubo kantri king bidi dabe me tobolu bidi dabe augwali Jehosafatde wi dwai mu emainogo ilali. Tama tibaso augwaligo aga dali boi me hwjagasobeo. ¹¹ Tama te Filistia dabe mebago takis abelainogo agabolo silva dabe meba sesali, tama me augwaligo Jehosafatbolo meba doado bage dabe sesali. Tama me te Arebia dabego me agabolo 7,700 sipsip kibu me 7,700 meme kibu omai dabe te Jehosafatbolo magasali. ¹² Tama Jehosafat aga bomai king mu genuai mu me pedaludali, tama agai Juda dabego taun dabeba bidi dabe tagala pabalo pali. Tama augwaligo te tubo nai dabe me wa hulu dabe wialubo bakstua dabe sę egi pali. Tama me augwaligo ami bidi dabe bidiyu boi bidi dabe no munaluaba pesage boma pai me geseliyu yali. ¹³ Tama tialima Jehosafatgo walu hauwa dabe te bakstua dabe tomoba mumuna pali.

Tama me Jehosafatgo bomai ami bidi dabe Jerusalemde bidimainu tagalali. ¹⁴ Te ami bidi dabe augwali augwa deli deli we wai dali bidiyu tama deli deli ofisa dabego 1,000 ami bidi tonaluyu yali. Te tigidali Juda hanigo ami bidi dabego namba wan ami ofisa bidi nogi te Atna dao. Tama agai 300,000 bomai ami bidi tonaluai dao. ¹⁵ Tama agai namba tu ofisa bidi nogi te Jehohanan dao, tama agai 280,000 bomai ami bidi dabe tonaluai dao. ¹⁶ Tama namba 3 ami ofisa bidi te Amasia, te Sikrigo ogwa dao. Agai agabolo Genuai

Bidigo sę me emainogo mani. Tama agai 200,000 bomai ami bidi dabe tonaluali. ¹⁷ Te Benjamin hanigo tigidali amigo namba wan ofisa te Eliada dao. Aga wiegi yai bomai ami dao, tama agai 200,000 ami augwali ni name sabele dagego me enesigigo boi hwjbo bugagia mu koneani bidi dabe tonaluali. ¹⁸ Eliadago namba tu ami ofisa te Jehosabat dao, tama agai 180,000 ami bid tonaluai dao. Tigidali sogo te ami dabe augwali boi hwjabo no munalubo dao. ¹⁹ Tigidali te ami hani augwali te Jerusalemde bidiyu, augwaligo kingo sę ebo dao. Tama kingo gasa meba ami bidi dabe augwali te kantri Judago bomai obo elalubo taun dabede bidali.

Profet Mikaiago king Ahap isaibao po wali

(1 Kin 22:1-28)

18 Te Jehosafat te Juda dabego king agai mone me haniani nai dabe hauwa mu elalubaso, te bidi dabego agabolo genuai nogi mu mani. Tama tiali goli, agai te Israel dabego king Ahap dali po dodolali, te Jehosafatgo ogwago Ahapgo wegi somainu yaibao po wali, teda te kantri si augwali bugagia bidimainogo. ² Tama kibu be meba pela silai madi, te Jehosafat aga taun Samariaba pali, te king Ahap suainogo. Tama tialima king Ahapgo aga hani sę bidi dabebolo walama, augwaligo sipsip kibu hauwa eliyu, me kau kibu eliyu elama, augwali genuai nai ulali, te king Jehosafat me aga dali asali hanigo tuabo nai. Magi baso meni. Ahapgo Jehosafatbolo agai taun Ramot te distrik Gileatba boi hwjgi pabo tau somainogo hanalu wainogo. ³ Tama Ahapgo Jehosafatbolo e tama po walali, "Eno taun Ramot sainogo boi hwjgi painogo ebao. Nage ena dali asaibawe, ma meniwe?" Tama Jehosafatgo te po wei ponoyu, e tama po wali, "Eno nago homu kolesaga wali pabo homu usu elalubao. Tama eno ami dabego nage tau sabo homu no munalubao. ⁴ Tiali goli dago Genuai Bidigo homu kolesaga hasia bolo osola suinao, te dago te yainogo ebo te sę po bolo," te po wali.

⁵ Tama tialima Ahapgo profet sibi i olama asao po wali. Te 400 profet sibi augwali sabolagasali, tama Ahapgo augwalibolo e tama po hanalu wali, "Dago te hanu Ramot ma sainogo boi hwjgi pabo usu yaibawe, ma meniwe?" Tama augwaligo te po wei ponoyu, e tama po wali, "Te usu dao, nage pagameo. Godigo nage tau selama, nago ugwaba ela holaibao," wali. ⁶ Tiali goli Jehosafatgo Ahapbolo e tama po hanalu wali, "Te Genuai Bidigo gasa profet bidi me deli bidibawe?" po hanalu wali. "Tialima me bidibaso da, teda dago agabolo Genuai Bidigo homu kolesaga po bolo hanalu wainao," wali. ⁷ Tama Ahapgo agabolo e tama po walali, "Te profet me deli bidibao, agai nogi Mikaia dao, te Imlago ogwa dao. Tiali goli eno te bidi me godolo ebo menio, magi baso meni, agai enabolo wiegi yai profet po enabolo me wabo menio. Tigidali sogo agai enabolo dwai sę pedelabo po naga wabo dao," Ahapgo te po wali. Tiali goli Jehosafatgo aga te po wali, "Nago te tama tiwai po wagio." ⁸ Tama tialima king Ahapgo aga ami ofisa bidi me asao olama, tama

agabolo e tama po walali, "Nage polo pelama, tama te Mikaia te Imlago ogwa eba polo odasa asao, ena pageba." Agai te po wali.

⁹ King Ahap me king Jehosafat augwali si kingo ugwa aulama tama augwali si augwa sia kingde dulaluali. Augwaligo augwali sigo sia king te Samaria taun sunumi bulu badu muai. Te bidi dabego wit dabe dili dabe sela sanama, tubo nai dabe sabo malu tɔ dolaba pai bulu me delide. Tama tigidali profet sibigo profet po te king siba pusuduali, te king si pagede. ¹⁰ Sedekaia te Kenanago ogwa me deli dao, aga te 400 profet bidi me deli dao. Agai ain dage me deli selama, tama kau kibugogay tiwai geselai dao. Tama megida agai agatobolude te gay munama, Ahapbolo e tama po wagasali, "Genuai Bidigo te po wali, nago boi hwjnama, tama augwali aiyaba elaluaibao. Te nago augwali te e gaygo augwali enene pelama, augwali mu siligi paboba usunigi paibao," wali. ¹¹ Tama meba profet bidi dabego me deli tiwai po naga wali. Augwaligo te po wali, "Nage Ramotba hwjgi pelama, tama nago te taun saibao. Genuai Bidigo nage tau selama, tama nago ugwabamu holaibao," augwaligo te po wali.

¹² Te Ahapgo Mikaia oda sigi pomainogo tagala palali te ofisa bidigo Mikaia odasa asali. Tama augwali si sunumidu pedu, ofisago Mikaiabolo e tama po walali, "Tigidali profet dabego te po wali, kingo te boi hwj-bode ugwaba ela holaibao po wali. Tama tialima, nago me deli kolesaga naga elama, tama wiegi yai po king-bolo mao," wali. ¹³ Tiali goli Mikaiago te ofisabolo e tama po wali, "Te Genuai Bidi tigidali sogo bidibo bidigo nogide, eno nagebolo mu po e obao, mena po eno Godigo enabolo mani, te po naga eno pusaibao," wali. ¹⁴ Tama Mikaia aga te king Ahap pageba saboligi pabosi, kingo agabolo e tama po hanalu wali, "Mikaia, dago te taun Ramotba boi hwjgi pelama tama dago te taun ma saibawe, me meniwe?" po hanalu wali. Tama Mikaiago king dolobo po wainogo e tama po wali, "Te usu dao, nage pelama hwjgi pao, tama nago te taun saibao. Godigo nage tau selama tama nago te bage aiyaba elaluaibao," wali. ¹⁵ Tiali goli Ahapgo agabolo te po wali, "Ili po wabo tagalao. Tigidali sogo eno nage-bolo Genuai Bidigo nogide mu po naga pusao po wabo dao. Nisu nago po odaibawe?" Ahapgo te po wali. ¹⁶ Tama tialima Mikaiago Ahapbolo e tama po walali, "Te Israel dabego ami bidi dabe te sipsip kibugawa tonalubo bidi meni yai te bulu du dabede bidibo tiwai elalubo eno sualio. Tama eno Genuai Bidigo po wabo odali, 'Te bidi dabe augwali augwa tobolu bidi dabe menio. Augwali te boi hwjbo tagalama, augwa buluba pelama, tama augwali bugagia bidimainao,' wali," Mikaiago te po wai. ¹⁷ King Ahapgo te po odama, tama agai king Jehosafatbolo e tama po walali, "Te dao, eno nagebolo polo wai dao. Te profetgo ena dali wiegi yai po me wabo menio. Tigidali sogo agai enade te dwai se dabe enabolo pedelabo po naga wabo dao," wali.

¹⁸ Tiali goli Mikaiago po wadolama weyu e tama po wali, "Tialima megida, nago eno wabo poba bugagia olo munama odao, tama eno nagebolo Genuai Bidigo enabolo ola mani po pusaibao. Eno Genuai Bidi aga aga sia kingde dagalude dualalubo suai dao, tama tigidali ensel sibi augwali aga pade mu dolalubo suali.

¹⁹ Tama Genuai Bidigo augwalibolo e tama po hanalu wali, 'De pelama Ramotba boi hwjgi pelama, tama boide Ahap geana siyu isigi paibawe?' Genuai Bidigo te po hanalu wali. Tama deli deli ensel sibigo Genuai Bidibolo augwa homu kolesagade po pusali. ²⁰ Augwaligo te tama tidubadi, mobo bidi me deli Genuai Bidi pageba pelama, te po wali, 'Ena pelama, aga mumuasa pelama geanigi paibao,' wali. Tama Genuai Bidigo agabolo te po hanalu wali, 'Te nage pelama, aga mena tama mumuasa bilama geanigi paibawe?' ²¹ Tama mobo bidigo Genuai Bidibolo e tama po walali, 'Ena pelama Ahap aga profet dabe aga ili po ola momainogogigi paibao,' wali. Tama Genuai Bidigo te mobo bidibolo e tama po wali, 'Nage pelama, aga ili po ola magipao, tama agai nago po mu dao homu elama homu day waibao,' Genuai Bidigo te po wabo eno odalio." Mikaiago te po wai. ²² Tama Mikaiago Ahapbolo po dolo tama weyu te po wali, "Genuai Bidigo nage dolomainu homu yalio. Tama tialima, agai te spirit o mobo bidi tagala palama, nago te profet dabego nage ili po ola momainogo te elama, te profet dabego nage polo ili po ola mani dao," wali.

²³ Te profet Sedekaia te Kenanago ogwago Mikaiago te po Ahapbolo pusubo odama, tama aga Mikaia paba pelama, tama agai nabogede kala powali, tama te po wali, "Genuai Bidigo Mobo Bidigo ena mena tama tagalama, nageba pelama, tama nagebolo te po manawe?" ²⁴ Tama Mikaiago Sedekaiago po wei ponoyu, e tama po walali, "Nosali te boi bidi dabego da Israel dabe elaluagaselama, tama nage nagaduba wi pelama, nage be me tomode habu me delide geme duala sigi paibao. Tama te sogo naga nago koneaibao, Genuai Bidi aga digi enabolo te po menama, eno te po pusai yabo waibao," wali.

²⁵ Tama tialima king Ahap aga ami ofisa bidi me delibolo te po walali, "Te Mikaia tola selama, tama Emon bidibo digi odasa pao," wali, "te taunde namba wan kiap pageba me eno ogwa Joas pageba odasa pao.

²⁶ Tama nago eno e po augwali sibolo pusa mao, 'Eno homugo te bidi te kalabus elama be habuba tagalao,' po wao. 'Tama aga dwasianu bret dali we dali madubadi, te wabi hwjbo silama, ena ma asoboba usu nao,' te po wao," wali. ²⁷ Tama Mikaiago Ahapbolo e tama po ma walali, "Te nage tigde dene me sisama ma asobaso da, teda Genuai Bidigo te po enabolo mawai meni yabo wao." Tama Mikaiago po genina ma weyu te po wali, "Dage tigidaligo eno po bugagia mu odiao," wali.

Ahap aga boi hwjgi pali

(1 Kin 22:29-36)

²⁸ Tialima nosali Ahap te Israel dabego king me Jehosafat te Juda dabego king augwali sigo augwa ami

bidi dabe selama, augwali distrik Gileatde taun Romatba boi Siria dabe dali hwigi pali. ²⁹ Te boi dala sisabadi, Ahapgo Jehosafatbolo e tama po walali, "Da te boi hwigi pabo sogo, eno te kingo ugwa sela sanama, tama eno gasa ugwa me gudaibao, te boi bidi dabego ena gesabidi kone idali weyu. Tiali goli nago da, te kingo ugwa me gudaio," wali. Tama tilama, augwali si boi hwigi peyu pali.

³⁰ Tama te boi polo dala sisabadi te Siria king bidigo te karisde dolaluyu hwibo ami polalubo bidi dabebolo e tama po wali, "Dagego Israel dabego king dali naga hwjao, tama dagego gasa bidi dabe dali me hwjaino dao," wali. ³¹ Tama augwali te boi hwibo sogo te ami kepten dabe augwaligo te king Jehosafat sulama, tama augwaligo homugo te da te Israel dabego king dao homu yali. Tama augwali aga dali boi hwjaino wali. Tiali goli Jehosafatgo i bomo elama mu wali. Tama God Genuai Bidigo aga tau selama, tama augwaligo aga dali hwjaino sula tagalobeo. ³² Tama te polasa pabo kepten dabe augwaligo koneani, aga te Israel dabego king menio homu yali, tama tibaso augwaligo aga pobeasa pabo tagalali.

³³ Tiali goli te ami bidi dabe augwali hwibo se idubadi, te Siria ami bidi me deligo enesigi kegelama, tama Israel ami bidi dabe bidiboba uba ene subigila enani. Tama te enego Ahapgo tigi boi hwibo ugwago aga tigi bugagia me dualisama yali tede mu dolali. Tama aga karis guni tubo bidibolo e tama po walali, "Ena polo dolalio. Te karis polo begelama, tama hwibo pesage taga pao," wali. ³⁴ Tiali goli te Siria ami bidi me Israel ami bidi augwali boi hwibo bomu mu iduali. Tama Ahapgo te hwibo pesage taga pabo usu meni yai. Aga aga te karisde bididubadi, Siria dabeba tonalubadi giliga dega saboba usu nigi pali. Tama giliga iba dega sabode aga isali.

Profet Jehugo Jehosafat sesenani

19 Te Ahap da polo isali, tama Jehosafat aga me dolobeo, tama aga te aga king beba Jerusalemaba ma asali. ² Tama asidubadi te sogo profet Jehu te Hananigo ogwago te Jehosafat tiaba pelama, e tama po walali. "Nago homugo te dwai bidi dabe tau siyu, tama Genuai Bidi godolo isama ebo bidi dali kisabo, te usu da, agawe? Nago te tama kolesaga yaligo da, Genuai Bidigo nage dali sebe homu yalio. ³ Tiali goli nago meba wiegi yai kolesaga me ebo dao. Nago naga kantride elaluali tibo god we Aserago piksa noma alulama sawai dao. Tama nago Godigo homu kolesaga wali pabo homu kolesaga bomu mu yai dao," Jehugo te po wali.

Jhosafatgo po tu yabo jas dabe sa muani

⁴ Te Jehosafat aga Jerusalemde bidiyu, tialigo agai aga we bidi susa biligi peyu, te bilibo te taun Berseba te saut badu gagalama, tama u badu notba te Efraim hanigo bulu duba usu nigi peyu ebo dao. Tama agai te we bidi dabebolo augwali te augwa waj dabego God

Genuai Bidiba ma asiao po wabo dao. Tama tialima augwaligo po odama, augwali God pageba ma asali. ⁵ Tama Jehosafatgo te po tu ebo odabo bidi dabe sa munama. augwali te tigidali bomai obo elalubo taunde tatagalo pali. ⁶ Tama agai te jas dabebolo e tama po walali, "Dage dua dao, te dagego te we bidigo po tu odama dobabo sogo. Magi baso meni, dagego bidigo se beo. Menio. Dagego Genuai Bidigo se te ebo. Tama Genuai Bidi dage dali te po tu odobo sogo bidibo dao. ⁷ Genuai Bidi dago God agai te po tu ebo pauli ebo, me abagi tau sabo, me te bidi dabego dage mone menama dage nagame yainogo ebo sula tagalabo, te tama kolesaga dabe agai godolo munu ma ebo. Tama tialima, dage po tu ebo odobo bidi dabe, dagego God dologode mu elaluyu, tama dagego po tu ebode bugagia peda selama elaluo," Jehosafatgo te po wali.

⁸ Te augwali Jerusalemaba ma asali sogo, Jehosafatgo deli hani waj delide agai Livai dabe meba sa muyu, me pris dabe meba sa muyu, me tobolu bidi dabe meba sa muyu, me po tu odobo bidi jas, te hani bidi tomode te we bidi augwaligo Genuai Bidigo bomai po sela sabaso te po tu odabo bidi me sa muyu yali. Tama me Jerusalem tomode bidibo we bidigo wado po wabo dodoliyu yabo me. ⁹ Tama Jehosafat agai te jas dabebolo e tama po walali, "Dagego te se ebo sogo da, dage Genuai Bidi dologode bidiyu, tama dagego agai bomai po wali pia. Tama dagego te se wiegi yai mu pedelemaino godolo mu iyo. ¹⁰ Tialima dage dali deli se ebo bage augwali gasa meba taunde bidibo bage, augwaligo augwali po tu odobo se tau so-mainu hanalubaso da, teda dagego augwali tau selama, tama dagego augwali po tu ebo wiegi yai doloba pai kolesaga ola mao. Te bidi ela muai po tu yaibaso, me o te bidigo gasa meba bomai po dabe bogi pai po tu yaibaso, me tagalao. Dagego augwali ola mao, tama augwaligo po tu dolo bugagia emainao. Tama augwali Genuai Bidigo gedude dwai sege me elalugobeo. ¹¹ Tama me dagego bugagia odiao. Te bidi si te po tu odobo bidide polasa pabo bidi si bidaibao. Het pris Amariago dage te Genuai Bidigo bomai po sela sanama tama te po tu odabo sogo te tonaluaibao. Tama me te namba wan polalubo bidi Sebadaia te Juda dabego tobolu bidi te Ismaelgo ogwago te we bidigo te gavmanigo bomai po sela sawai te po tu odabo sogo tonalubabo bidi dao. Tama te Livai dabego dage te tigidali po tu ebo se tau saibao. Tama tialima, dage dili elama dolaluyu, tama te se tigidali tama yao. Magi baso meni, Genuai Bidi aga te doloba pai kolesaga ebo bidi dabe dali bidibo dao weyu." Jehosafatgo augwalibolo te po wali.

Te boi bidi dabe augwali Juda buluba boi hwjagasali

20 Nosali te Moap hani ebadi, me Amon hani ebadi, me te gasa bidi hani me augwali Amon hani tomode bidai hani, augwali Juda dabe dali boi hwjagasali. ² Tama bidi meba augwali king Jehosafat bidibo digi aselama, te po wagasali, "Tegobao, te genuai hani ami bidi dabe augwali sigi aj Detsi u badu aselama,

tama nage dali hwjainogo ebao. Megi da, augwali taun Tamar Hasasonde bidibao," wali. Tamar te taun Engedigo nogi me dao. ³ King Jehosafat agai te po odama, aga wi mu yali. Tama agai homu boma pai mu elama, te Genuai Bidigo homu kolesaga hanalu wabo homu yali. Tama tialima, agai bomai po te kantri Juda tigidali badu we bidi dabe augwaligo nai gisilama Genuai Bidiba gedu haluasa po wao po wali. ⁴ Tama tialima te Juda bulude tigidali taunde we bidi augwali sese tama augwali Jerusalemba pelama, gedu haluasa po weyu, Genuai Bidibolo augwali tau somainogo hanalu wali. ⁵ Tama augwali sese tama Jerusalem we bidi dabe dali deliba sasinagasali, tama augwali te Genuai Bidigo tempel be gesabidi badu sasinibo pesage gesi elaluai, te pesageba sasinigi pali.

Tama king Jehosafat te we bidi tomoba doligi pelama, ⁶ tama agai gedu haluasa po weyu e tama po wali, "O Genuai Bidi, dago wajigo God, nage dagalude bidiyu nago tode we bidi tigidali tonalubo dao. Nago genuai bomu mu elalubao, tama bidi mego nage dali hwjnama, nage aiyaba elaluabo usu me egobeo. ⁷ Dago God, nago koneani, da Israel dabe naga abagi Abrahamgo hani wajigo wai puluba dao. Tama da naga we bidi mu dao. Nago e tode polobadu bidali we bidi nago sela sawai dao, tama nago e to te dago waj dabebolo mawai dao. Te dago to tigidali sogo elalua pomainogo tiai dao. ⁸ Tama da bobobage sogo mu e tode polo bidalio. Polobadu dago waj dabego te genuai tempel be se yai dao, te we bidi augwali te paba pelama nageba lotu po omainogo. Tama augwaligo te tempel be se silibo si, augwaligo e tama gedu haluasa po wai dao, ⁹ 'Genuai Bidi, te da dolabo sego da gegebaso, o te boi bidi dabego da dali hwjainogo asobaso, o nago da dene mobaso, o te dwai gasi genuai me pedalobaso, o genuai nasi ebo sogo pedalobaso da, teda da te be gesabidi badu te nago geduba dolagasaibao. Magi baso meni. Te be da, te da nage paba asabo pesage mu dao. Tama dago te sege asoboba kone palama, tama dago gedu haluasa po weyu, nagebobo da tau sao po hanalu waibao. Te tama tialima, nago dago gedu haluasa po wabo odama, da ma oda saibao, dago waj dabego te sogo te po wai dao."

¹⁰ Tama Jehosafat agai gedu haluasa po genina ma weyu, e tama po wali, "Genuai Bidi, nago polo sualio, te Amon dabe, me Moap dabe, me Idom dabe, augwali da dali hwjainogo polo asalio. Te hani augwali naga, nago dago waj dabego augwali dali hwjmainogo nago me sula tagalai menio. Te dago waj dabe augwali Isip tagalama augwaligo toba sabolali sogo, dago waj dabego augwali dolai menio. ¹¹ Tiali goli, augwaligo dago waj dabego augwaliba te yali wiegi yai kolesaga yaliba konebeo. Menio. Augwaligo dwai kolesaga elama, tama da dali ma hwjainu ebao. Augwali polo asalio, te naga digi dabolo e mani te tode sela sawainu. ¹² O dago God, te genuai ami hanigo da dali hwjainu ebao. Tiali goli naga digi augwali dolama

tagalao. Magi baso meni, dago augwali dali hwjabo bomu menio, tama me dago magi se yagawe dago konebeo. Tama tibaso dago nage deliba tonalubao, da nago tau somainu," Jehosafatgo te po Godibolo hanalu wali.

¹³ Te Juda bulu bidi dabe me we wai dabe augwali Genuai Bidigo gedude doligiluali, te Genuai Bidigo tempel be pade. ¹⁴ Tama Livai bidi me aga nogi Jahasiel, aga te we bidi hani tomode bidali. Jahasiel aga te Sekaraiago ogwa dao, tama Sekaraia aga te Benaiaigo ogwa dao, tama Benaia te Jeielgo ogwa dao, tama Jeiel te Mataniago ogwa dao. Te hani bidi augwali te Asapgo waj hani bidi dabe dao. Aga te Livai hani bidi me dao. Tama tialima, Genuai Bidigo Mobo Bidi bomonama mu Jahasiel tigiba pedelali. ¹⁵ Tama agai e tama po wali, "King Jehosafat, me Jerusalem we bidi, dage me tigidali Juda bulu we bidi, dagego bugagia odiyo. God Genuai Bidigo te po wali, 'Dage te genuai ami hanide wi elama homu sege kuna igimio. Menio. Te hwjabo te God agaduba se dao, te dagego se menio. ¹⁶ Do da, te boi bidi dabe augwali te bulu du Sis sunumidu aselama, dage dali hwjagasaibao. Tama dage pelama, tama dagego augwali te odogo malu bulu, te wa pai bulu Jeruelde suaibao, te giliga asobo badu. ¹⁷ Tiali goli, dagego duga digi me hwjogobeo. Mu menio. Te dage te boi hwjbo pesageba saboligi pabo sogo da, teda dage olo dolaluyu olo tonaluyio. Tama dagego gedugo suaibao, te Genuai Bidigo dage tau selama hwjaibao, tama dage tau selama augwali aiyaba elaluaibao. Dage Jerusalem we bidi me Juda bulu we bidi, dage homu sege elama dage wi igimio. Do dage hwjainu piyo, Genuai Bidi dage dali bidaibao, Genuai Bidigo te po wai," Jahasielgo te po wali. †

¹⁸ Te king Jehosafat me te tigidali we bidi augwaligo te po odobo si, teda te we bidi sese augwali sese bogoli sugunama, toba tobolu basi guluama, tama Genuai Bidiba lotu po wali. ¹⁹ Tialima te Kohat hanigo Livai dabe me Kora hanigo Livai dabe augwali doligiluaama bomonama hai olama, tama Genuai Bidi te Israel dabego God nogi ugwaba sali. ²⁰ Tama tialima augwali kigamu hulide mu hogodaloama, tama augwali te taun Tekoa, te nai meni yai wa pai bulu paba pabo kegaluali. Te augwaligo Jerusalem taga pisamadi, Jehosafatgo augwalibolo te po walali, "Dage Juda hani bidi, me dage Jerusalem bidi dabe, dagego odiyo. Dagego Genuai Bidi dena Godiba homu bomu elama day waiyo, tama dage bomu elama dolaluaibao. Tama me dagego Godigo profet bidi dabego po me mu po dao homu elama homu day wayu yao, tama dagego te wabi hwjbo ugwa ela holaibao," wali. ²¹ Tama kingo te we bidi augwaligo homu kolesaga po hanalu wali, tama nosali agai bidi meba te ami bidi dabe tudiba togolama polasa peyu teqi po dali pomainogo sa muani. Tama e tama teqi po dali pali, 'Genuai Bidigo kolesaga wiegi yai mu elama doloba pai mu dao. Tama te kolesaga te aga wiegi yai aubo nai tiwai dao. Dago te kone palama, tama agai genuai nogi ugwaba sinao.

† 20:7 Ais 41:8; Jer 2:23 †† 20:10 Bom 2:4-19

‡ 20:17 Bom 20:1-4

Dago Genuai Bidibolo buba hwi po wainao. Magi baso meni, tigidali sogo agai da godolo mu idubo dao,' tama wali.

²²⁻²³ Te Jehosafat aga ami dabe dali augwa pabo gagalobadi yaide, te teḡbi po wabo bage augwaligo te Genuai Bidigo nogi ugwaba sabo teḡbi po ola pali. Tama tialima Genuai Bidigo te Amon ami bidi dabe, me Idom ami bidi dabe, me Moap ami bidi dabe augwa hasi wado elama, aga hasi tomode ma hwjmainu ilali. Hasia te Amon me Moap sigo te Idom dabe dali hwjnama, augwali sese mu ela silali, tama nosali te Amon dabe dali me Moap dabe dali aga hasi hwjnama, aga hasi mu dola siliboba usu nama tagalali. ²⁴ Te Juda dabego ami bidi dabe augwali te nai meni yai wa pai bulude te be meba sabolali, te ami bidi dabe augwali te bede bidiyu boi bidi no munalubo be dao. Tama augwaligo te boi bidi dabe asobo suainu ugwaba gedu tonono bilali, tiali goli augwali noma sali, te boi bidi dabe augwali polo isai tigi dabe te tḡde munalubo pabo suali, umabo. Te bage augwali me bidibadi me sube.

²⁵ Tama tialima, Jehosafat me aga ami dabe augwali te tigi dabe munalubo tomodu pali, tama augwaligo nai nai dabe hauwa me elalubo suali. Tama augwaligo tubo nai dabe siyu, wiegi yai ugwa dabe siyu, me augwaligo meba wiegi wiegi yai nai dabe sali. Augwaligo te nai dabe sidubadi sela sogoba mu usu nani. Magi baso meni, te doado bage nai dabe hauwa bage me elalubaso. ²⁶ Tama te de namba 4 te sogode augwali te odogo malu bulu meba sisinagaselama, augwaligo Genuai Bidigo augwali tau siyu yali te seḡba kone palali. Tama augwaligo agai nogi ugwaba sali. Te tama tiali po pagede augwaligo te bulu nogi e tama poali, 'Te Godigo Nogi Ugwaba Sabo Pesage Dao,' polali. ²⁷ Tialima Jehosafat aga polama, tama tigidali ami dabe augwali aga wali elama, tama augwali Jerusalemba wiegi yai homu pemene dali pali. Magi baso meni, Genuai Bidigo augwali tau selama, augwaligo boi bidi dabe aiyaba elaluai baso. ²⁸ Augwaligo gita eliyu, biugel bu weyu ela peyu, te taun tomoba pali. Tama augwali Genuai Bidigo tempel be dolo mu pelama, tama agabolo genuai nogi mani. ²⁹ Tama Genuai Bidigo te gasa kantri king dabe me tobolu bidi dabego te Genuai Bidigo Israel dabe tau selama, augwaligo boi bidi dabe ela silao wabo po odobode augwali wi dwai mu ilali. ³⁰ Tama te Jehosafat king bidibadi boi me hwjagasobeo. Magi baso meni, Godigo aga kantri bugagia tonaluali.

King Jehosafat isali

(1 Kin 22:41-50)

³¹ Te Jehosafat aga 35 kibu be yai madi aga king pedelai, tama aga Jerusalemde 25 kibu be king bidali. Jehosafat aga ida Asuba dao, te Silhigo wegī dao. ³² Jehosafat agai aga aya Asago yali wiegi yai kolesaga wali pali, tama wiegi yai doloba pai kolesaga Genuai Bidigo gedude wali pelama yali. ³³ Tiali goli agai seḡ me deli ebeo. Agai te tibo godiba lotu wabo pesage dolobeo. Tama me ma, te we bidi augwaligo augwa wajgo God

wali bomo elama me pabeo. ³⁴ Te king Jehosafatgo yali seḡ dabe meba, te aga king pedelalidu gagalama aga isali sogo sabolama tomode yali tigidali seḡ po dabe, te buku augwali Jehu te Hananiago ogwago po bukude elalubao. Tama te buku te augwaligo King Dabego Buku wabo, te buku tomode elalubao.

³⁵ Te me sogo king Jehosafatgo te Israel dabego king Ahasia dali seḡ yaibao po wali, te bidigo te haniani dwai seḡ hauwa mu ebo bidi dao. ³⁶ Tama tialima augwali sigo sigo te walu te kantri Tarsisba tolasa peyu, te bisnis yabo sip nigali. Tama te seḡ bidi dabego te sip dabe te taun Esiongeberde nigali, te nabis bulu me deli dao. ³⁷ Tiali goli te Doavahugo ogwa Elieser te taun Maresa bidigo te Godigo bomai po te Jehosafat dali pusagasiyu, e tama po wali, "Nage te Ahasia dali abagi si igi palio. Tama tialima, Genuai Bidigo dage sigo te nigali sip dolaibao," wali. Tama tialima, me sogo te sip dabe te aḡdu pobadi te dolali, tama augwali te Tarsisba pabo usu meni yani.

21 Te Jehosafat aga isibasō, augwaligo aga te aga wajgo gū pagede pubulali, te Devitgo Taunde pubulali. Tama aga ogwa Jehoramgo aga bidali pesage selama aga king pedelali.

King Jehoramgo po dabe

(Daj 21)

Jehoram aga Juda dabego king bidali

(2 Kin 8:17-24)

² Te Jehoram te Jehosafatgo ogwa Juda dabego king, agai ama solo nogo a naga olama me badu nogo deli elaluali. Augwaligo nogi dabe e tama dao, Asaria, me Jehiel, me Sekaraia, me gasa Asaria, me Maikel, me Se-fatia dao. ³ Jehosafat isisḡbadi agai aga te ogomanibolo te gol dabe hauwa mu, me silva dabe, me te haniani nai te genuai monego abelali nai dabe me augwalibolo dobayali. Tama me agai augwali deli delibolo seḡ mani, te Juda bulude bomai obo elalubo taun tonalumi tagalali. Tiali goli Jehoram king pedelama agai pesage selama king nigilama bidimainu sa muani. Magi baso meni, Jehoram aga te agai gomunai ogwa dao. ⁴ Tama tialima Jehoram aga king pedelali, tama agai te kantri bomō elama tonalubo sogo agai ama solo me Juda bulude meba tobolu bidi dabe dali augwali elama isilali.

⁵ Jehoram aga king pedelali sogo agai kibu be 32 elaluali, tama aga Jerusalemde king bidibadi kibu be te 8 kibu be tama bidali. ⁶ Agai Israel dabego king Ahapgo wegī sai dao. Tialima aga te Ahapgo hanigo dwai kolesaga wali pali, me te meba Israel dabego king dabego kolesaga wali pali, tama agai Genuai Bidigo gedude dwai kolesaga yali. ⁷ Tiali goli Genuai Bidigo Devitgo hani me dolobeo. Magi baso meni, Genuai Bidi agai polobadu Devit dali daḡ wali te po koneama tiali, tama me ma agai te po me daḡ wayu te Devitgo

waj hani bidi dabe naga king pedaliyu yaibao wali. Tama tiyu da, te po digi wabo tiwai te Devitgo lam sula sogobeo wali. †

⁸Te Jehoram aga Juda dabego king bidali sogo, te Idom dabe augwaligo Jehoramgo po sela sanama, tama augwali Juda dabego king dologode bidibeo. Augwaligo augwa tonaluabo king augwa digi sa muani. †⁹Tama tialima, Jehoramgo te karisde dolaluma hwjbo ami bidi dabe selama, tama augwali Idom dabe dali hwjainu pali. Augwali pelama saboligi pabode, te Idom dabe augwali aselama, tama augwali bagua sagaselama, tama augwali dali boi hwjainogo yali. Tiali goli te hulide te Jehoram aga te karis tonalubo bidi dabe dali augwaligo bomo elama hwjina ma tama wi sana pali. ¹⁰Tiali goli Juda dabego Idom dabe aiyaba elalubeo, tama te Idom dabego augwa digi augwali kantri tonaluali, te augwaligo augwa digi tonalubo se meggi tama me ebao. Tama te sogo naga te taun Lipna hanigo we bidi me po sela sanama tobolu tali nigali, tama augwali Juda dabe dologode munu me ma bidibeo. Te po page e dao. Jehoramgo aga Genuai Bidi aga waj dabego Godiba tudi ola mani. ¹¹Tama me ma Jehoramgo tibo godiba lotu wabo pesage dabe agai Juda dabego bulu dude dabe nigali. Tama tilama, agai te Juda hani we bidi kegeyu, me Jerusalem taun we bidi kegeyu elama, Genuai Bidi tudiba sanama tama agai gedude sege sali.

¹²Tialima te profet Elaijago pas me deli Jehorambolo toliyu e tama po walali, "Genuai Bidi, te naga waj Devitgo God, agai po nage dali e tama wabo elalubao. Nago naga aya king Jehosafatgo wiegi yai kolesaga yali wali pabeo. Me naga waj Asago wiegi yai kolesaga yali wali pabeo. Menio. ¹³Nago Israel dabego dwai kolesaga wali peyu, tama nago Juda dabe me Jerusalem dabe kegelama, tama augwaligo God tudiba mani dao. Nago Ahap aga hani dali augwaligo te Israel hani dali kolesaga tiwai mu tama te yali dao. Tama me ma, nago naga ama solo mu elama isilai dao. Augwali wiegi yai bidi dabe mu, tama augwaligo kolesaga nago kolesaga mu edelai dao. ¹⁴Tama tialima, Genuai Bidigo naga we bidi dene mayu, me naga wai puluba dabe me dene mayu, me naga we dabebolo me dene mayu yaibao. Tama me agai nago doado bage dabe me dolaibao. ¹⁵Tama nage da, nage te dwai gasi me deli nago tabi tomode saibao, tama deli deli be posobo sogo te gasi genuai genuai iduaibao, tama nago tabi naga di bono badu gudaluboba usu naibao," te Elaijago asena tolali pas tomode te po wali.

¹⁶Tama te sogo Genuai Bidigo te Filistia me Arebia te Sudan bulu pade elalubo to bidi dabe augwaligo Jehoram dali sebe emainu ilali. ¹⁷Tama tialima, augwali kantri Judaba boi hwjagaselama, tama augwaligo te king Jehoramgo be tomode elaluali tigidali doado bage sese selasa pali. Tama me augwaligo agai we me agai ogwa dabe me selasa pali. Tiali goli augwaligo Joahas te Jehoramgo sabi ogwa sela pabe.

¹⁸Tama te se elama nosali Genuai Bidigo king Jehoramgo tabide gasi dwai mu pedelemainu ilali, tama te gasi silabo usu meni yai. ¹⁹Tama te gasi elalubadi kibu be si pali. Tama Jehoramgo tabi aga di bonodu gudaluali, tama aga dene dwai mu selama tama aga isali. Tama te Juda we bidigo agai genuai nogi kone palainu moni isi me nogobeo. Te augwaligo aga waj dabe isibode yali tiwai se me ebeo.

²⁰Te Jehoram aga kibu be 32 elaluali te aga king pedelali sogo, tama aga Jerusalemde king bidibadi kibu be te 8 kibu be tama naga bidali. Te aga isali sogo te bidigo aga hobede me ebeo. Augwaligo aga Devitgo Taunde pubulali, tiali goli augwaligo aga te king dabego gu page mu pubalobeo.

King Ahasia de kwin Atalia sigo po dabe

(Daj 22)

Ahasia aga Juda dabego king pedelali

(2 Kin 8:25-29; 9:21-28)

22 Te Jehoram aga king bidali sogo, te bidi mebaggo te hwjbo bidi dabe meba selama, tama augwali Juda buluba aselama, tama agai ogomani sese tama ela silali, tiali goli augwaligo Jehoramgo sabi ogwa mu Ahasia deli digi elebeo. Tama tialima, te king Jehoram isibo si, te Jerusalem dabego Ahasia augwa king pedelemainu sa muani, te aga ayago bidali pesage somainu. Ahasiango me nogi Joahas dao. ²Ahasia aga king pedelali sogo agai kibu be 42 elaluali, tama aga Jerusalemde kibu be delide tama aga king bidali. Aga ida te Atalia dao, te king Ahapgo wegi, tama king Omrigo waj dao. ³Ahasia aga idago aga kolesaga ola maduali. Tama tialima Ahasiango te Ahapgo hanigo dwai kolesaga wali pali. ⁴Tama agai Genuai Bidigo gedude dwai kolesaga yali, te Ahapgo hanigo ebo kolesaga tiwai mu tama yali. Magi baso meni, aga isai tudi badu agai te Ahapgo hani bidi aga kolesaga ola momainu sali. Tama agai augwaligo dwai kolesaga wali peyu, te dwai kolesaga tama yali. ⁵Me sogo Ahasia agai te bidi dabego po wali peyu, tama aga Joram te Israel dabego king dali wali pali, tama augwali Siria dabego king Hasael dali hwjgi pali. Augwali te hanu Ramot te distrik Gileat pade hwjani, tama Siria ami bidigo Joram enego enani tama aga selali. ⁶Tama tialima Joram aga te hwjbo tagalama, aga te taun Jesrilba bidigi pali, te aga usu ma ebo tonaluyu. Aga Jesrilde bidibadi, Ahasiango aga sugi pali.

⁷Godigo polo koneani, king Ahasiango Joram sugi paibao wali, tama agai te sogo agai Ahasia dolaibao homu yali. Tama Ahasia aga te Joram dali bidibadi, augwali sigo te Nimsigo ogwa Jehu suali. Jehu aga te Genuai Bidi aga digi te Ahapgo hani dolomainu sa muai bidi dao. ⁸Tama tialima Jehugo te Ahapgo hani dolobo se idubadi da, agai te Juda dabego tobolu bidi dabe meba me, Ahasia aga ama sologo ogomani me-

† 21:71 Kin 11:36 †† 21:8 Gag 27:40

ba agai suali. Te bidi dabe augwaligo te king Ahasiago se dabe ebo bidi dabe dao. Tama tialima Jehugo te bidi dabe sese tama elama isila silali. ⁹ Agai augwali ela silama, augwaligo Ahasia gegebo se yali. Ahasia aga Samaria bulude geme dualaluali, tama bidi mebago aga sulama, tama augwaligo aga Jehu pageba odasa pelama, tama augwaligo aga ela muani. Tiali goli augwaligo Ahasiago tigi olo munalumainu sula tagalobeo. Menio. Augwaligo aga waj king Jehosafatgo wiegi yai kolesaga elama, tama aga homu kolesagago mu Genuai Bidi wali peyu yali te kone palama, tama augwaligo Ahasiago tigi pubulali. Tama Ahasia aga hani bid me deli bomo elama king pedelama, te Juda we bidi tonaluabo bidi meni yai.

Atalia aga Juda dabego kwin pedelali (2 Kin 11:1-3)

¹⁰ Te king Ahasia aga ida Ataliago aga ogwa king Ahasia isalio po odobo si, polo tama agai te ami bidi dabebolo walama, te Juda dabe king hani bidi dabe sese ela silao po wali. ¹¹ Tiali goli augwaligo te king Ahasiago ogwa Joas elebeo. Magi baso meni. Jehoseba te king Joramgo wegi, agai te Joas dali te aga tonalubabo wegi me dali, agai augwali si selama, tama agai augwali si te be habu me augwaligo bet dabe me matres me doado bage dabe wialobo be habude geme dualali. Tama Atalia agai Joas ela muabo usu ebe. Jehoseba te king Ahasiago abe dao. Tama tiyu, agai te Joas geme dualali. Jehoseba aga bidi te pris Jehoiada dao. ¹² Tama augwali sigo aga te be habude oda selama Godigo tempel beba odasa pelama, tama aga te bede dualalubadi kibu be te 6 kibu be tamade dualaluali. Tama te tama kibu bede Atalia aga Juda dabego polalubo we kwin bidali.

King Joasgo po

(Daj 23-24)

Augwaligo Joas king pedelemainu sa muani (2 Kin 11:4-16)

23 Te Atalia kwin we bidibadi kibu be te kibu be 7 wabode, pris Jehoiadago magi se me yabo homu bomu mu yali. Tama tialima agai te nogo a naga ofisa bidi dabe dali po minama, tama aga tau sabo po daw wali. Te ofisa dabe augwaligo nogi e tama dao, Asaria te Jerohamgo ogwa, me Jehohanango ogwa Ismael, me Obetgo ogwa Asaria, me Adaiago ogwa Masea, me Sikrigo ogwa Elisafat dao. ² Tama tialima te ofisa dabe augwali Juda bulude tigidali taunba dabe pelama, tama augwaligo te Livai dabe me deli deli waj hanigo tobolu bidi dabe me augwali odasa asali, te Jerusalemba. †

³ Tigidali te bidi dabe augwali Godigo tempel beba sisinama, augwaligo te king Joas dologode bidaiba po

† 23:2 2 Sml 7:12

olama, po daw wali. Tama te Jehoiadago augwalibolo e tama po walali, "Dagego Joas suao. Aga te king Ahasiago ogwa dao, tama aga king bidimainao. Magi baso meni, Genuai Bidigo te po wai dao, tigidali sogo king te Devitgo hani bage naga king bidimainao po wai dao. ⁴ Tama tialima, megi da eno dage dali mena se me deli yabo po waibao. Te dage te pris dabe me Livai dabe dage Sabat side seba asiyu da, dage bidi hani sela peda piyo. Te bidi hani me deli, dage te Godigo tempel be sunumi badu tonaluyao. ⁵ Me te namba tu bidi hani, dagego te kingo bede no munaluao, te Joas aga bidibo madi. Tama namba tri bidi hani, augwali te sunumi augwaligo Jesot nogi wabo, te sunumide no muao. Tama tigidali gasa bidi dabe, augwali te Genuai Bidigo tempel be mesalo, te genuai sisinibo pesage, tede sisinao. ⁶ Te pris dabe dali Livai dabe augwaligo te pris dabe tau sabo se elalubao. Augwali naga te Genuai Bidigo be tomoba pabo usu yaibao. Magi baso meni, Godigo augwali naga sa muai dao, te bede agai se emainu. Tiali goli me olo we bidi augwali te bulu badu bidimainao, te Genuai Bidi aga digi wali gilama. ⁷ Te Livai dabe augwaligo te bainat hwa selama tolaluyu, king bugagia tonaluyao, te king bagualuyu. Tialima king aga gasa madi me painu ebaso da, teda augwali aga dali peyu yao. Tialima bidi me Godigo be tomoba tula asobaso da, teda Livai dabe augwaligo aga elama isilao," Jehoiadago te po wali.

⁸ Tialima te Livai dabe me te Juda bidi augwaligo te Jehoiadago po wali pali, tama te dei Sabatde te ofisa dabe augwaligo te se silama toma tuainu soabo bidi dabe siyu, me augwali hasegelama seba painu ebo bidi dabe me siyu, tama augwaligo te bage sese tama odasa asali. Magi baso meni. Jehoiadago augwali te se silama toma tuainu me pelamo po wai. ⁹ Tama tialima Jehoiadago king Devitgo ene dabe siyu, me sabele ni name pedai genuai me dwasianu sese selama, te ofisa dabebolo mani. Te nai dabe te Godigo tempel be tomode munalubo dao. ¹⁰ Tama Jehoiadago te bidi dabebolo walama, augwali te Genuai Bidigo tempel be obo sesegeba tigidali badu dolalugi piyo po wali, te saut badu gagalama not badu tagaligi piyo po wali. Tama augwali alta pade dolaluyu, Genuai Bidigo be pade bainat hwa tolalu bugagia tonaluyu no munaluali. ¹¹ Augwali polo dola selama no munalubadi da, teda te pris Jehoiadago te Joas buluba odasa aselama, kingo wiegi yai madi Joasgo toboluba madi bulali. Tama me agai agabolo te augwalibolo dodolama daw wali bomai po elalubo buku me mani. Tama nosali Jehoiada aga ogwa dabe dali augwaligo oliv wel me selama, agai toboluba gelali, te king pedelemainogo. Tama te we bidi augwaligo hae olama, e tama po wali, "Joas aga bobobage sogo king bidimainao," wali.

¹² Te kwin Ataliago te we bidigo genuai po kulukulu wabo odali, te kingde wiegi yai homu iyu udula biliyu ugwa eda ebo po odali. Tama agai aga be tagalama, Genuai Bidigo tempel beba pali, te we bidi sisalubo madi pali. ¹³ Aga saboligi pelama, tama agai suali, gesi king me te Genuai Bidigo be gesabidi badu ni pos

page de dolalubo suali. Te king dabego ebo tiwai elalubo suali. Tama agai te ofisa dabe me te biugel bu wabo bidi dabe king pađe bidibo agai suali. Tama me agai te we bidi dabe wiegi yai homu pemene ebo suali, tama te we bidi meba augwaligo biugel bu wabo suali. Tama me te Godigo bede wiegi yai musik elebo bidi dabe augwaligo wiegi yai musik mu elebo agai suali, te we bidi wiegi yai homu pemene emainu yali. Tama tibaso, Atalia aga ugwa pisayali, magi baso meni, aga tabi dwai ebaso. Tama agai po weyu e tama po wali, "Dage bidi dwai dabe, dagego dwai kolesaga elama, ena aiyaba elaluainu yalio," wali. ¹⁴ Jehoiada agai homugo augwaligo Atalia te Genuai Bidigo tempel be mesalo pađe elebo hagela yali. Tama tibaso, agai te ami ofisa dabe i olama, te po wali, "Te Atalia nogo tulama, tama aga bolo ami bidi dabe tomodu pelama, Genuai Bidigo be mesalo tomodu buluba pao," po wali. "Tama tialima, bidi mego aga wali pobaso da, teda dagego aga elama isilao," po wali. ¹⁵ Tama tialima, augwaligo Atalia toulama, tama augwaligo aga kingo be obo tomodu osa pali, te augwaligo Hos Dabego Sunumi wabo, te sunumide odasa pali. Tama augwaligo aga tomoba odasa pelama, aga elama isilali.

Pris Jehoiadago te we bidi augwali Genuai Bidi naga wali pomainogo tau sali

(2 Kin 11:17-21)

¹⁶ Te pris Jehoiadago te king Joas me te we bidi augwaligo aga dali po daꝓ wao po wali, te augwali Genuai Bidigo we bidi naga bidimainu. ¹⁷ Tama nosali te we bidigo te tibo god Balba lotu po wabo be huꝓigi pali. Tama augwaligo te god Balgo alta me piksa dabe tologogi pali. Tama me augwaligo Matan elama isilali, te Balgo pris bidi, te alta pađe. ¹⁸ Tama Jehoiadago te Livai dabede pris meba me Livai dabe meba augwali te Genuai Bidigo tempel be tomode seꝓ yabo tonaluabo bidi meba sa muani. Te bidi hani si augwaligo te polobadu king Devitgo augwa waꝓ dabebolo polobadu yao wali seꝓ tiwai yao wali. Tama augwaligo Genuai Bidibolo isigo mu dela silibo ofa uluyu yao wali, te Mosesgo bomai pode wali gilama tama tiao wali. Tama me augwaligo te ofa ebo side musik eliyu teꝓbi po wabo bidi dabe me tonaluyu yao wali, te Devitgo wali gilama. ¹⁹ Tama Jehoiadago te Genuai Bidigo tempel be sunumide tonaluabo Livai dabe meba sa muani. Te we bidi Genuai Bidigo gedude dolo isaꝓwai we bidi tomoba pidali weyu, te Livai dabe augwaligo bugagia tonalumainu.

²⁰ Tama tialima Jehoiadago te ami ofisa dabe siyu, me genuai bidi dabe siyu, me tobolu bidi dabe siyu, me te gasa we bidi dabe siyu elama, augwaligo king te Genuai Bidigo tempel bede oda selama, kingo beba odasa pali. Tama augwali te sunumi augwaligo te Ugwadu Elalubo Sunumi wabo, te sunumidu pali. Tama augwaligo king te sia kingde duamainu odasa pali. ²¹ Tama te we bidi augwali wiegi yai homu pemene genuai mu yali. Tama me augwali homu tegaluama

Jerusalemde bugagia bidali. Magi basi meni, te ami bidi dabego te we Atalia polo ela muaibaso.

Joasgo Genuai Bidigo be ma dodolali

(2 Kin 12:1-16)

24 Joas aga Juda dabego king pedelali sogo, agai kibu be 7 naga elaluali, aga gesi ogwa naga dao.

Tama aga Jerusalemde king bidibadi kibu be 40 yali. Joas aga ida te Sibia dao, te taun Berseba we dao. ² Te pris Jehoiada bidibadi da, Joasgo Genuai Bidigo gedude wiegi yai kolesaga iyu yai dao. ³ Tama Jehoiadago Joasgo we si odolali. Tialima Joasgo augwali si selama, tama augwali sigo ogwa me wegi ame nani.

⁴ Kibu be meba bidama nosali Joasgo Genuai Bidigo tempel be ma dodolabo homu yali. ⁵ Tama agai pris dabe me Livai dabe sisinama, tama augwalibolo e tama po wali, "Dage tigidali Juda dabego taunba pelama, tigidali we bidibolo dena Godigo be dodolabo mone maiꝓo po wao. Dagego te seꝓ tigidali kibu bede iyao. Tama megi da, dage polo pelama, te mone dabe polo sigi piꝓo," wali. Tiali goli Livai dabego te polo ebeo. ⁶ Tialima Joasgo pris Jehoiada i wali, te pris dabe me Livai dabego polalubo bidi, tama agabolo e tama po hanalu wali, "Magi baso nago te Livai dabebolo te takis mone te Juda dabe me Jerusalem dabede mone polo sao po wabewe? Dagego koneani, polobadu Moses te Genuai Bidigo seꝓ bidigo me Israel we bidi augwaligo po daꝓ weyu, te Genuai Bidigo ugwa sel be seꝓ tonaluabo mone mawaibao po wai dao. Tama tialima, te Livai dabego te takis mone magi baso polo sigi pabo homu ebewe?" te po hanalu wali. [†]

⁷ Joas agai te seꝓ yainogo yali, te magi baso meni, te dwai we Atalia aga kwin bidali sogo aga hani meba te Genuai Bidigo tempel be tomoba tula pelama, tama meba nai dabe dolai dao. Tama me augwaligo Genuai Bidigo nai dao olama sa muani nai dabe sese sela pali. Te nai dabe sela pelama, te tibo god Balba lotu wainu sela pali.

⁸ Tialima kingo Livai dabebolo walama, augwaligo te mone muabo halobage me geselali. Tama augwaligo te halobage te Genuai Bidigo be tomoba tula pabo sunumide te halobage muani. ⁹ Tama augwaligo Jerusalem we bidibolo me gasa Juda bulu we bidi dabebolo te takis mone Genuai Bidiba sesao olama po ola tolali. Augwaligo polobadu Moses Godigo seꝓ bidi augwalibolo te nai meni yai wa pai bulude bidiyu ma wali, te tama tiwai naga maiꝓo po wali. Te Israel we bidibolo wali gilama tama tiꝓo po wali. ¹⁰ Te tobolu bidi dabe me te we bidi augwaligo te po odama, augwali homu deli mu yali. Tama augwaligo mone seselama, te halobage muagasali, tama te halobage paꝓaꝓa pali.

¹¹ Tama tialima, tigidali sogo te Livai augwaligo suali madi te halobage paꝓawai baso da, augwaligo te halobage te kingo ofisa dabeba sela peyu ebo dao. Tama tialima kingo kuskus bidi me polalubo pris bidigo ofisa bidi sigo te halobagede mone sabo si, tama te halobage augwaligo aga munaluali pesageba ma mu-

[†] 24:6 Sai 30:11-16

gi peyu ebo dao. Te tama tiali kolesagago augwaligo Genuai Bidigo be dodolabo mone hauwa mu sali.

¹² King Joas de hetpris Jehoiada augwali sigo te mone selama, augwaligo te be dodolobo sę ebo tonalubo bidi dabebolo mayu ebo dao. Te sę tonalubo bidi dabe augwaligo te kamda me te masigi dugo be sę ebo koneai bidi dabe siyu, me augwaligo te ain me brasgo nai dabe geselebo koneai bidi dabe me siyu yali. Tama augwaligo augwalibolo te Genuai Bidigo be ma dodolao po wali. ¹³ Te sę bidi dabe augwaligo sę bomo elama mu elama, tama Godigo be wiegi yai mu pedelama, tama boma pai polobadu elaluali tiwai yali. ¹⁴ Te sę bidi dabe augwaligo Genuai Bidigo tempel be dodolobo sę silali, tama te gol me silva bugai munaluali. Tama tialima te bos bidi dabego te gol dali silva dali si selama, augwali king de Jehoiada sibolo mani. Tama augwali sigo selama, gasa sę bidi dabebolo menama, augwalibolo te ofa yabo nai plet dabe, te wiegi yai denami ebo pauda ulabo plet dabe geselao po wali, tama te plet dabe me kap dabe me geselao po wali, tama Genuai Bidigo be tomode sę yabo nai meba me geselali.

Te Jehoiada bidibadi te we bidi augwali Genuai Bidigo beba pelama, augwaligo isigo mu dela silibo ofa mu iyu yali, te tigidali sogo. ¹⁵ Tama nosali Jehoiada aga monu dabe mu yali, tama aga 130 kibu be elama, tama aga nosali isali. ¹⁶ Tama te we bidi augwaligo te Jehoiadago Godigo gedude wiegi yai sę dabe yali kone palali. Agai te we bidi tau sabo sę hauwa mu eyu, me Godigo be tau sabo sę me hauwa mu yali. Tama tibaso, augwaligo aga te king dabego gų pagede pubulali, te Devitgo Taunde.

Juda dabe augwaligo Godiba tudi ola mani

¹⁷ Te Jehoiada aga polo isai madi, te Juda dabego tobolu bidi dabego king Joas homu begelabo po wali, tama agai augwaligo po wali pali. ¹⁸ Tama king dali te Juda we bidi me Jerusalem we bidi augwaligo Genuai Bidi augwa wųgo God tudi ola mani. Tama augwali Genuai Bidigo bede lotu po me wayu ebeo. Menio. Augwaligo tibo god dabeba lotu weyu, me god we Aserago piksaba lotu po weyu yali. Augwaligo te dwai sę Godigo gedude yali. Tama tibaso Godigo augwali dali sębę yali. ¹⁹ Tama Genuai Bidigo profet dabe tagala palali, tama bomai po dabe augwalibolo olama, augwali agaba ma asomainu ilali. Tiali goli, te we bidi augwali po sela sębo sę genuai mu yali, tama augwaligo te profet dabego po odobeo.

²⁰ Tama tialima, Godigo Spirit Mobo Bidi bomo elama mu te pris Jehoiadago ogwa Sekaraiaba pedelali. Tama Sekaraia aga te we bidigo suabo pebeli diliba ugwa doligi pali, tama agai augwalibolo e tama po walali, "God Genuai Bidigo te po walio. Dagego agai bomai po polo bogi palio, tama dage bugagia munu me bidigobeo. Magi baso dagego te tobage kolesaga yali-we? Dagego Godiba tudi ola manio. Tama tibaso, agai me dage polo tudi ola manio," Sekaraiago te po wali.

²¹ King Joas aga ofisa dabe dali augwaligo te Sekaraia-

go wali po wei ebeo, tama augwaligo aga ela isilabo po miani. Tama tialima kingo pode te bidi dabego masigigo Sekaraia enani, tama aga te Genuai Bidigo tempel be bagulali obo tomode sisinibo pesagede elama isilali. ²² Kingo pris Jehoiada aga ayago yali te wiegi yai kolesaga aga dali yali te konebeo, te Sekaraia aga ayago yali kolesaga. Menio. Agai Sekaraia olo dali mu elama isilali. Tama Sekaraia aga isainu te po wali, "Genuai Bidigo dagego te ebo sę sulama, tama aga dage dene mayabuo," wali.

Augwaligo Joas elama isilali

²³ Tama te kibu be silama gesi kibu be pedelainu ebode, teda te Siria ami bidi dabego king Joas dabe dali boi hwjagasali. Augwali te kantri Juda tomoba asiyu, me genuai taun Jerusalemba asiyu elama, augwali hwjnama, tama Joasgo ami aiyaba elaluali. Tama te Siria dabego augwaligo tobolu bidi dabe sese ela silama, tama augwaligo wiegi yai doado bage sese selama, tama Juda dabego wiegi yai nai dabe selama, tama Damaskus taunba ma sela pelama, tama Siria king bidibolo magi pali. ²⁴ Te sę dabe pedelali, magi baso meni, te Juda dabe augwaligo Genuai Bidi augwa wų dabego God tudi ola mobaso. Tama tibaso, Genuai Bidigo te Siria ami bidi dabe dwasianu hanigo Juda dabego ami bidi genima bage mu aiyaba elalumainu ilali. Tama te kolesagago naga Genuai Bidigo king Joas dene mani. ²⁵ Te hwjani sogo Joas tigde genuai mu selali. Tama te hwjbo silama, te Siria dabe augwa buluba ma pabo side, te king Joasgo ofisa dabe mebago te Joasgo te pris Jehoiadago ogwa ela muani te kone palali. Tama augwaligo Joas ela muabo po pesela sali, te aga dwai kolesaga yali wei ponoyu. Tama nosali augwaligo aga te aga betde pila mubadi augwaligo aga ela muani. Tama bidi dabego agai tigi te Devitgo Taunde pubulali, tiali goli augwaligo aga te king dabego gų pagede pubalubeo. ²⁶ Te king ela muani bidi sigo nogi, te Sabat, me Jehosabat si dao. Te Sabat aga ida te Simeat dao, te Amon hani we me deli dao. Te Jehosabat aga ida te Simrit dao, te Moap hani we me deli dao. ²⁷ Te king Joasgo ogwa dabego po dabe, me te profet dabego Joas dolaibao wali te po dabe, me Joasgo Genuai Bidigo tempel be ma dodolali, te po me, te tigidali te po dabe te buku me augwaligo nogi ebo te buku nogi King Dabego Po Page Elalubo Buku, tede elalubo. Joas aga polo isai madi aga ogwa Amasiago aga pesage selama, tama aga king pedelali.

King Amasiago po

(Daj 25)

Amasia aga juda dabego king bidali

(2 Kin 14:2-6)

25 Te Amasia aga king pedelali sogo agai kibu be 25 elaluali, tama aga Jerusalemde king bidibadi 29 kibu be yali. Aga ida te Jehoadin dao, te taun Jerusalem we me deli dao. ² Amasiago Genuai Bidigo gedude wiegi yai kolesaga yali. Tiali goli agai te kolesaga wali pabo bomu mu meni yai.

³ Tama Amasia agai te kantri Juda tonalubo bomu ebo sogo, agai pode augwaligo te agai aya king Joas ela muani ofisa bidi dabe ela muani. ⁴ Tiali goli agai te ofisa dabego wai dabe elebeo. Menio. Agai augwali bidimainu sula tagalali. Agai te Genuai Bidigo bomai po polobadu Mosesgo te Israel dabebolo mani po wali pali. Genuai Bidigo te po da e tama wai dao, "Te bidi mego dwai se elama tama bidi me ela muai baso da, teda dagego wei ponoyu aga ida aya ela munamo dao. Te tama tiwai naga, aga ida ayago dwai se yai baso da, teda dagego augwa wai puluba elamo dao. Te bidigo te dwai se yali da, te bidi deli naga dagego ela muiwo," te bomai po te tama wali pali. †

Amasiago Idom dabe dali hwjgi pali

(2 Kin 14:7)

⁵ Te king Amasiago tigidali Juda hani dabe me tigidali Benjamin hani sisinagasiwo po wali. Te augwali sisina silagasabo si, agai te bidi dabe te kibu be 20 me 20 kibu be edelai bidi dabe aga selama sa muani, tama augwali agai ami haniba muani. Tama agai te ofisa bidi dabe sa muani, te augwali meba deli deligo te 1,000 bidi dabe tonaluyu, mebago 100 bidi dabe tonaluyu yabo sa muani. Tama agai deli deli ofisa dologode deli deli hani bidi dabe muyu muyu ela pali. Tama tigidali ami bidi dabe sesego namba te 300,000 usu nama elaluali. Tama te bage augwali bugagia hwjyu, me augwaligo enego me sabele ni name dage dabe dali bugagia mu hwjbo bage dao. ⁶ Tama me agai 100,000 wiegi yai ami bidi dabe te kantri Israelde sali. Agai augwali silvago abelali, te silvago sege te 3,000 kilogram edelai dao. ⁷ Tiali goli profet mego kingbolo te po wagi pali, "Nago te Israel dabego ami nage dali boiba odasa pigio. Magi baso meni, te kantri Israel bidi dabe augwali Genuai Bidi dologode bidibo menio, tama tibaso God augwali dali bidibo menio. ⁸ Tiali goli nago homugo augwali hwjabo bomai hani mu dao homu iyu da, teda nago augwali odasa pao. Tiali goli nago koneao. Godigo te boi bidi dabego nage elalumainu yaibao. Magi baso meni. God agaduba deligo naga bidi aiyaba elaluabo me ugwa ela holabo se ilibo dao," te profet bidigo te po wali.

† 25:4 Bom 24:16

⁹ Amasiago te po odama, tama agai te profetbolo te po hanalu wali, "Tiali goli, eno te Israel dabe ami bidi dabebolo mani, te silva dabe magi yaibawe?" Tama profetgo Amasiago po wei ponoyu, te po wali, "Nage moni homu igio. Genuai Bidigo nage silva hauwa mu mabo usu yaibao, nago augwali mani te silva edelama mu mabo usu yagameo," wali. ¹⁰ Tama tialima Amasiago te ami bidi dabe augwali augwa buluba ma tagala palali. Tama augwaligo Juda dabe dali sebe genuai mu yali, magi baso meni, augwaligo te hwjbo pelama doado bage sabo tu megi paliali.

¹¹ Tialima nosali Amasia aga homu daw olama, tama agai aga ami dabe te bulu te Tamu Hauwa Elalubo buluba odasa pali, te Idom dabe dali hwjainogo. Tama augwaligo Idom dabego ami bidi 10,000 ela isilali.

¹² Tama augwaligo gasa 10,000 Idom ami bidi kalabus elama bulu du meba odasa pali. Tama augwaligo te Idom dabe te sau pado dwai pesagedu aba sayani, tama augwali isilama, tama augwaligo tigi dabe sese togoa pali.

¹³ Tama te Amasia aga ami bidi dabe dali augwali te Idomba hwjgi pali sogo, te Israel dabe ami bidi te Amasiago augwali ma tagala palali, te ami bidi dabe augwali ma aselama, Juda dabego taun dabeba hwjgasali. Te taun Samariadu gagalama, te taun Bethoronba usu nigi pali. Tama augwaligo 3,000 we bidi ela munama, tama augwaligo te taun dabede wiegi yai nai dabe hauwa mu sali, tama augwa sela pali.

Profet bidi me deligo Amasia sesenani

¹⁴ Te Amasiago Idom dabe aiyaba elalubo si, agai te Idom dabego tibo god dabe agai Juda buluba ma sesali. Tama agai augwaliba lotu po weyu, me wiegi yai denami ebo pauda uluyu yali, te augwali ofa tiwai yali.

¹⁵ Genuai Bidigo king Amasiago ebo kolesaga sulama, agai aga dali sebe mu yali. Tama tialima Genuai Bidigo profet me deli tagala palama, te Amasiabolo te po waligi pali, "Magi baso naga gasa hanigo tibo godiba lotu po obawe? Te god dabego augwa we bidi tau selama, nago nogode dobola sabo suai menio, nago polo koneani. Tama tialima, nago magi baso augwaliba lotu obawe?" wali.

¹⁶ Profetgo po odubadi tama Amasiago agai po togoyu, te po wali, "Dego nage enabolo kolesaga mabo bidi nigilai daw? Nage penane pania sao. Tiyu, eno ami bidi me delibolo nage elama isila po wai dalio," wali. Profetgo te po odama, aga penane pania sainogo, hasia bolo agai kingbolo te po walali, "Megi da, eno koneanio, Godigo nage dolainogo yalio, magi baso meni, nago dwai kolesaga elama, tama megi nago eno po odobo hagela yalio," wali.

Amasiago Israel dabe dali hwjani

(2 Kin 14:8-20)

¹⁷ Te king Amasia aga ofisa dabego homu hanaluma, tama agai ami bidi dabe Jehoas pageba tagala palali, te Israel dabego king pageba. King Jehoas aga te Joahasgo ogwa dao, te waj Jehugo ogwago wai. Te

bidi dabe augwali te Jehoas pageba saboligi pelama, augwaligo agabolo te po walali, "King Amasiago dage Israel dabe dali hwjαιο po walio," te po wali. ¹⁸ King Jehoasgo te king Amasiago po wei ponoyu, te po digi po begelama agabolo ola tolali, "Te kantri Lebanonde te nosai me sesane yai nosaigo te moni genuai bō ni me delibolo po ola toliyu te po wali, 'Eno homugo nago eno ogwabolo nago wegi mao homu ebao, tama augwali si we de bidi si bidimainu,' tama wali. Tiali goli nosaigo te po wai nosali badu, te bulu hasa genuai me tedu soayu te nosai agayali, tama te nosai doali." ¹⁹ Jehoas agai te po begelama wali, tama agai Amasiabolo po wadolama weyu te po wali, "Eno koneani, nago te Idom dabe dali hwjainama tama nago augwali aiyaba elaluali. Tama tialima nage wiegi yai homu pemene elama, tama nage tobolu gagea pelama, tama naga nogi genina ugwaba mu te sabao. Tiali goli megī da, nage naga bulude bugagia bidao. Te da dali hwjainu ebo tagalao. Tiyu, nage dolabuo, tama nago Juda dabe me dolomainu ilabuo," Jehoasgo te po ola tolali.

²⁰ Tiali goli Amasiago Jehoasgo po odobo hagela yali. Te po page e dao. Godigo Juda dabe te boi bidi dabego nogoba muabo homu polo yai dao. Magi baso meni, augwaligo Idom dabego tibo godiba lotu wali pode. ²¹ Tama tialima, Jehoas te Israel dabe augwali te taun Betsemes te kantri Juda buluba pelama, tama augwaligo Amasia me aga ami bage dali augwaligo hwjigi pali. ²² Augwali hwj hwj pelama, Israel dabego Juda dabe aiyaba elaluali. Tama Juda dabego ami bidi dabe augwa buluba ma wi pali. ²³ Tama Jehoasgo Amasia pagabi elama kalabus ilali. Tama nosali, Jehoas aga te Israel ami bidi dabe dali augwaligo te Amasia selama, tama augwaligo Betsemes tagalama, Jerusalemba pali. Tama augwaligo te taun obo meba hūgiali. Te Efraimgo Sunumidu gagalama pelama, te Konago Sunumiba usu nigi pali. Augwaligo te hūgiali te obo daj da, te 200 mita tama usu nama ganama dao. ²⁴ Tama Jehoas aga Jerusalem tomoba pelama, tama te taunde munaluali te gol me silva dabe tigidali tama sali. Agai te Godigo tempel bede dis o pou dabe me siyu, me plet dabe me siyu yali, te Obetidomgo hanigo tonalubo nai dabe. Tama me agai kingo mone mubo be habude munalubo nai dabe sali. Tama agai te Juda dabego tobolu bidi dabe me kalabus elama, augwaligo oda selama, te Samariaba ma sela pali. ²⁵ Nosali Israel dabego king Jehoas aga isali, tama Juda dabego king Amasia aga 15 kibu be ma bidama, tama nosali augwaligo aga elama isilali. ²⁶ Te king Amasiago yali sē po dabe te aga king pedelalidu yali sē dabedu tama gagalama, tama aga isaliba usu nagasali po, te buku augwaligo nogi ebo te Juda de Israel Hani Sigo King Dabego Buku wabo bukude te elalubao.

²⁷ Te king Amasiago Genuai Bidiba tudi ola mabo si da, bidi mebago aga Jerusalemda ela muabo po pesela sali. Agai augwaligo te sē yaibao po wabo odali. Tama tibaso, aga taun Lakisba wi pali. Tiali goli aga te boi bidi dabego bidi meba aga wali te taun Lakisba pelama, tama aga tede ela muani. ²⁸ Tama bidi meba-

go agai tigi te hosde munama, tama Jerusalemba sela pali. Tama augwaligo aga te aga waj dabego gu pagede pubulali.

King Usiago po dabe

(Daj 26)

Usia aga Juda dabego king pedelali

(2 Kin 14:21-22; 15:1-17)

26 Te Amasia aga isibo si, te Juda dabe augwaligo aga ogwa sali, te Usia sali, tama augwaligo aga king bidimainu sa muani, te aga ayago pesage selama bidimainogo. Usia aga king pedelali sogo agai kibu be 16 tama elaluali. ² Aga king bidama, nosali agai boi hwjigi pelama, agai te taun Elat te boi bidi dabego no-gode ma sigi pali. Tama agai te taun dolali madi ma dodolali.

³ Te Usia aga king pedelali sogo, agai kibu be 16 kibu be elaluali, tama aga Jerusalemda king bidibadi kibu be 52 yali. Aga ida te Jekolia dao, te taun Jerusalem we me deli dao. ⁴⁵ Te Usia aga king bidibadi, bidi me nogi Sekaraiago Usia aga gedu haluasa po wabo ola mayu, me God Genuai Bidi dologode bidibo kolesaga ola maduali. Tama Sekaraia aga isisabadi da, king Usiago Godigo homu kolesaga wali pabo homu bomo elama mu elaluali, tama agai wiegi yai kolesaga Genuai Bidigo gedude eyu yali, te aga aya Amasiago yali gilama tama yali. Te Usiago Godigo homu kolesaga wali pabo homu bomo elalubadi da, teda Godigo aga tau siyu, tama Usiago ebo sē dabe tigidali wiegi yai naga iduali.

⁶ Tialima king Usia hogodama, tama te Filistia dabe dali hwjigi pali. Tama agai augwali aiyaba elaluama, tama agai te taun Get, me taun Japne, me taun Asdot obo aluali. Tama agai gesi taun dabe te Asdot dabego tōde geseliyu, me te meba kantri Filistia tōde nigiyu yali. ⁷ Godigo aga tau selama, tama agai te Filistia dabe, me Meun dabe, me te Arebia dabe te taun Gurbal dabe aiyaba elaluali. ⁸ Aga bomai king mu pedelali, tama te we bidi te kantri dabe te elalua pabo dabe me pelama, Isipba saboligi pali bagego agai genuai nogi po odali. Tama te Amon dabego agabolo takis mone mayu yali, te agabolo te augwali aga dologode bidiba weyu, te ola mayu te takis mani.

⁹ Tama Jerusalemda Usia agai te e tama taun obo dabe dodolobo sē yali. Agai te Konago Sunumide agai be sē yani, me te Odogo Malu Bulu Sunumide me, tama augwaligo te Sapela Kona wabo te sunumi badu me be te obo daide sē yani. Te ami bidi dabe tede bidiyu, te boi bidi asobo no munalu yabo. ¹⁰ Usiago kau kibu hani hauwa me sipsip kibu hauwa mu te gili-ga dega sabo bulu badu te malu tōde me te bulu du dabede hauwa mu elaluali. Tama tialima, agai te bidi meni yai kala sili bulu badu agai te sigi be taua me badu geselali, magi baso meni, te agai sē bidi dabe mebago tede bidiyu, te agai hasa dabe bugagia

tonalubo usu mu yali. Tama me agai te hasa dabego tuabo wę ulu hauwa mu geselali. Tama me ma Usia aga didiman sę ebo godolo mu ebo bidi dao. Tama tibaso, agai te we bidi dabebolo te wain gi hauwa buluyu, me gasa nai dabe te wiegi yai tų ili hauwa elalubo tųde bulao po wali, te bulu du yali madi me nai bulao po wali.

¹¹ Usia agai ami hani te hauwa mu elaluali, tama augwali te wiagila hwjbo bage dao. Tama Jeiel te kingo kuskus me deli dao, me Masea te ami bidi dabe nedama, te mena tama bidi te deli deli ami hani tomode bidabo sa mubo bidi. Tama Hanania te kingo polalubo ofisa me deli dao, te sę ebo bugagia tonalubo bidi. ¹² Usia agai 2,600 polalubo bidi dabe elaluali, te deli deli ayago togali Juda wj te agai ami tomode bidibo bidi dabe tonalubo bidi dabe, agai te bomai ami dabe tonalubo bage. ¹³ Tama te ami bidi dabego namba te 307,000 bidi tama elaluali, tama augwaligo bomu elama mu hwjnama, tama king tau selama, boi bidi aiyaba elalubo usu yali. ¹⁴ Tama Usia agai hwjbo nai dabe tigidali dodolama elaluali, te ene, me ni name dage te sabele, me kapa hadi, me hwjyu gudubo ugwa, me enesigi dabe, me masigi du dabe te katapel te gumi enesigigo enabo me dodolama elaluali. ¹⁵ Tama me agai kolesaga koneai bidi meba Jerusalemde elaluali, tama augwaligo te masin dabe geselali, tama augwaligo te masin munama elaluali. Tama te hwjbo si asobaso da, augwaligo te taun obo nogo habuba te masin dabe ugwa sela pelama, me te ami bidi dabe bidiyu, te boi bidi dabe asobo no munaluyu tonaluyu bidibo te tauaba sela holiyu elama, tama augwaligo te masin selama, te ene enebo sę eyu me genuai masigi selama te boi bidi dabe bidiboba eneyu yabo masin elaluali.

Te Usiago yali sę dabe tigidali te Godigo aga bugagia mu tau sali. Tama tialima aga bomai king mu pedelali, tama digibulu we bidigo agai genuai nogi po odali.

Usiago God dali hagoma yali

(2 Kin 15:5-7)

¹⁶ Tialima te Usia aga boma pelama, tama agai nogi genuai ugwadu mu pedalo si, da, agai homugo aga bomai king mu dao te homu yali. Tama tialigo aga dolali. Aga God aga Genuai Bidigo po wali pabe, tama agai digi te Genuai Bidigo tempel be tomode alta elalubo madi pelama, tama agai digi te wiegi yai denami ebo te pauda ulainogo pali. ¹⁷ Tiali goli pris Asariago aga tomoba tula pabo suali, tama agai Genuai Bidigo pris bidi 80 te wi meni yai pris sali. Tama augwali te king wali te Genuai Bidigo tempel be tomoba pali.

¹⁸ Augwaligo aga sesanama, tama agabolo te po wali, "Usia, nago odao. Te wiegi yai denami ebo pauda Genuai Bidibolo ulubo te nago sę menio. Te menio. Genuai Bidigo te Arongo hani pris bidi dabego te ofa emainogo sa muai dao. Nage polo tama te e tedali gasagi yai be habu taga pao. Magi baso meni, nago God dali dwai sę genuai mu yali dao. Tama tialima, God Genuai

Bidigo nage dali wiegi yai haliga me egobeo," augwaligo te kingbolo te po wali. †

¹⁹ Usiago te wiegi yai denami ebo pauda ulubo plet nogo totaluyu, tama agai te wiegi yai denami ebo pauda ulubo alta pagede dolaluali. Agai te pris dabego po odama, tama agai augwali dali sębę genuai mu yali. Tialima polo tama te oyabe gasi agai gesabidide mu yali, te kingo gesabidide, te Genuai Bidi agai tempel be tomode digi. ²⁰ Te hetpris Asaria me te meba pris dabe dali augwaligo te oyabe gasi te kingo gesabidide elalubo suali, tama augwali noma mu selama, augwaligo aga buluba sela sayani, te Genuai Bidigo bedu buluba sela sayani. Tama agai digi me polo pali. Magi baso meni, agai polo koneani, Genuai Bidigo agai tigde te gasi pedelemainu ilama, aga dene mawainogo ebaso.

²¹ Te oyabe gasi te king Usia tigde yali te silabo usu meni yai. Tama tibaso, aga Genuai Bidigo tempel be ma pabo usu ebe. Tama me ma Usiago te kingo be tagalama, tama agai gasa be meba bidigi pali. Tama agai ogwa Jotamgo te king sę totaluyu, te kingo be tonaluali, me agai te kantri tonalubadi te king Usia isiboba usu nigi pali.

²² Te king Usiago yali sę po dabe agai te king pedelali sogo gagalama aga isali sogoba usu nagasali po te buku profet Aisaia te Amosgo ogwago asęani bukude te elalubao. ²³ Te Usia isibo si, augwaligo aga te agai wj dabego gų pagede pubulali. Tiali goli augwaligo aga te meba king dabego gų page digibulu gana pubulali, magi baso meni, aga oyabe gasi yaibaso. Tama agai ogwa Jotamgo agai sę selama, tama agai king pedelama king mu bidali. ††

King Jotamgo po dabe

(Daj 27)

Jotam aga Juda dabego king bidali

(2 Kin 15:32-38)

²⁷ Te Jotam aga king pedelali sogo agai kibu be 25 elaluali, tama aga Jerusalemde king bidibadi kibu be 16 tama yali. Aga ida te Jerusa da, te Sadokgo wegi. ² Jotamgo Genuai Bidigo gedude wiegi yai kolesaga yali, te aga aya Usiago hasia bolo yali gilama tama yali. Tama Jotam agai wiegi yai kolesaga me deli yali da, te aga aya Usiago te denami ebo pauda ofa ulainogo te Genuai Bidigo tempel be tomoba pali, te sę tiwai agai ebeo. Tiali goli te Juda we bidi augwaligo wiegi yai kolesaga me ebeo. Augwaligo te haniani dwai kolesaga dabe yali.

³ Te Jotamgo te sę bidi dabebolo walama, augwaligo te Genuai Bidigo tempel be sunumi, augwaligo Ugwadu Sunumi wabo, te sunumi ma geselali. Tama augwaligo te Ofel dwasianu bulu du, te Jerusalem tomode, tede elalubo obo dodolobo sę hauwa mu yali. ⁴ Tama

† 26:18 Sai 30:7-8; Nam 3:10 †† 26:23 Ais 6:1

me agai sę bidi dabego Juda bulude bulu du dabede taun nigiyu ela pali, me te ni dabe hauwa elalubo bulu dude me nigali. Augwaligo te ami bid dabe duala selama hwjabo bomo yai pesage nigali, me augwaligo te ami bidi dabe bidiyu te boi bidi dabe no muabo bobobage taua sigi be dabe geselali. ⁵ Tama nosali, Jotamgo aga ami bidi dabe dali augwali te Amon dabe king dali aga ami bidi dabe dali boi hwjigi pali. Tama Jotamgo ami bidi dabego Amon dabego ami bidi dabe aiyaba mu elaluali. Tialima Jotamgo Amon dabebolo agabolo takis mao po wali. Tama te kibu bedede augwaligo agabolo te 3,400 kilogram silva mani, me 1,000 ton sęę wit, me 1,000 ton sęęę rais bali agabolo mani. Tama te deli tiwai takis te namba 2 kibu bedede me namba 3 kibu bedede me mani. ⁶ Jotamgo Genuai Bidi aga Godigo godolo ebo kolesaga wali pali. Tama tiyu, aga bomai king mu pedelali. ⁷ Te king Jotamgo meba sę yali po dabe te buku nogi augwaligo te Juda Hani me Israel Hani Sigo King Dabego Po Buku wabo, te bukude meba po dabe tedede te elalubao. Te bukugo agai hwjani me sę yali dabe po me pusai te elalubao. ⁸ Jotam aga king pedelali sogo aga 25 kibu be elaluali, tama aga Jerusalemde king bidibadi 16 kibu be yali. ⁹ Te Jotam isali sogo augwaligo aga te Devitgo Taunde pubulali, tama aga ogwa Ahasgo agai pesage selama, tama king pedelali.

King Ahasgo po dabe

(*Daj 28*)

Ahas aga Juda dabego king bidali

(2 Kin 16:1-4)

28 Te Ahas aga king pedelali sogo aga kibu be 20 elaluali, tama aga Jerusalemde king bidibadi 16 kibu be yali. Tiali goli agai Genuai Bidigo gedude wiegi yai kolesaga me ebeo, te aga waj Devitgo yali tiwai ebeo. Menio. ² Agai dwai kolesaga naga iduali, te Israel dabego king dabego ebo kolesaga tiwai yali. Agai te sę bidi dabebolo olama, tama augwaligo bras dabe selama, augwaligo tibo godigo piksa Bal noma dabe nigali. ³ Tama aga te Hinom Dabego Odogo Malu buluba pelama, agai wiegi yai denami hano holobo pauda te buluba ofa igi pelama uligi peyu yali. Tama me agai dwai kolesaga mu iyu yali. Agai aga ogwa wai dabe elama, tama aga tibo godiba te isigo mu dela silibo ofa uligi peyu yali. Agai te tęde polobadu bidali dwai we bidigo dwai kolesaga wali pali. Tiali goli Genuai Bidigo augwali sela sanama, tama Genuai Bidigo te tę te Israel dabebolo mawai dao, polobadu. ⁴ Tama Ahas aga te tibo godiba lotu wabo pesageba peyu yali. Te pesage dabe te bulu dude dabe elaluyu, me te genuai ni dologode dabe elaluali. Tama agai ofa dabe iyu me wiegi yai denami hano holobo pauda uliyu yali.

Te Siria dabe me Israel dabe augwaligo te Juda dabe dali boi hwjagasali

(2 Kin 16:5)

⁵⁶ Te king Ahasgo dwai kolesaga hauwa mu yali, tama Juda we bidigo me augwa wajigo God te Genuai Bidiba augwa tudi ola mani. Tama tibaso, Godigo Siria king aga ami dali augwaligo Ahasa aga ami dali hwjagaselama tama aga aiyaba elalumainu ilali. Tama Siria dabego Juda dabe hauwa mu oda selama, Damaskusba kalabus igi pali. Tama nosali Genuai Bidigo Israel dabego king tagala palali, te Peka dao, te Remaliago ogwa, te bidi aga ami bidi dabe dali aselama hwjagaselama, Ahas dali aga ami dabe dali aiyaba elaluali. Tama deli sogo bubugade Juda hani ami bidi te 120,000 bidi elama isilali. ¹⁷ Tama Sikri te Israel bomai ami bidi me deligo Juda dabego genuai bidi sela ela muani. Augwaligo nogi e dao, king Ahasgo ogwa Masea, me kingo be tonalubo bidi Asrikam, me te kingo namba tu bidi Elkana, tama bage ela muani. ⁸ Te Israel dabe augwaligo te Juda dabe hobede dwasianu me ebeo, te augwa ama solo digi dao. Menio. Tama augwaligo Juda hani we wai dabe te 200,000 kalabus ilali, tama augwaligo wiegi yai doado bage dabe hauwa sali, tama te nai dabe sese te taun Samariaba sela pali.

Profet Odetgo Israel dabe sesenani

⁹ Tama te sogo Genuai Bidigo profet bidi me deli Samariade bididuai, agai nogi Odet dao. Tama Israel dabego ami bidi dabe ma asobode te Odetgo augwali tięba pelama, te po wali, "Genuai Bidi, dago wajigo God, agai te Juda dabe dali sębę elama augwali agai dagego nogoba mawai dao. Tiali goli dagego sębę mu elama, tama agai po bolama, dagego augwali ela mubo sę genuai mu yalio. Tama Genuai Bidigo dagego te dwai kolesaga yali polo سوالio. ¹⁰ Tama me ma dagego Juda we bidi me Jerusalem we bidi dagego duga olo sę ebo we bidi gagalainu odasa asalio. Mena tama tialiwe? Dagego homugo dage Genuai Bidi duga Godigo gedude dage bugagia bidiba homu yaliwe? ¹¹ Tialima dagego odięo. Megi dagego te ama solo me abe solo dagego te kalabus yali, te bage augwali ma tagala palao, te augwali augwa buluba ma pomainao. Magi baso meni. Genuai Bidigo dage dali sębę genuai mu dage dali eba, tama agai dagebolo dene mawaibao," wali.

¹² Tama me ma Israel dabego tobolu bidi me si me sigo te Israel dabe ami bidi dabego yali te sę godolo ebeo. Augwaligo nogi e dao, Asaria te Johanango ogwa dao, me te Berekia te Mesilemotgo ogwa dao, me Jehiskia te Salumgo ogwa dao, me te Amasa te Hatlaiogwa dao. ¹³ Te genuai bidi dabego te ami bidi dabebolo te po walali, "Dagego te hani kalabus bage eba odasa asigimio. Dago Genuai Bidigo gedude te Juda dabego yali dwai sę polo wei ponai dao, tama me

tede dage te agai po edelai dao. Tama agai da dali seḅę genuai mu yalio. Tama tialima dagego te e dwai kolesaga iyu da, teda dago dwai seḅę genuai mu yaibao, Genuai Bidigo gedude," augwaligo te po wali. ¹⁴ Te ami bidi dabe augwaligo te po odama, te kalabus dabe me te Juda bulude sali doado bage sese tama tagalali. Te genuai bidi dabe pagede me te Israel we bidi dabe pagede tagalali, tama tilama augwa pali. ¹⁵ Tama tialima, te me si me si genuai bidi dabego te kalabus hani tonalubo seḅę yali. Augwaligo te ami bidi dabego boide sali te ugwa dabe meba selama, tama augwaligo te kalabus hani we bidi ugwa mu habuge yali we bidibolo mani. Tama augwaligo augwali sendel saḅa su gudumainu mani. Tama me augwaligo augwali tuabo nai me aḷ tuabo mayu yali. Tama me augwaligo augwali kenide marasin muyu yali. Tama augwaligo te we bidi pabo bomo meni yai we bidi selama, augwaligo donki kibude dualali. Tama augwaligo te kalabus dabe odasa pelama, augwa deli hani bidi dabeba ma tagaligi pali. Augwali taun Jerikoba saboligi pali, te taunde ni det hauwa elaluali, tama te Israel dabego augwali tagalama, augwa Samariaba ma geasa pali.

Ahasgo Asiria dabego aga tau somainu hanalu wali
(2 Kin 16:7-9)

¹⁶⁻¹⁷ Te Israel dabego Juda dabe dali boi hwjnama augwali aiyaba elaluama pabo tudi badu, nosali te Idom dabe ma aselama, tama te Juda dabe dali boi hwjnama Juda dabe aiyaba ma elaluali. Tama augwaligo meba we bidi kalabus elama odasa pali. Tama tiba-so, king Ahasgo bidi meba Asiria king bidi sugi pelama, aga tau sagasomainu hanalugi pali. ¹⁸ Tama me te Filistia bidi hani aselama, giliga dega sabo badu me saut badu elalubo dwasianu Juda bulu dude taun dabeba boi hwjagasali. Augwaligo Juda dabe aiyaba elaluama, taun Betsemes sobadi, me taun Aijalon sobadi, me taun Gederot sobadi yali. Tama me augwaligo taun Soko sobadi, me Timna, me Gimso, me te taun dabe paḅe elalua pali dwasianu be nani dabe me sali. Te Filistia dabe augwaligo te taun dabe polo sali. Tialima augwaligo te taun dabe augwa taun dabe gagalali. ¹⁹ Te seḅę te king Ahas me Juda we bidiba te pedelali po page da e dao, Ahasgo dwai kolesaga hauwa mu yali, tama agai Genuai Bidiba tudi ola mani. Tialima Genuai Bidigo te genuai seḅę pedelama, te kantri Juda aiyaba elalumainu sula tagalali. ²⁰ Tama nosali king Tiklat Pileser te Asiria king bidi te Juda buluba asali, tiali goli agai Ahas tau sabeo. Menio. Aga dali aga ami bidi dabe dali augwaligo Ahas dali dwai seḅę iduali. ²¹ Tama tibaso Ahasgo Tiklat Pileser homu nageamea sainogo agai Genuai Bidigo tempel be munaluai gol dabe siyu, me kingo bede munaluai me siyu, me tobolu bidi dabego bede munaluai nai dabe me siyu elama, tama te Tiklat Pileserbolo mani. Tiali goli, te tama tialigo Ahas tau sabeo.

King Ahasgo God mu tagalali

²² Te king Ahasgo te seḅę hauwa mu sabo sogo agai Genuai Bidi munu me homu kone ebeo. Menio. Agai Genuai Bidi tudiba munama, me genina mu tudi ola manio, tama dwai dwai seḅę hauwa mu yali. ²³ Agai te po wali, "Te Siria dabego god dabego Siria dabe tau sai dao. Tama tialima eno augwaliba ofa eyu da, augwaligo ena tau sogowe?" te po wali. Tama tialima Ahasgo te Siria dabego tibo god dabeba ofa ebo seḅę iduali, te aga boide aiyaba elaluali bidi hani. Agai te kolesaga dabe yali, tama te agaba me Israel we bidi tigidaliba te genuai seḅę pedelali page dao. ²⁴ Tama me king Ahasgo Genuai Bidigo tempel be tomode munaluali dis dabe plet dabe subigila aluama tagalali, tama agai Genuai Bidigo be sunumi dabe papali pali. Tama agai alta dabe te tigidali Jerusalem bulude nidigi pali, te aga te tibo god dabeba lotu weyu yabo nigali. ²⁵ Tama te alta te Juda bulu taun tigidalide geseliyu ela pali. Agai te lotu wabo pesage geselali, te we bidi pelama, te tibo godiba te wiegi yai denami hano holobo puda ofa igi peyu emainogo yali. Tama Ahasgo te yali kolesagago Genuai Bidi augwa wajigo Godigo seḅę genuai mu aga dali emainu ilali.

²⁶ Te king Ahasgo yali seḅę dabe meba po me agai kolesaga te aga king pedelalidu gagalama aga isaliba saboluyu tomode yali seḅę dabe po te buku augwaligo Juda Dabe Me Israel Dabe Sigo King Dabego Po Buku wabo, te bukude aseḅai dao. ²⁷ Te Ahas isali sogo, augwaligo aga te Jerusalemde pubulali. Tiali goli augwaligo aga te king dabe gų pagede pubalobeo. Tama aga ogwa Hesekiago agai pesage selama, tama aga king pedelali. †

King Hesekiago po dabe

(Daj 29-32)

Hesekia aga Juda dabego king bidali
(2 Kin 18:1-3)

²⁹ Te Hesekia aga king pedelali sogo agai kibu be ²⁵ elaluali, tama aga Jerusalemde king bidibadi kibu be 29 yali. Aga ida te Abiya dao, te Sekaraiago wegi dao. ² Hesekiago Genuai Bidigo gedude wiegi yai kolesaga yali, te aga waj king Devitgo yali tiwai yali.

Augwaligo Genuai Bidigo tempel be wiegi yai ma ilali

³ Te Hesekia aga king bidali sogo te namba wan kibu bede te namba wan poluade, te kibu bede agai Genuai Bidigo tempel be sunumi ma dayali, tama agai bidi mebabolo te sunumi ma dodolao po wali. ⁴ Tialima agai te pris hani meba me Livai hani augwali te Genuai Bidigo Bede giliga asobo badu te bidi sisinagasabo pesageba sisinagasao po wali. ⁵ Tama agai augwalibolo

† 28:27 Ais 44:28

te po wali, "Dage Livai dabe, dage duga digi Genuai Bidibolo maiḳo, te dago wḳj dabego Godibolo. Tama te tempel be te agaduba be mu sa muao. Tama dagego Godigo gedude te be meda ilibo doado bage dabe sese buluba sela ṣayao. ⁶ Dago wḳj dabego dago Genuai Bidi dago Godigo po bugagia mu me wali pabeo, tama augwaligo agai gedude dolo isḳwai kolesaga iyu yalio. Augwaligo God tagalama, tama augwali aga bidibo be taga peyu, tudi ola mawai dao. ⁷ Tama augwaligo Genuai Bidigo be sunumi dabe paliali, tama lam dabe sula sanama tagalali. Tama augwaligo wiegi yai denami hano holobo wiegi yai pauda me ulubeo. Tama augwaligo isigo mu dela silibo ofa ulubeo, te Israel dabego Godigo alta daide," te po wali.

⁸⁹ Te Hesekiago po me wadolama te po wali, "Te Juda dabe me Jerusalem dabe augwaligo te dwai kolesaga yali. Tama tibaso, Genuai Bidigo augwali dali ṣeḳe elama, tama agai augwali dene mawai dao. Agai te boi bidi dabe tagala palama, dago aya dabe ela silimainu yalio. Tama augwaligo dago we dabe me wai dabe kalabus elama, augwa kantriba odasa pai dao. Tama te gasa hani we bidigo Genuai Bidigo dago te taun dabe ba te ṣe yali po odobo si da, teda augwali homu hauwa mu elama, wi geninama ma ebo dao. Dago te bugagia mu koneani dao," kingo te po wali.

¹⁰ "Tama tialima, eno homugo dago megi da Israel dabego God dali wadolama bidabo po daḳ wainao, tama agai da dali ṣeḳe munu me egobeo. ¹¹ Dage te pris dabe me Livai dabe, dagego te koneḳo, Genuai Bidigo dage agai ṣe emainu sa muai dao. Dage Genuai Bidigo gedude dolama tama agai ṣe yabo te elalubao, tama te we bidigo agaba mu lotu omainu ola maiabo te elalubao, tama me te wiegi yai hano holobo ofa yabo me te dao. Tialima dagego te ṣe bugagia mu yao," Hesekiago te po wali.

¹² Te Livai dabego te kingo po odali bagego nogi e dao. Mahat te Amasaigo ogwa, me Joel te Asariago ogwa. Te augwali si te Kohat hani wḳj bidi dao. Me Kis te Apdigo ogwa, me Asaria te Jehalelgo ogwa, augwali si te Merari hani wḳj bidi si dao. Me Joa te Simago ogwa, me Iden te Joago ogwa dao, augwali si te Gerson hani bidi si dao. ¹³ Me Simri me Juel te Elisafan hani bidi, me Sekaraia me Matania te Asap hani bidi, ¹⁴ me Jehuel me Simei te Heman hani bidi. Tama me Semaia me Uziel te Jedutun bidi hani dao. ¹⁵ Te Livai dabe augwali hogodama, augwa haniba pelama, augwaligo augwa digi Genuai Bidigo gedude wiegi yai pedalobo kolesaga wali pali. Augwali wiegi yai pedalama, tama augwaligo Genuai Bidigo bomai po wali peyu, tama augwaligo Genuai Bidigo tempel be dodolali, te kingo augwalibolo wali gilama tama tiali. ¹⁶ Tama tilama, te pris dabe augwali Genuai Bidigo tempel be tomoba pali, tama augwaligo Godigo gedude meda yai nai dabe sese sela ṣayani. Augwaligo te nai dabe te genuai sisinibo pesage te Genuai Bidigo be gesabidi baduba sesali. Tama Livai dabego te nai dabe tolasa Jerusalem bulu badu pelama, te Kidron Odogo Malu buluba ṣḳi pali. Tama nosali te pris dabego te be Gen-

uai Bidigo gedude wiegi yai ma ilali. ¹⁷ Augwaligo te ṣe te dei namba wan te namba wan poluade te ṣe gagalali, te Genuai Bidigo obo tomode elalubo nai dabe wiegi yai ilimainu. Augwaligo ṣe ela pidubadi, dei namba 8 teba sabolali. Tama augwali te be sunumiba sabolali. Tama augwali gasa 8 sogo ma ṣe yali, te Genuai Bidigo be aga gedude wiegi yai ma pedalomainu. Tama augwaligo te ṣe te dei namba 16de silali. Tama te be augwaligo Genuai Bidiba lotu wabo usu elama sisi yai elaluali.

Augwaligo Genuai Bidigo bede ofa yali

¹⁸ Te pris dabe me Livai dabe augwaligo ṣe silibo si da, teda augwaligo te king Hesekia sugi pali, tama agabolo te po wali, "Dago te Genuai Bidigo tempel bede tigidali nai dabe sese wiegi yai ilai dao. Te isigo sese dela silibo ofa ebo alta, me te altago doado bage dabe, me augwaligo Godibolo mabo bret mubo tebol, me te tebolgo tigidali doado bage dabe sese tama wiegi yai pedelali. ¹⁹ Tama me dago te king Ahas agai God tudi ola menama Genuai Bidigo bede sela ṣawani te dis dabe me plet dabe, dago te nai dabe sese tama ma Genuai Bidigo beba ma sesalio, tama Genuai Bidigo gedude te nai dabe wiegi yai ma ilalio. Tama dago te Genuai Bidigo alta paḳe munama elalubao," wali.

²⁰ Te king Hesekia agai te po oda selama, tama kigamu hulide mu agai te Jerusalem bulu tobolu bidi dabe sisinagasao po wali. Sese tama sisinagasobo si da, teda agai augwali sese tama Genuai Bidigo beba odasa pali. ²¹ Tama augwaligo te 7 kau kibu omai, me sipsip kibu omai te 7; te 7 sipsip kibu ḳḳy, me te 7 omai meme kibu augwali peyu tama selasa pali. Te a naga olama si te meme kibu omai te Juda we bidi me king aga hani we bidigo ṣeḳe sela ṣayabo sela pali, me te be te Genuai Bidigo mu dao wabo dali tama sali. Tama kingo te Arongo hani pris bidi dabebolo te hasa dabe te Genuai Bidigo altade ofa yao po wali. ²² Tialima augwaligo te 7 kau kibu omai bolo hasia elali, tama te kau dabego kaneme te pris dabebolo mani, tama augwaligo te kaneme altaba ṣayani. Tama augwaligo nosali te 7 sipsip kibu omai me te 7 sipsip kibu ḳḳy dabe augwaligo elali, tama augwaligo te sipsip dabego kaneme me te alta daiba ṣayani. ²³ Tama nosali king dali te bidi dabe dali augwali dolaluali, tama augwaligo te 7 meme kibu omai sesali, tama te king me te bidi dabe augwali deli deligo nogo te meme kibu tigiba nogo muyu ela pali. ²⁴ Tama tialima, te pris dabe augwaligo te 7 meme kibu elama, tama augwaligo kaneme te alta daiba segeni ṣayani. Te Israel dabe sesego ṣeḳe sela ṣabo ofa tiwai yali. Magi baso meni, kingo te po wali, "Te ṣeḳe sela ṣabo ofa me iside sese dela silibo ofa, te Israel we bidi tau sabo ofa dao," wali

²⁵ King Hesekiago polobadu Genuai Bidigo profet Gat me Natan sigo pedauwalidu mani po te Devitbolo mani po wali pali, tama agai te Livai dabebolo olama tama augwaligo te musik elebo te gita dabe selama, Genuai Bidigo tempel be tomoba dolalugi pali. ²⁶ Tialima te Livai dabe augwali dolaluyu, te gita dabe te De-

vit te Israel dabego kingo sabilali nai tiwai tolaluali. Tama te pris dabe augwali dali dolaluyu, augwa biugel bu wabo nai tolaluali. ²⁷ Augwali dola selama usu elalubadi, Hesekiago te pris dabebolo te isigo sese mu dela silibo ofa yao po wali. Tama augwaligo te ofa ebo gagalobadi te Livai dabego Genuai Bidiba wiegi yai homu ebo t̄ə̀bi po gagalali. Tama te pris dabe augwaligo biugel bu weyu, me te Livai dabego augwa gitago wiegi yai musik eliyu me tama yali. ²⁸ Tama te we bidi tigi-dali augwaligo Godiba lotu weyu, me Livai dabego t̄ə̀bi po weyu, me te pris dabego biugel bu weyu yali, tialima augwaligo te tama s̄ə̀ ela pidubadi te isigo dela silibo ofa mu siligi paboba usu nigi pali. ²⁹ Te augwaligo te ofa ela silibo si da, teda king Hesekia me te we bidi augwaligo bogoli sugunama Godiba lotu po wali. ³⁰ Tama king me tobolu bidi dabe augwaligo te Livai dabebolo te Devit de profet Asap sigo as̄ə̀ni t̄ə̀bi te Godigo nogi ugwaba sabo t̄ə̀bi po wao wali. Tialima te Livai dabe augwali wiegi yai homu hauwa mu iyu, te t̄ə̀bi po dabe tama wali. Tama nosali augwali bogoli sugunama, Godiba lotu po wali.

³¹ Tama nosali Hesekiago te sisinalubo digi bidali we bidibolo te po wali, "Megi dage duga digi duga Genuai Bidibolo te mani dao. Tama tialima, dagego Genuai Bidi dali homu deli ebo ofa siyu, me Genuai Bidibolo bu-ba hwi wabo ofa siyu elama, Genuai Bidigo beba sesao," wali. Tialima te we bidigo te kingo po wali pelama, augwaligo te ofa dabe sesali. Tama me badugo te isigo mu dela silibo ofa yainogo yali. ³² Tama augwaligo 70 kau kibu omai, me 100 sipsip kibu omai, me 200 sipsip kibu ḡə̀ sesali, te Genuai Bidiba ofa yabo.

³³ Tama me augwaligo 600 kau kibu omai me 3,000 sipsip kibu omai Genuai Bidiba sesali, te ofa tiwai yali. ³⁴ Te pris hani dwasianugo naga Genuai Bidigo gedude wiegi yai pedalobo kolesaga yali. Tama tialima te ofa ebo kibu dabe elebo s̄ə̀go augwali edelali. Tama tibasaso, te Livai dabego augwali te kibu dabe elebo tau sali, te s̄ə̀ polo silimainogo. Te tama tiali po page da e dao. Te Livai dabe augwali augwa digi Genuai Bidigo gedude wiegi yai pedalobo kolesaga polo yalio. Tiali goli te pris dabe augwaligo polo yai menio. Nosali da te pris dabe augwali augwa digi Godigo gedude wiegi yai pedalobo kolesaga yali. Tama te Livai dabego te s̄ə̀ me ebeo. ³⁵⁻³⁶ Te pris dabego iside mu dela silibo ofa hauwa mu yali. Tiali goli augwaligo te s̄ə̀ deli naga ebeo. Menio. Augwaligo homu deliba ebo ofa kibu ili me ulali, tama augwaligo te we bidigo te isigo mu dela silibo ofa dali ulabo wain me augwaligo sali, tama augwaligo ofa tiwai gelali. King Hesekia me te we bidi augwaligo Godigo augwali tau selama, te s̄ə̀ dabe polo sili-mainu yali kone palali. Tialima augwaligo Godiba wiegi yai homu pemene mu yali. Tama te kolesagago augwaligo te ofa ebo kolesaga me Genuai Bidigo tempel be tomode lotu wabo kolesaga ma gagalali.

Augwaligo te Pasova sogo bidabo dola sali

30 Te king Hesekiago te Israel we bidibolo, me Juda we bidi augwali sese te Jerusalemba Genuai

Bidigo tempel beba sisinagasomainu po olama tolali, te Godigo Israel Dabe Augwali Isipde Bugagia Bidimainu Sula Tagalali Sogo kone paliyu nai ulama tuainogo. Te sogo nogi augwaligo Pasova wabo. Tama me ma agai pas dabe te Efraim we bidi hanibolo me Manase we bidi hanibolo tolali. ²⁻³ Augwaligo te nai namba wan poluade ulugi dao. Tiali goli pris bidi hauwa augwali augwa digi Godigo gedude wiegi yai pedalobo kolesaga yai menio. Tama me ma te we bidi augwali Jerusalemba sisinagasobeo. Tama tibaso, king aga ofisa dabe me te we bidi augwaligo te nai te namba tu poluade tuaibao po d̄ə̀ wali. ¹⁴ King me te we bidi augwaligo te pode usu dao olama, deli homu yali. ⁵ Tama tialima augwaligo po te Israel bulu tigidali badu te po olama tolali. Te taun Berseba te saut badu gagalama, pelama, te not badu te taun Danba usu nigi pali, tama augwaligo tigidali we bidi sese tama augwali Jerusalemba sisinagasao po wali. Te Genuai Bidi, Israel dabego God, agai augwali Isip bulude bugagia bidimainu sula tagalali te Godide kone palebo genuai sogo nai ulubo sogo te nogi Pasova wabo, te Godigo bomai pogo te po wai dao, te tigidali Israel dabe te nai ulama tuainu sisinagasao po wai dao. Tiali goli augwali mebagi naga te bomai po wali peyu yali dao, polobadu.

⁶ King dali, aga ofisa dabe dali, augwaligo te pas as̄ə̀nama, te pas te tigidali Israel dabebolo me Juda dabe ba te pas sela pao po wali, te pas te bidi mebabolo mani augwaligo sela pomainu. Te pas tomode elaluali po dabe da e tama po elaluali, "Dage Israel hani dwasianu hani dabe te Asiria dabe kingo dolis̄ə̀ma yali bage, dagego odiāo. Dage Genuai Bidiba ma asīə̀o, te dago waj̄go God, te Abraham me Aisak me Jekopgo God. Tialima dagego tama tiali da, teda Genuai Bidi aga dage dali bidagasaibao. ⁷ Dagego duga aya me duga ama dedego yali dwai kolesaga tiwai igimio. Augwaligo dago waj̄ dabego Godiba tudi ola mawai dao, te dago waj̄go Genuai Bidi. Tama Godigo augwali dene genuagia mu menama, tama augwali mu dolai dao. Te s̄ə̀ dabe yali duga digi suai dao. ⁸ Dagego duga waj̄ dabego yali dwai kolesaga tiwai ma igio. Menio. Dagego duga digi duga Genuai Bidibolo maīə̀o. Tama dage Jerusalemba pelama, tama Genuai Bidi dage God agaba lotu wagi pīə̀o. Te aga digi aga tempel be tigi-dali sogo elalua paiba wali, te bede. Dagego te tama tiyu da, teda agai dage dali s̄ə̀b̄ə̀ me egobeo. ⁹ Dagego koneani, te boi bidi dabego dage aiyaba elaluama, tama dagego hani meba kalabus elama, augwa buluba odasa pai dao. Tiali goli dage Genuai Bidiba ma asiyu da, teda agai te boi bidi dabego dagego te hani dabe hobede emainu ilama, tama augwaligo te dagego hani ma tagala palama duga t̄ə̀ba ma asaibao. Genuai Bidi dage God aga te hobede iyu homu nagame ebo God dao. Tialima dagego homu begelama agaba ma asali da, teda agai dage ma selama, tama agai dage tudi ma ola magobeo," te po as̄ə̀na tama tolali.

¹⁰ Tialima te bidi dabego te pas dabe selama, te Efraim hanigo tōde elalubo taunba sela peyu, me Manase hanigo tōba sela pobadi, me Sebulungo hanigo tōba te not badu sela pobadi yali. Tama augwaligo kingo po te we bidibolo pusali. Tiali goli te we bidi augwaligo te po odobo hagela elama, augwali gisugu dwai mu olama, tama augwaligo te po pusali bidi dabe posobo po wali. ¹¹ Tiali goli te Aser hani bidi meba, me Manase hani bidi meba, me Sebulun hani bidi mebago te po odama, tama augwaligo augwa digi Genuai Bidigo gedude aiyaba elaluainu augwali Jerusalemba pali. ¹² Tama God aga digi Juda dabe homu deli elama augwaligo te king aga ofisa dabe dali augwaligo po wali pelama, Jerusalemba sisinagasomainu ilali. Tama augwali Jerusalemba sisinagaselama, tama augwaligo te genuai nai ulali, te bomai pode wali gilama tama tiali.

Te Pasova sogo kone palobo nai ulali

¹³ Tialima te namba tu poluade te we bidi hani geninama mu augwali te Jerusalemba sisinagasali, te Yis Meni Yai Bret Ulabo Genuai Sogo. ¹⁴ Te augwali sese tama sisinagasobo si, teda augwaligo te tibo god dabego alta te Jerusalemde elaluali alta dabe hūgia sāgi pali. Tama me ma augwaligo te we bidigo te wiegi yai denami hano holobo te alta me augwaligo sela sāgi pali. Tama augwali te alta dabe sese tama selama, augwaligo te Kidron wē odogo malu buluba sāgi pali. ¹⁵ Tama te namba tu poluago 14 deide augwaligo te sipsip kibu gōy dabe elali. Te genuai sogo te Godigo te Israel Dabe Augwali Bugagia Bidimainu Tagalali sogo kone paliyu te Pasova ofa ebo sipsip elali. Tama te pris dabe me Livai dabe augwaligo augwa digi Genuai Bidigo gedude wiegi yai pedalobo kolesaga wali pelama ebeo, hasia bolo. Tama megi da, augwali hale dwai mu yali, tama augwaligo augwa digi wiegi yai pedalobo kolesaga ma igi pali. Augwali wiegi yai polo pedelama da, teda augwaligo te isigo mu dela silibo ofa sese te Genuai Bidigo beba selasa pali.

¹⁶ Te pris dabe me Livai dabe augwaligo Moses Godigo sē bidigo augwalibolo mani bomai po wali pelama, tama augwali augwaligo gesabidiba te Genuai Bidigo tempel beba dologi pali. Tama te Livai dabego te ofa kaneme selama pris dabebolo mani, tama te pris dabego te kaneme te alta daiba sāsaga pali. ¹⁷ We bidi hauwago augwa digi augwa Godigo gedude wiegi yai pedalobo kolesaga yai menio. Tama tibaso, augwaligo augwa ofa yabo sipsip kibu gōy elabo usu meni yai. Tialima te Livai dabego te we bidigo sipsip kibu gōy dabe elama, tama Genuai Bidigo nai dolo mu dao olama mu sa muani. ¹⁸⁻¹⁹ Tialima te we bidi tigidaligo te ofa yali sipsip tuali. Tiali goli augwali hani geninama augwaligo augwa digi Godigo gedude wiegi yai pedalobo kolesaga bolo hasia ebeo, te bomai pode wali gilama. Te we bidi augwali hauwa wiegi yai ebeo. Augwali te Efraim hanidu asiyu, me Manase hanidu asiyu, me Isakar hanidu asiyu, me Sebulun hanidu asiyu yali. King Hesekiago te we bidi augwa digi augwa wiegi yai pedalisāma yali te we bidi kone palama, tama agai e

tama gedu haluasa po wali, “O Genuai Bidi, dago wāj dabego God, nago koneani, te e we bidi augwaligo nago bomai po wali peyu augwaligo augwa digi hasia nago gedude wiegi yai ebo kolesaga wali pabeo, tama augwali nago beba asali dao. Tiali goli augwaligo nageba aselama, nageba lotu wagasabo homu genuai mu ebao. Genuai Bidi, nage wiegi yai mu dao, tama nago te we bidigo sēgē sela sayao,” wali. ²⁰ Tama tialima, Genuai Bidigo Hesekiago gedu haluasa po wabo odama, agai te we bidigo sēgē sela sayani, tama agai augwali dolobeo.

²¹ Te we bidi augwali te Yis Meni Yai Bret Ulubo Genuai Sogo augwali nogo a naga olama me badu nogo si sogo, te 7 tama bidali, tama augwali tigidali wiegi yai homu mu yali. Tama te Livai dabe me pris dabe augwaligo Genuai Bidigo bede te gasagi yai ū wabo gita dabe siyu elama eliyu, Genuai Bidigo nogi ugwaba sali. Te tobage gita dabe hōq genuai bomona mu wabo dao. ²² Te Livai dabe augwaligo te lotu wabode me Genuai Bidiba ofa ebode augwaligo wiegi yai sē mu yali. Tama tibaso Hesekiago augwalibolo wiegi yai homu ebo po wali. Te we bidi augwali lotu weyu te nai ulubo sē idubadi, te 7 sogo tama bidali. Tama augwaligo God dali homu deli ebo ofa yali. Tama augwaligo gedu haluasa po weyu Genuai Bidi augwa wājigo Godibolo buba hwi po wali.

Augwaligo lotu wabo bubuga te 7 waboba digilali

²³ Te nogo a naga olama si, te 7 sogo te Yis Meni Yai Bret Genuai Sogo siligi pali. Tialima te we bidi augwaligo te lotu wabo bubuga gasav 7 sogo ma bidaibao po mia sali. Tama tialima augwali te lotu weyu, wiegi yai homu pemene idubadi te 7 wabo sogo ma bidali. ²⁴ Tama king Hesekiago 1,000 kau kibu omai mayu, me 7,000 sipsip kibu mayu, me aga ofisa dabego 1,000 kau kibu omai me 10,000 sipsip kibu te we bidibolo augwali ofa emainu mani. Tama te sogo pris bidi dabe hauwa augwaligo augwa digi Godigo gedude wiegi yai pedalobo kolesaga yali. ²⁵⁻²⁶ Tama te pris dabe me Livai dabe me Juda we bidi me te Israel tō badu asali we bidi, te not badu asali we bidi me gasa kantri we bidi te Juda dabe dali bidibo me Israel dabe dali bidibo me, augwali sese Jerusalemde bidiyu augwali wiegi yai homu pemene mu yali. Magi baso meni, te tobage sē te Jerusalemde me yai menio, te king Solomon te Devitgo ogwa bidalidu gagalama megi eba usu nagasali. ²⁷ Tama nosali te Livai hanigo pris bidi dabe doligiluma, tama Godibolo te we bidi wiegi yai sē ilao olama hanalu wali. Tama God dagalude bidiyu, aga wiegi yai bulude bidiyu, tama agai te pris dabego gedu haluasa po wabo odali.

Hesekiago Genuai Bidigo tempel be dodolali

31 Tama nosali te genuai lotu po wabo sogo silibo si, teda te Jerusalemba sisinagasali we bidi sese augwali te Juda dabego taunba dabe pepelayali, tama augwaligo te tibo god piksa elaluali masigi pos aluama

tagalali. Tama me augwaligo te tibo god we Asera piksa elalubo ni pos gelebadi elama dolama, tama augwaligo te tibo godiba lotu wabo pesage me alta dabe dolama tagalali. Tama me augwali te Juda hanigo t̄ba, me Benjamin hanigo t̄ba, me Manase hanigo t̄ba, me Efraim hanigo t̄ba pelama, augwaligo te tibo god dabego nai dabe dolama tagalali. Tama augwaligo te meba nai dabe sulama me tagalobeo. Tama nosali augwali augwa buluba ma pali.

² Te king Hesekiago te pris dabe me Livai dabe deli deli haniba dobalama, tama augwalibolo te polobadu pris dabe me Livai dabego yali s̄ tiwai yao po wali. Augwaligo e tobage s̄ elaluali. Augwaligo te isigo mu dela silibo ofa iyu, me God dali deli homu ebo ofa iyu yabo elaluali. Tama me augwaligo Genuai Bidibolo buba hwi po weyu me agai nogi ugwaba siyu me Genuai Bidigo tempel bede s̄ dabe hauwa tama iyu yabo elaluali. ³ Tama kingo te pris dabe augwaligo aga obo tomode te sipsip me kau kibu dabe siyu elama, tama isigo mu dela silibo ofa iyu, me tigidali sogo kigamu, me pio, me Sabat side, me te gesi poluago genuai sogo, me te gasa lotu wabo genuai sogo ofa yainogo siyu yao wali, te Genuai Bidigo bomai pode wali gilama. †

⁴ Tama kingo te Jerusalem we bidi dabe augwaligo tubo nai dabe te pris dabe me Livai dabebolo magasiyu yao po wali, te bomai pode wali gilama. Te we bidigo te tama tiali, te pris dabe me Livai dabe augwaligo s̄ bugagia eyu bidimainogo, te Genuai Bidigo bomai pode wali gilama. ⁵ Kingo te po te t̄ kantri pedai badu tigidaliba pelama odama, tama polo tama te we bidigo gide hasia ina yali nai dabe te wiegi yai wit, me wain hauwa, me ni oliv wel, me hani me te gasa meba nai dabe te gide elaluali nai dabe sali, tama augwaligo te pris dabe me Livai dabebolo magasali. Tama me augwaligo augwa nai dabe te pedama nogo si nigilama, nogo deli me bogelama te pris me Livai dabebolo mani. †⁶ Tama te Juda bulu taunde we bidi dabe augwaligo te nogo si nai te kau kibu me sipsip kibu augwaligo sesali. Tama me augwaligo nogo siba dobalama, tama augwaligo nogo me deli te Genuai Bidi augwa Godiba tagalali. Tama augwaligo te nai dabe sela aselama, tama augwaligo pesage hauwa nigilama muani.

⁷ Te we bidi dabe augwaligo te nai dabe sesidu geani, te namba 3 poluadu gagalama, pelama, namba 7 poluaba usu nigi pali. ⁸ Tama nosali Hesekia me te tobolu bidi dabe augwaligo te nai dabe sugi pali, te we bidigo sesali nai dabe, tama augwaligo Genuai Bidigo nogi ugwaba siyu elama, tama augwaligo te Israel we bidi dabe dali wiegi yai homu pemene yali. ⁹ Tama kingo te pris dabe me Livai dabebolo hanalu wali, "Mena tama tiyu dagego te nai pesage hauwa tama yaliwe?" ¹⁰ Tama tobolu pris Asaria, aga te Sadok hani bidi me deli dao, agai te kingo po wei ponoyu te po wali, "Genuai Bidigo aga we bidi dabe dali wiegi yai s̄ elama, tama augwaligo nai hauwa te Genuai Bidigo

beba sesali dao. Dago te nai dabego dago nai hauwa mu tuai dao, tiali goli dago te nai dabe silabo usu menio. Tama tialima megii te nai pesage hauwa te me elalubao," te po wali.

¹¹ Tialima kingo pode te s̄ bidi dabego te be habu me te Genuai Bidigo tempel be obo tomode elalubo be dabede me dodolali. ¹² Tama augwaligo te we bidi-g Genuai Bidibolo mani te nai dabe me meba gasa nai dabe selama, te be habu dabe tomoba muani. Tama Livai bidi me aga nogi Konaniago te s̄ tonaluali, tama aga ama Simei aga t̄di badu namba tu dolaluali. ¹³ King Hesekia, me Asaria te Godigo bede tobolu bidi, augwali sigo te Konania me Simei tau sabo Livai dabe meba ma sa muani. Augwaligo nogi e dao, Jehiel, me Asasia, me Nahat, me Asahel, me Jerimot, me Josabat, me Eliel, me Ismakia, me Mahat, me Benaia dao. ¹⁴ Tama te Livai me deligo Genuai Bidigo be obo sunumi tomoba asobo te giliga asobo badu sunumi tonalubabo s̄ elaluali. Te Livai bidigo nogi te Kore, te Imnago ogwa dao. Tialima augwaligo aga te we bidi augwa homugo Godibolo mabo ofa siyu emainogo sa muani, tama me meba gasa ofa dabe te we bidigo Genuai Bidibolo mayu ebo ofa me siyu emainu sa muyu, me te ofa bugai meba te habu mu selai te ofa siyu elama tama te pris dabebolo dobola paliyu yali. ¹⁵ Tama te Livai mebago Kore tau selama, te pris dabego taunde bidibo pris dabe nai dobabo s̄ yali. Te Livai dabego nogi e dao, Iden, me Miniamin, me Jesua, me Semaia, me Amaria, me Sekaria, augwaligo nai dobolama tigidali pris hani dabe usu nani, tama tigidali pris dabego nai sali, te augwali gesi bidi me o augwali polo monu dabe yai madi me augwali me tagalobe augwaligo te nai sali. ¹⁶ Te pris dabego ogwa dabe augwali kibu be sela polo yai madi da, augwaligo te bage augwaligo nogi te pris hanigo nogi listade as̄bo dao. Tama augwaligo nai te listade nogi elalubo bageba augwaligo te nai dobabo dao. Tiali goli te pris waj hani me deli augwali te Jerusalemde Genuai Bidigo tempel bede s̄ yabo sogo yai baso, tama augwali polo paibaso da, te da augwaligo augwaliba nai dobagobeo, augwa page bulude. ¹⁷ Te augwaligo te pris dabego nogi as̄bo sogo, augwaligo augwa ayago togali deli deli wajgo nogi lista dologode as̄bo dao, te augwali deliba sisinama s̄ iyu emainu. Tiali goli augwaligo te Livai dabe augwali kibu be 20 yai bagego nogi as̄yu, me te kibu be edelama ugwadu yai bagego nogi as̄yu, augwaligo augwa ebo s̄ dologode nogi as̄bo dao, te lista dologode. ¹⁸ Tama te lista dologode augwali augwa we wai-go nogi me as̄bo dao. Tama te hanigo augwa digi augwa wiegi yai bidainu ebo s̄ elalubao, te Genuai Bidigo gedude tigidali sogo. ¹⁹ Te Arongo hani pris bidi dabe meba augwali te pris dabego taun p̄de elalubo t̄ pedai dabede bidibo dao. Tama te hani pris bidi dabeba nai dobabo bidi dabe te taun dabede bidibao. Tama me augwaligo te Livai dabebolo me nai dobabo dao. Augwali nogi te Livai dabego nogi listade elalubao.

† 31:3 Nam 28:1-29:39 †† 31:5 Nam 18:12-13, 21

²⁰ Te Hesekiago te pris hani me Livai hani dabe tau sabo sę wiegi yai te Juda bulu tigidali badu yali. Tama agai aga Genuai Bidi Godigo homu kolesaga wali pabo dao, tama agai Godigo gedude wiegi yai doloba pai kolesaga ebo dao. ²¹ Te king Hesekiago yali sę tigidali te Godigo tempel bede sę dabe tigidali ma hodolobo sę iyu, me Godigo bomai po me wali bugagia peyu yabo sę hodolali, Hesekiago aga homu kolesaga to-mode Godigo homu kolesaga wali pabo homu bomu yali. Tama tiyu, agai ebo sę dabe tigidali wiegi yai mu pedelali.

Te Asiria dabe augwali Jerusalemba hwjagasali
(2 Kin 18:13-37; 19:14-19; 19:35-37; Ais 36:1-22; 37:8-38)

32 Te king Hesekiago Genuai Bidigo po wali pelama, tigidali sę yai nosali badu da, king Senakerip, te Asiria bidi, aga ami dali augwali Juda buluba boi hwjagasali. Te Asiria dabego bomai obo yai taun dabe bagua sagasali. Tama Senakeripgo aga ami dabebolo olama, te boi hwjnama, te taun sainu yao po wali, te agai augwali tonaluainogo. ² Tama Hesekia agai koneani, me tiali te Senakeripgo Jerusalem dali hwjagasabo homu yali. ³ Tama tialima Hesekia ebadi, ofisa bidi dabe ebadi, bomai ami bidi dabe augwaligo te taun bulu badu elalubo ulu wę dabe hagalu bilaibao po pesela sali. ⁴ Tialima augwali bidi hani hauwa mu sisinama, tama augwaligo augwalibolo te po walali, "Dago te taun bulu badu elalubo ulu wę dabe hagalu biligi pinao. Tama me dago te taun pade soabo aji me paligi pinao. Tiyu te Asiria dabe asiyu augwaligo tuabo wę hauwa elalu idali weyu," te po wali. Tialima augwaligo te wę paligi peyu pali.

⁵ Te Hesekiago aga sę bidi dabego Jerusalem bulu obo polo dąq walao po bomu elama wali. Tama tibaso te sę bidi dabego te obo me badu toga pali polo ma dodolali, tama augwaligo te obo daide augwaligo bobobage sigi be taua dabe geselali, te ami bidi dabe tede bidiyu te boi bidi dabe no munalumainu. Tama te taun genuai masigi obo tudi badu augwaligo gasa masigi obo me ma bagulali, te taun bagulama mu yali. Tama te obo dąq wali te pesagede augwaligo te odogo malu bulu tų selama pamagaño pali, te augwaligo Devitgo Taun wabo te Jerusalem bulude. Tama augwaligo ene hauwa buyu, me ni name sabele hauwa geseliyu yali, te hwjabo nai dabe.

⁶ Nosali Hesekiago ami ofisa dabe magi ilali te Jerusalemdede bidi dabe tonalumainu. Tama agai bidi dabe sese te taunba pabo sunumi pade bidi sisinibo pesagede sisinani. Tama agai augwaligo homu dąq olama bomu ilabo po pusa mani. Agai e tama po wali, ⁷ "Dage bomu elama dolaluyu, tama dagego te Asiria king bidi aga te geninama ami bidi dabede dage wi igimio. Te mu dao, augwaligo genuai bomu elalubao. Tiali goli dago genuai bomu mu augwaligo bomu aiyaba elaluai mu te elalubao. ⁸ Te Asiria king bidigo bomu te bidi dabede sali dao. Tiali goli dago bomu te Genuai Bidi dago Godidu te asali dao. Aga da dali bidiyu, tama agai da tau saibao, tama dago boi bidi dabe aiyaba

elaluaibao," wali. Te we bidigo kingo te po odama, tama te pogo augwaligo homu dąq walali.

⁹ Tama te sogo te Senakerip aga ami dali augwali taun Lakisde boi hwjduali. Tialima agai ofisa bidi meba Jerusalemba taga palama, Hesekia me Juda dabe dali-bolo po magi pomainu tagala palali. Agai te po e tama tiwai wali, ¹⁰ "Ena king Senakerip dao, eno koneaio. Dagego mena tama bomu elaluyu, tama dagego homugo dagego taun sogobe homu ebawe? ¹¹ Eno koneani, Hesekiago dagebolo te po wali, Genuai Bidi duga God agai dage tau selama, tama da Asiria dabego dage dologobeo, te homu yali. Tiali goli Hesekiago dage ili po te ola mani dao. Tama dagego agai po mu dao homu dąq weyu, tama dagego dage te taun sao olama tagalisama iyu da, teda dage dua dao. Dago dage bagua selama, tama dage nai me wę me menia selama tama dage isaibao. ¹² Dagego koneani, te Hesekia deligo tama te Genuai Bidigo lotu wabo pesage me agai alta dabe dolai dao. Tama agai dage Juda dabe me Jerusalem dabe bolo deliba lotu wagi peyu, deli altaba wiegi yai denami hano holobo ofa yao po wai dao," te bidigo te po wali.

¹³ "Te dagego polobadu eno waji dabego yali sę dabe me megie ena digi meba gasa kantri dabede ebo konebe, agawe? Dagego homugo te meba hani augwa godigo augwali tau selama, eno augwaligo kantri dolobe homu eba, agawe? Mu menio. ¹⁴ Dago kantri hauwa dali hwjai dao, te augwali god hauwa elaluai. Tiali goli te god me deligo aga kantri tau selama tama dago hwjbode da te tula pai menio. Tialima dagego magi baso dagego homugo duga Godigo dage tau saiba homu ebawe? Tama dago dage aiyaba elalugobe homu ebawe? ¹⁵ Dagego te Hesekiago dage ili po ola momainu sula tagaligio, tama dagego agai po odigimio. Magi baso meni, te gasa meba kantri dabe augwa godigo augwali me tau sai meni, te eno waji dabe hwjgi pabode me megie eno hwjbode te augwali me tau sabeo. Tama mu tama, dagego Godigo me dage tau sabo usu me egobeo," te Senakeripgo te po ola tolali.

¹⁶ Tama te Asiria kingo ami ofisa bidi dabego me Genuai Bidi God dali me dwai po hauwa mu me wali, me te Hesekia te Genuai Bidigo sę bidibolo me tiwai po wali. ¹⁷ Tama te king Senakeripgo pas dabe asenama, Genuai Bidi God posobo po wali, te Israel dabego God Genuai Bidibolo. Te pas dabede e tama tiwai po dabe elaluai, "Te eno meba kantri dabe dali hwjani sogo, augwa god dabego augwali tau selama, tama augwaligo ena aiyaba me elaluai menio. Tama Hesekiago Godigo me dage aga we bidi me tau sogobeo. Mu menio," tama po asena tolali. ¹⁸ Te Asiria ami bidi dabe augwaligo te Hibru pogo po bomona mu olama, te Jerusalem we bidi augwali te obo daide ugwadu bidiyu, augwaligo te po odama tama augwali wi dwai mu emainogo. Tama te Asiria dabe augwaligo te taun sainogo bomai sę idali weyu. ¹⁹ Te Asiria dabe augwaligo te posobo po wali. Magi baso meni, augwaligo ho-

mugo Jerusalem dabego God te gasa tibo god augwa nogogo nigai god dabe tiwai yaliwe weyu.

²⁰ Te king Hesekia agai Asiria dabego te po odama, tama aga dali profet Aisaia, te Amosgo ogwa, augwali sigo Godiba gedu haluasa po wali, augwali tau sao po olama. ²¹ Tama Genuai Bidigo augwali sigo gedu haluasa po wabo odama, tama agai ensel bidi me deli tagala palama, Asiria dabego bidibo pesagede agai ofisa bidi dabe me kepten bidi dabe me bomai ami bidi dabe tama ela wialali. Tama tialima, king Senakerip aga hale dwai mu elama, tama aga te aga kantriba ma pali. Tama nosali aga tibo godigo lotu be tomoba pali, te aga godiba lotu po wainogo, tama aga ogwa mebagu augwa bainat hwaḡo aga ela muagasali, tama aga isali.

²² Tama te tiali kolesagago Genuai Bidigo king Hesekia te Jerusalem dabe dali augwali tau sali. Tama te Senakerip te Asiria dabego kingo augwali dolobeo. Tama me ma Genuai Bidigo gasa boi bidi dabego Juda dabe dolagasomainu sula tagalobeo. Genuai Bidigo augwaligo ebo sęde tigidali tau sali, tama augwali bugagia bidali. ²³ Tama we bidi hauwa gasa kantridu Jerusalemba aselama, Genuai Bidiba ofa sesiyu, me Hesekiabolo wiegi yai nai dabe magasiyu yali. Te sogo tama gagalama, te gasa kantri we bidigo king Hesekia Juda dabego kingbolo genuai nogi mani.

Hesekia aga gasi sali

(2 Kin 20:1-3; 20:12-19; Ais 38:1-3; 39:1-8)

²⁴ Te Asiria dabego Juda dabe dali dwai sę idubadi da, king Hesekia aga gasi genuai mu selama, tama aga pađe isabo aḡ yali. Tialima agai Genuai Bidibolo gedu haluasa po wali, tama Genuai Bidigo aga gedu haluasa po wabo wei ponoyu, agabolo magi me deli mani, te agai gasi silaibao olama ola mayu. ²⁵ Tama nosali Hesekiago gasi silali, tama agai Genuai Bidigo aga tau siyu yali te sę kone ebeo. Menio. Aga tobolu gagea pelama, tama Genuai Bidibolo buba hwi po wabeo. Tama tibaso, Genuai Bidigo aga dali sębę elama, tama aga dali Juda dabe me Jerusalem we bidi me dolabo homu yali. ²⁶ Tiali goli Hesekia me Jerusalem dabe augwaligo dwai kolesaga tagalama, tama augwa digi augwa aiyaba elaluali. Tama tibaso, te king Hesekia bidibadi Genuai Bidigo augwali dene me mabeo.

Hesekia aga genuai nogi elaluyu, me mone hauwa elaluyu yali

²⁷ Te Hesekia agai nai dabe hauwa mu selama, tama aga bomai king mu pedelali, tama agai genuai nogi elaluali. Agai te sę bidi dabebolo olama, tama augwaligo bakstua dabe sęnama tama augwaligo e tama tiwai nai dabe muani, silva, me gol, me genuai monego abelai wiegi yai masigi dabe, me wiegi yai denami ebo pauda dabe, me hwiḡo ni name sabele dabe me, me gasa wiegi yai homua pabo nai dabe me te bede muani. ²⁸ Tama me te sę bidi dabego te wit dabe, me wain dabe, me ni oliv wel muabo bakstua dabe me sę yali. Tama me augwaligo kau kibu tagalabo moni be

sę eyu, me sipsip kibu tagalabo obo iyu yali. ²⁹ Godigo Hesekiabolo wiegi wiegi yai nai dabe hauwa mu mani. Tama Hesekiago sipsip kibu me kau kibu hauwa mu sali. Tama aga sę bidi dabego agai taun hauwa mu geselali. ³⁰ Polobadu king Hesekia aga digi te pabo wę Gihon ogwa badu paliai, tama agai gesi wę gamia nigasa dulama, giliga dega sabo badu te Devitgo Taunba tagaligi pali. Tigidali sę dabe king Hesekiago yali sę dabe sese tama wiegi yai mu pedelali. ³¹ Te kantri Babilon genuai bidi dabego Godigo te kantri Juda bulude te wiegi yai sę yali po odama, augwaligo te bidi dabego esiḡo bomai sę yali po page odainogo bidi me deli tagala palali, te Hesekiabolo hanalu wainu. Te sogo Godigo Hesekia tagalai madi, magi baso meni, agai Hesekia usu selama, tama agai kolesaga me homu kolesaga osola suainogo.

King Hesekia aga isali

(2 Kin 20:20-21)

³² Te king Hesekiago yali meba sę po dabe te buku augwaligo te profet Aisaia Suali Po Dabe wabo, te bukude te elalubao, tama gasa buku augwaligo te Juda Dabe Me Israel Dabego King Dabego Po Buku wabo, te bukude te elalubao. ³³ King Hesekia isibaso, augwaligo aga te Devitgo hani king dabego gų pagede pubulali. Agai gų page te obanu ganama elaluali, te meba king dabego gų page i badu elaluali. Tama te Juda me Jerusalem we bidi augwali tigidali agai genuai nogi kone palama, augwali hobede genuai mu yali. Tama aga ogwa Manasego agai pesage selama, tama aga king pedelali.

King Manasego po dabe

(Daj 33)

Manase aga Juda dabego king bidali

(2 Kin 21:1-9)

33 Te Manase aga king pedelali sogo agai kibu be te 12 kibu be elaluali, tama aga Jerusalemda king bidibadi kibu be 55 yali. ² Manase agai wiegi yai kolesaga wali pabeo. Menio. Agai te tḡde polobadu bidali te we bidi hanigo dwai dwai haniani kolesaga wali pali, te Genuai Bidigo augwali sela sęnama tama te tḡ Israel dabebolo mawai dao. Manase agai te hanigo kolesaga wali pelama, agai Genuai Bidigo gedude dwai kolesaga mu yali. †

³ Manasego e tiwai dwai kolesaga yali. Agai te tibo godigo lotu wabo pesage ma geselali, te polobadu aga aya Hesekiago dolai. Tama me agai te tibo god Balba lotu wabo alta me geselali. Tama me agai god we Aserago piksa noma geselali. Me ma agai ogwa dagalude hḡ dabeba lotu wayu yali. ⁴ Tama agai tibo god dabego alta Genuai Bidigo tempel be digi tomode geselali. Tiali goli Genuai Bidigo te be po weyu agai e

† 33:2 Jer 15:4

tama tiwai po polobadu wai dao, “Eno Jerusalem te eno tigidali sogo bidabo bulu sa mubao,” po wali, “tama te we bidi augwali te Jerusalemba aselama, ena deliba naga lotu wagasomainu,” wai dao. ¹⁵ Tiali goli Manase agai te Genuai Bidigo tempel be obo tomode agai alta si te genuai sisinagasobo pesagede geselali, te aga hq dabeba lotu wabo nai geselali. ⁶ Tama aga te Hinomgo odogo malu buluba pelama, tama aga ogwa wai dabe elama, tama augwali te isigo dela silibo te ofa tiwai ulali silali, te aga tibo godiba ofa tama yali. Tama agai isai bidi noma dabeba aga tau somainu i wali, tama agai sogo yesi bidi dabe me pobi bidi dabebolo aga tau somainogo hanalu wali. Tama agai yesi bubo sę haniani hauwa mu yali. Manase agai Genuai Bidigo gedude agai sęęę hauwa mu tolama yali. Tama agai te dwai kolesaga dabego Genuai Bidi sęęę geninama mu emainu ilali.

⁷ Te Manase aga digi nigai tibo god piksa selama, agai Godigo tempel be tomode muani. Tiali goli polobadu Godigo Devit de Solomon sibolo e tiwai po wai dao, “Te Jerusalemde elalubo te tempel be da, te ena digi Israel hani tomode ena digi sa muai dao, te augwali tigidali sogo enaba aselama, enaba deli naga lotu wawasiy yabo pesage deli elalua pomainu.

⁸ Tama dage eno we bidigo eno po wali peyu, me eno tigidali po me bomai po sese, eno sę bidi Mosesgo pedauwalidu mani po sese wali peyu da, teda dage eno polobadu duga waj dabebolo menama tama dage megı bidibo te tęde sela sęgobeo,” te po wali. Genuai Bidigo te po wai goli, tama Manasego te tibo god piksa noma te tempel be tomode muani. ^{††9} Manase agai Juda dabe me Jerusalem dabe kegelama, tama augwaligo dwai kolesaga hauwa mu yali. Augwaligo te dwai kolesagago te tęde polobadu bidali we bidigo dwai kolesaga edelama mu yali, te Godigo te tęde sela sayani we bidigo yali dwai kolesaga edelali.

Manase aga homu begelali

¹⁰ Te Genuai Bidigo Manase me te we bidi augwaligo te dwai kolesaga eboba tudi ola mao po wali, tiali goli augwaligo po odama wali pabeo. ¹¹ Tama tibaso Genuai Bidigo Asiria ofisa bidi dabe augwa ami bidi dabe dali tagala palama, tama augwaligo Juda dabe dali hwınama, tama augwali aiyaba elaluali. Tama te Asiria dabego Manase pagabi elama, tama aga gunide huku munama, tama augwaligo aga sen gebelama, tama aga augwa page bulu Babilon buluba odasa pali.

¹² Tialima aga sęęę genuai mu tolaluali, tama tibaso aga digi Genuai Bidi aga waj dabego Godigo gedude aga digi aga aiyaba elaluali. Tama aga God pageba ma asali. ¹³ Tama Godibolo aga tau somainogo hanalu wali, tama Godigo Manasego gedu haluasa po wabo odama, aga tau selama, tama aga Jerusalemba ma pelama, tama aga te kantri ma tonalumainu sula tagalali. Tama megı da Manasego koneani, Genuai Bidi deli naga te God mu dao homu yali.

¹⁴ Tama te nosali badu, Manase agai augwaligo Devitgo Taun wabo tede obo gesi me ma yali. Te obo te ugwanu mu dao. Te obo te giliga dega sabo badu odogo malu bulu badu gagalama, pelama, u badu not badu augwaligo Sęęę Sunumi wabo, te sunumiba usu nigı pali. Augwaligo taun Ofel wabo te taun bagua selama yali. Tama me Manasego te bomai obo elalubo taun dabe tigidali tonalua pomainogo agai ami ofisa bidi dabe sa muyu ela pali, te Juda distrikde. ¹⁵ Tama agai meba hanigo tibo god dabe sela sayu, me aga digi Genuai Bidigo tempel be tomode muani te tibo god piksa dabe sela sayani. Tama elalubo bulu dude te alta dabe sela sayani. Tama meba te alta dabe te Jerusalemde elaluali dabe sese tama sela sayani, tama agai te nai dabe taun buluba selasa pelama, tama sęı pali. ¹⁶ Nosali agai Genuai Bidigo alta ma dodolali. Tama agai God dali homu deli obo ofa yabo hasa dabe me Godibolo buba hwi wabo ofa yabo kibu sesiyyu yali, te altade ofa yabo sesali. Tama agai Juda dabebolo e tiwai po walali, “Dagego da Israel dabego God dena Genuai Bidiba naga lotu po waięo,” wali. ¹⁷ Tialima te we bidi augwaligo king Manasego po wali pelama, augwaligo te tibo god dabeba me lotu po me wabeo. Mu tama, augwali sese tama Genuai Bidigo tempel beba Jerusalemba asobeo. Augwali te lotu wabo pesage dabeba pabo sę dabe tama iduali, tiali goli augwaligo Genuai Bidi augwa God deliba naga ofa ebo sę iduali.

King Manase isali

(2 Kin 21:17-18)

¹⁸ Te king Manasego yali sę po dabe meba te buku me augwaligo Israel Dabego King Dabego Po Buku wabo, te bukude te elalubao. Te bukude te agai Godiba gedu haluasa po wali po me pusuyu, me Godigo nogide profet bagego agabolo pusali po me pusali, te Israel dabego God augwa Genuai Bidigo wali po pusali. ¹⁹ Tama king Manasego meba po dabe te gasa buku mede elalubao. Augwaligo te Profet Dabego Po Bukude elalubao. Te bukude agai dwai dwai sę dabe yali te po dabe me pusuyu, me agai Genuai Bidibolo tudi ola mani po dabe me pusa elalubao, tama te bukude te lotu wali pesage po, me te tibo godiba lotu wali pesage, me god we Asera piksa noma, me agai nogogo nigali tibo god piksa dabe po me tede elalubao. Te aga digi tibo god nigilama lotu weyyu yali po me te Profet Dabego Po Bukude te elalubao. Tama te bukugo agai homu begelama, tama aga digi aga aiyaba elaluali po me tede te bukude pusai dao. Tama me agai Godibolo gedu haluasa po obaso tama Godigo agai gedu haluasa po odali po dabe pusali po me te elalubao. ²⁰ Manase aga isibaso, augwaligo aga king dabego obo tomode pubulali, te king dabego be obo tomode. Tama aga ogwa Emongo agai pesage selama, tama aga king pedelali.

† 33:4 2 Sml 7:13 †† 33:8 1 Kin 9:3-5; 2 Sto 7:12-18

Emon aga Juda dabego king pedelali

(2 Kin 21:19-26)

²¹ Te Emon aga king pedelali sogo, agai kibu be 22 elaluali, tama aga kibu be si digi te Jerusalemde bidali ²² Emongo me Genuai Bidigo gedude aga aya Manasego yali dwai kolesaga tiwai mu yali. Agai aga ayago polobadu nigali te tibo god piksa dabeba lotu po weyu yali, tama agai augwaliba ofa iyu ebo sę me yali. ²³ Tama tiali goli agai aga digi Godigo gedude aiyaba elalubeo, te aga ayago yali tiwai ebeo. Menio. Agai dwai sęęę sabo sę genuai mu ela pidu geani. ²⁴ Me sogo bubugade Emon aga ofisa bidi dabe sininama, tama aga elabo po sunumi gegiyu po miani. Tama nosali augwaligo aga king be tomode elama isilali. ²⁵ Tama nosali te Juda we bidi dabego te Emon ela muani ofisa bidi dabe selama augwali me elama isilali. Tama augwaligo Josaia te Emon aga ogwa selama, tama augwaligo aga augwa king magi ilali.

King Josaiago po

(Daj 34-35)

Josaia aga Juda dabego king bidali

(2 Kin 22:1-2)

34 Te Josaia aga Juda dabego king pedelali sogo agai kibu be te 8 kibu be elaluali. Tama aga Jerusalemde aga kibu be 31 king bidali. ¹² Josaia agai Godigo gedude wiegi yai kolesaga mu yali. Agai aga waj king Devitgo polobadu yali wiegi yai kolesaga tiwai tama yali, tama agai Genuai Bidigo po tigidali wali pabo bomo mu yali, te po tagalobeo.

Josaia agai tibo godigo piksa noma sela sayani

³ Te Josaia aga king bidibadi kibu be te 8 kibu be wabode, agai kibu be 15 elaluali, agai aga waj king Devitgo Godiba lotu po wabo gagalali. Tama aga king bidibadi 12 kibu be ebode, agai tigidali sę bidi dabebo-
lo olama, tigidali Juda me Jerusalem buluba pelama, augwali bolo tibo godiba lotu po wabo pesage, me god we Aserago piksa noma, me gasa tibo god piksa augwaligo nogogo nigai ni god, me aingo nigai god doligi pao po wali. ⁴ Tama aga sę bidi dabe dali biligi pelama, tama agai augwaligo te tibo god Balgo alta dabe doligi pabo suali. Tama me te wiegi yai denami hano holobo pauda ulubo alta me dolali, te Balgo alta ugwadu daide dolalubadi dolali. Augwaligo tibo god we Aserago piksa noma pisilama tagalali, me te meba tibo god dabego piksa noma pisilama tagalali, tama augwaligo te piksa dabe halua mia sanama, keli gaga-bode mu tagalali. Tama augwaligo te pauda selama, tama augwaligo te tibo godiba lotu wali we bidigo gu pageba gegele biligi pali. ¹⁵ Tama Josaia agai te tibo

god dabego pris bidi dabego dili selama, tama agai te pris dabego ofa iyu yali te alta daide ulali. Agai te sę ela silama, tama te Juda dabe me Jerusalem dabe augwali Godigo gedude wiegi yai me pedelali. †

⁶ Tama Josaia aga Manase hanigo toba peyu, me Efraim hanigo toba peyu, me Simeon hanigo toba peyu, me not badu peyu, me Naptali hanigo toba tama biligi pali. Tama agai te tibo god dabego alta te polobadu boi hwjani sogo dolali, te hanigo taun dabe-de te alta dabe dolama tagalali. ⁷ Aga te Israel dabego tigidali buluba biligi pelama, tama te alta dabe doliyu, me tibo god we Aserago piksa doliyu elama, tama meba tibo god dabe doliyu elama, tama te nai dabe halu-ama, mia sanama, tama pauda gagalali. Tama me agai te wiegi yai denami hano holobo pauda ulubo alta alu-ama tagalali. Agai te sę silama, tama aga Jerusalemba ma pali.

Augwaligo Godigo tempel bede elalubo bomai po buku suali

(2 Kin 22:3-20)

⁸ Te Josaia aga king bidibadi 18 kibu be wabode, agai te tibo god dabe sela sanama, Godigo tempel be me aga kantri Godigo gedude wiegi yai ilali. Tama tialima nosali agai bidi sela te Genuai Bidi aga Godigo tempel be dodolabo sę ebo tonaluminum tagala palali. Te bage selago nogi e dao, Safan te Asaliago ogwa, me Masea te Jerusalem hanu tonalubo tobolu bidi, me Joa te Joahasgo ogwa. Joa aga kingo kuskus bidi dao. Te bidi sela augwali te Livai dabe te Genuai Bidigo tempel be sunumi tonalubo bidi dabe pageba pali. Augwaligo polobadu te ⁹ Manase hani we bidigo, me Efraim hani we bidigo, me gasa u not badu bidibo Israel we bidigo, me Juda we bidigo, Benjamin hani we bidigo, me Jerusalem hani we bidigo te Godigo tempel be dodolobo sę emainogo tau sabo mone sali. Tama augwali selago te mone tobolu bidi pris Hilikia bidibo madi te mone sela pali. ¹⁰ Tama augwaligo te mone te Godigo tempel be ma geselebo sę ebo tonalubo bidi dabebo-
lo mani. Tama te sę tonalubo bidi dabego te mone selama, te bede te monego sę yali, te be dodolobo sę yali. ¹¹ Te sę tonalubo bidi dabego te mone selama, te kamda te be sę ebo bidi dabebo-
lo me masigigo be sę ebo koneai bidi dabebo-
lo mani, tama te monego te bidi dabego polo dodolai masigi dabe abelali, tama me augwaligo te be kaş ni me be walawala ni abeliyu yali, te Godigo be obo tomode be dabe dodolobo sę yainogo. Polobadu te Juda dabego king dabego te be bugagia tonalusiama yai digi te be dabe dwai yali. ¹² Te bidi dabe augwaligo wiegi yai sę mu yali. Te kingo ofisa dabego te Livai dabego te sę ebo bidi dabe tonaluminum sa muani. Te Livai dabe augwaligo nogi e dao, Jahat, me Obadia, te Merari hani, me Sekaraia, me Mesulam, augwali si te Kohat hani dao. Tama te Livai dabego te gitago te musik elebo mu konea pali. ¹³ Augwaligo te be sę yabo nai dabe tolasa bilibo bidi dabe tonaluali, me te Genuai Bidigo

† 34:1 Jer 3:6 †† 34:4 2 Kin 21:3; 2 Sto 33:3

‡ 34:5 1 Kin 13:2

obo tomode gasa meba sę ebo bidi dabe tonalubo sę yali. Tama meba Livai dabego kuskus sę yali, tama mebago te Godigo be sunumi tonalubo, te Godigo be obo tomode, tama mebago gasa meba sę dabe yali.

¹⁴ Te Livai dabego te we bidigo Genuai Bidigo tempel beba sesali mone dabe sidubadi, te tobolu bidi pris Hilkiago te Genuai Bidigo bomai po te Mosesgo nogo-ba mani bomai po mani, te po elalubo po buku suali.

¹⁵ Tama tialima Hilkiago Safanbolo te po walali, "Eno buku me deli Genuai Bidigo bede munalubo suali. Te bukude Genuai Bidigo bomai po elalubo suali," wali. Tama Hilkiago te buku Safanbolo mani. ¹⁶ Tama Safango te buku selama, tama agai king magi pelama, tama agabolo e tama po walali, "Dago nago dabolo wali sę tigidali mu yalio. ¹⁷ Dago te Genuai Bidigo bede munalubi mone dabe tigidali selama, tama te be sę dodolobo ebo tonalubo bidi dabebolo mayu, me te sę bidi dabebolo wali yali," te po wali. ¹⁸ Tama Safan agai po ma weyu te po wali, "King, tobolu bidi pris Hilkiago enabolo e buku manio," wali. Tialima agai te buku dagalama, kingbolo neda mani.

¹⁹ Te kingo te bukude Godigo bomai po te bukude elalubo po odobode, tialima agai homu sęęę genuai mu ebaso, tama aga ugwa pisayali. ²⁰ Tama agai pris Hilkiago, me Ahikam te Safango ogwa, me Apdon te Maikago ogwa, me Safan te kingo kuskus, me Asaia, king aga ofisa bidi, augwali i olama asao po wali. Augwali asela silibo si, teda agai augwalibolo te po wali, ²¹ "Te bomai po buku eno megi sali da, tede Genuai Bidigo homugo dago wali pomainu homu yali po e bukude haninama te wali dao. Tiali goli dago waj nęę dabego te po wali pai menio. Tama tialima, te tama tialigo da, Genuai Bidigo da dali sębę genuai mu emainu ilali dao. Tiali goli dago megi Genuai Bidigo te buku polo te sali dao. Tama tialima, eno homugo dage pelama, Genuai Bidibolo hanalugi pao, tama ena dali Israel bulude bidibo we bidi me Juda bulude bidibo we bidi, dago mena sę emainu egowe page sugi pięę," king Josaiago te po wali. ²² Te bidi dabe augwaligo kingo po polo oda sali. Tialima augwali Jerusalemde te gesi be naniba pali, te profet we aga nogi Hulda dali po wainogo pali. Hulda aga Salumgo we dao, te bidigo te pris bidi dabego aubo nai dabe munalubo pesage tonalubo bidi dao. Salum aga te Tokhatgo ogwa dao, tama aga waj Hasra dao. Hulda agai te bidi dabego po odama da, ²³ teda agai augwalibolo te po wali, "Genuai Bidi, da Israel dabego God, agai te po walio, 'Dage te dage tagala palali te bidi pageba ma pao, tama agabolo e tama po walao, ²⁴ "Ena God ena Genuai Bidi, eno te augwaligo te kingbolo neda mani te bukude bomai po wali paibao, tama eno te Jerusalem me te taunde we bidi dabeba dene mawaibao. ²⁵ Te we bidi augwaligo enaba tudi ola menama, tama augwaligo tibo god dabeba ofa yai dao. Tama augwaligo te dwai kolesago eno augwali dali sębę emainu ilai dao. Eno te Jerusalem dabe dali sębę mu elama, tama eno te sębę munu me siligobeo.

²⁶ Tialima megi ena Genuai Bidi dage Israel dabego God, eno dagego kingbolo e tiwai po wainogo eba, te augwaligo te buku nageba neda mani sogo, ²⁷ nago koneani, eno mena sę te Jerusalemba iyu, me tede bidibo we bidibolo eno yaibao wali sę po nago koneani dao. Tama nago te po odali sogo nago naga digi aiyaba eno gedude aiyaba elalui dao. Tama me ma nago naga ugwa pisalama, tama nago enaba gela olama, tama enaba i walio. Tama tialima, ena Genuai Bidi eno te po te obao, eno nago i wali po polo odalio. ²⁸ Tama eno te dolobo sę Jerusalemdede pedalobo sumainu polo sula tagalogobeo. Menio. Nage bugagia naga mu bidaibao. Tiali goli nosali nage isilama, tama augwaligo nage polo pubulai digi da, teda eno te Jerusalem me tede bidibo we bidi dali sę tama dolaibao," te po te dage tagala palali bidibolo walao, 'God Genuai Bidigo te po wai," te we Huldago te po wali. Profet we Huldago Genuai Bidigo po te bidi dabe augwalibolo polo pusa silibo si, teda augwaligo te po king pageba ma sela pali.

Te we bidi augwaligo Genuai Bidi dologode bidaibao po dęę wali
(2 Kin 23:1-20)

²⁹ Tialima king Josaiago tigidali Judade me Jerusalemde tobolu bidi dabe i olama sisinagasali. ³⁰ Tama kingo te pris dabe me Livai dabe me tigidali Juda me Jerusalem we bidi sisinani, te nogi yai bidi dabe dali te nogi meni yai bage me, tama augwali Genuai Bidigo tempel beba sisinigi pali. Augwali sisinama, tama agai augwaligo Genuai Bidigo tempel be tomode sali Bomai Po buku selama, tama agai te tigidali bukude po augwalibolo neda mani. ³¹ King aga pesagede dolaluyu, tama agai Genuai Bidi dali po dęę wali. Te agai te we bidigo te bukude elalubo po tigidali wali paibao olama, po dęę wali. Agai po dęę weyu te po wali, "Eno tigidali kolesaga me homu kolesaga sese deli naga yaibao, te Genuai Bidigo tigidali bomai po me tigidali po wali paibao," wali. ³² Tama kingo te Benjamin hani me gasa hani te Jerusalem tomode bidibo we bidi augwaligo Genuai Bidigo kontrak po wali paio po dęę waięę po bomu yali. Tama tialima nosali te Jerusalem we bidi augwaligo te augwa wajęę God dali dęę walali po tigidali wali pali. ³³ Te Israel bulu tigidali badu te tibo god dabego piksa dabe sese me elaluali. Tama te nai dabe te Genuai Bidigo gedude dwai nai mu elaluali. Tialima Josaiago agai te tibo god dabego nai dabe sese tama sela sayani. Tama agai bomu elama, te Israel dabe augwaligo Genuai Bidi augwa God wali paio po wali. Tama aga king bidibo sogo da, te we bidi augwaligo Genuai Bidi augwa wajęę God wali bomu elama mu wali pali. Tama augwaligo Genuai Bidi me tagalobeo.

Augwaligo te Pasova sogo kone palebo nai ulali
(2 Kin 23:21-23)

35 Te king Josaiago pode augwaligo genuai nai mu ulali, te Israel dabe augwali te Isipde wiegila

bidimainu sula tagalali sogo, te Pasova sogo wabo, te kone palebo nai ulali. Augwali Jerusalemba sisinagasali, tama te namba 14 deide, te namba wan poluade, augwaligo sipsip kibu g̃õu hauwa elali, te genuai sogo kone paliyu. ² Tama Josaiago te pris dabe dodolama, tama augwali deli deli augwa s̃e te Genuai Bidigo tempel be tomode ma yao po wali, tama me agai augwaligo homu dãu walali augwaligo te s̃e bugagia emainu. ³ Tama me agai Livai dabebolo po me deli mani. Augwali te Genuai Bidigo hani mu dao, tama augwaligo Genuai Bidigo po Israel we bidibolo ola ma iabo s̃e elaluali. Agai po da e tama dao, "Dage pelama, tama Genuai Bidigo te Dãu Wali Bomai Po Munalubo Halobage te Genuai Bidigo tempel be tomoba mugipĩo. Polobadu king Solomon king Devitgo ogwago te tempel be nigai dao. Megi da, dagego polobadu yali gilama te halobage tolasa ugwa eda yabo menio. Tama tialima dagego Genuai Bidigo tempel be tomode s̃e bugagia iỹo, te dago God dao. Tama me dagego Israel we bidi, te Godigo we bidi, tau sao. ⁴ Dage deli deli bidi w̃aj tomode deli deli bidi dabe dage tomode Genuai Bidigo be tomode deli tobage s̃e ebo bidi dabe dage gasa bidi w̃aj hani tomode doligi peyu yao, te king Solomon me king Devitgo te bukude as̃ani po yali gilama. ⁵ Dage deli deli hani bidi dagego te deli deli w̃aj dabe tau sabo s̃e kegaluao, te Israel hani tomode meba gasa bage tau sabo gilama. ⁶ Dagego duga digi Godigo gedude wiegi yai pedalĩo. Tama dagego sipsip kibu g̃õu dabe elĩo, te Godigo Israel Dabe Augwali Isipde Bugagia Bidimainu Ilali Sogo, te Pasova Sogo kone paliyu ofa yabo. Tama dagego te ofa yabo nai dabe dola muao. Te meba Israel dabe augwaligo te ofa ebo bomai po bugagia wali po-mainao, te Genuai Bidigo Mosesbolo walali gilama," king Josaiago te po wali.

⁷ Te Josaiago agai aga obo tomode sipsip g̃õu hauwa, me meme kibu g̃õu, me kau kibu omai hauwa selama, te we bidibolo mani, te augwaligo ofa emainogo. Te sipsip kibu g̃õu me meme kibu g̃õu te 30,000 usu nama, tama sese tama te kau kibu omai dabe te 3,000 usu nama tama. ⁸ Tama te king aga ofisa dabego me te hasa dabe hauwa mu te we bidibolo mayu, me pris dabebolo me Livai dabebolo mayu yali, te augwaligo ofa emainogo. Tama pris tobolu bidi Hilkia me gasa bidi me si augwaligo Genuai Bidigo be tonaluali, te Sekaraia me Jehiel, augwaligo sipsip kibu g̃õu hauwa me meme kibu g̃õu hauwa, te 2,600 usu nama sese tama sali, me 300 kau kibu omai sali, tama te pris dabebolo mani, te genuai sogo ofa emainu. ⁹ Tama te Livai dabego genuai bidi dabe augwali te Konania dali aga ama si ebadi, te Semaia me Netanel, me Hasabia, me Jeiel, me Josabat, augwaligo sipsip kibu g̃õu hauwa me meme kibu g̃õu hauwa te 5,000 usu nama sali, tama 500 omai kau kibu selama, tama augwaligo te Livai dabebolo mani, te augwaligo te genuai sogo ofa emainu.

† 35:4 2 Sto 8:14

¹⁰ Te augwaligo ofa yabo nai dabe tigidali dodola silama, teda te pris hani me Livai hani augwali augwa bidibo pesage te alta pãba doligi pali, te kingo wali gilama. ¹¹ Te Livai dabe augwaligo te sipsip me meme kibu ela silama, tama augwaligo te hasa dabego kaneme dabe te pris dabebolo mani. Tialima pris dabe augwaligo te kaneme dabe te altaba sãdubadi te Livai dabego te hasa dabego wali dagabo s̃e iduali. ¹² Tama te Livai dabego te kibu mi dage dabe meba selama, tama augwaligo te deli deli hani we bidi dabebolo mena mena pali, te augwaligo Genuai Bidiba ofa emainu, te genuai sogo te Godigo Israel Dabe Bugagia Bidimainu Sula Tagalali Sogo te kone palabo, te bomai po te Mosesgo bukude elalubo po yali gilama. Tama Livai dabe augwaligo deli tiwai kolesaga naga te kau kibu augwaligo elali kibude yali. ¹³ Tama te Livai dabego te sipsip kibu mi me meme kibu mi augwaligo te isi daide ulali, te ofa ebo bomai pode wali gilama. Tama me augwaligo te kau kibu mi selama, augwaligo te senede uluyu, me prainpende uluyu yali. Te kibu mi polo dabo si, augwali polo tama te we bidibolo dobagi pali. ^{†14} Tama nosali te Livai dabego augwa kibu mi dodola muyu, me Arongo hani pris bidi dabego kibu mi dodola muyu yali. Te pris dabe augwa digi augwa kibu mi dola muabo usu meni yai. Magi baso meni, augwaligo te ofa ebo kibu mi me ili te uludubadi te giliga dega saboba mu usu nigai pali. ¹⁵ Tama te Asap hanigo Livai dabe, augwali te tẽabi po weyu me musik eliyu ebo bidi dabe dao. Augwali te Genuai Bidigo be tomode augwa dolobo pesagede dolaluali. Te polobadu te king Devit, me Asap, me Heman, me Jedutun te kingo profet te Asap hanibolo ya wali gilama tama tiali. Tama te Livai dabego te Genuai Bidigo tempel be sunumi tonalubo s̃e elaluali, augwali te deli deli sunumide dolalua pali, te Genuai Bidigo bede. Te hani augwaligo te s̃e ebo pesage taga pabeo. Magi baso meni, te meba Livai dabego augwaligo nai dabe dola mubaso. [‡]

¹⁶ Te sogo Israel dabego nai ulali, te Pasova Sogo, te genuai sogo nai ulali, tama augwaligo isigo mu dela silibo ofa te Genuai Bidigo altade sese tama ulali. Te king Josaiago augwalibolo wali gilama tama yali. ¹⁷ Te Israel we bidi augwali sese tama te Jerusalemda te sogo bidali. Augwaligo te tulama, tama me augwali nogo a naga olama me badu nogo si, te 7 tama sogo augwaligo te Yis Meni Yai Bret Tubo Genuai Sogo bidali. ^{†18} Augwaligo te Pasova nai ulali te wiegi yai mu pedalali. Te nai ulaligo te polobadu Israel dabego te sogo kone paliyu ulali nai dabe mu edelali, te profet Samuelgo side gagalama aselama, te megie te king Josaiago siba usu nagasali. Te meba king dabego te be posobo sogo augwaligo wiegi yai te king Josaiago me te yali tiwai me yai menio, te king Josaiago, me te pris dabe, me Livai dabe, me Juda dabe, me Israel dabe, me Jerusalem dabe augwaligo megie yali tiwai me yai menio.

†† 35:13 Sai 12:8-9 ‡ 35:15 1 Sto 25:1 †† 35:17 Sai 12:1-20

¹⁹ Augwaligo te nai te Josaia aga king bidibadi te kibu be 18 wabode ulali.

Te Isip dabe augwaligo Juda dabe dali hwjnama, tama Josaia ela muani
(2 Kin 23:28-30)

²⁰ Te king Josaiago te Genuai Bidigo tempel be dodolobo sę silibo si, teda te Neko, te Isip king bidi, aga Isip ami bidi dabe selama, tama augwali te Karkemis te aĵ Yufretis sesege taunba pali, te boi bidi dabe dali hwjainu. Josaia agai te tama tiali po odali, tialima Josaia aga ami bidi dabe selama, tama te Isip dabe dali hwjainogo pali. ²¹ Tiali goli king Nekogo Josaiabolo po ola toliyu, te po wali, "Juda dabego king, odao, eno nage dali sębę menio, tama ena nage dali hwjainu me asobeo. Tama tialima, nago magi baso nago ena dali hwjainogo ebawe? Eno da ena boi bidi dabe dali naga boi hwjainogo ebao. Tama God ena dali bidiyu, tama enabolo polo hwĵigi pao po wali. Tama tialima, nago aga paligio. Tiyu, agai nage dolabuo," te po wali. ²² Josaia agai te po Godigo king Nekogo pedauwalidu pusali po odali. Tiali goli agai tobolu gagea pelama, tama agai hwĵabo homu naga yali. Tama tibaso, agai kingo gudubo ugwa hĵgia sĵnana, tama agai gasa ugwa me gudali, te Isip dabe augwaligo aga konea pidali weyu. Tama agai aga ami dabe selama, tama augwali te Megido dabego odogo malu buluba pali, tama augwaligo Isip dabe dali hwĵani. ²³ Augwali boi hwĵidubadi, te Isip dabe augwaligo enesigi kegelama u badu Juda dabe bidaloboba ene enani. Tama ene me deligo Josaia enani. Tama tialima agai aga sę bidi dabebolo te po walali, "Ena nai genuai mu polo dolalio. Dagego ena sela peyu, tama hwĵibo pesage taga piĵo," wali. ²⁴ Tialima augwaligo aga te bididuali te karisde selama, tama augwaligo aga gasa karis meba odasa pelama, tama aga Jerusalemba odasa pali. Tama aga isibaso, augwaligo aga te king dabego gĵ pagede pubulali. Tama te Juda me Jerusalem we bidi augwaligo te Josaia polo isai baso, augwaligo aga hobede ebaso gela wali. ²⁵ Tama profet Jeremaiago Josaiade hobede teĵabi po me deli asęani. Tialima megi me te teĵabi po wabo we bidigo te hobede teĵabi po me wabo dao, te king Josaia kone paliyu yabo. Tama te hobede ebo sogo tigidali sogo te Israel dabe augwaligo te hobedai teĵabi po wabo dao. Te hobedai teĵabi po te hobedai teĵabi dabe elalubo bukude te elalubao. ²⁶⁻²⁷ Te king Josaiago yali sę dabe po me agai kolesaga po me, te aga king pedelali sogo gagalama tama isaliba usu nagasali po dabe, te buku augwaligo Israel Me Juda Dabego King Dabego Po Buku wabo, te bukude te elalubao. Te bukude te Josaiago Genuai Bidi bugagia mu wali peyu, me agai bo-mai po wali pali po me te pusai te elalubao, me agai te wiegi yai kolesaga yali po me tede elalubao.

Te boi bidi dabego kantri Juda dolali

(Daj 36)

Joahas aga Juda dabego king pedelali

(2 Kin 23:30-35)

36 Te Josaia isai nosali badu, te Juda dabe augwaligo Joahas sali, te Josaiago ogwa, tama agai tobolude wel gelali, te agai augwaligo king pedalomainu sa muyu, te aga Jerusalemde king bidimainogo. ² Te Joahas aga Juda dabego king pedelali sogo, agai kibu be 23 elaluali, tama aga Jerusalemde king bidibadi polua sela digi tama yali. ³ Tama te king Neko Isip king te Jerusalemba aselama, tama Joahasgo king sę sela sayagasali, tama Joahas aga king ma bidibeo. Tama king Nekogo te Juda dabe augwaligo agabolo te takis mone te 3,400 kilogram silva mayu, me 34 kilogram gol mayu yao po wali. ⁴ Tama king Nekogo Eliakim, Joahas aga ama selama, tama Eliakim te Juda me Jerusalem dabego king nigilali. Tama Neko agai Eliakimgo nogi hasegelama, tama agai nogi Jehoiakim polali. Tama nosali Neko agai Joahas Isipba kalabus elama odasa pali. †

Jehoiakim aga Juda dabego king bidali

(2 Kin 23:36-24:7)

⁵ Te Jehoiakim aga king pedelali sogo agai kibu be 25 elaluali, tama aga Jerusalemde king bidibadi kibu be te 11 kibu be bidali. Jehoiakimgo Godigo gedude dwai kolesaga iyu yali, te aga Genuai Bidi gedude. ††6 Tialima king Nebukatnesar te Babilon bidigo te Juda dabe dali hwĵagaselama, tama Jehoiakim kalabus elama, tama aga sengo haliga gebelama, tama Babilonba odasa pali. ††7 Tama Nebukatnesargo te Genuai Bidigo tempel bede munalubo dis me plet dabe te Babilonba sela pali, tama aga kingo bede muani.

⁸ Te king Jehoiakimgo yali sę po dabe aga king pedelali sogo gagalama yali sę dabe me te buku augwaligo te Juda Me Israel Dabego King Dabego Po Buku wabo, te bukude te elalubao. Te bukugo te dwai damua pai kolesaga me dwai kolesaga te Jehoiakimgo yali po te bukude pusai te elalubao. Tama aga ogwa Jehoiakingo agai pesage selama, tama aga king pedelali.

Jehoiakin aga Juda dabego king bidali

(2 Kin 24:8-17)

⁹ Te Jehoiakin aga Juda dabego king pedelali sogo agai kibu be te 18 kibu be elaluali. Tama aga Jerusalemde king bidibadi polua sela olama, tama no-go si te 10 sogo aga te Jerusalemde king bidali. Jehoiakin agai Genuai Bidigo gedude dwai kolesaga mu yali. ¹⁰ Te kibu bede te kedau sogo silainu ebadi, king Nebukatnesargo te ami bidi dabe tagala palama, Je-

† 36:4 Jer 22:11-12 †† 36:5 Jer 22:18-19; 26:1-6; 35:1-19 ‡ 36:6 Jer 25:1-38; 36:1-32; 45:1-5; Dan 1:1-2

hoiakin kalabus igi pelama, tama Babilonba odasa pali. Tama me te ami dabe augwaligo te Genuai Bidigo tempel bede munaluai te dis dabe me plet dabe te Babilonba sela pali. Tama Nebukatnesargo te Sedekaia, te Jehoiakin aga ama, te Juda dabego king Jerusalemde bidimainu magi ilali. †

Te Babilon dabego Jerusalem dabe dali boi hwjnama, te taun sali

(2 Kin 24:18–25:21; Jer 52:1-11)

¹¹ Te Sedekaia aga king pedelali sogo agai kibu be 21 elaluali, tama aga Jerusalemde king bidibadi nogo si olama deli tama kibu be bidali. ††¹² Sedekaiago te Genuai Bidi aga Godigo gedude dwai kolesaga yali. Tama te profet Jeremaiago te Genuai Bidigo po agabolo pusa mabo sogo, agai aga digi aiyaba elaluama tama agai po odobeo. Menio. ¹³ Sedekaia aga sębę mu elama, tama aga homu begelebo hagela elama, tama aga Genuai Bidi te Israel dabego Godiba ma asobo hagela mu yali. Nebukatnesargo Sedekaiabolo te Godigo gedude te ugwa dagalu bidigo gedude tigidali sogo Nebukatnesar agai po naga wali paibao po daų omainu ilali. Tiali goli Sedekaia aga tobolu gagea pelama, tama aga Nebukatnesar dologode munu me bidibeo. ¹⁴ Tama me te pris dabego tobolu bidi dabe me te we bidi augwaligo Genuai Bidiba tudi ola mabo genuai mu elama, tama dwai damua pai gasa we bidigo ebo kolesaga wali pali. Tama augwaligo te dwai kolesaga ebogo te Genuai Bidigo te Jerusalemde te aga be dao olama sa muani, te be agai gedude dwai meda yai mu pedelali. ¹⁵ Tiali goli Genuai Bidi augwa wajgo God agai aga we bidi me aga be dali dolobo hagela yali. Tama tibaso, agai te profet dabe hauwa mu agai po te we bidi dabebolo pumainogo tagala palidu geani. Magi baso meni, agai augwali hobede mu ebaso. ¹⁶ Tiali goli te we bidigo te augwaliba tagala palali te bidi dabe posobo po weyu yali, tama augwaligo homugo tiali augwaligo po te olo nai tiwai dao homu yali. Tama augwaligo te profet dabe olo nai gagaliyu yali. Tama tibaso, Genuai Bidigo aga we bidi dabe hagela mu elama, tama augwali dali sębę genuai mu yali. Tama augwaligo agai augwalibolo tagala palainu ebo te dwai sę geda muabo usu egobeo.

¹⁷ Tialima Genuai Bidigo te Babilon king aga ami bidi dabe dali augwaligo te Juda dabe dolomainu tagala palali. Te Babilon dabe augwaligo te Juda dabego gesi bidi te tigidali Jerusalemde ela siliyu, me te Genuai Bidi aga bede ela siliyu yali. Kingo Juda dabe hobede dwasianu me ebeo. Mu menio. Te Babilon dabe aug-

waligo te Juda dabe gesi bidi me gesi wegi sese tama, me monu dabe, me te mosi dabe mu yai bage pađe tama te isabo aų yai bage te Genuai Bidigo te Juda dabe sese tama te Babilon kingo nogoba muani.

††¹⁸ Tama te Babilon kingo te haniani genuai me dwasianu dis dabe, me Genuai Bidigo tempel bede plet dabe, me Genuai Bidigo bede wiegi wiegi yai nai dabe siyu, me Juda dabego kingo doado bage, me aga ofisa bidi dabego doado bage siyu yali, te king aga ofisa dabego nai dabe sali, tama agai sese tama Babilonba selasa pali. ¹⁹ Tama te Babilon ami bidi dabego Genuai Bidigo be sia uluyu, me kingo be me sia uluyu, me Jerusalemde genuai genuai be dabe sese tama isi ulali. Tama augwaligo te taunde tigidali wiegi wiegi yai nai dabe sese tama dolama tagaliyu, me te taungo obo aluama tagaliyu yali. ††²⁰ Tama te Babilon kingo te we bidi te boide elisama yali we bidi sese tama te Babilonba kalabus elama selasa pali. Tama te Juda we bidi augwali te Babilon king dabego olo sę ebo bidi we bidada pidubadi, te kantri Persia boma pai mu pedaliyu, tama te kantri Babilon aiyaba elalubo sogoba usu nagasali. ²¹ Te Israel dabe augwali augwa tåde bidibo sogo, augwaligo augwa tų tigidali namba 7 wabo kibu bede augwaligo olo me tagalai menio. Tama tialima, augwali te Babilonde kalabuside bidibadi augwaligo tų olo bugagia toma tuyu, kibu be 70 olo toma tuali, te Genuai Bidigo te profet Jeremaiago pedauwalidu pusali po usu nigi pali. ††

King Sairusgo te po wali, te Juda dabe augwali augwa buluba ma pao po wali

(Esr 1:1-4)

²² Te Sairus aga kantri Persia king bidibadi kibu be deli wabode, Genuai Bidigo Sairusgo homu hogodolama, tama agai po me wali. Agai te po asęnama, tama agai te tonalubo tų tigidaliba tolali. Tama te po sela pabo bidi dabego te po augwaligo te we bidibolo neda mao wali. Te sę pedelali te polobadu Genuai Bidigo profet Jeremaiabolo menama, tama Jeremaiago te Israel we bidibolo pusali poba usu nagasali. ²³ King Sairusgo te po e dao, "Genuai Bidi God da, te tigidali dagalude elalubo nai tonalubo God dao. Tama agai ena Sairus te tigidali tų tonalubo bos bidi nigilai dao. Megi agai enabolo agai be me deli Jerusalemde sę yao po wali, te Juda bulu distrikde. Genuai Bidi dage Israel dabego God aga tigidali aga we bidi dage dali tigidali sogo bidaibao. Tama megı da, dage duga buluba ma piagameo, te Jerusalembe," te Persia dabego king Sairusgo te po asęna tolali. ††

† 36:10 Jer 22:24-30; 24:1-10; 29:1-2; 37:1; Ese 17:12, 13

†† 36:11 Jer 27:1-22; 28:1-17 ‡ 36:13 Ese 17:15

†† 36:17 Jer 21:1-10; 34:1-5 †† 36:19 1 Kin 9:8 ††† 36:21 Jer 25:11; 29:10 ††† 36:23 Ais 44:28

Esrage Po Elalubo Buku

Hasia nedebo po

Te buku Estrate te buku 2 Stori tomode wali po wadolama wai te elalubao. Te buku 2 Stori dago nedali, te Israel dabe augwalide te sege hauwa pedaliyu, me augwali hani hauwa te kantri Babilonba kalabus igi pali. Te Godigo tempel be te Jerusalemde me, te Jerusalem hanu me, te mu dolama elaluali. Tialima, te buku Estrate te Juda hani meba augwali Babilon tagalama, tama augwa t̄ba ma asali, te augwa distrik Judaba. Tama augwaligo Godigo tempel be Jerusalemde gesi ma se ya ni.

Buku Estrate pedai sela elalubao:

(1) King Sairus te Persia bidigo po obaso, te hasia polasa pabo Juda hani augwaligo Babilon tagalama, tama augwali augwa distrik Judaba ma pali (te Daj 1 me 2). (2) Te Juda dabe augwaligo Godigo tempel be ma se ebo gagalama, tama augwaligo lotu po wabo kolesaga ma gagalama wali pali (Daj 3-6). (3) Te kibu be meba bidama, nosali te Juda hani meba te Jerusalem ma asali. Esra aga te augwaligo tobolu bidi dao. Esra aga te Godigo bomai po konea pai bidi dao, tama agai augwali tonaluyu, tama me augwali Godigo bomai po dologode bugagia bidimainogo tau siyu, me te lotu wabo kolesaga dolo wali pomainogo yali.

Te Israel dabe augwali Juda t̄ me Jerusalem hanu siba ma asai dao

(Daj 1-2)

King Sairusgo po weyu, te Juda dabe augwa page buluba ma pīo wali

(2 Sto 36:22-23)

1 Te hasia kibu be tede te bidi Sairus te Persia kantri t̄ pedaide king bidali sogo, God Genuai Bidigo aga homu hodolama, tama agai po me deli walio. Agai te po asenama, tama agai te tonalubo t̄ pedai tigidaliba tolali. Tama te po sela pabo bidi dabe augwaligo te we bidi dabeba nedemainu yalio. Te se pedelali, te Genuai Bidigo te polobadu bidali profet bidi Jeremaiabolo po menama, tama Jeremaiago te Israel dabeba pusali po me deli te poba usu nanio. ^{†2} Te king Sairusgo po te tiwai, "God, Genuai Bidi, te tigidali dagalude nai tonalubo bidi, tama agai ena Sairus sa munama nigilali, te tigidali t̄ pedai tonalubo bidi pedalumainu ilali. Megi da, te agai enabolo weyu, te agai be me deli te Jerusalem taun, te Juda t̄ pedaide se yao po walio. ^{††34} God te dage Israel we bidi dali bidibao, dage aga we bidi dao. Polobadu te boi bidi dabego dage te duga page bulude selama, tama dage te digibulu odasa pelama, tama megi dage eno bulu t̄ pedaide bidibao. Tiali goli, megidage Israel te

Jerusalem ma piagameo, te duga Genuai Bidi Godigo taunba pelama, tama agai be ma se igi pagameo," wali. "Tama dage te Israel dabe megididalubo taunde bidibo te gasa we bidi dabe, dagego augwali tau selama, tama wiegi yai nai hauwa augwaliba mao," wali. "Tama augwa te Jerusalem sela pelama, te Godigo be ma se igi pomainao. Dagego te Israel dabeba te silva me gol meba mayu, te nai dabe me maīo," wai. "Tama te nai dabe sela pabo kibu donki dabe meba augwaliba mao," wai. "Tama te Israel dabeba te kibu hasa dabe te Godiba aga te bede ofa yabo nai dabe mao," king bidi Sairusgo te po wai dao.

⁵ Tama tialima, Godigo te Judago tobolu bidi dabe hani me, te Benjamingo hani me te homu hodoliyu, tama te pris dabe me, Livai dabe me, tama te gasa bidi dabe me, te augwali homu hodolama, tama augwa te Jerusalem pelama, te Genuai Bidigo be ma se igi pabo doado bage dabe sisi yai dao. ⁶ Tama gasa hani dabe te Israel p̄de bidali bagego augwali tau siyu, tama augwaligo te silvago nigai dis genuai pou mayu, te gol me mayu, te nai me augwaliba mawai. Tama augwaligo gasa wiegi yai nai me mani, tama te Godigo bede ofa yabo hasa dabe me manio. Tama augwaligo te Israel dabeba te nai dabe sela pabo kibu donki dabe me manio. ⁷ Tama te king Sairusgo te Godigo tempel bede mubo genuai pou dis dabe te Israel dabe augwaba ma manio. Polobadu king Nebukatnesargo te dis pou dabe te Godigo bede sali, te agai Israel dabe dali boi hw̄n̄ama, tama te Jerusalem aiyaba elaluali sogo te dis pou dabe sai dao. Tama selasa asama, tama agai te dis pou tigidali te aga god dabego be tomoba muai dao, polobadu. ⁸ Tialima, king Sairusgo te nai dabe te

† 1:1 Jer 25:11; 29:10 †† 1:2 Ais 44:28

Mitredatba mani, te kingo mone mubo be tonalubo bidibolo menama, tama Mitredatgo te augwali nedelama, tama te Sesbasarba mani, te Juda dabe augwa tonalubo polalubo tobolu bidi dao.

⁹ Te nai dabe e tama dao: 30 dis gol te ofa ebo nai, tama 1,000 dis silva te ofa yabo nai, tama te 29 gasa dis pou dabe, te tama mawai, ¹⁰ tama te 30 dwasianu dis gol, me te 410 dwasianu silva dis, me te gasa 1,000 dis te Godigo bede muabo nai dabe te mawai dao.

¹¹ Te tigidali dis gol pou me, silva dali, te gasa nai dali deli taluyu, te namba e dao, 5,400 dao. Tama Sesbasargo te nai doado bage dabe sali, tama aga dali te gasa Israel bage dali augwaligo te bulu Babilon tagalama, te Jerusalemba soali sogo, tialima augwaligo te nai dabe selasa peyu pai dao.

Te Israel dabe Jerusalemba ma soali bidi namba e dao (Neh 7:4-73)

2 Te Israel dabe hauwago te Babilon t̄pedai tagalama, tama Jerusalemba ma pali, tama te gasa Juda pedai badu me pai, tama augwa hanigo page buluba palio. Te Israel dabe te Babilonde sesabi mu elama, bobobage sogo mu bidalio, te king Nebukatnesargo bidali sogo te Juda haniba hwjgi pelama, tama we bidi hauwa kalabus elama, tama augwali te Babilonba sela pai dao. ² Te Juda dabe augwa tobolu bidi dabe nogi te tiwai dao, Serubabel, Josua, Nehemia, Seraia, Relaia, Mordekai, Bilsan, me Mispar, Bikvai, me Rehum, me Bana, te tama dao. Te tobolu bidi dabe te Juda dabe dali augwa page buluba ma pali.

E da te Israel hani dabego nogi dao, te dali te deli deli bidi dabego hani bidi te Jerusalemba ma pelawali namba dao. Te hanigo namba e tiwai elalubao.

³ Te Parosgo hani bidi 2,172 elaluali. ⁴ Tama Sefatiago hani bidi 372 bidali, ⁵ tama te Ara hani bidi 775 elaluai. ⁶ Te Pahatmoap hani, te Jesua me Joap sigo bulali wai hani bidi, augwali te 2,812 bidi elaluali.

⁷ Te Elam hani bidi 1,254 elaluai. ⁸ Tama te Satu hani bidi 945 elaluai. ⁹ Te Sakai hani bidi 760 elaluai. ¹⁰ Te Bani hani bidi 642 bidi bidai. ¹¹ Tama te Bebai hani bidi 623 bidi bidali, ¹² tama te Asgat hani bidi 1,222 bidi bidai.

¹³ Te Adonikam hani bidi 666 bidi bidali, ¹⁴ tama te Bikvai hani bidi 2,056 bidi bidalio, ¹⁵ tama te Adin bidi hani te 454 bidi bidai.

¹⁶ Te Ater hani bage, te agai gasa nogi me Hesekia, te hani bidi 98 bidali, ¹⁷ tama te Besaigo hani bidi 323 bidali. ¹⁸ Te Jorago hani bidi 112 bidi bidai, ¹⁹ tama te Hasungo hani bidi te 223 bidai, ²⁰ tama te Gibargo hani bidi te 95 bidi bidai dao.

²¹ E da te Juda dabego taun nogi hauwa dao. Te taun dabe te Juda t̄p̄ba ma pali bidi hani dabe augwa w̄j dabego page bulu taun dao. Te Betlehem taun bidi dabego namba te 123 dao, ²² tama te taun Netofa bidi te 56 elaluai, ²³ tama te taun Anatot te 128 dao, ²⁴ te taun Asmavet bidi 42 elaluai.

²⁵ Te Kiriart Jearim taun bidi dabe, me te Kefira, me Berot taun bidi dabe te 743 dao. ²⁶ Tama te Rama me

Geba taun bidi dabe te 621 bidali, ²⁷ tama te Mikmas taun bidi te 122 dao. ²⁸ Te taun Betel me Ai te bidi te 223 dao, ²⁹ tama te Nebo taun bidi 52 bidai, ³⁰ tama te Makbis taun bidi 156 bidai dao.

³¹ Tama te Namba 2 Elam bidi dabe 1,254 dao, ³² tama te Harim taun bidi te 320 dao. ³³ Tama te Lot, me Hadit, me Ono, te taun bidi dabe te 725 dao.

³⁴ Tama te Jeriko taun bidi dabe te 345 bidi hani bidai dao. ³⁵ Tama te Sena taun bidi hani te 3,630 dao.

³⁶ Te pris hani dabego nogi dali, te Jerusalemba ma pali pris dabego namba dali, te tiwai elalubao. Te Jedania hani, te augwa ayago wai te Jesuago hani bidi, te 973 elaluali. ³⁷ Te Imergo hani bidi 1,052 bidi elaluai dao, ³⁸ tama te bidi Pasurgo hani bidi te 1,247 bidi elaluali, ³⁹ tama te bidi Harimgo hani bidi te 1,017 bidi elaluai dao.

⁴⁰ Te Livaigo hani dabe nogi dali, te Jerusalemba ma pali Livai dabego namba dali, te e tiwai dao. Te Jesua de Katmiel sigo hani bidi te 74 elaluali. Te bidi si augwa bulali w̄j te Hodavia dao.

⁴¹ Te Godigo tempel bede musik wabo hani bidi dabe augwali te Asapgo hani bidi te 128 bidi bidali.

⁴² Te Godigo tempel be tonalubo bidi dabe, augwali te tama hani bage Salum, me Ater, me Talmon, Akup, Hatita me Sobai. Tama augwali te 139 bidi dabe elalualio.

⁴³ Te Godigo tempel be tonalubo s̄ bidi dabe te Jerusalemba ma pali bage, augwali te bidi dabego hani dabe da, Siha, Hasufa, Tabaot, ⁴⁴ me Keros, Siaha, me Padon, ⁴⁵ te Lebana, me Hagaba, me Akup, ⁴⁶ me Hagap, me Samlai, Hanan, ⁴⁷ tama me Gidel, Gahar, Reaia, ⁴⁸ Resin, Nekoda, me Gasam, ⁴⁹ me Usa, Pasea, Besai, ⁵⁰ me Asna, Meunim, me Nefisim, ⁵¹ Bakbuk, Hakufa, Harhur dao. ⁵² Te bidi nogi me Baslut, Mehida, Harsa, ⁵³ Barkos, Sisera, Tema, ⁵⁴ Nesia, me Hatifa.

⁵⁵ Te hani bidi dabe augwali te bidi Solomongo s̄ bidi nogi yali, augwali me te augwa page buluba ma pali. Augwali te hani bidi dabego hani bidi dabe da, Sotai, Hasoferet, me Peruda, ⁵⁶ me Jala, Darkon, Gidel, ⁵⁷ Sefatia, Hatil, Pokeret Hasebaim, me Ami, te tama dao.

⁵⁸ Te Godigo tempel bede s̄ ebo bidi dabe, me te Solomongo s̄ yali bidi dabe, te augwa page buluba pali bidi dabego namba e tama, te 392 dao.

⁵⁹⁻⁶⁰ Te Delaia me Tobia, Nekoda, te hani bage bidi namba te 652 elaluai. Augwali taun Telmela, Telharsa, me Kerup, Adan, me Imer, te taun page bidi dabe dao. Tiali goli, te hani bidi dabego te augwa bulali te w̄jigo nogi kuna konesiawai. Tama tiyu, augwaligo te Israel tuni bidi dabebolo augwa w̄j dabego nogi ola maiabo sunumi te bugagia konesiawai, augwali te Israel bagewe, ma meniwe, te subeo.

⁶¹⁻⁶² Te pris hani dabe te pris bage mebago te augwa w̄j dabe nogi te tigidali pris hani nogi elalubo bukude gegebo s̄ yali, tiali goli augwaligo nogi elalubo me subeo. Tama tialima, te augwali te pris da po wabo te sunumi ola maiabo te bugagia mu me konebeo. Te

pris hani bage nogi te tiwai, Habaia, me Hakos, me Barsilai. Te polobadu te Barsilaigo wajo te taun Gileatde bidali bidi nogi Barsilaigo wegi me deli sali, tama te wajo te aga ayago wajo nogi hasegelama salio.

Te hani bidi selago te augwa wajo nogi me susiaba-di elaluali, tama te hetman dabego homugo te augwali olo bidi dabe naga dao homu yali, tama augwali te augwaligo pris bidimainu me ilibeo. ⁶³ Tama te Juda dabe augwa polalubo gavman bidigo te bidi dabego te Godiba ofa ebo nai te tugio olama, te augwali habu selali. Agai te po wai, augwaligo te pris tuni bidi me deli pedalubaso da, teda te polalubo prisgo te dwasianu masigi side te po elalubo sulama, te Godigo homu sumainao, tama Godigo te po omainu yaibao, te bidi dabe augwali te pris se emainao po wagowe, ma te subo dao. †

⁶⁴ Te tigidali Israel bage augwa page buluba ma pali bidi namba te e dao, 42,360 dao. ⁶⁵ Tama augwa se bidi me se ebo we dabe namba te 7,337 dao. Tama te balia wabo we bidigo namba te 200 dao. ⁶⁶⁻⁶⁷ Tama te hosgo namba 736, tama te kamel dabego namba 435, te donki dabe namba 6,720, tama te hosgo hapkas me donki te namba 245 dao.

⁶⁸ Te Godigo tempel be elaluali madigi te Jerusalem-ba te we bidi dabe pedelali sogo, te augwa hani tobolu bidi mebago te Godigo be ma se ebo tau saio homu godolo yali. Tama tibaso, augwa te se yainu te me badu dwagi yai nai dabe mani. Augwaligo te be te polobadu se yani tode ma se yainu yalio. ⁶⁹ Te doado bage umabo elalubo bidi dabego te nai hauwa mani, tama te dwasianu nai elalubo bidi dabego te dwasianu nai mawai. Te Israel dabego mani tigidali golgo sege te 500 kilogram yali, tama te mani silvago sege, te 2,800 kilogram tama yali, tama augwaligo te prisgo gudubo ugwa te 100 manio. ⁷⁰ Te pris dabe me, Livai dabe me, te meba we bidi te Jerusalem tomode bidali, tama pade me bidali. Tama te musik wabo bidi dabe, me te tempel be tonalubo wasman, me te tempel be de se ebo bidi dabe, augwali te taun te Jerusalem pade bidigi pai. Tama te gasa Israel we bidi tigidali te augwa hanigo polobadu bidali page buluba pelama, bidigi pai dao. ††

Te Israel bagego Godigo be ma se yai

(Daj 3-6)

Augwa te Godiba lotu wabo kolesaga ma wali palio

3 Te 7 polua pedalubo sogo, te Israel we bidi dabe te taun dabede bidada pela silalio. Tama te poluade te augwaligo deli homu eyu, tama tigidali Jerusalem-ba sisinagasalio. ² Tama Josua, te Jehosadako ogwa, tama gasa pris dabe me, te Serubabel, te Sealtielgo ogwa, te aga deli kaneme bage me, aug-

waligo te Israel dabe augwa Godigo alta ma nigali. Augwa te daiba ugwadu munama te siago tigidali dabo nai muabo nai nigai. Augwa te tama tiali te bomai po me deli wali peyu, Moses te Godigo se bidigo te bomai po wabo bukude aseai dao. ³³ Te gasa hani bidi dabe te to pedaide bidibaso, te Israel hani dabe augwali wi yali, tiali goli te tagalao homu eyu, augwa te alta te polobadu elaluali pesagede nigalio. Tama augwaligo te Genuai Bidiba mabo te siago tigidali domainu ulubo ofa gagalama yali. Augwaligo te altade ofa ebo te tigidali sogo kigamu me, te tigidali sogo pio me, te ofa yali. ³⁴ Tama augwa te osogo bidabo bede bidibo genuai sogo te wali pelama bidiyu, tama augwa te bomai yai pode wali po gilama te tigidali sogo ofa yalio. ³⁵ Tama augwa te gesi poluaga gesi noma dei pedalubo sogo me te ofa eyu, tama te gasa tigidali genuai lotu te bomai pogo te Genuai Bidiba ofa yao wali po gilama yali. Tama te bidi dabego te ofa meba augwa homugo digi ela palio. ³⁶ Te we bidi augwaligo te Godigo tempel be ma se ebo te gagalisiqadi, te tiali goli te namba 7 polua te dei namba wan gagalobo sogo, augwaligo te ofa dabe te Genuai Bidiba ebo gagalai dao.

Augwaligo te Godigo tempel be se ebo ma gagalali

⁷ Te Sairus te Persia tuni bidi kingo te Israel dabebolo te ni bo dabe te Lebanon tode sao po usu da po walio. Tama te we bidi dabego te nai mayu, te ni oliv du wel me te augwa tobolu bidi dabeba menama, tama augwaligo te bidi dabe te taun Tair me Saidonba tagala palama, te Lebanon dabego ni bo abelimainu yai. Tama te Lebanon dabego te ni dabe te tamu weba munama, tama te tamu wego tolasa aselama, te Jopa taunba homugi palio. Tama me, te Israel dabego te mone te tobolu bidi dabeba menama, te masigi togobo se ebo bidi me te kapenda bidi dabe te monego abelimainu tiai dao. ⁸ Tama tialima, te polua 2 mun, te si wabo kibu bede te nosali augwali te Jerusalem-ba ma aselama, augwaligo te Godigo tempel be se ebo ma gagalali. Te tobolu bidi Serubabel, me pris Josua, tama augwa si abagi dabe tigidali, te augwali pris, me Livai, tama tigidali bidi augwali te Jerusalem-ba ma aselama, augwaligo te se hodolama yali. Tama augwaligo te Livai hani bidi dabe te kibu be bidi sese deli, te 20 yia yali bidigo te se tonalubo bidi nigilali. ⁹ Tama te Jesua te Livai hani, tama te ogwa dabe me, tama aga deli kanemego nigali bage dali, te Katmiel te Juda hani, tama aga ogwa dabe dali, augwaligo te se tonalualio. Tama te Livai te Henadat hanigo me te augwali tau sali.

¹⁰ Te se bidi dabego te genuai masigi dabe te Godigo be daga pagede mubo sogo da, teda te pris dabego te prisgo ugwa gudulama, tama te biugel selama, tama te se ebo pesageba dolagasalio. Tama te Livai te Asap hani me aselama, augwali dali dolagasali. Tama tigidali bidi deli deligo te kapa pou si te musik ebode elainu

† 2:63 Nam 27:21 †† 2:70 1 Sto 9:2; Neh 11:3

‡ 3:2 Sai 27:1 †† 3:3 Nam 28:1-8 †† 3:4 Nam 29:12-38

††† 3:5 Nam 28:11-29:39

tola sesa pali. Tama augwa te king Devitgo asęani po wali pelama, tama augwa te Genuai Bidigo nogi ugwa-ba sai dao. ^{†11} Augwa te Genuai Bidiba wiegi yai homu pemene ebo balia po wai, tama wali balia pogo ma weyu yali, te tiwai wali, “Genuai Bidigo te wiegi yai kolesaga sesemane sogo edu, tama sesemane sogo agai te Israel dabe godolo homu ebo dao,” wai. Augwa te balia po ola silibo si da, teda nosali te tigidali we bidigo i bomonama weyu, tama Genuai Bidigo nogi ugwaba sai, magi baso meni, te sę bidi dabego te Godigo be daga pagede mubo masigi te sogo te page-ba muanio. ^{††12} Tiali goli, hauwa monu dabe pris, me Livai te monu dabe, me te monu dabe tobolu bidi, te augwali hani deli deligo te Godigo polobadu elaluali beba homu kone palalio. Tama augwaligo suali, te sę bidi dabego te Godigo gesi be masigi mubo sulama, augwaligo homugo te be te polobadu elaluali be tiwai wiegi yai me pedalugobe da te homu ebaso, tama augwali gela walio. Tiali goli, te gasa bidi dabego da, te wiegi yai homu pemene eyu, tama i hai wai. ¹³ Te i hai weyu gela wali te genuai mu pedelama, tama te digibulu bidali bidi dabego te odabo usu yai. Tiali goli, augwaligo te bidi dabego te homu dene eyu, te gela wabo, ma te wiegi yai homu pemene eyu i hai oba, te homu me egobeo. Augwaligo te genuai posolu kulkulu wabo naga odai dao.

Te boi bidi dabego te Israel dabego sę paliainu yali

⁴ Te Judago hanigo me Benjamingo hanigo boi bidi dabego te Israel dabe te Jerusalemba ma aselama, tama te augwa God Genuai Bidigo tempel be ma sę ebo wabo po odali. ² Tama tialima, augwali pelama, te Serubabel me tobolu bidi dabe te Israel deli deli hani bage sugi pelama, tama augwaligo te po wai, “Da te dage dali te Godigo be sę yagasomainu ilao,” po wali. “Dago me te dagego Godiba lotu wabo dao,” po wali. “Tama te Asiria tę king bidi Esarhadongo da te e bulu tę pedaiba tagala palama bidagasali, te megi e sogoba usu nagasobao, dago te Godiba ofa ebo dao,” po wali. [‡]

³ Tiali goli, Serubabel, me Josua, me tobolu bidi dabego me, augwaligo te po augwaliba wali, “Dagego da te dena God Genuai Bidigo be sę ebo tau me sagasigio,” wali. “Dena digi sę yaibao, te king Sairusgo dabolo wali po gilama yaibao,” wali.

⁴ Tialima, te tęde sesabi gana elama bidali bidi dabe, augwaligo te Juda dabe wi elama, te augwa haliga dwai ebaso, te sę tagalomainao wabo sę usu salio.

⁵ Augwaligo te Persia gavman bidi dabeba mone mani, te augwaligo homu augwaliba muagaselama, te Juda dabego sę dolomainu wialubo tiwai yalio. Augwaligo te kolesaga yali te king Sairus bidibo sogo tiali, te bida-da pali te king Dariusgo aga hasegelama, te king ped-alubo sogoba usu nanio.

Te boi bidi dabego te Juda dabe po tų ilali

⁶ Te king Darius isai madi, tama Serksis te bidi te Persia bidi dabego king bidai. Tama te sogo te boi bidi dabego te pas me deli asęnama, tama te Jerusalemda bidibo we bidi dabe me, te Juda gasa badu bidibo bage me, po tų ilai dao. ^{††7} Tama nosali te king Serksis isibaso, tama te king Artaserksis te Persia king ped-alubo side da, teda Bislam, Mitredat, me Tabel dali, te aga deli sę ebo bage, augwaligo pas me deli te kingba asęna tolali. Augwaligo te pas te Aram pogo asęnama, tama te bidigo nedebo sogo da, teda agai te Persia po-ba begelama, te po waibao. ⁸ Tama te provins polalubo namba wan gavman bidi Rehumi dali Simsai, te provins tę pedaide sę ebo kuskus bidi, augwali sigo te gasa pas me deli te king Artaserksisba asęna toliyu, te Jerusalem dabe po tų ilimainogo yai. Augwaligo te tama tiwai po asęai dao, ⁹ “Siade da, king. Ena Rehumi, te e provins polalubo gavman bidi, tama Simsai, te bulu tę pedaide sę ebo kuskus dali, te da si dali deli sę ebo bage, te augwali jas me, te nago gasa ofisa bidi dabe me, augwali te bulu Ereki me Babilon, tama te Susa taun te Elam tęde bidibo bage, dago te pas nage-ba tolobao. ¹⁰ Tama te taun Samariade bidibo gasa we bidi, me te wę Yufretis e badu tę pedai badu bidibo we bidi dabe, augwaligo da dali deliba pedauwali taluama, te pas asęna tolobao. Polobadu te king Asurbani-pal, te genuai nogi elaluali bomai king dao, agai te bidi te augwa page bulude ela gudulama, tama augwali te tę pedaiba munama bidibo dao.”

¹¹ “Da nago sę bidi dabe, da te wę Yufretis e badu pedai badu bidibao, dago te po meba elalubao. Tama tibaso, dago te pas nageba asęna tolobao. ¹² King, nagebolo dago te e tama po obao. Te Juda dabego nago gasa bulu tę pedaide bidali taga soyu, tama te Jerusalemba ma aselama, tama augwaligo te dwai taun ma geselainu ebao. Polobadu te hanu we bidi dabe augwaligo te kingo po sela sęwai we bidi dabe dao. Tama megi te Juda dabego te taun moni masigi obo nigibo sę ma gagalama, tama te pęde tama te sę silainogo ebao. ¹³ Tama tialima, king, odao. Te augwaligo te taun dali te obo dali ma nigibaso da, teda te Juda dabego nageba te haniani takis mone me magobeo, tama tiyu nago te bulu tę pedai kantri tonalu tau sabo mone sę paibao. ¹⁴ Nago haniani sę ebogo da tonalubao, tama tiyu, te Juda dabego nageba dwai sę idali weyu, te dago homude hagela homu ebao. Tama tiyu, dago te pas nageba toliyu, te po nagebolo pusubao. ¹⁵ Dago homugo te kuskus dabeba te po walama, te augwali pelama, te gavman buku nedegi pomainu yao, te nago wę nę dabe bidali sogo asęani po tede elalueibao. Te nago tama tiyu da, te augwaligo asęani pogo nageba ola mobaso, tama nago te taun Jerusalem we bidi dabe koneama, te augwali dwai hagoma ebo we bidi dabe dao. Te wę nę dabe bidali sogode digi, augwaligo te kingba me, te bulu tę pedai tonalubo bidi dabeba me, sę sę mayu yai. Te Jerusalem

† 3:10 1 Sto 25:1 †† 3:11 1 Sto 16:34; 2 Sto 5:13; 7:3; Tib 100:5; 106:1; 107:1; 118:1; 136:1; Jer 33:11 ‡ 4:2 2 Kin 17:24-41

†† 4:6 Est 1:1

dabego te king dabego po sela sąbaso, tama te pagede naga tama te king dabego te taun dolai dao. ¹⁶Tama tialima, king, dago te tama po nagebolo wainogo ebao, augwaligo te taun dali te obo dali ma nigibaso da, teda nago te wę Yufretis e badu pedai badu te tų pedai ma tonalubo te usu me egobeo." Te pasde po augwaligo tama asęna tolali.

Kingo wei ponani po

¹⁷Tialima, kingo augwaligo pas sulama, tama pas wei ponoyu, te tama po wali, "Siade dao, te provins polalubo gavman bidi Rehum, tama te kuskus bidi nogi Simsai, tama dage si dali deli sę eyu, te Samariade bidibo bage, me tama te gasa tų pedai badu te wę Yufretis u badu pedai badu bidibo bage, dageba te po obao. Eno dagego po wei ponainu ebao."

¹⁸"Dagego te tolali pas, augwaligo te Persia poba begelama, tama enaba nedalio. ¹⁹Tama eno te kuskus dabeba olama, tama augwaligo te tiwai elama gegali, hauwa sogo te Jerusalem we bidi dabego te hagoma eyu, te king dabego po sela sąwai dao. Tama mu tama, te bidi dwai dabe te hanu taunde paęanalubao.

²⁰Polobadu te bomai king dabe te Jerusalemde bidiyu, tama augwaligo te wę Yufretis te badu provins dabe tigidali badu tonaluai. Tama augwaligo te we bidi tigidalide takis mone sai dao. ²¹Tama tialima, dagego te bidi dabeba po bomo elama waiyaę, teda augwaligo te sę tagalama, te eno digi augwalibolo te sę ma yao po obaso, te sę ma emainu yaibao. ²²Dage polo pelama, augwali te obo nigibo sę igio olama, hagegi pao. Tiyu, augwaligo te sę me mu ela pidu geęyu da, te augwaligo enaba dwai sę ilaibao," kingo te po asęna tolali.

²³Augwaligo te king Artaserksisgo pas selama, tama te selasa peyu, te gavman bidi Rehum me Simsai, tama augwa deli sę ebo dageba selasa pelama, tama augwaligo te pasde asęani po augwaliba nedalio. Te gavman dabego te kingo po odama, tama augwaligo te ami bidi dabe selama, tama ases a polo te Jerusalemba pelama, tama bomo eyu, te Juda dabego te sę tagalomai ilalio.

Augwaligo te Godigo be sę ma hodolama yalio

²⁴Polobadu te king Sairus bidali sogo, † te boi bidi dabego te Juda dabego sę dolobaso, tama te Juda dabego te Godigo tempel be sę yali te tagalali. Tama te be sę olo elaludubadi, te Persia tųde te Darius te king bidi pedelama tama bidiyu, te si wabo kibu be, te ba usu nagasali.

5 Tama te kibu bede te profet Hagai, me profet Sekaraia, te Idogo ogwago ogwa, te Israelgo Godigo po pusubo gagalama pusuyu, te Juda tų pedai distrik te Judade me te Jerusalemde pusubo sę yai dao. ††²Serubabel, te Sealtielgo ogwa, me te Josua, te Jehosadakgo ogwago, te profet sigo ebo sę po odolama,

† Te ves 24 tede elalubo po te Daj 4 ves 5, tede wali poba gasa po me wadolali. Tama te ves 6-23 tede wali po te king Darius isai madi te kibu be hauwa bidama, nosali yali po wali dao. †† 5:1 Hag 1:1; Sek 1:1

teda augwali sigo te bidi dabe selama, tama augwa te Godigo tempel be Jerusalemde ma sę ebo gagalali, tama te profet sigo augwali tau salio. †

³Tama Tatenai, tama te wę Yufretis e badu pedaide bidali gavman polalubo bidigo me, Setar Bosenai, te ofisa bidi me deli dali, te augwa si dali deli sę ebo bagego te Israel dabego te tama sę ebo po odolama, tama augwali ases a polo te Jerusalemba palio. Tama augwaligo te Godigo be sę ebo bagebolo te tiwai po hanalu wali, "Dego dagebolo te be aga doado bage dali ma geselao po waliwe? ⁴Tama te sę tonalubo bidi dabego nogi de dawew?" augwaligo te po hanalu wali.

⁵Tiali goli, Godigo te Juda tobolu bidi dabe tonaluali, tama te Persia gavman ofisa bidi dabego te augwaligo sę ebo me panibeo. Menio. Te ofisa dabe augwaligo konesiayu, te augwaligo mena tama tegowe homu yali. Tama tibaso, augwaligo te pas asęnama, te king Dariusba toloyu, agabolo te tiwai po waliyu, te Juda dabego ebo sęde menagi egowe po wali. ⁶⁻⁷Tama te kingo augwaligo pas wei ponobo tonaluai. Te kingba augwaligo asęna tolali po te tiwai po wai. "Siade dao, king Darius. Nage te bugagia bidao. ⁸King, dago homugo nago te tiwai konemainogo ebao, da te Juda bulu tų pedaiba pelama, tama te Juda dabe augwaligo te be te togwali moni dobo dwai masigigo sę eyu, tama augwaligo te be daga paiyu, te masigi mamano holobo sę yai. Augwaligo te wiegi yai sę mu ebao, tama tialima te sę bugagia mu ebo dao," wali.

⁹"Dago te sę ebo selama, tama dago augwa tobolu bidiba hanalu te dego augwalibolo po obaso, te tigidali sę ebo doado bage dodolama, te augwa Godigo be ma sę ebawe te po dabolo waiyaę wabo po hanalu wali. ¹⁰Tama dago te tobolu bidi dabe augwaligo nogi po me hanalu wali, te dego te sę tonalubo te dago koneama, te pas nageba tolainu te po me dago hanalu wai dao. ¹¹Tialima, te Juda dabego te tama po wei ponani, 'Da te dagalu me tų tonalubo Godigo sę bidi dabe dao,' po wai. 'Tama polobadu mu te dago bomai king bidi me deligo te tempel be sę yani. Tiali goli, te boi bidi dabego te be dolali, tama dago megii ma sę ebao,' wali. ¹²'Te page te tiwai elalubao. Te dago waj nų dabego te dagalude bidibo God haliga sębe ilibaso, tama agai te bulu Kaldia bidi Nebukatnesar, Babilon king, aselama, te augwaliba hwjagasomainu elama, tama te hwjagaselama, te augwali aiyaba elaluali. Tama te Babilon dabego te Godigo be dolama, tama augwaligo te we bidi te Babilonba sela pelama, te kalabus sę emainu mugi pai dao. ††¹³⁻¹⁴Tama Nebukatnesargo te Godiba lotu wabo sę ebo nai te gol me silvago nigali nai selama, tama agai Babilonba sela pelama, te aga tibo godigo be tomoba te tigidali nai muani. Tiali goli, nosali Sairus te Babilon king bidi pedelali. Tama aga hasia mu te king bidibo kibu bede, agai dabolo te Godigo be ma sę yao po walio. Tama king Sairusgo te lotu po wabo sę ebo nai dabe selama, tama da hani bi-

† 5:2 Hag 1:12; Sek 4:6-9 †† 5:12 2 Kin 25:8-12; 2 Sto 36:17-20; Jer 52:12-15

di me deliba mawai, aga nogi te Sesbasar dao. Te bidi te king Sairus aga digi te Juda distrikde te polalubo gavman bidi bidao po olama nigilalio. ^{†15} Tama kingo te Sesbasarbolu weyu, "Te nai dabe te Jerusalemba ma sela pelama, tama Godigo be te polobadu be se yai madi tede ma se yao," po wai. Tama Sesbasargo te nai dabe te gesi se ebo be tomoba muao wali. ¹⁶ Tama tialima, Sesbasar te Jerusalemba ma aselama, tama te be se ebo se ma gagalali, tiali goli te se silibeo. Tama dago te se megii tama tebode idubao,' po wali. ¹⁷ Te Juda dabego tama po wali. Tama tialima, king, te nago homugo te naga kuskus dabeba wabo homu ebaso da, teda augwaligo te Sairusgo po te Babilon gavmango bukude aseani po bugagia gegao wao. Te Juda dabego po te mu po dawee, ma meni, te nago koneaibao. Tama nosali nago dabolo te tiwai po wagameo, te augwaligo te be se yao po usu da wali po tede konebo dao," te po wai.

Augwaligo te king Sairusgo po ma gegalio

6 King Dariusgo te pas sulama da, teda agai te kuskus dabebolo walama, te augwali Babilonba pelama, tama te king Sairusgo po te gavmango bukude aseani po gegegi pali. ² Augwaligo te buku te Babilonde munalubo susiawani, tiali goli augwaligo te buku me deli te taun Ekbatana te Midia to padaide munalubo suali, tama te bukude te tiwai po elaluali, ³ "Te hasia polasa kibu be mude te king Sairus te king bidali sogode, agai te po weyu, augwaligo te Jerusalemde te Godigo tempel be daga page masigi dabe muyu, tama te be ma se yao po wai. Tama augwaligo te siaba tigidali domainu ulubo ofa dabe me, tama te gasa tobage ofa dabe me emainao po wai. Te be daga bobobage ugwanu holali usu nama, te 27 mita, tama aga genuai usu nama, te me te 27 mita dao. ⁴ Augwaligo te be daga dabe te tiwai nigao wali. Augwaligo te masigi ugwaba pesage nani ilibo sela holoyu, tama te masigi muani daide te bo nani nani deli muao wali. Augwaligo te tama tede holodubadi gename, tama te daji igulaboba usu nigulao po wai. Tama augwaligo mone te kingo mone sabo bedee selama, tama te be se yabo tigidali nai me abeliyu, tama te se ebo bidi dabe mone mayu yao po wai dao. ⁵ Tama tiyu, augwaligo te golgo me silvago nigali nai te Godigo bedee lotu wabo nai sao wai, tama te Jerusalemba ma selasa pelama, tama te Godigo gesi beba mugi pao. Polobadu te king Nebukatnesargo te nai dabe te Jerusalemba selama, te Babilonba sela pali, tiali goli te megii te nai dabe tigidali ma selasa pomainao wai," te bukude te tiwai po elaluali.

King Dariusgo po weyu, augwaligo te se emainao wai

⁶ King Dariusgo te bukude aseani po page odolama da, teda agai te pas me deli ase nama, tama aga ofisa dabego po wei ponyu, te tama po wai, "Siade dao, Tatenai, te we Yufretis u to pedai badu bidibo gavman

polalubo bidi dao, tama te Setar Bosenai, tama te duga si dali deli se ebo bidi dabe dageba obao. Eno e tama po elalubao. Te Juda dabego te Godigo be se emainogo sula tagalao. ⁷ Dagego augwali genama me panigio. Te Juda polalubo gavman bidi dali, te aga tobolu bidi dabe dali, augwa te Godigo be te polobadu se yaluali madi ma se emainao. ⁸ Tama tialima, eno megii po bomoo elama, dagebolo obao. Dagego augwali te be se ebo se tau siyo. Dagego te se ebo bidi dabe maiabo mone dodoliyu, tama augwali te se yabo nai dabe abelainu ebaso da, teda dagego mone augwalibolo polo mayu yao. Dagego te mone te duga te we Yufretis u badu provins dabede bidibo bulu bidi hanigo te mubo takis mone selama, tama te se yao. Dagego te tama tiyu da, tama te se me tulalugoboo. ⁹ Te Juda pris dabego dagebolo te magii nai augwaligo dagebolo te dagalude bidibo Godiba ofa yabo nai mao po obaso da, teda dagego augwaliba te tigidali sogo maiyo. Te augwaligo te bulmakau ogwa bidi, me te sipsip, ma te sipsip wai ma wit, me te tamu dabe, me ma te wain, ma te oliv ni du wel me, te sabo homu wei ebaso da, teda dagego augwaligo te ofa emainu maiyo. ¹⁰ Dagego te tama tibaso da, teda te augwaligo te augwa dagalude bidibo Godiba te wiegi yai ofa ebaso, tama te agai wei eyu godolo homu mu yaibao. Tama augwa te Godiba gedu haluasa po weyu, te enaba me, te eno ogwa dabeba me, te bugagia bidimainu te tama tiaibao."

¹¹ "Tama odoo, eno bomai po me deli elalubao. Te bidi me deligo eno te po wali me pisabaso da, teda eno se bidi dabego te agai be paliali ni nami me deli dagala samainu yaibao. Tama augwaligo te ni nami polama, tama te bidi enama, isimainu yaibao. Tama augwaligo agai be dolama, tama te pobelee bage pesage holobo tiwai pedelaibao. ¹² Godigo te bulu Jerusalem naga sa muai dao, te aga bidibo pesage tiwai elalui. Tama aga digi te mena king ma te we bidi hanigo eno te po sela sayu, tama Godigo te Jerusalemba de elalubo be dolobaso da, te God aga digi te bidi aiyaba elalueibao. Ena Darius, eno te po wali dao. Dage tigidaligo eno po wali piyo," wai.

Augwaligo te be te Godigo be naga dao wai

¹³ Te gavman polalubo bidi Tatenai, me Setar Bosenai, tama augwali si dali deli se ebo bage dali, augwaligo te kingo pas salio, tialima augwaligo agai po tigidali bugagia wali palio. ¹⁴ Tama tibaso, te Juda dabe tobolu bidigo te Godigo be se ebo se te bugagia dolasa mu yalio, tama profet Hagai me profet Sekaraia augwali sigo te augwaliba wiegi yai po weyu, te augwali se bomoo emainu yai. Tama augwali te se ela pidubadi genama, te be se siligi paboba usu nanio, te augwa Godigo wali po tiwai gilama yali, tama Sairus, me Darius, me Artaserksis, te Persia to pedai king bidi sela, augwaligo me te tiwai bomai po wai dao. ^{††15} Augwaligo te se silali te polua Adar, [‡] dei sela wabo side, te kibu be 6

† 5:13-14 Esr 1:2-11

†† 6:14 Hag 1:1; Sek 1:1 ‡ Te Hibru pogo te polua nogi Adar da, te megii dago pogo te polua Februeri me Mas dali side dao.

wabo kibu bede te Darius king bidali sogo dao. ¹⁶Tama tialima, te pris dabe me, te Livai dabe me, tama gasa Israel we bidi tigidali te Juda t̄ba ma asalio, tigidali te wiegi yai homu pemene elama, tama te be te Godigo be da olama, te tedali gasagi yai be sa muai dao. ¹⁷Te augwaligo te tama tiali sogo, teda augwaligo te bidi sese a naga te 100 kibu bulmakau sali, te 200 sipsip kibu omai sobadi, te 400 sipsip kibu wai sobadi elama, tama tigidali te Godiba ofa yalio. Tama augwaligo te nogo si olama, saḡago si, te 12 meme kibu omai te dwai s̄ yali s̄ḡḡ sela saḡwainu salio. Tama augwa te tigidali Israel hani deli deligo s̄ḡḡ sela saḡu, te deli deli dononama ofa ela palio. ¹⁸Tama me, te augwa Godigo be tomode te Jerusalemde s̄ yabo pris bidi dabe, me Livai bidi dabe augwa hani dabe dodolama te nigilalio, te Mosesgo polobadu as̄ani bukude wali po tiwai gilama te tama tialio.

Te Godigo Israel dabe dolisaḡwani kone palabo Pasova genuai side bodolu pedelali

¹⁹Te nosali da wabo kibu bede, te namba wan polua nanobo polua, dei 4 wabode, te Juda we bidi augwaligo te genuai nai daa tubo sogo, te Godigo augwali Israel dabe te Isipde dolisaḡwani, te sogo muani bodolu pedalubode te Pasova genuai nai daa tuyu yai dao. ^{†20}Tama tigidali te pris dabe me, Livai dabego me, augwali te God gedude te magi meda meni yai dwagi yai pedalabo yabo kolesaga wali palio. Augwali te magi meda meni yai wiegi yai pedelama da, teda te Livai dabego te sipsip wai elama, te genuai Pasova side ofa eyu yai. Te ofa dabe yali te we bidi tigidali ma asela silali olama, te ofa eyu, tama te pris dabe me Livai dabe augwade digi me te tama ofa eyu yai dao. ²¹Te Juda buluba ma asali Israel we bidi tigidali, augwaligo te ofa yali sipsip mi tualio. Tama te t̄de mu bidali gasa Israel hani we bidi, te Babilonba polobadu pesiḡwai hani bage, tama augwa te polobadu dwai s̄ yali tagalama, tama te Israel dabego Genuai Bidi Godiba lotu wabo ma gagalobo we bidi, augwaligo me te ofa yali sipsip mi tualio. ²²Augwa te wiegi yai homu pemene ebo te me sela, me sela, me deli, te 7 tama sogo elama, tama te bo dis̄wai nai bret tuali sogo, te genuai side yali kolesaga te wali palio. Augwaligo homu pemene yali te genuai mu yai, magi baso meni, Genuai Bidigo te Asiria king bidigo haliga wiegi yai ilibaso, tama agai augwali tau selama, te augwa Genuai Bidi Godigo tempel be ma s̄ yai dao.

Ezrage te Jerusalemde yali s̄ po

(Daj 7-10)

Esra te Jerusalemba ma sabolai

7 ¹⁻⁵Kibu be hauwade nosali, te Artaserksis te Persia king bidali sogo, te bidi me deli Babilonde bidai, aga nogi te Esra. Esra te polobadu bidali tobolu bidi pris Arongo hani bidi dao. Te Esrage hani e tiwai elaluali. Arongo ogwa te Eleasar dao, tama Eleasargo ogwa te Finias dao, tama Finiasgo ogwa te Abisua dao, tama te Abisuago ogwa te Buki dao, tama Bukigo ogwa te Usi dao, tama Usigo ogwa te Serahia dao, tama Serahiago ogwa te Meraiot da, tama Meraiotgo ogwa te Asaria dao, tama Asariago ogwa te Amaria dao, tama Amariago ogwa te Ahitup dao, tama Ahitupgo ogwa te Sadok dao, tama Sadokgo ogwa te Salum dao, tama te bidi Salumgo ogwa te Hilkiia dao, tama Hilkiago ogwa te Seraia dao, tama te bidi Seraia aga ogwa te Esra dao.

⁶⁻⁷Esrage te bomai po Godigo te Israelgo Genuai Bidigo polobadu te Mosesgo nogoba mani bomai po te bugagia koneai. Te sesemane sogo Godigo Esraba wiegi yai s̄ bugagia yali, tama te Esrage kingba te magi nai me deli maiabo po hanalu obaso da, teda te kingo aga mawai. Te kibu be te 7 yia te Artaserksis te king bidali sogo, tialima Esrage te Babilon tagalama, te Israel we bidi dabe meba dali te Jerusalemba palio. Te hani tomode te pris dabe me, Livai dabe me, te musik wabo bidi dabe me, te tempel be sunumide polobadu tonaluali bidi hani dabe me, te Godigo bede s̄ ebo bidi dabe, te tama hani bidi elaluai. ⁸⁻⁹Augwaligo te bulu Babilon te deli wabo polua, dei deli wabode, te taga soalio. Tama Godigo augwali tau sobaso, tama augwali te Jerusalemba te a naga polua, te 5 mun, dei deli, te sogo te Jerusalemba sabolali, magi baso meni, te digibulu mu pai dao. ¹⁰Godigo augwali tau siyu, augwali bugagia pali, magi baso meni, Esra te Genuai Bidigo bomai pode kolesaga sabo s̄ bomo eyu, teba aga homugo k̄ḡ pai mu dao, tama te bomai po bugagia wali pali bidi dao. Te me ma, agai te Israel dabeba te bomai po tigidali augwaligo me wali pomainogo bugagia ola mani bidi dao.

King Artaserksisgo Esraba te pas as̄ana mani

¹¹Te Esra aga te Babilon tagalasiḡbadi, te king Artaserksisgo te pas me deli as̄ana, tama Esraba mawai, te Genuai Bidigo te Israel dabeba mani te bomai po tigidali te bidi Esrage bugagia koneai. Te pasde te tiwai po wali, ¹²“Ena te king Artaserksis, ena te tigidali bulu t̄ pedai hauwago king dao. Esra, nage te dagalude bidibo Godigo tigidali bomai po page koneai bidi da, eno nageba siade da po olama, te pas nageba as̄ani dao. ¹³Eno bomai po te ena ofisa dabe tigidaliba te tiwai po wali. Te pris dabe me, Livai me, tama te

† 6:19 Sai 12:1-20

gasa Israel we bidi, te augwali megí eno t̄o pedaide bidibao, augwali te nage dali Jerusalemba pabo homu ebaso da, teda augwa pomainao. ¹⁴ Ena dali, te enaba wiegi yai homu konebo kolesaga ola mabo bidi te a naga olama, me si, te 7 bidi, dago nage tagala palama, te nago Jerusalemdede bidalubo we bidi, me te Juda t̄o pedai gasa badu bidibo we bidi, te sugi pomainao wali. Nago te Godigo bomai po elalubo buku to-lalubao, tama tiyu, nago te we bidi dabego te bomai po wali pabowe naga te nago sugi pao. ¹⁵ Tama ena dali, te eno kolesaga koneai bidi dabe dali, te olo maiabo nai te gol me silva te dage Israel dabego Godiba maiabo homu ebaso. Tama nago te olo mabo nai dabe te Jerusalemba sela pelama, tama te Godigo beba mu-gi pagameo. ¹⁶ Tama me nago te Babilon t̄o pedaide sali te silva me gol tigidali sobadi, te dage Israel we bi-di me, te duga pris dabego dali, te Godigo be te Jerusalemdede olo maiabo homu yali nai dabe badi se-lasa pagameo.”

¹⁷ “Tama nago te mone olodali me sagio. Nago te kibu bulmakau dabe me, te omai kibu sipsip dabe me, te sipsip wai dabe me, te wit me wain abelama, te Godigo bede alta saide te Jerusalemdede ofa yainu tama tiao. ¹⁸ Nago te ofa yabo nai dabe abelama silibo si da, teda te gol me silva meba elalubaso da, nage dali te naga deli hani bage daligo te duga Godiba hanalua-ma, teda agai homugo dagego te monego mena nai abelmainu homu ebo ola momainu yao. Tialima, te dagego koneama da, tama duga te nai dabe abeliq̄o. ¹⁹ Tama nago te augwaligo nagebolo te duga Godigo be tomode te ofa emainu mani nai, te dis pou me tigi-dali nai sela pelama, tama te tigidali Godigo beba muao po wai dao. ²⁰ Tama te nai dabe te usu meni baso da, teda nago te eno mone mubo bede te mone meba selama, tama nage te s̄q̄ pali nai meba abelao,” po wai.

²¹ “Ena king Artaserksis, eno te bomai po te eno mone te w̄ Yufretis t̄o pedaide te eno mone tonalubo ofisa bidi dabebolo te po ola tolobao. Eno po e tiwai dao, ‘Te pris Esrago te bomai po te dagalu tonalubo Godigo po te skul bugagia mu elama konea pai bidi dao. Tama agai dageba te aga Godigo bede s̄q̄ yabo magi nai me deli sabo po hanalu obaso da, teda polo tama te dagego aga maiq̄o. ²² Tiali goli, dagego te mabo nai dabego te d̄aj me edeligio. Silvago s̄q̄q̄q̄o te 3,400 kilo edeligio, tama witgo te 500 bek ela pigio, tama waingo te 2,000 lita, me te oliv ni du welgo me te 2,000 lita ela pigio,’ te po wai. ‘Tiali goli dagego te tamu aga homugo wei ebo usu nama maiq̄o,’ walio. ²³ ‘Dagego Esrabolo te dagalude bidibo Godigo agai bede muabo wei homu ebo nai tigidali maiq̄o. Tiyu, dagego te sisinibo doado bage tigidali te pesage genuai mu igulubaso, tama te Godigo enaba haliga s̄q̄q̄ eyu, me te eno wai dabe te nosali king pedalubode me te s̄q̄q̄ elaluidalio. ²⁴ Tama odao, dagego te pris bidi dabede me, te Livai bidi dabede me, te musik wabo bi-di dabede me, te tempel be sunumide tonalubo bidi me, te s̄q̄ ebo bidi dabe, te augwali te tama bidi dabe-

de te dagego haniani takis mone me selamu dao, tama te Godigo bede te s̄q̄ ebo gasa bidi dabede me te takis sigio,’ eno te po wali.”

²⁵ “Tama Esra, odao. Nago Godigo nageba te homu kolesaga hauwa mu mani, tama tiyu nago te kiap dabe nigiliyu, tama te tigidali we bidigo po t̄u dodolobo bidi dabe dali, te jas bidi te Godigo tigidali bomai po tonalubo bidi dabe nigilama, tama te w̄ Yufretis u badu t̄o pedaide bidimainu yao. Tama dage we bidi mebago te Godigo bomai po konesiq̄baso da, teda nago augwali bugagia ola mayu, te augwaligo me wali pomainao. ²⁶ Te bidi me deligo te nago Godigo bomai po wali me pisq̄baso da, ma te king Artaserksis eno bomai po me wali pis̄ayu ebaso da, teda nago mena dene mabo s̄q̄ te polo tama agade yao. Nago aga ela muyu, me ma aga te gasa bulu t̄o pedaiba ela gudu-lao, ma agai doado bage siyu, ma aga kalabus me ilao. Te agaba dene mabo kolesaga te aga yali dwai s̄q̄de usu nama tama tiao,” te king bidigo Esrabolo te pasgo te po wai dao.

Esrago te Godigo nogi ugwaba sai

²⁷ Ena Esra dao, † eno te pas nedelama, tama eno e tiwai po obao, “Eno homu wiegi yai pemene eyu, tama Godiba usu da po obao, te dago w̄aj n̄q̄ dabego Genuai Bidi dao. Magi baso meni, Godigo te kingo homu hodolobaso, tama kingo te Genuai Bidigo be Jerusalemdede dwagi yai ilaibao po walio. ²⁸ Godigo olo mu tau mabo kolesaga enabolo elama, tama agai te king dali, te aga wiegi yai homu kolesaga mabo bidi dali, te aga polalubo ofisa bidi dabe daligo, te augwaligo ena tau sainu homu yali. God dena Genuai Bidigo enabolo bomo menama, tama eno te augwali te Israel tobolu bidi dabe dali te Jerusalemba pabo po hanalu obaso, augwaligo te eno te pode usu da po walio.” Ena Esra eno te po obao.

Te Juda dabe Jerusalemba ma pali hani bage nogi e dao

8 Te e lista te deli deli hanigo polalubo bidi dabego nogi elalubo lista dao. Te da te ena Esra dali Babilonde bidama, ena dali Jerusalemba ma pali bage, te Artaserksis king bidali sogo dao. Te bagego nogi e dao. ²³ Gersom, te Finiasgo hani, tama Daniel, te Itamargo hani, tama Hatus, te Sekaniago ogwa te Devitgo hani da, tama Sekaraia, te Parosgo hani bidi da. Tama aga hani te 150 bidi te Sekaraia dali palio. Augwaligo te augwa w̄aj n̄q̄ dabego nogi as̄q̄ani elalubo buku me deli te augwa tolaluai dao. ⁴ Tama Elioenai, te Serahiago ogwa, te Pahatmoap hani bidi da. Tama aga hani te 200 bidi aga dali pai dao. ⁵ Tama Sekaniai, te Jahasielgo ogwa te Satu hani bidi da. Tama aga hani bidi te 300 bidi te aga dali pali. ⁶ Tama Ebet, te Jonatango ogwa, te Adin hani bidi. Tama te 50 bidi hani aga dali pai dao. ⁷ Tama Jesaia, te Ataliago ogwa, te Elam hani

† Esra aga digi te D̄aj 7:27-9:15 elalubo po as̄q̄ani, tama gasa bidigo te gasa sapta dabe as̄q̄ai dao.

bidi da. Tama aga dali te 70 bidi hani pai. ⁸ Tama Sebadaia, te Maikelgo ogwa, te Sefatia hani da. Tama aga dali te 80 bidi hani pai dao. ⁹ Tama Obadia, te Jehielgo ogwa, te Joap hani bidi da. Tama te 218 hani bidi te aga dali palio. ¹⁰ Tama Selomit, te Josifiago ogwa te Bani hani bidi dao. Tama 160 bidi dabe te aga dali pai dao. ¹¹ Tama Sekaraia, te Bebaigo ogwa te Bebai hani bidi dao. Tama te 28 hani bidi aga dali palio. ¹² Tama Johanan, te Hakatango ogwa te Asgat bidi hani da. Tama 110 aga hani bidi aga dali palio. ¹³ Tama Elifelet, me Juel, me Semaia, te Adonikam hani bidi dao. Tama te bidi sese sela, te 60 hani bidi te bidi sela dali pepelawalio. Tiali goli, augwali te sogo da dali asobeo, augwali te nosali asai dao. ¹⁴ Tama Utai me Sakur te Bikvai hani bidi da. Tama te Bikvaigo hani bidi 70 te augwali si dali palio.

Esrago te Godigo bede sę yabo Livai bidi dabe sali

¹⁵ Ena Esra, eno te bidi hani tigidali te taun Ahavaba aiya dulubo genuai wę gamia sesegeba sisinama, tama dago bidibo pesage nigilama, tama tede sela sogo bidai. Tama hanide te pris bidi meba bidibo eno suali, tiali goli, te Livai hani me deli elalubo me subeo. ¹⁶ Tama tialima, eno te polalubo bidi dabe te a naga olama, me si me si te asa olama i wali. Augwa nogi e tiwai dao, Elieser, me Ariel, me Semaia, me Elnatan, Jarip, tama te gasa Elnatan, me Natan, me Sekaraia, me Mesulam. Tama eno te wiegi yai homu kolesaga koneai bidi si me asomainu i walio. Augwali si nogi te Joiarip me Elnatan dao. ¹⁷ Tama eno augwali tagala palali, te augwali Ido sugi pao wali, aga te Godigo bede sę ebo hani bidi me deli da, tama te bulu tobolu bidi te Kasifia bidai. Tama eno augwaliba weyu, te agaba me te aga dali deli sę ebo bageba hanalu wao po wali, te bidi meba da dali te Godigo bede sę emainu tagala palao po hanalu wao po wai dao. ¹⁸ Godigo dabolo te olo mu tau mabo wiegi yai kolesaga eyu, tama tialima, agai te Livai me deli tagala palali. Aga nogi te Serebia, te Mali hani dao. Aga te wiegi yai sę ebo bidi da. Tama aga te ogwa dabe me, aga ama dede dali, te 18 bidi te tigidali augwali te aga dali asali. ¹⁹ Tama Idogo te Hasabia me Jesaia te Merari hani dali, te augwa si deli kaneme bidi te bidi sese deli, te 20 bidi tagala palai dao. ²⁰ Tama agai te Godigo tempel bede sę yabo sę bidi hanide me te 220 bidi tagala palali. Polobadu te king Devit dali, aga ofisa dabego dali, te hani waj nę dabe sę bidigo te Livai dabe tau somainu nogo tų ilama, sa muai. Tama te 220 sę bidigo nogi asęani te buku me delide elaluai dao.

Esra dali tigidali we bidigo te nai osogo habu selama, tama gedu haluasa po wai dao

²¹ Da te wę Ahava pąde bidalu, tama te tigidali sę bidibolo eno te tiwai po wai, "Dago te nai habu selama, tama dena God gedude dena digi aiyaba elaluinao," po wai. "Tama dago agabolo hanalu, te da tau somainu eyu, tama da me te dago wai dabe

tonalumainu eyu, te dago doado bage dabe dali, te da Jerusalemba pabo sogode me tonalumainu ebo dao," wai. ²² Eno te tama po augwaliba wai, magi baso meni, eno te kingba hanalu obaso, te tųdu asobo ami bidi dabe me te hosdu dualasa asobo ami bidi dabe, te da dali asiyu, te da sunumidu asobadi, te tonalua asidali weyu te eno kingba hanalubo te ena hagela ebao wali. Te ena king dali bidali sogo, eno agabolo te tiwai po walali, "Dago Godigo te aga wali pabo we bidi tigidali te bugagia tonalubo dao," wali. "Tiali goli, agai te aga tudiba mubo we bidi tigidaliba te haliga sębę eyu, tama agai dwai dene te augwaliba mawaibao." Eno te tama po kingba wali, tama eno agaba te ami hani dabe po hanalubo te ena hale yali. ²³ Tialima, dago te osogo nai gisilama tama gedu haluasa po bomo elama, Godiba weyu, te agai da te sunumidu pabo tonalumainu emainao, tama agai dago te gedu haluasa po wali odolama, tama agai da bugagia tonaluali.

Te pris dabego te Godigo bede wiegi yai sę ebo nai dabe tonaluięo wali

²⁴ Eno te Serebia, me Hasabia, me tama te gasa nogo si te pris tonalubo bidi dabe te augwali asięo olama, i wai. ²⁵ King dali, te agaba wiegi yai homu kolesaga mabo bidi dabe me, te aga ofisa dabe me, te Israel we bidigo dali, te Godigo bede sę yabo te wiegi yai nai dabe mawai. Tama eno te nai dabe selama, te dobolama, tama te pris dabeba menama, tonalumainogo yai dao. ²⁶ Te eno augwaliba mani nai dabego sęę e tiwai yai. Silvago sęę te 22,000 kilogram, tama golgo sęę te 3,400 kilogram, tama te 100 dis pou silva, te augwaligo te sęę 34 kilogram teba usu nai dao. ²⁷ Tama te gol dis pou bidi sese deli 20 elaluai, te augwaligo sęę usu nama te 8 kilogram me 400 gram, tama te bras dis pou si elaluali, augwaligo te wiegi yai mu nigai, tama te nai sigo mone te gol dis pou sigo mone sabo tiwai ususi pedelali. ²⁸ Eno te nai dabe te nogo si olama, sęęo si pris dabebolo mayu, tama eno augwaliba te po wai, "Odao. Dage da, te tedali gasagi yai bidi dabe da, te Godigo sę ebo bidi dabe, te dena waj nę dabego Genuai Bidi dao. Tama te dis pou dabe me te Genuai Bidigo nai mu da. Tama te gol me silva te augwaligo augwa homu wali peyu, Genuai Bidiba te olo mabo nai mu dao. ²⁹ Te nai dabe te bugagia tonalua peyu, te dage Godigo beba sabaligi paboba usu nigii pięo. Tama dage sabaligi pabo sogo da, dagego te tigidali gol me silva me tigidali dis pou ma dodolama, te pris dabego polalubo bidi dabeba, me Livai dabebolo te Israel tobolu bidi te Jerusalemda bidibo bidi dabeba maięo," po wai dao. ³⁰ Eno po wali dao, tialima te pris dabe me Livai dabego te tigidali silva me gol me dis pou salio, te da dali dago te Jerusalemba da pabo sogo selasa painu yai dao.

Augwali te Jerusalemba ma palio

³¹ Tialima, te namba wan polua, dei 12, tede dago te wę Ahava tagalama, tama te Jerusalemba pabo sunu-

mi wali palio. Tama God da dali bidiyu, tama da bugagia tonalwai. Tama tialima, te boi bidi dabego daba hwjagasu me ebe, tama te nai wi sabo bidi dabe te sunumi paba geme me duala sagaselama, te daba samonagaselama tama te dago doado bage wi me sago-sobeo. ³² Da digibulu mu pelama, tama nosali te Jerusalemba sabolama, tama da sela sogo toma neyu bidai dao. ³³ Tama te dei namba 4 tede dago te silva me gol me dis pou me tigidali selama, tama te Godigo beba selasa pelama, tama te nai dabego sege dagalali. Dagala silama da, teda dago te nai tigidali te pris Meremotbolo mawai, te Uriago ogwa dali, te pris Eleasar, te Finiasgo ogwabololo manio, tama te Livai sibolo me, Josabat, te Jesuago ogwabololo, me te Noadia, te Binuigo ogwa, te tama bidi dabeba te nai dabe mawai dao. ³⁴ Tialima, augwaligo te tigidali nai nedelama, tama bugagia dagalama, tama tigidali nai munaluali. Tama augwaligo te namba me te nai augwaligo sege dabe te buku me delide aseani. ³⁵ Te hani bidi dabego te Babilon tagalama, te Jerusalemba ma soali sogo da, teda augwaligo te kibu hasa dabe meba selama, tama te Godiba ofa yainu sela pali, te Israel dago Genuai Bidi dao. Augwaligo te nogo si olama, saqago si omai bulmakau te Israel 12 hani sa muyu, te ofa ilali, tama augwaligo te 96 omai kibu sipsip, me 77 sipsip kibu wai, te tama ofa yali. Tama augwaligo te augwa sege sela sayu, te 12 meme omai te ofa yainu sela palio. Te tigidali kibu dabe te ofa eyu, te siaba tigidali ulabo nai dao. ³⁶ Tama eno te kingo enabolo mani pas te selama, tama eno te polalubo gavmanba me te we Yufretis e badu to padaide bidibo te gasa ofisa dabeba me, te pas tolali. Augwaligo te pas selama, teda augwaligo daba wiegi yai homu bugagia eyu, tama te Godigo be se ebo tau salio.

Te Juda dabe mebago te Godigo bomai po wali pisabo Israel hani isawai bidi dabego wegi sesa pali

9 Dago te se tigidali ela silama da, teda dago te polalubo bidi dabe aselama, tama enabolo te tiwai po wagasalio, "Odao. Te pris dabe, me Livai dabe, me te dago we bidi tigidali te Godigo po odisabo bidi hani bage digibulude me bidibeo. Menio. Augwaligo te Kennan dabe, me Hit dabe, me Peres, me Jebus, me Amon, me Moap dabe, me Isip dabe, me Amor dabe, te tama hani dabego ebo dwai kolesaga wali pobao," wai. ² "Da te Juda bidi dabego te hani bidi dabego wegi sobao, tama te da Godigo dolo mu sa muani tedali gasagi yai we bidi hani te Godigo bomai po odisabo bidi hanigo kolesagaba palio. Te polalubo bidi dabe me, te ofisa dabego me, te tiwai e hasia bolo ebaso, tama te gasa we bidi dabego augwa me te dwai kolesaga ela palio," augwaligo te po wai.

³ Eno te po odolama, tama ena haliga sege dwai mu yai. Tama te ena ugwa pisilama, tama ena tobolu nisi meba me, te penane nisi badi, te gudalio. Tama eno homu te mu umuna selama, tama ena te olo dugulualio. ⁴ Ena dugulaludubadi, te pio ofa eboha usu nanio. Tama te we bidi dabego koneani, te da Israel dabego

Godigo te dwai se ebo we bidi dabeba te haliga sege ebao weyu, tama augwali wi dwai mu yai. Tama hauwa te ena dulalu bidibo madiba aselama, sisinagasalio.

⁵ Te ofa ebo sogoba sabalobaso da, teda ena hodaluma, tama ena kidu sugunigulama, tama gedu haluasa po weyu, tama te eno nogo si te Godiba ugwa sali, te eno Genuai Bidi dao. Eno te pisawali ugwa te ena tigde digi gudalualio. ⁶ Tama eno gedu haluasa po te tiwai wali, "God, te ena genuai hale mu elalubao. Tama eno homugo te eno gedu haluasa po nageba wagasogobeo homu yai. Dago te dwai se hauwa mu yalio. Tama dago sege te pobeke bage pesage genuai moni bage me deli te dagaluba usu nainu holobo tiwai mu ebao," wai. ⁷ "Te wai noq dabe bidada asali, te megi e sogoba usu nagasobo sogo, da nago we bidi dabe dali, te king dabe me, te dago prisgo me, te dwai kolesaga umabo eyu, sege umabo siyu yai dao. Tama tibasago, nago te gasa bulu to pedai king tagala palama, te da elagaselama, tama dago doado bage wi siyu elama, tama da te digibulu buluba te kalabus bidi sela pabo tiwai yai. Tama tialigo te da hani dabe polobadu te hale dwai mu yali, tama megi me da te tiwai me bidibao," wai.

⁸ "Tiali goli megi da, God, dago Genuai Bidi, nago te olo tau mabo wiegi yai kolesaga te daba gagalama ma yalio. Tama da dwasianu hani naga te kalabus yali pesage tagalama, tama da te Jerusalemba ma asai, te naga wiegi yai bulu digi dao. Tama nago bomo dabolo megi ma mobaso, te da bugagia bidibao, da te gasa hanigo olo se bidi bidibo tiwai ebadi digi te tagalao wali. ⁹ Te mu tama da, te olo se bidi tiwai yali, tiali goli te nago dade homu kone ebo te me tagalogobeo. Menio. Nago daba te olo tau mabo wiegi yai kolesaga eyu, tama nago te Persia king dabego dabolo wiegi yai haliga emainu ilali. Tama nago te augwaligo da te ma somainu elama, te nago be dolali elalubao te ma se egi somainogo ilali. Tama nago te augwaligo da tau somainu ilama, tama augwaligo dabolo te be se yabo doado bage tigidali mawai. Tama megi da, da te Jerusalemda bugagia dugulalu, tama te Juda gasa pedai badu me, te nago da tonalubo dao," wai.

¹⁰ "Te dago God, mu tama, nago te wiegi yai se dabe daba yali, tiali goli dago te nago bomai po dabe wali pisabaso, tama dago te se bolobaso, te da hale dwai mu ebo dao," wali. ¹¹ "Te profet dabe, te augwali nago se bidi dao, te bomai po nagade digi selama, tama augwaligo dabolo pusai dao. Tama augwaligo pedauwalide nago dabolo te tama po wali, 'Te to megi dagego sabo te eno gedude wiegi yai me ebeo,' wali, 'magi baso meni, te to pedai we bidi hauwago te dwai kolesaga eyu, tama te to badu tigidali te dwai meda yai kolesaga usu nai elalubao,' wai. ¹² 'Tama tialima, dagego te hani bidiba te dagego wegi mayu, te we te hanide siyu me igio. Tama dagego te augwali bugagia bidimainu tau me sigio, tama dagego te augwaligo mena se yainu ebo te tau me sigio,' wali. 'Te dagego eno po wali pobaso da, teda duga digi te tode bugagia bidiyu, tama bomai hani pedelama, tama nosali te

duga waji nõy dabe, augwa te tõde bugagia sesemane bidada pomainogo ebo dao, nago te po wai." †

¹³ "Te mu tama nago te tiwai po dabolo mu tama obadi, tiali goli dago nago po sela sayu, tama te dwai se ebo genuai mu yai. Tama tiyu, nago da sesanobo po obao. Dago te dwai se hauwa mu yali, tama te nago da tigidali mu doligi sogo da, te dolo igi dao. Tiali goli, te menio, nago te olo tau mabo wiegi yai kolesaga daba eyu, tama nago te dwasianu hani bidimainogo ilalio.

¹⁴ Tama tiyu, te dago nago po ma sela sayu, tama dago wegi te hani bidiba mayu, te dago augwali hani wegi ma siyu, te haniani dwai kolesaga ebo te dwai mu ebao. Dago koneanio, te dago augwali hanigo wegi-mani sobaso da, teda nago haliga sebe dwai mu elama, tama nago da dolama, tama da tigidali silimainu yaibao, tama da me deli te me bidigobeo. ¹⁵ God, te da Israel dabego Genuai Bidi, nago te doloba pai kolesaga naga ebo dao. Da wiegi yai we bidi weyu, te da nage paba me pogobeo. Menio. Da te dwai se ebo we bidi naga dao, te dwai sege umabo elalubao," eno te gedu haluasa po tama wali.

Augwaligo te bulu badu hanide we sabo kolesaga tagalabo po minama, daq walalio

10 Esra te Godigo be sunumi paba pelama, tama aga digi te tõba degasa dulama, tama aga gela weyu, tama te dwai se yali sege sela sabo po pusalio. Agai te tama tidubadi, tialima te genuai hani Israel we bidi wai puluba te aga paba sisinagaselama, tama augwali me te dwai homu dene ebo gela mu walio. ² Tialima Sekania, te Jehielgo ogwa te Elam hani, aselama, te tama po Esrabolo wagasali, "Mu tama, dago te Godigo po sela sayu, dago te bulu badu Godigo po odisabo hani we dabe sali sogo tama tiali, tiali goli dago te dwai se kolesaga tagalabo sunumi te elalubao, te tama tibaso, te Godigo da me dologobeo. ³ Tialima, megida, dago dena Godiba te daq wabo bomai po weyu, te bulu badu sali we hani dabe te wai dabe dali sela sanama, tama augwa page buluba ma tagala palaibao," po wali. "Nage dali, te gasa bidi dabe daligo te Godigo bomai po wali pabo bage, te dagego te dago yabo tigidali se po te dabolo walao," po wai. "Tama dago te dagego po wali peyu, tama te kolesaga te Godigo bomai pode wali gilama te dago tama tiaibao. ⁴ Tama te sege te dodolabo te nago digi elalubao. Tialima, tagalao, wi igio. Polo hogodama, dodolao. Tama dago te deli haliga nage dali elama bidiyu, tama nago po tigidali wali peyu bidaibao," po wai.

⁵ Tama te Esra hodalu, te po bomonama te polalubo pris bidi dabeba, me te Livai bidi dabeba weyu, tama te tigidali Israel dabe augwaligo me augwa digi daq wabo bomai po me deli te Godiba weyu, te Sekaniago wali po tiwai waiyaq wai. Tialima, te augwaligo tama tiwai yai dao. ⁶ Tama Esrage te Godigo be sunumide bidali tagalama, tama te Jehohanango be habu tomoda pali, te Eliasipgo ogwa da. Tama aga te be habude bidiyu, tama aga te Israel dabego yali dwai kolesagade

† 9:12 Sai 34:11-16; Bom 7:1-5

homu dene ebao, tama gela hauwa mu wali. Tama te sogo aga nai me we me tubeo.

⁷⁻⁸ Tama te Juda polalubo bidi dabe, me te tobolu bidi dabego te bidi meba tagala palama, te Jerusalemba ma asali bidi dabe, me te Juda meba bidi dabe te sugi pomainu yai. Augwaligo te bidi dabeba te tiwai po wali, "Te sela sogo silisama, te elalubadi tama dage te Jerusalemba sisinagasao," wai. "Tama te bidi me deli sabalisiqbaso da, teda augwaligo te agai doado bage tigidali te augwa selama, tama te tempel be se eboba munama, tama agaduba digi naga te da Israel hani we bidi tomode sela sawaibao," te po wali. ⁹ Augwaligo te tama po pusalama, te sela sogo nosali, te 9 polua dei 20 wabode, te tigidali Juda hani we bidi, me te Benjamingo hani me, te Jerusalemba sabolama, tama te Godigo tempel be paba sisinibo pesage teba sisinai. Tama te sogode te genuai tulubage tulama, tama te tigidali bidi te tulubage dolama, tama augwali gogo elama, didibili ilalio. Tama me te augwaligo te wainu yali pode te moni homu elama, tama augwali te midigi dwai siyu iduali. ¹⁰ Tialima, pris Esra hodaluama, tama augwaliba te tiwai po wali, "Dagego te Godigo bomai po wali pisabo hani bidi dabego wegi sali, te Israel hani isawai bage, tama te tiali kolesagago te Godigo po sela sanama, tama da Israel dago sege te genuai pedelali. ¹¹ Tialima, odao. Dagego duga te dwai kolesaga yali sege te Godiba pusuiqo, te dago waji nõy dabego Genuai Bidi dao. Tama dagego te agai wei elama godolo yabo kolesaga tigidali wali piqo. Tama dagego te dago tõde bidibo te bidi hani dali kisiligi me pigimio, tama dagego te bulu badu te Godigo po wali pisabo hani we dabe sali te sela saiqo," po wai.

¹² Tialima, te bidi dabego te bomonama i weyu, te tiwai wali, "Nago po te dolo da, tama dago wali paibao," po walio. ¹³ "Tiali goli, da te genuai hani mu elalubao, tama me te genuai tulubage me tulubao," wali. "Tama da te bulu badu sesegede dolalu, te se dodolainu ebaso, te usu egobeo. Da bidi hauwago te dwai kolesaga yalio, tama tiyu te dago polo tama me dodolainu ebaso te usu egobeo," wali. ¹⁴ "Tama dago te homu ebao, te dago polalubo bidi dabego te se tonalumai da homu ebao. Tama augwaligo te bulu badu hani dabego wegi te we sali bidi dabe augwaliba te po olama, te nisu sogo te deli deli bidi te Jerusalemba aselama, te sege dodolagasomainao homu ebao. Tama te bidi me deli asobo side, te tobolu bidi me te aga taunde po tu odobo jas bidi te aga dali asomainao. Dago te tibaso da, teda te Godigo haliga sebe yali te sia saibao," te po wali. ¹⁵ Augwaligo te miani pode tigidali bidi dabego usu da wali, tiali goli Jonatan, te Asahelgo ogwa, dali Jasea, te Tikvago ogwa, augwali sigo homu usu meni yai. Tama Sabetai, te Livai bidi me deli, te Mesulam, augwali sigo me usu isawai, tama augwali sigo me te Jonatan de Jasea sigo wali poba homu munama, te po daq walai.

¹⁶ Te bidi me si me sigo naga te usu egobeo, tiali goli tigidali gasa bidigo te usu da olama, te sege dodolabo polalubo bidi meba nigilao wali. Tama tialima, Esrage

te tobolu bidi nigilama, te augwali nogi buku me delide aseani. Tama te nogo si polua dei delide, augwali te bulu badu hani we dabe sali bidi dabe te aso-mainu gagalama i wali, te augwali aselama, te sege dodolagasomainogo yalio. ¹⁷ Augwaligo te se ela pali, te nosali kibu bede polua selaba usu nama, tama te se silalio.

Te bulu badu hani bidi dabego wegi sali bidi dabego nogi e dao

¹⁸ Te bulu badu we dabe sali pris dabego nogi e tiwai dao, Masea, me Elieser, me Jarip, me Gedalia. Augwali te Josuago hani da, te Jehosadakgo ogwa, te bidalio.

¹⁹ Augwaligo te bomai po daŋ waliyu, te augwa te sali we sela saŋwaibao wali, tama augwa te kibu sipsip omai me deli selama, tama te Godiba ofa elama, te augwade digi elaluali dwai sege sela saŋmainogo tiali.

²⁰ Tama Hanani me Sebadaia, te Imer hani dao.

²¹ Tama Masea, me Elaija, me Semaia, me Jehiel, me Usia, te augwali Haringo hani dao. ²² Tama Elioenai, me Masea, me Ismael, me Netanel, me Josabat, me Elasa, te augwali Pasur hani dao.

²³ Te Israel hani isaŋwai bulu badu we dabe sali te Li-vai dabego nogi e tama dao, Josabat, me Sime, me Ke-laia, te aga gasa nogi me Kelita, me Petahia, me Juda, me Elieser dao.

²⁴ Te musik ebo konea pai bidigo te bulu badu hani we dabe sali bidi nogi e tama, Eliasip dedeli digi naga dao.

Te Godigo tempel be sunumi tonalubo se bidi dabego te Israel hani isaŋwai we dabe sali bidigo nogi e tiwai, Salum, me Telem, me Uri dao.

²⁵ Te Israel gasa bidi dabego te Israel hani isaŋwai we dabe sali bidi dabego nogi e dao, Ramia, me Isia, me Malkia, me Mijamin, me Eleasar, me gasa Malkia, me Benaia, te Paros hani dabe dao. ²⁶ Tama te Matania, me Sekaraia, me Jehiel, me Apdi, Jeremot, me Elaija, te Elam hani dabe dao. ²⁷ Tama Elioenai, me Eliasip, me Matania, Jeremot, me Sabat, me Asisa, te Satu hani dabe dao. ²⁸ Te Jehohanan, me Hanania, Sabai, me At-lai, te Bebai hani dao. ²⁹ Mesulam, Maluk, me Adaia, me Jasup, me Seal, me Jeremot, te Bani hani da. ³⁰ Te Atna, me Kelal, me Benaia, me Masea, me Matania, me Besalel, me Binui, me Manase, te Pahatmoap hani dabe da. ³¹⁻³² Te Elieser, me Isiya, me Malkia, me Semaia, me Simeon, me Benjamin, me Maluk, me Semaria, te Harim hani dabe da. ³³ Te Matenai, me Matata, me Sabat, me Elifelet, me Jeremai, me Manase, me Sime, te Hasum hani dabe dao. ³⁴⁻⁴² Te Madai, me Amram, me Uel, me Benaia, me Bedea, me Keluhi, me Vania, me Meremot, me Eliasip, me Matania, me Matenai, me Jasu, me Bani, me Binui, me Sime, me Selemia, me Natan, me Adaia, me Maknadebai, me Sasai, me Sarai, me Asarel, me gasa Selemia, me Semaria, me Salum, me Amaria, me Josep, te gasa Banigo hani dabe dao. ⁴³ Te Jeiel, me Matitia, me Sabat, me Sebina, me Jadai, me Joel, me Benaia, te Nebo hani dabe da. ⁴⁴ Te tigidali bidi hani dabego te bulu badu Godigo ebo kolesaga wali pisabo hani dabego wegi dabe sali hani bidi dabe nogi te dao, tama tialima, te hani dabe augwaligo te sali we dabe te sela saŋnama, tama te we dali, me te wai dabe dali, te augwa page buluba ma tagala palai dao.

Nehemiago Po Aşai Buku

Hasia nedebo po

Hasia da te Nehemiago buku te Esrageo buku dage tiwai elaluali. Tama tialima, e bukugo me te buku 2 Storide wali po wadolama elalubao.

Te buku Nehemiade te po bugai sela elalubao. (1) Te Persia kingo Nehemia te Juda dabe tonalumainu sa muani. Tama Nehemia aga te Persia t̄ bulude kalabus bidali tagalama, Jerusalemba ma pelama, te Juda dabe hogodolama, te Jerusalem hanu obo s̄ ma emainogo yali. Tama agai augwali te lotu po wabo s̄, me augwali bugagia bidabo s̄ dabe tau selama, ola mani. (Daj̄ 1-7) (2) Esrageo Godigo bomai po nedebaso, te we bidigo augwa s̄ s̄ḡ sela sayani. (Daj̄ 8-9) (3) Te Nehemia agai te hanu Jerusalem tonaluali sogo yali s̄ po dabe meba elalubao. (Daj̄ 10-13)

E buku hauwa tomode te Nehemia aga kolesaga po hauwa wai elalubao. Aga te Genuai Bidi dologode elaluyu, tama agaba gedu haluasa po hauwa sogo weyu ebo bidi dao.

Nehemiago te Jerusalem hanugo moni obo ma geselali

(Daj̄ 1-7)

Te Jerusalem dolali pode te Nehemia haliga s̄ḡ yali po

1 Te wali po Nehemia, te Hakaliago ogwago, aşani. Te bidi sese deli kibu bede, te 20 yia wabo side, te Artaserksis te king bidali side, tama te polua Kislev, † tede ena Nehemia, ena te gavmango polalubo moni taun, te Susade bidali sogo tama tiai dao. ² Tama te sogo Hanani, te eno ama me deli, te hani bage me deli dali, augwa te Juda t̄ taga soyu, tama digibulu aselama, te Susa taunba sabolali. Eno augwali sisinama, tama eno augwaliba te tama po hanalu wali, "Eno te Juda hani dabe meba te kalabus yagasali pesage, e Babilon bulu tagalama, te Jerusalemba ma pali bagede, te po eno koneainogo hanalu obao," wali. "Te augwali bugagia bidibawe, ma meniwe? Tama te taun Jerusalem me, te bugagia elalubawe, ma meniwe?" Eno te po te bidi si hanalu wali.

³ Tialima, augwaligo po wei ponoyu, te po wai, "Menio," wali. "Te hani we bidide genuai s̄ḡ elalubao," wali. "Tama te Godigo bomai po wali pişabo hani dabe, te Israel hani is̄wai bage, te augwali p̄de bidiyu, te augwali dolobo s̄ ebao. Tama te Jerusalem bagulali moni masigi obo dolali me tama elalubao. Tama te

† Polua Kislev te 9 polua te Israel dabego polua da, tama te tiwai polua te dago polua te Novemba me Disemba, te dao.

sunumi obo te siago polobadu ulali, te dabe augwali me te tiwai naga elalubao, tama te Jerusalemda bidibo bagego te nigabo homu me ebeo," wali.

⁴ Eno te po odama da, teda ena duagulama, tama ena gela hauwa mu wali. Tama ena haliga s̄ḡ me elaludu, tama si sela sogode eno te nai osogo habu selama, tama eno Godiba gedu haluasa po weyu idu-ali. ⁵ Eno e tiwai gedu haluasa po wali, "God, Genuai Bidi, nage te dagalu tonalubo bomai bidi da, tama da Israel dabe nage dologoba pelama bidibao. Nago te d̄ wali bomai po te kontrak me deli da dali yali elalubao, tama dago nage godolo mu elama, tama nago po bugagia mu wali pobaso da, teda nago te d̄ walali bomai po kontrak te me tagalisişama, tama nago da godolo mu ebo dao. ⁶ Genuai Bidi, te giligade me hulide eno nageba hanalu, te Israel dabe tau sao obao, te augwali nago s̄ bidi me s̄ ebo we dabe dao. Tama tialima, eno homugo nago eno te gedu haluasa po wabo te bugagia odao. Eno te tiwai hania hanilama mu obao, ena dali, te eno w̄j dabe dali, dago te dwai s̄ḡ salio. Tama dago naga te s̄ḡ me ebeo. Menio. Te Israel we bidi tigidaligo te s̄ḡ sela silai dao. ⁷ Dago dwai kolesaga te nago gedude eyu, tama dago te nago po wali me pabeo. Polobadu nago bomai po te naga s̄ bidi Mosesgo nogoba mawai, tiali goli dago te bomai po dabe wali me pişawai dao."

⁸ "Tiali, goli nago te Mosesba mani e tiwai pode te nago homu kone ebo me gegeda paligio, 'Te dagego ena tudiba mubaso da, teda eno dage e t̄du sela şana, tama dage te gasa t̄ pedaiba tedela palama, bidigi paibao,' wali. ^{††} Tiali goli, dage te bulu t̄ pedaide bidiyu, te enaba homu begelama, tama dage

†† 1:8 Prs 26:33

enaba ma aselama, tama eno po wali pobaso da, teda eno dage te bulu me deli te dagego enaba lotu po omainu te sa muani buluba ma odasa asaibao. Te dage digibulu t̄q pedaide tigidalide bidibadi goli, te tagalao, te eno dage te bulu t̄q pedaide selama, ma odasa asaibao, nago te po Mosesbolo wali. Genuai Bidi, da te nage pageba ma asali dao, tama tialima, eno nageba hanalu, te nago dāu wali bomai po wali pelama, te da meḡi tama tau sao po hanalu obao, w̄ walio. †

¹⁰ "Genuai Bidi, da Israel te nago s̄q bidi, me s̄q we tiwai dao. Tama da te nago we bidi dabe mu da. Te nago genuai bomogo nago da te boi bidi dabego no-gode polobadu ma salio, tama da mu hagabeo.

¹¹ Tama da tigidali Israelgo te nageba wiegi yai homu pemene elama, tama nago nogi ugwaba sobao. Tama eno homugo meḡi nago te tigidali Israelgo gedu haluasa po wabo odomainu homu ebao. Tama me te nago meḡi eno e gedu haluasa po wabo me odao homu ebao. Tama eno te king sugi pabo si da, teda nago digi te kingo ena homu dene emainu ilama, tama agai ena tau somainu yao." Eno te gedu haluasa po te ena kingo s̄q bidi bidali sogo wali. Eno s̄q te kingo wain āj tonalubo s̄q yali, tama te wain w̄ sela pelama, te kingo tumainu magi pabo s̄q yai dao.

Nehemia te Jerusalemba pali

2 Te polua me si me si bidama, tama me sogo side deli te king Artaserksis te nai tudubadi, tama eno wain agaba sesali. Tigidali sogo eno te s̄q iduali te bugai haliga elama, te eno gesabidi wiegi yai pisigina pelama te s̄q iduali. Tiali goli, te sogode digi eno haliga s̄q̄̄ mu elama, tama eno gesabidi te wiegi yai me pisigina pabeo. ² Tama tibaso, kingo enaba hanalu wali, "Magi baso nage wiegi yai pemene isābawe? Nage gasi da meni yai, tiali goli nage magi nai me delide haliga s̄q̄̄ elalubao," wali. Eno te po odoyu, te ena noma salio, ³ tama eno te tiwai po kingba wali, "King o, nage te bugagia sesabi elama bidagameo. Awe, ena haliga s̄q̄̄ mu ebao, magi baso meni, te augwaligo eno w̄j n̄u dabe pubulali madi te hanu taun te dolali elalubao, tama siago te bobegelali masigi obode te nigo nigali sunumi me ulali elalubo dao." Eno te po wai. ††

⁴ Kingo te po odolama, tama enabolo te tiwai po hanalu wai, "Megi nago te eno magi s̄q me deli emainu, agawe?"

Tialima, eno dagalude Godiba gedu haluasa po polo olama, ⁵ tama eno kingba te tiwai po wali, "King, te nago enaba bugai haliga ebaso da, teda eno nageba te magi nai po me deli hanalu wainu ebao. Te e tama tiwai. Te nago homu usu eyu da, te nago ena te ena w̄j n̄u dabego taun te Juda t̄qba pomainu ebaso da, te eno ena abagi dabe dali te taun ma geseliyu nigibo s̄q tau sigi pomainu ilao," po wali.

⁶ Te eno king dali po mibadi, te aga we te kwin aga pāde dugulaluali. Kingo eno te po odolama, tama po w̄i ponoyu, te tiwai po wali, "Usu da, nage pao," wali.

"Tiali goli, nage te p̄wadage sogo, ma te bobage sogo te Judade bidaibawe? Tama nisu sogo nage ma asaibawe?" Tialima, eno homude elaluali te ena ma asabo sogo po agaba pusalio. ⁷ Tama eno te kingba hanalu, te eno te w̄ Yufretis u pedai badu bidibo gavman bidiba maiabo pas meba mao wali. Te pas dabego augwaliba weyu, te ena augwaligo provinsdu peyu, te Juda t̄q pedaiba pabo usu da wabo pas mao, wai dao. ⁸ Tama eno kingba te Asapba te pas me deli āş̄a mao po hanalu wai, te bidigo te kingo ni sili elalubo t̄q tonaluai. Te pasgo agabolo te po waliyu, te pedabo ni nami meba enabolo mao wabo po pas āş̄ani. Te ni nami dabego te Jerusalem moni masigi obode sunumi dabe nigiyu, te ami bidi dabego te Godigo tempel be tonalu bidabo bomai be obo sunumi, te me nigabo ni nami sao po wabo pas āş̄ai, tama eno be s̄q yabo ni nami me dao. Tama God ena dali bidiyu, tama ena tau sai, tama tialima, kingo eno te hanalu wali nai dabede te usu da po walio. ⁹ Tama kingo te ami ofisa meba nigilibadi, te hosde dugulasa pabo ami hani me deli nigilibadi elama, tama agai te augwali ena dali tagala palama, te ena tonalua pomainu yalio. Tama da hogodama, digibulu mu peyu, te w̄ Yufretis u pedai badu palio. Tama da pelama, te t̄q pedai gavman bidi dabe bidibo madiba sabolama, tama eno te kingo pas augwaliba mena mena pai.

¹⁰ Tiali goli, Senbalat, te Bethoron taun bidi, me Tobia, te Amon provins ofisa bidi me deli, augwali sigo odali, ena aselama, te Israel we bidi augwali bugagia bidimainogo eyu, ena augwali tau sainu asali po odali. Tama tibaso, augwali sigo haliga dwai mu yalio.

¹¹ Ena te Jerusalemba sabolama, tialima ena te sela sogo olo toma neyu bidali, ¹²⁻¹³ tama eno te bidi me deliba te Godigo enaba homu hodolama, te Jerusalemda yao wali s̄q po me wabeo. Tialima, te be hulua sabo tomo ebo tonaluama, tama ena dali te dwasianu hani bidi naga te hogodama, te da bidali pesage tagalama, tama da pelama, te taun moni masigi obo dolali te sugi pali. Ena naga te donkide dualasa pali, tama te gasa bidi dabe sāgāgo t̄du pali. Tama dago te taun te giliga dega sigilubo te obo bagulali sunumi elalubo te badu te taga peyu pali, te augwaligo nogi eyu te Odogo Pesage Badu Sunumi dao wali. Tama da te saut badu peyu, tama te ulu w̄ edelama pai, augwaligo te nogi weyu, Te Genuai Hasamanigo Ulu W̄ da wali, tama da te pelama, te nogi augwaligo te Pobebe Bage Sela Sābo Sunumi te badu sabolai. Te da pedalobo sogo, eno te taun obo aluali te bugagia tonalua pelama, te siago dali obo sunumi te bugagia susa palio. ¹⁴ Nosali da begelama, te not badu te Ulu W̄ Sunumi elalubo badu pai, tama te Kingo Dwasianu Sigi Āj Elalubo te badu palio. Te badu, te sunumi paliai baso, tama ena te dugulalubo donki te ma pabo usu me ebeo. ¹⁵ Tama da te Kidron odogoba dulama, tama eno te obo bugagia osa yali. Tama nosali da tede ma begelama, tama da te asali sunumiba ma sabolagasali. Tama da te buluba soali, te sunumiba da ma pedalubo sogo da, te Odogo Pesage Sunumi dao, tialima da te

† 1:9 Bom 30:1-5 †† 2:3 2 Kin 25:8-10; 2 Sto 36:19; Jer 52:12-14

taun tomoba ma pelawali. ¹⁶ Te Jerusalem ofisa bidi me deligo eno te hulide yali sę dabe me konesiawai, magi baso meni, eno te hanu ma geselebo sę yabo Juda dabe me delibolo te sęde po me wasiawai. Eno te pris dabeba, me te tobolu bidi dabeba, me te ofisa dabebolo, me te gasa bidi dabebolo dago te sę yaibao po te tigidali Juda dabeba me wasiawai dao.

¹⁷ Tiali goli, megi da, eno te augwali sisinama, tama eno te po wali, "Dagego koneani, te Jerusalem obo sunumi te dolali elalubao, tama te taun tigidali badu me dolalio. Tama dago sęę genuai mu elalubao. Tialima, megi da, dago te taun masigi obo ma niginao, tama te kolesagade dago te da dali posobo po wabo bidi dabego pedauwali paniaibao," wali. ¹⁸ Tama eno augwaliba te Godigo ena tau siyu yali sę po walali. Tama eno augwaliba te kingo wali po tigidali walio. Tialima, augwaligo te tiwai po wei ponani, "Wiegı yai mu dao. Da hogodama, te sę inao." Augwa te po ola silama da, tama augwali pelama, te sę yabo nai dabe dodola mugı pali.

¹⁹ Tiali goli, Senbalat, me Tobia, me Gesem, te Arap hani bidi me deli, te bagego dago te sę yabo po odali. Tama tibaso, te augwali aselama, tama dabolo te posobo po weyu, te gisugu mayu yalio. Augwaligo te tiwai po wai, "Dagego magı yainu ebawe? Dagego te taun obo ma nigainu eba, agawe? Dagego homugo te dagego tama tiwai elama, tama dage te bomai bage pedelama, tama dagego te king dali hwıaiba weyu teba, agawe?"

²⁰ Tialima, eno augwaliba te tiwai po wei ponani, "Te dagalude Godigo da tau saibao," wali. "Da te aga sę bi-di da, tama tibaso dago te sę yaibao. Tiali goli, te taun Jerusalem te dagego taun menio. Polobadu dagego wıj nę dabe te taunde me bidibeo. Tama tibaso, te sę te dagego sę meni dao," eno te po wali.

Augwaligo te Jerusalem masigi obo ma geseliyu nigai

3 Tialima, tigidali bidigo te Jerusalem moni masigi obo ma geselebo sę gagalali. Polalubo pris Eliasip dali, te gasa pris dabe dali, augwaligo te obo dage me badu te augwaligo te Kibu Sipsipgo Sunumi nogi poali, te badu te obo nigibo sę yali. Augwaligo te sę silama, tama augwaligo te me badu obo dage sa muyu, te Godigo masigi obo mu da olama, te lotu po wai. Tama nosali augwaligo te sunumi palibo sunumi dabe muani, augwaligo te nogi te Kibu Sipsipgo Sunumi dao wali. Tama augwaligo te obo ugwanu holama nigali te usu nigulali, te Bidi Sese A Naga te 100 Tonalubo Bidi bobobage beba peyu nigali, tama te Hananelgo Tauaba usu nai, te bobobage be mu dao. Augwaligo silama, tama te Godigo obo da olama, te lotu po wali. ² Te Jeriko bidi dabe te pris dabe pade sę eyu, tama augwaligo te obo dage tegelama sę yai. Tama Sakur, te Imrigo ogwa, te bidi meba daligo te obo dage gasa me iba tega sabo sę te Jeriko bidi dabe sę ebo pade wadolama yalio.

³ Te Hasenago hanigo te obo sę te Sakurgo hanigo obo sę ebo pade wadoa selama, te sę yai. Te obo dage

te augwaligo nogi eyu, te po wali, Te Sęę Pisgo Sunumi elalubao wai. Tama augwaligo te ni nami dabe te sunumi sesegede paliama, tama te sunumi aga mubo pesagede muani, tama bomai lok munama, tama te sunumi dę walobo bobage ain dili muani. ⁴ Tama Meremot dali, te gasa bidi dabego dali te obo dage gasa badu te Pisgo Sunumi pade te obo nigibo sę yai. Meremot te Uriago ogwa, tama te Hakosgo wıj ogwa da. Tama Mesulam dali bidi mebago te obo dage me badu te sę wadolama, te Meremotgo hanigo sę ebo pade yai. Mesulam aga te Berekiago ogwa, tama te wıj nę Mesesabelgo wıj nę dao. Tama te Sadok dali, bidi meba dali te obo sę wadolama, te Mesulamgo hani bage sę ebo pade sę yai. Sadok aga te Banago ogwa dao. ⁵ Te Tekoa taun bidi dabego te Sadokgo hanigo sę ebo obo dage pade wadoasa, te obo sę yalio. Tiali goli, te Tekoa tobolu bidi dabego te obo sę ebo tonalubo bidi dabego wabo po odisębaso, tama te tobolu bidi dabego te sę me deli ebeo.

⁶ Joiada, te Paseago ogwa, dali Mesulam, te Besodeago ogwa da, tama te bidi meba dali te augwaligo te obo dage te Tekoago hanigo sę ebo obo dage pade wadoa selama, te sę yai. Te obo dage pedai badu te nogi augwaligo te Jesana Sunumi da wabo nogi elaluai. Tama augwaligo te sunumi sesegede te ni nami paliama, tama te pesage agade te sunumi munama, tama bomai lok munama, tama te sunumi dę walobo bobobage ain dili muai dao.

⁷ Melatia te taun Gibeon bidi dali, te Jadon te Merenot taun bidi, tama taun Gibeon bidi dabe, me te Mispa taun bidi dabego me, te obo wadolobo sę ebo te Joiada me Mesulam te bidi sigo hani bagego te obo sę ebo pade gagalama, ibaba wadolali. Tama te sę ela pali, te wę Yufretis pedai e badu provins polalubo gavman bidigo beba tama tagaligi pali.

⁸ Usiel, te Harhaiago ogwa, dali te bidi mebago dali, te obo sę wadolasama eyu, tama te Melatia me Jadon sigo hanigo te obo sę ebo pade gagalasa yai. Usiel te gasa tobage nai dabe te golgo nigibo bidi dao. Tama te Hanania dali, te bidi mebago dali te Usielgo hanigo sę ebo obo dage pade wadoasa te sę yai, tama pali te augwaligo gasa Genuai Obo nogi wabo teba unuligi palio. Hanania te wiegi yai denami ebo nai sanda nigibo bidi da wai. ⁹ Tama Refaia te Hurgo ogwa dali te bidi meba daligo te masigi obo sę ebo te Hananiago hani sę ebo pade te sę yali. Refaia te Jerusalem pade elalubo tę pedai badu me deli te polaluali tobolu bidi dao. ¹⁰ Tama Jedaia te Harumapgo ogwa dali te bidi mebago dali, te gasa obo te aga be pade digi wadolama, te sę yalio. Tama Hatus, te Hasapneago ogwago te obo banis sę ebo te Jedaiaago hanigo sę ebo pade te sę yai dao.

¹¹ Tama Malkia, te Harimgo ogwa, dali Hasup, te Pahatmoapgo ogwa, te bidi mebago dali te masigi obo dage gasa badu pedai te Hatusgo hanigo sę ebo pade wadoa selama, te sę yai dao. Tama te augwaligo te Stov Dabe Elalubo Bobobage Be te me nigalio. ¹² Te Salum, te Halohesgo ogwa, dali te bidi meba daligo te

obo banis dage gasa wadoasa nigali, tama aga wegi dabego aga te şe ebo tau salio. Te bidi Salum aga te si wali Jerusalem pade elalubo tpe pedai tonalubo polalubo bidi dao.

¹³ Tama Hanun, te Sanoa taun bidi dabe dali, augwaligo te obo banis te sunumi elaluali madi te augwaligo te nogi wali Te Odogo Pesage Badu Sunumi da walio. Te badu te şe wadoa selama, şe yai. Tama augwaligo te sunumi aga te pesagede muani, tama augwaligo te bomai lok munama, te sunumi palibo bobage ain dili muanio. Tama me augwaligo te obo gasa wadoasa pali, te augwaligo te nogi weyu, te Pobe Bage Sela Şabo Sunumi da wali, tama te obo banis daj usu nagasali, te 440 mita dao.

¹⁴ Te Malkia te Rekapgo ogwa dali te bidi mebago dali te şe wadolama, tama te obo te Pobe Bage Sela Şabo Sunumi pedai badu bobegela selama nigali. Tama augwaligo te sunumi aga muani pesagede munama, tama augwaligo te bomai lok munama, te sunumi palibo bobage ain dili muai. Malkia aga te Bet Hakerem bulu tpe pedai tonalubo polalubo bidi dao.

¹⁵ Tama Salum, te Kolhesego ogwa, aga te Mispa tpe pedaide polalubo bidi dao. Aga dali te bidi meba daligo te obo banis wadolama şe eyu, te sunumi nogi augwaligo te Ulu Wę Elalubo Madi Sunumi da walio. Tama augwaligo te ni nami meba selama, tama te sunumi ugwadu daide te be pedu tiwai nigali. Tama te sunumi aga muani pesagede muai, tama bomai lok munama, te sunumi palibo bobage ain dili muani. Tama augwaligo te obo banis dage Te Sela Sigi Aj sesegede wadoa selama nigalio. Te obo banis te polobadu bidali kingo gi pade elalui. Tama augwaligo te obo banis şe wadoasa pabo te Devitgo Taunba pabo togobiliba usu nigai pai dao.

¹⁶ Tama Nehemia, te Asbukgo ogwa, aga te distrik Betsur hanude tobolu bidi dao. Tama aga dali aga hani dabe augwaligo te Salumgo hanigo yali obo dagedu wadolama yali. Augwaligo te obo şe ela pelama, te tuni bidi Devit gu pageba saboligi pali. Tama te wę ge te bidi dabego te bomai ami bidi dabego be mesalo paba tagaligi pali.

Te şe tonaluali Livai dabego nogi

¹⁷ Tama te Livai hani bidi dabego te obo banis şe te gasa badu me yali. Te augwali nogi e tiwai dao. Rehum, te Banigo ogwa, dali te gasa Livai dabe daligo te obo banis şe te bidi Nehemiago hanigo şe ebo pade te wadolama, şe yali. Tama Hasabia, te Keila distrik tpe pedai badu te polalubo tobolu bidi dao, aga dali te aga tpe pedaide te gasa Livai dabe daligo te obo banis şe te Rehumgo hani şe ebo pade şe yali. ¹⁸ Tama Bavai, te Henadatgo ogwa, aga te namba 2 wali Keila distrik tobolu bidi dao. Tama aga dali te gasa Livai dabego dali te obo banis şe te bidi Hasabiago hani şe ebo pade şe yalio. ¹⁹ Tama Eser, te Jesuago ogwa, aga te Mispa taun tobolu bidi da. Tama aga dali, te gasa Livai dabego dali, te obo banis şe te Bavaigo hani bage şe ebo pade te şe yai. Tama te obo dage te hwjbo doado bage

mubo be pade elalui, tama pelama, te nogi augwaligo te Habu Sugunani wabo, te obo dage ponaniba usu nagasai dao. ²⁰ Tama Baruk, te Sabaigo ogwa, dali te gasa Livai dabego dali te obo banis şe ebo te Esergo hani şe ebo pade şe wadolama yali. Augwaligo bomoyu, te obo şe ela pali, te polalubo pris Eliasipgo be sunumi elaluali paba usu nigai pai dao. ²¹ Tama Meremot aga te Uriago ogwa, tama te Hakosgo waj nõu da. Tama aga dali, te gasa Livai dabego dali, te obo şe ebo te Eliasipgo be sunumi pade gagalama pali, tama te be sesegeba usu nigai palio.

Te şe tonaluali pris dabego nogi dao

²² Tama te pris mebago me te obo banis me badu geselali. Te Jerusalem pade elalubo bulude bidibo pris dabego te obo şe te Meremotgo hani şe ebo pade te şe wadoasa yalio. ²³ Pris bidi Benjamin me pris Hasup te gasa hani meba daligo te augwa sigo be pade digi te obo şe gagalama yali. Tama pris Asaria, aga te Maseago ogwa, te aga waj nõu Anania dao. Tama aga dali, te gasa hani meba daligo te obo şe te aga be pade yalio. ²⁴ Tama pris Binui, te Henadatgo ogwa, dali te hani mebago te obo şe ebo te Asariago be pade gagalasa ela pali, te obo nogi augwaligo te nogi Habu Sugunani teba usu nigai pai. ²⁵ Tama pris Palal, te Usaiago ogwa, dali te hani mebago te obo şe te Habu Sugunani tedu gagalasa peyu, te si wali kingo bobobage be taua elalubo madiba usu nani. Te taua te tonalubo wasman dabego be pade elalui. Tama Pedaia te Parosgo ogwa dali meba hanigo dali te obo banis gasa badu te Palalgo hanigo şe ebo pade şe yai. ²⁶ Augwaligo te obo şe ela pelama, te Wę Sabo Sunumi pageba sabolama, te bidi dabego te Godigo tempel be tonalubo madiba pedelai. Te sunumi me taua te augwaligo nigali masigi obo elalubo badu te giliga dega sigilubo badu elaluali. Te obo dage te Ofel pade elalui, te Godigo be tonalubo şe bidi dabe bidibo madi te Jerusalem badu elalui dao.

Te masigi obo şe yali gasa hani bidi dabe nogi dao

²⁷ Te Tekoa taun bidi dabego te obo banis gasa badu wadolama, te Pedaigo hani şe ebo pade şe yali. Te si sogo wagisu te obo şe yai. Augwaligo te şe te Godigo tempel be tonalubo taua pade gagalama, tama augwali şe ela pali. Te Hos Dabego Sunumi elalubo madi te Ofel badu usu nigai pai dao. ²⁸ Tama te pris hani mebago te obo te gasa badu te Hos Dabego Sunumi elalubo madi te not badu wadolama yai, tama te tigidali deli deligo te masigi obo şe ebo te augwa be pade digi ela palio. ²⁹ Tama Sadok, te Imergo ogwa, te hani meba daligo te pris dabe pade şe eyu, tama te obo ma geselebo şe te Sadokgo be pade digi wadoasa şe yali. Tama Semaia, te Sekaniago ogwa, dali te hani mebago te obo me badu wadoa selama, te Sadokgo hani pade şe yalio. Semaia aga te giliga pedalubo badu Godigo tempel be sunumi tonalubo wasman bidi bidai.

³⁰ Tama Hanania te Selemiago ogwa dali te Hanun, te

Salapgo ogwa te a olama, me badu nogo kibisa deli wali ogwa da, tama te gasa hani meba daligo te obo sę ebo te Semaiaigo hani sę ebo ęade sę yai. Te augwali sigo te si sogo wagisu te obo sę yai. Te Mesulam, te Berekiago ogwa, dali te meba hani daligo te obo wadolama, te Hanania me Hanun te hani sigo sę ebo ęade te sę yali. Augwaligo te obo banis nigibo sę yali, te Mesulamgo be ęade digi te sę yalio.

³¹ Malkia te gasa haniani nai dabe te golgo nigibo bidi da. Te Malkia dali, te meba hani daligo te obo sę te Hanungo hani sę ebo ęade te sę yai. Augwaligo te obo ma geselebo sę ela pali, te Godigo tempel be tonalubo sę bidi dabego beba usu nama, tama te bisnis bidi dabego sę ebo madiba usu nigipai. Te be te Godigo tempel be sunumi ęade elaluali, te nogi augwaligo te Tonalubo Wasman Bidigo Sunumi da wali, tama te obo nogo habu sugunani ugwadu elaluai dao. ³² Tama te golgo nai nigibo bidi dabe dali te bisnis sę te masigi obo nogo habu badu gagalama ebo madi, me te Sip-sipgo Sunumi elalubo madi, teba te obo sę ela pelama, usu nigipai dao.

Nehemiago te boi bidi dabe aiyaba elaluai

4 Te Senbalatgo te da Judago te moni masigi obo dodolobo sę po odolama, tama agai wado po dwai mu weyu, tama dabolo te posobo po wai, ² te aga hai namu dabego gedude te po weyu, tama te Samaria ami bidi dabe gedude me wai. Agai te tama po wai, "Te bomu isawai dwai hobedagi yai bidi hani te Judago mena sę yainogo ebawe? Augwaligo homugo te augwaligo te taun bagulabo obo ma geselaiba homu eyu eba, agawe? Te augwaligo homugo te Godiba ofa ebogo te be sę ebo te deli sogo naga silaiba homu eyu eba, agawe? Augwaligo te homu eyu, te augwaligo te tomode kakali tibi holali te siago ulali masigi dabe selama te obo banis nigibaso te wiegi yai yaiba weyu eba, agawe?" te po wali.

³ Te bidi Tobia te Senbalatgo te po wabo sogo te ęade dolaluali. Tama Tobia te tiwai po wali, "Tagalao, te augwa nigimainu ilao. Tiali goli, augwaligo te obo banis bomonama me dulalubaso, usu me egobeo. Te uni yowi me deli te daiba ugwadu samanobaso da, te obo banis tigidali gisigasa dulaibao," wai.

⁴ Bidi mebago te Senbalat me Tobia sigo wali po enabolo wagasali. Tama tibaso, eno e tama gedu haluasa po wali, "God, nago te bidi dabego dabolo wali posobo po nago odalio. Augwaligo da begela dolali, tama tibaso eno homugo te augwaba digi ma dolomainu ilao, tama nago te augwaligo doado bage gasa bidi dabego wi sagasomainu ilama, tama augwali selasa pomainu ilao. ⁵ Nago te augwaligo yali dwai sę yali kolesaga me sela saęio, tama nago augwaligo sęę me sela saęio, magi baso meni, augwaligo te da doloyu, te posobo po hauwa mu te da te masigi obo sę ebo bidi dabebol walio."

⁶ Tialima, eno te tama gedu haluasa po olama, tama dago sę bomu mu yali, tama te sesabi me isabadi tama te obo banis ugwaba holama, te tomoba daj mu

usu nigulali. Tama te deli tigi poai te dago siminabo obo banis te usu tama elalualio.

⁷ Tialima, Senbalat de Tobia si dali, te Arap dabe, me Amon, me Asdot dabego te tiwai po odali, dago te Jerusalem masigi obo sę bugagia mu ebo wali, tama dago te obo banis te alua degasa dulali te tigidali badu ma nigali po wai. Tama augwaligo te wado po umabo mu olama, ⁸ tama augwaligo te da dali hwjagasabo po minama, tama dago sę dolaibao po wai. ⁹ Tiali goli, dago te Godiba gedu haluasa po wabo sę eyu, te Godigo da tau somainu yai, tama te giligade me hulide te bidi meba munama, te boi bidi tonalumainu yali, tiyu te augwaligo da dolagasidali weyu ti ai dao. ¹⁰ Te meba Judago te tiwai balia po me deli te augwa sę ebo sogo wali balia po te tiwai dao,

"Te dago tolobo doado bage sęę mu ebao.

Tama dago tigi nogo saęa
te bomu kimi mu meni ebao.

Te kakali masigi hauwa mu dao.

Megi da, dago te obo banis sę silabo
usu meni dao," wali.

¹¹ Te da boi bidi dabego augwa haside digi te tiwai po obao, "Te da geme geme naga duala sesa pelama, te Juda dabeba pedelaibao. Tama te augwaligo da me sugobeo. Tialima, polo tama te dago augwali tigidali ela munama, tama te augwaligo augwa yali sę me simanogobeo," wali. ¹² Te boi bidi dabego te tama tiwai wali, tiali goli te da Juda meba te augwali ęade bidali, tama sesemane sogo augwali aselama, te boi bidi dabego da dolabo po wali po te dabolo wagasu yai.

¹³ Tama tibaso, eno te sesemone ene me, bainat hwjage me, enesigi me, te sę ebo tigidali bidiba dobolama mani. Tama eno te augwa hani deli deli bage augwa deli kanemeba deliba sisinigi pelama, bidao po wali. Tama eno augwaliba weyu, te augwali pelama, te obo banis silisawani te tigidali badu dolalua peyu, te no munalu, tama augwaligo te boi bidi dabe dali boi hwjabo sisi elalua po wali. ¹⁴ Eno suali, te we bidi wi elama, haliga sęę elaluai, tama tibaso eno te tobolu bidi dabeba, me ofisa dabeba, me te tigidali we bidiba te tama po wali, "Dage te boi bidi dabede wi me igio," wali. "Dagego te sę ebo te bugagia homu kone palao, Genuai Bidi te bomai mu da, tama tiyu te tigidali bidi agade wi ebo dao. Tama tialima, odao. Dagego te bomu elama hwjbaso da, teda te dagego abagi dabe me, we wai puluba me, te duga be dabe, te doado bage me, te me dolisama bugagia elalueibao," wali.

¹⁵ Nosali te boi bidi dabego te augwaligo yaibao wali sę dabe po te dago odali po te augwaligo koneai. Tama te augwaligo koneama, te Godigo augwaligo sunumi palibaso, tama te augwaligo da me dolobe homu yai. Tialima, te da tigidali Judago te moni masigi obo nigibo gagalama, ma yai dao. ¹⁶ Te sogo dago te sę ebo kolesaga hasegelali. Tama eno te obo banis sę ebo hani tigidaliba weyu, tama meba augwaligo te sę edubadi, tama mebago tonalu, no munalua wali. Te

no munalubo bidi dabego te sesemone ene, me sabele, me enesigi tolalu, tama augwaligo te hwj̄bode gudubo kapago nigai ugwa bulali. Tama te tobolu bidi dabego te Juda we bidi tigidali tau mu selama, ¹⁷ te obo nigibo sę yai. Tama te bidi dabego te obo nigibo nai dabe tolasa pabo sogo, augwaligo te nai te me badu nogo badu toloyu, tama te gasa nogo badu te hwj̄abo nai tolaluali. ¹⁸ Tama te sę ebo bidi tigidaligo te bainat hwą ge te augwa kukulude gedelai. Tama te biugel bu wabo sę elalubo bidigo te boi bidi dabe asobo sogo, aga te ena pąde bidai. ¹⁹ Tialima, eno te we bidi dabeba, me te ofisa dabebolo, me te augwa tobolu bidi dabeba te po walali, "Obo banis te bobobage mu elalubao, tama dagego te hauwa pedai badu sę ebao, tama dage hani deli deli te gasa sę ebo hanide digibulu digibulu bidibao," wai. ²⁰ "Tama tialima, te boi bidi dabe pedalubo side, te biugel gela weyu, te bu dagego odobaso da, teda boi bidi asalio olama, dage te ena pąba sisinagasao. Tama God, te dago Genuai Bidigo, te dago boi bidi dabe dali hwj̄aibao."

²¹ Eno te po augwaliba mawai, tama te kigamu digi mu te tigidali side tama te hę dabe te dagalude ula eboba usu nigi pabo sogode, te da hani mebago te obo nigibo sę ebadi, te gasa hani mebago te sesemone ene tolalu te tonaluai dao. ²² Te sogo eno te tigidali bidiba dali, te augwa sę bidi dabe dali, te tiwai po walali, "Te dagego sę te hulide simanobo sogo, dagego te Jerusalem me taga soyu, duga buluba pigio. Menio. Dage te moni obo tomode bidao. Tama te giligade dago sę eyu, te hulide tonalubo dao," wali. ²³ Tialima, da tigidaligo te tama tialio. Tama te godege pibo side te dago gudubo ugwa me hasegelibeo. Menio. Tama ena dali, te eno hai namu dabe me, te sę bidi dabe me, te ami bidi dabego dali, te ena tigidali side tonaluali, da tigidaligo te sę ebo side gudali ugwa te dago tigde me gudalubadi, tama da piali. Tama tigidali side dago te ene me sesemone tolaluali, tama da te węba pabo sogo me, te dago me tagalobeo. Tama tiyu, sesemane sogo te dago hwj̄abo sisi elaluai dao.

Nehemiago te Juda dabego sęęę dodolai

5 Nosali te Juda we bidi hauwa mu te doado bage sęą pobaso, tama augwaligo te augwa abagi hasi dabe dali wado po wabo sę yali. ² Mebago te tama po wai, "Dago te wai puluba hauwa elalubao, tama da nai sęą palio. Tama dago te nai tusiąbaso da, te da isaibao," wai. ³ Tama meba umabogo te tama po wai, "Dago te dena abagi dabe meba dali te nai abelabo mone negeli sai. Tama augwaligo te dabolo waliyu, te dago te negeli sali wei ponesiąbaso da, teda augwaligo te dago gi dabe me be me te negeli wei ponoyu saibao," wai. ⁴ Tama hani mebago te tiwai po wali, "Dago me te dena abagi dabede te negeli selama, te kingba takis maiabo mone sai. Tama dago te negeli wei ponesiąbaso da, teda te abagi dabego te dago tę me wain gi saibao," wai. ⁵ "Te dena abagi dabego digi, tama augwaligo te sęęę dabolo mawai. Te augwaligo homugo te augwaligo da aiyaba elalueiba homu eba,

agawe? Menio. Da tigidali te deli tigi tiwai dao. Tama dago wai puluba dabe me te augwaligo wai puluba tiwai si elalubao. Tiali goli, dago te gasa sunumi me elalubeo. Tama tiyu, dago wai dabe te gasa bidi dabego olo sę ebo bidi pedelama, te dago mone somainu me egobeo. Tama te bidi dabego te dago wegimani selama, te augwaligo olo sę ebo we dabe pedalumainu ilali. Tama me te augwaligo dago tę me wain gi sali, tama dago te wai dabe ma sabo sę deli me elalubeo," augwaligo te po wai.

⁶ Eno te we bidi dabego po wabo odobo sogo, eno haliga sębę mu ebaso, ⁷ tama eno te sęęę dodolabo sunumi bugagia homu kone palali. Eno koneani, te polalubo bidi dabe me, te ofisa dabego dali, te dwai kolesaga yali, tama eno augwali sisinagasomainu i olama, tama eno augwaliba po bomo elama, augwali dali wali, "Dagego te duga ama hasi dabe aiyaba elaluama, tama augwaliba dwai sę ilalio," wali.

Tama eno tigidali we bidi augwali sisinagasomainu i olama, te sęęęę po miainu yai. ⁸ Augwali sisinagasai madi, te eno augwaliba te tiwai po wali, "Dago te dena abagi dabe te Israel hani isęwai bidi dabego abelama, te olo sę ebo bidi bidibaso, te dena ma sainu te mone sisinibo sę dene mu ebo da. Tiali goli, megi dagego te duga abagi dabeba dwai sę iliyu, tama augwaligo te dugago digi te olo sę ebo bidi bidibo tiwai emainu ilali." Eno te tama po obaso, te polalubo bidi dabe te pedauwali pania selama, te augwaligo po wei ponabo usu meni yai dao. ⁹ Tama eno po wadoa selama, te tama po wali, "Dagego kolesaga dolo me ebeo. Dage te God dologoba pelama, tama doloba pai kolesaga sesemane yao. Te dagego te tiwai ebaso da, teda te dago boi bidi dabego me te dago ebo kolesagaba te posobo po me wagobeo. ¹⁰ Ena dali, ena hani me, te eno sę bidi dabego me, te we bidi dabego dade te negeli selama, te nai me mone somainu ilali. Tama da tigidaligo te negeli augwaligo wei ponomainu te profit me somainu i me olamu dao. ¹¹ Dago augwaligo negeli yali tagalao. Tama augwaligo te mone me wit, ma wain, me te oliv wel, te augwaligo negeli sali nai dabe te wei me ponogobeo. Tama te me wain gi me, oliv gi me, be me dagego te we bidide sali doado bage dabe, te dagego augwaliba ma maiąo, tama dagego te negelide ugwadu manani profit mone me te ma maiąo," te po wai dao.

¹² Tialima, te polalubo bidi dabego po wei ponoyu, te tama po wai, "Te dago nago wali po gilama te tiwai yaibao. Tama dago te abagi dabego nai dabe te augwaba ma menama, tama dago augwaliba i weyu, te negeli wei ponao po me wagobeo," wali. Tama tialima, eno te pris dabe asao olama, i wali. Tama eno po bomo elama, te polalubo bidi dabeba weyu, te augwaligo te pris dabego gedude te po daę waliyu, te augwaligo wali po te bugagia wali pomainu yai. Tialima, augwaligo te po daę walali. ¹³ Tialima, megi da, eno te kukulu tiwai elama gudali te nami ugwa pedai peda sabo side tama te elaluali nai dabe memenege elama, te augwali

† 5:7 Sai 22:25; Prs 25:35-37; Bom 23:19-20

tulaluali. Tama eno te tobolu bidi dabe augwaliba te tama po wali, "Te dagego te megî tama daŷ walali po te dagego wali me pişabaso da, teda te Godigo dage me memenege ilama, tama te dagego be dabe me tigidali nai te dobola selama, tama dage e nami ugwa tiwai olo mu elalueibao." Tama tigidaligo te tiwai po wai, "Dwagi yai dao. Godigo te tiwai emainao." Tama augwaligo te Genuai Bidi nogi ugwaba sali. Tama augwa beba ma pelabo sogo, augwaligo te augwa daŷ walali po wali pai dao.

Nehemiago aga digi aga naga tau sabo homu me ebeo

¹⁴ Ena te Juda gavman polalubo bidi bidibadi, te kibu be nogo si olama, şaŷaŷo si bidali, te Artaserksis te kibu be bidi sese deli te king bidibo side gagalasa, te aga kibu be te 32 yia, teba usu nagasalio. Tama te kibu be dabede ena dali, te eno hani daligo te kingo te namba wan gavman te polalubo bidiba mabo te mone selama, te eno nai me abela tubeo. ¹⁵ Te ena gavman bidi bidisişbadi, te provinsde polasa gavman bidali bidi dabe, augwaligo te we bidi dabeba genuai seŷeŷ mawai. Augwaligo te we bidi dabede te nai me, wain me, te mone 400 kina anoma elama siyu yali. Tama me te gavman bidigo seŷ bidi dabego te we bidi dabe augwali aiyaba elalu yai. Tiali goli, ena te God dologode bidiyu, tede homugo kone palobaso, tama tiyu, eno te tiwai kolesaga me ebeo. ¹⁶ Tama eno te tŷ me deli me abelibeo. Menio. Eno te seŷ bomu mu eyu, tama te Jerusalem masigi obo nigibo bidi dabe tau sali. Tama eno bede seŷ ebo seŷ bidi augwaligo me, augwaligo te obo banis nigibo bidi dabe tau sai dao.

¹⁷ Tigidali side te bidi sese hauwa te 150 we bidi eno beba nai tuagasali. Te augwali tobolu bidi dabe dali, te Juda olo we bidi dali, te nai tuagasiyu idualio. Tama te gasa bulu tŷ pedai we bidi dabego da suagasobo sogo da, teda augwali me te eno bede nai tuai dao. ¹⁸ Eno te tiwai po te nai ulubo bidi dabebolo wai, te tigidali nai ulubo sogo augwaligo te bulmakau omai me deli elama ulali, tama te wiegi yai sipsip te a naga olama, me nogo deli uluyu yai, tama te ba kakaruk te hauwa te we bidi dabego tumainu ulali. Tama te nogo si nogo si side te nai ulubo bidi dabego te we bidi dabego tuabo wain weŷ hauwa mu sişo wali. Te Juda we bidide genuai seŷeŷ elalubo eno koneani, tama tiyu, te kingo enabolo te nai abelabo mone te we bidide sao po obaso, te eno me sabeo. Menio. Eno te nai ena monego digi abelali.

¹⁹ "God, eno nageba hanalu obao, te nago homugo eno te we bidi dabe tau siyu, te wiegi yai seŷ dabe ebaso, tama nago enade wiegi yai seŷ ilao," po walio.

Bidi mebago te Nehemia dolabo po mîai

6 Te Senbalat, me Tobia, me Gesem, me te dago boi bidi mebago te po odali, te dago te moni masigi obo ma geselebo seŷ tigidali silali po odali, tiali goli dago te sunumi musişbadi dao. ² Tama te Senbalat me Gesem sigo te po enabolo ola tolali, tama en-

abolo hanalu, te augwali si dali te bulu me deliba sisi-naibao wali, te odogo bulu nogi Onoba sisinibo da wali. Tiali goli, eno koneai, te augwaligo ena muma sabo po olama, te augwaligo ena dolainogo wabo homu yai. ³ Tama eno augwali siba te tiwai po te bidi mebago wagi pomainu tagala palali, "Nehemia te genuai seŷ me deli ebaso, tama tiyu agai te seŷ taga soyu, dage suagasabo usu egobeo. Te aga asobaso da, te seŷ bidi dabego te seŷ me egobeo." Eno te po ola tolali. ⁴ Tiali goli, te bidi sigo te wali po tiwai naga te ena dali me si me si sogo wali, tama tigidali sogo eno te po wei ponoyu, te wali po tiwai naga augwali dali wali.

⁵ Nosali Senbalatgo enaba po ma ola tolali. Tama te sogo agai aşani pas te halusişwai. Agai te aga seŷ bidi me delibolo menama, te enaba tolali. ⁶ Te pasde wali po te tiwai, "Ena Senbalat, eno Gesemgo te tiwai po wabo odai, te da paŷe bidibo we bidi hani tomode te po me deli sabilibo odali. Tama te sabilibo po te tiwai wai, nage dali, te gasa Juda dabe daligo te king dologode munu ma bidigobeo olama, tama dagego hwîna-ma, te duga gavman tedali hodolainu yali. Tama te pagede naga dagego te obo banis ma geselebo. Tama nago me te naga digi te king pedalumainu ebo dao. ⁷ Tama nago te profet mebabilo walama, augwaligo te tiwai po te Jerusalem tomode pusumainogo yai, 'Megi da, te da Juda dabe dena digi te king elalubao.' Eno te sabilibo po page bugagia koneainu ebaso, tama tiyu, eno homugo dadi si deliba sisinama, te po dodolainu homu ebaso, tiyu king aga digi nagede augwaligo te wali po odabuo," Senbalatgo te tiwai po aşena tolali.

⁸ Tiali goli, eno agai pas wei ponoyu, te tiwai po wali, "Nago te aşani po tigidali, te mu po menio. Te naga digi te po naga homude hodolama wali dao." Eno te pas aşenama, agaba tolai dao. ⁹ Eno koneani, Senbalatgo hani dabe daligo te pogo da wi ilabo po wali homu yai. Augwaligo homugo dago te seŷ tagalama, tama dago te obo banis seŷ silişmainu homu yali. Tiali goli, eno Godiba gedu haluasa po e tiwai wali, "God, te augwaligo wabo po tagalao. Eno homugo nago ena te seŷ ebode daŷ walomainu ebaso," wali.

¹⁰ Nosali ena pelama, te Semaia sugi pali, te Delaiago ogwa, tama waŷ nŷŷ Mehetabelgo wai dao, magi baso meni, aga te gasi elalu, te aga be taga pabo homu isawani. Tama agai enabolo te tiwai po wali, "Dadi si te Godigo tempel beba peyu, tama te Tedali Gasagi Yai Be Habu tomoba game duala sigi pinao," wali. "Tama dago te be sunumi dabe paliaibao, magi baso meni, te boi bidi dabe te megî hulide aselama, nage elaibao," wali.

¹¹ Tiali goli, eno agabolo te tiwai po wei ponani, "Ena te wi ebo bidi dabe tiwai elama, tama te wi peyu, te game me duala sigi pogobeo. Tama ena te wi pelama, te Godigo be tomoba game me duala sigi pogobeo. Mu menio," wali. ¹² Nosali te pode eno bugagia homu kone palama, te tiwai eno koneani, Godigo te tama po te Semaibolo me wabeo. Menio. Eno koneani, Tobia de Senbalat sigo aga abelama, te po ena dali omaino-

go yali homu yai. ¹³ Augwali sigo homugo te Semaia go pogo ena wi ilama, tama ena te Tedali Gasagi Yai Be Habu tomoba pomainu elama, tama te habu selai kolesagade ena seşę somainu yali. Tama tibaso, te augwaligo eno nogi dolama, tama ena aiyaba elalueinu yai. ¹⁴ Tama tibaso, eno gedu haluasa po wali, "God, nago megi te Tobia de Senbalat sigo enade yali kolesagade homu koneama, te augwali sibolo dwai dene mao. Tama nago te profet we nogi Noadia me homugo koneyu, te gasa profet dabego me te ena wi iliyu, te haniani po wabo dao," wali.

Te masigi obo geselebo seş silali

¹⁵ Te dago te Jerusalem moni masigi obo ma geselali, te 52 dei tama usu nama yali, tama te 25 dei, te polua sogo nogi Elul usu nama, te obo ma geselebo seş silali dao. ¹⁶ Tialima, te dago boi bidi dabe te da pađe bidibo bulu tų pedai bidi dabego, dago te obo nigila silali po odali, tama augwaligo koneani, te Godigo digi da tau sobaso, dago te seş yali da homu yai. Tama augwa koneai, te augwaligo dwai kolesaga da dali yainu yai, te geda munama, tama te augwaligo nogi aiyaba tulaluai dao. Tama tibaso, augwali wi yai.

¹⁷⁻¹⁸ Te da Juda dabe tobolu bidi hauwa te Jerusalemde bidalu, tama augwaligo te Tobia tau sabo po daų walali, magi baso meni, te da bidi mebago waj ma base dao. Tobiago te Sekaniago wegi sai, te Arago ogwa dao. Tama me Johanan, te Tobiago ogwago, te Mesulamgo wegi sali, te Berekiago ogwa da. Tama dago te obo banis seş geselebo sogo, te tobolu bidi dabe dali, te Tobiago me, te pas hauwa ugwaba, edaba tolo-duai dao. ¹⁹ Tama te tobolu bidi dabego enabolo te Tobiago wiegi yai kolesaga ebo po pusagasai. Tama augwaligo te Tobiabolo te eno ebo seş po tigidali pusigi peyu yai. Tiali goli, Tobiago te pas hauwa enaba tolali, te ena wi ilibo pas tolai dao.

7 Megi da, te masigi obo seş silibaso, tama dago te nigali sunumi dabe te augwa muabo pesagede muani, tama dago te Jerusalem sunumi dabe tonalubobidi dabeba te seş mawai. Tama me dago te Godigo nogi ugwaba siyu, te balia po wabo bidi dabeba me te seş mani, tama dago te Livai hani bidi dabeba te seş mawai. ² Tama eno te Jerusalem tonalubobidi si nigilai. Bidi me deli te Hanani, eno ama da, tama gasa bidi me te nogi Hanania da, te Jerusalemde ami bidi dabego polalubo ofisa bidi da. Hanania aga doloba pai bidi mu, tama te God dologode mu bidai. Agai kolesagago te gasa bidi dabego kolesaga aiyaba elaluai dao. ³ Tama eno augwali siba te tiwai po wai, "Dage sigo te tonalubo bidi dabego te Jerusalem obo banis sunumi dabe te kigamu digi mu tama te sunumi damainu me ilamuo," wali. "Augwaligo te giliga bolo ugwaba pedaligi pomainu tonaluyu bolo yao. Tama te tonalubo bidi dabego seş te pio siligi pabode, augwaligo te sunumi paliama, tama te bobage ain munama, te daų walao. Tama dage sigo te Jerusalem bidi meba nigilama, te tonalubo bidi dabe pedalumainu yao.

Tama dage sigo te gasa bidi dabe nigilama, te augwa be pađe digi tonalua pomainu yao." Eno te po wai.

Te Israel dabe te Jerusalemba ma asali bidi namba e dao

(Esr 2:1-70)

⁴ Te Jerusalem te genuai taun mu da, tiali goli te we bidi hauwa tede me bidisaşwai, tama be me hauwa me elalusişwai dao. ⁵ Tama Godigo ena te homu kolesaga mayu, te we bidi dabe dali, te polalubo bidi dabe me, te ofisa dabe dali, me te tigidali we bidi wai puluba augwaligo nogi te buku me delide aseşmainu yai. Eno tama tiainogo homu ebo sogo, tama eno te polasa te Babilon tagalama, te Juda Provinsba ma asali bidi hani dabego nogi elalubo buku me deli suali. ⁶ Te kibu be hauwa polobadu te king Nebukatnesargo te Israel we bidi hauwa selama, te Babilonba kalabus mugi pali. Tama nosali hauwa we bidi te Babilon tagalama, tama te Jerusalemba ma asali, te gasa Juda tų badu me asai. Tama augwali te augwa waj nų dabego taun tųba bidagasai dao. ⁷ Te augwali te Babilon tagalama ma asali sogo, te augwali odasa asiyu, te polasa asali bidi dabe nogi e tiwai, Serubabel, me Josua, Nehemia, Asaria, Ramia, Nahamani, Mordekai, me Bilsan, Misperet, Bikvai, Nehum, me Bana dao.

Te Israel hani dabego nogi te augwali Jerusalemba me Juda Provinsba ma asai. Tama te bidi hani dabego bidi dabego namba e tiwai dao. ⁸ Te Paros hani bidi namba te 2,172 da, ⁹ tama te Sefatia hani bidi 372 elaluai, ¹⁰ tama te Ara hani bidi 652 elaluai. ¹¹ Te Pahatmoap hani augwali te Jesua me Joap hani waj nų dabeda da, tama augwali hani bidi te 2,818 bidi elaluai. ¹² Te Elam hani bidi te 1,254 elaluai, ¹³ tama te Satu hani bidi te 845 elaluai, ¹⁴ tama te Sakai hani te 760 bidi elaluai. ¹⁵ Te Binui hani te 648 bidi elaluai, ¹⁶ te Bebai hani bidi 628 bidai, ¹⁷ te Asgat hani bidi 2,322 elaluai. ¹⁸ Te Adonikam hani bidi 667 elaluai, ¹⁹ tama Bikvai hani bidi 2,067 bidai, ²⁰ tama te Adin hani bidi 655 elaluai. ²¹ Te Ater hani, te aga gasa nogi me Heskia, te bidi elaluai, ²² tama te Hasum hani bidi 328 elaluai, ²³ te Besai hani bidi 324 elaluai. ²⁴ Te Harip hani 112 bidi bidali, ²⁵ tama te Gibeon hani bidi 95 bidai dao.

²⁶ E da te Judago taun nogi hauwa elaluai. Te taun dabe te augwa waj nų te Judaba ma asali bidi dabego taun page bulu dao. Te Betlehem taun me Netofa taun side bidali bidi dabego namba te 188 elaluai, ²⁷ tama te Anatot taun bidi 128 elaluai, ²⁸ tama te Bet Asmavet taun bidi te 42 bidali. ²⁹ Te Kiriart Jearim taun bidi dabe, me Kefira taun, me Berot taun, te bidi 743 elaluai. ³⁰ Tama te taun Rama me Geba bidi dabe 621 elaluai, ³¹ tama te taun Mikmas bidi te 122 bidai. ³² Te Betel taun me Aş taun bidi te 123 bidalio, ³³ tama te Namba 2 Nebo taun bidi te 52 elaluai. ³⁴ Tama te Namba 2 Elam taun bidi dabe te 1,254 bidali, ³⁵ tama te Harim taun bidi 320 bidai, ³⁶ tama te Jeriko taun bidi 345 bidali. ³⁷ Te Lot taun bidi, me Hadit taun, me Ono taun bidi

dabe te 721 bidai, ³⁸ tama te Sena taun bidi 3,930 bidai dao.

³⁹ Te pris hani dabego nogi dali, te Jerusalemba ma asali pris dabego namba dali, te e tiwai dao. Te Jedaia hani, te augwa waj nõu te Jesua da, te bidi 973 bidai.

⁴⁰ Imer hanigo 1,052 bidi elaluai, ⁴¹ te Pasur hani 1,247 bidai, ⁴² tama te Harim hani bidi 1,017 bidai dao.

⁴³ Te Livai hani dabego nogi dali, te Jerusalemba ma asali Livai dabego namba dali si, e tiwai dao. Jesua me Katmiel hani bidi 74 elaluai. Te bidi sigo waj nõu bidi te Hodavia dao.

⁴⁴ Te Godigo tempel bede musik wabo bidi dabe, augwali te Asap hani te augwali 148 bidi bidali. ⁴⁵ Te Godigo tempel be tonalubo bidi dabe augwali hani te Salum me Ater, Talmon, Akup, Hatita, me Sobai. Te augwali 138 bidi dao. ⁴⁶ Te Godigo tempel bede se ebo se bidi dabe te Jerusalemba ma asali, augwali te hani Siha, me Hasufa, me Tabaot dao, ⁴⁷ me Keros, me Sia, me Padon, ⁴⁸ me Lebana, me Hagaba, me Salmal, ⁴⁹ te me Hanan, me Gidel, me Gahar, ⁵⁰ Reaia, Resin, Nekoda, ⁵¹ me Gasam, Usa, Pasea, ⁵² me Besai, Meunim, Ne-fusesim, ⁵³ me Bakbuk, Hakufa, Harhur, ⁵⁴ me Baslut, Mehida, Harsa, ⁵⁵ me Barkos, Sisera, Tema, ⁵⁶ me Nesia, Hatifa, te tama hani bidi dabe dao.

⁵⁷ Te gasa hani dabe augwali te Solomongo se ebo bidi nogi yali, augwali me te augwa page buluba ma asai. Augwali te bage dabego hani dabe, Sotai, Soferet, Perida, ⁵⁸ me Jala, Darkon, me Gidel, ⁵⁹ me Sefatia, me Hatil, Pokeret Hasebaim, me Emon da. ⁶⁰ Te Godigo tempel bede se ebo bidi dabe me, te Solomongo se bidi dabe dali, te augwa page buluba ma asali bidi, te 392 dao.

⁶¹⁻⁶² Te Delaia, Tobia, Nekoda, te hani bidi dabe augwaligo namba te 642 da. Augwali te taun Telmela, me Telharsa, me Kerup, me Adon, Imer bidi dabe da wali. Tiali goli, te bidi selago te augwa waj nõu nõu nogi te augwa kuna konesiawai elaluai. Tama tibaso, augwaligo te Israel tobolu bidi dabebolo te augwa hani page bidi dabe nogi bugagia ola maiabo sunumi meni yai, augwali te Israel haniwe, ma meniwe, te konebeo.

⁶³⁻⁶⁴ Te pris hani mebago te augwa waj nõu dabe te tigidali pris hani nogi elalubo bukude gegebo se yali. Tiali goli, augwaligo te augwali nogi elalubo me subeo. Tama tiyu, augwali te pris mu dawe, ma meni, te bugagia ola maiabo sunumi meni yai. Te bidi dabe augwali nogi e tiwai, Hobaia, Hakos, Barsilai. Te polobadu te Barsilai hani waj nõu bidigo te gasa Barsilai hanigo te Gileat taun wegi me deli sai. Tama te waj nõu te aga ayago waj nõu nogi sabi poai. Te hani selago te augwa waj nõu nõu nogi gegesawai, tama tibaso te tobolu bidi dabego homugo te augwai olo bidi tiwai da homu elama, tama augwaligo te augwali pris bidi bidimainu me iligobeo wai dao. ⁶⁵ Te Juda polalubo gavman bidigo te bidi dabego te Godiba ofa ebo nai tugio olama, habu selali. Agai te po wai, augwa te polalubo pris me ped-alubaso da, teda te polalubo prisgo te Godigo homu konea sabo masigi si selama, tama Godigo te bidi

dabe te pris bidi se sogowe, ma meni egowe, te po wabo odaibao wai. †

⁶⁶ Te ma asali tigidali Israel bidi dabego namba e dao, te 42,360 dao. ⁶⁷ Tama te se ebo bidi me se ebo we augwaligo namba e tiwai, 7,337 dao. Tama te musik elibo koneai bidi dabego namba te 245 elaluai dao. ⁶⁸⁻⁶⁹ Tama te hos dabe 736, te kamel dabe 435, te donki dabe 6,720, tama te hapkas hos me donki dabe namba te 245 elaluai dao.

⁷⁰⁻⁷² Te we bidi hauwago mone me doado bage te Godigo tempel be ma se emainu tau sabo nai mawai. Tama polaluali gavman bidigo te gol mawai, te aga sege usu te 8 kilogram yali, tama 50 dis pou gol, me 530 te prisgo mubo wiegi yai ugwa mawai. Tama te deli deli hanigo tobolu bidigo te 168 kilogram sege elalubo gol mayu, te 1,250 kilogram silva me mawai. Te gasa we bidi dabego te 168 kilogram sege elalubo gol, me 140 sege elalubo silva, me 67 te pris dabego gudubo ugwa me mayu yai dao.

⁷³ Te pris dabe me Livai dabe, te tonalubo bidi me se bidi, te Godigo tempel bede se bidi dabe me, te musik wabo bidi dabe, me te gasa Israel we bidi dabe, tigidali pelama, te augwa taun dabeba digi te Juda Provins to pedaiba bidada palio. Tama te polua 7 wabo polua pedalubo sogode, te tigidali we bidi augwa taunba bidada pela silalio. ††

Esrago te we bidigo lotu wabo ma gagalobode augwali tau sali

(Daj 8-9)

Esrago te Godigo bomai po te we bidi dabeba neda mawai

8 ¹⁻² Te polua 7 wagi soabode, te dei deli wabo side, te we bidi dabe aselama, te Jerusalemba sisinagasali, te sisinibo pesage te We Sabo Sunumi paba sisinani. Augwaligo te Esraba hanalu wai, te pris te Godigo bomai po page koneai bidigo, te bomai pogo buku sela asao wali. Te bomai po Godigo te Israel dabeba te Mosesgo nogode mawai. Tialima, Esrago te buku selama, tama te sisinibo pesageba sela pali. ³ Tama aga dolugulama, te bomai po te we bidiba te kigamu mu nedada pidubadi, te belo giliga tomo yagasobadi, te nai tubo siba usu nigi pai. Tama augwa te Esrago poba olo bugagia muai. Tama te olo bugagia munama, te po selama, koneabo usu ebo wai dabe, augwali me te sisinibo madide bidai dao.

⁴ Hasia bolo augwali te bo nami selama, te Esrago te bomai po dolalu nedabo pesage me deli nigilai dao. Tama te Esra te pesagede dolaluai. Tama tede agai dolo nogo badu te bidi meba dolaluali, augwali nogi te tiwai, Matitia, Sema, Anaia, me Uria, Hilkia, me Masea. Tama te gasa bidi meba te pobase nogo badu dolalu-

† 7:65 Sai 28:30; Bom 33:8 †† 7:73 1 Sto 9:2; Neh 11:3

ali, augwa nogi te tiwai, Pedaia, Misael, me Malkia, Hasum, Hasbadana, Sekaraia, me Mesulam dao.

⁵ Te Esra dolugulumainu nigali pesage, te dwasianu ugwanu elaluai. Tama aga te bomai po neda mawainu dolugulubo sogo, te tigidali we bidigo aga suabo usu yali. Tama agai te buku dagabo augwaligo subo sogo, te tigidali we bidi dolugulai dao. ⁶ Tama Esrago te po wai, "Te Genuai Bidi nogi ugwaba sao. Agai te bomai God mu dao." Tama tigidali we bidigo augwa nogo ugwaba selama, te tiwai po wali, "Mu da, mu dao," wai. Tama tigidaligo kidu sugunu gulama, tama augwa tobolu t̄ba basi gulama, tama augwa te Genuai Bidiba lotu po wai dao.

⁷ Nosali te we bidi hodaluama, ma dologulalio. Tama te Esrago te bomai po augwaliba neda mabo sogo, te Livai mebago te bomai po page pusa mawai. Te Livai dabego nogi te tiwai, Jesua, Bani, Serebia, me Jamin, me Akup, me Sabetai, Hodia, me Masea, Kelita, Asaria, Josabat, me Hanan, Pelaia dao. ⁸ Esrago te bomai po te Hibru pogo nedali, tama te Livai dabego te Aram pogo begelama, te we bidi dabego bugagia konemainu yai. Tama te Livai dabego te bomai po page augwaliba pusali.

⁹ Te we bidi dabego te bomai pogo wabo po odolama, tama augwali haliga seḡe mu elama, tama augwa gela walio. Tama te polaluali gavman bidi Nehemia, me pris Esra, tama te Livai dabego te we bidi augwaliba te tiwai po wali, "Megi te dago Genuai Bidi Godigo te genuai bodolu muai side dao. Tama tiyu, dagego te homu dene eyu, gela weyu me igio," wali. ¹⁰ "Tagaliḡo, dage te duga beba pelama, te genuai nai daa tugi piḡo. Tama dagego te meba nai me, wain me, te nai s̄ḡa pali we bidi dabe maiḡo. Megi te Genuai Bidigo side digi da, tama tiyu dagego haliga seḡe me igimio. Menio. Dagego wiegi yai homu pemene te Genuai Bidiba elama, tama agai dage bomu mawaibao," wali. ¹¹ Tama te Livai dabe te we bidi augwali tomode biliyu, tama te po augwaliba mayu, te augwali haliga dua nagame elama bidimainu ilali. Augwaligo te tama po augwaliba wali, "Te haliga seḡe ebo tagalao. Megi te Godigo genuai bodolu side me da, tama dagego homu dene me igimio," wali. ¹² Tama te we bidi augwa beba pelama, tama augwa homu wiegi yai pemene elama, te nai me weḡe tuyu yai. Tama augwaligo te nai dage te nai s̄ḡa pali we bidi mawai. Megi da, augwaligo te Godigo po page bugagia koneama, tama tiyu augwaligo te seḡe dabe yai dao.

Te osogo tama bulaluyu bidibo bede bidibo genuai sogo dabe

¹³ Te nosali me sogo be posobode te deli deli hanigo tobolu bidi dali, te pris me Livai dabego dali, te Esra sugi pali. Augwaligo homugo agai te bomai pogo po page te augwali bugagia ola momainu yai, ¹⁴ Godigo te bomai po te Israel dabebolo te Mosesgo nogode mawai. Tama augwaligo po me deli te bomai pode elalubo suai. Te po e tiwai, te polua a naga olama, me badu si wabo te genuai side pedalubo sogo, te Israel

we bidi te osogo bulaluyu bidibo bede bidibo wai.

¹⁵ Tama augwaligo te tigidali Jerusalem we bidiba me te gasa taunba po ola tolali. Augwaligo te tama po wali, "Dage te bulu duba pelama, te oliv ni nologo me, yabe me, te yogo ma sebedi yabe dabe me sao, tama te gasa yabe hauwa elalubo tobage ni yabe dabe sese-lama, te osogo bidabo be seḡe yao. Dagego te bomai pode wali po wali pelama, tama te seḡe dabe iyḡo," wai. ¹⁶ Tialima, te we bidi pelama, te ni nologo sigi pelama, tama sela aselama, te osogo bidabo be dabe seḡe yani. Mebago te augwa be ugwadu daide digi seḡe yani, tama mebago te augwa be obo tomode seḡe yani, te augwa be mesalode, tama mebago te Godigo tempel be obo banis bagulali madi seḡe yai, tama mebago te Weḡe Sabo Madi Sunumi paḡe te bidi sisinibo madi paḡe seḡe yani, tama te Efraim Sunumi paḡe elalubo sisinibo madi seḡe yani. ¹⁷ Te Babilon tagalama ma asali we bidi tigidali, augwaligo te osogo bidabo be seḡe nama bidali. Te polobadu mu te Nungo ogwa Josua bidali sogo, te Israel dabego te tobage osogo bidabo be seḡe yani. Tiali goli, te nosali Josua isai madi, augwaligo te kolesaga tagalama, bidada asali, te megi te sogoba usu naga-sai. Tama megi da, te Israel dabego te kolesaga ma hodolama yali. Tama tiyu, tigidali we bidigo homu wiegi yai pemene mu yai dao.

¹⁸ Augwaligo te genuai side te lotu wabo sogo te a naga olama, me badu si, te tama sogo bodolu muani, tama te tigidali side Esrago te bomai po elalubo bukude te Godigo bomai po meba te we bidiba neda mawai. Tama te 7 wabo side tigidali sisinama, tama te genuai side sia sabo lotu po walio, te bomai pode wali po tiwai gilama yai dao.

Te we bidi dabego augwa seḡe po pusali

9 Tama te poluago digi, te dei 24 wabode, te Israel dabe sisinagasai. Tama augwa te nai osogo tubo habu selali, te augwa seḡede te homu dene ebo tiwai te augwa Godiba ola mayu tiali. Tama augwa te homu dene ebo ugwa dabe gudama, tama augwa toboluba te hogomu dabe muani, te augwa homu dene ola mabo tiwai ilali. ² Te we bidi augwaligo te Israel hani isḡawai hani bidi dali kisasa bilali kolesaga te tagalali. Tama augwali dolalu, te augwa seḡe me, te augwa wḡe nḡu dabego seḡe me pusali. ³ Tama te sela auade te bidi mebago te augwa Genuai Bidi Godigo bomai po te augwaliba neda mobaso, tama te we bidi dabego olo bugagia muai. Tama nosali, augwaligo te augwa seḡe pusulama, tama Godiba lotu ma udubadi, te sela aua usu nama bidali. ⁴ Te Livai meba te po pusubo pesageba dolugulama, tama augwa Genuai Bidi Godiba i bomu elama weyu, tama augwa agaba gedu haluasa po wai. Te Livai dabego nogi te tiwai, Jesua, me Bani, me Katmiel, me Sebania, me Buni, me Serebia, tama gasa Bani, me Kenani dao. ⁵ Tama nosali te Livai mebago te we bidi dabeba po weyu, te augwaligo Godiba lotu ma waiḡo po wai. Te Livai dabego nogi e tiwai, Jesua, Katmiel, me Bani, me Hasapnea, me Serebia, Ho-

† 8:15 Prs 23:33-36, 39-43; Bom 16:13-15

dia, Sebania, me Petahia. Augwaligo te tama po wali, "Dage dolugulama, te dena Genuai Bidi God nogi ug-waba sişo Sesemane bidada pabo sogo sesemane da-go te aga nogi ugwaba sao," wai dao.

Sęęę sela şamainogo gedu haluasa wabo po

Tama augwa te gedu haluasa po wali, "Genuai Bidi, dago te nago genuai nogi ugwaba sainu ebao. Tiali goli, dago te wiegi yai pemene ebo homu te olo nai ti-wai ebao. Nago nogi te genuai mu da, tama tiyu dago konebao, dago pemene ebo te nago gedude usu meni ebao. ⁶ Nagaduba deli naga nage Genuai Bidi da. Na-go te dagalu me, hş dabe me, tş me, tamu aş, te tigi-dali elalubo nai augwali nigai. Tama nago te tigidali naiba te bidabo ula mabo dao. Tama te tigidali da-galude bidibo ensel mobo bidi dabego nageba kidu sugunama, lotu po wabo dao. ⁷ God, Genuai Bidi, nago naga te Abram daş ilama, tama aga te Babilon Provins-de, te taun Ur, tede selama, tama aga odasa asali. Tama nago agai nogi hasegelama, tama te nogi Abra-ham agaba mawai dao. ¹⁸ Nago agai homu haliga to-mode suali, te nage naga wali pabo homu bomu yai, tama tibaso nago aga dali te bomai po daş walali. Tama nago agabolo te po daş waliyu, te Kenan dabego tş, me Hit dabego tş, me Amor dabego tş, me te Peres dabego tş, me Jebus dabego tş, me te Girgas dabego tş, te maiabo po daş wai. Tama nago te po wali, te tş te aga waş nõş dabego tş pedalaibao wali. Tama nago naga te daş wali po me togobeo, magi ba-so meni, nago kolesaga te doloba pai mu elalubo dao." ^{††}

⁹ "Tama nosali te dago waş nõş dabe te Isipde bidali sogo, te Isip dabego augwaliba genuai sęęę mabo na-go suali. Tama nosali augwaligo te Isip tagalama, te tamu aş Retsi teba sabalu, te augwali tau sao olama, te nageba gela wabo nago odalio. ¹⁰ Nago te Isip king me, ofisa dabe me, te Isip we bidi dali, te augwali aiya-ba elaluainu te nago gasagi yai tedali bomai sę me yai. Nago tama tiali, magi baso meni, te Isip dabego naga we bidi dabeba te dwai sę mu ebo nago suai. Te sogo nago naga bomu te tigidali we bidiba ola mawai. Tama augwaligo nageba genuai nogi mena mena asali, te megı e sogoba usu nagasobao. ¹¹ Nago po obaso, tama te tamu aş si badu buga selama, tama tş wa pai nigilai, tama te we bidi dabe te tomodu peyu, te u badu pedaiba sabolali. Tama te Isip ami dabego nago we bidi pobeasa asali, tiali goli nago te tamu aşigo te Isip dabe augwali mesega somainu elama, tama aug-wali te węba masigi tiwai dulama, te augwali ela silai dao. ¹² Te giligade te ula elalubo sogo nage te pş me deli tomode bidiyu, tama te Israel dabe augwali asobo badu te nage polasa pali, tama augwaligo nage wali asali. Tama te be hulıa sabode, nage te sia tomode bidiyu, tama nago ulago te augwali pabo sunumi ola mawai dao. ¹³ Tama augwali te Sainai bulu duba sa-

balubo sogo, nage te dagalude bidiyu, tama augwali-ba po miai. Tama nage aiyaba dulama, nage te bulu dude bidai. Tama nago augwaliba te wiegi yai doloba pai bomai po mawai dao. ¹⁴ Tama nago augwaliba te po waliyu, te Sabat genuai side te bodolu nageba mubo tiwai nigilao po wai. Tama nago te haniani bo-mai po tigidali te dago waş nõş dabeba mayu, te naga sę bidi Moses nogoba muai dao." ^{‡‡}

¹⁵ "Te augwali nasi ebo sogo, te nago te tubo nai da-galudu dulumainu ilama, te augwali tumainogo yali. Tama augwali te wę nogone ebo side, nago te masigide wę pedalumainu elama, te augwali tumaino-go ilali. Tama nago augwaliba weyu te augwali mawaibao olama, te po daş wali tş te sgameo wai." [§]

¹⁶ "Tiali goli, dago waş nõş dabego te hagoma mu eyu, tama augwa tobolu te dila pelama, tama augwali-go te nago po sela şawani. ¹⁷ Tama augwaligo nago po wali pabo hagela yali. Te nago augwali tau selama, te bomai sę genuai tigidali yali te augwaligo homu kone-siayı gegeda palali. Tama augwali hagoma mu elama, tama augwa te tobolu bidi me deli nigilama, te augwa kalabus sę yali Isip tşba ma odasa pomainu yali. Tiali goli, God, nago da tşde we bidigo sęęę sela şabo dao. Tama nago da godolo geninama eyu, tama daba wiegi yai sę mu ebo da. Tama nago haliga sębş polo me egobeo. Menio. Nago te olo mu tau sabo wiegi yai ho-mu kolesaga te umabo me elalu, tama tiyu nago dago waş nõş dabe tudiba me mubeo." [¶]

¹⁸ "Te augwali Sainaide bidali sogo, augwaligo te gol selama, tama te bulmakau piksa nigilama, tama aug-waligo te po weyu, te bulmakau augwa god da olama, tama agai augwali te Isipde selama odasa asai da, walio. Tama te kolesagade te augwaligo nago nogi posoyu dolai dao. ^{¶¶19} Augwaligo te tama tiwai yali, tiali goli nago augwali te tş wa pai bulude me taga-lobe, magi baso meni, nago te olo tau sabo wiegi yai homu kolesaga mu augwaliba yai. Nago te augwali giligaba sunumi ola mabo pş te dagala me sabeo, tama nago te augwali be hulıa saidu pobadi, te sunu-mi ola mani sia ula, te me dagala sabeo. ²⁰ Nago te na-ga wiegi yai Mobo Noma Bidi te augwaliba mayu, te augwali ola momainogo yai. Tama nago te tubo nai mana me wę augwali menama, te augwali te nai me wę dali tumainu yai. ²¹ Augwali te kibu be bidi sese si te tş wa pai bulude bilidubadi yali, tama te kibu be tigidalide te nago augwali nai madu bugagia tonalu-dali. Tama augwaligo gudali ugwa dabe me te me pisi-la pişama, tama augwali şaş me dene elama me dabego." ^{¶¶}

²² "Nago te dago waş nõş dabego te king Sihon te Hesbon bulu tş bidi dali, me tama te king Ok te Basan tş pedai bidi si dali hwjmainu ilali. Tama augwaligo te augwali si aiyaba elaluama, tama augwali sigo tş salio. Tama te tş te augwa genuai tş pedai mu pedelai dao. ^{¶¶23} Tama nago augwaliba te wai dabe hauwa mawai,

† 9:7 Gag 12:1; 17:5 †† 9:8 Gag 15:18-21 ‡ 9:9 Sai 3:7; 14:10-12 †† 9:10 Sai 7:8-12:32 ‡‡ 9:11 Sai 14:21-29; 15:4-5 ††† 9:12 Sai 13:21-22

‡‡‡ 9:14 Sai 19:18-23:33 § 9:15 Sai 16:4-15; 17:1-7; Bom 1:21 §† 9:17 Sai 34:6; Nam 14:1-4, 18; Bom 1:26-33 ††† 9:18 Sai 32:1-4 §† 9:21 Bom 8:2-4 §†† 9:22 Nam 21:21-35

te dagalude elalubo hõ dabe tiwai pedelali. Tama nago te augwaligo te boi bidi dabe aiyaba elalumainu ilama, tama nago te augwa bulali waji nõu dabeba mawainu te po daş walali tõ somainogo yai dao. ^{†24} Tama augwaligo te Kenan hani bidi dabe dali te boi hwjani sogo, nago digi te Kenan dabe aiyaba elalumainu ilama, tama te bulali waji nõu dabego te tõ somainu yali. Tama augwaligo te hani aiyaba elalubo sogo, tama nago te augwa homu kolesaga wali pomainu elama, tama te we bidi dabeba dene mabo seş dwai ilali, tama te Kenan tõ king dabeba me te dwai mu yai dao. ^{††25} Tama dago bulali waji nõu dabego te boi hwjnama, tama te bomai obo banis elalubo taun siyu, tama te ili hauwa elalubo tõ sobadi, te doado bage hauwa paşanalubo be dabe me sali. Tama augwali te bidigo nigai dwasianu sigi aji dabe sali, tama te wain gi, me oliv ni gi sobadi, tama te wiegi yai nai hauwa elalubo tobage ni dabe me salio. Tama augwali te bulu tõ pedaiba bidigi pali sogo, augwa te wiegi yai nai hauwa tuyu, te augwa tigi genuai nisali, tama nago wiegi yai nai tigidali augwaliba mawai baso, te augwali homu wiegi yai pemene mu yai dao." †

²⁶ "Tiali goli, te we bidi augwali te hagoma mu elama, tama augwaligo nago po sela şawai. Tama nago bomu yai poba augwaligo tudi ola mawai. Tama nago te profet bidi dabe augwaliba tagala palali, te augwaligo te nago bomu yai po augwaliba magasu asali, te augwali homu begelama, nageba ma asomainu yai. Tiali goli, augwaligo te profet dabe ela muani. Tama hauwa sogo augwaligo te tiwai kolesaga yali, tama augwaligo nago nogi mu dolai dao. ^{††27} Tama tibaso, nago augwali gogolama sula tagaliyu, te boi bidi dabego augwaliba boi hwjagasomainu elama, tama augwali aiyaba elaluama, tama augwaliba dwai seş ilali. Tiali goli, nosali te bulali waji nõu dabego nageba hanalu, te augwali tau sao olama, i wali. Tama nage te dagalude bidiyu, tama augwaligo gela wabo nago odali, tama nago te olo tau sabo wiegi yai kolesaga augwaliba umabo mu elama, tama nago te bidi meba augwaliba tagala palama, te boi bidi dabe sela şamainogo yai dao."

²⁸ "Tiali goli, te augwali bugagia ma dugulalu bidibo sogo, polo tama augwaligo dwai seş ebo kolesaga ma ebaso, tama nago te boi bidi dabego augwali aiyaba elalumainu elama, te augwali tonalubo seş yai. Tama te sogo me augwali homu ma begelama, tama augwaligo nageba hanalu, te augwali tau sao wai. Tama nage te dagalude bidiyu, te augwaligo i wabo odali. Hauwa sogo augwaligo te tiwai kolesaga naga iduali, tiali goli nago wiegi yai homugo olo mu tau sabo kolesaga augwaliba iduali, tama tigidali sogo nago augwali te boi bidi dabego nogode ma dobola sidu geai dao."

²⁹ "Nago po bomu elama augwaliba weyu, te nago bomai po wali pomainu yali. Tiali goli, augwaligo hagoma eyu, tama augwaligo nago bomu yai poba tudi ola mawai. Augwaligo koneani, augwaligo te bomu

yai po wali pobaso da, te augwali bugagia bidimainu yai. Tiali goli, augwaligo tobolu te dila pelama, tama augwaligo tabi haliga te dagana sali, tama tiyu te augwaligo nago po wali me pişawai dao. ^{##30} Te kibu be hauwa nago dua dua tau sabo seş augwaliba eyu, tama augwali homu begelişo wai. Te nago Mobo Bidigo te po te profet dabeba mawai, tiali goli te waji nõu dabego te po odişawai. Tama tibaso, nago augwali te gasa bulu tõ pedai bidi dabego nogoba mawai dao. ^{##†31} Tiali goli, nago olo tau sabo wiegi yai homu kolesaga te genuai mu elalubo, tama tiyu nago augwali tudiba me muşama, tama nago augwali mu dolomainu me ebeo. God, nage te olo mu tau sabo wiegi yai homu kolesaga me homu dene ebo page bidi mu da, tama nago da wei eyu, godolo mu ebo dao."

³² "Dago God, nago genuai nogi me genuai bomu elalubao. Da tigidali te nago bomu dologode bidibao. Tigidali sogo nago te naga daş walali bomai po wali pelama, tama nago dabo te olo mu tau sabo wiegi yai kolesaga ebaso. Megi da te genuai seşge tolai, tama tiyu dago homugo nago da homu koneama tau sao. Polobadu te Asiria king dabego te dago kingba, me tobolu bidi dabeba, me pris, me profet dabeba dwai seş eyu, te dago waji nõu dabeba me te tiwai yai. Tama te seşge dade elalua asidubadi, te megi e sogoba usu nagasobao. ^{##†33} Dago te dwai seş ebo kolesaga ebaso, tama nago te daba dene ilibo seş yali. Tama nago te kolesaga te dolo ebaso. Sesemane sogo nago te naga daş walali bomai po wali peyu, tama nago da tau sali, tiali goli dago hagoma eyu, tama dwai kolesaga haniani ebo dao."

³⁴ "Mu tama, te dago waji nõu dabe, me king dabe, me tobolu bidi dabe, me pris dabe, augwaligo te nago bomu yai po wali me pişawai. Te nago bomu yai po augwaliba weyu, te nago po tigidali augwaligo wali pomainu yali, tiali goli te augwaligo te po odobo hagela homu eyu yai dao. ³⁵ Te dago king bidali sogo, nago te waji nõu dabeba wiegi yai seş mu eyu, tama augwaliba wiegi yai nai mawai. Augwali te genuai tõ pedaide bidalu, tama te tõ ili umabo hauwa elalubo genuai tõde bidai. Tiali goli, augwaligo te homu kone palobeo. Menio. Augwaligo te dwai seşge sabo seş naga iduali, tama augwali homu begelama, te nageba ma asobeo. ³⁶ Megi da te wiegi yai tõde ma bidibao, te wiegi yai tõ nago te da bulali waji nõu dabeba mawai. Te wiegi yai ili elalu, tama dago tede nai hauwa siyu yali. Tiali goli, da te gasa hanigo olo seş ebo bidi tiwai bidibo dao. ³⁷ Dago te dwai seşge sabo seş yalio, tama tibaso nago te gasa bulu tõ pedai kingo da tonalumainu yai. Tama augwaligo te dago tõde pedalubo nai tigidali siyu ebo dao. Te kingo te po obaso da, teda dago dali te dago tonalubo nai kibu dabego me te agai homu wali naga pabo dao. Tama tiyu, dago seşge genuai mu elalubo dao," augwaligo te po wali.

† 9:23 Gag 15:5; 22:17; Jos 3:14-17 †† 9:24 Jos 11:23 † 9:25 Bom 6:10-11 †† 9:26 Tob 2:11-16

9:29 Prs 18:5 ††† 9:30 2 Kin 17:13-18; 2 Sto 36:15-16 ††† 9:32 2 Kin 15:19, 29; 17:3-6; Esr 4:2, 10

Nehemiago te Jerusalem hanu me te Juda bage tonaluali

(Daj 10-13)

Te we bidi augwaligo te Godigo bomai po wali pabo po minama, daų walali

³⁸ Te gedu haluasa po ola silama, da tigidali Israel we bidi da tigidaligo te daba pedalubo seųęde homugo kone palama, tama dago homu deli elama, tama tialima te Godigo bomu yai po dago wali mu pabo homu eyu, tama te da daų wabo bomai po me deli aşani. Tama te dago pris dabe dali, te Livai dabe, me tobolu bidi dabe, augwali aselama, tama te kontrak aşani pode augwa daų ilama, tama te po bomu elama daų walai dao.

10 Hasia polalubo bidigo nogi aşani, te polalubo gavman bidi Nehemia, te Hakaliago ogwa dao. Tama te Nehemia tudi badu nosali, Sedekaia aselama, te nogi aşagasali. ² Te Sedekaia tudi badu nosali te pris dabe aselama, nogi aşagasali. Augwali nogi e tama tiwai, Seraia, Asaria, Jeremaia, ³ me Pasur, Amaria, Malkia, ⁴ me Hatus, Sebania, Maluk, ⁵ me Harim, Meremot, Obadia, ⁶ me Daniel, Gineton, Baruk, ⁷ me Mesulam, Abiya, Mijamin, ⁸ me Masia, Bilgai, me Semaia dao.

⁹ Te pris dabe tudi badu nosali te Livai dabego nogi aşagasali. Augwali nogi e tama tiwai, Jesua, te Asaniago ogwa, tama Binui, te Henadat hani, te Katmiel, ¹⁰ tama Sebania, Hodia, Kelita, Pelaia, Hanan, ¹¹ me Mika, Rehob, Hasabia, ¹² me Sakur, Serebia, me gasa Sebania, ¹³ me Hodia, Bani, me Beninu, te tama dao.

¹⁴ Te Livai dabe tudi badu nosali, te hetman dabego nogi aşagasali. Augwali nogi e tiwai, Paros, Pahatmoap, Elam, me Satu, Bani, ¹⁵ me Buni, Asgat, me Bebai, ¹⁶ me Adoniya, Bikvai, me Adin, ¹⁷ me Ater, Heskia, me Asur, ¹⁸ me Hodia, me Hasum, Besai, ¹⁹ me Harip, Anatot, Nebai, ²⁰ me Makpias, Mesulam, me Hesir, ²¹ me Mesesabel, me Sadok, Jadua, ²² me Pelatia, Hanan, Anaia, ²³ me Hosea, Hanania, Hasup, ²⁴ me Halohes, Pilha, Sobek, ²⁵ me Rehum, Hasapna, me Masea, ²⁶ me Ahiya, me gasa Hanan, me Anan, ²⁷ me Maluk, Harim, me Bana, te tama dao.

Te deli homu elama daų walali po

²⁸ "Da Israel we bidi dabe dago te po daų walobo kontrak po aşbao. Da te pris dabe, me Livai dabe te Godigo tempel be tonalubo bidi, tama te Godigo bede seų ebo bidi dabe me, te Godigo bede musik wabo bidi dabe, tama te tigidali gasa we bidi dabe me, da tigidaligo te Godigo bomai po wali pelama, tama dago te bulu badu bidi dabe, te Israel hani isawai bidi, te dago tų pedaide bidalubo bidi dali kisasa me biligobeo. Da te dena we dabe dali, tama te dago wai dabego dali

me tama te poba olo bugagia munama, te koneainu yali, ²⁹ da te dena deli kaneme dabe dali, me te dago tobolu bidi dabe dali sisinagaselama, dago bomu yai po daų waliyu, te dago Godigo bomai po sesemane sogo wali paibao wai. Te bomu yai po te Godigo te dago wai nų dabeba mayu, te aga seų bidi Mosesgo noga mawai. Dago Genuai Bidigo te tama po wai, dago te bomu yai po dabe te bugagia wali peyu, te agai po tigidali me wali pao wali. Tama tibaso, dago te po bomai weyu, te dago wali paibao wali, tama dago te bomai po togolobaso da, teda te Godigo da dolomainao."

³⁰ "Tama dago te po weyu, te dago bulu tų pedai pađe bidalubo Israel hani isawai bage dago te hani dali we si mu egobeo po wai dao." †

³¹ "Tama te bulu badu hani bidi dabego te nai wit ma gasa tobage nai te Sabat sogode, ma gasa genuai lotu wabo sogode sesebaso da, teda dago me abeligobeo, wali."

"Tama te kibu be a naga olama, me badu nogi si, te wabo kibu bede dago te gide nai me bulugobeo, wali. Tama dago te kibu bede te tigidali negeli elalubo siminaibao." ††

³² "Tama te tigidali kibu bede te da deli deligo te dwasianu pedai dage silva mone menama, te Godigo bede muabo nai dabe abelmainu yaibao wali. ³³ Te silvago te bret abelama, te tebolde te God gedude muaibao, tama te tigidali side ofa iduabo wit abelainu yaibao, tama te tigidali side siaba ulama domainu yabo kibu sipsip dabe abelainu yaibao, tama te Sabat side te ofa yabo nai dabe me, tama me te gesi polua side, me te tigidali gasa genuai side te ofa yabo nai dabe abelainu yaibao. Tama silvago te da Israel dabego seų sela sayu ofa yabo nai dabe abelaibao, tama te gasa ofa, me te gasa tigidali nai te Godigo be tomode seų yabo nai dabe dao."

³⁴ "Tama da tigidali we bidi, me te pris dabe, me Livai dabe, dago te bomu yai pogo po wali pelama, tama dago te satu gagali elama, te mena mena hani nigilama, te sia sigi pelama, te selasa asiyu, te dena Genuai Bidi te Godiba sela asali ofa dabe ulabo sia sigi po-mainu yaibao."

³⁵ "Tama te tigidali kibu bede te dago te polasa inayani nai selama, te ni nedu du dabe polasa tau yali selama, te Godiba selasa asaibao, wai." ††

³⁶ "Tama da tigidaligo te dago gomunai wai te ogwa dabe selama, te pris dabeba odasa paibao, te Godigo beba, tama augwali dolo te Godigo da olama, sa muaibao. Tama dago te tigidali omai bulmakau wai, me sipsip, me meme selasa pelama, te augwali dolo sa munama, Godiba mawaibao. Dago te tiwai ebo te Godigo bomai pode wali po gilama yaibao." ††

³⁷ "Tama te tigidali kibu bede dago te hasia nigali bret nigabo plaua dage selama, te dago gide te polasa tau elama inayani naigo te agaga pali wit dao, tama te

† 10:30 Sai 34:16; Bom 7:3 †† 10:31 Sai 23:10-11; Prs 25:1-7; Bom 15:1-2 ‡ 10:32 Sai 30:11-16 †† 10:35 Sai 23:19; 34:26; Bom 26:2 †† 10:36 Sai 13:2

wain, me oliv wel, tama te tedali tobage ni wai dabe selama, tama dago te nai dabe te pris dabebolo te Godigo beba mawaibao.” †

“Tama te Livai dabego te dago gide holali nai dabe me deli te nogo si walide sagasainu ebo sogo da, teda dago augwaliba mawaibao. ³⁸ Tama te Aron hanigo pris dabe te augwa Livai dabe dali aselama, te nai dage me deli sagasaibao wai. Tama te Livai dabego te nai te nogo si pedai badu dobolama, tama me dage pedai deli te Godigo nai mubo be habuba mueibao wai dao. †³⁹ Magi baso meni, te da we bidi me te Livai dabego te hasia podolali tigidali nai te wit me, wain me, te oliv wel me sela aselama, te Godigo nai mubo be habuba muaibao. Tama te dis pou me te be habude munaluai. Tama te Godigo be habu nigilali, tede te pris dabego be habu me, te tonalubo bidi dabego be habu me te Godigo bede musik wabo bidi dabego be habu me elalua paibao.”

“Tama dago te Godigo be tonalubo şe munu me tagalogobeo. Te daş wali po te ola silali dao.” Te po da, te daş wali po mu dao.

Te Jerusalem taunde bidali we bidigo nogi dabe

11 Te sogo te Israel tobolu bidi dabe te Jerusalemde bidali, tama te meba we bidi augwali gasa hanu dabede bidada pali. Tama augwaligo satu gagali yali, te augwa nogo si hani tomode deli deli hani te Jerusalemba bidigi pabo bage sa mumainogo, te Godigo hanu. Tama te gasa hani meba augwali te gasa meba hanu dabede bidada pali. ² Tiali goli, te meba we bidi hanigo te augwa homu kolesaga wali pelama, te Jerusalemba bidigi pali, tama te Israel dabego wiegi yai homu pemene augwaliba yalio. ³ Te gasa Israel hani dabe me, pris dabe me, Livai dabe me, te Godigo bede şe ebo bidi dabe me, tama te king Solomongo şe bidi waj nõş hani dabe, augwali te augwa taunde me tşde digi bidaluai.

Te Juda tş provins pedai genuai bidi dabe te Jerusalemba bidagasali bidi dabego nogi e tiwai dao. ⁴ Te Juda hanigo tobolu bidi si elaluai, Ataia me Masea. Ataia aga te Usiago ogwa, tama aga bulali waj nõş te Sekaraia da. Te Ataia aga gasa me bulali bidi waj nõş te tiwai, Amaria, Sefatia, me Mahalalel. Augwali te bulali waj nõş bidi Peres da, te Judago ogwa dao. ‡

⁵ Masea te Barukgo ogwa da, tama te bulali waj nõş bidi da, te Kolhose. Te Maseago gasa bulali waj nõş dabe te tiwai, Hasaia, Adaia, me Joiarip, me Sekaraia. Augwali te waj nõş Selago wai dabe da, te Judago gasa ogwa me dao.

⁶ Te Peresgo hani 468 te bomai bidi naga te Jerusalemde bidai dao.

⁷ Te Benjamin hanide te tobolu bidi dabe elaluali, Salu, me Gabai, me Salai, me Joel, me Juda. Salu te Mesulamgo ogwa, tama Joetgo ogwago wai te agai waj nõş da. Te Salugo gasa bulali waj nõş dabe te tiwai elaluali, Pedaia, me Kolaia, Masea, Itiel, me Jesaia dao. ⁸ Tama Gabai de Salai si te Salugo hai name da

wali. Tama te Benjamingo we bidi hani tigidali te Jerusalemde bidali namba te tiwai, te 928 dao. ⁹ Tama Joel, te Sikrigo ogwa da, aga te Benjamingo hanide polalubo bidi bidali. Tama Juda, te Hasenuago ogwa te Benjamin hani da, aga te si wali Jerusalem pedai tobolu bidi dao. ¹⁰ Te Jerusalemde bidali pris dabego tobolu bidi dabe nogi te tiwai elaluali, Jedaia, te Joiaripgo ogwa, me Jakin dao. ¹¹ Tama tobolu bidi Seraia, aga te Hilkiago ogwa, tama waj nõş Mesulam. Tama te Seraiago waj nõş dabe te tiwai, Sadok, me Meraiot, me polalubo pris Ahitup dao. ¹² Te hani bidi te 882 te Godigo tempel be tomode şe yai dao.

Tobolu bidi Adaia aga te Jerohamgo ogwa, tama te waj nõş Pelalia da. Tama aga waj dabe te tiwai, Amsi, me Sekaraia, me Pasur, me Malkia dao. ¹³ Te hanide te 242 bidi elaluai.

Tobolu bidi Amasai aga te Asarelgo ogwa, te waj nõş Asai. Tama agai waj nõş dabe te tiwai, Mesilemot me Imer dao. ¹⁴ Te hanigo te bomai ami bidi te 128 elaluai. Tama te ami bidi dabe augwa tobolu bidi, te Sapdiel, tama aga te genuai nogi elalubo hani sibi bidi me deli dao.

¹⁵ Te Livai hani tobolu bidi dabe te Jerusalemde bidali te tiwai. Polalubo bidi Semaia aga te Hasupgo ogwa, tama te waj nõş Asrikam. Tama te Semaiago waj nõş bidi si, te Hasabia me Buni dao. ¹⁶ Tama tobolu bidi Sabetai me Josabat sigo te şe dabe te Livai dabego te Godigo tempel be bulu badu ebaso tonaluai. ¹⁷ Tobolu bidi Matania te Mikago ogwa, tama agai waj te Sapdi. Aga te Asap hani da. Te Godigo bede lotu po wabo sogo, Matania te bidi dabego gedu haluasa po weyu, Godiba usu da wabo tonalubo polaluali bidi dao. Tama tobolu bidi Bakbukiago te Matania te şe ebo tau sali. Tobolu bidi Apda aga te Samuago ogwa, tama aga waj nõş Galal. Aga te Jedutungo hani dao. ¹⁸ Te Godigo taun Jerusalemde bidali Livai dabego namba e tiwai, te 284 dao. ¹⁹ Te Godigo tempel be sunumi tonalu, te Jerusalemde bidali tobolu bidi sigo nogi e tiwai, Akup me Talmon. Te hanigo namba te 172 dao.

²⁰ Te gasa Israel we bidi dabe, me gasa pris, me Livai dabe te Juda gasa taunde bidali, te augwa tşde digi tama bidai. ²¹ Tama te Godigo tempel bede şe ebo bidi dabe te Ofelde bidali, te Jerusalem me badu, tama te bidi Siha me Gispa sigo augwali te şe ebo tonaluai dao.

²² Usi te Banigo ogwa da, tama waj nõş Hasabiago wai. Tama agai te Livai dabe te Jerusalemde tonalu bidali. Usi te Asap hani, tama aga waj si, me Matania me Mika da. Te Asap hanigo naga te Godigo tempel be tomode te musik elibo şe tonaluai dao. ²³ Kingo te bomoyai po me deli muyu, te mena mena hanigo te tigidali side Godigo be tomode musik elibo şe tonaluoobi bidi nidigili pai dao. ²⁴ Tama Petahia te Mesesabelgo ogwa, te Sera hani sibi, te Juda hani dao. Tama Petahia te Persia bidali te Israel dabe augwa pedauwali deliba munama, te king bidibolo po omainu ebo bidi bidai dao.

† 10:37 Nam 18:21 †† 10:38 Nam 18:26 ‡ 11:4 Neh 7:73

Te Juda me Benjamin hani sigo taun dabe

²⁵ Te we bidi hauwa te augwa taun t̄p̄ade bidaluai. Te Juda hani bidi meba te taun selade bidali, Kiriya Arba, me Dibon, me Jekapsel, tama te taun p̄ade elalubo bulu dabede bidalio. ²⁶ Tama meba te taun Jesua, me Molada, me Betpelet, ²⁷ me Hasarsual, me Berseba, tama me te Berseba p̄ade elalubo bulu dabede bidali. ²⁸ Tama meba te Siklakde bidali, me te Mekonade, me te Mekona p̄ade elalubo bulu dabede bidai. ²⁹ Tama meba te Enrimonde bidiyu, me te Sora, me Jarmutde bidai, ³⁰ me te Sanoa, me Adulam, me te taun p̄ade elalubo bulu dabede bidai. Tama meba te taun Lakisde bidai, tama augwa te Lakis p̄ade elalubo t̄p̄ade bidai. Tama meba te taun Asekade bidali, tama te p̄ade elalubo bulu dabede bidai. Tama te Juda dabe te Bersebade bidali, te saut badu, te Berseba tomode elalubo taun tomode bidai, tama te odogo t̄p̄ade bulu te Hinom te not badu me bidai dao.

³¹ Te Benjamin we bidi hani meba te Geba taun, me Mikmas, me Aija, me Betel, tede bidali, me te Betel taun p̄ade elalubo bulu dabede bidai. ³² Tama meba te taun Anatot, me Nop, me Ananiade bidai, ³³ me te taun Hasor, me Rama, me Gitaim, ³⁴ me te taun Hadit, me Seboim, me Nebalat, te taunde bidali, ³⁵ te Lot me Ono, te bidi dabego te haniani nai nigibo te odogo t̄p̄ade bulu pesage dao. ³⁶ Tama te tobolu bidi dabego te Juda dabe dali bidibo Livai dabeba te po waliyu, te mebage augwa bidibo page bulu tagalama, te Benjamingo hani dali bidigi pīa wali, tama meba teba bidigi palio.

Te pris dabe me Livai dabe augwali nogi dao

12 Te hauwa pris me Livai augwaligo te Babilon tagalama, tama te Serubabel dali te Jerusalem-ba ma asali, te Sealtielgo ogwa, tama polalubo pris Josua me asai. Te pris dabego nogi te tiwai, Seraia, me Jeremaia, me Esra, ² me Amaria, me Maluk, me Hatus, ³ me Sekania, me Rehum, me Meremot, ⁴ me Ido, Gineto, Abiya, ⁵ me Mijamin, me Madia, me Bilga, ⁶ me Semaia, me Joiarip, me Jedaia, ⁷ me Salu, Amok, Hilkia, me Jedaia. Te polalubo pris Josua bidali sogo, te pris dabe augwali te pris dabego tobolu bidi bidai dao.

⁸⁹ Te Livai dabe ma asali bidi dabego nogi e tiwai, Jesua, me Binui, me Katmiel, me Serebia, me Juda, me Matania, me Bakbukia, me Uno da. Matania te aga ama dabe daligo te Godiba buba hwi weyu, te usu da olama, balia po wabo bidi dabe tonaluai. Tama te hani-go te balia wali dage silibo si da, teda te Bakbukia me Uno dali te augwa si ama dabe, augwaligo te gasa balia po dage wei ponoyu, weyu yai dao.

Te polalubo pris Josuago w̄j n̄q̄ hani dabe

¹⁰ Josua te Joiakimgo aya, tama Joiakim te Eliasipgo aya, tama Eliasip te Joiadago aya dao. ¹¹ Tama Joiada te Jonatango aya, tama Jonatan te Jaduago aya dao.

Te pris hanigo tobolu bidi dabe

¹² Te Joiakim te pris dabego polalubo bidi bidali sogo, te pris dabe te augwa hanigo digi tobolu bidi bidali, Meraia te Seraia hanigo tobolu bidi, tama te Hanania aga te Jeremaia hanigo tobolu bidi bidai, ¹³ tama Mesulam aga te Esrago hani tobolu bidi bidali, tama Jehohanan te Amaria hanigo hetman bidai dao.

¹⁴ Jonatan aga te Maluki hanigo tobolu bidi, me te Josep aga te Sebania hanigo tobolu bidi bidali. ¹⁵ Te Atna aga te Harim hanigo hetman, te Helkai aga te Meraiot hanigo tobolu bidi bidali. ¹⁶ Sekaraia aga te Ido hani tobolu bidi, me Mesulam aga te Gineton hani hetman bidai. ¹⁷ Tama Sikri aga te Abiya hani hetman bidali, te Piltai aga te Miniamin hani me Moadia hani si tobolu bidi bidali. ¹⁸ Samua te Bilga hani hetman, te Jehonatan te Semaia hani hetman bidai, ¹⁹ me Matenai te Joiarip hani hetman, te Usi te Jedaia hanigo tobolu bidi dao. ²⁰ Kalai te Salai hani hetman, te Eber te Amok hanigo hetman bidali, ²¹ tama te Hasabia te Hilkia hanigo hetman, me te Netanel te Jedaia hanigo tobolu bidi bidai dao.

²²⁻²³ Te polalubo pris bidi Eliasip, me Joiada, me Jonatan, me Jadua bidali sogo, augwaligo te pris dabego tobolu bidi dabe nogi te buku me delide aşai. Augwaligo te tama tede asali te king Darius te Persia king pedelali sogoba usu nagasai. Tama augwaligo te Livai dabego tobolu bidi dabe nogi me aşani, tialima te bukude te Juda t̄p̄ade yali s̄e dabe po dodolama aşai. Tiali goli, augwaligo te tiwai ela asidubadi, te polalubo pris Jonatan bidali sogoba usu nagasai, te Eliasipgo w̄j te ogwa, tama nosali augwaligo munu me aşeboo.

Augwaligo te Livai dabebolo Godigo tempel bede s̄e manio

²⁴ Te Israel dabego lotu po odubadi, te God nogi ug-waba siyu, te agaba buba hwi wabo sogo, te Livai dabego te king Devitgo wali po tiwai gilama yali. Devit aga te Godigo po pusubo bidi da. Te Livai hani nani si dolugulama, tama te hani me deligo te balia po ola simanobo si da, teda te gasa hanigo te gasa balia po dage me wei ponoyu wali. Tama Hasabia, me Serebia, me Jesua, te Katmielgo ogwago, te s̄e tonaluai.

²⁵ Matania, me Bakbukia, me Obadia, me Mesulam, me Talmon, me Akup, te bagego te Godigo tempel be habude te doado bage mubo madi tonalubo s̄e elaluali. Te be habu togwali te Godigo be bobegela sali obo sunumi sesegede elaluali. ²⁶ Tama te Livai dabe te polalubo pris Joiakim bidali sogo bidali, te Josuago ogwa, tama te w̄j n̄q̄ Jehosadak, me te polaluali gavman bidi Nehemia, me pris Esra bidali sogo, te Godigo bomai po page bugagia koneai bidi dao.

Te obo te Godigo da olama, te lotu po wali

²⁷ Te Jerusalem hanu moni masigigo nigai obo silali sogo, te tigidali bidi sisinagaselama, te obo te Godigo

da olama, sa mubo lotu wali. Tama augwaligo te Livai dabe i weyu, te bidali pedai badu te taga soyu, te augwali dali deliba signagaselama, te wiegi yai homu pemene elama, te Godiba balia po weyu, usu da wali. Tama augwaligo te tiwai balia po wabo sogo, te Livai mebago te musik weyu elabo kapa plet si tola سیاو wai, tama mebago te haniani gita eliyu yalio. ²⁸⁻²⁹ Tama te augwali me, te Livai dabego dali, te Godigo bede balia po wali, tama augwa te bulu Netofa, me Betgilgal, me Geba, me Asmavet, me te augwa gasa bulu dabe taga solama, tama augwali te Jerusalemba sisinagasai. Te bulu dabe te Jerusalem pađe elaluai dao. ³⁰ Hasia bolo te pris dabe me Livai dabe te augwa digi te Godigo gedude magi sę isiawai wiegi yai mu pedalabo kole-saga wali pali. Tama augwaligo te tiwai tobage kole-saga te we bidiba eyu, me te Jerusalem oboba yai, me te obo sunumi dabeba me, tama tiwai kolesaga naga yai dao.

³¹ Ena Nehemia eno te Juda tobolu bidi dabe te obo daiba sisinama, tama eno augwali dobolama, te genuai hani si nigilama, te masigi obo ugwadu daidu biliyu, te taun tigidali badu bagula usu nama biliyu, tama te Godiba usu da olama, te balia po walio. Te polasa pabo hani te dolo nogo badu begasa peyu, te Pobele Bage Sela Şabo Sunumiba pedelali. ³² Hosaia dali, te Juda tobolu bidi meba dali, augwaligo te balia po wabo bidi dabe augwali wali bilai dao. ³³⁻³⁵ Tama te pris meba augwali wali peyu, te biugel bu ola pali. Augwali nogi te tiwai, Asaria, me Esra, me Mesulam, me Juda, me Benjamin, me Semaia, me Jeremaia. Tama Sekaraia te augwali wali pali. Sekaraia te Jonatango ogwa, tama waj nõu te Semaia. Tama aga bulali waj dabe te tiwai, Matania, me Mikaia, me Sakur, me Asap dao. ³⁶ Tama te Sekaraia aga nogi sabi bidi mebago te aga wali pai. Te augwali nogi te tiwai, Semaia, me Asarel, me Milalai, me Gilalai, me Mai, me Netanel, me Juda, me Hanani. Te hani tigidaligo te balia po wabo haniani nai tolali, te king Devitgo polobadu elali musik tobage tiwai, te Godigo po pusali bidigo, te gagali yali nai tiwai dao.

Tama pris Esra aga te polasa pabo hanide te polalubo bidi dao. ³⁷ Augwali pali te Wę Ulu Elalubo Sunumiba sabolama, tama augwali te togobilidu ugwaba holama, te Devitgo Taunba sabolali. Tama augwali peyu, te Devitgo genuai be edelama, te giliga ped-alubo te taun badu te Wę Tubo Sunumi oboba ma sabolalio.

³⁸ Tama te si wali Livai hani te pobase nogoba begelama, te obo ugwadu daidu pobaso, te ena augwali wali pai. Tialima, te genuai hani we bidi ena wali asali, tama da pelayu, tama te Taua Stov edelama, tama te Genuai Oboba sabolali. ³⁹ Tama dago te badu taga soyu, tama peyu, te Efraim Sunumi, me te Jesana Sunumi, me te Pisgo Sunumi, me te Hananel Taua, me te Tonalubo Bidi 100 Bidibo Taua, me te Sipsip Sunumi elaluali me, te ededeli palio. Tama da asiyu, te Godigo tempel be oboba sabolali, te sunumi augwaligo nogi yali te Kalabus Dabego Sunumi Dao wai. ⁴⁰ Tama te Li-

vai hani si te Godigo beba sabolama, tama te be tomba doligi pelama, te Godiba usu da po wabo balia wainogo yai. Te ena wali asali bidi hani te tobolu bidi hani, ⁴¹ me te pris meba badi, augwaligo te bu wabo nai biugel tolaluali, te gasa bidi mebago me tolaluai. Te pris dabego nogi te tiwai, Eliakim, me Masea, me Miniamin, me Mikaia, me Elioenai, me Sekaraia, me Hanania dao. ⁴² Te gasa bidi dabego nogi te tiwai, Masea, me Semaia, me Eleasar, me Usi, me Eser. Tama Jesrahiago te balia wali bidi dabe tonalualai, tama tigidaligo te balia po wai dao. ⁴³ Te side augwaligo te Godiba ofa hauwa eyu, tama augwa wiegi yai pemene genuai elaluali, magi baso meni, Godigo digi augwali te wiegi yai pemene ilali. Tama te we dabe me, wai puluba dabego me wiegi yai pemene yai. Tama te digibulu bidali we bidi, augwaligo te genuai i wabo me pemene ebo po odaı dao.

Te we bidi dabego te pris dabe me Livai tau sali

⁴⁴ Tama te sogo augwaligo te bidi meba nigilama, tama te we bidi dabego te Godiba mabo nai dabe, me te Godigo bede gasa nai doado bage te mubo be habu tonalubo bidi nigilali. Te habu togwali madi augwaligo te gide polasa inayani nai, me te polasa tau yali nedu du dabe tama, me te we bidi augwaligo nogo si nai buguluyu, te me deli te Godiba mawainu te be habu nigilaliba sisinani. Te bidi dabe te we bidi dabego tıba pelama, te sigi pabo sę elaluali te bomai pode weyu, te we bidigo te pris dabe me Livai dabeba nai maięo po wali. Te Juda dabego te bidi dabego te pris dabe me Livai dabe tau sabo bidi nigilali, magi baso meni, te Juda dabego te pris dabeba me Livai dabeba te bugai haliga te augwaligo sęde yai dao. ⁴⁵ Te pris me Livai dabego te lotu weyu, te we bidi dabe te Godigo gedude wiegi yai mu pedalabo sę yali, tama te gasa tobage lotu me te Godigo augwaligo emainogo yabo po augwaliba wai. †

Tama te musik wabo bidi dabe, me te Godigo be tonalubo bidi dabego te augwa sę me yali. Augwaligo te po polobadu te king Devit me te aga ogwa, king Solomon sigo, te hani si augwa waj nõu dabebolo te sę mawai dao. ⁴⁶ Te musik wabo waj nõu dabego te wiegi yai pemene ebo balia weyu, te Godiba usu da olama, gedu haluasa po wali, te king Devit me Asap si bidali sogo tiali, te musik wali bidi dao. ⁴⁷ Tama megida, te Serubabel me Nehemia si bidali sogo, tigidali Israel we bidigo te tigidali side te nai sela aselama, te musik wabo bidi dabeba, me te Godigo tempel be sunumi tonalubo bidi dabeba magasali. Tama te we bidi dabego te wiegi yai nai te Livai dabeba mawai, te ofa God agaba digi mabo tiwai yali. Tama Livai dabego te ofa me pedai deli te pris dabeba mawai, te bomo yai po wali po tiwai gilama yalio.

† 12:45 1 Sto 25:1-8; 26:12

Te Israel dabego te Israel hani isawani bidi dabe dali me kisa sabeo

13 Te sogo te we bidi dabe sisinagasobaso, tama te Livai dabego te Mosesgo bomai po augwaliba nedali. Tama augwaligo te bomai po nedali pode te tiwai po wali, te Amon dabe me Moap dabe te Godigo we bidi Israel hani tomoba me asogobeo wai. ^{2,3} Tama te Israel dabego te bomai po odali sogo, augwaligo te we bidi dabe sela sawani, te augwa aya ma ida te bulu badu bidi te Israel hani isawai bidi dao, tama augwaligo te augwali te Israel we bidi hanide bidimainu me ebeo. Te bomai pogo page te tiwai dao. Te Israel dabego te Isip tagalama asali sogo, te Amon dabe me Moap dabe augwaligo te nai me we me augwali me mabeo. Tama te hanigo te profet Balam abelama, te Godigo Israel dabe dolomainu ebo po omainu yali. Tiali goli, Godigo Balamgo te po omainu me ilibeo. Menio. Balamgo te Godiba augwali wiegi yai bugagia ilabo po wai dao. †

Nehemiago te haniani ebo kolesaga dodolali

⁴ Pris Eliasipgo te dago Godigo tempel be doado bage mubo habu tonalwai, tama aga te Amon hani bidi Tobiago hai namu dao. ⁵ Eliasipgo Tobia te genuai be habu me delide bidimainu ilali, augwaligo te ofa yabo wit sisinani madi nigilai, tama te wiegi yai denami pedalubo pauda hano elalubo digi, te Godigo bedede se ebo doado bage mubo madi, te we bidigo ofa te pris dabeba mabo me, te nai dabe me wain, me oliv wel, te we bidi dabego Godiba mabo te pesage habu me deli te nigilali. Godigo te nai dabe te Livai dabe, me te musik wabo bidi dabe, me te Godigo be tonalubo bidi, te augwaligo tuabo nai te nigilama, sa muai. ⁶ Ena Nehemia, ena te Jerusalemda bidisabo sogo te se pedelali, magi baso meni, ena te Persia to pedaiba ma pelama, te se ebo ripot po te king Artaserksisbolo magi pai. Te sogo aga te Babilonde king bididubadi, te 32 kibu be bidai. Nosali eno te kingba hanalu, ena te Jerusalemba ma pagawe obaso, tama agai ena pao olama, usu da wai. ⁷ Tama ena te Jerusalemba ma sabaligi pabo sogo, augwaligo enabolo te tiwai po wali, Eliasipgo te Tobiabolo te genuai be habu te Godigo tempel be obo tomode te mawai da po wali. Agai te yali kolesaga te dwai mu dao wai. ⁸ Tama eno wado po dwai mu olama, tama eno te Tobiago tigidali nai doado bage buluba sela sawai. ⁹ Tama eno te pris dabe augwaliba olama, te be habu te augwa ebo kolesaga wali pelama, te Godigo gedude wiegi yai me pedalumainu ilao po wali. Tama eno augwaliba weyu, te Godigo bedede se yabo doado bage te nai tigidali selama, tama te ofa yabo wit, me te wiegi yai denami hano ilibo pauda selama, tama tigidali te be habuba ma muiwo wai dao.

¹⁰ Eno te tiwai me odali, te Livai dabe, me te Godigo bedede musik elibo hani dabe, augwa te Jerusalem

tagalama, te augwa toba ma pali, magi baso meni, te we bidi dabego augwali nai me masiawai. †† Tama tibaso, eno te polalubo bidi dabeba wado po wabo se ilama, tama eno augwaliba hanalu wali, "Magi baso dagego te Godigo be olodali elalumainu ilaliwe?" Tama eno te Livai dabe, me te Godigo bedede musik wabo bidi hani ma odasa aselama, tama eno augwalibolo te se ma hodolama yao po walio. ¹² Tialima, tigidali Judago te wit, me wain, me oliv wel te bugai pedai me deli te ma gagalama, sela aselama, tama te Godigo nai doado bage mubo be habuba ma muai dao. ††† Tama eno te pris Selemia, me te po page koneai bidi Sadok nigilali, me Pedaia, te Livai hani me deli, te be habu dabe tonalumainogo yali. Tama eno te augwali tau sabo bidi me deli nigilali, aga nogi te Hanan, te Sakurgo ogwa, tama te waj nõy Matania dao. Te gasa bidi dabego te po wali, te bidi dabego te doloba pai kolesaga mu ebaso, tama eno augwali nigilali. Augwaligo te augwa deli se ebo abagi dabede te nai dobabo se ebo kolesaga elalubo dao wali.

¹⁴ Tama God, eno homugo nago eno te yali tigidali se te nago be tonalwai, me te lotu wabo dodolobo se yali kolesaga, te nago homugo konemainu yai. Eno homugo te eno wiegi yai se yali po te nago naga bukude sela sawio.

¹⁵ Te sogo eno suali, te meba Juda dabego te nedu du wain agalama, tama te Sabat side wain we siyu nigali. Tama te gasa Juda dabego te wit nai, me wain, me te wain nedu du wai, me te ni kaya fik, me te gasa tobage nai dabe selama, te donki daiba munama, tama te Jerusalemba sela pabo se yali. Tama te Sabat side te eno augwaliba bomai po wali, "Te side da wabo sogo te we bidi dabego te nai dabe abelimainu me ilamuo," po wali. †††† Te tamu aj sesegede elalubo taun Tair bidi meba te Jerusalemba aselama bidai. Tama te Sabat side te hanigo te sugu pis me gasa nai dabe te Jerusalemba sesali, te da we bidi dabego abelimainu yai. ¹⁷ Tialima, eno te Judade polalwai bidi dabeba wado po weyu, te tama po wali, "Odiwo. Dagego te dwai kolesaga mu ebaso. Dagego te Sabat side dao wabo dolama, tama te olo side tiwai me deli pedalubao," wali. ¹⁸ "Polobadu te waj nõy dabego te tobage kolesaga tiwai naga ebaso, tama te Godigo augwaliba dwai dene mayu, tama agai te taun dolali. Tama megidagego te tobage kolesaga ebaso, tama Godigo da dali wado po mu odubo dao," wali.

¹⁹ Tama eno po bomo elama, te tiwai po wai. Te Sabat si te tigidali Sadede pedalubo sogo, augwaligo te taunba pabo obo sunumi paliwo, wali. Augwaligo te tiwai se ebo te Sabat side dolo tiwo, te giliga ibaba dega sigi pabo sogo. Tama te sunumi dabe palialudubadi, te Sabat siligi pabo sogoba usu nao. Tama eno te ena se bidi mebabolo olama, te sunumi augwaligo bugagia tonalu, tama te bidi dabego te Sabat side te taun tomoba te nai dabe sela asigio olama, paliwo po wai dao. ²⁰ Te si sela sogo te bidi dabego te tobage nai

† 13:2-3 Nam 22:1-6; Bom 23:3-5

†† 13:10 Bom 12:19 † 13:12 Mal 3:10 †† 13:15 Sai 20:8-10; Bom 5:12-14; Jer 17:21-22

te we bidi dabego abelimainogo sela aselama, tama augwali te taun obo sesege badu pelama, tama dago te sunumi dabo tonaluai dao. ²¹ Eno augwali sulama, tama augwaliba wado po te tiwai wali, "Magi baso dage te obo bulu badu bidagasaliwe? Tegoba, dage piąo. Te dage Sabat side ma asali da, teda eno dwai sę dageba yaibao." Augwaligo te po odolama, te nosali Sabat side augwali ma asobeo. ²² Tama nosali eno te Livai dabeba walali, te augwa digi te Godigo gedude wiegi yai pedalabo kolesaga wali pali, tama augwali te wiegi yai elama da, teda augwali pelama, te obo sunumiba tonalugi pelama, te bidi dabego augwa te Sabat side bomai po wali bugagia pomainu yai, te Godigo bodolu side, tama te gasa bidi dabego te taun tomobanai sela asigio wali.

God, nago te tigidali we bidi godolo mu elama, tama nago olo tau sabo wiegi yai kolesaga te augwaliba ebo dao. Tama tiyu, eno homugo nago eno te gasa wiegi yai kolesaga ebo me te homude koneama, tama nago te olo mu tau sabo wiegi yai kolesaga enaba yao.

²³ Te sogo me eno te tiwai konea pali, te Juda bidi mebago te tų Asdot pedai we dabe, me Amon, me Moap we dabe sai. ²⁴ Tama augwali hani wai mebago te Asdot dabego po koneani. Tama mebago te gasa po koneai. Tiali goli, augwaligo te da Juda dabego po konesiawai dao. ²⁵ Tama eno te bidi dabeba wado ilama, tama eno meba elama, tama mebago tobolu nisi guda sawai. Tama eno te tiwai po augwaliba wali, "Dagego te dwai kolesaga ebaso, tama eno homugo Godigo dage dolainogo yaibao." Tama eno te bidi dabego te Godigo nogide bomai po daų walomainu ilali, te augwa dali, te augwa wai dabego me, te gasa bulu tų pedai we bidi hani dali we si ebo munu ma elamu dao po wai. ²⁶ Tama eno augwaliba te tiwai po wai,

† 13:25 Sai 34:11-16; Bom 7:1-5

"Dagego te king Solomongo dwai kolesaga wali pali dao. Polobadu Godigo te king Solomon godolo elama, tama aga te tigidali Israel hanigo king pedalumainu ilali. Tama Solomongo te wiegi yai homu kolesaga koneama sali, tama te gasa bulu tų pedai king tigidaligo koneani homu kolesaga tigidali te agai aiyaba elaluali. Tiali goli, agai te bulu badu we dabe, te Israel hani isawai we meba selama, tama augwaligo agai homu kolesaga hugiabi selama, tama agai te dwai sęę yai dao. ²⁷ Dago te dagego ebo te dwai kolesaga wali pelama, tama dago te bulu badu hani we dabe sobaso da, teda dago te Godigo po sela sawaibao. Dagego homugo dago te tama tiwai emainogo eba, agawe?" wali.

²⁸ Joiada aga te polalubo pris Eliasipgo ogwa. Tiali goli, te Joiadago ogwa me deligo te gasa bulu tų pedai we me salio. Te we te Senbalatgo wegi dao. Tama eno te Joiadago ogwa sela şanama, tama eno aga te Jerusalemba bidimainogo me ebeo. ²⁹ Tama tialima, God, nago te pris dabego te yali dwai kolesaga homu koneao. Augwaligo te pris hani te nago gedude meda ilali. Tama nago te pris me Livai hani dabe dali dų walali bomu yai po te augwaligo dolalio.

³⁰ Te kolesagade eno te bulu badu bage, te Israel hani isawai bidi dabego te tigidali doado bage da tomode elaluali te sela sawai. Tama eno te tigidali pris, me Livai hani deli deligo yabo sę daų nigilali. ³¹ Tama te ofa ulabo sia sigi pabo we bidi meba eno sa muani, tama eno te sela asabo sogo bodolu muna muna pali. Tama eno augwaliba te po me weyu, te augwaligo gide polasa tau yali nai, me te polasa tau yali nedu du me selama, tama te ofa tiwai selasa asao po weyu, te sę dodolali. Tama te God, nago eno te yali kolesaga tigidali homu kone palama, tama nago enaba bugai homu ilao.

†† 13:26 2 Sml 12:24-25; 1 Kin 11:1-8 ‡ 13:28 Neh 4:1

Estago Po Aşei Buku

Hasia nedebo po

Esta te Israel we me deli dao. Aga te boi bidi dabego te Israel dabe te gasa gavmango tonalubo t̄p pedaiba augwali sela pali sogo bidai. Augwali te t̄p pedai me delide bidibadi, tama boi bidi me deligo Israel dabe augwali dolainu yai. Tama te sogo Godigo Esta te t̄p pedai tonalubo king tuni bidigo we pedalumainu yalio. Godigo te Estago te Israel dabe augwali tau somainu homu yai. Tialima, Estago te Godigo homu kolesaga wali pelama, tama aga digi aga bugagia bidabo homu godolo me ebeo. Menio. Tama tialigo Godigo te Israel dabe augwali ma selama, tama te boi bidi dabego augwali me dolobeo. Te e buku Esta aşani bidigo te Israel dabe augwali nogi te tiwai poali, te augwali Juda dabe dao.

Te tuni we Vastigo te tuni bidi Serksis dali hagoma yai

1 ¹⁻² Tama te s̄d dabe pedelali sogo, te Serksis te Persia genuai t̄p pedaide king tuni bidi bidibo sogo tiwai. Aga te genuai tuni bidi duabo sai siade te moni hanu Susa tede dulaluali, te Persia kantrigo genuai polalubo hanude bidai, tama agai te 127 te tama genuai provins dabe te t̄p Indiade gagalasa, te Itiopia teba d̄j usu nagaselama tonaluali. ¹³ Te kibu be selade te aga tuni bidi king bidiyu, agai te tigidali t̄pde bidibo kiap dabe badi, tigidali provins polalubo gavman bidi dabe sisinao po olama, te genuai nai daa tuaibao wai. Tama te Persia ami dabe badi, te Midia ami dabe badi, te genuai nai daa tuboba aselama, bidai. Tama tonalubo bidi dabe badi, te tigidali provinsdu asali genuai bidi dabe, augwali me bidalio. ⁴ Te nai daa tuali te tudubadi, te polua a naga me badu nogo deli bidali, tama king bidigo tigidali doado bage, te mone tigidali badi, te aga bede munalubo tigidali au dodobage te we bidi augwalibolo ola manio. Tama augwaligo te nai dabe sulama, tama te dwagi yai naga mu dao walio.

⁵ Te silama nosali, king bidigo te aga be obo tomode digi, te aga be p̄de, te gasa genuai nai daa tuali. Te nai daa tuainu ebo da, te Susa hanude bidibo tigidali bidigo tuabo nai, te mone elalubo bidi dabe badi, te magi nai meni yai bidi badi elama tuali. Tama augwali te nai daa tudubadi, te Sadede deli dolo usu nanio. ⁶ Te obo bagulali te tedela ugwago me, te sisi ugwago badi te au ilama, tama augwaligo te dwagi yai dila pai bono baklaingo k̄ani. Tama te baklain bono te silva ring te bobobage masigi pos elalubo madi augwaligo k̄anio. Augwaligo te obo tomode te haniani umabo masigigo te t̄p haluai, te plua tiwai te wiegi yai masigigo nigai. Te umabo mama yai masigigo me, te tedela masigi me, te sisi masigigo me mubadi, te nogo mogu me te

dula ula tiwai masigi hauwago halubadi yali. Tama te golgo nigai duabo sia sai, me te silvago nigai sai dabe badi te obo tomode muna muna pai. ⁷ Te bidi dabe augwaligo w̄ selama, tudu pali te haniani gasagi gasagi yai gol kapde w̄ tudu pai. Tama tuni bidigo te bidi dabebolo te wain w̄ hauwa mawai. ⁸ Te augwaligo nisu naga wain tumainogo te d̄j me ilibeo. Tuni bidigo te aga bede s̄d ebo bidi dabe augwalibolo te po wali, augwaligo te deli deli bidi dabebolo te augwa homu usu nama te āj mao po wali. ⁹ Tama te sogo me te tuni we kwin Vastigo te tuni bidigo bede te we sibi tigidaligo tuabo nai daa naga elama tualio.

¹⁰ Te Sadede deli da wabode te genuai nai daa tubode, te tuni bidi te wain āj tuali madi te aiyoge gana dwasianu yalio. Tama aga te nai ulubo bidi dabe a naga olama, me badu nogo si te augwali asomainu i wali. Te augwali nogi e dao, Mehuman, me Bista, me Harbona badi, Bikta badi, Abakta badi, Setar me, Karkas badi, tama dao. ¹¹ Tama tuni bidigo augwalibolo po weyu, te tuni we kwin Vasti sela asao wali. Te kwin Vasti aga te tuni we s̄d ebo madi tobolude munasa asao wali. Tuni we aga te sawi yai we mu, tama tiyu tuni bidi agai te kiap dabe augwalibolo me, te agai genuai nai daa tubo madi asali tigidali bidi dabebolo aga ola mawainogo yai. ¹² Te nai ulubo bidi dabego te tuni bidigo po te kwin Vastibolo wali, tiali goli te tuni we te asobo hagela yai. Tama te tuni bidigo wado po mu weyu, moni s̄b̄ yalio.

¹³ Tama agai te po page koneai bidi dabe i olama asobo si, te po augwaligo agabolo pusubode te agai magi s̄d te tuni we dali yagasomainu yali. Te tuni bidigo te tiwai kolesaga elalubo te po page koneai bidi dabe aselama, te agai te bomai po me te we bidi augwali bidibo homu kolesaga dodolobo s̄d elalui. ¹⁴ Te bidi dabego nogi e dao, Karsena, Setar, Atmata, Tarsis, Meres, Marsena, Memukan. Augwali te bidi a naga olama, nogo me badu si bidi te Persia de Midia t̄p

† 1:1-2 Esr 4:6

pedai side te tuni bidigo t̄o badu te polalubo gavman tobolu bidi dabe dao. Tuni bidigo te augwaligo po wali paibao. ¹⁵ Tama agai te bidi dabe augwalibolo te po wali, "Ena te gavman tuni bidi king Serksis dao, eno te ena nai ulubo bidi dabe tagala paliyu, te eno we te gavman tuni we kwin Vastigo te s̄e dabe emainu te eno po agabolo tagala palali, tiali goli agai eno po sela şawanio. Tama bomai pode magi po wabo dawe? Te gavman tuni we kwin dali dago magi yaibawe?" agai te po hanalu wali.

¹⁶ Tialima, Memukango te gavman tuni bidibolo me, te aga tobolu bidi dabebolo dali, te po wai, "King bidi, nago odao! Te kwin we Vastigo yali dwai s̄e te nage delibolo naga me ebeo, menio, agai te dwai s̄e te nago tigidali hanude bidi tigidalibolo me, te tigidali tobolu bidi dabebolo me, te s̄e yalio. ¹⁷ Te p̄ade tama digi te nago tonalubo t̄o pedai badu te tigidali we sibigo te gavman tuni wego yali kolesaga te po odaibao. Tama augwaligo te tiwai po waibao, 'Te king Serksisgo te kwin Vastigo te aga suagasao po wali, tiali goli kwin we aga kolesaga hagoma elama, tama agai po sela sawanio,' waibao. Tama te we dabe sibigo augwaligo me te augwa bidi dabe dali hagoma yaibao. ¹⁸ Tama e sogo naga te Persia me Midia te tobolu bidi dabego we dabego te kwin wego yali kolesaga po odoyu, tama augwaligo augwa bidi dabebolo te s̄e yali po pusulama, tama te we dabe sibigo te dwai po hauwa weyu, te hagoma eyu yaibao," te po wai.

¹⁹ "Tialima, king bidi, nago homugo te po wiegi yai da wida, te nago te bidi dabebolo te tiwai po me tolaao, te kwin Vastigo te nage me suagasigi po wao. Te po te Persia me Midia dabego te bomai po aşeo bukude aşeo. Tama te bomai po hasegelibo usu me egobeo. Tama nago te we Vasti te hasegelama, tama sawi yai dwagi yai we me selama, tama aga te gavman tuni we kwin nigilao. ²⁰ Nosali nago te po te nago tonalubo bulu tigidaliba te po bila silai madi, te tigidali wego te augwa bidigo po bugagia odomainogo, te nogi elalubo bidi, ma te nogi meni yai bidigo me, te augwa wego po odomainu yaibao," Memukango te po wai.

²¹ Te gavman tuni bidi king te aga tobolu bidi dabe dali augwaligo te po godolo elama, tama king bidigo te Memukango wali po gilama, te tiwai yai dao. ²² Tialima, gavman tuni bidi kingo te aga tonalubo hanu tigidaliba pas aşena toliyu, tama agai te tigidali we bidigo wabo po deli delide te pas aşai. Agai tama tiwai po wai, "Bidigo naga te aga we wai puluba tonaluaibao," te po wai.

Esta te gavman tuni we kwin nigali

2 Nosali te gavman tuni bidi kingo wado po wali silama da, teda agai te gavman tuni we Vastigo agabolo yali kolesaga te agai homugo ma kone yagasalio. Agai te kwin we Vasti sela şanama, te kwin we ma bidigobeo wali po te homugo ma kone yagasalio. ² Tama te king tau sabo bidi mebago agabolo te dwagi yai kolesaga ola mani, augwali te aga p̄aba duagi pelama, agabolo tama po wai, "Te nago gasa sawi yai wegi

meba gegao," te po wai. ³ "Nago te naga tonalubo tigidali hanu bidi dabe augwali sa munama, tama augwaligo te sawi wiegi yai te wegi dabe te gavmango polalubo hanu, te Susaba odasa asomainu yao, tama nago te we dabe sisinibo beba sisinama muao. Te nago we dabe sibi tonalubo bidi, te Hegai, agai te augwali tonalumainu yao. [†] Tama te we dabe augwa tigde wel mubadi, te augwa tigi gasa sawi yai mu pedalumainu au ilaibao. ⁴ Tialima, te we dabe augwalide te me deli nago aga godolo mu eyu da, nago aga te gavman tuni we kwin nigilama, agai te kwin bidali we Vasti bidali pesage agai somainu yaibao," te king tau sabo bidi mebago agabolo te po wai. Te king bidigo odama, tama agai te dwagi yai po da te homu yai, tama agai te po wali pai.

⁵ Te gavmango moni hanu Susade te Juda bidi me deli bidai, te aga nogi Mordekai. Te aga Jairgo ogwa dao, tama Kis de Simei dali sigo hani, te Benjamin genuai hani dao. ⁶ Polobadu te Babilon t̄o gavman tuni bidi king Nebukatnesargo te Juda gavman tuni bidi Jehoiakin me, te Juda dabe meba dali selama, tama augwali te t̄o Babilon teba kalabus igi pai. Tama agai te Mordekai augwali dali sela pai. ^{††7} Mordekaigo aga hai wegi me deli elaluali, aga nogi Esta. Tiali goli, aga nogi mu Hibru pogo te Hadasa wai. Te Esta aga aya ida isali sogo, te Mordekaigo te Esta selama, tama aga wai negebo tiwai gilama mu yalio. Tama Esta te gasa sawia yai wegi mu, tama aga tonobo te gasagi yai sawi wegi mu bidalio.

⁸ Tama te king bidi Serksisgo po te we bidi augwaliba tolaali. Tama augwaligo te tigidali buludu te sawi yai wegi dabe te moni taun Susaba odasa asobo sogo, augwaligo te Esta me augwali dali odasa asalio. Augwaligo te we dabe sibi te gavman tuni bidigo be bagulali obo te we dabe sibi mubo be tomoba te we Esta teba muai. Tama Hegaigo te we dabe augwali tonaluali. ⁹ Hegaigo Esta te wiegi yai sawi yai wegi da te homu elama, tama aga godolo yai. Tama polo agai Estabolo te tigi au yabo doado bage me, te gasa dwagi yai nai dabe mani. Tama agai te we dabe sibi bidibo be te dwagi yai polalubo d̄aj togwali mu te Estabolo menama, tama te tuni bidigo bede te wegi ogwa a naga olama, me badu nogo si te augwaligo Esta bugagia tonalumainu nigilali.

¹⁰ Hasia Mordekaigo Estabolo po weyu, aga te Juda we da po olamuo, te po wali. Tama Estago te aga tonalubo ayago po wali palio. ¹¹ Tigidali side Mordekai te we dabe bidibo obo sunumidu ugwa soyu, eda soyu iduali. Te Esta mena tama bidibowe naga koneainu, tama me te Estabolo augwaligo magi s̄e ebowe, te koneainogo yali.

¹² Augwaligo te we dabe wiegi yai sawi yai mu ilabo s̄e idubadi, te kibu be deli usu nanio. Te polua a naga

[†] Te bidi da, te tuni bidigo we dabe tonalubo bidi dao. Te gavman tuni bidi Serksis te king bidi bidibo sogo, te king bidi dabe te we dabe hauwa siyu, te we hani si me sai. Augwali te we sibi mubo beba munama, tama te s̄e ebo bidi mebago augwali tonaluali. Tiali goli, augwaligo te bidi domo dinam, te augwaligo te we dabe penani ebo usu isişmainu yalio. ^{††} 2:6 2 Kin 24:10-16; 2 Sto 36:10

me deli tama poluade augwaligo te ni mea kanemego nigai weligo te augwali tigide pilali. Te gasa 6 wabo poluade augwaligo te wel me te denami yai ili daligo te augwali tigide pilai. Te şę silibo si, nosali augwaligo te gesi wegimani deli deli te king Serksis bidibo madi odasa pai. ¹³ Te wego aga homugo digi te au dobage munama, te tuni bidigo beba pomainu yai. ¹⁴ We te tuni bidigo beba pio mu pelama, tama bididubadi, kigamuba usu nagasai. Tama kigamu augwaligo aga selama, te gasa we dabe bidibo beba sela pelama, tama aga te tuni bidigo si wali we hani tonalubo bidi, Sasgasgo nogoba mugı paibao. Tama te we te king bidigo beba munu ma pogobeo. Te king bidigo aga godolo eyu, tama aga i obaso da, teda aga te kingba ma pomainao. Te gasa sunumi me elalubeo.

¹⁵ Megi da, te Estago te king bidi sugi pabo sogo bodolu te pedelai. Esta aga te Abihailgo wegi, tama Mordekaigo hai dao. Mordekaigo Esta aga selama, tama aga wai bęų negebo tiwai gilama yai. Tigidali bidigo Esta sulama godolo ebaso, tama augwali agade mu tulaluai. Tama agai te tuni bidi sugi painu ebo sogo gudali ugwa, te we dabe sibi tonalubo bidi Hegaigo te nogo tų ilali ugwa gudali. Agai te gasa ugwa me gudubeo. ¹⁶ Te sogo te king Serksis te tuni bidi bidali te 7 kibu be bidai. Tama te kibu bede te polua nogo si, te polua nogi augwaligo Tebet nogi yali, te poluade augwaligo Esta te king bidi bidibo digi odasa pai. †

¹⁷ Tama king bidigo aga godolo mu yali. Tunı bidigo te gasa we dabe godolo ebo usu tiwai gilama te Esta godolo ebeo. Agai homugo Estago augwali aiyaba elaluali homu elama, tama gasa sawi yai we mu dao. Te king bidigo Esta sulama, tama agade mu tulaluai. Tama tibaso, te king bidigo te tuni wego au yai madi te aga toboluba muani. Tama Estago te tuni we Vasti hasegelama, tama aga te gavman tuni we kwin pedelai. ¹⁸ Tialima, te king bidigo te dwagi yai homu pemene Estabolo eyu, te genuai nai daa tuaibao wali. Agai te tigidali tobolu bidi badi, te polalubo kiap dabe badi, augwali te genuai nai daa tuboba asomainu i wai. Agai te po wai, "Tigidali eno tonalubo bulude bidibo we bidi tigidali, augwali te e side toma nomainu yao," te po wai. Tama tuni bidigo wiegi yai nai hauwa te we bidi augwalibolo olo manio, dwasianu nai mabe.

Mordekaigo tuni bidi tau saligo, tama tuni bidi dolabo şęgo geda muanio

¹⁹ Te sogo naga, tuni bidigo Mordekai te aga be tonalubo bidi me deli nigilali. ²⁰ Polobadu Mordekaigo Estabolo te po weyu, aga te Juda we da po munu me olamuo po wali. Tama Estago te po wali pali, magi basowe, te aga Mordekaigo po sesemane sogo wali pabo kolesaga yalio. ²¹ Te Mordekaigo te king Serksisgo şę tuali sogo, te bidi sigo te tuni bidi dali wado yabo homu elaluali, tama augwali sigo aga ela muabo po mianı. Te bidi si nogi Biktana de Teres si dao. Te bidi sigo te gavman tuni bidi kingo be daų togwali sunumi

† Te Hibru pogo te polua nogi Tebet, te dago te polua Disemba dali Janueri dali nogi wabo.

tonalubo şę elaluai. ²² Tama Mordekaigo augwali sigo po odama, tama agai te gavman tuni nigali we Estabolo te po wai. Nosali Estago te king bidibolo te po Mordekaigo te bidi sigo wabo odali po pusai. ²³ Augwaligo te po page gegelama, tama augwaligo koneani, te mu po da wai. Tama tibaso, augwaligo te bidi si te ni pedaide walama, tama augwali si isali. Nosali king bidigo te po wai, "Te tiali po te dago dena gavmanigo hasia yali şę po buku, te bukude te po aşao," wali. Tialima, augwaligo tama tiwai yalio.

Hamango po minama daų weyu, Juda dabe tigidali ela muaibao wai

3 Nosali gana gavman tuni bidi Serksisgo bidi me deli nogo tų ilali, augwaligo te nogi Haman nogi yali, te polalubo gavman tiwai pedelai. Haman te bidi nogi Hamedatago ogwa, tama waj Agakgo wai dao. ² Tama king bidigo te tigidali kiap bidibolo po olama, te Hamanba kidu sugunama, tama genuai nogi agaba mao po wai. Tigidaligo te kingo wali po gilama yali, tiali goli Mordekai deligo te tiwai şę me isiawai. Mordekaigo te Hamanba kidu sugunubo te hagela mu yalio. ³ Nosali te gasa kiap dabego sulama, tama augwaligo agabolo hanalu wali, "Magi baso nago te king bidigo po wali pabewe?" ⁴ Hauwa sogo augwaligo Mordekaigo te tebo kolesaga ebo po wali, tiali goli Mordekaigo augwaligo te po odobo hagela yali. Mordekaigo augwalibolo te po wai, "Ena Juda dao, tama tibaso eno Hamanba kidu sugunubo usu egobeo." †† Tialima, te kiap dabego Hamanbolo te Mordekaigo wali po wai. Augwaligo homugo, "Te Hamango te Mordekaigo te tiwai idumainu gogolama sula tagalobowe," ma suainu yai dao.

⁵ Hamango suali, Mordekaigo te kidu sugunama, tama agaba genuai nogi masiabaso, tama aga haliga şębę dwai mu yalio. ⁶ Nosali agai hania koneani, Mordekai te Juda bidi yaibaso, tama agai Mordekai dolabo po mia selama, daų walali. Te Mordekai deli naga tegobeo, menio, agai te genuai kantri Persia tęde bidalubo Juda dabe tigidali ela muabo homu ebo sunumi gegai dao.

⁷ Te kibu be 12 wabode, te tama kibu bede te Serksis king bidi bidali, te hasia polua nogi Nisan delide, Hamango augwalibolo te satu gagali yao po olama, te mena polua te side te Juda dabe dolabo side te bodolu mumainogo te satu gagali yao po wali. Augwaligo gagali ela silama, tama augwaligo te tiwai haninibo suali, te nogo si olama, şaęaęo si wabo polua, te dei 13, te side te polua nogi Adar, te sogode agai augwali dolaibao po wai. †

⁸ Tama Hamango te gavman tuni bidibolo te po wai, "Te we bidi hani me deli te nago tonalubo tų pedai

†† Mordekaigo Hamanba kidu sugunubo hagela yali, magi baso meni, Haman te Agakgo waj. Tama Agak te Amalek hani me deli dao. Tama te Amalek dabe te Juda bagego boi bidi dao. Te po te buku Sai 17:8-16; Bom 25:17-19, tede elalubo suao. ‡ Te Hibru pogo te polua nogi Nisan, te dago Epril ma Me, te nogi dago wabo dao. Tama te polua nogi Adar, te dago pogo te polua nogi te Februeri ma Mas, tama wabo dao.

provinsde te bidada pobao. Tama te hanigo te ede bidalubo we bidigo ebo kolesaga tiwai me ebeo. Augwali te gasagi yai tedali mu elalubo. Tama augwaligo nago te t̄q pedaide bomai po elalubo te wali me pabeo. Tama nago augwali gogolama tama sula tagalidu da, teda tego naga tau me sis̄yu, tama nago t̄q pedaide ebo s̄e te dolasa me pogobeo. ⁹Tialima, tuni bidio, te nago homugo te tigidali we bidiba po tagala palama, tama te we bidi augwali ela muabo po wao. Te nago tama tibaso da, teda meḡi eno mu po nagebolo obao, te eno mone silva umabo hauwa mu, te 50 milion kina te nago mone mubo beba muaibao. Te nago gavman s̄e te monego yagameo," Hamango te po wai.

¹⁰Te king bidigo te dodobolo pai ring elaluali, te agai ebo s̄e bomo mabo nai. Tialima, kingo te po oda selama, tama agai nogo danide te ring pedama, tama Hamanbolo mani, te Juda dabego boi bidi dao, te Hamedatago ogwa, te Agak hani bidi dao. ¹¹Tialima, meḡi da, king bidigo agabolo te po wali, "Te mone da, tagalao. Nago magi s̄e te we bidide yainogo wida, nago te naga yao," wali.

¹²Te hasia nanobo polua deli te 13 deide, Hamango te tuni bidigo s̄e ebo kuskus bidi tigidali i wai. Tama agai po tigidali augwalibolo olama, tama augwaligo aşani. Augwaligo te po te t̄q pedaide bidalubo we bidi tigidaligo po deli delide aşani. Tama agai te pas te tigidali tobolu bidi dabeba me, te tigidali gavmanba me, te tigidali kiap dabebolo badi, tama tolali, tama tigidali paside te king bidi Serksisgo ring masalu naga elaluali, tama te tuni bidi aga digi aşai pas tiwai gilama yalio. ¹³Te pas sela pabo bidi dabe augwaligo te pas selama, tama te tigidali tuni bidigo t̄q pedai tomode bidibo te tigidali tobolu bidi dabeba te pas selasa palio. Tigidali paside te tiwai po wai, "Te polua nogo si olama, te sağago si wabo polua nogi Adar, te 13 deide, te dagego Juda dabe tigidali ela muīo. Te gesi we bidi me, te monu dabe me, te we wai puluba me, te side naga tigidali mu ela silao. Te augwali homu dene ebo tagalao. Tigidali ela silama, tama augwaligo doado bage sao," te po wai. ¹⁴"Te tobolu bidi dabego te pas te tigidali we bidi dabebolo nedao. Tigidaligo odama, bidimainao. Tama nosali te side pedalubo si da, teda augwali elainu te augwaligo sisi yao." Te pas dabede te tiwai po elaluali.

¹⁵Tialima, te pas sela pabo bidi dabe augwali polo pelama, tama te tigidali t̄q pedaiba sela pali. Tama augwaligo te po me te polalubo moni hanu Susade pusali, tama te we bidi augwaligo odali. Tuni bidi king de Haman si naga te dwagi yai homu elama, dualama, wain aḡ tudali. Tiali goli, te moni hanu Susade bidibo we bidi augwali te pode augwali dwai noma siyu, tama augwali homu kolesaga mu puna palio.

Mordekaigo Estabolo aga tau somainu hanalu wali po

4 Mordekaigo te pasde elalubo po odali sogo, te aga dwai wi mu yali. Te aga homu s̄eḡe mu ebaso, tama aga ugwa pis̄wali. Tama agai te pipisila pai badi

ugwa munama, tama te sia keli te aga tobolude muani. Agai muna silama, tama aga te hanu tomoba pali, tama gela genuai weyu, tama homu dene ebo balia wabo s̄e yai. ²Aga pelama, te tuni bidi kingo be sunumiba sabolali, tiali goli aga tomoba pabe, magi baso meni, te bidi be tomoba painu da, te aga dwagi yai ugwa bolo hasia munama pabo dao. ³Tama augwaligo te tuni bidigo po te tigidali t̄q pedai provinsba pusali sogo, te Juda dabe tigidali homu s̄eḡe mu eyu, tama i dwai mu wali. Augwali nai me tube, tama augwali dwai gela udu, tama homu dene ebo balia po we-du bidali. Tama Juda we bidi hauwago te ugwa pipisila pai gudama, tama augwali te sia nogobo kelide pilala palio.

⁴Te Estago s̄e ebo we dabe, me te aga tonalubo bidi dabe, augwaligo te Mordekaigo yali kolesaga po agabolo obaso, tama Esta homu s̄eḡe mu yai. Agai te gudubo ugwa meba te Mordekaibolo tolali, te agai dwai hasegelama, te dwagi yai ugwa gudumainu yali. Tiali goli, Mordekaigo te ugwa sabo hagela yai. ⁵Tama Estago Hatak i olama, asali. Hatak te we dabe tonalubo bidi me deli, king tuni bidigo te Estago s̄e emainu nigilali. Tama Estago Hatak te Mordekai bidibo madi tagala palama, tama mena s̄e mu agaba pedelali te konemainu, tama magi elama te tiwai pedelali te konemainu, te Hatak tagala palai. ⁶Tialima, Hatak te Mordekai bidibo madi pali, te bidi sisinibo pesageba, te tuni bidigo genuai be sunumi paḡdeo. ⁷Tama Mordekaigo te Hatakbolo te agaba pedelali s̄e po tigidali wali. Tama Hamango te nisu naga mone te tuni bidigo mone mubo beba mubaso, te bidi dabego te Juda dabe tigidali elimainu te moni mone te king bidigo mone mubo beba muabo po wali, te po me agai wai. ⁸Tama Mordekaigo te Hamango tolali pas me deli selama, te Hatakbolo mani. Te paside te Juda we bidi tigidali augwali ela muaibao po wai. Mordekaigo Hatakbolo te pas sela pelama, tama te tigidali s̄e pedelabo po pusao po wai. Hatakgo Estabolo olama, te Esta te tuni bidi bidibo madi pelama, tama te tuni bidibolo hanaluama, tama agai te Juda dabe homu dene ebaso, olo mu tau somainao wabo po hanalugi pomainao, te po wai. ⁹Tibaso, Hatak pelama, Estabolo te po wagi palio.

¹⁰Tama Estago te Mordekaibolo wagi pabo po me deli mawai. ¹¹Agai e tiwai po wali, "Ena pelama, te tuni bidi king eno sugi pogobeo. Te tuni bidigo bidi me deli i obaso da, teda aga te agai te be daḡ togwali habu tomoba paibao. Te meniama, tama aga olo pali da, teda augwaligo te bidi ela mubo dao. Te bomai po gedelabo sunumi te deli naga elalubao. Te bidi me aga te tuni bidi bidibo madi olo pobadi, tama tuni bidigo aga te gol donogo nogo t̄y ilibaso da, teda te bidi aga me isigobeo. Te tuni bidigo s̄e ebo ofisa bidi tigidaligo me, te haniani provinsde bidibo tigidali olo we bidigo me, augwaligo te bomai po koneani. Tiali goli, te tuni bidigo ena i me wasiḡbadi, te polua me deli meḡi paḡde silainu ebaso," Estago te po ola tolali.

¹²⁻¹³ Mordekaigo Estago po odama, tama agai te tiwai po wei ponani, "Mu tama, nage te tuni bidigo bede bidibo, tiali goli, nago homugo nage bugagia bidaibao te homu igio. Magi baso meni. Te nage da Juda we bidi meba dolobo tiwai gilama dolaibao," Mordekaigo Estabolo te po ola tolali. ¹⁴ "Te megı e sogo nago pedauwali pania sobaso da, teda gasa nai mego da tau saibao. [†] Tiali goli, nage da isaiba, tama nago we wai hani dabe augwali te mu silaibao. Tiali goli, nage te gavman tuni we kwin pedelaligo te da megı sogo tau sowe, te dago konebeo," Mordekaigo te po ola tolali.

¹⁵ Tialima, Estago te po Mordekaibolo ola tolai dao. ¹⁶ Agai te tiwai po wai, "Nage pelama, te Susa moni hanude bidibo Juda dabe tigidali sisinama, tama dagego nai osogo gisilama, tama dagego ena homu kone palama, gedu haluasa po wao. Te megı galasa, dagego nai me wę me giligade badi, hulide me, te osogo gisilao, te sela wabo sogoba usu nao. Te eno ena sę ebo we dabe dali me, te dago tama tiwaibao. Tialima, te sę elama, nosali ena te king bidigo beba paibao. Tagala, te eno bomai po tama bolaibao. Te eno tama tilama, te ena isibaso da, te po meni, te ena isaibao," Estago te po wai dao. ¹⁷ Tama Mordekaigo Estago wali po odama, aga te king bidigo be sunumi pade bidali tagalama soali, tama pelama, Estago agabolo wali po gilama te sę igi palio.

Estago te king bidi de Haman augwali si te genuai nai daa tuboba asabo po hanalu wai

5 Estago osogo nai sela sogo gisilama bidai. Tama sela wabo side, agai te kwin tuni wego gudubo ugwa munama, tama tuni bidi kingo be obo tomoba pelama, dologi pali, te tuni bidigo genuai daj togwali be habu pade teba dologi pelama, tama te tuni bidi dulalubo saiba tonono yali. Tuni bidi te saide dulalu, tama sunumiba tonono yai. ² Te kingo Esta te be habu bulu badu dolalubo sulama, tama aga homu dwagi yai Estabolo elama, tama aga te king bidigo gol dono tolalubo nogo dodolali. Tialima, Esta te paba aselama, tama te dono sesege badu nogogo dia yanio. ³ Tama king bidigo te po wali, "Kwin Esta, nago magı nai godolo ebawe? Nago homugo eno te genuai tş pedai te si bugulama, te me deli nagebolo momainu homu usu ebo wida, teda eno nagebolo mawaibao," wali.

⁴ Tama Estago te tiwai po wei ponani, "King bidio, te Haman dage si te genuai nai daa tubo madi megı e sogo hulide eno beba asobo usu egowe?" Te po wai.

⁵ King bidigo te po usu da olama, tama agai Haman polo asao po olama, te augwali si Esta bidibo madi painu yai. Tama king bidi de Haman si te Estago genuai nai daa tubo sisi ilali madi pai dao. ⁶ Augwali te bomai aj wain tuyu, bidaluyu, tama king bidigo Estabolo hanalu wali, "Te nago mena nai godolo ebo te eno nagebolo momainu te enabolo po wao. Te nago en-

[†] "Te gasa nai mego te da tau saibao." Te e bukude augwaligo God nogi nogi isiawai, tiali goli te begelali pode te gasa po olama me wabe, te God dolo po naga walio.

abolo hanalubo nai tigidali te eno nagebolo awe naga waibao. Te nago eno tonalubo tş pedai me badu sainogo homu ebaso da, teda eno nagebolo menama, tama nago tonaluagameo." Tunı bidigo Estabolo te po wai.

⁷ Tialima, Estago tuni bidibolo te tiwai po wei ponani, ⁸ "Tuni bidio, te nago eno hanalubo po tigidali awe po waibao homu ebaso da, teda nage me Haman dage si te do gasa nai eno dage sibolo sisi ilibo madi do ma asao. Te sogo eno nagebolo eno homude elalubo po waibao," Estago te po wai.

Hamango Mordekai elabo po minama, daj wai

⁹ Te Hamango te nai daa tuali be habu taga soyu, tama aga wiegi yai homu pemene me dwagi yai homu mu ebadi yai. Aga peyu, suali, tama Mordekai te tuni bidigo be sunumi pade dulalubo suali. Tiali goli, Mordekaigo aga sulama, tama aga dolugulama, agabolo siade da po wabeo. Tama tibaso, Haman haliga sębę dwai mu yali. ¹⁰ Te Hamango haliga sębę mu geninama yali, tiali goli aga homude digi pania selama, tama magı sę me deli ebeo. Aga pelama, sabolama, tama aga abagi dede dabe i ola sisinama, tama aga we Seresbolo me hanaluyu, augwali dali dualama bidali. ¹¹ Augwali sabola silibode, tama augwaligo gedude Hamango aga digi aga nogi ugwaba sali. Agai augwalibolo weyu, agai mone hauwa badi, te doado bage hauwa elalubo da po wai, tama aga ogwa me hauwa elalubo po wali. Tama te tuni bidigo genuai nogi me genuai sę mu agabolo mayu, tama te tuni bidigo sę tonalubo gasa ofisa bidi dabe tigidali te aga dologode bidibo da, po walio. ¹² Tama Hamango po ma weyu, te po wai, "Te kwin we Estago te genuai nai daa te tuni bidi de ena dali, da si naga te nai daa tuboba asao wai. Agai gasa bidi me asao olama i me wabeo, mu menio. Tama agai te po wai, te da si aga dali do ma nai tugi paibao po wali. ¹³ Tiali goli, eno te Juda bidi Mordekai suali, te tuni bidigo be sunumi pade dulalubaso, tama eno homu dwai mu yali, tama te wiegi yai nai dabe te eno homugo te olo nai tiwai naga yalio," te po wai.

¹⁴ Aga we Seres badi, te aga abagi dede augwaligo agabolo te po wai, "Moni homu me igio. Te bidi dabe augwalibolo olama, augwaligo te ni bobobage me deli tulao, te aga bobobage usu nama nedebo, te bidi sese tama 20 mita, tama do kigamu nage te tuni bidi bidibo madi pelama, te Mordekai te nide walabo po hanalugi pagameo. Te tiwai eyu da, te nage homu wiegi yai elama, te nage nai tugi paibao," wali. Hamango te wiegi yai po da te homu yai, tama agai te bidi dabe mebabolo olama, tama augwaligo te Mordekai walabo ni me deli tulai dao.

Tuni bidigo genuai nogi Mordekaibolo mawai

6 Te sogo hulide digi, te king bidi aga godege bugagia piabo aj ebeo. Tama agai augwalibolo po olama, augwaligo agai te tonalubo tş pedaide ebo

po tigidali aşbo te buku sesao po wali, tama augwalingo po meba te bukude aşani nedainogo tialio. ² Augwaligo te Biktana de Teres sigo yali po me deli nedai, te king bidigo be habu tonaluali bidi si dao. Polobadu te bidi sigo te tuni bidi elabo tų gegali po wai. Nosali Mordekaigo augwali sigo homude te po gegelama koneani, mu tama yaibaso, tama te bidi si po tų ilali.

³ Tama king bidigo te po wali, "Dago mena dwagi yai sę Mordekaigo te yali sęde yaliwe?" Tama te bidi dabe augwaligo agabolo te po wai, "Dago magi nai agabolo me deli mawai menio," wali. ⁴ Tialima, king bidigo augwalibolo hanalu wali, "Te eno sę tonalubo bidi ofisa bidi meba te bede bidibowe, ma meniwe?" Tama te po obadi, megi naga tama Hamango te tuni bidibolo hanalu wainu asali, te agai sisi ilali nide te Mordekai walainogo hanalu wagasali. Tama Haman aga digi te tuni bidigo be obo tomoba solama, asalio.

⁵ Te sę ebo bidi dabe augwaligo aga soabo sulama, tama augwaligo te king bidibolo wali, "Haman aselama, tama tonalubao. Agai nage suainu ebo." Tama king bidigo te po wali, "Aga e be tomoba odasa asao," po wai. ⁶ Tialima, Haman te be tomoba asobode, king bidigo agabolo te po wai, "Te bidi me deli bidibo bidi agabolo eno te genuai nogi mawainogo ebao. Te eno mena wiegi yai sę agabolo yabo te eno konebe. Nago homugo eno magi sę emainogowe?" wali.

Tama Haman agade digi te tiwai homu yai, "Te tuni bidigo te sę debolo egowe?" te homu yai. "Te gasa bidi me meni, enabolo naga yaibao." ⁷⁻⁸ Tama Hamango tuni bidibolo po wei ponoyu, te po wai, "Naga mubo ugwago digi sela asama, tama te bidiba muao. Tama sadel me te hos bono baklaingo bugagia au ilama, tama naga hosba digi dualao. Tama hosgo tobolu me, mage dali, au ilao. ⁹ Tama naga polalubo tobolu bidi me deli nigilama, teda nago ugwago te bidi aga au ilaibao. Tama te bidi te hosde dualama, tama te tobolu bidigo aga te bidi sisinibo genuai pesage te hanuba odasa pomainu yao. Tialima, te augwali si pabo sogo, te tobolu bidigo te tiwai i wao, 'Te bidi suo. King bidigo genuai nogi agabolo mawai. Te wiegi yai sę tuni bidigo agabolo yali,' po waibao," Hamango te po wai.

¹⁰ Te king bidigo te po odama, tama Hamanbolo te po wai, "Nage polo pelama, te gudabo ugwa me, hos me selama, tama eno sę ebo bidi Mordekaibolo genuai nogi mao, te Juda bidi dao, te aga eno be sunumi pąde sę idu bidai. Te tigidali sę nago megi wali po gilama yao," wali.

¹¹ Tama Hamango te ugwa de hos dali si selama, tama agai te ugwa Mordekaibolo muani. Tama Mordekai te hosde dualama, tama Hamango aga te bidi sisinibo pesage hanuba odasa pai. Te augwali si pidu digi, te Hamango te tiwai po i olama, augwalibolo wai, "Te bidi suo! Te king bidigo genuai nogi agabolo mawainogo ebao. Tama agai te wiegi yai kolesaga agabolo yai dao," tama wai.

¹² Nosali Mordekai te tuni bidigo sęba ma palio. Tiali goli, Haman da, te genuai hale elama, tama haliga

sęę yali, tama aga gesabidi halua selama, tama aga beba ma geasa pai. ¹³ Tama agai aga webolo, me te aga abagi dede dabe dalibolo te agaba pedelali sę po tigidali wali. Tialima, we Seres dali, te abagi dede augwali daligo te kolesaga hauwa koneai elaluai, augwaligo te tiwai po agabolo wali, "Megi da, nago bomo me nogi elaluali te hagayu, tama Mordekaigo nage aiyaba elalualio. Aga te Juda bidi da, tama nago aga sunumi paniabo usu meni yaibao. Te nage doloyu naga yaibao." Te po wai dao.

Augwaligo Haman ela muani

¹⁴ Augwali po midubadi, tama te king bidigo sę ebo bidi dabe augwali sabolali. Augwaligo Haman polo te Estago genuai nai daa tubo madi sela painu yai.

¹⁻² Tama si sogo ma te king bidi de Haman si te Esta dali nai tugi pai. Augwali te wain wę tudubadi, tama tuni bidigo Estabolo ma hanalu wali, "Tialima, kwin Esta, nago magi nai godolo ebawe? Nago po obaso, te eno nagebolo mawaibao. Te nago homugo eno tų pedai me badu nagebolo mabo usu yaiba wida, te eno nage mawaibao," wali.

³ Tama tuni we kwin Estago po wei ponoyu, te po wali, "King bidio, te nago ena dali dwagi yai homu mu elama, te nago enabolo wiegi yai sę ilaiba wida, teda nago tama tiao. Eno te ena dali, te eno hani dabe dali isidali homu te hagela ebao. Te da bidimainogo eyu, da tau sao. ⁴ Magi baso meni. Bidi me deligo ena dali, eno hani bage dali elabo po mia sai elalubao. Agai da tigidali dolabo homu yalio. Tama timainogo agai te mone maiabo po wai dao. Te augwaligo da tagala palama, te da kalabus sę iligi sogo da, eno po me wagi menigi da, magi baso meni, te eno sęę nagebolo magi menigio. Tiali goli, augwaligo da mu ela silainu ebaso, tama eno po hanilibao," Estago te po wai.

⁵ King Serksisigo te po odama, kwin Estabolo te tiwai po hanalu wali, "Niwai dwai bidigo te tiwai sę wi isiąyu yaliwe? Te bidi mena bidibowe?"

⁶ Estago po wei ponani, "Te dwai bidi Haman te dao. Agai dade boi bidi elama, tama agai da dolabo sę sisi ilai dao," wali. Tama Haman wi elama, tama dwai didibili mu yai.

⁷ King bidigo odama, tama haliga sębę mu elama, tama te nai tudali tagalama, te be bulu badu plaua gi elalubo badu buluba teda pali. Hamango te tama sula, tama koneani, te tuni bidigo aga dolaibao homu yai. Tama Haman te be tomode bidali, te kwin Estabolo te aga tuni bidigo dolainu ebo te olo tau siyu te gogolama, sula tagalalumainu yabo po te Estabolo hanalu wai dao. ⁸ Tialima, tuni bidi te gide bidali tagalama, te nai tubo be habuba ma aselama, tama agai suali, Haman te Esta dulalu nai tubo bet sai te badu degasa dulai elalubo suai. Hamango Estabolo te aga olo tau somainu ebo po hanalu wai hagede tama tiali. Tiali goli, tuni bidi agai te tama telalubo sulama, i wali, "Ei, te bidigo ena gedude digi te tuni we kwin te eno bede penani yainu homu yalio," te po wai.

King bidigo po ola silibode, tama polo mu te şe bidi dabe asu, te Haman tobolu te ugwago haluama, te tuni bidigo elainu ebo bidi te tiwai şe augwaligo yai dao. ⁹Tama şe ebo bidi me deli nogi Harbona, agai te po wali, "Odao! Haman aga digi te ni pos bobobage bulali nedali usu te bidi sese 20 mita yali, te aga be pađe elalubao. Agai homugo Mordekai tede walainogo yai. Tiali goli, king bidio, polobadu Mordekaigo nage tau saligo, tama te boi bidi dabego nage me ela mubeo," wali.

Tialima, king bidigo te po wali, "Dagego Haman aga digi te tulali posba aga ma waligi pao," po wai. ¹⁰Tama agai te Mordekai walainogo tulali posde augwaligo te Haman aga ma tede walali. Augwaligo te tiwai tama ela silama, tama king bidigo haliga şeşę yali silai dao.

Tuni bidigo te Juda dabebolo weyu, te boi bidi dabebolo wabi wei ponao po wai

8 Te sogo naga te king Serksisgo te Juda dabe augwalibolo boi bidi yali bidi Hamango be, me tigidali doado bage, te tuni we kwin Estabolo mawai. Nosali Estago tuni bidibolo te po wai, "Mordekai aga ena dali kaneme deli elalubao," wali. Tama king bidigo te Mordekaigo te we Esta aga sesemane sogo suagaso-mainu sula tagalai. ²Tuni bidigo te Hamango nogode munaluali nogode holobo ring aga ma selama, tama aga nogode munaluali te ma dilama, te Mordekaibolo mani. Te ringde te tuni bidigo daş nigilali elaluai. Tama Estago Mordekai sa munama, te Hamango tonaluali doado bage tigidali te Mordekaigo tonalu te tonalumainu nigilalio.

³Nosali Esta te king bidi bidibo digi pelama tama aga saşa pađa degegulama, tama gela udalio. Tama agai king bidibolo te dwai kolesaga yainogo yali bidi dabego kolesaga palimainu hanalu wali, Hamango te tiwai şe emainu te po minama, daş walai dao. ⁴King bidigo Esta te gol donogo nogo tu ilama, tama Esta dolugulama, te po wai dao, ⁵"King bidio, te nago usu da wida, tama nago homugo ena kone palu da, tama nago homugo te dwagi yai nai da homu ebaso da, teda nago po te bidi dabebolo tagala palao, teda augwaligo te Hamango po wali pomainogo me elamuo. Hamango te nago tş pedaide bidibo Juda we bidi tigidali mu silimainao te po wai dao. ⁶Te dolabo dwai kolesagago te eno hani we bidi dabe augwali silidali te homu hagela mu eno ebaso. Tama augwaligo te deli kaneme dabe augwali ela mubaso da, teda ena magi elama bugagia bidigowe?" Estago te po wai.

⁷Tama king bidi Serksisgo Esta de Mordekai si dali te tiwai po wai, "Odişo, eno homugo te Hamango te Juda dabe augwali dolabo homu ebaso, tama eno aga te nide walali. Tama agai tigidali doado bage, eno te Estabolo mawai dao. ⁸Tiali goli, te pas augwaligo eno nogide aşenama, tama eno daş digi tede muani, te eno hasegelibo usu me egobeo. Tiali goli, nago magi po te Juda dabebolo aşainogo da, tagala, te aşeyu naga yao. Nago te pas eno nogide aşenama, tama eno daş ugwadu tede me muao," king bidigo te po wai.

⁹Augwaligo te tiwai şe te polua Sivan te 23 dei, tede te kibu be te sela poluade te tiwai yali. [†]Tama Mordekaigo te tuni bidigo şe ebo kuskus bidi dabe tigidali i olama, tama augwali asai. Agai po augwalibolo menama, tama te po augwaligo te pas dabede aşai. Agai te pas dabe te Juda dabebolo me, te polalubo kiap dabebolo badi, te polalubo gavman dabebolo badi, tama te tigidali 127 tş pedai provinsde bidibo ofisa dabebolo me, te tş pedai provins Indiade gagalasa, te Itiopia teba usu nagaselama, te tş pedai tigidaliba te aşani. Te aşani pas dabe augwaligo te augwali tigidali tş pedai pogo naga aşenama, tama Juda dabego pogo me aşai dao. ¹⁰Mordekaigo augwalibolo te tuni bidi king Serksisgo nogide te pas aşao po wali, tama tuni bidigo daş te paside muai. Te pas dabe selasa pabo bidi dabe augwali dualasa pabo wiegi yai polo pabo hos dabe augwali te tuni bidigo obo to-mode sali, tama augwaligo te pas dabe te tigidali buluba selasa pai.

¹¹Te pasigo te po wai, "Tuni bidigo po olama, te tigidali hanude bidibo Juda dabe tigidaligo te augwali, me augwa we wai puluba dali elainu usu sali te wabi wei ponoyu hwimainao," po wai. "Te Juda dabego wabi wei augwalibolo ponoyu, te mena gasa tşdu asai bidigo, me ma te tş pedai provinsde bidibo bage. Tama eyu, augwaligo te boi bidi dabego doado bage somainao.

¹²Te Juda dabe augwaligo te tama tiwai te genuai tş Persia tigidali badu elama, te Hamango te Juda dabe tigidali elainu bodolu muani side te tiwai yao. Augwaligo te şe şe yainu da, te polua Adar te nogo si olama, te saşago sela wabo, te 13 dei, te 12 wabo poluade te şe yao," po wai. ¹³"Augwaligo te po pusuyu, te tuni bidigo bomai po tiwai me deli da olama, tama tigidali tş pedaide bidibo tigidali bidibolo wao. Tama tibaso da, te Juda dabe augwaligo sisi elaluama, te side ped-alubaso, augwaligo te boi bidi dabebolo te wabi wei ponomainao," po wai dao. ¹⁴Gavman tuni bidi kingo te po obaso, tama te po sela pabo bidi dabe augwali te hosde dualama, tama polo udada palio. Tama me augwa te polalubo moni genuai hanu Susade bidibo tigidali we bidibolo me augwaligo te po pusai dao.

¹⁵Tama augwaligo te tuni bidigo tedela ugwa me te sisi ugwa te Mordekaigo tigiba munama, tama aga te mama bobobage ugwa me deligo aga banulai. Tama nosali augwaligo te genuai gol madi te wiegi yai au elalubo te aga toboluba muai. Aga te au ela selama, tama te tuni bidigo be tagalama, buluba teda soalio. Tama Susa moni hanude bidalubo we bidi augwaligo sulama, tama augwali wiegi yai homu pemene eyu, tama genuai po daşş olama, i wai. ¹⁶Tama Juda dabe augwali homu bugagia mu tegaluama, tama nagame yai homu elama bidai. Augwali wiegi yai homu pemene mu elama, tama augwaligo kone palali, te usu si yali homu elama, tama augwali hagabo usu me egobeo homu yai. ¹⁷Te tigidali provins badu me hanude me te Juda dabe augwaligo te tuni bidigo po

[†] Te Hibiru pogo te polua nogi Sivan wabo, te dago pogo te polua Me de Jun tama dao.

selama, tama augwaligo bodolu me deli munama, augwaligo genuai nai daa tuyu, tama dwagi yai homu pemene yali. Te gasa bidi dabe hauwa te Juda dabe augwalide wi elama, tama augwali te augwaligo hani bageba wadolai dao.

Juda dabe augwaligo te boi bidi dabe augwali dolai

9 Megi da te polua Adar, dei te nogo si olama, sağago sela, te bodolu muani sogo te pedelalio. Hasia bolo king bidigo te po wali, te sogode digi te boi bidi dabego te Juda augwali dolama, tama augwali mu silaibao po wai. Tiali goli, megi da, te Juda dabe hogodaluyu, augwali geinama, tama augwali aiyaba elalui dao. ²Te tuni bidigo genuai provins dabe te tigidali hanude bidalua pabo Juda dabe, augwaligo dolainu yali bidi dabebolo te wabi wei sainu sisi ela palio. Tama tigidali tō habu badu we bidi tigidali augwali te Juda dabede wi ebaso, tama augwaligo magi sē me deli te augwaliba yainu ebo usu isawai. ³Tama tigidali provinsde te tigidali kiap dabe me, te tigidali gavman bage me, te tuni bidigo polalubo bidi dabe, te augwaligo me te Juda dabe augwali tau sali, magi baso meni, augwali te Mordekaide wi yalio. ⁴Te tuni bidigo provins dabede bidibo tigidali bidigo koneani, te king bidigo te genuai nogi me te genuai bomo te Mordekai-bolo mawai. Tama agai bomo genuai geninama, tigidali sogo pedaliyu yalio.

⁵Tama te Juda dabego te augwa boi bidi dabebolo umabo sē eyu, te augwali mu dolali. Augwaligo te bobobage hwa ge bainat tulama, tama te boi bidi dabe dali hwjnama, tama bidi hauwa ela muai dao. ⁶Te gavmango polalubo moni hanu Susade te Juda dabe augwaligo te bidi sese umabo 500 bidi tigidali ela muani. ⁷⁻¹⁰Tama te Juda dabego boi bidi, te Hamango ogwa dabe nogo si bidi, te augwaligo ela muani. Te augwaligo nogi dabe e dao, Parsandata, Dalfon, Aspata, Porata, Adalia badi, Aridata, me Parmasta, Arisai, me Aridai, me Vaisata, te tama bidi ela muai. Tiali goli, te Juda dabego augwaligo doado bage me sabeo.

¹¹Te sogo naga te Juda dabe augwaligo te Susa moni hanude te nisu naga bidi elaliwe te po tuni bidibolo pusali. ¹²Nosali gana king bidigo te tuni kwin we Estabolo te po wai, "Te moni polalubo hanu Susade naga te Juda dabe augwaligo te bidi sese umabo 500 bidi ela muanio," po wai. "Tama augwaligo te Hamango ogwa dabe nogo si me elai. Tama eno homugo te gasa provins dabede me augwaligo te umabo hauwa bidi elali homu yai. Megi nago mena gasa nai sabo homu ebawe? Te usu da, te eno nage mawaibao. Te nago mena nai sainu godolo homu ebo te nago pogo naga wao," kingo te po wai.

¹³Estago po wei ponoyu, king bidibolo te tiwai po wai, "Tuni bidi, nago homugo usu da wida, teda te Susa moni hanude bidibo Juda we bidi augwaligo do me te megi e sogode yali sē tiwai augwaligo te boi bidi dabe dali emainu sula tagalao. Tama augwaligo te Hamango ogwa nogo si bidi augwaligo tigi te ni posde walaibao," wali.

¹⁴Tialima, king bidigo augwalibolo tama tiao po wai. Tama agai te po te moni hanu Susade bidibo bidi dabebolo ola tolai. Tama augwaligo te Hamango ogwa nogo si bidi te ni posde walobo te tigidali bidigo suai dao. ¹⁵Te polua nogo si olama, sağago si wabo polua, te 14 dei, tede te Susa moni hanude bidibo Juda dabe ma sisinama, tama te bidi sese hauwa umabo 300 bidi mu te hanude ela muanio. Tiali goli, augwaligo doado bage dabe te augwaligo me sabeo.

¹⁶Te gasa provins dabede bidalubo te Juda dabe, augwali me te bugagia bidainu te hwjbo sē bomo yai. Augwaligo te boi bidi dabe dali umabo sē mu elama, te bidi sese hauwa umabo 75,000 bidi mu ela muani, te augwali godolo isawani bidi dabe dao. Tiali goli, augwaligo doado bage te augwaligo me sai menio. ¹⁷Augwaligo te tiwai sē te provins dabede te polua Adar, te 13 dei, tede te sē ela pai. Tama do tama, te polua dei 14, tede augwaligo te boi bidi dabe me elibeo. Menio. Te side augwaligo te genuai nai daa tuyu, tama genuai homu pemene wiegi yai dali yai. ¹⁸Tiali goli, te moni hanu Susade bidibo Juda dabe, augwaligo te 12 wabo polua nogi Adar dei 15, tede augwaligo te olo bidabo side te holide yabo po bodolu tiwai me deli muani. Magi baso meni. Augwaligo te polua Adar te 13 deide, me 14 deide, te boi bidi dabe elali, te 15 deide, tede augwaligo me hwjbeo. ¹⁹Te tama tialide, te obo menisiawai dwasianu hanude bidali te Juda dabe, augwaligo te polua Adar dei 14 tede te olo bidiyu, te dwagi yai homu pemene ebo genuai side tiwai bodolu muai. Augwaligo te side bodolu muyu, te genuai nai daa tuyu, tama augwa hasi deli delibolo te wiegi yai homu ilibo kolesaga yabo bodolu muai dao.

Genuai nai daa nogi augwaligo Purim poali

²⁰Mordekaigo te side te pedelali sē po tigidali asenama, tama te pađe bidibo Juda dabebolo, me te digibulu bidibo Juda dabebolo, te pas tolali, te provins tigidali badu te gavman tuni bidi king Serksisgo tonaluai madi dao. ²¹Agai augwalibolo weyu, augwaligo te polua Adar, dei 14; 15 dei, te side te tigidali kibu bede te olo bidiyu, toma nabo si bodolu muao po wai dao. ²²Te side si sogo te Juda dabe augwaligo te augwa boi bidi dabe sela sawani side dao. Tama te poluade naga te augwali homu sēgē me homu dene yali hasegelama, tama dwagi yai homu pedelai. Tama Mordekaigo augwalibolo weyu, te side si sogo te genuai nai daa tuyu, tama abagi dedebolo, me te magi nai meni yai bidi dabebolo, te nai dobyu yao po wai.

²³Tama te Juda dabe augwaligo te Mordekaigo po wali pelama, tama augwaligo te wiegi yai homu pemene ebo kolesaga te tigidali kibu bede yai dao. ²⁴Polobadu Haman, te Hamedatago ogwa tama Agakgo waj, tama Juda dabego boi bidi agai te Juda dabe tigidali ela mainu te satu gagali elama, te elabo side te bodolu gegelama muani bidi dao. Te Hibru pogo te satu nogi augwaligo purim wali. Hamango te po minama, po dağ weyu, te Juda dabe tigidali silaibao po wai

dao. ¹²⁵ Tiali goli, Esta te king bidi bidibo madi pobaso, tama tuni bidigo te tiwai po aşani, "Polobadu Hamango te Juda dabe dolaibao po wali, tiali goli megi da, aga digi te dolobao," te tiwai po aşani. Tama augwaligo aga te nide walama, tama nosali augwaligo te aga ogwa dabe me te ni posde walai. ²⁶ Te tama tialide augwaligo te toma nabo side te bodolu si nogi yali, te page Purim. Te nogi page e dao, te satu dao.

Augwaligo tama kolesaga yali, magi baso meni, te tiwai şe augwaliba pedelali homu elama, tama Mordekaigo augwaliba te pas tolama, tama augwalibolo weyu, te side te toma neyu, olo bidao po wai dao. ²⁷ Te Juda dabego te tiwai kolesaga ilali, te augwa digi me, te augwa waj dabe nosali pedelabo bage dali, augwa bomai po muani, tama mena bidi te Juda hani tomoba asobo bidigo me te bomai po wali pai. Te si sogode te tigidali kibu bede, augwaligo te şe pedelali te homugo kone palao, te tiwai po Mordekaigo wai dao. ²⁸ Augwaligo e tama tiwai po wai, te tigidali Juda hani sibi deli delide te nosali pedalubo tigidali waj dabe badi, te tigidali tş pedaide bidibo Juda we bidi me, te genuai hanude bidalubo we bidi tigidali augwaligo te bodolu muani, te Purim te bodolu side te tigidali kibu bede te toma tuyu bidao po wai dao.

²⁹ Tama kwin we Esta, te Abihailgo wegi, aga de Mordekai dali, augwali sigo te Purim bodolu muani si elalubo te gasa pas aşnama, tama tuni we kwingo te Mordekaigo hasia agaduba aşani paside po bolo daş walai. ³⁰ Augwali sigo te pas te genuai tş Persiade elalubo te provins bidi sese hauwa 127 tede bidibo te Juda dabebolo tolalio. Paside te tiwai po wai, "Te dagego homu nagame ela bidiyu, tama duga homu

tegaluama, bugagia bidiyu, tama hwjabo şe meni yaibao. ³¹ Tama dage me, te duga waj nosali pedalubo me, dagego te Purim side te bodolu si te daş ola sao, te dagego nai osogo gisiliyu, te homu şeş me gela weyu ebo sogo te daş wabo bomai po tiwai gilama yao," po wali. "Ena Mordekai de te kwin Esta dali, da sigo te bomo yai po dage tigidalibolo mobao." ³² Te kwin Estago bomai pogo te Purimgo bomai po dabe daş walama, tama augwaligo te pepa me delide aşnama, tama munaluai dao.

Tuni bidi Serksis de Mordekai sigo genuai nogi elalui

10 Tuni bidi Serksisgo te aga tonalubo tş pedai tigidalide bidali we bidibolo te takis mone mao po weyu, te po mu daş walali. Te nambis provins dabe dali, te agai tonalubo tş tomode mu elaluali provins dabe dali, te tigidali tş pedai badu tede te takis mone sabo şe yai dao. ² Te tigidali dwagi yai me genuai şe me, tama tigidali po wabo kolesaga ebo me, te gavman tuni bidigo te genuai nogi Mordekaibolo mayu tama tiali, te tigidali şe yali augwaligo te Persia de Midia genuai tş tonalubo king bidi dabego buku dabe de te şe yali po aşanio. ³ Tama te Juda bidi Mordekai aga te gavman king bidi Serksisgo kisalubo tomo bidi bidali. Tuni bidi naga aga daide ugwadu elaluali. Tama Juda dabego aga godolo mu elama, tama augwali genuai nogi agabolo mawai. Tama agai te Juda dabe augwali bugagia bidabo şe tau sali, tama augwa hani dabe nosali pedalubo bage te augwali magi nai mede wi me isama, augwali bugagia naga bidimainu tiai dao.

† 9:24 Est 3:7

Jopgo Po Aşani Elalubo Buku

Hasia nedebo tau sabo po

Jopgo bukude te bidi me deligo te wiegi yai kolesaga dabe ebo po pusali, tiali goli aga te genuai seęę salio. Agai wai dabe tigidali isibadi, tama agai kibu bulmakau hani tigidali hagala silali. Tama nosali aga tigde gasi gegali. Tialima, Jop aga haliga seęę genuai dali bididubadi, tama aga abagi dabe sela aga dali hodobo te hobede eyu, bidagasainu asali. Tama Jop agai te abagi dabe dali agaba te pedelali seęę pagede bobobage po hauwa pusali.

Te Jop aga abagi dabego te Israel hani dabego poloba elaluali homu kolesagade po pusali. Augwaligo homugo te wiegi yai kolesaga ebo bidi dabebolo te Godigo wiegi yai seę naga ebo da homu yali. Tama Godigo seęę te bidi me deliba mabo si da, te tiwai seę ola mobaso, te bidigo te seęę saide te Godigo aga kolesaga dodolobo seę eyu eba, te homu ebo dao. Tama tialima, aga abagi selago Jopbolo te tama po wali "Te nago dwai seęę sela sayu da, te Godigo aga polobadu wiegi yai seę ilali tiwai ma emainogo yaibao," homu eyu, aga abagi dabego tama po wali. Tiali goli, Jopgo te tama homu konea pali, te aga wiegi yai doloba pai bidi da, te homu yai, te agai mena dwai seę yali pagede te Godigo agaba te tiwai seęę pedalumainu yali dawe? Te tama homu agai yali. Jopgo homu hauwa eyu, te Godigo agabolo ebo seę dabe te homu eyu, te agai hanalubo po genuai elaluali, "God agai menagi yai kolesaga mu elalubawe? Te agai doloba pai kolesaga naga elalubo dawe? Te konealubo po daę wabo kolesaga eyu, te God dologode elalubo te menagi yai nai mu te we bidi dabego bidibo ula pagede elalubo dawe?" Jopgo agai konealubo homu Godiba daę te me tagalobeo. Tialima, agai te boma pai hanalubo po te Godiba wabo, te aga wi eyu me wabeo. Jopgo aga te wiegi yai nogi te ma sabo homu elama, te Godigo gedude doloba pai bidi ma bidabo homu godolo mu yalio.

Godigo Jopgo te boma pai hanalu wali po wei dolo me ponobeo, tiali goli agai Jopba te agai genuai bomu me kolesaga koneabo seę ola mayu, waselai. Tama Jopgo Godigo te po wabo odobo sogo, agai te aga haliga seęę yalide, me te agai po dwai dabe te Godiba walide, te aga konea ma paliyu, ge neyu yalio.

Te buku silagasobode wali po, Godigo te Jopba wiegi yai seę ma ilali po weyu, tama Godigo te Jop aga abagi dabeba wado ilibo po wali. Te augwaligo Jopgo tolali seęę dabe pagede po pusali homu kolesaga te mu geda mubo po wali. Te bukude dabolo e tiwai po ola mani, dago te homu eyu, dago te Godigo homu koneani seę, me te agai kolesaga tigidali dago konea pali homu me elamuo. God aga Genuai Bidi, tama agai homude konea pali seę me tego te da tõe bidigo homu kolesaga tigidali aiyaba mu elaluai elalubo dao.

Te dwai seęęgo te bidi Jop gegelama, dene mani

(Daj 1-3)

God dali, dwai haubo tobolu bidi Satan dali, augwali sigo Jopgo dwagi yai kolesaga po miani

1 Te sia ge asobo badu, te tõe kantri nogi Us, tede bidi me deli bidali, aga nogi Jop dao. Te bidi Jop aga Godigo gedude dwagi yai doloba pai bidi mu bidai, dwai kolesaga mu meni yai dao. Aga lotu po weyu, Godigo po dologode naga biliyu, tama agai po wali peyu yai. Tama tiyu, agai dwai seę ebo hagela homu yai. ² Aga wego ogwa nogo a naga olama, me

badu nogo si ogwa ame nai, wegi sela ame nai dao.

³ Tama agai kibu sipsip 7,000, tama kibu kamel 3,000, tama seę yabo kibu bulmakau 1,000, tama kibu donki so 500 tama bidai dao. Tama agai seę ebo we bidi hauwa mu bidai. Tama te we bidi dabego te bidi Jop nogi ugwaba mu sai dao, tama tiyu, agai nogi ugwade mu elaluyu, te sia asobo badu bidi dabego nogi aiya mu ilali.

⁴ Te deli deli Jopgo ogwa dabego, me sogo sogo augwa bede moni nai mu tuabo sogo bodolu weyu, tama yali. Te ogwa dabe deligo te nai tuabo sogo bodolu weyu da, aga ama dabe me aga abe dabe tama te nai tuagasa po weyu yai. ⁵ Tama te wai pulubago nai ula tubo si ela silibo si da, teda augwali sisi elaluama, te Jopgo augwali i olama, aselama, te aga wai dabe Godigo gedude dwagi yai ma emainogo te ofa nai mayu yai. Aga kigamu hulide mu hodaluama, te nai sese bugagia mu demainu ebo dao. Te bidi agai te nai ofa

aga wai dabe deli delide usu nama ulubo dao. Augwaligo te nai da tula silibo si, Jopgo tama şe naga ebo dao. Magi baso meni, agai te homugo tibo dao, agai wai dego dwai şe eyu, augwa homude Godibolo dwai po me waliwe weyu, tibo dao. Tama te kolesaga Jopgo hauwa sogo idu geai dao.

⁶ Me sogo te Godigo ensel mobo bidi dabe augwali Genuai Bidigo geduba sisinagasali. Te dwai haubo tobolu bidi me teba asali, te Godigo gedu, te Satan dao. ^{†7} Tama tibaso, Genuai Bidigo te Satan hanaluyu, te po wali, "Nage menade bidama asaliwe?" wali. Te Satango te po wei ponoyu, te po wali, "Ena te tş deli badu naga bidibo menio. Ena te tş tigidali bulu badu bilama, tama ena e asobao," wali. ⁸ Tama Godigo aga hanaluyu, te po wali, "Nago eno şe ebo bidi me sualiwe, te Jop, ma meniwe? Jop aga te dwagi yai doloba pai bidi dao, eno gedude dwai şe me ebo menio. Agai ena dologode bidiyu, enade lotu po weyu ebo dao, tama eno tigidali po wali pabo dao. Agai dwai kolesaga mu hagela homu ebo dao. Te tşde tigidali bulu badu te bidi tiwai menio," wali. ⁹ Tama te po obaso, te Satango te po wei ponoyu, te po wali, "Nago homugo te Jop nage wi eyu, nage dologode olo dali elalu-aibawe? Nago nogode nai me sisşbo si da, magi yaibawe? Eno homugo da, meni yaibao. ¹⁰ Magi baso meni. Aga nago obo tomode bidiyu, tama nago aga bugagia tonaluyu, aga wai puluba dabe, me aga nai dabe bugagia tonalubo dao. Me nago tigidali sogo aga dali dwagi yai şe ilibo dao. Tama nago aga bulmakau kibu hauwa mu usu elama mani, augwali tedela pelama, te bidibo bulu usu numainogo tiali. ^{††1} Tama ma, nago agai te nai dolama, sela şabo si da, teda nago suaibao, agai nago gesabidide dwai po waibao," Satan haubo bidigo te po wai.

¹² Tama Genuai Bidi agai Satanbolo te po wali, "Odao, eno agai te nai dabe tigidali nago nogoba mobao. Tagalao, nago te naide magi şe me yabo homu ebaso da, teda eyu naga yao. Tiali goli, nago Jop tigde dwai şe me deli bolo me elamuo," wali. Te dwai Satango Godigo te po odama, tama aga taga pali.

Satango Jop hasia gagaliyu, usu sali

¹³ Me sogo be posobode, te Jop aga wai dabe te augwa gomunai bidigo beba deliba sisinani, te moni nai tumainu yali. ¹⁴ Tama Jop aga şe ebo bidi me te Jop bidibo madiba aselama, agabolo e po walali, "Dago te bulmakau kibu dabe giba odasa pai dao, te gi tş elemainu. Tama te kibu donki dabe augwali pagede nosai tutu bilali. ¹⁵ Tama, polo tama te Sabea bage aselama, te donki kibu dabe dali, bulmakau kibu dabe dali si wi sela pali. Tama augwaligo nago şe bidi dabe sese ela muna silali. Ena enaduba deli tama wi aselama, nagebolo e wagasobao," te po wali. ¹⁶ Te bidigo po odubadi yaide, gasa şe bidi me aselama, e po wagasali, "Be kulu weyu yaide, te be sele genuai elama, tama te kibu sipsip dali, te kibu tonaluali bidi dali, sese ela silalio.

[†] Te Hıbru pogo te nogi Satan te page dao, te tşde we bidide kisilibo po wabo bidi dao. ^{††} 1:10 Ped 12:10

Enaduba deli wi aselama, nageba e po wagasobao," wali. ¹⁷ Te bidigo po odubadi yaide, gasa şe bidi me sabolagaselama, te po wali, "Te Kaldia bidi hani sela aselama, te kibu kamel dabe wi sela peyu yaide, te şe bidi dabe ela muna silalio. Ena deli aselama, nagebolo e wagasobao," wali. ¹⁸ Te bidigo po odubadi yaide, gasa şe bidi me sabolagasiyu, te po wali, "Nago wai dabe augwali nago gomunai ogwago beba sisinama, genuai nai ulama, tubadi yaide, ¹⁹ polo tama, mone wali olo kemidu gagalasa asiyu, te be dega polama, nago wai dabe sese elama, isilalio. Enaduba deli te şede geda munama, tama nagebolo e wagasobao," te şe bidigo te po wali.

²⁰ Jopgo te po odama, moni homu şeş elama, aga ugwa pşilama, tama aga tobolu nisi tologali, te aga homu dene ola mayu tiali. Tama aga bogoli si tşba bu-lama, Godiba gedu haluasa po wali. ²¹ Tama Jopgo te po wali, "Ena idago ame nani sogo, eno magi nai me sela asai menio. Tama ena isibo sogo, te tiwaidu naga paibao. Genuai Bidi aga digi ena te nai dabe mawai dao. Tama aga digi te nai dabe ma te sela şana silali dao. Tama tibaso, eno agai nogi ugwaba mu sobao," wali.

²² Mu tama, te dwai şeşşgo Jop hwa sali. Tiali goli, agai dwai şeşş elama, Godibolo şeşş yai po me wabeo.

Satango Jop si sogo usu sali po

2 Me sogo ma, Godigo ensel mobo bidi dabe ma Godigo geduba ma sisinagasali. Te sogo me te Satan me Godigo geduba asali. ² Tama tibaso, Godigo agabolo hanalu wali, "Nage menade bidama, asobawe?" po wali. Te po obaso, Satango te po wali, "Ena te tş deli badu naga bidama, asobeo. Ena te tşidali tşde usu elama, bilama, asobao," wali. ³ Te po obaso, Godigo agabolo te po hanalu wali, "Nago eno şe ebo bidi Jop sualiwe, ma meniwe? Jop aga te dwagi yai doloba pai bidi mu eno gedude bidibo dao, dwai şe me ebo menio. Aga lotu po weyu, ena dologode naga bilibo dao. Tama eno po bugagia wali peyu, tama ebo dao. Agai dwai şe ebo hagela homu ebo dao. Te tşidali tşde bidi aga tiwai me bidibeo. Nago ena homu bega sabo po obaso, tama eno nage taga palali digi, nago aga dali dwai şe genuai mu yai dao. Tiali goli, agai ena tagalobeo. Menio. Agai ena polobadu wali asali tiwai me asai dao," Godigo te po wali.

⁴ Te po obaso, Satango te po wei ponoyu, te po wali, "Mu tamawe? Tiali goli, eno homugo bidi me aga bugagia bidaibao homu eyu da, teda te bidi aga tşidali nai menama, aga bidibo ula abelaibao. ⁵ Tama eno homugo nago agai tş dolomai homu ebaso. Tama tşbode nago suaibao, agai nagebolo dwai po mu waibao," wali. ⁶ Te po obaso, Godigo agabolo te po wali, "Eno aga nago nogode e tagalobao. Nago agai tşde magi şe me yabo homu ebaso da, yao. Tiali goli, nago aga mu isilamo dao," Godigo te po wai.

⁷ Tama tibaso, te dwai Satango Genuai Bidigo te po odasa, Genuai Bidi taga peyu, te Jopgo tigde dili keni

tiwai hauwa mu ela bibideli pali. ⁸Tama tibaso, Jop aga moni hanude dwai dwai nai şabo madi pali, tama aga te isi nogani sisi dulude dulaluali. Tama agai te tşo ni-gali sene me toga pai, te dage me deli selama, tama agai aga te dene ebo keni naga hadu bidali. ⁹Tama aga we aselama, te bidi sulama, te po wali, "Magi baso nago God wali me pidubawe? Nago God tagalama, tama agabolo dwai po wao, agai nage isilimainogo tiao," wali. ¹⁰Tiali goli, Jopgo wei ponoyu, te po wali, "Nago po te dwai kolesaga yai wego wabo aş te ebao. Ma, dago dwagi yai te Godigo da dwagi yai nai dabe mabode dwagi yai homu ebo dao. Te magi baso dago Godigo dabolo te dwai şeşę mabode dwagi yai homu egobewe?" te po aga webolo hanalu wali. Mu tama, te dwai şeşęgo Jop pedelali goli, agai Godibolo dwai po me deli wabeo.

Jop aga abagi sela aselama, aga suagasali

¹¹Te Jop aga abagi sela augwaligo te Jop agai tigi te dwai şeşę yali po odama, tama augwaligo po bodolu sali, te deliba sisinama, te bidi sugi paibao. Tama augwa bulu taga solama, Jop sugi soali, te agade augwaligo hobede ola mayu, tama agai homu daş waliyu emainu. Te bage augwaligo nogi e tama dao, Elifas, te Idom bagego hanu nogi Tema bidi dao, te Bildat te tş nogi Suha, te Sofar te bulu nogi Nama. ¹²Augwali Jop paşabalisama ebadi, augwaligo aga suali. Agai tigi mu dolai mu sulama, tama agai tigi gasagi yai mu elaluali. Hasia bolo te bidi Jop da te kuna konegobeo. Augwa ugwa pipişayali, augwali hobede ebo ola mo-mainogo, tama gela wabo gagalali. Tama augwaligo tş hogomu augwa tigiba ugwaba şayani. ¹³Tama tilama, augwali aga dali tşba duagulali. Augwali aga dali bidibadi, nogo a naga olama, me badu nogo badu si sogo aga dali bidali. Tama augwaligo agade po me wabe, magi baso meni, aga augwaligo suali, agai tigide moni dene mu saibaso.

Jop aga idago aga ame nani sogoba şeşę po wali

3 Te nogo a naga olama, me badu nogo si sogo bidama silibo si, te Jop agai pedauwali pania sabo silama, tama po weyu, te aga idago aga ame nani sogoba dwai po wali. ²Agai te po wali, ³"Te Godigo ena idago haligade elalubadi yaide, teda tama doligi sogo da, usu igi dao. Tama ena idago ena ame nani sogo me tama doligi sogo da, usu igi dao. ⁴Mu, te Godigo dwagi yai mu elama, te sogo hulide me hulialu sai me elalugi sogo da, usu mu igi dao. Ma, te giliga nanomai ebo tagaligi sogo da, usu igi dao. ⁵Te mu tama, Godigo te ena ame nani sogo mu gegeda pigi sogo da, usu igi dao. Mu da, agai ena ame nani sogo mu hulialugi sogo, tama sisi pşo te sogo dagalude hulialu selama, te giliga palialugi sogo da, usu igi dao.

⁶Tama eno homugo te mu usu mu igi dao, te eno idago haliga elalubadi, dagalu te sisi pşo mu huli daş walalugi da. Ma, Godigo me bidi dabego te sogo te kalenda daide sela şagi sogo da, teda te bidi dabego te sogo nedigi menigi dao. ⁷Ma, te sogo hulide te dwagi yai homu meni yai sogo tama we sibigo wai haliga isawai sogo. ⁸Ma, te pobi bidi dabe, te bulu hasa Leviatan guni tubo bage, augwaligo pobi weyu, te ena ame nani sogo te aiyaba elalugi sogo da, usu igi da. ⁹Te ma te usu igi dao, te huli sesabi igi sogo da, tama kigamu te dagalude hş dabe te ula igi menigi sogo da, teda te be posa pigi menio. ¹⁰Mu tama, te mu tama te sogo huli sesabi igi sogo, teda doligi dao. Magi baso meni, agai ena homu meniama iyu yaide, te idago haliga daş wagi sogo da. Tişama yaligo da, ena megi ena şeşę me, dene me, eno tigide hauwa mu te sabo yabao," wali. ¹¹"Magi baso ena ena idago haligade isişama yaliwe? Ma, te ena ame nani sogo tama tişama yaliwe? ¹²Magi baso idago ena agai teleba munama, magi baso ame maniwe? ¹³Ma, ena isigi sogo da, teda ena pila muyu, hodo bugagia doloyu, pila mugı dao. ¹⁴Teda ena te king dabe ma king dabego koneai bidi dabe yali gilama tama bidigi dao. Augwali polo isilama, tama augwa hodo doloyu, bugagia bidibao. Augwaligo moni hanu dolai goli ma hodolai dao. Tama tiali goli, augwali me polo isilama, bugagia bidiyu hodo dolobao. ¹⁵Tama tialima, ena me augwali dali bugagia pila mugı da, te genuai bidi dabego te silva dali, gol dali si augwa bede paşanani, tama te bage augwali polo isai dao. ¹⁶Magi baso ena ena idago haligade isişama yaliwe? Magi baso eno te giliga ula susişama ebadi, eno idago haligade isilama pubalobewe?" ¹⁷"Ma, te bidi polo isai bidi dabego bulude da, megi te dwai kolesaga yali bidigo ma ebeo. Tama bidi dabe augwa tigi te dene yali şę yali bage isama, tama megi augwali toma tuyu bidibao. ¹⁸Tama te bulude te bidi polobadu kalabus şę yali bage, megi da augwali dua bidibao. Augwaligo megi augwa tonalubo sesenani bidi dabego po wabo me odobo meni. ¹⁹Te bulude da, te tobage bidi dabe te bidibo, tagala augwali genuai nogi elalubaso, me olo bidi yaibaso me. Te olo şę ebo bidi dabe augwali augwa genuai bidi dologode me bidibeo. Mu meni, augwali megi da hala palali,"

Jopgo te po wali. †

²⁰ "Godigo te bidi dabe augwali dene dali seğe siyu ebo agai subo dao.

Magi baso agai augwa bidibo ula me elalubo sula tagalobo dawe?

²¹ Te bidi augwali isabo naga augwaligo wei mu ebo. Tiali goli, te bidi dabe augwali isibe.

Augwali augwa isabo bomai seğ elama gegebo seğ tiwai ebo da,

bidigo mone tğ dogolama gegebo tiwai dao. ††

²² Augwali dwagi yai homu ebo da, augwali te isilama, augwali gğ pageba pubaligi pabode ebo.

²³ Godigo te tobage bidi dabego sunumi me sina sabo dao,

te augwali te obo tomode elalubo tiwai eyu, tama te bidi dabe augwali pabo sunumi

meni ebo dao.

Augwaligo magi seğ mu yaibawe?

Tama magi baso Godigo augwali bidimainogo ebowe?"

²⁴ "Ena nai me tubo meni yani.

Eno haligade gela naga wabo.

Ena dene dwai mu ebaso, ena hwağa boma mu wabo dao.

Tama eno homu seğe da,

aj gamiade weğ pağalubo tiwai elama pabo tiwai ebo.

²⁵ Magi baso meni, te tigidali nai dabe ena wi mu ebo da,

te nai dabego ena sabolama, ena dolobo dao.

Awe, te ena wi ilali seğ dabe enaba pedelai dao.

²⁶ Tibaso, eno bugai homu me ebe,

tama ena dua me dulalube,

tama tiyu, ena dua me dualalubeo. Mu menio.

Tigidali sogo eno tigde dwai seğe naga siyu ebo dao, tama eno homu tegalugobeo," Jopgo te po wali.

Elifasgo polasa wali po

(Daj 4-5)

Godigo doloba pai bidi tau siyu, te dwai seğ ebo we bidi aiyaba elalubo dao

4 Elifas te Teman hanu bidi agai Jopgo wali po oda silama, agai po wei ponoyu, te po wali,

² "Jop, eno po dwasianu nage dali waibao.

Ma, tama eno tama tiyu da,

tada nago ena dali wado yaibawe, ma meniwe?

Tiali goli, tagala, eno penane panialugobeo.

³ Eno koneani, nago dwagi yai homu we bidi hauwabolo mani.

Tama nago bomo menia we bidi bomo ma ilali.

Tede nago homu kone palao.

⁴ Te we bidi genuai seğe selama, tğba tulalwai goli,

nago augwalibolo dwagi yai po mawai.

Tama nago te pogo augwali ma hodolai dao.

Tama augwali ma bomu elama

dolalumainogo nago augwali tau sali.

⁵ Tiali goli, hobede mu dwali.

Megi dwai seğeğo mu nage te mesegelai yaba.

Tama nage noma siyu,

nago homu seğe genuai mu te eba.

Awe, te seğe nageba pedalubaso, nage noma mu sali.

⁶ Nage Godigo po wali peyu, tama agade lotu po weyu,

tama aga dologode naga bidiyu eyu yaide,

nago dwagi yai doloba pai kolesaga

tigidali sogo eyu ebo da.

Tama megı me nago agade homu dağ walama,

tama agai nage ma tau somainu yao," wali.

⁷ "Jop, nago koneani,

we bidi me dwagi yai kolesaga eyu,

dwai kolesaga menia, te bidi dolama isaliwe?

Ma, te doloba pai we bidi olo dolaliwe?

Teda meni homu eba.

⁸ Tiali goli, eno suali,

dwai kolesaga hauwa ebo bidi dabe da,

te bage da dwai kolesaga wali peyu,

augwali seğe hauwa wali peyu ebo.

Te e tiwai dao, bidigo aga gide dwagi yai nai wai bulama,

tama te dwagi yai nai sabo tiwai,

ma te bidigo dwai nai wai bulama,

tama te dwai nai sabo tiwai.

⁹ Godigo te dwai seğ ebo bidi dali seğeğ elama,

tama augwali mu dolama,

tama augwali mu silibo dao.

Te e tiwai dao, isigo ni ulama sia sabo tiwai dao.

¹⁰ Dwai bidi dabego gasa bidi dolama,

dwagi yai homu ebo,

te bulu yowi laiongo bulu hasa

ela munama, hai wabo tiwai ebo dao.

Tiali goli, Godigo te bidi dabe aiyaba

elaluama, seğeğ mena tagalobo dao.

Tama augwali te bulu yowi laion tiwai dao,

te augwaligo kele degelama,

te bulu hasa ma ela tuabo usu meni ebo dao.

¹¹ Tama te bulu yowi laion aga tuabo nai meniama,

tama isibosi, augwaligo wai dabe wi tedela pabo.

Te tiwai te dwai bidi dabe tigde ebo dao,"

Elifasgo te po wali.

Bidi me deli Godigo gedude dwai kolesaga isağwai bidi meni dao

¹² Tama Elifas agai po genina mu ma weyu, te po wali,

"Me sogo po me dua digi mu ena pageba sabolali.

Pađe mu tama te po odabo ağ ebe.

¹³ Te po eno hulide sali.

Te bidi dabe sese mu godege pilama tomo mu igi paide.

† 3:19 Jer 20:14-18 †† 3:21 Ped 9:6

Ena pila mubadi yaide, te haniani kolesaga eno tobolude iba oba ida wali.

¹⁴ Tama tibadi yaide, magi nai mego eno tigi wi ilama, tama eno tigi noma geninama mu sali.

¹⁵ Tama dwasianu wali eno gesabididu aselama, eno gesabidi pona sayani.

Teda ena wi genuai mu elama, tama eno tigi nisi hodaluai.

¹⁶ Eno magi nai me dolalubo suai.

Tama tibaso, eno gedu dilasa mu tonali.

Tama te nai eno bugagia koneabo aq ebe, tama eno kilikili me me odobe.

Tiali goli, nosali eno po me odali, te pogo e tama wali,

¹⁷ 'Godigo tigidali we bidi nigai dao.

Tama augwali aga dologode bidibao.

Tama God agai gedude doloba pai bidi me bidibeo, te God aga tiwai.

¹⁸ Te Godigo ensel mobo bidi dabe God aga dali bidiyu, se agade ebo.

Tiali goli, me sogo augwaligo augwa se bugagia me ebo menio.

Godigo subo da, te ensel mobo bidi dabe me sogo bugagia me bidibo menio.

¹⁹ Tiali goli, bidi dabe da, e tede olo nai dao.

Nago homu bidigo ensel bidi edelama, Godigo gedude doloba pai bidi bidaibawe?

Godigo e tede bidigo tigi nigai dao.

Tama augwali polo isibo da, te ba bogq bidigo saqa agala sabo tiwai dao.

²⁰ Bidi me deli kigamu bugagia bidiyu, tama pio aga isilama, tama me badu we bidigo aga mu gegeda palaiba, agawe?

²¹ Te bidi dabe dwagi yai kolesaga sisabadi yaide, te isibo augwaliba polo sabolobo dao, te sel ugwa be te bono pişigana palobo si, tqba polo tulalubo tiwai ebo dao," wali.

5 Tama Elifas agai po genina ma weyu, e tama wali, "Polobe da, Jop, nago i bomonama tau somaino-go.

Tiali goli, eno homugo bidi deli bidibo te asogowe? Nago homugo dagalude ensel bidigo nage tau somainu hanalu waibawe?

² Ma, kolesaga meni yai bidigo da, teda dwai kolesaga wali paibao.

Tama homu sege eyu, sebe ebo se tigidali sogo yaibao.

Tama aga te kolesagago aga digi aga ma isilaibao.

³ Eno suai, bidi meba augwa obo tomode bugagia bidibo suai.

Tiali goli, augwaligo kolesaga mu dwai mu elalubo suai.

Tama tibaso, eno God polo i wali, te bage dolomainu.

⁴ Ao, augwa wai puluba dabe bugagia bidabo sunumi meni yai.

Tama bidi dwai dabego augwali po tu ebode aiyaba elaluainu ebaso da, teda augwali po tu ebode kisa sabo hai namu meni yaibao,

te po tu de ela holabo.

⁵ Te we bidi nai menia siyu ebode, ma dogoni aloa siyu ebaso da, teda augwali te dwai bidi dabego giba dabe nai sagasiyu yaibao.

Tagalogobeo, te dwai sesani bono tomode elalubo nai me, augwaligo te nai me siyu naga yai-ba.

Tama augwaligo moni doado bage sabo sunumi gegaibao, te bidi hanigo.

⁶ Dago koneani, te dwai dwai sege, me dwai dwai se ebo kolesaga te nai tubo tiwai e tede pedalobo meni.

⁷ Bidi dena digi da, te tobage dwai dwai sege sabo kolesagago se ebo dao.

Dena digi te sege sabo, e tiwai ebo dao, te kenage isi ulama podiliyu, te isi hobolu, ugwaba dagala saqo tiwai ebo dao," wali.

Te dwai sogo God nage tonaluaibao

⁸ Elifas agai po genina ma weyu, e tama wali, "Tiali goli, ena tama nago tigde sege yali tiwai igi sogo da, teda ena Godibolo gedu haluasa po wagi da, agai eno te sege silimainu.

⁹ Agai haniani se hauwa mu ebo dao, tama dago te se nedebo usu egobe.

Augwaligo dago kolesaga edelai, te dago kuna konegobeo.

¹⁰ Agai te tulubage e tqba mayu, te dago giba me tulubage mabo dao.

¹¹ Agai genuai nogi te nogi meni yai bidibolo te genuai nogi mabo dao.

Tama agai te dwai sege sobaso gela wabo bidi dabe tau siyu ebo, tama bugagia bidimainu," wali.

¹² "Agai te tibo po walama, dwai kolesaga ebo bidi agai tobolu dolobo dao, tama tiyu, te bidi dabe augwaligo yaga wali haniani se ebo meni.

¹³ Bidi mebago haniani kolesagago bidi mebago homu kolesaga dolainu ebo dao.

Tiali goli, God te dwai kolesaga ebo bidi aga te dwai kolesaga ebogo aga ma dolomainu ebo dao.

Te e tiwai dao.

Bidigo sugu sabo wa te sugu sainu waj goli, te wa aga digi aga tigde ma agabesai subo dao.

Tama augwaligo sainu yali homu te olo buluba taga pabo dao. †

¹⁴ Augwaligo homu kolesaga mu kone tu pabo dao, tama augwaligo magi se me yabo homu ebo menio.

Te giliga nanani da homu egobeo.

Augwali te homu kolesaga mu menia pela, huli dulude bidibo tiwai elama, augwa pabo sunumi subo menio.

† 5:13 1 Ko 3:19

15 Tiali goli, Godigo
te nai meni yai bidi tau sabo dao.
Ma tagala, te bomu yai genuai bidi dabe da,
augwaligo te nai meni yai bidi dabe dologobeo.
16 Tama tibaso, te nai meni yai bidi dabe
augwa Godiba homu kolesaga daꝥ weyu,
God augwali tau somainu tonalubo dao.
Tama te dwai se ebo bidi dabego
augwalibolo dwai se ma egobeo," wali.
17 "Ma, te Tigidali Bomo Elalubo God
agai bidi me deli kolesaga dodolobaso da,
teda te bidigo dwagi yai homu yao.
Tama megida, agai nage dodolaiba,
tiyu nago aga tudi ola maidali weyu. †
18 Dago koneani, Godigo nage sege mu mayu
elama ebaso da,
teda aga digi nage usu ma ilaibao.
19 Tigidali sogo mu, agai nage
dwai sogo ebaso me, agai nage tau saibao,
tama te dwai naigo nage me dologobeo.
20 Ma, te nasi ebo si asobaso da,
agai nage nai mawaibao,
tama nage bugagia bidaibao.
Ma, te wabi hwiꝥbo sogo, agai nage tonaluaibao,
tama tiyu, te boi bidi dabego
nage me ela mugobeo," wali.
21 "Ma, te bidi dabego ili po walama,
nago nogi aiyaba elaluanu ebaso da,
me ma te dwai nai pedalama,
tama nage dolainu ebaso da,
teda God nage pagede bidiyu, tau saibao,
nage wi me egobeo.
22 Te moni nasi si asobo sogo me, te dwai sogo me,
Godigo nage tonaluaibao, tama nage
dwagi yai homu elama, bugagia bidaibao.
Tama nage bulu hasa wi me egobeo.
23 Te nago gide to elebo si,
te gide masigi du me sugobeo.
Tama te bulu hasa dabe nage dali bugagia bidaibao.
24 Tama nago koneaibao,
naga nai dabe bugagia bidiba olama,
tama naga ugwa bede bugagia dua bidaibao.
Tama naga kibu sipsip dabe bugagia bidibo suaibao,
tama te kibu sipsip me hagagobeo.
25 Naga hani te genuai mu pedalaibao,
tama augwali genuai mu pedalama,
te tode nosai holobo tiwai yaibao.
26 Tama tibo si, nage monu dabe mu
elama, tama nage isaibao.
Nage te gide wit nai inabo tiwai elama,
tama te bidi dabego sabo sogo saibao.
27 Jop, dago sulama, homugo koneama,
tama dago mu suali,
te nai dabe tama dago mu koneani,
te mu tama mu dao.
Eno te po pusali, te nage tau somainu.
Tama tibaso, nago olo saꝥanama, bugagia odama,

† 5:17 Prs 3:11-12; Hib 12:5-6

tama homu kolesaga bugagia sao,"
Elifasgo te po wali.

Jopgo Elifasgo po wei ponobo po wali

(Daj 6-7)

Jop agai homugo sege genuai me elalubao

6 Tama te Jop agai Elifasgo po wei ponoyu, e tama
wali,
2 "Hobede mu, tiali goli, ma eno
te tigidali homu sege dali, te tigidali nai dabe,
te skel me deliba muyu da,
3 teda te dwai nai dabego segego
te tamu aꝥ sanide elalubo
masigi kemigo sege aiyaba ilaibao.
Tama tibaso, eno wado elama, haniani po dabe obao.
4 God tigidali bomu elalubo,
te agai ena te enego enani ene
te dwai nabi tede elalubo.
Tama te dwai nabi eno tigi tomoba pelama,
tama eno homu dwali.
Godigo haniani nai taga palali ena wi emainu," wali.
5 "Te kibu donki dali, te kibu
bulmakau sigo augwa tuabo nosai
elalubaso, te hoꝥ wabo meni.
6 Tiali goli, dago pusu menia nai meba
elalubo, dago te nai subigila tuaibawe? Menima.
Hasia dago tamu bolo munama, tama dago tubo da.
Ma, te ba ge gani pusu ebo dawo? Mu menima.
7 Eno haligago te tobage nai wei mu meni.
Eno gedude te nai dwai mu da," wali. ††
8 "Eno wei mu ebo, Godigo eno gedu
haluasa po wabo odama,
tama agai eno emainu wali sege dabe emainao.
9 Eno godolo ebo da, God agai ena saꝥago agalama,
tama elama, isilimai homu eba.
10 Ma, te ena genuai sege tolobo da hagela ebo,
teda ena dwagi yai homu elama, sasamano bilaiba.
Magi baso meni, eno koneani,
tigidali sogo mu ena God dologode bidali,
aga te dwagi yai kolesaga eyu,
doloba pai kolesaga naga ebo God dao.
11 Eno bomu tigidali sia sali,
tama eno mena dwagi yai nai enaba
ma pedalobo tonaluaibawe?
Ena bididuabo page da, mu meni.
Tama magi baso ena homu nagame elama bidaiba?
Te mu dwagi yai da, eno bidibo ula sia siyu da.
12 Mena tama tibo nago homugo ena bomu masigi
dali,
bras dali si tiwai dawo? Mu meni.

†† Te ves 5-7de Jopgo te tiwai po begelama, wali, te Elifasgo wali
pogo aga tau sabo sege dwasianu me ebeo, te pusu menisꝥwai nai
tubo tiwai yali. Tama tibaso, te aga sege dabede po me tama pus-
abo homu eba.

¹³ Eno bomo mu sia sali, tama eno mena şe ma eyu, ena ma tau somainu ebo usu menio," wali.

¹⁴ "Bidi te genuai şeşę elalubo sogo da, augwa abagi mu dabe pađe elalubo dao, ma agai God tudiba şawai badi, me aga God dologode me bidibadi.

¹⁵ Tiali goli, dage eno abagi dabe, dagego ena ili po bugagia mu ola mobao. Dage te ađ gamia wa pai elalubo, te tulubage tulisama ebadi elalubo tiwai dao.

¹⁶ Te tulubage side da, te wę te ađ gamiadu soabo dao.

¹⁷ Tiali goli, te poi pibo side da, te ađ gamia dabe wa pai mu elalubo dao.

¹⁸ Me sogo side bidi dabe augwa bulu tagalama, gasa buluba augwa wa hulu sabilibo kibu kamel dali pabo sogo, tama augwali wę menia sabo sogo, augwali sunumi tagalama, te wę gamiaba gegegi pabo dao. Tiali goli, wę gamiade wę mu meni ebo dao. Tibaso, augwali wę geme elalubo badi udada bilibadi, augwali isibo dao.

¹⁹⁻²⁰ Te bidi hani te hanu Tema bidi dali, Seba bulu bidi dabe, augwaligo me tiwai şe naga ebo dao. Augwaligo homugo te wę gamiade wę elalubao olama, augwa kibu kamel dabe teba sela pelama, te wę tumai homu elama, teba odasa pabo dao. Tiali goli, augwali te wę sula saibaso, noma sabo dao. Tama tibaso, augwali dwai homu ebo dao.

²¹ Eno homugo dage sela te wę gamia sula sai tiwai dao. Eno homugo dagego ena tau sainu asali. Tiali goli, dagego suali, ena mu dolai mu bidibo suali, tama tibaso, dage wi genuai mu yali.

²² Mena tama tiali? Polobadu eno dagebolo ena dobola somainogo te boi bidiba doado bage mao wabo sogo me elalui dawe? O ma, eno dagebolo gasa bidi dabebolo mone momainu, te bidi dabe hanaluama, ena tau somainu yai dawe?

²³ Ma, eno dagebolo boi bidi dabego nogode ma somainu dagebolo hanalu wai dawe? Ma, ena te dwai kingo nogode abelemainu yaliwe? Mu menima," Jopgo te po wali.

²⁴ "Tibadi polo ma, dagego ena olama ma, tama eno koneama, te eno dwai şe dabe yali koneaibao. Tibaso da, eno pedauwali pania selama, dagego po wabo naga odaibao.

²⁵ Tama dagego po mu yaibaso da, teda eno te po oda selama, eno homu kone

palama, mu da homu elama, wali paibao. Tiali goli, dagego olo ili po naga weyu da. Eno dwai şe me yai meni.

²⁶ E şeşęgo ena mu dolali. Tama tibaso, eno po dodolama obao, tama dagego homugo, eno po olo wali bola bilibo tiwai yali. Tama dagego homugo dagego ena dodolaibawe?

²⁷ Menima. Dagego kas gagali elama, te tiana wai dabe dego mu sogowe weyu suainu yabo bage dao. Tama duga abagi solo maketde munama, mone sainu yabo usu.

²⁸ Mu tama, dagego ena bugagia sulama, osayama, eno dagebolo ili po me wagobe ma.

²⁹ Dagego te tobage po dali, kolesaga dali si tagama, tama doloba pai kolesaga elama, eno kolesaga osayama. Dagego ena aiyaba elalugi, eno magi dwai şe me ebe.

³⁰ Dagego homugo eno po dolo meni homu ebowe? Tama dagego homugo eno te dwai kolesaga menawe, te dwagi yai kolesaga dali si dagalogobewe, ebawe? Te bage?" Jopgo te po wai.

7 "Da e tşde bidibo sogo, da e tiwai dao, bidigo da kegelama, wađi hwjbo bidi nigibo. Da te şe ebo bidi dabe tiwai gilama, bomai şe naga tigidali sogo yaibao.

² Da e tiwai olo şe bidigo te giliga ibaba dega sabode agai tigi dwanu kedau emai ebo. Tama da te şe bidigo aga mone sabo tonalubo tiwai dao.

³ Godigo bodolu te polua hauwa mu mani, ena dwai tiwai bidimainu. Tama tigidali hulide ena homu dwai idubao.

⁴ Ena pibo saide pila muyu, eno homugo te be polo posao homu ebao. Tiali goli, huli sesabi bobobage mu yaibaso, ena pibo saide ugwa begeliyu, eda begeliyu idubadi, be posalio.

⁵ Eno tigi tigide elalubo kenide te sawi pulai elalubo. Bomai tigi waligo te keni halubo dao, tama te keni dabe olo tigi wali pepeda pelama, tigidali tigide tilama, keni di pedalobo dao.

⁶ Me ma, ena e tşde bidibo sogo polo peyu ebo. Tama tibaso, eno homugo eno tigi ma usu yaiba homu menio," Jopgo te po wali.

Jop aga homu şeşę Godibolo pusa mani

⁷ Jop agai po genina ma weyu, e tama wali, "God, nago koneani, eno e tşde bidabo sogo te pęwadage mu da, te eno gunidu mobo selama, buluba polo ma soabo tiwai mu dao. Tama tibaso, dwagi yai sogo ena tigiba ma asogobeo.

⁸ Bidi dabe augwaligo ena megı subao.
Tiali goli, nosali augwaligo ena ma sugobeo.
Nago ena gegebo şę yali goli, tama ena olo dali
hagalama, nago ena ma sugobeo.
⁹ Bidi isibo da, teda aga
polo isai bidi dabego buluba pabo.
Te pę me deli tiwai dagalude bidisama
tedela pai te tiwai dao.
Tama bidi dabe te bulude bidibo bage
te buluba ma asogobe.
¹⁰ Aga aga beba ma asogobe.
Tama aga hanigo aga homu kone me egobeo,
tama mu gegeda paibao," wali.
¹¹ "Tama eno te homu ebo sogo,
eno pedauwali pani sogobeo.
Eno haligade gela genuai mu walama,
tama ena şęę genuai mu totalio.
Tibasao, eno po me waibao.
¹² Magi baso nago ena tigidali sogo
ena bomonama tonalubo dawę?
Nago homugo ena te tamu ađde bidibo
masalai gula tiwai da weyu,
eno te nai dabe dolomai homu ebowę? †
¹³ Eno homugo tibo dao,
ena godege piyu, te dene ebo gegeda pogowe
homu ebo.
¹⁴ Tiali goli, ena pibo sogo nago ena haniani na ilama,
tama eno te tobage hwađ bidi suyu ebo.
¹⁵ Tialima, te sogo eno homugo
te tibo kolesagago ena dogoni tola selama,
ena isimainao.
Eno wei ebe, ena te tigidali me bididu,
te tobage şęę siyu ebo hagela ebo.
¹⁶ Ena hagela polo yali.
E tęde bidibo da, ena hagela mu ebo.
God, nago enabolo şęę ma menamo,
ena sula tagalama, olo bidimainao.
Magi baso meni, ena bidibo sogo pęwadage mu yali,"
wali.
¹⁷ "Da we bidi magi nai dao olama,
nago da homu ebo dawę?
Magi baso nago da tigidali sogo
tonalubo dawę? ††
¹⁸ Magi baso nago dago kolesaga
tigidali sogo kigamu osabo dawę?
Tama magi baso nago da usu sabo hodo dolisama
ebo dawę?
¹⁹ Eno homugo nago gesabidi gasaba begelama,
tama ena nago pęwadage sogo naga
tonalu homu yali goli da,
ena pęsa dalobo doanu usu emainu.
²⁰ Eno homugo eno dwai şę ebogo nage mu dolobo,
tama nago homugo enabolo şęę maiabo homu

† Polobadu digi bidi hani mebagu po me deli pusuyu, te tamu
ađde bidibo husale hasamani bidigo augwali dolainogo elalui da po
walio. Tiali goli, Godigo aga hadabu ilama, te agade tonaluyu
bidibao. Te husale hasamani nogi da, te Rahap. Te ede elalubo po ti-
wai me te Jop 9:13; 26:12-14, tede me elalubo suao. †† 7:17 Tib 8:4;
144:3

ebawę?
Ena te nago enego enebo tađ tigi tiwai pedalali,
tama nago ene enaba enebo dao.
Nago da tonalubo da,
te enesigi bidi dabego kalabus bidi tonalubo
ađ ebo dao.
Ma, eno nagebolo genuai şęę maniwe?
²¹ Magi baso nago eno şęę dali,
dwai şę dali si tagalobo homu ebewę?
Dwasianu sogo ena isama, ena guđ pagede pila
muaibao.
Tama nago ena gegebo sogo,
te nago ena munu ma sugobeo,"
Jopgo Genuai Bidibolo te po wali.

Bildatgo polasa pusali po

(Daj 8)

Dwai bidi dabe bobobage sogo bidigobe

8 Jopgo po ola silibo si, tama Bildat te Suha bulu tę
bidigo agabolo e tama wali.
² "Te bage. Nago po da, dwai goli da,
mena sogo nago te kolesaga tagalaibawę?
Nago po wabo te wali subigila pabo tiwai dao.
³ Godigo tigidali bomo elalubo,
te doloba pai kolesaga hasegelama,
tama da kegebo meni. Mu menima.
Tigidali sogo agai kolesaga doloba pai naga dao.
⁴ Tialima, nago wai pulubago dwai şę ebaso,
agai augwa şęę wei ponani bogo.
⁵ Tiali goli, naga Godibolo gedu haluasa po wao.
Agai tigidali bomo elalubo, tama nago
agabolo nage hobede emainu ya.
⁶ Ma, nage Godigo gedude doloba pelama,
magi şę me isawai da, teda God
aselama, nage tau sagasaibao.
Teda aga nage bugagia nago bede bidimainu ilaiba,
te polobadu bidali yali gilama.
⁷ Tama agai nagebolo nai dabe hauwa mu
mawaibao, te polobadu nago elaluali nai
mu edelaibao.
⁸ Nago polobadu bidali genuai bidi dabego
dwagi yai doloba pai kolesaga page nago gega
suao.
Tama polobadu waj dabego kolesaga me osola suao,"
wali.
⁹ "Magi baso meni. Da tęde pęwadage sogo
bidibo dao,
te bidigo tigi noma te tęde osogo
elalubo tiwai bidibo dao.
Tama polo tama hagawaibao.
Dago dwasianu kolesaga naga elalubo.
¹⁰ Polobadu bidi dabego dwagi yai kolesaga dali
dwagi yai homu elaluali,
tama augwaligo nage ola mawaibao," wali.

¹¹ "Augwaligo po meba e tama dao.
Me badu tõe wẹ menia digi da,
te bulu awi me nosai da bugagia me hologobeo.
Meni.
Augwali te wẹ hauwa elalubo digi da,
teda te awi dabe nosai dabe genuai mu holaibao.
¹² Tiali goli, wẹ sula sabo si da,
tama te awi dabe te nosai dabe genuai holobo meni,
tibo si bidigo tagabo usu ebo menio.
Augwali hogodo elalubadi, augwa ma sisibo dao.
Te me badu nosai dabe polo sasia pişama
ebo te nosai dabe ebo gilama.
¹³ Te bidi dabe te God tudiba mubo bidi dabe
augwali te nosai dabe tiwai dao.
Te bidi dabego augwa doloba sunumi wali pabo dao.
Augwaligo homugo tibo meni,
augwali bugagia bidiba homu egobeo. Menio.
Augwali olo tama hagawaibao.
¹⁴⁻¹⁵ Augwa homugo da, augwali
bugagia bidaiba homu ebo dao.
Tiali goli, augwaligo te homu ebo da,
te olo dali geda mubo dao.
Augwali te kolesaga umawai meni yai bidi da,
te be tolaluabo homu ebo tiwai dao.
Te hologabe gagalama, be sigiba holobo dao.
Tiali goli, te hologabe dabego be polo huşia pabo da,
tama augwali subigila tulalubo dao.
¹⁶ Hasia da, te bidi dabe augwali
dila pai nosai tõe elalu tiwai elalui dao.
Augwali wẹ hauwa elaluyu, tama bugagia holama,
tama augwaligo pedali dabe tigidali tõe usu yali.
¹⁷ Tama masigi dude bomonama daş wala sali.
¹⁸ Tiali goli, bidigo te nosai gudubo sogo da,
teda bidi mego konegobeo, polobadu tede dila
nosai
elalui digi da homu egobe.
¹⁹ Mu tama, bidi dabego God tudiba mubo dao.
Augwaligo wei ebo kolesaga pewardage mu dao.
Tama augwali isibo sogo,
te gasa bidi dabe pedalama,
te bidi dabego bidali pesage saibao," wali.
²⁰ "Ma, te bidigo doloba pai kolesaga wali peyu,
tama Godigo gedude dwai se me isama yali da,
teda Godigo aga tudiba me iligobeo.
Tiali goli, bidigo dwai kolesaga ebaso da,
teda Godigo aga tau sabo usu egobeo.
²¹ Megi da, Jop, Godigo nago kolesaga
doloba pai suali da,
agai nage homu wiegi yai ilaibao.
Tibaso, nage wiegi yai homu elama,
nage gisugu ma weyu, hai waibao.
²² Tama agai bidi dabe nage
wei isama yali bidi dabe aiyaba ilaibao,
tama augwa moni hale mu yaibao.
Tama te dwai kolesaga ebo bidi da,
teda augwali hagawaibao,
augwa te nai dabe dali sese hagawaibao,"
te bidi Bildatgo Jopbolo te po wali.

Jopgo Bildatgo po wei ponobo po wali

(Daj 9-10)

Jopgo God dali po dodolainu yai

9 Tama Jopgo Bildatgo po wei ponoyu, te tama wali.
² "Mu tama, eno koneani, nago po dolo mu dao.
Tiali goli, bidi Godigo po tu eboba sabolagi peyu da,
teda mena tama aga Godigo gedude
doloba pai bidi pedalaibawe?
³ Bidigo God dali pogo haş po wabo sogo da,
teda tagala, Godigo agabolo
1,000 nai dabe hanalu waibao.
Bidigo Godigo hanalubo po
wei deli me ponogobeo.
⁴ Godigo haniani dwagi yai kolesaga dabe,
me dwagi yai homu kolesaga,
tama bomo me elalubo, tama deş sogobeo.
Tialima, niwai bidigo Godigo bomo dali,
kolesaga dali si usu selama, God edelaibawe?
⁵ Ma, God agai seşe deli sogo eyu da,
agai bulu du dabede deli sogo ibaba kidilibo dao.
Tama augwali mu dolama, tagalobo dao.
⁶ Agai te tõe daş walalubo nai mumunu baso,
tama te tõe mali genina mu emainu ebo dao.
⁷ Agai po wabo goli, tama giliga agai po wali pode
pedalugobeo.
Tama aga hõ dabego ula paliama, dago ula me sug-
obeo.
⁸ Agaduba deligo naga dagalu ugwade
dinigina palai dao.
Te tamu aşı holobo sogo da,
te aşıba hologobe aga ugwadu bilibo dao.
⁹ Tama God agai te hõ dabe nigai,
tama te hõ dabe augwa nogi deli deli
elalubo. †
¹⁰ Agai haniani bomai seş mu ebo dao.
Agai ebo kolesagago dago ebo kolesaga edelai
elalubo.
Tama dago agai nigali nai dabe nedebo usu egobeo,"
wali.
¹¹ "Tagala, God ena paşa mu aselama,
tama ena ela soabo si, eno konegobeo.
Tama aga ena paşa asobosi, eno aga me sugobe.
¹² Ma, agai magi nai me wei yali da,
teda agai siyu naga ebo dao.
Bidi mego aga me togolobo, usu egobeo.
Tama dego aga hanalu waiba,
'Nago magi seş ebawe?'
¹³ God agai boi bidi dali seşe ebo kolesaga
sesemane sogo idu gebo dao, simanogobeo.
Mu tama, te moni tamu aşıde bidibo
bulu hwabidi gulamane dali,

† 9:9 Jop 38:31; Amo 5:8

aga wali asali genuai hani dali si,
te Godigo aiyaba elaluama,
tama aga dologode elalubo dao.

¹⁴Ena bomo mu meniama,
tama eno Godigo po wei ponabo usu egobeo.
Tama ena God aga po tų ebode
doloyu da, eno magi po wagawe?

¹⁵Tagala eno magi seęę meniama, magi po meniama,
tama te po tų ebode ena dolo dali pai.
God aga digi aga te po tų odobo bidi dao,
tama agai ena po tų ebo dao.

Tiali goli, eno agabolo ena hobede ya po hanalu
waibao.

¹⁶Ma, tama eno aga i olama,
tama te po tų odagasa obaso da, tama aga asigi
sogo da,
teda eno homugo agai eno po odogi menio.

¹⁷Agai moni tulubage dali, wali dali si
tagala paligi dao.

Tama ena aiyaba elaluama,
tama eno dwai seę yai elalubao wainu,
tiali goli agai ena mu doliyu igi dao.”
Jopgo te po wali.

¹⁸“Agai ena doanu me tagaliyu me ebe.
Tama tibaso, ena homu he wabo usu ebe.
Agai te seę dabe ena tigide ebo digi,
ena homu seęę genuai mu ebao.

¹⁹Ma, Godigo bomo eno usu sainogo eyu da,
teda agai bomogo ena aiyaba elaluaibao. †
Tiali goli, eno po tų ebode po dodoliyu da,
teda dego aga tobage dwagi yai te po tų ebode
yaibawe?

²⁰Eno dwai seę me ebe, tama eno aga gesabidide
dwai dwai seę dabe me ebeo.

Tiali goli, ena Godigo po tųde doloyu da,
teda eno po geda munama,
ena digi ena ma po tų ela mawaibao.

²¹Mu tama mu, eno magi seęę seę deli mu me ebe.
Tiali goli, eno homugo ena te olo nai dabe mu
aę te ebao.

Tama ena bidibo ula mu da ena hagela mu ebao.

²²Eno polo mu konea pali.

Tagala, da tigidalide te tobage seę naga ebo dao.
Tama agai koneani, dago seęę elalubo wei ma meni.
Godigo da mu sia sabo dao.

²³Tama ma dwai sogo pedalobo si da,
da doloba pai we bidi dolobo.

Godigo dwagi yai homu ebo dao, te seęę subode.

²⁴Godigo dwai dwai kolesaga ebo bidigo
e tų tonalumainu sula tagalai dao.

Tama agai te po tų odobo bidigo kolesaga begelama,
tama te po tų bugagia odobo meni.

Ma, Godigo te seę dabe igi menigi sogo da,

† Hibru pode megil elalubo pogo te tama po wai, “Dego ena te po tųba odasa asaibawe?” te po wali. Tiali goli, bidi hauwago te tama homu yali, polobadu mu te po wai elaluali, “Dego aga te po tųba odasa asogowe?” te wali po elalubadi, tama nosali bidi mebago te Hibru po hasegelai dao, te homu ebao.

teda dego mu igi dawewe?”
Jopgo te po wali.

²⁵“Eno bidibo bubuga polo sia siyu ebo dao.
Augwali umagia mu polo pabo dao,
te bidi po sela peyu pabo te edelebo dao.

Tama tibaso, ena dwagi yai sogo
ma sisinabo usu me egobeo.

²⁶Te be posobo sogo da,
te weęde geba polo pabo tiwai ebo.

Te me e tiwai dao, te ba kemodagego bolo ela tuainu
polo toga dulubo, te tiwai ebo.

²⁷Ma, eno yaide ena tigide
seęę elalubo homu gegeda palama,
bugagia bidigi sogo da, teda usu mu igi dao.

Tiali goli, eno homugo te wei ebo si da,
²⁸teda eno te seęę dali, te tigi dene dali si wi ma ebo.

Magi baso meni.

God nago ena polo suali, eno dwai seę nago gedude
ebo
suali.

²⁹Tama tialima, eno magi baso eno
magi seęę me ebeo olama, usu me sidubo wagawe?
Eno po olo madi toga pabo.

³⁰Ma, eno dwagi yai sobu selama,
dwagi yai meda meni yai weęba weę paugi pelama,
nago gedude dwai meda menia pai pedaluyu da,

³¹teda eno homugo ena olo weę pauwaibao.”

³²“Ma, God aga olo bidi tama tigi sogo da,
teda da si po tų ebo madi pelama,
da sigo po dodoligi pigi da.

³³Tiali goli, bidi me bidibe yabo,
agai bomo usu mu elalubo,
agai te da sigo wado po dabe,
me po dabe tama dodolobo usu yaiba.

³⁴Tama te tobage bidi bidibe yabo,
agai Godibolo po weyu, tama Godigo ena eleyu,
me ena dene iliyu elama,
tama ena wi ilibo tagalao po wabo bidi mu menio.

³⁵Ma, te tobage seę yabo bidi me deli elalubaso da,
teda eno Godide wi me egobe,
tama eno homu seęę ebo po agabolo
dolo wabo usu yaibao.

Magi baso meni, eno koneani,
eno dwai kolesaga mu menio,” wali.

Jop aga e tųde bidibo ula hagela mu yali

10 Tama Jop agai po genina ma weyu, e tama wali,
“Ena bidibo ena hagela mu polo yali.

Ena isabo goli da.

Tama tibaso, eno te moni seęę hanilaibao.

Awe, eno homu ha mu eyu,
tama eno te Godide elalubo po dolo pusaibao.

²Eno Godibolo e tama waibao,

“God, nago ena olo dali po tų ela magi.

Ma, nago ena dali wado eyu da,
teda nago eno yali dwai seęę dolo ola mao.”

3 "Mena tama tiali?
Nago homugo naga digi nigai bidi dolobo usu dawew?
Te dwagi yai kolesaga dawew?
Ma, te kolesaga nago bidi dwai dabe
homu dwagi yai ilibo, te dwagi yai kolesaga
dawew?
4 Ma, nago da bidi tiwai eyu,
tigidali nai gedugo subo dawew?
Nago gedu si te da tõe we bidigo gedu
naga tiwai elalubo, agawew?
5 Tama magi yali?
Nage da yali gilama pewardage sogo bidama,
isaibawew?
6 Ma, meni wida, magi baso nago ena daj ilama,
eno dwai sege gegebo se ebawew?
7 Nago koneani,
eno dwai kolesaga mu meni.
Tiali goli, nago eno tigde dene mabo se ebo.
Tama nago koneani, ena nago nogode gasa bidigo
dobola sabo usu meni," wali.
8 "Naga digi eno tigi tigidali mu nigai dao.
Tiali goli, megı nago begelama, ena dolobo se
egowew?
9 Konea, nago ena nigali te bidigo to
sene nigıbo tiwai yai dao.
Tama megı da, mena tama tialiwe?
Nago homugo ena to ma gagamainu ebawew?
10 Nago ena, ena idago haligade ame nomainu yai
dao.
11 Nago eno tigi dili dali, kigibili po dali si nıgalıgo
eno tigi bomo elalubao.
Tama nago eno tigi mi dali,
wali dali si te tigi nigilali,
te tigi dili dali kigibili nigımainu.
12 Tama nago ena bidıbo ula menama,
tama nago ena wei mu yai dao.
Tama nago ena bugagia tonaluama,
megı da ena me bidıbao.
13 Tiali goli, eno koneani,
nago ena tonaluali sogo nago kolesaga polo yali
ena dolainu.
14 Nago ena bugagia mu tonaluai,
eno te dwai se ebode tagalainu ganama tiali.
15 Ma, eno dwai se ıgi sogo da,
teda nago eno tigde se geninama mu ıgi dao.
Tama tiali goli, ma eno dwagi yai kolesaga ebaso da,
teda eno dwagi yai homu elama,
ena homu geda pabo homu egobeo. Mu meni.
Te ena segego ena ma dolobo te ena moni hale mu
ebao.
16 Tiali goli, ma ena homu geda peyu,
tama ena homugo ena dwagi yai bidi da weyu da,
teda nago deli sogo mu nago ena pobe asaıbao,
te bulu yowi laıongo te hasa dabe pobeasa pelama,
elama, isilıbo tiwai yaıbao.
Tama nago haniani te bidigo isabo bomai se elama,
ena aiyaba elalumainu yaıbao.
17 Tama nago haniani sege enaba taga palaıbao.

Te nago sebe enabolo ola mayu,
tama nago te sebe geninama mu pedalıbao.
Tama nago ena dene geninama mu mawaıbao,
te ami bidi dabe hauwago ena dali
hwıbo tiwai yaıbao," wali.

18 "God, nago magı baso ena, ena idago
ame nomainu sula tagalai dawew?
Tigi menıgi sogo da, ena idago haligade isıgi dama,
tama mego ena sugı menıma.
19 Te dwagi yai mu ıgi da,
te ena ida haligade game isai tigi sogo da.
Tama augwalıgo ena gıba
pubalıgi pigı sogo da, usu mu ıgi dao.
Teda te tiwai naga ıgi da, ena tode
pedalisawai tiwai ıgi dao.
20 God, nago koneani, ena bidıbo
bodolu pewardage mu dao.
Tama nago ena dene magıo.
Nago ena halıga tigi naga me doanu emainu
sula tagalama, tama de ena isaıbama," wali.
21 "Tama nosali da, eno e to tagalama,
nosali da, ena hulıa sai buluba mu bidıgi paıbao.
Tama ena ma asogobeo.
22 Te bulude tigidali nai dabe dolama,
me elalube, subıgıla mu elalubo.
Tama ula mu meni. Magı baso meni.
Te bulu huli sesabıgo halua sai mu elalubo,"
Jopgo te po wai.

Sofargo polasa wali po

(Daj 11)

Jop aga homu begelama, Godıgo aga hobede emainu
yai

11 Sofar te Nama bulu bidigo odama, tama agai
Jopbolo e tama wali.

23 "Jop, nago po hauwa mu te waboseı.
Tama nago homugo nago te pogo nage dolo yai dao,
dago te po omainu ebawew? Tega.
Tama nago te dwai dwai po wabogo
dago penane palıasa bidımai walama,
nago te po obawew?
Nago tıgidali dwagi yai kolesaga homu dabe dolali.
Tama nago homu te naga tede naga
hale ilabo bidi meni yali, nago te homu eba,
agawew?
Ena pedauwali panıa sogobema.
Eno homugo nago po dabe wei ponaıbao.
4 Nago te po wali, nago te pusali po dabe sese
dwagi yai po mu naga dao wali.
Me ma, nago te po wali,
nago sege me dwai kolesaga Godıgo
gedude menıo po wali.
5 Tegoba. Eno homugo God aga digı

nago po wei ponomai igi dao.
⁶Tama eno homugo aga digi nagebolo
 te dwagi yai kolesaga page dabe, me te dwagi yai
 homu kolesaga page dabe ola momai igi dao.
 Magi baso meni.
 Nai hauwa mu geme dualalubao,
 te da bidi dago kuna konegobeo.
 Jop, eno homu nago konemai yaibao.
 Godigo nage dali dua mu yali,
 tama agai nage genuai sege mu mabe,
 te nago dwai kolesaga dolo wei ponoyu," wali.
⁷"Nago homugo nago tigidali
 dwagi yai kolesaga dabe nago saiba weyu obawe?
 Tama te Godigo homu kolesaga dali,
 te bomo dali si nago usu nugi pelama,
 tama nago agai bomo dali usu nigi paibawe?
^{8,9}Godigo homu kolesaga da, ugwanu mu dao.
 Te dagalu ugwanu mu elalubo tiwai mu dao.
 Tama ayanu mu dao,
 te isibo bidigo bulu edelama, mu elalubo bidi dao.
 Godigo kolesagago yaide e to edelama,
 bobobage mu elalubo dao.
 Tama genuai mu elama, tama tamu ai dai edelama
 mu elalubo dao.
 Tama nago mena tama tilama, agai homu kolesaga
 dali,
 agai bomai kolesaga dali si gegelama, sueibawe?
¹⁰Tama ma, Godigo nage kalabus elama,
 tama nage po to eboba odasa pabo si da,
 tede dego mu aga paliaibawe?
¹¹Godigo koneani, mena bidi dabego
 dwai kolesaga wali peyu ebo si da,
 teda agai augwaligo ebo dwai kolesaga sulama,
 tama agai augwaligo ebo dwai kolesaga
 osolama, dagala suaibao.
¹²Tama nago kibu donkigo wai ame nabo si,
 te bidi gesabidi poai ame nogobeo.
 Te tiwai me te dwagi yai homu kolesaga
 wali pisawai bidi
 agai wiegi yai kolesaga me sogobeo,"
 Sofargo te po wali.
¹³"Tiali goli, Jop, nage homu begelama,
 tama Godiba gedu haluasa po walama,
 tama nago agabolo hanaluyu, te po wai,
 ena hobede elama, tau sao po wao.
¹⁴Ma, nago dwai sege yai da wida,
 teda nago te dwai sege tudiba togolao.
 Tama nago te dwai kolesaga nage dali ma bidimai
 igio.
¹⁵Tama nago dwai sege yai da wida,
 teda nago dwai sege meni yai po olama,
 tama naga bugai homu elama, bidaibao.
 Tama naga bomo elama, magi naide wi me elama
 bidigobeo.
¹⁶Tama nago te tigi dene dali,
 sege dali si gegeda palama, bidaibao.
 Tama nago te homu kone me egobeo.

E tiwai dao. Bidigo te ni yabe wege asiyu,
 tolasa pabode gegeda pabo tiwai dao.
¹⁷Tama nago bidibo kolesaga dali,
 bidibo page dali, tigidali mu hasegelaibao.
 Te dwagi yai mu pedalaibao.
 Te giligade nai tubo belo wabode nanebo
 tiwai mu yaibao.
 Tama te sege te hulide hulua sai tiwai elaluali da,
 te da te me hasegelama, kigamu
 be posobo tiwai mu yaibao.
¹⁸⁻¹⁹Tama nago koneaibao, Godigo
 nage bugagia mu tonaluaibao.
 Tama tibaso, nage pibo sogo da, bugagia mu piaibao.
 Magi baso meni. Tama nago magi nai me wi egobeo.
 Tama bidi hauwago nage pageba aselama,
 augwali tau somainu hanalu wagasaibao.
²⁰Tiali goli, te dwai kolesaga ebo we bidi dabe,
 augwali Godigo sege ebo sunumi gedelainu
 gegaibao.
 Tiali goli, augwaligo sugobeo.
 Tama augwali isibo deli naga tonaluyu bidaibao,"
 Sofargo Jopbolo te po wai.

Jopgo Sofargo po wei ponobo po wali

(Dai 12-14)

Jop aga abagi dabego po hagela mu yali

12 Tama Jop agai po wei ponoyu, e tama wali,
²"Mu tama. Eno homugo dage sela naga
 dwagi yai kolesaga siyu,
 homu kolesaga elaluyu yali bogo.
 Tama dage isibo sogo da,
 tama dagego te dwagi yai kolesaga dali,
 te homu kolesaga si duga sela peyu paibawe?
 Tama mu silaibawe?
³Mu meni. Eno me ena kolesaga elalubao.
 Dagego kolesagago eno kolesaga me edelebe.
 Tigidali we bidigo dage selago
 te wali nai po dabe mu konea silali dao.
⁴Tiali goli, megi da, dage eno abagi dabe,
 dagego ena gisugu mabo dao.
 Eno dwagi yai kolesaga naga eyu,
 tama Godigo gedude dwai sege me ebeo.
 Tama polobadu da, agai eno
 gedu haluasa po wabo odai dao.
 Tiali goli, megi da, dagego gisugu magasobao.
⁵Te bidi dabe meba augwali bugagia bidiyu,
 dwai sege augwaliba me asobeo.
 Te bagego dwai sege elalubo bidi dabe
 gisugu mabo dao.
 Augwali e tiwai dao, te bidi sunumide tulaluainu eba-
 so,
 tama augwali degemainu dega
 palobo tiwai gilama, mu dega palobo dao.
⁶Tiali goli, nai wi sabo bidi dali, me

te Godigo po sela şabo bidi si da,
 augwali bidibo page da, dwagi yai dao.
 Augwa digi bomonama sulama,
 tama augwa bugagia bidibo page usu ilali.
 Tama tebogo augwaligo augwa god nigilali," wali.
⁷⁻⁸ "Dage pelama, te bulu hasa dabe,
 ba dabe, şuğş dabebolo hanalugi pao.
 Tama augwaligo dage ola mawaibao.
 Ma, dagego wei ebaso da, teda dagego tşbolo me
 hanalu wao, tama agai God kolesaga dagebolo
 ola mawaibao.
⁹ Tigidaligo mu koneani,
 te Genuai Bidigo ebo kolesaga tigidali.
¹⁰ Tigidaligo we bidigo bidibo ula dali,
 agai te nigali nai dabego bidibo ula,
 te aga nogode naga elalubo.
¹¹ Dago pedauwaligo nai dabe dwagi yai yaliwe,
 ma dwai yaliwe olama, hanana subo dao.
 Te tama tiali goli, dago olo da te po dabe odama,
 tama dago te po bugagia dagala subo dao.
¹² Te mu tama, te polo monu dabego da,
 te dwagi yai kolesaga dali,
 dwagi yai homu kolesaga si hauwa mu
 konealubo.
¹³ Tiali goli, Godigo homu kolesaga dali,
 te dwagi yai kolesaga sigo
 te polo bidi dabego kolesaga edelai elalubo.
 Tama agai genuai bomo me elalubo.
 Agai magi şe me yainu yali da, agai eyu naga ebo
 dao,"
 wali.
¹⁴ "Ma, te Godigo nai me togali da,
 te bidi me ma wadologobeo.
 Tama ma, Godigo bidi kalabusiba tagalali da,
 te bidi mego te kalabuside me sela şagobeo.
¹⁵ Ma, Godigo tulubage paliyu da,
 teda mone giliga nanama, mone poi piyu,
 tş mu wa pabo dao.
 Ma, agai tulubage hauwa taga paliyu da,
 teda wş dabe hauwa mu asiyu elama,
 tş dabe me genina mesega sabo dao.
¹⁶ Godigo genuai bomo dali, kolesaga dali elaluyu
 yaide,
 tigidali şe agai yabo homu ebo dao.
 Te ili po wabo bidi dali,
 te ili po wali pabo bidi dabe dali si,
 te tigidali tama Godigo nogode naga munalubo.
¹⁷ Godigo te tuni bidi kingba
 mobo mabo dabego homu kolesaga
 dolama, tagalobo dao.
 Tama augwali habu olo pabo dao.
 Tama agai te po tş odobo bidi dabego
 homu kolesaga dolobo dao.
¹⁸ Tama agai te tuni bidi king dabe
 augwa şede sela şabo dao,
 tama tuni bidigo ugwa ma gudubo menio.
 Augwali olo name ugwa gudubo dao,
 te olo şe bidi dabego gudubo gilama.

¹⁹ Agai te po ola mabo pris bidi dabe
 kolesaga punulama, tama augwa ugwa
 olo bilibo tiwai ebo dao.
 Tama agai augwaligo genuai nogi aiyaba elalubo dao.
²⁰ Agai te mobo mabo bidi dabego pedauwali
 palibo dao,
 te we bidigo augwaligo po odidali weyu.
 Tama agai polo monu dabego
 homu kolesaga dabe sela şabo dao.
²¹ Agai tobolu bidi dabego nogi aiyaba ilama,
 tama augwali nai meni yai bidi gagalobo dao.
 Tama agai bomai bidi dabego bomo me silibo dao.
²² Agai geme dulaluai nai dabe selama,
 pepeli diliba mubo dao.
 Tama agai ula te hulialuali buluba ula mabo si,
 te bulu ula mu ebo dao.
²³ Agai te moni hani genuai nogi mabo si,
 te bulu tş kantri boma pela te bulu nogi
 elalubo dao.
 Tama nosali augwali ma dolobo dao.
 Tama agai te tş kantri mebago we bidi
 hauwa mu pedelumainu elama,
 nosali agai augwali gasa buluba
 kalabus emainu sela pabo dao.
²⁴ Tama agai bulu tonalubo tuni bidi dabego
 tobolu dolama, tagalobo dao.
 Augwali te olo wau bilibo wabo pabo bage tiwai
 bilibo dao.
²⁵ Augwali te hulialuali bulude bidibo bage tiwai gila-
 ma,
 sunumi gegeyu, nogogo isisi bilibo tiwai ebo dao.
 Tama agai augwali polobo bidi tiwai bilimainu
 ilibo dao."
 Jopgo te po wali.
13 Jopgo po ma weyu, te po wali, "Mu tama mu.
 Tigidaligo po dagego pusali,
 te da eno polobadu sulama, odai dao.
 Te nai dabe tigidali eno polo konea silai dao.
² Tigidaligo nai dabe dagego koneani da,
 eno me eno koneai nai dabe da.
 Dagego kolesagago eno kolesaga edelebeo.
³ Tama tiyu yaide, ena dage dali po wabo
 hagela mu yali.
 Eno homugo God Tigidaligo Bomo Elalubo Bidi dali
 po wabo homu yali.
 Eno homugo dadi si pogo hwjbo
 tiwai eyu, eno şeşeş dodolaiba.
⁴ Tiali goli, dagego ena aiyaba elalumainu,
 ili po hauwa mu obao.
 Dage te dokta bidi te gasi sai bidi mego
 gasi dodolabo konesişwai dokta bidi tiwai dao.
⁵ Tama tibaso yaide, po ma wagio,
 pedauwali pania sao,
 tama bidi dabego homugo dage dwagi yai
 homu kolesaga elaluba homu yabo," wali.
⁶ "Tama megi da, dage pedauwali pania selama,
 eno po waboba olo munama, odao.
⁷ Dagego dwai po weyu, ili po dabe te obao.

Tama dagego homugo te tobage po
 God tau somainogo homu ebawe?
 8 Eno tonobo da, dagego homugo te tibo po walama,
 God po tau selama,
 tama te po tų ebode agai po mu omainu te ebao.
 9 Te Godigo dage selama,
 dagego ebo kolesaga osola subo sogo,
 teda dage bugagia bidaibawe?
 Ma, dagego God ili po ola mawaibawe,
 te bidi dabe ili po ola mabo gilama tiaibawe?
 10 Ma, po tų ebode dagego God naga tau siyu,
 tama eno nogi aiyaba ilabo homu
 duga homude elalubaso da, teda eno koneani,
 Godigo dage sesenaibao.
 11 Tama tede dagego agai genuai bomo odama,
 tama dage agade wi mu yaibao.
 12 Te polo po dabe dagego pusali da,
 teda te olo nai mu dao,
 te isi nogobo sisi dulu tiwai dao.
 Tama me te pu anilai tiwai dao.
 Te augwali dili isųwai tiwai dao,"
 Jopgo te po wali.

Tagala, God aga ela isilabo da, Jop agai po wabo wi me ebeo

13 Jop agai po genina mu ma weyu, e tama wali,
 "Dage pedauwali pania selama,
 enaduba deli naga po omainogo sula tagalao.
 Tama tagala, magi sę ena tigide pedalu si da,
 eno pedauwali pania sogobeo.
 14 Ao. Ena wi meni. Eno God dali po wabo
 usu selama elalubao.
 Tama ena isimainogo, tama ena isimaina.
 15 Eno gasa nai me tonalubeo.
 Ma, tama Godigo ena elama, isiliyu da,
 teda aga homugo naga dao.
 Tama tiali goli, hasia eno agai gedu
 e tama ola mawaibao, eno dwai sę me ebeo. †
 16 Ma, eno God dali po wabo wi isųma eyu da,
 eno homugo tibo ena dwai sę
 isųwai bidi dao homu agai yaibao.
 Tama agai ena hobede elama,
 tama ena bugagia bidimainu sula tagalaibao.
 Magi baso meni. Dwai sę ebo bidi dabego da,
 God dali po wabo wi yaibao.
 17 Tama megı da, te eno homude elalubo po pu-
 saibao.
 Tama eno homugo dagego olo saganama, eno po
 odao.
 18 Godibolo pusabo po polo usu selama elalubao,
 eno te bidigo po tų ebode po pusainu ebo gilama.
 Eno koneani, eno dwai sę meni, tama tiyu,
 eno te po tų ebode eno po ela holaibao.

† *Bidi mebago homugo dago te vesde wali po begelama, e tiwai po wainao, te homu yali, "Tiali goli, te hasia bolo agai ena ela musışbadi, eno te tiwai po agai gedude dolo ponama omainao, eno dwai sę ebeo. Tama te eno agai enabolo olo mu tau sabo homu kolesaga emainu tonaluaibao."*

19 Dego ena dali pogo hwıbo tiwai elama,
 dego enade dwai sę yai bidi da po waibawe?
 Ma, bidi me bidibaso da,
 teda ena pedauwali paniasa bidama, isaibao," wali.
 20 "God, eno nagebolo hanalu waiba,
 nago enade sę si emainu.
 Ma, nago homugo eno te po si usu da homu eyu da,
 teda usu dao, ena wi elama, nagede
 wi me duala sogobeo.
 21 Te hanalu wabo po si e tama dao.
 Eno homugo nago ena tigide dene ma ilamo dao.
 Tama me nago ena wi ilabo sę dabe
 hauwa eno tigide ma elamo.
 22 Ma, nago tama tiyu da, teda nago ena dali
 po obaso da,
 eno nago po wei ponoyu yaibao.
 Ma, meniyu da, eno nagebolo po bolo waibao.
 Tama nago enaba po wei ponoyu yagameo.
 23 Eno mena dwai sę, me kolesaga
 dwai, me sęę yai sę dabe me yaliwe?
 Eno homugo nago enabolo pusa mao.
 24 Magı baso nago ena naga boı bidi gagalama,
 ena tudi ola menama, edelebo dawe?
 25 Ena da, olo ni yabe dali,
 olo nosai sasi isila pabo tiwai dao,
 te waligo subigila sųşabo tiwai dao.
 Tama tibaso, nago ena magı baso wi ilama,
 magı baso dene ilama, tagalobawe?
 26 Eno tonobo da,
 nago eno polobadu gesı bidide yali
 sęę me konealubo aų ebao.
 Tama megı nago te sęę wei ponoyu,
 ena sęę mabo aų ebo.
 27 Nago eno sųę haliga sengo gebelali,
 tama ena biligobeo.
 Tama tiali goli, ena biliyu da, nago ena wali asobo
 dao,
 ena mena menaba pali.
 Tama nago eno sųę pasalu bugagia tonalua asobo
 dao.
 28 Da bidi dabe dobo da, te ni pago tulama,
 damua pabo tiwai dao.
 Tama te ugwa te asoba dabego tulama,
 popodolo pai tiwai dao,"
 Jopgo te po wali.
 14 Te Jopgo po ma olama, te po wai,
 "Da we bidi e tųde pęwadage sogo bidıbo dao.
 Tama idago ame nanıdu gagalasa,
 haniani dwai kolesaga dade pedalobo dao.
 2 Da te plauwa tiwai kıgamu pedalama,
 pio ma sasia pabo tiwai dao.
 Tama me e tiwai dao.
 Giliga noma pedalobo tiwai,
 tama pųgo giliga polo halua sabo tiwai dao.
 3 Tama tiali goli, nago magı baso dago
 kolesaga osabo dawe?
 God, ena olo dao.

Tama magi baso nago ena po tų ela mobawe?

⁴ Da we bidi nago gedude meda mu yali.

Tama dego da hasegelama,
da tigi wiegi yai nago gedude ilaibawe? Mu meni.

⁵ Da e tųde bidabo bubuga dali,
kibu be dali si polo bodolu muai dao.

Bidi mego aga bidabo bubuga bobobage ma ilabo
usu egobeo.

⁶ Tama tibaso, ena nago tagala palao.
Ena bididu, ena homu dwagi yai emainao,
te sę bidi dabego dwagi yai homu
aga sę pio silibaso ebo tiwai gilama," wali.

⁷ "Eno koneani, bidigo ni geliyu da,
teda pedalide sele elaluyu, gasa honu
ma pedalobo dao.

⁸ Tagala, aga page sele polobadu holai
ma sasia pai me.

⁹ Ma, tųde wę elaluyu da, te gelai ni
tanede kulubi ma pedalaibao.

Aga holama, gesi ni holoyu,
nologo pedebo tiwai yaibao.

¹⁰ Ma, da bidi dabe, da te tiwai ebo menio.
Te da isibo sogo, te da mu tama sia sabo dao.

Tama me badugo da ma subo menio.

¹¹ Me sogo genuai wę dali, sigi ge dali si mu
tama sula sabo dao.

¹² Te tiwai me, we bidi dabe da isilama,
ma hodalobo menio,
te tų dali, dagalu dali si silibo sogoba usu naibao.

Tama augwali pila mubadi, magi nai mego
augwali me hodologobeo," wali.

¹³⁻¹⁴ "Eno homugo nago ena
te isila pali bidi dabego buluba geme
dualigi sogo dao,
te usigi da, ena tede bidiyu,
te nago sębę homu kilabo sogoba usu nigi pigi dao.

Tama eno homugo nago te enade
homu ma kone palabo sogo bodolu muao.

Ma, bidi me deli isibaso da,
aga ma bidigowe? Mu meni.

Tiali goli ena tonalu da goli, te nago ena ma bidi-
mainu

bodolu muani usu nagasabo si.

¹⁵ Tama te sogo naga koneaiba,
naga digi ena nigai da homu yaibao.

Tama nago ena nage pąde bidao homu yaibao.

Tama tibaso, ena nago i wabo si nage
pąba asaiba, nago i wabo dei.

¹⁶ Tama te sogo ena bilibode nago bugagia tonalu-
aibao.

Tiali goli, nago eno dwai sęę nedegobeo.

¹⁷ Teda nago eno sęęę sela sęnana,
te sęęę kone me egobe,
te bidigo nai begide bulama,
po daų walama, susiųbo tiwai yaibao,"

Jopgo te po wali.

¹⁸⁻¹⁹ "Tiali goli, eno homugo te nai
dabe pedalogobe yali aų ebo.

Eno subo tigidali nai dabe dolobo subo dao.

Te bomai bulu du dabe alua pelama,
olo tų tiwai pedalobo dao.

Te moni masigi me aga bidali pesage
taga pelama, ibaba kilasai subo dao.

Te bomai wę dabego te masigi ibaba
kidilibo dao, tama tų sela sęnana,
gasa buluba sela pabo dao.

Tama tiali goli, God,
te we bidi dabego homugo augwali
bugagia bidigowe homu ebadi,
nago haniani sę elama,
augwaligo te ebo homu silibo dao.

²⁰ Nago bomogo augwali aiyaba
elaluama, tama augwali isibo dao.

Tama augwali isila pali sogo,
augwaligo gesabidi gasagi yai pedalobo dao.

Tama nago augwali te isila pali
bidi dabego buluba taga palobo dao.

²¹ Tama nosali da, te we bidi dabe augwaligo augwa
ogomanibolo genuai nogi mabode,
o ma augwaligo nogi aiyaba elaluama,
augwali hale ilibo si da,
teda te isila pali bidi dabego te sę koneyu,
suyu me egobeo. Mu meni.

²² Augwa tigide dene ebo deli naga konebo dao.
Tama augwali tigide elalubo sęęęde gela wabo dao,"
Jopgo te po wali.

Elifasgo po si sogo ma wai

(Dąj 15)

Bidi dwai dabe dwai dene saibao

15 Jopgo po ola silibo si, te bidi Elifas, te Teman
hanu bidigo po wei ponoyu, e tama wali.

² "Jop, nage koneai bidi,
tama nage dwagi yai kolesaga elalubo bidi dao.

Tiali goli, nago magi baso po hauwa
olama, wali asobo tiwai elama,
pedauwalidu po hauwa dogia pobawe?

³ Nago pogo hwįhwį pabo.
Tiali goli, nago po dwagi yai menio.

Tama tego bidi me tau sogobeo. Menio.

⁴ Te tobage pogo te we bidigo kolesaga dolama,
tama augwali God dologode me elalugobeo,
tama aga me kone egobeo.

⁵ Nago dwai sę yali.

Nago te tobage pogo naga yali dwai sę
aiyaba mesegelainu elama, halubo po tiwai te obao.
Nago po te ili po wabo bidigo po tiwai.

⁶ Eno nage po tų ela magobeo. Meni.
Naga pogo digi naga ma po tų ela mayu,

tama nago dwai şe polo yai dao olama, te ola mobao.

⁷ Mena tama tialiwe?

Nago homugo bidi me hasia pedalisaşbadi, tama nage ame nani homu eba, agawe?

Godigo te bulu du nigisaşma ebadi, naga idago nage ame nai yali bogo. Tega?

⁸ Nage te Godigo te şe dabe yaiba obadi,

nage te sogo me nage tede bidai dawe?

Nagaduba deli naga dwagi yai kolesaga elalubawe? Tega? Mu menio.

⁹ Nago kolesagago dago kolesaga me edelebeo.

Nago koneani nai me, dago me koneanisei, te nai.

¹⁰ Da tomode ili nisi yai monu dabe bidibo.

Tama augwaligo kibu bego nago ayago

kibu be me edelai dao," wali.

¹¹ "Jop, Godigo homugo nago dene osola sulama, tama nage homu nagame elama, dua bidimainu yaibao.

Tama me ma, dago po doanu olama, tama nagebolo dwagi yai po wai dao.

Tiali goli, nago homugo Godigo te yainu ebo şe te olo da, te homu ebawe?

¹²⁻¹³ Nage noma selama hodaluyu,

God dali wado ebogo nage gedu pe te ebao.

Tama nago haniani dwai po agabolo te obao.

Tiali goli, magi baso nago te tobage kolesaga ebawe?

¹⁴ We me, bidi me, Godigo gedude doloba pai me elalubeo.

¹⁵ Te ensel dabego bidi edelali.

Tiali goli, Godigo augwaligo me badu kolesaga doloba pai subo menio.

Tama dagalude nai dabe me Godigo agai gedude dwagi yai menio.

¹⁶ Tiali goli, da tşde bidi da,

da dwagi yai mu menio.

Dago kolesaga da, damua pai mu dao.

Dago dwai şe yabo homu godolo naga ebo dao, dogoni wa pai bidigo we gegebo tiwai dao," wali.

¹⁷ "Megi da, Jop, nago eno poba bugagia olo muao.

Eno sulama yali şe nagebolo ola mawaibao.

¹⁸ Eno te kolesaga te dwagi yai homu kolesaga yai bidi dabede konea sai dao.

Augwaligo te kolesaga augwa ayade digi sai dao.

Tama augwaligo ena ola mani sogo, te po me duala sabeo.

Augwaligo tigidali mu pusalio.

¹⁹ Te hani augwali augwa bulude bidibo.

Tama subigila bilai bidi dabe augwali bidiboba aselama,

augwaligo kolesaga dolai menio."

²⁰ "Eno po e tama dao. Bidi dwai dabe da,

dene sesa pidubadi, augwali isibo sogoba usu nagasaibao. Magi baso meni.

Augwaligo gasa we bidi aiyaba ilama, dolobo dao.

²¹ Augwaligo haniani kulukulu odobo si,

augwali wi mu ebo dao.

Augwaligo homugo dwai naigo augwali dolainu asobao wabo dao.

Tama augwaligo homugo augwali bugagia bidibao homu ebode da, teda bidi dabe aselama, augwali dolama, augwaligo nai dabe wi sagasobo dao.

²² Augwaligo po koneani.

Dwai nai dabe augwaliba sabolama, te hulua siyu,

tş mesegela sabo tiwai augwali mesega saiba homu ebo dao.

Tama augwaligo konebo dao.

Augwali te dwai şede augwali geda mugobe homu ebo dao.

Tama augwaligo koneani, te boi bidi dabego augwali bobobage kaşo hwaşo ela muaiba homu ebo dao.

²³ Augwali nai gege biliyu, bilibo dao.

Tiali goli, nai meni yai subo dao.

Tama augwaligo konebo dao, paşde dwai sogo augwaliba pedalama, tama be huliyu,

tş mesega sabo tiwai mesega saiba homu ebo dao.

²⁴ Augwaligo homu kolesaga dolo meniama, tama dwai homu elama, augwali wi mu yaibao.

Tama tego augwaligo homu kolesaga dolama mesegelaibao,

te kingo aga boi bidi dolobo tiwai yaibao," wali.

²⁵ "Te dwai sogo te dwai bidi dabeba pedalaibao. Magi baso meni.

Augwaligo homugo God tigidali bomu elalubo bidide genina mu da homu yaibao.

Tama augwaligo tobolu gagea pelama, Godigo bomu usu sabo dao,

²⁶ te hwjbo ugwa guduyu,

te hwjbo ni name sabele tola selama, God aga dali hwjgi pabo tiwai.

²⁷ Megi da, augwali bugagia bidiyu,

augwaligo tigi genuai elama, tama nai dabe hauwa elalubao.

²⁸ Tiali goli, augwali bidibo hanu dolama,

tama be dabe te pobelege pesage tiwai elama, bidi tede me bidigobeo.

²⁹ Tama augwaligo moni nai dabe tigidali hagala silaibao.

³⁰ Augwali te dolobo şede geda mugobe.

Teda augwali te hulua siyu,

tş mesega sabo tiwai yaibao.

God agai şeşe e tiwai yaibao, isigo ni delama, waligo agai yabe da gasaba subigila sela pabo aş yaibao.

³¹ Augwaligo dwai tibo kolesaga daş wala selama, augwali homugo tego augwali

dwagi yai mone sesaiba homu ebo dao.

Tiali goli, meni.

Augwaligo dwagi yai nai sabo me usu egobeo.

Augwa tibo kolesaga mu da, teda augwaligo sabo masigi tiwai.

³² Tama augwali kibu be hauwa isaşbadi,

polo isila paibao,
te sagane ni bidigo gelai tiwai yaibao.
³³ Te tobage bidi dabego şę hauwa mu ebo dao.
Tiali goli, te şę dwagi yai pedalobo menio.
Augwali e tiwai dao,
ni waingo wain du walobo tiwai.
Tiali goli, augwali tau isaşbadi,
polo telega pabo tiwai dao.
Tama augwali te ni oliv duduli hauwa walobo tiwai.
Tiali goli, te duduli tulaluama, nedu du menia tiwai dao.
³⁴ Te bidi hani Godigo po wali pişama
ebo bidi hani da, olo bidaibao.
Augwali wai bęų meni yaibao.
Tama te doloba pai kolesaga isaşma
mone sali bidi dabego be isi ulaibao.
³⁵ Te dwai dwai ili po olama, tibo po wabo
homu kolesaga
te bidigo haliga tomode te we sibigo
wai haligade pedalobo tiwai ebo dao.
Augwaligo homu kolesaga dali, augwali haliga dali si
te dwai kolesaga yabo homu paşanalubo dao.
Tama tiyu, augwaligo haniani dwai şę ebo dao.”
Te Teman hanu bidi Elifasgo te po Jobbolo wali.

Jopgo Elifasgo po wei ponobo po wali

(Daj 16-17)

Jop agai suali, Godigo aga dolobo suali goli, agai Godi-
bolo aga tau sao po wali

16 Jopgo po wei ponoyu, e tama wali,
² “Hauwa sogo me eno deli te po naga odali.
Tama ma odobo ena hagela mu dao.
Dagego ena tau me sabeo. Mu meni.
³ Dagego enabolo e tama wali,
'Jop, nago po olo wę asobo tiwai tebao.
Tama mena sogo pedauwali pania saibawe?
Nago mena homu elaluyu, nage dwai bidiyu,
dago po odaibawe? Meniwe te obao.
Nago po wei ponoyu naga ebo.'
Dagego te po wabo dao.
⁴ Tiali goli, dagebolo walaibao.
Ma, dage ena yaligia dwai bidigi sogo da,
teda eno dagego te ebo kolesaga tiwai dage dali
megi igi dao.
Eno po hauwa wabo da,
te eno hobede dagebolo ola mobao.
Tama eno tobolu gagamunobogo
dagebolo ola mayu, e tama tiwai igi dao,
te dwai nai dageba pedalibaso, noma siyu tigi dao.
⁵ Eno pedauwalidu po hauwa olama, dage bomo ila-
ma,
dagego dene silimainu igi dao.
Tama eno tigi sogo da, te tobage kolesaga dabego
dage mena tama tau saibawe?

⁶ Tiali goli, enaduba ena kone palobo da. E tama tibo.
Eno po wabode, o ena po pedauwali
pania selama elaluyu da, tagala, tego ena tau
selama, eno dene silibo meni,” wali.

⁷⁻⁸ “Mu tama, God. Nago eno bomo tigidali mu silalio.
Nago ena dili hania ilama, eno tigi nomona salio.
Tama tibaso, eno abagi dedego
ena sulama, augwali wi ebao.
Tama augwaligo homugo eno dwai şę yalio olama,
tama nago ena te dwai şę wei ponobao.
Augwaligo te homu ebo. †

⁹ Godigo ena suyu, godolo isaşma,
ena agai boi bidi mu gagabao.
Agai ena dali şębę genuai mu elama, eno tigi me
dolobo,
te bulu yowigo bulu hasa aga kelego
pepedebo tiwai ebao,” wali.

¹⁰ “Bidi dabego ena bobegela sali, enade dwai şę
yainu.
Augwaligo ena gisugu mayu, eno naboge eleyu ebo.

¹¹ Godigo ena aga tudiba mubo bagego
nogoba munama,
haniani dwai kolesaga ebo bagego nogoba muani.

¹² Polobadu da, ena bugagia bidai dao.
Tiali goli, God aselama, tama eno dogoni
tola selama, dodolama, mu elali.

Tama ena mu dwali.

Agai ena te enego enebo nai me deli ilama,
¹³ tama agai ami bidi dabego ena enego enebo.

Tama agai eno haliga togali,
tama eno haliga buluba teda solama,
tęba tigidali mu tulaluali.

Godigo ena hobede dwasianu me ebeo. Mu menio.

¹⁴ Agai ena obo elama, ena dali hwębo da,
te bomai ami bidigo boi bidi dabego
hanu sainu ebo tiwai te ebao.

¹⁵ Polobadu da, ena genuai nogi elaluai dao.
Tiali goli, megi da, ena nai meniama, dolama mu bidi-
ba.

Tama ena hale mu ebao.

Tama au dodobage sela şanama,
hobede ebo ugwa gudama bidibao.

¹⁶ Ena gela genina ma wabo digi, eno gedu bę dela-
ma,
tama eno gedu pę mu yali.

Tama eno gesabidi dwai mu elalubo.

¹⁷ Eno dwai şę me isaşbadi, tiali goli te şęę dabe eno
tigi olo dali mu pedalali.

Eno gasa bidi dabe dali dwai şę me ebeo.

Tama me ma, eno gedu haluasa po me,
ena bilali me, God aga gedude

† *Bidi mebago homugo dago te vesde wali po begelama e tama po waina homu yali, “Mu tamao, God, nago eno bomo tigidali silali. Tama nago eno wai dabe dolama isalio. Nago eno tigi te mu nomona sabo şę ilama, te eno tigi bomo kimi mu meni yai. Tama te bidi dabego ena subo sogo da, augwaligo homugo eno dwai şę yali- we homu yali, tama nago te dwai şę yali wei ponobo homu eyu, te nago enaba dene mabo şę genuai mu ebao.”*

mu elalubadi goli da.”
Jopgo te po wali.

¹⁸ “Tq, odao. Ena isibo sogo te eno kaneme
tulalubo si da,
nago te kaneme haluamo. Menio.
Nago te kaneme pepeli dilide elalumainu sula
tagalao.

Tama agai God i olama, te seęę dodolomai yaibao.

¹⁹ Tiali goli, eno koneani, bidi me bidibo,
ena pagede bidabo bidi dagalude bidibo.
Agai koneani, eno magi dwai seę me ebe.

Tama agai eno po tau selama, bomo ilaibao.
Tama tiyu, eno po tq ebode ugwaba ela holaibao.

²⁰ Te eno abagi dedego ena godolo isqmaiyyu,
ena dolobo.

Tiali goli, eno Godibolo gela geninama wabo dao.

²¹ Tama eno homugo te ena bidabo bidi
agai ena tau somainu yaiba,
te God dali po dodolobode,
te bidigo aga abagi po dodolobo tau sabo yali
gilama.

²² Magi baso meni.

Ena bidibo sogo bodolu pęwadage mu elalubaso,
eno homugo kibu be deli o si elalubao.

Tama ena isibo sunumidu pelama, tama ena ma
asogobeo,” wali.

17 “Ena mu dolama, eno hoboludu ogwa wai bomo
meni yai pedelama, tama ena isabo sogo
maga mu yagasalio.

Tama gų pagego ena teba asobo tonalubao.

² Bidi dabe ena bagua selama dolaluyu,
tama ena posobo po wabo.

Tama eno augwaligo te dwai kolesaga augwa ebo su-
ali.

³ God, ena digi eno nago po tq ebode ugwaba
ela hologobeo.

Bidi me deli bidibadi bogo ena pesage hasegelama,
tama po tq ebode agai e tama omai,
eno dwai seę me yai menio po omainu.

Tama nosali da, eno dwai seę me ebo si da,
teda te bidigo eno pesage selama,
tama nage dali po tq dodolamainu.

Te tobage kolesaga yabo bidi mu meni ena tau siyu.

Tama tibaso, naga digi naga bidi
gagalama, tama eno pesage sao.

⁴ Eno e abagi dedego ena tau sogobeo. Magi baso
meni.

Nago augwaligo homu kolesaga paliama,
tama augwali megı kuno konebo meni.

Tama augwaligo ena aiyaba elaluabo homu naga
ebo.

Tama tiyu yaide, nago augwaligo
ena aiyaba elalumainu sula tagalamo. Menio.

⁵ God, nago polo po me kone palao.

Te bidi mego aga abagigo mone dabe sabo homude
aga abagi olo dali po tq ela mobaso da,
teda te bidi aga dali, aga wai puluba dali si

augwa te yali dwai kolesagade
dene nosali saibao,” wali.

⁶ “Megı da, Godigo ena seęę mobaso sulama,
tama we bidi augwaligo eno gesabidiba pesq şabo.
Tama tıgdalı bulu badu ena posobo po weyu,
e tama wabo,

‘Suao. Jopgo dwai kolesaga mu yai digi,
tama aga dwai nai mu te dolobao,’
augwaligo te po obao.

⁷ Ena homu seęę mu elama,
tama ena gela genina mu obao.

Tama tego eno gedu bq delama,
tama eno bugagia tonogobeo.

Tama ena dili pulu ha mu yali.

⁸ Te doloba pai bidi dabe augwali
magı naide dwai seę me isqwai bidi dabe
augwaligo e nai eno tıgıde pedalobo
sulama, augwali noma salio.

Tama augwaligo sualı,
dwai bidi dabe bugagia bidibo sualı.

Tama augwaligo augwalıde homu sebę mu yali.

⁹ Tiali goli, tagala. Te doloba pai bidi dabego augwa
dwagi yai kolesaga tagalogobeo. Menio.

Augwa doloba pai kolesaga naga yainu
bomo mu yaibao,” wali.

¹⁰ “Abagi dede, megı da, dage hodaluama, po ma
wao.

Tiali goli, eno dagego po odobo sogo da,
teda eno homugo e tama tiaibao.

Dage me deli dwagi yai kolesaga dali,
homu kolesaga meni yai te yaba waibao.

¹¹ Eno bidibo ula pade mu tama sia sainu ebao.
Tıgdalı nai dabe eno godolo elama yainu yali seę
dabe,

megı da, eno ma egobeo.

¹² Ena hulıa sai madi me bidıbao.

Tama eno abagi dedego menio po wali.
Nage ulade bidıba wali.

Augwaligo te po wali, ‘Nage moni homu igı.
Pade ula yaibao,’ wali.

Tiali goli, eno sualı da, moni hulıa sai mu elalubo.

¹³ Isai bidi dabego bulu naga eno tonaluyu,
tama te da eno be elalubo aq igı sogo da,
teda ena dwai bidıgı dao.

Tama ena te bulude pıla muyu,
tama hulı sesabıgo ena mesega sai elalugı da.

¹⁴ Tama eno te gų page e tama nogı yaibao, ‘Eno aya.’
Tama dwasianu osogane dabego eno tıgı tuaıba.

Teda eno augwalı e tama nogı yaıba,
‘Eno ıda dali, abe dali sı,’ wagi da.

¹⁵ Tama eno homugo tama tidalı,
nosalı te seęę sıa selama,

ena bugagia bıdaıba homu idalı,
teda eno olo dali tonalıdalı.

Tama dego ena bugagia ma bıdaıba po waıbawe?

¹⁶ Tama ena ısılama,

te isibo bidi dabego buluba aiya dulubo si da,
teda eno homugo ena bugagia
bidabo sunumi elaluaibawe?"
Jopgo te po wali.

Bildatgo si wabo po wali

(Daj 18)

Godigo dwai bidi dabebolo dene geninama mu mabo dao

- 18** Jopgo po wala silibo si, te bidi Bildat te Suha bulu bidigo po wei ponoyu, e tama wali.
² "Jop, nisu nago pedawali pania saibawe?
 Nago naga po bolo hasia bugagia kone palao,
 tama dago nage dali po waibao.
³ Magi baso nago da kau kibu yaligia
 kolesaga meni yai dao homu ebawe?
⁴ Naga şebęgo naga ma me te dolobao.
 Jop, mena tama tialiwe?
 Nago homugo Godigo homu kolesaga hasegelama,
 nago homu kolesaga wali asomaina olama ebawe?
 Agai şeęę mabo da dwai kolesaga ebo
 wei ponoyu, tama tibo dao.
 Tama agai te kolesaga hasegelegobeo.
 Agai tigidali nai dabe nigilama,
 augwa pesagede muai dao.
 Tama agai augwali sela şagobeo.
 Agai te masigi sela şanama, tş olo tagalogobeo.
 Mu tama, mu menio.
⁵ Dwai kolesaga ebo bidi dabe augwali dene sabo
 dao.
 Godigo augwali silibo da, te bidigo lam sole
 sula sabo tiwai ebo dao.
⁶ Tama te bidi dabego augwa bede
 lam sole ula me elalubo sugobeo.
 Aga bede te hulua saibao.
⁷ Tama te bidi dabe augwali bugagia bidibo sogo da,
 augwali bomo elama, bilibo dao.
 Tiali goli, augwali şeęę sabo sogo da, augwali mage
 basia selama, dua dua naga bilibo dao.
 Augwaligo gasa bidi dabede
 dwai şe yabo homu ebo dao.
 Tiali goli, augwaligo ebo homu geda munama,
 te homugo augwa ma dolobo dao.
⁸ Augwali te bulu hasa te kęde tubo tiwai dao.
 Augwali te bidigo te bulu hasa sainu tş dogai digi,
 te hasa tulalubo tiwai dao.
⁹ Augwali te hasa dabe bade tola sabo tiwai dao.
 Awe, augwali te kęde mu dşş walaibao.
¹⁰ Augwali te bidigo hasa tola sainu elama,
 bono gebelama, tola sabo tiwai dao.
 Tiali goli, te kę nanani bidi aga ma tola si da.
¹¹ Augwali wi mu ilabo nai dabe da,
 te da tigidali bulu badu bobegela sai
 elalubo, augwali bilabo madi," wali.

¹² "Polobadu da, dwai şe ebo bidi dabe
 bugagia bidai dao.
 Tiali goli, megi da, augwali habuge elama, nasi mu
 ebo.

Tama dwai sogo pedalobogo augwali dolainu no
 sealubo.

¹³ Gasi me deli dwai mu pedelama,
 tama te bidi dabego tigi nogo şaęę
 dolama, augwali isilaibao.

¹⁴ Augwaligo homugo tibo augwa be dali,
 augwa mone dali sigo augwaligo
 bidibo ula usu ilaiba homu ebo dao.
 Tiali goli, isibo kolesagago augwali
 augwa bedu guda şawaibao,
 tama augwali te isali bidi dabe dali bidigi paibao.

¹⁵ Augwali isilama nosali da,
 augwa hani dabe deli augwa te bede
 bidabo me bidigobeo.

Tama tibaso, gasa bidi hani aselama,
 tama augwa masigi salfago nigai pauda
 te bede gelama,

tama dwai denami sela şawainu yaibao.
 Tama bidi dabe augwali te bede ma bidainu usu
 yaibao.

¹⁶ Dwai kolesaga ebo bidi dabe da, mu sia saibao,
 te ni aga pedali dali, nologo dali si sasia pelama,
 damua pabo tiwai yaibao.

¹⁷ Tama we bidi dabe augwali homu gegeda paibao,
 tama te bulude augwa nogi sia saibao.

¹⁸ Te bage augwali bididuali sogo da,
 augwaligo giliga ula suai dao.

Tiali goli, isibo augwaliba asaligo
 augwali hulua sai madi mu pali.

¹⁹ Augwa hani da, mu hagawaibao.

Tama augwa wai puluba, o augwa wegigo wai dabe
 augwa bulude me bidigobeo.

Mu meni. Tigidali mu isila paibao.

²⁰ Tama te giliga asobo badu bidibo
 bidigo me, giliga dega sabo badu bidibo bidigo
 me, te dwai şe te bageba pedelali po odama,
 tama augwali noma selama, wi mu yaibao.

²¹ Te tobage dolobo şe ebo,
 te Godigo po wali pişama ebo bidi hani dali,
 augwa bulu dali side te şe pedalaibao."

Te Suha buludu asali bidi Bildatgo te po Jopbolo
 pusali.

Jopgo Bildatgo po wei ponobo po wali

(Daj 19)

Jop aga mu dolama, agaduba mu bidali

19 Tama Jopgo Bildatgo po wei ponoyu,
 e tama wali,

²“Dagego pogo ena dolama, dene genuai mu te mobao.

Nisu dagego te po tagalaibawe?

³ Megi da, hauwa sogo mu dagego ena dolama, aiyaba elalubao.

Dagego ena dali boi hwjagasiyu tiwai yali, tama dagego te şe ebode hale menio.

⁴ Tiali goli, mu tama, Godigo gedude eno dwai şe me yaibaso da, te da ena şe naga dao, te dagego şe meni.

⁵ Dagego homugo dage dwagi yai bidi dabe dao olama,

ena dwai şe ebo bidi dao homu ebawe?

Dagego homugo e dwai şe eno tigde yaibaso, eno dwai şe yali dao olama, dagego ena po tu ela mayu ebo.”

⁶ “Tiali goli, dolo koneao, eno dwai şe me ebe. E şe dabe yali God aga homugo digi yalio, tama te dolo menio.

Agai ena aga şuğu sabo naide tola salio.

⁷ Godigo ena diluai şe mu elama, elalio.

Tama tibaso, eno agai ena taga palomainao olama, i bomonama mu obao.

Tiali goli, agai eno i wei ponobeo.

Tama agai ena dali doloba pai şe ebeo.

⁸ Agai eno sunumi paliali, tama ena pabo usu egobeo.

Tama agai te sunumi hulua selama, tama eno te sunumi suabo aq ebeo.

⁹ Agai eno dwagi yai nogi dolaligo da, tama megi da, we bidi dabego ena dwai bidi da homu ebao.

¹⁰ Agai ena dolama, te bidigo be sese mu hıgibo tiwai yalio.

Eno homugo tiali agai ena bugagia bidimainu tau saibao homu yai dao.

Tiali goli, agai eno te homu sese sela sayani, bidigo te sagane ni guda şabo tiwai yai.

¹¹ Godigo ena aga boi bidi homu elama, tama ena dali şebe genuai mu yali.

¹² Aga boi hwjbo ami bidi dabe tagala palali.

Tama augwaligo ena dolabo sunumi nidigi aselama, tama eno be bobegela selama, tama ena dali hwjali,” wali.

¹³ “Godigo ena ama sologo ena tagalama, digibulu bidimainu yali.

Tama eno abagi dedego me ena me konebe.

Augwaligo gedude ena gasa bulu bidi aq ebo.

¹⁴ Tama ena deli kanemego me, ena abagi dedego me, ena mu tagalali.

¹⁵ Te bidi dabe eno beba me sogo bidagasiyu yali bidi dabego me, augwaligo ena mu gegeda palalio.

Tama eno şe we dabego ena konebe.

¹⁶ Eno ena şe bidi i wabo dao.

Tiali goli, agai eno i wei ponama, enaba asobo menio.

Eno ena homu dene yabo po aga dali obadi digi, usubeo.

Agai ena homu dene elama, ena suagasobeo.

¹⁷ Eno po wabo si da, eno keledu dwai kugumini ebo, tama ena we mugo ena pagede bidabo hagela ebo. Tama ena ama solo mugo ena tonobo da, olo nai tonobo aq ebo.

¹⁸ Tega! Ena be nani dwasianu ogwa dabego ena posobo po olama, ena dolobo dao.

Ena gasaba me hogodasa pabo si, augwaligo enabolo dwai po wabo.

¹⁹ Ena age solo mugo me ena godolo me ebeo.

Tama bidi dabe eno godolo mu yali bidi dabe, augwaligo me ena tudi ola menama, ena aiyaba elaluainu ebo.

²⁰ Ena dili pulu ha elama, ena mu nomona selama, bomo menia pali. Ena mu dolama, ena mu isabo aq yali. Awe, pađe mu ena isai dao,” wali.

²¹ “Dage eno abagi dabe, dagego ena hobede elama, tau sama. Magi baso meni.

God aga nogogo mu ena elama, tama ena dolali elaluba.

²² Magi baso dagego ena dolobao, Godigo ena dolobo yali gilama?

Dagego ena dwai bidibo sulama goli, magi baso ena aiyaba elaluainu po hauwa mu haniani po obawe?” wali.

²³ “Hobede mu da.

Eno homugo bidi mego eno po buku me delide aşe po wagi da, eno po hagaidali weyu, me elalumai igi dao.

²⁴ Eno homugo augwaligo eno po masigi togolama, aşelama, tede elalumai igi dao.

Tama te po tigidali sogo tede elalumainu.

²⁵ Tiali goli, eno koneani, bidi ena pagede bidiyu, te ena ma dobola sabo te bidi bidibo.

Tama nosali aga aselama, e tede dodolagasaiba.

²⁶ Eno e tigiwali da, hasia dolaibao.

Tiali goli, ena tigiwali dali me bididu da, teda eno God sueibao.

²⁷ Awe, gasa bidi dabego naga God sugobeo. Menio. Ena digi me ena God sueibao.

Ena aga suabo homu bomu mu ebao.

²⁸ Dagego e tama wabo dao, ‘Dago Jop po tu ela mabo kolesaga tagalogobe.

Magi baso meni. Te dolali şe page aga tigde te elalubao,’ dagego te po wabo dao.

²⁹ Tiali goli, dage digi dua dao.

Dagego te tobage pogo Godigo şebe hodolaibao, tama agai dage dene genuai mu mawaibao.

Tama agai te şe ebo si da, dagego koneaiba, dwai şe ebo bidi dabe augwali

Godigo po tu ebo sabolaibao,”

Jopgo te po wai.

Sofargo si wabo po wali

(Daj 20)

Dwai bidi dabe p wadage sogo bugagia bidaibao

20 Jopgo po ola silibo si, tama te bidi Sofar te Nama t  bidigo po wei ponoyu, e tama wali.

²“Jop, odao. Nago pogo ena noma selama, tama ena homu hauwa mu te ebao.

Tama eno nago po polo wei ponaibao.

³ Nago wado po eno polo odali.

Tama tego da hale mu ilali.

Tiali goli, eno dwagi yai homu kolesaga elalubao, tama eno nago po dolo wei ponaiba.

⁴ Nago koneani, polobadu gagalasa mu da, polobadu Godigo we bidi t ba tagalalidu gagalasa, megiba usu nagasali da,

⁵ te dwai kolesaga ebo bidi dabe augwali p wadage sogo

t de bugagia godolo elama, bidai dao.

Te God tudiba mubo bidigo bugai homu ebo sogo te bobobage menio.

⁶ Te tobage bidi genuai bidi nigilama, genuai nogi te we bidigo gedude saibao.

Te bidi aga te bulu du tiwai p  dali daj elalubo tiwai dao.

⁷ Tiali goli, te bidi aga di dolobo tiwai dolaibao.

Tama aga sesemane mu hagawaibao.

Tama bidi dabego aga polobadu sulama koneani bidi dabego da,

augwaligo e tama po waibao, ‘E bidi mage s  yaliwe? Megi da, aga menade bidibowe?’ te po waibao.

⁸ Te tobage bidi aga te hulide ebo nade hagabo tiwai deli sogo hagawaibao.

Awe, bidi dabego aga mu ma sugobeo.

⁹ Mu tama mu, aga, aga bulude munu ma bidigobeo.

Tama tede bidibo bidigo aga munu me sugobeo.

¹⁰ Tama aga wai pulubago augwa ayago wi sali nai te nai meni yai bidi dabebolo wei ponaibao.

Te doado bage aga digi te nai meni yai bidide wi sali nai wei ponaibao.

¹¹ Ma, aga gesi bidide bidiyu, bomo hauwa mu elalui da, teda deli sogo tama aga isaibao.

Tama aga bomo sese mu tama siliyu, aga te g  pagede pila muyu elaluaibao,” wali.

¹²⁻¹³ “Te dwai bidi dabego dwai kolesaga godolo ebo dao.

Tama augwaligo te dwai kolesaga tagalabo homu ebeo, te bidigo pusai nai godolo ebo tiwai tama aga hamena dologoba munama, tama te nai pusu polo silis  emainu.

¹⁴ Tiali goli, augwa dwai kolesagago augwa

ma dolaibao, te tubo nai te bidigo haliga tomoba pabo tiwai yali gilama, tama augwa haligade te dwai gulago nabi tiwai pedelama, tama nosali augwa ma dolaibao.

¹⁵ Dwai bidi dabego mone dabe hauwa mu sisinibo dao,

augwa te nai wi sabo kolesaga ebogo.

Tiali goli, Godigo te kolesaga sela s waibao, te bidigo nai hauwa dalama, tama ma bugulobo yali gilama tiaibao.

¹⁶ Te tobagego sisinibo naigo augwa ma dolaibao, te gula manigo bidi g  kelama, agai dwai nabigo augwali ela isilibo tiwai yaibao.

¹⁷ Augwaligo te nai dabe sisinibo si da, augwaligo homugo te nai dabe elalubaso, augwali bugagia bidiyu, dwagi yai homu yaiba homu yali.

Tiali goli, augwaligo te homu kolesaga geda muaibao.

¹⁸ Augwali olo dali bomai s  yali, te mone dabe, te nai nai dabe olo dali bomai s  yali.

Tiali goli, augwali te nai dabe nogo tolaluyu, dwagi yai homu idugobe. Magi baso meni.

Godigo yaide gasa bidi dabego augwaligo te nai dabe somainu yaibao.

¹⁹ Agai te tama tiaibao. Magi baso meni. Augwaligo nai meni yai bidi dabe hobede is ma yali pode.

Meni. Augwaligo augwalide dwai s  yali.

Tama haniani tibo s  elama, tibo po olama, gasa bidigo be dabe sali.

²⁰ Tigidali sogo augwaligo gasa bidigo nai sulama, pes  eyu yali.

Tama augwaligo te nai dabe sabo hodo me dolabo homu me ebeo.

Tama tibaso, God augwaligo te godolo ebo nai me tolalumainu sula tagalabo homu ebe.

²¹ Mena nai dabe augwaligo me godolo yali da, teda augwaligo siyu naga ebo dao,

te bidigo dwagi yai tubo nai sulama, tula siliyu yaide, dage me tagalabo homu ebe tiwai yali gilama.

Tiali goli, te dwagi yai sogo te p wadage sogo bidama, tama sia saibao.

²² Augwaligo te dwagi dwagi yai nai dabe elalubo sogo da,

genuai s g go augwali mesegelama, tama dwai dene dabego augwali aiyaba mu elaluaiba,” Sofargo te po wali.

²³ “Te nai dabe hauwa sabo homu yali bidi dabe da, teda Godigo augwaligo nai hauwa mu somainu sula tagalaibao.

Tiali goli, te sabo homu ebo nai dabe dao, te dwagi yai nai dabe meni. Menio.

Godigo te bage dali s b  genuai mu eyu, tama agai haniani s g  augwalibolo menama, tama augwali mu p g na paibao.

24 Agai boi bidi dabe teba tagala palaiba.
Te augwa hwjbo ge hwą dali,
ene te brasgo nigai dali, tama tagala palaibao.
Tama te dwai bidi te boi bidigo hwą
tolasa asobo sulama, wi pobaso da,
teda te boi bidi dabego enesigi selama,
ene te bras ula yaigo enaibao.
25 Tama te enego augwali tigide teda paibao.
Te dwai bidi dabego te enede augwaligo
kaneme elalubo subaso da, augwali wi mu yaibao.
26 Tigidali wa hulu dabe, mone dabe,
augwaligo sisinani nai dabe da, sese dola silaibao.
Tama te dwai bidi dabe dali,
augwa we wai puluba dali sese,
te bidi mego dalisąma yai iside sese hagala silaibao.
27 Dagalú aga digi te bidi dabego seęę hanilaibao.
Tama tųgo me po tų ela mawaibao.
28 Godigo augwali dali sebę mu yaibao.
Te agai augwaligo dwai seęę wei ponoyu da,
teda augwaligo mone nai dabe
sese hagala silaibao, te genuai wę asiyu,
augwaligo nai dabe sese da selasa pabo tiwai
yaibao.
Tama deli me elalugobeo.
29 Godigo te dwai seę ebo bidi dabego
te dwai seęę somainu dąj ilai dao.
Awe, augwali te silibo tiwai emainu tiwai dao,"
Sofargo te po wali.

Jopgo Sofargo po wei ponobo po wali

(Dąj 21)

Dwai bidi dabe augwali bugagia bidibo po

21 Tama te Jopgo po wei ponoyu, e tama wali.
2 "Eno homugo dagego olo bugagia
eno po waboba munama, odao.
Tama dagego tama tiyu da,
teda dagego eno homu dwagi yai bidimainu ilaibao.
3 Eno po bolo omainu sula tagaliyu bolo yao.
Tama eno po wala silibo si, tama da,
Sofar, nago ena posobo po ma waganio.
4 Tiali goli, odao. Eno bidi dabede po elalubowe?
Mu menio. Eno Godide po elalubo.
Tama tibaso, eno haliga dene mu ebao,
agai eno po wei ponisą ebo pode.
5 Dagego ena bugagia tonaluao.
Tama dage noma selama, hodaluyu yaide,
duga nogo gaęgo halua naibao.
6 Eno te dwai nai dabe enaba pedalaliba homu
ebo sogo da,
ena wi genuai mu elama, noma genuai mu
sabo dao," wali.
7 "Magi baso Godigo dwai kolesaga ebo bidi dabe
sula tagalama, tama augwali bugagia bidama,

augwali monu dabe ebo da, agawe?
Tama magi baso agai augwali genuai nogi selama,
nai dabe hauwa elalumainu sula tagalaliwe?
8 Te bidi dabe augwa wai puluba dali
wąj wai puluba dali si bidibo.
Tama augwali bidiyu, augwa
te wai puluba genuai ebo subo.
9 Te dwai kolesaga ebo bidigo
we wai dabe bugagia augwa bede bidibo.
Tama magi nai mego augwali wi me ilibe,
tama Godigo augwali dene me ilibe.
10 Augwa bulmakau kibu omaigo so kibu tabi ilama,
tama augwa wai dwagi yai saganama, me isibeo.
11 Te bidi dabe augwaligo wai puluba
hauwa mu bidibo,
augwa sipsip kibu namba tiwai bidibo.
Tama augwa te wai puluba teębi subigila
ola bilimainu sula tagalobo.
12 Bidi dabego gita dali, temborin dali,
ona dabe tama eliyu, dwagi yai hwą mu wabo.
Tama te wai dabego dwagi yai homu ebo teębi wabo.
13 Tigidali sogo dwai bidi dabe augwali
bugagia bidiyu ebo.
Tama augwali isilama,
isibo bidi dabego buluba painu ebo si da,
augwali gasi elama, dene me eyu ebe," wali.
14 "Te dwai kolesaga ebo bidi dabe bidibadi,
augwaligo Godibolo e tama wabo dao,
'Nago da taga palama, naga pao,' wabo dao.
'Dago nago po odama, wali pogobeo,' wabo.
15 Me ma, augwaligo e tama wabo,
'God te Tigidali Bomo Elalubo, te dewe?' wabo,
'dago magi baso agaba lotu po weyu,
aga dologode elaluaibawe?
Tama dago ma agaba gedu haluasa po weyu da,
dago mena dwagi yai nai saibawe?'
Augwaligo te tobage po wabo dao.
16 Te bidi dabe augwali bugagia bidiyu,
nai dabe hauwa mu sabo dao.
Tiali goli, te nai dabe augwa bomogo naga
te nai sabo menio.
Tama tibaso, eno te dwai bidi dabeba olo munama,
augwaligo po wali, me kolesaga wali pogobeo,"
Jopgo te po wali.
17 "Eno suali, Godigo dwai bidi dabe
hauwa sogo isilibo menio.
Tama hauwa sogo God dwai sogo augwaliba muna-
ma,
tama augwali dene sabo menio.
Tama Godigo te bage dali sebę ebo sogo da,
te hauwa sogo augwalibolo dene mabo meni.
18 Eno suali, Godigo hauwa sogo augwali
te bomai waligo sasi nosai sela sąbo aę ebo menio.
19 Bidi dabego te po wabo dao,
'Godigo dwai seę ebo bidigo wai dabe dolobo dao,'
wali,

'augwa ayago dwai seęę wei ponoyu.'

Tiali goli, eno homugo te kolesaga dolo meni.
Teda Godigo te dwai bidi dabe augwa tigide digi
te dene maiabo goli da, teda augwaligo koneaibao,
Godigo augwa dwai seę dolo ponobo dao.

²⁰ Awe, augwa digi sulama, dene
konemainu te Godigo seęę,
te God Tigidali Bomo Page Bidi.

²¹ Tama augwali te isibo bidi dabego
buluba bidigi pabo si da,
augwaligo augwa we wai puluba
mena tama bidibo olama, kone me egobeo,"
Jopgo te po wali.

²² "Te ensel sibigo da edelalio.
Tiali goli, Godigo augwaligo kolesaga osola subo dao.
Tama tibaso, dego God ola mabo usu yaiba,
te mena kolesaga dwagi yai dabe emainu. Bidi meni.

²³⁻²⁴ Eno sulama, we bidi me badu
augwa bidibode dwagi yai bugagia bidibo suali,
te dęgai hauwa yai hasa tiwai dao.

Augwali gasi me isąma, seęę me isąma, tama
bidama,
augwa isibo bodoluba sabalobo si tama isiyu ebo.

²⁵ Tama me badu we bidi bugagia bidibo meni.

Te we bidi dabe augwa
bidibo ula hagede kone palama, ha ebo dao.

Augwali dwagi yai homu godolo isiąbadi,
tama augwali isiboba usu nagasobo dao.

²⁶ Tiali goli, tigidali we bidi isiyu naga ebo dao.
Tama augwali tigidali gų pagede deli madi kigilama,
pila muyu, da tiwai si naga ebo dao.

Tama te osogane dabe augwali tigide paęąbo dao,"
wali.

²⁷ "Eno polo koneani, dagego homu dabe.
Dagego ena aiyaba elaluabo homu naga te ebao.

²⁸ Dagego te po wali,
'Te dwai dwai seę dabe te genuai bidi dabe
te dwai kolesaga ebo bidi tigide pedalobo dao,'
po wali.

'Tama augwaligo be dabe sese dolobo dao.
Tama bidi dabego augwali ma subo menio.'
Dagego te po wali.

²⁹ Tiali goli, eno homugo dagego iba peyu,
eda soayu ebo bidi dabebolo
po hanalube yali pogo te gasa bulu taga solama,
pabo bidi dabebolote dwai seę ebo bidi dabede mena
tama tibo dawę po hanalubeo.

³⁰ Mu tama. Augwaligo dagebolo e tama waibao.
Te God seęę elama, tama dwai seę pedalumainogo
elama,

tama we bidi hani deli pesage badu dolainu da,
teda agai te dwai kolesaga ebo we bidi
dolobo menio.

Menio. Augwali bugagia bidimainu sula tagalobo
dao.

³¹ Tama tibaso, dego dwai kolesaga ebo

bidi dabe po tų ela mawaibawe?

Bidi mego augwali po tų ela maiabo menio.
Tama augwaligo dwai kolesaga wei ponainogo
augwali tigide dene ilabo bidi menio.

³²⁻³³ Tama te dwai bidi dabe
isibo sogo da, we bidi hauwa mu sisinagasobo dao,
bidigo augwali nedebę usugobeo

Tama augwaligo agai tigi sela pelama,

gų pageba pubaligi pabo dao.
Tama bidi me badugo augwaligo gų page
bugagia tonalubo dao.

Tama dwai bidi dabe gų pagede bugagia pila mubo
dao.

³⁴ Eno te tobage kolesaga
te dwai seę yali bidi dabede pedalobo subaso,
eno te homu ebao, dage ili po olama,
gani bole ebo bidi dabe dao.

Dagego homugo te dagego enabolo pogo
eno haliga dili ilimainu ebawe? Te bage?
Hobede ebo.

Te po dabego ena deli me tau sabeo,"
Jopgo te aga abagi selabolo te po wai.

Elifasgo sela wabo po pusali

(Dąj 22)

**Ma, Jopgo homu begeligi sogo da, teda Godigo agade
dwagi yai seę mu igi dao**

22 Jopgo po ola silibo si, te Elifas hanu Teman bidi-
go po wei ponoyu, e tama wali,

² "Da olo bidi dabego God tau sabo seę dabe ebo
usugowe?

Mu meni. Te koneai bidi dabe me usu egobeo.

³ Nago homugo nago doloba pai kolesagago
God Tigidali Bomo Elalubo Bidi agai yabo seę
tau saibawe?

Ma, nago dwagi yai kolesaga naga
eyu da, nago homugo tego Godibolo
dwagi yai ilaibawe? Mu meni. †

⁴ Ma, nago homu nago Godiba lotu po weyu,
tama aga dologode bidibaso, agai nage sesanama,
nage po tų ela mani, nago te homu ebawe?
Te mu meni.

⁵ Jop, nago haniani dwai kolesaga mu yai dao,
tama silibeo.

Tama te po pagede naga God nage po tų te ela
mobao,"
wali.

⁶ "Nago e tama kolesaga yai dao.

Nago naga abagi dabe negeli mani, tama augwaligo
nagebolo augwa doado bage meba osogo menama,
tonalumainu yali.

Ma, augwaligo te negeli sali dolo wei ponesiąbaso da,

† 22:3 Jop 35:6-8

teda nago te sali nai mu sobaso, usu yaibao.
 Mebago nagebolo augwaligo ugwa nagebolo
 te tiwai osogo mani.
 Tiali goli, augwaligo te negeli wei ponai goli,
 nago augwalibolo te ugwa wei ma masiqbaso da,
 augwa tigi haluabo ugwa meni. †
 7 Bidi dabe augwaligo dogoni aloa sali,
 tiali goli nago augwalibolo wę mawai menio.
 Tama me nago augwali nasi ebadi,
 nago augwali nai mabeo.
 8 Nage genuai bidi, tama nage genuai nogi yali.
 Nago tama tiyu yai nago homugo tigidali
 sę nagaduba homugo yaibao wali.
 Tama nago gasa bidi dabego tų dage dali sai dao.
 9 Me te we sibi augwa bidi isai baso, augwali aselama,
 nagebolo augwali tau sao obadi,
 nago augwali tau sabeo. Menio.
 Nago augwali sela saşbaso, augwali pai dao.
 Tama tiyu yaide,
 augwaligo wai puluba dabe me
 dwagi yai tau me siyu, tama bugagia bidibeo.
 10 Nago te kolesaga dabe yai dao.
 Tama tiyu, megi da, nage tola selama,
 nage dolabo nai dabego nage bobegela selama,
 dolabo nai polo aselama, tama nage wi ilibao.
 11 Te hulua sai tiwaigo nage mesegelama,
 tama nago nai dabe me sugobeo.
 Me te dene mabo sę hauwa nageba pedelai dao,
 te wę genuaigo nage te mesega sali tiwai dao," wali.
 12 "Jop, suao, te hų dabe tigidali ugwanu mu elalubao.
 Tiali goli, God te dagalude bidiyu,
 aga te hų dabe edelama, ugwadu mu bidibao.
 13-14 Eno homugo tego nago homu kolesaga
 hodaluama, nago e tama po wabo dao,
 'Godigo mena nai dabe koneaniwe?
 Aga dagalude ugwadu mu bilibo dao,
 tama moni pogo aga mesega sali,
 tama moni hulua saligo aga mesega sali.
 Tama agai da subeo.
 Agai dago kolesaga mena tama dagalogowe?
 nago te po wabo dao," ††
 Elifasgo te po wai.
 15 "Tiali goli, Jop, nago mena tama tialiwe?
 Nago tigidali dwai sunumidu painu bomo genuai
 ebawe?
 Te da, te dwai kolesaga ebo bidi dabego
 wali pabo tų dao.
 16 Augwali monu dabe isaşbo sogo,
 deli sogo tama Godigo augwali silali dao.

† Te Elifasgo te Jobgo te sę ebaş po wali kolesaga, te bomo yai pogo te Israel dabe augwaliba habu mu selibasş, augwaligo te sę isaşwani sę po. Te buku Kisim Bek Daj 22:26-27; Lo 24:6; 24:10-13, tede dabe te po elalubo suao. †† Te Elifasgo Jopgo homude elalubo sę agai konebe homu ebaş. Jopgo te tama po wali, Godigo te dwai kolesaga ebo bidi dabe dolobeş wali po te Daj 21:29-33 tede elalubo suao. Tiali goli, Jopgo te tama me wabe, Godigo te dwai kolesaga ebo bidi dabe susaşu, tama agai augwaligo ebo kolesaga dagala subo meni, te po agai wabeş.

Augwali te be me te genuai wę sesegede elalui,
 te wę asiyu, te be dolama, masigi dali,
 ni nami dali si, te węgo tolasa pabo tiwai yali.
 17 Te bidi dabe augwaligo Godibolo e tama wali,
 'Nago da tagalama, naga pa,' me ma augwaligo
 e tama wali,
 'God Tigidali Bomo Elalubo Bidigo dade
 magi sę mu ebo usugowe?'
 18 Tiali goli, augwaligo konebe,
 Godigo digi augwalibolo
 te dwagi yai nai mawai da homu ebe.
 Tama tibaso, eno olo te dwai bidi dabego poba
 olo munama,
 augwaligo homu kolesaga wali me pogobeş.
 19 Te doloba pai bidi dabego Godigo
 dwai bidi dabe tigde dene ilibo suali,
 tama augwali tede
 dwagi yai homu pemene ebo dao.
 Tama dwai kolesaga magi naide
 meni yai bidi dabe da, augwaligo
 te dwai bidi dabe keşę po wabo dao.
 20 Augwaligo e tama wabo dao, 'Dwagi yai mu da,
 te dago boi bidi dabe polo dolai yabo.
 Tama isigo augwaligo dwagi dwagi yai nai
 dela pela silalio,' te po wabo."
 Elifasgo te po wali.
 21 "Megi da, Jop, odao.
 Megi nago God dali po dodolama,
 tama dedeli homu yao.
 Ma, naga tama tiyu da, teda agai nage usu ma ilama,
 tama nage bugagia ma bidaibao.
 22 Nago agai nage mawainu ebo
 kolesaga po nago tigidali sao.
 Tama agai po nago homude bugagia mu muao.
 23 Nage God Tigidali Bomo Elalubo Bidiba
 ma asiyu da, teda agai nago sęęę sela saşna silama,
 tama nage bugagia ma bidaibao.
 Tama nago te dwai kolesaga tudi ola menama,
 tama nage te tobage kolesagade digibulu bidao.
 24 Te nago dwagi yai gol masigi tigidali
 te dwai madi saşna silao, tama tiyu da, usu yaibao.
 25 Tama nago God agai nago homude
 te dwagi yai gol dali,
 silva dali si hasegelainu yao.
 26 Nago tama tiyu da, teda nago dwagi yai homu
 genuai mu te God Tigidali Bomo Elalubo Bidigo
 nage bugagia te sę yali pode yaibao.
 Tama nage aga dali haliga tegaluama, dua bidaibao.
 27 Tama nago agaba gedu haluasa po olama,
 tama agai nago gedu haluasa po wabo odama,
 tama nago hanalubo nai dabe nage mawaibao.
 Tama naga Godide daşu wali po
 wali peyu, dwagi yai homu elama,
 te daşu walali po usu naibao.
 28 Tama nago sę me yainu homu daşu wali sę dabe da,
 te da Godigo nago te sę emainu sula tagalama,
 dwagi yai pedalomainu sula tagalaibao.

Tama Godigo nage bidibo page bugagia mu ilaibao.

²⁹ Nago koneani.

Godigo augwa nogi ugwaba sabo bidi aiyaba elalubo dao.

Me ma, agai te augwa digi aiyaba elalubo we bidi ugwaba sabo dao, tama augwali bugagia bidibo dao.

³⁰ Tama Godigo gedude nage doloba pai bidi bidibaso, agai dwai şe ebo we bidi me hobede eyu, tama augwali ma saibao. Augwali hagagobeo." Elifasgo te po wali.

Jopgo Elifasgo wali po wei ponobo po wali

(Daj 23-24)

Jop agai Godigo po tų ebode ugwaba ela holobo usu yaibao

23 Tama Jopgo po wei ponoyu, e tama wali. ² "Odao. Megi me eno homu dwai elalubo.

Tama eno homugo te dwai nai dabego ena doloba te po hauwa mu waibao. Ena gela wabo togolainu sinabao goli, eno usu munu me ebeo.

³ Hobede mu dao. Ma, eno God bidibo pesage eno koneai tigi sogo da, megı tama ena pelama, aga gedude mu dolo doligi pigi dao.

⁴ Tama teda eno te dwai dwai şe dabe ena tigi yali po pusugi dao.

Eno po tų ebo tau somainu po hauwa mu wagi dao.

⁵ Tama eno koneaiba, agai eno po wei ponobo suaibao.

Tama eno agai homu kolesagade ebo homu koneaibao.

⁶ Dagego homugo Godigo bomogo ena aiyaba elalubama, ena dali boi bidi homu yaiba weyu obawe? Mu menio.

Agai eno poba olo saganama, odaibao.

⁷ Ena doloba pai bidi.

Tama ena agai gedude dolo po tųde doliyu da, eno aga dali po migi dao.

Tama agai eno po odoyu da, teda agai e tama waibao,

eno dwai şe me agai gedude me ebeo po wagi dao.

Tama eno po tų da, mu siligi da," wali.

⁸ "Awe, ena God bidibo pesage eno koneai tigi sogo da, tama igi da.

Tiali goli, ena God giliga asobo badu bidibowe weyu, gegegi peyu da, tede bidibo sugobeo.

Tama eno aga giliga dega sabo madi gege peyu da, eno aga tede bidibo sugobeo.

⁹ Godigo şe me not badu,

me saut badu me ebo goli, eno aga dwasianu me subeo.

¹⁰ Tiali goli, Godigo ena bilibo dabe tigidali mu koneanio.

Ma, aga ena usu siyu da, teda agai ena tonobo da wiegi yai gol masigi tonobo tiwai yaibao.

¹¹ Tigidali sogo ena aga bilibo sunumidu naga bilibo dao.

Eno te sunumi tagalama, gasa sunumidu me pabeo.

¹² Tama eno agai te tiwai ya wali po me sela şabeo.

Menio. Eno agai enabolo mani po wali peyu yai dao.

Agai po pusu mu elama, tigidali deli deli sogo tuabo naigo pusu edelalio," wali.

¹³ "Tiali goli, Godigo homugo magi şe me yainu yali da, tama dego agai homu ma hasegelaibawe? Agai me hasegelegobeo.

Tama agai magi şe me yainogo da, teda agai eyu naga ebo dao.

¹⁴ Tama tiyu yaide, agai homugo enade magi şe me yabo

homu ebaso da, agai ebo dao.

Ma, agai haniani homu kolesaga me elalubo.

¹⁵ Tama tiyu yaide, ena aga gesabidide mu bidibao, tama ena agade wi mu ebao.

Eno agai ebo kolesaga kone palama, eno dili didibili mu ebo.

¹⁶ God Tigidali Bomo Elalubo Bidigo eno bomu silama, tama ena wi mu ilalio.

¹⁷ Hasia ena tama bidai meni. Meni.

Godigo tama te be huliasa tiwaigo ena mesega sagasali.

Tiali goli, ena te hulide wi meni, ena te God dali naga wi ebao,"

Jopgo te po wai.

Jopgo homugo Godigo doloba pai kolesaga ebeo homu yali

24 Tama Jop agai po genina ma weyu, e tama wali, "Magi baso God Tigidali Bomo Elalubo Bidigo

dwai bidi dabe po tų yabo bodolu mube yaliwe? Tama magi baso te we bidigo God wali pelama, te tobage po tų yabo sogo olo dali magi baso tonalubowe?

² Te dwai kolesaga ebo bidi dabe augwaligo gasa bidi dabego tų wi sainu yali.

Tama tiyu yaide, augwali tų daj ibanu pogolobo dao.

Tama te bidi dabego homugo tiaibao, te augwa tų da homu yaibao.

Tama augwaligo mena sipsip kibu wi selama, augwa sipsip dali gea paligi pali.

³ Te bidi dwai dabe augwaligo wilawe we dabego donki kibu wi sabo dao.

Tama te we dabe augwaligo şe elama,

augwa wai dabe negabo usu ebo menio.

Tama te we dabego negeli sainu ebo sogo, te bidi dabe augwa gi şe ebo

bulmakau kibu osogo siyu, tonaluyu,

te wego te negeli wei ponobo sogoba usu nubo dao.
 4 Tama te dwai bidi dabego te moni nai dabe meni yai bidi dabe wi ilibo dao.
 Tama augwaligo augwa homugo magi şę me egobeo.
 Augwali wi elama,
 te dwai bidi dabe digibulu bidibo dao.
 5 Hobede ya.
 Te we bidi augwali te wa pai buluba bidigi pomainu ebo dao.
 Tama augwali te bulu kibu donki ebo gilama nai meni yai bulude augwa wai puluba maiabo nai bomai şę elama, mabo dao.
 6 Augwali gasa bagego tþba pelama, haniani nai dwai dabe selama, naga asobo dao.
 Tama dwai şę ebo bidi dabego gide augwa şę bidi dabego te wain nedu du polo toga sai madi, te bage te nai meni yai bidi dabe augwali te giba pelama,
 te wain du deli deli walalubo dabe augwaligo saibao.
 7 Te hulide augwali olo pilama, tama augwaligo tigi kedau ebo dao.
 Augwa tigiwali haluama piabo ugwa menio.
 8 Augwali bulu du yai madi bidibadi yaide, tulubage tuluyu, augwali tula pabo dao.
 Augwa be meniama, tama masigi dologoba geme duala sigi pabo dao, te tulubage tuidali weyu" wali.
 9 "Te dwai bidi dabe augwali te wilawe we dabeba pabo dao, tama augwaligo wai bþų dabe bomonama eyu sabo dao.
 Tama augwaligo te wai bþų dabe augwaligo olo şę ebo bidi gagalobo dao.
 Tama dwai bidi dabe augwaligo te nai meni yai we bidi dabego wai dabe oda selama, tama tola selama, te we bidi dabego augwa negeli yali wei ponomainu.
 10 Tiali goli, te bage te we bidi augwa tigi haluabo ugwa meni.
 Augwali gasa bidi dabego giba şę igi pelama, te wit nai augwa nai tubo beba sisinigi pabo dao.
 Tiali goli, augwa mu da tuabo nai meni ebo dao.
 Tama augwali nasi dwai mu ebo dao.
 11 Augwali te ni oliv sili tomode şę ela bilama, tama te oliv du te masinigo peęębo dao, te olivgo wel nigimainu.
 Tiali goli, augwaligo te oliv wel tubo usubeo.
 Tama mebago te wain du şaęaęo gosę genama, tama wain wę sabo şę yai dao.
 Tiali goli, te şę ebo bage augwa mu te wain wę tugobeo.
 Tama augwali dogoni aloa sabo dao.
 Magi baso meni, te page bidigo habu selai dao.
 12 Te moni hanu tomode te we bidi gela mu wabo.
 Augwali mu dobaso,

Godigo augwali tau somainu gela olama, i wabo dao.
 Tiali goli, Godigo augwaligo gedu haluasa po wabo odobo menio," wali.

13 "Bidi mebago Godigo ebo kolesaga godolo ebo meni.
 Augwali tobolu gagea pelama,
 tama te dwagi yai kolesaga dali boi bidi homu ebo dao, te dwagi yai ula kolesaga.
 Augwaligo hulua sai kolesaga naga wali pabo dao.
 Tama augwali ula yai sunumidu pabo homu ebo menio.
 14 Te kigamu hulide mu te giliga pedalisiębadi, te dwai bidi dabe hogodama, te nai meni yai bidi dabe ela muainu pabo dao.
 Tama hulide da, augwali nai dabe wi sainu bilibo dao.
 15 Ma, te bidigo sai we dabe dali dwai şę ebo bidi dabe da,
 augwali giliga dega sabo bolo tonalubo dao.
 Tama augwali te gasa bidigo we dabe dali pigi pabo dao.
 Augwali pabo sogo da, augwa gesabidi halua selama, pabo dao.
 Tama augwaligo e tama wabo dao,
 'Ena niwai bidigo sulama, me konegobeo,' wabo.
 16 Te hulide da, te nai wi sabo bidi dabe pelama, bidigo be paiai daga huęinama, tama tomoba nai wi sainu pabo dao.
 Tiali goli, giligade da, augwa be tomode dualalubo dao.
 Magi baso meni. Giligade da, augwaligo sogo meni.
 17 Te bidi dabe augwali giliga nanobo sogo bilibo wi ebo dao, te bidi meba hulide bilibo wi ebo yali gilama.
 Tiali goli, huli asobode da, augwali dwagi yai homu ebo dao," wali.
 18 † "Dagego te tobage po wali, te dwai kolesaga ebo bidi dabe augwali bobobage sogo bidigobeo.
 Menio. Polo tama bomai wę aselama, augwali tolasa pali.
 Tama Godigo po obaso, augwaligo tþ dolaibao.
 Tama augwa wain giba şę igi pabo bidi meni yaibao.
 19 Te giliga nanobo sogo da,

† Te Daj 24:18 tedu te Daj 28:28 teba usu nama wali po, te page kuna konebeo, dego mu te po pusaliwe subeo. Elifasgo po sela sogo pusali, te Bildatgo me sela sogo po pusali. Tialima, megi dago Hibru pogo elalubo po, Sofargo po si naga wali. Te Bildatgo silagasobo po (te Daj 25) tede wali po peęwådage mu elalubao. Tama me, te Jopgo wali po dage meba te aga abagi dabego polobadu wali po te tobage homu kolesaga tiwai si elalubao. Te pagede, te meba kolesaga koneani bidi dabego homugo te Sofargo nogi me polobadu elaluali homu eba, tiali goli nosali te hagawali. Tama augwaligo homugo te Daj 24:18-25 tede elalubo po, te Sofargo po dage te homu yali. Dago konebeo dao, te kolesaga koneani bidi dabego homu kolesagade wali po te dolowe, ma meniwe, tama tilalima dago te megi tama te Hibru pode elalubo po wali pina homu yaibao. Te Jopgo te po te Daj 24:18-20 tede te wali po agai aga abagi dabego homude pusali po tonobo tiwai homu igi dao, te Daj 24:21-25 tede wali pogo te augwaligo wali po wei ponani.

te pọ dabe tedela pelama, silibo dao.
 Tama tiwai me, te isali bidigo bulude
 te dwai we bidi sabo dao,
 tama augwali sese mu silibo dao.
²⁰ Tama augwaligo tigi te dwasianu osogane dabego
 pusai nai gagabo dao.
 Tama bidigo augwali kone me egobeo.
 Tama augwa ida mugu me homu
 kone me egobeo, mu gegeda paibao.
 Tama augwaligo dwai kolesaga me sese mu silaibao.
 Dagego te tiwai po wabo dao,"
 Jopgo te po wali.

²¹ "Tiali goli, eno po da, e tama dao.
 Te dwai bidi dabego te dwai kolesaga
 te wai ame nesiaṃa ebo we dabede ebo dao.
 Tama augwaligo te wilawe we dabe tau sabo menio.
²² Tiali goli, aga bomogo digi Godigo
 dwai bidi dabe genuai nogi bobobage
 sogo bidimainu tau sabo dao.
 Ma, augwaligo homugo augwali isiba homu ebo si
 da,
 Godigo augwali ma hodolama,
 augwali bugagia ma bidibo dao.
²³ Godigo digi augwali bugagia dua bidimainu elama,
 tama dwai seḡe augwaliba me pedalobo menio.
 Tiali goli, tigidali sogo agai
 augwali bugagia tonalubo dao.
²⁴ Tama augwali genuai nogi osogo naga elalubo dao.
 Tama deli sogo tama augwali polo isai,
 te gasa olo we bidi dabe isibo tiwai gilama.
 Augwali te wit nai inawai te bidigo togobo tiwai ebo
 dao.
²⁵ Ma, dagego homugo eno wali po ili po da wida,
 teda dage tomode mena bidigo eno ili po
 pepeli diliba sela muaibawe?
 Tama dego enabolo homu bega sabo po weyu,
 'Nago wali po te page meni yai po da,'
 dego te po wabo usugowe?"
 Jopgo te po wai.

Bildatgo sela wabo po wali

(Daj 25)

Godigo gedude da bidi olo nai tiwai dao

25 Jopgo po ola silibo si, te Bildat te bulu Suha bidi-
 go po wei ponoyu, e tama wali.
² "Godigo genuai bomo elaluyu,
 agai tigidali nai tonalubo.
 Agai tigidali nai dabe noma selama, wi emainu ebo
 dao.
 Tama agai dagalude elalubo nai dabe
 dua bugagia bidimainu ebo dao.
³ Te dagalude ami bidi hauwa mu,
 tama bidigo nedebo usu egobeo.

Tama Godigo ula tigidali we bidibolo mabo dao.
⁴ Mena tama da tọde bidi doloba pelama,
 Godigo gedude meda meni yai pedalaibawe?
⁵ Dago polua ula genuai subo dao.
 Tiali goli, Godigo gedude da, te dwasianunu mu dao.
 Tama họ dabe me agai gedude dwagi yai menio.
⁶ Te mu tama, da bidi agai gedude doloba pai menio.
 Da te tọde dwasianu sawi tiwai dao.
 Da te olo nai osogane tiwai naga dao,"
 Bildatgo te po wai.

Jop aga abagi dabego po wei ponobo po wali

(Daj 26-31)

Godigo bomogo dago homu kolesaga edelai mu elalubo

26 Megi da, Jopgo Bildatgo po wei ponoyu, e tama
 hale ilibo po wali.
² "Te ogomani nage bidi bomo
 meni yai bidi tau sabo bidi yali bogo.
³ Tama me ma, nage bidi homu kolesaga meni yai bi-
 di
 tau sabo bidi mu yali bogo.
 Eno odali, nago ola mabo po hauwa mu wali,
 te dwagi yai mu dao.
⁴ Dego mobogo nage homu hodolama,
 te po omainu tau saliwe?"
⁵⁻⁶ "Tagala te isai bidi dabe tamu wẹ dologode
 bidibo me, augwali Godide duagobeo.
 Augwali Godigo gedude hania mu bidibo dao.
 Tama agai augwali tonobo sogo da, augwali wi ela-
 ma,
 noma genuai mu sabo dao.
⁷ Godigo dagalu nigiyu, dñjñgılai elalubo.
 Me ma, Godigo e tọ olo walumainu nigilai dao.
 Te magi nai mego e tọ aga bidibo
 pesagede bidimainu tolalubo menio.
⁸ Godigo te wẹ dabe te agai pọgo bea selama,
 elalubo dao.
 Te wẹ seḡe mu ebo dao.
 Tiali goli, wẹ seḡeḡo te pọ alua sabo menio.
⁹ Godigo te pọ aselama, agai sia king
 halua somainu ebo dao.
¹⁰ Tama agai daj te tamu aj bobegelama, elalubao.
 Tama te daj ilali digi da, te ula dali,
 hulua sabo dali si deli madi sisinibo digi dao.
¹¹ Te Godigo seḡe ebo sogo da, teda te tọ dali,
 dagalu dali si bomona ma posogwa sṃnama,
 noma genuai mu sabo dao.
¹² Polobadu Rahap, te moni hwa gula
 tamu aj hasamani da,
 te Godide tobolu gagea pai dao.
 Tiali goli, Godigo bomo dali,
 aga dwagi yai kolesaga dali sigo pode

Godigo te Rahapgo bomo aiyaba elalui dao.

Tama agai tamu aji dua bidimainu yai dao.

¹³ God aga digi bomai wali tagala palama,
te po dabe sela sawai dao, tama dagalu
sisi ma yai dao.

Tama aga nogogo digi naga

te bulu hwa gula mani ma isilai dao.

¹⁴ Te Godigo nigilama pedelali nai dabe da,
dago sulama konebo dao,

te nai dabede agai genuai bomo dabolo
dwasianunu naga ola mabo dao.

Tama tego dago kolesaga edelebo dao.

Ma, God agai bomo sese dabolo ola magi sogo da,
teda dago mu konegi menigi da. Mu menio.

Dago homu kolesaga agai bomoba

usu nainogo ebaso da, usugobeo, te deş saibao."

Te Jopgo te pogo te Bildatbolo po wei ponai dao.

Jopgo po bomonama mu ma wei te po wali, eno dwai şę me ebeo, wali

27 Tama Jopgo po ma wadoluyu, e tama wali.

² "God Tigidali Bomo Elalubo Bidigo

enade dolo yai şę isama yai digi,
megi da, ena dolama mu bidibao.

Agai odisama, eno po tu bugagia sulama dodolobeo.

Tama tibaso, ena haliga tigi şębeş agai
te kolesaga ebode ebao.

³ Tiali goli, eno te sesemane sogo bidibo Godigo
nogi weyu, nogo guni sisu, eno mu po naga obao.

Te Godigo ena me bidimainu eyu da,

⁴ te eno dwai po me pusulama,

tama eno tibo po eno pedauwalidu me wagobeo,"
wali.

⁵⁶ "Tama tibaso, dagego bugagia mu odao.

Te po dagego enabolo wali po dabe mu tama menio.

Eno te homu ebo dao, tama te homu hasegelegobeo.

Magi baso meni. Eno haliga dali, homu kolesaga dali
si dolo mu Godigo gedude elalubo.

Tama eno po bomu elama, e tama wali.

Eno dwai kolesaga dabe, magi şę dabe me,
te dwai dwai nai dabede me ebeo.

Tama eno te deli po naga ola pidubadi,
ena isibo sogoba siligi paibao."

⁷ "Eno homugo bidi dabe ena dali

boi bidi homu ebo bidi dabe dene momainu homu
ebao.

Agai deli kolesaga naga augwali tigide emainao,
te dwai kolesaga ebo bidi dabede ebo tiwai.

⁸ Te bidi dabe augwali Godigo po wali pabo menio.

Godigo augwaligo bidibo ula silibo sogo
augwali dwagi yai nai me saibawe? Meni.

⁹ Te şęşę yai şę augwalide pedalobo sogo da,
tama augwaligo Godigo augwali tau somainu
i wabo dao.

Teda Godigo augwaligo i wabo odaibawe? Mu meni.

¹⁰ Tama te tobage bidi dabego dwagi yai homu elama,

God Tigidali Bomo Elalubo Bidiba

gedu haluasa po tigidali sogo waibawe? Mu meni,"
wali.

¹¹ "Tama megi da, eno dage ola menama,

tama dagego Godigo bomu bugagia koneagameo.

Tama eno God Tigidali Bomo Elalubo Bidigo homu
kolesagade yainu ebo şę po hanilama pusaibao.

¹² Tiali goli, duga polo suali, te Godigo ebo
kolesaga dabe.

Tama tiali goli, dagego magi baso po geda mubawe?"
wali.

¹³ "God Tigidali Bomo Page Bidigo polo daş ilai dao,

te haniani şęşę te dwai şę ebo

bidi dabego pei yali gilama,

tama gasa bidi dabe dali

dwai kolesaga ebo bidi dabebolo me.

¹⁴ Te bidi dabego wai puluba hauwa elalubaso
me tagalao,

te boi bidi dabego augwaligo wai bşę elama,

isilagasaibao.

Tama augwaligo hani da, tigidali sogo nai menia
siduaibao.

¹⁵ Tama te dwai şę ebo bidi dabe isila pai madi da,

te augwa hani bidibo bageba me

moni gasi mu aselama, augwali me isaibao.

Tama augwa we dabego me augwalide

hobede isama, diligi me egobeo.

¹⁶ Te dwai bidi dabego silva mone hauwa,

me ugwa hauwa mu pesage augwa bede holai baso,

tama te dwagi yai nai dabe da,

augwaligo homude olo nai tiwai elaluaibao.

¹⁷ Tiali goli, nosali da, te doloba pai bidi dabego

te dwagi yai nai dabe selama, augwa hasi

dobola saibao.

Awe, te dwai şę isawai bagego te dwai bidi dabego
silva

augwa hasi tomode dobawaibao.

¹⁸ Te dwai bidi dabego sawi yai be şę ebo dao.

Tiali goli, augwaligo be sesabi elama dolalugobeo.

Te be dabe deli sogo mu degasa paibao, te hologabe
be,

me bidigo gi tonaluainu şę ebo be tiwai yali gilama
yaibao.

¹⁹ Awe, augwali hulide piainogo da, augwaligo suali,
augwa tigidali nai dolo elalubo suali.

Tiali goli, kigamu hodaluyu suali,

augwa dwagi yai nai dabe

menia suali, dolo elalubo sube.

Tama augwali nai meni yai bidi mu bidali," wali.

²⁰ "Te dwai wi ilibo nai dabe te dwai bidi dabeba

hulide te wę aselama, bulu mesega sabo

tiwai yaibao.

Tama augwali wi mu yaibao.

Te nai dabe te bomai wali tiwai elama,

augwali sela şawaibao,
tama augwa pesagede munu me bidigobeo.
21 Te bomai wali te giliga asobo badu aselama,
augwali sese sela şabo tiwai dao.
22 Tama te waligo augwali tigide
diluai şe mu ebaso, augwali wi peyu,
geme duala sainu yaibao.
23 Tiali goli, augwaligo te waligo bomo sela şagobeo.
Waligo augwali gisugu mabo tiwai
elama, tama augwali sela şawaibao," †
Jopgo te po wai.

**Dago dwagi yai kolesaga dali, homu kolesaga si
menade gegaibawe?**

28 Te Jopgo po ma weyu, te po wali,
"Te bidi dabego tş aiyanu mu dogobo dao,
te silva dali, gol dali si sainu tibo dao.
Tama augwaligo te gol dali,
silva dali si ulabo madi geselebo dao,
te dwai pobelebage sela şanama,
dwagi yai mu emainu.
2 Tama me ma, augwaligo
te ain sainogo tş dedage aiyanu mu dogobo dao.
Tama augwaligo tama masigi me
diganama, kapa mu sainu ulubo dao, siade.
3 Augwaligo tş dedage tomoba mu dogobo dao,
te ain dabe elalubo masigi dabe sainu tibo dao.
Augwaligo lam sole domanama,
te tş tomoba dogobo dao.
Tama te lamgo te tş dedagede ula ilama,
tama augwaligo te masigi dabe bugagia suyu,
tama augwaligo sabo dao.
4 Augwaligo te tş dogobo te digibulu
mu tama dogogi pabo dao,
te gasa bidi dabe me pişama ebo digi.
Tama augwa naga bidiyu, şe ebo dao.
Augwaligo bono gebelama, tedu walawala dulubo
dao,
te tş dedageba, te şe yainu.
5 Te bidi meba tş daide şe elama, nai dabe bulubo
dao.
Tiali goli, te tş dedage tomode şe ebo bidi dabe da,
augwaligo masigi dabe haluama,
tş dabe begela tagalama ebo dao.
Tama tş dologo te isigo ula tiwai emainu ebo dao.
6 Te bidi dabe augwaligo te sawi yai masigi nogi sapa-
ia
te tş dedageba, te şe yainu.
Te gol kapa elalubo masigi me augwaligo
te tş dedageba, te şe yainu.
7 Te ba kemodage dabego te bidigo
nigali tş dedage tomoba subo meni.
8 Te bulu yowi laion dali, me badu bomai hasa dabe,

† Te ves 13-23 tede wali po, te po dage hauwa te aga abagi sela-
go polobadu pusali po tobage homu kolesaga tiwai si elalubao. Tiali-
ma, me badu kolesaga koneani bidi dabego te tama homu yali, te
Jopgo po meni homu yali, tiali goli augwa te abagi dabe me deligo
wali po da, te homu ebo dao.

augwali te bobobage tş dedage
te bidigo dogali tş dedage bilibo meni," wali.

9 "Augwaligo te bomai masigi bulu diganama,
te moni bulu du pageba pabo dao.
10 Tama augwaligo te masigi bulude
dedage nidigi pabo dao.
Tama augwali tomoba pabo sogo da,
augwaligo haniani dwagi yai
masigi dabe te tş tomode subo dao.
Bidi dabego te masigi abelebo
genuai monego abelebo masigi dabe
te tş tomode elalubo dao.
11 Tama te şe ebo bidi dabego şe ebadi yaide,
te dwasianu ulu wş subaso da,
te wşgo te tş dedagede paşaidali weyu,
augwaligo wş palibo dao.
Tama augwaligo tş dedage dualaluai nai dabe sabo dao,
tama buluba pepeli diliba sela asobo dao," wali.
12 "Tiali goli, da menaba mu pelama,
te dwagi yai homu kolesaga dabe sigi pogowe?
Te dwagi yai homu kolesagago bulu menade
elalubowe?
13 Te dwagi yai homu kolesaga, te da nai mu,
tama tego mone dabe edelai dao.
Tiali goli, we bidi augwaligo te kuna konebeo.
Tama te dwagi yai kolesaga da,
te tş dedage we bidide me elalubeo.
14 Tama te tamu wş dali,
te bulu aiyanu yai digi agai e tama wali,
'Te dwagi yai homu kolesaga ede me elalubeo,' po
wali.
15 Dago dwagi yai homu kolesaga abelainu te gol dali,
silva masigi si skel ebo usu me egobe.
Tagalao. Hobede mu dwali.
Dago te nai abelebo usu egobeo.
16 Awe, mu tama, dago wiegi yai
gol masigi Ofir bulude selama, abelebo da usu
egobe.
Me te genuai mone sabo masigigo me,
dago dwagi yai kolesaga dali
homu kolesaga si abelegobeo.
17 Ma, dago homugo dwagi yai homu kolesaga
abelainu,
tama dago te dwagi yai glas tiwai masigi dali,
te genuai monego abelebo gol masigigo
nigai au dobage nai me elalubaso,
te me usu egobe.
18 Te dwagi yai homu kolesagago
te tamu wş sanide au nai dabe me edelali.
Me te dilai tedela yai dila pai masigi
nogi jaspago ula edelali.
Te bidi dabego moni mone şanama,
te tamu wş dedage au yai beli tiwai nai abelebo dao.
Tiali goli, te beli tiwai nai abelebo moni tiwaigo
te dwagi yai homu kolesaga abelebo usu egobeo.
19 Dwagi yai şewa yai masigi bulu nogi
Sudande sabo masigi topas,

me masigi gol isi ulama dwagi yai me,
te dwagi yai nai sigo me
te dwagi yai homu kolesaga abelebo usu egobeo.
Magi baso meni,
te homu kolesaga abelebo mone
te ugwanu mu dao," wali.

²⁰ "Teda, dago te dwagi yai
homu kolesaga menade mu gegaibawe?
Dwagi yai homu kolesagago bulu menade
mu elalubowe?"

²¹ Te dwagi yai homu kolesaga aga
bulude geme mu dualalubo.
Tama te we bidigo me, te me badu
bidibo nai dabego me, munu me sugobeo.
Te ba dabe me dagalude bola bilibo.
Tiali goli, augwaligo me subo usu egobeo.

²² Isai bidigo bulude me e tama po walio,
'Eno me eno ologo naga te dwagi yai
homu kolesaga po olo odali. Tiali goli, eno sube.'"

²³ "Megi da, odao.
God agaduba deli naga te dwagi yai homu kolesaga
elalubo bulu koneanio.

Tama agaduba naga teba pabo sunumi koneanio.

²⁴ Magi baso meni. Agai tş tigidali mu sulama,
tigidali dagalu dologode elalubo nai
tigidali sula silibo dao.

²⁵ Polobadu mu Godigo dş ilama dobolama,
tama waligo bomu me dş ilama,
tama tamu wş elaluabo pesage me dş ilai dao.

²⁶ Tama God agai te tulubage
me te sisi pş elaluyu wali bilabo po dş walai dao.

²⁷ Tama Godigo te şş dabe ebo sogo,
agai te dwagi yai homu kolesaga suai dao.
Tama tigidali kolesaga sulama, agai osola suai dao.
Tama agai dwagi yai homu kolesaga dabe
bugagia elalumainu dş walama,
augwali usu ilai dao.

²⁸ Tama God da tşde we bidibolo e tama wai dao,
'Bidi ena Genuai Bidide wi eyu, ena dologode bidibo
bidi,

agai te dwagi yai homu kolesaga
page konebo gagalai dao.

Tama dwai kolesaga tudiba mubo bidi,
te bidi da, dwagi yai homu kolesaga elalubo dao,'
Godigo te po wai," †
Jopgo te po wali.

Jop aga polobadu bidaliba ma kone palali

29 Tama Jop agai po genina ma weyu, e tama wali,
² "Hobede mu da.

Ena polobadu bidali tiwai ma bidimaina
homu godolo ebao.

Te sogo da, Godigo ena bugagia mu tonalwai dao.

³ Aga te lam tiwai bidiyu, hulial sali
ugwaba sela şanama,

tama ena bilabo sunumi ola mawai dao.
⁴ Awe, eno homugo ena polobadu
bidali tiwai naga bidimaina homu ebao.
God eno dwagi yai abagi mu bidiyu, eno hani wai
dabe,

me be nai dabe agai bugagia mu tonalwai dao.

⁵ Tama te sogo God Tigidali Bomo Elalubo Bidi
ena dali bidali sogo da.

Eno wai puluba dabe ena pagede bugagia bidai dao.

⁶ Tama eno bulmakau kibu,
me meme kibu sigo ame pş hauwa mu sai dao.
Tama te oliv du wel te eno masigigo
nigai tang wş digi paşanalwai dao," wali.

⁷ "Awe, te sogo polobadu ena
te genuai hanude genuai bidi bidiyu,
tama ena te hanu tomoba tola pabo sunumide
genuai tobolu bidi dabe dali
genuai pesageba sisinigi pelama, po tş odai dao.

⁸ Tama te gesi bidi dabego ena asobo sulama,
augwali ena asobo sunumide ugwanu kila sai dao.

Tama polo monu dabe me dolaluama,
ena duagilubosi augwali duagilwai dao.
Ena genuai nogi mawainu tiai dao.

⁹ Te we bidigo tobolu bidi dabe augwali
pedauwali pania sabode ola mawai dao,
augwali eno po odainu usu elama, tama tiai dao.

¹⁰ Tama genuai bidi dabe me po me wabo menio.
Augwali pedauwali pani selama elaluai dao," wali.

¹¹ "Te we bidi dabego eno po oda selama,
augwaligo eno nogi ugwaba sai dao.
Tama augwaligo eno ebo şş dabe subo sogo da,
augwali eno ebo dwagi yai
kolesagade gana peyu yai dao.

¹² Magi baso meni.

Te nai meni yai bidi dabe tau somainu i obaso,
eno augwali tau siyu ebao tiai dao.

Tama eno tiana wai puluba sulama,
tama augwali tau sabo bidi meni baso da,
ena digi eno augwali tau sai dao.

¹³ Tama te we bidi augwali dolainu ebo si me,
eno augwali tau sai dao.

Tama augwaligo buba hwi olama,
Godibolo hanaluama, ena tau somainu yai dao.
Tama eno te we dabe augwa bidi isai
wilawe we dabe me tau sai dao.

Tama augwali gana paide bidiyu,
dwagi yai homu elama bidai dao.

¹⁴ Tigidali sogo eno doloba pelama,
dwagi yai kolesaga naga wali pai dao.

Tama te kolesaga te eno tigde dwagi yai au yai
gudubo ugwa eno tigde muai tiwai yai dao.

¹⁵ Ena te gedu tiwai te gedu dwai
bidi dabe sunumi ola mawai, me ena te şaşş tiwai
te şaşş dwai bidi bilibo tau sabo tiwai yai dao.

¹⁶ Tama ena te nai meni yai bidi dabego aya
tiwai bidama, tama eno augwali tau sai dao.

Tama eno te gasa buludu asai bidi dabego po tau sai dao, te gasa bidi dabego po tų elama, augwali aiyaba elaluainu ebaso tau sai dao.
 17 Dwai kolesaga ebo bidi dabego bomomo eno silai dao. Tama te we bidi dabe augwaligo nogode eno augwali ma oda sai dao," wali.

18 "Eno homugo e tama tiwai dao. Ena e tųde bobobage sogo bidiyu, tama ena bede dua bidiyu yaide isaiba homu yai dao.

19 Eno homugo ena te ni me deli dolalubo tiwai bidaibao homu yai dao. Agai selego wų hauwa mu kegebo. Tama hulide segene tulubage wųgo agai yabe dabe dwagi yai pedalomainu ebo dao.

20 Tama tigidali sogo ena gana paiba, te eno bomomo me elalubaso, tama eno bomai sų me me iduaibao, eno te homu yali," wali.

21 "Te bidi dabe augwaligo yabo kolesaga po eno ola mabo sogo da, augwali pedauwali pania selama, olo saganama, bugagia eno po odai dao.

22 Eno po augwaligo haliga tomoba mu pai dao, te tulubage te tų tomoba pabo tiwai tama yai dao. Tama eno po ola silibo si da,

augwaligo po mu meni yai dao, te eno homu kolesagade ebo po iba tega sabo meni.

23 Te bidi dabe augwaligo eno po bugagia sainu olo saganama, odai dao.

Augwali te moni giliga nanai digi te tulubage tulubaso, te dwagi yai homu ebo tiwai yai dao.

24 Tama eno siade dao po te olo bidi dabe dali wabo sogo da, augwali noma selama, genuai bidi mego augwalibolo po wabo subo dao. Tama te kolesagago eno augwaligo haliga dų walai dao.

25 Ena augwaligo tobolu bidi tiwai bidama, tama eno augwaligo wali pabo kolesaga dodolama, ola mawai dao. Ena augwali dali bidali, te kingo aga ami bidi dali bidibo tiwai yali. Tama me eno augwaligo tabi dili ilali, te we bidi dabego bidi isaide gela obaso, tabi dili ilibo tiwai yai dao,"

Jopgo te po wai.

Jopgo sųgų dabe aga tigide pedelali po wali

30 Te bidi Jop agai po ma wadoliyu, e tama wali, "Megi da, te nai meni yai bidigo wai dabe aselama, ena posobo po weyu, gisugu mayu ebao. Augwa aya dabe te olo nai tiwai, te we bidi gedude nai mu meni yai bidai.

Tama augwaligo dwagi yai sų me yabo usu yai meni. Tama eno te tama tiwai bidi dabe pelama, te eno yowi dabe tau selama, eno sipsip kibu dabe me tonalugi pa po wagobeo. Magi baso meni, augwaligo te sų ebo usugobeo.

2 Eno augwali suali, augwali sų yabo bomomo meni yai suai dao. Tama tibaso, eno augwalibolo eno sų yagasa po wai menio.

3 Te bidi dabe augwali nai menia sai mu olo sisinama, tama augwaligo tabi tigi nasi hagede gela obaso da, teda augwali te bidi meni yai buluba pai dao. Tama augwali dwasianu dwai nai dabe tede gegai dao.

4 Tama augwaligo te dwasianu ha ebo ni gudama, tama te ni sele bono, me te ni yabe me sese tula silai dao.

5 Tama augwali be pąba asobo si da, teda te be nanide bidali we bidigo hae menama, sela sųsų pai dao, te bidi dabego nai wi sabo bidibolo ebo tiwai yai dao.

6 Tama tibaso, augwali wi pelama, odogoba pelama, tama masigi gabaloba me tų dedageba dabe tama geme wi duala sigi pai dao.

7 Augwali bulu tų wa pai pesageba pelama, tama tede elalubo dwasianu ni sili dabe tomode biliyu, te bulu kibu donkigo po wabo tiwai yai dao.

Tama augwa tigi posolo ebaso, augwali te ni dologoba tiwų madi sisinagasai dao.

8 Augwali te be nanide we bidi dabego sese buluba mu gudulai digi, augwali nai mu meniama, tama augwali nogi mu meni yai dao," wali.

9 "Tama megi da, te bagego ogwa dabego ma ena posobo pogo balia po wabo.

Tama augwaligo homugo ena olo nai tiwai elama, augwaligo eno nogi olama, ena mu dolobo yabo.

10 Augwaligo homugo ena dwai olo nai tiwai aų elama, tama ena subo hagela mu ebo. Tama augwali enade wi elama, habu bulu kilasa peyu, ena pąba me asobeo. Ma, augwali ena pąba asobaso da, teda augwaligo ena gesabidiba pęsa sųwainu tiaibao.

11 Godigo ena aiyaba elaluama, tama ena bomomo kimi mu tamunanio.

Tama tibaso, te bagego ena dolobo wi munu ma ebe. Menio. Augwaligo dwai kolesaga ena dali naga yai dao.

12 Te nai meni yai we bidi dabego enade wi munu ma ebeo.

Augwali ena gesabi dolo badu mu aselama, ena elama, tama ena sela sųbo.

Tama augwaligo haniani sų elama, ena dolainu ebo.

¹³ Augwaligo eno sunumi palia selama ebogo ena wi pogobe yabeo.
Ena dolai polo elalubadi,
tiali goli, augwaligo ena dolobo şę genuai mu ilalio.
Augwa mu da bomu meni yai digi,
tiali goli, augwaligo ena dolobo şę ebo dao.
¹⁴ Augwaligo ena dali hwjagasu da,
te genuai hwjbo ami hani bagego
moni hanu bagulali obo aluama, tomoba pelama,
hanu tomode hwjbo tiwai mu ebo.
Te tamu aĵ dini holama, saneba buguasa asobo tiwai
me
augwaligo enaba asiyu tama tebo dao.
¹⁵ Te haniani şę dabe enaba pedelama,
tama ena wi mu ilibao.
Eno genuai nogi olo ni yabe tulalubo tiwai elama,
te waligo sela pabo tiwai yali.
Te ena wiegi yai bugagia bidali şę dali,
te eno wiegi yai nai dabe dali,
te silali, te dagalude pş dabe gasaba
sisş sigi pabo tiwai elama,
tama te dagalu olo madi pepeli dilide
elalubo tiwai ebo dao," wali.

¹⁶ "Pađe mu tama, eno bidibo ula mu tama silaibao.

Tama tigidali sogo eno tigi dene naga eyu ebo.

¹⁷ Te hulide eno dili tigidali dene eyu ebo,
te enego eno tigde enebo tiwai mu ebo.

Tama te dene me elaludu genama,
tama te dene ebogo ena me taga pabo meni.

¹⁸ Te agai genuai bomogo da,
God agai eno tigi gasagi yai ma ilali.

Tama agai ena nogo aligabo dşbo tiwai
bomonama ebaso,

te holobo ugwago dogoni magede kekebo tiwai
ebo dao. †

¹⁹ Tama Godigo ena te pu aĵyana pai madi şanama,
tama ena te tş hogomu olo nai tiwai elalu,
me keli hogomu tiwai mu gagalalio."

²⁰ "God, ena naga gedude dolaluyu,
tama nago ena tau somainu i obao.

Tiali goli, nago olo tonaluyu naga elama,
eno po waboba olo mubo menio.

²¹ Nago ena hobede dwasianu eyu,
me olo tau sabo şę me ebeo. Menio.

Nago ena te nago tigidali bomogo
dolaiba homu naga ebo dao.

²² Nago ena te ni yabe tiwai gilama ugwaba
sela şanama,

waligo tolasa pomainu sula tagalobo tiwai ebao.
Tama nago ena waligo subigila şaşşbo tiwai
tama ebo dao.

²³ Eno koneani, nago ena isimainu elama,
tama nago ena te nago nigilali

† *Hibru pogo te po page kuna konebeo. Te po begelibo gasa sunumi me e tiwai elalubao, "Tama te dene ebo bomai mu pedelama, tama ena subigila bebegele pabo şę yali, tama eno ugwa hagawali, te eno dogoni bomonama kekalio."*

te tigidali isibo we bidigo bidigi pabo
pesage gş pageba pomainu ebao.

²⁴ Ma, bidi me mu dolobaso, tama tau somainu
i obaso da,
teda bidi mego aga ma elama, aga mu dolaibawe?
Te tama me tegobeo. Mu meni."
Jopgo te po wali.

²⁵ "Polobadu da, eno bidi dwai dene
sobaso, moni hobede mu yai dao.

Tama eno homu şęşę genuai mu
te nai meni yai bidi dabede yai dao.

²⁶ Eno homugo tiali ena bugagia naga
tigidali sogo bidaibao homu yai dao.

Tiali goli, dwai sogo mugo ena gegali.
Eno homugo ena ulade bidaiba homu yali,
tiali goli hulial sabogo aselama, ena mesega
sagasalio.

²⁷ Tigidali sogo eno homu kone palidu gegeyu
naga ebo.

Tama tigidali sogo şęşę dali,
dene dali si enaba naga pedalobo.

²⁸ Ena dwai mu bidiyu yaide,
eno gesabidi hasegelama, tama husuga sali.

Tiali goli, giligago ena ulubeo. Menio.

Gasigo yaligo ena tama tiwai bidiba.

Ena we bidi tomode dolaluyu,
tama augwalibolo ena tau sa po hanalu wali.

Tiali goli, augwaligo ena tau sabeo.

²⁹ Awe, ena genuai dene dali mu bidibao.

Tama eno gela da, te bulu yowi dali,
ba uni dali sigo i wabo tiwai ebo.

³⁰ Eno tigi husugu gadia selama, mu wa pali.
Tama eno tigiwali tologa pelama, tutulaluali.

Tama gasigo eno tigi posolo mu ilibo.

³¹ Polobadu da, eno gita eliyu, ona eliyu elama,
dwagi yai wei ebo nai naga elai dao.

Tiali goli, te dwagi yai po wali nai dabe
megi ma isibo bidigo hobede ebo gita dali,
ona dali si elebo tiwai ebo,"

te bidi Jopgo te po wali.

Jop agai dwai şę me yai menio po wali

31 Te bidi Jop agai po ma wadoliyu, e tama wali,
"Eno bomu yai po dşş mu olama, e tama wai
dao.

'Eno we sibi gedu me elama,
penani ebo homu me egobeo,' po wai dao.

² Magi baso meni. God Tigidali Bomo Elalubo Bidi
aga dagalude bidiyu,

tama agai magi şę dabolo elama,
dago dwai kolesaga ebo wei ponainu ebo daweo?

³ Agai dwai sogo te dwai kolesaga ebo
we bidibolo wei ponobo dao.

Tama te tibogo augwali mu dolama,
tama augwali mu silibo dao.

⁴ Tiali goli, Godigo eno kolesaga tigidali mu
koneai dao.

Tama ena bilibo tigidali agai suai dao," wali.

⁵ "Eno dwai tibo şę dabe elama,
tama eno te we bidi dabe ili po me ola mayu
yai meni.

⁶ Ma, Godigo eno kolesaga dabe dolo dagala suyu da,
teda agai bugagia mu koneaiba,
eno magi şę me yai sugobeo.

⁷ Tiali goli, ma eno gedu olo tagala palama,
ena gedugo dwai kolesaga emainu sula tagalama
igi sogo da, teda eno dwai kolesaga elama,
agai gedude meda mu igi sogo da,

⁸ teda Godigo gasa bidi dabego eno gide nai selama,
eno gi mu dolomainu sula tagaligi dao.

⁹ Ma, eno ena abagigo we tonama,
peşa eyu yai tigi sogo da,
tama ena agai be paşba pelama,
agai be paşde dualaluama, eno abagi gasaba pabosi,
teda ena agai we dali pagela pigi bigi sogo da,

¹⁰ teda ena we mu me gasa bidigo şę we gagalama,
gasa bidigo wit nai mimibo şę igi dao,
tama gasa bidi dabe augwali aga dali piyu igi dao.

¹¹ Ma, eno gasa bidigo we dali dwai şę me igi sogo da,
teda dwai kolesaga mu dao.

Teda augwaligo ena po tų ela menama,
ena tigide dene mabo şę genuai mu igi dao.

¹² Te tobage dwai şę da,
te posolai isigo bidi ulubo tiwai dao.

Ma, eno te tobage kolesaga yai madi
tigi sogo da, teda te isigo ena ulama,
eno nai dabe tigidali sia şanama, tagaligi dao.

Tama ena isilama,
tama ena isai bidi dabego buluba bidigi pigi dao.

¹³ Polobadu eno şę ebo we bidi dabego
ena dali nai mede po obaso,
tama eno augwaligo po odigi menigi sogo da,

¹⁴ teda te Godigo eno
te dwai kolesaga yalide po tų ela mabo sogo da,
teda eno magi po wei ponabawe?

¹⁵ God aga digi ena te ena idago
haligade ame nomainu yai dao.

Tama aga naga te şę ebo we bidi me
augwa ida dabego haligade ame nomainu yai dao.

Te God deligo naga da tigidali nigilama,
tama da te God aga gedude deli tigi
tiwai naga bidibao," wali.

¹⁶ "Tigidali sogo eno nai meni yai
bidi dabe tau siyu yai dao,
te augwali meni yani nai dabe mawai dao.

Tama eno wilawe we dabe subo si,
eno augwali sula tagalobeo.

Menio. Eno augwali me tau sai dao.

¹⁷ Eno ena nai dabe yogo elama,
ena nai dabe daų walama, enaduba tubeo.

Menio. Eno me badu te augwa aya isai wai bų dabe
te tiana wai bų dabe te nai mawai dao.

¹⁸ Ena gesi bididu gagalasa, megı tamaba,

eno te tiana wai dabe tonaluyu,
te augwa ayago ebo kolesaga tiwai yai dao.
Me, te we dabe augwa bidi isai we dabe me,
eno augwali tonaluyu, tau siyu yai dao.

¹⁹ Ma, bidi me ugwa meniama,
tama kedaugo mu dolobo si da,
teda eno te bidi olo bidimainu
sula tagalai yali bogo? Meni.

²⁰ Eno aga ena kibu sipsip nisigo nigai ugwa
mawai dama.

Te uwago agai tigi posolo ilama ebaso,
tama aga dwagi yai homu elama,
enabolo buba hwi po wai dao.

²¹ Ma, eno homugo gasa tobolu
bidi dabe eno po mu dao omainu elama,
tama ena po tų ebode dolama tibo po olama,
te augwa aya isai wai dabego nai sainu ebeo.

²² Teda eno te tama tiyu da, eno homugo eno nogo si
guda pelama, tųba tulalumainao.

²³ Magi baso meni.

Eno Godigo moni bomo eno koneama,
tama me agai dwai nai dabe tagala palama,
bidi dolobo me, eno koneai dao.

Tama ena wi genuai mu yai dao.

Tama tidali weyu, eno dwagi yai kolesaga naga yai
dao,"

Jopgo te po wai.

²⁴⁻²⁵ "Mu tama. Eno ena bomai şę elama, mone dabe
hauwa mu sai dao.

Tiali goli, eno tobolu gagea pelama,
tama ena nogi ugwaba sai meni.

Tama eno homugo e tama tiai meni,
eno te dwagi dwagi yai gol dabe,
mone dali sigo naga

ena bugagia bidibo tau sabo usu yaibao,
eno te homu me ebe.

²⁶⁻²⁷ Giliga ula genuai mu elama,
tama te polua me ula dwagi yai ebo dao.

Tiali goli, eno homugo te nai siba
lotu po wabo homu yai menio.

Tama eno nogode nono nenama,
te nai si genuai nogi mawainu yai menio.

²⁸ Ma, eno te tobage kolesaga dabe igi sogo da,
teda eno God dagalude bidibo bidi tudi ola mayu,
te agaba homugo keų pabo kolesaga togoyu tigi
dao.

Tama te pagede agai ena po tų ela menama,
ena şęę genuai mu magi dao," wali.

²⁹ "Ma, eno ena boi bidi dabe
dwai dene sabo sogo me,
teda eno augwali dene sobaso,
usu da homu me yai menio.

³⁰ Tama eno Godibolo eno boi bidi dabe dolama
isilimainu me hanalu wai meni.

Ma, eno tama tigi sogo da,
teda eno dwai şęę sabo şę igi dao.

³¹ Eno şę bidi dabego e tama wabo dao,

'Agai tigidali bidi nai mawai dao.
Bidi me nai meni yai bidai menio,'
augwaligo te po wabo dao.

³² Mu tama.

Te gasa bulu bidi dabe augwali piabo be
meni ebo eno sulama,
augwali te hanu sunumide olo bidimainu sula taga-
lobeo.

Mu meni. Eno augwali ena beba oda sai dao.

³³⁻³⁴ Te bidi mebago augwa dwai şe
elama, augwa ma dualobo dao.

Tama eno me ena dwai şe elama,
ena yali dwai şe dualai tigi sogo da,
teda ena bede ena geme dulaluama,
tama ena abagibolo po wagi menio.

Te tama tibogo, ena bulude we bidide wi ebo aq igi
dao.

Tiyu, augwaligo eno yali dwai şe sulama, ena
posobo po olama, ena doligi dao.

Tiali goli, eno dwai şe me ebe.

Eno dualabo dwai şe menio."

Jopgo te po wai.

³⁵ "Hobede ya, bidi me deli bidibaso,
eno po waboba olo sagana munama,
odigi sogo da, te usu igi dao.

Eno e tama po wali,

'Eno magi şe me elama, te po daj ilama,
te po bomu elama obao.

Tama megı da, God Tigidali Bomo Elalubo Bidigo
eno tigidali po wei ponomai yaiba.

Te aga eno te po tı ebo odabo bidi da weyu,
agai eno yali dwai şe kisilibo po pepade aşemainao.

³⁶ Tama eno dwagi yai homu elama,
te pepa selama, eno nagede tolaibao,
tama te pepa eno tobolude
te king tuni bidigo madi tobolude mubo aq yaibao.

³⁷ Tama ena Godigo gesabidiba
kingo wai doligi pabo aq elama,
tama agabolo eno yali şe dabe
tigidali po pusa magi dao.' Eno te po wagi da,"
Jopgo te po wali.

³⁸⁻³⁹ "Ma, eno gasa bidi dali dwai kolesaga elama,
tama agai tı wi selama,
tama te tı eno abelesiabadi nai wai bulama,
tama te tı aga digi gela genuai mu olama,
wado genuai mu eyu da,

⁴⁰ tama teda eno te wit nai dali,
bali wai dali si te tıde bulubo si,
teda te dwai gaş yai bono dali,
olo nosai si naga te tıde holomainao," wali.
Jopgo po tama silali.

Elihugo te Jop me aga abagi dabe dali po mi- ani

(Daj 32-37)

Elihugo homugo tiali, agai me po wao homu yali

32 Tama megı da, Jop aga abagi selago sualı, Jop
agai dwai şe me yai menio olama, po bomu ela-
ma, aga doloba pai bidi dao olama, po bomu ebaso,
augwaligo Jopgo po wei me ponobe. ² Tiali goli, gesi
bidi me deli augwali pagede bidama, augwaligo po
wabo odalualı. Agai nogi Elihu, te Badakelgo wai. Elihu
te Ram sibigo wai, tama te Ram te Bus hani. Tama Eli-
hu agai wado po genuai mu Job dali wainu yali. Magi
baso meni. Jopgo te po wali, Jop agai da, dwagi yai
kolesaga ebo dao olama, Godigo ebo kolesaga da,
dobo dao wali pode. ³ Tama agai Jop aga abagi sela
dali me wado yali. Magi baso meni. Augwaligo Jopgo
po wei bugagia ponabo usu isabaso. Augwaligo po olo
e tama wali, Jop agai dwai şe elama, dwai kolesaga
dabe yai dao wali. ⁴ Elihu aga pedauwali pania selama,
te monu dabego po omainu yai. Tama megı tama agai
homude yali po Jop dali pusainu yali. ⁵ Aga şeş genu-
ai mu yali. Magi baso meni. Agai sualı, te bidi selago
Jopgo po wei dolo ponisama ebaso.

⁶ Megı da, Elihu, te Badakelgo wai, te Bus hanigo wai,
agai e tama po wali,

"Ena gesi bidi, tama dage da polo monu dabe dao.

Tama tibaso, hasia da, ena wi elama,
tama ena hale eyu yaide,
eno homude yali po dagebolo pusabo yai goli,
tagalai dao.

⁷ Eno e tama homu yali.

Dagego kibu be hauwa mu da weyu,
tama dagego homude yali
dwagi yai po naga pusugowe weyu
tonaludali digi dao.

⁸⁻⁹ Tiali goli, bidi mego kibu be hauwa
elama, dwagi yai homu kolesaga
agai naga elalugobeo. Menio.

Tigidali Bomo Elalubo Godigo Mobo Bidi daba asela-
ma,

da dwagi yai homu kolesaga dabe mabo dao.

Tama tibaso, polo monu dabego naga
te dwagi yai kolesaga dali,
dwai kolesaga dali si dagalogobeo.

¹⁰ Tama tibaso, eno me ena homude
elalubo po pusaibao.

Tama eno homugo dagego me odao,"
Elihugo te po wali.

¹¹ "Eno odama, dagego po tigidali osola sualı.
Dagego yaide dwagi yai homu kolesaga elalubo po
naga homugo gegeyu, bomai şe mu yali,
tama Jopbolo pusali.

Tama eno dagego pusubo poba olo sagana muyu odaluai.

¹² Tama eno suali, dage me deligo Jopgo po dolo menio olama wabo sube.

Tama dagego agai po wei dolo ponobeo.

¹³ Tiali goli, dagego e tama wagio.

Te dwagi yai homu da,

God aga digi Jopgo po wei ponomainu olama sula tagalao.

Bidigo da, usu egobeo. Te tama wagio.

¹⁴ Te bidi Jopgo ena dali po me mibeo. Menio.

Te dagebolo naga po wai dao.

Tiali goli, agai te po enabolo me wai tigi sogo da, teda eno dagego wei ponani po tiwai wei ponogi menio," wali.

¹⁵ "Jop, suo. Naga abagi dedego

homu kolesaga deş salio. Magi baso meni.

Nago augwali dolama, mu aiyaba mu elaluai.

Augwaligo pedauwali mu pania sali.

Tama augwaligo po meba ma wabo usu egobeo.

¹⁶ Suao, augwali olo mu dolalubo.

Eno homugo augwaligo po meba ma wabo aş ebe.

Tama tibaso, eno tonaluabo aş me ebeo.

¹⁷ Te eno homu kolesagade pusabo da.

Eno te eno po meba nage dali pusaibao.

¹⁸ Magi baso meni. Eno homude hauwa mu elalubo nago po wei ponabo.

Tama eno homude me daş wagobeo.

¹⁹ Po eno pusabo po yaide, eno haligade mu paşana palio,

te wain aş te meme kibu waligo nigai botol da paşana pabo tiwai yalio.

Tama paşde te kibu meme wali pisila pelama, te wain aş gelabo tiwai tama yalio.

²⁰ Teda mu tama mu dao. Eno pusaibao.

Tama eno tabi duanu bidimainu yaibao.

²¹ Tama eno mu po dolo naga eno homude yali po pusaibao.

Eno bidi mego odama,

pusu elama wali pabo po pusogobeo.

²² Eno gasa bidi dabe ili po olama,

pedauwali weş ilama ebo menio.

Ma, tama eno te tobage kolesaga igi sogo da,

teda deli sogo tama te ena nigai

Godigo ena ela mugi dao,"

Elihugo te po wali.

Elihugo te Godigo bidi dabe dodolainu ebo kolesaga po wali

33 Tama Elihu agai po genina ma weyu, e tama wali.

"Megi da, Jop, megi da eno nage dali po waibao.

Tama eno homugo nago eno po dabe waboba olo saganama odaluao.

² Megi tama eno te po nagebolo pusaibao.

³ Tama eno te pusubo pogo nage e tama megi ola mawaibao.

Ena Godigo gedude doloba pai bidi dao.

Tama eno homude yali po dolo naga pusubo dao."

⁴ "God Tigidali Bomo Elalubo Bidigo Mobo Bidigo ena nigai dao.

Tama agai mobo ena menama yaligo ena bidibao.

⁵ Polo begao, Jop, eno homugo nago ena dali pogo hwja homu ebao.

Tama nage usu ebaso da, teda nago eno po wei ponagameo.

⁶ Te Godigo gedude da, dadi si te tiwai si naga dao.

Agai tş selama, ena nigai dao.

Deli tamago nage me nigai dao.

⁷ Tama tibaso, nago enade wi elamo.

Eno genuai seşę nageba munama, nage aiyaba elalugobeo," wali.

⁸ "Tiali goli, eno nago po odali.

Nago po bomo elama, e tama wali,

⁹ nago dwai kolesaga me yai menio, po wali.

Tama tibaso, nage Godigo gedude meda meni yai bidiba.

Tama nago magi nai mede seş menio, po wali.

¹⁰ Tama nago e tama po wali, Godigo ena tonobo da, aga boi bidi tonobo aş elama, agai nage seşę mani, te dwai seş ebo bidi dabolo mabo yali gilama.

¹¹ Agai nago saşę haligago gebelali tiwai yali, wali.

Tama nage menaba pabo si da, teda agai nago saşę pasalu bugagia osasa bilibo dao, wali."

¹² "Tiali goli, Jop, odao.

Nago te wali po da, dolo menio.

Tama megi da, eno nago po e tama ponaibao.

God da, polalubo mu dao.

Tama agai homu kolesaga dali,

bomo dali sigo da bidigo bomo dali,

homu kolesaga dali si edelai dao.

¹³ Magi baso nago Godibolo po hauwa weyu,

e tama wabo da, agai da bidi dabego

po wei ponobo meni, magi baso nago te po wabo dawe?

¹⁴ Tiali goli, God agai po dabolo

haniani sunumidu mabo dao.

Tiali goli, bidi dago agai po me sogo konebo menio," wali.

¹⁵ "Da hulide pibo sogo da,

Godigo haniani na dabe dabolo mabo dao,

¹⁶ tama te na dabede da, da ola mabo dao.

Tama da dwagi yai kolesaga menama,

tama dago bidi kolesaga dodolomainu ebo dao.

Tama agai te po dago homude daş walumainu ebo dao.

¹⁷ Tama te kolesagago dago

dwai kolesaga yabo wi ilibo dao.

Tama agai dago tobolu gagea pabo aiyaba tamunubo dao.

¹⁸ Magi baso meni.

Agai dago dwai kolesaga ebo wei meniama,
tama boi bidi dabego da ela munama,
tama da isibo bidi dabego buluba
pidali weyu, tama tibo dao," wali.

¹⁹ "Tama me sogo Godigo bidi dodolobo
te tobage kolesagago tibo dao.

Godigo te bidi gasi ilama,
tama te bidi bede pila muyu, nomona selama,
dili dabe dene tigidali sogo ebo şe ilibo dao.

²⁰ Tama aga nai tuabo hagela homu ebo dao.

Te bidi dabego dwagi yai mi dabe
sesebaso, me tagalobo dao.

Agai te tonobo da, te olo nai tonobo aq ebo dao,
tama agai munu me tugobeo.

²¹ Agai tigi nomona selama,
tama dili pulu ha ebo dao.

Tama agai dili pulu hania ebo dao.

²² Pađe aga mu tama isabo aq ebo dao,
tama bidi elama isilibo ensel bidigo aga
silagasabo dao.

Tama aga isai bidi dabego buluba tamadi paibao,"
wali.

²³ "Tiali goli, ma te Godigo ensel mobo bidi
hauwa mu
tomode deli digi aselama, te bidi tau sagasobaso
da,
teda agai dwagi yai kolesaga naga wali pomainu
yaibao.

²⁴ Tama ensel bidigo te bidi hobede ebaso,
tama Godibolo e tama hanalu waibao,
'Nago te bidi hobede elama, tama te bidi isibo bidigo
buluba pomainu sula tagalamo,' te po waibao.

'Magi baso meni. Eno polo gegali,
te bidi ma usu ilabo sunumi elalubao,'
ensel bidigo te po Godibolo waibao.

²⁵ Tama teda te bidigo tigi ma
usu elama, bomu ma yaibao.

Awe, te aga gesi bidide bidali tiwai tama ma yaibao.

²⁶ Tama aga gedu haluasa po wabo si da,
teda Godigo agai gedu haluasa po wabo wei elama,
tama aga dwagi yai şe ilaibao.

Tama aga God pageba pelama,
dwagi yai homu mu yaibao.

Tama Godigo aga bidibo sogode aga nai dabe dolo
ma dodola mawaibao.

²⁷ Tama te bidigo gasa we bidi dali pusuyu,
e tama waibao,

'Eno dwai şe yai goli dao.

Eno dwagi yai kolesaga me yai menio.

Tama tibaso, Godigo eno tigde haniani şe mu igi dao.

Tiali goli, agai ena hobede elama, agai te şe ebeo.

Menio.

²⁸ Agai ena ma dobola selama,
tama ena isibo bidigo buluba pabeo.

Ena me bidiyu yaide, bulu ula me subaso,
dwagi yai homu ebaso,' po wabo dao.

²⁹ Si sela sogo Godigo te kolesaga
we bidi dabe dali ebo dao.

³⁰ Magi baso meni. Agai augwali ma selama,
tama augwali me isigobeo.

Mu menio. Augwali bidiyu yaide,

Godigo we bidibolo mabo giliga ula subo dao," wali.

³¹ "Megi da, Jop, nago odao.

Eno nage dali pusabo po meba elalubao.

Tama tibaso, pedauwali pania selama,
eno po waboba olo sagana munama, odao.

³² Tiali goli, ma nago po meba elalubaso da,
teda nago pusao. Eno odaibao. Magi baso meni.

Eno wei mu yali, te bidi dabego odama,
nago dwai şe dabe me ebeo homu emainao.

³³ Tiali goli, nago po meni baso da,
teda pedauwali pania selama, eno po naga odao.

Tama eno nage ola menama,

tama nago dwagi yai homu kolesaga sagameo,"
Elihugo Jopbolo te po wali.

Jopgo te God dali konila po wali po geda muani

34 Tialima te Elihu agai po ma weyu, Jop dali, aga
abagi sela dali, augwalibolo e tama po wali.

² "Dage dwagi yai homu kolesaga konea sai bagego
da,

dwagi yai kolesaga hauwa mu elalubao.

Dagego eno poba olo sagana munama, bugagia
odao.

³ Dago pedauwaligo nai dabe dwagi yai yaliwe,
ma dwai yaliwe olama, hanala subo dao.

Te tiwai dago ologo da, bidigo po odama,
tama dagala subo dao.

⁴ Tama da dena digi dena wali po osola sumainao.
Tama dago koneaibao,

mena po dwagi yai doloba pai yaliwe waibao," wali.

⁵ "Jop agai e tama po wai dao.

'Eno magi şe me dolobeo,' po walio.

'Tiali goli, Godigo doloba pai kolesaga enabolo ebeo,'
po wali.

⁶ 'Eno magi şe me dolama, magi dwai şe me yai me-
nio.

Tiali goli, Godigo homugo ena tibo po wabo bidi
dao olama,

tama ena dolama şeşe mu mabo dao.

Te ena agai enego enebo tiwai mu elama,
tama ena usu ma yabo aq ebe,'

Jopgo te po wali."

⁷ "Mena gasa bidigo Jopgo yali dwai şe tiwai yai
dawe?

Jopgo Godiba posobo po genina mu wali.

⁸ Tama me ma, agai yaide dwai
kolesaga ebo bidiba kisa sigi pali.

Dwai bidi dabe da, te aga abagi solo dao.

⁹ Agai te tobage kolesaga dabe ebo dao.

Magi baso meni. Agai e tama po wali,

'Ma, dago yaide God wei ebo kolesaga dabe eyu da,
dago mena dwagi yai nai saibawe?
Eno homugo te meni yaiba.'
Agai te tobage po wai dao," wali. †

¹⁰ "Tama dage bidi dabe, dagego
dwagi yai kolesaga elalubao.
Jopgo te tobage po obaso, eno po ođiao.
God Tigidali Bomo Elalubo Bidigo dwai kolesaga
me egobeo. Mu menio.
Dwai sę ebo homu te Godide digibulu mu elalubo
dao.

¹¹ Agai da bidi dabe dago kolesaga dolo osola sula-
ma,

tama dago te yali sęde naga usu nama,
te dene mabo dao. ††

¹² Eno mu po tama obao.
God Tigidali Bomo Elalubo Bidigo
bidi me deli olo me dolama,
tama dwai doloba pişawai kolesaga me egobeo.
Dago te agai dwai sę ebo homu ebo usu egobeo.

¹³ Tama me ma, dego mu God sę menama,
e tų sese tonaluminium sę mawai dawe?
Te bidi me meni.

¹⁴ Ma, God aga naga homugo koneama,
tama aga mobo ma sigi sogo da,
te tigidali bidibo nai dabede,

¹⁵ teda te tigidali tųde bidibo nai dabe
deli sogo tama isigi dao,
tama da we bidi me tų ma gagagi dao,"
Elihugo te po wali.

¹⁶ "Tama megı da, Jop, ođao.
Te nage homu kolesaga elaluba wida,
nago eno wabo poba olo
bugagia munama, ođao.

¹⁷ Ma, Godigo yaide doloba pai
kolesaga wei isanama yali da,
teda aga mena tama ma aga king
bidiyu yaide e tų tonaluaibawe?
Tiali goli, God agai genuai bomu elaluyu yaide,
tama agai tigidali sogo doloba pai
kolesaga naga ebo dao.

Tama nago magı baso Tigidali Bomo Elalubo God
po tų ela menama,
tama dwai sę yali dao po obawe?

¹⁸ Te olo bidi mego te king mebolo
naga dwai king mu dao me wagobeo.

Tama me, genuai bidi mebolo
te olo bidigo nage bidi dwai dao po me wagobeo.

¹⁹ God deligo naga agai te tama po wabo usu yaibao,
magı baso meni, agai te tigidali we bidi nigai dao,

† Te Daj 21:7-13 tede, te Jopgo te tama po wai, Godigo te dwai kolesaga ebo bidi dabe sula tagalu gogolaibao. Te Daj 21:15, tede Jopgo te tama po wali, te dwai kolesaga ebo bidi dabe wabo tiwai tobage po te ede te bidi Elihugo wali. Tiali goli, Elihugo Jobbolo te kisilama wali po te mu po menio. Te 21:16, tede wali pogo te tiwai yali, te Jopgo te tiwai ola mabo po wali te agai te dwai kolesaga ebo bidi hani dabe dali deli haliga me elalubeo. Menio. †† 34:11 Tib 62:12

tama agai gedude tigidali deli tigi poaj naga bidibao,
te augwali doado bage hauwa elalubo bidi dabe me,
te doado bage hauwa elalusiabo bidi dabe me,
tede moni homu me elalubeo, te tagalao.

Te tigidali bidi Godigo gedude
deli tigi tiwai naga bidibo dao.

²⁰ Agai deli sogo naga tama da we bidi isimainu
ebo dao.

Te genuai nogı yai me, genuai bomu yai me, tagala,
te huli tomo mude God agai
te we bidi noma somainu elama,
tama augwaligo bidibo ula hulide silibo dao.
Te aga genuai bomogo tama tibo dao,"
Elihugo te po wai.

²¹ "Godigo yaide, da we bidigo kolesaga tigidali
sula silama,
da bilibo madi sese tama sula silibo dao.

²² Tama tibaso, te dwai kolesaga ebo we bidi dabego
hulia sai duala sabo madi me elalubeo.

²³ Awe, Godigo dago kolesaga sese konea pai dao.
Tama tibaso yaide, agai da osola sumainu
agai po tų ebo madi pabo tagalomainu egobeo.

²⁴ Te agai te genuai bidi dabe aiyaba
elaluama, silainu eyu da,
teda agai augwali mena tama
tiwai bidi yaliwe olama gegegobeo.
Meni. Agai augwali polo konea pela silai dao.
Agai augwali sela şanama, gasa bidi hasegelebo
usu yaibao.

²⁵ Agai augwaligo ebo dwai kolesaga
sese mu konea silai dao.
Tama hulide agai augwali aiyaba elaluama,
mesegelama, tagalobo dao.

²⁶ Agai we bidigo gesabidide me
agai augwali tigidide dene ilibo dao,
te we bidi dabe augwaligo sumai hagede.

Te bidi dabego te dwai kolesaga ebo
we bidide ebo gilama,
²⁷ agai augwali tigidide dene ilibo dao. Magı baso meni.
Augwaligo aga tudi ola mobaso.

Tama me augwaligo God agai wei ebo kolesaga
wali pişama ebaso tebo dao.

²⁸ Augwaligo nai meni yai
bidi dabe dali dwai kolesaga yali,
tama te bagego Godibolo i wali.

Tama Godigo augwaligo i odali.

²⁹ Tiali goli, Godigo magı sę me igı menigi sogo da,
teda dego mu Godigo dwai page elalubao po
wagi dawe?

Ma, agai gesabidi dualigi sogo da,
teda de aga pageba mu pigı dawe?
Tiali goli, agai tigidali we bidi dali,
tigidali bulu tų kantri dali si tonalubo dao.

³⁰ Te dwai bidi dabe king pedalama,
tama te we bidi dwai sę ebo
sunumidu kegasa pidali weyu,
Godigo tigidali kantri tonalubo dao," wali.

³¹ "Jop, nago te nago dwai şe yali po te Godibolo pusaliwe?
Nago te dwai kolesaga ma egobeo po agabolo waliwe?"

³² 'God, nago eno nago usu niba kadu wasiåbo kolesaga

nago enabolo ola mao,' te po nago agabolo hanalu waliwe?

Ma, 'Eno dwai şe yai baso da, teda eno te kolesaga dabe sese tagalaibao,' nago te po me waliwe?

³³ Nago te po wai goli, Jop, nago Godigo ebo kolesaga wei isåbaso da, teda nago homugo naga godolo ebo şe agai emaina homu igio.

Tiali goli, naga digi dagala sulama, mena kolesaga nagede dwagi yai da homu ebo kolesaga dagala sao.

Te eno şe meni.

Ma, nago dwagi yai kolesaga me elaluba wida, teda te homu kolesaga dabolo megı pusao," wali.

³⁴ "Te eno te po te genuai homu kolesaga yai bidi dabego eno te po odobo si da, teda augwaligo enabolo e tama po waibao,

³⁵ 'Jop agai te page konesiåwai po olama, tama agai po sese geda muani dao' po waibao. 'Agai homu kone palama, po pusubo menio,' wagi dao.

³⁶ Jopgo te dwai kolesaga ebo bidi dabego po wei ponobo tiwai ebo dao. Tama tibaso, eno homugo Godigo yaide Jop me usu sidu genama, agai po hasegelebo si tagalomainu yaibao.

³⁷ Agai dwai şe yai goli, nosali ugwadu agai God dali tobolu gagea pali. Agai da dali olo nai dao homu eyu, po si konila eyu, hwjanio.

Tama agai wado po hauwa mu Godiba walio," Elihugo te po wali.

Elihugo Jop aga sesanani te aga po geda muyu po dwai obaso

35 Tama Elihu agai po genina ma weyu, e tama wali,

² "Jop, nago te po wali, 'Eno kolesaga dwagi yai, ma Godigo kolesaga dolo menio,' po wali. Nago homugo te po dolo te wali daweo? †

³ Me ma, nago e tama po wali, 'God, ma eno dwai kolesaga isåma yali da, tego nage mena tama tau saibawe? Tama mena tama dwagi yai nai nageba pedalaibawe?' Nago Godibolo te tobage po wali te dolo menio," wali.

† Te e vesde hauwa sogo Jopgo te tama po weyu, agai dwai şeşę sabo şe me ebeo po wali, te po te Daj 10:7; Daj 27:5-6, tede te tobage po elalubo suo. Tiali goli, te Elihugo Jopbolo te kisilama wali po te mu po me wabeo.

⁴ "Megı da, Jop, eno nage dali, nago abagi sela dali, wali po wei ponaiobao.

⁵ Nago dagaluba tonama, te pş dabe suo. Augwali ugwanu mu bidibao.

Godigo te dagalu dali, pş dali nigai dao.

⁶ Ma, nago dwai şe yai goli, tama nago aga dolobo usu egobeo. Nago dwai şe hauwa mu ebadi me, tagala.

Tego aga mena tama mu dolaibawe?

⁷ Tama ma, nago doloba pai şe naga idubadi geani da,

tego God mena tama tau saibawe?

Tama agai mena dwagi yai nai agai nogode saibawe?

⁸ Ma, nago dwai kolesaga eyu da, tego da, bidi da naga dolaibao.

Tama ma, nago doloba pai kolesaga eyu da, tego me bidi da naga tau saibao," wali. ††

⁹ "Hauwa sogo bomai bidi dabego gasa bidi dabe aiyaba elaluama, mesegelama, tagalobo dao.

Tama te bidi dabego gela genuai mu olama, tama gasa bidi dabego augwali tau somainu i wabo dao.

¹⁰ Tiali goli, bidi mego e tama tiwai i me wabo menio, 'Te Godigo ena nigai da. Aga menade bidibowe?

Agai da dwai sogo pedalobo si agai dago tabi dili ilama, tama da dwagi yai homu iliyu, balia dabe wabo dao.

¹¹ Agai da ola mabode da homu kolesaga hauwa mu sabo dao.

Tama dago homu kolesagago bulu ba hasa dabego kolesaga edelai elalubo dao.' Te şeşę tolobo bagego te po wabo dao.

¹² Te mu, te bidi dabego tau somainu i wabo dao.

Tiali goli, augwali tobolu gagea pelama, tama dwai kolesaga ebo bidi dabe dao.

Tama tibaso, Godigo augwaligo i wabo odobo menio.

¹³ Augwaligo doloba pai kolesaga meni. Tama tibaso, God Tigidali Bomo Elalubo Bidigo augwaligo i wabo odogobeo.

¹⁴ Tama Jop, eno homugo agai nago i wabo odogobeo.

Magı baso meni.

Nago polo wali, nago God subo menio wali.

Me ma, nago e tama wali, Godigo nago po tş odobeo po wali.

Tama nago bobobage sogo mu tonalubao po wali. Tiali goli, agai odobeo.

¹⁵ Tama me ma nago e tama po wali, God agai dwai kolesaga ebo bidi dabe tigde dene ilibo menio po wali.

Tama augwaligo ebo dwai kolesaga teba me homu kone ebo menio, nago te po wali."

¹⁶ "Jop da, page meni yai olo tibo po naga wabo bidi dao.

Agai dwagi yai homu kolesaga menio, tiali goli agai

†† 35:8 Jop 22:2-3

po hauwa wabo dao,"
Elihugo te po wali.

Godigo dago kolesaga dodolainu seęę mabo dao

36 Tialima Elihu agai po genina ma weyu, e tama wali,

²"Jop, nage dua bolo bididuo,
tama eno nage genina mu

ma ola mawaibao. Magi baso meni.
Eno po meba elalubo te Godigo pode
homu kone palama, tama pusaibao.

³Agai ena nigai, ena haniani dwagi yai
kolesagago paęanalubao.

Tama megi eno te koneani kolesaga po pusaibao,
tego nage e tama ola mawainu,
Godigo yaide doloba pai kolesaga sesemane idubo
dao.

⁴Mu tama obao, eno tibo po me deli wabo menio.
Ena konea pai bidi mu nage dali bidibao," wali.

⁵"God aga genuai bomo elaluyu yaide,
agai te bomogo agai homugo yainu
yali seę eyu naga ebo dao.

Tama agai we bidi dabego ebo kolesaga hobede mu
ebo dao.

⁶Ma, agai suali yaide, we bidi dabego
dwai kolesaga ebaso da, teda agai augwali
bidimainu sula tagalobo meni.

Tama agai nai meni yai bidi dabego seęę dodolobo
dao.

⁷Agai doloba pai we bidi tonaluyu, tau sabo dao.

Tama we bidi dabego augwali genuai
nogi tigidali sogo mabo dao,
te augwaligo te king dabebolo ebo tiwai yali gilama.

⁸Tiali goli, dwai sogo pedalama,
mani seęęgo te we bidi mesegelama,
tama augwali nogo aligabo bono duani tiwai
bidibo dao.

⁹Tama da, Godigo augwalibolo e tama wabo dao,
te dwai sogo augwalibolo pedalali da.

Magi baso meni. Augwa digi augwa nogi
ugwaba selama,
haniani dwai kolesaga ebaso.

¹⁰Tama agai augwalibolo dwagi yai
kolesaga wali pomainu ola mabo dao.

Tama agai augwalibolo ge neyu,
dwai kolesaga tudiba muao po wabo dao.

¹¹Tama augwaligo agai po wali pelama,
aga dologode bidibaso da,
teda tigidali sogo augwali bugagia naga bididu-
aibao.

¹²Tiali goli, augwaligo po odisama yali da,
teda augwa boi bidi dabego augwali ela
muagasaibao.

Tama augwaligo magi nai
augwali tigiba pedalaliwe olama, konegobeo," wali.

¹³"Te God tudi ola mabo bidi dabe,

augwaligo genuai seęę augwaliba sabalobo si,
augwaligo God dali seęę genuai mu ebo dao.
Tama augwaligo Godigo augwali tau somainu
i wabo menio.

¹⁴Te tama tiyu yaide, augwaligo dwai kolesaga
te we bidi gabidide ebo dao.

Tama tede augwali gesi bidi bidibadi tama isibo dao.

¹⁵Tiali goli, Godigo te bidi dabe dene dali,
seęę dali si me tolomainu sula tagalobo dao.

Magi baso meni. Agai augwali dwagi yai kolesaga
ola mawainu tama tibo dao.

Tama te tibo sunumide augwali ma selama,
tama augwali bugagia bidimainu ebo dao," wali.

¹⁶"Jop, megi da suao, nage moni seęęde mu bidiyu,
tama nage paęde silabo aę te ebao.

Tiali goli, Godigo nage bega sabo po weyu,
ma oda selama, tama nage dua bidimainu elama,
tama nage te dwagi yai nai dabe ma mawaibao.

Tama magi naigo nage me paliama me egobeo.

¹⁷Tiali goli, megi da, Godigo nage tonobo da,
dwai seę ebo bidi tiwai tonobo aę te ebao.

Tama agai nage dali po tu ela mayu,
tama nage tigide dene genuai mu
te mabo seę yali dao.

¹⁸Tiali goli, dua dao.

Tiyu, naga homu seęęgo ebo digi tego nago
Godibolo posobo po omainu ebo dao.

Tama tiyu ma, nage ma oda sabo kolesaga ma
genuai mu yaliwe wabo, tama nago God tagalabo.

¹⁹Ma, nago Godibolo tau somainu i weyu da,
ma naga bomo naga usu siyu da,

tego da nago megi te elalubo seęę siligobeo.

²⁰Nago homugo hulua saiba homu kuna wei igio.

Te tobage bidi dolobo seę deli sogo
te we bidi tigiba pedalobo dao.

²¹Nago megi nago tigide ebo seęę godolo me ebe.
Tiali goli, nago dwai kolesaga yabo naga
godolo yali bogo," wali.

²²"Bugagia odao. God dagalude mu bidiyu yaide,
genuai bomo mu elalubao.

Tama aga te dwagi yai po ola mabo bidi dao.

Dego mu agai ola mabo tiwai yaibawe?

²³Tama dego Godigo yabo seę dabe po
dego ola mawaibawe?

Ma, dego agabolo 'Te nago geda muani'
po wabo usu yaibawe?

Te tama tiabo bidi mu meni.

²⁴Te bidi dabego Godigo nigali nai dabe sulama,
Godigo nogi ugwaba selama, balia po wabo dao.

Tama tibaso, nago me te tobage kolesaga deli naga
yao.

²⁵Te tigidali we bidigo Godigo yali seę dabe suali.

Tiali goli, augwaligo agai yali seę kuna konebeo."

Te bidi Elihugo Jobbolo te po wali.

Godigo bomo dali, homu kolesaga si ugwanu mu elalubao

²⁶ Tama Elihu agai po genina ma weyu, e tama wali, "God da, polalubo bidi mu da, tama aga ugwanu mu dao.

Dago aga munu me kuna konegobeo.

Tama dago agai kibu be nisu naga yaliwe olama, konegobeo.

²⁷ Agai wę ugwaba holama, tama tulubage gagamainu ebo dao.

²⁸ Tama te tulubage pę tagalama, tęba tulubo dao.

Tama we bidi tuabo wę hauwa elalubo dao.

²⁹ Da tigidaligo munu me konebe, te pę genuai mu elama, tama Godigo ugwa be nigibo konebo menio.

Tama dago konebe, mena tama te pęde kulukulu olama ebowe olama, konebo menio.

³⁰ Godigo te be sele ula tigidali te bulu dabeba dobola palobo dao.

Tama ula tamu aę dologoba mu pelama, te tigidali nai pepeli diliba mu ilibo dao.

³¹ Godigo tulubage dali, pę dali si tonalubo sę eyu, tama te kolesagago naga tigidali we bidi tonalubo dao.

Tama agai tigidali tubo nai dabe bugagia tęde holomainu ebo dao.

Tama te we bidigo nai hauwa mu elalubo dao.

³² Te be sele ula agai nogo sigo tolalubo dao.

Tama ene yali gilama agai daę ilali naiba enebo dao.

³³ Te be kulu wabo si da, tego ola mabo dao, te tulubage dali, wali dali si asainu tama tibo dao po wabo dao.

Tama te bulmakau kibugo me aga asobo gagama eyu, konebo dao," Elihugo te po wali.

37 "Te be kulu wabo si da, ena wi elama, homu menigasabo dao.

² Odao! Dagego be kulu wabo odao!

Te da Godigo hae olama, i bomonama te obao.

³ Agai te be sele tigidali buluba pelama, te tę sabi simanigi paliba usu nigı pomainu ebo dao.

⁴ Tama nosali agai haę olama, i wabo po dago odobo dao.

Tama agai genuai bomo dago subo dao.

Tama te Godigo tama tibo si da, te be sele ula tigidali buluba pela silibo dao," wali.

⁵ "Godigo pedauwalidu gasagi yai po mu wabo dao, te be kulukulu wabo tiwai, te dwagi yai mu dao.

Tama agai haniani sę mu eyu, te dago kolesaga edelai mu dao.

⁶ Agai olo pogo obadi, te ais dali, tulubage dali si tęba tulubo dao.

Agai po obadi, genuai tulubage mu tulubo dao.

⁷ Te tobage kolesagago we bidigo sunumi pania sabo dao, tama augwali sę ebo usu egobeo.

Agai te tama tibo da, te we bidigo agai ebo sę dabe konemainu tibo dao.

⁸ Tama te tama tibo sogo da, bulu hasa dabe augwa buluba geme duala sigı peyu, te augwa bede bididubo dao.

⁹ Te bomai wali dabe augwa pesagedu asobo gagalama, asobo dao.

Tama te genuai waligo moni kedau sesebo sogo asobo dao.

¹⁰ God agai wali pona palobosi, te ais pedalobo dao.

Tama te genuai wę te ais gagalama, tama mu dila pabo dao.

¹¹ Agai wę hauwa te moni dagalu pęba sabobo dao, tama be kulu omainu elama, be sele tigidali buluba pela silibo dao.

¹² Godigo po obaso, te pę dabe augwali tigidali tę pedai buluba pela silibo dao, te agai augwaliba ya wali sę emainu.

¹³ Me sogo da, agai we bidigo kolesaga dodolomainu tagala palobo dao.

Tama me sogo da, augwali dwagi yai sę elama, tau somainu ebo dao.

Tama me sogo da, agai tę ma usu ilimainu te dagalu pę dabe tagala palobo dao," Elihugo te po wai.

¹⁴ "Jop, nage dua bidiyu, olo saganama, tama homu kolesaga selama, Godigo haniani bomai sę dabe Godigo ebo sę po sao.

¹⁵ Ma, nago Godigo te dagalu pę dabe mena buluba pomainu ebo sę page koneaniwe? Ma, agai te be sele ula ilibo sę page nago konea sai dawe?

¹⁶ Ma, nago Godigo te pę dabe dagalude walalumainu ebo kolesaga nago kone dawe?

God agai te tigidali homu kolesaga elaluyu, agai te dwagi dwagi yai sę dabe ebo dao. Tiali goli, nago te tobage homu kolesaga menio.

¹⁷ Te posolai wali te pada badu saut badu asobo si da, tama teda nago tigi me, ugwa dali side posolo genuai mu yaibao.

Nago magi sę me elama, te wali togologobeo.

¹⁸ God agai dagalu nigilama, tama diniginai.

Tama te dagalu te gesabidi subo nai dula te brasgo nigai tiwai dao.

Mena tama tiali, nago agai te sę dabe ebo tau saibawe?

¹⁹ Ma, nage usu yali wida, teda nago dago Godiba wabo po ola mao.

Magi baso meni. Dago homu kolesaga kuna konea pişbaso, tama dago agai po tę ebode wabo po niga mubeo.

²⁰ Ma, Godigo odali digi yaide, eno po aga dali elalubaso da, teda agai eno po wabo odaibawe?

Teda agai eno wabo po godolo me egobeo," wali. †

21 "Suama. Te waligo pọ sela şanama,
tama dagalu hania elama, giliga ula genuai mu
te ebao.
Tama dago te giligaba tonobo usu egobeo.
22 Tama me badu pada badu not badu
te moni ula mu dagaludu asobao.
Agai au da, te gol masigi tiwai dao.
Te da te God aga au te munama,
tama genuai ula dali, moni bomo dali si te asobao.
23 Tigidali Bomo Elalubo God te ugwanu mu elalubo,
tama da aga pąba pabo usu egobeo.
Agai genuai bomo mu elalubo,
tama aga doloba pai mu dao.
Agai te po tų dodolobo sę ebode
doloba pai kolesaga naga ebo dao.
Tama agai da olo dali aiyaba elalugobeo.
24 Tama tibaso, we bidi agade wi ebo dao.
Tama agai olo te bidi dabe augwaligo homugo
augwali homu kolesaga hauwa elalubao homu
ebode odobo menio,"
Elihugo te po wai.

Genuai Bidigo Jopgo po wei ponobo po wali

(Daj 38-39)

Godigo nigali nai dabego Jopgo homu kolesaga ede- lialio

38 Te Elihugo po ola silibo si, tama te Genuai Bidi
te genuai tulubage dali, bomai wali dali si to-
mode bidiyu, tama agai po e tama wali,
2 "Jop, nago dwagi yai homu kolesaga mu menio.
Nage mena tama bidi da weyu, nago te po dabe
obawe?
Tama nago eno yainu ebo sę dolainu ebawe?
3 Megi da, nage bidi mu tiwai dolaluao.
Tama eno nagebolo tigidali po hanaluyu
ebode, nago eno po wei ponagameo.
4 Eno e tų nigilama, aga page daų walobode,
nage menade bididuai dawe?
Ma, nago te sę dabe mu koneani wida,
nago enabolo pusao.
5 Dego mu homu kone palama, e tų daų ilai dawe?
Eno homugo te nago koneai yali bogo, ma?
Tama dego mu usu ni kegelama, te tų usu sai dawe?
6 Te tų daų olalubo pos ni menade dolalubowe?
Dego mu mone masigi munama, te tų ugwadu tede
nigimainu yai dawe?
7 Tama te sę ebo si da, te dagalu hų dabe dwagi yai
homu pemene elama, balia po wai dao.
Tama te ensel dabego me dwagi yai
homu pemene elama, hae wali."

† *Hibru pogo te po page kuna konebeo. Me badu bidigo te homu yai, dago te po begelinao homu yali po e tiwai, "Agai eno pode moni homu egobe da," homu yali e tiwai, "Tiyu, eno aga dali po mibaso da, te agai ena mu silabo homu idali," te homu yalio.*

8 "Tama te tamu wę tų tabidu buluba podilasąbaso,
dego mu sunumi paliai dawe?
Tama dego te tamu aų aga daų tomode
tama elalui dawe?
9 Te tamu wę gesi sogo pedalali sogo da,
eno aga pọgo mesegaluai dao,
te aga gudubo ugwa tiwai elalui dao.
Tama eno te wai bų agai idago
te wai bų ugwa gudulubo tiwai,
te pọgo eno aga belai dao.
10 Tama eno te tamu wę te obo yali gilama bogo badu
eno daų ilai dao, tama te soabo sunumi paliai dao.
11 Tama eno tamu aųbolo e tama po walai dao,
'Nago genuai wę asobo daų
e tama daų yagasao,' po wai dao.
'Habu seleyu, munu me e daų me
bolamo,' po wai dao." †
12 "Jop, mena tama tiali.
Nago olo pogo obadi yaide, te be posoyu,
ula me yai me elalubawe?
Tama nago te be posobo sę kigamu naga
emainu bodolu muai dawe?
13 Hulia sabo da, teda ugwago bidi
mesega sabo tiwai elama, tų mesegalubadi,
te dwai bidi dabe te hulide
biliyu yaide dwai kolesaga ebo dao.
Ma, me sogo nago olo po obadi, te be posolama,
te dwai kolesaga ebo bidi dabe noma
somainu me yai dawe?
14 Kigamu giliga nanobo ulago te hulide
susiaąma yali nai
te kigamu ula ebogo subo dao.
Tama dago hulia sai madi susiaąma
yali nai, te ulade subo dao.
15 Hulibo sę dabe da,
te dwai bidi dabego be te posobao.
Tama augwali dwagi yai homu mu elama, biliyu
yaide,
haniani dwai sę ela bilibo dao.
Tiali goli, ulago augwaligo bomu aiyaba
elaluama, tama augwaligo dwai sę
tagalomainu ebo dao," wali.
16 "Te tamu aų dologoba pelama,
nago te wę pedalobo madi nago suai yali bogo.
Tama nage te pesagede bilai dawe?
17 Mena tama tialiwe?
Nage te isai we bidi pabo madi aiyanu
mu nage dulai yali bogo?
18 Te tų genuai mu elalubo.
Te nago tigidali badu sese koneai dawe?
Ma, nago koneani wida, enabolo pusao," wali.

19 "Te ula page buluba pabo sunumi nago koneai
dawe?
Tama te huli sesabigo bulu menade mu elalubowe?"

† 38:11 Jer 5:22

20 Tama nago ena te ula dali,
 hulua sabo dali si wali pelama,
 pabo sunumi nago enabolo ola mawaibawe?
 21 Jop, nage monu dabe mu da.
 Tama nago ena te nai sigo bulu ola mawaiba.
 Magi baso meni.
 Eno te ula dali, huli sesabi dali si nigisama ebadi,
 naga idago nage ame nai yali bogo, agawe?"

22 "Mena tama tiali nago te ais dali,
 te talua ge tulubage ais si sabodubo
 pesage nago suai yali bogo, agawe?
 23 Eno te nai dabe hagea selama
 muani naigote dwai kolesaga elama,
 gasa bidi dabe dali wabi hwjbo gagalobo bidi dabe
 tigide dene ilimainu yai da.
 24 Te be sele ula pedalama,
 tama te tedela pabo sunumi page menade
 elalubowe?
 Tama me te giliga asobo badu wali
 asobo sunumi menade elalubowe?
 25 Dego te dagalude we gamia nigilama,
 tama te tulubage dabego wali pelama,
 e toba tudulalumainu ebo dawewe?
 Tama dego mu te tulubage tulubode
 be sele ebo te ulago wali pelama,
 tedela pomainu yali sunumi dego mu nigai dawewe?
 26 Dego mu te bidi meni yai bulu to
 wa pai madi tulubage tulumainu ebo dawewe?
 27 Hasia te tode ni dali, nosai dabe dali holisiabadi,
 tiali goli tulubagego te to usu nama,
 te nosai dabe hauwa mu holai dao," wai.
 28 "Mena tama tialiwe?
 Te tulubo tulubage te aya me deli elalubawe?
 Te hulide aj segeni ebo tulubagego aya bidibawe?
 29 Tama te tode pedalubo ais dali,
 talua ge tulubage ais sigo ida de dawewe?
 30 Augwali te kedau sogo pedaluyu,
 tama te we dabe masigi yali gilama dila pelama,
 te tamu aj mesegelebo dao.
 Awe, te sigi aj ugwadu dai te dila pabo dao," wali.

31 "Jop, nago te ho hani me deli sisinama,
 tama te dagalude deliba sisinama daq walaibawe?
 Tama nago te ho hani me deligo bono pjsiganama,
 tama te ho dabe tedela pomainu
 yaibawe? †
 32 Mena tama tialiwe?
 Nago te ho dabe augwali sunumi ola menama,
 tama te kibu bede mena sogo pedaluyu emainu
 waibawe?
 33 Nago te dagalude ho dabego wali pabo
 bomai po page nago konealubadi bogo, agawe?
 Nago te tode nai dabego me
 te po wali pomainu yaibawe?"
 Godigo Jopbolo te po hanalu wali.

† 38:31 Jop 9:9; Amo 5:8

34 "Tama nago moni daqa olama, te po dabego
 odama,
 tama te moni tulubage nageba gelemainu yaibawe?
 35 Tama nago te be selebolo nago
 gasa madi me pao wabo si da,
 teda te be sele ulago nagebolo e tama po waibao,
 'Eno nago se yabo naga eno tonalubao,'
 po waibao, agawe?
 36 Dego mu te bobobage dogoni yai
 bago te tama we bole asaiba po omainu
 dego kolesaga mawai dawewe?
 Tama dego te gogolo ba dabebolo be posobode
 po omainu dego kolesaga mawai dawewe?
 37 Dego homu kolesaga mu te po dabe nedebo
 usu yaibawe?
 Te po dabe da, te sene we tiwai te dagalude elalubao.
 Tama dego augwali gea palama,
 te tulubage tulumainu yaibawe?
 38 Tama dego te to hogomu pu aiyana pelama,
 to ma dila pomainu ebo dawewe?"
 Godigo Jopbolo te po hanalu wali.

Dego te bulu hasa dali, ba dabe dali sibolo kolesaga mawai dawewe?

39-40 Tama Genuai Bidi agai po genina ma weyu,
 e tama wali, "Jop, mena tama tialiwe?
 Te nago te bulu hasa dabe te laion yowi te to
 dedagede,
 me te bulu sesawai madi
 geme dualubo madi paba asomainu elama,
 te laion yowi dabego ela tumainu ebaso,
 te augwa nasi ebo silimainu ebo da, agawe?
 41 Tama te sisi yai kotkot ba dabe tuabo nai
 menia sobaso,
 tama nai gege bilibadi yaide,
 tama augwa wai dabe ena Godiba nai sainu
 hanalubadi,
 tama dego mu augwali nai mabo dawewe?" te po wali.
 39 "Jop, odao. Nago koneaniwe?
 Te bulu dulude bidibo meme kibugo wai ame
 nabo sogo nago koneai dawewe?
 Tama me nago te hasa dia dabego wai
 ame nabo nago subo dawewe?
 2-3 Tama nisu naga polua
 te meme kibu dali, te dia hasa dali sigo
 wai augwa idago haligade bidibo, te nago
 koneaniwe?
 Tama nago koneani bogo, nisu te hasa ida dabego
 bogoli si sugunama, wai saibawe?
 4 Tama te wai dabe augwa ida dabe dali
 buside me kala silide bidaibao.
 Tama augwali genuai elama, bomo ebo dao.
 Tama augwali genuai polo ela sabo si da,
 teda augwa ida taga peyu, mu tama pabo dao.
 Tama augwali ma asobo menio," wali.

5 "Dego mu te bulu donki dabe bono pjsigina paloba-
 so,

busiba subigila pomainu yai dawē?

⁶ Eno augwalibolo wa pai bulu, me doloba pai bulu, tama tamu elalubo bulu mawai dao.

Tama augwa bulude bidibo aq̄ yaibao.

⁷ Te bulu donki dabe augwaligo koneani.

Augwali hanude bidibaso da, teda bidi dabego augwali bono gebelama, tama augwaligo sē emainu hæ weyu yaibao.

Tama tibaso, augwaligo te hanude wabo po dabe me kilikili wabo odogobeo.

Te tudi ola mawaibao.

⁸ Tama augwali te bulu dude biliyu, augwa tuabo nai te nosai dabe, ni yabe dabe tama gege biliyu, bilaibao," wali.

⁹ "Jop, nage de dawē?

Te bulu kau kibu omaigo nago sē yaibawē?

Tama hulide nago kau kibugo beba piagasaibawē?

¹⁰ Nago aga haliga gebelama, tama agai nago gi t̄q̄ elebo masin kegasa bilimainu yaibawē? Tega?

¹¹ Nago koneani, agai bomu genuai mu elalubo.

Tama tibaso, nago homugo agai nage tau selama, nago genuai sē yaiba eyuwe?

¹² Tama nago homugo agai nago wit nai giba pelama, tama te wit nai inayali sela aselama, te wit nai yabe dali, bo dali sela sayao po waibawē?

¹³ Te t̄qli tiwai genuai ba † dabe dwagi yai homu ebo sogo da, te augwa bogo memenege ebo dao.

Tiali goli, augwaligo te bobobage dogoni bago ebo gilama, augwali augwa wai dabe dali dwagi yai sē ilibo menio.

¹⁴ Te t̄qli tiwai genuai ba dabe augwa ge t̄q̄de mubo dao, tama tagalobo dao.

Tama t̄q̄ posologo te ge posolo ilimainu ebo dao.

¹⁵ Augwaligo augwa ge godolo me ebo menio.

Tiyu, bidigo me, bulu hasago me te ge dabe agawaibao homu egobeo.

¹⁶ Te t̄qli tiwai ba dabe augwa wai ma gasa bago wai tonobo aq̄ ebo dao.

Tama augwaligo augwalide dwagi yai kolesaga me ebo menio.

Augwa ḡq̄ dolobaso, augwa ge odolali saganai dao homu me ebo menio.

Augwa ge subigila sas̄agano bilibo sē sabilibo dao.

¹⁷ Augwaligo tama tibo da. Magi baso menio.

Eno augwali dwagi yai kolesaga me mawai menio.

¹⁸ Tiali goli, te t̄qli tiwai ba dabe hodaluama, pabo si da, augwali bomonama mu udabo dao.

Tama augwaligo bogo memenege genuai mu ebo dao.

Tama udada peyu, augwaligo kibu hosde dualasa pabo bidi dabe geanobo dao," wali.

† Te Jop bidali bulude bidibo hasa kebi tiwai bago ebo kolesaga te tedali gasagi yai, te dago bulude bidibo hasa kebi kolesaga tiwai si sage me elalubeo.

¹⁹ "Jop, nago magi sē ebo usugowē?

Nago te hos dabe bomu mabo dawē? ††

Tama nago agai bobobage pedu nisi muai dawē?

²⁰ Naga homugo te hos digibulu samanobo te mano yali gilama emainu naga digi nigilai dawē?

Tega? Te hos dabego ga wabo bomonama mu wabo dao.

Tama augwaligo ga wabogo we bidi dabe wi ilibo dao.

²¹ Te hos dabe augwaligo genuai bomu elalubode augwali pemene elama, augwali sasamano peyu, te augwa nogo saȳ pidibu waibao.

Tama augwali hw̄j yainogo bomonama mu udabo dao.

²² Te hos dabe augwali magi naide me wi elama, noma sabo menio.

Te w̄bi hw̄jbo genuai u badi me augwali wi me soabo menio, te w̄bi hw̄jbode.

²³ Augwaligo te ami bidi augwali tigide dulalumainu ebo dao.

Tama augwali udabo sogo da, te hw̄jbo bidi dabego ene beledi kidagalo wabo dao.

Tama te ami bidigo sesemone ene poa pali da, te giligade ula ebo dao.

²⁴ Te hos dabego bu wabo odobo si da, augwali dua me bidibo menio. Mu meni.

Augwaligo haliga tigi hodaluama, tama hw̄jgi pabo homu naga ebo dao.

Tama augwali bomonama mu udabo dao.

²⁵ Tama augwaligo bu wabo odobo si da, augwaligo ga wabo dao.

Augwali te w̄bi hw̄jbo digibulu elalubadi digi, augwaligo denami bolo odobo dao, te w̄bi hw̄jbo denami.

Tama augwaligo te ami ofisago i hae, te aga ami bidibolo wabo pode moni w̄bi hw̄jmainu hae wabo po odobo dao," wali.

²⁶ "Jop, eno homugo nago

te ba kemodagego ebo kolesagaba

homu kolesaga muani bogo,

tama augwali te dolo nogo badu poloba bola pabo dawē?

²⁷ Teda nago digi te po wabode te ba bunutogobo dabe

augwaligo be te bulu duba sē igi pabo dawē? Tega?

²⁸ Augwali te bulu duba bidigi pelama, tama augwaligo be te masigi dabe yai madi, me bulu dwai madi augwaligo be sē igi pabo dao.

Te tobage bulu da, augwaligo dwagi yai dualalubo bulu tiwai dao.

²⁹ Augwali augwa bede dulaluyu, te hasa dabe gedu gegebo dao.

Tama hasa digibulu bidibo me tagala,

†† Te ves 19-25 tede te ami bidi dabego te dualasa peyu, te boi hw̄jgi pabo kibu nogi hos dabede wali po page te vesde elalubo suo.

augwaligo subo dao.
³⁰Te bunutogobo gamigo gųųgo
 te bulu hasago kaneme tubo godolo mu ebo dao.
 Tama wı̄bi hwjnama, bidi me isai tigi pulu tede
 munalubaso da, te kemodage sibi teba
 sisinagasabo dao,"
 God Genuai Bidigo te po Jobbolo wali.
40 Tama Genuai Bidigo Jop e tama po hanalu wali,
²"Jop, nago pogo ena dali hwjbo tiwai walio.
 Ena da, Tigidali Bomo Elalubo God dao.
 Tama nago ena po tų ela manio.
 Tama megi da, eno nago eno po
 wei ponomainu agebele e ilibao.
 Nago wei ponobo usu yaibawe?
 Ma, meni yaibawe?"
 Godigo te po wai.

Jopgo po Godiba wali

(Daj 40:3-5)

Jopgo Godigo hanalubo po wei ponobo usu egobeo po wali

³Tama Jopgo Godigo po wei ponoyu, e tama wali,
⁴"Genuai Bidi, ena dolama, tama ena olo nai dao.
 Mena tama tilama, eno nago po wei ponaibawe?
 Ena nogogo pedauwali pania saibao.
⁵Eno po hauwa mu wai dao.
 Tama tibaso, eno nago po wei ponoyu,
 po ma wagobeo," wali.

Godigo po me ma Jopba wali

(Daj 40:6-41:34)

Godigo Jobbolo haniani sę ebode po hanalu wali

⁶Tama te Genuai Bidi te moni wali dali, tulubage dali
 side bidiyu yai, Jopgo po wei e tama ponani.
⁷"Nage bidi mu tiwai tama dolalua.
 Tama eno nagebolo haniani nai po hanalu waibao,
 tama nago eno hanalubo po wei ponao.
⁸Nago po bomonama, e tama wali,
 nago tigidali kolesaga dolo dao, po wali.
 Tiali goli, nago ena magi baso po tų ela maniwe?
 Tama nago magi baso eno doloba pai
 kolesaga ebeo po waliwe?
⁹Te nago bomo genuai mu eno bomo tiwai tama
 dawe?
 Eno i wabo da, te be kulu wabo tiwai tama wabo dao.
 Nago me eno te ebo tiwai yaibawe?" wali.
¹⁰"Ma, nago usu yaiba homu ebaso da,
 teda nago ena hasegelama,

tama dwagi dwagi yai au ugwa selama,
 tama genuai nogi dali, bomo dali si selama,
 tama nage te we bidigo gedude ugwade
 mu bidagameo.
¹¹Tama nago te bidi dabego dwai kolesaga ebo sula-
 ma,
 tama augwa nogi ugwaba sobaso da,
 teda nago sębę genuai mu elama,
 augwali aiyaba mu elaluagameo.
¹²Awe. Nago dwai kolesaga ebo bidi dabe sulama,
 tama augwali aiyaba elalua.
 Tama nago dwai kolesaga ebo bidi
 augwa bidibo bulude sęągo agayagameo.
¹³Tama nago te bidi dabe tųgo mesegelebaso,
 tama gasa we bidigo augwali me sugobeo.
¹⁴Ma, nago te sę dabe eyu da,
 teda eno nago nogi ugwaba siyu, e po waibao,
 'Nago bomogo digi naga te dwai kolesaga ebo we bi-
 di
 aiyaba mu elaluama,
 tama nago augwali mu silai dao,' po waibao,"
 Genuai Bidigo te po wai.

God agaduba deligo naga te bomai hasa hipopotamus tonaluaibao

¹⁵Tama Genuai Bidi agai po genina ma weyu,
 e tama po wali, "Jop, nage pelama,
 te hasa augwaligo hipopotamus wabo hasa sugi
 pao.
 Ena digi augwali nigiyu, nage tama nigiyu tama yai
 dao.
 Te hipopotamus augwaligo kau kibugo
 yali gilama nosai dabe tubo dao.
¹⁶Te hasa hipopotamusgo tigi genuai mu elama,
 tama augwaligo bomo genuai mu elalubao.
 Te augwaligo tabi dali, tudi dali si me
 bomo genuai mu elalubao.
¹⁷Augwaligo danu te ni bų tiwai dila pai dolalubo
 dao.
 Tama augwaligo sęą boma pai mu dao.
¹⁸Agai dili da, te augwaligo te dila pai bras o aingo
 nigai paip tiwai dao.
 Tama agai nogo sęą te genuai ain tiwai dao.
¹⁹Te hasa hipopotamus te tigidali hasa
 ena God eno nigali hasago tobolu bidi dao.
 Awe. Enaduba deli naga augwali nigai dao.
 Tama enaduba naga agai bomo aiyaba elalubo
 usu yaibao.
²⁰Te hasa hipopotamusgo tubo nosai dabe da,
 te dwasianu bulu dude dabe holobo dao,
 te bulu hasa dabe bilalubo digi.
²¹Te hasa hipopotamus te dwasianu ni
 sesane yai ni pagede piyu ebo dao.
 Tama pu ąjde dologode geme duala sabo dao.
²²Tama augwali te dwasianu ni
 wę sesegede elalubo ni dologode dualaluyu,
 bugagia toma tubo dao.
²³Tama te moni wę asobo sogo da,

augwali wi munu me ebo menio.
 Tagala te wę aselama, augwaligo penaneba sa-
 balobadi,
 me augwali homu nagamea pelama, bidibo dao.
²⁴ Tama augwali no munalubadi da,
 dego mu augwali touwaibawe?
 Tama dego augwaligo guni pololama,
 augwali bono gebelama kegaibawe? Bidi menio,"
 wali.

Te hasa pukpuk te tigidali hasa dabego tuni bidi tiwai bidali

41 Tama Genuai Bidigo po genina ma weyu, e
 tama po wali,
 "Jop, mena tama tiali nago huk şanama,
 te genuai hasa pukpuk sela tuaibawe?
 Tama nago augwaligo hamena nago
 haligago gebelebo usu yaibawe? †
² Nago agai hamenade dedage nigilama,
 tama haliga gebelama, kegasa paibawe?
 Tama nago agai penanede hukugo keaibawe?
³ Nago homu mena tama tibowe?
 Ma, nago aga toubu si da,
 teda agai nagebolo aga hobede ya po olama,
 tama aga tagala palao po waibawe?
 Agai nagebolo po dua mu dwagi yai pogo waibawe?
 Tega?
⁴ Agai nage dali po mia siyu,
 tama dage sigo deli homu eyu yaibawe?
 Tama aga nage dali bidiyu, nago se
 bugagia tigidali sogo yaibawe?
⁵ Nago aga dali naga te negebo ba dali
 gagali ebo tiwai yaibawe?
 Ma, nago dwasianu bonode gebelama,
 naga wegimanigo kegasa bilimainu yaibawe?
⁶ Tama eno homugo te bisnis se ebo bidi dabego da
 mone sainu po bomu yaibawe?
 Tama augwaligo te hasa pukpuk tologolama,
 denege minama,
 tama mone sainu maketiba sela paibawe? Tega?
⁷ Tama nago hauwa mu aga tigiba me toboluba
 nago sesemone hauwa mu enaibawe?
⁸ Polo be da nago nogo agaba munama,
 tama nago agai bomu usu siyu da,
 teda agai nage dali hwjbo genuai mu yaibao.
 Tama nago te wabi hwjali homugo me gegeda
 pogobeo.
 Tama nago tama ma tigobeo," wali.
⁹ "Ma, nago te genuai pukpuk daų olama,
 tolaluabo homu ebaso da,
 teda nago te ebo homu mu gegeda palao.
 Magi baso meni. Ma, nago aga suyu da,
 teda nago dili tigidali didibila pelama,
 noma selama, tama nago bomu tigidali pela
 silaibao.
¹⁰ Te pukpuk pila mubadi hodolama,

† 41:1 Tib 74:14; 104:26; Ais 27:1

wabi hwjbode aga aiyaba elaluabo bidi me menio.
 Tama te tiwai bidi meni baso da,
 teda dego ena edelebo usu yaibawe?
¹¹ Te tigidali nai e tede elalubo nai dabe da,
 eno nai dabe naga dao.
 Tama dego mu ena dali usu si elama,
 tama eno bomu aiyaba elaluama,
 tama enabolo aga nai me mao
 po wabo usugowe?" ††
¹² "Tama megı da, eno nagebolo waibao,
 te genuai pukpuk mena tiwaiwe,
 me agai bomu dali si po nagebolo pusaibao.
 Tama me ma, agai dwagi yai tigiwali po waibao.
¹³ Dego mu agai tigi abolo sela saıwaibawe?
 Tama de mu agai bomai penane pageba paibawe?
¹⁴ Agai penanede kele moni bage hauwa mu elalubo.
 Tama bidi dabe wi te kele dabede ebo dao.
 Tama tibaso, dego mu agai penane pedegaibawe?
¹⁵ Te hasa aga abolo boma pai elalubo dao.
 Tama te abolo daų daų mu olama,
 aga tigi daų walama mu elalubo dao.
¹⁶ Te abolo dabe daų mu olama,
 tama te abolo dabe tomode te agebele mu menio.
¹⁷ Augwali daų mu ola sai madi, te magi nai mego
 agai abolo dagagobeo," wali.
¹⁸ "Te aga sosogo wabo si da,
 te isi ula agai gunidu pedalama,
 subigila dobola palobo dao.
 Tama agai gedu ula te kigamu giliga
 pedalobo tiwai tama ebo dao.
¹⁹ Isi agai keledu pedalama,
 tama dwasianu isi subigila bola pabo dao.
²⁰ Tama agai gunidu hano
 te sene iside nai ulai mobu tiwai tama ebo dao.
²¹ Tama agai kele a wabo si da,
 agai mobogo isi dala sabo dao.
 Tama isi agai keledu buluba asobo dao," wali.
²² "Agai mage dila pai mu dao.
 Tama bidi dabego aga subo si da,
 augwali wi genuai mu ebo dao.
²³ Agai tigiwali me badu aga tigi meba daų ola sela-
 ma,
 tama munu me kilasa pabo menio. Mu menio.
²⁴ Agai homugo magi nai wi me ebo menio.
 Aga hagawia da, te dila pai mu elalubo dao,
 te dilai masigi tiwai dao,
 te wit nai ge mimibo masigi tiwai dao," wali.
²⁵ "Aga hogodama, doligilubo si da,
 teda te bomai tuni bidi dabe augwali
 wi genuai mu ebo dao.
 Tama augwaligo agai wę bogou wabo odobo si da,
 teda augwaligo homu daų ola selama,
 magi se me yabo homu ebo menio.
²⁶ Tagala dagego hwago elebadi,

†† 41:11 Rom 11:35

me te genuai sesemonego,
 dwasianu enego me enebadi me,
 tama te nai dabego aga me dologobeo.
²⁷ Tama agai augwali tonobo da, olo nai tonobo
 aq yaibao.
 Agai ain tonobo da, te kala sasi yai tiwai tonobo dao,
 me te kapa bras tonobo da,
 te ni mobi tiwai tonobo aq ebo dao.
²⁸ Te bidi dabego ene selama,
 aga ene badi, aga wi me pogobeo.
 Ma, te bidi dabego katapul selama,
 masigi waigo aga enebaso da,
 teda agai tigiba olo ni yabe sasi aga
 tigiba tulalubo aq yaibao.
²⁹ Te hwjbo wabi tonobo da,
 te olo nosai sasi tiwai agai tonobo aq ebo dao.
 Tama agai bobobage sesemone ke wabo
 odo si da, aga wi me egobeo.
 Te da olo nai dabe dao, wabo dao," te po wali.

³⁰ "Te moni pukpukgo tabide
 elalubo abolo da, mu poa pai mu dao,
 tq sene pepeda pai tiwai dao.
 Tama aga pu aiyana pai madi pabo sogo da,
 te tigi abologo te tqde dwasianu we gamia
 nigibo dao.
³¹ Tama aga tamu we tomode bilibo sogo da,
 te tamu aj bugua saşa paibao.
³² Tama aga te pali sunumi da, te we tedela mu ela-
 ma,
 te monu dabego ili nisi tonobo aq ebo dao.
³³ Te genuai pukpuk magi nai mede wi me ebo menio.
 Te gasa hasa dabe te aga tiwai me menio. Mu meni.
³⁴ Agai gasa hasa dabe genuai nogi elalubo sali goli,
 agai augwali olo nai tonobo aq ebo dao.
 Augwaligo augwa nogi ugwaba sobadi me, tagalao.
 Aga te aga tuni bidi tiwai bidibo dao,"
 Genuai Bidi Godigo Jopbolo te po wali.

Jopgo Genuai Bidigo po wei ponani

(Daj 42:1-6)

Jop aga hale elama, homu begelali

42 Tama Jopgo Genuai Bidigo po wei ponoyu, e
 tama po wali,
² "Genuai Bidi, megı da eno koneanio.
 Nagaduba deli naga tıgidali se ebo usu yaibao.
 Tama nago magı se me yainu yali da,
 teda nage magı nai mego nage daq me wagobeo.
³ Nago enabolo e tama hanalu walio,
 'Te nage de dawe, tama nago eno
 se yainu ebadi panilaibawe?'
 Nago te po wali. Hobede mu dao.
 Eno haniani dwai dwai po olama dolali,
 te ena digi te po page conesıma

yali po subigila wai dao.
 Te gasa nai dabe po eno wali da,
 tego eno homu kolesaga
 edelai mu dao," wali. †
⁴ "Me ma, nago enabolo e tama po wali,
 'Jop, nago olo sagana munama, eno po bugagia
 odao.
 Tama eno nagebolo haniani po hanaluama,
 tama eno hanalubo po wei ponao,' te po wali. ††
⁵ Genuai Bidi, polobadu da, eno olo bidi dabego
 po naga odama, tama nage koneai dao.
 Tiali goli, megı da, eno nage ena gedugo mu te
 subao.
⁶ Tama tibaso, eno digi ena wali pode hale mu te
 ebao.
 Tama eno te po wali pode ge neyu,
 ena tq hogomude me kelide dualalubao.
 Te nagebolo ena homu begelalio olama,
 te ola mayu, tama tibao."
 Jopgo Genuai Bidibolo te po wali.

Genuai Bidigo po Jopgo abagi dabeba wali

(Daj 42:7-9)

Genuai Bidigo Jopgo abagi sela sesananio

⁷ Genuai Bidigo Jop dali po ola silama, agai Elifas te
 hanu Teman bidibolo e tama wali, "Eno nage dali, naga
 abagi si dali sebe eyu, wado po e obao. Magı baso me-
 nio. Dagego eno ebo se po dolo mu pusubeo, te eno
 se bidi Jopgo pusali yali gilama. ⁸ Tama tibaso, dagego
 kau kibu omai nogo a naga, me badu si sobadi, kibu
 sipsip a naga, me badu si sobadi, tama elama, tama
 eno se bidi Jop pageba sela pao. Tama dagego augwali
 elama, tama ofa nai iside sese tama ulao. Tama Jopgo
 enabolo gedu haluasa po olama, tama eno dage
 dolabo homu yali tagalaibao. Teda eno agai gedu
 haluasa po wabo odaibao. Tama eno dagego te wali
 dwai po dabe usu nama, dagebolo dene me magobeo.
 Magı baso meni. Dagego eno ebo se po dolo pusubeo,
 te eno se bidi Jopgo pusali yali gilama," Genuai Bidigo
 Elifasbolo wali.
⁹ Tama Genuai Bidigo te po obaso, te bidi Elifas te
 hanu Tema bidi, me te Bildat te bulu Suha bidi, me So-
 far te bulu Nama bidi, augwali hogodasa pelama, te
 Genuai Bidigo wali po wali palio. Tama Genuai Bidigo
 Jopgo gedu haluasa po odama, augwali dene mabeo.

Godigo Jopba wiegi yai se mu ilalio

(Daj 42:10-17)

¹⁰ Te bidi Jopgo aga abagi dabe tau somainu gedu
 haluasa po ola silama, nosali da, Genuai Bidigo aga

bugagia ma bidimainu ma ilalio. Genuai Bidigo Jop nai hauwa bage mu manio, te agai polobadu elaluali nai dali si daganama sali. ^{†11} Tama te bidi Jop aga ama, me aga abe dabe, me aga polobadu abagi dabego Jopgo beba aselama, agai beba nai tuagasalio. Augwaligo agabolo pedelali şe dabe homu kone palama, tama augwaligo aga hobedeo po olama, agai tabi tigi daş walalio. Tama tigidali augwali deli deligo aga silva mone ge me deli dali, te golgo nigali nogode mubo ring dali, manio.

¹² Tede gagalasa, Genuai Bidigo te bidi Jop dali dwagi yai şe hauwa mu yalio. Tama aga sabi simanobo sogo bidali da, aga hasia bidali kibu be edelama, mu bidalio. Tama te bidi Jopgo 14,000 sipsip kibu, me 6,000 kibu kamel, me 2,000 bulmakau kibu, tama 1,000 donki

† 42:10 Jop 1:1-3

kibu so pedelama, elaluali. ¹³ Tama te bidi Jopgo ogwa nogo a naga olama, me badu nogo si, wegı sela tama ma ame nanio. ¹⁴ Tama agai gomunai wegı nogı e tama poali, Jemima, tama tomo wegı nogı Kesia, tama sabi wegı nogı Kerenhapuk polali. ¹⁵ Tama te wegımani da, mu sawi mu yai wegı naga dao. Tama te bulude te wegımani sawi yali tiwai mu meni yai dao. Tama te bidi Jopgo aga ogomanibolo doado bage dabe dobalobo sogo da, teda agai te wegımanibolo meba me dobay-alio.

¹⁶ Tama te bidi Jopgo te şeşe şe silibo si nosali da, aga kibu be 140 bidama, tama aga wai dabego wai dabe sese suali. Tama augwa wai dabe dali, aga wai dabego wai dali suali. ¹⁷ Tama Jop bugagia bidama, tama aga monu dabe mu elama, tama aga isali.

Godigo Nogi Ugwaba Sabo Tęąbi Po Wabo

Buku Dabe

Hasia nedabo tau sabo po

Te e buku da, te Israel dabe augwaligo te lotu po wabo tęąbi buku elalui dao. Me badu tęąbi po dabe e bukude elalubo, augwali te Godigo beba sisinibo sogo augwaligo te Jerusalemde lotu weyu, te tęąbi dabe wali. Te me badu po dabe te we bidi dabego te lotu wabo side te gedu haluasa po wabo tiwai yali, ma te deli deli we bidi augwade te sęęę elalubaso, te tiwai wali.

E tiwai homu ebao, te bidi hauwago te tęąbi po dabe aseęu, te gedu haluasa po wabo dabe aseęu yali, te hani-ani sogode aseęani. Tama nosali, gasa bidi dabego te po dabe deliba sisinama, tama te buku me deli pedalubo tiwai ilali.

Te tęąbi po dabe me, gedu haluasa po wabo dabe me, te homu kolesaga page te haniani elalubao. Te Godigo nogi ugwaba sabo tęąbi po dabe me elalubao, tama me te sęęę po pusulama, te dwai sę sela sębo gedu haluasa po wabo me elalubao. Tama me te mena usu sabo sęęę yai sęde te tau sabo gedu haluasa po wabo me elalubao, tama me te gesi king bidi nigiliyu, genuai side wabo tęąbi po elalubao. Tama te Godiba konealubo homu elalubo haninibo po wabo tęąbi po me elalubao, tama te Godiba buba hwi po wabo tęąbi po me elalubao, tama me te haliga sęęę ebo me homu hauwa ebode gedu haluasa po wabo me elalubao. Tama me te boi bidi dabe dolomainu te Godiba gedu haluasa po wabo me elalubao, tama te tęąbi po dabego te wiegi yai kolesaga te we bidi dabe augwaligo wali pomainogo ola mani po me wai dao.

Te tęąbi po dabe me gedu haluasa po dabe te deliba taluama wali pode, te da we bidigo bidibo ula te badu po olama walio. Dago wiegi yai homu pemene ebo sogo elalu, me haliga sęęę ebo me elalubao. Te da gesi we bidi bidiyu, te bomu elalubao, tama te monu dabe yabo sogo me elalubao. Me sogo da gasi siyu, te me sogo da wiegi yai bugai haliga eyu yaibao. Te tęąbi po wabo bukude te tobage sęęę dabe te da we bidi dabe e tęde bidibo ulade bidibo sogo, te dabolo dolo pedalubo sę dabede po dolo pusalio, tama tialima polobadu digi gagalama, te sę ela asali, megi e sogoba usu nagasoyu, te tęąbi po wabo bukude wali pogo te dago konealubo po daę waliyu, tama te Godigo we bidigo bidibo ula tau mu sabo po wai elalubao.

Buku 1

(Tib 1-41)

Doloba pai bidi dali, dwai bidi dali side po wai.

- 1** Niwai bidi agai
te dwai bidigo po wali pisiębo bidi,
tama dwai sęęę sai bidigo tųde bilibo menio,
tama God dali posobo po wabo bidi
dali taluama, dulaluyu bidibo menio,
tama tiyu, te bidi aga
dwagi yai homu mu eyu bidaibao.
- ² Magi baso meni, te bidigo Genuai Bidi Godigo

bomu yai po naga godolo mu eyu,
te po wali pabo dao.
Tama agai te bomu yai po siade dali, hulide dali
nedeyu,
tede homugo kone paliyu ebo dao.
³ Te bidi te ni bidi mego aę sesegede
bulai ni elalubo tiwai bidibao.
Te nigo nedudu walobo,
te sogo dolo naga waliyu ebo dao,
tama te ni yabe me sasia pabo menio.
Tama tigidali sę agai ebaso,
te bugagia pedalobo dao. †

⁴ Tiali goli, dwai bidi dabe augwali

† 1:3 Jer 17:8

te tiwai gilama mu menio.
Augwali te tubo nai wit bo
te waligo selasa pabo tiwai ebo dao,
te yalala pai olo nai mu dao.
5 Tama tiyu, dwai bidi dabe augwaligo
Godigo po tų ebo aiyaba elalugobeo.
Awe, te dwai seęę sai bidi dabe,
augwali doloba pai bidi bidibo hani
tomode bidigobeo.
6 Magi baso meni, Godigo te doloba pai bidi dabe
bugagia tonalubo dao,
tialima dwai kolesaga ebo bidi dabe,
augwali dwai dene ebo bulude
bidada peyu, bidada pabo elalubo.

Godigo king nigilali.

2 Magi baso te Israel hani isųwai we bidi dabego
te God dali hagoma kolesaga yabo po mia sali-
we?

Magi baso te we bidi dabe augwaligo
te dwai kolesaga yabo po te odolali po mia saliwe?

2 Te augwaligo king dabe tigidaligo
me te hwjabo sisi yali.

Tama te tobolu bidi dabe sisinama,
tama Godiba po dwai wali,
tama agai te sa muani bidi te polalubo bidi,
agaba me te dwai po wali. †

3 Augwa te po wai, "Dago te augwali sigo nogo
aligabo togoinao," wali,

"tama me te augwali sigo da kęalubo
bono pisigina sųinao," wali.

"Te dena tedali bidinao," wali.

4 God Genuai Bidi te dagalude dulalu, aga gisugu
mayu,

tama agai augwaliba posobo po obao.

5 Aga te haliga seęę posolo elama,
tama augwaliba bomai po mobao.

Tama agai wado po genuai weyu,
te augwali wi dwai ilibao.

6 Tama te agai augwaliba te tama po obao,
"Ena eno te bidi me deli nigilama, te king bidimainu
yai,

tama eno aga te Saionde munama bidimainu yali,
te eno tedali gasagi yai wiegi yai
bulu du dao," agai te po obao.

7 God Genuai Bidigo sa muani kingo te po wali,
"Megi da, eno te Genuai Bidigo enabolo mani po
pusubao.

Agai enaba te po wai,
'Nage eno wai dao.

Megi tama nage te king bidi pedalubo sogo,
ena te nago aya pedalubao. ††

8 Enaba hanalubaso, tama te tigidali hani
we bidi nageba mayu,

tama te tigidali tų pedai te naga saibao.

9 Te nago augwali te nago bomogo tonaluagameo.
Tama te nago augwali dwasianu kakali

† 2:2 Tpi 4:25-26 †† 2:7 Tpi 13:33; Hib 1:5; 5:5

minama, te bidigo te tųgo nigai sene
alubo tiwai yaibao,' Genuai Bidigo te po wai." ‡
10 Tama tibaso, te dage king dabe,
dagego bugagia olo muiųo.

Dage te tųde tobolu bidi dabe, dagego te po odola-
ma,

tama dage dua dao.

11 Dagego Godide wi elama, tama agade midigi sųo.

12 Dage aga dologoba mu pelama, tama kidu sugu-
nao.

Meni baso da, teda agai haliga seęę
polo elama, te dage isaibao.

Bidigo konealubo homu Godiba daų weyu,
tama agaba mu kęa pelama ebo bidi,
te aga wiegi yai homu pemene eyu bidaibao.

**Te kigamu bidi me deligo te bomo sainu, gedu haluasa
po wali**

*Devit te aga ogwa Apsalomde wi pali, tama te sogo
agai te balia po asęai dao. Te buku 2 Samuel, Daų 15
me 16, te suo.*

3 Genuai Bidio, te eno boi bidi dabe augwali
te hauwa mu pedalubao.

Te bidi hauwago ena dolobo seę ebao.

2 Mu tama, te augwa hasi augwaligo
enade te tama wabo,

"Te Godigo aga me tau sogobeo," wabo.

3 Tiali goli, menio. Genuai Bidi naga digi
te nago ena geme dualubo awa tiwai ebo dao.
Nago naga ena te augwali aiyaba elalumainu ebo
dao.

Awe, nago naga te eno homu seęę sela sųyu,
tama eno tobolu ugwaba sabo dao.

4 Eno te Genuai Bidiba i weyu,
te ena tau somainu ebao.

Aga te aga wiegi yai tedali gasagi yai
bulu dude digi bidiyu,
tama eno i wabo odoyu, tau sali.

5 Ena te betde pibo, te ena isibo tiwai ebo dao.
Kigamude ena ma hodasa holama,
tama ena bugagia bidibao, magi baso meni,
Genuai Bidigo ena tonaluali.

6 Te 10,000 boi bidigo ena
te tigidali badu bobogela sobaso,
tagalao, ena augwalide wi me egobeo.

7 Genuai Bidi nage asao. Nage eno God,
nage aselama, ena tau sagasiyu,
te boi bidi dabego nogode ma sao.

Nago te eno boi bidi dabe tigidali
aiyaba mu elalubo dao.

Nago te dwai seę ebo bidi dabe dolobo dao.

8 Genuai Bidi, nago deligo naga te da ma siyu,
tama da me dolisiųbo da.

‡ 2:9 Ped 2:26-27; 12:5; 19:15

Eno homugo nago te naga we bidi dabe
wiegi yai bugagia bidimainu ilao.

Te Devitgo așani balia po me deli dao.

Te hulide bidi me deli te bomo sainu gedu haluasa po
wai

4 God, nago ena tonalubo bidi da.
Te eno nageba i wabo sogo,
nago te eno i wabo odoyu, tau sao.
Polobadu ena haliga sęęę dwai ebaso,
tama nago eno te haliga sęęę ebo dagala sęwani.
Nago te olo mu tau sabo
wiegi yai kolesaga enaba megi elama, tama eno
gedu haluasa wabo po odao.

² Dage nogi elalubo bidi dabego,
te nisu naga sogo te dagego nogi
posobo po enaba obawe?
Nisu naga sogo dagego te haniani te dwai
sę ebo godolo homu iduaibawe?
Nisu naga sogo dagego te tibo po wabo
kolesaga wali piduaibawe?

³ Tiali goli, dagego te ebo sę koneiaęo,
te aga pagede bidibo we bidi,
te Genuai Bidigo augwali sa muani,
te aga da weyu yali.

Tama tigidali sogo eno agaba i obaso,
agai eno te wabo i odobo dao.

⁴ Dage te Godide wi elama, tama
te dwai sę ebo kolesaga tagaliaęo.
Te dage betde godege pibo sogo,
dagego tede bugagia kone paliyu,
tama pedauwali pania siąo. †

⁵ Dagego te Genuai Bidigo wei eyu
godolo ebo tobage ofa dabe iyąo.
Tama dagego konealubo homu agaba daę mu
waiyąo.

⁶ Bidi hauwago te tama po wabo dao,
“Dago te wiegi yai nai dabe sobaso da,
teda dago homu pemene
wiegi yai yaibao,” wabo.

God, nago te olo mu tau sabo wiegi yai
kolesagago te da tau sao.

⁷ Te wit me wain te gide hauwa pedalubo sogo,
te bidi dabe augwa wiegi yai homu
pemene ebo dao.

Tiali goli, te nago eno homude muani
wiegi yai pemene ebo homugo,
te augwaligo wiegi yai homu pemene ebo
te aiyaba mu elalubo dao.

⁸ God, nago naga ena tonalubaso,
tama ena bugagia bidibao.
Tama tiyu, eno te magi nai me delide wi me ebeo.

† 4:4 Ef 4:26

Te ena betba pabo sogo, te polo tama ena pibadi,
nago ena tonalubo dao.

Te Devitgo așani balia po me deli dao.

Te bidigo gedu haluasa po Godigo aga tonalumainu
wali

5 Genuai Bidi, nago eno gedu haluasa po wabo
odao,
tama eno homu hę wabo madi olo muao.
² Nage king me eno God da, te nago ena tau so-
mainu,
eno nageba gedu haluasa po obaso,
nago eno i wabo odao.

³ Genuai Bidi, te tigidali sogo kigamude
nago te eno gedu haluasa po odobo dao.
Te giliga pedalubode eno nageba
bomonama, gedu haluasa po obao,
te ena ofa ebo tiwai.
Tama eno te gedu haluasa po wali
wei ponobo te nageba tonalubo dao.

⁴ God, te dolo isiąbo kolesagade
nago te wiegi yai homu pemene me egobeo.
Tama te dwai we bidi te nago augwali gesegobeo.

⁵ Nago gedude te hagoma ebo bidi dabe
te dolalumainu me egobeo.
Tama te dwai kolesaga ebo bidi dabe
te nago godolo homu mu me isiąwaibao.

⁶ Nago te tigidali tibo po wabo bidi dolobo da.
Tama bidi ela mubo bidi dabe, me te tibo po weyu,
te gasa po dali ugwadu ma daganobo bidi,
te nago godolo homu mu me egobeo.

⁷ Tiali goli, nago ena sesemane godolo mu ebo da.
Tama ena te nago be tomoba asabo
usu ebo tiwai yali.

Eno te kidu sugunama, te nageba te nago tedali gen-
uai

lotu be tempel tomode lotu obaso, te usu yaibao.

⁸ God, te boi bidi hauwago ena dolainu ebao.
Tama tiyu, nago eno sęą dodolobaso,
teda eno nago doloba pai kolesaga wali paibao.
Awe, te nago homugo ena somainu
homu ebo sunumi te enaba ola mao.

⁹ Te eno boi bidi dabego
te mu po dwasianu me wagobeo.
Augwaligo te gasa bidi dolabo homu naga ebao.
Te augwaligo pedauwali te gų page tų dedage
dalalubo tiwai elalubao.

Augwaligo te homu bega sabo po hauwade te bidi
dabe

dwai madiba kekebo dao. ††

¹⁰ God, nago augwali po tų ilama,
tama augwaliba dwai dene mao.

†† 5:9 Rom 3:13

Te augwaligo dwai sę emainu sininama,
te bage augwali dwai madi tula palomainao.
Te augwali nago gesabidide digibulu
sela sayao, magi baso meni,
augwaligo te nagede hagoma eyu,
tama te dwai sę hauwa ebao.

¹¹ Tiali goli, te nago tonalubo we bidi
augwali tigidali,
augwa wiegi yai homu pemene yao.
Augwa te bugai homu mu elama,
tama te wiegi yai homu pemene ebo
balia sesemane waiyaęo.
Nago augwali bugagia sesela sao.
Tama tiyu, te nage wei mu ebo
we bidi dabego nago nogi ugwaba saibao.
¹² Genuai Bidi, nago po wali pabo bidi
dabeba te nago wiegi yai nai mayu ebo da.
Awe, nago augwali geme dualiyu,
tama augwali bugagia mu tonalu ebo da,
te bidi te awago te seselaluyu,
te bugagia bidibo tiwai ebo dao.

Te Devitgo aęani balia po me deli dao.

**Te sęęę elalubo bidigo te Godiba gedu haluasa po
weyu, aga tau somainu yai**

6 Genuai Bidi, nago wado yabo homu elalubao,
tiali goli nago
enaba wado po me wagio.
Nago haliga sębę yali, tiali goli nago enaba
dene me magio. †
² God, nago te ena homu dene eyu,
te tau sabo kolesaga enaba yao.
Magi baso meni, ena bomu mu menibao.
God, nago ena usu ma ilao, magi baso meni,
eno bomu tigidali sia salio.
³ Eno haligade genuai sęęę mu elalubao.
Tiali goli, God, nago magi ebawe?
Nisu naga sogo enade
te haliga sęęę elalu bidimainuwe?
⁴ Genuai Bidi, nage begasa aselama,
ena usu ma ilagasao.
Awe, nage te olo mu tau sabo
wiegi yai kolesaga ebo bidi da,
tama tibaso, te ena isidali weyu, nago ena tau sao.
⁵ Magi baso meni, te isali bidi dabego
te nage homu kone me egobeo.
Te gų pagede te bidi me deligo
nago nogi ugwaba sobaso, te usu me egobeo.
⁶ Ena i udu udubadi genama,
tama ena bomu tigidali sia salio.
Tigidali sogo hulide te gedu gela giguai aįigo
te eno bet te gologo yai.
Eno gela umabo mu udali digi,
te eno tobolo ni het pilo

† 6:1 Tib 38:1

te gela giguai gologo mu yai dao.
⁷ Ena gela udali madigi tama eno gedu bo dali,
tama eno te nai dabe suabo
usu meni yai, magi baso meni,
eno boi bidi hauwa elalubao.

⁸ Dage te dwai kolesaga ebo bidi dabe, dage geda
sao.

Godigo eno gedu haluasa po odalio. ††

⁹ Eno Godiba i weyu, ena tau somainu yali,
tama agai eno i wabo odalio.

Agai eno gedu haluasa po wabo odali.

¹⁰ Te Godigo te boi bidi dabe aiyaba elaluama,
tama augwali te sęęę toliyu,
tama augwali hale mu yaibao.

Tama polo tama augwali ma geasa wi peyu,
augwali te noma siyu, umuna paibao.

Te sęęę elalubo bidigo gedu haluasa po wali

*Me sogo Devitgo te Kus paniabo homu sęęę elaluali,
te Benjamingo hani bidi me deligo, te po agaba wali,
tama tiyu agai te Genuai Bidiba gedu haluasa po wabo
balia po wali.*

7 Genuai Bidi, eno God da, ena nageba asiyu,
tama ena te boi bidi dabede geme duala saibao.

Nago ena tau sobaso,
te ena pobeasa asali bidi dabego
te augwaligo ena me eligobeo.

Nago ena ma sobaso, te ena me dolobeo.

² Tiyu, te ena augwaligo dolidalio,
te laiongo bidigo tigiwali togobo tiwai gilama idalio.
Tiyu, te augwaligo ena te gasaba me kekasa peyu,
tama ena ma sainu yabo bidi me deli meni yaibao.

³ Genuai Bidi, eno God da,
te eno dwai sę meba te tama eyu da,
te eno gasa bidiba dwai sę eyu,

⁴ tama eno ena abagi dali geagano bilibo sę eyu,
tama eno te ena boi bidi dolobo sę olo eyu ebaso da,

⁵ teda, nago te boi bidi dabego ena pobelama,
tama ena tola somainu yagameo.

Tama augwa ena ela muyu,
tama ena mu dolomainu yaibao.

Awe, eno tigi te tų daide olo elalumainao.

⁶ God, nago haliga sębę elama, te nage hogodama,
tama te boi bidi dabego dwai sębę eyu,
ena dali bomonama mu hwįbaso,
te nago augwali dwai dene ilao.

Ena God, te nago ena polo mu tau sao.

Magi baso meni, nago te doloba pai kolesaga naga
wei homu ebo dao.

⁷ Te tigidali we bidi nage paąa naga sisinama,
tama nago augwali tonalumainu yao.

⁸ Genuai Bidi, nago te tigidali we bidigo kolesaga
dagalubo da.

†† 6:8 Mat 7:23; Luk 13:27

Tama tiyu, nago ena te po tųde tau sao.
Magi baso meni, nago koneani,
eno dwai sę me ebeo, eno te wiegi yai
doloba pai kolesaga naga yai.
⁹ God, nage te doloba pai mu da.
Nago te tigidali bidigo haliga me
homu te dagalubo dao.
Tialima, nago te dwai sę ebo bidi dabego
dwai kolesaga ebo te tigidali silao.
Tama nago te wiegi yai bidi dabego
ebo dwagi yai kolesaga wei ponoa. †
¹⁰ God aga da, te ena tonalubo bidi da.
Agai te aga po wali pabo bidi dabe tau sabo dao.
¹¹ God te po tų dodolobo odobo wiegi yai jas bidi,
tama te doloba pai po tų ebo da.
Sesemane sogo agai te dwai bidi dabe aiyaba
elalueibao.
¹² Te dwai sę ebo bidi dabe te augwa
homu begeleyu, ge nesiąbaso da,
teda Godigo te aga bainat hwą dulaibao.
Tama te agai enesigi balibi dolama,
te hwjabo sisi elalueibao.
¹³ Agai augwali te sia dabo enego usu sali.
Agai te bidi dabe augwali ela muabo
ene dabe sisi yai elalubao.
¹⁴ Te dwai bidi suao, agai te gasa bidi dali
dwai sę yabo homu beasi elalubao.
Agai te tobage dwai sę yabo sisi elama,
tama te sesemane sogo tibo po wabo dao.
¹⁵ Agai tųde genuai tų dedage nigilama,
te gasa bidi aba tulalumainu yali, tiali goli aga digi
aga te nigali tų dedageba tulalubo dao.
¹⁶ Te tiwai naga aga te yali dwai sę
tiali aga pageba ma asobo dao.
Tama agai te gasa bidiba te wado me hwjyu ebogo
begelama, tama aga digi aga dolaibao.
¹⁷ God te doloba pai mu da,
tama tiyu, eno agaba usu da weyu,
gedu haluasa po waibao.
Tama te Ugwadu Mu Bidibo God nogi ugwaba sela-
ma,
te eno balia po dabe waibao.
Te Devitgo asęani balia po me deli dao.

**Te Godigo magi baso da we bidi dade homu kone ebo
dawe?**

8 Yawe, nage dago Genuai Bidi da, tama te tigidali
tų badu
te nago nogi te mu polalubao.
Nago genuai nogi dali, nago bomo dali si
te ugwanu mu elaluyu,
te dagalu aiyaba mu elalubao.

† 7:9 Ped 2:23

² Nago te wai dabe me te ogwa wegi sibi munama,
tama augwaligo nago nogi dali,
bomo dali si te ugwaba sabo dao.
Tebogo nago te nage dali boi homu
ebo bage augwali dwai hale iliyu,
tama augwaligo sagia sabo dao.
Te nago po sela sębo bage me
augwaligo po wabo tagaluyu, olo bidibo dao. ††
³ Te eno nago nogogo nigali dagalu subo sogo,
tama eno te poluaba me,
te tigidali hų te nago ugwade muani tonono ebo so-
go,
⁴ eno midigi siyu, tama homu ebo da,
'Da tųde bidi te magi nai,
tama nago dade homu kone ebo dawew?
Da te olo nai tiwai da.
Magi baso nago da te bugagia tonalubo dawew? †
⁵ Nago da nigilama, tama nago da
te nagaduba deli naga dologode bidimainu muani.
Nago da ugwaba siyu,
tama daba genuai nogi mabo dao.
⁶ Nago da sa muyu, te nago nigali nai tigidali
tonalumainu yai.
Nago te tigidali nai dago dologoba munama, elalubo
dao.
⁷ Awe, tigidali sipsip me, bulmakau me,
te buside elalubo tigidali hasa dabe me,
⁸ tama te ugwadu bola bilibo tigidali ba me,
tama te tamu aųde tigidali sųgų me,
tama te tamu aųde bilibo tigidali nai me.
Tigidali te da bidigo dologode bidibo dao.
⁹ God, nage dago Genuai Bidi da.
Te tigidali bulu habude te nago nogi te mu polalubao.

Te Devitgo asęani balia po me deli dao.

**Bidigo te Godigo doloba pai kolesagade te Godiba usu
da weyu, gedu haluasa po wali**

9 God, eno nageba usu da weyu,
gedu haluasa po mu obao.
Eno te we bidi augwaliba te nago
midigi sabo wiegi yai sę tigidali yali po waibao.

² Eno nageba homu koneama,
tama eno te wiegi yai homu
pemene ebo balia waibao.
Te Ugwade Bidibo God mu, te eno balia weyu,
nago nogi ugwaba saibao.
³ Te eno boi bidi dabego nage sulama, tama wi pai.
Augwali tulaluama, tama mu isalio.
⁴ Nage te jas tiwai te siade dulalu,
tama nago te doloba pai po tų ebao.
Nago eno kolesaga osola suyu, dagalali,
te nago suali, eno magi sę me deli ebeo.

⁵ Nago po odisiąwai bidi hani dabe,

†† 8:2 Mat 21:16 † 8:4 Jop 7:17-18; Tib 144:3; Hib 2:6-8

te Israel hani isąwai hani dabe, te nago po tų ilali.
Nago te dwai sę ebo bidi dolali,
tama te bidi mego augwaliba
te homu kone munu me ma egobeo,
augwa hani nogi mu miyą saibao.

⁶ Awe, te boi bidi dabe sesemane doludubadi usu
naniao.

God, nago te augwaligo hanu dabe dolama,
tama te mena bidi me deligo
te augwaliba homu kone ma egobeo.
Mu menio. †

⁷ Tiali goli, God te sesemane king bididubadi usu yai.
Agai te po tų yabo sisi yai dao.

⁸ Mu tama, agai te tųde we bidi tonalubo,
tama agai bomai po te doloba pai mu da.
Agai te tigidali we bidigo kolesaga
dagalubo sę te deli tigi poai sęgo naga dagalubo
dao.

⁹ God te bomai be me deli tiwai.
Te bidi dabe te boi bidide sęę sobaso,
augwa te agaba aselama, bidagasobo dao.
Te sęę sabo augwa te agaba pelama,
te geme dualalubo dao.

¹⁰ God, te nageba asobo we bidi
te nago augwali tudiba munu me mugobeo.
Tama tibaso, te nage koneani bidi dabego
da, te nageba konealubo homu daų mu wabo dao.

¹¹ Genuai Bidi God te Saion hanude king bidibao.
Dagego te aga nogi ugwaba siyu, te tęąbi waiyąo.
Tama dagego te tigidali Israel hani
isąwai bidiba po hanilama weyu,
te agai yali tigidali bomai sę po waiyąo.

¹² Magi baso meni, Godigo te dene
tolobo bidi homugo konebo da.
Tama agai te augwaligo gela wabo
te homugo me gegeda palugobeo.
Agai te augwaliba dwai dene mabo
bidi dabeba te dwai dene wei ponobo dao.

¹³ Genuai Bidi, nago enaba te olo mu
tau sabo wiegi yai kolesaga yao.
Te boi bidi dabego enaba
te dene me sęę mabo, te nago suao.

Te pąde ena isainu ebadi goli,
tiali goli nage asiyu, ena daų walao,
te ena bugagia bidimainogo tiaao.
¹⁴ Tama tiyu, eno te nago yali sę po tigidali weyu,
tama eno nago nogi ugwaba saibao.
Ena te Saion hanu sunumide dolalu,
tama te nago ena ma sali po weyu,
te wiegi yai homu pemene yaibao.

¹⁵ Te Genuai Bidigo po odisąbo Israel
hani isąwai bagego te tų dedage diginama,
te da kalabus emainu yali.
Tiali goli, augwa digi teba tulaluai.

Augwaligo te da tola somainu yabo bono
gągą geme muani, tiali goli,
te bono gągągo augwa digi ma tola sai.

¹⁶ Awe, te tama tebogo te God agai
kolesaga te bidi dabeba
te po tų ebo sogo ola mawai dao.
Te dwai sę ebo bidi dabego te gasa bidi dolabo sę
yai,

tiali goli te naigo begelama, te augwa digi ma dolai.
¹⁷ Te dwai bidi dabe, me te God tudiba mubo we bidi
hani dabe, te tigidali isimainu ebo dao.

¹⁸ Me ma, Godigo te magi doado bage
meni yai bidi dabe te sesemane sogo homu
kone palubo me tagalobeo.
Mu tama, Godigo te genuai sęę elalubo
bidi dabe tau siyu, te augwa konealubo homu
te odolali me tagalugobeo.

¹⁹ Genuai Bidi, nage asao.

Te tųde bidi dabego nage ela soyu,
te poligi soabo bidi dabe te nago me
gogolamuo.
Nago po odisąbo Israel hani isąwai bidi dabe
te nago po tųde augwali dodolama,
tama augwa kolesaga dagalamainao.

²⁰ Genuai Bidi, nago augwali dwai wi ilao.
Nago te we bidi dabe augwali gę nomainu ilao,
augwali te osogo bidibo tiwai konemainu ilao.

**Te Godigo te dwai sę ebo bagego kolesag dagala-
mainu eyu, bidigo gedu haluasa po wali**

10 O Genuai Bidi, magi baso nage digibulu
dolalubawe?

Magi baso te dwai sę daba
pedalubo sogo nago dade geme duala sobawe?

² Te dwai bidi dabego te hagoma eyu,
tama te magi doado bage
meni yai bidi dabe pobeasa biliyu,
te augwali dolainu ebo da.

Augwa te gasa bidi dabe kalabus ilainu,
te nigali tų dedageba te augwa digi teba
tulolumainao.

³ Te dwai sę ebo bidigo te aga ebo
dwai homu kolesagade hagoma homu eyu ebo dao.
Tama te hauwa nai wei eyu, pesa ebo bidigo agai
te Godiba dwai po weyu,
tama aga tudiba mudu gebo dao.

⁴ Te hagoma ebo bidigo te tama po wabo da,
“Eno koneani, Godigo eno ebo dwai sę wei ponobeo.
Agai enade magi homu me egobeo.”

Te dwai sę ebo bidigo te tama homu eyu,
agai te Godigo ebo kolesaga wali pabo menio.

⁵ Te agai yali sę tigidali, te wiegi yai pedalubo dao.
Agai te Godigo po tų yabode
te homu kone dwasianu me ebeo.

Agai te boi bidi dabeba
te posobo po weyu ebo dao.

† 9:6 1 Ko 15:27; Ef 1:22; Hib 2:8

⁶ Agai te aga homude kone palama, tama te po weyu,
“Ena bomonama dolalubo da,” po wai.
“Te magi nai me deligo ena dwasianu me degelegob-
eo.
Te enade seęę me gegogobeo,” te po wabo dao.
⁷ Te sesemane sogo agai te gasa bidi dolomainu,
agai te i ola mabo po wabo dao,
tama tibo po me, te gasa bidi
wi ilibo po me weyu ebo dao.
Polo tama agai te dwai seę ebo kolesaga me,
te haniani seę yabo po mibo seę ebo dao. †

⁸ Te bidi te bidibo be nani pesage
tomode geme dulaluyu,
tama te dwai seę isąwai bidi dabe asobo tonaluama,
tama augwali ela mubo dao.
Aga te geme dulaluyu,
tama te bomo meni yai bidi dolainu tonalubo dao.
⁹ Aga te geme duala selama, tonalu,
te laion me deligo aga tę dedage
tomode tonalubo tiwai ebo dao.
Aga te geme duala selama,
te bomo meni yai bidi tola sainu tonalubo dao.
Agai te aga bono gągą haliga gebelama,
tama aga kegasa pabo dao.

¹⁰ Te dwai seę isiąwai bidi dabe
mu dolama, tama pila mudali.
Te dwai bidigo genuai bomogo
te augwali aiyaba elalubo dao.
¹¹ Te dwai seę ebo bidigo te tama homu ebao,
“Godigo te seę ebode magi seę me egobe da,”
homu ebao. “Agai ena me sugobeo.
Agai te aga gedu panianio,”
dwai bidigo te tama homu ebo dao.

¹² Genuai Bidi, holalua, nago aga elao.
O God, nago te seęę tolobo bidi dabede
homu kone ebo me tagalugio.
¹³ Te dwai seę ebo bidigo te God
tudiba muani, tama aga homude
te tama homu ebo dao,
“Agai te eno dwai seę ebo wei ponogobe da,” wabo.
Magi baso agai te tama po wabo dawew?
¹⁴ Tiali goli, menio.
God, nago te dwai seę ebo bidi dabego
kolesaga subo dao.
Tama da gasa we bidi dabeba te seęę me dene mabo,
te nago koneani,
tama nago da tau sainu sisi yai.
Te bomo meni yai bidi aga digi
te nage nogoba muani,
magi baso meni, te sesemane sogo
nago te magi nai meni yai bidi
tau sabo dao.
¹⁵ Nago te dwai seę ebo bidi dabego
bomo silao.

Nago te augwa yali dwai kolesaga
deli deli wei ponama,
tama mu usu nao.
¹⁶ Te Genuai Bidi te sesemane sogo
te king bidada peyu, bidada paibao.
Agai te aga po odisąbo Israel hani
isąwai bidi dabe
te aga tęde ela gudulama,
tama augwali tede mu me bidigobeo.

¹⁷ God, te nage dologoba
asobo we bidigo usu da weyu,
gedu haluasa po wabo te nago odao,
tama nago augwali homu daę walao.

¹⁸ Te nago te tiana wai dabe me,
te haliga seęę elalubo bidi dabego me, te augwaligo
gela wabo nago odobo dao.
Te nago augwali tau selama,
te augwa po tęde te gasa bidi aiyaba elaluama,
buluba dią soaibao.
Tama tiyu, te dwai seę ebo bidi dabego
te augwali wi ma ilibaso, te usu me egobeo.
Te dwai seę ebo bage augwali te tęde
osogo bidabo bage naga dao.

Te Devitgo asęani balia po me deli dao.

Bidigo konealubo po God dali daę wai

11 Eno konealubo po mu daę wali,
Genuai Bidigo ena tonaluaibao.
Abagi dede, dage kolesaga isąyu,
dagego enabolo te po wali,
“Nage bulu duba wi pao,
te ba me deli wi ebaso, polo pabo tiwai yao.
² Magi baso meni,
dwai bidi dabe augwaligo ene selama,
te balibiba tulama, nage enainu, te kegebao.
Augwali te hulua sai bulude geme dualama,
tama te dwagi yai bidi dabe enainu te ebao.
³ Tama tibaso, te we bidi dabe
augwaligo te bomai po dologode
bidibo kolesaga tagaliyu da,
teda dwagi yai kolesaga ebo bidi
aga mena tama tegowe?”
Dagego enabolo te po wali.

⁴ Genuai Bidi God aga dwagi yai bede bidibo.
Tama aga dagalude genuai tuni bidi bidiyu,
tama agai gedugo tigidali bidi subo dao.
Tama augwaligo tigidali seę ebo agai osola subo dao.
⁵ Genuai Bidigo dwagi yai bidi dali,
dwai bidi dali osola subo dao.
Agai bomo yai po sela sąbo
te bidi agai hagela mu ebo dao.
Te bagego gasa we bidi elebo kolesaga ebo dao.

⁶ Agai dwai kolesaga ebo bidibolo
posolo yai sia ugwadu aiyaba gelebo dao.

† 10:7 Rom 3:14

Tama te posologo augwali mu dene sabo dao.
Te augwaligo dwai sę ebaso, dene somainogo tiwai.
⁷ Genuai Bidi aga dwagi yai dolo mu dao.
Tama agai te dwagi yai kolesaga ebo
we bidi godolo mu ebo dao.
Bidi augwaligo agai
po wali pabo bidigo aga gesabidi sueibao.

Te Devitgo asęani balia po me deli dao.

**Te gedu haluasa po wabo bidi da, te Godigo aga tau
saibao**

12 God, nago da tau sao.
Te wiegi yai bidi deli me bidibo menio.
Te doloba pai bidi dabe subo me usugobeo.
² Te tigidali bidigo te gasa bidi dabeba
tibo po wabo da.
Te homu bega sabo pogo augwali
te geagano bilibo tiwai ebo dao.
³ Genuai Bidi, nago te homu bega sabo
po wabo bidi dabe pedauwali paniama,
tama te hagoma ebo bidi dabe
pedauwali me paniao.
⁴ Te bidi dabego te tama po wai,
"Te dena digi dena homugo po waibao," wai.
"Te mena bidi mego da me paligobeo," wali.
"Dego da tonalubo dawę?"
⁵ Tiali goli, Genuai Bidigo te tama po wai,
"Te megi da, ena asaibao, magi baso meni,
te magi doado bage meni yai bidi dabe te bidi
dabego aiyaba elalui.
Tama te dene me sęęę tolali bidi dabe,
te augwaligo gela udali.
Te eno augwali te bugagia bidabo
te augwa sainu tonaluali madi, teba muaibao," wali.
⁶ Godigo daę walali po te mu po naga dao.
Agai po te wiegi yai mu,
te wiegi yai kapa silva tiwai dao,
tama te silva augwaligo te a naga olama,
nogo me badu si,
te tama sogo siaba ulama, te dwasianu meda
mu meni yai tiwai mu dao.
⁷ Genuai Bidi, da bugagia tonaluo.
Te sesemane sogo da bugagia tonaluo,
te tobage bidi dabego da dolomainu me egobeo.
⁸ Te dwai sę ebo bidi dabe
te tigidali habu badu bilalubao.
Tama tigidali we bidigo te dwai sę ebo kolesaga
te wiegi yai nai da homu ebo dao.

Te Devitgo asęani balia po me deli dao.

**Te Godigo aga tau somainu eyu, bidigo gedu haluasa
po obao**

13 Genuai Bidi, nisu naga sogo nago te enade
homu kone ebo tagalubawe?
Te bidada pabo sesemane sogo usu nama, agawe?
Nisu naga sogo mu nago ena sula tagalobawe?
² Te nisu naga sogo ena te dene tolomainu ebawe?
Te nisu naga sogo ulade me hulide
te eno haliga sęęę elaluaibawe?
Nisu naga sogo ena te boi bidi dabe
dologode bididuaibawe?
³ Genuai Bidi, nage eno God da.
Nago enade homu koneama,
te eno gedu haluasa po wabo odao.
Te ena isidali weyu, nago ena daę ma walao.
⁴ Tama tialima, te boi bidi dabego
te enade po me wasięwaibao,
"Dago aga aiyaba elaluali," te kęęę po me wagobeo.
Tama augwaligo ena tulalubaso,
te wiegi yai homu pemene me idali weyu obao.
⁵ Tiali goli, ena da, eno te nago ena
sesemane godolo ebo kolesagade
eno homugo daę walai dao.
Tama eno wiegi yai homu pemene nageba ebao,
magi baso meni, te nago ena tau saibao.
⁶ Awe, Genuai Bidi, te eno nago nogi ugwaba sabo
balia po waibao. Magi baso meni, nago enaba
wiegi yai sę mu yai dao.

Te Devitgo asęani balia po me deli dao.

Dwai kolesaga ebo bidi dabede elalubo po

14 Kolesaga meni yai dwai sę ebo bidi dabe
augwa hasi te po wabo dao,
"God bidibo menio," wabo dao.
Te bidi dabe augwali te dwai bidi dao.
Augwaligo dwai kolesaga mu naga ebo dao.
Bidi me deligo dwagi yai kolesaga me ebo menio.
² Genuai Bidi dagalude bidiyu,
tama agai tęde bidibo we bidi aiyaba tonalubo dao.
Agai te kolesaga koneai bidi me deli gegeyu,
te God gegebo sę ebowe naga suainu tebo dao.
³ Tialima, menio. Tigidali augwaligo dwagi yai tų
wali pabo tagalai.
Tigidali tiwai naga yai,
augwali dwai bidi mu pedelai dao.
Tama augwali me deligo dwagi yai kolesaga me ebeo.
Mu menio. †
⁴ Genuai Bidigo te po wai, "Te bidi dabe augwaligo
dwai kolesaga yai,
augwaligo homu kolesaga meni, agawe?
Augwaligo te eno we bidi dabe ela silibao,
te augwaligo te bret tubo tiwai gilama te mu silibao.
Tama augwaligo enaba gedu haluasa
po wabo menio," wali.

† 14:3 Rom 3:10-12

⁵ Tialima, te bidi dabe augwali wi mu yaibao.
Magi basowe, God aga te agai
po wali pabo bidi dabe augwali dali bidibao.
⁶ Te dwai sę ebo bage augwaligo
te nai meni yai bidi dabego yainogo ebo sę dali
gisugu mabo dao.
Tiali goli, Genuai Bidigo te nai meni yai bidi dabe
augwali bugagia tonalubo dao.

⁷ Eno homugo Genuai Bidigo Saion bulu bidi me deli
tagala palama,
Israel we bidi ma somainogo te homu ebao.
Nosali Genuai Bidigo aga hani bidi tau selama,
tama augwali bugagia ma bidimainogo yaibao,
tialima, Israel hani augwali homu dwagi yai emaino-
go.
Ao. Te Jekop aga hani bage augwaligo
dwagi yai homu mu yaibao.

Te Devitgo asęani balia po me deli dao.

Godigo godolo yabo kolesaga dago emainogo yai

15 Genuai Bidi, de nago dwagi yai bede bidibo
usugowe?
De nago te dwagi yai bulu du Saionde duagawe?

² Bidigo God agai homu kolesaga
tigidali wali painogo ebo bidi,
tama sesemane sogo doloba pai kolesaga naga eyu,
tama tigidali sogo mu po naga weyu ebo bidi,
aga te Genuai Bidigo bede bidibo usu yaibao.
³ Agai gasa bidigo nogi doliyu,
wialubo po wasiębo bidi,
tama abagi dabe augwali dali dwai sę isęma,
tama agai te sabilibo po
gasa bidi dabe dali me wasięwai bidi dao.
⁴ Agai Godigo te tudiba muani bidi dabe
augwali godolo isięma,
tama agai Godigo po wali pabo bidi
dabego nogi ugwaba sabo dao.
Tama agai te Godigo gedude eno
te sę yaibao po obaso da,
teda agai te po usu naibao.
Ma, tebogo te sęę agaba mobaso da,
tagalao, agai te daę walali po togogobeo.
⁵ Tama te agade negeli sali bidigo
te negeli wei ponobo sogo,
agai te giguai mone ma ugwadu
daganobo mone mao olama, agai sogobeo.
Te gasa bidi dabego te dwai sę isięwai bidi me
deli dali po tų yainogo eyu,
tama augwaligo homu augwaligo
te doloba pai bidibolo mone meba geme menama,
tama agai te po tų ebode
te tibo po kisilibo po waibao.
Tiali goli, agai te mone selama,
agai te tibo po kisilibo po wagobeo.

Bidigo te dwagi yai kolesaga ebo
wali pabo bidi aga tulalugobeo.

Te Devitgo asęani balia po me deli dao.

**Bidigo konealubo po daę olama, God dali gedu halu-
asa po wai**

16 God, nago ena tonalua.
Magi baso meni, eno te nago
ena bugagia tonalueibao homu eyu,
tama ena nage dologoba bidagasobo dao.
² Eno Genuai Bidi Godibolo te po wai,
"Nage eno genuai bidi dao.
Tigidali dwagi yai nai eno tolalubo,
te nai nago naga mabo nai dao," wali.

³ Augwaligo konealubo homu Godiba
naga daę wali we bidi, augwali e tęde bididubadi,
augwali te tedali gasagi yai we bidi hani dao.
Eno dwagi yai homu mu elama,
augwali dali bidaio homu ebo dao.

⁴ Tibo po wabo god pageba painogo udabo we bidi,
augwali sęę hauwa saibao.
Ena augwali dali deliba sisinama,
te tibo godibolo nai ula mabo ofa sę egobeo,
tama eno augwaligo te tibo godiba lotu po wagobeo.

⁵ God, nage deli eno God mu,
tama eno gasa nai me menio.
Tama nago eno sęą pali nai tigidali ena mawai.
Eno bidibo ula nago tolalubo dao.
⁶ Eno dwagi yai nai tigidali nage dali naga olo sai.
Mu tama, te nai dabe dwagi yai mu dao.
⁷ Eno Genuai Bidigo nogi ugwaba sobao, magi ba-
sowe,
agai ena bugagia dodolobo dao.
Tama hulide eno homu kolesagago
te dwagi yai tų enabolo ola mabo dao.
⁸ Sesemane sogo eno homugo konebo,
Genuai Bidi ena pęde bidibao, te eno dolo nogo
badu,
tama magi nai mego ena me degelegobeo.

⁹ Tama tibaso, eno homu dwagi yai eyu,
tama eno po wabo mobo dwagi yai homu ebo dao.
Tama eno magi nai me dali wi ebo menio.
¹⁰ Magi baso meni, nago ena
te isai bidigo bulude bidimainu tagala palogobeo.
Tama nago naga tedali gasagi yai bidi
aga te gų pagede damua pomainao wagobeo. †
¹¹ Nago digi ena te bidibo ula te tų ola mawai.
Nage ena dali pęde bidibaso, nago
te eno dwagi yai homu mu ebo dao.
Tama nago ena sesemane bidada pabo sogo tau
sabo,
eno dwagi yai homu mu ebo dao. ††

† 16:10 Tpi 13:35 †† 16:11 Tpi 2:25-28

Te Devitgo ašęani balia po me deli dao.

Dwai sę isąwani bidigo gedu haluasa po wai

- 17** Genuai Bidi God, nago eno gedu haluasa i wabo po odao.
Ena bugagia dolo bilai, tama eno te po sela aselama nagebolo obao.
Eno tibo po olama, gedu haluasa po wabe, tama nago eno te gedu haluasa po wabo odao.
² Nago ena tau selama, tama eno po tų ebo aiyaba elaluao.
Magi basowe, nago koneai, mena kolesaga dwagi yai ebo.
³ Nago eno homude koneai.
Nago ena hulide me suagasai, tama nago ena usu sai, tama nago eno homu kolesaga dwai elalubo nago me subeo.
⁴ Eno dwai po bidi mebago wabo po tiwai wabo me-nio.
Eno nago po bomo elama daų weyu, tama eno te wado po weyu, hwjbo po wabo kolesaga tudiba muai.
⁵ Eno sesemane sogo nago kolesaga wali peyu, tama eno saęą dwasianu me geda mubeo.
⁶ God, eno nagebolo gedu haluasa po wabo dao.
Magi baso meni, nago eno gedu haluasa po wei ponobo dao.
Nago olo eno gedu haluasa po wabo digi munama, odao.
⁷ God, nago dabolo dwagi yai homu elama, olo mu tau sabo genuai kolesaga ola mayu, tama ena tau sao.
Da nage dali pađe bidiyu, tama boi bidi augwaligo da suidali weyu duala sai.
⁸ Ena tonaluao, nago naga gedu tonalubo tiwai ena tonaluao.
Ena nago bugagia mu dualao, te ba kakaruk aga wai dabe bogogo mesega sabo tiwai ilama yao.
⁹ Tama dwai bidi dabe augwaligo ena dologobeo.
Augwaligo ena dali boi bidi mu elama, tama augwaligo ena bobegelebao.
¹⁰ Augwaligo gasa bidi dali homu dene eyu, olo me tau sabeo.
Augwaligo genuai po daęą weyu, tama augwa nogi naga ugwaba sabo dao.
¹¹ Augwaligo ena pobeasa biliyu, tama megi augwaligo ena bobegelebao.
Augwaligo ena aiyaba elaluainogo bodolu munama, tonalubo dao.
¹² Augwali te laiongo hasa elainogo ebo tiwai, tama te bomai laion duala sela tonalubo tiwai ebo dao.

- ¹³ Genuai Bidi, nage aselama, eno boi bidi dali hwjnama, augwali aiyaba elaluao.
Nago bobobage hwągo augwali dali hwjnama, tama ena dwai sę ebo bidi dabego nogode ma sao.
¹⁴ Mu tama, Genuai Bidi, nago bomogo ena tau siyu, tama bidi dabe augwaligo ena siligobeo.
Ena te tųde nai naga sisinibo bidi dabe augwaligo nogode ma sao.
Nago te dwai sę ebo bidi dabego kolesaga wei ponainogo sisi yai, tialima megi augwalibolo te sę yao.
Tama augwaligo wai dabe dali me tiwai, tama augwaligo wąj dabe nosali pedalubode me tama naga tiwai sę yao.
¹⁵ Tialima, ena da, eno augwalide dwai sę me deli isąma, tama nosali eno nage mu sueibao.
Nosali ena piali tagalama, ena hodaluama, tama nage ena dali bidibo sulama, ena dwagi yai homu mu yaibao.

Te Devitgo ašęani balia po me deli dao. Me sogo Genuai Bidi Godigo te Devit te Sol dali, gasa boi bidi dali augwaligo nogode ma sali sogo, te sogo Devitgo e balia po Genuai Bidibolo wai.

Te Godigo Devit tau sobaso, agai aga boi bidi dabe aiyaba elalualai

- 18** God, eno nage wei mu ebao.
Nago ena daų walai.
² Genuai Bidi agai ena tau sabo da.
Aga te eno bomai obo tiwai da.
Genuai Bidigo ena tonalubaso, tama te boi bidi dabego ena me dologobeo.
Genuai Bidi te hwjbo sabele tiwai elama, tama ena geme seselalubo.
Agai te ena ma selama, tama ena tonaluabo bomo elalubo dao.
³ Dago te Genuai Bidigo nogi ugwaba sao.
Eno agaba gedu haluasa po weyu, usu da obaso, te agai ena tau selama, tama te boi bidi dabego dolainu yali usu ebeo.
⁴ Te pađe ena isainu yai, tama te bonogo ena bomonama kęnani tiwai yali.
Te dwai sę ebo bidi dabego enaba bomonama hwjani, tama augwali te genuai tamu aį sigo ena mesegelibo tiwai yali.
⁵ Te pađe ena isainu yali, te bonogo ena bomonama kęnani tiwai yali.
Te gų pagego ena dalainu tonaluai.
⁶ Ena haliga sęęę dwai ebaso, tama eno Godiba i wai.
Eno gedu haluasa po te ena Godiba weyu, te agai ena tau somainu yai.

Aga te aga wiegi yai be mude bidiyu, tama eno po odali.
Te eno gedu haluasa po wabo te agai oloba pedelali.

7 Tialima, megi da, Genuai Bidigo wado po elalubao.
Tama agai te tų mali mu ilali.
Tama te bulu du page dabe te mumunu ela silali.

8 Te hano aga gunide pedelali.
Tama aga pedauwalide dabo siago
te doado bage hauwa ulali.

9 Agai te pų dabe sela sęnama, tama aga aiyaba dulali.
Tama husugu yai pų te aga sęę dologode elaluali.

10 Aga te ensel dabe daide ugwadu dugulasa,
tama bola asai.
Te bogo te ba dabego bogo tiwai elalubao,
tama te God auwęsa polo mu asaibao.

11 Aga digi aga te hulialo sigo halualo.
Aga te tulubage umabo mu elalubo
husugu yai pų tomoba dualo sai.

12 Te pųde be sele eyu, tama te bogoli mu elama,
te agaba kisa sigi pali.
Tama sia me talua ge tulubagego te husugu pų aluama,
tama aiyaba dulai dao.

13 Tama Genuai Bidigo te dagalude bomonama mu
i weyu, te pų kulukulu wabo tiwai yali.
Tama te bidi dabego te Ugwade Mu Bidibo Godigo
i wabo odali.

14 Agai te be selego te bidi dabeba ula enani,
te bidigo te boi bidi dabe
te enego enebo tiwai ebaso.

15 Genuai Bidi, nago te dwai sę ebo bidi dabeba
wado ebo sogo,
te bomai waligo augwali degelibo tiwai ebaso.
Tama te tamu ę dologode tigidali tų
te bulu ulaba hania pedelali, tama te tų page me
te hania pedelalio.

16 Genuai Bidi te dagalude bidiyu,
tama agai nogo te aiyaba muyu, tama ena tola sali.
Ena te ayanu mu yai węde
te hagawainu ebo bidi tiwai ebadi,
tama Godigo ena ma salio.

17 Agai ena te boi bidi dabego bomai nogode me,
te ena wei isiębo bidi dabego nogode ma salio.
Te bidi dabe augwaligo bomogo
te eno bomo aiyaba elalualo dao.

18 Polobadu, te dwai sęgo ena gegelama,
tama augwaligo enaba hwęęasali.
Tialo goli tagala, te Godigo ena tonalualo.

19 Agai ena tonalubaso,
tama eno te boi bidi dabe tagalali.
Agai ena wei mu elama,
tama agai ena ma sai dao.

20 Eno te doloba pai kolesaga wali pobaso,
tama Godigo wiegi yai sę enaba bugagia yai.
Eno dwai me deli ebeo,

tama tiyu, Godigo wiegi yai sę enaba mawai dao.

21 Magi baso meni, eno te Genuai
Bidigo bomai po bugagia wali pai.
Eno dwai sę me isięma, tama ena God tudiba me
mubeo.

22 Eno te agai doloba pai bomai po
te sesemane homu kone paliyu,
tama eno agai po tudiba me mabeo.

23 Te magi dwai sę me deli isiębo te agai koneani,
tama eno te magi nai me delide magi sę me ebeo.

24 Tama tiyu, Godigo te eno doloba pai
kolesagade homu koneama,
tama agai ena bugagia mu tonalualo.
Magi baso meni, agai koneani,
te eno magi sę me isięwai.

25 Te bidigo nage wali mu asobaso da,
teda nago te nago po dolo wali pelama,
tama nago aga tonalubo dao.
Te bidi dolasa biliyu, tama te magi naide
te magi me deli isiębaso, nago agade te wiegi yai
homu ebo dao.

26 Te bidi me deligo te meda mu
meni yai kolesaga ebaso da,
teda nago me agaba te wiegi yai kolesaga ola mabo
da.
Tialo goli, te bidigo dwai kolesaga wali pobaso da,
teda nago agaba te dwai kolesaga wei ponobo dao.

27 Nago te augwa digi te haliga
aiyaba elalubo we bidi dabe augwali te ma sabo da.
Tialo goli, nago te augwa digi
augwa nogi ugwaba sabo we bidi
te aiyaba elalualo.

28 Te enade digi te Genuai Bidigo ula elalubao.
Awe, tama ena Godigo te enade
hulia sai elalubo te sela sębo dao.

29 Godigo te boi bidi dabe dali
hwębo bomo te enaba mawai.
Tama agai enabolo te augwaligo
seselalubo nai dabe dolobo
te genuai bomo mawai dao.

30 Te God da, agai kolesaga te wiegi yai mu elama,
tama dolo mu elalubao.
Te Godigo te magi nai me delide po dę obaso da,
teda agai po te mu po naga wabo waibao.
Te agaba pabo bidi tigidali te agai bugagia tonalu,
tama te boi bidi dabede geme dualalubo da.

31 Genuai Bidi naga te God mu da.
Agaduba deli naga te dago boma pai obo dao.

32 Agai naga ena dę walama, tama ena bilibo sogode
te bugagia tonalubo dao.

33 Agai ena te bulu uni kibu hasa
bugagia bilimainu ebo tiwai eyu,
tama ena te bulu du dabede bidibo sogo
agai ena tau sabo dao,
tama ena tulalu me ebo meni. †

³⁴ Agai enabolo te hwjbo ola mawai,
tama eno te bomai kapago nigai enesigi kegebaso,
usu yaibao.
³⁵ Genuai Bidi, nago ena tonaluama,
tama ena ma dobola sabo dao.
Awe, nago dolo nogogo bomogo ena tau sabo dao.
Nago ena tau selama, tama ena te we bidi dabego
gedude genuai nogi elalubao.
³⁶ Nago te eno sunumide tonalubaso,
tama te boi bidi dabego ena pageabi eyu,
te ena me tola sabeo.
Tama eno saęą te me kikila pişama,
tama ena me tula mubeo.
³⁷ Eno te boi bidi dabe pobelama,
te augwali tola sali.
Tama eno augwali polo me tagala palobeo.
Menio. Eno hwjnama, te augwali aiyaba elaluyu yai.
³⁸ Eno te enego augwali enama,
tama augwali te ma hodaluainu
ebaso, te usu meni yai.
Augwali te isilama, tama te eno saęą pąde pila mubo
tiwai yai dao.
³⁹ Naga digi nago ena te boi bidi dabe
dali hwjbo bomomo daę walai.
Naga digi nago ena tau selama,
tama eno augwali aiyaba elaluai.
⁴⁰ Nago te boi bidi dabe tudi ola momainu ebaso,
tama enade wi pai.
Te enaba boi bidi yali bidi dabe
te eno augwali ela muani.
⁴¹ Te augwali bidi me deli tau somainu te i wali,
tiali goli dego augwali tau saibawe?
Te me deli meni yai.
Augwaligo te Godiba i wali, tiali goli agai augwaligo
te gela wabo me odobeo.
⁴² Eno augwali mu dolama,
tama augwali te waligo sela holobo tę hogomu
tiwai pedelali.
Eno te boi bidi dabe elaluama,
eno te sunumide agabo pu tiwai gagawai dao.

⁴³ Nago ena tau siyu,
tama te hagoma ebo bidi dabego ena dolomainu
me ebeo.
Nago ena te we bidi hani dabego
king pedalumainu ilali.
Te eno konesiąwai we bidi augwali, te augwali asela-
ma,
tama eno seę yagasai.
⁴⁴ Augwaligo eno po odolama,
tama polo tama augwaligo wali pabo dao.
Te digibulu bulu bidi dabego
kidu sugunagasiyu, gagamu ebo dao.
⁴⁵ Te augwaligo haliga nagamea pelama,
tama augwali didibili elama,
tama augwa bomai obo tomode bidali tagalama,
tama augwali ena dologoba bidagasobo dao.

⁴⁶ Genuai Bidi bididubadi gebao.
Agai ena sesemane sogo bugagia seselalubo dao,
te moni dobo dwai masigi tiwaigo ena
mesegalobo dao.
Tama tiyu, eno agai nogi ugwaba sabo da.
God da, te ena tau sabo bidi da.
Tama tiyu, eno agai genuai nogi ugwaba sobao.
⁴⁷ Agai naga ena tau selama,
tama eno te boi bidi dabe aiyaba elalubo dao.
Tama agai deligo naga te haniani we bidi hani dabe
ena dologoba mubo dao.
⁴⁸ Genuai Bidi, naga digi ena tau selama,
tama te boi bidi dabego ena me dolobeo.
Mu tama, Genuai Bidi, nago naga
ena te hwjbode tau selama,
tama eno te boi bidi dabe
aiyaba elaluai.
Nago ena tau siyu, tama te hwjbo bidi dabego
ena me ela mubeo.
⁴⁹ Tama tiyu, te haniani tęde bidibo
we bidi hani dabe tomode
eno nago nogi ugwaba siyu,
tama eno nago nogi ugwaba sabo balia po waibao. †
⁵⁰ Genuai Bidigo ena Devit sa munama,
tama ena te king bidibao.
Tama agai eno te hwjbode
sesemane sogo te boi bidi dabe
aiyaba elalumainu ilali.
Agai ena godolo mu elama, tama te eno waj nęę,
te nosali pedalubo bagede me, te tama tiaibao.
Agai te da godolo mu ebo kolesaga munu me siligob-
eo.

Te Devitgo asęani balia po me deli dao.

Godigo nigali tigidali naigo aga genuai nogi dabolo ola
mabo dao

19 Dagalugo dabolo ola mabo dao,
God agai bomomo dali,
genuai nogi dali si mu elalubao.
Awe, tigidali nai dagalu ugwadu
elalubo naigo dabolo te Godigo digi augwali nigai,
te hania ola mabo dao.
² Tigidali bidibo sogo te nai dabego po
naga hanilama, po wabo dao.
Tama tigidali be hulibo sogo,
augwaligo dabolo te po ma wabo dao.
³ Ulade me, be hulide dali,
te dagalude elalubo nai dabego
pedauwali meni yai dao,
tama tiyu, po me wagobeo.
Dago te ulade me hulide dali
te nai dabego dogonide
po me wabo dago odobo menio.
⁴ Tiali goli, ulade me, hulide me,
te nai dabego da tigidali tęde we bidi
te Godigo bomomo dali,

† 18:49 Rom 15:9

genuai nogi dali si ola mabo dao.
Tama augwaligo po tigidali
buluba pelama, usu mu ebo dao.

Tama dagalude Godigo giligago
ugwa be me deli sę yai tiwai elalubao. †
5 Siago buluba teda soai, te bidi we siyu,
dwagi yai ebo gilama,
tama aga bidibo be tagalama, buluba teda soai.
Giligago aga dwagi yai homu eyu,
aga pabo tų wali pabo dao,
te bidi udawainogo sisi elama,
dolalubo tiwai ebo dao.

6 Sia ge pedalobo te dagalu sesege badu pedalobo
dao,
tama gasa badu pabo dao,
tama magi nai me agai posolo ebo
digi me duala sogobeo.

7 Genuai Bidi Godigo bomo yai po
te tigidali dolo mu naga ebo dao,
tama dabolo bidibo bomo yai ula mabo dao.
Genuai Bidi God agai pode dago bomo yai
homu agabolo daų olama, muyu da,
te usu mu yaibao.

Te pogo dwagi yai homu kolesaga
agai po kuna konesiąwani bidi polo agai mabo dao.

8 Genuai Bidigo dabolo dwagi yai po mu ola mabo
dao.

Te pogo dago homu kolesaga
dwagi yai pemene mu ebo dao.
Genuai Bidigo tama tiao wabo po te dwagi yai mu
dao,
tama dabolo dwagi yai koneabo homu kolesaga
mabo dao.

9 Bidigo Genuai Bidide wi eyu,
aga dologode bidibo bidi,
agai dwagi yai meda isiąwai kolesaga mu ebo dao.
Tama te kolesaga sesemane sogo
elalua peyu, mu elalua paibao.

Genuai Bidi Godigo dago yabo
kolesaga po tigidali wabo dao,
tama te mu po tigidali dolo mu ebo dao.

10 Te tobage pogo te wiegi yai nai go te aiyaba elaluai,
awe, te meda isiąwai te gol,
te me te pogo aiyaba mu elaluai,
tama dago agai te po mu godolo yao.

Genuai Bidi God agai bomo yai po te pusu mu yai,
tama te megego pusu ebo aiyaba elaluai.
Agai te dwagi yai pusu mu ebo mege
ąj tubo te aiyaba mu elaluai dao.

11 Nago bomo yai pogo naga sę bidi
eno koneabo homu kolesaga mabo dao.
Eno nago bomai po wali pobaso,
tama nago ena dulalubo digi dwagi yai ilibo da.

12 Tialima, niwai bidigo aga yali dwai sę koneaibawe?

† 19:4 Rom 10:18

Eno dwai sę meba yali te eno kuna konebeo,
tama nago eno te dualai dwai sę yali
peą sałama, ma sela saųao.

13 Ena nago sę bidi dao,
nago ena bugagia tonalua,
tama eno hagoma homu eyu, nago po sela saųu,
dwai sę ma idali weyu yao.
Nago eno dwai kolesaga ebo nago sulama tonalugio.
Tama tiyu, ena dolo bugagia bidiyu,
eno dwai sę genuai me egobeo.

14 Genuai Bidi, eno homugo eno po dali,
eno homu kolesaga dali,
te nago gedude usu emainogo te homu yai.
Genuai Bidi, nage bidibo digi ena duala selama,
tama nago ena tau siyu, ma dobola sabo bidi dao.

Te Devitgo asęani balia po me deli dao.

**Te gedu haluasa po wabo bidi te Godigo aga tau siyu,
te boi bidi aiyaba elaluaibao**

*Devit, te Genuai Bidigo sę bidi, agai te balia po asęani.
Agai te po Godiba wali te ula te bubugade Godigo aga
tau selama, tama te boi bidigo aga aiyaba me
elalusiąyu, tama te Solgo aga me dolobeo. Te po ola-
ma, te balia asęai dao.*

20 Dago king bidio, eno homugo
te nage haliga sęęę ebo sogo,
te Genuai Bidigo nage tau somainu yao.
Mu tama, te Jekopgo Godigo nage seselaluaibao.
Awe, agai nogigo bomogo tama tiao.

2 Aga te aga wiegi yai be mu te Saionde bidibao,
tama agai nage tau selama,
tama nage daų walomainu yao.

3 Agai te nago ofa tigidaliba homu koneama,
tama agai te nago tigidali
te siaba ulubo ofa te wei elama, godolo yao.

4 Eno homugo Godigo te nago wei ebo nai
tigidali momainu yao.

Tama nago yainu homu yali sę tigidali
te agai nage tau sobaso,
tama nago te sę ebo usu yaibao.

5 Tama nosali nago te hwjani aiyaba elalubaso da,
teda dago nago te yalide
wiegi yai homu pemene eyu, bomonama i waibao.

Tama dago te homu koneama,
tama dili buduama, tama dago

dobuali balia po weyu,
dena Godigo nogi ugwaba saibao.

Dago homugo te Genuai Bidigo
nago te gedu haluasa po wabo po tigidali odaibao.
Te kingo te po wei ponani po wali.

6 Megi da, eno koneanio,
Genuai Bidigo ena tau sabo da, te king aga digi sa
muani.

Aga te aga wiegi yai tedali bulu dagalude bidibao,
tama agai eno gedu haluasa po wabo odobo dao.
Te agai bomode digi agai ena tau selama,

tama eno hwjbo side te eno augwali
aiyaba mu elalubo dao.

⁷ Te meba hanigo hagoma eyu,
te hwjbo karis dabeba homu muani,
tama gasa hani mebago te augwa
hos dabeba homu muani.

Tiali goli, dago te dena God Genuai Bidiba,
Godiba, konealubo homu daų wabo dao.

⁸ Te we bidi dabe augwali tulaluama,
tama mu hagawaibao.

Tiali goli, da te hodalu, tama bomonama dolaluaibao.

⁹ Genuai Bidi, nago ena king tau sobaso da,
teda eno te hwjbo aiyaba elaluaibao.
Te Genuai Bidigo te dago i wabo sogo te da tau sao.

Te Devitgo asęani balia po me deli dao.

**Godigo te king tau selama, tama agai Godigo nogi ug-
waba sali**

21 Genuai Bidi, nago te kingba bomobaso,
te agai wiegi yai homu pemene yai.

Te nago agai te hwjbo augwali aiyaba
elalumainu yali sęde

te agai homu pemene wiegi yai mu ebao.

² Te agai wei eyu sainu yali nai, nago agaba manio.
Awe, agai nageba hanalu wali nai, nago te agaba
mani.

³ Nage agaba asiyu, te wiegi yai homu ilabo nai dali
sela asai.

Tama nago te wiegi yai kapa gol elalubo
kingo madi aga toboluba muai.

⁴ Agai nageba te bidibo ula mao po hanalu obaso,
tama nago aga mawai.

Mu tama, nago aga bidibo ula
te sesabi mu elama, bidimainu yai.

⁵ Nago aga tau selama,
tama aga genuai nogi mu elalubao.

Nago nogi me bomo digi nago aga mani.

⁶ Mu tama, te nago wiegi yai sę ebo
kolesaga agade sesemane elaluaibao.

Nage aga pęde bidiyu, tama tebogo aga wiegi yai ho-
mu
pemene mu ilibo dao.

⁷ Te Ugwade Mu Bidibo
Boma Pai God, kingo nageba
konealubo homu daų mu wali.

Nago olo tau sabo wiegi yai kolesaga
sesemane sogo te kingba ebaso,
tama tiyu, te aga bomo elama, dolalu iduaibao.

⁸ Te kingo aga boi bidi tigidali nogogo touwaibao.
Tama aga digi te aga wei homu isiębo
bidi dabe te kalabus yaibao.

⁹ Te aga hania te pepeli diliba pedalubo sogo da,
teda agai te boi bidi dabe ela silibo da,
te genuai siago te nai dabe ulubo tiwai gilama

yaibao.

Mu tama, te Godigo wado po weyu,
tama augwali aiyaba elaluama,
tama te siago augwali tigidali dela silaibao.
¹⁰ Te kingo augwaligo wai tigidali ela silaibao.

Tama te augwali hanigo wai dabe
te tęde munu me bidigobeo.

¹¹ Te boi bidi dabe augwa homude koneama,
tama agaba dwai sę yabo miani.

Tiali goli, augwaligo aga aiyaba
elaluainu ebo usu me ebeo.

¹² Magi baso meni, te agai ene te augwaliba eneyu,
wi ilibaso te augwali wi paibao.

¹³ God, nage te naga bomo dali asao.

Tama dago te nago naga bomogo yali
genuai sę dabede balia po waibao.

Te Devitgo asęani balia po me deli dao.

**Te sęę elalubo bidigo gela wabo, me te bidigo puba
hwi wabo balia po**

22 Eno God, eno God,
magi baso nago ena tagaluwe?
Magi baso nago ena tau sisęma ebawe?
Magi baso eno gela wabo nago
odobewe? †

² God, eno nageba te giligade i wabo da,
tiali goli nago eno po odobeo.

Eno nageba te hulide me i wali,
tiali goli nago te po wei ponesiębaso,
eno dwasianu toma me nabeo.

³ Tiali goli, naga digi nage
te tedali wiegi yai mu elalubao.

Nage te king bidibaso,
tama te Israel dabego nago nogi ugwaba sabo dao.

⁴ Polobadu dago węj nęų dabe
augwaligo konealubo homu nageba daų wali.

Augwa konealubo homu daų obaso,
tama nago augwali tau selama,
tama te boi bidi dabego augwali aiyaba me

elalubeo.

⁵ Augwaligo nageba i weyu, gedu haluasa po obaso,
tama nago augwali te boi bidi
dabego nogode ma dobola sai.

Awe, augwaligo konealubo homu nageba daų wali,
tama augwa te konealubo homu daų wali
te odolali me hagobeo.

⁶ Tiali goli, bidigo gedude ena te tęde osogani tiwai,
ena te olo bage tiwai mu da.

Tigidali bidigo enaba wado po weyu,
tama ena tudiba muani.

⁷ Tigidali we bidigo ena sulama,
tama augwaligo posobo po enaba wabo dao.

† 22:1 Mat 27:46; Mak 15:34

Augwaligo hamena enaba diniyu,
tama augwa tobolu peme eyu ebo dao. †
8 Augwaligo te po weyu, "Nago konealubo homu
te Godiba mubo da," wabo.
"Magi baso agai nage ma sabewe?
Te Godigo nage wei homu eyu da,
te magi baso agai nage tau sabewe?"
Augwaligo te tobage po wabo dao. ††

9 Tiali goli, God, nago naga ena
te idago haligade selama, tama ena bugagia pede-
lali.
Tama ena te ame tubadi, nago ena tonaluai.
10 Eno konealubo homu nageba muani,
te idago ena ame nani sogode
dąj elasa, megı e sogoba su nagasobao.
Idago ena gesi noma ame nabode,
tama nage eno God bidai.
11 Te seęę enaba megı pedalubao,
tama tiyu, nago ena me tagaligio.
Ena tau sabo bidi deli me menio.
12 Te boi bidi hauwago ena
te bulmakau dabe pobeasa bilibo tiwai ebao.
Augwali te Basan bulude omai bulmakau dabego
bomo tiwai gilama ebo dao.
13 Te boi bidi dabe augwaligo te ena dolainu sisi ela-
ma,
te laiongo dwai hwa wabo tiwai eyu,
tama te uni hasa tuabo pedauwali nalubao.
14 Eno bomo tigidali silalio,
augwa te tęba wę gelama,
te soa sabo tiwai gilama yai.
Te dili ununani tigidali te guda pai.
Eno homu te mu nagamea pali,
te posolo yai ili wę pedalubo tiwai yai.
15 Eno dogoni te wa mu pali,
tama eno hamena te pedauwalide agana sai.
Naga digi ena tagalama, ama ena mu isainu ebao.
16 Te dwai bidi dabego ena te tigidali habu badu
te yowigo uni hasa pobeasa bilibo
tiwai gilama ebao.
Augwaligo eno saęade me nogode
te augwaligo gaęgo kelebao.
17 Eno tigi dili tigidali te hania pedelali.
Tama te bidi dabego ena sulama, tama ena dolali
seęde
te augwa wiegi yai homu pemene yai.
18 Augwaligo te eno ugwa dabe selama,
augwa dobola sali,
tama mena bidigo te eno ugwa dabe deli deli sabo bi-
di
pedalumainogo eyu, augwaligo te satu gagali yai. ‡

19 Genuai Bidi, nage enade digibulu me bidamuo.
Nage da, te ena sesemane sogo tau sabo bidi dao.
Nage polo tama asiyu, ena tau sagasao.

20 Nago ena ma dobola sali da,
teda augwaligo ena te moni hwaęo me ela mugob-
eo.
Nago ena tau sobaso da, teda te yowi tiwai bidi dabe
augwaligo ena ela muainu ebaso,
te usu me egobeo. Menio.
Te ena bidibo ula elalu, bidaibao.
21 Augwaligo ena te laiongo uni hasa
ela tubo tiwai gilama silainu ebao.
Nago ena te augwaligo nogode ma dobola sao.
Eno magi seę me deli ebo te uni bulmakau dabe
gesabidide me usugobeo.

22 Nago tama tiwai ebaso da, teda eno te ena hani
bidi dabebolo nago yali seę po pusaibao.
Augwali te lotu weyu, deliba sisinibo side,
tama eno nago nogi te augwali tomode
ugwaba saibao. ‡†

23 Eno tama po waibao, "Dage te Godigo hani da,"
po waiba, "aga nogi ugwaba sao.
Dage Jekopgo hani, te Genuai Bidigo nogi ugwaba
sao.
Awe, dage te Israel dabego hani,
dagego agaba lotu wabo po wao.
24 Agai te magi doado bage
meni yai bidi dabe tudiba me mubeo.
Agai te augwalide seęę me dene ebo
te olo nai da homu me egobeo.
Tama aga te augwalide digibulu me bidigobeo. Me-
nio.
Agai te augwaligo usu da weyu,
gedu haluasa po wabo odobo dao."
Eno tama po waibao.

25 Te lotu wainu sisinibo genuai
pesagede te eno nago nogi deli naga ugwaba
saibao,
te nago ebo seę tigidalide te tama tiaibao.
Te polobadu eno yaibao po daę wali ofa,
te eno te nagede wi ebo
we bidi gedude yaibao wali.
26 Te magi nai doado bage
meni yai bidi augwali eno i obaso,
augwali aselama, te nai tulama,
haliga mu paęana paibao.
Tama te Godiba pabo bidi dabego,
teda augwaligo aga nogi ugwaba saibao.
Eno homugo Godigo augwali sesemane sogo
bugagia wiegi yai ilama, bidimainu yao.

27 Te tęde tigidali we bidigo augwaligo
te Godiba homu koneama,
tama augwa agaba ma asaibao.
Te tigidali hani we bidi dabe
augwaligo kidu sugunama, agaba lotu waibao.
28 Magi baso meni, Genuai Bidi te king bidiyu,
tama agai te tigidali hani we bidi tonalubo dao.

† 22:7 Mat 27:39; Mak 15:29; Luk 23:35 †† 22:8 Mat 27:43
‡ 22:18 Mat 27:35; Mak 15:24; Luk 23:34; Jon 19:24

‡† 22:22 Hib 2:12

²⁹ Te dwai kolesaga eyu, hagoma ebo bidi dabego kidu sugunama, tama agaba lotu waibao.
Te bidabo ula elalubo usu isiąyu,
te isabo ąq ebo bidi dabego,
te tigidaligo kidu sugunama, te Godiba lotu waibao.
³⁰ Te nosali pedalubo we bidi hani,
augwaligo te agai sę yaibao.
Te bidi dabego te nosali pedalubo haniba
te Godide po hania pusaibao.
³¹ Te hani augwali ame nisiąbadi,
tiali goli augwali pedalubo si da,
teda augwaligo te tama po augwaliba waibao,
“God aga digi te aga we bidi dabe ma sai dao,”
te po waibao.

Te Devitgo asęani balia po me deli dao.

Genuai Bidi agai da tonalubo bidi dao

23 Genuai Bidi te ena tonalubo bidi da, tama ena te aga sipsip me deli tiwai dao.
Tama tiyu, te magi nai me deli ena me sęą pogobeo.
² Agai ena te wiegi yai tuabo nosaide pila mumainu ebo dao.
Tama agai ena te dwasianu wę ulu pedalubo madi odasa pelama, tama ena te wę tuyu,
te ena toma nabo dao. †
³ Agai enabolo gesi bombo mabo dao.
Tama agai ena te doloba pai sunumidu odasa pabo dao, te agai tama tiaiba po polobadu wali gilama ebo dao.
⁴ God, ena te dwai bulu te be huliasai madi bilibasoda, te tagalao, ena te dwai naide wi me egobeo.
Magi baso meni, nage ena dali bidibao.
Eno suali, nago te sipsip tonalubo bidigo dono tolasa bilibo suali, tama tibaso, eno homu nagame elama, bidibo dao. Ena me dologobeo.

⁵ Nago te eno wiegi yai nai te hania te tebol saide sisi ilama, tama eno boi bidi dabego suali goli, te augwaligo magi sę me yabo usugobeo.
Nago ena selama, te nage dali duayagasobo, tama ena nago bugagia gesebo dao.
⁶ Genuai Bidi, eno mu koneani, te nago ena bugagia tonalu, tama nago enade homu dene eyu, tau sabo kolesaga, te kolesaga si te ena dali sesemane sogo bidaibao.
Tama, Genuai Bidi, ena nago bede sesemane sogo bidada peyu, bidada paibao.

Te Devitgo asęani balia po me deli dao.

God da, te genuai tuni bidi king dao

24 Te tų dali, tigidali tųde elalubo nai, te tigidali Godigo nai naga dao.

† 23:2 Ped 7:17

Tigidali bulu me, te Godigo nigali nai dao.
Tama tigidali bulude bidibo we bidi me, augwali me te Godigo hani we bidi naga dao. ††
² Magi baso meni, agai tų ugwadu nigai, tama ąi aiyadu mu elalubo dao.
Tama agai tų page tamu ąi tomode nigai.

³ Niwai bidi te Genuai Bidi Godigo bulu duba holobo usugowe?
Niwai bidi agai dwagi yai be tomoba pogowe?
⁴ Dwai sę isąwai bidi, tama agai homu meda meni yai dwagi yai.
Tibo god dalibolo lotu po wasiąwai bidi, tama bidigo gasa bidi tibo dąų wabo po me ola masiąwai bidi. ‡

Tiwai bidi aga te usu yaibao.
⁵ Te bidi dali te Genuai Bidigo dwagi yai sę yaibao.
Awe, Godigo aga ma selama, tama te bidi dwagi yai bidi

dao waibao.

⁶ Tiwai bidigo God subo dao.
Aga te Jekopgo God pąba pabo dao.

⁷ Dage te tempel bede elalubo tų, dage dayao.
Dage te augwaligo polobadu mu nigali tų, dage genuai gisiga dayao.
Tama polalubo genuai tuni bidi king tomoba so-mainao.

⁸ Genuai polalubo bidi, aga de daweo?
Aga te Genuai Bidi God deli dao.
Agai genuai bombo elalubao, aga te boma pai king mu dao, tama bidigo aga dali hwįbo usu ebo menio.

⁹ Dage tų, dage dayao.
Dage polobadu tų dao, dagego genuai tų gisiga dayao.
Tama genuai polalubo tuni bidi king be tomoba somainao.

¹⁰ Genuai polalubo tuni bidi king aga de daweo?
Aga te Genuai Bidi God dao, agai te genuai ami bidi hani tonalubo dao.
Aga deli digi mu te polalubo tuni bidi king mu dao.

Te Devitgo asęani balia po me deli dao.

Te bidigo Godiba gedu haluasa po weyu, te aga bilibo dodolama, te tonaluao po wai

25 Genuai Bidi, megi eno gedu haluasa po nageba obao, te eno ofa me deli tiwai mobao.
² Nage eno God da, tama eno konealubo homu nageba naga dąų wabo da.
Nago ena tau sao.
Tiyu, eno konealubo po odolali elama, tama ena hale idalio.
Nago te boi bidi dabego ena aiyaba elalumainu elama,

†† 24:1 1 Ko 10:26 ‡ 24:4 Mat 5:8

tama augwaligo ena kęnę po omainu me igio.

³ Awe, nageba te konealubo homu ąų wabo bidi dabe,

te augwaligo konealubo odolali
daų omainu elama, tama me
tagaliyu me egobeo. Menio.

Te nageba hagoma polo ebo bidi dabe,
augwali naga te dwai dene somainu elama,
tama augwa yali kolesagade hale yaibao.

⁴ God, nago te naga kolesaga enaba ola menama,
tama nago sunumi enaba ola mao.

⁵ Te nago po mu eno wali pomainu ola mao,
magi baso meni, nage te eno God dao,
tama nago ena ma sabo dao.

Te tigidali sogo nago ena tau somainu tonalubo dao.

⁶ Genuai Bidi, nago te naga olo mu
tau sabo wiegi yai kolesaga,
me homu dene ebo kolesaga te homu kone palao.
Nago te kolesaga da dali ebo
te polobadu digi yali te ela asudubadi,
megi sogoba usu nagasobao.

⁷ Genuai Bidi, nago eno dwai sęęę sali,
me dwai sę yali kolesagade homu kone me pala-
muo,
te ena gesi bidide te sę yali.
Nage te da godolo ebo Genuai Bidi God dao,
tama nage te sesemane wiegi yai elalubo da.
Nago enade homu koneama, tama nago ena te olo
mu

tau sabo wiegi yai kolesaga yao.

⁸ Genuai Bidi te wiegi yai elama,
tama agai te po tų sesemane dolo naga ebo dao.

Tama tiyu, agai te dwai sęęę sabo bidi
dabeba te agai wei eyu, godolo homu yabo kolesaga
wali pomainu ola mabo dao.

⁹ Te aga dologode bidibo bidi dabe
te bilibo dodolaibao,
tama augwa te doloba pai kolesaga
wali pomainu ebo dao.

Agai te aga sunumi me te augwaliba ola mabo dao.

¹⁰ Godigo te agai da dali daų wali po,
me bomai po te wali pabo we bidi
tigidaliba te agai homu kęą peyu,
godolo mu ebo dao.

Tama agai homu me hasegeliyu me egobeo.

¹¹ God, nago te naga daų wali po wali peyu,
tama eno yali dwai sę hauwa sela sayao.
Nago eno yali dwai sę tigidali sela sębaso,
tama eno nago nogi ugwaba saibao.

¹² Te Genuai Bidigo po wali mu pabo we bidi,
te Godigo augwaliba wiegi yai sunumi ola mayu,
tama augwali te sunumidu pomainu tebo dao.

¹³ Te tobage bidi dabe augwali da
te wiegi yai mu bidaibao,
tama augwa wai dabe me te tųde

bugagia bididuaibao.

¹⁴ Genuai Bidi God aga
te aga dologode bidibo we bidi dabe
augwaligo abagi mu dao,
tama augwali dali te daų wali bomai po kontrak
te augwaliba ma ola mabo dao.

¹⁵ Tigidali sogo te Genuai Bidigo ena
tau somainu tonalubo da.
Magi baso meni, te ena dolainu yali
nai dabede te agai ena ma sabo dao.

¹⁶ Genuai Bidi, eno homugo nage ena ma aselama,
tama nago te olo tau sabo wiegi yai
kolesaga enaba yao,
magi baso meni, enaduba deli tama eno bomo
silalio.

¹⁷ Nago eno haliga sęęę elalubo tigidali sela sayao,
tama eno haliga te nagame yai dua bidimainu yao.
Nago ena tau selama,
tama te sęęę dabego ena elalumainu me egobeo.

¹⁸ Nago enade te haliga sęęę,
me haliga dene ebo tigidalide
nago homu kone palama,
tama nago eno sęęę tigidali sela sayao.

¹⁹ Nago te eno boi bidi dabe subao,
augwali te hauwa mu tama.
Augwaligo ena dali sębę mu genuai ebao.

²⁰ Nago ena ma selama,
tama ena bugagia seselalua,
tama te boi bidi dabego ena me dologobeo.
Nago ena tonalumainu eyu, te ena nageba asobao.

²¹ Eno konealubo homu nageba elalubao,
tama tiyu, nago eno te tigidali wiegi yai
doloba pai kolesaga emainu eyu,
tego te sesemane sogo ena tonalumainu ilao.

²² God, nago te naga we bidi tigidali ma dobola sao.
Tama te tigidali haniani sęęęgo
augwali aiyaba elalumainu me elamu dao.

Te Devitgo asęani balia po me deli dao.

Te doloba pai bidigo gedu haluasa po wali

26 Genuai Bidi, nago ena doloba pai bidi nogi
yao.

Magi baso meni, eno te doloba pai kolesaga yali,
tama eno konealubo homu nageba tigidali muani.

² God, nago eno kolesaga tigidali usu sao.
Tama nago eno haliga, me homu, te dagalao.

³ Magi baso meni, nago te olo tau sabo wiegi yai
kolesaga enaba eyu,
tama ena sesemane sogo dodolobo dao,
tama nage te ena soabo madi
sesemane poligi solama,
tama nago ena me tagalubo menio.

⁴ Ena te dwai sę ebo bidi dabe dali me bilisiąwai.
Ena te tibo po wabo bidi dabe dali me bilibeo.

⁵ Ena te dwai sę ebo bidi dabe dali
bilabo te hagela homu mu ebo da.

Eno augwali ela soabo dao.

⁶ Genuai Bidi, eno nogo wę telayu,
te eno dwai sę me yali menibaso,
te nageba ola mayu tiali.

Tama eno nago alta bagulubo sę eyu,
tama eno nageba lotu po wabo dao.

⁷ Eno tama tiyu, tama eno nageba usu da wabo
tęąbi po me deli obao,
tama eno te we bidiba te nago yali
wiegi yai sę po pusubao.

⁸ Genuai Bidi, eno nago be te wei elama,
godolo mu ebao,
te nago genuai nogi dali,
bomo dali si elalubo bulude.

⁹ Nago ena te dwai sę ebo bage dali me dologio.
Nago ena te gasa bidi ela mubo
bidi dabe dali me ela mugio.

¹⁰ Te bidi dabe augwaligo te
dwai kolesaga sesemane sogo ebo dao,
tama augwaligo te bidi meba
te monego homu bega selama,
te gasa bidiba dwai sę emainu tebo dao.

¹¹ Tiali goli, ena digi eno da,
te doloba pai kolesaga ebo dao.
Nago te olo tau sabo wiegi yai kolesaga
enaba elama, tama ena ma sao.

¹² Ena bomonama dolalubao.
Te magi nai me deligo ena dolomainu me egobeo.
Te eno Genuai Bidi nago nogi
te we bidi sisinama lotu wabo tomode
te eno nago nogi ugwaba saibao.

Te Devitgo așani balia po me deli dao.

Te Godigo nogi ugwaba sabo gedu haluasa po dao

27 Genuai Bidi God aga te eno ula page da,
tama aęai ena tau sabo da.
Tama tiyu, te bidi me delide ena midigi me egobeo.
Genuai Bidigo naga ena seselalubao,
te moni bomai obo tiwai te palialubao.
Tama tiyu, te magi nai me delide ena wi me egobeo.

² Te dwai sę ebo bidi dabe ena pąba aselama,
tama dolainu usu sobaso da,
te bidi dabe augwa digi sęę tę dedageba tuloliyu,
habala paliyu, augwa digi augwa ma dolaibao.

³ Awe, te ami hani me deligo ena
bagua sagasobaso da, teda ena wi me egobeo.
Te boi bidi dabego enaba hwjagasobaso da, tagalao.
Eno konealubo homu Godiba munama,
tama ena ibaba me kila sogobeo.

⁴ Eno te nai me delide naga te Godiba hanalu wali,
tama eno homugo aęai
te tama sę emainu homu yali.

Eno agaba te tama po hanalu wali,
te ena bidibo ula elalubo sogo
ena te aęai bede tigidali sogo bidainogo yai.
Te aęai enaba wiegi yai homu bugagia ebaso,
te eno wiegi yai homu pemene agaba yaibao.
Tama eno agaba hanalu,
te enaba wiegi yai sunumi
ola momainu homu ebo dao.

⁵ Te dwai sę enaba pedalubo sogo,
teda aęai ena te aęai beba game dualaibao.
Te aga wiegi yai beba te sunumi paliama,
tama ena game bugagia mu dualaibao.

Te aęai ena te genuai masigi mu
me deli te daiba dualama,
tama ena bugagia bidaibao.

⁶ Tama tiyu, te ena bobegelalubo
boi bidi dabe augwali eno aiyaba elaluaibao.
Te eno wiegi yai homu pemene umabo mu elama,
tama i weyu, te Godigo tedali wiegi yai bede
ofa yaibao.

Te eno aga nogi ugwaba sabo balia po waibao.

⁷ Genuai Bidi, te eno nageba i wabo sogo,
nago enaba te olo mu tau sabo
wiegi yai kolesaga yao.
Tama nago eno gedu haluasa wabo po odao.

⁸ Eno homude eno te koneanio,
nago enabolo te tama po wali,
“Nage enaba asao,” wai.
Tialima, Genuai Bidi, te ena paibao.

⁹ Naga digi nage te enade game duala selamuo.

God, te nago ena tau sabo da.
Nago enade sębę elama, tama ena sela sęgio,
ena naga sę bidi da.
Nago ena hauwa sogo tau sali.
Nago ena me tagaligio.
Nage enade wi me pigio.

¹⁰ Aya me ida sigo te ena tudiba mubaso da,
tagalao, te Genuai Bidigo ena tonaluaibao.

¹¹ Genuai Bidi, te nago enabolo
te nago homugo emainu ebo sę ola mao.
Nago ena te wiegi yai sunumiba odasa pao.
Magi baso meni, eno boi bidi te hauwa elalubao.

¹² Te boi bidi dabego ena somainu,
te nago ena me tagaligio.
Augwaligo te po tų ebode tibo po weyu,
tama ena wi ilainu eyu,
augwaligo ena elaibao po wabo dao.

¹³ Mu tama, nosali ena me bididubadi,
eno te Godigo wiegi yai sę te aga
we bidi dabeba ebo te eno sueibao.

¹⁴ Te nago konealubo homu dąę olama,
tama te Genuai Bidigo nage tau sagasobo tonalua.
Bomo elama dolalua, nago haliga sęę me igio.
Awe, nago konealubo homu dąę olama,

tama te Genuai Bidigo nage tau sabo tonalua.

Te Devitgo aşıani balia po me deli dao.

**Te bidigo gedu haluasa po weyu, te Godigo aga tau so-
mainu yai**

28 Genuai Bidi, nage da
te ena seselalubo bidi dao,
tama eno nageba i obao.
Eno gela wabo odao.
Te nago eno gedu haluasa po wabo
wei ponisiąyu da,
teda ena te isai we bidi dabe tiwai elama,
tama te isali bidi dabego pesageba paibao.

²Te eno nageba i weyu,
nago ena tau sao wabo sogo,
te nago eno gela wabo odao.
Eno gedu haluasa po weyu,
tama eno nogo ugwaba siyu,
te nago wiegi yai be elalubo
madiba nogo dų yaibao.

³Nago ena te dwai sę ebo bidi dabe
dali aiyaba me elalugio,
tama te dwai kolesaga ebo bidi dabe dali me,
te tama me tigio.

Augwali da te wiegi yai pusu yai pogo
homu bega sabo po wabo bidi dabe dao,
tiali goli augwali homude
te dwai sę ebo kolesaga paęanalubao.

⁴Te augwa yali kolesagade usu nama,
te augwali dene mao.
Te dwai dene augwaliba wei ponao.

Te augwa yali sęęę tigidali usu nao. †
⁵Augwaligo te Genuai Bidigo genuai sę
te homu konesiąyu,
tama agai ebo sę dabede homu konebeo.
Tama augwaligo tama tialigo da,
teda agai augwaliba te dene mayu,
tama augwali tigidali silimainu yaibao.

⁶Eno te Genuai Bidigo nogi ugwaba sobao.
Agai ena dali homu dene eyu, tama ena tau somainu,
eno agaba gela wali,

tama agai eno gela wabo odalio.
⁷Godigo naga ena seselaluyu,
tama ena bobegela sai elalubo dao.
Tama tiyu, eno konealubo homu agaba muani da.
Genuai Bidigo ena tau sobaso,
tama eno wiegi yai homu pemene agaba ebao,
tama eno aga nogi ugwaba sabo balia po dabe
obao.

⁸God Genuai Bidigo te aga we bidi dabe seselalubo
dao.

Agate tudibadu daganalu,
tama aga sa muani king tau sabo dao.

† 28:4 Ped 22:12

⁹Genuai Bidi God, naga we bidi dabe tau siyu,
tama naga te sa muani we bidi hani dabe
bugagia wiegi yai ilao.

Nage te augwali tonalubo bidi bidiyu,
tama augwali te bidada peyu,
bidada pabo sesemane sogo bugagia tonalua.

Te Devitgo aşıani balia po me deli dao.

**Dago Godigo dogoni te genuai tulubage tulubode, ma
wali asobode, te dago odaibao**

29 Dage te boma pai ensel mobo bidi dabe,
dagego te Genuai Bidigo nogi ugwaba sao.
Te agai genuai nogide me bomode
te wiegi yai homu pemene yao.

²Te Genuai Bidigo genuai nogi ugwaba sao.
Agai magi sę isąma, wiegi yai mu
bidiyu, tama dagego agaba lotu waiąo. ††

³Genuai Bidigo po obadi,
tama augwaligo te tamu ađ pedai
tigidali badu odobo dao.
God aga te genuai nogi me bomo elalu,
tama agai i bomonama wabo
te be kulukulu wabo tiwai ebo dao.

Te agai po te genuai tamu ađ
tigidali badu pedaide te po wabo dao.

⁴Te Genuai Bidigo i wabo bomo te genuai elalubao.
Tigidali bidigo Godigo i wabo odolama,
tama augwali agade wi ebo dao.

⁵Te Genuai Bidigo i wabogo
te genuai ni sida dabe pedaibao,
tama agai te Lebanon bulu du dabede
ni sida dabe me peda sabo dao.

⁶Agai te Lebanon bulu du dabe
te bulmakau wai te sasamano pabo tiwai ilibo dao,
tama te Hermon bulu du te ogwa bidi
bulmakau omai sasamano pabo tiwai yaibao.

⁷Te Genuai Bidigo i wabogo te be sele elibo dao.

⁸Te agai dogonigo te wa pai bulu te geę ilaibao.
Agai te Kedes hanu wa pai bulu te geę ilibo dao.

⁹Te Genuai Bidigo i wabogo
te uni hasa dabego wai saęanobo tiwai yaibao,
tama te tigidali ni yabe dabe sela saęo dao.
Tama te Genuai Bidigo wiegi yai bede
tigidaligo te tiwai i weyu,
“Godigo genuai nogi elalubao,” te po wabo dao.

¹⁰Genuai Bidi te king bidiyu,
tama te tigidali genuai tamu ađ tonalubao.
Aga te king sesemane sogo bidibao.

¹¹Genuai Bidigo bomo
te aga we bidi dabeba mabo dao.
Agai augwaliba te wiegi yai sę yabo
homu kolesaga menama,
tama augwali homu nagame elama, bidibao.

†† 29:2 Tib 96:7-9

Te Devitgo asęani balia po me deli dao.

Bidi me deligo te Godiba usu da po olama, gedu halu-
asa po wai

- 30** Genuai Bidi, nago ena ma selama,
tama nago ena te boi bidi dabego aiyaba
elaluama, te kęnę omainu me ebeo.
Tama tibaso, eno nago nogi te ugwaba mu sobao.
² Genuai Bidi, nage eno God da,
tama eno gedu haluasa po nageba olama,
tama nago ena usu ma ilai dao.
³ Genuai Bidi, ena isibo bidi tiwai yai digi,
tama nago ena ma hodolali.
Ena te isai bidi dabego pesageba dulali.
Tiali goli, nago enaba te bidibo ula ma mawai dao.
⁴ Dage te Genuai Bidi dali homu kęą pai we bidi,
dagego te aga nogi ugwaba sabo tęąbi po wao.
Aga da, te dwai sę isąbo
tedali gasagi yai God mu dao.
Tama agade me, te agai yali sę tigidali homu konea-
ma,
tama agaba usu da po weyu, gedu haluasa po wao.
⁵ Magi baso meni, agai wado po
te pęwadage sogo naga waibao.
Tama agai homu wiegi yai daba elama,
tama da bugagia wiegi yai ilaibao.
Te tigidali sogo da tęde bidibo sogo te tama tibo dao.
Te hulide eno gedu ąj dulali, tiali goli te kigamu da,
eno te wiegi yai homu pemene ma yaibao.
⁶ Polobadu te ena bugagia mu bidibaso,
tama eno te tiwai po wali,
“Te magi nai me deligo ena dwasianu degelainu eba-
so,
usu me egobeo,” wali.
⁷ Genuai Bidi, nago enaba wiegi yai sę mu eyu,
tama ena te bomonama dolalumainu eyu,
te bulu dude dolalubo bomai be tiwai gilama ilali.
Tiali goli, nage geme duala sali sogo,
te sogo ena wi elama, aiyaba mu dulai dao.
⁸ Tama Genuai Bidi, eno nageba i wali.
Te nago ena tau somainu,
te eno nageba bomonama usu da po weyu,
gedu haluasa po wai dao.
⁹ Tama eno te po wai,
“Te ena te isai madiba pobaso da,
teda te mena wiegi yai nai pedelaibawe?
Te ena gų pageba pobaso da,
teda tebogo de tau sogowe?
Te isali bidi dabego nago nogi ugwaba somainu
te homu eba, agawe?
Te augwaligo nageba pusuyu, te nago sesemane so-
go
augwali wiegi yai bugagia ilibo da
homu ebo po waiba, agawe? Menio.
¹⁰ Genuai Bidi God, nago eno
wabo po odao, tama te olo tau sabo

wiegi yai kolesaga enaba yao.
Genuai Bidi nago ena tau sao.

- ¹¹ Nago eno homu sęę elaluali te sela sęnama,
tama nago ena te wiegi yai homu
pemene tęąbi po omainu yali.
Hasia ena te bidi isaide gela wabo bidi tiwai yali.
Tiali goli, nago eno gela wabo hasegelama,
tama eno homu pemene wiegi yai mu ilali.
¹² Tama tialima, eno pedauwali me pania sogobeo.
Te eno nago nogi ugwaba sabo tęąbi po waibao.
Genuai Bidi, nage eno God da,
te eno sesemane sogo nageba usu da weyu,
gedu haluasa po waibao.

*Devitgo te balia asęani. Augwaligo te balia po augwa
te moni lotu be tempel te Godiba mani sogo wai tiwai
po dao.*

Bidigo konealubo homu ąų olama, te Godigo aga tau
somainu yai

- 31** Genuai Bidi, ena nageba asobaso, te nago
ena tonaluo.
Nago ena tau sao, nago te boi bidi dabego
ena aiyaba elalumainu me igio.
Nage te doloba pai mu da, nago ena ma selama,
te ena me dolobeo.
² Nago eno i wabo odolama, tama ena polo ma sao.
Tama tiyu, nage te ena duala sabo madi
te genuai masigi bulu du tiwai elalubao.
Tama nago ena bugagia bobegelalu,
te ena bugagia bidiyu, tama te boi bidi dabego
ena aiyaba me elalugobeo.
³ Mu tama, nage te ena geme
duala sabo pesage tiwai elama,
tama nago ena tonalubo dao.
Tama tibaso, nage ena asobodu poligi pelama,
tama ena te wiegi yai sunumiba odasa pao,
te nago polobadu te sę yaibao po wali gilama tiao.
⁴ Te boi bidi dabego ena tola somainu
yabo bono gąą muani.
Nago ena bugagia tonalubaso da,
teda ena tede me dologobeo.
Magi baso meni, nage naga te ena geme duala sabo
pesage dao.
⁵ Ena te eno mobo nage nogoba mobao.
Genuai Bidi, nage te mu kolesaga
naga mu ebo God, nago ena ma sao. †
⁶ Nago te tibo god dabede lotu wabo bidi dabe
te wei mu me isiąwai.
Tiali goli, eno konealubo homu nageba ąų wali.
⁷ Nago ena sesemane sogo
homu dene yai, tama tiyu eno nageba
wiegi yai homu pemene eba.
Nago eno te sęę suali, tama nago enaba

† 31:5 Luk 23:46

te pedalubo dwai ebo kolesaga te koneanio.
8 Nago ena te boi bidi dabego kalabus emainu me ebeo.
Nago ena bugagia tau siyu, tama ena te dwagi yai madigi bugagia bidibao.
9 Genuai Bidi, nago te olo tau sabo wiegi yai kolesaga enabolo yao.
Ena te genuai sęęę elalubao.
Ena gela hauwa weyu, tama eno gedu bo dalio.
Eno dili dabe te bomo kimi meni yani.
10 Te ena haliga sęęęęo digi ena bidabo ula pęwadage ilali.
Ena gela mu udu gebaso, tama tiyu, te ena sesabi elama me bidigobeo.
Eno genuai sęęę mu elalubao, tama tiyu, eno bomo silalio, tama eno dili tigidali dolobo sę ebao.
11 Te boi bidi dabego dwai posobo po enaba wali.
Tama tibaso, te abagi dabego me enaba po dwai weyu,
tama eno abagi dabego enade dwai wi mu yali.
Ena te sunumidu pobadi, te bidi dabego ena sulama, augwali wi peyu ebo dao.
12 Tigidali bidigo ena homu kone ebo tagalali, augwaligo te isai bidi homu kone isiąbo tiwai gilama yalio.
Ena te tųgo nigali sospen sene alua pobaso sąbo tiwai gilama yai.
13 Eno odali, te boi bidi dabe hauwago ena posobo po odali.
Augwaligo ena moni wi ilali.
Tama augwa deliba sisinama, tama enaba dwai sę yabo po mia sai.
Augwaligo ena ela muabo po wai.
14 Tiali goli, tagalao.
Genuai Bidi, eno konealubo homu nageba daų wabo da.
Eno te tama wali, nage eno God da po wai.
15 Ena nago nogode sesemane sogo bidibao.
Nago enade te boi bidi ebo bidi me, te ena pobeasa bilibo bidi dabego nogode ma dobola sao.
Tiyu, augwaligo ena dolidalio.
16 Ena nago sę bidi da, nago olo tau sabo wiegi yai kolesagago ena tau sao.
Nago ena godolo mu ebo kolesaga te siligobeo, tama tiyu, nago ena ma sao.
17 Genuai Bidi, eno nageba i wabo, te nago ena tau somainu obao.
Nago ena te boi bidi dabego aiyaba elalumainu me igio.
Tiali goli, te boi bidi dabe da, dolomainu yao.
Augwali isimainu elama, tama augwa pedauwali te isibo bidi dabego pesagede pania sai

elalumainu yao.
18 Te bidi dabe augwaligo te hagoma eyu, te posobo po weyu ebo da, tama doloba pai bidi dabeba po dwai weyu ebo dao.
Augwaligo tibo po naga wabo da.
Nago augwali dolama, tama augwa pedauwali te mu pania somainu yao.
19 Nago te nage dologode bidibo we bidi olo tau sabo wiegi yai kolesaga hauwa tolalubo dao.
Nago te nageba konealubo homu daų wabo we bidi bugagia tonalubo dao.
Nago te augwali tau sabo te tigidali we bidi gedude umabo mu ebo dao.
20 Nago te konealubo homu daų wabo bidi dabe te nage pąba geme dualubo dao, tama te augwali elainu te po mia sali bidi dabe, augwali usu me egobeo.
Nago te nageba homu kęą pabo bidi dabe geme bugagia dualama, tama te boi bidi dabego tibo po kisilibo po wabogo te augwali aiyaba me elalugobeo.
21 Genuai Bidigo nogi ugwaba sao.
Agai enaba dwagi yai sę umabo mu elama, tama agai ena tau sabo wiegi yai sę yali, te boi bidi dabego ena pobeasa biliyu, dolainu yali sogo te ena tau sai.
22 Genuai Bidi, polobadu ena wi mu elama, tama eno homugo te nago ena sela sayu, tama ena nage pąde ma bidigobe homu yalio.
Tiali goli, nago eno gela wabo odoyu, tama nago ena tau sali, te eno nageba i olama, enade homu dene eyu, tau sao po wali sogo te tama tiai dao.

23 Te Godigo we bidi dabe, dagego aga wei eyu, godolo mu yao.
Agai te aga wali asobo we bidi dabe bugagia tonalubo da.
Tiali goli, agai te hagoma ebo we bidi dabeba te dwai dene dolo wei ponobo dao.
24 Dage te Genuai Bidiba konealubo homu daų wali we bidi tigidali, dage bomu elama dolalu, tama duga haliga sesemane bomu sao.

Te Devitgo asęani balia po me deli dao.

Bidigo sęęę te Godiba pusama, tama Godigo agai sęęę sela sayu yai

32 Te Godigo bidi me deligo dwai sę yali sęęę tagaliyu, tama agai sęęę sela sąbo si da, teda te bidi aga wiegi yai homu pemene eyu, bugagia bidibao.

²Te Genuai Bidigo te po weyu,
te bidigo seęę megi me elalubeo po weyu,
tama te bidigo te tibo po wabo kolesaga
wali me pabe da po obaso da,
teda aga wiegi yai homu pemene eyu,
bugagia bidibao. †

³Te eno ena dwai seę yali po
te Godibolo pususiąbadi digi,
eno te giligade me hulide dwai gela wali.
Tama eno tigi bomo kimi mu meni yai.

⁴Te giligade me hulide nago nogogo enaba dene
mani.

Eno bomo tigidali te hagawali,
te genuai giliga tęba naniyu,
te tę wa pabo tiwai yai.

⁵Nosali eno seęę te eno nageba pusali.
Eno ena yali dwai kolesaga geme me dualubeo.
Eno te homu yali, eno te bomai po bolali
kolesagade sali seęę tigidali
eno te Genuai Bidiba pusabo homu yali.

Eno hania pusula silibaso,
tama nago eno yali dwai seę me, eno seęę me,
sela saęwai dao.

Tama tiyu, nago ena tede nosali
elegobeo wali. ††

⁶Tama tibaso, nage wali asobo tigidali we bidi,
te augwaliba seęę pedalubo sogo,
te augwaligo gedu haluasa po nageba omainao.
Tama te seęę genuai mu pedaliyu,
tama te aę genuai asiyu,
tama te bidi sainu ebo tiwai gilama ebaso da,
teda te seęęęo augwali aiyaba me elalugobeo.

⁷Nagede naga ena duala sabo pesage elalubao.
Nago ena tonalubaso,
tama te seęęęo ena aiyaba me elalugobeo.
Awe, nago ena te seęęde siyu yali,
tama tede te eno balia po genuai mu wabo dao.

⁸Genuai Bidigo te tama po wai,
“Eno nage bugagia ola mayu, tama nage bilabo madi
te sunumi nageba ola mawaibao.

Te nago konemainu te nage eno ola mawaibao.

⁹Nage te hos me donki tiwai pedelamuo.

Te augwali sigo kolesaga me elalubeo.

Nago te ain elalubo bobobage baklain

te augwali sigo pedauwaliba munama,

tama augwali si pabo ola mabo

te baklaingo kegeyu, ola mabo dao.

Te menibaso da, teda augwali sigo

te nago homu wali me pogobeo.”

¹⁰Te seęę me dene hauwa

te dwai seę ebo bidi dabeba pedalaibao.

Tiali goli, Genuai Bidigo te

agaba homu keę pabo we bidiba

te olo tau sabo wiegi yai kolesaga elama,

tama augwali bugagia tonaluaibao.

¹¹Dage te doloba pai we bidi,

dage te bugai haliga elama,

tama te Genuai Bidigo wiegi yai seę tigidali yalide

te wiegi yai homu pemene yao.

Dage tigidali we bidi,

dage te God gedude doloba pai mu yali, dage

te wiegi yai homu pemene elama,

tama hae weyu, nogo eleyu yao.

Te Godigo nogi ugwaba sabo balia po dao

33 Te doloba pai we bidi dabe,
dagego te Genuai Bidigo tigidali
seę yalide te wiegi yai homu pemene yao.

Dage te Godigo po wali pabo we bidi,

dagego te Godigo nogi ugwaba siąo,

te dolo naga dao.

²Te musik po kulelego weyu,

te Godigo nogi ugwaba sao.

Te nogo si string elalubo gita eliyu, te musik agaba
wao.

³Te gesi tęąbi po wao.

Te gita bugagia eliyu, tama wiegi yai musik mu weyu,
tama bomonama i dali wao.

⁴Magi baso meni, te Genuai Bidigo

po da te mu po tama dao.

Agai te doloba pai kolesaga wali peyu,

te tigidali seę ebo dao.

⁵Genuai Bidigo te wiegi yai kolesaga tigidali me,

tama te doloba pai kolesaga tigidali

te wei homu ebo dao.

Sesemane sogo Genuai Bidigo

te tęde we bidi tigidali wei eyu, godolo ebo dao.

⁶Genuai Bidi Godigo te po naga obadi,

tama te giliga, me polua, me hę dabe

te dagalude pedelai.

Awe, agai po naga obaso, tama tigidali nai te ogwade

pedelai dao.

⁷Agai te tamu aę selama, te deliba naga sisinani,

te bidigo te deli sene suspende naga

te wę tabibo tiwai gilama yali.

Agai te tamu aę page te aga pesagede

aiyadu mu elalumainu yai.

⁸Te tigidali tęde bage te Genuai Bidide wi elama,

tama aga dologode bidimainu yao.

⁹Magi baso meni, agai po naga obaso,

tama te tę pedelali.

Agai bomai po waligo, tama tigidali nai elalubao.

¹⁰Genuai Bidigo te we bidi hani dabego

homu kolesaga te olo tama hagamainu yaibao.

Mu tama, te bidi dabego po miyu,

te magi nai me deli nigaiba wali,

tama agai augwaligo te seę yabo paliyu,

tama te seę mu egobeo.

¹¹Tiali goli, Genuai Bidigo te seę yao po wali da,

teda agai po te sesemane bomu elaluaibao.

Agai te mena sę me deli yabo
homu eyu da, tama te homu yali
te sesemane elalua peyu, elalua pabo dao.
¹² Te hani dabe augwa God te Genuai Bidi bidibao,
augwa te wiegi yai homu pemene iyąo.
Te bage te aga da olama sa muani bage,
te augwa wiegi yai homu pemene yao.
¹³ God te dagalude bidu, tama aiyaba tonalubao.
Agai te tigidali tęde we bidi subo dao.
¹⁴ Aga te king aga pesagede bidibao,
tama te tigidali tęde we bidiba
aiyaba tonalubo dao.
¹⁵ Aga digi te tigidali we bidigo
homu kolesaga pedalumainu ilibo dao,
tama te augwaligo ebo kolesaga
tigidali konebo dao.
¹⁶ Te hwj̄bode te we bidi hanigo kingo
te boi bidi aiyaba elaluama,
tama te genuai ami dabede naga
te boi bidi dabe me sela sęgobeo.
Te ami dabe augwa bomogo digi
te boi bidi aiyaba me elalugobeo.
¹⁷ Te hwj̄bo hos dabego te ami dabe tau sobaso,
te hwj̄bo aiyaba elaluainu ebaso, usu egobeo.
Tama te hosgo bomogo naga te ami
te hwj̄bode hagabo ma sainu ebaso, usu me egob-
eo.
¹⁸ Tiali goli, odao.
Genuai Bidigo te aga dologode bidibo
we bidi tonalubo dao.
Awe, te agai te da godolo ebo kolesaga ebo siligobeo
homu ebo we bidi, te augwali agai
bugagia tonalubo dao.
¹⁹ Agai te we bidi dabe augwali tonalu,
te augwali me isigobeo.
Tama agai augwali te nasi ebo sogo nai mayu yaibao,
te augwali bidibo ula dali bidimainu yaibao.
²⁰ Te da Genuai Bidigo tau sabo te dago tonalubao.
Genuai Bidigo naga da tau sabo da.
Aga te hwj̄bo sabele tiwai elama,
tama da agade duala sabo dao.
²¹ Dago konealubo homu agai
wiegi yai nogide dąų obao.
Tama tiyu, dago agade
wiegi yai homu pemene yao.
²² Genuai Bidi, dago konealubo homu dąų olama,
tama nago da tau sabo tonalubao.
Nago te olo tau sabo wiegi yai kolesaga
daba sesemane sogo yao.
*Devit te Abimelek dali bidiyu, tama Abimelekigo aga
elidali weyu, aga te wabo pabo bidi tiwai bilibaso,
tama te Abimelekgo aga sela sęwani. Te Devit pelama,
nosali tama te e balia po așai dao. 1 Sml 21:13-15
sua.*

Godigo wiegi yai sę Devitba ebaso, tama agai Godigo
nogi ugwaba sai

34 Te eno Godiba usu da weyu,
gedu haluasa po weyu,
tama eno aga nogi sesemane sogo ugwaba sobao.
² Te Godigo ena tau sali homu elama,
tama eno agaba wiegi yai homu pemene ebo dao.
Te sęęę tolobo we bidi augwa te po odama,
tama augwa bugai homu mu emainao.
³ Dago te Godigo genuai nogide po pusubao.
Dago agai nogi ugwaba sao.
⁴ Eno te Genuai Bidiba usu da weyu,
te ena tau somainu gedu haluasa po wali,
tama agai eno gedu haluasa po wabo odali.
Agai te eno homude wi ebo tigidali sela sęnama,
tama megi da, ena haliga nagame yai bidibao.
⁵ Te tigidali we bidigo sęęę elaluali,
tiali goli te augwa Genuai Bidiba
konealubo homu dąų weyu,
te augwa wiegi yai homu pemene yaibao.
Tama tiyu, te augwa konealubo homu
dąų wali te me dolobeo,
augwali tede hale munu me egobeo.
⁶ Te sęęę elalubo bidi dabego
te Genuai Bidiba gedu haluasa po obaso,
tama agai te augwaligo
gedu haluasa po wabo odolama,
tama augwa te tigidali sęęęde
te augwali tau sali.
⁷ Te Genuai Bidigo mobo bidi ensel
te Genuai Bidi dologoba pelama
bidibo we bidi dabe pąde bidiyu,
tama agai augwali tau sobaso,
te augwali me dologobeo.
⁸ Genuai Bidigo wiegi yai kolesaga
dabolo ebo dao.
Duga digi te usu bugagia selama, suiąo,
tama te dagego koneyu,
te Genuai Bidi wiegi yai mu da waibao.
Te Genuai Bidiba konealubo homu
dąų mu wabo bidigo da,
aga te bugai haliga mu elama bidaibao. †
⁹ Te Genuai Bidigo we bidi dabe,
dage te aga dologode bidao.
Magi baso meni, te aga dologode
bidibo bidi dabe da,
te augwali magi nai deli me sęą pogobeo.
¹⁰ Awe, te boma pai ogwa bidi laion dabe me sogo
te bulu hasa dabe sęą peyu,
tama augwali nasi eyu, augwa bomo kimi isaibao.
Tiali goli, te Genuai Bidi wali pabo we bidi dabe da,
augwali te wiegi yai nai dabe me sęą pogobeo.
¹¹ Te dage konea sabo homu ebo bage, dage asela-
ma,

† 34:8 1 Pi 2:3

tama eno poba olo bugagia muagasao.
Eno dage ola menama,
tama dage te Genuai Bidi dali wi eyu,
aga dologode sesemane bidimainu yaibao.
¹² Magi ebawe, te nago homugo
te nago bidibo ula bugagia
pedalumainu homu ebawe?
Tama nago homugo te nago bidibo ula
te sesabi elama bidimainu eyu,
tama nage te bugagia bidiyu,
te wiegi yai pemene yabo homu ebawe?
¹³ Te homu nago wei eyu, godolo ebaso da,
teda nago te po dwai me wagio,
tama nago tibo po me olamuo.
¹⁴ Tama nago te dwai kolesaga ebo te tudiba muao,
tama wiegi yai kolesaga naga wali pao.
Nage te gasa we bidi dabe dali
te bugagia bidabo sunumi gegeyu,
tama te sunumi naga dolo wali pao.
¹⁵ Genuai Bidigo te doloba pai bidi dabe tonalubao,
tama agai te augwaligo usu da weyu,
gedu haluasa po wabo odobo dao.
¹⁶ Tiali goli, agai te dwai sę ebo bidi dabe wei isiayyu,
tudi ola mabo dao.
Tama agai te augwali ela muyu,
tama te we bidigo augwali homu
kone ma egobeo. †

¹⁷ Te doloba pai we bidi dabego
te Genuai Bidiba usu da weyu,
gedu haluasa po obaso,
tama agai augwaligo wabo po odobo dao.
Agai augwali tau siyu,
te sęęęo augwali me elalugobeo.
¹⁸ God te sęęę elalubo we bidi dabe pade bidaibao.
Tama agai te we bidigo konealubo homu
daę wali te dolainu ebaso,
te augwali tau sabo dao.

¹⁹ Mu tama, te sęęę hauwa
te doloba pai bidiba pedelaibao,
tiali goli, te Genuai Bidigo aga tau siyu,
tama te sęęę dabego aga aiyaba me elalugobeo.
²⁰ Genuai Bidigo aga mu tonaluaibao,
tama agai tigigo dili me deli me
togwa pogobeo. ††

²¹ Te dwai sę ebo bidi dabego haniani
dwai kolesaga ebogo augwa digi isaibao.
Tama Genuai Bidigo te doloba pai bidi
dabeba dene mabo boi bidi dabeba
dwai dene mu ilibo dao.
²² Godigo te aga sę bidi dabe ma selama,
tama augwa bidibo ula dali bidaibao.
Tama tigidali we bidigo homu agaba kęę pelama,
te agai augwali tonalumainu eyu,
te augwali me hagagobeo. Mu menio.

Te Devitgo asęani balia po me deli dao.

† 34:16 1 Pi 3:10-12 †† 34:20 Jon 19:36

Te bidigo Godiba gedu haluasa po weyu, te aga tau so-
mainu yai

35 Genuai Bidi, nago te ena dali
wado yainu elalubo bidi dabeba
te nago wado ilao.
Te ena dali hwjbo bidi dabe dali te nago hwjao.
² Nago te hwjbo doado bage,
me te sabele dali selama,
tama nago ena tau sagasao.
³ Nago te ene me hwą selama,
tama ena te pobeasa bilibo bidi dabe dali hwjao.
Nago te po enabolo wao,
te ena nage tau sabo bidi da wao.

⁴ Te bidi dabego ena ela muainu ebao.
Nago te hwjyu, augwali elaluama,
tama augwali hale ilao.
Augwaligo te ena dolabo po mia sali.
Nago augwali pobelama,
tama augwali kone tua pomainu mu yao.
⁵ Genuai Bidi, nago enselgo te dwai bidi dabe
sela sęmainu ilao,
te waligo te nosa kakali sela sębo tiwai yao.
⁶ Te nago enselgo te augwali pobeasa pelama,
tama augwaligo sunumi te hulua selama,
tama dwai bedege mu pedalumainu ilao.

⁷ Eno dwai sę augwaliba me isięwai, tiali goli tagalao,
te augwaligo ena dolabo bono
gągą dualali elalubao.
Tama augwaligo ena tulalumainu yabo
tę dedage me deli nigai dao.
⁸ Tiali goli, te augwaligo konesięwai sogo,
te augwaligo ena dolomainu te muani bono gągągo,
nago te augwa digi polo dolomainu ilao.
Tama augwa digi augwa te nigali
dedageba tolalumainu yao.

⁹ Genuai Bidigo te tama tibaso,
tama te eno wiegi yai homu pemene agaba yaibao.
Te agai ena tau sobaso,
te eno bugai homu agaba yaibao.
¹⁰ Tama te eno usu da po mu te Godiba waibao,
“Genuai Bidi, te nage tiwai me deli elalubeo.
Nago te bomo meni yai bidi dabe bugagia tau sabo
dao,
tama te bomo mu ebo bidi dabego
augwali dolainu ebo te usu me egobeo.”

¹¹ Te tibo po wabo bidi dabego enaba
te eno isięwani dwai sę meba po
enaba kisilama wali.
¹² Eno wiegi yai kolesaga augwaliba ebadi,
tama augwaligo dwai kolesaga enaba wei ponani.
Tama tibaso, eno haliga sęęę mu yai.
¹³ Tiali goli, eno augwaliba
te tiwai sę me ebeo. Mu menio.

Te augwali gasi elalubaso, eno homu dene mu elama,
tama eno ugwa dwai gudali.
Eno te nai tubo me habu selali,
tama tego digi enaba seęę mani.
Tama eno usu da weyu, gedu haluasa po
te nago augwali tau somainu wali.
¹⁴ Te eno abagi me ama teba
homu seęę ebo tiwai yali.
Ena te ida isaide te homu dene eyu,
gela wabo bidi tiwai bilali.
Ena te haliga seęę mu elama, tama ena te gela weyu,
homu dene dali bidali.
¹⁵ Tiali goli, te seęęgo ena gegebo sogo,
augwali sisinama, te wiegi yai homu pemene yai.
Augwali sisinama, ena elaluainu yali.
Te eno konesiąwani bidi meba,
augwaligo enaba te dwai po
kisilibo seę te toma me nabeo.
¹⁶ Augwaligo posobo po umabo mu weyu,
tama enaba seęę mani.
Augwaligo ena wei me isiąma,
tama augwaligo enade gebo hulía salí.

¹⁷ Genuai Bidi, te nisu naga sogo
nago augwali sula tagalogowe?
Nago ena ma siyu,
tama augwaligo ena me dologobeo.
Augwaligo te laiongo ena ela muainu ebo tiwai ebao,
tama ena nago te augwali nogode ma sao.
¹⁸ Te nago tama tibaso da,
te eno nageba usu da wabo po
te hauwa we bidi sisinibo tomode te po waibao.
Mu tama, te eno nago nogi te genuai hani
we bidi tomode ugwaba saibao.

¹⁹ Te bidi mebago ena dali odolali boi bidi ebao.
Tiyu, augwaligo ena aiyaba elalu,
te keńę wabo te nago sula me tagaligio.
Augwaligo odolali ena dali dwai homu ebao,
tama tiyu, nago eno seęęde
te wiegi yai pemene emainu sula me
tagaligio. †

²⁰ Augwaligo te gasa bidi dabe dali
bugagia bidabo po dwasianu me migobeo.
Augwaligo te bidibo bulude bugagia bidibo bidi dabe
dolabo po weyu ebo dao.
Augwa te wiegi yai bidi dabe tibo po ola mayu,
dolabo po sisinama mibo dao.
²¹ Augwaligo enaba po kisilama,
te genuai po daęą weyu, te tama po wabo dao,
“Mu tama, dago te nago dwai kolesaga
meba te ebo gedugo سوالیو,” te po wabo dao.
²² Tiali goli, Genuai Bidi, nago
te bidi dabe augwali سوالیو.
Tama tiyu, nago pedauwali panialuamuo.
Genuai Bidi, nage enade

† 35:19 Tib 69:4; Jon 15:25

te digibulu me bidilamu dao.
²³ Nage God, me eno Genuai Bidi,
nage hogodama, te ena tau sagasao.
Nago ena hasegelama,
tama ena tau sabo po hanilama pusao.
²⁴ Genuai Bidi, eno God,
nago te doloba pai kolesaga ebo dao.
Nago ena tau sabo te boi bidi dabego koneama,
eno te doloba pai kolesaga wali pabo da po
omainao.
Te ena dolomainu eyu, augwaligo te keńę wabo te
nago
sula me tagaligio.
²⁵ Nago te augwade digi augwa po
mia siyu, te tama po wali,
“Wiegi yai mu da,” te po wabo
nago sula me tagaligio.
“Te dago yainu yali seę, megi da te seę yalío.”
Nago te po augwaligo omainu me igio,
“Dago aga dolali dao.”

²⁶ Augwaligo te enaba pedelali seęęde
wiegi yai homu pemene yali.
Tama tiyu, nago augwali dwai hale emainu elama,
tama augwaligo homu kone mu tuą pomainao.
Augwa digi augwa nogi ugwaba siyu,
te ena aiyaba elaluainu yali,
tama tiyu, nago augwali
te hale dwai mu emainu elama,
tama augwaligo nogi te aiyaba elalualo.

²⁷ Tiali goli, te gasa bidi dabego
homugo nago ena te doloba pai bidi
nogi emainu homu eyu,
augwa wiegi yai pemene elama i weyu,
tama bugai haliga elama bidimainu emainao.
Sesemane sogo augwa te po omainao,
“Genuai Bidi te polalubo bidi mu da,” waibao,
“agai te aga seę bidi bugagia bidimainu
godolo ebo dao,” omainao.
²⁸ Tama tiyu, te eno nago doloba pai
kolesagade po hanilama weyu,
tama nago nogi tigidali sogo
giligade me, hulide me ugwaba saibao.

Te Devitgo asęani baliá po me deli dao.

Te dwai kolesaga ebo bidi dabede wali po dao

36 Agai dwai seęde sali seęę te dwai bidigo
haligade elalubao,
tama te po meba agabolo mabo dao.
Te bidigo te Godide wi me egobeo.
Mu menio. Agai aga tudiba muaibao. ††
² Agade digi aga hagoma eyu, te homu ebo da,
“Ena te polalubo bidi mu da,” waibao.
“Tama tibaso, Godigo te eno ebo dwai seę dabe
te me gegegobeo elama,

†† 36:1 Rom 3:18

tama agai ena po tų me iligobeo," wabo dao.
3 Sesemane sogo agai te dwai sę yabo po,
me te gasa bidi tibo po ola mabo po weyu yaibao.
Agai te wiegi yai kolesaga yabo homu
te agade me elalubo menio.
4 Aga te betide pila mudu,
tama te dwai sę yabo kolesaga te
homu kone paludaibao.
Agai te dwai sę ebo sunumi naga wali pidu,
tama te dwai sę ebo kolesaga tudiba me mugobeo.

Godigo wiegi yai kolesaga ebo dao

5 Genuai Bidi, nago te we bidi
godolo ebo kolesaga te dwasianu meni,
te godolo ebo dąj te dagaluba usu nigi pali.
Nago te mu kolesaga naga wali pabo,
tama te me te dwasianu menio.
Te dąj te ugwadu mu elalubo pąba usu nigi palio.
6 Te nago doloba pai kolesaga te genui mu elalubao,
te bulu du dabe tobage tiwai elalubao.
Dago nago te doloba pai po tų ebo page koneainu
ebaso,
te usu me egobeo.
Te aiyanu mu dulali,
te tamu ąj aiyanu mu ebo tiwai yai.
Genuai Bidi, nago te bidi dabe
me te hasa dabe bugagia tonalubaso,
te augwali bugagia bidibo dao.
7 God, nago te da godolo ebo kolesaga te siligobeo,
tama te wiegi yai mu yai, dago wei homu mu ebao.
Tama te we bidi dabe
te nageba pelama, duala sabo da,
te kakaruk wai dabe te aga idago
bogo dologoba duala sabo tiwai gilama ebo dao.
8 Nago bede te nai hauwa elalubao,
tama tiyu, te we bidi dabe te nai me
sąą pabo menio.
Te nago wiegi yai nai te umabo mu elalubao,
te soabo genuai wę tiwai eyu,
tama nago da te wę tumainu mabo dao.
9 Magi baso meni, nage te tigidali
naigo bidibo ula page bidi dao.
Tama nage te ulago page da.
Dago te nagede naga ula siyu,
tama da bugagia bidibao.
10 Sesemane sogo nage konebo
we bidi te nago augwali wei eyu,
godolo mu idu geao.
Nago te doloba pai bidi dabe tau siyu,
te augwali bugagia bidimainu tau sidu geao.
11 Nago ena te hagoma bidi dabego
sąąąo agamainu me elamuo.
Tama ena te dwai bidi dabego sela sąmainu me igio.
12 Suao. Te dwai sę ebo bidi dabe
te tąba tulaluama, te pila mubao.
Augwali te ma hodalogobeo.

**Magi nai te wiegi yai bidide, me dwai bidide pedalubo
po wai**

37 Abagi, nago te dwai sę ebo bidi dabego te
wiegi yai nai dabe sabode
te nago homugo pesa me elamuo.
Nago te dwai kolesaga ebo bidi dabego
naide haliga dwai me elamuo.
2 Te dwasianu sogo naga tama,
te dwai sę ebo bidi dabe dolaibao,
te nosa wa pabo tiwai eyu,
me te ni yabe wa pabo tiwai yaibao.
3 Nago konealubo homu Godiba munama,
tama wiegi yai kolesaga yao.
Nago tama tiali da, tama nage te naga tąde sesabi
elama bidaibao,
tama magi nai me deligo nage me dologobeo.
4 Nago Genuai Bidiba wiegi yai pemene yao,
tama agai te nago godolo homu ebo
nai dabe mawaibao.
5 Nago te naga bidibo ula te Genuai Bidi nogoba
muao.
Te konealubo homu agaba dąų weyu,
te agai nage tau saibao.
6 Tama tiyu, te agai nago wiegi yai kolesaga
te hania pepeli diliba pedalumainu ilama,
te giliga ula pedalubo tiwai yaibao.
Tama agai te nago doloba pai kolesaga
te bidi dabego gedude te pepeli diliba haniliyu,
te nai tubode te giliga tomo yagasu
ula ebo tiwai yaibao.
7 Nage dua digi te Genuai Bidi pąba pelama, bidao.
Te dua digi bidiyu, te agai nage tau sabo tonaluao.
Te bidi dabego augwa ebo kolesagade
te wiegi yai nai dabe sabode te
nago homugo pesa me elamuo.
Mu tama, te haniani dwai kolesaga yabo
homu ebo bidi dabego ebo homude
nago homu kekelu eyu, tama te tiwai sę eyu,
pedelabo homu me elamuo.
8 Nago wado po me wasiųyu,
tama nago te haliga sębę ebo kolesaga me tagalao.
Nago homu te nai dabede kekelu elama,
homugo pesa me elamuo.
Te kolesagago nage kekelama,
te dwai kolesaga emainu yaibao.
9 Te dwai sę ebo bidi dabe mu dolaibao.
Tiali goli, te konealubo homu dąų olama
bidibo we bidi dabego
te Genuai Bidigo augwali tau somainu
tonaluali we bidi dabe da,
te augwali te augwa tąde bugagia bidaibao.
10 Te pąde tama digi sogo,
te dwai sę ebo bidi dabe mu hagawaibao.

Te nago augwa pesagede te augwali gegebo sę
yaibao,

tiali goli nago augwali me sugobeo.

¹¹ Tiali goli, te augwa digi augwa
aiyaba elalubo we bidi dabe,
te augwali te tęde bugagia bidaibao.

Te augwali wiegi yai mu bidiyu,
tama wiegi yai pemene elama, bidaibao. †

¹² Te dwai sę ebo bidigo
te wiegi yai bidi dolabo homu eyu,
te wado po wabo dao.

¹³ Tiali goli, Genuai Bidigo te sogo me deli
te bodolu pedalubo koneyu, tama te sogo
te dwai sę ebo bidi dabe dolaibao.
Tama tiyu, Genuai Bidigo augwaliba gisugu mabo
dao.

¹⁴ Te dwai sę ebo bidi dabego te bainat hwą dią siyu,
tama te enesigi kegelama,
te nai meni yai bidi dabe,
me te magi doado bage sęą pabo
bidi dabe enainu yaibao.

Augwaligo te doloba pai kolesaga
wali pabo we bidi dabe ela muabo homu ebo dao.

¹⁵ Tiali goli, te augwa bainatgo
te Godigo augwali isilaibao,
tama Godigo te augwaligo enesigi togwa paibao.

¹⁶ Te doloba pai bidigo te dwasianu naigo
te tigidali dwai bidigo nai hauwa
te aiyaba elalueibao.

¹⁷ Magi baso meni, Genuai Bidigo
te dwai bidi dabego bomo silama,
tama agai te doloba pai bidi dabe tonaluaeibao.

¹⁸ Genuai Bidigo te aga po wali pabo
we bidi bugagia tonaluaeibao.

Tama te Godigo augwali mani doado bage,
te augwa sesemane sogo tolaluaeibao.

¹⁹ Te dwai sogode te sęęęo augwali me gegegobeo.
Tama te nasi ebo sogo, te augwa nai hauwa elalu,
te augwali nai me sęą pogobeo.

²⁰ Tiali goli, te dwai sę ebo bidi dabe,
augwali da, mu dolaibao.
Te Genuai Bidigo boi bidi dabe augwali te ha-
gawaibao,
te wiegi yai plauago, me nosaigo au tęba tegaluama,
te hagabo tiwai gilama yaibao.
Mu tama, te augwali te sia hano
te dwasianu sogo naga elaluama,
tama te hano pela silibo tiwai gilama ebo dao.

²¹ Te dwai sę ebo bidigo te nai dabede negeli selama,
tama agai te negeli sali wei me ponogobeo.

Tiali goli, doloba pai bidigo te wiegi yai kolesaga eyu,
tama agai te gasa bidi dabeba te nai olo mabo dao.

²² Te Genuai Bidigo wiegi yai po
augwaliba wabo we bidi da,

te augwali te bugagia tęde bidaibao.

Tiali goli, te Genuai Bidigo te dolomainao po wali
we bidi dabe da, teda agai augwali sela sęwaibao.

²³ Genuai Bidigo te we bidi
bilibo dodolobo sę ebo dao.

Te agai bidi me deligo kolesaga
wei eyu, godolo ebaso da,
agai te aga dolasa bilimainu daų walaibao.

²⁴ Tama te bidi tulalubaso, tagalao,
aga te mu dologobeo.

Magi baso meni, Genuai Bidigo
te aga nogo tola selama,
tama aga ma dolugulumainu ebo dao.

²⁵ Polobadu ena gesi ogwa bidi bidali,
tama megı da ena monu dabe yalio,
tiali goli te Godigo doloba pai bidi
me deli tudiba mubo te eno me subeo.

Tama te doloba pai bidi dabego
wai dabe te nai sęą pabo te eno me susiaųu,
tama te gasa bidigo augwali
tau somainu i me wabeo. Mu menio.

²⁶ Te sesemane sogo
te doloba pai kolesaga
ebo bidigo te olo mu tau sabo
wiegi yai kolesaga eyu,
tama te gasa we bidi dabeba nai

hauwa mayu ebo dao,
tama augwa wai dabego
te aya ida wiegi yai homu
pemene ilibo sę ebo dao.

²⁷ Nago te tigidali dwai kolesaga tudiba munama,
tama wiegi yai kolesaga naga yao.

Te tiwai nago ebaso da,
teda nago nosali pedalubo hani bage
augwaligo te tęde sesabi elama,
bugagia bidada paibao.

²⁸ Magi baso meni, Godigo te doloba pai kolesaga
ebo

we bidi wei eyu, godolo mu ebo dao.
Agai te aga we bidi hagamainu me egobeo.
Sesemane sogo Genuai Bidigo te

we bidi dabe dolasa bilimainu tonaluaeibao.
Tiali goli, te dwai bidi dabego

wai dabe da, te mu dolaibao.
²⁹ Tiali goli, te doloba pai bidi dabe da,
te Godigo augwa mani tę saibao,
tama augwa tede sesemane sogo bidada paibao.

³⁰ Doloba pai bidigo te wiegi yai
kolesaga koneani elalu,
tama wiegi yai po naga pusaibao.
Agai te doloba pai kolesagade po mibo dao.

³¹ Te Godigo bomai po aga homude elalu,
tama agai God wali peyu,
tama te bomai po me tagalogobeo.

³² Te dwai sę ebo bidi geme dualalu,
tama te doloba pai bidi tonaluaeibao,

† 37:11 Mat 5:5

tama aga ela muabo sunumi gegeyu tebo dao.
33 Tiali goli, Genuai Bidigo te doloba pai bidi
te dwai bidigo ela mumainu me tagalogobeo. Mu
menio.

Tama te dwai sę ebo bidigo
te doloba pai bidi po tų ilibaso da,
teda Genuai Bidigo agai te doloba pai bidi
te po tųde aiyaba elalumainu me
sula tagalu me gogologobeo.
34 Nago konealubo homu Genuai Bidiba daų olama,
tama agai po dolo wali peyu,
tama agai kolesaga wali pao.
Nago te tiwai eyu da, teda agai nageba
te genuai nogi mayu,
tama nago te agai nageba mani tų tolalu bidaibao.
Tama agai te dwai sę ebo bidi dabe
dolobo te nago sueibao.

35 Eno suali, te dwai sę ebo bidigo
genuai bomu elalubao, tama agai te we bidi dabe
aiyaba elalu, te Lebanonde elalubo
te moni ni sidago te gasa ni dabe aiyaba elalubo
tiwai gilama ebo dao.

36 Tiali goli, nosali ena te badu ma pali,
tama aga te munu ma elalubeo.
Eno aga gegebo sę yali,
tiali goli eno aga me subeo. Mu menio.

37 Nago te magi dwai sę me deli isąwai
bidide homu kone paliyu,
tama te doloba pai bidi suabo homu yao.
Te gasa we bidi dabe dali
dua digi bidibo bidi yaibaso da,
teda aga hani te sesemane sogo bidaibao.

38 Tiali goli, Genuai Bidigo
te dwai sę ebo bidi dabe te mu dolaibao.
Te augwa hani wąj nų dabe
augwali nosali te mu menia saibao.

39 Genuai Bidigo digi te doloba pai dabe ma sabo dao.
Te sęę augwaliba pedalubo sogo,
augwali te udulama, agaba pobaso,
tama agai augwali tonalubo dao.

40 Augwaligo konealubo homu agaba daų wai.
Tama tiyu, agai augwali tau siyu, tama agai augwali
te dwai bidi dabego nogode dobola selama,
tama augwa bugagia bidibo dao.

Te Devitgo asęani balia po me deli dao.

Te sęę elalubo bidigo gedu haluasa po wai

38 Genuai Bidi, nago wado yabo homu elalubao,
tiali goli nago enaba wado me iligio.

Nago haliga sębę yai,
tiali goli nago enaba dene me magio.

² Nago ene dabego nago ena mu enama,
tama naga nogogo nago ena aiyaba elaluai.

³ Nago enaba wado ebaso, tama ena dwai gasi yai.

Eno sęę elalubaso,
tama eno tigi bomu mu meni yai.
⁴ Te ena sęę dabego te ena mesegelama,
tama te sęę dabe te eno walu tolai
sęę tiwai elama, tama sęę mu ebo dao.
⁵ Te eno tigde elalubo kenide
te keni bole hauwa elalu, tama te kugumini mu
ebao.

Eno te geda mubo kolesaga mu eyu,
tama te sę enaba pedelai.

⁶ Eno haligade te genuai sęę mu elama,
tama ena dolobao.

Te tigidali side ena homu dene eyu,
tama gela naga wabo dao.

⁷ Eno tigi te posolo mu eyu, te siago dabo tiwai ebao,
tama ena genuai gasi mu elalubao.

⁸ Ena mu dolama, tama ena dwai bidali,
te magi nai me deligo ena bomonama agabo tiwai
gilama yali.

Eno haligade te dwai homu mu yali,
tama ena te genuai denede i me weyu yali.

⁹ Genuai Bidi, nago te eno bomai homu
wei ebo koneani.

Eno haligago dwai gela wabo,
tama nagede tebo te geme me
dualalubeo.

¹⁰ Te eno hoboludu sę bomu mu ebaso,
tama eno bomu te mu sia salio.

Te eno gedu hulua selama,
tama eno bugagia ma tonosiąbo dao.

¹¹ Te eno abagi, me hai namu dabe,
te augwali ena pąba asabo homu isąwai.

Augwaligo te eno keni suabo homu isąwai.
Tama ena hani sibi dabe augwali te digibulu bidibao.

¹² Te ena ela muainu ebo bidi dabe,
augwaligo te ena tola somainu yabo
bono gągą sisi elama, muani.

Te ena dolainu ebo bidi dabe,
augwaligo te enaba dwai sę yabo po miani.

Tama sesemane sogo augwaligo enaba
dwai sę yabo homu kolesaga ebo dao.

¹³ Tiali goli, ena te olo degai bidi tiwai elama,
tama eno augwaligo wabo po me odobeo.

Ena te pedauwali pania sai tiwai elama,
tama eno pedauwali me a me wabeo.

¹⁴ Ena te po odisąbo bidi me deli
tiwai gilama yali, tama eno augwaliba
te po wei me ponobeo.

¹⁵ Tiali goli, Genuai Bidi,
eno konealubo homu nageba daų wali.

Genuai Bidi, nage eno God da,
te naga digi enaba te po
wei ponomainu yaibao.

¹⁶ Eno te tama gedu haluasa po wali,
“Nago te boi bidi dabego ena aiyaba elaluama,
tede kęnę omainu me elamuo,” wali.

“Te ena dwasianu tula mubo sogo,
nago te augwali hagoma eyu,
wiegi yai homu pemene emainu me igio,” wali.
17 Magi baso meni, te pąde ena tulaluainu eyu,
tama ena sesemane sogo dene ebo dao.

18 Eno dwai sę yali po nageba pusali,
tama ena yali sęęde ena homu dene yai.

19 Te eno boi bidi tigidaligo te bomu mu ebao.
Te bidi hauwa umabogo
te enaba odolali boi bidi ebao.

20 Eno dwagi yai kolesaga augwaliba ebadi,
tiali goli augwaligo enaba
dwai kolesaga wei ponoyu yai.

Eno te wiegi yai kolesaga wali pobadi,
tama tede augwaligo homu koneama,
tama enade augwa boi bidi pedelali.

21 Genuai Bidi, nago ena me tagaligio.
Eno God, nage te enade digibulu me bidigio.

22 Genuai Bidi, nage da ena ma dobola sabo bidi da.
Nago ena polo tama tau sao.

Te Devitgo asęani balia po me deli dao.

Te sęę elalubo bidigo po wali

39 Eno po te tama wali,
“Eno te ena ebo kolesaga tigidali te bugagia
tonalueibao,” po wali.

“Tiyu, te ena wali pode sęę sidalio.
Te dwai sę ebo bidi dabe ena pąde bidibo sogo da,
teda eno po deli me wagobeo,” wali.

2 Tialima, eno pedauwali pania selama,
tama eno po deli me wabeo.

Tama eno te wiegi yai naide me po me deli me
wabeo.

Tiali goli, eno haliga sęę te genuai mu pedelalio.

3 Tama eno moni homu mu yai.
Eno homu kone palubo sę idubadi,
tama eno haliga te mu dwai yali.

Tialima, megi da, eno pedauwali
pania sobaso, usu egobeo. Menio.

4 Eno Godiba te tama po hanalu wai,
“Genuai Bidi, te ena bidabo ulade
te nisu naga kibu be elalubawe?

Te mena sogo ena isigowe?
Te eno bidabo ula te pęwadage sogo
naga elalubo homu ebao.

Nago enabolo pusa mao,” po wali.

5 Nago ena bidabo bodolu
te pęwadage sogo mu muani elalubao.
Te nago gedude ena te bidabo bodolu muani,
te olo bage tiwai yali.

Tigidali bidi te wali tiwai eyu,
te bidi me deligo te pedauwalide
ponobo tiwai gilama ebo dao.

6 Tigidali bidi te ni noma te giligade elalubo tiwai
ebao.

Augwa te doado bage hauwa sabo sę dene ebadi,
tiali goli, augwa te sę dene odolali hagayu yai.
Te bidi dabego doado bage hauwa sisinani,
tiali goli, augwali isibo si,
dego sogowe, te augwaligo me konebeo.

7 Tiali goli, Genuai Bidi, megi eno magi nai
tonalubowe? Menio.

Eno konealubo homu nageba daų weyu,
tama nago naga ena tau sabo tonalubao.

8 Nago ena ma selama,
tama eno sęę tigidali sela sayao.
Nago te kolesaga geda mubo bidi dabego
te enaba posobo po omainu me elamuo.

9 Tiali goli, eno da po me wagobeo.
Eno pedauwali pania saibao.
Magi baso meni, nago digi te dene mabo sę enaba
yali.

10 Nago ena me dolamuo dao.

Nago ena dene mu menama,
tama pąde ena isainu ebao.

11 Nago te bidi me deliba wado eyu,
tama aga yali sę wei ponoyu ebo dao.
Tama nago te agai godolo ebo nai te mu siliyu
yaibao,

te asobago te ugwa togobo tiwai eyu,
tama te ugwa dolobo tiwai ebao.
Mu tama, tigidali bidi pedauwalide
te po mobo wali asobo tiwai ebo dao.

12 Genuai Bidi, nago eno gedu haluasa po odao.
Nago te eno i waboba olo bugagia muao.
Te eno nageba i wabo sogo, nago olo pania selamuo.
Nago koneani, ena te dwasianu sogo
nage dali te tęde bidaibao.

Ena te ena wąj nų dabe tobage tiwai dao,
augwali me te pęwadage sogo naga te tęde bidai
dao.

13 Nago enaba te dene mabo sę me elamuo.
Enabolo sula tagalu, te ena haliga wiegi yai
ma emainu yao.

Tama nosali ena isibaso, te tę mu taga paibao.

Te Devitgo asęani balia po me deli dao.

Te God nogi ugwaba sabo tęąbi po dao

40 Ena dua digi bidiyu,
tama eno te Genuai Bidigo ena
tau sabo tonalu bidai.

Tama agai te olo tau sabo wiegi yai kolesaga enaba
eyu,
tama eno gedu haluasa po wabo odali.

2 Ena te aiyaba mu igulai genuai dedage
tomode bidibo bidi tiwai bidiyu,
tama ena dolainu ebaso,
tama Genuai Bidigo ena kegelama,

tama ena ugwaba holali.
Ena te pu węde mu daų olama,
tama tego ena tola sai elalu,
tama Genuai Bidi agai ena tedu gudulama,
tama ena te masigi elalubo madiba dodolama,
tama ena bomonama ma pai dao.
³ Agai te gesi tęąbi po me deli enaba mani,
te agaba konealubo homu daų wabo
God nogi ugwaba sabo tęąbi po dao.
Te bidi hauwago te agai enade yali sę
po odolama, tama augwa wi elama,
tama augwa te Genuai Bidiba
konealubo homu daų omainu yaibao.
⁴ Bidigo konealubo homu te
Genuai Bidiba daų wabo bidi da,
te aga wiegi yai homu pemene yao.
Te hagoma ebo bidi dabe wali pisąbo bidi tiwai,
tama te Genuai Bidi me tagalisiąma,
tama te tibo god dabeba lotu po me wagobeo.
Mu menio.
⁵ Genuai Bidi, eno God,
nago te da tau sabo sę wiegi yai hauwa yali.
Te nage tiwai bidi me elalubeo.
Nago augwali aiyaba mu elaluali.
Eno te bidi dabeba po pusuyu,
tama nago sę me homude po weyu da, ya tegobao!
Te umabo umabo mu yaibao.
Eno nedebaso, usu me egobeo.

⁶ Nago te augwaligo elama ofa ebo
kibu dabe te wei ebeo.
Te tobage augwaligo
te siaba tigidali ulama domainu
te sęęę sela sąbo ofa, te me nago wei me isiąwai.
Tiali goli, nago eno homu hodolobaso,
tama eno nago po wali pabo dao.
⁷ Tialima, megi eno e tama obao,
“Suao. Ena asalio.
Te nago bomai po elalubo bukude nago homugo
te eno emainu yabo sę asęanio.
⁸ Eno God, eno te nago
homu wali pabo wei mu ebao.
Te nago bomai po te ena haliga tomode
elalubao.” †

⁹ Genuai Bidi, eno te nago bukude po pusubo sę
te nago we bidi dabe sisinibo tomode wai dao.
Eno te tama po wai,
“Genuai Bidigo te da ma sabo dao.”
Genuai Bidi, nago koneani,
eno te po sesemane pusaibao.
Eno pedauwali me pania sogobeo.
¹⁰ Nago ena tau selama, tama ena ma sali,
tama te eno me geme dualubeo.
Te nago naga mu po te wali pelama,
tama te nago da ma sabo da po eno pusalio.
Nago te tigidali we bidi wei mu eyu,

† 40:8 Hib 10:5-7

tama nago mu kolesaga wali pobaso,
tama eno te lotu wainu sisinibo
we bidi dabeba eno me dualubeo.
Menio, eno augwaliba wai dao.

¹¹ Genuai Bidi, eno koneani,
te nago homu dene eyu,
tau sabo sę ebo te palia sogobeo.
Menio, nago ena sesemane sogo homu ebo dao.
Nago ena wei eyu, tama naga mu po te wali peyu,
tama tebo kolesagade te nago
ena sesemane sogo tonalubo dao.

**Agai te Godiba gedu haluasa po weyu, aga tau so-
mainu yali**

¹² Te sęęę hauwa enaba pedelali,
tama te augwali eno nedebaso, usu egobeo.
Te dwai kolesaga dabe eno yali,
tego ena aiyaba elalualio,
tama eno bugagia me tonono me ebeo.

Te dwai kolesaga hauwa mu pedelama,
tama te eno tobolude elalubo
tobolu nisi namba te aiyaba elalui.
Eno homu kolesaga tigidali tuloluai,
tama ena bomo meni yai dao.

¹³ Genuai Bidi, ao, te nago ena ma sao.

¹⁴ Genuai Bidi, te nago ena polo tau sao.

¹⁴ Te bidi mebago ena ela muainu ebao.

Nago augwali elalu,
tama augwali homu kone mu tuą palama,
te augwali dwai hale somainao.
Te bidi dabego eno sęęde wiegi yai pemene ebao,
nago augwali ma sela sąnama,
tama augwali te elalua.

¹⁵ Te bidi dabego enaba posobo po weyu, kęnę wali.

Nago augwali te hale mu elalumainu yao,
te augwa yali kolesagade
dwai midigi mu somainu yao.

¹⁶ Tiali goli, eno homugo te nage koneani bidi dabego
da, augwa te nageba wiegi yai pemene eyu,
tama bugai homu elama bidaibao.

Te nage godolo mu idubo we bidi dabe,
te nago augwali ma sao, augwa te po omainu yao,
“Genuai Bidi te polalubo bidi mu da,” omainao.

¹⁷ Tiali goli, ena te bomo meni yai bidi,
tama ena te tigidali doado bage sąą pai elalubao.

Tama nage, Genuai Bidi, nago ena homu koneani.
God, nago digi nago ena tau sabo bidi da,
tama nago ena ma sabo dao.

Nago me tonalugio, nago ena polo tau sao.

Te Devitgo asęani balia po me deli dao.

**Gasi yai bidigo te Godiba gedu haluasa po weyu, te
Godigo aga usu ma ilimainu yai**

41 Bidigo te magi doado bage meni yai bidiba
homu kone palama,

tama augwali tau sabo bidi da,
te bidigo homu wiegi yai pemene yao.
Te sęęę agaba pedalubo sogode,
te Genuai Bidigo aga tau saibao.
2 Godigo te aga tonalu,
tama aga bidibo ula daę walaibao.
Tama Genuai Bidigo te aga pesagede
bugagia bidimainu ilaibao.
Tama te Genuai Bidigo te boi bidi dabego
aga dolomainu me iligobeo.
3 Te bidi aga gasi elalubo sogo,
te Genuai Bidigo aga tonalubao.
Agai te aga gasi usu ma ilama,
tama aga bomo ma somainu ebo dao.
4 Tiali goli, ena digi eno te po wali,
"Genuai Bidi, eno nageba dwai sę yali," po wai.
"Tiali goli nago te olo tau sabo
wiegi yai kolesaga enaba eyu,
tama eno gasi silao," wali.
5 Te eno boi bidi dabego enade dwai haliga eyu,
tama augwa te po wai,
"Te aga polo isibasoo, te dago homu kone agade ebo
tagalaibao."
6 Te bidi mebago ena suagasu,
tama augwa enade odolali po miani.
Augwaligo te ena gasi dwai ebo po odainu yali.
Tama nosali augwa buluba dią soyu,
tama augwaligo ena te gasi ebo po
te tigidali habude te po pusubo dao.
7 Tigidali bidigo ena wei me isąyu,
te augwaligo eno gasi po geme wabo dao.
Augwaligo homugo te dwai nai mugo
ena dolomainu homu ebo dao.
8 Augwa te tama po wai,
"Te dwai naigo aga salio," wali.
"Te aga ma hodalubaso, te usu egobeo.
Te aga isaibao," wai.
9 Eno abagi me deli elaluai,
aga te eno hai namu mu tama,
tama aga te ena dali nai tuyu yai.
Tiali goli, aga me te eno boi bidi pedelali. †
10 Genuai Bidi, nago te olo tau sabo
wiegi yai kolesaga enaba eyu,
tama e gasi silimainu yao,
tama te eno te bidi dabe augwa yali
kolesaga wei ponaibao.
11 Te boi bidi dabego ena dolisąbaso da,
teda eno koneyu,
te nago ena godolo eba homu yaibao.
12 Nago suali, te ena dolo bilibasoo,
tama nago ena tonalualii,
tama nago ena te naga paęde sesemane dolaluaibao.
13 Dago te Genuai Bidi nogi ugwaba sao,
aga te da Israel dabego God dao.

† 41:9 Mat 26:23; Mak 14:20; Luk 22:21; Jon 13:18

Tama te nosali pedalubo hani
augwa te tama naga tiaibao.
Te mu dao. ††

Buku 2

(Tib 42-72)

*Polobadu mu te dago megi wabo Tib 42 dali, Tib 43
dali te balia po me deli naga elaluali. Tiali goli, nosali
augwaligo te balia po pedama, tama megi dago te
balia po si badu elalubao. Tama te balia side elalubo
po page te deli page dao, te bidi aga page bulude ho-
mu dene mu eyu, tama Genuai Bidi Godibolo aga
gedu haluasa po obao. Te Kora hani dabego asęani
balia po me deli dao.*

Te aga bulu digibulu bidibo bidigo gedu haluasa po
wali

42 Uni hasa te węde nogene eyu,
tama te tubo dwasianu węba
udua pabo dao.
Tama te tiwai naga, God, eno homu wei eyu,
te nage paęde bidabo homu ebao.
2 God, nage te bidibo ula elalubo God da,
tama eno nage wei homu mu ebao,
te bidi aga dogoni wa pobaso,
te wę tuainu ebo tiwai yaibao.
God, mena sogo te ena nageba aselama,
tama te moni lotu be tempelde
nageba lotu wagowe?
3 Sesemane sogo te bidi dabego enaba te tama po
wali,
"Te nago God mena bidibawe?"
Tama tibaso, ena sesemane sogo gela udubo sę yali.
Te eno gedu aę te eno siade me hulide
nai tubo tiwai gilama yali.
4 Eno te polobadu wiegi yai homu elaluali sogo
homu kone palama,
tama eno haliga sęęę mu yali.
Polobadu ena te hauwa we bidi dali bilali,
tama ena poligi pelama,
tama augwali te Godigo beba odasa pai.
Da pelayu, tama wiegi yai pemene ebo i me wali,
tama Godiba usu da wabo tęąbi po wali.
Te sogo da tigidali te olo bidibo side sisinani.
5 Magi basoo ena sesemane sogo
te haliga sęęę ebawe?
Magi basoo eno haliga midigi ebawe?
Eno konealubo homu te Godiba daę olama,
tama agai ena tau sabo tonalueibao.
Aga te eno God da, tama ena tau sabo da.
Tama tiyu, eno aga nogi ugwaba ma saibao.
6-7 Te boi bidi dabego ena te augwa
buluba odasa asobaso,

†† 41:13 Tib 106:48

tama megi eno page bulu te digibulu mu elalubao.
Tama tibaso, eno haliga seęę mu ebao.
Tama tiyu, God, eno homu kone nageba ebao.
Nago te enaba te haniani genuai seęę menama,
tama augwaligo ena mesegelali,
te moni soabo aę tiwai dao.
Tama te masigi yai madi soabo wę
te aiyaba sabo duluyu,
te węgo kulukulu umabo mu wabo dao.
Te tiwai me te enaba pedelali seęę dabego
te eno homu kone tųą pali.
Nago te biksi peda pomainu elama,
tama pepeda pomainu yali,
tama te nambisde tų mesegebo dao.
Tama te tiwai naga nago enaba
te muani seęę tigidaligo te ena mesegelibo dao.
⁸ Tiali goli, eno homugo te Genuai Bidigo enabolo
te olo tau sabo kolesaga te giligade emainu yali.
Tama te hulide eno te agaba usu da weyu,
gedu haluasa po wabo tęąbi po waibao,
tama te ena bidabo ula mabo Godiba te usu da po
wabo gedu haluasa po waibao.
⁹ God da, te ena seselalubo bidi mu dao,
tama eno agaba te tama po obao,
“Magi baso nago enaba homu kone ebo tagalubawe?
Magi baso nago ena te boi bidi dabego elalumainu
eyu,
tama ena te haliga seęę emainu ebawe?”
¹⁰ Te sesemane sogo te boi bidi dabego
enaba te tiwai kęnę po weyu,
“Te naga God mena bidibawe?” po wabo.
Te pogo te ena tigide te ene enama,
tama ena isainu ebo tiwai yai.
¹¹ Magi baso ena haliga seęę sesemane sogo ebawe?
Magi baso eno haliga midigi ebawe?
Ena te Godiba konealubo homu daę olama,
tama agai ena tau sabo tonalueibao.
Aga te eno God da, tama ena tau sabo dao.
Tama tiyu, eno aga nogi ugwaba ma saibao.

**Aga bulu taga pelama, digibulu bidibo bidigo gedu
haluasa po wai**

43 God, te bidi dabego nage tudiba muyu,
te augwaligo ena aiyaba elaluainu
homu ebao.
Nago ena tau selama,
tama augwaligo te dwai po wabo togolama,
tama augwaliba eno ebo
wiegi yai kolesaga naga ola mao.
Augwali te tibo po wabo bidi dabe da,
tama augwaligo kolesaga te dolo me isąwai.
Nago ena tau selama,
tama augwali nogode ena ma dobola sali.
² Magi baso meni, nage naga, nage eno God da.
Ena nageba aselama,
tama te dwai bidi dabede geme duala sali.
Tialima, magi baso nago
ena homu ebo gegeda palubawe?

Magi baso te boi bidi dabego ena aiyaba elaluama,
tama ena haliga seęę
dwai mu iduaibawe?
³ Nago te naga mu po ola toliyu,
tama nago ula me asiyu,
tama enabolo sunumi ola mobaso da,
teda ena te naga tedali bulu du dolo
te Saionba pelama digi,
tama te nage bidibo lotu be tempelba
paibao.
⁴ Tama tialima, ena te God, nago alta sai teba paibao.
Magi baso meni, nago ena wiegi yai
haliga iliyu, te pemene ilibo dao.
Nage eno God da, te eno gita selama, te musik weyu,
tama nago nogi ugwaba sabo tęąbi po naga waibao.
⁵ Magi baso ena haliga seęę sesemane sogo
elalubawe?
Magi baso eno haliga dwai midigi sobawe?
Eno konealubo homu Godiba daę weyu,
tama te agai ena tau sabo tonalueibao.
Aga te eno God da, tama ena tau sabo dao.
Tama tiyu, eno aga nogi ugwaba ma saibao.

Te Kora hani dabego asęani balia po me deli dao.

**Te Israel dabego te Godigo augwali tau somainu
hanalu wali**

44 God, te dago wąj nõę dabego te nago
polobadu bomai seę yali po te dabolo pusali,
te augwali tųde bidali sogo.
Tama dena digi te po wabo odai dao.
² Nago digi te Israel hani isąwai bage
te augwa tųde sela sąnama,
tama nago te tų te da Israel bagego
wąj nõę dabeba mani,
tama augwali tede bomo elalu bidali.
Nago te gasa hani dabego yali
dwai kolesaga wei ponani,
tiali goli nago te dena wąj nõę dabe
te bugagia bidimainu elama,
tama hauwa umabo we bidi pedalumainu yai dao.
³ Te wąj nõę dabego hwįani,
tiali goli augwaligo te tų te hwįnama me sabeo.
Te augwa digi augwa bomogo te hwįbo tau selama,
te boi bidi aiyaba me elalubeo.
Menio. Nago augwali wei mu yali,
tama tiyu, nage augwali dali bidiyu,
tama augwaliba ula mani.
Tama nago bomogo digi te boi bidi
aiyaba elaluai dao.
⁴ Nage eno king me eno God dao.
Nago po obaso, tama te Jekopgo hanigo
te boi hwįbode
te boi bidi dabe aiyaba elalubo dao.
⁵ Te nago bomogo naga dago
te boi bidi dabe sela sąyu ebo dao.
Mu tama, nage da dali bidiyu,
tama dago te da dali hwįbo bidi dabe

aiyaba elaluyu, saęągo agabo dao.

⁶ Eno enesigi me ene elalubao,
tiali goli eno homugo eno te hwj̄bode
te nai dabego ena tau sabo homu me ebeo.
Eno te bobobage bainat hwą elalubao,
tiali goli tego me ena te hwj̄bode tau me sogobeo.

⁷ Menio. Nago naga da tau sobaso,
tama te boi bidi dabego da aiyaba me elalubeo.
Te bidi dabego da wei me isaębadi,
tiali goli nago augwali dali hwj̄nama,
tama nago augwali aiyaba elalui dao.

⁸ God, sesemane sogo dago nago nogi ugwaba
sobao.
Tama dago nageba usu da weyu,
geda haluasa po sesemane sesemane sogo wabo
da.

⁹ Tiali goli, megi da, magi yaliwe?
Nago da tudiba munama,
tama nago dago nogi aiyaba muani.
Tama nage te dago ami bidi dabe dali
te hwjboba me pabeo.

¹⁰ Nago tama tibaso,
tama da te boi bidi dabede wi sobadi,
tama augwaligo te dago doado bage salio.

¹¹ Nago da te augwaligo ela muabo
kibu sipsip tiwai pedalumainu ilali.
Tama nago da te dena tęde bidali sela saębaso,
tama da tedela pelama, te gasa hani bage tomoba
bidigi pai dao.

¹² Nago te naga we bidi te gasa haniba tagala pala-
ma,
tama nago augwalide dwasianu mone mu sai.
Nago te augwalide gasa ugwadu
daganobo profit mone me sabeo.

¹³ Nago dade te tiwai yali,
tama te da paęde bidali hanigo
te posobo po daba wali.
Te we bidi dabego dwai gisugu mayu,
tama dabolo hale ebo po wali.

¹⁴ Nago te hani bage dabe homu hodolubaso,
tama augwaligo dago nogide hale yabo po wabo
dao.

Te daba pedalubo seęde augwaligo
dwai gisugu mabo seę ebao.

¹⁵⁻¹⁶ Te bidi dabego posobo po,
me dwai po enaba wali,
tama te boi bidigo me te bidi dabego
te dwai seę enaba wei ponobo eno suali.
Tama ena sesemane sogo homu seęę
elalu, tama ena hale mu yai dao.

¹⁷ God, dago nage homu kone palubo
me gegeda palisiąyu,
tama dago nago daę walali bomai po
te me sela saęyu ebeo.
Tiali goli, te seę dabe daba pedalubao.

¹⁸ Dago nage tudiba me musiąyu,
tama dago nago sunumi wali asobo me tagalubeo.
¹⁹ Tiali goli, nago da te uni hasa dabego
pesagede dolomainu ebao.
Tama nago da te be hulisa sai dwai
madi mu te mesegelibo tiwai ebao.

²⁰ Dago God, te dago nageba homu kone me isiąyu,
tama dago te tibo godiba
gedu haluasa po obaso da, teda nago koneaibao.

²¹ Nago te bidi dago haligade geme elalubo homu
te tigidali konea pai elalubo dao.

²² Dago te nage naga wali pobaso,
tama te tigidali sogo augwaligo da ela mubo dao.
Augwaligo homugo te da

ela muabo sipsip tiwai homu naga ebo dao. †

²³ Genuai Bidio, nage hodalua.
Magi baso nage pila mubawe? Nage hodalua.
Nago te sesemane sogo da tudiba mudamuo.

²⁴ Magi baso nage dade geme duala sobawe?
Te bidi dabego da dwai mu ilama,
tama da te genuai seęę mu tolobao.
Nago dago te seęęde homu kone me gegeda paligio.

²⁵ Da te tęba tula munama,
tama dago tigi te isai bidigo tigi
pila mubo tiwai elalubao.

²⁶ God, nage hogodama, te da tau sagasao.
Te nago da godolo ebo kolesaga te me elalua paibao.
Tama nago tede homu koneama, tama da ma sobaso
da,
teda da me isigobeo.

Te Kora hani dabego aseęani balia po me deli dao.

Te kingo we sabo sogo wabo tęąbi po

45 Te wiegi yai po hauwa eno homude elalubao.
Eno te tęąbi po aseęnama,
te kingba mawainu yali.
Eno pedauwali da, te wiegi yai kuskus
bidigo te po aseębo hoda pen tiwai dao.

² King bidi, nage te gasa sawi yai bidi mu dao.
Te gasa bidi nage tiwai me menio.
Nago po te wiegi yai naga elalubo.
Tama te sesemane sogo Godigo nageba
te wiegi yai homu ebo yai.

³ Nage te bomai king da.
Nago au dobage te hauwa elalubao,
tama nago genuai nogi te ugwanu mu yai.
Nago te bainat hwą dią selama, te hwj̄abo sisi elalu-
ao.

⁴ Nage te genuai nogi elalu, te polalubo king dao.
Nage te hosde dugulasa, tama te hwjboba pelama,
tama te hwj̄bo bage aiyaba elaluao.
Nago hwj̄ainu da, te bidi dabego
nago po te aiyaba me elalugobeo.
Tama nago hwj̄bo te bidi dabe dolasa

† 44:22 Rom 8:36

bilimainu tau siyu hwjani.
Te nago hwjbo te bomo yai pedelaibao,
tama te dwai bidi dabe nagede
wi mu emainu ebo dao.
5 Te nago ene dabe te mu poa pelama,
tama te boi bidi dabe mu eneyu ebo dao.
Nago hwjyu, te gasa hani dabe aiyaba elaluama,
tama augwali te nage dologode bidibao.
6 Godigo nage te king nigilama,
tama nage te king sesemane
bidada peyu, bidada paibao.
Nago te naga we bidi dabe
te doloba pai kolesagade naga tonalubo dao.
7 Nago te doloba pai kolesaga wei eyu,
tama nago te dwai kolesaga te
wei isiayu, hagela mu ebo dao.
Tama tibaso, naga Godigo digi, agai te nage sa muyu,
tama agai nago nogi ugwaba mu muyu,
tama nago nogi te gasa king dabego
nogi aiyaba elalubo dao. †
8 Te nago gudubo bobage ugwade
te wiegi yai denami ebo haniani nai,
te sanda tiwai mea, me kasia te denami elalubao.
Augwaligo te kingo be te haniani
au ilibo naigo te au ilali,
augwa te elefan kelego nigali,
tama augwa te nage wiegi yai homu
pemene ilibo musik weyu ebo dao.
9 Te gasa tų pedai kantri tonalubo king
dabego wegi dabe,
te genuai nogi elalubo we dabe dali,
te nago bede bidibao.
Kwin we te nago dolo nogo badu dolalubao.
Augwa te bulu Ofirde sali wiegi yai
golgo nigai au ilibo naigo
te agai au elama, bidibao.
10 Nage te gesi wegi te king dali bidi painu,
nago te eno po odolama,
tama tede homu kone palao.
Nago te naga bulude bage
te homu kone ebo gegeda palama,
tama naga deli kaneme bage me
te homu kone ebo tagalao.
11 Nago tama tebo te kingo subaso da,
te nage sawi yai we da weyu,
tama te nage godolo mu yaibao.
Aga te nago genuai bidi da,
tama tiyu, nago agai po wali pao.
12 Te Tair bulu we bidi augwaligo
te nageba wiegi yai homu ilibo nai dabe sesaibao,
tama te mone hauwa elalubo
bidi dabego me te nageba
wiegi yai homu ebo nai dabe mawaibao.
13 Te kingo gesi we te aga be habude bidibao,
tama aga te gasa sawi yai mu.

† 45:7 Hib 1:8-9

Agai te ugwa augwaligo te nigilama,
tama te golgo nigai hobigo au ilai ugwa muai.
14 Agai te ugwa kala te dodobolo pali
te hauwa elalubao.
Megi da, augwaligo te we te kingba odasa pobao.
Tama te gesi wegimani te aga hai namu dabe
augwali te aga wali pali.
15 Augwali te wiegi yai haliga pemene elama,
tama augwa te kingo wiegi yai
genuai be tomoba palio.
16 Tama king, nago da, te nago wai ogwa
te hauwa elaluaibao,
tama augwaligo te nago wų nų dabe
bidali pesage hasegeliyu,
tama king dabe pedelaibao.
Te nago augwaliba genuai namba mayu,
tama augwaligo te tigidali bulu
tų pedai we bidi dabe tonaluaibao.
17 Te nago genuai nogide po eno hanilama pusuyu,
tama te nosali pedalubo hani tigidaligo
te nage sesemane sogo homu kone paibao.
Tama tiyu, te me badu we bidi dabego
te nago nogi sesemane sogo
ugwaba siyu yaibao.
Te Kora hani dabego asęani balia po me deli dao.

God da dali bidibao

46 God aga te da seselalubo bidi da, tama agai
sesemane sogo da bomu mabo dao.
Aga te pųde bidiyu,
te dago genuai sęę sabo sogo
tau sainu sisi elalubo dao.
2 Tama tiyu, te haniani sę dabe pedalubo side,
te dago wi me elamuo.
Tų te mali eyu aluaibao, tama te bulu du dabe te
tamu ąj tomoba degasa dulaibao.
3 Tama genuai tamu ąj te bomonama, kulukulu weyu,
tama pepeda pelama, tama te dini pedaliyu,
tama genuai tamu ąj bųj samanu,
tama te bulu du dabe degelaibao.
Te tobage genuai sę pedaligi sogo da,
teda da wi munu me igi meni.
4 Te Godigo hanu da, te magi dwai sę meni yai
wiegi yai bulu,
te Ugwadu Mu Bidibo Godigo hanu dao.
Te genuai soabo wę me deli te tomode elalubao,
tama te węde te we bidi dabego
wiegi yai pemene ebo dao.
5 God te taunde bidibao,
tama tiyu, te taun munu me dologobeo.
Te be posisąbadi, tama te Godigo aga tau saibao.
6 Te haniani tų pedai kantri we bidi hani dabe
augwali dwai midigi selama,
tama hwjyu dali yai, tama te king dabe dali,
te augwa we bidi dabe me,

te augwali dolaibao.
Godigo genuai po daęą mu obaso,
tama tų te olo wę tiwai pedelaibao.

7 Te Tigidali Bomo Elalubo Genuai
Bidi aga te da dali bidibao.
Te Jekopgo God aga te dago duala sabo pesage
elalubao.

8 Ae, tegobao!
Dagego te Genuai Bidigo yali sę suagasao.
Te dagego haliga te agai
te tųde gasa tobage bomai sę hauwa
ebaso, midigi saibao.
9 Agai te tigidali tų pedai badu
te hwjbo togolobo dao.
Agai te tigidali enesigi me ene togolama,
tama te sabele dabe te siaba ulubadi ebo dao.
10 Agai te po wai,
“Dage munu ma hwjnamuo,” wali.
“Dagego ena bugagia koneięo, ena God mu dao.
Ena ugwadu mu elalu,
tama te tigidali tų pedai kantrigo
we bidi hani dabe ena dologode bidibao.
Te tigidali bulu pedai tųde
ena te polalubo bidi bidibo dao.”
11 Te Tigidali Bomo Elalubo Genuai
Bidi da dali bidibao.
Te Jekopgo God aga te da seselalubo bidi mu da.
Te Kora hani dabego aseęani balia po me deli dao.

God te tigidali tųde we bidigo king bidibao

47 Dage tigidali we bidi,
te wiegi yai pemene elama, nogo elao.
Dagego wiegi yai pemene ebo i weyu,
tama Godigo nogi ugwaba sabo tęąbi po wao.
2 Dago te Genuai Bidide wi yao,
aga te Ugwade Mu Bidibo God dao.
Aga te tigidali tųde we bidi tonalubo polalubo king
dao.
3 Agai te tigidali Israel hani isęwai we
bidi aiyaba elaluama,
tama da Israel bage te augwali daide
ugwadu bidibao.
Agai te gasa hani dabe te da dologode bidimainu ilali.
4 Godigo digi te tų me deli daę ilama,
tama dabolo mawai dao.
Da te Jekopgo hani da, Godigo da godolo mu eyu,
tama dago te dena tųde wiegi yai pemene ebo dao.
5 God te dagaluba pali.
Te Genuai Bidi ugwaba holali sogo,
te we bidi dabe wiegi yai homu pemene elama,
tama bomonama i weyu,
tama biugel bu weyu dali yai.
6 Ae, tegoba, dago te God nogi ugwaba sabo
tęąbi po hodolama, waięo.

Dago te tęąbi po hodolama weyu,
tama agaba wiegi yai pemene inao,
aga te dago king dao.
7 God te king bidiyu, tama tigidali tų pedai tonalubao.
Dago te aga nogi ugwaba sabo tęąbi po wao.

8 God te king bidiyu, te tigidali hani we bidi
tonalubao.
God te aga sia kingde dulaluyu,
te aga magi sę meni yai wiegi yai mu bidibo dao.
9 Te haniani we bidi hanigo te tobolu bidi dabe
augwali te Abrahamgo God
wali pabo we bidi dabe dali sisinama, bidibao.
Godigo bomogo te tigidali ami
dabego bomo aiyaba elalubo dao.
Aga te polalubo king dao.

Te Kora hani dabego aseęani balia po me deli dao.

Saion taun te genuai nogi elalu, te au wiegi yai
elalubao

48 Genuai Bidigo genuai nogi elalubao.
Da te Godigo bulu duba holinao,
tama agai taun tomoba pelama,
tama dago agai nogi ugwaba mu sinao.
2 Godigo te bulu du te wiegi yai mu,
tama te ugwanu mu elalubao.
Te tigidali tųde we bidi augwaligo
te Saion bulu du godolo mu ebo dao.
Te bulu du te not badu elalubao,
tama te polalubo kingo taun dao. †
3 God te taun tomode bidiyu,
tama agai te we bidi dabego
hwjbo sogo tau siyu yai.
Tama tiyu, augwali bugagia bidai.
4 Polobadu te king dabego te Saionba hwjgi painu yai.
Augwali te deliba sisinama, tama te taun paęba asai.
5 Tiali goli, augwaligo te taun sulama,
tama augwali polo tama dwai midigi sali.
Tama augwali wi umabo mu ebaso,
tama augwali wi pai dao.
6 Augwali te dwai noma mu selama,
tama augwali genuai dene sali,
te wego wai ame nayu ebo dene tiwai gilama yai.
7 Godigo te genuai wali
te giliga asobo badu asomainu elama,
tama te Tasis hanu bidi dabego
genuai sip dabe dolali.
8 Te sę te polobadu Godigo yali po odolama,
tama megı dago subo me agai te tiwai ma yai.
Da te Genuai Bidigo taunde bidibao.
Dago God, te Tigidali Bomo Elalubo God dao,
tama agai te sę ebo dago suai.
Godigo te aga taun daę walama,
tama te taun sesemane sogo
elalua pomainu yai dao.

† 48:2 Mat 5:35

- ⁹ God, da te nago tempel bede bidibao,
tama dago te nago da sesemane
godolo ebo kolesagade te homu kone palubo dao.
- ¹⁰ Te tigidali tų habu badu
te we bidi dabe augwaligo
te nago nogi ugwaba sabo dao.
Te tigidali habu badu we bidi dabego
te nago genuai nogide wiegi yai pemene ebo dao.
Nago te tigidali bage te doloba pai kolesagade naga
tonalubao.
- ¹¹ Tama tialima, te Saion bulu dude
bidibo we bidi tigidaligo te augwa
wiegi yai pemene yao.
Nago te tigidali we bidigo ebo kolesaga
te dolo dagalubo dao.
Tama tibaso, eno homugo te Juda taun we bidi dabe
augwa te wiegi yai pemene mu emainao.
- ¹² Dage we bidi, dage te Saion bulu dude bilyu,
tama te taun obo bagulyu,
tama tede elalubo bobobage be taua dabe nedao.
- ¹³ Dagego te Saion bagulali
obode bugagia homu kone palao,
tama agai te bomai be dabe bugagia suięo.
Tama tiyu, dagego te nosali pedalubo
hani dabeba te po pusagameo.
- ¹⁴ Dagego augwaliba te tama waiyagameo,
“Te Godigo da tonalwai da,” po wao,
“Aga te dago sesemane sogo
bidada peyu, bidada pabo God dao.
Tama sesemane sogo te aga poligi soyu,
tama dabolo te sunumi ola mawaibao,” te po wao.
Te Kora hani dabego aęani balia po me deli dao.

**Bidigo homu masigi dali, genuai walu dali, teba homu
mubo bidi, te bidigo kolesaga menio**

- 49** Dage tigidali we bidigo, odao.
Dage tigidali tųde bidibo we bidigo,
eno wabo poba olo bugagia muao.
- ² Dage nogi yai bidi me, dage olo bidi me,
dage masigi hauwa munalubo bidi me,
dage magi nai meni yai bidi me,
dagego te po odao.
- ³ Eno homu kolesagade wiegi yai kolesaga koneama,
tama eno dwagi yai po dagego
konemainogo pusbao.
- ⁴ Eno po digi po begelama, hasia meba pusaibao.
Tama eno dwagi yai tęąbi gita dali elama,
tama dagebolo te po begelama wali po page pu-
saibao.
- ⁵⁻⁶ Bidi dabe augwaligo masigi hauwa munalubo,
te homugo augwali dų omai te homu elama,
tama augwa digi genuai po dųę ola bilibo dao.
Augwaligo nai hauwa munalubo homu elama,
te bidi dabe augwaligo ena dolainogo bobegelali.
Tialima, eno augwali dali wi egobeo.
- ⁷ Dago koneai, bidi mego aga masigigo

- aga digi aga ma abelama, ma dobola sabo menio.
Tama agai Godibolo aga bidabo ula abeliyu,
mone masigi Godibolo magobeo. Mu menio.
- ⁸⁻⁹ Bidigo mone masigigo God abelama,
tama Godigo aga te bidibo ulade bidao omainogo,
tama aga isidali weyu,
dago tama tiali usu munu me egobeo.
- ¹⁰ Da tigidaligo koneai, kolesaga
koneai bidi, augwali me isibo dao.
Tama dwai kolesaga ebo bidi,
te kolesaga meni yai bidi me, augwali isibo dao.
Te bidi dabe augwaligo walu me
mone masigi tigidali nai isu, taga peyu,
tama gasa bidi dabego te nai sabo dao.
- ¹¹ Hasia te bidi dabe augwaligo tų me elaluai,
tialima megi te gų page augwaligo tų tiwai elama,
augwali tede sesemane sogo bidada peyu,
bidada pabo dao.
- ¹² Dago genuai nogi sabo tego dago
te isibo tų dų wagobeo. Menio.
Da te hasa dabe isibo tiwai yaibao.
- ¹³ Te sę ebo te bidi dabe augwa digi
tųde tigidali nai homugo
dų wabo bidide pedelebo dao.
Tiwai bidi dabego dwagi yai homu kolesaga menio.
Te bidi dabe augwaligo e tųde tigidali nai
dali osogo dwagi yai elama, tama augwali isibo dao.
- ¹⁴ Godigo agai bodolu muyu,
augwali te kibu sipsip isibo tiwai elama,
augwali te isali bidigo buluba paibao.
Tama te isibo tego augwali tonalubo bidi tiwai bidai.
Augwaligo tigi tigidali polo damua pabo si,
tama augwali te isibo bidigo bulude
augwaligo be tiwai elama bidaibao.
Tama te dwagi yai doloba pai we bidigo
augwali aiyaba elaluama, tonaluaeibao.
- ¹⁵ Tiali goli, Godigo ena ma saibao,
tama isibo bidigo bulude
te agai bomogo ena dų wabo usu egobeo.
- ¹⁶ Niwai bidi me agai masigi hauwa selama,
tama genuai be sęnama,
tama te bede dwagi yai nai hauwa elaluai,
tagalao, nago te nai sulama, godolo igio.
- ¹⁷ Nago koneai, nosali te bidi aga isibode,
tama agai te tigidali nai me sela pogobeo.
Be me, te au ebo nai me, masigi me,
te nai tigidali aga dali te isibo bidigo buluba
selasa pogobeo.
- ¹⁸ Tama aga e tųde bidibo sogo
te bidi agai te tigidali nai dali dwagi yai homu yai.
Aga sę bomo elama, nai hauwa sai,
tama bidi augwaligo te po wai,
“Aga dwagi yai bidi dao.”
- ¹⁹ Tialima, aga isilama,
tama te hasia isali wų dabe
augwali dali te giliga ula isųwai bulude bidada peyu,
bidada paibao.

²⁰ Dago genuai nogi siyu da,
tego dago isibo tų daų wagobeo.
Menio. Da te bulu hasa dabe isibo tiwai yaibao.

Godigo te we bidi dabego kolesaga dagalaibao po wai.

50 Te Tigidali Bomo Elalubo God,
aga te dago Genuai Bidi da,
megi da agai po weyu, tama te giliga pedaluboba,
me te giliga dega siguluboba
usu nama, te tigidali we bidiba i obao.
Agai te tigidali bulu tų we bidiba i wabo dao.

² God te Saionde bidiyu,
te taun te polalubo taun mu,
tama te gasa sawi yai mu elalubao, tama Godigo ula
te pepeli diliba pedelali.

³ Dago God aga megi da te asobao.
Tama pedauwali me pania sabeo. Mu menio.

Te tigidali nai dabo sia bogoli
te aga asobodu polasa paibao,
tama genuai wali me, tulubagego me,
aga bagulama, elalubo dao.

⁴ Agai te dagalu me tų asomainu i olama,
augwali sigo agai te aga we bidi dabego ebo
kolesaga te bugagia dagalobo suagasamainu eyu,
agai augwali si i obao.

⁵ Godigo te tama po obao, "Te eno we bidi dabe,
dagego ena dali te bomai po daų walali,
tama dagego te daų walali po daų waliyu,
te kibu hasa dabe ofa yai.

Dage te ena dali deliba sininagasao," po wai.

⁶ Te dagalugo digi te tama po obao,
"God te doloba pai mu dao.

Agai digi te po tų odobo bidi jas bidibao," wabo.

⁷ Godigo te po wali, "Dage te eno we bidi da, odao.
Eno po elalubao.

Dage Israel dabe, eno dage po tų ilaibao.

Ena naga, ena te God mu da,
tama ena te dagego God dao.

⁸ Eno te dagego yali ofade
te eno dageba wado po weyu me wabeo. Menio.

Te sesemane sogo dagego te ofa
te siaba tigidali ulubo te eno suai dao.

⁹ Tiali goli, eno te dagego obo tomode
te omai bulmakau, me ma meme omai te dagego
ofade sabo homu ebo meni.

¹⁰ Magi baso meni, te tigidali buside bidibo uni hasa,
tama te tigidali bulu dude bidibo bulmakau me,
te tigidali te eno naga dao.

¹¹ Te tigidali ba, me te busi hasa dabe
me, te kala nosa bulude bilibo ba sibi me, te tigidali
eno muai nai naga dao,"

Godigo te po wai.

¹² "Ma, te ena nasi ebaso,
te eno dageba po me wagobeo.

Magi baso meni, te tų dali, tigidali elalubo nai,
te eno naga dao.

¹³ Te eno omai bulmakau mi tubo

homu ebawe?

Eno te meme kaneme tubo homu yaiba, agawe? Me-
nio."

¹⁴ "Te dagego enaba usu da mu waiya,

tebo te dagego yabo ofa tiwai tama.

Te dagego te enaba olo mabo
tigidali nai maiyabo po wali,
te Ugwadu Bidibo God Mu te enaba dagego maiya.

¹⁵ Dagego tama tibo si,
tama te seęę pedalubo sogo, dagego enaba i waiya,
tama te eno dage tau mu siyu,
tama dagego eno nogi ugwaba sgameo," po wali.

¹⁶ Tiali goli, Godigo te dwai seę ebo

bidi dabeba te tama po wali,

"Magi baso te dagego eno bomai po
tigidali nogibo dawe?

Tama magi baso te dagego eno daų wali bomai pode
te po mibo dawe?

¹⁷ Te eno dage dodolobo te dagego hagela homu eyu,
tama dagego eno po sesemane sela saębo seę ebo
dao.

¹⁸ Dagego te nai wi sabo bidi dabe sulama,

tama dage augwa abagi pedelali.

Tama dage te we sabo seę dolama,
tama te penani seę ebo we bidi dabe
dali munasa, biliyu yai.

¹⁹ Dagego te dwai po,

me te tibo po sesemane sogo wabo seę ebo dao.

²⁰ Tama dagego te duga ama dabe
po tų ilibo seę eyu,

tama dagego augwaliba te posobo weyu ebo dao.

²¹ Dagego te tiwai yali,
tama eno po deli me wabeo.

Tama dagego te ena te dage
tiwai tobage da homu yai.

Tiali goli, mu menio.

Megi eno dageba wado po olama,
tama dage te pepeli diliba sela munama,
te po tų ilaibao," wali.

²² "Te ena tudiba mubo we bidi, dagego odao.

Te dage te tiwai tama bididubaso da,
teda eno dage dolaibao, tama te bidi me deligo

dage
ma sainu ebaso, te usu me egobeo.

²³ Te enaba usu da weyu, gedu haluasa po weyu,
te enaba ofa mabo tiwai ebo bidi,

agai te eno nogi ugwaba sobao.
Tama eno te po wali pabo bidi dabe
te eno ma dobola saibao," po wai.

*Te Devitgo aseęani balia po me deli dao. Agai te gasa
bidigo we nogi Batseba dali penani yai, tama te profet
bidi Natan aselama, "Nago dwai seę yalio," te tobage po
wali. Tama Devitgo ge neyu, e balia po weyu aseęani.*

2 Samuel Daj 11, 12:1-15 suao.

Bidigo gedu haluasa po Godibolo weyu da, te bidigo
seęę sela saęwaibao

- 51 God, nage hobede ebo page bidi,
nago ena olo mabo seęo ena tau sao.
Nago olo mabo seę hauwa mu elalui,
tama eno homugo nago eno
dwai kolesaga tigidali sela saęao.
2 Nago ena tigidali aę telayao,
tama dwai kolesaga enade ma elaludalio.
Eno seęę sela saęnama,
ena dwagi yai pedelama bidaio.
3 Eno koneai, eno dwai seę yai.
Tama ena yali seęęede eno homugo konealubo taga-
lobeo.
4 Eno dwai seęę nage deli dali naga yai.
Eno dwai kolesaga nago gedude yai.
Tama nago ena po tu ela menama,
tama nago doloba pai kolesaga naga yao.
Nago eno seęę wei siyu, tama nage da,
dwai seę isiaęwai bidi. †
5 Nago koneai, idago ena ame nani sogo,
ena dwai seę ebo bidi pedelai.
Mu tama, ena idago haligade bidibadi,
ena seęę sai bidi dao.
6 Nago homugo te eno nage dolo naga wali asiyu,
tibo kolesaga igio homu ebao.
Tama tibaso, nago ena dwagi yai
homu kolesaga ola mao.
7 Nago eno seęę sela saęnama,
ena meda meni yai pedelaio.
Nago ena aę tedelama,
ena meda isiaęwai mu pedelaio,
tedela yai kedau ebo nai sno te tiwai pedelaibao.
8 Nago eno homu dwagi yai ma ilao.
Mu tamao, nago ena aiyaba elalui,
tama nago eno seęę wei ponai,
tialima, megi eno dwagi yai homu ma yaibao.
9 Nago eno dwai seę yaliba ma tonono igio.
Tama eno homugo nago eno dwai seę yali
te nago tigidali sela saęao.
10 God, nago eno homu kolesaga
tomode meda meni yai dwagi yai
gesi kolesaga ilibo seę ma yao.
Awe, ena nage dali homugo keę pai bidi
pedalumainu yao.
11 Nago ena sela saęyu,
tama ena nage digibulu bididalio.
Nago ena dali bidibo mobo bidi naga ma sidalio
weyu.
12 Polobadu nago ena ma sobaso,
te ena dwagi yai homu yai, nage dali.
Tama megi eno te homu yai,
nago ena te dwagi yai homu
kolesaga enabolo ma mao.
Nago eno homu kolesaga hodolama,

- tama nago po eno wali paibao.
Eno tama homu kolesaga emainogo
nago ena daę walagameo.
13 Tama eno nago kolesaga
te seęę sai we bidi augwalibolo ola mawaibao,
tama te we bidi augwali
nage bidibo digi ma asaibao.
14 God, nage te God nago ena ma sabo bidi dao,
nago ena dali olo mabo seę tigidali dwagi yai eyu,
tama nago ena ma elegio.
Tama eno nago nogi ugwaba siyu,
nagebolo tęąbi hauwa waibao,
nago doloba pai kolesaga naga ebo dao.
15 Genuai Bidi, nago ena tau siyu,
mu po dolo hanilama, enabolo wao,
tama eno nago nogi ugwaba saibao.
16 Ma, te nago eno yali dwai seę sela saęmainu eyu,
eno te kibu sipsip nagebolo ofa mobaso,
nago sogobeo.
Nago te sabo homu igi sogo da,
teda eno te ofa magasigi da.
Eno kibu sipsip me elama, siaba ulama,
tigidali mu dela peyu da,
te nago te ebo seęde dwagi yai homu egobeo.
17 Tialima, God, ena digi ena aiyaba elaluama,
nage dologode ena bidaibao.
Te tobage kolesaga ebo da,
te nago gedude te nago sabo ofa mu tiwai dao.
Eno koneai, bidi aga yali dwai seęde aga ma koneyu,
aga digi aga aiyaba elalui magi basowe?
Aga te yali dwai seęde homu dene eyu, tebo dao.
Te tobage kolesaga ebogo te nagebolo ofa mabo seę
hasegelama, te nago gedude te usu mu dao.
18 Naga homu kolesagago digi,
te Saion we bidi dwagi yai homu ma ilao.
Naga digi Jerusalem genuai hanu
moni masigigo nigali obo ma dodolao.
19 Tama te sogo nago dwagi yai doloba pai
te usu da olama, ela mabo
kibu sipsip ofa nago godolo yaibao,
tama meba siago tigidali dela pabo nai dabe.
Tama dago bulmakau omai selama,
nagebolo usu da olama, siaba tigidali ulama,
tama siago tigidali dela paibao,
te nagebolo nai ula ofa mabo
sawali sai altade te seę yaibao.
*Devitgo te balia po aseęani, te dago homu konemaino-
go yai. Hasia bolo te Idom bidi Doek te Solba pelama,
tama agabolo te tama po walali, "Devit te Abimelekgo
bede bidibao," po wai. Tama tede Devitgo homugo ma
kone palama, te balia po aseęani. 1 Samuel 21:7,
22:9-10 tede elalubo po suao.*

† 51:4 Rom 3:4

Te dwai kolesagade wiegi yai pemene ebo bidi, aga te
wabo pabo bidi tiwai ebao

52 Nage te bomai bidi, te magi baso nago
te genuai po daęą weyu,
tama nago te Godigo we bidi
augwaliba dwai kolesaga elama,
tama tede nago odolali te wiegi yai homu
pemene ebo dawę?
Te sesemane sogo Godigo te olo tau sabo
wiegi yai kolesaga augwaliba ebo dao.
2 Nage te tibo po wabo bidi da,
te nago po te resa te mu poa pai tiwai elalu,
tama nago po wabogo te gasa bidi dolobo dao.
Tigidali side nago te gasa bidi dolabo homu elalubo
dao.
3 Nago te wiegi yai kolesaga wei me isiaęu,
nago te dwai kolesaga naga wei ebo dao.
Nago te mu po wabo kolesaga wei meni yai.
Nago te tibo po wabo kolesaga naga wei ebo dao.
4 Nage te tibo po wabo bidi dao.
Nago te gasa bidi dolabo homu ebo
po wei mu ebo dao.
5 Tiali goli, odao.
Godigo te nage mu doloyu,
tama nage te tiwai elalua paibao.
Agai te nage pageabi elama,
tama naga bedę te nage sela saęwaibao.
Tama nage mu sia somainu ilama,
tama nage te tęde ma bidimainogo me elalugobeo.
6 Te doloba pai bidi dabęgo te tiwai
pedalubo sulama, te augwali wi yaibao.
Te augwaligo nage gisugu mayu,
te tama po waibao,
7 "Suao. Te bidi te Godigo aga
tau sabo homu wei isiaęu,
te aga daę me walobeo.
Agai te aga mone, me doado bage
hauwade teba homu munama,
tama aga homugo te dwai kolesagago
aga bugagia bidimainu ilaibao,
te homu yali," te po waibao.
8 Tiali goli, eno te tiwai me ebo.
Ena te Godigo be paęde elalubo ni oliv tiwai dao.
Eno konealubo homu Godiba munama,
te Godigo olo tau sabo wiegi yai kolesaga te
sesemane bidada peyu,
bidada pabo sogo te enaba
te kolesaga emainu ebo dao.
9 God, nago ena tau sali, tama tiyu, eno sesemane so-
go
nageba usu da weyu, gedu haluasa po wabo dao.
Tama te nago we bidi dabęgo gedude
te eno nago nogi ugwaba siyu,
tama eno te po waibao,
"Godigo te wiegi yai kolesaga enaba
ebo da," po waibao.

Te Devitgo asęani balia po me deli dao.

Te kolesaga gedu mubo, me te dwai sę ebo bidi
dabęgo kolesagade po wai

53 Te kolesaga meni yai
dwai sę ebo bidi dabęgo
augwa digi te tama po wabo dao,
"Te God me bidibęo," wabo da.
Te bidi dabe te augwali bidi dwai naga dao.
Augwaligo kolesaga te dwai mu ebo dao.
Te bidi me deligo wiegi yai kolesaga me ebo menio.
Mu menio.
2 God te dagalude bidiyu,
te we bidi dabe bidalubo madi aiyaba tonalubo dao.
Agai te kolesaga koneai bidi me deli gegeęu,
te God gegebo sę ebowę naga suainu tebo dao.
3 Tiali goli, menio.
Tigidali mugo te sunumi tagalalio.
Tigidali te deli tobage tiwai naga elalubao,
augwali te dwai bidi dabe mu elalubao.
Te bidi me deligo wiegi yai kolesaga
me ebo. Mu menio. †
4 Godigo te tama po wali,
"Te bidi dabęgo te dwai kolesaga ebao,
te augwaligo kolesaga koneai me
elalubo homu meni da, agawę?
Augwaligo te eno we bidi dabe
te augwaligo te Bret Tubo
tiwai gilama te mu silibao.
Tama augwaligo enaba gedu haluasa
po wabo menio," wali.
5 Tiali goli, te augwali wi umabo mu yaibao.
Polobadu augwa te tiwai wi me ebo.
Mu menio. Magi baso meni,
te Godigo dageęo boi bidi tigidali silimainu yaibao.
Agai augwali ela munama,
tama agai augwaligo dili dabe sa sa paibao.
6 Eno homugo Godigo te Saion
bulu bidi me deli tagala palumainu elama,
te Israel dabe ma sagasomainu homu yai.
Nosali Godigo te aga bage tau selama,
tama augwali bugagia ma bidimainu yaibao,
teda te Israel hani augwali wiegi yai pemene yaibao.
Aę, te Jękop aga hani augwali bugai haliga mu
yaibao.
*Devitgo te balia asęani, te Sifde sę yali bidi dabęgo te
Solba po waligi peyu, te Devit augwali tomode gęme
dualalubo po waligi pai, te sęde agai homu kone ma
paliyu, e balia po asęai dao.*

1 Samuel 23:19, 26:1 tede elalubo po suao.

Bidigo gedu haluasa po weyu, te Godigo aga tau so-
mainu yai

- 54** God, te nago bomogo,
nago ena te dwai bidi dabego nogode ma sao.
Te nago genuai bomogo nago ena
te olo mu bidimainu ebo bidi pedalumainu ilao.
² God, eno homugo nago eno
gedu haluasa po wabo odomainu homu ebao.
Eno homugo nago eno wabo poba
olo mumainu homu ebo dao.
- ³ Te hagoma ebo bidi dabe aselama,
te augwaligo ena dali hwjainu ebao.
Te homu dene isiąbo bidi dabe
augwaligo ena ela muainu ebao.
Te bidi dabe augwaligo homugo
te God olo nai tiwai da homu ebo dao.
- ⁴ Tiali goli, Godigo digi ena tau sabo bidi dao.
Mu tama, Genuai Bidigo te ena tonalubaso,
tama ena bugagia bidibo dao.
- ⁵ Te Godigo eno boi bidi dabeba
te tiwai dene mawaibao.
Te augwaligo enaba ebo kolesagade,
tego augwa digi dolaibao.
Godigo ena me tagalogobeo,
tama tiyu, agai te boi bidi dabe mu silaibao.
- ⁶ Genuai Bidi, eno te nageba ofa
maiyo homu wei ebao.
Nage te wiegi yai mu da,
tama tiyu, eno nageba gedu haluasa
pode usu da mu obao.
- ⁷ Nago ena tau selama, tama enaba
te pedelali tigidali seęęgo te ena aiyaba me
elalubeo.
Tama eno suali, te nago eno
boi bidi dabe aiyaba elalubo subo dao.

Te Devitgo asęani balia po me deli dao.

Bidigo abagigo aga dali dwai seę ebaso, agai gedu
haluasa po wai

- 55** God, nago eno gedu haluasa
po wabo odao.
Nago eno gela wabode olo me pania sigio.
² Ae, nago eno gedu haluasa po bugagia odolama,
tama enaba po wei ponao.
Te seęęgo ena mu dolainu ebo dao.
³ Te boi bidi dabego ena dolabo po bomu mu yai.
Te dwai bidi dabego ena aiyaba mu elalu yali.
Tama tiyu, eno haliga te dwai seęę mu yai.
Augwaligo te seęę hauwa enaba muyu,
te wado po dali weyu yai,
tama augwaligo enaba boi bidi mu ebao.
- ⁴ Ena te augwalide wi umabo mu eyu,
tama ena isabo homu elama,
tama tego ena haliga seęę mu ilibo dao.

- ⁵ Awe, ena wi mu elama,
tama eno tigi te didibili dwai mu ebao.
Te wigo ena aiyaba mu elaluai.
- ⁶ Tialima, eno te tama po wali,
“Hobede ya, te eno homugo
te ba dabego bogo tiwai sigi da homu yai.
Tama ena bola pelama, te toma nabo
pesage me deli gegelama,
tama ena tede dugulalu dabo homu ebao,” wali.
- ⁷ “Te ena digibulu mu bola pelama,
tama ena te bidi meni yai pesageba
mu bidigi paibao,” wali.
- ⁸ “Te ena asesu bola peyu,
tama geme duala sigi pelama,
bidabo pesage me deli gegelama, bidainu yaibao,
tama ena te bomai walide me tulubagede
geme duala selama, bidaibao,” wali.

⁹ Eno suali, te bidi dabego te taun tomode hwjbo su-
ali.

Tama tialima, Genuai Bidi, nago
augwaligo po kone tuą palumainu elama,
tama augwali mu silimainogo yao.

¹⁰ Te giligade me hulide augwali
te taun bagulali obo dąjde bilalu ebo dao.
Tama te taun we bidi dabego te
dwai seęę sabo kolesaga ebo seę hauwa eyu ebo
dao.

- ¹¹ Te taun pedai tigidali badu te
bidi dabego gasa bidi dabe me,
doado bage dabe me doloyu ebao.
Te sunumi sesegede,
me te bidi sisinibo pesagede,
te bidi dabego te gasa bidi dabe aiyaba elalu ebao,
tama augwali tibo po ola mayu,
te augwaligo doado bage sainu ebo dao.
- ¹² Te boi bidi me deligo po dwai
enabolo wagi sogo da, tagalao,
eno te agai wabo pogo seęę bugagia toligi da.
Ma, ena wei isiąwai bidigo enaba
kęnę po wagi sogo da,
teda ena agade geme duala sabo usugi da.
- ¹³ Tiali goli, menio. Te nage naga dao.
Nage te eno polalubo abagi da,
tama nage te eno hai namu mu da.
Nago digi te dwai po wabo kolesaga ebo dao.
- ¹⁴ Polobadu da si hodobo biliyu,
tama po dali bugagia miyu, ela bilai,
tama te Godigo moni lotu be
tempelba te gasa bidi dabe dali peyu yali.

¹⁵ Eno homugo te eno boi bidi dabego
haligade me, te augwa bede me,
te dwai kolesagago paęęanalua.
Tialima, eno homugo
te augwali polo isimainu homu yai.
Te augwali bidibo elalubadi,
tama augwali te isibo bidi dabego

pesageba pomainu ebao.
16 Tiali goli, te Godigo ena tau somainu
te gedu haluasa po obao.
Tama aga digi ena ma saibao.
17 Te kigamude me,
te genuai giliga nanobode me,
te hulide me, te seęę dabego ena dolobaso,
tama eno agaba gela wabo da.
Tama agai eno gedu haluasa po odoyu yaibao.
18 Te bidi hauwago ena dali hwjıbao.
Tiali goli, ena me dolobeo.
Magi baso meni, Godigo ena tonaluyu,
tama ena ma odasa asaibao.
19 Polobadu mu God king bidali,
tama megi me aga te king bidibao.
Te aga digi eno gedu haluasa po wabo odama,
tama agai te boi bidi dabe
te hwjbode aiyaba elaluaıbao.
Augwali te agade wi me isawai,
tama tiyu, augwaligo te dwai seę ebo
kolesaga tagalogbeo.
20 Eno te abagigo agai te
aga abagi dabe dali digi hwjani.
Tama agai te augwali dali polobadu
te daw walali bomai po bolalio.
21 Te pedauwalide agai pusai po wali,
tiali goli te haligade agai te boi bidi enade elaluali.
Te agai pogo dago tabi nagame ilama bidibao.
Tiali goli, te po te bobobage bainat hwa
tiwai mu poa pelama, tama da togobao.
22 Tigidali seęę nago tolobao,
te nago Genuai Bidiba mao.
Te agai tolama,
tama te agai nage daw walaıbao.
Te agai te magi nai me deligo
te doloba pai bidi dabe dolomainu me iligobeo.
23 Tiali goli God, te nago te bidi
ela mubo bidi dabe sela sayu,
tama te tibo po wabo bidi dabe me sela sayu elama,
tama augwali te dwai pesageba pelama,
tama augwali hagawaıbao.
Te augwaligo bidabo sogo bodolu
te me elalubadi, tama te augwali isaıbao.
Tiali goli, ena digi, teda eno konealubo homu nageba
mu sesemane keę paıbao.
*Te Filistia dabego Devit te Get taunde pageabi elama,
tola sobaso, tama Devitgo te gedu haluasa po weyu, te
Godiba gela wali. 1 Samuel 21:10-15 tede elalubo po
suao.*

**Te Godiba konealubo homu daw wabo bidigo gedu
haluasa po wai**

56 God, nago te olo tau sabo
wiegi yai kolesaga enaba yao.

Te bidi dabego ena pobeasa biliyu,
tama ena dali hwjıyu ebao.
Te boi bidi dabego sesemane sogo dwai enaba ebao.
2 Tigidali sogo giligade
te boi bidi dabego ena dali hwjai.
Te bidi hauwago enaba boi bidi ebo dao.
3 Te Tigidali Bomo Elalubo God Mu,
te ena magi nai me delide wi ebo sogo,
eno konealubo homu nageba daw mu wabo dao.
4 Eno konealubo homu Godiba keę pelama,
tama eno agai mu poba homu konealubao.
Tama tiyu, eno agai nogi ugwaba sobao.
Eno konealubo homu Godiba munama,
tama ena te magi nai mede wi me egobeo.
Te bidi dabego mena seę enaba yaıbawe? Menio.
5 Tigidali seę eno yainogo ebadi goli,
te boi bidi dabego dolobo seę yai.
Te sesemane sogo augwaligo homugo
te ena dolabo sunumi gegebo seę yai.
6 Augwa deliba sisinagaselama, geme dualalubo dao.
Te augwaligo ena bilibo bugagia tonalu,
tama ena augwaligo ela muabo
homu eyu, te tama tibo dao.
7 God, nago te augwa ebo kolesagade dwai dene
mao.
Nago augwalide haliga sebę eyu,
tama augwali mu dolama, aiyaba mu elaluaı.
8 Nago ena te seęę toliyu,
tama ena te dwai dene me eyu,
tama ena te gela udubo te nago koneai.
Tialima, nago tede homu konealu elama,
tama te naga bukude te nago aseai dao.
9 God, eno nage koneanio.
Nago ena tau sainu yai.
Tama tialima, nosali eno nageba
gedu haluasa po waıbao,
te nago te boi bidi dabe pobebaso,
tama augwali wi paıbao.
10 Eno te Godiba homu konealu,
tama eno agai daw wali poba homu konealuai.
Tama tiyu, eno agai nogi ugwaba sabo dao.
Mu tama, eno te Genuai Bidigo
daw walali poba homu kone palama,
tama eno aga nogi ugwaba sabo dao.
11 Eno konealubo homu te Godiba daw obaso,
tama tiyu, te eno magi naide wi me egobeo.
Te bidi dabego mena seę enaba yaıbawe? Menio.
12-13 God, te polobadu eno yaıba
olama po daw wali seę, te seę eno yaıbao wali.
Nago ena ma dobola saligo tama, ena me isıbeo.
Nago ena tau saligo
te boi bidi dabego ena me aiyaba elalubeo.
Tama tialima, God, ena te nage dali
sesemane sogo bilıbao,
tama ena te nago ulade bilidubadi,
te ena isıboba usu naıbao.

Tama eno nageba usu da mu weyu,
tama eno te usu da wali po dąj iliyu,
te eno ofa me deli yaibao.

*Devit te Solde wi pelama, tama te bulu du odua beba
bidigi pai. Te 1 Samuel 22:1; 24:1-3 tede elalubo po
sua. Agai te dabolo kolesaga konemainu ola mayu, te
balia asęai dao.*

Te bidigo gedu haluasa po weyu, te Godigo aga tau so-
mainu wai

57 God, nago te homu dene eyu,
tau sabo kolesaga enaba yao.
Magi baso meni, nago ena tonaluminu
eyu, ena nageba asobao.
Ena nage dali bidibaso, te ena bugagia bidibao,
te ba kakaruk wai dabe te aga idago bogo dologode
bugagia geme dualalubo tiwai gilama ebao.
Ena te tiwai tama bididu, te ena dolainu yali nai tigi-
dali

silibo sogoba usu nigi paibao.
² Eno te Ugwadu Mu Bidibo Godigo
te ena tau somainu i wabo dao.
Tama agai te ena sęą pabo nai tigidali mabo dao.
³ Aga te dagalude bidiyu,
tama agai eno gedu haluasa po wabo odama,
tama ena ma dobola saibao.
Agai te ena dolainu ebo bidi dabe te aiyaba
elalueibao.

Godigo te sesemane sogo
ena wei mu eyu, godolo elama,
tama agai ena munu me tagalugobeo. Mu menio.

⁴ Te dwai hasa laion tiwai bidi dabe
augwaligo ena bobegelali,
tama augwaligo te we bidi dabe tuainu sisi yali.
Te augwaligo kele te ene me sesemone poa pai mu
tiwai elaluali.
Te augwaligo hamena te bainat hwą poa pai mu
tiwai elaluai dao.

⁵ God, nago magi sę me deli te dagalude
te tigidali we bidiba te tiwai ola mao,
naga digi te polalubo bidi mu da olama,
tama nage te augwali daide ugwadu bidibao.
Te nago bomo te tigidali bulu tę pedaide
pepeli diliba hanilama, pedalumainu yao.

⁶ Te boi bidi dabego ena tola somainu
ebo bono gągą muani.
Tama tiyu, genuai sęęęo ena aiyaba mu elaluai.
Augwaligo eno sunumide te tę dedage dogolama,
teba ena tula mumainu yai.
Tiali goli, ena tula mubeo.
Augwa digi te dedageba ma tulaluali.

⁷ God, te eno haligade da,
eno konealubo homu nageba dąj wali.
Awe, eno konealubo homu nageba mu mubao.

Tama tibaso, te eno nago nogi ugwaba
sabo tęąbi po waibao.

⁸ Te ena pila mubo tagalama hodaluaibao.
Eno te gita me, kulelego me, te musik waibao.
Te be posa pabode, teda eno te musik waibao.

⁹ Genuai Bidi, te eno nageba usu da wabo po
te gasa hani tomode waibao.
Te ena tigidali tęde bidibo we bidiba pelama,
te nago nogi ugwaba saibao.

¹⁰ Magi baso meni, nago da sesemane
godolo ebo umabo mu ebao.
Te dago usu sainu ebaso da, teda te dąj te dagaluba
usu nigi paibao.

Nago da tonaluabo po dąj walama,
tama nago da me tagalubeo.
Te nago da tonalubo sogo tigidali te dago nedebaso
da,
teda dąj te dagaluba usu nigiluaibao.

¹¹ God, nago magi sę me deli
te dagalude te tigidali we bidiba te tiwai ola mao,
naga digi te polalubo bidi mu da olama,
tama nage te augwali dąjde ugwadu bidibao.
Te nago bomo te tigidali bulu tę pedaide
te pepeli diliba hanilama, pedalumainu ilao.

Te Devitgo asęani balia po me deli dao.

Te Godigo te dwai sę ebo bidi dabeba dwai dene
mawainogo eyu, te bidigo gedu haluasa po wai

58 Dage te tobolu bidi dabe,
dagego te doloba pai po
te po tęde wabo da, agawe?
Te dagego tigidali bidigo po
bugagia dagalubo da homu eba, agawe?
² Mu menio. Te dagego homu
te dwai kolesagaba naga kęą pai elalubao.
Tama dagego te tigidali badu
te bidi dabe dolobo sę ebao.

³ Te dwai sę ebo bidi dabe te
augwa tigidali sogo bilibode
te wiegi yai sunumi tagalali.
Te augwali wąj bęęde digi gagalali,
te augwa monu dabe eboba usu nigi peyu,
te augwaligo tibo po wabo sę naga yalio.
⁴ Te augwaligo wabo po te bidi gąę kelebo hasamani-
go

kelede elalubo te bidi isibo nabi tiwai dao.
Augwa olo pania siyu yali, te hasamanigo ebo tiwai,
te aga olo pania selama, te aga po te me odobeo.

⁵ Te hasamanigo te kolesaga koneai
bidigo po me odisiąwaibao,
te agai musik wabo sogo te hasamani hodaluaama,
tęąbi emainu yai.

Te agai ona elaidu geani,
tama te hasamanigo me odogobeo.

⁶ God, nago te dwai bidi dabe dolao.
Genuai Bidi, te augwali

te dolama hwjbo laion tiwai ebao,
tama tialima, nago augwali kele togolama,
tigidali guda sayao.
7 Augwali te wę pelama,
tama te tęde odolali menia siyu,
hagabo tiwai emainao.
Nago augwali agayu, tama te bidigo nosa agalama,
te isibo tiwai gilama emainao.
8 Eno homugo augwali te ma damubo
tiwai gilama emainao,
moni dwai kukumini emainao.
Tama augwali te wai idago haligade
isibo tiwai emainao.
Nosali idago aga ame nenama,
tama te waigo giliga susiębo tiwai emainu yao.
9 Te polo mu tama, Godigo augwali dolaibao,
te bidigo dwasianu ni gelibo tiwai gilama yaibao.
Augwali te bidibo ula elalubadi,
tama Godigo augwalide haliga sębę mu elama,
tama agai augwali te pobele bage
sębo tiwai gilama ebo dao.
10 Te doloba pai bidi dabego
te Godigo te dwai sę ebo bidi
dabebolo te dwai dene mabo subo si,
te augwali wiegi yai pemene yaibao.
Te doloba pai bidi dabego sęęę
te dwai bidi dabego kanemego sęęę wę telaibao.
11 Tama gasa bidi dabego te tama po waibao,
"Mu dao, Godigo te doloba pai bidi dabeba
wiegi yai sę wei pona mawai.
Mu tama, God bidibao, tama agai te tigidali bage
te doloba pai po tųgo dagalaibao," waibao
*Polobadu Solgo bidi meba tagala palama, te Devitgo
beba tonalugi pai. Augwaligo aga ela muainu yai. Te 1
Samuel 19:11 tede elalubo po suao. Tialima, Devitgo
megi te balia aseęyu, te dabolo bugagia ola mawai.*

**Te bidigo gedu haluasa po weyu, te boi bidigo aga me
dolidali olama wai**

59 Eno God, nago ena te boi bidi dabego
nogode ma dobola sao.
Nago ena bugagia seselalubaso,
te augwaligo ena me dolisięwaibao.
2 Nago ena te dwai bidi dabego
nogode dagala sao.
Tama ena ela muainu ebo bidi dabede
nago ena ma dobola sao.
3 Augwali suao. Augwali geme dualalu,
te ena ela muainu ebao.
Augwali te dwai hwjbo bidi dabe,
tama augwali sisinama, te ena dali hwjainu ebo dao.
4 Genuai Bidi, augwali dali eno dwai sę me isięyu,
tama eno nago bomai pode hagoma me ebeo,
tama eno magi nai me delide magi dwai sę me
ebeo.
Tiali goli, augwali asesela pelama,

te ena dali hwjainu pęba bidagasai elaluali.
5 Genuai Bidi, nage te Tigidali Bomo
Elalubo God dao.
Nago polo tama ena tau sagasao.
Nage te Israel dabego God, te bidi dabe suao.
Nage polo aselama, tama te Israel hani isęwai we
bidiba
dwai dene magasobo sę yagasao.
Nago augwalide homu dene me elamuo.
Te bagego wiegi yai kolesaga yaiba po wali,
tiali goli, augwaligo te dwai kolesaga
yabo homu naga elaluai.
Te augwali wei ponobo sę nago mu yao,
6 Te hulide augwali te genuai hanuba ma aselama,
tama augwali te taun bobegelali obo
sesege badu bagula biliyu,
tama te yowi dabego wabo tiwai i ola bilai.
7 Odao. Te augwaligo po te dwai mu weyu,
te bainat hwę poa pai mu tiwai yali.
Tiali goli, augwaligo te po wali,
"Dego dago te po odomainu yagawe?"
8 Tiali goli, Genuai Bidi,
nago augwaliba dwai gisugu mu mabo dao.
Nago te tigidali Israel hani isęwai we
bidi haniba te kęnę po wabo dao.
9 Nago naga ena dęę waliyu, tama ena tonalubao.
God, ena te nageba naga pelama,
tama ena te boi bidi dabede geme duala sabo dao.
10 Te eno God agai ena wei eyu, godolo mu elama,
tama aga aselama, ena tau sagasali.
Godigo te agai eno boi bidi dabe te
aiyaba elalubo te enabolo sumainu yaibao.
11 God, te nago augwali ela mugio.
Magi baso meni, te eno hani bage augwaligo
te naide homu kone ebo tagalidalio.
Genuai Bidi, nage da tonalubo bidi dao.
Te nago bomogo naga,
nago te boi bidi dabe sela sęnama,
te augwali tedela pomainao.
12 Sesemane sogo augwaligo
te dwai sę yabo po naga weyu ebo dao.
Te augwa hagoma ebo kolesagade
te augwa dolomainu sula tagalao.
Augwaligo te nago nogide po dwai weyu,
tama sesemane sogo tibo po wabo dao.
13 Tama tialima, te nago haliga sębę
augwalide eyu, te augwali elao.
Te dwai sę ebo bidi dabe mu silao.
Nago te tibaso da,
tama te we bidi dabego koneama,
nage te God, nage te da Israel dabego king bidi me,
tama nage te tigidali bulu tęde
bagego king da olama,
te augwaligo konemainao.
14 Tama hulide te eno boi bidi dabe
te taunba ma aselama,

tama augwali te bagula biliyu,
tama te yowi dabego go wabo tiwai ebo dao.
¹⁵ Augwali te yowi tiwai biliyu, te uga peyu, eda asiyu,
te nai gegebo ebao,
tama te augwali haliga paęaşıąbaso,
augwali te i dwai mu weyu ebo dao.
¹⁶ Tiali goli, eno te nago genuai
bomode te tęąbi weyu yaibao.
Te tigidali sogo kigamude te eno tęąbi genuai weyu,
te nago ena sesemane sogo godolo ebode
te homu paliyu tiaibao.
Magi baso meni, te haniani seęę dabe
polobadu enaba pedelali,
tama nago ena bugagia tonalu,
tama nage te eno obo tiwai elalubo dao.
¹⁷ God, nage naga te ena seselalubo bidi dao.
Eno te nago nogi ugwaba sabo tęąbi po wainogo
ebao.
God, nago ena godolo mu ebao,
tama nage te eno bomai obo elalubao.

*Devitgo te da ola mayu yai. Agai te polobadu te
Mesopotematęde bidali bage, me Soba tęde bidali
bage, te Siria dabe dalihwįani sogo, te hani kone ma
palali. Tama agai te bidi Joapte ma geasa asiyu, tama
te Tamu Elalubo Tę Malude bidali, te Idom bidi dabe te
12,000 bidi ela muani, teba agai homu konema pala-
ma, te balia po aseąi dao. Te 2 Samuel Dąj 8; 1 Stori
Dąj 18, tede elalubo po suao.*

**Bidigo te gedu haluasa po weyu, te Godigo augwali
ma somainu yali**

60 God, nago da tagalama,
tama da te hwįbode aiyaba
elalumainu sula tagalalio.
Nago dade wado homu elalu, tama nago te tiwai yali.
Tiali goli, megi te nage ma asiyu,
te da ma tau sagasao.
² Nago dago tę mali mainu ilama,
tama nago te alumainu elama,
tama genuai tę dedage pedelalio.
Megi da, te tę mu dolainu ebao.
Tialima, nago ma dodolao.
³ Nago te seęę hauwa te naga we bidi dabolo mawai.
Tama nago dabolo te wain aį menama,
tumainu ebo tiwai yai.
Dago tulama, tama da te umuna pai mu pedelali.
⁴ Nago te wi pao po te nageba
lotu wabo we bidiba pusai,
te boi bidi dabego augwali dolidali weyu,
augwali wi pomainogo yali.
⁵ Da te nago bomogo ma sao,
magi baso meni, te nago da godolo mu ebo dao.
Tama tibaso, nago dago gedu haluasa po wabo
odolama,
tama da te boi bidi dabego nogode ma sao.
⁶ God te aga wiegi yai bulude bidiyu,

tama aga te po wai dao,
“Te eno hwįbo boi bidi dabe aiyaba elaluama,
tama eno wiegi yai pemene mu yaibao.
Megi da, eno te Sekem bulu tę pedaibao,
tama te Sukot tę malu bulu pesagede me, tama eno
te ena we bidi dabeba dobawaibao.
⁷ Te Gileat tę pedaide bidibo we bidi
me, te Manase hani dabe me, te eno bage dao.
Te Efraim hani we bidi te eno kapago
nigai tobolu madi tiwai elalubao,
tama eno king te eno bage Judade munama,
elalubao.
⁸ Te eno te Moap dabe te eno seę yabo bidi
pedalumainu elama, tama eno te Idom dabe
te eno seę olo ebo bidi dabe nigilaibao,” wali.
“Te eno te Filistia dabe te hwįnama, aiyaba elalubaso,
tama eno homu pemene eyu,
tama i waibao,” po wai.
⁹ God, dego ena te Idomba odasa pogowe?
Tama dego ena te bomai obo elalubo
taunba odasa pogowe?
¹⁰ God, te nago da
te tudiba muani homu eba, agawe?
Nage te dago ami dabe dali pisąma eba, agawe?
¹¹ Nago da tau sobaso,
tama dago te boi bidi dabe dali hwįaibao.
Magi baso meni, te bidi dabego naga da tau sobaso
da,
te olo nai tiwai naga dao.
¹² Tiali goli, te God da dali bidibaso da,
teda dago te hwįbode te boi bidi dabe elaibao.
Mu tama, Godigo te dago boi bidi dabe
aiyaba elaluaibao.

Te Devitgo aseąani balia po me deli dao.

**Te bidigo gedu haluasa po weyu, te Godigo aga sese-
lalumainu wai**

61 O God, te eno nageba i wabo te nago odao.
Te nago eno gedu haluasa po waboba
bugagia olo muao.
² Ena te ena bulu pesage digibulu bidibao,
tama eno haliga te seęę mu ebao.
Tama tibaso, te eno nageba i weyu,
te nago ena tau somainu ebo dao.
Nago ena te geme dualabo
pesage me deliba odasa pobaso da,
teda te boi bidi dabego ena me dologobeo.
³ Magi baso meni, nago naga ena
te bugagia seselalubo dao.
Nage naga te eno bomai obo elalubao,
tama tiyu, te boi bidi dabego
ena me dolainu ebaso, te usugobeo.
⁴ Eno homugo te godolo mu eyu,
ena te nago bede bididubadi,
te ena isibo sogoba usu nabo homu ebao.

Tama ena nage pade bugagia bidiyu,
te kakaruk wai te aga idago bogo
dologode bugagia bidibo tiwai gilama yaibao.

⁵ God, te tigidali naide eno nageba
te po daų walali, te nago odalio.

Tama nago te nai dabe enabolo mawai,
te nago nogi ugwaba sabo we bidi
augwaliba mabo tiwai gilama yalio.

⁶ Nago te king te bidibo ula dali
te hauwa kibu be bidimainu yao.

Nago aga te tode sesabi elama, bidimainu yao.

⁷ God, nago gedude te aga sesemane sogo
te king bidimainu ilao.

Nago aga sesemane godolo mu ebaso,
tama te nago aga sesemane sogo bugagia tonaluo.

⁸ Nago tama tibaso da,
teda te tigidali side te eno polobadu
te po nageba daų walali po, te eno wali peyu,
tama eno nago nogi ugwaba sabo tęąbi po
te sesemane bidada pabo sogo udaibao.

Te Devitgo aseąani balia po me deli dao.

God deligo naga da tonalubo dao

62 Mu tama, eno konealubo homu te God deliba
naga daų weyu, tama sagia siyu,
tama eno te agai ena tau sabo tonalubo dao.

Aga deligo naga te ena ma selama,
tama ena bidibo ula dali bidibo dao.

² Agai deligo te ena tonalu, tama ena tau siyu ebao.
Tama aga deli naga eno bomai obo elalubao.

Tama tiyu, te hwjbo side ena me hagagobeo. Mu me-
nio.

³ Ena dali boi homu ebo bage, nisu naga sogo
dagego

ena dali hwjyu, te ena dolainu ebawe?
Dagego homugo ena te obo tomage
me deli te tulaluama,
te mu togwa pabo tiwai gilama emainu ebao.

⁴ Eno genuai nogi elalubadi,
tiali goli, te dagego eno genuai nogi dolainu ebao.

Dagego te tibo po wabo
godolo homu mu ebo dao.

Dagego te Godigo enaba wiegi yai sę yabo po pusai,
tiali goli dagego haligade dagego
te tama weyu wali, "Dago homugo te Godigo
aga dolomainu homu ebao," po wali.

⁵ Eno konealubo homu te God deliba
naga daų wabo dao.

Tama eno te agai deligo ena tau sabo tonalubo dao.

⁶ Agai deligo naga ena tonalu, te ena tau sabo dao.

Tama aga deli naga eno bomai obo elalubao.

Tama tiyu, ena te hwjbo side me
hagagobeo. Mu menio.

⁷ God deligo naga ena ma sali,
tama aga digi enaba te genuai nogi mani.

Aga te ena tonalubo bomai bidi te bidibao.
God aga digi aga te eno bomai obo elalubaso,
tama te boi bidi dabego ena me dologobeo.

⁸ Eno hani dabe, sesemane sogo dagego
te Godiba konealubo homu daų waiya.

Dagego te duga tigidali sęę me,
te tigidali homu te agaba pusao,
awe, bidigo te wę gelibo tiwai eyu yao.

Magi baso meni, da te agaba pelama,
bugagia bidainu te tama tiao.

⁹ Te we bidi da, augwali e tiwai dao.

Te olo we bidi dabe te pedauwalide
olo mobo pedalubo tiwai te ebao.

Tama te genuai namba elalubo bidi dabe
augwali me, te olo nai tiwai naga yai.

Te augwali dago dagalobaso da,
teda augwali te sęę mu elalusiąbo
te dago me suaibao.

Te augwaligo sęę te pedauwalidu
pedalubo mobogo sęę dali usu egobeo.

¹⁰ Tama tibaso, dagego te tama homu igimio,
"Te hwjbo kolesaga me,

te nai dabe wi sabo kolesaga me,
te wiegi yai kolesaga da weyu,
tama da te mone bidi pedalubaso,
te usu yaiba," homu me igio.

Ma, te dagego mone me doado bage
te hauwa pedalubaso da,
teda dagego te nai dabeba naga duga
homu mugio. Te usu egobeo.

¹¹ Godigo te tama po wabo te eno odali,
"Ena God, eno te genuai bomo elalubo dao," wali.

Me ma, e tama po wabo eno hauwa sogo odali,

¹² "Tama sesemane sogo eno te
tigidali we bidi godolo mu ebao."

Te po wabo si eno mu odalio.

Genuai Bidi, nago te da tigidali
we bidigo ebo kolesagade usu nama,
te sę wei si ma ilibo dao. †

*Devitgo te balia aseąani, te aga te Juda bagego te bidi
meni yai bulude bidali sogo, teba kone paliyu, te balia
aseąai. Te 2 Samuel 15:23-28, tede elalubo po suo.*

Te bidigo homugo te God aga dali bidimainu homu eyu, gedu haluasa po wai

63 O God, nage eno God dao.
Eno nage gegebo sę bomu ebao.

Te eno homu ogwa waigo te nage dali
bidabo homu godolo mu ebao.

Eno tigigo me, te nage dali bidabo homu godolo yali,
te bidi te wę meni yai wa pai bulude
te wę nogonego sabo tiwai gilama yai.

² Eno nage te naga mena wiegi yai bede
mu suabo homu elama,

† 62:12 Jop 34:11; Jer 17:10; Mat 16:27; Rom 2:6; Ped 2:23

tama eno homugo te nago genuai
bomo te enabolo ola momainu
homu yali, tama nago genuai
nogi yai ula me te ola momainu yai.
3 Te e tęde bidibo ula te wiegi yai yai,
tiali goli nago te da sesemane
godolo ebo wiegi yai kolesaga te polalubo dao.
Tama tiyu, eno nago nogi ugwaba sabo dao.
4 Te eno nageba usu da weyu,
tama nago nogi ugwaba sidubadi,
te ena isibo siba usu naibao.
Te eno nogo ugwaba selama,
tama nageba gedu haluasa po waibao.
5 Te eno homu ogwa wai mobo
te wiegi yai mu elalubao,
te bidigo wiegi yai nai dabe tulama,
tama te usu yai tiwai gilama yai.
Tama ena wiegi yai pemene elama,
tama nage nogi ugwaba sabo dao.
6 Te ena betba pigilubo sogo,
te eno nageba homu kone palu ebo dao.
Te hulide eno homu kone nageba naga ebo dao.
7 Magi baso meni, nago ena sesemane sogo tau sali.
Ena nage pęde bidali,
te kakaruk wai te aga idago bogo
dologode bidibo tiwai gilama eyu,
tama eno te wiegi yai pemene ebo balia po wali.
8 Ena nage dali bilibaso,
tama nago ena bugagia tonalubo dao.
9 Tama te ena ela muabo homu ebo
bidi dabe, teda augwali
te isibo bidi dabego pesageba dulaibao.
10 Te hwjbo side augwali isibaso,
tama te uni yowi dabego augwaligo
tigi te pesela tuaibao.
11 Tiali goli, ena king da, te eno wiegi yai pemene
te nage Godiba yaibao.
Te bidi dabego nogo guni sisu muyu,
tama nago nogi weyu, tama augwa
po dę wabo bidi dabe,
te augwaligo nage wali pabo bidi dabe,
augwa te wiegi yai pemene mu emainao.
Tiali goli, nago te tibo po wabo bidi dabego
pedauwali pania somainu yaibao.

Te Devitgo asęani balia po me deli dao.

**Bidigo te gedu haluasa po weyu, te Godigo aga
tonalumainu yali**

64 O God, eno sęę te genuai elalubao.
Nago eno gedu haluasa po wabo odao.
Ena te boi bidi dabede wi ebao.
Nago ena tau sobaso da,
te ena augwaligo ela muainu ebaso,
te usu me egobeo.
2 Te dwai sę ebo bidi dabego te
ena ela muabo sunumi gegebao,

tama augwali sisinama, te elainu ebao.
Tama te nago ena seselalubaso da,
teda augwaligo enaba te dwai sę me egobeo.
3 Te bidi dabego po te mu poa pelama,
tama te bainat hwęo ena togobo tiwai ebao.
Te augwaligo dwai pogo enaba ponama wali,
te bidigo enesigiba ene nanama,
te bidi usu sabo tiwai gilama ebo dao.
4 Augwali te geme duala selama,
tama te wiegi yai bidiba enego enani.
Augwaligo te gagamua siyu, te wi me isięma,
tama augwaligo polo eneyu ebo dao.
5 Augwaligo augwa digi dę waliyu,
tama te dwai kolesaga ebo dao.
Augwaligo te gasa bidi tola somainu yabo
te bono gęgę muabo po miani.
Tama augwa te tama homu yali,
"Te mena bidi me deligo te da me sugobeo," wai.
6 Augwaligo te dwai kolesaga meba
yabo po mia selama, tama augwa te po wai.
"Dago yabo te dwai kolesaga me deli
te homugo koneanio, tama te dago yainu ebo sę
te bidi me deli gegeyu,
koneainu ebaso, usu egobeo," te po wai.
Dago te bidi dabego haligade elalubo
homu kolesaga te koneabo usu egobeo,
te geme mu dualalubao.

7 Tiali goli, te Godigo augwali
te agai enego enebaso da, tama polo mu tama,
te genuai keni pedelaibao.
8 Augwaligo te gasa bidi dolabo po wai,
tama tibaso, te Godigo augwali dolaibao.
Te augwali subo bidi dabego
te augwaliba te augwaligo dwai gisugu mu mayu,
tama tobolu peme yaibao.
9 Te tigidali we bidigo Godiba wi yaibao.
Tama augwaligo Godigo
te yali sę dabede po mimi peyu,
tama tede sesemane homu kone palaibao.
10 Te tigidali doloba pai we bidi augwaligo
te Genuai Bidigo yali sęde
wiegi yai pemene yaibao,
tama augwali agaba pelama,
te dwai sęde geme wi duala sigi paibao.
Tama te tigidali doloba pai we bidi augwaligo
te Genuai Bidigo nogi ugwaba saibao.

Te Devitgo asęani balia po me deli dao.

**Augwa wiegi yai pemene elama, te Godiba usu da
weyu, gedu haluasa po wai**

65 O God, da te Saionba pelama,
tama nago nogi ugwaba saibao.
Te kolesaga ebo te usu mu yaibao.
Tama dago te po dę waliyu,
te polobadu yaiba wali sę tigidali usu nama yaibao.
2 Nago dago gedu haluasa po wabo odobo dao.

Tama tibaso, da tigidali we bidi te nageba asobao.
3 Dago te dena yali dwai sęde homu
kone palu tama tiali.
Te dena dwai sęgo da aiyaba mu elaluali,
tiali goli, dago koneani, te nago dago dwai sę
te dagala sęwaibao wabo dao.
4 Te nago sa munama,
tama nago pęba odasa pabo bidi
dabe, augwa te wiegi yai pemene emainao.
Te tigidali wiegi yai sę yabo kolesaga
nago dabolo te moni lotu be tempelde,
te nago wiegi yai tedali bede mawai,
tego da mu usu naibao.
5 God, nago naga te nago da
te boi hwj̄bode ma selama,
tama da bugagia bidibo dao.
Nago dago gedu haluasa po wabo odao.
Te nago da ma sainu yali sę te sę mu yai.
Te dade te digibulu mu
te tigidali tę habude bidibo bage dabe,
tama te augwa pesageba sabolainu,
te tamu ęj̄ nogeali,
augwaligo konealubo homu nageba
daę mu wabo dao.
6 Te nago bomogo te bulu du dabe pedalumainu elama,
tama augwali te augwa pesagede elalubao.
Nago bomo te genuai mu dao.
7 Nago naga te tamu ęj̄ moni dini ebo,
te wę kulukulu wabo me isimainu ilibo dao,
tama nago te bidi dabego
hwj̄bo me togolobo dao.
8 Te tigidali tęde bidibo we bidi dabego
nago te ebo sę dabe sulama,
tama tigidali te nagede wi ebao.
Te giliga pedalubo badu, me te giliga dega sigilubo
badu
bidibo we bidi augwaligo
te nago ebo sę tigidalide homu kone palama,
tama augwaligo te wiegi yai homu pemene elama,
te nageba i wabo dao.
9 Nago te tulubage tagala palu,
te tama tebogo naga nago te tę bugagia tonalubao.
Tama nago te tę ili hauwa pedalumainu ilama,
tama te nai bugagia holobao.
God, nago te wę dabe tigidali badu muai elalubao,
tama augwali te me sula sabeo.
Tego te nai hauwa pedalumainu ilama,
tama te we bidi dabego sobao.
Te sę nago digi ebo dao.
10 Nago te tulubage hauwa
te tigidali giba tulumainu elama,
tama wę te tę tomode elalubao.
Węgo te tę nagame ilibaso,
tama nai bugagia holobo dao.
11 Nago wiegi yai sę daba eyu,
tama nago te nai hauwa pedalumainu yai.

Te nage gasa me deli pobaso me,
nago tede me te nai wiegi yai hauwa
pedalumainu ebo dao.
12 Te tigidali bulu pesagede te bulmakau me
sipsip dabego tuabo nosa te pęęnaluali.
Tama te dwasianu bulu du dabede
te gigo pęęawai elalubao.
13 Te sipsip hauwa mu te nosa elalubo
pesagede mu pęęnalubao.
Te bulu dabe odogo tomode te wit nai mu
pęęnalubao.
Tama tigidali nai te wiegi yai pemene ebo dao.
**Augwaligo te wiegi yai pemene elama, tama Godiba
usu da po weyu, balia po wai**
66 Te tigidali tęde we bidi,
dago wiegi yai pemene elama,
tama bomonama i weyu,
tama Godigo nogi ugwaba sao.
2 Te balia po weyu,
te agai genuai nogide po pusao.
Te agai genuai nogi te ugwaba mu sao.
3 Dago te tama po Godiba wainao,
"Te nago ebo sę tigidali te wiegi yai mu ebao.
Te nago bomu genuai ugwanu mu igulai elalubao,
tama nago boi bidi dabe te wi mu elama,
tama augwali te nago gesabidiba pibia sagaselama,
te kidu sugunagasobo dao."
Te tobage po wainao.
4 Te tęde we bidi tigidaligo nageba lotu waibao.
Augwa te balia po weyu, nago nogi ugwaba sabo
dao.
5 Dage aselama, te Godigo yali sę suięo.
Te genuai genuai sę dabe agai
te we bidi dabe tomode yai dao.
6 Agai te tamu ęj̄go pesage
te wa pai pedalumainu ilama,
tama dago węj̄ nęę dabe tedu pelayu,
tama te wę nogegi pai.
Tede te augwaligo Godiba wiegi yai
homu pemene yai dao. †
7 Agai te genuai bomu elalu, tama aga te king sese-
mane
bidada peyu, bidada pobao.
Tama agai te we bidi hani tigidaligo
ebo sę tigidali te bugagia subao.
Tama tiyu, te meba hanigo te Godide hagoma yabuo.
8 Dage tigidali hani, dagego
te dena God nogi ugwaba sięo.
Dagego te God nogi ugwaba sabo,
tama te we bidi dabego odaibao.
9 Agai da tonalubaso,
tama da te bidibo ula dali bidibao,
tama agai da te dwai sęęęba
tulalumainu me sula tagalubeo.

¹⁰ God, nago da usu siyu, te bidi dabego
te wiegi yai kapa silva te siago ulama,
tama te hogomu kakali sela sębo tiwai ebo dao.
¹¹ Nago da te bono gęgęgo tola selama,
tama nago genuai sęęę daba muani.
¹² Nago te boi bidi dabego da mu agala somainu ilali.
Tama da te sia dobadi te sia dabo
tomodu bilali tiwai eyu,
tama te asobo wę tomodu pabo yali.
Tiali goli, megi nago da te wiegi yai
pesageba odasa aselama, bidibao.

¹³⁻¹⁴ Polobadu te sęęę enaba pedalubaso,
tama eno nageba po daų weyu,
te siaba tigidali ulama, domainu ebo ofa
mawaiba po wai.
Eno te daų walali po me konealuyu,
tama tialima, eno te ofa dabe nageba selasa
asaibao.
Te eno nago tempel beba te hasa dabe sela aselama,
te siaba ulumainu yaibao.
¹⁵ Te eno te nisali kibu hasa dabe te altade ulama,
tama eno nageba te ofa mawaibao.
Awe, eno te omai sipsip dabe ulama,
tama nago te ofago te denami ebo
te wiegi yai odaibao.
Tama eno te omai bulmakaugo,
me te omai memego te ofa yaibao.

¹⁶ Dage te God dologode bidibo
we bidi dabe, dage aselama, te eno po odagasięo.
Te eno dagebolo te tigidali sę po
te Godigo ena tau selama, yali sę po waibao.
¹⁷ Polobadu te eno agaba i weyu,
te ena tau sao olama,
tama eno aga nogi ugwaba sabo
balia po wainu sisi ilali.
¹⁸ Tiali goli, eno homugo te eno dwai
sę ebo kolesaga te olo nai tiwai da
wagi sogo da, teda Genuai Bidigo
te eno gedu haluasa po wabo
te me odogi menigi dao.
¹⁹ Tiali goli, Godigo eno wabo po odalio.
Mu tama, agai eno gedu haluasa po wali odai dao.

²⁰ Eno God nogi ugwaba sobao.
Magi baso meni, agai eno gedu haluasa po
te tudiba me musięwai,
tama agai te enade godolo mu
sesemane ebo te me dagala sabeo.

Te Godiba wiegi yai pemene eyu, wabo tęąbi po e dao

67 God, nago te olo tau sabo
wiegi yai kolesaga dabolo elama,
tama daba te wiegi yai sę yao.
Nago daba homu kone palama, tama da tau sao.
² Tama tiyu, te tigidali we bidigo
nago kolesaga te konemainu elama,

tama tigidali hanigo te nago
augwali ma saiba weyu,
te augwaligo konemainao.

³ God, eno homugo te tigidali bagego
nageba wiegi yai pemene elama,
tama nago nogi ugwaba somainu yao.

⁴ Tigidali hani we bidi te bugai haliga elama,
tama wiegi yai pemene ebo tęąbi emainu yao,
magi baso meni, te nago tigidali
we bidigo kolesaga te doloba pai
po tų ebogo dagalaibao,
tama nago te we bidi hani dabe
te wiegi yai sunumidu bugagia
bilimainu dodolobo dao.

⁵ God, eno homugo te tigidali bagego
te nageba wiegi yai pemene elama,
tama nago nogi ugwaba somainu yai dao.

⁶ Te wiegi yai nai hauwa dago tęde pedelalio.
God, aga te dago God, agai
te dabolo wiegi yai sę bugagia mu yai.

⁷ Mu tama, Godigo te wiegi yai sę dabolo bugagia yai.
Te tigidali tęde we bidite aga dologode bidaluo.

**Te Israel dabe augwali te Godigo tau sobaso, wiegi yai
pemene yali**

68 God te polo asomainu elama,
tama aga boi bidi dabe
sela sęmainu yai.

Te Godiba boi bidi ebo bidi dabe,
augwali te agade wi pabo dao.

² Waligo te hano sela sębo dao,
te tama tiwai gilama naga Godigo
te boi bidi dabe sela sęy tiaiobao.

Siago te kandel ili posolo ilibaso,
tama ili te wę tiwai pedelaibao.
Te tama tiwai naga te dwai sę ebo we bidi dabe
te augwali God gedude dolaibao.

³ Tiali goli, te doloba pai bidi dabe da,
te wiegi yai pemene elama,
tama augwa te God gedude
bugai haliga yaibao.
Augwa te wiegi yai pemene umabo mu yaibao.

⁴ Dago te Godigo nogi ugwaba sabo tęąbi po wao.
Aga te pę dabede dugulasa, tama pabo dao.
Agai sunumi dodolao.
Agai nogi te Genuai Bidi dao.
Dago aga gedude wiegi yai pemene yao.

⁵ God te aga gasa wiegi yai bede bidiyu,
tama agai te aga aya ida isai
wai puluba dabe tonalubao.
Tama agai te wilawe we dabe, te agai tau sabo dao.

⁶ Agai te bidi me we agaduba deli
bidibaso, te be menama,

tama augwa tede bugagia bidimainu ebo dao.
Tama agai te kalabus bidi dabe
augwa te kalabus silimainu elama,
tama augwa pesagede te bugagia bidimainu ebo
dao.

Tiali goli, te sę hagoma ebo bidi dabe,
teda dwai pesageba mu bidigi paibao.

⁷ God, polobadu te naga
we bidi dabede nage poligi sulama,
tama nago augwali odasa asiyu,
tama nage te magi nai meni yai
te tę wa pai bulude bilali.

⁸ Te sogo te tę gęę elama,
tama tulubage genuai aiyaba tulali,
magi baso meni, God, nage asalio.
Mu tama, te da Israel dabego God nage asobaso,
tama te Sainai bulu du gęę
umabo mu yai dao. †

⁹ God, nago te moni tulubage te
naga tęba tulumainu elama,
tama nago te e tę dwali te
wiegi yai ma pedalumainu ilai dao.

¹⁰ Te naga we bidi augwali bidabo pesage
te tęde nigilama, bidai.

Nage te wiegi yai mu,
tama te nago te magi nai doado bage
meni yai bidi dabe te nai mayu yai dao.

¹¹ Genuai Bidigo te aga we bidi dabeba po mawai,
tama we hauwago te po pusugi pai.

¹² Te po e tama wali, "Te king dabe dali
te tigidali ami dabe me, tigidali te wi palio," po wai.
Tama te augwa bidali pesagede bidali we dabego
te augwa bidi dabego hwjyu sali
doado bage te dobayalio.

¹³ Te we dabe te silvago, me golgo
te gasagi yai au mu elama,
tama augwa te tonani te gasa
wiegi yai ba sawi yai tiwai yali,
tama aga te silvago ula tiwai yali,
tama aga bogo te golgo gegemani ebo tiwai ebao.

Tiali goli, magi baso bidi meba
te sipsipgo obo tomode bidibawe?

¹⁴ Te Tigidali Bomo Elalubo Godigo
agai te king dabe te Salmon bulude
sela sęnama, wi pelawali sogo,
teda agai te talua ge ais tulubage
te bulu duba tulumainu yai dao.

¹⁵ Te Basango bulu du te moni bage mu dao.
Aga te sau pado hauwa mu elalubao.

¹⁶ Nage te sau pado hauwa dalubo bulu du da,
magi baso nago te God aga
dugulaluainu ebo bulu du sulama,
tama nago homugo
te olo nai tiwai da homu ebawe?

Genuai Bidi da, te bulu dude

bidada pidu, bidada paibao.

¹⁷ Genuai Bidi te hwjbo bomai hauwa
tausen karisde dugawali ami bidi dabe dali asaibao.
Aga te Sainai bulu duba aselama,
tama aga te gasa wiegi yai be mu
tomoba bula sagasaibao.

¹⁸ God te ugwanu mu yai bulu duba holama,
tama agai te kalabus bidi hauwa sela pai.
Aga te hagoma ebo bidi dabego
te aga dali hwjani bagego nogode
te haniani wiegi yai nai sela peyu, aga dali pali.
God, Genuai Bidi, te bulu dude bidaibao. ††

¹⁹ Dago te Genuai Bidi nogi ugwaba sao.
Tigidali side agai dago sęęę tolobo dao.
God deligo naga da ma siyu ebo dao.

²⁰ Dena Godigo digi te da tau siyu,
tama da bugagia bidibao.
God, dena Genuai Bidigo,
te da tau sobaso, tama da me isibeo.

²¹ Mu tama, Godigo te aga boi bidi dabe mu dolaibao,
te dwai kolesaga sesemane wali pabo
bidi dabe te tama tiaibao.

²² Genuai Bidigo te tama po wali,
"Te eno dagego boi bidi dabe te Basande
selama, ma odasa asaibao," wali.
"Tagalao te tamu ęi dologode mu bidibo,
tede eno augwali ma odasa asaibao," wai dao.

²³ "Te dagego duga boi bidi dabeba
te dwai dene mobaso,
tama dage bugai haliga yagameo.
Tama duga yowi dabego te boi bidi
dabego kaneme te homu usu nama
wali peyu, te kaneme tuaibao."

²⁴ God, me eno king, tigidali we bidigo suali,
nago te hwjbode ugaba ela holama,
tama nage wiegi yai pemene dali asobo suali.
Tigidaligo nage te naga gasa tedali
wiegi yai be tomoba soabo suai.

²⁵ Te tęąbi wabo bidi dabe augwali poligi soali,
tama te musik elibo bidi dabe
augwali nosali asali,
tama te dwasianu habidi elibo gesi
wegi ogwa we dabe, augwali te tomodu palio.

²⁶ Augwaligo tęąbi po te tama tiwai po wai,
"Da Godigo we bidi, da sisananio,
tialima, dago te Godigo nogi ugwaba sao," po wai.
"Da te Israel hani dabe, dago te Genuai Bidi nogi
ugwaba sao," wai dao.

²⁷ Te Benjamingo dwasianu hani dabe
augwali polasa pai.
Tama te Juda tobolu bidi dabe dali,
te Juda we bidi dabe dali,
augwali te Benjamin wali pai.
Tama te Sebulungo tobolu bidi dabe me,

† 68:8 Sai 19:18

†† 68:18 Ef 4:8

te Naptaligo tobolu bidi dabe me,
te augwali nosali pali.

²⁸ God, nago te naga bomo dabolo ola mao.
Polobadu nago te bomogo naga da tau sai dao.

²⁹ Te king dabe nageba te wiegi yai
olo maiyabo nai presen dabe seselama,
tama nageba menama,
te nago moni lotu be tempel
te Jerusalemba mawai dao.

³⁰ Nage te naga tempel bede bidiyu,
tama nago te Isipba wado ilao,
te uni hasa te wę pude bidibo tiwai ebao.

Nago te we bidi hani dabe wado ilama,
augwali te omai kibu bulmakau
te augwa wai puluba dabe dali bidibo tiwai ebao.

Te augwaliba wado iliyu,
te augwaligo nageba kidu sugunama,
tama augwa silva dabe te nageba momainao.

Nago te hwjabo homu ebo we bidi dabe
te sela sayu, ela gudulao,
tama augwa wi tedela pomainao.

³¹ Te Isip kingo te polalubo bidi dabe
te Jerusalemba tagala palama,
te nago po odomainu yaibao.

Tama te Itiopia dabego nogo ugwaba siyu,
tama nageba gedu haluasa po waibao.

³² Dage te gasa hani we bidi dabe,
dagego te tęąbi po dabe te Godiba weyu,
te aga nogi ugwaba sao.

³³ Agai te dagalude bilibao,
tama te dagalu polobadu digi elaluai.
Odao. Godigo te be kulukulu wabogo
i bomonama mu wabo dao.

³⁴ Dage tigidali we bidigo te Godigo
genuai bomode po haninama pusao.
Aga te Israel dabego king dao.

Dago agai genuai bomu te dagalude subo dao.

³⁵ Te Israelgo God te aga wiegi yai tedali bede
bidibao,

tama dago te Godide wi yao.
Agai te aga we bidi dabeba te genuai bomu mobao.
Te God nogi ugwaba sao.

Bidigo te Godiba hanalu, aga tau somainogo yali

69 God, ena tau sao.
Wę te pedelama, te eno dogoniba usu igulalio.

² Ena te genuai aj pu tomoba hoa sigiluai.
Te ena doligiluabo madi te tų dili yai me elalubeo.
Ena te wę ge bo delama,
te aiyanu mu igulai madi bilibao,
tama te ge bo dali węgo
ena mesegelainu mu ebo dao.

³ God, eno nageba te i wedu wedu gebo sę edubadi,
tama eno bomu te silalio.
Tama eno dogoni wa pelama,
tama eno gedu dene yai,
magi baso meni, eno te sesabi elama

gana nago ena tau sabo tonaluai.

⁴ Te enaba odolali boi bidi ebo
bidi dabe, augwali te hauwa umabo mu dao,
te eno tobolu nisigo namba
te augwalide usu isawai.

Te boi bidi dabego enaba dwai sę yainu yali,
tama augwaligo te ebo kolesaga pagede tibo po
wali.

Te bidi dabego bomu mu elama,
te ena ela muabo homu yali.

Eno te augwaligo nai doado bage me deli
te eno wi me sabe, tiali goli augwaligo
te po hauwa enaba kisilama wali.

Tama tialima, eno ena doado bage digi
te augwaliba mawai. †

⁵ God, nago ena koneanio, ena te kolesaga
geda mubo bidi naga dao.

Te eno dwai sę yali dabe
te nago gedude game me duala sabeo.

⁶ Genuai Bidi, nage te Tigidali Bomo
Elalubo God da, nago eno te kolesaga meba
emainogo eyu,

te konealubo homu daų wali
bidi dabe hale somainu elamuo.

Te da Israelgo God, nago eno te
kolesaga meba emainu eyu da,
te bidi dabego te nageba lotu po wabo
we bidi dabeba te po dwai omainogo elamu dao.

⁷ Eno nage wali pobaso,
tama te bidi dabego posobo po enaba weyu,
tama augwaligo ena hale emainu ebo dao.

⁸ Te eno ama dede augwaligo ena
te gasa hani bidi tonobo tiwai yai.

Tama ena hani we wai sibigo ena
te augwaligo digibulu bidi tonobo
tiwai gilama yai dao.

⁹ Eno te nago tedali wiegi yai be te godolo mu elama,
tama eno te be wiegi yai bugagia
elalumainu, te sę bomu ebao.

Te bidi dabego nageba wabo dwai po,
tama te po enaba me boaga sobao. ††

¹⁰ Eno te nai me habu seliyu elama,
tama te kolesaga ebogo te nago gedude ena digi
te ena aiyaba elalubao.

Tiali goli, te we bidi dabego enaba po dwai wai.

¹¹ Eno te homu dene ebo ugwa gudali,
tiali goli, te bidi dabego enaba dwai po weyu,
tama posobo po enaba wai dao.

¹² Te bidi dabe sunumiba sisinama,
tama enade po miani.

Tama te wain wę tulama, te gęę ebo bidi dabego
te balia mebade te dwai po enaba weyu yali.

¹³ Tiali digi tagalao, eno te nage
Genuai Bidiba gedu haluasa po waibao.
God, te me sogo deli nago digi te sa muani sogo,
nago te eno gedu haluasa po wali wei ponao.

† 69:4 Tib 35:19; Jon 15:25 †† 69:9 Jon 2:17; Rom 15:3

Nago tama tiaibao, te magi baso meni,
nago te ena godolo mu elama,
tama nago ena ma sabo po daų walali,
tama nago tibo po me wagobeo. Mu menio.
14 Nago ena te wę pude ma sobaso da,
teda ena te tomoba hoa selama,
tama tede me hagagobeo.
Nago ena tonalubaso, te boi bidi dabego
ena me dologobeo,
tama te pu aiyanu igulali węgo
te ena me mesegeligobeo.
15 Nago ena te ge bo dali węgo somainu me elamuo.
Tama nago ena te wę ge bo aiyanu igulali
węde hagamainu me elama,
te isibo gų pagego ena elalumainu me elamu elao.
16 Genuai Bidi, sesemane sogo
nago ena godolo mu ebo tama te wiegi yai mu da,
tama tiyu, te nago eno gedu haluasa
po wali wei ponao.
Nago te olo tau sabo wiegi yai kolesaga
umabo mu enaba eba wida,
teda nago ena tau sagasao.
17 Ena naga sę bidi da,
tama tiyu, nago enade geme me duala selamuo.
Eno sęę genuai elalubao,
tama tiyu, nago ases polo tama
te eno gedu haluasa po wali wei ponao.
18 Nage ena paąba aselama, tama ena ma sagasao.
Nago ena te ena boi bidi dabego nogode ma sao.
19 Te bidi dabego enaba po dwai wabo
te nago koneanio.
Tama augwaligo te ena hale emainu eyu,
tama ena nogi aiyaba elalubo me,
te nago koneai dao.
20 Te po dwai wabogo eno homu kolesaga dolama,
tama ena haliga sęę umabo mu elalumainu yai.
Tama eno bomu meniyu, me elalubeo.
Eno homugo te bidi mebago
ena homu dene yaiba homu yali,
tiali goli me deli meni yai.
Tama eno homugo te bidi mebago
te enabolo te haliga daų walobo wiegi yai po
meba mayu, waiba homu yali,
tiali goli, te menio.
21 Te eno nasi ebo sogo,
augwaligo te dwai marasin ena mani.
Te ena dogoni wa pobaso,
tama augwaligo te ha ebo aų nogi
viniga naga ena mayu yai dao. †
22 Tialima, nosali augwali
te genuai nai tuboba sisinani sogo,
eno homugo tego augwali dolomainu yao.
Tama augwaligo te ofa me nai dabe sesebaso da,
teda tego te augwali tulaluama,
hagamainu emainao.

† 69:21 Mat 27:48; Mak 15:36; Jon 19:28-29

23 Te augwali gedu hulua somainu elama,
te augwaligo ma tonono yainu ebaso,
te usu munu ma egobeo.
Te augwali tudi dili dolobaso da,
te augwali bomu elama dolalubaso,
te usu me egobeo. ††
24 Nago augwaliba te wado umabo mu eyu,
tama augwaliba dwai dene mao.
Tama nago haliga sębęgo te augwali selama,
tama augwali hagamainu yao.
25 Te augwali bidalubo pesage te olo elalumainu ela-
ma,
tama nago augwali me deli te bede
bidibo ula dali bidimainu me elamuo. ‡
26 Te bidi mebablo nago hasiabolo
te augwa yali dwai sę wei ponani bidi dabe,
te dwai sę ebo bidi dabego
augwaliba dwai dene mabo sę idubao.
Nago te bidi meba tigiwali togolama,
te augwaliba dene mani bidi dabe,
tama te dwai sę ebo bidi dabego posobo po weyu,
tama augwaliba sęę mayu ebo dao.
27 Nago te dwai sę ebo bidi dabego dwai sęde
te homu kone ebo me gegeda paligio.
Tama nago te naga hani tomoba asomainu me igio.
28 Nago augwali nogi
te bidabo ula elalubo bukude
elalubo nogi sela sayao.
Tama nago te augwali nogi te
doloba pai we bidi dabego nogi dali
elalumainu me elamu dao. ††
29 Tiali goli, ena te genuai sęę me dene tolali.
God, nago ena ma selama, tama ena usu ma ilao.
30 Te eno tęąbi weyu, tama God nogi ugwaba sai,
tama te eno agaba usu da po weyu,
tama agai genuai nogide po hanilama pusaibao.
31 Tama Genuai Bidigo te kolesaga wei mu ebaso.
Agai te bulmakaugo ofa ebo te wei eyu, godolo me
ebeo.
32 Te sęę tolali we bidi dabe augwaligo te sulama,
tama wiegi yai pemene yaibao.
Tama te Godiba lotu wabo we bidi dabe,
augwaligo te bomu ma saibao.
33 Genuai Bidigo te doado bage
sqą pabo we bidi dabego
gedu haluasa po wabo odali,
tama agai te aga we bidi dabe te kalabuside bidibo
bage
te homu kone ebo me tagalugobeo.
34 Dagalul dali, tų dali, tamu aų,
me te tamu węde elalubo tigidali
sųgų dabe, dage tigidaligo te God nogi ugwaba sao.
35 Magi baso meni, Godigo te Saion
we bidi dabe te boi bidi dabego
nogode ma dobola selama,

†† 69:23 Rom 11:9-10 ‡ 69:25 Tpi 1:20 †† 69:28 Sai 32:32; Ped 3:5; 13:8; 17:8

tama agai te Juda dabego taun ma nigaibao.
Agai tama tiyu, tama te Godigo
hani bage augwa te taunde bugagia bidiyu,
tama te tų tigidali somainu yaibao.

³⁶ Te Godigo se bidi dabego wai te nų dabego
te tų te augwaligo saibao,
tama te God godolo mu elama,
wei ebo we bidi dabe da,
teda augwali te tųde sesemane sogo
bidada peyu, bidada paibao.

*Devitgo te balia po aseąi. Te Godigo olo tau sali wiegi
yai kolesaga yalide, te augwaligo homu kone ma
palubo sogo da, teda augwaligo te balia wai dao.*

**Bidigo te Godigo aga tau somainu gedu haluasa po
wali**

70 God, nago ena ma sao.

Genuai Bidi, nage polo aselama,
ena tau sagasao.

² Bidi mebago ena ela muainu ebao.

Tama tialima, nago augwali homu puna palama,
tama augwali aiyaba mu elaluao.

Tama bidi mebago eno seęęde wiegi yai pemene yali.

Nago augwali ibaba ma kilasa pomainu elama,
tama dwai hale somainu yao.

³ Bidi mebago enaba posobo po wali.

Tialima, nago augwali mu dwai ilama,
tama augwali hale mu emainao.

⁴ Tiali digi, te nageba asobo we bidi
augwali da, augwa te bugai haliga elama,
tama nageba pemene emainu yao.

Te tigidali we bidi nago augwali ma sali,
tama te nago augwaliba yali seęde
te augwaligo wei mu yai,

augwa te tiwai po omainu emainao,
"Godigo nogi ugwanu mu elalubao."

⁵ God, eno bomo meniama, tama ena digi
ena ma tau sabo usu isaęwai.

Tama tialima, nage polo enaba asao.

Genuai Bidi, nago naga nago ena tau selama,
ena ma sali bidi dao.

Tama tialima, nago sesabi gana elama,
me tonalugio. Polo asao.

Monu dabe bidigo gedu haluasa po wali

71 Genuai Bidi, ena nage dali bidibaso,
tama te boi bidi dabego ena me dologobeo.

Nago ena te augwaligo elalumainu me sula tagaligio.

² Nage doloba pai mu da,
tama tiyu, nago ena tau selama,
tama ena te boi bidi dabego nogode ma sao.
Nago eno gedu haluasa po wabo odama,
tama ena ma sao.

³ Nage te bomai obo tiwai elalu,
tama te bomai be tiwai elalubaso,
teda ena te tomoba aselama,
tama nago ena tonalubao, magi baso meni,

ena te nageba naga aselama, te ena duala sai.
Nago naga ena bugagia tonalubaso,
tama ena bugagia bidibao.

⁴ Ena God, nago ena te
dwai bidi dabego nogode ma sao.

Augwaligo bomu mu eyu,
tama augwaligo kolesaga dwai mu ebao.

⁵ Genuai Bidi, eno konealubo homu
nageba naga muani.

Polobadu ena gesi ogwa bidide digi,
te nageba konealubo homu daę wali,
tama eno konealubo homu daę ola asali,
megiba usu nagasobao.

⁶ Sesemane sogo ena nago nogode naga bidiyu bilali.

Idago ena ame nabode,
te nago ena tonalua asali,
te megiba usu nagasobao.

Tama tialima, te eno sesemane sogo
nago nogi ugwaba saibao.

⁷ Te we bidi hauwago ena sulama,
tama eno ebo seę dabede
te augwali homu hauwa dogia pai.

Tiali goli, te eno bomogo me ebeo. Menio.

Nago naga te ena tonalubo bomu mu ebo dao.

⁸ Te tigidali sogo te eno nago nogi ugwaba siyu,
tama nago genuai nogi
te we bidi dabeba hanilama, pusubo dao.

⁹ Megi da, ena monu dabe ebaso,
te eno bomu me menio,
tialima tiyu, nago ena tagalama tudiba muidalio.

¹⁰ Te boi bidi dabego ena ela muainu,
tama augwali sisinama, tama po daę waliyu,
ena dolaibao po wai.

¹¹ Augwa te tama po wali,
"Ae, tegoba, dago aga pobelama,
tama tola sino," wali.

"Te aga tau sabo bidi me deli menio.
Godigo aga tagalai dao," wali.

¹² Tialima, God, nage enade digibulu me bidigio.

Eno God, nage polo tama aselama, ena tau sagasao.

¹³ Te enaba po kisilama wabo bidi dabe,
nago augwali elaluama, tama augwali mu silao.

Augwaligo ena dolainu yali,
tialima, nago augwaligo homu
kolesaga puna palama,
tama augwali hale dwai mu emainu yao.

¹⁴ Tiali goli, eno sesemane konealubo
homu nageba daę olalu,
tama eno nago ena tau sabo tonalubao.
Te eno nago nogi ugwaba mu saibao.

¹⁵ Te eno te we bidi augwaliba
te nago doloba pai kolesaga ebo po te pusaibao.
Eno te nago ebo seę page tigidali
te bugagia konesiąbadi digi,
tiali goli tagalao, te tigidali side eno
te augwaliba weyu,
te nago ena ma sali po waibao.

¹⁶ God, Genuai Bidi, te eno nago
genuai bomode homu kone palu,
tama te eno nago nogi ugwaba sobao.
Eno te tiwai po waibao,
“Genuai Bidi naga, aga te doloba pai dao,” waibao.

¹⁷ God, nago ena te sogo
te dwasianude digi ola mani,
tama megi e sogoba usu nagasobao,
tama eno nago te wiegi wiegi yai
sę dabe ebo po pusudu gebo dao.

¹⁸ Megi da, ena monu dabe elama,
te ena tobolu nisi ayadeba yalio,
tiali digi God, nago ena me tagagio.
Nage ena dali bidiyu,
tama eno nago genuai bomode po
te nosali pedalubo we bidi dabe pusaibao.

¹⁹ God, nago doloba pai kolesagago
te tigidali badu usu nani,
tama te tigidali we bidigo gedude
te pepeli dilide elalubao.
Nago genuai sę mu yai.
Te tęde bidi me deli te nage tiwai me elalubeo.
Menio. Nago tigidali mu elaluai dao.

²⁰ Nago te deli tigi poai sęęę enaba tagala palali.
Tiali digi, eno koneai,
te nago ena ma daę walainu yai.
Te ena gų pageba pidali weyu,
te nago ena ma hodolaibao.

²¹ Te nago eno nogi te genuai mu igi pomainu yali,
tama nago eno haliga te dua nagame
ma emainu yai dao.

²² Te eno gita me musik eliyu,
te eno nago nogi ugwaba sobao.
Eno God, nago ena me tagalisiąwai,
nago po te mu naga dao,
tama tialima, te eno nago nogi ugwaba sobao.
Te Israelgo God, nage tedali wiegi yai elalubao.
Te eno gita eliyu, tama tęąbi weyu,
nago nogi ugwaba sabo dao.

²³ Eno te musik weyu, te ena wiegi yai pemene elama,
i waibao.
Te eno nageba tęąbi po wabo,
te pedauwaligo naga me wagobeo. Menio.
Te homu kolesaga tigidaligo me, haliga daligo me
obao,
magi baso meni, nago ena ma sai dao.

²⁴ Tama tialima, tigidali sogo te eno te we bidi dabeba
te nago doloba pai kolesagade po
hanilama pusaibao.
Magi baso meni, te bidi dabego ena dolainu usu sali,
tiali goli, nago augwali aiyaba elaluama,
tama augwali hale mu ilali.

Bidigo gedu haluasa po weyu, Godigo te king tau so-
mainu wali

72 God, nago te king doloba pai kolesaga
bugagia ola mao.
Tama agai te we bidi dabe
po tęde bugagia dagalumainao.
Nago po tų te doloba pai naga ebo dao,
tama nago te king tau sobaso da,
teda agai me te doloba pai po tų emainao.

² Tama agai te nago we bidi dabe me,
te dwai bidi dabe me,
te doloba pai kolesagago tonaluaibao.

³ Nago te wiegi yai sę hauwa
te augwaligo sęde pedalumainu yao.
Tama nago te we bidi dabego
te doloba pai kolesaga sesemane sogo emainu yao.

⁴ Kingo te dwai bidi dabego sęęę bugagia dodolama,
tama agai te doado bage sęą pabo
bidi dabe tau somainu yao.
Tama agai te gasa bidi dabeba
te dwai sę yainu ebo bidi dabe elalumainu yao.

⁵ Te giliga me polua ula elalubadi,
te naga we bidi dabego nageba lotu po omainu yao.

⁶ Nago te king wiegi yai bidi pedalumainu ilao,
teda agai kolesaga wiegi yai eyu,
te tulubage te gi nasi dabeba tulama,
tama te nai wiegi yai pedalubo tiwai emainu yao.

⁷ Tama aga bidibo sogo te bidi dabego
te doloba pai kolesaga naga wali pomainu yao.
Tama te wiegi yai nai hauwa te tigidali sogo
te polua pedelama elalubo sogo te pedalumainu
yao.

⁸ Aga te king bidiyu, tama te tamu ąi pąbadu
bidalubo
tigidali we bidi me,
te tamu ąj digibulu badu bidalubo
we bidi me, te tonaluaibao.
Tama agai tę dąj te wę Yufretisde gagalasa palama,
te tigidali bulu tę pedaiba usu nigi paibao. †

⁹ Te masigi kemi tę yai bulude
bidalubo hani bage dabe,
teda augwali te king dologode bidaibao.
Tama aga boi bidi dabe te tęba dolo pigulaibao.

¹⁰ Te Spen king, me te tamu ąj tomo
bulu ailan king dabego, teda augwaligo agaba
te wiegi yai nai presen dabe mawaibao.
Tama te Arebia king me, Itiopia kingo me,
teda augwaligo agaba takis mawaibao.

¹¹ Tigidali kingo agaba kidu sugunaibao.
Tama tigidali hani we bidigo te agai sę yaibao.

¹² Agai te magi nai meni yai bidi
dabego agaba i obaso,
te agai augwali tau sabo dao.

Tama te we bidi dabe
te doado bage sęą pelama,
tama te tau sabo menibaso da,
teda aga digi te augwali tau saibao.
13 Agai te bomo meni yai we bidi dabe
te dwai bidibo, te agai augwali homu dene ebo dao.
Tama te magi doado bage meni yai
we bidi dabe agai augwali ma sabo dao.
14 Te dwai sę ebo bidi dabego augwali elaluama,
tama augwali dolainu ebaso da,
agai augwali ma siyu ebo dao.
Agai augwali godolo elama,
wei ebaso te tiwai eyu ebo dao.
15 Eno homugo te king te sesabi
gana elama, bidimainu yao.
Te Arebia dabego agaba te gol momainao.
Tama te we bidi dabego Godiba
gedu haluasa po weyu, te Godigo aga sesemane
tau somainu yao, tama Godigo agaba
te wiegi yai sę agaba emainao po wai.
16 Te yuyu me wit hauwa te we bidi
dabego gide pedalumainu yao,
te Lebanonde pedalubo usu tiwai.
Tama te we bidi dabe
te taunde hauwa pedalumainu yao,
te nosa hauwa te tigidali pedaide
pedalubo tiwai emainao.
17 Tama te bidi hani bagego
te kingo nogi homu kone me gegeda palu tagaligio,
tama agai genuai te sesabi gana elama,
te giliga nanalubo sogo usu nama elalumainu
yaibao.
Tama tigidali hani we bidigo aga nogi ugwaba sao.
Tama augwa te Godiba hanalu,
te augwali wiegi yai homu ilibo nai
momainu yao wao,
te agai te king wiegi yai homu ilali tiwai emainu yao.
18 Te God nogi ugwaba sao,
te Israel dabe augwa Genuai Bidi dao.
Agaduba deligo naga te wiegi yai sę dabe ebo dao.
19 Te agai wiegi yai nogi te sesemane sesemane sogo
ugwaba sao.
Te agai Genuai nogigo te tigidali tę badu usu nai dao.
Te mu tama dao.
20 Te Jesigo ogwa, Devitgo wali
te gedu haluasa po dabe
te megi eba tama siminagasobao.

Buku 3

(Tib 73-89)

Godigo te dwai sę ebo bidi dabeba dwai dene mawai

73 Godigo te Israel dabeba
wiegi yai mu yai.
Godigo te wiegi yai haliga elalubo
we bidi dabeba te wiegi yai sę mu ebo dao.
2 Tiali goli, pęde ena te dwai sęęęba tulaluainu yali.
Ena te sęą pasega muyu,
tama ena tagalainu ebo tiwai yali.
3 Magi baso meni, eno suali, te dwai sę ebo bidi dabe
te moni bidi pedalubaso,
tama eno te hagoma ebo bidi dabego
nai dabede pesa yali.
4 Augwali te augwa tigide te dene me sisęwani.
Augwali te bomai bidi dabe,
tama augwa tigi te wiegi yai naga elalubao.
5 Augwali te sęęę meba tolisięyu,
te gasa bidi dabego sęęę tolobo tiwai me ebo meni.
Te gasa bidi dabe augwali te haniani sęęę tolali,
tiali goli te tobage sę augwaliba me pedalisiębo.
6 Tama augwali te odolali hagoma elama,
tama augwa tigi pemene dogia pabo dao.
Tama augwaligo gasa olo bidi dabe elama,
tama aga doliyu ebo dao.
7 Te augwa haligade homugo,
augwa yainu homu ebo
te haniani dwai kolesaga augwaligo
ebaso, te pedelali.
8 Augwaligo te posobo po gasa bidi dabeba weyu,
tama augwaligo te bidiba
te dwai sę yabo po wabo dao.
Augwa te hagoma mu eyu,
tama augwa te gasa we bidi dabe
dolabo sunumi gegebo po mia sabo dao.
9 Augwaligo po dwai
te dagalude bidibo Godiba wabo dao.
Tama augwa digi te augwa nogi ugwaba selama,
tama augwaligo te we bidi dabede bomu eyu,
te augwaligo homu wali pao po weyu ebo dao.
10 Tama te Godigo we bidi dabego
te hagoma ebo bidi dabego po wei elama,
tama augwaligo te poba homu kęą pai.
11 Te dwai sę ebo bidi dabego te tiwai po wabo,
“Godigo te dago ebo sę
te mena tama me konegobeo,” wai.
“Te Ugwade Mu Bidibo Godigo te dago ebo kolesaga
te gegelama hanilama
sunumi me elalubeo,” wabo dao.
12 Te dwai sę ebo bidi dabego te tama tibo dao.
Augwaligo doado bage te hauwa elaluali,

tiali goli augwaligo umabo mu sabo sę ebo dao.
13 Ena bugagia tonalubaso,
tama eno haliga te wiegi yai elaluali,
tama eno te dwai sę meba me ebeo.
Te tiali sę te odolali hagawaibao, agawe?
14 Magi baso meni, te giligade me hulide
God, nago dene enaba mani, tama tigidali kigamude
nago te dene enabolo mawai.

15 Eno te bidi dwai dabego wabo po tiwai,
te nago we bidi dabeba wagi da,
teda eno augwali tibo po ola mayu,
te augwali homu puna palagi dao.

16 Eno homu hauwa elama,
tama eno te sę page konemainu ebao,
te dwai sę ebo bidi dabego ebo sę page.
Tiali goli, te enade sesabo sę mu ebo dao.

17 God te eno usu sesa pidubadi,
te ena nago be tomoba peyu, usu nigi pai.
Ena te nago bede bidiyu,
tama eno homu peda pelama,
tama te dwai sę ebo bidi dabeba
mena nai pedelabo te eno koneai dao.

18 Nago augwali bilabo sunumi
te bedege mu emainu ilama,
tama nago augwali tula mumainu elama,
tama augwali mu dolomainu ilaibao.

19 Augwali te polo tama dolali.
Tama augwali te isibo te dwai mu ebo dao.

20 Genuai Bidi, augwali te na ebo bidi tiwai elama,
tama te na yali te kigamu be posobode silaibao.
Bidigo te kigamu hodaluama,
tama te na yali te agai homude me ma elalugobeo.

21 Te sogo eno homu te midigi selama,
tama eno haligago te dwai mu yai.

22 Tama eno homu te pania selama,
tama eno nago kolesaga me konesiawai.
Eno te nago gedude kolesaga yali,
te uni hasago homu kolesaga umuna pabo tiwai
ilali.

23 Tiali goli, ena nage dali sesemane bidibaso,
tama nago ena nogo totalubo dao.

24 Nago ena bugagia bilimainu ebo po mawai,
tama nosali nago ena sobaso, tama ena nage dali
te dagalude bidaibao.

25 Te gasa de te dagalude bidiyu,
tama ena tonalubo dawę?
Te gasa bidi me meni, naga deli naga dao.
Tialima, God, eno nage godolo mu ebao.
Eno te tigidali tęde nai wei ebo tiwai gilama me ebeo.

26 Te eno tigi, me homu kolesaga,
te bomo me elalusiąbaso da,
teda God, nago digi nago ena daų walao.
Tama nage ena dali bidiyu,
tama ena sesemane bidada peyu,
bidada pabo sogode te ena usu mu elaluaibao.

27 Mu tama, te nage tudiba mubo we bidi dabe,

teda augwali mu hagawaibao.
Tama nage polobadu te wali pali bidi dabe,
tama megi te augwaligo nage tagalubaso da,
teda nago augwali dolaibao.
28 Tiali goli, ena, te ena nage pąde bidibaso,
tama te wiegi yai mu ebao.
God, Genuai Bidi, nago ena mu seselalubo da,
tama eno nago yali sę po tigidali
hanilama, pusainu ebo dao.

**Bidigo te gedu haluasa po weyu, te Godigo te Israel
dabe tau somainu yai**

74 God, magi baso nago da tudiba mubawe?
Te nago wado po sesemane
te naga we bidi daba ududa, agawe?
2 Nago te naga hani bage dabolo
te homu kone ma palao.
Polobadu mu nago te naga we bidi da sa muai.
Nago da ma abelama,
tama da naga hani bidimainu yai.
Nago te Saion bulu duba homu kone ma paliyu,
te polobadu tede nage bidai dao.

3 Te dago boi bidi dabego
te dago moni lotu be tempelde
doado bage tigidali dolalio.
Te doado bage dolali elalubo, te nage aselama, sua-
gasao.

4 Te nago boi bidi dabego te tempel be selama,
tama augwali te nago tedali
te wiegi yai pesage elalubo madi tomode dolalu,
tama augwaligo win yai da olama, i wali.

5 Augwaligo te nago bede ni name togwali,
te bidi dabego te buside ni togobo tiwai yalio.

6 Te ni name dabe augwa nigilama,
tama te wiegi yai nai dabego au ilai,
te boi bidi dabego te sigi hwą me
sęęę yai hamago aluai dao.

7 Augwaligo te nago tedali wiegi yai be te siago ulali.
Augwaligo te tedali wiegi yai pesage elaluali dolali,
te nago we bidi dabego nageba lotu wabo madi,
te dolai.
Augwaligo aluama, tigidali mu dolai dao.

8 Augwaligo te da mu dolabo homu yalio.
Tama tialima, augwaligo te Godigo lotu be tigidali
dago tęde elalubo, te siago ulai.

9 Te nago dabolo mani te tigidali sa muani nai,
te augwaligo sela sąwanio.
Tama dago profet megi me bidibeo.
Te da me deligo te sęęę te mena sogo silabo,
te dago me konebeo.

10 God, nisu sogo naga te boi bidi dabego dabolo
te posobo po udumainu yaibawe?
Te augwaligo naga nogide
te sesemane sogo po dwai omainu yaibawe?

11 Magi baso nago da tau sisąma ebawe?
Magi baso nage odolali naga dulalubo dawę?

¹² Tiali goli God, polobadu mu nage dago king bidali,
tama megi me nage dago king bidibao.
Tama hauwa sogo nago da tau selama,
tama da te hwjani digi da me dolobeo.
¹³ Te nago bomode naga,
nago te genuai tamu aj togolama,
tama me badu buga siyu,
meba buga siyu elama, dolaluali.
Tama nago te Isip we bidi dabe dolali.
Augwali te tamu ajide moni sugu tiwai yalio. †
¹⁴ Tama nago te genuai pukpuk dabego tobolu aluali,
te Isip tobolu bidi dabe da,
tama nago agai tigi te augwali
te kemi tq wa pai bulude bidibo
uni hasa dabeba menama, tama augwa tuai dao. ††
¹⁵ Nago te we dabe te tqde pedalumainu elama,
tama te we dabe tedu palio.
Tama nago te genuai we dabe
tigidali mu sula somainu ilai dao.
¹⁶ Nago te be posobo me be hulibo nigali,
tama nago te giliga me polua
te ugwadu muai elalubao.
¹⁷ Tama nago te tigidali tqgo daj muanio.
Tama nago te tigidali kibu bede
giliga nanobo sogo muyu,
te tulubage tulubo sogo muyu yai elalubo dao.

¹⁸ Genuai Bidi, nago homu kone ebo me tagaligio.
Te nago boi bidi dabego te posobo po nageba obao.
Augwali te esela pabo kolesaga
meni yai bidi tiwai eyu,
tama augwa homugo nage
te olo bage me tiwai da homu ebo dao.
¹⁹ Te nago hani bage te augwali bomo meni yai.
Tama tiyu, nago da tagalubaso,
tama te boi bidi dabego daba
te dwai se mu elama mu dolaibao.
Te boi bidi dabego te naga we bidi dabolo
te dwai dene mabo se ebao.
Iya, nago da homu kone me gegeda paligio.
²⁰ Te tigidali tq pedaide, te dago tqde me
te bidi dabego wabi hwj hwj pai.
Tama tialima, nago da dali te daj walali bomai po
te homu kone ma palao.
²¹ Nago te dwai bidi dabego te gasa bidi dabe agala-
ma,
tama augwali aiyaba mu elalumainu
me sula tagaligio.
Nago te magi doado meni yai te nai dabe
sq pabo bidi dabe tau sobaso da,
teda augwaligo te nago nogi ugwaba somainao.

²² God, nage aselama, te boi bidi dabe dali
po bomo elama wagasao.
Nago te hagoma ebo bidi dabego te
tigidali sogo posobo po nageba wabo,
te nago homugo koneao.

²³ Te nago boi bidi dabego
te genuai po daga ola biliyu,
nageba po dwai weyu ebao.
Augwaligo te sesemane genuai i naga wabo dao.
God, nago te augwaligo kolesagade
homu kone me gegeda paligio.

Godigo te dwai se ebo bidi dabe aiyaba elaluama, te
wiegi yai bidi dabe tau sabo dao

75 God, dago usu da olama,
tama nago nogi sesemane ugwaba sabo dao.
Tama dago nago genuai nogide po hanilama pusuyu,
tama augwaliba te nago haniani
wiegi yai se ebo po pusubo dao.

² Godigo te tama po wali, "Eno te po tq yabo sogo
bodolu me deli te daj ilai elalubao.

Tama eno po tq te dolo mu paibao.

Te me kone tua pogobeo.

³ Tq dali tede bidalubo nai tigidali te hagawaibao.

Tiali goli, te tq page da,

te eno tolalu, tama bomo elalueibao.

⁴ Eno te hagoma ebo bidi dabebolo po walali,

'Dagego te hagoma me igio,' po wali.

Tama eno te dwai se ebo bidi dabebolo walali,

'Dagego te duga nogi ugwaba me sigio,' po wai.

⁵ 'Dagego duga bomogo digi

te wiegi yai pemene me igio,

tama dagego po daga genuai weyu,

tama ena posoyu me elamu dao,' wali."

⁶ Te we bidigo kolesaga dagalubo se
te giliga asobo badu, me te giliga dega sabo badu,
ma te not badu me, saut badu me
pedalubeo. Menio.

⁷ God agaduba deligo naga dago
kolesaga dagalaibao.

Agai te bidi me deli aiyaba elalu, tama te gasa bidi
ugwaba sago sabo dao.

⁸ Genuai Bidigo te bomu yai gesi wain we te kap
me delide pagawai tolaluai.

Agai gea palama, tama tigidali bidi dwaigo tulama,
tama mu siminanio.

Te tama tiwai naga te dwai se yali we bidi dabe
te Godigo po tqba pedelama,
tama te augwali mu hagawaibao.

⁹ Tiali goli, eno te Jekopgo God po
te sesemane hanilama pusaibao,

tama eno agai nogide

te tęąbi umabo mu udubadi geaibao.

¹⁰ Te Godigo te dwai se ebo bidi

dabego bomu silimainu yaibao,

tiali goli, agai te doloba pai bidi dabebolo

te genuai bomu mawaibao.

Godigo te hwjani ugaba ela holali

- 76** Te Juda dabego God bugagia koneai.
Tama te Israel dabego
agai genuai nogi ugwaba salio.
² Aga be te Jerusalemde elalubao.
Tama aga sesemane sogo
te Saion bulu dude bidibo dao.
³ Te bulude agai te boi bidi dabego
enesigi ene dabe me,
te sabele delage me tologali, tama augwaligo
bainat hwą me togwai.
Godigo te hwjbo doado bage tigidali dolai dao.
- ⁴ God, nago genuai nogi elalu,
tama nage te polalubo king dao.
Nage ugwanu mu elalu,
tama nago genuai nogigo te genuai
bulu du dabego genuai nogi aiyaba mu elalui.
Te bulu du pesagede nago
te boi bidi dabe dali hwjnama,
tama nago augwali elaluama,
tama nage ma begasa asai dao.
⁵ Augwaligo te augwa bomai ami dabego
wiegi yai doado bage dagala siyu yai.
Tama megı da, te ami dabe isalio.
Tama augwaligo te hwjani
doado bage sabo bidi dabe meni yanio.
⁶ Te Jekopgo God, nago augwali wado ilama palialio.
Tama tibaso, te hos dabe dali,
te hosde dugawali bidi dabe me,
tigidali isila silama, tama tęde te pila mubao.
- ⁷ Tiali goli, God, te bidi dabego nagede
te wi umabo mu ebo dao.
Te nago augwaliba wado po obaso da,
teda de te nago gedude
dolalubo sogo usu egowe?
Te me deligo usu me egobeo.
^{8,9} Nage te dagalude bidiyu,
tama nago te tigidali we bidi po tų ela mawaibao.
Te sogo nage dolugulama,
tama nago te bidi dabe augwaba
te augwa po tų yabo po pusaibao,
tama nage asiyu, te gasa bidi dabego
dolali we bidi dabe tau sagasaibao.
Tama tigidali we bidi wi mu ebaso,
tama po me wagobeo.
Augwa pedauwali pania siyu naga yaibao.
¹⁰ Te bidi dabego haliga sębę yali,
tiali goli, te tebogo te gasa bidi dabego
nago nogi ugwaba somainu ebaso.
Tama te hwjbode dolisawąni bidi dabego
te genuai lotu wabo sogode te nageba lotu waibao.
- ¹¹ Nago te naga Genuai Bidi
Godiba te bomai po daų walali,
teda nago te daų walali po wali pao.

Nago tibo po me wagio.
Dago te Genuai Bidide wi elama,
tama tiyu, te tigidali we bidigo
te agaba wiegi yai olo maiyabo nai dabe selasa pao.
¹² Agai te hagoma ebo king dabe te aiyaba elalueibao.
Agai te tęde king dabe te wi mu ilibo dao.

Godigo te bidi me deliba te sęę ebo sogo te nagamea
pai homu mawaibao

- 77** Eno Godiba i bomo elama obao.
Eno homugo te agai eno gedu haluasa po wabo
odomainu ebaso.
² Te sęę ebo sogo, eno te Genuai Bidiba
gedu haluasa po agaba weyu yali,
tiali goli, eno te nagame pai homu ebo me sabeo.
³ Eno homugo Godiba kone palama,
tama eno haligade gela wali.
Eno homu konealubode tama
eno haliga sęę elalui.
- ⁴ Godigo ena godege pimainu me ebeo.
Eno haliga te sęę mu ebaso,
tama tiyu, eno po wabo usu me ebeo.
⁵ Eno te polobadu yali wiegi yai sogoba
homu kone palali.
Mu tama, eno te bidali kibu be dabe
tede homu kone ma yalio.
⁶ Te hulide eno homu kone paludubo sę yali.
Eno homu hauwa elama, tama enaba digi ena te tiwai
hanalu wai.
⁷ "Te Genuai Bidigo ena te sesemane sogo
tudiba muba homu ebawe?
Te agai ena godolo homu mu
me isiąbo homu ebo agawe?
⁸ Agai megı ena homu dene me ebewe?
Te aga daų wali po te tulalumainu eba, agawe?
⁹ Te Godigo homu kone gegeda paliyu,
tama te olo tau sabo wiegi yai
kolesaga dabolo me egobe homu eba, agawe?
Te agai wado ebogo te olo tau sabo
wiegi yai kolesaga te palia sali homu ebawe?"
¹⁰ Eno te tama homu eyu, tama eno te po wali,
"Te Ugwade Mu Bidibo Godigo te ena megı me tau
sabeo.
Tama tialima, eno tede te haliga sęę mu ebaso," wali.
- ¹¹ God, te eno nago te genuai sę dabe yaliba
te homu kone ma palobao.
Awe, te eno nago polobadu te haniani sę dabe yaliba
te homu kone ma palubo dao.
¹² Te eno nago yali tigidali sęba
ma homu kone palaibao.
Nago te bomai sę dabe yali,
tama eno te me homugo koneaibao.
- ¹³ God, nago kolesaga tigidali
te tedali wiegi yai naga dao.
Te tibo god me deligo nage dali usu me egobeo.

Nago augwali aiyaba mu elalui dao.
14 God, nagaduba deligo naga te bidi mego isąwai bomai sę ebo dao.
Polobadu nago genuai bomo te tigidali we bidi haniba ola mawai dao.
15 Te naga bomogo digi nago te naga we bidi dabe ma sali, te Jekop de Josep sigo wąj nų hani dabe, te augwali si tudi badu nosali pedelali bage dao.
16 God, te polobadu te wę dabego nage sulama, augwali wi mu yali, tama te aiyadu mu elaluali tamu ąj me te gęę yai dao.
17 Genuai tulubage mu tuluyu, tama pę bomonama kulukulu weyu, tama te pęgo be sele ula edaba asiyu, uba peyu yai.
18 Nago te pę te popoge ebo wali tomode kulukulu omainu ilali.
Te pęgo be sele eyu, ula ebo te tigidali tę pedaiba ula yali, tama tę aga digi te mumunu mumunu yai.
19 Nage wali te tamu wę tomode bilali. Nago sunumi te genuai tamu ąj tomode elaluali. Tiali goli, dago te nago sęą pasalu me susiębo dao.
20 Nage te tonalubo bidi mu tiwai elama, tama nage polasa pobaso, tama te we bidi dabe nage wali pelawai. Nago sę te Moses de Aron sibolo menama, tama augwali sigo te augwali tonalulai dao.

God aga we bidi dabe dali yali sę po wai

78 Eno hani bage dabe, dagego eno po bugagia odao. Dagego eno wainogo ebo poba olo bugagia muao.
2 Eno dageba te po dabe pusainu ebao. Eno te haniani sę dabe te polobadu geme dualaluali sę me te megı e sogoba usu nagasu, te po pusaibao, tama eno te po dabego page dagebolo pusaibao. †
3 Polobadu te wąj nų dabego dabolo te tiali sę dabe po wali, tama dago odolama, tama dago te koneai dao.
4 Dago te po te dena wai dabeba geme me dualugobeo. Menio, te dago te gesi tamadi ame nabo wai dabeba te po waibao. Te dago Godigo genuai bomogo yali sę po pusaibao, tama te bomai sę dabe me ągai yali, tama te bidigo isiąwai sę te haniani bomai sę ągai yai dao.
5 Godigo aga bomai po te aga we bidi Israel dabebolo mawai. ągai po te Jekipgo wąj nų dabebolo menama, te augwa wali pomainu yai. ągai te polobadu wąj nų dabebolo te tama po wai, "Dagego te duga wai dabeba te eno bomai po tigidali

† 78:2 Mat 13:35

te bugagia ma mao," po wai.
6 Tama tialima, te nosali pedalubo hani wai dabego te nosali augwa me ola mayu, tama te hanigo te augwa wai dabeba te po omainao, te po wai.
7 Te augwa te tiwai eyu da, teda te hani dabego me te Godiba konealubo homu dąų waibao, tama ągai te yali sę dabe te augwaligo homu kone gegeda pidali weyu, te tiwai yao. Tama te augwa ągai bomai po tigidali wali pomainu yao.
8 Tiyu, augwali te augwa wąj nų dabe tobage tiwai pedelabuo. Te wąj nų dabego te hagoma eyu, tama Godigo po sela sęnama, tama augwa konealubo homu ągaba dąų mu me wasięwai, tama augwaligo te ągai po sesemane wali me pabeo.
9 Polobadu te Efraim dabego hwįani, te enesigi enego te hwįai. Tiali goli, te sogo te wąbi hodolama hwįbaso, tama augwali wi pai dao.
10 Augwaligo te Godigo dąų walali bomai po wali pisąyu, tama augwaligo ągai bomai po wali pabo homu isiąwai dao.
11 Augwaligo te ągai yali sę dabe te homu kone gegeda pali, tama te bidigo isiąwai bomai sę ągai te augwali gedude yai, te me augwaligo gegeda pali.
12 Te wąj nų dabego gedude Godigo bomai sę me deli te Soan bulu, te Isip tę pedaide, yai dao. ††
13 Godigo te tamu ąj togolama, tama tamu ąj te me badu buga siyu, me badu buga siyu elama, dolaluali, tama ągai te Israel dabe tomodu odasa palio. ‡
14 Te giligade aga te pędu polasa pali, tama hulide aga te sia ulade te augwali asobodu polasa pai. ††
15 ągai te masigi tę bulude te masigiba elama, tama te wę aiyadu pedalumainu elama, te augwaligo tuali.
16 ągai te masigide wę pedalumainu elama, tama wę te busidu soabo genuai wę tiwai soali. ††
17 Tiali goli, augwaligo te Ugwade Mu Bidibo Godiba dwai sę yali, tama augwali te kemi tę bulude bidiyu, ągaba hagoma yalio.

†† 78:12 Sai 7:8-12:32 ‡ 78:13 Sai 14:21-22 †† 78:14 Sai 13:21-22 †† 78:16 Sai 17:1-7; Nam 20:2-13

¹⁸ Augwaligo God usu siyu, te tiwai yai.
Augwaligo i bomonama agaba weyu,
te augwaligo wei ebo nai agai momainu yai.
¹⁹ Augwaligo te tiwai posobo po Godiba wali,
“Godigo dabolo te tų wa pai bulude
te nai hauwa mabo usu yaiba, agawe?
²⁰ Mu tama, hasiabolo agai
te genuai masigiba elibaso, tama te wę pedelali.
Tiali goli, magi ebawe?
Agai dabolo te bret meba me
te tubo mi magowe?” wali.

²¹ Tialima, Genuai Bidigo augwaligo po odolama,
tama agai wado po wali.
Agai te Jekopgo hani dabeba te sia tula palali.
Tama agai wado po te genuai mu pedelalio.
²² Magi baso meni, augwaligo konealubo
homu agaba musiąwai.
Tama te agai augwali tau selama,
te bugagia bidimainu yaibao,
tede augwaligo agaba konealubo
homu daų me wabeo.
²³ Tiali goli, tagalao, agai te ugwadu elalubo dagaluba
po olama, tama te dagalu dalaluai dao.
²⁴ Tialima, agai te nai mana tagala palama, tulalubosi,
te augwaligo selama, tuali.
Agai te dagalude nai te we bidi dabe augwaliba
mawai dao. †

²⁵ Tama tialima, augwa te enselgo nai salio.
Godigo te nai hauwa mu augwaliba menama,
tama augwali usu mu yai.

²⁶ Tama nosali agai te giliga
pedalubo badu te wali hodolali,
tama agai bomogo naga,
agai te saut badu wali hodolali.

²⁷ Tama agai te ba sibi hauwa mu
te tų hogomu tiwai me,
te nabis wę sande te kemi tiwai,
te augwali tomoba tulalumainu yai dao.

²⁸ Godigo te ba dabe te augwa
bidalubo pesage tomoba tulalumainu ilali,
tama augwaligo ugwa be bagua salio.

²⁹ Tama tialima,
te we bidi dabego tulama,
tama augwa mu paęana peyu, tabia palio.
Te we bidi dabego sainu te gela wali nai,
te Godigo augwali manio.

³⁰ Augwa te nai tutubo sę yai.

Mu tama, augwa te nai tula silisąbadi,

³¹ tama Godigo augwaliba wado po weyu,
tama te bomai bidi dabe ela muani,
te Israel wiegi yai ogwa bidi dabe dao. ††

³² Godigo te bidigo isiąwai
te tobage bomai sę dabe yali,
tiali goli, te we bidi dabego
te dwai sę umabo mu idu geyu,

tama augwaligo konealubo homu
agaba daų me wabeo.

³³ Tialima, polo tama mu, te agai augwali dola silalio,
te pedauwalide mobo pedelama,
te polo pela silibo tiwai yalio.

Agai augwali polo tama mu dolama,
tama augwali isai dao.

³⁴ Te Godigo meba ela mubo sogo,
te gasa bage ge neyu, augwa homu begelama,
tama agaba ma begasa aselama,
tama agaba gedu haluasa po bomonama walio.

³⁵ Te megi da, augwaligo homugo ma koneama,
God te augwa tonalubo bidi dao homu yai.

Te Ugwadu Mu Bidibo Godigo agai
te augwali tau sabo bidi dao.

³⁶ Tiali goli, augwa tibo po olama,
tama agaba te odolali pedauwalide
ąj soabo tiwai elama, daganobo po walio.

³⁷ Augwaligo agai po wali me pabe,
tama augwaligo te aga dali daų walali
bomai po bolama, togalio. ‡

³⁸ Tiali goli, Godigo te olo tau mabo
wiegi yai kolesaga augwaliba elama,
tama augwaligo te dwai sęęę sela sawani,
tama agai augwali me dolobeo.

Hauwa sogo te agai wado yali, te palia selama elalu,
tama augwaliba haliga sębę me ebeo.

³⁹ Agai te tama tiwai homu augwaliba yai.
Augwali te we bidi naga tama tiwai,
augwali te wali aselama pabo tiwai ebao.

⁴⁰ Hauwa sogo augwa hagoma eyu, agai po sela sawu,
te bidi meni yai tų wa pai bulude bidiyu tiali.

Tama hauwa augwaligo aga haliga sęęę ilali.

⁴¹ Te Israel dabego God

te tedali gasa wiegi yai mu dao.

Tiali goli, hauwa sogo augwaligo aga usu sabo sę
eyu,

tama agai wado yabo sę ilali.

⁴² Augwaligo te agai genuai bomo

teba homu konesiąwai,

tama agai augwali te boi bidi dabego
nogode ma sali, te sogoba augwaligo homu
kone me palobeo.

⁴³ Te sogo agai te bidigo isiąwai bomai sę dabe
te Soan bulude yali, te Isip tų pedaide dao.

⁴⁴ Godigo te wę dabede te kaneme

pedalumainu elama,

tama te Isip dabego tuainu yali usu me ebeo. ††

⁴⁵ Tama agai te bolia hauwa,

me te gedeli hauwa te augwaliba tagala palai.

Tama te bolia dabego augwali gaų kela tuyu yali,
tama te gedeli dabego

te Isip bagego gide nai dabe

hauwa dolali. ††

⁴⁶ Tama Godigo te suma digi me,

† 78:24 Jon 6:31 †† 78:31 Sai 16:2-15; Nam 11:4-23, 31-35

‡ 78:37 Tpi 8:21 †† 78:44 Sai 7:17-21 †† 78:45 Sai 8:1-6, 20-24

kauwa bidi dabe me,
te kuli mano dabe dali tagala palama,
tama augwaligo te augwa gide nai dabe
tula silai. †
47 Agai te talua ge tulubage tagala palama,
tama tego te augwaligo wain ni dabe dolali.
Tama agai te talua ge tulubagego te augwaligo ni
kaya
dolomainu yai dao.
48 Agai te genuai tulubage,
te talua ge tulubage, tagala palama,
tama augwaligo bulmakau dabe ela muai dao. ††
49 Agai augwaliba te wado umabo mu
udubadi udubadi genama,
tama augwaliba te dene mu mawai.
Tama agai te ensel bidi meba tagala palama,
te augwali doligi pali,
tama augwali te seęę genuai mu salio.
50 Agai augwaliba haliga seęę elama,
tama agai augwali me gogolobeo. Menio.
Agai te genuai gasi tagala palama,
tama augwali isila palio.
51 Agai te Isip hani tigidaligo te gomunai ogwa dabe
ela muna silali. ‡
52 Tama agai te sipsip tonalubo bidi tiwai elama,
tama aga polasa peyu tama,
aga we bidi dabe tonaluali.
Tama te tų wa pai bulude agai augwaliba
te sunumi ola mawai. ††
53 Agai augwali odasa peyu,
tama augwali bugagia bidali,
tama tiyu, augwali wi me ebeo.
Tiali goli, te tamu aįgo augwa
boi bidi dabe mesega salio. ††
54 Agai augwali te aga tųba digi odasa asali.
Te bulu du te pesage te aga digi bomogo sali bulu
dao. †††
55 Agai te gasa hani dabe te aga hani dabe asobo si,
te augwali sela saęwani.
Tama agai te tų te Israel hani dabeba doba yali.
Tama agai augwali te augwa ugwa be dabede
bugagia bidimainu yai dao. †††
56 Tiali goli, te Israel dabego
te Ugwadu Mu Bidibo God usu selama,
tama agaba hagoma yai.
Augwaligo agai bomai po
wali me pisawai. §
57 Augwa hagoma elama, agai po sela saęwani,
te augwa waj nų dabego
te polobadu yali tiwai yalio.
Augwali te gagea pai enesigi
te enebo dolo pisawo tiwai yai dao.
58 Augwaligo te tibo godigo alta dabe nigali,
tama te tebogo te Godigo wado po omainu ilali.

† 78:46 Sai 10:12-15 †† 78:48 Sai 9:22-25 ‡ 78:51 Sai 12:29
†† 78:52 Sai 13:17-22 ††† 78:53 Sai 14:26-28 †††† 78:54 Sai 15:17;
Jos 3:14-17 †††† 78:55 Jos 11:16-23 § 78:56 Tob 2:11-15

Augwaligo te tibo god dabe nigilama ebaso,
tama Godigo augwaliba dwai haliga yai dao.
59 Godigo augwaligo te tebo kolesaga sulama,
tama agai augwaliba haliga seęę dwai mu yai,
tama tibaso agai te Israel dabe tudiba mu muanio.
60 Tama agai te aga Silode elaluali ugwa be tagalalio.
Te bede aga te we bidi dabe tomode bidali. §†
61 Tama agai te boi bidi dabego
te daų walali bomai po muani halobage,
te bokis kontrak, sela pomainu ilali.
Te bokis halobagede augwaligo
te agai bomo me ula suali. §††
62 Agai te aga we bidi dabeba wado po olama,
tama te boi bidi dabego
augwali ela mumainogo yai dao.
63 Te gesi ogwa bidi dabe
te genuai boi hwjani madi isali,
tama te gesi ogwa we wegi dabe
te augwali sabo bidi dabe meni yai dao.
64 Te boi bidi dabego te pris dabe ela mubaso,
tama augwa we dabego
te augwalide homu dene eyu,
tama gela wainu ebo te usu ebeo.
65 Tialima, megi da, Genuai Bidi hodaluali,
te bidi betde pilama hodalubo
tiwai gilama yali, tama te bomai bidigo
te wain we hauwa tulama, tama te i hai ola bilibo
tiwai gilama yali.
66 Tama agai te boi bidi dabe dali hwjnama,
tama augwa asaliba ma pobeasa pali.
Agai augwali aiyaba mu elalubaso,
tama augwali hale dwai mu yali,
tama augwaligo ma hwjabo usu ebeo.
67 Tiali goli, agai te Josepgo
waj nų hani bage te wei isiwai,
tama agai te Efraimgo hani bage
te sa me mubeo. Menio.
68 Agai te Juda hani bage dali,
te Saion bulu dali sa muani, te bulu du te agai
wei mu ebo bulu dao.
69 Agai te aga genuai tempel be te bulu dude nigali,
te aga dagalude elalubo be tiwai.
Tama agai te tempel be sesemane
te bomo dali elalumainu yali,
te e tų dili daų elalubo tiwai gilama emainu yai dao.
70 Godigo Devit sa muani,
te aga seę bidi, tama aga selama,
te genuai sipsip dabe tonalubo seę me,
te sipsip wai dabe
tonalubo seę emainu sa muai dao.
71 Tama Godigo aga
te Israel king bidi mubaso bidali,
tama aga te Godigo we bidi
tonalubo bidi bidai dao. §†
72 Devitgo te aga seęba naga homu kone palama,

§† 78:60 Jos 18:1; Jer 7:12-14; 26:6 §†† 78:61 1 Sml 4:4-22
§† 78:71 1 Sml 16:11-12; 2 Sml 7:8; 1 Sto 17:7

tama augwali bugagia tonaluai.
Tama aga te augwaligo
wiegi yai polalubo bidi bidai dao.

**Te Israel dabego gedu haluasa po weyu, te Godigo
augwali tau somainu yalio**

- 79** God, te gasa hani dabe dago tęba asalio,
tama augwaligo te naga we bidi dabe
da dali hwjani ebao.
Augwaligo te nago tedali wiegi yai be dwai ilama,
tama meda mu pedelali.
Tama augwaligo te Jerusalem
dwai mu ilama, dolalio. †
² Augwaligo te we bidi dabe ela muyu,
tama nago sę bidi dabe me ela tagalali,
tama te ba dabe dali, te uni hasa dabe daligo
te augwaligo tigi tualio.
³ Te boi bidi dabego nago we bidi dabe ela munama,
tama augwaligo kaneme gelama, tama te wę tiwai
te Jerusalem tomodu pai.
Tama augwaligo tigi dabe
pubulabo bidi deli me bidibeo.
⁴ Te da pęde bidalubo we bidi hani dabe,
augwa te posobo po weyu, te gisugu weyu,
tama te po dwai dabolo wali.
⁵ Genuai Bidio, nisu naga sogo nago dade
wado po wabo me elalu, elaiabwe?
Te nago wado po wabo
te sesemane elaluabo homu eba, agawe?
Te nago wado ebo me elalu,
tama te sia bogoli elalubo tiwai eyu,
tama me sula sogobe da, agawe?
⁶ Te nageba lotu po wasiębo we bidi dabeba
nago te wado po wao,
te we bidi dabe augwaligo
te nage tudiba mubo dao.
⁷ Magi baso meni, te hani dabe
augwaligo te nago hani we bidi dabe ela muani,
tama augwaligo te nago tę mu dolai dao.
⁸ Tiyu, nago daba te dago wį nęų dabego
dwai kolesaga yalide te dabolo dene maidalio.
Megi da, nago te olo tau mabo
wiegi yai kolesaga dabolo yao, magi baso meni,
te dago konealubo homu te bomo kimi meni yanio.
⁹ God, nage te da ma sabo God dao.
Nago te naga genuai nogi sabode
koneama, te da tau sao.
Nago da ma siyu, tama dago dwai sęęę tigidali
te sela sęyao,
tama dago te nago nogi ugwaba saibao.
¹⁰ Magi baso te gasa hani dabego
dabolo te tiwai hanalu,
"Te dagego God mena bidibo?" waibawe?
Dago nago te gasa hani dabeba te
dago kaneme gelali wei ponoyu,
te dene mabo dago suabo

homu ebao, magi baso meni,
augwaligo te nago sę bidi dabe ela muai dao.

- ¹¹ Nago te kalabuside bidibo bidi
dabego gela wabo odao.
Tama te nago genuai bomogo, nago te bidi dabe
te boi bidi dabego po weyu,
te isimainao po wali bidi dabe, augwali ma sao.
¹² Te boi bidi dabego nageba te dwai po wali.
Tama tialima, Genuai Bidi, nago
te augwaligo yali dwai kolesaga
te nogo a naga olama,
me badu si sogo te wei ponao.
¹³ Nago te tama tibaso da,
teda da naga we bidi dabe,
da te nago sipsip wai tiwai yaibao,
teda dago nageba te usu da weyu,
gedu haluasa po sesemane sesemane sogo waibao.
Tama te nosali nosali pedalubo wį nęų dabego,
teda augwaligo me te nago nogi ugwaba saibao.

**Te Israel dabego gedu haluasa po weyu, te Godigo
augwali tau selama, ma dolalumainu yali**

- 80** Te Israel dabe tonalubo bidi, nago te naga
sipsip dabe da bilibo dodolobo dao.
Te dago gela wabo odao.
Nage te ensel dabe daide
ugwadu king bidibo dao. ††
² Nago te Efraim dabe, me Benjamin dabe,
me te Manase hani bage augwali homu dene yao.
Nago te homu dene ebo
te pepeli diliba hanilama, pedalumainu ilao.
Te nago genuai bomo dabolo ola mayu,
tama aselama, da tau sagasobaso da,
teda da me dologobeo.
³ God, nago da selasa, te nagaba ma pao.
Nago te olo tau sabo wiegi yai kolesaga
dabolo eyu, tama da tau sobaso da,
teda da munu me hagagobeo.
⁴ Genuai Bidi, nage
te Tigidali Bomo Elalubo God dao,
nisu naga sogo digi te nago
naga we bidi dabego gedu haluasa po wabode te
wado po me nago elalu odaibawe?
⁵ Nago da te gela mu udumainu elama,
tama dena gedu aį te tubo nai,
me te genuai tubo aį tiwai ebao.
⁶ Nago te gasa hani we bidi dabe
te da pęba asomainu ilama,
te augwaligo dago tę sainu hwjbaio.
Tama te boi bidi dabego dabolo
te posobo po weyu, gisugu mayu, ebo dao.
⁷ Te Tigidali Bomo Elalubo God,
nago da edaba ma sao.
Nago te olo tau sabo wiegi yai kolesaga
dabolo eyu, tama da tau sobaso da,

† 79:1 2 Kin 25:8-10; 2 Sto 36:17-19; Jer 52:12-14

†† 80:1 Sai 25:22

te da me hagagobeo.

- ⁸ Polobadu nago te ni wain deli te Isipdu selasa asali. Tama nago gasa hani dabe te tęde sela sańama, tama nago te ni wain te augwaligo tęde bulai dao.
- ⁹ Nago aga tę delide peda selama, tama nago bulalio. Aga holama, tama aga sele te aiyanu mu dulalio, tama aga genuai mu holama, tama te tigidali tę pedai mesega sai dao.
- ¹⁰ Tama te ni wain nologogo te tigidali bulu du me, tama te moni dobo dwai ni sida dabe mesegelai dao.
- ¹¹ Te aga nologo pali, te genuai tamu aļ Mediterenian si, te daļ igi pelama, tama giliga asobo badu me pali, te wę Yufretisba usu nigi pai dao.
- ¹² Tiali goli, magi baso nago te wain gi bagulali obo dabe alualiwe? Megi da, te sunumidu soabo we bidi dabe augwaligo te wain gi du dabe wi saibao.
- ¹³ Tama te uni kibu dabego agayu, tama te uni hasa dabego tubo dao.
- ¹⁴ Te Tigidali Bomo Elalubo God, nago daba homu kone ma palao. Nage te dagalude bidiyu, tama nago daba aiya tonaluao. Tama nage aselama, da tau sagasao, da naga nago ni wain tiwai dao.
- ¹⁵ Nago da tau sagasao, naga digi nago te naga bomogo da bulali. Da te gesi ni wain tiwai nago te bomonama mu pedalumainu yai dao.
- ¹⁶ Te dago boi bidi dabego togolama, tama siaba ulalio. Te nago augwaliba wado eyu, tama augwali mu dolao.
- ¹⁷ Tiali goli, nago da we bidi dabe tau sao, nago te naga da weyu, sa munama, tama da tonalubao. Nago da genuai pedalumainu elama, tama bomo ilali.
- ¹⁸ Nago tama tibaso da, teda dago nage ma tagalugobeo. Nago da bugagia bidimainu eyu, tau sobaso da, tama te nageba gedu haluasa po weyu, tama nago nogi ugwaba saibao.
- ¹⁹ Genuai Bidi, nage te Tigidali Bomo Elalubo God dao, nago da te nagaba ma sao. Nago te olo tau mabo wiegi yai kolesaga dabolo eyu, te da tau sao, te da me hagagobeo.

Te genuai side wabo tęąbi po me deli e dao

- 81** Te wiegi yai pemene elama, te Godiba i wao, te da tau seselalubo bidi dao. Te Jekopgo God nogi ugwaba sabo tęąbi po wao.
- ² Te wiegi yai musik te tobage temborin dali,

- wiegi yai gita dabego, me te kulelede wao.
- ³ Te biugel bu wabo te genuai side te gesi polua nanama, tama te polua genuai pedalubo sogode, te biugel bu waiya. †
- ⁴ Te da Israel dabego bomu yai po elalui. Te Jekopgo Godigo te bomu yai po dabolo mawai dao.
- ⁵ Te polobadu Godigo te Isip dabe dali hwįgi pali sogo, agai te bomu yai po da Israel dabeba mawai dao.
- ⁶ Eno te bidi me deligo dogonide po odolama, tama te dego dogoni te eno kone-siawai. Agai te tama po wali, "Eno te dagego nagede elaluali seęę tigidali tega sańawano," wali. "Tama eno dagego te seę ebo basket dabe te tęba mumainu yai dao.
- ⁷ Te dagego genuai seęę elalubaso, tama enaba i wabo sogo, eno dage tau selama, tama dage bugagia bidai. Ena te geme dulalubo pesagede te pę kulukulu wabo tomode ena bidibao, tama eno dagego gedu haluasa po wabo odali. Polobadu dage te Meriba wę ulu pedalubode bidibadi, tama eno dage usu sai dao." ††
- ⁸ "Eno we bidi dabeo, eno dageba te bomai po mawainu ebao. Mu tama, te Israel dabe, eno homugo te dagego eno po odomainu homu ebao.
- ⁹ Dagego te gasa hani dabego tibo god wali me pigio. Tama dagego gasa godiba lotu me wagimio. Dagego ena deliba naga lotu waiya. ‡
- ¹⁰ Ena naga ena Genuai Bidi da, ena dagego God dao. Ena digi dage selama, te Isip taga soyu asai. Dagego pedauwali a olalubadi, tama eno te dage pedauwaliba nai muaibao," walio.
- ¹¹ "Tiali goli, eno we bidi dabego te eno po me odisawai. Mu tama, te Israel dabego eno po wali homu me isiawai dao.
- ¹² Tama tibaso, eno te augwa hagoma ebo kolesagade wali bilimainu sula tagalali, tama augwa te mena augwa homugo ela palio.
- ¹³ Eno wei mu ebaso, tama eno hani bage augwaligo te eno po odomainu homu yali. Tama eno homugo te Israel dabego te eno homu sesemane wali pomainu homu ebao.
- ¹⁴ Te augwaligo tama tibaso da, teda polo tama eno te augwaligo boi bidi dabe doligi da.

Te eno boi bidi dabe augwali dali hwjnama,
tama augwali aiyaba mu elalualigi da.
¹⁵Te ena wei homu isiąbo we bidi augwali,
teda augwali wi mu dwai elama,
tama enaba kidu sugunagasaibao.
Tama eno augwaliba te sesemane sogo dene magi
dao.

¹⁶Tiali goli, eno wiegi yai nai mu
dageba maiyabo homu eyu,
tama dage te buside elalubo tubo nai
te hani menama, tama dagego haliga
te paąana peyu igi da," wali.

God te polalubo king dao

82 God te dagalude genuai kaunsel miting
po mibo polalubo bidi bidibao.
Te tobolu bidi dabe sisinama,
tama God agai homude elalubo po pusubo dao.

²Agai te tama po wali,
"Dagego te tibo po tų eyu,
te po me bugagia dodolobeo.
Tama dagego te bidi dwai dabe
te po tųde tau sabo sę eyu yali.
Te tobage dwai kolesaga ebo tagaliąo.
³Dagego te magi nai meni yai bidi dabe,
me te tiana wai dabe tau sao.
Tama te sęęę toloyu, bugagia bidisąbo bidi dabe,
dagego augwali bugagia wiegi yai ilao.
⁴Tama te dwai bidiyu,
te doado bage sęą pai bidibo we bidi dabe,
dagego augwali te dwai bidi dabego
nogode ma dobola sao," po wai.

⁵"Dagego kolesaga me konebeo,
tama dage kolesaga me konesiąyu,
tama umuna pai mu dao.
Dage te hulide biliyu, tama te we bidi dabego
doloba pai kolesaga wali me pabeo.
⁶Eno te po wali, 'Dage tigidali deli deli te god dao.
Dage te Ugwanu Mu Bidibo
Godigo wai dao.' †
⁷Tiali goli, dage te isibo bidi dabe
tobage tiwai gilama, te dage me isaibao.
Te dagego bidibo ula te silaibao,
te kingo wai dabe te bidali ula tagalu,
te isibo tiwai gilama te silaibao."

⁸God, nage aselama, tama te tųde we bidi tigidali
tonaluagasao.
Te tigidali bage te naga hani naga dao.

**Bidigo gedu haluasa po obaso da, teda Godigo te Is-
rael dabego boi bidi tigidali silaibao**

83 God, nago pedauwali me pania sigio.
Nage odolali me dualalugio.
God, nage odolali me bidigio.
²Suao. Te nago boi bidi dabego te hwjbaio.

† 82:6 Jon 10:34

Augwa te nage wei me isiąyu,
te nageba hagoma ebo dao.
³Augwa te geme duala selama,
tama nago we bidi dabeba
te dwai sę yabo po mia salio.
Nago te we bidi dabe
augwali bugagia tonaluali,
tiali goli, te boi bidi dabego
augwali dolabo po mia sai dao.
⁴Augwa te po wai, "Ae, tegobao.
Dago te Israel dabe mu silinao,
teda te we bidi dabego te augwaliba
homu kone munu me ma egobeo," wali.
⁵Augwa te deli homu elama, te sę yalio.
Tama augwa te nage elaluainu,
te hai namu dali ola sai dao.
⁶Augwali te hani dabego te tiwai yainu yali,
te augwali Idom dabe me, Ismael dabe me,
tama te Moap dabe me, te Hakri dabe me dao.
⁷Tama te Gebal dabe me,
te Amon dabe, tama te Amalek dabe me dao.
Te hani bage dabe, augwali te augwali
te Filistia badu, me Tair badu bidali.
⁸Siria me te augwali dali sisinani.
Te bomai hani augwali te Lotgo hani tau salio.

⁹Nago te tobage tiwai kolesaga te augwaliba yao,
te polobadu nago te Midian dabeba yali tiwai,
me te Sisera, me Jabin dabe,
te genuai wę Kisonde yali tiwai yao. ††
¹⁰Te sogo nago augwali te Endor bulude dolama,
tama augwa tigi te tųde munaluama,
tama damua pai dao.
¹¹Nago te augwa ami dabego kepten
bidi dabebolo te dwai dene mao,
te polobadu nago te Orep de Sep side
yali tiwai gilama yalio.
Nago te augwaligo tobolu bidi dabe aiyaba elalualo,
te nago te Seba de Salmuna side yali
tiwai gilama yalio. ‡
¹²Te bidi dabe augwaligo te tama po wai,
"Dago Godigo te tų sobaso da,
teda te dena tų mu naga tama pedelaibao," wali.

¹³Eno God, nago augwali te tų hogomu tiwai
sela sęyu, tedela palao.
Augwali sela sęyao, te waligo te wit bo sela sęyu,
tedela palubo tiwai yao.
¹⁴Siago te kala dobaso, tama te kala elalubo bulu
dude

te sia genuai dabo dao.
¹⁵Te tiwai naga gilama,
nago te genuai tulubage tagala palama,
tama te hani bage te pobeasa pobaso,
te augwali wi paibao.
Tama nago te bomai wali mu augwaliba
tagala palubaso, te augwali wi yaibao.

†† 83:9 Tob 4:6-22; 7:1-23 ‡ 83:11 Tob 7:25; 8:12

¹⁶ Genuai Bidi, nago augwali aiyaba mu elalubaso,
tama augwali hale dwai mu eyu,
tama augwaligo nage wali pabo homu yaibao.
¹⁷ Eno homugo te nago augwali elalubaso,
tama augwali te sesemane wi dwai mu yaibao.
Nago augwali hale ilama, tama augwali ela muao.
¹⁸ Eno homugo nago te tiwai yao homu ebao,
teda augwa mu konemainu ebao,
nagaduba deli naga, nage te Genuai Bidi,
tama nage te Ugwade Mu Bidibo God da,
tama nago te tigidali tę tonalubo dao.

Bidigo te Godigo be wei mu yali

84 Te Tigidali Bomo Elalubo God, eno nago be
wei mu ebao.

² Ena tede bidabo homu wei mu ebao.
Te eno homu kolesaga tigidaligo
te nago be wei mu ebao.

Te tigo, me homu tigidaligo, eno te
wiegi yai pemene ebo tęąbi po nageba obao,
God te bidabo ula elalubo God dao.

³ Genuai Bidi Te Tigidali Bomo Elalubao,
nage te king, me eno God dao.
Te dwasianu ba dabe te nago alta pęde be sęnama,
tama augwaligo
te augwa wai dabe tonalubo dao.

⁴ Te nago bede bidalubo we bidi dabe
augwa te bugai homu mu elama bidibo dao,
tama sesemane sogo augwa te tęąbi po weyu,
tama nago nogi ugwaba sabo dao.

⁵ Te we bidi dabe augwa te nagede bomo selama,
tama te Saion bulu duba pabo homu wei elama,
augwa te sesemane pemene yabo homu ebo dao.

⁶ Augwa pelayu, te wa pai bulu odogo pesageba dula-
ma,
tama te bulude te wę ulu hauwa
pedalubo pesage elalubao.
Tama te kigamu tulubage tulama, tama te dedageba
te węgo pęąbo dao.

⁷ Te bidi dabe bilama, te bomo yai pedelaibao.
Te augwali pelama, te Saionba sabolama,
tama te God bidibo sueibao.
Aga te tigidali tibo godide
te ugwadu elalubo God dao.

⁸ Genuai Bidi, nage te Tigidali Bomo Elalubo God,
te eno gedu haluasa po wabo odao.
Nage te Jekopgo God,
te olo bugagia munama, eno po odao.

⁹ God, nago dago kingba wiegi yai sę yao.
Naga digi aga sa mubaso, tama aga te king bidibao.

¹⁰ Te ena deli sogo naga
te nago tempel bede bidibaso da,
tego te 1,000 sogo te gasa bulude bidibo
te aiyaba mu elalui.
Ena te ena Godigo be sunumide
dolaluabo homu wei mu ebao.

Tiali goli, ena te dwai bidi dabego
bede bidabo hagela homu ebo dao.

¹¹ Genuai Bidi, te da seselalubo bidi,
te dago genuai nogi elalubo king dao.
Aga te olo tau sabo wiegi yai kolesaga dabolo eyu,
tama daba genuai nogi mayu yali.

Aga te bugagia dolasa bilibo we bidi dabede
te mena nai me deli me daę me ela sogobeo.

¹² Godigo Te Tigidali Bomo Elalubao,
te nageba konealubo homu daę wabo we bidi dabe,
augwa te wiegi yai pemene
sesemane emainu yagameo!

**Bidigo gedu haluasa po weyu, te Godigo aga hani
tonalumainu yai**

85 Genuai Bidi, nago naga tęba
wiegi yai yali.

Nago da Israel dabe ma tau selama,
tama da bugagia mu bidibao.

² Nago naga we bidi dago dwai sęę dagala sęnama,
tama dago yali sęę sela sęwai dao.

³ Polobadu nago daba wado yali,
tiali goli, megi nago wado po ma wabeo.
Mu tama, nago daba haliga sębę yali,
tiali goli megi da, menio wali.

⁴ God, nago da ma selama, megi da, nago da te naga-
ba
odasa ma pao.

Ya, nago dabolo wado ma igio.

⁵ Magi yaliwe, te nago dabolo sesemane
wado iduaibawe?

Te nago wado po me sia sogobe da, agawe?

⁶ Nago dago bidibo ula ma daę walao,
te nago we bidi dago te wiegi yai pemene elama,
tama nago nogi ugwaba saibao.

⁷ Genuai Bidi, nago dabolo te nago
da sesemane wei ebo ola mao,
tama da ma selama, te da bugagia bidaibao.

⁸ Eno te Genuai Bidi Godigo
pusubo poba olo muani.

Aga te wiegi yai nagame yai homu,
me te da bugagia bidabo po wali,
te dago polobadu yali dwai kolesagaba
da ma begasa pisębaso da te tama tiaibao wali.

⁹ Mu tama, aga te agaba lotu weyu,
agai homu wali pabo we bidi dabe
ma sainu te sisi yalio.

Tama aga da ma selama, tama aga digi da dali dago
tęde bidaibao.

¹⁰ Te sogo da, te we bidi dabego
te gasa bage wei mu elama,
tama wiegi yai kolesaga augwaliba yaibao.

Tama augwa dolasa bidiyu,
tama haliga nagame elama,
tama hodobo bugagia bidaibao.

¹¹ Te tęde te we bidi dabego

te Genuai Bidi wali mu paibao,
tama te dagalude Godigo augwali
doloba pai pedalumainu ilaibao.

¹² Genuai Bidigo te da bugagia
bidimainu tau saibao, tama dago ebo sę dabe
te wiegi yai pedelaibao.

Tama dago tęde te nai hauwa walaibao.

¹³ Genuai Bidigo te we bidigo doloba pai kolesaga
wali pomainu elama,
tama te tebogo te aga asabo sunumi dodolubo dao.

Te Devitgo asęani gedu haluasa po me deli dao.

**Godigo aga tau somainogo, bidigo te gedu haluasa po
wali**

86 Genuai Bidi, ena bomo meniama,
tama ena digi ena tau sabo usu ebeo.

Tama tialima, eno homugo nago
eno gedu haluasa po wabo odolama,
te ena tau sao.

² Nago ena ma siyu, tama ena me isigobeo,
magi baso meni, ena nage wali asai.

Nage da, te eno God dao.

Ena naga sę bidi da, tama eno konealubo
homu nageba muai,
tama tiyu, nago ena tau sao.

³ Naga digi nage eno God dao.

Ya, nago ena homu dene eyu,
tau mabo kolesaga enaba yao.

Tigidali sogo, giligade me hulide,
eno gedu haluasa po nageba wabo dao.

⁴ Genuai Bidi, nago eno haliga
wiegi yai pemene mu ilao, te naga sę bidi dao.

Magi baso meni, eno gedu haluasa po
nageba naga wabo dao.

⁵ Genuai Bidi, nago
te wiegi yai sę mu elama,
tama nago eno dwai sęęę sela sębo dao.

Nago te nageba gedu haluasa po wabo
we bidi tigidali wei mu eyu,
tama naga homugo augwali dali kęę pai dao.

⁶ Genuai Bidi, nago eno gedu haluasa
po wabo bugagia odao.

Eno nageba i wabo, te nago ena dali
homu dene eyu, tau somainu wali.

Eno i wabo odao.

⁷ Te eno nageba i wabo sogo,
te nago ena tau sabo dao.

Tama tiyu, tigidali sogo ena sęęę tolobaso,
eno te nageba gedu haluasa po waibao.

⁸ Genuai Bidi, te God nage tiwai me deli elalubeo.

Te Israel hani isęwai dabego
augwa god wabo nai dabe da,
augwali te tibo god dabe naga dao.

Nago augwali aiyaba elalui.

Tama te bidi me deligo te nago
ebo sę tobage tiwai me elalubeo.

⁹ Tigidali hani we bidi nago augwali nigali,
te augwaligo lotu po wainogo eyu,
nageba kidu sugunagasaibao,
tama augwaligo te nago nogi ugwaba saibao. †

¹⁰ Magi baso meni, nago naga te genuai bomo
elaluyu,

tama nago te we bidigo
isiębo genuai sę dabe ebo dao.

Tama nago naga te haniani wiegi wiegi yai sę ebo
dao.

Nagaduba deli naga, nage God mu dao.

¹¹ Genuai Bidi, eno homugo te nago eno emainu ebo
kolesaga te ena bugagia ola mao,
tama eno te nago mu po wali sesemane paibao.

Te ena bugagia ola mayu,
te eno nageba naga konealu, tama eno nago sę
sesemane sogo yaibao.

¹² God, eno Genuai Bidi, eno te usu da wabo
te eno homu sesego nageba mobao.

Tama eno nago genuai nogi
te sesemane bidada pabo sogo ugwaba saibao.

¹³ Magi baso meni, nago sesemane sogo
ena wei mu ebo dao.

Nago ena te isabode ma dobola selama,
tama ena te isibo bidi dabego pesageba pabeo.

¹⁴ God, megi te hagoma ebo bidi dabe meba aselama,
tama ena dali hwjainu ebao.

Te dwai sę ebo bidi dabego te bidi hasi homu dene
eyu,

tau sabo kolesaga eyu, me sogobeo,
tama augwali sisinama, ena ela muainu yali.

Augwaligo te nago po wali me pisęwai,
augwaligo te sela sęyu naga ebo dao.

¹⁵ Tiali goli, Genuai Bidi, nagede
te homu dene ebo,
me olo tau mabo wiegi yai kolesaga
paęęanalubao, tama nage da, te bobobage
guni yai bidi dao.

Nago da wei mu eyu,
tama nago homugo da dali kęę mu pai dao.

¹⁶ Nage enaba ma aselama,
ena homu dene eyu, tau sao.

Ena bomo mao, tama ena ma sao, magi baso meni,
eno nago sę ebo te ena idago yali tiwai ebo dao.

¹⁷ Genuai Bidi, eno homugo
te nago ena wei ebo da homu ebo
te nago enabolo ola mao.

Tama te boi bidi dabego suyu, te nago ena tau siyu,
te daę walobo te augwa konemainu yao.

Tama augwa ebo kolesagade te augwa
hale mu somainu yao.

Augwaligo Jerusalemde wiegi yai pemene yali

87 Godigo aga taun te aga bulu dude digi nigali.
² Genuai Bidigo Israelde gasa tigidali
elalubo bulu te wei homu yali,

† 86:9 Ped 15:4

tiali goli agai te Jerusalem te wei mu yai dao.
3 Te Godigo taunde we bidi dabego, odao.
Godigo te wiegi wiegi yai sę dageba ebo dao.
4 Godigo te tama po wali,
"Te eno ena po wali pabo hani bage
augwali nedebo sogo da, teda eno te Isip me Ba-
bilon
te augwali dali nedaibao.
Tama eno te Filistia, me Tair,
me Itiopia bulu dabeba te tama po waibao,
augwali me te Jerusalem bage dao, waibao.
5 Te eno Jerusalemba te tama po waibao,
'Te bulu te tigidali hani we bidigo bulu da.'
'Tama te Ugwadu Mu Bidibo God,
aga digi te Jerusalem dodolama,
tama bomai mu elaluaibao.
6 Te Genuai Bidigo te gasa hani
we bidi dabe augwaligo nogi asęnama,
tama augwali sisinama, tama augwali dali nedeyu,
te Jerusalem we bidi dali nedaibao.
7 Tama te Jerusalemda bidali we bidi dabe,
te augwaligo tęąbi weyu, wiegi yai pemene yaibao.
Tama augwa te tama po waibao,
'Jerusalem da, te nago dolo mu tama,
tama nage te wiegi yai kolesaga
tigidali ebo page mu dao," waibao.

Bidigo te Godiba i weyu, te aga tau somainu yai.

88 God, Genuai Bidi, nago ena tau sabo da.
Te giligade eno nageba i weyu,
te ena nago tau somainu yai,
tama hulide me eno nageba
gedu haluasa po wabo dao.
2 Nago eno gedu haluasa po wabo odao.
Te nago ena tau somainu, eno nageba i wabo odao.
3 Te sęęę hauwa enaba pedalubaso,
tama te tebogo naga ena pąde isabo homu ebao.
4 Ena te gasa bidi dabe isainu ebo tiwai gilama yai.
Te eno bomo tigidali mu silalio.
5 Augwa ena tagalubaso,
tama ena te isali bidi dabe dali bidibao.
Ena te gasa bidigo ela muai bidi tiwai gilama,
tama te gų pagede munaluai.
Ena te bidi dabe nago te homu kone mu
gegeda palubo bidi dabe tiwai gilama yali,
tama te nago augwali munu ma tau sisąbo tiwai yai
dao.
6 Nago ena te aiyanu mu yai dedage pageba sęnama,
tama ena te be huliasai mude,
te aiyanu dologode mu bidai.
7 Nago haliga sębęgo ena mu elaluama,
tama te moni tamu aį dinigo
ena mu mesegelibo tiwai yai dao.
8 Nago te ena abagi dabego ena tudi ola momainu
ilali.
Nago ena te dwai mu pedalumainu elama,
tama augwaligo enade wi mu yai.
Tego ena kalabus ilama,

tama eno pedelabo usu meni yai dao.
9 Ena dene tolu, tama eno gedu dolama,
tama eno bugagia suabo usu isąwai.
Tama tigidali sogo eno gedu haluasa po nageba
weyu,
te nago ena tau somainu yali.
10 Nago te isali bidi dabe tau sabo
bomai sę ebo da, agawe?
Te isali bidi dabe ma hodaluama,
tama nago nogi ugwaba saibawe?
11 Te gų pagede te isali bidi dabego nage dali po
miyu,
te nago augwali sesemane wei mu
ebo da po wabo da, agawe?
Te dolabo bulude augwaligo nageba po weyu,
te nago augwali bugagia tonaluai
dao po wabo dawę?
12 Te gų pagede bidibo bidi dabego
te nago bomai sę ebo subo dawę?
Tama te dolabo pesagede bidalubo bidi dabe,
augwaligo nago te wiegi yai kolesaga
subo da, agawe?
13 Genuai Bidi, eno nageba i wabo,
te nago ena tau somainu ebao.
Te tigidali sogo kigamu eno
gedu haluasa po wabo dao.
14 Tiali goli, Genuai Bidi, magi baso
ena nago tudiba mubawe?
Magi baso nage enade geme duala sobawe?
15 Te ena gesi ogwa bidide digi
gagalasa, te e sogoba megi usu nagasobao,
ena te sęęę tolu, tama pąde ena isainu ebao.
Nago enaba te dene mabogo
te ena nogo sęąę dili kimi isalio.
16 Genuai Bidi, nago haliga sębęgo ena mesegelali.
Nago ena dodolagia mu elama,
tama ena mu dolai dao.
17 Nago enaba te tiwai te giligade me hulide dali yai,
tama te bidi dabego ena te tigidali pedai badu
pobeasa bilali, te wę ge bo deyu,
te tų tigidaliba mesega sabo tiwai yai dao.
18 Nago te eno wiegi yai abagi dabego
ena tagalumainu ilali.
Te be huliasabo naga te eno abagi bidalio.

*Etan te Sera hani bidi me deligo asęani balia po me
deli dao. [1 Kin 4:31]*

**Te augwa bidibo bulu tų pedabate sęęę pedalubo so-
go te balia po me deli wali**

89 Genuai Bidi, nago da sesemane sogo godolo
homu ebo dao,
tama te kolesaga ebode eno e balia udaibao.
Mu tama, te nosali ame nabo bagego konemainu
eyu,
te eno nago po te me hasegelibo meni da po olama,
te po hanilama pusaibao.
2 Eno koneani, nago da sesemane

bidada pabo sogo wei homu ebo koneani.
Awe, te nago mu po te me hasegeligobeo,
te dagalu bomo elalubo tiwai gilama elaluaibao.
³ Nago te tama po wali,
“Eno te bidi me deli sa muai da,” wali,
“tama eno daų wabo po me deli
aga dali wai dao,” po wai.
“Eno ena sę bidi Devitba po daų walalio,” po wai.
⁴ “Tama eno te po wali,
‘Te king dabe nago hanide naga pedelaibao,’ wali.
‘Mu tama, sesemane sogo eno te nago hani bidi me
deli
te king bidi mudaibao,’ te po wai.”
Nago te po wai dao. †

⁵ Genuai Bidi, te ensel dabego
te nago ebo wiegi yai sę dabe balia po wabo dao,
tama augwaligo te nago nogi ugwaba sabo dao.
Me te dagalude konealubo homu daų wai
mobo bidi dabego
te nageba balia po weyu,
tama nago po wali mu pabo dao.
⁶ Genuai Bidi, te dagalude
nage tiwai tobage me deli me elalubeo.
Te ensel me te nage tobage tiwai deli me menio.
⁷ Te ensel dabe augwa polalubo dabe
te po miting ebo sogo augwali
te nagede wi ebo dao.
Tama te nage bagualubo gasa ensel tigidali,
augwali te nagede wi mu ebo dao.

⁸ Genuai Bidi, nage te Tigidali Bomo Elalubo God dao,
te me deligo nago te genuai bomo tiwai me
elalubeo.
Nago naga po sesemane sogo wali peyu yaibao.
Nago po me hasegelama eyu, me egobeo.
⁹ Nago te bomai tamu aų tonalubao.
Te aų dini hogodobobo sogo, nago aiyaba elalubaso,
tama memenege me eyu me egobeo.
¹⁰ Nago te Isip dabego genuai bomo togolama,
tigidali mu dolalio.
Tama nago nogogo genuai bomogo,
nago naga boi bidi dabe aiyaba elalualio.
¹¹ Dagalu me tų te nago naga dao.
Nago tų nigali, te tųde tigidali nai me bugagia nigali.
¹² Nago te not badu, me saut badu dali, te nigai.
Te Tabor bulu du, me Hermon bulu du sigo
te wiegi yai pemene eyu, nageba balia po obao.
¹³ Iya, tegoba. Nago bomu genuai mu elalubao.
Nago bomu te umabo mu dao.
¹⁴ Nage te king bidiyu, tama nago te we bidi dabe
doloba pai kolesagade tonalubao.
Tama nago po tų dolo naga ebao.
Nago te tigidali we bidi wei mu elama,
tama nago naga po sesemane wali peyu yali,
tama nago po hasegelama eyu, me egobeo.
Te tobage kolesaga ebo da,

te nago naga we bidi tonalubo sę page mu dao.

¹⁵ Te we bidi dabego nageba
balia weyu, lotu po weyu yali,
tama nago te olo tau mabo
wiegi yai kolesagade biliyu,
te augwa te ulade bilibo tiwai ebao,
te augwa wiegi yai pemene emainao.
¹⁶ Augwaligo te nago wiegi yai
kolesaga augwaliba ebo te homu kone palu,
tama tigidali sogo giligade me hulide
augwa te wiegi yai pemene eyu,
tama nago nogi ugwaba sabo dao.
¹⁷ Magi baso meni, nage naga
te nagede dago bomu elalubaso,
tama dago wiegi yai pemene nageba ebao.
Nago te olo tau sabo wiegi yai kolesaga dabolo ela-
ma,
tama da te hwjibode tau selama,
te boi bidi aiyaba elaluai dao.
¹⁸ Awe, nago digi te da seselalubo bidi sa muai.
Nage te da Israelgo Tedali Wiegi Yai God,
nago te dena king dabolo mawai dao.

Godigo Devitba po daų walali

¹⁹ Te ugwadu sogo polobadu,
nago te nage wali pabo bidi dabe
muba te na menama,
tama nago augwaliba te tama po wali,
“Eno te polaluabo ami bidi me deli sa munama,
tama eno agaba te kingo hat madi muai.
Eno aga te we bidi dabe tomode selama,
tama aga te king munama bidai.
²⁰ Eno Devit nigilalio, ena sę bidi da,
tama eno aga te dagego king
pedalumainu yai dao. ††
²¹ Tama tiyu, eno bomu te aga dali sesemane
bidaibao.
Mu tama, eno bomogo aga tau saibao.
²² Te aga boi bidi dabego te hwjibode
aga aiyaba elaluyu, mone mao me wagobeo,
tama te dwai sę ebo bidi dabego aga me elalugob-
eo.
²³ Te ena digi eno agai boi bidi dabe agala selama,
tama te aga wei isiąbo bidi dabe ela muyu yaibao.
²⁴ Te eno aga wei mu elama,
tama ena aga dali sesemane sogo bididuaibao.
Te aga boi bidi dabe dali hwjibo sogo,
te eno agai tigidali sogo augwali
aiyaba elalumainu ilaibao.
²⁵ Te eno elama, tama agai tonalubo tų
te genuai tamu aų Mediterenian
tedu gagalasa peyu, te wę Yufretis
elalubo madiba usu nigi paibao.
²⁶ Tama agai enabolo te tama po waibao,
‘Nage Aya me eno God dao.

† 89:4 2 Sml 7:12-16; 1 Sto 17:11-14; Tib 132:11; Tpi 2:30

†† 89:20 1 Sml 13:14; 16:12; Tpi 13:22

Nago ena tonalu, tama ena sesemane tau sabo dao.'

²⁷ Tialima, te eno polalubo gomunai wai aga muna-
ma,

tama aga te polalubo king pedelama,
te tigidali tęde king aiyaba elalueibao. †

²⁸ Te eno sesemane sogo aga wei mu iduaibao.

Tama eno te po daų wabo kontrak aga dali elama,
tama te daų walali po kontrak
te sesemane elalua peyu,
elalua paibao po wai dao.

²⁹ Sesemane sogo te aga hani bidi me deli
te king pedalu, ela piduaibao wali.

Tama aga hani king me deligo
te Israel dabe sesemane tonaluaibao,
te dagalu ugwadu sesemane elalubo
tiwai gilama yaibao."

³⁰ "Tiali goli, te agai wai nęų hani dabego
te eno bomai po sela sanama,
tama augwaligo eno kolesaga wali me pisama,

³¹ tama augwaligo eno po tudiba munama,
tama augwaligo eno bomai po wali me pisabaso da,

³² teda eno augwaligo dwai seba homu kone paliyu,
tama augwaliba te dene mawaibao.

Tama eno te augwa yali dwai seđe homu kone palu,
te augwali keloago elaiba wai.

³³ Tiali goli, te sogo me te Devit
te eno wei mu elaludaibao.

Tama eno aga me tagalogobeo, tama eno agade
te daų walali po mu me tagalogobeo.

³⁴ Tama eno aga dali te daų walali bomai po
te kontrak me tagalisiąma,
tama eno te ena po deli me
hasegeliyu me egobeo. Mu menio."

³⁵ "Eno daų walubo po te deli sogo naga weyu,
tama eno ena digi tedali wiegi yai
nogi nogilama weyu, te po daų walali,
tama te sesemane sogo me
elalua pidu, elalua paibao.

Eno te tama wai.

Eno te tibo po Devitba me wagobeo wai.

³⁶ Te aga hani wai nęų dabe me sia sisama,
te sesemane me elaludaibao wai.

Tama aga hanigo te we bidi dabe
sesabi elama, mu tonalu,
te giliga me elalubo tiwai gilama yaibao.

³⁷ Te augwali sesemane elaludu,
te polua dagalude elalubo tiwai eyu,
tama te we bidi dabeba te eno po mu da weyu,
te ola mawaibao," wali.

**Te boi bidi dabego te king te hwjyu, aiyaba elalubaso,
agai te gela wali**

³⁸ Genuai Bidi, nago te po Devit dali
polobadu daų walai goli,
megi nago te sa muani kingba nago wado po wali.

† 89:27 Ped 1:5

Nago aga tagalama, aga tudiba muani.

³⁹ Nago te naga se bidi dali daų walali
te kontrak po togwali.

Nago agai te kingo tobolude mubo madi
te tęba sanama, tama meda yali.

⁴⁰ Nago agai taun bagulali obo dabe togolama,
tama agai te ami bidi dabego
bomai be dabe te dolalio.

⁴¹ Te pađu soabo bage tigidaligo
te agai doado bage dabe wi sabo dao.

Tama te abagi dabego agaba posobo po wabo dao.

⁴² Nago aga te boi bidi dabego elalumainu ilali,
tama nago augwali deliba sisinama,
te dili bubo se emainu yai.

⁴³ Nago agai ami bidi dabego
te hwjbo nai dabe usu isašo se ilali,
tama nago aga te hwjbo side aiyaba elalumainu ilalio.

⁴⁴ Nago aga elaluama, tama aga te king ma bidibeo,
tama agai te we bidi munu ma tonalubeo.

Tialima, agai genuai nogi dali, bomo dali si silalio.

⁴⁵ Nago aga monu dabe polo tama pedalumainu eba-
so,
tama hale genuai mugo aga mesegelalio.

**Agai te gedu haluasa po weyu, te Godigo augwali tau
somainu yai**

⁴⁶ Genuai Bidi, nisu naga sogo
te nage dualaludaibawe?

Te sesemane sogo usu nama da, agawe?

Nisu naga sogo te nago haliga sebe
te sia posolo mu ebo tiwai elaluaibawe?

⁴⁷ Genuai Bidi, iya, nago
te pęwadage sogo naga bidabo bidiba
homu kone palao.

Nago da nigali, tiali goli da te isaibao.

Nago odolali da nigali da, agawe?

⁴⁸ De mu te sesemane bidada pidu, bidada pelama,
tama te me isigobe dawe?

De te bomo elama bididu,

te aga gų pageba me pogobewe?

Te mena bidi deli me tegobeo, mu menio.

⁴⁹ Genuai Bidi, magi yaliwe?

Nago megi da, da wei me ebe da, agawe?

Te nago Devit dali te daų walali pode menagi
yaibawe?

⁵⁰ Genuai Bidi, nago naga se bidi,
ena homu kone palao.

Te bidi dabego enaba posobo po obao.

Eno te gasa hani dabego
te keņę po wabo seęę tolobo dao.

⁵¹ Genuai Bidi, te nago boi bidi dabego
enaba po dwai wali, te naga sa muai king dao.

Te ena tigidaliba pabode te augwaligo
dwai po enaba weyu ebo dao.

⁵² Dago te Genuai Bidigo nogi
te sesemane bidada pabo sogo ugwaba sao.

Te mu tama dao.

Buku 4

(Tib 90-106)

Godigo po, me bidigo po wai

- 90** Genuai Bidi, sesemane sogo nage te dago be mu tiwai dao.
Te wąj nųy dabe nage dali bidali, tama megi da me te tiwai bidibo dao.
² Te sesemane bidada peyu, bidada pabo sogo, nage te God bidibao, te polobadu me bidali, nosali me bidaibao. Tigidali bulu du pedalisąbadi, tama nago te tųde nai tigidali nigisąbadi, tiali goli, nage God bidai dao.
- ³ Nago te we bidi dabe isimainu elama, tama augwali te tų ma pedalumainu ebo da. Tama nago te tama po wali, "Dage tųde we bidi, dage isilama, tama te tų ma gagawaibao," wai dao.
- ⁴ Nago homu kone palu, tama te kibu be 1,000 dąj yabo homu te deli sogo bubugade tiwai naga elama, tama te polo tama pela silaibao, te pilama hodalu, te do bidali sogo tiwai gagawaibao. Awe, te kibu be 1,000 te hulide pęwadage sogo naga tiwai ebo dao. †
- ⁵ Nago te bidi dabe sela sąbo, te wę asiyu, bidi selama, tama augwali isibo tiwai yaibao. Augwali te pęwadage sogo bidiyu, te naa tiwai naga ebo. Augwali te gesi nosa te kigamu pedalubo tiwai elama, ⁶ tama te genuai holama, tama duduli pedelai. Tiali goli, te piode te sasia pelama, tulalubo dao.
- ⁷ Nago dade wado elalubaso, tama nago da dolobo dao. Nago dade haliga sębę ebaso, tama da wi mu ebo dao.
- ⁸ Nago dago dwai kolesaga tigidali subo da. Tama dago geme dualama ebo sęęę tigidali, te nago pepeli diliba hanilama, munama, tama nago sualio.
- ⁹ Nago wado ebogo te da tųde bidibo bodolu pęwadage ilali. Mu tama, te dago bidibo sogo polo silali, te dago mobo deli sogo naga sabo tiwai ebo dao.
- ¹⁰ Da bidibo kibu be te 70 usu naga bidaibao. Tama dago bomo elalubaso, da te kibu be 80 usu naga bidaibao.

† 90:4 2 Pi 3:8

- Tiali goli, te tigidali kibu bede da te sę dene naga eyu, tama sęęę naga gegaibao.
Te tigidali kibu be polo silama, tama da me pela silaibao.
¹¹ Dego te nago wado ebo genuai bomo te bugagia konebawe?
Tama nago augwaliba te wado ebo homu ebode genuai wi te we bidi augwaliba pedalubo te koneani-we?
¹² Nago da bugagia ola mobaso, te dago koneaibao, da te tųde sesabi elama me bidigobeo. Tama tiyu, dago wiegi yai kolesaga koneama elalu-aibao.

- ¹³ Genuai Bidi, nisu naga nago haliga sębę ebo me elaludaibawe?
Nago naga sę bidi da homu dene yao.
¹⁴ Nago da sesemane sogo wei yali, tama tego te tigidali sogo kigamu te da paęanumainu yao. Tama tiyu, te tigidali sogo da te bidibo ula dali bidiyu, dago homu wiegi yai pemene elama, te bugai haliga yaibao.
¹⁵ Hasiabolo nago daba sęęę mawai. Tialima, megi da, nago da te wiegi yai pemene yabo usu nao, te sogo dabe da te sęęę tolali. Mu tama, hauwa kibu bede te da dwai bidali, tama nago da te wiegi yai pemene ilibo te tigidali kibu bede dwai bidali usu nama, tama tiwai yao.
¹⁶ Nago te naga bomai sę dabe te naga sę bidi dabolo ola mao. Nago te wiegi wiegi yai bomo te dago nosali pedalubo wąj nųy dabebolo ola mao.
¹⁷ Genuai Bidi, nage dago God da, dago homugo te nago olo tau sabo wiegi yai kolesaga dabolo eyu, tama da wiegi yai bugagia ilao. Tama dago ebo sę tigidali te wiegi yai pedalumainu ilao. Mu tama, nago te dago ebo sę tigidali dąų walama, tama te bugagia elalumainao.

God te da tonalubo bidi dao

- 91** Bidi te Ugwade Mu Bidibo Godiba pelama, te agai aga tonalumainu yali, aga te Tigidali Bomo Elalubo God pąde bidiyu, tama agai aga mesegalubo dao.
² Te bidigo te tama po Genuai Bidiba waibao, "Nago ena bagualu, tama nago ena bugagia seselalubo dao. Nage eno God dao. Eno konealubo homu nageba muai dao."
³ Mu tama, te Godigo nage bugagia tonalu, tama te geme dualalubo naigo

nage me dologobeo.
Tama agai nage bagualubaso,
tama te dwai gasi dabego nageba me sogobeo.
4 Te agai nage bugagia mesegalu,
te kakarukgo aga wai dabe
te bogogo mesega sabo tiwai yaibao.
Nage te bugagia Genuai Bidigo bogo
dologode dualaluaibao,
tama agai nage tonalubao.
Agai nage tonaluabo po te tibo po me wagobeo.
Tama tiyu, nage Genuai Bidi dali bidiyu,
te bidi aga te hwįbo sabelede
duala sabo tiwai ebo dao.
5 Nago te magi nai me deli nageba
te hulide pedelaiba homu eyu, wi me egobeo.
Tama te giligade nage te magi nai me delide wi eyu,
te nage dolabo nai me deli te polo
pedelabo homu wi me elamu dao.
6 Tama te genuai gasi nageba te hulide
pedelabo te wi me igio,
tama te giliga tomode me te dwai nai
nageba pedaliyu,
tama nage dolainu me egobeo.
7 Te 1,000 bidi nage pąde isibaso me,
tama te 10,000 bidi nago
dolo nogo badu isibaso,
te tagalao, te dwai nai nage pąba me asogobeo.
8 Te naga digi te Godigo te dwai sę ebo bidi dabe
augwa yali sęde wei ponobo te nago suaibao.
9 Nage te Godiba pelama,
te dwai nai dabede geme duala sao,
tama te Ugwadu Mu Bidibo Godigo
te nage mu seselalubo bidi dao.
10 Tama tiyu, te dwai nai nageba me pedalugobeo.
Tama genuai gasi te nago be pąba me asogobeo.
11 Te Genuai Bidigo aga ensel dabeba
te nage menaba pabo madi tigidali badu
te nage tonalubo sę mawaibao. †
12 Tama te ensel dabego nogogo nage tolalu,
tama tiyu, te masigigo nago sęąde
me dologobeo. ††
13 Te nago laion me hasamani agayu,
tama te gesi ogwa bidi laion,
me genuai hasamani dwai mu me
agayu, yaibao. ‡
14 Godigo te tama po wali,
“Te eno te ena wei mu ebo bidi dabe
augwali ma saibao,
tama te eno te ena mu koneani
bidi dabe seselalubo dao.
15 Te augwaligo enaba gedu haluasa po wabo sogo,
te eno augwaligo wabo po odaibao.
Tama te sęęę augwaliba pedalubaso da,
te ena augwali dali bidaibao.

† 91:11 Mat 4:6; Luk 4:10 †† 91:12 Luk 4:11 ‡ 91:13 Luk 10:19

Tama eno augwali ma selama, tama augwaliba
te genuai nogi mawaibao.
16 Te augwaligo bidabo ula
te ibanu gana bobage kidilama,
te augwa gasa ugwadu me daganobo tiwai yaibao.
Tama eno augwali ma selama,
tama augwali ena dali bidaibao,” wali.

Te God nogi ugwaba sabo tęąbi po dao

92 Genuai Bidi, nage Ugwadu Mu Bidibo God
da, te eno nageba usu da wabo te wiegi yai da,
tama te nago nogi ugwaba sabo tęąbi dabe waibao.
2 Tama te tigidali kigamude te eno nageba
te nago ena wei ebo po hanilama
wabo, te wiegi yai ebao,
tama tigidali sogo hulide te nago ena bugagia
tonalubo da po hanilama, nageba waibao.
3 Eno te wiegi yai musik te gitade weyu,
te nage nogi ugwaba saibao.
4 Eno te nago bomai sęba homu kone palama,
tama ena bugai haliga mu elama,
tama eno te wiegi yai homu
pemene ebo tęąbi ebo dao.
5 Genuai Bidi, nago te genuai sę mu ebo dao.
Nago homu kolesaga te genuai mu elalubao.
6 Te homu kolesaga meni yai bidi, te umawai bidigo,
te tama sę ebo dabe me koneainu
ebaso, usu me egobeo.
7 Te dwai bidi dabe te wiegi yai nosa
tiwai ma pedaliyu,
tama te dwai kolesaga ebo bidi dabego
te doado bage hauwa selama,
tama augwa bugagia bidaibao,
tiali goli, nago augwali mu dolaibao.
8 Magi baso meni, Genuai Bidi,
naga digi te sesemane king
bidada peyu, bidada paibao.
9 Dago koneai, te nageba boi bidi
ebo bidi dabe te augwali isaibao,
tama nago te dwai sę ebo bidi dabe
aiyaba elaluaibao.
10 Nago enaba genuai bomo mawai,
te uni bulmakau omaigo bomo tiwai mawai.
Nago enaba wiegi yai sę ebaso,
tama ena wiegi yai pemene mu ebo dao.
11 Eno te ena boi bidi dabe dolobo sulama,
tama eno te dwai bidi dabego gela wabo odali.
12 Te doloba pai kolesaga ebo we
bidi dabe te wiegi yai pedalu,
te nigo wiegi yai du walubo tiwai yaibao,
tama te genuai holama,
te Lebanonde te wiegi yai ni
sida dabe tiwai yaibao.
13 Augwali te Genuai Bidigo bede
bulai ni dabe tiwai yaibao.
Augwali te dena Godigo be tomode

te wiegi yai mu pedalubo tiwai dao.
14 Te augwali monu dabe pedalubo sogo,
te augwa nai du me waludaibao.
Augwali te bomu elalu, tama augwali me sasia pabeo.
Te augwa yabe te ni yabe gesi sogo
elalubo tiwai sesemane elaluaibao.
15 Te kolesaga augwaligo te we bidi
augwaliba ola mabo dao,
Genuai Bidi te mu doloba pai dao.
Agai te ena seselalubo bomu elalu,
tama agade dwai sę ebo me elalubeo.
Mu menio.

God te king bidi bidibao

93 Genuai Bidi king bidibao.
Agai genuai nogi mu elalubao,
tama genuai bomu me elalubo.
Agai e tę te aga bidibo pesagede bomu elama,
mu elalumainu yai dao.
2 Genuai Bidi, te tigidali nai me
pedalisąbadi, nage bidali.
Nage sesemane bidada peyu, bidada pali,
tama nage te king sesemane
bidada peyu, bidada pabo dao.
3 Genuai Bidi, tamu ąj ge bo dali aiyanu mu igulali,
te kulukulu umabo mu waibao.
Te bomonama, mu kulukulu wabo dao.
4 Genuai Bidi, te nago genuai bomogo
nago te dagalude tigidali nai tonalubao.
Te tamu ąjgo kulukulu wabo bomu
te dwasianu naga ebao.
Tiali goli, nago bomu te genuai mu elalubao.
Te tamu ąj dini peda peyu, te nambisde
bomonama kulukulu wabo,
tiali goli, te ąj dini dabego bomu
te nago bomu dali tiwai si me usugobeo.
5 Te nago tigidali bomai po te sesemane
elalua peyu, elalua pobao.
Mu tama, Genuai Bidi, te nago tempel be
te tedali wiegi yai sesemane elalubo dao.

Godigo dwai sę ebo bidi tigidali aiyaba elaluama, dwa-
gi yai bidi tigidali tau saibao

94 Genuai Bidi, nage da
te dwai sę ebo we bidi augwaliba wei ponobo
God dao.
Megi nago sębę ebo augwaligo sumainogo waselao.
2 Nage hogodama, nago po tųba tigidali
we bidi pedelaibao.
Megi nage aselama, hagoma eyu dwai sę ebo bidi
augwaligo ebo kolesaga wei ponao.
3 Nisu naga sogo dwai sę ebo bidi
augwaligo ebo kolesagade dwagi yai homu egowe?
Genuai Bidi, augwaligo bidabo sogo
nisu naga elalubawe?
4 Nisu naga sogo elaluai dwai sę ebo bidi dabe
augwaligo dwai kolesaga ebo dali dwagi yai homu

te dwai sę dali yaibawe?

5 Genuai bidi, augwaligo nago we bidi
aiyaba elaluama,
tama genuai sęge augwalibolo mabo dao.
6 Augwaligo te wilawe we dabe, augwali ela muyu,
tama te tiana wai dabe me ela muyu,
tama gasa bulu we bidi dago tęde bidibadi,
augwaligo ela muyu ebo dao.
7 Tama augwaligo te po wabo,
"Genuai Bidi agai da subo menio.
Israel bidigo God, agai dago
te sę ebo agai tede homu palobo menio,"
augwaligo te po wabo dao.
8 Dage eno we bidi, magi baso dagego gegeda
pobawe?
Dage kolesaga meni yai, nisu sogo dagego
koneaibawe?
9 Godigo dago olo nigai. Tama agai odogobewe?
Tama God agai dago gedu me nigai.
Tialima, aga digi tonolo bilibo meniwe?
10 Agai te tigidali tęde bidibo bidi hani tonalubo dao.
Tialima, agai augwali dodolobo meniwe?
Tama aga tigidali we bidigo po ola mabo bidi.
Agai konebewe?
11 Genuai Bidi agai tigidali we bidigo homu koneai.
Agai koneai, augwaligo homu kolesaga
te olo magi nai me tiwai yaibao. †
12 Genuai Bidi, nago te bidi me deli
dodolomainu eyu, nago bomu yai po
te bidi ola mayu da, te bidi aga dwagi yai
homu emainao.
13 Nago te sę ebo aga olo bidimainogo tiwai,
tama sęgego aga gegeidali weyu,
tama te dwai bidi dabe isilama, gų pageba paboba
usu nigai pabo dao.
14 Magi basowe, Genuai Bidigo
aga we bidi augwali tagalobo menio.
Mu tama, aga sa muani we bidi augwali
tudiba me mugubeo.
15 Tama nosali bidi dabego po tų ebode,
augwaligo sę dolo naga yaibao,
tama dwagi yai doloba pai bidi
augwaligo usu dao po weyu,
te kolesaga wali paibao.
16 Niwai bidigo ena tau selama,
tama te dwai sę ebo bidi aiyaba elaluaibawe?
Niwai bidigo ena tau selama,
te dwai sę ebo bidi sela saıwaibawe?
17 God agai ena tau sigi menigi sogo da,
ena polobadu isai gų pagede
polo pila mugi dao.
18 Eno te homu yai, "Eno saęą kikila peyu,
ena tula muaibao," wai.
Tiali goli, menio.

† 94:11 1 Ko 3:20

Genuai Bidi nago ena godolo mu eyu,
tama nago ena nogo tola selama,
ena te dwai sęęę ebo digi tulalubeo.
¹⁹Tama eno homu sęęę yali sogo
tama eno homu nai hauwa dali yai,
nago eno homu dwagi yai eyu,
tama nagame elama bidai,
tama eno homu dwagi yai emainogo yai.

²⁰Te bomo yai po mubo bidi dabe
augwaligo te we bidibolo
augwaligo dwai sę emainao wai.
Nago te tobage dwai sę ebo tobolu bidi
dabe dali abagi homu ebo menio.
²¹Augwaligo dwagi yai sę ebo bidi
dwai sęęę aga dolainogo sisinama, po mibo dao,
tama augwaligo dwai sę isęwai bidi
dabe dali po tų ebo dao, augwali elainogo tiwai.
²²Tiali goli, Genuai Bidi agai
bomo mu elama, ena tau sai.
Ena agaba pelama, eno God agai
ena bugagia tonalubo dao.
²³Augwaligo dwai kolesaga hauwa mu yai,
tama agai augwaligo dwai sę yali wei begelaibao.
Genuai Bidi dago God, megi agai
augwali tigidalali dolaibao.

Te God nogi ugwaba sabo balia po dao

95 Dage asięo. Dago te Genuai Bidi nogi
ugwaba sabo balia po wainao.
Dago te bomai Godigo da ma salı, te homu koneama,
tama dena balia weyu,
tama agaba wiegi yai pemene yao.
²Da te aga pęba pelama, tama agaba usu da po wao.
Dago te wiegi yai pemene ebo balia po meba weyu,
tama agai nogi ugwaba sinao.
³Magi baso meni, Genuai Bidi aga te bomai God dao.
Aga te bomai king,
tama te tigidalali tibo god daide
aga ugwadu daide bidibao.
⁴Agai te tigidalali bulu tų pedai tonalubao,
te aiyaba odogo gulali bulu tigidalali,
me te ugwanu igilualı bulu du tigidalali,
te agai naga tonalubo dao.
⁵Aga digi te tų, me tamu ađ nigilama,
tama tialima, agai augwali tonalubao.
⁶Dage asięo, dago tobolu basi gulama,
tama agaba lotu wainao.
Genuai Bidigo da nigai.
Tialima, da aga pęba pelama, tama kidu sugunao.
⁷Aga digi dago God dao.
Aga digi da we bidi te sipsip wai tiwai tonalubao,
tama agai da nai mobao.
Te e sogo megi tama dagego agai pedauwalide po
odięo.
⁸Genuai Bidigo te po wai,
“Dagego te duga haliga bomonama dęų ola sigimio,
te polobadu duga węđ nų dabego

te bulu Meriba me Masa,
te tų wa pai bulude yali homu tiwai
igimio,” po wai. †
⁹“Te bulude augwaligo ena usu salı.
Augwaligo te eno ebo tigidalali bomai sę sualı,
tiali goli, augwaligo ena usu sai dao. ††
¹⁰Eno te hani we bidide dwai haliga iduali,
te kibu be bidi sese siba usu nai.
Tama tibaso, eno te po wali, augwa hagoma mu yali.
Augwaligo te eno wali pabo homu me isięwai.
¹¹Tama tialima, te ena haliga sębę elama,
tama augwaliba te tama po dęų weyu wali,
‘Mu tama, dage te bulu tomoba me pogobeo,
eno te dage toma nomainu mawainu yali
buluba me pogobeo,’ po wai dao,” wali. ‡

God te polalubo king, tama agai tigidalali we bidi
tonalubao

96 Dagego gesi balia Genuai Bidiba waięo.
Dage tigidalali tųde we bidigo
te Genuai Bidiba balia po waięo.
²Genuai Bidiba balia wao.
Agai nogi ugwaba sao. Agai da ma sai.
Te tigidalali side dago te po te we bidi dabeba pusa
maięo.
³Dagego agai genuai nogide po
te tigidalali tų pedai kantride bidibo
we bidi hani dabe pusięo.
Te tigidalali we bidiba te agai
genuai wiegi yai sę dabe yali po pusa mao.
⁴Genuai Bidigo te genuai nogi elalubao.
Dago agai nogi ugwanu mu sidu geao.
Da te tibo god dabe wi me igio.
Dago te Genuai Bidide naga wi yao.
⁵Magi baso meni, te gasa hani
we bidi dabego tibo god dabe
te augwali tibo god naga dao.
Tiali goli, Genuai Bidigo te dagalu dali,
te ugwadu elalubo nai tigidalali nigai dao.
⁶Genuai Bidi te genuai nogi elalu, te king bidibao.
Te aga tedali wiegi yai tempel bede
te tigidalali doado bagego te agai bomo dęđ ilama,
tama aga gasa sawi yai au te elalubao.
⁷Dage tigidalali tųde bidibo hani we bidi,
dagego agai genuai nogi me bomo te ugwaba sao.
⁸Dagego Genuai Bidigo genuai nogi ugwaba sao.
Te ofa yabo nai me deli selasa,
te agai tempel be tomoba pao.
⁹Dage tigidalali we bidi te tedali wiegi yai bidiyu,
tama Genuai Bidiba lotu waięo,
tama dage agade noma sięo. ††
¹⁰Dagego te tigidalali we bidi haniba te tama po
waięo,
“Genuai Bidi te king bidibao,” wao.

† 95:8 Hib 3:15; 4:7 †† 95:9 Sai 17:1-7; Nam 20:2-13 ‡ 95:11
Nam 14:20-23; Bom 1:34-36; 12:9-10; Hib 3:7-11; 4:3, 5 †† 96:9 Tib
29:1-2

“Agai te tų daų walama, tama te tų bugagia bidiyu,
tama te mumunu me egobeo.
Nosali te Genuai Bidigo po tų eyu,
tama tigidali bidi dolo dagalaibao.”
Te po wao.

¹¹ Dagalu, me tų, dage pemene yao.
Tamu aį, nage dali, te nage tomode bidibo tigidali nai,
dagego kidagalo weyu, i hae waiyaų.
¹² Tigidali gi me, dage dali te dagede
elalubo nai tigidali, dage wiegi yai pemene mu iyaų.
Tama te Godigo gedude, te buside tigidali nigo
augwa te wiegi yai pemene ebo balia waibao.
¹³ Magi baso meni, Genuai Bidi te aselama,
te tigidali tų tonaluagasaibao.
Agai te tigidali tųde we bidi
te doloba pai kolesagade tonaluaibao.
Tama agai augwali te mu pogo naga dagalaibao.

God polalubo king dao

97 Genuai Bidi king bidibao!
Tų, nage pemene yao.
Tama te tamu aį tomode elalubo bulu
ailan dabe, dage bugai haliga iyaų.
² Te pų dabe me hulua sabogo aga mesegelebo dao,
tama agai te we bidi dabe te
doloba pai kolesagade tonalubao.
³ Sia te aga pabodu polasa peyu,
tama aga te pobeasa biliduali
boi bidi dabe ulaibao.
⁴ Agai te be selego ula pedalumainu
ilama, tama te tų ula ilibao.
Tųgo sulama, tama noma sabo dao.
⁵ God te tigidali tųgo Genuai Bidi dao.
Aga asobaso, tama te bulu du dabe
te wų tiwai pedelaibao.
⁶ Te ugwadu elalubo dagalugo te agai
doloba pai kolesaga po pusuyu,
tama tigidali hani we bidigo agai
te boma pai ula subo dao.

⁷ Te tibo god dabeba lotu weyu,
te nogi ugwaba sabo we bidi dabe,
augwali te hale dwai mu saibao.
Genuai Bidigo te tibo god wabo nai
tigidali aiyaba elalubo dao.
⁸ Te Saion we bidi tigidali,
me te Juda taun we bidi dabe,
augwa te bugai haliga elama,
tama nago po tųde wiegi yai pemene yaibao.
⁹ Genuai Bidi, nage te Tigidali Bomo Elalubo God,
nago te tigidali tų pedai tonalubao.
Nago genuai nogi elalu,
tama nago tigidali tibo god aiyaba elaluai dao.
¹⁰ Genuai Bidigo te dwai kolesaga
wei isaų we bidi dabe augwali
te agai wei homu mu ebaos.
Agai te aga we bidi dabe bugagia tonalu,
tama augwali te dwai bidi dabego

nogode ma sabo dao.
¹¹ Godigo te doloba pai we bidi dabeba ula mayu,
tama augwali homu pemene ilibo dao.
¹² Dage doloba pai we bidi,
te Genuai Bidigo ebo sų dabede pemene yao.
Te homu kone palama, tama agaba usu da weyu,
aga te tedali wiegi yai da wao.

God te tigidali bagego king dao

98 Dago gesi balia Genuai Bidiba wao.
Agai te haniani wiegi yai sų yai.
Te agai genuai bomogo,
tama aga tedali wiegi yai kolesagade naga, agai te
hwįbo boi bidigo bomo aiyaba elaluai.
² Genuai Bidi agai te hwįnama,
te boi bidi aiyaba elaluali po pusali,
tama agai augwali ma dobola sabo bomo
te aga hani we bidi dabeba ola mawai,
te agai Israel dabe ma sali sogo tialio.
³ Agai te aga daų walali pode homu konealuai,
tama agai te Israel dabe homu dene eyu,
tama augwali me tagalubeo.
Tigidali bulu te tigidali we bidigo sualio.
Te dena Godigo te boi bidigo bomo
aiyaba elaluama, tama da ma sai dao.

⁴ Dage tųde we bidi dabe i hae weyu,
Genuai Bidiba pemene yao.
Te bugai haliga ebo tęąbi hodolama weyu,
tama agai nogi ugwaba sao.
⁵ Te gita eliyu, tama te tęąbi dabe weyu,
te Genuai Bidi nogi ugwaba sao.
Te gitago wiegi yai musik mu waiyaų.
⁶ Te biugel me ona eliyu, me bu weyu,
tama i weyu, te wiegi yai pemene
Genuai Bidiba yao, aga te king dao.

⁷ Tama tamu aį, nage dali te nagede elalubo tigidali
sųų me, dagego te tęąbi waiyaų.
⁸ Te genuai soabo aį dabe, dagego te nogo eliyaų.
Tama te bulu du dabe, dagego tęąbi weyu,
te Genuai Bidi gedude pemene yao.
⁹ Magi baso meni, aga te tigidali bulu
tų tonaluainu asobao.
Tama aga te king bidu, tama tigidali we bidi
te doloba pai kolesagade tonaluyu,
te po tų ebo dolo naga yaibao.

God te polalubo king dao

99 Genuai Bidi king bidibao.
Te we bidi dabe wi elama, noma sai.
Aga te sia kingde te ensel dabe daide dugulalubaso,
tama te tų mali ebo dao. †
² Te Saionde Genuai Bidigo
te genuai bomo mu elalubao,
tama agai te tigidali tųde bidibo
hani bage tonalubao.

† 99:1 Sai 25:22

³ Tigidali we bidigo aga te polalubo king
te genuai nogi elalubo homu koneaibao.
Tama augwa aga genuai nogi
ugwaba somainu yaibao.
Aga te tedali wiegi yai mu dao.

⁴ Bomai king, nago te doloba pai kolesaga wei ebo
dao.

Nago da Israel we bidi dabeba
te doloba pai me wiegi yai kolesaga menama,
tama dago wali pali.
Tama nago dago te gasa we bidi dabe
te doloba pai kolesagade dagalumainu ilali.

⁵ Dagego te Genuai Bidigo nogi
ugwaba siąo, aga te dena God dao.
Dage pąba pelama, tama agaba lotu waiąo.
Aga te tedali wiegi yai mu dao.

⁶ Moses dali Aron si te Genuai Bidigo pris bidali,
tama Samuel me augwalide te
Godiba lotu wali bidi me deli dao.
Augwa te Genuai Bidiba gedu haluasa po obaso,
tama agai augwaligo gedu haluasa
po wabo odai dao.

⁷ Aga te genuai dagalu pęde bidama,
tama augwaliba te bomai po mani.
Tama te Godigo augwaliba mani bomai
po tigidali te augwaligo wali pai dao. †

⁸ God, dago Genuai Bidi, nago te naga we bidi
augwaligo gedu haluasa po odali.
Nago augwaliba ola mawai, naga digi nage te God,
tama nago te augwaligo sęęę sela sąbo dao,
tiali goli, nago te augwa ebo
dwai sęde te dene mayu yai dao.
⁹ Te dena Genuai Bidi Godigo nogi ugwaba sao.
Tama aga bulu dude te agaba lotu wao.
God, dena Genuai Bidi, aga
te tedali wiegi yai mu bidibo dao.

Godigo nogi ugwaba sabo tęąbi me deli dao

100 Tigidali tęde we bidi,
dagego God dali dwagi yai homu elama,
tęąbi wao.

² Dagego dwagi yai homu Genuai Bidi
dali eyu, lotu po waiąo.

Dagego dwagi yai homu ebo tęąbi weyu,
tama aga pageba pao.

³ Dagego Genuai Bidi homugo konebo tagaligio,
aga deli te God mu dao.

Aga deligo da nigai, tama da aga we bidi dao.
Da agai we bidi, da agai te kibu sipsip tiwai dao.

⁴ Da agai dwagi yai be tomoba pelama,
agabolo puba hwi po olama, gedu haluasa po weyu,
aga nogi ugwaba sao.

† 99:7 Sai 33:9

Dago aga dali usu da olama, gedu haluasa po weyu,
tama agabolo genuai nogi mao.

⁵ Genuai Bidigo dwagi yai kolesaga naga ebo dao.
Sesemane sogo agai da godolo mu ebo dao.
Agai sesemane bidada pabo sogo mu po wabo
wali pabo dao. ††

Kingo dąų walali po dao

101 Genuai Bidi, eno te nage
wali mu pabo kolesaga,
me te doloba pai kolesagade tęąbi po obao.
Genuai Bidi, eno nageba homu kone palama,
tama eno te tęąbi po obao.

² Te eno doloba pai kolesaga naga wali paibao.
Genuai Bidi, mena sogo nago ena tau sagasaibawe?

Eno te doloba pai kolesaga naga ena bede ebo dao.

³ Eno te dwai sę ebo kolesagade
usu da me wagobeo. Mu menio.

Eno te God tudiba mubo bidi dabego
kolesaga wei me egobeo.

Ena augwali dali me biligobeo.

⁴ Eno te tibo po wabo kolesaga me wali pogobeo.
Tama eno te dwai sę ebo kolesaga
dabeba homu kone me palogobeo.

⁵ Te eno te gasa bidi dabeba
posobo po wabo bidi dolaibao.
Tama eno te hagoma ebo bidi dabe
bidimainu me sula tagalogobeo.

⁶ Te eno te God wei elama, te wali pabo bidi dabe
augwali naga te eno genuai wiegi yai bede
ena dali bidimainu yaibao.

Tama te wiegi yai kolesaga sesemane ebo bidi dabe,
te bidi dabe naga te eno sę emainu yaibao.

⁷ Te tibo po wabo bidi dabe,
augwali te eno genuai bede me bidigobeo.

Tama te tibo po wabo bidi dabe ena dali
bidimainu me egobeo. Mu menio.

⁸ Tigidali side eno te dwai sę ebo bidi
te dago bulu tę pedaide dolaibao.

Eno te dwai sę ebo bidi dabe sela sąyu,
tama augwali te Genuai Bidigo
taunde bidimainu me egobeo.

Te sęęę tolobo gesi bidigo gedu haluasa po wali

102 Genuai Bidi, eno gedu haluasa po wabo
odao.

Eno nageba i wabo, te nago ena tau somainu ebao.
Eno i wabo odao.

² Te ena sęęę genuai tolobo sogo,
nage enade geme me duala sigio.
Eno gedu haluasa po odao.

†† 100:5 1 Sto 16:34; 2 Sto 5:13; 7:3; Esr 3:11; Tib 106:1; 107:1;
118:1; 136:1; Jer 33:11

Tama eno nageba i wabo sogo, nago eno i polo
odolama,
tama ena tau sao.

³ Te eno bidibo ula te sia hano tiwai dao,
te dwasianu sogo naga elaluama,
tama pela silaibao.

Tama eno tigi posolo mu dao,
te genuai siago ulubo posolo tiwai ebo dao.

⁴ Godigo ena elalubo,
te bidigo wa pai nosa agabo tiwai yali.
Tama eno haligago te nai tuabo wei me ebeo.

⁵ Ena dene ebaso, tama eno i dwagilama mu wai.
Tama eno tigi te me nisibeo, ena mu nomona salio.

⁶ Ena te wa pai bulude te ba kemodage
bidibo tiwai bidibo,
tama te hulide bilibo ba me deli
te tolabo pesagede bidibo tiwai eyu,
tama te bidi mu meni yai pesagede mu bidibao.

⁷ Ena te betde piali, tiali goli eno gedu pedaluali.
Iya, enaduba deli te ba me deli te be pedu daide
ugwadu dulalubo tiwai ebao.

⁸ Te giligade, me hulide, te boi bidi dabego enaba
dwai po wabo.

Augwaligo posobo po enaba weyu, tama ena nogi
weyu,
te ena dolobo seęo gegebo sogo te dwai po wabo.

⁹⁻¹⁰ Nago wado po genuai enade elalubaso,
tama ena te sia keli naga tudu,
tama gedu aęi gela guga te kapba tulaluama,
tama eno tuyu ebo dao.

Nago ena selama, tama ena meba me
te pobele bage saęo tiwai yalio.

¹¹ Eno bidibo ula te peęwadage sogo naga bidibao,
te giliga pio dega sabo tiwai yali.

Ena te nosa wa pai tiwai yai dao.

¹² Tiali goli, Genuai Bidi,
nage sesemane sogo king bidibao.

Te nosali pedalubo hani we bidi tigidaligo
te augwaligo nage koneaibao.

¹³ Megi da, nage aselama, tama nago te olo tau sabo
wiegi yai kolesaga te Saion taunba yagasu,
tama aga tau sao.

Te nago aga homu dene yabo sogo te pedelalio.
Megi naga tama, te tiwai seę ebo sogo dao.

¹⁴ Te Saion taun dolali,
tiali goli te nago we bidi dabego aga wei mu ebao.
Megi da, aga dolali, tiali goli augwaligo aga homu
dene
mu yai dao.

¹⁵ Tigidali hani bage te Genuai Bidide wi elama,
tama aga dologode bidibao.

Tama tigidali tęde king dabe,
te augwali agai bomode wi yaibao.

¹⁶ Nosali, Godigo te Saion taun ma nigibo sogo,
agai te aga bomo te we bidi dabeba ola mawaibao.

¹⁷ Tama agai te aga we bidi dabego

gedu haluasa po odaibao,
te polobadu agai augwali tagalama,
te augwali odolali bidali.

Te agai augwaligo gedu haluasa po wabo
te tudiba ma mugobeo.

¹⁸ Te seę Genuai Bidigo yali,
dago te bukude aseęnama muao,
te nosali pedalubo te waę nõę dabe
augwaligo konemainu yao.

Nosali te idago augwali ame nabo side,
teda augwaligo me te Genuai Bidigo
yalı seę po odolama,
tama augwaligo me te aga nogi
ugwaba somainu yai dao.

¹⁹ Dago te tama po aseęaibao:
Genuai Bidi te ugwadu aga tedali
wiegi yai pesagede bidibao, tama aiyaba tonalubao.
Aga te dagalude bidiyu, tama te tęba aiya tonalubo
dao.

²⁰ Agai te kalabus bidi dabe augwa
tolali seęęde gela wabo odali.

Tama agai te po tų silama tama augwa
te kalabus silali bidi dabe tau siyu,
te augwali me isidali weyu yalio.

²¹ Tama tibaso te Jerusalemde te we bidi dabego
te Genuai Bidigo nogide po pusama,
tama augwaligo agaba usu da po waibao.

²² Augwaligo te tama tiaibao, te we bidi hani dali,
te augwa king dabe dali, te Jerusalembe sisinama,
te Genuai Bidiba lotu wabo sogo
te tama tiaibao.

²³ Ena gesi ogwa bidide digi,
tama Genuai Bidigo eno bomo dolali.
Ena te eno bidibo ula sesabi elama, bidimainu ebeo.
Agai ena bidabo sogo bodolu togwai dao.

²⁴ Eno God, nage sesemane bidada peyu, bidada
pobao.

Nago megi ena me tagaligio.
Ena monu dabe me ebeo, ena gesi bidi tigi me
elalubao.

²⁵ Polobadu mu nago te tę nigali.
Tama naga nogogo digi nago te dagalu nigiyu,
tama ugwade elalubo nai tigidali nigai dao.

²⁶ Te tigidali nai te hagawaibao.
Tiali goli, nage te sesemane bidaibao.

Te augwali te poloba ugwa
badia pabo tiwai pedelama, te dolaibao.
Tama nago augwali hasegelama,
te bidigo ugwa hasegelibo tiwai yaibao,
tama augwali pela siliyu, tama me elalugobeo.

²⁷ Tiali goli, nage da, me bididubadi,
tama nage me isigobeo. †

²⁸ Tama nago dago wai dabe tonalu,
tama augwali bugagia bidaibao.
Tama nago te augwa waę nõę nosali
pedalubo hani dabe selama,

† 102:27 Hib 1:10-12

tama augwali te nage dali sesemane
bidada pomainu yaibao.

Godigo da godolo mu yai

103 Eno Genuai Bidigo nogi ugwaba saibao.
Ao, eno tigi me homu kolesaga tomode
elalubo nai tigidaligo
Genuai Bidigo dwagi yai nogi ugwaba sainogo ebo
dao.

² Eno Genuai Bidigo nogi ugwaba siyu,
tama agai dwagi yai sę ena dali ebo
te eno homugo tagalogobo.

³ Agai eno dwai sę ebo tigidali sela sęwai,
tama eno gasi ebo tigidali usu yai.

⁴ Genuai Bidigo ena ma sai, tama ena isibeo.
Agai olo ena tau sabo dwagi yai homu eyu,
ena hobede mu ebo dao.

⁵ Tigidali sogo ena tęde bidibo Genuai Bidi agai
dwagi yai nai ena mabo usu mu ebo dao.
Agai tama tiyu, ena gesi ma pedaliyu,
tama te ba kemodagego bomo tiwai
elalubo ena bidibao.

⁶ Genuai Bidigo dwagi yai sę we bidi
augwali gasa dwai bidi dabego
dwai sę dologode bidibadi tau sabo dao.
Tama agai augwali ma hodolama,
augwali bugagia bidibo dao.

⁷ Polobadu Moses dali agai yabo te sę po wai.
Tama agai Israel we bidigo
te agai bomo yai sę ebo sumainu yai.

⁸ Genuai Bidi agai dwagi yai homu eyu,
da hobede mu elama, olo tau sabo dao. †
Agai sębę polo isęma, tama agai
da sesemane godolo mu ebo dao.

⁹ Agai da dali odolali olo wado po me wabo menio.
Tama agai sębę ebo hauwa sogo elalubo menio.

¹⁰ Dago dwai sę ebode da dene sabo digi,
agai te dago yali dwai sę usu nama
dene dabolo mabo menio.

Dago dwai kolesaga hauwa yai,
tama agai genuai sęęę dabolo
wei begelaibao homu yai,
tialima agai te sę ebo menio.

¹¹ Aga dali wi ebo we bidi,
agai augwali godolo mu ebo dao.
Agai genuai godolo ebo homu augwali dali ebao,
te dagadu digibulu ugwaba mu
elaluyu, tę aiyadu mu elalubo tiwai dao.

¹² Giliga pedalobo dali,
te giliga iba dega sigi pabo dali,
te si pęde elalubo menio.
Te digibulu mu elalubao.

Te tiwai Godigo dago dwai sę ebo
aga digibulu bidiyu, te dwai sę sela sębo dao.

† 103:8 Jer 5:11

¹³ Ayago aga wai dabe hobede ebo dao.
Tiwai Genuai Bidigo aga dali wi ebo
we bidi augwali hobede ebo dao.

¹⁴ Agai koneai, agai da tę selama nigai,
tama agai homugo da te tę hogomu ebo tiwai dao
homu ebao.

¹⁵ Da we bidi bidibo ula pęwadage mu, te nosa tiwai.
Da pęwadage sogo bidilama,
da te plaua nosa du walama, isibo tiwai yaibao.

¹⁶ Wali asu, te plaua memenege elama, tulalubo dao,
tama bidi dabego te plaua elalubo ma subeo.

¹⁷ Tialima, Genuai Bidi agai nogi
ugwaba sabo we bidi augwali
sesemane bidada pabo sogo agai godolo mu ebo
dao.

Tama aga te dwagi yai aga węj
dabe augwali nosali pedalobo te dwagi yai yaibao.

¹⁸ Tama augwaligo Genuai Bidigo
dęę olama muani po wali peyu,
tama augwaligo agai te bomo yai po
tigidali wali pai pobaso da,
agai augwali dwagi yai we bidi nogi nogi yaibao.

¹⁹ Genuai Bidi dagalude tuni bidi bidiyu,
tama aga tigidali nai tonalubo bidi dao.

²⁰ Dage tigidali Genuai Bidigo ensel mobo bidi,
dagego genuai bomo elalubao.

Dagego agai po wali pabo bage,
dagego olo agai po wabo digi bugagia mubo dao.
Tialima, dagego Genuai Bidi nogi ugwaba sao.

²¹ Dage Genuai Bidigo sę bidi, dage dagalude bidiyu,
agai homu wali pabo bage,
dagego agai nogi ugwaba sao.

²² Dagego koneao, tigidali nai Genuai Bidigo nigai,
tama tigidali tęde elalubo,
tama aga dagego tuni bidi bidibao,
dagego Genuai Bidigo nogi ugwaba sao.
Tama eno me agai nogi ugwaba saibao.

Godigo tigidali nai nigibaso, dago aga nogi ugwaba
sao

104 Eno Genuai Bidigo nogi ugwaba saibao.
Genuai Bidi, nage eno God,
nage ugwadu mu dao.

Nage genuai polalubo tuni bidi,
nago nogi genuai mu yai.

² Nage naga ulago digi ma mesegelebo dao,
te bidigo aga tigi ugwago mesegelebo tiwai ebo
dao.

Tama nago dagalu dali, tigidali hę munama elalubao,
te bidigo ugwa be sęnama,
tama baklain bonogo kekelama
dęę elalubo tiwai yai.

³ Tama nago be aę daide ugwadu sęwai.
Dagalu pę te nago dulalubo nai karis tiwai,
tama waligo nage selasa pabo dao.

⁴ Nago te wali tagala palama,
tama waligo nago po sela pabo dao.

Tama nago te be selego ula ebo
te nago sę bidi pedalobo dao. †

⁵ Nago te tę aga bulude munama elalubao,
tama tęgo bomu mu elalubo dao.
Aga memenege me egobe. Menio.

⁶ Nago tamu ađ muani, te tę mesegelai elalubao.
Tama ađgo tigidali bulu du mesegelai.

⁷ Tialima, nosali nago tamu ađ dali po
bomu elama wai, tama aga wi pai.
Awe, tamu ađgo odali, nago i bomu elama wai,
tama aga bomonama mu pai.

⁸ Tama peyu, tamu ađgo tigidali bulu du tagalama,
tama aga tę odogo dwagi yai digi pai.
Nago tamu ađ tede bidao wai,
tama megi aga tede bidibo dao.

⁹ Nago dąj muai,
tama tamu ađgo te dąj muani bolobeo.
Tama tamu ađgo tigidali tę ma halugobeo.

¹⁰ Nago te ađ ulu bulu du odogo yai digi
tomode asomainogo pedelao wai,
tama nago te ađ dwagi yai digi dolo pomainogo yai.

¹¹ Bulude bidibo uni hasa dabe,
augwaligo te ađ tumainogo yai,
tama te uni donki dabe augwaligo me te ađ tuyu,
tama augwali dogoni wa pogobeo.

¹² Ba dabe augwaligo pibo be te ađ sesegede
elalubo nide be sę yai, tama augwali ni nologode
dulaluyu, augwa po wabo dao.

¹³ Nage bulu ugwade bidiyu, nago tulubage bulu du-
ba
tulumainogo tagala palobo dao.
Tama tiyu, nago te tęde elalubo nai
tigidali dali dwagi yai sę ebo dao.

¹⁴ Nago te kibu bulmakaugo tuabo nosa
dabe pedalao wai, tama nai dabe meba da
we bidigo bulama, sela tuabo nai me pedelai.

¹⁵ Tama dago bono ni du wain wai
bulama, wain ađ tuyu, dago homu dwagi yai
emainogo tiwai.
Tama dago te ni oliv wel ađ selama,
dago gesabidide pilama, tama gesabi ula
emainogo yagameo.
Tama dago te wit ge bulama,
dago tigi dąj omainogo tubo nai bret nigibo dao.

¹⁶ Tulubage tuluyu, Lebanon tede elalubo sida ni dabe
augwaligo ađ genuai sabo dao.
Te ni sida Genuai Bidigo ni mu dao, polobadu aga bu-
lai.

¹⁷ Ba dabe augwaligo te ni sidade be sę ebo dao.
Tialima, dogoni bobobage yai bago be gasa nide
sębo dao.

¹⁸ Uni meme dabe, augwali te genuai
bulu dude bilibo dao,
tama hasa kesebe me, hoiyu me,

† 104:4 Hib 1:7

augwali te genuai masigi dedagede
geme bidibo dao.

¹⁹ Nago polua nigai, tama agai
tigidali kibu be koneabo dąj ela pabo dao.
Tama giliga aga aiyaba dulabo sogo
koneama, dulubo dao.

²⁰ Nago be huliao wabo dao,
tama hulide uni hasa dabe bilibo dao.

²¹ Gesi laion dabe augwaligo tuabo hasa dabe
gegeyu,
i bomonama ebo dao.
Augwaligo hasa Godigo augwali momainogo gegebo
dao.

²² Tama giliga asobode, augwa bidibo
dedageba ma pabo dao.

²³ Tama bidi dabe hodaluama, augwali sęba pabo
dao,
tama augwali sę idubadi,
giliga iba dega sigi pabo dao.

²⁴ Genuai Bidi, nago nai hauwa nigai!
Nago genuai homu kolesagago koneama,
te nai tigidali nigai.
Nago nigali nai tigidali tęde mu paęawai.

²⁵ Tamu ađ genuai mu yai,
tama genuai sųę, me dwasianu sųę,
me gasa nai meba hauwa te tamu ađde bidibao.
Dago nedebo usu egobeo.

²⁶ Tama tamu ađde sip geba dabe augwali uga soayu,
eda soayu elama, bilibo dao. ††

Tama polobadu nago nigali genuai sųę,
augwali me te tamu ađ tomode biliyu,
posoga palu ela bilibo dao.

²⁷ Tigidali sųę augwali nage tonalubo dao,
augwali nasi ebode nago nai momainogo ebo dao.

²⁸ Nago nai augwali mobaso,
te nai augwaligo tubo dao.
Nago naga augwali nai mabo dao,
tama augwaligo haliga paęawai.

²⁹ Nago augwali tudiba mubaso, augwali wi ebo dao.
Tama nago augwaligo mobo sela saęwani da,
te augwali isilama, tę tiwai ma gagawaibao.

³⁰ Nago mobo augwali mobaso,
augwaligo bidibo ula sabo dao.
Nago tigidali nai tęde gesi ma pedelabo dao.

³¹ Eno homugo Genuai Bidigo genuai
nogi dali, ula dali, sesemane
sogo bidada peyu, bidada pao.
Tama Genuai Bidigo aga nigali nai
tigidali dali dwagi yai homu yagameo.

³² Agai tęba tonalubaso,
te tę memenege eyu, mali ebo dao.
Agai te bulu duba nogo mubaso,
te bulu dude sia hano ebo dao.

³³ Eno bidibo ula elalubo te sogo,

†† 104:26 Jop 41:1; Tib 74:14; Ais 27:1

eno Genuai Bidi dali tęąbi yaibao.
Eno Godigo nogi ugwaba selama,
tęąbi eyu, ena isiboba usu nigi paibao.
³⁴ Agai ena dwagi yai homu ilai,
tama eno homugo agai eno tęąbi ebo
godolo emainogo ebao.

³⁵ Genuai Bidi, nago te dwai sę ebo
we bidi tigidali dolao.
Eno homugo dwai sę ebo bidi dabe
augwali mu haga yabo homu yai.
Eno Genuai Bidigo nogi ugwaba sobao.
Genuai Bidi agai nogi ugwaba mu saibao.

God dali aga we bidi augwaligo te po wali

105 Dago Genuai Bidi dali usu da weyu,
tama agai genuai nogi elalubo po
hania pusao.
Dago tigidali tęde we bidi dali
agai genuai sę yali po pusao.
² Dago tęąbi po agabolo weyu,
tama aga nogi ugwaba sao.
Tama agai dwagi dwagi yai sę yali hania pusao.
³ Da Genuai Bidi aga hani,
tama dago aga dali dwagi yai homu yao.
Genuai Bidi wali pabo we bidi,
augwaligo homu dwagi yai mu yao.
⁴ Da Genuai Bidi agai tau somainogo pinao.
Tama da sesemane sogo aga dali pade bidainogo.
⁵⁶ Dage Abrahamgo waj dabe,
aga Genuai Bidigo sę bidi,
dage Jekop agai waj dabe nosali pedelai,
te bidi Godigo daj muani bidi,
dagego homugo agai polobadu gasagi yai bomo yai
genuai sę yali koneyu,
tama agai te dwai sę ebo bidi dabe
augwali dene mabo,
te kolesaga dagego homugo koneao.

⁷ Genuai Bidi aga dago God dao.
Agai bomo yai po te tigidali tęde
we bidibolo mabo po dao.
⁸ Agai daj olama muani,
te po sesemane sogo elaluaibao.
Tama agai po me elaluama, nosali pedalobo bidi
hanigo
te po odaibao.

⁹ Polobadu agai Abraham dali
te po augwali si daj wai, tama
agai te daj wali po Aisak po wai. †

¹⁰ Genuai Bidigo Israel hani dali po daj wai,
tama te daj wali po sesemane sogo
me elaluyu, bidada paibao.

Agai te daj wali po Jekopgo hani dali
daj wali, te po siligobeo.

¹¹ Agai Jekop dali te po wai,

† 105:9 Gag 12:7; 17:8; 26:3

“Nage eno te Kenan tę mawaibao,” wai,
“tama te tę naga tę, te naga hani dali.” ††

¹² Godigo we bidi augwali dwasianu hani,
tama augwali gasa bulu we bidi te tęde bidibo tiwai.

¹³ Augwali bugagia duabe, augwali dodolama biliyu,
gasa bulude bilama, gasa buluba peyu yai.
Augwali dwasianu sogo tuni bidi me deligo tęde
bidai,

tama augwaligo te tę tagalama,
gasa tuni bidi mego tęba bidigi pai.

¹⁴ Tialima, Genuai Bidigo augwali gasa bidi dabego
augwali me dolomainogo ebeo.

Tama agai tuni bidi meba dali wado po weyu,
augwali dali dwai sę me igio wai.

¹⁵ Agai te po wali, “Eno te we bidi augwali daj muai,
augwaligo eno sę emainogo.

Dagego dwai sę augwali dali me elamo dao,” wai.
“Tama dagego eno po pusubo bidi
augwali dologio. Mu menio,” wai. ‡

¹⁶ Genuai Bidigo augwaligo tęde nasi emainao wai,
tama augwaligo nai tigidali agai sela sawai. ††

¹⁷ Tialima, agai Josep
aga polasa pomainogo tagala palai.

Tama aga te Isip bulude bidigi pai.

Augwaligo Josep te olo mu sę ebo bidi
abelebo tiwai yai. ††

¹⁸ Augwaligo te sen aga saęade daj olama kęai,
tama aga saęa dene yai.

Tama augwaligo te genuai ain aga dogonide daj wai.

¹⁹ Tama te tiwai me bidaluai, tama agai pusali po
te mu pedalobo suainogo yai.

Genuai Bidigo po augwalibolo ola mayu,
te Josepgo po mu dao wai. †††

²⁰ Tialima, Isip tuni bidi agai bidi me deli tagala palai,
Josep kalabuside bidali tagalama,
buluba asomainogo tiwai.

Awe, te gasa tuni bidi hani tonalubo bidi
agai Josep kalabus yali silama, tagalai. †††

²¹ Tama tuni bidi agai Josep agai
gavman tobolu bidi bidao wai.

Tama Josep aga te Isip gavman polalubo bidi bidai. §

²² Agai te tuni bidigo sę ebo ofisa
bidi dabe augwali agai tonalubo sę yai,
tama agai bomogo te tuni bidi
homu kolesaga ola mabo bidi
dabe agai augwali ola mawai.

²³ Nosali Jekop te Isip buluba bidigi pai. §†

²⁴ Tama nosali Genuai Bidigo aga we bidi tau selama,
augwaligo wai dabe hauwa ame nai.

Tama agai augwaligo bomogo

boi bidi dabego bomo aiyaba elalumainogo yai.

²⁵ Agai te Isip bidi dabego agai

†† 105:11 Gag 28:13 ‡ 105:15 Gag 20:3-7 †† 105:16 Gag
41:53-57 ††† 105:17 Gag 37:28; 45:5 ††† 105:19 Gag 39:20-40:23
††† 105:20 Gag 41:14 § 105:21 Gag 41:39-41 §† 105:23 Gag
46:6; 47:11

we bidi dali boi bidi emainogo yai,
tama augwaligo tibo sę agai sę bidi dali yai. †

26 Nosali Genuai Bidigo Moses,
agai sę bidi dąj munama bidai,
te Aron me agai sę bidi muani,
tama augwali si Isip te buluba tagala palai. ††

27 Augwali sigo Godigo bomo yai sę yai,
tama augwali sigo gasagi yai
bomo yai sę Isip bulude yai.

28 Tama Godigo augwaligo tų
be hulua siyu, mesega sai,
tialima, Isip bidi dabego agai po sela sęwai. †

29 Agai augwaligo ąj tigidali kaneme emainogo bege-
lai,
tama tigidali te ąjde bidali
sųgų tigidali ela silai. ††

30 Tama gedeli dabe hauwa pedelama,
augwaligo tų pągąna sai,
tama genuai tuni bidigo be tomode
me pągąna sai. ††

31 Godigo po olama, tama bolia me,
dina me, hauwa pedelama,
tigidali tų, me bulu dabe tigidali mu
pągąna sai. †††

32 Agai te tulubage mu augwaligo tųba tagala
palobeo.
Agai te tulubage te talua ge tiwai yai, te tųba tulaluai,
tama te be sele hauwa ula yai.

33 Agai augwaligo te bono ni du wain me,
ni kaya me, dolai,
tama tigidali ni dabe mu dola silai. ††

34 Agai po obadi, te kuli mano dabe pedelai,
te hauwa mu pedelai, dago nedebo usu egobeo wai.

35 Te kuli mano dabe augwaligo
tigidali nai yabe tula silai,
tama augwaligo te bulali nai yabe me
tigidali mu silai. †

36 Tama Godigo Isip hanigo
gomunai ogwa wai dabe tigidali ela muai. ††

37 Nosali agai Israel bidi hani augwali
Isip bulu tagalama, augwali odasa pai.
Augwaligo silva, me gol, te me sela pai.
Tigidali Israel we bidi bugagia bidai, me deli dolobeo.

38 Isip hani augwali Israel hani dali wi yai.
Tama Isip hani augwaligo suali,
Israel bidi hani augwali paibaso,
tama augwali dwagi yai homu yai. †††

39 Godigo pų hauwa ugwadu munama,
aga hani bidi haluai.
Tama hulide agai genuai sia ula munama,
augwali te ulade bidai. ††

40 Augwaligo agabolo nai po hanaluai,

† 105:25 Sai 1:7-14 †† 105:26 Sai 3:1-4:17 † 105:28 Sai
10:21-23 †† 105:29 Sai 7:17-21 †† 105:30 Sai 8:1-6 ††† 105:31
Sai 8:16-17, 20-24 ††† 105:33 Sai 9:22-25 † 105:35 Sai 10:12-15
‡ 105:36 Sai 12:29 ††† 105:38 Sai 12:33-36 †† 105:39 Sai
13:21-22

tama agai ba dabe augwalibolo mawai,
tama te ba augwali sela tuai.
Agai dagalude giguai nai Bret augwali mawai,
tama augwali te nai tulama,
haliga mu pągąwai. †††

41 Agai ąj masigide pedela wai.
Tama genuai ąj te masigide pedelama,
tama te ąj masigi kemi wa pai digi te ąj pai,
te genuai ąj bulude asobo tiwai yai. ††

42 Agai homugo te polobadu
aga sę bidi Abraham dali dąų wali bomo yai po
homude me konealuai.

43 Tama tiyu, agai we bidi augwali agai
te Isip buludu odasa pai.
Tama augwaligo tęąbi ela peyu,
dwagi yai homu dali pai.
Te we bidi augwali aga digi dąj muyu
sa muai, augwaligo i weyu,
dwagi yai homu elama, augwali pai.

44 Gasa we bidi augwaligo tų agai
augwalibolo te tų mayu,
tama augwaligo te tųde elaluai
gi dabe me sai. ††

45 Agai tama tiwai, te Israel hani
augwaligo agai tigidali bomo yai
po wali pomainogo tiwai.
Tama Genuai Bidi agai nogi ugwaba sao.

Godigo wiegi yai kolesaga aga we bidiba yali

(1 Sto 16:34; 2 Sto 5:13; 7:3; Esr 3:11; Tib 100:5; 107:1; 118:1; 136:1;
Jer 33:11)

106 Genuai Bidigo nogi ugwaba sao.
Dago agaba usu da waiyąo,
magi baso meni agai
te wiegi yai kolesaga sesemane ebo dao,
tama agai da sesemane bidada peyu,
bidada pabo wei mu ebo dao.

2 Dego te agai genuai sę dabe yali po pusaibawe?
Tama dego agai te wiegi yai kolesaga
yalide te agai nogi ugwaba saibawe?

3 Te agai po wali peyu,
te doloba pai kolesaga ebo bidi dabe
augwa te pemene yao.

4 Genuai Bidi, nago te naga we bidi
dabe tau sabo sogo,
nago ena me homugo koneao.
Tama nago augwali ma sabo sogo,
nago te ena me ma sao.

5 Eno te nago hani bage te bugagia dugulama,
tama te wiegi yai nai dabe sabo suabo homu yai,
tama eno augwali dali wiegi yai
pemene yabo homu yali.
Dago te pemene yaibao, magi baso meni,
da te nago hani bidibao.

‡†† 105:40 Sai 16:2-15 †† 105:41 Sai 17:1-7; Nam 20:2-13
‡† 105:44 Jos 11:16-23

6 Dago te dwai sę yalio,
te polobadu dago wąj nõų dabego
yali tiwai sę yalio.
Dago te dwai sę haniani yai.
7 Te Isipde te wąj nõų dabego
te nago yali genuai sę dabe
te bugagia me konesiąwai.
Nago augwali hauwa sogo tau sali,
te nago augwali wei mu ebo homu
te augwaligo koneai.
Tiali goli, augwa te homu tagalu,
tama augwali te nosa elaluali
tamu ąjba sabolali sogo,
augwa te nage Tigidali Bomo
Elalubo Godiba hagoma yai dao. †
8 Tiali goli, Genuai Bidigo te aga genuai bomo
augwaliba ola mawainu yali.
Tama tiyu, agai augwali ma selama,
tama augwali me dolobeo,
te agai augwaliba dąų walali po
tiwai gilama yali.
9 Agai te nosa elaluali tamu ąjba po bomonama oba-
so,
tama tamu ąj te wa pai tų tiwai pedelali.
Tama agai te we bidi dabe peyu,
tama augwa te tamu ąj nogegi pali,
te bidi te wa pai tųdu pabo tiwai ąų yai dao.
10 Agai augwali te augwa boi bidi
dabego nogode ma sali.
Agai augwali tų selama,
tama te boi bidi dabego augwali me dolobeo.
11 Tiali goli, te węgo te boi bidi dabe mesega selama,
tama augwali isai dao.
Tama me deli te bidibo ula me elalubeo.
12 Genuai Bidigo tama tibaso,
tama aga we bidi dabe augwaligo augwa
te agai dąų walali poba homu kęą pelama,
tama augwa tęąbi wabode
te agai nogi ugwaba sabo po walio. ††

13 Tiali goli, polo tama mu, te augwaligo
Genuai Bidigo yali sę dabede
homu kone ebo tagalalio.
Tama augwaligo te Godigo po bolo hasia me sabeo.
Augwaligo yali sę dabe te augwa
homugo digi nigilama yalio.
14 Te masigi tų wa pai bulude,
augwaligo haliga te tuabo naiba homu hogodalu,
tama augwaligo te God usu sai dao.
15 Augwaligo Godiba te nai po
hanalubaso, tama agai augwaliba
mawai, tiali goli, agai te genuai gasi augwaliba
pedalumainu ilalio. ‡

16 Augwali te wa pai bulu pesagede
bidalu, tama bidi mebago

te Moses de Aron sigo ebo sęde
pesa homu yalio, te bidi si
te Genuai Bidigo sę yali sę bidi si dao.
17 Tialima, genuai dedage
te tųde pedelama,
tama Datan dali, Abiram,
me te augwa si hani dabe dali,
augwali te dedageba tulaluama,
tama te tų pania selama,
tama augwali mesega sai dao.
18 Tama augwali wali pali bidi dabeba te sia tulalua-
ma,
tama te siago te dwai sę yali we bidi
dabe ulai dao. ††

19 Augwali te bulu du Horepde bidalu,
tama augwa te bulmakau me deli te golgo nigilama,
tama augwa te tibo godiba lotu wai dao.
20 Augwaligo te nosa tubo bulmakau
piksa selama, tama augwa teba lotu wali.
Te kolesagago augwaligo
te Godigo genuai nogi aiyaba elalubo sę yali.
21 Godigo te Isipde bomai sę mu elama,
tama te Israel dabe te Isip dabego
nogode ma dobola sali.
Tiali goli te Israel dabego te tiali sę
te homu kone me palubeo.
22 Godigo te genuai polalubo bomai
sę dabe te Isipde yali,
tama te nosa yai tamu ąjde
te agai gasagi yai sę mu yalio,
tama te we bidi dabe dwai noma mu sai dao.
23 Tialima, me sogo nosali
Godigo te aga we bidi augwali dolaibao po wali.
Tiali goli, Moses, te Godigo dąj
muani sę bidi, aga te God geduba doligi pelama,
tama agai te Israel dabe tau siyu,
tama Godigo haliga sębę yali togolama panibaso,
tama Godigo augwali me dolobeo. ‡

24 Tama nosali augwaligo te wiegi yai
tų wei isiąwai, magi baso meni,
augwaligo te Godigo dąų walali poba
homu kęą pabeo.
25 Augwali te ugwa bede bidalu,
tama Godiba wado po weyu yai,
tama augwaligo te Genuai Bidigo po wali me pabeo.
26 Tialima, Godigo bomai po augwaliba
mayu, tama augwali te tų wa pai
masigi tų bulude isaibao po walio. †††
27 Tama agai te nosali pedalubo
wąj nõų dabe ela gudulama sela sąyu,
te augwali gasa hani dabe tomoba bidigi pelama,
tama augwali te gasa bulu tų pedaide
isaibao, te po wai dao. †††

28 Nosali augwaligo te bulu Peorde

† 106:7 Sai 14:10-12 †† 106:12 Sai 14:21-31; 15:1-21
‡ 106:15 Nam 11:4-34

†† 106:18 Nam 16:1-35 ††† 106:23 Sai 32:1-14 †††† 106:26
Nam 14:1-35 †††† 106:27 Prs 26:33

te tibo god Bal dabeba lotu wai dao,
tama augwa te bidibo ula elalusiąbo
te god dabeba ofa mabo nai dabe tuai dao.
²⁹ Te kolesagade te Genuai Bidigo
augwaliba wado yabo sę ilibaso,
tama agai te dwai genuai gasi augwaliba
tagala palai dao.
³⁰ Tiali goli, Finias hogodalu,
tama te dwai sę ebo bidi dabeba
te dwai dene mobaso, tama te genuai gasi silalio.
³¹ Tama megi sogoba usu nagasu dago
agai te doloba pai kolesaga yali homu kone palubao,
tama nosali nosali me, tigidali we bidigo
te tiwai homu emainu ebo dao. †

³² Te Israel dabego te Godigo wado
te Meriba węde yabo sę ilali,
tama Moses te augwaligo yali sęde sęęę salio.
³³ Augwaligo te Moses haliga dwai mu yabo sę ebaso,
tama te agai te dolo isąbo po wai. ††

³⁴ Te Genuai Bidigo augwalibolo
te gasa hani dabe tigidali ela muao po wali.
Tiali goli, augwaligo te bage tigidali me
ela mubeo. Menio.
³⁵ Te Israel dabego te Godigo po
odisąwani hani bagede we sali,
tama augwaligo ebo dwai kolesaga wali palio.
³⁶ Tama augwa te tibo godiba lotu obaso,
tama tego te Godigo augwa
dolomainu ilai dao. ‡
³⁷ Augwaligo te augwa wai ogwa me,
wegi me, ela munama,
te tibo god dabeba ofa yai dao. ††
³⁸ Augwaligo te augwa ogwa me
wegi dabe digi elalio.
Te wai dabego te magi dwai sę me isiąwani,
tiali goli, augwa te augwali elama,
tama augwali te Kenan tibo god dabeba
ofa tiwai elama mawai.
Tama tialima, augwaligo kanemego
te tų meda pedelai dao. ††
³⁹ Te kolesagago augwali te God
gedude meda yai pedelalio,
tama augwaligo te God tudiba munama,
tama augwaligo aga wali me pabeo.

⁴⁰ Tialima, Genuai Bidigo aga we bidi dabeba
te wado mu elama,
tama agai augwali wei ma ebeo.
⁴¹ Tama agai augwali tagalama,
te gasa hanigo augwali tonalomainu yali.
Tama tiyu, augwali te boi bidi dabego dologode
bidiyu,
tama te boi bidi dabego nogode bidai dao.
⁴² Te boi bidi dabego augwaliba sęęę hauwa mena-
ma,

† 106:31 Nam 25:1-13 †† 106:33 Nam 20:2-13 ‡ 106:36 Tob
2:1-3; 3:5-6 †† 106:37 2 Kin 17:17 †† 106:38 Nam 35:33

tama augwali te augwaligo bomo
dologode mu bidalio.
⁴³ Te hauwa sogo mu Genuai Bidigo
te aga hani bage tau sali,
tiali goli, augwa digi te augwa homu wali ma peyu,
tama augwa hagoma elama, tama agai po sela sęyu,
tama augwa te dwai sę ebo kolesaga
tomoba mu palio.
⁴⁴ Tiali goli, augwa te Genuai Bidiba
i weyu, gedu haluasa po wabo sogo,
agai te augwaligo gedu haluasa po odolama,
tama augwali te dwai bidibo te homu dene yalio.
⁴⁵ Agai augwali homu dene mu elama,
tama aga daų walali poba homu kone ma palali.
Tama aga homu ma hasegelalio.
⁴⁶ Agai te Israel dabe kalabus yali
boi bidi dabego homu hodolobaso,
tama augwaligo te Israel dabe
homu dene yalio. †††
⁴⁷ God, dena Genuai Bidi, nago da te
gasa hani dabego nogode ma sao.
Tama nago da te dena tųba ma odasa asao.
Tama tiyu, dago nageba homu kone paliyu,
te nage tedali wiegi yai mu da, te homu elama,
tama dago nago nogi ugwaba siyu,
tama nageba te usu da weyu,
te wiegi yai pemene dali mabo dao po wagameo.

⁴⁸ Dago te Genuai Bidigo nogi
ugwaba sao, te da Israel dabego God,
megi, me tigidali sogo nosali.
Tama tigidali we bidigo te po waiyąo, "Mu dao," wao.
Genuai Bidi nogi ugwaba sao po wao. †††

Buku 5

(Tib 107-150)

Dago Godigo te wiegi yai kolesagade pemene yao
(1 Sto 16:34; 2 Sto 5:13; 7:3; Esr 3:11; Tib 100:5; 106:1; 118:1; 136:1;
Jer 33:11)

107 Dago Genuai Bidiba puba hwi po wao.
Magi baso meni, agai daba
te wiegi yai mu ebao.
Sesemane sesemane sogo agai da wei mu ebo dao.
² Dage tigidali we bidi, Genuai Bidigo dage
te boi bidi dabego nogode ma sali,
dage dali, ena me, dago te Genuai Bidi
nogi ugwaba sino.
³ Agai dage we bidi dabe te gasa bulu tų badu,
te giliga pedalubo badu, ma giliga dega sabo badu,
me te not badu, ma saut badu, te ma sai dao.
⁴ Meba te genuai bulu te kemi tų
wa pai bulude bilaluai dao.
Te augwali bidigi pabo madi

††† 106:46 Tob 2:14-18 ††† 106:48 1 Sto 16:35-36

te taunba pabo sunumi me deli te me subeo.
5 Augwali te nasi mu elama, tama te wę nogonego siyu,
tama augwa homugo te augwali dolaiba homu yai.
6 Augwali te tiwai dwai bidibaso,
teda augwa te Genuai Bidiba i obaso,
tama agai wiegi yai sę mu eyu,
te augwali tau sai dao.
7 Agai augwali pabo dodolama,
tama augwali odasa peyu, tama augwali te taun me deliba pedelama, te augwali tede bidai.
8 Tialima, augwaligo te Genuai Bidiba
usu da mu waiyaęo, te sesemane agai augwali homu dene mu elama,
tama agai augwali tau sabo sę wiegi yai mu yalio.
9 Agai te wę nogonego dogoni wa sali
we bidi dabeba te wę mayu,
tama augwa te wę tulama mu usu yali.
Tama agai te nai hauwa te nasi ebo bidi dabeba menama,
tama augwa te dwagi yai nai tulama,
tama augwa tabi paęana pali.
10 Meba te be hulua sai madi,
te kalabus be tomode bidali.
Te bidi dabego augwali te sengo kalabus elama,
tama augwaliba te sęęę mawai.
11 Magi baso meni, augwaligo
te Tigidali Bomo Elalubo Godigo pode hagoma eyu,
tama augwaligo agai po sela saęu ebaso,
te augwali kalabus eyu, sęęę mawai dao.
12 Augwali te tigi dene sę mu elama,
tama augwa bomo tigidali sia sai.
Tama augwali te tęba degasa dulama,
tama augwali tau sabo bidi meni yani.
13 Augwali te tiwai dwai bidibaso,
teda augwa te Genuai Bidiba i obaso,
tama agai augwali tau selama,
tama augwalide elaluali te sęęę dagala saęani.
14 Genuai Bidigo augwali selama,
tama augwali te hulua saide bidali tagalu,
tama agai augwaligo te sen togolama,
tama augwali te kalabus ma elalubeo.
15 Tialima, augwa te usu da mu te Genuai Bidi wao.
Sesemane sogo agai augwali homu dene mu elama,
tama agai wiegi yai sę mu eyu, augwali tau salio.
16 Agai augwaligo te brasgo nigali sunumi dabe aluali,
tama te kalabus be bagulali obo
ain ba aluama, togogo pai dao.
17 Meba te augwa yali dwai kolesagade gasi sali.
Augwa te dwai sę hauwa ebaso,
tama tialigo augwa te sęęę tolai dao.
18 Augwa te nai tubo hagela yai,
tama tiyu, augwa paęde isainu yali.
19 Augwa te tiwai dwai bidiyu,
tialima augwa te Genuai Bidiba i obaso,
tama agai augwalide te sęęę dagala saęu yalio.

20 Aga digi po obaso, tama augwa tigi usu ma ilama,
tama augwali te gu pagede ma dobola sai dao.
21 Tialima, augwaligo te Genuai Bidiba
usu da mu waiyaęo,
sesemane sogo agai augwali homu dene mu elama,
tama agai augwali tau selama,
te wiegi yai sę mu yai dao.
22 Augwa te agaba usu da wabo ofa emainu yao.
Tama augwa te pemene ebo tęąbi po weyu,
tama te we bidi dabeba
te agai wiegi yai sę yali po pusao.
23 Bidi meba te moni geba sipde boskru sę eyu,
tama augwali te genuai tamu aędu
te tigidali buluba tedelama pobao,
tama te walu selasa pabo bisnis sę
te bidi dabede ebo dao.
24 Te boskru dabego te Genuai Bidigo
ebo sę dabe subao.
Augwaligo agai te genuai tamu aęde
wiegi yai sę ebo subo dao.
25 Genuai Bidigo po weyu,
tama agai te genuai boma pai wali te nai hodolama,
tama tego te moni dobo dwai biksi hodolubo dao.
26 Te sip dabe ugwaba mu holama,
tama aiyaba mu dulu ebao.
Tama tiyu, te boskru dabego te augwali
dolaiba homu elama,
tama augwa wi dwai ebo dao.
27 Augwali te sipde umuna sai biliyu,
te bomai wę tuai bidi tiwai ebao,
tama augwaligo te sip tau siyu,
te magi sę me deli ebaso, te usugobeo.
28 Augwali te tiwai dwai bididubaso,
teda augwa te Genuai Bidiba i olama,
tama agai augwali tau selama, tama augwalide
te sęęę dagala saęaibao.
29 Agai te moni wali me biksi silimainu elama,
tama te tamu aę ma hogodalugobeo.
30 Augwaligo te tamu aę dua digi bidibo sulama,
tama augwa wiegi yai pemene mu elama,
tama Genuai Bidigo augwali odasa pelama,
te taun sesege, te augwa painu yali
madiba, sabalubo dao.
31 Tialima, augwa te Genuai Bidiba
usu da wao, sesemane sogo
agai augwali wei mu ebao,
tama agai augwali tau siyu,
wiegi yai sę mu ebo dao.
32 Te augwali Godigo we bidi dali
sisinibo sogo, augwaligo
te agai genuai nogide po pusa mao.
Augwali te tobolu bidi dabe dali
sisinama, tama augwaligo agai nogi
augwa tomode ugwaba somainao.
33 Genuai Bidigo te genuai wę
te mu sula somainu elama,

tama te tųdu pedalubo wę tigidali
sula somainu ebo dao.
34 Te ili elalubo tųgo te tamu elalubo tų
pedalumainu elama,
tama tede te magi nai deli me pedalisiąwai.
Magi baso meni, te badu bidi dabego
te dwai kolesaga ebaso,
tama Genuai Bidigo te tama tiwai sę ebo dao.
35 Genuai Bidigo te tų wa pai bulude
te wę hauwa pedalumainu elama,
tama te wa pai bulude wę hauwa elalumainu yalio.
36 Tama agai te tubo nai meni yai
bidi dabe tede bidimainu ilama, augwali tede
bidalu,
tama augwa te taun nigilama,
tama augwa tede bidali.
37 Augwa te nai dabe, me te ni wain dabe bulama,
tama augwa te nai me wain hauwa salio.
38 Genuai Bidigo te aga we bidi dabeba
wiegi yai sę ela mani.
Tama tiyu, augwa te wai hauwa ame neyu,
tama agai te bulmakau dabe me
hauwa pedalumainu ilalio.
39 Te boi bidi dabego augwali te hwjyu,
aiyaba elaluama,
te augwali hale emainu ebo sogo,
tama augwali aiyaba mu elaluama,
tama augwaliba dene mawai.
40 Genuai Bidigo te boi bidi dabego
tobolu bidi dabe te olo nai tiwai naga
pedalumainu elama,
tama agai augwali te wa pai bulude
te sunumi meni yai madi bilalumainu yalio.
41 Tiali goli, te magi doado bage
meni yai bidi dabe te dwai bidibaso,
agai augwali tau sali.
Tama agai te augwaligo wai dabe
te hauwa te sipsip dabe tiwai pedalumainu yai.
42 Te doloba pai we bidi dabego te sulama,
tama augwa bugai haliga yalio.
Tiali goli, te dwai bidi dabego po meni yani.
Augwa pedauwali pania siyu naga yalio.
43 Tialima, dage te wiegi yai homu
elalubo we bidi dagego
te sę tigidali bugagia homu kone palao.
Tama dagego te Genuai Bidiba po hanilama pusuyu,
te sesemane sogo da wei mu ebo da po waiyąo.

**Bidigo te gedu haluasa po obaso, te Godigo aga we bi-
di tau saibao**

108 God, eno homu te sisi ilama, dodolali
elalubao.
Megi da, te eno tęąbi weyu,
tama nago nogi ugwaba saibao.
Ena me pigobeo, te ena hogodama tama tiaibao.
2 Eno te gita me eliyu, tama musik waibao.
Te kigamu mu te eno tęąbi waibao.

3 Genuai Bidi, te eno nageba usu da wabo po
te gasa hani dabe tomode waibao.
Te eno nago nogi te augwali tomode ugwaba saibao.
4 Te sesemane sogo nago da wei mu ebaso.
Te nago wei ebo homu te genuai mu dao.
Tama nago te nago po sesemane wali pabo dao.
5 God, te dagalude nago te genuai bomo elalubo
nago te tigidali we bidiba ola mao,
tama tigidali bulude te tigidali we bidigo
nago genuai nogi konemainu yao.
6 Nago da wei mu eyu,
tama nago dago gedu haluasa po wabo odolama,
tama nago genuai bomogo nago da ma selama,
tama da bugagia bidimainu yao.
7 God te aga tedali wiegi yai bede bidiyu, te po wai,
“Eno te hwjani aiyaba elalubaso,
tama ena te pemene elama,
tama te Sekem dobayu, tama te Sukot bulu odogo
te ena we bidi dabeba dobawaibao.
8 Gileat dali Manase, te eno dao.
Efraim te eno kapago nigai tobolu madi tiwai
gagawali.
Tama Juda te king bidigo wiegi yai dono tiwai dao.
9 Tiali goli, Moap te eno wę paubo
dis pųu gagawai tiwai,
tama Idom te eno su mubo pesage tiwai dao.
Tama ena pemene elama,
tama eno te Filistia dabe aiyaba elaluali i waibao.”
10 God, dego ena augwaligo te bomonama bagulali
te taun tomoba odasa pogowe?
Tama dego ena te Idomba odasa pogowe?
11 God, nago da tudiba muani da, agawe?
Te nago dago ami dabe te tau sogobe da
homu ebo da, agawe?
12 Te dago boi bidi dabe dali hwjbo tau sao,
magi baso meni, te bidi dabego naga da
tau me sogobeo.
13 Te Godigo da tau sobaso da,
teda dago te hwjbo ugaba ela holaibao.
Tama aga digi te boi bidi dabe aiyaba elaluaibao.

Te sęę elalubo bidigo i walio

109 God, eno nago nogi ugwaba sabo da.
Iya, nago eno gedu haluasa po wabo
odoyu, tama wei ponao.
2 Magi baso meni, te dwai bidi dabego,
me te tibo po wabo bidi dabego
enaba boi bidi eyu,
tama gasa we bidibolo enade tibo po obao.
3 Augwaligo po dwai mu enade wali,
tiali goli augwaligo po te odolali walio.
Te po page menio.
4 Eno augwali wei elama,
tama eno gedu haluasa po weyu, augwali tau sali,
tiali goli augwaligo ena wei me ebeo.

⁵ Eno wiegi yai kolesaga augwaliba yali,
tiali goli, augwaligo dwai kolesaga
enaba wei ponani.
Eno augwali wei mu yali, tiali goli, augwaligo ena
wei homu meni yai.

⁶ Te bidi dwai me deli nigilama, te agai eno boi bidigo
po te po tųde dagalumainu emainao.
Te aga boi bidi me deligo digi aga po tų ela mo-
mainao.

⁷ Te po tų odobo bidigo te bidigo
dwai sę yali hanila palama,
tama aga te kalabusiba tagala palao.
Tama agai te bidigo gedu haluasa
po wali me te sęęę da homu yaibao.

⁸ Eno homugo te aga polo tama isimainu homu ela-
ma,
tama gasa bidigo te agai sę yali
pesage somainu yao po wai. †

⁹ Tama eno homugo aga isimainu elama,
tama aga wai dabego aya meniama,
tama aga wego te bidi me te meni emainu yao.

¹⁰ Tama eno homugo te aga wai dabego be meniyu,
tama augwa dwai mu bidimainu yao, wali.
Augwaligo te augwa bidibo bede te tologa pali bede
megi bidibadi te ela gudulama, sela sęmainu yao.

¹¹ Te boi bidigo te bidi mebade negeli elalubaso da,
eno homugo te bidi dabe aselama,
tama te bidi dabego te agai tų
dagala sagasomainu yao,
te tigidali doado bage agai te bidigo abelimainu
sę yali nai tigidali te somainu yao.

¹² Eno homugo te bidi me deligo agaba
te olo tau sabo wiegi yai kolesaga
me egobe, homu yai.
Tama te me deligo te aga aya meni yai wai dabe
homu dene me egobe, homu ebao.

¹³ Eno homugo te agai wai dabe isimainu homu ebao,
tama te nosali pedalubo hani dabego
te bidigo nogide homu kone me isiųyu me egobeo.

¹⁴ Eno homugo Genuai Bidigo te dwai kolesaga
te aga hani wų nų dabego yali sęba
homu kone palumainu ebao.
Tama agai te aga idago sęęę sela sęmainu
me egobe homu ebo dao.

¹⁵ Genuai Bidigo te augwa yali
dwai sęba me konealudubaso,
tama te we bidi dabego aga haniba
te homu kone isiųmainu yao.
Eno te homu ebao.

¹⁶ Te bidigo te gasa bidiba olo tau sabo
wiegi yai kolesaga yabo homu isiųwani.
Agai te magi doado bage meni yai bidi dabe,
me te doado bage sųpai bidi dabe,
me te bomu meni yai bidi dabeba boi bidi eyu,
tama te bidi dabe haliga sęęę ilama,
tama agai augwali ela muyu yai dao.

† 109:8 Tpi 1:20

¹⁷ Polobadu agai te gasa bidi dolomainu
dwai po wainu yali,
teda megi da, aga digi te dolomainao.
Agai te gasa bidi dabeba
te wiegi yai sę yabo po te Godiba me hanalube,
teda agai me te wiegi yai mabo sę me selamuo.

¹⁸ Agai te gasa bidi dolabo po wabo
te sę dene tiwai me ebeo,
te bidigo ugwa name te tigde bebo
te sę dene me ebo menio.
Eno homugo te agai te i ola mabo po
te aga tigi tomoba pomainao, te wę tiwai yao,
tama aga dili tomoba pabo
te wel tiwai gilama emainao.

¹⁹ Tama aga te pogo aga te ugwago
mesege sabo tiwai elama,
tama aga haliga te kukulu gudubo
tiwai elalumainao.

²⁰ Eno homugo te Genuai Bidigo ena po tų ebo bidiba
te tiwai dene momainu yaibao,
magi baso meni, augwaligo te dwai po enaba walio.

²¹ Tiali goli, Genuai Bidi, eno God,
eno homugo nago ena tau somainu homu ebao,
te nago po dų wali gilama yao.
Nage wiegi yai mu eyu, tama nago ena sesemane
wei homu elama,
tama tiyu, nago ena ma sao.

²² Ena dwai bidi mu bidiyu, tama ena odolali bidibao,
tama ena dwai dene mu ebao.

²³ Ena te pabo tiwai eyu, te eno noma te giligade subo
tiwai elama, tama te giliga dega sigilubo sogo,
te pio ebode silaibao.
Ena te tųde bidalubo nai tiwai te
waligo selasa pabo tiwai ebo dao.

²⁴ Ena te nai habu selama,
tama eno kidu te bomu meni yai.
Ena te nomona selama, tama eno dili tigidali
te kimi mu isalio.

²⁵ Te we bidi dabego ena sulama,
tama enaba posobo po wabo dao.
Tama augwa tobolu bebegelu, tama ena gisugu
mobao. ††

²⁶ Genuai Bidi, eno God,
nago ena sesemane wei mu ebao.
Nago ena tau selama, tama ena ma sao.

²⁷ Te boi bidi dabego konemainu elama,
nago naga nago ena tau selama,
tama ena ma sabo dao.

²⁸ Augwa te po weyu, te Godigo ena dolaibao po wali,
tiali goli nago enabolo wiegi yai sę yaibao.
Eno homugo te enaba dwai sę ebo bidi dabe aiyaba
elalumai homu yai, tama ena naga sę bidigo,
eno bugai haliga yaibao.

²⁹ Eno homugo te eno boi bidi dabe
te genuai hale somainu yaibao,

†† 109:25 Mat 27:39; Mak 15:29

tama augwali te hale dwai mu ebo
te we bidi dabego sumainu yao.

³⁰ Tiali goli, eno genuai po daęą weyu,
te Genuai Bidiba puba hwi po waibao.
Te we bidi dabego lotu weyu sisinibo madi,
teda eno nago nogi ugwaba saibao.

³¹ Magi baso meni, agai te magi
nai meni yai bidi dabe tau selama, tonalu ebao,
te bidi dabego augwali po tų eyu,
tama te augwali isimaina obaso, te usu me egobeo.

Te Devitgo așęani balia po me deli dao.

Genuai Bidi dali, te aga sa muani king dali side po wali

(Mat 22:44; Mak 12:36; Luk 20:42-43; Tpi 2:34-35; 1 Ko 15:25; Ef
1:20-22; Kol 3:1; Hib 1:13; 8:1; 10:12-13)

110 Yawe Genuai Bidigo eno genuai bidiba te
tama po wali,

“Nago eno dolo nogode dugulalu, te nago boi bidi
dabe

te eno nage dologoba mubo sogoba usu naibao.”

² Yawe Genuai Bidi te Saionde bidiyu,
tama agai nago te bulu hauwa tonalumainu
nigilama, tama agai te po waibao,

“Nago naga boi bidi dabe tonalua,” waibao.

³ Te nago te boi bidi dabe dali hwjainu ebo sogo,
te naga hani bidi dabego usu da,
pinao po weyu, te nage dali pelama,
tama nage tau somainu yaibao,
tama dage te Godigo bulu duba ugwaba holaibao.
Tigidali sogo hulide tulubage wę segeni te nosade
pedalu,

tama te nosago gesi bomu siyu ebo dao.

Tama nage me nage te tigidali sogo bomu saibao.

⁴ Yawe Genuai Bidigo nageba po

daę waliyu, te tiwai wali,

“Nage te pris sesemane bidada peyu,
bidada pagameo,” wali.

“Nage te pris Melkisedek tobage tiwai dao.”

Genuai Bidigo te mu po naga weyu,

tama agai te aga po me

hasegeligobeo. †

⁵ King bidi, Yawe Genuai Bidi nage dali dolalu,
te daę walainu yaibao.

Te aga haliga sębę ebo sogo
agai te king dabe dali hwjnama,
te agai hwjbo te ugwaba ela holama,
tama augwali aiyaba mu elaluaibao.

⁶ Agai te we bidi hani dabego
dwai sę yali wei ponama,
tama te hwjbo pesagede agai
te bidi hauwa ela muaibao.

Agai te tigidali tų pedai badu te king
dabe aiyaba elaluyu, agawaibao.

⁷ Agai te sunumi pađe elalubo

te dwasianu aę gamiade elalubo wę tuaibao.
Tama tialima, aga te bomu selama,
tama te hwjbo ugwaba ela holaibao.

Dago te Genuai Bidi nogi ugwaba sao wali

111 Genuai Bidi nogi ugwaba sao.
Eno wei ebo homu te bomu elalubao,

tama tiyu, eno agaba usu da
po wabo genuai mayu,
te aga we bidi tigidali sisinibo madi tiaibao.

² Genuai Bidigo te polalubo sę dabe mu ebo dao.

Te we bidi dabego te Genuai Bidigo
ebo sę te wei mu yali, augwaligo te sę dabe
te bugagia koneainu homu yalio.

³ Tigidali sę agai ebo te aga genuai nogi
pedalumainu yai, tama te wiegi yai mu yali.

Te agai doloba pai kolesaga te sesemane elalua pidu,
elalua pabo dao.

⁴ Genuai Bidigo te we bidigo homu hodolama,
te augwaligo agai ebo wiegi yai

sę dabe te sesemane sogo
homu konealumainu yai.

Sesemane sogo Genuai Bidigo te olo

tau sabo wiegi yai kolesaga eyu,
tama da homu dene eyu, tau sabo dao.

⁵ Agai te agade wi ebo we bidi dabe
tubo nai mabo dao.

Agai te aga hani bage dali daę walali pode
te homu kone gegeda peyu me egobeo.

⁶ Agai te meba hanigo tų
te aga hani we bidi dabeba mawai.

Tama tiyu, te kolesagade agai te aga bomu
te aga te augwaliba ola mawai dao.

⁷ Agai kolesaga te mu elalu, te dolo mu elalubao.
Dago te agai bomai po tigidaliba

homu kęą pelama, wali pobaso, te usu dao.

⁸ Te Godigo bomai po sesemane elalubao.

Godigo te wiegi yai doloba pai kolesaga naga elama,
tama te bomai po dodolama, elalubo dao.

⁹ Agai aga we bidi augwali ma abelali.

Tama agai augwali dali te bomai po me deli daę
walali,

tama te daę walali bomai po te
sesemane elalua peyu, elalua pobao.

Genuai Bidi aga te tedali wiegi yai da,
tama agai te tigidali bomu elalubao.

¹⁰ Te bidi te kolesaga koneai bidi
pedelainogo eyu da, aga te Godide wi yao.

Agai te wiegi yai homu kolesaga
te agaba homu mubo we bidiba mabo dao.

Dago aga nogi sesemane bidada pabo sogo ugwaba
sao. ††

† 110:4 Hib 5:6; 6:20; 7:17, 21

†† 111:10 Jop 28:28; Prs 1:7; 9:10

Dwagi yai we bidi augwaligo homu pemene ebo dao

112 Genuai Bidigo nogi ugwaba sao.

Genuai Bidi dali wi eyu,
agai bomo yai po wali pabo bidi,
agai dwagi yai homu yaibao.

² Agai wai dabego genuai nogi
augwali we bidi tomode elaluaibao.
Godigo te dwagi yai bidigo hani dali dwagi yai sę
yaibao.

³ Agai we wai augwaligo mone dali nai hauwa siyu,
tama augwali bugagia sesemane sogo bidaibao.

⁴ Hulia sai elalui, tialima ula pedelama,
dwagi yai bidi dabe augwali te ulago tau sabo dao.
Dwagi yai bidigo gasa we bidi dali dwagi yai sę eyu,
augwali bugagia olo tau sabo homu elama,
dolo bugagia bilibo dao.

⁵ Dwagi yai kolesaga ebo bidi aga dali
gasa bidigo nai negeli aga dali somainogo ebo,
tama aga masigi sabo sę bisnis ebo
tigidali bugagia dolo pabo,
te bidigo homu dwagi yai yao.

⁶ Dwagi yai bidi aga tula mugobeo,
tama we bidi augwaligo homugo
aga geveda pogobeo.

⁷ Agai te sęę pedelabo po odolama,
aga wi homu me egobeo.

Agai Genuai Bidi dali konealubo po
bomo elama, daę wabo dao.

⁸ Agai te magi nai dabe dali wi eyu,
moni homu me ebo menio.

Tama agai koneai, te boi dabe augwali
hwjbo digi hagabo dao.

⁹ Agai nai hauwa nai meni yai bidi dabe
augwali mabo dao.

Agai dwagi yai kolesaga sesemane sogo ebo dao.
Tama agai genuai nogi agai bulude elaluaibao,
tama augwaligo aga nogi ugwaba saibao. †

¹⁰ Dwai sę ebo bidi dabe, augwaligo te sę ebo sulama,
wado po wabo dao.

Augwaligo te dwagi yai bidi dali dwai homu ebo dao,
tama nosali augwali mu dolobo dao.

Tama augwaligo te dwagi yai nai
sainogo tonaluali nai mu sogobeo.

**Te Godigo wiegi yai sę augwaliba ebaso, te augwa wie-
gi yai pemene yai**

113 Genuai Bidigo nogi ugwaba sao.

Dage Genuai Bidigo sę bidigo,
te Genuai Bidigo nogi ugwaba sao.

² Da tigidaligo te wiegi yai pemene
te Genuai Bidigo nogide yao,
megi, me tigidali bidada pabo sogo
nosali, te tama tiao.

³ Te giliga pedalubo badu,

† 112:9 2 Ko 9:9

me giliga dega sigulubo badu,
teba usu nigii peyu, da tigidali we bidigo te Genuai
Bidi nogi ugwa sao.

⁴ Genuai Bidigo te tigidali hani bage tonalubao.
Te aga genuai nogigo te tigidali
dagalude nai aiyaba elalui dao.

⁵ Dago God Genuai Bidi tiwai bidi me deli elalubeo.
Aga te ugwadu mu bidibao.

⁶ Agai te dagalu me tę dali suainu, aiyaba tonalubao.

⁷ Agai te magi nai meni yai bidi dabe tau sobaso,
tama augwali dwai me ma bidibeo.

Augwali bugagia naga bidibao.
Agai te doado bage sęę pali bidi dabe tau selama,
tama augwa usu nama sabo dao.

⁸ Agai te aga bage tobolu bidi
dabe dali munama, bidibo dao.

⁹ Tama agai te wai ame nisębo we
dabeba bugai sę elama,
tama augwa te wai hauwa ame nomainu ebaso,
tama te we dabe augwa pemene mu ebo dao.
Te Genuai Bidigo nogi ugwaba sao.

Pasovago tęąbi po e dao

114 Polobadu Israel dabego te Isip tagalama
pelawalio.

Te Jekopgo hani dabego te gasa hani
dabego bulu taga soai dao. ††

² Te augwaligo tama tiali sogo,
te Juda te Genuai Bidigo
tedali gasagi yai hani bage pedaliyu,
te Israel dabe me tama tiali.

³ Te nosa elalubo tamu aę agai
te tonono elama, tama wi palio,
tama te wę Jordan dolalu,
tama te wę ma soabeo. ‡

⁴ Te genuai bulu du dabe
te meme sasa mano pelabo tiwai eyu,
tama te dwasianu bulu du dabe
te sipsip dabe sasa mano pelabo tiwai yalio.

⁵ Tamu aę, magi nai pedalubaso, nage wi paliwe?
Jordan wę, magi baso tama nage ma soabewe?

⁶ Te bulu du dabe, magi baso dage te meme sasa
mano
pelabo tiwai ebawe?

Te dwasianu bulu du dabe, magi baso dage
te sipsip sasa mano pelabo tiwai ebawe?

⁷ Tę, megi da Genuai Bidi asobaso,
tama nage mumunu yao.

Te Jekopgo God asalio, tama nage mumunu yao.

⁸ Agai te masigigo ulu wę pedalumainu ilali,
tama te bulu du masigigo
te genuai soabo wę pedalubo dao. ††

†† 114:1 Sai 12:51 ‡ 114:3 Sai 14:21; Jos 3:16 †† 114:8 Sai
17:1-7; Nam 20:2-13

God deli naga te God mu dao

- 115** Genuai Bidi, sesemane sogo nago da wei mu ebo da, tama nago da me tagalubo menio.
Tama tialima, dago nago genuai nogi naga ugwaba saibao.
Dago digi dena nogi ugwaba me sogobeo.
- ² Magi baso te gasa hani dabego dabolo te tiwai po hanalu obawe,
“Te duga God menade bidibawe?”
- ³ Dago God te dagalude bidibao.
Te agai magi sę me deli yabo homu ebaso da, teda agai te sę eyu naga ebo dao.
- ⁴ Te gasa hani dabego te augwa tibo god dabe te gol me silvago nigali.
Te bidi dabego naga te augwali nigibo dao.
- ⁵ Te tibo god dabe pedauwali elalubao, tiali goli augwaligo po obaso, usu me egobeo.
Augwaligo gedu elalubo, tiali goli augwa tonono bilibaso, usu me egobeo.
- ⁶ Augwa olo elalubao, tiali goli augwa po me odogob-eo.
Augwa guni elalubo, tiali goli augwa te nai denami odogobeo.
- ⁷ Augwa nogo elalubao, tiali goli augwa te nai me tola sogobeo.
Tama augwa saęa me elalubo, tiali goli augwali me biligobeo.
Tama augwaligo te i me deli weyu, ma gela deli me wagobeo.
- ⁸ Eno homugo te bidi dabego te tibo god nigibaso, augwali te augwa tibo god tobage tiwai nigali god dabe pedelaibao. †
Tama te tibo god dabeba homu keę pabo we bidi dabe,
augwali me te tiwai pedelaibao.
- ⁹ Dage Israel we bidi, dagego konealubo homu te duga Genuai Bidiba muięo.
Agai dage tau siyu, tama dage tonalubo dao.
- ¹⁰ Dage te Godigo pris te Arongo hani, dagego homu te Genuai Bidiba keę pao.
Agai dage tau siyu, tama dage tonalubo dao.
- ¹¹ Dage te Genuai Bidide wi ebo we bidi, dagego konealubo homu agaba daę wao.
Agaduba deligo naga dage tau selama, tama dage tonalubo dao.
- ¹² Genuai Bidigo te sesemane sogo dade homu kone paliyu, tama agai da wiegi yai bugagia ilaibao.
Agai te Israel dabe bugagia wiegi yai ilama, tama te Godigo pris haniba tama tiaibao.
- ¹³ Genuai Bidigo te agade wi ebo we bidi bugagia wiegi yai ilaibao,

† 115:8 Tib 135:15-18; Ped 9:20

- te nogi yai we bidi, me te nogi meni yai we bidi dabeba,
te tama tiwai sę yaibao. ††
- ¹⁴ Eno homugo te Genuai Bidigo dageba te wai hauwa momainu homu yai, tama te duga wai nõu nosali pedalubo haniba me, te tama temainu yaibao.
- ¹⁵ Genuai Bidigo te dagalu de tų si pedalumainu ilali, tama eno homugo agai te wiegi yai sę ebo kolesaga dageba emainao.
- ¹⁶ Dagalu te Godigo pesage naga elalubao, tama agai te tų da we bidiba mawai dao.
- ¹⁷ Te isibo bidi dabe te augwa isali bidi dabego pesageba pobao, augwaligo te Genuai Bidigo nogi ugwaba me sogobeo.
- ¹⁸ Tiali goli, da bidibo bagego digi, teda te Genuai Bidiba usu da po wabo, te megı me nosali waięo.
Te Genuai Bidigo nogi ugwaba sao.

Godigo te bidi me deli ma sobaso, tama aga te Godiba usu da wali

- 116** Genuai Bidigo eno i wabo odobo dao.
Tama tibaso, eno aga wei mu ebao.
Mu tama, agai eno gedu haluasa po wabo odobo dao.
- ² Agai eno i wabo tigidali odali.
Tama tialima, tigidali sogo ena bidibo ula dali bidibo sogo te eno agaba gedu haluasa po waibao.
- ³ Isibogo te bonogo ena keęo tiwai yali.
Eno te isibo bidi dabego pesageba homu kone ebode,
tama tego ena wi mu ilama,
tama ena gasa homu tedali mu yai dao.
- ⁴ Tama tibaso, eno Genuai Bidiba i olama, tama eno te tama po wali,
“Genuai Bidi, eno i wabo te nago ena somainu ebao, tiyu ena isidalio,” wali.
- ⁵ Genuai Bidigo te olo tau sabo wiegi yai kolesaga elama, tama dabolo wiegi yai sę ebao.
Te dena God agai da homu dene eyu, tau sabo dao.
- ⁶ Genuai Bidigo te bidi dabe augwa digi augwa tau sabo usu isębo bidi dabe seselalubo dao.
Polobadu gasa bidi augwaligo ena dolainu ebadi, tama agai ena ma dobola sai dao.
- ⁷ Megı da, eno homu dua digi ma tegalubao, magı baso meni, Genuai Bidigo enaba wiegi yai sę mu yalio.
- ⁸ Genuai Bidi, nago ena ma selama, tama me isigob-eo.
Nago eno gedu gela gua wa palama,
tama nago ena tonalubaso, tama ena me tulalubeo.

†† 115:13 Ped 11:18; 19:5

⁹ Tama ena te Genuai Bidi dali te tigidali sogo ena te tęde bidibo bilaibao.
¹⁰ Eno tama po wabo sogo, te eno homu Godiba kęą pali, "Te genuai sęęęgo mu ena mesegelalio." †
¹¹ Tama ena wi eyu, eno te po wabo sogo, "Eno konealubo homu te mena bidi me deliba me mugobeo," te sogo me eno konealubo homu te Godiba muanio.
¹² Genuai Bidigo enaba wiegi yai sę mu yalio. Tama tialima, eno magi nai agaba mawaibawe?
¹³ Te eno kap wain wę me deli te Genuai Bidi selasa paibao, te Godigo ena ma salio weyu, te dąi ebo ofa tiwai dao. Eno te tama tiyu, te Genuai Bidigo ena ma salide te puba hwi wabo tiwai dao.
¹⁴ Te aga we bidi tigidali sisinibo madi te eno po dąi wali gilama te tama tiwai yaibao.
¹⁵ Te Godigo we bidi dabe aga gedude te usu mu elaluali. Tama me deli isibaso da, te aga magi homu me ebe, te olo nai da homu ebeo.
¹⁶ Genuai Bidi, ena naga sę bidi dao. Eno nago sę ebao, te polobadu idago yali tiwai. Nago ena te kęąluali bono pisigina sęnama, tama ena magi naigo me dąi wasięma, te olo wiegi yai pedelama bidibao.
¹⁷ Te eno nageba usu da wabo ofa eyu, tama eno nageba gedu haluasa po waibao po wali.
¹⁸ Polobadu eno po nageba dąi walali, tama megi da, eno te sę nago we bidi tigidali gedude yaibao.
¹⁹ Genuai Bidi, eno te tama sę te Jerusalemde, te nago tempel be tomode, te sę yaibao. Dago te Genuai Bidigo nogi ugwaba sao.

Te Genuai Bidigo nogi ugwaba sao

117 Dage tigidali tęde bidibo hani bage, te Genuai Bidi nogi ugwaba sao. Awe, dage tigidali we bidi, aga nogi ugwanu sao. ††
² Agai bomonama, da sesemane godolo mu ebao. Agai te aga po sesemane wali peyu, tama agai da me tagalogobeo. Te Genuai Bidigo nogi ugwanu sao.

Te Godigo augwali tau salide te gedu haluasa po weyu, usu da po walio

(1 Sto 16:34; 2 Sto 5:13; 7:3; Esr 3:11; Tib 100:5; 106:1; 107:1; 136:1; Jer 33:11)

118 Dago te Genuai Bidiba usu da wao, agai dabolo wiegi yai sę yai. Sesemane bidada peyu, bidada pabo sogo agai da godolo mu ebo dao.
² Da Israel dabego te tama po waięo,

"Agai da sesemane bidada pabo sogo godolo mu ebao."
³ Te Godigo pris dabego me te tiwai po wao, "Agai da sesemane bidada pabo sogo godolo mu ebo dao," po waięo.
⁴ Te Genuai Bidide wi ebo we bidi tigidali, augwaligo te tiwai po waięo, "Agai da sesemane bidada peyu, bidada pabo sogo godolo mu ebo da," waięo.
⁵ Eno sęęę genuai elalubaso, tama eno Genuai Bidiba gedu haluasa po wali, tama agai eno te wabo po odolama, tama te sęęę dagala sęwani.
⁶ Genuai Bidi ena dali bidibaso, tama ena wi me egobeo. Te bidi dabego enaba magi sę deli me yainu usu egobeo. ‡
⁷ Genuai Bidigo digi ena tau sabo dao. Tama te Genuai Bidigo te boi bidi dabe elaluama, tama augwali dolobo te eno suaibao.
⁸ Te dago konealubo homu te Genuai Bidiba muani, te wiegi yai da, tama dago te olo bidi dabeba te konealubo me usugobeo.
⁹ Te dago konealubo te Genuai Bidiba mubaso, te wiegi yai ebao, tama dago te konealubo homu te king dabeba, me te tobolu bidi dabeba muyu, me usugobe dao.
¹⁰ Te boi bidi hauwago ena bagua sali, tiali goli, te Genuai Bidigo bomogo eno augwali silalio.
¹¹ Augwaligo ena te tigidali badu bagua sali, tiali goli, te Genuai Bidigo bomode eno augwali ela silalio.
¹² Augwaligo ena te bulude elalua pabo hauwa nai tiwai bagua sali. Tiali goli, augwali te kala sia polo sula sabo tiwai eyu, isalio. Te Genuai Bidigo bomode eno augwali ela silalio.
¹³ Augwaligo ena dali bomonama mu hwjani, tama ena hagawainu yali. Tiali goli, Genuai Bidigo ena tau salio.
¹⁴ Genuai Bidigo ena bomai mu pedalumainu ilalio. Agai digi ena tau siyu, ma dobola sai dao. ‡‡
¹⁵ Te Godigo we bidi dabe te augwa ugwa be tomode i wabo odao. Augwa te po obao, "Te Genuai Bidigo bomogo naga te tiwai ebo dao," wali.
¹⁶ "Genuai Bidigo genuai bomogo da tau selama, tama dago te boi bidi dabego bomoi aiyaba elaluai dao," wali.
¹⁷ Ena me isisębadi tegobeo. Menio, te ena bidibo ula elalu, tama eno te Genuai Bidigo yali sę po dabe pusaibao.
¹⁸ Eno dwai sę ebaso,

† 116:10 2 Ko 4:13 †† 117:1 Rom 15:11

‡ 118:6 Hib 13:6 ‡‡ 118:14 Sai 15:2; Ais 12:2

Genuai Bidigo enaba te dene mabo sę mu yali, tiali goli,
agai ena isimainu me ebeo.

¹⁹ Te tempel be sunumi dabe dalao,
tama ena te tomoba pelama,
tama Genuai Bidigo nogi ugwaba saibao.

²⁰ Te e da te Genuai Bidigo sunumi dao.
Te doloba pai we bidi dabe naga
te tomoba pabo usu yaibao.

²¹ Genuai Bidi, nago eno gedu haluasa
po wabo odolama, tama nago ena tau selama,
te ena bugagia bidibao.
Tama tiyu, eno nago nogi ugwaba sobao.

²² Te masigi te kamda dabego te dwai da homu elama,

tama augwaligo sela sawani, te masigi da
te be daga daę elalu, polalubo masigi pedelali. †

²³ Genuai Bidigo digi te tiwai elama,
tama dago suali, te wiegi yai mu yai dao. ††

²⁴ Genuai Bidigo te wiegi yai side dabolo mawai.
Dago wiegi yai pemene elama,
tama agaba bugai haliga yao.

²⁵ Genuai Bidi, dago nageba hanalu, te da ma sao.
Nago da tau sobaso, tama dago ebo sę
tigidali te wiegi yai pedelaibao. ‡

²⁶ Godigo te Genuai Bidigo nogide
asali bidiba wiegi yai sę emainao.
Dago aga nogi te Genuai Bidigo lotu be
tempelde ugwaba sao. ††

²⁷ Genuai Bidi naga aga te God mu dao.
Agai da bugagia tonalubao.
Te ni nologo dabe tulama,
tama peyu, te alta sai bagua sigi pao.

²⁸ Nage eno God da weyu,
tama eno nageba puba hwi waibao. Nage eno God,
tama te eno nage nogi ugwaba saibao.

²⁹ Dagego Genuai Bidiba usu da po wao.
Agai daba wiegi yai sę yai.
Agai da wei mu elama, tama dabolo te olo tau sabo
wiegi yai kolesaga sesemane idubo dao.

Godigo bomo yai po te dwagi yai mu po dao

119 Niwai bidi dabe augwaligo magi sę me
isiąma, bugagia biliyu,
tama augwaligo Genuai Bidigo
oda mabo bomo yai po wali pali bidi, augwaligo
homu dwagi yai yaibao.

² Homu si isiąwai bidi dabe, augwali Godigo po tigi-
dali
wali pabo bidi dabe, augwaligo homu dwagi yai yao.

³ Mu tama, te bidi dabe augwaligo
dwai kolesaga wali pabo menio.

† 118:22 Luk 20:17; Tpi 4:11; 1 Pi 2:7†† 118:23 Mat 21:42; Mak
12:10-11 ‡ 118:25 Mat 21:9; Mak 11:9; Jon 12:13 †† 118:26 Mat
21:9; 23:39; Mak 11:9; Luk 13:35; 19:38; Jon 12:13

Augwaligo Genuai Bidigo bilibo
kolesaga tiwai wali bilibo dao.

⁴ Genuai Bidi, nago bomo yai po tigidali dabolo mayu,
tama nago te po wai, da dua bugagia bidiyu,
nago bomo yai po wali pabo dolo tama yao.

⁵ Eno homugo godolo mu elama,
bomo eyu, nago po tigidali wali painogo ebo dao.

⁶ Tama tiyu, eno hale homu me isiąwai, magi basowe,
eno homugo nago bomo yai po naga konealuai.

⁷ Eno nago da dagalabo doloba pai kolesaga tigidali
konea sainu idubadi, eno homu dolo elaluyu,
tama eno nago nogi ugwaba sainogo ebo dao.

⁸ Eno nago bomo yai po tigidali wali pabo homu
ebao.

Tama nago ena tagaligio.

Godigo bomo yai po wali pabo bidi po

⁹ Mena tama tiyu, gesi bidigo
dwagi yai kolesaga dali biligowe?

Agai nago po wali peyu da,
aga magi sę me isiąma, dwagi yai bidaibao.

¹⁰ Eno homu deli naga elalubao.
Tama eno homugo nago sę yainogo ebo dao.

Eno nago bomo yai po wali pabo
tagalidali weyu, nago ena tau sao.

¹¹ Eno nago po eno homude munama,
tama eno konealuai.

Magi baso meni, eno nage dali dwai sę idali weyu
tobao.

¹² Genuai Bidi, eno nage nogi ugwaba sobao.
Nago dwagi yai bomo yai po ena ola mao.

¹³ Nago bomo yai po tigidali dabolo pusa mabo po,
eno te we bidi augwaliba te po nedama,
tama te po augwa homude daę omainogo tiaibao.

¹⁴ Te eno nago po wali pabo homu
ebogo te mone hauwa saibao
homu ebo aiyaba elalubo dao.

¹⁵ Eno homugo nago eno
te sę emainogo ebo homu eno kone palobo dao,
tama nago dabolo mabo
te po eno bugagia osola subo dao.

¹⁶ Nago bomo yai po eno godolo mu ebao.
Tama eno homugo te po gegeda peyu, tagalogobeo.

Godigo bomo yai po dali dwagi yai homu ebo bidi po

¹⁷ Naga sę bidi ena bugagia bidimainogo,
nago dwagi yai sę ena dali emai homu ebao.

Tama ena bidibo ula dali bidiyu,
nago po eno wali paio.

¹⁸ Nago eno homu dwagi yai iliyu,
tama nago dwagi dwagi yai bomo yai po tigidali
eno bugagia koneaibao.

¹⁹ Ena hauwa sogo e tęde bidigobeo.

Tama nago te bomo yai po ena dali dualigio.

²⁰ Eno homugo eno te nago tigidali dwagi yai kole-
saga

dolo wali pabo homu ebao,

tama tede eno moni nasi tiwai elalubao.
21 Nago te dwai sę ebo bidi augwali dali
wado ebo dao.
Tama te bidi dabe augwaligo
nago bomo yai po tudiba muyu,
tama augwa homu kolesaga wali pai,
tebo bidi dabe augwali hagawaibao.
22 Augwaligo ena dali posobo po weyu,
tama dwai po me weyu yai.
Magi basowe, nago bomo yai po eno wali peyu,
dwagi yai kolesaga ebaso,
augwaligo dwai po ena dali wabo dao.
Augwaligo ena dali te tiwai po ma waidalio,
nago augwaligo te po wabo sula tagaligio.
23 Tobolu bidi augwaligo po miyu,
ena elabo tų gegebo dao.
Tiali digi, ena nago sę bidi,
te eno homugo sesemane sogo
nago dwagi yai bomo yai po koneaibao.
24 Eno sęą geselebo po nago
enabolo mabo, te pode eno homu godolo mu ebao.
Nago po ena sesemane sogo eno
konemainogo ola mabo dao.

Godigo po bomo elama wali pabo bidi po

25 Augwaligo ena dolama, tęba aiyaba elalui.
Nago ena hodolama, bomo ma mawai,
te nago wali po wali pelama tiwai.
26 Eno tigidali kolesaga te po eno nage dali obadi,
tama nago eno po wei ponai.
Nago tigidali bomo yai po ola mawai.
27 Nago ena ola mayu,
nago bomo yai po wali pao weyu,
tama eno nago tigidali dwagi
dwagi yai homugo koneaibao.
28 Tialima, eno homude sęęę mu ebadi.
Nago te wali po wali peyu, ena bomo mabo dao.
29 Nago ena tonaluali da, te nago tų eno tagalogobeo.
Nago dwagi yai kolesaga ena dali
nago dwagi yai po ena ola mawai.
30 Eno homugo nage mu wali paibao wai.
Sesemane sogo nago dwagi yai po eno
homugo konebo dao.
31 Genuai Bidi, nago enabolo mabo po
te eno wali pabo dao.
Te nago magi sę me ena dali ebode,
ena te sęde hale maįdali homu ebo dao.
32 Eno nago po polo wali painogo yaibao,
magi basowe, nago dwagi yai
kolesaga meba enabolo momainogo
eno te homu ebo dao.

Bidigo Godigo kolesaga momainogo hanalubo bidi po

33 Genuai Bidi, nago dwagi yai po ena
bugagia ola mayu,
tama tigidali sogo eno te po wali paio.
34 Nago te dwagi yai po enabolo

hania bugagia ola mayu da, te eno wali paibao.
Eno homugo ena hodolobaso da,
te eno te dwagi yai po tigidali wali paibao.
35 Nago eno sęągo bilibo tų dodoliyu,
tama eno nago dwagi yai po
wabo wali bilainogo yai, magi basowe,
eno te dwagi yai po godolo mu ebo dao.
36 Nago eno homu hodoloyu da,
te eno nago po wali pabo homu yaibao.
Tama eno homugo te mena gasa bidigo
nai dabe suyu, homu hodolidalio.
37 Nago ena tau selama, te dwai sę ebo tudiba
muaibao.
Nago ena dwagi yai bugagia ilao,
te nago ena dali wali po wali pao.
38 Nago te bidi nage dali wi ebo bidi
augwalibolo te po mabo dao.
Tialima, naga sę bidi, ena dali, nago tiwai yao.
39 Eno te dwai po wabo dali wi ebaso da,
nago ena tau sali da, te pogo ena aiyaba elalugob-
ebo.
40 Eno homugo nago po tigidali wali painogo ebo dao.
Nage dwagi yai mu, tama nago bidibo ula
ena mawai dao.

Godigo bomo yai po daų wabo bidi po

41 Genuai Bidi, nago ena ola mani,
nago ena godolo mu eyu, nago ena ma sai.
Polobadu nago po weyu, tama tiaiba wai dao.
42 Nago ena tau siyu, te dwai bidi dabego ena dali
wabo po wei ponomainogo yai, magi basowe,
eno nago po koneama daų wabo dao.
43 Nago ena bomo mayu da,
te nago mu po tigidali sogo eno pusainogo yaibao,
magi basowe, eno nago doloba pai po
koneama daų wai.
44 Te nage dwagi yai po eno
sesemane bidada pabo sogo wali paibao.
45 Eno usu selama, nago po wali painogo yai,
tama te badi te dwai kolesgago ena daų wagobeo.
46 Nago po te eno tuni bidi augwali dali waibao.
Eno te sę ebo ena hale me egobeo.
47 Eno dwagi yai dali nago po wali painogo yai.
Magi basowe, eno te dwagi yai po godolo mu ebo
dao.
48 Eno homugo nago po dwagi yai eyu,
tama eno godolo mu ebao.
Tama sesemane sogo eno homugo
te nago dwagi yai po eno koneaibao.

Godigo po bidigo daų wabo te nai mu dao

49 Nago te naga sę bidi enabolo hasia mani,
te daų walali po nago ma koneao.
Te tiali eno te pode konealubo po daų wai dao.
50 Ena te homu sęęę ebo sogo
te eno homu nagame yai,
magi basowe, nago wali po wali peyu,

ena bidibo ula mawai.

- ⁵¹ Dwai kolesaga ebo bidi
augwaligo dwai po ena dali dwai posobo po wai,
tama augwaligo ena dali te po obadi,
eno nago dwagi yai po tudiba mubo menio.
⁵² Genuai Bidi, nago polobadu enabolo mani
te po eno homugo koneyu yai,
tama te pogo ena bomo mabo dao.
⁵³ Eno suali, dwai bidi dabego
nago dwagi yai po bolai,
tama eno augwali dali wado po wabo dao.
⁵⁴ Ena eno bulu digibulu bidiyu,
tama eno nago dwagi yai po koneama,
te eno tęąbi po wabo dao.
⁵⁵ Genuai Bidi, hulide eno homugo nage koneyu,
tama nago dwagi yai po eno wali pabo dao.

⁵⁶ Eno nago dwagi yai po tigidali wali painogo eyu,
tama tego ena homu dwagi yai ilibo dao.

**Bidigo te Godigo bomai po wali pabo kolesaga godolo
mu ebo dao**

- ⁵⁷ Genuai Bidi, nage mu nage enade usu yaibao.
Eno nagebolo po daų olama weyu, tama wai,
eno nago bomai po tigidali wali paibao.
⁵⁸ Eno nage bomonama hanalubao,
nago ena homu dene eyu tau sao,
magi baso meni, nago po daų weyu tama wai.
⁵⁹ Eno te ena bilibo kolesagade homugo kone pala-
ma,
tama megı da, eno po nage dali daų weyu,
tama ena nago po wali paibao.
⁶⁰ Eno tonalugobeo.
Eno polo nago bomai po wali paibao.
⁶¹ Te dwai bidigo usu sabo homugo ena paliyu,
tama ena augwaligo kolesagaba oda sainogo ebao,
tiali digi eno nago bomai po tagalobeo.
⁶² Te hulide mu ena hodaluama,
nago nogi ugwaba siyu,
te me badu doloba pai po nago po tų
ilibode wali tiai.

⁶³ Ena te nago sę ebo bidi dabe dali biliyu,
te nago bomo yai po wali bilibo bage
te eno abagi dabe dao.
⁶⁴ Genuai Bidi, nago te tęde we bidi
tigidali godolo mu ebao.
Nago tigidali bomo yai po enabolo ola mao.

Godigo bomo yai pogo da tau sabo sę elalubao

- ⁶⁵ Genuai Bidi, nago wiegi yai kolesaga
naga sę bidi, enabolo yai dao.
Nago naga daų wali po wali mu pabo dao.
⁶⁶ Nago bomo yai po tigidalide eno
homu daų mu obaso,
tama tiyu, nago wiegi yai kolesaga
te ola mabo sę ena dali yao.
⁶⁷ Nago dene me enaba wasiębadi digi,

te eno nago sunumi wali asobeo.
Tiali goli, megı da, eno nago po wali pabo dao.

- ⁶⁸ Nago wiegi yai mu eyu,
tama nago olo mu tau sabo kolesaga enade ebao.
Nago bomo yai po ena bugagia ola maduao.
⁶⁹ Te dwai hagoma ebo bidi dabego
tibo po hauwa enade
te gasa we bidibolo weyu ebao.
Tiali goli, eno gasa homu me isayu,
te eno nago bomai po naga tigidali wali pabo dao.
⁷⁰ Te bidi dabe augwaligo
wiegi yai homu kolesaga me elalubeo.
Tiali goli, eno te nago bomo yai po
godolo homu mu ebo dao.
⁷¹ Te wiegi yai mu da, te nago dene
mabo sę enabolo yali.
Te tiali sęgo bomo yai po wali pomainogo
ena bugagia ola mawai dao.
⁷² Eno te mone godolo homu me egobeo,
te eno nago bomo yai po godolo ebo
tiwai gilama me egobeo.

Godigo bomo yai po te doloba pai mu elalubao

- ⁷³ Nago digi nago ena nigali,
tama nago ena bugagia tonalubao.
Nago wiegi yai homu kolesaga enaba mao,
te eno nago bomo yai po tigidali bugagia konea
sabo
sę emainogo yao.
⁷⁴ Te we bidi augwali nagede wi eyu,
nage dologode bidibo bage,
te augwaligo ena sulama, homu pemene yaibao,
magi baso meni,
eno nago daų wali pode homu daų wabo dao.
⁷⁵ Genuai Bidio, eno koneani,
nago bomo yai po tigidali te dolo naga mu elalubao.
Nago eno ebo kolesaga deli naga dodolabo homu
eyu,
tama nago enabolo sęę mawai dao.
⁷⁶ Nago daų wabo po walio,
te nago sesemane sogo ena godolo eyu,
te naga sę bidi ena haliga daų walabo po wai.
Tialima, megı da, eno homugo nago
tama sę emainogo homu ebao.
⁷⁷ Nago ena megı hobede eyu da,
te ena bidabo ula saibao,
magi baso meni, eno nago bomo yai po godolo mu
ebao.
⁷⁸ Te hagoma ebo bidi dabe augwaligo
tibo po weyu, ena olo po tų ilaibao.
Augwa te ebo kolesagade hale mu ebo sę ilao.
Tiali digi ena, te eno sesemane sogo nago bomo yai
po
homu konealueibao.
⁷⁹ Mena bidi dabe te nagede wi eyu,
tama te bidi dabego nago bomo yai po koneyu, te
augwali enaba asomainao.
⁸⁰ Te eno homugo nago ena tau sobaso,

te nago bomo yai po tigidali eno wali peyu,
tama ena te ena ebo kolesagade
hale sabo sę me egobeo.

**Te bidigo Godigo ena ma dobola somainogo gedu
haluasa po wali**

- ⁸¹ Nago ena ma sogowe weyu tonalu,
te ena haliga sęęę mu ebao,
tama eno bomo tigidali silibao.
Tiali goli, eno nago pode konealubo
homu daę wai mu elalubo dao.
- ⁸² Eno te nago daę wali po mu usu nugowe weyu,
nage tonalubadi, te eno gedu
magane eyu, hagela mu ebao.
Tama eno te po weyu,
“Nisu sogo nago eno haliga dua digi nagame
iligowe?” eno te po wabo dao.
- ⁸³ Ena te kibu meme wale te augwaligo wain aę bula-
ma,
te dobaso, badia pai saębo tiwai yali.
Tiali digi te eno nago bomo yai po
te eno homude gegeda pabo menio.
- ⁸⁴ Nisu naga sogo eno tonalueibawe?
Nisu sogo mu enabolo te dwai dene mabo bidi dabe-
ba
nago augwaliba dene magowe?
- ⁸⁵ Te dwai hagoma ebo bidi dabego
te nago bomo yai po wali pabo meni.
Augwaligo geme dualubo kolesaga
me badu eyu, te ena tola sainu ebao.
- ⁸⁶ Da we bidigo nago bomo yai po
tigidali daę wabo homu ebao.
Tama nago po te tulalugobeo.
Te bidi dabe augwaligo tibo po dabego ena dolobao.
Tama tibaso, nago ena tau somainu homu ebao.
- ⁸⁷ Paęde tama te augwaligo ena ela mueinu yai.
Tiali goli, te eno nago bomo yai po
tagala homu me ebeo.
- ⁸⁸ Nago ena bugagia tonalubao, magi baso meni,
nago sesemane sogo ena godolo homu ebao.
Tama tibaso, eno nago bomo yai po
tigidali wali mu pabo dao.

**Godigo bomo yai pode konealubo homu daę wabo bi-
di dao**

- ⁸⁹ Genuai Bidi, nago po da,
sesemane sogo elalua pidu elalua paibao.
Te nago bidibo bulude nago pogo bomu
munu me siligobeo.
- ⁹⁰ Nago sesemane sogo naga wali po wali pidu
bidibao.
Nago e tę naga gesabidi badu munama elalubao,
tama elalubo tiwai tama elalu,
te ibaba me kila sesa me pabeo.
- ⁹¹ Naga digi nago po wali gilama
te tigidali nai sibi te polobadu elalua asali,
megi e sogoba usu nagaselama,

megi me elalubao.

Magi baso meni, tigidali nai sibigo nago sę naga
ebao.

- ⁹² Te eno nago bomu yai po godolo menigi sogo da,
teda nago enaba dene mabo sę ebaso, te isigi dao.
- ⁹³ Eno nago bomu yai po me tagalogobeo,
magi baso meni, eno te po dabe wali pobaso,
te nago ena bidabo ula mobaso ena bidibao.
- ⁹⁴ Ena naga nai mu tama, tama tiyu,
nago ena ma sao.
Sesemane sogo eno nago po wali pabo homu ebao.
- ⁹⁵ Te dwai sę ebo bidi dabe geme duala sagaselama,
ena ela mueinu ebao.
Tiali goli, eno nago bomu yai po tigidali konealubaso,
te tama sę eno homu si me egobeo.
- ⁹⁶ Eno megi konebao, te mena nai
te wiegi yai deli mu me elalubeo.
Tialima, te nago po te mu polalubao,
tama tego te tigidali nai usu elama,
te tigidali side elalua pidu, elalueibao.

Godigo bomu yai po godolo mu ebo bidi po

- ⁹⁷ Eno nago bomu yai po godolo mu ebao!
Eno tede homu kone palobo sę
te siade me hulide ebo dao.
- ⁹⁸ Nago bomu yai po ena dali sesemane sogo elalu,
tama te konebo homu kolesaga enabolo mabo dao.
Tama tebo sęęo te ena kolesaga
koneai bidi mu tiwai elama,
tama eno te ena boi bidi dabe
koneani homu kolesaga aiyaba elaluai dao.
- ⁹⁹ Te sesemane sogo eno nago mu poba
naga homu kone palobo dao,
tama tiyu, eno wiegi yai homu kolesaga mu selama,
tama eno ena po ola mabo tisa bidi
aiyaba elaluai dao.
- ¹⁰⁰ Tama eno koneani kolesagago
te monu dabego koneani kolesaga te aiyaba elaluali,
magi baso meni, eno nago doloba pai
bomu yai po wali mu pobaso, tebo dao.
- ¹⁰¹ Ena dwai kolesaga wali pabo
homu eyu, iba kila sabo dao, magi baso meni,
eno homugo nago po naga wali pabo homu ebo
dao.
- ¹⁰² Naga digi nago po dabe ena ola mani.
Tama tiyu, eno te po me tagalobo menio.
- ¹⁰³ Te bunu ge nai hani eno
pedauwalide tubo pusu yaibao,
tiali goli, nago po pusu ebo te umagi mu yaibao.
- ¹⁰⁴ Nago bomai pogo enabolo
te wiegi yai homu kolesaga mawaibao,
tama tialima, eno te dwai kolesaga tigidali ebo
te eno homu hagela mu ebao.

Godigo bomai pode bidi ula sabo po wai

- ¹⁰⁵ Nago po te lam sole ula tiwai eyu,
te ena tau sobaso, dolo paibao,

tama te ula tiwai eyu, ena sunumi ola mabo dao.
¹⁰⁶ Eno po daų weyu, te eno nago doloba pai po
tigidali wali paibao po walio.
Tialima, eno te tiwai tama yaibao.
Eno tibo po me wagobeo.
¹⁰⁷ Genuai Bidio, odao.
Genuai dene mugo ena mesegelali.
Nago ena te bidibo ula elalumainogo
te nago po daų tiwai gilama yao.
¹⁰⁸ Genuai Bidio, eno gedu haluasa
po weyu, te nageba puba hwi obao.
Nago eno puba hwi wali po selama,
tama ena nago po bugagia ola magameo.
¹⁰⁹ Sesemane sogo eno ena bidibo ula
tagalabo sisi elalubao.
Tiali goli, eno nago bomai po
homu kone ebo me tagalobeo.
¹¹⁰ Te dwai bidi dabego ena tola sabo
bono gaąą po diliginama, dalubao.
Tiali goli, eno nago po me tagalobeo.
¹¹¹ Eno nago po sesemane sogo totalua pidubo dao.
Tama te pogo eno haliga pemene ilibo dao.
¹¹² Eno po daų weyu, te eno nago bomo yai po
tigidali wali pidubadi,
te ena isibo sogoba usu naibao po wai dao.

**Godigo bomo yai pogo da bugagia bidimainogo ilibo
dao**

¹¹³ Nage wali paibao weyu,
tibo po wabo bidi dabe te eno godolo me egobeo,
tiali goli, eno nago bomo yai po
wali pabo homu eyu, godolo ebao.
¹¹⁴ Nage naga tama ena seselalubo bidi elalubao,
te eno bomai obo elalubo tiwai dao.
Eno nago daų wali pode konealubo
homu daų wai elalubao.
¹¹⁵ Dage dwai seęę sabo we bidigo ena tagalao.
Eno ena Godigo bomai po wali painogo homu ebo
dao.
¹¹⁶ Genuai Bidi, nago po daų weyu,
te nago ena daų walama,
te ena bidibo ula elalueibao po wali,
tama eno nago daų wali pode homu konealuyu
bidali.
Nago te bomo enabolo mao,
tiyu eno konealubo homu odolali tagalidalio.
¹¹⁷ Ena nago tolalubaso, te ena bugagia bidaibao.
Tama sesemane sogo eno olo
nago poba bugagia munama elalu,
te eno wali paibao.
¹¹⁸ Te nago bomo yai po wali pisąma
tagalobo we bidi tigidali te nago tudiba mubo dao.
Te augwaligo tibo po wabo dabe te odolali waibao.
¹¹⁹ Nago homugo te dwai seę ebo
we bidi dabe te pobelebage tiwai
naga homu ebo dao,
tama tibaso, eno nago po godolo mu ebo dao.
¹²⁰ Ena nagede wi mu elama, tama ena didibili ebao.

Eno nago po tu ebode homu kone palama,
te wi ebo dao.

Godigo bomo yai po wali pabo bidi po

¹²¹ Eno te wiegi yai doloba pai kolesaga ebao.
Eno homugo nago ena tagaligi homu ebao,
tiyu te boi bidi dabego enaba dwai seę idalio.
¹²² Eno homugo te nago naga seę bidi
ena tau sabo bomai po daų omainogo homu ebao.
Te nago te dwai hagoma ebo bidi dabego
enabolo te seęę momai hagede sula tagaligio.
¹²³ Te nago ena te dwai bidi dabego
nogode ma dobola sogowe weyu,
te nageba tonalu tonalu ebao,
te nago polobadu tama tiabo po daų wai dao.
Tiali goli, ena tonalubadi digi,
te ena dwai dene mu ebo dao.
¹²⁴ Eno homugo nago ena godolo ebo
kolesaga wali peyu, te nago mu po te bugagia
ola magameo.
¹²⁵ Ena nago seę bidi da, tibaso enabolo wiegi yai
homu kolesaga mobaso da,
te eno nago po page koneaibao.
¹²⁶ Te we bidi dabe augwaligo nago
bomo yai po bolobao.
Tama tibaso, megi da te nago dene
augwaliba mabo sogo dao.
¹²⁷ Eno nago bomo yai po godolo mu ebao.
Eno te polalubo nai te mone gol
eno godolo homu elalubeo,
tialima te eno nago po godolo homu ebo dao.
¹²⁸ Tama tiyu, eno nago po tigidali wali pobao.
Eno homugo te gasa sunumi dabego
te nago sunumi ela soabo
te eno homugo hagela homu mu ebao.

Godigo sunumi wali pabo homu ebo bidi po

¹²⁹ Nago po te wiegi yai mu elalubao.
Tama tiyu, eno homu si isiaųu,
eno te po tigidali wali pabo dao.
¹³⁰ Te bidi me deligo gasa bidi
tau siyu, te nago po page konemainogo tibaso da,
teda aga haligaba ula mabo te saibao.
Tama te pogo te homu kolesaga
bugagia konesiąwani bidibolo
te homu kolesaga mabo dao.
¹³¹ Eno nago bomo yai po homu godolo mu ebao,
tama eno haliga umagia hogodaluyu,
wali pabo homu ebao.
¹³² Nage aselama, te nago homu
dene eyu, tau sabo kolesaga enabolo yao.
Te nage godolo homu ebo we bidi
tigidaliba te tiwai seę nago ebo dao.
¹³³ Te nago tonalubaso da,
teda ena te dwai seęęba tulalugobeo,
te nago tama tiabo seę po polobadu daų wai.
Te dwai kolesagago ena aiyaba elalu

idali weyu, te nago tona tagaligio.

¹³⁴ Te ena aiyaba elalubo sę bidi dabego,
te ena augwaligo dolidali dabego,
te nago ena ma sao.

Tama tiwai sę augwaligo enaba isąbaso,
te eno nago po wali paibao.

¹³⁵ Eno homugo te nage ena pąba bidagaselama,
te nago bomo yai po tigidali enabolo ola mayu,
te ena bugagia wiegi yai ilao.

¹³⁶ Eno gela hauwa weyu,
tama eno gedu ąj gela gigua umagi mu yaibao,
magi baso meni, te bidi dabe augwaligo
nago bomo yai po wali pisąbaso,
te ena gela wabo dao.

Godigo bomai po te dolo elalubao

¹³⁷ Genuai Bidi, nage doloba pai mu tama elalubao,
tama nago bomo yai po tigidali
te doloba pai mu naga elalubo dao.

¹³⁸ Nago dabolo mani bomo yai po
tigidali doloba pai elalu,
tama wiegi yai naga elalubo dao.

¹³⁹ Te eno boi bidi dabe augwaligo
nago pode homu kone palobo sę me ebo menio.

Tama tibaso, eno haliga te isi dabo posolo tiwai ebo
dao.

¹⁴⁰ Nago po daų wabo te mu po naga waibao,
te eno usu sela suai dao.

Tama ena, nago sę bidigo, eno homugo nago te tiwai
daų wabo po godolo homu naga ebo dao.

¹⁴¹ Ena olo bidi da, te bidi dabe
augwaligo enabolo posobo po obadi,
tiali goli, te eno nago ola mabo po
homu kone palobo me tagalogobeo.

¹⁴² Te nago doloba pai kolesaga
sesemane sogo elalua pidu bidaibao,
tama sesemane sogo nago bomai po te mu naga
dao.

¹⁴³ Te sęęę hauwa enaba pedelai,
tiali goli, eno nago bomo yai pode
homu pemene yaibao.

¹⁴⁴ Nago po doloba pai sesemane sogo elalubao.
Nago ena tau sobaso da, teda eno te po page konea-
ma,
tama ena te bidabo ula dali bidaibao.

Bidigo te Godigo aga ma somainogo gedu haluasa po wali

¹⁴⁵ Genuai Bidi, eno gedu haluasa po
bomonama mu nageba obao.
Eno gedu haluasa po odao,
tialima te eno nago po tigidali wali paibao.

¹⁴⁶ Megi eno nageba i obao.
Ena ma dobola sao, tama tibaso da,
te eno nago bomo yai po tigidali wali paibao.

¹⁴⁷ Te be posisąbadi digi,
te eno nageba gedu haluasa po weyu,

ena tau sao po obao.

Eno nago daų wali poba homu daų wagasai elalubo
dao.

¹⁴⁸ Te hulide ena godege me pigobeo.
Eno sesemane sogo nago poba naga
homu kone elalubo dao.

¹⁴⁹ Genuai Bidio, nago sesemane sogo
ena godolo ebaso,
tama nago eno gedu haluasa po wabo odao.
Nago ena homu dene eyu, tau sao.

Tama tiyu,
nago ena bugagia tonalubaso da,
te ena bidibo ula dali bidaibao.

¹⁵⁰ Te dwai homu elalubo bidi dabego
te ena dolabo homu eyu, te augwali pąba asobao.
Augwaligo nago bomo yai po wali pabo
homu munu me ebeo.

¹⁵¹ Tiali goli, Genuai Bidi, nage ena pąde bidibao,
tama nago hasegelesiąbo bomo yai po
tigidali te mu po naga elalubao.

¹⁵² Te bidada asali sogo polobadu mu
eno nago po konea salio.

Nago te wali pogo te sesemane sogo
bidada pabo po wai dao.

Bidigo te Godigo aga tau somainogo i wai dao

¹⁵³ Nago suali, ena te genuai sęęę elalubo,
tama tialima, nago te sęęę sela sayao.
Eno nago bomo yai po homu kone me
gegeda palobo menio.

¹⁵⁴ Ena tau siyu, ena ma selama,
te ena bidabo ula mao,
te nago tama tiabo po daų wai dao, te tiwai yao.

¹⁵⁵ Te dwai kolesaga ebo bidi dabego
nago doloba pai po wali pisąbaso,
tama tiyu te nago augwali ma sogobeo po wali.

¹⁵⁶ Tiali goli, Genuai Bidio, nago olo tau mabo
wiegi yai kolesaga te genuai mu elalubao.
Nago ena ma sabo po daų walai elalubao,
tialima, eno homugo nago te sę
megi tama yao homu ebaso.

¹⁵⁷ Bidi hauwago ena dolobo sę eyu,
te enaba boi bidi ebaso, tiali goli,
eno nago wiegi yai mu bomai po me tagalogobeo.

¹⁵⁸ Te bidi dabego konealubo homu daų wali
te eno suali sela sąbaso,
te eno augwaliba wado po wabo dao,
magi baso meni, augwaligo nago po
wali pisąbaso tebo dao.

¹⁵⁹ Nago ena subao,
eno nago ola mabo po godolo mu ebaso.
Nago ena godolo ebo kolesaga me hasegelegobeo,
tama tiyu nago ena ma sao.

¹⁶⁰ Nago bomo yai po page da,
te mu po naga tama elalubao.
Tama nago doloba pai bomo yai po
tigidali te sesemane sogo elalua pidu,
elalua pabo dao.

**Bidigo godolo homu eyu, Godigo bomo yai po wali mu
pabo bidi po**

- ¹⁶¹ Te tobolu bidi dabego enabolo dwai sę ebo,
tama augwaligo te tiwai sę kolesaga page menio.
Tiali goli, eno nago poba homu
kone palobo sę elalubao.
- ¹⁶² Eno te nago daų wali pode homu daų weyu,
wiegi yai pemene homu umagi mu ebaso,
te bidi me deligo te gol mone hauwa sobaso,
pemene ebo tiwai ebaso.
- ¹⁶³ Eno te tibo po wabo kolesaga
hagela homu mu eyu,
tama tede eno haliga dwai ebo dao.
Me ma, eno te nago po godolo homu mu ebo dao.
- ¹⁶⁴ Te nogo a naga olama, me badu si wabo side,
tigidali sogo eno nageba puba hwi weyu,
te nago po tųde ebo doloba pai po
naga obaso, tebo dao.
- ¹⁶⁵ Te we bidi augwaligo nago
bomo yai po godolo mu eyu,
tama augwali bugagia mu bidibao,
te magi nai me deligo augwali
tulaluabo sę me ilibao.
- ¹⁶⁶ Genuai Bidio, te nago ena ma sogowe weyu,
te nage eno tonaluyu,
te nago po weyu, nago enabolo yao
wali kolesaga eno ebaso.
- ¹⁶⁷ Eno nago bomai po dabe wai pabo dao.
Eno te bomo yai po dabe wali pabo
homu godolo ebo dao.
- ¹⁶⁸ Eno nago bomai po dabe tigidali,
me te nago po tigidali me wali pabo dao,
tama eno tama tebo kolesaga tigidali nago subo
dao.

**Bidigo gedu haluasa po weyu, te Godigo aga tau so-
mainu yali**

- ¹⁶⁹ Genuai Bidi, eno nageba
i wabo odama, te ena tau sao.
Te wiegi yai homu kolesaga enaba mao,
te nago polobadu enabolo po
daų wali tiwai gilama yao.
- ¹⁷⁰ Eno gedu haluasa po waboba olo muao,
tama nago polobadu po wali gilama ena ma sao.
- ¹⁷¹ Te nago tigidali bomo yai po enaba
bugagia ola mobaso,
tama te eno nago nogi sesemane
sogo ugaba mu saibao.
- ¹⁷² Te eno nago bomo yai po
nogi ugaba sabo balia po waibao,
magi baso meni, te nago bomo yai po tigidali
te doloba pai naga elalubo dao.
- ¹⁷³ Eno nago bomo yai po tigidali wali paibao,
tama tiyu, nago ena sesemane sogo
tau sabo sisi elaluao.
- ¹⁷⁴ Genuai Bidi, eno haligago nagede gela obao,

- te nago ena ma sao.
Nago bomo yai pogo ena homu pemene ilibo dao.
- ¹⁷⁵ Eno te nago nogi ugwaba somainogo,
nago enaba te bidabo ula mao.
Eno homugo te nago pogo ena
tau somainogo homu ebaso.
- ¹⁷⁶ Eno te sunumi tagalama olo bilibao,
te kibu sipsip wai hagabo tiwai ebaso.
Tama tibaso, nago ena naga sę bidi gegagasao.
Magi baso meni, eno nago bomo yai po homu
kone palobo, me gegeda pabo meni dao.

**Bidigo te Godigo aga tau somainu, gedu haluasa po
wai**

- 120** Te sęę enaba pedalubo sogo, eno te
Genuai Bidiba
i wali, tama agai eno gedu haluasa
po odoyu, tama wei ponani.
- ² Eno gedu haluasa po te tiwai wali,
"Genuai Bidi, ena tau sao.
Tiyu, te tibo po wabo bidi dabego
ena dolidalio," wali.
- ³ Dage tibo po wabo bidi dabe da,
Godigo mena sę dageba egowe?
Agai dageba te magi dene mawaibawe?
- ⁴ Te agai dage te ami bidi dabego
poa pai enego enaibao,
tama posolai sia te dage tigiba gea palaibao.
- ⁵ Ena dage tomode dwai dugulalu,
tama te ena te bulu Mesek,
me te Kedar dabe tomode
dwai dugulaluali tobage tiwai ebaso.
- ⁶ Ena te gasa we bidi dabe dali bugagia
wei elama dugulalu,
te sesabi elama dugulaluama bidabo tiwai ebeo.
- ⁷ Te eno augwali bugagia dugaya
wabo sogo, augwaligo hwjainu naga yai dao.

Genuai Bidi te da tonalubo bidi dao

- 121** Eno te bulu du dabeba tonono ebaso.
Tiali goli, ena tau sabo bidi menadu
pedelaibawe?
- ² Menio. Genuai Bidigo dagalu dali, tų dali nigali,
agai deligo naga ena tau sabo dao.
- ³ Te agai nage tulalumainu me egobeo.
Te agai nage tonalu,
tama aga me pigobeo.
- ⁴ Bugagia odao.
Agai te Israel dabe tonalubo dao,
tama aga dwasianu me pibeo. Mu menio.
- ⁵ Genuai Bidi agai te nage tonalubo bidi dao.
Aga te nage pąde dolalu, tama nage tonalubo dao.
- ⁶ Te giliga sesani te nago tigde me egobeo,
tama te hulide te poluago nage me dologobeo.
- ⁷ Genuai Bidigo te nage tonalu,
tama te dwai naigo nage dolidali weyu tiaibao.
Agai nage tonaluaibao.

⁸Te nago be taga pabo sogo,
te Genuai Bidigo nage tonaluaibao.
Tama te nago ma asobo sogo me, te agai nage
tonalubao,
tama megi me, te tigidali sogo
nosali bidibode me, te tiaibao.

**Te Jerusalemba wiegi yai pemene eyu wabo tęąbi po
dao**

122 Augwaligo enabolo walali, "Iya, tegoba,
da te Genuai Bidigo beba pinao."

Augwaligo te tiwai po obaso,
te ena bugai haliga mu yalio.
²Tialima, megi da, da sabolama,
tama te Jerusalem bagulali obo tomode dolalubao.
³Augwaligo te Jerusalem ma nigilama,
tama te wiegi yai mu dodolama elalubao.
⁴Te Israel hani dabe teba aselama,
te Genuai Bidiba puba hwi po wagasobo dao,
te polobadu agai augwaliba wali po
tiwai gilama ebo dao.
⁵Te pesagede te po tų ebo be elalubao,
tama Israel king dabego te we bidigo
po tų odolama, tama po dodoliyu ebo dao.

⁶Dagego te gedu haluasa po waiya,
te Jerusalem dabe bugagia dugulalumainogo yao.
Dagego te tiwai gedu haluasa po waiya,
"Te Jerusalem wei ebo we bidi dabe
augwa bugagia bidimainao.
⁷Te Jerusalem obo tomode bidibo
we bidi dabe augwa te bugagia dugulalu,
te hwjbo menia somainao.
Tama king dali, te tobolu bidi dabe me,
te bugagia dugulalumainao," wao.
⁸Eno te abagi me hai namu homu koneama,
tama eno te tiwai po Jerusalemba obao,
"Eno homugo naga te bugagia bidiyu,
tama te hwjbo meni yaibao."
⁹Eno te dena Genuai Bidi, Godigo beba
homu kone paliyu,
tama eno te gedu haluasa po obao,
te nago tigidali nai te bugagia mu pedalumainao.

**Bidigo homugo te Godigo agade homu dene eyu, tau
somainogo eyu, gedu haluasa po wai**

123 Genuai Bidi, nage te dagalude king
bidibaso,
tama eno konealubo homu nageba muani.
²Te sę ebo bidigo te aga tonalubo bidiba homu
muyu,
tama te sę ebo wego me
te aga tonalubo weba homu muaibao.
Te tiwai naga gilama,
dago konealubo homu me nageba muyu,
Genuai Bidi, te dago God dao,
te nago olo tau sabo wiegi yai kolesaga
dabolo ebaso, te usu dao.

³Genuai Bidio, nago te homu dene eyu,
olo tau sabo kolesaga daba yao, magi baso meni,
te we bidi dabego daba te dwai sę
hauwa sogo ilibo dao.
⁴Te sesabi elama bidibo sogo,
te mone bisnis sę ebo bidigo
dabolo te posobo po wali,
tama te hagoma ebo bidi dabego
da aiyaba elalubo dao.

Godigo te aga we bidi tau sabo dao

124 "Te Genuai Bidigo da me
tau sigi menigi sogo da, teda magi igi daweo?"
Te Israel dabego te hanalubo wei ponao.
²⁻³"Polobadu te bidi dabego dabolo haliga sębę ela-
ma,
tama augwaligo da dali hwjani.
Tama Genuai Bidigo da tau sigi menigi sogo da,
te boi bidi dabego augwa haliga
sębęgo da mu doligi dao.
⁴Te da węgo bomogo sabo tiwai elama hagagi da,
tama te węgo da mesegelibo tiwai igi dao.
⁵Tama te wę bomo yai asiyu, da sigibaso,
tama da isigi dao.
Tiali goli, me tebeo menio."

⁶Dago Genuai Bidiba usu da mu wao.
Agai te boi bidi dabego da silimainu me ebeo.
⁷Dago augwali tagalali,
te ba te bidi me deligo muani wade tola sali
te tagalubo tiwai elama, tama bola pali.
Te wa alua pelama, tama da tede ma daų me
elalubeo.
⁸Te dagalu dali, tų dali nigali Genuai Bidigo, aga digi
te da tau sabo dao.

Godigo aga we bidi dabe bugagia dugulalumainu yali

125 Te Genuai Bidiba homu
kęą pali we bidi dabe,
augwali te Saion bulu du tiwai dao.
Te bulu du mumunu me isiąma,
tama aga page daų mu elalubao.
²Te Jerusalem bagualu elalubo
bulu du dabe, te tiwai naga megi,
me nosali tigidali sogo telaluaibao,
te Genuai Bidigo aga we bidi bagualubo dao.

³Te dwai bidi dabego te Godigo we bidi dabego
tų te sesemane me tonaludugobeo.
Te tiwai augwaligo igi sogo da,
teda te Godigo we bidigo me
te dwai kolesaga eba homu igi da.
⁴Genuai Bidi, nago wiegi yai kolesaga
te wiegi yai we bidiba yao,
te naga bomai po wali pabo we bidi dabe dao.
⁵Tiali goli, nago te augwa digi augwa
dwai kolesaga wali pabo we bidiba

te dwai dene mabo sogo da,
teda nago kolesaga tagalubo
we bidi tigidaliba nago te dene mao.

Te Israel dabego gedu haluasa po weyu, te Godigo
augwali tau somainu yai

- 126** Te Genuai Bidigo da te Saionba
ma odasa asali sogo,
dago homugo te dago olo nade ebo tiwai homu yai.
²Tama dago gisugu kisu selama mu wali,
tama dago pemene umabo mu ebo tęąbi wali.
Tama te Genuai Bidigo po konesiąbo
bidi dabego te tiwai po wali,
“Genuai Bidigo te genuai sę mu ebogo
te Israel dabe tau sabo dao,” wali.
³Mu dao, Genuai Bidigo
te genuai sę mu da tau siyu yai dao.
Tama tibaso, da bugai haliga mu ebo dao.
⁴Genuai Bidi, nago da tigidali dena
tęba ma odasa asao.
Te tama tiali, te buside wę gamia soabo
te wa pomainu ebo tiwai bolo yali,
tiali goli, nago te tulubage tulumainu
elama, tama wę te ąj gamiade paęamainu yao.
⁵Te gela wabo sę eyu, te nai bulali bidi dabe,
te augwa wiegi yai pemene elama,
te inayu tau yali nai nosali saibao.
⁶Mu tama dao. Te gela weyu, te nai wai sela pelama,
bulugi pali bidi dabe, nosali augwa te wiegi yai
pemene ebo tęąbi weyu,
tama te tau yali nai dabe selama, asaibao.

Godigo wiegi yai sę augwaliba ebaso, tama augwaligo
agai nogi ugwaba salio

- 127** Te Genuai Bidigo te be me deli sę igi
menigi sogo
da, te kamda dabego sę odolali igi dao.
Te Genuai Bidigo taun me deli tonalugi menigi sogo
da,
teda te tonalubo bidi dabe augwali
te odolali tonalugi dao.
²Da te kigamu digi mu hodaluama,
tama sę dene ela pidubadi,
te be hulua saboba usu nani,
te mone me nai dabe sabo sę eyu tebao.
Tiali goli, teyu, te da odolali sę dene yabuo.
Magi baso meni, Godigo te aga
wei ebo we bidi dabeba
te toma nabo sogo mabo dao.
³Godigo dabolo dwagi yai sę eyu,
tama te wai dabe te wiegi yai nai
mu tiwai mabo dao.
Te wiegi yai nai dabe mu dago te Godide sabo dao.
⁴Te gesi bidigo wai ogwa te ami bidi me deligo no-
gode
te enesigi ene tolalubo tiwai ebao.
⁵Te wai ogwa hauwa elalubo bidi,

aga te wiegi yai pemene yao.
Te agai te aga boi bidi dabe dali
te po tų ebo pesagede te po tų ebo sogo,
te augwaligo aga tau saibao.
Tama aga te po tųde hagamainu me egobeo.

Godigo te aga po wali pabo we bidiba wiegi yai sę
bugagia ebo dao

- 128** Te Genuai Bidide wi elama, tama agai
po wali pabo we bidi dabe,
augwali te wiegi yai pemene ebo dao.
²Tama te naga yali sęde te mone selama,
te nago sęą pali doado bage abelibaso, te usu
yaibao.
Tama nago ebo sę tigidali te wiegi yai
pedelama, tama nage pemene yaibao.
³Te nago we da,
te wain bonogo te nai hauwa walubo tiwai yaibao.
Tama nago wai dabego te nago nai tuabo
tebol sai bagua selama,
te gesi ni oliv dugo bagua sabo tiwai yaibao.
⁴Mu tama, te Genuai Bidigo po wali pabo bidi da,
te aga te tiwai wiegi yai nai sabo dao.
⁵Genuai Bidi te Saionde bidibao, eno homugo agai
te nage wiegi yai sę ilaibao.
Me eno homugo te tigidali sogo nage te tęde bidibo
sogo
te nago te Jerusalemde tigidali nai te bugagia mu
pedalubo suaibao.
⁶Eno homugo nage sesabi elama,
bidimainu homu elama, te nago naga wąj nęų dabe
sumainu ebo dao.
Te Israel dabe bugagia dugulalumainu elama,
tama te hwjbo menia somainu yao.

Te Israel dabego Godiba gedu haluasa po olama, te
augwa boi bidi dabe dolomainu yali

- 129** Israel, nago dabolo te boi bidi dabego
nage dwai mu ilibo sę ebo po pusali,
te nage gesi bidide gagalasa,
megiba te usu nagasobao.
²Nago te tiwai po wali, “Te boi bidi dabego enaba
dwai sę mu yali,
te ena gesi ogwa bidide gagalasa,
megiba usu nagasobao.
Tiali goli, augwaligo ena aiyaba me elalubeo,” po wai.
³“Augwaligo ena dodologia mu elama,
tama elali bjgo ena tigiwali tudi badu togwali.
Augwaligo te bobobage keni hauwa
te gide wę gamia tiwai pedalumainu ilali.
⁴Tiali goli, Genuai Bidi te doloba pai mu da,
tama agai ena tau selama,

tama ena te dwai bidi dabego nogode tagalama,
tama ena te olo sę ebo bidi ma bidibeo," wali.

⁵ Eno homugo dago te Saionba boi bidi
ebo bidi aiyaba elalumainu homu yai,
tama augwali pobeasa te augwa buluba ma pao.

⁶ Te tialima, augwali te be daide
ugwadu pedalubo nosa tiwai ebao.
Augwaligo te nosa togosiąbadi, tama polo sasia pabo
dao.

⁷ Te bidi me deligo te nosa me sisinama,
tama dunama, tama me tolasa pabeo.

⁸ Tama te we bidi dabe augwali pąba pobaso,
te augwaligo te tama po me wagobeo,
"Te dago homugo Genuai Bidigo nage wiegi yai sę
yaibao.

Te Genuai Bidigo nogide, dago dagebolo
te tobage wiegi yai po mobao,"
augwaligo te tobage po wagobeo.

**Bidigo gedu haluasa po Godiba weyu, te aga tau so-
mainu yali**

130 Genuai Bidi, ena haliga sęęę dwai mu
ebaso, tama eno nageba i obao.

² Genuai Bidi, eno gela wabo odao.
Te nago ena tau sao olama, te eno nageba i wabo
odao.

³ Te nago dago yali dwai sę tigidali nedebaso da,
teda dego nago te po tų ebo ugwaba
ela holobo usu egowe?

⁴ Tiali goli, nago dago dwai sęde sali sęęę sela sąbo
da,
tama tiyu, dago nagede noma siyu, wi ebo dao.

⁵ Eno homugo te Genuai Bidigo
ena tau somainu homu elama,
tama eno aga tonalubao.
Tama eno konealubo homu agai poba dąų mu wabo
dao.

⁶ Eno te Genuai Bidi tonalu, tama eno homugo
te agai ena tau somainu homu mu ebao.
Tama tego te be posobo tonalubo bidi
dabego wei ebo homu te aiyaba elalubao.
Te bagego hulide te taun bugagia tonalubo sę ebo
dao,
tama augwaligo homugo te be posobo
polo asao homu ebo dao.

⁷ Da Israel dabe, dago konealubo homu
te Genuai Bidiba muiyąo, magi baso meni,
agai da sesemane wei mu idubao.
Tama sesemane sogo te agai da tau sabo homu eyu,
te da dolidali olama tebo dao.

⁸ Agai aga we bidi dabe te ma saibao, te da Israel,
tama dago yali dwai sęde sali sęęę
tigidali sela sąwaibao. †

**Bidigo te konealubo po dąų olama, Godiba gedu halu-
asa po wali**

131 Genuai Bidi, eno te hagoma yali kolesaga
tagalama, tama eno te ena digi te nogi
ugwaba me sabeo.

Eno te genuai nai dabede homu kone me isiąma,
tama te eno konesiąwai nai dabede
me eno homu kone me ebo menio.

² Tiali goli, ena te bugagia duagulama,
tama ena homu dua tegaluai.

Ena te wai bųą aga idago nogode digi
pagealubo tiwai elalubao.

Tama tiwai naga, eno haliga me te dua digi elalubao.

³ Te Israel dabe, dagego konealubo
homu Genuai Bidiba muiyąo,
megi me, tigidali sogo nosali me, te tama tiao.

**Te Godigo wiegi yai tedali bede te augwa wiegi yai
pemene yali**

132 Genuai Bidi, nago te Devit homu kone
ebo me tagaligio,
tama te tigidali sęęę agai bugagia tolali,
te homu kone tagaligio.

² Te Israelgo Bomai God, nago te Devitgo nageba
te dąų walali po meba koneao.

³ Agai te tama po wali, "Ena te beba me pisąma,
tama ena te betba me pigi pogobeo," wali.

⁴ "Ena toma neyu, tama me pila mudugobeo.

⁵ Hasiabolo eno te Genuai Bidigo
pesage me deli nigaibao, te Israelgo Bomai God,
te aga bidimainu yabo pesage nigilaibao.
Tama nosali te ena toma naibao," wai.

⁶ Te Betlehemde dago te Genuai Bidigo
Dąų Wali Bomai Po Munalubo Halobage po odali.
Tama dago te Kariat Jearim tųde elalubo gegelama
suai.

⁷ Tama dago te po wai, "Iya, tegoba,
da te Genuai Bidigo beba pinao," wali.
"Dago te aga sia king pąba
lotu wagi pinao," wai dao.

⁸ Genuai Bidi, nage te naga toma nabo
pesageba dulao,
tama te Dąų Wali Bomai Po Munalubo Halobage
nage dali selasa asao.

Te nago genuai bomo dąį ilali te dao.

Tama nage aselama,
tama tede bidada peyu, bidada pao.

⁹ Te nago naga pris dabe tau selama,
tama augwaligo te doloba pai kolesaga naga
tigidali sogo emainao.

Tama naga we bidi dabe augwa
wiegi yai pemene elama, i omainao.

¹⁰ Genuai Bidi, nago te naga sę bidi Devitba
te bomai po me deli dąų walali elalubao.

Tama tiyu, nago te naga sa muani king

† 130:8 Mat 1:21; Tai 2:14

te tudiba me mugio. †

11 Polobadu nago Devitba bomai po me
deli daų walali,
tama nago te naga po me hasegeligobeo.
Nago te tama po wai, "Te eno nago ogwa me deli
te king pedalumainu yaibao," wali,
"tama agai te nage hasegelaibao. ††
12 Te nago ogwa dabego eno
daų wali po kontrak wali peyu,
tama eno augwaliba mani bomai po
tigidali wali pobaso da,
teda nago wai nų dabego
te augwa ogwa dabe augwali me te king pedelaibao,
te tigidali sogo tama tede piduaibao," wali.

13 Genuai Bidigo te Saion sa muanio,
tama aga tede sesemane bidainu yai.

14 Agai te po wali, "Te ena te taunde
sesemane bidada peyu, bidada paibao," wali.
"Eno te pesage te ena king bidabo madi sa muai dao.

15 Eno te Saionba usu nama nai mayu,
tama te we bidi dabe te nai me sų pogobeo.
Tama eno te magi nai meni yai bidi dabe nai mena-
ma,
tama augwa mu paęawaibao.

16 Eno te Saion pris dabeba sę menama,
eno te tųde we bidi ma sabo po te pusumainu ebao.
Tama te Saion we bidi dabe augwa tęąbi weyu,
tama pemene elama, tama i omainu yaibao.

17 Te eno te Devitgo hanide bidi me deli selama,
tama aga te bulude king pedalumainu elama,
tama aga hani te sęde me hagagobeo. †

18 Te eno agai boi bidi dabe
te dwai hale mu somainu ilaibao,
tiali goli, te agai tonalubo we bidi dabe da,
te augwali wiegi yai pedelama,
tama bomo elalu bidaibao," po wai dao.

Augwaligo te ama wei ebo kolesagade pemene yali

133 Te Godigo we bidi dabe deliba bugagia
dugulalu, tama te deli haliga elama,
te ama dabe tiwai mu elama bidiyu ebaso da,
te wiegi yai mu dao, tama augwa bugai haliga elama
bidimainu yao.

2 Te kolesaga te oliv ni dugo
te wiegi yai wel tiwai ebao,
augwaligo te Arongo toboluba gelama,
tama te naboge tobolu nisiba dulama,
tama aga bobage gudali ugwa sabiba usu nugulali.

3 Te deli haliga ebo kolesaga te hulide genuai wę
segeni
te Hermon bulu duba,
me te Saion bulu du dabeba tulalubo tiwai ebao.
Te bulude Genuai Bidigo te bidi dabe
bugagia mu te deli haliga elama, bidimainu ebo dao.

† 132:10 2 Sto 6:41-42 †† 132:11 2 Sml 7:12-16; 1 Sto 17:11-14;
Tib 89:3-4; Tpi 2:30 ‡ 132:17 1 Kin 11:36

Agai augwaliba te bugagia mu bidada peyu,
bidada pabo ula augwaliba mawaiba.

Dago te God nogi ugwaba sao

134 Dage Genuai Bidigo sę bidi tigidali,
te agai tedali wiegi yai tempel bede
te hulide sę ebo da, dagego agai nogi ugwaba siaų.

2 Dagego te tempel be tomode
gedu haluasa po bomo elama weyu,
tama Genuai Bidigo nogi ugwaba sao.

3 Genuai Bidigo te dagalu me tų nigali,
tama te Saionde bidiyu, eno homugo agai dage dali
wiegi yai sę emainao.

**Te Genuai Bidiba wiegi yai pemene eyu, wabo tęąbi po
dao**

135 Genuai Bidi nogi ugwaba sao.
Te Genuai Bidigo sę bidi dabe,
dagego aga nogi ugwaba sao.

2 Dage te Genuai Bidigo be tomode dolalubao,
te dena Godigo tedali wiegi yai tempel be dao.

3 Aga nogi te ugwaba sao, magi baso meni,
agai wiegi yai sę daba ebao.
Agai te olo tau sabo wiegi yai kolesaga dabolo ebao,
tama tiyu, dago te tęąbi dabe weyu,
agai nogi ugwaba siaų.

4 Genuai Bidigo Jekop te aga mu da weyu, te sa
muani,
tama tialima, te Israel dabe
te Godigo hani mu gagawai dao.

5 Eno koneani, Genuai Bidigo nogi
te genuai mu elalubao,
tama aga te tibo god tigidali daide
ugwadu aga bidibao.

6 Genuai Bidigo mena sę te dagalude
me, te tųde me, te tamu węde me,
te tamu wę pagede yabo homu ebaso da,
teda agai te sę ebo dao.

7 Agai te tulubage tulubo pų
te tigidali tų badu pedalumainu elama,
tama be sele te tulubage dali
pedalumainu ebo dao, tama te wali hodolama,
te tedela palobo dao.

8 Te Isip tų pedai kantride agai
te Isip dabego gomunai ogwa dabe ela mubadi,
te augwa kibu bulmakau omai dabe me ela silali.

9 Tama te Isipde agai te bidigo me
isiųwai bomai sę dabe
te kingba me, aga ofisa dabeba dali,
te dene mawai dao.

10 Genuai Bidigo te bulu tų pedai hauwa dolama,
tama te bomai king meba ela muai dao.

11 Agai te Sihon elali, te Amor dabego king,
tama Ok, te Basan bulu king da,
tama te Kenan tų king tigidali ela silai dao.

- ¹² Tama agai te king dabego tų
te aga hani bageba mani,
te Israel dabebolo mawai dao.
- ¹³ Genuai Bidi, sesemane sogo
te we bidi dabego te nage koneama,
te naga digi nage te God da homu yaibao.
Tama te nosali pedalubo hani dabe,
augwaligo me te nage homu konealuaibao.
- ¹⁴ Tama Genuai Bidigo te seselalubo
kolesaga te aga we bidi dabeba eyu,
tama aga te sę bidi dabeba homu dene yaibao.
- ¹⁵ Te gasa hani dabe augwaligo
te augwa tibo god dabe te silva me golgo nigali.
Te bidi dabe augwa nogogo digi
te tibo god dabe nigai.
- ¹⁶ Te tibo god dabe augwa pedauwali elalubao,
tiali goli augwa po wabo usu meni yai.
Tama augwa gedu elalubao,
tiali goli augwa nai dabe me subeo.
- ¹⁷ Tama augwa olo elalubao,
tiali goli augwa po wabo me odosiąwai,
tama augwa mobo sabo usu meni yai.
- ¹⁸ Eno homugo te tibo god nigibo bidi dabego
tama augwa homu te nai dabeba
mubaso, augwa te tibo god dabe
tobage tiwai pedelaibao. †
- ¹⁹ Dage Israel we bidi dabe,
te Genuai Bidi nogi ugwaba سیاۆ.
Dage Genuai Bidigo pris dabe,
te Genuai Bidigo nogi ugwaba sao.
- ²⁰ Te Livai hani dabe, te Genuai Bidigo
nogi ugwaba سیاۆ.
Dage te Genuai Bidide wi eyu
aga dologode bidibo we bidi dabe,
te aga nogi ugwaba sao.
- ²¹ Te Saionde bidalubo we bidi dabe,
te Jerusalem, te Genuai Bidigo pesage mu da,
te agai nogi ugwanu sao.
Genuai Bidigo nogi ugwanu mu sao.

Te Godiba usu da wabo tęąbi po dao

(1 Sto 16:34; 2 Sto 5:13; 7:3; Esr 3:11; Tib 100:5; 106:1; 107:1; 118:1;
Jer 33:11)

- 136** Dago Genuai Bidiba usu da wao, magi
baso meni, agai dabolo wiegi yai sę yai.
Sesemane bidada pabo sogo agai da wei mu ebao.
- ² Dago Genuai Bidiba usu da waiyaۆ.
Agai te tigidali tibo god aiyaba elaluai.
Sesemane sesemane sogo agai da wei mu ebo dao.
- ³ Dago usu da po te Genuai Bidiba wao.
Agai te tųde genuai bidi tigidali aiyaba elaluali.
Agai da sesemane bidada pabo sogo wei mu ebao.
- ⁴ Agaduba deligo te genuai sę
te bidigo me isiaۆwai bomai sę dabe ebo dao.

- Agai da sesemane bidada pabo sogo wei mu ebo
dao.
- ⁵ Te aga koneani kolesagade digi agai
te dagalu nigilama,
te ugwadu elalubo nai dabe me nigalio.
Sesemane bidada pabo agai da wei mu ebao. ††
- ⁶ Agai te tų ugwadu munama,
tama te wę dabe aiyadu elalubao.
Agai da sesemane bidada pabo sogo
wei mu ebo dao. ‡
- ⁷ Agai te giliga me, polua me, nigali.
Sesemane bidada pabo sogo agai da wei mu ebo
dao.
- ⁸ Agai te be posobo sogo te ulade
te giligago tonalumainu ilali.
Agai da sesemane bidada pabo sogo wei mu ebao.
- ⁹ Agai te polua me hų dabego te be hulua sabo so-
gode
tonalumainu ilali. ††
- Agai da sesemane bidada pabo sogo wei mu ebo
dao.
- ¹⁰ Agai te Isip dabego gomunai ogwa dabe ela muani.
Te sesemane bidada pabo sogo agai
da wei mu ebo dao. ††
- ¹¹ Agai te Israel dabe odasa peyu,
tama augwaligo te Isip taga palio.
Agai da sesemane bidada pabo sogo
wei mu ebo dao. †††
- ¹² Te agai genuai bomogo digi,
agai augwali odasa palio.
Sesemane bidada pabo sogo agai da wei mu ebo
dao.
- ¹³ Agai te nosa elaluali tamu aۆ
te si badu peda somainu bugulali.
Agai da sesemane bidada pabo sogo wei mu ebo
dao.
- ¹⁴ Aga polasa peyu,
tama aga we bidi dabe odasa peyu,
tama augwali te tamu aۆ nogealio.
Agai te sesemane bidada pabo sogo da wei mu ebo
dao.
- ¹⁵ Agai te Fero me, aga ami bidi dabe dali,
te wę tulama tama isimainu ilalio.
Agai sesemane bidada pabo sogo
da wei mu edubao. †††
- ¹⁶ Te aga we bidi dabede aga
te wa pai bulude polasa palio.
Agai da sesemane bidada pabo sogo wei mu ebao.
- ¹⁷ Agai te bomai king dabe ela muani.
Agai da sesemane sogo wei mu eyu, tama tialio.
- ¹⁸ Tama agai te genuai nogi elalubo
king dabe ela muai.
Agai da bidada pabo sogo sesemane wei mu eyu,
tiali.
- ¹⁹ Agai te Sihon ela muai,
te Amor dabego king dao.

† 135:18 Tib 115:4-8; Ped 9:20

†† 136:5 Gag 1:1 ‡ 136:6 Gag 1:2 †† 136:9 Gag 1:16
††† 136:10 Sai 12:29 ††† 136:11 Sai 12:51 ††† 136:15 Sai 14:21-29

Te sesemane bidada pabo sogo agai
da wei mu ebo dao. †
20 Tama agai te Ok elali, te Basan bulu king bidi dao.
Te agai sesemane bidada pabo sogo
da wei mu ebo dao. ††
21 Tama agai te king dabego tọ
te aga we bidi dabeba mawai.
Te agai sesemane bidada pabo sogo da wei mu ebo
dao.

22 Agai te tọ te Israel dabeba mawai,
te aga sę bidi dabeba mawai dao.
Agai te bidada pabo sogo sesemane te
da wei mu ebo dao.
23 Te boi bidi dabego da aiyaba elalubo sogo,
agai dade homu kone me elaludalio.
Te agai bidada pabo sogo sesemane da wei mu ebo
dao.
24 Tama agai da te boi bidi dabego nogode ma salio.
Agai te bidada pabo sogo sesemane
da wei mu idubo dao.
25 Agai te tigidali we bidiba nai mayu,
tama te tigidali kibu hasa dabe me nai mabo dao.
Agai te bidada pabo sogo sesemane
te da wei mu ebo dao.
26 Tama tialima, dago te dagalude bidibo Godiba
te usu da po waiyąo.
Te sesemane bidada pabo sogo agai
da wei mu ebo dao.

Te Israel dabe gasa bulude bidalu, te augwa page bulu
hagede gela wali

137 Da te Babilon dabego wę sesegede bidalu,
tama dago te Saionba homu kone palubao.
Tama tiyu, da gela udubao.
2 Dago dena gita dabe te pąde elalubo
ni nologode walama, elaluali.
3 Tama da te kalabus yali bidi dabego te tama po wali,
“Dago homugo te dagego da bugai haliga yabo
tęąbi meba omainu homu ebao,” wali.
“Te Saion tęąbi me deli waiyąo,” po walio.
4 Tiali goli, magi baso dago te Genuai Bidiba tęąbi
te dago bulude wabo ąq te mena bulude waibawe?
Te usu mu me egobeo.
5 Jerusalem, te eno nageba homu kone isiąyu da,
teda eno te gita ma elainu ebaso, te usu me egobeo.
6 Jerusalem, te eno nageba homu kone me isiąyu,
tama te eno polalubo pemene ebo
homu nageba sa munama, bidisąbaso da,
teda eno dogoni dolobaso,
tama eno tęąbi ma wainu ebaso, usu me egobeo.
7 Genuai Bidi, nago te Idom dabego
yali kolesaga homugo ma kone palao,
te augwa hwjani sogo te Jerusalem sai.
Augwa te wali po ma homude koneao.

† 136:19 Nam 21:21-30 †† 136:20 Nam 21:31-35

Augwaligo te tama po wali,
“Te Jerusalemde tigidali be me te tigidali aluama,
tama tigidali dolao,” po wai dao.
8 Babilon, odao. Te nage dolaibao.
Te nago dabolo yali dwai sę wei ponobo bidi da,
te bidi aga pemene yagameo. ‡
9 Te bidigo te nago dwasianu wai puluba dabe sela-
ma,
tama augwali te masigiba aiya sąnama
tama augwali mu dolagameo.

Bidigo Godiba puba hwi po wali

138 Genuai Bidi, te eno haliga tigidali mugo
nageba usu da obao.
Te tigidali tibo godigo gedude
te eno nago nogi ugwaba sabo tęąbi po obao.
2 Eno te nago tedali wiegi yai tempel
bego gedude kidu sugunama,
tama nago nogi ugwaba sobao.
Magi baso meni,
nago ena sesemane sogo godolo mu elama,
tama nago ena bugagia tonalubo dao.
Nago dabolo ola manio,
nage dali, te nago po dali, te mu polalubo dao.
3 Te eno nageba i wabo sogo,
nago eno gedu haluasa po wabo odolama,
tama nago naga bomo digi enaba menama,
tama ena bomu elalu bidalio.
4 Te tigidali tọde kingo nago dąy walali po odola sila-
ma,
tama tiyu, augwa te nago nogi ugwaba saibao.
5 Tama augwaligo te nago yali sę dabede
te augwa tęąbi po weyu,
tama nago genuai nogide te tęąbi po me waibao.
6 Genuai Bidi, nage te ugwadu mu bidiyu,
tama nage polalubao,
tiali goli, nago te hagoma homu isiąbo
we bidi dabeba homu kone ebao.
Tama te hagoma ebo bidi dabe me
te nagede game me duala sogobeo.
7 Te sęę hauwa enaba pedalubo sogo,
nago ena tonalubaso, tama ena bugagia bidibao.
Te boi bidi dabego enaba wado ebo dao,
tiali goli, nago augwali dali hwjyu elama,
tama nago bomogo naga nago ena ma sabo dao.
8 Genuai Bidi, eno koneani,
te nago enabolo po dąy walali
gilama te tigidali sę yaibao.
Tama nago ena te sesemane
bidada pabo sogo godolo mu ebo dao.
Eno homugo nago te hodolali sę tigidali
silimainu homu ebao.

Te Devitgo asęani balia po me deli dao.

‡ 137:8 Ped 18:6

Godigo da mu konea pelama, tama da bugagia mu
tonalubao

- 139** Genuai Bidi, nago eno homu osola sulama,
tama nago ena mu konea pai dao.
² Nago te eno ebo sę tigidali mu konea pali.
Nage digibulu bidibao,
tiali goli nago eno homu kolesaga
tigidali konea pai dao.
³ Nago ena te sę ebadi,
me te godege pibo sogo, te subo dao.
Nago eno kolesaga tigidali koneanio.
⁴ Tama eno te po me deli wainu ebaso da,
nago te po polo koneanio.
⁵ Nago ena tigidali mu bagua selama,
tama te nago bomogo te nago ena tonalubo dao.
⁶ Nago te koneani homu kolesaga
te ena daide ugwanu mu elalu,
tama eno homu kolesaga te aiyaba elalui dao.

⁷ Te ena menaba peyu, tama eno
te nago hoboludu ogwa wai taga pogowe?
Tama ena menaba wi pelama,
te nagede geme duala sigi paibawe?
Woo, te duala sigi pabo bulu menio.
⁸ Ma, te ena dagaluba ugwaba holama, bidainu eba-
so,
nage te dagalude bidibao.
Ma, ena te isali bidi dabego pesageba bidigi pobaso
da,
nage te bulude me bidibao.
⁹ Te ena te giliga pedalubo badu
te digibulu bola pigi sogo da,
ma ena te giliga dega sigilubo badu
digibulu bidigi peyu da,
¹⁰ teda nage te pesagede me bidiyu,
te ena bilibode te saęę dodolu,
tama te ena tau sigi dao.
¹¹ Tama eno te po weyu,
"Te hulia sabogo ena geme duala sao," po obaso,
"tama te giliga ulago ena bagua selama,
te hulia somainu yao,"
¹² tiali goli, tagalao, te nago gedude te be hulia sabo
te be mu hulia sabo tiwai egobeo.
Tama hulide te ula mu eyu,
te giliga ula tiwai yaibao.
Be hulibo, me be posobo, te nago gedude
te deli tigi tiwai naga dao.

¹³ Nago eno tigi pedai tigidali badu nigali.
Nago ena tigidali te idago haliga tomode nigai dao.
¹⁴ Ena nagede wi ebaso,
tama eno nago nogi ugwaba sobao.
Tigidali nai nago nigali, tede eno midigi sabo dao,
te tedali gasagi yai mu elama,
tama te wiegi yai sawi yai mu dao.
Nago te ena mu bugagia koneama,
tama ena mu konebao.

- ¹⁵ Te ena idago haliga tomode
geme dua dua pedalubo sogo,
nago te eno tigi dili ununama,
te deliba daę wabo te nago tigidali suai dao.
¹⁶ Ena te haga piligai wai idago
haligade bidibadi digi, nago ena suai.
Ena te tęde pedalisiaębadi,
tiali goli, nago te naga bukude aseęani
te nago homugo te tigidali sogo ena
te tęde sesabi elama, bidabo bodolu aseęai dao.
¹⁷ God, te eno nago homu kolesaga
tigidali koneabo te ena kone tęa pobao.
Iya, tegobao. Nago homu kolesaga
te dwasianu me menio.
¹⁸ Te augwali eno nedebaso da, teda nambago
te nabisde wę kemi masigi sane
te aiyaba mu elaluaibao.
Te ena pilama, hodalubo sogo
te ena nage dali me bidibao.

¹⁹ God, eno homugo nago te dwai sę ebo bidi dabe
ela mumainu homu ebao.
Tama eno homugo te hwjbo bidi dabego
ena tagalumainu homu ebo dao.
²⁰ Te bidi dabego te nageba po dwai wali.
Tama augwaligo te haniani dwai po
nago nogide wabo dao.
²¹ Genuai Bidi, eno te nage
wei homu isiaębo bidi dabe
augwali te eno wei homu me ebeo.
Tama eno te nageba hagoma homu ebo bidi dabede
te dwai haliga mu ebo dao.
²² Mu tama, eno haliga augwalide pania selama,
tama eno te bidi dabe wei mu me ebeo.
Eno augwali te ena boi bidi dabe subo tiwai ebao.

²³ God, eno homugo nago ena bugagia dagala sula-
ma,
tama nago te enade elalubo
homu kolesaga tigidali koneao.
Ena usu siyu, tama nago te eno homu kolesaga
tigidali bugagia koneao.
²⁴ Nago ena bugagia dagalao,
tiyu te tibo homu meba enade elalu idalio.
Tama nago ena te bidada pabo ula sabo sunumidu
odasa pao.

Te Devitgo aseęani balia po me deli dao.

**Bidigo te Godiba gedu haluasa po weyu, te aga buga-
gia tonalumainu yai**

- 140** Genuai Bidi, nago ena te dwai sę ebo
bidi dabego nogode ma sao.
Awe, te dwai hwjbo bidi dabego
enaba boi bidi me idali weyu, nago ena tau sao.
² Te sesemane sogo augwaligo dwai
kolesaga yabo homu ebo dao.
Tama te sę edelama, sesemane sogo

augwaligo te we bidi dabe tomode
konila po hodolama, wabo dao.

³ Te augwaligo po wabo te hasamanigo
kele poa pai tiwai mu elama,
tama augwaligo pedauwalide te bidi
dolabo po te hasamanigo dwai
nabi tiwai elalubo dao. †

⁴ Genuai Bidi, nago ena bugagia tonalua.
Tama tiyu, te dwai sę ebo bidi dabego
bomogo ena aiyaba elaluainu ebaso, usu me egob-
eo.

Nago ena bobogela selama,
tama te hwjabo bidi dabego ena dolabo po miani,
te augwaligo te tama me tegobeo.

⁵ Te hagoma ebo bidi dabego
te ena tola somainu ebo
bono gęgę munama, elalubao.

Te bono gęgę augwa te bomai kedoago nigai,
augwaligo te ena bilibo sunumide
gebelama, te ena te hasa tiwai gilama sainu yali.

⁶ Eno Genuai Bidiba te tama po walali,
"Nage eno God dao," obao.

Genuai Bidi, nago ena homu dene eyu, tau sao.
Eno i wabo odao.

⁷ Genuai Bidi, eno God da,
nage te ena ma sali bomai bidi dao.

Te polobadu dago te boi bidi dabe dali
hwjani sogo, nago ena bugagia tonaluai dao,
bidigo sabelego aga tigi seselalubo tiwai gilama yali.

⁸ Genuai Bidi, nago te dwai sę ebo bidi
dabeba te augwaligo sainu ebo nai
dabe munu me magio.

Tama augwali hagoma idali weyu,
nago augwaligo te dwai sę yainu
po mia sali sę emainu me elamu dao.

⁹ Nago te eno boi bidi dabego
te ena aiyaba elalumainu me igio.
Augwaligo te ena silabo wado po wali.

Tiali goli, augwaligo enaba
te yainu yali sę, nago augwaba digi
ma pedalumainu ilao.

¹⁰ Awe, te nago augwaliba
te dabo sia tulalumainu ilao.

Tama nago augwali te genuai tę
dedageba aiya sęnana,
tama augwa edaba ma holainu ebo
te usu me egobeo.

¹¹ Te gasa bidi odolali po tę ilibo bidi dabe,
nago augwaligo te po tęde gasa bidi aiyaba
elalumainu me elamuo.

Tama eno homugo te dwai nai te hwjbo
bidi dabeba pedelama,
tama bomonama eyu, augwali mu
silimainu homu ebao.

¹² Genuai Bidi, eno te tama koneani,
nago te nai meni yai bidi dabe
te po tę ebode tau siyu,
tama te magi doado bage sę pali
bidi dabe tau sabo dao,
te bidi dabego augwaliba
dwai sę ebo sogo tama tibo dao.

¹³ Mu tama, te doloba pai we bidi
dabego te nago nogi ugwaba siyu,
tama te augwali nage dali sesemane bidada paibao.

Te Devitgo asęani balia po me deli dao.

Bidi me deligo gedu haluasa po hulide walio

141 Genuai Bidi, megi eno nageba gedu
haluasa po obao.

Eno homugo nago ena polo tama
tau somainu homu ebao.

Eno nageba i obao, tama eno homugo nago
eno gedu haluasa po odomainu homu ebo dao.

² Eno homugo nago eno gedu haluasa
po wabo te nageba denami ebo nai
hano asobo tiwai emainao.

Awe, te eno nogo si ugwaba siyu,
nagebolo gedu haluasa po wabo si,
eno homugo te ebo te nago gedude
te piode mabo ofa tiwai emainao. ††

³ Genuai Bidi, nago eno pedauwali bugagia tonalua,
tama eno po wabo me bugagia tonalua.

⁴ Ena te dwai kolesaga ebo tomoba
pidali weyu, nago ena hageao.

Tama nago ena te dwai sę ebo bidi dabe
dali deliba sisinama,
tama te dwai sę meba emainu me elamuo.

Ena te augwali te moni nai daa tuboba pelama,
te augwali dali deliba dugamainu me
idali weyu, nago ena togolao.

⁵ Wiegı yai bidigo te ena homu dene elama,
tama ena sesanobo sę eyu, te enaba wado ilaibao.
Awe, usu dao, po menio, te kolesaga ebogo agai
ena tau sabo dao.

Tiali goli, eno te dwai sę ebo bidi dabe
dali abagi me wagobeo.

Magi baso meni, te sesemane sogo eno
te augwa ebo dwai kolesaga tagalomainu,
te gedu haluasa po wabo dao.

⁶ Te bidi mebago te dwai sę ebo bidi
dabego tobolu bidi dabe selama,
tama augwali te bobobage sauba sęwaibao.

Te augwali te tiwai dolobo sogo da,
teda te dwai sę ebo bidi dabe augwaligo koneama,
te eno polobadu wali po te mu po da waibao.

⁷ Tama augwaligo te bidi dabe
augwaligo dili te gę pageba sęwaibao,
te bidigo te ni dage kakali miminama,
te sęsębo tiwai gilama yaibao.

† 140:3 Rom 3:13

†† 141:2 Ped 5:8

⁸ Tiali goli, Tigidali Nai Tonalubo God,
Genuai Bidi, eno konealubo homu
nageba beagasalio.
Nago ena bugagia tonalualo, nago ena isimainu me
igio.

⁹ Te ena te dwai se ebo tomoba painu eyu,
te dwai bidi dabego ena kegebo dao,
bidigo te bulu hasa sabo ke geme
dualama mubo tiwai ebo dao.

Tiali goli, nago ena bobogela selama,
te ke dabede ena daḡ me wagobeo.

¹⁰ Meni. Nago te dwai se ebo bidi dabe
te augwa muani keḡe digi te augwa
ma tola somainu mu yao.

Tiali goli, ena menio.

Ena te augwali bugagia ela soayu,
tama te magi nai me deligo ena me dologobeo.

*Te Devit aga te Solde wi pelama, tama ola be tomode
geme dualali sogo, te sogo agai e gedu haluasa po
wabo balia po aseḡani. [1 Sml 22:1; 24:3]*

**Bidi me deligo te Godigo aga tau somainu, gedu halu-
asa po wali**

142 Eno te Genuai Bidiba bomonama i weyu,
te agai ena tau somainu ebao.
Eno agaba te hanalubo se bomonama weyu, te agai
homu dene eyu,
ena tau somainu ebao.

² Eno agaba te enade elalubo
te homu dogia pabo homu tigidali,
me te enaba pedalubo tigidali seḡe po walali.

³ Te eno haliga seḡe mu ebo sogo,
tama eno homugo ena dolaiba homu yai, te eno
pabo tu te nago koneanio.

Te eno sunumide te bidi dabego
ena tola sabo bono gaḡa geme dualama, elalubao.

⁴ Eno ena paḡe tonono bilali,
tiali goli, te ena tau sabo bidi me
elalubo te eno me subeo.

Ena menaba wi pogowe?

Te enade homu kone palobo bidi meni.

⁵ Tama tialima, Genuai Bidi, eno i nageba weyu,
te nago ena tau somainu ebao.

Nage naga te ena tonalubo bidi dao.

Te ena bidibo ula elalubo sogo digi
eno homugo te nagaduba deli naga
te ena dali bidimainu homu ebo dao.

⁶ Te nago ena tau somainu, te eno nageba i wabo
odao.

Magi baso meni, eno haliga te seḡe mu ebao.

Te enaba dwai se yainu ebo bidi dabe
augwaligo te bomu mu ebaso,
tama eno augwali aiyaba elaluainu
ebo usu egobeo.

Tama tiyu, nago ena
te augwaligo nogode ma dobola sao.

⁷ Awe, nago ena te seḡe ma selama,
tama ena te bugagia bidimainu yao.
Tama tiyu, te doloba pai we bidi dabe
sisinibo pesagede te eno nago nogi ugwaba saibao.
Magi baso meni, nago enaba wiegi yai se ebo dao.

Te Devitgo aseḡani balia po me deli dao.

**Bidi me deligo te Godiga gedu haluasa po weyu, aga
tau somainu yai**

143 Genuai Bidi, eno homugo nago te eno
gedu haluasa po wabo odomainu homu
ebao.

Te eno gela waboba nago olo muao.

Nage doloba pelama, tama nago sesemane sogo
mu po wabo da,

iya, nago eno gedu haluasa po wabo odao, tau sao.

² Te nago po tuḡe te ena naga se bidi me dagaligio.

Magi baso meni, te mena bidi me deligo
te nago gedude magi dwai se me ebeo. †

³ Te eno boi bidigo te ena pobeasa bilama,
tama ena aiyaba mu elalualio.

Agai ena te be hulua sai pesageba kalabus elama,
tama ena polobadu isai bidi tiwai gana yalio.

⁴ Tama tialima, eno homu kolesaga te dolobaso,
tama eno haliga te seḡe mu elalubadi geani.

⁵ Megi da, eno te polobadu pedelali nai
dabeba homu kone ma ebao.

Tama eno te nago yali se dabe,
me te nago wiegi yai se dabeba
te eno homu kone ma ebao.

⁶ Eno nogo si ugwaba siyu,
gedu haluasa po nageba weyu,
tama eno homu noma ogwa waigo
te nage wei mu elama,
te bidigo dogoni wa selama,
tama aga te weḡe nogone mu ebo tiwai ebao.

⁷ Genuai Bidi, nago eno gedu haluasa po polo odao.
Magi baso meni, te eno konealubo homu te dolali.
Nage enade geme me duala sigio, tiyu ena isilama,
te ena isali bidi dabego pesageba pidalio.

⁸ Eno konealubo homu nageba muani.

Tialima, eno homugo te tigidali sogo
kigamu nago eno homu
te nago ena godolo ebo kolesagade
ma homu kone palomainu ilao.

Eno gedu haluasa po nageba naga wabo dao.

Tama tiyu, nago enaba te sunumi
ola mobaso, te eno wali paibao.

⁹ Genuai Bidi, ena nageba asiyu,
te nago ena tonalumainu ebao.

Nago ena te eno boi bidi dabego nogode ma sao.

¹⁰ Nage eno God da,
eno homugo te nago ena bugagia
ola momainu homu eyu,
te eno nago homu wali pabo homu ebao.

† 143:2 Rom 3:20; Gal 2:16

Eno homugo te nago homu mobo bidigo
ena bugagia wiegi yai ilimainu homu elama,
tama ena te wiegi yai sunumiba pabo
dodolumainu ebo dao.

¹¹ Genuai Bidi, nago ena ma sao,
te nago po daų walali tiwai gilama yao.

Nage doloba pai bidi mu da,
tama tiyu te nago nogi aiyaba pidali weyu,
te tigidali seęę enaba pedalubode
te nago ena ma sao.

¹² Nago ena tigidali sogo wei mu ebo dao,
tama te kolesaga ebo sia sogobeo.
Tama nago te boi bidi dabe,
me te ena dolabo bidi dabe ela muao,
magi baso meni, ena te nago seę bidi bidibaso,
te tama tiao.

Te Devitgo aseęani balia po me deli dao.

**Te Godigo aga te tau selama, te boi bidi aiyaba
elalubaso, te kingo usu da po wali**

144 Eno te God nogi ugwaba sobao.
Agai ena bomo elama, tonalubo dao.
Agai enabolo te hwjbo kolesaga bugagia ola mobaso,
tama agai eno te hwjabo sisi elalumainu yalio.
² Agai te ena godolo ebo God da, tama ena sesemane
bobegelalubo dao.
Tama aga te geme duala sabo pesage
elalu, te ena ma sali.
Eno konealubo homu agaba keę pobaso,
tama agai ena bugagia bidimainu ebo dao.
Agai te Israel hani isąwai we bidi dabe aiyaba elalua-
ma,
ena dologoba munama, bidibo dao.

³ Genuai Bidi, da we bidi te magi nai da weyu,
tama nago dade homu kone ebawe?
Da te olo bage tiwai, tialima magi baso
tama nago dade homu wei ebo dawew? †

⁴ Da te pedauwalide mobo
deli sogo naga te pedalubo tiwai ebao.
Da te pęwadage sogo naga bidibao,
te giligade noma pedelama,
tama te polo hagabo tiwai ebao.

⁵ Genuai Bidi, nago te dagalu
buga sąnama, tama dulao.
Te nago nogo te bulu du dabeba mubaso,
tama te hano genuai pedelaibao.

⁶ Te dagalu be sele pedalumainu elama,
tama te boi bidi dabe sela sąyu, tedela palao.
Awe, te nago ene baso, tama te augwali wi pomainu
yao.

⁷ Nago nogo aiyaba munama,
tama nago ena te Israel hani isąwai
we bidi dabego bomode ma sao,
te bidigo nogo aiyaba munama,
tama gasa bidi ugwaba keka selama,

† 144:3 Jop 7:17-18; Tib 8:4

tama aga te moni weę gede mu bidali
tagalobo tiwai yalio.

⁸ Te bidi dabego te mu po me wasiawai,
augwaligo te nogo guni sisu muyu, mu po da weyu,
tama tibo po dali wabo dao.

⁹ God, megi da, eno te gesi balia po nageba waibao.
Te eno gita eliyu,
tama nageba balia waibao.

¹⁰ Nago te Israel hanigo king dabe te hwjibode tau
siyu,
tama augwaligo te boi bidi dabe aiyaba elalubo dao.

Tama dwai boi bidigo ena
te moni hwągo elidali weyu,
nago naga seę bidi, ena Devit, ma sabo dao.

¹¹ Te dwai seę mu ebo boi bidi dabego
nogode nago ena ma sao.
Tama ena te Israel hani isąwai dabego nogode ma
sao.

Augwa te mu po me wasiawai,
tama augwa te nogo guni sisu muyu,
te mu po da weyu, te tibo po dali wabo dao.

¹² Dago homugo te dago ogwa dabe
te gesi ogomani te augwali
te bomo yai ni dabe tiwai pedalumainu homu ebao.
Tama dago homugo te wegi dabe
te kingo te genuai be pos au ilibo
wiegi yai piksa noma tiwai pedalumainu homu ebao,
augwali sawi yai wegi dabe pedalumainao.

¹³ Dago homugo te gi dabede te nai
hauwa walomai homu elama,
tama te nai mubo be mu paęamainu homu ebao.
Tama te sipsip dabego te wai dabe
umabo umabo mu ame nomainu homu ebo dao.

¹⁴ Tama te bulmakau dabego me
te wai dabe hauwa umabo ame nenama,
tama te wai dwai me pedalisiawai,
tama te me deli isiyu, me eyu egobeo.
Dago homugo te dena hanu tomode
bidibo bidi me deligo, ma we me deligo me,
te seęę me dene te hanu tomode pedelamuo.

¹⁵ Te tiwai wiegi yai nai sabo
we bidi hani, augwa te wiegi yai pemene yao.
Awe, te we bidi dabego te Genuai Bidi augwa
God da homu elama bidibo we bidi dabe,
augwali me te wiegi yai pemene yao.

Te Devitgo aseęani balia po me deli dao.

God nogi ugwa sabo balia po dao

145 God, me eno tuni bidi,
te eno nago genuai nogi po pusaibao.
Tama sesemane sogo bidada peyu,
eno nagebolo usu da po waibao.

² Tigidali sogo eno nagebolo usu da po waibao.
Tama sesemane sogo bidada peyu,

eno nago nogi ugwaba saibao.
3 Genuai Bidigo genuai nogi elalubo,
tama dago agai nogi ugwaba mu sidu geao.
Agai ugwanu mu elaluyu,
tama dago agai genuai nogi tigidali koneainogo ebo
te usu me egobeo.
Magi baso meni, dago homu kolesaga te habuge
dao.
4 Megi bidalubo we bidi hani
augwaligo te gasa nosali pedalubo hanibolo nago
ebo sę po pusuyu,
tama augwaligo nago nogi ugwaba saibao.
Tama augwaligo nago genuai sę yali po miaibao.
5 Te bidi dabe augwaligo nago bomu elalubo po
weyu,
tama nage genuai tuni bidi mu da waibao.
Tama eno digi te eno nago dwagi
dwagi yai sę ebo da homu ebo dao.
6 Tama te we bidi augwaligo nago
bomu yai sę ebo po weyu,
te bidigo isiąbo sę naga dao,
tama eno nago genuai sę yali po pusaibao.
7 Te augwaligo nago wiegi yai kolesaga
hauwa ebo po pusuyu,
tama nago olo mu tau sabo kolesaga po olama,
wiegi yai homu pemene eyu, balia po waibao.
8 Genuai Bidigo da godolo mu eyu,
homu dene eyu, tama da olo tau sabo sę ebo dao.
Agai wado po polo wasiąma,
tama sesemane sogo agai da wei mu ebo dao.
9 Agai wiegi yai sę tigidali we bidi dali eyu,
tama agai nigali nai tigidali homu dene eyu,
dolo mu tau selama, mabo dao.
10 Genuai Bidi, nago nigali nai
tigidaligo nago nogi ugwaba saibao.
Tama nago we bidi
augwaligo nagebolo usu da po waibao.
11 Te augwaligo nago genuai nogi
te nago tonalubo bulu tigidalide elalubo po weyu,
tama nago genuai bomu elalubo po waibao.
12 Tama tibaso, tigidali we bidi
augwaligo nago genuai sę ebo konemainogo yaibao.
Tama nage bomu yai tuni bidi bidibo
te augwaligo konemainogo,
tama nago nogi genuai mu dao.
13 Tama nage te tuni bidi bidiyu,
tama tigidali we bidi sesemane sogo
nago tonaluyu, bidada peyu, bidada paibao.
Genuai Bidi Godigo agai aga we bidi dali daų wali po
wali naga pabo dao.
Te agai me deli tagalobo menio.
Agai wiegi yai sę naga eyu, da tau siyu ebo dao.
14 Agai te tigidali sęę elalubo we bidi,
me te gasa bidi dabego aiyaba elalubo we bidi,
augwali tigidali agai ugwaba siyu, tau sabo dao.

15 Tama te bidibo ula elalubo nai
tigidaligo agaba tonono ebo dao,
tama agai augwali nasi ebo sogo nai mabo dao.
16 Awe, agai augwali usu elama,
bugagia bidimainogo tigidali nai mabo dao.
17 Godigo doloba pai kolesaga naga wali peyu,
tama agai da olo mu tau sabo kolesaga mayu,
te agai tigidali ebo sęde tebo dao.
18 Tigidali we bidigo homu agaba mu
munama, i weyu da,
teda aga augwali paęde bidibo dao.
19 Te agade wi ebo we bidi, te augwali nai meni baso,
teda agai augwali nai mabo dao.
Tama agai augwali gela wabo odolama,
te augwali ma sabo dao.
20 Agai te aga godolo mu ebo we bidi
bugagia tonalubao.
Tiali goli, te dwai kolesaga ebo we bidi,
augwali dolaibao.
21 Te eno Genuai Bidigo nogi
sesemane sogo ugwaba saibao.
Tama tigidali nai agai nigali,
dagego aga wiegi yai olo bugagia
bidibo nogi sesemane bidada pabo
sogo ugwanu mu sao.

Te da tau sabo bidi God nogi dago ugwaba sinoo

146 Te Genuai Bidigo nogi ugwaba sao.
Ena digi eno te aga nogi ugwaba sabo dao.
2 Te ena tęde bidibo tigidali sogo,
te eno aga nogi ugwaba saibao.
Te eno ena Godigo nogi ugwaba sabo balia po
odubadi,
te ena isiboba usu nigi paibao.
3 Te king dabego, me te tęde bidi
dabego nage me dobola sogobeo.
Tama tiyu, nago homu te nosali isabo
bage augwaliba me muidalio.
4 Te augwali isibo sogo, augwali te begelama,
te tę ma pedalubao.
Tama te sogo augwaligo te yaibao po wali sę
tigidali te me egobeo.
5 Te bidi me deligo te Jekopgo Godiba
homu kęą pelama, te agai aga tau siyu,
te God dali kęą pelama,
te aga Genuai Bidi da homu eyu da,
teda aga pemene emainao.
6 Godigo te dagalu, me tę, me tamu aį,
me te tigidali elalubo nai pedalumainu yali.
Tama sesemane sogo te Godigo
aga daų walali po tigidali wali pabo dao.
7 Te boi bidi dabego dologode dwai mu bidibo
te we bidi dabe te Genuai Bidigo tau sabo dao.
Tama agai te nai sili bidalubo we bidi
dabe nai mabo dao.

Genuai Bidigo te kalabuside bidibo
bidi dabego kalabus silimainu ebo dao.
8 Tama agai te gedu widai bage
te ma tonono yabo usu ma elama,
tama te sęęęo augwali aiyaba elalubo bidi dabe
te sęęę augwalide dagala sayu ebo dao.

Genuai Bidigo te aga doloba pai
we bidi dabe wei mu ebo dao.
9 Agai te dago tęde bidibo
te gasa bulu bidi dabe tau sabo dao.
Tama agai te wilawe we dabe tau siyu,
tama te tiana wai puluba me tau sabo dao.
Tiali goli, agai te dwai sę ebo bidi
dabego yainogo ebo sę dabe te augwali homu
kone tųą palobo dao.

10 Genuai Bidi te sesemane sogo king
bidada peyu, bidada paibao.
Te Saion we bidi dabe, dage Israel dabe, te duga God
te sesemane king bidada peyu, bidada paibao.

Te Genuai Bidigo nogi ugwanu sinao.

Augwaligo te Tigidali Bomo Elalubo God nogi ugwaba
sai

147 Te Genuai Bidigo nogi ugwaba sao.
Te dago balia po weyu,

tama te dena God nogi ugwaba sabo
te wiegi yai dao.

Te agai nogi ugwaba sabo te wiegi yai
doloba pai kolesaga dao.

2 Genuai Bidigo te Jerusalem ma dodolama,
tama te boi bidi dabego sela pelama,
te kalabus igi pali we bidi dabe
te ma odasa asai dao.

3 Te dwai sęęęo te augwali homu dolama,
te augwa dwai dene ebo we bidi dabe,
te agai usu ma ilibo dao.

Tama agai te augwaligo keni sįsįbo dao.

4 Agai augwaligo namba te hęęo dąj ilama,
tama mu tama, agai te augwali
deli deligo nogi nodigi pabo dao.

5 Te dago Genuai Bidigo nogi me
te tigidali bomo elalubao.

Dago agai koneani kolesaga
te usu me siyu, dąj me iligobeo.

6 Agai te augwa digi augwa haliga
aiyaba tegaluama bidibo bidi dabego nogi
ugwaba saibao,
tiali goli, agai te dwai sę ebo we bidi dabe augwali
te bomonama mu agala sabo dao.

7 Puba hwi po weyu,
te Genuai Bidigo nogi ugwaba sabo
balia po dabe waiyąo.

Te dena Godiba te gita me musik wao.

8 Agai te dagalude pę pedalumainu elama,

tama te tulubage tagala palama,
tama te bulu du dabede te nosa
pedalumainu ebo dao.

9 Agai te tigidali kibu hasa dabeba nai mobao,
tama te gesi tamadi dilibo ba tagadi
dabego i wabo sogo,
te agai augwaliba nai mabo dao.

10 Genuai Bidigo te bomai hos dabede,
me te bomai ami bidi dabe
te wiegi yai pemene me egobeo.

11 Menio, agai te wiegi yai pemene
te agade wi ebo we bidiba yaibao,
tama te agai da sesemane godolo ebo dao homu
eyu,
agaba homu kęą pabo we bidi
dabede, te agai augwalide
dwagi yai homu ebo dao.

12 Te Jerusalem dabego,
te Genuai Bidigo nogi ugwanu sįąo.
Awe, dage Saion dabe, te duga God nogi ugwaba
sao.

13 Agai te nago Jerusalem obo bagulali sunumi
te dąų walama elalu,
tama te naga we bidi dabeba
te wiegi yai nai mayu ebo dao.

14 Te boi bidi dabe asidali weyu,
agai te dagego tę me tonaluyu,
tama te gide wiegi yai wit mu holomainu elama,
tama dagego tulama, tama paęąna pabo dao.

15 Te agai po me deli obaso da,
teda polo tama te po te tęba dulubo dao.

16 Agai te talua ge tulubage hauwa
te aiyaba tagala palama,
tama te tę mesega sigulobo dao.

17 Agai te talua ge tulubage hauwa
te wę sane kemi tiwai tagala palama,
tama te mena bidi me deligo
te talua ge tulubagego
kedau te aiyaba me elaluainu ebaso,
usu me egobeo.

18 Tialima, nosali te agai po ma obaso,
tama te ais te wę ma pedalobo dao.
Agai te wali asomainu iliyu,
tama te aisde pedelai wę pabo dao.

19 Agai aga po te Jekopba mawai.

Awe, te po dabe me, bomai po me,
agai te Israel dabeba mawai dao.

20 Agai te tiwai sę te gasa hani dabeba
munu me isiąwai.

Augwaligo te aga bomo yai po dabe me konesiąwai.
Dago te Genuai Bidigo nogi ugwaba sinao.

Te tigidali dagalude me tęde naigo te Godigo nogi ug-
waba somainao

148 Te Genuai Bidigo nogi ugwaba sao.
Dage tigidali dagalude, ugwa badu
bidibo bage, te Genuai Bidigo nogi ugwaba sao.

² Dage tigidali ensel,
te Genuai Bidigo nogi ugwaba سیاو.

Dage tigidali dagalude ami dabe,
te agai nogi ugwaba سیاو.

³ Giliga me polua, dage sigo me
te aga nogi ugwaba sao.

Tama te ula mu ebo hę tigidaligo
te agai nogi ugwaba sao.

⁴ Te ugwanu mu elalubo dagalu,
te agai nogi ugwanu sao.

Te dagalude ugwadu elalubo węgo,
te agai nogi ugwaba sao.

⁵ Te nai dabego te Genuai Bidigo nogi ugwaba sao,
magi baso meni, agai digi po obaso,
tama augwali pedelama bidibao.

⁶ Agai te po wali gilama tama augwa
te bidimainu yali pesagede mu
sesemane sogo bidibao,
tama te agai po munu me siligobeo.

⁷ Dage tęde bidibo bage tigidali, dagego
Genuai Bidigo nogi ugwaba سیاو.

Te moni dobo dwai sųęę dabe,
me te tamu aę aiya badu mu pagede bidibo nai
dabe,

⁸ tama te pęde elalubo be sele,
tama te talua ge tulubage me,
te pę dabe, te bomai waligo me,
te Genuai Bidigo po wali pabo bage,
dagego agai nogi ugwaba سیاو.

⁹ Awe, dage genuai bulu du dabe,
me dwasianu bulu du dabe,
tama nai du walobo ni dabe me,
tama te buside ni dabe,

¹⁰ tama te bidi dabego tonalubo kibu hasa dabe, me
te bulu uni hasa dabe,
tama te hasamani dabe, me te ba dabe, te dagego
Genuai Bidigo nogi ugwaba sao.

¹¹ Te king dabe, me tigidali hani bage,
tama te gavman dabe me,
tama te tigidali gasa tobolu bidi dabe me,

¹² tama te gesi bidi, me gesi wegimani dabe,
tama te monu dabe, me te wai puluba dabe,
dage tigidaligo
te Genuai Bidigo nogi ugwaba sao.

¹³ Mu tama, tigidaligo
te Genuai Bidigo nogi ugwaba sao.

Te agaduba genuai nogigo deli te tigidali we bidigo
genuai nogi aiyaba mu elalubao.

Agai genuai nogi te ugwanu mu elalu,
te dagalu me tę aiyaba elaluai dao.

¹⁴ Agai te Israel dabe wei mu eyu,
tama aga we bidibolo bomu mabo dao,
tama tiyu, augwaligo
agai nogi ugwaba sabo dao.

Te Genuai Bidigo nogi ugwaba sao.

Te Genuai Bidiba wiegi yai pemene ebo balia po wao

149 Te Genuai Bidigo nogi ugwaba sao.
Te gesi balia Genuai Bidiba waiyaęo.

Tama te we bidi dabego aga sesemane sogo wali
peyu,

augwa te lotuba sisinibo sogo,
dago agai nogi ugwaba sao.

² Dage Israel dabe, te Godigo dage nigalide
te dagego bugai haliga iyaęo.

Awe, te Saion we bidi dabe,
te duga kingba wiegi yai pemene yao.

³ Dagego tęąbi weyu, aga nogi ugwaba sao.
Mu tama, te habidi dabe, me taborin,
me gita, te tama eliyu, te agai nogi ugwaba sao.

⁴ Magi baso meni, Genuai Bidigo aga
we bidi dabe wei eyu,
augwalide dwagi yai homu ebo dao.

Tama agai te augwa digi te augwa nogi
aiyaba elalubo bidi dabego nogi ugwaba siyu,
tama augwa te hwębode ugwaba ela pabo dao.

⁵ Te Godigo we bidi dabe augwa te edelebaso,
te wiegi yai pemene emainao.

Tama augwa te nai tuainu sisinibo sogo,
augwa te wiegi yai pemene ebo tęąbi wagameo.

⁶ Augwa te i weyu, tama te Godiba pemene elama,
tama te poa pai bainat hwaę mu tolalumainao.

⁷ Tama augwa te gasa hani dabe dali hwęnama,
tama augwaliba te dwai dene mu mayu,
te augwali aiyaba elalumainao.

⁸ Tama augwa te augwaligo king dabe,
me tobolu bidi dabe,
te augwa aingo nigali sen dabego
te kęnama, elalumainao.

⁹ Tama augwa te hani dabeba te Godigo
wali po tiwai gilama te dene mabo sę emainao.
Te Godigo we bidi dabego augwa te tiwai elama,
te augwa genuai nogi dali bomu dali si saibao.
Te Genuai Bidigo nogi ugwaba sao.

Te Genuai Bidigo nogi ugwaba sao.

Te Genuai Bidigo nogi ugwaba sao.

Te Genuai Bidigo nogi ugwaba sao.

Te Genuai Bidigo nogi ugwaba sao.

Te Genuai Bidigo nogi ugwaba sao.

Godigo nogi ugwaba sao

150 Te Genuai Bidigo nogi ugwaba sinao.
Te Godigo nogi te aga tempel bede
ugwaba sao.

Dago te aga genuai bomu te dagalude elalubaso,
te aga nogi ugwaba mu sao.

² Agai te genuai sę dabe yai.

Tama tibaso, dago aga nogi ugwaba sao.

Agai te mu polalu,

tama te genuai nogi ugwadu mu elalubao.
Dago aga nogi ugwaba sao.

³Te biugel bu weyu, te aga nogi ugwaba sao.

Te gita dabe me, musik me eliyu,
tama te aga nogi ugwaba sao.

⁴Te tamborin eliyu, te tęąbi weyu,
tama aga nogi ugwaba sao.

Te gita eliyu, tama te ona eliyu,
tama aga nogi ugwaba sao.

⁵Te simbol eliyu,

tama te aga hwa ola peyu,
tama te Genuai Bidigo nogi ugwaba sao.

Te simbol bomonama weyu,

te hwa wabo genuai pedaliyu,
tama te hwa wabogo

Genuai Bidigo nogi ugwaba siao.

⁶Dage te bidibo ula elalubo tigidali nai,
dagego te Genuai Bidigo nogi ugwaba sao.

Te Genuai Bidigo nogi ugwaba sino.

Bugagia Bidibo Kolesagade Po Aşei Buku

Hasia nedebo tau sabo po

Te Israel dabe augwaligo homude wei ebo kolesaga tama telaluali. Te po pewardage toga selama pusubo pogo te wiegi yai pusu yai po mu da homu elama, tama te pogo te we bidi dabe augwali bidabo ula dodolama, tama te kolesagago bugagia bidabo page ola mabo dao. Te Inglis pode te tobage pogo pewardage nogi e tama telalubao, te proverb wabo. Te e bukude da te Wiegila Bugagia Bidibo Kolesaga da, waibao. Augwaligo te tobage po hauwa deliba sisinani, te po dabe da te Israel dabe augwa po ola mabo bidi dabego te gesi ogwa bidi dabe po mobo mayu ola mani dao.

Te podolama elalubo se te bugagia bidabo pagede te tama se de augwa nogi poali, te wiegi yai homu kolesaga, me koneani kolesaga ebo dao. Te e tama tiaibao te bugagia gedu dagalama, tonono bilama, te nai dabe dobawaibao. Te e bukude dabolo te tama tiwai se ola mayu, te wiegi yai homu kolesaga page te koneani kolesaga me ebaso, te konealubo homu daŋ olama, tama Genuai Bidide wi eyu, aga dologode bidibaso, te usu dao. Te e bukude dabolo te wiegila bugagia bidabo te tobage haniani po hauwa dabolo ola mani elalubao. Agai te tama pogo da te dena we wai dali bugagia bidabo sunumi dodolama ola mawai. Te agai dabolo te wiegi yai bisnis yabo sunumi me ola mayu, tama gasa bage dali me bugagia bidimainu yali. Te gesi ogwa bidi dabe bugagia bidimainu mobo mabo po hauwa me elalubao. Augwa te po bugagia odama, tama te dwai hagoma elama po sela saŋo bidi hani dali deliba kisasa bilamu wali. Me badu wali pode e tama po weyu, te dago dena digi dena nogi ugaba selamu wai. Te dena digi dena aiyaba elaluama, tama te magi nai doado bage meni yai bidi dabe tau sabo homu yao.

Te e bukude elalubo po me badugo te Godigo bomai po daŋ walobo po elalu, te me badu e tama telalu te wiegi yai homu kolesaga elalu, te kolesaga koneai bidi dabego digi sulama konea peyu, tama augwaligo te dago bidabo ulade tau sabo po pusali. Augwaligo te po tigidali e bukude deliba sisinama aşani, tama da tode we bidi te bugagia dolasa bidabo po page dabolo ola mabo dao.

Te dago koneani, Jisasgo te buku godolo homu yali, magi baso meni, te hauwa sogo Jisasgo po te bukude selama, tama agai po pusuyu yai dao.

Te bugagia bidibo kolesaga ola mabo po dabe

(Daj 1-9)

1 E po da, te Solomongo wiegi yai po dabe dao, te Devitgo ogwa, tama te Israel king bidi dao. ^{†2} Te wiegi yai pogo agai dabolo te wiegi yai homu kolesaga mayu, te dabolo te tigidali se bugagia dolo mu naga ebo kolesaga ola mawaibao. Tama dago te nai dabede po page odobaso da, teda dago te tobage po page elalubo te koneaibao. ³ Te bukugo wiegi yai pogo da ola mayu, te wiegi yai kolesaga koneai bidi tiwai, me te wiegi yai doloba pai kolesaga wali peyu, te tobage deli tigi poai kolesaga te tigidali bidi dali ebo te kolesagade bilao po elalubao. ⁴ Tama te bidi mebago te koneai kolesaga dwasianu naga elalubaso da, teda te e pogo

te augwali tau selama, te gasagi yai bidi me pedalu, tama agai te koneani wiegi yai kolesaga te gesi bidi dabeba mayu, tama augwaliba te bilibo wiegi yai kolesaga ola mawaibao. ⁵ Tama te bukugo te kolesaga koneai bidi dabe tau selama, tama augwaligo kolesaga geninama mu selama, tama agai te gasagi yai bidi dabe te wiegi yai sunumi ola mayu, te augwa wali pomainu ebo dao. ⁶ E bukude elalubo pogo te da tau sobaso, te po digi po begelama wali po, me te po piksa ola mabo po, me te wiegi yai po me te kolesaga koneai bidi dabego geme dualama wabo po page te dago koneaibao.

⁷ Te God Genuai Bidide wi eyu, aga dologode bidibo bidi, agai te dwagi yai homu kolesaga page konebo gagalai dao. Me ma, te wiegi yai homu kolesaga elalusiabo bidi dabe augwaligo te kolesaga konebo skul olama, te wiegi yai kolesaga sabo te hagela homu mu ebo dao. ^{††}

† 1:1 1 Kin 4:32

†† 1:7 Jop 28:28; Tib 111:10; Pro 9:10

Te gesi ogwa bidi dabe mobo mayu ola mabo po

⁸ Ogwa o, nago te naga ayago mobo mabo po odolama, tama nago idago po me sela şagio. ⁹ Te augwaligo pogo nage te wiegi yai bidi pedalumainu ilaibao, te nago tobolude te wiegi yai sawi yai au tiwai elama, tama nago magede te sawi yai beli elalubo tiwai yaibao.

¹⁰ Ogwa o, te dwai bidi dabe, ma te nai wi sabo bidigo te nagebolo te homu bega sabo po weyu, te dwai kolesaga meba inao po obaso da, teda nago te augwaligo po wali me pigio. ¹¹ Te tobage bidigo te tama po waibao, "Ae, tega, nage da dali aselama, tama da pelama, te bidi meba ela mugi pinao. Da pelama, te sunumi sesegeba geme duala sigi pelama, tama niwai bidi me asobaso, tama dago augwali ela muaibao. Te augwaligo magi dwai şe me isişbadi digi, te dago homu weigo te naga wali pelama, tama te augwali ela muaibao. ¹² Te dago te polo tama mu pedalu, te augwali ela muaibao, te isibo te bidi dabeba polo tama pedelama, tama augwali te isali bidi dabego pesageba pabo tiwai ebo dao. ¹³ Tama dago te bidi dabego doado bage hauwa selama, tama da deli deligo te dena be paşanaibao. ¹⁴ Nage daba kisasa sagaselama, tama nago me te doado bage hauwa sagameo," augwaligo te po wabo dao.

¹⁵ Ogwa, te dwai bidi dabego te tobage po nageba obaso da, teda nago te augwaligo me odolama, te augwali wali me pelamuo. ¹⁶ Te tobage bidi dabego te dwai şe ebo wei mu elama, tama te bidi ela mubao. Augwa te tiwai şe sesemane polo idu, tama augwa toma me nogobeo. ¹⁷⁻¹⁸ Te tobage dwai kolesaga ebo bidi dabe augwa te dwai dene mu saibao. Te augwa digi augwa ma tola somainu yabo wa mubo tiwai gilama ebao. Te ba dabe augwa te wiegi yai homu kolesaga elalubao. Te ba me deligo te bidigo wa muani suali da, teda aga tede me habela sogobeo. Tiali goli, te dwai bidi dabe te tiwai egobeo. Augwaligo te dwai kolesaga ebo bomu mu yaibao, tama tiyu, te augwa digi augwa dolobo dao. ¹⁹ Te hwjbo bidi dabego, ma te nai wi sabo bidi dabego te kolesaga wali pabo dao, tama tiyu, augwa digi dolaibao. Te augwa wi sali nai dabego te augwali dolobo aş ebo dao.

Te wiegi yai homu kolesaga wali pişabo we bidi dabe te genuai şeşęęo gegaibao

²⁰ Te wiegi yai doloba pai homu kolesaga te tiwai, te we me deli te sunumi tunu mage dabeba doligi pelama, me te maketba pelama, tama te we bidi dabeba po olama, i wabo tiwai ebo dao. ²¹ Tama me aga te bidi sisinibo pesage te taunba pabo genuai obo bagulali sunumi paşde doligi pelama me, tama te tigidali pesage te we bidi hauwa bidalubo madi doligi pelama, tama agai te tiwai i wabo, ^{†22} "Dage te homu kolesaga meni yani hani, dage te tiwai sesemane bidabo homu eba, agawe? Dage te wabo pabo bidi dabe tiwai ebao. Dagego te wiegi yai kolesaga sabo homu wei me isiş-

ma, tama dagego tede posobo po wabo dao. Mena sogo dagego te kolesaga ebo tagalaibawe? ²³ Eno dagebolo po bomonama weyu, dagego te dwai kolesaga ebo tagalao po obao. Dagego eno po wali pigi sogo da, teda eno dage ola mayu, tama dageba wiegi yai homu ebo kolesaga magi dao. ²⁴ Eno dage i wali, te enaba asomainu yali, tiali goli dagego hagela yai.

²⁵ Dagego eno wiegi yai po tudiba munama, tama eno dage dodolainu ebo sogo te dagego hagoma ebo dao. ²⁶ Dagego tama tialigo da, teda te eno me eno te dagego ebo kolesaga tobage tiwai yaibao. Tama te genuai şeşęęo dage gegebo sogo, tama dage dolobaso, teda ena gisugu genuai gilama mu weyu, tama dageba dwai posobo po waibao. ²⁷ Te dwai sogo te dageba te bomai wali aselama, te pedalubo tiwai eyu, tama te şeşę me dene tego dage doliyu, te wę gegi page pobegebo tiwai bomai waligo ebo tiwai gilama yaibao."

²⁸ "Te tama tebo sogo te eno dage tau somainu te dagego ena i waibao, tiali goli eno po wei me ponegobeo. Tama dagego ena gegebo şe ebadi, tiali goli te dagego ena me susişwai. ²⁹ Dagego te wiegi yai homu kolesaga sabo homu te wei me isişma, tama dagego te Genuai Bidi dologode bidabo homu me ebo.

³⁰ Dagego te eno wiegi yai po sela şanama, tama te eno dage dodolainu ebaso, te dagego ena tudiba muai dao. ³¹ Tama tialigo da, megi da, te dagego duga yali dwai kolesagago walali du dabe tuo. Awe, dagego haniani dwai şe yabo homu kolesaga yai dao. Megi da, dagego te kolesagago du dabe tulama, tabi paşawaibao. ³² Magi baso meni. Te wiegi yai homu kolesaga meni yani we bidi dabe augwaligo te ena tudiba munama, tama augwa te kolesagago digi te augwa ela munama, augwa isaibao. Te bidi dabego homugo augwaligo te tigidali nai koneani homu yali, augwali te wabo pabo bidi dabe tiwai ebao. Augwa te homu kolesagade te augwa digi augwa dolobo dao.

³³ Tiali goli, te eno poba olo bugagia mubo we bidi da, te augwali bugagia bidaibao. Tama augwa te şeşę me wi me isişwaibao, magi baso meni, augwa koneani, te dwai nai augwaliba me pedalugobe da homu ebo dao," te wiegi yai homu kolesaga da, te tobage po wabo we me deli tiwai dao.

Te wiegi yai homu kolesaga wali pabo bidi dabe te bugagia bidaibao

2 Wai, nago eno po odama, tama naga homuba bugagia muao. ² Nago te nageba wiegi yai homu kolesaga mabo poba te nago olo bugagia muao. Tama nago te wiegi yai kolesaga sabo şe bomu yao. ³ Tama nago te wiegi yai homu kolesaga konebo te nageba asomainu te hanalu wao, te bidi me deligo nage tau sagasomainu i wabo tiwai yao. ⁴ Tama nago te wiegi yai homu kolesaga gegebo şe eyu, te bidigo te silva mone te tş tomode gegebo tiwai eyu, me te augwaligo mone geme dualai te bidigo gege şe ebo tiwai gilama yaibao. ⁵ Nago te şe dabe ebaso da, teda nago te Genuai Bidide wi eyu, aga dologode bidibo kolesaga page

† 1:21 Pro 8:1-3

te mu koneama, tama nago te God bugagia koneaibao. ⁶ Magi baso meni, Genuai Bidide digi agade te wiegi yai homu kolesaga page elalubao. Tama agai te wiegi yai homu konebo kolesaga te dabolo mabo dao. ⁷ Agai te doloba pai bidi dabego homu kolesaga dodoliyu, tama augwaligo te augwa wali pabo kolesaga te bugagia dagalaibao. Tama agai augwali bugagia seselalubaso, te augwali me dologobeo. ⁸ Godigo te doloba pai kolesaga ebo bidi dabe bobegela selama, tama te agade homugo keş pali bagego wali pabo sunumi agai te tonalubo dao.

⁹ Waio, te nago wiegi yai homu kolesaga bomonama gegegi peyu da, teda nago te bilibo wiegi yai sunumi tigidali koneaibao. Te nago te wiegi yai doloba pai kolesaga wali peyu, tama te tigidali bidibolo te tobage deli tigi poai kolesaga naga yaibao. ¹⁰ Te nago wiegi yai homu hauwa selama, tama naga te koneani kolesagade te wiegi yai homu bugagia yaibao. ¹¹ Te bugagia homu kone palubo kolesaga tego nage bobogela selama, tama wiegi yai kolesaga koneanigo te nage tonaluaibao. ¹² Tama nago te dwai kolesaga ebo bidi dabe, me te po dolo wasişbo bidi dabego kolesaga wali me pogobeo. ¹³ Te bidi dabe augwaligo te dolasa pabo sunumi tagalu, tama te hulua sai sunumidu bilibo dao. ¹⁴ Augwaligo te haniani dwai kolesaga ebode te wiegi yai homu pemene yaibao. ¹⁵ Te bidi dabego ebo kolesaga te dolo mu me ebeo.

¹⁶ Tama gasa bidigo we me deligo te nago aga dali penani ebo kolesaga yainu nage muma sabo po obaso da, teda te wiegi yai homu ilibo pogo nage bobogela selama, tama nago te wego po wali me pogobeo. ¹⁷ Te tobage wego te aga gesi wegi ogwa we bidibo sogo sali bidi tagalaibao. Tama agai te God gedude daş wali po te wali munu ma pogobeo. ¹⁸ Te nage te we dali agai beba pali da, te nage te isai bidi dabego buluba pabo sunumidu wali pabo tiwai gilama ebao. ¹⁹ Te aga sugi pabo bidi dabe, te augwali ma geasa asogobeo. Tama augwali te bidibo ula elalubo bidi dabe bidibo sunumidu wali me pogobeo. ²⁰ Te nago homu kolesaga wiegi yai elaluyu da, teda nage te wiegi yai bidi dabe bilibo sunumidu peyu, tama te doloba pai kolesaga ebo bidi dabego ebo kolesaga wali paibao. ²¹ Te wiegi yai doloba pai bidi dabe da, te dago tşde bugagia sesemane bidaibao. ²² Tiali goli, Godigo da te aga wali pisişma te dwai kolesaga ebo bidi dabe sela şaıwaibao. Te agai augwali magadu digayu, te bidigo aga gide te nai digabo tiwai gilama yaibao.

Te wiegi yai homu ebogo te nage bugagia dualalu bidibo kolesaga mawaibao

3 Waio, eno nage ola mawainu ebao, tama nago homude te po munu me tagaligio. Menio. Te sesemane sogo nago bugagia homu kone palao. ² Nago te po wali peyu da, te nage bobobage sogo sesabi elama tşde bididu, tama nage bugagia mu dualalu bidaibao. ³ Nago te gasa bidi godolo ebo kolesaga, me te gasa bidi dali te mu kisa sabo kolesaga ebo me te munu me tagaligio. Nago te kolesaga si wali pelama, tama te na-

go dogonide au ilibo nai tiwai pedelaibao. Tama nago naga homuba bugagia daş olama muao. ⁴ Te nago tama tibaso da, te Godigo nage godolo ebadi, te bidi dabego me nage godolo homu yaibao, tama nago şe te wiegi yai pedelaibao. †

⁵ Nago konealubo po Genuai Bidiba bomonama daş wao. Nago te homu eyu, te naga digi koneani kolesagago te naga tau sabo usu yaibao homu munu me elamu dao. ⁶ Te tigidali şe nago ebo, nago bomai homu Genuai Bidiba elama, tama nago te şe yao, tama agai nagebolo te wali pabo doloba pai sunumi ola mawaibao. ⁷ Te nago homugo tiyu, te nago koneani kolesaga te mu nai da homu elamuo. Menio. Nage te Genuai Bidi wi eyu, aga dologoba pelama, tama dwai kolesagaba tudi ola mao. ††⁸ Nago tama tiyu da, teda nage tego mu tau siyu, te marasingo nage tigi tau sabo tiwai yaibao, tama nage bugagia bidimainu ilaibao, te dili dşgai hauwa elalubo hasa tiwai bidaibao. ⁹ Nago te naga gide te polasa ina yani nai te selama, tama te ofa tiwai ilama, te Genuai Bidiba mao, te tama tebogo te agaba genuai nogi mawaibao. ¹⁰ Te nago tama tiyu da, te Genuai Bidigo nago gide te nai hauwa umabo walama elalumainu ilaibao. Tama naga nai mubo be te naigo mu paşanama, tama nago te wain aş tabiali te moni tank paşayu, tama te wain aş meba te olo buluba gelaibao.

¹¹ Waio, te Genuai Bidigo nage dodolainu ebo sogo, nago wado po olama, te haliga dwai me igio. Agai nagede po elaluyu da, nago aga dali şeş igio. †¹² Magi baso meni, Genuai Bidigo te agai godolo homu ebo bidi dabe dodolaibao, te aya dabego te aga godolo homu ebo wai dabe dodolobo tiwai gilama ebo dao. ††

¹³ Te wiegi yai homu kolesaga koneama sabo bidi, aga te wiegi yai homu pemene mu yaibao. ¹⁴ Magi baso meni, te wiegi yai doloba pai homu kolesaga ebogo te silva, me gol, ¹⁵ me te wiegi yai masigi dabe te aiyaba mu elaluaibao. Tama nago te godolo homu ebo tigidali nai me te aiyaba elalubo dao. ¹⁶ Te wiegi yai homu ebo kolesagago te nage tau selama, tama nage te tşde bobobage sogo sesabi elama bidaibao. Tama agai nageba genuai nogi mayu, tama nageba doado bage hauwa mawaibao. ¹⁷ Te wiegi yai homu kolesagago te nage sesemane sogo te nage bugagia wiegi yai haliga ilama, tama homu tegaluama, nage bidibo te wiegi yai mu pedelaibao. ¹⁸ Wiegi yai homu ebo kolesaga te bidibo ula mabo ni tiwai yaibao. Tama te wiegi yai homu ebo kolesaga te dali keş pabo bidi dabe, augwa te bidabo ula wiegi yai mu elalubaso, tama augwa wiegi yai homu pemene yaibao.

¹⁹ Te Genuai Bidigo digi te wiegi yai homu kolesaga elama koneyu, tama agai te tş de dagalu si nigilama, ²⁰ tama agai te tşba wş pedalumainu iliyu, te agai te dagalude elalubo pş dabe sisinimainu ilama, tama te tulubage tulubo dao.

²¹ Wai, nago te bugagia tonalu, te nago naga wiegi yai homu kolesaga, me koneani kolesaga te bugagia

† 3:4 Luk 2:52 †† 3:7 Rom 12:16 ‡ 3:11 Jop 5:17 †† 3:12 Hib 12:5-6; Ped 3:19

daş olama, tolalua. Tiyu, nago tagalabuo. ²² Te wiegi yai homu ebogo, me te koneani homu kolesaga dali, tego nage ula mayu, tama nago wiegi yai au elalubo tiwai gilama yaibao. ²³ Tama nage te sunumidu bugagia biliyu, tama te magi nai me deligo te nago sağade me selegobeo. ²⁴ Tama te pibo sogo te nage wi me isaşma, tama nage bugagia mu piaibao. Awe, nage pila muyu, tama bugagia bidaibao. ²⁵⁻²⁶ Nago konealubo po te Genuai Bidiba bomonama daş wali da, tama te agai nage bobogela selama, te nago tonalu, tama te boi bidi dabego augwa wade te nage me keş sogobeo. Tama te dwai seş ebo sogo te dwai bidi dabeba pedelama, te augwali dolobaso da, nage wi me elamuo. Te tobage dwai seş pedalubo sogo te augwaliba polo tama pedalu, te genuai wali me tulubage asobo tiwai ebo dao.

²⁷ Te bidi me deli aga te doado bage saş pobaso, tama agai nagebolo mao olama, hanalu obaso da, nago te po me sela saşio, nago agabolo te po "Menio," wagio. Te nage usu elalubaso da, nago aga mao. ²⁸ Te abagi agai nageba hanalubo sogo, te nago aga tau sabo homu usu ebaso da, teda nago agabolo te tiwai po weyu, "Tonalu bolo yao. Te do nage ma aselama, te nage eno mawaiba," te po wagio. ²⁹ Te naga abagi dabe te nage paşde bidalu, tama augwaligo homugo te nage augwa abagi da homu yaibao. Tama tibaso, nago augwali dwai me ilamuo. ³⁰ Te nage dali dwai seş me isaşbo bidi dali te nago odolali po konila me wagio. ³¹ Te hwjbo bidi dabego kolesaga wali painu te nago haliga me hodalgio, tama nage te augwaligo sunumidu me bilamu dao. ³² Magi baso meni, Genuai Bidigo digi te tobage bidi wei me isaşwai. Te doloba pai kolesaga ebo bidi dali agai abagi homu ebo dao. ³³ Genuai Bidigo te po wali, te dwai seş ebo bidi dabe te augwa we wai puluba dabe dali dolaibao, wai. Tiali goli, Genuai Bidigo te doloba pai bidi te aga we wai hani dabe dali te bugagia bidimainu elama, tama agai augwali tonalubo dao. ³⁴ Te bidi dabego te posobo po gasa bidiba obaso da, teda Godigo te tobage tiwai kolesaga te augwaliba wei ponaibao. Tiali goli, agai te augwa digi augwa aiyaba elalubo bidi dabeba te wiegi yai seş bugagia ebo dao. ³⁵ Te we bidi dabego te wiegi yai homu elalubo bidi dabeba te genuai nogi mawaibao. Tiali goli, te wiegi yai homu kolesaga meni yai bidi dabego te augwa digi augwa nogi doloyu, moni hale yaibao. †

Dagego wiegi yai homu kolesaga koneama sao

4 Te wai dabe o, dagego te duga aya eno po bugagia odao. Olo bugagia mubaso da, te dagego wiegi yai homu kolesaga saibao. ² Te eno nagebolo mabo po, te wiegi yai mu, tama tibaso, dagego munu me saşnamu dao. ³ Te idago gasa wai me ame nabe, te ena deli naga, tama agai homugo ena godolo mu yali. ⁴ Tama ena dwasianu ogwa bidibadi, te eno ayago ena ola mani. Agai enabolo te tiwai po wali, "Te nago homuba eno po bugagia munama, tama dolo wali pao,

tama nage bugagia mu bidaibao," po wali. ⁵ "Nago homu wiegi yai elama, te nago wiegi yai kolesaga koneama sao. Nago eno po te munu me sela saşu, ma homugo gegeda pelama, tagalu me elamuo. ⁶ Nago wiegi yai homu kolesaga ebo me tagaligio. Menio. Nago aga godolo mu ebaso da, te agai nage tonaluaibao. ⁷ Te polasa nago sabo nai, te wiegi yai homu ebo kolesaga. Mu tama, te nago gasa nai hauwa sainu ebadi, tiali goli wiegi yai homu kolesaga da, te polalubo hasia nai mu dao. ⁸ Nago te wiegi yai homu ebo kolesaga godolo homu elama, tama bomonama daş ola weyu, tola selama, te agai nageba te genuai nogi mawaibao. ⁹ Te wiegi yai homu kolesaga nago tobolude sawi yai au tiwai pedelama elalu, tama te kingo mubo wiegi yai madi tiwai elaluaibao," ayago te po ola mani.

Te tobage sunumi si elalubao

¹⁰ Ogwao, nago eno po bugagia odoyu, wali pao, tama tiyu da, nage te tşde sesabi elama bidaibao. ¹¹ Eno nage te wiegi yai homu kolesaga wali pomainu ola mayu, tama eno nage bilibo dodoliyu, tama nage te doloba pai sunumidu pomainu ebo dao. ¹² Nage te sunumidu pali da, te magi nai me deligo te sunumi me pania isaşma, tama nage me tulalugobeo. ¹³ Sese mane sogo nago eno te wiegi yai po daş ola sao. Te naga bidibo ulago page tiwai da, tama tiyu nago bugagia tonalua. ¹⁴ Nage te dwai bidi dabego sunumide me biligio, tama nago augwaligo kolesaga wali me pigio. ¹⁵ Nago te sunumi mu ela solama, tama te digibulu mu bidigi pao. ¹⁶ Magi baso meni. Te dwai seş ebo bidi dabego te dwai seş me isaşbadi da, teda augwali me pigobeo. Te augwali gasa bidiba te dwai seş bolo elama da, teda augwali te bugagia pibaso usu ebo dao. ¹⁷ Te dwai kolesaga ebo, me te gasa bidi dolobo kolesaga, te augwa tubo nai me weş tubo tiwai gilama ebo dao. ¹⁸⁻¹⁹ Te dwai seş ebo bidi dabego wali pabo sunumi te be huliasiyu, mu huliasai daş mu wabo tiwai ebo. Augwali te tula muyu, tama te magi naigo te augwali saşade dolali te augwa me konegobeo. Tiali goli, te doloba pai bidi dabego sunumi da, te giliga kigamu nanobo tiwai elama, tama te giliga nanobo seş bomonama pedelama, te giliga tomo yagasoboba usu nubao. ²⁰ Ogwa, te eno poba olo bugagia muao. Mu tama, olo sugunama, odao. ²¹ Nago eno te po bugagia homude keş selama, tama nago homuba bugagia muao. Tiyu, nago tagalabuo. ²² Magi baso meni. Te nago eno te po sali da, teda te pogo nageba te bidabo ula mawaibao. Te pogo te nage bugagia mu bidimainu yaibao. ²³ Te nage bidabo wiegi yai ula dodolabo wiegi yai homu kolesaga, te naga homude pedelaibao, te weş te idu weş gomo pedalubo tiwai ebo dao. Tama tiyu, tigidali sogo nago te naga homude ebo te bugagia mu tonalua. ²⁴ Nago te tibo po me weyu, me te tobage po dwai dabe me wagio. ²⁵ Nago te naga painu ebo sunumiba dolo si tonalua pao. Nago gasa tedaliba me tonono pigio. ²⁶ Te nage pabo madiba homu kone bugagia palao, tama tiyu te nago kolesaga tigidali te

† 3:35 Jer 4:6; 1 Pi 5:5

wiegi yai yaibao. ¹²⁷ Nago te naga bugagia bilali te wiegi yai sunumi te me tagaligio. Nage te dolo nogoba, me te pobase nogoba me pelamuo. Menio. Nago te tobage dwai kolesaga dabe ebo te edelama pao.

Nago gasa bidigo we dali penani şe me egio

5 Ogwa, te eno mobo mabo poba olo bugagia muao. Eno te wiegi yai homu me kolesaga nage-ba mawainu ebao. ² Tama tibaso da, teda nage te doloba pai kolesagade bilaibao, tama te nago po tigidali te wiegi yai kolesaga koneai bidigo po tiwai yaibao. ³ Nago tama tiao, magi baso meni, te we me deligo aga bidi tagalama, tama nage dali te gedu ebaso da, teda agai te nage homu bega sabo pusu yai po hauwa nage dali waibao. Awe, agai po wabo dwagi yai dao, te wel bugagia bilibo tiwai dao. ⁴ Tama nago agai po wali pali da, teda nosali nago aga te dwai nai tiwai aq eyu, te ha ebo nai gagawai eyu, tama te dene ebo te hwa bainatgo nage enebo tiwai dene tilama yaibao. ⁵ Te tobage wego nage te isali bidi dabego pesageba dolo mu odasa paibao. Nago aga wali pobaso da, nage te gu pageba mu paibao. ⁶ Agai te bidibo ula elaluabo doloba pai sunumidu wali me pogobeo. Menio. Te dwai sunumi dabedu wali pobao weyu, te agai me konegobeo, tama tiyu, te aga subigila naga pabo dao.

⁷ Tialima, ogwa, eno poba bugagia olo muao. Nago te po me sela şagio. ⁸ Nage te tobage wede te digibulu mu bidibo tiwai yao. Nage te agai be sunumi paşa me pigio. ⁹ Tiyu, te nago wiegi yai nogi elaluali te tagalabuo. Te agai bidigo te nageba wiegi yai homu eyu, nago te şe yali te wiegi yai yali da homu elama, nage tau sabo homu me egobeo. Menio. Te nage te gesi ogwa bidi elalubadi, te agai nage ela muaibao. ¹⁰ Tama nago te sainogo şe dene yali wiegi yai nai dabe te gasa bidi dabego nogoba pelama saibao. ¹¹ Te gasigo nage selama, tama nage te nomona saibao. Tama te nage isainu ebo sogo, te nage betde pila mudu te dwai gela mu udaibao. ¹² Tama nago te tama po waibao, "Eno te augwaligo enabolo mobo mabo po wabode hagela homu yali. Magi baso eno te hagoma eyu, tama ena te bidi dabego dodolomainu ebedawe? ¹³ Eno te ena tisa dabego po wali me pabeo. Te mobo mani bagego po te eno odobeo. ¹⁴ Megi da, ena te mu tama dolama, tama ena te tigidali we bidigo gedude dwai mu yalio." Nago te po waibao.

¹⁵ Nage te gasa bidigo ulu węba tugi pigio. Nage te naga we dali bugagia bidao, tama aga deli dali naga piao, te bidigo wę te aga ulu węde digi naga te wę tubo tiwai gilama yao. ¹⁶ Te nago subigila we dabede penani şe elama wai ame nobaso da, teda te wai dabego nage te nosali badu me tau sogobeo. Tama tiyu, te naga wego naga te naga wai dabe naga mu ame nomainao. ¹⁷ Te naga wai dabe te we dabego hani dali bididali weyu da, te nago gasa subigila we dabe dali penani ebo şe te igio. ¹⁸ Godigo te nago webolo te wiegi yai şe bugagia emainao. Te nage gesi bidi bidiyu

† 4:26 Hib 12:13

dali we te nago ulu wę tiwai da, tama nago agade wiegi yai pemene yao. ¹⁹ Te gasa sawi yai mu ebao, tama agai kolesaga te wiegi yai mu da. Agai te nage wei mu ebao, tama sesemane sogo nago agaba homu kone palama, tama aga wei mu yao. Tama nago sesemane sogo te agai ame side wiegi yai pemene yao.

²⁰ Ogwao, nago te gasa bidigo weba homu kone eyu, tama nago te agai amede homu palamuo. ²¹ Magi baso meni. Genuai Bidigo te dago ebo şe tigidali te sula-ma, tama agai te dago ebo kolesaga tigidali te bugagia osola subo dao. ²² Te dwai bidi aga şeşęgo digi te aga te wago kalabus elama, te bonogo keşlubo tiwai ebao. ²³ Te tobage tiwai bidigo te aga homugo digi ebo kolesaga te aiyaba me elalugobeo. Menio. Agai te wabo pabo bidigo ebo kolesaga tiwai eyu, tama te kolesagago aga ela mubo dao.

Te nago wali pişainu ebo kolesaga meba

6 Ogwao, te gasa bidigo me negeli sai madi, tama nago te negeli elalubo te wei ponaiba po daş walama, te aga digi te wei ponabo usu işabaso teyu da, teda nago te kolesaga te wiegi yai me ebeo. ² Nago te daş walali pogo te naga digi kalabus ilibao, te naga digi kekelama, te muani wago te naga ma tola sabo tiwai gilama ebao. ³ Ogwao, nage te kalabus elalubo polo tama tagalao. Tiyu, nage te bidi dologode bidabuo. Nago te daş walali po sela şawainu te agaba hanalugi pao. Te kolesagago nage nogi elaluama, te nage hale elalubo te tagalao, nage peyu naga yao. ⁴ Nage me pila mudigio, nage asesa elama pao. ⁵ Nage te kalabus elalubo tagalao, te uni hasago ma te bago te wa tagalama, wi pabo tiwai yao.

⁶ Dage hagela bidi dabe, eno te tama po dagede elalubao. Dage pelama, te sagado dabego kolesaga bugagia sugi pobaso da, tama teda dage te kolesaga konea pai bidi pedelaibao. ⁷ Te sagado dabe da, te augwa tonalubo polalubo tobolu bidi, ma genuai bidi, ma te ofisa, te me elalubeo. ⁸ Te nai hauwa elalubo sogo, te sagado dabego te nai şaş pabo sogo tuabo nai sisinama, te sabobo dao. ⁹ Tiali goli, dage hagela bidi dabe, te dage sesabi gana elama, pila mudabo homu eba, agawe? Mena sogo te dage duga betde pila muani te hogodaluaibawe? ¹⁰ Dagego te tama po wai, "Tagalao, da dwasianu gana godege manu piaibao," wai. "Da te dwasianu sogo naga tama te toma tulama, tama te da hogodaluaibao," wali. ¹¹ Dagego te tiwai ebaso da, teda polo tama te dagego doado bage tigidali silama, tama dage te magi nai doado bage meni yai bidi tiwai pedelaibao, te nai wi sabo bidigo te dagego doado bage tigidali wi sela pabo tiwai yaibao.

††

¹² Te dwai bidi mu dabego te tibo po wabo dao.

¹³ Augwaligo te tama po geme dualama wali. Augwaligo te gedu aluama, tama te nogogo po miyu, tama şaşago te usu sabo şe ebo dao. ¹⁴ Sesemane sogo augwaligo te dwai şe yabo homu kolesaga kone paludu, tama augwaligo te bidi dabego te gasa bidi

†† 6:11 Pro 24:33-34

dabeba dwai haliga yabo şe eyu ebo dao. ¹⁵ Tiali digi, polo mu tama te dolobo genuai şeşęęo te augwaliba pedalubaso da, teda augwali te usu ma ilabo sunumi me elalugobeo.

¹⁶ Genuai Bidigo te bidi dabego te e 7 kolesaga dabe ebo da te godolo homu mu meni isawanio, agai tede şeşęęo ebo dao. Augwali e dao. ¹⁷ Te hagoma ebo kolesagago te gasa bidi dabe tonobo te olo bage tiwai ebo kolesaga. Me te tibo po wabo kolesaga. Me te gasa bidi dabe olo dali ela mubo kolesaga ebo. ¹⁸ Te dwai şeşęęo yabo homu ebo kolesaga. Tama me te dwai şeşęęo polo ebo kolesaga. ¹⁹ Te tibo po tuşęęo yainu ebo kolesaga. Me, te bidi dabego te augwa ama hasi te dwai haliga ilibo kolesaga ebo dao.

Nago gasa bidigo we dali penani igio

²⁰ Ogwao, nago te naga ayago po wali pao, tama nago idago po me sela şaşęęo. ²¹ Nago te augwaligo po te naga homude munama, tama sesemane bugagia wali pobaso da, tama teda te nago tobolude me magede te wiegi yai au tiwai te pedelabo dao. ²² Te nage bilibo sogo, te pogo te nageba sunumi ola mawaibao. Tama nage te pibo sogo, teda te pogo te nage tonaluaibao. Tama nage hodalubo sogo da, teda te pogo te nageba wiegi yai homu kolesaga mawaibao.

²³ Magi baso meni. Te aya idago po te lam ula me deli te wiegi yai eyu, te nageba sunumi ola mabo tiwai ebao. Tama augwaligo te nage dodolobo sogo, te nage bidibo ula elalubo tau sabo wiegi yai kolesaga wali pomainu yaibao. ²⁴ Te augwaligo te pogo nage tau siyu, tama te dwai şeşęęo ebo we dabego te nage tibo po me ola masişęęo po me wasiayyu, tama nago te gasa bidigo wego pusai po wabo me odogobeo. ²⁵ Nago te wego te sawi yai tigi subaso, te nago pesa ebo homu me igio. Tama agai te nage kekainu te nageba tonono ebaso da, teda nage te agaba me pigio. ²⁶ Te bidi te penani we dali bidibaso da, te dwasianu monego naga abelebo dao. Tiali goli, bidigo te gasa bidigo we dali pagela pibasos da, te genuai şeşęęo mu ebao. Te aga bidibo ula tede tagalainu te ebao.

²⁷ Te nago te sia dage te hobolu badu şade tolalubaso da, teda te naga holobo ugwa te siago dogobe da, agawe? ²⁸ Ma, nage te sia dobadi te daidu bilali da, te siago nago şagaşęęo dogobe da, agawe? ²⁹ Te tama tiwai gilama naga, te nage gasa bidigo we dali pigi pali da, te augwaligo nageba te genuai dene me şeşęęo mabo te nago me geda mugobeo.

³⁰ Te bidi me deli aga nasi ebaso, te nai meba wi sali da, teda te bidi dabego te agaba dwai po me wagobeo. ³¹ Tiali digi, augwaligo agai te yali şeşęęo augwaligo te pepeli deliba hanilani da, teda augwaligo aga te po tuşęęo ilama, tama agai te nai hauwa mu wei ponomainu yaibao, te aga bede elaluali doado bage te tigidali te mu siliboba usu naibao. ³² Tiali goli, te bidigo gasa bidigo we dali pibasos da, te mu geda munama, tama te esela peyu, te mu umuna pabo bidi tiwai ebao. Te kolesaga ebo bidi aga digi aga dolobo dao. ³³ Te bidi dabego aga eliyu, te agaba po dwai weyu ebaso, te

aga sesemane sogo hale dwai mu yaibao. ³⁴ Te haliga şeşęęo dwai mu ebo bidi dabe, te augwaligo we dali te gasa bidigo me pagela piali. Te tama tiwai naga te wego bidigo haliga te dwai şeşęęo mu elama, tama te bidigo yali te dwai şeşęęo wei ponoyu, tama agaba te dwai dene mu mawaibao. Te wego bidigo şeşęęo te deşęęo sogo. Agai te agaba wiegi yai homu eyu, te sabo homu ebo kolesaga yabo homu me egobeo. Mu menio. ³⁵ Tama agai te haliga şeşęęo ebo sia somainu te genuai mone menama, te sia somainu ebaso, te usu me egobeo. Te şeşęęo me elalubo dao.

7 Ogwao, nago eno po daşęęo olama, tola selama, tama nago homude munaluao. ² Te nago eno po bugagia wali pobaso da, teda nage bugagia bidaibao. Te eno po bugagia tonaluaşęęo, te nago naga digi te naga gedu tonalubo tiwai gilama yao. ³ Bidigo po pepede aseyu elalubo tiwai eyu, nago te eno po te naga homuba munama, tama te sesemane nage dali elaluba pomainao, te nago nogode te ring sesemane elalubo tiwai gilama emainao. ⁴ Te wiegi yai koneani homu kolesaga te nage dali sesemane bidimainao, te nago abe mu tiwai, ma abagi mu tiwai elalumainu yao. ⁵ Tama te gasa bidigo wego nage homu bega somainu eyu, te nage aga dali pagela pimainu ebaso, teda te wiegi yai homu kolesagago nage bagua selama, tama nago te wego po wali painu ebaso, usu me egobeo.

Te bidigo sai wego dwai kolesaga meba ebo po wali

⁶ Me sogode ena te ena be windo tede dolalu, tama eno te sunumiba tonaluali. ⁷ Tama eno suali, te gesi bidi dabe te sunumidu iba soyu, oba soyu ebo suali. Augwaligo te wiegi yai koneani homu kolesaga me elalusiwai. Tiali goli, me deli te agai mu geda muanio. ⁸ Te gesi bidi te dwai penani şeşęęo ebo we me deligo be şade pelama, bilali. ⁹ Te giliga dega sigulama, tama şade be hulua sainu ebadi dao. ¹⁰ Te we te sunumide bilibo wego au tiwai elama, tama aga homugo te bidi homu begelabo homu yai. Tama tiyu, te we pelama, te bidi dali deliba gesabidi ununama, po miani. ¹¹ Te we te hagoma ebo we mu da, tama te bede bugagia me dugulalugobeo. Agai po wabo si, po bomonama wabo dao. ¹² Sesemane sogo aga te sunumide, me maketde bilidu geyu, te bidi geşęęo şeşęęo ebo dao. ¹³ Eno suali, te wego te gesi bidi tola selama, tama agaba te gesabidi nono nabo suali. Tama wego te aga geduba dolo mu tonalu, te tama po wai, ¹⁴ "Te megi eno te God dali deli homu ebo ofa me deli yali, te eno polobadu wali po tiwai gilama, tama te ofa yali nai me dage te eno bede munalubao," wali. ¹⁵ "Tama eno te ena be tagalama, tama eno te nage geşęęo asali. Megi da, te eno nage sualio. ¹⁶ Tama me eno bede te piabo wiegi yai bet dodolai elalubo. Eno te sawi wiegi yai sitbet te au yai te betde muani. Te sitbet dabe te Isipdu digibulu asai dao. ¹⁷ Tama eno te haniani wiegi yai denami ebo pauda te betde gelali. ¹⁸ Nage ena dali aselama, tama da si te gagali, me wiegi yai pemene şeşęęo ebo homu me idubadi, te be posolaibao," wali. ¹⁹ "Nage te eno bidide wi me igio. Aga te digibulu mu pelama, bidigi palio,

²⁰ tama aga te polo tama me ma asogobeo. Magi baso meni, agai te mone hauwa aga dali sela peyu pai. Te Sande si pelama, tama te polua tomode, te aga ma asabo homu ebaso." Te wego te po wali.

²¹ Te wego te aga homu bega sabo pusu yai po hauwa agabolo olama, tama aga haliga polo hodolali. ²² Te bidigo te wego po odolama, tama polo tama agai te we wali peyu, te beba pali, te augwaligo te bulmakau te elabo pesageba odasa pabo tiwai yali. Ma, te esela pabo kolesaga meni yai bidi te kalabus beba odasa pabo tiwai ebo dao. ²³ Te bidigo te ene me deligo te aga dini homu enabo te agai me konebeo. Aga te ba me deli te wa elalubo pesageba bola pabo tiwai yali. Tama te bago me konesiayyu, te wago aga tola selama, tama aga te isabo te me konebeo.

²⁴ Tialima, te ogomani dabe, dagego eno poba olo bugagia muiào. ²⁵ Dagego te duga haliga hogodama, te tobage we wali pomainu me igio. Augwali dali subigila pigio. ²⁶ Magi baso meni, te bidi hauwa mu te tobage wego nogode isama, dolobo dao. Awe, augwali da, te genuai hani mu dao. ²⁷ Te agai beba pabo sunumi te gu pageba pabo sunumi tiwai elalubao. Tama dagego te sunumi wali pobaso da, teda dage te isali bidi dabego pesageba paibao.

Wiegi yai homu kolesagago agai ebo sę po wali

8 Wiegi yai doloba pai homu kolesaga te we me deli dolugulama, te da i wabo tiwai ebaso. ² Aga te bulu du elalubo pesage te sunumi dabe pađe, me te sunumi tulu mage si dabede dolalubo dao. ³ Tama aga te genuai taun hanu bagulali obo te sunumi dabe pađe dolalu, tama te tiwai i wabo sę iduaibao, ⁴ "Eno dage tigidali we bidi bomonama i obao. ⁵ Dage kolesaga konesiawani bidi, te kolesaga koneiào. Dage te homu kolesaga siào. ⁶ Te eno dagebolo mawainu ebo te wiegi yai doloba pai poba olo bugagia muiào. ⁷ Te sesemane sogo eno te mu po naga weyu, tama eno te tobage dwai po dabe wabo te hagela homu ebo dao. ⁸ Eno po tigidali te doloba pai naga dao. Eno te gagea pai tibo po deli me wagobeo. ⁹ Te pogo page te homu kolesaga koneani bidigo te mu konea pelama, tama augwa koneyu, te po te dolo po mu wali homu ebo dao. ¹⁰ Te eno dagebolo te dage wiegi yai koneabo kolesaga ola momainu eyu, dagego te usu da po wao, magi baso meni, te eno mobo mabo pogo te wiegi yai silva me gol aiyaba elalubo dao."

¹¹ "Ena digi ena te wiegi yai me doloba pai homu elama, tama eno te gasagi yai sawi yai tobage masigi dabe, me te dagego wei mu ebo nai tigidali me te aiyaba elaluai dao. ¹² Tama eno te bugagia bilibo kolesaga koneani. Eno te koneani kolesaga elalu, tama eno te haniani nai dagalabo te usu yaibao. ¹³ Te Genuai Bidide wi eyu, aga dologode bidibo bidi da, agai te dwai kolesaga dabe te wei mu me egobeo. Eno te hagoma ebo kolesaga me, te bidi aga digi aga nogi ugwaba sabo kolesaga me, tama te tobage dwai sę ebo kolesaga me, te tibo po wabo kolesaga me, te eno

wei mu me ebeo. Menio. Eno te tobage kolesaga ebo hagela mu ebo dao. ¹⁴ Eno te wiegi yai homu kolesaga te we bidi dabeba mayu, tama eno augwali te tau siyu, te wiegi yai sę ebaso, usu igi dao. Ena digi eno te wiegi yai homu elalu, tama eno genuai bomu elalubo dao. ¹⁵⁻¹⁶ Eno te king dabe me, te tobolu bidigo me te bulu tų pedai kantri bugagia tonalumainu tau siyu, tama te wiegi yai bomai po me munama, te bulu tų pedai kantrigo te doloba pai kolesaga wali pomainu tau sabo dao. ¹⁷ Tama mena we bidi dabego ena gegebo sę bomu eyu da, teda augwaligo ena sueibao. Mena we bidigo ena wei yali da, eno me te eno augwali wei mu yaibao. ¹⁸ Eno te genuai nogi, me mone, me doado bage hauwa te we bidi dabeba mabo usu igi da. Tama augwaligo te doloba pai kolesaga wali peyu, te wiegi wiegi yai nai dabe somainu tau sobaso, te usu yaibao. ¹⁹ Eno te augwalibolo mabo nai dabego te wiegi yai gol, me wiegi yai silva dabe te aiyaba mu elalubo dao. ²⁰ Sesemane sogo eno te doloba pai kolesaga naga wali peyu, te po tų dolo odobo kolesaga naga wali pabo dao. ²¹ Eno te wiegi yai nai hauwa mu te ena wei mu ebo bidi dabego sabobo madiba te pesage mu holalubao. Tama augwaligo te madi mu pağana saibao."

²² "Poloba polobadu mu, te Genuai Bidigo te nai dabe nigainu yali sogo, agai te ena bolo nigali. Tama nosali agai te gasa nai tigidali nigai dao. ^{††23} Polobadu mu, te Genuai Bidigo tų nigisiąbadi, agai ena nigilama, tama ena bididuali. ²⁴ Ena pedelali sogo, te Genuai Bidigo te tamu aį me te ulu aį dabe nigisiąbadi, ²⁵ tama agai te genuai bulu du dabe me, te dwasianu bulu du dabe me nigilama augwa pesageba musiąbadi, te sogo ena pedelai dao. ²⁶ Te ena pedelali sogo, Genuai Bidigo te tigidali tų pedai nigisiąwai, tama tiyu, te gi dabede te nai meni yai dao. Te sogo te tų hogomu me elalubeo. ²⁷ Te ena Genuai Bidi dali bidibadi, te sogo agai te dagalu nigilama, te tamu aį te daįgo bagulali, ²⁸ tama agai te dagalude te pų dabe muyu, te aį dabe te genuai tamu aį dologodu pedalumainu iliyu, te tamu aį pağanumainu yali sogo, te ena me bidai dao. ²⁹ Tama ena aga dali bidibo sogo agai te tamu aį sesegedu daį iliyu, tama tamu aį dali po bomonama weyu, te tamu aįgo te daį ilali boligio po olama, tama agai te tų muabo pesage daį mubo sogo, te ena aga dali bidai dao. ³⁰⁻³¹ Te Genuai Bidigo te sę dabe yali sogo, ena aga dali bidali, tama agai ena te kolesaga konea pai bidigo te sę tonalubo bidi tiwai nigilali. Tigidali side eno aga wiegi yai homu pemene ilali, magi baso meni, eno te agai nigai nai dabe suyu, te wiegi yai homu pemene yali. Eno te tų sulama, te we bidi dabe bidalubode te wiegi yai homu pemene yali, tama ena te Genuai Bidigo gedude sesemane sogo wiegi yai homu pemene elama bidibao," wiegi yai doloba pai homu kolesagago te po wali.

³² Tama wiegi yai doloba pai homu kolesagago po wadolama weyu, te tama po wali, "Te wai dabeo, dagego eno po bugagia odama, tama eno kolesaga dabe wali pao. Te tiwai dagego ebaso da, te dage wie-

† 8:3 Pro 1:20-21

†† 8:22 Ped 3:14

gi yai homu pemene yaibao. ³³ Te dage eno ola mo-mainu elama, tama dagego wiegi yai homu ebo me kolesaga saibao. Dagego te şeba tudi me ola magio. ³⁴ Te eno po bugagia odobo bidi dabe te augwa wiegi yai homu pemene ebo dao. Tigidali side augwali te eno be sunumi paþa dolagaselama, tama ena tonaluali, tama eno po augwaliba mabo dao. ³⁵ Te ena sabo bidi dabe, te augwa bidibo ula sali, tama Genuai Bidigo augwaliba wiegi yai haliga ebo dao. ³⁶ Tiali goli, te ena sisabo bidi dabe, augwa digi augwa dolaibao. Awe, te ena hagela homu mu ebo bidi dabe augwa isi-bo sogo godolo ebo dao," wali.

Te wiegi yai homu kolesagago te we bidi i wali

9 Wiegi yai doloba pai homu kolesagago aga be şeş yai. Agai te pos nogo a naga olama, me badu nogo si te dodolama, te daş walama, te be au ilali. ² Agai te kibu hasa dabe elama, tama ulama, tama te pusai wain weş pedalumainu ilali. Tama agai te nai tuabo tebol sisi ilama, dodolai. ³ Agai te aga şeş ebo we dabe tagala palama, te taun pesage tomoba doligi pelama, tama augwaligo te tiwai i wali, ⁴ "Dage wiegi yai homu kolesaga meni yai bidi, me dage kolesaga umuna sai bidi dabe, dage te wiegi yai doloba pai homu kolesaga yai bidigo beba asişo. ⁵ Dage aselama, aga dali te nai, me te pusu yai wain aş agai sisi yali, te tuagasişo. ⁶ Te duga umuna sai kolesaga ebo tagalama, tama aselama, te bidabo ula sagasişo. Dagego te wiegi yai homu kolesagago sunumi wali pişo," augwaligo te po wabo dao.

Te tobage kolesaga si ebo bidi

⁷ Nago te posobo po wabo bidi dodolobo si da, teda agai te dwai po nageba wei ponaibao. Tama nago te dwai şeş ebo bidi dodolainu ebaso da, teda agai nage elama, tama nago tigi dolaibao. ⁸ Tama tiyu, te dwai posobo po wabo bidi me dodoligio, tagalao. Agai te nage dali boi bidi naga yaibao. Tiali goli, nago te wiegi yai homu kolesaga elalubo bidi dodolobaso da, te agai nage wei homu yaibao. ⁹ Nago te wiegi yai homu kolesaga elalubo bidiba po mani da, teda agai homu kolesaga te wiegi yai mu pedelaibao. Tama nago te doloba pai bidi ola mobaso da, teda nago agai kolesaga te kuna mu ma konemainu tebao.

¹⁰ Te Genuai Bidide wi eyu, aga dologode bidibo bidi, agai te dwagi yai homu kolesaga page konebo gagalai dao. God te Tedali Gasagi Yai mu dao. Tama nago te wiegi yai kolesaga sainogo da, teda hasia bolo nago aga bugagia konea sao. ¹¹ Te wiegi yai homu kolesagago da, te da nage te tşde sesabi elama bidimainu yaibao, tama nago kibu be te hauwa mu bidaibao. ¹² Te nago wiegi yai homu kolesaga sobaso da, teda naga digi te naga wiegi yai bugagia ilibao. Tiali goli, nage te hagoma ebo bidi da, teda naga digi naga ma te dolobo dao.

Umuna sai kolesagago te we bidi dabe i wali

¹³ Te umuna sai kolesaga te we me deligo po daş subigila ola bilibo tiwai ebao. Agai homu kolesaga te wiegi yai me elalusişu, tama te wiegi yai kolesaga me konebeo. ¹⁴ Agai be te taun pesage tomode ugwadu elaluali, tama aga te sunumi paşde elalubo sia saide dugulalubao. ¹⁵ Agai te we bidi dabe augwa şeba soabo sulama, tama agai augwali asela yao olama, i wabo dao. Agai te tama po obao, ¹⁶ "Dage te wiegi yai homu kolesaga meni yai bidi, me te dage umuna sai bidi me, dage te eno be tomoba asişo," wali. ¹⁷ "Te nago weş wi saibaso, te weş te tuabo wiegi yai weş mu dao. Tama nage te geme wi duala selama, te nai wi saibaso da, te nai da, te pusu umabo mu ebo dao," te po obao. ¹⁸ Te agai po odobo bidi dabe da, te agai be te guş page tiwai elalubo te augwaligo me konebeo. Te bidi dabe agaba pelabo, te augwaligo me konesişwai, augwali te isali bidi dabego pesagede megi bidalubo dao.

Solomongo wiegi yai page elalubo po

(Daş 10:1-22:16)

10 Te e da te Solomongo peşwadage te wiegilama bidibo kolesagade po wali. Agai tama tiwai po wai. Te ogwago wiegi yai homu ebo kolesaga koneai elalubaso da, teda aga aya de ida si wiegi yai homu pemene ilaibao. Tiali goli, te ogwago te esela pabo kolesaga wali pobaso da, teda aya de ida si haliga seşeş mu ilaibao.

² Te nago kolesaga dwai wali pidu, tama te mone hauwa elalubo bidi pedalubaso da, teda naga te mon-ego te nage wiegi yai ilama bidimainu ebaso, usu egobeo. Tiali goli, nago te doloba pai kolesaga wali pali da, te nage dolabo seşo gegelama, me dologobeo.

³ Genuai Bidigo te doloba pai kolesaga ebo bidi dabe te nai şaş pomainu ilama gogologobeo. Tiali goli, agai te dwai kolesaga ebo bidi dabego te nai dabe somainu me iligobe, te augwaligo sainu te seş dene gesoi mu ebo dao.

⁴ Te nago seş ebo hagela eyu da, te nage magi nai meni yai bidi pedelaibao. Tiali goli, nago seş bomu yali da, teda nago doado bage hauwa elaluaibao.

⁵ Te bomai bidigo da, te nai inilama tau ebo sogo te sisinaibao. Tiali goli, te bidi pila muyu, tama te sogo seş me isişwani da, teda aga hani sibi we wai bidi te genuai hale saibao.

⁶ Godigo te doloba pai bidi dabeba te wiegi yai seş bugagia yaibao. Tiali goli, te dwai bidigo pogo te gasa bidi dolabo homu eyu, te aga dwai kolesaga te geme dualalubo dao.

⁷ Te wiegi yai bidi me deli isibo sogo da, te we bidi dabego aga homu kone palama, tama pemene umabo mu yaibao. Tiali goli, te dwai seş ebo bidi dabe isibo sogo, te we bidi dabego aga polo homu kone ebo gege-

da paibao. Te ni mobia pabo tiwai eyu, te bagego nogi silaibao.

⁸ Te wiegi yai homu elalubo bidigo te gasa bidi dabego po odaibao. Tiali goli, te pedauwalidu aḡi bole tualubo bidigo te odolali tama wabo pogo te dolaibao.

⁹ Te doloba pai bidi dabe te bugagia bidaibao. Tiali goli, te dwai sę ebo bidi dabe te geme me duala sobaso, te usu me egobeo.

¹⁰ Te poli po niga selama wabo bidi dabego te dwai sę hauwa yaibao. Tama te po pedauwalide dogia pabo bidi dabe te dolaibao.

¹¹ Te wiegi yai bidi dabego po te bidibo ula mabo wę tiwai ebao. Tiali goli, te dwai bidi dabego pogo te augwa dwai homu ebo kolesaga te geme dualama, te gasa bidi dolainu dao.

¹² Te haliga dugulubo po wabo kolesagago te we bidi hani augwa hasi peda sabo tiwai ebo dao. Tiali goli, te homu dene ebo kolesagago te dwai sęde sali sęęę hauwa sela sębo dao. †

¹³ Te wiegi yai homu kolesaga elalubo bidigo agai te wiegi yai homu kolesaga po pusaibao. Tiali goli, augwaligo te wiegi yai homu elalusiębo bidi dabe tudide te keloago elibo dao.

¹⁴ Te wiegi yai homu elalubo bidigo te gasa tobage kolesaga sabo sę eyu, te polo tama te koneani kolesaga me hanilama me pusugobeo. Tiali goli, te kolesaga meni yai bidigo pedauwalide odolali po wabo sogo, te sęęę tama polo pedalubo dao.

¹⁵ Te mone bidigo hauwa doado bagego augwali bagua selama, tama augwali bugagia bidibao, te taunde bomai dili yai obogo bagulai elalubo tiwai elalubao. Tiali goli, te magi nai meni yai bidi dabe augwa te doado bage sęę pelama, tama augwali te dolaibao.

¹⁶ Te doloba pai bidigo te aga bidibo ula te aga mone sabo tiwai yaibao. Tiali goli, te dwai sę ebo bidi dabego da, te dwai sę hauwa pedalumainu ebo dao.

¹⁷ Te bidi mego te gasa bidi dabego aga dodolomainu ebaso da, teda aga te bidibo ula sabo sunumide bidibao. Tiali goli, te bidi dabego aga dodolainu ebadi, te hagoma ebo bidi yai baso da, teda agai te sunumi geda muyu ela pobao.

¹⁸ Te bidigo dwai haliga te gasa bidiba elama, tama te haliga dwai te geme dualainu ebaso da, teda agai te tibo po sesemane obao. Me ma, te bidigo te gasa bidiba geme posobo po obaso da, teda aga te kolesaga umuna sai bidi mu tiwai ebao.

¹⁹ Te po hauwa wabo bidigo, agai te aga pode te sęęę sabo po weyu tebao. Tiali digi, te po hauwa me wasiębo bidi da, agai homu kolesaga te wiegi yai elalubao.

²⁰ Te doloba pai bidigo po te wiegi yai nai silva tiwai mu dao. Tiali digi, te dwai bidigo homu kolesaga te olo bage tiwai eyu, tama te dwai mu dao.

²¹ Te doloba pai bidigo pogo te bidi hauwa tau saibao. Tiali digi, te wiegi yai homu isęwani bidi dabe da, teda augwali te isaibao, magi baso meni, te aug-

waligo augwa bidibo kolesagade homu kone paliyu, dolo dagalobo menio.

²² Te Genuai Bidigo digi dabolo te wiegi yai doado bage hauwa mayu, agai te doado bagego dabolo te sęęę momainu me ebo menio.

²³ Te wiegi yai homu elalusiębo bidi dabe, augwaligo te tobage dwai kolesaga yabo pemene ebo dao. Tiali digi, te wiegi yai homu elalubo bidi dabego da, augwa te wiegi yai doloba pai kolesaga yabo pemene ebo dao.

²⁴ Te dwai sę ebo bidi dabe te nai hauwade wi yaibao, tama te nai dabe te augwaliba pedelaibao. Tiali digi, te doloba pai bidi dabego wei homu ebo nai dabe Godigo mabo dao.

²⁵ Te dwai sę ebo sogo te dwai sę ebo bidi dabeba pedaliyu da, te tebogo te augwali mu silaibao, te genuai sigi aḡi asiyu, tama te pobele bage doado bage te tolasa pabo tiwai ebo dao. Tiali goli, te doloba pai bidi dabe te augwa bomo mu eyu, tama augwa sesemane sogo bugagia bidibo dao.

²⁶ Nago te hagela bidi nago sę emainu me sigio. Tiyu, nage agade hagela mu yabuo, te nago te pedauwalide te ha ebo nai tiwai eyu, tama te sia hanogo te gedu aḡi mu pela silibo tiwai ebo dao.

²⁷ Te nage Genuai Bidide wi eyu, aga dologode bidiyu, tama nago aga sesemane sogo wali pidu da, teda nage te tęde sesabi elama bidaibao. Tiali digi, te dwai sę ebo bidi dabe te pęwadage sogo bidama, tama te augwali isaibao.

²⁸ Te doloba pai bidi dabe te Genuai Bidigo augwaliba te wiegi yai sogo menama, tama te augwa sulama, te augwa wiegi yai pemene yaibao. Tiali goli, te dwai sę ebo bidi dabe da, te odolali tonalueibao. Augwaligo te wiegi yai sogo me sugobeo.

²⁹ Te doloba pai bidi dabego Genuai Bidigo po wali pobaso, agai augwali bugagia tonaluaibao. Tiali goli, te dwai kolesaga ebo bidi dabego agai po wali pisębaso, augwali dolaibao.

³⁰ Te doloba pai bidi dabe te augwa bulu tę pedaide bugagia bidaibao. Tiali digi, te dwai sę ebo bidi dabe augwali te tiwai gilama me bidigobeo. Menio.

³¹ Te doloba pai bidi dabego te wiegi yai homu hauwa elalubao, tama augwaligo te we bidi dabeba pusaibao. Tiali goli, te po dwai wabo bidi te dolaibao.

³² Te doloba pai bidigo po da, te dolo usu dao, tama te we bidigo olode pusu yaibao. Tiali goli, te dwai bidi dabego pogo da, te we bidi dabego haliga dolobo dao.

11 Genuai Bidigo homugo te bidi dabego te skel daḡi hasegelibo homu te agai hagela mu ebo dao, te we bidi tibo po ola menama, tama augwaligo mone anoma elama sobao. Tiali goli, te bidi dabego te doado bage te daḡi ilalidu dolo dobabo bidi dabede te agai wiegi yai homu pemene ebo dao.

² Te augwa digi augwa nogi ugwaba sabo bidi dabe te hale genuai saibao. Te augwa digi augwa aiyaba elalubo we bidi augwaligo te wiegi yai homu kolesaga tama sabo dao.

† 10:12 Jer 5:20; 1 Pi 4:8

³ Te doloba pai we bidi dabego doloba pai kolesaga ebogo te dwagi yai sunumi augwalibolo ola mabo dao. Tiali goli, te tibo po wabo bidi dabe da, te augwa tibo po wabo kolesagade digi te augwa dolaibao.

⁴ Te nago masigi hauwa elalubadi digi te tagalao, tego te Genuai Bidigo nageba te dwai şe yali wei ponainu ebo sogo te nage tau me sogobeo. Tiali goli, nago te doloba pai kolesaga wali pali da, tego te nage tau selama, tama nage polo me isigobeo.

⁵ Te doloba pai kolesagago te doloba pai bidi dabe augwa tau siyu, tama te doloba pai sunumi wali pabo usu yaibao. Tiali goli, te dwai kolesagago te dwai bidi dabe augwa digi tula mumainu ilibo dao.

⁶ Te doloba pai kolesagago te doloba pai bidi dabe augwa tau siyu, tama augwa bugagia bidaibao. Tiali goli, te Godiba homu keş pisawai bidi dabe augwa te dwai kolesagade dolaibao.

⁷ Te dwai şe ebo bidi dabego te tama homu yai, te augwa doado bage hauwa te augwa bomogo digi sabo da homu yali. Tiali digi, nosali augwali isibo si da, tama augwa te nai dabe me sogobeo.

⁸ Te dwai şe ebo me te şeş meba te doloba pai bidi dabeba pedalubaso da, teda te Genuai Bidigo augwali ma siyu, tama te dwai şe yali şe me te şeş te dwai şe ebo bidi dabeba muaibao.

⁹ Te dwai kolesaga ebo bidi dabego po obaso da, te pogo te gasa we bidi dabe dolaibao. Tiali goli, te doloba pai bidi dabego te wiegi yai homu kolesaga ebogo te augwa digi tau siyu, tama augwa bugagia bidaibao.

¹⁰ Te doloba pai bidi dabego bidibo kolesaga te wiegi yai pedalubo sogo, te hanude bidibo we bidi dabego wiegi yai pemene ebo dao. Tiali goli, te bidi me deligo dwai kolesaga sesemane sogo ebaso da, teda te aga isibo sogo, te we bidi dabe augwa wiegi yai pemene mu eyu, hae wabo dao.

¹¹ Te doloba pai bidi dabego te augwa taun tomode wiegi yai kolesaga ebaso, te tebogo te taun wiegi yai pedelaibao. Tiali goli, te dwai kolesaga ebo bidi dabe, augwaligo te dwai po haniani weyu, tama tego te taun dolobo dao.

¹² Te bidigo gasa bidi dolama, te po dwai wabo bidi, aga te kolesaga umuna sai bidi tiwai ebao. Tiali goli, te wiegi yai homu elalubo bidigo pedauwali te pania selama, tama te tobage po me wagobeo.

¹³ Te subigila po hauwa wabo bidigo te aga abagigo geme dualubo po pusaibao. Tiali digi, te mu po wabo bidigo te aga abagigo geme dualalubo po me hanilama pusugobeo.

¹⁴ Te gavman şe tobolu bidi dabego te we bidi dabeba wiegi yai sunumi dodolobo şe usu isişy da, teda te bulu tş kantri dolaibao. Tiali goli, te wiegi yai homu mabo bidi hauwa elalubaso da, teda te kantri bugagia dolalu bidaibao.

¹⁵ Te bidi me deligo negeli sai madi, te aga digi te negeli wei begelabo usu isişbaso, tama nago te nai negeli sali wei ponabo po daş walaibaso da, teda nosali te nage genuai şeş elaluaibao. Tiali goli, te nage

bugagia bidabo homu eyu da, nago te kolesaga tudiba muyu, gasa bidigo negeli wei ponabo po daş wago.

¹⁶ Te gasa we bidi tau sabo kolesaga ebo we dabe, augwali te we bidi dabego gedude genuai nogi elalubo dao. Tiali goli, te gasa we bidi dali homu dene isişbo bidi dabego te mone hauwa siyu te doado bage naga sabo homu ebo dao.

¹⁷ Te nago gasa bidi homu dene elama, tama nago aga wiegi yai ilibaso da, teda te kolesagade te naga digi naga wiegi yai ilibao. Tiali goli, nago gasa bidiba dwai dene mabo şe eyu da, te nagaba digi naga te dwai şe ma ilibo tiwai dao.

¹⁸ Te doado bage te dwai bidi dabego sali, te augwali tau sabo mu usu me egobeo. Te olo bage nai naga tiwai yaibao. Tiali goli, te doloba pai kolesaga ebo bidi dabego te wiegi yai nai mu saibao.

¹⁹ Te doloba pai kolesaga sainu bomu ebo bidi dabe te augwa bidibo ula saibao. Tiali goli, te dwai kolesaga yainu bomu ebo bidi dabe te augwali isaibao.

²⁰ Te sesemane sogo dwai homu ebo bidi dabede te Genuai Bidigo tede homu mu godolo isişwai. Agai te bagede şeş mu ebo dao. Tiali goli, agai te dolo bilibo bidi dabe te wiegi yai homu pemene ebo dao.

²¹ Mu tamao, Genuai Bidigo te dwai kolesaga ebo bidi dabeba po tş ilama, tama agai augwaliba dene gesoai mu ilaibao. Tiali goli, te wiegi yai kolesaga ebo bidi dabego hanigo te po tş ebo ugwaba igulaibao.

²² Te we deli te gasa sawi yai mu bidali, tiali goli agai te bilibo wiegi yai kolesaga te konesişwai baso da, teda aga te kibu gunide te wiegi yai gol ring elalubo tiwai ebao.

²³ Te doloba pai we bidi dabego homu wei ebo homu kolesagago te dwagi yai şe pedalumainu ebo dao. Tiali digi, te dwai kolesaga ebo bidi dabe, augwaligo te dwai homu elalubao, tama tibaso Genuai Bidigo augwali dali şeş genuai mu ebo dao.

²⁴ Te bidi mebago te augwa mone me doado bage te gasa bidi dabe tau siyu mabode te wiegi yai homu pemene yalio, tiali goli, augwa digi te umabo mone te augwa şede sali. Tama bidi mebago te gasa bidi dabe tau saibao homu yali, tiali goli augwaligo hagela homu yali. Augwa mone me doado bage gea sali, tiali goli nosali augwa digi augwa te mone te mu şaş pali.

²⁵ Te gasa bidi tau siyu, te doado bage nai mabo bidi da, aga digi da te doado bage hauwa saibao. Te nago gasa bidi dabe tau sali da, te augwaligo nage me tau saibao.

²⁶ Te bidigo aga nai te we bidi dabego abelainu ebadi te gea sobaso da, teda augwaligo te po dwai agaba waibao. Tiali digi, te bidigo te we bidigo agai nai abelainu ebaso da, teda augwaligo agaba te wiegi yai pemene ebo dao.

²⁷ Te bidigo wiegi yai kolesaga wali pabo şe bomu ebaso da, teda te we bidigo agaba bugai haliga yaibao. Tiali goli, te bidigo dwai şe ebo kolesaga idubaso da, teda te dwai şego aga gegaibao.

²⁸ Te bidigo homugo te aga monego naga aga tau siyu bugagia bidibao homu ebaso da, teda aga te mu

tuloluaibao. Tiali goli, te doloba pai bidi dabe da, te bugagia mu bidiyu, te gesi ni yabe elalubo tiwai yaibao.

²⁹ Te bidigo aga we wai te bugagia tonalusiawani da, teda aga doado bage te tigidali hagawaibao. Tama tiwai naga te wiegi yai homu kolesaga meni yai bidi dabego, te augwa doado bage tigidali tagalama, tama augwali te wiegi yai homu kolesaga ebo bidi dabego olo şe ebo bidi pedelaibao.

³⁰ Te doloba pai bidigo kolesaga te bidibo ula mabo ni tiwai ebao. Tama te wiegi yai homu kolesaga ebo koneani elalubo bidigo, agai te gasa bidi dabe aga dali aselama, bidagasamainu ebo dao.

³¹ Dago koneai, te doloba pai bidi dabego wiegi yai kolesaga te augwa tşde bidibo sogo yali kolesagade te augwa wiegi yai nai saibao. Tama dago te homu me igio, te dwai kolesaga ebo bidi dabe te augwa yali dwai kolesagade dwai dene sabo te ela soabo homu me egobeo. Menio. Genuai Bidigo te augwaliba dolo wei ponaibao. †

12 Te wiegi yai homu kolesaga godolo homu ebo bidi dabe, augwaligo dwai şe yali te gasa bidigo augwali dodolobo sogo te augwali wiegi yai homu pemene yaibao. Tiali goli, te gasa bidigo agai dwai şe dodoligi homu ebo bidigo da, aga te esela pabo bidi mu tiwai dao.

² Te bidigo wiegi yai kolesaga wali pobaso da, teda Genuai Bidigo aga dali pemene homu eyu, bugai haliga eyu dwagi yai şe yaibao. Tiali goli, bidi mego te gasa bidi dali muma sabo kolesaga ebaso da, teda Genuai Bidigo po agaba wabo si, teda aga dolaibao.

³ Te dwai kolesaga ebo bidi da, tego aga bomo elama, bugagia bidimainu tau sabo usu me egobeo. Tiali goli, te doloba pai kolesaga ebo bidi da, aga te ni sele aiyanu mu dulama elalubo tiwai, tama bidi dabego gudainu ebo usu me egobeo.

⁴ Te bidi me deligo wego te wiegi yai kolesaga ebaso da, teda te tebogo te aga bidiba te genuai nogi mobao. Tiali goli, wego te dwai kolesaga haniani eyu, tama aga bidi hale ilibo we yai baso da, teda te wego te dwai gasigo te aga bidigo dili te dolobo şe tiwai ebao.

⁵ Te doloba pai bidi dabego şe yabo homu kolesaga te dolo naga dao. Tiali digi, te dwai şe ebo bidi dabego da, te sesemane sogo te we bidi tibo po ola maiabo haniani kolesaga yabo homu ebo dao.

⁶ Te dwai şe ebo bidi dabego po te bidi geme dualuagaselama, tama te bidi ela muainu sisi elalubo tiwai gilama ebao. Tiali goli, te doloba pai bidi dabego pogo te we bidi dabe te şeşe elalubo sogo tau siyu, tama te we bidi dabe augwa bugagia bidimainu ebo dao. ⁷ Te dwai kolesaga ebo bidi da, te aga dolama tama silaibao. Tiali goli, te doloba pai bidigo hani da, te bugagia ma dolalubao.

⁸ Te wiegi yai homu elalubo bidi yai baso da, teda te we bidi dabego aga nogi ugwaba saibao. Tiali goli, te

homu kolesaga gagea pai bidi da, augwaligo te aga nogi aiyaba elalubo dao.

⁹ Tama te olo bidi me deligo te aga şe bidi me deli te aga bede bidibaso da, te wiegi yai da, tama te bidigo aga genuai bidi da homu ebo bidi te aiyaba elaluali, tiali goli te aga nai şaş pali.

¹⁰ Te doloba pai bidi dabego te augwa kibu hani sibide te augwalide olo tau sabo kolesaga eyu, tama augwali bugagia tonalu negebo dao. Tiali goli, te dwai bidi dabego da, te augwa kibu dabe dali dene mabo şe eyu, mu dolobo dao.

¹¹ Bidigo te aga gi bugagia tonalubaso da, teda agai nai hauwa saibao. Tiali goli, te wiegi yai homu kolesaga meni yai bidi da, aga te şe dene odolali eyu, te haniani şego aga me tau sainu ebaso, usu me egobeo.

¹² Te dwai şe ebo bidi dabego te bidi mebago te dwai şe elama, tama te nai hauwa sabo sulama, tama augwali te nai dabede te pesaş mu ebo dao. Tiali goli, te doloba pai bidi dabego te nai hauwa te augwa wiegi yai kolesaga ebode sabo dao.

¹³ Te dwai bidi dabego te dwai pogo te augwa digi te kalabus ebo dao. Tiali goli, te dwai şego te doloba pai bidi dabe gegebaso da, augwaligo te ela soaibao.

¹⁴ Te nago po wabo me, nago şe ebo me, te wiegi yai eyu da, teda tego nage nai sobaso, te nage bugagia bidaibao.

¹⁵ Te wiegi yai homu meni yai bidi dabego, te augwa koneani te augwa kolesaga naga te wiegi yai naga da homu ebo dao. Tiali goli, te wiegi yai homu kolesaga elalubo bidi dabego da, te gasa bidi dabego augwaliba te wiegi yai homu kolesaga momainu ebo dao.

¹⁶ Te wiegi yai homu kolesaga elalusişbo bidi dabego te bidi mego magi şe me deli augwaliba ebo si, te augwali haliga şeşe polo eyu yaibao. Tiali goli, te wiegi yai homu elalubo bidiba te dwai po obaso da, teda agai te pode homu elama, sula tagalobo dao.

¹⁷ Te şe ebo suali bidi, te witnes bidi, te mu po wabo bidi yai baso da, teda agai doloba pai po naga te po tu ebode pusaibao. Tiali goli, aga te tibo po wabo bidi tiwai eyu da, agai te po tu ebo te tibo dali waibao.

¹⁸ Te bidi mego aga po homu kone palama, bugagia me wasişbaso da, teda agai te subigila wabo pogo te gasa bidigo haligade te bainat hwşgo enebo tiwai ebao. Tiali goli, te wiegi yai homu elalubo bidigo pogo te bidi tau sabo, te wiegi yai marasingo tau sabo tiwai gilama ebo dao.

¹⁹ Te ili po wabo po te pşwadage sogo mu elaluama, tama bidi dabego te po homugo gegeda palaibao. Tiali goli, te mu po da, te sesemane sogo mu elaluaibao.

²⁰ Te dwai kolesaga yabo homu ebo bidi dabego, augwa digi augwa tibo po ola mabo dao. Tiali goli, te we bidi dabe tau siyu bugagia bidimainu homu ebo bidigo da, teda aga digi te pemene ebo dao. ²¹ Te doloba pai bidi dabe augwaliba te dobo şe pedalugobeo. Tiali goli, te dwai şe ebo kolesaga ebo bidi dabe da, augwaligo te dwai şeşe hauwa elalubo dao.

²² Genuai Bidi te haliga şeşe mu eyu, tama te tibo po wabo bidi tigidali dali te boi bidi homu ebo dao. Tiali

goli, agai te mu po naga wabo bidi dabe dali te agai pemene ebo dao.

²³ Te wiegi yai şę yabo kolesaga koneai bidigo, agai te aga wiegi yai homu elalubo te polo tama me pusugobeo. Tiali goli, te wiegi yai homu meni yai bidigo da, agai po te aĵ bole tulalubo tiwai umabo yaibao. Tiali goli, te agai po odobo we bidi dabe da, te augwaligo koneama, te aga kolesaga umuna sai bidi tiwai da wabo dao.

²⁴ Te şę dene ebo bidi da, te tonalubo bidi pedelaibao. Tiali goli, te hagela bidi dabe te olo şę naga ebo bidi pedelaibao.

²⁵ Te bidigo homu gone te sesemane kone tua pabo bidi da, teda aga te haliga şęęę mu elama, tama aga homu dolaibao. Tiali goli, aga abagigo te bidi dali te wiegi yai po obaso da, teda aga te bugai haliga ma ebo dao.

²⁶ Te doloba pai bidi dabego te wiegi yai sunumi te augwa abagi dabeba ola mawaibao. Tiali goli, te dwai kolesaga ebo bidi dabego te wiegi yai sunumidu pabo tagalu, tama gegeda pabo dao.

²⁷ Te hagela bidigo te hasa enegi peyu da, te augwaligo gegebo me sugobeo. Tiali goli, te şę dene ebo bidi da, augwali te dwagi yai bidi dabe mu dao.

²⁸ Te doloba pai kolesaga wali pabo bidi te aga bidabo ula selama, bugagia bidaibao. Te tobage kolesaga da, te gamonabo kolesaga mu dao.

13 Te wiegi yai homu kolesaga elalubo waigo da, agai te aga ayago po odaibao. Tiali goli, hagoma homu ebo bidigo da, te gasa bidigo aga dodolobo kolesaga ebo te aga homude hagela homu ebo dao.

² Te we bidi dabeba te po dolo yai po wabo bidi agai te wiegi yai nai saibao. Tiali goli, te tibo po weyu, te daĵ walali po bolobo bidi dabe, augwaligo te gasa bidi dolabo homu wei mu ebo dao.

³ Te bidigo aga po te sali selama wabo bidi yai baso da, teda aga bugagia bidiyu, tama aga me dologobeo. Tiali goli, te po hauwa dogia pabo bidi dabe da, te dolaibao.

⁴ Te hagela bidigo te doado bage hauwa sabo homu wei yali, tiali goli agai me sogobeo. Tiali digi, te şę dene ebo bidi dabego da, te augwa homugo te doado bage hauwa sabo homu yaibao.

⁵ Te doloba pai bidi dabego te tobage tibo po wabo te hagela homu mu ebo dao. Tiali digi, te dwai şę ebo bidi dabego da, te tobage dwai hale ebo kolesaga dabe ebo dao.

⁶ Te bidigo doloba pai kolesaga ebaso da, teda aga te kolesagago aga bobogela selama, tama aga bugagia bidibo dao. Tiali goli, te dwai şę ebo bidi dabego kolesagago te augwa digi dolobo dao.

⁷ Te dwai şę ebo bidi mebago te tibo po weyu, tama augwa te mone hauwa elalubo tiwai yaibao. Tama te mone bidi mebago te tibo po weyu, tama augwali te mone meni yai bidi te tiwai gagawaibao.

⁸ Te boi bidi dabego te mone bidi dolainu ebaso da, teda aga monego digi te augwali abelibaso, usu yaibao. Tiali goli, te boi bidi dabego te magi mone me

doado bage meni yai bidi dolainu ebaso da, teda te magi walu doado bage meni yai bidigo augwaligo te po homu si me egobeo.

⁹ Doloba pai bidi te lam sole ula wiegi yai ebo tiwai ebao. Tiali goli, te dwai şę ebo bidi dabe te lam sole sula sainu ebo tiwai ebo dao.

¹⁰ Te hagoma kolesagago te wado po me hwĵbo po pedalubo şę ebo dao. Tiali goli, te bidi aga te gasa bidigo agaba te wiegi yai homu momainu ebo bidi da, teda te bidigo homugo koneani kolesaga te wiegi yai elalubao.

¹¹ Tama te bidigo şę me isiĵama, tama te odolali te mone hauwa sobaso da, teda agai te mone polo tama sia saibao. Tiali goli, te şę ebo bidigo tama te dwasianu dwasianu mone sisini peyu da, teda agai mone te hauwa pedalubo şę eduaibao.

¹² Te bidigo te nai me deli sabo homu elama, tama te odolali tonalubadi te sesabi mu ebaso da, teda aga homu şęęę eyu, bidaibao. Tiali digi, agai te nai sobaso da, teda aga te tiwai homu eyu, te aga bidibo ula te wiegi yai mu da homu elama, tama aga pemene umabo mu yaibao.

¹³ Te bidi dabego agabolo te wiegi yai homu kolesaga mawainu ebadi, te aga hagoma ebo bidi yai baso da, teda aga te aga digi dolobao. Tiali digi, te bidigo te agabolo te wiegi yai homu ebo kolesaga mawainu ebaso, te po agai wali pobaso da, teda aga bugagia bidaibao.

¹⁴ Te wiegi yai homu koneani kolesaga elalubo bidigo po te bidibo ula mabo wę tiwai yai. Te pogo te bidi tau siyu, te aga dolainu yali nai te ela paibao.

¹⁵ Te bidigo homu wiegi yai elalubaso da, teda te bidi dabe aga wei homu yaibao. Tiali goli, te tibo po wabo bidigo te daĵ walali po bolama, aga te dwai sunumidu bilibo dao.

¹⁶ Te wiegi yai homu elalubo bidi tigidali, augwaligo homu kone bolo palama, tama te şę yaibao. Tiali goli, te wiegi yai homu meni yai bidi dabe, augwaligo te augwa umuna sai kolesaga te pepeli diliba hania hanilibo dao.

¹⁷ Te tibo po sela asiyu, te po hasegelebo bidi yai baso da, teda te şęęęę agaba gegaibao. Tiali goli, te po sela asiyu, te po dolo mu pusubo bidi da, teda agai te we bidi tau siyu, te augwali bugagia bidimainu ebao.

¹⁸ Te gasa bidi dabego te bidi aga dodolomainu isiĵbo bidi da, aga te dwai mu bidiyu, te aga dwai hale mu yaibao. Tiali goli, te gasa bidi dabego aga dodolomainu ebo bidi yai baso da, teda te we bidigo agaba te genuai nogi momainu ebo dao.

¹⁹ Te bidigo agai magi nai me deli sabo homu elama, tama nosali agai te nai sobaso da, teda aga bugai haliga elama, tama pemene mu yaibao. Tiali goli, te wiegi yai homu meni yai bidi dabego da, augwaligo te dwai kolesaga ebo şę te tudiba me mugobeo.

²⁰ Te bidi te wiegi yai homu kolesaga elalubo bidi dali bilali da, teda agai me te wiegi yai homu kolesaga saibao. Tiali goli, te bidi te wiegi yai homu meni ebo bidi dabe dali kisasa bilibaso da, teda te şęęęę aga

gegaibao. ²¹ Te dwai segego te dwai se ebo bidi dabe deliba gesabidi ununaibao. Tiali goli, te doloba pai bidi dabego augwa te wiegi yai nai te augwa mone sabo tiwai ebo dao.

²² Te wiegi yai bidi isibo sogo, te aga hani ogwa dabego te agai doado bage hauwa saibao. Tiali goli, te dwai bidigo sisinibo se yali mone yai baso da, teda nosali te doloba pai bidi dabego te agai sisinani nai dabe sabo dao.

²³ Te doado bage saq pai bidi dabego gide te nai hauwa holali, tiali goli te genuai bidi dabego anoma eyu, augwali aiyaba elaluama, tama te nai sabo dao.

²⁴ Te ayago aga wai te keloago eliyu dodolisiayu da, teda agai te wai godolo homu meni isiabo tiwai ebao. Tiali goli, te ayago te wai homugo godolo homu ebaso da, teda agai bomo elama, aga bugagia dodolao.

²⁵ Te doloba pai kolesaga elalubo bidi dabego te nai hauwa elalueibao, tiali goli te dwai kolesaga ebo bidi dabe te sesemane nasi elaludaibao.

14 Te wiegi yai homu kolesaga elalubo wego da, teda agai te aga bede te wiegi yai se eyu, tama aga wai puluba sibi te boma pai pedalubo se yaibao. Tiali goli, te wiegi yai homu kolesaga meni yani wego da, teda aga digi te aga be doliyu, te aga wai puluba sibi dali dolobo dao.

² Te doloba pai kolesaga wali pabo bidi, aga te Genuai Bidi wi eyu, aga dologode bidibao. Tiali goli, te tibo po wabo kolesaga wali pabo bidi dabego homugo te Genuai Bidi te olo nai me tiwai da, te homu ebo dao.

³ Te wiegi yai homu kolesaga meni yani bidigo po, te we bidi dabeba te tiwai ola mawaibao, aga digi te aga nogi ugwaba sabo homu elama, te po wali. Tiali goli, te wiegi yai homu elalubo bidigo pogo, te aga digi aga seselaluama, tama te bugagia bidibo dao.

⁴ Te gi to pepedebo kibu bulmakau omai te meni yani da, teda te nai mubo be te odolali elalueibao. Tiali goli, te se yabo bulmakau elalu baso da, teda te gide nai hauwa elalueibao.

⁵ Te suali po pusubo bidigo te po mu po da weyu da, teda agai te po tude doloba pai po naga pusaibao. Tiali goli, aga te tibo po wabo bidi yai baso da, teda agai po tigidali te dolo me egobeo.

⁶ Te hagoma bidi dabego te wiegi yai homu kolesaga sabo homu eyu da, teda augwaligo usu me egobeo. Tiali goli, te wiegi yai homu elalubo bidigo da, te agai da te se dene isiayu, te gasa wiegi yai kolesaga sabo dao.

⁷ Te wiegi yai homu kolesaga meni yani bidi dabede digibulu bidao. Te augwaligo nageba te wiegi yai homu kolesaga me magobeo.

⁸ Te wiegi yai homu elalubo bidigo te aga bilibo homu kolesaga te bugagia homu kone palaibao. Tiali goli, te wiegi yai homu meni yani bidi dabe te augwa digi tibo po ola mawaibao, magi baso meni, te augwaligo homu kolesaga te geda mubo dao.

⁹ Te wiegi yai homu meni yani bidi dabego, augwa te deli haliga elalubao, te dwai sege sabo kolesaga dao. Tiali goli, te doloba pai bidi dabego augwade digi te

wiegi yai kolesaga eyu, tama augwa deli haliga naga elama bidibo dao.

¹⁰ Te bidigo agade digi haliga sege ebo koneama, tama aga digi te pemene yabo koneani, tama agai te gasa bidiba me hanilibaso, usu egobeo.

¹¹ Te bidi dwaigo we wai hani sibi te mu dolama, tama sia saibao. Tiali goli, te doloba pai bidigo hani da, te bomai hani mu pedelaibao.

¹² Bidi mebago te homu eyu, te augwa kolesaga te wiegi yai da homu elama, tama augwa te wiegi yai sunumi wali poba homu yai. Tiali goli, menio. Augwa te se elala pidubadi genama, tama nosali augwa isaibao. †

¹³ Te dago gisugu obadi goli tagala, te haliga sege elalubogo te da me tagalogobeo. Tama te wiegi yai pemene ebo homu silai madi, te haliga sege ebo te me elaludaibao.

¹⁴ Te dwai se ebo bidi dabego te augwa ebo dwai kolesagade augwa dene dolo saibao. Tiali digi, te wiegi yai bidi dabego da, te augwa digi ebo wiegi yai kolesagade pemene ebo dao.

¹⁵ Te kolesaga dwasianu koneai elalubo bidi dabe augwaligo te haniani po tigidali homuba daq ola saibao. Tiali goli, te wiegi yai homu kolesaga elalubo bidigo, te aga ebo kolesaga dabe bugagia osola suyu ebo dao.

¹⁶ Te wiegi yai homu kolesaga elalubo bidigo da, te Genuai Bidide wi eyu, te bugagia tonalu, tama te sege sabo se dabe te agade ela soaibao. Tiali goli, te wiegi yai homu elalusiabo bidi, agai te homu eyu, te tobage tigidali se yabo homu elama, tama agai te ebo kolesagade te homu bugagia me egobeo.

¹⁷ Te haliga sebe polo ebo bidi dabego te esela pabo bidigo kolesaga ebo tiwai yaibao. Te bidigo aga homugo ebo kolesaga digi te usu nabo homu ebo bidi te we bidi dabego homude godolo mu me egobeo.

¹⁸ Te dwasianu kolesaga koneai elalubo bidi dabego kolesaga, te kolesaga umawai bidigo kolesaga ebo tiwai yaibao. Tiali goli, te wiegi yai homu kolesaga koneani elalubo bidigo kolesaga te augwa tobolude te wiegi yai au tiwai elalubo dao.

¹⁹ Te dwai kolesaga ebo bidi dabe da, te doloba pai bidi dabego dologode bidiyu, tama augwaliba te olo tau sabo kolesaga eyu, te augwali tau sao po hanalu waibao.

²⁰ Te bidi dabego te doado bage saq pabo bidi dabe tau sabo homu wei me isiayu, te augwa abagi hasi goli te wei isiayu te tagalaibao. Tiali goli, te mone bidi dabego da, te augwa abagi hauwa elalubo dao.

²¹ Te bidigo gasa bidiba dwai po weyu dolobo bidi da, teda aga te dwai se dolo ebo bidi mu yali. Tiali goli, te doado bage meni yai bidi dabe te bidigo wiegi yai homu elama, te olo mu tau sabo kolesaga ebo bidi da, te aga wiegi yai homu pemene yao.

²² Te dwai kolesaga yabo homu ebo bidi dabe da, teda augwa homu da te mu geda mubao. Tiali goli, te bidi dabego wiegi yai kolesaga emainu homu wei ebo

† 14:12 Pro 16:25

bidi da, te augwaligo agaba te bugai haliga mu ebo dao. Tama augwaligo agaba homugo keą pabo kolesaga ebo dao.

²³ Te nago se dene ebo se eyu da, teda nago wiegi yai mone saibao. Tiali goli, te nage olo bididu, tama nago po naga udali da, te nage magi nai meni yai mu bidaibao.

²⁴ Te wiegi yai homu elalubo bidigo sali mone me doado bage, tego da ola mobao, augwali dwagi yai homu kolesaga elalubao. Tiali goli, te wiegi yai homu kolesaga elalusiąbo bidi dabe, augwaligo te umuna sai homu kolesaga naga elalubo dao.

²⁵ Te suali se po dolasa te po tu ebode wabo bidi yai baso da, teda te po tuęo te magi se isąwani bidi me ela po me wagobeo. Tiali goli, te se suali bidi te witnesso po te dolasa wasiąwani da, teda aga te tibo po wabo bidi dao.

²⁶ Te Genuai Bidide wi eyu, aga dologoba pelama bidibo bidi da, aga da te boma pai madide bidibao, tama te magi nai me delide wi me isąwaibao, tama aga wai puluba dabe me te bugagia bidaibao. ²⁷ Te Genuai Bidide wi elama, aga dologoba pelama bidibo kolesaga te bidibo ula mabo ulu we tiwai ebao. Te kolesagago te bidi tau siyu, te aga dolainu ebo naigo te aga ela soaibao.

²⁸ Te kingo te bulu bidi hani hauwa tonalubaso da, teda te bidi dabego te agaba genuai nogi mawaibao. Tiali goli, te kingo dwasianu hani mu tonalubaso da, teda aga te olo bidi tiwai pedelaibao.

²⁹ Te haliga polo seęę isiąbo bidi, agai wiegi yai homu elalubao. Tiali goli, te haliga seęę polo ebo bidi aga homugo te punasi kolesaga te polalubo kolesaga da homu ebo dao.

³⁰ Te nagame yai homu elalubo bidigo da, teda te bidi aga tigi te bugagia elaluaibao. Tiali goli, te mena nai sabo homu eyu, tama te gasa bidiba te dwai haliga te sesemane ebo bidi da, te kolesaga ebo bidi te dwai gasigo te aga dili dągai dabe dolobo tiwai ebao.

³¹ Godigo tigidali bidi nigali, tama tiyu, te bidi me deligo te magi doado bage meni yai bidi dabe aiyaba elalubaso da, agai te God aiyaba elalu dolobao. Tiali goli, te magi doado bage meni yai bidi dabe bugagia wiegi yai ilibo kolesaga ebo bidi da, agai te Godiba genuai nogi mabo dao.

³² Te dwai se ebo bidi dabe te augwa dwai kolesagago digi te dolobao. Tiali goli, te doloba pai bidi dabe te magi nai me delide homu si me egobeo. Te augwa isibo sogo pedalubo si da, te augwa konealubo po te me daę elalueibao.

³³ Te wiegi yai homu elalusiąbo bidi dabego, augwa koneani, te wiegi yai homu koneabo kolesaga te elaluba homu ebo koneai. Tiali goli, aga te wiegi yai homu elalubo bidi dabe dali sesemane bidibo dao.

³⁴ Te we bidigo doloba pai kolesaga wali pobaso da, teda te tų bulu kantri bidi hani nogi te genuai elaluaibao. Tiali goli, te augwaligo dwai se eyu da, te augwali hale genuai yaibao.

³⁵ Kingo te se bidi dabego wiegi yai se ebaso, te wiegi yai pemene yaibao. Tiali goli, te se bidi dabego te dwai se eyu, tama te king hale yabo se eyu da, teda te king haliga seęę umabo mu ebo dao.

15 Te bidigo nage dali haliga seęę ebaso da, teda agaba po wei dua digi ponao, tama aga haliga seęę yali isigulaibao. Tiali goli, nago pogo te gasa bidi doliyu, dwai po wabo se eyu da, te agai nageba te dwai haliga seęę mu ebo se ilibao.

² Te wiegi yai homu kolesaga elalubo bidi agai po pusainu yali, agai te bidi dabego te wiegi yai homu wei ebo kolesaga konemainu homu ebo dao. Tiali goli, te wiegi yai homu elalusiąbo bidigo po pusubo sogo, agai pedauwalide te odolali po naga te aę bole tulalubo tiwai ebo dao.

³ Genuai Bidigo te tigidali we bidigo ebo se te tigidali habu badu pedalubo te subo dao. Agai te wiegi yai bidi me, dwai bidi me, subo dao.

⁴ Te bidigo te wiegi yai po te we bidiba pusubaso da, te po te bidibo ula mabo ni tiwai elama, tama te we bidi bugagia bidimainu te tau sabo tiwai ebao. Tiali goli, te bidigo te we bidiba te po dwai wabo bidigo, agai te augwaligo homu ogwa wai agabo tiwai eyu ebo dao.

⁵ Te wiegi yai homu kolesaga meni yani bidigo te aga ayago po sela saıwaibao. Tiali goli, te bidigo te aga gasa bidigo dodolomainu ebo bidi da, teda agai homu wiegi yai elalubao.

⁶ Te doloba pai bidi dabego augwa bede te doado bage hauwa elalueibao. Tiali goli, te dwai se ebo bidi dabego monede te augwaba seęę pedelaibao.

⁷ Te wiegi yai homu elalubo bidi dabego te wiegi yai homu te we bidi dabeba mabo dao. Tiali goli, te wiegi yai homu elalusiąbo bidi dabego te tiwai me egobeo.

⁸ Genuai Bidigo te dwai kolesaga ebo bidigo ofa ebo te wei mu me egobeo. Menio. Agai tede dwai homu mu ebo dao. Tiali goli, agai te doloba pai bidigo gedu haluasa po wabo te wei mu eyu, wiegi yai pemene mu ebo dao.

⁹ Genuai Bidigo te dwai kolesaga ebo bidigo ebo kolesaga te wei mu me isiąyu, tede dwai homu mu ebo dao. Tiali goli, agai te doloba pai kolesaga wali mu pabo se ebo bidi dabe wei mu ebo dao.

¹⁰ Te doloba pai sunumi tagalobo bidi da, teda dwai dene mu saibao. Tama te gasa bidi dabego aga dodolomainu isiąbo bidi da, teda aga isaibao.

¹¹ Genuai Bidigo te isali bidi dabe te augwali bidibo pesage me subo dao. Te tiwai usu yaligo da, teda agai te da tųde we bidigo homu kone palobo kolesaga te tigidali me konea silibo dao.

¹² Te hagoma ebo bidigo te gasa bidigo aga dodolainu ebo hagela homu yaibao, tama agai te wiegi yai homu elalubo bidiba hanalu, te agabolo te wiegi yai homu kolesaga momainu me egobeo.

¹³ Te bidigo haliga te wiegi yai pemene ebaso da, teda agai gesabidi me te wiegi yai eyu, pisigina paibao. Tiali goli, te bidigo haliga te seęę elalu da, teda aga dwai bidibao.

¹⁴ Te wiegi yai homu elalubo bidigo te tobage wiegi yai kolesaga koneabo şe bomo idu gebo dao. Tiali goli, te wiegi yai homu meni yai bidi, agai te geda mubo po sesemane bomu elama, udaibao.

¹⁵ Te doado bage şa pabo bidi da, aga te dwai bididu, tama te genuai şeşese semane elaluaibao. Tiali goli, aga te bugai haliga eyu, pemene ebo bidigo da, teda te tigidali side te genuai nai da tubo side tiwai elalueibao.

¹⁶ Te nago doado bage dwasianu naga elalu, tama nage te Genuai Bidide wi eyu, aga dologoba pelama bidibaso da, teda nago bidibo ulago te genuai mone pesage holai elalubo, me te dwai şeşese ebo doado bage hauwa elalubo bidigo bidibo ula te aiyaba elaluaibao.

¹⁷ Te bidi godolo homu ebo kolesaga, te polalubo homu kolesaga dao. Tama tiyu, nage te naga abagi dabe dali bidiyu, tama dagego te donai naga tubaso da, te dwagi yai dao. Ma, nage te godolo homu isişabo bidi dabe dali bidiyu, tama dagego te bulmakau kibu mi tubao, te dwagi yai menio.

¹⁸ Te haliga şeşese polo ebo bidigo te gasa bidi dabego wado po omainu ilaibao. Tiali goli, haliga nagame ebo bidigo da, te bidi dabego wado po wabo te homu aiyaba elaluama, tama augwa deli homu ma elama bidibo dao.

¹⁹ Te hagela bidigo te aga bidibo ula te dwai mu da, te homu yaibao, te aga busi sunumidu pabo tiwai yali. Tiali goli, te doloba pai bidigo koneai, te aga bidibo ula te wiegi yai mu da wali, te aga genuai sunumidu pabo tiwai ebo dao.

²⁰ Te ogwago wiegi yai homu me kolesaga elalubaso da, teda aga aya ida wiegi yai homu pemene yao. Tiali goli, ogwago te esela pabo bidigo kolesaga tiwai ebaso da, teda agai te aga aya ida godolo homu menisişayu tebao.

²¹ Te wiegi yai homu elalusişabo bidigo te tobage dobo homu ebo kolesagade pemene yaibao. Tiali goli, te doloba pai homu kolesaga elalubo bidigo te doloba pai kolesaga sesemane sogo wali pabo dao.

²² Te nago şeşese meba yainogo da, teda hasia bolo nago te homu kolesaga te gasa bidi hauwade sao, tama nago şeşese te wiegi yai pedalumainao. Nago te tiwai şeşese isişwani da, teda nage odolali şeşese dene yaibao.

²³ Te bidi dabe po mibadi, tama nago te wiegi yai sogo ebo te tonaluama, tama nago te wiegi yai po me deli weyu da, teda nage pemene yaibao. Awe, nago pode te gasa bidi dabe me dwagi yai homu yaibao.

²⁴ Te wiegi yai homu elalubo bidigo da, te sunumidu ugwaba holama, te aga bidabo ula saibao. Tama tialima, aga te isali bidi dabego pesageba me dulugobeo.

²⁵ God Genuai Bidigo te bidi aga digi aga nogi ugwaba sabo bidigo be dolaibao. Tiali goli, agai te wilawe we agai tau siyu, tama te gasa bidigo te wego tş sidali weyu te tama tiaibao.

²⁶ Te tobage dwai homu kolesaga ebo dabe te Genuai Bidigo gedude te dwai kugumini nai tiwai ebaso. Tiali goli, te wiegi yai meda menisişwai we bidigo homu kolesaga te aga gedude te dwagi yai dao.

²⁷ Te monede pesa eyu ebo bidigo tama te mone sainu te tobage haniani dwai kolesaga ebaso da, teda agai te dwai şeşese te aga we wai dabede te pedalubao. Tiali goli, te gasa bidi dabego te haniani dwai şeşese te mone mabo isişabo bidi da, teda aga te bugagia bidaibao.

²⁸ Te doloba pai bidigo te homu kone bolo palaibao, tama nosali agai te gasa bidiba po wei ponaibao. Tiali goli, te dwai şeşese ebo bidigo po wabo sogo, agai te dwai po naga polo subigila wabo dao.

²⁹ Genuai Bidi te dwai kolesaga ebo bidi dabede te digibulu bidibao. Tiali goli, agai te doloba pai bidi dabego gedu haluasa po waboba olo mubo dao.

³⁰ Te nago bidigo gesabidi te wiegi yai elalu, tama aga te gisugu udubo subaso da, teda nage bugai haliga yaibao. Tama nago te dwagi yai gesi po odobaso da, teda tego te nago tigi daş walubao.

³¹ Bidigo te bidi dabego aga dodolainu ebaso, te bugagia olo munama, tama aga bugagia bidabo tau somainu ebo bidi da, agai te wiegi yai homu kolesaga elalubao, tama aga te gasa wiegi yai homu kolesaga elalubo bage dali kisasa bilibo usu yaibao.

³² Te bidi te bidi dabego aga dodolainu ebadu, te po sela şabo bidi da, teda te aga digi aga dolobao. Tiali goli, te bidi dabego te aga dodolainu ebaso, te po odobo bidi da, teda aga homu me konebo kolesaga te wiegi yai pedelaibao.

³³ Te Genuai Bidide wi eyu, aga dologode bidibo kolesagade, te tebogo te wiegi yai homu me kolesaga sabo sunumi elalubao. Te nago naga digi naga aiyaba elalubo kolesaga bolo elama, tama nosali nago genuai nogi saibao.

16 Dago te tama şeşese dabe yabo homu ebo dao. Tiali goli, Genuai Bidigo te po hasia bolo usu da olama da, tama dago te şeşese dabe ebaso, usu yaibao.

² Dago te homu eyu, te dago tigidali kolesaga te God gedude magi meda isişwai wiegi yai mu da homu yaibao. Tiali goli, Genuai Bidigo te dago homude ebo kolesaga tigidali dagala sulama, tama agai te dago ebo kolesaga page tigidali te bugagia konebo dao.

³ Te tigidali şeşese nago yainu homu eyu da, te nago Genuai Bidi nogoba te şeşese muao. Tama agai te şeşese dabe wiegi yai pedalumainu ilaibao.

⁴ Genuai Bidigo te tigidali nai nigilama, tama augwalide te şeşese dabe elalubao. Tama tiwai naga, Genuai Bidigo te dwai kolesaga yabo bidi dabe nigilali, tama agai augwali nigali te po tşde hagamainu nigalio.

⁵ Genuai Bidigo te hagoma ebo bidi dabe, me te augwa digi augwa nogi ugwaba sabo bidi dabe, te agai wei mu me isişayu, augwali dali dwai homu ebo dao. Dago e tama koneao, Genuai Bidigo augwali te odolali me tagala palogobeo. Menio. Te agai augwaliba te tigi dene mawaibao.

⁶ Te bidigo Genuai Bidi godolo homu mu elama, tama aga dali mu keş pobaso da, teda Genuai Bidigo te agai şeşese sela şawaibao. Tama te bidi Genuai Bidide wi eyu, aga dologode bidibaso da, teda te bidigo te dwai şeşese ebo kolesaga te ela sobaso, usu yaibao.

⁷ Te bidigo te Genuai Bidigo wei homu yabo tobage kolesaga dabe ebaso da, teda te Genuai Bidigo aga tau siyu, te tigidali bidi, me te aga boi bidi dabe dali, te augwali aga dali bugagia bidimainu tau saibao.

⁸ Te nago dwasianu nai naga elalu, tama nago doloba pai kolesaga wali pobaso da, teda nago te tebo ulago te moni mone pesage hauwa umabo elalubo bidigo te dwai şe ebo kolesaga ebo bidi te aiyaba elalueibao.

⁹ Dago te dago yainogo homu ebo şede homu kone palobo dao. Tiali goli, Genuai Bidigo te da bilibo dolasa bilimainu ebo dao.

¹⁰ Te kingo po te bulude bidibo bidi dabebolo wabo sogo, te agai te Genuai Bidigo agabolo mani po pusubo tiwai ebao. Tama tibaso, te bidi te po tų ebode dagalubo sogo, agai te doloba pai po tų naga yao.

¹¹ Genuai Bidigo homugo te tigidali skel me usu sabo nai meta te daş wali dolo pomainu homu eyu, tama te we bidi ili po ola momainu igio.

¹² Te king dabego te dwai kolesaga ebo te hagela homu mu ebao, magi baso meni, te gavmanigo doloba pai kolesaga eyu da, teda te bomu elalueibao.

¹³ Kingo te mu po naga wabo bidi wei mu ebo dao. Awe, te tobage bidi te kingo gedude te dwagi yai bidi mu dao. ¹⁴ Te kingo bidi me delide haliga şeşeyu da, teda te kingo aga ela muaibao. Tiali goli, te wiegi yai homu elalubo bidigo da, agai te king dua digi te haliga nagame ma ilaibao.

¹⁵ Te kingo bugai haliga pemene te bidi me deli dali ebaso da, teda agai te bidiba wiegi yai şe eyu, tama aga te bugagia bidaibao. Kingo te tebo kolesagago te pşgo tulubage selasa aselama, tama te nai tau emainu ebo tiwai ebo dao.

¹⁶ Te nago wiegi yai homu kolesaga te koneama sobaso da, teda tego te gol hauwa me silva te aiyaba mu elalubo dao.

¹⁷ Te doloba pai hani bidigo te dwai kolesaga ela soabo sunumi wali paibao. Te bidigo aga bilibo te bugagia tonalu bilibasoda, te aga bugagia bidaibao.

¹⁸ Te hagoma ebo kolesaga eyu, tama naga digi naga nogi ugaba siyu da, te nage tulaluama tama dolabo şe ilaibao.

¹⁹ Te bidi te magi nai meni yai bidi mu elama, tama aga digi aiyaba elalubaso da, te kolesagago te hagma bidi dabego te gasa bidi dabego doado bage hauwa wi selama, te augwade digi te dobola sabo kolesaga ebo bidi dabe te aiyaba mu elalubao.

²⁰ Te bidi dabego aga ola mabo poba olo bugagia munama te po odobaso da, teda aga bugagia bidibo kolesaga elaluaibao. Tama bidigo konealubo po Genuai Bidiba daş obaso da, te aga wiegi yai homu pemene yaibao.

²¹ Te bidi dabego koneani, te wiegi yai homu kolesaga elalubo bidi yai baso da, teda agai te tobage homu kolesaga dabe dagalobaso, te usu yaibao. Tama aga te wiegi yai po wabo bidi yai baso da, teda te bidi dabego agai po odobo wei mu yaibao.

²² Te dwagi yai homu kolesaga bidi elalu da, teda te agaba te bidibo ula mabo aş tiwai ebao. Tiali goli, te

dwagi yai homu elalusişbo bidi dabe, augwaligo te dobo kolesaga eyu, tama tego augwa digi dolobo dao.

²³ Te wiegi yai homu elalubo bidigo, agai te hasia bolobugagia homu kone palama, tama nosali agai wiegi yai po waibao. Tama tebogo te bidi dabego agai po odabo godolo homu yaibao. ²⁴ Te wiegi yai po te tubo nai hani tiwai yaibao, te pusu mu elama, tama te we bidigo tigi bomu ilibo dao.

²⁵ Te bidi mebago te homu yai, te augwa kolesaga te wiegi yai da olama, tama augwaligo te wiegi yai sunumi wali poba homu yai. Tiali goli, menio. Augwaligo te elala pidu genama, tama nosali te augwali isaibao. †

²⁶ Te şe ebo bidi dabego koneani, te augwaligo şe bomu isişyu da, teda augwali tubo nai meni yaibao, tama tego augwali te şe dene mu yaibao.

²⁷ Bidi dwai mugo te haniani sunumi gegelama, te dwai şe te gasa we bidi dabeba yainu tiaibao. Agai po da, te genuai sia bogoli tiwai eyu, tama te augwali dolobo dao.

²⁸ Te dwai kolesaga ebo bidigo te augwa hasi digi tomode te po konila ebo kolesaga ilaibao. Tama te posobo po wabo bidigo te bidi aga abagi dali te wado po wabo şe ilaibao. ²⁹ Te hwşbo bidigo te aga abagi haliga hodolobo şe eyu, tama aga te dwai sunumiba odasa pabo şe ebo dao.

³⁰ Te nago suali, te bidigo te gasa bidiba te gedu gagamu ebo subaso da, teda nago koneao, te bidigo te dwai kolesaga yabo homu eyu te ebao. Tama nago suali, te bidigo aga pedauwali gagamunu baso da, teda nago koneao, agai te dwai kolesaga ebao.

³¹ Te bidi dabego te monu dabego ayadeba tobolu nisi sulama, tama augwa koneaibao, te monu dabe augwa te doloba pai kolesaga wali paligo tama augwa te tşde sesabi elama bidibao. Tama tiyu, te augwaligo te genuai nogi augwaliba mabo dao.

³² Te haliga şeşeyu polo isişbo bidi, te agai kolesaga wiegi yai ebao. Te kolesagago te ami bidi tiwai elama, te bomonama hwşbo kolesaga te aiyaba elalubao. Tama te bidi aga digi aga bugagia tonalubo bidi, agai te boi bomonama hwşnama, te hanu me deli sabo bidi te aiyaba elaluaibao.

³³ Te bidi dabego te satu gagali eyu, te augwaligo mena şe yabo te hanilibo şe ebao. Tiali goli, Genuai Bididi deligo da, te satugo augwaligo te hanalubo po wei ponobo dao.

17 Te bidigo aga we wai dali haliga nagame elama bidiyu, tama augwa dwasianu te dwai tubo nai delage dabe elalubaso da, teda tego te genuai nai da te we bidi dabe dali tuyu, te wado eyu, hwşyu ebo kolesaga te aiyaba mu elalubo dao.

² Te şe bidi me deligo homu te wiegi yai elalu, tama agai şe bugagia yai baso da, teda aga te aga tonalubo bidigo wai tiwai pedelaibao. Tama te tonalubo bidigo dwai wai te şe bidigo dologode bidaibao. Tama te tonaluali bidi isibo si da, teda augwaligo te mone me doado bage dabe te aga wai dabeba dohayu, tama te

† 16:25 Pro 14:12

sę bidiba me mawaibao. Magi baso meni, aga te wai dabego ama me deli tiwai dao.

³ Genuai Bidigo te tiwai sulama koneainu yai, da te wiegi yai bidi ma dwai bidi, tama agai te dago haliga usu sula soyu, te gol me silva te siade usu sela subo tiwai ebo dao.

⁴ Te dwai kolesaga ebo bidi dabe, me te po nigasa pusubo bidi dabego te tobage po dwai waboba te olo mubo dao.

⁵ Godigo tigidali bidi nigali. Tama tiyu, te bidi me deligo te magi doado bage meni yai bidi dabeba te dwai posobo po obaso da, te agai Godiba te dwai posobo po obao. Te bidigo suali, te gasa bidi dolai baso, te aga homu wiegi yai pemene ebaso da, te aga digi dwai dene saibao.

⁶ Te bidi monu dabe pedelama, tama te aga ogwago wai te waji elalubaso da, teda aga pemene yaibao, magi baso meni, te tebogo te we bidigo agaba te genuai nogi momainu ebao. Tama te wai dabego te augwa aya idade wiegi yai pemene eyu, gawebo dao.

⁷ Te wiegi yai po wabo kolesaga te wiegi yai homu elalusiabo bidigo homu kolesaga tiwai me elalugobeo. Tama mu tama, te tibo po wabo kolesaga te genuai bidigo kolesaga te tama me telalubeo.

⁸ Te homu bega sabo mone mabo bidi, agai te homu yai, te homu bega siyu mabo mone te aga tau sabo mone tiwai da weyu, te tobage magi sę dabe aga digi homugo yainogo tebo dao.

⁹ Te bidi aga abagi dabe dali bugagia bidimainu homu ebaso da, teda agai te augwaligo yali dwai sę haniligobeo. Tiali goli, te bidi me deligo te dwai sę yai po me deli po ola bilibaso da, teda agai te bidigo aga abagi dali wado po omainu ebao.

¹⁰ Te nago te wiegi yai homu elalubo bidi dodolabo homu ebaso da, teda nago te deli sogo naga agaba obaso, tama teda agai te genuai kolesaga mu saibao. Tiali goli, nago te wiegi yai homu elalusiabo bidi dodolabo homu eyu da, teda nago aga te bidi sese a naga te 100 sogo te aga elibo sę eyu dodolaibao, tiali goli te agai kolesaga me hasegeligobeo.

¹¹ Te dwai kolesaga ebo bidigo, agai te hagoma eyu, tama te wabi hwjbo sę hodolaibao. Tiali goli, te augwaligo te homu dene isašo bidi me deli tagala palama, tama agaba te dene mabo sę umabo mu yaibao.

¹² Te augwaligo te bea hasa kimigo wai dabe wi selasa sobadi, te bea kimi te sunumide gesabidi pogolu da, teda te nai te dwai dao. Tiali goli, te wiegi yai homu elalusiabo bidigo te dobo kolesaga geda mubo sę eyu, tama nago aga te gesabidi pogolu da, teda te nai te dwai mu dao.

¹³ Tama augwaligo te bidi me deli dali wiegi yai kolesaga ebadi, tama te bidigo dwai kolesaga augwaliba wei ponobaso da, teda sesemane sogo te aga we wai bidalubo kolesaga te dwai elaluaibao.

¹⁴ Bidigo te wado po me deli wali, te tobage te bidigo te obo agebelidu te dwasianu dedage nigilama, te genuai wę gebo domainu palibo tiwai ebao. Te tama

tebo kolesaga agai tagalu da, tama te genuai wado me pedalugobeo.

¹⁵ Genuai Bidigo te kolesaga si te hagela homu mu ebo dao. Te dwai kolesaga ebo bidi dabe olo tagalubo kolesaga, me te dwai kolesaga isiawai bidi dabeba dene mabo sę, te kolesaga si agai gedude dwai mu dao.

¹⁶ Te wiegi yai homu kolesaga elalusiabo bidi, te agai tobolu te daş ola sigi pelama, tama agai te kolesaga me konegobeo. Tama tialima, magi baso agai te skul fi mone sela asaliwe?

¹⁷ Te wiegi yai abagi dabego te da sesemane sogo wei homu yaibao. Mu tama, te ama dabego te da ama dabego te da sęę ebo sogo tau sainu tonalubo dao.

¹⁸ Te homu kolesaga meni yai bidi dabe, augwaligo naga te gasa bidigo nai wei ponabo bidi usu meni ebaso, te gasa bidigo nai wei ponabo po daş wabo dao.

¹⁹ Te dwai kolesaga yabo wei homu ebo bidigo, agai te konila po wabo hodolobo sę me wei yaibao. Tama te bidi aga digi aga nogi ugwaba sabo bidi, aga te dolobo sę iduaibao.

²⁰ Te dwai homu idu, te dwai tibo po sesemane odubo bidi da, aga te bugagia me bidigobeo. Menio. Agai te dwai sę naga iduaibao.

²¹ Te ogwago homu wiegi yai me elalusiabaso da, teda aga aya te haliga sęę mu yaibao. Awe, te bidi aga ogwade dwagi yai homu egobeo.

²² Te bugai haliga ebo kolesaga te bidi bugagia bidimainu mabo marasin tiwai ebao. Tiali goli, te bidigo homu dolobaso da, te dwai gasigo te bidigo tigi dili dabe tomode te dolobo sę ebo tiwai ebao.

²³ Te dwai kolesaga ebo bidi dabe, augwaligo te po tu yabo sę elalubaso da, teda augwaligo te po tu dolabo homu ebo dao. Tama tiyu, augwaligo te homu bega sabo mone mabo te bidi dabego susiaşbadi te sogo geme saibao.

²⁴ Te kolesaga koneai bidi, agai te wiegi yai doloba pai kolesaga sabo sę bomo yaibao. Tiali goli, te wiegi yai homu kolesaga elalusiabo bidigo, agai te haniani nai dabe sesa bilabo sę bomo ebo dao.

²⁵ Te bidigo te esela pabo bidigo kolesaga tiwai wali pobaso da, te aga aya ida te dwai haliga elama, tama haliga sęę mu ebo dao.

²⁶ Te po tuş te po weyu, te dwai sę isiawai bidigo te po tuş ebo abelao po wabo te po dolo wabeo. Tama te genuai bidi dabego te doloba pai kolesaga yai digi da, te augwali keloago elibo sę, te dolo meni.

²⁷ Te genuai kolesaga koneai elalubo bidi, te agai po hauwa me midugobeo. Tama te wiegi yai homu kolesaga elalubo bidi, te aga iminasa bidibo dao.

²⁸ Te wiegi yai homu kolesaga elalusiabo bidigo, agai pedauwali pania sobaso da, teda te bidi dabego homugo agai te wiegi yai homu kolesaga koneai elalubo homu yaibao.

18 Te abagi homu isašo bidigo, agai homu te agade digi naga elaluaibao. Te gasa bidi dabego te wiegi yai homu elalubo te tagalu, te bidigo te augwaligo ebo homuba wei eyu godolo me egobeo.

² Te wiegi yai homu elalusiąbo bidigo te wiegi yai homu kolesaga koneainu wei me egobeo. Menio. Agai te hagoma yabo homu naga eyu, tama aga homugo digi ebo kolesaga pusubo dao.

³ Te dwai kolesaga ebo bidigo, agai homugo te olo bidi dabe te olo bage tiwai homu yaibao. Tama agai augwali nogi dolama, tama augwali hale ebo sę ilibo dao.

⁴ Te wiegi yai homu elalubo bidigo po weyu da, teda agai po te nai mu elama, tama te wiegi yai homu kolesaga hauwa te pode paąanalulu, te wę te ulu węde pedalubo tiwai elama, te wę geliyu soyu, te pabo tiwai ebo dao.

⁵ Te bidigo dwai sę elama, te po tuąba doligi pobaso da, teda nago aga tau me sigio. Tiyu, nago te dwai sę isiąwani bidigo sunumi te palibaso, tama agai te po tuąde ugwaba ela holobo yabo usu isayabuo.

⁶ Te wiegi yai homu kolesaga elalusiąbo bidigo te gasa bidi dabe dali te konila po waibao. Tama augwaligo agai po odainu ebo sogo, augwaligo te aga keloago elabo homu ebo dao.

⁷ Te wiegi yai homu kolesaga me elalusiąbo bidigo, agai te po obaso da, teda aga pogo digi aga dolaibao. Awe, te aga digi te wa kekelama, tama te wago aga tola siyu, tama aga dolaibao.

⁸ Dago te bidigo gasa bidiba te posobo po wabo odobo te wei mu ebo da. Te tobage po te pusai nai tiwai eyu, tama polo tama dago tubo dao.

⁹ Hagela bidi da, te doado bage dabe dolobo bidi tiwai tobage bidi dao.

¹⁰ Genuai Bidi te bomai be me deli elalubo tiwai ebao. Te doloba pai kolesaga ebo bidi dabe augwa te beba udula sobaso, tama bugagia bidaibao.

¹¹ Tiali goli, te mone hauwa elalubo bidi dabego te homu eyu, te augwa mone dabego te augwali bagulalu, tama augwali bugagia bidiyu, te bomai obo elalubo taun tiwai da homu ebo dao.

¹² Te bidigo hagoma eyu, te aga digi aga nogi ugwaba sobaso da, teda te nosali aga dolaibao. Te hasia bolo naga digi naga aiyaba elalusiąbaso da, teda nago te genuai nogi me sogobeo.

¹³ Te hasia bolo bugagia olo munama, tama nosali nago te po wei ponao. Nago tiwai isiąyu da, teda nago te dobo kolesaga eyu, tama nage hale saibao.

¹⁴ Te bidi gasi elalu, tama aga homu kolesaga te bomu elalubaso da, teda agai te gasi aiyaba elalueibao. Tiali goli, te bidigo homu kolesaga dolali da, teda magi elama te wiegi yai ma pedelaibawe?

¹⁵ Te wiegi yai homu kolesaga elalubo bidigo, agai te haniani nai dabede homu konea sabo sę bomu ebo dao. Agai olo te aga ola mawainu ebo bidiba bugagia mubo dao.

¹⁶ Te nago te genuai bidi me deli dali po miainogo da, teda nago te agaba te wiegi yai homu ilabo nai me deli selasa pobaso, tama te agai te nage agaba asomainu yaibao.

¹⁷ Te bidi me deli te po tuąba doligi pelama, te po mibo sogo, te agai po te ugwaba ela holobo aą yai. Tiali

goli, te gasa bidigo agaba hanalu, te po page hanilama wao po wabo sogo, te bidi dabego te dego mu ela hologowe, te me konebeo.

¹⁸ Te po tuąde te genuai bidi si te tomode dodolabo te usu isąbaso da, teda te po tuągo e satu gagali elama, tama te po tuą ugwaba ela holabo bidi dolo ponaibao.

¹⁹ Nago te naga amago dwai haliga nage dali emainu ilai baso da, teda agai te aga homu bea selama, tama nage wei homu isiąyu, te bulu bagego te taun obo tomoba pabo obo sunumi te palia selama, tama te gasa bidi dabe te tomoba pabo usu isiąbo tiwai yaibao. Te bidi si te konila po wado olama, tama te nogo masiawani da, teda tego te augwa si sunumi palialubo tiwai eyu, tama augwa si te deli haliga pedalisiąma, te bomai sunumigo te bidi soabo sunumi panialubo tiwai ebao, tama aga te be tomoba pabo usu me egobeo.

²⁰ Te nago po wiegi yai obaso da, te nago haliga wiegi yai pemene yaibao. ²¹ Te nago pogo bidi bugagia bidabo bomu elalubao. Me ma, nago pogo te bidi dolabo bomu me elalubao. Tama tiyu, nago wiegi yai po wabo kolesaga wei eyu da, te nage bugagia bidaibao.

²² Te nago we deli siyu da, te wiegi yai mu da. Te tama tiwai ola mani, Godigo te wiegi yai pemene elama, tama nageba te bugai haliga emainu tebao.

²³ Te magi nai doado bage meni yai bidigo te nagame yai po dua digi te mone hauwa elalubo bidi dali weyu, tama agaba hanalu te aga tau somainu yali. Tiali goli, te mone hauwa elalubo bidigo te sesanobo po bomonama agaba wei ponobo dao.

²⁴ Te abagi hauwa elalubo bidi da, te aga dolaibao. Tiali goli, te bidi mebago te gasagi yai abagi mu elalu, tama te abagigo augwali dali te bugagia mu kęą pelama, te deli haliga mu yaibao. Te abagigo ebo kolesagago te ama nami augwa si tomode ebo kolesaga te aiyaba elalubo dao.

19 Te bidi te doado bage sę pobaso, tiali digi aga te doloba pai bidi, agai te wiegi yai homu elalusiąbo bidi me, te tibo po ola bilibo bidi me, te aiyaba mu elalubo dao. ² Tama te bidi me deli agai te sę me deli yabo bomu eyu, tama agai te yabo sę te bugagia konesiąbadi tiyu da, te wiegi yai me egobeo. Tama te bidi mego te sę me deli asesasobaso da, teda agai te sę te wiegi yai me pedalugobeo.

³ Te meba hani bagego te esela pabo bidigo kolesaga eyu, tama augwa digi dolama, tama nosali te sę sę Genuai Bidiba munama, tama agaba wado ilibo dao.

⁴ Te mone hauwa elalubo bidigo da, te agai abagi hauwa elaluaibao. Tiali digi, te mone hauwa elalusiąbo bidi da, teda aga abagigo aga tagalu, tama aga abagi ma elalugobeo.

⁵ Te bidigo po tuąde te tibo po weyu da, teda aga dene dwai saibao. Augwaligo aga me gogologobeo.

⁶ Bidi hauwago te nogi elalubo bidibolo homu bega sabo po weyu, ta agai augwali wei emainu tibao. Te bidi me deligo te wiegi yai homu ebo nai mabo bidi yai

baso da, teda te bidi dabego te aga dali abagi wabo bi-di pedelabo homu ebo dao.

⁷ Te bidi te doado bage şaş pai baso da, teda te aga ama dedego te wei homu me egobeo. Te tiwai eyu da, te aga abagi dabego me te aga tudiba muaibao. Te agai augwali homu bega sabo po obadi digi tagalao, te aga po odolali waibao.

⁸ Te bidi agai digi tau sabo homu ebo bidi, aga te wiegi yai homu kolesaga koneabo şş bomu yaibao. Tama bidigo te koneani kolesaga te aga homude daş weyu tolaluyu da, teda te aga bugagia bidabo bomu te elalubo dao.

⁹ Te bidigo po tşde tibo po obaso da, teda aga dwai dene saibao. Augwaligo te tobage tibo po wabo bidi ela muaibao.

¹⁰ Te wiegi yai homu elaluşaşo bidi bidibo, te tiali goli agai te mone hauwa elalubaso da, teda te dolo ebeo. Tiali goli, te olo şş ebo bidi te tobolu bidi pedelama, tama te genuai nogi elalubo bidi dabe tonalubaso da, teda te dwai mu ebao.

¹¹ Te wiegi yai homu elalubo bidi, te agai wado po polo me wagobeo. Te agai polasa ebo kolesaga te tama tiwai. Te gasa bidigo agabolo dwai şş ebo te agai homu kone me palogobeo.

¹² Te kingo wado weyu, te haliga şşbeş eyu ebo, aga te laiongo bomonama te gaa wabo tiwai ebao. Tiali goli, agai te bugai haliga elama, tama te we bidi dabe tau sabo homu eyu da, te segeni tulubage tuluyu, te nai bugagia holomainu ebo tiwai te ebao.

¹³ Te ogwago wiegi yai homu elaluşaşu da, teda agai te genuai şşgeş mu te aga ayabolo mobao. Te bidi me deligo wego, te wego te wado po me te po hauwa wedu gebo we yai baso da, teda te be pedudu te be to-moba tulubage tuluyu, tama sesemane sogo te dwasianu dwasianu tetebo tulubo tiwai ebao.

¹⁴ Te aya idago te be, me mone, te doado bage dabolo mawaibao. Tiali goli, God deligo agai te dabolo wiegi yai homu kolesaga elalubo we da mawaibao.

¹⁵ Te hagela bidi dabe te sesemane godege pila muaibao. Te olo naga bidibo bidi da, teda te nai meniam, te nai sili bidaibao.

¹⁶ Te bidi te Godigo bomai po wali pabo bidi da, teda aga bugagia bidiyu, te me dologobeo. Me ma, te Godigo kolesaga dabe te tudiba mubo bidi da, te aga isaibao.

¹⁷ Te magi nai doado bage meni yai bidiba nago te olo tau sabo wiegi yai kolesaga eyu, tama te doado bage mobaso da, te Genuai Bidigo negeli nageba ilibo tiwai ebao, tama nosali Genuai Bidigo nageba wei ponaibao.

¹⁸ Te naga ogwago hagoma ebaso da, nago aga dodolao, tama agai wiegi yai kolesaga wali paibao. Tiali goli, te nago agai te dwai kolesaga wali pomainu sula tagalu gogolobaso da, te nago aga isimainu usu da wabo tiwai ebao.

¹⁹ Te wado po polo weyu ebo bidi da, teda aga dwai şş yali şşgeş te aga tolomainao. Te nago aga tau sela-

ma, tama te şşgeş silibo si da, teda nosali te nago aga ma tau somainu homu yaibao.

²⁰ Te bidigo nage ola momainu eyu, tama nago te wiegi yai homu kolesaga momainogo eyu da, teda nosali nago te wiegi yai homu koneani kolesaga me elaluaibao.

²¹ Da we bidi dabe dago te şş hauwa yabo homu ebo dao. Tiali digi, te Genuai Bidigo yabo homu yali şş te naga te pedelaibao.

²² Te bidi dabego te homugo mu keşş pai bidi te wei mu ebo dao. Awe, te bidi doado bage meni yai bidibas, te wiegi yai me egobeo. Tiali goli, te magi nai doado bage meni yai bidi da, agai te tibo po wabo bidi aiyaba mu elalualio.

²³ Te nage Genuai Bidide wi eyu, aga dologode bidibaso da, te kolesagago te nage bidibo ula mobao. Tama nage sesemane bugagia bidiyu, tama dwai nai nageba me pedalogobeo.

²⁴ Te hagela bidigo te pou pletba nogo muyu, te nai sainogo yaibao. Tiali goli, agai nogo te ugwaba sagulama, tama te nai pedauwaliba me mugobeo.

²⁵ Nago te hagoma bidi te keloago mobo po weyu te elibaso da, teda te homu kolesaga elaluşaşo bidigo sulama, tama koneaibao, aga digi te wiegi yai kolesaga wali pabo homu yaibao. Tiali goli, nago te wiegi yai homu elalubo bidi dodolobaso da, teda te augwaligo homu kolesaga te wiegi yai mu pedalubo dao.

²⁶ Te ogwago aga ayago nai wi sabo şş ilama, tama aga ida te bede bidibo ela gudulubaso da, teda agai aga te we wai sibi te dwai hale ilibo şş mu ebo dao.

²⁷ Ogwao, te nago wiegi yai homu kolesaga te skul weyu sabo homu ma isişşu da, teda nago te sunumide geda muyu, te homu kolesaga elaluşaşo bidigo homu tiwai te wali paibao.

²⁸ Te dwai kolesaga ebo bidi te po tş ebo witnes bidi pedalubaso da, teda agai te po tş tibo eyu, te dolabo homu pemene ebo dao. Te dwai kolesaga ebo te tobage bidigo te tubo nai tiwai ebo dao.

²⁹ Te po dwai weyu, posobo po wabo bidi dabe te dwai dene mu saibao. Tama te bidi dabego te dobo kolesaga wali pabo şş ebo bidi dabe te keloago elaibao.

20 Te bomai weşş hauwa tubo bidigo te posobo po weyu, te dwai po me weyu, te hwjyu yaibao. Te bomai weşşo aga tonalumainu ebo bidi da, teda aga wiegi yai homu me elalubeo.

² Te kingo wado eyu, te haliga şşbeş ebogo te bidi wi ilaibao, te laiongo genuai gaa wabo tiwai yaibao. Nago te king haliga şşbeş yabo şş ebaso da, teda nago bidibo ula te hagawaibao.

³ Bidigo te hwjbo kolesaga tudiba mubaso da, teda agai genuai nogi elalueibao. Tiali goli, te wiegi yai homu me elaluşaşo bidi da, agai te konila po sesemane sogo polo subigila wabo dao.

⁴ Te hagela bidigo te aga giba te nai wai bulainu te tş eligi pabo şş me egi pogobeo. Tama tialima, te nai inilama, te tau yai sabo sogo, teda aga te giba odolali mu pelama gegegi paibao.

⁵ Te bidigo homu kolesaga te wẹ ulu aiyaba mu odoga sigulai tiwai ebo dao. Tiali goli, te wiegi yai kolesaga koneani bidigo, agai te homu kolesaga ugwaba ma kekasa holobaso usu yaibao.

⁶ Te bidi hauwago te po weyu, te augwa abagi dabe wei mu ebo wabo dao. Tiali goli, te bidi deli deligo naga te aga abagiba te homu mu mubo haliga ebo dao.

⁷ Te doloba pai bidigo te dwai sẹ me deli isiayı, bididu dao. Tama tibaso, aga wai dabe nosali bugagia bidaibao.

⁸ Te king po tų odainu dugulalubo sogo, agai te po tųba asobo bidi dabego kolesaga te bugagia dagala subo dao.

⁹ Dego te tama po weyu, "Eno te ena digi te magi dwai sẹ me isiawai mu, te ena wiegi yai mu te God geduba pedalu, tama megı eno te dwai sẹ me deli ebeo," po obaso, te usu egowe? Bidi meni.

¹⁰ Te augwaligo abelainu ebo doado bage dagalobo sogo te bidigo te we bidi dabe tibo po ola maiabo homu ebaso da, teda Genuai Bidigo te kolesaga hagela homu eyu, sẹbẹ mu ebo dao.

¹¹ Dago te bidigo kolesaga sulama konebo dao, aga te wiegi yai doloba pai bidi, ma aga te dwai bidi, te kolesagade konebo dao. Tama te tobage kolesaga delide naga, dago me te wai dabego kolesaga me sulama konebo dao.

¹² Genuai Bidigo dago te tonabo gedu dabolo mawai, tama dago ologo te po dabe odomainu yai.

¹³ Te nage sesemane sogo godege pibo gedu magane idubaso da, te nage mone menia selama, tama nage magi doado bage meni yai bidi pedelaibao. Tiali goli, nage hogodama, sẹ ebaso da, te nago nai hauwa elaluaibao.

¹⁴ Te bidigo nai me deli abelainu ebo sogo, agai te abelainu ebo naigo mone ugwadu elalubaso, te nai page bidi dali homu bega sabo po hauwa waibao. Tiali goli, agai te nai abela selama da, agai te aga abagi dabeba wagi peyu, te mone aiyaba mu dulali po wagi paibao.

¹⁵ Te bidigo pogo te wiegi yai homu kolesaga te we bidi dabeba mobaso da, te nai mu da, tama te gol aiyaba elaluama, tama te gasagi yai tedali sawi yai masigi dabe te aiyaba mu elaluaibao.

¹⁶ Te bidi me deligo te gasa bidigo negeli sali te wei ponaiba po daų wai, te gasa bidi me aga usu isaşbaso da, teda agai te wiegi yai kolesaga me ebeo. Tama tiyu, te bidi me deligo nage dali negeli sabo homu elama, tama nago koneani, agai te tobage po daų obaso da, teda nago te agai nai me deli sabo po bomu eyu, te agai negeli sabo te wei ponabo daų ilibo tiwai te sao.

¹⁷ Te nago tibo sẹ ebo kolesagade sabo nai, te nago homugo te wiegi yai pusai nai tiwai mu yaibao. Tiali goli, nosali te dwai mu pedelaibao, te masigi kemi nago pedauwalide pağanalubo tiwai yaibao.

¹⁸ Te wiegi yai homu kolesaga bolo selama, te nago sẹ te bugagia dolasa paibao. Tama nago te boi bidi dabe dali hwjainu da, nago te homu kone bugagia

paliyu bolo yao, te nago mena tama hwjabo te kone palao.

¹⁹ Nage te po subigila ola bilibo bidi dali kisasa me bilamuo. Te tobage bidi te posobo po wabo bidi da, tama nago po geme dualama agaba obaso da, agai te po te gasa bidiba pusaibao.

²⁰ Te bidigo i ola mabo po te aga aya idabolo wali da, teda aga isaibao, te lam sole isiyu, te be hulıa sabo tiwai gilama yaibao.

²¹ Te bidigo te aga aya de ida si bidibadi digi te augwaligo doado bage asesa sainu ebaso da, teda te doado bage bugagia me elalugobeo.

²² Nago homugo te gasa bidigo nageba ebo dwai sẹ wei ponabo homu me igio. Menio. Nago te Genuai Bidi tonaluyu da, te agai nage tau saibao, tama agai nago te sẹğ sılaiabao.

²³ Te bidigo te we bidi dabego te doado bage abelainu ebaso, te agai dagalubo sogo te we bidi tibo po ola mayu, te nai te dwai skelgo usu sobaso da, teda Genuai Bidigo te kolesaga wei mu me isaşyu, sẹbẹ me yaibao.

²⁴ Genuai Bidigo te da tųde bidibo sogo te dago sunumi tigidali te daų ilali. Magi elama tama dago te sunumi dabe te menaba pabo sunumi elaluba wagowe?

²⁵ Nago bugagia homu kone bolo palama, tama nago te Genuai Bidiba ofa maiabo po daų walao. Tiyu, nago asesa subigila po daų walai madi tama nosali nago te daų walali pode homu hauwa dogia pabuo. Te nago te tiwai ebaso da, teda naga digi naga dolaibao.

²⁶ Te wiegi yai homu elalubo kingo, agai po tų ebo side tama te dwai kolesaga ebo bidi dabego ebo kolesaga te bugagia dagalaibao. Tama tilama, te agai augwaliba te dwai dene dolo mabo dao.

²⁷ Te da deli delide elalubo mobo bidi te lam sole tiwai te Genuai Bidigo dabolo menama, te dago homude ebo kolesaga tigidali te sumainu elama, tama dena te bugagia dagala sumainu tebo dao.

²⁸ Te kingo aga we bidiba te homu mu munama, tama augwaliba te olo tau sabo kolesaga eyu, te augwali tau sobaso da, teda aga te bugagia bidiyu, tama te king sesabi elama bidaibao.

²⁹ Te gesi bidi dabego te bomu elalubaso, tama tego te we bidigo augwaliba pemene emainu ebaso. Tiali goli, te monu dabe te ayadeba nisi yai elalubaso, tama te we bidigo tede te homu koneama, tama augwaliba te genuai nogi mabo dao.

³⁰ Te nago te dwai sẹ ebo bidi aga te homu begelımainu te keloago aga elıbaso da, teda te tebogo agai te dwai kolesaga ebo tudıba munama, tama aga wiegi yai bidi pedelaibao.

21 Genuai Bidigo te kingo homu kolesaga dodolobaso, tama kingo te Genuai Bidigo homu wali peyu, te ađ te ađ gamıadu wali pabo tiwai ebo dao.

² Dago tigidali kolesaga te wiegi yai da, te homu dago ebo dao. Tiali goli, Genuai Bidigo te dago homu kolesaga dagala sulama, tama agai te kolesaga page dabe bugagia konebo dao.

³ Dago te wiegi yai doloba pai kolesaga wali pao. Te Godigo gedude te tobage kolesagago te dago agaba ofa mabo te aiyaba mu elalubo dao.

⁴ Te dwai kolesaga ebo bidi dabego te sę me edu, tama sesemane hagoma yaibao. Tama tiyu, te augwa bidibo ula doliyu, te dwai sęgo paęanalubo dao.

⁵ Te sę ebo bidi dabego te bugagia homu kone palama, te sę yaibao, tama peyu, te augwa sę wiegi yai pedelama, tama augwa doado bage hauwa elaluaibao. Tiali goli, te bidi dabego sę subigila asesa yainogo eyu da, teda augwa te sę wiegi yai me pedalisięma, tama augwali te doado bage sę paibao.

⁶ Tama te bidigo tibo kolesaga wali peyu, te doado bage hauwa sobaso da, teda aga te isabo sunumide bidibao. Tama te bidigo mone me doado bage te dagalude pę te pęwadage sogo naga elalubo tiwai elama, tama te mu tigidali sia sabo dao.

⁷ Te dwai kolesaga ebo bidi dabego te wiegi yai kolesaga ebo hagela homu ebo dao. Augwaligo te gasa bidi dabe dolobo sę idu gebo dao. Tama tialima, augwa te kolesagago digi te augwa silabo sę ebo dao.

⁸ Te dwai sę ebo bidigo te tibo kolesaga yali. Tiali goli, te magi dwai sę me isęwani bidi dabe, augwaligo te doloba pai kolesaga yaibao.

⁹ Te bidi agaduba deli te be pedude dulaluali bidi da, te kolesagago te be tomode te wado po wabo me te po hauwa wabo we dali bidibo kolesaga te aiyaba elalubao.

¹⁰ Te dwai kolesaga ebo bidi dabe, augwali te dwai sę hauwa yabo te nasi tiwai ebao. Augwaligo te bidi me deliba te homu dene eyu tau mabo kolesaga me egobeo.

¹¹ Te augwaligo te hagoma ebo bidiba te dwai dene mobaso da, teda te homu kolesaga elalusiębo bidigo sulama, tama agai te wiegi yai homu me kolesaga saibao. Tiali goli, augwaligo te wiegi yai homu kolesaga elalubo bidi ola mobaso da, teda agai konebo kolesaga te wiegi yai mu pedelaibao.

¹² Te Genuai Bidigo kolesaga te dolo mu ebao, tama agai te dwai kolesaga ebo bidi dabego te augwa be tomode te tigidali sę ebo te agai koneanio. Tama Genuai Bidigo te bidi dabe dolaibao.

¹³ Te nago olo pania selama, tama te doado bage meni yai bidi dabego augwali tau somainu nageba i wabo nago odisębaso da, teda nosali me te bidi dabe augwaligo te nago i wabo me odogobeo.

¹⁴ Te bidi me deligo gasa bidiba wado po obaso da, teda te we bidi dabego aga susiębadi te sogo agai agabolo te wiegi yai homu pemene ebo nai mobaso, tama te agai wado po wali te silaibao.

¹⁵ Te we bidi dabego te po tų ebode wiegi yai doloba pai kolesaga wali pabo sogo, te wiegi yai we bidi dabego sulama, tama pemene yaibao. Tiali goli, te dwai kolesaga ebo bidi dabego sulama, te augwali wi mu ebo dao.

¹⁶ Bidigo te wiegi yai homu kolesaga ebo sunumi te tagalubo bidi da, te isilama, tama te isali bidi dabe dali bidigi paibao.

¹⁷ Te bidigo te wiegi yai nai me wę tuabo homu wei ebo kolesagade pemene homu ebaso da, teda te aga mone silama, tama aga te doado bage sę paibao.

¹⁸ Te sęę te doloba pai bidiba pedelainu ebaso da, teda te dwai kolesaga ebo bidi dabego augwali hasegelama, tama te sęę augwaligo sabo dao.

¹⁹ Te bidi te olo masigi kemi pesagede bidibaso, te kolesagago te wado po wabo me te po hauwa wabo we dali bidibo kolesaga te aiyaba elalubao.

²⁰ Te wiegi yai homu elalubo bidigo, agai te aga beba te tobage wiegi yai nai dabe saboyu, tisinaibao. Tiali goli, te wiegi yai homu elalusiębo bidigo, augwaligo te augwa doado bage dabe silibo dao.

²¹ Te bidigo doloba pai kolesaga wali peyu, tama te bidi dabe godolo homu mu ebaso da, teda aga bugagia bidiyu, tama augwaligo doloba pai kolesaga agaba eyu, tama genuai nogi aga mawaibao.

²² Te wiegi yai homu elalubo bidigo te ami bidi dabe ba te taun sabo wiegi yai sunumi te ola mobaso, usu yaibao. Te taun tomode bidibo bidi dabego te homu eyu, te taun bagulali obo te bomai obo elalubo homu eyu, tama te boi bidi dabego aluagasu, te dolobo usu me egobe da, te homu yali. Tiali goli, te ami bidi dabego hwęgi pelama, te taunde bidali bomai ami dabe aiyaba elaluama, tama te taun selama, te taun bagulali obo dolobadi yaibao.

²³ Te bidigo aga wabo po bugagia tonalubaso da, teda te sęęgo aga me gegegobeo.

²⁴ Te gana pabo bidigo te hagoma eyu, tama te posobo po gasa bidiba waibao. Sesemane sogo te aga digi aga nogi ugwaba sabo bomu ebo dao.

²⁵ Te hagela bidigo te doado bage sabo homu wei sabo dao, tiali digi aga te sę isiębo bidi dao. Tama tialima, aga te wei ebo homugo te aga ela muaibao.

²⁶ Agai te tobage nai dabe te sesemane aga sabo homu eyu, bidibao. Tiali digi, te sę bomonama yali doloba pai bidi agai te doado bage hauwa te nai meni yai bidi dabeba mobaso, te usu dao.

²⁷ Genuai Bidigo te dwai kolesaga ebo bidigo ofa te wei mu me egobeo, aga tede sębę ebo dao. Tama te bidigo te tibo kolesaga wali peyu, te ofa ebaso da, teda Genuai Bidigo te dwai kugumini yai kolesaga mu da homu ebo dao.

²⁸ Te sę ebo suali bidi te witnes bidigo te po tųde tibo po weyu da, teda te sę ebo suali te witnes bidi te isimainu yaibao. Tiali digi, te po bugagia odobo bidi, agai te po wainu ebaso da, teda te bidi dabego agai poba te bugagia olo munama, te po odobo dao.

²⁹ Te dwai kolesaga ebo bidigo tibo po weyu, tama aga te wiegi yai bidi tiwai gagawaibao. Tiali digi, te doloba pai bidigo homugo te aga bilibo kolesaga te sesemane bugagia pedalumainu ebo dao.

³⁰ Te nago wiegi yai homu elalubo, me te wiegi yai kolesaga koneani me, te nago mena sę ebo kolesaga wiegi yai koneani elalubo, te tagalao, tego nage dwasianu tau sainu ebo usu me egobeo, te nago Genuai Bidiba boi bidi ebaso da, te tama tiaibao.

³¹ Te ami bidi dabego te hwjbo sogo te hwjabo hos dabe dodolaibao. Tiali goli, te Genuai Bidigo naga te augwaligo te hwjbode ugwaba ela holomainu ebo dao.

22 Te bidi dabego nage te wiegi yai bidi da homu elama, tama augwaligo genuai nogi nageba mobaso da, teda tego te tigidali mone me, te silva dali gol dali si te aiyaba mu elaluaibao.

² Genuai Bidigo tigidali bidi nigali, te mone hauwa elalubo bidi dabe, me te magi nai meni yai te olo bidi dabe me nigali. Tama tibaso, te hani si te tiwai si dao.

³ Te wiegi yai homu elalubo bidi, agai te tiwai koneyu, te seęę agaba pedalubo si, te agai ela soaibao homu yai. Tiali goli, te wiegi yai homu elalusiąbo bidigo, agai suali, te dwai seęę te agai sunumide elalubaso, tama aga peyu, tama gesabidi deliba unulama, tama te seęę tolobo dao.

⁴ Te nago naga digi naga aiyaba elaluama, te Genuai Bidide wi eyu, aga dologode bidibaso da, teda nago mone hauwa, me doado bage, me genuai nogi elalu, tama nage te bugagia bidaibao.

⁵ Te bidi tulalu, tama te dolobo tobage nai dabe, te dwai kolesaga ebo bidi dabego sunumide elalubao. Te bidi bugagia bidabo homu ebaso da, aga bilibo te bugagia tonalu, tama te tobage dwai nai dabe ela so-mainu yao.

⁶ Te naga waigo te wiegi yai kolesaga wali pomainu ola mao, tama aga te sunumidu bilidubadi, te aga monu dabe mu ebo sogoba usu naibao.

⁷ Te mone hauwa elalubo bidi dabego te doado bage sqa pabo bidi dabe tonaluaibao. Tama te negeli elalubo bidi dabe augwali te negeli mani bidi dabego olo seę ebo bidi tiwai bidaibao.

⁸ Te bidigo dwai kolesaga ebaso da, teda te dwai sogo ebogo te aga gegebaso, tama agai te dwai seę te gasa bidi dabeba munu ma me egobeo.

⁹ Genuai Bidigo te bidigo gasa bidiba te tubo nai mabo bidiba te wiegi yai seę eyu, tama aga pemene yaibao. Magi baso meni, te tobage bidigo te magi wali doado bage meni yai bidi te nai mabo dao.

¹⁰ Te hagoma ebo bidi dabe sela saşbaso da, tama te tobage konila po wabo, me te dwai po wabo te sia saibao.

¹¹ Te bidi God gedude te magi seę me isaşwai te wiegi yai bidabo homu eyu, tama agai po wiegi yai obaso da, teda te king aga abagi pedelaibao.

¹² Genuai Bidigo te tobage wiegi yai koneani kolesaga elalubo we bidi te bugagia tonalu, tama agai te tibo kolesaga ebo bidi dabego po te aiyaba elalubo dao.

¹³ Te seę igi pabode hagela homu ebo bidi te be to-mode olo dali bidai. Agai te tiwai po waibao, "Te laion hasa me deli te sunumide bidibao," wai. "Tiyu, ena buluba soade tama te laiongo ena elidaliyo," waibao.

¹⁴ Te penani seę ebo wego te bidi homu bega sabo po weyu, tama te tş dedage ayanu mu igulai tiwai me deli ebaso. Te Genuai Bidigo te bidi me deligo dwai

kolesaga wei ponabo homu ebaso da, teda te bidi te tş dedageba tulaluaibao.

¹⁵ Te wai dabego te homu kolesaga meni yai kolesaga dabe ebo dao. Tiali digi, nago te augwali keloago elibaso da, teda augwaligo te kolesaga tagalaibao.

¹⁶ Te bidigo te magi nai doado bage meni yai bidi dabego nai dabe sainogo te augwaliba dwai seę ebaso da, ma te bidigo te mone hauwa elalubo bidiba te wiegi yai homu ilibo nai mobaso da, teda te aga digi te magi nai doado bage meni yai bidi tiwai pedelaibao.

Te wiegi yai homu elalubo bidigo te wiegi yai po te 30 po wali

(Daj 22:17-24:34)

¹⁷ Megi eno nagebolo te wiegi yai homu kolesaga koneai bidi dabe dalubo po nageba ola mawainu ebaso. Nago homu te poba bugagia munama, tama tede bugagia homu kone palao. ¹⁸ Te po nago homude elaluyu, tama nago gasa bidiba pusubaso usu yabo aę ebaso da, teda nago haliga te bugagia tegalualo.

¹⁹ Megi naga eno te po pusainu ebaso, te naga digi odolama, tama nago konealubo homu te Genuai Bidiba daşu mu omainu yaibao. ²⁰ Eno te 30 wiegi yai po aseyu, te nage bugagia ola mayu, tama te wiegi yai homu konebo kolesaga te nageba mobao. ²¹ Tama tialima, nago te po page mu konemainu ebaso. Tama te bidi dabego nage tagala palu, te mena po te mu po yaliwe naga konea pomainu ebo sogo da, teda nago te mu koneama, tama te po dolo augwaliba ponaibao.

(1)²² Nago homugo te magi nai doado bage meni yai bidi dabe, augwali te olo bidi naga da homu elama, tama nago augwaligo doado bage odolali me kekela-ma sigio. Tama augwali te po tşba sabalubo sogo da, teda nago te augwali aiyaba elalubo po tş me igio, ²³ magi baso meni, Genuai Bidigo augwali tonaluyu, tama augwali tau saibao. Tama te bidigo te magi nai doado bage meni yai bidi dabeba te dwai seę ebaso da, teda Genuai Bidigo te bidi agaba te dwai seę wei ponobo dao.

(2)²⁴ Nago te wado po polo wabo bidi dabe dali, me te seęę polo ebo bidi dabe dali abagi me wagio.

²⁵ Tiyu, nago augwaligo ebo kolesaga selama, tama nosali te dwai nai dabego nage dolabuo.

(3)²⁶ Te bidi me deligo negeli sabo sogo, te negeli sali bidi aga digi ponabo te usu isaşbaso, te nago te negeli sali wei ponabo po daş waligio. ²⁷ Tiyu, nago begelabo usu isaşbaso, tama augwali aselama, te nago doado bage sigidali, me te nago bet me sagasabuo.

(4)²⁸ Nago te naga waj nş dabego te nago tş polobadu daş ilali te ma kidiligio.

(5)²⁹ Te bidigo wiegi yai seę ebaso da, teda aga te kingo seę bidi pedelaibao. Te tobage bidi te nogi meni yai bidigo seę bidi me pedalugobeo.

(6)

23 Te nage genuai bidi me deli dali dugulama nai tubo sogo, nago te nai augwaligo nage mabo naiba homu kone kone yao. ² Tama nage te nai hauwa tubo bidi yai baso da, teda naga homude ebo kolesaga te aiyaba elalua. ³ Nago te genuai bidigo wiegi yai naide te nago homu pesa igio. Tiyu, agai naigo nage homu puna palama, tama nago te agai wei isiabo kolesaga yabuo.

(7)⁴ Nage te mone hauwa elalubo bidi pedelabo se dene mu igio. Te nage wiegi yai homu elalubaso da, teda nago te tiwai me igio. ⁵ Te nago mone hauwa sobadi goli, te tagala, te polo tama sia saibao. Te mone te ba bogo tiwai elama, tama te ba kemodage tiwai ugwaba bola holobo dao.

(8)⁶ Nago te aga doado bage dabe daŋ ola sabo nai yogo bidi dali nai me tugio. Nago agai te wiegi yai naide pesa me igio. ⁷ Magi baso meni. Te nage aga dali nai tubaso da, teda agai te tiwai po nagebolo waibao, "Ae, nago nai me we tubo te naga homugo tuao," waibao. Tiali digi, agai po te mu po menio. Te aga homude, agai te nisu naga nai nage maiabo te aga konea palio. ⁸ Te nago te bidigo ebo kolesaga te nago mu konea pabo sogo da, teda nago te tuali nai dabe te bugulabo homu yaibao. Tama nago agaba te homu bega sabo wali po tigidali, te odolali hagala saibao.

(9)⁹ Nago te wiegi yai homu elalusiabo bidi dali po me migio. Te nago wiegi yai homude elaluali po agaba pusu baso da, teda agai dwai mu naga ilaibao.

(10)¹⁰ Polobadu mu augwaligo te to daŋ muani, tama nago te daŋ ilali ma kidiligio. Tama nago te tiana wai dabego to me sigio. ¹¹ Genuai Bidigo digi te wai puluba tau sabo se te deli kaneme tiwai elalubao. Te bomu mu elaluyu, tama agai augwali tonaluyu, tama augwali te po tude tau sabo dao.

(11)¹² Te augwaligo nage ola mobaso, nago te nai dabe bugagia kone sao. Tama nago olo te tigidali poba munama, te wiegi yai koneai kolesaga elalubo sao.

(12)¹³ Nago te wai elibo wi homu me igio. Te nago keleago aga mobo mayu elibaso da, teda aga me isigobeo. Menio. ¹⁴ Te kolesagago aga tau selama, tama aga te isali bidi dabego pesageba painu ebaso, te usu egobeo.

(13)¹⁵ Ogwa, te nago wiegi yai homu kolesaga konebaso da, teda eno haliga te wiegi yai mu yaibao. ¹⁶ Tama eno da, te nago doloba pai se ebo po odobaso, te ena moni pemene ugwadu mu yaibao.

(14)¹⁷ Nago te dwai se ebo bidi dabego ebo kolesaga wei me igio. Menio. Sesemane sogo nage te Genuai Bidigo dologode bidabo bomu mu yao. ¹⁸ Te nago tama tiyu da, teda nage te nosali bidabo wiegi yai sogo elaluaibao, tama nage polo tama me isigobeo.

(15)¹⁹ Eno ogwao, eno po odolama, tama wiegi yai homu kolesaga sao. Nago te naga biliboba bugagia homu kone palao. ²⁰ Nage te we hauwa me nai hauwa tubo bidi dabe dali hai namu olama, me kisasa biligio. ²¹ Te bomai we tulama, te geŋ page ebo bidi te wabo pabo dabe, me te nai hauwa tubo bidi dabe da, te magi doado bage meni yai bidi mu pedelaibao. Te bidigo

te nai tulama, te godege piyu naga eyu da, te pade sogo tama digi te aga tigi mesegelibo te dwai ugwa badi naga elaluaibao.

(16)²² Naga ayago nage pedalumainu ilali, tama nago agai po odao. Tama naga ida mosi dabe yai madi, nago agade dwai homu igio. ²³ Nago te mu kolesaga sainu bomu eyu, tama te wiegi yai homu, me te tobage wiegi yai kolesaga dabe sabo bomu yao. Nago te wiegi yai kolesaga tagalabo homu me igio. ²⁴ Te wiegi yai homu elalubo bidigo te doloba pai kolesaga wali pobaso da, teda aga aya te wiegi yai homu pemene ebo dao. ²⁵ Nago te wiegi yai kolesaga wali pali da, teda naga aya ida dede te wiegi yai haliga mu yaibao. Awe, te nage ame nani idago wiegi yai homu pemene yaibao.

(17)²⁶ Ogwao, nago eno po bugagia odolama, tama eno kolesaga suyu, wiegi yai pemene yao. ²⁷ Te penani se ebo we te ayanu mu igulai to dedage me deli tiwai ebao, tama te bidi dabe teba tulalubaso da, te dolaibao.

²⁸ Te tobage wego te nai wi sabo bidigo tonalubo tiwai eyu, tama te bidi dabe asobo tonaluaibao. Tama agai te bidi hauwa kekelama, tama augwa te we sabo kolesaga te boliyu togobo dao.

(18)²⁹ Te genuai seŋe elaluyu, tama augwade digi homu dene ebo bidi dabede te nago magi homu ebawe? Tama te mena bidi dabego te hauwa umabo po weyu, te wabi hwjbo dawew? Tama mena bidi dabe augwali tigide te keni keni sai elalubawe? Tama mena tobage bidi dabe gedude te sesemane sogo te gedu kaneme yaibawe? ³⁰ Te wain me bia we te hauwa tubo te bidi dabe, te bidi dabe augwali naga tama dao. ³¹ Tiyu, nage te wain wego kekemainu elamuo, te aga au te sawi yai elama, tama aga te mubo glas tomode te ula bugagia elalubo, tama nago tubaso da, te nago dogonide wiegi yai mu ebo dao. ³² Nosali nago te dwai nabi elalubo hasamanigo nage gaŋ kelibo tiwai te nago te dene ebo odaibao. ³³ Te nago homu dolobaso, tama nago homugo te nago haniani nai dabe suali homu nago yaibao. Tama nago te tobage nai dabede te nago pedauwalide po hauwa dogia paibao. ³⁴ Te nage pila mubo sogo, te nago te tiwai te sip genuai sigo sabilibo te nage ugadu te sipgo genuai name ugwa walobo ni te daide bilibo tiwai ebo te nago odaibao. ³⁵ Tama nago te tiwai po waibao, "Te augwaligo ena elali goli, te dene ebo eno odobeo," po waibao. "Magi baso te ena hodalubao usu ebewe? Ena hodalubao te we me ma deli tuabo homu yai," nago te tobage po waibao.

(19)

24 Nago te dwai kolesaga ebo bidi dabego ebo dwai kolesaga wei homu me elamuo. Tama nago augwali dali kisa sabo homu me elamu dao. ² Augwaligo te bidi dolabo homu naga elama, tama augwaligo te sesemane sogo po miyu, te dwai se pedalubo kolesaga ebo dao.

(20)³ Te wiegi yai kolesaga koneani homu elalubo bidigo aga be te wiegi yai elaluyu, tama aga we wai te boma pai pedelaibao. ⁴ Te tobage bidigo te wiegi yai

gasa bomai nai dabe te abelama, tama aga beba muaibao.

(21)⁵ Te wiegi yai kolesaga koneani homu elalubo bidigo, tama agai te aga bulu t̄o pedai me te bomu yai pedalumainu ebo dao. ⁶ Te kingo gasa bulu t̄o pedai bage dali hw̄ainogo eyu da, teda hasia bolo te hw̄ibo kolesaga koneani bidi dabede te homu kolesaga konea saibao. Te king agabolo homu kolesaga mabo bidi hauwa elaluyu da, teda agai te hw̄ibode ugwaba ela holaibao.

(22)⁷ Te wiegi yai homu kolesaga koneani te ugwanu mu elaluyu, tama te wiegi yai homu kolesaga kone-sīawani bidigo kolesaga te aiyaba elaluaibao. Tama te bidi dabe dugulama, te genuai naide po mibo konila obaso da, teda te wiegi yai homu kolesaga kone-sīawani bidi da, te olo dugulalu, tama pedauwali pa-nialubo dao.

(23)⁸ Te bidigo te sesemane sogo dwai kolesaga yabo homu ebo bidi yai baso da, teda augwaligo aga te tibo kolesaga ebo bidi nogi poaibao. ⁹ Te wiegi yai homu kolesaga meni yani bidi dabe, augwaligo te dolo isīabo tobage kolesaga dabe yabo homu elama, tama te kolesaga tigidali te dwai s̄e ebo kolesaga ebao. Te bidi dabego te hagoma ebo bidi dabe subo, te dwai bidi mu subo tiwai ebo dao.

(24)¹⁰ Te dwai sogogo nage gegelama, tama nago ti-gi dili te kimi isilibaso da, teda nago bomu te mu meni ebao.

(25)¹¹ Te po t̄ude te po olama, tama augwaligo te bidi ela mainu ebaso da, teda nage pelama, te bidi ma si-gi pao. ¹² Tiyu, nago te po weyu, "Dago s̄e menio," po wabuo. Genuai Bidigo te nage bugagia tonaluyu, tama nago ebo homu kolesaga tigidali te dagalubao. Tama agai nago te po page koneai. Tama agai te tigidali bidi deli deligo ebo kolesaga te augwa yali s̄ede wei usu nama ponobo dao.

(26)¹³ Eno waio, nago te bunu ge hani tuao, te wiegi yai nai tama te nago pedauwalide pusu mu yaibao.

¹⁴ Tama eno homugo nago te konemainu yai, te wiegi yai homu konebo kolesaga me te wiegi yai eyu, tama pusu mu yaibao. Te nago sobaso da, teda nago wiegi yai sogo nosali gegaibao, tama nage polo tama me isigobeo.

(27)¹⁵ Nage dwai bidi, nage game duala selama, tama te doloba pai bidigo bedede tonalugio, te agai be aluama, tama agai doado bage dabe sainogo te tiwai me elamu dao. ¹⁶ Te doloba pai bidi hauwa sogo tula-lubadi digi tagala, te sesemane sogo aga ma hodalu-aibao. Tiali digi, te dwai sogogo te dwai kolesaga ebo bidi dabe gegebato da, teda augwali mu dolobo dao.

(28)¹⁷ Te nago boi bidi te dwai s̄ego dolobo subo sogo, te nago homu wiegi yai pemene igio. Tama agai te nai me deli sāgāde enama, te tulaluainu ebaso da, teda nago gisugu me olamu dao. ¹⁸ Tiyu, nago wiegi yai homu pemene ebo Genuai Bidigo sulama, te agai nageba dwai haliga eyu, tama agai te boi bidi dali wa-do po ma wagobeo.

(29)¹⁹ Nago te dwai kolesaga ebo bidigo kolesaga te nago homu si me elamuo. Tiyu, naga homu kolesaga dolabuo. Tama nago augwaligo ebo kolesaga me te homu godolo me elamuo. ²⁰ Magi baso meni, te bidi dabe augwali te wiegi yai sogo bidibo gegebo usu me egobeo. Menio. Te augwali te lam sole isibo tiwai gilama yaibao.

(30)²¹ Eno waio, nage te Genuai Bidide wi eyu, aga dologode me bidiyu, te kingde wi eyu, aga dologode me bidao. Nage te Genuai Bidide me kingde te hago-ma ebo we bidi augwalide digibulu bidao. ²² Te tama tebo tobage we bidi te dolobo s̄ego polo tama gegaibao. Te Genuai Bidigo me kingo te mena tiwai s̄eḡe augwaliba maiabo, te dago me konebeo.

Te wiegi yai po mu meba wali

²³ Te wiegi yai homu kolesaga elalubo bidi dabego me te po pusali.

Te bidi dabe te po t̄uba asobo sogo, te jasgo te meba tau siyu, meba aiyaba elalubo, te dolo me ebeo. ²⁴ Te bidi me deligo dwai s̄e ebaso, augwaligo aga po t̄u ilali, tiali goli te jasgo aga odolali pomainu tagala palobaso da, teda te tigidali bulu t̄o pedaide bidalubo we bidigo te jas bidi wei homu me isīama, tama augwaligo agaba te i ola mabo po waibao. ²⁵ Tiali digi, te jasgo augwaliba te po weyu, te dwai s̄e ebo bidiba te dene maȳo po obaso da, teda te jas bugagia bidiyu, tama God Genuai Bidigo aga dali haniani dwagi yai s̄e yaibao.

²⁶ Te bidigo doloba pai po nageba wei ponobaso da, aga te nago abagi mu dao.

²⁷ Hasia bolo nago te naga t̄o dodolama, tama te gi dabe bulao, tama nosali nago te be s̄e ebaso, te usu dao.

²⁸ Te nage te po t̄u ebode te witnes bidi pedalubaso da, nago tibo po me olama, tama te magi dwai s̄e me isīawani bidigo nogi aiyaba odolali me aiyaba elalugio.

²⁹ Nago te tiwai po weyu, "Megi da, eno te agai dwai s̄e yali wei ponaibao," po wagio. "Te eno agai ena dali te yali tobage s̄e tiwai kolesaga te aga dali yaibao," po me olamu dao.

³⁰ Eno biliyu, tama eno te bidi me deligo gi suali. Te bidigo homu te wiegi yai elalus̄awai, te hagela bidi dao. ³¹ Te sesane yai bonogo, me te dwai dosago te gi mesega sai elaluai. Tama te gi bagulali masigi obo te degasa pai yalio. ³² Eno te gi sulama, tama eno homu hauwa elama, tama eno te wiegi yai kolesaga me salio.

³³ Te hagela bidi dabego te po wai, "Tagalao, da godege manu gana piaibao," wali. "Da te dwasianu sogo naga toma nenama, tama da hodaluai," wali.

³⁴ Augwaligo te tama tiyu, tama polo tama augwa doado bage tigidali te sia siyu, tama augwali te dwai mu te magi doado bage meni yai bidi pedelaibao. Awe, te nai wi sabo bidi dabego te augwaligo doado bage tigidali sela pai tiwai āq̄ ebo dao. †

† 24:34 Pro 6:10-11

Solomongo wiegi yai po

(Daj 25-29)

25 Te po da, te Solomongo meba ma wali pewardage po dao. Te Juda king bidi Heseкаиago kuskus bidi dabego augwaligo te po dabe ma aşei dao.

² God Genuai Bidi aga homude digi te nai hauwa geme dualaluai. Tama tiyu, dago genuai nogi agaba mayu yali. Tiali goli, kingo te dade geme dualalubo homu kolesaga page hauwa te page hanilainu gegebo şe ebo dao. Tama tiyu, dago genuai nogi agaba mabo dao.

³ Dago te kingo homu kolesaga tigidali me koneainu ebaso, usu me egobeo, te dago te mena nai te dagalude elalubo konesiabo tiwai, me tama mena nai te tamu ađ page dologode elalubo konesiabo tiwai ebo gilama ebo dao.

⁴ Te augwaligo silva kakali sela şabaso da, teda te silva wiegi yai pedelama, tama bidigo te wiegi yai pou plet nigibo dao. ⁵ Tama tiwai naga, te augwaligo te dwai kolesaga ebo bidi dabe sela şayu, tama augwali te king dali munu ma bididali weyu tibaso da, teda te kingo doloba pai kolesaga mu eyu, tama te bulu tđ pedai kantri te bomai bulu pedelaibao.

⁶ Te nage king dali bidibaso da, teda nago te nage genuai bidi da homu eyu, tama nago te genuai bidi dabego ebo kolesaga tobage me igio. ⁷ Tiyu, nage te genuai bidi dabe dali bidibadi, tama nosali te genuai bidi me deli sabolama, tama augwaligo nage sela şayabuo. Te tiwai pedalidali weyu, hasia bolo nage olo bidi dabe dali bidibaso, tama nosali te augwaligo nagebolo weyu, te genuai bidi dabe dali bidigi pao waibao.

Te bidi me deligo te kolesaga me deli ebo subaso, ¹⁸ nago homugo agai te dwai kolesaga eba homu elama, tama nago ases polo te aga po tđba sela mugio. Te gasa bidigo te şe ebo mu koneama, tama nosali agai nago po aiyaba elalubaso da, teda nago magi yaibawe?

⁹ Te nago magi nai me delide te naga abagi dali te po elalubaso da, teda nage pelama, naga te abagi dali digi dodolao. Tiali goli, nago te naide te geme wali po odolama, nago te po aga dali me pusugio. ¹⁰ Tiyu, te bidi dabego nosali odoyu, nago te geme dualubo po wabo meni da po obaso, te augwaligo nage hale ebo şe ilabuo. Tama augwaligo homu dwai nage dali sesemane yabuo.

¹¹ Te bidigo te wiegi yai homu kolesaga me deli te hanilama, mu pusubaso da, teda agai po te wiegi yai piksa te augwaligo te golgo nigilama, tama te silvago au ilali tiwai ebo dao.

¹² Te wiegi yai homu elalubo bidigo, agai te aga abagi dodolobo şe ebaso, tama te abagigo homugo te wiegi

yai po da homu ebaso da, teda te abagigo te wiegi yai au ebo gol sabo tiwai ađ ebao.

¹³ Te po selasa asobo bidi, agai te aga tonalubo bidi dabego agabolo mani po dolo pusubaso da, teda agai augwali te wiegi yai pemene ilibao, te kedau yai węgo te bidi te augwa gide te nai sabo şe ebo sogo te pemene ilibo tiwai ebao.

¹⁴ Te bidi dabego te nai me deli mawainu te po me deli dađ wali, tama augwaligo te nai masiabaso da, teda augwali te pđ me wali asobo tiwai yali, tiali goli te tulubage me tulubeo.

¹⁵ Te nago po dua digi weyu, tama nago wado po polo wasiabaso da, teda nago te nago po odisabo homu ebo bidi dabego haliga begelaibao. Tama nago te hagoma ebo bidi dabego homu hasegelibaso me, te usu yaibao.

¹⁶ Nago te tubo nai bunu ge hani meba te nide elalubo subaso da, teda nago te naga usu naga tuo. Tiyu, nago nai hauwa tuyu, te nage haliga pađana pelama, tama nage bugabuo. ¹⁷ Tama nage te naga abagigo beba sesemane sogo me pidugio. Tiyu, agai nage hagela eyu, tama agai nage wei homu me egobeo.

¹⁸ Te bidigo aga abagiba te tibo po kodilama obaso da, teda te bidigo te abagi te bainatgo me sesemonego enebaso, ma aga te wabi dagego elibo tiwai ebo dao.

¹⁹ Te nago koneani, bidi me deli aga te tibo po wabo bidi, tiali goli nago homugo te dwai sogode agai nage tau saiba homu yali da, teda nage te kele dwai bidigo nai tuainu ebo te tiwai ebao, ma te nage şađ dwai bidi bilibo te tiwai yainu homu ebao.

²⁰ Te nage pelama, te homu şeđe mu elalubo bidi sugi peyu, tama nago te wiegi yai homu pemene ebo balia po wagi pobaso da, teda nago te bidi dwasianu me tau sabeo. Mu menio. Nage te agai holobo ugwa te kedau sogo nago peda sabo tiwai ebao. Ma, nago te aga tigi selali elalubadi te bidigo te selali keniba tamu gelibo tiwai ebao. Nago agai homu şeđe ma gininibo tiwai ebao.

²¹ Te naga boi bidi nasi ebaso da, teda nago aga nai mao. Te aga wę nogone ebaso da, teda nago aga ađ mao. ²² Te tiwai nago ebaso da, te nago aga yali kolesagade hale mu ilibaso, tama te Genuai Bidigo te nageba wiegi yai şe mu bugagia ilaibao. ††

²³ Te posobo po wabogo te bidigo gesabidi tuluga siyu yaibao, te waligo te tulubage sela asobo tiwai ebo dao.

²⁴ Te bidi agaduba deli te be pedude dugulaluali da, te kolesagago te be tomode te wado po me po hauwa wabo we dali bidibo kolesaga te aiyaba elaluali.

²⁵ Te wiegi yai po odali bidi me deli te digibulu badu asai baso da, teda aga te wiegi yai pemene eyu, te bidi te bulu pali madi te tigi mu poma pobaso, te kedau yai ađ tubo tiwai ebo dao.

† 25:7 Luk 14:8-10

†† 25:22 Rom 12:20

²⁶ Te doloba pai bidi aga te dwai bidigo te dwai şeba kekemainu eyu da, teda te wiegi yai ulu wę dunugu pedalubo tiwai ebao.

²⁷ Te bidigo te tubo nai hani hauwa mu tubaso da, te wiegi yai mu me ebeo. Tama te bidi dabego te genuai nogi agaba momainu ebo şę dene ebaso me, te kole-saga me te wiegi yai me ebeo.

²⁸ Te bidigo aga haliga şębę ebo te pania sisąbaso da, teda te gasa bidi dabego aga aiyaba elaluaibao. Te tobage bidi te obo bagulisiąwai elalubo hanu me deli tiwai elalubaso, tama te boi bidi dabe te tomoba pelama, tama dolaibao.

26 Te wiegi yai homu kolesaga elalusiąbo bidiba te genuai nogi mawainu ebaso, usu dolo me egobeo. Te talua ge tulubage te poi pibo sogo tulubo tiwai si, ma te tau yali nai te tulubage tulubo sogo sabo tiwai ebo dao.

² Te bidigo dwai şę isąbadi, tiali goli te bidi dabego po weyu, te i ola mabo po obaso da, teda te po dolo mu me pedalugobeo. Te po te ba meba sesemane bola pidu geyu, te gasaba me duagi pişąbo tiwai ebo dao.

³ Te bidi dabego te hos dabe dila pai bįgo eliyu, tama te donki dabego pedauwalide te ain munama, te augwali pabo dolasa pomainu ebo dao, tama augwaligo te dobo kolesaga ebo bidi dabe augwali te keloago elaiabao.

⁴ Te wiegi yai homu elalusiąbo bidigo, agai te geda mubo po nage dali obaso da, teda nago agai po wei me ponogio. Tiyu, nage aga tiwai pedelabuo.

⁵ Te wiegi yai homu elalusiąbo bidigo, agai te geda mubo po nageba obaso da, teda nago agaba dodolabo po wei ponao. Tiyu, agai homugo, te aga koneani kolesaga te genuai mu da homu yabuo

⁶ Te nago te wiegi yai homu elalusiąbo bidibolo te gasa bidiba po selasa pomainu tagala palobaso da, teda naga digi naga te dolobao, te naga saąą naga digi togolama sela şąbo tiwai ebao.

⁷ Te wiegi yai homu elalusiąbo bidigo te wiegi yai po me deli wainogo ebaso da, teda aga usu me egobeo, te saąą dwai bidi te bilabo usu isąbo tiwai ebo dao.

⁸ Te bidigo te wiegi yai homu elalusiąbo bidiba te genuai nogi mawainu ebaso da, teda te agai te gumi katapelde te dwasianu masigi munama enainu tama te daų ola sabo tiwai ebao.

⁹ Te wiegi yai homu kolesaga elalusiąbo bidigo te wiegi yai po me deli pusainogo eyu da, teda aga te bomai aį tulama, te geų eyu, te wabo pabo bidigo te sesane yai bonoba te nogogo tola sigi pabo tiwai ebao, tama te sesanego aga nogode dolobo dao.

¹⁰ Te şę tonalubo bosman bidigo te homu kolesaga elalusiąbo bidi dabeba, me te subigila bidi dabeba te şę mobaso da, teda te bidigo enesigi balibi dolama, tama te ene dabe subigila enebo tiwai eyu, tama te bidi hauwa dolobo tiwai ebo dao.

¹¹ Te wiegi yai homu kolesaga meni yai bidigo te aga polasa yali esela pabo bidigo ebo kolesaga tobage me

iduaibao, te yowigo bogulai bogu te ma begasa pelama, tugi pabo tiwai gilama ebao. †

¹² Te bidi me deli aga wiegi yai homu elalusiąbaso da, teda dago aga te konemainu tau sobaso, te usu yaibao. Tiali goli, te bidigo homugo te aga tigidali nai koneani homu ebaso da, teda te dago aga tau sabo şę te dene mu yaibao.

¹³ Hagela bidi te be tomode olo dugulalu bidaibao. Agai te tama po waibao, "Te laion me deli te sunumide bidibao," wabo. "Tama tibaso, ena te buluba me teda soagobeo," wabo dao.

¹⁴ Te hagela bidi aga betde pila mudu te tigi bebege-ludaibao. Aga te hinsis muai be sunumi me deli ugwa peyu, eda asiyu ebo tiwai ebo dao.

¹⁵ Hagela bidigo nogo te pou pletba muyu, te nai sainu yai. Tiali goli, aga te nogo ugwaba selama, te pedauwaliba nai muabo te bomo meni yaibao.

¹⁶ Hagela bidigo te homu yai, te agai koneani kolesagago te nogo a naga olama, me badu nogo si wali bidigo te augwa bugagia konea pai te hania mu pusubo wiegi yai homu kolesaga te agai aiyaba elaluali homu ebo dao.

¹⁷ Te bidi si wado po wabo şę ebadi, tiali goli te gasa bidi me pelama, te augwali sigo po wabo tau sabo po obaso da, teda te bidigo te yowi pabo sulama, tama aga pelama, te yowigo olo tola sigi pabo tiwai gilama ebao.

¹⁸⁻¹⁹ Te bidigo aga abagi te tibo po ola mayu, tama nosali agai te po wali, "Eno te gagali po naga wali da," po obaso da, teda te homu kolesaga meni yai bidi me deligo te ene dabe te subigila enebo tiwai eyu, tama te sia dabo sia dage dabe elalubadi, te subigila saşąbo tiwai ebao.

²⁰ Te augwaligo siaba te sia munama nogosiąbaso da, teda te sia disąma, sula saibao. Tama te tiwai me te bidi dabego te posobo po wasiąbaso da, teda te tigi-dali wado po wabo te sia saibao.

²¹ Te sia nogobaso, te sia bugagia domainu ebao, tama te tiwai me te konila po wabo bidigo te hwįbo kolesaga genuai pedalumainu ilibo dao.

²² Te bidigo gasa bidiba posobo po wabo odobo te dago godolo mu yaibao. Te tobage po te pusu ebo nai tiwai ebaso, tama polo mu tama dago tubo dao.

²³ Te bidigo wiegi yai kolesaga yaibao wabo po bomo elama wali, tiali goli aga homude elalubo page, te dwai kolesaga naga yainu ebaso da, teda te tųgo nigali sospen sene me deli augwaligo te silvago haluama, tama te tonobo sawi yai mu tiwai ebo dao.

²⁴ Te gasa bidi dabe wei homu isąbo bidigo, agai te augwali homu bega sabo po weyu, te augwaligo homugo te agai augwali wei homu eba homu emainu tiaibao. Tiali goli, agai te augwali tibo po naga ola ma-iabo homu ebo dao. ²⁵ Te tobage bidigo po dabe te nago olode pusu yaibao, tiali goli nago agai po nago homuba daų me ola sigio. Magi baso meni, te gasa tobage dwai homu dabe te agai haligade paąanalubao.

²⁶ Agai aga te homu geme dualubaso, usu yaibao wali,

† 26:11 2 Pi 2:22

tiali goli te we bidi dabego agai te dwai kolesaga konea pabo dao.

²⁷ Te bidigo dwai kolesaga yabo homu ebaso da, teda aga digi dolaibao. Awe, te bidigo t̄ dedage dogolama, te gasa bidi teba tulalumainu yali, tiali goli te bidi aga digi aga teba ma tulaluali. Tama te bidigo te masigi te bulu du bageba ugwaba hogogobebe pabo tiwai ebadi, tama te masigi edaba ma hogobeasa dulu, tama aga mesega sigulaibao.

²⁸ Te bidigo te gasa bidi dabeba tibo po obaso da, teda te tiwai ola mobao, agai augwali wei homu is̄baso, tama augwali dolainu ebaso. Tama te bidigo homu bega sabo po sesemane sogo obaso da, teda tego te gasa bidiba dwai s̄ mu ilibo dao.

27 Nago te hagoma homu eyu, tama nago te magi s̄ me deli te do yaibao olama, te po d̄u me waligio. Magi baso meni, te mena s̄ te sogode pedelabo te nago me konebe dao. †

² Te gasa bidi dabego nago nogi ugwaba sobaso da, te usu dao. Tiali goli, naga digi te tama tiabuo. Te s̄ te nago pedauwaligo yabo s̄ menio.

³ Te wiegi yai homu me elalusībo bidigo dobo kolesagago, agai te genuai s̄ḡ dabolo mawaibao, tama te s̄ḡgo te genuai masigigo s̄ḡ, me te masigi kemi pesage holali te aiyaba elalubo dao.

⁴ Te haliga s̄b̄ elama, te wado po wabo bidigo te gasa bidi dabeba odolali te dene mayu, tama augwaliba dwai s̄ mu ilibo dao. Tiali goli, te mena nai sabo homu eyu, tama te gasa bidiba dwai haliga ebo, te dwai mu elama, tama te haliga s̄b̄ me wado po wabo kolesaga aiyaba elalubo dao.

⁵ Te nago abagigo dwai s̄ ebaso da, teda nago aga dali te dodolobo s̄ ebo kolesaga yao. Meni baso da, agai te nago agade te abagi homu ebo menio, agai te homu yaibao.

⁶ Te abagi dabe mu dede augwaligo te nageba dene mabo te nage tau somainu ebaso. Tiali goli, boi bidi dabego nageba te abagi kolesaga eyu da, dua dao, augwaligo te tibo po ola naga ola mayu tebo dao.

⁷ Te bidi aga nai tulama, te haliga p̄āna peyu, tabia pabo sogo, agai te nai ma tubo hagela homu yaibao, te hani tiwai te pusu mu ebo nai me te tagala homu yaibao. Tiali digi, te bidi nasi ebo sogo, agai te tigidali nai te wiegi yai da homu yaibao. Te ha elalubo nai me tagalao, te me te aga pedauwalide pusu naga ebo dao.

⁸ Bidigo te aga page bulu tagalama, te subigila bilibo, te ba me deli aga be tagalama, tama te subigila bola bilibo tiwai gilama ebaso.

⁹ Sanda me te tobage wel dabe te wiegi yai denami elalubo, augwaligo dabolo te wiegi yai pemene ilibao. Tama te abagi dabego dabolo te wiegi yai pemene ilaibao, magi baso meni, augwaligo te da tau sabo homu mu elama, tama augwaligo wiegi yai mobo mabo po dabolo mabo dao.

¹⁰ Nago naga abagi dabe, me naga we wai sibi te homu gegeda palama, tama augwali tudiba me muna-

muo. Tama te dwai s̄ mego nage gegebaso da, teda naga amago nage tau somai da homu elama, te nage digibulu pelama, agaba munu me hanalugi pelamuo. Te nage p̄de bidibo bidigo te nage tau sabo usu yaibao.

¹¹ Eno ogwao, nago te wiegi yai kolesaga konea sabo homu sobaso da, teda ena bugai haliga mu yaibao. Tama te bidi me deligo enaba te kisilibo po obaso da, teda eno agaba te po wei ponobaso, usu yaibao.

¹² Te wiegi yai homu elalubo bidigo, agai te tiwai koneani, te s̄ḡ agaba pedelainu ebaso, tama agai te geda sali. Tiali goli, te wiegi yai homu elalusībo bidigo, aga te aga sunumide te dwai s̄ edubo sulama digi, tama aga pelama, tama gesabidi si deliba unulama, tama te s̄ḡ tolobo dao.

¹³ Te bidi me deligo te gasa bidigo dali nai negeli wei ponaibao wai, te gasa bidigo wei ponabo usu meni baso da, teda agai wiegi yai kolesaga me ebeo. Tama te bidi me deligo nageba nai negeli sabo homu elama, tama nago koneani, agai te tobage d̄u wabo po obaso da, teda nago bomo elama, te agai nai me deli siyu, te agai te negeli sali naide wei ponabo te sa mubo tiwai ebo nai sao.

¹⁴ Te nago genuai po d̄ā olama, tama naga abagiba te kigamu mude te siade dao po obaso da, te nago agaba te po dwai wabo tobage po tiwai obao.

¹⁵ Te bidi me deligo we aga te wado po weyu, po hauwa wabo we yai baso da, teda te be pedudu te dwasianu tulubage tobo sesemane tomoba asobo tiwai ebo dao. ¹⁶ Agai bidigo agai te kolesaga tagalumainu ebo usu me ebeo. Te tiwai te bidigo te wali asobo te panibo tiwai, ma te wel aga nogode sela pabo tiwai ebaso.

¹⁷ Augwaligo te ain dulabo nai te aingo nigali. Te tiwai naga, te bidi me deligo te gasa bidigo homu te wiegi yai pedalumainu tau sabo dao.

¹⁸ Te bidigo aga bulali nedu du tuabo homu eyu da, aga te ni te bugagia tonalua. Tama te bidigo aga tonalubo bosman bidi te bugagia tonalubaso da, teda te tonalubo bosman bidigo aga nogi ugwaba sabo dao.

¹⁹ Te bidigo te w̄ geba aiya tonobaso da, teda digi aga gesabidi subo da. Tama bidigo aga homu me, te tigidali homu me, te aga ebo kolesaga bugagia homu kone palali da, teda te aga mena tobage bidi da wabo te agai koneaibao.

²⁰ Te bidi hauwa isibadi goli te tagala, augwaligo te isali bidi dabego bidibo pesage p̄āna sobaso usu egobeo. Te tiwai gilama naga, te bidigo aga homugo wei ebo te usu nainu ebaso, te usu meni yaibao.

²¹ Siago te gol me silva usu sabo dao. Tama teyu, augwaligo te dwai pobebe bage sela s̄bo dao. Te tiwai gilama naga, te bidi dabego te bidigo ebo kolesaga sulama, te augwa koneainogo yai, aga te wiegi yai bidi, ma dwai bidi yaliwe naga te koneainogo tiaibao. Tama aga te wiegi yai bidi yai baso da, teda augwaligo te aga nogi ugwaba sabo dao.

† 27:1 Jer 4:13-16

²² Te nago te wiegi yai homu kolesaga me elalusiabo bidi me deli te genuai gilama mu elebaso, te pađe is-abo homu ebadi goli te tagalao, agai aga te dwai şe ebo kolesaga me tagalogobeo.

²³ Nago te naga sipsip dabe me te meme bugagia tonalua, ²⁴ magi baso meni, te nago mone te sese-manee me elalugobeo, tama te kingo hani me te sese-manee sesabi elama, me bidigobeo. ²⁵ Te nosai bobobage igulubo sogo da, teda nago te naga kibu dabego tuabo nai togolama te sisinao. Tama te gesi nosai hogonu ma pedalubo dao. ²⁶ Nago te sipsip dabego nisi selama, tama naga gudabo ugwa dabe nigabo te sao. Tama nago te meme mebade mone selama, te tş abelainu yao. ²⁷ Tama nago te naga meme ame pe dabe siyu, tama te naga dali, te nago we wai dabe dali tumainu yao, tama nago te naga şe ebo we dabeba me mayu ebo usu yaibao.

28 Te dwai kolesaga ebo bidi dabe te odolali wi elama, tama wi paibao. Tiali goli, te doloba pai kolesaga ebo bidi dabe da, te hasa laion tiwai gilama te bomu elama, dolalubo dao.

² Te bulu tş pedaide bidibo bidi dabego te gavman hasegelibo şede hwıbo şe ebaso da, teda te gesi tobolu bidi hauwa sesemane pedelaibao. Tiali goli, te wiegi yai homu kolesaga elalubo tobolu bidigo da, teda agai te bulu tş pedai kantri bugagia bidimainu yaibao.

³ Te bidi me deli aga te doado bage şaş pobaso, tama agai te magi nai doado bage meni yai bidi dabe aiyaba elalubaso da, te da te genuai dwai tulubagego te gide nai dabe dolobo tiwai ebo dao.

⁴ Te bomai po tudiba mubo bidi dabe augwaligo te dwai kolesaga ebo bidi dabe nogi ugwaba saibao. Tiali goli, te bomai po wali pabo bidi dabe, augwaligo te dwai şe ebo bidi dabe aiyaba elalubo şe ebo dao.

⁵ Te dwai kolesaga ebo bidi dabego, te doloba pai kolesaga te magi nai da te homu elama, te augwaligo konesiayu ebaso. Tiali goli, te Genuai Bidi wali pabo homu ebo bidi dabego da, augwaligo te doloba pai kolesaga page mu konebo dao.

⁶ Te bidi te doado bage dabe şaş pobaso da, tiali goli te aga doloba pai bidi, agai te mone hauwa umabo elalubo bidigo te tobage dwai kolesaga ebo te agai aiyaba mu elaluaibao.

⁷ Te gesi ogwa bidigo te bomai po wali pabo, agai te wiegi yai homu kolesaga elalubao. Tiali goli, agai te sesemane sogo te nai umabo da tubo bidi dabe dali abagi weyu, kisasa bidiyu ebaso da, teda agai te aga aya te hale dwai mu ilibo şe ebaso.

⁸ Te bidigo te bidi dabego agaba te nai negeli somainu elama, tama agai te augwalide gasa ugwadu daganobo profet mone genuai dali sobaso da, teda agai te mone tolalubaso, usu me egobeo. Menio. Te mone te magi nai meni yai bidi dabe tau sabo bidigo nogoba pelama, tama te magi nai meni yai bidi dabe tau somainu ebo dao.

⁹ Te bidigo te Godigo bomai po tudiba mubaso da, teda Godigo agai gedu haluasa po wabo me odogob-

eo. Te Godigo te gedu haluasa po wabo te kukumini ebo nai subo tiwai yaibao.

¹⁰ Te bidigo te doloba pai kolesaga ebo bidi dabe geagano bilibo tiwai ebaso da, teda aga te dwai kolesagago te aga digi aga dolaibao. Tiali goli, te bidi te nai me delide magi şe isiawai bidi da, te aga wiegi yai nai dabe te Godigo nogode saibao.

¹¹ Te mone hauwa elalubo bidi dabego te homu yai, te augwaligo koneani kolesaga te hauwa elalubo homu yai. Tiali digi, te wiegi yai homu elalubo magi nai meni yai bidigo, agai te augwaligo kolesaga page mu konebo dao.

¹² Te doloba pai bidi dabe te bulu tş pedai tonalubo bidi pedalubo sogo, te tigidali bulu tşde bidibo bidi hani te bugai haliga elama, wiegi yai pemene mu yaibao. Tiali digi, te dwai bidi te tonalubo bidi pedalubaso da, teda te we bidi dabe augwalide game wi duala sabo dao.

¹³ Te bidigo aga dwai şe yali game dualabo homu ebo bidi da, teda aga bugagia me bidigobeo. Tiali goli, te bidigo aga dwai şe yali tigidali pusulama, tama te dwai şe dabe tudiba mubaso da, teda Godigo te olo mu tau sabo wiegi yai kolesagago aga bugagia tau saibao.

¹⁴ Te bidi Genuai Bidide wi eyu, aga dologode sesemane sogo bidibaso da, teda aga wiegi yai homu pemene yao. Tiali goli, te bidigo hagoma elama, tama Genuai Bidigo po sela şaşbaso da, te agaba dwai şe agaba gegagasaibao.

¹⁵ Te bulu tş kantri tonalubo bidi aga te dwai kolesaga ebo bidi, tama te bomu meni yai bidi dabe aiyaba elalubo bidi yai baso da, teda aga te laiongo bomonama te gaa weyu, te i wabo tiwai ebaso, tama te boma pai bea hasa me deli te nai gegeyu bilibo tiwai ebo dao.

¹⁶ Te bulu tş kantri tonalubo bidigo homu te wiegi yai me elalusiabo bidigo da, agai te bulude bidi hani bage te aiyaba agalama dolaibao. Tiali digi, te bulu tş kantri tonalubo bidigo te we bidi dabego nai anoma eyu, kekebo homu te hagela homu ebo bidigo da, teda aga te sesabi sogo elama, te aga bugagia bidaibao.

¹⁷ Bidigo te gasa bidi ela mubaso da, teda aga dwai dene mu saibao. Tama aga te bidibo me te bugagia me dugulalusiayu, te aga isibo sogoba usu naibao. Bidigo aga tau selamuo.

¹⁸ Te bidigo doloba pai kolesaga wali peyu da, te Godigo aga tonaluyu, aga bugagia bidaibao. Tiali goli, te bidigo dwai kolesaga yali da, te polo mu tama aga dolaibao.

¹⁹ Te bidigo gi şe ebaso da, te agai gide nai hauwa elaluaibao. Tiali goli, te bidigo te aga page elalusiabo haniani şe yali da, teda aga magi doado bage meni yai dwai mu bidaibao.

²⁰ Te bidigo doloba pai kolesaga wali pobaso da, teda te Godigo agaba wiegi yai şe mu yaibao. Tiali goli, te bidi aga polo mu tama te mone hauwa elalubo bidi pedelabo homu ebaso da, teda te Genuai Bidigo aga

odolali me pomainu egobeo. Menio. Te agaba te dwai dene mabo şe yaibao.

²¹ Te bidigo bidi me deli te po tude tau siyu, te gasa bidi aiyaba elalubo te dolo şe me ebeo. Tiali goli, te dwasianu homu bega sabo monego naga te bidi meba te dwai kolesaga ebo şeba kekebo dao.

²² Te aga doado bage yogo ela sabo bidigo, aga te mone hauwa elalubo bidi pedalubo şe bomo polo yaibao. Tiali goli, aga te magi nai meni yai dwai mu pedelabo te agai me konebeo.

²³ Nago te bidi me deligo kolesaga dodolobaso da, teda agai nagede wiegi yai pemene mu yaibao. Te kolesagago agabolo te homu bega sabo ili po wabo kolesaga te aiyaba mu elaluaibao.

²⁴ Te bidigo aga aya idago doado bage wi selama digi, tama te po weyu, "Eno te dwai kolesaga me ebeo," po obaso da, teda aga te doado bage dabe dolobo tobage bidi tiwai dao.

²⁵ Te bidigo homugo te doado bage hauwa sabo homu ebo bomu ebaso da, teda agai kolesagade te bidi hauwago te wado po omainu ilibao. Tiali goli, te Genuai Bidiba konealubo homu bomu eyu daş wabo bidi da, te aga bugagia bidiyu, tama doado bage hauwa elaluaibao.

²⁶ Te bidigo te homu eyu, te aga koneani kolesagago digi te aga tau selama, te tigidali şe ebo usu yaiba homu yali da, teda agade te wiegi yai homu kolesaga me elalubeo. Tiali goli, te bidigo te wiegi yai homu ebo kolesaga wali pobaso da, teda aga bugagia mu bidaibao.

²⁷ Te magi doado bage meni yai bidi dabe nai mabo bidi da, te agade te doado bage dabe te munu me şaş pogobeo. Tiali goli, te bidigo te magi doado bage dabe meni yai bidi dabe sulama, tama augwali tau sabo homu meni yai da, teda te bidi dabego te aga dwai bidi da po waibao.

²⁸ Te dwai kolesaga ebo bidi dabe te bulu kantri tş pedai tonalubo tobolu bidi te pedalubo sogo, te we bidi dabe augwalide geme duala saibao. Tiali goli, te bidi dabe isai madigi da, te doloba pai bidi dabego hani te genuai bidi pedelaibao.

29 Te bidi me deli augwaligo hauwa sogo dodolali, tiali goli te aga hagoma ebo şe te umabo ped-aludubaso da, teda polo tama mu te aga dolama, tama augwaligo aga tau sabo sunumi menia saibao.

² Te doloba pai bidi dabe te bomai hani pedalubo sogo, te tigidali we bidi wiegi yai homu pemene yaibao. Tiali goli, te dwai kolesaga ebo bidigo te gavman şe ebo polalubo bidi bidiyu, te tş tigidali tonaluali da, teda tigidali we bidi te haliga şeş mu eyu, tama dwai gela wabo dao.

³ Te wiegi yai homu kolesaga sainu homu ebo bidi, agai te aga aya wiegi yai homu pemene ilibao. Tiali goli, te penani we wali pabo bidi da, agai te aga mone tigidali besela şana silaibao.

⁴ Te gavman polalubo bidi kingo te doloba pai kolesagago te tigidali we bidi bidibo tş tonubaso da, teda te tş kantri bomu elaluaibao, tama te we bidi dabe

bugagia bidaibao. Tiali goli, te gavman bidi kingo te we bidigo mone sabo homu naga eyu da, teda agai te aga tonalubo tşde bidibo we bidi te aiyaba mu elaluyu, augwali dolaibao.

⁵ Te bidigo tibo homu bega sabo po obaso da, te tiwai agai te wa kekelama, te aga abagi tola somainogo ebo tiwai ebao.

⁶ Te dwai kolesaga ebo bidi da, te aga tola somainu te aga digi te wa me deli mubo tiwai ebao. Tiali goli, te doloba pai kolesaga ebo bidi dabe, augwa te wiegi yai pemene elama, tama te balia po dabe wabo dao.

⁷ Te doloba pai bidi dabego te magi nai meni ebo bidi dabe tau sabo homu ebo dao. Tiali goli, te dwai kolesaga ebo bidi dabe, augwaligo te kolesaga ebo hagela mu ebo dao.

⁸ Te hagoma ebo bidi dabego te taun bidi dabego te hale şeş ilama, tama augwade digi te dwai wado homu emainu yaibao. Tiali goli, te wiegi yai homu elalubo bidi dabe, augwaligo te bidi dabego wado homu ebo te isilama, tama te bidi dabe augwa haliga nagame ma igulubo dao.

⁹ Te wiegi yai homu elalubo bidigo te wiegi yai homu elaluşaşo bidi me deli te po tş ilibaso da, teda te wiegi yai homu elaluşaşo bidigo, agai te wado po me weyu, te posobo po naga waibao, tama te pedauwali me pania sogobeo.

¹⁰ Te gasa bidi ela mubo bidi, agai te doloba pai kolesaga ebo bidi dabe te wei homu mu me egobeo. Tiali goli, te doloba pai kolesaga ebo bidi dabego homugo da, te gasa doloba pai kolesaga ebo bidi dabe te bugagia bidimainu homu eyu, augwali seselalubo şe ebo dao.

¹¹ Te wiegi yai homu kolesaga meni yai bidigo te aga haliga şeş ebo te hanilama pedalumainu yaibao. Tiali goli, te wiegi yai homu elalubo bidigo da, te aga haligade şeş ebo te palia sabo dao.

¹² Te kantri tonalubo tobolu bidi aga te bidi dabego tibo po ola momainu eyu da, teda te dwai kolesaga naga ebo bidi dabe te aga şe ebo ofisa bidi naga bidaibao.

¹³ Genuai Bidigo te gedu tigidali we bidiba mawai, tama augwa tonobaso, usu yaibao. Agai te magi nai meni ebo bidi dabeba me mayu, tama me agai te magi nai meni ebo bidi dabe aiyaba elalubo bidi dabeba me mayu yalio.

¹⁴ Te kingo te magi nai meni ebo te bidi dabego po tş dolo dagalobaso da, teda te sesemane te king te aga hani sibide pedelama elaluaibao wali.

¹⁵ Te nago naga wai dodoliyu, te keloago elibaso da, teda aga wiegi yai homu sabo kolesaga koneaibao. Tiali goli, te waigo aga homu kolesaga digi te sesemane sogo wali pidubaso da, teda agai te aga ida hale emainu te ebao.

¹⁶ Te dwai kolesaga ebo bidi dabe, augwaligo te bulu tş kantri pedai tonalubo sogo, te dwai kolesaga mu ela pabo te i badu mu igi paibao. Tiali goli, te bidi dabe te sesabi sogo elama me bidigobeo, tama te doloba

pai kolesaga ebo bidi dabego te augwali dolobo sueibao.

¹⁷ Te nago naga ogwa dodolobaso da, te agai wiegi yai kolesaga ebaso, tama nago homu ngame igulama, tama nage wiegi yai homu pemene yaibao.

¹⁸ Te Genuai Bidigo po te we bidibolo masiawai menigi sogo da, teda augwaligo te haniani dwai kolesaga igi da. Tiali goli, te bidigo Godigo bomai po wali pali da, teda aga wiegi yai homu pemene eyu, bugagia bidaibao.

¹⁹ Te nago naga şe bidi dali te pogo naga po obaso da, teda nago te agai kolesaga me dodolobaso, usu me egobeo. Agai nago te po odali digi te tagalao, agai wali me pogobeo.

²⁰ Te bidi me deli aga te wiegi yai homu me elaluşıbo bidi yai baso da, teda dago aga tau selama, te aga wiegi yai kolesaga konea somainu homu yao. Tiali goli, te bidigo po homu kone palama, bugagia po wasiabo bidi yai baso da, teda dago aga tau sabo şe ebo dene mu yaibao.

²¹ Te nago naga şe bidiba te aga dwasianu elalubo sogo gagalasa, te doado bage madubadi geai baso da, teda nosali te aga nago ogwa mu tiwai pedelaibao.

²² Te haliga şeşę polo ebo bidigo te gasa bidi dabego te wado po omainu ilibao, tama aga digi te dwai şe hauwa ebo dao.

²³ Te bidigo hagoma homu eyu, tama aga digi aga nogi ugaba sobaso da, te augwaligo aga nogi aiyaba elaluaibao. Tiali goli, te bidi aga digi aga nogi aiyaba elalubo bidi da, te genuai nogi saibao.

²⁴ Te bidigo te nai wi sabo bidi tau sobaso da, teda agaba digi te boi bidi ebao. Te agai te augwali sigo ebo kolesaga hanilibaso da, te augwaligo aga po tu ilaibao. Tiali goli, te agai geme dualubaso da, teda Godigo aga dolaibao.

²⁵ Te aga gasa bidi dabede wi ebaso da, te wa me deli kekelama, tama aga digi te tubo te tiwai ebao. Tiali goli, te bidigo homu Genuai Bidiba bomu elama daş obaso da, te aga bugagia bidaibao.

²⁶ Te bidi hauwago te bulu tş kantri tonalubo tuni bidi dali te homu bega sabo po weyu, te agai augwali wei homu emainogo tebao. Tiali goli, Genuai Bidi agaduba deligo naga te dago po dolo dagaluyu, tama da tau sabo dao.

²⁷ Te doloba pai kolesaga ebo bidi dabego te dwai kolesaga ebo bidi dabe wei homu me egobeo. Tama te dwai kolesaga ebo bidi dabego te wiegi yai doloba pai kolesaga wali pabo bidi dabe wei homu mu me egobeo.

Gasa bidi dabego dwagi yai po

(Daj 30-31)

Agurgo po meba wali

30 Godigo te po Agurba mawai, te Jakego ogwabololo, agai te Itiel me Ukal te bulu side te şeşę yai po pusumainogo yai dao.

² Agurgo te tama po wali, "Ena te bidi tiwai isawai, magi baso meni, eno homu te bidigo homu tiwai me isawai. Eno homu kolesaga te mu dwai dao. ³ Eno te wiegi yai homu kolesaga me konea sabeo. God te tedali wiegi yai doloba pai mu dao, tiali goli eno aga me konebeo. ⁴ De te dagaluba ugwa holama, te tşba aiya ma dulaliwe? Tama dego te asobo wali te nogogo tola saliwe? Tama dego te pşde wę muani, te bidigo nai me deli te name ugwade munama, tama halubo tiwai yaliwe? Dego te tş habu ununani tigidali daş walama, tama megi tş elalubawe? Aga nogi, me aga ogwago nogi de dawe? Te nago koneba, agawe?"

⁵ "Godigo po te mu po naga dao. Te agai yaibao po wali şe tigidali, te mu pedelai. Tama agaba pabo bidi tigidali te agai bugagia obo elaluyu, te hwıbo sogo te ami bidi te sabelego bugagia tigi bea sabo tiwai ebo dao. ⁶ Naga po digi nago te po weyu, te po te Godigo po dao me wagio. Tiyu, agai nage wado iliyu, tama nosali tigidali we bidigo koneyu, nage te tibo po wabo bidi da po wabuo," wali.

⁷ "God, eno te nai si po nageba hanaluabo homu ebao, tama eno homugo nago enabolo momainu homu ebao, te ena tşde bidibo tigidali sogo ⁸ nago ena tau somainu eyu, tama eno te tobage tibo po wabo kolesaga dabe te tudiba munama, tama nago ena te mone hauwa elalubo bidi pedalumainu eyu, ma te magi nai meni ebo bidi tiwai pedalumainu eyu me egio. Menio. Nago te ena usu nama nai tama mobaso, te usu dao. ⁹ Tiyu, eno doado bage hauwa mu elalubaso, tama eno nage tudiba muyu, tama eno te po waidalio, 'Genuai Bidi de dawe?' Tama tiyu, ena te magi nai meni yai bidi pedaluyu, tama eno te nai dabe wi siyu, tama eno God nago nogi aiyaba elaluidalio," wali.

¹⁰ "Nage te şe tonalubo bosman bidiba pelama, tama agai şe ebo bidiba posobo po me wagi pelamuo. Tiyu, te şe bidigo nageba te dwai şe emainu i ola mabo po obaso da, tama te nage şeşę elaluabuo."

¹¹ "Te meba bidi dabego te po wabo dao, Godigo te augwa aya idabolo te dwai şe emainao wabo dao. ¹² Te meba bidi dabego te homu ebo dao, augwa te magi nai me delide te magi dwai şe me ebeo homu yali. Tiali goli, augwa şeşę te elalubadi, tama augwali te God gedude meda mu yai bidibao. ¹³ Te meba bidi dabego homugo augwali te wiegi yai mu da homu elama, tama gasa bidi dabe te olo bage te olo tiwai da homu ebo dao. ¹⁴ Te meba bidigo te magi nai meni yai bidi dabeba te dwai şe mu ilaibao. Te hwş bainat me ge

hwą me te augwa pedauwalide pağanalubo tiwai eyu, tama augwaligo te magi nai meni yai bidi dabe tula-
ma, tama tigidali silabo homu ebo dao.”

¹⁵ “Te bidi kaneme sabo dwasianu hasamani te bena-
go te wegi si elalubao. Augwa si nogi sabi si tobage
elalubao, te tiwai, Ena Mao.”

“Te nai selago te augwa sabo naide te usu dao po
munu me wagobeo. Awe, te nai me si me sigo te aug-
wa homu wei ebo, te siminabo me elalubao. Augwali e
dao: ¹⁶ Te isali bidi dabego gų page dao, me te bidigo
sali te wai ame nisiąwai we, me tama tųgo te wę sali,
tiali digi aga te wę hauwa mu sabo homu ebao, me te
siago te nai dabe dela siliyu, tiali digi te nai dabe te
agade usu meni yaibao.”

¹⁷ “Te aga aya idago po sela sąbo bidigo, tama te
posobo po augwali siba obaso da, teda aga te isibo so-
go te aga tigi me pubalugobeo. Teda te gedeli dabe,
me te genuai kemodage ba dabe aselama, aga gedu
gudulama, tama aga tigi mi tuaibao.”

¹⁸ “Te ena midigi sabo ilibo nai sela te elalubao. E,
sela naga meni, te gasagi yai nai mu me si me si te
eno augwali konesiąbo nai te elalubao.

¹⁹ Te ugwadu bola soabo kemodage bago kolesaga,
tama te mone masigi daide ugwadu soabo hasamani-
go kolesaga me, tama te genuai tamu ađdu bilibo sip-
go kolesaga me, tama te bidigo we wei homu ebo
kolesaga me, te tama te eno augwali konesiąbo nai
me si me si elalubao,” wali.

²⁰ “Te wego te we sabo togobo penani ebo kolesaga
te tiwai. Aga nai tulama, tama pedauwali tedelama,
tama nosali agai te po wai, ‘Eno te magi dwai sę me
ebeo,’ wabo dao.”

²¹ “Te kolesaga sela, woo, te me si me si te tųde
pedelama elalubao. Te kolesaga dabe te dwai mu ela-
ma, tama te tų aga digi te kolesaga dabe wei isiąbo
homu elama, tama te didibili umabo mu ebao. ²² Te
kolesaga dabe te tama telalubao. Te olo sę bidigo aga
te king pedalubo sogo ebo kolesaga me, tama te ho-
mu kolesaga menisąwai bidigo te aga nai hauwa tubo
sogo ebo kolesaga me, ²³ tama te bidi me deligo te we
bidi dabego wei menisąwai we siyu, te we aga dali
bidibo kolesaga ebo, tama te sę ebo wego te aga
tonaluali wego sę yali pesage hasegelama sabo sogo
ebo kolesaga, te tama telalubao.”

²⁴ “Te e tųde te tobage hasa me si me si tama
dwasianu hasamani me elalubao, tiali goli augwa te
homu kolesaga te wiegi yai mu elalubo dao. Augwali e
dao.

²⁵ Te sagado dabego bomomo me elalubeo, tiali goli
augwa te nai sųą pabo sogo tuabo nai te sabobo dao.

²⁶ Te gesia dabe te masigi gabalode bidibao, augwali-
go me te bomomo meni yai, tiali goli augwa te genuai
masigi dabe tomode te bidabo be nigilama bidibao.

²⁷ Te kuli mano dabe augwa tobolu bidi king te meni-
badi goli, tiali te augwa lain bugagia wasilama bilibo
dao.

²⁸ Te dwasianu yalawai yoganu dabe, dago nogogo
sabo usu goli, tiali digi augwa te kingo genuai bede
bidibo dao.”

²⁹ “Te gasa boma pai mu bilibo nai te sela, ma me si
me si elalubao. Augwali e dao. ³⁰ Te laion dabe te bo-
ma pai mu elaluyu, te gasa hasa sibi aiyaba elalubo
dao. Te augwali bilibo sogo, augwali te magi nai me
delide wi me eyu me egobeo. ³¹ Me te omai ba kakaruk
dabego te tobolu ugwaba dodolama bilibo dao, tama
te omai kibu meme dabe me tama tibo dao. Me te
kingo te aga bomomo mu eyu ebo sogo te boi bidi
dabego agai aiyaba elaluainu ebaso, usu me egobeo.”

³² “Te nago dobo sę ebo kolesaga eyu, tama nago
hagoma eyu, naga digi nogi ugwaba siyu, ma nago
dwai kolesaga yabo homu ebaso da, teda nago
pedauwali pania selama, tama te kolesaga tagalao.
³³ Te nago bulmakaugo ame tola selama, tama nago
pepegane da, teda te ame pę bata pedelaibao. Tama
te tiwai me nago te bidi me deligo guniba elibaso da,
teda te kaneme pedelaibao. Te tama tiwai naga, te na-
go te bidi dabe wado po omainu ilibaso da, teda te
hwįbo dao,” wali.

31 Godigo te sęę yai po te king Lemuel aga id-
abolo olama, tama agai te po te kingba pusali.
² “Eno ogwao, ena digi nage ame nani, tama eno nage
wei homu mu ebao. Eno Godiba hanalubaso, tama
nage enaba mawai dao. ³ Nago te we dabede gagali
me isiąyu, tama nago bomomo tigidali me tagalabuo. Ma-
gi baso meni, augwaligo te king dabe me dolomainu
ebo dao. ⁴ Lemuel, te king dabego te wain wę tula-
muo. Ma, augwaligo te bomai ađ bia tuabo homu
bomonama ebaso da, te dwai mu dao. ⁵ Tiyu, augwali-
go te wę tubaso, tama augwa te bomai po dabe, me
tama augwaligo te doloba pai kolesaga te magi nai
meni yai bidibolo ebo, te kolesaga dali homu kone tua
peyu, tagalabuo. ⁶ Te bomai ađ me wain ađ te isabo ho-
mu ebo bidigo dabego tubo ađ, ma te genuai sęęę
elalubo bidigo tubo ađ dabe dao. ⁷ Te augwa tuabo ho-
mu wei ebaso da, augwa te tumainu eyu, tama augwa
te magi nai meni yai bidabo te homu kone me isiąyu,
tama augwa te genuai sęęę elalumainogo eyu, te
tama tebo dao.”

⁸ “Te bidi dabego augwa sęęę po pusisąbo bidi dabe
te nago augwali tonaluyu, tama nago te augwali tau
sabo po weyu yao. Tama nago te magi nai meni ebo
bidi dabede te po tų ebo tau sabo po weyu, te doloba
pai kolesaga ebo sę bomomo yao. ⁹ Tama naga digi te po
tų odobo sogo, nago te doloba pai kolesaga eyu yao.
Tama nago te magi nai meni yai te hobedagia bidibo
bidi dabe tau sao,” te po wali.

Te wiegi yai we mugo ebo kolesaga po

¹⁰ Te bidigo te wiegi yai kolesaga mu ebo we sabo
homu ebo da, agawe? Teda aga gegebo sę dene mu
yaibao. Te tobage tiwai wego te tobage te gasa sawi
yai masigi dabe te aiyaba elalubo tiwai ebo dao.

¹¹ Te tobage we aga bidigo te wego wiegi yai kole-
saga sesemane sogo wali pabo te bugagia koneaibao,

agai tede homu si ebo menio. Tama wego aga tau siyu, te aga doado bage hauwa elalubo dao.

¹² Te wego te wiegi yai kolesaga naga aga bidiba sesemane sogo ebo dao.

¹³ Te agai te sipsip nisi dali, gasagi yai nisi dali siyu, tego haniani hobi nigilama, tama agai te tobage hani-ani ugwa hobolobo şe eyu, te aga wiegi yai homu pemene ebo da.

¹⁴ Te aga wai dali, aga bidi dali, augwa te tobage nai hauwa elalubao, magi baso meni, aga te nai sigi peyu, te digibulu mu peyu ebo dao, te genuai sip dabego ebo tiwai gilama tama tibo dao.

¹⁵ Te wiegi yai wego da, te be posisaşadi digi hodalu-ama, tama aga wai me bidi te nai ulama, tama aga tau şe ebo we dabe şeba dobabo dao.

¹⁶ Te bomai wego da, te agai abelainu ebo tş te hasia bolo bugagia osola selama da, tama nosali aga bisnis yali şede te mone selama, tama te gesi ni wain wai abelama bulaibao.

¹⁷ Te deli sogo aga hagela me ebeo. Aga te bomai we me ebaso, tama aga bomo deliba sisina siyu, tama te şe yaibao.

¹⁸ Te aga lam sole habude te wel aşı paşanaluyu, te ula edubao, tama aga şe ela pidubadi te be huli tomba mu igi peyu, te aga dobu si ebo bisnis şe ebo te bugagia ebo subo sogo tiaibao.

¹⁹ Te tobage tiwai wego te aga digi te hobi dabe nigilama, tama te ugwa dabe hobolobo dao.

²⁰ Te agai suali, te bidi dabe te doado bage menia siyu ebo sogo, agai augwaliba te doado bage mabo dao. Awe, agai te nai şaş pai bage tau sabo dao.

²¹ Te talua ge tulubage tulubadi digi, agai te aga wai puluba me bidide te homu si me isişma te şe yaibao, magi baso meni, agai te augwaligo ugwa dabe te wiegi yai name ugwago nigibo dao.

²² Tama aga digi te aga bede selama piabo blanket dabe me nigaibao. Tama agai te wiegi yai tedela yai

name ugwa, me te mama yai name ugwa wiegi yai me selama, tama aga gudubo ugwa dabe nigaibao.

²³ Te bulude bidalubo polalubo bidi dabego te genuai nogi agai bidiba mawai. Tama aga bidi te polalubo bidi dabe bidalubo digi te aga me te polalubo bidi bidibo dao.

²⁴ Hauwa sogo te wego te wiegi yai ugwa dabe me, te kukulu dabe me nigiyu ebo dao, tama te bisnis bidi dabe aselama, abelagasu ebo dao.

²⁵ Te aga şe eyu, mone sabo te genuai nogi te aga ugwago şe tiwai elaluyu, tama aga bomo elaluali. Agai te agaba nosali pedelabo şede te homu si me isişwaibao.

²⁶ Agai te we bidi ola mayu, agai po dua digi naga wabo dao. Tama agai tigidali po wabode te wiegi yai homu me kolesaga pedaluyu yai.

²⁷ Te aga bede doado bage dali, şe ebo dali si tonalubo sogo, aga hagela me egobeo. Menio. Agai şe bomu eyu, tama wiegi yai şe ebo dao.

²⁸ Te wego wai dabego te we bidi dabego gesabidide augwa idago ebo kolesagade dwagi yai po wabo dao. Tama aga bidigo me aga nogi ugwaba mu siyu, tama po wali, ²⁹ "Te da bidibo bulude te wiegi yai kolesaga mu ebo we elalubadi, tiali goli nago augwali aiyaba elaluama, te nage uganu mu ela holalio." Aga bidigo te po wai.

³⁰ Te we me deligo dabolu te pusu yai po waibao, tiali goli agai kolesaga te gasagi yai tedali elalui. Te gasa sawi yai we mu subo, aga sesemane sogo te tiwai me bidigobeo. Tiali goli, Genuai Bidide wi eyu, aga dologode bidibo wego nogi te dago ugaba sabo usu yaibao.

³¹ Dago te wego ebo wiegi yai kolesaga, me te agai ebo wiegi yai şe ebo, tede te dago homugo koneama, tama agaba genuai nogi mao. Te tigidali we bidi te sisinibo pesageba aselama, tama aga nogi uganu sao.

Kolesaga Koneai Bidigo Pusali Po Elalubo

Buku

Hasia Nedebo Po

Te e bukude, kolesaga konea pai bidi me deligo, ma po ola mabo bidigo homu kolesagade po pusali. Te kolesaga mu konea pai bidi agai te nai hauwade homu konea pabo bidi, tama te we bidi dabe augwali bilibo page me, bidabo ula page me, tigidali badu bugagia osola subo bidi dao. Agai suali, te nai hauwago te aga haliga sege ilibo suali. Agai suali, te we bidi dabe augwaligo bidabo ula te pewadage elalu, te wiegi yai elalubo homu me ebeo. Te se hauwa te bidi dabego ebo se de te wiegi yai nai tede me pedalubeo. Tibaso, te bidigo te tiwai po pusali, te da we bidigo bidibo ula te page meni yai elalubao.

God aga te dago bidibo ulago Aya da, tiali goli da we bidigo te Godigo kolesaga page mu bugagia koneabo usu ebeo. Te tobage sege yai pogo te po odabo mu hagela ilali, tiali goli te kolesaga koneani bidigo te dago hagela naga igimio po wali. Te dago konesiabadi digi, tagalao, te dago se dene eyu, te pewadage sogo pemene homu elama bidinao, te Godigo da deli delibolo te e tede bidabo bodolu mawai dao.

Bidi hauwago te tobage po te buku me delide te tobage po te Buk Baibel tomode elalubaso, te augwa sulama, midigi mu sabo dao. Tialima, te nai me deli te bukude dabolo ola mani, e tiwai elalubao. Bidi me deli te haniani haliga segego aga dolobo bidi bidali, te tiwai aga me te Godigo we wai bidi hani tomode bidibao. Te e buku tego te bidi hauwa mu tau sabo se yai dao, magi baso meni, augwaduba digi te haliga sege dali bidiyu, te homu hauwa idubao, te po tiwai si te kolesaga koneani bidigo te e bukude aseani elalubao. Augwaligo te buku nedebo sogo, augwaligo koneama, te augwaduba me bidibe da homu yali. Te tama tebogo augwali tau siyu, te Godigo daw wali wiegi yai po te Baibelde te gasa badu elalubo pode te augwaligo homu kone me palobo se eyu bidibo dao.

Tigidali nai te olo nai mu tiwai dao

1 Te kolesaga mu konea pai bidi me deligo po pusali.

Te kolesaga koneani bidi te Devitgo ogwa da, tama polobadu aga Jerusalemde king bidi bidai dao.

² Te kolesaga mu konea pali bidigo te tama po walio, tigidali nai te olo nai tiwai mu elalu, te nai dabego aga page mu me elalubeo.

³ Dago se dene mu te kibu be hauwade ebao.

Tialima, dago mena wiegi yai nai dabe te se dene yalide sabo daw?

⁴ Te we bidi dabe augwali isibaso, te gesi we bidi hani ma pedelama, te augwali bidali pesage ma hasegelibao.

Tiali digi te t da, me hasegelibeo. Sesemane sogo aga elalubo tiwai naga me tama elalubo dao.

⁵ Tigidali sogo giliga nanudu gebao, tigidali sogo aga iba dega siguludubao, tama ma geasa pelama, te gasa sogo bubugade ma nanabo sisi elalubao. Sesemane sogo te giliga ge aga tama naga tidubadi, aga homu he mu wabo dao.

⁶ Wali te not badu hogodama, te saut badu pedaiba solama, te ma begelama, te not badu soabo da.

Te tama kolesaga eyu, te wali sesemane sogo bagula bilibo dao.

⁷ Te tigidali asobo aji te tamu aji udula pobao, tiali goli te tamu aji me pagabeo.

Nosali, te aji dabe te asaliba ma begasa holaibao, tama ma dulubo dao.

⁸ Dago e tede tigidali naide homu kone paludu, te dago augwalide hagela mu ebo da.

Dago te hagela ebo po hanilama pusubaso, usu me egoebo.

Dago te tobage nai dabe sulama,
te tobage po dabe odobadi yali,
tiali goli te tebo sego da haliga pemene ilama,
mu usu nabo me ebo menio.

⁹ Te polobadu pedelali nai dabe da,
te nosali ma pedalubo da.
Te bidi dabe augwaligo te polobadu yali se dabe,
te se dabe gasa bidi dabego ma yaibao.
Te e tode gesi se me elalube dao.

¹⁰ Te me sogo te bidi dabego te tama po obao,
"Te e da, te gesi noma nai me deli da," po wali.
Tiali goli, te menio.
Polobadu mu digi te nai me elaluali,
te da e tode ame nenama bidisabadi
te nai elaluai dao.
¹¹ Te bidi me deligo te polobadu bidali bidi hani,
te waj nq dabe augwalide
te homu ma kone palobo menio.
Tama da tudi badu pedelabo bage,
te nosali badu mu pedalubo bidi dabe
augwaligo te bagede homu kone me palogobe da.

Genuai kolesaga koneani te olo nai tiwai da

¹² Ena te kolesaga koneai bidi, ena te Israel dabego
king bidu, te ena Jerusalemde bidai dao. ¹³ Eno te e
tode pedelali nai tigidalide homu kolesaga koneabo
homu mu yali, tama eno te page hania mu bugagia
dagala sigi da homu kone palali. Tiali goli, te se Godi-
go dabolo mani te genuai sege mu elalubo dao. ¹⁴ Eno
te tode pedalubo nai tigidali sula silali, te mu tama, te
nai dabego page mu me elalusiawai, te bidi me deli
udayu, te wali nogogo tola sainu ebo tiwai ebo dao.

¹⁵ Te gagea pali nai dabe,
te dago dodolainu ebo usu egobeo.
Te elalusiawani nai dabe, te dago me nedegobeo.

¹⁶ Eno te tama homu yali, eno te genuai homu kole-
saga mu koneani, tama te polobadu Jerusalemde king
bidali bidi dabego koneani homu kolesaga tigidali
aiyaba elaluali. Eno wiegi yai homu kolesaga mu
koneai dao. ¹⁷ Eno te wiegi yai homu kolesaga hani-
labo se bomo yali, te kolesaga umuna pabo tobage se
page me gegabo se bomo yalio. Tiali goli, ena odolali
se dene yali, te bidi me deligo te wali tola sainu pobe-
bo tiwai yalio.

¹⁸ Mu tama, te homu kolesaga hauwa koneani bidi-
go,
te aga homu kone kolesaga konebo
te genuai uga uga ela holobo sogo,
te agai haliga sege genuai mu pedalubo dao.

Te pemene ebo tobage kolesaga dabe te olo nai tiwai elalubao

² Eno te tobage pemene homu yabo kolesaga usu
sabo homu yali. Tama ena godolo homu simina
ela silaibao homu yali. Tiali goli, te tama kolesaga me
page meni yai dao. ² Eno gegelama, te tiwai koneani,
te gisugu wabo kolesaga te dobo kolesaga da homu
yali. Te homu pemene ebo kolesagago te da dwasianu
tau sabo usu meni yaibao. ³ Eno te wiegi yai homu
kolesaga page gegelama, suainu ebo se yali, eno te
wain aj tubo kolesaga usu siyu, te tobage pemene ho-
mu ebo kolesaga dabe yali. Eno te gegelama koneainu
yali, te mena se mu te we bidi augwali te dwasianu
pewadage sogo e tode wiegi yai bidabo te koneainogo
yai dao.

⁴ Eno te genuai se hauwa yali. Eno ena be te genuai
genuai be dabe senama, tama eno te wain gi dabe bu-
lali. ⁵ Eno te gide bulali nai dabe me, tama te gide te
tobage du walobo wiegi yai ni du dabe elaluai dao.
⁶ Eno te dwasianu sigi aj ge dabe nigilama, te ni du gi
dabeba aj sagaduabo nidigili palio. ⁷ Eno se olo yabo
se bidi, me se olo yabo we me hauwa abelali. Tama te
olo se ebo bidigo wai dabe, me te olo se ebo wego wai
dabe te eno se olo yabo we bidi pedelali. Te eno bul-
makau me sipsip hani hauwa mu elaluali. Te
Jerusalemde polobadu bidali bidi dabego te bulmakau
me sipsip eno elalubo nai tiwai me elalubeo. ⁸ Eno te
silva me gol hauwa elaluali, me te eno tonalubo to
kantri pedai king dabego me augwa wiegi yai dila pai
nai dabe enaba mayu yali. Eno te we bidi meba sisina-
ma, te augwaligo enaba wiegi yai homu pemene ilabo
teqabi po omainu yali. Te eno te me badu hani we
hauwa selama, te ena homu pemene mu ilibo se yai
dao. ⁹

⁹ Eno te tama nai dabe doado bage saligo te ena
genuai bidi mu pedelali. Te Jerusalemde polobadu
bidali bidi dabego nai te eno megi elalubo nai tiwai me
elalubeo. Tama te sogo ena te homu kolesaga mu
konea pai bidi me bidai dao. ¹⁰ Te eno homugo
godolo yali naide homu dwasianu me gea sabeo. Mu
menio. Te eno homude nai me deli godolo ebo sogo
da, teda te nai eno siyu naga yali. Te eno ena ebo se
tigidalide wiegi yai homu pemene mu eyu, te pemene
yali te sego mone sabo tiwai yali dao. ¹¹ Tialima, nosali
ena te se dene elama sali nai dabeba homu kone pala-
ma, eno te tiwai koneanio, te tigidali nai te olo nai ti-
wai da, te homu eyu, te nai dabego ena dwasianu tau
sogobe da homu yalio. Te bidi udulama, te soabo wali
nogogo tola sainu ebo olo se tiwai ebo dao. ¹² Eno te
se dabe ela silama da, teda te gasa bidigo ena hasege-
lama, te king pedalubo sogo da, teda agai mena to-
bage gasa se yaibawe? Mu menio.

† 1:16 1 Kin 4:29-31

†† 2:7 1 Kin 4:23 ‡ 2:8 1 Kin 10:10, 14-22, 23-27; 2 Sto 9:22-27
‡† 2:9 1 Sto 29:25

Wiegi yai homu kolesaga te olo nai tiwai dao

Tama te nosali pedalubo sę page dago kuna kone-siębaso, eno te wiegi yai homu kolesaga ebo page me, te wabo pabo bidigo ebo kolesaga page me homu kone palobo sę eyu yai dao. ¹³ Eno homu kone palama, te tiwai tama koneani, te wiegi yai homu kolesaga te dwai wabo pabo bidigo ebo kolesaga aiyaba mu elaluma, te be posobo ula ebogo te be hulua sabo aiyaba elalubo tiwai ebo dao. ¹⁴ Te homu kolesaga mu konea pai bidi dabego te augwa wali pabo sunumi bugagia sueibao, tiali goli te wabo pabo homu kolesaga tiwai ebo bidi dabe te hulide bilibo tiwai yaibao. Te mu da wali, tiali goli eno gasa nai me koneanio. E tiwai da. Te homu kolesaga konea pai bidi silagasobo gilama tiwai, te wabo pabo homu kolesaga ebo bidi me te tiwai gilama silagasu ebo dao. ¹⁵ Eno te tiwai homu ebao, te wabo pabo homu kolesaga tiwai elalubo bidi dabeba pedelainu ebo nai tiwai, te enaba me pedelaibao homu yali. Tialima, eno te koneani homu kolesagago te ena magi elama tau sogowe? Te eno homu kone ma palobo te tiwai ebao, te koneani homu kolesaga elalubo bidi me te olo nai tiwai da te homu ebo dao. ¹⁶ Magi baso meni. Te nosali sogo, te we bidi augwaligo da homu kone ebo mu gegeda palaibao. Te da wabo pabo homu kolesaga elalubo bidi, ma te homu kolesaga mu konea pali bidi me tagalao, te augwaligo homu kone palobo sę munu ma egobeo Te isibo sogo, te homu kolesaga konea pali bidigo te wabo pabo homu kolesaga tiwai bidi aiyaba me elalugobeo. Menio. Da tigidali isaibao. ¹⁷ Tialima, te ena bidabo ula te eno hagela ilibao, magi baso meni, te tęde pedalubo nai tigidaligo ena genuai sęę mobao. Te nai dabego page me elalubo meni. Te bidi uduyu, te asobo wali nogogo tola sainu ebo tiwai ebo dao.

Sę dene ebogo page me elalubeo

¹⁸ Eno koneanio, eno te sę dene elama pedelali nai dabe taga paibao, te ena bidali sę hasegelama sabo bidigo saibao. Tibaso, eno te nai dabede hagela homu ebo dao. ¹⁹ Tama ena te bidali pesage hasegelibo bidi da, eno konebeo, aga te homu kolesaga mu ula tega pai bidi mu, ma te wabo pabo homu kolesaga elalubo bidi tiwai yaliwe? Konebeo. Tialima, agai eno te wiegi yai konea pali homu kolesagade sę dene elama pedelali nai tigidali tonalueibao. Te tama kolesaga me aga page meni yai elalubao. ²⁰ Tialima, eno ena te sę dene yali dabede homu kone palu, te ena dwai haliga mu yai dao. ²¹ Eno te tiwai homu ebao, te bidi mebago te sę bugagia yabo skul olama, te wiegi yai homu kolesaga koneani elalu, te augwa sę dene elama, te nai hauwa sali. Tama nosali augwali isibasoo, te gasa bidi dabego te nai dabe olo saibao. Te kolesaga dwai mu ebao, tama te page meni yai mu elalubao. ²² Da e tęde bidiyu, sesemane sogo dago sę dene eyu, te nai dabede homu hauwa dogia paibao, tiali goli tego magi nai mu dabolo wei ponaibawe? ²³ Da e tęde bidibo sogo,

tigidali naigo da homu kone tų palama, mone homu sęę hauwa ilaibao. Te hulide dago homu kone palubo sę hauwa dogia pidubadi, te dago toma me tusięwaibao. Te tebo kolesaga me page meni yai elalubao. †

²⁴ Dago nai me aį me tuyu, te dago yali sęde wiegi yai homu pemene eyu bidibasoo da, teda usu dao. Po meni. Te sę da bidigo naga me ebeo. Menio. God agade digi te page elalubao. ††²⁵ Magi baso meni. Te Godigo dabolo te nai tuyu, pemene homu yao wagi menigi sogo da, mena tama dago te tama kolesaga igi dawee? ²⁶ Te we bidi mebago te Godigo homu wali pobaso, tama agai augwali dali dwagi yai homu ebo dao. Agai augwaliba te wiegi yai homu kolesaga menama, te augwali pemene ilibo dao. Tiali goli, te tobage kolesaga isęwai bage, te dwai sę ebo bage yaibaso da, teda agai augwaliba te sę dene menama, te sali nai hauwa te sisinama, te Godigo dwagi yai homu ilibo we bidi augwaliba momainu ebo dao. Te sę dene eyu, doado bage hauwa sabo kolesaga me te page meni yai elalubao, te bidi uduyu, te wali nogogo tola sainu ebo tiwai ebo dao. ‡

Godigo te tigidali sę yabo sogo bodolu muai dao

3 Tigidali nai e tęde pedelama elalubo, te aga bodolu muani sogode digi pedalu ebo dao. Awe, te tigidali haniani sę deli deli te dolo si kadu walio.

² Godigo bidi da e tęde ame nabo sogo bodolu dą muani, te isabo sogo bodolu me muanio.

Agai te nai wai bulabo sogo bodolu dą ilibadi, te nai gudabo sogo me bodolu muai dao.

³ Agai te bidi ela muabo sogo bodolu mubadi, agai gasi ebo bidi ma usu ilabo sogo bodolu mubadi yali.

Agai te nai dabe hųgiabo sogo bodolu muyu, te nai dabe nigabo sogo bodolu muyu yai dao.

⁴ Agai te gela wabo sogo muyu, te gisugu wabo sogo bodolu muyu yali.

Agai te hobede yabo sogo muyu, te tębi po wabo sogo muyu yalio.

⁵ Agai te dago te masigi dabe sela sębo sogo bodolu muyu, me te masigi dabe dago deliba sisinabo sogo bodolu muyu yai dao.

Agai te bidigo aga we dali pagela piabo sogo bodolu muyu, te we dali pagela pisębo sogo bodolu muyu yai dao.

⁶ Agai te nai hagawai gegabo sogo bodolu muyu, te hagawai nai tagalabo sogo bodolu muyu yali.

Agai te nai doado bage bugagia muabo sogo bodolu mubadi, te nai dabe sela sębo sogo bodolu muai dao.

⁷ Agai te ugwa pisę yabo sogo bodolu muyu, te hobolabo sogo muyu yali.

† 2:23 Jop 5:7; 14:1 †† 2:24 KB 3:13; 5:18; 9:7; Ais 56:12; Luk 12:19; 1 Ko 15:32 ‡ 2:26 Jop 32:8; Prs 2:6

Agai te bidi dago pedauwali panibo sogo muyu,
te po wabo sogo mubadi yai dao.

⁸ Agai te bidi dago gasa bidi
godolo mu yabo sogo bodolu muyu,
te bidi dago gasa bidi hasi godolo menisaḅo sogo
bodolu muyu yali.

Agai te hwiḅo sogo muyu,
te bugagia bidabo boi pibo sogo bodolu muyu yalio.

⁹ Te seḅ ebo bidi dabe, augwaligo te mena wiegi yai
nai dabe augwa te ebo seḅe sabo dawe? ¹⁰ Te tobage
seḅḅ tigidali Godigo dabolo mubo eno mu konea
palio. ¹¹ Godigo digi te tigidali nai pedelabo sogo
bodolu muani, tama augwali te wiegi yai sogo bodolu
muanide mu pedelaibao. Tama me agai dago homu
hodolama, tama dago te polobadu pedelali nai dabe
konemai da homu eyu, tama te nosali pedelabo nai
me konemainu homu eyu tama tiali. Tiali goli, Godigo
aga polobadu digi ela pali seḅ tigidali te nosaliba mu
usu nama, te dago mu konemainu ebo seḅ ebo. ¹² Eno
te naide homu kone palama, tama eno koneani, te
uganu ela holobo kolesaga me deli elalubao. Te kole-
saga e tiwai dao. Dago wiegi yai pemene eyu, te wiegi
yai kolesaga da e tḅde bidadubadi ebaso, te usu
yaibao. ¹³ Tama me, dago nai me aḅ me tuyu, te dago
ebo seḅ tigidalide wiegi yai homu pemene emainao. Te
Godigo dabolo te tobage wiegi yai homu pemene ilibo
seḅ dabolo mabo dao. ¹⁴ Eno koneanio, te Godigo kole-
saga me hasegeligobeo. Menio. Te sesemane sogo
elalua pidu, elalua paibao. Niwai bidi me deligo kole-
saga te Godigo kolesaga dabeba wadolobaso, usu me
egobeo. Te niwai bidi me deligo te Godigo kolesaga
me hḅḅḅ sayu, sela saḅobeo. Godigo te tiwai seḅ yali,
te we bidi dabe augwali agade wi eyu, aga dologode
naga bidimainu yai dao.

¹⁵ Te megī pedalubo nai tigidali,
augwali te polobadu pedelalio.
Te nosali pedelabo nai tigidali,
augwali me polobadu pedalali.
Godigo te polobadu pedelali nai tigidali
te me tama elalua pomainogo iligobeo. Menio.
Agai te nai dabe ma holomainu ilibo seḅ ma ebo dao.

Te we bidi augwaligo kolesaga dolo me ebo

¹⁶ Eno te tḅde gasa kolesaga me elalubo suali. Te
wiegi yai doloba pai kolesaga wali pabo seḅ elalubo bidi
dabe, augwaligo te kolesaga wali ma pabo meni. Me-
nio. Augwaligo dwai kolesaga mu wali pabo dao.

¹⁷ Eno tede te tama homu yalio,
te Godigo we bidi dabe augwali po tḅ ilibo sogo,
agai te doloba pai kolesaga tigidali yali bidi dabe,
me dwai kolesaga yali bidi dabe
dagalobo sogo dḅḅ ilali elalubao.
Magi baso meni, te tigidali seḅ yabo si te elalubao,
te tigidali yali kolesaga
ma dodolobo sogo me elalubao.

¹⁸ Tama me eno te tama homu yali, te da bidi dabe
da, Godigo da usu siyu, dabolo te tiwai ola mobao, da
bidi dabe te kibu hasa dabe tobage tiwai si naga
elalubao. ¹⁹ Magi baso meni, da bidi silibo te hasa
dabe tiwai si ebao. Te hasa dabe isaibao, te da bidi me
isaibao. Bidi me, hasa me, te mobo kekebo da, te tama
tebo te si dali sigo bidibo ula elalubao. Tibaso, te bidi-
go bidibo ulago te hasago bidibo ula aiyaba me elalu-
gobeo. Menio. Augwali sigo bidibo ula te olo nai tiwai
si tiwai dao. ²⁰ Godigo tḅ selama, augwali si nigali, tiali-
ma augwali si isibo si da, te augwali si tḅ tiwai ma
pedelaibao. ²¹ Bidi mebago homugo te bidigo noma
mobo te ugwaba holobo homu, te hasa dabego mobo
noma te tḅba aiyaba dulubao homu ebao. Tialima,
dego mu te seḅ page koneabo usu yaibawe? ²² Tama
tibasao, eno te tama seḅe homu kone palama, eno
koneani, te kolesaga me deligo uganu igulai mu
elalubao. Te kolesaga e tiwai elalubao. Te da isibo si, te
nosali e tḅde pedalubo seḅ te dago konegobeo. Tama
tibasao, dago megī ebo seḅ tigidalide wiegi yai homu
pemene inao. Magi baso meni, Godigo dago te seḅ
emainu bodolu muai dao.

4 Te tobage dolo isaḅwai kolesagade eno homu
kone ma palali, te tḅde we bidi augwaligo ebo
kolesaga da.

Te dwai seḅ ebo bidi dabego te we bidi
hauwa aiyaba elalubaso,
tama te we bidi augwali dwai mu gela wali.
Tiali goli, augwali tau sabo bidi meni yai.
Magi baso meni, te dwai seḅ ebo bidi dabego
bomo hauwa elalubao.

² Eno te tama homu yali,
te isali bidi dabe augwali da, te usu mu yalio.
Magi baso meni, augwali da, te seḅḅ meni ebao,
te da tḅde bidibo bidi dabego
seḅḅ sabo tiwai me ebo meni.

³ Tialima, e tḅde ame nisiḅwani we bidi hani dabe,
augwali ugwanu ela holama, te isali bage dali,
te megī bidibo bage dali si aiyaba
elalubo dao. Magi baso meni,
augwaligo te bidi dabego dwai
kolesaga e tḅde ebo munu me subeo.

⁴ Tama me eno gasa kolesaga sualio. Te bidi dabe
augwali seḅ dene mu elama, te tobage wiegi yai nai
dabe nigibao. Tialima, te page e tiwai elalubao. Aug-
waligo homude te augwa abagi dabego genuai nogi
elalu, te nai hauwa elaluba homu yali. Tama tibaso,
augwaligo me te seḅ dene hauwa eyu, te abagi dabe
augwali genuai nogi elalubo tiwai augwali me bidabo
homu yali. Te wabo pabo homu kolesaga tiwai mu
ebao, te bidigo wali nogogo tola sainu udabo tiwai gil-
ama ebo dao. ⁵ Te bidi dabe augwaligo te tiwai po
obao,

Te bidi olo dugulalu, seḅ isaḅo bidi da,
aga te wabo pabo bidi tiwai ebao.

Te agai bomo sia siyu, te aga isaibao.
⁶ Tialima, eno tama homu ebao,
 ma, bidigo dwasianu nai elaluyu,
 tama aga haliga nagamea pai eyu bidibaso da,
 teda te bidi bugagia bidibao.
 Tiali goli, te doado bage hauwa elalubo bidi,
 aga tede moni homu eyu,
 aga sę sesemane sogo bomonama
 ebo bidi da, aga dwai bidibao.
 Agai te wali nogogo tola sainu
 ebo tiwai ebo dao. Te dwalio.

⁷ Eno te gasa page meni yai kolesaga me suali. Te kolesaga e tama tiwai elalubao.

⁸ Te yęya pai bidi deli bidali.
 Aga wai me, aga ama me meni yai,
 tiali goli, sesemane sogo agai sę
 naga ela pidubadi geani,
 te aga dwasianu toma me nabeo.
 Agai doado bage hauwa elaluali,
 tialima te nai dabe aga usu meni homu yali.
 Agai te tiwai homu ebeo,
 "Magi baso ena odolali sę dene eyu,
 te eno pemene meni ebawe?" te homu ebeo.
 Te tobage bidigo kolesaga te hobedagia mu elalu,
 te aga page meni yai elalubao.
⁹ Te bidi agaduba deli bidibaso, te wiegi yai me ebeo.
 Te bidi si bidibaso, te wiegi yai da.
 Te bidi si kisasa sę ebaso da,
 teda augwali sigo sę te wiegi yai mu pedelaibao.

¹⁰ Ma, te bidi me deli te tulalubaso da,
 teda gasa mego aga ugwaba
 ma sagolobaso, usu yaibao.
 Tialima, te bidi agaduba deli bidali bidi
 te tulalubaso, te hobede mu ebao.
 Te aga tau sabo bidi meni ebao.

¹¹ Te augwali si kedau ebaso da,
 teda augwa si deliba pageasa piao,
 tama augwa si kedau me egobeo.
 Tialima, te deli naga bidali da,
 te magi elama aga digi aga tigi posolo ilaibawe?
¹² Te boi bidigo deli dali hwjbaso,
 te boi bidigo aga aiyaba elaluabo homu ebao.
 Tiali goli, boi bidigo bidi si dali hwjbaso
 te aga usu meni da homu yaibao.
 Awe, te tiwai me, te augwaligo
 dila pai hobi sela selama, te haliga tubaso da,
 teda te haliga polo me togwa pogobeo.

¹³⁻¹⁴ Te magi nai meni yai bidi me deli, ma kalabus bi-
 di me deli, te tobage bidi si te tę kantri pedai tonalubo
 bidi king pedelali. Tialima, te king monu dabe ped-
 alubo sogo, te bidi dabego agaba te wiegi yai homu
 kolesaga momainu yali goli, agai augwaligo po
 odobeo. Teda aga dwai king dao. Me ma, te wiegi yai
 homu kolesaga elalubo gesi bidi, aga magi nai meni

yai goli, te bidi agai te tobage monu dabe king bidi
 aiyaba elalubo dao.

¹⁵ Eno suali, te monu dabe king bidi isibaso da, te
 gesi ogwa bidigo agai pesage selama, te king pedelali.
 Tama te tigidali tę pedai we bidigo te gesi king bidi
 wali pai, te eno suali. ¹⁶ Agai te genuai hani we bidi mu
 tonaluai, te bidigo augwali nedabo usu meni yaibao.
 Tiali goli, aga te isiyu da, augwaligo te agai yali genuai
 sę dabe homu kone ma palogobeo. Te kolesaga me
 aga page meni yai elalubao, te bidi udulama, te wali
 tola sigi painu ebo tiwai ebo dao.

Tiyu odolali nago ugwadu homugo God dali po daę wagio

5 Nago te Godigo beba pabo sogo, naga yali kole-
 saga bugagia homu kone palama pao. Tiyu nage
 odolali pabuo. Te nago kolesaga sainu pobaso, te wie-
 gi yai da, tiali goli te odolali ofa ebo tagalao, te kole-
 saga sisawai bidi dabego elalubo kolesaga tiwai igio.
 Te tobage bidi dabe augwaligo te mena sę te Godigo
 gedude dolo elalusiabo da, te homu konebeo.

² Homu kone bugagia bolo palama,
 tama nosali nage hogodama, po pusao.
 Te nago God dali po mibo sogo,
 nago po hauwa odolali wagio.
 Magi baso meni,
 dagalude bidibo Godigo bomo genuai elalubao,
 tama da olo bidi e tęde naga bidibao.
 Tibaso, nago po hauwa aga dali me olamo dao.
³ Te nai hauwade nago moni homu
 hauwa dogia peyu da, te nago na hauwa yabuo.
 Te nago po me hauwa obaso da,
 teda nago po gani bole odolali weyu,
 te wabo pabo bidigo po wabo tiwai igio wali.

⁴ Te nago Godiba po daę wai digi, nago te daę wali
 po polo usu nao. Godigo te dwagi yai homu kolesaga
 sabo hagela homu ebo bidi dali dwagi yai homu egob-
 eo. Tama tibaso, nago te daę walali po polo usu nao.
⁵ Ma, nago te daę walobo po wasiabaso da, teda te
 usu dao. Tiali goli, nago God dali bomai po me deli
 daę walobo po wai digi, tama nago te daę wali po wali
 pisabaso da, teda te dwai mu dao. ⁶ Tiyu, nago po
 odolali daę wali digi te nage sęę sabuo. Te nago po
 me deli daę waibaso da, teda nago nosali prisba te
 tama po ma waligio, nago bugagia homu kone palisa-
 ma, nago te po daę wali. Magi baso te Godigo nage
 dali haliga sębę ilibaso, te agai nago sę dene elama
 sali nai dabe dolabuo. ⁷ Nago te na hauwa ebo bidi
 goli, ma nage te po hauwa wabo bidi, odao. Te tobage
 kolesaga ebo te page meni yai kolesaga naga dao.
 Nage te God dologode sesemane sogo bidao.

Te moni bidi pedelabo homu ebo tagalao

⁸ Gavman bidigo te magi nai meni yai bidi dabeba
 sęę mabo nago subaso, te nage homu dwagila

hogodigio. Ma, te po tų ebode augwaligo po bugagia dodolisąma, te olo bidi bugagia dugulaluabo sę isiąbaso da, teda tede noma sigio. Magi baso meni. Te kolesaga page e tiwai elalubao. Te ofisa dabego te tobage kolesaga ebao, augwali te augwa bos tonalubo bidigo osolama, te augwaliba sęęę muani. Tama te bos tonalubo bidi dabe augwali tobolu ugadu elalubo bidi dabe bidibaso, te augwaligo me te tobage deli tigi poai kolesaga ebo dao. ⁹ Te tama kolesagade te ofisa dabe augwaligo te we bidi dabe augwa tųde sali mone te ugwadu gasa daganobo mone dali saibao. Tama te ofisa dabego te sali mone dabe augwa hasi tomode digi dobola sali. Tama king bidigo me te we bidi dabede sali mone te gasa ugadu daganama sabo dao.

¹⁰ Te bidigo haligade te mone hauwa sabo homu hogodalobaso da,
teda sesemane sogo aga homude
aga mone sųą pabo homu idueibao.
Te mone bidi pedelabo homu ebo bidi yaibaso da,
teda agai te sali nai sibi tigidaligo
aga usu nisųbo homu eyu ebao.
Tialima, te mone godolo ebo homu kolesaga iduali
da,
te aga page meni yai elalubao.

¹¹ Te bidigo sabo mone ugaba holobaso da, teda te abagi hauwa asudu gebo sę elama, aga dali bidaga-saibao. Tialima, te bidigo aga mone dabe elalubo su-ali, tiali goli agai aga doado bage abela usu meni yaibao. ¹² Te sę bidi dabe augwa bugagia hulide godege pibo dao, te augwaligo nai hauwa elaluali, ma te augwa nai sųą paibaso me tagalao. Tialima, mone bidi da, te tiwai me egobeo. Agai aga te nai doado bage homu hauwa dogia pelama, tibaso aga godege bugagia me pigobeo.

¹³ Eno suali, e tųde dwai kolesaga mu me deli elalubao. Te kolesaga e tiwai dao. Bidi me deligo aga mena nai godolo homu mu aiyaba elaluama, te nai dabe me abeligobeo. Menio. Agai aga mone bugagia mu sabodu tonalubo dao. ¹⁴ Tiali goli nosali, aga mone sabo sę yali bisnis tulaluama, tama aga mone tigidali te hagawaibao. Tialima, agade te nai me deli elalusįma, te aga isibo si, teda aga ogwago sabo nai meni yaibao.

¹⁵ Te idago da ame nani sogo,
dago nai me deli meni yai elaluali.
Dago tigi habu olo naga elaluali.
Te tiwai naga, da isibo sogo,
da olo naga mu paibao.
Mu tama, dago te nai hauwa sabo sę dene yali,
tiali goli dago te nai deli me sela pogobeo. †

¹⁶ Te me te dwai kolesaga mu elalubao. Da te tųdu nai meni yai bage naga pedelali. Te tiwai naga dago te dago te tų tagalobo te tobage deli kolesaga naga yaibao. Te da tųde bidibo sogo, da te odolali sę dene

ebao, te bidi udulama, te wali nogogo tola sainu ebo tiwai ebo dao. ¹⁷ Da e tųde dugulalubo page te wiegi yai me elalubeo, te sesemane sogo dago haliga sęęę eyu, wado po weyu, gasi siyu, idubo dao. ¹⁸ Eno te sęde homu koneama, tama eno koneani, te kolesaga me deli uga ela holai elalubao. Te kolesaga e tiwai da. Dago nai tuyu, aį tuyu eyu, te dago tigidali naide sę dene yali te wiegi yai pemene eyu, te pęwadage sogo Godigo dabolo e tųde bidimainu bodolu mani side dago te tama sę emainao. Magi baso meni. Godigo dago te sę emainu dąj ilai dao.

¹⁹ Te Godigo bidi me deliba te mone hauwa menama, tama te bidi aga te nai dabede wiegi yai pemene emainu sula tagalali, te aga ebo sęde me, te sula tagalu, te bugagia dugulalubo me te bugai haliga ilibaso da, teda te wiegi yai da. Magi baso meni, te nai dabe te Godigo agabolo te wiegi yai homu pemene ilibo sę eyu, te bidibolo mabo dao. ²⁰ Godigo aga te sesemane sogo dugulalu, wiegi yai pemene ebo sę sula tagalali, tialima te bidi aga e tųde pęwadage sogo bidabo elalubo homu elama, te aga bidibo moni homu hauwa dogia pelama, me bidigobeo.

Bidabo ulade page me elalubeo

6 Eno suali, te kolesaga dwai me deligo te genuai sęęę te tųde bidi dabe augwaliba mobao. Te kolesaga e tiwai dao. ² Godigo te genuai nogi, me te mone doado bage hauwa te bidibolo mawaibao, tama te bidi aga godolo ebo nai me deli agade me sųą pogobeo. Tiali goli, Godigo te bidi aga te nai dabede wiegi yai pemene emainu sula tagalobeo. Tama nosali, te gasa hani bidi me deligo te nai dabe saibao, tama aga te naide wiegi yai pemene dogia paibao. Te tebo kolesaga te dwai mu elama, te aga page meni yai mu elalubao. ³ Te bidi me deligo wai dabe te bidi sese a naga, te 100 elaluali bidi te kibu be hauwa bidali. Tiali goli, aga wiegi yai doado bagede wiegi yai pemene isųyu, tama te aga isibo sogo augwaligo aga bugagia me pubalusįyu da, teda te dwai mu yali. Eno mu po tama obao, te wai bųų me deli aga idago haligade isali waigo, agai te bidi aiyaba elalualio, te bidi te umabo hauwa kibu be te tųde bidali digi tagalao. ⁴ Te tobage wai da, te olo nai tiwai da, aga nogi menio, te augwaligo aga pubulali sogo, augwaligo aga homu kone ma ebeo. ⁵ Te wai bųųgo te giliga ula me subeo, te mena nai me deli agai me konebeo. Tiali goli, megi aga bugagia toma neyu bidibao, tialima te waigo dugalalubo pagego te nai doado bage hauwa elaluali bidigo dugulalubo page agai aiyaba elaluali. ⁶ Magi baso meni, te bidi agai aga te nai doado bagede wiegi yai pemene homu menisųwai. Te bidigo kibu be te bidi sese umabo, te 1,000, ma 2,000 kibu be bidali goli, agai te wai bųų aiyaba me elalubeo. Da tigidali isilama, te bulu deli naga paibao, te mu da, agawe?

⁷ Dago nai tuabo homu elama, te dago sesemane sogo sę ebo dao. Tialima, dago te sela tubo naigo, te dago godolo yali homuba me usu nugu pogobeo. ⁸ Magi baso te kolesaga koneani bidigo te kolesaga kone-

† 5:15 Jop 1:21; Tib 49:17; 1 Ti 6:7

siḡawai bidi aiyaba elalubo dawē? Te magi nai meni yai bidigo wiegi yai kolesaga te we bidi augwaligo gedude ebaso da, teda tego aga magi elama tau saibawe? ⁹ Te dago dena elalubo naide dwagi yai homu pemene eyu bidao. Te kolesaga ebogo te haniani naide pesḡ ebo kolesaga aiyaba elalubo dao. Te naide pesḡ ebo kolesaga aga page me elalubeo, te bidi udayu, te wali no-gogo tola sainu ebo tiwai naga ebao. Te dago sali nai dabede wiegi yai homu pemene ebaso, usu yaibao. ¹⁰ Tigidali nai pedalubo, te odolali me pedalubeo. Menio. Polobadu mu Godigo po weyu, te augwali pedelao wali gilama, te augwali pedalubo sḡ ebao. Te Godigo da bidigo kolesaga koneanio. Tibaso, dago aga dali konila po me wagobeo. Magi baso meni, te agai bomo dago bomo aiyaba elaluai dao. ¹¹ Dago bobobage po wabosi, te tagalao, te usugobeo, dago aga aiyaba elalugobeo. Dago po olo tama waibao, tama tebogo da tau mu sogobeo. ¹² Da bidi te pḡwadage sogo nage te tḡde bidibao, te ni noma elaluali te pḡgo giliga ge sesela sḡbo si te polo menia sabo tiwai ebao. Te dago bidibo ulago page meni yai elalubao. Tialima, mena wiegi yai kolesaga dago wali pabo usu yabo te dego koneaibawe? Te da isai madigi, te magi nai mu e tḡde pedelabo dego mu koneaibawe?

Te haniani homu kolesaga dabe po

7 Te bidi dabego homugo nage wiegi yai bidi da homu ebaso da, teda te wiegi yai mu da, te genuai mone mugo abelebo wiegi yai denami ebo tigide pibo wel aiyaba mu elaluali. Me, nage isibo side, tebogo te nago idago nage ame nani sogo te aiyaba elalueibao. †

² Da te bidi isaide te bidi dabe gela wabo beba me paibaso, te wiegi yai kolesaga ebao, tama te genuai nai da tubo beba pabo kolesaga ebo te aiyaba elalubao. Magi baso meni, da tigidali bidi isaibao. Tialima, da tḡde bidibo sogo yaibaso, dago tede bugagia homu kone paliḡo.

³ Te dago nai me delide haliga sḡḡe ebaso, te wiegi yai da, te gisugu wabo kolesaga aiyaba elalubao. Mu dao, te haliga sḡḡe ebaso, te dago gesabidi hulua sali, tiali goli te tama tebogo da tau sobaso, te tḡde kolesaga tigidali bugagia homu kone palumainu ebo dao.

⁴ Te nago wiegi yai homu kolesaga elalubaso, teda nage te isali bidide diligi weyu bidibo bidi dabe dali bidabo homu yali. Tialima, te wiegi yai homu elalusiḡbo bidi dabe, augwali te haniani dobo kolesagade pemene ebo bidi dabe dali bidabo homu ebo dao.

⁵ Te wiegi yai homu kolesaga elalubo bidi dabego nage dali wado po weyu, te nage dodolobo po obaso da, teda te wiegi yai kolesaga ebao, tama te wiegi yai

homu kolesaga elalusiḡbo bidi dabego balia weyu, nageba mani genuai nogi te aiyaba elalueibao.

⁶ Te wiegi yai homu kolesaga elalusiḡbo bidi dabego gisugu obaso da, teda augwaligo gisugu wabo te page meni yai elalubao. Awe, te kolesaga te sesane yai bono te siade ulali te podila sabo tiwai yali, tiali goli agai te sene sospen posolo mu ilabo usu egobeo.

⁷ Te wiegi yai homu kolesaga elalubo bidi bidali, tiali goli agai bomonama eyu, gasa bidigo mone sobaso da, teda aga te wabo pabo bidigo homu kolesaga tiwai elalubao. Me, te bidi mego te po tḡ odoyu, te bidi agai gasa bidigo nogode geme mone sabogo te kolesagago agai te wiegi yai homu kolesaga dolai dao.

⁸ Te bidi mego sḡ me deli hodolobaso da, teda te wiegi yai kolesaga ebao. Tialima, agai te yali sḡ siminibaso da, teda te sḡ uganu ela holali dao. Te magi nai pedalubo bugagia tonalubo bidigo ebo kolesagago te hagoma homu ebo kolesaga aiyaba elalubo dao.

⁹ Nago gasa bidi dali haliga sḡḡe polo mu igio, magi baso meni, haliga sḡḡe polo ebo te wiegi yai homu kolesaga elalusiḡbo bidi dabego homu kolesaga dao. ††

¹⁰ Nago te po wagio, "Magi baso polobadu sogogo te megī sogo aiyaba elalubawe?" Nago te tobage po obaso da, te nago wiegi yai homu kolesaga elalubeo.

¹¹ Te tḡde bidibo tigidali we bidigo te wiegi yai homu kolesaga elalubaso, te usu yaibao.

Te wiegi yai mu ebao, te wiegi yai nai dabe te aya isainu dabolo mabo tiwai ebo dao.

¹² Wiegi yai homu kolesaga te mone tiwai elalu, tama te dwai sogo pedalubaso, da tau saibao.

Tialima, wiegi yai koneani homu kolesagago te mone aiyaba elaluali, te da umabo sogo mu tau siyu, te da bugagia bidibao.

¹³ Te Godigo yali sḡ tigidalide bugagia homu kone palao. Te Godigo nai me deli nigali te gagea pai elalubaso da, teda dego mu ma dodolaibawe? ¹⁴ Te nago bidibo ulade sḡ dabe te bugagia dolalubaso da, teda nage wiegi yai homu pemene yao. Te dwai sogo nageba pedalubaso da, teda nago te tama homu yao, Godigo te wiegi yai sogo dabolo tagala palu, te dwai sogo me dabolo asomainu tagala palaibao. Tibaso, magi sḡ nosali daba pedelabo, te dago konebe dao.

¹⁵ Eno bidibo ula te olo nai tiwai elalubao, tialima ena te tḡde bidibo sogo eno te haniani kolesaga ebo suali. Eno suali, bidi mebago doloba pai kolesaga wali pali, tiali goli te bidi dabe augwali isalio. Te bidi mebago dwai kolesaga ebo eno suali, tiali goli augwali bobage sogo sesabi elama, bidibo dao. ¹⁶ Tibaso, dago doloba pai kolesaga wali pabo bomo mu eyu, te wiegi yai homu kolesaga sabo sḡ igimio. Tiyu, dago dena digi dolobo dao. ¹⁷ Te me, dago te tobage dwai kolesaga me te wabo pabo bidi dabego ebo homu kolesaga wali

† 7:1 Prs 22:1

†† 7:9 Jer 1:19

pabo bomo mu igio. Tiyu, dago dena isabo sę asesa selebo sę bombo ebo dao. ¹⁸ Nage te tobage kolesaga si tomode bilao. Te God dologoba pelama bidibo bidi yaibaso da, teda agai te magi sę yali te tagalao, te wiegi yai naga pedelaibao.

¹⁹ Te taunde tobolu bidi nogo si elalubaso, augwaligo te taun bombo yai pedelabo tau somainu yaibao. Tialima, wiegi yai homu kolesagago te bidi me deli boma pai mu pedelama, te taungo tobolu bidi dabego bombo aiyaba elalubo usu yaibao.

²⁰ Te doloba pai bidi me deligo wiegi yai kolesaga sesemane sogo me idugobeo. Menio. Me sogo agai me sęę sabo dao.

²¹ Nago te we bidi augwaligo mibo po tigidali me odogio. Te nago augwaligo wabo poba bugagia olo mubaso da, te naga sę bidigo nage posobo po dwai wabo te nago odobo homu yaibao.

²² Magi baso meni, nago te tiwai koneao, hauwa sogo naga digi nago gasa bidi posobo dwai po wabo dao.

²³ Eno te tama homu ebo tigidali bugagia homu kone palali, te aga page mu gegela suainu yali, magi baso meni, ena te homu kolesaga mu konea pabo bidi mu pedelainu yali. Tiali goli, eno homu kolesaga te usu ebeo. ²⁴ Te tigidali nai pedalubo page hanilama gegainu ebo sę te genuai mu dao. Dago te digibulu uganu mu elalubo nai, ma te aiyanu mu elalubo nai, te dago sueinu gegebo tiwai ebao. Tialima, dego mu te nai dabe page elalubo gegelama sueibawe?

²⁵ Tialima, eno saę dili bombo mu selama dolalu, te eno sę bombo eyu, te tobage wiegi yai homu kolesaga tigidali sabo sę bombo yali. Tama eno te tobage dwai kolesaga page me gegelama, koneabo sę bombo eyu, te wabo pabo bidigo homu kolesaga tiwai ebo gegebo sę bombo ebo dao.

²⁶ Eno te tiwai page gegelama suali, te isibo kolesaga te ha ebo nai tiwai dao. Tiali goli, te bidi dali dwai sę yainogo sinabo we te bidi bolo tubo kę tiwai dao. Te da te ha mu ebao. Te tobage we da, te sęę hagane togobo wa tiwaigo da bidi tola sobao. Te agai nogo te sen tiwaigo da kalabus ebao. Godigo te bidi me deli godolo ebaso da, teda te bidigo te tobage hagane togobo wa gedelama, wi paibao. Tialima, te hagane togobo wago te sęę sabo bidi dabe tola sobaso, te augwali me geda muyu, ela soagobeo. Mu menio. ²⁷ Homu kolesaga mu konea pali bidigo te tiwai po wali, mu tamao, eno te tigidali sę page koneainu sę dua dua ela pelama, tama megi da, eno te we dabe sibigo kolesagade koneai dao. ²⁸ Eno te wiegi yai we me deli gegebo sę yali, tama eno gegebo gegebo sę yali, menio. Te bidi sese umabo hauwa te tausen we bidi dabe tomode, eno suali, te deli deli wiegi yai bidi bidali. Tialima, eno te wiegi yai we deli bidibo me subeo. ²⁹ Godigo te we bidi dabego sunumi daj ilali, te augwaligo wali pabo sę dene ebeo. Tialima, augwa digi te tobage homu kolesaga hauwa pedelali, te tama teyu, te augwali bilibo sinabo sę mu ebo dao.

8 Te kolesaga page mu konea pali bidigo naga te mena ebo page mu koneaibao. Tialima, dego mu te kolesaga page mu koneai bidi aiyaba elalueibawe? Te bidigo gesabi hulua sobaso da, teda wiegi yai homu kolesaga igulubaso, te aga gesabidi ula ma ebo dao.

Nago te kingo po wali pao

² Eno te tama po obao, nago te kingo po wali pao. Nago te Godigo gedude te bomai po daj waliyu, nago te kingo wabo po wali paibao po wai dao. Nago te bomai po daj wali te homu kone palama, tama nago te kingo po me sela sanamu dao. ³ Nage te king dali bidibaso da, teda nago asesa polo te king tagaligio. Te nago king dali po konila obaso da, teda nago bombo elama mu wagio, magi baso meni, king aga digi aga homu wali pabo dao. ⁴ Te kingo mena po me obaso da, teda tigidali bidigo te po wali pabo dao. Te niwai bidi deligo agabolo me hanalugobeo, "Magi baso nago te tiwai yaibawe?" te wagobeo. ⁵ Te kingo po tigidali wali pabo bidi yaibaso, te aga bugagia bidaibao, me tede te konea pai bidi mugo te magi sę yabo sogo bodolu munama, te sę yabo sunumi konealueibao. ⁶ Magi baso meni. Te da bidi dabego sęę genuai mu pedelali digi tagalao, te tigidali sę dodolabo sogo daj ilali elalubao. ⁷ Te mena sę nosali pedelabo dago konebeo. Te sę dabe yaibao po mena bidigo dabolo me wagobeo. ⁸ Te isibo sogo, te dago tigde homu ogwa wai tomode bidali mobo bidi tagalainu ebaso, te dago palibaso, usu egobeo. Te dago isibo sogo bodolu hasegelainu ebaso, usu egobeo. Te hwjbo sogo, te ami tobolu bidi ofisa bidigo te aga ami bidi dabego te boi hwjbo pesage tagalama, te augwa buluba ma begasa pomainu sula tagalogobeo. Te tiwai me, te bidi mego dwai kolesaga wali pobaso da, teda aga te kolesagaba mu dagana selama, te tagalainu ebaso, usu me egobeo.

Dago te pemene ebo kolesaga wali pinao

⁹ Te we bidi augwaligo te tobage sę tigidali te tęde ebo sogo eno sulama, te sogo eno homu kone palobo sę yai. Te sogo eno suali, te genuai bidi dabego te gasa we bidi dabe aiyaba elalubo sę ebo suali. Tama te dwai sę ebogo augwa digi aiyaba elaluali, te me eno suai dao. ¹⁰ Me sogo te bidi dabe augwaligo te dwai bidi me deli isali te gę pageba pubaligi pabo eno suali. Tama te we bidi augwa te gę page tagalama, te dwai bidigo dwai kolesaga eyu bidali taunba ma begasa asali. Te augwali aselabo sogo, te we bidi augwaligo te dwai sę yali bidi nogi ugaba sali. Te tama tebo kolesaga me aga page meni yai elalubao.

¹¹ Me sogo te bidi me deligo dwai sę elama, tama augwaligo agade po tų elama, te agaba mabo dene po dodolama elalubao. Tiali goli, augwaligo sesabi elama, te dene agaba mabeo, aga olo bidali. Tama tibaso, te tama tebo sęgo te we bidi dabe augwali homu hodolama, te augwaligo dwai kolesaga ebo bombo elama yaibao. ¹² Me sogo te dwai sęę sabo sę ebo bidi

dabego te dwai sę hauwa yali, tiali goli augwali bobobage sogo sesabi elama, te tօde bidu, te augwali polo me isibeo. Eno koneani, te bidi dabego te tama po waibao, "Te God dologoba bidigi pali bidi, te bugagia bidibo dao," po wabo dao. ¹³ "Te dwai kolesaga ebo bidi da, te aga bugagia me bidigobeo. Te aga pęwadage sogo naga te tօde bidaibao, magi baso meni, aga te God dologoba pelama bidibeo." ¹⁴ Mu tama, augwaligo te tama po wabo dao, tiali goli eno suali, te gasa kolesaga pedalubo eno suali, te augwaligo po wali tiwai gilama pedalubeo, tama te kolesaga mu geda muani. Me sogo te doloba pai kolesaga ebo bidi te dwai dene sali, te dwai bidi dabego sabo sę usu te doloba pai bidigo saibao. Tialima, te dwai sę ebo bidi dabego te doloba pai bidi dabego sabo sę usu te augwaligo sali. Te tama tebo kolesaga te aga page meni yai elalubo dao.

¹⁵ Tialima, eno homugo te wiegi yai da homu ebaso, te dago wiegi yai pemene ebo kolesaga wali pabo homu ebaso. Te dago wali pabo gasa wiegi yai sunumi me elalubeo. Tibaso, dago te nai me aј tuyu, te nai dabede dago wiegi yai pemene inao. Mu tama, dago sę ebo sę dene mu yali, tialima dago te pemene ebo kolesaga wali peyu, te tigidalı side Godigo da e tօde bidimainu sula tagalali sogo, te dago wiegi yai pemene inao.

¹⁶ Eno te wiegi yai homu kolesaga sabo sę bomu eyu, te tobage sę dabe te bidi dabego te giligade me hulide ebo sueinu yalıo. ¹⁷ Tama eno te Godigo yalı sę tigidalı sulama, te eno koneai, dago e tօde pedelalı nai dabe page gegainu yalı usu isawani. Te dago saę dili budulama, te dago gegelama suabo sę dene yalı digi, tagalao, dago usu egobeo. Te homu kolesaga konea pali bidi dabego po weyu, augwaligo te nai dabego page konea pali po obaso, te tagalao, augwaligo te mu po me wabeo. Augwaligo me te page koneainu gegebo usu meni ebo dao.

Deli tigi poai sę da tigidalıba pedelaıbaı

9 Eno te nai dabede bugagia homu kone palama, tama te tiwai eno koneanio, Godigo digi te doloba pai bidi dabeba pedelabo nai dabe daј ilalı, te wiegi yai homu kolesaga elalubo bidi dabeba me tama tialıo. Agai te nai dabe godolo yabo sogo daј ilılyu, te nai dabe godolo isıabo sogo daј ilılyu yalı. Te magi nai nosalı pedelabo te dago konegobeo. Ma, dwagi yai sę pedelaıbawe, ma dwai sę daba pedelaıbawe, te da bidigo konebeo. ² Tialima, te nai me deli da tigidalıba pedelabo elalubao, te da doloba pai bidi, ma dwai bidi, ma da wiegi yai bidi me, ma da meda meni yai bidi me, ma da God gedude meda yai bidi me, ma ofa yai bidi, ma ofa isawai bidi yaıbaso, te tagalao. Deli tigi poai sę te wiegi yai bidıba me dwai sę ebo bidıba pedelaıbaı. Te deli tigi poai sę te Godıba po daј wali bidıba eyu, te Godıba po daј wasıawani bidıba pedelaıbaı. ³ Deli tigi poai sę da tօde bidi tigidalıba pedelaıbaı, tama te sę dolo me elalubeo. Te we bidi augwali tօde bidıbo sogo, dwai sę ebo kolesaga dali, te wabo pabo bidıgo kolesaga tiwai dali, te augwalıgo halıgade paęa-

nalubao. Tama nosalı, augwali isıyu, tama te polobadu isalı bagego hani tomoba pabo dao. ⁴⁵ Te bidıbo ula elalubo yowıgo te isalı hasa laıon aıya elalualıo. Te te tiwai naga, te bidıbo ula elalubo bidıgo te isalı bidi augwali aıyaba elalubao. Magi baso meni, te nai me deli augwalıba pedelabo te augwalıgo koneanio. Augwalıgo koneani, te augwali isaıbaı. Tialıma, te isalı bidi dabego, augwalıgo magi nai deli me konebeo. Te augwalıgo wiegi yai nai munu me sogobeo. Te bidi dabego augwali homu kone gegeda palalı dao. ⁶ Te we bidi augwali isıbo sogo, te mena nai godolo yalı, me te wado homu yalı, me te augwalıgo mena nai pesa yalı, te tigidalı silalıo, tama te we bidi dabe augwalıgo magi sę deli munu me te tօde me egobeo.

⁷ Tegao, nage pelama, nai tulama, wiegi yai pemene yao. Nago te wain aј tulama, te bugai halıga yao. Godıgo te kolesagade usu da po wai dao. ⁸ Sesemane sogo nage bugagia au elama, pemene yao. ⁹ Dago bidıbo ula te olo nai tiwai ebaso, te aga page meni yai elalubao. Tialıma, nago te we deli godolo homu mu ebaso da, teda tigidalı side te Godıgo nage da olama, daј ilalı te tօde bidıbaı, nago te we dali wiegi yai homu pemene yao. Godıgo te kolesaga yabo sę nageba daј ilalı, te nage tօde bidıbo sogo nago te sę emainogo yalı. ¹⁰ Te nago sę me deli ebaso da, teda nago saęa dili tօde daј walama dolalu, te sę mu tama yao. Magi baso meni, te nago sę me isıayu, ma homu kolesagade kone palıyu, ma te wiegi yai homu kolesaga konea sabo sę te isalı bidi dabego bulude me egobeo, te nage pabo bulude te tama sę dabe me egobe dao.

¹¹ Tama eno nai me deli ma te tօde sualıo. Te bomonama mu udabo bidi dabego te sainu uda yalı nai me sogobeo. Te boma pai ami bidıgo te boı bidi dali hwınama, ugaba boı bidi hani me aıyaba elalugobeo. Te wiegi yai homu kolesaga me, ma te genuai kolesaga sai bidi dabe, augwalıgo te mone hauwa me sogobeo. Te hanıanı sę ebo kolesaga usası bidi dabe, augwalıgo te genuai sę me sogobeo. Te magi magi sę dabe te da tigidalıba pedalubo dao. ¹² Te magi genuai sęęę daba pedelabo dago konebeo. Te dwai sęęęo da polo tama mu deli sogo gegaıbaı, te hagane mubo nai wago te sųęų ma ba tola sabo tiwai ebo dao.

Te bidi dabego wiegi yai kolesaga me dwai kolesaga ebo po

¹³ Te sę me deli pedalubo eno sualı. Te wiegi yai homu kolesaga elalubo bidıgo te wiegi yai sę ola mobao, eno te tama homu yalı. Eno te tiwai sę ebo sualıo. ¹⁴ Te dwasıanu hanu taun me deli elalualı, tama we bidi hauwa te taunde bidıbeo. Te bomai king me deli te aga ami bidi dabe hauwa dali aselama, te boı hwınama, te taun sainu yalı. Te ami bidi dabego te taun bagulama, tama te taun bagulalı masıgi obo aluabo nai dabe nıgalıo. ¹⁵ Tialıma, te taunde magi nai meni yai bıdı me deli bıdalı, tama te bidıgo koneani homu kolesaga wiegi yai mu elalualı. Te agai wiegi yai homu kolesagago, agai te taun te boı bidi dabego nogode ma sabo sunumi gegelama sualıo. Tiali goli, nosalı te

bidi dabego te magi nai meni yai bidi homu kone munu ma ebeo. ¹⁶Te tiwai dabolo ola manio. Wiegi yai homu kolesagago te genuai bomo aiyaba elalualio. Tialima, te we bidi dabe augwaligo te tama homu yali, te bidi me deli magi nai meni yai bidi bidibaso da, teda agai wiegi yai homu kolesaga elalubo te olo nai tiwai da homu ebo dao. Tibaso, augwaligo agai po odoba homu ebeo.

¹⁷Te wiegi yai kolesaga elalubo bidigo dua dua wabo po dago odobaso, te wiegi yai dao. Te tobage bidigo pogo te wiegi yai homu kolesaga elalusiabo bidi hani-go tobolu bidigo genuai hae wabo bidi aiyaba elalubo dao. ¹⁸Wiegi yai homu kolesagago te boi hwjbo nai aiyaba elalubo dao. Tiali goli, bidi me deligo dolo meni yai kolesaga ebaso, agai te wiegi yai kolesaga hauwa dolobo se ebo dao.

10 Te bolia dabe te wiegi yai denami ebo wel elalubo botol tomoba pelama, te augwali isibaso da, teda te wel tomode dwai kugumini yaibao.

Te tiwai naga, te bidi me deligo te wabo pabo homu kolesaga dwasianu ebaso da, agai te aga wiegi yai homu kolesaga dolama, tama aga digi genuai nogi dolaibao.

²Te wiegi yai homu kolesaga elalubo bidi agai wiegi yai kolesaga ebo dao.

Tialima, te wiegi yai kolesaga elalusiabo bidi, agai te dolo isawai kolesaga ebo dao.

³Te bidi te sunumidu naga bilali goli tagalao, agai kolesaga te tiwai gasa bidi dabeba ola mani, aga wiegi yai homu kolesaga elalusiabo bidi dao.

⁴Te naga tobolu bidigo nageba wado po obaso da, teda nago naga se me tagalamuo.

Te nago sali sege genuai elalubadi digi, tagalao, te nage bugagia dua digi bidibaso da, teda agai nago sali sege te tagalaibao.

⁵Eno suali, genuai sege me deli te bidi dabe mebago yali, te se yabo page te tobolu bidide naga elalubao. E tiwai dao.

⁶Te tobolu bidi dabego te genuai se te wiegi yai homu kolesaga elalusiabo bidi dabeba mawai, tama te mone hauwa elalubo bidi dabego se sali, te wiegi yai se me sabeo.

⁷Tama me eno suali, te olo se ebo bidi dabe te hos kibu daide ugadu dugulasa pabo suali, tiali goli te genuai bidi dabe te sagago pali, te olo se ebo bidi dabe pabo tiwai yali.

⁸Te bidi mego genuai to dedage dogobaso da, teda aga digi te dedageba tulalueibao. Ma, te bidigo te masigigo bagulali obo alubaso da, teda te hasamanigo aga gaj kelaibao. †

† 10:8 Tib 7:15; Prs 26:27

⁹Ma, bidigo te be se yabo masigi togobo se ebaso da, teda me sogo te masigi dabego aga tigi selaibao.

Te ni pedebo se ebo bidi, me sogo te nigo aga dolaibao.

¹⁰Te bidigo puna pai sigi hwa agai dulusiawai yaibaso da, teda agai te ni gelebo sinabo se dene mu yaibao.

Me ma, te wiegi yai kolesaga elalubo bidigo da, te agai te ni gelebo se wiegi yai yaibao.

¹¹Te bidi mego te hasamani dua digi bidimainu ebo kolesaga elalubo bidi yaibaso, te wiegi yai da.

Tialima, te hasamanigo aga gaj kelemainu ilibo bidi yaibaso da, teda aga te koneani kolesagago aga magi elama tau saibawe?

¹²Te wiegi yai homu kolesaga elalubo bidigo aga wabo pogo digi te agaba genuai nogi mawaibao.

Tialima, te wiegi yai homu kolesaga elalusiabo bidi te aga pogo digi aga dolaibao.

¹³Te tobage bidigo po galalama wabo sogo, agai wabo po geda mueibao.

Te agai po silainu ebo sogo, te po dwai mu pedelali, te kolesaga umuna sai bidi mugo wabo po tiwai yaibao.

¹⁴Te wiegi yai homu kolesaga elalusiabo bidigo po oda pidu gebo dao.

Te magi se nosali pedelabo dago konebeo. Te da isai madigi, magi se e tode pedelabo dago konebe dao.

¹⁵Te wiegi yai homu kolesaga mu elalusiabo bidigo agai te aga beba pabo sunumi gegebaso, usu meni yaibao,

te tobage bidigo odolali se dene eyu, te aga bomo sia sabo dao.

¹⁶Hobede yao! Te to kantri pedai king me deli te ogomani homu tiwai elalubadi, tama te kantrigo polalubo bidi dabego te kigamu digi hodolama, te nai da naga tueinogo ebaso da, teda genuai sege te to pedai kantriba pedelali.

¹⁷Me ma, te gasa to pedai kantri king me deli te genuai bidigo ogwa yaibaso, tama te to kantri polalubo bidi dabego te genuai nai da tuyu, te aj tuyu yali te sogo, te tigi naga daj walobo se naga eyu, te gege page isabaso da, teda te to kantri bugagia mu bidai dao.

¹⁸Te bidigo aga se ebo hagela eyu da, te aga be walawala ni dabe gaga paibao. Awe, aga olo naga bidibaso da, teda te be pedu tologa pelama, te tulubage be tomoba pelama, te be dolobo dao.

¹⁹ Naigo te bidi pemene ilibo sę ebao,
te wain aįigo te bidi bugai haliga ilibo dao.
Tiali goli, mone da, te wiegi yai nai te tobage sę
tigidali ebo dao.

²⁰ Te naga pibo be habu badu
geme dualalu pila muani,
te tagalao, nago te dwai posobo po te kingbolo
ma te mone elalubo bidibolo me olamuo.
Tama me, nago augwaliba dwai homu me igio.
Tiyu, te ba me deligo nago te wabo po selama,
te augwaliba wagi pidali weyu.

Bugagia homu kone palama, sę yao

11 Nago sę tigidali pedai badu ebaso,
te nosali nago yali sęgo dwagi yai du walaibao.

² Nago konebe, mena sogo dwai sę
e tęba pedelabo elalubao,
tialima nago mone sabo bisnis
sunumi te nogo a naga olama,
me badu si, ma a naga olama, me badu sela,
te badu munama elalumainao.

³ Te haowade aį paęana pobaso da,
teda tulubage te tęba tulaibao.
Te ni degali saut badu elalubaso, me not badu
elalubaso,

te tagalao, teda aga te ni degali
pesagede munalubo dao.

⁴ Nago te wali me tulubage wiegi yai
asobo tonalubo sogo yaibaso da,
teda nago te gi sę elama, te inawai nai sela tugobeo.

⁵ Godigo tigidali nai nigali.
Tialima, te waligo wali pabo tų
menadewe, te dago konebe.

Ma, magi elama te gesi wai bęų te idago haliga to-
mode

bidibo ula elaluali, te me dago konebeo.
Te tiwai naga te Godigo ebo sę dabe
te dago koneabo usu meni ebo dao.

⁶ Nago te nai wai hani te kigamu meba wasilama bu-
liyu,

te pio meba wasilama buliyu yao.
Nago konesięwaibao, te nago kigamu wasilama
bulali nai wai, ma te pio naga bulali nai wai
bugagia holobowe,
ma te nani si dali bugagia holobo, te konegobeo.

⁷ Ula te wiegi yai nai dao.
Te dago giliga ula sulama,
dago wiegi yai pemene ebo dao.

⁸ Da tęde bidalubo tigidali kibu bede
dago wiegi yai pemene yao.
Te dago kibu be hauwa bidali digi, tagalao,
dago te sęde homu kone gegeda paligio.
Te da kibu be hauwa mu te da isali bidi dabego
hulia sai bulude bidaibao.
Tigidali sę nosali pedelabo elalubao,

te augwali olo nai dabe tiwai naga dao.

Te ogwa bidi dabe ola mabo po

⁹ Dage gesi ogwa bidi dabe,
dagego te dage gesi tigi elalubadi,
wiegi yai pemene yao.

Dagego te duga homugo godolo homu wali pobao.
Tiali goli, dua da, Godigo dagego yali
kolesaga te agai po tųde dagalaibao.

¹⁰ Te dago gesi bidi bidibo te sesabi
elama, bobage sogo mu bidigobeo. Menio.
Te olo nai tiwai elalubao.

Tialima, dageba te nai dabego sęęę mobaso,
te dagego homu hauwa igio.

Tama dagego te duga tigiba dene mabo
kolesaga wali pelamo dao.

12 Godigo da tigidali nigali.

Tibasao, dage gesi ogwa bidi
bidibadi digi dagego aga homu kone palao.

Tiyu, dagego aga homu kone gegeda paligio,
tama nosali dage monu dabe pedalubo side
te dwai sęęęgo dage gegebaso,
te dage deli deligo te tiwai po waibao,

“Eno ena bidabo ulade wiegi yai
homu pemene ebeo,” po waidali weyu.

² Te sogo dagego gedu dwai elalubaso,
dagego te tiwai homu yaibao,
giliga, me polua, me te hę dabe,
te bugagia ula isięyu, tama te haowa tulubage
sesemane sogo elalubao po waibao.

³ Te sogo dagego nogo bomo
munu ma isięma, te midigi saibao.
Te dagego saęa bomo menisęma, gagea paibao.

Te dagego kele me deli deli naga elalueibao,
tama dagego te dila pai nai me tugobeo.

Te dagego gedude me dwai elama,
te dagego nai dabe bugagia
tonono bilibo usu egobe dao.

⁴ Tama dagego olo te palia selama,
tama te be bulu badu kilikili wabo odisięyu,
te masigigo wit pęęębo tiwai eyu,
tama te musik haniani u wabo tiwai yali.

Tialima, te dage godege piai digi yaibaso da,
teda te ba po wabogo naga dage hodolaibao.

⁵ Te bulu dabe daide ugwadu dage bidalu,
tama dage te sunumidu bilabo wi yaibao.
Dagego tobolu nisi te tedela yai pedelama,
tama dage te sunumidu bilibo sę dene yaibao.

Tama te nai dabego dage haliga
hogodolabo sę me iligobeo.

Te dage isilama, tama duga sesemane sogo bidada
peyu,

bidada pabo buluba bidigi paibao.
Te duga taunde bidibo we bidi dabego,
te augwaligo gela weyu,
hobede ebo balia po waibao.

⁶ Dage isisębadi, dagego Godiba homu kone palięo.

Dage isibo sogo, te wiegi yai lam sole ula sia sabo tiwai yaibao,
te silvago nigai sen toga peyu,
ma te golgo nigai pou dis alua pabo tiwai yaibao.
Tama te ulu aji dedagede ugaba kekebo
dwasianu nai winis toga peyu,
tama te aji tuali togo nigali sospen
tulaluama, alua pabo tiwai ebo dao.
⁷ Tama dagego tigi te to ma pedelaibao,
tama Godigo dagebolo te mani
homu ogwa wai mobo bidi, te God agaba ma
paibao.

⁸ Kolesaga mu koneani bidigo te tama po walio,
"Tigidali nai te olo nai tiwai naga elalu,
tama aga page mu meni yai elalubao," wali.

E bukugo silagasu wabo po

⁹ E buku aseani bidigo koneani kolesaga wiegi yai mu elalubaso, tama agai te we bidi dabe augwali ola manio. Agai te tobage wiegi yai po dabe me begelama pusubo po bugagia dagalama wali, tama agai homugo te po dabe mu po da homu ebaso da, teda agai te po dabe e buku aseai dao. ¹⁰ Agai te bidi dabego ologo odolama, pusu yabo po dabe gegebo se dene elama, tama agai te mu po dabe naga bugagia gegelama, aseai dao. ¹¹ Te kolesaga mu konea pali bidi dabego po

te poa pali dono dabe tiwai elalueibao, te sipsip kibu dabe gasaba bogeasa soyu ebaso, ela palu, ela soabo dono te sipsip tonalubo bidi dabego sabilaibao. Te kolesaga konea pali bidigo te buku me delide wiegi yai po elalubo subaso da, teda te po sesabi elama, sese-mane sogo elalueibao, te nili dabe te ni namede da elalubo tiwai yaibao. God, da tigidali tonalubo bidigo, te po dabe dabolo mawai dao.

¹² Eno waio, eno po me deli mu ma nagebolo wabo homu ebao. Te buku asebo bidi dabego te buku hauwa mu asebo dao, tama te tobage se silabo me elalubeo. Te nago te buku sesemane sogo nedebo se ebaso da, teda nago tigi hagela yaibao. Tibaso, nage te kolesaga ebode dua dao.

¹³ Te tigidali po siminagasu, eno te tiwai po obao, te da bidigo bidibo ulade polalubo se te tiwai elalubao.

Dago God naga dologode bidiyu,
tama agai bomai po dabe wali pao.

¹⁴ Godigo dago ebo kolesaga tigidalide da po tu ilaibao,

te wiegi yai kolesaga dabe me,
dwai kolesaga dabe me, te geme dualama
ebo kolesaga dabede me, da po tu ilaibao.

Solomongo Balia Po

Hasia nedebo tau sabo po

Te e buku augwaligo balia po tiwai așani, tiali goli te buku yabe deli delide te balia wabode te we bidi augwaligo pusali po elalubao. Te me badu buku yabede te bidi me deligo aga godolo yali we delegelama balia po weyu, te me badu pedai buku yabede te wego te bidigo wali po wei ponama wali. Te augwali sigo pusali pode te wiegi yai haniani po begelama pusali po pașanlubao, te augwaligo hania hanilama ola mani te genuai pemene bidigo we dali ebo, me wego bidi dali pemene ebo me hanilama ola manio.

Te gasa Baibel buku dabe hauwade, te Godigo po pusali bidi profet dabe dali, te gasa bidi dabego me, te tiwai po begelama pusuyu, te Israel dabe augwali te Godigo we tiwai da po wali. Tama tialima, te Israel dabego te bukude te tiwai po nedebo sogo, augwaligo te homu yali, agai Godigo wiegi yai kolesaga dabolo ola mani homu yalio, magi baso meni, agai te Israel dabe augwali godolo mu eyu, te augwaligo me God godolo mu yali. Te Godigo po wali pabo we bidi mebago te buku sulama, te Kraisgo aga wali pabo we bidi godolo ebo po begelama pusali tiwai yali, me te Kraisa aga wali pabo we bidigo te Kraisa aga godolo ebo dao.

Te buku nogi Tigidali Nai Gagalama Nigali Side, te bukude, tede Godigo bidi dali, we dali nigilama, te augwali si bonogo keșebo tiwai mu ilali (te bukude 2:24, tede te po elalubo suao). Te bukude wali pogo te po daș walali, te dabolo te tiwai me ola mani, te Godigo wiegi yai bidi ma we nagebolo mobaso, Godigo te olo mabo wiegi yai seșe nago wiegi yai pemene mu yao, te po wai dao.

¹ Te e bukude așani elalubo balia po te wiegi yai balia da, te balia pogo te tigidali balia po aiyaba elalualio. Solomon aga digi te balia po așai dao. †

Hasia wabo balia po

Gesi ogwa we wegigo te tiwai balia po wali

² Hauwa sogo nago ena nono nani, tama eno homugo nago te tiwai seș ebo genuagia mu emainu homu ebao. Nago ena godolo elama, te nage enade mu isibao. Te polalubo nai mu da, tama te wiegi yai wain așigo pusu aiyaba elalubo dao.

³ Nago tigi denami wiegi yai ebao. Eno nago nogi odolama, te ena wiegi yai pemene ebao, te eno denami ebo sandade wiegi yai pemene ebo tiwai yali. Te we dabe sibi augwaligo nage godolo mu ebo dao.

⁴ Nago ena selama, da udayu pinao. Nage eno king bidi tiwai, te nago ena selama, te nago be habuba pinao. Te da si pemene yaibao. Nago ena godolo mu ebaso, tama da pemene mu ebao. Dago wiegi yai pemene ebogo te bidi dabego

wain așide pemene homu ebo aiyaba elalubo dao. Nage uganu mu elalubao.

Tibaso, tigidali we dabe nagede mu tulalubo dao.

⁵ Dage Jerusalem we dabego, odao.

Eno tigi husugu yali,

tiali goli ena sawi yai pai mu da.

Eno tigi husugu yali,

te Kedar dabego wa pai bulude

te sel ugwa be dabe husugu yai tiwai dao.

Tiali goli, ena gasa sawi yai mu,

te sawi yai name ugwa dabe

te king Solomongo bede walalubo tiwai dao.

⁶ Mu tama, eno tigi husugu yali,

tiali goli dagego homugo ena

te olo seș ebo we tiwai da homu elamuo.

Giliga ena tigide dolama,

tama eno tigi te tiwai pedelali.

Te eno abe dedego ena dali wado po obaso,

tama ena te wain gi dabe tonalugi pabo seș idualio.

Tama tialigo eno tigi ena digi bugagia tonalusawani.

⁷ Nage wiegi yai abagi da, eno nage godolo mu ebao.

Te nago naga sipsip kibu dabe menaba odasa paibawe?

Te augwali mena badu pedaiba pelama,

te tuabo wiegi yai nosai gegegi paibawe?

Te genuai giliga nanobode augwali menaba

tiwai madi duala sigi pogowe?

Nago enabolo obaso da,

te eno nage gegebo seș dene me egobeo.

† 1:1 1 Kin 4:32

Te nago enabolo wasiaḅaso da,
teda eno nage eno te gasa sipsip
tonalubo bidi dabe tomode gegebo seḅ eyu da,
augwaligo ena te penani ebo we da homu yaibao.

Gesi ogwa bidigo balia po te tiwai wali

⁸ Eno abagio, nage gasa sawi yai we mu da.
Te nago ena suabo homu ebaso da,
teda nago te sipsip dabego saḅa pasalu wali
poanao.
Nago wali pobaso da,
teda naga meme dabego tuabo
wiegi yai nosai elalubo sueibao.
Te nosai te sipsip tonalubo bidi dabego
sel ugwa be paḅde elalubao.
⁹ Ae, nage eno sawi yai abagi da,
nago au yali wiegi yai da,
te Isip king bidigo karis dabe
kekebo hos kibu dabe au yali tiwai dao.
¹⁰ Nago tobolu niside gedelali au dobagego
te nago gesabidi ula ilali.
Tama nago magede domoani wiegi yai beli dabego
te nago magede ula mu elalubao.
¹¹ Tialima, dago te golgo au dobage meba nigiyu,
te gasa au dobage dabe te silvago nigibadi elama,
tama dago nagebolo mawaibao.

Gesi ogwa we wegigo balia po te tiwai wali

¹² Eno king bidi aga betide pila muyu,
tama agai eno au yali wiegi yai
sanda denami odobao.
¹³ Eno abagi, eno godolo mu ebao,
paua me deli wiegi yai denami ebo tiwai ebaso,
te ena baude ugadu pila mubao.
¹⁴ Tama aga te wiegi yai denami ebo
plaua dabe tiwai elalubaso,
te Engedi wain gi dabe pedalubo tiwai ebo dao.

Gesi ogwa bidigo balia po te tiwai wali

¹⁵ Nage gasa sawi yai we mu bidibaso,
eno nage godolo mu ebao.
Tama nago me nago ena godolo eyu,
te nago ena dali gedu ebao.

Gesi wegi ogwa wego balia po te tiwai wali

¹⁶ Eno abagi, nage wiegi yai mu bidibao.
Nago sawi yali gasa ugadu mu igulalio,
tama eno nage wiegi yai pemene mu ebao.
Te wiegi yai nosai te da sigo pibo bet sai tiwai
elalubao.
¹⁷ Te sida ni dabe te nologo dabe me
te dago be tobolu mubo pilo me
walawala ni tiwai elalubao.
Tama te ni pain dabe te bego pedu ni tiwai dao.
2 Tialima, ena te bulude elalubo plaua me deli tiwai
te Saron tḅ malu bulude pedelali.
Tama ena te sawi yai plaua tiwai,

te odogo bulu te bulu du dabe
tomode elalubo dao.

Gesi ogwa bidigo balia po te tiwai wali

² Eno abagi wali we te gasa we dabe tomode bidali,
te plaua te sesane elalubo nosai
tomode elalubo tiwai yali.

Ogwa we wegigo balia po te tiwai wali

³ Eno abagi te gasa gesi bidi dabe tomode bidibao,
te wiegi yai nai du walai ni me deli
te gasa buside elalubo olo ni dabe
tomode elalubo tiwai ebao.
Te genuai giliga nanobo side, ena te ni dologo madi
dugulaluabo homu godolo ebo dao.
Te ni du walali wiegi yai mu elalubaso,
te eno pedauwalide pusu mu ebo dao.
⁴ Agai ena te genuai nai da tubo madi
sela pali, te agai genuai beba pali.
Agai ena godolo mu ebo dao,
te eno agaba wiegi yai homu pemene ebo dao,
eno te nai da tuali be au ilali
name ugwade wiegi yai
pemene ebo tiwai gilama yalio.
⁵ Eno abagi wali bidi, eno nage godolo homu ebao,
tama eno dili kimi isalio.
Te bageo, dagego te nedu du wai dabe ena maiyaḅo,
tama te wain du wai dabe augwaligo olali elalualo.
Te eno tulama, te ena bomo saibao.
⁶ Eno abagi wali bidigo agai pobase nogo
eno tobolu dologoba aiyadu muani.
Tama agai dolo nogogo, agai eno tigi tola salio.
⁷ Te Jerusalem we dabe, dagego te homu ebao,
te wiegi yai bulu uni hasade homu eyu,
te bomai po ena dali daḅ walali homu elama,
te dagego da sigo homu hodolo seḅ me elamuo.
Te dena si seḅ digi dao.

Si wabo balia po

Ogwa we wegigo balia po te tiwai wali

⁸ Eno! Eno abagi wali bidi enaba asobao.
Suao! Aga sasa mano dulu
te bulu dabedu ugaba udada asobao,
tama eno aga dogonidu wabo po odalio.
⁹ Aga te umagia mu uda wali,
te bomai bulu uni hasa me deli udabo tiwai yali.
Aga aselama da,
te be bulu badu dolagaselama,
te be dedage windodu tomoba tonanio.
¹⁰ Tama agai ena dali e po wali.

Te ogwa bidigo balia po te tiwai wali

"Eno abagi we sawi yai we mu, nage buluba teda
asao,
te nage ena wali asao.

11 Nage te tulubagede wi me elamuo.
Te tulubage be yali sogo silalio.
12 Megi da, tigidali badu plaua dabe pedela silalio,
te balia po wabo sogo pedelali.
Te ba hi dabego bulude balia po ola pabo sę ebao.
13 Te ni kaya du walobo gagalali.
Te buside tigidali bonogo duduli pedelama,
tama te plaua dabego wiegi yai denami ebao.
Eno sawia pai we abagi mu, nage buluba teda asao,
tama nage ena dali asao.
14 Nago naga be tomode bidali,
te ba te bulu du dwai madi dedage
dwasianu tomode game dualalubo tiwai elaluali.
Te buluba dįą soao,
te eno nago sawi yai gesabidi sulama,
tama nago wiegi yai dogonigo
po wabo eno odaibao.
15 Te dwasianu bulu uni yowi dabe
nogo pageabi elama, tola sao.
Tiyu, augwali dago gi tomoba aselama,
te wain ni duduli walobo plaua dolidalio," wali.

Gesi wegigo balia po te tiwai wali

16 Te abagi eno bidi da, tama ena agai we da.
Agai te aga meme kibu dabe
te sawi yai plaua dabe tomoba sela pelama,
tama augwali te nosai tubo sę ebo dao.
17 Te agai augwali tonalubadi,
te giliga dega siguluboba usu nama,
te bulu kedau ebo dao.
Eno wiegi yai abagi,
eno homugo nage polo ma asomainu homu ebao,
te wiegi yai bulu uni hasa me deli
te genuai bulu duba uga udada asobo tiwai ebo
dao.
3 Tigidali sogo hulide ena godege pibo sogo,
eno te godolo ebo abagide na naga ebo dao.
Te eno nade aga tigidali habude gegali,
tiali goli eno aga me subeo.
2 Te nade ena hodaluama, te ena taun tomode biliyu,
te eno aga gegeyu ebo dao.
Ena te taun pedai habu tigidali badu bilibo dao.
Tama eno te godolo mu ebo abagi gegebo sę ebo
dao,
tiali goli, eno aga dali deliba gesabidi me unulubeo.
3 Te taun tonalubo bidi dabego augwa bilibo sę eyu,
augwaligo ena suali.
Te eno augwaliba hanalu wali,
"Dagego eno abagi sualiwe, ma meniwe?"
4 Eno augwali tagalama, ena pobadi,
te polo mu tama eno ena abagi suali.
Ena aga pageba pelama, eno aga pagea selama,
te agai ena taga pidali homu eyu, eno hagela yali.
Eno aga ena idago beba odasa pelama,
tama da si te eno idago be habu tomoba palio,
te eno te na te tiwai ebo dao.
5 Te Jerusalem we dabe, dagego te wiegi yai
bulu uni hasa dabede homu kone palama,

te bomai po daų wai baso da,
teda dagego da sigo haliga hodologio.
Te sę dena side digi elalubao.

Sela wabo balia po

Gesi wegigo balia po te tiwai wali

6 Magi naigo te wa pai bulude
bidali tagalama, asaliwe?
Augwaligo te denami wiegi yai ebo tobage plaua
dabe
ulubo sogo pedalubo hano tiwai nai pedelali.
Te aga denami ebo te bisnis bidi dabego
te mone sabo paudago denami ebo tiwai yali.
7 Suao. Te wiegi yai dugabo sia sai
me deli te bidi dabego tolasa asali.
Tama Solomon aga digi tede dugawali.
Te bidi sese sela 60 ami bidi dabe aga dali asali.
Augwali te bomai ami dabe da,
te Israel ami dabe dao.
8 Tigidaligo hauwa sogo polobadu boi hwjani.
Tama augwaligo te bainatgo hwjbo mu konea pai.
Tigidali deli deligo augwa bainat tola sesa asalio.
Te augwaligo sisi elalu tonaluali,
tiyu te boi bidi dabe hulide aselama,
hwjagasidali weyu tialio.
9 Augwaligo te tų kantri Lebanonde
wiegi yai ni dabe selama,
tama te kingo dugabo sia sai nigali,
te dwasianu be me deli tiwai.
10 Augwaligo te sia nigabo ni tigi te silvago nigali,
tama aga kekabo bono te golgo nigali.
Te dugabo pesage, augwaligo
te kingo mama yai name ugwago mesegelali.
Te Jerusalem we dabe augwaligo
te sia bugagia au ilalio.
Augwaligo kingo te sę ebo godolo mu yai dao.
11 Dage Jerusalem we dabe, dage aselama,
king Solomon suagasao.
Te kingo mubo madi agai tobolude muani elalubao.
Te king Solomon aga we sabo side
aga idago te madi aga toboluba muani.
Tama te tiali side aga wiegi yai pemene
umabogi mu yai dao.

Gesi ogwa bidigo balia po te tiwai wali

4 Eno we abagi, nage gasa sawi yai dao.
Nago te name ugwa pedai tobolude bea selama,
te nago gesabidi game dualiyu tiali,
tialima nago gedu eno suali ula yali, magi baso
meni,
nago ena godolo mu ebaso tiali.
Nago gesabidi badu hauwagasali tobolu nisi da,
te kibu meme hani me deligo
wiegi yai pemene ebo tiwai eyu,
te Gileat bulude te dwasianu bulu du dabedu
aiyaba sasa mano dulubo tiwai ebo dao.

2 Nago kele tedela mu yali,
 te tedela sipsip tigi wali augwaligo tigi nisi poalama,
 te augwali megī tama aḡ telawai tiwai yali.
 Nago kele deli me degebeo. Menio.
 Tigidali bugagia elalubao.

3 Nago pedauwali te mama name ugwa tiwai mu yali.
 Nago pedauwali te gasa sawia pai mu da.
 Te name ugwago nago gesabidi
 sesela sali, tiali goli eno nago
 gesabidi ula elalubo suali.

4 Nago dogoni te gasa sawi yai mu,
 te king Devitgo uganu sę yai
 wiegi yai bobobage be taua tiwai dao.
 Te nago magede domane sawi yai beli da,
 te ami bidi dabe hauwago sabele dabe tiwai
 te uganu mu sę yai bobobage be tauade
 paide wawalo pali tiwai elalubao.

5 Nago ame si da, te wiegi yai bulu uni hasa sigo
 te plaua dabe tomode nosai tudubo tiwai elalubao.

6 Nage te denami ebo wiegi yai nai dabego
 te bulu du me delide paḡaḡalubo tiwai dao.
 Tama ena te bulu duba bidigi pelama bididubadi,
 te giliga dega sigulama, te bulu kedau ebo sogoba
 usu naibao.

7 Eno abagi, nage gasa sawia pai mu da.
 Te nago tigde masalu deli me elalubeo.

8 Eno we o, nage ena dali asobaso,
 da sigo te Lebanon bulu du dabe
 tagalama, da si pinao.
 Nago te bulu du Amana, me te bulu du Senir,
 me te bulu du Hermon tagalama,
 te nage aiyaba dulao.
 Te laion dabe, me gasa bulu uni hasa dabe
 te bulu du dabede bidibao.

9 Nage eno we, te nage eno hobolu du mu da.
 Nago ena dwasianu naga suali,
 te nago eno hobolu du togalualio.
 Eno nago magede domoani beli sulama,
 tama ena nagede mu tulaluali.

10 Nage da eno we,
 te nage eno hobolu du mu da,
 nago ena godolo mu ebaso,
 te ena wiegi yai pemene mu ebao.
 Nago te godolo homu ebo pusu mu ebao,
 tama te wain aḡgo pusu aiyaba elalualio.
 Te nago au yali sanda denamigo
 te tobage wiegi yai pauda dabego
 denami aiyaba mu elalualio.

11 Nage eno wiegi yai we da,
 nago po eno olode odobo pusu mu ebao,
 te hani pusu pedauwali ebo tiwai yali.
 Nago wabo po wiegi yai ebao, te tubo ame pę tiwai
 da.
 Nago gudali ugwa dabe wiegi yai denami elalubao,
 te Lebanonde bulu du dabego denami ebo tiwai yali.

12 Eno we, nage eno hobolu du mu da.

Nage te obo baguai gi me deli tiwai elalubao,
 tama te tomoba niwai bidi me piḡawani.
 Nage te ulu wę me deli tiwai
 te gi tomode elalubao.

13-14 Nage te wiegi wiegi yai ni du dabe
 te wiegi yai gide elalubo tiwai da.
 Te ni mebade wiegi yai nai elalu,
 te meba nedu dude wiegi yai denami elalubao.
 Mebago te wiegi yai sanda nigiyu,
 te mebago naiba munama, pusu ilaibao.
 Mebago te tobage au dogia pabo nai dabe nigibadi,
 te mebago wiegi yai denami hano
 ilibo pauda nigaibao.

15 Nage te ulu aḡ paḡaḡnama, te buluba gelama,
 tama peyu, te giba aḡ mabo tiwai ebao.
 Nage te dwasianu aḡ gomo dabe tiwai
 te Lebanon bulu dude ulu pedelama,
 tama te giba aiya dulubo tiwai ebo dao.

Gesi wegigo balia po te tiwai wali

16 Not badu wali, nage asao.
 Saut badu wali, nage aselama,
 eno gi waligo mesega sagasobaso,
 te tigidali pesage te gi habu
 te wiegi yai denamigo paḡaḡaḡ saibao.
 Tama eno te godolo mu ebo abagite aga giba asela-
 ma,
 tama te wiegi yai nedu du dabe tuagasomainao.

Gesi ogwa bidigo balia po tama wali

5 Eno we, nage eno hobolu du mu da,
 ena te ena giba asalio.
 Tama eno te wiegi yai denami ebo nai dabe sisina-
 gasali.
 Eno te wiegi yai pusu yai nai hani tuali.
 Te eno ame pę me wain dali tuali.

Te we dabe augwaligo balia po tama wali

Dage si abagi wali wiegi yai mu da,
 dage si nai me aḡ tuao, dage si mu paḡaḡaḡ pao.

Me si me si wabo balia po

Gesi wegigo balia po te tiwai wali

2 Te hulide ena godege pila mudu digi,
 tialima, eno homu kone palobo sę iduali.
 Te eno nade suali, te eno bidigo eno be
 sunumiba bebego udalio.

Gesi ogwa bidigo balia te tiwai wali

Eno we da, te eno hobolu du mu dao,
 nago be sunumi dalama,
 ena tomoba asabo nigilao.
 Te hulide segeni aḡ te eno tobolu niside
 paḡawai elalubao.

Gesi wegigo balia po te tiwai wali

³ Eno ena gudali ugwa peda muani,
tama eno te ugwa ma gudubo hagela ebao.
Eno ena saḡa aḡ telawali,
te ena hogodama biliyu,
te saḡa meda ma ilibo te ena hagela ebao.
⁴ Tialima, eno abagi wali bidigo
te sunumide daganama,
uga siyu, edaba tola siyu ebo nai
handelba nogo tola sagasida wabo eno odama,
tama eno haliga hogodalua,
te eno wiegi yai homu pemene yalio.
⁵ Ena hodalu, sunumi dawainu yali.
Eno nogo te sunumide daganani uga tola siyu,
eda tola siyu ebo nai
handelba nogo diḡbadi,
tama ena nogode elalualio
te sandago te sunumide daganani nai
handelde te sanda dagana sali.
⁶ Eno ena abagi sunumi dalali.
Tiali goli, aga pai yalio, tama eno aga subeo.
Eno agai wali pode homu kone palama,
tama eno haliga dwai mu yalio.
Te eno aga gegebo se yali,
tiali goli eno aga me subeo.
Eno aga i wali, tiali goli agai eno i weyu
me ponobeo.
⁷ Te taun bagulali moni obo tonalubo
bidigo ena suali.
Te augwaligo ena elama, te eno tigi dolama,
tama augwaligo eno bulali ugwa saket sali.

⁸ Te Jerusalem we dabe,
te dagego eno abagi wali bidi subaso da,
dagego te tiwai po daḡ walama, agabolo wao,
eno aga homu godolo mu elama,
te eno nogo saḡa dili
kimi meni yai elalubo po walao.

Te we dabe augwaligo balia po te tiwai

⁹ Nage gasa sawi yai we,
tama nago tigidali we aiyaba elalualio.
Nago te bidi aga mena tobage bidi daweo?
Te da gasa we dabego bidi aiyaba elalualio homu eba-
so,
tama nago homugo dago
te tiwai po daḡ omainogo ebaweo?

Gesi wegigo balia po te tiwai wali

¹⁰ Eno abagi wali bidi te aga bomai bidi mu da,
te agai gesabidi gasa sawia pai mu da,
tama te tḡde bidi nedabo usu isiḡbo
te hauwa tausen bidi mu aiyaba elalualio dao.
¹¹ Agai gesabidi ula te gol tiwai.
Agai tobolu nisi te husugu yai mu,
te husugu bago tigi nisi tiwai elalubo.

¹² Agai gedu begelebo se umabo mu idualio,
te aḡ pauwai ba te aḡ sesege
tolalubo tiwai gilama yai.
¹³ Te agai naboge badu tobolu nisi te wiegi yai,
te gide wiegi yai denami yai plaua dabe
elalubo tiwai yalio.
Agai pedauwali te sawi yai plaua tiwai elalualio.
Agai wabo po wiegi yai mu ebaso,
te denami ebo wiegi yai sanda tiwai elalualio.
¹⁴ Agai nogo te wiegi yai mu tama.
Tama agai te gasa tedali au gasagi yai
ring dabe te aga nogo dani au ilama muani.
Agai tigi tedela mu yai,
te tigi ula umabo mu yalio.
Tama agai kukulu augwaligo te sisi dugusu yai
te gasa au tedali yai masigigo au ilalio.
¹⁵ Agai saḡa si augwaligo te wiegi yai
tedela yai masigigo nigali pos si tiwai elama,
tama te mu udula pai gol
pedai si elalubo pedai badu dolalualio.
Te noma yai polalubo mu
te ni sida wiegi yai dabe tiwai,
me te Lebanon genuai bulu du dabe
elalubo tiwai yalio.
¹⁶ Agai ena dali naboge si dilibo sogo da,
eno te pusu umagi mu yalio.
Agai tigi pedai tigidali badu
usu nama, te wiegi yai naga yali.
Dage Jerusalem we dabe,
eno bidi da te tama tiwai tobage bidi me dao.

Te we dabe sibigo balia po te tiwai wali

6 Nage gasa sawi yai we, tama nago tigidali we
aiyaba elalualio.
Nago abagi wali bidi mena paliwe?
Dago nage tau selama, aga gegaibao.
Tiali goli, aga mena sunumidu wali paliwe?

Gesi wegigo balia po te tiwai wali

² Eno abagi wali bidi aga giba pali.
Te gide te wiegi yai denami ebo nai dabe
paḡaḡalubao.
Te aga meme dabego te nosai dabe tubo se eyu,
tama agai te au sawia pai plaua dabe
sisinibo se eyu ebao.
³ Te aga eno bidi da, tama ena agai we dao.
Agai aga meme kibu dabe
te sawi wiegi yai plaua dabe tomoba sela pelama,
tama te meme dabe augwa te nosai
tubo se eyu bidibao.

A naga wali balia po**Gesi bidigo balia po te tiwai wali**

⁴ Eno abagi, nage gasa sawi yai mu da,
te wiegi yai taun si Tirsas me Jerusalem tiwai da.

Eno suali, nage gasa sawi yai mu yaibaso,
tama eno homu daꝓ wali,
te bidigo te ami bidi genuai hani
te ugwa plak dali asobo subaso,
agai gedu tede daꝓ wabo tiwai yali.

⁵ Eno homugo nago enaba tonogi homu yali.

Nago enaba tonobaso da,
te ena nagede mu tulalubo dao.
Nago gesabidiba hauwagasai elalubo tobolu nisi
te kibu meme hani wiegi yai pemene eyu,
te Gileat bulu du dabedu aiyaba
sasa mano dulubo tiwai ebao.

⁶ Nago kele dabe tedela mu yali,
te augwaligo megi tama aꝓ paluai tedela
sipsipgo tigi nisi tiwai yali.

Nago kele deli me degebeo. Menio.

Tigidali bugagia mu elalubo dao.

⁷ Name ugwago nago gesabidi mesega sali goli,
tialima eno nago gesabidi ula ebo suali.

⁸ Kingo we hauwa elalubao.

Bidi sese sela 60 we te kwin bidibao,
te tudi badu si wali daganaluali we dabe
te bidi sese me si me si 80 bidibao.

Agai te gasa gesi we dabe hauwa me elalubao.

⁹ Tiali goli, ena da, eno abagi deli naga elalubao.

Aga te polalubo mu bidibaso,
tama eno aga godolo mu ebao.

Aga idago aga deli naga ame neyu,
tama agade wiegi yai pemene eyu,
tama aga godolo mu ebo dao.

Tigidali gesi wegigo aga sulama,
te augwaligo aga nogi ugaba sali.

Te kwin we dabego,
me te kingo gasa we dabego te balia po weyu,
te agaba wiegi yai pemene yali.

¹⁰ Dego mu enaba tononalubo dawew?

Agai gesabidi te giliga pedelainu ebo tiwai elama,
te giliga ula genuai nanobo tiwai eyu,
tama agai gesabidi mu udula pali,
te polua ula tiwai yali.

Eno aga sulama, tama eno homu daꝓ wali,
te bidigo genuai ami hani
te augwa plak dali asobaso sulama ebo tiwai yalio.

¹¹ Ena dulama, tama ena te du wiegi yai
walobo ni dabe elalubo giba asali.

Ena asali, te gesi kulubi dabe te ni dabede te bulu
odogode holobo sueinogo asali.

Eno te ni waingo gesi kulubi dabe,
me te nai du walali wiegi yai elalubo
te eno sueinu yali.

¹² Eno abagi we, eno nage sulama, ena noma sali.

Eno kone palali, ena te genuai bidi mu
deligo karisde bidibo tiwai yalio.

Te we dabego balia po te tiwai wali

¹³ Sulam we, ma asao, ma asao.

Dago nage suainogo, nage geasa ma asao.

Gesi wegigo balia po te tiwai wali

Te eno bidi dabe gedude bebegelibo danis ebo,
te magi baso dagego ena suabo homu ebawew?

Gesi bidigo balia po te tiwai wali

⁷ Eno abagi we, nage te kwin we
me deli tiwai mu polalubao.

Nago saꝓ nadoba bulali,
tama nago saꝓ meda meni yai mu elalubao.
Nago saꝓ te sawia pai mu da, te piksa noma me deli
te kolesaga konea pai bidigo te masigi togolama,
nigali piksa noma tiwai mu yali.

² Nago mosogobe te kap tiwai

te wain paꝓawai pusu yai
paua dali taluai tiwai yali.

Nago pamene si te gasa sawi yai mu
te wit me deli pesage holali tiwai,
augwaligo te sawia pai plaua dagego
au ilali tiwai dao.

³ Nago ame si te wiegi yai bulu uni hasa si tiwai da,
augwa idago augwali si deli sogo ame nani.

⁴ Nago dogoni magete tedela yai taua me deli tiwai.
Nago gedu te genuai taun Hesbon sunumi paꝓe
elalubo

dwasianu sigi aꝓ ge tiwai yali.

Nago guni wiegi yai mu tama,
te Lebanon tonalubo bidi dabego taua tiwai,
te augwaligo Damaskus pedai badu tonalubo dao.

⁵ Nago tobolu ugaba mu igulali,
te Karmel bulu du tiwai.

Nago tobolu nisi udula pali,
te kingo sawia pai name ugwa tiwai yali.

Tama te tobolu nisigo te king tulaluabo seꝓ mu ilibo
dao.

⁶ Eno abagi we, nage gasa sawi yai we mu da.
Eno nage godolo mu ebao,
te nago tigidali naigo ena pemene ilibo dao.

⁷ Nage wiegi yai mu te doloba pai ni kokonas tiwai.
Te nago ame te aga du dabe tiwai da.

⁸ Ena te kokonas nidu ugaba holama,
te nai aga du saibao.

Eno nago ame suali, te du hauwa walai wain
nologo elalubo tiwai yali.

⁹ Eno nago pedauwali denami odali,
te wiegi yai nedu du laulau denami ebo tiwai.

Nago ena dali nono nani,
te wain aꝓ pusu mu ebo tiwai yali.

Gesi wegigo balia po te tiwai wali

Awe, eno abagi wali bidi,
eno te wain nage mawaibao.

Te godege pibo sogo me
te tobage wain wiegi yai ebo da.

¹⁰ Ena te ena abagi wali bidigo we da,
te agai ena godolo mu ebo dao.

¹¹ Eno abagi wali bidi, nage ena dali asao.

Tama da te dwasianu bulu dabeba bidigi pinao.

¹² Te kigamu digi mu te da hogodasa peyu,
te wain ni dabe sueibao.

Te augwali kulubi pedelama,
te augwa yabe diligi naniwe,
ma meniwe, te homu ebao.

Tama dago te nai du wiegi yai walobo ni dabe
sueibao.

Te augwa plaua dabe diligi naniwe, ma meni yaliwe?
Da te wain gide bidalu,

te eno te tiwai nagebolo ola mobaso,
te eno nage godolo mu eba homu yagameo.

¹³ Eno abagio, eno te wiegi wiegi yai
ni du wai naga selama,
te be sunumi pađe muai elaluali,
te nago tumainogo yali.

Meba eno polobadu sali, tama meba meggi naga eno
sali.

Tama dago te wiegi yai bono dabe denami ebao,
te dago godolo ebo homu hodolomainu ebao.

8 Te eno idago nage ame neyu,
te nage ame manigi sogo da, te wiegi yai igi da.
Te tiwai ebao da, teda eno nage te genuai sunumide
deliba gesabidi unulo bo sogo,
eno nage dali nono nobaso,
te niwai bidi me deligo
tede dwai homu me ebo usugobeo.

² Te eno nage selama,
te dena si idago beba pobaso usu da,
tama nago ena bugagia ola magameo.
Te eno wain selama, eno te wiegi yai wain nedu dugo
te gasa pusu yai pauda dali taluama,
nage mawaibao.

³ Nago pobase nogo eno tobolu dologo badu muao.
Tama nago dolo nogogo, te nago eno tigi tola sao.

⁴ Te Jerusalem we dabe, dagego bomai po ena dali
daꝓ walobaso da,
te dagego da sigo haliga hodolobo po me olamuo.
Te se dena side digi elalubao.

Te nogo kibisa deli wabo balia po

Te we dabego balia po te tiwai wali

⁵ Te wa pai bulude bidali tagalama
asali, te mena we dawee?
Agai aga abagi wali bidi nogo tolasa, augwa si
asobao.

Gesi bidigo balia po te tiwai wali

Da te ni laulau tiwai madi dologode bidalu,
tama eno nage hodolali.
Naga idago nage te ni dologode ame nai dao.

Gesi wegigo balia po te tiwai wali

⁶ Nago ena deli naga godolo homu yao,
te nago gasa we godolo homu me elamuo.

Nago nogogo te gasa we nogo me me diaꝓio.

Nago ena naga nogo diaꝓao.

Magi baso meni.

Eno godolo homu ebo nagede bomu eyu,
tama eno haliga nagede bomonama hogodu,
te isibogo bomogo bidi aiyaba elalubo tiwai ebao.

Eno godolo homu ebo, te umabo digi mu yali,
te isi bogoli dabo genuai mu ebo tiwai ebao.

⁷ Aꝓo te tobage isi sula sawainu ebao, usu me egob-
eo.

Te bidi me deligo aga mone tigidali te
wego aga godolo emaina homu elama mobaso da,
te aga nai mu meniama,
tama te wego aga dwai mu bidabo se ilaibao.

Te gesi wegi aga ama dabego balia po te tiwai walio

⁸ Dago ama dwasianu weginu bidibaso,
te aga ame pedalubeo.

Te aga genuai ebo si da, te dago mena se agade
egowe,

te gesi ogwa bidi me deligo aga saiba homu ebawe?

⁹ Te ama bugagia bidu, te taun bagulali obo tiwai
elalubaso da,
teda dago te taua silva te bagulali obode nigaibao.
Tialima, aga te taun sunumi tiwai elalubaso da,
teda dago aga te dila pai
ni sida ni namego paliabao.

Gesi wegigo balia po te tiwai wali

¹⁰ Ena te obo me deli tiwai da,
tama eno ame te taua si tiwai da.

Eno abagi wali bidigo
te tiwai tama koneani,
te ena aga dali bidali sogo
ena bugagia mu bidu,
te eno haliga dua tegaluama bidalio.

Gesi bidigo balia po te tiwai wali

¹¹ King Solomongo wain gi
te bulu Balhamonde elaluali.

Te bidi dabe augwaligo te gi se yabo homu ebao da,
te mone hauwa tausen te umabo 1,000 kina silva
te kingbolo mobaso usu dao.

¹² Solomongo aga te mone 1,000 kina somainao.

Tama te gi se ebo bidi dabego
te mone bidi sese nogo si 200 kina somainao.
Tialima, eno augwalide moni homu hauwa me ebeo.
Ena da, te ena wain gi elalubao.

¹³ Eno abagi, nage gide bidibaso,
eno homugo nago po omainu homu ebao,
tama eno hai namu dabego te nago dogonigo po
wabo odomainao wali.

Gesi wegigo balia po te tiwai wali

¹⁴ Eno wiegi yai abagi da,
eno homugo nage polo ma asomainu homu yali,
te wiegi yai bulu uni hasa me deli tiwai

te bulu du dabeba eda udada holu,
te wiegi yai nai dabe denami paḡaḡa

pabo tiwai ebo dao.

Profet Aisaiago Po Aseai Buku

Hasia nedebo tau sabo po

Aisaia te profet me deli te Jerusalemda bidali sogo, te Asiria dabego te kantri tɔ Israel te not badu bidali hani dolainu yali, tama pađe augwaligo te saut badu bidali Juda dabe me dolagasainu yali. (Te sɛ yali po te buku 2 King, Daj 17, tede suao.) Dago te buku Aisaia sela badu pedaiba pedebaso, usu da. (1) Daj 1-39. Tede elalubo po e tiwai dao. Aisaiago te aseani po te Asiria ami bidi dabe te pađa yagaselama, te augwaligo Juda hani dolainu ebo sogo te po Aisaiago aseani. Aisaiago agade digi po bega selama, dwasianu po pusali te po te Daj 1-12 tede elalubao.

Juda we bidi hauwa te sogo augwali wi umagi mu yali, tama Aisaiago po augwaliba te pedalubo seđe po page bula selama, pusali. Agai te tiwai po wali, te sɛ pedalubo da, te Asiria dabego homude niga selama ebeo. Menio. Te page Juda dabe augwade digi elalubao, magi baso meni, augwaligo God tudiba muanio, tama tibaso, Godigo augwaliba te dene mabo sɛ yaibao, wali. Aisaiago po hanilama pusuyu, te tiwai po wali, te Juda hani dabe augwa gegunai bidi dabe dali, augwali te Genuai Bidigo po dologoba pelama, te doloba pai kolesaga naga wali piə, wali. Augwaligo te tiwai kolesaga ebaso, te augwali bugagia bidaibao. Tiali goli, augwaligo te tiwai dwai kolesaga me wali pidubaso da, teda Godigo augwali dolaibao.

Aisaiago po daɣ wabo po pusuyu, te tama po wali, te nosali wiegi yai sogo me pedelaibao, wali. Te king Devitde bulali waj nɔy me delide te king pedelama, te tigidali we bidi bidibo page wiegi yai pemenede bidaibao po wali. (2) Daj 40-55. Tede e tiwai po wai elalubao. Te buku pedai badu wali po, te Juda dabe te Babilonde kalabusi bidali sogo wali po, te sɛ yali po te bobage sogo bidilama, te buku hasia pedai badu te po wai. Te Juda dabe haliga seđe elalubadi, tama profetgo te po hanilama pusuyu, te augwali wiegi yai pemene elama bidabo sogo pedelabo po pusali. God aga te tigidali nai nigali aga Aya dao, tama agai te king Sairus te kantri tɔ pedai Persia bidi daj ilali, te agai sɛ emainogo, tama te Juda dabe augwa page buluba ma pomainogo yali. Te boi bidi dabego augwa buludu te gasa digibulu buluba odasa solama, bidigi soali, tiali goli Godigo augwali homu kone ebo gegeda palobeo. Menio. Agai augwali dali polobadu daɣ wali bomo yai pode homu kone me elaludalio. Tama me profetgo te tama po me wali, te Israel dabego nogode Godigo te tigidali tɔ pedai we bidi hani dali wiegi yai bugagia ilaibao po wai dao. Te buku pedai badu te po hauwa me weyu, te po wali, "Genuai Bidigo sɛ bidi," te pedelama, te dene selama, te we bidi augwali tau saibao po wali. Te Godigo po odobo we bidi hauwago konealubo po te tiwai daɣ wai, te Genuai Bidigo sɛ bidi da wali, te Jisasbolo tama wali dao.

(3) Daj 56-66. Tede wali po e tiwai, te badu pedai badu bukude, te profetgo te Jerusalemba ma aselama, bida-gasali hani dabebolo pusali po elalubao. Me badu po e tiwai wali, Godigo aga daɣ wali po homu kone elalubao, tama te pogo te Juda hani dabego haliga bomo ilalio. Te bukude me badu wali pogo augwalibolo e tiwai po wali, te augwali God dologode bidiyu, tama te lotu wabo doloba pai kolesaga wali pelama, te Godiba gedu haluasa po weyu, te agaba ofa mayu yao. Augwaligo te magi nai walu doado bage meni yai we bidi dabe tau sabo sɛ yao wali. Wiegi yai po me deli te Daj 61:1-2 tede elalubao, te po Jisasgo agai sɛ gagalama yainu, te we bidi hani augwaliba te po nedali. Me te buku Luk 4:16-21, tede elalubo suao. Te Aisaiago buku pedai hauwa badu te Godigo we bidi dabe augwali tau selama, haliga dua elama bidabo po wai, magi baso meni, te po dage pedaigo te Godigo bomo elalubo po hanilama pusali. Te we bidi augwaligo suali, te haniani seđe ebadi goli, te tagalao, God te augwa Aya mu da, te agai augwali tonaluali. Te Godigo po odobo we bidi dago te tiwai kone-abo elalubao, Godigo te profet po waliba mu usu nanio, te Jisasgo bidibo ulade me isalide te po mu usu nai dao.

Aisaiago Godigo po te Juda de Jerusalem bulu side bidibo we bidi augwaliba te po pusali

(Daj 1-12)

1 E bukude te profet Aisaiago po elalubo, aga te Emosgo ogwa dao. Te nade ebo tiwai Genuai Bidi God agai po te Aisaiabolo mani, te Aisaiago te Juda we bidibolo, me Jerusalem we bidibolo pusa momainu. Aisaiago te po te tuni bidi king Usia, me Jotam, me Ahas, me Hesehia, tama bage deli deli te Juda dabe tuni bidi bididubadi pusai dao. †

Genuai Bidi aga we bidi dali wado po wali

2 Dagalu, olo saganama, odao. Tq, nago me odao. Magi baso meni, Genuai Bidigo te po wai dao, "Te wai dabe eno tonaluama, genuai yali. Eno augwali bugagia negali. Tiali goli, augwali da, augwaligo eno po sela şabo dao.

3 Te kau kibu dabego augwa aya konebo dao, me te donki kibu dabego augwa ayago nai mabo pesage konebo dao. Tiali goli, eno Israel we bidigo kolesaga menio. Te kau kibu de donki kibu sigo kolesagago augwaligo kolesaga edelalio," wali.

4 Tega, te we bidi dage dolama, dagego kolesaga me mu doali. Tigidali sogo dagego dwai seşeş sabo dao. Te duga dwai seşeşo dage aiyaba kegebo dao. Dage Israel dabego duga Genuai Bidi tagalai dao, aga te Dwagi Yai Doloba Pai Kolesaga Naga Ebo God dao.

Tama dagego aga tudi ola manio.
5 Magi baso dagego Godigo po me sela şadubawe? Dage tigidali sogo dene sabo hagela meniwe? Israel, nage te bidi me bidi dabego elai bidi tiwai dao, te agai tigi sese mu dolama, bomu mu meni yai.

Agai tobolu keni kenigo paşana pai.
6 Te kenigo agai toboludu gagalama, şaşaba usu nigi pali, tama agai tigiwali olo me elalubeo.

Te haniani kenigo agai tigde paşanama, tama agai tigi deda pali. Augwaligo agai tigi penama agai keni şisibeo. Te augwaligo madasin me pilibeo.

7 Awe, te boi bidi dabego dagego bulu polo dola silai dao. Tama augwaligo dagego hanu dabe ulali dao. Te dagego tonalubadi, augwaligo dagego gi nai dabe sai dao.

Te gasa bulu bidi dabego bulu mu dolama, tama dagego tq olo mu elalubao.

8 Hobedagia! Jerusalem deli naga augwaligo tagalali.

† 1:1 2 Kin 15:1-7, 32-38; 16:1-20; 18:1-20:21; 2 Sto 26:1-23; 27:1-9; 28:1-27; 29:1-32:33

Agaduba deli naga elaluyu, tama bomu mu meni. Aga te bidi dabego olo gi be seş yai aş elalubao, te bobi gide seş yani dwasianu be tiwai naga elalubao.

Aga te boi bidi dabe bagua sai hanu aş elalubao.

9 Ma, Genuai Bidi Tigidali Bomo Elalubo Bidigo da meba bidimainu sula tagalisama menigi sogo da, mu tama, teda da polo dolama siligi dao, te hanu Sodom de Gomora si dolali yali tiwai gilama, polo dologi dao. ††

10 Dage tobolu bidi dabe, me dage Jerusalem we bidi dabe, dage te bidi dwai dabe te hanu Sodom de Gomora side polobadu bidali bidi dabe tiwai mu tama dao.

Megi da, dagego olo bugagia munama, tama Godigo bomai po odao, dage Genuai Bidi. Agai dabolo mawainu ebo po bugagia odao.

11 Genuai Bidigo te po odu gebao, "Dagego homugo, dagego haniani ofa enabolo mabo te eno godolo ebawe, homu ebawe? Mu menio. Dagego te sipsip kibu dabe hauwa dagego seselama, te isigo ula silabo ofa yainogo ebo dao.

Tiali goli, ena mu hagela mu yali. Tama eno dagego dwagi yai genuai dagego sesebo hasa ili dabe eno godolo ebeo.

Ena te kau kibu omai kaneme me, me te sipsip kibu gşşo kaneme, me meme kibu omai kaneme dabego enabolo usu yai dao.

12 Magi baso meni. Te dage lotuba asobo sogo, dage dua aselama, eno obo tomoba asobo menio. Menio. Dage asobo yaide, duga olo bilagasu, kulukulu genuai wainu asobo dao.

13 Dage odolali bomai seş elama, ofa nai dabe enaba sesigimio. Magi baso meni. Eno augwalibolo hagela yai dao. Tama me, dagego ulubo pauda denami eno gunide dwai denami pedalobo dao.

Eno dagego gesi poluade, me Sabatde, me gasa lotu dabe dagego wabo eno me subo, hagela ebo.

Magi baso meni. Duga dwai seşeşo duga lotu dabe dolali.

14 Eno dagego te gesi poluade lotu wabo, me gasa bodolu mani lotu dabe dagego wabo eno godolo mu menio.

Te nai dabe tigidaligo enabolo seşeş mabo. † Tama eno tolobo mu hagela ebo.

15 Te dagego nogo ugwa selama, gedu haluasa po enabolo wabo si da, teda eno dage sugobeo.

Tagala, dagego gedu haluasa po hauwa sogo obadi, me teda ena olo palia saibao.

†† 1:9 Gag 19:24; Rom 9:29 ‡ 1:14 Amo 5:21-22

Magi baso meni.
 Te bidi dabe dagego elali bidi dabego
 kaneme dagego nogode me daganalubao.
¹⁶ Eno dage suali mu doali.
 Dage wę paugi pja, tama duga digi duga pęnama,
 tama dwai seęę dage elalubo sela sayao.
 Tama dwai se ma igio.
¹⁷ Te dwagi yai doloba pai
 kolesaga ebo kolesaga konea sao.
 Tama te tobage dwagi yai kolesaga ugwa
 ela holomainu yao.
 Tama eyu, te gasa bidi dabego
 aiyaba elaluali bidi dabe tau mao.
 Te po tu ebode te tiana wai dabe bugagia tau sao.
 Tama me te wilawe we dabe te po tu ebode tau sao.
 Te tama bidi dabego augwali dali dwai se ebaso da,
 dagego augwali tau sao.”

¹⁸ “Odao. Da deliba sisinama, po mimainao.
 Dagego seęę hauwa elalubadi me, tagala.
 Te dage te nala ugwa tiwai bidai goli,
 hoda naigo polo dolai dao.
 Ena Genuai Bidi, eno te po obao,
 eno te dage te tedela ais tiwai ma ilaibao.
 Awe, te hoda nai mu daę wai goli,
 eno dage te tedela yai
 sipsip kibu nisi tiwai ma ilaibao.
¹⁹ Ma, dagego eno po mu odama,
 tama te homu kolesaga wali peyu da,
 teda dage bidibo me bugagia bidiyu,
 me duga gide bulubo wiegi yai nai
 dagego tuyu, bidaibao.
²⁰ Tiali goli, dagego hagela elama,
 eno po sela sayani da,
 teda boi bidi dabego dage ela muagasaibao.
 Ena Genuai Bidi, eno po polo wali.”

Genuai Bidigo Jerusalem bagego kolesaga dodolabo homu yali

²¹ Mena tama te pedalaliwe?
 Hanu Jerusalem, polobadu nago eno po
 wali dolo pai dao.
 Tiali goli, megi da, nage penani we gaga wali.
 Tega! Polobadu nagede bidali bidi dabego
 te po tu dodolobo kolesaga dolo yai dao.
 Awe, polobadu nage te dwagi yai
 doloba pai kolesaga ebo
 bidi dabego paęawai dao.
 Tiali goli, megi da, nage bidi ela mabo
 bidigo paęayani.
²² Polobadu nage dwagi yai silva tiwai da.
 Tiali goli, megi da, nage yaba yai kapa tiwai dao.
 Polobadu da, nage pusai wain tiwai goli da.
 Tiali goli, megi da, nage olo wę tiwai dao.
²³ Jerusalem, nago genuai bidi me, tobolu bidi me,
 augwali te po odisięwai dabe bidiyu,
 tama nai wi sabo bidi dabego abagi dao.
 Tigidali sogo augwaligo te mone pesę eyu,

augwaligo te bidi dabe augwali dali
 mone dabe sainogo ili po wabo
 bidi dabe tau sabo homu ebo dao.
 Tama te po tu odobo sogo,
 augwali te tiana wai dabe tau sabo
 homu ebo menio.
 Tama me, augwaligo
 te wilawe we dabego homu seęę ebo
 dodolobo odama, dodolabo homu ebo menio.
²⁴ Tama tibaso, Jerusalem,
 Godigo po dabe megi odao.
 Tigidali Bomo Elalubo Genuai Bidi
 te Israel dabego boma pai God dao.
 Agai te po wali, “Ena Genuai Bidi,
 eno te ena boi bidi dabebolo dwai dene
 wei ponaibao.
 Usu dao. Tama augwaligo enabolo seęę ma magob-
 eo.

²⁵ Jerusalem, eno bomai se me deli nagede yaibao,
 te nago dwai se yali dodoliyu,
 eno nage posolai isigo ulaibao.
 Te bidi dabego te kapa nogi silva iside ulama,
 tama dwai pobele bage dagana saibaso,
 te sela sawainu isi ulubo tiwai yaibao,
 te posolai iside.
²⁶ Tama eno dwagi yai tobolu bidi me,
 po tu dodola mu odabo bidi dabe
 ena digi daę ilaibao,
 te polobadu nago bidali bidi dabe yali gilama.
 Tama bidi dabego nage nogi
 te doloba pai kolesaga ebo hanu dao waibao.
 Tama Godigo po dolo wali pabo hanu dao waibao.”

²⁷ “Genuai Bidigo Jerusalem bugagia
 doloba pai kolesaga dali aselama,
 tama te bulu ma dobola saibao.
 Tama te dwagi yai kolesagade naga
 agai Jerusalem we bidi ma oda saibao,
 te augwaligo augwa yali te dwai seęę
 ge neyu, homu begelama,
 tama augwa yali dwai seęę hobede ebaso.
²⁸ Tiali goli, te we bidi dabego po sela sanama,
 dwai se elama, God tudi ola mabo
 we bidi, agai augwali dolama,
 tama agai augwali mu silaibao.”
²⁹ “Magi baso meni, dagego genuai
 ni silide te tibo god dabeba
 lotu olama, tama tede dwagi yai
 homu eyu bidai dao.
 Tama me te gi elama, tama lotu
 wabo digi dao olama, hage yai dao.
 Tiali goli, dage te yali kolesaga dabede hobede ela-
 ma,
 tama hale genuai mu yaibao.
³⁰ Te dage te genuai ni kali sasilama,
 mobia pabo tiwai yaibao.
 Tama dage te gi wę meni yai gi tiwai dage tama
 tiaibao.

³¹ Te kala sasia pai da,
te isi deli sogo tama dela pabo dao.
Tama te tiwai se te doado bage hauwa
elalubo bomai bidi dabede yaibao.
Augwa digi dwai kolesaga ebogo
augwali deli sogo tama dolaibao, sia saibao.
Tama te sogo augwali tau sabo bidi meni yaibao.”

Genuai Bidigo te po wali.

**Genuai Bidigo we bidi hani bugagia bidibo kolesaga
mawaibao**
(Mai 4:1-3)

2 Te Aisaiago nade ebadi tiwai, Genuai Bidigo agai
po Aisaiabolo mani, te Emosgo ogwabolo, te agai
te Juda de Jerusalem we bidi dabebolo pusa momainu.
Te po e tama dao.

² Te me sogo nosali, te Genuai Bidigo
be dolalubo te bulu du,
te genuai ugwanu ma dolaluyu,
tama gasa bulu du dabe aiyaba elaluai elaluaibao.
Tama tigidali we bidi hani teba sisinagasaibao.

³ Te tigidali bulu badu we bidi hanigo te po waibao,
“Asiao. Da bulu du Saionba pinao,
Genuai Bidigo bulu duba.

Te Israel dabego Godigo beba pinao.
Te agai dabolo dago emaina homu ebo
te kolesaga ola momainu.

Tama da aga digi sa muani sunumidu pogo o.”
Augwaligo te tama po waibao. Magi baso meni,
Genuai Bidigo bomai po te bulu du Saionde gagalasa,
tama tigidali buluba paibao.

Awe, Jerusalem te Genuai Bidi agai bulu elaluama,
tama agai po we bidibolo ola mabo digi elaluaibao.

⁴ Genuai Bidigo tigidali hani we bidigo po tų dodola-
ma,

tama augwali bugagia deliba bidaibao.

Tama augwali hwjbo bainat
te gi tų elebo ain tiwai gagawaibao.

Tama augwa hwą gagawai sesemone te hamago ela-
ma,

gi se yabo hwą tiwai pedalaibao.

Tama tigidali we bidi hanigo me hwjgobeo.

Tama augwaligo te boi hwjbo kolesaga
munu ma konea sagobeo. †

⁵ Asao, Jekopgo waj dabe dage,
da Genuai Bidigo da mani uladu pinao.

God aga genuai nogi haninaibao

⁶ Genuai Bidi, nago naga we bidi
tudi ola mawai dao.

Nago augwali Jekopgo waj dabe tagalali.
Magi baso meni. Augwaligo tų haniani
pobigo paąana pali, te Filistia bagego tų
tiwai yali gilama.

Augwaligo te dwai kolesaga dabe
sia asobo badu sai dao.

Megi da, nago we bidi hanigo gasa
we bidi hanigo kolesaga wali pabo.

⁷ Te Israel dabego tų te silva, me gol, me hos, me
karis

dabego mu paąana pali.

Tama bidigo nedebo usu egobeo.

⁸ Tama me ma, augwaligo tų tibo
god dabego piksago paąana pali.

Tama augwaligo augwa te nogogo
nigali nai dabeba lotu po wabo dao.

⁹ Tama tibaso, Genuai Bidi,

nago tigidali we bidi aiyaba elaluama,
tama tigidali we bidi hale dwai mu yaibao.

Genuai Bidi, nago augwaligo seąe sela saąio.

¹⁰ Te we bidi dabe, dage wi pelama,
masigi dudulaweba dabe duala sigi piąo.

Dage tųde dedage nigilama, duala siaąo.

Tiyu, dage Genuai Bidi aga ula me bomo dali asoba-
so,

dage wi elama, dolabuo, Genuai Bidi asobode.

¹¹ Te Genuai Bidi sabalobo sogode da,

agai te dene mabo kolesaga elama,
augwa nogi ugwa sabo bidi dabe
aiyaba elaluaibao. ††

Tama augwali hale mu yaibao.

Tama te sogo Genuai Bidi deli naga genuai nogi
saibao.

¹² Genuai Bidi Tigidali Bomo Elalubo
Bidigo bodolu elalubo,

te augwa nogi ugwa sabo bidi dabe
aiyaba elaluabo sogo.

Tama te sogo agai te bidi dabego genuai
nai dabe me augwaligo godolo

elama, gawebo nai dabe dolaibao.

¹³ Te agai te Lebanon bulude elalubo
dwagi yai bobobage ni bų dolaibao.

Me, te Basande bomai ni dabe me.

¹⁴ Te agai genuai bulu du dabe me agai dolaibao.

¹⁵ Me, te bobobage taua dabe, me te
tigidali hanugo bomai obo dabe me.

¹⁶ Te agai te genuai dwagi yai
sawi sip dabe me dolaibao.

¹⁷⁻¹⁸ Te Genuai Bidi sabalobo sogo da,
agai te dene mabo kolesaga elama,

augwa nogi ugwa sabo bidi dabego
nogi aiyaba elaluaibao.

Tama augwali hale mu yaibao.

Tama me te tibo god dabe mu sia saibao.

Tama te sogo Genuai Bidi aga deli naga
te sogo genuai nogi saibao.

¹⁹ Tama te sogo Genuai Bidigo te tų mali iliyu,
tama e tųde nai dabe wi mu ilaibao.

Tama te we bidi dabe me wi mu elama,
tama masigi dudulaweba me, tų dudulaweba me,
wi duala sigi paibao.

† 2:4 Jol 3:10

†† 2:11 2 Te 1:9; Ped 6:15

Te augwaligo Genuai Bidi aga bomo dali,
 genuai ula dali, asobo augwaligo suidali weyu.
²⁰Tama te sogo te we bidi dabego te tibo god dabe
 augwa lotu wabo god dabe saibao,
 te augwaligo silva de gol sigo nigali nai dabe.
 Tama augwaligo te bologo buluba me
 bogwā bidibo buluba dabe tama şawaibao.
²¹Tama te sogo da, Genuai Bidigo te t̄ mali iliyu,
 tama t̄de wi mu yabo ş̄ dabe yaibao.
 Tama te we bidi dabe me wi mu elama,
 te masigi ola beba me,
 bulu du dologode elalubo masigi dedageba dabe
 wi duala sigi paibao.
 Te augwaligo te Genuai Bidi aga ula dali,
 bomo dali, asobo augwaligo suidali weyu.
²²Dagego homugo bidi mego da
 tau saiba homu elamuo. Mu menio.
 Da bidi da olo nai mu dao. Magi baso meni.
 Da p̄w̄dage sogo bididama, tama da isaibao.

Jerusalem bulu we bidi bidibo page dwaibao

3 Odao. Tamadi tama God, Tigidali Bomo Elalubo
 Bidigo
 te we bidi dabe ugwaba sagualu
 tonalubo nai dabe sela şawaibao.
 Te Jerusalem me Juda bulu we bidi dabe
 bidibo wiegi yai ilibo nai dabe,
 te agai tigidali nai me, w̄ me, sese silaibao.
²Agai te hwjbo bomai bidi dabe,
 me olo ami bidi dabe, me po t̄ odobo bidi dabe,
 me profet bidi dabe, me sogo yesi bidi dabe,
 me hanude genuai bidi dabe, agai sela şawaibao.
³Tama me, agai te ami ofisa,
 me gavman ofisa bidi dabe,
 me tuni bidibolo wiegi yai kolesaga
 mabo bidi dabe me, agai sela şawaibao.
 Tama me, agai te bidi dabe haniani
 nai dabe nigibo koneai bidi dabe me
 agai sela şawaibao, me te bidi dabe te haniani sogo
 yesi pobi koneai bidi dabe me, agai sela şawaibao.
⁴Tama Genuai Bidigo te olo ogwa dabe
 te Juda bulu me Jerusalem bulude
 genuai bidi dabe nigimainu sula tagalaibao.
 Awe, te wai dabe augwa homugo digi
 te bulu tonaluaibao.
 Tama haniani kolesaga dabe yaibao.
⁵Te tigidali bidi dabego aga hasi me
 aiyaba elaluainu ş̄ bomo yaibao.
 Te gesi ogomani wegi manigo
 te augwa bolo monu dabego
 po obaso, sela şanama, dağ̄ waibao.
 Tama dwai kolesaga homu pağ̄ana pai bidi dabego
 te dwagi yai homu kolesaga yai
 bidi dabego po sela şawaibao.
⁶Tama te sogo bidi dabe augwali
 augwa ama mu deli me bidibo digi pelama,
 tama agabolo te po waibao,

“Nago deli naga te gudabo ugwa te elalubao.
 Te nage dago genuai bidi nigilama,
 tama da e dwai sogo nago tau sao,” waibao.
⁷Tiali goli, agai te po waibao,
 “Eno dage tau sabo sunumi menio.
 Ena me ena nai me ugwa menio.
 Dagego ena dagego genuai bidi nigimainu dagego
 ena sa mugimio,” te po waibao.
⁸Jerusalem de Juda si te dwai sogoba
 sabolama, tulalubo gagalali.
 Magi baso meni. Augwaligo tigidali pogo me, ş̄go
 me,
 augwaligo Genuai Bidigo nogi aiyaba elalubo dao.
 Augwaligo te dwai kolesaga agai gedude ma ebo
 dao.
⁹Te po t̄ odobode augwaligo augwa
 godolo ebo bidi dabe naga tau sabo dao,
 tama gasa bidi dabe aiyaba elalubo dao.
 Tama te kolesagago augwa digi augwa
 ma po t̄ ela mabo dao.
 Augwali te we bidi dabego gedude
 dwai ş̄ ebode augwali hale me ebeo,
 te Sodom bagego polobadu yali gilama.
 Augwali dolaibao. Augwa dagede augwa dolaibao.
¹⁰Te dwagi yai doloba pai kolesaga ebo we bidibolo
 te dwagi yai homu yao po walao.
 Magi baso meni, augwali dwagi yai
 pe saibao, augwa yali dwagi yai ş̄de.
¹¹Tiali goli, dwai bidi dabe da, dolaibao.
 Augwali te dwai pe te augwa yali dwai ş̄de saibao.
¹²Hobede mu da, dage eno we bidi dabe.
 Te gesi we bidigo dage te tonalubao.
 Te tobolu bidi dabego dage halubaso,
 tama dagego augwaligo dwai
 sunumidu dage wali te pobao.
¹³Genuai Bidigo tigidali we bidigo
 po t̄ odainu no sealuba.
¹⁴Agai aga we bidi dabego tobolu bidi
 me genuai bidi dabe po t̄ ela mani.
 Tama agai te po wali, “Te we bidi dabe
 te eno wain gi tiwai dao.
 Tiali goli, dage da, dagego tama te gi dolama,
 tama te gide elaluali nai dabe dagego wi salio.
 Dagego bidi nai dabe habuge yai
 bidi dabe dagego hobede ebo menio.
 Mu menio. Dagego augwaligo
 dwasianu nai dabe kegelama,
 tama duga bede pesage holobo dao.
¹⁵Dego dagebolo obaso, dagego eno we bidi agala-
 ma,
 tama nai meni yai bidi dabe dolaliwe?
 Ena Genuai Tigidali Bomo Elalubo Bidi,
 eno dagebolo dolo obao.
 Dagego dwai kolesaga mu yali.”

Te Jerusalemde dwai kolesaga ebo we dabe dwai dene saibao

¹⁶ Genuai Bidigo te po wali,

“Jerusalem we dabe, suiço.
Augwaligo homugo augwali dwagi yai mu dao homu eyu, hagoma homu ebao.
Te augwali bilibo sogo, augwaligo augwa saça aulama,
tama augwa saçade hça omainu ebo dao.
Augwaligo augwa tobolu sagolama, augwa dogoni dodolobo dao.
Tama augwaligo gedu subigila bidi gedu tonobo dao.
¹⁷ Tama tibaso, ena Genuai Bidi eno te Saion hanu we dabe dene mawaibao.
Eno augwaligo tobolude keni paçana pomainu yaibao.
Tama augwaligo tobolu nisi ma menia saibao,” wali.

¹⁸⁻¹⁹ Tama te sogo Genuai Bidigo te Jerusalem we dabego dwagi yai aubo nai dabe sela saçwaibao. Agai te saçade, me nogode, me dogonide, me olode aubo nai dabe agai sela saçwaibao. Me te tobolu aubo nai dabe me, me te tobolu halubo ugwa dage dabe me sela saçwaibao. ²⁰ Agai te tobolu nisi dıbo mç, me tobolu nisi tomagebo name ugwa, me te ugwa pedai te kukulu gudubo aç ebo nai, me te dwasianu paus augwaligo sanda wel me te pobi nai dabe te dogonide kebo nai agai sela saçwaibao. ²¹ Agai te nogo danide me gunide mubo ring agai sela saçwaibao. ²²⁻²³ Agai te sawi yai ugwa dabe sela sayu, me agai augwaligo haniani dwagi yai ugwa dabego nigai gudubo ugwa dabe me, paus dabe me, hankasip dabe me, agai sela saçwaibao.

²⁴ Tama te sogo te Jerusalem we dabego polobadu auwali tiai me egobeo.
Te augwaligo sanda wel meniam, tama augwaligo tigi kugumini dwai mu yaibao.
Te augwaligo sawi yai ugwa me, ugwa name me augwaligo kukulu gudabo ugwa name menia saibao.
Tama tibaso, augwali dwai ugwa dabe gudama, tama dwai bonogo augwaligo ugwa daç walaibao, te bono te kukulu gudubo aç yaibao.
Te augwaligo augwa tobolu au me iligobeo. Magi baso meni.
Te boi bidi dabego augwaligo tobolu nisi sese poala saçnama, tama augwaligo tobolu wane yaibao.
Tama me augwaligo sawi gesabidide da, te boi bidi dabego kalabus bagego magi augwaligo gesabidide togaibao.
²⁵ Jerusalem, boi bidi dabego nago bomai ami bidi dabe hwıbode ela muaibao, me gasa olo bidi dabe ela silaibao.
²⁶ Tama augwaligo nago nai tigidali saibao.
Nage te we me augwaligo agai ugwa dabe sese sela saçwai tiwai yaibao.

Tama aga tçde habu olo dulalubo tiwai yaibao.
Tama te obo sunumi dabego te nai dabe nage tigde pedalobo sulama, tama augwali hobede elama, gela waibao.

4 Tama te sogo te nogo a naga olama, me badu nogo si we dabego
bidi me deli tola selama, te waibao,
“Da dena digi nai me ugwa dabe da dena digi sela tuyu yaibao.
Tiali goli, dago bidi mu menio.
Tama da hale mu ebo.
Tama tibaso, te hale silimainu eyu, nage dago bidi bidibo aç yaibao,” te po waibao.

Jerusalem dwagi yai noma yai bulu ma gagawaibao

² Te me sogo nosali pedalaibao, Genuai Bidigo te ni me deligo gesi nologo ma kolimainu yaibao. Tama tçgo dwagi dwagi yai nai dabe holiyu yaibao. Tama te Israel we bidi dabe dolisçama me bidibo bage, augwaligo te nai dabe wiegi yai holobo sulama, augwali dwagi yai homu ela paibao. ³ Te Saion hanude bidibo we bidi dabe, augwali te Jerusalemde me bidibo we bidi dabe da, Genuai Bidigo augwali bugagia bidimainu sa polo muai dao, augwali bugagia bidimainu. Tama agai augwali nogi agai bukude aşai dao. Tama megı da, agai augwali aga we bidi mu dao waibao.

⁴ Genuai Bidigo bomai homu kolesaga mu yali, te Jerusalem bulu dolama, tama nosali ma te Jerusalem bulu ma usu ma ilama, wiegi yai bulu ma ilainu. Te aga genuai bomogo agai te Jerusalem bulu wç tedalama, tama tigidali meda elalubo sela saçwaibao, te hanude daganaluali meda dabe. Agai te we dabego yali dwai kolesaga dabe sese sela saçwaibao. Me te bidi dabego gasa bidi dabe dolainu yali dwai kolesaga dabe me sela saçwaibao, te Jerusalem wiegi yai pedalobo si da.
⁵ Tama Genuai Bidigo bobobage yai pç me deli te bulu du Saionde elalumainu elama, me te we bidi lotu wabo pesageba sisinalubo madi. Te giligade Genuai Bidigo te pç elalumainu yaibao. Tama hulide da, agai bobobage yai hano dali, genuai isi bogoli dali elalumainu yaibao. Te pç me, hano me, isi me, Genuai Bidigo bogwç wali yali gilama, aga te bulu dude me aga dwagi yai nai dabede ugwadu walaluaibao. ¹⁶ Te bogwç waligo te Jerusalem bulu haluama, tama bomai giliga posolo palialuaibao. Tama me, agai Jerusalem te mone tulubage sogo bugagia bidimainu yaibao.

Wain gi balia po

5 Eno ena abagi me delide balia po waibao.
Te baliago aga wain gi po pusali.
Te ugwadu bulu du dwasianu mede tç ili hauwa me elaluali.
Tede eno abagigo wain gi tede yali.
² Agai tç elama, tama masigi tigidali sela saçwai dao.
Tama dwagi dwagi yai wain nologo bulali.
Te gi tomode agai be saçani,

te aga tede bidiyu, te gi tonaluainu.
Tama te masigi pesage me delide agai
te wain du mimiabo digi te nai
nigali, t̄ dedage nigali.
Tigidali s̄ silibo si, agai te homu yali,
‘Eno ni wain du bugagia mu walaibao,’ homu yali.
‘Tama wain du pusu mu yaibao.’ Tiali goli, meni.
Te ni dabe du bugagia me walobeo.
Tama te du dabe dwasianu mu elama,
tama pedauwalide ha yali. †

³Tama tibaso, eno abagigo te po wali,
“Dage Juda we bidi, me Jerusalem hanu
we bidi, dagego enabolo walao.
Te dego tiabo s̄ yaliwe? Enawe?
Ma, eno wain gigo dawew?

⁴Eno koneani. Eno dwagi yai s̄ yali,
te gide dwagi yai wain du walaiba weyu,
tiali goli magi baso mu te wain du
dwasianu mu walama,
tama pedauwalide ha yaliwe?
Te gi tonalubo s̄ me deli te eno bugagia dolo ebewe?

⁵Megi da, dagebolo ena wain gide yaiba homu yali
po
dagebolo eno pusa mawaibao.
Te eno wain gi obo h̄gĩa s̄awaibao.
Awe, te obo dolama, tama te bulu hasa dabe te gi
tomoba pelama,
tama te wain ni tulama, dolomainu yaibao.
⁶Te eno te t̄ dolama, tama busi holama, nosai
holiyu,
tama te sesane ni dabe holama,
te gi halua somainu yaibao.
Tama eno te wain ni ma tonalubo s̄ ma egobeo.
Te me eno te gi t̄ba tulubage me
tulamo olama, habu selaibao,”
eno abagigo te po wali.
⁷Te Juda we bidi, me Israel we bidi,
te Genuai Bidigo Tigidali Bomo Elalubo Bidigo
wain gi tiwai dao.
Agai godolo mu elama, agai augwali
bugagia mu tonalubo dao.
Te we bidi dabego wiegi yai doloba pai
kolesaga naga emaina homu ebo dao.
Tiali goli, augwaligo dwai kolesaga ebo dao.
Agai homugo augwaligo gasa
we bidi dabe dali wiegi yai kolesaga
emai homu ebo dao.
Tiali goli, augwaligo gasa we bidi aiyaba elaluama,
tama augwaligo augwali dali boi bidi
homu kolesaga ebo dao.
Tama te aiyaba elaluali we bidi dabego i wabo agai
odali.

Te dwai dwai haniani kolesaga ebo we bidi dolaibao

⁸Dage te t̄ dabe, be dabe hauwa
abelama, duga naga pesage

hola sabo bage, dage dolaibao.
Te tamadi tama dagego tigidali t̄ me,
bulu me, sese sela silaibao.
Tama gasa bidi dabe meba bidabo bulu menia
saibao.
Tama dage naga tama bidaibao.
⁹Eno odali, Genuai Bidi Tigidali Bomo Elalubo Bidigo
te po wabo eno odali,
“Mu tama, te genuai dwagi yai be dabe
dolama, te olo elaluaibao.
Awe, bidi dabe te wiegi yai be dabe me bidigobeo.
¹⁰Tagala, augwaligo wain gi hauwa bulu badi goli,
me wain du dabe hauwa me walogobeo.
Tama augwaligo dwasianu wain ā naga nigaibao.
Tagala me, augwaligo nogo si begi
te wit ge augwaligo te gide bulai.
Tama te wit ininama, augwaligo
togolama, te begi deli digi bueibao,”
Genuai Bidigo te po wabo eno odali.
¹¹Dage dolaibao.
Dage te kigamu hulide hodaloama,
wain w̄ tuyu, te haniani bomai
w̄ tubo bage, dage dolaibao.
Dagego te w̄ tulama, polodubadi be
huli sesabi edelebo dao.
¹²Te nai daa tuyu, wain w̄ tuyu,
me haniani musik gitago eliyu, genagego eliyu,
h̄bidigo eliyu ebo, te dagego mu koneani.
Tiali goli, Genuai Bidigo yainu ebo,
te s̄ dabe dagego munu me konebeo.
Dagego te s̄ dabe te olo nai dabe da homu ebo dao.

¹³Tama tibaso, Genuai Bidigo te po wali,
“Mu tama, eno we bidi dabe dagego
ena konebo hagela yali.
Tama tibaso, boi bidi dabego dage gasa buluba me
kalabus elama, odasa paibao.
Te genuai bidi dabe nai menia saibao.
Te olo we bidi dabe te ā nogone eyu bidaibao.
Tama augwali mu dolaibao.
¹⁴Megi dage wiegi yai homu elama,
gana paide dagego daa hauwa mu te tubao.
Tiali goli, mu tama, te ḡ pagede te kele ā olama,
tama te Jerusalem bulu genuai bidi dabe,
me olo we bidi dabe dalainu polo no munalubao,”
Genuai Bidigo te po wali.
¹⁵Te tigidali we bidi hale mu yaibao.
Tama te we bidi augwa digi augwa nogi
ugwa sabo we bidi dabe
augwali nogi mu menia saibao.
¹⁶Te agai doloba pai kolesagago Genuai Bidi Tigidali
Bomo Elalubo Bidigo
te we bidi dabego bomo aiyaba elaluaibao.
Tama aga deli naga genuai nogi saibao.
Tama agai te dwagi yai doloba pai kolesaga naga
ebogo
agai te we bidibolo ola mawaibao,

† 5:2 Mat 21:33; Mak 12:1; Luk 20:9

aga te tedali gasagi yai mu dao.
¹⁷ Te hanu dabe sese dolaibao.
 Tama nosai dabego bulu mesega saibao.
 Tama sipsip kibu de meme kibu sigo
 te mone hauwa elaluali bidi dabego
 be elaluali pesageba nosai tuagasaibao.
¹⁸ Te dage dolaibao.
 Dagego te gasa bidi dabe ili po walama, seęę te soba.
 Te seęę dabe dage tigi dagana selama,
 tama dagego sela şabo usu egobeo.
¹⁹ Dagego te po wabo dao,
 "Dago odobo Israel dabego God,
 aga te Dwagi Yai Doloba Pai Kolesaga Naga Ebo
 God dao.
 Ma, agai dabolo magi seę me yabo homu
 ebaso da, teda agai polo emainao.
 Tama tibaso, dago selama, tama dago
 aga homu kolesaga koneaibao.
 Awe, agai te seę polo emainao," wabo.

²⁰ Dage dolaibao.
 Te dagego haniani nai hasegelama,
 tama te po wabo dao,
 "Dwai kolesaga te wiegi yai dao,
 te wiegi yai kolesaga te dwai dao," wabo dao.
 Me, dagego te po wabo dao, "Te hulua sali te ula dao.
 Me, te ula ebo te ma huli sali dao," wabo dao.
 Tama me dagego te po wabo dao,
 "Te ha ebo nai te pusu ebo, ma te pusu ebo nai te
 kelede
 ha ebo," po wabo dao.

²¹ Dage dolaibao.
 Te dage bidi duga homugo dagego
 kolesagago gasa bidi dabego kolesaga aiyaba
 elaluali dao homu ebo bidi dabe, dage.
²² Dage te bomai weę tubode genuai
 nogi elalubo bidi dabe, dage dolaibao,
 te dagego bomo de kolesaga si da,
 te haniani weę şşbo delide naga dao.
²³ Te dagego po tu odobo sogo da,
 dagego te augwaligo nogode te ili po wabo
 po tu abelebo masigi dagego selama,
 tama te dwai seę yali bage olo taga palobo dao.
 Tiali goli, dagego te po seęę
 meni yai bidi dabego po bugagia osola subo menio.
²⁴ Tama tibaso, dage te ni sasia pabo
 tiwai elama, tama te ni pedali mobia pelama,
 tama te ni yabe dabe tau elama,
 tegalubo tiwai yaibao.
 Te dwai seę dage tigiba polo tama pedalaibao,
 te isigo nosai delama, silibo tiwai tama yaibao.
 Magi baso meni.
 Dagego te Genuai Bidi Tigidali Bomo Elalubo Bidigo
 bomai po sela şbaso,
 dagego Israel dabego God tudi ola mabo.
 Aga te Dwagi Yai Doloba Pai Kolesaga
 Naga Ebo God dao.

²⁵ Tama tibaso, Genuai Bidi agai
 aga we bidi dabe dali seęę eyu,
 te seęę posolo mu ebaso.
 Tama megi da, agai nogo ugwa
 sagua selama, dolainu no munalubao.
 Agai nogogo deli sogo elebaso,
 te tigidali tu dabe bulu du dabe
 elebaso, memenege elama,
 bulu du dabe aluasa dulaibao.
 Tama we bidi hauwa isila paibao.
 Tama augwaligo tigi dabe te hanu sunumi dabede
 olo pobele bage dabe munalua pabo aş yaibao.
 Genuai Bidi agai tama tiaibao.
 Tiali goli, te tama tibago Genuai Bidi agai seęę
 siligobeo.
 Menio. Agai nogo me ugwaba me dodolalubao.
²⁶ Genuai Bidigo te digibulu
 ami bidi dabe aga we bidi dolagasomainu i wabo
 sa muaibao.
 Awe, te digibulu mu bidibo bage
 asomainu eyu, agai ho bomonama waibao.
 Tama te ami bidi dabe bomona togwa asaibao.
²⁷ Te ami bagego bidi dabe da,
 te bomai bidi dabe naga dao.
 Te augwali me deli şaş dili telega
 elama, tulaluainu yai me menio,
 o te agai gedu godege magana pai me menio.
 Augwaligo kibu waligo te gudali ugwa
 bugagia keņama, asaibao.
 Augwaligo bomai su şaş sendol guda sesa paibao.
 Te togwa pabo aş isawai me gudugobeo.
²⁸ Augwaligo ene da, mu poa pai.
 Tama augwaligo enesigi dolama,
 tama enabo no sealubuo.
 Augwaligo hos dabe da, boma pai mu dao.
 Tama te hos dabego şaşade kapa dabe
 te dila pai masigi tiwai, tama togwa pogobeo.
 Augwaligo karis dabe bomona mu pabo dao.
 Tama te karis wili dabe da, te wali ebo aş ebo dao.
²⁹ Te ami bidi dabego te hai wabo te
 laion yowigo bulu hasa ela munama,
 daęę wabo tiwai waibao.
 Augwaligo boi bidi dabe toulama, tama sela paibao,
 te laion yowigo bulu hasa elama,
 sela pabo tiwai yaibao.
 Tama bidi mego augwali ma sogobeo.

³⁰ Tama te sogo boi bidi dabe aselama,
 Juda bulu dolagasaibao.
 Tama augwaligo kulukulu genuai mu waibao,
 te tamu weę holama, weę kemi saneba
 asiyu, u wabo tiwai yaibao.
 Tama te bidi dabego te buluba tonagasobo si da,
 teda augwaligo te bulu sisi pogo mesega
 selama, giliga ula sininai suaibao.
 Tama te bulu mu hulua sai suaibao.

Godigo Aisaia profet bidi nigimainu i wali

6 Te king tuni bidi Usia isali kibu bede, eno Genuai Bidi aga tuni bidi saide dualalubo suali. Agai tuni bidi sia ugwanu mu elaluali. Tama tuni bidigo ugwa agai gudali da, moni bobobage mu elama, aga be mu usu nai suali. ^{†2} Tama geninama ensel sibigo aga bagua sai elaluali. Te tigidali deli deli ensel dabego bogo a naga olama, me badu nogi deli naga elaluali. Tama deli deligo augwa bogo me sigo augwa gesabidi halua siyu, ela pai suali. Tama gasa bogo me sigo augwa tigi mesega siyu yai yali. Tama gasa bogo me sigo da, augwali bola peyu yali. Te ensel sibi da, te isi ula tiwai. ^{††3} Tama augwa digi augwa hasi ma i weyu, te po wali, "Genuai Bidi aga tedali gasagi yai mu dao. Aga tedali gasagi yai mu dao. Aga tedali gasagi yai mu dao. Genuai Bidi Tigidali Bomo Elalubo Bidi aga tedali gasagi yai mu tama dao. Agai genuai ula de bomo sigo tō tigidali mu usu nani," te po wali. ^{††4} Ena yaide be sunumide bidali, tama tigidali sogo augwali deli mego hae wabo sogo da, eno suali, te moni masigi me augwaligo be sē yali, te masigi tigidali mobodo yali. Tama eno suali, hano bede paḡaḡa pabo suali. ^{††5} Tama tibaso, ena wi ebaso, te po wali. "Mu tamao, ena mu dolaibao. Tigidali sogo eno pedauwalidu dwai po wabo dao. Tama ena dwai po wabo we bidi dabe tomode bidibo dao. Ena dwai sēḡe wa abibo bidi dao. Tama megi da, eno te tuni bidi polo suali, aga Genuai Bidi Tigidali Bomo Elalubo Bidi. Tama tibaso, ena isaibao," eno te po wali.

⁶ Tama te ensel dabe me deligo ala gagawai naide isi dage tolasa, ena pageba bola asali. Agai te isi dage te altade sali. ⁷ Agai te isi eno pedauwalide munama, agai te po wali, "Eno te isi nago pedauwalide muani dao. Tama nago dwai sēḡe sia selama, tama megi Genuai Bidigo nago yali dwai sē sela sḡwai dao," wali. ⁸ Tama eno Genuai Bidigo ensel sibi hanaluyu, te po wabo odali, "Dago de tagala palaibawe? Dego eno po sela paibawe?" Tama eno te po wali, "Nago ena tagala palao." ⁹ Tama tibaso, Genuai Bidigo enabolo te po we bidibolo pusugi pao po wali,

"Dagego po hauwa sogo odaibao.
Tiali goli, dagego te page kuna konegobeo.
Dagego gedugo hauwa sogo tonono bilaibao.
Tiali goli, dagego magi sē pedelali me konea sogobeo.

¹⁰ Magi baso meni.
E we bidi hanigo homu kolesaga te puna pai dao.
Tama augwaligo odogo po odobo hagela eyu,
tama augwaligo augwa gedu palia sai.
Tiyu, augwaligo gedugo te magi nai

† 6:1 2 Kin 15:7; 2 Sto 26:23 †† Te tobage mobo bidi enselgo bogo dabe te a naga me badu deli elalubo, augwali te gasa me badu ensel bogo nigai bidi dabe tiwai me elalubeo. Te tobage ensel dabe augwali nogi e tiwai "Serafim" te Hibrū pogo nogi da, tama augwaligo po me te buku Baibel Aisaia pedai delide naga elalubao. † 6:3 Ped 4:8 †† 6:4 Ped 4:8

me deli suidali weyu tiali,
tama augwaligo odogo po odidali weyu tiali,
tama augwaligo homude te po page
ma koneama, tama augwali begasa,
enaba ma aselama, tama eno augwali usu ma
ilidali weyu, augwaligo
tama kolesaga yai dao," wali. ††

¹¹ Tama tibaso, eno aga e tama po hanalu wali, "Genuai Bidi, eno te sē ela pelama, mena sogoba usu nigipaubawe?" Tama agai po wei ponoyu, te po wali, "Te tigidali hanu dabe, me tō dabe, me be dabe sese dola silama, be dabe olo elalua pabo sogode. Tama bidi dabe te bede dabe bidi me bidisḡama ebo sogoba usu nigipaubao.

¹² Ena Genuai Bidi.
Eno te we bidi tigidali augwali augwa bulu paḡe eno augwali te digibulu buluba sela sḡwaiabao. Tama te bulu we bidi menia saibao.
¹³ Tama ma dwasianu we bidi hani te tōde me bidibasoda, augwali me silaibao. Tiali goli, tagala, te bulude we bidi meni baso me, te nosali ena we bidi me ma pedalaibao, te ni age te bidigo polo gelai ni tanede age ma dalasa holobo tiwai ma yaibao," wali.

Godigo tuni bidi Ahasbolo tau sabo po wali

7 Te Ahas te Jotamgo ogwa, aga wḡj Usia, aga te Juda dabego tuni bidi bidibadi, hwjbo sogo pedalali. Resin, Siria bulu tuni bidi, me Peka, te Ramaliago ogwa, Israel dabego tuni bidi, augwali sigo Jerusalemba hwjgi pali. Tiali goli, augwali sigo te hanu sabo usu ebe.

Te hwjbo Jerusalemba sabolisḡama ebadi da, ^{††2} te Juda dabego tuni bidigo te e tama po odali, te Siria ami bidi dabe te Israel bagego tōba polo asai dao wabo po odali. Tama tuni bidi aga we bidi hani dali augwali wi mu eyu, haliga midigi sali, te bomai waligo te ni silide elalubo ni yabe dabe memenege ilibo tiwai yali. ³ Tama Genuai Bidigo Aisaiabolo te po walali, "Naga ogwa Searjasup ^{†††} oda selama, tuni bidi Ahas sugi pao. Dage te wē sabo wē gamia Jerusalem ugwa badu piḡo. Tama dage sigo te tuni bidi te name ugwa wē telabo pesageba pabo genuai sunumide te tuni bidi tiḡba pao. ⁴ Te tuni bidibolo aga homu daḡ olama bidao, tama te haniani po dabego agai homu elalumainu elamo dao po walao. Aga yaide dua bidama, tama te tuni bidi Resin aga hani dali, me te Israel dabego tuni bidi dabe dali, wi igio po wao. Te tuni bidi sigo sēḡe te isi paḡe sula sainu dabo tiwai ebao. Te sula sainu hano naga holobo tiwai te ebao. ⁵ Te mu tama, te Siria dabe augwaligo te Israel dabego tuni bidi dali augwaligo po mia sali, te Ahas aiyaba elaluaio olama, ⁶ augwaligo te po wali,

†† 6:10 Mat 13:14-15; Mak 4:12; Luk 8:10; Jon 12:40; Tpi 28:26-27 ††† 7:1 2 Kin 16:5; 2 Sto 28:5-6 ††† Te Hibrū pode te nogi Searjasup te tobage po tiwai si elalubao, "Dwasianu hani we bidi te augwa page buluba ma asaibao," wai dao.

augwali te Juda buluba hwjagasaibao po wali. Tama we bidi wi ilama, tama te bulu selama, tama te bidi Tabelgo ogwa tuni bidi bidimainu sa muaibao, augwaligo te po mia sali," wali. †

⁷ "Tiali goli, ena God, Genuai Bidi, eno te po te obao, te nai dabe te me pedalogobeo. Mu tama, augwaligo te sę ebo usugobeo. ⁸⁹ Magi baso meni. Te tobolu bidi Resin agai bomogo naga te genuai hanu Damaskus tonalubo dao. Tama Damaskusgo bomogo te Siria tų kantri tonalubo dao. Tiali goli, te Resin da, te aga bidi naga dao. Te tiwai me, Ramaliago ogwa Peka agai bomogo naga te Israelgo genuai hanu Samaria tonalubo dao. Tama te Samaria hanugo bomogo te Israel tų pedai kantri tonalubo dao. Tiali goli, te Peka da, aga bidi naga dao. Te 65 kibu be tomode te Israel bulu dolama, tama te we bidi sese besela pelama, tama augwaligo nogi mu tama sia saibao. Tama ma, te Juda dabe dagego eno pode homu daų wasiama yali da, te da dage me bobobage sogo me bidigobeo," Genuai Bidigo te po wali.

Godigo tuni bidi Ahasbolo bomu yai sę ola mani

¹⁰ Tama Genuai Bidigo Ahasbolo gasa po me wali. ¹¹ Agai Aisaiabolo te Ahasbolo te po wao po wali, "God naga Genuai Bidibolo hanalu wao, te nagebolo bidigo gedugo susiawai bomai sę me ola momainu. Nago agabolo mena tama bomai sę, me nago suabo homu ebo sę me, nago agabolo hanalu wao. Ma, nago te bomu yai sę te bidi gų pagede suabo homu ebaso me, o ma nago dagalude bomai sę pedalobo suabo homu ebaso, o ma menade me naga homugo godolo me ebo digi te tobage sę suabo homu ebaso da, nago Godibolo hanalu wao, tama Godigo nage ola mawaibao," wali. ¹² Tiali goli, Ahasgo te po wali, "Menio. Te eno agabolo bomai sę me suainu me hanalugobeo. Eno Genuai Bidigo bomu usu sabo hagela ebo," wali.

¹³ Teda Aisaiago po wei ponoyu, te po wali, "Dage tuni bidi Devitgo waj dabe, dagego bugagia odao. Dagego ebo kolesagade da te bidi dabego dage hagela mu yali. Tama megı ma eno Godigo tonalubo kolesaga te dagego usu sogowe? ¹⁴ Teda Genuai Bidi aga digi dage bomu yai sę me deli ola mawaibao. Te sę da e tama tiwai dao. Te gesi wegi me tabi elama, tama agai ogwa ame naibao, tama agai nogi Emanuel poaibao. †† ¹⁵ Tama nosali te ogwa aga te homu kolesaga elama, te mena kolesaga dwai yaliwe, ma mena kolesaga wiegi yai yaliwe wabo sogode, tama te sogo agai hani bunu aj, me sis augwaligo kau kibu ame pęgo, me sipsip kibu ame pęgo nigai nai, tuaibao," wali. ††

† Dago te nogi yali bidigo nogi konebeo, "te bidi Tabelgo ogwa," tiali goli te kolesaga koneai bidi dabego homugo aga te Siria bulu bidi hani me deli da homu yai. †† Te Hıbru pogo te nogi Emanuel te page da te elama dao, "God da dali bidıba," wali. ‡ 7:14 Mat 1:23 †† Te Israel dabe augwali te tų wa pai bulude bidali sogo, augwaligo te nai hauwa elalubeo. Tama augwaligo odali, te Kenan tųde te nai hani me hasago ame pę hauwa elalubo po odali, tama te wiegi yai nai mu da augwaligo te homu yali. Te buku Ma Dobola Sali, Daj

¹⁶ "Ahas, megı da, nago te tuni bidi side nage wi ebo dao. Tiali goli, augwali sigo bulu dolama, tama augwaligo tų olo elaluaibao. Tama te nai sę da, te ogwa wai bųųgo mena kolesaga dwai yaliwe, ma mena kolesaga wiegi yai yali homu konesiabadi, te sę yaibao.

¹⁷ Tama Genuai Bidigo dwai sogo taga palama, tama nage me, naga we bidi me, naga ayago togali seseba taga palaibao. Te sęęęgo da, te polobadu yali te sęęę mu edelama, mu yaibao, te Israel dabego Juda tagalama, taga palidu gagalasa, megıba usu nagasali. Te sęęę e dao, Genuai Bidigo Asiria tuni bidi Juda buluba sela asaibao," Aisaiago te po wali.

¹⁸ Tama te sogo Genuai Bidigo Isip dabeba ho obaso, augwali augwa bulu tagalama, tama augwali te dinai sibi asobo aų yaibao. Tama agai te Asiria hanıba ho wabo si, tama augwali te mano sibi isidigi asobo tiwai asaibao. ¹⁹ Tama augwali te bulu Juda tųde mu paųa yaibao. Tama augwali te tıgidali dwai pesage me, masigi dedage me, dwagi yai nosai elalubo pesage me, sesane yai bono elalubo pesage me, mu usu naibao.

²⁰ Tama te sogo Genuai Bidigo te Asiria tuni bidi te wę Yufretis u badu oda saibao. Aga te Genuai Bidigo nısa tiwai elama, dagego nısi poawaibao, te dage Juda dabego tıgi nısi. Agai dagego penane nısi me, tobolu nısi me, tıgi nısi me, tıgidali agai poawaibao.

²¹ Tama te sogo da, te boi bidi dabego dagego kibu bulmakau dabe, sipsip kibu dabe sese ela silaibao. Tiali goli, bidi me deligo kau kibu deli bidıyu, me meme kibu si me bidıbaso da, ²² augwaligo ame pę hauwa mu nigılaibao. Tama agai te ame pę selama, tama te tubo nai sis geselaibao. Tama te dwasianu we bidi bidıbo bage augwaligo te sis dali, hani bunu aj dali si tuyu yaibao.

²³⁻²⁴ Te sogo da, dagego gi dabe dola silaibao. Megı te dagego dwagi yai wain ni gi deli delide te 1,000 wain ni bono elalubo, tama te ni dude dagego masigi 1,000 kına te sabao. Tiali goli, te dwai sesane ni me, sesane bono si holama, te ni mesegelaibao, te dwagi yai gi dabe, tama bidi dabe olo bilıbo wi yaibao. Ma, bidi dabe augwali teba poloba painu da, teda augwaligo enesigi me selama, hasa kegegi paibao. ²⁵ Megı da, bıdi dabego te dwasianu bulu dude dabe te augwa gıde nai sabo dao. Tiali goli, te ni sesane yai ni dabe hılyu, bono dabe hılyu elama, te gi mesegelaibao. Te bidi dabe augwali te sesane dabe wi ebaso, teba pelama, gi dabe ma egobeo. Menio. Te da, augwaligo te kau kibu de sipsip kibu naga te pesageba bilama, nai teba gegegi pomainu sula tagalaibao.

3.8, tede te po elalubao. Tiali goli, nosali da, augwali te Kenan tųba sabolama, bidali sogo da, augwaligo te tobage nai hauwa mu elaluali, te nai hani me hasago ame pę te tubo nai si naga me elalubeo. Tama tılima, bidi mebagı homugo te hanıgo te po wali, te wai dabego te wiegi yai nai naga tuabo po wali da homu yali, te nai hani me sis. Tama bidi mebagı homugo te po page te gasagi yai tedali wali da homu yalı. Augwaligo homugo te hanıgo te gıde nai dabe tıgidali dolaibao po olama, wali da, te homu yalı. Te wali po te ves 21-25 tede suao. Te tobage nai si naga elalueıbaı, te bulude elalubo hani dali te tubo ame pę, ma te sis nigabo, te nai si naga elaluabo po olama, wai dao.

Polo wi sa, polo sela pa

8 Genuai Bidigo enabolo walali, "Te po tede aşabo genuai nai me sao, tama ugwadu nago te po aşao, 'Polo wi sa, polo sela pa.' Nago bugagia aşao, tama te bidi dabego bugagia nedebo usu yaibao.

²Tama te po sagoa maiabo bidi si nago sao, te dwagi yai bidi pris Uria, me Sekaraia, te Jeberekiago ogwa," wali. Tama eno te tama yali. ³Nosali ena ena we dali piali. [†]Tama aga haliga elama, ogwa ame nani. Tama Genuai Bidi enabolo te po wali, "Nago te nogi agabolo mao, 'Polo wi sa, polo sela pa'. ⁴Tama te waigo ida aya wabo ggalisişadi da, te Asiria bagego te Damaskus de Samaria sigo wiegi yai nai dabe tigidali wi saga-saibao, tama augwa tuni bidiba sela paibao," wali.

Asiria tuni bidigo Juda dabe aiyaba elaluainu yai goli, God augwali dali bidali

⁵Genuai Bidigo enabolo te po ma wali,

⁶"Ena Genuai Bidi, ena te wę Jerusalemde gebo dabo tiwai dao.

Aga tigidali sogo dua soabo dao.

Tiali goli, te Juda we bidi dabego

homugo eno bomo meni da homu ebo.

Tama augwaligo homugo te Aram tuni bidi Resin dali, te Israel dabego tuni bidi Peka, augwali sigo bomu te genuai mu dao homu ebo.

⁷⁻⁸Tama tibaso, ena Genuai Bidi, te eno te wę Yufretis genuai mu ilama, tama te wę gisigiluyu, tigidali pesage mesega sigi pomainu yaibao.

Te węgo tigidali bulu mesega saibao.

Te wę Yufretisdu ggalama, tama Juda buluba sabolagasaibao.

Tama te wę gebo dabo te bidigo dogoni daj yaga-saibao.

Te wę Yufretis te Asiria tuni bidigo piksa tiwai dao, te aga ami bidi dabe dali sigo tiwai.

Te bage augwali aselama, te Emanuel nago tų usu nagasaibao." ^{††} Godigo te po wali.

⁹Bugagia odao, dage te we bidi digibulu bidibo me, pađe bidibo me, dage Israel hani isųwai bage.

Dagego hwjabo no muyu, bomu selama elalubo sę yao.

Tiali goli, dagego bomu da, toga paibao.

Tama dage noma selama, kone tų pebela waibao.

¹⁰Duga homugo mena sę yabo homu yali po duga maiųo.

Tiali goli, dagego te sę ebo usu egobeo.

Dagego te po da, aga nai meni yaibao.

Magi baso meni. God da dali bidibao. [‡]

[†] Bidi mebago te homu ebao, te profet bidi Aisaiago we, aga me te profet we me dao homu ebo. ^{††} Te Hiburowe te nogi Emanuel wali, te page te tobage tiwai si elaluai, "God da dali bidibao," wai. Te Aisaia 7:14, tede Aisaiago te po weyu, te wai me deli ame nobaso, te augwaligo aga nogi te Emanuel nogi yaibao po wali. Aisaiago aga te waide homu kone elama, tama aga te Juda hanigo tų nogi e poali, "Emanuel, nago tų dao," wali. [‡] Te Hiburowe, te po dage e tiwai,

Aisaia aga hani dali, augwaligo God deli naga wi yao

¹¹Eno Genuai Bidigo bomu enaba asobo gagama yali. Tama aga enabolo te po wali, "Nago te we bidi dabego homu dali deli igio. Tama nago augwaligo ebo kolesaga wali pigio," wali.

¹²"Te we bidi dabego te po obaso da, 'Bidi hani mebago Juda bulu dolaibao po mia salio,' po obaso, nage dali, naga hani dali, dagego te po mu dao homu igimio. Tama me, te we bidi wi elama, noma sobaso da, dage augwali ebo gilama wi elama, noma selamu. ¹³Dagego e tama koneao. Ena Genuai Bidi Tigidali Bomo Elalubo Bidi, ena te wiegi yai doloba pai kolesaga naga tigidali sogo ebo God dao. Dagego ena deli naga wi elama, noma sao. ^{†††14-15}Ena te we bidigo geme duala sabo bomu pesage dao. Tiali goli, ena te Israel de Juda sigo we bidigo sunumide masigi tiwai bidibao. Tama augwali te masigide saęa dani tuų pala-ma, tama tulaluama, tama augwali dolaibao. Tama te Jerusalem we bidide da, te ena te kę tiwai, augwali tola sabo bidibao. Tama augwali hauwa te kęde tola saibao," wali. [‡]

Aisaiago Genuai Bidigo yaibao wali te sę tonaluali

¹⁶Te ena skul ogomani gesabidide eno te Genuai Bidigo enabolo mani po mesegelama, haluali. Tama eno aşenama, tama eno daj tede ilali. ^{†††17}Megi da, eno te Genuai Bidi aga yaibao wali te sę ebo deli naga tonaluaibao. Aga Israel we bidiba polo tudi ola mawai dao. Tama aga augwaliba te begela ma tonogobeo. Tiali goli, eno aga bomu deli naga konealuaibao. ^{†††18}Genuai Bidi Tigidali Bomo Elalubo Bidi aga te Saion bulu dude bidibao. Aga ena te wai dabe mawai dao. Tama aga da te Israel we bidide yabo sę daj tiwai ilali. ^{§ ††}

God agaduba deli naga we bidibolo dwagi yai sogo mabo usu yaibao

¹⁹Te we bidi dabego dagebolo te isai bidi dabego noma dali po wabo we bidiba pao po waibao, tama augwaligo homu kolesaga sigi pao po waibao. Te isai bidi

"God da dali bidibao" wai, te tobage po tiwai wai te nogi Emanuel wali. Te Aisaia, Daj 7:13-15 me Daj 8:7-8, tede te po suo. ^{††} 8:13 1 Pi 3:14-15 ^{†††} 8:14-15 1 Pi 2:8 ^{††††} Godigo te po wali, te we bidi augwaligo aga po wali pişabaso da, tede haniani sę nosali pedelaibao wali. Tama Aisaiago te yabo sę po aşani. Te aga te aşani po kęnama, daj ilali, te niwai bidi mego aga te aşani po hasegelabo usu me egobeo. Tialima, nosali da, te po wali sę dabe pedalubo si da, te we bidi augwaligo te duani buku yabe dagalama, tama aga te aşani po nedama, tama augwaligo te tiwai konemainogo, te Aisaiago wali po dabe te mu po wai yabo homu yaibao te po wai. ^{††††} 8:17 Hib 2:13 [§] Aisaiago Godigo po pusali silagasobao wali. Megi da, te aga dua digi bididu, te Godigo mena sę ebo te suainogo tonalu bidali. Tialima, te we bidi dabego aga sulama, tama augwaligo aga wai dabego nogi pagede homu kone kone ebo sogo, augwaligo te aga augwaliba pusali pode homu kone palaibao. Te Aisaiago wai dabego nogi page koneainogo da, te buku Aisaia, Daj 7:3; 8:3-4, tede suo. Te ves 17 me 18 tede wali po, "te Israel we bidi dabego wali po," te tų kantri Israel me Juda dali te tų kantri pedai side te po wai dao. ^{††} 8:18 Hib 2:13

dabego noma dali po wabo bagego augwaligo pedauwalidu pomu po weyu, keledude haniani dwasianu po waibao. Tiali goli, te isai we bidi dabego te bidibo we bidi dabe homu kolesaga mabo usu egobeo. Te tama tiali goli, magi baso mu augwali te isai we bidiba udalama, tama augwalide te kolesaga sabo dawē? Augwali augwa Godiba pomainao. ²⁰ Te augwaligo te augwa Godiba pelama, tama agai homu kolesaga siyu, agai bomai po sigi peyu eyao. Ma, augwaligo tama tisama yali da, teda augwali hulua sai madi me bididuaibao. Tama wiegi yai sogo me sugobeo. ²¹ Menio. Augwali dwai dene mu saibao. Te augwali genuai homu sege mu elama, nasi elama, tama augwali subigila te bulude bilaibao. Nasigo augwaligo haliga sebe mu elama, tama augwaligo augwa tuni bidibolo, me augwa Godibolo dwai po waibao. Te augwaligo dagaluba tonoyu, ²² toba tonoyu yaibao. Tiali goli, augwaligo dwagi yai nai dabe me sugobeo. Menio. Te augwaligo te dwai sege, me dwai segego augwali tigidali bulude bilibo digi te hulua saigo augwali mesegasa bilibo tiwai yaibao. Tama augwali wi pelama, te dwai sege gedelabo sunumi mu meni yaibao.

Godigo we bidi wiegi yai homu elama, bidabo tuni bidi mani

9 Polobadu Genuai Bidigo te Naptaligo hanigo bulu pesage, me Sebulungo hanigo bulu dolai dao. Tama augwali hale dali mu bidai dao. [†] Tiali goli, me sogo nosali da, te badu dabe te tamu weba pabo sunumide bida bida pabo bulu, me te we Jordan ugwa bulu badu bulu dabe, me te Galili distrik bulu tigidali, me te Israel hani isawai bidi dabe hauwa bidibo madi, te bulu dabe sese genuai nogi saibao. Tama augwaligo dwai sogo sia saibao. ^{††}

² Te we bidi augwali moni hulua sai madi bilai goli, megi augwali genuai ula suali.

Augwali hulua sai madi bidai goli, megi da, augwaliba genuai ula pedalali. [‡]

³ Genuai Bidi, nago naga we bidi genuai hani pedalomai yalio.

Tama nago augwali wiegi yai homu emainu geniano.

Augwali naga gedude wiegi yai homu yalio.

Te augwaligo augwa gi nai hasia inawai siyu ebo homu tiwai yalio.

Tama me, te ami bidi dabego wabi hwjnama, gasa bidi dabe aiyaba elaluama, te augwaligo sali nai dabe dobayu ebo homu tiwai yalio.

⁴⁵ Te we bidi dabe wiegi yai homu yali.

Magi baso meni.

Nago augwaligo boi bidi dabego bomo

polo toga sayai da weyu, te polobadu nago Midian hanigo bomo toga sayani yali gilama. ^{‡†}

Te boi bidi dabego naga we bidi tonaluama, tama augwali genuai sege tolalumai yai dao, te bidigo sega pai ni name kau kibu dogoniba munama, tama te kau kibugo se emainu wabi dagego elama, tonalubo tiwai yai dao.

Tiali goli, nago te ni name dabe, me te wabi dage dabe,

nago polo toga sayai dao.

Te boi bidi dabego nai tama,

te boi bidi dabego nago we bidi dabe dali dwai se megi me egobeo.

Te boi bidi dabego gudama, hwji pabo nai dabe sese isigo dela silaibao.

Te augwaligo moni su dabe, me hwjyu gudubo ugwa te bidi kaneme dagana sali, te isigo delama, silaibao.

Te tigidali sege dabe sese silaibao.

Tama wiegi yai sogo ma asaibao.

⁶ Magi baso meni. Ogwa me ame neyu, daba polo sabolali.

Te wai me deli Godigo dabolo mani.

Aga dago tuni bidi bidaibao.

Tama agai tama nogi dabe elaluaibao, te Dwagi Yai Kolesaga Mu Mabo Bidi dao,

tama God Tigidali Bom o Elalubo Bidi, tama Tigidali Sogo Bida Bida Pidu Bidibo Aya, tama Bugagia Bidibo Page Sela Mayu, me Tabi Nagame Ilibo Tunu Bidi.

Agai te tobage nogi dabe elaluaibao.

⁷ Te tuni bidi te tuni bidi Devit hasegelama, bidaibao.

Tama aga te Devitgo tuni bidi siade dualaluyu, te we bidi dabe tonaluaibao.

Te agai gavmanigo bomo tigidali sogo genuai holudaibao.

Tama hwjbo me menia pelama, bugagia tigidali sogo bidaibao. Magi baso meni.

Te tuni bidi aga te tigidali sogo dwagi yai doloba pai kolesaga naga ebo dao.

Tama agai te kolesagago aga

te bomai tuni bidi bidaibao, te megi me, tigidali sogo nosali me.

Genuai Bidi Tigidali Bomo Elalubo Bidigo homugo bomo mu elama,

we bidi dabe dali wiegi yai se yabo homu ebo.

Tama tibaso, agai te se dabe me elama, pedalaibao. ^{‡‡}

Genuai Bidigo Israel dabe dene mani

⁸ Genuai Bidigo polo wali, te agai

te Israel bulu dolaibao wai dao.

Te Jekopgo wai hani dabe,

tama te dwai sogo augwaliba pedalobo sogo da.

[†] Te Asiria dabego boi hwjagaselama, Sebulun me Naptali hani sigo te dabe sobadi, te gasa te pade elaluali bulu dabe, me distrik dabe, te kantri Israel te not badu elaluali bulu dabe me salio. Te buku 2 King, Daj 15:29, tede suao. Galili te gasa nogi te te pedai badu kantri nogi me dao. ^{††} 9:1 Mat 4:15 [‡] 9:2 Mat 4:16; Luk 1:79

^{‡†} Polobadu te Midian dabego te Israel dabega dwai se ebaso, tama te bidi Gideongo nogode Genuai Bidigo augwaligo bomo togwaluai dao. Te buku nogi Tobolu Bidi, Daj 6:16; 7:9-25, tede te po dabe elalubo suao. ^{‡‡} 9:7 Luk 1:32-33

9 Te genuai hanu Samaria we bidigo,
 me gasa tigidali Efraim hani
 bidi dabe, augwaligo koneaibao,
 Genuai Bidigo te şę augwaliba te yali dao po waibao.
 Te megi da, augwaligo homugo augwali
 geninama mu dao olama,
 augwa nogi ugwaba te sobao.
 Augwaligo te po wali,
 10 "Te boi bidi dabego dago brikigo
 şęani be augwaligo huęiyu,
 me dago fik ni geliyu yali goli,
 te dago tede moni homu egobeo.
 Te olo nai dao.
 Dago masigi togolama, wiegi yai
 bomai be dabe şę yaibao.
 Tama dago wiegi yai ni bę wai bulaibao,
 te ni fikigo pesage hasegeleyu," te po wali.
 11-12 Genuai Bidigo Israel dabe dali şębę yali.
 Tama tibaso, agai te boi bidi dabego homu hodolali,
 te augwaliba wabi hwjagasomainu.
 Agai te Siria dabe te giliga asobo badu
 bidigo homu hodolali, te tuni bidi Resingo hani,
 tama me agai giliga dega
 sabo badu bulu Filistia hanigo homu me
 hogodolama, hwjagasomainu yali,
 Israel dabe aiyaba elalumainu.
 Genuai Bidigo te tama tiali goli,
 tego agai şębę siligobeo.
 Menio. Agai nogo me dodalubao.
 13 Te Israel we bidi homu begelebeo.
 Genuai Bidi Tigidali Bomo Elalubo Bidigo
 augwali dene mani.
 Tiali goli, augwali agaba ma asobeo.
 14 Tama tibaso, Genuai Bidigo
 te bulu Israel dene mawaibao.
 Te deli sogo tama agai Israel dabego
 tobolu dali, danu dali, si togaibao.
 Me po begelama weyu, agai te wiegi yai
 ni pam nologo dali, te olo sigi dali si togaibao.
 15 Tobolu te polo monu dabe de genuai
 nogi yai bidi sibolo wali.
 Te danu te tibo po we bidibolo pusali
 profet bidi dabebolo wali.
 16 Te tobolu bidi dabego we bidi dabebolo
 wiegi yai sunumi dali kolesaga si
 ola mawai menio.
 Tama tibaso, we bidi polo hagawali.
 17 Tigidali we bidi God tagalama,
 God dologode bidisaęo bidi polo gagawai dao.
 Augwaligo tigidali po dabe,
 kolesaga dabe mu dwai mu dao.
 Tama tibaso, Genuai Bidigo tigidali mu dolaibao.
 Agai te gesi bidi me bidimainu me sula tagalogobeo.
 Tama agai te we sibi me hobede me egobeo.
 Wilawe we dabe, me te tiana wai dabe,
 agai hobede me egobeo.
 Genuai Bidi agai te tama tiaibao.

Tiali goli, tego agai şębę siligobeo.
 Menio. Agai nogo me balalubao.
 18 Te we bidi augwa haniani dwai
 kolesagago augwa ma dolali.
 Te dwai nosaide isi dola selama,
 te genuai nide dela selama,
 moni busi dabo tiwai yali.
 Tama genuai hano ugwaba holali.
 19 Genuai Bidi Tigidali Bomo Elalubo Bidigo şębę
 genuai mu elama,
 tama agai tęde we bidi tigidali dene mani.
 Tama augwali silali, te isigo mone busi delama,
 tigidali nai dabe dela silibo tiwai yali.
 Te deli deli we bidigo homu kolesagago da,
 gasa we bidi aiyaba elaluabo homu elalubo.
 20 Tama augwaligo nai anoma elama, sabo şę ebo
 dao.
 Tiali goli, tego augwaligo homu kolesaga paęanabeo.
 Augwali te bidi nai hauwa tuai goli,
 augwali tabia pisama ebo tiwai dao.
 Tama augwaligo te kolesaga augwa deli
 hani dali me ebo dao.
 21 Te Manase hanigo Efraim hani
 aiyaba elaluainu yaibao.
 Tama Efraimgo Manase hani aiyaba
 elaluabo homu yaibao.
 Tama te hani sigo Juda dabe aiyaba
 elaluabo homu yaibao.
 Genuai Bidigo augwa digi augwa hasi
 ma dolomainu yaibao.
 Tiali goli, tego agai şębę ebo siligobeo.
 Menio. Agai nogo me balalubao.
 10¹⁻² Dage te gesi gesi bomai po mubo bage,
 dage dolaibao.
 Te gesi bomai pogo te po tų ebode
 gasa bidi dabe aiyaba elaluama,
 tama nai meni yai bidi dabego nai sainu.
 Tama tiyu, te nai meni yai bidi dabe
 po tų ebo sogo asobaso da, te bomai pogo augwali
 tau sabo meni.
 Tama augwali po tų ebode geda mubo dao.
 Tama te dolo meni yai kolesagago
 dagego Genuai Bidigo we bidi dabe aiyaba elalua-
 ma,
 tama dagego te wilawe we dabe,
 me tiana wai dabego nai dabe dagego wi sabo dao.
 3 Te Godigo dagego dwai kolesaga
 wei ponabo sogo bodolu muani,
 te sogoba sabalobo si, dagego magi şę yaibawe?
 Te agai gasa bulu me te bomai wali tiwai aselama,
 dage dolomainu ebaso, dagego magi şę yaibawe?
 Dage te deba udalama, dage tau somainu yaibawe?
 Tama te nai dabe hauwa dagego sali,
 te nai dabe dagego menade mugi paibawe?
 4 Dagego magi şę me ebo usu egobeo. Mu menio.
 Te boi bidi dabego dage ela wialobo,
 o dage deli deli pibia sidubadi,
 augwaligo dage sela pelama,

kalabusiba tagaligi pabo şę yaibao.
 Genuai Bidigo şę dabe dageba pedalumainu yaibao.
 Tiali goli, tego agai şębę siligobeo.
 Menio. Agai nogo me balaluaibao.

Te bulu tų kantri Asiria dolaibao

⁵“Ena Genuai Bidi, eno te po obao,
 te bulu tų kantri Asiria dolaibao.
 Megi da, te Asiria te wųbi tiwai nigilama,
 tama eno we bidigo ena şębę ilibo
 we bidi te elebao.
⁶Te we bidi dabego ena tagalama,
 tama God dologode bidisųbo bidi gagawali.
 Tama augwaligo ena şębę ilali.
 Tama tibaso, eno Asiria bage
 taga palama, augwali elama,
 tama augwaligo nai dabe selama, tama augwali
 aiyaba elaluama,
 agalama, tagalomainu yai dao,
 te bidi dabe tų nageamea pai
 pudu pabo tiwai emainu yai dao.”
⁷“Tiali goli, Asiria tuni bidigo homu
 kolesaga, eno kolesaga dali side gasa me tali.
 Agai te gasa bulu hauwa me dolabo homu elalubao.
 Tama augwali sese silabo homu ebo.
^{8,9}Agai dwai homu tali eyu, te po wali, ‘Eno bulu
 hauwa me elaluama,
 tama augwaligo genuai hanu dabe
 eno polo sai dao,’ po wali.
 ‘Tama me, te tuni bidi dabe eno augwali aiyaba elalu-
 ali,
 te bidi dabe augwali eno ami bidi
 tomode ofisa bidi bidimainu,
 eno augwali te şę mani.
 Te eno te hanu dabe aiyaba elaluali
 hanu dabe te Karkemis, me hanu Kalno, me Arpat,
 me Hamat, me Damaskus, me Samaria, tama dao.
¹⁰Eno te bulu dabe dolama, elama, tagalai dao.
 Te bulu dabede te tibo god dabe piksa hauwa mu
 elalubo
 hanu dabe augwaligo elaluali.
 Tama augwa te tibo god dabego augwali tau sabeo.
 Te tibo god dabego te Jerusalem me Samaria sigo
 tibo god dabe aiyaba elaluali.
¹¹Eno te Samaria dabe augwa
 tibo god dabe dali eno dolai dao.
 Tama tibaso, eno te kolesaga tiwai te Jerusalem aug-
 wa
 tibo god dabe dali me yaibao,’
 te Asiria tuni bidigo te homu ebao.”
¹²“Te tuni bidigo te po wali.
 Tiali goli, ena Genuai Bidi eno te po obao.
 Te Asiria dabe tuni bidigo eno agabolo
 te bulu du Saion me Jerusalem side
 yao wali şę ela silibo si da,
 teda aga tigde eno şę yaibao. Magi baso meni.
 Agai homugo aga genina mu dao homu elama,
 tama aga nogi ugwaba mu sabo.

¹³Agai tobolu tali eyu, agai te po tama wali,
 ‘Ena bomo de ena homu kolesaga sigo
 eno te şę dabe yalio,’ po wali.
 ‘Magi baso meni. Eno dwagi yai
 homu kolesaga mu elaluali, te şę dabe yabo.
 Eno te bulu dabe dų ilali, eno polo sela şawani dao.
 Tama tigidali ena dologode naga bidibo.
 Tama eno augwaligo wiegi wiegi yai nai dabe
 augwaligo sisiniduali nai dabe eno sai dao.
 Eno bomai bidi mu dao.
 Tama tiyu, eno te bulu we bidi dali,
 me augwaligo king bidi dabe dali agalama,
 tama eno augwali aiyaba mesegelai dao.
¹⁴Te e tųde kantri dabe tigidali te ba be tiwai dao.
 Tama augwaligo wiegi yai nai dabe eno sali,
 bidigo te ba ge sabo tiwai yalio.
 Awe, te ba kimi dabego augwa ge dabe tagalama,
 tama bidigo olo sabo tiwai gilama,
 eno te kantri dabe sisinani.
 Tama te ge tagalali ba kimigo
 te ge sabo bidibolo hwa wasiųwai tiwai eyu,
 te kantri dabego bomo elaluali
 bidi dabego enabolo
 tagala po me wabeo. Mu menio.’
 Te tuni bidigo te po wali.”
¹⁵“Tuni bidigo te po tama wali.
 Tiali goli, ena Genuai Bidi eno hanalu waibao,
 ‘Te sigi hwų me deligo te po waibawe,
 “Te ena genuai dao, tama bidigo nogo toulama,
 nigilibo te enaduba bomogo edelalio,” po waibawe?
 Te so mego “Ena te bidigo nogo toulama,
 ni togobo bomo te eno edelalio,” po waibawe?
 Te hwųbo ni dage dabego bidi nogo
 toulama, hwųgi pabo meni.
 Menio. Te bidigo te ni dage dabe nogo
 toulama, hwųgi pabo dao.”
 Genuai Bidigo te po wali.
¹⁶Megi da, Genuai Bidi
 Tigidali Bomo Elalubo Bidigo
 te Asiria dabebolo genuai gasi me deli
 augwalibolo menama,
 tama augwali bomo sia somainu yaibao.
 Tama me ma, bidigo magi nai dolainu
 sia nogebo tiwai eyu,
 agai te Asiria bagego bomo me,
 genuai nogi dali, mu dolaibao.
¹⁷Genuai Bidi aga te Tigidali
 Wiegı Yai Doloba Pai Kolesaga Naga Ebo God dao.
 Tama aga te Israel dabego ula dao.
 Tiali goli, Asiria dabe dali da, aga te isi gagalama,
 augwaligo bulu isi ulaibao.
 Te deli bubagade naga agai te tigidali
 dwai nosai dabe isi ulaibao.
¹⁸Tama bogi peyu, moni genuai genuai
 ni dabe dela pelama,
 tama gi yabo wiegi yai tų me dela paibao.
 Genuai Bidigo Asiria dabe dolama,

tama augwali mu tama silaibao,
te gasigo bidi me deligo tigi bomo doloyu,
ela silibo tiwai yaibao.

¹⁹ Te Asiria bulude tigidali nai dabe mu silaibao,
tama deli deli ni naga dolaluaibao,
te dwasianu wai bõq dabego me nedabo usu
nama.

Dwasianu Israel we bidi hani naga ma asaibao

²⁰ Genuai Bidigo bodolu me polo muai
dao wali, te Israel hani dwasianu
te Jekopgo waj tomode bidibo
hanigo i agabolo omainu.
Te Israel dabe augwali augwa boi
bidi dabede wi ebaso,
tama augwaligo gasa bulu
bidi dabego augwali tau somainu i wali.
Tama te bulu bidigo augwali tau somainu tonaluali.
Tiali goli, te bulu bidigo begelama,
augwali ma dolaibao.

Tama te sogo augwaligo te Israel dabego
Genuai Bidiba i waibao.

Aga te Wieg Yai Doloba Pai Kolesaga
Naga Ebo God dao.

Tama augwaligo agai tau somainao
olama, tonaluaibao.

²¹ Tama te dwasianu Israel we bidi
bidibo dabe augwali te God
Tigidali Bomo Elalubo Bidi pageba ma asaibao. †

²²⁻²³ Megi da, te Israel we bidi hauwa mu te bidibao,
te tamu wede kemi sane tiwai dao.

Tiali goli, augwali dolaibao,
tama dwasianu we bidi naga ma pedalaibao.

Genuai Bidi Tigidali Bomo Elalubo Bidigo te bulu sese
tama dolabo po polo wai dao.

Tama da agai dolaibao.

Tama agai doloba pai kolesaga genina
mu ma haninaibao,

tama te we bidi dabego sueibao. ††

Genuai Bidigo Asiria dabe dolaibao

²⁴ God, Genuai Bidi Tigidali Bomo
Elalubo Bidigo te po wali,
“Eno we bidi dage Saionde bidibo,
dage te Asiria dabede wi igimio.
Augwaligo dage te wabigo elama,
dage dali dwai se ebadi me tagalao.
Te Isip bagego polobadu yali tiwai ebadi goli.

²⁵ Megi da, eno dage Asiria dabego
dage dolomainu sula tagalobao. Magi baso meni.
Eno sebe dage dali me ebaso.

Tama tamadi tama ena ma begelama,
Asiria dabe dolaibao.

²⁶ Ena, Genuai Bidi, Tigidali Bomo

† Te Hibru pode, te po weyu “Dwasianu hani naga te ma begasa
asaibao,” wai. Te tiwai po te Aisaiago wai me deli nogi wabo tiwai si
yali dao. Te buku Aisaia, Daj 7:3, tede te tiwai po elalubo suao.

†† 10:22-23 Rom 9:27

Elalubo Bidi, eno augwali bjgo elaibao,
eno te Midian dabe te Orepgo Masigi
nogi wabo bulude dali tiwai elali.

Eno nogo ugwa selama, tama elaibao,
te polobadu eno Isip dabe
te tamu wede elali tiwai yaibao.

²⁷ Megi da, dage te Asiria dabego
dage tonaluyu, te kau kibu

magede ni name munama,
tama se emainu selebo tiwai te ebao.

Tama te Asiria dabe bugagia dualalubao.
Tama augwaligo te ebo kolesagago
ena sebe te ilibao.

Tama tibaso, te eno bodolu muani
sogode da, te eno te Asiria dabego
bomo silama ebode da,
te bagego dage sege ma mayu egobeo.

Awe, dage te boma pai hani pedalubaso,
dagego te tolobo sege mu tagalaibao.”

Te boi bidi dabe Jerusalem hwy yagasainu asali

²⁸ Te boi bidi dabe bolo hanu Aiba sabolagasali. ‡
Augwali te hanu Miklondu sa asali.

Tama augwaligo nai dabe meba
te hanu Mikmasde osogo muani.

²⁹ Augwali aiya dulama, we odogo nogegi pali.
Tama augwali ugwaba holama, hanu Gebaba pigi
pali.

Te Rama hanu we bidi wi genuai mu eyu, midigi sali.
Tama te hanu Gibe, te tuni bidi Solgo hanu,
augwali hanu tagalama, wi pepelawali.

³⁰ Te hanu Galim we bidi dagego i bomonama wao.
Olo saganama, odao, te Laisa be nani
we bidi, dagego odao.

Hobede mu dao, dage te hanu Anatot we bidi.

³¹ Te bulu Matmena we bidi,
me te hanu Gebim we bidi,
wi pepelawali, te duala sabo pesage gegegi pali.

³² Megi da, te boi bidi dabe
te hanu Nopba polo sabolali.

Augwaligo te bulu du Saionba edaba tonagasali.

Tama augwaligo nogo sugunani,
te hanu Jerusalem dolabo polo
no muanio olama, ola mobao.

³³ Te agai genuai bomogo da, God,
Tigidali Bomo Elalubo Genuai Bidigo
agai te genuai bomai genuai
nogi elalubo bidi dabego nogi aiyaba elaluaibao.

Megi augwali te genuai bobobage ni dolalubo tiwai
ebao.

Tiali goli, agai augwali gelama, degelaibao.

³⁴ Tagala augwali te Lebanonde
genuai bobobage ni tiwai,

‡ Te not badu boi bidi dabe aselama, te Jerusalem dolabo homu
elama asiyu da, augwali asobo te taun Ai te badu suani aselama, te
gasa taun dabe te nogi me badu te ves 28-32 tede nogi elalubo taun
dabe sabolaibao. Magi baso meni, te taun dabe te Jerusalem pa
badu te not badu elaluali.

me te buside genuai bobobage ni tiwai me.
Agai augwali gelama, t̄ba degelaibao. †

**Gesi noma tuni bidigo bugagia bidabo page
dodolaibao**

11 Te Jesigo hani te ni bidi dabego gelai ni tane
tiwai bididuali.
Tiali goli, gesi age te ni tanede ma
kolibo tiwai yaibao. ††
Awe, te ni tanedu te gesi ni tigi holama,
tama nologo me deligo du walaibao. ‡
2 Te Genuai Bidigo Spirit Mobo Bidi
aga dali bidagaselama,
tama aga te wiegi yai homu kolesaga dabe
magasaibao.
Tama agai aga we bidi tonalubo homu
kolesaga wiegi yai mu saibao.
Tama aga bomai tuni bidi bidiyu,
tama agai aga we bidi tonalubo kolesaga wiegi yai
mu elaluaibao.
Agai te Genuai Bidigo homu kolesaga koneaibao.
Tigidali sogo aga te Genuai Bidi dologode naga
bidaibao.
3 Tama te kolesagago aga wiegi yai
homu ilibo geninaibao.
Tama agai te po t̄ odobode da,
agai te bidi dabego po wabode naga
o gedugo suali pode naga osola suyu
egoboe. Menio.
4 Te po t̄ odobo dolo naga agai
te nai meni yai bidi dabego
homu seḡe elalubo po odama, te bagenu tau
saibao.
Te gasa bidi dabego augwali aiyaba
elaluama, augwali dolama,
dwai seḡ yali dabede agai pode
te tiabo seḡ yali we bidi dabe dene saibao.
Tama te dwai seḡ ebo bidi dabe da isaibao. ††
5 Te tama doloba pai kolesagago
tama aga we bidi tonaluaibao.
Aga bomo elama bidiyu, aga seḡ bugagia yaibao. ‡
6 Te bulu yowi de sipsip kibu ḡoḡ si
aga bugagia deliba bilaibao.
Tama te lepat moni hasa dabe
te meme kibu ḡoḡ dali piyu yaibao.
Te kau kibu ḡoḡ dabe,
me te laion yowi ḡoḡ dabe dali,
deli hodobo nai tudu bilaibao.
Tama dwasianu wai dabego augwali tonaluaibao.
7 Te kibu bulmakau de te bulu hasa bea
aga si nai deliba tuaibao.
Tama augwa wai dabe augwa hasi deliba piaibao.
Tama te laion dabego te bulmakau kibugo nosai tubo

† 10:34 Ais 14:24-27; Nah 1:1-3:19; Sef 2:13-15 †† Jesi te king
Devitgo aya dao, te po te buku 1Samuel, Daj 16:10-13, tede elalubo
suao. Te nide gesi ni hogodo pedalubo tiwai yaibao, agai te daj ilali
po te gesi king te Devitgo hanide pedelabo po olama, wai dao.

‡ 11:1 Ped 5:5; 22:16 †† 11:4 2 Te 2:8 †† 11:5 Ef 6:14

tiwai yaibao.

8 Te wai b̄oḡ dwasianu ame tubo dabe
augwali te dwai gula manego
t̄ dedage paḡe gagali yaibao.
Awe, te waigo aga nogo te bidi ḡaḡ kelebo hasamani-
go
pibo madiba muaibao,
tiali goli te hasamanigo aga ḡaḡ kelegoboe.
9 Te Genuai Bidigo bulu du ugwadu
te tigidali nai dabe augwa hasi
bugagia deliba bidaibao.
Te mego me dali dwai seḡ me egoboe. Magi baso
meni.
Te tigidali t̄de nai dabe sesego
Genuai Bidi mu konea pela silaibao.
Te kolesaga te tigidali t̄ mu usu nigi paibao,
te tamu aḡo aga daḡba usu nani tiwai yaibao. ††

Genuai Bidigo aga we bidi ma sisinaibao

10 Tama te sogo Genuai Bidigo gesi tuni bidi me sa
muaibao, te Jesigo hani bidi me deli dao. Agai te tigi-
dali we bidi deliba ma sisinabo daḡ tiwai bidaibao. Aug-
wali te tigidali t̄ pedai kantri tedu augwali agaba
asaibao, te Israel hani isaḡwai bage. Tama agai hanu
da, genuai nogi mu elaluaibao. †††
11 Tama te sogo Genuai Bidi agai bomo te si wabo so-
go ma ola mayu, tama aga we bidi hani augwa buluba
ma odasa asaibao. Te we bidi dabe te bulu Asiria, me
Isip, me Sudan, me Elam, me Babilon, me Hamat, me
te Mediterenian tamu aḡde ailande bidibo dabe me
dao.

12 Te Genuai Bidigo daḡ me deli dodolaibao
te tigidali t̄ pedai kantri we bidigo sumainogo.
Tama agai te Israel me Juda we bidi dabe ma sisi-
naibao,
te boi bidi dabe kalabus elama
odasa pali we bidi dabe.
Megi augwali tigidali t̄de bida bida pabo.
Tiali goli, Genuai Bidigo augwali ma odasa asaibao.
13 Te bulu Israelgo te bulu Juda dali
dwai homu me egoboe.
Tama Juda dabego Israel dabe dali
boi bidi homu me egoboe. Menio.
14 Augwali si talua selama,
tama augwaligo te giliga pabo badu
buluba hw̄gi peyu,
te Filistia dabe dali hw̄j yaibao.
Tama me, augwali sigo te giliga
asobo badu we bidi dabego
nai dabe hw̄gi pelama, augwaligo nai dabe saibao.
Te augwali sigo te bulu Idom we bidi, me Moap,
me Amon we bidi dabe
augwali sigo elaluaibao.
Tama augwali sigo te bulu dabe tonaluaibao.
15-16 Genuai Bidigo tamu weḡ Retsi
sula somainu yaibao.

††† 11:9 Ais 65:25; Hab 2:14 ††† 11:10 Rom 15:12

Tama agai bomai posolai wali pedalomainu yaibao.
 Tama te waligo te wę Yufretis
 sula selama, dwasianu emainu yaibao.
 Te wę te a naga olama, me badu nogo si
 wę gamiadu pomainu yaibao.
 Tama tibaso, we bidigo te wę nogebo usu yaibao.
 Tama tiali, te sogo te sunumi genuai bage mu yaibao,
 te we bidi dabe te Asiria tagalama, asela yabo.
 Te yaide te Genuai Bidigo te Israel dabe Isip tagala-
 ma,
 asomainu sunumi genuai yali tiwai yaibao. †

Te buba hwi wabo balia po

12 Tama te sogo dage Israel dabego te balia po
 waibao.

“Genuai Bidi, eno nago nogi ugwabo sobao.
 Nago ena dali sębę yali, tiali goli nago sębę silalio,
 tama nago ena wiegi yai sę ilalio.
 Tama megı da, eno homu bugagia bidibao.
² Mu tama, Godigo ena ma oda sai dao.
 Tama megı da, eno agaba homu daų ola saibao.
 Tama ena wi me egobeo.
 God, Genuai Bidigo ena bomo ilibo dao,
 tama tibaso, eno balia po obao,
 te agai nogi ugwaba sainogo. Magı baso meni.
 Agai ena ma oda salio.” ††

³ Tę dedagede wę sia sabo menio. Agai te wę te nai
 dabebolo mabo dao. Tama augwali bugagia bidibo
 dao. Genuai Bidi te sia sisębo wę tiwai dao. Tigidali so-
 go agai dage tau sabode dage bugagia daų olama,
 bidimainu ebo dao. Tama tibaso, dage agaba wiegi yai
 homu dali pelama, tama Genuai Bidibolo dage tau so-
 mainu hanalugi paibao. ⁴ Tama te sogo dagego balia
 weyu e tama waibao,

“Genuai Bidigo nogi wao.
 Tama agaba i weyu, tama agabolo buba hwi wao.
 Te tigidali we bidi hani dabebolo pusao,
 te genuai sę dabe agai yalide.
 Tama augwalibolo pusao, aga genuai nogi elalubao.

⁵ Te tęąbi po weyu, Genuai Bidigo nogi ugwaba sao.
 Magı baso meni, aga genuai nogi salio,

te agai yali wiegi wiegi yai sę yalide.
 Agai wiegi wiegi yai sę yali po tigidali
 tęde we bidibolo pusao.

⁶ Israel dabego God aga te Wiegi Yai
 Doloba Pai Kolesaga Naga Ebo God dao.
 Aga genuai nogi elalubo.
 Tama aga dage Saion we bidi dabe dali bidibao.
 Tama tibaso, dage wiegi yai homu iyąo.
 Tama i bomona weyu, agaba balia po wao.”

Te aga hani we bidi ma sisinibo sogo dagego te balia
 po waibao.

Aisaiago Godigo po te tę kantri dabeba pususu bilali

(Dađ 13-23)

Godigo te bulu Babilon dene mawaibao

13 Godigo Babilon bulu dolabo homu yali, tama te
 po te nade ebo tiwai agai te po Aisaiabolo
 walalio, te Amosgo ogwabolo. ^{‡2} Genuai Bidigo e tama
 po wali,

“Dagego te ni meni yai bulu dude te plak me
 dodolao.

Tama te ami bidi dabego sulama, sisinagasomainao.
 Teba augwali polo asomainu i wao.

Nogo tę elama, te Babilon hanugo sunumi magı yao.
 Tama augwali te hwęgi pomainu taga palao.

³ Eno Babilon dabe dali sębę mu ebao.

Tama eno ena digi ena bomai ami bidi dabe dađ ilali.
 Tama eno augwali i olama,
 te Babilon dabe dolomainu i wali.

Te ami bidi dabe augwali Babilon dabeba
 hwęgi pabo wiegi yai homu mu yali,
 magı baso meni, augwaligo koneani,
 eno te hwębode ugwa ela holaibao,” te po wali.

⁴ Dagego odao, te kulukulu
 te bulu dude dabe wabo ođao.

Te geninama bidi dabego kulukulu te obao.

Te tigidali bulu hauwa badu
 ami bidi dabe te sisinagasali dao.

Tigidali Bomo Elalubo Genuai Bidigo
 aga bomai ami bidi dabe sisinagasali dao,
 te hwębo bidi dabe.

⁵ Augwali te digibulu bulu dabe te asalio,
 tama augwali te Genuai Bidigo
 enesigi de ene si tiwai dao.

Genuai Bidi aga sębę mu elama,
 tama augwali sabolama,

te tęde bulu dabe sese dolama, silimainu yaibao.

⁶ Dage gela bomonama wao. Magı baso meni.

Te Genuai Bidigo aga tigidali
 we bidi po tęde dodolabo bodolu pąba
 polo yagasalio.

Tama te sogo God Tigidali Bomo
 Elalubo Bidigo te genuai dolabo sę taga palaibao. ††

⁷ Tama tibaso, tigidali we bidigo dili naga mialuaibao.
 Tama augwaligo bomo mu menia saibao.

⁸ Tigidali wi mu yaibao.

Tama augwali genuai dene mu saibao,
 te wego wai sainu dene ebo tiwai yaibao.

Te tigidali bagego gesabidi augwali
 tigidali dene ebao wabo gesabidi ola mawaibao.

Tama augwaligo gasa bidi dabego
 gesabidiba tonobo sogo da, augwali wi mu yaibao.

† 11:15-16 Ped 16:12 †† 12:2 Sai 15:2; Tib 118:14

‡ 13:1 Ais 47:1-15; Jer 50:1-51:64 †† 13:6 Jol 1:15

⁹ Mu tama, te dwai sogo megı te pedalobao.
Te da te Genuai Bidigo polo bodolu muani,
te sogo te agai genuai şeşę dali asiyu,
tigidali tş dabe doliyu,
tama te dwai şę ebo we bidi dolama, silaıbaı.
¹⁰ Te sogo te tigidali hş dabego ula sula saıbaı.
Tama giliga pedalaıbaı, tiali goli agai
ula hulıa sigı paıbaı.
Tama polua munu me nanogobeı. †
¹¹ Genuai Bidigo te po wali, "E tş te we bidigo
dwai şęşęgo paşana pali.
Tama tibaso, eno augwali dene mawaıbaı,
te augwaligo dwai şę yalı wei ponoyu yaıbaı.
Te bidi dabe augwa digı augwa nogı
ugwaba sabı bidi dabego nogıeno aiyaba elalu-
aıbaı.
Me, homu dene isişyu, te augwaligo gasa bidi dabe
aiyaba elalubo bidi dabe me.
¹² We bidi hauwa mu isaıbaı.
Tama eno delı delı naga bidımainu talagalo paıbaı.
Tama augwali hauwa mu ma sugobeı,
te Ofir bulude sabı wiegi yalı gol
susışbo tiwai yaıbaı.
¹³ Tama te sogo
ena Tigidali Bomo Elalubo Genuai Bidi,
ena te eno genuai posolai şeşę dali mu asaıbaı.
Tama eno dagalu dali, tş dali sı mali ilaıbaı.
Tama tş iba kila selama, tama aga pesage taga
paıbaı."
¹⁴ "Tama te sogo we bidi dabe wi pabo
te bulu hasa dabe bidigo enainu
ebaso, wi pabo tiwai yaıbaı.
Me, te sipsip kibu dabe augwa tonalubo bidi menia-
ma,
gegede bilıbo tiwai yaıbaı.
Te augwali augwa bulu muba dabe wi ma paıbaı.
Awe, augwali augwa page buluba dabe polo wi
soaıbaı.
¹⁵ Tiali goli, mena bidi me boı bidi dabego touwali,
teda augwaligo hwş bainatgo enama, isılaıbaı.
Mu tama, te boı bidi dabego augwali
bobobage hwşgo elaıbaı.
¹⁶ Me, te boı bidi dabego te dwasianu
wai bşş dabe augwa idago nogode kega selama,
tama augwa ida aya sigı tonalubadı,
augwaligo te wai bşş dabe tşba
şşbo sıde, te wai dabe isaıbaı.
Tama boı bidi dabego augwaligo be
dolama, augwaligo nai dabe wi saıbaı.
Tama me, augwali we dabe me penanı şę yaıbaı."

¹⁷ Genuai Bidigo te po wali, "Suao!
Eno te Midia dabego homu hogodolama,
Babilon dabeba hwşğasomainu yaıbaı.
Augwaligo Babilon bagego silva de
gol sı homu kone elama,

† 13:10 Ese 32:7; Mat 24:29; Mak 13:24-25; Luk 21:25; Ped
6:12-13; 8:12

te buluba wşbi hwşğasobeı. Menio.
¹⁸ Augwaligo te Babilon dabe mu
sia sayabo homu bomu mu yalıı.
Augwali gesı bidi dabe augwaligo
enesıgıgo elama, isılaıbaı.
Tama me augwaligo genuai me dwasianu wai bşş
dabe
augwaligo elama, isılaıbaı.
Augwaligo augwali dali homu dene mu egobeı," wali.
¹⁹ Genuai hanu Babilon te genuai mu
elama, tama sawı mu elama,
tama tigidali gasa hanu dabe aiyaba elalualı.
Te Babilon bulu we bidi dabego
augwa hanugo wiegi yalı nogıde mu
gana pabo dao.
Tiali goli, Godigo Babilon dolaıbaı,
te agai Sodom de Gomora sı
dolalı tiwai dolaıbaı. ††
²⁰ Te bulude bidi munu me ma bidıgobeı.
Tama me ma, te Arap dabe augwaligo
sel be teba şę yagasogobeı.
Tama te sipsip kibu tonalubo bidi dabego
te sipsip kibu teba nosai tumainu
teba me tonaluagasogobeı.
²¹ Te bulu te olo bulu gagalama,
tama te bulu hasa dabe naga teba bidagasaıbaı.
Te hulıde bilıbo ba dabe te bede dabe bıdaıbaı.
Te hanıanı dwai ba dabe me bıdaıbaı.
Tama bulu meme dabe te dolalı hanude
ugwaba samanuyu,
edaba samanuyu, ela bilaıbaı. ‡
²² Tama me, te tunı bidigo bede,
me genuai bidi dabego bede dabe
te bulu yowı dabe bidagaselama, go weyu yaıbaı.
Mu tama mu, te Babilon dolabo sogo
bodolu paşba polo yagasalıı.

Genuai Bidigo aga we bidi ma oda saıbaı

14 Genuai Bidigo aga Israel we bidi hobede ma
elama,
augwali tau siyu, tama augwali aga
we bidi tiwai dşş ma ilaıbaı.
Tama agai augwali augwa tşba ma odasa paıbaı.
Tama gasa hanı we bidi augwali dali bidagaselama,
tama augwali te Jekopgo hanı dali taluama,
augwali Israel we bidi mu pedalaıbaı.
² Awe, Genuai Bidigo te Israel hanı isşwai we bidigo
te Israel dabe augwa buluba
ma asomainu tau somainu ilaıbaı,
te Genuai Bidigo augwalıbolo sa muanı tş dao.
Tama te we bidi dabe te Israel dabego
olo şę ebo we bidi tiwai pedalaıbaı.
Te bidi hanı polobadı Israel dabe kalabus elalualı
bage,
megı da augwali Israel dabego
kalabus bidi dabe bıdaıbaı.

†† 13:19 Gag 19:24 ‡ 13:21 Ped 18:2

Te polobadu te Israel dabe
 aiyaba elaluama, augwali dali dwai şę yali.
 Tiali goli, megi da, Israel dabego augwali tonalu-
 aibao.

Te bomai tuni bidi tulaluai wabo balia po

³ Genuai Bidigo dage Israel dabego dene me dwai
 sogo silama, tama dage Israel dabe bugagia bidaibao.
 Te gasa bagego dage aiyaba elaluama, tama augwali-
 go dage tonaluai dao. Tama dage bomai şę mu yai
 dao. Tiali goli, te tigidali şęęę dabe sia saibao. ⁴⁵ Tama
 Genuai Bidigo te tama tibo si da, dagego te Babilon tu-
 ni bidide elalubo po page hanilama waibao. Te hani-
 labo po da, e tama dao.

“Suao. Bomai tuni bidi polo tulalualio.
 Mena tama tibaso te tobage bomai
 şę ebo bidi dolaliwe?
 Genuai Bidigo tama te we bidi dabe
 dwai şę ilali bagego bomo silalio.
 Tama te augwali wi mu ilali bidi dolalio.
⁶ Te tuni bidigo gasa we bidi dali
 odolali genuai şębę eyu,
 tama dwai şę elama, tama augwali dolai dao.
 Tama agai gasa bulu dabe dolobo şę me
 hodo me dolobeo.
 Agai te şę mu tagalobeo.
⁷ Tiali goli, megi da, tigidali bulu
 tğ dabe bugagia ma bidaibao.
 Tama tigidali we bidi wiegi yai homugo
 i weyu, balia po obao.”
⁸ “Te ni pain de sida si te Lebanon bulu du ni dabe
 augwaligo me te wiegi yai homu
 yaibao, te Babilon tuni bidi aga isalide.
 Augwaligo te po obao, ‘Te da gelagasabo bidi me me-
 nio,
 agai da ma gelagasogobeo.”

⁹ “Te isai bidi dabego bulude augwaligo
 te homu pemene ebo po wainogo dodalubao,
 magi baso meni, te tuni bidi asobao.
 Te gų pagego tede bidibo bagebolo te po waibao,
 ‘Te genuai bidi dage hodaloao.
 Me, dage tuni bidi dabe duga tuni bidi sia sai
 tagalao.

Dage tigidali aselama, e bidi asobo
 suagasią, tiąba asią, waibao.

¹⁰ Babilon king, augwali tigidaligo
 nage dali te tobage po naga waibao,
 ‘Tegoba, dago homugo tiai dao,
 nago bomogo da tigidaligo bomu
 aiyaba elaluai dao homu yai dao.

Tiali goli, megi da, nago bomu sia selama,
 tama nage da tiwai te pedalali dao.

¹¹ Polobadu nago haniani aubo nai dabe muai dao.
 Tama te we bidigo gita dabe eliyu,
 nago genuai nogi ugwaba sainu yai dao.
 Tiali goli, megi da,

te sawede nago pibo sai tiwai dao.
 Tama te osogane dabego nage tigi
 bolama, tama te ugwa banunobo ağ yaibao,
 te gų pagege bidibo bagego te po waibao.”

¹² “Nage genuai nogi mu elaluai dao.
 Te tigidali tğde we bidi dabego gedude
 nage te kigamu dagalude nanebo hğ tiwai bidai dao.
 Tiali goli, megi da, Godigo nage polo tğba şawai dao.
 Nage boma pai hwjbo bidi dao,
 nage tğ pedai kantri hauwa aiyaba elalualui bidi dao.
 Tiali goli, megi da, mu menio. †

¹³ Nago te tama homu elaluai dao,
 ‘Eno te hğ dabe ela pelama,
 tama ena dagaluba mu paibao,’ homu yai dao.
 ‘Tama eno tuni bidi sia te Godigo hğ daide muaibao.
 Tama me ma, ena te god dabe
 sisinagasabo not badu bulu dude dualaluaibao.

¹⁴ Te ena te pğ dabeba ugwaba mu
 holama, tama ena God tiwai ogwade mu bidaibao,
 nago te homu yai dao.”

¹⁵ “Tiali goli, hobede mu dao.
 Nage polo tulalualui, tama nage aiyaba aba mu tulalu-
 ama,

tama isai bidi dabego bulu paibao.
 Tama nage dologode mu bidaibao. ††

¹⁶ Te isai bidigo bulude,
 te isai bidi dabe noma mu saibao, te nage subode.
 Tama augwaligo nage dolo si mu tonaluama,
 tama augwaligo augwa hasi nagede hanalu waibao,
 ‘Aga tama te bidi da, agawe, te tğ mali ilali bidi,
 me te gasa bulu tuni bidi dabe wi elama,
 noma selali bidi aga dawew?

¹⁷ Aga tama dawew, te hanu dabe
 dolama, tama te bulu dabe olo bulu nigilali bidi
 dawew?

Te tama dao, te bidi agai te aga kalabus
 ilali bidi dabe hobede elama,
 tama agai augwa buluba
 ma pomainu sula tagalai menio,
 augwaligo te tobage po augwa hasi hanalu waibao.”

¹⁸ “Te gasa tuni bidi dabe isibo sogo,
 te we bidi dabego wiegi yai şę elama,
 tama augwaligo te wiegi yai
 gų pageba pubaligi pabo dao.

¹⁹ Tiali goli, nage da, menio.

Augwaligo nage sayani,
 te bidi dabego ni nologo togalama,
 damumainu şabo tiwai mu yalio.
 Nago tigi te masigi elalubo tğ dedagede munalubo,
 te meba bidi dabego tigi dologode munalubo,
 te wąbi hwjani sogo isali bidi dabe tigi dologode.

Tama bidi dabego agayu ebo,
 te augwali ugwa eda udula bilibode.

²⁰ Te augwaligo nago tigi wiegi yai
 şę elama, pubalogobeo,
 te meba tuni bidi dabego tigi yali

† 14:12 Ped 8:10; 9:1 †† 14:15 Mat 11:23; Luk 10:15

gilama. Magi baso meni.
 Naga digi naga bulu dolama,
 tama naga we bidi naga digi ela silai dao."
 "Te wiegi yai mu dao, te tuni bidi dwaigo hani sese
 e tde sia siyu da, usu dao.
 21 Tama tibaso, agai wai bq dabe
 odasa aselama, ela muagasao,
 te aga ayago yali dwai s, me augwa wj dabego
 yali dwai s wei ponoyu tama yao.
 Tama augwali deli me bidama, tama tuni bidi nigila-
 ma,
 tama bulu dabe tonaluyu,
 tama hanu dabe tigidali bulude dabe ma nigilamuo."

Genuai Bidigo Babilon dabe dolaibao

22 Tigidali Bomo Elalubo Genuai Bidigo te po wali,
 "Ena Genuai Bidi, ena digi te Babilon
 dabe dali hwjnama, tama eno augwali sese mu
 dola silaibao.
 Te eno augwali me deli bidimainu me
 sula tagalogobeo. Mu menio.
 Te tigidali we me bidi me, wai dabe me,
 sese mu tama silaibao.
 23 Te eno te Babilon eno te hogomu
 poabo naigo poabo tiwai yaibao,
 te tigidali nai dola silibo hogomu poabo nai dao.
 Tama eno te Babilon sele pu bulu nigilaibao.
 Tama te dwai ba dabe naga bidagasaibao.
 Ena Tigidali Bomo Elalubo Genuai Bidi,
 eno po polo walio," wali.

Genuai Bidigo Asiria dabe dolaibao

24 Tigidali Bomo Elalubo Genuai Bidigo bomai po
 me deli e tama wali,
 "Mu tamao. S me eno yabo homu yali,
 te s eno yaibao.
 S me eno pedalabo homu yali, te s mu pedalaibao.
 25 Te Asiria dabe eno tba aselama,
 tama eno we bidi sg tolomainu yaibao.
 Te Israel dabe te bulmakau kibu tiwai bidibao.
 Te bidigo sgai ni name magede munama,
 tama s emainu tonalubo tiwai yaibao.
 Tiali goli, te Asiria dabe Israel dabego
 bulu dude dabe bidibadi yaide,
 teda eno augwali agalama, mimieibao.
 Tama te genuai sg Israel dabego tolali,
 te sg dabe sese mu tama silaibao," wali.

26 Te tobage kolesaga naga
 Genuai Bidigo tigidali tde elalubo
 kantride yabo homu yalio.
 Tama tibaso, agai nogo ugwa sagulama,
 tama augwali dolabo no sealubao.
 27 Magi baso meni.
 Tigidali Bomo Elalubo Genuai Bidigo
 te tama s yabo homu kolesaga polo yali.
 Tama dego aga paliaibawe?
 Agai nogo dolalubao.

Tama mego agai nogo aiyaba mubo usu egobeo. †

Genuai Bidigo Filistia dabe dolaibao

28 Te tuni bidi king Ahas isali kibu
 bede, Genuai Bidigo po me mani.
 Te po da e tama dao. ††
 29 "Te Filistia bage, dage tigidaligo odio.
 Te dage elali wbi dage polo toga pali dao.
 Tiali goli, dagego homugo dage bugagia
 bidaibao homu igimio.
 Te dwai gula mane me isibosi, te gasa
 dwai gula mego agai pesage sabo dao.
 Tama te gula manego gasa dwai
 gula mane mu me ame nabo dao.
 Aga te iba, eda bola bilibo bogo yai gula mane dao. ‡
 30 Te nai meni yai Israel bidi dabe augwaligo nai
 selama,
 bugagia homu tegaluama, bidaibao.
 Tiali goli, dage Filistia dabe da, ena Genuai Bidi eno
 dagebolo dwai nasi si taga palaibao.
 Tama te nasigo dage elama, dage mu silaibao," wali.
 31 "Dage te genuai Filistia dabego
 hanu, me dage te hanu dabede bidibo we bidi,
 dage sese wi dwai mu elama,
 gela dwai olama, i bomona waio.
 Magi baso meni. Te ami hani me deli
 te not badu asobao.
 Tama augwali nosali badu hano holobao.
 Te ami bidi dabe augwali tigidali
 hwjbode boma pai bidi dabe mu da weyu,
 tama augwali deli me nosali me dua dua asobeo." ‡‡
 32 Te dago mena po wei ponaibawe,
 te Filistia dabe augwaligo dago
 augwali tau somainu hanaluagasobaso?
 Te dago augwaligo po wei e tama ponaibao,
 "Te hanu Saion te dago Genuai Bidigo
 digi duala sabo bulu tiwai nigilai dao.
 Tama aga we bidigo genuai sg elaluyu,
 me sg yai s eyu ebaso da,
 augwali teba pelama, tama augwali
 bugagia bidaibao," wali.

Genuai Bidigo te Moap dabe dolaibao

15 Te bulu Moap polo dolalio. Tama Genuai
 Bidigo te po mani.
 Te hulide boi bidi dabe aselama,
 te hanu Ar me hanu Kir dolagasali,
 tama megı da, Moap mu tama sese dolalio. ‡
 2 Tama tibaso, te genuai hanu Dibon

† 14:27 Ais 10:5-34; Nah 1:1-3:19; Sef 2:13-15 †† 14:28 2 Kin
 16:20; 2 Sto 28:27 ‡ Te profetgo ede pusali po te agai te Asiria king
 me deli isibaso, te tiwai po pusali. Agai po digi begelama, e tiwai po
 wali, te gasa king dabego agai bidali pesage hasegelama, sabo po
 wali, tama augwaligo te gasa t pedai kantriba sg mabo s te
 genuai mu uganu igulu, te polasa bidali kingo kolesaga aiyaba
 elalueibao, te po olama, wali. ‡† 14:31 Jer 47:1-7; Ese 25:15-17; Jol
 3:4-8; Amo 1:6-8; Sef 2:4-7; Sek 9:5-7 ‡‡ 15:1 Ais 25:10-12; Jer
 48:1-47; Ese 25:8-11; Amo 2:1-3; Sef 2:8-11

we bidi augwali te augwa tibo god dabeba
lotu wabo pesageba dabe pelama,
tama gela wagi pali.
Te Moap dabego te hanu Nebo,
me hanu Medeba polo dolai yaibaso, gela wali.
Augwali hobede mu elama, tama augwa tobolu nisi
me
penane nisi poala sayanio.
³Tama augwaligo hobede yai ugwa dabe
gudama, tama te hanu sunumi dabede bilaluali.
Tagala, augwali augwa be pedude
bidibo me, o deliba sisinibo pesagede bidibo me.
Tigidali gela genuai mu wali.
Tama gela uga hauwa mu augwaligo gedudu tulalu-
alio.
⁴Te hanu Hesbon we bidi, me hanu
Eleale we bidi, augwali me moni gela mu wali.
Tama te hanu Jahasde bidibo we bidi
augwaligo te bage augwaligo gela wabo odali.
Te bomai ami bidi dabe me gela olama, i hae wali.
Te Moap dabego bomo sese sia sali.
⁵Eno Moap dabe hobede ebaso, gela obao.
Magi baso meni. Augwali augwa bulu tagalama,
wi te hanu Soarba peyu, te hanu
Eklat Selisia wi peyu ebaso.
Augwali gela genina mu olama,
tama augwali te sunumidu ugwa
hanu Luhitba holobao.
Tama me, augwali gela elali
te Holonaimba pabo sunumidu
ugwaba holoyu, tama augwaligo
geda genuai mu obao.
⁶Magi baso meni, te wę Nimlim sese mu sula selama,
tama te nosai da, te wę sesegede
elaluali me sasia pali.
Tama te pesagede tonali, te nosai me, ni dabe me,
me holabo badi tonobo aq ebeo.
⁷Tama tibaso, te Moap dabe augwa
wiegi yai nai dabe augwa hanude saboduali nai
dabe augwaligo sela,
te nai dabe dali wi pali.
Augwali te ni sili bulu aiya dulai sunumidu pelama,
te bulu Moap taga pali.
⁸Te hanu Ekclaimde bidibo we bidi,
me te hanu Bedelimde bidibo
we bidi, me te bulu Moap tomode
bidibo we bidi, augwali gela obao.
Tama augwaligo gela genuai pedalali.
⁹Te mu tama, te wę Dimon
te Moap dabego kanemego paqana pali.
Tiali goli, Genuai Bidigo te po wali,
agai te Moap dabe dene genuai genina mu ma
mawaibao, wali.
Agai te bulu yowi laionbolo polo
walai dao, te Moap dabe wi pali,
me te Moap dabe meba te bulude bidibo bage
dola silimainu agai polo wali dao.

16 Da te Moap we bidi da,
te Idom dabe genuai hanu nogi Selade
bidibo bage, dago te kibu sipsip gqy
te Juda dabego tuni bidi pageba
Jerusalemba tolinao.
Te sipsip kibu te agabolo te takis ma mawainu ga-
galiyu,
ola mabo tiwai eyu, te bidi dabego te sipsip kibu
sela pomainao.
Augwali te wa pai buludu pelama,
tama te Saion bulu duba saboligi paibao.
²Tama augwaligo tuni bidibolo elama, po omainu
yao,
"Tuni bidi, te boi bidi dabego da dena
hanu dabede, me dena bulu dabede pobeasa biliba-
so,
tama da wi pelama, te wę Arnon
sesegeba bidigi pali.
Tama da dodola mu bidibao.
Da te bulude te ba gqy aga bede tulaluama,
tama subigila bilibo tiwai, da subigila bilibao,
te ba buside bilibo tiwai ebaso.
Te da gela dali biliyu, tama tibao.
³Tama tibaso, dago homugo dagego
homu dago po osola sulama, tama da tau sao.
Tama da dagego buluba pelama,
tama te bidi dabego te posolai giligade te tıwai digi
duala sigi pabo tiwai,
nago buluba duala sagasiao.
Te boi bidi dabego da dena buludu pobeasa bilama,
tama da te adalalubo bidi bidibao.
Tama tibaso, nago augwaligo da
ma dolagasomainu me tagalamuo.
⁴Da nago tqba bidagasomainu sula tagalao.
Nago da tonaluama, tama te boi bidi dabego da
dolagasogobeo," te Moap bage augwaligo te po
obao.

Dago koneani, te seęę dabe daba pedalali,
te seęę dabe sia selama,
tama boi bidi dabego dago bulu tagalama,
tama da dali dwai seę me isama ebaso da,
⁵teda te sogo te Devitgo hani me deli
me tuni bidi pedalaibao.
Tama agai aga we bidi godolo mu elama,
tama agai aga we bidi te doloba pai
kolesagago naga tonaluaibao.
Agai aga we bidigo homu seęę elalubo
po odama, tama agai polo dodolaibao.
Tama agai wiegi yai kolesaga ebo bomu mu yaibao.
⁶Te Juda dabe augwaligo
te Moap dabego po odobo si da,
augwaligo augwa hasi tomode po weyu, e tama po
wali,
"Dago te Moap dabego dwai kolesaga
ebo po dago polo odai dao.
Augwaligo haniani po olama, augwaligo augwa nogi

ugwaba sabo dao.
 Augwaligo homugo augwali wiegi yai
 mu dao homu elama,
 tama augwaligo gasa we bidi aiyaba
 elalubo po olama,
 tama gasa we bidi posobo po wabo dao.
 Tiali goli, te Moap dabe augwali ili po wabo bage dao.
 Te augwaligo po mu dao homu igimio,"
 Juda dabego te po wali.

⁷ Te Moap we bidi dabego augwali te dene sali dali,
 te şeşę sali dali side gela obao.
 Polobadu augwali Kirheres hanude
 bidiyu, augwaligo te wain augwaligo olai te wain du
 tuyu, yai dao.
 Tama megı augwaligo te wiegi yai nai homu kone
 palali.

Tama augwali augwa ma hobede mu
 elama, augwali gela obao.
 Magı baso meni. Augwaligo wiegi yai
 nai dabe sese dola silai dao.

⁸ Augwaligo wain gi me,
 te hanu Hesbonde elaluali wiegi yai wain gi me,
 te hanu Sipmade elaluali
 wiegi yai wain gi me, kone palali.
 Tama augwali hobede genuai mu ebao.
 Te polobadu te gasa bulu tuni bidi dabego
 te gıde wain dabe tubo godolo mu yai dao.
 Tama te wain tulama, augwali poloyu yai dao.
 Tiali goli, megı da, te gi dabe sese mu dola silai dao.
 Augwaligo wain gi hauwa mu elaluai dao.
 Te hanu Hesbondu me Sipmadu gagalama,
 tama hanu Jaserba usu nigı pelama,
 tama te not usu nigı pelama,
 me te wa pai bulu te giliga asoboba usu nigı pai
 elaluai dao, te wę Detsıba sabolıgi pelama,
 tama giliga paboba usu nigı pai dao.

⁹ Ena te hanu Jaser de Sipma si wain
 gi hagede gela obao.
 Tama me eno gela uęa te hanu Hesbon
 me Eleale buluba tulalubao.
 Magı baso meni, dage sese dola silalio.
 Tama dagego we bidi augwa wain gıba pelama,
 tama augwali te wain du tau yalı
 sainu wiegi yai homu elama,
 hai dali iba, eda egobeo.

¹⁰ Te wain gi dabe augwaligo
 wain du dabe hauwa mu walai dao.
 Tama te we bidi dabe augwaligo sabo sogo da,
 augwali wiegi yai homu elama gana pai dao.
 Tiali goli, megı te wiegi yai homu elama,
 hai wabo kolesaga sia sali dao.
 Tama te we bidi dabego te wiegi yai
 homu ebo tęabi me wabeo.
 Tama me te bidi dabego te wain nigıbo
 madıde te wain du te şaęaęo me agagobeo.
 Genuai Bidıgo tama augwaligo penane paninama,

tama augwaligo hai wabo silalio.
¹¹ Tama tibaso, ena te Moap dabe
 me hanu Kirheres we bidıde
 halıga dene genuai mu ebao.
 Ena hobede e tama tıbo, te bidıgo hobede
 ebaso, gıta elıyu, te hobedai balıa wabo tıwai ebao.
¹² Te Moap we bidi augwali te tıbo
 god dabeba te bulu duba holama,
 lotu po wagi pabo dao.
 Tama augwaligo te tıbo godıba aga lotu
 bedede gedu haluasa po odu gebo dao.
 Augwaligo te bage augwaligo te şę dabe
 yabo bomu dabe silai dao.
 Tiali goli, augwa te kolesagago augwali
 tau me sai menio.

¹³ Te Moap dolaıbao wabo po te Genuai Bidıgo
 polobadu digı wai dao. ¹⁴ Tiali goli, megı Genuai Bidıgo
 po genına ma weyu, e tama obao, "Kıbu be sela digı
 mu elalubao, te Moap dabe augwa wiegi yai nai dabe
 dali delabo. Eno te sela kıbu bego delı delı bubuga me
 polua bugagıa mu nedebao. Tama te kıbu be selago
 dei dolo mu tama eno te yaıbao walı şę eno yaıbao. Te
 we bidi hauwa mu megı te Moapde bidıbao. Tiali goli,
 te bulu dolobo side, te bidi hani dwasıanu naga te bu-
 lude bıdaıbao, tama augwali bomu mu meni yaıbao,"
 walı.

Genuai Bidıgo te Siria dabe me Israel dabe sı dolaıbao po walı

17 Genuai Bidıgo te hanu Damaskus dolaıbao po
 manı. Aęa e tama po walı,
 "Te boı bıdı dabego te Damaskus dolaıbao,
 te Siria dabego genuai hanu,
 tama olo pobeıe bage pesage naga
 pesage holaluaıbao.
² Te Aroer dabego hanu dabede
 we bıdı me bıdıgobeo.
 Tama tibaso, te bulu dabe te olo sıpsıp
 kıbu dabego bulu pesage gagawaıbao.
 Tama te sıpsıp kıbu dabe bugagıa bıdaıbao.
 Magı baso meni. Te augwali wı ilabo
 bıdı mu menıa saıbao.
³ Te boı bıdı dabego te Israel dabego
 bomı hanu dabe dolaıbao.
 Tama me ma, augwaligo te Damaskus
 we bıdı tonaluaıbao.
 Megı da, Israel de Siria sı genuai nogı
 elama, genuai we bıdı hanı hauwa te bıdıbao.
 Tiali goli, te bulu sı dolama,
 tama dwasıanu we bıdı hanı naga tede bıdaıbao.
 Ena Tıgıdalı Bomu Elalubo Genuai Bidıgo
 eno po polo walı dao," walı. †

⁴ "Te sogo te Israel dabego genuai nogı sıa saıbao.
 Tama augwaligo wiegi yai nai dabe me
 augwaligo we bıdı hauwa sıa selama,
 tama te bulu dwalı mu bıdaıbao.

† 17:3 Jer 49:23-27; Amo 1:3-5; Sek 9:1

Te gasigo te tigi genuai yai bidi gegelama,
tama te bidi nomona selama,
dili pulu ha ebo tiwai yaibao.

⁵ Megi te Israel dabe te wit nai hauwa
te odogo malu Refaimde bulubo
wit hauwa holobo aq te ebao.

Tiali goli, augwali boi bidigo dabego elebo si da,
teda augwali te wit dili bidigo togai
deli deli dolalua pabo tiwai yaibao, te wit gide.

⁶ Te we bidi deli deli naga me elaluaibao,
te ni oliv du bidigo wabi dagego elama,
tama sai digi te nedu du deli deli ni abude walalubo,
me si sela te nologode dabe walalubo tiwai yaibao,
te hauwa bidigo siyu tagalai dabe.

Ena Genuai Bidi, Israel dabego God,
eno po polo wai dao," wali.

⁷ Tama te sogo te we bidi dabe homu begelama,
tama Israel dabego Godiba lotu po waibao,
te aga te augwali nigali God dao.

Tama aga da te Israel dabego Dwagi
Yai Doloba Pai Kolesaga Naga Ebo God dao.

⁸ Tama augwaligo te alta augwa digi
nigali teba lotu weyu,
me augwaligo we piksa tibo god
Aseraba lotu weyu, me egobeo.

Me, augwaligo te wiegi yai denami ebo
paua altade lotu po me wagobeo.

Te augwaligo augwa digi augwa nogogo
nigai naiba lotu wabo sia saibao.

⁹ Tama te Godigo te Israel bulu dolobo
sogo da, te augwaligo
bomai hanu dabe dola silama,
tama augwali olo bidaibao.

Te hasia te tade bidali bidi hanigo hanu tiwai yaibao.
Te hani augwali Israel dabego hwjagasainu asobaso,
augwali augwa hanu taga peyu, augwali wi pai dao.

Tama te hanu dabe olo te bulu dude dabe
elaluyu ebadi, te busi hola paibao.

¹⁰⁻¹¹ Magi baso meni. Israel dabe,
nago te God nage ma oda sabo God
nago homu kone ebeo.

Aga te genuai masigi te dwai sogo duala
sigi pabo masigi tiwai dao.

Tiali goli, mu tama, nago aga mu gegeda pali.
Tama nago gasa hanigo godiba lotu po wali.

Tama nago homugo tibo te god dabego nage tau se-
lama,
tama nage bugagia bidiba homu ebo.

Tiali goli, nage dolama, tama nage usu ma yabo sun-
umi
mu menia saibao.

Te naga gide ni wain wai bulama,
tama kulubi polo holama, tama aga
du walainu duduli ebo sulama
nage wiegi yai homu ebo tiwai dao.

Tiali goli, nago agai du sogobeo. Menio.

Deli sogo polo tama te wain ni dolama,
sasi elama, te wain gi dolaibao.

Godigo bomai bulu dabe aiyaba elaluali

¹² Tega, te kulukulu genuai wabo odao.
Te tigidali bulu ami bidi dabe
sisinagasabo kulukulu dao.

Tama augwaligo kulukulu te tamu we holama,
degeyu wabo kulukulu tiwai dao, te tamu we sane-
ba.

¹³ Te boi bidi dabe asali,
te tamu we aluasa asobo tiwai yali.

Tiali goli, Godigo augwali sesanobaso,
tama augwali augwa buluba ma wi pela wali.

Te Godigo augwali sela sayani,
te waligo ni yabe dabe subigila sela sabo tiwai eyu,
me te hogabo waligo
te hogomu dabe pobebe bage ugwaba
sela holobo tiwai yaibao.

¹⁴ Polo tama te boi bidi dabego te bulu
pio bagua sagasobo si da,
te we bidi dabe wi dwai mu ebo dao.

Tiali goli, kigamu da, boi bidi dabe menia saibao.

Tama te tobage kolesagago Godigo
te boi bidi dabego da dolama,
dago nai dabe wi sela pai badi
te sunumi palibo dao.

Genuai Bidigo te bulu Sudande po elaluali

18 Te Sudan bulu we u badu bidibo we bidi
hobede mu dao,
te haniani mano dabe hauwa ugwaba,
edaba bola biliyu ebo tade.

² Augwaligo augwa po sabilibo bidi
dabe taga palama,
tama augwali te we Nail dulu te augwaligo
we sesegede holobo nosaigo nigai geba tiwai nai,
te naidu ibaba dulubo dao.

Dage Sudan dabego po sabilibo bage,
dage te po polo sela asobo bage dao,
dage duga bomai buluba ma piqo,
te we hauwa elalubo bulu dao.

Te bulu we bidi dabe augwali bobobage
elama, tama augwaligo tigi sawi yai mu elalubo dao.

Tama dagego te bulu te wabi hwjbode
genuai nogi elaluyu,
tama gasa bulu dabego dage mu wi ebo dao.

³ Dage te tigidali tade bidibo we bidi,
dagego odao.

Te dagego bulu dude magi me dodolai
yaibaso da, dagego bugagia suiyo.

Tama bu wabo nai biugel po wai da
wabo si da, dagego olo saganama, bugagia odiyo.

⁴ Magi baso meni, Genuai Bidigo
enabolo e tama po walali,
"Ena Genuai Bidi, ena ena bulu dagalude

bidiyu, tama eno we bidi dabego
 ebo kolesaga subo sogo da,
 ena haliga nagame elama, tama eno olo
 tama tonaluaibao.
 Eno homu polo hogodama,
 augwali polo dolabo homu ebo menio. Meni.
 Eno dua tonaluyu, tama te giliga
 nanama, tama masigi sanede
 bomona nanebo tiwai elama,
 tama te agai posolo ugwaba dua holobo aq ebo
 dao.
 Tiali goli, isi mu dadala sabe.
 Tama me ma, ena te hulide te nai ininama,
 sabo magade te tulubo u meni yai
 tulubage tulubo tiwai ebo dao.”

⁵Te mu tama, megı te bulu †
 te ni wain bomona holama,
 tama dudili elama, tama telega pelama,
 te wain du tau yabo magā ebo tiwai dao.
 Tialigo Genuai Bidigo te bulu dolaibao,
 te bidigo sebe elama,
 te ni wain nologo te wain du
 tau isabadi toga sabo tiwai yaibao,
 te nedu du sabo magā isabadi
 toga sabo tiwai yaibao.
⁶Genuai Bidigo te gasa bulu
 bidi dabego te bulu dolagasomainu
 elama, tama te bulu ami bidi dabego
 tigi dabe te tōde dabe olo munalua paibao.
 Tama giligade da, te ba kemodage
 dabego tuagasaibao, ma te kedau ebo sogo da,
 te bulu hasa dabego tuagasaibao, te tigi pulu dabe.

⁷Te sogo augwaligo te Tigidali Bomo
 Elalubo Genuai Bidibolo
 te olo maiabo wiegi yai nai
 sela asaibao, te boma pai kantridu.
 Te bulu te wē hauwa elalubo bulu dao.
 Te bulu we bidi dabe augwali bobobage mu elama,
 tama augwaligo sawi yai tigi mu elalubo.
 Tama te bulu te wābi hwjibode
 genuai nogi mu elalubaso,
 te gasa bulu dabego agade wi mu ebo dao.
 Te bage augwaligo augwa olo maiabo
 nai dabe te bulu du Saionba sesaibao,
 te Genuai Bidigo te we bidi aga paḅa aselama,
 tama agaba lotu weyu emainu dāi ilai pesage dao. ††

Genuai Bidigo Isip dabe dolaibao

19 Genuai Bidigo te Isip bulu dolaibao wabo po
 mani. Te po e dao. ‡
 Suao. Genuai Bidi te pōde ugwadu dualaluyu,
 tama te bulu tō kantri Isipba polo sabolaibao.

† Bidi mebago homugo te kantri Sudan po olama wali homu yali.
 Tiali goli, gasa bidi dabego homugo te kantri Asiria po olama wali
 da, homu eba. †† 18:7 Sef 2:12 ‡ 19:1 Jer 46:2-26; Ese
 29:1-32:32

Tama te sogo pedalobo si da,
 te Isip dabego tibo god dabe noma genuai mu
 saibao,
 tama te Isip we bidi noma selama,
 tama augwali wi mu elama,
 tama augwaligo bomu mu sia saibao.

²Tama Genuai Bidigo te po wali,
 “Te eno te Isip dabego homu
 hogodolama, tama Isip dabe augwa
 hasi ma hwjaibao.
 Te ama hasi ma hwjyu, tama yaibao.
 Te Isip hanu dabe aga hasi ma hwjyu, tama yaibao.
 Tama te provins dabe aga hasi tomode
 ma hwjyu, tama yaibao.
³Te eno te Isip we bidigo homu kolesaga paninama,
 tama augwaligo bomu sia sanama,
 tama augwaligo yainu yali se dabe
 augwaligo egobeo.
 Te augwaligo augwa tibo god dabebolo
 augwali tau somainu hanaluyu yaibao.
 Tama augwaligo te isai bidi dabego
 noma dali po wabo bidi dabe dali po wagi paibao.
 Tama augwaligo homu kolesaga
 hanaluyu, mena se augwaligo yagawe waibao.
⁴Eno te Isip dabe te tuni bidi dwai me
 dologode tagalaibao.
 Aga te sesena pai bidi mu, tama agai
 augwali bomona mu tonaluaibao.
 Ena God Genuai Bidi, Tigidali Bomo Elalubo Bidi, eno
 po polo walio.”

⁵Te wē Nail sula selama, aiya dulama,
 tama tō pedalama, tama mu sula saibao.
 Te tō te gebo pai tō pedalaibao.
⁶Te aḷ gamiade te wē dua dua sula sesa duludubadi
 da,
 te dwai denami holaibao.
 Tama te nosai, me te sigi dili dabe
 wēde elaluali nai dabe sese mobia paibao.
⁷Tama me ma, augwaligo te wē
 sesegede bulali nai dabe me sese sasilama,
 tama waligo sela paibao,
 te nai dabe me elalugobeo.
⁸Tama te wē Nailde sūḡ sabo
 bidi dabe augwali homu dwai elama,
 tama augwali gela waibao.
 Te augwaligo huk dabede me umben wa
 dabego siyu yabo sūḡ menia saibao.
 Tama te bidi dabe homu seḡe dali bidaibao.
⁹Tama me, te name ugwa nigibo
 hobi nigibo we bidi augwali me homu seḡe mu
 yaibao. Magi baso meni.
 Te hobi nigibo nai dabe me te gide me holisama eba-
 so.
¹⁰Te hobi meni baso, te name ugwa
 nigibo se ebo bidi dabe dolama bidaibao.
¹¹Te hanu Goan genuai bidi dabe

te kolesaga meni yai bidi dabe naga dao.
 Tama te Isip tuni bidibolo wiegi yai
 kolesaga mabo bidi dabe
 augwa geda muai kolesaga agabolo mani.
 Isip tuni bidi, augwali te kolesaga sai
 bidi dabego nagebolo te tama
 po wabo dao, augwali te polobadu
 kolesaga sai bidi dabe,
 me te wiegi yai kolesaga hauwa
 elalui bidi dabego hanidu asai dao po waibao.
 12 Tiali goli, augwaligo kolesaga menade dualaliwe?
 Te Tigidali Bomo Elalubo Bidi Godigo
 te Isip dabe dali yabo şę po geme dualaliwe,
 te agai nage dali yabo şę po wabewe?

13 Te hanu Soan, me genuai hanu
 Mempis genuai bidi dabe,
 augwali te kolesaga meni yai bidi dabe naga dao.
 Tama me ma, te Isip bulu tobolu we bidi dabe aug-
 waligo

te bulu bugagia tolasa şę ebeo.

14 Genuai Bidigo te Isip dabego
 homu kolesaga polo dolai dao.
 Te pagede te Isip dabego ebo şę dabe dolo me
 pabeo,

te geda mubao, te polobo bidigo aga bogu agalama,
 tulaluainu ebo tiwai te ebao.

15 Te bulu Isip bugagia bidimainu
 tau sabo bidi menio, tagala,
 aga te genuai bidi, o aga olo bidi.

**Genuai Bidigo Isip dabe mu dolama, tama augwali ho-
 mu begelaibao**

16 Tama te sogo te bulu Isipgo te tama şęę totaluba-
 so da, augwaligo suaibao. Te Tigidali Bomo Elalubo
 Genuai Bidigo augwali dolainu nogo dolalubo sueibao.
 Tama augwali te we dabe wi elama, noma sabo tiwai
 yaibao. 17 Tama te Isip we bidi dabe augwaligo te bulu
 Juda nogi ebo si da, tego augwali te Tigidali Bomo
 Elalubo Genuai Bidiba homu kone yaibao. Me, te aug-
 waligo agai augwalibolo yai ebo şę dabe kone yaibao.
 Tama augwali wi genuai mu yaibao.

18 Te sogo te Isip dabego a naga hanu we bidi
 dabego te Hibru pogo po waibao. Tama te hanu we bi-
 di dabego te Tigidali Bomo Elalubo Genuai Bidigo
 nogide augwali te aga dologode bidai olama, augwali-
 go mu po waibao. Te hanu me deligo nogi augwaligo
 te nogi nogi yaiba, Giligago Hanu. 19 Tama te sogo te
 Genuai Bidigo te alta me te bulu Isip hanude elalu-
 aibao. Tama me te masigi pos me elaluaibao. Augwali-
 go Genuai Bidigo mu dađ ilama, elaluaibao. Te bulu
 Isip dađ side elaluaibao. 20 Te alta de masigi pos si te
 we bidigo Tigidali Bomo Elalubo Genuai Bidi sulama,
 homugo konebo te dađ tiwai elaluaibao. Tama te boi
 bidi dabego augwali dolainu asobaso da, teda aug-

waligo Genuai Bidiba i olama, tama Genuai Bidigo
 augwali tau somainu bidi me augwaliba taga palaibao,
 te augwali tau selama, augwali ma somainu. 21 Tama
 Genuai Bidigo te Isip dabego aga deli naga te Genuai
 Bidi dao olama, konemainu tagalaibao. Tama agai
 tama tibo sogo da, te Isip dabego bugagia mu konea-
 ma, agaba lotu po weyu, agaba ofa nai dabe sela peyu
 yaibao. Tama augwaligo agaba bomu yai pogo dađ
 olama, tama augwaligo yaibao wali şę dolo tama aug-
 waligo yaibao. 22 Te mu tama, Genuai Bidigo Isip dabe
 dene mawaibao. Tiali goli, agai te ebo kolesagago da,
 teda augwaligo dwai kolesaga ebo dodolaibao. Tama
 augwali homu begelama, tama augwali agaba ma
 paibao. Tama agai augwaligo gedu haluasa po wabo
 odama, tama augwali bugagia tau saibao.

23 Tama te sogo da, te mone sunumi te Isip dali Asiria
 si tomode elaluaibao. Tama te Asiria dabe Isip buluba
 peyu, me te Isip dabe te Asiria buluba asiyu yaibao.
 Tama te bulu si we bidi dabe augwali te Genuai Bidi
 deliba naga lotu waibao. 24 Tama te sogo te Israel
 dabe, me te bulu Isip, me Asiria sigo hai namu si ped-
 alaibao. Tama te we bidigo te gasa tode we bidigo
 dabebolo dwagi yai mobu mawainu da, augwaligo te
 tama po waibao, "Eno homugo Godigo te sela bulu bi-
 di dabe dali yali şę tiwai dage dali me emaino, te Isip
 ebadi, me Asiria ebadi, me Israel, te tama sela bulu
 yali gilama." 25 Tigidali Bomo Elalubo Genuai Bidigo
 dwagi yai mobu po mayu, te po waibao, "Dage Isip
 dabe, ena we bidi dabe dage dali eno wiegi yai şę
 yaibao. Tama eno te Asiria dabe dage dali me eno wie-
 gi yai şę yaibao. Tama me eno dage Israel dabe dali
 me, eno wiegi yai şę yaibao. Te Israel we bidi da, ena
 we bidi bidimainu yali we bidi."

**Asiria dabego ebo kolesaga te Godigo yabo homu ebo
 kolesaga ola mobao**

20 Te Asiria tuni bidigo pode te aga polalubo ami
 ofisa bidigo aga ami bidi dabe selama, te hanu
 Asdotba me bulu Filistiaba hwigi pali. 2 Te kibu be sela
 polasa, te Asiria dabego te Filistia hanu dabe sabode,
 Genuai Bidigo Aisaiabolo hasia po wai dao, te Amosgo
 ogwabolo te kolesaga yabo po. Aisaia aga hobedai ug-
 wa me aga sađ nadoba me gudubo tagalama, olo bi-
 lao po wali. Tama Aisaiago Genuai Bidigo po odama,
 tama tiai dao. 3 Tama te Asiria dabego te hanu Asdot
 polo sabo sogo da, Genuai Bidigo te po wali, "Te kibu
 be sela tama, Aisaia eno şę bidi aga ugwa me sađ
 nadoba gudisa olo bilai dao. Teda te dwai şę te Isip
 dali Sudan side pedalabo şę dađ tiwai aga bidali dao.
 4 Te Asiria tuni bidigo te Isip dali Sudan bulu siba hwigi
 paibao. Tama agai te bulu sigo gesi bidi me, monu
 dabe me, kalabus elama, gasa buluba sela paibao.
 Tama augwali pabo sogo da, augwali ugwa me, sađ
 nadoba me, me gudasa pogobeo, mu meni yaibao.
 Augwali habu olo bidiyu, augwali hale mu yaibao. 5 Te
 Filistia we bidi dabego te Sudan dabego augwali hwig-
 bode tau siyu, me te augwaligo genuai nogi ugwaba
 sabo Isip dabe, te augwaligo te şę sulama, tama aug-

† Te meba poloba Hibru pogo aşani bukude te nogi elalubao,
 "Giligago Hanu," da wali. Tama te po mebade te tiwai nogi elalulu
 "Dolabo Taun," da wai dao.

wali noma selama, tama augwali homu dwai yaibao.
⁶Tama te sogo, te nambis we bidi, te Filistia dabe, augwali augwa hasi tomode po miyu, te po waibao, 'Iya, tegoba! Dago te bomai bulu bidi dabebolo da tau so-mainu no munaluao po hanalu wai goli dama, tiyu Asiria dabego da dolagaidali weyu. Tiali goli, suao, augwa digi dolalio. Te da te Asiria dabego bainat hwa geda muabo sunumi menio,' te po waibao."

Babilon bulu dolaibao

21 Genuai Bidigo Babilon † bulu dolaibao wabo po mani.
 Te genuai sege me, dene me,
 te nai meni yai wa pai bulude pedalaibao,
 te to te bidi dabe wi elama, paşa pisşama ebo bulude.
 Agai te polo asaibao, te nai menia pai madi pobegebo wali tiwai bomai wali.
²Eno te se te God ena mani na me deli dwaide suali. Eno Godigo te po wabo odali,
 "Te Babilon dabe te ili po olama, geagano bilibo se eyu,
 tama gasa we bidi hani dali dwai se ebo bage dao. Tama augwaligo te kolesaga genuai mu pedalomainu ebo.
 Tama tibaso, te Elam ami bidi dabe, dagego te Babilon buluba hwjagasao. Tama Midia ami bidi dabe, dagego te hanu bobegela sagasişo.
 Eno te Babilon dabego gasa we bidi dabebolo mani sege silaibao," wali.
³Te nade suali naigo ena wi ilama, didibili ilali. Tama eno tigide dene genuai me yali, te we sibigo wai sainu dene ebo tiwai yali. Eno wi mu elama, eno homu mu doali. Tama eno magi nai me suyu, me po me odoyu yabo homu me ebe.
⁴Eno tobolu geş elama, tama wigo eno tigi didibili yali. Eno te pio giliga iba dega siyu, hulia sagasabode, eno godolo mu ebo dao. Tiali goli, te sogo hulide te naigo ena wi mu ilalio.
⁵Eno te bidi dabego genuai nai sisi ebo suali. Tama augwaligo moni ugwa name toşa mubo suali. Tama bidi dabe dualama, nai tuyu, weş tuyu ebo suali. Tiali goli, deli sogo tama bidi mego haş olo e tama po wagasali,
 "Te genuai bidi dabe, te boi bidi dabe polo asalio. Te duga hwjbo awa name polo selama, no muao," wali.

⁶Tama Genuai Bidigo enabolo te po walali,

† Te Hibru pogo te nogi Babilon me elalubeo. Agai te po olama wai, "te wa pai bulu te nambis paşe elalubao," wai. Tiali goli, te po wali te Babilonde po digi po begelama wali da, homu ebao.

"Nago bidi me nage tonalumainu tama, nago daş ilao, agai tonalumainu. Tama agai te mena tama nai agai suali agai nagebolo omainao.
⁷Te agai te bidi dabe hos dabede dualama si si asobo sulama, me agai te bidi dabe te donkidu, me kameldu dabe dulasa asobo sulama, teda agai olo saganama, bugagia mu odama, mena seş egowe bugagia odaibao. Tama agai bugagia sumainao," wali.

⁸Tama te tonalubo bidigo laion yowigo wabo tiwai iyu, agai te po bomona wali,
 "Genuai bidi, ena te boi bidi dabe tonalubo pesagede tede bidama, tama ulade me, hulide me, eno bugagia tonaluai dao.
⁹Tama eno te bidi dabe te hosde dulama si si asobo suali."
 Tama tonalubo bidigo te po wali,
 "Babilon polo dolalio, aga polo dolalio. Tama augwaligo tibo god dabego piksa dabe tulaluama, tologa palio," wali. ††

¹⁰Eno we bidi dabe, hobede ya, te boi bidi dabego dage te bidi dabego wit elebo tiwai yalio. Tiali goli, megi da, eno te God Tigidali Bomo Elalubo Bidigo mani po dagebolo pusubao. Aga te Israel dabego God dao.

Te profet bidigo Idom dabego hanalu wali po wei ponani

¹¹Te Genuai Bidigo te nai dabe me te hanu Dumade pedalabo po mani. ‡
 Te bulu Idomde bidibo bage augwaligo i olama, hanaluyu, te po wali,
 "Tonalubo bidi, me sogo te hulialubo silaibawe? Mena sogo mu aga silaibawe?"
¹²Tama eno te po wei ponoyu, te po wali,
 "Te be da posaiba, tiali goli hulia siyu me yaibao. Tama dagego ma hanaluabo homu ebaso da, teda dage ma aselama, ma hanaluagasişo," wali.

Genuai Bidigo Arebia dabe dolaibao

¹³Genuai Bidigo te Arebia dolaibao wabo po mani.

†† 21:9 Ped 14:8; 18:2 ‡ Te lain 11 me 13 tede wali po page kuna konebeo. Me badu bidigo homugo te taun Duma te Arebia dabego taun yali bogo homu ebao. Te buku Page Gagallali, Daş 25:13-15, tede te tiwai wali te nogi Duma te nogi Tema dali elalu, me Kedar dali elalubao, te po te Daş 21de te ves 14 me 16, tede suao. Tiali goli, te ves 11de te kantri toş Idom po olama me walio, tama tiyu, me badu bidigo homugo te vesde wali nogi Duma te toş kantri Idom po olama wali dao, te homu ebao.

Te Dedan dabe dage, te dage biliyu,
nai abelama dobu si eyu ebo bidi dabe dao.
Dage pelama, te Arebia dabego nai
meni yai wa pai buluba duala sigi pabo dao.

¹⁴ Te teba wi asali we bidi augwali
we nogonego mu isibao,
tama tibaso, dagego nai magasao.

Tama te t̄ Tema we bidi dagego
te nai me augwaliba sela pīo.

¹⁵ Augwali wi pai dao.

Magi baso meni, te boi bidi dabe hw̄jbo
bainat hw̄ me enesigi enego
augwali dali bomona elama, hw̄jbaso.

¹⁶ Genuai Bidigo enabolo e tama po wali, "Te kibu be deli elalubao, te hanu Kedar we bidi dabe dali augwaligo wiegi yai nai dabe dolama silabo. Te kibu be bubuga deli deli sogo eno bugagia nedebao. Tama te kibu bego bubuga dolo mu sia sigi pabo si da, teda eno augwali dali yaibao wali se dabe eno yaibao. ¹⁷ Te Kedar dabe augwali bomai ami bidi dabe augwali enesigi dali hw̄jbo bugagia mu koneai dao. Tiali goli, augwali dolaibao. Tama dwasianu bidi hani ami dabe naga bidaibao. Ena Genuai Bidi, Israel dabego God, eno po polo wali."

Genuai Bidigo Jerusalem we bidi dabe dali wado po wali

22 ¹⁻² Genuai Bidigo te Na Yabo Odogo Bulu tede na dabe pedalabo po mani.

Te genuai hanu Jerusalem we bidi dabe,
dagego mena homu mu eyu, dagego hai olama,
wiegi yai homu ebawe?

Tama dage duga be peduba hola pelama,
tama hai bomona mu olama,
tama te kulukulu tigidali te hanu usu nubao.

Naga te bidi dabe isali da.

Augwali te bomai ami bidi dabe tiwai
e hw̄jnama, isai menio.

Te boi bidi dabego augwali moni hw̄go elebeo.
Menio. †

³ Dagego genuai bidi dabe augwali
digibulu mu wi peyu, tedela pai dao.

Tiali goli, boi bidi dabego augwali sulama,
tama augwali dua dua tola sai dao.

Magi baso meni, te genuai bidi dabego
ene dabe me te hw̄jabo nai dabe meni baso.

Te boi bidi dabe dali hw̄jabo nai dabe meni yaide.

⁴ Tama tibaso, eno dagebolo te walobao.

Dagego eno haliga nagame elama bidimainu igimio.
Dagego enaduba deli naga bidimainu
tagalao. Magi baso meni.

† Te Asiria boi bidi dabe aselama, te taun hanu Jerusalem bagua sagasali sogo, te Jerusalem bidi augwali te bidi dabe wi eyu, te augwali bomona elalu dolaluabo homu is̄ama, te Asiria ami bidi dabe dali hw̄jabo usu meni yai. Te Jerusalem bidi dabe meba te wi pelabo si da, te Asiria dabego augwali pageabi elama, te augwali ela muani. Tama meba te taun tomode bidaludubadi, te augwali gasi selama isiyu, ma nasi elama isiyu yalio.

Eno we bidi mu dolai baso, ena homu sege elama,
ena gela weyu ebao.

⁵ Magi baso meni.

God, Tigidali Bomo Elalubo Genuai Bidi,
agai te haniani sege dabe dage
te Na Yabo Odogo Bulu pedalabo sogo me
polo bodolu muai dao.

Te boi bidi dabe hauwa mu aselama,
tama augwaligo hae dali iba,
oba bomona ela bilaibao, te udula biliyu.
Tama dage noma selama, gegede bilaibao.
Augwaligo te hanu obo dabe hūgiyu yaibao.
Tama dage wi yaibao.

Tama dagego i wabo da, digibulu mu paibao,
te tigidali bulu du usu naibao.

⁶ Te bulu Elam ami bidi dabego enesigi
dali, ene dali si tolasa asaibao.

Tama augwali te hw̄jbo kibu hos,
me te hw̄jbo awa dali tama asaibao.

Tama te hanu Kir ami bidi dabe da,
augwali te hw̄jbo sabili dabe dali asaibao.

⁷ Te hw̄jbo nai o awa da dagego
sawi yai odogo bulu pāāwaibao.

Tama te hos kibude duabo ami bidi dabe
augwali te hanu sunumide
doligi pelama, tama hw̄jabo no munaluaibao.

⁸ Te boi bidi dabego te se dabe yaibao.
Magi baso meni, Genuai Bidigo te bulu
Juda me tonalusiama ebaso.

Tama te sogo dagego koneama,
te boi bidi dabego dageba
hw̄jagasaibao homu ebaso da,
teda dagego te hw̄jbo nai dabe
te Moni Ni Sili Lebanon Be nogi ebo
tede munalubao homu eyu da,
teda dage agai bugagia bidibo tau saibao.

⁹⁻¹⁰ Tama dagego suai dao,
te hanu Jerusalem obo hauwa dolai
elalubo suai dao.

Tama tibaso, dagego Jerusalemde
be dabe tigidali nedai dao,
te tuni bidi Devitgo hanu.

Tama dagego te be dabe hūgilama,
te be dabego masigi dabe te obo se
ma yainogo sai dao.

Tama dagego t̄ dedagede wē sainu,
te wē gamia dabe geselai dao.

¹¹ Tama dagego genuai dedage deli
te hanu bobegelali obo si tomode nigai dao,
te tigidali uludu asobo wē ge bo dāj elalumainogo.

Dagego te tama se dabe yai dao.

Tiali goli, dagego God me kone me ebeo.

Agai deligo naga te nai dabe dageba
pedalabo po polobadu digi bodolu muai dao.

¹² Tama te sogo God, Tigidali Bomo Elalubo Bidigo

homugo dage homu dene
 elama, gela omina homu ebao.
 Tama dage duga tobolu nisi gudama,
 tama hobede ebo ugwa gudumainu homu ebao.
¹³ Tiali goli, dagego te hobede yabo
 şe yai menio. Meni.
 Dage gisugu olama, gana pelama bidalio.
 Tama dagego bulmakau kibu me sipsip kibu elama,
 tama moni daa mu tuai dao.
 Tama dagego wain wê dabe tama tuali.
 Tama dagego e tama po wai dao, "Asao.
 Da wê dali nai dali tuinao," wali.
 "Magi baso meni, do da isaibao,"
 tama po wali. †

¹⁴ Tigidali Bomo Elalubo Genuai Bidi aga digi ena
 pageba mu aselama, eno olode te po mu tama walio,
 "Eno dagego te dwai şeşegeda şagobeo, te dage
 isiboba usu nigi paibao," wali. Te da, te Godigo po dao,
 Tigidali Bomo Elalubo Genuai Bidigo po.

Genuai Bidigo Sepna aga şede sela şawaibao

¹⁵ Tigidali Bomo Elalubo Genuai Bidigo enabolo Sepna
 sugi pao po wali. Te bidigo te tuni bidigo bede tigi-
 dali nai tonalubo dao. Tama eno te po agabolo pusa
 mawaibao,

¹⁶ "Sepna, nago naga hani me nago tş ede menio.
 Te nago homugo nage de dao homu eyu,
 nago te bidi dabebolo te bulu du dologode dilai
 masigi dedage dogwao po waliwe?
 Tama te masigi dedage nago dwagi yai
 gu page tiwai elaluaibawe?

¹⁷⁻¹⁸ Nago homugo nage bomai
 bidi dao homu ebawe? Mu menio.
 Genuai Bidigo nage tola selama, goşegelama, mimi-
 nama,

tama dwasianu kiki tiwai yaibao.
 Tama agai nage tş me genuai digibulu
 me elalubo madi digibulu mu şawaibao.
 Tama nage te bulude isaibao.
 Tama nago te tagalobo sawi yai karis tagalaibao.
 Nage da, te tuni bidigo şe ebo bidi dao,
 tiali goli nago tuni bidigo haniba
 nago hale sela asobo bidi dao.

¹⁹ Genuai Bidigo nage nago ebo şede
 sela şanama, tagalaibao.

Tama nage nai meni yai bidi bidama,
 tama nage dwai mu bidaibao.
 Tama nage nogi meni yai bidi mu bidaibao," wali.

²⁰ "Genuai Bidigo Sepna nagebolo te tama po wali,
 "Te nai dabe pedalobo sogo da, teda eno şe bidi i ola-
 ma, asaibao. Aga te Eliakim dao, te Hilkiago ogwa dao.

²¹ Tama eno te nago te tuni bidigo ofisa bidigo gudubo
 wiegi yai ugwa me kibu wali selama, te Eliakim gudu-
 laibao. Tama agai nago megı ebo şe saibao. Tama agai

te Jerusalem we bidi, me te Juda we bidi, tigidali
 tonaluaibao. Tama aga augwaligo aya tiwai bidaibao.
²² Tama eno agai nogoba te tuni bidi Devitgo be ki agai
 nogoba muaibao. Tama mena nai agai dabo si da, te-
 da bidi dabego ma palibo usu egobeo. Tama me tama
 nai dabe agai paliali da, bidi dabego dabo usu egobeo.
^{††23} Te eno aga te şede bomo elama, mu bidimainu
 ilaibao, te huk augwaligo be tomode daş walai tiwai
 yaibao. Tama agade aga hani tigidaligo genuai nogi
 sela silaibao."

²⁴ "Tama aga hani tigidali aga pageba sisagaselama,
 tama agabolo augwali tau sao po waibao. Te augwali
 te sene dabe, me meba nai dabe te hukude walalubo
 tiwai yaibao. ²⁵ Ena Tigidali Bomo Elalubo Genuai Bidi,
 eno te tama po wali. Tama te şeş pedalobo sogo da, te
 si wali huk hala pelama, tulaluaibao. Tama agade
 walaluyu, aga şeş mani hani dolama, tulaluaibao.
 Ena Genuai Bidi, eno polo wai dao."

Genuai Bidigo hanu Tair dolaibao

23 Genuai Bidigo te hanu Tairde pedalabo şeş dabe
 po mani. ‡

Te genuai sip dabe, dage tamu wêde
 bilibo sip dabe, dage hobede elama,
 gela waişo. Magi baso meni.
 Dagego bulu Tair sese tigidali polo dolai dao.
 Tama tede be me dolalubeo, te bulude.
 Me, te sip dabe tubo pesage tede dolai dao.
 Nago te şeş te ailan Saiprus tagalama,
 ma asobode dagego koneaibao.
² Te dage Tair bage, te tamu wêş
 sesegede bidibo Tair bidi dabe, dage,
 me te hanu Saidonde bisnis
 bidi dabe, dage hobede elama,
 po wasişyu, dua bidişo.
 Hanu Saidon, te sip dabego haniani dabe
 hauwa mu nageba sela asai dao.
³ Tama nage te nai abeliyu,
 te nai maketde muyu ebo genuai
 nogi sabo bulu tiwai yai dao.
 Te sip dabe te Isipba, te wêş Nail elalubo badu pelama,
 tama te wit nai dabe nageba sesai dao.
 Tama nago te nai dabede bisnis şeş elama,
 te naide mone hauwa sai dao.
⁴ Hanu Saidon, nage hale yao. Magi baso meni.
 Te bomai hanu te tamu aşide elaluali hanu polo
 dolalio.

Tama te tamu aşigo te po walio,
 "Hobede mu dao.

Eno wai dabe ame nabe.
 Tama ena te wego wai ame nainu dene isaşwai aş
 yalio.

Tama eno sawi ogwa wegi ame nisaşwai
 aş elama, negişaşwai aş yalio," wali.

⁵ Tama te Isip dabego te şeş dabe

† 22:13 1 Ko 15:32

†† 22:22 Ped 3:7 ‡ 23:1 Ese 26:1-28:19; Jol 3:4-8; Amo 1:9-10;
 Sek 9:1-4; Mat 11:21-22; Luk 10:13-14

te hanu Tairde pedalali po odobosi da,
teda augwali wi mu elama,
augwaligo bomu mu sia saibao.

- ⁶ Dage te tamu wę sesegede bidibo
we bidi dabe, dage hobede elama,
gela olama, te Tarsis buluba poloba tama wi pao.
- ⁷ Magi nai mu te Tairde pedalaliwe?
Te polobadu bomai hanu mu,
te dage tigidali wiegi yai
homu elama gana pai madi dao.
Polobadu te hanude we bidi dabe meba
te gasa digibulu buluba taga palama,
te gasa gesi hanu geseligi pomainu yai dao.
Tiali goli, magi baso te hanu dolama elalubawe?
- ⁸ Dego pode mu te hanu Tair dolaliwe?
Te hanugo te gasa hanu dabe
tonalumainu sa muai hanu dao.
Tama agai bisnis bidi dabe
te genuai bidi mu tiwai bidama,
tama te tųde we bidi dabego augwali
nogi ugwaba siyu,
genuai nogi mu mabo dao.
- ⁹ Te da te Tigidali Bomo Elalubo Genuai Bidigo pode
te bulu tama dolai dao.
Genuai Bidigo te tama tiali da. Magi baso meni.
Agai te bidi hani augwa bomu de
augwa genuai nogi dabe ugwa siyu,
me augwa homu gana peyu ebo
bidi dabego nogi aiyaba elalubo dao.
Tama me, agai te bidi dabe
genuai nogi yai bidi dabe me agai
aiyaba elalubo dao.
- ¹⁰ Dage te Tarsis badu bidibo we bidi,
dage duga homu duga haniani
şę dabe iyąo. Magi baso meni.
Te hanu Tair bidi dabego dagego
homu kolesaga tolalugobeo.
- ¹¹ Genuai Bidigo nogo
te tamu wę daide balalubao,
te tamu wę sesegede elalubo bulu dabe dolainu.
Tama tibaso, te bulu we bidi dabe
augwali didibili dwai mu ebao.
Agai te Fonisia bulude bomai hanu dabe
dolainu po polo mawai dao.
- ¹² Agai e tama po wali, "Sawi yai hanu Saidon,
nage wiegi yai homu me ma elama,
bidigobeo. Magi baso meni.
Nage dolama, mu dolama elaluaibao.
Tama tibaso, dage hanu Saidon we bidi, dage hogo-
dama,
te ailan Saiprusba piąo.
Tama tiali goli, tede me dage bugagia
me bidigobeo," wali.
- ¹³ Te Babilon dabego tų suiąo,
te bidi dabe me tede bidibeo. Magi baso meni.
Te Asiria dabego augwaligo bulu dolai dao.

Tama augwaligo bulu te bulu
hasa dabego bulu gagalai dao.
Te Asiria dabego te augwaligo hanu obo
bobegelama, sai ela pai dao.
Tama augwali te sai dabede dolaluyu,
tama augwali dali hwj yai dao.
Tama augwaligo te hanu dabego bomai
obo dabe hųgiai dao.
Tama te hanu dabe sese tama dolai dao.
¹⁴ Te genuai sip dabe, dage tamu węde
bilalubo sip dabe,
dage hobede elama, gela waiąo.
Magi baso meni. Dagego te bomai hanu polo dolai
dao.

¹⁵ Tama te şę dabe pedalobo sogo da, te we bidi
dabego te hanu Tair te kibu be 70 tama gegeda pela-
ma, bidaibao. Te hanu Tair te penani şę ebo we te bidi
dabego te we tagalama tųąbi wabo we tiwai bidaibao.
Te tųąbi wabo po e tama edao,

¹⁶ O penani şę ebo we.
Augwaligo nage homu kone gegeda palalio.
Tama tibaso, nage gita selama, hanuba biligi pao.
Tama nago te tųąbi po wao.
Tama wiegi yai musik elao.
Tama te bidi dabego nage ma koneaibao.

¹⁷ Tama te 70 kibu be silibo si da, Genuai Bidigo te
hanu Tair te we bidigo nai dabe abeliyu, nai maketde
muyu ebo bulu ma emainu sula tagalaibao. Tama te
hanu Tairgo te gasa tųde bulu dabe sese aga dali bis-
nis şę yagasomainu kegaibao, te penani şę ebo wego
agaba asomainu kegebo tiwai yaibao. ¹⁸ Tiali goli, te
mone dabe agai sabo da, aga sabo sabogobeo. Menio.
Te nai dabe te God Genuai Bidigo nai dabe tiwai ped-
alaibao. Tama te Genuai Bidigo we bidigo te hanu Tair-
go sisinani nai dabe saibao. Tama augwaligo tuabo nai
hauwa mu elaluaibao. Tama wiegi, wiegi yai gudubo
ugwa me elaluaibao.

Genuai Bidi te Saion bulu dude bidiyu, te tigi- dali we bidi hani tonaluaibao

(Daj 24-27)

Genuai Bidigo tų dolama, tama aga digi te we bidi tonaluaibao

- 24** Genuai Bidigo tų mu dolama, tama tų olo mu
elaluaibao.
Agai te tų agalama, tama tų bebegelama,
tama te tų gasagi yai mu pedalaibao.
Tama agai te we bidi dabe subigila
wi tedela pomainu yaibao.
- ² Tagala, augwali mena tiwai we bidi yaibaso me,
augwali deli şę tiwai naga suaibao.

Te pris bidi dabe dali, me te olo we bidi dabe me,
tama me te tonalubo bidi dabe me,
olo şe bidi me, olo şe we dabe me.
Tama me te bisnis bidi dabe,
me te augwalide nai dabe abelebo bidi dabe me,
tama me te nai negeli sabo bidi dabe dali,
te nai negeli mabo bidi dabe dali me.
Tama me te moni bidi dabe dali,
me nai meni yai bidi dabe dali me.
Augwali tigidali sese tama te dwai dene saibao.
³Tş tigidali mu dolama,
tama te tş olo mu elaluaibao.
Genuai Bidigo te şe dabe yabo po polo walio.
⁴Tş wa pelama, tama agai bomo polo sia salio.
Tama aga hobedai gela obao.
Tama te genuai nogi elalubo we bidi
augwaligo bomode me sia salio.
⁵Te tş te we bidigo dwai meda yai
kolesagago meda ilalio.
Augwaligo te Godigo bomai habu selali
poba tudi ola menama,
tama agai po sela şanama,
tama augwaligo God aga dali
daş walali po toga şayu yai dao.
Teda te aga dali tigidali sogo bidiabo
daş wali po augwaligo sela şawai dao.
⁶Tama tibaso, Godigo pode
te dwai sogo mu te tşde pedalama,
te we bidi hauwa mu
dwai kolesagadu wali pao olama, i ola mawai dao.
Tama dwasianu we bidi hani naga bidaibao.
Agai tama tiali. Magi baso meni.
Te we bidi dabe augwa dwai kolesagago
augwa şeşę tolaibao.
⁷Te gesi ni wain du me walisaşbadi,
te ni wain me sasia mobia pai dao.
Tama te we bidi te wain wş tubo bage
augwali megı da homu şeşę mu yali.
⁸Augwali wiegi yai homu elama,
tama augwa te bagwa pai
wiegi yai musik po wabo te temborin me elebeo.
Tama augwaligo haniani gitago
wabo dabe sese mu tama sia sali.
⁹Augwaligo te wain wş tubo sogo
augwaligo te tşabi po me wabeo.
Augwa şeşęgo yali şede augwaligo
te wain augwaligo tubode
augwaligo pedauwalide pusu me ebeo, te ha ebao.
¹⁰Te genuai hanude nai dabe sese mu dola silalio.
Tama tigidali be sunumi dabe palialua pali.
Te bidi me tomoba me pabo usu ebeo.
¹¹Tama te we bidi dabego
te tuabo wain wş menia salio.
Tama augwali te hani sunumi dabede
dolalua peyu,
augwaligo te wain gogono bilibao.
Te we bidi dabego wiegi yai
homu elama, gana pali dabe mu sia sali.

Tama homu sese elama, hobede
ela pabo şe naga te tigidali tşde ebao.
¹²Genuai hani sese mu tama dolali,
tama agai genuai obo sunumi tulaluama, tama
pebeda pali.
¹³Te tobage dwai şe naga te tigidali
tşde we bidide pedalaibao.
Tama dwasianu we bidi hani mu naga bidaibao.
Te ni oliv du te bidigo sela silaide
te deli deli walalua pabo tiwai elaluaibao.
Me te ni wain du te bidigo siyu,
deli deli tagalai te elalubo tiwai yaibao.
¹⁴Tiali goli, te me bidibo dwasianu
we bidi hani augwali wiegi yai
homu elama, tşabi po waibao.
Te tamu wş sesegede bidalubo we bidi augwaligo
te Genuai Bidigo bomode me genuai
nogide augwaligo wiegi yai
homu elama gana paibao.
¹⁵Tama tialima, dage tigidali tş
habu badu bidalubo we bidi dabe,
te giliga asobo badu,
me te tamu aş sesegede elalua pabo
bulude bidalubo bage,
dage tigidaligo te Genuai Bidigo nogi ugwanu sao,
te Israel dabego Godiba genuai nogi maişo.
¹⁶Te we bidi te tş sesegede digibulu
bidibo bage augwali wiegi yai
homu elama, tama augwaligo
wiegi yai homu ebo tşabi po wabo.
Tama augwaligo te tşabi po da e tama dao,
"Genuai Bidigo nogi ugwaba sao.
Agai tigidali sogo wiegi yai kolesaga mu ebo dao."
Tiali goli, eno e tama po wali,
"Hobede mu dao.
Ena wiegi yai homu mu egobeo.
Eno haligade moni şeşę mu elama,
eno olo dali mu sia sabo homu ebo.
Magi baso meni. Te eno suali,
te dwai şe eyu, ili po weyu tama
ebo bidi dabego gasa bidi dabe ili po ola mani,
augwali dali dwai şeşę yali, eno te po wali.
¹⁷Te tşde we bidi, dage hobede mu dao.
Te dwai sogo me, tş dedage me,
şuşş sabo wa tamago dage
tonalubao, dage tola sainu.
¹⁸Tama bidigo te dwai sogo te asobao
wabo po odama, wi pobaso da,
aga te tş dedageba tulaluaiabao.
Tama aga te tş dedagede
ma hola aselama, ma wi painu yali da, teda aga
te şuşş sabo wade ma tola saibao.
Te dagalude sunumi dabe dala pelama,
tama te wş e tşba gealuaibao.
Tama tş pagede mali yaibao.
¹⁹Te tş mali genuai mu elama,
tama te tş tomode peda pelama,
tama te tş dedage olo dala pai elaluaibao.

²⁰ Aga te polobo bidi ugwaba edaba ebo tiwai eyu,
me te dwasianu be te bomai wali ebo
sogo uba edaba ebo tiwai yaibao.
Te tõe we bidi dabe augwa dwai sęęęo
yaligo te tõe tolobo usu egobeo.
Tama tibaso, te tõe tulaluama, tama te tõe ma ho-
dalobo
usu me egobeo," eno te po wali.
²¹ Polobadu digi Genuai Bidi aga digi
po bodolu muai dao.
Agai te dagalude bidibo bomo elalubo bage dene
mayu,
me te tõe tuni bidi dabe dali dene mawaibao.
²² Genuai Bidigo augwali sisinama,
augwali kalabus ilaibao,
te bidi dabego te kalabus bage
tõe dedage deliba tagalobo tiwai mu yaibao.
Tama agai augwali kalabuside
bobobage sogo tonaluaibao.
Tama nosali augwaliba agai homugo
yainu yali sę augwaliba yaibao.
²³ Tama te giliga ula de polua ula si,
te olo nai tiwai yaibao.
Magi baso meni. Tigidali Bomo Elalubo
Genuai Bidi aga bomo dali,
me aga bomai ula dali, asaibao.
Tama aga te bulu du Saionde we bidi tonaluaibao.
Tama te we bidi dabe augwa genuai
bidi dabego aga suaibao.

Godigo nogi ugwaba siyu wabo balia po

25 O Genuai Bidi, nage eno God dao.
Tama eno nago nogi ugwaba saio.
Magi baso meni.
Nago te bidigo isawai bomai sę dabe mu ebo dao.
Da tau sainogo, nago tigidali nai dabe mu usu nani,
te polobadu digi nago yaibao po wali gilama.
² Nago te genuai hanu dabe
te pobele bage pesage holai dao.
Tama te bomai obo dabe elalui
hanu dabe sese dola silai dao.
Tama te Israel hani isawai bagego
bomai hanu dabe te boi bidi dabego
sese mu dola silai dao.
Tama augwaligo ma hodolobo usu egobeo.
³ Te bomai bulu we bidi dabego
nagebolo genuai nogi mawaibao.
Te tõe pedai kantri meba we bidi dabego
gasa we bidi dali homu dene isawai goli,
te tobage kantrigo moni hanude bidibo we bidi
dabego nage wi eyu, nage dologode bidaibao
^{4,5} Nage te nai meni yai bidi dabe
duala sabo bulu tiwai nage bidai dao.
Tama augwali sęęę ebo sogo augwali bugagia bidai
dao.
Te dwai bidi dabego homu sębę
te bomai waligo te be daga tigiba
hudula palobo tiwai dao, me te sesana pai giliga

te kemi tõe wa pai bulude nanebo tiwai dao.
Tiali goli, te tulubage sogo, me wali ebo sogo,
nago augwali mesegelama, tonaluai dao.
Te nai meni yai bage nago tonaluai dao.
Tama bomai giligago augwali ulumainu
sula tagalai menio.
Genuai Bidi, nago te boi bidi dabego
pedauwali paninama,
tama te dwai bidi dabego i hae wabo
tama sia sabo dao.
Te põe te sesana pai giliga dualobo tiwai ebo dao.
Tama te bulu kedaua pabo dao.

Godigo genuai nai te bulu du Saionde sisi elama, muaibao

⁶ Te bulu du Saionde,
Tigidali Bomo Elalubo Genuai Bidigo
geninama nai mu sisi yaibao.
Te wiegi wiegi yai hasa dabe me,
tuabo wain aji dabe me elaluaibao.
Tama tigidali bulu we bidi dabe
te nai tuboba sisinagasaibao.
⁷ Megi da, te we bidi hani augwali
homu sęęę elama bidibao,
te augwali te isibo kolesagade
homu dene elama, te bidibao.
Tama augwali te sęęęo te ugwa tiwai
augwali mesega sai dao.
Tiali goli, te Saion bulu dude da,
Genuai Bidigo augwaligo homu sęęę me
hobede ebo dabe sese sia sawaiibao.
⁸ Agai te isibo me silama, tama augwali
me isibo sę me egobeo.
God Genuai Bidigo augwaligo gela uęa
sia saina, tama augwaligo gedu aji wa sawaiibao.
Te we bidigo gedu aji menia saibao.
Tama agai aga we bidi tigidali tõe
bidibo we bidigo hale me sia sawaiibao.
Genuai Bidigo te sę yabo po polo
wai dao. †
⁹ Te sę dabe pedalobo sogo,
te we bidi dabego te e tama po waibao,
"Mu tama dao, Genuai Bidi dago God dao.
Dago homu agade daę olama, tonaluai dao.
Tama agai da ma oda sai dao.
Aga deli naga Genuai Bidi dao.
Tama agai da tau sai dao.
Tama tibaso, da wiegi yai homu
penene genina mu inao.
Magi baso meni. Agai da polo ma
oda sai dao," te po waibao.

Genuai Bidigo bulu Moap dolaibao

¹⁰ Genuai Bidigo Saion bulu du bugagia tonaluaibao.
Tiali goli, agai te Moap dabe mu dolaibao.

† 25:8 1 Ko 15:54; Ped 7:17; 21:4

Agai te boi bidi dabego augwali dolama, mesegelama,

agayagasomainu yaibao.

Te kau kibu dabego nosai augwa diba

agalama, ela bulubo tiwai yaibao. †

¹¹ Te Moap dabe te bidi moni tamu wę

tomode hagayabo aq ebaso,

te wę saneba painu paulama,

nogo aĵ togobo tiwai yaibao.

Te augwaligo dolidali weyu, haniani sę mu yaibao,

te augwali dolobo side.

Tiali goli, Genuai Bidigo augwaligo

bomo dali kolesaga si aiyaba elaluaibao.

Tama mena sę augwaligo yali

te sę dabego augwali tau me sogobeo.

¹² Tama agai augwaligo hanu bomai

obo dabe huġia şawaibao.

Megi da, te obo dabe sigide ugwanu mu te elalubao.

Tiali goli, agai te obo dabe tġba mu tulalumainu yaibao. ††

Juda dabego balia me deli waibao

26 Te sogo nosali pedalobaso, te Juda tġde bidalubo we bidi dabego te balia po waibao.

Dago hanu mu boma pai mu dao.

God aga digi dago bomai obo bidalio.

Agai da ma polo oda sai dao,

tama tebogo agai da bugagia bagulali, te hanu me deligo bomai obo tiwai yalio.

² Te homugo genuai sunumi dabe dayao.

Te doloba pai we bidi tomoba tula asomainao.

Tigidali sogo te bage augwali

Genuai Bidi dologode naga elalubo dao.

³ Genuai Bidi, augwali nage dologode naga bidibo dao,

tama augwaligo homu nage delide

naga daġ olama, elalubo dao.

Tama tibaso, nago augwali dali

homu nagame ebo kolesaga

augwali mu paġamainu ebo dao.

⁴ Tigidali sogo Genuai Bidi

dago bomai duala sabo pesage dao,

te moni dobo masigi tiwai dao.

Tama aga tigidali sogo tama bidada peyu, bididu-aibao.

Tama tibaso, dago agade homu daġ mu olama,

tama aga dologode tigidali sogo bidinao.

⁵ Genuai Bidigo te we bidi genuai

nogi yali we bidigo nogi aiyaba elalubo dao.

Tama agai te bomai hanu dabe huġibo dao.

Tama augwali tġba sese tama tulalubo dao,

te tġ hogomude elalubo dao.

⁶ Te we bidi dabe augwaligo

te nai meni yai we bidi dabe dali dwai sę mu yali.

Tama te bagenu augwali nai dabe mu menia pali.

Tiali goli, megi da, te nai meni yai

bidi dabe augwali te dolama,

tagalali hanu pobele bage daide agaga bilibao.

⁷ Te sunumi te doloba pai we bidi dabe

bilalubo sunumi da dolo naga te elalubao.

Genuai Bidi, nage doloba pai God dao.

Tama nago augwali bilibo sunumi dodolobo dao.

⁸ Awe, Genuai Bidi, da nago bomai po

wali peyu, bilibo dao.

Tama dago nage deli naga tonaluyu, tonalubo dao.

Dago nago genuai nogi godolo mu ebo dao.

⁹ Te hulide eno homu nage delide naga elalubo dao.

Tama kigamude ena nage dali bidibo

godolo mu ebo. Magi baso meni.

Nago te tġde we bidi po tų ela mabo dao,

te augwali nago doloba pai kolesaga

ola mawainogo.

¹⁰ Tiali goli, nago dwai we bidi hobede igi sogo da,

teda augwaligo te nago doloba pai

kolesaga konea sigi menio.

Augwali doloba pai we bidigo

te tġde bidibo me tagala,

augwaligo te dwai kolesaga me ebo sę yaibao.

Tama augwaligo nago

genuai nogi koneyu, me augwaligo

nago bomo me koneyu, me augwali

nage dologode me elalugi menio.

¹¹ O Genuai Bidi, nago nogo polo balalubao,

te dwai we bidi dene mawainogo.

Tiali goli, augwaligo subeo.

Genuai Bidi, te nago naga we bidi godolo mu elama,

tau sabo kolesaga te augwaligo sumainao.

Tama te dwai bidi dabe augwali hale dwai mu yaibao.

Tama nago naga boi bidi dabe ulabo isi,

te isigo augwali mu ula silaganio. ‡

¹² Genuai Bidi, nago da tomode

wiegi yai homu nagamea pai ebo

sogo pedalomainu ilibo dao.

Nago dago tigidali sę dabe dodolama,

tama wiegi yai pedalumainu ilibo dao.

¹³ O Genuai Bidi, dago God,

te gasa genuai bidi dabego da tonalubadi goli,

dago nage deliba naga genuai nogi mabo dao.

¹⁴ Megi da, te genuai bidi dabe polo isila palio.

Augwali me bidibeo,

tama augwali ma hodalobo usu me egobeo.

Nago augwaligo bomo aiyaba elaluama,

tama nago augwali dolama,

tama nago augwali mu dolai dao.

Tama te we bidi dabego

augwaligo nogi me kone ebeo.

¹⁵ Genuai Bidi, nago dago hani genina mu ilalio.

Awe, nago we bidi hani moni hani mu pedelalio.

† *Matmena, te Moap dabego taun hanu me deli da. Tiali goli, te Hibru pogo te nogi Matmena te tiwai si page paġde elalubao, "di tabo pesage da," wabo. Te da, te profet bidigo te hanu te gagali po weyu, wabo aq yali, te Moap dabego hanubolo. †† 25:12 Ais 15:1-16:14; Jer 48:1-47; Ese 25:8-11; Amo 2:1-3; Sef 2:8-11*

‡ 26:11 Hib 10:27

Tama dago bulu genuai mu pedalumainu eyu,
 nago dago t̄ d̄aj̄ ibanu mu kidilalio.
 Tama te tialigo naga genuai nogi
 genuai mu pedalumainogo yalio.
 Awe, dago bulu genuai mu pedalomainu ilalio.
¹⁶ Genuai Bidi, nago naga we bidi
 dodolomainogo eyu, dene mu mani,
 tama augwaligo bomu mu sia salio.
 Tiali goli, augwali moni homu dene dali
 nage pageba aselama,
 nageba gedu haluasa po walio.
¹⁷⁻¹⁸ Te nago gedude da
 te wego wai ame nainu dene ebo
 tiwai elama, bidai dao.
 Da te genuai dene dali, seğe dali tolama,
 dago homugo tiali,
 dago wiegi yai nai dago me sugowe homu yali.
 Tiali goli, te menio.
 Dago magi nai me haninibeo.
 Dago te boi bidi dabe aiyaba elalubo
 bomu mu meni sai dao.
 Tama dago t̄de bugagia bidabo meni yai dao.
¹⁹ Tiali goli, naga te hani polo isila pali,
 tama augwali megı hulia sai madi bidibao.
 Te augwali ma hodaloama, te ula ma sueibao.
 Nago te isai bidi dabe bidibo ula ma mabo dao,
 te hulide tulubage segeni elama,
 te t̄ wa pai madi te gesi noma
 nosai hogonu ma holomainu ebo tiwai ebo dao.
 Dage te ḡ pagede pila mubo bage, dage hodaloa-
 ma,
 dage wiegi yai homu elama, po hae waīo.

**Genuai Bidi aga we bidibolo dene menama, tama aug-
 wali bugagia ma bidimainu ilali**

²⁰ Eno we bidi dabe, dage duga be
 tomoba dabe pelama,
 duga be sunumi dabe palia sīo.
 Dage p̄w̄adage sogo dualaluama,
 tama Genuai Bidigo seğe silibo side tagalao.
²¹ Suao, Genuai Bidi aga bulu dagalu
 tagalama, e t̄ba te asobao,
 te e t̄de we bidi dene mawainu,
 tama augwa yali dwai seğ wei ponainu.
 Tama t̄go te bidi dabego kaneme me geme dualo-
 gobeo,
 te gasa bidi dabego augwali
 ela wialali dabe. Menio.
 Agai te bidi dabego yali dwai kolesaga
 dabe sese tama haninaibao.
27 Te sogo te Genuai Bidigo agai genuai bomu ola-
 mayu, te Leviatan, te tamu weđe bulu hw̄
 bidigula mane elaibao. Genuai Bidi agai aga poa pai
 genuaiboma pai ge hw̄ selama, tama te bulu hw̄ bidi
 gula, tegagela bilibo gula mane toga sāwaibao.
²⁻³ Tama te sogo Genuai Bidigo balia po me e tama
 waibao, †

“Te wiegi yai wain gi balia po wao. Ena Genuai Bidi,
 eno te gi bugagia tonalubo dao.
 Tama tigidali sogo eno aga we mabo dao.
 Eno aga te giligade me hulide bugagia tonalubo dao.
 Tiyu, te bidi dabego dolagasidali weyu.
⁴ Megı da, eno te wain gi hagede wado po me wabeo.
 Ma, eno te gide te sesane yai nosai
 me gasa dwai nosai dabe tede holobaso da,
 teda eno augwali doliyu yaibao.
 Teda eno isi tulama, augwali sese ula silaibao.
⁵ Tiali goli, te boi bidi dabe
 augwaligo homugo augwali enaba
 aselama, augwali eno tonalumainu
 homu eyu da, teda augwaligo
 ena dali bugagia bidainu po deli
 d̄aj̄ olama, asomainao.
 Awe, augwaligo te boi pimainao
 homu eyu, po deli d̄aj̄ olama,
 ena dali bidagasomainao,” wali.
⁶ Te me sogo nosali, te Israel dabe
 te Jekopgo w̄aj̄ auwa bidi dabe,
 augwali te ni wain pedali t̄ba pelama,
 dudili hauwa walama,
 du hauwa walama, dili elama,
 dolalubo tiwai yaibao.
 Tama augwaligo nologode da,
 Genuai Bidigo augwalibolo wiegi yai sogo me t̄de
 we bidibolo mawaibao.
⁷ Genuai Bidigo te Israel dabebolo
 dene me mawai menio,
 te agai augwaligo boi bidi dabebolo
 mabo dene tiwai me mabeo.
 Tama me agai te gasa hani we bidi
 elama, isilali tiwai aga we bidi
 hauwa me elama, isilibeo. Menio.
⁸ Genuai Bidigo aga we bidi agai
 augwali kalabusiba tagala palali sogo,
 augwali dene mawai dao.
 Agai te bomai wali te giliga asobo badu
 asiyu, te haniani nai dabe
 selasa pabo tiwai yali gilama,
 agai aga we bidi aga bomai waligo
 augwali sela sāyagasai dao.
⁹ Tiali goli, tebogo agai te Israel dabe
 augwa digi yali te seğe mu tama sia sāwainu da.
 Teda augwaligo te tibo godigo alta dabe
 sese toga sāyao.
 Tama te alta masigi dabe te olo hogomu gagalao.
 Tama me, augwaligo te tibo god
 we Asera piksa elalubo ni pos
 gelama tagaliyu, me augwali
 te dwagi yai hano denami ebo pauda
 ulubo alta doliyu emainao.
¹⁰ Te hanu da, polobadu bomai obo elalui dao.
 Tama megı da, sese mu tama dolama, elalubao.
 Megı da, olo kala sili bulu te we bidi

† 27:2-3 Jop 41:1; Tib 74:14; 104:26

te bulude me bidisawai bulu aş ebao.
 Te bulude we bidi me bidibao.
 Tama te kau kibu dabe naga te buluba sisinagaselama,
 tama me te dwasianu ni yabe dabe tuyu, tede bidibao.
 Tama augwali tede toma tuyu bidibao.
¹¹ Tama te ni nologo dabe sasia pabo si da, te ni nologo dabe mobia pelama, tşba tulalubo si da, te we dabe sibigo isi nogainu gigila sagasobo dao. Te tobage dwai sogo pedalali. Magi baso meni. Te hanu we bidi augwali bidi po sela şabo we bidi mu. Tama tibaso, God, te aga te God augwali deli we bidi hani pedalomainu ilai goli, agai augwali godolo elama, augwali me hobede me yai menio.
¹² Tama te sogo Genuai Bidigo aga we bidi gasabulude dabe bidibo we bidi ma oda saibao. Te weYufretisdu gagalama, te Isip buluba usu nigipaibao. Agaiaugwali deli deli saibao, te bidigo aga wit dili dali bo dalisela şanama, te du naga elalubo tiwai yaibao. Tama tewiegi yai wit du selama, te tşgo nigai senede mubo tiwaiyaibao. ¹³ Tama te sogo te bu wabonai biugel bu genuaimu waibao. Teda te Israel dabe i weyu, te boi bidi dabegoaugwali te bulu Asiriaba sela şayu, me te bulu Isipba selasayu yali bage dabe. Tama augwali Jerusalem buluba maaselama, tama augwaligo Godiba ma lotu po waibao, teaga tedali gasagi yai bulu dude.

Genuai Bidigo te Jerusalem we bidi augwaligo kolesaga dodolaibao wali

(Daj 28-35)

Genuai Bidigo te sawi yai taun Samaria dolaibao

28 Hobede mu dao, te Israel bagego sawi yai taun nage. †
 Nage mu dolaibao.
 Te naga genuai bidi dabego wain we hauwa mu tula-
 ma,
 poliyu, tama nago nogi ugwaba mu sabo dao.
 Augwaligo te po wabo dao,
 nage te bomai hanu mu dao, po wabo dao.
 Nage te nai bula tuabo tş wiegi yai bulu dude te bidibao.
 Tama nage te naga genuai bidi dabego tobolude mubo plaua kula wai bono elalubo aş te elalubao.
 Tiali goli, nage pade tama te plaua bono sasia pelama,
 dolobo tiwai nage dolaibao.
² Mu tamao. Genuai Bidigo te bomai

† Te vesde, Aisaiago te taun Samaria po olama wali, te kantri Israelgo genuai hanu taun te not badu elalualio.

hani me deli polo nage elalumainu sa muanio.
 Te hani te bomai wali tiwai asaibao,
 tama me te tulubage te talua ge tulubage tulubo tiwai yaibao,
 tama augwaligo nage togolama, tşba tula palaibao.
³ Tama te hanigo nage agalama,
 nage daidu augwali bilaibao,
 nage te genuai bidi dabe poliyu,
 nago nogi ugwaba sabo hanu dao.
⁴ Nage te nai wai bulabo tşde te dwasianu bulu du elalubo madi nage te bidibao. Tama nage sawi yai plaua bono tiwai elalubo aş te ebao.
 Tiali goli, nage te plaua bono mobia pelama, dobo tiwai yaibao.
 Tama nage deli sogo tama silaibao,
 te ni fik du me deli hasia tau ebo tiwai, tama bidi me deligo sulama,
 polo sela tubo tiwai yaibao.
⁵ Te sogo te Godigo we bidi hani dwasianu naga bidiyu da, teda augwaligo Tigidali Bomo Elalubo Genuai Bidiba wiegi yai homu yaibao. Genuai Bidi aga digi aga wiegi yai tuni bidigo madi tobolude bulai, me te wiegi yai plaua bono augwaligo tobolude mubo tiwai bidaibao.
⁶ Genuai Bidigo te po tş odobo bidi dabebolo wiegi yai kolesaga menama, tama augwaligo po tş bugagia osola sueibao. Tama agai te hanude ami bidi dabe bomo mawaibao. Tama augwaligo te boi bidi dabe te hanu tomoba we bidi dabe dali hwşagasomainu sula tagalogobeo.

Te pris dabe dali, profet dabe dali sigo Aisaia posobo po wali

⁷ Te profet dabe, me pris dabe, augwaligo te wain we me bia we hauwa tulama, polobo homu yabo homu elama, dodolama, wa bilabo homu eyu, dodola bilabo homu ebo dao. Augwaligo homu kolesaga menia pabo dao. Tama augwaligo augwa şe bugagia ebo menio. Tama me, te pris bidi dabe augwaligo te we bidi dabego seşe bugagia dodolobo menio.
⁸ Augwa bogu te augwa bugulama, we tubo tebol saide pesage holobo dao. Tama dwasianu wiegi yai me elalubo menio.
⁹ Te augwaligo eno po odobo si da, augwaligo e tama po wabo dao, "Te bidigo homugo de mu agai skul ola mawainu homu eyu ebowe? Agai pogo de mu ola mawainu ebowe? Da dwasianu wai bşu dabe meni. Tamadi tama, da ame tubo tagalama bidibe.
¹⁰ Tigidali sogo agai dedeli po naga wabo, te bidigo wai bşu dabe te leta dabe

dolo nogi eyu emainu,
 me po dage deli me hani deli deli dolo nogimainu
 ola mabo aq ebo,"
 augwaligo te tobage po enade wabo dao.
 11 Te we bidi dabe augwaligo
 eno po odobo hagela mu ebo.
 Tama tibaso, Genuai Bidigo augwalibolo
 te gasa po wabo bagego
 pedauwalidu augwali po ola momainu,
 te gasa bidi dabebolo te agai po ola mawaibao.
 12 Aga digi aga we bidi te tq badu
 tagalai dao. †
 Tama agai augwalibolo te po wai dao,
 "Te bulude dage toma tuyu, bugagia dua bidiagianio.
 Tama te bidi dabe, augwaligo tigi
 boma pelama, augwaligo tigi hagela
 pobaso da, augwali hodo doliyu,
 te bulude dua bidageameo," wai dao.
 Tiali goli, augwaligo agai po odobo hagela mu yali.
 13 Tama tibaso, Genuai Bidi aga digi
 augwali deli deli leta dabe dolo
 nogi ebo, me deli deli po nogi ebo, me deli deli lain
 nogi ebo me,
 te tiwai Genuai Bidi aga digi augwali ola mawaibao.
 Te dwasianu wai dabe ola mabo tiwai aga digi yaibao.
 Tama augwali homu kone tua pelama, dene mu
 saibao.
 Tama te boi bidi dabego augwali nogo bono dunama,
 augwali kalabus elama, odasa paibao.

Godigo te dwagi yai boma pai masigi te bulu Saionde muaibao

14 Dage e Jerusalemde we bidi tonalubo we bidi,
 dagego Genuai Bidigo po odiao.
 Dagego homugo Genuai Bidigo po
 olo nai dao homu ebo.
 15 Tama dagego e tama po wabo dao,
 "Dago te isibo kolesaga dali dago polo po daq ola se-
 lama,
 tama dago te gu page dali dago
 po polo daq ola sai dao.
 Tama tibaso, augwali sigo da me dologobeo.
 Te dwai se da dolo pedalubadi me tagala,
 teda da geda muaibao.
 Magi baso meni. Dago te ili po olama,
 te hasegelu hasegelu ebogo
 da tau siyu, tama da bugagia bidaibao,"
 dagego te po wabo dao.
 16 Tiali goli, God, Genuai Bidigo te po wali,
 "Odao. Eno te be page daq walabo
 masigi dila pai deli me polo daq ilai dao.
 Te aga te dwagi yai boma pai mu dao.
 Tama eno te masigi te bulu du Saionde muaibao. ††
 Te bidi dabego agaba homu daq wabo bidi dabe da,

† 28:12 1 Ko 14:21 †† Bidi mebago homu te e nosali wabo po te tiwai po wabo da, "Tama te masigi nogi te tiwai wali, 'Te konealubo po mu daq wabo bidi dabe da, augwali da te wi elama, midigi me egobeo," te po wai dao.

teda augwali wi elama, didibili me egobeo. ‡
 17 Te ena te doloba pai skel
 te dagego kolesaga skel ebo te skel tiwai bidaibao.
 Tama te doloba pai kolesaga naga
 te eno usu ni tiwai elaluyu,
 tama tego eno dage usu saibao.
 Dagego homugo te tibao, te dagego dwai kolesaga
 ebo
 te kolesagago dage tau saibao homu te ebao.
 Tiali goli, eno te dwai sogo dageba
 pedalomainu yaibao.
 Tama dage te bidi dabe te genuai
 talua ge tulubage asiyu,
 ela silibo te tiwai yaibao.
 Tama dage pelama, duala sigi pabo
 pesage mu menia saibao.
 18 Tama eno dagego te isibo kolesaga dali,
 me te isibo bidi dabego bulu dali,
 dagego daq olama yali po eno
 tomode togolama, mu silaibao.
 Tama te dwai kolesaga mu dagede
 pedalama, tama dage mu isila paibao.
 19 Te dwai kolesaga dabego dage
 munu me taga pogobeo. Menio.
 Te augwali geninama mu dageba tigidali sogo hulide
 me ulade dageba me pedalidu geaibao," wali.
 Ma, dagego Godigo te wiegi yai po page
 dagego bugagia mu koneyu da,
 dage noma selama, wi mu yaibao.
 20 Dage te dwai dene mu saibao.
 Te bidi pibode te dene dene hauwa ebo
 tiwai dagego tigde yaibao. Magi baso meni.
 Te pibo sai te pewardage mu elama,
 agai saqa olo pobialuali.
 Me, te banua pibo blanket te dwasianu mu elama,
 agai banua pibo usu isaqbaso,
 o agai tigi sese usu isaqbaso.
 21 Genuai Bidi aga bomo dali
 hogodasa asaibao, te agai polobadu
 te bulu du Perasimde,
 me te Gibeongo odogo malu bulude
 yali tiwai yaibao.
 Tama agai yainu yali se agai yaibao.
 Tiali goli, dagego te se ebo sulama,
 tama dagego te gasagi yai mu da, te homu yaibao. ††
 22 Tama tiali, dagego te Genuai Bidigo
 po dolobo kolesaga tagaliao.
 Ma, meniyu da, dagego sege dabe
 genuai mu pedalaibao. Magi baso meni.
 Eno odali, God Tigidali Bomo Elalubo Bidigo te bomai
 po tama wabo suali.
 Agai e bulu tigidali pesage mu dola silaibao.

Bidi dabego wiegi yai kolesaga dabe Godigo naga manio

23 Dagego olo saganama, eno po bugagia odiao.

‡ 28:16 Tib 118:22-23; Rom 9:33; 10:11; 1 Pi 2:6 †† 28:21 Jos 10:10-12; 2 Sml 5:20; 1 Sto 14:11

24 Te bidi mego te nai wai bulainu agai
te t̄o elebo s̄e naga ebo yali bogo,
25 tama agai te nai wai dabe bulubo meniwe?
Meni ma.
Agai t̄o elama, silibo si, agai te ono ge tede bulubo
dao.
Agai te dola pai lainde agai te nai wit wai dabe bula-
ma,
tama me du dage badu agai
te nai bali wai tede bulubo dao.
Tama agai gasagi yai wit me agai te gi
homu badu me bubula bilibo dao.
26 Godigo digi aga te nai wai bulama,
sela tubo kolesaga ola mani dao.
27 Te ono ge dabe dwasianu sabo usu yai de da,
te bidigo agai te ni name selama,
tama te nai ono agabo menio.
Tama agai te wit ge dabe sainu,
te wilkar dabe me te nai wit ge sainu,
ugwadu kegebo yaligila ebo menio. Mu meni.
Agai te dwasianu w̄abi dage dabe naga selama,
tama te ono dabe elebo dao,
te augwaligo dwasianu ge dabe sainu.
28 Agai te nai wit ge dabe sabo
kolesaga agai mu koneani, te agai te nai dwasianu
ge dabego bret nigabo.
Te agai te hos dali, me te wilkar si agai
te nai wit aga dilide sela şawainu da,
teda agai te hos kibu dali,
te wilkar sigo te wit dolama,
mia saidali weyu agai bugagia tonalubo dao.
29 Te tigidali s̄e ebo kolesaga Godidu naga asalio.
Tigidali Bomo Elalubo Genuai Bidi
agaduba deli naga tigidali haniani wiegi yai
kolesaga dali, homu kolesaga mu pağana pai dao.

**Genuai Bidi Jerusalemba wali dali, me t̄o mali, me isi
dali asaibao**

29 Genuai Bidigo e tama po wali.
"Jerusalem, megi da, nage eno
alta tiwai bidibao.
Tiali goli, nage dolaibao.
Nage te genuai hanu polobadu tuni bidi
Devit bidali madi, nage dolaibao.
Kibu be deli o si bolo pomainu yao,
te tigidali lotu po wabo genuai sogo me.
2 Tiali goli, ena Genuai Bidi,
eno te s̄eğ̄e nageba sela asaibao.
Nage eno alta tiwai bidali.
Tiali goli, nage gela olama, hw̄a dwai mu waibao.
Tama kaneme nagede pağana paibao,
te bidi dabego te alta saide te hasa dabe elama,
te kaneme alta saide pağabo tiwai yaibao. †
3 Eno boi bidi dabe odasa aselama,

† Te ves 1 me 2de, Hibru pogo te Jerusalem nogi Ariel wai. Te kolesaga konea pai bidi dabego te nogi page bugagiakonesiawai. Me badugo te tiwai homu eba, "Godigo Laion da," wali. Te me badugo homu te tiwai eba, "Godigo buludu da" wai. Tiali goli, me

nage bagua sagasomainu yaibao.
Tama augwaligo pu diganama, nago obo pađe muna-
ma,
te t̄o unana pelama, te pağawai,
te daide doligiluama,
tama augwali nage dali hwjabo yali gilama.
4 Tama nage mu tama tulaluama,
tama t̄ogo nage mu mesega saibao.
Tama nago po dabe te isi bidigo po
te t̄o dologode dua dua wabo tiwai t̄odu pedalaibao.
5 Tiali goli, te gasa bidi dabe nageba
hwjagasobo bage da, augwali te t̄o hogomu tiwai
hauwa mu yaibao.
Tama augwali sese polo tama gasaba
paibao, te bidigo te wit haluama,
agai nai sainu ebode te yabe dabe hauwa
bola bilibo tiwai yaibao," wali.
Tiali goli, deli sogo tama,
6 Tigidali Bomo Elalubo Genuai Bidi te bomai wali dali,
t̄o mali dali asaibao.
Tama te be kulu weyu, te genuai
kulukulu dwai mu waibao.
Tama agai te tigidali nai dabe ulabo isi
dwai dali sesaibao.
7 Tama te gasa genuai bulu dabe
te Jerusalemba hwjagasainu asali da,
te Godigo altaba, teda augwali munu me bidigobeo.
Tama augwaligo te hanu sainu yali s̄e
olo dali hagawaibao.
Te s̄e dabe sese sia saibao,
te Jerusalemba nade suali tiwai yaibao.
8 Tama te tigidali bulu ami bidi dabe,
te bulu du Saionba hwjagasali bidi dabe,
augwaligo magi nai me sogobeo. Mu menio.
Te bidi pila muyu, nade nasi ebaso,
nai tubo tiwai yaibao.
Tama ma hodalobode da, nasi me elaluaibao.
Te nai tabi egobeo. Te tiwai yaibao.
Tama me bidi agai w̄e nogonego mu isai,
tama nade te w̄e ma tuali,
tiali goli, aga ma hodalobode te w̄e
nogone me elaluaibao.
Te tibo tiwai yaibao.

Godigo we bidi wabo polomainu homu begelali

9 Te Juda we bidi, me Jerusalem
we bidi, dage te gedu hwidai we bidi yali gilama,
me tama subigila paliyu, me tama bidiagameo.
Dage te bidi dabego wain w̄e tuyu, me bia w̄e tulama,
subigila bilibo tiwai me tama bidiagameo.
Tiali goli, dage te wain me bia tulama, polobeo. Me-
nio.
10 Genuai Bidigo dagego gedu s̄eğ̄e ilali.
Tama dage te bidi godege mu pilama, isai tiwai bidali.
Tama Genuai Bidigo te profet bidi dabego
augwaligo suabo nai dabe goli

badu hauwago te homu yali, "Godigo alta da," wali, tama te ves side wali pogo te e wabo homukolesaga wali paiba homu eba.

augwaligo susiaġmainu yaibao. †

11 Tama tibaso, Jerusalem, nago te Genuai Bidigo-nage ola mawainu ebo sę dabe page nago munu mekonegobeo. Te da, te buku augwaligo bomonama haluaibuku nage nedao olama, mawai buku tiwai dao. Tamanagerbolo nedao po wali. Ma, nago te buku te nedebobidibolo menama, te bukude elalubo po nedao obaso da, teda agai te po waibao, "Eno usu ebeo. Buku me daŋolalubo." 12 Tama ma, nago te buku ne-disiġwai bidibolo nago te bukude elalubo po dabe nedao obaso da, teda agai te po waibao, "Eno te buku nedebobonebeo."

13 Genuai Bidigo te po wali,
"Te we bidi hani dabe augwaligo
eno nogi augwaligo pedauwalidu
naga ugwaba sabo dao.
Tiali goli, augwaligo homu dali,
homu kolesaga si enade digibulu mu elalubao.
Augwaligo enaba mu lotu po wabo menio.
Augwaligo te bidigo digi muai bomai po,
te po naga augwali ola mani po,
augwaligo te po naga wali pabo dao. ††

14 Tama tibaso, eno gasa sę dabe mu
te we bidiba pedalumainu yaibao.
Tama augwali mu noma mu saibao.
Eno te bidi dabego augwalibolo
wiegi yai kolesaga mabo bidi dabego
homu kolesaga sela saġwaibao.
Tama eno augwaligo kolesaga sai
bagego kolesaga eno mu silaibao," wali. ‡

Genuai Bidigo tigidali haniani nai dabe hasegelaibao

15 Te we bidi dabego augwa
dwai kolesaga dabe Genuai Bidigo
gedude dualainu usu sabo dao.
Te augwali da, mu dolaibao.
Augwaligo te kolesaga dabe augwaligo sesaġwai madi,
me hulua sai pesagede augwaligo
te kolesaga dabe ebo dao.
Tama augwaligo te po wabo dao,
"Dego mu da sulama, dego mu koneaibawe?"
16 Augwaligo te tigidali nai dabe hasegelama,
tigidali nai dabe dolobo dao.
Te augwaligo wali po tiwai tama,
"Te tŋ sene nigibo bidi te sene nigibo tŋ tiwai dao."
Mena tama tialiwe?
Te olo nai mego te aga nigali bidibolo
te tama po waibawe,
"Nago ena nigai menia?"
Ma, te tŋ senego te aga nigali bidibolo
te tama po waibawe,
"Nago mage nai me konebeo," te po waibawe? ††
17 Te peġadage sogo tigidali nai dabe hasegelaibao.
Te Lebanonde moni busi te gi yabo tŋ

wiegi yai pedalaibao.

Tama wiegi yai gi dabe te moni busi mu gagawaibao.
18 Tama te sogo da, te olo degai dabego
te bidigo te bukude nedebob po augwaligo odaibao.
Tama te gedu hwidai dabe megi augwali
moni hulua sai madi bidibo,
te bidi dabe augwaligo ma gedu peda paibao, tama
nai dabe ma suaibao.

19 Tama te we bidi augwa digi augwa
aiyaba elalubo we bidi dabe
augwali te Genuai Bidiba wiegi yai homu yaibao.
Tama te nai habuge yai we bidi dabe
augwali me te Israel Dabego
te Dwagi Yai Doloba Pai Kolesaga Naga Ebo Godiba
wiegi yai homu yaibao.

20 Tiali goli, te gasa bidi dali
homu dene isaġbo dwai bidi dabe,
me te Godigo po olo nai dao homu ebo bidi dabe,
me te dwai kolesaga hauwa yabo homu ebo
bidi dabe, augwali sese dolama, hagala silaibao.

21 Tama te deli tobage dene me te ili po olama,
gasa bidi dabe po tŋ ela mabo
bidi dabe me, dene saibao.

Te gasa bidi dabe olo dali po tŋ ela mabo
bidi dabe tiaibao.

Te dwai seġę elalubo bidi dabe tau sela menama,
te seġę meni yai bidi dabego po dolobo bidi dabe,
te dedeli dene naga saibao.

Te augwaligo po tŋ dolama,
tama doloba pai bidi dabego te po tŋ dolama,
tama doloba pai bidi dabego
te po tŋ ugwa ela hologobeo.

22 Tama tibaso, te Genuai Bidi te polobadu Abraham
te dwai sogo ma oda sali, te Godigo te tama po walio,
te Israel we bidi dagebolo,

"Dage Jekopgo we bidi waġi hani, dage hale me elama,
tama dage gesabidi huli me egobeo.

23 Te dagego eno sę dabe dagego
tomode te sę ebo subo si da,
teda dagego ena mu koneaibao.

Ena te Dwagi Yai Doloba Pai Sę Ebo
God dao homu koneaibao.

Tama dagego eno nogi ugwaba selama,
tama dage wi eyu, ena dologode naga bidaibao.

24 Tama te bidi dabe homu kolesaga
megi umuna pabo bidi dabe,
augwali te wiegi yai homu kolesaga ma saibao.
Tama te konila po dabe hauwa olama,
tama po sela saġbo bidi dabe,
augwali te wiegi yai homu elama,
eno po ola mabo odaibao," te po wali.

Genuai Bidigo te po wali, te Isip dabego te Juda dabe tau sabo me usugobeo

30 Genuai Bidigo te po wali, "Te Juda hani, te
da augwali
eno wai boġ hani dabe, augwali dolaibao.

† 29:10 Rom 11:8 †† 29:13 Mat 15:8-9; Mak 7:6-7 ‡ 29:14 1 Ko
1:19 †† 29:16 Ais 45:9

Magi baso meni.
 Augwali bidi po odisişwai hani mu dao.
 Augwaligo eno homu kolesaga wali me pabeo. Menio.
 Augwaligo augwa homu kolesaga wali naga peyu,
 augwaligo gasa bulu bidi dabe dali abagi
 me olama, bidibao.
 Tama tiyu, augwaligo dwai seęę hauwa
 augwa hasi tigide pesage holalio.
² Augwaligo eno homu kolesaga hanalusiaşma,
 tama augwaligo Isip tuni bidi dali po wali pali dao.
 Te Isip dabe dolaluama, augwali tau selama,
 tama augwali me dolidali weyu.
³ Tiali goli, augwaligo homu kolesaga
 geda munama, tama augwali geda
 mubode augwali hale mu yaibao.
 Te Isip tuni bidigo augwali te dolainu
 ebo me togologobeo.
⁴ Te mu tama. Te Isip tuni bidigo aga
 po sabilibo bidi dabe,
 me aga ofisa bidi dabe aselama,
 tama juda hani deliba sisinagasali.
 Te hanu Soanba, me hanu Hanesba sisinagaselama,
 tama te teba asali juda dabe dali po wagasalio.
⁵ Tiali goli, juda dabego augwa hobede mu yaibao.
 Magi baso meni. Te Isip dabego
 magi seş me elama, augwali tau me sogobeo.
 Mu menio. Augwaligo moni hale mu
 te juda dabeba sesaibao,"
 Genuai Bidigo te po wali.
⁶ Genuai Bidigo te po te bulu hasa dabe te nai meni
 yai kemi sane bulu, te saut badu bulu nogi Negeb,
 tebolo te po wali. Genuai Bidigo te tama po wali,

"Te juda dabego genuai bidi dabe
 te olo kemi sane yai saut badu bulu badu bilali.
 Te da te dwai pesage badu mu,
 te bidi dabe te genuai seęę sabo pesage mu.
 Te pesagede te laion dabe, me bidi
 gaę kelebo dwai gula mane,
 me bola bilibo gula mane,
 me gasa bulu hasa dabe me, te bulu badu bidibo.
 Tiali goli, te genuai bidi dabego
 te wiegi yai homua pai nai dabe
 te augwa kibu kamel daide munama,
 me donki kibu daide munama,
 tama bomai seş mu elama,
 te wiegi yai nai te gasa bulu
 te augwali tau sabo usu isayabo
 buluba sela pali dao.
⁷ Te Isip dabego te gasa bulu bidi dabe
 ili ili po olama, tau saibao po wabo dao.
 Tiali goli, agai te seş ebo menio.
 Tama tibaso, te Isip te gesi nogi te nogi ebao,
 'Te Olo Dulalubo Gula Mane dao,' wabo," te po wai.

Te we bidigo Godigo po odobo hagela yali

⁸ Genuai Bidigo enabolo te we bidigo

ebo kolesaga po te bukude aşao wali, me te po me
 te masigi togalama, aşao wali.
 Te da te po te tigidali sogo mu elaluama,
 tama te we bidigo sulama,
 tama augwali te po sela saşo we bidi yabo omainu.
⁹ Magi baso meni. Augwali te bidi po
 mu sela saşo we bidi mu dao.
 Tigidali sogo augwaligo Genuai Bidigo
 po sela saşo dao, te augwa Aya.
 Te tigidali sogo augwaligo ili po olama,
 tama augwaligo agai po oda mabo
 po odobo hagela ebo dao.
¹⁰ Tama augwaligo Genuai Bidigo po
 ola mabo profet bidi dabe dali e tama po wabo dao,
 "Dage pedauwali pania سیاو.
 Dagego dabolo wiegi yai
 doloba pai kolesaga wali pomainu da ola magimio.
 Te dago odainu ebo po naga pusa mao.
 Teda te dwai nai dabe munu me pedalogobeo.
¹¹ Dage digibulu mu bidiyu,
 tama dago sunumi paligimio.
 Dago te Israel dabego Godigo po odobo da hagela
 ebao.
 Aga te Wiegi Yai Doloba Pai Kolesaga
 Naga Ebo God dao," wali.
¹² Tama tibaso, Israel dabego God
 te Wiegi Yai Doloba Pai Kolesaga Naga Ebo God,
 agai e tama po wali,
 "Dagego eno dua dao wali po
 sela saşama, tudi ola manio.
 Tama dagego te ili po olama,
 te dolobo kolesaga dage tau saiba homu ebo
 te mu dagego daş walio.
¹³ Tama tibaso, dagego dwai kolesaga polo yalio.
 Tama te dwai kolesagago dage mu tama dolaibao.
 Te da te dwasianu dedage te obo ugwadu
 tobolude elaluamo,
 te genuai elasa pabo tiwai dao.
 Tama deli sogo tama,
 te obo togwa pelama, degasa pali.
¹⁴ Mu tama, dage te tş sene te alua pelama,
 tama olo genuai me elalusiaşma ebo tiwai yaibao.
 Te isi dage tomode muabo, o te weş
 te tuabo tiwai genuai olo me elalugobeo," wali.
¹⁵ God, Israel dabego Genuai Bidi, aga
 te Wiegi Yai Boma Pai Kolesaga Naga Ebo God dao.
 Agai e tama po wali,
 "Dage bugagia bidabo sunumi da, e tama dao.
 Dage enaba ma aselama,
 tama dage bugagia homu nagame elama, bidişo.
 Tama dagego ena deli naga wali سیاو.
 Tama eno deli naga dage tau saibao.
 Tama eno dage ma aselama,
 tama dage bugagia tigidali sogo
 bomo elama, bidaibao."
 Godigo te tama po wali.

Tiali goli, dagego agai te po wali pabo hagela mu yali.

¹⁶Tama dagego te po wali, "Tagalama, dago bomonama udabo kibu hos bidibao.

Tama da te kibu hosde dualama, tama da wi paibao," wali.

Te dagego te boi bidi dabede wi paibao wabo po da, teda mu tama dao.

Tiali goli, tagala, dagego kibu hos bomonama udabo da, tagalao.

Te boi bidi dabego hos kibu bomonama mu dagego kibu hos nosali wali pobeasa asaibao.

¹⁷Te dagego 1,000 ami bidi dabe augwali boi bidi me deli aselama, hwjaibao po wagasobo si da, teda augwali wi mu elama, augwali wi paibao.

Tama ma, te boi bidi dabego ami bidi a naga aselama, hwjaibao hae wagasobo si da, teda dage hani tigidali wi ogodama, wi peyu, te hanu taga paibao.

Tama te bidi me deli me bidigobeo.

Tama te hanu te bidi dabego bulu dude plak ugwa walobo ni te bulu dude tula ma elalubo tiwai yali gilama tama agaduba elaluaibao.

¹⁸Tiali goli, Genuai Bidi da, tigidali sogo doloba pai kolesaga naga ebo God dao.

Tama tibaso, agai dage homu dene elama, agai hobede ebo dage ola mawainu te tonalubao.

Te we bidi dabego Genuai Bidiba homu kolesaga daŋ olama,

tama agai augwali tau somainao olama, tonaluali we bidi dabe da, augwali wiegi yai homu pemene mu yaibao.

God aga we bidi dali wiegi yai sę mu yaibao

¹⁹Te Jerusalemde megi bidalubo we bidi, tega, dage hobede elama, gela me wagobeo. Megi te Genuai Bidigo dage hobede elama, dage tau sabo deli naga no munalubao. Te dagego aga i olama, gedu haluasa po wabo si da, polo tama agai dagego i wabo odama, dage olo mu tau saibao. ²⁰Te mu tama, Genuai Bidigo dage moni sęę somainogo yaibao. Tama dage te bidi nai me wę meniama, habuge yai bidi tiwai bidaibao.

Tiali goli, aga digi dage dali bidama, tama dage bugagia elama waibao. Tama dagego aga munu me gegegobeo. Menio. Dagego aga duga gedugo ma sueibao.

²¹Tama dage peyu, te mena sunumide geda muainu ebaso da, te dolo nogo badu sunumi badu, o pobase nogo badu sunumi badu me, teda agai dage tudi badu bidama, tama mena sunumidu painu yali, agai dage ola mawaibao. ²²Tama da, dagego duga tibo godigo piksa dabe saibao. Te da te bidi dabego nigilama, silva dali, gol dali sigo haluai piksa. Tama dagego te piksa dabe te dwai damua pai nai tonobo tiwai tonama, e tama po waibao, "Gedao. Dago nage subo hagela ebo."

²³Tama Godigo tulubage te dagego bulali nai wai dabeba mawaibao. Tama te węgo dagego nai wai

dabe bugagia mu holaibao. Tama dagego nai dabe hauwa mu elaluaibao. Tama te sogo dagego kau kibu dabego tuabo nosai dabe hauwa me elaluaibao.

²⁴Tama me, dage duga gide nai selama, tama duga gi tŋ elebo kau kibu dabe, me donki kibu dabe bugagia mawaibao. ²⁵Te Genuai Bidigo te dwai sogo te dagego boi bidi dabeba pedalomainu ebode, teda augwali subigila isila paibao. Tama augwaligo bomai obo dabe sese dola silaibao. Tama te sogo te wę dabe bulu dudu dabe asiyu, tama dage wę me habuge me egobeo.

²⁶Te sogo te polua te giliga tiwai bomo elama, mu nanaibao. Tama te sogo te giligago ula te bomo yai mu nanama, tama megi tama ula ebo edelama, mu nanaibao, te tigidali sogo ula ebo edelaibao. Te a naga olama, me badu nogo si sogo nanebo giliga deliba sisinama, deli bubugade nanebo tiwai yaibao. Te sę dabe te Genuai Bidigo aga we bidibolo mani sęę dabe, me dene dabe mani sela sębo sogo, te sę dabe yaibao. Tama agai augwali usu ma ilaibao.

Godigo te Asiria dabebolo dene mawaibao

²⁷Suama. Genuai Bidi digibulu hogodoma, aga bomo dali, ula dali te asobao.

Agai wado elama, tama moni isi dali, hano si, te pedalobao, te agai sębę ebo ola mayu, te agai po wabo si da.

Te tigidali nai dabe ulubo isi agai keledu pedalobo.

²⁸Agai mobogo tigidali nai dolobo dao, te wę asiyu, tigidali nai dabe mesegelama, bidigo dogoniba usu ni pabo tiwai dao.

Genuai Bidigo te tigidali bulu tŋ kantri dabe agai nogogo toulama, pępębo dao, te augwali dolomainu. Tama agai augwaligo homu kolesaga dolama, tama augwaligo pabo hagela ebo buluba odasa pabo dao, te bidigo hosgo keledu ain dage mubo tiwai dao, te hos kibu bugagia dolasa pomai ebo gilama.

²⁹Tiali goli, Genuai Bidigo we bidi dagego da, te sę dabe ebo subo sogo da, teda dagego homu gana pabo balia te genuai lotu wabo sogo wabo tiwai waibao.

Dagego te bidi dabe te Genuai Bidigo bulu duba holama,

tama wiegi yai homu eyu, te genagego ona dabe elebo tiwai yaibao.

Genuai Bidi da, te genuai bomai masigi tiwai dao.

Tama aga te Israel dabego duala sabo pesage tiwai dao.

³⁰Genuai Bidigo bomonama mu hae olama, tama agai bomonama i hae wabo

aga we bidi tigidaligo odama, augwaligo agai sębę ebo mobo augwaligo tigde dolomainu yaibao.

Agai te moni bomai isi te tigidali nai dabe dabo isi, me moni genuai tulubage,

me wali, me talua ge tulubage dali,
tama aga asaibao.

Tama te be kulu obaso, te tigidali
we bidigo agai şeşę ebo sueibao.

³¹ Genuai Bidigo dağ wabogo
te Asiria dabe wi mu ilaibao.

Tama agai aga kelo toulama,
te Asiria dabe genina mu elaibao.

³² Tama te Genuai Bidigo
te Asiria dabe elebo sogo da,
te Genuai Bidigo we bidigo wiegi yai
homu gana pelama,

tama augwaligo haniani hıbidi me
gita dabe te Genuai Bidigo nogo toulama,
te Asiria dabe eliyu, poge wabo te wali pelama,
augwaligo te nai elaiabao.

³³ Augwaligo te Asiria tuni bidi
ulabo isi tı dedage polo dodolama, elalubo.
Augwaligo te tı dedage genuai mu elama,
tama aiyanu mu dulai mu nigali,
tama augwaligo isi dabe hauwa mu polo sela muani.
Tama Genuai Bidi agai mobogo pona palebo si da,
te polo tama isi bogoli dala saibao.
Magi baso meni. Genuai Bidigo mobo
te posolai isi tiwai dao.

**Genuai Bidi agai bomo ola mani digi, tama te bomai
bulu tı kantri dabe tulaluali**

31 Dage te Isip buluba pelama,
tama augwaligo dage
tau somainu hanalugi pabo bage,
hobede ya, dage dene saibao.

Dage te Isip dabego hwıbo hos kibu hauwa elaluyu,
me karis dabe me hauwa, me te ami bidi dabe hos-
de

dualama hwıbo ami bidi dabe hauwa elalubo
sulama, tama dagego homugo Isip dabego dage
tau somaina homu ebao.

Tiali goli, dagego Israel dabego
Genuai Bidiba tonalubeo.

Aga te Wiegi Yai Doloba Pai Kolesaga
Naga Ebo God dao.

Tama dagego agai tau sao po hanalubeo

² Tiali goli, agai me wiegi yai homu kolesaga elalubao.

Tama agai dwai dene te dwai
we bidibolo me dene ilaibao.

Tigidali sogo Genuai Bidigo aga wali po
wali naga pabo dao, hasegelegobeo.

Agai te dwai bidi dabe dali,
me te bidi dabe te dwai kolesaga
ebo bidi dabe wali bilibo dabe dali, hwıaibao.

³ Tiali goli, te Isip dabe, augwali te god meni.
Augwali te olo bidi dabe dao.

Me augwaligo hos dabe me te hos mu naga dao,
te tigi mi dali, dili dali elalubao.

Tama te Genuai Bidi agai bomo ola mabo si da,
teda te bomai bulu tulaluaibao,
tama me te agai tau sali da,

te bulu dabe me tulaluaibao.

Tama si dali si tama, mu tama dolaibao.

⁴ Genuai Bidigo enabolo e tama po wali,

“Te bulu yowi laiongo sipsip kibu me
elama, tudubadi da, teda aga wi elama,
tama te sipsip taga peyu, wi me pogobeo.

Te sipsip kibu tonalubo bidi hauwa
aselama, aga tonaluyu,
hae mobadi goli, aga wi me egobeo.

Menio. Agai augwali dali wado elama,
tama te sipsip kibu bugagia tonaluaibao.

Te tama tiali goli, ena Tigidali Bomo
Elalubo Genuai Bidi, te eno te bulu du Saionba
hwıagasaiabao, te Jerusalem bulude.

Tama magi nai dabe mego ena togolobo usu me
egobeo.

⁵ Te ba dabe augwali ugwadu
bola biliyu, augwa wai dabe bugagia tonalubo dao.

Te tama tiali goli, ena Tigidali Bomo
Elalubo Genuai Bidigo da, teda eno Jerusalem
bugagia tonaluaibao.

Te tigidali sogo ena augwali pagede bidiyu,
tama eno augwali ma oda selama,
tama eno aga bugagia tonaluaibao.” †

Te po wali.

⁶ O dage Israel dabe, dagego
Genuai Bidigo po sela şabo dao.

Tiali goli, dage mu begelama,
tama agaba ma asişo.

⁷ Te Genuai Bidigo bodolu pıba yagasobo si da,
teda te sogo dagego te dwagi yai silva de gol sigo
nigali tibo god piksa dabe şawaibao.

Te nai dabe duga nogogo digi nigai dao.

Tama te kolesaga yaligo dage şeşę sai dao.

⁸ Genuai Bidigo te po wali,

“Te hwıbo hwı bainat mego te bulu Asiria dolaibao.
Tama te Asiria dabe mu silaibao.

Te bainat hwı ena Genuai Bidi ena digi tagala
palaibao,

te bidi dabe mego meni.

Te Asiria dabe te bainatde wi paibao,
tama te Asiria dabe gesi bidi dabe da
kalabus şę yaibao.

⁹ Te Asiria dabede genuai wi mu pedalaibao.

Tama augwaligo bomai
genuai hanu tulaluaibao.

Tama te augwaligo ami ofisa dabego eno
hwıbo plak ugwa walai subaso,
augwali noma selama, augwaligo
dili nagamea pelama, tama augwali wi paibao.”

Te da te Godigo po dao.

Te agai bomai isi te bulu du Saion

† *Godigo te hanu taun Jerusalem tonaluali, aga taun da, te ves 5de wali po tiwai yali. Tiali goli, te hanu taunde bidibo we bidigo aga tudiba munama, te ves 1-3 tede wali tiwai ebaso da, teda agai te hanu Jerusalemba me boi hwıagasigi da, te ves 4de wali po tiwai gil-ama igi dao.*

te Jerusalem bulude elalubao.

Te wiegi yai tuni bidigo te bulu tonaluaibao

- 32** Odao, te tuni bidi me deli pedalaibao.
Tama te tuni bidi dali, tigidali t̄ pedai
kantrigo genuai bidi dabe dali,
augwaligo wiegi yai doloba pai kolesaga naga ela-
ma,
te we bidi dabe tonaluaibao.
²Te deli deli genuai bidi dabego
te we bidi dabe augwali tau somainu asali bidi dabe,
augwaligo tau saibao.
Augwali da, te we bidi augwali te genuai
wali dali tulubage dabe ebo side,
augwali te duala sabo pesage tiwai dao.
Tama me, augwali te w̄ te hogomua pai
pesageba pabo tiwai, me te moni masigigo
te hogomua pai pesage
te masigigo seselalubo tiwai dao.
Tama te bidi dabe te t̄wai madi duala selama,
toma tubo tiwai dao,
te boma pai giligade.
³Tama meḡi e tibo sogo, te we bidi augwaligo
gedugo
tigidali nai dabe subo usu mu yaibao.
Tama me augwaligo olo bugagia dala pelama,
tama augwaligo tigidali po bugagia odaibao.
⁴Tama te bidi dabe te homu kone bugagia palis̄ama,
te dwai dwai s̄ dabe yali bidi dabe,
te bage augwali wiegi yai homu kolesaga selama,
te s̄ dabe tama yaibao.
Tama te bidi dabe te augwa hasi
po wabo pedauwali s̄ḡe yali bidi dabe, augwali
bugagia po mu waibao.
⁵Tama te dwai bidi dabebolo genuai nogi me
te dwai polobo kolesaga dabe yali da,
te s̄ dabe mu sia saibao.
⁶Te polobo s̄ ebo bagego
te subigila po dabe wabo dao.
Tama tigidali sogo augwaligo
dwai polobo s̄ naga ebo dao.
Augwaligo Genuai Bidigo
godolo yabo s̄ dabe ebo menio.
Tama ili po hauwa Genuai Bidide ela palobo dao.
Tama augwaligo te nai meni yai
bidi dabebolo nai masīama eyu,
me augwaligo te w̄ nogone ebo
bidi dabe w̄ mayu ebo menio.
⁷Tama te dwai bidi dabego
te dwai homu kolesaga hauwa
augwaligo tobolude pāāna pabo dao.
Augwaligo homu kone palama,
tama augwaligo haniani ili po wabo
homu kolesaga dabe gegelama,
tama augwaligo te nai meni yai
we bidi dabego po t̄ ebode dolama,
aiyaba elaluabo sunumi dabe gegebo dao.
⁸Tiali goli, bidi wiegi yai dabe augwali

genuai nogi elaluaibao.

Te tigidali sogo augwaligo doloba pai
kolesaga naga ebo dao,
tama augwaligo wiegi yai kolesaga naga
yabo homu bomu ebo dao.

Te we sibi augwali hobedai gela omainao

- ⁹Te Jerusalem we dabe,
dagego homugo da, dage wiegi yai
bidiba homu te ebao.
Tama dage tigidali sogo bugagia bidaiba homu te
ebao.
Tiali goli, dagego olo saganama, eno po bugagia
odīo.
¹⁰Te usu, meḡi dage homu tegaluama bidiagameo.
Tiali goli, dage tonaluīo.
Te 13 o 14 polua bolo pomainao.
Teda dage wi elama, noma saibao. Magi baso meni.
Dagego te wain gi dabe te du me walogobeo.
¹¹Megi da, dage wiegi yai te bidibao,
tama dagego homugo dage wiegi yai
te bidiba homu ebao.
Tiali goli, dage noma selama, wi elama,
tama duga wiegi yai ugwa dabe
peda s̄n̄ama, tama hobedai ugwa dabe gudi-
agameo.
¹²Dagego duga hagawiade nogo sawaligo elama,
tama dage hobedai gela duga wiegi wiegi yai gi dabe,
me duga wiegi yai sawi yai wain
gi hagede dage hobedai gela waiagameo.
¹³Tama dagego eno we bidigo
t̄ hagede dage hobedai gela waiagameo.
Magi baso meni.
Te dwai sesane bono me dwai nosai dabe
te bulu t̄de koliaibao.
Awe, dagego duga te gana peyu ebo
te be dabe homu kone elama,
tama dage hobedai gela waīo.
Tama me, dage te duga te gawelama
bidibo te hanu dabede me hobeda gela waīo.
¹⁴Magi baso meni.
Te tigidali we bidi dabe augwali te hanu taga pelama,
tama augwali te hanude ugwa
eda iyu, augwali te hanude s̄ dabe me egobeo.
Te tuni bidigo be, me te ami bagego
bomai obo, me te ami bidi dabe
bidama boi bidi dabe asobo tonalubo te bobobage
sigi be dabe,
sese olo elaluama, tama dolaibao.
Tama te bulu yowi donki dabe
tede biliyu, wiegi yai homu yaibao.
Tama me, te sipsip kibu dabe aselama,
teba nosai tuagasaibao.
- Genuai Bidigo aga we bidi dwagi yai bidabo sogo
mawaibao**
- ¹⁵Tiali goli, Genuai Bidi aga mobo

bidi daba ma tagala palaibao,
 bidigo wę gelebo tiwai yaibao.
 Tama te nai meni yai kemi sane nai
 meni yai olo elalubo bulu
 wiegi yai bulu tų ma yaibao.
 Tama haniani nai dabe tede holaibao.
 Teda te mone buside te ni dabe
 olo holobo tiwai holaibao.
¹⁶ Te wiegi yai doloba pai kolesagago
 naga te tigidali tų dabe tonaluaibao.
 Te po tų dolo naga dodolobo kolesagago
 te we bidi dabe bugagia dodolaibao.
¹⁷ Tama te doloba pai kolesagago
 te bidi hasi godolo ebo kolesaga ilaibao.
 Tama te we bidi wi me isąma elama,
 tama augwali tigidali sogo bugagia
 dili elama, dolaluaibao.
¹⁸ Tama Genuai Bidigo e tama po wali,
 agai we bidi dabe augwali bugagia bidiyu, augwali
 augwa bulude bugagia homu tegaluama,
 toma tuaibao.
 Tama augwali magi naide wi me egobeo.
¹⁹ Te genuai talua ge tulubage tulama,
 te mone buside moni ni dabe me
 dolobadi me, tagala.
 Tama tigidali hanude be dabe tųde wiala pai goli,
²⁰ te Genuai Bidigo we bidi, dage bugagia bidaibao.
 Tama dagego te nai dabe te wę elalubo
 bulu badu dagego nai bulaibao.
 Tama dagego duga kibu bulmakau dabe,
 me donki kibu dabe, augwali augwa
 digi nai tumainu sula tagalaibao.

Te we bidigo Genuai Bidigo augwali tonalumainu gedu haluasa po wali

33 Dage te gasa bulu dabe dolobo hani, dage
 dolaibao.
 Te mu tama, dage me dolobe dao.
 Tiali goli, dagego gasa bulu dabe
 dolobo bodolu sia saibao.
 Tama duga digi duga dolaibao.
 Dagego te gasa hani dabe ili po walama,
 tama dagego te po mia selama,
 tama dagego augwali te boi
 bidi dabego nogoba mubo dao.
 Te mu tama, te gasa hanigo da dage me
 ili po me ola masiąbadi goli.
 Tiali goli, dagego te gasa bidi dabe
 ili po wabo sogo te sia saibao.
 Tama te gasa bidi dabego dage ili po olama,
 tama dage te boi bidi dabego nogoba muaibao.
² O Genuai Bidi, dago homu kolesaga
 nage deliba naga elalubao.
 Nago da hobede elama, tama tigidali
 sogo da bugagia tonalugameo.
 Tame te seęę ebo sogo, nago da
 ma selama, tama dago augwali
 aiyaba elalumainu ilao.

³ Te bomai bulu bidi dabego nago
 te be kulukulu tiwai i wabo odobo sogo, me nago
 augwali dali hwjainu hogodasa asobo si da,
 augwali we bidi sese wi paibao.
⁴ Tama augwaligo te taga pabo
 nai dabe da, te gasa bidi hani dabego
 polo sagasaibao.
 Teda te gide mano dabego gide nai dabe
 tula silibo tiwai yaibao.
⁵ Genuai Bidi aga genuai nogi mu
 elaluyu, tama aga bulude ugwade mu bidibao.
 Tama agai aga doloba pai kolesaga dali,
 agai po tų dolo naga ebo kolesaga dali, te tigidali
 Jerusalem tųde paęąna paibao.
⁶ Tama tigidali sogo agai aga
 we bidi dage bugagia tonaluyu,
 tama agai dage bomo elama,
 tigidali sogo bidimainu yaibao.
 Tama agai dagebolo dwagi yai homu kolesaga dabe,
 me kolesaga dabe hauwa mu mawaibao.
 Tama dagego mu tobolu dąa holai elalumainu yaibao.
 Te wi elama, Genuai Bidi dologode elalubo kole-
 sagade,
 Genuai Bidi agai wiegi yai nai dabolo maiabo dao.
⁷ Suama, te Jerusalemde genuai bidi dabe
 te sunumi dabede bidiyu, gela dabe obao.
 Tama te bidi dabego te boi pibo sogo pedalomai eba-
 di,
 augwali gela bomonama me oduali.
⁸ Te genuai sunumi dabe olo elalubao,
 te we bidi te sunumidu ugwa eda me bilibo menio.
 Te boi bidi dabego augwa daų walali po bogi pelama,
 tama augwaligo gasa hani
 bidi dabego hanu dabe dolali.
 Augwaligo gasa bidi dabe tonobo da,
 te olo nai dabe tonobo tiwai eba.
⁹ Te tų hobedai gela weyu,
 tama aga bomo sia sali.
 Tama te Lebanon genuai busi hale yali. Magi baso
 meni.
 Agai ni dabe sasiyu, ela pobaso.
 Te Sarongo odogo malu bulu wiegi yai te tų wa pela-
 ma,
 tama wę meni yai kemi nai elalubo
 bulu tiwai yaibao.
 Tama me, te ni yabe dabe te Basan
 distrikde holali, me te bulu du Karmelde holali dabe,
 augwali bogwa pelama, telega peyu yali.

Te we bidi dabego Genuai Bidigo bomo sueibao

¹⁰ Genuai Bidigo e tama po wali,
 "Megi da, ena hogodama, seę yaibao.
 Tama te we bidigo ena sulama,
 tama augwaligo eno genuai nogi
 ugwaba somainao.
¹¹ Te bidi hani dagego ena dali boi bidi elaluali bage,
 dage da te olodali bomai seę
 mu elama, masigi meni yai nai dabe

dagego sabo dao.

Te bidigo aga gide wit genina soba homu ebo tiwai dao.

Tiali goli, agai olo nosai dabe salio.

Tama duga bomai şęgo
te isi bogoli tiwai pedalama,
tama dage mu sia şawaibao.

¹² Tama dage te augwaligo kambang
isi ulai hogomu tiwai,
me augwaligo sesane bono isi ulama,
keli hogomu ebo tiwai yaibao.

¹³ Te dage pađe bidalubo we bidi,
me dage digibulu bulu bidalubo
we bidi, dagego eno bomai şę yali po odao,
me dagego eno genuai nogi po pusa maiąo," wali.

¹⁴ Te Saionde te dwai kolesaga ebo
we bidi augwali e ulama, noma sali.
Tama augwaligo e tama po obao,
"Genuai Bidigo şębę da, te da te bomai
isi tigidali sogo dabo isi tiwai,
tama tigidali nai dabe dela silibo tiwai dao.

Te da tomode de mu te isi dali bidaibawe?"
¹⁵ Te doloba pai kolesaga eyu, me mu po naga weyu,
me gasa bidi dabego doado bage sabo homu isąyu,
dwai kolesaga isąbo bidi dabe,
augwali te Genuai Bidi dali bidibo usu yaibao.

Tama augwaligo te ili po wabo mone sisąma eyu,
me te dwai kolesaga ebo bidi dabe
dali dagana sisąma eyu,
me te gasa bidi dabe ela mubo
bidi dabe dali kisa selama ebo menio.

¹⁶ Augwali te tobage bidi dabe augwali
bugagia bidaibao.

Augwali te bidi me te bugagia wiegi yai
boma pai bulu dude game dualalubo aą yaibao.
Tama nai dabe mego augwali aiyaba me elalugobeo.
Tama tigidali sogo augwaligo tuabo
nai elaluyu, wę elaluyu yaibao.

Genuai Bidigo wiegi yai sogo mu Jerusalem dabebolo mawaibao

¹⁷ Dagego duga tuni bidigo aga
sawi yai tuni bidigo ugwa ma gudama, tama te bulu
ma tonalubo sueibao.

Tama dagego duga bulu genuai ma pedalobo
sueibao.

¹⁸ Tama dagego te dwai sogo dagede
polobadu pedalali ma kone palama,
tama dagego e tama ma hanalu waibao,
"Te boi bidi dabe aselama,
te takis moni sali bidi dabe
augwaligo tobolu bidi megi menadewe?"

Tama me te boi bidi dabe aselama,
te dago ami bidi dabego
te boi bidi dabe asobowe weyu tonaluainu, te şani
bobobage bede tonaluyu yali,
te tobolu bidi menawe?

Augwali polobadu te dago hanu dabede elaluali bidi
da.

Megi augwali ede menio." Te po waibao.

¹⁹ Dagego te tobolu gagea pelama,
augwa digi augwa nogi ugwaba siyu yali
boi bidi dabe dagego gesabidi me sugobeo.

Tama dagego augwaligo dwai augwa
wabo po me odogobeo.
Te bidi mego te dagego konesiąwai po
augwaligo wali po bidi mego me odogobeo.

²⁰ Dagego Jerusalembe toniaąo.

Te da dago genuai hanu,
te da tigidali genuai lotu po wabo
sogo dabe sisinagasabo hanu dao.
Te da te da bugagia bidiyu, toma tuyu ebo bulu dao.
Aga te sel ugwa be te bidi dabego bono
togolama, ni dabe gudasa,
pisąma yabo sel be tiwai dolaluaibao.

²¹ Genuai Bidi te dago boma pai
polalubo bidi tede bidaibao.
Tama agai te Jerusalem te wiegi yai
sawi yai genuai wę me,
dwasianu wę me elalubo bulu nigilaibao.

Tiali goli, te dwasianu geba kanu me,
genuai hwjbo sip dabe me,
te wę dabedu me asogobeo.

²² Magi baso meni. Genuai Bidi
aga digi dago tuni bidi bidama,
tama po tų dabe dodolobo şę elama,
tama aga digi da bomai po dabe
menama, da tonaluaibao.

Tama agai da bugagia tonaluyu,
tama da dwai dene me sogobeo.

²³ Ma, te boi bidi dabego te Jerusalem
sabo homu yali da, teda augwali usu me egobeo.
Augwali te sip boskru bage te sip
pomainu, te pobigisąma ebo
boskru dabe tiwai bidaibao.

Magi baso meni. Te sip tobolu
bugagia dolalusiąma eyu,
me te bono dabe bugagia bomalusiąma eyu,
me te sel dinigalusiąma eyu isąma ebaso.

Tama tibaso, boi bidi dabe wi peyu,
te nai dabe hauwa tagalama paibao.

Tama te Jerusalem dabe udala,
te nai dabe sigi paibao.

Tagala, te saąą dwai bidi dabe me,
augwali me te gasa bidi dabe nosali aselama,
augwaligo me te nai dabe hauwa mu saibao.

²⁴ Tama te sogo te Jerusalemde bidibo
we bidi dabego e tama po munu
ma wagobeo, "Ena gasi ebo."

Tama Genuai Bidigo te Jerusalemde
bidibo we bidigo dwai şę yali şęę sela şawaibao.

Godigo te Idom tş kantri dolaibao po

34 Dage tigidali tş habu we bidi dabe, aşıo.
 Dage sisinagaselama, te po odagasıo.
 Tşde me tigidali elalubo nai me,
 dagego me olo muişo wai.
² Genuai Bidigo te tigidali bulu tş kantri dali haliga
 şeşş eyu,
 te augwa ami bidi dabe dali me şeşş yali.
 Tama agai te po weyu, te augwali tigidali isaibao po
 wai dao.
 Awe, agai augwali sese mu dola silaibao.
³ Te augwali tigi dabe te bidi dabego pubalubo
 usugobeo. Menio.
 Te bulu tş dabede danamu pelayu,
 te bulude dwai kugumini mu yaibao wali.
 Te augwaligo kaneme dabe te bulu du dabede
 paşanalueibao wai dao.
⁴ Giliga, me polua, me hş dabe hala pelama, te
 tutudulaluama,
 te mu tigidali silaibao.
 Tama dagalu da, te bidi dabego 1pepa yabe bebe
 pelama,
 keşş pabo tiwai yaibao.
 Te dagalu daide ula ebo hş dabe tşgidali
 te ni wain yabe wa pai te tşba tudulalubo tiwai eyu,
 te ni kaya fik yabe wa pai tudulalubo
 tiwai yaibao wai dao. †
⁵ Genuai Bidigo te tama po wai, "Eno haliga şeşş yali,
 eno te ena bainat hwş sisi elama,
 tama te bainatgo hwawa mu weyu,
 te dagalu tagalama,
 te Idom dabe eligi painu yali,
 te eno augwali dolaibao po wali hani dao.
 Te megı eno aga tagala palubo te augwali ela mugi
 pomainu yaibao," wali.
⁶ Tialima, te Idom dabego kaneme me iligo te Genuai
 Bidigo bainat hwş halua saibao.
 Te sipsip me meme dabe te bidi dabego te ofa yainu
 elama,
 te ofa yainu ebo bidi dabego nogode kaneme piliga
 pabo tiwai yaibao.
 Genuai Bidigo te genuai hani we bidi dabe mu te
 taun
 Bosra te Idom bulu tş kantride elaibao wali,
 te aga digı genuai ofa ebo tiwai dao.
⁷ Genuai Bidigo te tobage bomai uni bulmakau dabe
 me elama,
 te augwaligo kaneme me ili te gea paliyu, te Idom
 bulu tş kantri mesegelaibao wali.
⁸ Te şş pedelaibao, magı baso meni,
 Genuai Bidigo te boı bidi dabeba te aga taun
 Jerusalem
 doliyu, aiyaba elalubo boı bidi dabebolo
 te dene mabo bodolu mawai dao wai.
⁹ Te Idom bulu tş kantri wş dabe te kolta tiwai
 pedelama,

† 34:4 Ped 6:13-14

te hogomu dabe te bomai masigi dabe tiwai
 pedelaibao,
 te Idom bulu kantri tş te kolta sia dabo tiwai yaibao.
¹⁰ Te sia dabo munu me sia sogobeo. Menio.
 Te tigidali sogo ulade me hulide bomo elama, dedu,
 te hano sesemane sogo pedaliduaibao wai.
 Te Idom dabego tş olo sesemane sogo elalu,
 te bidi teba munu ma biligi pogobeo. ††
¹¹ Te bulu tş te dwai ba dabe, te ba kemodage dabe,
 me sisi yai ba kotkot,
 me hulide bilalubo ba dabego bulu naga pede-
 laibao.
 Godigo te Idom dabego nai doado bage tigidali sia
 somainu elama,
 te Idom dabego tş olo elalumainu yaibao wali.
 Te polobadu digı agai te tş nigilama,
 te tş olo mu elaluali tiwai gilama pedelaibao wai
 dao.
¹² Te tigidali genuai bidi dabe,
 me tobolu bidi hetman dabe, te munu me bidigob-
 eo,
 tama te king mego te bulu tş kantri me tonalugobeo
 wali.
¹³ Te sesane yai bono me nosai dabego te kingo be,
 me gasa be dabe mesegelaibao.
 Te bulu uni yowi dabe bidagaselama,
 te badu i wagasobaso, te uni ba dabe te beba
 piagasaibao wali.
¹⁴ Te olo masigi bulu kemi tşde te bulu uni hasa dabe
 teba sisinagasaibao wali.
 Te bulu uni meme dabe me te bidagaselama,
 i weyu, ga udaibao, te tobage hasamani dabe me,
 te hulide bilalubo hasa me, te aselama,
 te badu piabo pesage gegagasaibao wai dao.
¹⁵ Te hulide bilibo ba sibigo te be selama,
 te augwa ge dabe tede saganaiabao,
 te augwa bogo dinigilama, te augwa
 gesi ogomani tonalueibao.
 Tama te omaı ba kemodage me,
 so ba kemodage me, augwali aselama,
 tonaluagasaibao walio.
¹⁶ Te Genuai Bidigo buku tomoba sulama, nago te nai
 dabe elalubo po nedao.
 Tigidali hasa me ba dabe te bukude po wali gilama,
 te bulu Idomba bidagasaibao.
 Te me deli augwali me bidigobeo.
 Magı baso meni, Genuai Bidigo digı augwali asao
 wali.
 Te aga Mobo Bidigo augwali sisinama,
 te augwali odasa asaibao wali.
¹⁷ Te Genuai Bidigo digı te Idom tş pedaıde deli delide
 dş ilama,
 te augwaliba dobawaibao.
 Tama augwali te Genuai Bidigo dş ilama,
 muani madi sesemane bidada paibao wai dao.
 Godigo tigidali nai wiegi yai ma pedalumainu ilaibao ‡

†† 34:10 Ped 14:11; 19:3 ‡ 34:17 Ais 63:1-6; Jer 49:7-22; Ese 25:12-14; 35:1-15; Amo 1:11-12; Oba 1-14; Mal 1:2-5

35 Te masigi kemi bulu me, t̄ wa pai bulu dali,
te augwali pemene wiegi yai mu yaibao,
magi baso meni, te sawi mu yai plaua pedelama,
te badu mesegelaibao.
² Te wa pai bulu t̄ tonobo te sawi wiegi yai mu
yaibao.
Te aga genuai i hai dali weyu, genuai pemene yaibao.
Te wiegi yai sawi yai nai hauwa mu pedaliyu,
te bulu tonobo wiegi yai sawi me tedali eyu,
te Lebanon genuai busi tonobo tiwai eyu,
te Saron bulu odogo tonobo tiwai yaibao.
Te we bidi dabego bomonama tonoyu, te genuai no-
gi,
me te dago Genuai Bidi Godigo wiegi yai au dali
elalueibao.
³ Dagego te bomo meni yai bidi dabe daŋ waliyu,
te haliga wi ebo bidi dabe,
me didibili ebo bidi te daŋ waliyu yao po wai dao. †
⁴ Te tabi haliga homu kolesaga te bomo isawai bidi
dabebolo te tiwai po wao,
“Dage te bomonama dolalu, te wi me elamuo,” wao.
“Te dagego God ma asiyu, dage dobola ma selama,
te boi bidi dabe dwai dene mu mawaibao,” wali.
⁵ Tialima, te gedu widai bidi dabego gedu ma
pedaibao,
te olo degai bagego po ma odaibao.
⁶ Te saŋa dwai penelai bidi dabe gesa soyu, posoga
palaibao,
me te pedauwali pania sai bage te i weyu, pemene
yaibao. ††
Te w̄ dabe te masigi kemi t̄de pedaliyu,
te tigidali habuba usu nama paibao.
⁷ Te olo kemi t̄ bulude te sigi aŋ tiwai pedelaibao.
Te wa pali t̄ dologode me w̄ ulu pedelaibao.
Te polobadu te uni yowi dabe naga te wa pali t̄de
bidali.
Tiali goli, te sogo te nosai,
me awi hauwa tede pedelaibao.
⁸ Tama genuai sunumi me deli te badu elalueibao.
Te genuai sunumi nogi e tiwai waibao,
“Godigo Tedali Gasagi Yai Genuai Sunumi Digi Dao,”
wai.
Te God gedude wiegi yai isawani bidi dabe,
augwali te sunumide me biligobeo. Mu menio.
Te Godigo we bidi dabego sunumi naga elalueibao.
Te homu kolesaga meni yai bidi dabe,
te augwali te paŋa me pogobeo.
⁹ Te dwai laion me, dwai hasa dabe me,
te sunumidu me soagobeo. Menio.
Te Godigo augwali ma sali we bidi dabe naga,
augwali naga te sunumidu bilaibao.
¹⁰ Te Genuai Bidigo ma dobola sali we bidi dabe,
te augwali wiegi yai pemene dali
te Jerusalemba ma asaibao.
Te augwa genuai po daŋa weyu, balia weyu,
te sunumidu aselawaibao.
Te augwa wiegi yai bugagia mu dugulalu, te augwa

† 35:3 Hib 12:12 †† 35:6 Mat 11:5; Luk 7:22

pemene umabo mu yaibao.
Augwa te wiegi yai pemene ebo munu me sia sogob-
eo.
Te dene, me haliga seŋe, te augwalide munu ma me
elalugobeo.

Asiria dabego te Jerusalem taun sagasainu yali

(Daŋ 36-39)

Te Asiria augwaligo Jerusalem sagasainu yali po

(2 Kin 18:13-37; 2 Sto 32:1-19)

36 Te Hesehia king bidibadi, te kibu be nogo si ola-
ma, saŋaŋo me si me si, te¹⁴ yia elalubo sogo,
te Asiria king Senakerip te aga ami dabe dali aselama,
te Juda dabeba boi hwjagaselama, te augwali aiyaba
elaluama, te tigidali bomai obo elalubo hanu sali. Tiali
goli, te Jerusalem augwaligo sisabadi, te elalualio.
² Senakerip te Lakisde bidiyu, agai aga amide polalubo
namba wan ofisa dali, te genuai ami hani dali tagala
palali, te Jerusalemba pomainu yai. Augwali te
Jerusalemba sabolama, tialima te ofisa te Jerusalemba
pabo te Ugwadu Elalubo Ulu W̄e nogi wabo sabo w̄e
paŋa pelama, bidigi pali. Te aŋ gamia te pelama, bidigi
pali. Te aŋ gamia te name ugwa nigibo madiba pabo
genuai sunumi paŋe elaluai. ³ Tialima, te Israel ofisa
bidi selago aga sugi palio. Augwaligo nogi e tiwai, Eli-
akim, te Hilkiago ogwa, te kingo be tonalubo bidi da,
tama Sepna, te kingo kuskus, me Joa, te Asapgo ogwa,
aga te kingo ebo seŋe po page tigidali asebo bidi dao.
⁴ Augwali sela bidi te Asiria ofisa bidiba sabalubo si da,
agai po bomonama, augwaliba te tiwai po wali, “Dage
pelama, Hesekiaba te kingo bomai po magi pao, aga
te Asiria king dao. Agai te tiwai po wali, ‘Hesekia, nago
mena tobage tiwai bomo elalu, tama nage ena dolo-
gode bidisaŋu ebawe? ⁵ Te odolali mibo pogo te boi
hwjabo bomu usu elalueibao, agawe? Nago enade
hagoma eba. Nago homugo dego nage tau sagasai-
ba homu elama, te nago enade hagoma eba, agawe?
⁶ Eno koneani, nago te kantri Isipba tonaludu, te agai
nago hwjbo tau sagasomainu tonalubao. Tiali goli, eno
nagebolo obao, Isip te togwa pai awi dili tiwai
elalubao. Te nago bilibo dono tiwai tola selama, poba-
so da, teda te awi dili sagago nago nogode dolaibao.
Te Isip king bidigo kolesaga te tobage tiwai elalubao.
Tama nago te boi hwjbaso, te aga aselama, nage tau
me sagasogobeo. ⁷ Tialima, nago te po weyu, te dage
Israel dabego konealubo homu te Genuai Bidiba
mubaso, te duga God, te agai dage tau saibao po oba-
so, eno homugo te me usugobeo homu eba. Magi
baso meni. Hesekia, nago te agai lotu wabo pesage
dabe, me te gasade elalua pali alta dabe, dolali. Nago
te Juda dabeba me Jerusalemba te po weyu, augwali te

‡ 36:6 Ese 29:6, 7

Jerusalemba aselama, tama te alta deliba naga lotu wagasao po wai dao.”

⁸“Te eno kingo gasa po elalubao. Heskia, eno kingo nageba te 2,000 hos mawaibao wali, nago te hosde dugulama, te hwjabo ami bidi te 2,000 elalubaso da, te tama tiaibao. Tiali goli, eno koneani, nagede digi te tobage bidi tama me elalubeo. ⁹Nago homugo te Isip ami bidi dabe te hosidu ma karisdu aselama, te nage boi hwjbo tau sagasaibao homu ebao. Tiali goli, mu menio, augwali me asogobeo. Tama tialima, nago bomogo te dago dwasianu ami hani aiyaba elalueiba homu ebaso da, te usu me egobeo. ¹⁰Eno kingo te po wali, ‘Nago homugo ena homugo digi aselama, te nago bulu t̄ kantriba hwjagaselama, te dolagasali homu eba, agawe? Mu menio. God Genuai Bidigo digi enabolo te kantri dolagasao po obaso, ena asai dao,’ eno kingo te po wali.” ¹¹Eliakim, me Sepna, me Joa, augwali selago te po odama, tialima augwaligo te Asiria ofisa bidiba te po wali, “Nago te po dabolo te Siria pogo wao, magi baso meni, dago te bulu po koneai dao. Nago te Hibru po me wagio, tiyu te taun obo daide dodolalu bidibo bidi hani dabego nago te wabo po odabuo,” wali.

¹²Tiali goli, te ofisago po wei ponoyu, te tiwai po wali, “Eno kingo ena tagala palali, te po dage dali, me dagego king dali naga omainu me tagala palubeo. Menio. Te obo daide dodolalubo hani bage, augwaligo me te po odomainao. Magi baso meni, te boi hwjbaso, dago te Jerusalem bagua sagasobo si da, teda te dwai s̄ ebo si dage tigidaliba pedelaibao. Tama te obo banisde dodolalubo hani bage te nai mu s̄pa paibao, tama augwa di ma tuyu, poi w̄ ma tuyu yaibao, te tiwai dage me yaibao,” wali.

¹³Tialima, te Asiria ofisa bidigo te obo daide bidibo hani bidiba tonalu, te Hibru pogo genuai po daḡ olama, i weyu, te tiwai po wali, “Dagego te bomai kingo poba olo bugagia muīo, aga te Asiria king dao. ¹⁴Agai te tama po wai, dage te Heskiaago dage tibo po ola momainu me elamuo. Heskiaago dage tau selama, te dage bugagia me bidigobeo, wali. ¹⁵Dagego te Heskiaago dage homu bega sabo po me odigio, dagego konealubo homu te Genuai Bidiba daḡ wabo te agai dage tau selama, te da Asiria dabego dage aiyaba elaluama, te taun Jerusalem sogobeo wabo po, te po odogio. ¹⁶Heskiaago po dagego odolama, te ena dali hwjabo homu me egio. Te tobage homu ebo tagalama, te hanu eno somainu buluba teda solama, tama da dali te poi pibo ilibo po minao. Tama tibaso da, teda dage bugagia bidiyu, te duga elalubo ulu w̄de w̄ tuyu, te ni wain du, me te ni kaya fik du, te duga gide digi tuyu bidaibao. ¹⁷Te dage bugagia bididubadi, te ena ma asiyu, te dage gasa bulu kantriba selasa peyu, te duga bulu t̄ kantri tiwai buluba paibao. Te bulu kantride te wain gi, me bret nigibo wit gi, te hauwa elalubo dao,” te po wai.

¹⁸“Heskiaago dage tibo po ola mayu, te po obao, ‘Genuai Bidigo da tau sobaso, te dago augwali aiyaba elalueibao,’ po wai. Tiali goli, te Heskiaago tibo po

wabo po odogio. Dagego homugo te gasa hani dabe augwa godigo te augwali tau selama, te boi hwjani augwaligo da Asiria dabe aiyaba elaluali da, agawe? Mu menio. ¹⁹Dago te taun Hamat, me Arpat, me Sefarvaim, teba boi hwjgi pali sogo, te augwa god menade bidiyu, te augwali tau sagasobewe? Te dago Samaria buluba boi hwjgi pali sogo, te Samaria augwa godigo augwali tau selama, te da aiyaba elalualiwe? Mu menio. ²⁰Dago te bulu t̄ kantri hauwaba boi hwjgi pali, te augwa god hauwa elaluali. Tiali goli, te god me deligo te aga bulu t̄ kantri me tau selama, te da hwjgi pali aiyaba me elalubeo. Tama tialima, magi baso dage Jerusalem bagego homugo te duga Genuai Bidigo dage tau saiba homu elama, te dago dage aiyaba me elalugobe da homu ebawe?” wali.

²¹Te Asiria ami ofisago te aga wali po te siminani, tiali goli te genuai obo daide bidali hani bidi te augwa pedauwali pania selama, te po me deli wei me ponobeo, magi baso meni, king Heskiaago augwali habu seliyu, te augwaligo Asiria dabego po wei me ponamuo po wai dao. ²²Tiali goli, te Asiria ami ofisa bidigo wali pogo te Eliakim, me Sepna, me Joa te haliga s̄ḡe mu ilali. Tama augwa gudali ugwa p̄silama, tama augwali pelama, te ofisago wali po tigidali te king Heskiaabolo pusigi palio.

Heskiaago te profet Aisaiabolo aga s̄ḡe yai po pusali
(2 Kin 19:1-7)

37 Heskiaago te Asiria dabego po odobo si da, teda aga haliga s̄ḡe mu elama, te aga ugwa p̄sawalio. Te agai homu dene ebo ugwa gudama, te Genuai Bidigo tempel be tomoba palio. ²Tama Heskiaago te Eliakim i wai, te kingo be tonalubo bidi dali, Sepna, te kingo kuskus bidi, te polalubo pris bidi dabe me i wai. Tama agai augwali tagala paliyu, te profet Aisaia sugi pomainu yali, te Amosgo ogwa dao. Te bidi dabego me te homu dene ebo ugwa gudasa pali. ³Augwali pela sabolama, Aisaiabolo te tiwai po wagi pali, “Kingo te po walio, megi te genuai haliga s̄ḡe ebo sogo elalubao. Te Asiria dabego dabolo te da begela dolobo dwai posobo po hauwa waligo te da hale genuai elalubao. Da te haliga yai we me deli elalubo tiwai eyu, te wai ame nabo sogo p̄de pedelalio. Tiali goli, te wego wai ame nabo te bomo me elalubeo. ⁴Te Asiria kingo aga ofisa tagala palama, te dago God Genuai Bidiba dwai po wagasomainu yalio, aga te sesemane sogo bidada pabo God dao. Dago homugo Genuai Bidigo te dwai posobo po dabe odama, tama agai te dwai po dabe pusagasali bidi dabeba te dwai dene ilaibao. Tama tiyu, dago homugo nago te Godiba gedu haluasa po weyu, te agai da dwasianu bidalubo hani bidi tau somainao,” po wali.

⁵Te Aisaiago te Heskiaago po odobo si da, ⁶tialima agai te po sela asali bidi dabeba te tiwai po wali, “Dage te kingba ma begasa pelama, te Genuai Bidigo po agaba pusugi pao. Genuai Bidigo te po wai, ‘Nage wi eyu, tama homu hauwa te wali dwai pode elamuo, te Asiria king bidigo olo s̄ ebo bidi dabego enade te po wali

dao. ⁷ Magi baso meni, ena Genuai Bidi dao, eno te Asiria kingo homu kolesaga bega palama, agai te po me deli odobo sogo, te agai dage mu tagalama, te aga bulu kantriba geasa paibao. Tama aga te Asiriade bididubadi, eno aga te bidi mebago te moni hwaço ela mumainu yaibao," te po wai dao.

Te Asiria dabego Jerusalem dolaibao po ma wali
(2 Kin 19:8-19)

⁸ Te Asiria ami ofisa bidigo po odali, te king Senakeripgo te taun Lakis taga pali po odali. Tialima, te ami ofisago te Jerusalem taga peyu, ma begasa pelama, tama te king te taun Lipnade boi hwjdubadi suali, tama aga pelama, aga sugi palio. ⁹ Te Asiria dabego boi hwjdubadi, te bidi meba aselama, te king Senakeripbolo te tiwai po wagasali, "Te King Tirhaka te bulu kantri Itiopia bidi, te aga ami bidi dabe dali, augwaligo te nageba boi hwjagasainu asobao," wali.

Senakeripgo te po odama, te agai bidi meba tagala paliyu, te agai pas te Juda dabego king bidi Hesekiaba selasa pomainu yali, magi baso meni, agai te Jerusalem sabo homu daç weyu, bomu elaluai dao.

¹⁰ Te Senakeripgo pasde te tiwai po wali, "Eno koneani, nago konealubo homu te daç wabo god, agai te po weyu, te agai eno dage aiyaba elaluama, te Jerusalem sogobeo po obao. Tiali goli, agai tibo po obao, tiyu nago agai poba daç wabo homu me mugio. ¹¹ Naga digi nago te da Asiria king dabego ebo kolesaga koneai dao, te dago gasa bulu kantri hauwa mu dolali. Nago homugo eno nago bulu kantriba te tama tegobe da homu eba, agawe? ¹² Polobadu eno waç dabego te taun Gosen, me taun Haran, me taun Resep dolama, te taun Telasarde bidali Beteden hani dabe ela muani. Te augwa god dabego te hani augwali tau sabo usuşabaso, te augwali bugagia me bidibeo. Mu menio. ¹³ Te taun Hamat, me Arpat, me Sefarvaim, me Hena, me Iva, te tama moni taun king dabe bidiba, agawe? Menio, dago te augwali tigidali ela silai dao," wali.

¹⁴ King Hesekiago te pas te Senakeripgo tagala palali bidi dabego nogode salio. Te pasde po agai nedama, tialima agai te Genuai Bidigo tempel be tomoba sela palio. Tama agai te pas te Genuai Bidi bidibo gesabidi badu paçe muani, te agai dinigilama, bugagia dodolama, muai. ¹⁵ Tama Hesekiago gedu haluasa po Genuai Bidiba weyu, te tiwai wali, ¹⁶ "Genuai Bidi, Tigidali Bomo Elalubo Bidi, nage da Israelgo God, nage te ensel mobo bidi daide ugwadu bidiyu, te naga king sia saide dugulalubao. Tiali goli, nage naga God mu da, tama nago te tigidali bulu tço habu tonalubao. Nago naga nago te tço me dagalu nigai dao. ¹⁷ Genuai Bidi, eno homugo nago olo eno gedu haluasa po waboba bugagia munama, te eno gedu haluasa po odolama, tama nago daba te pedalubo dwai seçe dabe bugagia sua. Tama eno homugo nago te tigidali dwai po wabo odomainu hagede ilali, Senakeripgo nageba te seçe yai, God nage te sesemane sogo bidada pabo dao. ¹⁸ Genuai Bidi, dago koneanio, te Asiria king dabego te we

bidi hani dabe hauwa dolama, te augwa bulu tço kantri dabe dali dolali. ¹⁹ Tama te king augwaligo te hani we bidi dabe augwa god dabe sela saçu, te tigidali siaba ulali. Te god dabe dolali, magi baso meni, augwali te tibo god naga dao. Te bidi augwa digi te ni me masigi selama, augwa nogogo nigai dao. ²⁰ Te Genuai Bidi, dena God, eno homugo te megi nago da tau somainu homu eyu, tama da te king Senakeripgo nogode ma dobola sao homu yai. Tama te tigidali tço we bidi hanigo te tiwai bugagia koneyu, nage naga nage te Genuai Bidi da waibao," po wai.

Profet Aisaiago Godigo po te kingba mawai
(2 Kin 19:20-37)

²¹ Tialima, profet Aisaiago Hesekiaba te tiwai po ola tolali, "Genuai Bidi, da Israel dabego Godigo te po wai, nago agabolo hanalu, dage te Asiria king nogode ma sao po wali. ²² Tama tialima, megi da, agai te Senakerip dali po elalubao, te Asiria king dao. Genuai Bidigo te tiwai po wali,

'Senakerip, te Saion bulu dude bidibo we bidigo nageba

gisugu mabo dwai mu eyu,
tama te Jerusalem bagego nageba posobo dwai weyu,

te nage begela dolobo dao.

²³ Senakerip, nago posobo po weyu, te po dwai weyu, te naga digi naga nogi ugwaba siyu, hagoma po wali sogo, nago homugo te nago de dali yali da homu yaliwe? Nago ena dali tama yalio, te Israelgo God, ena te Wieg Yai Doloba Pai Kolesaga Ebo God dao.

²⁴ Nago po te naga ami tobolu bidi ofisabolo mayu, te augwaligo nago nogi ugwanu mu sali, tama te enaba posobo po wali.

Te eno augwaligo pedauwalide

te tiwai po odali, nage Senakerip, nage te naga karisde dolugulama,

te nage ugwanu mu igulama, te Lebanon genuai bulu du dabeba

te nago tobolu usu nama,

nage te Lebanon genuai busi tomoba mu pali, te bidi me pişabo buluba pali,

tama nago te bobage bobage ni sida dabe, me te wiegi wiegi yai ni pain dabe togwali.

²⁵ Tama nage gasa biligi pabo sogo nage te weçe saçe pabeo.

Te bulu tço tigidali wa pai madi,

te weçe ulu dabe nago nigali,

te mu paçana pelama, te nago hani bidigo tumainu yali.

Te nage te Isip genuai weçe elaluboba pobaso, te nago saçago te weçe dabe wa pomainu yai dao."

²⁶ "Senakerip, nago konebeo,

te polobadu digi eno te seçe ebode homu kone palama,

tama nage te seçe emainogo sa muyu daç ilali.

Eno nageba bomu menama,

nago te bomai obo elalubo taun dolomainu yai.
 Te nage peyu, nago te taun dabe alubaso,
 te augwali degasa pelama,
 te masigi pesage genuai holama,
 tama te pobeke bage hogomu genuai pesage igulali.
²⁷ Te taunde we bidi dabe wi mu yali,
 te augwa homu kolesaga umuna pelama, te augwa
 bomu kimi menia pali.
 Augwali te sasia pabo nosai tiwai elalu,
 te posola pai wali asobo sogo dela pabo tiwai
 elaluali.
 Te be pedude holobo nosai dabe,
 me te gasa madi holobo nosai dabe
 te bomai wali pedalubo sogo te bugagia me
 hologobeo.
²⁸ Tialima, eno nage bugagia mu koneanio.
 Eno nago homu kolesaga,
 me te eno nago ebo kolesaga te nage pabo bulu
 tigidali me konea pali.
 Tama nago enade genuai haliga şebę elalubo me,
 te eno koneai dao.
²⁹ Eno te nago haliga şebę ebo po,
 me te hagoma ebo po tigidali te tama kolesaga ebo
 po odali,
 te nago tama tiyu, naga digi naga nogi ugwaba sali.
 Tiali goli, megi da, eno nagede bomai po elalubao.
 Eno te huk te bisigi ebo nai selama,
 te nago gunide munama,
 te eno ain dage augwaligo te hos pedauwalide
 mubo
 nai selama,
 te nago pedauwalide muaibao.
 Tama nosali eno nage te naga asali sunumidu ma
 kekasa
 paibao, 'Genuai Bidigo te po wai.'

³⁰ Tama Aisaiago te Hesekiaba po me deli mayu, te
 Hesekiago te Genuai Bidigo yaibao wabo şę tigidali te
 Senakeripba mu pedelaibao, Genuai Bidigo te wali po
 dağ ebo tiwai te Hesekiago sulama, konemainu te şę
 ola mawai. Aisaiago te po wai,
 "Nago te tiwai dağ ilama, pedalubo sueibao.
 Te kibu bedede, te nosali kibu bedede me,
 te dagego nai me bulugobeo.
 Dagego gide te olo pedelai nai wit sela tueibao.
 Tiali goli, te sela wabo kibu bedede,
 teda dagego te gide nai bulama,
 sela tueibao wali.
 Tama me, te dagego te ni wain bulama,
 te wain du sela tueibao.
³¹ Te Juda we bidi dabe, te boi
 bidi dabego augwali dolisawani bage,
 te augwali bugagia bidiyu, te hauwa pedelama,
 te gide wit waigo pedali tğ aba munama,
 tama te nai ge hauwa walobo tiwai yaibao.
³² Te boi bidi dabego te Jerusalem
 we bidi tigidali me dologobeo.
 Menio. Te augwali dwasianu hani me bididuaibao.

Te Tigidali Bomo Elalubo Genuai Bidi,
 agai bomai homu kolesagade
 te şę dabe pedalumainu yaibao."
³³ "Tama Genuai Bidigo po ma weyu, te tiwai po wai,
 'Te Asiria king aga ami bidi dabe dali te Jerusalem
 tomoba me asogobeo,
 tama te ene deli te taun tomoba me enegobeo.
 Te ami bidi dabego te hwjbo sabele te taun pağa me
 tolasa asogobeo.
 Te taun pađe augwaligo te tğdu me holama,
 augwa tede dolalu, hwjainu me tegobeo. Mu menio.
³⁴ Ena Genuai Bidi, eno te Asiria king te aga asali
 sunumidu te begasa ma pomainu ilaibao.
 Tama tibaso, aga te Jerusalem tomoba me asogobeo.
³⁵ Eno tama tiaibao, magi baso meni,
 eno ena genuai nogi homu kone palama,
 te polobadu eno dağ wabo po ena şę bidi Devit dali
 wali po koneyu, tama tiaibao, 'wali.'"

³⁶ Tialima, te sogo hulide naga, te Genuai Bidigo en-
 sel mobo bidi me deli te Asiria dabe bidalubo pesage-
 ba pelama, te umabo bidi sese hauwa 185,000 ami bi-
 di ela muai. Te kigamu mu Senakerip hodaluama, te
 ami bidi dabe isai tigi munalua pabo سوالio. ³⁷ Tialima,
 aga dali te meba bidibo ami bidi dali, augwali hogo-
 dama, te Asiria pabo sunumidu begasa wali palio.
 Tama Senakerip te moni hanu Niniveba pelama, bidigi
 pai dao. ³⁸ Me sogo side deli sogo aga te aga tibo godi-
 go lotu beba pelama, te aga god Nisrokba lotu udubo
 şę yali. Te aga ogwa sigo digi, te Adramelek me
 Sareser sigo, te bainat hwą selama, te lotu be tomoba
 pelama, te aga ela muanio. Te nosali augwa si wi pela-
 ma, te bulu tğ kantri Araratba bidigi pai. Tialima, aga
 gasa ogwa me, aga nogi te Esarhadongo, te aga aya
 pesage hasegelama, te Asiria king pedelai dao.

King Hesekia gasi sobaso, te Genuai Bidigo aga tau sali

(2 Kin 20:1-11; 2 Sto 32:24-26)

38 Te Asiria dabego te Juda dabeba dwai şę idu
 doludali sogo, king Hesekia te genuai gasi sela-
 ma, te aga pađe isainogo yai. Tialima, profet Aisaia, te
 Amosgo ogwago, aga sugi pelama, agaba te tiwai po
 wali, "Genuai Bidigo te po wali, nago gasi te me
 siligobeo, nage te isaibao wali. Tama nago te naga be-
 de bidibo bidi dabebolo po olama, te nago şę tigidali
 dodolao po wao," te po wai. ² Hesekiago te po odobo
 si da, teda aga gesabidi te be habu daga badu begegi
 sulama, gedu haluasa po te tiwai wali, ³ "Genuai Bidi,
 ena nage wali mu aselama, te nago şę yalio. Sese-
 mane sogo eno te nago homu wali pai. Tama tialima,
 nago eno te yali şę dabe homu kone palama, tama na-
 go ena isimainu me elamuo." Aga te gedu haluasa po
 ola silama da, te aga gela umabo mu walio.

⁴ Tialima, Genuai Bidigo Aisaiabolo te tiwai po ma
 wai, ⁵ "Nago Hesekiabolo te tiwai po wagi pao, ena
 Genuai Bidi, te aga bulai wai Devitgo God, eno agai
 gedu haluasa po wali odolama, te aga gela genuagia

wabo sualio. Tama tialima, eno aga te kibu be nogo si olama, sağago a naga bidimainu yaibao wai dao.

⁶ Tama me, te eno aga te Asiria kingo aiyaba elalumainu elama, te taun Jerusalem somainogo me iligobeo. Mu menio. Ena digi te dage seselalubo bidi bidaibao. ⁷ Tama ena Genuai Bidi eno nageba te dağ ili-bo se me deli menama, te nageba eno te yaibao po dağ wali se te nageba ola mawaibao. ⁸ Te dağ ilibo te ti-wai yaibao. Nago suali, te togobili polobadu te king Ahasgo nigali, te togobili dagego te be posali ulade te aua nedebo togobili elalubao. Te eno giliga noma bidi te togobilide te asesa polo nogo si dağba begasa so-mainu ilaibao," wali.

Tama tibaso, te giliga nomago te polo asesa begasa ma pomainu ilama, te dağ nogo siba usu nigali.

⁹ Tialima, te Hesehia usu ma igulali sogo, agai te po aşani,

¹⁰ "Eno homugo tama tiali, hobede ya, te megali tebogo ena gesi bidi tigi elalubadi, te ena isiyu, te tğ taga paibao homu yai.

Tama ena te isali bidigo bulu pesageba bidigi paibao.

¹¹ Ena te bidibo ula elalubo we bidi dali ma bidigobe da homu yali, te eno Genuai Bidi ma sugobeo wali.

Ena te bidibo ula me elalusiabo bulu pesageba bidigi

paibao homu yai, tama eno te bidibo ula elalubo we bidi ma sugobe homu yai dao.

¹² Ena te isali bidi tiwai yalio. Eno bidibo ula te sel ugwa be bidigo aluama, dolasa pali tiwai yalio.

Te eno bidibo ula te bidigo tigi ugwa dinigilibo se tiwai yalio.

Eno homugo te bobobage igi paibao homu yali, tiali goli polo tama augwaligo togolama, te masinde ugwa hobolainu ebo tiwai yali. God, polo tama nago eno bidibo ula silimainu yalio.

¹³ Eno kone palali, nago eno nogo sağa dili te hasa laion dili tologobo se ebo tiwai iduama, te kigamuba usu nigali pabo tiwai yali.

Te polo tama nago eno bidibo ula silainu yai dao.

¹⁴ Ena dene genuai eyu, te ena gela weyu, i wali, eno gela wali te ba higo po wabo tiwai yai. Te eno dagaluba ugwa tonaludu, sesabia pai elaluai, te nago ena tau somainu yali, te ena gedu dene elama, te gedu ađ pağana pai dao."

¹⁵ "Te eno magi po wagowe? Genuai Bidigo te ena tau sabo po dağ wali, te megali aga digi te se dabe mu pedalubao wali. Tama tibaso, enaba te pedelali genuai seğe te homu kone palaibao, te ena digi ena aiyaba elaluama, te dua digi bidiyu, te ena isibo sogoba usu naibao wali.

¹⁶ Genuai Bidi, te tobage se pedalubo te we bidi dabego kolesaga hasegelama, te gesi bidibo ula somainu yali. Te enaba pedelali se te gesi bidibo ula mawainu yai.

Nago eno gasi sia somainu elama, te ena wiegi yai ma pedalumainu ilali dao.

¹⁷ Megi da, eno konebao, te seğe dabe pedelali, te ena tau sainogo naga yai.

Nago ena godolo mu elama, te nago ena te isali bidi dabego pesageba pomainu me ilibeo.

Te nago eno yali dwai se seğe dabede homu kone me isayu, tagalai dao."

¹⁸ "Te isali bidi dabego pesagede bidibo hani dabe, augwaligo te nago nogi ugwaba me sogobeo.

Te nago naga we bidi dabe tau sabo wiegi yai se ebo te augwaligo me sugobeo.

¹⁹ Te bidibo ula elalubo bidi dabe, augwaligo naga nago nogi ugwaba siyu, te megali eno ebo tiwai yaibao.

Te aya dabego te augwa wai dabeba te nago wiegi yai se sesemane sogo ebo po waibao."

²⁰ "Genuai Bidigo ena usu ma ilali.

Te tigidali side da te Genuai Bidigo tempel beba pelama,

te balia po weyu, musik weyu, te agai nogi ugwaba saibao.

Dago te tiwai se te da bidibo ula elalubo sogo tiwaibao," te po wai.

²¹ Tama Hesehia te gasi me elaludubadi, Aisaiago te tiwai po wai dao, "Te kingo se ebo bidi dabego te ni kaya fik du dabe te augwaligo olali te selama, te seselama, te Hesehiago bomai keniba magasao, te usu elama, ma pedelaibao," wali. ²² Tama me, te sogo me Hesehiago Aisaiabolo te tiwai po hanalu wai dao, "Genuai Bidigo te magi dağ ilibo se enabolo ola mayu, te ena agai beba lotu ma wagasomainu egowe?" wali.

Te Babilon king Merodakgo te bidi meba Jerusalemba tagala palali
(2 Kin 20:12-19)

39 Merodak Baladan, te Baladango ogwa, aga te Babilon king dao. Agai te tiwai po odali, Hesehia te genuai gasi elalubao po odali. Tiali goli, aga usu ma yali. Tama agai te pas aşenama, te agai agaba tolabo, te wiegi yai homu ilabo nai me deli dodolama muani, te bidi mebabolo menama, te augwaligo sela pelama, Hesehiabolo magi pomainu yai. ² Hesehiago te bidi dabego po odolama, tialima megali da, agai te bidi dabeba te mone dabe, me te aga gasa nai dabe augwaliba ola mawai. Te agai mone mubo bedede te tigidali silva me gol suali, te wiegi yai denami ebo pauda me sanda dabe, me te hwjbo nai tigidali, te gasa nai tigidali te aga bakstuade munolubo me, te ola mena silalio. Hesehiago te nai deli me dualubeo. Menio. Agai augwaliba te kingo moni be tomode elalubo nai tigidali ola mawai, me te aga tonalubo bulu tğ kantri

pedai tigidali ola mena silai dao. ³ Te Babilon bulu bidi dabe ma pela silai madi te sogo, teda te profet Aisaia aselama, te king Hesekia suagasali, te agaba te tiwai po hanalu wali, "Te aselawali bidi dabe, augwali te mena bulu bidi dawe? Te augwaligo mena po nageba waliwe?" Tama Hesekiago agaba te tiwai po wei ponani, "Augwaligo ena suagasu asali, augwali te digibulu buludu mu asalio, te bulu tş kantri buludu mu asalio, te bulu tş kantri Babilon dao." ⁴ Tama Aisaiago te po wai, "Augwaligo te mena mena nai mu te nago genuai wiegi yai be tomode sualiwe?" Tama Hesekiago agaba po wei ponoyu, te tiwai po wali, "Eno te tigidali nai doado bage mu augwaliba ola mawai, te eno magi nai deli augwalide geme me dualubeo," wali.

⁵ Tialima, Aisaiago Hesekiabolo te tiwai po wali, "Megi da, te eno nagebolo te Tigidali Bomo Elalubo Genuai Bidigo po obao. ⁶ Genuai Bidigo te po wali, te nosali sogo me sogo deli pedalubo si da, te Babilon dabe aselama, te king bede munalubo nai doado bage, te naga bulai waj dabego te bakstuaba sisinama muani nai saibao. Te nai me deli te augwaligo me sula tagalogobeo. Mu menio. Augwaligo te tigidali nai doado bage Babilonba selasa paibao. ⁷ Te nago hanide digi te augwaligo te ogwa meba selama, augwali te Babilonba odasa paibao. Tama augwaligo sogoli te augwaligo dinama, tama augwali te kingo bede olo mu ş ebo bidi pedelama bidaibao," Aisaiago te po wai. ¹⁸ Hesekiago te po odolama, tama agai Aisaiabolo te tiwai po wali, "Te Genuai Bidigo po nago enaba pusubao, te wiegi yai po dao." Hesekiago te po wali, magi baso meni, te aga homu kolesaga tomode, agai te tama homu elaluali, 'Megi sogo ena te king bidibadi, te dwai ş dabe me pedalugobeo,' homu yalio. 'Te da bugagia bididubadi, te me hwjgobeo,' wai dao.

Godigo aga we bidi dabe augwali ma dobola sabo homu yali

(Daj 40-55)

Te Godigo we bidiba wiegi yai sogo pedelaibao wali po

40 Duga Godigo te po odubao, "Eno we bidigo haliga daş walama, te augwa haliga dua nagame ilibo po pusao.

² Te wiegi yai po te Jerusalem we bidi dabeba mao," wali.

"Augwaliba te tiwai po wao, te augwali kalabus bidali sogo te silalio.

Ena Genuai Bidi, eno te augwaliba te augwa yali dwai şede wei ponoma, te dwai dene mawai dao.

Awe, eno augwaligo yali dwai ş dolo usu nama, tama te tiwai si naga te dene mawai dao.

Tama tialima, megida, eno augwaligo dwai şeş tigidali sela şawai dao."

† 39:7 Dan 1:1-7; 2 Kin 24:10-16; 2 Sto 36:10

³ Odao. Bidi me deligo te tiwai i wali, "Te Genuai Bidigo sunumi te wa pai bulu tş pesagede dodolao," wali.

"Te bulude dena Godigo genuai sunumi pebeli diliba ilao. ††

⁴ Te tş odogo igulali pesage tigidali paşaniyu, te bulu du tigidali pebela aiyaba tulao.

Te dolo si elalusişwani pesage te dolo si elama, te du du yali pesage te malu tş naga pedelaibao.

⁵ Tama genuai ula me te Genuai Bidigo bomo te pebeli

diliba hanilama pedelaibao,

tama tşde we bidi tigidaligo sueibao.

Te po te Genuai Bidigo pedauwalidu digi asai dao,"

wali. ‡

⁶ Bidi me deligo te tiwai i wali, "Po pusao."

Te eno po me wali,

"Mena po eno pusagawe?"

Te agai te tiwai po wei ponani, "E po pusao.

Tigidali we bidi te tşde sesabi elama,

bobobage sogo mu me bidigobeo.

Augwali te nosai me plaua te polo tama wa pelama, te sia sabo tiwai ebo dao.

⁷ Te Genuai Bidigo posolai wali augwaliba tagala palobo si,

te nosai wa peyu, te plaua telegasa dulubao.

Mu tama, te we bidi dabe te nosai tiwai polo

sia sabo dao.

⁸ Te nosai wa pelama, te plaua dabe boga selama, tulalueibao.

Tiali goli, te dena Godigo po da, te sesemane elalua pidu,

elalua paibao. Te po pusao," wali. ††

⁹ Jerusalem, nage te genuai bulu duba holama, te bulude po pusao.

Saion, nago bomonama, i hai weyu, te bulude po pusao.

Nago po hanilama pusao, nage wi me igio.

Nago te tiwai po te Juda dabego taunba walao,

"Suao, te duga God asobao," po wao.

¹⁰ Suao. Tigidali nai tonalubo Genuai Bidi aga bomo dali asobao.

Agai te boi bidi dabe aiyaba elaluama,

te aga we bidi dabe ma dobola sali,

te aga boi hwjnama, te wiegi yai nai sabo tiwai

yalio. †† †††

¹¹ Agai te aga we bidi dabe bugagia tonalubao, te sipsip tonalubo bidi dabego te aga sipsip bugagia tonalubo tiwai ebao.

Te tonalubo bidigo te sipsip wai dabe te hagawiade pageasa bilaibao.

Te aga dua digi pidu, te dwasianu wai dabe elalubo sipsipba te sunumi ola mayu, ela pidubo dao. †††

†† 40:3 Mat 3:3; Mak 1:3; Jon 1:23 ‡ 40:5 Luk 3:4-6 †† 40:8 Jer 1:10-11; 1 Pi 1:24-25 †† Te po begelebo gasa sunumi me da e tiwai elalubao, "Agai te boi bidi dabe aiyaba elaluai baso, te aga wiegi yai doado bage dali sela asiyu, te aga we bidi dabe augwaliba mawainu yai dao." ††† 40:10 Ais 62:11; Ped 22:12 ††† 40:11 Jon 10:11

Te Israel hanigo God te tedali polalubo mu dao

12 Te me deli bidibo bidi agai nogode te tamu aji tigidali sabua sabo bidi bidiba, agawe?
Te dagalu daide ugwadu usu siyu ebo bidi me deli elaluba, agawe?
Te tş tigidali kabude bubo bidi me deli elaluba, agawe?
Te bulu du dabe te skelba munama, skel ebo bidi me deli bidibawe?
13 Dego te Genuai Bidiba te nai dabe nigibo kolesaga ola mawai bawe?
Te agaba homu kolesaga ola maiabo usu elalubo homu ebo bidi me deli bidiba, agawe? †
14 Tama dego agabolo te wiegi yai doloba pai kolesaga
ola mawai dawe?
Tama dego agaba te wiegi yai konea pabo homu kolesaga tigidali ola mawai dawe?
Bidi deli me mu menio.
15 Genuai Bidigo te haniani kantri tşde we bidi suali, te olo nai gagawai tiwai ebao.
Augwali te tş hogomu tiwai elama, te dwasianu aji tedeboto tudulalubo tiwai aş ebao.
Tama agai te tigidali bulu tş ailango seşuş usu selama, te tş hogomugo seşuş tiwai elalubo dao.
16 Te we bidi dabego te tigidali kibu hasa elali, me te Lebanon genuai ni silide te tigidali ni togolama,
te augwaligo genuai sia nogolama, te kibu hasa tigidali te ofa tiwai eyu,
te siago tigidali domainu igi da, te tagalao, augwaligo te ofa te God gedude olo nai tiwai igi dao.
17 Te tigidali tş pedai kantride bidibo we bidi augwali te Genuai Bidi gedude olo bage tiwai elalubao.
Augwali te olo nai mu tiwai dao.
18 Tama tialima, God te de mu tiwai dawe?
Te elalubo nai me deli te God tonobo tiwai ebo da, agawe?
19 Aga te bidigo nogogo nigai tibo god piksa noma elalua pabo tiwai da homu ebawe?
Te tibo god piksa noma dabe da, te seş ebo koneai bidi dabego
te piksa kapago nigilama, te golgo mesegelaibao.
Te augwaligo silva selama, te sen dabe nigilama, te piksa nomaba daganainu ebo dao. †† ‡
20 Ma, te doado bage meni yai bidi dabego te tibo god piksa nigainu te damua pişabo bomai ni selama, nigaibao.
Tama augwaligo te ni dulubo mu koneai bidibolo olama,
te augwa tibo god piksa nigao po waibao.
Te bidigo te piksa bugagia dulaibao, tiyu te piksa tulaluidali weyu tiaibao.

† 40:13 Rom 11:34; 1 Ko 2:16 †† Te koneai bidi mebago homugo te sen dabe olo au ilai nai tiwai naga da homu yali. Te meba koneai bidi dabego homugo te sen dabego te piksa tolalu, te augwali tulaluidali weyu aş wabo nai da wali. ‡ 40:19 Tpi 17:29

21 Te dagego konebe, agawe?
Te dagego odobe da, agawe?
Te polobadu mu te bidi dabego dagebolo te tigidali nai mena tama pedelali te po wasiawai meni da, agawe?
22 Te Genuai Bidi aga naga te dagalu daide te sia kingde dugulaluali, agai te tigidali nai nigai dao.
Agai te dagalu te name ugwa tiwai dinigina palama, te aga sel ugwa be seşalubo tiwai elalui.
Te agai gedude, te tşde we bidi te olo nai kuli mano tiwai dao.
23 Agai te king dabe te olo bidi tiwai pedalumainu ebo dao.
Tama agai te bomai bidi dabe aiyaba elaluama, te augwa nogi me elalubo menio.
24 Augwali te plaua dabe te bidigo tamadi tama bulama,
te augwa sele aiyaba dulusiawai tiwai elalubao.
Te Genuai Bidigo bomai posolai wali tagala palobo sogo,
augwali te deli sogo polo tama sasia pelama, te baguasa pabo waligo augwali te hogomu sela pabo tiwai ebo dao.
25 "Ena Genuai Bidi,
ena te Wiegi Yai Doloba Pai Kolesaga Tigidali Ebo God dao,
tama ena tiwai de dawe?
Te eno kolesaga ebo tobage kolesaga ebo bidi tiwai me
deli elalu, bidibawe?"
26 Dagego te dagaluba ugwa tonama,
te ugwade elalubo hş dabe suişo.
Dego augwali nigai dawe?
Te Genuai Bidigo naga nigali.
Te nai dabe te Genuai Bidigo ami hani tiwai elalubao.
Agai augwaligo namba koneani,
te agai augwali deli deli nogi koneama,
tama agai augwali nogi nogi yaibao.
Agai tigidali bomo mu elalubo, tama tibaso,
te nai dabe te augwalide me deli me hagagobeo.
27 Dage Israel, dage te Jekopgo hani dabe,
magi baso dagego po hauwa dogia pobawe,
"Dago Genuai Bidigo te dago seşuş subeo," po wai.
"Te dwai seş ebo sogogo da gegali,
tiali goli agai da tau sabo homu ebeo," po wabo dao.
28 Te dagego konebe da, agawe?
Te dagego odobe da homu eba, agawe?
Genuai Bidi te sesemane bidada pabo God dao,
tama agai te e tş tigidali badu sese nigai bidi dao.
Te mena bidi mego agai homu kolesaga tigidali me konea siligobeo.
Agai bomo kimi te meniama, te me sia sogobeo.
29 Genuai Bidigo te bomo meni yai bidi dabe aş walobaso,
te dili bomo kimi silai digi,
te agai augwali bomo selama, bidimainu ebo dao.
30 Te gesi ogwa bidi dabego te bomai bomo elaluali,

te kimi meniama sia sabo dao.

³¹ Tiali goli, te Genuai Bidiba konealubo homu daꝓ olama,
te agai augwali tau sabo tonalubo we bidi dabe,
augwali te bomo sesemane elalu bidaibao.
Tama augwali bomonama eyu,
te ba kemedage bola pabo tiwai yaibao.
Te augwali udalama, te augwali homu he me egobeo,
te augwali bilidu, te bomo kimi me isigobeo.

Genuai Bidigo te Israel dabe ma saibao po wali

41 Godigo te po wali, "Dage we bidi dabe,
te paꝓe elalubo tꝓ kantri dabe,
me te digibulu elalubo tꝓ kantri dabe me,
dage tigidali pedawali pania selama, eno po odiꝓo.
Dagego po bugagia sisila dodola selama asiyu,
te duga po te po tꝓ eboba pusagasao.
Te da deliba sisinama, te po dagalama sueibao,
te dego po mu po yabowe naga konebo dao.
² Dego mu te giliga pedalubo badu king
hodolama, † te aga pabo usu nama,
tigidali habu badu te hwjꝓode
aga ugwanu igulumainu yaliwe?
Tama dego te bulu tꝓ kantri aga nogoba munama,
te agai te gasa king dabe aiyaba elalumainu ilaliwe?
Te agai bainatgo me enesigi ene sesemonego te aug-
wali
mu silama,
te augwali tꝓ hogomu tiwai pedelali,
te pobeke bage waligo sela pabo tiwai yai dao.
³ Aga te deli sogo naga polo tama augwaliba pedela-
ma,
te augwali doliyu yali,
tama augwaligo agaba magi seꝓ yabo te usu meni
yai.
Te waligo digi aga sela pabo tiwai eyu,
agai te tꝓ me dwasianu diꝓbeo.
⁴ Dego mu te seꝓ dabe pedalumainu ilaliwe?
Te Genuai Bidi, eno naga dao.
Te eno tꝓ gagalama pedalumainu yali sogo,
sesemane sogo eno tigidali nai te tꝓde
pedalumainu dodoludalio.
Ena Genuai Bidi ena hasia polasa mu bidali.
Te ena nosali badu sogo me bidaibao."
⁵ "Te tigidali tꝓ kantri we bidi dabego
te eno yali seꝓ dabe sulama,
te augwali wi elama, noma sali.
Te augwali deliba sisinagaselama,
⁶ te augwade digi haliga daꝓ walabo po dabe mina-
ma,
⁷ tama augwa te tibo godigo piksa nigalio.
Te nigo piksa dulubo bidi dabego te golgo nai nigibo
bidi dabeba te po wali,
'Dagego te wiegi yai seꝓ mu ebao.'
Te gol haluama dodolobo bidi dabego te aingo nai

† Te po page e tiwai dao. Te ves 2 tede e tiwai po wali, "Te giliga pedalubo badu bidali king," wali. Te king Sairus te tꝓ kantri Persiade bidai dao. Te Daj 44:28, Daj 45:1; Daj 46:11, te dajꝓe te po elalubao.

nigibo bidi dabeba te po wali,
'Iya, tegobao, dagego te nai bugagia mu daꝓ walobao.'

Te nosali augwaligo te piksa dabe bugagia enani,
tiyu te augwali tulaluidali weyu tiai dao."
⁸ "Tialima, dage Israel, dage te Jekopgo hani da,
eno dage sa muyu, daꝓ ilama,
te dage eno seꝓ bidi bidibao.
Dage te bulai wai eno abagi Abrahamgo hani dao. ††
⁹ Eno dage te digibulu bulude mu,
te tꝓ sesege badu mu selama,
tama dage odasa asali.
Te eno te tiwai po dagebolo wali,
dage eno seꝓ bidi bidibao wai.
Eno dage daꝓ iliyu, dage te ena dao wali,
te eno dage hagela eyu,
te dage tudiba me mubeo. Menio.
¹⁰ Dage wi igio, magi baso meni, ena duga God da,
ena dage dali bidibao.
Te eno dage boma pai pedalumainu ilama,
te dage eno tau saibao.
Te dage eno bugagia tonalu,
te eno genuai bomogo te eno dagego
boi bidi aiyaba elalueibao wali.
¹¹ Te dagede haliga seꝓbe elama,
te dage po tꝓba odasa pobaso da,
te dage augwaligo aiyaba elalusiꝓbaso,
te augwali hale dwai mu yaibao.
Te augwali olo nai tiwai mu pedelama,
te augwali mu hagawaibao.
¹² Te dage dali hwjꝓnama,
te dage dolainu homu yali hani dabe,
te augwali olo nai tiwai mu pedelama,
te augwali tꝓde mu hagawaibao.
¹³ Ena Genuai Bidi, te duga God dao,
eno dage ugwaba sagualu tonalu,
te eno te tiwai po dageba obao, dage wi me igio.
Te eno dage tau saibao, te po wai dao."
¹⁴ Genuai Bidigo te tama po wali,
"Te dage Israel te dwasianu hani da,
te dagego bomo meni da wagio,
ena dage ma sabo bidi,
te eno dage ugwaba sagualu tonalu, tau saibao.
Ena dage Israelgo God dao,
ena te Wiegi Yai Doloba Pai Kolesaga Mu Ebo God
dao,
eno te dage ma dobola saibao wali.
¹⁵ Te eno dage te wit agayabo te gesi ni nami tiwai
pedalumainu ilama,
te dageba seꝓe mayu,
te dage sunumi palialuali boi bidi dabe te dagego
aiyaba elalueibao.
Te augwali te bulu du tiwai bidali goli,
dagego te bulu du dabe pepedama,
te wit bo yalala pai nai tiwai pedalubo bomo elalubo
tiwai yaibao.
¹⁶ Dagego te seꝓe elalusiꝓyu,

†† 41:8 2 Sto 20:7; Jer 2:23

te bidigo te bo dabe ugwaba şanama,
te waligo tolasa pabo tiwai yaibao.
Tialima, dagego wiegi yai pemene te Genuai Bidi ena-
ba
yaibao.

Te dagego ena nogi ugwaba saibao, te Israel God da,
ena te Wiegi Yai Doloba Pai Kolesaga Ebo God dao,"
wali.

¹⁷ "Te eno we bidi dabe te aji mu şa pelama,
te augwali dogoni te aji tuabo wa pali sogo,
te augwaligo ena i obaso, tialima ena, Genuai Bidi,
te eno augwaligo gedu haluasa po wabo odaibao.

Ena, te Israelgo God, te eno dage
homu kone me gegeda palogobeo.

¹⁸ Eno te wa pai bulu du dabede te aji
pedalumainu ilaibao,
te ulu aji te odogo malu tede pedelaibao.

Tama eno te sigi aji te wa pai pesagede
pedalumainu ilaibao.

Tama te aji meni yai pesagede,
te aji hauwa elalueibao wali.

¹⁹ Tama eno te dwagi yai ni sida dabe,
me ni wuli dabe, me te bulu ni oliv dabe,
me te ni saipres dabe, te gasa tobage ni dabe,
te olo masigi kemi tede pedalumainu yaibao.

²⁰ Tama te we bidi dabego sulama,
tama augwa te tiwai koneaibao,
ena God, te Israelgo Genuai Bidi,
ena te Wiegi Yai Doloba Pai Kolesaga Ebo God dao,
ena digi eno te şe pedalumainu ebo dao," te po wali.

Te tibo god dabe te augwali mu god menio

²¹ Genuai Bidi, te Israelgo king dao,
agai te tama po wai,
"Dage te gasa bulu tş kantri god dabe,
dage te po tş eboba aşıo,
te po tş ebode dagego po odomainu yaibao.

Te dagego pusabo po bugagia dodolao,
tama te po tş eboba asao.

²² Te po tş dagego te polobadu pedelali şe po
weyu,

te yali şe dabego po page dabolo pusao,
te dago hania koneaibao.

Tama dagego te nosali badu pedelabo nai po me
wao.

²³ Tama te nai dabe pedalubo sogo, te dago koneyu,
te dage god mu da te homu yaibao.

Dagego te da wi yabo şe me deli iyao
te wiegi yai nai, ma dwai nai, te şe yao.

Tama tialima, te dago dagego bomomo sueibao.

²⁴ Tiali goli, menio. Iya, tegoba!

Dagego magi şe me deli yabo usu isawai,
magi baso meni, dage tibo god dabe
te olo dwai nai naga dao.

Tama te dagebolo lotu po wabo we bidi,
augwali me eno gedude te dwai nai mu pedela silai
dao."

²⁵ "Eno te giliga pedalubo badu bidi me deli hodolali.

Te bidigo enaba genuai nogi mobao,
tama megi eno te not badu sela aselama,
tama agai te king dabe aiyaba elaluama, agayu,
te tşgo sospen sene nigibo bidigo te tş agalama,
te sospen nigibo tiwai ebao.

²⁶ Dage te gasa bulu tş kantri god dabe,
te dage tomode dego te nai pedelaibao po waliwe?

Te dage tomode me deligo te tobage po wali wida,
teda dago te po weyu,

agai mu po wali da po waibao.

Tiali goli, dage me deligo te nai pedelaibao po me
wabeo.

Tama dage me deligo te po wabo bidigo me odobeo.

²⁷ Ena, Genuai Bidigo naga eno te bulu du Saionba
weyu,

te nai pedelaibao wai.

Tama megi da, şuişo, te nai dabe pedelalio.

Te megi me, eno te bidi me deli tagala palama,
te Jerusalemba wiegi yai po sela pomainu yai dao."

²⁸ "Eno te tibo god dabe gegali sogo, te eno suali,
augwaligo te po deli me wasiawai.

Augwaligo homude te wiegi yai homu kolesaga
elalubo

po pusabo homu meni yai.

Te me deligo eno hanalubo po wei me ponabo usug-
obeo.

²⁹ Suao. Augwaligo te mena şe me deli ebaso usugob-
eo,

magi baso meni, augwa digi te olo nai naga dao.

Te tibo god dabe te olo piksa dabe naga elalubao.

Augwaligo te magi şe me deli yabo bomomo me
elalubeo,"

te po wai dao.

Genuai Bidigo şe bidi e dao

42 Genuai Bidigo e tiwai po wai, "Suao, eno şe
bidi e dao.

Sesemane sogo eno aga daş walobao.

Ena eno aga sa munama, daş ilali,

tama sesemane sogo eno agade wiegi yai homu
pemene geninama, idubao. †

Eno ena mobo noma bidi agaba muani,

tama agai te doloba pai kolesaga naga igidali te
tşde

we bidi haniba selasa asaibao wali.

² Te agai po wabo sogo, te genuai po daş i hai ola-
ma,

po me wagobeo.

Tama aga te sunumi dabede doligi pelama,

te agai po bomonama me pusugobe.

³ Tama te agai te bomomo meni yai,

te togwa painu ebo awi dili,

te agai tigidali me togwa şagobeo.

Tama agai te ula bugagia isişo lam sula somainu me
iligobeo. Menio.

Agai te bomomo meni yai we bidi tau sabo kolesaga
yaibao.

† 42:1 Mat 3:17; 17:5; Mak 1:11; Luk 3:22; 9:35

Agai te doloba pai kolesaga pedalumainu bomo ilaibao,
 agai te şe ebo me tagalogobeo.
 4 Te aga haliga şeşę me isiayu,
 te şeşęgo aga aiyaba elalumainu me iligobeo.
 Agai şe bomu elama eyu, agai doloba pai kolesaga ebogo
 te dwai kolesaga ebo kolesaga aiyaba elaluaibao,
 te tigidali tş habu usu nama bomu elalumainu ilaibao.
 Te digibulu bulu we bidi dabe te aga tonaluaibao,
 te agai augwali bugagia dugulalu bidabo kolesaga ola momainu yaibao.” †
 5 God Genuai Bidigo te dagalu me tş nigilama,
 te augwa pesageba munama, elalubao.
 Tama agai te tşde haniani nai ni me nosai pedalumainu
 ilali.
 Tama agai te bidibo ula te tşde we bidi dabeba mobo ponama, mawai.
 Te Godigo aga şe bidiba te tiwai po wali, ††
 6 “Ena Genuai Bidigo digi,
 eno nage i olama, te eno doloba pai kolesaga ola momainu yai.
 Te nage eno ugwaba pogalu bugagia tonaluaibao.
 Te nagede naga, te eno te Israel hani we bidi dali bomai po daş walaibao.
 Tama nage eno te Israel hani isawai hani dabego ula tiwai ilama, bidaibao. ‡
 7 Te nago te gedu hwdai bage dabe te ma tonomainu ilaibao.
 Nago te kalabuside bidibo bidi dabe,
 me te be hulide bidibo bage me,
 te magi naigo me tonalusiama,
 te olo mu bidimainu ilaibao,” te po wali.
 8 “Ena naga ena Genuai Bidi.
 Genuai Bidi, te eno nogi dao,
 tama dagego genuai nogi ena deliba naga maişo.
 Dagego te tibo god dabego nogi ugwaba me sigio,
 te bidi dabe augwa digi nigai dao.
 9 Dagego suişo.
 Te polobadu eno po weyu,
 te pedelaibao wali nai dabe, megi augwali pedelalio.
 Te megi eno dagebolo te gasa nosali badu pedelabo nai
 po walobao,
 te augwali pedalisişbadi,
 te dagego konealumainogo te tiwai po obao,” wali.

Tigidali we bidigo te Genuai Bidigo nogi ugwaba sino

10 Dage tşde we bidi tigidali,
 dagego gesi balia po weyu,
 te Genuai Bidi nogi ugwaba sino.
 Dage te sipidu bilibo bidi dabe,
 me te tamu aşde bidibo hasa dabe,
 dagego agai nogi ugwaba sişo.

Dage te digibulu tş kantride bidibo we bidi dabe,
 dagego te gesi balia po waişo.
 11 Dage te bulu taun wa pai pesagede bidalubo we bidi dabe,
 me dage te Kedar hani we bidi dabe,
 dagego te i bomu elama weyu,
 te aga nogi ugwaba sişo.
 Dage te taun Sela we bidi dabe,
 dage te bulu du dabe bageba holama,
 te wiegi yai homu pemene dali i waişo.
 12 Tama dage te pşde bidibo we bidi dabe,
 me digibulu bidibo we bidi dabe,
 dage tigidaligo te Genuai Bidi nogi ugwaba selama,
 te agaba genuai nogi maişo.
 13 Genuai Bidi te bomai ami bidi tiwai elalu,
 te megi agai hwşgi painu paibao.
 Agai te po daş genuai olama, i weyu,
 te ami dabego ebo kolesaga tiwai te aga haliga şeşę hodolama,
 te hwşabo sisi elalubo tiwai yaibao.
 Te agai aga boi bidi dabe dali hwşnama,
 te augwali aiyaba mu elaluaibao.
 14 Genuai Bidigo te tama po wai,
 “Te bobobage sogode eno pedauwali pania selama, te ena dua digi bidali.
 Eno ena haliga şeşę te palia selama, te eno magi deli me ebo.
 Tiali goli, megi eno te gela bomonama weyu,
 te wego wai ame nainu dene ebo sogo gela wabo tiwai obao.
 Ena te homu hş weyu, te homu hş wabo bomu elama,
 kekebo dao.
 15 Te eno bulu du dabe dolama,
 te nosai dabe me ni dabe sasia pomainu ilaibao.
 Tama eno te genuai soabo wş dabe dali,
 te sigi aş me, sula somainu ilaibao.
 16 Te eno ena we bidi dabe te polobadu augwali bilisawai sunumidu odasa asaibao.
 Megi augwali gedu halua sai hulide bidibao,
 tialima te be hulua sai elalubo te eno sela şanama,
 te augwaliba ula mawaibao.
 Tama eno te dwai pesage elaluali te dodolama,
 te dolo yai pesage ilama,
 te augwali bilabo madi tiaibao.
 Eno te şe dabe te mu pedalumainu yaibao,
 te eno te şe yaibao wali po tiwai gilama yaibao.
 Te eno magi nai me delide homu kone ebo me kegeda
 palogobeo.
 17 Tialima, te tibo god piksa dabeba lotu weyu,
 te nai augwa god dao tiwai po wabo we bidi dabe,
 eno augwali sela şawaibao.
 Tama augwali hale dwai mu yaibao,” wali.

Te Israel dabe te olo degai, me gedu wdai tiwai bidali

18 Genuai Bidigo te po wai,
 “Dage Israel te olo degelama, te gedu mu widalio.

† 42:4 Mat 12:18-21 †† 42:5 Tpi 17:24-25 ‡ 42:6 Ais 49:6; Luk 2:32; Tpi 13:47; 26:23

Dagego olo dala pelama, po odoyu,
te gedu peda pelama, tonao.
19 Dage eno şę bidi tiwai bidimainu elama,
tama eno dage sa muyu, daj ilama, te dagego eno
po
sela pomainu yali.
Tiali goli, dage te olo degelama, te gedu mu widali,
tama te olo degeyu, gedu widiyu yai bidi dabe,
te augwali aiyaba mu elalualio.
20 Dagego te nai hauwa sulama, te po hauwa odali,
tiali goli, dagego te nai dabe bugagia tonosiayu,
te poba olo bugagia me mubeo," wali.
21 Genuai Bidigo te doloba pai kolesaga naga eyu,
tama agai te we bidi dabe ma dobola sabo kolesaga
ebode dwagi yai homu ebao.
Tama tibaso, aga bomo yai po dageba mobao,
te gasa bage dabego sulama,
te tiwai konemainu ebao,
te bomo yai po te wiegi yai mu, te mu polalubo dao.
22 Tiali goli, megi dage Israel dwai mu bidibao.
Te boi bidi dabego dage dolagaselama,
te dagego doado bage wi sela palio.
Te augwaligo dage me sela pelama,
tama dage te be dabede,
me tş dedage dabede kalabus elama, elaluali.
Te dage augwaligo nogode ma dobola sabo bidi deli
me
meni yai elalubao.
23 Tialima, dage tomode dego te poba olo muaibawe?
Megi gagalasa, te dagego eno po bugagia odaibawe?
24 Dego mu te şę yao po obaso,
te boi bidi dabe aselama,
te da Israel dabego nai dolama, wi sagasaliwe?
Dego mu te da Jekopgo hani bage
te augwaligo nogoba muaniwe?
Te Genuai Bidigo naga dao.
Magi baso meni, dago aga tudiba munama,
te dwai şęęę sabo şę yai.
Dago te agai wei homu ebo kolesagade dolo bilisā-
ma,
tama dago agai bomo yai po sela şawai.
25 Tama tibaso, agai te boi bidi dabego
daba hwjagasomainu tagalama,
te dago agai haliga şębę ebo page konemainu yali.
Agai haliga şębę te sia dabo tiwai elama,
te Israel mu ulali.
Tiali goli, dago tede kolesaga selama,
te dago kolesaga me hasegelebeo.

**Godigo te aga we bidi dabe ma dobola sabo dao po
wali**

43 Dage Israel dabe, dage Jekopgo hani,
Genuai Bidigo dage deli hani pedalumainu ilali,
agai te tiwai po wai,
"Dage wi igio, magi baso meni, eno dage ma sali dao.
Eno dageba nogi menama,
tama dage te ena da olama, sa muyu daj ilai dao.
2 Dagego te aj gebo ayanu dulai te nogebo sogo,

te ena dage dali bidaibao,
tama te ajigo dage me dologobeo.
Awe, dage te soabo aj nogebo si,
te ajigo dage mesegelegobeo.
Tama dage te posolo yai sia tomoba mu pabo sogo,
te siago dage me dogobeo.
Te sia bogoligo dage dogobeo.
3 Magi baso meni, ena Genuai Bidi,
ena te Israel dabe duga God, te eno dage tau
saibao.
Ena te Wiegi Yai Doloba Pai Kolesaga Ebo God dao,
eno naga eno dage ma dobola sobao.
Dage te boi bidi dabego nogode bidibo sogo,
eno te Isip dabe, me Sudan dabe,
me Seba dabe menama,
dobu si eyu, dage Israel bage ma saibao.
4 Tama eno te gasa hani we bidi dabe me siyu,
te dage ma dobu si yaibao,
te dage bugagia bidimainu yaibao.
Magi baso meni, dage eno godolo homu ebo
umabo mu idu,
te eno dageba genuai nogi mawainu ebao.
5 Ena dage dali bidibao, dage wi me igio.
Dage hani dabe te giliga pedalubo badu,
me giliga dega sabo badu bidibo,
te augwali eno ma odasa asaibao.
6 Eno te bidi dabe te not badu,
me saut badu bidibo bidi dabebolo olama,
te dage ma asomainu ilao waibao.
Te eno we bidi dabe te digibulu mu,
te tş sesege badu bidali me,
te augwali eno ma odasa asaibao.
7 Dage te eno nogi elalubo hani mu da,
te ena digi eno dage nigali,
te gasa hani dabego dage sulama,
te enaba genuai nogi momainu ebo dao," wali.

**Te Israel dabe te Genuai Bidigo ebo şę sulama,
koneani bage tiwai dao**

8 Godigo te po wai,
"Te eno we bidi dabe i olama, sisinagasomainao.
Te mu tama, augwaligo te nai subo gedu elalu,
te po odobo olo elalubao.
Tiali goli augwali gedu widai me olo degai tiwai
bidibao.
9 Te gasa bulu tş kantri we bidi dabe
te po tş yabo pesageba sisingasalio.
Te augwaligo mena godigo te mena şę nosali pede-
laibao
wabo po hania pusaliwe?
Te augwaligo mena godigo polobadu po weyu,
te pedelaibao wali nai megi pedalubowe?
Te augwaligo ebo şę suali mena bidi hani dolugula-
ma,
te tiwai po weyu, agai te god me deligo te nai me
pedelaibao po wali,
tama nosali agai suali, te wali şę mu pedalubo
dawe?"

¹⁰ "Tialima, dage Israel, dage te eno po odolama, pusubo bage dao.
Eno dage sa muyu, ɗaj ilama,
te ena sę bidi bidimainu yalio.
Tama tiyu da, te dagego ena koneama,
enaba homu ɗaj weyu, tama te tiwai dagego
bugagia koneyu,
te ena deli naga te God mu da omainu ebao.
Polobadu te god me deli me pedalisiama,
te aga polasa bidiyu,
te ena nosali badu me elalubeo.
Tama nosali me, te god me deligo ena bidali pesage
me hasegelegobeo.

¹¹ Ena naga ena Genuai Bidi dao,
tama sesemane sogo eno dage ma sabo dao.
Te gasa god dage dali me bidiyu,
te dage tau me sabeo. Menio.

¹² Eno naga enade po hanilama weyu,
eno dage ma dobola saibao,
te eno dage ma saibao po wali gilama yaibao.
Te dage eno po odolama, pusubo bage
elalubao, tama dagego e po pusaibao,
te ena deli naga ena God, Genuai Bidi dao.

¹³ Megi me, tigidali sogo, ena te God mu bidibao.
Te eno we bidi me deli te bonogo kębo tiwai eyu da,
te niwai bidi me deligo te eno bomu sela sęnana,
te augwali eno nogode ma dobola sogobeo.
Te sę me deli eno ebaso da,
te mena bidi me deligo eno te sę ebo
me paligobe," te po wai.

Godigo te Israel dabe Babilonde kalabus bidibo ma saibao

¹⁴ Genuai Bidi, aga te dage Israel Dabego te Wiegi Yai
Doloba Pai Kolesaga Naga Mu Ebo God,
te aga dage ugwaba sagoalu,
te dage ma dobola sabo bidi, agai te po wali,
"Te eno we bidi dabe dage tobade eno te ami bidi
dabe
te Babilonba hwjagasomainu tagala palaibao.
Te Babilon dabe tigidali augwa te wiegi yai homu
pemene ebo te sip dabe daiba holama,
te augwa bidali bulu pesage tagalama, wi paibao.

¹⁵ Ena naga ena Genuai Bidi,
ena dagego te Wiegi Yai Doloba Pai Kolesaga Naga
Ebo God dao.
Eno dage Israel dabe te deli hani we bidi ped-
alumainu
ilama, te megı ena duga king bidibo dao."

¹⁶ "Polobadu ena Genuai Bidi, eno te tamu aj tomode
sunumi nigai dao. Awe, eno te bomai ajdu soabo tu ni-
gai dao. ¹⁷ Tama eno te boi bidi hauwa dali, te augwa
karis me hos dabe dali, augwa te tamu aj sunumi to-
modu wali asobadi, te augwali mu dolama, te munu
ma hogodalubeo. Augwali te polo tama mu isila pali,
te lam sole bidigo pona palobode isibo tiwai yalio.
¹⁸ Tialima, megı eno te po obao, dagego eno te

polobadu yali sęde naga homu kone paligio. Menio.
¹⁹ Dagego te gesi sę eno eboba tonono yao. Te megı
pedaludubo sę te dagego sube da, agawe? Te wa pai
pesage badu te eno sunumi nigilama, tama eno te aj
dabe tebadu pomainu ilaibao. ²⁰ Te bulu uni hasa dabe
te uni yowi dabe tiwai, te ba uni dabe me, te augwali-
go ena genuai nogi mawaibao, eno te aj te wa pai bulu
pesageba asomainu ilama, pedalubo side, te ena digi
eno sa muyu ɗaj ilali we bidi, augwa te aj tumainu
tiaibao. ²¹ Eno te we bidi dabe te ena hani we bidi digi
pedalumainu ilali, te augwa wiegi yai pemene eyu, te
eno genuai nogi po pusomainu te tama tiaibao wali."
Genuai Bidigo te po wali.

Te Israel dabego dwai kolesagago te Godiba sęę mawai

²² Genuai Bidigo te po wai, "Dage Israel dabe,
dage te Jekopgo hani,
eno dage te eno hani we bidi digi pedalumainu ilali
goli,
dagego eno nogi wasiayu, enaba lotu wabeo.
Tama magi naigo tibaso, te dagego enaba hagela
eyu,
te dagego ena godolo mu isiayu ebawe?
²³⁻²⁴ Te dagego haliga homu kolesaga enaba beaga
sisama,
te dagego haniani ofa ebo sogo tama tibao.
Te dagego te sipsip dabe te tigidali siaba mu uluyu,
ofa tiwai ebo sogo,
tama dagego te tobage awi te denami ebo nai abela-
ma,
te agaba ofa ebo sogo,
te dagego te kibu hasa ili hauwa pesage holama,
te ofa tiwai eyu ebo sogo,
te dagego enaba homu kone palama, te ofa dabe
ebeo.
Eno dageba te sęę mayu, te dageba po bomu eyu,
dagego te wit ofa me,
te wiegi yai denami ebo hano
ebo ofa me, sesao po wabe, tama te sę dene eba-
so,
te dagego enade hagela homu ebeo. Mu menio.
Tiali goli, dagego genuai sęę enabolo menama,
tama ena dagego te dwai sę ebode,
me haniani dwai kolesaga ebode hagela mu ebo
dao.
²⁵ Tialima, ena Genuai Bidi, ena genuai nogiba digi
homu kone palama,
te eno dagego dwai sę ebo sęę tigidali sela sębo
dao.
Tama eno te dwai sę dabeba homu kone me palogob-
eo,"
te po wali.
²⁶ "Tialima, dagego homu kone palao,
te dagego dwai sę me ebe homu eba wida,
teda dagego eno homu dodolama,
te da tede po minao.
²⁷ Tiali goli, menio.

Te dagego hasia waj nõugo te dwai şe yali, †
te dagego tobolu bidi dabego me eno
po sela şawai dao.
28 Tama tibaso, eno te het pris dabe eno gedude me-
da
yai pedalumainu ilali.
Te eno dage Israel daj ilali, te Jekopgo hani dabe,
te tigidali mu dolomainu yaibao.
Tama eno te gasa hani we bidigo te posobo po weyu,
te dageba gisugu momainu yaibao," wali.

Genuai Bidigo aga we bidi dabe tonalubao

44 Genuai Bidigo te po wali, "Awe, eno dage
dolomainu yaibao.
Tiali goli, dage Israel dabe,
dage Jekopgo hani, dagego odiao.
Ena digi eno dage daj ilama,
te dage eno şe bidi bidibao.
2 Eno dage te deli hani we bidi pedalumainu ilali.
Eno dage sisi ilama, dage daj iliyu,
te dage tjde pedalisiabadi,
te sogo te dage ena hani da olama,
daj ilibo tiwai yali.
Te eno dage negeyu, tonalua asali,
te megi e sogoba usu nagasobao.
Ena digi eno dage daj ilama,
tama dage eno doloba pai şe bidi bidibao.
Tama tialima, ena Genuai Bidi, eno te po obao,
dage wi me elamu dao.
3 Te aj şaş pabo tşba eno te aj gelaibao,
tama te wa pai tjde te aj somainu ilaibao.
Te eno mobo bidi te dagego wai dabeba gelaibao.
Te eno dagego waigo ame nabo wai dabeba
wiegi yai bugagia ilaibao.
4 Tama augwali te wş ili hauwa elalubo nosai
bugagia holobo tiwai yaibao,
te aj sesegede ni dabe holobo tiwai puapi holaibao.
5 Te meba gasa Israel hani işawai we bidigo
konealubo homu enaba daj waibao.
Augwali mebago te tiwai po waibao,
'Ena Genuai Bidigo bidi dao,' waibao.
Te mebago te po weyu,
'Ena te Jekopgo hani da,' waibao.
Te me badugo eno nogi te augwa nogode aşaiabao.
Te me badugo te po weyu, 'Ena te Israel hani da,'
po waibao," wali.

Te tibo god nigibo bidi dabe, augwali te kolesaga umu- na sai bidi mu dao

6 Tigidali Bomo Elalubo Genuai Bidi,
aga te Israel king da,
te dage tudibadu pogalu, te dage
tau sabo bidi, agai te po wai,
"Ena Genuai Bidi, ena hasia polasa mu bidali,
tama ena nosali te sabi badu mu bidaibao.
Te gasa god munu me bidibao,

enaduba deli naga bidibo dao. ††
7 Te ena tiwai god me deli bidibawe?
Te aga bidiba wida, teda aga digi te daba pedalubo
sueibao.
Tama agai me dabolo te aga polobadu polobadu mu
yali şe po omainu yaibao, te eno gagalama,
te we bidi pedelali po tiwai wabo odaibao.
Tama agai te nosali pedelabo şe po me omainao.
Awe, te aga hanilama pusao,
te da tigidaligo te nosali yabo şe po
hania pusubo odaibao.
8 Eno we bidi dabe, dage wi elama, dili tidibi igio.
Polobadu digi eno dageba weyu,
te şe pedelaibao po wali.
Tama dage te eno ebo şe po te mu po da wabo bage
dao.
Te ena tiwai gasa god me bidiba homu eba, agawe?
Eno te me deli munu me konebeo.
Ena deli naga te dagego toma nabo bomai pesage ti-
wai
elalubo dao."
9 "Te tibo god piksa noma nigibo bidi dabe,
augwa digi te dwai mu ilibao.
Te sawi wiegi yai piksa augwa wiegi yai pemene ebo,
augwali te olo nai tiwai ebao.
Te tibo godiba lotu wabo bidi dabe, tiwai bidibao.
Tiali goli, te augwali hale mu yaibao, magi baso meni,
augwaligo te tibo godigo magi şe me deli ebo
me sugobeo.
Augwali te homu kolesaga mu umuna sai bidi tiwai
dao.
10 Augwaligo mena tobage homu kolesaga elalubo,
augwaligo te tiwai tibo godigo piksa nigibawe?
Te tibo god dabego augwali dwasianu munu me
tau sogobeo. Mu menio.
11 Te tibo godiba lotu wabo bidi dabe te hale dwai
mu yaibao,
magi baso meni, te bidi dabe augwa digi te tibo god
nigibao.
Eno homugo te augwa tigidali sinagaselama,
te augwa dolugulama,
te augwa tibo godigo mena şe ebo po te pusumainu
yaibao.
Mu tama, te eno augwali wi mu ilibaso,
te augwali hale dwai mu yaibao." Te po wai.
12 "Te aingo nai nigibo koneai bidi dabego te ain
selama,
siaba munama, nagamea pabo si,
tama augwa te tibo god piksa nigibo dao.
Augwa te hama nogogo tulama, te ainba elibaso,
te augwa bomogo digi te piksa nigilama pedelali.
Te augwa şe ebo sogo, te augwa nai me wş tusiawani
da,
te augwa bomo tigidali sia sabo dao."
13 "Te nigo piksa noma nigibo koneai bidi dabego,
augwa te wiegi yai ni dage selama, usu selama,
te bugagia mu dodolama, te piksa nigainu ebo dao.

† Dago homu te "hasia waj nõu" bidi da, te Jekop dao.

†† 44:6 Ais 48:12; Ped 1:17; 22:13

Tialima, te pensilgo te piksa noma aşenama,
 te piksa togwabo bugagia usu nama usu sali.
 Nosali augwa te ni togobo nai sisel selama,
 te aşani dajdu wali pelama,
 te piksa togoyu, sawi mu elama,
 te sawi gesi ogwa bidi me deli tonobo tiwai ebo dao.
 Tialima, augwa te nigo dulama nigali tibo god,
 te augwa lotu be tomoba muyu ebo dao.
¹⁴ Augwa te şeyainogo te dwagi yai ni sida togwali.
 Tama augwa te busi tomoba pelama,
 te wiegi yai ni kali dabe gegegi pelama, habu
 selama,
 daj ilali, augwa te ni genuai igulubo sogo togwainu
 tiali.
 Te augwa te ni wuli wai me bulali,
 te tulubagego te ni genuai ilibo tonaluali,
 augwa te ni selama, te şeyainu tiai dao.
¹⁵ Augwa te ni dabe togolama,
 te me badu togwa sabo ni dage te tigi posolo ilabo
 nogabo sia sali,
 tama te togwa sabo delage me badu te bret ulabo sia
 sali.
 Tiali goli, te ni dage me deli augwa selama,
 te augwa tibo god piksa nigilama,
 augwa lotu po teba wai dao.
¹⁶ Augwa te tama kolesaga te ni dabede yalio.
 Augwa te sia nogolama,
 te nai me hasa ula tuainu yali,
 te augwa nai tulama, haliga paşanani.
 Tama me, te augwa tigi posolo iliyu,
 te po wali, 'Sia wiegi yai mu dao,
 te eno tigi bugagia mu posolo ilibo dao,' wali.
¹⁷ Tama te ni dabego naga te augwa tibo god nigiyu
 yali.
 Te augwa kidu sugunama, te augwaliba lotu wabo
 dao.
 Te augwa te tiwai gedu haluasa po weyu,
 'Nago ena tau sao, magi baso meni,
 nage eno god dao,' te po wabo dao."
¹⁸ "Mu tamao, te tobage we bidi dabe
 te homu kolesaga mu umuna selama,
 te augwa homu kolesaga mu meni yai.
 Te magi nai me deligo augwa gedu paliama,
 te augwa tonono bilibo usu işabo tiwai ebo dao.
 Te magi nai me deligo augwa homu kone tuş paloba-
 so,
 tama augwa te homu kone tuş pabo kolesaga ebo
 dao.
¹⁹ Te homu kolesaga elalubo bidigo da,
 te kolesaga dagalama, te po weyu,
 'Eno te ni delagego te sia me badu nogoyu,
 te eno bret me kibu mi ulama tubao homu igi dao.
 Magi elama eno te ni dagego me deli selama,
 te piksa dwai nai me deli nigilama,
 kidu sugunama, teba lotu oba, agawe?' te po wagi
 dao.
 Tiali goli, te homu kolesaga kone tuş pai
 we bidigo homu kolesaga menişayu,

tama te tobage po augwaligo me wagobeo.
²⁰ Augwa homu kolesaga te mu kone tuş palio,
 tama augwa te geda mubo homu kolesaga mu eyu,
 te bidigo sia keli tubo tiwai yalio.
 Te we bidi dabe me deligo homu kolesaga dolo ma
 siyu,
 te po wabo sunumi deli me menio,
 'Te eno dolo nogode tolalubo nai, te ni dage naga,
 te god meni,' te po wagobeo.'" Te po wai.

Te agai genuai bomogo Genuai Bidigo te Israel dabe ma sali

²¹ Genuai Bidigo te tama po wali,
 "Dage Israel, dage te Jekopgo hani,
 dage eno şey bidi dao, dagego ena homu kone gege-
 da
 paligio,
 te eno dage deli hani we bidi pedalumainu ilama,
 te dage eno şey ebo we bidi bidibao.
 Tama eno dage homu kone me gegeda palogobeo.
²² Eno dagego dwai şey yali şeyşey sela şawanio,
 tama augwali te pş waligo selasa pabo tiwai yalio.
 Te dagego yali dwai şey te kigamu pş te giliga
 pedalubode sia sabo tiwai yalio.
 Eno dage ma salio, tama tialima,
 dage enaba ma aşiåo," wali.
²³ Dagalu, nage wiegi yai pemene elama, i wao,
 tama te tş dologode aiyadu elalubo nai dabe,
 dagego i waişo.
 Dage bulu du dabe me, dage te genuai ni silide
 elalubo
 tigidali ni dabe,
 dagego wiegi yai pemene elama, i wao.
 Tigidali nai i wao, magi baso meni,
 Genuai Bidigo bomo me genuai nogi
 te dage Israel dabe ma sali sogo ola mawai dao.
²⁴ "Ena Genuai Bidi, ena dage tudibadu pogwalu,
 te dage ma dobola sabo bidi,
 eno naga eno sisilama, dage daj ilali,
 te ena hani da olama,
 te dage e tşba pedalişibadi tama tiali.
 Eno te tiwai po dageba wainu ebao.
 Enaduba deligo naga eno te tigidali nai
 pedela silimainu ilali.
 Eno naga eno te dagalu me tş nigilama,
 te augwali bidabo pesageba munama,
 te megi elalubo dao.
²⁵ Eno te magi nai me deli te nosali pedelaibao po
 wabo bidi dabego po te homu kone tuş palama,
 tama te augwaligo po geda mueibao.
 Tama te mena şey aga nade konea pai bidigo po homu
 kone tuş palaibao.
 Te po page konea pai bidigo homu kolesaga te eno
 umuna palobo bidi tiwai pedalumainu ilibo dao. †
²⁶ Te eno şey bidigo magi şey yabo po me deli pusubo
 sogo,
 tama te şey nosali badu pedelaibao,

te po eno wabo sogo da,
teda eno te po mu naga pedalumainu ebo dao.
Te megi eno te tiwai po obao.
Te we bidi dabe te Jerusalemde ma bidigi pelama,
bidaibao.
Me te Juda dabego taun augwa ma nigaibao.
Te megi dolama elalubo hanu dabe
te eno ma wiegi yai nigilaibao.
²⁷ Eno te po wabo sogo, 'Tamu aji,
nage sula sao,' obaso da, teda aga te sula sabo dao.
²⁸ Tama eno te tiwai po wali,
ena digi eno te Sairus te Persia bagego king tiwai
nigilali,
te eno homugo emainu ebo sę tigidali agai emainu
homu yali.
Agai te po obaso, augwaligo te Jerusalem ma ni-
gaibao,
me augwaligo eno be sę yabo sę gagalaibao," te po
wali. †

Genuai Bidigo Sairus king pedalumainu nigilali

45 Genuai Bidigo te tiwai po wali, "Eno te
Sairus sa munama,
te Persia bulu tų kantri king pedalumainu yali,
te agabolo eno te gasa bulu tų kantri dabe ayaba
elaluama,
te gasa kingo bomu dabe silimainu yabo bomu
mawai.
Ena digi eno te taun obo sunumi dala palama,
te Sairus tomoba pelama, te taun somainu elali.
Te Sairusbolo eno te tiwai po wai dao,
² Te nage pabodu ena polasa peyu,
te bulu du pesage dabe me alula tagalama,
te doloba pai pesage nigilaibao.
Eno augwaligo te brasgo nigai genuai hanu sunumi
aluama,
te boma pai ba aingo te daų walali sunumi
te me aluama, dala saıwaibao.
³ Eno te mone nageba mayu,
te hani dabego te bidigo susayabo pesagede dualali
wiegi yai dila pai nai dabe te nageba mawaibao.
Tama tialima, te nago koneaibao,
ena naga Genuai Bidi da waibao.
Te nago koneyu, te Israelgo Godigo naga
te nago nogi olama,
te nage i wabo da homu koneaibao.
⁴ Te eno sę bidi Israel hani tau sagasao po olama,
eno nage i wali,
te Jekopgo hani we bidi te ena digi sa muani.
Mu tama, nago ena konesiawai,
tiali goli eno nage nogi olama,
te genuai nogi nageba mawai dao."
⁵ "Enaduba deli naga ena Genuai Bidi da,
te gasa god me bidibeo.
Sairus, nago ena konesiawai,
tiali goli te eno naga te bomu nageba mabo dao.
⁶ Eno tama tibaso,

† 44:28 2 Sto 36:23; Esr 1:2

te tigidali tų habu pedai we bidigo
te tiwai konemainu yali,
ena deli naga ena Genuai Bidi,
te gasa god munu me bidibeo.
⁷ Eno naga eno te po obaso, te be posoyu,
be huliyu ebao.
Te eno naga te we bidi bugagia bidimainu ebao,
te eno augwali te genuai sęę somainu yaibao.
Genuai Bidi eno naga,
eno te sę tigidali pedalumainu ebo dao."
⁸ "Dagalu, nage te dage pų dabe me,
dagego te wiegi yai sogo augwaliba ilibaso,
te tulubage tųba tulumainao.
Te augwa bugagia bidimainu,
te wiegi yai doloba pai kolesaga bomu elama,
pedalumainu ebao, te tųgo tulubage selama,
te gide nai dabe bugagia holobo tiwai emainao.
Ena Genuai Bidigo digi,
eno te sę dabe pedalumainu tebo dao," te po wali.

Genuai Bidigo naga te tigidali nai tonalubao

⁹ Mena bidigo te Godigo aga nigalide
wabo po wabo bidi da,
te bidigo kolesaga te umuna sai mu yali,
magi baso meni, da bidi te olo nai gagawai dao.
Da te tųgo nigibo sene pepeda pelama,
e tųde tedali munalua pabo tiwai elalubao.
Te tųgo nigibo senego te nigibo bidiba
te tiwai po hanalu,
"Nago magi nai nigibawe?" po wagawe? Menio.
Te tųgo te po wabo homu yaibao,
"Nago te nai nigibo konesiawai dao,"
te tobage po wabo usugowe? Mu menio. ††
¹⁰ Mena bidigo te aga aya idabolo te tiwai po hanalu,
"Te magi nai dage sigo ame nani dawe?"
te po wabo bidigo kolesaga te umuna sai mu dao.
¹¹ Genuai Bidi, Israelgo Wiegi Yai Doloba Pai Kolesaga
Mu Ebo God da,
te God agai te Israel deli hani we bidi pedalubo sę
ilali, agai te tama po wai,
"Te nosali pedelabo nai po wabode
dagego te eno ena wai puluba tonalubo sę po munu
me wagio,
te mena kolesaga te eno ena sę eyu,
wali pabo po me wagio.
¹² Eno naga eno te tų nigali,
te bidalubo we bidi dabe me nigali.
Te ena digi eno te giliga, me polua,
me hų dabe tonalubo dao.
¹³ Te eno digi eno te king Sairus hodolama,
te eno ena sę wiegi yai doloba pai emainu yali.
Te eno aga painu ebo sunumi tigidali dodolaibao.
Te agai eno taun Jerusalem ma nigimainu yaibao.
Te agai eno we bidi dabe kalabuside bidali
te olo tagala palama pomainu yaibao.
Te sę dabe ebo te bidigo aga me abeligobeo. Menio.
Aga olo mu sę yaibao.

†† 45:9 Rom 9:20

Ena, te Tigidali Bomo Elalubo Genuai Bidigo,
eno te po wai dao.”

¹⁴ Genuai Bidigo te po wai, “Te Isip t̄q kantrigo mone doado bage tigidali,
me te t̄q kantri Sudango doado bage tigidali me,
te dage Israelgo saibao.

Te boi bidi dabego te t̄q kantri Seba
bobobage bidi dabe te kalabus ilama,
te augwali dageba tagala palaibao.

Tama augwaligo nogo te sen dabego dunama,
augwali dage wali asu, te augwali dagego olo s̄q ebo
bidi dabe pedelaibao.

Te augwaligo dageba kidu sugunama,
tama wi eyu, te tiwai po waibao,
‘Mu tamao, God dage dali bidibao,’ waibao.

‘Aga deli naga te God mu,
te gasa god me bidibeo,’ waibao.

¹⁵ ‘Nage te Israelgo God,
nago te naga we bidi dabe ma sabo God dao,
te gasa we bidi dabede nage te naga digi geme du-
ala
selama elalubo dao.

¹⁶ Te tibo god piksa nigibo bidi dabe,
te augwali hale mu yaibao.

Awe, te augwali tigidali te hale ebo kolesaga tomoba
mu paibao.

¹⁷ Tiali goli, Genuai Bidigo dage Israel ma selama,
te sesemane sogo agai dage ugwaba igulama,
ugwa ela holomainu ilaibao.

Te dage gasa we bidi hani dabede munu ma hale me
is̄ama,
te dage sesemane sogo bugagia bidada peyu, bida-
da
paibao.’

Te Seba t̄q kantri bagego te tobage po waibao,”
Genuai Bidigo te po wai.

¹⁸ Genuai Bidi naga te God.
Agai te dagalu dali, t̄q dali si nigali bomu mu pedelali.
Agai te t̄q olo elalumainu nigibeo. Menio.
Agai te t̄q page bugagia dodolama,
tama tigidali nai tede elalumainu nigali.
Agai te tiwai po obao, “Enaduba deli naga ena Genuai
Bidi,
te gasa god munu me bidibeo.

¹⁹ Ena geme dualalu, digibulu me bidibeo,
ena te be hulua sai pesagede, digibulu geme me
dualalu, te eno po pusubeo.
Te eno ena we bidi dabe,
te Israel dabeba, te tiwai po weyu,
‘Dagego ena te olo bulu pesagede gegebo
s̄q odolali yao,’ wabeo. Menio.
Ena Genuai Bidi, eno te mu po naga pusubo dao,
te eno po tigidali dolo wabo dao,” wali.

Tigidali t̄qde we bidigo te Genuai Bidi dologode bidao

²⁰ Genuai Bidigo te tiwai po wali,
“Te tigidali t̄q kantri we bidi dabe, dage sisinagasīo.
Te hwjani sogode dolis̄ama bidalubo we bidi dabe,

dage tigidali te po t̄qba asīo.
Tama dego te tibo god piksa dali sela asobo bidi,
aga homu kolesaga mu meni ebao.

Aga te tibo godiba gedu haluasa po weyu,
aga tau somainu tiaibao,
tiali goli te god te bidigo nigo dulama naga nigali,
tama agai te bidi tau sabo usu me egobeo.

²¹ Dage tigidali we bidi, dage aselama,
dagego po te po t̄qba pusagasao.

Dagego duga haside digi hanalu, te gega suyu bolo
yao,
mena god mugo te polobadu mu po wali s̄q po te
megi tama pedalubo dawo?

Ena Genuai Bidi, ena deligo naga eno
te nai dabe pedelaiba po pusali.

Tama suao. Te gasa god munu me bidibeo.
Ena te doloba pai kolesaga naga ebo God,
eno te ena we bidi dabe ma dobola sabo God da,
enaduba deli naga ena bidibo dao.”

²² “Dage tigidali bulu t̄q habu we bidi dabe,
dage enaba asīo,
te dage bugagia bidaibao, magi baso meni,
enaduba deli ena God, te gasa god munu me
bidibeo.

²³ Ena Genuai Bidi, ena nogide digi
daide ugwadu mu po obao,
te eno pedauwalide wali po te me hasegelegobeo.
Eno te tama po wali, te t̄qde tigidali
we bidi enaba aselama,
te enaba kidu sugunagasaiabao,
te augwali tigidaligo ena dologode naga bidabo po
dāy waibao, te po wai. †

²⁴ Te augwaligo te tama po waibao,
‘Genuai Bidigo naga te da tau siyu,
te da dāy waliyu,
te doloba pai kolesaga ugwa igulama,
ugwa ela holomainu yaibao,’
te po augwaligo waibao,” wali.

Tigidali we bidi agaba asobaso,
te agaba haliga s̄q̄̄̄ ebo hani dabe
te augwali dwai hale mu yaibao.

²⁵ Tialima, te Jekopgo bulai hani w̄j̄ dabe,
te augwa ugwa ela holama,
te genuai nogi elalumainu elalide,
te augwa wiegi yai pemene Genuai Bidiba yaibao.

Genuai Bidigo bomu naga elalubao, te tibo god dabe olo piksa dao

46 ¹⁻² Genuai Bidigo te tiwai po wai,
“Dage Babilon dabego te Bel me Nebo si
nogi ugwaba sobao,
te si duga tibo god si elalubao,
te augwali si dagego tolasa,
te genuai lotu wabo side sabilibao.
Tiali goli, te augwali sigo genuai nogi te sia saibao,
te dagego te tiwai sueibao,
te augwa digi tau sabo bomu meni yaibao.

† 45:23 Rom 14:11; Fil 2:10-11

Te boi bidi dabego te Babilon taun dolagasobaso,
te dagego augwali si te donki dabede kęnaibao.
Te donki dabego te hobedagia,
te augwali si te kalabus dage dali
sela pabo sę dene yaibao," te po wai.
3 "Tialima, dage dwasianu Israel te bidibo hani,
dage te Jekopgo hani, dage hani eno selama,
te bugagia negeyu tonaluali,
te dage gesi hani we bidi pedelali sogo gagalasa,
tama tiali, dagego odao.
4 Ena duga God dao, te eno dage tonalua pidubadi,
te dage monu dabe eboba usu nama,
te ayadeba nisi elaluaibao.
Ena digi eno dage deli hani we bidi pedalumainu ilali,
te sesemane sogo eno dage auęlu, te tonalu,
te dage ma dobola saibao."
5 "De mu ena tiwai dawę?
Te dagego eno kolesaga te de dali mu dagalaibawe?
Te eno kolesaga tiwai gagawai ebo bidi deli bidiba,
agawe?
6-7 Tiali goli, bidi mebago te gol me
silva hauwa pesage holama,
te augwa tibo god piksa nigainu dagalaibao.
Tialima, te nai dabego te augwa tibo god nigali.
Tialima, augwa te tibo god augwa nageba munama,
te tolasa pelama, te augwa muabo
nigilali pesageba mugı pabo dao.
Augwa teba kidu sugunama, lotu wabo dao.
Te tibo god te mugı pali pesage delide naga munalu-
ali,
magi baso meni, aga digi te gasaba bilabo usu
isęwai.
Te agai te bidi dabego aga gedu haluasa po weyu,
i wabo wei ponabo usu meni yai,
agai augwali te dwai sogode
tau sabo me usu egobęo. Mu menio."
8 "Dage hagoma eyu, po sela sębo bidi dabe,
dagego eno te pusubo po bugagia homu kone
palao.
Tama tiyu, te dage bomo elama, dolalueibao.
9 Tama dagego eno te polobadu mu
yali sę homu kone palao,
magi baso meni, enaduba deli naga ena te God,
te gasa god me bidibeo.
Ena naga ena God, te ena tiwai god me bidibeo.
10 Te magi deli me pedalisębadi,
eno te tama sę pedelaibao po weyu,
te mena tama siligi pabo po waibao.
Polobadu digi eno te sę pedelabo po olama,
tama nosali te nai dabe te eno po wali gilama pede-
laibao.
Te eno mena sę me deli yainogo da,
teda te sę eno eyu naga yaibao.
Te magi nai me deligo eno te sę yabo sunumi
me paligobęo.
11 Eno te giliga pedalubo badu bidi me deli
asao olama, i wali, †
agai te ba kęmodage bola asobo tiwai yaibao,

te agai eno yabo homu yali sę yaibao.
Eno te sę yao po walio,
te eno po wali tiwai gilama te tama pedelaibao.
Te eno yaibao olama, dę ilali sę, eno te sę ebo dao."
12 "Dage hagoma bidi dabe, eno po odao.
Dagego homugo te eno dage sa munama,
ma saibao wali sogo,
te digibulu elaluba homu eba, agawe?
13 Menio. Te pęba pedelalio.
Te eno munu ma tonalugobęo.
Te eno dage Israel dabęba boi bidi ebo
bidi dabęba dene mu menama,
te dage bugagia ma bidaibao.
Te Jerusalem taun me wiegi yai bugagia ma ilaibao,
te eno ena genuai nogi me bomo te dage Israel
dabe
tomode hania pepeli diliba pedalumainu yaibao,"
wai dao.

Genuai Bidigo te Babilon dolaibao po wali

47 Genuai Bidigo te tiwai po Babilonba wali,
"Babilon, nago genuai nogi mu elalubo,
te kwin we aga sia kingde dugulalubo tiwai ebao.
Tama nage te gesi wegı bidigo sisęwai
bugagia mu bidibo tiwai ebao.
Tiali goli, megi da, te nage sia kingde
bidali tagalama,
te nage olo tę bulude dugulalueibao.
Te nago tigi te polobadu elaluali tiwai gilama
sawi yai me elalugobęo.
Tama te bidi dabego nage te au bugagia elama,
bilibo ma sugobęo.
Mu meni yaibao. ††
2 Te nage olo mu sę ebo we tiwai gilama sę yaibao.
Te nago tobolude ugwadu banualuali ugwa nami,
me te nago sawi yai ugwa dabe me dagala sęnama,
nago te wit halubo masigi dabe hogogo belebo sę
yao.
Tama nago gudali ugwa sugua selama,
te aę dabe nogwaibao.
3 Te bidi dabego nago ugwa peda sęnama,
te nago habu olo elalueibao.
Te eno nageba dwai dene wei ponabo sę mu ebaso,
te mena bidigo ena me togologobęo," te po wali.
4 Te Israelgo God, te agai da tudi badu pogwalu
ma dobola sabo bidi,
aga te Wiegi Yai Doloba Pai Kolesaga Mu Ebo God
dao.
Agai nogi da, te Tigidali Bomo Elalubo Genuai Bidi
dao.
5 Genuai Bidigo Babilonba te tiwai po wali,
"Babilon, nago te naga pedauwali pania selama,
te be hulıa sai pesageba duagi pao,
magi baso meni, te gasa hani we bidigo nageba
te nogi munu ma wasięyu,
'Te tigidali bulu tę kantri kwin da,' po me wagobęo.

† Te "giliga pedalubo badu bidi wali," te king Sairus dao. Te po te
Dę 41:2-3, tede elalubo suao. †† 47:1 Rom 14:11; Fil 2:10-11

6 Eno wado po dwai mu te ena we bidi dabeba wali,
te eno augwali te ena we bidi da
te tiwai homu kone munu ma ebeo.
Te eno nage aselama, augwaliba dwai şe
yagasomainu ilali,
te nago augwaliba homu dene
dwasianu me ebeo. Menio.
Nago augwaliba dwai dene mu ilama,
te augwaliba genuai şeşę mawai.
Te nago monu dabeba me te augwali
genuai şeşę mu tolomainu ilalio.
7 Nago homugo nage te kwin sesemane
sogo bididuaiba homu yali,
tama tiyu, nago te nageba nosali pedelabo şe te
bugagia homu kone palobeo.
Mu tama, tede nago homu kone palobeo.”
8 “Nage te wiegi yai sogo naga gegelama bidabo ho-
mu
ebo we, te po odao.
Nago homugo nage bugagia bidaiba homu eyu,
te dwai şeşę nageba me pedalugobe da homu elama,
te
naga digi nago te po wali, ‘Enaduba deligo eno
tigidali bomu elalubao,
te ena tiwai gasa me meni,’ wali.
‘Te ena te tiwai we, te aga bidi isama,
te aga wai puluba me isai,
te tiwai me pedalugobeo,’ homu yalio.
9 Tiali goli, hobede ya, te deli sogo naga te şeşę si
nageba pedalaibao.
Naga bidi dali, naga wai puluba tigidali me,
te deli sogo naga isaibao.
Nago te naga digi naga tonalubo haniani
bomai pobi po elaluba homu yaibao,
tiali goli te pobi pogo nage tau me sogobeo. Menio.
Te dwai şego isaboba kegebao.” †
10 “Nago tama homu yali, te naga dwai kolesaga
dabego te nage daşę walama, bidaiba homu yai.
Tama nago homugo te nago ebo şeşę
te bidi dabego sube da homu yai.
Te nago koneani tobage hauwa kolesagago,
te nago homu kone tuşę palama,
te nagaba digi nago te tiwai po wali,
‘Enaduba deligo naga tigidali bomu elaluba,’ homu
yali,
‘te ena tiwai gasa me elalubeo,’ wali.
11 Tiali goli, te dwai sogo mu nageba pedelaibao,
te nago geda muabo bomu meni yaibao.
Deli sogo tama mu te dolabo genuai şeşę nageba
pedalubaso,
te magi şeşę me deligo nago te dolobo şeşę paliabo
usu meni yaibao.
Te dwai nai dabe te nago homugo
nageba pedalugobe da homu yali,
te pedaliyu, nage mu dolaibao.
12 Wiegi yai da, nago te haniani bomai pobi usu sidu,
te nage gesi sogo gesi tigi elalubo

sogo usu selama, konea sali.
Te augwaligo nage tau sabo homu yali.
Te augwaligo nago boi bidi dabe wi ilama,
wi paibao homu yali.
13 Te kolesaga koneani bidi hauwago
te nageba homu kolesaga mayu,
te nago homu mu daşę walali.
Tiali goli, nago te kolesaga koneai bidi dabego
te hõba tonomainu i ola suali,
te bidi dabe te tigidali poluade nageba aselama,
te nageba mena şeşę pedelabo po wali.
Te augwaligo nage tau sabo homu egobewe?
14 Tiali goli, menio.
Augwali te sasia pai nosai tiwai elalubao,
te nage dolainu ebo siago te augwali tigidali daibao,
te augwa digi augwa tau me sogobeo.
Mu tamao, nago homugo nage te isi pãba duagi pela-
ma,
sia gogo naiba homu me egobeo. Menio.
Te siago nage tigidali daibao.
15 Mu tamao, nageba te homu kolesaga mani bidi
dabe,
te nage gesi tigi elalubo sogo
te bidi dabego nage tau sali bidi dabe,
te augwali homu kolesaga umuna palama,
te me deligo nage tau me sogobeo,”
Genuai Bidigo te po wai dao.

Bidi dabego God deliba naga genuai nogi maişo po wali

48 Dage Jekopgo hani dabe, dage we bidi nogi
Israel elalubao,
dage te Judago bulai waişo wai dabe, dagego odao.
Dagego po daşę waliyu, nogo guni sisu muyu,
dagego te Genuai Bidigo nogide
mu po dao po wabo dao.
Tama dagego te tiwai po weyu,
dagego te Israelgo Godiba lotu obao po wali,
tiali goli dagego aga dologoba mu pelama,
te doloba pai me ebeo wali.
2 Tama duga digi duga nogi ugwaba siyu, te po weyu,
dage te God aga digi sa muyu, aga da wali,
te taungo hani we bidi da, po wabo dao.
Tama dage te Israelgo Godide
tau mabo sainu tonalubo dao.
Aga nogi da, te Tigidali Bomo Elalubo Genuai Bidi
dao.
3 Agai e tiwai po dage dali elalubao wali,
“Polobadu mu eno te po dageba pusuyu,
te nai dabe pedelaibao po wali,
tama eno polo naga tama te şeşę dabe
pedalumainu ilali.
4 Magi baso meni. Eno te tiwai bugagia koneani,
dagego tobolu te masigi me ain dila pai tiwai elalu,
tama dagego eno po wali me pişawai dao.
5 Tama tialima, polobadu mu eno te dageba pedelabo
nai po hanilama pusali, tiyu dagego te po waidali,
te dagego tibo god dabego,

† 47:9 Ped 18:7-8

te piksa dabe dagego te nigo me aingo nigibo nai dabego te nai dabe pedalumainu yali da po waidali," te po wai.

⁶ "Te nai dabe te eno polobadu te pedelaibao po wali, te augwali pedalubo dagego سوالو.

Te megı dagego te tama po waiya, 'Genuai Bidigo mu po wabo da po wao.'

Tialima, megı te eno dageba te gesi noma nai pedelali

po obao,
te geme dualaluali nai dabe,
te nai po eno polobadu me wabeo.

⁷ Megı eno te po obaso,
te gesi noma nai mu pedelaibao,
te polobadu me pedalisiawai nai dabe.

Tama te nai te dagego munu me konesiawai, tama dagego te tama po me wasiama, dagego te nai dabe koneai da po me wagobeo.

⁸ Eno te tama koneani, te eno galalama, dage te deli hani we bidi pedalumainu ilali sogo, dage te po sela sayu,
hagoma ebo hani mu pedelali.

Tama tibaso, eno te nai dabe po dageba hanilama, me pusubeo."

⁹ "Eno dageba haliga şebę mu elama, eno dage silabo homu yali,
tiali goli sesemane sogo eno ena genuai nogiba homu kone palama,
te eno haliga şebę homu aiyaba tamugulali, te we bidi dabego eno nogi ugwaba somainu tiai dao.

¹⁰ Eno dage wiegi yai pedalumainu homu yali, tialima eno dage te siaba me ulusiama, te bidi dabego silvade ebo tiwai eyu, te aga meda yali sela şawainu ebo tiwai ebeo. Menio.

Eno dageba te haniani şeęę pedalumainu ilali, te dagego dwai kolesaga ebo tagalomainu yai dao.

¹¹ Eno ena genuai nogiba homu kone palama, eno te kolesaga dageba yalio.

Eno homugo te bidi dabego eno nogi elaluama, begela dolidali homu elama, te gasaba genuai nogi me magobeo. Menio. Augwaligo te ena deliba naga genuai nogi momaino-

go ebo dao," te po wali.

Genuai Bidigo naga te Sairus sa munama, te agai te boi bidi aiyaba elalumainu ilali

¹² Genuai Bidigo te tiwai po wai,
"Dage Israel, eno i wali we bidi dabe, dage Jekopgo hani dabe, dagego eno po odiąo. Enaduba deli naga God dao.

Ena polasa mu bidai, te nosali ena sabi badu nosali mu elalueibao. †

¹³ Te ena nogogo digi eno nigilama,

te tų page eno daų walali,
te eno dolo nogogo te dagalu diniginama, elalubao. Eno te dagalu de tų si i wabo sogo,
te polo tama augwali si aselama,
te eno geduba dolagasobo dao," wali.

¹⁴ "Dage tigidali, dage sisinagaselama, eno po odao. Te tibo god me deligo dageba

te tiwai po me pusai menio,
'Te Genuai Bidigo godolo homu mu ebo bidi te aselama,

te Genuai Bidigo şę yagasu, te Babilonba hwjaibao. Te aga bomogo digi, Genuai Bidigo te Babilon dabe aiyaba elaluaibao,'
te tibo god me deligo te po wabe.

¹⁵ Menio. Ena deligo naga eno dageba weyu,
te bidi asaibao po wali.

Ena digi eno aga asao olama, i wali. Te eno aga odasa aselama,
te agai te boi bidi dabe aiyaba elalumainogo yai dao," wali.

¹⁶ "Megı da, dage ena paąba aselama, eno po odiąo. Polobadu digi gagalasa asali, megı sogoba usu naga-

su,
ena te sesawai pesagede game dualalu,
augwaliba te nai pedelaibao po pusubeo. Menio. Te şę dabe pedalisiabadi, eno te tonalu,
te şę mena tama pedelabo te eno digi dodolobo şę yali," te po wali.

God Genuai Bidigo aga bomo yai mobo bidi dali ena tagala palai dao. ††

Genuai Bidigo aga we bidi dabe bugagia wiegi yai ilabo sisilama elaluali

¹⁷ Genuai Bidi, aga te Israelgo Wiegi Yai Doloba Pai Kolesaga Mu Ebo God,
aga te dage tudibadu posolalu, te dage tau sabo bidi,

agai te tiwai po wali,
"Ena Genuai Bidi, te duga God dao. Sesemane sogo eno te doloba pai kolesaga dagego wali

peyu,
dage bugagia bidimai hagede ola mabo dao.

¹⁸ Te dagego eno po odigi sogo da,
teda dage bugagia megı bidiyu,
te sesemane sogo dagego bidabo ula te wiegi yai pemene ebo paąanalugi da,
te aį sesemane sogo sodu, te sula sisabo tiwai igi da. Te dagego doloba pai kolesaga te bomo elama, sesemane sogo pedaludu, te tamu aį nambisde peda pabo tiwai igi da.

¹⁹ Te dagego wai dabe te hauwa mu,
te nambis aį masigi kemi sane tiwai pedeligi da.

† 48:12 Ais 44:6; Ped 1:17; 22:13

†† Te dago konesiawai, te dego mu te Godigo aga tagala palai da po wali. Bidi mebago homugo tiali te profetgo po da homu yali, te mebago homugo te Genuai Bidigo şę bidigo po da wali. Te Daj 42:17, te mebago homugo te king Sairusgo po dao, te homu yai dao.

Te eno augwali bugagia tonalu,
te augwa nogi te e tde mu sia sigi menigi da,“ te
po wali.
²⁰ Dagego te t kantri Babilon tagalama,
tama te bulu we bidi dabede wi soao.
Te duga pemene elama, genuai po daa weyu,
te tigidali t habuba po tagala palu, te tiwai po wao,
“Genuai Bidigo te aga s bidi Israel ma dobola salio,“
po wao. †
²¹ Polobadu, Genuai Bidigo aga we bidi dabe te bulu
t wa pai pesageba odasa pali,
tiali goli augwali w nogonego me isibeo.
Menio.
Agai te masigide a pedalumainogo ilali.
Agai te masigi dalama,
te a buluba asobode te augwa tuali.
²² Genuai Bidigo te tiwai po wali,
“Te dwai kolesaga ebo we bidi dabe,
te augwa bugagia wiegi yai bidabo sogo me
gegegobeo,“ te po wai dao. ††

Genuai Bidigo s bidi te tigidali t kantrigo ula tiwai bidaibao

49 Dage te bulu t kantri pade, me digibulu
bidalubo we bidi dabe, dagego eno po odiao.
Te idago ena ame nisabadi, te Genuai Bidigo ena sa
muyu, da ilama,
enaba te nogi mawai dao. ‡
² Te agai ena sisi ilama, te eno po bugagia miyu,
te eno pogo te we bidi dabego haligade mu enama,
te bainat poai tiwai mu yaibao wali.
Te agai nogogo ena bugagia geme dualali.
Tama agai ena te poa pai ene mu tiwai te polama,
muani tiwai yai dao. ‡†
³ Te agai te tiwai po wali,
“Israel, nage eno s bidi da.
Te nagede naga, te eno bomomo,
me eno genuai nogi te tigidali
we bidiba ola mawaibao,“ wai dao.
⁴ Tiali goli, eno enade digi te tiwai po obao,
“Eno s dene mu elama, te eno bomomo tigidali sia
salio.
Tiali goli, te nai me pedalisiama,
te ena odolali s dene yalio.”
Tiali goli, tagalao, Genuai Bidigo te eno yali sde
koneama,
tama eno tede sabo nai aga nogode elalubao.
Awe, te eno Godigo ena te s yalide
wei ponabo nai sisi elama, munolubao.
⁵ Genuai Bidigo ena te idago haligade sa munama,
te ena agai s bidi bidimainu yali.
Te agai te po enaba weyu, te Israel dabe sisinama,
te augwali agaba odasa asomainu yali,
magi baso meni,
God eno Genuai Bidigo enaba te genuai nogi mena-
ma,

† 48:20 Ped 18:4 †† 48:22 Ais 57:21 ‡ 49:1 Jer 1:5 †† 49:2
Hib 4:12; Ped 1:16

te aga digi ena bomomo mawai.
Te megidi da, Genuai Bidigo enaba te tiwai po walio,
⁶ “Hasiabolo eno nageba
te boi bidi dabego ela musiawai Jekopgo hani dabe
ma hodolabo s mawai.
Eno te Israel bage meba hagea sai dao,
tama eno nageba te augwali sisinama,
enaba odasa asabo s mawai dao.
Tialima, te s ebogo te nago bomomo de me sogob-
eo.
Eno te gasa s me mawaibao.
Eno nage te Israel hani isawai we bidi hani tigidaligo
sole ula tiwai nigaibao.
Awe, naga te eno te tigidali bulu t habu
we bidi ma dobola sabo s yaibao,“ te po wali. ‡#
⁷ Genuai Bidi, aga te Israelgo Wiegidi Yai Doloba Pai
Kolesaga Tigidali Mu Ebo God dao,
aga te Israel tudibadu posolalu, tau sabo bidi
elalubao,
agai te po aga s bidiba wali.
Aga da te gasa we bidigo godolo homu isabo bidi,
te gasa bulu t kantri we bidigo te aga dwai nai mu
tiwai tonani,
te aga te genuai bidi dabego olo s ebo bidi tiwai
bidali.
Genuai Bidigo te tiwai po wali,
“Te king dabego nage sulama,
te augwali dolagaselama,
te genuai bidi dabe augwa gesabidi
te tba basigulama,
te nageba genuai nogi mayu tiaibao.
Augwaligo tama tebo, magi baso meni,
ena Genuai Bidi, te Israelgo God,
ena te Wiegidi Yai Doloba Pai Kolesaga Mu Ebo God
da,
nage sa muani, te eno s emainu yali,
te eno da wali po te eno me bologobeo,“ wali.
⁸ Genuai Bidigo aga s bidiba te tiwai po wali,
“Eno digi eno nage ma selama,
te nage wiegi yai ilabo sogo bodolu muani,
te sogo mu dolo eno nago i wabo odolama,
nage tau saibao.
Te nage eno bugagia tonaluaibao,
te nagede naga eno te tde we bidi tigidali dali
bomomo yai po da waibao.
Tama eno te Israel t kantri wiegi yai ma ped-
alumainu
ilaibao,
tama te Israel hani augwa te megidi olo elalubo tde
ma bidaibao. ‡††
⁹ Te eno te kalabuside bidibo,
me be hulua side bidibo bidi dabeba
te tiwai po weyu, ‘Asao,’ po waibao.
‘Dage te kalabus tagalama, olo mu bidaibao,“ te po
wali.
“Tama augwa te kalabus tagalama, augwa tba ma
asaibao.

‡# 49:6 Ais 42:6; Luk 2:32; Tpi 13:47; 26:23 ‡†† 49:8 2 Ko 6:2

Te augwali sunumidu pebelayu, me bulu dudu pa-bode,

te augwa tubo nai hauwa elalueibao.

¹⁰ Te augwali nai me, wę me sęą pogobeo,

te posolai giligago me waligo

te augwali tigi posolo me egobeo.

Magi baso meni, te augwali olo mu tau mabo wiegi yai

kolesaga ebo bidigo te augwali bugagia tonalu,

te sipsip tonalubo bidigo te sipsip dabe

te nosai hauwa elalubo pesageba,

me wiegi yai wę elalubo madiba

odasa pabo tiwai gilama ebo dao." †

¹¹ "Te eno nigali bulu du dabe te pepedama,

dodolaibao, te eno ena genuai sunumi

pedalumainu yaibao.

¹² Tialima, eno te digibulu bidalubo we bidi dabe,

te not badu me, te giliga dega sigulubo badu me,

asaibao.

Te augwali te taun Aswan badu me asaibao," wali. ††

¹³ Dagalau, nago te wiegi yai homu pemene eyu, i wao.

Te tų, nage pemene elama, genuai po daęą wao.

Dage bulu du dabe, dagego me

te pemene ebo balia wao.

Magi baso meni, Genuai Bidigo olo mu

tau mabo wiegi yai kolesaga aga we bidiba ebo dao.

Augwa te sęę hauwa tolali, tiali goli, megi da,

Genuai Bidigo augwaliba wiegi yai sę elama,

te augwa haliga dua tamugulama ma bidaibao.

Genuai Bidigo te we bidi dabe te Jerusalem taunba ma odasa asaibao

¹⁴ Te Jerusalem we bidi dabego te tiwai po wali,

"Genuai Bidigo da tudi ola mobao,

te agai da homu kone mu gegeda palobao," wali.

¹⁵ Tiali goli, Genuai Bidigo augwaligo

po wei ponoyu, te tiwai po wali,

"Te idago aga digi ame nai wai homu kone ebo tagalama,

te agai aga te ame mani wai

homu dene ebo meni da, agawe?

Te ida me deligo tama me tiabo homu yali goli,

eno dage homu kone palobo me tagalogobeo.

Mu menio.

¹⁶ Jerusalem, eno nageba homu kone ebo me gegeda palogobeo.

Eno nage noma bidi piksa nigali,

tama eno nogo sawali si daide

nago nogi dali piksa dali si aşani.

Te sesemane sogo eno sulama,

nage homu kone palobo dao.

¹⁷ Te nago wai dabe ma asaibao,

te hanigo dabe nage dolali,

† 49:10 Ped 7:16-17 †† Tede te po wali, te Hibru pogo te po wali "Sinim," wali, tiali goli te bulu te menade mu elalubo, te dago konebeo. Bidi hauwago te homu yai, te profetgo te taun Aswan po olama wali homu yai, te taun me deli te Isip tų kantri te saut badu elaluai dao.

te augwaligo nage tagalama, wi paibao.

¹⁸ Nago tobolu ugwaba sagulama, tonono bilao,

te nago naga wai dabe deliba sisinama,

te nageba asobo sueibao.

Ena Genuai Bidi, ena sesemane sogo bidibao,

eno mu po obao,

te nago wai dabe te nago au yabo

nai dabe tiwai elalueibao,

te we bidiba painu te sawi yai ugwa

au ebo tiwai elama elalueibao."

¹⁹ "Awe, nage mu dolobaso, olo bidali.

Nago tų te dwai madi pedelali.

Tiali goli, megi da, te wai dabe te nageba paęana

sagaselama, te nago tų augwali usu egobeo.

Te nage dolali hani, te nagede digibulu mu bidaibao.

²⁰ Nago te wai dabe te nago we bidi dabe kalabaside

digibulu bidali sogo pedelali,

te augwaligo nageba te tiwai po waibao,

'Te tų dwasianu mu dao.

Dago bidabo tų dwasianu mu dao.

Dago bidabo tų pedai genuai tų sabo homu ebao,'

waibao.

²¹ Te nago nagade digi te tiwai po waibao,

'Dego enaba te tigidali wai maniwe?

Eno wai dabe te hagawai,

te eno wai ma ame nogobeo homu yali.

Te boi bidi dabego ena kalabus elama, sela pali.

Dego mu te wai dabe ame nenama, negeduama,

te genuai eboba usu naniwe?

Enaduba deli bidai, tiali goli te wai dabe

menadu asela wai dawe?'

nago te po hanalu waibao,"

God Genuai Bidigo te po wali.

²² God, Genuai Bidigo

te taun Jerusalemba te tiwai po wali,

"Eno te daę me deli dodolama, te eno nogo me,

te daę me deli tiwai ugwaba siyu,

te gasa tų kantri Israel hani

isųwai we bidi dabego sulama,

te nago wai dabe ma sela asomainu yaibao.

Te nago wai dabe te augwa nagede auwasa,

tama sela asaibao wali.

²³ Te king dabego, me kwin dabego,

te nago wai dabe negeyu,

te augwa aya idago ebo tiwai yaibao.

Augwa kidu sugunama,

te augwa tobolu te nago saęą page tųba basigula-

ma,

te nageba genuai nogi mayu tiaibao.

Nago te tiwai koneyu, ena tama te Genuai Bidi da

waibao.

Enaba homu kęą pelama,

te eno augwali tau somainu tonalubo we bidi,

te augwali odolali me tonalugobeo,"

God Genuai Bidigo te po wali.

²⁴ Te bomai boi bidigo hwęagaselama,

te bidi me deligo hani kalabus elama, te aga wiegi

yai doado bage sali,

te aga hani dali, te aga doado bage dali, ma saiba, agawe?

²⁵ Tiali goli, Genuai Bidigo Jerusalemba te tiwai po wali,

“Mu tama, te eno nago hani dali ma siyu, te nago wiegi yai doado bage te bomai boi bidi dabe me te dwai king dabego nogode ma dobola saibao.

Eno te nageba hwjani bidi dabeba te hwjbo wei ponaibao,

te eno nago wai dabe ma saibao.

²⁶ Te eno nago boi bidi dabe augwa haside digi tomode hwjmainu yaibao.

Te augwa hasi digi elebo şe umabo eyu, te bidi dabe te wain wę tulama, geę page ebo tiwai yaibao.

Tama te tęde we bidi tigidaligo eno te ebo şe sulama, te augwa te tiwai koneaibao,

ena naga ena te Genuai Bidi da homu yaibao.

Ena te ena we bidi ma sabo God dao, te eno nage tudibadu posolalu, tonalu, te nage tau siyu ebao, ena te Jekopgo hanigo bomai God elalubo dao,” wali.

50 Genuai Bidigo te Israel we bidi dabeba te tiwai po wali,

“Taun Jerusalem te duga ida tiwai elalubao.

Dagego homugo eno aga tudiba mubao homu eyu, te bidigo we sabo kolesaga bolama, te sai we mu sela şabo tiwai homu eba, agawe?

Te dagego tama homu ebaso da, teda te tama po wali pepa mena elalubawe, eno aga mu sela şawaniwe?

Tama me, te eno bidi me delide negeli sali me elalubeo.

Te tama homu dagego magi baso ebawe, eno wai dabe eno dage te gasa bidi dabeba te olo şe ebo bidi tiwai ilama, tagala paliyu, eno te negeli sali dodolabo mone saliwe? Mu menio.

Te dagego dwai şe hauwa ena haliga şebę ilibaso, eno te Jerusalem tudiba munama, tama eno dage te gasa bidi dabego nogoba muai dao.”

² “Eno dage gegagasali sogo, magi baso eno te bidi me deli bidibo subewe?

Te eno dage i wali sogo, magi baso dagego eno i wali wei ponobewe?

Dagego homugo te eno dage ma sabo bomo meni da homu yali da, agawe?

Odao. Eno te po obaso, te tamu aj tigidali mu sula saibao.

Eno te po obaso, te genuai soabo aj te masigi sane olo elalueibao.

Te şuęę dabe isilama, kugumini dwai yaibao.

³ Tama eno te dagalu me sisi mu emainu eyu, te aga bidi isaide te wego homu dene ebaso gudubo ugwa tiwai yaibao.

Mu tama, eno te tobage şe yabo homu elalubao,” Genuai Bidigo te po wali.

Te bidi dabego Genuai Bidigo şe bidiba dwai şe yali po wali

⁴ God Genuai Bidigo enabolo te wiegi yai po wabo kolesaga ola mawai, tama eno te wiegi yai po te bomo meni yai we bidi dabego haliga daę walu, waibao.

Tigidali sogo kigamude agai enabolo te wiegi yai gesi şe po ola mawainu ebo po odabo homu godolo mu ebo dao.

⁵ Genuai Bidigo eno olo dalama, te agai po odomainu yali, te eno agade hagoma eyu, te agai enaba mawainu ebo şede te habu bulu me kilasa pabeo.

⁶ Ena te bidi dabego keloago tudide elama, eno penane nisi gudumainu yalio.

Te augwaligo enaba dwai posobo po weyu, eno gesabidiba pesa şayu yali, eno ena gesabidi te augwaliba dualubeo. †

⁷ Te augwaligo dwai po wabogo ena aiyaba me elalugobeo, magi baso meni, God Genuai Bidigo ena tau sabo dao.

Te ena digi ena daę walama, te ena şe yali.

Eno te tiwai koneani, eno ebo şede te ena hale me sogobe homu ebao.

⁸ God paęde bidiyu, te agai te po waibao, eno dwai şe me ebeo.

Te bidi me deligo ena po tu ilabo homu eba, agawe?

Teda agai ena te po tuęba odasa pelama, te agai ena po tu ilabo po pusumainao wali.

⁹ God Genuai Bidigo ena tau siyu, tama dego te po weyu, eno dwai şe me yalio waibawe?

Ena po kisilama wali hani bage, augwali te ugwa asobago togolama silibo tiwai mu yaibao. ††

¹⁰ Dage te Genuai Bidi dologoba pelama, te agai şe bidigo po wali pabo hani dabe, dage wi me igimio.

Te dage hulide biliyu, te dage ula meni yai, te dage konealubo homu Godiba daę wao, te Genuai Bidigo dage tonalu, agai dage tau saibao.

¹¹ Tiali goli, dage te Genuai Bidiba konealubo homu daę wasiębo hani dabe, te duga digi isi ula ilama, te dage be hulia side bidibo bage, dagego te sole dabe domonama, tego duga pabo sunumidu te sole uladu pao.

Tiali goli, Genuai Bidigo te dage bidigi pabo pesage daę ilali, te genuai dene sabo pesage dao.

† 50:6 Mat 26:67; Mak 14:65 †† 50:9 Rom 8:33-34

Te we bidi dabego Genuai Bidigo bomode konealubo
homu daꝓ wao wali

51¹⁻² Genuai Bidigo te tiwai
po wali,

“Dage te eno homu kolesaga wali pabo sę dene eyu,
te doloba pai kolesaga ebo hani dabe,
dage eno po ođiāo.

Dagego te Abraham de Sarai siba ma homu kone
palao,

aga te duga wai aya monu,
me duga ida auwa mosi si dao.

Augwali si te dage hani bulali wai nę mu dao.

Te eno Abraham i wali sogo, aga wai meni yai,
tiali goli eno augwali siba te wiegi yai sę bugagia ela-

ma,

te augwa si wai elalui,
tama augwali sigo hani wai dabe
te genuai hani we bidi mu pedelai dao.”

³“Ena Genuai Bidi, eno te Jerusalemde
homu dene mu yali,
te taun dolai elaluali, te eno agai sęęę tigidali sia
somainu yaibao wali.

Megi te olo masigi sane pesage elalui,
tiali goli eno te wiegi yai sę hauwa pedalumainu
elama,

tama te tonobo gasa sawi mu eyu,
te eno nigali Iden gi tonobo tiwai yaibao.

Te wiegi yai homu genuai pemene ebo
pesage pedelama,

te sesemane sogo aga we bidigo
te enaba usu da wabo balia po waibao.”

⁴“Dage eno we bidi dabe, eno po odao.

Eno te wiegi yai bugagia bidabo
kolesaga te tigidali hani we bidiba ola mayu,
te eno te po tų dodolobo
doloba pai kolesaga te tigidali bulu
tę kantride ula tiwai elalueibao wai dao.

⁵Te eno augwali tau siyu,
ma sabo sogo, te paċa pedelalio.

Te ena bomogo digi eno te tigidali
tę kantri tonalueibao.

Te digibulu bulu pesage we bidigo
te eno bomoba homu daꝓ weyu,
te eno augwali tau sabo tonalueibao.

⁶Dagego te dagaluba ugwaba tonoyu,
te tęba aiyaba tonoyu yao.

Te dagalu tigidali te hano sia sabo tiwai mu yaibao,
tama tę te gudubo ugwa dolobo tiwai yaibao.

Te tigidali we bidi te dinai sibi isila pabo tiwai yaibao.
Tiali goli, eno te we bidi tau siyu, ma sabo kolesaga,
te sesemane sogo elalua pidubadi,
te me sia sogobeo,” wali.

⁷“Dage te doloba pai kolesaga bugagia koneama,
te eno bomo yai po daꝓ ola sabo hani dabe,
dage te bidi dabego dwai po weyu,
dage dolobo po obaso, te dage wi me igio.

⁸Te hani dabe te ugwa asobago tologolama,

te silibo tiwai eyu dolaibao.

Tiali goli, eno te we bidi dabe tau siyu
ma sabo kolesaga, te me sia sogobeo. Menio.
Te sesemane sogo elalua pidu elalueibao,” wali.

⁹Genuai Bidi, nage hogodao.

Nage hogodama, te nage genuai bomo dali asela-
ma,

te da tau sagasao, te nago polobadu yali tiwai yao.

Nago tama nago te Rehap enani,

te tamu aċide bidali moni hasamani,

te nago dwasianu dedelege miani.

¹⁰Nago tama nago te tamu aċ sula somainu ilama,

te sunumi tomodu pedelali,

te nago ma sali we bidi dabe soabo sunumi nigilai
dao. †

¹¹Te naga ma sali hani dabe tau sali,

te augwa wiegi yai pemene elama,

te Jerusalemba ma aselama,

te augwa balia po weyu,

genuai po daċa te sunumidu ola asaibao.

Te augwa bugagia mu bidiyu,

te augwa pemene umabo mu yaibao,

augwa te pemene ebo me sia sogobeo.

Te dene me haliga sęęę augwali dali me elalugobeo.

¹²Genuai Bidigo aga we bidiba te tiwai po wali,

“Ena digi eno dagego haliga daꝓ walama,

te dagego tigidali sęęę sia somainu ilibo dao.

Tama magi baso dage te gasa

bidi dabede wi ebo dawę?

Augwa bomo me elalubeo.

Tigidali bidi isama,

te nosai polo sia sabo tiwai gilama ebo dao.

¹³Te dagego Genuai Bidi, enaba homu

kone gegeda palali homu yali.

Eno tama eno dage nigali.

Eno te dagalu aga pesagede muani, te eno nigilama,

eno te tę page daꝓ walali.

Magi baso dage te elaluama,

te dolainu ebo dwai bidi dabede wi ebawę?

Te bidi dabego dageba magi sę me egobeo.

Augwa haliga sębę te odolali silaibao.

¹⁴Te kalabuside bidali hani, augwaligo pibia selama,

wi ebo bage, augwali te kalabus sęgo me isigobeo.

Menio.

Te augwali kalabuside polo silama,

te augwali olo bidaibao.

Te augwa tuabo nai hauwa elalueibao.”

¹⁵“Magi baso meni.

Ena da Genuai Bidi, duga God.

Eno te tamu aċ hodolama, te genuai aċ dini pedelama,

te genuai mumunu ebo.

Eno nogi te tiwai, Te Tigidali Bomo Elalubo Genuai Bi-
di

dao.

† Te Rehap wabo po, te po digi po me deli dao. Tama te pode te Rehap da te tę pedai kantri Isip dao. Te Israel bage te Isip tę tagalali sogo Genuai Bidigo te moni aċ tomode si bugua sai, tilama, augwali tedu soali.

¹⁶ Eno po te dageba mawai,
te dagego pedauwalidu te po pusumainu yali.
Te eno nogogo dage bugagia geme dualali.
Ena Genuai Bidi, eno te dagalu diniginama, elalubao.
Tama eno me t̄o aga bidabo pesageba munama,
daŋ walama, elalubao,
eno dage te Jerusalem we bidi dabeba te tiwai
po wali, dage te eno we bidi hani dolo mu dao,
wai." Te po wali.

Genuai Bidigo te Jerusalemba haliga şeb̄e munu ma egobeo

¹⁷ Jerusalem, nage hogodao.
Nage hogodama, bomonama ma dolugulao.
Genuai Bidigo haliga şeb̄e te wain aŋ me deli
te nageba mani tiwai ebao.
Te agai nago te aŋ tulama, silainu ebo tiwai yali.
Te naga geŋ page mu elama, umuna palali dao. †
¹⁸ Te nago ogwa dabe deli me bidis̄awai,
te nago nogo tolasa,
te nage dolo somainu ilabo te meni yai.
¹⁹ Nago seŋe genuai mu tolama,
te dego nage homu dene elama,
te nago haliga wiegi yai usu ma iligowe?
Te boi bidi dabego aluama, nage dolagasali.
Te augwaligo nago we bidi me hauwa te bainatgo
elali.
Te genuai nasi nageba pedelali sogo tiali.
Te eno mena seŋo nage tau selama,
nago te haliga seŋe elalubo siligowe?
²⁰ Te nago we bidi dabego bomo meni yai,
te augwa gedu geŋ page elama, te augwa degasa
dulama,
te augwali tigidali sunumi bagude pila muna muna
palio.
Augwali te hasa bade tuali tiwai elaluali.
Augwa te magi seŋ yabo usu me ebeo.
God, Genuai Bidigo te augwaliba wado po olama,
te aga haliga şeb̄e ebo kabude te aŋ tumainu ilali,
te augwali dodolo pelama, elaluai dao.
²¹ Odao. Jerusalem, nago te seŋe hauwa tolama,
tama nage te aŋ tuai geŋ page yai we bidibo tiwai
yali.
Tiali, nage te wain aŋ tulama, geŋ page ebeo. Menio.
Te Genuai Bidigo haliga şeb̄ego
naga nage geŋ page yai dao.
²² Nago Genuai Bidi,
te Godigo nago te boi bidi dabe dali hwj̄bo
tau selama,
dage ugwa ela holobo ilali, agai te tama po wali,
"Suao. Eno te haliga şeb̄e yali kabu
te eno nageba menama,
te nago tulama, te geŋ page dwai mu elama, te
umuna sali.
Tiali goli, megi da, eno te kabu nago nogode ma sali.
Te eno nosali nage te kabude aŋ ma tumainu me
egobeo.

²³ Tiali goli, eno te kabu te nage dolobo
bidi dabe nogoba mueibao.
Augwaligo nage te t̄de pimainu ilama,
te augwaligo nage agalama,
te nage tudi daide biliyu,
te augwa olo t̄o bulude bilibo tiwai yai dao," te po
wali.

Genuai Bidigo aga we bidi te Jerusalemba ma odasa asaibao wali

52 Jerusalem, nage te God aga da olama, sa
muani hanu, nage hogodao.
Nage hogodama, bomonama dolugulao.
Nago au dobage te gasa sawi yai sawi yai munama,
te nage tonobo gasagi me mu yaibao.
Te Godigo po odis̄abo bidi dabe,
me te God gedude wiegi yai is̄abo hani bidi dabe,
te augwali nage tomoba me asogobeo. ††
² Hobede ya, Jerusalem, tiali te nage hogodama,
te nago tigde t̄o sela sayao.
Awe, Saion hanu, te nago dogonide keŋani sen peda
şanama,
te naga sia kingba duagi soao.
³ Magi baso meni. Genuai Bidigo te tama po wai,
"Te bidigo ena me abelis̄ama,
te nago we bidi te olo seŋ bidi me
seŋ ebo we tiwai elama, sela pali.
Te eno augwali ma sainu, te mone menama, me so-
gobeo.
Menio.
Te augwali eno olo mu saibao.
⁴ Magi baso meni. Ena God, Genuai Bidi,
eno te tama po wali.
Polobadu, te eno we bidi dabe
te Isipba pelama, bidigi pali sogo,
te augwa homugo digi palio.
Te nosali, te Asiria dabe aselama,
te augwali olo seŋ ebo bidi me
seŋ ebo we tiwai sela pali,
augwaligo ena abelama, te augwali sela pabeo.
⁵ Te Babilon dabego me te tobage
deli kolesaga nosali yalio.
Augwaligo te eno we bidi olo mu selama,
te augwali kalabusiba sela pali,
te eno hanigo tobolu bidi dwai gela mu wali.
Te eno magi nai deli me sabeo. Menio.
Sesemane sogo te bidi dabego te posobo po weyu,
ena nogi aiyaba elalubo seŋ yai dao. ‡
⁶ Te ena digi eno daŋ ilama,
te ena we bidi ma saiba wabo sogo,
te augwaligo ena nogi bugagia koneaibao.
Augwaligo te tiwai koneyu, ena Genuai Bidi,
eno tama te augwaliba tigidali
pedalubo seŋ po polobadu wai dao.
Suao, ena bidibao," wali.
⁷ Te we bidi augwaligo bidi me deli
te bulu du pesagedu udada asobo sulama,

† 51:17 Ped 14:10; 16:19

†† 52:1 Ped 21:2, 27‡ 52:5 Rom 2:24

te wiegi yai pemene mu yaibao, te wiegi yai po
Jerusalemba selasa asali.
Agai te tiwai po waibao,
"Saion, te wiegi yai sogo pedelalio.
Godigo te boi bidi dabe aiyaba elaluama,
te agai nage bugagia bidimainu ilalio.
Megi da, nago Godigo te tigidali nai
tonalubo dao," agai te po waibao. †
8 Te tonalubo bidi dabe te masigigo
nigali bobobage be taua daide bidali,
te Genuai Bidi te Saion badu ma asobo sueinu yali,
te augwa tigidaligo te genuai pemene dali eyu,
te i bomonama mu waibao.
9 Dage te Jerusalem badu dolalio,
dagego te pemene elama, i waişo,
magi baso meni, Genuai Bidigo te Jerusalem ma
selama,
te agai aga we bidi dabego şeşę silalio.
10 Genuai Bidigo agai bomo hania ola mayu,
te tigidali tş kantrigo sumainu yaibao.
Dago Godigo te aga we bidi dabe ma saibao,
tama te tigidali tşde we bidigo sueibao.
11 Dage tigidaligo te Babilon tagalama, aşıo.
Te bugagia dua dao, tiyu dage te God gedude wiegi
yai
işawani naide pania sabuo.
Dage te hanigo te pou dis dabe, me pou dabe,
te Genuai Bidigo bede nai sela paibao,
dagego duga digi te God gedude wiegi yai pedalubo
kolesaga wali pao.
Dage tigidali te magi meda meni yai bidama, aşıo. ††
12 Tiali goli, dage asesu polo me te Babilon tagalama,
me wi polo soyu,
te dagego polobadu te Isipde yali tiwai me egobeo.
Menio.
Te dage dua digi asaibao.
Te God, duga Israel dabego Genuai Bidi,
te dage pabodu polasa paibao,
te aga dage nosali badu me asaibao,
te agai dage tonalua asiyu, odasa asaibao.

**Genuai Bidigo şeş ebo bidigo te we bidi dabego dwai şeş
yali şeşę dali tolasa asaibao**

13 Genuai Bidigo te tiwai po wali,
"Suao, bugagia konea sao.
Tigidali şeş eno şeş bidigo ebo
te bugagia mu pedelaibao.
Te bidi dabego agaba genuai nogi mayu,
te aga nogi ugwano mu saibao.
14 Polobadu te bidi dabego dwai şeş mu agaba yali,
te aga tigi me gesabidi te dwai mu tonani,
te aga bidi tigi tonobo tiwai me ebeo.
Te we bidigo aga subo, wi yai dao.
15 Tiali goli, nosali da, te bulu tş kantri hauwa we
bidi dabe te agade dwai noma midigi mu selama,
te king dabe pedauwali pania selama,
te bomonama tononalu,

te augwa po deli me wagobeo,
magi baso meni, te augwaligo polobadu
po odisawani nai suali.
Te augwa dwasianu me konesiawani nai
te hania koneaibao," wali. ‡
53 Te Israel hani we bidi dabego te tiwai po wai,
"Dego te megi dago odali pode konealubo ho-
mu
daş
waibawe?
Tama dego Genuai Bidigo te megi yali bomai şeş tiwai
ebo suai dawe? ††
2 Genuai Bidigo aga şeş bidi te olo ni me deli tiwai te
tş pesagede pedalumainu ilali.
Awe, aga te ni me deli te wa pai tşdu
pedalubo tiwai pedalali.
Te şeş bidigo nogi meni yai, magi baso meni,
te bidi dabego gedude tonobo sawi işawai.
Te agade te bidi dabego godolo elama,
tonabo nai me deli eluşawai.
3 Te bidi dabego aga tudi ola menama,
te aga begela dolama, te aga godolo mu me işawai.
Sesemane sogo agade te homu dene me
haniani şeşę paşanaluali.
Augwaligo aga tudiba mu muanio.
Te dage aga te olo bidi me tonobo tiwai yai dao."
4 "Te dage tama homu yali,
te Godigo agaba dwai dene mawainu eba homu
eyu,
te dwai şeş agaba pedalainogo eba homu yali.
Tiali goli, menio.
Te şeş bidigo dago şeşę me dene te agai tolali dao. ††
5 Te dage yali dwai şeşęde naga aga dolali.
Te augwaligo aga dodagia mu elama,
te aga tigi tologola pali,
agai te tolali şeşęde aga da usu ma ilama pedelali,
te da bugagia mu bidibo dao. †††
6 Da tigidali te sipsip besela palama, bilibo tiwai yali,
te da deli deligo te dena digi homu wali bilali.
Tama tibaso, Genuai Bidigo daba
te dene mabo şeş yabo usu igi da,
te dena yali dwai şeşde wei ponainu yali,
tiali goli aga te tama me tebeo. Menio.
Te dena digi tolabo şeşę te agai aga şeş bidiba te şeşę
menama,
tolomainu yai dao." †††
7 Genuai Bidigo te tiwai po wali, §
"Te bidi dabego te şeş bidiba dwai şeş ilali,
tiali goli aga digi aga aiyaba elaluama, te dene tolali.
Te agai po me deli wabeo.
Agai pedauwali pania sali,
te augwaligo sipsip wai sela pelama,
elainu ebo tiwai eyu,

‡ 52:15 Rom 15:21 †† 53:1 Jon 12:38; Rom 10:16 †† 53:4 Mat
8:17 ††† 53:5 1 Pi 2:24 ††† 53:6 1 Pi 2:25 § Te kolesaga koneai
bidi dabego bugagia konesiayu, dego mu te ves 7-9de po wali.
Mebago homugo te po Genuai Bidigo wali homu yali, te mebago ho-
mugo we bidi po udali homu yai, te mebago homugo te profetgo po
wali homu yai dao.

† 52:7 Nah 1:15; Rom 10:15; Ef 6:15 †† 52:11 2 Ko 6:17

te sipsip augwaligo te nisi poawainogo sela pabo tiwai yai dao. †

⁸ Augwaligo aga odolali mu kalabus elama, te aga po tų odoboba odasa pali, te po tųde aga isimainao po wai. Te augwaligo aga ela muai. Tama tibaso, aga nosali pedelabo hani we bidi me pedalugobeo. Agai te eno we bidi dabego pesage siyu, hasegelama, te augwa digi tolabo seęę te agai tolama, te augwaligo yali dwai seęę dodoliyu, te aga isai dao. ††

⁹ Te augwaligo aga te haniani dwai kolesaga yali bidi dabe dali me, te mone doado bage hauwa elaluali bidi dabe dali, pubulali. Tiali goli, te aga digi dwai kolesaga deli me isųwai, te agai tibo po me deli me wabeo, te po wali. ‡

¹⁰ Tiali goli, Genuai Bidigo digi aga seę bidi aiyaba elaluama, tama agai te dene selama, tolomainu yali, magi baso meni, te seę bidigo digi aga bidibo ula mayu, te we bidi dabego seęę sela şabo ofa tiwai ebaso da, teda aga bidibo sogo te bobobage mu igi pelama, te aga bulai wų nųų wai dabe sueibao. Te aga yali seęde, te seę bidigo te Genuai Bidigo homu-
go
yao homu ebo seę ebaso, te agai te seę bugagia pedalumainu ebo dao.

¹¹ Te aga genuai seęę tolama da, nosali te aga wiegi yai nai hauwa pedalubo sulama, te aga wiegi yai pemene umabo mu yaibao. Genuai Bidigo te tiwai po wali, “Eno te doloba pai seę bidi, agai ena bugagia koneai. Agai te hauwa we bidigo dwai seę yali seęę tolama, te kolesagade agai te augwali doloba pai we bidi pedelaibao.

¹² Te we bidi dabego aga te dwai bidi me deli tonobo tiwai yai. Tiali goli, aga bidibo ula digi te olo wę mu gelebo tiwai eyu, agai te hauwa we bidigo dwai seę yali seęę tolalio. ††

Tama augwali dolidali weyu, agai te dwai seę ebo we bidi tau siyu, gedu haluasa po wai dao. Tama tibaso, eno agaba te genuai bidi dabe tomode te agaba genuai nogi mawaibao. Eno te bomai ami bidi dabego te boi hwįnama, te sali nai dabe agaba dobolama mawaibao,” wali. ‡

† 53:7 Ped 5:6 †† 53:8 Tpi 8:32-33 ‡ 53:9 1 Pi 2:22 †† Bidi mebagu homugo te ede wali po te tiwai begelaibao homu yali. “Agai te dwai seę yali we bidi dabego seęę selama, te augwa digi tolabo seęę te agai tolai dao.” †† 53:12 Mak 15:28; Luk 22:37

Genuai Bidigo Jerusalem wiegi yai ma pedalumainu ilaibao

⁵⁴ Genuai Bidigo te tiwai po wali, “Jerusalem, nage te hobedagia wai ame nesişbo we tiwai eyu, nage te wai ame nabode dene isişbo we tiwai ebao. Tiali, megi da, nago te balia po weyu, pemene elama, i wao, magi baso meni, te nago wai dabe hauwa mu umabo elalueibao, te aga bidi dali bidibo wego wai te aiyaba mu elalueibao. ††

² Nago genuai tų pedai dų elama, te nago ugwa be tede seę yao. Nago ugwa be ugwade eda si dedelasa pelama, te bono bobobage tagalama, te ni tųba bomonama tulama, te bono dabe bomonama kekelama, te nide keşao.

³ Magi baso meni, nago tų dų te ugwa de eda si pedegasa pelama, genuai igi pelama, te dolo nogo badu tiyu, te pobase nogo badu me tiao,” wali. “Te nage hani wai dabego te gasa tų kantri hani we bidi aiyaba elalueibao, tama augwali te augwaligo megi olo elalubo hanu dabede bidalueibao.”

⁴ “Jerusalem, nage wi me igio. Te nage hale munu ma egobeo. Te bidi dabego posobo po nageba munu ma wagob-
eo.
Te nage gesi ogwa bidi elalubadi hale sali, te nago homu kone mu gegeda palama, te sogo nagaduba te bidibo we tiwai homu ebo kone me isişyu, te aga bidi isai we tiwai egobeo.

⁵ Magi baso meni. Ena, nage nigali God, ena te nago bidi tiwai bidaibao. Eno nogi da, te Tigidali Bomo Elalubo Genuai Bidi dao. Ena, te Israelgo God, ena te Wiegi Yai Doloba Pai Kolesaga Mu Ebo God da, te ena nage tudi badu posolalu tau sabo bidi, eno naga eno te tigidali tų habu tonalubo God dao.”

⁶ “Ena God, Genuai Bidi, eno te tiwai po wali, te nage eno enaba ma asomainu i waibao. Nage te bidigo sai gesi we tiwai te aga bidigo tagalama, wi palio, te aga hobolu du peda pelama, te aga genuai homu dene dali bidalio.

⁷⁻⁸ Ena Genuai Bidi, te nage eno tudi badu posolalu, tau sabo bidi, eno nage peşadage sogo tagalali, te eno genuai homu dene nagede elalueibao. Tama te nage enaba ma asomainu saibao. Te eno nageba wado po dwai mu te peşadage sogo olama, te eno ena gesabidi game duala sali.

†† 54:1 Gal 4:27

Tiali goli, sesemane sogo te eno nage dali homu dene

eyu, te nage godolo mu eyu,
te nageba wiegi yai şę bugagia yaibao."

⁹ "Te Noa bidali sogo, eno te tiwai bomai po daų weyu,

te eno genuai ađigo te tų ma dologobeo wali.
Te megı eno te tobage bomai po daų walaibao.
Eno mu po weyu, te eno haliga şębę ma isiama,
te nageba wado iliyu,
te nage me dene mabo şę egobeo wai. †

¹⁰ Te bulu du dabe pedasa pelama, degaibao,
tiali te eno nagede homu godolo ebo
te sesemane sogo elalueibao.

Te da si bugagia dugulalu,
te eno bugagia bidabo sogo maiabo
po weyu, te daų walali bomo yai po
te eno me bologobeo.

Ena Genuai Bidi, te eno nagede homu dene mu eyu,
te nage godolo homu mu yai,
eno te şę dabe yaibao te po nageba wai dao," wali.

Jerusalem te usu yai polalubo mu pedelaibao

¹¹⁻¹² Genuai Bidigo te tiwai po wai, "Hobede ya,
Jerusalem, nage te hauwa dolali taun,
te nage homu dene elama, tau sabo bidi meni yai.
Tiali goli, eno te wiegi wiegi yai masigi te gasagi yai
mu selama,

te nage ma nigaibao,
te nage gasa sawi yai taun mu pedelaibao.

Eno te gasagi yai tedali masigi dabe selama,
te tųde wasilama, te ugwadu daide taun ma
nigaibao.

Te eno te haniani wiegi yai dila pai masigi selama,
nago be şę ebadi, te bomai obogo nage bagulama,
te obo sunumi dabe me,
te genuai masigigo nigai obo daide elaluabo taua,
te dabe nigaibao." ††

¹³ "Te ena digi eno nago wai dabe ola mayu,
te augwa bidabo pesage bugagia mu elalueibao. ‡

¹⁴ Te eno doloba pai kolesagade
te eno nage bomai pedalumainu ilaibao.

Te nage aiyaba elaluama, te dwai şęgo dolabo bidi
me

menio,
te nage magi nai me delide wi me egobeo.

Te nago wi ebo tigidali silaibao.

¹⁵ Te hani mebago nage dali hwjai olama, asobaso da,
te nago te tiwai koneao,

te augwali eno tagala palobaso me asobeo. Menio.
Te augwa homugo digi asali.

Tama augwali te eno nago nogoba mueibao," wali.

¹⁶ "Suao, bugagia konea sao.

Ena digi eno te haniani nai te aingo
nigibo bidi dabe nigali.

Augwa te ain siaba munama,
te ain dabo posolo yai sia mu nogani.

Augwa te ain selama, te hamago elama,
te bidigo hwjabo haniani nai dabe nigibo dao.

Tama eno te ami bidi dabe me nigali,
tama augwa te nai dabe selama,
te boi hwjnama, te gasa bulu tų kantri dolobo şę
ebo dao.

¹⁷ Tiali goli, te hwjbo nai dabe me deligo nage me
dologobeo.

Te nage bomonama dolalu,
te bidi dabego nageba haniani po kisilama wabo po
te wei ponoyu,
aiyaba elalueibao.

Eno te kolesagade ena şę bidi dabe tigidali bugagia
tonalu,

te augwali doloba pai we bidi pedelaibao.

Ena Genuai Bidi, eno te po wai dao."

Godigo aga we bidi wiegi yai ilainu yali po

55 Genuai Bidigo te po wai,
"Tega, dage te ađ nogonego sabo we bidi dabe,
dage enaba aselama, dage weų tuagasao.
Dage te mone meni yani hani dabe, dage enaba ase-
lama,

te dage nai sela tuagasao,
te aselama te ađ wain
me hasa bulmakaugo ame peų ađ sagasao,
te monego me abeligobeo. ††

² Magi baso dagego te duga mone
te dage tau sisayabo nai dabede odolali silama,
te dage nai sili bidaiwe?

Magi baso dagego te tubo nai sabo şę dene elama,
tama tede sabo monego magi baso
te dwai olo nai naga abelebo dawew?

Te eno poba bugagia olo muao,
te eno wabo po tiwai gilama yao,
te dagede eno mabo haniani nai mu pađanalueibao.
Awe, dagego homugo tede wiegi yai pemene mu
yaibao."

³ "Odao, dage eno we bidi dabe dao.
Dage bugagia bidimainu eyu, enaba asiąo.

Te eno dage dali bomo yai po daų walama,
tama te daų wali bomai po sesemane elalueibao.

Te sesemane sogo eno dage godolo homu mu elama,
te dageba wiegi yai şę yaibao.

Te polobadu eno te bomo yai po te king Devitba
daų wali tiwai gilama yaibao wali. ††

⁴ Konea sao, eno aga genuai bidi pedalumainu ilama,
te agai gasa bulu tų kantri tonalumainu yai.

Te agade, te eno bomo augwaliba ola mawai dao.

⁵ Mu tama, te dagego polobadu konesiąwai te bulu tų
kantri we bidi dabe augwali i wabo sogo,
te augwaligo me dage me konesiąwai,
te augwali dageba polo udada asaibao.

Magi baso meni, ena Genuai Bidi, dage Israelgo God,
ena te Wiegi Yai Doloba Pai Kolesaga Mu Ebo God,
eno dage te genuai nogi dali bomo dali si
mu elalumainu ebao," Genuai Bidigo te po wali.

† 54:9 Gag 9:8-17 †† 54:11-12 Ped 21:18-21 ‡ 54:13 Jon 6:45

†† 55:1 Ped 21:6; 22:17 †† 55:3 Tpi 13:34

6 Megi da, Genuai Bidi te dage pade bidiyu, dage tonalubao, tama megisogo te dagego agaba gedu haluasa po weyu, te aga paba pabo sogo dao.

7 Te dwai kolesaga ebo we bidi dabego te augwa ebo dwai kolesaga tagalama, tama augwa te kolesaga me yabo homu kone me paligio.

Te augwali augwa Genuai Bidiba ma asiago. Agai te agaba ma asobo bidi dabeba te olo mu tau mabo wiegi yai kolesaga umabo mu yaibao.

Awe, Godigo augwaligo dwai sege tigidali mu sela sawaibao.

8 Genuai Bidigo te po wai, "Eno homu kolesaga te dagego homu kolesaga tiwai elalubeo.

Te eno kolesaga te dagego kolesaga tiwai meni, te gasa tedali mu elalubo dao.

9 Te to ayadu elalubode te dagalu ugwadu mu elalubao, te tiwai naga te eno homu de eno homu kolesagago te dagego kolesaga me homu kolesaga te aiyaba mu elalui dao."

10 "Te dagaludu tulubo tulubage, aga odolali te dagaluba ugwaba ma hologobeo. Menio. Agai te toba ai mayu, te gide nai holomainogo elama, te bidi dabego saibao.

Me badu augwa tuyu, me badu wai selama, ma buluyu ebo dao. †

11 Te tiwai naga eno po me te enaba odolali ma asogobeo. Menio. Agai te eno wali po tiwai gilama pedelaibao. Te agai eno homugo pedalumainogo homu yali se pedalubo dao."

12 "Te dage wiegi yai pemene elama, Babilon taga somainu elama, te dage eno odasa asiyu, te dage wi ilabo magi se deli me pedalugobeo. Te bulu du dabego wiegi yai pemene ebo teabi po weyu, te ni dabego pemene homu elama, augwa nogo elaibao.

13 Te ni wuli dabe te megis dwai ni dabe elalubo madi pedelaibao. Te gasa sawi yai dwasianu ni dabe te megis sesane bono elalubo pesagede pedelaibao. Tama sesemane sogo te tobage ni dabe te pesagede pedelama, te sesemane sogo te dai ilali tiwai te we bidi dabego sulama, te Genuai Bidi, eno yali bomai se homu kone palomainu yaibao," wali.

Genuai Bidi te gesi Jerusalemde king bidaibao

(Dai 56-66)

Te tigidali we bidi aga dologoba asomainu, Genuai Bidigo be tu dalalubao

56 Genuai Bidigo te po wali, "Dage eno we bidi dabe, odao. Eno dagebolo te eno bomai po polobadu mawai dao. Tama eno dage dali te sesemane elaluabo po me dai walai dao. Dagego te po si bugagia wali peyu, te wiegi yai doloba pai kolesaga naga iyao, magi baso meni, te eno dage tau selama, ma sabo sogo, te paba pedelai dao. Awe, dagego eno doloba pai kolesaga ebo tamadi sueibao.

2 Te we bidi dabego wiegi yai doloba pai kolesaga wali peyu, te Sabat sogode bomoi yai po bugagia wali peyu, te dwai kolesaga isa bo we bidi, augwa wiegi yai pemene yao. Eno augwaliba wiegi yai se yaibao," Genuai Bidigo te po wali.

3 Te gasa to kantri we bidi dabe augwaligo te agai po wali pabo homu dai olama, te Genuai Bidigo we bidi dali bidali, augwade digi te tiwai po wago, "Te Genuai Bidigo da te agai we bidi dabe dali bidimainu me iligobeo." Augwaligo te tiwai po wago. Te augwaligo aga domo diani bidi, agai te tama homu me elamuo, "Te ena wai meniama, te ena nogi meni yaibao," wago.

"Ena te sasia pai ni me deli tiwai da," homu igio. Menio.

4 Genuai Bidigo te tiwai po wali, "Te tobage tiwai bidi dabego te Sabat side bomoi yai po wali peyu, te eno godolo homu ebo kolesaga wali peyu, te eno ena we bidi dabe dai wali bomai po tigidali wali pobaso da,

5 teda eno te dai me deli tiwai te augwaligo nogi te eno tempel be tomode muai elalueibao. Tama sesemane sogo te we bidi dabego sulama, te augwali homu koneaibao. Te augwaligo genuai nogigo te wai dabe ame nai elaluali bidi dabego nogi aiyaba mu elalueibao. Te eno augwali nogi mu silimainogo me iligobeo," wali.

6 "Te gasa to kantri we bidi dabe

† 55:10 2 Ko 9:10

augwaligo te eno po wali pabo homu daş olama,
 te eno we bidi dali bidalubo,
 te augwali ena dologoba aselama,
 te ena godolo homu mu elama,
 te enabolo lotu po weyu,
 te Sabat side bomo yai po wali peyu,
 tama te eno we bidi dali po daş wali po
 tigidali te wali pali da,
 7 augwa wiegi yai yaibao.
 Te eno bulu du Saionba te augwali eno odasa paibao,
 te augwali eno bede bidiyu,
 wiegi yai pemene yaibao.
 Te augwa te siago tigidali domainu ebo ofa dabe eyu,
 te gasa tobage ofa dabe eno altade yaibao.
 Te eno augwaligo ebo ofa godolo homu yaibao,
 magi baso meni, eno be da te tigidali
 bulu tş kantri we bidi aselama,
 te enaba gedu haluasa wagasabo be elalubo dao.” †
 8 “Ena God, Genuai Bidi, eno te Israel we bidi ma
 sisinibao,
 te boi bidi dabego sela pelama, kalabus igi pai,
 eno te tiwai po obao.
 Te eno gasa we bidi dabe me selama,
 te eno sisinani hani we bidi dali bidimainogo odasa
 asaibao,” te po wai dao.

Godigo te Israel dabe augwa polalubo bidi dabeba wa- do ilali po

9-10 Te Israel polalubo bidi dabego
 te we bidi dabe bugagia me tonalusişbaso,
 te Genuai Bidigo te po wai,
 “Asiå, dage boi bidi dabe.
 Dage te uni hasa dabe te bulu du buside
 bidalubo asiå,” wai.
 “Dage aselama, te Israel polalubo bidi dabe dola-
 gasao.
 Te polalubo bidi dabego te tş kantri
 dwai sego elalagasainu ebo po
 te we bidi dabeba wabo seş elalubao.
 Tiali goli, augwa seş bugagia me ebeo. Menio.
 Augwali te gedu widai bage tiwai te taun
 tauade te boi bidi asobo tonalubo tiwai bidali.
 Tama augwali te pedauwali pania sai yowi tiwai
 te nai wi sabo bidi asobode
 gaşå wabo usu isåwai bidali.
 Te augwa tobolude dwasianu kolesaga me elalubeo.
 11 Augwali te nai hauwa tuabo
 homu ebo yowi tiwai bidali,
 te dwasianu paşasişbo aş yai.
 Augwali te sipsip tonalubo bidigo aga
 seş ebo konesişbo tiwai yali.
 Deli deligo te augwa homu wali pelama,
 te aga tau sabo nai naga homu koneai dao.
 12 Te augwali sisinibo sogo, augwali
 mebago te tiwai po wali,
 ‘Ae, tegobao, eno te wain aş selama,
 te da tşdu pelama, te dena godolo

yaliba usu nigi paibao.
 Te do da wabo sogo, da ma sisinama,
 te umabo mu ma tueibao,’ wabo dao.”

Te Israel dabego hagoma me idu geyu, te tibo godiba lotu ma wali

57 Te bidi dabego te wiegi yai we bidi dabe
 isibo sogo,
 te augwa homu si me ebeo,
 tede homu kone palobo menio.
 Tama augwa te tiwai homu me sabeo,
 ‘Genuai Bidigo te bidi dabe isimainogo ilama,
 te augwaliba pedelainu yali dwai seş
 te geda mumainogo ebao,’ te homu egobeo.
 2 Te doloba pai kolesagade bilali bidi dabe,
 te augwa isibo sogo, te augwa gş pagede pila muyu,
 te toma nabo wiegi yai sogo sai,
 magi baso meni, te dwai seş ebo sogo
 augwaliba pedelabo usu egobeo.
 3 Genuai Bidigo te tiwai po wali,
 “Dage te dwai kolesaga haniani ebo
 we bidi dabe, dage edaba asiå,
 dage te pobi bidi dabe, me penani bidi dabe,
 me penani ebo we dabe te augwaligo wai dabe dao.
 4 Dagego po dwai deba wali,
 dage te hagoma ebo bidi dabe,
 me te po geagano pabo bidi,
 me tibo po wabo bidi te augwaligo wai dabe dawew?
 Dagego gesabidi dwai eyu, te dagego
 haş haş elama, deba wabo dawew?
 5 Te duga haligade dwai homugo
 te bomonama hodolobaso,
 te genuai ni dologo te lotu wabo pesageba pelama,
 te penani ebo kolesaga ebao.
 Dagego te duga wai puluba dabe elama,
 te ofa tiwai eyu,
 te odogo tş pesagede te genuai
 masigi elalubo tomode ulubo dao.
 6 Tama tede dagego te masigi dabe
 selama, te augwa god tiwai pedelali.
 Te augwali te masigi dabe duga god tiwai naga ela-
 ma,
 te dagego ofa eyu, te wain geliyu,
 te wit ofa me augwaliba yali.
 Te kolesaga ebo seş dagego elama,
 te dagego homugo eno hasegelama,
 dageba homu dene yaibao weyu ebawew? Mu menio.
 7 Dage te lotu wabo bulu du bageba holama,
 te ofa eyu, penani kolesaga yalio.
 8 Dagego ena tudiba mu muanio.
 Dagego te duga tibo godigo piksa dabe
 te duga be tş dabo tomo badu bogo side muani.
 Tama dagego te duga abagi wali weba te mone
 menama,
 augwali dali piainu yali,
 tama dagego te duga nigali
 genuai bet sai daide te penani kolesaga ebo dao.
 9 Dagego au ebo, te sanda me pauda,

† 56:7 Mat 21:13; Mak 11:17; Luk 19:46

te wiegi yai denami ebo naigo au elama,
 te dage tibo god Melekba lotu wagi pali.
 Dagego te bidi dabe digibulu buluba tagala palali,
 te dagego lotu wabo god gegemainu yali.
 Tama dagego te gų pagede me te tibo
 god dabe gegebo kolesaga ebo dao.
¹⁰ Dage te god dabe gegebo sę dene mu eyu,
 te dagego bomu silibao.
 Tialima, dage tede gę neyu, te tiwai po me weyu,
 ‘Dago bomu te odolali silibao,’ po wabeo.
 ‘Dago te tebo kolesaga tagalinao,’
 dagego te po wabeo. Menio.
 Te duga dwai homu ebo kolesaga
 te bomonama mu pedaliyu,
 te dage kekasa mu pobao wabo dao.”
¹¹ “Dage dede mu wi elama,
 te dagego ena ili po ola mayu,
 te ena tudiba munama, te ena homu kone mu
 ggeda palobawe?
 Te bobobage sogo eno dageba wado po wabe,
 tama tiyu dagego enaba wi ebeo.
¹² Tiali goli, te eno dagego ebo
 kolesaga te pebeli diliba hanilaibao,
 tama dagego homugo te wiegi yai
 da olama wali pabo sę ebo kolesaga dabe,
 te augwaligo dage dwasianu tau me sogobeo.
 Mu menio.
¹³ Te dwai sęgo dage dolobo sogo,
 dagego te pesage holama elalubo
 godigo te dagego augwaliba i obaso,
 te augwali aselama, dage tau sagasaiba, agawe?
 Mu menio.
 Augwa bomu me elalubeo,
 te dwasianu waligo naga augwali sela paibao.
 Tialima, te bidi dabe enaba aselama,
 te eno augwali tau siyu, tonaluainu ebo bidi da,
 augwaligo te tų eno sa muyu,
 te eno we bidi dabego somainu yaibao,
 te augwali me eno digi te sa muani
 bulu dude bidimainu yaibao,” wali.

**Godigo te we bidi dabego dwai sęęę sela şanama, te
 augwaliba wiegi yai sogo mawaibao wali**

¹⁴ Genuai Bidigo te tama po wali,
 “Te eno we bidi dabe enaba ma asomainu yaibao.
 Te augwa sunumi bugagia dodolama,
 te sunumi paliabo nai tigidali sela şawaibao,
 tiyu te nai dabego augwali şaęade dolama,
 te augwali tula muidalio,” wali.
¹⁵ “Ena digi ena God, te ena sesemane sogo bidibao.
 Eno nogide te magi meda mu meni yai elalubao,
 ena te Wiegi Yai Doloba Pai Kolesaga Mu Ebo God
 dao.
 Ena te ena wiegi yai bulude digi ugwadu bidibao.
 Tiali, ena te augwa digi augwa aiyaba elaluama
 bidiyu,
 te augwa yali dwai sęde homu dene ebo we bidi
 dali bidibao.

Te eno augwa haliga daų waliyu,
 te augwa bidibo ula te wiegi yai
 ma pedalumainu ebo dao.
¹⁶ Eno ena we bidi dabeba sesemane sogo wado eyu,
 haliga sębę idugobeo.
 Te eno tama tiyu da, eno koneani,
 te augwa bidibo ula dolama, te mu silaibao,
 te bidibo ula ena digi eno augwaliba mawai dao.
¹⁷ Eno wado po dwai mu augwaliba wali,
 magi baso meni,
 te augwa haniani dwai kolesagade te augwaligo
 doado bage hauwa mu sabo homu yali.
 Tama tialima, te eno augwaliba dene mayu,
 te eno gesabidi augwaliba geme sesela sali.
 Tiali goli, augwa me hagoma idu gęyu,
 te augwa homu kolesaga wali piduai dao.”
¹⁸ “Eno te augwaligo ebo dwai kolesaga suali,
 tiali goli te eno augwali me dologobeo. Menio.
 Te eno augwaligo dwai sęęę sela şanama,
 te augwa usu yai ma pedelaibao.
 Te ena digi eno augwali bilibo dodoliyu,
 te augwali haliga daų walaibao.
 Tama te homu dene bidiyu, gela wabo we bidi,
¹⁹ te eno augwa te homu dene ebo tagalomainu ela-
 ma,
 te augwa enaba usu da olama,
 wiegi yai pemene ebo po mimainogo ilaibao.
 Ena Genuai Bidi, eno te po obao,
 te eno nagame yai haliga ebo homu te paęde bidibo
 we bidi dali,
 me te digibulu bidalubo hani dabe dali me ebao.
 Te augwali eno usu ma ilama,
 te augwaliba wiegi yai sogo mawaibao wai dao. †
²⁰ Tiali goli, te dwai kolesaga ebo we bidi dabego,
 augwa te dwai kolesaga ebo me tagalogobeo.
 Augwali te tamu aį sesemane sogo
 dinigo te haniani pobebe bage me dwai nai sela asu,
 te nambis dolagasobo tiwai ebo dao.”
 Genuai Bidigo te po wai.
²¹ Eno Godigo te tama po wali,
 “Te dwai kolesaga ebo we bidi dabe,
 te augwa bugagia bidabo wiegi yai sogo
 me elalugobeo,” wali. ††

**Te dagego nai tubo habu seliba wida, teda te dwai
 kolesaga ebo me habu selao wali po**

58 Genuai Bidigo enabolo te tiwai po wali,
 “Nago genuai po daęa mu olama, i wao,
 dua digi i me wagio.
 Nago bomonama i wabo, te bu wabo nai biugel
 bu wabo tiwai yao.
 Te eno we bidi dabeba weyu, te Jekopgo hani dabe,
 te augwa dwai sęęę me dwai kolesaga po wao,” po
 wali.
² “Mu tama, te tigidali sogode augwa
 te enaba lotu wabo kolesaga eyu,
 te eno homu kolesaga osola sueinu yali.

† 57:19 Ef 2:17 †† 57:21 Ais 48:22

Te augwaligo enaba hanalu,
 te augwaliba doloba pai kolesaga yao weyu,
 te augwali pađe bidibaso,
 te augwali wiegi yai pemene yaibao wali.
 Tiali goli, te hani dabego tibo po mu wai.
 Augwaligo te eno bomu yai po tudiba munama,
 te augwa dwai kolesaga naga ebo sę yai dao.
³ Augwaligo enaba te tiwai po wali,
 'Genuai Bidi, dago te nai habu selama,
 te dena digi aiyaba elalubo nago suali,
 tiali goli magi baso nago te da
 tau sabo sę isaḡawe?'"
 "Tiali goli, ena Genuai Bidi,
 eno augwaliba te tiwai po wei ponani,
 'Te tigidali side dagego te nai habu selebo sogo daḡ
 ilali,
 dagego te duga naide digi naga homu kone palama,
 te dagego duga sę ebo bidi dabeba dwai sę ebo dao.
⁴ Dagego te po weyu, te dage nai habu selama,
 enaba gedu haluasa po waibao wai.
 Tiali goli, dagego kolesaga te gasagi yai tedali mu
 yalio.
 Dagego te wado elama, hwiyu, nogo sugunama,
 te gasa bidi gesabidide eliyu ebo dao.
 Dagego te dwai kolesaga te dagego nai habu selama,
 bidibo sogo ebaso da,
 teda eno dagego gedu haluasa po wabo me odogob-
 eo.
⁵ Te dagego homugo eno dagego te tigidali side
 nai habu selebo kolesaga ebode
 te eno dage godolo eba homu eba, agawe?
 Dagego te homu dene ebo ugwa munama,
 te duga tobolu te tḡba basigulu,
 te waligo awi dili basiasa pabo tiwai eyu,
 te dage sia keli daide piyu, te duga digi aiyaba elalu,
 te gasa tobage kolesaga me yali.
 Tama dagego homugo dagego te tobage kolesaga
 ebode
 eno dageba bugai haliga eba homu yaibao, agawe?
 Mu menio."
⁶ "Eno te tobage kolesaga godolo homu me ebeo.
 Eno homugo dagego te haniani
 dwai kolesaga mu ebo habu selama,
 te gasa we bidi dabe elaluama,
 te dolobo kolesaga me habu selao.
 Te we bidi dabe te hobedagia kalabuside bidiyu,
 dagego augwali te bono me sengo keḡnani,
 tama augwali te bulmakau tiwai
 dagego te ni nami augwa dogonide keḡnama,
 te duga sę emainu ebo tiwai eyu tonalubao.
 Te dagego augwaliba wiegi yai kolesaga eyu,
 te augwali olo pomainu tagala palao.
⁷ Eno godolo homu ebo kolesaga e tiwai dao.
 Eno homugo dagego te nasi ebo
 bidi dabeba nai mao homu ebao.
 Te magi nai doado bage meni yai bidi
 te dagego aga piabo be meni yai subo sogo,
 eno homugo dagego augwali te duga

beba odasa pao homu ebao.
 Te dagego te bidi aga tigi bea sabo ugwa meni yai
 subaso,
 te eno homugo dagego augwaliba ugwa maiḡo ho-
 mu
 yali.
 Tama eno homugo te duga deli kaneme sibi
 te augwa sęḡ elalubo sogo,
 te augwali tudiba munamo dao."
⁸ "Te dagego eno godolo homu ebo kolesaga ebaso
 da,
 teda polo tama te eno dagede elalubo
 dwai sęḡ sia somainu yaibao,
 te kigamude nanobo giliga ulago
 te hulua sai elaluali hola sabo tiwai yaibao.
 Te eno dage usu ma ilaibao.
 Te ena, doloba pai kolesaga ebo God,
 ena dage asobodu polasa paibao.
 Te ena dage tudibadu nosali me te eno
 genuai bomu ula dali asu,
 te dage bugagia tonalueibao.
⁹ Te dagego enaba gedu haluasa po weyu, i wabo so-
 go,
 te ena Genuai Bidi, eno te dagego
 gedu haluasa po wabo odoyu, tau saibao.
 Te ena dage dali bidibo, dagego koneaibao.
 Te dagego gasa bage dabe aiyaba elaluama,
 te augwaliba nogo tḡ eyu, po dwai wabo tagalama,
¹⁰ te dagego suali,
 te bidi dabe te doado bage me
 nai dabe sḡa pai elalubo subaso, te dagego augwali
 homu dene mu elama,
 te augwali sḡa pali nai mobaso da,
 teda eno dage wiegi yai bugagia ilaibao.
 Te eno dageba wiegi yai sogo pedalumainu elama,
 te bomu yai giliga ula tiwai eyu,
 te be hulialuali hola sabo tiwai ebo dao.
¹¹ Te ena Genuai Bidi, te sesemane sogo eno dage
 bugagia tonalu,
 te dage bilibo dodolama,
 te dagego homugo wei homu ebo
 nai dabe usu nama mawaibao.
 Megi dage te aḡ meni yai tḡde bidibo tiwai ebao,
 tiali goli eno dage wiegi yai bomai
 we bidi pedalumainu yaibao.
 Tama dage te gi tḡ ili aḡ hauwa elalubo tiwai elama,
 te sula sisḡbo ulu aḡ tiwai elalueibao.
¹² Tama te dolali taun dabe dagego ma nigaibao.
 Dagego te be dabe te polobadu sę yai
 elaluali pesagede ma sę yaibao.
 Tama dage nogi augwaligo te tiwai waibao,
 'Te taun obo dabe ma dodolobo hani dabe',
 me 'Te augwali te sunumi dabe me be dabe
 bugagia ma dodolobo hani dabe dao,' waibao," wali.
 Te dagego Sabat side bomai po bugagia wali pobaso
 da, te dage bugagia mu bidaibao
¹³ Genuai Bidigo te tiwai po wali,

“Dagego te Sabat side bomo yai po boligio,
te eno side ena digi daĵ ilali.
Te dagego duga sę dabe digi te side yabo homu me
igio.

Dagego te Genuai Bidi eno side,
te ena godolo homu mu elama, te duga genuai side
da homu kone palao.

Te dage me tedela pişama, te duga sę me isiama,
te haniani olo po me minamo dao wali.

¹⁴ Dagego te tobage yabo kolesaga dolo wali pobaso
da, teda te Sabat side dagego Genuai Bidi,
enade wiegi yai pemene umabo mu yaibao.

Te eno dage te polobadu te duga bulai
waj nõba bomai po daĵ weyu,
te bidao wali bulu du pesagede bugagia bidaibao,
te Jekop, te aga haniba dali mawai.

Te dage nai hauwa elalu, te dage bugagia mu bidiyu,
te magi nai deli me sę pogobeo.”

Te po te Genuai Bidigo pedauwalide digi asai dao.

**Israel dabego te dwai sę ebo kolesaga bomonama
wali pabo sę yali**

59 Genuai Bidigo te dage ma sabo bomo meni
da,

dagego te homu me igio. Dagego te homu eyu,
te aga olo degelama, te dago gedu haluasa po wabo
odobeo homu egobeo. Menio.

² Te duga sęęęo naga tama tiyu,
te God aga gesabidi seselasa elalu,
te dagego gedu haluasa po wabo odobeo.

Te duga dwai sęęęo te duga tomode
te duga God dali te obogo daĵ elalubo tiwai ebao.

³ Magi baso meni. Te dagego haniani tibo po weyu,
te wado po, me po dwai wali.

Te dagego dwai kolesaga eyu, te bidi dabe ela muna-
ma,

te augwa kaneme dagego nogode
dagana sai elalubao.

⁴ Dagego te doloba pai po tu me ebeo. Menio.

Dagego te tibo po dabe weyu,
te po tu odoboba gasa bage dabe kekasa pali.

Te dagego tibo po haniani weyu,
te po tu ebo dagego po naga odomainu elama,
te gasa bage aiyaba elalui.

Te dagego homu kolesagade te dwai sę ebo kolesaga
hauwa mu paęanalulu, te dagego dwai sę haniani
ebo dao.

⁵⁶ Te dagego dwai homu kolesaga elalubo,
te dwai nabi elalubo hasamanigo ge tiwai elalubao.

Te bidi me deligo te hasamani ge tubaso da,
hobede yao, te aga isaibao.

Te tama tiwai dagego dwai homu kolesagade dagego
te haniani dwai sę pedalumainu elama,

te gasa bagego bidibo ula dolobao.

Te ababua dabego be sę ebo da,

te augwa te dwasianu nai dabe
tola sabode te augwa tueinu ebao.

Te bidi dabego te ababua be selama,

te ugwa nigilama gudugobeo.

Te tama tiwai naga dagego te ebo sęgo

te gasa bage tau me sogobeo. Menio.

Augwa te gasa bage tola selama, te augwali elalua-
ma,

te augwaliba dwai sę ebo dao.

⁷ Sesemane sogo dagego te dwai kolesaga yabo ho-
mu

godolo mu ebao.

Te sesemane sogo dagego te magi dwai sę me isawai
bidi dabe ela muabo homu hogodali.

Dagego te dwai sę dabe yabo homu naga ebao.

Te dage udayu, te gasa we bidi dabego
bidibo ula dolabo sę ebo dao.

⁸ Dagego te haliga nagame elama,

dua digi bidibo kolesaga konesiama,

te dagego te Genuai Bidigo godolo ebo doloba pai
kolesaga me ebeo. Menio.

Te dagego kolesaga dabe dolo me isawai,

te bidi dabego dage te bilibo sunumi

wali pobaso da,

teda augwali te bugagia haliga nagame elama,

bidabo pesage me gegelama, bidabo usu me egob-
eo. †

Te we bidi dabego augwa dwai sę yali sęęę po pusali

⁹ Tialima, te we bidi dabego te tama po wali,

“Genuai Bidi, nago naga doloba pai kolesaga ola
mayu,

te tau selama da ma sabeo.

Megi da, te kolesaga page dago koneani.

Da te be hulua saide bidibo we bidi tiwai elalu,

tama dago homugo te wiegi yai sogo daba pedela-
ma,

te giliga bomonama nanobo tiwai elama,

te be hulua sai silimainu homu godolo mu yali.

Tiali goli, menio.

Da te genuai be hulua saide bilibo tiwai eyu,

te da haniani sęęęo gegebo dao.

¹⁰ Te sęęę dabego da te gedu widai tiwai biliyu
bidibao,

te da pabo sunumi gege gege bilibo dao.

Te genuai giliga nanalubode digi,

da te be hulua saide bilibo bidi dabe tiwai bilalubo,

te dago saęa dani te masigiba tuę palobaso,

da tula mubo dao.

Dago homugo te da bugagia bidaiba homu yali,

tiali goli menio.

Da te isai bidi bidibo tiwai yai dao.

¹¹ Te sęęę dabego da dwai dene mu ebaso,

te dago te genuai hasa bea dabego

gani gani wabo tiwai weyu,

te dago gela wali te ba higo po wabo tiwai yali.

Tama dago te nageba tonalu,

te nago doloba pai kolesaga ola mayu,

te da tau selama, ma sabo tonalubo dao.

Tiali goli, menio.

Te nago doloba pai kolesaga dade digibulu elalubo dao," wali.
¹² "Genuai Bidi, te dago dwai seęę nago gedude hauwa mu elama, te seęę dabego da po tų ilali. Tama dena digi dena yali te dwai seę tigidali bugagia koneai dao. Mu tama, dago dago dwai seę hauwa yali dao.
¹³ Dago te dena Genuai Bidi, God, nageba dwai seę yali, te dago nage tudiba munama, nago po sela şawani. Dago nage dologode bidibo te hagela homu yai dao. Dago te gasa bage elaluama, te haniani hagoma kolesaga yali. Dago te gasa bage dabe tibo po ola mayu, po geagano bilama, haniani sunumi nigibo po wali.
¹⁴ Tama tibaso, dago te kolesaga dabego te nago doloba pai kolesaga te dade digibulu elaluai, tama tiyu, te nago da tau selama, ma sabeo. Te dago te doloba pai kolesaga me mu po wabo, te da tomoba aselama, elalumainu ebeo. Te da sisinibo side me, te augwali si me bidagasobeo.
¹⁵ Te doloba pai kolesaga deli dade me elalubeo. Te bidi me deligo aga dwai kolesaga tagalobaso da, teda te gasa bage dabego te aga dolabo haniani sunumi gegebo dao," wali.

Genuai Bidigo aga we bidi dabe bugagia bidimainu yaibao wali

Genuai Bidigo te we bidi dabego doloba pai kolesaga ebo me susiabaso, te agai augwaliba dwai haliga yalio.
¹⁶ Te aga dwai midigi siyu, te tiwai suali, te gasa bagego dolali bidi dabe te tau sabo bidi elalubo subeo. Tama tibaso, te aga bomogo digi, te aga doloba pai kolesagago digi, te Genuai Bidigo augwali ma selama, te augwali bugagia bidimainogo ilai dao. †
¹⁷ Agai te doloba pai kolesaga te kapa holobo ugwa mubo tiwai eyu, te aga hagawiade mesega sabo tiwai yali. Te aga te we bidi ma sabo bomo te hwjbo madi kapa tiwai muani. Te aga ugwa gudubo tiwai bomonama daų ola selama, te dwai seę ebo bidi dabeba dene mawainu tiaibao. Te aga haliga seęę ebo te bobobage ugwa aiyaba tagalalubo tiwai yaibao. ††
¹⁸ Te agai haliga seęęde, te aga boi bidi dabeba dwai dene mayu, te augwa yali dwai seę dolo usu poniabao. Te agai te pađe elalubo bulu tų kantri we bidi dabeba, me te digibulu tų kantri dabe, te dwai dene mabo seę mu yaibao wai dao.

† 59:16 Ais 63:5 †† 59:17 Ef 6:14; 6:17; 1 Te 5:8

¹⁹ Genuai Bidi te genuai we asobo tiwai eyu, te Genuai Bidigo ponobo sogo te daų walali we gisigilama, te we asesu mu pomainu yaibao. Te tigidali tų asesu mu pomainu yaibao. Te tigidali tų habu we bidi dabe, te giliga pedalubo badu, gagalasa pelama, te giliga degegi paboba usu nigi paibao, te augwaligo Genuai Bidigo bomo me genuai nogi koneama, te aga nogide wi elama, te augwali aga dologoba aselama, bidimainogo yaibao.
²⁰ Genuai Bidigo te po wai, "Ena te dage posolalu, te dage tau sabo God, ena te Jerusalemba aselama, te tigidali we bidi te Jekopgo hani te augwa dwai kolesaga ebo tagalali bage ma sagasaibao. ‡
²¹ Te ena da, eno bomai po augwali dali daų walama, te augwaliba eno te tiwai po waibao, "Te eno mobo noma bidi me, te eno dagebolo mani po me, te dagede bidiyu, te dagego pedauwaligo eno po pusaibao. Dagego sesemane sogo tama tiaibao, te nosali dagego wai dabego me te duga bulabo waj dabego me te tama tiyu, te sesemane sogo augwaligo me eno po elalua peyu, pusaibao," te po wai dao.

Godigo genuai ula me bomo te Jerusalemda elalueibao

60 Genuai Bidigo te po wali, "Jerusalem, nage hogodama, te giliga nanobo ula tiwai yao, magi baso meni, megi eno genuai ula me bomo, Genuai Bidigo ula te nage daide ugwadu yaibao.
² Suao. Te sisi yai pų, me te genuai be hulua sabogo, te tųde tigidali gasa hani we bidi mesegelaibao. Tiali goli, ena Genuai Bidi, ena nageba aselama, te eno genuai ula te bomonama, nage daidu ula elalueibao.
³ Te Israel hani isawai we bidi dabego nago te ula sulama, te augwali nageba asaibao. Te king dabego me nago te bomai ula sulama, te augwali hogodama asaibao," wali.
⁴ "Nago tobolu ugwaba selama, tonono bilao. Te naga wai dabe augwali deliba sisinama, asobo sueibao. Te nago ogwa dabe te digibulude bidai asaibao. Te gasa bulu tų kantri bidi dabego te nago wegı dabe augwa hagawiade munama, tolasa asaibao.
⁵ Nago te tebo sulama, te nago gesabidi ula umagia mu yaibao. Te nago hoboludu dali pua pelama, genuai pemene yaibao. Te genuai sipidu wiegi yai nai hauwa

‡ 59:20 Rom 11:26

nageba sesaibao.
 Te nago mone hauwa mu te tigidali t̄ kantride saibao.
⁶ Te Israel hani is̄wai Midian bage me Efa bage, te augwaligo gesi kamel hauwa mugo te walu dabe nageba sesaibao.
 Augwali te t̄ kantri Seba teba pelama, te gol me, te wiegi yai hano denami ebo pauda me, te selasa asaibao.
 Te we bidi dabego Genuai Bidi, eno genuai nogi ugwaba saibao.
⁷ Te Kedar me Nebaiot dabego te tigidali wiegi yai sipsip hani nageba sesaibao.
 Tama ena we bidigo te sipsip dabe seselama, te eno alta daiba ofa ebaso, te ena wiegi yai pemene ebao wali.
 Te eno be te polalubo be mu pedelama, te genuai nogi elalueibao," te po wai dao.
⁸ "Te magi tedela yai nai asesa mu asu, te dagalu p̄q waligo te tamu āj daidu selasa asobo tiwai yali, te ba hi dabe augwa beba ma bola asobo tiwai ebawe?
 Te magi nai dawe?
⁹ Te digibulu buludu asobo sip dabe dao. Mu tama, te digibulu bulu we bidi dabego te eno augwali tau sabo tonaluai.
 Augwaligo te genuai sip dabe tagala palali, te nago ogwa dabe nageba ma sesalio.
 Te we bidi dabego te hauwa silva me gol te sip dabego sela somainu tolali.
 Augwa tama tiali, magi baso meni, augwaligo te eno nageba wiegi yai s̄ bugagia eyu, genuai nogi elalubo sulama yali, te augwaligo Israelgo Genuai Bidi, te ena Godiba genuai nogi mayu yali, ena te Wiegi Yai Doloba Pai Kolesaga Mu Ebo God dao," te po wai.
¹⁰ "Jerusalem, te gasa bulu t̄ kantri bidi dabego nago genuai obo te masigi dabego ma nigagasaibao. Te augwa king dabego nago s̄ yaibao. Hasia eno wado po dwai nageba wali, te eno dene nageba mawai.
 Tiali goli, megi eno bugai haliga eyu, te nageba olo tau sabo wiegi yai kolesaga ebao.
¹¹ Te nago genuai obo sunumi dabe te giligade me hulide dalalueibao, magi baso meni, te gasa bulu t̄ kantri we bidi dabego te augwa mone sesemane sogo nageba sesaibao.
 Te augwaligo augwa king dabe me te nageba olo mu s̄ ebo bidi tiwai emainu odasa asaibao. †
¹² Tiali goli, te nage dologoba aselama, nago s̄ is̄bo bulu t̄ kantri dabe, te augwali dolama, mu silaibao," wali.
¹³ "Te bidi Lebanon genuai busiba holama,

† 60:11 Ped 21:25-26

te bobage bobage sawi yai ni wuli, me saipres, me te gasa wiegi yai ni dabe togolama, te augwaligo nageba sesaibao.
 Te ni dabe dali, te bidi dabego eno be ma s̄nama, te be gasa sawi wiegi yai mu pedelaibao.
 Ena te ena duabo sia kingde dugulalu, tama te be da eno s̄ağ teba manama elalubo tiwai elalueibao.
 Tama te be eno polalubo be mu pedelama, tama aga genuai nogi elalueibao.
¹⁴ Te polobadu nageba dwai s̄ eyu, te nage godolo homu is̄wani hani dabe, te augwa tobolu basiasa nageba asaibao.
 Te augwa kidu sugunugulama, te nago s̄ağ p̄ade augwa tobolu basigulama, te nageba genuai nogi mawaibao.
 Te augwa nage nogi te tiwai weyu, 'Genuai Bidigo Taun da,' te 'Saion da,' waibao, 'te Israel Godigo Taun, aga te Wiegi Yai Doloba Pai Kolesaga Ebo God mu dao.'" ††
¹⁵ "Jerusalem, nage ololama, olo elalu, te nago sunumi dabede bidi iba oba soyu me is̄wai. Nage te we tiwai bidiyu, te aga bidigo aga godolo is̄ama, tagalobaso, aga wi pali. Tiali goli, te eno nage te gasa sawi wiegi yai pedalumainu ilama, te nage polalu, polalubo mu pedalubaso, te we bidi dabego nageba wiegi yai homu pemene mu yaibao.
 Tama nage te tiwai naga sesemane sogo bidada pidu, bidada paibao.
¹⁶ Te nago wiegi wiegi yai nai te gasa kantride siyu, te king dabego augwa wiegi yai sawi yai nai nageba mawaibao.
 Tama nago te tiwai koneama, ena naga te Genuai Bidi da waibao.
 Ena te ena we bidi ma sabo God dao, ena te nage posolalu, tonalu, tau sabo God, ena te Jekopgo hani dabego bomai God dao," wali.
¹⁷ "Te eno nago bras hasegelama, tama nago gol munolueibao.
 Me nago ain hasegelama, tama nago silva munolueibao.
 Te eno nago ni nami dabe me hasegelama, tama nago bras elalueibao, me nago masigi dabe hasegelama, nago ain elalueibao.
 Te eno wiegi yai bugagia haliga nagame homu elama,
 dugulaluabo kolesaga nigilaibao, te doloba pai kolesagago nage bilibo dodolaibao. Te niwai bidi mego nage tonalu, nageba dwai s̄ me egobeo.
¹⁸ Te nago tonalubo tigidali t̄q habu badu te bidi dabe munu me ma hw̄igobeo.
 Awe, nago t̄qde me te doado bage alubo

†† 60:14 Ped 3:9

kilikili me egobeo.

Te nago genuai obo nogi te tiwai elalueibao,
'Genuai Bidigo aga we bidi dabe ma salio,' waibao.
Te nago genuai sunumide te tiwai nogi elalueibao,
'Genuai Nogi Mao,'" wai.

¹⁹ "Te giligago nageba te bubugade ula mayu,
elalubo tiwai munu me elalusiayu,
te poluago me nageba ula mayu, me egobeo. Me-
nio.

Genuai Bidi ena digi ena te giliga tiwai,
me polua tiwai ula elalu,
te eno sesemane nageba ula maduaibao.
Te ena, nago God, ena te genuai ula elalu,
te nago au ilibo nai elalubo dao. †

²⁰ Nago te giliga me polua iba dega sigi pelama,
te be hulua siyu ebo me pedalugobeo,
magi baso meni, ena Genuai Bidi,
sesemane sogo ena te nago ula tiwai elalueibao.
Tama nago seşę dali homu dene ebo
sogo me tigidali silaibao.

²¹ Te sogo te nago we bidi tigidaligo
doloba pai kolesaga naga eyu,
te eno augwa tş da olama,
sa muani tş te augwa saibao,
tama augwa tede sesemane bidada paibao.

Te ena nogogo digi eno augwali
te deli hani we bidi pedalumainu ilali, tama augwali
te eno bulai ni nologo tiwai pedelali.

Eno tama tiali, te gasa hani we bidi dabego sulama,
te enaba genuai nogi momainogo tiai dao.

²² Jerusalem, te nagede bidibo mena bidi aga nogi me
elalusişbaso,
te tagalao, aga te genuai hani
wai dabego aya mu pedelaibao.

Te dwasianu mu yali hani dabe
te augwali umabo pedalu,
te augwali genuai bomai kantri
we bidi tiwai pedelaibao.

Ena Genuai Bidigo eno te po obao,
te seş dabe te eno bodolu muani sogo
polo asesa pedelaibao," te po wai dao.

**Te Godigo aga we bidiba wiegi yai seş ilabo sogo te
pedelalio**

61 Tigidali Bomo Elalubo Godigo Mobo Noma
Bidi enaba bidagasali,
magi baso meni, Genuai Bidi aga
digi eno toboluba wel gelali,
te ena dş sa muyu,
te aga wiegi yai po te magi
doado bage meni yai bidi dabe selasa pomainu yai.
Te agai ena tagala palali, te haliga seşę genuai
elalubo
bidi dabego seşę silimainu yai,
te kalabuside bidibo bidi dabeba po pusu,
te augwa kalabus tagalama,
olo pao po omainogo yai. ††

² Agai ena tagala palu, te tama po pusao wali,
te dago Genuai Bidi, Godigo seş yabo
sogo pedelalio,
te aga we bidiba wiegi yai seş bugagia ilama,
te boi bidi dabeba dwai dene mawaibao, wai.

Te agai ena tagala palali, te homu dene eyu,
gela wabo we bidi dabego haliga dş walomainu
tagala palai dao. ‡

³ Te Saionde gela udubo we bidi dabeba
eno te nagame yai haliga dua eyu,
pemene ebo homu me selasa asaibao,
te augwa bomu silali bageba tama tiwaibao.

Augwali homu dene ebaso,
te sia keli augwa toboluba muani.

Tiali goli, eno te nai hasegelama,
tama dwagi yai au yabo nai augwaliba mueibao.

Awe, eno augwaligo tigiba te wiegi yai
denami ebo wel mawaibao,
tama augwali homu dene ebo tagalama,
dwagi yai homu pemene eyu bidaibao.

Te augwa bomu ma selama,
te Genuai Bidiba pemene ebo balia waibao.

Augwa tigidali te doloba pai kolesaga
naga ebo seş bomu yaibao.
Te gasa bidi dabego sueibao,
augwali te Genuai Bidigo digi
bulali ni kali tiwai elalubao,
tama augwaligo Genuai Bidigo nogi ugwaba saibao.

⁴ Te dage we bidi dabego te polobadu
dolali taun ma nigiyu,
tama dagego te kibu be hauwa dolai elalualai nai
tigidali ma dodolaibao.

⁵ Te gasa bulu tş kantri bidi dabe aselama,
dagego seş yagasaibao.

Te dagego sipsip dabe augwaligo tonalu,
te augwa tş elama, nai bulaibao.

Tama augwaligo te dagego wain gi me tonaluaibao.

⁶ Tiali goli, duga digi dage te Genuai Bidigo pris
bidiyu,

te augwaligo dage nogi weyu,
te dena Godigo seş bidi da waibao.

Te duga nai hauwa elaluaibao,
te gasa tş kantri bidi dabego sela asai.
Te augwaligo wiegi yai nai hauwa dageba mobaso,
te dage wiegi yai homu mu pemene yaibao.

⁷ Polobadu te dage hale dwai mu elama,
duga gesabidi seselalualai.

Tiali goli, dage te duga tşde digi bidaibao,
te dagego nai hauwa mu siyu,
te dagego polobadu elalualai nai mu edelaibao,
te dage pemene umabo mu yaibao.

Tama dagego te ebo homu pemene
sesemane sogo elalua paibao.

⁸ Magi baso meni. Genuai Bidigo te po wai,
"Eno te doloba pai kolesaga naga godolo ebaso.
Eno te bidi elama nai wi sabo kolesaga,
me te gasa bageba dwai seş ebo

† 60:19 Ped 21:23; 22:5 †† 61:1 Mat 11:5; Luk 7:22

‡ 61:2 Mat 5:4; Luk 4:18-19

kolesaga, te hagela mu ebao.
 Te eno we bidi dabe te gasa bidi dabego
 augwaliba mani dwai şe ebo şeşę hauwa tolali,
 te mu tama te megi eno augwaliba
 wiegi yai nai mu mawaibao.
 Te eno bomo yai po me deli augwali dali daş
 walaibao,
 tama te daş walali bomo yai po
 sesemane elalua paibao.
⁹ Te eno we bidigo bulai waş wai dabe
 te gasa tş kantri hani we bidi tomode
 genuai nogi elalueibao.
 Te augwali subo we bidi dabe,
 te augwa te tiwai koneaibao,
 te hani dabe te eno hani dabe dao,
 Genuai Bidi, ena digi eno augwali wiegi yai ilaibao,"
 wali.
¹⁰ Te eno pemene ebo wiegi yai balia
 Godiba waibao, eno Genuai Bidi dao.
 Te eno pemene umabo mu yaibao,
 magi baso meni, agai ena ma sali.
 Te aga wiegi yaş sogo te aga doloba pai kolesagago
 ena
 te bobobage wiegi yai ugwago mesega sabo
 tiwai yali,
 te ena te we sabo bidigo au ebo tiwai eyu,
 te we aga bidigo aga kşbo sogode au ebo tiwai yai
 dao. †
¹¹ Magi baso meni. God, Genuai Bidigo
 doloba pai kolesaga dali,
 te aga nogi ugwaba sabo kolesaga dali,
 te we bidi dabe tomode pedelaibao,
 te gide bulali nai wai kulubi pedelama,
 te genuai ebo tiwai yaibao.
 Tama te gasa Israel hani isşwai we bidi dabe tigidali-
 go
 sumainogo yaibao.

Jerusalem gesi nogi saibao

62 Jerusalem, nage tobade te eno po hanilama,
 bomo elama weyu,
 te Genuai Bidigo nageba wiegi yai şe yao po obao.
 Te eno pedauwali me pania sogobeo. Mu menio.
 Te eno Genuai Bidiba i udu,
 te Genuai Bidigo te bugagia
 wiegi yai doloba pai kolesaga nageba eyu,
 te kigamu nanobo giliga ula tiwai eyu,
 te hulide domanobo sole ula ebo
 tiwai teba usu numainogo yaibao.
² Tama te gasa tş kantri we bidi dabego
 nago te doloba pai kolesaga ebo sulama,
 te augwa king dabego te nago bomo
 me genuai nogi elalubo sueibao.
 Te augwa nage gesi noma nogi nogi yaibao,
 te nogi Genuai Bidigo digi nageba mawaibao.
³ Nage te gasa sawi yai kingo madi
 te Genuai Bidi aga nogode tolalubo tiwai yaibao.

Awe, nage te aga nogode tolalubo
 wiegi yai au yabo nai tiwai yaibao.
⁴ Tama te bidi dabego nageba
 te tiwai nogi ma nogişayu,
 "Genuai Bidigo aga tagalai da," me wagobeo.
 Te nago tş augwaligo te tiwai nogi me wagobeo,
 "Hobede ya, te tş dolama, olo elalubao,"
 wagobeo. Menio.
 Te augwaligo nage gesi nogi te tiwai waibao,
 "Eno wiegi yai homu pemene agaba ebo dao."
 Te nago tş augwaligo te tiwai nogi yaibao,
 "We bidigo salio," magi baso meni,
 Genuai Bidigo bugai haliga eyu, wiegi yai pemene
 umabo nageba ebao.
 Te nago tş bugagia ma elalu, te we tiwai,
 te bidigo aga ma sabo tiwai yaibao.
⁵ Te naga waş dabego nage selama,
 te nage dali bugagia bidibo tiwai yaibao,
 te gesi ogwa bidigo te gesi wegi selama,
 te augwa si bugagia mu bidibo tiwai ebao.
 Te Genuai Bidigo wiegi yai pemene nageba yaibao,
 te gesi noma sogo bidigo we selama,
 te aga weba wiegi yai homu pemene
 ebo tiwai ebo dao.
⁶ O Jerusalem, te nago masigigo nigai genuai obo
 ugwadu daide eno te tonalubo bidi muai,
 tama augwaligo pedauwali te giligade hulide me
 pania sogobeo.
 Eno augwaliba te tiwai po wali,
 "Dage te Genuai Bidiba i wabo bidi dabe,
 dagego toma me nogobeo. Menio.
⁷ Dagego bomo elama, agaba i ola pidu,
 agai te Jerusalem bomo ma iliboba usu nao,
 tama Jerusalem te tigidali tşde we bidi gedude
 polalu mu pedelaibao," eno te po wali.
⁸ Genuai Bidigo nogo guni sisu muyu,
 bomai po daş wali,
 te aga genuai bomode agai te daş wali po mu
 pedelaibao.
 Agai po te tiwai, "Ena Genuai Bidi, te eno te boi
 bidi dabego nago we bidi dabego te şe dene elama,
 bulubo wit dabe munu ma sagasomainu me iligob-
 eo.
 Tama eno te gasa tş kantri dabego te nago we bidigo
 nigibo wain aş sagasomainogo me egobeo. Menio.
⁹ Te nago we bidi augwa digi naga
 te inayu tau yali wit selama, te bret nigilama
 tueibao.
 Te augwaligo ena Genuai Bidi,
 te enaba genuai nogi mawaibao.
 Te nago we bidi dabe augwa te inawani
 wain du dabe selama,
 te wain aş nigaibao.
 Tama augwa te eno be obo tomoba sela aselama,
 te aş augwa tuyu,
 te wiegi yai pemene enaba yaibao," te po wai.
¹⁰ Dage te megi Jerusalemde bidibo hani dabe,
 dage tigidaligo taun tagalişo.

† 61:10 Ped 21:2

Te taun tagalama, sunumi bogoba pelama,
te sunumi bugagia dodolao,
te duga we bidi dabe ma asobao.
Te augwa sunumi bugagia sisilao,
te sunumide elalubo masigi dabe sela sayao.
Tama te tigidali t̄ kantride bidibo hani we bidigo
suabo plak me deli nide walao.
11 Nage Jerusalem, nago te tiwai koneao,
Genuai Bidigo te tigidali t̄de we bidiba weyu,
nageba te po pusumainogo yali, "Saion, suao.
Te nago we bidi dabe ma sabo bidi, aga asobao.
Suao. Te agai aga we bidi dabe odasa asu,
te aga te boi hwjnama,
te wiegi yai nai sali tiwai yali dao," te po wao. †
12 Te augwaligo nago we bidi te tiwai nogi poaibao,
"Te Genuai Bidigo tedali gasagi yai we bidi dao," me
"Te we bidi dabe te Genuai Bidigo ma salio."
Te augwaligo nage nogi te tiwai waibao,
"Genuai Bidigo godolo mu ebo taun da,"
me, te "Genuai Bidi ma aselama, bidibo taun dao,"
waibao.

**Genuai Bidigo aga boi bidi dabeba dwai dene
mawaibao**

63 Te king bidi tiwai bugagia mu au elama,
te taun Bosra te t̄ kantri Idom badu
tagalama asobo bidi de dawe?
Te aga genuai bomo dali wele sesa asobo bidi de
dawe?
Te aga gudali ugwa tonani te mama mu yalio.
"Te ena, Genuai Bidi tama dao.
Eno te we bidi dabe ma sabo bomo elalubao,
tama eno te tiwai po obao,
te eno doloba pai kolesagade,
eno te augwaligo boi bidi dabe aiyaba elaluaibao,"
wali. ††
2 Magi elama te nago gudali
ugwa dabede mama kaneme mu yali,
te bidi te wain nigibo tomoba pali tiwai elama,
te wain wai agabo digi pabo tiwai yali da, agawe?
3 "Eno bulu t̄ kantri dabe agawali,
te bidigo wain du wai te masigi pou tomode agabo
tiwai yali,
te gasa t̄ kantri bidi me deligo ena tau me sabeo.
Eno augwaliba haliga s̄b̄e eyu,
wado dwai mu olama,
te eno augwali bomonama mu
agawali madi te augwa kaneme gela tagalu,
te eno gudali ugwa dabede kaneme dagana salio. ‡
4 Eno te ena sainu sa muani we bidi dabe sabo sogo
pedelalio,
tama tiyu, megi sogo te eno augwaligo boi bidi
dabeba dene mabo sogo dao.
5 Ena dwagila mu midiga sayu tonani,
te tiwai te ena tau sabo bidi me elalubeo.

† 62:11 Ais 40:10; Ped 22:12 †† 63:1 Ais 34:5-17; Jer 49:7-22;
Ese 25:12-14; 35:1-15; Amo 1:11-12; Oba 1-14; Mal 1:2-5 ‡ 63:3 Ped
14:20; 19:13, 15

Tialima, te ena bomogo digi te eno genuai haliga
s̄b̄ego
me,
eno te ena we bidi dabe ma siyu,
te eno augwaligo boi dabe aiyaba elaluai dao. ††
6 Te eno genuai haliga s̄b̄ego,
eno tigidali we bidi dabe agala salio.
Te eno haliga s̄b̄e ebo kabude te ā augwa tu-
mainao,
te augwali aiyoge page dwai mu yalio.
Te eno augwaligo kaneme t̄ba gelu tiai dao," wali.

**Te we bidi dabego Genuai Bidigo wiegi yai kolesaga
homu kone palali**

7 Te eno Genuai Bidigo wiegi yai olo mu tau sabo
kolesaga po pusubao.
Te eno aga nogi ugwaba siyu,
te agai da tau siyu, wiegi yai kolesaga hauwa
yali po pusaibao.
Awe, te aga genuai olo mu tau sabo wiegi yai kole-
saga,
me homu dene ebogo,
agai te Israel haniba wiegi yai s̄ mu yalio.
8 Genuai Bidigo te po wali,
"Te hani dabe, augwali te eno hani we bidi dabe
mu da,
te augwa hagoma elama, eno po me sela s̄agobeo."
Tama te aga augwali ma sali bidi pedelai dao.
9 Te augwali dene me s̄ēē tolali sogo,
Genuai Bidi me augwali dali te dene me s̄ēē tolali.
Te agai haliga augwalide homu dene ebaso,
te agai augwaliba te olo mu tau sabo
wiegi yai kolesaga yali,
tama aga digi te mobo bidi ensel tiwai pedelama,
te augwali ma sali.
Te tobage sogo sesabi mu elama,
te agai augwali tolalu,
te augwali bugagia mu tonaluai dao.
10 Tialima, te augwaligo agaba hagoma eyu,
te agai homu ogwa wai mobo te haliga s̄ēē mu
ilali.
Tama tibaso, aga digi augwaliba boi bidi elama,
te augwaliba hwjani.
11 Tialima, nosali augwa te polobadu
yali sogoba homu kone palali.
Augwa te Moses me aga we bidi dabeba homu kone
ma
palama,
augwa te tiwai po wai,
"Te Genuai Bidi mena bidibawe?
Polobadu agai te polalubo bidi aga
we bidi dabe dali odasa asu,
te tamu ā nogeali Genuai Bidi mena bidibawe?
Polobadu agai homu ogwa wai mobo
te augwali dali bidimainu yai dao.
12 Agai te aga genuai bomo te Mosesba mawai.
Agai te tamu ā si badu peda somainu elama,

†† 63:5 Ais 59:16

te aga we bidi dabe te aĵ nogelama,
 u badu pedaiba sabolali,
 tama te kolesagade aga genuai nogi sali,
 te sesemane elalumainu yai dao. †
¹³ Te augwali asobodu aga polasa peyu,
 augwali te tamu aĵ dologo badu mu
 elalubo tōdu pali.
 Te augwali te bulu wa pai pesagede bidibo
 bulu uni hos dabe pabo tiwai bomonama asesa pali,
 te augwali me tula mubeo.
¹⁴ Te Genuai Bidigo Mobogo digi
 te aga we bidiba nagame yai homu mayu,
 te augwali toma nomainu ilali,
 te bulmakau dabe te nosai hauwa
 elaluboba pelama,
 nai tuyu, toma nomainu ebo tiwai yalio,"
 augwaligo te tiwai po wai.
 Genuai Bidi, nago te bomai sę dabe yali,
 tama te kolesagade nago te naga
 we bidi dabe pabo sunumi dodolali,
 te tigidali we bidigo nago genuai nogi
 me bomo konemainu yai dao.

Te Israel dabego te Genuai Bidigo augwali tau sao olama, gedu haluasa po wali

¹⁵ Genuai Bidi, nage te naga bulu
 pesage dagalude bidibao,
 te tedali gasagi yai mu dao,
 te bulu pesagede te nago genuai ula
 me bomo paġaŋalubao.
 Tiali goli, te nago aiyaba tonoyu, te da suo.
 Magi baso nage hogodama,
 te nago genuai bomo daba waselisama ebawe?
 Nago homu dene eyu, olo tau sabo
 wiewi yai kolesaga te dabolo me ola mabeo.
 Te nago da godolo homu me isiayyu ebo da, agawe?
¹⁶ Tiali, nage te dago aya dao.
 Te da bulai waj monu aya, Abraham me Jekop
 augwali te da dali me bidibe,
 te augwaligo da konesiawai.
 Tialima, nage Genuai Bidi, nage dago aya mu dao.
 Tama nago nogi te tiwai elalubao,
 "Te da tudibadu tonalu,
 polobadu digi tau sesa asali bidi dao."
¹⁷ Genuai Bidi, magi baso nago da
 te besela palama, bilalumainu eyu,
 te dago nago doloba pai sunumi wali
 pişamainogo ebawe?
 Magi baso nago dago haliga me homu kolesaga daŋ
 weyu,
 te dago nageba wi isama,
 te nago dologode bidisamainu ebawe?
 Nago naga sę bidi dabe da homugo koneama,
 te nage ma aselama, da dali bidagasao,
 te naga digi nago sa muai hani dabe dao.
¹⁸ Te peŋadage sogo naga nago digi te sa muani be
 te nago we bidi dago nogode elaluali,

te nosali dena boi bidi dabe asu, dolama,
 te nago be mesegelama, agala dolali.
¹⁹ Tama megı da, da we bidi hobedagia
 mu bidibo tiwai ebao,
 polobadu nago tonalu, tolalusawai tiwai bidibao.
 Tama da hani dabe te nago nogi augwalide musiawai
 bage tiwai bidibao.

64 O Genuai Bidi, dago homugo nage te dagalu
 buga şanama, dulao homu ebao,
 te bulu du dabe nage asobo sogo dwai midigi mu
 saibao.

² Augwali te siade ulalubo sene sospende tomode
 te posolo aĵ punuguna tagalobo tiwai yaibao.

Nage te naga genuai bomo dali asobaso,
 te boi bidi dabego nago nogi konemainao,
 te nage augwaliba pedalubo sogo
 te tigidali tō kantri we bidi dabe
 wi elama, noma saibao.

³ Polobadu nage asobode, te gasagi yai
 nai tedali mu pedelali,
 tama dago te suyu, dwai noma mu sali.
 Te bulu du dabe nage asali sogo,
 te dwai midigi mu sai dao.

⁴ Polobadu te bidi mego te god me deli
 tobage bomai sę yali po odobeo,
 te we bidi tau siyu, te konealu tonaluabo sę.
 Ma, bidigo aga gedugo te god me deligo
 te tobage bomai sę ebo subeo. Menio.
 Genuai Bidi, nago naga te tiwai bomai sę ebo dao. ††

⁵ Nago pemene eyu, te doloba pai kolesaga mu elama,
 nago te godolo homu ebo kolesaga
 wali pabo bidi dabe tau sagasobo dao.
 Tiali goli, nago daba wado po wai goli,
 te dago kolesaga me hasegelebeo.
 Dago te dwai sę yabo bomu iduai dao.
⁶ Da tigidaligo dwai sę eyu,
 te da nago gedude meda yai mu elalubao.
 Te kolesaga dabe dago homugo
 doloba pai kolesaga da olama,
 te kolesaga dabe te dago gawea pai nai tiwai dao,
 tiali goli dago te ebo, augwali nago
 gedude dwai mu eyu,
 te ugwa meda dwai mu tiwai ebao.
 Te dena ebo dwai sęgo te pađe da mu haga yabo homu

yai,
 te wa pai ni yabe te waligo sela pabo
 tiwai yaibao wali.

⁷ Te nageba gedu haluasa po weyu,
 te nage nogi wabo bidi meni yai,
 te nage paşa asu,
 nageba homu kolesaga keş pabo bidi meni,
 magi baso meni,
 nago naga gesabidi daba geme dula selama elalu,
 te nago dena sęęęgo da dodolomainu ilama,
 te da dwai mu bidibao.

† 63:12 Sai 14:21

†† 64:4 1 Ko 2:9

⁸ Tialima, Genuai Bidi, nage dago aya dao.
Nage te sospen sene tşgo nigibo bidi tiwai,
tama da nago te sene nigainu sabo
tş tiwai elalubao.
Te nago nogogo digi da tigidali nigibo dao.
⁹ O Genuai Bidi, nago dade haliga şebş mu idu,
te sesemane sogo dago ebo
dwai şede homu kone paludigio.
Menio.
Da tigidali te naga we bidi da homu elama,
te nago daba olo mu tau sabo wiegi yai kolesaga
yao.
¹⁰ Te nago tedali gasagi yai taun dabe te olo bulu
dwai
tş pesage tiwai elalubao,
te Jerusalem me mu dolama, tede bidi me bidibeo.
¹¹ Tama nago tempel be da, nago te po weyu,
da teba pelama, nageba lotu waibao wali,
te me siago delama, tigidali dolali.
Polobadu te be te gasa sawi yai mu elalu,
te da bulali wşj dabe teba pelama,
te nago nogi ugwaba sali.
Tiali, megi da, te dolali,
te dago godolo homu yali gasa wiegi yai pesage
dabe,
augwali me te dolama elalubao wai dao.
¹² Genuai Bidi, nago te şş dabe sulama,
nago haliga hogodiyu,
te magi şş me deli yabo homu ebo meni da, agawe?
Te nago homugo dago te şşş hauwa
tolodumaina homu elama,
tama nago dago gedu haluasa
po wabo wei ponisşama eba, agawe?

Godigo te hagoma ebo haniba dwai dene mayu, te
aga şş bidi dabeba wiegi yai şş ilaibao wali

65 Genuai Bidigo te po wali, "Ena, Genuai Bidi,
te eno augwali tau somainu
gedu haluasa po wasişbo we bidigo
gedu haluasa po wabo odainu,
te tonalu sisilalubao.

Te ena bidibo augwali enaba asobo tonalubao,
tiali te augwaligo ena gegabo homu isşwani.

Eno te po wali, 'Sesemane sogo ena bidibo,
te dage tau sainu eba,'
tiali goli augwali te enade digibulu bidiyu,
te eno nogi augwalide musişwai hani
bidibo tiwai ebo dao. †

² Te tigidali side eno nogo dinigalubao,
tama eno te eno po sela şşbo we bidi
ma sainu tonalubao,
te dwai kolesaga ebo sunumidu
augwa homugo digi wali bilibo
we bidi te ma sainu tebo dao. ††

³ Te eno gedude augwa te eno haliga şebş elama,
wado po wabo tobage kolesaga eba.

Augwa te Godigo po odisşbo bidi dabego ebo kole-
saga
yai.

Augwa te lotu wabo pesage te gide elalubo te sisina-
ma,

ofa eyu,
tama augwa te tibo god dabego altaba pelama,
te wiegi yai denami yabo hano ilibo pauda ulubo
dao.

⁴ Tama hulide augwa te gş pageba bidalugi pelama,
te isai bidi dabede po sainogo ebo dao.

Tama augwa te kibu mi tulama,
te gasa tobage hasa te eno gedude
wiegi yai isşbo sup nai aş me tubo dao.

⁵ Te augwa gasa bageba te tiwai po weyu,
'Dage dade digibulu bidao,
magi baso meni, dago tigde habu selali.

Tama tibaso, dage da dali me kisalugobeo,'
te po wabo dao.

Eno te hani dabego te tobage kolesaga ebo te eno
homude hagela yali.

Augwa te tama tebode te eno haliga şebş
dwai mu augwaliba eba.

Augwalide eno te haliga şebş ebo te mu siligobeo,
te sia bogoli gamonama dabo tiwai ebo dao," wali.

⁶ "Suao. Ena Genuai Bidi,
eno te dage dwai we bidi dabego ebo
dwai şş tigidali te eno bukude aşani.

Tede eno sagia sogobeo. Menio.

Te eno dageba dwai dene mayu,
te duga yali dwai şş tigidalide
dolo mu wei ponaibao.

⁷ Te eno duga yali şşş şşş dali,
te duga bulai wşj nşş dabego yali
şşş dali tolomainu yaibao.

Te duga bulai wşj nşş dabe te lotu wabo
pesage te bulu du bageba holama,
tama augwa te wiegi yai hano denami ilibo ofa eyu,
tama augwa te haniani dwai kolesaga ena gedude
yali.

Tama eno augwa yali dwai şş tigidali usu nama,
dolo mu te wei ponaibao," wali.

⁸ Genuai Bidigo te po wai,
"Te bidi me deligo te bono du wain
te du pa elalubo nogogo şşwainu ebaso,
gasa bidigo te po wagi da,
'Tonalu bolo yao,' wai.

'Eno te wiegi yai wain wai du meba
te pşde elalubo suali.

Dago selama, te tuabo wain aş meba nigibaso,
usu yaibao,' wai.

Te tiwai tama, ena Genuai Bidi,
eno te tigidali Israel we bidi me dologobeo,
magi baso meni, augwali eno şş bidi dabe dao.

⁹ Te eno Juda dabeba wiegi yai şş eyu,
te tigidali Israel haniba me tiaibao.

Eno augwali te genuai we bidi hani pedalumainu
ilaibao,

te augwali eno bulu du pesagede
 bidalumainu yaibao.
 Te hani we bidi dabe eno augwali sa munama,
 te eno sę bidi bidimainogo yai,
 te tօde augwali bidimainu yai dao.
¹⁰ Te augwa sipsip dabe, te bulmakau me,
 te tօde paęanalueibao,
 te Saron te giliga dega sigulubo
 pedai te odogo pesagede gagalasa pali,
 te Akor giliga pedalubo badu
 te odogo tօba usu nigi paibao.
 Te augwa nosai hauwa elalu, te nai tuyu,
 toma neyu, bidaibao.
 Eno te sę dabe ebo te ena gegebo homu elalubo we
 bidi
 dabeba tiaibao," te po wali. †

¹¹ "Tiali goli, dage da, te dage ena tudiba muyu,
 te eno bulu du, te Saionba asisama,
 te enaba lotu wagasisaօo hani dabe,
 dage te dwai dene mu saibao.

Dagego te Gat me Meni, te siba nai me wain aօ mayu,
 lotu wabo dao.

Te tibo god dabe te augwaligo dage
 tau somainu ebo da homu elama,
 te duga wiegi yai sogo elalueiba homu yalio.

¹² Tiali goli, eno gasagi yai sogo dageba sa muai.

Te boi dabego dageba hwjagaselama,
 te dage augwa bainat hwaօ dabego ela mueibao.

Te duga kidu sugunama, te tobolu tօba basigulama,
 te boi bidi dabego dage tobolu mage togwaibao.

Te sę dabe pedelaibao, magi baso meni,
 eno dage i wali, te dagego eno i wabo wei ponobeo.

Te eno po me dageba pusali,
 tiali dagego wali pabeo. Menio.

Dagego eno po sela sayu, te eno gedude
 dwai kolesaga naga yali,
 te eno godolo homu isaօwai
 kolesaga dabe mu ebao wali.

¹³ Tama tibaso, ena God, Genuai Bidi,
 eno te tama po obao.

Te eno sę bidi dabego te nai me aօ hauwa elalueibao.

Tiali, dage te ena tudiba mubo hani dabe,
 te dage nai sili bidu, te tuabo aօ meni yaibao.

Te eno hani dabe, te augwa wiegi yai pemene yaibao,
 tiali te dage dwai hale mu saibao.

¹⁴ Te eno sę bidi dabego haligade
 te wiegi yai homu pemene paęanalu,
 te augwa homu pemene ebo tօaօbi po waibao.

Te dagego haligade te homu dene ebo paęanalu,
 te dagego homu kolesaga kone tuօ pelama,
 te dage gela bomonama mu waibao.

¹⁵ Te eno hani dabe, te augwa gasa
 bageba po dwai wabo sogo da,
 teda augwa te tiwai po waibao,
 'God, Genuai Bidigo dage dolomainu yaibao,
 te agaı te dwai hani dabe dolali tiwai yao,' waibao.

Tama te bidi dabego dage nogi
 te dwai nai homu tiwai yaibao,
 tiali goli eno te wiegi yai gesi nogi
 te ena sę bidi dabeba mawaibao.

¹⁶ Tama te tigidali tօ habu pedai badude,
 te bidi dabego gedu haluasa po enaba weyu,
 te mu po naga wabo God da po weyu,
 te augwali wiegi yai bugagia ilao
 po enaba hanalueibao.

Te bidi dabego augwa po daօ walabo homu elama,
 augwa te eno nogi delide naga te mu po
 dao waibao.

Tama augwa te polobadu elaluali haliga
 sęę me dwai sę yali dabe
 te homu kone gegeda palaibao,
 te ena, Genuai Bidi, te eno augwa
 te polobadu yali dwai sę dabeba
 homu kone mu gegeda palaibao," wali.

Tigidali nai te gesi Jerusalem dali bugagia elalueibao

¹⁷ Genuai Bidigo te tiwai po wali,
 "Suao, eno gesi dagalu me tօ nigaibao.

Te bidi dabego te polobadu pedelali
 naiba homu kone me palogobeo.

Augwaligo te nai mu gegeda paibao. ††

¹⁸ Dagego te eno megi nigali gesi naiba bugai haliga
 eyu,
 wiegi yai pemene sesemane sogo yao. Magi baso
 meni.

Te eno nigainogo ebo gesi Jerusalem
 te we bidi dabego godolo elama,
 wiegi yai pemene yabo pesage pedelaibao,
 te aga we bidi dabe te bugai haliga mu elama
 bidaibao.

¹⁹ Ena digi me eno wiegi yai pemene
 te Jerusalemba elama,
 te ena we bidi dabeba bugai haliga yaibao.

Te gesi nigali Jerusalemde te bidi dabe gela wabo
 kulukulu munu me elalugobeo,
 te genuai dene elalubo bidi dabego
 te i wabo sę me elalugobeo. ‡

²⁰ Te dwasianu ogomani dabe me
 te ogomani bidi elalubo sogo me isigobeo. Menio.

Tigidali we bidi te bobobage sogo sesabi elama,
 mu bidama, te monu dabe mu pedelaibao.

Te augwa kibu be bidi sese a naga 100 yia bidali,
 te tagalao, augwali te gesi tigi elalubo we bidi
 bidaibao,

tiyu augwali me deli te kibu be bidi sese a naga 100
 yia bidisaıbadi isibaso,
 te gasa bagego homugo te Genuai Bidi eno aga
 isimainu yai da,
 te homu yaibao," te po wai dao.

²¹ "Te eno we bidi dabego te be dabe sęnama, tede
 bidalueibao.

Te augwa te wain gi dabe bulama,
 te wain du tabila tuyu, bidaibao.

† 65:10 Jos 7:24-26

†† 65:17 Ais 66:22; 2 Pi 3:13; Ped 21:1 ‡ 65:19 Ped 21:4

22 Te boi bidi dabe munu ma aselama,
te eno we bidi dabe sela sayu, ela gudulama,
te augwaligo beba bidagaselama,
te augwa wain gi selama,
te wain du tabilama tuyu, me tegobeo.
Te eno we bidi dabe sesabi elama,
bobobage sogo mu bidaibao,
te bomai dila pai ni tiwai elalueibao.
Awe, tama augwa digi şę dene elama,
pedalubo naide wiegi yai
homu pemene elama, bidaibao.
23 Augwa ebo şę te odolali me ela tagalogobeo.
Te augwa wai dabe me doloyu,
me egobeo, magi baso meni,
augwaliba eno te wiegi yai şę bugagia yainu,
te sa muani hani dabego wai dabe dao.
Te eno augwaliba bugagia wiegi yai şę eyu,
te augwa wai dabeba me,
te augwa nosali bulabo waj nq̄u
wai dabeba te tama tiaibao wali.
24 Te augwa godolo homu eyu,
te sabo homu ebo nai po te enaba gedu haluasa po
weyu,
hanalusişbadi, te eno augwaligo
hanalubode wei ponaibao.
Te augwa gedu haluasa po wabo sogo da,
teda eno te nai dabe augwaliba mawaibao.
25 Te bulu uni yowi dabe me te sipsip wai dabe
augwali hodobo deliba nai tueibao.
Te laion dabego te bulmakau dabego
nosai tubo tiwai yaibao.
Tiali goli, te hasamani dabego da,
te t̄q̄ hogomu naga tueibao.
Te Genuai Bidi, eno buludu pesage tigidalide,
te tigidali nai bugagia elalueibao,
te bidi me deligo gasa bidi meba
dwai şę iliyu me tegobeo.
Ena Genuai Bidi, eno po wai dao," wali. †

**Genuai Bidigo aga boi bidi dabe aiyaba elaluama, te
aga dologoba asali haniba wiegi yai şę yaibao wali po**

66 Genuai Bidigo te po wai,

"Dagalu da, te ena dugabo sia king tiwai elalu,
te t̄q̄ eno şağ̄a ugwadu mubo pesage dao.
Tega. Te dagego eno be şę ebo usugowe?
Te mena badu ena toma nabo pesage elalueibawe? ††
2 Genuai Bidi ena digi, eno te dagalu
me t̄q̄ tigidali nai nigilama,
te augwali pedelama, megi elalubao.
Eno te tobage bidi dabeba bugagia haliga yaibao,
te augwa digi aiyaba elaluama,
te augwa yali dwai şede homu dene eyu,
enaba wi elama,
te eno po dologoba aselama, bidibo bidi." ‡
3 "Tiali goli, te augwa digi dobo homu wali pabo

† 65:25 Ais 11:6-9 †† 66:1 Mat 5:34, 35; 23:22 ‡ 66:2 Tpi
7:49-50

we bidi dabego augwa te haniani dwai kolesaga
godolo mu eyu,
tama augwa te enaba lotu mu obao, te homu ebao.
Tiali goli, augwaligo enaba te ofa ebo
tigidali te eno godolo mu me isawai.
Te augwaligo bulmakau elama, enaba ofa ebo sogo,
eno suali, augwa te bidi elali tiwai ebao.
Te augwa sipsip wai elebo sogo,
eno suali, augwa te yowi elama,
te enaba ofa tiwai yali.
Augwa te wit dabe ofa ebo sogo, eno suali,
augwa te kibu kaneme ofa ebo tiwai yali.
Te augwa wiegi yai denami ebo hano ebo ofa ebo so-
go,
eno suali, augwa te tibo god piksa
me deliba ofa ebo tiwai yai dao.
4 Te pagede tama te augwaligo tolabo şęğ̄e eno sa
muani,
augwa te wi mu ebo şęğ̄e dao.
Magi baso meni, eno augwaliba i obadi,
te eno i wabo augwaligo wei ponobeo.
Te eno po me augwaliba pusubadi,
tiali goli augwa wali me pabeo. Menio.
Augwa eno po sela sayu, te eno gedude
dwai kolesaga naga yali,
te eno godolo homu isabo kolesaga dabe mu dao."
5 "Dage te wi elama, te Genuai Bidi,
eno po dologoba asobo hani dabe,
dagego te megi eno dageba pusainu ebo po odao.
Dage ena wali asobo bomo yai,
tama te duga deli hani dabego
te dage godolu mu me isama,
te augwaligo dage tudiba muai.
Te augwaligo dageba posobo po weyu,
dageba te tiwai po wali,
'Te Genuai Bidi aga genuai bomo dali asomainu eyu,
te dage pemene ilimainao, te tebo dago sueibao.'
Tialima, eno te po obao,
te dagego augwali dwai hale mu
sabo sueibao, te po wali.
6 Te taun tomode genuai i weyu,
te eno be tomode kulukulu wabo odao.
Te eno i me kulukulu weyu ebao, te Genuai Bidi dao.
Eno te ena boi bidi dabeba dwai dene mayu,
te augwa yali dwai kolesaga wei ponaibao," wali.
7 "Ena, Genuai Bidi, eno te po obao,
eno taun te wego wai deli sogo polo
tama ame nabo tiwai yaibao.
Aga te wai ame nabo tigi dene isabadi,
tama te wai polo pedelali. ††
8 Dagego te tobage şę polobadu sulama,
odai da homu eba, agawe?
Te bulu t̄q̄ kantri me deli te deli sogo
pedalubo da, agawe?
Te genuai hani we bidi me deli te deli sogo tama me
pedalubo homu eba, agawe?
Tiali, Saion aga te wai ame nabo

†† 66:7 Ped 12:5

tigi dene ebo gagalobo sogo,
 te polo tama aga te wai ame naibao.
 9 Ena God, Genuai Bidi, ena digi eno
 aga te wai ame nabo dene ilali.
 Tama tibaso, te magi elama eno agai haliga paniam,
 eno aga wai somainu iligobe dawe?
 Ena da, ena dagego God dao.”
 10 “Dage te Jerusalem godolo mu ebo hani dabe,
 dagego aga dali wiegi yai pemene yao.
 Dage agade te homu dene elama,
 gela weyu yali hani dabe,
 megi da, dagego aga dali wiegi yai homu pemene
 yao.
 11 Magi baso meni. Aga bugagia bidibaso,
 te duga wiegi yai pemene elama,
 agade te wiegi yai nai hauwa saibao.
 Aga te dagego ida me deli tiwai elama,
 tama dagego aga ame tuyu,
 te dage bugagia mu pağanama,
 te haliga nagame yai bidaibao,” wali.
 12 Genuai Bidigo te tiwai po wali, “Magi baso meni.
 Eno te Jerusalem bugagia mu elalumainu yaibao,
 te sesemane sogo agai te gasa t̄ kantrigo wiegi yai
 nai dabe hauwa saibao.
 Te aga magi deli me s̄a pis̄ama,
 te w̄ sesemane sogo asudu,
 te sula sis̄abo tiwai yaibao.
 Te dagego te nai dabe siyu, wiegi yai pemene mu
 yaibao,
 te waigo idago ame tuyu, pemene ebo tiwai yaibao,
 te waigo aga idago sabilibaso, pemene ebo tiwai
 eyu,
 te idago aga telede pilama,
 aga dali gagali ebo tiwai ebo dao.
 13 Te eno dage bugagia mu tonalu,
 te idago aga wai b̄o bugagia tonalubo tiwai eyu,
 te aga waigo haliga dua nagame
 ilibo po wabo tiwai yaibao.
 Dage te Jerusalemde bidiyu,
 te duga haliga nagame elama bidaibao.
 14 Eno te tama s̄e dageba ebo subaso,
 te duga haliga pemene mu elama,
 te dage genuai bomai hani mu pedelaibao.
 Te dage eno s̄e bidi dabego te duga Genuai Bidi eno
 bomo bugagia koneaibao.
 Tiali goli, eno boi bidi dabego te eno
 haliga s̄e koneyu, ḡe naibao.”
 Genuai Bidigo te po wai.
 15 Te dagego Genuai Bidi te sia dali asobo sueibao,
 te aga karisde dugulama, bomonama,
 umagia mu udayu,
 te bomai wali asobo tiwai yaibao.
 Te aga haliga s̄e ebo siago te aga boi bidi dabe ula-
 ma,
 te augwali mu silaibao.
 16 Magi baso meni. Te Genuai Bidigo isigo te we bidi
 uluyu,
 te agai hw̄ ge bainatgo te we bidi hauwa mu ela

mueibao,
 te augwa yali dwai s̄e wei ponoyu, tiaibao.
 17 Genuai Bidigo te tama po wali, “Te tibo godiba lotu
 wabo hani dabe, augwa te tibo godigo gedude wiegi
 yai pedalumainu ebo kolesaga wali peyu, augwa te lo-
 tu wagi pabo pesage giba pelama, te augwa polalubo
 bidi dabego ebo kolesaga wali pelama, augwa te kibu
 mi, me bolo mi tuali, te gasa nai dabe eno gedude wie-
 gi yai is̄abo nai tuali, augwa tigidali dolama, mu
 silaibao,” wai dao.

Te tigidali t̄ kantri we bidi dabe te Genuai Bidi dolo- gode bidaibao

18 Genuai Bidigo te po wai, “Eno te we bidi dabe ho-
 mu kolesaga sulama, tama eno konebao, te megi da,
 eno te tigidali we bidi dali sisinibo sogo dao, te mena
 po haniani wabo bage me sisinaibao. Te augwali sisi-
 nagasobo sogode, teda augwaligo te eno genuai ula
 me bomo sueibao. 19 Te eno augwali tomode te d̄a me
 deli pedalumainu ilaibao.”
 “Tialima, eno te hani meba, te dolis̄awani hani bage,
 te digibulu t̄ kantri we bidiba tagala palama, te eno
 genuai nogi me bomo te eno genuai bomo ebo po
 odis̄awani we bidi dabeba pusugi pomainu yaibao. Te
 augwali eno te hani dabe Tarsis, me Pul dabe, me
 Lidia, te haniba tagala palaibao, te Lidia bage augwali
 enesigigo ene enebo mu konea pai bidi dabe mu, te
 Tubal me Gris dabeba, te digibulu bidalubo gasa we
 bidiba me tagala palaibao. 20 Tama te t̄ kantri we bidi
 dabego te duga deli hani dabe duga abagi te augwa
 bulu kantridu enaba te ofa tiwai elama, odasa asaibao.
 Augwa te augwali te hos dabede, me donki dabede,
 me kamel dabede, me karisde dugulasa asomainu
 ilaibao, te augwaligo augwali te eno bulu du
 Jerusalemba odasa asaibao. Augwaligo augwali enaba
 odasa asobo, te dage Israelgo te ofa yabo wit te wiegi
 yai pou dis te eno gedude wiegi yai yaide wit munama,
 te eno beba sela asobo tiwai yaibao. 21 Tama te aug-
 wali meba eno te pris pedalumainu ilaibao, te meba Li-
 vai hani bidimainu yaibao,” Genuai Bidigo te po wali.
 22 “Ena Genuai Bidi, eno te po obao, te gesi dagalu
 me gesi t̄ eno nigaibao, te eno gedude sesemane bo-
 mo elalueibao, te tiwai duga wai dabe te sesemane so-
 go bomo elalu, te dagego nogi me sia sogobeo. †23 Te
 genuai si tigidalide, te gesi poluade nanobo side, me
 tigidali Sabat side, te tigidali t̄ habu we bidi te asiyu,
 te ena geduba kidu sugunama, enaba lotu waibao,
 Genuai Bidi dao. 24 Te augwa eno be tagalobo sogo, te
 augwa hagoma elama, eno po sela s̄awani hani dabe
 tigi, te t̄de pila muna muna pabo sueibao. Te
 dwasianu sawi dabego augwa tigi dabe tuyu, te bida-
 da paibao. Te isigo augwa tigi deyu, te me siligobeo.
 Te tigidali we bidigo te bidi hani dabego tigi sueibao,
 te damua pai dwai nai mu tiwai yaibao,” God Genuai
 Bidigo te po wai dao. ††

Profet Jeremaia Po Elalubo Buku

Hasia nedebo tau sabo po

Profet Jeremaia te Jerusalemda bididuali sogo, te Babilon tɔ kantri king Nebukatnesargo ami bidi dabe dali ase-lama, te Juda hani dabe dolagasobo sogo elalubo paɖe, aga bidali profet bidi dao. Te Jeremaia po pusali po hauwade te agai te po weyu, "Te dage Juda dabe me Jerusalem bage, te dage dua dao, bugagia kone palao," po walio. Te we bidi dabe augwaligo te tibo god dabeba lotu wabo tagalisama, tama te homu begelisabaso da, te da Godigo augwali dolabo po odobo hagela homu yaligo da, tama agai te wali se po dabe, augwali te mu pedelama, te aga digi sualio. Te profet Jeremaia gasa daɖ wabo po meba dabe pusali po te tiwai, te nosali Godigo te Juda hani dabe augwali hobede ma elama, te augwali tau ma sobaso, te augwa page bulu tɔba ma asela yabo po pusalio.

Jeremaia buku da, te gasagi yai dwasianu tedali, te gasa profet dabego buku dabe tiwai si ebeo, magi baso meni, te Jeremaia aga po dabe digi hauwa pusali elalubao. Jeremaia te Godigo agabolo wali po te agai te we bidiba pusainu ebo, te agai homu pemene isaɖani, tiali goli aga homu kolesaga aiyaba elaluama, tama Godigo homu kolesaga doloba peyu yali. Te hauwa sogo aga hagela sege eyu, agade digi hobede yali. Tiali goli, agai aga te hagela sege ebo se te geme dualobeo. Agai dolo tama pusalio, tama agai te po dabe te bukude elalubao. Jeremaia te Juda hani dabe godolo homu yali, tama Godigo agabolo bomai po mabo sogo da, tama agai te po pusabo homu pemene meni yani. Tama te hani bidi dabe augwaligo agai pusubo po odobo hagela ebaso, te augwaligo aga dolainogo ebaso, agai te God dali po hauwa wai dao.

Jeremaia po pusali wiegi yai po me deli te Daɖ 31:31-34 tede elalubao. Te po dagede Jeremaia po pusali po e tiwai, te gesi noma wiegi yai daɖ wabo po Godigo aga we bidi dabe dali yabo se pusali. Te daɖ wabo po augwaligo te masigi pedai dagede, ma te buku me delide naga asebo se egobeo. Menio. Te we bidi dabego haliga to-mode elalubao, tama augwa digi godolo homu eyu, wali paibao. Da te Godigo po mu odobo we bidigo homu kone palobo seɖe, te Godigo Moba Bidi Holi Spiritgo se eboɖe dago homu koneao.

Godigo Jeremaia i olama, agai po pusumainu yai

(Daɖ 1)

Te kibu be dabede Godigo po Jeremaiabolo mawai

1 Te e da Jeremaia po, te Hilkiago ogwa dao. Hilkia te pris hani dabe me deli te Anatot taunde te Benjamin hanigo tɔɖe bidai. 2 Te Josaiago kibu be nogo si, saɖago sela, 13 kibu be wabode, te Emongo ogwa, te Juda king bidali sogo, Genuai Bidigo po Jeremaiabolo mabo gagalai dao. 13 Te sogo gagalama, tama bidama nosali, Genuai Bidigo po meba te Jeremaiabolo mayu, te Jehoiakim, te Josaiago ogwa, te king bidali sogo te po mawai. Genuai Bidigo po te Jeremaiabolo maduali, te king Sedekaiago kibu be nogo si, saɖago deli teba usu nigi palio, te Josaiago ogwa dao. Te wabo kibu bede te a naga wabo poluade, te boi bidi

† 1:2 2 Kin 22:3-23:27; 2 Sto 34:8-35:19

dabego te Jerusalem we bidi dabe selama, te gasa tɔ kantriba kalabus se igi pai dao. Te se pedalisabadi, Genuai Bidigo agai po te Jeremaiabolo maduali. ††

Godigo Jeremaia i olama, te profet se emainu yai

4 Genuai Bidigo ena, Jeremaiabolo te po mabo gagalali sogo, agai te tiwai po wali, 5 "Te eno nage naga idago haligade ame nisabo sogo, eno nage koneai. Te nage naga idago ame nisabadi, eno nage sa muna-ma, te gasa bulu tɔ kantri dabe tomode te profet se ela bilabo bidi da homu yai dao," wali.

6 Eno te Genuai Bidigo wali po odolama, te eno agai po wei ponoyu, te tiwai po wali, "Hobede ya, God, Genuai Bidi, ena gesi ogwa bidi mu elalubaso, eno te po pusabo kolesaga konebeo," po wali. 7 Tiali goli, Genuai Bidigo e tama po enabolo wali, "Nago te tiwai po weyu, nage gesi ogwa bidi mu naga da wagio. Menio. Te eno nage gasa bidi hani meba bidiboba tagala palobo sogo da, teda nage augwaliba pagameo. Te eno nageba maiabo po tigidali, te po nago pusao," wali. 8 "Nage augwalide wi me elamuo, magi baso

†† 1:3 2 Kin 23:36-24:7; 24:18-25:21; 2 Sto 36:5-8, 11-21

meni, ena nage dali bidiyu, te eno nage augwaligo no-gode ma saibao. Ena Genuai Bidi, eno po wai dao," wali.

⁹ Te po olama, Genuai Bidigo agai nogo eno pedauwaliba munama, tama enaba te tama po wali, "Odao, megi eno po te nago pedauwaliba mubaso, te po nago pusaibao. ¹⁰ Megi e side eno nageba te gasa bulu t̄ kantri hauwa hani we bidi tonalubo bomo mobao. Eno nageba te kantri dabego gavman gudabo po wabo bomo, me te gavman dolabo po wabo bomo me mayu, te augwaligo gavman ma dodoluyu, ma bulabo po wabo bomo me mawaibao," te po wai dao.

Godigo nai si te Jeremaibolo ola mawai

¹¹ Genuai Bidigo enaba te tama po hanalu wali, "Jeremaia, nago magi nai subawe?" Eno agabolo te tiwai po wali, "Eno te ni amon nologo subao." ¹² Tama Genuai Bidigo enabolo te tama po wai, "Nago po te dolo obao. Te tiwai naga, eno ena po te bugagia tonalu, te mu po naga pedalumainu ilalibao," wali.

¹³ Tama Genuai Bidigo enaba te tiwai po ma hanalu wali, "Nago magi nai subawe?" Tama eno te po wai, "Eno te sene sospen me deli te not badu kulugulu weyu ebo subao. Tama te sospen sene te saut pedai badu gea palainu ebao," wali. ¹⁴ Tialima, Genuai Bidigo enabolo te tiwai po wali, "Te dolabo genuai nai me deli te not badu tagalama asiyu, tama agai te e Juda dabego t̄de bidibo we bidi tigidali dolaibao," te po wai. ¹⁵ "Magi baso meni, ena Genuai Bidi, megi da, eno te not badu tigidali king i olama, augwali te augwa ami bidi dabe dali asaibao. Te king dabe aselama, te augwa king dugabo sia sai te Jerusalem taun tomoba pabo sunumi p̄ba muagasaibao, tama augwaligo bomogo te taun bagua saibao. Tama augwaligo te tobage deli kolesaga naga te Juda dabego gasa taun dabeba me te tama tiwai yaibao. ¹⁶ Tama eno ena we bidi dabe po t̄ kot ilama, te augwali dene mawaibao. Magi baso meni, augwaligo ena tudiba munama, te augwa digi tibo god nigilama, te augwaliba ofa eyu, te lotu augwaliba wai. Te kolesagade augwaligo te dwai s̄ḡ saibao. ¹⁷ Tiali goli, nage da, nage sisi elama, hogodama pao. Te tigidali po eno nageba mani, te nago augwaliba pusao. Nage wi me isiama, augwalide habu bulu me kila sigio. Nage tama tiyu da, teda te ena digi eno nage wi iliyu, te augwali gedude habu bulu kila somainu yaibao. ¹⁸ Jeremaia, odao. Megi da, eno nage te bomai obo elalubo taun tiwai bomonama dolalumainu yaibao, te ain pos tiwai, me te brasgo nigali obo tiwai elalueibao. Te Juda king dabego, me te kingo ofisa dabego, me te pris dabego me, te tigidali we bidigo te nage aiyaba me elalugobeo. ¹⁹ Te bidi dabego nageba boi bidi ebadi, tiali goli, te augwaligo nage aiyaba me elalugobeo. Magi baso meni, ena digi ena nage dali bidiyu, te eno nage tau siyu, ma dobola saibao. Ena Genuai Bidi, eno te po wai dao," wali.

Jeremaiaogo Godigo po te Juda dabeba me Jerusalemde me pusali

(Daj 2-25)

Hasia Israel dabego dwagi yai kolesaga yali

2 Genuai Bidigo te tiwai po enabolo wali, ² "Nage pelama, Genuai Bidi eno te po te Jerusalem dabeba pusugi pao," wali.

"Eno homugo dage homu konealudu, dage eno we bidi hani pedelali sogo dagego duga homu enaba k̄a pai. Te sogo dagego ena godolo mu yali, te gesi tamadi sai wego aga bidi godolo mu ebo tiwai yali. Te Isip t̄ kantri tagalama, dagego te dwai masigi kemi olo t̄ bulude, te bidi dabego gi bulusiawai pesagede bilali goli, te dagego ena wali piduai dao. ³ Te sogo dage Israel te eno gasagi yai tedali we bidi mu bidali. Dage eno gide te nai hasia mu inilama, te tau ebo tiwai elalui. Te gasa hanigo eno te nai sobaso da, augwaligo te dwai s̄ yali da weyu, te eno augwalibolo dwai dene mawai dao.' Genuai Bidi eno te po wai dao."

Te Israel augwa bulai wai dabego dwai s̄ yai

⁴ Dage Jekopgo bulai w̄j wai puluba dabe, dage tigidali te Israel hani dao, dagego te Genuai Bidigo te tiwai po odiao. ⁵ Genuai Bidigo te tiwai po wai, "Eno mena dwai s̄ ebaso, te dage bulai w̄j dabego te ena tagalama, digibulu mu paliwe? Waa? Koneao. Augwa te olo naiba lotu obaso, tama tiyu, augwa digi te olo nai tiwai pedelai dao. ⁶ Augwaligo ena homu kone me ebeo. Augwaligo te eno augwali tau sali s̄de homu kone me ebeo. Eno augwali te t̄ kantri Isipde selama odasa asiyu, augwaligo te genuai olo bulu pesage t̄ nogeai. Te pesagede te olo masigi kemi t̄ elaluali, tama te dwai bulu pesage dabe elalua pai. Te buluba tulubage tulisawai pesage elalui, te bidi dolobo pesage elaluali. Te bidi dabe bilisawai bulu, te bulude bidi bidisawai bulu dao. ⁷ Eno te bulai w̄j dabe odasa asiyu, te olo t̄ bulu tagalama, tama eno augwali te wiegi yai ili elalubo t̄ba odasa asai. Tama megi dage te t̄de bidibao,

† Te Hibru pogo, "Amon" wabo, te e tobage po p̄de obao, "Te bugagia tonaluo," wabo.

te dage Israel te wiegi yai nai sela tuyu,
te wiegi yai nai elalubo digi bidibao.
Tiali goli, dage eno te t̄ode bidibadi,
dagego te dwai kugumini yai kolesaga ebao,
te eno dageba mani t̄o te eno gedude
dwai nai mu pedalubao," wali.
8 "Te pris dabego me enaba homu kone me palobeo.
Te eno bomai po page koneai bidi dabe,
augwaligo ena me konebeo.
Te bulu t̄o kantri tonalubo polalubo bidi dabego ena-
ba
hagoma ebao.
Te profet dabego te tibo god Bal nogide profetgo
wabo
po tiwai weyu yali.
Augwaligo te augwa tau sis̄abo naiba lotu wai dao,"
wali.

Genuai Bidigo aga we bidi dabe po t̄u yaibao wai

9 Genuai Bidigo te tiwai po wai,
"Dagego te tobage dwai kolesaga ebaso,
tama ena Genuai Bidi eno te po obao,
te eno dage po t̄u ma ilaibao.
Te eno dagego wai dabe dali,
duga waj̄ dabe me po t̄u eyu,
te dagego nosali pedalubo hani dabe
me po t̄u yaibao wali.
10 Edao. Dage sip sela pelama,
te ailan Saiprus te giliga dega sabo badu pelama,
te Saiprus dabego kolesaga suo.
Tama te bidi dabe dagego te bulu Arebia dabego t̄o-
ba
te giliga pedalubo badu tagala palama,
te augwaligo kolesaga bugagia osola suo.
Te dagego subadi, te hani me deligo
te duga ebo tobage dwai kolesaga
tiwai ebo suaibawe? Mu menio.
11 Te hani bagego augwa god te god mu menio.
Tiali goli, te hanigo augwa te god hasegelama,
te gesi god wali me pabeo.
Ena God, eno te genuai nogi dali bomo dali si
elalubao,
tiali goli dage we bidigo te ena hasegelama,
te dage tau sis̄a yabo dwai god dabe
wali pidubo dao.
12 Tialima, ena Genuai Bidi, eno te po obao,
'Dagalau, nage te Israel dabego ebo
dwai s̄e ebo kolesagade dwai midigi mu sao.
Te nage hale elama, didibili eyu,
te dwai haliga mu iduao,
13 magi baso meni, eno we bidi dabego te dwai s̄e
si yali.
Hasia augwaligo ena tudiba muai.
Ena te ulu w̄e tiwai te augwali bidabo
ula maiabo w̄e elaluali,
tiali goli, augwaligo ena tagalali.
Tama me, t̄o diganama,
augwa digi te w̄e sabobo nai nigali.

Tiali goli, te w̄e sabobo nai te alua pelama,
te āj̄ augwalide elalubo usu ebeo."

Te Israel dabe augwa ebo dwai s̄e go te augwa dolaibao wali

14 Genuai Bidigo te tama po wali,
"Te Israel dabe te bidi me deli magi s̄e is̄ama olo mu
bidibo tiwai elaluali.
Augwali te olo s̄e ebo bidi tiwai me elalubeo.
Te aga aya me te olo s̄e ebo bidi tiwai
gilama me elalubeo.
Tama tilama, magi baso te boi
bidi dabego augwali bomonama siyu,
te hw̄ibode doado bage sabo tiwai yaliwe?
15 Te boi bidi dabego te laiongo
bomonama i wabo tiwai yai dao.
Augwaligo agai taun siago deyu dolama,
tede bidi me bidibeo.
Te agai t̄o augwaligo te olo t̄o pesage bulu tiwai
pedelai.
16 Israel, nage we me deli tiwai,
te taun Memfis bidi dabego,
me te taun Tapanes te t̄o kantri Isip bagego nage
dwai hale iliyu,
te nago tobolu nisi tigidali poalama, sela s̄awai. †
17 Te naga digi yali s̄e go te s̄e nageba pedelali.
Magi baso meni, ena Genuai Bidi,
naga God, eno nage te sunumidu odasa asainu yali,
tiali goli, naga hagela eyu, ena tudiba muai dao wai.
18 Magi baso nage te t̄o kantri Isipba pelama,
te w̄e Nail tugi paiba obawe?
Magi baso nago homu kone paliyu,
te bulu t̄o kantri Asiriaba pelama,
te w̄e Yufretis tugi pabo homu eyuwe?
Te kolesagago nage dwasianu tau sainu ebaso,
usu mu egobeo. Mu menio. ††
19 Naga digi ebo dwai kolesagade
te nageba dwai dene mawaibao.
Nago ena tudiba mubaso, tama naga
te kolesagade nageba wado ilaibao.
Nago ena Genuai Bidi tagalu, te nago God,
te nago ena dologoba me bidagasobe.
Tama nago bugagia homu kone palama,
koneao, nago te dwai kolesaga dabe mu ebogo te
nageba dwai dene mobao.
Ena God, Tigidali Bomo Elalubo
Genuai Bidi, eno te po wai dao."

† Te e pode dago e homu ebao, te Isip King Neko agai te kantri
Judaba te s̄e go mani po begelama wali. 2 Kin Daj̄ 23:33-35, tede te
po elalubo suo. †† Te Juda genuai bidi dabego te tama homu yali,
te Juda dabego te bomai kantriba hanaluama, te augwali tau so-
mainu yali, te boi bidi dabego augwali me elaluidali homu eyu, tama
tiali. Te meba genuai nogi yai bidi dabego te Isip kantri dali abagi
wai da homu yali, te mebago te kantri Asiria dali abagi wabo homu
yai. Jeremiaigo augwaliba te tiwai ola mawainogo yai, Godigo naga
te augwali tau sobaso, bugagia bidaibao homu yali, tama te bomai
kantri dabego augwali tau sobaso, usu egobe da homu yalio. God te
augwaliba bidibo ula mabo āj̄ tiwai elalubao (te ves 13de te po
suo). Magi baso augwali te digibulu t̄o kantrigo genuai āj̄ba w̄e tugi
painu ebawe?

Israel dabego Genuai Bidi wali pabo hagela homu yali

²⁰ God, Genuai Bidigo po ma weyu, te tiwai po wai,

“Israel, odao. Polobadu digi nago enaba hagoma eyu, tama nago eno nageba mani sę tagalai, tama nago te po wali, ‘Eno nago sę munu ma egobeo,’ wai.

Mu tama, nage te tigidali bulu duba holoyu, tama te tigidali genuai ni dologoba sisinama, te nago tibo god dabeba lotu wali, te wego bidi hauwa dali penani igi pabo tiwai yalio. †

²¹ Hasia nage te wiegi yai wain ni eno bulai tiwai elaluali.

Nage te ni wain polasa mu wiegi yai yano mu pedalubo tiwai yali.

Tiali goli, magi baso megi da, nage begelama, enaba tudi ola menama, te buside dwai wain ni tiwai pedelaliwe?

²² Nago naga tigi te meda sela sębo boma pai naigo teleyu, me te wiegi yai sobu hauwago wę telabadi, te tagalao, tego nago yali dwai sę me sela sęgobeo. Menio. Te dagego yali dwai kolesaga te meda dagede mu dagana sai tiwai mu dao.

Ena God Genuai Bidi, eno nago yali dwai sęę elaludubadi gebo subao.

²³ Tiyu, mena tama nage te eno gedude meda me pedali sabe da homu elama, nago te god Bal dabeba lotu wabe homu egowe? Waa?

Israel, nago te bulu tę odogo pesagede nago te dwai sę yali homu kone ma palao.

Nage te tigidaliba peyu, biliyu, te tibo god gegali, te so kibu kamelgo te tigidaliba pelama, udada peyu,

te omai kibu kamel gegebo tiwai yalio.

²⁴ Tama nage te so uni donkigo te tę wa pai pesagede sesemane sogo bilidubo tiwai ebao.

Aga te homu hę wai bilidu, te donki bidi gegali te aga guni ugaba sagolama, te omai donki menade bidibowe, te denami odada bilali.

Te aga tama tebo sogo, dego agai tę palibo usu egowe? Bidi menio.

Te sogo te omai donki dabego te so donki aga gegebo sę

† *Tede begelama wali po te tiwai. Israel te we me deli tiwai, tama God te aga bidi tiwai bidali. Tiali goli, te Israel dabego te God deliba lotu me wabeo. Menio. Augwa pelama, te tibo god dabeba lotu wagi pali, te wego aga bidi tagalobo tiwai eyu, te gasa bidi dali pi- gi pabo tiwai yali. Te wego te penani ebo kolesagade po begelama wali, te po te buku Jeremiaide hauwa sogo te tama po wai elalubao, te gasa profet dabego bukude te tiwai po elalubao. Te bidi dabego te lotu wabo pesage te bulu du bagede me genuai ni dologode nigai dao.*

dene me egobeo, te augwa godolo ebo homu sia somainu tiaibao.

²⁵ Israel, nage udada biliyu, te tibo god wali pigio. Tiyu, nage sęę dolidali weyu, tama naga dogoni mu wa pabuo.

Eno te tobage po wai goli,

nago te tiwai po weyu, ‘Tagala,’ wali, ‘eno Genuai Bidigo po me odogobeo.

Eno te gasa bidi hanigo god dabe godolo mu ebao.

Eno augwali me wali pabo homu ebao, ‘dagego te po wai,’ wali.

Godigo te Israel dabego kolesagade hobede mu yai

²⁶ Genuai Bidigo po ma weyu, te tiwai po wali,

“Te nai wi sabo bidi me deli augwaligo dęę ola sobaso da, teda te bidi hale dwai mu saibao.

Te Israel hani te tiwai me bidibao.

Te augwa king dabe, me augwa tobolu bidi dabe, me pris dabe, me profet dabe, me te tigidali we bidi dabe, te hale yaibao.

²⁷ Augwa te tama po obao, ‘Ni, nage da, te dena aya da, te masigi, nago da ame nani.’ ††

Augwaligo ena tudiba naga muyu, te augwali ena pęba me asisawai.

Tiali goli, te sęęę pedalubo si da, augwaligo te tiwai i wabo dao, ‘Genuai Bidi, nago da tau sagasao,’ tama wabo dao.

²⁸ Tiali goli, tega! Juda te dage tau somainogo duga digi te nigali god dabe mena bidibawe?

Augwa namba te duga taun dabe namba tobage gagawai yali.

Te dageba sęęę me pedalubo sogo, augwaligo digi dage tau somainao, te augwali usu elalubaso da, te emainao,” wali.

²⁹ Genuai Bidigo po ma weyu, te tiwai po wai,

“Dage tigidali enade hagoma ebao.

Tama tialima, magi baso dagego po enaba wei ponoyu,

eno dwai sę yali po obawe?

³⁰ Eno dagego wai puluba dabeba dwai dene mabo sę yali, te dage dodoliyu yali, tiali digi ena odolali sę dene yai.

Dagego duga kolesaga me hasegelebeo. Menio.

Iya! Dagego te eno dageba tagala palali profet dabe deli deli ela muna muna pela silali, te nasi yai boma pai laiongo hasa elebo tiwai yai.

³¹ Dage megi bidibo Israel, te Genuai Bidi eno poba olo bugagia muao.

†† *Te bidi dabe augwaligo te ni dage selama, ma masigi dage selama, tama augwaligo te tibo god piksa noma nigali. Tama nigilama, augwaligo te homu yali, e eno nigali nai, tego enabolo bidibo ula mawai dao, te homu yai.*

Dagego homugo ena te masigi kemi olo pesagede te dwai nai da homu ebo dawew?

Ma, ena te be hulua sai pesage me deli mu tiwai da obawew?

Te tiwai isayu da, teda magi baso eno we bidi dagego enabolo te tiwai po weyu,

'Megi te dena homu wali peyu, tedela paibao.

Da te nageba munu ma asogobeo,' wali.

³² Dagego homugo te gesi wegigo aga au ebo wiegi yai au dobage gegeda pabo homu yaibawew?

Te we dabego te augwa bidigo kębo sogo au yali wiegi yai au dobage gegeda pabo homu yaibawew?

Menio. Augwaligo gegeda painu ebaso, usu mu me egobeo.

Tiali goli, tega! Dage eno we bidigo enaba hauwa sogo

homu kone gegeda paludu gebo dao, bidigo nedebaso, usu egobeo" wali.

³³ "Israel, nago te penani kolesaga bugagia koneama, te bidi gegabo sunumi homu kone bugagia palobao. Nago koneani kolesagago te tigidali penani ebo wego

koneani homu kolesaga te aiyaba elalui, tama nago augwali te tobage dwai kolesaga ola mobaso usu yaibao.

³⁴ Te walu doado bage meni yai bidi dabego nago be alusiabadi,

tiali goli nago augwali odolali elama, tama augwaligo kaneme te nago ugwa dabede dagana sai elalubao.

Nago te tobage dwai kolesaga dabe eyu,

³⁵ tiali goli, nago te tiwai po wabo dao,

'Eno magi dwai sę me ebeo,' wai.

'Tama tiyu, te Genuai Bidigo enaba wado genuagia mu

wagio.'

Odao. Nago te mu po me wabeo.

Tama tialima, te eno nage po tų ilaibao wai.

³⁶ Nago sunumi me deli wali pali, te polo tagalama, te nago gasa sunumi wali pobao.

Te Isip dabego nage tau sisabaso, te nage dwai hale siyu,

te nage Asiria dabego tau sisabaso, te sogo te dwai hale yali tiwai gilama yaibao.

³⁷ Te nago Isip dabe me tagalu, te sogo nage hale elama,

te haliga sęęę dwai yaibao.

Nago koneani, te hani dabego nage tau saiba homu yali,

tiali ena, Genuai Bidi, eno augwali tudiba muanio, tama tiyu, augwaligo nage tau me sogobeo. Mu menio." Te po wai dao.

Israel dabego Genuai Bidi tagalalio

3 Genuai Bidigo te tiwai po wai,

"Te bidigo aga we sela sabaso, te wego aga tagalama, te gasa bidiba pali, teda te polasa sali bidigo te we ma sogobeo.

Te we agai ma siyu da,

teda agai bulu kantri te dwai meda mu eno gedude pedelaibao.

Israel, nage te bidi hauwa dali penani ela bilama, tama megı da, te nage enaba ma asainogo, ebawew? †

² Nago te ni meni yai bulu du dabeba tonao.

Te bulu du me deli elalu, tama nage teba pelama, te penani kolesaga ebe da homu eba, agawew?

Nage te sunumi sesegede dugulalu,

te bidi dabe asobo tonaluali,

te Arebia bidi dabe te bulu tų wa pai pesage te sunumi sesegede tonalu,

augwa te sunumi wali asobo bidi dabego nai wi sainu tama tiali.

Te nago dwai kolesaga dabego,

me te penani ebo kolesagade,

te nago bulu tų kantri dwai meda mu yai eno gedude pedalubao wali.

³ Te pagede naga te eno tulubage paliama, tama te tulubage nago tųba tulubeo.

Awe, te gi tau sabo tulubage asobeo.

Tialima, nago te penani wego hagoma ebo tiwai eyu,

te nage dwasianu hale me ebeo.

⁴ Megi tama nago enaba i weyu, te tiwai po wali,

'Genuai Bidio, nage eno Aya dao,

te nago ena gesi ogwa wegı elalubadi godolo elama, tama megı e sogoba usu nani,' wali.

⁵ 'Te nago enaba sesemane haliga sębę elaluduabo homu igio.

Te nago wado ebo te silao homu ebao.'

Israel, nago tama tiwai po wali, tiali goli, nago te tobage

dwai kolesaga dabe idu,

te nago homude ebo kolesaga simanigi pabo dao," wali.

Te Israel dabe me Juda homu hasegelięo wai

⁶ Te Josaia king bidali side, Genuai Bidigo enabolo te tiwai po wali, "Nago te enaba homu kęę pabo kolesaga tagalali we Israelgo ebo dwai kolesaga suyu digı eba, agawew? Aga te tigidali bulu duba holama, me te tigidali genuai ni dologoba pelama, te dwai penani kolesaga ebo dao. ††7 Eno e tama homu yali, agai te hagama kolesaga eyu bolo elama, tama enaba ma asaibao. Tiali goli, menio. Aga te ma asobeo. Te aga ama, Juda, te we sabo kolesaga togobo we, agai te Israelgo kolesaga suai. †8 Israelgo we bidi dali bidibo tiwai elaluali,

† Tede elalubo po tiwai te Jer 2:20 tede me elalubo suao. †† 3:6 2 Kin 22:1-23:30; 2 Sto 34:1-35:27 ‡ Te Jeremiaia profet bidali sogo, te tų kantri Israel te not badu te munu me elalubeo. Te boi bidi dabego polobadu digı dolalio. Te e wali po da, Godigo te we bidi dabeba te po weyu, te polobadu te Israel dabeba pedelali sę te ma homu kone palao po wali, tama ede te tiwai nogı "Israel" wali, te kantri tų we bidi daj ilama, te kantri Judade polobadu bidali te po olama wali. Te Jeremiaia buku pedai hauwa badu, te nogı Israel wali, te Jerusalem we bidi dao olama wali, te gasa pedai kantri Juda badu te po wai dao. Augwali hani me te Jekopgo bulai waj dabe, agai gasa nogı me Israel wai dao. Tama te boi bidi dabego te Israel hani te not badu bidali bage selama, te gasa kantri tųba kalabus igı pali, te

te togwali sogo te penani kolesaga hauwa mu ebaso, eno te bidigo we tagalobo pepa asenama, te eno agaba menama, te aga sela sawai. Aga ama, Juda da, agai tebo suali, tiali goli, aga wi dwasianu me ebeo. Menio. Tama eno suali, aga me pelama, te penani se ebo kolesaga ela bilali. ⁹ Agai te penani kolesaga olo nai da homu eyu, te agai masigi me ni dabeba lotu wali. Tama te kolesagade agai te penani ela bilibo tiwai yalio. Tama agai te to eno gedude meda dwai mu ilali dao. ¹⁰ Judago ena tagalama, te dwai kolesaga ela biliyu, tiali te agai haliga munu ma begelama, enaba ma begasa asobeo. Menio. Agai haliga tibo begelainogo ebo tiwai yagasali. Ena Genuai Bidi, eno te po wai dao," wali.

¹¹ Tama Genuai Bidigo enabolo po ma weyu, te tiwai po wai, "Israel me Juda, augwali si te bidi tagalubo we si tiwai yali. Augwaligo te enaba homu keq pabo kolesaga tagalai dao. Tiali goli, te Judago yali dwai se te genuai mu elama, te Israelgo ebo dwai se aiyaba elalui dao," wali. ¹² "Tama Jeremaia, nage dolugulama, te not badu bidibo Israel haniba i wao. Nago Genuai Bidi eno po te tiwai pusao,

'Israel, nage da, te aga bidiba homu keq pabo kolesaga

tagalobo we da,' wao,

'nage enaba begasa ma asao.

Ena Genuai Bidi, eno te po obao,

eno nageba haliga sebe munu ma egobeo.

Magi baso meni, ena te olo mu tau sabo

wiegi yai homu kolesaga ebo God dao,

te eno haliga sebe ebo

te sesemane sogo elalua pidugobeo.

¹³ Israel, nago te tiwai po dolasa hanilama pusao,

"Eno te dwai se yai da," po wao.

"Eno God, nage ena Genuai Bidiba hagoma yali,

te ena tigidali genuai ni dologoba pelama,

te tibo god dali dwai kolesaga yali.

Te eno nago po sela sawani."

Israel, ena Genuai Bidigo, eno te po nageba mobao," wali.

¹⁴ "Ena Genuai Bidi, ena digi eno te po dolo obao. Dage ena tagalali we bidi, dage enaba ma begasa asao, magi baso meni, dage da, dage te eno Keqni we tiwai elaluyu, tama ena da, te dagego bidi tiwai dao. Te dage deli deli eno te boi bidi dabego hanu taun dabe-de, te duga hanide selama, te eno dage Saionba ma odasa asaibao, te eno bulu dao. ¹⁵ Tama eno wiegi yai tonalubo bidi te ena kolesaga tiwai wali pabo bidi dabe nigilaibao. Augwaligo wiegi yai homude koneani kolesaga elalubao, te augwaligo dage bugagia tonaluaeibao," wali. ¹⁶ "Te ena Genuai Bidi, eno te po obao. Nosali dage te duga to kantride hauwa mu pedelaibao. Tama te sogo dagego te Genuai Bidi, eno Daq Wali Bomai Po Munolubo Halobage po me wag-

kantri to Juda we bidigo te nogi Israel ma selama, tama augwade digi te nogi wabo dao. Te po wai.

obeo. Tama te bokis kontrakde po me wasiama, tama dagego tede homu hauwa me egobeo. Tama dagego gesi te tobage Halobage me nigigobeo. Menio. ¹⁷ Te sogo te we bidi dabego te tiwai po waibao, 'Jerusalem digi te Genuai Bidigo dugabo sia sai tiwai dao,' waibao. Te tigidali kantri to de bidibo hani we bidi te Jerusalem-ba asiyu, te enaba genuai nogi magasaibao. Te munu ma augwa te hagoma isiama, te augwa homude digi ebo dwai kolesaga wali munu me pelamu dao," wali. ¹⁸ "Te sogo te Juda dabe augwali te Israel augwali dali deliba sisinama, te augwa kantri te not badu, te megi bidibo madi tagalaibao. Tama augwali te eno duga waija mani toba bidagasaibao, te augwa hanigo te to sesemane elalua pidu bidaibao," wai.

Israel dabego tibo god tagaliqo wali

¹⁹ Genuai Bidigo po ma weyu, te po walio,

"Israel, polobadu eno homugo nage ena wai puluba mu

bidiyu,

eno dage dali te ayago ebo kolesaga elama,

tama eno nage wiegi yai to mu me deli mawaibao,

te gasa tigidali hani we bidigo to aiyaba mu elaluali.

Eno te homu yali.

Tama me eno te homu yali, nago enaba Aya nogi yai-ba

homu yali.

Tama nago ena sesemane sogo wali asiyu,

tama nago ena munu me

tagalogobeo, te homu yali.

²⁰ Tiali digi, menio.

Dage Israel we bidi hani, dagego ena tagalama,

te wego aga bidi tagalobo tiwai yali.

Ena Genuai Bidi, eno te po wai dao."

²¹ Genuai gela te ni meni yai bulu du bagede wali.

Te Israel we bidi dwai gela weyu, Godiba i olama,

te Godigo olo tau mabo wiegi yai

kolesaga augwaliba emainu wali.

Magi baso meni,

augwaligo te Genuai Bidi augwa Godiba homu kone

palobo gegeda palama,

te dwai sunumidu wali pai dao.

²² Genuai Bidigo te po wai, "Dage te hagoma ebo wai

puluba dabe,

dage enaba ma asiqo.

Te eno dagego ena te duga tudiba mubo

kolesaga dodolama,

te dage ena dali bugagia bidimainu yaibao."

Tama te we bidi dabego po wei ponoyu, te po wai,

"Awe, megi da, da nageba ma asaibao, magi baso

meni,

nage God, te dago Genuai Bidi dao.

²³ Mu tamao, te bulu du dabede penani se ela bilibo

kolesagago te da tau sabo usugobeo," wali.

"Genuai Bidi, dago God, nage deligo naga da Israel

ma

sobaso usu mu yaibao," te po wai dao.

²⁴“Tiali goli, dago te Balba lotu wali,
te hale ebo god dao,
tama te tebo kolesagade dago tigidali sipsip,
me bulmakau, me wai ogwa dabe, me wegi dabe,
me te tigidali wiegi yai nai
te waj nq̄ dabego s̄ dene elama sali nai tigidali
odolali sisai dao.
Tama te tibo god Balgo te nai dabe sese dalama tuali.
Dago te kolesaga te da gesi ogwa bidide gagalama
yali,
te meḡi e sogoba usu nagasobao,” te po wali.
²⁵“God, Genuai Bidi, da me, dena waj nq̄ dabe dali,
dago te nageba dwai s̄ yai,
te da gesi ogwa bidide digi usu nama,
meḡi sogoba usu nagasobao.
Dago nago po wali me pişawai.
Tama tiyu, da dwai hale mu selama,
te gesabidi t̄ba mu mugulaibao,” wai.

Te Israel bage augwali Genuai Bidi pageba ma geasa asao po

4 Genuai Bidigo te tama po wai,

“Dage Israel, te dage ma begasa asabo homu ebaso
da,
teda dage enaba naga asīo.
Dagego te dwai kugumini yai tibo god
eno gedude mubo te sela sayao.
Tama dagego ena sesemane sogo wali asīo,” wai
dao.

²“Te dagego wabo po dāu waliyu, te tama po obao,
‘Te sesemane sogo bidada pabo Genuai Bidigo
nogide

mu da,’ po wainogo eyu da,
teda dagego mu po tama naga weyu,
te wiegi yai doloba pai kolesaga wali peyu,
te po wao.

Te dagego tama tibaso da,
teda gasa hani dabego enaba hanalu,
te eno augwaliba wiegi yai s̄ ebaso,
te augwaligo enaba genuai nogi mawaibao,”
te po wai.

³⁴ Genuai Bidigo te Juda me Jerusalem augwaliba te
tiwai po wai,

“Dagego te dwai kolesaga tagalama, te enaba ma
aselama,
te gesi homu kolesaga sagasiyu,
te bidigo gesi noma gi t̄ elama,
te nai bulubo tiwai yaibao.
Tama dagego te nai te sesane bono
elalubo digi tomode me bulugio.
Dage Juda me Jerusalem,
te duga poloba badia pai dwai homu kolesaga sela
şanama,
te eno we bidi dabe dolo pedelao.

Te dage tama me tis̄baso da, teda ena te dagego
dwai
homu kolesagade haliga s̄b̄ eyu,
te dageba dwai dene mawaibao.
Eno haliga s̄b̄ te genuai sia dabo tiwai eyu,
tama te bidi mego sula şawainu ebaso, usu me
egobeo,” wali. †

Te boi bidi dabego Juda dabe dali hwjainu yali

⁵ Genuai Bidigo enabolo te po weyu, te Juda dabeba
me, Jerusalemba me, te po pusao wali. Agai po e ti-
wai,

“Dage pelama, te tigidali t̄o habu kantri pedaiba
te biugel bu ola biligi pao,” wali.

“Te we bidi dabeba te tiwai i omainu yao,

‘Dage sisinagaselama,
te dage bomai obo elalubo taunba
geme duala sigi pīo,’ wai dao.

⁶ ‘Te we bidi dabe te Saionba pomainu po walobo
plak ugwa ugwaba sao,’ wali.

‘Dage me bidigio. Dage wi pelama, duala sigi pao.
Magi baso meni, eno digi te t̄o boi bidi dabe not badu
bidali tagalama,
te dage mu dolagasomainu ebaso,’ wali.

⁷ Te boi bidi dabe augwa bulu tagalama asali,
te laiongo aga geme dualaluali pesage taga soabo
tiwai yali.

Augwali te t̄o kantri hauwa dolobo bidi dabe da,
te augwali asiyu, dagego t̄o kantri dolagasaibao.

Te dagego taun dabe mu dolaibao,
tama te taun dabede te bidi me bidigobeo.
Ena Genuai Bidigo eno te po wai dao.”

⁸ Tama tialima, dage te homu dene ebo sogo gudubo
ugwa dabe munama,
te gela weyu, hobede ebo t̄̄bi po waiȳo.
Magi baso meni, Genuai Bidigo dade haliga s̄b̄ um-
abo

eyu,
tama agai te haliga s̄b̄ ebo me tagalobeo.

⁹ Genuai Bidigo e tiwai po wali,

“Te sogo, te king dali aga ofisa dabe
te wi umabo mu eyu,
tama te pris dabe dali, te profet dabe me,
dwai noma mu saibao.”

¹⁰ Tialima, eno te po obao, “God, Genuai Bidi, nago te
Juda me Jerusalem we bidi nago te augwali bugagia
bidaibao po wali sogo, te nago augwaliba tibo po
wabo tiwai yai dao,” te po wai. “Tiali goli, meḡi da, te
boi bidi aselama, te da ela muainu ebaso,” te po wali.

Boi bidi dabe te posolai wali tiwai asaibao

¹¹ Te boi bidi dabe asobo sogo, Genuai Bidigo te Juda
me Jerusalem we bidi dabeba te tiwai po mawaibao
wali, “Te posolai wali dabe te t̄o wa pai bulu du dabede
hogodaibao, tama wali te eno we bidi dabeba asaibao.

† 4:3-4 Hos 10:12

Tialima, te wali asobo te dwai kolesaga sela sawainogo naga me asobeo, te waligo te wit pobebe bage hogo-mu sela sawo tiwai me egobeo. Menio. ¹² Te wali te bomai wali, tama te waligo augwali mu dolaibao. Ena digi eno po obaso, te wali asaibao, magi baso meni, eno te we bidi dabe po tu ilama, te megida eno augwaliba dwai dene mawaibao," wali.

¹³ Tialima, ena Jeremaia, eno te we bidi dabeba te po wali,

"Suao. Te boi bidi dabe te po husugu yai tiwai mu yaibao.

Te ami bidi dabego karis udada pabo te pobege ebo wali

asobo tiwai yaibao,
te augwaligo hos dabe te ba kemodage bola asobo tiwai asesa asaibao.

Hobede mu dao. Megi da mu tama dolainu ebo waibao.

¹⁴ Dage Jerusalem bage,
mena sogo dagego te tobage dobo homu kolesaga tagalaibawe?

Te dagego duga dwai kolesaga tigidali tagalama,
te dage wiegi yai pedalubaso,
teda Genuai Bidigo dage ma saibao.

¹⁵ Te taun Dan me te Efraimgo bulu du elaluali te taga soali bidi dabego te genuai sege pedelalio wabo po sela soallo.

¹⁶ Genuai Bidigo te bidi dabeba te tiwai po wali,
'Dagego te gasa to kantri bulu bidi dabeba wayao,
te boi bidi dabe te to kantri Judaba pedelali,' po wao.

Te Jerusalemba tama tiwai po me walao,
'Te boi bidi dabego bulu digibulu taga solama,
te Juda dabego taunba hwjagasainu asali,' wao.
'Augwaligo te taun bagua sagaselama,
te i hai bomonama weyu,
te we bidi dabeba po daga genuagia mu waibao,' wali.

¹⁷ Dage Jerusalem dabego ena Genuai Bidide hagoma yali.

Tama tibaso, boi bidi dabego te Jerusalem bagua sagaselama,
te tonalubo bidi dabego te gi bagua sabo tiwai yagasaibao, te po wali.

¹⁸ Dagego te dwai kolesaga eyu,
dage te dwai sunumidu bilibaso,
tama dageba te pedalubo segego page dabe te dao.
Te duga dwai segego digi duga te dene tolobao,
tama te duga homu enelawe togwalubo dao," wali

Jeremaia aga hani dabede hobede mu yali

¹⁹ Eno haliga dwai mu ebo.

Eno te genuai dene tologobeo.

Agai ena aiyaba mu elalubao,
te eno homu kolesaga tigidali me dologobeo.

Eno pedauwali me pania sogobeo, magi baso meni,
eno odali, te ami bidi dabego te bu wabo

biugel bu weyu,
te i bomonama wabo odobao.

²⁰ Augwaligo te tigidali to kantri badu te we bidi dabe mu dolama,

te to kantri dwai mu pedelali.

Polo mu tama, augwaligo te dago ugwa be dabe dolai

dao.

²¹ Nisu sogo te boi bidi dabego da tagalama,
te augwa buluba ma begasa peyu,
tama dago te niba walobo ugwa plak ugwaba sabo kolesaga me, te biugel bu wabo me tagalaibawe? †

²² Genuai Bidigo tama po wali,

"Eno we bidigo homu kolesaga wiegi yai me elalubeo.
Augwaligo ena me konebeo.

Augwali te homu kolesaga konesiqwai wai puluba tiwai

elalubao, te augwali umuna pai elalubao.

Augwaligo te dwai se ebo mu konea pai elaluali,
tialima augwaligo te wiegi yai kolesaga
ebo me konebeo," wali.

Jeremaia go te nade subo nai tiwai suali

²³ Ena Jeremaia, eno te to dolai olo mu tama elalubo suali.

Te eno dagaluba tonono ebadi, te magi me deli ula me ebo subeo.

²⁴ Te eno suali, te bulu du dabe gege page mu elama,
te augwa tobolu ugwa peyu, eda asu yalio.

²⁵ Te eno tonono bilibadi,
te bidi me deli bidibo me subeo.

Te ba dabe tigidali mu pela silai yalio.

²⁶ Eno suai, te tigidali to pedai te to ili elaluali,
tiali goli megida, te olo masigi kemi to naga elaluali.
Te tode tigidali elaluali taun, augwali te dolai yalio.
Genuai Bidigo haliga sege umabo mu eyu,
te se dabe pedalumainogo ilali.

²⁷ Genuai Bidigo te tama po wai,

"Te to tigidali te olo nai tama pedelaibao," wali,
"tiali goli, te eno aga tigidali mu me dologobeo.

²⁸ Te pagede naga tama, te togo hobede ebo teabi weyu,

te dagalu husuga sai pedelaibao.

Eno homu kone palama, te se emainu yali,
te eno homu me hasegelabo homu me egobeo.
Mu menio," wali.

²⁹ Ena Jeremaia dao, eno suali,

te ami bidi dabe te hosde
ene sesemoni tolalu dulalubo suali,
te tigidaligo Judaba hwjagasali.

Te we bidigo augwali asobo odolama,

† Te boi asobo subaso, augwa te plak ugwa ugwaba selama, te biugel bu weyu, te we bidi dabeba po waliyu, te wi pelama, te bomai obo elalubo taunba geme duala sigi pao wali. Te e wali daj tigidalide te lain 5 me 6, tede te po elalubo suao.

te augwa taun tagalama, te wi paibao.
 Me badu te bulu buside duala siyu,
 me badu te masigi ola bede duala sali.
 Te taun tigidali olo elalueibao, tama te taun dabede
 te bidi menia sai mu elalueibao.
³⁰Jerusalem, nage dolobo sogo da,
 te nago magi yaibawe?
 Te wiegi yai mama ugwa muani tagalao,
 te nagade digi te golgo nigai beli au yali.
 Te naga gedu au ilibo tagalao.
 Te tobage au ebogo nage tau me sogobeo.
 Magi baso meni, te naga abagi dabego
 nage godolo homu munu ma isiama,
 te nage ela muabo homu naga yaibao,
 te po wai dao.
³¹Eno odali, te wego wai ame nainogo
 te gela wabo tiwai odali.
 Te wego hasia wai ame nabo sogo,
 te aga genuai dene yaibao.
 Te taun Saiongo gela obao.
 Aga homu he mu weyu, te aga nogo bomu sainu de-
 balu
 te tiwai po waibao,
 "Hobede mu dao, ena mu dolobao.
 Te boi bidi dabego ena elama,
 ena isainu ebao," wai dao.

Jerusalem tigidaligo Genuai Bidi tudiba muani

5 Genuai Bidigo te tiwai po wali,
 "Dage Jerusalem we bidi,
 dage udulama, te taun sunumi dabeba,
 me te sisinibo pesageba tedela pelama,
 te doloba pai bidi meba bidibowe,
 ma meniwe, suainu tama tiao.
 Te dagego bidi me deli te doloba pai kolesaga wali
 peyu,
 te dolo yali kolesaga se mu bomu ebo bidi subaso
 da,
 teda eno dage Jerusalemgo ebo dwai se tigidali
 tagalaibao," wali.
²"Te dagego bomu yai po me deli day weyu, po wabo
 sogo,
 dagego Genuai Bidi, eno nogide mu po obao po
 wabo dao.
 Tiali goli, dagego tibo po naga weyu,
 te odolali po wabo dao," wali.
³Genuai Bidi, nago godolo ebo homugo te tigidali
 bidigo te dolo yai kolesaga mu wali pomai
 homu ebao.
 Nago te we bidi dabe elebadi goli,
 tialima augwali te dene ebo ge nabeo.
 Nago augwali elaluali,
 tiali goli te augwali nago dodolomainu me ebeo.
 Augwa tobolu te masigi dila pai mu tiwai elalu,
 te augwa haliga begelibo hagela mu yali.
⁴Tialima, eno te homu yali,
 "Te hani dabe, augwali te bidi mu dwai dabe naga
 tama,

te augwa homu kolesaga konesiayu ebao.
 Augwa te tobage kolesaga me bomai po,
 God Genuai Bidigo te augwa homude wali pomainu
 ebo te augwaligo konesiayu ebo dao.
⁵Tialima, eno te genuai bidi dabe sugi pelama,
 te augwali dali po miaibao.
 Augwa te tobage kolesaga me bomu yai po,
 God, Genuai Bidigo homugo augwa wali peyu,
 konemainu ebao.'
 Eno te homu yali.
 Tiali goli, te genuai bidi dabe tigidaligo me te Genuai
 Bidigo po sela sanama,
 te agai homu kolesaga wali me pabeo.
⁶Tialima, te laion dabe te genuai buside bidali
 tagalama asu,
 te augwali ela muagasaibao,
 te uni yowi dabe te wa pai bulu pesagede bidali
 taga soyu,
 te augwali dolagasaibao.
 Te genuai uni pusi dabe te aselama,
 te juda dabe augwa taun paba tonaluagasaibao.
 Te bidi me we me deli te taun tomode bidali tagala-
 ma,
 buluba teda soabode, te uni pusi agaba pasuga sigi
 pelama,
 te aga tigi pepeda tueibao.
 Te se augwaliba pedelaibao, magi baso meni,
 te augwa dwai se hauwa eyu,
 te hauwa sogo augwaligo
 te Genuai Bidi tudiba mubo dao.

⁷Genuai Bidigo po Jerusalemde elalu te tiwai po
 wali,

"Eno nago dwai se sela sagobeo, magi baso meni,
 te nago we bidi dabego ena tudiba munama,
 tama te mu nai aq isawai tibo god wali pai.
 Tama augwaligo te tibo godigo nogide bomai po day
 wai dao.
 Eno te we bidi dabeba nai hauwa mani,
 tiali goli, augwaligo ena tagalama,
 te tibo god wali pobao,
 te bidigo aga we tagalama,
 te penani ebo wego beba pabo tiwai ebo dao.
⁸Te bidi dabego haliga te gasa bidigo wede
 hogodobao,
 te bomai hos kibu omaigo te so kibu hos sulama,
 haliga hogodobo tiwai ebao.
⁹Ena Genuai Bidi, eno dolo po obao,
 mu tama eno te we bidi dabeba dwai dene
 mawaibao,
 augwa te yali dwai kolesaga wei ponoyu tiaibao,"
 wali.
¹⁰"Dage Israel dabego boi bidi dabe,
 dage te to kantri Israelgo wain gidu aselayu,
 te gi dabe doliyo.
 Tiali goli, dagego mu siligio.
 Te wain nologo dabe naga sela sayao,

magi baso meni, te nologo dabe te eno nai menio.
 11 Te Israelgo Juda dabego ena tudiba mu muai.
 Ena Genuai Bidigo eno te po wai dao," wali.

Genuai Bidigo te boi bidi dabe tagala palama, te Israel dolomainu yali

12 Te Israel dabego Genuai Bidi tibo wali peyu,
 augwa te tama po wali,
 "Genuai Bidigo magi sę me egobeo.
 Agai te dwai nai daba me tagala palomainu me
 iligobeo.

Te boi bidi dabego me hwjagasisayū,
 te genuai nasi me pedalugobe dao," te po wai.

13 Mu tamao, te profet dabego te tobage po pusali,
 tialima te augwa digi poli po pusali.
 Genuai Bidigo augwaliba po me masiqwai.
 Tialima, te aga digi augwali dolaibao.

14 Dagego te tobage po weyu, te dagego Godigo po
 odobao, Genuai Bidi te Tigidali Bomo Elalubo dao.
 Agai enaba te tiwai po wali,

"Te eno nageba menama pusabo po da,
 te sia tiwai pedelaibao.

Tama te we bidi dabe te nogobo sia tiwai elalubao,
 tama te siago augwali ulama daibao.

15 Ena Genuai Bidi, eno dage Israel
 we bidiba te tama po obao,
 eno te digibulu bidi hani bage selama,
 odasa aselama,
 te dage dali boi hwjmainu yaibao.

Augwali te bomai hani bidi te augwa tų kantride
 polobadu mu bidali.

Dagego te augwaligo wabo po page me konegobeo,
 magi baso meni,

dagego augwaligo po konebe dao.

16 Augwa ami bidi dabe te hwjbo bomai bidi dabe,
 te augwaligo ene enebo mu konea pelama,
 te bidi hauwa ela mubo dao," te po wali.

17 "Te augwaligo dagego gide elalubo nai,
 me bede elalubo nai sia saibao.

Te augwaligo dagego wai puluba tigidali ela mubadi,
 te sipsip hani tigidali me, te dagego bulmakau me
 ela muaibao.

Tama te augwaligo dagego wain du ni,
 me ni fik kaya, te dolaibao.

Dagego homugo te dage bomai obo taun
 tomode bugagia bidaiba homu ebao,
 tiali goli, te menio.

Te boi bidi dabego hwjagasiyu,
 te taun dabe dola silaibao," wali.

18 Tialima, Genuai Bidigo te tiwai po enabolo ma
 weyu, te po wai, "Te boi bidi dabe aselabo sogo, te eno
 dage Israel tigidali silimainogo me egobeo," te po wai.

19 "Tama nosali, te we bidi dabego nageba te tiwai po
 hanalu waibao, 'Magi baso Genuai Bidi dago Godigo te
 sę dabe dabolo yali dawe?' Tama Jeremaia, nago eno

te po augwaliba pusa mao, 'Dagego ena tudiba muna-
 ma, te duga tųde digi dagego te gasa hani dabego
 god dologoba pali. Tialima, dage te gasa hani dabego
 tųba bidigi pelama, tama te hani bage dabe dologode
 bidagameo,' te po pusa mao," Genuai Bidigo te po wai
 dao.

Genuai Bidigo bomai po te we bidi dabeba mawai

20 Genuai Bidigo te tiwai po wali,

"Te Jekopgo hani te Judade bidibo bageba te po mao,"
 wali.

21 "Dage we bidi dabe te wiegi yai homu kolesaga
 meni yai.

Duga gedu elalubao,
 tiali goli te elalubo nai dagego me susiqwai.

Te dagego olo elalubao, tiali te dagego po me
 odobeo.

Tiali te dagego olo eno te poba bugagia muių, †

22 Magi baso dage enade wi elama,
 midigi ebo meniwe?

Eno te nambis wę sane muani,
 te tamu aųgo dųj tiwai nigilali,
 tama te nambis aų sane te sesemane te obo tiwai
 elalubao.

Te genuai si pedalu, te bomonama bugusu obadi,
 agai te dųj ilali me bogi soagobeo. ††

23 Tiali goli, dage we bidi te gasagi yai mu ebao.
 Dagego enaba hagoma mu eyu,

te duga homu kolesaga te mu tomaga sobao.
 Tama dagego ena tudiba munama,

te tedela pabo dao.

24 Dagego ena Genuai Bidi duga God dologoba me
 pisųma tebao.

Dagego te homu isųbao,
 ena digi eno te tulubage te dagego nai wai bulubo
 sogo tagala paliyu,
 te nai inabo sogo tagala palu ebao.

Te ena digi eno te nai aga inayabo sogode inamainu
 eyu,

te tigidali kibu bede dagego sela tumainu tebo dao.

25 Tialima, dagego te haniani dwai sę ebo kolesaga
 ebao,

tama duga te ebo kolesagago te wiegi yai nai
 sabo te paliama,
 te dagego sabe dao," wali.

26 "Te meba eno we bidi dabe,
 augwaligo te dwai kolesaga ebao.

Augwaligo te gasa we bidi dabeba dwai sę yainu
 tonalueibao,

te bidigo umben wa muai madi te ba tomoba soabo
 tonalubo tiwai ebo dao.

27 Augwaligo te tibo kolesaga elama,
 te gasa bidigo nai hauwa sainu tiaibao,
 te bidigo ba hauwa selama,

te aga basket wa pųųbo tiwai yaibao.
 Te kolesagade augwali bomai mu pedelama,

† 5:21 Ais 6:9-10; Ese 12:2; Mak 8:18 †† 5:22 Jop 38:8-11

te augwa doado bage me mone hauwa elalubo dao.
²⁸ Augwali te nai hauwa tulama,
 te tabi buai bidi pedelali.
 Augwaligo te tobage dwai kolesaga ebo gagamu
 yabo
 homu me egobeo.
 Augwaligo te doloba pai kolesaga te augwa aya isai
 bidigo wai pulubade me egobeo.
 Te doado bage meni yai bidi dabego sęęę elalubo so-
 go,
 augwaligo te augwali tau selama,
 te sęęę silimainu ebo meni.”
²⁹ “Ena Genuai Bidi, eno dolo yai po obao.
 Mu tamao, eno te bidi dabeba dwai dene mabo sę
 yaibao,
 te augwa ebo kolesaga wei ponoyu, tama tiaibao.
³⁰ Dwai nai mu te tęba pedelai dao.
³¹ Te profet dabego augwade digi pusali pogo digi te
 we bidi dabe tibo po ola mani.
 Te pris dabego te we bidi tonaluali sogo,
 te pris dabego te profet dabego po wali pali.
 Tama eno we bidi dabego te kolesaga godolo mu yali.
 Tialima, eno dwai dene mabo sę dageba ebaso,
 tama duga te dwai kolesaga silaibao.
 Tama te sogo dagego magi yaibawe?” wali.

Te boi bidi dabego te Jerusalemba hwjagasali

6 Genuai Bidigo te po wai,
 “Dage Benjamingo hani we bidi, dagego te
 Jerusalem tagalama wi pao.
 Tiyu dage dolabuo.
 Dagego te Tekoa taunde te bu wabo nai biugel bu
 weyu,
 te plak te bulu Bet Hakeremde ugwaba sięo,
 te bidi dabego te biugel bu wabo odoyu,
 te walobo plak sulama,
 te augwali wi pao omainao.
 Magi baso meni, te dwai nai mu te not badu tagala-
 ma
 asiyu,
 te dage mu dolainu ebao.
² Taun Saion te tigi dene ilibo sę munu me isęwai sawi
 yai we mu me deli tiwai te homu wali sesemane
 piduali.
 Tialima, Genuai Bidigo te taun mu dolaibao.
³ Te king dabe augwa ami bidi dabe dali aselama,
 te Jerusalemba hwjagasainu ebao.
 Augwaligo te taun bobegela sagaselama,
 te augwa bidabo pesage nigaibao.
 Te ami bidi dabe umabo mu te genuai sipsip hani ti-
 wai
 dao.
 Tama te ofisa dabego augwali tonaluyu,
 deli deligo augwa sę yabo madi elaluaibao.
⁴ Te ofisa dabego te tiwai po waibao,
 ‘Dago te boi hwjębo kolesaga sisi ela sinao.

Awe, te hwjębode naga homu kone paluyu, tama
 tinao.
 Tegoba, da te giliga tomode mu te belo wabode
 hogodama, augwaliba hwjęgi paibao.’
 Te nosali augwa te tama po waibao,
 ‘Hobede ya, te dago sisi isębadi te be hulibao,’ po
 waibao.
⁵ ‘Tagalao. Augwaligo augwa digi seselalumainogo
 eyu,
 augwaligo te masigigo nigai boma pai genuai be
 dabe elaluali goli, dago hulide pelama,
 te be dabe dolinao,’ te po waibao,” wali.
⁶ Tigidali Bomo Elalubo Genuai Bidi, agai te po wai,
 “Dage ami dabe, te Jerusalem pęde ni dabe togola-
 ma,
 te tę dabe dali te bobobage obo pęde pesage holao,
 te daide dolalu, te taunba hwjagameo.
 Te taun aga dwai dene umabo somainao,
 magi baso meni, te taunde we bidi dabego te
 augwaligo abagi dabe dolobo sę mu ebo dao.
⁷ Dwai kolesaga sesemane te Jerusalemde ped-
 alubao,
 te ulu wę sesemane sogo pedalubo tiwai ebo dao.
 Tama augwaligo te taunde doado bage dolama,
 te gasa we bidi dabe eliyu ebao,
 te eno suali, te bage hobedagia te keni eyu gasi me
 elalubo dao.
⁸ Jerusalem, nago po odao.
 Te meni baso da, te eno nage tudiba muaibao.
 Te eno nage te olo bulu pesage tiwai pedalumainu il-
 ama,
 te nagede bidi deli me bidibo usu egobeo,” wali.

Israel dabego hagoma mu yalio

⁹ Tigidali Bomo Elalubo Genuai Bidi, agai enabolo e
 tama po wali,
 “Te boi bidi dabego te Israel hani me badu elaluali
 te mu silaibao,” wali,
 “te bidi dabego te wain giba pelama,
 te hasia tagalali wain du tigidali sabo tiwai yaibao,”
 wali.
 “Te hasia nage bolo pelama,
 te po Jerusalemba pusugi pao,
 te bidi wain giba pelama,
 te wain du deli deli elalua pali te gegegi pabo tiwai
 yao.
 Te bidi deli deligo nago po odomainu homu yao.”
¹⁰ Tialima, eno tama po wei ponani,
 “Genuai Bidi, eno te nago po deba pusaibawe?
 Tama dego eno po odogowe?
 Augwaligo olo te mu palia sali.
 Augwali tego Godigo po odisębo hani bage tiwai ela-
 ma,
 te nago po odobo hagela homu ebao.

Augwaligo homu nago po te augwali hale ilibo po dao,
 nago po te olo bage te dwai nai tiwai ebao.
 Augwaligo tede wiegi yai homu pemene me ebeo.
¹¹ Tiali goli, Genuai Bidi,
 nago augwaliba dene mabo haliga sębę enade me paęanalubao,
 tama eno homude te dene mabo haliga sębę te palia
 saiba homu ebaso, usu egobeo.”

Tialima, Genuai Bidigo enabolo e tama po wai,

“Eno te haliga sębę ebo eno te sunumi dabe bidalubo wai puluba dabeba gea paliyu,
 te gesi bidi dabe sisinaluboba me tiao.
 Te bidi dabe augwa we dabe dali, me te monu dabe-
 ba

me, eno te haliga sębę gea palao,” wai dao.

¹² “Eno te tų kantride bidibo we bidi dabeba te dwai dene sabo sęęę mawaibao,
 tama eno te gasa hanigo te be dabe,
 me tų, me we dabe somainogo yaibao,”
 Genuai Bidigo te po wai.

¹³ “Tigidali we bidigo te dwai kolesaga haniani eyu,
 te mone hauwa sabo homu eyu tama tiali.
 Te olo bidi dabe me, genuai bidi dabego me te kolesaga naga wali pali.

Te pris dabego me, te profet dabego me te we bidi tibo po ola mayu yalio.

¹⁴ Eno we bidi dabe te genuai keni elaluali,
 tiali goli te pris dabe me profetgo te keni sulama,
 te olo nai tiwai sula tagaliyu,
 te augwaligo bugagia marasin me mubeo.

Augwaligo te tama po te we bidi dabeba weyu,
 ‘Dagego moni homu me igio.

Da bugagia bidibao.’ Tialima, menio.

Augwa te bugagia me bidibeo.” †

¹⁵ “Te Israel dabe augwa te kugumini yai kolesaga ebode te hale me yaliwe? Mu menio.

Augwa hale dwasianu me ebeo.

Augwa te tobage dwai sę ebo kolesagade ge neyu,
 hale me ebeo.

Tama tibaso, te eno augwaliba dwai dene mayu,
 te augwali mu dolaibao,
 te gasa hani dabe dolo tiwai yaibao.

Ena Genuai Bidi, eno te po wai dao,” wali. ††

Te Israel dabego Genuai Bidigo po wali pabo homu hagela yali

¹⁶ Genuai Bidigo aga we bidi dabeba e tama po wai,

“Te dagego mena sunumi wali pabo homu ebaso da,
 te bugagia homu kone palao.

Dagego te duga wų nų dabego wali te wiegi yai sunumi gegao.

Te dagego me te sunumi wali pobaso,

tama te nai dabego dageba sęęę masiayu,
 te duga haliga te toma nomainu ilao,” wali.

Tialima, te Israel dabego te po wai,

“Dago te sunumi wali me pogobeo,” wali. ‡

¹⁷ Tama Genuai Bidigo te po wai,

“Eno te dage tau sabo tonalubo bidi nigilai dao.

Tama eno te po wali,

te sęęę pedelainu ebo sogo augwaligo te bu wabo

nai biugel bu wai da obaso da,

teda dagego bugagia odaluięo.”

Tialima, augwa te po wali,

“Dago te tonalubo bidi dabego po me odogobeo,”

po wai dao.

¹⁸ Tialima, Genuai Bidigo te po wali,

“Dage gasa hani we bidigo, odięo.

Dage sisinagasobaso,

te eno dagebolo eno te Israel dabeba yabo sę dabe

po walaibao,” te po wali.

¹⁹ “Tų, nago me odao.

Eno ena te we bidi dabe dolainu ebao,

te augwa yali dwai sę wei ponainogo ebao.

Magi baso meni, augwaligo eno po sela sayu,

te augwaligo eno bomo yai po wali me pabeo.

²⁰ Augwali te Sabea hani bidi dabeba pelama,

te wiegi yai denami ebo hano yabo pauda

abeligi pali.

Tama augwa te tobage awi te wiegi yai denami ebo
 nai

abelali,

te digibulu bidi dabede abelai.

Augwaligo homugo te nai dabego te augwa lotu
 wabo

te wiegi yai eno gedude pedelaibao homu eyu tiali.

Tialima, menio.

Tama me, eno te augwaligo siaba ulama

tigidali domainu ebo ofa,

me te gasa ofa dabe augwaligo enabolo ebaso,

te eno wiegi yai homu pemene ebo menio.

²¹ Tialima, ena Genuai Bidi eno te po obao,

eno te we bidi dabe tulalumainu yaibao.

Te augwali mu dolaibao.

Te aya dabe augwa wai puluba dali isaibao,

tama te we bidi dabe te augwa hai namu dabe dali

isiyu,

te augwa abagi dabe dali isaibao,” wali.

Te boi bidi dabego not badu bidali tagalama, asaibao

²² Genuai Bidigo te tama po wai,

“Suao. Te ami bidi dabego te not badu pedai tagala-
 ma,

asaibao.

Augwali te bomai hani mu te augwali digibulu mu
 bidai.

Tialima, megı da, augwa te hwjbo doado bage sisi
 ebo

sę ebo dao.

† 6:14 Ese 13:10 †† 6:15 Jer 8:10-12

‡ 6:16 Mat 11:29

²³ Augwali te gasa bidide homu dene eyu, olo tau saibao homu ebo bidi dabe me menio. Augwaligo te gasa bidi dabe dolobo godolo homu ebo bidi dabe elalubao. Augwaligo te enesigi me ene tolalubao. Augwa te hosde dugulasa asaibao, tama te hos dabego saḡa bada genuai wabo te nambisde genuai tamu aḡ gisigi asobo tiwai yaibao. Augwa te lainde wasilama, te nage, Jerusalemba hwjabo sisi elalueibao. Hobede ya!" wali.

²⁴ Te Jerusalem we bidi dabego te tiwai po wali, "Dago te boi bidi asabo po sabilibo po odolama, te da wi eyu, te dago nogo saḡa dili kimi meni ebao. Da hobede mu elama, dwai dene mu ebao, te wego aga wai ame nainu ebo sogo te genuai tigi dene ebo tiwai gilama ebo dao. ²⁵ Te boi bidi te dwai bidi dabe mu, tama augwali te tigidali habu usu nama bidiyu, te da dali hwjainu sisi elalu, te da wi ilibao. Tialima, da te gi dabeba munu me pisama, te sunumi dabeba me biligi pigio," wali. ²⁶ Tialima, Genuai Bidigo te po wai, "Dage eno we bidi dabe, dagego te homu dene ebo ugwa dabe gudulama, te sia kelide pila mudu bebegelidua. Dagego genuai gela weyu, hobede ebo teḡabi wao, te aya ida wai deli naga elaluali, augwa te wai isibo sogo homu dene ebo tiwai yao. Magi baso meni, te polo mu tama te boi bidi dabe dageba pedeliyu, te dage dolaibao," wali.

Te we bidi dabe dwai silva tiwai dao

²⁷ Genuai Bidigo te tama po enabolo wali, "Jeremaia, eno nage te wiegi yai kapa silva dagalabo bidi tiwai nigilai dao. Tama eno we bidi da, te silva tiwai dao. Te eno nagebolo seḡ mani, te eno we bidi usu selama, te augwa kolesaga dagalomainogo yali, te bidigo silva te siaba ulubo tiwai elama, te usu selama koneainu yai, te silva mu yaliwe koneainu tebo dao," wali. ²⁸ Tialima, eno e tama po wei ponani, "Augwali te hagoma elama, po sela saḡo we bidi, te augwa abagi dabeba posobo po wabo dao. Augwaligo kolesaga tigidali te dwai naga elaluali. Augwali te ain hogomu pobelege bage pedalubo tiwai, te seḡ bidi dabego te silva siaba ulama, usu sabo sogo te hogomu pedalubo tiwai ebo dao. † ²⁹ Masingo te sia ponobo seḡ ebadi, te sia posolo umagia mu pedalu, te silva ulama,

† Te bidi mebage homude te lain 28-30 tede wali pode te Genuai Bidigo te Jeremaia bolo lain 27de pusali pode te po dage wadoasa pusali homu ebo dao.

tede daganalubo ain hogomu sela saḡainu tiaibao. Tialima, te seḡ bidi dabe odolali seḡ dene yaibao. Siago te ain hogomu daganalubo me sela saḡobeo. Te tiwai te dwai kolesaga ebo bidi sela saḡo sunumi meni yaibao, te nago we bidi dabe te wiegi yai ma pedalumainu ebaso usu egobeo. ³⁰ Augwali te dwai tagalabo silva tiwai naga elaluali, magi baso meni, nage Genuai Bidigo, nago augwali tudiba muai dao," eno te po wali.

Genuai Bidigo be tego te Juda hani we bidi wiegi yai bidimainogo ebo usu egobeo

⁷ Genuai Bidigo Jeremaia bolo te tiwai po wali, ² "Nage pelama, ena Genuai Bidigo tempel be sunumiba doligi pelama, tama eno po te enaba lotu wagi soyu tomoba soabo te Juda dabeba pusao. Nago augwaliba te po weyu, ena Genuai Bidigo poba olo bugagia muao po wao. Eno po e tiwai dao. ³ Ena duga Israelgo God dao, ena te Tigidali Bomo Elalubo Genuai Bidi, eno po obao, dagego duga bilibo, me duga kolesaga dolasa elalubaso da, teda eno dage te duga bulu tḡde bugagia bidimainu yaibao. ⁴ Sesemane sogo augwaligo te tiwai po dageba obao, 'Te da, te Genuai Bidigo be dao. E da, te Genuai Bidigo be da. Te e be da, Genuai Bidigo be dao,' po wabo dao. Tialima, dage te homu igimio, te bego dage wiegi yai bugagia ilama bidaibao homu igio. Tiyu, duga digi duga tibo po ola mabo dao. †⁵ Dagego bilibo me ebo kolesaga bugagia dola sao. Te dagego duga abagi dabeba doloba pai kolesaga yao. ⁶ Dagego te gasa tḡ kantri bidi dabe duga dali bidibo te aiyaba elalugio, te wai dabe, augwa aya isai, te wilawe we dabe, te augwaliba tama kolesaga igio. Tama te duga tḡ kantri te we bidi dabe odolali me ela mugio. Te dagego tibo godiba lotu weyu, te duga digi dolamu dao. ⁷ Te dagego eno te tobage po tigidali wali pobaso da, teda dage eno te duga wai nḡy dabeba mani tḡde bugagia bidimainu ilama, te augwa hani dabego tḡ sesemane elalua po-mainu yaibao," te po wai.

⁸ "Dagego te tibo poba homu daḡ wabo dao. Tialima, te pogo dage tau me sogobeo. ⁹ Te dagego nai wi siyu, te bidi dabe ela muyu, te penani seḡ ebo kolesaga te bidi dabe me bidigo sai we dali eyu yali. Te dagego bo-mai po daḡ wabo sogo te tibo po obao. Te dagego wiegi yai denami hano ebo ofa te tibo god Balba ebao, te dagego polobadu lotu me wasiḡwai tibo god dabeba lotu wabo dao. ¹⁰ Dagego te tama kolesaga dabe ela selama, tama dagego te enaba lotu omainu, te daḡ ilali be tomoba dage asobao. Te dage ena pageba asiyu, dagego te po obao, 'Da bugagia bidibao,' wali.

†† Tede wali po tiwai tobage po te Tib 132:13-14, tede me te we bidigo te po elalubo homu ebao, te augwa homugo te Genuai Bidigo be te Jerusalemba elalubao homu yali, tama tialima, sesemane sogo Genuai Bidigo te Jerusalem tonalubo da homu yai. Agai te dwai nai dabe te Jerusalemba, me tede bidibo te we bidi dabeba dali, me pedalumainu iligobe da homu yali.

Tialima, te nosali dagego eno be tagalama, te dage peyu, te kugumini yai kolesaga umabo igi pobao. Dagego homugo te wiegi yai kolesaga da homu eba, agawe? ¹¹ Eno te be sa muyu, daj ilali, te dagego enaba lotu omainu yali. Tialima, dagego homugo te nai wi sabo bidi geme dula sigi soabo pesage da homu eba, agawe? Ena Genuai Bidi, eno po dolo obao, eno te dagego ebo kolesaga tigidali subo dao." †

¹² "Dage te Siloba pelama, eno te taunde yali se suao. Hasia eno te Silo daj ilali, te enaba lotu wabo pesage elalumainu yali, tiali goli, nosali eno suali, te Israel dabego dwai kolesaga ebaso, eno te taun dolai dao. ††¹³ Te megì me, dagego te tobage dwai kolesaga ebaso. Hauwa sogo eno dagebolo te dwai kolesaga tagalao po wali, tiali goli dagego te po odobo hagela yali. Te eno dageba i wabo sogo, dagego eno i wabo wei ponobeo. ¹⁴ Mu dao, eno te tempel be daj ilali, te dagego enaba lotu weyu, te dagego konealubo homugo te bego dage tau selama, bugagia bidimainu homu yali. Tialima, ena, Genuai Bidi, eno po dolo dagebolo obao, eno te be dolaibao, eno te Silode ena te be dolali tobage kolesaga tiwai yaibao. Tama me, te eno duga waj nõq dabeba mani tõ me dolaibao. ¹⁵ Tama eno dage sela sawaibao, eno te Israel dabe sela sawani tiwai yaibao, te duga deli hani dao. Te dagego ena tagaliyu, te eno dage munu ma sugobeo," wali.

Israel dabego Genuai Bidigo po sela sawai

¹⁶ Genuai Bidigo po ma weyu, te tiwai po wali, "Jeremaia, nago gedu haluasa po enaba me wagio, te we bidi dabe tau somainu. Nage te gela weyu, te enaba bomonama i me wagio. Magi baso meni, eno nago te gedu haluasa po wabo me odogobeo. ¹⁷ Te nago te kolesaga augwaligo te Juda dabego taunde ebo, me te Jerusalem sunumi dabede ebo susayu eba, agawe?

¹⁸ Te wai pulubago nogabo sia sisinibaso, tama te aya dabego sia nogoyu, tama ida dabego te bisket nigabo plaua begelaibao, tama augwa te bisket dabe te nogi ebo tibo god weba ofa ebaso, te nogi Dagalude Kwin dao wali. Tama me, augwa te haniani godiba wain gelebo se me ebo dao. Te tama tebo dwai kolesagade augwaligo te ena sebe ilainu ebo dao. ¹⁹ Tialima, ena Genuai Bidigo, eno te po obao, augwaligo te dwai se enabolo me ebeo. Te augwa digi dwai se ebaso, augwa te ebo kolesagade augwa hale dwai mu saibao. ²⁰ Te ena God Genuai Bidi, eno te tama po obao. Eno haliga sebe dwai mu eyu, te tõ kantriba me, te we bidiba me, te tubo kibu hasa me, te ni dabeba me, te naiba me dwai se mu yaibao. Eno haliga sebe te genuai sia dabo tiwai eyu, te bidi mego sula sayabo usu me egobeo," te po wai.

† 7:11 Mat 21:13; Mak 11:17; Luk 19:46 †† Te Josua bidibo side, te Israel dabego Genuai Bidigo ugwa be te taun Silode seani (Te Jos 18:1 tede suao). Te ugwa be te Silo taunde te pris Eli bidali sogo elaluali (Te 1 Sml Daj 1-3 tede suao). Tialima, te sogo te Filistia dabego te Israel dabe aiyaba elaluali (Te 1 Sml 4 tede suao), tama augwaligo te taun Silo dolali homu subo tiwai ebaso, tama nosali te taun te olo naga mu tama elaluai dao. ‡ 7:14 Jos 18:1; Tib 78:60; Jer 26:6

²¹ "Ena dage Israelgo God, ena da Te Tigidali Bomo Elalubo Genuai Bidi, eno te tiwai po obao. Te dagego te tigidali siaba ulama domainu ebo ofa enabolo mobadi goli, te tagalao. Te duga digi te ofa ebo nai mi tubao, te dagego gasa ofa ebo kibu mi tubo tiwai dao.

²² Te eno duga waj nõq dabe te Isip bulu tagalama, odasa asali sogo, eno te tama po augwaliba weyu, te siago tigidali domainu ebo ofa yao po naga me wasiawai, te tobage gasa ofa dabe me yao po naga me wabeo. Menio. ²³ Eno augwaliba te tiwai po me wali, 'Dagego eno po wali asobaso da, te ena dagego God bidiyu, te dage eno hani we bidi bidaibao. Te eno dagebolo te wali pao po wabo kolesaga tigidali, te dagego wali piaõ, tama te dage bugagia bidaibao.'

²⁴ Eno te tama po wali, tiali goli, augwaligo te po odama, te augwaligo wali me pabeo. Augwa te dwai kolesaga naga yabo homu elalu, te augwa hagoma eyu, te augwa homugo digi ebo se wali piduali. Tama te ebogo augwali tau me sabeo. Menio. Augwa digi augwa aiyaba elalubo se yali. ²⁵ Te duga waj nõq dabego te Isip tagalama asali sogo, tede gagalasa, te megì e sogoba usu nagasobao, eno sesemane sogo ena se bidi dabe tagala palobo se idubao, te profet dabe, te augwali aselama, te po dageba pusagasobao ²⁶ Tialima, dagego hani dabego eno po odolama, wali me pabeo. Menio. Augwa te dwai hagoma naga eyu, te dwai kolesaga hauwa eyu, te waj nõq dabego yali dwai kolesaga aiyaba elalubo dao."

²⁷ "Tialima, Jeremaia, nago te po tigidali te Israel dabeba pusao, tiali goli, augwaligo te po me odogobeo. Nago augwaliba i udao, tiali goli, augwaligo nago i wabo wei me ponogobeo. ²⁸ Te nago augwaliba te tiwai po wao, 'Te dage hanigo te Genuai Bidi, duga Godigo po wali me pisayu, te Godigo augwali dodolomainu me ebeo. Augwaligo te mu po wabo kolesagadu munu me wali pabeo. Augwaligo te kolesaga mu tagalobo dao.' Te po wao," wali.

Te bulu odogo Hinomde bidibo we bidi augwaligo dwai kolesaga yali

²⁹ Jerusalem, nago naga tobolu nisi togola sayu, te nago hobede ebo ola mao. Te nage bulu duba holama, te hobede ebo teabi wao, magi baso meni, te nago we bidi dabego te Genuai Bidi haliga sebe dwai mu ilibao. Tama tialima, Genuai Bidigo te hani we bidi dabe homu godolo munu me isiam, te augwali tudiba muai dao. ³⁰ Genuai Bidigo te tama wai, "Te Juda dabego dwai kolesaga hauwa eno gedude yali dao. Augwaligo te kugumini yai tibo god noma piksa dabe te augwaligo enaba lotu omainogo eno sa muani be tomode te tibo god piksa noma dodolama lotu wali. Te tama tebo kolesagade te be eno gedude meda ilibao. ³¹ Augwaligo te lotu wabo pesage nigali nogi Tofet poali, te Hinom Odogo Bulude nigali. Te augwaligo augwa wai puluba dabe digi te isiba ulali, te tibo godiba ofa tiwai yali. Tialima, eno augwaliba te kolesaga yao po me wabeo. Tama me, te eno te tobage bomai po dageba maiabo homu munu me ebeo. ††³² Tama tibaso, ena

Genuai Bidi, eno te po obao, nosali te augwaligo te bulu nogi munu ma nogi isayu, te Tofet ma Odogo Bulu Hinom wagobeo. Menio. Te augwaligo te tiwai nogi yaibao, te bidi hauwa ela muai pesage dao waibao. Magi baso meni, te boi bidi dabego te Juda we bidi hauwa ela muaibao. Tama te Tofet te Juda dabego gu page bulu pedelaibao, tama augwaligo tigi te pesagede paganaluaeibao. ³³ Te tigi hauwa tode olo munalua pobadi, te ba sibigo me hasa sibi aselama, mi tuagasaibao. Tama te ba dabe me hasa dabe aselama tubadi, te sela sayabo bidi meni yaibao. ³⁴ Te Judago taun dabede te we bidi dabe me bidisiayu, te Jerusalem sunumide me bidigobeo. Eno te tigidali se pedalumainogo yaibao, te bugai haliga wiegi yai homu pemene ebo kolesaga, me te we sabo sogo genuai nai daa tubo dabe me, te dabe tigidali silaibao. Tama te to kantri tigidali pedai badu dolama, olo elaluaeibao," wali.

†
8 "Te ena Genuai Bidi, eno po te tiwai ma obao. Te tama side te boi bidi dabe te isali bidi dabe pubulali gu pageba pelama, te Juda dabe king dabe me tobolu bidi dabe, te augwaligo dili dabe hodaibao, te pris dabego dili, me profet dabego dili, me te tigidali Jerusalem we bidigo dili te hodaibao. ² Te Juda dabego te giliga, me polua, me ho dabe, te godolo homu mu yalio. Tama augwa te nai dabeba kidu sugunama, gedu haluasa po augwaliba weyu, te augwali tau so-mainu augwaliba hanalu wali. Te augwaligo te tobage kolesaga dabe augwaliba lotu weyu ebo se dabe yali. Tama tibaso, te boi bidi dabego te Juda dabego tigi dili dabe selama, te toba sayu, te yowigo di tabo tiwai yaibao. Te giligago, me poluago, me ho dabego te tigi dili sueibao. Tama te dili dabe selama, te ma pubulabo bidi dabe meni yaibao. ³ Te dwai we bidide te Juda hani dwasianu bage naga elaluali, tama te toba kantri dabeba ela gudulaibao. Tama te Juda dabego augwa bidabo wiegi yai ula te godolo homu me egobeo. Te augwali isabo homu naga yaibao. Ena Tigidali Bomo Elalubo Genuai Bidi, eno te po wai dao," wali.

Te Juda dabego augwa dwai se ebode hale me ebeo

⁴ Genuai Bidigo enabolo weyu, te po te we bidi augwaliba pusao po wali,

"Ena, Genuai Bidi, eno te po obao," wali.

"Te bidi dabe augwali tula mubo sogo, te augwali ma hodolubo meni da, agawe?

Te bidi dabe sunumidu pobadi, te pabo sunumi geda mubo sogo, te augwali begelama, ma geasa pabo meni da, agawe? Menio.

Augwa te tama tiwai ebo dao.

⁵ Tialima, te Jerusalem we bidigo ena tagalama, te augwali ma begasa asobeo.

Augwaligo ena sesemane sogo tudiba muyu ebao. Te augwa tibo kolesaga wali pabo bomo eyu,

te augwali enaba ma begasa asabo homu me ebeo.

⁶ Eno augwaligo poba olo bugagia mubadi, tiali goli eno augwaligo mu po wabo me odobeo. Te bidi me deligo homu begeligi soyu, te po weyu, 'Tegobao, eno genuai sege mu sali,' po wabeo. Menio.

Tigidaligo augwa homu naga wali pabo homu yali, te ami dabe hosde dugulama, te hwigi painogo udabo tiwai ebo dao.

⁷ Te tobage genuai ba me dwasianu bago te augwa me badu me bidagasobo sogo koneama, te taga pabo sogo me konebo dao.

Tiali goli, eno we bidi augwaligo te ena Genuai Bidi eno bomai po homugo konebeo," wali.

⁸ "Magi baso dage Juda dabego te tiwai po weyu, 'Dago te wiegi yai homude koneani kolesaga elalubao,'

po weyu,

'magi baso meni, te Genuai Bidigo agai bomai po dabolo mawai da,' obao.

Dagego te tama po wagio, magi baso meni, te bomai po ola mabo tisa dabego te bomai po hasegelama, te tibo po naga asebo dao.

⁹ Te kolesaga koneai bidi dabego Genuai Bidi ena tudiba mubao.

Magi baso augwa te homu eyu, augwa koneani kolesaga genuai elaluba homu ebawe?

Te augwa hale dwai mu selama, te dwai sogo gegeyu, te hasa bade tola sabo tiwai yaibao.

Tama augwa homu kolesaga dolaibao."

¹⁰ "Tialima, eno te gasa bidi dabego te Juda dabego we me to sagasomainogo ilaibao.

Magi baso meni, tigidali we bidigo dwai se haniani eyu,

te doado bage hauwa sainu yali.

Te olo bidi dabego me, te genuai bidi dabego me, te kolesaga wali pali.

Te pris dabe me, profetgo me, te we bidi dabe tibo po ola mayu yai dao.

¹¹ Eno we bidi dabe genuai keni dabe elaluali, tiali goli, te pris dabe me profet dabego te keni dabe sulama,

te olo nai subo tiwai yalio,

tama augwaligo bugagia sisibeo.

Augwaligo te tiwai po te we bidi dabeba weyu yali, 'Dage homu kone tuq pigio.

Da bugagia bidibao.' Tiali goli, menio.

Augwali bugagia me bidibeo. ††

¹² Te Israel dabe augwa yali dwai damuai kugumini tiwai ebo kolesagade dwai hale yaliwe? Mu menio.

Augwa dwasianu hale me ebeo.

Augwa te tobage kolesagade hale me ebeo.

Tama eno augwaliba dwai dene menama, te augwali mu dolaibao,

te gasa hani dolali tiwai yaibao.

†† 7:31 Prs 18:21; 2 Kin 23:10; Jer 32:35 † 7:34 Jer 16:9; 25:10; Ped 18:23

†† 8:11 Ese 13:10

Te po ena Genuai Bidigo po dao.” †
 13 “Ena Genuai Bidi, eno po dolo obao,
 te eno augwali mu silimainu yaibao.
 Augwali te ni wain, me ni fik, te du munu me walisia-
 ma,
 te augwa yabe sasia pabo tiwai yaibao.
 Tialima, eno te boi bidi hani dabe tagala palama,
 augwali aiyaba elalumainu yaibao.”
 14 Te Juda dabego te tama po waibao,
 “Magi baso da olo dugulalubawe?
 Da sisinama, te bomai obo elalubo taun dabeba
 geme
 duala sigi pelainao,
 tama da te taun dabede isigi pinao.
 Dago te Genuai Bidi, dena Godiba dago dwai se yali,
 tama agai te po weyu, da isimainao wali.
 Te agai dabolo te bidi dolabo marasin mabo tiwai
 menama,
 te dago tumainu yali.
 15 Te da bugagia bidaibao homu dago yali,
 tiali goli, te da bugagia me bidibeo.
 Te da bugagia usu ma elama bidabo sogo pedelaiba
 homu yali,
 tiali goli, te boi bidi dabe aselama,
 da wi dwai mu ilai dao.
 16 Te boi bidi dabe te Dan hanigo to te not badu
 pedelama,
 te dago odali, te augwaligo hos dabe te homu he
 bomonama mu wabo odali.
 Te hos dabe ga wabogo te tigidali to pedai mumunu
 yalio.
 Te boi bidi dabe asiyu, te taun Jerusalem dolama,
 tede bidibo we bidi me dolainu yali,
 te dago tode elalubo tigidali nai mu dolama,
 silainu yai dao.”
 17 Te Genuai Bidigo te tiwai po wali,
 “Odao. Te eno dwai hasamani dageba tagala pala-
 ma,
 te dage gaŋ kelaibao.
 Tama dagego te hasamani dabe nagamenama,
 dua bidimainu eyu,
 te dage tagalomainu ebaso, usu egobeo. Mu me-
 nio,”
 te Juda dabego te po wali.

Ena Jeremiaia, eno ena hani dabe hobede mu yali

18 Eno hobede elama, tama haliga seŋe dwai mu ela-
 ma,
 tama eno homu kolesaga tigidali dolalio.
 19 Hobede dao, te eno hani dabe tigidali to kantride
 bidalu,
 te augwa gela weyu, te tama i obao,
 “Te Genuai Bidi te taun Saionde king munu ma
 bidigobe
 homu yaiba, agawe?
 Magi baso agai da tau sabewe?”

Tialima, Genuai Bidigo po wei ponoyu, te tiwai po
 wali,
 “Magi baso eno we bidi dagego te gasa to kantri
 dabego
 tibo dwai godigo piksa nigilama,
 te augwaliba lotu waliwe?
 Duga te tama tebo kolesagago te ena dwai haliga
 seŋe
 ilali.”
 20 Te we bidi dabego te tiwai i wali,
 “Wiegi yai sogo te siminama,
 te augwaligo gide tau yali nai tigidali salio.
 Tiali goli, Godigo da ma sisabadi dao.” Te po wali.
 21 Ena Jeremiaia, eno suali, ena hani dabe dolali,
 tibaso eno homu dwalio.
 Eno haliga seŋe dwai mu elama,
 te eno gela umagia mu wai dao.
 22 Te to Gileatde te wiegi yai marasin
 me munalusiayu eba, agawe?
 Te augwa dokta me menisiayu, ebawe?
 Magi baso te eno we bidi hobedagia te usu ma
 pedalugobewe? ††

9 Idao! Te eno tobolu te ulu we me deli tiwai
 elaluyu,
 tama te eno gedu sidu te aŋ hauwa geligi da,
 teda eno homu dene dwai mu eyu,
 gela wabo usu igi da.
 Te eno giligade me hulide gela udigi da, magi baso
 meni,
 te boi bidi dabego te eno hanigo we bidi dabe
 ela muai dao.
 2 Te olo masigi kemi tode te eno bulu tolu yabe be
 me deli elalugi da, te wiegi yai igi da.
 Teda ena te hani bidi digibulu taga pelama,
 ena te beba bidigi pabo usu igi dao.
 Magi baso meni, tigidaligo God tagalali,
 te bidigo aga we tagalama,
 te gasa penani we dabe wali bilibo tiwai ebao.
 Tama augwali te nai wi sabo genuai tiwai dao.
 3 Genuai Bidigo te tiwai po wali,
 “Sesemane sogo eno we bidi dabego te tibo po
 wabo
 sisi elalubo tiwai eyu,
 te bidigo enesigide te ene nanalubo tiwai ebao.
 Te mu po wabo kolesaga te augwaligo to kantriba
 genuai pedalubeo.
 Te tibo po wabo ugwaba ela holalio.
 Augwaligo te haniani dwai kolesaga umabo mu
 ela pidubadi,
 te augwa konealubo homu enaba me mubeo.”
 4 “Dage we bidigo te duga abagi dabede
 bugagia osola suo,

†† Te vesde e tiwai po elalubao. Jeremiaigo po begelama, teba wali. Te Juda dabego wiegi yai marasin te to Gileatde sabo dao wali. Te Gag 37:25 tede suo. Tialima, Jeremiaigo te tama koneani, te aga we bidi dabego te tobage gasi, te bidi augwa ebo dwai kolesagade pedalubao, tama te wiegi yai doktago me, te wiegi yai marasingo me, te augwali usu ma ilama pedelainu ebaso usu me egobeo, te po wai dao.

tiyu augwaligo dageba posobo po wabuo.
 Te duga ama dabego poba homu kęą pigio,
 magi baso meni,
 tigidali amago te gaga munubo sę te Jekopgo yali
 tiwai ebo dao.

⁵ Tigidali bidigo te augwa abagi dabe tibo po
 ola mayu ebao,
 te mena bidi me deligo te mu po me wabeo.
 Te augwa tibo po wabo te konea selama,
 te augwa homu me begelisiąma,
 te augwa haniani dwai kolesaga ebo me tagalogob-
 eo.

⁶ Te we bidi nage augwali tomode bidibo bage,
 augwaligo te gasa bidi aiyaba elalubo sę bomu eyu,
 te tobage tibo po wabo kolesaga eyu ebao.
 Tama augwa te ena Genuai Bidiba homu kęą pabeo,"
 Genuai Bidigo digi te po wali.

⁷ "Tama ena, Tigidali Bomo Elalubo Genuai Bidi,
 eno te po obao, suao, te eno ena te we bidi usu
 saibao,
 te bidigo silva te siaba ulubo tiwai eyu,
 te silva aga hogomu pobele bage sela sąbo tiwai
 yaibao.

Te eno we bidi hanigo dwai sęęę sabo sę ebaso,
 mena gasa sę eno augwaliba yabo me elalubawe?
 Menio.

⁸ Augwaligo wabo pogo te augwa abagi dabe
 dolaibao,
 te bidigo bidi ela muabo ene enebo tiwai ebao.
 Augwali te tibo po wabo bidi dabe dao.
 Te augwa pedauwalide te augwa abagi dabeba
 dwagi yai po obao,
 tiali goli, te haligade augwaligo te augwali
 dolabo homu ebo dao.

⁹ Mu tamao, eno te we bidiba dwai dene mawaibao,
 augwa te yali dwai sę wei ponaibao.
 Ena Genuai Bidi, eno te po wai dao."

¹⁰ Tialima, ena, Jeremaia, eno te bulu du dabe,
 me te kala elaluali pesage dolali,
 tede homu kone ebao, tama ena dwai gela weyu,
 hobede ebo balia obao.
 Te pesage badu te bidi munu me bilisiąma,
 te bulmakau dabe te kala pesageba te nosai me tugi
 pogobeo.
 Te ba dabe me hasa dabe wi pela siliyu,
 te pesage taga pai dao.

¹¹ Genuai Bidigo te po wali, "Te eno Jerusalem dola-
 ma,
 te masigi pesage holali naga elalueibao.
 Tama te uni yowi dabego pesage pedelaibao.
 Tama eno te Judago taun tigidali dolama,
 te taun dabe olo elalu, te bidi meni yaibao."

¹² Tialima, ena, Jeremaia, eno te po obao, "Magi baso
 te tų dolama, tama te olo masigi kemi pesage elalu,
 tama tede bidi me bidibewe? Mena wiegi yai homu
 kolesaga mu yai bidigo aga te sę yali page konegowe?
 Genuai Bidigo mena bidibolo te po pusulama, tama te

bidigo te sę yali page te we bidiba pusugowe?" ¹³ Tama
 Genuai Bidigo te tama po wei ponani, "Te sę page e ti-
 wai dao. Te we bidi augwaligo eno augwaliba mani bo-
 mo yai po wali pisąma, tama augwa eno po sela
 sąwani, tama eno augwaliba ola mani sunumidu te
 augwali pabeo. ¹⁴ Augwa hagoma mu elama, augwa
 homu wali pali. Te augwa te god Balba lotu wali, te
 augwa wąj nųęę ola mayu, te sę yao wali ebo sę tiwai
 yalio. ¹⁵ Tama ena Israelgo God, ena Tigidali Bomo
 Elalubo Genuai Bidi, eno po dolo obao, eno te we bidi-
 ba genuai dene mawaibao. Te eno augwaliba te ha
 ebo doanai te augwa pedauwaliba munama, te augwa
 tumainu tiwai eyu, te eno augwaliba te dwai marasin
 menama, te augwa tubo tiwai emainu yaibao. ¹⁶ Te
 eno augwali ela gudulama, te augwa gasa tų kantriba
 tedela pelama, bidimainu elama, te augwa wąj nųų
 dabe me, augwali me, te polobadu pisąwai bulu tųba
 paibao. Te eno digi te bidi dabego augwaliba boi bidi
 eyu, te augwali ela mumainu yaibao, te tama tede
 pidubadi, te tigidali isila siliboba usu naibao," te po
 wali.

Te Jerusalem dabe hobede ebo gela wali

¹⁷ Tigidali Bomo Elalubo Genuai Bidigo te tiwai po
 wali,
 "Dagego te dugaba pedalubo te sęde homu kone
 bugagia palao.
 Tama duga te hobede ebode te tęąbi mu koneai
 we dabe i olama,
 te augwali asomainao."

¹⁸ Tialima, te we bidi dabego te tiwai po wali,
 "Awe, te augwali polo asesą aselama, te daba hobede
 ebo
 tęąbi wagasomainao, te da gela umagia weyu,
 te dago gedude gela guai tulaluyu,
 te dago gesabidiba dulumainu yaibao," te po wali.

¹⁹ Te Saionde te we bidi gela weyu,
 hobede ebo tęąbi te tiwai wali,
 "Hobede ya, da mu dobao.
 Da hale dwai mu ebao, magi baso meni,
 te boi bidi dabego dago be dabe dolalio,
 tama dago dena tų dabe tagalobao," wali.

²⁰ Dage Jerusalem we dabe,
 Genuai Bidigo po enaba dageba po pusao wali,
 tama dagego agai poba olo bugagia muao.
 Dagego duga wegi dabeba te hobede ebo tęąbi wabo
 kolesaga ola mao.
 Tama dage we deli deligo te hobede ebo tęąbi wabo
 kolesaga te gasa we dabeba ola mao.

²¹ Magi baso meni, isibo daba pedelalio,
 te dago be sunumidu tomoba asali.
 Te da genuai bidigo bede bidibadi me,
 ma te olo bidigo bede bidibadi me, te tagalao.
 Te isibogo da me ela soagobeo.
 Isibogo te wai puluba sunumide gagali idubo,
 me te gesi ogwa bidi te bidi sisinibo pesageba
 sabolama, te isaibao.

²² Te isai bidi dabe tigi te tųde wilalua paibao,

te yowigo di tiwai elaluali,
tama te gide wit dunu pali tiwai elalua paibao.
Te augwali sisinabo bidi meni yaibao.
Genuai Bidigo enabolo te po pusao wali.

²³ Genuai Bidigo te tama po wali,

“Te po page koneai bidigo aga koneani kolesaga
wiegi yai homu pemene igio.
Tama bomai bidigo aga bomode homu pemene igio.
Te mone bidigo aga monede wiegi yai homu pemene
egio. Menio.

²⁴ Te bidi aga pemene yabo homu ebaso,
aga te nai delide naga pemene yao.
Agai ena Genuai Bidi koneani da homu elama,
wiegi yai pemene yao.
Agai enade e tiwai koneao,
sesemane sogo eno tigidali t̄de we bidi homu
godolo eyu,
te eno wiegi yai doloba pai kolesaga augwaliba
ebo dao.

Ena Genuai Bidi, eno te tobage kolesaga ebode
wiegi yai homu pemene ebo dao,”
Genuai Bidigo te po wali. †

²⁵ “Ena Genuai Bidi, eno te tama po obao. Te hani bidi
dabe te augwa hale ebo tigiwali togobo bidi dabe eno
dene ilabo sogo bodolu muai elalu, te kolesaga wali
pomai yali, tiali goli, augwa eno po wali pabeo. ²⁶ Te
e bage te Isip dabe, me Juda dabe, me Idom dabe, me
Amon dabe, me Moap dabe, me te olo masigi kemi
t̄de bidalubo bage me, te augwa gesabi badu tobolu
nisi p̄wadage suḡ sobao. Te hani augwali te Genuai
Bidigo po odisābo bage, te Israel dabe augwaligo me
te hani bagego kolesaga wali palio. Te Israel dabe me,
augwa hale ebo tigiwali togosīwai āq̄ tiwai yai dao,”
wali.

Genuai Bidi aga king dao, te gasa god dabe da, te olo
nai tiwai naga dao

10 Dage Israel, te Genuai Bidigo poba olo bugagia
muao. ² Agai te tiwai po obao,

“Dagego te gasa t̄ pedai kantride bidibo hani
dabego
kolesaga wali pigimio.
Augwaligo te gasagi yai nai te dagalude pedalubo
sulama, te augwa wi mu yaibao.
Tialima, dage da, wi me elamuo. Menio.
³ Suao. Te hani dabego mu kolesaga me ebeo.
Augwaligo ebo kolesagago augwali tau sabo usu
egobeo.

Augwa te ni me deli buside gelama,
tama te ni piksa dulubo konebo bidi dabego te ni
selama,
tama tego tibo god dulama, nigali.

⁴ Te bidi dabego te gol me silva selama,

te piksa au ilaibao.

Te nosali, augwa te hama selama,
te god me badu me te nide enaibao,
te aga tulaluidali weyu tebo dao.

⁵ Te god dabe te olo nai dao,
te bidi dabe piksa noma tiwai,
te gi page bidigo te ba dabe wi iliyu,
te gide muaibao.

Te god dabego po me wagobeo.
Te augwali bilibaso usu egobeo,
tiyu te bidigo augwali tolaibao.

Dage augwalide wi igio, magi baso meni,
augwaligo dwai s̄ me deli yabo usu egobeo.
Te augwa wiegi yai kolesaga me yabo usu egobeo,”
te po wai dao.

⁶ Genuai Bidi, te nage tiwai gasa me menio.
Nago genuai bomo, me genuai nogi elalubao.
Te nago naga bomo waseliyu,
te tobage s̄ dabe ebo dao.

⁷ Nage te tigidali hani we bidigo king bidibao,
tiyu tigidaligo nagede wi elama,
te nage dologode bidibaso usu yaibao.
Te nago koneani wiegi yai homu kolesagago
te king dabego koneani homu kolesaga,
me te po page konea pai bidi dabego
homu kolesaga, me
te tigidali hani we bidigo kolesaga me,
te aiyaba mu elaluai dao. ††

⁸ Te bidi dabego homu kolesaga te geda muyu,
te augwali umuna pai mu elalubao.
Magi baso meni, augwali te nigo nigali naiba naga
pelama, te kolesaga sabo dao.

⁹ Te bidi dabego te silva te t̄ kantri Spende siyu,
me gol te t̄ kantri Ufasde sobadi elama,
tama te gol me silva s̄ ebo bidi dabeba menama,
te augwa god dabe augwaligo mesegelimainu
tebao.

Te wiegi yai nami ugwa nigibo bidi dabego,
augwa te sisi ugwa me mama yai nigilama,
te god dabe au ilainu tiaibao.

¹⁰ Tialima, Genuai Bidi, nage God mu dao.
Nage sesemane bidibo God,
te nage sesemane sogo king bidaibao.

Te nago haliga s̄bē ebo sogo da, te t̄ mali eyu,
te we bidi hani bugagia me bidigobeo.

¹¹ Dage Israel, dagego te Genuai Bidigo po odisābo
bidi hani augwaliba te tiwai po wao,
“Te dagego godigo te t̄ me dagalu nigibeo,
tama te god dabe dolobaso da,
te munu ma t̄de me dagalu dologode me
bidigobeo,” te po wao.

Genuai Bidi aga polasa mu polalubao
(Jer 51:15-19)

¹² Te God da, aga bomogo digi te t̄ nigai dao.
Awe, aga wiegi yai koneani homu kolesagade agai
te t̄ dodolama muai dao.

† 9:24 1 Ko 1:31; 2 Ko 10:17

†† 10:7 Ped 15:4

Aga homu kolesagade agai te dagalu nigiyu elama, diniga palali.

¹³ Agai po obaso, te dagalu pɔ dabego te be kulu bomonama obao, te pɔ hauwa umabo hogodama, te gasa gasa badu asu, te deliba sisinibao.

Agai te dagalude be sele emainu elama, te tulubage tulubao.

Agai te wali hodolama, te aga bidibo pesage tagalama, asobo dao.

¹⁴ Bidi dabe te tiwai ebeo.

Tigidali te umuna pelama, te koneani homu me elalubeo.

Te tibo god golgo nigibo bidi dabe dao, te augwali hale yaibao, te augwa nigali nai dabede.

Te god dabe te mu nai menio.

Augwa te bidibo ula me elalubeo.

¹⁵ Augwali te olo nai mu tiwai elalubao, te bidi dabego posobo po augwaliba waibao.

Te god dabe da dolama, te mu sia saibao.

¹⁶ Tialima, Jekopgo God te tama me tegobeo.

Aga te tedali gasagi yai mu dao.

Agaduba deligo naga te tigidali nai nigali.

Tama agai te Israel dabe daj elama, sa muani, te aga hani tiwai da wali.

Agai nagi te e dao,

Tigidali Bomo Elalubo Genuai Bidi dao.

Genuai Bidigo te Juda dabe sela sawaibao

¹⁷ Dage Juda, te boi bidi dabego Jerusalem bagua salio.

Tialima, dagego duga doado bage sisinama, tolasa piɔo.

¹⁸ Magi baso meni. Genuai Bidigo te tiwai po wali, "Te sogo eno dage Juda tɔ we bidi gasaba sela sawaibao,

bidigo te masigi du te kukulu tede belama, te hogolama, tama saɔo tiwai yaibao.

Te eno genuai sege dageba menama, te dage dene mu ebaso, ge mu naibao."

¹⁹ Tama te Juda dabego te tama po waibao, "Hobede mu ebaso, da dolalio.

Te dage sege genuai mu elalubao,

te genuai keni pedela sisaɔo tiwai ebaso.

Tiali goli, tagalao, te sege daba pedelama, te dage tolobo dao," te po wali.

²⁰ Jerusalem dolama, te olo mu elalubao,

te ugwa be me deli pisila pelama,

te degasa dulali tiwai elalubao.

Tama te ugwa be ma se yabo bidi me deli meni yaibao,

magi baso meni, tigidali we bidigo

te Jerusalem tagalama, pela silai dao.

²¹ Te tɔ kantri tonalubo tobolu bidi dabego wiegi yai homu kolesaga elalusiayu,

augwa te Genuai Bidiba hanaluama,

te augwa homu kolesaga dodolomainu te homu

me ebeo.

Tiyu, augwaligo te wiegi yai se me isaɔbaso, te boi bidi dabe aselama,

te we bidi dabe tedela pali,

te uni yowigo te sipsip tonalubo bidigo

te sipsip bugagia tonalusabaso,

te tedela palobo tiwai yali dao.

²² Odao. Augwaligo te po sela asalio.

Te genuai po daga u wabo te not badu pedelalio,

te boi bidi dabe augwa pesage tagalama,

te Judago taunba hwjagasu asobao.

Te taun dabe te mu dolama,

te uni yowigo pesage naga pedelaibao.

Jeremiaigo Godiba hanaluama, te we bidi tau so-mainu yai

²³ Genuai Bidi, eno koneani,

te bidi dago dena bilibo tonalubo usu isaɔyu,

te dena godolo homu ebo sunumi dabe wali painu ebaso, usu egobe dao.

²⁴ Genuai Bidi, nago da dodolao,

tiali goli, nago da selebo se igio.

Tiyu, nago da dali haliga sebe eyu, nago da mu dolalio.

²⁵ Te nageba lotu wasiaɔyu,

te gedu haluasa po wasiaɔo we bidi hani dabeba dene mao.

Te hani dabego te dage we bidi dabe te Jekopgo hani ela muai.

Augwaligo da mu silama, te dage tɔ me be mu dolai dao.

Juda dabego te Genuai Bidigo bomai po bolali po

11 Genuai Bidigo ena Jeremiaibolo te tiwai po wali, ² "Te eno daj wabo bomo yai poba olo bugagia muao. Tama nage pelama, te Juda me Jerusalem we bidi dabeba te tiwai po ³ wagi pao. 'Ena Genuai Bidi, eno duga Israelgo God, eno te po obao, mena bidigo eno bomai daj wabo po me wali sisaɔbaso da, teda aga dolaibao. ⁴ Te daj wabo bomai po te eno duga waj nɔɔ dabe te Isipdu odasa asali sogo mawai dao. Augwaligo te Isip taga soali sogo, te sia posolo tiwai mu yali bulu, te eno augwaliba te tama po wali, "Dagego eno po tigidali wali pobaso da, teda dage eno we bidi hani bidiyu, te ena dagego God bidaibao. ⁵ Tama eno te duga waj nɔɔ dabe dali daj wali po wali peyu, usu naibao. Eno te dagego waj nɔɔ augwaliba te wiegi yai tɔ me deli mawaibao po wali, te ili hauwa elalubo tɔ da," wali. Tama megi dage te tɔde bidibao." Genuai Bidigo po walio, tialima, eno te tiwai po wei ponai, "Mu tamao, Genuai Bidi, nago wabo po gilama tama tiagameo."

⁶ Tialima, Genuai Bidigo enabolo te tama po wali, "Nage te Juda dabego taun dabeba pelama, me te Jerusalem sunumi tulumage dabeba pelama, eno te tigidali po pususu pao. Eno po e tama dao. Dage we bidi dabe, te eno daj wali bomo yai po odama, wali

piąo," te po wai. ⁷ "Te eno duga waji nõu dabe te Isipde selama, odasa asali sogo, eno augwaliba bomai po mayu, te tiwai po wali, te eno po augwaligo wali pao wali. Te sesemane sogo eno te tobage deli po naga dagego hani dabeba udali, te megi e sogoba usu nagasobao. ⁸ Tiali goli, waji nõu dabego te po odama, wali me pabeo. Menio. Augwa te dwai homu kolesaga naga elaludu, te augwa hagoma elama, augwa homu kolesaga wali naga pali. Eno augwaliba te daju wali bomoi yai po wali piąo wali, tiali goli, augwa hagela homu yali. Tialima, eno augwaliba te dene mabo se yali, te daju wali bomoi yai pode wali gilama te tama tiai dao," wali.

⁹ Te Genuai Bidigo po enaba ma weyu, te tiwai po wali, "Te Juda dabego me, Jerusalemgo me, te Genuai Bidi, eno po sela sayabo po mia sai yalio. ¹⁰ Augwaligo ena tagalama, te augwa waji nõu dabego dwai kolesaga wali ma pobao. Te augwaligo eno po sela sayu, te augwa waji nõu dabego yali tiwai ebao. Te Israel hani me, Juda hanigo me, te tibo godiba lotu weyu, tama eno augwa waji nõu dabe dali daju wali bomoi yai po te bolobo dao. ¹¹ Tama tibuso, ena Genuai Bidigo, eno po dolo tama obao, te eno augwali dwagilama mu dolaibao, te se augwaliba ebo me ela soagobeo. Te augwaligo enaba i weyu, tau somainu yaibao, tiali goli, eno augwaligo i wabo me odogobeo. ¹² Te Jerusalem dabe me te gasa Juda bage te augwa wiegi yai denami hano holobo ofa ebo tibo godiba paibao. Tama augwa te god dabeba i waibao, tialima, te god dabego augwaliba te dwai se ebo sogo ebo side tau sainu ebaso, usu me egobe dao," wali.

¹³ "Tegoba! Dage Judago, te dagego tibo godigo namba dabe te dagego taun dabego namba tobage tiwai elalubao. Te dagego wiegi yai denami yabo ofa te Balba yabo alta hauwa nigibao, te hale ebo god dao. Te alta dabego namba te Jerusalem sunumi dabego namba tiwai si elalubao. ¹⁴ Jeremaia, te we bidi dabe te dwai sego gegebaso, te augwaligo enaba i weyu, te eno augwali tau sao po waibao. Tialima, te eno augwaligo i wabo me odogobeo. Tama te augwali tau somainu te nago gedu haluasa po enabolo me olamuo. Te nago gela me weyu, te enaba bomonama i weyu, te eno augwaligo sege silao po me olamu dao," te po wai.

¹⁵ "Dage eno we bidi dabe, eno dage godolo homu mu ebao.

Tiali goli, duga te tobage dwai kolesaga ebao. Tialima, magi baso dage te eno beba pabo dawo? Dagego te kibu hasa dabe enaba ofa yainu sela pali, te dagego homude te ebo ofago te dage tau siyu, te dwai sogo ebo dagede ela somaina homu eyu tebao.

Tiali goli, te menio.

Te dwai sogo dageba pedelaibao.

Te dage wiegi yai pemene yaibao homu eyu eba, agawe?

¹⁶ Polobadu eno te po wali, dage Israel dabe

te wiegi yai du walobo ni oliv me deli tiwai elalubao, wali.

Tiali goli, megi da, eno dage dolaibao, te dagalude bomonama kulukulu weyu, te be sele eyu, te ni oliv doliyu, te siago dabo tiwai elama, te nologo togwa pabo tiwai yaibao.

¹⁷ Ena Tigidali Bomo Elalubo Genuai Bidi dao, eno te ni bulali,

tialima, megi eno te po obao, aga dolomainao.

Dage Israel hani dabe me Juda hanigo te god Balba lotu weyu, te wiegi yai denami ebo ofa me ebao.

Dagego te dwai kolesagago te ena haliga sebe dwai mu

ilibo dao," wali.

Te bidi dabego Jeremaia ela muainu yai

¹⁸ Ena Jeremaia, eno gedu haluasa po e tiwai wali, "Genuai Bidio, te bidi mebago enaba dwai se yainu ebao, te augwaligo ena dali te se yainogo ebaso, te enabolo nago te po pusali dao. ¹⁹ Hasia eno te se yabo konesiawai. Ena te sipsip wai me deli tiwai te bidi dabego selasa pelama, ena eligi pabo tiwai yaibao. Te bidi dabego te tiwai po mia salio,

'Tegobao, dago megi tama ela muaino,

te bidigo te ni du walobadi togobo tiwai yaibao.

Dago aga mu silama, te bidi dabego aga homu kone ma egobeo.'

Augwaligo tama po wali,

²⁰ tiali goli, nage Tigidali Bomo Elalubo Genuai Bidi dao,

nago te we bidi dabego haliga me homu kolesaga dagalobo dao, te nago po tu dolo mu ebo dao.

Eno te sege nago nogoba mubao,

te eno homugo nago te bidi dabeba

dwai se ebo dene mabo sueibao," te po wali.

²¹ Te Anatot bidi dabego ena ela muaiba olama, enaba te tiwai po wali, "Nago te Genuai Bidigo nogide te profet po wagio," wali. "Nago te tobage po obaso da, te dago nage ela mueibao," wali. Tialima, Genuai Bidigo eno gedu haluasa po wali odama, agai enabolo te tiwai po wali, ²² "Ena Genuai Bidi Tigidali Bomo Elalubao, eno po dolo obao, eno te Anatot hani bidi dabeba dwai se mu yaibao. Eno te boi bidi dabe tagala palama, te ogwa bidi dabe ela mumainu yaibao. Tama te sogo te Anatot dabe te nai menia selama, te augwa wai dabe isila paibao," te po wali. ²³ "Eno te Anatot dabe dolabo sogo bodolu muai. Eno te tama tebo sogo, te augwali deli me bidigobeo. Menio. Tigidali isaibao," te po wai dao.

Jeremaia go sege elalubaso, Genuai Bidiba hanalu wali

12 Genuai Bidio, nago doloba pai kolesaga sesemane sogo ebao,

te eno nage dali po konila eyu wabeo.

Tialima, te meba kolesaga eno konesiawani,

tama eno te nagebolo hanalu obao.

Magi baso te dwai kolesaga ebo bidi dabe,
te augwa sesemane sogo bugagia bidibo dawē?
Magi baso te gagamu selibo bidi,
me tibo po wabo bidi dabe,
te augwa ebo sę bugagia mu ela pidubo dawē?
² Nago augwali te tōba munama,
augwali te wiegi yai pedelali,
te bidigo bulali ni tiwai elama,
te ni sele tō tomoba pelama, te ni genuai holama,
te nai walobo tiwai ebao.
Sesemane sogo augwaligo nago nogi nogi eyu ebao,
tialima, te augwa homu nagede digibulu elalubo
dao.
³ Tialima, Genuai Bidi, nago ena koneama,
te eno tigidali kolesaga me konebao.
Te nago eno homu kolesaga dagalubao,
eno nageba haliga mu mubo, te nago konebo dao.
Te eno homugo eno boi bidi dabe nago sela sęyao
homu ebao,
te bidi dabego sipsip elainogo sela pabo tiwai ebao.
Te nago bodolu muani sogo, nago augwali ela muao.
⁴ Genuai Bidi, nago dago tōba genuai sęę muani,
te tigidali nosai sasia pali.
Nisu sogo te sia selama, te tō wiegi yai ma pedalu-
gowe?
Te hasa me, ba dabe me, isila pobao, magi baso
meni,
te tōde we bidi dabego dwai kolesaga me idubo sę
ebao.
Tama me, te we bidi dabego te po obao,
“Jeremaia go daba te pedalubo sę dabe me
suagasogobe dao,” po wabo dao. †
⁵ Tialima, Genuai Bidigo enabolo te tiwai po wei po-
nani,
“Jeremaia, megi nago te gę nabo sęę,
te nosali pedelabo sęę tiwai me egobeo.
Te nage bidi dabe dali ususu si ebode te homu hę
obaso da,
teda magi elama nago te hos dabe dali udabo ususu
si
yaibawe?
Te nage dua digi te wiegi yai sogo naga tō kantride
bidibaso da,
teda nage te Jordan wę genuai aselama,
aluasa soabo sogo, te nage magi elama, bidaibawe?
⁶ Te sęę dabede te me deli te tiwai elalubao.
Te naga hani dabego digi te nageba dwai sę yabo po
mia salio.
Te nage augwaligo nage pobeasa pabo tiwai elama,
te pąde nage pageabi yainu ebo tiwai yaibao.
Te augwaligo nage dali wiegi yai po obadi, te tagalao,
nago augwaligo poba homu kęę pelamu dao,” wali.

† *Bidi me bago e po te tiwai begelali, “Godigo dago ebo sę dabe me sugobeo.” Te we bidi dabego te Jeremaia bolo te tama weyu, te augwali bidibadi agabolo isaibao, te tiwai homu yali, ma augwa digi te aga ela mugowe te homu yai dao. (Te po te Jer 11:18-23 tede suaoo.)*

Genuai Bidigo aga we bidiba haliga sęę yali po

⁷ “Ena Genuai Bidi, eno tama po obao.
Eno Israel tudiba muaibao,
te ena we bidi da olama, sa muai.
Eno te we bidi dabe godolo homu mu yali,
tiali goli, megi da, eno te boi bidi dabego augwali
aiyaba elalumainu ebo dao.
⁸ Eno te we bidi dabe, augwaligo enaba boi bidi yali.
Augwaligo ena aiyaba elaluainu i bomonama weyu,
te laion me deligo genuai buside i wabo tiwai yali.
Tialima, te eno augwali godolo homu munu me
egobeo.
⁹ Eno we bidi augwali te ba me deli tiwai gilama,
te ba kemodage dabego te ba bagua sagaselama,
te aga dolobo sę yalio.
Te uni hasa dabe me i olama, te augwali me aselama,
te ba tuagasomainao,” wali.
¹⁰ “Te gasa tō kantri polalubo bidi dabe
aselama, te eno wain gi dolaibao.
Te augwaligo eno wiegi yai gi agalama,
te gi te wa pai pesage naga ilaibao.
¹¹ Tama te tō te bidi meniamana, olo bulu mu
elalueibao.
Tama te tō hobede yai gela wedu,
te eno agai gela odomainu tiaibao.
Te bidi mego te tōde sęę homu kone me palogobeo.
¹² Te tō wa pai bulu pesagede te boi bidi hauwa
pedaliyu,
te augwaligo tigidali nai doado bage dolabo homu
yaibao.
Magi baso meni, te eno dagego tō kantri we bidi
tigidaliba dene maiabo homu ebao.
Tama te bidi me deli bugagia bidainu ebaso,
usu me egobeo.
¹³ Dage Israelgo te wit wai ge bulaibao,
tialima te inayani nai tau yali sabo sogo,
dagego te sesani yai bono naga elalubo sueibao.
Dage odolali sę dene elama,
te magi nai me deli dagego me sogobeo.
Dagego te Genuai Bidi eno haliga sębę naga saibao.
Tama dage dwai hale mu siyao,” wali.

Genuai Bidigo Israel dabego boi bidiba bomai po dą wali

¹⁴ Genuai Bidigo te tama po wali, “Te Israel dabe
pąde bidibo hani dabe, augwalide eno po elalubao,”
wali, “augwali te dwai kolesaga ebo bidi dabe tiyu, te
augwaligo eno we bidi dabeba mani tōde dwai sę
ebao. Odao. Te eno te hani boi bidi dabe te augwa tō-
ba digi ela gudulaibao. Te Juda dabe augwa tōde digi
te boi bidi dabego tō tomode bidibao, tialima eno te
Juda dabe me sela sęwaibao. ¹⁵ Tiali goli, eno augwali
sela sęnama da, teda nosali eno te olo tau mabo wiegi
yai kolesaga augwali hani tigidaliba ma yaibao, te eno
augwali te augwa page buluba ma odasa paibao.
¹⁶ Tama te sogo te gasa hani augwaligo te eno we bidi

dabego kolesaga bugagia konea sabo sę yaibao. Polobadu te hani dabego eno we bidiba te god Bal nogide mu po waiyaŋo wabo po ola mawai. Tiali goli, te sogode te augwa digi eno nogide mu po dao waibao, te sesemane sogo bidada pabo Genuai Bidi dao. Te kolesaga augwaligo wali pobaso da, teda augwali me eno we bidi hani pedelaibao. ¹⁷ Tiali goli, mena we bidi hani me deligo eno po odobo hagela homu ebaso da, teda eno augwali sela sęnama, te augwali mu dolaibao. Ena Genuai Bidi, eno te po wai dao," wali.

Jeremaia aga name ugwa selama, te po digi po begelama pusali

13 Genuai Bidigo Jeremaia enabolo te tiwai po pusali, "Nage pelama, te wiegi yai name ugwa me deli abeligi pelama, tama kukulu tiwai gudao. Tama nago te ugwa te aŋba munu me munamo dao," wali. ² Tialima, ena pelama, te name ugwa me deli abeligi pali, te Genuai Bidigo wali po gilama, te eno gudali. ³ Tialima, Genuai Bidigo enabolo e tiwai po ma wali, ⁴ "Nago te abelali name ugwa gudama, te nage hogodama, te bulu Peratba † pelama, te ugwa te masigi dedageba geme dualigi pao," wai dao. ⁵ Tialima, eno Genuai Bidigo po wali pali, te ena pelama, te bulu Peratba te name ugwa geme dualigi pelama, tama ma aselama, eno bulude bidali. ⁶ Hauwa sogo bidama, tialima Genuai Bidig o enabolo te tiwai po ma weyu, te po wali, "Nage hogodama, te bulu Peratba ma pelama, te ugwa ma sigi pao, eno nagebolo te po obaso nago dualigi pai dao." ⁷ Tialima, ena te Peratba pelama, eno te ugwa dualali pesagede te digawani. Tama eno te ugwa selama suali, te dolai baso, te magi sę me yabo homu me ebeo.

⁸ Genuai Bidigo enabolo te tiwai po ma wali, ⁹ "Ena Genuai Bidi, eno te po obao. Te eno Juda dabe me Jerusalemgo hagoma ebo kolesaga aiyaba elalueibao, te augwa genuai nogi dolaibao, te name ugwa dolali tiwai yaibao. ¹⁰ Te dwai kolesaga ebo we bidi dabe, augwa olo pania selama, te eno po odobo hagela homu yali. Augwa hagoma eyu, augwa homu kolesaga wali pabo dao. Augwa tibo god wali peyu, te augwaliba lotu wabo dao. Te we bidi dabe dolaibao, te ugwa dolali tiwai elama, te bidi dabego agade magi sę me egobeo. ¹¹ Hasia ena Genuai Bidi, eno te Israel hani me Juda hani enaba bomonama kęę pagasai elalu, te name ugwa bidigo tigide kukulu tiwai daŋ olama bealubo tiwai yali. Eno tama tiali, te augwali eno we bidi hani bidiyu, te augwa eno nogi ugwaba siyu, te ena wiegi yai pemene eyu, te enaba genuai nogi momainogo yali. Tiali goli, augwaligo eno po odobo hagela homu yai dao," wali.

Te Jerusalem dabe te tŋgo nigai sospen sene dolobo tiwai yaibao

¹² Genuai Bidigo po ma weyu, te tiwai po wali, "Jeremaia, nago te Genuai Bidi eno po te Jerusalem dabeba pusao. 'Ena Genuai Bidi, Israel duga God dao, eno te tama po obao. Te bidi dabego te wain tŋgo nigai sospen sene tabiaibao.' Te Jerusalem dabego te po odama da, teda augwa te tiwai po nageba waibao, 'Nago homugo dago te sę konebe da homu eyu oba, agawe?' ¹³ Tialima, nago te po augwaliba pusao, 'Ena Genuai Bidi, eno te tiwai po walio,' po wao. 'Te dage tŋde we bidi tigidaliba wain mu paŋaŋaibao, te dage geŋ page dwai mu yaibao. Te Devitgo king hani dabe, me te pris dabe, me profet dabe, me te Jerusalem we bidi tigidali badi, eno waingo paŋaŋo te tŋgo nigai sospen sene paŋaŋo tiwai gilama yaibao. ¹⁴ Tama te we bidi dabe eno dolama, te bidigo tŋgo nigali sospen sene manama elebaso, te tigidali alua paibao. Te tigidali we bidi dolaibao, te ida aya me, wai puluba dabe me, dolaibao. Eno olo mu tau sabo wiegi yai kolesaga eyu, hobede eyu, augwali gogoliyu, sula tagalama bidimainu me egobeo. Mu menio. Eno te augwali dolaibao.' Ena Genuai Bidi, eno te po wai dao," wali.

Godigo te Juda dabeba bomai sę dene ilaibao po wai

¹⁵ Dage Juda, Genuai Bidigo po dageba walio, te dagego agai poba bugagia olo muiyaŋo.

Dagego hagoma munu me elamu dao wali.

¹⁶ Dagego Godiba genuai nogi mao, duga Genuai Bidi dao.

Tiyu, agai dagego bulu be huli elama, te duga bulu duba bilibo sogo, te dage tula muna muna paibao.

Te giliga dageba nanomainao homu godolo ebadi, tialima, Genuai Bidigo te be posali ula hasegelama, te dwai be hulua sai pedelaibao.

¹⁷ Tialima, te dagego po odisama,

te dagego hagoma idubaso da,

teda te boi bidi dabego dage Genuai Bidigo we bidi sagaselama,

te gasa tŋ kantriba kalabus mugi paibao.

Tama tibaso, ena Jeremaia, te enaduba bididu,

te dagede gela wedu gedubadi,

te eno gedude gela guai gealuama,

te eno gesabidiba dualibao wali.

¹⁸ Genuai Bidigo enabolo te tiwai po wali,

"Nage pelama, te king dali, aga idaba me, waligi pao,

'Dage sigo te duga si dugulalubo sia king tagalao,

magi baso meni, te dage sigo kingo gudali madi

te olo nai tiwai pedelali,

te dage sigo tonalubo tŋ kantri dabe me tonalugio,' wali.

¹⁹ 'Augwaligo te taun dabe obo sunumi paliaibao,

te tŋ distrik Negev te Juda pedai te saut badu elaluai,

† Bidi mebago e tiwai homu ebo dao, te nogi wabo Perat wabo, te genuai pabo aŋ Yufretis tede wabo dao.

te augwali sunumi dayabo bidi meni yaibao.
 Magi baso meni, te boi bidi dabego te tigidali Juda selama,
 te gasa t̄o kantriba kalabus s̄e igi paibao.”
²⁰“Taun Jerusalem, nago gedu pedama,
 tama te not badu pedai tagalama,
 te nageba asobo bidi hani te nago tonao.
 Te nago augwaliba wiegi yai pemene eyu,
 te tonalubo we bidi augwali mena bidibawe?
²¹Nago te naga abagi meba pedalumainu ebo s̄e dene
 yali.
 Tiali goli, nosali augwaligo nage aiyaba elaluama,
 te nage tonalubaso, tama te sogo nago magi po waibawe?
 Te nage dene genuai saiba homu yaibao,
 te wego wai ame nainu dene sabo tiwai yaibao.
²²Te nago te magi baso te dwai s̄e nageba pedalubo
 te nago koneainogo homu ebaso da,
 teda nago koneao,
 te pedalubo te nago dwai s̄e yali wei ponoyu tebao.
 Te naga yali dwai s̄ede naga nago ugwa
 augwaligo peda s̄anama,
 te augwaligo nageba dwai s̄e yali.
²³Te husugu bidi augwa tigiwali hasegelama,
 te mamamonu tigiwali hasegelaiba, agawe?
 Ma, te uni husugu yai pusi te augwa tigi
 dodobolo pali sela s̄awaiba, agawe? Mu menio.
 Te tiwai tama, te nago naga dwai kolesaga me
 hasegelama,
 te wiegi yai kolesaga wali painogo ebaso,
 usu me egobeo.
²⁴Jerusalem, te eno nago we bidi dabe sela s̄awaibao,
 te waligo te wa pai pesage taga soyu, te witgo
 hogomu sela s̄ayagasobo tiwai yaibao.
²⁵Ena Genuai Bidi, eno te s̄e dabe nageba
 pedalumainogo d̄aj ilali, magi baso meni,
 nago enaba konealubo homu tagalama,
 te nago konealubo homu te tibo god dabeba
 mubo dao.
²⁶Tialima, te ena digi nago gudalubo name ugwa
 ugwaba dagala palama,
 te naga gesabidi dualaibao.
 Tama te bidi dabego nago ugwa olo elalu,
 hale ebo s̄e sueibao.
²⁷Eno nago ebo kugumini yai kolesaga s̄ualio.
 Nago te tibo god dabe wali pabo s̄e bomonama eyu,
 te augwaliba te bulu du dabeba lotu weyu,
 me te kala pesage dabede lotu weyu ebao.
 Nage te we me deli tiwai aga sali bidi mu tagalama,
 te gasa bidi dabe dali pigi pelama,
 te penani s̄e umabo mu yali.
 Tama nage te so hosgo te omai hos dabeba bomona-
 ma
 i wabo tiwai ebao.
 Hobede muo, Jerusalem, nage te meda yai mu
 bididu,
 te nage wiegi yai meda meni yai pedelabo homu

ebeo.
 Nage te tiwai tama bidada pidubadi,
 te mena sogoba usu naibawe?” te po wai dao.

Kantri Judade tulubage meni yai dao

14 Genuai Bidigo te po te Jeremiaibolo t̄ode te tulubage meni yani sogo te po mawai dao,

²“Juda kantri t̄ode te genuai s̄eḡe elalu gela udali.
 Te aga hanu dabe dwai mu elalubao.
 Te aga we bidi dabe t̄o bulu pila munana peyu,
 te dwai gela mu udubao.
 Tama te Jerusalem dabe umagia gela u waibao.
³Te genuai bidi dabe augwa s̄e ebo bidi dabe tagala
 palama,
 te āj tugi pao wali.
 Augwali te ulu w̄e dabeba pali, tiali goli āj me
 elalubeo.
 Tama augwa te sospen sene olo ma sela pai.
 Te we bidi dabe augwa homu kone palali dwai mu
 ebaso,
 te augwa hale ebaso, augwa gesabidi halua siyu yai
 dao.
⁴Te Juda t̄o kantride te tulubage munu me tulis̄abadi,
 te t̄o gebo pai t̄o pedelali.
 Tama te gide nai bulubo hani dabe,
 augwa haliga husugu dwai mu eyu,
 te augwa gesabidi halua sali.
⁵Te uni hasa dabe wai ame nani,
 tiali goli, tuabo nosai meni yai.
 Tibaso, augwa peyu, te wai dabe olo tede elalubadi
 taga pali.
⁶Te uni donki dabe te bulu dude dolalu,
 te augwa homu h̄e obaso,
 te bomonama mobo ma kekali,
 te uni yowi dabego ebo tiwai yai.
 Augwa te tuabo nosai meni baso,
 te augwali gedu kimi isalio,”
 Genuai Bidigo te po wali.
⁷Te we bidi dabego gedu haluasa po weyu,
 te tiwai wali, “Mu tamao, Genuai Bidi,
 dago nage tudiba muyu,
 te nago gedude dwai s̄e hauwa yali.
 Tama dena te yali dwai s̄eḡo dena ma po t̄u ilalio.
 Tialima, Genuai Bidi, te naga genuai nogide digi
 homu kone palama, te nago da hobede yao.
⁸Sesemane sogo da Israelgo nageba konealubo ho-
 mu
 d̄aḡ weyu,
 te nageba tonalu, te nago da tau somainu yali.
 Te s̄eḡe me sabo sogo, nago da ma siyu yai.
 Tialima, meḡi da, magi baso te nago da konesīaḡo
 homu ebawe?
 Magi baso nage te digibulu bidi asai bidi te da dali
 deli
 pilama pabo tiwai yai dawew?
⁹Magi baso nage te bidi tiwai, nage te homu umuna
 sai bidi tiwai ebawe?

Magi baso nage te ami bidi te aga boi bidi aiyaba elaluabo bomo meni yai tiwai elalubawe? Tialima, menio. Genuai Bidi, nage da tomode bidibao. Tama nago te da naga we bidi mu da olama, daḡi iliyu, sa muai.

Tama tialima, nago da me tagaligio," wali.

¹⁰ Tialima, Genuai Bidigo te tiwai po wali, "Te we bidi hani, augwa te wau bilabo homu godolo ebao.

Te augwa bilibo bugagia me tonalubeo.

Tama tibaso, ena, Genuai Bidi, eno wiegi yai homu pemene augwaliba me ebeo.

Megi da, eno augwa ebo dwai kolesagaba kone palama, te eno augwaliba te tigi dene mabo sę yaibao," wali.

¹¹ Genuai Bidigo enabolo te tama po wali, "Jeremaia, nago te we bidi dabe bugagia bidimainu tau sao po me hanalugio," po wali. ¹² "Te augwaligo nai habu selama, enaba gedu haluasa po obadi goli, te tagalao, eno augwaligo i wabo munu me odogobeo. Te augwaligo sia ulama, tigidali dela pabo ofa ebadi goli, te tagalao, te wit ulubo ofa ebo me, eno te we bidi augwaliba wiegi yai pemene me egobeo. Menio. Te eno boi bidi dabe tagala palama, augwali elagasomainu yaibao. Te eno augwali nai menia somainu ilama, te augwali isaibao. Tama genuai gasi augwaliba pedalumainu elama, te augwali isila paibao. Tama tebo kolesagade te eno augwali silimainu yaibao," wali. ¹³ Tialima, eno po wei ponoyu, te tiwai po wali, "Nago po te dolo obao. Tialima, God, Genuai Bidio, te profet dabego gasagi yai po te we bidi dabeba pusudu gebao. Augwaligo nago po e tiwai pusali, 'Te boi bidi dabego dage me ela mugobeo. Te dage nai me menia sogobeo. Menio. Mu tama, ena Genuai Bidi, eno dage te tḡde sesemane sogo bugagia bidimainogo ebo dao,' te profet dabego te po pusali," eno te po wai.

¹⁴ Tama Genuai Bidigo enabolo te tiwai po wai, "Te profet bidi dabego eno nogide tibo po pusubao. Eno augwali me tagala palobeo, tama eno po augwaliba me mabeo. Te po profet dabego dageba pusali po, te tibo po augwa homude digi pusali. Augwa te po wali, augwa te nade subo tiwai yali po wali, tiali goli, augwa tibo po wai. Tama augwa te nai dabe pedelaibao po wali, tiali goli, augwa te tibo po pusubao homu yai dao. ¹⁵ Tama tialima, ena, Genuai Bidi, eno po dolo tama obao. Te profet dabego po eno nogide pusali goli, tialima eno augwali me tagala palobeo. Augwa te tama po wali, 'Hwḡbo me nasi ebo te tḡ kantriba me pedalugobeo,' wai. Tialima, hwḡbo me, nasi ebo me, te profet dabe augwaba digi pedelama, te augwa mu silaibao. ¹⁶ Tama te profet dabego po odali we bidi dabe, augwali me te hwḡbogo me nasigo dolaibao. Tama boi bidi dabego te we bidi me wai puluba selama, te Jerusalem sunumiba sḡsḡ paibao. Tama augwali tigi pubulabo bidi meni yaibao. Te Jerusalem dwai sę mu ebo we bidi dabe, tiyu te eno augwali mu dolaibao," wai dao.

¹⁷ "Tama Jeremaia, eno homugo te nago naga po digi te we bidi dabeba pusao. Nago te tama po wao, 'Ena Jeremaia, te ena gela umabo mu udubadi geḡyu, te eno gedudu gela guwa gealudaibao. Eno te tebo kolesaga te ulade me, hulide me, tagalogobeo, magi baso meni, te boi bidi dabego eno we bidi dabe dwagilama mu eliyu, te we bidi hobedagia mu dolali. ¹⁸ Te ena hanu bulu badu bilibadi, eno te hwḡnama elali bidi tigi dabe suali. Tama ena te hanu sunumi dabe du pobadi, eno te nai mu meni yai we bidi te augwa tigi dolali elalubo suali. Te pris me profet dabe olo bilibao, te augwa mena sę ebowe, te augwa me konesiḡwai dao,' nago te po pusao," wali.

Jeremaia go Genuai Bidiba tulubage tagala palomainu hanalu wali

¹⁹ Genuai Bidi, nago te tḡ kantri Juda tudiba mu muani da, agawe?

Te nago Saion hanu godolo homu mu meni ebawe? Magi baso nago da dwagila mu elama, te da usu ma yabo aḡ isḡbawe?

Dago homu te da bugagia bidaiba homu yali. Tiali goli, te da bugagia me dugulalubeo.

Te dago homugo te da usu ma yabo sogo pedelaiba homu yali, tiali goli, te boi bidi dabe aselama, te wi dwai mu ilibo sę ebo dao.

²⁰ Genuai Bidio, mu tamao, dago dali, te dena wḡ nḡy dabego me, te nago gedude dwai sę hauwa yali dao.

²¹ Tialima, nago te naga genuai nogide homu kone palama, te nago naga be homu koneao, te naga wiegi yai king duabo sia sai tiwai elalubao, tama te boi bidi dabego te be dolomainogo sula tagaligio.

Tama nago te bomo yai po da dali daḡ wali homu kone palama, tama naga te daḡ wali bomo yai po boligio.

²² Te Godigo po odisḡbo bidi dabego te dwai tibo godigo te tulubage tulao obaso, usu yaiba, agawe? Ma, te dagalu aga digi te tulubage da mobaso usu yaiba, agawe? Mu menio.

Genuai Bidi, dena God, nagaduba deli te usu mu ebo dao.

Tama tibaso, nago te tobage sę dabe yaibao, tama tiyu, dago nage tonalu, te nago da tau somainu ebo dao.

Te Juda dabe dwagila mu dolaibao wali

¹⁵ Tialima, Genuai Bidigo enabolo te tiwai po wali, "Jeremaia, odao. Te Moses de Samuel si te ena paḡa asama, te enaba hanalu, te we bidi dabeba te olo mu tau sabo wiegi yai kolesaga yao wagi sogo da, te tagalao, eno usu menigi da. Te we bidi dabe sela

sayao! Eno augwali subo, te ena hagela homu mu ebo dao. ¹² Te augwaligo nageba e tiwai hanalu, 'Da mena pagawe?' obaso da, teda nago te tiwai po augwaliba wei ponao,

'Ena Genuai Bidi, eno te tiwai po obao.
Eno te bidi meba dwai gasi selama, isimainu daj ilali.
Te augwa dwai gasi sigi pomainogo yaibao.
Te bidi meba te boi hwjgi pelama, isimainogo daj ilali.
Tama augwa te hwjgi pelama, isimainao.
Te eno bidi meba nai sq̄ pelama, isimainu muani.
Te augwa nai sq̄ pai pomainu yaibao.
Te eno bidi meba sa muyu, te gasa tq̄ kantriba kalabus

igi paibao wali.

Tialima, augwali te kalabus igi pomainogo yaibao.' ^{††}

Te po wei ponao. ³ Ena Genuai Bidigo, te eno nai me si me sigo te we bidi dabe mu silimainogo tagala palaibao. Augwali te boi bidi dabego ela mumainogo sa muaibao. Te eno yowi dabego augwali tigi mi pepedela tumainogo sa mueibao. Me te ba dabe, me uni hasa dabego te tigi mi mu tulama, silimainu sa mueibao wai dao. ⁴ Te gasa tq̄ kantri we bidi dabego eno te sq̄ te juda dabeba yali po odama, te augwali wi elama, dwai noma mu saibao. Eno te dwai sq̄ te bidi Manasego yali wei ponaibao, te Hesekiago ogwago, te Jerusalemde te sq̄ yali, te aga juda king bidali sogo tama tiai dao." [‡]

⁵ Genuai Bidigo te tiwai po wali,
"O Jerusalem, dego nage hobede yaibawe?
Te nagede dego gela udaibawe?
Te dego nage bugagia bidibowe, te gegela suagaso-gowe?

⁶ Ena Genuai Bidi,
eno po dolo tama obao, naga digi ena tudiba mudu,
te ena digibulu pali.

Tama tibaso, te ena digi ena nogogo te nage elama dolobao.

Hauwa sogo eno nage hobede yali,
tiali goli meḡi ena hagela pai dao.

⁷ Eno te tigidali we bidi te taun Judade selama,
te augwali eno ela gudulali,
te waligo wit wali hogomu sela sq̄bo tiwai yai.

Eno ena we bidi dabe dolama,
te augwa wai dabe ela muani, magi baso meni,
augwa dwai kolesaga ebo me tagalobeo.

⁸ Eno te ami bidi hauwa ela muani,
tama augwa we dabe te augwa naga olo bidali.
Te we dabe namba umabo mu bidai,
te nambisde masigi sane aiyaba elaluali.

Te giligade digi eno te boi bidi dabe tagala palama,
te ami bidi dabego ida dabe ela muagasali.

Deli sogo mu tama eno augwaliba te genuai dene menama, te augwali wi dwai mu ilai dao.

⁹ Te we me deligo te wai nogo a naga olama,

me badu si te ame nai ogwa elaluali,
te tagalao, te ogwa tigidali mu isila silali.
Tama te waigo ida te dwai dene mu elama,
aga tigi kimi meni yai.

Te idago wiegi yai sogo elaluali te dwai polo sogo pedelama,

te aga genuai hale salio.

Awe, te bubuga tomode te giliga ge polo tama degasa
pai dao.

Te juda meba bidalubaso da, te eno boi bidigo augwali

ela muagasomainu ilaibao.

Ena Genuai Bidi, eno te po wai dao," wali.

Jeremaia go homude elaluali po Genuai Bidiba pusali

¹⁰ Ena Jeremaia, eno te po wai, hobede mu da,
magi baso idago ena ame nenama,
te eno wado ebo sq̄,
me po konila te tq̄ kantri tigidali bidi odubawe?
Eno gasa bidide negeli me elalusiayu,
tama te bidi dabego me enaba negeli mawai me elalubeo.

Tialima, tigidaligo te po weyu,
te Genuai Bidigo ena dolomainao wabo dao.

¹¹ Tialima, Genuai Bidigo enabolo te tiwai po wali,
"Haliga sq̄sq̄ ebo tagalao.

Te eno nage tau siyu, te nage bugagia bidaibao.

Te eno boi bidi dabe nageba asomainu eyu,
te nago augwali sq̄sq̄ ebo sogo, me te dwai sogo,
augwali gegebo sogo te nago augwali tau somainu hanalu wagasomainogo ilaibao," wali.

¹² Genuai Bidigo te we bidi dabeba te tiwai po weyu,
te po wai, "Mena bidigo te ain me bras togwaibawe?

Te not badu asobo boi bidi dabego bomo te ain tiwai dao.

¹³ Te eno dagego tigidali mone me wiegi yai doado bage tigidali te boi bidi dabeba mawaibao.

Magi baso meni, te dagego duga tq̄ kantri tigidali habuba usu nama, te dwai sq̄ hauwa ebo dao.

¹⁴ Eno haliga sq̄sq̄ te posolo yai sia dabo tiwai mu ebao, tama te siago dage ulaibao.

Te eno dage te duga boi bidi dabego olo sq̄ ebo bidi pedalumainu ilama,
tama dagego me konesiawai tq̄ kantriba dage pelama, bidigi paibao," wali.

¹⁵ Te ena Jeremaia, eno te tiwai po obao,
"Genuai Bidi, nago eno sq̄sq̄ koneanio.

Te nago enade homu kone palama, te nago ena tau sao.

Tama nago ena te dolobo bidi dabeba dwai dene sabo

wei ponao.

Tiyu, nago te boi bidi dabede dua nagame yai sq̄ ebaso,

te augwaligo ena ela muidalio.

Nago koneani, eno nago sq̄ ebaso,

† 15:1 Sai 32:11-14; Nam 14:13-19; 1 Sml 7:5-9 †† 15:2 Ped 13:10 ‡ 15:4 2 Kin 21:1-16; 2 Sto 33:1-9

te augwaligo enaba dwai po wabo dao.
¹⁶ Nago po enabolo mobaso,
 te eno sali, te bidigo nai sabo tiwai yali.
 Tama nago te pogo ena pemene eyu,
 wiegi yai haliga mu yai, magi baso meni,
 ena nagaba elalubao,
 God Genuai Bidi Tigidali Bomo Elalubo Dao.
¹⁷ Ena te bugai haliga eyu,
 gisugu wabo bidi dabe dali munu me bidibeo.
 Tama eno augwali dali wiegi yai pemene munu me ebeo.

Menio.

Enaduba naga bididuali, magi baso meni,
 eno koneani, te nago bomo enade elalu,
 te nago haliga sębę enade paęanalubo dao.
¹⁸ Magi baso ena dene ebo silibewe?
 Eno keni genuai mu elalubao.
 Magi baso aga te pedelasiąbewe?
 Mu tamao, nago ena tau me sabeo.
 Ena aę tueinu aęba pabo bidi tiwai ebao,
 tiali goli, aga te wę sula sai subaso,
 te aga aę tusiąwai tiwai ebo dao.”

¹⁹ Tialima, Genuai Bidigo enabolo po wei ponoyu te tiwai wali,

“Te nage haliga begelama, enaba ma begasa asobaso da,

teda nage eno ma selama,
 te nago eno sę ma yagameo.
 Te nago dwai po pusubo tagalama,
 te nago wiegi yai po naga pusubaso da,
 teda nage eno pedauwalide po sabo bidi bidagameo.

Tama te we bidi dabe nage wali pomainogo yaibao,
 tialima nage augwali wali me pelamu dao.

²⁰ Te eno nage te bomai obo brasgo nigai dolalubo tiwai eyu,

te we bidi dabego gedude tama tiaibao.
 Te augwaligo nage dali boi bidi yaibao,
 tiali goli te augwaligo nage aiyaba me elalugobeo.
 Magi baso meni, ena digi ena nage dali bidaibao.
 Te eno nage tau selama, eno nage ma saibao.
 Te ena Genuai Bidi, eno po dao.

²¹ Te eno nage tau siyu, nagede te dwai kolesaga ebo bidi dabego nogode,

me te wiegi yai homu elama,
 olo tau sisąbo bidi dabego nogode,
 ma dobola selama,
 tama augwaligo nage me dologobeo.”
 Te po wai dao.

Jeremaia go Godigo bomai po pusubo sę elalui

16 Genuai Bidigo ena, Jeremaiabolo, te tiwai po pusali, ²“Nage te bulude bidibo sogo, nago te we selama, wai me ame neyu me igio,” wai dao. ³“Magi baso meni. Ena Genuai Bidi, eno nagebolo te tę kantride ame nai wai dabeba me te augwa aya idaba

pedelabo sę po wainogo ebao,” wali. ⁴“Tigidali te isaibao. Me badu te dwai gasi selama, isaibao. Te boi bidi asama, me badu ela mueibao. Te me badu nai sęą peyu, isaibao. Tama augwalide hobedai gela olama, te augwali pubulabo bidi me elalugobeo. Menio. Augwaligo tigi dabe te tęde yowi di munalua pabo tiwai yaibao. Tama te ba dabego me uni hasa dabego augwali tigi tuagasaibao,” wai dao.

⁵“Magi baso meni. Ena Genuai Bidi, eno te tama po ma obao. Jeremaia, nage te we bidi dabe bidalubo digi pelama, te isali bidi dabede gela munu me wagi pigio. Te naga digi gela weyu, hobede yai balia me olamuo, magi baso meni, eno te we bidi bugagia bidimainu me iligobeo. Te eno wiegi yai haliga augwaliba me isąyu, te olo tau sabo wiegi yai homu kolesaga augwaliba me magobeo. Te Genuai Bidi eno po dao. ⁶Te kantri tęde bidali tigidali genuai bidi me, olo bidi me, te isaibao. Te augwali pubulabo bidi menia saibao. Te augwalide homu dene eyu, gela wabo bidi meniama, te aga digi aga tigi wali tologoyu, te aga tobolu nisi poawaibao, te aga homu dene ebo ola mayu, te tama tegobeo. ⁷Tialima, te isali bidi dabede te bidi mebago homu denede gela wagasobaso, te bidi dabeba nai me tuabo aę sela asabo bidi dabe meni yaibao, te augwali homu nagame ilabo sę yabo me tegobeo. Te augwa aya ma ida isali, te tagala, te hani dali hobede elama bida-gasabo bidi meni yaibao,” te po wai.

⁸“Tama nage te genuai nai daa tubo beba pelama, te augwali dali deliba kisalu, te nai tuyu, aę tuyu me tigio. ⁹Magi baso meni, ena, dage Israelgo God dao, ena te Tigidali Bomo Elalubo Genuai Bidi, eno po dolo obao, te tęde we bidi dabe me bidigobeo. Te bugai haliga ebo me, pemene homu ebo kolesaga me, te bidi dabego gesi we sabo kolesaga me, te tigidali mu silaibao. Dage megi tama bidibo we bidi hani, te dagego te sę pedalubo sueibao,” te po wai. †

¹⁰“Jeremaia, nago te po te we bidi dabeba pusubo sogo, te augwaligo nageba te tiwai po waibao, ‘Magi baso Genuai Bidigo te dwai sę tigidali dabolo ped-alumainu yaibawe? Dago mena kolesaga dwaliwe? Dago mena dwai sę te God, dena Genuai Bidiba, ebo dawew? Te po waibao. ¹¹Te we bidi dabego te tama po obaso da, teda nago e po augwaliba wei ponao, ‘Ena Genuai Bidi, eno te kolesaga dagego nęų wąj dabego ena tudiba munama, te tibo god dabe wali peyu, augwaliba lotu wali. Augwaligo ena tagalama, te eno bomu yai po wali me pabeo. ¹²Tama dagego dwai kolesaga ebogo te duga wąj nęų dabego dwai kolesaga yali aiyaba mu elalualio. Dage tigidaligo hagoma homu elama, te duga homude dwai kolesaga wali pali. Tama dagego eno po odobo hagela homu ebo dao.

¹³Tama tialima, eno dage e tę kantride ela gudulama, te dage gasa tę kantriba bidigi paibao, te tę kantri te dagego me duga wąj nęų dabego polobadu me kone-siąwai. Tama te gasa tę kantride eno te wiegi yai olo mu tau sabo kolesaga dageba me egobeo. Tama te

† 16:9 Jer 7:34; 25:10; Ped 18:23

giligade me hulide te dagego gasa god dabeba lotu udaibao," te po wai dao.

Genuai Bidigo te we bidi dabe augwa page buluba ma odasa asaibao

¹⁴⁻¹⁵ "Ena Genuai Bidi, eno te tama po obao. Eno te we bidi dabe ela gudulaibao, tiali goli, nosali eno augwali te eno augwa waji nqy dabeba mani tqba ma odasa asaibao. Megi da, augwa po day wabo kolesaga te tiwai yali. Augwa te tama po wali, 'Sesemane sogo bidada pabo Genuai Bidigo nogide eno nogo guni sisu mubao, te eno mu po obao' wali. 'Agai da Isipde selama, odasa asali.' Tialima, te eno augwali ma odasa asali sogo, te kolesaga hasegelaibao weyu, augwa te tama po waibao, 'Te sesemane sogo bidibo Genuai Bidigo nogide eno nogo guni sisu mubao, te eno mu po obao. Agai da te tq kantri not badu sela asali, me gasa kantri tqde agai da sela sanama, agai da te dena page buluba ma sela asai dao,' augwaligo te tiwai po waibao," Genuai Bidigo te po wali.

Juda dabe Genuai Bidide geme me duala sabaso, usu me egobeo

¹⁶ "Ena Genuai Bidi, eno te tama po obao, te eno Juda dabeba boi bidi tagala palama, te we bidi dabe augwaligo saibao, te bidigo aga hagani togobo wade te sugu hauwa sabo tiwai yaibao. Tama nosali eno gasa boi bidi dabe tagala palama, te we bidi gegegi paibao, te bidigo buside hasa gegegi pabo tiwai yaibao. Tama te boi bidi dabego te we bidi dabe te geme bulu dude, me ola bede, dulalua pobadi, te tola saibao," wai dao. ¹⁷ "Magi baso meni, eno te Juda dabe tigidaligo ebo kolesaga subao. Augwa ebo dwai kolesaga te augwaligo dualainogo ebo usu me egobeo. ¹⁸ Tama tibaso, hasia bolo eno augwa ebo dwai kolesaga wei ponoyu, te gasa ugwadu daganama, wei ponaibao. Magi baso meni, augwali te kugumini yai tibo god piksa noma hauwa nigilama, te eno augwaliba mani tq tigidali badu paganobao. Te god dabego bidibo ula me elalubeo, te isai bidi dabego tigi tiwai elalubao. Tama te god dabego eno gedude te tq meda ilibo dao," wali.

Tigidali hani bidigo Genuai Bidi koneaibao

¹⁹ Genuai Bidi, nago ena day walama, ena obogo bagualubao, te nago ena te sege ebo sogo

tau sobao.

Te tigidali digibulu tq habu we bidi hani te nageba asama,

augwa te tiwai po waibao,

"Te dago waji nqy dabego tibo god, augwali te mu god menio.

Augwali te olo bage tiwai elalu, te da tau sabo usu me ebe dao.

²⁰ Te bidi aga digi aga god nigibaso, usu yaiba, agawe? Menio.

Te bidigo nigibo nai dabe augwali te god mu menio."

Augwaligo te po waibao.

²¹ Tialima, Genuai Bidigo te tiwai po wei ponani, "Odao. Deli sogo naga eno te tigidali hani we bidi bugagia ola mawaibao, tama te sogo augwaligo eno genuai bomo bugagia koneaibao.

Te augwaligo eno nogi te tiwai koneama, ena Genuai Bidi dao waibao," te po wai dao.

Te Juda dabego augwa sege sela sawainu ebaso, usu egobeo

17 Genuai Bidigo te tama po wai, "Dage Juda dabego duga sege me sela sagob-

eo.

Dagego tabi haliga te masigi togwai dage tiwai elalubao.

Te bidigo te masigi dagede po asebo nai nogi kolsisis selama,

te dagego yali dwai se dabe po te masigi dagede togogo pelama, elalumainu ebo tiwai yali.

Tama me te bidigo duga alta nigali gay tede te po asebo

babaga pabo tiwai yali dao.

² Sesemane sogo dage hanigo wai pulubago me te tibo god altaba homu kone kone eyu, te tibo god we Asera piksaba kone palu ebao, te dagego genuai ni dabe dologode muyu, me te tigidali bulu du bagede mubo dao.

³ Dage te bulu du dabeba pelama, lotu wagi pabo dao.

Tama tialima, eno te dagego mone tigidali, me te wiegi yai doado bage dabe, te boi bidi dabeba mawaibao.

Dagego dwai se hauwa te duga tq kantri tigidali usu nama ebao.

Tama eno te boi bidi dabego dagego te lotu wabo pesage somainogo ilaibao wai dao.

⁴ Duga digi duga yali dwai se te eno dageba mani tq taga paibao.

Ena digi dage te duga boi bidi dabego olo se ebo hani pedalumainogo ilaibao.

Te dagego konesiawai tq kantriba pelama, bidigi paibao.

Eno haliga sege te sia me deli dabo tiwai ebao, tama dagego te sia ponama, tama te sia sesemane mu elaluduaibao," wai.

Bidi sigo ebo tobage kolesaga

⁵ Genuai Bidigo e tiwai po wali,

"Te bidigo ena tudiba munama, te homu eyu, te bidigo naga bomo elalu, te augwaligo aga tau sobaso, bugagia bidaiba homu eyu da, teda te bidi dolobo dao.

⁶ Te wa pai pesage bulu me delide dwasianu ni me deli holai tiwai yaibao.

Te pesage bulude te ąj meniama,
 tų te tamu hauwa elalubaso,
 te ni me nosai tede me hologobeo.
 Te tobage bidi te bugagia dugulalubo
 pesage me sogobeo," wali.
 7 "Tiali goli, bidigo konealubo bomai po Genuai Bidi,
 enaba elama,
 tama eno naga aga tau sabo te homu konebaso da,
 teda eno te bidiba wiegi yai sę bugagia mu yaibao.
 8 Aga da, te augwaligo wiegi yai ni te ąj pagede bulali
 tiwai ebao.
 Te nigo bono sele te aiyaba dulama, te ąj sigulali.
 Te genuai giliga nanobo side, te nigo wi me egobeo.
 Menio.
 Aga yabe te kebasi yai sesemane elalueibao.
 Te tulubage menibo sogo, aga homu si me egobeo.
 Menio. Aga nai sesemane waludubo dao," wali. †

Genuai Bidigo tigidali bidigo kolesaga dagalaibao

9 Genuai Bidigo te tama po wali,
 "Tigidali bidigo haligade tibo kolesaga
 sesemane yabo homu kone kone iduaibao.
 Bidigo homude dwai mu elalubo dao.
 Tama dego te page mu konegowe?
 10 Ena Genuai Bidi, eno te tigidali bidigo homude me
 haligade ebo kolesaga osola sueibao.
 Tama eno tigidali bidi deli deligo kolesaga dagalama,
 tama eno te augwa yali kolesaga usu nama wei
 ponobo dao," wali. ††

Kolesaga dolo isąbaso te mone pedalubaso, te ha- gawaibao

11 Te bidigo kolesaga dolo isąbadi,
 te mone hauwa sobaso da,
 te aga te ba me deligo te gasa bago ge wi selama,
 tama te gede pedelali wai dabe sabo tiwai ebao.
 Te bidigo mone tigidali te aga
 monu dabe isąbadi hagawaibao.
 Tama nosali, te bidi dabego koneaibao,
 aga te homu kolesaga meni yai bidi tiwai yalio.

Te Israel dabego Genuai Bidigo augwali tau sabo tonaluai

12 Dena Godigo be da, te God aga dugulalubo sia king
 tiwai elama,
 te wiegi yai mu elalubao.
 Polobadu mu aga genuai nogi elaluai,
 tama tiwai me elalubo dao.
 13 Genuai Bidio, sesemane sogo da Israelgo
 konealubo
 po nageba dąų olama,
 te nago da tau sabo tonalubao.
 Te bidi dabego nage tudiba muani,
 augwali hale dwai mu yaibao.
 Polo tama te bidi dabego augwali homu kone palubo
 tagalu,

te nogi me deli homu kone gegeda pabo tiwai eyu,
 bidigo te tų hogomude asęai po polo hola pabo
 tiwai yaibao.

Genuai Bidi, nage te ąj ulu tiwai dabolo ula mabo ti-
 wai
 ąj elalubao.
 Tiali goli, te bidi dabego nage tagalobo dao.

Jeremaiaگو Genuai Bidiba hanaluama, aga tau so- mainogo yali

14 Genuai Bidi, eno homugo nago ena gasi usu ilama,
 te ena wiegi yai ma pedelαιο.
 Nago ena me selama, te ena bugagia bidainogo yao.
 Eno nageba naga genuai nogi mabo dao.
 15 Te Israel dabego enaba posobo po te tiwai odu
 gebao,
 "Magi baso te dwai sę dabe te Genuai Bidigo yabo po
 wabo da, agawe?
 Te sę agai yabo homu ebaso da, teda aga megı tama
 ebaso usu dao," wabo.
 16 Genuai Bidi, nago enabolo naga te we bidi hani
 tonalubo sę mawai,
 tama eno te sę me tagalobeo.
 Te nago koneai, eno te dwai sę te we bidi dabeba
 tagala
 palao po olama, me wabeo.
 Eno pusubo po tigidali nago bugagia konebo dao.
 17 Nago ena wi dwai mu me iligio. Menio.
 Te dwai sogo nage te ena geme bugagia dula sabo
 pesage tiwai ebo dao.
 18 Tama megı eno homugo nago te enaba dwai
 posobo
 po sę ebo bidi dabeba hale ilama,
 te augwa homu dolomainao.
 Tialima, nago ena homu dolobo sę me isąyu,
 te ena hale me iligio.
 Eno homugo nago te dwai sę ebo sogo augwaliba
 pedalumainogo ilao,
 te nago augwali dwagila augwali mu doloyu da yao,
 ena Jeremaiaگو te po wai.

Juda dabego te Sabat side bomai po wali piąo wali

19 Genuai Bidigo enabolo te tama po wai, "Jeremaiaگو,
 nage pelama, te taun obo bagulali pabo genuai sun-
 umiba doligi pao, augwa nogi eyu te We Bidi Dabego
 Sunumi dao wali. Te Juda king dabe te sunumidu to-
 moba soyu, bulu teda soyu ebo, te sunumi te taun
 bagulali genuai obo te badu elalubao. Tama me te
 Jerusalem gasa genuai sunumi deli deliba nage pela-
 ma, doligi pao. 20 Tama nago te tiwai po pusao, 'Dage
 Juda king dabe, me dage tigidali Juda, me Jerusalem,
 dage tigidali te sunumidu eda asu, iba soyu ebo we bi-
 di dabe, dagego Genuai Bidi eno poba bugagia olo
 muyąo. 21 Ena Genuai Bidi, eno te tiwai po obao, te
 dage bugagia bidabo homu ebaso da, teda dage te
 Sabat side walu me tolisąma, te dagego walu tolama,
 te side Jerusalem tomoba me aselamu dao. ††† Tama

† 17:8 Tib 1:3 †† 17:10 Tib 62:12; Ped 2:23

me, dagego duga bede te doado bage dabe selama, te Sabat side te gasa tolasa peyu me igimio. Te side te dagego te se ebo habu mu selibao. Dagego te Sabat sogo te eno side da olama, daɟ ilao, te eno duga waɟ nɔɟ dabeba te tiwai tama po wai dao. ¹²³ Tialima, duga waɟ nɔɟ dabego eno po me odama, wali me pabeo. Menio. Augwa hagoma naga eyu, tama augwa te eno wiegi yai kolesaga ola mabo hagela homu yai dao. ²⁴ Tiali goli, dagego da, Genuai Bidi eno po wali peyu, tama dagego walu dabe te Jerusalem tomoba te Sabat side me sela asigimio. Menio. Te Sabat sogo dagego eno side da olama, daɟ ilao, tama te side se ebo habu mu sao. Te dagego eno po wali pobaso da, ²⁵ teda sesemane sogo te king hani te Devitgo hanide naga pedelama, te augwali Jerusalemde king bidaibao. Tama te king dali, te ofisa bage dali, augwali te hos dabede dualama, te karisde dolalua peyu, te Jerusalem sunumidu eda asu, iba soyu iduaibao. Te sesemane sogo Jerusalemde te we bidi bidaluyu, te Juda me Jerusalem dabe te sunumidu eda iba soyu iduaibao. ²⁶ Te we bidi dabego te tigidali tɔ kantri pedai taga soyu, te Genuai Bidi, eno beba ofa sela asaibao. Te Juda taun we bidi dabego, me te Jerusalem paɟe, me te Benjamin hani tɔ bage me, te bulu du bagede bidibo bage me, te giliga degasa dulubo pedai dwasianu bulu du badu bidibo bage me, te Juda te saut pedai badu bidibo bage me, tigidali te enaba asaibao. Tama augwa te siaba tigidali domainogo ulubo ofa, me te gasa ofa dabe kibu hasa, me te wit ulubo ofa dabe, me te wiegi yai denami holomainogo ulubo ofa, me te enaba usu da wabo, te tama ofa dabe sesaibao. ²⁷ Tialima, dagego eno po wali me pişama, te dagego Sabat side te eno side da olama, bodolu te side munama, tama dagego te Jerusalem tomoba te Sabat side da wali sogo te walu doado bage sesebaso da, teda eno te sunumi siago domainogo ilama, tama te sia genuai domainogo elama, te Jerusalemde elalubo genuai bomai be dabe domainogo yaibao. Tama te isi dabo polo sula sogobeo," te po wai dao.

God te tɔgo sospen sene nigibo bidi tiwai dao

18 Genuai Bidigo ena, Jeremaiabolo, te tama po walio, ² "Nage hogodama, te tɔgo sene nigibo bidigo beba pobaso, te eno po nagebolo mawaibao." ³ Genuai Bidigo te tama obaso da, teda ena te tɔgo sene nigibo bidigo beba dulama, tama eno te bidigo sene me deli nigidu سوالio. ⁴ Tialima, te sene wiegi yai me pedalubeo. Tama te bidigo te sene mu dolama, te agai nigali tɔgo digi te gasa sene aga homugo digi me nigalio. ⁵ Tialima, Genuai Bidigo enabolo te po mawai, ⁶ "Ena Genuai Bidi, eno dage Israel we bidi dabe dali po elalubao. Te eno dageba te sene nigibo tɔde yali se tiwai egobe da homu eba, agawe? Dage Israel dabeo, dage eno nogode elalubao, te tɔ te sene nigibo bidigo nogode elaluali tiwai elalubo dao. ⁷ Me sogo eno te we bidi hani me deliba hanilama weyu, ma te tɔ kantri we

bidi augwali me te eno ela gudulama, te aiyaba elaluyu, te dolabo po hanilama, augwaliba wabo dao. ⁸ Tialima, te hani we bidigo augwa te dwai kolesaga ebo tagalobaso da, teda eno homu me hasegelama, tama eno te dwai kolesaga augwaliba yaibao wali te se eno me ebo meni dao. ⁹ Me ma, te me sogo eno te we bidi hani me deliba po hanilama weyu, ma te tɔ kantri me deli eno te augwali daɟ waliyu, bomo mayu, tama augwali bugagia bidaibao po hanilama wabo dao. ¹⁰ Tialima, te augwaligo eno gedude dwai kolesaga idu, te eno po odisabaso da, teda eno homu hasegeliyu, te eno wiegi yai se augwaliba yaibao po wali se, te eno ebo meni dao," wali. ¹¹ "Tama tiyu, Jeremaia, nago te Juda dabe me Jerusalemde te tama po walao, 'Ena Genuai Bidi, eno te po obao, odiɔ. Eno te dageba dwai se yabo sisi ela mubao, awe, tede eno homu kone palobao. Tama tiyu, dage deli deligo te duga dwai kolesaga ebo tagalama, te wiegi yai kolesaga naga wali pao,' te po wao. ¹² Tialima, Jeremaia, te we bidi dabego nago po wei ponoyu, te tama po waibao, 'Tagalao, da hagela ebuo. Dago dena homu kolesaga digi wali paibao. Da deli deligo hagoma eyu, te dena dwai homu naga wali piduaibao,' augwaligo te po waibao," wali.

Te we bidi dabego Genuai Bidi homu kone ebo tagalali

¹³ Tama tibaso, Genuai Bidigo po ma weyu, te tama po wai,

"Ena Genuai Bidi, eno po dolo obao.

Te gasa we bidi dabeba hanalu wagi pao.

Te augwaligo te we bidi mebago dwai kolesaga mu yali

po odali,

te Israel dabego yali tiwai eba, agawe?

Eno te Israel hani mu sai dao,

bidigo te bidi dali pagela pişawai

gesi we sabo tiwai yali.

Tiali goli, augwaligo dwai se mu yali.

¹⁴ Te me sogo te bobobage masigi bulu du pesage

te Lebanonde ais menibo homu eba, agawe?

Te bulu dude kedau yai we sula sabo homu eba, agawe?

Mu menio.

¹⁵ Tialima, ena we bidi augwaligo ena homu kone me isama tagalali.

Tama augwa te wiegi yai denami ilibo hano ebo ofa te tibo godiba ebao.

Tama tebo kolesagade augwali tulaluama, te polobadu wiegi yai sunumi wali pabo tagalali.

Te megida, augwa te dwai sunumi wali pabo dao.

¹⁶ Tialima, te augwa tɔ dolama,

te olo pesage bulu tiwai pedelaibao.

Tama te gasa hani we bidi te badu asobo sogo,

augwa sulama, dwai midigi siyu,

te wi umagi ebo dao.

¹⁷ Tama te boi bidi dabego eno we bidi dabeba hwɔgasobo sogo da,

teda eno augwali te boi bidi dabede wi pomainogo
ilaibao,
te wali giliga asobo badu asiyu,
te nai dabe sesela sãbo tiwai yaibao.
Te augwali eno tudiba munama,
tama te augwali dolainogo ebo sogo
eno tau me sogobe dao," te po wali.

**Te we bidi dabego Jeremaibolo dwai sę yabo homu
yali**

¹⁸ Te we bidi dabego te tama po wali, "Tegobao, dago
te Jeremaibolo magi sę yabo sunumi gegeinao. Agai
po te mu po me wabeo. Te pris dabego augwa bomo
yai po dabolo pusubo sę me tagalogobeo. Te wiegi yai
homu kolesaga me koneai bidi dabe, augwa wiegi yai
po me tagalogobeo. Tama te profet dabego me, te
augwa profet po pusubo sę me tagalogobeo. Tama
tialima, dago te Jeremaia go poba olo me mugobeo.
Menio. Dago aga po tų naga inao," te po wali.

¹⁹ Tialima, ena, Jeremaia,
eno gedu haluasa po te tiwai wali,
"Genuai Bidi, eno gedu haluasa po odao.
Eno homugo nago eno boi bidi dabego enaba wabo
pode

homu kone palomainogo ebo dao.

²⁰ Te wiegi yai kolesaga ebo bidiba,
te bidi dabego dwai kolesaga agaba wei ponobaso
usu da, agawe? Menio.
Tialima, te boi bidi dabego ena dolainogo ebao,
augwali te tų dedage dogobo bidi tiwai ebao,
te hasa dabe teba tulalumainogo tiaibao.
Nago te eno polobadu yali kolesaga homu kone
palao.

Te ena nage pãba aselama, te nageba hanalu,
te nago haliga sębę tagalama,
te bidi dabeba wiegi yai sę bugagia yao po wai dao.

²¹ Tialima, megı da,
eno homugo nago te augwaligo wai dabe te nai sę
pelama,
nasi eyu, isimainogo ilao homu ebao.

Tama te boi bidi tagala palomainogo elama,
te bidi dabego meba ela mumainogo ilao.
Tama te bidi meba dwai gasi selama, isimainogo yao.
Tama te gesi ogwa bidi dabe da,
te boi hwįgi pabode isimainu yao.

Tama te augwa we dabe sibi te wai meniama,
te bidi me meni yaibao.

²² Te polo tama mu nago te boi hwįbo bidi dabe
te hwįgagomainsu tagala palama,
te augwali dolomainogo ilao,
te augwa wi mu genuai eyu,
te dwai gela mu omainao.

Te eno boi bidi dabego ena pageabi elama,
ena dolainogo ebao.

Augwali te bidigo hasa tulalumainogo te tų dedage
nigıbo tiwai ebao,
te bidigo sųgų sabo wa munama,

te hasa tumainogo ebo tiwai ebo dao.
²³ Tiali goli, Genuai Bidi, nago koneai,
augwaligo ena ela muabo po mia salio.
Tama tiyu, nago te sęę me sela sęyu,
te augwaligo yali dwai sę sela sęgio. Menio.
Nago augwalide haliga sębę elama,
te gasa bidi dabego augwali aiyaba
elalumainu yao," te po wai dao.

**Te Juda dabe te tųgo nigai sospen sene alua pabo ti-
wai yaibao wali**

¹⁹ Genuai Bidigo enabolo te tama po wai, "Jerema-
ia, nago te tųgo nigai sospen sene me deli abeli-
gi pao. Nago abela selama da, teda nago te sospen
sene selama, te nage pelama, te we bidi dabe augwa
tobolu bidiba wagi peyu, tama te pris dabe nage dali
pomainogo tama tiao," wali. ² "Tama dage te Odogo
Bulu Pesage te Hinomba † dulao, te Jerusalem moni
obo sunumi pãde augwa te nogi e tiwai waibao, te
Sospen Sene Dabe Alua Pai Sunumi Dao wali. Tama
nago eno po e tama pusao, †³ 'Dage te Juda king dabe,
me dage Jerusalem we bidi dabe, dagego eno po
odięo. Ena dage Israelgo God dao, ena te Tigıdali Bo-
mo Elalubo Genuai Bidi, eno po dolo tama obao, te
eno dwai nai mu te pesagede pedalumainogo yaibao.
Tama tigıdali bidigo te sę pedelali po odolama, augwa
te dwai noma mu saibao,' wali. ⁴ 'Eno te tiwai yaibao,
magi baso meni, te eno we bidi dabego ena tudiba
munama, tama augwa te gasa tibo god dabeba te wie-
gi yai denami ilibo hano ebo ofa ebao. Te we bidi aug-
wa digi, me te augwa wįj nųq dabego me, te Juda king
dabego me, te god polobadu me konebeo. Tiali goli,
megı augwaligo te god dabeba lotu weyu ebao, tama
tebo kolesagade augwaligo te pesage dwai meda mu
eno gedude ilibao. Tama me, te augwaligo magi sęęę
meni yai bidi hauwa ela muyu, tama augwaligo
kaneme te pesagede geę sãbo dao. ⁵ Augwaligo te ti-
bo god Balba lotu wabo pesage dabe nigilama, tama
augwa wai dabe digi te siaba ulali, te Balba ofa ebo ti-
wai yali. Tialima, eno augwalibolo te kolesaga yao po
me wabeo. Te eno bomo yai pode me tebeo, tama me
te eno te tobage bomo yai po maiabo homu me isųwai
dao. ⁶ Tama tialima, ena Genuai Bidi, eno te po obao,
nosali munu me augwaligo te bulu pesage nogi ma
wagobeo, Tofet, ma Odogo Bulu Hinom me wagobeo.
Menio. Augwa te tiwai nogi yaibao, te bidi hauwa ela
muai bulu dao, po waibao.'"

⁷ "Te Juda dabe me Jerusalemgo te haniani sę te bulu
pesagede yabo homu elaluali, tiali goli eno te sunumi
paliama, tama augwaligo te sę me egobeo. Te eno boi
bidi dabe tagala palama, augwali ela mueibao. Tama
eno te ba dabe, me hasa dabe aselama, te augwali tigi
tuagasomainogo yaibao wai dao. ⁸ Tama te Jerusalem
dolaibao, te gasa badu bidi hani dabe teba asiyu subo
sogo, te augwa te dwai sę Jerusalemde pedelali sula-
ma, te augwa dwai midigi mu selama, nogo hogwayu,

† Te Jer 7:30-33, tede elalubo po suao. †† 19:2 2 Kin 23:10; Jer
7:30-32; 32:34-35 ‡ 19:5 Prs 18:21

te wi umabo mu yaibao. ⁹ Te boi bidi dabe Jerusalemba boi hwjagasobo sogo da, te augwaligo hanu bagua sagasaibao. Te tama tebogo te Jerusalemba genuai sege mayu, te augwali nai mu soa paibao. Tama tialima, te we bidi dabego augwa wai dabe digi ma ela tueibao. Te we bidi dabego augwa abagi hasi ma elama, tueibao, wai dao." †

¹⁰ "Jeremaia, nago te po pusulama da, teda te bidi dabego nage subaso, nago te tolaluali togo nigai sospen sene alua sayao. ¹¹ Tama nago eno po augwaliba te tama po pusao, 'Ena Tigidali Bomo Elalubo Genuai Bidi, eno te po obao, te eno Juda we bidi dabe dola ma, te eno taun Jerusalem dolaibao, te togo nigali sospen sene dolali tiwai elama, te bidigo ma dodolabo usu me egobeo. Tama te bulu Tofet te Juda dabego gu pape pedelaibao, tama augwali tigi dabe te pesagede pagana sai elalueibao. ¹²⁻¹³ Ena Genuai Bidi, eno po do lo obao, te kolesaga eno te tode eyu, tama te bidalubo we bidide me yaibao. Tama te Jerusalem taun eno gedude meda yai mu pedalama, te dwai bulu Tofet yali tiwai yaibao. Te Juda king dabego be me, Jerusalem be dabe tigidali me, te eno gedude meda yai pedelaibao. Magi baso meni, te Jerusalem dabe te be peduba holama, te wiegi yai denami ebo hano holobo ofa dabe te hq dabeba elama eyu, te wain ofa te gasa tibo god dabeba ebo dao.' Nago te po augwaliba pusao," Genuai Bidigo te po wai.

¹⁴ Tialima, ena Jeremaia, eno te Genuai Bidigo po wali pelama, tama ena te bulu Tofetba pelama, tama agai te po pusali. Te nosali, eno te bulu Tofet tagalama, ena Jerusalem hanu tomoba pelama, te Genuai Bidigo beba peyu, tama ena te bidi sisinibo genuai pesageba doligi palio. Tama eno te tigidali we bidiba te tama po pusali, ¹⁵ "Da Israelgo God, aga te Tigidali Bomo Elalubo Genuai Bidi, agai te tama po walio, 'Bugagia odiqo. Dage Jerusalem we bidi, me te Jerusalem pade bidibo we bidi, dage tigidaligo te hagoma eyu, te dagego eno po odobo hagela homu yali. Tama tialima, eno te dwai sege tigidali dageba pedalumainogo yaibao, eno te tiwai sege yaibao,' po wai dao," eno te po wali.

Jeremaia go bomai po te pris Pasurba mawai

20 Jeremaia go te po pusali sogo, pris me deligo odai. Te pris nogi, te Pasur. Pasur aga te Imergo ogwa, tama aga te Genuai Bidigo be tonalubo bidi hanide te polalubo ofisa bidi dao. ² Tama Pasurgo po obaso, te augwaligo keloago te Jeremaia elama, te augwaligo aga te Genuai Bidigo be obo sunumi pade aga kalabus ilali, augwa te nogi poali, te Benjamingo Sunumi Ugwaba Dao wali. ³ Te do kigamu Pasurgo te Jeremaia kalabusiba muani tagala palobo si, te Jeremaia go agabolo te tiwai po wali, "Genuai Bidigo nage nogi Pasur wagobeo. Menio. Agai nago nogi te tiwai

† Tede wali po page kuna mu konebeo. Te we bidigo augwa hasi ela tueibao po wali homu ebae, te 2 Kin 6:26-29 tede elalubo po tiwai, ma augwa hasigo gasa hani dabego tigi tueibao po wali homu yali, te tiwai po te Gel 2:20 me Daj 4:10 te tiwai po tede elalubo suao.

nogi yaibao, te Tigidali Badu Bidi Wi Ilibo Nai Dao, waibao. ⁴ Tama Genuai Bidigo nage dali te tiwai po elalueibao, 'Te eno dwai sege nageba pedalumainogo ilama, tama nage dali, te naga abagi dabe dali, te wi dwai mu yaibao. Te nago naga abagi dabe te boi bidi dabe aselama, elagasobo sueibao. Te eno Juda dabe tigidali te Babilon kingo nogoba mueibao. Te agai meba ela muyu, te meba sela pelama, te Babilonba kalabus igi paibao. ⁵ Tama eno te boi bidi dabego te taunde tigidali mone somainogo ilaibao, te we bidi dabego wiegi wiegi yai tigidali doado bage, me te Juda king dabego mone doado bage saibao. Te boi bidi dabego hwjbo bombo elama, te tigidali nai gigilama, te Babilonba selasa paibao. ⁶ Tama Pasur, odao. Nage dali, naga bede bidibo hani me, dage te Babilonba kalabus igi paibao. Nago te tibo profet po te naga abagi dabebolo pusubao, te nage me, nage te abagi dabe dali, te Babilonde isaibao. Tama augwaligo dage te to kantride pubulaibao.'" Te po wali.

Jeremaia haliga sege ebaso, te Genuai Bidiba hanilibo po wai

⁷ Genuai Bidio, nago ena homu bega siyu, te nago sege emainogo yali, tama eno nago te homu bega sabo po odali. Nago bombo mu ebaso, te eno nago po aiyaba elaluabo usu meni yai. Tama megi da, te tigidali we bidigo enabolo posobo po weyu, te augwaligo ena sesemane sogo gisugu mabo dao. ⁸ Tigidali sogo eno nago po pusubaso, nago enabolo te genuai po daga weyu, te tiwai i omainogo yaibao, "Hwjbo pedelaibao. Dage dolaibao." Te bidi dabego te po odolama, te augwaligo ena hale ilibo dwai po sesemane sogo udubo dao.

⁹ Te ena digi eno te nageba homu kone me egobe weyu, tama eno nago nogide po me pusugobe obaso da, teda eno koneani, te nago po te genuai isi tiwai eno haligade elalu, te eno dili dogwai tomode te isi bogoli edubo tiwai ebae. Eno nago po paliabo sege ebadi goli, tiali te eno usu meni ebo dao. ¹⁰ Eno odali, te bidi hauwa augwa hasi pomu po dua digi mia siyu, te tiwai po obao, "Jeremaia aga te po wabo bidi, 'Te bidi dabe wi ilibo sege eyu, te tigidali badu bidaibao.' Tegoba, dago aga po tu ilaibao. Te megi tama po tu ilinao," augwaligo te po wabo. Te eno hai namu tigidaligo homu te dwai sege enaba pedelama, te ena aiyaba elalumainao homu ebae. Tama augwa te tiwai po wali, "Te dago aga gaga munama,

te dago aga aiyaba elaluama,
te agai yali dwai kolesaga wei ponaibao," te po wai.
¹¹ Tialima, Genuai Bidi, nage te bomai ami bidi me
deli tiwai elalu,
te nago ena tialu tau sainu elalubao.
Tama te bidi dabego enaba dwai sę pedalumainogo
yali,
te dwai sęgo augwa aiyaba ma elaluama,
te augwaligo ena aiyaba elalueinogo ebaso,
usu me egobeo. Mu menio.
Te augwa dwai hale mu eyu,
tama augwa te hale te tigidali sogo elaludubadi,
te me siligobeo.
¹² Te Tigidali Bomo Elalubo Genuai Bidi,
nago te doloba pai we bidi bidi dabe osola subo
dao,
tama nago te dago homu dali homu kolesaga
dagalobo dao,
te nago po tų dolasa ebo elalubao.
Tialima, eno te sęę nago nogoba mubao,
tama nago te we bidi dabeba dwai dene mayu
dolobo sę eno sueibao homu ebo dao.
¹³ Te Genuai Bidiba balia po weyu,
agai nogi ugwaba saibao.
Magi baso meni, agai te walu doado bage meni yai
bidi
dabe tau siyu,
tama te dwai sę ebo bidi dabego aga aiyaba me
elalugobeo.
¹⁴ Te ena idago ena ame nani sogo,
te sogode eno megi dwai homu mu ebao.
Eno homu te wiegi yai sę me deli te sogo pedalobeo,
te dwai bubuga me deli dao. †
¹⁵ Te side bidi me deligo eno ayabolo po selasa pela-
ma,
agabolo te tiwai po waligi pai,
"Nago wego ogwa ame nanio."
Ayago odama, aga wiegi yai homu pemene mu yalio.
Tialima, eno ayaba po sela pali bidiba te Godigo
dwai sę emainao homu ebao.
¹⁶ Eno homugo te bidi dolomaina homu yali,
te Genuai Bidigo te taun dabe dolali tiwai gilama
emainogo yai.
Genuai Bidigo te taun dabeba te olo mu tau mabo
wiegi
yai kolesaga me elamu da homu yalio. Menio.
Te kigamu mu te we bidi dabego te boi bidi sulama,
te augwali dwai gela mu wali.
Tama te giliga tomo yagasobode,
te boi bidi dabe te taun tomoba aselama,
te i bomonama weyu, hwjnao wali.
Eno homugo te bidi te yali deli kolesagago
dolomainogo homu yali.
¹⁷ Magi baso meni, agai ena te idago haligade ela
mubeo.
Te agai te tama tigi sogo da,
teda idago haliga te eno gų page tiwai pedaligi da,

† 20:14 Jop 3:1-19

te idago haliga me elalu digi dao.
¹⁸ Magi baso ena te idago haliga tagalaligo te tobage
dwai sę me sęę enade elalu,
te sesemane sogo ena hale ebo sę idubo dawę?
Ena Jeremaia eno te homu ebao.

Genuai Bidigo te king Sedekaiago po me odobeo

21 Genuai Bidigo po Jeremaiabolo mawai, te king
Sedekaiago bidi si agaba tagala palali sogo. Te
bidi si nogi e tiwai, Pasur, aga te Malkiago ogwa, te
pris Sefanaia, aga te Maseago ogwa. Augwali sigo Je-
remaiabolo e tiwai po walio, ² "Nebukatnesar, te Ba-
bilon kingo, te da dali hwjbo sę ebao. Tama tialima, da-
go homugo te nago Genuai Bidiba hanaluama, te da
tau somainogo yao. Te Genuai Bidigo bomai sę te da
tau siyu emainogo homu yaibao, te agai dago hani
dabeba polobadu yali sę tiwai emainao. Tama tibaso,
te Nebukatnesargo da tagalama pomainogo yaibao,"
augwali sigo te po wai dao. ††

³ Tialima, Jeremaia go augwali sigo po wei ponoyu, te
tama po wali, "Dage sigo te po Sedekaiabolo magi
pao," wali. ⁴ "Genuai Bidi, dena Israel hanigo God, agai
te tiwai po wali po wao, 'Megi da, te Babilon kingo agai
ami dabe dali te Jerusalem bagulubo sę ebao. Tama
dage Israel ami dabe te obo buluba dinama, te aug-
waliba hwjba. Tialima, eno te Babilon dabe, te Kaldia
dabego, te dage Israel aiyaba elalumainogo elama, te
eno dagegoami bidi dabe te hwjbo nai dabe tolama, te
taun tomobasomainogo yaibao. ⁵ Ena digi eno wado
eyu, te haligasębę dwai mu dageba eyu, te eno dage-
ba hwjbo bomomu elama, te dage mu dolobo sę
yaibao. ⁶ Eno te webidi dabe me te taunde hasa sibi
dolaibao. Te eno dwaigasi augwaliba pedalumainogo
ilama, tama augwaliisila paibao. ⁷ Te ena Genuai Bidi,
eno te tiwai po maobao. Hauwa we bidi te gasigo
isiyu, me te hwjbode, me te nai menia siyu me isaibao.
Tama nosali te enoking Nebukatnesar me aga ami bidi
dabego dali, te king Sedekaiago dali, aga ami ofisa dabe
me, te bidaluali webidi dali, sela paibao. Te boi bidi
dabego dage elainogotonalubao. Te Nebukatnesargo
po obaso, te augwaligodage te bainat hwągo ela
mueibao. Te agai dage homudene me isąyu, te olo tau
sabo kolesaga yaiba homume egobeo. Te agai dage
me deli bidimaina olama mesula tagalogobeo."

⁸ Tama Genuai Bidigo te tama po ma wai, "Jeremaia,
nago eno te po me te we bidi dabeba mao. Ena Genu-
ai Bidi, eno te tama po obao, megi eno dagebolo te
sunumisi ola mobao. Me gasa sunumi te bidabo ula
elaluabosunumi, me sunumi te isabo sunumi dao. ⁹ Te
tauntomode bidaiba homu ebo we bidi dabe, te aug-
waliisaibao. Te boi bidi dabego augwali ela muyu, ma
augwalite nai sęą pelama isaibao, ma te dwai gasigo
augwalidolama, isiyu yaibao. Te augwali bidabo ula
elalueibahomu ebo we bidi da, augwali te taun tagala-
ma, te taunbagua sagasobo Babilon bageba pabo usu
dao. Tamaugwali te Babilon dabego nogo pageabi
emainu yao, tiyu da, te augwali me isigobeo. ¹⁰ Ena

†† 21:2 2 Kin 25:1-11; 2 Sto 36:17-21

Genuai Bidi, eno po dolo obao, eno te Jerusalem buga-gia elalumainaohomu me egobeo. Menio. Eno te taun dolabo homu ebao. Eno te Babilon kingo te taun so-mainogo yaibao, te agaiaga ami dabebolo te taun isigo ula olama, tama te tauntigidali mu dolaibao," te po wai dao.

Genuai Bidigo te kingo haniba dwai dene mu mawaibao

¹¹⁻¹² Genuai Bidigo po ma weyu, te tama po wali, "Jeremaia, nago te Juda kingo aga deli kanemeba te tamapo pusao. Dage te king Devitgo hani dabeo, dagego ena Genuai Bidigo po odao. Eno e tama po obao.

Tigidali kigamude te po tų ebo sogo, dagego po tų dolo mu yao.
Te bidi me deligo gasa bidigo nai wi selama, agaba seęę mawai yaibaso da, teda dagego hobedai bidi aga tau selama, te seęę silao.
Dagego te tisąbaso da, teda ena dagego te dwai kolesagade haliga sebę mu elama, te eno dageba dwai dene umabo mawaibao.
Eno haliga sebę te genuai isi dabo tiwai eyu, te bidi mego sula sayabo usu me egobe dao."
¹³ "Jerusalem, ena Genuai Bidi, eno po dolo nageba obao, eno nageba boi bidi ebao.
Nage ugwadu bidu, nago te bulu odogoba aiyaba tononobo dao.
Nage te daide ugwadu mu elalubo genuai masigi tiwai elalubao.
Te dage Jerusalem we bidi, dagego te po obao, 'Dego daba hwągasaibawe?', tama 'De te dago taun tomoba asaibawe?'
¹⁴ Ena Genuai Bidi, eno po dolo obao, te eno dwai dene dageba mawaibao, te duga yali dwai kolesaga wei ponaibao.
Te eno te Jerusalem taunde sia pedalumainu ilaibao, te moni bulu tomode isi dabo tiwai eyu, tama te isigo kingo be deyu, te Jerusalem tigidali be daibao," te po wai dao.

Jeremaia go po te king dali te we bidi dabeba pusali

22 Genuai Bidigo te tiwai po wali, "Jeremaia, nage te Juda kingo beba dulama, te po pusao," wali.
² "Nago te tama po wao, 'Nage te Juda king, nage te king Devitgo duayali sia kingde dulalubao, nago te Genuai Bidigo po odao. Nage, te naga ofisa dabe dali, te nago we bidi dabe dali, dage tigidaligo te po odao.
³ Genuai Bidigo e tama po walio. Dagego te wiegi yai doloba pai kolesaga naga iyao. Te bidi me deligo gasa bidigo nai wi selama, agabolo seęę mawai yai baso da, teda dagego aga tau selama, agai te seęę silimainao. Dagego te tiana wai dabeba dwai seę igimio, te wilawe

we dabeba dwai seę igio, te dage dali bidibo gasa tų kantri we bidiba me te dwai seę igio. Tama dagego te bulu we bidi dabe odolali me ela munamu dao. ⁴ Te dagego eno po wali pobaso da, teda sesemane sogo te king dabe Devitgo hanide pedaludaibao. Tama te king dabe te hosde me karisde dugulama, te kingo be oboba iba soyu, eda asiyu yaibao, te augwa seę eyu tiaibao. Te ofisa dabe me te we bidi dabe te king dali bilaibao. ⁵ Tialima, dagego eno po wali pisąbaso da, teda ena Genuai Bidi, eno mu po ena nogide digi obao, teda eno te nago genuai wiegi yai be mu dolaibao,' te po te Juda king bidibolo pusao," te po wai dao.

⁶ "Ena Genuai Bidi, eno te Juda kingo bede po elalubao.

Be, eno suali, te wiegi yai mu yai, te distrik Gileat me te bulu du pesage Lebanon tiwai elalubao.

Tiali goli, eno nage te olo tų pedalubo tiwai yaibao, te tų wa pai pesage, me te bidi mu meni yai taun tiwai elalueibao.

⁷ Te eno bidi dabe tagala palama, te nage dolagasomainogo yaibao.

Augwaligo te sigi hwą dabe seselama, te nago wiegi yai ni nami sida gelama, tama te ni nami dabe te siaba sąwaibao," wali.

⁸ "Tama nosali, te gasa tų kantri we bidi dabe hauwa te badu bilagasaibao. Tama augwaligo te Jerusalem sulama, augwa haside hanalua peyu, te tiwai po waibao, 'Magi baso Genuai Bidigo te tobage kolesaga te genuai taunba yaliwe?' ⁹ Te augwade digi po wei ponoyu, te tiwai po waibao, 'Te page e tama elalubao. Te hanigo te Genuai Bidi augwa Godigo daų walali bo-mo yai po tudiba munama, tama augwa te gasa god dabe wali pelama, augwaliba lotu obaso, te tiwai seę yai dao.' Augwaligo te po waibao."

Te we bidi dabego te king Joahasba gela usu ma wai

¹⁰ Dage Juda, te king Josaia isalio, tiali goli dagego agade hobede ebo gela wagimio.

Te dagego aga ogwa Joahasde dwai gela obaso, te usu yaibao.

Magi baso meni, Joahasgo da tagalalio, te aga page buluba ma begasa me asogobe dao. [†]

¹¹ Joahasgo gasa nogi Salum, agai te Josaia go pesage hasegelali, te aga aya, tama te Juda king pedelali. Tialima, Joahasgo te Jerusalem taga soalio. Genuai Bidigo Joahasde homu kone palama, te tiwai po wali, "Te bidi ma begasa asogobeo. ^{††12} Te boi bidi dabego aga te gasa tų kantriba sela palio. Te agai aga tų kantri me sugobeo. Menio. Te aga te gasa tų kantride isaibao," te po wali.

Jeremaia go te king Jehoiakimba po pusali po wai

¹³ Genuai Bidigo po ma weyu, te tama po wali, "Te aga wiegi yai genuai be seę yabo homu ebo bidi

[†] Tede elalubo po tiwai te 2 Kin 23:28-34 tede me elalubo suao.
^{††} 22:11 2 Kin 23:31-34; 2 Sto 36:1-4

agaba te Genuai Bidigo seḡe pedalumainogo yaibao,
magi baso meni, agai dwai kolesaga te we bidi dabeba yali.

Aga be te genuai mu, tama te be habu ugwadu elalubao.

Te aga abagi dabego agai te seḡ yali.

Tiali goli, agai mone augwalibolo me mabeo. Menio. Augwaligo seḡ olo naga yai dao.

¹⁴ Agai te tama po waibao, 'Eno te be moni bage seḡ yaibao.

Tama te bede te genuai be habu ugwadu elalueibao.'

Agai te be windo genuai nigilama, te agai te wiegi yai ni nami sida dabe selama, te be daga badu payali.

Tama aga te wiegi yai mama yai pengo au ilibo dao."

¹⁵ "King, nago te ni nami sida hauwa elalu, tama tego nage te wiegi yai king pedelaiba homu eba, agawe?

Nago aya aga te nai me aḡ tuyu, pemene yali.

Tialima, agai doloba pai kolesaga te we bidi dabeba yalio.

Tama tibaso, aga bidali wiegi yai yai dao.

¹⁶ Te doado bage meni yai bidi, me te doado bage saḡ pali bidi dabe, te sogo augwali te po tḡba pedalubaso, agai augwaligo po te doloba pai kolesagade da-galali.

Tama te tigidali we bidi te bugagia dugulaluali.

Ena Genuai Bidi, eno po dolo obao, te ena konea pali bidigo ebo kolesaga mu te tama dao.

¹⁷ Tialima, nagade digi, naga homu elama, te nago sesemane sogo te tobage nai dabe pesa elama,

tama nago te nai dabe sainogo tibo kolesaga ebao. Tama nago te magi dwai seḡ isaḡwai bidi dabe odolali elibao.

Tama nago te we bidi elaluama, te augwaliba dwai seḡ ebo dao," wali.

¹⁸ Te pagede naga tama Genuai Bidigo homude te Jehoiakim kone palali, te Josaiago ogwa, te Juda king bidai. Tama Genuai Bidigo te tama po wali,

"Te Jehoiakim isibaso da, teda te we bidi dabego agade te homu dene ebo gela

me wagobeo, te po weyu, 'Hobede mu ebao, eno amao,' te 'Hobede mu ebao, eno abeo,' te wagobeo.

Te augwa homu dene ebo gela weyu, te po me wagobeo,

'Te eno genuai bidi hobede mu ebao,'

'Te dago king homu dene mu ebao,'

po me wagobeo. †

¹⁹ Menio. Te augwaligo agai tigi te bidi dabego te

isai donki tigi sela saḡbo tiwai yaibao. Te augwaligo aga kekasa pelama, aga te Jerusalem genuai obo bulu badu olo saḡi paibao," wai dao.

Genuai Bidigo bomai po te Jerusalemde elaluali

²⁰ Genuai Bidigo te tiwai po wali, "Jerusalem, nage te Lebanon genuai bulu du dabeba holobadi,

te bulu Basanba, me te bulu du Abarimba me holama,

te bomonama i weyu, hobedai gela wao.

Magi baso meni, te nago abagi da wali bidi tigidali, te augwali dolali dao.

²¹ Te nage bugagia bidibo sogo, te nago doado bage hauwa elalubo sogo, eno po nagebolo mobadi, tialima, nago te tama po wai,

'Eno nago po odobo hagela ebao,' wali.

Sesemane sogo nago eno po sela saḡwani.

Nago kolesaga te tiwai, te nage gesi ogwa bidide daḡ elasa,

te megi e sogoba usu nagasali dao.

²² Te boi bidi dabe te bomai wali asobo tiwai elama, te nago tobolu bidi dabe sela paibao.

Tama te boi bidi dabego nago abagi dabe selama, te digibulu buluba kalabus igi paibao.

Te tama tebo sogo, te naga yali dwai kolesagade hale dwai mu yaibao.

²³ Augwaligo nago be te wiegi yai Lebanon ni sidago seḡ yani,

tama nage bugagia dugulaluali.

Tialima, hobede ya, te nago dene te wego wai ame nainogo dene ebo tiwai ebaso,

te nage dwai gela mu waibao," wali.

Genuai Bidigo po te king Jehoiakinba pusali

²⁴ "Ena sesemane sogo bididubo Genuai Bidi, eno po dolo nage Jehoiakinba †† obao, te Jehoiakimgo ogwa, te Juda king dao. Te nage eno dolo nogode mubo ring me deli tiwai te eno nage godolo mu igi da, tagala, te eno nage sela saḡi da. †25 Tama nage dolabo bidi dabeba nage mawaibao, te nago augwalide wi ebo bidi dabeba mawaibao. Te Babilon king Nebukatnesar me, aga ami bidi daliba maiabo po obao. †26 Eno te nage naga ida dali selama, te dage si gasa tḡ kantriba saḡwaibao. Te tḡ kantri te dage sigo page bulu mu meni ebadi, tialima, dage si tede bididubadi, te dage si isiboba usu naibao. †27 Dagego te duga page buluba asabo homu godolo mu yaibao, tialima, dage usu munu ma egobe dao," wali.

²⁸ Jeremaia go te tiwai po wai,

"Magi basowe? Te bidi Jehoiakin te tḡgo nigai dwai tagalai sospen sene alua pai tiwai te bidigo godolo isaḡbo homu ebo aḡ eba, agawe?

† 22:18 2 Kin 23:36-24:6; 2 Sto 36:5-7

†† Te Jehoiakingo gasa nogi me e tiwai elaluai, te Konia dao.
‡ 22:24 2 Kin 24:8-15; 2 Sto 36:9-10

Magi baso Genuai Bidigo aga,
te aga wai puluba dabe dali,
te augwaligo konesiawai t̄q kantri me deliba
s̄awaibawe?
²⁹ Israel t̄q, Israel t̄q, nago Genuai Bidigo po odao.
³⁰ Genuai Bidigo te tama po wali,
‘Te bidide po te tiwai aseq̄ao.
Te bidi te wai meni yai bidi tiwai elaluali.
Tigidali seq̄ agai ebo te wiegi yai me pedalugobeo.
Magi baso meni, te aga wai hani dabe me deligo te
aga
seq̄ yali pesage selama,
te Devitgo sia kingde dulalu, te t̄q kantri Juda
tonalugobeo,’” wai.

Wiegi yai kingo mu te Israel dabe tonalueibao

23 Genuai Bidigo te tiwai po wali, “Genuai seq̄q̄ te
eno we bidi dolobo tobolu bidi dabeba pede-
laibao. Augwali te dwai tonalubo bidigo te sipsip dabe
dolama, te augwali subigila tedela palobo tiwai ebao.
² Tama tibaso, ena Genuai Bidi, ena duga Israelgo God,
eno po dolo te dage eno bidi tonalubo seq̄ ebo bidi
dabeba obao. Dagego eno sipsip dabe ela gudulama,
te augwali pobelama, besela palio. Dagego augwali
bugagia me tonalubeo. Tibaso, ena Genuai Bidi, eno
po dolo obao, te dage eno bugagia tonalu, te dagego
yali dwai kolesaga wei ponainogo tebo dao. ³ Tama
ena digi eno te dwasianu elalubo sipsip hani te eno
augwali sela sawani t̄q kantride sisinaibao. Tama eno
te augwali te augwa obo tomoba ma odasa asaibao.
Tama augwaligo te wai hauwa ame nenama, te umabo
hauwa pedelaibao. ⁴ Te ena Genuai Bidi, te eno gesi
noma tonalubo bidi nigilama, tama augwaligo te sip-
sip dabe bugagia tonalueibao. Tama te sipsip dabego
magi nai me delide wi me egobeo. Tama te sipsip deli
me hagagobe dao,” wali.
⁵ “Ena Genuai Bidi, eno te po obao.
Eno te wiegi yai bidi mu me deli te Devitgo hanide
pedelabo sogo bodolu mueibao,
te ni nologode gesi ni kulubi holobo tiwai yaibao.
Te bidi te king bidiyu, agai te wiegi yai
doloba pai homu kolesaga wali paibao.
Tama agai te t̄qde we bidi tigidaliba doloba pai kole-
saga
mu yaibao.
⁶ Te aga king bidibo sogo, te Juda dabe me Israel
dabede te seq̄q̄ mu meni yaibao.
Te eno augwali ma selama, te augwali bugagia
bidaibao.
Tama augwa te king nogi te tiwai waibao,
Genuai Bidi aga te dago doloba pai kolesaga ebo
page bidi da, waibao,” te po wai dao. †
⁷⁻⁸ “Ena Genuai Bidi, eno te tiwai po obao. Eno te we
bidi dabe sela sawani, tialima, te eno augwali te aug-
wa t̄qba ma odasa asabo sogo bodolu muani elalubao,
te augwa bugagia bidaibao. Megi augwa po daq̄
walobo kolesaga e tiwai ebao. Augwaligo te po wali,

† 23:6 Jer 33:14-16

‘Te sesemane sogo bidada pabo Genuai Bidigo nogide
eno nogo guni sisu mobao, te eno mu po obao,’ wali.
‘Agai da te Isipde selama, odasa asalio.’ Tialima, te eno
augwali odasa asali sogo, te kolesaga hasegelaibao
weyu, augwa te tama po waibao, ‘Te sesemane sogo
bididubo Genuai Bidigo nogide eno nogo guni sisu
mubao, te eno mu po obao. Agai da Israel hani dabe
te t̄q kantri not pedai badu, me gasa t̄q kantri badu se-
lama, agai da te badu sela sawana, tama agai da te
dena page buluba ma selasa asai dao.’ Augwaligo te
tobage po waibao,” Genuai Bidigo te po wali.

Jeremaïago te tibo profet dabede po pusalio

⁹ Jeremaïago te tiwai po wali,
“Eno te Genuai Bidigo wiegi yai doloba pai po eno
koneai,
tama eno te profet dabede homu kone palobo sogo,
eno homu doloyu, te ena wi elama,
te eno dili dabe didibili mu ebo dao.
Ena te bomai aq̄ wain hauwa tuai bidi tiwai pedelama,
te ḡq̄q̄ elama, te wabo pabo tiwai ebo dao.
¹⁰ Te t̄q kantri we bidi dabego te Genuai Bidi tagala-
ma,
te we sai bidigo me bidigo sai wego te subigila
penani ela bilibo tiwai dao.
Te we bidi dabego dwai kolesaga ebaso,
te Genuai Bidigo aga po wali peyu, te t̄q dolai dao.
Tigidali kala t̄q bulu wa pai yaibaso,
te t̄qgo hobedai gela obao.
Sesemane sogo te me profet dabego dwai sunumi
wali
peyu,
tama augwa te dolo isawai kolesaga ebo seq̄q̄ bomo
ebo dao,” wali.
¹¹ Genuai Bidigo te po wai,
“Te profet dabego me, pris dabego me,
te Genuai Bidigo po konesiawai bidi dabe ebo
kolesaga tiwai yali.
Te eno be tomode digi dwai seq̄ ebadi,
te tagalao, augwa te dwai kolesaga ebo me geana
sogobeo.
¹² Tama tibaso, te eno augwaligo sunumi te mu kikila
palama,
te hulua sabogo augwali mesegalueibao.
Te eno augwali bomonama pogwa palama,
te augwali tula mueibao.
Ena Genuai Bidi, eno te augwali dolabo sogo bodolu
muai elalubao,
tama te sogo eno dwai dene augwaliba mawaibao,”
wali.
¹³ “Polobadu eno te Samaria profet dabego te tiwai
dwai kolesaga ebo suali.
Augwaligo te tibo god Balgo nogide profet po pusula-
ma,
tama augwaligo eno we bidi dabe te dwai sunumiba
odasa pali. ††

†† Samaria te kantri Israelgo genuai taun tiwai te t̄q pedai not
badu elaluai. Te Jeremaïa pedalisibadi, te sogo te boi bidi dabego

¹⁴ Tialima, megi eno subo,
te Jerusalem profet dabego dwai kugumini yai
kolesaga mu ebao.
Augwaligo te we sabo kolesaga doloyu,
te tibo po wabo kolesaga me ebao.
Augwaligo te dwai kolesaga ebo bidi daw walaibao.
Tama tiyu, te mena bidi mego te tobage kolesaga
tudiba
me mubeo.
Eno suali, tigidali Jerusalem we bidi te dwai mu,
te Sodom dabe me Gomora dabe tiwai mu elalubo
dao." †

¹⁵ "Tama tialima, ena, Tigidali Bomo Elalubo Genuai
Bidi, eno te profet dabeba homu kone palama, te po
obao,
Te eno genuai dene augwaliba mawaibao.
Te eno ha ebo marasin augwaliba menama,
te augwaligo tumainogo ebo tiwai yaibao,
tama eno te bidi dolobo dwai wə mabo aq yaibao.
Magi baso meni, te Jerusalemde bidali profet te
haiden
kolesaga wali pelama,
megi da, te kolesagago te tɔ tigidali usu nubo dao,"
te po wali.

¹⁶ Te Tigidali Bomo Elalubo Genuai Bidigo te
Jerusalem dabeba te tiwai po wali,
"Dagego te profet dabego dageba pusubo po me
odogio.
Augwaligo dage tibo po ola mayu,
dage bugagia bidaibao po obao.
Augwaligo te augwa homude digi te na yali po pu-
saibao.
Eno augwaliba te po me mabeo.
¹⁷ Te we bidi augwaligo eno po sela saḡbaso,
te profet dabego augwaliba te tiwai po waibao,
'Te dage bugagia bidaibao.'
Te hagoma elama, augwa homu wali pabo we bidiba,
te profet dabego augwaliba te tiwai po waibao,
'Te dwai nai dageba me pedalogobeo.'"

¹⁸ Tama Jeremaiaگو te tiwai po wali, "Te profet dabe
me deli te Genuai Bidigo po sisinama mibo pesagede
bidama, te po me sagasobeo. Te augwali me deligo te
Genuai Bidigo poba bugagia olo me mubeo. ¹⁹ Odao.
Genuai Bidigo haliga seḡbe te dwai bidi dabeba ped-
alubo, te bomai wali me tulubage polo asobo tiwai
yaibao, tama te poboge ebo genuai waligo te augwali
tobolude agabo tiwai yaibao," wali. ²⁰ "Genuai Bidigo
haliga seḡbe elaludu, te agai homude yaibao wali tigi-
dali seḡ ela siliyu, usu naibao. Te bodolu muani sogo
asobo side, dage we bidigo te seḡ dabe page bugagia
koneaibao," wali.

²¹ Genuai Bidigo te po wali, "Eno te profet dabe me
tagala palobeo,
tiali goli, augwaligo po asesa pusugi pobao.

Eno po augwaliba me mabeo,
tiali goli, augwaligo te profet po pusubo dao.
²² Te augwali eno sisinama po mibode bidigi sogo da,
te augwaligo eno we bidiba te mu po dolo pusugi
pobao homu igi da.

Tama te pogo te we bidi dabe dwai sunumi bilali
tagalu,
te augwa yali dwai kolesaga tagaligi da homu ebo
dao."

²³ "Ena Genuai Bidigo, eno dageba te tiwai hanalu
wabo homu ebao,
dagego homugo ena te pedai badu God naga da
homu eba, agawe? Menio.

Ena te tigidali badu God elalubao.

Ena paḡe bidiyu, te ena digibulu me bidiyu ebo dao.

²⁴ Te bidi me deli gasa badu me dula sigi pobaso,
te ena Genuai Bidigo, eno aga sugobe homu ebawe?
Te eno aga sueibao, magi baso meni,
ena Genuai Bidi, ena te tigidali badu te dagalude me
tɔḡe bidibo dao," wali.

²⁵ "Te profet dabego eno nogide te tibo po pusubo
eno odalio. Augwaligo te tiwai po wabo dao, 'Eno na
yalio! Eno na yai dao!' te po wabo dao. ²⁶ Nisu sogo mu
te profet dabe augwa digi te tibo po te we bidi dabeba
pusubo kolesaga tagalaibawe? ²⁷ Augwaligo te augwa-
ba digi te na yali po pusuyu, te augwaligo homugo te
tebogo te eno we bidigo te enaba homu kone ebo
kegeda paloba homu ebao, te polobadu augwa waj
nɔq dabego te tibo god Balba lotu weyu, te enaba ho-
mu konesiawai tiwai yaibao homu ebo dao. ²⁸ Ena
Genuai Bidi, eno po dolo obao, te profetgo odolali na
yali da, agai te na yali po miaibao. Tialima, eno te bidi
me deliba po mawai ebaso da, teda agai eno te po do-
lo pusao. Eno po da, te wiegi yai nai wit ge wai tiwai
elalubao, tama te profet dabego po wit aga bo ma wali
tiwai olo nai dao. ²⁹ Ena Genuai Bidi, eno po dolo obao,
eno po te isi tiwai elalu, tama te genuai hamago te
masigi dabe haluama, te kakali pedalubo tiwai ebo
dao."

³⁰ "Tama tialima, odao. Ena Genuai Bidigo, eno po
dolo obao. Te augwa deli seḡ ebo profet dabede po wi
selama, te po enade sai dao wabo profet dabe dali eno
boi bidi yabo homu ebo dao. ³¹ Mu tama, ena Genuai
Bidi, eno te tiwai po odolali wabo profet dabeba boi bi-
di yaibao, 'Te e po Genuai Bidigo po da,' wabo dao.

³² Ena Genuai Bidi, eno te profet dabego augwa tibo
na yali po selama, te augwaligo te we bidi dabeba
pusa mayu, te eno augwaliba mawai po da wabo, te
profet dabeba eno boi bidi yabo homu ebao. Augwali-
go te haniani tibo po pusulama, te tama tebogo te we
bidi digibulu kegasa pabo dao. Eno augwali me tagala
palisaḡa, te eno seḡ augwaliba me mabeo. Tama te we
bidi augwaligo tau me dwasianu me sisawai. Mu me-
nio. Ena Genuai Bidigo, eno te po wai dao," wali.

Juda dabego seḡe Genuai Bidiba mawai

³³ Genuai Bidigo Jeremaiabolo te tiwai po walali, "Te
we bidi dabego, ma profet me deligo, ma te pris me

*te Samaria taun dolama, te agai we bidi augwali te kalabus sela
pai dao. † 23:14 Gag 18:20*

deli, te aselama, nageba te tiwai po hanalu waibao, 'Genuai Bidigo seḡe yai po meba elalubo, † ma meniwe?' obaso da, teda nago eno te po agabolo pusao, 'Ena Genuai Bidigo, eno po dagede elalubao. Dagego enabolo seḡe mawai. Tialima, te eno dage sela saḡaibao.' Nago eno te po agabolo pusao. ³⁴ Te profet me deligo, ma te pris me deligo me, ma te olo bidi me deligo te po weyu, 'Genuai Bidigo po seḡe mu elalubao,' obaso da, teda eno te bidiba me, te aga haniba dali, dwai dene mawaibao. Tama te tobage po wagio. Menio. ³⁵ Te dagego duga abagi dabe dali, me duga ama dabe dali, po mibo sogo da, teda duga te tama po wao, 'Genuai Bidigo mena po wei ponaniwe?', ma 'Genuai Bidigo mena po pusaliwe?' te po wao. ³⁶ Tialima, dagego te tama po ma wagimio, 'Genuai Bidigo po seḡe mu elalubao,' wagio. Menio. Duga pogo digi duga seḡe mobao. Te duga digi eno po selama, tama po yalebo po wabo se eba, ena sesemane sogo bidibo God, ena Tigidali Bomo Elalubo Genuai Bidi, ena duga God dao. ³⁷ Te bidi me deligo te profet me deliba hanalu wainu eyu da, teda agai te tiwai po wao, 'Genuai Bidigo magi po nageba wei ponaniwe?', ma 'Genuai Bidigo mena po pusaliwe?' ³⁸ Tialima, dagego te po weyu, 'Genuai Bidigo po te seḡe mu elalubo,' obaso da, teda ena Genuai Bidi, eno po dolo dagebolo obao. Eno dageba te tobage po pusubo habu selali, tiali goli, dagego eno po sela saḡama, dagego te po ma weyu, 'Genuai Bidigo po seḡe mu eba,' wabo dao. ³⁹ Tama tialima, mu tamao, te dage eno selama, te enade digi saḡi paibao. Eno dageba tama tilama, te eno dagego waj nḡu dabeba mani tḡ taun me te dageba digi te eno digibulu tagala palaibao. ⁴⁰ Eno dage te hale dwai mu ilama, tama te hale sesemane sogo elalua paibao, tama dagego tede homu kone palobo te ma tagalogobe dao," wali.

Ena Jeremaia, eno te ni fik wai du dabe suali

24 Te Babilon king Nebukatnesargo te Jerusalem aiyaba elalubo si da, teda agai te Juda dabe Babilonba odasa palio. Agai te king Jehoiakim go ogwa sali, aga te king Jehoiakin, aga gasa nogi me Jekonia. Tama agai te Juda genuai bidi dabe me, te tobage wiegi yai nai nigibo koneai bidi dabe me, sela pali. Tialima, te tudi badu nosali, Genuai Bidigo ena Jeremaia bolo ola mawai, te nade nai me deli ola mabo tiwai yali, tama te nade eno te basket wa side te ni kaya fik wai du dabe elalubo suali. Te basket wa si te Genuai Bidigo be sunumi paḡe elalualio. †² Me basketde te ni kaya fik du wai wiegi yai mu elaluali, te ni fik du te gide polasa inawai elalubo tiwai yali. Te gasa basket wa mede te ni kaya fik du wai te dwai mu elaluali, te bidigo tuabo aḡ isawai dao. ³ Tama Genuai Bidigo enabolo te tiwai po wali, "Jeremaia, nago magi nai sualiwe?" Tama eno te tiwai po wei ponani, "Eno te ni kaya fik du

† Te Hibru pogo, augwa e tiwai nogi yali "Po" me "Seḡe" te nogi delide naga wali. Te Jerusalem dabego tede homu kone palama, te gagali po te tiwai wali, "Genuai Bidigo po te seḡe mu dao," wai.

†† 24:1 2 Kin 24:12-16; 2 Sto 36:10

wai sualio. Te wiegi yai fik du te wiegi yai mu elalubao, te kaya fik du dolali te mu dwalio, te bidigo tuabo usu egobeo," wali.

⁴ Tialima, Genuai Bidigo po e dali enabolo manio. Te po e tiwai, ⁵ "Ena Genuai Bidi, ena duga Israelgo God, eno po obao, eno te Juda meba sela saḡama, augwali te Babilon tḡ kantriba pali, tialima, eno homugo augwali te wiegi yai ni kayago du tiwai dao. ⁶ Te eno augwali bugagia tonalu, te augwaliba wiegi yai seḡe yaibao. Tama augwali eno te e tḡba ma odasa asaibao. Te eno augwali daḡ walama, te eno augwali aiyaba me elalugobeo. Te eno augwali bulama, te eno augwali me digagobeo. ⁷ Te eno augwaliba homu kolesaga mobaso, augwa te tiwai koneaibao, ena digi ena Genuai Bidi bidibao. Te augwali enaba ma asiyu, te enaba homu keḡ peyu bidaibao. Te augwali eno hani we bidi mu pedalaibao, te ena augwa God bidaibao," wali.

⁸ "Te ena Genuai Bidi, te eno Juda king Sedekaia dali, te aga ofisa dabeba me dwai seḡe eyu, te Jerusalem augwa page bulude bidalubo we bidi dabeba me, ma te Isipba pali hani bidiba dwai seḡe yaibao. Te hani dabeba eno dwai seḡe ilaibao, te bidigo ni kaya fikbolo dwai seḡe ilama, te bidigo tusḡo dwai mu ilali tiwai yaibao. ⁹⁻¹⁰ Te gasa bulu tḡ kantri tigidali we bidigo te seḡe eno te Juda dabeba yali po odolama, te augwali wi elama, nogo hogwayu, te dwai noma saibao. Tama eno te boi bidi dabe tagala palama, te augwali ela muagasaibao, te augwali nasigo isiyu, me te dwai gasigo augwali dolama isaibao. Tama eno augwali meba te tḡ kantri dabeba tedela palaibao. Te tama tebo kolesagago te eno augwaliba me te augwa waj nḡu dabeba mani tḡde bidibadi mu silaibao. Tama eno te Juda dabe sela saḡo te tḡ kantri we bidi dabego, te augwali Juda dabeba dolama posobo po waibao. Me te gagali po wabo tiwai yaibao. Tama te we bidi dabego te augwa boi bidiba digi i ola mabo po wabo sogo, te augwa te tiwai po waibao, 'Dage te Juda dabe dolali tiwai gilama dolomainao,' te po waibao," wali.

King Nebukatnesargo te Juda dolaiba po wali

25 Genuai Bidigo po te Juda tigidalide elalubaso, tama agai te po Jeremaia bolo mawai, te Josaiago ogwa Jehoiakim te kibu be me si me side te Juda king bidali. Te sogo te Nebukatnesar te Babilonde te kibu be delide mu te king bidibo sogo dao. ² Profet Jeremaia go te po te tigidali Juda me Jerusalem we bidiba pusali. Agai te tiwai po augwaliba wai dao. ³ "Josaiago kibu be nogo si olama, saḡago selade gagalama, te Emongo ogwa, te Juda king bidali, tama megi e soga usu nagasu, te kibu be bidi sese deli olama, sela elalubao. Tama te kibu be dabede ena Jeremaia, eno te Genuai Bidigo enabolo manio po pusudu geali. Tialima, dagego odobo hagela yai dao. ⁴ Hauwa sogo polobadu Genuai Bidigo profet dabe, te aga seḡe bidi dabe, dageba tagala paludu geai, tialima, dagego hagoma eyu, te augwaligo poba olo sagana mubeo. ⁵ Te profet dabego te tiwai po wali, 'Dage deli deligo homu begelama, te

‡ 25:1 2 Kin 24:1; 2 Sto 36:5-7; Dan 1:1-2

dagego dwai sunumi wali pabo tagalama, te dagego dwai kolesaga ebo me tagalao. Dagego te kolesaga tagalobaso da, teda Genuai Bidigo duga waji nõq dabeba te polobadu mu mani tõde bugagia bidimainogo ilaibao, te tõ te dage Israelgo tõ sesemane sogo elaludaibao, te po wai dao. ⁶ Dagego te gasa god wali me pisama, te augwaliba lotu weyu, te augwaliba se me elamuo. Tama dagego te tibo god dabe piksa me nigiyu, te ena haliga sebe ilibo se me igio. Te dagego eno po wali peyu da, teda eno dwai se dageba me egobeo. ⁷ Te profet dabego eno te po pusali, tialima, ena Genuai Bidi, eno po dolo dagebolo obao, dagego eno po me odobeo. Menio. Dagego te tibo godigo piksa dabe nigiyu, te dagego ena haliga sebe ilai dao. Tama tebo kolesagade, te duga digi duga dolobo se ebo dao," wali.

⁸ "Tama tibaso, ena Tigidali Bomo Elalubo Genuai Bidi, eno te po obao, dagego eno po wali me pabeo. ⁹ Tama tialima, odao. Ena Genuai Bidi, eno te not badu bidibo Israel hani isawai bage hani tigidali i waibao. Tama me, te eno ena se bidi i waibao, te king Nebukatenasar, te Babilon bidi dao. Tama eno te hani dabe odasa aselama, te e Juda dabego tõ dolama, te tõ pade bidalubo gasa we bidi hani dabe me dolaibao. Eno te not badu hani dabego augwali mu dola sili-mainogo elama, tama augwali sesemane sogo doludaibao. Te gasa hani we bidi dabego subo sogo da, te augwali dwai noma mu siyu, wi umabo mu yaibao. ¹⁰ Tama eno te bugai haliga ebo me, pemene homu ebo kolesaga me, te bidi dabego we sabo kolesaga me mu silimainogo yaibao. Tama te wit halulu pabo se ebo me meniam, te wit halubo masigi dabe kidagalo wali mu meni yaibao. Tama te pesagede te lam sole ula me egobeo. ¹¹ Te tõ tigidali dolama, te dwai olo pesage naga elalueibao. Tama te hani we bidi dabe te kingo se olo ebo bidi tiwai te Babilonde bidaludubadi, te kibu be bidi sese sela olama, nogo si, te 70 yia bidaibao," wali. ^{††}

¹² "Te bidi sese sela olama, nogo si kibu be, te 70 yia silibo si da, teda ena Genuai Bidi, te eno te Babilon kingba me te aga we bidi dabe dwai dene mawaibao, te augwaligo yali dwai kolesaga wei ponaibao. Tama eno te Babilon tõ kantri dolaibao, te tõ Kaldia dao, tama te Babilon tõ sesemane olo mu elalua paibao. ¹³ Jeremaia go te eno Babilonba yabo se po tigidali pusali, te augwaliba dwai dene mawaibao wali. Te se dabe yabo po te Jeremaia bukude elaluai. Te eno tigidali tõ kantriba yabo po te bukude wai elalubo dao. ¹⁴ Te eno Babilon dabeba dwai dene mawaibao, te augwa yali dwai kolesaga wei ponaibao. Te tõ kantri hauwa bomai kingo te augwali aiyaba elaluama, te augwalibolo kalabus se mawaibao," Genuai Bidigo te po wali.

Godigo te tigidali hani we bidiba dwai dene mabo se yaibao

¹⁵ Genuai Bidi, Israelgo God, agai enabolo te tamapo wali, "Jeremaia, te eno tolalubo kap waingo, te eno haliga sebe usu sai elalubao. Te kap selama, te nageeno te tigidali tõde bidibo we bidi hani hauwaba tagalapalama, nago augwali te kapde aji tumainogo ilagameo. ¹⁶ Augwa tubo si da, teda augwali te wabo pabo bidi tiwaipedalama, te dwagila mu bilaibao. Magi baso meni, enote boi bidi tagala palama, augwaliba hwjagasomainogolama, augwali dolaibao," wali.

¹⁷ Tialima, eno te kap wain Genuai Bidigo nogodese-lama, ena te haniani we bidi hani dabeba pelama, teaugwaligo tumainogo yai dao. ¹⁸ Hasia bolo ena te Jerusalemba pelama, te Juda tigidali taunba me peyu, teking dabeba me tobolu bidi dabe dali pali, te augwaligoaji tumainogo yali, te tõ kantri Juda mu dolama, te tõolo mu tama elalumainogo yaibao. Te gasa Israel haniisawai we bidigo te kantri tõ Juda sulama, te augwalidwai midigi mu selama, te wi umabo yaibao. Tama te webidi dabego augwa boi dabeba dwai i ola mabo po wabosogo, augwa te tama po waibao, "Dage te Juda dabe dolalitiwai yagameo," te se dabe pedelai dao. ¹⁹ Tama enote kap te Isip kingba me mayu, te aga se bidi dabeba, me te aga ofisa dabeba mayu, te aga we bidi dabebamawaibao, ²⁰ tama te Isip tomode bidali gasa hani webidi tigidaliba mawaibao. Tama eno te tõ kantri Us kingtigidaliba me mayu, te tõ kantri Filistia king tigidalibamawaibao. Filistiade te tama tõ pedai distrik elalubao, Askelon, me Gasa, me Ekron, me tõ pedai distrik Asdottede me bidali we bidibolo mawaibao. ²¹ Tama eno tekap wain aji te tõ kantri Idom, me tõ kantri Moap, mete Amon we bidi dabe me, tama mawaibao, ²² tamame te tigidali Tair kingba, te Saidon king, me te tamuaji u badu pedai badu bidibo hani dabebolo mawaibao, wali. ²³ Tama eno te Dedan dabeba mayu, me te Temadabeba, me te Bus dabebolo me mayu, tama te tobolunisi duasabo we bidi dabeba mayu yaibao. ²⁴ Tamaeno te tigidali Arebia king hani dabe mayu, te hanianiking dabeba, me te olo tõ masigide bidibo we bidi dabemawaibao, ²⁵ te tigidali Simri king dabeba, me te tõkantri Elam, me kantri Midia dabeba mobadi, ²⁶ tama tetigidali not badu bidibo tõ kantri king dabeba me mobadiyaibao, te augwali digibulu bidibo, ma te pade bidibome, te tagalao. Eno te tigidali king te tigidali tõ kantribame-nama, te augwali tumainogo yaibao. Tama nosali, te Babilon kingo me tumainogo yaibao.

²⁷ Tialima, Genuai Bidigo enabolo te tiwai po wali, "Jeremaia, nago te we bidi hani dabeba te po mao. Ena Israelgo God, ena Te Tigidali Bomo Elalubo Genuai Bidigo eno te tama po dagebolo obao, 'Dagegotuiyao. Te umabo hauwa tulama, te dage geqelama, buguyu,

‡ Te Jeremaia go te we bidi augwalibolo te kapde aji tuagameo wali po, agai po te tiwai begelama wai, agai te po hanilama weyu, Godigo te augwa yali kolesagade augwaliba dwai dene wei ponabo po wai dao. Te Jer Daji 46-51 tede me te po elalubo suo.

† 25:10 Jer 7:34; 16:9; Ped 18:22-23 †† 25:11 2 Sto 36:21; Jer 29:10; Dan 9:2

te t̄ba tulaluama, te dage munu mahodalugobeo. Magi baso meni, eno te boi bidi dabedageba hwjmain-ogo tagala palama, te dage dolaibao, 'wali. ²⁸ Tialima, Jeremaia, te augwaligo te kap nago nogodesis̄baso da, teda nago te tiwai po augwaliba wao, 'Ena Tigidali Bomo Elalubo Genuai Bidi eno te po obao, dagegose-lama, tujyao. ²⁹ Eno te tigidali t̄de we bidiba dwaidene mabo s̄ yaibao. Tama eno te s̄ te Jerusalemdega-galaibao, te eno taun elalubao. Tama dage Jerusalem-bage, dagego homugo te eno dage ela soaibao homueba, agawe? Mu menio. Ena Tigidali Bomo Elalubo Genuai Bidigo eno te po obao, eno te boi bidi tagala-palama, te t̄ hani we bidi tigidaliba boi hwjgi pomain-ogoyaibao. 'Nago te po augwalibolo pusao,' Genuai Bidigoenabolo te po wai.

³⁰ "Jeremaia, nago eno nagebolo te mani po tigidali pusao. Nago te we bidi dabeba te tama po walao, 'Genuai Bidi aga bulu dagalude digi bidama, tama aga we bidi dabeba genuai po daḡ mu waibao.

Awe, aga gasagi yai tedali bulude bidiyu, tama agai i wabogo dogoni te be kulukulu wabo tiwai yaibao.

Agai te tigidali t̄de we bidi i bomonama weyu, te bidigo te wain wai agawaide i wabo tiwai yaibao.

³¹ Agai te i wabo te tigidali t̄ habu mu usu naibao. Te i wabo page e tiwai dao.

Genuai Bidigo te t̄de we bidi tigidali po t̄ ilaibao. Agai te boi bidi dabe tagala palama, te dwai kolesaga ebo we bidi dabe ela muagasaibao. Te Genuai Bidigo po dao."

³² Tigidali Bomo Elalubo Genuai Bidigo po ma weyu, te po wai,

"Odao, tigidali t̄ kantri dolaibao. Te s̄ te t̄ kantri me delide gagalasa, pidubadi genama,

te tigidali t̄ kantri mu usu naibao. Te dolobo s̄ te wali moni bage tiwai, me te tulubage tiwai digibulu bulude hogodama, te tigidali t̄ pedai habu usu nama bilaibao," wali.

³³ Tama te sogo Genuai Bidigo te we bidi hauwa ela munama, tama augwa tigi dabe te tigidali t̄ badu munalua paibao. Tama augwalide hobede elama gela wabo bidi meni eyu, te augwali tigi pubulabo bidi me bidigobeo. Menio. Te tigi dabe te t̄de yowi di munalua pabo tiwai yaibao.

³⁴ Dage tobolu bidi dabe, me we bidi tonalubo bidi dabe, dage gela weyu, hobede dwai mu yao. Te dage t̄ba degasa dulama, hogogobe paibao. Magi baso meni, megi da, te boi bidi dabe aselama, te dage ela munama, te bidalubo we bidi dabe sela s̄bo sogo elalubao.

Te dage tulaluama doloyu, te wiegi yai t̄go nigai sospen t̄ba tulaluama dolobo

tiwai yaibao.

³⁵ Tama dage tonalubo bidi dabe, te dage wi pelama, geme dula sigi pabo pesage meni yaibao, te dolobo s̄ dageba ela somainogo te tama tebo usu me egobe dao.

³⁶ Megi da, te sipsip tonalubo bidi dabe gela weyu, homu dene dwai mu yaibao.

Magi baso meni, Genuai Bidigo te augwa sipsip dabe nosai tubo pesage dolai baso.

³⁷ Genuai Bidi te haliga s̄b̄ umagia elama, te sipsip dabe dua tegaluama bidibo te wiegi yai kala koliai pesage dolaibao wali.

³⁸ Genuai Bidi hogodasa asali, te laion aga geme dulaluama asobo tiwai yali. Genuai Bidi te haliga s̄b̄ mu elama, te boi bidi Juda dabeba hwjagasomainogo yaibao. Tama tialima, te t̄ kantri mu dolama, te dwai olo pesage pedelaibao.

Genuai bidi dabe me we bidi augwaligo te Jeremaia go po sela s̄wai

(Daj 26-36)

Te we bidi augwaligo Jeremaia ela muabo homu yali

26 Te Jehoiakim, te Josaiago ogwa, te Juda king pedelali sogo, Genuai Bidigo Jeremaiabolo te tiwai po wali, ¹² "Ena Genuai Bidi, eno po obao, nage te eno be mesalo obo tomoba pelama, te bidi sisinibo pesageba doligi pelama, te Juda taun we bidi dabe tigidaliba po pusao, augwali te eno be tomoba lotu wainogo asaibao. Eno nagebolo mani po tigidali, te nago augwaliba pusao. Nago po deli me tagalamu dao. ³ Te nago eno po tigidali bugagia pusubaso da, teda te we bidi deli deligo nago poba olo bugagia munama, te homu begelama, te augwa ebo dwai kolesaga tagalaibawe, te dago sueibao. Augwaligo tama tiyu da, teda eno homu hasegelama, te eno augwaliba yainogo yali s̄ tagalaibao, te augwa yali dwai kolesaga wei ponainu tiaibao. ⁴ Nago te po augwaliba mao, 'Genuai Bidigo dagede te tiwai po elalubao. Dagego Genuai Bidi eno po odama, tama eno dageba mani bomo yai po wali pao, 'wali. ⁵ 'Te eno s̄ bidi, te eno profet dabego, dagebolo mabo po tigidali te wali pao. Hauwa sogo eno te profet dabe tagala palama, te dageba po pusagasali, tiali goli, dagego augwaligo po wali me pabeo. ⁶ Te dagego eno po wali pis̄baso da, teda eno te eno e be dolaibao, te eno polobadu te Silo taun be dolali tiwai yaibao. Tama te gasa t̄ kantri we bidi dabego augwa boi bidi dabeba dwai po wabo sogo, augwa te tiwai po waibao, "Dage dolobaso, te Jerusalem dolali tiwai yao." Augwaligo te po waibao.'

Nago te po te Juda we bidibolo pusao," Genuai Bidigo Jeremaiabolo wali. †

⁷⁸ Tialima, Jeremaia hogodama, te Genuai Bidigo beba pelama, tama Genuai Bidigo agai te we bidi dabeba pusumainogo yali po tigidali pusali. Tama te pris dabe, me profet, me te we bidi dabego te po odali. Tama Jeremaia go te po ola silibo si da, tigidaligo aga pageabi yagaselama, te po walio, "Nage isaibao," wali. ⁹ "Magi baso nago te dwai po te Genuai Bidigo nogide pusubawe? Te Silo dolali tiwai gilama, te be dolaibao po nago me wagio. Te taun dolama, tama tede bidi me bidigobeo, te po me nago obao, te tiwai po nago me wagio," wali. Te Genuai Bidigo bede bidali we bidi tigidali, augwaliaselama, te Jeremaia bobegela sagasalio.

¹⁰ Te sogo Juda tobolu bidi dabe te kingo bede bidalu, te se yali po odalio. Tialima, augwali hogodasa pelama, te Genuai Bidigo beba ugwa holali. Tama augwali te augwa bulu pesagede dugawali, te nogi Gesi Sunumi da wabo sunumi pade elalui dao. ¹¹ Tialima, te pris dabego me, profet dabego me, te po te tobolu bidiba, me te we bidi dabe tigidaliba te tiwai po wali, "Te bidi isimainao, magi baso meni, agai te po wai, te taun dolaibao. Duga digi agai te profet po wali odai dao," wali.

¹² Tialima, Jeremaia go te tobolu bidi dabe me te tigidali we bidi dabego po wei ponoyu, te po wali, "Genuai Bidigo digi ena tagala palama, eno dagego te odali profet po pusagasali. Aga digi po weyu, te be me te taun dolaiba po wai dao. ¹³ Tama tialima, megi da, dagego te duga bilibo kolesaga dodolao. Tama dagego te Genuai Bidigo po wali pao, te dena God dao. Te dagego tama tibaso da, teda Genuai Bidigo homu hasegelama, tama agai dage dolabo se me egobeo, te agai po weyu, te se yaibao po wali. ¹⁴ Tialima, ena da, te duga nogode bidibao. Tama dagego enade magi se me deli yainogo, tama dagego homugo te kolesaga wiegi yai doloba pai da homu ebaso da, teda dagego te se eyu naga yao. ¹⁵ Tialima, eno homu dagego te tiwai konemainogo ebao. Mu tamao, Genuai Bidigo digi ena tagala palobaso, te ena aselama, te eno pusali po dageba pusagasalio. Tama te ena dagego ela mubaso da, dagede te magi dwai se deli me isawai bidi odolali elali, te sege elalueibao. Tama te dwai se yali te taunde elalu, te tigidali taun we bidi dabede te sege elalueibao," Jeremaia go te po wai. ¹⁶ Jeremaia go po ola silibo si da, teda te tobolu bidigo, me te tigidali we bidigo te pris dabeba me te profetba te tiwai po wali, "Te bidigo te dago God Genuai Bidigo nogide te po pusalio. Agai dwai se me elalubeo, tama tialima, dago aga me ela mugobe dao," te po wai.

¹⁷ Tialima, te Juda genuai bidi meba dolugulama, te we bidi augwaliba te tiwai po walio, ¹⁸ "Polobadu, te Heskia Juda king bidali sogo, te profet Maika te taun Moreset bidigo te Juda dabeba te tiwai po pusai, 'Tigidali Bomo Elalubo Genuai Bidigo te po wai, te Jerusalem nai tigidali dolama, te pobe bage du holobo tiwai pedelaibao,' wai dao. 'Te Saion olo to bulu

pedelama, te bidi dabego tede gi bulaibao. Tama te bulu dude ni dulu pedelaibao, te Genuai Bidigo be elaluali madi te tama tiaibao.' ^{††19} Maikago te tiwai po obaso, te Heskia go me tigidali Judago aga ela muai da, agawe? Mu menio. Heskia wi elama, te Genuai Bidi dologoba pelama, te Genuai Bidiba hanaluama, te agaba te olo mu tau sabo wiegi yai kolesaga emainogo yali. Tama Genuai Bidigo homu hasegelama, te agai augwaliba yaiba po wali se te ebeo. Tialima, megi dago te Jeremaiabolo yainogo ebo kolesagago da, te daba digi genuai sege sesaibao," te tama po wai.

²⁰ Nosali bidi me deli, aga nogi Uriago, te Genuai Bidigo nogide po pusali. Uria aga te Semaiago ogwa, aga te taun Kiriati Jearim bidi da. Agai te po weyu, te Jerusalem me Juda dolaibao po wali, te Jeremaia go wali po tiwai wai dao. ²¹ Tama te king Jehoiakim dali, te tobolu bidi dabe me, aga ami bidi dabego dali Uriago te po odolama, tialima, te kingo aga ela muabo sunumi gegali. Tialima, Uriago kingo te se yabo po odolama, te aga wi ebaso, te Isipba wi pai dao. ²² Tialima, king Jehoiakimgo Elnatan tagala palali, te Akborgo ogwa, te bidi meba dali, Isipba palio. ²³ Augwaligo te Uria selama, aga te king Jehoiakimba odasa asai. Tama kingo po obaso, te bidi dabego Uria te bainat hwa go elama, tama augwaligo aga tigi te olo bidi dabego gu pageba sawai dao.

²⁴ Tialima, te we bidi augwaligo te Jeremaia ela muainogo yali sogo, Ahikam, te Sefango ogwago, te Jeremaia tau selama, te augwaligo agade dwai se me ebeo.

Tigidali to kantri te king Nebukatnesar dologode elalueibao wali

27 Te Sedekaia, te Josaiago ogwa, te Juda king pedelama bidali sogo, Genuai Bidigo ena Jeremaiabolo [‡] te tama po wali, "Te ni nami pedai selama, te kukulu delage sobadi elama, tama te nigilama, te bidi dabego te se ebo bulmakau mageba mubo tiwai yao, tama te nai dabe te naga magede digi domao. ³ Tama nago te po te Idom kingba toliyu, me te Moap kingba, me Amon kingba, me Tair kingba, me Saidon king dabe me po ola tolao. Te king dabe augwa ofisa bidi dabe te Jerusalemba aselama, te Sedekaia dali po miagasaibao. Tama te sogo nago te eno po augwaliba pusao, tama augwaligo te augwa kingba wagi paibao. ⁴ Te bidi dabeba te po walao. Ena te Israel Godigo obao, ena Tigidali Bomo Elalubo Genuai Bidigo eno e tama po dagego genuai bidi dabe dali elalubao, ⁵ ena digi eno e to ena genuai bomogo nigali, tama me te eno te we bidi dabe nigali, me te tode bidalubo hasa sibi nigai. Eno digi ena homu wali peyu, eno te bidi dabe augwaliba to dobabo dao. ⁶ Megi da, eno te dagego to kantri dabe te ena se bidi mawaibao, te Babilon king Nebukatnesarbolobao mobao. Tama me te eno tigidali bulu uni hasa sibi me agaba menama, te aga dologode bidaibao. ⁷ Tigidali hani we bidi te aga dologode elaluama, te nosali augwali aga ogwa dologode

† 26:6 Jos 18:1; Tib 78:60; Jer 7:12-14

†† 26:18 Mai 3:12 ‡ 27:1 2 Kin 24:18-20; 2 Sto 36:11-13

bidama, te agai waigo waji nõy dabe dologode me bidaibao. Augwali te Babilon dologode bidada pedubadi, te eno Babilon dolabo bodolu muani sogoba usu naibao. Tama te sogo te tigidali tõ kantri bomai king dabego te Babilon aiyaba elaluama, te augwa olo sę ebo bidi dabe tiwai mu pedelaibao," te po wai dao.

⁸ "Tialima, te tõ kantri we bidi me deligo te king Nebukatnesargo augwali tonalubo hagela homu eyu, te bidigo bulmakau tonalu, te ni nami pedai aga mageba munama, te aga sę emainogo ilibo hagela ebaso da, teda tõ kantriba eno dwai dene umagia mu mawaibao. Te Genuai Bidi eno te boi bidi tagala palama, augwaliba hwjagasomainogo yaibao. Te augwa nai sę pelama, te augwali dwai gasi me saibao. Te tama kolesagade eno te king Nebukatnesargo te augwali te tõ kantri we bidi mu silimainogo ilaibao. ⁹ Tama tialima, dage king dabego te profet dabego poba me te osola subo bidigo po, me te na yali po page pusubo bidigo poba, me te mada bidigo poba me olo munama igio. Te bidi dabego te tiwai po weyu, dage te Babilon king dologode bidigobeo waibao. ¹⁰ Tiali goli, augwaligo dage tibo po ola mobao, tama dagego augwaligo po homu daę obaso da, teda eno dage te duga page bulu mude digibulu sela sęwaibao. Tama dage mu dolaibao. ¹¹ Tialima, te tõ kantri bidi hani dabe me deligo te Babilon kingo augwali tonalumainogo eyu, te bulmakau te bidigo aga magede te ni nami pedai munama, te aga sę ebo tonalumainogo ebo tiwai ebaso da, teda eno te we bidi dabe te augwa tõde bugagia bidimainogo eyu, augwa gi sę emainogo yaibao. Ena Genuai Bidigo eno te po wai dao."

¹² Tama ena Jeremaiago, eno te tobage deli po naga te Juda king Sedekaiabolo me pusali. Eno agabolo te tiwai po wai, "Dage Juda te dagego mage te ni nami pedaiba mubo tiwai elama, te king Nebukatnesar, me aga we bidi dabe, augwaligo dage tonalumainogo ilao. Te dagego te tiwai eyu da, te dage bugagia bidaibao," wali. ¹³ "Genuai Bidigo te po walio, te we bidi hani me deli te Babilon king dologode bidibo hagela homu ebaso da, teda te boi bidi dabego augwali ela muagasomainogo yaibao, tama augwali te nai meniama, isibadi, te dwai gasi selama isiyu yaibao. Tiyu, nage te naga we bidi dabe dali hagoma ebaso, tama te sę dabego dage dolobo dao. ¹⁴ Tama tialima, dagego te dage Babilon king dologode bidigobeo po wabo profet dabego po me odogio. Augwaligo dage tibo po naga ola mabo dao. ¹⁵ Ena Genuai Bidigo, eno po dolo obao, eno augwali me tagala palobeo, tiali goli, augwaligo eno nogide tibo po pusubao. Te dagego augwaligo po wali pobaso da, teda eno dage te duga tõ kantride sela sęnama, te dage mu dolaibao. Tama dagebolo te profet po pusali bage, augwali me dolaibao," eno te po te king Sedekaiabolo wali.

¹⁶ Tama eno te Genuai Bidigo po te pris dabeba, me te tigidali we bidiba, te tiwai pusali, "Ena Genuai Bidi, eno po dolo obao, dagego te tama tiwai po wabo profet dabego poba olo me mugio, 'Te pade tama augwaligo te Genuai Bidigo bede tigidali nai sela pali, te

Babilonde munolubo nai dabe, tamadi tama augwaligo te Jerusalemba ma selasa asaibao.' Te profet dabego dage tibo po naga ola mobao. ¹⁷ Dagego augwaligo po me odogio. Tiyu, te taun tigidali mu dolabuo. Te dage Babilon king dologode bugagia bidibaso da, te dage bugagia bidaibao. ¹⁸ Te augwali profet mu tama te Genuai Bidigo po augwaliba mabo da wida, teda augwaligo te Tigidali Bomo Elalubo Genuai Bidiba hanalu, agai te boi bidi dabego te Genuai Bidigo bede me munalubo doado bage, me te kingo bede munalubo doado bage dabe, me te Jerusalem tigidali pedai habu badu elaluali doado bage selama, te Babilonba me sela pigio po wao," eno te po wali.

¹⁹⁻²¹ "Magi baso meni. King Nebukatnesar te Jerusalemba aselama, te king Jehoiakin sali, te Jehoiakimgo ogwa, tama agai te Juda tobolu bidi dabe me, te Jerusalem tobolu bidi dabe me selama, tama agai augwali Babilonba kalabus igi peyu odasa pali. Tialima, agai te wiegi yai nai meba te Jerusalemde elalumainu yalio. Agai te brasgo nigali genuai pos dabe sabeo, tama augwa te brasgo nigai tang aji tubo genuai nai me sabe, tama augwa te brasgo nigai te dwasianu aji tubo tang dabe gasaba bilabo nai dabe, te me sabeo. Tama me agai te eno bede gasa nai dabe me sabeo, te kingo bede me, te tigidali Jerusalem pedai badu elaluali nai me sabeo. Tialima, ena God, dage Israelgo Genuai Bidi, ena Tigidali Bomo Elalubo Genuai Bidigo, eno te tiwai po dageba wabo dao. ²² 'Te boi bidi dabego te nai dabe doado bage selama, te Babilonba selasa paibao. Tama te nai te doado bage te Babilonde munalubadi, tama eno augwaliba homu kone ma palobo sogo me deli teba ma yagasaibao. Tama tebo sogo te eno augwali ma sela aselama, te augwali Jerusalemde ma munalueibao,' te po Genuai Bidigo wai dao," wali.

Hananiago te we bidi dabe tibo po ola mawai

28 Te kibu be me si me si wabo te Sedekaia te Juda king bidali, tama te kibu be te polua a naga wabode, te taun Gibeon bidi me deli, aga te profet Hanania, te Asurgo ogwa, aga te Genuai Bidigo beba asama, tama po me deli te Jeremaiabolo me, te pris dabeba me te we bidi dabego gedude pusalio. Agai te tiwai tama po wai, ¹² "Da Israelgo God, aga Tigidali Bomo Elalubo Genuai Bidigo, agai te tiwai po walio, 'Te Babilon kingo dage tonalubo, te bidigo ni nami pedai te bulmakau mageba munama, te bulmakau tonalubo tiwai ebao. Tialima, eno te ni nami pedai dage magade munalubo togola sęwaibao, te agai dage mu ma tonalugobeo. ³ Te kibu be si silisabadi, tama te eno bede tigidali nai te eno ma saibao, te Nebukatnesargo Babilonba sela pali nai dabe selama, tama eno te Jerusalemba ma sesaibao. ⁴ Tama me eno te king Jehoiakin saibao, te Jehoiakimgo ogwa, te gasa Juda dabe te Babilonba kalabus igi pali bage me selama, tama eno augwali ma odasa asaibao. Magi baso meni, eno te Babilon kingo dage mageba muani ni nami

pedai togwa sawaibao. Ena Genuai Bidi, eno te po wai dao," te bidi Hananiago te po wali.

⁵Tialima, profet Jeremaia go te profet Hananiago po te pris dabego gedu, me te Genuai Bidigo be pade dolalubo we bidi dabego gedude, te agai po wei ponai dao. ⁶Jeremaia go te tiwai po wali, "Mu tamao, eno homugo Genuai Bidigo nago wabo po tiwai emainu yali. Genuai Bidigo te profet po wabo mu pedalumainogo homu yalio. Tama aga bedede nai dabe te somainogo, tama te Babilonde bidibo we bidi dabe ma odasa asai-ba homu ebo dao. ⁷Tialima, megida, nago me te tigidali we bidigo te eno gasa po wabo odao. ⁸Te polobadu digi gagalasa, te megida e sogoba usu naga-sobao, te da i badu elalubadi, te polasa pedelali profet dabe, augwaligo te tiwai po wai, te hwinama dolobo se genuai me, dwai gasi me, te we bidi hani hauwaba pedelama, te genuai to kantri dabeba me pedelaibao wali. ⁹Tialima, te profet me deligo te we bidi bugagia dugulalubao po obaso da, teda te mu po wabowe, ma meniwe, te dago konebeo. Tialima, te nosali, te po mu pedalubaso da, teda dago koneaibao, mu tamao, Genuai Bidigo po te profetba menama, te aga tagala palobaso asai yali homu ebo dao," wali.

¹⁰Jeremaia go te po obaso, tialima, Hananiago te ni nami pedai, te Jeremaia go magede domoalubadi digi te peda salio. Tama Hananiago te magede domoaluali ni nai pedai pepeda sawai dao. ¹¹Tama aga te we bidi dabego gedude dolugulama, te po walio, "Genuai Bidigo te tiwai po walio, 'Te tama deli kolesagade naga te Nebukatnesargo, te we bidi dabeba me te tigidali to kantriba domonani ni nami pedai te eno alua sawaibao. Te kibu be si silisabadi, eno te tiwai yaibao,' Genuai Bidigo te po wai," Hananiago wali. Jeremaia go te po odolama, aga palio.

¹²Te profet Hananiago te ni nami pedai te profet Jeremaia go magede domoaluali te alua sawani te sogo me badu bidama gana nosali, Genuai Bidigo Jeremaia bololo te tiwai po mawai, ¹³"Nage pelama, te po Hananiabololo pusugi pao, 'Genuai Bidigo te tiwai po walio, "Nago te augwaligo ni nami pedai go nigali ni nami alua sawani. Tiali goli, te tobage nai augwaligo aingo nigilama, te nago aluali ni nami hasegelama, elalubao. ¹⁴Ena te Israel God, ena Tigidali Bomo Elalubo Genuai Bidi, eno te tiwai po obao. Ena digi eno augwaligo aingo nigai domabo nai selama, eno te we bidi dabeba, me te to kantri dabeba, muna muna paibao, te augwali Babilon king Nebukatnesargo olo se ebo bidi bidalubao. Tama eno te bulu uni hasa sibi tigidali me agaba mani, te augwali me aga dologode bidaibao," Genuai Bidigo te po wai. 'Nago te po Hananiabololo pusugi pao,' Genuai Bidigo Jeremaia bololo wali. ¹⁵Jeremaia go te po pusulama da, tama agai Hanania-ba te po ma wali, "Hanania, nago odao. Genuai Bidigo nage me tagala palobeo. Tialima, nago te we bidi dabe tibo po ola mobaso, te augwaligo nago po homude daw wali. ¹⁶Tama tialima, Genuai Bidigo te tiwai po wali, 'Mu tamao, te eno nage te tode mu silaibao. Te kibu bedede naga nage isaibao, magi baso meni, nago

pogo te we bidi dabe kekebaso, te eno po sela sawainogo ebo dao." Te po wali. ¹⁷Te kibu bedede digi te polua a naga olama, me badu si wabo side, te profet Hanania isai dao.

Te Babilonde bidibo Juda dabeba Jeremaia go pas asena tolali

29 Jeremaia te Jerusalemde bididu, agai te pas asena nama, te Babilonba kalabus igi pelama bidalubo te Jerusalem tobolu bidi dabeba me, pris dabebolo me. te profet dabeba me, te Babilonde bidibo gasa we bidi dabeba me tolali. King Nebukatnesargo te we bidi dabe te Jerusalemde selama, te Babilonba kalabus igi pai dao. ²Jeremaia go te pas asena tolali sogo, te Babilon dabe te Jerusalemde aselama, te king Jehoiakin dali, te genuai we bidi hani dabe, te augwali Babilonba odasa pali sogo te pas asena. Augwaligo te king me aga ida dali sobadi, te aga bedede bidali ofisa dabe, me te Juda tobolu bidi dabe, me te Jerusalem tobolu bidi, me te tobage wiegi yai nai dabe nigibo koneai bidi dabe, te selasa pai dao. ¹³Te sogo te Juda king Sedekaiago te Elasa tagala palali, te Safango ogwa, dali Gemeria, Hilkiago ogwa, te Babilon king Nebukatnesarba sela pali. Jeremaia go agai te asena pas te bidi sibolo mawai, te augwali sigo te Babilonde bidalubo hani dabeba sela paibao. Te pasde te tiwai po wai dao, ⁴"Ena dage Israelgo God, ena Tigidali Bomo Elalubo Genuai Bidigo, eno te po obao. Dage Juda dabego, odao. Eno dage te Jerusalemde sela sawana, te Babilonba tagala palai dao. ⁵Dagego duga be dabe sawana, te gi dabe bulama, te gide nai sela tuyu, bidao. ⁶Te dagego we selama, te wai dabe ame nao. Tama nosali, dagego wai dabego we selama, te augwade digi wai pedalumainao. Dage te genuai hani pedelao. Dagego duga digi te dwasianu hani pedalumainogo ilamu dao. ⁷Eno dage te megida bidibo buluba odasa pali. Tama dagego te bulu tau sabo se eyu, bugagia bidao. Tama dagego Genuai Bidi enaba gedu haluasa po waiyo, te eno te bulu wiegi yai ilaibao. Magi baso meni, te bulu bugagia elalubaso da, teda dage me bugagia bidaibao," te po wai. ⁸"Ena dage Israelgo God, ena Tigidali Bomo Elalubo Genuai Bidi, eno po dolo obao, dagego te duga profet, me te osabo bidi dabego dage tibo po ola momainu igio. Te bidi dabeba waliyu, te dagego naa elama, te naa page dabolo pusao po wabo tagalao. ⁹Te profet po augwaligo eno nogide pusaibao, te tibo po naga obao. Ena Genuai Bidi, eno po dolo obao, eno po augwaliba me mabeo," wali.

¹⁰"Ena Genuai Bidi, eno dageba mani po page e tiwai elalubao. Eno te 70 yia, te bidi sese sela olama, nogo si kibu bedede dage Babilonde bugagia bidaibao, te tama daw ilali. Tama te tudi badu nosali, te Babilon dolaibao. Te sogo te eno homugo dage koneama, te dage eno Jerusalemde ma odasa paibao, te eno daw wali tau sabo poba usu naibao. ^{††11}Ena Genuai Bidigo,

† 29:2 2 Kin 24:12-16; 2 Sto 36:10 †† 29:10 2 Sto 36:21; Jer 25:11; Dan 9:2

eno te dageba tau sabo sę te homude konea pali. Eno dageba wiegi yai bugagia ilaibao. Eno dageba dwai sę ebo hagela homu ebao. Dagego te eno yabo sę homu koneama, tama dagego te sę pedelabo tonalua. ¹² Te sogo te dage ena pąba aselama, te enaba i weyu, enaba gedu haluasa po waibao, te eno dagego gedu haluasa po odaibao. ¹³ Te sogo te dagego homu kolesaga sesego, me dagego kolesagago te ena gegebo sę bomo mu eyu da, teda te dage ena pageba asobo usu yaibao. ¹⁴ Ena Genuai Bidi, eno po dolo obao, te dage ena pąba asomainogo ilaibao. Te eno dage bugagia wiegi yai ma bidimainogo yaibao. Tama eno dage tigidali habu badu te dage eno sela sęnama, bidada pali tų kantri usu nama, sesa bilaibao. Tama eno dage ma oda selama, te duga polobadu bidali buluba odasa asaibao," wali.

¹⁵ "Dagego te po obao, Genuai Bidigo te profet dabe dage te Babilonde bidibo sogo mani po wabo dao. ¹⁶ Tialima, Genuai Bidigo megi te tų kantri Juda tonalu. te Devitgo sia kingde dugulaluabo kingde homu kone palama, te agai duga abagi hani dabe, te dage dali kalabus pisęwani hani dabede homu kone palama, tama Genuai Bidigo te tiwai po walio, ¹⁷ 'Ena Genuai Bidigo, Tigidali Bomo Elalubo, eno te po obao, eno te Juda tų kantride bidalubo hani bidi dabeba boi bidi tagala palama, hwęgasaibao. Tama eno te nai dage menia sobadi elama, te dwai gasi saibao. Tama augwali te dwai ni kaya fik du walama, te bidigo tusę yabo tiwai yaibao. ¹⁸ Tama te gasa tų kantri we bidi dabego eno te dwai sę te Juda dabeba yali po odolama, te augwali wi elama, dwai noma mu saibao. Tama eno te Juda dabe te gasa tų kantriba tedela palaibao. Tama te bulu kantri we bidi dabego te Juda dabe augwaliba dolobo sę eyu, posobo po waibao. Tama te we bidi dabego augwa boi bidi dabeba dwai po wabo sogo, augwa te tiwai po waibao, "Dage te Juda dabe dolali tiwai gilama dolaibao," waibao. ¹⁹ Ena Genuai Bidi, eno te sę augwaliba yaibao, magi baso meni, augwaligo eno po sela sęwani. Hauwa sogo eno te profet dabe tagala palama, te eno sę bidi dabe, dage Israelba tagala palali, tiali goli, dagego augwaligo po me odobeo."

²⁰ "Dage tigidali we bidi eno Jerusalemde sela sęnama te Babilonba tagala palali, dagego ena Genuai Bidigo po bugagia odao. ²¹ Ena dage Israelgo God, ena te Tigidali Bomo Elalubo Genuai Bidi dao, eno homu te tibo profet si, me te Ahap, te Kolaiago ogwa, me te Sedekaia, te Maseago ogwa, te eno te tiwai po obao. Augwali sigo te eno nogide tibo po dageba pusubao. Tama tibaso, eno te augwali si te Babilon king Nebukatnesar nogoba mueibao. Tama agai te po waibao, te augwaligo te bidi si te augwa gedude digi ela mueibao. ²² Tama te dage Babilonde bidibo Juda dabe, te dagego abagi me deliba te dwai po wabo homu eyu da, dagego te tiwai po waibao, 'Genuai Bidigo nage dolomainao, te agai Sedekaia de Ahap dali siba

† 29:13 Bom 4:29 †† Genuai Bidigo po augwali siba ma mu weyu, te profet hani dabeba wali po te ves 20-23 tede elalubao.

yali tiwai elama, te Babilon kingo augwali si te isiba ulai dao.' ²³ Eno augwali si dolaibao, magi baso meni, augwali sigo te dwai kolesaga mu dage Israel tomode yalio. Augwali sigo te augwa abagi dabego we dabe dali pagela pilama, tama augwali sigo tibo po eno nogide pusali. Eno augwaliba te po me mabeo. Ena Genuai Bidi, eno augwali sigo kolesaga koneama, tama eno tede po pusubo dao. Eno po tama dao," wali.

Jeremaia go bomai po te Semaibolo mawai

²⁴ Genuai Bidigo te tiwai po wali, "Jeremaia, nago te po te Semaia te Nehelam bidiba pusao. ²⁵ Ena Israelgo God, ena te Tigidali Bomo Elalubo Genuai Bidi, eno te po obao. Semaia, nago te pas dabe asęnama, te Jerusalemba toloyu, te pris Sefanaibolo me tolali, te Maseago ogwa, te tigidali gasa pris dabeba me tolali. Nago asęani pasde te tiwai po wali, ²⁶ 'Sefania, Genuai Bidigo nage dąj ilama, nago te pris Jehoiada hasegela, te Genuai Bidigo be tonalua. Tama tialima, te esela pabo bidi me deligo te profet po pusubaso da, teda nago aga kalabus yabo sę elalubao, te aga nogo sęga dunama, te ain me deli aga dogonide domonao. ²⁷ Tama tialima, magi baso nago Jeremaia te Anatot bulu bidi hage yai meniwe? Te bidi agai dage tomode te po me pusubo dao. ²⁸ Agai da te Babilonde bidalubo bidi dabeba pas tolama, agai te tiwai po wali, "Dage te bobage sogo kalabus bidaibao, te dagego be sęnama, te duga gi dabe bulama, tama te gide nai sela tuo." "

²⁹ Pris Sefanaia go te Semaia go pas sali, tialima, aga te Jeremaia pelama, te pas nedali. ³⁰ Agai nedela silalio, tialima, Genuai Bidigo po Jeremaibolo mayu, te tiwai po wali, ³¹ "Jeremaia, nago te tigidali Juda dabe te Babilonde kalabus bidibo haniba te pas tolao. Augwaliba te tiwai po wao, Genuai Bidigo te Semaia te Nehelam bidide homu kone palama, te po wali, eno te Semaia dageba me tagala palobeo, tialima, agai te profet po dageba pusubaso, dagego te tibo po homuba dąj omainogo yai. ³² Ena Genuai Bidi, eno po dolo obao, Semaia te Nehelam bidigo dage kekelama, eno po sela sęwainogo ebao. Tama tialima, eno te dali aga haniba me te dwai dene mabo sę mu ilaibao. Te eno wiegi yai sę te ena we bidi dabeba pedalumainogo ebo sogo da, te aga hani bidi deli me bidigobeo, te sę dabe sumainu tiaibao. Ena Genuai Bidi, eno te po wai dao," wali.

Genuai Bidigo wiegi yai sę aga we bidi dabeba yaibao wali

30 Genuai Bidigo Jeremaibolo po mayu, te tama po wali, ² "Ena Genuai Bidi, ena Israelgo God, eno te po obao, nago te buku me deli selama, te eno nagebolo mani po tigidali asęao. ³ Ena Genuai Bidi, eno te ena we bidiba yabo sę dąj ilali sogo elalubao, te Israel dabe me Juda te bugagia ma bidaibao. Te eno augwali te tų te augwa wąj nų dabeba polobadu mani tųba ma odasa aselama, te augwa tų mu ma pedelaibao," wali.

4 Genuai Bidigo te Israel dabe me Judade homu elama, agai te tiwai po wali,
 5 "Ena Genuai Bidi, eno te po obao,
 te we bidi dabe haliga dua tegaluama bidibeo.
 Menio.
 Augwali wi umagia mu elama,
 te augwali dwai gela mu wai dao.
 6 Magi basowe? Te bidi dabego wai ame nabo dawe?
 Tialima, magi baso eno suali tigidali bidigo augwa haligaba nogo mubawe?
 Augwaligo te tama tebo te wego wai ame nainogo dene
 genuai ebaso ebo tiwai ebao.
 Magi baso augwaligo gesabidi te gasagi yai tedali dwai
 mu pedaliyu,
 te bidigo wi umabo ebo tiwai ebawe?
 7 Homu dene mu ebao,
 te dwai sogo mu me deli pedelaibao.
 Te dwai sogogo te gasa dwai sogo ebo tigidali aiyaba elalueibao.
 Eno we bidi dabe, te Israel dabe,
 augwali te sogo genuai sege elalueibao.
 Tiali digi, te eno augwali ma saibao.
 8 Ena Tigidali Bomo Elalubo Genuai Bidigo, eno te po obao,
 te eno te boi bidi dabego te Israel dabe mageba domonani ni nami pedai alua sanama,
 te eno augwali kalabus elaluali silimainogo yaibao.
 Tama augwali te gasa hani dabego olo se ebo bidi bidali
 tiwai munu ma me bidigobeo. Menio.
 9 Te augwali ena Genuai Bidi,
 augwa God dologode bidaibao.
 Me eno te Devitgo hani bidi me deli augwaligo king nigilama,
 tama augwali aga dologode me bidaibao," te po wai.
 10 Genuai Bidigo te tiwai po wali,
 "Dage Israel, dage Jekopgo hani dabe,
 dage eno se bidi me se ebo we,
 dage wi me elama, midigi igio.
 Mu tama, eno dage digibulu bulude
 te kalabuside bidibadi ma saibao.
 Tama dage te duga toba digi ma aselama,
 te bugagia dugulaluagameo.
 Te niwai hani me deligo dage wi me iligobeo.
 11 Ena Genuai Bidi, ena dage dali bidibao,
 te dage tau saibao.
 Dagego te dwai se yali dao.
 Tama eno dage dodolobo se igi menigi da,
 te dolo menigi da.
 Tama tibaso, eno dage e tde sela sawaibao.
 Te eno dage augwali tomoba te tagala palobaso
 bidigi pali to pedai kantri dabe te mu silaibao.
 Tialima, te dage eno me silimainogo egobeo.
 Mu tama, te eno dwai dene dagebolo mawaibao,
 tialima, eno te doloba pai kolesaga naga wali peyu,

te eno dage dodolaibao," wali. †

12 Genuai Bidigo te tiwai po wali,
 "Israel, te augwaligo nage dwagilama mu elama,
 te nago genuai keni pedela sabeo.
 13 Te nage tau somainogo enaba gedu haluasa po wabo
 bidi meni yai.
 Te nage tigi usu ma ilabo marasin te menia sai dao.
 14 Te nago polobadu abagi wali bidi hani dabe,
 augwaligo nage homu kegeda palama,
 te homu godolo me ebeo.
 Nago te dwai se hauwa yali te genuai sege elalubao.
 Tama nage eno dolama,
 te sesena pai bidigo aga boi bidi dali ebo kolesaga tiwai yali.
 15 Nago te keni halubaso, te gela hauwa wabo tagalao.
 Te keni me pedela sogobeo.
 Nago dwai se hauwa yali, tama nago sege genuai elalubao.
 Tama tiyu eno te kolesaga nageba ebo dao.
 16 Tialima, mu tama, te hani dabego nage dolobo se ebao,
 te augwa digi dolaibao.
 Te nago boi bidi dabe augwali te digibulu buluba kalabus paibao.
 Te nageba dwai se eyu,
 te nago doado bage tigidali wi sali hani dabe,
 te boi bidi dabego dwai se augwaliba elama,
 te augwa doado bage dabe wi saibao.
 17 Te nago boi bidi augwaligo te tiwai po waibao,
 'Saion te olo nai tiwai elama, te mu dwaibao.
 Te bidigo agade homu me egobeo,' te po waibao.
 Tialima, ena Genuai Bidi, eno te tiwai po obao,
 eno digi nago tigi usu ma ilama,
 te nago keni pedela somainogo yaibao," wali.
 18 Genuai Bidigo te tiwai po wali,
 "Eno te olo mu tau sabo wiegi yai kolesaga te Jekopgo
 haniba elama,
 augwali tau saibao.
 Te augwaligo augwa bidabo be dabe senama,
 te augwa tde bugagia ma bidaibao.
 Tama augwa te Jerusalem taun ma dodolama,
 te polobadu elaluali pesagede ma nigaibao.
 Tama augwa te kingo be aga elaluali pesagede ma se yaibao.
 19 Tama te Israel dabego enaba buba hwi wabo teabi po waibao.
 Te augwa teabi weyu, wiegi yai pemene yaibao.
 Te eno augwali hani genuai pedalumainogo elama,
 te augwali dwasianu hani me bidigobeo.
 Tama te gasa we bidigo augwali haniba te genuai no-gi

† 30:11 Jer 46:27-28

momainogo elama,
tama te hani dabego augwali nogi aiyaba
elalumainogo me egobe dao.

²⁰ Te Israel dabe augwali te bomai hani elalu,
te polobadu bidali tiwai yaibao.

Te eno augwali tau selama,
te augwali te augwa t̄de bugagia bidaibao.

Te eno augwaliba dwai s̄ yainogo ebo
hani dabeba dwai dene mawaibao.

²¹ Te augwa bidi dabe digi me deli te augwa tobolu
bidi pedelama,
te augwa tonalueibao.

Ena Genuai Bidi, eno te po obao,
te ena digi eno te bidi ena pageba oda saibao.

Magi baso meni, te bidi dabe augwa homugo digi
te ena p̄ba asobo usu egobeo.

²² Tama dage Israel te eno we bidi hani mu pedelama,
te ena dagego God bidaibao," te po wai dao.

²³ Odao. Genuai Bidigo haliga s̄b̄ te dwai s̄ ebo
bidi dabeba pedelainogo ebo,
te bomai wali me tulubage te augwaliba pedalubo
tiwai yaibao,
tama te poboge ebo bomai waligo te augwali tobolu
aiyaba agabo tiwai yaibao wali.

²⁴ Genuai Bidigo haliga s̄b̄ me elaludu,
te agai yaiba homu yali s̄ tigidali ela siligi paboba
usu naibao.

Te nosali dagego te s̄ page koneaibao wai dao.

**Te Israel dabe ma aselama, te augwa t̄de digi buga-
gia bidaibao**

31 Genuai Bidigo te tama po wai, "Te eno bodolu
muani sogo yagasobode, teda ena te Israel hani
tigidali augwa God bidaibao, te augwali eno we bidi
hani mu pedelaibao. ² Ena Genuai Bidigo, eno te po
obao, te Israel dabe te boi bidide wi pelama, te masigi
t̄ kemi bulude bidali. Tialima, eno augwali godolo ela-
ma, te eno augwaliba wiegi yai s̄ ebaso, te augwali
toma nabo buluba soaibao," wali. †

³ Genuai Bidi te digibulu buludu aselama,
te ena, Jeremaiaaba pedelama, te tama po wali,
"Dage Israel, eno dage sesemane sogo godolo elama,
te eno wiegi yai kolesaga dageba ebaso,
te dage ena pageba asomainogo tebo dao.

⁴ Dage Israel, eno gedude dage te bidi dali pagela
pis̄wai gesi we tiwai dao.

† Te ves 1 tedu gagalasa pelama, te ves 22 te tomode elalubo po dabe te Israel we bidi augwalide wali po polobadu te kantri Israel te not badu te kantri Judade bidali. Te hani augwaligo dwai kolesaga ebaso, te Godigo augwali te boi bidi dabego te augwa t̄ kantri bulu sela pelama, bidigi pomainogo yai, "te bulu kantri not badu dao." (ves 8) Augwali te bulu kantride bobage sogo bidalio, tama meḡ da, Godigo te augwali ma odasa aselama, te tigidali Israel deli hani pedelama, te God dologode bugagia bidimainogo yalio. Samaria taun te (ves 5 tede wali) Israelde genuai taun elaluai. Te Efraim hani go po ves 6; 9; 18; 20, tede elalubao, te Israel hani dabede aga te genuai hani mu me deli elaluai, te Godigo Efraim nogi ebo sogo, agai te t̄ not badu bidali Israel hani tigidalide po olama te po walio.

Tama te eno dage bomai hani we bidi ma ped-
alumainu
yaibao.

Te gesi ogwa wego pemene elama, h̄b̄idi eleyu,
te t̄b̄i wabo hani dabe dali pemene ebo tiwai
dagego yaibao.

⁵ Tama dagego gesi wain gi te Samaria bulu du
bagede
nigaibao.

Tama duga digi te wain dabego ge du saibao.

⁶ Te sogo te Efraim hanigo bulu dude bidibo tonalubo
bidi dabego, augwa te tama i waibao,
'Tegoba, da te Saion bulu duba pinao.
Da Genuai Bidiba pobao, dena God dao.'"

⁷ Genuai Bidigo te tiwai po ma wali,
"Te Jekopgo haniba wiegi yai pemene ebo t̄b̄i po
wao,

te hanigo te tigidali gasa hani dabe edelama,
polalubo mu dao.

Te enabolo genuai nogi mabo t̄b̄i weyu,
te tiwai po wao,

'Genuai Bidi, naga we bidi dabe ma sao,
te me badu bidali hani Israel pedai dao,' te po wao.

⁸ Mu tama, ena Genuai Bidigo eno te ena we bidi
dabe

te t̄ kantri not badu,
me tigidali t̄ pedai badu selama,
te augwali ma odasa asaibao.

Te gedu widai dabe, me s̄ḡa dwai, me te haliga
elalubo

we dabe,
me te wai tega painogo ebo we dabe,
augwali me asaibao.

Te Israel genuai hani mu pedelama,
te augwali augwa t̄ba digi ma asaibao.

⁹ Te eno augwali odasa asobo sogo, augwa gela
weyu,

enaba gedu haluasa po weyu, tama asaibao.
Te eno augwali dodolo asu,
te augwali eno wiegi yai w̄ elalubo pesageba
pedelama,
te eno augwali doloba pai sunumidu odasa asu,
te augwali me tula mugobeo.

Eno te tama tiwai yaibao, magi baso meni, ena te Is-
rael

hani dabego Aya bidibao,
tama Efraim te eno gomunai wai tiwai dao," wali.

¹⁰ "Dage te me badu t̄ kantri hani we bidi dabe,
dagego ena Genuai Bidigo poba bugagia olo muao.
Tama dagego eno te po te digibulu bidibo we bidiba
pusao,
te tamu āj u badu bidibao.

Dagego te tiwai po augwaliba wao,
'Genuai Bidigo te Israel dabe sela s̄n̄ama, tedela
palali,

tiali goli, agai augwali ma odasa asaibao.
Te agai augwali bugagia mu tonalu,

te tonalubo bidigo aga sipsip dabe
tonalubo tiwai ebo dao.' Te po wao.

¹¹ Ena Genuai Bidi, eno augwali te Jekopgo hani dabe
ma saibao.

Awe, te boi bidi dabego bomogo augwaligo bomo
edelai

goli,
eno augwali te bomai boi bidi dabego nogode
ma dobola saibao.

¹² Tama augwali te Saion bulu duba dolugulama,
te augwali wiegi yai pemene mu elama,
te i umabo mu udaibao.

Te ena Genuai Bidigo augwaliba te wiegi yai nai mu
mobaso,

te augwali wiegi yai pemene yaibao.

Te augwaligo wiegi yai pemene ebo te nai witba,
me wain, me oliv wel, me te kibu sipsip dabeba,
me eno mabo bulmakau dabeba te augwaligo homu
pemene yaibao.

Te wiegi yai mu pedalama,
te gi wę elalubo gi tiwai dao.

Te augwali dwai munu ma bidibeo.

¹³ Te sogo te wegi ogwa we wiegi yai homu pemene
elama,
te tęąbi po weyu, te gesi bidi me, monu dabe me,
pemene yaibao.

Eno augwali homu dene ebo silama,
te augwali bugagia haliga tegalumainogo yaibao.

Te eno augwali haliga nagame elama, dua digi bidiyu,
pemene emainogo yaibao.

¹⁴ Te we bidi dabego ofa hauwa enaba selasa asaibao.
Tama tibaso, te pris dabe augwa nai hauwa
elalueibao.

Tama eno te wiegi yai nai hauwa te eno we bidi dabe-
ba

mawaibao.

Ena Genuai Bidi, eno te po wai dao," wali.

Genuai Bidigo olo tau mabo wiegi yai kolesaga te Is- rael dabeba yaibao

¹⁵ Genuai Bidigo te tiwai po wali,
"Genuai gela wabo me, te hobede ebo po me,
te Rama taunde pedelaibao.

Te we Reselgo aga wai dabe isaide te hobedai gela
waibao. †

Te aga te we bidi dabego wiegi yai haliga penebo aga
hagela homu yali,

magi baso meni, aga wai dabe tigidali te munu
me bidibeo. ††

¹⁶ Tialima, ena Genuai Bidi, eno po obao,
Resel, nage gela munu ma wagio.

Nago gedude gela aj hola sayao.

† Resel te Jekopgo we, tama te Israel augwaligo homugo te aug-
wa auwa mosi da homu yali. Te Resel pubulali gu page te taun Ra-
made elaluai. Tibaso, te hanigo po begelama weyu, te tiwai po wai,
Resel te taun Ramade bidiyu, te aga hani waj nõy wai puluba dabe
hagawallo homu idubao, te agai homu dene ebo gela umabo wabo
dao. Te po wai. †† 31:15 Gag 35:16-19; Mat 2:18

Nago gela odolali me wabeo. Menio.

Te nago hani wai dabe augwaligo boi bidi dabego tų
kantri tagalama,
nageba ma asaibao.

¹⁷ Ena Genuai Bidigo eno te po obao,
nago homu te pedelainogo ebo naiba kone palama,
tama te naga te hani wai dabe te augwa page
buluba ma asobo sogo tonaluagameo.

¹⁸ Te Efraim hani dabego gela wabo eno mu odalio.

Augwa gela weyu, te tiwai po wali,
'Genuai Bidi, nago da keloago elali, te nago da
dodolali,

te bidigo te hagoma ebo ogwa bidi bulmakau elibo
tiwai yai.

Genuai Bidi, nage naga dago God,
te da nageba ma asabo homu ebao.

Tama tialima, nago da odasa asao.

¹⁹ Dago nage tagalali, tiali goli, megi da,
dago haliga begelalio.

Te dago dena yali dwai sę koneama, da hale mu ela-
ma,

dago tobolu basi gulali.

Polobadu dago hani dabe augwali te gesi we bidi ti-
wai

bidalu,
te dwai kolesaga hauwa yali.

Tialima, megi da,

da dena te dwai kolesaga yalide hale dwai mu ebo
dao.'

Te Efraim hani bagego te po wabo eno odali.

²⁰ Ena Genuai Bidi, eno te po obao,
eno Efraim te godolo mu yali, aga eno ogwa dao.

Tigidali sogo eno aga nogi wedu,
eno agade homu kone yai.

Eno haliga agaba mu mudubadi ebao.

Tialima, eno olo tau sabo wiegi yai kolesaga agaba
yai

dao."

²¹ "Dage Israel, eno gedude dage te bidi dali pagela
pisąwai dwagi yai gesi we tiwai dao.

Tama dagego te duga page bulu tagalabo sogo,
te dagego wali pabo sunumi bugagia koneao,
tede te dąj dabe ilao.

Magi baso meni, nosali te dage ma asobo sogo
dagego

te duga sunumide muani dąj sulama,
te sunumi bugagia wali pomainogo tama yao.

Dage Israel, megi da, dage te duga taunba ma asao.

²² Dage te ena wegi wai tiwai,

tiali goli, dagego ena tudiba muani.

Mena sogo te dagego haliga si ebo tagalama,
te enaba ma asaibawe?

Ena Genuai Bidi, eno gesi noma kolesaga te tųde
yaibao.

Te kolesaga e tama dao.

Wego digi te bidi pageabi elama, te agaba hanalu,
te aga godolo eba waibao," wali.

Genuai Bidigo we bidi augwali bugagia dugulalueibao

²³ Israel hanigo God, aga Tigidali Bomo Elalubo Genuai Bidi, agai te tiwai po wali, "Nosali eno te kantri Juda bugagia elalumainogo yaibao, te Juda dabe augwatq te augwa taunde bidaibao. Te augwa te po waibao, 'Nage Genuai Bidigo bulu du, Genuai Bidi nagede bidiyu, te wiegi yai doloba pai kolesaga mu ebao. Genuai Bidigo nageba wiegi yai sę bugagia mu emainao,' te po waibao. ²⁴ Te gide sę ebo bidi dabe, me te sipsip tonalubo bidi dabe me, augwali te Juda dabego tqde bidiyu, te taun dabede me bidaibao. ²⁵ Te bidi me deligo tigi bomo silibaso da, teda eno aga daq walaibao. Tama te bidi aga haliga sęę elalubaso, te eno agai haliga usu naibao," wali.

²⁶ Tialima, ena, Jeremaia, ena hodaluama, tononobilibadi, te ena bugagia godege piali homu ebo dao. †

²⁷ "Ena Genuai Bidi, eno te tiwai po wai, eno tebodolu me deli munama elalubo, tama te sogo eno te webidi dabe, me te hasa sibi hauwa, te Juda tqde me Israel-tqde pedalumainogo ilaibao, te bidigo gide sę elama, naihauwa pedalubo tiwai yaibao. ²⁸ Polobadu augwali enotonaluali, te gudumainu, me augwali alumainogo eyu, meaugwali aiyaba elalumainogo eyu, augwali dolomainuelama, te dwai sę augwaliba emainogo yai. Tialima, megi da, ena Genuai Bidi, eno te po obao, te augwali enotonalu, te augwali nigilama, te augwali bulama, te augwalibugagia bidaibao wai dao. ²⁹ Tama te sogo da, dagewe bidi dabego te tiwai po begelama, munu me wagobeo, 'Te aya idago te wain du tau isqawai tuali. Tialima, te augwa wai puluba pedauwalide ha yalio,' me wagobeo. ††³⁰ Menio. Te sogo da, te bidigo dwai sę me ebaso da, te aga digi naga isaibao, te aga wai dabe tede isigobeo. Te bidigo te tau isqawai wain du tuali tiwai ebaso, te aga pedauwalide digi naga ha yaibao," wali.

³¹ Genuai Bidigo po ma weyu, te tiwai po wai, "Odao, eno te sogo bodolu me deli muai, tama eno gesi noma daq wabo po te Israel hani dali, me Juda dabe dali daq waibao. ‡

³² Te daq wabo bomo yai po te polobadu eno duga waj nq dabe dali yali tobage tiwai meni, te eno augwali te Isipde selama, te augwali nogo tolasa odasa asai.

Augwali te eno we tiwai bidibaso, te ena, Genuai Bidi, ena te augwa bidi tiwai bidali. Tiali goli, augwaligo te polasa daq wai elaluali bomo ya

i po te bolai dao.

³³ Tialima, eno te Israel we bidi dali daq wainu ebo bomo yai po e tiwai elalubao.

Te eno bomo yai po augwaligo homude munama, te augwaligo haligade te bomo yai po asębo tiwai

† Te po page bugagia mu konebeo, tama me te dego te po pusali homu ebao. Te Jeremaia aga digi, ma gasa bidigowe?

†† 31:29 Ese 18:2 ‡ 31:31 Mat 26:28; Mak 14:24; Luk 22:20; 1 Ko 11:25; 2 Ko 3:6

yaibao.

Te ena augwaligo God bidiyu,

te augwali eno we bidi hani dabe bidalueibao. ††

³⁴ Te ena Genuai Bidi, eno po dolo obao, te sogo te bidi dabego te augwa abagi dabe, me augwa ama dede, te po ola mabo po weyu, te tiwai po weyu, 'Dagego Genuai Bidi koneiaq,' po me wagobeo. Menio.

Te nogi meni yai bidi, me nogi elalubo dabe, tigidaligo ena koneaibao.

Magi baso meni, te eno augwa sęę tagalama, te eno augwaligo yali dwai sę homu kone munu me egobeo," wali. ††

³⁵ Genuai Bidigo giliga muani te ula momainogo yali, tama agai polua me hq dabe daq ilali, te hulide ula momainogo muani.

Agai te tamu aq hodolobaso, te genuai aq dini pedalu, te genuai u wabo.

Aga nogi e tiwai, Tigidali Bomo Elalubo Genuai Bidi dao.

Agai te tama po wai,

³⁶ "Ena Genuai Bidigo, eno po dolo obao, te Israel hani dabe sesemane bidada paibao, te giliga, me polua, me hq dabe elalubo tiwai yaibao. Tama te giliga, me polua, me hq dabe,

te augwaligo eno augwaliba mani sę isaqbaso da, teda te sogo naga te Israel hani dabe sia sigi dao.

³⁷ Ena Genuai Bidigo, eno te po obao, te bidigo dagalu tigidali badu habu usu sobaso, usu yaibao weyu, te bidi mego te tq bulali pageba mu aiya dulama, te tigidali habu badu subaso, usu yaiba obaso da, teda te sogo naga tama eno te Israel we bidi tigidali tudiba mueibao,

te augwa yali dwai kolesaga wei ponoyu, tiaibao.

Ena Genuai Bidigo, eno te po wai dao," wali.

³⁸ Genuai Bidigo po ma weyu, te po wai, "Eno te bodolu muani sogo, te augwaligo Jerusalem ma nigai-bao, te eno taun dao. Te Jerusalem genuai obo daq te not badu, te Hananel te Tauade gagalama, te Dagebadu Sunumiba usu nigi paibao. ³⁹ Tama daq ebo te giliga dega sigilubo badu, te dwasianu bulu du Garep teba usu nigi pelama, te begelama, te bulu Goaba pedelaibao wali. ⁴⁰ Tama te tq bogo me saut badu, te bulu odogode te gq page me elalu, te keli saqo pesage me elaluali, te taun daq yali tomode elalueibao. Te giliga pedalubo badu, te tigidali tq pedai te odogo bulu te aq Kidron sesegeba usu nigi paibao, te me te taun tomode elalueibao. Te daq pabo te Hos Dabego Sunumi te not badu usu naibao. Tama te taun tomode tq tigidali te gasagi yai tedali tq dao, te ena Genuai Bidigo tq elalueibao. Te boi bidi dabe aselama, te taun dolama, te aluama, te doado bage me sagasogobeo. Menio. Te taun te sesemane sogo bugagia elalueibao," Genuai Bidigo te po wali.

†† 31:33 Hib 10:16 †† 31:34 Hib 8:8-12; 10:17

Jeremaia go t̄o abelai

32 Te kibu be nogo si te Sedekaia Juda king bidali side, Genuai Bidigo Jeremaiabolo po mawai. Te sogo te Nebukatnesar te Babilon king bidali, te 18 yia bidai elalubo sogo dao. ¹² Te sogo te Babilon kingo ami bidi dabego te Jerusalem taun bagulubo s̄e yali, tama profet Jeremaia te ami dabe badu kalabus elama bidibadi, te Juda kingo genuai obo tomode bidai dao. ³⁵ Jeremaia go profet po te tiwai pusai, "Genuai Bidigo te tama po walio, 'Mu tamao, te eno te Babilon kingo te taun somainogo yaibao,' wali. 'Te Sedekaia te Kaldia dabede, te Babilon ami dabede wi me pogobeo. Menio. Ena Genuai Bidi, te eno te Babilon kingo aga pageabi emainu elama, tama Sedekaia te Nebukatnesargo gesabidiba doligi pelama, tama Nebukatnesargo hanalubo po dabe dolo ponaibao. Tama Nebukatnesargo te Sedekaia Babilonba sela pelama, tama Sedekaia te bulude bididubadi, te eno aga homu kone ma palabo sogo d̄aj ilaliba usu naibao. Te dagego Babilon dabeba hwjyu da, teda dagego augwali aiyaba me elalugobeo. Ena Genuai Bidigo, eno te po wai dao.' Agai te po wali," Jeremaia go te po wali. King Sedekaia go te po odolama, agai te Jeremaia dali wado eyu, te tiwai po wali, "Dego nagebolo obaso, nago te tobago profet po pusaliwe?" Tama Sedekaia go Jeremaia te kalabusiba muai dao.

⁶ Te Jeremaia aga po digi obao. Te ena, Jeremaia, te kalabuside bidali sogo, Genuai Bidigo enabolo te tama po wali, ⁷ "Odao. Hananel, te nago aya aga ama Salumgo ogwa, aga nageba asaibao. Te agai nagebolo hanalu, te agai Anatot taunde elalubo t̄o abela waibao. Magi baso meni, nage da te aga p̄ade mu elalubo ama dao, tama nage te t̄o abelibo polalubo bidi dao," te po wai. ¹⁸ Tialima, nosali Hananel te ena kalabus bidibo pesageba asali, te ami dabe bidibo madi aselama, ena suagasali, te Genuai Bidigo po wali gilama yai. Te Hananelgo enaba te tiwai hanalu wali, "Eno homugo nago eno t̄o te Anatot taunde elalubo abelao, te Benjamin hanigo t̄ode elalubao, magi baso meni, nage eno ama, tama nage te t̄o abelibo polalubo bidi. Nago abelama, te naga t̄o elaluagameo," wali.

Hananel aga digi dao te po ola silibaso, eno koneai, Genuai Bidigo homugo eno te Hananelgo wabo po tiwai gilama emainogo homu yai dao. ⁹⁻¹⁰ Tama te t̄o eno abelali. Eno te t̄o abelibo bomo yai po kontrak as̄enama, te eno haluama, tama tede eno d̄aj ilali, te bidi mebago gedude muai. Tama eno te silva bidi sese nogo si 200 gram s̄e ḡe yai silva usu nama, tedali dagalama, eno te Hananelbolo mawai, te t̄o pedai mone usu nama mawai dao. ¹¹ Eno te pepa si as̄ai, te t̄o abelali bomo yai po, me da sigo d̄aj wali po me, te pepa side elaluai. Pepa me deli te eno bebelali, te gasa pepa me eno bebelibeo. ¹² Tama eno te pepa si selama, te bidi Barukbolo mawai, te Neriago ogwa, te wai

† 32:1 2 Kin 25:1-7 †† Te ede wali po page tiwai po te Prs 25:25 tede me te po mu elalubo suao. ‡ 32:8 2 Kin 25:1-11; 2 Sto 36:17-21

te Maseago w̄aj n̄oq̄. Tama bidi hauwago eno te t̄o abeliyu ebo s̄e suali. Eno ama, Hananel, tama augwa te bomo yai pode nogi as̄ani bidi dabe me, tede dulaluali, te gasa Juda dabego me, tigidaligo eno te s̄e ebo suai dao. ¹³ Te bidi dabego tononalubadi, eno te Barukbolo te tiwai po walio, ¹⁴ "Israelgo God, aga Tigidali Bomo Elalubo Genuai Bidigo, agai te tiwai po wali, 'Baruk, nago te bomo yai po as̄ani pepa si selama, te si te sospen sene me deliba muao, te si dali si sesabi elama, bugagia munalumainao,' wali. ¹⁵ Magi baso meni, Israel God, aga te Tigidali Bomo Elalubo Genuai Bidi, agai te po wali, nosali te bidi dabego te be, me t̄o, me wain gi dabe te abelibo s̄e ma gagalaibao, e t̄o kantride,' agai te po wai," eno te po Barukbolo wali.

¹⁶ Baruk, te Neriago ogwago, te as̄ani bomo yai po sali dao, tialima, eno Genuai Bidiba te tiwai gedu haluasa po wai dao, ¹⁷ "O God, Genuai Bidi, te nago genuai bomogo nago te dagalu me t̄o nigai dao. Te nago is̄a yabo s̄e deli me elalube dao. ¹⁸ Sesemane sogo nago olo tau sabo wiegi yai kolesaga te umabo tausen we bidiba ebao. Tialima, te bidi me deligo dwai s̄e ebaso da, teda nago dwai dene mabo s̄e agabolo eyu, te aga wai dabeba yaibao, te aga yali dwai s̄e wei ponoyu tebao. God, nage polalubao, te nago bomo umabo elalubao, nago nogi e tiwai, Tigidali Bomo Elalubo Genuai Bidi dao. ¹⁹ Nago te wiegi yai s̄e dabe yabo homu kolesaga elalubao. Nago bomo elalu, te nago genuai s̄e dabe ebao. Nago te tigidali we bidigo ebo s̄e subo dao. Nago te bidi tigidali deli deligo ebo kolesaga dagalama, te augwa yali kolesagade usu nama, wei ponobo dao. ²⁰ Polobadu nago genuai bomai s̄e dabe te t̄o kantri Isipde yai. Tama nago te tobago deli kolesaga naga te da Israel tomode idubadi, te gasa hani we bidi tigidaliba me ebao. Tama tigidali hanigo nagebolo genuai nogi mabo dao. ²¹ Nago genuai bomogo, nago bomai s̄e elama, te tobago genuai s̄e hauwa te Isip dabe wi iliyu yalio. Tama te kolesagade nago da Israel dabe sai, te naga hani dabe, te Isipde selama, da odasa asai dao. ²² Tama nago te t̄o dabolo mani, te nago dago w̄aj n̄oq̄ bomai po d̄aj wali gilama yali. Te t̄o ili hauwa elalubaso, te nai dabe wiegi yai bugagia mu holai dao. ²³ Da hani dabego te t̄o selama, tede bidali. Tialima, te nago augwaliba mani tigidali po, me bomo yai po, te augwaligo wali me pabeo. Menio. Augwaligo nago po sela sayu, te nago bomo yai po bolalio. Tama tibaso, nago te dene mabo s̄e dabe da haniba yai dao."

²⁴ "Tibaso, te Babilon dabego te Jerusalem bagua sagaselama, te da dali hwjbo s̄e yai. Augwaligo te taun obo p̄ade t̄o du holama, te augwa tede dolalu boi hwjnama, te taun sainu yai. Te boi bidi dabe da dali hwjbaso, te da nai s̄q̄ pelama, te dwai gasi daba pedelali. Tialima, te Babilon dabego te Jerusalem saibao. Te nago po wali s̄e dabe, te pedelalio, te meggi nago subao. ²⁵ Mu tama, te Babilon dabego te taun sainogo yali. Tialima, God, Genuai Bidi, naga digi te t̄o abelao obaso, eno abelali, tama te bidi dabe seselama, augwa te

daꝝ wabo bomo yai pode nogi ašẽmainogo yai dao." Ena Jeremaia eno te gedu haluasa po wai dao.

²⁶ Tialima, Genuai Bidigo te tiwai po Jeremiaibolo wali, ²⁷ "Ena digi ena Genuai Bidi, ena te tõe we bidi hani tigidaligo God dao. Eno tigidali sę ebo usu dao. ²⁸ Tama ena Genuai Bidi, eno te taun Jerusalem te Nebukatnesarba mayu, te Babilon ami dabe dali mawaibao, te augwali Kaldia dabe dali mawaibao, te augwali Kaldia dabe augwaligo te taun selama, ²⁹ te augwaligo isi nogolama, te taun siago tigidali ulaibao. Tama te isigo te we bidi ugwaba holama, augwa be pedude te wiegi yai denami ilibo ofa te tibo god Balba iduali alta isigo daibao, te gasa god dabeba te wain ofa geludali. Tama te kolesaga idualigo te we bidi augwaligo ena haliga sębę dwai mu iliduai dao," wali.

³⁰ "Te Israel me Juda augwali te gesi hani elalubo sogo gagalama, te megi e sogoba usu nagasobao, te eno suali, augwaligo dwai kolesaga naga iduali. Ena Genuai Bidi, eno po dolo obao, sesemane sogo augwaligo te tibo god nigibo kolesagago ena haliga sębę iliduai dao. ³¹ Te augwaligo Jerusalem nigali sogo gagalasa, megi e sogoba usu nagasu, te Jerusalem augwaligo ena dwai haliga sębę ilalio. Tama eno te taun dolabo homu elama, te eno munu me sugobe dao. ³² Te tigidali Israel me Juda we bidigo ena dwai haliga sębę umagia mu ilama, te augwaligo dwai kolesaga haniani yali. Tigidali olo we bidigo me, te king dabego me, tobolu bidi dabe me, pris dabe me, profet dabego me, tigidali Juda we bidi me, Jerusalemgo me, te dwai kolesaga ebo dao. ³³ Augwaligo ena tudiba naga munama, te augwali ena pageba me asobeo. Eno hauwa sogo augwali ola mani, tiali goli, augwaligo eno po odisaꝝu, ma eno augwali ola momainogo ebeo. ³⁴ Augwaligo te kugumini yai tibo god piksa te bede ugwaba dodolali, te Israel dabego enaba digi lotu omainogo yai be dao. Tama te kolesagade augwaligo te be eno gedude meda mu ilibo dao. ³⁵ Tama augwaligo te tibo god Balba lotu wabo pesage te odogo bulu Hinomde nigai. Tama augwa wai dabe digi te tibo god Molekba ofa ilali. Tiali goli, eno augwalibolo te kolesaga yao po me wabeo. Tama me eno te tobage bomo yai po augwaliba maiabo homu munu me ebeo. Eno homugo augwaligo te kugumini yai kolesagago te Juda dabe hodolama, te dwai sę emainogo ilibo te eno hagela homu ebo dao," wali. ††

Genuai Bidigo aga we bidi dabeba dwagi yai sę yaibao po wai

³⁶ Genuai Bidigo te tiwai po wali, "Te we bidi augwaligo te po waibao, 'Te boi bidi dabego daba hwjagaselama, te da nai sqa palio. Tama dwai gasigo da dolobao. Tama tebo kolesagade te Genuai Bidigo te Babilon kingo te taun somainu ilalio.' Augwaligo te po waibao. Tialima, ena Genuai Bidi, ena dage Israelgo God, eno te taunde homu koneama, eno te gasa po me elalubao. ³⁷ Mu tama, eno augwalide dwai haliga sębę

† 32:34 2 Kin 23:10; Jer 7:30-31; 19:1-6 †† 32:35 Prs 18:21; 2 Kin 23:10; Jer 7:31

mu elama, wado genuaigia mu elama, eno te we bidi dabe te tigidali tõe kantriba sela saꝝwaibao. Tama eno augwali e tõe ma odasa aselama, te augwali ede bugagia bidimainogo yaibao. ³⁸ Tama augwali eno we bidi hani dabe bidiyu, te ena augwaligo God bidaibao. ³⁹ Te eno augwaliba deli homu kolesaga naga mobaso, te augwaligo deli sunumi naga wali paibao. Te augwali ena dologode sesemane sogo bidibaso, te eno wiegi yai sę augwaliba eyu, tama augwa hani wai dabe me bugagia bidaibao. ⁴⁰ Te eno gesi noma daꝝ wabo bomo yai po te augwaliba yaibao. Tama te daꝝ wali bomo yai po sesemane elalueibao. Eno te augwali wiegi yai bugagia ilibo kolesaga me tagalogobe po daꝝ walaibao. Te eno wiegi yai homu kolesaga augwaliba menama, te augwali ena dologode bidiyu, te augwaligo ena munu ma tagalogobeo. ⁴¹ Tama eno me te homu kolesaga deli naga elalu, te eno augwalide wiegi yai pemene elama, te augwaliba wiegi yai sę eyu, tama eno augwali te tõe bugagia bidimainogo ilaibao," wali.

⁴² "Ena Genuai Bidi, eno po ma te tiwai po obao. Hasia te eno dwai sę hauwa augwaliba pedalumainogo ilama, te augwali dolali. Tiali goli, nosali da, te eno wiegi yai sę augwaliba pedalumainogo ilama, te augwali bugagia mu tegaluama bidiyu, te eno augwaliba bomo yai po daꝝ wali tiwai gilama yaibao. ⁴³ Te we bidi augwaligo te po wali, 'Te tõe dolama, tama tede te bidi me hasa sibi me bidisiꝝwai, magi baso meni, Genuai Bidigo te tõe te Babilon dabeba mawai.' Augwaligo te po wali. Tialima, ena Genuai Bidi, eno te po obao, nosali te Juda dabe te augwa tõe ma bidagaselama, te augwa abeliyu, te tõe bidibolo menama abelebo mone ma siyu yaibao. ⁴⁴ Te bidi dabego tõe abelama, te tõe abelali daꝝ wabo bomo yai po ašẽaibao. Tama te bidi mebago gedude te augwa daꝝ wali po bebelama, te augwa daꝝ te mueibao. Te bidi dabego tõe abelama, bidibolo mayu ebo te Benjamin hanigo tõe me, te Jerusalem pađe tõe me, Juda gasa taun dabe badu me, te bulu dude me, te Juda pedai saut badu me, te giliga degasa dulubo dwasianu bulu badu me, te tõe abelama bidibolo mabo sę eyu yaibao. Te tama te sogo eno te Juda tõe kantri bugagia ma bidimainu yaibao. Ena Genuai Bidigo, eno te po wai dao," wali.

Genuai Bidigo aga daꝝ wali po usu naibao wali

33 Jeremaia kalabus elalu, te ami dabe pedai badu, te kingo genuai obo tomode bidibadi, tama Genuai Bidigo gasa po me mayu, te agabolo te tiwai po wali, ² "Ena Genuai Bidi, te eno te tõe nigilama, tama dodolama, aga elalubo madide daꝝ walai dao. Genuai Bidi wabo te eno nogi dao, te eno te tiwai po obao. ³ Te nago enaba i wao, tama eno nago te gedu haluasa po wabo wei ponaibao. Te geme dualalubo genuai nai dabe, te nago konesiꝝwani nai dabe po te nagebolo pusaibao. ⁴ Magi baso meni, ena Genuai Bidi, ena dage Israelgo God dao, eno te Jerusalem be dabe, me te Juda kingo be dabe me homu kone palobao. Te boi bidi dabego Jerusalem bagua sagaselama, tõe du holali,

te augwa tede dolalugulama, te taunba aiya hwjaino-go tialio. Te Jerusalem dabego augwa be dabego digi aluama, te masigi me ni nami selama, taun genuai obo aluali madi mugi pali, te obo daꝝ waliyu tiai dao. ⁵Tama augwa te Babilon dabe dali hwjigi pali. Tiali goli, eno wado po umagia mu weyu, te eno haliga seꝑe dwai mu te Jerusalem augwaligo ebo dwai kolesagade ebaso, te eno augwali tau sabo hagela yali. Tama tialima, te boi bidi dabego augwali ela munama, tama te isai bidigo tigi dabego te taunde be dabe paꝑana saibao," wali.

⁶"Tialima, nosali eno te taun tau selama, tama te taun dali, te we bidi dabe me, wiegi yai ma pedelaibao. Te eno wiegi yai sogo mu augwaliba menama, te augwali bugagia mu bidiyu, tama te boi bidi dabego augwaliba me hwjagasogobeo. ⁷Te sogode, eno te Juda hani dabe me, Israel dabe me, bugagia ma bidimaino-go yaibao. Tama eno augwali bomai hani pedalumaino-go elama, te polobadu tiwai yaibao. ⁸Augwaligo enade hagoma elama, dwai seꝑe yali. Tialima, eno augwaligo te dwai seꝑe sela saꝑama, te augwali eno gedude wiegi yai ma pedelaibao. ⁹Tama tigidali tꝑde we bidi hanigo eno te wiegi yai seꝑe tigidali te Jerusalemba ebo sulama, tama tebogo te hani dabe wiegi yai pemene elama, enaba bugai haliga eyu, enabolo genuai nogi mawaibao. Te hani dabego te Jerusalem bugagia dugulalubo sulama, te eno wiegi wiegi yai nai dabe te Jerusalemba mobaso, te augwali dwai noma mu selama, midigi umabo yaibao," wali.

¹⁰Tama nosali Genuai Bidigo te tiwai po wali, "Megi da, te we bidi dabego te po obao, 'Te taun dolama, te bidi me hasa te meni yalubao. Te Judago taun dabe, me te Jerusalem sunumi dabe olo elalubao, te bidi me hasa tede me elalubeo.' We bidigo te po obao. Tialima, ena Genuai Bidi, eno po obao, nosali te we bidi dabe te bulu pesagede ma bidaibao, ¹¹tama augwa bugai haliga elama, pemene eyu, tama augwa te we bidi we sabode nai ulubo sogo te nai tuyu, wiegi yai homu pemene yaibao. Tama te we bidi dabego buba hwi wabo ofa selama, te Genuai Bidi, eno beba sesaibao. Tama augwa te ofa nai sela asobo sogo da, teda augwa teꝑabi po e tiwai waibao,

'Dago buba hwi te Tigidali Bomo

Elalubo Genuai Bidiba wainao.

Agai dabolo wiegi yai seꝑe mu ebo dao.

Sesemane sesemane sogo agai da godolo mu ebo dao.'

Augwaligo te tobage balia po te sogo waibao. Magi baso meni, te sogo ena Genuai Bidi, te eno te tꝑe te polobadu elaluali tiwai wiegi yai ma elalueibao," te po wai dao. †

¹²"Ena Tigidali Bomo Elalubo Genuai Bidigo enote po obao. Megi da, te tꝑe me taun dabe dolali elalubao, tama bidi me hasa dabe tede me bidibeo. Tialima, nosalite we bidi dabe te bulude ma bidaibao. Te wiegi yai nosaima pedelama, te sipsip tonalubo bidi dabe te

tigidalitꝑ kantride te seꝑe ma ela paibao. Augwa te sipsip dabete wiegi yai nosai elalubo madi odasa pelama, tomanomaino-go yaibao. ¹³Tama augwa sipsip nedaibao. Tesꝑe te bulu dude elalubo taun dabede, me te dwasianu buludu dabede, me te tꝑe pedai Negev te saut Juda badu eyu, tama augwa te seꝑe Benjamin hani-go tꝑde, me te Jerusalempꝑade elalubo bulude, me te tigidali Juda taunde, te seꝑaibao. Te ena, Genuai Bidigo po dao," wali.

¹⁴Genuai Bidigo te tiwai po wai, "Eno te sogo medeli daꝝ elama, eno te Israel me Juda we bidi dabe dalidaꝝ wali po usu naibao. ¹⁵Te sogo eno te wiegi yai bidime deli te Devitgo hanide pedelaibao, te ni nologode gesi-ni hogodo holobo tiwai yaibao. Tama te bidigo wiegi yaidoloba pai kolesaga mu te tꝑde we bidi tigidaliba yaibao. ¹⁶Tama te sogo Juda dabe me Jerusalemdede me seꝑemeni yaibao. Te augwali bugagia dugulalueibao. Tamaaugwa Jerusalem nogi te tiwai waibao, 'Genuai Bidi agate dago doloba pai kolesaga page bidi dao.'

††17 Ena Genuai Bidi, eno te po obao, sesemane sogo te Israel hani dabede te king bidi te Devitgo hanide nagapedaludaibao. †18 Tama sesemane sogo te Livai hanide te pris dabe elalu, te tobage ofa dabe enaba yaibao, te siaba tigidali uluboofa, me te wit ulubo ofa, me te gasa ofa dabe ebo seꝑaibao," wali. ††

¹⁹Genuai Bidigo Jeremaïabolo te tiwai po wali, ²⁰"Ena Genuai Bidi, eno po dolo obao, eno bomu yai podaꝝ wali po te giligade me hulide dali yali, te augwa sisese-mane sogo eno augwa siba daꝝ ilali sogo ped-aliyuyaibao. Tama eno te daꝝ wali bomu yai po bidi medeligo me hasegelabo usu egobeo. ²¹Te tiwai naga, te niwai bidi me deligo te eno bomu yai po ena seꝑe bidi Devit dali daꝝ wali po me togogobeo, te king dabe agaihanide sesemane pedaludaibao. Tama me te Livai hani tepris dabe dali daꝝ wali bomu yai po, te niwai bidi megotogologobeo, te eno seꝑe bidi dabe dao. ²²Te bidi dabegote hꝑ dabe me nambisde masigi sani nedainu ebaso, usumu me egobeo. Te tiwai naga, te eno seꝑe bidi Devitgo hanidali, te Livai hani dabe me, te hauwa umabo pedelama, te bidigo nedabo usu egobeo," wali.

²³Genuai Bidigo te tiwai po Jeremaïabolo wali, ²⁴"Te we bidi augwaligo te po wabo dao, 'Polobadu Genuai Bidigo te Israel hani me Juda hani, te hani si teaga hani da olama, daꝝ ilama elaluai. Tialima, megid da, agai augwali tudiba muanio.' Te we bidi augwa te tobagepo weyu, te augwaligo eno we bidi dabe dolama, tamaaugwa homugo te eno hani we bidi hagawali homu ebodao. ²⁵Tialima, ena Genuai Bidi, eno po dolo obao. Eno daꝝ walali bomu yai po te giligade dali, hulide meeno bomu yai po tigidali te dagalude me tꝑde muai dao. ²⁶Mu tamao, eno te daꝝ walali bomai po te eno togogisogo da, teda eno te Jekopgo hani me, te eno seꝑe bidi Devitgo hani me, tudiba mugi da. Tiali goli, te kolesagamu egobeo. Menio. Te eno king te Devitgo hanidepedalumaino-go elama, te Abraham,

† 33:11 1 Sto 16:34; 2 Sto 5:13; 7:3; Esr 3:11; Tib 100:5; 106:1; 107:1; 118:1; 136:1

†† 33:16 Jer 23:5-6 † 33:17 2 Sml 7:12-16; 1 Kin 2:4; 1 Sto 17:11-14 †† 33:18 Nam 3:5-10

me Aisak, me Jekop, te hani dabe tonalumainogo yaibao. Te eno olo tau sabo wiegi yai kolesaga te hani dabeba eyu, te augwali bugagia ma bidimainogo yaibao," wai dao.

Genuai Bidigo king Sedekaiade po elaluai

34 Genuai Bidigo po Jeremaiabolo mani, te Babilon king Nebukatnesar aga ami dabe daligo te Jerusalemba me Judago taun dabe hwjagasali. Nebukatnesargo amigo te tigidali t̄q kantri bidi dabe dali, te tigidali we bidi dabe dali, te king Nebukatnesargo tonaluai. Tialima, Genuai Bidigo Jeremaiabolo te tiwai po wali, ^{†2} "Ena Genuai Bidi, ena dage Israelgo God, eno te po obao, nage te king Sedekaiaba pelama, agabolo te tiwai po wao. Ena Genuai Bidi, eno te taun te Babilon kingba menama, siago ulumainogo yaibao. ³ Sedekaia, te nage agade wi me pogobeo. Menio. Te augwaligo nage pageabi elama, te nage agaba sela pelama, te duga si dolalu, po miaibao. Tama augwaligo nage te Babilonba odasa paibao. ⁴ Tialima, Juda king Sedekaia, te Genuai Bidi eno gasa po bugagia odao. Eno e tiwai po nagede elalubao. Augwaligo nage me ela mugobeo. ⁵ Menio. Te nage bugagia bidama, te nage isaibao. Te nage isali sogo da, te augwaligo wiegi yai denami ilibo hano holobo pauda te nageba genuai nogi mayu ulaibao, te polobadu nago w̄j n̄q̄ dabe te Juda king bidali sogo yali tiwai nageba yaibao. Te augwa hobedai gela weyu, te po waibao, 'Dago genuai bidi, hobede mu ebao,' tama waibao. Ena Genuai Bidigo, eno te bomo yai po d̄q̄ wali tiwai gilama tiwai pedelaibao," wali.

⁶ King Sedekaia te Jerusalemda bidibadi, tama profet Jeremaia go te po tigidali agabolo pusugi pali. ⁷ Te sogo te Babilon kingo ami bidi dabego te Jerusalemba hwjagasobo s̄q̄ elama, te taun Lakis me Aseka taun side hwjani. Te boi bidi dabego te t̄q̄ kantri Judade te tigidali gasa taun te bomai obo elaluali te salio, tama te taun sela naga elaluai dao, te Jerusalem, me Lakis, me Aseka, te taun dabe.

Te Juda dabego te olo s̄q̄ ebo bidi dabeba dwai s̄q̄ yalio

⁸ Te king Sedekaia dali, te Jerusalem we bidigo dali, te bomo yai po d̄q̄ weyu, te augwalide olo s̄q̄ ebo bidi dabe, olo s̄q̄ ebo we dabe tagala palama, olo pomainao po wai dao. ⁹ Augwa te tama po d̄q̄ wai. Te Israel dabe me deli augwa abagide olo s̄q̄ ebo bidi me olo s̄q̄ ebo we bidibaso da, teda aga tonalubo bidigo aga olo pomainogo tagala palao. Te Juda dabego te augwa abagi dabe te olo s̄q̄ ebo bidi me olo s̄q̄ ebo we bidimainogo me elamu dao. ¹⁰ Te tobolu bidi hauwago me, te gasa we bidi hauwago me, te d̄q̄ wali po te usu da wali, tama tigidali d̄q̄ weyu, augwa te olo s̄q̄ ebo bidi me, olo s̄q̄ ebo we me tolalugobeo wali. Augwa po mia selama da, teda augwa olo pomainu tagala palai. ¹¹ Tialima, nosali augwa homu hasegelama, te

bidi dabe me we dabe ma selama, tama augwali te olo s̄q̄ ebo bidi me, olo s̄q̄ ebo we pedalubo s̄q̄ ma yalio.

¹² Tialima, te sogo Genuai Bidigo po Jeremaiabolo te tiwai wali, ¹³ "Ena Genuai Bidi, ena te Israelgo God dao, eno bomo yai po dagego w̄j n̄q̄ dabe dali d̄q̄ wali. Eno augwali te Isipde sali, te kalabus s̄q̄ yali bulude, tama eno augwali odasa aselama, tama nosali eno te bomo yai po augwali dali d̄q̄ wali. Te d̄q̄ wali bomo yai pode te tiwai po wali, ¹⁴ "Te a naga olama, me badu si te kibu be tigidalide, dagego te duga abagi dabe te olo s̄q̄ ebo bidi me we dabe te tagala palama, te augwa olo pomainao. Te abagi dabe dagego olo s̄q̄ ebo bidi, me olo s̄q̄ ebo we dabe, te dagede olo s̄q̄ ebaso da, teda augwaligo dagego s̄q̄ ebo te kibu be a naga me badu delide naga s̄q̄ emainao, tama nosali dagego augwali olo tagala palao.' Te dagego w̄j dabego te po koneani, tiali goli, augwaligo eno po odama, te augwaligo wali pabeo," wali. ^{††}

¹⁵ "Hasia dagego me te po wali me pis̄awai. Tialima, te sesabi elama gana bidisiq̄badi, te dagego haliga begelama, te doloba pai kolesaga eno gedude yalio. Te dage deli deligo te abagi dabeba weyu, augwali munu me te olo s̄q̄ ebo bidi me s̄q̄ ebo we bidigio wali. Tama me, dage te eno bede dolalu, te eno gedude bomo yai po d̄q̄ wali, te abagi dabe augwali olo pomainao olama, tagala palai dao. ¹⁶ Tialima, megi da, dagego homu ma hasegelama, tama te we bidi dabe augwa homu wali pelama, te olo bilali, dagego augwali ma selama, te augwali dagego olo s̄q̄ ebo bidi me s̄q̄ ebo we ma pedelali. Te kolesaga yaligo te dagego eno genuai nogi aiyaba elaluali tiwai yali dao," wali.

¹⁷ "Te pagede, ena Genuai Bidi, eno te tama po obao. Dagego eno po wali me pis̄ama, te dagego te ama dabe, me abagi dabe, augwaligo dage tagalama, pomainao po wabeo. Tama tialima, odao. Ena Genuai Bidi, eno dagebolo weyu, te eno dage tagala palaiba po odubao. Awe, te dage tagala palama, isigi pagameo. Te boi bidi dabego dage ela mueibao, te dage dwai gasi selama isaibao, te dage nai me s̄q̄ pelama, nasi-go isaibao. Tama te gasa t̄q̄ kantri we bidi dabego eno te s̄q̄ dageba yali po odolama, te augwali wi elama, nogo hogwayu, midigi dwai mu yaibao. ¹⁸ Dagego te bomo yai po eno gedude d̄q̄ wali sogo, dagego te bomo yai po d̄q̄ wabo kolesaga wali pelama, tama dagego te bulmakau me deli elama, te pedali asegai si pedelai. Tama dage te bulmakau pedali asegai si badu tomode bilali. Tialima, nosali dage we bidi hauwago te d̄q̄ wali bomo yai po bolali. Tama tialima, eno augwali dagego te elali bulmakau yali tiwai pedelaibao. ¹⁹ Eno te bulmakau pedai asegai si tomode bidali we bidi tigidalide te tiwai s̄q̄ yaibao. Te Juda me Jerusalem tobolu bidi dabe, me te kingo bede bidibo ofisa bidi dabe, me pris dabe, me te gasa we bidi dabe tigidali dao. ²⁰ Te augwali eno te boi bidi dabego nogoba munama, te boi bidi dabego augwali ela mueibao, tama te ba dabe me hasa dabego te augwaligo tigi tuagasaibao.

† 34:1 2 Kin 25:1-11; 2 Sto 36:17-21

†† 34:14 Sai 21:2; Bom 15:12

²¹ Tama me, eno te king Sedekaia dali, te aga ofisa dabe dali, te augwali ela muabo boi bidi nogoba mueibao, te Babilon kingo ami dabe nogoba mueibao. Mu tamao, te Babilon dabego dage tagalama palio, ^{†2} tialima, ena Genuai Bidi, te eno po obaso, te augwali ma aselama, te Jerusalemba hwjnama, te taun saibao. Tama augwaligo te taun siago ulaibao. Tama eno te Juda taun tigidali dolama, tama te taun dabe olo elalu, tama bidi tede me bidigobe dao," wali.

Rekap dabe augwaligo te augwa waj nõy dabego po bugagia wali pali

35 Te Jehoiakim, te Josaiago king ogwa, te Juda king bidali sogo, Genuai Bidigo ena Jeremiaibolo te tiwai po wali, ^{†2} "Nage pelama, te Rekap hani bidi sugi pelama, te augwali dali po minama, te augwali ena Genuai Bidi, eno be habu me deliba odasa asao. Tama nago te wain augwaliba menama, te augwaligo tumainogo yao," te po wali. ³ Genuai Bidigo po obaso da, teda ena pelama, te Rekap hani me deli sugi pali, aga nogi te Jasia da. Aga da, te gasa bidi Jeremiaigo ogwa, te Habasiniago waj nõy. Te eno aga dali, aga ama dabe me, aga ogwa dabe me sobadi, te gasa Rekapgo hani bidi tigidali me selama, ⁴ tama eno augwali te Genuai Bidigo beba odasa pali. Tama eno augwali te Hanango hanigo be habuba odasa pali, te Ik-daliago ogwa dao. Hanan te Godigo po wali pabo bidi me deli bidai. Te be habu te Genuai Bidigo bede bidibo ofisa bidi dabego be habu pade elaluali, te Maseago be habu ugwadu daide elaluali, te Salum ogwa. Masea te Genuai Bidigo bede te polalubo ofisa bidi me deli dao. ⁵ Tialima, eno te kap wain selama, te Rekapgo hani dabeba mani, tama eno te tiwai po augwaliba wali, "Tegoba, dage tuiqo," te po wai.

⁶ Tialima, augwaligo po wei ponoyu, te tiwai po wali, "Hobede yao, dago te wain tugobeo. Magi baso meni, dago waj nõy Jonadap, te Rekapgo ogwa, agai bomo yai po me deli dabolo menama, tama dabolo dali te dago haniba habu selama, dago te wain aj tugio wai dao. ⁷ Tama me agai te po weyu, dago te be me se igio olama, te gi dabe bulugio wali, te dago wain gi dabe me bulugobeo. Menio. Sesemane sogo da te ugwa bede naga bidalueibao. Dago te po wali pobaso da, teda da polo me isigobeo. Menio. Te da bobobage sogo sesabi elama, te tõe bidaibao. ⁸ Tama sesemane sogo dago te po tigidali wali paibao, dena waj nõy Jonadapgo dabolo mawai. Dago dali, te we wai dabego me, dago te wain tubo menio. ⁹ Tama dago te be me se isama, tama dago te wain gi dabe me, gasa gi dabe me, elalubeo. Menio. ¹⁰ Da te ugwa bede bidalu, tama tebo kolesagade dago te Jonadapgo dabolo mani po tigidali wali pabo dao. ¹¹ Tiali goli, Nebukatnesar, Babilon kingo, te tõe kantriba hwjagasali sogo, da te Kaldia me Siria ami dabede wi elama, tama dena po mia selama,

† Te buku Jeremiaide elalubo po dabe te se dabe pedelali sogo te wali bugagia me pabeo. Jeremiaigo te po pusali sogo, te pedelali se dabe, te Jer 37:5 me 37:11, tede te po elalubao. †† 35:1 2 Kin 23:36; 24:6; 2 Sto 36:5-7

te Jerusalemba bidagasaibao wali. Tialima, megii da te Jerusalemba bidibo dao," te po wali.

¹² Augwa po ola silibo si da, teda Genuai Bidigo Jeremiaibolo te tiwai po wai dao, ¹³ "Ena Israelgo God, Tigidali Bomo Elalubo Genuai Bidi, eno po obao, nage pelama, te Juda dabeba me Jerusalemba te tama po wagi pao. 'Ena Genuai Bidi, eno dagebolo te eno po wali pabo kolesaga ola mawainogo ebo dao.

¹⁴ Polobadu Jonadap, te Rekapgo ogwago, aga hani dabeba te po weyu, augwaligo te wain tulamuo wali. Te megii tama me, te Rekap dabego te augwa waj nõygo wali po bugagia wali pelama, tama augwa te wain me tubeo. Tiali goli, eno dageba hauwa sogo po madu geai, te dagego eno po me odoobo menio. ¹⁵ Hauwa sogo eno se bidi, te profet dabe, te dageba tagala palidu geai. Tama augwa te po wali, dage deli deligo te duga homu begelama, dwai kolesaga tagalama, te duga kolesaga dodolao. Te dagego tibo godiba tibo po ola mayu, te augwaliba lotu me wagimio. Dagego eno te po wali pobaso da, teda dage te eno duga waj nõy dabeba me dugaba me mani tõe bugagia bidaibao. Te profet dabego te tobage po pusali, tiali goli, dagego eno po me odisayu, te wali me pabeo. ¹⁶ Te Jonadap hani, te Rekapgo ogwa te bage, augwaligo te augwa wajigo po bugagia wali pali. Tiali goli, dage we bidi dabego eno po wali me pabeo. ¹⁷ Tama tialima, ena Genuai Bidi, ena Tigidali Bomo Elalubo God, ena Israelgo God, eno te po obao. Dage Juda me Israel we bidigo, odao. Polobadu eno po dageba pusali, tiali goli dagego te poba olo me mubeo. Eno dage i wali, tiali goli dagego eno i wali wei me ponobeo. Tama tibaso, eno te dwai dene mabo se tigidali dageba pedalmainogo ebao, eno te se yaibao po wai dao,' te po te Jerusalem bage dali te Juda bagebolo pusigi pao," Genuai Bidigo Jeremiaibolo wali.

¹⁸ Tialima, nosali Jeremiaigo te Rekap dabeba te tiwai po wali, "Tigidali Bomo Elalubo Genuai Bidi, te Israelgo God, agai te po wali, 'Dagego te duga waj Jonadapgo po odama, tama dagego agai po tigidali wali peyu, tama dagego te agai dagebolo yao po wali se tigidali ebo dao. ¹⁹ Tama tialima, ena, Tigidali Bomo Elalubo Genuai Bidi, eno te po obao, sesemane sogo Jonadapgo hani, Rekapgo ogwade, te eno se yabo bidi dabe augwali hanide elalueibao,' Genuai Bidigo te po dagede wali," Jeremiaigo te po wai dao.

Jeremiaigo Barukba hanaluama, te we bidiba te po nedemainogo yali

36 Te Jehoiakimgo kibu be me si me si elalubadi, te Josaiago ogwa, te Juda king bidali sogo, Genuai Bidigo Jeremiaibolo mayu te tiwai po walio, ^{†2} "Te buku me deli selama, te eno nagebolo mabo po tigidali aseao, te se dabe te Israel, me Juda, me gasa bulu tõe kantri dabeba pedelaibao. Nago te po tigidali aseao, te hasia sogode mu gagalama, te eno nagebolo mawai, te king Josaiade gagalasa, te megii e sogoba usu nagasobao. ³ Te tigidali Judago eno te dwai se

† 36:1 2 Kin 24:1; 2 Sto 36:5-7; Dan 1:1-2

augwaliba yaiba po wabo odobaso da, teda augwa homu begelama, te bidi deli deli augwa dwai kolesaga tagalomainao. Tama tiyu da, eno te augwa yali dwai sę yali sęęę elaluali sela saŋaibao," po wai dao.

⁴ Tialima, Jeremaia go te Neriago ogwa, Baruk i olama, asali. Tama Jeremaia go te Genuai Bidigo agabolo mani po tigidali pusama, tama Barukgo te po buku me delide aseai dao. ⁵ Tama nosali Jeremaia go Barukbolo te tama po wali, "Ena digi ena te Genuai Bidigo beba me pogobeo. ¹⁶ Tialima, eno homugo eno nagebolo te aseao wali buku nago selama, tama te Genuai Bidigo beba nage pelama, tama Genuai Bidigo te po te we bidi dabeba nedao. Nage te nai habu selebo genuai side me deli pagameo, magi baso meni, te Juda taun we bidi dabe Genuai Bidigo beba te side pelama bidibadi, tama augwaligo me te po odomainao. ⁷ Genuai Bidigo wado eyu, haliga sębę umabo mu te we bidi dabeba ebao, tama agai dene mabo sę augwaliba yaiba wali. Tialima, te we bidi deli deli augwa te dwai sę ebo kolesaga tagalaiba homu eyu, te Genuai Bidiba gedu haluasa po obaso da, teda agai augwaligo gedu haluasa po wabo odaibao," wali.

⁸⁹ Tialima, te polua 9 wabode, te kibu be a nagade te Jehoiakim te Juda king bidali sogo, te we bidi dabe augwa te nai gisilama, te Genuai Bidiba lotu weyu bidabo sogo daj me deli ilali. Tama tigidali Jerusalem we bidi me, te Juda taun we bidi dabe me, te Genuai Bidigo beba sisinagasali. Te side Barukgo te Jeremaia go agabolo wali po gilama tigidali sę yali. Agai te Genuai Bidigo po elalubo buku selama, aga te Genuai Bidigo beba palio. ¹⁰ Aga te Genuai Bidigo be tomoba doligi pelama, tama Jeremaia go po te bukude elalubo po tigidali nedelama, te tigidali we bidigo odali. Barukgo te buku nedebo sogo, aga te be habu sunumi me deliba doligi pali, te Gemariago be habu, te Safango ogwa. Polobadu Safan te kingo kuskus sę ebo bidi bidali. Te be habu te sisinibo pesage ugwadu elaluali, te Genuai Bidigo be sunumi pađe, augwa nogi eyu Gesi Sunumi Dao wai.

Barukgo buku te kingo ofisa dabeba nedali

¹¹ Mikaia, te Gemariago ogwa, te Safango bulali waj, aga te Genuai Bidigo bede bidai, tama Barukgo Genuai Bidigo po te bukude nedebo odalio. ¹² Tialima, aga te kingo beba aiya dulali. Tama aga te kingo kuskusgo be habu tomoba pali, te tigidali kingo tobolu bidi ofisa dali, te kuskus Elisama te sisinama, po mibo be habu elaluali. Te ofisa dabego nogi e tiwai dao, Delaia, te Semaiago ogwa, Elnatan, te Akborgo ogwa, me Gemaria, Safango ogwa, me Sedekaia, Hananiago ogwa dao. Te gasa ofisa tigidali me bidalio. ¹³ Tama Mikaiago te Barukgo te we bidi augwaliba te po nedebedi, agai odali po te augwaliba pusali.

† Dago konebe, magi baso te Jeremaia Genuai Bidigo beba me pogobeo wai. Te gegunai bidi dabego aga me pigio olama, habu selibaso, te aga pogobe homu yali, ma aga wi homu eyu, tiyu augwaligo aga dolidali homu eyu yali, ma aga gasi elalubaso, te aga pogobe wali homu yai dao.

¹⁴ Te ofisa dabego te Mikaiago po odama, tialima augwaligo te bidi me deli tagala palama, te Baruk sigi pai. Te bidi aga nogi Jehudi, te Netaniago ogwa, te Selemiago bulali waj da. Tama Selemia te Kusigo ogwa. Tialima, Jehudigo Barukba te tiwai po wagi pali, "Nago te we bidiba nedali buku selama asao." Tialima, Barukgo te buku selama, te ofisa dabeba sesalio. ¹⁵ Aga sabalobo si da, teda te ofisa dabego agabolo te tiwai po wai, "Nage duagulama, te buku nedama, dago odaibao," wali. Tama Barukgo te bukude po augwaliba nedalio. ¹⁶ Augwaligo te bukude nedali po tigidali odama, te augwali wi elama, te midigi dwai mu siyu, te augwa hasiba digi tonono palio. Tama augwaligo Barukbolo te tama po wali, "Mu tama dao, dago kingba te sę yabo po dabe pusugi paibao," wali. ¹⁷ Tama augwaligo Barukba te tiwai po hanalu wali, "Nago dabalo wao. Magi elama nago te po aseai dawe? Te Jeremaia go po odubadi, nago aseai dawe?" ¹⁸ Tama Barukgo te po wai, "Te dolo dao. Jeremaia go enabolo te tigidali po mobaso, tama eno te asebo nai medabu selama, te eno agai po te bukude aseai dao," wali. ¹⁹ Tialima, ofisa dabego Barukbolo te tiwai po wali, "Nage pelama, Jeremaia selama, dage si geme dula sigi pao, tiyu genuai bidi dabego te po odama, te dage si dali wado yabuo. Te dage si dula sigi pabo pesage te bidi me deligo konemainogo me elamu dao," wali.

Te bidi me deligo te bukude po kingba nedali

²⁰ Tialima, te ofisa dabego Barukgo nogode te buku selama, te Elisamago be habuba muani, te kingo kuskus dao. Tama augwali hodasa pelama, king te bidi sisinibo pesageba sugi pelama, tama augwaligo agabolo te sę pedelali po pusalio. ²¹ Kingo te po odama da, teda agai te Jehudi tagala palama, te buku sigi pali. Jehudigo te buku te Elisamago be habude selama, te kingba dali, te king pađe dolaluali ofisa dabeba me nedalio. ²² Te polua 9 wabode te sę dabe pedelali, te kedau sogo ebadi. Te sogo te king aga te kedau sogo bidibo bede bidibadi dao. Aga te isi pađe dugulalu, te aga tigi posolo iliyu, isi gogo neduai. ²³ Jehudigo te buku nedebo ebadi, te agai po meba nedela silibo si da, teda kingo te dwasianu hwa ge selama, tama te Jehudigo nedela silali pepa pedai te hwa gego tologolama, te isiba saŋwai, kingo te tama sę ela pidu pidu genama, te buku tigidali ula silai dao. ²⁴ King dali, aga ofisa dabego me, te bukude po tigidali odali, tiali goli augwa te wi dwasianu me isaŋa, te augwa ugwa dabe pisilama, te augwa yali kolesaga homu dene ebo me ola mabeo. ²⁵ Elnatan, me Delaia, me Gemaria, te bidi selago te buku isiba ulugio po bomo yali, tiali goli kingo augwaligo po me odobeo. ²⁶ Tama kingo aga ogwa, Jeremelbolo bomo yai po muani, me te Seraia, te Asrielgo ogwa, me Selemia, te Apdelgo ogwa, te augwali pelama, te profet Jeremaia, me kuskus Baruk, te augwali si pageabi igi pomainogo tagala palali. Tiali goli, Genuai Bidigo augwali si geme dualama, tama augwaligo te bidi si me subeo.

Genuai Bidigo Jeremaibolo te gasa buku asęao po wai

²⁷ Kingo te Barukgo asęani buku siaba ulali tudi badu nosali, Genuai Bidigo Jeremaibolo te tiwai po wali,
²⁸ "Gasa buku me selama, te king Jehoiakimgo isiba ulali bukude asęani po tobage tiwai naga ma asęao," wali.
²⁹ "Tama me, nago kingba te tiwai po asęao, 'Ena Genuai Bidi, eno te po obao, king Jehoiakim, naga digi te buku isiba uluyu, nago te tiwai po wali, "Dego te Jeremaibolo obaso, te Babilon king te aselama, te tų kantri dolama, te tigidali we bidi ela muyu, te hasa sibi me ela mueiba po asęai dawę?"
³⁰ King Jehoiakim nago te tobage po wali, tama ena Genuai Bidigo, eno nageba homu koneama, eno te po obao, te nago hani bidi me deli te king pedelama, te Devitgo sia kingde me dugulugobęo. Te Jehoiakim nage isibo si da, teda augwaligo nago tigi te tųba sęnama, te giligago posolo ilama, te hulide ais agaba tulalueibao.
³¹ Te eno nagebolo me, te nago wai dabęba me, te nago ofisa dabęba me, te dwai dene mu ilama, te dagego dwai kolesaga yali wei ponaibao. Te eno dwai dene me sęęę mabo sę te Jerusalem me Juda we bidi dabęba yaibao, te eno yaibao po wali gilama te sę yaibao. Eno te bukude asęani po augwaliba mani, tiali goli augwaligo me odobęo, te po te king Jehoiakimbolo asęao" Genuai Bidigo Jeremaibolo wali.

³² Tialima, Jeremaia go gesi buku selama, te kuskus Barukbolo mawai. Tama Jeremaia go te king Jehoiakimgo isiba ulali bukude elaluali po tigidali ma pusai. Tama me agai te gasa po te po tobage tiwai naga pusali. Tama Barukgo te tigidali po te gesi bukude asęai dao. †

Godigo dwai dene te Juda dabęba me Jerusalemba mani, te Jeremaia go po wali gilama yali

(Daj 37:1-40:6)

Genuai Bidigo te king Sedekaiade po elalui

37 Te Babilon king Nebukatnesargo te Sedekaia daj ilali, te Josaiago ogwa, te Juda king pedalumainogo yali, te Jehoiakimgo ogwa hasegelimainogo yali, te Jehoiakin, agai gasa nogi me Konia dao.
^{†12} Jeremaia go Genuai Bidigo agabolo mani po pusali, tiali goli, Sedekaia dali, aga ofisa dabęgo me, te tigidali we bidi me, te poba bugagia olo me mubeo.
³ Me sogo deli sogo king Sedekaiago Jehukal tagala palali, te Se-

† Te kolesaga koneani bidi hauwago homugo te gesi bukude po dabe te megi elalubo me polasa elaluali po te buku profet Jeremaia go po megi nago nedębao homu yali. Tiali goli, te me badu pedai mu augwali e sogo asęani te dago mu konebeo, te mena badu pedai augwaligo te nosali wadolama yali homu ebae. Te e po page me te Daj 37:1 tede suao, me te 2 Kin 24:17; 2 Sto 36:10, tede me te po page elalubao. †† 37:1 2 Kin 24:17; 2 Sto 36:10

lemiago ogwa, te pris Safanaia dali, te Maseago ogwa, te profet Jeremaia sugi pelama, agabolo te tiwai po wali, "Kingo homugo nago te Godiba gedu haluasa po omainogo yali, te dago Genuai Bidi dao, te agabolo hanaluama, te da tigidali bugagia bidainogo obao," wali.
⁴ Te sogo te Jeremaia augwaligo kalabus isąbadi, te aga homugo ugwa peyu, eda asu yai dao.
⁵ Tama me, te sogo te Babilon ami dabęgo te Jerusalem taga palio, magi baso meni, augwaligo te tiwai po odali, te Isip kingo ami dabe te Isip tagalama, te Jerusalemba asobo sunumidu asobao wali.

⁶ Tialima, Genuai Bidigo po Jeremaibolo menama, tama Jeremaia go Jehukal me Sefanaibolo pusali. Genuai Bidigo po te e tiwai dao,
⁷ "Ena Genuai Bidi, ena dage Israelgo God, eno te po obao, te Juda kingo dage si enaba tagala palama, te eno dage tau sogowe, ma meniwe, koneainogo yai. Tialima, nago kingba te tiwai po walao. Te Isip kingo dage tau sainogo te Isip ami dabe asali. Tiali goli, augwali dageba me pedalugobęo. Menio. Augwali te sunumide begelama, augwa page buluba ma paibao.
⁸ Tama te Babilon dabe ma aselama, te Jerusalemba hwįnama, te taun saibao. Tama augwa taun te isigo ulaibao.
⁹ Ena Genuai Bidi, eno po dolo obao, duga digi duga tibo po ola mayu, te po waggio, 'Te Babilon dabe Jerusalemba me asogobęo, augwali gasaba mu soaibao' te tobage tibo homu me igimio. Augwali geasa ma asaibao.
¹⁰ Te dagego Babilon dabe dali hwįnama, te augwaligo ami tigidali aiyaba elaluama, te dagego augwali ami bidi dabe hauwa ela mugi sogo da, teda tagalao, te hwįnama tigi dabe dolali ami dabe te augwa ugwa bedę bidaluama, tialima, te bagego digi hogodama asiyu, te taun isigo ulubu usigi da," te po wai dao.

Augwaligo Jeremaia kalabus yali

¹¹ Te Babilon ami dabęgo te Isip kingo ami bidi dabe asobo po odali. Tama tibaso, te Babilon dabęgo Jerusalem tagalama, augwali dali hwįgi pai dao.

¹² Tama te sogo Jeremaia go te Jerusalem tagalainu yali, te Benjamingo hanigo tųba pelama, te aga deli hani dabęde tų me deli sigi pabo homu yali.
¹³ Aga pelama, te Jerusalem genuai obo sunumiba sabaligi pali, augwa nogi eyu Benjamingo Sunumi da wali. Tama ami augwa tobolu bidi ofisa me deligo te we bidi ugwa peyu, eda asu ebo sunumide tonaluali. Te ofisa bidi nogi, Iriya, te Selemiago ogwa, te Hananiago bulali waj. Tialima, Iriyago Jeremaia pageabi elama, te po wai, "Eno koneani, nage wi pelama, te Babilon dabe dali bidigi painogo ebae," te po wai.
¹⁴ Tialima, Jeremaia go wei ponoyu, te po wali, "Nago tibo po obao. Ena te Babilon dabęba pabo menio." Tiali goli, Iriyago agai poba homu mubeo. Tialima, agai te Jeremaia pageabi elama, aga te tobolu bidi dabęba selasa pai dao.
¹⁵ Te tobolu bidi dabęgo Iriyago po odama, te augwaligo Jeremaia dali wado po dwai mu wali. Te augwaligo aga keloago elama, te aga kalabus ilama, te kuskus Jonatango beba muani, magi baso meni, te Jonatango be augwaligo te kalabus be tiwai pedelama

elaluai dao. ¹⁶ Te bede te kalabus be t̄ dologode elalu-ali, tama augwaligo Jeremaia te habuba munama, te aga sesabi sogo elama, tede bidai dao.

¹⁷ Tama nosali, Sedekaiago augwaliba walama, te Jeremaia odasa aselama, te kingo beba suagasao wali. Tialima, Sedekaiago agai yali s̄ augwaligo sumainogo me ebeo. Augwaduba si naga bididu, te Sedekaiago Jeremaia bolo te tiwai po hanalu wali, "Genuai Bidigo nagebolo po me deli maniwe, ma meniwe?" Tama Jeremaia go te po wali, "Awe, Genuai Bidigo po me deli mawai. Te po e tiwai dao. Augwaligo nage te Babilon kingo nogoba mueibao." ¹⁸ Tama Jeremaia go Sedekaiago te tiwai po hanalu wai, "Eno nageba dwai s̄ s̄ yai s̄ ebaso, te dagego ena kalabusiba muai dawew?"

¹⁹ Nago profet dabego te profet po te tiwai pusali, 'Te Babilon kingo nageba me, te t̄ kantriba me, hw̄jaga-sogobeo,' wali. Tialima, megi da, te profet dabe mena bidibawew? ²⁰ Tiali goli, genuai bidi, eno te nai me deli nagebolo hanalu obao. Eno homugo nago olo tau sabo wiegi yai kolesaga enaba elama, te nago ena te kuskus Jonatango beba ma tagala palamuo. Tiyu, ena agai bede bidu da, te ena isaibao," wai. ²¹ Jeremaia go po ola silibaso da, teda king Sedekaiago d̄ wabo po olama, te augwaligo Jeremaia kalabus elama, te ami dabe badu te kingo be mesalo obo tomode bidali. Te kingo me te po wali, te tigidali sogo augwaligo te bret deli te bret nigibo bede selama, te Jeremaia bolo magasu yali. Te tigidali bret te taunde silibaso, te tama me tegobeo. Tama Jeremaia kalabus elama, te ami dabe pedai badu bidai dao.

Augwaligo Jeremaia te t̄ dedage me deliba muai

38 ¹⁻³ Jeremaia go te tiwai po te we bidi dabeba pusali, "Genuai Bidigo te po wai, te taun tomode bidibo we bidi dabe, te augwali isaibao. Te boi bidi dabego augwali ela munama isiyu, ma augwali te nai s̄ pelama isiyu, ma te dwai gasigo augwali dolama isiyu yaibao. Te augwali bidibo ula dali bidabo homu eyu da, augwali te taun tagalama, te Babilon ami dabeba pao. Augwali te Babilon dabego tola somainogo elama, te augwali isidali weyu tiao. Tama me, Genuai Bidigo te tiwai po wali, 'Eno te Babilon kingo ami bidi dabego te taun somainogo yaibao,' te po wai," Jeremaia go wali.

Tama kingo ofisa bidi mebago Jeremaia go te po wabo odali. Augwali nogi e dao, Sefatia, te Matango ogwa, te Gedalia, te Pasurgo ogwa, me Jehukal, te Selemiago ogwa, te gasa Pasur, te Malkiago ogwa dao. ⁴ Te kingo ofisa dabe mebago kingba te tiwai po waligi pali, "Jeremaia isimainao," wali, "magi baso meni, agai pogo te taunde bidalubo ami bidi dabe me, we bidi dabe dali, bomo kimi tamunai. Te bidigo augwali bugagia bidimainogo me ebeo. Menio. Agai augwali dolomainogo ebo dao," wali. ⁵ Tialima, king Sedekaiago augwaliba te tiwai po wei ponani, "Te dage nogode bidibao. Eno dage me paligobeo," wali. ⁶ Tialima, te ofisa dabego Jeremaia te ā ulu me deliba sela pali. Tama augwaligo aga nogode te baklain bono gebela-

ma, tama te baklain bono te dedage pageba tatagalo dulali. Tialima, te dedagede w̄ meni yai elaluai, t̄ pu naga elaluai. Tama Jeremaia te dedagede dolaluai sogo, agai s̄ t̄ tomoba pali. Te Malkiago dedage, te kingo ogwa, te ami dabe pedai badu te kingo obo tomode elaluai.

⁷ Ebetmelek, te t̄ kantri Sudan bidi, aga te kingo bede ofisa bidi me deli da, agai odali, augwaligo Jeremaia te dedageba muani po wali. Te sogo king agai te moni obo sunumi me delide bidali, augwaligo te Benjamingo sunumi wabo, aga tede dugulalu, te we bidi dabego po t̄ odolubadi dao. ⁸ Tama Ebetmelek te kingo be tagalama, te kingba po waligi peyu, te tiwai po walio, ⁹ "Edao, genuai bidi, te bidi dabego dwai kolesaga mu Jeremaia bolo yalio. Augwaligo aga te dedage me deliba s̄ wanio. Tama aga te dedagede bididubaso da, teda aga nai menia selama, te aga isaibao. Nago koneani, te taunde nai mu s̄ pai dao," wali. ¹⁰ Kingo te po odama, te agai Ebetmelekbolo te tiwai po wali, "Nago te ena dali bidibo bidi dabe bidi sese deli olama, nogo si bidi selama, te dagego Jeremaia te t̄ dagede ugwaba kekegi pao. Tiyu, aga isiamu dao," wali. ¹¹ Tialima, Ebetmelekgo te bidi dabe te kingo beba sela pelama, tama augwali te kingo mone mubo be habu me deli te dologode elaluai teba pali. Tama augwa te poloba badi ugwa selama, tama augwa te Jeremaia bidibo t̄ dedageba pali. Ebetmelekgo te ugwa nami dabe te baklain bonode k̄ nama, te Jeremaia bidibo madi aiyaba tagalaluai. ¹² Tama aga Jeremaia bolo te tiwai po wali, 'Te ugwa nami dabe nago nogo auguli dologoba munama, te baklain bono nago tigiba keka sao. Te dago nage ugwaba kekebo sogo, te baklaingo nage tigi togoidali weyu obao," wali. Tama Jeremaia go Ebetmelekgo wali po tiwai yalio. ¹³ Tialima, augwaligo Jeremaia te ami dabe badu kalabus bidimainogo yai dao.

Sedekaiago Jeremaia dali po ma miai

¹⁴ Tama nosali, Sedekaiago te bidi dabe tagala palama, te profet Jeremaia sigi pomainogo elama, te augwaligo aga odasa aselama, tama agai king te Genuai Bidigo be te sela wali sunumide deliba gesabidi unani. Augwaduba si naga tede bididu, kingo te tiwai po Jeremaia bolo wali, "Eno nagebolo te nai me deli hanalu wabo homu ebaso. Te nago dolo ponao. Nago po geme me dualigo," wali. ¹⁵ Tama Jeremaia go te tiwai po wei ponani, "Te eno po nagebolo pusubaso da, te mu tamao, te nago ena ela mueibao. Te eno wiegi yai homu kolesaga ebo po nageba mobaso da, teda nago eno po me odogobeo," wali. ¹⁶ Tialima, king Sedekaiago e tiwai bomo yai po me deli d̄ walali, "Mu tama, te Sesemane Sogo Bidibo Genuai Bidigo nogide obao, aga te bidi da bidibo ula page bidi, eno nage me ela musiama, te eno nage te dolainogo ebo bidi dabego nogoba me mugobeo," wali.

¹⁷ Tialima, Jeremaia go Sedekaiago te tiwai po walali, "Genuai Bidi, aga te Tigidali Bomo Elalubo God

dao, aga te da Israelgo God, agai te tama po wali, te nago hwjbo tagalama, te Babilon king ofisa dabego nage somainogo eyu da, teda augwaligo nage ela musiama, te taun me augwaligo isigo ulugobeo. Te nage dali, naga we wai me, bugagia bidaibao. ¹⁸ Tialima, te Babilon dabego nage somainogo isabaso da, teda Genuai Bidigo augwaligo te taun somainogo ilama, te augwaligo isigo ulaibao. Tama nage digi te augwalide wi pabo usu egobeo," wali. ¹⁹ Tama Sedekaiago Jeremaibolo te tiwai po wali, "Ena te Babilonba wi pelama, bidigi pali Juda dabe mebase wi ebase. Tiyu, te Babilon dabego ena te Juda dabe nogoba munama, te augwaligo enaba dwai se idalio," wali.

²⁰ Tialima, Jeremaiaگو te po wai, "Augwaligo nage te Juda dabego nogoba me mugobeo. Menio. Nago te Genuai Bidigo nageba mayu, eno pedawalide wabo po tigidali wali pali da, teda nage bugagia bidiyu, te augwaligo nage me ela mugobe dao. ²¹ Tialima, te Babilon dabego nage somainogo isawani da, te dwai nai dabe nageba pedelaibao. Genuai Bidigo enabolo te ola mani te nade ola mabo se me deli ebo tiwai yai dao. ²² Te nade eno suali, te Babilon dabego te nago bede bidali we dabe selama, tama augwali te Babilon kingo ofisa dabeba odasa pali. Tama eno odali, te we dabego te tiwai po wai, 'King Sedekaiago, nago naga abagi dabego poba homu begi pali, tialima, augwaligo nage tibo po olama, nage aiyaba elalualio. Megi da, te dwai sego nage gegelama, te nago sagga te pu to tomoba bida sigulai tiwai yalio. Tama te abagi dabego nage tagalali dao,' te po wai. ²³ Eno te na subaso, te eno koneani, mu tama, te Babilon dabego nago we wai tigidali sela paibao. Te nage me augwalide wi pabo me usu egobeo. Menio. Te Babilon kingo nage pageabi yaibao. Nago te Genuai Bidigo po sela sabaso da, teda Babilon dabego te taun siago ulaibao," Jeremaiaگو te po wai dao.

²⁴ Tialima, Sedekaiago Jeremaiaگو po wei ponoyu, te tiwai po wali, "Da sigo te po miani po te gasa bidiba me olamuo. Nago te po hanilama pusali da, te nage isaibao. ²⁵ Da si po miani po, te ofisa dabego te po odama, te augwaligo nageba te tiwai hanalu waga-saibao, 'Nago magi po te kingba waliwe? Te kingo nageba magi po waliwe? Nago dabolo walao. Nago te po geme me dualigio. Tiyu, dago nage ela muabuo.' Te tobage po augwaligo obaso da, ²⁶ teda nago te tiwai po augwaliba wei ponao, 'Menio. Eno king dali po miani, te agabolo hanalu wali, te agai ena te Jonatango beba kalabus ma tagala paligio, te po wali. Tiyu, ena te beba pobaso da, te ena isidalio wali.' Nago te po augwalibolo wao," Sedekaiago te po wai.

²⁷ Tama nosali, te ofisa tigidali te Jeremaiaگو aselama, hanalu wai. Tama agai augwaliba po wei ponoyu, te kingo agaba wali po tiwai wali. Te king Jeremaiaگو dali wali po te bidi deli mego me odobeo. Tama te ofisa dabego sunumi menia sobaso, te augwaligo Jeremaiaگو tagalama, palio. ²⁸ Tialima, Jeremaiaگو te ami dabe badu kalabus elaludubadi, te boi bidi dabego te Jerusalem sagasobo sogoba usu nai dao. †

Babilon augwaligo Jerusalem sai

(Jer 52:1-11)

39 Te nogo si polua, te kibu be 9 te Sedekaiago Juda king bidali sogo, te Babilon king Nebukatnesargo aga ami tigidali selama, te augwali aselama, Jerusalem bagalama, te taun sainogo boi hwjanio. ² Augwaligo hwjnama, hwjnama, te waiya si me deli, te polua a naga me deli bidali, tama te kibu be 11 te Sedekaiago king bidali, te polua me si me si, te polua dei te 9 wabode, augwaligo te masigigo nigai moni obo pedai me badu deli aluama, te Jerusalem tomoba pai dao. ³ Tialima, nosali te Babilon kingo ofisa tigidali te taun tomoba pai. Tama augwali obo genuai sunumiba pali, augwa te nogi Tomo Sunumi dao, augwali teba duagi pelama, te taun tonalua. Te ami dabe augwa polalubo ofisa bidi dabego nogi e tiwai dao, Nergal Sareser, me Sangar Nebo, me Sarsekim, me gasa sabi Nergal Sareser. ^{††4} King Sedekaiago dali te tigidali ami dabego te Babilon dabe asobo sulama, te augwali wi pai. Te hulide augwali te kingo gi badu pelama, tama augwa te moni obo si ununani te sunumidu te wi pai. Tama augwa te Jordan we odogo pesagedu pabo sunumi wali pali. ⁵ Tiali goli, te Babilon ami dabego te augwali pobeasa pelama, te malu to pesage dolo te Jeriko taun pade Sedekaiago pabo madi pedelai. Te augwaligo aga pageabi elama, te king Nebukatnesarbolo odasa pali.

Te sogo king Nebukatnesar te taun Riplade bidai, te to pedai Hamat to tomode bidalio. Tama Nebukatnesargo Sedekaiago sulama, te po walio, Sedekaiago te aga yali dwai se de dwai dene saibao wali. ⁶ Te Babilon dabego te Sedekaiago ogwa dabe me te Juda tobolu bidi dabe selama, tama augwaligo augwali te Ripla teba odasa asali. Tama te bulude Nebukatnesargo te po obaso, te Sedekaiago ogwa dabe te Sedekaiago gedude augwaligo ela muai. Tama te Juda tobolu bidi dabe me augwaligo ela muai dao. ⁷ Te kingo po obaso, te augwaligo Sedekaiago gedu si gudama, te augwaligo aga nogo sagga te brasgo nigai sengo keanio, te augwaligo aga te Babilonba sela painogo tiai dao.

⁸ Tama Jerusalemde te Babilon ami bidi dabego te kingo be me, we bidi dabego be me, isigo ulalio. Tama augwa te Jerusalem bagalali genuai masigigo nigai obo me pebe delama, sawai dao. ⁹ Te Nebusaradan, aga te Babilon ami dabego polalubo ofisa bidi te Jerusalemde bidali, agai te Jerusalemde bidalualo we bidi tigidali selama, te augwali Babilonba kalabus igi painu odasa pali. Te Jerusalem tagalama, agaba polobadu wi asali Juda dabe me selama, te agai augwali me te Babilonba kalabus igi peyu, odasa pai dao. ¹⁰ Tama agai te doado bage meni yai bidi dabe naga te Juda to de bidimainogo yalio. Te to mu meni yai we bidi dabe, me agai wain gi dabe, me te gasa gi dabe te augwaliba mawai dao.

† 38:28 Ese 33:21 †† Te ofisa dabego nogi me augwaligo ebo se te kuna mu konebeo. Te po me Jer 38:28; Ese 33:21, te side te tiwai elalubo suao.

Kingo po obaso, Jeremaia te kalabuside bidali tagalai

¹¹ King Nebukatnesargo Jeremaia homu kone palama, te Jerusalemba te aga polalubo ofisa bidi Nebusaradamba po ola tolali. Nebukatnesargo po te tiwai wali, ¹² "Nago Jeremaia sigi pelama, bugagia tonalua. Nago agaba dwai sę me igio. Te agai magi sę me yainogo nageba hanalu obaso, te nago agai homu wali pao," wali. ¹³ Tama tialima, Nebusaradan dali te polalubo ofisa si aga dologoba pali, te Nebusasban, me Nergal Sareser, te gasa Babilon ofisa dabego me te tiwai homu deliba munama, ¹⁴ augwaligo te bidi dabe te ami dabe pedai badu tagala palama, te Jeremaia sigi pali. Tama augwa Jeremaia te Gedaliago nogoba muani, te Ahikamgo ogwa, te Safango bulai waj dao. Tama augwaligo Gedaliabolo po walama, te Jeremaia agai beba sela pao wali. Tama tialima, Jeremaia Juda tęde te we bidi dali bidalio.

Genuai Bidigo Ebetmelekbolo po mawai

¹⁵ Te Jeremaia ami dabe badu kalabus bidibadi, te Genuai Bidigo agabolo te tiwai po mawai, ¹⁶ "Nage te Ebetmelekba pao, te Sudan bidi dao, agabolo e tiwai po wao, Tigidali Bomo Elalubo Genuai Bidi, aga Israelgo God, agai te tiwai po wai. Polobadu eno te taun dolaibao po wali, te megı da, eno te po usu naibao. Eno te taun wiegi yai bugagia me iligobeo. Tama naga digi nago eno te sę ebo sueibao. ¹⁷ Tialima, ena Genuai Bidi, eno te po obao, eno te sę dabe ebo sogo da, teda eno nage tau saibao, te augwaligo nage te nago wi ebo bidi dabe nogoba me mugobeo. ¹⁸ Eno nage bugagia tonalubaso, te nage augwaligo me eligobeo. Nago homu enaba daę obaso, te nage me isigobeo. Ena Genuai Bidi eno te po wai dao," wali.

Nebusaradango Jeremaia dali po miai

40 Nebusaradango Jeremaia olo pomainogo tagala palama, te tudi badu nosali Genuai Bidigo Jeremaiabolo po mawai. Te Babilon dabego te Jeremaia dali, te Juda we bidi dabe me, Jerusalem me selama, augwali te sengo kęnani, te augwali Babilonba kalabus odasa painogo tialio. Tialima, augwali te Rama taunba sabalobo sogo, te polalubo ami tobolu bidi ofisa Nebusaradango Jeremaia te augwali dali bidibo suali, te agai aga te olo tagala palu pao wali. ² Tama te sogo Nebusaradango Jeremaiabolo te tiwai po wali, "God, nago Genuai Bidigo, te po hanilama weyu, te dwai nai te tę kantriba pedelaibao wali. ³ Tama megı da, Genuai Bidigo po wali gilama te sę pedalubao. Dage Israelgo te Genuai Bidigo po sela sęnama, te agai gedude dwai sę yalio. Te pagede naga tama, te sę dabe dageba pedalubo dao. ⁴ Tialima, odao. Megı da, te eno augwaligo nage nogode kęni sen pisigina sębao, te nage olo bidageo. Te nage ena dali Babilonba asabo homu ebaso da, teda nage asao, te eno nage bugagia tonalueibao. Tialima, te nago hagela homu ebaso da, te usu da, nage bidao. Te tę kantri pedai

mena badu te nage pabo homu yali da, te nage peyu naga yageo," wali.

⁵ Jeremaia go te po odali, tiali digi agai te Nebusaradan taga pisębadi, tama Nebusaradango Jeremaiabolo po ma weyu, te tiwai po wali, "Te meni baso da, teda nage te Gedalia bidibo madi pao, aga te Ahikamgo ogwa, te Safango bulai waj dao. Te Babilon kingo aga daę ilama, te Judago taun dabe tonalubainogo yali. Aga ede te we bidi dabe dali bidaibao, tama nage aga dali bidao. Te nago homugo te nage menaba pabo homu eyu da, te nage pagameo," wali. Tama Nebusaradango te Jeremaia wiegi yai homu pemene ilibo wiegi yai nai me deli olo mobadi, te nai me menama, te Jeremaia pomainogo yai dao. ⁶ Tialima, Jeremaia te Gedalia bidibo madi te taun Mispa teba pai. Tama Jeremaia aga dali te we bidi hani tomode te Juda tęde bidalio.

Augwaligo Jeremaia te Isipba odasa palio

(Daj 40:7-45:5)

Gedalia polalubo gavman te Judade bidali

(2 Kin 25:22-24)

⁷ Te Juda ami bidi meba dali, te augwa ofisa dabe me, augwali te tę kantri pedai mebade bidali. Augwaligo te tiwai po odali, Babilon kingo Gedalia te Juda tęde polalubo gavman daę ilama, bidibao wali, tama agai te magı walı doado bage meni yai bidi dabe, te Babilonba kalabus sela pisęwani bidi dabe tonalubo sę ebo dao wai. ⁸ Tialima, te ofisa dabe augwa ami bidi dabe selama, tama augwaligo Gedalia te Mispa teba sugı pali. Te ofisa nogı dabe e tiwai, Ismael, Netaniago ogwa, te Johanan me Jonatan, te Kareago ogwa si, te Seraia, te Tanhumetgo ogwa, te Netofa bulu bidi Efaiago ogwa dabe me, te Jesania, te Maka tę bidi dao.

⁹ Gedaliago augwali sulama, augwaliba te tiwai po wali, "Nogo guni sisu weyu, eno mu po obao, dage te Babilon dabe dologode bidibo wi me igimio. Menio. Dage te tęde bidalu, te Babilon king dologode bidali da, te dage bugagia mu bidaibao. ¹⁰ Ena digi ena te Mispade bidaibao. Te Babilongo da suagasobo sogo da, te ena dago Judade po pusubo bidi tiwai bidaibao. Tialima, dage te duga sali taun dabeba ma begasa pelama, te dagego ni du wai dabe selama, te wain me, wel me nigilama, te nosali sogo tuabo munalumainao," wali. ¹¹ Te sogo te Juda dabe me badu te tę pedai Moap, me Amon, me Idom, me gasa tę kantri badu bidaluali. Augwaligo te tiwai po odali, te Babilon kingo te dwasianu hani we bidi te Juda tęde bidimainogo elama, te kingo Gedalia daę ilama, augwali tonalua po wai. ¹² Tialima, te Juda dabego te boi bidigo augwali sela sęwani tę kantri tagalama, te augwali Judaba ma asalio. Tama augwaligo Mispa teba Gedalia sugı

† 40:9 2 Kin 25:22-24

pali. Tama nosali, augwaligo te gide haniani nai sali, te augwaligo wain me wiegi yai nai hauwa elaluai.

Ismaelgo Gedalia ela muani

(2 Kin 25:25-26)

¹³ Me sogo deli Johanan, te Kareago ogwa, te Juda ami bidi te gasa ofisa dabe, augwali te Gedalia bidibo madi te Mispa teba asali. ¹⁴ Tama augwaligo agabolo te tama po wali, "Te tɔ kantri Amon king Balisgo te Ismael tagala palali, te Netaniago ogwa, aselama, nage ela muagasaibao. Nago te koneaniwe, ma meniwe?" wali. Tialima, Gedaliago te augwaligo poba homu muyu, te mu po da wabeo. ¹⁵ Tama te Johanan dali Gedalia augwa si bidudali sogo, Johanango Gedaliabolo te tiwai po walio, "Te nago enabolo te Ismael eligi pao po obaso, te usu egowe, ma meniwe? Te sɛ ebo te mena bidigo me konegobeo. Tiyu, nago aga gogolobaso, te agai nage ela muabuo, te megi nage dali sisinagasali Juda dabe, te augwali tedela palama, tama dago dwasianu hani te mu dolaibao," wali. ¹⁶ Tialima, Gedaliago Johananba te tiwai po wei ponanio, "Nago te tiwai kolesaga me elamuo. Nago Ismaelbolo te wabo po mu po me wabeo," wali.

41 ¹⁻² Ismael te Netaniago ogwa, te Elisamago bulai waj, tama aga Juda king dabede hani bidi me deli dao. Aga te kingo polalubo ofisa bidi me deli tiwai bidali. Babilon kingo Gedalia te Juda gavman polalubo bidi pedalumainu daj ilali, te polua a naga olama, me badu si te kibu bede digi, Ismaelgo nogo si bidi selama, te Gedalia Mispa teba suagasali. Tama augwali Gedalia dali dugulama, nai tudali sogo, Ismael dali te nogo si bidi hodasa holama, te augwa bainat hwɛ selama, te Gedalia ela muai dao. ³ Tama Ismaelgo te Mispade te Gedalia dali bidali Juda hani me elali, te agai Babilon ami dabe Mispade te sogo bidali, te me ela muai dao. †

⁴ Te nosali side, te bidi dabego te Gedalia isali kone-siɔwani sogo, ⁵ te bidi sese me si me si te taun Sekem, me Silo, me Samaria, te bulu bidi dabe te sunumidu aselama, te Mispa pɔba yagasali. Augwaligo te nai wit meba badi, te wiegi yai denami ebo pauda me selama, augwali te Genuai Bidigo be te Jerusalemba selasa aselama, te ofa yainogo yali. Te bidi dabe augwa penani nisi poalama, te augwa ugwa pisilama, te augwa tigi tologolama, te augwa polobadu yali dwai sɛde homu dene ola mayu tiai dao. ⁶ Ismaelgo augwali asobo sulama, aga te Mispa tagalama, te sunumidu pai. Te bidi dabe augwaliba homu dene eyu, gela oba homu emainogo te aga gela wali, te aga augwali dali gesabidi deliba yali. Te agai augwaliba te tiwai wali, "Gedaliago dage suagasomainogo homu ebao," wali. ⁷ Tialima, augwali te taun tomoba pelama, te Ismael aga hani dabe daligo te genuai hani bidi ela munama, te augwali tigi dabe te aɔ ge doso nigilai dedageba tudulai dao. ⁸ Tialima, te genuai hanide nogo si bidigo Ismaelbolo te tiwai po wali, "Nago da me ela mugio. Dago nage nai hauwa mawaibao, te kala bulu du pe-

† 41:3 2 Kin 25:25

sagede geme dualama elalubao. Dago te nai wit, me rais bali, me oliv wel, me pusu nai hani me elalubao," wali. Ismaelgo augwaligo po odama, agai te nogo si bidi me ela mubeo. ⁹ Te wɛ gebo dabo dedage, polobadu te Juda king Asago nigai, te Israel king Basago augwaliba hwj yagasali sogo. Te Basago te taun bagua selama, te Mispa dabe aɔ sɔa pidali weyu nigilali. Tialima, Ismaelgo hanigo te augwaligo Gedalia ela muani sogo elali bidi dabe tigi selama, tama augwaligo te wɛ dɔw wali dedageba tudulama, te dedage pɔgawai dao.

¹⁰ Tama nosali, Ismaelgo te Mispade bidali gasa we bidi tigidali selama, te aga dali odasa pai. Augwali te Mispa tagalama, augwali te Amon tɔ kantriba pabo sunumidu pali. Te we bidi dabe te Nebusaradan hani dabego, te Babilon ami polalubo ofisa bidigo, te Gedaliago Mispade tonalumainogo taga pali we bidi dabe dao. Tama te Juda kingo wegi dabe augwali dali bidai dao.

¹¹ Johanan, Kareago ogwa, te gasa ofisa dabe me Juda ami daligo, te Ismaelgo dwai kolesaga tigidali yali po odalio. ¹² Tama tialima, augwa ami hani dabe selama, te augwaligo Ismael wali pobelama, aga dali hwjainu yali. Tama augwali agaba sabolali, te taun Gibeon te genuai sigi aɔ pɔde elalubo madi pedaligi palio. ¹³ Tialima, Ismaelgo te Mispade selama aga dali odasa asali we bidi dabe, augwaligo Johanan dali gasa ofisa dabe me sulama, te augwali wiegi yai homu pemene yalio. ¹⁴ Tama augwa te Ismael tagalama, te Johananba uda walio. ¹⁵ Tama Johanango hanigo te Ismael tola sainogo yali, tialima, aga te nogo a naga olama, sela bidi dali wi pelama, te augwali te tɔ kantri Amonba pai dao.

¹⁶ Tama nosali, Johanan dali, gasa ofisa dabe me, augwaligo te Mispa we bidi dabe te Ismaelgo nogode ma selama, te augwa Gibeon taga palio. Te ami dabe, me te gasa bidi dabe, me te we wai, me te sɛ bidi, me te kingo hani bage, augwali me te hanide elaluai dao. ¹⁷⁻¹⁸ Johanango augwali te Isipba odasa painogo yali, magi baso meni, te Ismaelgo Gedalia ela muani augwaligo homu koneani, te bidi Babilon kingo daj ilama, te Juda tɔ tonalumainogo yai. Te augwa wi eyu, te homu yali, tiyu te Babilon dabego te sɛ homu yali, tiyu te Babilon dabego te sɛ pedelali po odama, augwali dolasidalio. Tialima, augwali te Isipba pabo sunumidu pali. Te augwali te bulu Gerut Kimham, te Betlehem taun pɔde, teba pedelama, augwali tede osogo bidai dao.

Te we bidi dabego Jeremiaibolo hanaluama, Genuai Bidiba gedu haluasa po omainu yali

42 Tama nosali, Johanan, me Jesania, te Hosaiago ogwa, te gasa ami ofisa dabe me, tigidali we bidi me, te genuai bidi dabe me, olo bidi dabe me, augwali hogodama, ² te Jeremaia bidibo madiba pali. Te augwaligo agabolo te tiwai po wali, "Edao, te nago Genuai Bidi Godiba nago gedu haluasa po weyu, te agabolo hanalu, te da dwasianu hani we bidi tau somainogo

yao. Polobadu da hauwa elaluali, tiali goli megi nago suali, da dwasianu hani naga bidibao," wali. ³"Dago homugo te Genuai Bidi nago God te dago mena sunumi wali pelama, te mena sę dago yabo po dabolo omainao," wali. ⁴Tama profet Jeremaia go augwaliba te tiwai po wali, "Te dagego wabo pode eno usu da po obao. Te dagego enabolo hanalu wali po wali gilama, te dagego Genuai Bidi Godiba gedu haluasa po weyu, hanalu waibao. Te Genuai Bidigo enaba mena po wei ponobaso da, te eno dagebolo pusaibao. Eno te po me deli dagede geme dualugobeo," wali. ⁵Tialima, te we bidi augwaligo Jeremaiabolo te po wali, "Mu dao, te Genuai Bidi nago Godigo dabolo mabo po, tigidali dago wali paibao. Genuai Bidigo mu kolesaga eyu, sese mane sogo doloba pai elalubao, te dago agai po wali pisabaso da, teda agai da po tu ilimainogo yaibao. ⁶Genuai Bidigo te wei ponobo pogo da pemene ebaso, ma meni ebaso me tagalao, te dago hanalu wali pode te agai nagebolo mani po tigidali dago wali paibao. Dago Genuai Bidi dena Godigo po wali paibao, tama tiyu, da bugagia bidaibao," te we bidigo te po wai.

Genuai Bidigo Jeremaia go gedu haluasa po wali wei ponani

⁷Te nogo si sogo bidama, nosali Jeremaia go gedu haluasa po gagalama wali, Genuai Bidigo po agabolo mawai dao. ⁸Tama Jeremaia go Johanan, me te gasa ami ofisa tigidali, me te tigidali we bidi me i wali, te gegunai bidi dabe me, olo bidi dabe me i olama, te augwali asai dao. ⁹Te agai augwaliba te tiwai po wali, "Dagego enabolo hanalu, te Genuai Bidiba gedu haluasa po omainogo yali, da Israelgo God dao. Tialima, Genuai Bidigo te tiwai po wali, ¹⁰'Dage te Judago tede bidibaso da, teda ena, Genuai Bidi, te eno dage daq walama, te dage eno aiyaba me elalugobeo, magi baso meni, eno te dene mabo sę dageba yali, tego ena haliga sęge mu ilai dao. ¹¹Dage te Babilon kingde wi ebao, tialima, ena Genuai Bidi, eno po dolo obao, dagego agade wi ma elamu dao, magi baso meni, ena dage dali bidibao. Te eno dage tau selama, te dage agai nogode ma saibao. ¹²Eno olo mu tau sabo wiegi yai homu kolesaga dageba eyu, te eno digi agai me dageba te olo tau sabo wiegi yai homu ebo kolesaga emainogo yaibao. Tama agai dage te duga page buluba pomainogo tagala palaibao,' Genuai Bidigo te po wai," Jeremaia go te po wai.

¹³"Tialima, dagego Genuai Bidi eno po sela sęgio, duga Godigo po sela sęyu, te po olamu dao, "Da te Juda tede me bidigobeo. ¹⁴Menio. Da Isipba paibao. Da te Isipde naga bidibadi, te boi bidi dabego da dali me hwjagasogobeo. Te bidi dabego hwjigi painogo biugel bu weyu da, i me wagobeo. Te nai me da me sę pogobeo." ¹⁵Te tobage po dagego obaso da, teda ena Genuai Bidi, eno dage te dwasianu Juda hani we bidide po elalubao. Ena Tigidali Bomo Elalubo Genuai Bidi, ena Israelgo God, eno te po obao, te dage Isipba bidigi pabo bomu mu ebaso da, ¹⁶teda dagego wi ebo

sę dabe te Isipde dageba pedelaibao. Te boi bidi dabego dage ela munama, te dage nai sęq peyu, isaibao. ¹⁷Te Isipba bidigi painogo bomu ebo bidi tigidali, te augwali isaibao. Te boi bidi dabego augwali ela muyu, te augwali nai sęq pelama isiyu, me dwai gasi selama, te augwali isaibao. Eno te dene mabo sę dabe augwaliba pedalumainogo elama, te augwali hani mu silaibao, te deli me bidigobeo."

¹⁸"Ena Tigidali Bomo Elalubo Genuai Bidi, ena Israelgo God, eno po dolo obao, polobadu eno haliga sębe umabo mu te Jerusalemba elama, te eno augwali mu dolai dao. Te tiwai naga, te dage Isipba pobaso da, teda eno haliga sębe umabo mu elama, te dage dolaibao. Te gasa bulu hani we bidi augwaligo eno te dwai sę dageba yali po odolama, te augwali wi elama, nogo hogwabo tiwai eyu, midigi dwai mu yaibao. Te augwaligo dage dolama, posobo po waibao. Te augwa boi bidi dabeba dwai po wabo homu ebo sogo da, augwa te tiwai po waibao, "Dage te Juda dabe dolai tiwai dolagameo," te po waibao. Tama dagego duga te tę ma sugobeo,' Genuai Bidigo te po wai," Jeremaia go te po te Juda we bidi dabebolo wali.

¹⁹Jeremaia go te Genuai Bidigo po pusula silibo si da, teda agai te tiwai po wali, "Dage dwasianu Juda hanigo, odao. Genuai Bidigo dage te Isipba pigio wali. Tama tialima, eno dageba te mani bomai po bugagia homu kone palao. ²⁰Dagego enabolo te Genuai Bidiba gedu haluasa po omainogo hanalu wagasali, dena God, te enabolo dagego e tiwai po wali, 'Jeremaia, Genuai Bidiba gedu haluasa po wao, dago God, te agai po dabolo momainogo hanalu wao. Te agai mena po nagebolo mobaso da, teda nago dabolo olama, te dago wali paibao,' dagego tama wali. Tiali goli, megi dagego gasa kolesaga yainu ebao, te kolesaga mu geda mubao, te tama tebogo dage dolaibao. ²¹Megi naga te Genuai Bidi dagego Godigo pusali po tigidali, eno te po dageba mao walio. Tialima, dagego te po wali me pabe dao. ²²Tialima, dagego e tiwai tama dolo koneao, dage te bidigi painogo ebo badu, te boi bidi dabego dage ela mueibao, te dage nai sęq pelama, nasigo isaibao, te dwai gasi dageba pedelama, te dage isaibao," Jeremaia go te po wai dao.

Augwaligo Jeremaia te we bidi dabe dali Isipba odasa pali

43 Jeremaia go te tigidali po God Genuai Bidigo agabolo weyu, te we bidi dabeba mao wali pusali. Agai po ola silibo si da, ²tialima, Asaria, te Hosaiago ogwa, me Johanan, Kareago ogwa dali, te gasa hagoma ebo bidi dabe dali, augwaligo Jeremaiabolo e tiwai po wali, "Nago tibo po obao. God, dago Genuai Bidigo dabolo te po wagasu, te da Isipba me pigio olama, te nage me tagala palobeo. Mu menio. ³Te Baruk, Neriago ogwa naga te nago homu hodolobaso, te da aiyaba elalumainu ebao. Nago homugo te Babilon dabego da selama, da ela muyu, ma da Babilonba kalabus igi pomainogo odasa pomainogo ebo dao," wali. ⁴Augwaligo te tama po olama, te Johanan, me gasa

ofisa dabego, me te tigidali we bidigo te Genuai Bidigo po sela saṅama, augwali te Juda tṓde bidibeo. Menio. ⁵⁶Johanani dali te ofisa dabego te Judade bidali we bidi tigidali selama, te augwali palio. Augwaligo te bidi, me we, me wai dabe, te polobadu te boi bidi dabego gasa tṓ kantriba ela gudulai, te augwali Juda tṓba ma bidagasai. Tama me, augwaligo te Juda kingo wegi dabe dali, te gasa we bidi dabe me, te Nebusaradan, te Babilon amigo polalubo ofisa bidigo, te Gedalia daḡ ilama, augwali tonaluminogoni yali. Tialima, Johanani me, gasa ofisa dabego dali, te tigidali Juda, me profet Jeremaia, me Baruk te Neriago ogwa dali selama, ⁷tama augwa tigidali te Isipba odasa pali. Te tama tiali kole-sagade augwaligo te Genuai Bidigo po sela saṅwai. Tialima, augwali pelama, te taun Tapanesba sabolali, te tṓ kantri Isip dao. †

⁸Augwali te Tapanesde bidibadi, te Genuai Bidigo Jeremaiabolo te tiwai po walio, ⁹“Isip kingo be te taunde elalubao. Te Juda dabe mebagoni nage subo sogo, nago te genuai masigi dabe sigi pelama, tama augwali te tṓde elalubo brik dabe pagede pubulao, †† te mama tṓde, te Isip dabego kingo be sunumi paḡde tama tiao. ¹⁰Tama te Juda dabeba nago te tiwai po wao, ‘Tigidali Bomo Elalubo Genuai Bidi, aga te Israelgo God, agai te tama po wai, “Ena Genuai Bidi dao, te eno ena seḡ bidi, te Babilon king Nebukatnesar i waibao, tama aga te buluba asaibao. Tama aga duabo sia king te pubulali masigi dabe daide mueibao. Te agai ugwa be pasugulama, te masigi munalubo tṓ pedai badu mesege-laibao. ¹¹Agai te Isip tṓ kantri dolagasaibao. Eno te dwai gasi selama, isabo bidi meba daḡ ilaibao. Tama te sogo augwali dwai gasi saibao. Te gasa tṓ kantriba kalabus igi pabo bidi meba eno daḡ ilaibao. Te sogo augwali kalabus yaibao. Te boi hwḡgi pelama isabo bidi meba eno daḡ ilaibao. Tama te daḡ yali side hwḡgi pabaso, te augwali isaibao. ¹²Te eno Isip dabego lotu be siago ulaibao. Te lotu be dabede te Isipgo tibo god piksa dabe elalubao. Te Nebukatnesargo te piksa meba siaba ulama, te meba aga tṓ kantriba sela paibao. Te agai Isip kantride nai tigidali sela saṅwaibao, te sip-sip tonalubo bidigo aga gudali ugwade te kibu tugunu sela saḡbo tiwai yaibao. Te agai Isip dabe mu elalueibao. Tama aga te tṓ kantri tagalama, paibao. ¹³Aga te Isipde bidibono sogo, agai te we bidi dabego bede te giliga augwa god dao olama, lotu udali bobage masigi pos aluaibao. Tama agai te Isip dabe tibo godigo lotu be dabe tigidali siago ulaibao,” Israelgo God Genuai Bidigo te po wali,’ te po te Juda dabeba pusao,” Genuai Bidigo te po wai.

Te Isipde bidibono Juda dabebolo Genuai Bidigo po mawai

44 Genuai Bidigo po Jeremaiabolo mawai, te agai Isipde bidibono Juda dabeba pusumainogoni yali. Augwali te taun Mikdol, me Tapanes, me Memfis, tede bidali, te saut Isip badu me bidai. Jeremaia go te tiwai

† 43:7 2 Kin 25:26 †† Te tiwai po me te Daḡ 43:5-7; 2 Kin 25:26, te po tiwai me tede elalubao.

po wai, ²“Tigidali Bomo Elalubo Genuai Bidi, aga da Israelgo God, agai te tiwai po wali, ‘Duga digi te tigidali dene mabo seḡ ena Genuai Bidigo te Jerusalemba me te tigidali Juda taunba yali seḡ suai dao. Megi augwali dolama elalubao, tede bidi me bidibe dao. ³Eno augwali dolali, magi baso meni, te Juda dabego dwai kole-saga hauwa yali, te tama tialigo te eno augwaliba haliga seḡbe yabo seḡ ilali. Augwaligo te gasa godiba lotu weyu, te augwaliba wiegi yai denami ilibo hano ebo ofa yali. Augwaligo te god dabe polobadu me kone-siḡwai. Te dage ede bidibono Juda dabe, te dagego waḡ nṓḡ dabego me te god dabe polobadu me konebeo. ⁴Hauwa sogo eno ena seḡ bidi dabe, te profet dabe, te dage Juda dabeba tagala palai. Te augwaligo eno po e tiwai pusali, “Dagego eno homu godolo isaḡbo te kugumini yai kole-saga dabe igimio,” wali. ⁵Tialima, te Juda dabego te poba olo musiḡama, te augwaligo wali me pabeo. Te augwa dwai kole-saga ebo me tagalisḡama, te augwa tibo godiba lotu wabo me tagalobeo. ⁶Te eno haliga seḡbe umabo mu augwalide elama, te eno Juda taun dabeba, me Jerusalem sunumi dabeba me dolobo seḡ eyu, te augwali eno dwagila mu dolali. Te augwali doludubadi geḡḡ dao,’ da Israelgo Godigo te po wai,” Jeremaia go te po wali.

⁷“Tialima, ena God, Tigidali Bomo Elalubo Genuai Bidi, ena Israelgo God dao, megini eno te tiwai po obao. Magi baso dagego te duga digi dolabo homu ebawo? Te kole-saga dagego ebaso da, tede dage Juda bidi, me we, me wai puluba dolama, te dage deli me bidigobeo. ⁸Dage Isipba bidagaselama, dagego te tibo god dabegopiksa nigilama, te wiegi yai denami ebo ofa te god dabebaebono dao. Dagego te tebo kole-sagade ena haliga seḡbe dwaimu ilibao. Tibaso, te dage dolaibao. Te gasa tṓ kantribulu we bidi dabego dageba dwai posobo po waibao. Te augwa boi bidi dabeba dwai po wabo sogo da, tede augwaligo te po waibao, ‘Dage te Juda dabe dolali tiwaigilama yagameo,’ te po waibao. ⁹Te duga waḡ nṓḡdabego me, te kingo dabego me, te kingo we dabego medwai kole-saga yali. Te dage me, duga we dabe dali, tedwai kole-saga ebao. Dage tigidaligo te kole-saga te Judatṓ pedai tigidali badu eyu, te Jerusalem sunumi dabedeme yali. Dagego te homu kone gegeda palai da, agawe? ¹⁰Megiba usu nagasu, te duga ebo dwai kole-sagadehale elama, te dage ena dologoba me asobeo, te dagego eno bomo yai po, me eno po te dagebolo me duga waḡnṓḡ dabebolo mani po, te wali me pabe dao,’ Godigote po wai,” wali.

¹¹“Tibaso ena, Tigidali Bomo Elalubo Genuai Bidi, ena Israelgo God, eno te po obao, eno dage Judadabeba boi bidi homu elama, dage dolabo homu elalubao. Te dage deli me bidigobeo. ¹²Eno dage te Isipbabidagasainogoni bomo yali dwasiḡanu Juda hani te musi-laibao. Te dage te Isipde bidibono sogo, dage isaibao. Te boi bidi dabego dage ela munama isibadi, te nai saḡ peyu, nasigo isibadi yaibao. Dage tigidali isaibao, te gegunaibidi dabe me, olo bidi dabe dali isaibao. Te gasa bulu webidi dabego eno dagede te yali seḡ po odama, te augwaliwi mu elama, midigi saibao. Te dage

dolama, posobo powaibao. Te augwa boi bidi dabeba posobo po wabosogo da, augwa te tiwai po waibao, "Dage te Judadabe dolali tiwai gilama yagameo," waibao. ¹³ Enodagebolo dene mabo sę te Jerusalem dali yali sę tiwaiyaibao. Te dage boi bidigo ela muyu, te dage nai sępelama isibadi, te dwai gasi selama, isibadi yaibao. ¹⁴ Dage megi Isipde bidibo dwasianu Juda hani, dagego te Juda tęba ma pabo homu godolo ebao. Tiali goli, te dageme deli te dolabo sęgo geda munama, te duga tęba mepogobeo. Dage tigidali dolaibao, te deli deli bidi naga wipeyu, ma paibao, 'Genuai Bidigo te po wali.' Jeremaiaگوte Isip tęde bidali Juda dabebolo te po pusali.

¹⁵ Genuai Juda hani sisinagasai elalubadi, tama Jeremaiaگو te po pusali. Te tigidali Juda te Isip saut badu bidibo Juda dabe, augwali me bidali. Te sisinibo madi asali bidi tigidaligo, augwa te tama koneani, augwa we dabego te wiegi yai denami ebo ofa te gasa god dabeba ebo da homu yali. Tialima, te bidi dabe augwa we dabe daligo Jeremaiaگو po wei ponama, te tama po wali, ¹⁶ "Nago te Genuai Bidigo nogide dabolo po pusali. Tiali goli, dago te po me odogobeo. Menio. ¹⁷ Dago te dena yaibao olama, po dę wali sę tigidali yaibao. Dago te wiegi yai denami ebo ofa te god weba idu geaibao, augwa te tama nogi yali, Te Dagalude Kwin We dao wali. Te dago agaba te wain ofa gelidu geaibao. Polobadu dena digi me, dago wę me, king dabego me, te tobolu bidigo me, dago te tobage ofa Te Dagalude Kwin Weba yali. Dago te ofa te Juda taunde, me Jerusalem sunumi dabede yalio. Te dago tama tiali sogo, te dago nai hauwa elalu, te da bugagia bidiyu, te dwai me deli dabolo me pedalubeo," te po wali. ¹⁸ "Te dago Dagalude Kwin Weba ofa ebo tagalali tede gagalasa, te megi sogoba usu nagasu, te da tigidali nai mu sę pelama, te boi bidi dabego da ela muyu, te nai sę pelama, nasigo isiyu ebo dao," Juda dabego te po walio. ¹⁹ Te we dabe sibigo po wadolama weyu, te po wali, "Dago te Dagalude Kwin Weba ofa ebo sogo, te dago bisketgo aga piksa tiwai nigali, dago te wain ofa agaba gelali, te dena bidi dabego te dago te kolesaga ebo koneani. Nago te konebe, agawe?" Te we dabe sibigo te po wali.

²⁰ Jeremaiaگو te po odama, tama agai te we bidi tigidaliba te tiwai po wei ponani, ²¹ "Te dage, me duga wę nę dabe, me king dabe, me tobolu bidi dabe, te Juda tęde tigidali we bidi te Juda taun dabede bidali, me Jerusalem sunumi dabede bidali, te wiegi yai denami ebo ofa yali, te Genuai Bidigo dagego te yali kolesagade homu kone isęwai da, agawe? Menio. Agai bugagia homu kone palai dao. ²² Dagego te dwai kugumini yai kolesaga ebaso, tama nosali Genuai Bidi dagego te kolesagade hagela mu yai. Tama agai te tama sę elama, te dagego tę dolama olo elalubadi, te bidi bidisiębadi, te megi e sogoba usu nagasobao. Te gasa tę kantri we bidi dabego te augwa boi bidi dabeba dwai po wabo sogo, augwa te tiwai po waibao, 'Dage te Juda tę dolali tiwai gilama dolagameo,' wabo dao. ²³ Dagego te tibo godiba te wiegi yai denami ebo

hanoilibo ofa mobaso, te dagego Genuai Bidi gedude sęęsobao. Te dagego agai bomai po sela sęnama, te agaito tobage bomai po dabe wali me pabeo. Tama tibaso, dageba te dwai sę pedalumainu elama, te megi tama meelalubo dao," Jeremaiaگو wali.

²⁴ Tialima, Jeremaiaگو po meba te tigidali Judabolo pusali. Agai po te we dabeba kisilama wainogo, te tiwai po wali, "Dage Isipde bidalubo tigidali Judago, te Genuai Bidigo poba bugagia olo muao. ²⁵ Tigidali Bomo Elalubo Genuai Bidi, aga da Israelgo God dao, agai te po wali, 'Te dage bidi dabe te duga we dabe daligo te dagego dę wali po usu nainogo ebao. Dage te tama po dę wali, "Dago te wiegi yai denami ebo ofa eyu, te wain gelibo ofa te Dagalude Kwin Weba yabo po dę wali, mu tama dago te dę wali po usu naibao." Tialima, tegoba, dagego te po dę weyu, te yaibao wali sę dagego iyę,' Genuai Bidigo dagebolo te po wali," Jeremaiaگو wali.

²⁶ "Te Genuai Bidigo te me me wali, 'Tialima, dage te Isipde bidalubo tigidali Judago, dagego Genuai Bidi eno poba bugagia olo muao. Eno mu po ena genuai nogide obao, te dage Isipde bidibo Juda dabe me deligo eno nogide bomai po dę obaso, usu egobeo. Te dagego te tiwai po munu ma wagobeo, "Te sesemane sogo bidibo Genuai Bidi Godigo nogide mu dao," munu me wagobeo. ²⁷ Ena Genuai Bidi, eno po dolo obao, eno dage bugagia wiegi yai me iligobeo. Menio. Eno dage dolainogo tonalubao. Te eno boi bidi tagala palama, te dage Isipde bidibo Juda dabe ela muaga-saibao. Te dage nai menia siyu, isaibao. Te dage tigidali mu silaibao. ²⁸ Dage bidi deli deli naga te hwębode me dologobeo, te augwa Isip tagalama, te Juda tęba ma paibao. Te sogo dage Isipba bidagasali dwasianu Juda hani dabe, te dagego te dego pogo bomu elalubo koneaibao, eno pogo, ma dagego po, te sogo koneaibao.' God Genuai Bidigo te po wali," wali.

²⁹ "Ena Genuai Bidi, eno po dolo obao, te eno dagebolo te nai me delide te tiwai ola mawaibao, te eno dene mabo sę dage te bulude bidibo sogo yaibao. Te sę ebo dagego suyu da, teda duga koneaibao, eno me geda mugobeo. Menio. Te eno po wali gilama, eno te dene mabo sę dageba yaibao. ³⁰ Te sę te ena Genuai Bidi, eno yabo homu ebao, te e tiwai dao. Eno te Isip king Hofra te aga ela muabo boi bidigo nogoba mawaibao, te eno Juda king Sedekaiade yali tobage kolesaga tiwai yaibao. Te Babilon king Nebukatnesargo te Sedekaiade boi bidi elama, ela muainogo ebaso, te eno Nebukatnesar aga nogoba muai dao.' Te po da, te Genuai Bidigo po dao," Jeremaiaگو te po wali. † †

Jeremaiaگو Genuai Bidigo po te Barukba mawai

45 Jeremaiaگو po Barukbolo mawai, te Neriago ogwa, te kibu be me si me si te Jehoiakim, te Jo-

† Te aga Isip tę kantride bidali sogo, Jeremaia agai po pususu asali, te buku Jer Dę 44 teba silagasai. Te sogo Jeremaia monu dabe yalio, tama te kolesaga koneai bidi dabego te homu yai, Jeremaia te tę kantri Isipde bididubadi, te aga isibo sogoba usu nai da homu yai dao. †† 44:30 2 Kin 25:1-7

saiago ogwa, te Juda king bidali. Jeremaiaogo te Genuai Bidigo agabolo mani po pusubo sę ebadi, tama Barukogo buku me delide asęani. Tama augwali si te sę idubo sogo, Jeremaiaogo Barukbolo te tiwai po walali, ^{†24}“Baruk, odao. Nago te tama po wai, ‘Hobede dao, enade sęęę hauwa me dene elalubao, tama Genuai Bidigo eno sęęę didigili pabo sę mu ebao. Ena gela wabo sę ebogo te ena hagela mu ebao. Eno sęęę sia siyu me ebeo. Te me tama elaludu gębo dao,’ nago te po wai. Tialima, Baruk, odao. Genuai Bidi da Israelgo God, te eno nagebolo te po pusa mao wali, ‘Ena Genuai Bidi, eno po dolo obao. Megi eno te ena nigali nai dabe alubo sę yaibao. Te ena bulali nai dabe gudaibao. Te nai dabe eno aluama, guda sabo sę ebo, te tigidali tę habu pedaiba usu nama, te tama sę yaibao. ⁵ Tama tialima, nago homugo te wiegi yai nai naga nageba pedalumaina homu ebawe? Nago te tama homu kole-saga ebo tagalao, magi baso meni, ena Genuai Bidigo eno te tigidali tęde we bidi dabebolo dwai dene mabo sę ebao. Tiali goli, te eno nage tau saibao, te nage menaba pobaso te tagalao, te nage augwaligo me ela mugobeo,’ agai te po nagebolo pusa mao wali,” Jeremaiaogo te po wai.

Genuai Bidigo po te haniani kantri dabede elalui

(*Daj 46-51*)

Te hwjnama, boi bidi dabego Isip dabe aiyaba elalui

46 Genuai Bidigo po te haniani tę kantri dabede elalubaso, tama agai te po Jeremaiabolo mawai dao. ^{††}

² Po me deli Isipba palio. Te po te Isip king Neko tego ami dabeba po ola tolali. Te ami dabe te taun Karkemisba sabolali, te wę Yufretis pęde dao. Te kibu be me si me si wabode te Jehoiakim, te Josaiago ogwa, te Juda king bidibo sogo, te Babilon king Nebukatnesargo ami dabego te Isip ami dabe dali boi hwjagaselama, tama te hanu Karkemisde augwali aiyaba elalui. Te Isip ami tobolu bidiba pusabo po e tiwai dao,

³ “Dage Isip dabe, dagego te awa sabele dabe selama,

te boi hwjabo sisi yao,” te po wai.

⁴ “Dagego kibu hos dabe dodolao.

Te dage hosde dugulama, hwjabo ami dabe, dage te duga hos dabede dugayao.

Dagego duga kapago nigai madi munama, te lainde wasilama, te hwjabo sisilalua.

Te duga ene dabe dodolama,

[†] 45:1 ² Kin 24:1; ² Sto 36:5-7; ^{††} *Te Jeremaiaogo Godigo po te Jerusalemde pusali sogo, me sogo Godigo te gasa bulu kantri dabego po agabolo mawai. Augwaligo te po dabe deliba sisi-nama, munama, te profet Jeremaiaogo bukude asęna siligi pai dao.*

te dage deli deligo te kapa holobo ugwa gudama, bidao,” wali.

⁵ “Tialima, megı da, magı ebawe?

Ena Genuai Bidi, eno sualı, te Isip dabe wi mu elama, te edaba wi ma begasa asobao.

Te boi bidi dabego augwaligo bomai ami bidi dabe aiyaba mu elalubaso,

te Isip dabego boi hwjani tagalama,

te umagia mu ma begasa asobao.

Augwaligo begelama, tudiba me tonobeo.

Magı baso meni, te bidi dabe wi ilibo nai dabe te augwali tigidali badu elalua pabo dao.

⁶ Te asesa polo mu udabo bidi,

ma te hwjbo bomai bidi tagalao,

augwali te boi bidi dabede wi painu ebaso, usu me egobeo.

Menio. Augwali esela pabo bidi tiwai umuna palama, te wę Yufretis pęba tulalueibao,

te not badu tama tiaibao,” wali.

⁷ Mena hani dabe te wę Nail tiwai te tę kantri Isipde pedelama,

te genuai wę bomo elama, asobo tiwai ebawe?

⁸ Te Isip hani dabe tama dao.

Augwali te genuai aıj Nail tiwai pedelama,

tama te genuai aıj bomo elama asobo tiwai ebao.

Kantri Isipgo te tiwai po wai,

“Ena te genuai pedelama,

te tigidali tę habu mesega saibao.

Tama eno te taun dabe dali,

tede bidalubo we bidi dabe dali dolaibao.

⁹ Dage eno hos dabe, dage udayao.

Dage eno karis dabe, dage umagia mu udayao.

Dage eno bomai ami bidi dabe,

dage te tę kantri Sudan me Libia ami dabe,

dage te hwjbo sabele tolasa pabo bidi dabe,

dage Lidia ami dabego,

dage te enesigigo enebo koneai bidi,

dage tigidali te boi hwjgi pao,” te po wai.

¹⁰ Isipgo te tama po wai, tialima,

te hwjbo sę te Godigo sę tama,

te Tigidali Bomo Elalubo Genuai Bidi dao.

Te sogo aga boi bidi dabeba dwai dene wei ponaibao.

Te bomai boi mu hwjnama, te bidi dabe isila paibao.

Te bainat hwęgo nasi mu ebaso, te bidi dabe tigi tuyu,

te kaneme tueibao,

tama te bainat mu pęęana paibao.

God, Genuai Bidi Tigidali Bomo Elalubo dao,

te hani dabe elama,

te aga te wę Yufretis badu pęde te ofa ebo tiwai yaibao, te not badu dao.

¹¹ Genuai Bidigo te tama po wali,

“Kantri Isip, nago te gesi wegi aga tigde te keni me deli pedelai tiwai elalui.

Nage te Gileat badu pelama,

te wiegi yai marasin me deli gegegi pao.

Tiali goli, nage te haniani marasin sabo sę dene odolali

yaibao.
 Te marasin me deligo nago keni me deli pedela
 somainogo ebaso, usu me egobeo.
¹² Te nago ami dabe wi tedela peyu,
 te augwa tigide digi hudula palama,
 te augwa deliba tula muaibao.
 Nage te boi hwjani tulalubaso, te nage hale mu elama,
 te gasa t̄q kantri dabego nage hale yali po odaibao.
 Te nago gela wali te tigidali t̄q pedai usu naibao,"
 te po wai.

King Nebukatnesargo Isipba boi hwjagasaibao

¹³ Genuai Bidigo po me deli te profet Jeremaibolo
 mawai, te Babilon king Nebukatnesargo te Isipba
 hwjagasali sogo. Te po e tama wai dao, †

¹⁴ "Dagego te taun Mikdol, me Memfis, me Tapanes,
 me te gasa Isip pedai badu, teba te po hanilama,
 pusao.
 Augwaliba te tiwai po wao,
 'Dage Isip te hwjabo sisilama, dolalua.
 Magi baso meni, te boi bidi pedelama,
 te dage ela mubo s̄q yaibao.
¹⁵ Te magi elama te Apis,
 te bulmakau omai tiwai tibo god me deli dagego
 nigali,
 aga te wi pelama, te bomo elama, dolalube dawē?
 Te page e tiwai elalubao.
 Genuai Bidigo digi te aga tula paliyu s̄qwaibao.
¹⁶ Te Genuai Bidigo te Isip hani hauwa tulalubo s̄q
 ilaibao.
 Te gasa bulu kantri we bidi augwade digi te tama po
 waibao,
 "Te bageo, dago te Isip tagalama,
 te dena hani we bidi dabeba ma pelainao.
 Te boi bidi dabego te bulu kantri dolobo s̄q ebaso,
 tama da dena page buluba ma pinao."'
¹⁷ Te augwa buluba ma sabolama,
 tama te Isip kingba te tiwai gesi nogi mawaibao,
 Odolali Po Daga Olama, Hagoma Eyu, Te S̄q Yabo
 Sogo Hagawai dao, te nogi poaibao."
¹⁸ Tialima, te king mu bidibo kingo nogi,
 te Tigidali Bomo Elalubo Genuai Bidi dao,
 te agai te tiwai po wali,
 "Ena Genuai Bidi, ena sesemane sogo bidada paibao,
 eno po dolo obao, bidi me deli asaibao,
 tama te bidigo bomogo te gasa bidi dabego bomo
 aiyaba
 elalueibao,
 te bulu du Taborgo te gasa bulu du dabe
 aiyaba elalubo tiwai yaibao,
 tama te bulu du Karmel te tamu āj nambisde ugwadu
 mu elalubo tiwai yaibao," wali.
¹⁹ "Dage Isip dabe, dage gasa kantriba kalabus igi
 paibao,
 te duga doado bage sisi ela muao.

Te boi bidi dabego te taun Memfis dolama,
 tama te taun olo elalu, bidi tede me bidigobeo,"
 te po wai.

²⁰ Genuai Bidigo te tama po wai,
 "Isip te sawi yai gesi so bulmakau me deli tiwai elalu-
 ai.
 Tiali goli, te dwai bolia me deligo te not badu tagala-
 ma
 asu,
 te aga gāq kelagasobao.
²¹ Te Isip dabego te gasa hani bidi dabe te augwa ami
 bidi pedalumainogo abelali.
 Te Isip dabego augwali bugagia tonalubaso,
 te augwali bugagia mu bidali,
 te nisai bulmakau tiwai yali.
 Tialima, te boi bidi pedelabo sogo,
 te bidi dabe te hwjbo tagalama, wi paibao,
 te gasa Isip ami dabego me te tiwai yaibao.
 Augwali te bomo elama,
 dolalu me hwjbeo, magi baso meni, te dwai s̄q ebo
 sogo mu augwaliba pedelama, te augwali dolaibao.
 Te sogo te augwa yali dwai kolesagade usu nama,
 te augwali dwai dene mu saibao.
²² Te genuai boi bidi hani asobaso,
 te Isip dabe wi elama, wi pelama,
 te augwa genuai posolu me wagobeo.
 Augwa te posolu wabo te hasamani wi peyu,
 kili kili wabo tiwai yaibao.
 Te boi bidi dabego te hwago ni dabe gelainogo asobo
 tiwai elama,
 augwa sigi hwā tolasa asaibao.
²³ Te Isip dabe hauwa ebaso, te bomo umabo elaluali,
 te bulu tomode ni dabe benegelama elalubo tiwai
 mu elalu,
 te bidi dabe tomoba pabo usu meni yai.
 Tialima, te boi bidi dabego namba te umabo mu
 elalubaso,
 te kuli mano genuai hani dabe aiyaba elaluali.
 Tibaso, ena Genuai Bidi, eno te po obao,
 te boi bidi dabego te Isip dabe mu silaibao,
 te bidi dabego te bulu tomode ni dabe gela silibo
 tiwai yaibao.
²⁴ Te Isip dabe eno te not badu hani bidi dabe nogoba
 mubaso,
 te Isip dabe hale dwai mu yaibao," wali.

²⁵ Tigidali Bomo Elalubo Genuai Bidi, aga te Israelgo
 God, agai te tiwai po wali, "Odao. Eno dwai dene te
 Emonba tamadi mawaibao, te Tebes taunde tibo god
 dao, te Isip king dali, te we bidi dabego me, te homu
 eyu, te kingo augwali tau selama, bugagia bidaibao
 homu ebaso. Eno te dwai dene mabo s̄q te Isip kantri
 we bidi dabe dali, te augwa god dabe, me te aga king-
 ba te dwai dene mabo s̄q yaibao. ²⁶ King Nebukatne-
 sargo aga ofisa dabe daligo te Isip dabe ela muainogo
 yaibao. Tama eno te Isip dabe te Babilon dabego no-
 goba mawaibao," wali.

† 46:13 Jer 43:10-13

"Tialima, nosali da, te we bidi dabe te Isipde polobadu bidali tiwai ma bidaibao. Ena Genuai Bidigo, eno te po wai dao," wali. †

Genuai Bidigo aga we bidi dabe ma saibao

²⁷ Genuai Bidigo te tama po wali, "Dage Israel, dage Jekopgo hani, dage eno sę bidi me sę ebo we dabe, dage wi me elama, dwai noma me sigio. Mu tama, te eno dage kalabuside bidibo digibulu bulude bidibadi, te eno dage ma saibao. Te dage duga tęba ma aselama, bugagia bidagameo. Te mena hani me deligo dage wi me iligobe dao. ²⁸ Dage Israel, dage eno hani, dage eno sę bidi, me sę ebo we dabe, dage wi me igimio, magi baso meni, ena Genuai Bidi, ena dage dali bidibao. Eno dage sela sęnama, te augwali dali dage bidigi pali hani dabe te eno augwali mu silimainogo yaibao. Dagego te dwai sę yali dao. Tama eno dage dodolobo sę igi menigi da, te dolo meni da. Tama tibaso, eno dage e tęde sela sęwaibao. Tiali goli, dage da, eno me siligobeo. Mu tama, eno dwai dene dagebolo mawai, tialima, te eno doloba pai kolesaga wali peyu, te eno dage dodolobo sę yai dao," te po wali. ††

Genuai Bidigo po te Filistia dabede elalui

47 Genuai Bidigo te kantri Filistia dali po elalui, tama agai te po te Jeremiaibolo mawai, te Isip kingo te Gasa buluba boi hwęsiębadi, te Filistia dabego genuai taun me deli dao. ² Genuai Bidigo te tiwai po wali, †

"Suao. Te not badu aę genuai pedalubao. Te augwali bomonama udayu, te boma pai mu dao. Te wę asobo bomo tiwaigo te tęde elalubo nai dali tigidali mesegelaibao. Tama agai taun dali, te taunde bidali we bidi dabe dali, mesega saibao. Te tę kantri we bidi tigidali wi ebaso, bomonama i weyu, dwai gela mu waibao. ³ Augwaligo te hos dabe udayu, sęga pidi bu wabo odaibao. Te augwaligo karis dabe bomonama kekeyu, te wil dabego kidagalo wabo odaibao. Tibaso, te we bidi dabe wi umabo ebaso, wi paibao. Te ayago te augwa wai puluba dabede homu kone palama, te augwali tau siyu, me tonalugobeo. Augwa nogo bomo kimi mu isiyu bidaibao." ⁴ "Magi baso meni, te Filistia tigidali dolabo sogo, te pedelalio. Eno augwali sunumi paliama, te augwaligo Tair me Saidon dabe tau me sogobeo. Polobadu mu te Filistia dabe augwa wę nęq dabego te ailan Krit tagalama, te genuai buluba bidagasali.

† 46:26 Ais 19:1-25; Ese 29:1-32:32 †† 46:28 Jer 30:10-11

‡ 47:2 Ais 14:29-31; Ese 25:15-17; Jol 3:4-8; Amo 1:6-8; Sef 2:4-7; Sek 9:5-7

Tialima, megi da, Genuai Bidi eno te dwasianu bidalubo

Filistia hani dabe dolainogo homu ebo dao.

⁵ Te Gasa hanude bidibo bidi dabe augwa haliga sęę dwai mu elama, augwa tobolu nisi pola sęwaibao.

Tama te taun Askelon mu dolaibao.

Dage te odo malu bulude bidalubo dwasianu hani, nisu sogo dagego homu dene ebo silama, te dagego duga tigiwali togobo kolesaga tagalaibawe?

⁶ Dagego e tama tiwai i wali,

'Genuai Bidigo bainat hwę,

nisu sogo nago te da dolobo sę silaibawe?

Bainat, te naga bulubo be tomoba ma bula sao.

Nago te sę tagalama, toma nao,' dagego te po wali.

⁷ Tialima, ena, Genuai Bidi,

eno te sę ena bainatba mawai.

Tama tibaso, bainatgo te sę ebo me tagalogobeo.

Eno te hwę bainatgo te bulu Askelonba boi hwęgi pomainogo,

me te nambisba te gasa we bidiba boi hwęgi pomainogo tagala palai dao," wali

Kantri Moap dolaibao

48 Genuai Bidigo kantri Moap dali po elalui. Tigi-dali Bomo Elalubo Genuai Bidi, aga Israel dabego God, agai te tiwai po wali. ††

"Hobede mu dao, te boi bidi dabego te Nebo taun mu dolaibao.

Te boi bidi dabego te Kiriataim elaluama,

te bomai obo elaluali taun, te dolaibao.

Tama te taunde we bidi tigidali hale dwai mu saibao.

² Te Moapgo genuai nogi elaluali, te tulaluaibao.

Te boi bidi dabe te taun Hesbonba sabolama,

te augwa Moap dolabo kolesaga yabo po miaibao.

Augwa te tiwai po waibao,

'Te bageo, dago te we bidi hani mu siligi paibao, tama te kantri Moap munu ma elalugobe dao,' waibao."

"Dage te taun Matmen we bidi tigidali,

te boi bidi dabego dage dolama,

tama dage tigidali te gę pageba paibao.

³ Te taun Horonaimde genuai gela wabo odao.

Augwa te tiwai i waibao, 'Tigidali nai mu dolali dao.'

⁴ Moap dolobaso, te augwaligo wai dabego gela ogolu

holobo genuai mu pedelai dao.

⁵ Te Moap dabe wi paibao.

Te augwa gela umagia mu weyu, te taun Luhitba te

sunumidu ugwaba holiyu,

te taun Horonaimba aiya dulaibao.

Tama augwaligo gela u wabo, te genuai mu pedelai dao,

magi baso meni, augwa bulu mu dolai dao.

†† 48:1 Ais 15:1-16:14; 25:10-12; Ese 25:8-11; Amo 2:1-3; Sef 2:8-11

⁶ Augwaligo te tama po obao, 'Polo wi pao. Tiyu, dage dolabuo. Dage te olo masigi kemi buluba pelama, geme dualalugi pao,' augwaligo te po obao."
⁷ "Moap, nago te yali sę dabede me, mone dabe me, homu kone palobo sę bomo elalu, te nago homugo te nai dabego nage tau selama, te nage bugagia bidaiba homu ebao. Tialima, nago te homu ebo te wiegi yai menio. Tibaso da, te boi bidi dabego te boi hwjbaso, te nage aiyaba elalueibao. Tama nago tibo god Kemos te augwaligo selama, te gasa bulu kantriba kalabus igibu sela paibao, te aga pris bidi dabe me, te Moap tobolu bidi dabe dali sela paibao.
⁸ Te boi bidi dabego tigidali taun dolagaselama, te taun me deli te bugagia me elalugobeo. Augwaligo te odogo malu bulu me dolobadi, te ugwadu doloba pai bulu me dolaibao, te ena Genuai Bidigo, eno po wali gilama yaibao."
⁹ "Te Moap aga te ba tiwai te bogo elalugi sogo da, te wiegi yai ebaso, te dolobo sę agaba asidali weyu, bola pigi da. Te aga taun tigidali dolama, te olo elaluaibao. Tama te taun dabede bidi me bidigobeo."
¹⁰ Eno homugo Genuai Bidigo mabo sę te sę ebo hagela ebo bidi dabe te Genuai Bidigo dolainogo yaibao. Te agai te bidibolo weyu, te gasa bidi bainatgo elao po wali, te bidigo te isąbaso da, teda Genuai Bidigo aga dolaibao.

Te Moapgo taun tigidali dolaibao

¹¹ Genuai Bidigo te tiwai po wali, "Te Moap kantri gesi sogo dąj elasa, te megı e sogoba usu nagasobao, te mena sogo me deli te boi bidi dabe aselama, me dolagaselama, te we bidi dabe gasa kantriba kalabus me sela pisąwai. Moap te bidi dabego nigilama, te elalumainogo yali wiegi yai wain ąj tiwai dao. Te augwa te me botoldu te gasa botolba tabia sisąwai tiwai elalui. Te aga pusu me tama elaluali, te aga denami wiegi yai dao.
¹² Tiali goli, ena Genuai Bidi, eno po dolo obao, eno te bodolu muani sogo me deli elalubao, tama te sogo eno te bidi dabe tagala palama, te Moap dolagasaibao, te bidi dabe te wain tąba gea palagaselama, te wain buali sospen subigila gea palama, alua sąbo tiwai yaibao.
¹³ Tama te sogo te Moap dabego te god Kemosde hale mu yaibao, te tibo god Betel bulude elalui Israel dabe hale yali tiwai, te sogo te godigo augwali tau saiba homu yai dao.

¹⁴ Dage Moapgo, magi baso dagego te po weyu, dage te bomai ami dabe te dagego hwjbo mu koneai da wabo dawe?" Genuai Bidigo te po wai.
¹⁵ Te king, aga nogi te Tigidali Bomo Elalubo Genuai Bidi, agai te tama po obao, "Te boi bidi dabego te Moap dolagaselama, te taun dabe saibao. Augwaligo te Moap wiegi yai gesi ogwa bidi dabe ela mubo sę umabo yaibao.
¹⁶ Te Moap dolabo sogo pąde yalio. Te dolabo sę polo tama mu pedelaibao.
¹⁷ Dage Moap pąde bidibo hani tigidali, te dage hani tigidali te aga genuai nogi koneai, dagego aga hobede elama, te tama po waiąo, 'Hobede mu dao, te bulu kantrigo bomo me genuai nogi elaluali, te tulaluali dao,' po wao."
¹⁸ "Dage te taun Dibon we bidi, dagego te duga genuai nogide homu kone elalubo tagalama, te wa pai tąde olo bidi bidibo tiwai yao. Magi baso meni, te Moap dolobo sę yabo bidi, te dageba pedelama, te duga bomai obo elalubo hanu dabe dolaibao.
¹⁹ Dage te taun Aroer we bidi dabe, dage te sunumi sesegeba doligi pelama, te wi asobo we bidi augwali suao. Te augwaliba dagego hanalu wao, 'Mena sę pedalubaso, dage wi asobawe?'
²⁰ Te augwaligo te tiwai po wei ponaibao, 'Kantri Moap dolobaso, te megı da, aga dwai hale mu ebao. Te dagego hobede mu elama, i olama, te gela bomo elama wao. Dage te wę Arnon pąba pelama, te we bidi augwaliba te tama po walao, Moap dolai dao po wao.' Te wi asobo we bidigo te po waibao."
²¹ "Te doloba pai bulu pesagede ugwadu elaluali taun dabe, augwaliba te dwai dagalabo sogo pedelai dao. Te e tama taun dabe dao, Holon, me Jasa, me Mefat,
²² me Dibon, me Nebo, me Bet Diplataim,
²³ me Kiriataim, me Betgamul, me Betmeon dao,
²⁴ me Keriot, me Bosra dao. Te Moap gasa taun dabe tigidali me dwai dene salio, te pąde elaluali, me digibulu elaluali, te tiwai sę naga pedelalio.
²⁵ Te boi bidi dabego Moapgo bomo aiyaba elaluama, te Moapgo aga tau sabo mena sę me deli yabo usu meni yai. Ena Genuai Bidigo, eno te po wai dao," wali.

Genuai Bidigo Moap aiyaba elalui

²⁶ Genuai Bidigo te tiwai po wali, "Moapgo ena dali hagoma ebaso, te eno homugo te boi bidi dabego

aga elalumainogo homu elama,
 te aga bomai aḵ tulama, geḡ page ebo bidi tiwai
 pedalumainogo ilimainao.
 Te aga bugali bogu daide pila mudu,
 bebegeludubaso, te bidi dabego aga
 gisugu momainogo yaibao.
²⁷ Moap, polobadu nago posobo po olama,
 te Israelba dwai gisugu mawai
 Magi yaliwe?
 Nago homugo Israel te nai wi sabo hani tiwai me deli
 bidibaso,
 te nago agaba posobo po weyu,
 te nago aga nogi aiyaba elaluai da, agawe?
²⁸ Dage Moap, dage te masigi dedage buluba geme
 duala sigi piḡo.
 Dagego te ba dabego augwa be te sau dagede sḡ
 ebo
 tiwai gilama tama dage me tiḡo.”
²⁹ “Da tigidaligo te Moapgo hagoma kolesaga ebo po
 odali.
 Te bageo, Moapgo hagoma mu ebao.
 Agai aga digi nogi ugwaba siyu,
 te subigila hagoma mu yali.
 Te agai te aga polalubo mu dao homu yali dao.
³⁰ Ena Genuai Bidi, eno agai hagoma kolesaga ebo
 koneani.
 Tialima, agai odolali te agai yali sḡ tigidali te
 hagawaibao.
³¹ Te tigidali Moapde eno hobedai gela waibao.
 Te Kirheres we bidi augwalide eno homu dene mu
 ebo
 dao.
³² Te taun Jaser dolobaso, ena gela obao.
 Tialima, te taun Sipma, nage dolobaso da,
 te ena gela wabo ogolu mu yaibao.
 Sipma, te nago wain gi hauwa umabo mu elalubao,
 te sigi aḵ Detsi, me sigi aḵ Jaser,
 teba usu nigi pai elalubao.
 Te boi bidi dabego te wiegi yai ni wain me,
 te nago gasa ni dabe me dolaibao.
³³ Te Moapgo tḡde wiegi yai nai hauwa pedalubaso,
 te bidi dabego te nai siyu, wiegi yai pemene yai.
 Tiali goli, te wiegi yai pemene elama,
 gisugu wabo kolesaga te silaibao.
 Eno te tama tilama, te wain du agabo masigi poude
 te
 wain augwaligo munu ma nigigobeo.
 Augwa te i olama, pemene eyu,
 te wain agabo sḡ yali me egobeo.
 Mu tama, te augwa i weyu da yaibao,
 tiali goli, te augwa pemene elama, i me wagobeo.”
³⁴ “Te Moap dabe dwai gela waibao,
 te taun Hesbonde gagalasa pelama,
 te taun Eleale, me taun Jahas, te notba usu nigi
 paibao,
 tama te taun Soarde gagalasa pelama,
 te taun Horonaim, me taun Eklat Selisia, te sautba
 usu nigi paibao.

Magi baso meni, te tama kantri tḡ dolaibao.
 Tama me, te weḡ Nimrim tigidali mu sula saibao.
³⁵ Ena Genuai Bidigo eno po dolo obao,
 eno te Moap dabego te bulu duba holama,
 te lotu wagilu, te wiegi yai denami yai ofa dabe ebo
 pesage,
 me te augwa gasa godiba lotu wabo pesage,
 tigidali dolaibao wai dao.
³⁶ Tibaso, eno te Moap, me te taun Kirheres we bidi,
 augwaliba homu dene mu ebao.
 Eno hobede ebo te bidigo genuai hobede elalu,
 te ona elibo tiwai yai.
 Te Moap dabego sali wiegi yai nai tigidali ha-
 gawaibao.
³⁷ Augwa homu dene mu elama,
 augwa tobolu nisi me penane nisi poawaibao.
 Te augwa nogo dabe togoyu elama,
 te hobede ebo ugwa gudaibao.
³⁸ Ena Genuai Bidi, eno te kantri Moap
 dolaibao, te bidigo te sḡ meni yai te tḡgo nigai
 sospen dabe alubo tiwai yaibao.
 Te Moap habu tigidali badu,
 te genuai gela u wabo pedelaibao.
 Te augwa bede ugwadu bidali me,
 bidi sisinibo pesagede bidali me,
 tagalao, tigidali te gela wabo umabo mu yaibao.
³⁹ Mu tama, Moap tigidali mu togwa pelama,
 te we bidi augwali dwai gela waibao.
 Moap da, te dwai hale mu ebo bidigo aga gesabidi
 halua
 sabo tiwai gilama yaibao.
 Te Moap paḡde bidali hani dabe
 augwaligo te sḡ dabe te Moapba pedalubo sulama,
 te augwali wi dwai mu elama,
 te Moapba posobo po waibao,”
 Genuai Bidigo te po wali.

Te dolobo sḡgo Moap me geda mugobeo

⁴⁰ Genuai Bidigo te tiwai po wali, “Suao. Te boi bidi
 dabe umagia udayu, te Moap dolainogo ebao,
 te ba kemodagego te hasa bolo elainogo ebo tiwai
 yali,
 te tobolu nisi diligina pelama,
 te aga bogo nisi diligina pabo tiwai ebo dao.
⁴¹ Te boi bidi dabego te taun dabe me,
 te bomo elama, boi hwjbo pesage me saibao,
 tama te sogo te Moap ami dabe wi elama,
 homu si yaibao, te we dabe augwali te wai
 ame nainogo ebo sogo tigi dene ebo tiwai yaibao.
⁴² Moapgo Genuai Bidi ena dali hagoma ebaso,
 te Moap mu dolaibao,
 te Moap hani da, te munu me bidigobeo.
⁴³ Ena Genuai Bidi, eno po dolo obao,
 te bidi wi ilibo nai dabe me,
 te genuai tḡ dedage me,
 hagai mubo wa dabe te elalubao,
 te Moap we bidi dabe dage dolabo nai dabe dao.
⁴⁴ Te bidi wi ilibo naide te bidi me deli wi pobaso da,

teda aga te genuai dedageba tulalueibao.
 Te aga dedage tagalama, te buluba teda holobo si da,
 teda aga te hagani mubo wago tola saibao.
 Ena Genuai Bidigo te Moap dabe dage dolabo sogo
 bodolu te tama muai,
 tama tiyu, eno dage doalibao," wali.
⁴⁵"Te Moap we bidi dabe te boi bidi dabede wi elama,
 te taun Hesbonba geme duala sigi painogo yali.
 Tiali goli, menio.
 Augwaligo te Hesbon sia dabo suai,
 te polobadu te king Sihon bidali sogo sia dali tiwai
 yai.
 Tama augwali te taun tomoba pabo usu meni yai.
 Augwaligo te mena sę yabo bomo me elalubeo.
 Te siago te kantride elaluali nai tigidali dela silali,
 te bulu kantri dąjde elalubo,
 ma te hwjbo bidi dabego bulu du ugwadu elaluali
 me,
 te tagalao, te siago dela silai dao."
⁴⁶"Dage Moap, dagede hobede mu ebao.
 Dage te tibo god Kemosgo we bidi,
 dagego bomo te hagawalio.
 Te boi bidi dabego dage pageabi elama, te dage sela-
 ma,
 te gasa kantriba kalabus igi paibao."
⁴⁷"Tialima, te nosali sogode eno te Moap wiegi yai
 ma pedalumainu yaibao.
 Ena Genuai Bidi, eno te po walio."

Genuai Bidigo te Moap bage dagalabo po tigidali
 wali, te silali dao.

Genuai Bidigo te Amon dabeba dwai dene mawaibao

49 Genuai Bidigo po te Amon dabede elalubao.
 Agai te tiwai po wali, †

"Magi yaliwe?
 Te Israel dabego ogwa dabe meni yani homu elama,
 te augwa aya dabego tų dabe doado bage sogobe
 da, agawe?
 Te augwali elalubadi yaibaso da,
 teda magi baso te Amon dabe,
 te tibo god Molekgo hani dabego,
 te Gat hanigo tų saliwe?
 Te magi baso te Amon dabe te Gat hanigo taun dabe-
 ba
 bidigi pai dawe?
²Ena Genuai Bidi, eno te po obao,
 mu tama eno bodolu muani sogo me deli elalubao,
 tama te sogo eno te boi bidi dabego te taun Raba
 teba hwjgi pomainogo tagala palaibao,
 te kantri Amongo genuai taun dao.
 Augwaligo te taun dolama,
 te olo pobebe bage du holali tiwai elalueibao.
 Te boi bidi dabego te genuai taun pąde elalubo bulu
 dabe siago ulaibao.
 Tama nosali, te Israel dabego te Amon dabego sali tų

† 49:1 Eze 21:28-32; 25:1-7; Amo 1:13-15; Sef 2:8-11

ma saibao.

Te Genuai Bidi, eno po dao."

³"Dage Hesbon hanu Amon hani we bidi dabe,
 dagego bomonama gela wao,
 magi baso meni, te taun Ai dolalio.
 Dage Raba taun we bidi dabe, dagego gela waiyaų,
 dagego te hobede ebo ugwa gudama,
 te hobede ebo tęąbi wao.
 Te dage wi painogo, me badu udayu, gelama,
 gasa badu udayu yao.
 Magi baso meni, te boi bidi dabego Molek saibao,
 duga te tibo god, te gasa kantriba sela pelama,
 kalabus igi paibao,
 te aga pris dabe dali me, dage Amon tobolu bidi
 dabe me,
 te kalabus paibao," te po wali.

⁴"Amon, nago koneai, te nago odogo malu bulu te
 mu

polalubao,
 te nago sesemane sogo nago te bulude wiegi yai nai
 hauwa pedalubo po minama, te pemene ebao.
 Nage hagoma ebo we, magi baso nago
 te tiwai po wabo dawe?
 Nago te naga mone me doado bagede homu kone
 palama te po wali,
 'Dego ena dali hwjagasaibawe?' wali.

⁵Tialima, odao.

Ena God, Tigidali Bomo Elalubo Genuai Bidi,
 eno po dolo obao,
 te nage pąde bidibo hani tigidali eno hodolama,
 te augwaligo nage wi dwai mu ilagasaibao.
 Te augwaligo dage Amon dabe sela sąbaso,
 te dage tigidali tų habuba wi tedela pelawaibao.
 Te dage ma sisinabo bidi meni yaibao," wali.

⁶"Tialima, nosali eno dage bidibo te wiegi yai ma
 pedalumainogo yaibao.
 Ena Genuai Bidi, eno te po wai dao," wali.

Genuai Bidigo dwai dene te Idom dabeba mawaibao

⁷Genuai Bidigo te Idom kantride po elalubao. ††
 Tigidali Bomo Elalubo Genuai Bidi, agai te tiwai po
 wali,
 "Magi yaliwe? Te Teman hanu we bidi dabego te wiegi
 yai homu kolesaga munu me elalubo homu meni
 da, agawe?
 Te augwaligo wiegi yai homude koneani kolesaga te
 hagawali da, agawe?
⁸Dage Dedan we bidi dabe, dage te taun tagalama,
 wi peyu, tama te masigi ola be dabeba geme buga-
 gia
 duala sigi pao.
 Magi baso meni.
 Ena Genuai Bidigo eno te dene mabo sę ebo sogo mu
 te
 Idomba pedelaibao,
 dage Isogo hani, te dage dolaibao.

†† 49:7 Ais 34:5-17; 63:1-6; Eze 25:12-14; 35:1-15; Amo 1:11-12;
 Oba 1-14; Mal 1:2-5

Te sogo eno te dagego dwai kolesaga yali wei pon-aibao," wali.

⁹ "Te bidi dabego te wain du ina yani tau yai sagasobo sogo, te augwaligo tigidali me sogobeo. Menio.

Te meba augwaligo ela soaibao.

Te nai wi sabo bidi hulide asu,

te augwaligo godolo yali nai naga sabo dao.

¹⁰ Tialima, eno te Isogo waj̄ nq̄ hani dabeba dwai dene mabo sogo,

eno dagego nai doado bage tigidali dolaibao.

Eno dagego geme duala sabo pesage tigidali dolama, te dage geme ma duala sogobeo.

Te dage Idom badi, te dage p̄de bidibo hani dabe, dage tigidali dolaibao.

Tama te Idom hani tigidali mu silaibao.

¹¹ Tialima, dage Idom dabego duga wai puluba dabe-de

homu si me igio.

Te aya dage isibaso da, te ena digi eno dagego wai puluba dabe tonaluaeibao.

Te dagego we dabe augwa digi ena nogoba mumain-ogo yaibao," wali.

¹² Genuai Bidigo te tama po wali, "Eno te hauwa we bidi dabeba te dwai dene mabo s̄ yaibao. Te augwaligo dwai s̄ genuai me isaḅadi tagalao, te eno dene augwaliba mawaibao. Te Idom, nago homugo eno nage ela soaiba homu eba, agawe? Mu menio. Eno nage me ela soagobeo. Eno nageba me te dene mawaibao. ¹³ Ena Genuai Bidi, te ena nogide digi eno te tiwai mu po obao, eno te dagego polalubo taun Bosra dwagila mu dolaibao, te aga olo bulu pesage tiwai pedelaibao. Te gasa hani we bidi dabego eno te s̄ te taun Bosraba yali s̄ po odama, te augwa wi elama, dwai midigi saibao. Te augwa te Bosrabelo te dwai posobo po waibao. Te hanigo te augwa boi bidi dabe-de dwai posobo po wabo sogo da, augwa te tiwai po waibao, 'Dage te Bosra taun dolali tiwai gilama yagameo.' Eno te t̄ kantri Idom taun tigidali dolama, te dolali te tiwai sesemane elaludaibao," wali.

¹⁴ Genuai Bidigo ena Jeremaibolo walali, te agai te we bidi hani dabeba te po magi po omainogo te bidi me deli tagala palu, te tiwai po walio,

"Dage tigidali sisinama, te Idomba hw̄gi pao. Hogodama, te boi hw̄gi pabo sisi yao," wali.

¹⁵ Genuai Bidigo te t̄ kantri Idomba waliyu, te po wai, "Idom, odao.

Eno nage te olo nai me tama tiwai te gasa hani we bidi

dabe tomode pedalumainogo ilaibao.

Te augwaligo nage begela mu dolaibao.

¹⁶ Nago te gasa hani we bidi dabe wi mu ilama, te nago nage te polalubo mu da homu yali.

Tialima, naga digi tibo po ola mawai.

Nago genuai taun te bulu du pesage daide ugwadu elaluali.

Tialima, te nago taun te ba kemodagego be daide ugwadu s̄ ebo tiwai elalubo, te tagalao, te nage eno aiyaba kekasa duleibao.

Te Genuai Bidi, eno po dao."

¹⁷ Genuai Bidigo te tiwai po wai, "Idom dolama, te bidi dabe wi ilibo nai pedelama, elaluaeibao.

Te gasa hani we bidi dabe te badu aselabo sogo, te augwa Idom sulama,

te augwa midigi dwai mu selama, nogo hogwayu, te wi umagi mu yaibao.

¹⁸ Polobadu eno te taun si Sodom me Gomora dolobadi,

te p̄de elaluali taun dabe me dolali,

tama te bulu pesage dabe olo mu tama elaluai.

Te ena Genuai Bidi, eno te po obao,

te tobage s̄ naga te Idomba pedelama, † tede bidi deli me bidigobeo.

¹⁹ Te genuai uni hasa laiongo aga bulu tomo buside te

w̄ Jordan tagalama,

te sipsip dabe augwa te wiegi yai nosai tubo s̄ ebo madi pedelaibao.

Tama pedelama, polo mu tama te laiongo te sipsip dabe

daboa sabo dao.

Te tiwai me, deli sogo naga mu tama,

eno te Idom dabe augwa t̄de bidali ela gudulaibao. Tama eno te t̄ tonaluabo bidi me deli nigilaibao,"

wali.

"Eno tama tebo sogo, mena bidigo ena dali konila po waibawe?

Te dego eno bomo tobage elalubawe?

Te mena tobolu bidigo enaba boi bidi yaibawe?

²⁰ Te eno te t̄ pedai Teman we bidi dabeba yabo s̄, me te gasa Idom kantri pedai badu yabo s̄, te eno homu kone palai elalubo, te bugagia olo muao.

Eno te we bidi dali, wai puluba dabe me,

tigidali sela s̄waibao,

te laiongo te sipsip tigidali ela munama,

te augwa tigi kekasa pabo tiwai yaibao.

Te Idom t̄go digi eno te ebo s̄de dwai midigi mu yaibao.

²¹ Te kantri t̄ Idom degasa dulubo sogo da,

te bugusu wabo genuai pedelama,

te t̄ mumunu ilama, te mali ebo tiwai ilaibao.

Tama te Idom dabego gela u wabo te genuai ped-alubo

s̄ eyu,

te mama yai tamu āj Retsi wabo tamu āj d̄jba usu nugi paibao.

²² Te boi bidi dabe umagia aselama,

te Bosra taun dolainogo eba,

te ba kemodage ugwaba bola holama,

† 49:18 Gag 19:24-25

te tobolu nisiba mage bula selama, aiyaba dulama,
te aga bogo diligasa dulu,
te hasa bolo elibo tiwai yaibao.
Tama te sogo te Idom ami dabe
wi elama, homu si yaibao,
te we dabego wai ame nainogo tigi dene ebo tiwai
yaibao," wali.

**Genuai Bidigo te kantri Damaskusba dwai dene
mawaibao wali**

²³ Genuai Bidigo te kantri t̄ Damaskusde po
elalubao. Agai te tiwai po wali,
"Te taun Damaskus taun si Hamat me Arpat we
bidi augwaligo te dwai nai augwaliba pedelabo po
odama,
te augwali midigi dwai mu yalio.

Augwali wi ebaso, te bugagia me dugulalubeo.
Augwali te tiwai te nambisde genuai āj dini asu,
te bugagia bidisābo tiwai ebo dao. †

²⁴ Te Damaskus taun we bidi dabe te bomu mu
meni yani.

Augwali te we me deli wi painogo ebo tiwai yali,
tialima aga te wi dwai mu elama, te aga usu ebeo.
Augwali te genuai dene me sēgē elaluali,
te wego wai tega painu dene ebo tiwai yai dao,"
wali.

²⁵ Te taun Damaskusde bidali bidi me deligo te po
wali,

"Te taun da, genuai nogi elalubaso,
te ena wiegi yai pemene yali.

Tiali goli, te boi bidi dabe teba pedalubaso,
te magi baso te we bidi augwali te taun tagalama, wi
pabewe?" te po wali.

²⁶ "Ena Tigidali Bomo Elalubo Genuai Bidi, eno po
dolo obao,
te sogo te boi bidi dabego te Damaskus gesi ogwa
bidi dabe ela munama,
te augwali bidi sisinama, po mibo
pesagede degasa pai munalua paibao.

Te boi bidi dabego te Damaskus ami bidi dabe
tigidali ela muaibao.

²⁷ Eno te taun Damaskus bagulali obo isigo ulama,
tama te isigo te king Benhadatgo bomai be dabe me
siago daibao," wai dao.

**Genuai Bidigo te Kedar dabe me Hasor dabe augwali-
ba dwai dene mawaibao**

²⁸ Genuai Bidigo po te Kedar hanide me te wa pai t̄
pedai Hasorde elalubao. Te Babilon king Nebukatne-
sargo boi hw̄jnama, te hani dabe aiyaba elaluai. Hasia
bolo God Genuai Bidigo te Kedargo boi bidi dabeba te
po walali,

"Dage hogodama, te Kedarba boi hw̄jgi pao.
Te giliga pedalubo pedai badu te we bidi mu silao.

²⁹ Te ugwa be dabe, me te augwaligo sipsip dabe,

me te ugwa bede mubo ugwa dabe,
me te augwaligo gasa nai dabe selama, te sela pao.
Te augwaligo kamel dabe me sela pao.
Te augwaliba e tama i wao,
'Te dage wi ilibo nai, te tigidali badu elalubao.'
Te po augwaliba i wao," Genuai Bidigo te po wali.

³⁰ Tama Genuai Bidigo te taun Hasor we bidi augwali-
ba te tiwai po wali,

"Dage wi peyu, te digibulu mu masigi ola be dabeba
geme bugagia duala sigi pao, magi baso meni,
te Babilon king Nebukatnesargo
agai dage dolabo sē yabo nai dabe
te homu konea sai elalubo dao," wali.

³¹ Genuai Bidigo te Babilon dabeba te tiwai po wai,
"Dage hogodama peyu,
te bugagia dugulalu, te magi nai
me delide homu kone isābo hani we bidiba boi
hw̄jgi pao.

Augwaligo taun obo meni dao.

Te gasa hani we bidi dabe augwali pāde me bidibeo.

³² Dagego augwaligo te kamel dabe,
me genuai bulmakau hani dabe,
me sipsip dabe tigidali me sagameo.

Te augwa gebo badu tobolu nisi
pēwadage togobo bidi hani dabe eno sela sānama,
te

augwali tedela paibao.

Ena Genuai Bidigo,

eno te t̄ pedai tigidali badu boi bidi
pedalumainogo ilama,

tama te dene mabo sē ebo sogo mugo
te Hasor dabe gegaibao.

³³ Tama Hasor te uni yowigo bulu pesage pedelama,
te aga dolali sesemane tama elalueibao.
Tama te taun olo mu elalu, tede bidi me bidigobeo,"
wali.

**Genuai Bidigo te kantri Elamba dwai dene mabo sē
yaibao**

³⁴ Genuai Bidigo te t̄ kantri Elamde po elalubaso,
tama agai te po te profet Jeremaibolo mawai, te
Sedekaia te Juda king bidali sogo dao. ³⁵ Tigidali Bomo
Elalubo Genuai Bidi, agai e tama po wali,
"Enesigi da, te Elam dabego boma pai nai dao,
te augwaligo boi bidi dabe aiyaba elalubo bomu mu
yai.

Tiali goli, te eno augwaligo enesigi togwaibao.

³⁶ Eno te boi bidi dabe tigidali badu hodolama,
te augwaligo Elam dabeba boi hw̄jagasaibao,
te bomai waligo augwali dolagasobo tiwai yaibao.

Te Elam dabe eno te tigidali t̄ pedaiba tedela pela-
ma,

te tigidali t̄ kantride te Elam dabe meba bidada
paibao.

³⁷ Te augwali ela muabo boi bidi dabe subo sogo,
eno te Elam dabe augwali wi mu ilaibao.

† 49:23 Ais 17:1-3; Amo 1:3-5; Sek 9:1

Ena Genuai Bidigo, eno te dwai nai mu te Elamba
pedalumainu elama,
te eno haliga sębę ola mawaibao.
Te bidi dabego augwaliba boi bidi ilibo sę eyu,
augwali ela mumainogo yaibao,
te tigidali isiboba usu naibao.
³⁸ Ena Genuai Bidi, ena dugabo sia king te Elamba
munama,
te eno Elam king dali,
te aga ofisa dabe dali ela muaibao.
³⁹ Tialima, te nosali sogo eno te Elam bugagia ma
dugulalubo sę pedelaibao.
Ena Genuai Bidi, eno te po wai dao," wali.

Genuai Bidigo te kantri Babilonde po elalubao

50 Genuai Bidigo te kantri Babilonde po elalubao,
te Kaldia dabego tų kantri, tama agai te po pro-
fet Jeremaïabolo mawai. Tama Jeremaïago te tiwai po
pusali, †

² "Tigidali we bidi haniba pelama, te po pusao.
Te ugwa plak ugwaba sao, te bidi dabego sulama,
te po odagasomainao.
Te po geme dualubo tagalao.
Augwaliba te tama po wao,
'Te boi bidi dabego Babilon salio.
Bel, te Babilon dabego tibo god,
aga hale dwai mu yaibao.
Te god Marduk me te midigi dwai mu saibao.
Te Babilon dabego dwai tibo god dabe te hale dwai
mu
elama,
te midigi dwai mu saibao.'" ††
³ Babilon dolaibao, magi baso meni,
bidi hani me deli te not badu pedai tagalama,
te Babilonba hwjagasu asaibao.
Te boi bidi dabego te Babilon mu dolama,
te olo bulu pesage pedelai elalueibao,
tama tede bidi me bidigobeo.
Tigidali bidi me hasa te Babilon tagalama, te wi
paibao.

Te Israel augwa page buluba ma paibao

⁴ Genuai Bidigo te tiwai po wali,
"Te sę dabe te Babilonba pedalubo sogo,
te Israel we bidi me Juda te sisinama,
gela weyu, te augwa Genuai Bidi,
God ena gegaibao.
⁵ Augwali te Saion bulu duba painogo da,
teda augwa teba pabo sunumi hanalu waibao.
Te augwa te tiwai po waibao, 'Tegoba, da pelama,
te Genuai Bidi dali po dų wagi pelainao,
te da aga hani we bidi bidaibao.
Tama te dų wali bomo yai po sesemane elalueibao,
te bidigo agade homu kone me

† 50:1 Ais 13:1-14:23; 47:1-15 †† Te bidibo ula elalusiaębo tibo
god dabe da wali po, tialima, te hani augwaliba te tiwai po begela-
ma wali, augwali hale elama, dwai midigi saibao po wai.

gegeda palama tagalamu dao.'
Augwaligo te sogo te po waibao."
⁶ "Eno we bidi dabe augwali te hagawai sipsip hani
tiwai bidali.
Te augwali tonaluali bidigo augwali te wiegi yai sunu-
mi
tagalomainogo ilama,
te bulu du pesagede tedela palama, bilaluali.
Augwali te bulu dude bilalu, te augwali toma tuabo
madi
te homu kone me ebeo.
⁷ Te subigila bidi hanigo augwali sulama,
te augwali dolali.
Tama te boi bidi dabego te tiwai po wali,
'Te dago augwali dolabo page elalubaso, me
dolobeo.
Magi baso meni, augwa digi te Genuai Bidiba dwai sę
yali.
Genuai Bidi da, te augwali bugagia toma neyu,
bidabo pesage tiwai elalubao.
Te augwa wų nų dabego konealubo homu dų ola-
ma,
te agai augwali tau somainogo tonaluai.
Aga te augwaligo Genuai Bidi dao,'
te boi bidi dabego te po waibao," wali.
⁸ Genuai Bidigo po ma weyu, te tama po wali,
"Dage Israel me Juda, dagego te Babilon tagalama,
wi piyaę.
Dage poligibu te gasa kalabus bidi dabe tudiba ilao,
te omai meme poligibu te gasa meme dabe
geanobo
tiwai yao. ‡
⁹ Dagego Babilon tagalao, magi baso meni, eno te
not
pedai badu te haniani tų kantride bomai bidi
hauwa hodolama, te augwali odasa aselama,
te Babilonba hwjagasomainogo yaibao.
Augwali te lainde wasilama, te hwjnama,
te Babilon dabe aiyaba elalueibao.
Te boi bidi hani augwaligo te enesigigo hwjbo
mu konea pai bidi,
te augwaligo ene enebo sogo da,
te munu me geda mugobeo.
¹⁰ Te augwaligo te Babilonde wiegi yai nai dabe
umabo saibao.
Te deli deli bidigo te nai hauwa mu selama,
te augwa homu godolo yali te mu siminaibao,"
te po wai.

Babilon tigidali mu dolaibao

¹¹ Genuai Bidigo e tiwai po wali,
"Dage Babilon, dagego eno tų kantri dolama,
te eno we bidi hani augwaligo doado bage sali.
Te dage pemene umagi mu yai,
te bulmakaugo agai te wit dili ge agaga pabo sogo
te nai meba tuyu,
aga pemene ebo tiwai yali.

‡ 50:8 Ped 18:4

Te dagego i wabo daḡa genuai weyu,
te omai hos dabe ḡa wabo tiwai yali dao.
12 Tialima, dage Babilongo tḡ kantri te hale dwai mu elama,
te aga genuai nogi elaluali mu tulalueibao.
Te aga tḡ kantri dwai mu elalu,
te gasa hani we bidi tigidali tomode nogi elalugob-eo.
Te tḡ wa pai bulu pesage te olo bulu pesage elalueibao.
13 Ena Genuai Bidi, eno dageba haliga sḡbḡ umagi mu elama,
eno te tiwai sḡ ilibaso,
te dagego tḡ kantri dolama,
tede bidi me bidigobeo.
Te gasa hani bidi dabe teba pedalubo sogo,
te augwaligo dage Babilonba pedelali dwai sḡ sulama,
te augwali midigi dwai mu elama, nogo hogwayu,
te wi umagi mu yaibao," te po wali.
14 Genuai Bidigo te Babilongo boi bidi dabeba e tiwai po wali,
"Dage te enesigigo ene enebo mu konea pai hani dabe,
dagego te genuai taun Babilon bagulama,
te lain wasilama, boi hwjao.
Dagego enesigi umagia kekelama,
te ene hauwa agaba enao.
Dagego te taunba umabo sḡ mu yao, magi baso meni,
te Babilon dabego ena Genuai Bidiba dwai sḡ ebo dao.
15 Te dagego agai bomai bagulali obo aluali sogo,
te agai ma hwjabo hagela ebaso,
te dagego aga somainogo gogola tagalali,
tialima, dagego te tigidali pedai habuba genuai daḡa olama, i waiyaḡo.
Tialima, megi da, dagego aga mu dolao,
te agai gasa hani dabe dolali tiwai yao.
Dagego agabolo te dwai dene mabo sḡ umagia mu ilao,
magi baso meni, te kolesagade ena Genuai Bidi,
eno agabolo te dwai dene mabo sḡ ilibo dao.
16 Dagego te Babilon tigidali silao,
te nai wai bulabo bidi deli me bidisaḡma,
te inayani nai sabo bidi me meni yaibao.
Te Babilonde bidali gasa hani we bidi tigidali,
augwali te dage Babilon dolobo sḡ ebo bidi dabede wi mu yaibao.
Te augwa Babilon tagalama,
te augwa page buluba ma pelama,
te augwa hani we bidi dabe dali digi bidigi paibao," te po wai.

Te Israel dabe augwa tḡde bugagia dugulalu, ma bidaibao

17 Genuai Bidigo e tiwai po wai,

"Israel te sipsip me deli tiwai,
te gasa tḡ kantri dabe te laion tiwai elama,
aga dolainogo elama, te augwaligo aga pobeali.
Hasia te Asiria kingo aga pageabi elama, tuali.
Te nosali, te Babilon king Nebukatnesargo te agai no-go saḡa dili dabe halua tuai dao.
18 Tama tibaso, ena Tigidali Bomo Elalubo Genuai Bidi,
ena te Israelgo God dao, eno obao,
eno te Babilon kingba dwai dene mabo sḡ te agai bulu tḡ kantriba yaibao,
te eno polobadu te Asiria kingba dwai dene mani tiwai gilama yaibao," wali.
19 "Eno te sipsip Israel te aga page buluba ma odasa asaibao,
aga te bulu du Karmel, me te tḡ pedai Basan,
me te Efraim bulu du pesage,
me te tḡ Gileat pedai,
te bulu dabede wiegi yai nosai tumainogo yaibao," wai.
20 "Te ena Genuai Bidi, eno te po obao,
te sogo eno te dwasianu hani Israelgo sḡḡ sela saḡu,
te augwali bugagia bidimainogo yaibao.
Tama me, eno te Judago yali dwai sḡ sese sela saḡwaibao.
Tama te dwai sḡḡ ma dwai sḡ te augwalide me elalugobeo.
Te bidi dabego augwali hani siba po kisilama obaso da,
te usu me egobeo," Genuai Bidigo te po wai.

Genuai Bidigo dwai dene mu te Babilonba mawaibao

21 Genuai Bidigo te Babilongo boi bidi dabeba e tama po wali,
"Dagego te Babilon augwaliba hwjigi pao.
Te Merataim tḡ, me Pekot tḡ,
te bulu si we bidi dabeba hwjao.
Te augwali elibo sḡ umabo eyu,
te augwaligo nai doado bage dolao.
Dagego eno po tigidali wali piḡo.
22 Odao! Te hwjibo u wabo genuai pedaluali, te tḡ kantri mu dolobao.
23 Babilon te hama me deli tiwaigo te gasa tḡ kantri dabe pepeda saḡo tiwai yali.
Tialima, megi da, dage te Babilongo boi bidi dabe, dagego te Babilon pepeda saḡama dolao.
Te gasa tḡ pedai kantri hani we bidi augwaligo aga subo sogo da,
te augwali midigi dwai mu saibao," te po wai dao.
24 Genuai Bidigo e tiwai po wali,
"Babilon, eno nage tola sabo hagani mubo wa me deli muani,
tialima, aga menade elalubo nago me konebeo.
Nago ena Genuai Bidiba boi bidi yali,

tibasو, nago tede konesiąbadi te hagani muani wago

nage polo tola saibao," te po wai.

²⁵ Genuai Bidigo Babilonde haliga seųe elama, te agai hwjbo nai mubo be te agai sunumi dalama, te boi hwjbo nai doado bage sali.

Magi baso meni, God, Tigidali Bomo Elalubo Genuai Bidi, agai te genuai seų me deli te Babilonde yabo elalubao.

²⁶ Dage tigidali pedai badu bidibo boi bidi dabe, dagego te Babilonba hwjagasiao.

Dagego te wit nai mubo be dabe tigidali aluao.

Tama te Babilongo nai doado bage tigidali selama, te bidigo wit dabe pesage du holobo tiwai gilama yao.

Tama te nai dabe dagego mu dolao.

Dagego te bidi deli me elalumainogo me sula tagalamu dao.

²⁷ Te Babilon bomai ami tigidali ela silao, te bidi dabego te bulmakau omai dabe ela wialubo tiwai yao.

Tigidali dolomainao, magi baso meni, te Genuai Bidigo augwaliba dwai dene mabo sogo te pedalubao.

²⁸ Te Israel me Juda meba te Babilon taga soyu, te Saionba wi ma asali.

Odao! Augwa e tiwai po obao, "Genuai Bidi dena God, agai be dolali hani dabeba te dwai dene wei ponama,

mabo dao," wabo.

²⁹ Genuai Bidigo Babilon augwa boi bidi dabe e tiwai po walali,

"Dage te enesigigo enebo mu koneai bidi dabe, dagego te Babilonba hwjagasao.

Dagego te Babilon bugagia odogolama, bagua sao.

Dagego te Babilon dabe me deli wi pomainu me elamu.

Te augwaliba dwai dene mayu, dagego ela munama, mu dolao, te augwaligo gasa hani dabe dolali tiwai yao.

Magi baso meni, Babilongo te enaba hagoma eyu, te hasamani tigi gagea pabo tiwai mu yali, te Israel dabe augwa Genuai Bidi dao, ena te magi dwai seų munu me isawai te wiegi yai doloba pai kolesaga ebo God dao. †

³⁰ Ena Genuai Bidigo, eno po dolo obao, te sogo dage boi bidi dabego te Babilon gesi ogwa bidi dabe ela munama, te bidi sisinibo bulu pesagede paęanalua paibao. Te dagego Babilon ami bidi augwali tigidali ela mueibao," te po wai dao.

³¹ "Babilon, nage te hagoma ebo tų kantri, ena te Tigidali Bomo Elalubo Genuai Bidi,

eno po dolo nageba obao, eno nageba boi bidi ebao.

Te eno nagebolo dwai dene menama, nage ela muyu ebo sogo, te pedelai dao.

³² Nage te hagoma ebo bulu tų kantri, te nage tula munama dolaibao, te nage ma hodolabo bidi deli me meni yaibao.

Te eno nago taun dabe isigo ulama, tama te siago nago doado bage tigidali daibao," te po wai.

³³ Tigidali Bomo Elalubo Genuai Bidi, agai te tama po wai, "Te boi bidi augwaligo te Israel me Juda aiyaba mu elalui.

Te boi dabego augwali kalabus ilama, augwali tagala palabo homu me ebeo, tede hagela homu ebao."

³⁴ Tialima, te augwali ma sabo bidigo, agai bomo elalui, agai nogi e tiwai dao, Tigidali Bomo Elalubo Genuai Bidi dao.

Agai bomonama eyu, augwali tau selama, te augwa boi bidi dabe aiyaba elaluaibao.

Te agai tigidali bulu tų kantri we bidi augwaliba te bugagia homu tegaluama bidabo sogo mawaibao,

tiali goli, te Babilon dabe me tegobeo. Menio. Agai augwali te dwai mu tama bididumainogo yaibao.

³⁵ Genuai Bidigo e tiwai wali, "Te bulu tų kantri Babilon dolomainao.

Te Babilon we bidi augwali te augwa tobolu bidi dabe me,

kolesaga koneai bidi dabe dali, bobobage hwągo dolomainogo yao.

³⁶ Te Babilon tibo profet bidi dabe dolama, augwali te esela pabo bidi tiwai pedalumainao.

Te Babilon ami bidi dabe dolobaso, te augwa wi dwai mu yaibao.

³⁷ Te Babilongo hos me kekebo karis dabe te dolomainao.

Te gasa hani ami bidi dabego te Babilon tau sali, te ami tigidali dolaibao.

Augwali te we dabe tiwai elama, bomo meni yaibao.

Te Babilongo wiegi wiegi yai doado bage tigidali dolao.

Te boi bidi dabego sagaselama, sela paibao.

³⁸ Te poi pibo sogo bobobage sesabi elama, te Babilonde elaluama, te agai weų tigidali sula somainao.

Magi baso meni, te tibo god dabego piksa te tų kantride paęanaluali. Te Babilon augwaligo te tibo god dabe wali pidubaso, augwali te esela pelama, wabo pabo bidi tiwai pedelaibao.

³⁹ Tama tialima, te Babilonde bidi munu me bidisiąbadi, te nosali sogoba me usu nama, tama tiwai elaludaibao.

† 50:29 Ped 18:6

Te uni hasa dabe, me uni yowi dabe,
me te dwai ba dabe naga bidalueibao. †
⁴⁰ Polobadu eno te taun Sodom me taun Gomora
dolali,
te taun dabe augwali pađe elaluali me, te megı da,
te bulu dabe olo pesage elalubao.
Te ena Genuai Bidi, eno obao,
te tobage deli sę naga te Babilonba pedelama,
tama tede bidi me bidigobe dao," te po wai. ††
⁴¹ "Suao! Te ami dabego te not badu bidali tagalama,
asainogo ebao.
Augwali te bomai hani mu te king hauwa elalu,
te digibulu mu bidibao.
Megı da, augwaligo te boi hwjabo nai sisi ebo dao.
⁴² Augwali te homu dene eyu tau sabo kolesaga me
isabo bidi dao.
Augwaligo te gasa bidi dolabo homu godolo yaibao.
Augwaligo te enesigi me ene tolalubao.
Augwali te hos dabede dugulasa asaibao,
tama te genuai kulukulu pedelaibao,
te nambisde genuai ađ dini dabe bugusu wabo tiwai
yaibao.
Augwali te lainde wasilama,
te dage Babilon bageba hwjainu sisi elalueibao.
⁴³ Babilon kingo te boi hwjabo boi bidi dabe asobo u
wabo odama,
aga te wi mu elama,
te aga nogo sađa dili kimi meni yaibao.
Aga wi elama, te kone palobo dwai mu yaibao,
te wego wai ame nainu tigi dene ebo
tiwai mu pedelaibao," te po wai.
⁴⁴ "Te polo tama naga,
te eno Babilon dabe augwa tıde sela sayu,
te laingo sipsip dabede ebo tiwai yaibao.
Laion aga te wę Jordan busi tomode bidali tagalama,
te sipsip dabe nosai tubo pesageba polo mu pelama,
pobeasa bilibo tiwai yaibao.
Tama eno te tı tonaluabo bidi me deli nigilaibao.
Eno te tama tebo sogo, mena bidigo ena dali konila
po
waibawe?
Te dego eno bomo tiwai elalubawe?
Te mena tobolu bidigo ena dali boi bidi yaibawe?
⁴⁵ Eno te tı kantri Babilonba yabo sę homu
kone palali elalubo,
tede elalubo po te bugagia olo muao.
Eno te tigidali we bidi me wai puluba dabe sela
sađwaibao,
te laiongo sipsip tigidali ela munama,
te augwa tigi kekasa pabo tiwai yaibao.
Te Babilon tı digi eno te ebo sęde dwai noma mu
saibao.
⁴⁶ Te boi bidi dabego te Babilon sabo sogo,
te genuai u pedelama, te tı mumunu yaibao.
Tama te Babilongo gela wabo te genuai umagia mu
pedelama,
te gasa hani we bidi augwaligo odaibao," wai dao.

† 50:39 Ped 18:2 †† 50:40 Gag 19:24-25

Genuai Bidigo Babilonba boi bidi yali

51 Genuai Bidigo e tiwai po wali,
 "Suao! Eno te bidi hani mebago homu hodolama,
te nai hauwa dolomainogo yaibao,
augwali te bomai wali tiwai asama,
te tı kantri Babilon me aga we bidi dabeba
hwjaibao.
² Eno te gasa badu tı kantri bidi hani dabe tagala
palama,
te Babilonba hwjagasama,
te augwaligo aga doado bage me sela sađwaibao,
te bidigo wit bo hogomu sela sađo tiwai yaibao.
Tama te Babilon dolobo sogo, mu tama,
te augwali tigidali tı habu badu aselama,
aga dali hwjagasaibao," te po wali.
³ "Dage Babilongo boi bidi dabe,
dage boi hwjabo te hagawia seselalubo nai sisilama,
te duga enesigi kekelama,
te Babilon ami gesi bidi tigidali enao.
Dagego augwali me deli gogologobeo. Menio.
Augwali tigidali mu ela silao.
⁴ Dagego enebo enego te Babilon dabe dolama,
te augwali isama,
te Babilon hanu sunumi dabede degasa pai mu-
nalua
paibao," wali.
⁵ Te Israel me Juda augwa tıde bidali sogo,
augwaligo te dwai sę hauwa te Israelgo God gedude
yali,
aga magı dwai sę deli munu me isawai wiegi yai
doloba pai kolesaga elalubo God dao.
Tiali goli, God, Tigidali Bomo Elalubo Genuai Bidi,
agai augwali tudiba mu me musiama,
te wilawe we bidibo tiwai me ebeo.
⁶ Dage Israel me Juda, dage te Babilon tagalama,
wi pao.
Dage deli deli te wi pobaso da, te dage dologobeo,
dage bugagia bidaibao.
Tiyu, dage te kantri Babilon dali dolabuo,
magı baso meni, megı da,
Genuai Bidigo te Babilon aga yali
dwai kolesagade dwai dene mabo wei ponobo sogo
dao.
⁷ Polobadu Genuai Bidigo te tigidali tı kantriba dwai
dene momainogo yali,
tama te tı kantri Babilongo agai te sę yalio.
Babilon te kap gol me deli tiwai Genuai Bidigo no-
gode
munama,
tama Genuai Bidigo digi te gasa hani dabe te kapde
wain
tumainogo yai.
Augwali te ayoge elama,
te augwali umuna pai tiwai yai dao. ‡
⁸ Tialima, te Babilon aga digi te tulaluama, dolaibao.

‡ 51:7 Ped 17:2-4; 18:3

Tibaso, dagego agade hobedai gela waiyaõ.
 Dagego te aga keni dabe pedela sabo marasin sigi pao.
 Te aga usu ma yaibao homu ebao.
⁹Te Israel me Juda augwaligo e tiwai po waibao,
 “Da te kalabus bidi dabego te Babilon usu ma ilabo homu yali,
 tialima, aga usu yai me pedalubeo.”
 Nosali augwa te po wali, “Tagalao,
 dago te Babilon tagalama,
 da deli deli te dena page buluba ma pinao.
 Magi baso meni, te Babilongo yali dwai sę genuai mu elalu,
 te dagaluba usu nigi holali.
 Tibaso, Genuai Bidigo te Babilonba dwai dene mabo sę
 umagia mu yai dao. †
¹⁰Genuai Bidigo te Babilon dolobaso,
 tama te kolesagade agai te da dali yali kolesaga te doloba pai kolesaga naga dao, te hania ola mani.
 Tegobao, da te Saionba pelama,
 te dena Genuai Bidi, Godigo yali sę tigidali hanilaibao,”
 augwaligo te po waibao.
¹¹Dage Babilongo boi bidi dabe,
 duga ene dabe dulama, te hwjabo sabele dabe sao.
 Genuai Bidigo te Babilon dabego agai be dolaliba homu
 kone palama,
 te agai dwai dene augwaliba wei ponainogo ebao.
 Agai te Babilon mu dolainogo,
 tama agai te bulu kantri Midia homu hodolama,
 te Babilonba hwjagasomainogo yai dao.
¹²Dage boi bidigo, dagego plak ugwa ugwanu sagulama,
 te boi bidi dabego hwjbo bomu eyu,
 te Babilon genuai obo alumainao.
 Te taunde tonaluabo ami bidi dabe muao,
 te augwaligo sę bugagia mu yao.
 Te ami dabe geme duala sigi pomainogo tagala palama,
 te augwaligo Babilonba hwjabo sisi yao po walao.
 Genuai Bidigo te Babilon we bidi dabeba dwai dene mabo sę umagia mu yaiba wali,
 te megida, agai te sę yainogo ebao wali.
¹³Babilon, te nago tõ kantride te aj hauwa me wiegi wiegi yai nai hauwa elalubao.
 Tialima, nage dolabo sogo te pãba yagasalio.
 Nage bidibo ula te ugwa hobolobo hobi tiwai elaluali,
 te megida, augwaligo togwainogo ebo dao. ††
¹⁴Tigidali Bomo Elalubo Genuai Bidi aga nogide digi mu po weyu,
 te sę yaibao po wali.
 Agai e tiwai po wali,
 “Babilon, te eno genuai hani bidi odasa asu,
 nageba hwjagaselama, te nage aiyaba elalueibao.
 Te augwaligo nago tõ pããna sagasaibao,

† 51:9 Ped 18:5 †† 51:13 Ped 17:1

te genuai kuli mano hanigo ebo tiwai yaibao.
 Te augwaligo nage aiyaba elalubo si da,
 teda augwali wiegi yai pemene elama,
 te bomonama i waibao,” te po wali.

Genuai Bidi aga polalubo bidi mu bidibao (Jer 10:12-16)

¹⁵Te aga bomogo digi Genuai Bidigo te tõ nigai dao.
 Awe, aga wiegi yai koneani homu kolesagade agai te tõ dodolama muai dao.
 Aga homu kolesagade agai te dagalu nigiyu elama, diniga palali.
¹⁶Agai po obaso, te dagalu põ dabego te be kulu bomonama obao,
 te põ hauwa umabo hogodobao,
 te gasa badu gasa badu asama,
 deliba sisinagasobao.
 Agai te be sele ula ilibaso, te tulubage aiyaba tulubao.
 Agai te wali hodolobaso,
 te wali aga bidali badu tagalama, asobo dao.
¹⁷Bidi augwali te tiwai ebeo.
 Tigidali te umuna pelama,
 te kolesaga konesiãwai elalui.
 Te golgo tibo god dabe nigibo bidi augwali augwa te nigibo naide augwa hale yaibao.
 Te god dabe augwali te god mu menio.
 Augwa bidibo ula me elalube dao.
¹⁸Augwali te olo nai tama,
 te bidi dabego posobo po augwaliba waibao.
 Te god dabe dolama, te mu silaibao.
¹⁹Tialima, Jekopgo God te tiwai me tegobeo.
 Aga te gasagi yai tedali mu dao.
 Agaduba deligo naga te tigidali nai nigali.
 Te agai Israel dabe sa munama,
 te aga hani mu tiwai elalui.
 Aga nogi e dao, Tigidali Bomo Elalubo Genuai Bidi dao.
 Babilon te Genuai Bidigo egebe wãbi tiwai dao.
²⁰Genuai Bidigo e tiwai po wali,
 “Babilon, nage eno egebe wãbi tiwai bidibao,
 te eno hwjainu sabo nai tiwai dao.
 Eno nage selama,
 te hauwa we bidi hani dabe me te bomai kantri tõ dolai dao. ‡
²¹Eno nage selama, te hwjbo hos dabe me ami bidi dabe duabo hos dabe dolai.
 Eno nage siyu, te ami dabe dugulama,
 boi hwjbo karis dabe dali dolai dao.
²²Eno nage siyu, tigidali we me, bidi me,
 te monu dabe me, wai puluba dabe me,
 te gesi bidi dabe, me gesi we dabe dolai dao.
²³Eno nage siyu, te sipsip dabe dali,
 te sipsip tonalubo bidi dabe dali dolali.

‡ Te kolesaga koneai bidi hauwago homugo te lain 20 tedu te lain 23 tede wali po, te Babilonba wali da homu yali (te Jer 50:23 tede te tiwai po wali), tialima mebago homugo te gasa hani bidiba wali da homu ebo dao.

Eno nage selama, te ain kekeyu,
te gi t̄q elala pabo bulmakau dabe dali,
te augwali tonalubo bidi dali dolali.
Te eno nage siyu, te gavman dabe me,
tobolu bidi dabe me dolai dao," wali.

²⁴ "Tialima, ena Genuai Bidi, eno te Babilon dabe
augwaliba dwai dene mawaibao po obao, te augwali-
go Saionba dwai kolesaga tigidali yali wei ponaibao. Te
dage Israel me Juda, te eno ebo s̄q dagego
suagameo," te po wai.

²⁵ "Babilon, nago bomo te genuai bulu du tiwai
elalubao,
nago te tigidali t̄q pedai badu dolobo s̄q yali.
Tialima, mu tama, ena Genuai Bidigo,
eno nageba boi bidi eyu, te eno nogo dili bomo
selama,
te nage tola selama, nage te t̄qba s̄nana,
te isigo nage mu dela silaibao.

²⁶ Te bidigo selama, aga be s̄q yabo wiegi yai masigi
usu,
te nago bulu pesagede deli me elalugobeo. Menio.
Te nage mu dolama, te nage tama tiwai sesemane
me elaludaibao," wali.

Te boi bidi dabego Babilonba hwjgi pali

²⁷ Te plak ugwaba selama,
te hauwa t̄q kantri we bidi hani dabe tomode biugel
bu wao,
tama augwa te Babilonba hwjgasabo sisi emainao.
Te hani dabe augwali te Ararat,
me Mini, me Askenas, te augwali asomainu i wao.
Te hwjbo tonalubao ofisa bidi me deli nigilao.
Te ami hani bidi dabe augwa hosde dugalama,
te genuai kuli mano hani tiwai asomainao.
²⁸ Te t̄q kantri Midia king dabe, me gavman bidi dabe,
me augwa tobolu bidi dabe me,
te t̄q kantri Midiago tonalubo t̄q kantri we bidi hani
tigidali i wao.

Te t̄q kantri we bidi hani augwali hauwago te Babilon-
ba

boi hwjgasabo sisi yao.

²⁹ Genuai Bidigo te Babilon dolabo po mia selama,
te olo t̄q bulu pesage elalueibao,
tama tede bidi me bidigobeo.

Genuai Bidigo te s̄q ebaso,
te t̄q mali umagi mu yaibao.

³⁰ Te Babilon ami dabe augwaligo te boi hwjbo
tagalama,
te hwjbo bomai be tomode bidibao.

Tama augwali te we dabe sibi tiwai pedelama,
te augwaligo bomo menia sai.

Te boi bidi augwaligo te Babilon be dabe isigo ulama,
te aga bomai sunumi dabe elaluali,
te aluama besela sai dao.

³¹ Te po sela pabo bidi dabe deli deli udulama,
te Babilon kingba waligibu,

te boi bidi dabego agai taun pedai tigidali badu sai
dao,
te po pusudu gebao.

³² Te boi bidi dabe augwaligo te āj nogebo pesage
badu selama,
te āj pude sigi dili dabe isi ulali.

Tama te Babilon ami bidi dabe wi dwai mu elama,
te esela pabo bidi tiwai elama, umuna sai dao.

Te po sela pabo bagego te s̄q yali po te kingba wagi
pidu gebao.

³³ Tigidali Bomo Elalubo Genuai Bidi,
aga Israelgo God, agai e tiwai po wali,
"Te boi bidi dabego Babilon agabo
te bidigo tubo nai wit agabo tiwai yaibao.
Bidigo te tau yali nai togobo tiwai eyu,
te boi bidi dabego Babilon togolama, dolaibao.

Tama te s̄q yabo sogo p̄ba pedelalio," wali.

³⁴⁻³⁵ Taun Jerusalemgo te tiwai po wali,
"Babilon king Nebukatnesargo ena tulama,
te ena mu silalio.

Aga te bulu gula mane me deli tiwaigo ena mu dalali.
Te agai haliga eno wiegi yai naigo p̄q̄anai.

Agai te nai tula silama,
te ena te moni pou disde te nai habu deli me
munalu s̄q̄o tiwai ilali.

Nosali agai ena mu pēq̄ s̄wanio.

Te Babilon dabego eno tigi mu dolama,
te eno kaneme gelali.

Te augwa dwai s̄q yali dao,
te eno homugo te Genuai Bidigo
augwa te dwai s̄q yali wei pona," po wai dao.

Genuai Bidigo te Israelgo boi bidi augwaliba dwai dene mawaibao

³⁶ Tialima, Genuai Bidigo te tiwai po wai, "Jerusalem,
odao.

Mu tama, te eno nage tau selama,
te Babilon dabego nageba yali dwai s̄q dabe wei
ponaibao.

Eno te Babilonde elalubo w̄q̄ tigidali sula somainogo
yaibao.

³⁷ Eno te Babilon dolama, te masigi du holali pesage
naga elalueibao.

Te uni yowi dabego bulu pesage dabe naga
elalueibao,
te bidi tede meni yaibao.

Te gasa hani bidi dabego subo sogo da, te augwali
dwai noma mu selama,
te wi umabo mu yaibao.

Augwaligo te Babilonba k̄n̄q̄ po waibao.

³⁸ Tama te Babilon dabego i dwai mu weyu,
te gesi hasa laiongo i wabo tiwai gilama ebo dao.

³⁹ Tialima, ena Genuai Bidi, eno po dolo obao,
te augwaligo dwai kolesaga yabo haliga hogodobo
sogo da,

te eno genuai nai tuabo daa me deli pedelama,
te augwa āj hauwa tulama, ḡq̄ eyu,
pemene eyu, i hae weyu yaibao.

Te nosali augwali mu godege pilama,
te augwali munu ma hodalugobeo.
40 Te eno augwali te ela muabo pesageba odasa
paibao,
te bidigo te omai sipsip dabe, me meme dabe,
augwaliba ebo tiwai gilama yaibao," po wai dao.
41 Genuai Bidigo e tiwai po wai,
"Tigidali t̄de we bidi hanigo Babilonba genuai nogi
mawai,
tiali goli, te boi bidi dabego hw̄jagaselama, saibao.
Te gasa hani we bidi dabego subaso da,
te augwali midigi dwai mu saibao.
42 Te boi bidi augwaligo Babilon halua saibao,
te tamu āj dinigo te āj sane mesega sabo tiwai
yaibao.
43 Te agai taun dabe tigidali mu dolama,
te bulu t̄q kantri olo masigi kemi bulu pesage tiwai
pedelaibao.
Tama bidi me bidalugobeo,
tama bidi augwali tede munu me biligobeo.
44 Eno te Babilongo tibo god,
te Belba dwai dene mabo s̄e eyu,
te eno agai te dalali nai dabe bugulabo s̄e ilaibao. †
Tama te t̄q kantri we bidi augwali agaba me asogob-
eo.
Tama te Babilon bagulali genuai obo te tigidali pepe-
da
paibao," te po wai dao.
45 "Dage eno we bidi dabe,
duga te Babilon tagalama, wi pao.
Dage deli deli wi pobaso da, te dage bugagia
bidaibao.
Ena Genuai Bidigo eno haliga s̄eb̄e dwai mu te Ba-
bilon
dabeba eba,
tama tiyu, eno dage augwali dali dolabuo.
46 Dagego haliga dwagila midigi selama,
dage te t̄de haniani po dabe sabilibo odama,
te dage wi me igio.
Te kibu be me delide gasa po pedalu,
te gasa kibu bede gasa po pedalu yaibao.
Te genuai boi hw̄jba^o weyu,
te king mego te gasa kingba hw̄jba^o te po augwali-
go
waibao.
47 Magi baso meni.
Eno bodolu muani sogo me deli elalubao,
tama te sogoba pedalubo si da,
eno te t̄q kantri Babilongo tibo god piksa dabego
elalubo nogi dolaibao.
Te t̄q kantri Babilon hale dwai mu yaibao.
Te boi bidi dabego te Babilon bidi hauwa ela muna-
ma,
augwaligo tigi te Babilon bulu t̄de munalua paibao.

† Te Babilon augwaligo te gasa bulu t̄q kantri dabego wiegi yai dila pai nai hauwa sali (te lain 34-35 tede sua^o), tama augwa godiba te ofa tiwai selasa asali. Te tibo god dabego te nai dabe tula dalabaso, te megi da, Genuai Bidigo aga ma bugulubo tiwai ebaso, te gasa hani dabego augwa nai dabe ma sobao, te homu yai dao.

48 Te ena Genuai Bidi, eno obao,
te sogo dagalu dali t̄q sigo te augwalide elalubo
tigidali naigo te Babilon tulalubaso,
wiegi yai pemene mu yaibao.
Te haniani nai dabe dolabo bidi,
augwali te not badu bidali tagalama asu,
te Babilonba hw̄jagasaibao, ††
49 tama Babilon dolabo s̄e ebo te aga digi dage
Israelbolo yali,
me te gasa t̄q badu hani dabe yali kolesaga tiwai si
te agabolo wei ponaibao," te po wai dao. ‡
50 Tialima, te Babilon augwaligo dage dolis̄awani Is-
rael,
dage polo ases̄a Babilon tagalama, wi pao.
Mu tama, duga page bulu digibulu elaluali,
tiali goli, te dagego Genuai Bidiba homu kone
palama,
te dagego Jerusalem homu kone ebo homu me
gegeda paligio.
51 Megi da, dagego e tiwai po obao,
"Da hale dwai mu yalio. Magi baso meni.
Te bulu t̄q kantri bidi dabe augwali te Genuai Bidigo
Tedali Gasagi Yai Mu Be Habu tomoba pai.
Te augwaligo dabolo po dwai wali.
Tibaso, da hale dwai mu eba^o.
Megi dagego te tobage po obao.
52 Genuai Bidigo e tama po wai,
"Awe, megi te tiwai elalubao.
Tiali goli, eno bodolu muani sogo me deli elalubao,
tama te sogo pedalubaso da,
teda te sogo eno te t̄q kantri Babilon
tibo god piksa dabego elalubo nogi dolaibao.
Te tigidali Babilon habu badu te boi hw̄jyu,
bidi hauwa dolobaso, te augwali gela wabo
umagi mu yaibao," te po wai dao.
53 "Babilon te dagaluba ugwanu d̄aj mu igulama,
te boi hw̄jbo bomai pesage nigali da, tagalao,
eno te nai dabe dolabo bidi augwali tagala palama,
te augwaligo aga doligi dao.
Ena Genuai Bidi, eno te po wai dao," wali.
54 Te Babilonde genuai gela u pedelaibao.
Te boi bidi dabego te t̄q kantri mu dolama,
te genuai u wabo pedelaibao.
55 Genuai Bidigo te Babilon mu doliyu,
te Babilongo genuai u wabo mu silaibao.
Te boi bidi hauwago te Babilonba hw̄jagaselama,
te kulukulu genuai mu pedelama,
te genuai tamu āj dini dabego
bugusu wabo tiwai yaibao.
56 Te nai doado bage dolabo bidi dabe,
augwaligo te Babilonba boi hw̄jagaselama,
augwali aiyaba elaluaibao.
Tama augwaligo te Babilon ami bidi dabe kalabus ela-
ma,
te augwaligo enesigi dabe tologwaibao.
Magi baso meni.
Genuai Bidi aga te dwai s̄e ebo dolo wei ponobo God

†† 51:48 Ped 18:20 ‡ 51:49 Ped 18:24

dao.

Tama tibaso, mu tama, agai te Babilon dabego dwai kolesaga usu siyu, dolo mu wei ponaibao.

⁵⁷ Te king, agai nogi da Tigidali Bomo Elalubo Genuai Bidi dao,
agai te tama po wali,
“Eno te Babilon genuai bidi dabe geꝑ page ilaibao, te ofisa bidi dabe, me kolesaga koneai bidi dabe, me gavman bidi dabe, me tobolu bidi dabe, me ami bidi dabe, te kolesaga umuna palobo sꝑ ilaibao.

Te augwali mu godege pilama,
te munu ma hodalogobeo.

⁵⁸ Ena Genuai Bidi, eno tigidali bomo elalubao, eno obao, te boi bidi dabe augwaligo te Babilon bagulali obo tai nidigi pali alulama, te deli me elalugobeo.

Tama augwaligo te taun tomoba piduali genuai bobobage sunumi isigo ulaibao.

E tiwai dao. Tigidali hani we bidigo odolali sꝑ dene yali.

Te augwaligo nigali nai tigidali te isigo daibao,” te po wai dao.

Jeremiaigo Babilonba po ola tolai

⁵⁹ Te kibu be me si me side te Sedekaia Juda king bidali sogo, Jeremiaigo po me deli Babilonba ola tolali. Te sogo king Sedekaia Babilonba pai hagede yali, te Seraia, aga ofisa me deli, te aga dali painogo yali. Seraia aga te Neriago ogwa, te Maseago waj nõꝑ dao. Tama Jeremiaigo po Seraiabolo mawai dao. ⁶⁰ Jeremiaigo te dwai sꝑ tigidali Babilonba pedelabo po asꝑai, te Genuai Bidigo agaba mani po dabe dao. ⁶¹ Tialima, Jeremiaigo Seraiabolo e tiwai po wai, “Nage te Babilonba sabalobo sogo, nago te po tigidali te we bidiba nedao,” wali. ⁶² “Tama nago e tiwai gedu haluasa po wao, ‘Genuai Bidio, nago te po wai dao, nago te tꝑ kantri dolama, te bidi me deli, ma te hasa me bidigobeo. Te sesemane sogo te bulu olo elaludaibao, nago te po wali,’ tama wao. ⁶³ Seraia, nago te buku nedebo sogo, te nago gedu haluasa po ola silama da, tialima, masigi me deli te bukude tomode gebelama, te buku te wꝑ Yufretisba sayao. ⁶⁴ Tialima, Genuai Bidigo po nago e tiwai po pusao, ‘Babilon da, te e buku tulaluali tiwai yai elama, te aga ugwaba ma pedalugobeo, magi baso meni, ena Genuai Bidi, eno aga dwagila mu dolaibao. Te Babilon we bidi augwali mu tulaluaibao,’ nago te po wao,” Jeremiaigo te po Seraiabolo wali.

Te Jeremiaigo po eba silagasobao. †

Te boi bidi dabego Jerusalem dolali po wali

(Daj 52)

Te Babilon augwaligo Jerusalemba boi hwjnama, te taun sali

(Jer 39:1-10)

⁵² Te Sedekaia Juda king pedelali sogo, agai kibu be te 21 yia elalubadi, tama aga te Jerusalem king bidali te kibu be 11 kibu be bidai. Aga ida, te Hamutal, te gasa Jeremiaigo wegí, aga te Lipna taun we me deli dao. ² Sedekaiaigo te king Jehoiakimgo kolesaga wali pelama, tama agai Genuai Bidi gedude dwai kolesaga yai dao. ³ Te Juda dabe me Jerusalemggo dwai kolesaga ebogo te Genuai Bidigo haliga sꝑbe dwai mu ilali, tibaso Genuai Bidigo te we bidi dabe augwali hagela ebaso, te augwa bulu tꝑde sela sꝑna-ma, digibulu pai dao.

Sedekaiaigo homu te Babilon aga tonalubo hagela mu yai, tibaso aga munu me aga dologode me bidibeo. ⁴ Tialima, te nogo si poluade te kibu be 9 te Sedekaia king bidai, tama te polua dei nogo si wabode, king Nebukatnesar te Babilondu aga ami dabe dali aselama, te Jerusalem bagua sagaselama, te taun sainogo boi hwjani. Augwaligo te Jerusalem bagulama, tama te taun bobogelali masigigo nigai genuai obo pagede te tꝑ selama, du holama, tama augwali tede dolalu, boi hwjainogo yai dao. †⁵ Augwaligo te Jerusalem bagulali elaludubadi, te kibu be deli olama, polua a naga, me nogo deli tama bidai. Te kibu be 11 Sedekaia te bidai, ⁶ tama te kibu bededigi, te polua 4 wabode, te dei 9 wabo side, te Jerusalem we bidi augwali nasigo mu salio, magi baso meni, augwaligo nai tigidali silai dao. ⁷ Tama te dei wabo side Babilon augwaligo te masigigo nigai genuai obo habu me deli badu aluama, te Jerusalem tomoba pali. Tialima, te king Sedekaia dali, aga ami bidi dabe me, te Jerusalem tagalama, wi palio. Te hulide augwali pelayu, te kingo giba sabolama, tama augwa te obo ununani sunumidu taun taga soali. Te hauwa Babilon augwaligo te Jerusalem obo bagulali sꝑ elalubadi, te Jerusalem ami bidi dabego Jerusalem tagalama, wi pelayu, te aj Jordan odogo malu pesage buluba pabo sunumi wali pai dao. ⁸ Tiali goli, te Babilon ami bidi dabego te king Sedekaia pobeasa pelama, te augwali agaba te malu tꝑ bulu te Jeriko taun pageba sabolai. Te Sedekaiaigo ami bidi dabego aga tagalama, wi tedela palio.

⁹ Tialima, te Babilon dabego te Sedekaia pageabi elama, aga te Babilon kingba odasa pali. Te sogo Babilon king te taun Riplade bidali, te Hamat tꝑ tomode dao. King Nebukatnesargo Sedekaia sulama, te po wai, Sedekaia te aga yali dwai kolesagade dwai dene so-mainu yaibao, wai dao. ¹⁰ Te Babilon dabego te Sedekaiaigo ogwa dabe me, te Juda tobolu bidi dabe

† 51:64 Ped 18:21

†† 52:4 Ese 24:2 ‡ 52:7 Ese 33:21

me selama, te augwaligo augwali te Riplaba odasa asai. Tama te bulude Nebukatnesargo po obaso, te augwaligo te Sedekaiago ogwa dabe te Sedekaia aga gedude ela muai. Te augwaligo Juda tobolu bidi dabe me ela muai dao. ¹¹ Te kingo po obaso, te augwaligo Sedekaiago gedu si guda saŋwai. Te augwaligo aga nogo saŋa te bomai aligabo bono sengo dunama, te aga Babilonba sela palio. Te augwaligo aga tede kalabusiba munama, te aga kalabuside bididubadi, te aga isibo sogoba usu nai dao. †

Babilon augwaligo Jerusalem dolali (2 Kin 25:8-17)

¹² Te Nebukatnesar te Babilonde king 19 yia bidali, te waiya side, te a naga polua, te dei nogo si wabo te deli kibu bede naga, Nebusaradan, te Babilon king aga boi bidigo elidali weyu tonalubo bidi hani dabe augwa polalubo ofisa bidi, te Jerusalemba asali, te Babilon kingo se tonaluagasai dao. ¹³ Tama agai te augwaligo Genuai Bidiba lotu wabo tempel be, me te Juda kingo be, me te Jerusalem gegunai bidi dabego be, tigidali isigo ula silali. Te genuai dila pai be me deli digi te Babilon dabego me ulubeo. ¹⁴ Te Nebusaradan dali bidali hani dabe, te Babilon ami tigidaligo te masigigo nigali genuai obo alulama, dolai dao. ¹⁵ Tama Nebusaradango te Jerusalemda bidaluali doado bage meni yai we bidi meba te augwali Babilonba kalabus igibu odasa palio. Te hwjani sogo te Juda bage mebago Jerusalem tagalama, te Babilon dabego bidagasali pesageba wi pelama, bidigi pali. Te bage me agai te Babilonba kalabus igibu odasa pali. Tama te haniani nai dabe nigibo mu koneani kolesaga koneai bidi dabe, augwali te Jerusalemda bidalubadi, te agai augwali me sela pai dao. ¹⁶ Tialima, meba Juda te tigidali nai mu saŋa paibaso, augwali bidalumainogo tagalama, te wain gi dabe me gasa gi dabe tonalumainogo yai dao.

¹⁷ Tama te Babilon dabe te Genuai Bidigo genuai tempel beba pelama, te brasgo nigai genuai bobobage pos si tologali, te bidi dabego brasgo nigai wilkar te aŋ ugwadu daide pobegabo nigali nai elaluali me tologolama, sali. Te genuai aŋ sabo nai augwaligo te brasgo nigali nai me tologali. Tama augwa te bras tigidali te Babilonba sela pai dao. ¹⁸ Tama te Babilon dabego te sospen dabe, me savol dabe, me lam sula sabo nai dabe, me te genuai pou te ofa ebo kaneme mubo dis dabe, me te wiegi yai denami emainogo ulubo pauda ulubo dis dabe, me te tigidali gasa nai te polobadu Juda dabego brasgo nigilama, te Genuai Bidigo be tomode se emainogo muani nai me, te sela pai dao. ¹⁹ Tama Nebusaradango te bidi dabego gol me silvago nigali nai dabe me sali, te dwasianu pou dis dabe, te sia sela pabo pou plet dabe, te ofa ebo nai kaneme mubo pou dis, me sospen dabe, me te ni dilide udalubo lam dabe, me te wiegi yai denami ebo pauda ulubo pou plet dabe, me te ofa ebo wain dabe muani pou dis dabe, te tama tigidali nai sela palio.

²⁰ Polobadu te king Solomongo se bidi dabego te bras selama, te genuai bobobage pos si nigali, te genuai tang we nigilama, tama te nogo si olama, saŋago si bulmakau piksa dabe nigilama, te genuai aŋ tang dologode elaluali te dwasianu daide ugwadu muabo nai wilkar elaluai. Te Solomongo po obaso, augwaligo te nai dabe Genuai Bidigo beba muani, polobadu mu. Tialima, megi da, te Babilon dabego te nai dabe alulama, te nai nigali bras sainogo tiali. Te brasgo seŋe te genuai mu, te bidigo skel me egobeo. ²¹⁻²² Te bras si nigali genuai bobobage pos augwaligo te deli tigi tobage sabi si naga nigai. Te nai sigo usu sabo bobage te 8 mita, te nai ugwade eda si genuai usu sabo te 5 mita me 30 sentimita dao. Augwaligo te pos si te genuai paip bras tiwai nigali, te bras tomoba bulubaso da, te usu nama te 7 me hap sentimita tiwai. Augwa te pos tobolu brasgo nigali, te tobolu dwasianu genuai gana yai. Te tobolu ugwaba igulali, te 2 mita me 20 sentimita elaluai. Te augwaligo bras selama, te au wiegi yai wa tiwai nigali, me te pomigranet ni du wai tiwai-gu au yali. Tama augwaligo te ni du pomigranet te wade mubo tiwai yai. Tama augwaligo te pos tobolu si bagulama, te au tiwai ilai dao. ²³ Te pos deli delide te pomigranet du wai bidi sese a naga 100 te aga tobolude munama, elaluai. Te 96 pomigranet du te tobolu me si me si badu bagulama te gasa pomigranet du aiyadu geana selama, dologoba bugulama elaluai dao. ‡

Te Juda dabe Babilon kalabus igi pali (2 Kin 25:18-21)

²⁴ Nebusaradan, te Babilon dabego ami polalubo ofisa bidi, agai te tobolu bidi pris Seraia sobadi, me Sefanaia sali, te Seraia tuda badu daganalu se ebo bidi, te gasa pris sela te Godigo tempel be sunumide tonalubo bidi me sela pali. ²⁵ Tama te Jerusalemda agai te Jerusalem ami bidi dabe tonalubo ofisa bidi me sali. Tama agai te Juda kingba te wiegi yai homu kolesaga mabo bidi dabe te a naga olama, me si te sobadi yai. Te hani dabe te Jerusalemda bidaludubadi, te agai augwali pageabi yai. Tama agai te ami bidi dabego polalubo ofisa bidigo se ebo kuskus bidi sali, te ami bidi pedalumainogo skul ola mabo se iduali bidi. Te agai te kuskus bidigo se ebo bidi te bidi sese sela te 60 bidi Jerusalemda bidibo sulama, tama agai te bidi dabe me sai dao. ²⁶ Tialima, Nebusaradango te bidi tigidali selama, te Babilon king bidibo madi te taun Ripla, ²⁷ te Hamat toba odasa pai. Te kingo po obaso, augwaligo te bidi dabe tede ela muai.

Te Babilon dabego tama kolesaga elama, te nosali augwaligo te gasa Juda dabe selama, tama digibulu mu pelama, te Babilonba kalabus igibu sela pai dao. ²⁸ Te Nebukatnesargo kalabus igibu sela pali we bidi namba, e tiwai dao. Te kibu be 7 aga king bidali sogo, agai te 3,023 Juda we bidi sela pai dao. ²⁹ Te aga kibu be 18 te king bidibo sogo, agai te 832 Jerusalem we bidi sela palio. ³⁰ Te kibu be 23 aga te king bidali sogode,

† 52:11 Ese 12:13 †† 52:13 1 Kin 9:8

‡ 52:23 1 Kin 7:15-47

te polalubo ofisa bidi Nebusaradango te 745 Juda we bidi selama, te augwali kalabus igibu odasa pai. Te kalabus igi pali bage dabego namba e tiwai dao, te 4,600 mu dao.

Te Babilon kingo te king Jehoiakin te kalabuside bidali tagala pali
(2 Kin 25:27-30)

³¹ Te Juda king Jehoiakin te Babilonde kalabus elaludubadi, te 37 yia bidai, tama te waiya si tomode Evil Merodak te Babilon king pedelai. Te 12 polua, te dei 25, te wabo kibu bede, Evil Merodakgo te Jehoiakin homu dene eyu, te aga kalabus bidali tagala palai dao.

³² Evil Merodakgo agabolo wiegi yai kolesaga elama, te agaba genuai nogi menama, tama te tiali kolesagade te Jehoiakin aga dali te Babilonde kalabus bidali king dabego genuai nogi aiyaba elaluai dao. ³³ Tama tialima, te Jehoiakingo te kalabus bidi dabego mubo ugwa munu ma mubeo. Te tigidali sogo aga te Babilon king dali deli madi dugulama, nai tudu genama, te Jehoiakin aga isibo sogoba usu nigi pai dao. ³⁴ Te Babilon kingo po obaso, te augwaligo tigidali side Jehoiakinba mone maduali, te Jehoiakin aga bugagia bidimainogo tiali. Te augwaligo te tiwai sē ela pidubadi, te Jehoiakin aga isibo sogoba usu nai dao.

Te We Bidi Dabego Jerusalem Hagede Gela

Wali

Hasia Nedebo Po

Bidi me deligo e buku te Babilon dabego te taun Jerusalem dolali sogo aseai dao. Tama te we bidi augwaligo augwa wiegi yai taun hobede genuai mu yai dao. Hasia te taun Jerusalem me Godigo tempel be tede elalui dao, aga da te God, aga te Israel hani dali aga dali bidiba wabo piksa tiwai elalui dao. Tama te Jerusalem dolali sogo da, te Israel dabego te Genuai Bidide homu daꝓ wali dwasianu tula pai dao, tama augwaligo homu kole-saga dolali. Tama tibaso, augwali gela olama, hobede hauwa mu yali. Te e bukude deli deli daꝓde te we bidigo hobedai gela balia Jerusalemde wali, te balia po dao. Te Juda hani augwaligo te genuai seꝓe augwaliba pedelali, te sogo ma kone paliyu, augwaligo te balia po weyu ebo dao. E buku tomode te gasa po me elalubao. Te Juda bagego koneani, te Jerusalem dolali seꝓe te page elaluali. Te page e dao, augwaligo augwa God Genuai Bidi tudiba muyu, tama haniani tibo god dabeba lotu po weyu, dwai kolesaga hauwa mu eyu yai dao. Tama koneama, augwali mebago ge neyu, augwa homu begeleyu, da ma dobola sao po weyu bidai dao. Tama te Daꝓ 3 te ves 21de gagalama, te ves 26ba sabolama, te ves dabede e to-bage po elalubao, God da, te we bidi godolo mu ebo God da, tama "agai te kolesaga munu me siligobeo. Menio. Te agai te kolesaga tigidali bubugade gesi noma pedalubo tiwai ebo dao."

Jerusalem hanu te genuai seꝓe elalubo wilawe we ti-wai bidibao

1 Jerusalem da, hobede mu dao,
aga te yoꝓa pai we me deli tiwai bidibao.
Polobadu da, agai we bidi hauwa mu elalui dao.
Tiali goli, tegoba, meggi da, aga olo mu te elalubao.
Awe, polobadu agai gasa toꝓ kantri dabe we bidi to-
mode
genuai nogi elalui da.
Tiali goli, meggi da, aga seꝓe genuai elalubao,
te wilawe we me tiwai dao.
Polobadu aga te polalubo kwin we tiwai bidama,
agai provins hauwa tonalwai dao.
Tiali goli, meggi da, te boi bidi dabego aga aiyaba
elaluama,
tama aga olo seꝓe ebo we tiwai te bidibao.
2 Polobadu da, tigidali kantri dabego aga abagi wai
dao,
tiali goli meggi da, te gasa kantri mego agade hobe-
de
me ebeo.
Te abagi dabego aga dali ili po olama,
tama augwali agai boi bidi pedelali.

Tialima, tigidali sogo hulide Jerusalemgo gela dwai
mu
weyu idubo,
mu tama agai gela guꝓai nabogedu aiyaba tulalubo
dao.
3 Te boi bidi dabe augwaligo te Jerusalem paꝓde bidali
Juda dabe dali dwai seꝓe elama, augwali dene manio.
Tama meggi da, augwaligo te Juda dabe gasa kantriba
kalabus elama, odasa palio.
Te kantri Juda te meba Israel hani isaꝓwai kantri to-
mode
elalubo dao,
tiali goli agai bugagia dulalubo meni dao.
Te boi bidi dabego aga pobeasa pelama,
aga bagua sai elalui dao.
Tiali goli, aga wi pabo usu meni yai dao.
Tama augwaligo aga pageabi yai dao.
4 Te taun Saionba pabo sunumi dabe olo elaluyu,
hobedai gela oduali.
Magi baso meni, te augwalide te genuai lotu wabo
genuai sogo dabede te bidi dabe me augwalidu te
moni lotu be tempelba me soayu isaꝓma ebaso.
Te taun tomoba pabo sunumi dabe olo elalua pali.
Tama te pris dabe augwali homu seꝓe mu elama,

te bidigo dene sobaso gela wabo tiwai elama gela wabo.
 Te Saion bulu gesi wegi mani seḡe genuai mu tolobao,
 tama augwaligo te tempel bede balia po me wabo menio.
 Tama me te taun Saion aga me te dwai dene mu siyu elalubao.

⁵ Te boi bidi dabego ugwa ela holobaso, augwaligo Jerusalem tonalubo dao.
 Tama augwaligo magi naide moni homu me ebo meni.
 Magi baso meni.
 Te Jerusalem dabego augwalibolo seḡe maiabo usu isaḡbaso.
 Jerusalemgo Genuai Bidi tudi ola mayu, tama dwai seḡ hauwa mu yali.
 Tama tibaso, Genuai Bidigo agai te genuai dene tolomainu tagalali.
 Tama te boi bidi dabego te Jerusalemgo wai boḡ dabe
 te hwjibode selama, kalabus elama, tigidali digibulu buluba dabe kalabus elama, odasa pali.
⁶ Saiongo polobadu elaluali genuai nogi polo tulaluai dao.
 Tama agai tobolu bidi dabe te boi bidi dabede wi painogo eyu,
 augwaligo bomomo sia sali,
 te nai tusiḡwai bulu hasa dabego augwali dili bomomo kilabo tiwai yalio.
⁷ Megi da, te Jerusalem dolai elalubadi, aga we bidi dabe digibulu sese mu tama usu nama, wau bilibo dao.
 Tama agai polobadu mu munolua asali wiegi wiegi yai
 nai dabeba homu kone ma palobo dao.
 Te boi bidi dabego Jerusalem we bidi sali sogo, te meba gasa hanigo aga me tau sai menio.
 Tama te boi bidi dabego aga dolobo suali, tama augwali gisugu dwai mu wali.
 Awe, aga tulalubaso, augwaligo keḡe po wali.
⁸ Jerusalemgo dwai dwai seḡ hauwa yai madi, tama te dwai seḡ ebogo aga te dwai meda yai nai pedelali.
 Polobadu da, te gasa hanigo agabolo genuai nogi mawai
 dao.
 Tiali goli, megidi da, augwaligo agai hale sulama, tama augwaligo agabolo posobo po weyu, gisugu mabo dao.
 Tama te Jerusalem hale eyu,
 aga gesabidi duala selama, genuai dene ebaso, hwḡwa wabo tiwai yali.
⁹ Polobadu aga dwai kolesaga te pepeli dilide mu elaluai dao.
 Tiali goli, agai aga dolabo homu kone me ebeo.
 Tama tialigo aga mu dolama, mu dolali,

tama bidi mego aga hobede eyu, tau sabo me egobeo.
 Tama Jerusalem agai e tama tiwai po i obao, "Genuai Bidi, eno e seḡe suo.
 Te boi bidi dabego ena aiyaba mu elalualio.
 Tama augwaligo ena dolalide wiegi yai homu pemene elama,
 gana pali dao," wabo.
¹⁰ Polobadu te God Genuai Bidi te habu selebo po weyu,
 te Israel hani isaḡwai bage te moni lotu be tempel tomoba pelamuo po wai dao.
 Tiali goli, te Jerusalem we bidigo suali,
 te tobage boi bidi dabe te bomomo yai po boliyu, augwali tomoba pelama,
 tama tede elaluali wiegi wiegi yai nai dabe sese tama wi salio.
¹¹ Te Jerusalem we bidi augwali nasi genuai mu ebaso,
 tama augwali nai gegebo bomodi seḡ mu te ebaso, tama augwali hwḡwa dwai mu obao.
 Augwa tigi bomomo ma sainu eyu,
 augwaligo augwa wiegi wiegi yai nai dabego te dobu si ebo seḡ eyu, te nai sela tubo dao.
 Tama Jerusalemgo i weyu, te po obao,
 "Genuai Bidi, sulama, koneao, ena dwai bidu, te olo nai tiwai naga bidibao," wabo.
¹² Jerusalemgo aga paḡde elalubo sunumide soabo we bidi dabeba i wabo seḡ ebaso.
 Agai te po obao. "Suiḡo,
 ena genuai seḡe genuai mu elama, tama Genuai Bidi agai ena dene genuai mu manio, te aga seḡe moni posolo tiwai mu yali sogode.
 Te polobadu te bidigo te tobage dene me sai meni yali
 bogo,
 tiali goli, dagego homugo te olo nai da weyu ebaso.
¹³ Genuai Bidigo isi tagala palama,
 tama eno dili isi ulama,
 tama eno bomomo tamunanio.
 Agai ena hagani wa gebelai digi, ena tola sali.
 Tama agai ena saḡa palali digi, ena tudiba degali.
 Tama agai ena mu tama tagalali digi, tigidali sogo ena dene dwai mu doliyu ebaso.
¹⁴ Genuai Bidigo digi eno yali dwai seḡ sese sisinama,
 tama agai daḡ olama, keḡnama,
 tama agai eno magede keḡnani.
 Tama te dwai seḡ dabe seḡe mu elama,
 eno bomomo sese mu silalio.
 Tama Genuai Bidigo ena boi bidigo nogoba muani,
 tama eno augwali dali hwjabo bomomo menio.
¹⁵ Genuai Bidigo eno bomodi ami bidi dabeba tudi ola manio.
 Agai ami i olama, ena dali hwjagasomainu elama,
 tama eno gesi bidi dabe dolalio.
 Genuai Bidigo kantri Juda we bidi dabe aiyaba agay-alio,

te bidi dabego wain wẹ nigainu,
te wain du agabo masigi poude te wain agabo tiwai yalio.

¹⁶ Te tialigo eno gela uga selama,
aiyaba dulumainu ilali.

Tama ena dali hobede elama,
tama ena ma dili ilabo bidi menio.
Te boi bidi dabego ena aiyaba polo elalui madi.
Tama tibaso, eno wai puluba augwali
dodolama mu bidibao," Jerusalemgo te po obao.

¹⁷ Saiongo bidi mebago aga tau somainu homu eyu,
aga nogo balalubao, tiali goli, te bidi aselama,
aga dali hobede eyu, tau siyu me yagasobeo.

Genuai Bidigo boi bidi dabe tigidali bulu badu i olama,
tama te Israel hani dali hwjagasali.

Tama te boi bidi dabego te Jerusalem te dwai damua
pai pesage tiwai mu tonobo aq yali.

¹⁸ Tiali goli, Jerusalemgo te po wali,
"Genuai Bidigo ena dali te yali kolesaga te dolo mu
dao.

Magi baso meni.

Eno agai po sela sawai dao.

Tega, dage tigidali kantri we bidi,
dagego eno te po odiao.

Eno te genuai sege tolali suo.

Te boi bidi dabe augwaligo eno gesi bidi
me gesi wegi dabe selama,
tama augwali digibulu to kantri dabeba mu kalabus
igi

palio.

¹⁹ Eno abagi dabego ena tau somainu i wai dao.

Tiali goli, augwali eno boi bidi pedelalio.

Eno pris dabe, me tobolu bidi dabe,
augwali nasi genuai mu yali.

Tama augwali bugagia bidabo tubo nai gegebo bo-
mai

se mu yalio.

Tiali goli, augwali nai meniama,

tama augwali eno sunumi dabede isai dao."

²⁰ "Genuai Bidi, ena suo.

Ena genuai sege mu selama,
tama ena dolama mu bidibao.

Tama eno homu dwai mu elalubao.

Magi baso meni, eno hagoma genuai mu elama,
tama nago po sese tama sela sawai dao.

Te boi bidi dabe augwaligo eno we bidi dabe
eno sunumi dabede ela wiala silalio.

Tama me te bede bidaluali we bidi augwali nasi eyu,
gasi me eyu, isai dao.

²¹ Te meba gasa we bidi hanigo eno ena te dene eba-
so,

gela wabo po odali.

Tiali goli, ena dali hobede yabo bidi meni yai.

Te eno boi bidi dabego nago enabolo te mani te genuai

sege po odali.

Tama augwaligo nago te yali sege augwali wiegi yai
homu pemene genuai mu ebao.

Polobadu nago enabolo dwai dene maiabo bodolu
muai
dao.

Tama te bodolu polo pedelalio.

Tiali goli, megi da, eno homugo nago eno boi bidi
dabeba me deli tiwai kolesaga me yao.

²² Nago eno yali dwai se kone palama,
tama nago ena dene manio.

Tama tialima, nago megi da, te boi bidi dabego dwai
kolesaga koneama,

tama nago ena dali yali te kolesaga tiwai elama,
tama nago te boi bidi dabe dene mao. Magi baso
meni.

Ena gela dwai odubao, tama eno bomomo tamunaluyu,
didibili elama, tulolueibao."

Genuai Bidigo Jerusalem dolama, dene mani

2 Hobede mu dao,
te wiegi yai taun Saion.

Genuai Bidigo aga dali sebe genuai mu yali.

Tama agai sebe da, te hulua sai haowago taun
mesega

sai tiwai dao.

Polobadu da, te Jerusalem te kantri Israel bagego
gawe ebo wiegi yai taun elaluama, tama megi da,

agai te Jerusalem aiyaba elaluama,
aga olo pobe bage tiwai elalubao.

Mu tama Genuai Bidigo te taun Jerusalem dolobo so-
go,

agai aga tempel be te taunde elalubao olama,
homu kone me ebeo.

Menio. Agai taun sese tama mu dolalio.

² Genuai Bidi agai te Israel dabe hobede me ebeo.
Menio.

Agai augwaligo be nani sese tama dolali.

Agai augwali dali sebe elama,

tama agai wiegi yai kantri Judago
bomai taun dabe aluama, tagalalio.

Agai te kantri me, aga tobolu bidi dabe dali,
sese tama dolalio,

tama augwali hale dwai mu yalio.

³ Genuai Bidi aga sebe dwai mu elama,

tama agai Israel dabego bomomo aluama, tagalali.

Tialima, te boi bidi dabe asali sogo,

agai te Israel dabe tau me sabeo. Menio.

Agai Israel mu dolalio, te isigo tigidali nai dabe dela
silibo tiwai yalio.

⁴ Agai te wiegi yai taun Saion dali boi bidi elama,
tama agai aga we bidi enainu enesigi balibiba
tulalubo tiwai yali.

Awe, aga bomomo aga digi te Jerusalemgo gawe yai
we bidi sese tama ela silalio.

Agai sebe te posolai isi tiwai elalu,

agai te isi te taun Jerusalem muani, bidigo we
gelebo tiwai yali.

⁵ Genuai Bidigo Israel dabe dali boi bidi homu elama,
tama augwaligo kantri mu dolama, tagalalio.
Awe, agai bomai taun dabe doliyu,
me augwaligo te wiegi yai bomai
be dabe aluama, tagaliyu yalio.
Te tigidali Juda bulu sese tamade agai te we bidi ho-
mu
seḡe emainu mu ilama,
tama augwali gela geninama mu uduali.

⁶ Genuai Bidigo aga tempel be mu dolama, mu
tagalali,
te bidigo te gi be dolama, huḡila tagalabo tiwai tama
yalio.
Agai te Israel dabe augwali teba pelama,
tama agaba augwaligo lotu po wagi pabo digi
dolama, tagalalio.
Tama te tiali kolesagago te Genuai Bidigo te lotu po
wabo genuai sogo, me Sabat, si tama silalio.
Tama te we bidi, augwali te Jerusalemde bidali we bi-
di,
augwaligo agaba te lotu wabo sogo dabe ma lotu
weyu ebeo.
Genuai Bidigo te king me, pris dabe dali,
agai seḡe genuai mu yalio,
tama agai augwali augwa seḡe sela saḡwanio.

⁷ Genuai Bidigo te aga tempel be,
me tede elaluali ofa maiabo altaba tudi mu ola
mani.
Agai te boi bidi dabego te Jerusalem taun siyu,
me agai tempel be huḡiyu emainu sula tagalalio.
Tama me te boi bidi dabe augwali te Genuai Bidigo
tempel be tomoba pelama,
tama augwaligo te be tomode subigila hae me po
dabe wali.

Polobadu dago tede wiegi yai homu eyu,
Godiba lotu po wedu geai goli,
megi da, augwaligo hae bomonama wedu geai.
Magi baso meni, augwaligo te be sai dao.

⁸ Genuai Bidigo te genuai wiegi yai taun Saiongo
masigigo nigai boma pai obo aluama,
tagalabo homu yalio.

Agai te obo bugagia mu usu sai, te obo dolai hagede.
Tama agai te seḡe ebode gagamua sabeo.
Agai te tigidali badu te obo dabe dali,
te bobobage taua be dabe dali,
te sese tama mu dolama, tagalali,
tama sese tama mu dolama, mu elalubao.

⁹ Tama agai te obogo sunumi dabe huḡinama, saḡna-
ma
tagaliyu,
me te sunumi palibo ain dili mimia saḡnama,
tagaliyu yalio.
Tama te dolali nai dabe augwali tḡde munalubadi,
te dwai olo masigi hogomu dabego augwali
mesegelama elalubao.

Te boi bidi dabe augwaligo te king aga tobolu bidi
dabe

dali selama,
tama augwali gasa kantriba kalabus elama, odasa
pali.

Te pris dabe augwaligo te we bidibolo te Godigo bo-
mai

po me ola mabo meni.

Me te profet sibigo te nade subo nai tiwai ma
susiḡyu,

tama augwaligo Genuai Bidigo po ma sabo menio.

¹⁰ Te Saion monu dabe, augwali olo dali tḡde du-
laluyu,

tama augwali pedauwali pania selama, bidalubao.

Augwaligo augwa tobolude tḡ hogomu munama,
tama augwaligo hobede side gudubo ugwa gudama
bidibao.

Tama te Jerusalemde gesi wegi mane augwali
homu seḡe mu elama,

tama augwaligo tobolu tḡba basi gulama, elalubao.

¹¹ Eno te Jerusalemde pedelali nai dabe homu kone
palama,

tama ena gela waligo eno gedu dene mu ebao.

Eno te hobedai we bidi dolama elalubo sulama,
ena gasa homu dwai mu ebo dao.

Eno homu dene dwai mu yalio.

Magi baso meni, eno suali,

te nai tusiḡwai wai puluba dali,

wai bḡu dabe dali suali.

Augwaligo bomo kimi meniama,

tama didibili elama,

te Jerusalem sunumi dabede tuloluama,

munalua pabo sualio.

¹² Te wai bḡu dabe augwali nasi ebaso,
augwa idabolo nai me aḡ momainu gela weyu ebao.

Augwali te taun sunumi dabede subigila tuloluama,
munalua pabo suali,

te ami bidi dabe te boide sili wḡbi dolama,

munalua pabo tiwai elalualio.

Tama augwa ida dabego te wai bḡu dabe nogo daide
muna sabo si da,

te wai bḡu dabe augwaligo bidibo ula sia salio.

¹³ Jerusalem, eno nage hobede mu dwalio.

O Jerusalem, te meba taun dabe nago te sali dene ti-
wai

me sai menio.

Tialima, eno mena po mu olama,

nago homu daḡ walaibawe?

Nage dolali, te ene genuai mu tomoba pali tiwai yalio,
te tamu aḡ ge te aiyana mu dulali tiwai yalio.

Tama nage dego wiegi yai ma pedelemainu egowe?

Woo, bidi menio.

¹⁴ Te nago profet sibigo te nade subo nai tiwai suali
po olama,

tama augwaligo nage dali ili po naga walio.

Tama augwaligo nage ili po ola mayu,

augwaligo nago yali dwai seḡ hanilai menio.

Te nago tau selama, te dwai seḡ tagalama,

tama nage bugagia bidimainu tau me sabeo. Menio.
Augwaligo Godigo po pusubode ili po walio.
Tama augwaligo pogo nage kegasa bilama, mu
tagalalio.

¹⁵ O Jerusalem, te Israel hani isawai we bidi augwali
tedu ela soyu,
augwaligo nage dolali elalubao سوالio.
Tama augwali noma siyu, nogo hogwayu,
tobolu peyu, kene po ola mayu, e tama po obao,
"Te taun tama te bidi dabego te wiegi yai sawi yai
taun

dao," wali, "te taun te da, agawe?
Te taun tama te tigidali tq kantri we bidigo gawe yai
taun da, agawe?"

Augwaligo te tobage hale ilibo po wabo dao.

¹⁶ Te naga boi bidi dabego nagede kene po weyu,
posobo po wabo dao.

Augwali gisugu dwai mu weyu, e tama tiwai po obao,
"Dago bomogo mu dao, dago te taun mu dolama,
tagalali dao.

Te taun Jerusalem dolali dao, dago.

Tega! Dago te si tonaluali, megid da,
te si polo megid pedelali dao,"

boi bidi augwaligo te tobage po wabo.

¹⁷ Te Genuai Bidigo polobadu mu te yainogo yali
te se polo megid yali dao.

Polobadu mu Genuai Bidigo te po wai dao,
te Israel dabego agai po sela sabaso da,
teda agai Jerusalem dolaibao po wai dao.

Tama tialima, megid nage hobede me ebeo,
Jerusalem, agai nage aiyaba polo elaluali dao.

Agai nago boi bidi dabe bomu ilama,
tama augwaligo nage aiyaba elalumainu ilali dao.

Tama augwaligo nage dolalide wiegi yai
homu pemene elama, gana pali dao.

¹⁸ Te nago we bidi augwaligo Genuai Bidigo
augwali tau somainogo hwa te waiyo.

Hobedai, Jerusalem,
nage hulide me giligade gela genina mu elama,
tama nago gela uga te ai sabo tulubo tiwai emainao.
Nage hodo me doligio. Nage gela wabo se naga idu
geao.

¹⁹ Hulide nage hauwa sogo mu hodalu,
tama Genuai Bidiba gela hwa wao.

Nago agabolo gedu haluasa po bomonama weyu,
te nago sege agabolo pusuyu,

me nago homu sege po agabolo pusao.

Magi baso menio, naga wai boi dabe
augwali nasi elama,

tama augwali bomu kimi isibaso,
augwali te naga sunumi dabe
sesegede te dedege pabo dao.

Tialima, nago nogo ugwaba selama,
tama Genuai Bidibolo augwali
hobede emainu hanalu wao.

²⁰ Jerusalemgo e tama gedu haluasa po wali,

"Genuai Bidi, nago te naga hani digi muba
te yali te dene mabo se suo.

Te we dabe sibi augwaligo augwa wai boi dabe
godolo mu eyu, negeyu yai dao.

Tiali goli, megid da, augwaligo augwa
te wai boi dabego tigi tubao.

Tama te boi bidi dabe augwali naga digi
tempel be tomoba pelama,
tama tede augwaligo naga pris dabe,
me profet bidi dabe, ela silali dao.

²¹ Te boi bidi dabego augwa moni ge hwa
te gesi wegi ogwa me, monu dabe me, ela silalio.

Awe, augwaligo te we sasiwai gesi
bidi dabe dali, te bidigo sasiwai gesi
we dabe dali te ela muani.

Tama augwaligo tigi dabe eno sunumi
dabede subigila wilalua pabo.

Genuai Bidi, nago eno
te we bidi dabe dali se mu yalio.

Tama nago augwali dali hobede me ebeo. Menio.
Nago augwali elama, isilai dao.

²² Nage sege mu elama, tama nago te boi bidi dabe
tigidali badu i olama, tama augwali aselama,
ena dali dwai se yali dao.

Tama boi bidi dabe hauwa mu asai dao,
te we bidi dabe te lotu wabo
genuai sogo asobo tiwai yalio.

Tialima, boi bidi dabego eno we bidi sese ela silali,
tama eno we bidi me deli wi sana peyu,
te augwaliba pedelali se po pusabo bidi mu menio.

Eno ena we bidi godolo mu yai dao,
tama eno augwali bugagia mu tonaluai dao.

Tiali goli, megid da,
te boi bidi dabego augwali megid mu silalio."

Te Jerusalem hanugo te gedu haluasa po wali.

Eno homu begelama, Genuai Bidigo eno sege dabe
silibo tonalubao

3 Ena e po asebo bidi, eno te dene tolobo kolesaga
konebo dao.

Genuai Bidigo ena dali sege yalio,
tama ena dene manio.

Tama eno genuai dene mu tolalio.

² Agai ena mu hulial sai sunumidu mu pomainu ilalio.

³ Tama tigidali sogo agai ena deli naga dene madu
gebo dao.

⁴ Te agai ena elai tiwai elama,
tama eno dili dabe tigidali mu togwa pelama,
tama eno tigi aboga sai.

⁵ Agai enabolo haniani sege mayu,
dene mayu elama,
tama te nai dabego ena bagua selama, kalabus
ilalio.

⁶ Agai ena hulial sai madi bidimainu ilalio,
te polobadu mu isai bidi dabe tiwai mu tama tiali.

⁷ Agai ena polo kalabus ilali,

tama ena wi pabo usu egobeo.
 Te agai eno nogo saꝓa te seꝓe yai sen bonogo keꝓi tiwai
 elama,
 tama ena bilabo usu menio.
⁸ Eno i olama, Genuai Bidibolo ena tau sao po olama,
 hanalubo dao.
 Tiali goli, agai eno gedu haluasa po
 waboba olo saganama, odobo menio.
⁹ Te tigidali badu ena painu yali madi,
 agai polo palia sesa bilalio.
 Te genuai masigi sunumide paliai tiwai
 aꝓ yalio, te ena pabo sunumide.
¹⁰ Genuai Bidigo ena dolainu tonaluali,
 te bulu hasa bea me laion sigo
 te hasa dabe soabo tonaluyu, dualalubo tiwai yalio.
¹¹ Genuai Bidigo eno sunumi tagalomainu elama,
 tama agai ena dolalio,
 te laion de bea sigo hasa pobeasa peyu,
 te hasago tigi togola tagalobo tiwai yalio.
 Tama tialigo ena dolama mu bidibao.
¹² Genuai Bidigo aga ene enesigiba
 tulama, tama ena enani.
¹³ Tama agai ena haligade genuai mu enani,
 agai te ene dabego.
¹⁴ Megi da, eno we bidi hani tigidali
 augwali gisugu dwai mu olama,
 tama ena keꝓe mayu, balia po wabo dao.
 Awe, kigamu me, giligade me, pio me,
 tigidali sogo balia po wabo dao.
¹⁵ Agai ena seꝓe hauwa mu mani,
 tama ena mu paꝓana palio.
 Te agai ena dene dali seꝓe dali si mayu,
 ena paꝓanobo tiwai mu yalio,
 te ha ebo aꝓ sigo paꝓanobo tiwai yalio.
¹⁶ Agai ena dali dene mabo seꝓ mu yalio.
 Te agai eno tobolu toꝓba aiya toꝓbo tiwai elama,
 eno kele degela tagalobo tiwai yalio.
¹⁷ Eno homu nagame elama,
 wiegi yai homu elama me bidibeo.
 Tama eno bugagia bidibo kolesaga te gegeda palalio.
¹⁸ Tama tibaso, eno te Genuai Bidigo
 ena tau somainogo tonalubo seꝓ ebo, te usugobeo.
 Tama ena toꝓde bobobage sogo bidigobeo, te homu
 ebao.
¹⁹ Ena te subigila wau bilibo bidi tiwai bidiyu,
 tama eno ena genuai seꝓe dabe kone ebao.
 Tama tego enabolo dene mobao,
 te dwai ha ebo aꝓ tuai dene tiwai ebao.
²⁰ Tigidali sogo eno te seꝓ dabeba kone ebo digi,
 eno homu seꝓe mu ebao.
²¹ Tiali goli, eno gasa nai me homu kone yali,
 tama tialigo te tibogo eno Genuai Bidigo
 ena tau somainu bomu elama, mu tonalubao.
 Te nai dabe da e dao.
²² Tigidali sogo Genuai Bidigo da

homu dene eyu, tau sabo seꝓ elama,
 tama agai daba homugo keꝓ peyu,
 da godolo mu ebo dao.
 Tama agai te kolesaga munu me siligobeo.
²³ Menio. Te agai te kolesaga tigidali bubugade gesi
 noma pedalobo tiwai ebo dao.
 Genuai Bidi, nago te homugo keꝓ pabo kolesaga
 da dali tigidali sogo ebo dao.
 Nago te kolesaga te wiegi yai mu dao.
²⁴ Eno homugo eno meba nai dabede
 moni homu igi homu ebao.
 Genuai Bidi deli tama ena usu dao.
 Tama tibaso, eno agai ena tau somainu
 bomu elama, tonalubao.
²⁵ Genuai Bidigo te aga gegelama,
 tama agai augwali tau somainu tonalubo we bidi
 dali wiegi yai seꝓ ebo dao.
²⁶ Te we bidi augwali dua bidiyu,
 Genuai Bidigo augwali te boi bidi dabego nogode
 ma oda somainu tonalubo kolesaga eyu da,
 te wiegi yai dao.
²⁷ Tama me ma, te bidi dabe augwali gesi bidide
 gagalama,
 te kolesaga ebo eyu da, te usu dao.
²⁸ Te Genuai Bidigo te bidi me delibolo seꝓe
 mabode da,
 teda te bidi agaduba bidigi pelama,
 penane pania sai elaluao.
²⁹ Teda Godigo aga tau sabo homu yali bogo.
 Tama tiyu, agai aga digi aiyaba
 elaluama, tama tonalua.
³⁰ Te bidi dabego aga nabo gede
 nogo sawaligo elebaso da,
 tama aga dali dwai po waiyu ebaso da,
 teda agai augwaligo te tama
 seꝓ emainu sula tagalamainao.
³¹ Genuai Bidigo aga tigidali sogo
 tudi ola magobeo.
³² Agai te bidi dabebolo seꝓe mabo dao,
 tiali goli nosali agai augwali hobede ebo dao.
 Magi baso meni, aga da, te we bidi godolo mu ebo
 God
 dao.
³³ Tama agai augwali dene me seꝓe mabode
 agai wiegi yai homu me ebo menio.
³⁴⁻³⁶ Tama tibaso, bidigo te da kalabuside bidibo Juda
 bage dali dwai seꝓ ebaso da,
 teda Genuai Bidigo te koneaibao.
 Ma, bidigo te Ugwadu Mu Bidibo God dali hagoma
 eyu,
 tama gasa bidi dali doloba pai kolesaga isaꝓbaso da,
 teda Godigo te seꝓ ebo bidi sugobe da, agawe?
 Ma, bidigo te po toꝓ ebo kolesaga doloyu,
 gasa bidiba dene mobaso da,
 teda Genuai Bidigo tede hagela homu mu yaibao.
³⁷ Te Genuai Bidigo usu da hasia wasiaꝓu da,

teda bidigo magi sę pedalumainu ebo usugobeo.
38 Te Ugwadu Mu Bidibo Godigo naga te we bidi
bugagia bidimainu ebo dao,
ma augwali te genuai sęę somainu ebo dao.
39 Tama tibaso, bidi me bididubadi,
te Godigo agai yali dwai sę wei ponoyu,
dene mobaso da,
teda te bidigo Godibolo wado po olamuo.
40 Dago dena kolesaga, me dena bilibo
kolesaga dagalama, bugagia suao.
Tama dago dwai kolesaga tagalama,
tama da Godiba ma aselainao.
41 Te dago te Ugwadu Mu Bidibo Genuai Bidiba gedu
haluasa po wabo si,
dago dena homu ugwadu daide naga elaluyu,
gedu haluasa po wagimio.
Tama dago e tiwai po wao,
42 "Dago nage dali hagoma elama,
tama dago sęę sai dao.
Tama nago dago sęę sela sęsiayu,
tama da te nago gedude dwagi yai ma pedalubeo.
43 Nago da dali sębę dwai mu elama,
tama nago da dali hobede me yai menio. Menio.
Nago da pobeasa pelama, tama nago da elama, isilai
dao.
44 Nago da dali sębę elama,
tama nago naga olo palia sai dao.
Te nago naga digi te genuai pęgo halua selama,
tama dago gedu haluasa po wabo
nage pageba sabolabo
usu emainogo tiwai me yai menio.
45 Nago da aiyaba elalui dao.
Tama te meba Israel hani isęwai gasa hanigo da te
olo
dwai nai tonobo tiwai elama,
meda mu yai dao.
46 Dago boi bidi dabe tigidaligo da
posobo po hauwa wai dao.
47 Te boi bidi dabego da elama, te da wi elama,
me da tulalumainu yabo nai dabe ilalio.
Tama da sese tama dolama, tagalainu yali."
Dago te tobage gedu haluasa po wainao.
48 Eno te hobedai we bidi dolama elalubo sulama,
tama ena hobede mu elama,
tama ena gela waligo gela ęga tęba tulalubo dao.
49 Eno gela wabo togogobeo.
Tama tiyu, gela ęga sesemane sogo aiyaba dulaibao,
te sula sisęma soabo ę tiwai yaibao.
50 Ena gela odubadi, te Genuai Bidigo aba tonama,
tama da homu kone eboba usu naibao.
51 Eno ena taun we dabe augwali
dwai mu bidibo suali.
Tialima, ena homu sęę genuai mu ebao.
52 Te bidi mebago ena dali olo dali
boi bidi homu elama,
tama ena olo dali elama, isilainu yali.

Tama augwaligo ena bidigo ba pobeasa pabo tiwai
yai.
53 Te augwaligo ena te genuai tę dedageba sęnama,
tama ena dedagede bidibadi masigi ugwadu sębo
tiwai yali,
te ena ela muainu.
54 Tama me te genuai ęigo ena mesegelama,
tama eno homugo ena poma peyu isigowe homu
yai.
55 Genuai Bidi, ena dolama mu bidiyu,
tama ena isai bidigo bulude bidibo
tiwai bidibo ę yali.
Tama nago ena tau somainu, eno nage i wali.
56 Eno e tama po olama, i wali,
"O Genuai Bidi, nago eno gela wabo
odao, nago olo pania sigio," wali.
Tama nago eno te i wabo po odai dao.
57 Tama nage ena pageba aselama,
tama nago enabolo "Wi igio," po wai dao.
58 Genuai Bidi, nago ena tau selama,
tama nago te eno boi bidi dabe aiyaba elalui dao.
Nago ena augwaligo nogode ma oda selama,
tama ena bugagia bidibao.
59 Genuai Bidi, nago te bidi dabego
ena dolobo sę ebo nago suai dao.
Tama tibaso, nago augwaliba po tę elama,
nago ena tau selama,
te bage augwali aiyaba elalubo sę yao.
60-61 Genuai Bidi, nago koneani,
augwaligo ena dali boi bidi homu genuai mu ebao.
Augwaligo ena dali haniani dwai kolesaga
game yabo homu hauwa ebao,
tama me augwaligo ena dali dwai po te obao.
62 Tigidali bubugade augwali po minama, posolu
weyu,
ena dolabo po gegeyu ebao.
63 Suao! Te augwaligo sę elama,
tama augwali toma tubo sogo da,
augwaligo ena posobo balia po wabo dao.
64 Genuai Bidi, nago augwaligo
te dwai kolesaga koneama,
tama augwa te dwai kolesaga dolo ma wei ponao.
65 Nago augwaligo homu kolesaga dolama,
i ola mabo po olama,
tama augwali sese tama dolao.
66 Nago augwali dali sębę elama,
tama augwali sese pobeasa pelama,
tama augwali sese tama mu silao,
te augwali e tęde deli me bidigobeo.
**Te Jerusalem dabe augwali te boi bidi dabego augwali
dali boi hwjani sogo dwai sogo mu suali**
4 ¹⁻² Hobede mu dao.
Te Saion we bidi dolama elalubao.
Polobadu augwali te sawi yai gol tiwai
sawi yai mu elalui dao.
Tiali goli, te gol dabe augwali ula me isęma,
megi da dolama mu elalubao.

Polobadu da, te Genuai Bidigo genuai be tempel
 augwaligo te wiegi yai masigi dabego nigilama
 elalui dao.
 Tiali goli, augwali meggi da hagayali dao,
 te masigi dabe subigila tulaluama,
 te tigidali taun sunumi dabede munalua pabo dao.
 Meggi da, te we bidi augwali nogi ma elalubeo.
 Augwali te dwai pobebe bage sene dage te bidi
 dabego
 nigai,
 te sene dage tiwai dao.

³ Te uni yowi dabe augwali wiegi yai hasa dabe me-
 nio.
 Tiali goli, augwaligo augwa wai bõu dabe koneama,
 tama augwaligo augwa wai bõu dabe ame mabo
 dao.
 Tiali goli, eno we bidi hani augwaligo te uni yowigo
 ebo tiwai wiegi yai kolesaga ebo menio.
 Menio. Augwaligo te nai meni yai wa pai bulude bidi-
 bo
 genuai bago ebo kolesaga tiwai ebo dao.
 Te bago subigila ge sasagano bilama, tagalobo dao.
 Te tiwai me eno we bidi augwaligo augwa wai bõu
 dabe
 hobede homu me ebo menio.

Menio. Augwaligo augwali tudi ola mabo dao.
⁴ Te dwasianu wai bõu dabe augwali tuabo ame me-
 nio.
 Tama augwaligo dogoni dolama, mu aloa pabo dao.
 Te wai bõu dabe augwali biliyu,
 te we bidigo augwali nai momainu
 biliyu, hanalua bilalio.
 Tiali goli, te bidi mego augwali nai me mabeo.
⁵ Meggi da, te moni bidi dabe me te nai sõa palio.
 Polobadu da, augwali nai wiegi wiegi yai nai dabe
 hauwa elalui dao.
 Tiali goli, meggi augwali nasi elama,
 augwali subigila te taun sunumi dabede isila peyu
 yalio.
 Polobadu augwaligo nai dabe hauwa mu elaluyu,
 tama augwaligo wiegi wiegi yai au ebo nai dabe
 gudiyu yai dao.
 Tiali goli, augwali meggi da,
 nai mu menia pelama, tama meggi da,
 augwali te dwai pobebe bage sabo pesagede nai te
 gegebao.

⁶ Te Jerusalem dabe, eno we bidi,
 augwaligo dwai sã yalide sali
 sãgãgo te Sodom we bidigo sãgã edelalio.
 Tama tibaso, Genuai Bidigo Jerusalem dabebolo
 dene genuai mu te mani dao.
 Tiali goli, Genuai Bidigo te Sodom dabe dolali sogo
 da,
 te taun agai deli sogo mu tama te taun dolai dao.
 Tama te boi bidi dabego meggi te Jerusalem dabe dali
 ebo tiwai te Sodom dabe dali yai menio. †

⁷ Polobadu te Jerusalem dabego tobolu bidi dabe
 augwali bugagia bidiyu,
 augwaligo tigi wiegi yai mu elalui dao.
 Augwali bomai bidi dabe mu dao,
 tama augwaligo tigiwali te wiegi yai homugo dõu
 wabo masigi tiwai ula elalubo aõ yai dao.
⁸ Tiali goli meggi da, augwaligo tigi dolama,
 tama meda mu yalio.
 Tama augwali te sunumi dabede bilibo sogo da,
 te bidi dabego augwali tonobo konebeo.
 Augwali dili pulu hã elama,
 tama augwaligo tigi wa pai mu elaluali.
⁹ Te boi hwjõbode isali bidi dabe augwali godolagi mu
 elama,
 te nai habuge yai bidi dabe aiyaba elalualio.
 Magi baso meni, augwali polo isalio.
 Tiali goli, gasa bidi hani augwali nasi mu elama,
 tama sãgã bobobage sogo tolama,
 tama augwali dili pulu hã elama, tama augwali
 isalio.
¹⁰ Te augwa wai godolo homu yai ida dabe augwaligo
 augwa wai bõu dabe isibo sogo da,
 te ida dabego te wai bõu dabego
 tigi selama, augwaligo ulama tualio.
 Te tobage kolesaga te eno hobedai we bidi augwaliba
 te boi bidigo te boi hwjani sogo te sã pedelai dao. ††

¹¹ Genuai Bidigo te Saion dali haliga sãbã dwai mu
 yalio.
 Tama tibaso, agai aga dene genuai mu manio,
 bidigo aji te tõba gelebo tiwai yali.
 Te agai te Saion isi tulama,
 tama te taun sese dela silibo tiwai yalio.
¹² Te gasa tõ pedai kantrigo king dabe,
 me te haniani tõde we bidigo homugo
 te boi bidi dabego te Jerusalem aiyaba elaluama,
 tama te taun sogobe homu yai dao.
¹³ Tiali goli, Godigo te boi bidi dabe tagala palama,
 te Jerusalem dolai dao.
 Magi baso meni.
 Te profet dabe, me pris dabe, augwaligo dwai sã el-
 ma,
 tama augwaligo te Jerusalemde
 dwai sã meni yai we bidi ela mubaso tiai dao.
¹⁴ Te we bidigo kaneme te pris dabego ugwade,
 me profet bidi dabego ugwade dagana sai tiwai
 elama,
 tama Godigo gedude te pris dabe dali,
 profet dabe dali, augwali meda yai tiwai dao.
 Tama augwaligo genuai sãgã mu salio.
 Meggi da, te pris dabe, me te profet dabe,
 augwali te sunumi dabede popolo palio.
 Tama tibaso, te we bidi augwali
 te bage augwali pageba pabo hagela yalio.
¹⁵ Te we bidi dabego augwali
 hai mayu elama, tiwai po wali,
 "Dage gedao. Dage polo meda yali dao,

† 4:6 Gag 19:24 †† 4:10 Bom 28:57; Ese 5:10

tama dage da pāba asigio.
Dage gediāo," wali.
Tama tibaso, te pris dabe me profet dabe
augwali gasa kantriba wi peyu,
te olo wau bilibo bage tiwai bidali.
Tiali goli, te kantri we bidigo te bidi dabe augwali
te kantride bidimainu sula tagalobeo.
¹⁶ Genuai Bidi aga digi augwali
subigila pomainu sela sāwani,
tama agai augwali homu kone me ebeo,
te pris dabe, me tobolu bidi dabe,
augwali te we bidigo gedude genuai nogi me
elalubeo.
¹⁷ Dago tonaluama, tama dago te gasa t̄q kantri bidi
hani me deligo da ma oda sagasomainu tonaluali.
Dago te sunumi dabeba gedu tonono ela bilibadi,
tama dago gedu dene yali.
Tiali goli, dago olo dali tonalualio.
Augwali me asobeo. Augwaligo da tau sabo menio.
¹⁸ Te boi bidi dabego da dolainu no munalubaso,
tama da te sunumi dabede bilibo usu me ebeo.
Te da dolabo sogo te polo pedelalio.
Tama tibaso, da sese tama mu dola silalio.
¹⁹ Da wi pobadi, tama te boi bidi dabego da pobeasa
asalio.
Awe, augwali bomonama mu,
te ba kemodagego te hasa ela sainu bogo
pobeasa aiyaba tulalubo tiwai yalio.
Augwaligo da bulu du dabedu pobeasa bilama,
tama augwali te nai meni yai wa pai bulude
dualaluyu, da tonalualio.
Te da asobo suainu,
tama augwaligo da tola siyu, ela palio.
²⁰ Tama augwaligo da bugagia bidimainu tonaluyu,
da tau sali bidi me augwaligo tola salio.
Te da te Genuai Bidigo sa muani te king dao.
Dago homugo da te king dologode bidiyu,
tama da bugagia bidiyu yaiba homu yali,
te meba gasa kantri dabe ebo gilama bidigowe
homu yalio.
²¹ Kantri Idom, megı nage Usgo t̄qde bidibao.
Megı da, nage gısugu dwai olama,
tama nage Saion dolaibasao,
wiegi yai homu pemene megı yao.
Genuai Bidigo sēbē te wain wē kapu deli tiwai dao.
Tama agai te Saiongo te kapude tumainu ilalio.
Tiali goli, agai nagebolo nosali me maiwaibao.
Tama nage dolama mu polaibao.
Tama nago naga tigide ugwa peda sānama,
tama nage hale genuai mu yaibao.
²² Saion, nago sēgē saibasao, Genuai Bidigo nago sēgē
wei ponani dao.
Tialima, agai nago kalabus yali silaibao.
Te nago we bidi kalabus yali pīsigina sāwaibao.
Tiali goli, Idom, Genuai Bidigo nago
yalı dwai sēde sali sēgē hanainaibao,

tama agai nage me dene mawaibao,
te sēgē wei ponoyu.
**Te Jerusalem dabe augwaligo Genuai Bidigo augwali
tau somainu hanalu wali**
5 Genuai Bidi, nago dabolo
te dwai nai pedelali kone elama,
tama nago da hobede yagameo.
Suao, da dolama mu bidiyu,
tama da meba we bidi hanigo gedude
da hale dwai mu te ebao.
² Dago t̄q te gasa kantri bidi dabego nogode te
elalubao.
Tama augwali dago be dabede bidibao.
³ Da olo mu bidibao,
te tiana wai b̄q̄ dabe tiwai bidibao.
Me, te we dabe te wilawe we tiwai bidibao.
⁴ Polobadu da, te isi dabe me te āj dabe
te dena nai dabe elalualio.
Tiali goli, megı da, dago te āj me isi sainogo da,
teda dago abeliyu naga ebao.
⁵ Te boi bidi dabe augwaligo da selebo genuai mu
ebao,
bidigo aga sē yabo donki ma kamel selebo tiwai
ebao.
Tama da tigi hagela dwai mu ebao.
Tiali goli, augwaligo da toma tumainu sula me taga-
lobeo.
⁶ Da nai mu sā palio.
Tama tibaso, dago te Isip dabebolo me Asiria
dabebolo
da tau somainu hanalu walio.
⁷ Dago wāj dabe augwaligo polobadu te dwai sē yai
digi, augwali polo isila palio.
Tama megı da, da augwaligo dagede da sēgē
tolobao.
⁸ Te Babilon dabego olo sē bagego da tonalubao,
tama da augwaligo nogode ma dobola sabo bidi
menio.
⁹ Da dolabo bidi dabe, augwali dago kantride bida bi-
da
pobao.
Tama da nai gegegi painu pabode da,
augwaligo da ela muainu tonalubo dao.
¹⁰ Da nasi genuai mu ebao, tama da
posolo dwai mu ebao.
Tama dago tigi posolo te stov posolo ebo tiwai mu
ebao.
¹¹ Te Saion bulu dude digi,
me te Juda dabego taun dabede,
te boi bidi dabe augwaligo dago we dabe,
me dago wegı mani dabe kegelama,
tama augwaligo penani sē dabe yalio.
¹² Augwaligo dago tobolu bidi dabe selama,
tama augwali pobila walalio.
Tama augwaligo dago monu dabe dali
me augwaligo wiegi yai kolesaga me ebeo.

¹³ Augwaligo dago gesi bidi dabego
wit gosegebo sę bomai sę emainu eyu,
me te ogomane dabego genuai isi pobi genuai elama,
tolomainu ilalio.

¹⁴ Megi da, te genuai bidi dabe augwali te taun genuai
sunumi dabe pade me dualalubeo.

Tama te gesi bidi dabego te gita gagali ma ebeo.

¹⁵ Dago wiegi yai homu pemene yali sia salio.

Dago te tęabi wabo kolesaga hasegelama,
megi dago hobedai gela naga obao.

¹⁶ Dago genuai nogi polo tulalualio,
te dago gawe yali nai dabe dolai dao.

Da hobede mu yao.

Magi baso meni, dago yali dwai sęde sali sęęę dwai
yalio.

¹⁷⁻¹⁸ Dago homu te Saion bulu du te dolali dao,
homu yali.

Tama te bulu uni yowigo bulu pedelali dao, homu
yalio.

Tama dago dwai homu mu elama,
tama da gela wali madi dago gedu dene mu yalio.

¹⁹ Tiali goli, Genuai Bidi, nage sesemane sogo king
bidada pidu bidibao.

²⁰ Tialima, nago da magi baso tudi ola menama,
tama da magi baso sesemane sogo gegeda
pobawe?

²¹⁻²² Genuai Bidi, nago da tudi ola menama,
tama nago da dali sębę genuai mu yalio.

Tiali goli, da nage pageba ma asaio.

Tama tialima, nago da ma odasa asao.

Tama nago da polobadu bugagia bidali tiwai ma
bidimainu ilao.

Profet Esekielgo Po Aşai Buku

Hasia nedebo po dao

Esekiel aga te pris bidi me deli da, tama aga te profet bidi te boi bidi dabego te taun Jerusalem dolali sogo bidali. Aga te boi bidi dabego te Babilonba kalabus sela pali hani we bidi dali bidali, tama agai te profet po te hani siba pusubo şe yalio. Gasa hani me da, te Juda dabe aga dali te Babilonde bidali, tama gasa me da te Jerusalemde bidalubadi taga pali hani we bidi augwali dao.

Te me badu habu badu Esekielgo te dua dao wabo bomai po mayu, te Godigo te Juda hani dabeba dene mabo şe yaibao wali. Te me badu pedai badu agai te tiwai po wali, Godigo te Juda hani dabe dene mani hani we bidi augwaligo ebo kolesaga dagalama, tama agai te hani augwaliba şeşę mawaibao wali. Te gasa me badu wali po, Esekielgo te tiwai po walio, Godigo te we bidi dabe augwali haliga nagame ilama bidaibao. Agai te tama po wali, te wiegi yai sogo Godigo te nosali pedelaibao po olama walio. Te Israel dabe augwa tş pedai kantri ma hodolama, tama Godigo gesi be elalueibao po wai dao.

Te Babilonde bidali Juda dabe augwaligo homu hauwa yalio. Augwali te Godigo taunde bidibe da homu yali, te augwali Godigo tempel be digibulu bidalio. Tama tiyu, augwaligo konebeo, te God augwali dali bidibowe, ma meniwe, te augwaligo konebeo. Esekielgo po te augwaliba pusulama, te augwaligo konealubo homu daş walobo po weyu, augwaliba te tiwai po ola mayu, te God augwali dali bidibao wali. Tama agai te deli deli we bidi augwali homu hodolama te wiegi yai kolesaga naga yao po walio.

Hauwa sogo Godigo Esekielbolo po mayu, te nade ebo şe tiwai yali, tama Esekielgo agai te nade suali şe po dabe augwaliba pusali po dabe te hania mu koneama, te dago odobo homu pemene yali, tiali goli meba po te kuna mu konesişbaso, te po page koneainu sinabo şe dene dwasianu eyu yai dao.

Godigo profet şe Esekielbolo mawai

(*Daş 1-3*)

Esekielgo Godigo sia king سوالio

1 Ena Esekiel, ena te Juda dabe dali te wę Kebar pşde bidai, te Babilon tş kantri pedaide. Te Babilon dabe augwaligo da kalabus elama, tama da te augwa page bulu tşba sela pai dao, polobadu. Tama te nanobo me si me si wabo polua, dei a naga wabo side, te kibu be bidi sese deli olama, nogo si wabo 30 yiade, te dagalu buga pabo side eno te nade ebo tiwai te God سوالio. ¹² Te şe pedelali, te Babilon dabe te Juda tş kantriba pelama, te hwşagaselama, te Jerusalem king bidi Jehoiakin augwa tş kantriba kalabus igi pomainu selasa pabo kibu be a naga nosali elalubo sogo te şe pedelai dao. ¹³ Ena Esekiel, ena te pris Busigo ogwa da, ena te tş kantri Babilonde bidali, te aş Kebar pşde da, tama enaba te Godigo po wabo eno odama, te Godigo bomu enaba asida walio.

⁴ Eno ugwaba tonobadi, eno te genuai wali me haowa te not badu asobo suali, te be sele hauwa dali asobo suali. Te genuai ulago te haowa mu bagua selama, tama te ula te isi dabo tiwai bomu umagi mu yali, tama te haowago ula tomode te tigidaliba usu te brasgo ula ebo tiwai yalio. ⁵ Te genuai wali me haowa si tomode eno te bidi tiwai nai me si me si elalubo suali. Augwaligo tigi te bidigo tigi tiwai elaluali, ⁶ tiali goli te tigidali deli delide te gesabidi me si me si badi, te bogo me si me si elaluali. ⁷ Augwali saş te doloba pai elaluali, te augwaligo saş dani te gesi kibu bulmakaugo saş dani tiwai si elaluali. Te augwaligo saşde ula ebo te umabo mu eyu, te bras augwaligo meda holali gegemane tiwai yalio. ⁸ Te tigidali bogo deli deli dologode te bidigo nogo aşo tiwai elaluali. Te augwaligo bogo te tama tiwai elaluai. ⁹ Tigidali deli deligo augwa bogo si diniginani, te deli deligo bogo sabigo te gasa mego mego bogo sabiba pomono pelama, tama augwali te halobage me deli tiwai te nogo habu me si me si pedelai. Te augwali gasaba me painogo ebo sogo da, augwa te tama tiwai naga elalubadi palio. Augwa tigi begelibo şe eyu me ebeo.

¹⁰ Tigidali deli deligo te tobage gesabidi me si me si elaluali. Te edaba begelama elalubo badu te bidigo

† 1:1 Ped 19:11 †† 1:2 2 Kin 24:10-16; 2 Sto 36:9-10

‡ 1:5 Ped 4:6

gesabidi elaluali, te dolo nogo badu gesabidi te hasa nogi laiongo gesabidi tiwai yali. Te pobase nogo badu gesabidi te kibu bulmakau omai gesabidi tiwai elaluali, te tudi badu gesabidi te genuai ba kemodage gesabidi tiwai yalio. ^{††} Te augwa gesabidigo kolesaga te tama da. Tigidaligo augwa bogo si diliginama, te deli deligo bogo te gasa mego mego bogo sabiba pomono palio. Te augwa gasa bogo me sigo, te augwa tigi mesega salio. [‡] Tigidali deli deligo gesabidi te me si me si gesabidigo te me si me si pedaiba tononaluali. Tama augwali deli homu naga elalubaso, augwali gasaba me painogo da, te augwaligo gesabidi gasaba me begeligobeo. Augwali paboba naga tama paibao. ^{‡‡} Te nai dabego kolesaga te tama elalubao. ^{††}

Eno suali, te nai dabego ula te isi ula me sole tiwai ula te bidi tiwai nai me si me si tomode iba peyu, eda asu yali. Tama te sia bogoli genuai pedelama, te be se-le ula te isi pedelama, te pepeda pabo sę ela palio.

^{‡‡} Tama te me si me si bidi tiwai nai dabe te polo asesa iba peyu, eda asu yalio, te be selego ula tiwai yai dao.

^{‡‡‡} Eno te bidi tiwai nai dabe subo sę elama, te eno suali, tigidali deli deligo te tęde augwa saęa paęde te wil me deli dolalubo suai dao. ^{‡‡‡‡} Te tigidali wil deli tigi poai naga elalu, te ula umagia mu yali, te sęwa yai tedali gasagi yai masigi mu tiwai yalio. Te wil tigidali deli deligo te gasa gasa wil te augwa tomode elalu, te gasa tononalua palio. ^{‡‡‡‡‡} Tama tialima, te wil dabe te tigidali me si me si pedai badu te iba soyu, eda soyu emainu ebo dao. ^{‡‡‡‡‡‡} Eno suali, te wil dabe moni dobo dwai mu yai baso, ena wi yalio. Te wil tigidali deli deli sabi badu te tononalubo gedu hauwa mu elalualio.

^{‡‡‡‡‡‡} Te bidi tiwai nai dabe iba soyu, eda soyu ebo sogo da, teda te wil dabe me augwali dali iba soyu, eda asiyu yali. Tama te nai dabego te tę tagalama, ugwaba holobo si da, teda te wil dabe me ugwaba holoyu yalio.

^{‡‡‡‡‡‡‡} Te nai dabe augwa menaba pabo deli homu ebaso da, teda augwali pelawaibao. Tama te wil dabe me augwali dali paibao, magi baso meni, te me si me si nai dabego me, te wil dabego me te deli homu naga elalubo dao. ^{‡‡‡‡‡‡‡‡} Te nai dabe augwali gasa me pabo homu ebaso da, teda te wil dabe me paibao. Tama te nai dabe te me badu pedaibe bidibaso da, teda te wil dabe doligi pai elalueibao. Te nai dabe augwali hogo-dama, ugwaba holobaso da, teda te wil dabego me tama tiaibao, magi baso meni, te me si me si nai dabe dali te wil dabe dali augwaligo deli homu naga elalubo dao. ^{‡‡}

^{‡‡‡‡‡‡‡‡} Tama eno suali, te dagalu ugwadu tede te genuai daę tiwai elalubo suali. Eno suali, te nai ula mu yali, te wiegi yai dula tiwai elalubaso, ena wi yali. Te nai te bidi tiwai nai me si me si te nai daide ugwadu munalubo suali. ^{‡‡‡‡‡‡‡‡‡} Te me si me si nai dabe te genuai bagua sai nai dologode elaluali, te augwaligo bogo si diligina palalio. Te me deli deligo bogo sabi badu ununulu palio. Te augwa tigi dabego digi te augwa bogo sigo mesega salio. ^{‡‡‡‡‡‡‡‡‡‡} Te augwali bola pabo sogo eno

odali, te augwaligo bogo kulukulu wali, te tamu aę genuai aę dini holama, degasa dulu bugusu wabo tiwai yali, tama te genuai ami bidi hanigo pesagede bidu posolu dala sabo tiwai yalio. Te augwaligo bogo u wabo te Tigidali Bomo Elalubo Godigo i wabo tiwai yalio. Te augwali me badu pedai badu doligi pelama, te augwa bogo bea sali. Tialima megi da, te bagua sai naide ugwadu daide te bidigo po wabo odai. ^{‡‡‡‡‡}

^{‡‡‡‡‡‡} Te bagua sai nai daide ugadu te nai me deli king dugabo sia sai tiwai augwaligo te gasa tedali sisi dagalu tiwai masigigo nigai elalualio. Tama bidi te dugabo sia kingde dugulalubo tiwai elaluai. ^{‡‡‡‡‡‡‡} Te bidigo tigi ugwadu te bras pedai me deli ula te tomode elalubo tiwai yali. Te tigi pedai aiyadu te sia ula tiwai yali. Te genuai ulago aga bagulai elaluali. ^{‡‡‡‡‡‡‡‡} Tama te ula te dagalude unigi bidi elalubo tigi poai tiwai hauwa elaluali. Te ula ebo eno suali, te ula te God agade digi genuai ula asobo tiwai yai dao.

Godigo Esekiel te profet pedalumainogo daę ilalio

2 Eno te tama tebo sulama, ena kidu sugunama, te gesabidi tęba pęgulali. Tama eno odali, Godigo enabolo te tiwai po wali, "Tęde bidio, nage hogodao. Eno po nage dali wainogo ebao," wali. [‡] Te Godigo enaba te po wabo sogo, te agai Mobo Noma Bidi enaba aselama, te ena hodolobaso, ena dolugulali. Tama eno odali, Godigo enabolo te tiwai po ma wabo odalio, ^{‡‡} "Tęde bidio, megi eno nage te Israel dabe augwaliba tagala palaibao, te augwali eno po sela saęu, hagoma eyu, te ena tudiba mubo we bidi dabe da. Augwali te augwa waę nęę dabego hagoma ebo tiwai yai bidi dabe dao. ^{‡‡‡} Augwa tobolu dili dagana sigi pelama, te augwaligo eno po me odobeo. Megi da, eno te nage augwaliba pomaina homu elama, te eno po augwaliba magi pao. Te augwaliba te tiwai po walao, 'Te e da Tigidali Bomo Elalubo Godigo po digi eno dageba obao.' ^{‡‡‡‡} Te augwaligo nago po odobaso, ma odisabaso da, te tagalao, teda te hagoma ebo hani we bidigo te tiwai konemainao, te eno profet bidi me deli augwali dali bidiba homu yaibao," te po wai dao.

^{‡‡‡‡‡‡} "Tialima nage, te tęde bidi, nage augwalide wi elama, te augwaligo nageba wabo pode nage wi me igio. Te augwaligo nago po aiyaba elaluama, nage begela dolaibao. Te nage augwali tomode bidiyu, te tiwai dwai haliga yaibao, nage te dwai sesane elalubo bono sili tomode bidibo tiwai yaibao. Ma, nage te dwai marasin elalubo hwaę dabe tomode bidibo tiwai elalueibao. Tiali digi tagalao, nage augwalide wi eyu, te augwaligo pode me wi igio. Menio. ^{‡‡‡‡‡‡‡} Nago koneani, augwali te hagoma bidi naga elalubao. Te augwaligo nago po odisabadi goli, tagalao, te eno nageba mabo po tigi-dali te nago augwaliba walao," te po wai.

^{‡‡‡‡‡‡‡‡} "Tęde bidi, eno te po bugagia odao. Te gasa Israel bidi dabego ebo tiwai nago hagoma elamuo. Nago pedauwali diliginama, eno nageba te mabo nai nago tuao," wali. ^{‡‡‡‡‡‡‡‡‡‡} Agai te po ola silama da, teda eno te no-

† 1:10 Ese 10:14; Ped 4:7†† 1:13 Ped 4:5‡ 1:18 Ped 4:8
†† 1:21 Ese 10:9-13 ‡‡ 1:22 Ped 4:6

‡‡† 1:24-25 Ped 1:4-15; 19:6 ‡‡‡ 1:26 Ese 10:1; Ped 4:2-3
§ 1:27 Ese 8:2

go me deligo te buku me deli ena pade tolalubo sulio. ¹⁰ Te buku te pepa me deli tiwai augwaligo te bebe pelama, te keaj elalui. Tialima, nogo te buku diliginama, tama eno suali, te bukude te si badu po aşai elalui. Te bidi dabe augwali te haliga sege eyu, dwai gela weyu, homu dene ebo teabi ebo po dabe augwaligo aşai elalubo suali. Te tobage po te pepade aşani paanualio. †

3 Te Godigo enabolo te tiwai po wali, "Tode bidio, nago te buku tuo. Tama nosali nage pelama, te bukude po te Israel we bidi augwaliba pusugi pao," wai dao. ² Tialima, eno pedauwali a olama, agai te buku enabolo mawai dao. ³ Tama agai te tiwai po wali, "Tode bidio, meg i eno nagebolo te mabo buku nago tuo. Nago haliga tego paanao," wali. Te eno tuali, te eno pusu mu yali, te ganima bunu ge pusu ebo tiwai yalio. ††

⁴ Nosali Godigo enabolo te tiwai po wali, "Tode bidio, nage te Israel we bidi augwaliba pelama, te eno nagebolo pusali po tigidali pusao. ⁵ Eno nage te haniani gasa gasa po wabo we bidi haniba me nage tagala palobeo. Menio. Eno nage te Israel we bidi augwali naga bidiboba tagala palobao. ⁶ Te eno nage te genuai genuai to pedai kantri te nago konesiawai we bidi hani augwaliba nage eno tagala paligi sogo da, teda te to pedai kantri we bidi augwaligo nago po wali pigi dao. ⁷ Tiali digi, te Israel dabego da, me tegobeo. Te augwali me deligo nago po wali me pogobeo. Augwaligo te eno wabo po digi me odisawaibao, te magi elama augwaligo nago po odaibawe? Magi baso meni, augwaligo tobolu te masigi dila pai tiwai elalu, te tigidaligo po naga sela sabo bidi dao. ⁸ Tiali goli, meg i te eno nago homu kolesaga te augwaligo homu kolesaga dila pai elalubo tiwai ilama, te nage augwalide didibili homu me egobeo. ⁹ Te eno nage te masigi daimon dila pai tiwai pedalomainu yaibao, te nago bomogo te augwaligo bomu aiyaba elalueibao. Te nage augwalide wi elama, didibili me igio. Menio. Augwali te po sela sabo bidi dabe naga dao," te po wali.

¹⁰ Te Godigo gasa po me weyu, te tiwai wali, "Tode bidio, te eno nageba wainogo ebo po tigidaliba olo bugagia muao, te nago po me deli homugo me gege da pelamu dao. ¹¹ Tialima, nage te nage abagi dabe te boi bidi dabego Babilonba sela asali bageba pelama, tama nago te tigidali po ena Genuai Bidi, eno nageba mani po te nago pusao. Te nago augwaliba te tama po wao, 'Te po God aga po digi dao.' Nago eno po augwaliba mao, te augwaligo olo bugagia munama odobaso, ma menisabaso, te tagalao, te nago eno po augwaliba pusa mao." Te po wali.

¹² Nosali Godigo Mobo Noma Bidigo ena ugaba sagoasa holali. Te ena tudi badu, te pedauwali me delidu te tiwai i bomonama wabo odali, "Genuai ula me bomu te dagalude bidibo Genuai Bidi elalubao. Te aga nogi ugaba sao," walio. ¹³ Te me si me si nai te bidi tiwai te bola pabo gagalali, te deli deligo bogo sabi ununulu pelama, te mego bogo sabigo mego bogo sabi

badu elali, tama eno te gosege wabo odali. Tama eno te wil kidagalo wabo odalio. Te tigidaligo te kidagalo wabo genuai mu pedalama, te genuai wali u wabo tiwai pedelai dao. ¹⁴ Tama Godigo Mobo Noma Bidigo ena ugaba sagoa selama, te ena tolasa palio. Te Godigo genuai bomu enaba pedalama, te ena dwai dene ebaso, ena sebe eyu palio. ¹⁵ Te Godigo Mobo Noma Bidigo ena te taun me nogi Telabipba odasa pali, te aji Kebar pade da, te Israel augwali te taunde kalabus bidali. Eno te suali nai dabego ena haliga sege dwai mu ilibaso, ena te taunde dugulalu bididualio, tama eno te magi se me deli yabo bomu meni baso bididubadi, te Sarere deli, te a naga olama, si sogo tama bidai dao.

Godigo Esekiel te Israel dabe tonalubo bidi daj ilalio (Ese 33:1-9)

¹⁶ Te a naga olama, si, te Sarere deli tiwai wali sogo silibo si da, teda Godigo po enabolo ma mawai dao. ¹⁷ Agai te tiwai po enabolo wali, "Tode bidio, eno nage te Israel dabe tonalubo bidi pedalumainu ilalio. Te eno augwaliba pusabo bomu po elalubaso da, teda eno nageba munama, te nago augwaliba pusageo. ¹⁸ Te eno suali, bidi me deligo dwai kolesaga ebaso, eno te po weyu, aga isimainao po obaso da, teda nago te dwai kolesaga yali bidi agabolo pusao. Nago agabolo waliyu, te aga homugo ebo kolesaga hasegelibaso, te aga me hagagobeo. Te nago agabolo walisabaso da, teda aga sege te tiwai naga elalubadi, te aga isaibao. Tialima, te eno gedude da, te aga isabo page nagede elalubaso te aga isali dao. ¹⁹ Tialima, nago te dwai se yali bidi agabolo te po pusao, tama aga te dwai kolesaga tagalisabaso da, teda te dwai kolesagago aga dolama, te aga isaibao. Tiali goli, te page nagede me elalubeo, tiyu nage me isigobeo," wali.

²⁰ "Te eno magi usu sabo se me deli te wiegi yai bidiba pedalumai hagede sula tagalabaso, tama agai te doloba pai kolesaga tagalama, te dwai kolesaga ebaso da, teda te tebo sogo nago te bidibolo te dwai kolesaga ebo tagala po walao. Te nago agaba wasiqbaso da, teda aga dolama isaibao. Eno agai polobadu te yali wiegi yai kolesagade homu kone me palogobeo. Menio. Te eno agai meg i te ebo dwai kolesaga sulama, te eno aga dolomainu sula tagalobaso, te aga dolama isaibao. Tialima, eno gedude te aga isabo page te nagede elalubaso aga isali dao. ²¹ Tialima, nago te wiegi yai bidi me deliba te po bomonama, te dwai se igio po obadi, tama agai te po wali pelama, te dwai se me isabaso da, teda aga me isigobeo. Te nage me nage bugagia bidaibao." Godigo te po enabolo wali.

Godigo Esekiel te pedauwali paniai

²² Ena te bulude bididubadi, tama te Genuai Bidigo bomu enaba asida walio. Tama agai enabolo te tama po wali, "Nage hogodama, nage te odogo buluba pao," wali. "Nage teba sabalobo si da, teda eno po nage dali waibao." ²³ Tialima, ena hogodama, ena te odogo bulu pali, tama te badu eno te Godigo genuai

† 2:10 Ped 5:1 †† 3:3 Ped 10:9-10

ula pedalubo suali, eno te wê Kebar pade suali sê tiwai yalio. Tama tibaso, eno gesabidi te t̄ba p̄gulai dao. ²⁴Tialima, te Godigo Mobo Noma Bidi enaba aselama, ena hodolobaso, ena dologulali. Tama Genuai Bidigo enabolo te tiwai po wali, "T̄de bidio, naga buluba pelama, te naga be tomoba bula sigi pelama, te sunumi paliao," wali. ²⁵"Tama nosali bidi mebago te dila pai haliga seselama, tama tego nage k̄naibao. Tama nago te be tagalama, te we bidi dabe augwali sugi painu ebo usu me egobe dao. ²⁶Te eno nago pedauwali pania somainogo ilama, tama te po sela s̄bo bidi dabeba te nago po bomo elama, augwaliba me weyu, augwaligo te dwai kolesaga tagalao po bomo elama me wagobeo. ²⁷Tiali digi me sogo eno homugo nago eno po te we bidi dabe augwaliba pumainogo ebo sogo da, teda te eno nago po wabo usu ilaibao. Te nago augwaliba te tama waibao, 'Te po da, te Genuai Bidi God aga po da.' Te nago po augwaliba pusubo si da, te mebago nago po odaibao. Tiali digi, mebago nage tudiba mueibao, magi baso meni, augwali te po sela s̄bo we bidi dabe naga bidibao," te po walio.

Esekielgo te Jerusalem dolabo po pusali

(Daj 4-24)

Te boi bidi dabe augwaligo Jerusalem dolaibao po wai

4 Te Godigo te tiwai tama po wali, "T̄de bidio, nago te brik me deli sigi pelama, te t̄ba munama, te Jerusalem piksa noma tiwai te daide ugadu todogo pao," wai dao. ²"Tama te brik pade, nago te amigo te taun me deli bagua selama, te we bidi augwali dali boi hw̄nana, te taun sainu eyu, te tigidali s̄ yabo nai piksa nigibo tiwai yao. Te t̄ te taun obo pade te t̄ du tiwai me nigao, te ami bidi dabe augwa te daiba bugagia dolugulama, boi hw̄jabo pesage tiwai piksa nigao. Te ami dabego bidabo pesage te taun pade nigibadi, te taun aluabo masin dabe piksa me nigao," wali. ³"Nigila silama da, teda te aingo nigai nai ulubo pou me deli selama, te nage dali te brik dali tomode ugaba dodolama, te obo dodolao. Tama nago te taunba tonalua. Te Israel we bidi augwaligo nago te tebo s̄ sulama, te augwaligo konemainao, nosali te ami bidi dabe asama, te Jerusalem aiyaba elalueibao," wali. ⁴⁵"Nosali nage te naga pobase nogo badu pigusao, te nago naga we bidi Israel augwaligo s̄ s̄ ebo koneaibao. Nage pilamubadi, te 390 dei te sogoba usu naibao. Te 390 dei wali, te 390 yia daj ilama obao, te tama kibu bede usu nama, te Israel t̄ kantri we bidi augwa yali s̄ s̄ tolaibao," po walio. ⁶"Te nago silibo sogo da, teda nage te naga dolo nogo badu te 40 dei piao. Tama nago te naga we bidi Juda t̄ kantri dabego s̄ s̄ pedalubo koneao. Te 40 dei wali, te kibu be 40 yiade te Juda dabe augwa yali dwai s̄ s̄ tolaibao," te po olama, wai dao.

⁷"Te nage pila mubo sogo da, teda nago te boi bidi dabego te Jerusalem sainu ebo piksa nomaba tonalua. Tama nago te hw̄jabo sisi elalubo tiwai elalu, te nago te tiwai po wao, 'Te taun da dolaibao,' wao. ⁸Te nago tigi te eno haligago k̄nama, te nago tigi begelainu ebaso usu egobeo. Nage te tiwai tama me pila mudubadi, te eno nage daj ilali sogoba usu nubaso da, te usu dao."

⁹"Megi da, nago te wit meba sobadi, te rais bali me, te tobage t̄gabi si me sobadi elama, te wit tiwai nai si me sao. Te nai tigidali deliba sisanama, te belegelama, bret nigao. Nago te tobage bret naga pibo badu munama tudubadi, te 390 dei wali sogoba usu nubaso goba usu naibao," te po walio. ¹⁰"Nago te tiwai 200 gram tobage bret te deli deli sogo tudao, te wali nago edelamu dao. ¹¹Te nago aj̄ tuabo me daj̄ elalueibao. Nago te aj̄ kap delide deli deli sogo tuao. ¹²Tama nago te bidigo di selama, elalua. Tama te di wa pabo si da, teda nago selama, te nago isi tiwai elaluyu, tego te bret ulao. Tama nago te tama s̄ ebo te we bidi augwaligo sumainao," wali.

¹³Te Genuai Bidigo po te tiwai ma walio. "Nago te tama tebo kolesaga te Israel dabego yabo kolesaga daj̄ ilibao. Nosali eno te boi bidi dabe te Jerusalem hwīgi pomainu sula tagalaibao, tama te Israel dabe augwali te gasa t̄ kantriba sela paibao. Tama augwali te t̄ kantri dabede bidalu, augwaligo te eno gedude dwagi yai is̄wai meda yai nai dabe tueibao," Genuai Bidigo te po wali. ¹⁴Ena Esekiel eno te tama po odama, eno te tiwai po wei ponani, "God Genuai Bidi, hobede mu ebo. Eno te tama kolesaga munu me ebo. Mu menio. Eno digi eno meda yai s̄ nago gedude me ebo. Te ena dwasianu ogwade bidali sogo, te eno te kibu aga digi isai kibu me, ma hasa mi, te uni hasa dabego ela muani tusaibadi, te meḡi bidibo sogoba usu nagasobao. Te bomu yai pode habu seleyu, te nago gedude meda yai nai, te tiwai nai deli eno me tubeo," eno te po wali. ¹⁵Godigo te po wabo odama, te po wali, "Te nago tama homu ebaso da, teda nago bret te bidigo di olali iside te nai ulugobeo. Menio. Nago te kibu bulmakau dide naga ulagameo," te po wai dao.

¹⁶Te Godigo po ma weyu, te tiwai po wali, "T̄de bidio, eno te Jerusalem dabe te nai mu s̄ pabo s̄ ilaibao. Tama te we bidi augwali dwai midigi selama, te s̄ s̄ haliga s̄ s̄ mu yaibao. Tama te we bidi dabe augwa te nai me w̄ bugagia dagalaibao, te augwaligo deli deli side tuabo nai dagalobo s̄ eyu, tama yaibao. ¹⁷Awe, te augwali nai me w̄ mu s̄ paibao, tibaso te augwali haliga s̄ s̄ dwai mu yaibao. Augwali te dwai s̄ ebo bidi naga da, tibaso te eno augwaligo nai s̄ palaiabao, tibaso augwali mu nomona selama, dili pulu hania mu pedelaibao," te po wai dao.

Esekielgo aga tobolu nisi togali

5 Godigo te tama po ma walio, "T̄de bidio, nage pelama, te bainat hw̄ poa pai mu me deligo te nago penane nisi poayao, me tobolu nisi tigidali poayao. Tilama, nago te penane nisi me tobolu nisi te

skelba muao, te dobolama, sela badu dagala muao," walio. ²"Eno nage te pila muao wali sogo tigidali siliba-so da, teda nage hodolalua. Te tama tebo sę ebogo te we bidi augwaliba te tiwai ola mawaibao, te boi bidi dabego te Jerusalem sagasali tiwai ebao. Nage hodalubo si da, teda nago te tobolu nisi me penane nisi hasia me badu te Jerusalem daj ilali brik daide munama, nago te nisi dabe isi ulao. Te nago si wali pedai tobolu nisi selama, tama te brik baguasa bilama, nago te bainat hwągo te penane nisi me tobolu nisi togwa şaşş pao. Tama te sela wali tobolu me penane nisi selama, te şaşşayao, tama waligo sela paibao. Tama eno te bainat hwą selama, te şawani tobolu me penane nisi pobeasa paibao. ³Tiali goli, te nago dwasianu tobolu nisi me penane nisi elalumainao, te nago naga ugwa sabi badu munama, te kęnao. ⁴Tialima, nago te kęnani nisi deli deli selama, te isiba şanama, te siago domainao. Tama nosali te isi genuai deyu, te Israel tigidali daibao," wali.

⁵Te God Genuai Bidigo enabolo te tiwai po wali, "Nago te Jerusalem taun suo. Eno aga selama, te tigidali tų pedai kantri tomode mu munama elaluali, tama genuai nogi elaluali. ⁶Tialima, te Jerusalem dabego eno po sela şanama, te augwali dwai we bidi mu pedelalio. Te Jerusalem dabe augwaligo yali dwai kolesagago te gasa tų kantri we bidi augwaligo ebo dwai kolesaga te aiyaba mu elaluali. Te Jerusalem augwaligo eno po me eno bomai po dabe te tudiba mu muanio. ⁷Tibaso, eno augwaliba te tama tiwai po wainogo ebao, 'Dage Jerusalem dabego odao. Ena God Genuai Bidi, eno dagede po elalubao. Dagego eno po odisaşma, te dagego eno bomai po dabe sela şanama, te dage pađe bidibo tų kantri pedaigo ebo dwai kolesaga wali pai dao. Tialima, te dagego hagoma kolesaga hauwa elama, tama dagego dwai kolesagago te dage pađe bidibo tų kantri dabego dwai kolesaga aiyaba elaluai dao. ⁸Tama tialima, ena God Genuai Bidi, eno te tiwai po dageba obao, eno dageba wiegi yai homu pemene me ebeo. Menio. Eno dageba boi bidi ebao. Tama dage eno te tigidali tųde we bidi gedude po tų ilaibao. ⁹Dagego eno godolo isąbo kolesaga hauwa yalio, te tama tibaso, te eno dageba polobadu isąwani kolesagago te eno dageba dwai dene mu mawaibao. Te tudi badu nosali, eno te tobage dwai dene mabo sę ma egobeo. ¹⁰Te eno dwai dene dageba mabo sogo da, te aya ida mebago te augwa digi wai dabe elama tueibao, me te wai dabe mebago te augwa aya ida ela tubadi yaibao. Te eno dwai dene mabo sęęę dageba ebaso, te dage hauwa isaibao. Te me badu bidibaso da, teda eno augwali te gasa bulu tų pedai tigidaliba tedela palaibao,' eno te tiwai po waingo ebao," Genuai Bidigo te po wali. †

¹¹Tama po ma weyu, agai te po wai, "Eno augwalibolo te po obao, 'Ena God Genuai Bidi, ena sesemane sogo bidada paibao, eno po dolo dagebolo obao, te eno dage mu dolaibao. Magi baso meni, dagego te tibo god dabego dwai piksa noma dabe elaluyu, dwai

kugumini ebo kolesaga hauwa elama, tama tebo kolesagago te eno gedude dagego eno be meda mu ilai dao. Tama tiyu, te eno dage olo tau sabo wiegi yai kolesaga eyu, te hobede me egobeo. Te eno dageba dwai sęęę mabo sę eyu, te bidigo tobolu nisi tigidali togolama poala şawani tiwai yaibao. ¹²Te eno dage hani sela dobawaibao. Te polalubo hanide te nai sili mu bidu, te gasi genuai saibao, tama augwali te taun tomode isaibao. Tama te si wali hani, te boi bidi dabego te taun bulu badu te bainat hwągo ela wialaibao. Te sela wali hani we bidi, te augwali eno te tigidali bulu tų pedaiba ela gudulama, tedela palaibao. Te eno boi bidi dabe tagala palama, te pobeasa pelama, te augwali ela mueibao. ¹³Te tama tebo kolesagade te eno sębę genuai eyu, te haliga sębę yali kolesaga silaibao. Te tigidali sę pedalubo sogo da, teda dagego eno te wali po homude kone palagasu, te dagego koneaibao, ena Genuai Bidi, te tibo god me deligo ena hasegelemainogo me ebo menio. ¹⁴Dage dolobo si da, teda te dage pađe elalubo tų kantri pedai we bidi augwaligo dage te tama tebo sę selama, te augwaligo te tama po waibao, "Suo. Augwali dwagila mu dolalio. Genuai Bidigo te augwaligo dwai kolesaga ebo selama, te agai augwali dolali dao," augwaligo te po waibao.' Eno te po obao," Genuai Bidigo te po walio.

¹⁵"Ena Genuai Bidi, eno te po obao. Eno dageba dwai haliga sębę mu elama, te eno dageba dwai sęęę uma-gia mu yaibao. Tama dage pađe bidalubo tigidali we bidigo te dage te tama tebo selama, te augwali homu hauwa elama, te wi dwai mu yaibao. Te augwaligo dage begela dolobo posobo po obaso, te dage hale yaibao. ¹⁶Te we bidi augwali eno te nai sę palobo sę mu elama, te dage nai nasi mu yaibao. Tama dage te sęęę sabo dene ebo te enesigigo te ene dageba enama, te dage dolobo tiwai yaibao. ¹⁷Tama me, eno te bulu uni hasa dageba tagala palama, te augwaligo dagego wai dabe ela mueibao. Te eno dageba gasi dwai pedelabo sę ilaibao. Te eno dageba boi bidi tagala palama, hwjagaselama, te dage ela mueibao. Ena Genuai Bidi, eno te po wai dao," wali. ††

Genuai Bidigo te tibo god wali pabo we bidi augwaliba wado ilali po

6 Genuai Bidigo enabolo te tama po wai, ²"Tųde bidio, nago te Israel dabe augwaligo bulu du dabeba tonono eyu, te eno po augwaliba pusao. ³Te Israel dabe augwaligo bulu du dabe, me odogo bulu dabeba te tama po wao, augwaligo te ena God Genuai Bidigo, eno augwaliba wainogo ebo po odiąo po wao. Eno te boi bidi dabe tagala palama, te Israel dabe augwaligo te tibo godiba lotu wagi pabo bulu du dabe dolaibao. ⁴⁵Te boi bidi dabe augwaligo te kibu dabe ofa ebo alta tigidali, me te wiegi yai denami ilibo ofa ebo alta me tigidali dolaibao. Tama augwaligo te Israel we bidi hauwa ela munama, te augwali tigi dabe te augwa te tibo god dabego piksa noma elalubo paąa

† 5:10 Gel 4:10

†† 5:17 Ped 6:8

şaşawaibao. Tama te augwali dili dabe augwa te alta tõe pade wilalua paibao," te po wai dao. ⁶ Agai po ma weyu, te po wai, "Te boi bidi dabe augwaligo te Israel tõe kantri taun tigidali dolobadi, te tibo godiba lotu wabo pesage tigidali me dolaibao. Augwaligo te dagego alta tigidali dolama, te duga gedude meda yai mu elalueibao. Te augwaligo te dagego tibo godigo piksa noma dabe mu dola silama, te wiegi yai denami ebo pauda ulubo pesage dabe aluama, besela şaşawaibao. Tama te Israel dabego yali dwai kolesaga tigidali te sia saibao," po wali. ⁷ "Te boi bidi dabe te Israel tõe kantri pedai tigidaliba pelama, te we bidi hauwa ela mueibao. Tama te gasa Israel dabego te tama tebo şe bugagia te tiwai koneyu, ena digi ena te Genuai Bidi dao po waibao," wali.

⁸ "Tiali goli, te boi bidi dabego te we bidi tigidali ela mumainogo me egobeo. Me badu we bidi bidalubadi, te eno gasa tõe kantriba ela gudulama, tedela palaibao. ⁹ Augwali te digibulu bulude bidibo sogo augwaligo ena homu kone palaibao, tama augwa te tiwai koneaibao, te augwaligo tibo godiba gedu eyu, te wali pali kolesagago ena haliga şeşe mu ilama, tama ena augwaligo mu tagalalio. Tama augwa te yali dwai kugumini yai kolesagade hale dwai mu eyu, tama tiai şeşe yai dao. ¹⁰ Tama augwa te tiwai tama koneagasu, ena digi ena augwa Genuai Bidi bidibadi koneşiama iduai yabo po waibao. Tama augwa te tiwai koneama, eno megi e wabo bomai po, te olo po me ola tagalu wabe da homu yaibao," te po walio.

¹¹ Tama God Genuai Bidigo te tama tiwai po enabolo ma walio, "Nogo hogwayu, te haliga şeşe ebo iliyu, te tiwai po wao, 'Hobede mu ebao, te Israel augwaligo dwai kolesaga hauwa mu yalio,' te po wao. Awe, augwaligo te tobage kolesaga ebaso, tama tiyu, te boi bidi dabe aselama, augwali ela muagasaibao. Tama te nasigo me gasigo augwali dolaibao. ¹² Te tigidali isimainu yaibao. Te boi bidi dabego augwali ela muagasaibao. Tiali goli, te me badu digibulu bidali da, augwali te gasi selama isaibao. Te we bidi me badu bidalubadi yai baso da, te augwali me te nai mu şaş pelama, te nasi elama isaibao. Te tebo kolesaga ebogo te eno haliga şeşe yali mu usu naibao. ¹³ Te boi bidi dabego te Israel dabe augwaligo tigi te augwa tibo god dabe me te alta dabe paba şaşawaibao, tama te lotu wabo pesageba me, te bulu du dabe daide me, te tigidali genuai ni dabe dologoba me, te augwa tibo god dabeba te ofa dabe ula mabo pesage tigidaliba te augwali isasa pali bidi dabego tigi şaş paibao. Te sogo te tigidali Israel dabego koneama, ena digi ena Genuai Bidi bidibao po waibao. ¹⁴ Awe, te eno augwaligo tõe kantri pedai mu dolaibao. Te eno augwaligo tõe pedai tigidali te olo bulu pesage tiwai pedalubo yaibao, te tõe wa pai bulu Diplatde gagalaibao. Eno te Israel dabe bidibo bulu pesage deli me sula tagalogobeo. Menio. Te eno tigidali dolama, te tigidali olo bulu pesage naga elalueibao. Tialima, te we bidi tigidaligo bugagia koneama, ena digi ena Genuai Bidi mu bidibo yabo po omainu yai dao," te po wai.

Godigo te Israel dabe augwali silimainu yalio

⁷ Genuai Bidigo enabolo te tiwai po wali, ² "Tõe bidio, ena God Genuai Bidi, eno te tiwai po Israel augwalide elalubao. Te e side da, te tigidali Israelgo bodolu sia sabo side elalubao, te augwaligo tõe pedai tigidali badu te tama tiaibao. ³ Dage Israelgo, odişo. Te daji yali bodolu pedelalio. Eno haliga şeşe dwai mu elalubo, te megi eno dwai dene dageba pedalubo şeş ilaibao. Dagego te tama dwai kolesaga ebaso, tama tialima, megi eno dage po tõe ilaibao. Te eno dagego dwai kugumini yai kolesaga dabe te dolo dageba wei ponaibao," wai dao. ⁴ "Te eno dage bugagia bidimainu me sula tagalogobeo. Te eno dagede olo mu tau sabo wiegi yai kolesaga me egobeo. Menio. Dagego te dwai kolesaga dabe ebaso, tialima te eno dageba dwai dwai dene mabo şeş yaibao. Tama dagego te tiwai bugagia konemainu ebao, te ena digi ena Genuai Bidi da waibao," te po wali.

⁵ God Genuai Bidigo te tiwai po wali, "Te gasa tobage dolobo şeş mu dageba pedelaibao. Tama te dolobo şeşo te dage tigidali silabo şeş pedelaibao. ⁶ Megi da, te dage dolabo bodolu side te paba pedelalio. Te sogo pedalubo si da, te pade mu tama pedelaibao. ⁷ Dage Israel tõe kantri we bidi dabego odişo. Te dage dolabo si te sabi badu paba pedelalio, te dage dolaibao. Te dage te bulu du dabeba sisinama, te wiegi yai pemene eyu lotu wali tiwai ma egobeo. Menio. Te dage megi da sisinama wi umagia naga eyu, wabo pabo bidi tiwai yaibao," walio.

⁸ "Eno haliga şeşe dwai mu dageba ebao, bidigo weş gelebo tiwai yaibao, tama tibaso megi da eno dageba te dwai tigi dene mabo şeş te eno haliga şeşe ebo usu nama yaibao. Dagego te dwai kolesaga ebaso, te dage eno po tõe ilaibao. Eno te dagego dwai kugumini yai kolesaga ebo dolo wei ponaibao. ⁹ Te dage eno gogolama, bugagia bidimainu me sula tagalogobeo. Te eno olo mu tau mabo wiegi yai kolesaga dageba me egobeo. Menio. Dagego te tama dwai kolesaga ebaso, te eno dwai şeşe mabo dene dageba mawaibao. Tama dagego te tiwai bugagia konemai hagede ebao, ena digi ena Genuai Bidi, te eno tama eno te dwai şeşeş mabo şeş dageba tagala palobo dao," te po wali.

¹⁰ Tama Genuai Bidigo po enabolo ma weyu, te tama po wali, "Te dolabo genuai şeş pedelabo bodolu paba yagasalio. Sesemane sogo te Israel dabe augwa abagi dabe dali dwai şeş idualio. Tama augwaligo te hagoma ebo kolesaga ebo şeş bomo yai dao. ¹¹ Tama augwaligo te dwai kolesaga genuai mu pedelai. Tialima, eno te augwali tigidali ela silaibao, te dwai kolesaga yali bage tigidali dolaibao. Te eno augwaligo nogi aiyaba elaluama, tama augwaligo gana pai nai dabe dolama, tama augwaligo te dwai kolesaga dabe ma egobeo," wali.

¹² "Te dolabo sogo pade yagasalio. Te sogo te nai doado bage abelebo bidi dabe augwaligo homu pemene me egio, te nai doado bage maketde mubo bidi dabego me haliga şeşeş me elamuo, magi baso menio, eno te şeşeş mabo şeş te tigidali bageba yaibao.

¹³ Te bidi mego te gasa bidi me deligo agaba te nai me deli abelemainogo yali bidi, aga te sesabi elama, bobobage sogo bidali goli, te tagalao, agai te nai wei ma sainu ebo usu egobeo. Magi baso meni, eno te tiwai po wai dao, eno te tigidali bidi dolaibao, te eno po me hasegelegobeo. Tigidaligo dwai kolesaga ebaso, tialima tigidali te dolaibao. ¹⁴ Augwaligo te hwjabo sisi ebo biugel bu obaso, te tigidali ami bidi dabe sisi ebo da. Tiali goli, te bidi me deli hwjigi pogobeo, magi baso meni, eno te hani tigidaliba haliga şeşę elama, te augwali eno wi dwai mu ilai dao,” te po walio.

Godigo te Israel augwaliba te şeşę mabo şeşę yabo po wali

¹⁵ Genuai Bidigo po ma weyu, te tiwai wali, “Boi bidi dabego te Jerusalem bagua salio. Te taun bulu badu bidali we bidi dabe augwali te boi bidi dabego bobobage hwągo ela mueibao. Te taun moni obo to-mode bidali we bidi augwali da, te augwali nai menia selama, te haniani gasi selama, te augwali isaibao.

¹⁶ Te me badu usu yali da, te augwali bulu duba wi pelawaibao. Tama te tigidali wi pali we bidigo te augwa yali dwai kolesagade homu kone palama, te augwa haliga şeşę elama, dwai gela waibao, tama augwaligo gela wabo te odogo bulude bidibo ba dabego gela tiwai pedelaibao. ¹⁷ Te augwaligo nogo bomo kimi meniam, te augwaligo şaęa didibili dogia paibao.

¹⁸ Tama augwa te homu dene ebo ugwa dabe gudama, te augwali didibili umagi mu yaibao. Tama te tigidali te hale ebaso, te augwa tobolu nisi poala şawaibao.

¹⁹ Tama augwa te gol me silva dabe te olo nai pobelege bage tiwai te sunumiba şaşawaibao, magi baso meni, te Genuai Bidigo haliga şeşę augwaliba pedalubo sogo te gol me silvago augwali tau sogobe homu yaibao. Augwaligo te gol me silva tuabo usu egobeo, tama me te gol me silvago te magi şeşę me delide augwali tau me sogobe homu yai. Augwaligo te gol me silva gedugo suali godolo ebaso, te kolesagade augwali kekebaso, te augwaligo dwai şeşę yali dao. ²⁰ Polobadu augwaligo te gol me silvago nigali au dobage elalu, tama augwa te naide gana pai mu bidaluai dao. Tama augwaligo te gol me silva selama, tama te haniani tibo god dabe piksa noma nigali. Te kolesaga eno godolo homu mu meni baso, tama tialima megi da, eno te gol me silva dabe te augwa gedude dwai nai tiwai mu ped-alumainu yai dao,” wali.

²¹ Te Genuai Bidigo po te tiwai ma wali, “Eno te bidi dwai dabe mu hodolama, te augwaligo augwa tų kantri pedai tagalama asu, te Israel dabego nai doado bage wi saibao. Te augwaligo sela pelama, tede augwa dwai şeşę haniani yaibao. ²² Te augwali eno te wiegi yai genuai be tomoba pomainogo sula tagalama, tama eno gedude te be dwai meda pedalubo şeşę ilaibao. Te augwali eno me paligobeo. Mu menio,” wali.

²³ “Te Israel we bidi augwaligo subigila şeşę yali. Te augwa tų kantri tigidali pedai badu augwaligo te gasa we bidi dabeba dwai şeşę eyu, te hauwa we bidi elamuani. Tama tialima, te augwali kęnabo sen dabe nigib-

bo sogo da po wai dao. ²⁴ Tama tialima, eno Genuai Bidigo po odisąbo hani bidi dabe sesaibao, augwali te bidi dwai mu dabe, tama augwali te Israel tų kantriba aselama, te Israel dabe augwa be dabede sela şanama, te be dabe saibao. Tama augwaligo te Israel dabego lotu wabo pesage dabe dolaibao. Te Israel bomai bidi dabe augwali te wi naga elama, te augwaligo hagoma me ma egobeo. ²⁵ Te dwai sogo mu te Israel augwaliba asaibao. Te augwa haliga nagame elama bidabo homu godolo yaibao, tiali goli augwaligo te tiwai ebaso usu egobeo. Mu meni yaibao. ²⁶ Te dolobo şeşę haniani augwaliba pedaludu geaibao, tama augwaliba te dwai nai dabe hauwa pedelabo po odu geaibao. Tialima, augwali wi ebaso, augwali te geme nosali pedelabo şeşę po pusubo bidi profet dabeba pelama, tama augwaliba hanalu te eno homude ebo yabo şeşę po hanilabo po koneai hagede yaibao, tiali goli te eno po augwaliba me magobeo. Te pris dabego augwali ola mabo po meni yaibao, te tobolu bidi dabe augwaligo te wiegi yai homu kolesaga augwaliba maiabo meni yaibao. ²⁷ Tama augwa king da, te haliga şeşę elama, te aga homu kolesaga da te tigidali dolaibao. Tama te we bidi augwali da wi elama, noma saibao. Eno augwaligo ebo dwai kolesaga tigidalide homu kone palama, te eno augwaliba dwai şeşę mabo dene mawaibao. Te augwaligo gasa we bidi dabe po tų ilali kolesaga tiwaigo te eno augwali po tų ilaibao. Te tiwai augwaligo bugagia konemai hagede yaibao, ena digi ena Genuai Bidigo te şeşę yai dao,” te po obao.

Israel augwaligo Godigo bede dwai kolesaga yali

8 Te 6 wabo kibu bede da te Babilon tų kantride kalabus bidali sogo, te polua 6 wabo, te dei namba 5 wabo side, ena te ena bede dugulalu bididubadi, te Juda tobolu bidi dabe ena dali dugayagaselama bidali. Te da bidaludubadi, te God Genuai Bidigo bomoenaba asalio. ² Te nade subo tiwai nai me deli eno uga-ba tonono ebadi, tama te bidi tiwai naigo te ula isi dabo ula tiwai suali. Te aga tigi aiya badu te isi ula ebo tiwai yali. Te tigi ugaba te bras pedai augwaligo te meda hola şawai gegemane yai ula tiwai yalio. ¹³ Eno te aga nogo tiwai suali, agai te nogo debelama te ena tobulu nisi tola selama, ugwaba kegai dao. Tama te nade subo tiwai yali nai dabe, te Godigo Mobo Bidigo ena ugwaba mu sagoasa holama, ena te Jerusalemba sela palio. Tama agai ena te Godigo beba odasa pali, tama ena te be bagulali obo te not badu elalubo sunumi to-mode doligi pali. Te pesagede te Israel augwaligo te tibo god piksa noma dodolai elaluai, tama Godigo haliga şeşę dwai mu te naide yai dao.

⁴ Te da Israelgo Godigo genuai ula eno suali. Ena te wę Kebar pąde bidali sogo eno te suali tiwai tobage ula yalio. ¹⁵ Tama Godigo enabolo te tiwai po wali, “Tųde bidio, nago te not badu pedaiba tonono bilao,” wali. Tialima, eno tonono bilibadi, tama eno te tibo god piksa noma suali, te sunumi pąde elalubo alta

pađe dolalubo sualio. Tama Godigo haliga şeşę dwai mu te dwai nai dali yai dao.

⁶ Godigo enabolo te tiwai po walio, "Tqde bidio, nago te Israel we bidi augwaligo dwai kolesaga ebo suo. Te tebo kolesagade augwaligo ena te eno bede ela gudu-lama, te ena augwalide digibulu bidabo şę ilibao. Te nosali nago augwaligo te gasa dwai kolesaga mu ebo sueibao, te nago megi subo dwai kolesaga te aiyaba mu elalueibao," te po wai dao.

⁷ Godigo po ola simanobo si da, teda agai ena selama, te Godigo be obo bagulali te bulu badu solama, tama agai ena te genuai sunumi oboba odasa pali. Tama agai enabolo te obode elaluali dedage me deli ola manio. ⁸ Godigo enabolo te tama po wali, "Tqde bidio, nago te obo aluama, te dedage genuai ped-alubo şę ilao." Tialima, eno aluama suali, te sunumi me deli elalualio. ⁹ Godigo te tiwai po enabolo walio, "Nage te tomoba pelama, augwaligo te dwai kugumini yai kolesaga ebo suo," te po wai. ¹⁰ Agai po ola siminibo si da, teda ena te be habu me deli tomoba pelama, te eno tonaludalio. Iya, eno te hasamani dabe piksa noma, me te God gedude meda yai gasa tobage hasa dabe augwali te obo tigidali habude pağanalubo sualio. Tama te Israel dabego lotu wabo tibo god piksa noma dabe me elalubo suai dao. ¹¹ Te Israel tobolu bidi dabe augwali te 70 bage te be habude bidibo suali, tama Jasia, te Safango ogwa, te augwali bidibo tomode aga deli bidali. Tigidaligo te wiegi yai denami ebo pauda ulubo plet pou tolalubadi, eno suali, te hano ugaba holali. Tama te bidi dabe augwaligo te piksa noma dabeba lotu udalio. ¹² Te Godigo enabolo te tiwai po wali, "Suo," wali. "Te Israel tobolu bidi dabe augwali game dualalu, te dwai kolesaga ebao. Tigidali augwa te be daga habude te dwai piksa noma haniani elalubo madi aselama, augwa te lotu obao. Augwa po waibao, 'Genuai Bidigo da me sugobeo. Menio. Agai dago tq kantri tagalalio, tama agai da homu kone me ebo.' Augwaligo tama po olama, tama augwa te dwai kolesaga yai dao," wali.

¹³ Te Genuai Bidigo enabolo te tama po ma wali, "Te megi nago subo augwaligo gasa dwai kolesaga mu eyu, te megi nago suali dwai kolesaga aiyaba elalueibao," te tama po wai dao. ¹⁴ Tialima, agai ena selama, te Godigo be bagulali obo sunumi elalubo te not badu pali. Tama te we mebago augwa tibo god agai enabolo ola mawai, aga nogi Tamus, te isali homu elama, te augwa agade homu dene ebo gela walio. ¹⁵ Godigo enabolo te tiwai po wali, "Tqde bidio, nago te suali, agawe? Tialima, megi da, nago suali te gasa dwai kolesaga dabe mu ebogo te nago megi suali dwai kolesaga aiyaba mu elalueibao," wali. ¹⁶ Tialima, agai ena te aga be sunumi dolo paşa sela palio. Te pesagede, te alta me sunumi si tomode, te 25 bidi bidali. Augwaligo te be tudiba ilama, te giliga pedaluboba tonalualio. Te augwa bogoli sugunama, te gesabidi tqba ppgulama, te giliga geba lotu wabo şę eyu tama yalio.

¹⁷ Tialima, Genuai Bidigo te tiwai po enabolo wali, "Tqde bidio, nago te şę ebo suali da, agawe? Te Juda we bidi augwaligo te dwai kolesaga dabe mu eyu, te augwaligo te tigidali Israel habu badu gasa we bidi augwaliba boi ebo kolesaga ebao. Tibaso, eno augwaliba haliga şeşę yali. Tiali goli, augwaligo te kolesaga olo nai da homu elama, te augwa dwai şę umabo şę elama mu ebao. Augwali eno be paşa aselama, te megi nago subo dwai kolesaga yali. Te bidi dabego ena te olo nai tiwai da homu elama, tama augwa te dwai kugumini yai kolesaga yalio. Tialima, odao. Augwaligo ebo dwai kolesagade eno haliga şeşę dwai mu ebo dao. ¹⁸ Tibaso, eno augwaliba dwai dene umagia mabo şę eyu, te eno haliga şeşę yaliba usu naibao. Te eno augwali bugagia bidimainu me sula tagalogobeo. Te eno olo mu tau sabo wiegi yai kolesaga te augwaliba me egobeo. Te eno augwali tau somainu i bomonama obadi goli, tialima eno te augwaligo gedu haluasa po wabo me odogobeo," te po wai dao.

Godigo Jerusalemba dwai dene mawai

9 Godigo ena dali wali po silama da, agai bomonama i weyu, te tama wali, "Te taunde bidaluali we bidi dabe elibo şę yabo bidi dabe, dage asişo. Te bainat hwa dabe dali sesao," po wai. ² Te polo mu tama, te not badu te Godigo be obo bagulali badu te bidi nogo a naga, me deli te tomoba asalio. Tigidaligo te bainat hwa, me te bidi elabo gasa nai dabe sela asali. Te gasa bidi me augwali dali asali. Aga te wiegi yai ugwa bea selama, tama aga dwasianu gamugi dage te kukulude keş salio. Te aşabo doado bage te gamugi dage tomode elaluali. Te tigidali bidi aselama, augwaligo te brasgo nigali alta sai paşa dolagasalio.

³ Tialima, te Israelgo Godigo genuai ulago te bidi tiwai me si me si nai tagalama, te ula hogodasa pelama, te Godigo be sunumi paşa palio. Tama Genuai Bidigo te wiegi yai ugwa elalubo bidi i olama, ⁴ tama agabolo te tama i walio, "Nage te Jerusalem taun pedai tigidaliba pelama, te augwa abagi dabego te taun tomode dwai kolesaga ebaso, te dwai haliga eyu, te moni homu ebo we bidi tigidalide nago te augwali gesabidide te daş muna muna pao," po walio. †

⁵ Tialima, eno odali, Godigo te bainat hwa tolalubo bidi a naga, me deli bageba te tama po wabo odali, "Dagego aga wali pelama, te tigidali we bidi ela muao. Dagego te me delide te olo tau mabo wiegi yai kolesaga eyu, me sula tagalama me bidimainu elamu dao. ⁶ Tigidali monu dabe ela muao, te tigidali gesi ogwa bidi me, gesi wegi ogwa we me ela mubadi yao, te ida dabe, te wai puluba me, tigidali mu elao. Tiali goli, dagego te eno augwali gesabidide daş ilali bidi ma we me deli, te munu me elamuo. Te eno bede bidibo bidi dabe augwali bolo hasia ela muao," wali. Tama tialima, augwaligo te şę gagalama, hasia augwaligo te Godigo be pađe bidibo tobolu bidi dabe ela muai dao. ⁷ Tama Godigo te nogo a naga me deli te bidi dabebolo te tama po wali, "Te eno be bagulali obo tomode bidibo

† 9:4 Ped 7:3; 9:4; 14:1

bidi tigidali ela muao," po wali. "Te tama tibaso da, eno be ena gedude meda yai mu pedelaibao. Te şę silama da, teda dage te taunde bilaluama, te tigidali we bidi ela muao. Ae, dagego şę iyao," te po wali.

Tialima, augwali pelawalio. ⁸Tama augwaligo te we bidi elala pali sogo, ena deli naga te Godigo be pađe bidai. Te eno kidu sugunama, te eno gesabidi t̄ba pogulama, te eno i te tiwai wali, "God Genuai Bidio, nago te Jerusalem we bidi augwaliba wado po genuai mu ebao, bidigo wę gelebo tiwai ebao. Te tiwai homu ebaso, tama te Israelde bidalubo we bidi tigidali silai-ba homu eyu eba, agawe?" ⁹Tama Godigo te tiwai po wei ponani, "Te Israel me Juda we bidi dabe augwaligo dwai şę hauwa mu elama, te augwaligo yali şę page genuai mu elalubao. Augwaligo t̄ kantri te eno augwali tagalali da homu elama, te eno augwali homu kone munu ma ebe homu eyu, te augwali eno sube homu yali. Tama tiyu, augwa te dwai kolesaga hauwa mu ebaso, te Jerusalem we bidi ela mubadi, te gasa t̄ kantri pedai bage me tigidali ela muai dao. ¹⁰Tama tibaso, eno augwalide te homu dene elama tau sabo kolesaga eyu, te eno augwali me deli gogola sula me tagalogobeo. Menio. Te augwaligo gasa bidi dabe augwaliba yali dwai kolesaga tiwai te eno augwaliba me yaibao," te po wai dao. ¹¹Genuai Bidigo po ola silibo si da, teda eno suali, te wiegi yai nami ugwa elalubo bidi ma aselama, te Genuai Bidiba te tiwai po wali, "Eno te nago enabolo mani şę siminani dao," te po wai dao.

Te Godigo genuai ulago te Godigo be taga soali

10 Tama eno te dagalu ugwadu tede te genuai d̄j tiwai nai ma suali, tama te bidi tiwali nai me si me si te d̄j dologode elalubo eno suali. Tama te ugwadu d̄jgo ugwadu daide eno te bidi dugulalubo nai sia king me deli augwaligo te sisi dagalu masigi te gasa sawi yai mugo nigai sualio. ¹²Tama Godigo te wiegi yai nami ugwa bea sali bidibolo te tiwai po walali, "Nage te bidi tiwai nai me si me sigo elalubo te wil me si me si tomodu pelama, nago nogo sigo te sia meba selama, nage pelama, te taunba şaşş biligi pao," wali. ††

Godigo wali po silibaso da, teda eno suali, te bidi te me si me si nai dabe dologo badu palio. ³Augwali te saut badu te Godigo bede dolaluali. Tama te genuai haowa me deligo te Godigo be bagulali obo pedai badu tigidali mesega selama, elaluai dao. ⁴Tialima, Godigo genuai ulago te me si me si bidi tiwai nai taga soyu, te be sunumi pađa dolagasalio. Tama Godigo te genuai ulago te be bagulali obo tigidali una selama, te ula umabo mu elaluai dao. ⁵Te bidi tiwai nai dabego bogo dabego pala pala wabo bomu yali, te genuai obo badu bidali we bidi augwaligo te augwali odobo usu yalio. Tama te pala pala wali, te Tigidali Bomo Elalubo Godigo i wabo tiwai yalio.

⁶Tama Godigo te wiegi yai nami ugwa bea sali elalubo bidiba te tama po waliyu, te pelama, isi meba sigi pao wali sogo da, teda te bidi pelama, te wil tiwai

nai me deli pađa doligi palio. ⁷Te me si me si wali bidi tiwai nai dabe me deligo te augwali tomode elalubo isiba nogo munama, agai te isi meba selama, te bidigo nogo siba muanio. Tama te bidigo te isi selama, palio. ⁸Eno te me si me si nai dabe suali, te bidi nogo ābo tiwai te augwa bogo dologode elaluai suai dao. ⁹Tama eno suali, te me si me si nai dabe pađe te wil deli delide elalua palio. Tama te me si me si wil dabede te ula umabo te şęwa yai tedali sawi yai masigide tama elalubo suai dao. ¹⁰Tigidali deli deli wil te deli tigi poai elalu, te gasa tomode me elalubo wilgo te gasaba me tononaluali. ¹¹Tibaso, te tigidali wil te tigidali pedai iba peyu, eda asu yali. Te bidi tiwai me si me si nai te menaba pabo homu yali da, teda augwali te peyu naga yalio, te augwali begeleyu me ebeo. ¹²Te bidi tiwai me si me si nai dabego tigi, me tudi, me nogo, me bogo dabe, te tigidali te augwa wil dabego me, te tonobogedu hauwa elaluali. ¹³Augwaligo te wil dabe nogi te tiwai polali eno odali, "Te bebege ebo wil dabe da," po walio. ††

¹⁴Te tigidali me si me si nai deli deligo te me si me si gesabidi tobage elaluali. Te polalubo gesabidi te ensel me deli gesabidi tiwai yali, te si wali te bidigo gesabidi tiwai elaluali. Te sela wali te hasa laiongo gesabidi tiwai, te me si me si wali gesabidi te ba kemodagego gesabidi tiwai yai dao. ¹⁵Eno te megi suali me si me si nai dabe augwali, te me si me si nai dabe polobadu eno te wę Kebar pađe suali. Augwali hogodasa pabo sogo, ¹⁶⁻¹⁷te wil dabe augwa dali palio. Te me si me si nai olo dolalubo si da, te wil dabe me olo dolalueibao. Te me si me si nai ugaba bola holobo sogo da, te wil dabe me augwa dali ugaba paibao, magi baso meni, te me si me si nai dabego te wil dabe tonalubo dao.

¹⁸Tialima, te Godigo genuai ulago te Godigo be sunumi tagalama, te ma geasa pelama, te bidi tiwai me si me si nai daide ugadu bidalio. ¹⁹Eno tonalubadi, te me si me si nai dabe augwa bogo diniginama, te ugaba bola holali. Te me si me si wil augwa dali palio. Augwali te giliga pedalubo badu te Godigo be bagulali obo sunumi pađa dolalugi pali. Te Godigo genuai ula augwali daide ugadu elalualio. ²⁰Eno koneani, eno te nai dabe suali, tialima augwali te Israelgo God dologode te āj Kebar pađe bidali. Te megi da, eno koneanio, te nai dabe augwali te Godigo mobo ensel tobage me deli dao.

²¹Tigidali deli deli mobo enselgo gesabidi me si me si elalu, bogo me si me si elalualio. Te nai me deli te bidigo nogo ābo tiwai te augwa bogo dologo deli delide elaluai. ²²Ena te āj Kebar pađe bidali sogo polobadu eno te mobo bidi ensel dabe suali. Te eno megi ma suali, te augwali polobadu elalualio gesabidi tiwai yalio. Te me si me si mobo bidi ensel dabe te augwali me badu deli painu ebo sogo, augwali peyu naga yaibao. Augwa tigi begeleyu me egobeo.

† 10:1 Ese 1:26; Ped 4:2 †† 10:2 Ped 8:5

‡ 10:12 Ped 4:8 †† 10:13 Ese 1:15-21 †† 10:14 Ese 1:10; Ped 4:7

Te Israel dabe augwali yali şę pagede te augwali dolaibao

11 Te tudi badu nosali da, te Godigo Mobo Noma Bidigo ena ugaba sagoa selama, tama ena te sia asobo badu te Godigo be bagulali obo sunumiba odasa pali. Tama eno suali, te 25 bidi te sunumi pade bidali. Eno augwali sulama, eno koneani, te bidi dabe bidibo tomode te bidi si te Israel augwaligo polalubo bidi bidali bidi si da. Augwali si nogi da te Jasanía, te Asurgo ogwa, me te Pelatia, te Benaiago ogwa dao.

²Tama Godigo te tiwai po enabolo wali, "Tęde bidio, te bidi dabe augwaligo dwai kolesaga yabo sunumi ni-gabo homu ebao. Tama augwaligo te we bidi dabeba te geda muai mobo mabo po mabo dao. ³Augwaligo te tiwai po wabo dao, 'Da te wiegi yai we bidi da, tialima dago te be dabe şenama, te dena e taunde bugagia dugulalu, te wiegi yai kibu mi sene tomode elalubo tiwai yalio.' Augwaligo te tama po wabo dao. ⁴Tialima, tęde bidio, nago te tama po wao, augwali te wiegi yai we bidi dabe meni, tibaso te augwali dolaibao," wali.

⁵Genuai Bidigo Mobo Noma Bidi enaba bomonama pedelali, tama Genuai Bidigo enabolo te po manio, "Dage Israel we bidi dabe, eno te dagego mobo mabo po wabo odali. Me eno dagego te elalubo homude te dagego yabo şę tigidali koneai dao. ⁶Dagego te taunde we bidi hauwa ela muani, te augwaligo tigi dabe te sunumi tigidalide paęana sai dao," wali.

⁷"Tama tibaso, ena God Genuai Bidi, eno dageba te tiwai po obao. Mu tama, te e taun te sene me deli tiwai da, tiali goli dage te wiegi yai kibu mi tiwai elalubeo. Menio. Te wiegi yai mi da, te dagego ela muai we bidi dabe tama dao. Tama dage da, te eno dage te taun bulu badu ela gudulaibao. ⁸Eno koneani, dage te boi bidi dabede, me te bainat hwaęe dali wi ebao. Tialima, ena God Genuai Bidigo, eno po dolo dageba obao, eno te augwaligo dage elagasomainogo tagala palaibao," wali. ⁹"Te eno dage te taun buluba sela pelama, tama dage te gasa tę kantri bidi dabego nogoba menama, te augwaligo dage dolaibao. Te tama kolesagade eno te dwai dene dagebolo mawaibao.

¹⁰Te augwaligo dage te duga tę dąęde digi ela mueibao. Te tiwai ebaso, dagego koneama, ena digi ena Genuai Bidi omainu tiaibao. ¹¹Dage te senede elalubo wiegi yai kibu mi tiwai elalubeo. Menio. Te eno dage ela gudulama, tama dage te duga tę dąęde digi ela muaibao," po wali. ¹²"Eno te tama tiwai ebo dagego bugagia konemainu ebao, ena digi ena Genuai Bidi da. Dagego te yali kolesagago te hania hanilai dao, dagego ena me konebeo. Dagego eno bomai po bolama, te eno po dagego wali me pabeo. Dagego te gasa tę kantri dabe augwaligo bomai po dologoba pelama, te augwali dologode naga dage bidibao," wali.

¹³Eno Godigo te po pusubo şę ebadi, tama eno te polalubo bidi Pelatia isibo suali. Tialima, eno kidu sugunama, te tęba gesabidi pęęulama, tama eno i te tama po wali, "God Genuai Bidio, magi yaliwe? Nago

homugo te Israel bidi tigidali silaiba homu eyu eba, agawe?" Eno te po hanalu wali.

Godigo bomai po dąę olama, te Israel dabe augwa tę kantriba ma odasa paibao wali

¹⁴Genuai Bidigo enabolo te tiwai po wali, ¹⁵"Tęde bidio, te Jerusalemde bidalubo Israel dabego te nagede me, te nago we wai dabede homu koneama, te bulude kalabus bidibo gasa Israel dabe augwalide te homu eyu, augwaligo te tiwai po wali, 'Genuai Bidi-gu augwali ela gudulama, tama augwali te digibulu buluba pelama, bidigi palio. Genuai Bidi augwali dali me bidibeo. Menio. Agai e tę dabolo mawai.' Te Jerusalemde me bidibo bage augwaligo te tiwai po wali, ¹⁶tialima, nago augwaliba te tiwai po walao," walio, "Ena Genuai Bidigo, ena digi eno te dagego abagi dabe te gasa tę kantriba besela palali. Mu tama, te pęwadage sogo augwali kalabuside bidali, te enaba dolo augwaligo lotu wabo be meni yai. Tialima, ena digi ena augwali dali bidali, tialima augwaligo enaba lotu udubo usu igi dao,' nago te po augwalibolo pusao," wali.

¹⁷"Tęde bidio, nago eno po te nage dali kalabuside bidibo abagi dabe augwaliba pusao. Ena God Genuai Bidi, eno te dage tedela palama bidibo tę pedai kantride bidalubo te eno ma selama, te eno dage te duga tę kantriba ma odasa aselama, tama te tę kantri pedai dugaba ma mawaibao. ¹⁸Te dage ma asobo sogo, teda dagego te tibo god tigidali sela şabadi, te tęde elaluali dwai kugumini yai gasa nai tigidali sela sayagameo. ¹⁹Tama eno gesi homu kolesaga me gesi homu dageba mawaibao. Polobadu dagego tobolu te masigi dila pai tiwai elaluali. Te elalubo homu kolesaga eno sela şanama, te eno gesi wiegi yai homu kolesaga dageba mawaibao. Tama eyu, dagego enade te homu si ma egobeo, te duga homugo enaba kęę peyu bidaibao. ²⁰Tialima, dagego te eno bomai po, me eno po dali te dagego bugagia wali paibao. Tama dage eno we bidi hani dabe dolo mu pedelebaso da, teda ena dagego God bidaibao. ²¹Tiali goli, eno te dwai dene mabo şę ebo kolesaga te tibo godiba lotu olama, te dwai kugumini ebo kolesaga wali pabo we bidi augwaliba te tama şę yaibao. Ena God Genuai Bidi, eno te po wai dao," wali.

Godigo genuai ulago te Jerusalem taga palio

²²Te tudi badu nosali, te bidi tiwai me si me si nai dabe te bola pabo gagalali, te wil dabe augwa dali palio. Te Israelgo Godigo genuai ula augwalide ugadu elaluai dao. ²³Tialima, Godigo ulago te Jerusalem taun tagalama, te bulu du elalubo badu te giliga asobo badu te bulu duba pai. ²⁴Tialima, te nade ebo şę tiwai nai te Godigo Mobo Noma Bidigo ena ugaba sagoa selama, tama ena odasa, te Israel dabe kalabus bidibo pesage te bulu Babilonba ma sela asali. Tama te na silalio. ²⁵Tama te tigidali şę Genuai Bidigo enabolo ola

mani po tigidali te eno augwaliba pusai dao, Esekielgo te po walio.

Esekielgo te bidi kalabus igi pabo şe ebo kolesaga yali

12 Genuai Bidigo enabolo te tama po wali, ²“Tqde bidio, te abagi dabe augwali megi nage dali bidi-bo bage, augwali te hagoma elama, po sela şabo bidi dabe da. Augwaligo gedu elalubadi, tiali goli te augwaligo bugagia me tonogobeo. Augwaligo olo elalubadi digi, tiali digi augwa bugagia me odobeo, magi baso meni, augwali te hagoma elama, po sela şabo bidi dabe bidibaso tebo dao. ¹³Tialima, megi da, tqde bidio, nago doado bage sisi ilama, te bidi aga bidali page bulu tagalama, te digibulu buluba kalabus igibu pabo tiwai yao. Te nage be hulua şaşabadi pabo gagalama pobaso, te tigidali we bidigo nage sueibao. Eno homugo nago te şe ebo page te augwaligo konemainu ebao. Tialima, augwali te hagoma ebo bidi dabe da, tama augwaligo te şe ebo page konegobe, eno te homu ebo dao. ⁴⁶Te giliga nanalubadi te nago doado bage dodolao, te tiwai ebaso augwaligo nage sueibao, augwaligo tononalubadi, teda nago te naga be paialide dedage dogolama, tama te dedagedu te nago doado bage selasa buluba teda soao. Te be pio mu ebadi, te nago doado bage te nagede tolasa te bidibo pesage tagalao, te nage digibuluba kalabus painu ebo tiwai yao. Tama nago ebo şe dabe te we bidi augwaligo sumainu yao. Nage pabo sogo da, naga gesabidi mesega selama, te nago sunumi şaşabo tiwai yao. Nago te tama tebo şe dabe ebogo, te we bidi augwaligo homu hodolobo şe ebo dao,” wali.

⁷Genuai Bidigo po ola simini baso da, teda eno agai enabolo te po wali tiwai şe yali. Te siade eno doado bage dodolali, tama te be pio mu ebo side te eno be paialide te dedage dogali. Eno te nai me deli tolalu te dedage dogobeo. Menio. Eno nogogo naga şe yali. Tialima, ena te dogali dedagedu buluba dşo soalio. Tama te be huluiainu ebo sogo, eno ena doado bage selama, te nşaba munama, tolasa palio. Tama te we bidi augwaligo eno tama tebo suai dao.

⁸Te kigamu Genuai Bidigo enabolo te tiwai po walali, ⁹“Tqde bidio, te hagoma ebo Israel we bidi augwaligo nagebolo nago te yali şe po page nageba me hanaluba, agawe? ¹⁰Tialima, nago te God Genuai Bidigo po augwaliba mao. Eno te kingba dali, te Jerusalemde bidalubo we bidi dabeba pedelabo şe po elalubao.

¹¹Nago te nage dali bidalubo we bidi dabe augwaliba te tama po walao. Nago te tiali şe page te Jerusalem dabeba pedelabo piksa begelama, ela mabo şe yali. Boi bidi dabe te Jerusalem pelama, te augwali selama, te augwali gasa tq kantriba odasa pelama, te kalabus bidi dabe pedelabo şe tiwai page ola mani dao.

¹²Tama te hulide te Juda king bidi aga doado bage dabe selama, wi paibao. Tama te bidi dabego te taun bagulali obo badu te king bidi te taundu buluba dşo soabo obo dedage dogaibao. Te aga gesabidi mesega selama, te aga pabo sunumi naga sulama paibao.” Te

po wai dao. ¹³“Tiali goli, eno ba bono gaga kekelama, tama king tego tola saibao. Tialima, eno aga te Babilon taunba sela paibao, tiali goli agai e bulu gesabidi me sugobeo. Aga te Babilonde bididubadi aga isibo sogoba usu naibao. ¹⁴Te eno aga dali bidali bidi tigidali ela gudulama, te augwali tedela paibao, te aga ami polalubo ofisa dabe, me aga tonaluali ami bidi dabe me, te aga gasa ami bidi dabe me. Eno te boi bidi dabe tagala palama, te augwali pobeasa pelama, te augwali ela muna muna pelawaibao,” po wai dao.

¹⁵⁻¹⁶“Tialima, te hwjibogo me, nasigo me, gasigo me, te Juda tigidali me isila siminigobeo. Menio. Te eno dwasianu hani bidimainu sula tagalama, te augwali eno gasa tq kantriba tagala palaibao. Augwa te tiwai tama konemainu yaibao, ena digi ena Genuai Bidi da. Tama te Juda dabego augwa te yali dwai kolesaga po te gasa hani dabeba po mimi paibao. Tama me, te eno tama augwaliba te dwai dene mani po te gasa hani augwaliba pusaibao. Te hani augwaligo me odama, te tiwai augwaligo me bugagia koneama, ena digi ena te Genuai Bidi da omainao,” wali.

Esekiel midigi yai

¹⁷Tialima, nosali Genuai Bidigo enabolo te tama po walali, ¹⁸“Tqde bidio, nage te nai tuyu, aş tuyu ebo sogo nage midigi yao, tama nago te nage wi dwai mu ebo tiwai mu yao. ¹⁹Te nago naga abagi dabeba te tiwai po walao, ena God Genuai Bidi, eno te Jerusalemde bidalubo we bidi dabe augwalide pedelabo şe po obao. Te we bidi augwaligo te augwa abagi dabeba sesemane sogo dwai şe ebao. Tama tialima, te dwai şe ebo bidi dabe augwali te nai me wş tubo şe ebadi, te augwali wi dwai mu elama, midigi saibao, magi baso meni, te boi bidi dabego hwjagaselama, te augwaligo doado bage tigidali te tq kantride elalubo da selama saibao. ²⁰Tama augwaligo te taun dabe mu dolama, te tq kantri olo pesage tiwai pedelaibao. Te tebo sogo te Israel dabego te tiwai koneama, ena digi ena Genuai Bidi da, augwa te po waibao,” wali.

Te sesabi išabadi, te pşde sogo te profetgo po mu pedelaibao

²¹Genuai Bidigo enabolo te tama po wali, ²²“Tqde bidio, te Israel dabego sesemane sogo wabo po me deli elalubao wali. Te po e tiwai da, ‘Te profet dabego te po weyu, te nai dabe pedelaibao wali. Tialima, te kibu be hauwa palima, te dago subo augwaligo te wali po mu po menio, geda mubao,’ wali. Tialima, eno te Israel dabego wabo po eno godolo me egobeo. ²³Megi nago God Genuai Bidi, eno po augwaliba mao. Te eno augwaligo te wabo po tigidali tagalomainu elama, augwaligo te tama po ma omainu me egobeo. Nago te po hasegeleyu, augwaliba te gesi po me deli mao. Gesi po e tiwai wali, ‘Te profet dabego po weyu, te nai dabe pedelabo po wali. Te megi da, augwaligo po mu pedelaibao,’ wai dao.”

† 12:2 Ais 6:9-10; Jer 5:21; Mak 8:18

†† 12:13 2 Kin 25:7; Jer 52:11

²⁴“Megi da, te Israelde bidalubo profet dabe augwaligo te nade subo tiwai wabo te tibo po obao, te augwaligo we bidi tibo po ola mabo po pusubao. Tialima, eno te kolesaga ebo mu siminaibao,” te po wai.

²⁵“Te ena God Genuai Bidi, ena digi eno te Israel dabe ba te po menama, tama eno te po wali şe dabe polo tama pedelaibao. Dage hagoma ebo bidigo, odişo. Te dage bidibo sogo, eno te şe dabe yaibao. Ena God Genuai Bidi, eno te po wai dao,” wali.

²⁶Te Genuai Bidigo enabolo te tama po ma wali, ²⁷“Tode bidio, te Israel dabego te tama po wai, ‘Esekielgo te nade subo nai tiwai sulama, tama agai te nai dabe pedelabo po pusali. Tialima, agai te po wali nai dabe, augwali te me pedalubeo. Menio. Augwali te nosali mu pedelai dao.’ Augwaligo te po wai. ²⁸Tialima, ena God Genuai Bidi, eno te Israel dabe augwaligo po te tiwai wei ponaibao,” wali, “Te eno ma tonalubo şe me egobeo. Eno dageba te po wali nai augwali megı naga eno te şe yaibao.’ Ena God Genuai Bidigo, eno te po wai dao,” wali.

Godigo tibo profet dabe augwaliba wado po wali

13 Genuai Bidigo enabolo te tiwai po wali, ²“Tşde bidio, nago te Israelgo profet dabe wado ilao. Te profet augwaligo te nosali nai dabe pedelabo po obao. Tiali goli, augwaligo tibo po obao. Te po augwa homude nigilama wali. Nago augwaliba te po walama, te augwaligo ena Genuai Bidi eno poba naga olo bugagia muao wao. ³Ena God Genuai Bidi, eno te po obao. Te wabo pabo po wabo tiwai ebo profet dabe te dolaibao. Augwaligo te nade subo nai tiwai me sugobeo. Menio. Augwaligo te pusubo po dabe, te augwa homude digi augwaligo nigilama, pusai dao. ⁴Dage Israel dabego odişo. Dagego te profet dabe te uni yowi dabe te dolali taun me delide bilalu wabo po tiwai po obao wali. ⁵Augwaligo te taun bagulali obo alula pai elalubo te bugagia tonalusıma, tama te obo ma nigıbo şe egobeo. Tialima, ena Genuai Bidi, eno dwai dene maiabo şe dageba pedalubo sogo, tama eno te boı bidi dabe tagala palobo sogo da, teda dage Israel te boı hwıbode bomonama me dolalugobeo.” Te po wai. ⁶“Te profet dabe augwaligo nş ebo mu menio, te nai dabe pedelaibao po augwaligo obaso da, te tibo naga waibao. Augwaligo te tama po weyu, ‘Dago te Genuai Bidigo po pusubao,’ wali. Tiali goli, eno augwaliba te po me mabeo. Tialima, magı elama augwaligo te homu eyu, te augwaligo po mu pedalugowe homu yaliwe?”

⁷“Megı eno te tiwai po dage profet dabeba obao, dagego te po weyu, dagego te nade subo nai tiwai sulali po olama, tama dagego te nai dabe pedelaıba po obao. Tialima, dagego te wabo mu po me wabeo. Te tibo po naga obao. Dagego te we bidi augwaliba te tiwai po waliyu, ‘Te e po da, Genuai Bidigo po obao,’ wali, tialima ena God, eno po me deli dageba me mabeo. ⁸Tama tibaso, megı ena God Genuai Bidi eno dage profetba te tama po obao, dagego te we bidi augwaliba tibo po ola mobaso, te eno dageba wabo

po ebo homu genuai elalubao. ⁹Megi da, te we bidi augwaliba tibo po ola mabo profet dabe dageba eno dwai dene mabo şe yaibao. Te eno we bidi dabe augwali delıba sisinıbo sogo, dage augwali dali me bidıgobeo. Tama dagego nogı te tıgdalı Israel we bidıgo nogı elalubo bukude me elalugobeo. Eno dage ela gudulama, tama dage te Israel tş kantri pedaıba ma begasa asogobeo. Te tiwai ebo dagego bugagia koneama, ena digı ena God Genuai Bidi da po waibao,” wali.

¹⁰“Dage eno we bidi dabe tibo po ola mani tibo profet bidi dabe da. Dagego te tama po augwaliba walali, ‘Tıgdalı nai bugagia elalubao.’ Tiali goli, te tama me telalubeo. Tıgdalı nai bugagia me elalubeo. Te eno we bidi augwaligo dwai şe eyu, te augwaligo bomı menı yai obo te masıgıgo nigai tiwai yali. Te nosali dage profet dabe aselayu, dagego augwalıbolo te ‘Dagego dwai şe yali,’ te po wasıqwai dao. Tede dagego te tedela yai pen te dwai obode pilama, tama te obo tonobo gasa sawı yai ebaso, te augwalıba dagego tama po walali, te obo boma pai elalubao wali. ¹¹Tialima, megı eno dage profet dabeba te tama po walobao, te obo da, alua paıbao. Eno te genuai tulubage tagala palama, te ais talua ge tulubage te oboba tulama, te bomai walıgo te obo degelebaso, ¹²tama te obo toga pelama, tualueıbao. Tama tıgdalı we bidıgo dageba te tama po waıbao, ‘Te dıla pai obo da, agawe? Mu menio. Dagego te tedela yai pen pilalıgo naga da tıbo po ola mani dao,’ te we bidi dabego te po waıbao,” wali.

¹³“Tama tibaso, ena God Genuai Bidi, eno te tama po obao. Eno halıga şeşę dwai mu elama, eno te genuai tulubage, me te talua ge ais tulubage, me bomai wali tagala palama, te obo dolomainu yaıbao. ¹⁴Tama eno te dage profet bagego te obode pilalı pen tıgdalı aluama, dolaıbao. Tama te obo dolalualı madi te pesage olo elalueıbao. Te obo alubo sogo, te dageba degasa dulama, te dage tıgdalı ela mueıbao. Tama dage tıgdalıgo te tama tebo şe ebo te bugagia konemainu yali, ena digı ena Genuai Bidi dao,” wali.

¹⁵“Dage Israel we bidi dabeba eno halıga şeşę dwai mu ebaso, tama eno te obo dolama, tama te obode pen pilalı profet dabeba dwai dene mawaıbao. Tebogo te eno halıga şeşę usu naıbao. Tialima, eno te tama po dageba walobao, te obo dolalı, tama te pen pilalı profet dabe, augwali me dolaıbao. ¹⁶Te profet dabego te Jerusalemba te tama po wali, tıgdalı nai bugagia elalubao, te megı te boı pıbo sogo dao, te po walıo. Tialima, te sogo te tıgdalı nai bugagia me elalugobeo. Tibaso, eno augwali dolaıbao. Ena God Genuai Bidigo, eno te po wai dao,” wali.

Godigo te pobi po wabo we dabe augwaliba wado ilıbo po wai

¹⁷Genuai Bidigo te tama po wali, “Tşde bidio, nago te Israel we dabeba wado ilao, augwaligo te nosali pedelabo nai dabede po obao. Magı baso menı, te po da, augwa homude digı kolıasa wabo dao. ¹⁸Ena God

† 13:10 Jer 6:14; 8:11

Genuai Bidi, eno po te we dabede elalubao. Eno po te tiwai, 'Dage we dwai dabe, te dage dolaibao. Dagego te yesi bubo sego te nogo mo ebo tiwai elama, te we augwali nogoba mubao. Tama dagego te yesi bubo ugwa hobolama, te augwali toboluba mubao. Augwaligo te nai dabe mubo te gasa we bidi augwali tonalubabo bomomo somainu ebo dao. Dage we dabego dugade digi naga homu koneama, tama dagego we bidi dolobo dao. Dagego homugo te wiegi yai kolesaga da homu eba, agawe?' te po wao," wali.

¹⁹"Dagego tibo po weyu, te we bidi augwaliba waliyu, dago te Godigo po pusubao po wali. Tiali goli, menio. Dagego eno nogi aiyaba elaluyu ebao. Dagego yesi bubo se ebo kolesagade te we bidi meba ela muyu, te meba tau sobao. Te bidi meba eno homugo augwali isigobe da homu yali, te bidi dabe dagego ela mubao. Te eno homugo meba isimaina homu yali bidi dabe, te dagego augwali tau sobaso, te augwali bugagia bidali. Tama te we bidi augwaligo dagego te tama tebo kolesaga godolo ebao. Augwaligo dage te bret delagego abelebaso, me te dwasianu sasabi rais baligo abelebo si da, tama te kolesaga dagego yai dao," wali.

²⁰"Tama tibaso, ena God Genuai Bidi, eno te po obao, dagego te we bidi augwali tonalubabo te yesi bubo mobo nigibo se ebo dabe te eno homugo hagela elama, godolo me ebeo. Dagego te se tonalubabo we bidi dabe gegebao, te bulu tomode te bidi dabego ba gegebo tiwai ebao. Te dagego nogode eno te mo dabe todoga şanama, dagego te yesi bubo kolesaga me egobeo. Tama dagego te tonaluali we bidi dabe, augwali te dage dologode munu me bidigobeo. ²¹Tama te yesi bubo ugwa dabe dagego tobolude keşlubo, te tigidali eno peda şawaibao. Te dagego bomomo eno we bidide elaluali tagalomainu elama da, te dagego augwali tonalubo se munu ma egobeo. Tama dagego te tiwai se ebo bugagia koneama, ena digi ena Genuai Bidi da po waiyaşo," wali.

²²"Dagego te tibo po hauwa weyu, te dagego wiegi yai bidi dabego homu kolesaga dolobao. Tama dagego te dwai bidi dabe tau sobaso, te augwaligo dwai kolesaga ebo me tagalobeo. Te augwaligo dwai kolesaga tagalobaso da, teda augwali bugagia bidigi dao.

²³Tama tibaso, dagego te we bidi augwali tibo po ola mabo po te tiwai weyu, dagego te nađe subo tiwai nai suali po me wagobeo. Eno te ena we bidi dabe augwali dagego nogode ma selama, tama augwali te dagego bomomo dologode munu ma bidigobeo. Tama dagego te tiwai tama bugagia koneama, ena digi ena Genuai Bidi da po omainu ebao," te po wai.

Godigo te tibo god dabeba lotu wabo bidi dabe godolo homu me egobeo

14 Te Israel tobolu bidi dabe mebago te homu sege me deli elaluali. Tibaso, augwali ena paşa duayagaselama, enabolo hanalu, te Genuai Bidigo mena homu elalubo, te hania koneainu yai dao. ²Tialima, Genuai Bidigo enabolo te tama po wali, ³"Tode

bidio, te bidi dabe augwaligo te tibo god dabeba sese mane homu kone elama, te augwaligo sege genuai pedelali. Tialima, augwaligo te tibo god dabe homu godola pelama, te augwali tagalabo homu me ebeo. Tialima, augwali odolali naga asali. Eno augwaligo hanalubo po wei me ponogobeo," te po wali.

⁴"Augwaligo te kolesaga ebaso, megi nago ena God Genuai Bidigo e po te tobolu bidi augwaliba mao. Te Israel bidi me deligo te tibo god dabeba naga homu kone elama, tama agai te sege page elalubo kolesaga tagalobo homu isabadi, te aga profet me deliba aselama, te eno homu kolesaga koneainu enaba hanalu wagasobaso da, teda eno po agade elalubao. Te agai tibo god hauwaba lotu wabo eno homugo te koneama, te eno homu kolesaga mu te agaba ola mawaibao," po wai dao. ⁵"Te Israel dabe augwaligo eno homu kolesaga mu konebo si da, augwaligo te tibo god dabeba homu konebo homu ebo tagalama, te augwaligo ena deliba naga homu konealuaibao. Augwaligo tama timainu eno megi e po obao."

⁶"Tama tialima, eno homugo nago te Israel dabe augwaliba te tama po walao. Ena God, Genuai Bidi, eno dagego te tibo god dabe wali pabo te eno hagela homu mu ebao. Tialima, dagego ge neyu, te dwai nai dabe tagalama, tama dage enaba ma begasa asişo," wali.

⁷"Te dage Israel bidi me deligo, ma te dage dali bidagasali gasa to kantri bidi me deligo me, agai ena tudiba munama, te tibo god dabeba naga homu kone elama, tama aga sege sali se page tagalabo homu isabadi, te nosali aga pelama, te profet me deliba eno homu kolesaga koneainu hanalugi pobaso da, teda ena Genuai Bidigo eno homu kolesaga mu ola mawaibao," po wali. ⁸"Te eno agade boi bidi elama, te eno hani we bidide aga ela gudulaibao. Tama dage Israelgo eno te se agaba ebo sulama, tama dagego te po waibao, 'Genuai Bidigo te tiwai se aga tudiba mubo bidi daba yalio.' Eno te tiwai se ebo si da, teda dagego te tiwai bugagia koneaibao, ena digi ena Genuai Bidi da po waibao" wali.

⁹"Te tobage bidi me deligo te profet homu bega sabo po obaso, te profetgo po me deli agaba pusa mawai baso da, teda te se page e tiwai, ena digi eno te profet bidigo homu kone tuş palobaso, agai te po pusubao. Tama te profet bidibolo eno dwai dene menama, te eno hani we bidide aga ela gudulaibao," te tiwai po wali. ¹⁰"Eno te deli tigi poş dwai dene mabo se te profetba eyu, te profetba pali bidiba me te tiwai dene mabo dwai se yaibao," te po wai dao.

¹¹"Eno te tama tiwai se ebogo te dage Israelgo sunumi palibao, te dagego ena tudiba munu me musişama, te dagego sege sabo se me isaşama, tama dage eno gedude meda yai me pedalugobeo. Te dage eno we bidi dolo pedelama, te ena dagego God bidaibao. Ena God Genuai Bidigo eno te po wai dao," wali.

Godigo tigidali deli deli bidigo dwai seęę sabo subo dao

¹² Genuai Bidigo enabolo te tama po wali, ¹³ "Tęde bidio, te tę kantri me deli we bidi dabego te seęę selama, te augwaligo haliga enaba mu musiąbaso da, teda eno te tę kantriba dwai dene mayu, te eno augwali nai sęą pabo sę mu ilaibao. Te eno tigidali we bidi dabe, me te hasa sibi te nasi dwai mu ebo sę ilama, te augwali isaibao. ¹⁴ Te Noa, me Danel, me Jop, te wiegi yai bidi sela te tę kantride bidigi sogo da, te tagalao, eno te sela bidide homu kone elama te dwai sę ebo we bidi augwaliba eno olo tau mabo wiegi yai kolesaga me igi menio. Menio. Te doloba pai bidi sela naga bugagia bidimainu eno sula tagalaibao, tama te we bidi augwali da isimainao homu igi dao. Ena God Genuai Bidigo eno te tama po wai dao." †

¹⁵ "Ma, eno te bulu uni hasa dabe te tę kantriba tagala palama, te we bidi dabe augwali ela mumainu yaibao. Tama te badu pabo homu yali bidi meni yaibao," te po wai. ¹⁶ "Tama te Noa, me Danel, me Jop te tę kantride bidigi sogo da, te tagalao, eno te sela bidide homu kone palama te olo mu tau mabo wiegi yai kolesaga te dwai sę ebo we bidi dabeba me egobeo. Te bidi selago augwa wai dabe digi tau me sigi menigi dao. Menio. Eno te sela bidi naga sula tagalama, bugagia bidaibao, te we bidi augwali da, isimainao. Tama te tę da, olo bulu pesage elalu, te genuai dulu bulu elalueibao. Ena God Genuai Bidi, ena te sesemane sogo bidada paibao, tama eno te po da mu po wabo dao," wali.

¹⁷ "Ma, eno boi bidi dabe te tę kantriba hwįgi pomainu tagala palama, tama augwaligo te we bidi dabe mu ela siminama, te hasa dali elaiba," wai dao.

¹⁸ "Tama te Noa, me Danel, me Jop te tę kantride bidibadi goli, tagalao, te augwali selago augwa wai dabe digi tau me sogobeo. Eno te bidi sela naga bugagia bidimainu sula tagalu, te we bidi augwali da isaibao. Ena God Genuai Bidi, ena da sesemane sogo bidada paibao, tama eno te wabo da mu dao," te po wai.

¹⁹ "Ma, eno te dwai gasi te tę kantriba tagala palama, te eno haliga sebę yali usu nainu, te we bidi dabe me, te bulu hasa dabe dali elabo homu ebao. ²⁰ Tialima, tagala, te Noa me Danel me Jop te tę kantride bidibadi, te bidi selago augwa wai dabe digi tau me sogobeo. Menio. Te wiegi yai bidi sela naga bugagia bidimainu yaibao. Ena God Genuai Bidi, ena sesemane sogo bidibao, tama eno te wabo po te mu po dao."

²¹ "Tialima, ena God Genuai Bidi, eno tama po obao. Eno te tobage dwai nai me si me si tigidali te Jerusalemba tagala palama, te Jerusalemba dwai dene mabo sę elama, te augwali mu dolomainu ilaibao. Te boi bidi dabe eno augwaliba hwįgi pomainu tagala palama, te eno augwali nai sęą palobo sę mu ilama,

† Te Noago po te buku Gag Daj 6-9 tede elalubao, te Jopgo po te Jop aga bukude elalubao. Te Baibel bukude te bidi Danelgo yali sę po dabe aşani me elalubeo.

tama eno te bulu uni hasa dabego augwali elemainu tagala palaibao, tama eno te dwai gasi augwaliba tagala palaibao. Te tama tebo kolesagade eno te we bidi dabe augwali me, te hasa dabe dali, ela silaibao," te po wai dao. †²² "Tialima, te sogo te dolisąwani Jerusalem bage meba, te boi bidi dabego augwali te dage bidibo buluba odasa asaibao. Tama augwali dage dali bidibo sogo, te dagego augwaligo dwai kolesaga ebo bugagia osola suo. Te dagego augwalide hobede me egobeo. Menio. Te dagego koneama, te Jerusalem augwaligo kolesaga dwai mu ebaso, te eno augwali dolai yabo, te homu dagego yaibao," wai dao. ²³ "Dagego te tiwai tama koneama, eno odolali augwali me dolobeo. Menio. Te eno augwalide yali sę page mu elalubao. Ena God Genuai Bidi, eno te po wai dao," wali.

Godigo te ni wainde po begelama wali

15 Genuai Bidigo enabolo te tama po wali, ² "Tęde bidio, te wain bono ni wiegi yai me elulusiawai, te gasa ni dabe tiwai ebeo. ³ Te bidigo te wain bono ni delage selama, te magi nai me deli nigainu ebaso, usu egobeo. Awe, te wa walabo bonomai nigibo te usu egobeo. ⁴ Te sia naga nogąbo wiegi yai yaibao. Te isigo te wain ni deli te si dali badu delama, te aga tomo badu dwasianu isi dali da, teda dego mu te nai me deli nigibaso usu yaibawe? ⁵ Te isigo disąbadi, te ni wain dwai elaluali. Te isigo dabo si da, te ni dwai mu pedelai dao," wali.

⁶ "Tialima, ena God Genuai Bidi, eno tama po obao. Te wain ni da, te gasa buside elalubo ni dabe wiegi yai tiwai elalubeo. Tama tialima, eno aga te isi sabo homu naga elama, sa muai. Tama eno e tobage deli tigi poai tiwai kolesaga te Jerusalem taun we bidi augwaliba yai dao. ⁷ Eno augwaliba boi bidi elama, dwai dene mawaibao. Mu tama, te hasia siago augwali ulusiawani, tiali goli megı gasa isi dabogo te augwali mu ulaibao. Te eno augwaliba dwai dene mena silama da, tialima nage dali, te Israel nage dali bidibo bage, te dagego te tiwai bugagia koneaibao, ena digi ena Genuai Bidi dao. ⁸ Te Jerusalem dabe augwaligo enaba haliga mu mubeo, tibaso eno augwaligo tę te olo pesage tiwai pedalumainu yaibao. Ena God Genuai Bidi, eno te po wai dao," wali.

Jerusalem te bidigo sai wego bidi tagalobo tiwai ebao

16 Genuai Bidigo enabolo te tama po ma walio, ² "Tęde bidio, nago te Jerusalem dabeba po dolo weyu, te augwaligo dwai kolesaga haniani augwa digi ebaso, te po augwaliba bugagia walao. ³ Eno po da e tiwai, Jerusalem, ena God Genuai Bidigo, eno po nagede elalubao. Nage te we me deli tiwai. Nago aya ida te dwai kolesaga wali pabo hani dabledu asali. Nago aya te Amor hani dabe da, tama nago ida te Hit hani dabe da. Tama naga nage te Kenan tęde ame nai dao. ⁴ Te idago nage ame nani sogo augwaligo nage

mosogobe togobeo. Te augwaligo nage aḡ telabe, ma nago tigide tamu mubeo. Te nage augwaligo ugwa namego belama mubeo. ⁵ Te mena bidi me deligo nagede dwasianu hobede elama, te tama sę dabe nagede me ebeo. Nage pedelali sogo, augwaligo nage godolo isama, augwaligo nage te kala dasuba sawai dao."

⁶ "Tialima, te ena asu, eno nage suali. Eno suali, te kanemego nage mesegasa elaludu, te nage uga begelu, eda begelu iduali. Eno homugo nage isidali te homu elama, te eno tama po wali, 'Nage bugagia bidali da, ⁷ te genuai pedelama, te sawi wiegi yai plaua tiwai yao.' Tialima, nage genuai pedelama, te boma pai elalu, te nage gasa wiegi yai sawi yai wegi pedelalio. Te nage ame elama, aguli nisi holai. Tiali digi nage habu olo bidai dao," wali.

⁸ "Tialima, te sogo ena ma aselama, tama eno nage te bidigo sabo usu yai elalubo suali. Tialima, eno nageba dilapi holobo ugwa saket bulama, te nage tigi mesegelali. Te ena God Genuai Bidi, te eno bomai po nage dali olama, te eno nage sabo po daḡ olama, te nage eno we pedelai dao."

⁹ "Eno aḡ selama, te nage tigide elalubo kaneme aḡ telawali. Tama eno nago tigiba te oliv wel muani.

¹⁰ Tama eno nage te gasa sawi yai te haniani au dogia pai ugwa augwaligo hobigo au yai ugwago te eno nage au ilalio. Tama eno nage te wiegi yai su te nado-ba dabe mawai. Tama eno nage toboluba te wiegi yai ugwa nami muani. Tama eno nagebolo te gasa sawi yai dila pai holobo ugwa saket me deli mawai dao

¹¹ Tama eno te tobage wiegi yai au dobage dabe nage-bolo mawai. Eno nagebolo te nogode holabo nogo mo dabe mayu, te magede domabo beli dabe me mawai dao. ¹² Tama eno nage te gunide me olode walabo ring mani, tama wiegi yai sawi yai tobolu madi, te kwin wego madi tiwai mawai dao. ¹³ Tama nago au yabo gol me silva hauwa elalualu. Tama nago te wiegi yai sawi yai ugwa dabe augwaligo te hobigo hobolama nigali ugwago nageba au ilama muani. Tama augwa te wiegi yai plaua mugo nigai bret eno nage mawai. Tama eno nage te pusu ebo bunu ge hani me te oliv ni du mani. Te nai dabe nago tuali. Tama nage te gasa sawi wiegi yai mu pedelama, nage te nogi yai we kwin pedelai dao. ¹⁴ Tama te tigidali bulu tḡ pedai we bidi augwaligo te tama po odali, nage te gasa sawi yai we deli mu pedelali. Nage polalubo we mu da, magi baso meni, ena God Genuai Bidigo, eno nage au ilai dao."

¹⁵ "Tialima, nage sawi yai mu da, nago te tama homu yali. Tigidali bidigo nage godolo yai. Tialima, nage hagoma eyu, nago pemene elama, te nageba asali tigidali bidi dali pagela piali dao. ¹⁶ Te nago naga ugwa dabe meba selama, tama nago te tibo godiba lotu wabo pesage dabe au ilalio. Te kolesagade nago te bidi dabego homu bega selama, tama augwali nage dali te pesage dabeba piagasali. Te tobage kolesaga dwai mu yai dao. ¹⁷ Eno naga au yao olama mani te silva me gol nago te selama, tama nago te bidi piksa noma dabe nigilama, tama nago augwali dali penani sę ebo

kolesaga ebao wali. ¹⁸ Tama te au hauwa dogia pai elalubo ugwa name nago te selama, tama nago te piksa noma dabe au ilali. Tama nago te oliv wel me, te wiegi yai denami ebo hano ilibo pauda me sali, te nage eno mani, tama nago te piksa noma dabeba ofa yai dao. ¹⁹ Eno te wiegi yai nai nage mani, te wiegi yai plaua mu tiwai, te oliv wel me, te pusu nai bunu ge hani me mani. Tialima, nago te nai dabe da selama, tama te tibo god dabe piksa nomaba ofa ilali, te augwali homu bega sabo sę yali. Tama Jerusalem nago te kolesaga ela pidu, me ela pai dao."

²⁰ "Nago te wai dabe ame nani, tiali goli nosali nago te ena God Genuai Bidi eno te wai dabe selama, te nago augwali ela munama, te tibo god dabeba ofa yalio. Nago koneao, nago penani ebo kolesaga te wiegi yai me ebeo. Tialima, te kolesaga usu meni da, nago te homu elama, ²¹ tama nage te we dwai mu pedelabo homu yali. Tialima, nago eno wai dabe ela munama, tama augwali te tibo god dabeba ofa tiwai yali dao.

²² Nago te penani sę ebo kolesaga me, te dwai kugumini yai kolesaga wali peyu ebao, tama nage te dwasianu wai bḡde elalubadi, te nageba pedelali sęge po, te eno nageba mani po nago homu kone palisawani. Te sogo nage te habu olo mu elalu, te kanemego nage mesega sai elaludu, te nage tḡde bulude uga bebege, eda bebege iduai dao." Genuai Bidigo te po wai.

Jerusalem penani we mu tiwai pedelali

²³ Genuai Bidigo po te tama ma wali, "Ena God Genuai Bidigo, eno te tiwai po nageba walobao, nage mu dolaibao. Nago te dwai sę tigidali yaligo da, ²⁴ teda nosali nage te tigidali sunumidu pelama, te tibo god dabeba lotu wabo pesage dabe me te penani ebo kolesaga yabo pesage dabe nigaibao po wai dao.

²⁵ Nago homugo nage sawi yai we da homu elama, tama te bidi me deli te sunumidu asobo nago subaso da, teda nago aga i olama, nage dali piagasali. Tama nago penani ebo kolesaga umabogia mu pedaludu geai dao. ²⁶ Isip dabe, te augwali paḡde bidali bidi dabe, augwali te haliga hogodalubo bidi dabe mu da, tama nago augwali nage dali pagela piagasomainu yalio. Nago ena hagela sębe ilibo sę eyu, te nago penani sę yali kolesaga te umabogia mu ela palio."

²⁷ "Tialima, polobadu eno dwai dene nageba menama, te eno nageba mani wiegi yai nai hauwa sela sawani. Tama te Filistia dabego nageba dwai sę yagasomainu eno nage sula tagalai. Augwaligo nage homu godolo mu isama, tama nago dwai kolesaga tigidali ebao, te augwaligo nagede haliga dwai yalio," wali.

²⁸ "Te bidi dabe nage dali piagasali, te augwaligo nago godolo ebo homuba usu nusiabaso, tama nago penani sę ebo kolesaga te Asiria bidi dabe dali yali. Tialima, augwaligo me nago godolo ebo homuba me usu nubeo homu yali. ²⁹ Tibaso, nage te Babilon bidi dabego penani we pedelali, te augwali mone sabo bisnis sę ebo bidi dabe da. Tiali digi, augwaligo me te nago wei ebo homuba me usu nubeo."

³⁰ "Tialima, ena God Genuai Bidigo, eno po nagede elaluali. Nago naga te homu godolo ebo wali pidu, tama nage te hale menisaþo we me deli tiwai pedelai dao. ³¹ Te tigidali sunumide nago te tibo god dabeba lotu wabo pesage nigiyu, te penani ebo kolesaga ebao. Tialima, nage da, te gasa penani we dabego ebo kolesaga tiwai ebeo. Menio. Nago te kolesaga ebadi, tiali goli nago augwaligo te sabo mone tiwai me sabo homu ebeo. ³² Nage da, te tiwai we me deligo aga bidi tagalama, te gasa bidi dabeba penani igi pabo we tiwai ebo dao. ³³ Tigidali penani ebo wego mone saibao. Tialima, nago me tebeo. Nago te tigidali badu bidiba te wiegi yai homu ilibo nai tiwai mayu, te nage dali piagasomainu homu bega sabo se ebo dao. ³⁴ Nage gasagi yai tedali penani we mu da. Te bidi me deligo nage homu bega sabo se ebaso, nage te penani we pedalubeo. Tama nago te mone me siyu ebeo. Menio. Nago mone augwaliba mobao. Awe, nage tedali gasagi yai mu dao," te po wai.

Godigo Jerusalemba dwai dene mabo se ilaibao wali

³⁵⁻³⁶ Genuai Bidigo po ma weyu, te tama po wali, "Jerusalem, nage penani we da, ena God Genuai Bidigo po odao. Nago naga ugwa dabe pepeda şanama, tama naga digi naga tigi te godolo ebo tigidali bidiba mobao. Tama nago te kugumini ebo kolesaga wali peyu, te tibo god dabeba lotu obao. Te nago naga wai dabe ela munama, te tibo god dabeba ofa tiwai mabo dao. ³⁷ Tialima, eno te nago godolo yali abagi augwali me, nago godolo isaşwani me tagalao, te tigidali eno deliba sisinaibao. Te eno augwali odasa aselama, te augwaligo nage bagua sagasaibao. Tialima, eno nago ugwa peda şanama, te nage habu olo elalubo augwaligo sueibao. ³⁸ Nago te penani kolesaga ebo we tiwai bidiyu, tama nago te we bidi meba ela muani. Tama tibaso, eno nago yali dwai se dagalama, tama tede seþe posolo mu eyu, nage dolo mu wei ponoyu, dwai dene mawaibao. ³⁹ Naga te abagi dabego nageba dwai se ilibo eno sula tagalaibao. Tama augwaligo nago te tibo godiba lotu weyu, te aga dali penani kolesaga ebo pesage dabe aluaibao. Te augwaligo nago ugwa dabe, me beli, me ring te au dobage pepeda şanama, te nage habu olo elaluaibao."

⁴⁰ "Te abagi dabego te we bidi dabe homu hodolobaso, te augwaligo nageba masigi şayagaselama, tama augwaligo te bainat hwaş selama, te nago tigi dwasianu denegene mimiaibao. ⁴¹ Tama te abagi dabego nago be dabe isi ulaibao. Tama te we hauwago nageba te ebo se augwaligo sueibao. Nago te dwai kolesaga ebo eno mu silimai hagede ebaso, tama nago te bidi dabe nage dali piagasomainu homu bega sabo se me egobeo. ⁴² Tialima, te tama tebo kolesagade te eno wado genuai ebo po me eno haliga seþe ebo silaibao. Te ena dua digi bidaibao. Te eno nageba wado po me haliga dwai munu ma egobeo, te po wai dao. ⁴³ Te nage gesi wegi elalubo sogo eno wiegi yai se nagebolo yali. Tialima, te nago homu kone gegeda palama, nago te tobage dwai kolesaga dabe

ebao. Tibaso, eno wado po nagebolo wali, te ena God Genuai Bidi, te eno nago dwai se tigidali wei ponoyu, te nageba dwai dene mu ilaibao. Nago dwai kolesaga hauwa yalio. Magi baso nago te penani yabo homu kolesaga me elalubo dawew?" te po wai.

Wegigo te idago kolesaga wali paibao po wali

⁴⁴ Genuai Bidigo po te tiwai ma wali, "Jerusalem, nosali te we bidi dabe augwaligo nage sulama, te tama po waibao, "Wegigo te aga idago kolesaga wali pabo dao," waibao. ⁴⁵ Mu tamao, nago kolesaga te naga idago, me naga ama dabego kolesaga tiwai tobage ebao. Augwaligo augwa bidi dabe me, augwa wai puluba dabe dali homu godolo me isaşwai. Nago ida te Hit hani we me deli da, nago aya te Amor hani bidi dao," wali.

⁴⁶ "Te Samaria taun te not badu elaluali, te nago ama genuai we me deli tiwai da. Te aga pagede elaluali bulu dabe augwali te aga wegi dabe tiwai yali. Tama te taun Sodom polobadu te saut badu elaluali, te nago abe gesi ogwa bidi tiwai da. Tama te aga paşde elaluali bulu dabe te aga wegi dabe tiwai dao. ⁴⁷ Polobadu te wegi ama nami sigo dwai kolesaga mu yali, tama nago augwali sigo te kolesaga wali pali. Tiali goli, tego nago godolo ebo homuba usu nubeo. Menio. Te sesabi menisaþbadi, te paşde sogo te nago kolesaga te dwai mu umagi elama, tama te wegi ama nami sigo yali dwai kolesaga aiyaba elaluai dao."

⁴⁸ "Ena God Genuai Bidi, ena sesemane sogo bidaibao, eno te tama tiwai po dolo dageba obao. Nago ama Sodom, te aga wai dabe dali, augwaligo te nago naga wai dabego dali ebo kolesaga tiwai me ebeo. ⁴⁹ Aga te aga wai dabe dali augwaligo te nai hauwa elalubaso, te augwa bugagia dugulalu te me hwjbeo, tibaso augwali te hagoma elama, te augwaligo nai şqaş pali bidi dabe bugagia tonalubeo. ⁵⁰ Augwali te hagma elama, te augwaligo tobolu te masigi dila pai tiwai elalu, tama augwaligo te eno godolo menisaþo se yali. Eno augwaligo te kolesaga ebo sulama, te eno augwali dolai dao," wali.

⁵¹ "Samariago me te nago ebo kolesaga tiwai te dwai se hauwa me ebeo. Te nago dwai kugumini yai kolesaga mu ebogo te nago ama dabego ebo dwai kolesaga te aiyaba elalubao. Eno te dage selago dwai kolesaga ebo subao, te tonobo nago kolesaga naga te dwai mu ebaso, tama naga ama dabego dwai kolesaga da, te olo bage tiwai ebao. ⁵² Nage hale umagi mu yao, magi baso meni, te eno nago kolesaga dali, te naga ama sigo kolesaga me dagalobo sogo, eno suali, nago kolesaga te dwai mu eyu, te nago ama dabe augwali te segeş meni yai we dabe tiwai pedelali. Tialima, megi da, naga te hale ebo kolesaga yali segeşde te segeş tolobaso, te nage dwai haliga yagameo," wali.

Godigo wiegi yai se te Sodom dali Samaria siba yaibao

⁵³ Genuai Bidigo po ma weyu, te tiwai po wali, "Jerusalem, megi da, Sodom me Samaria te augwa si

wai dabe dali dolali elalui. Tialima, eno naga te ama si tau selama, te augwali si bugagia bidaibao. Te nage eno dolaibao, tiali goli nosali nage me eno tau selama, te augwali dali bugagia bidaibao. ⁵⁴ Tama naga te yali dwai kolesaga dabede nage hale ebo şę yaibao. Te ama sigo nage sulama, tama augwali sigo te homu elama, augwaligo şęę te genuai ebe homu yaibao, te po waibao. ⁵⁵ Te eno augwali talu si tau selama, te augwa polobadu bidali tiwai bugagia ma bidaibao, te nage naga wai dabe dali, dage bugagia bidaibao. ⁵⁶ Te nage eno dolisawani sogo, nago hagoma elama, nage te wiegi yai we da homu yai, tama nago Sodom te we dwai mu da homu yai dao. ⁵⁷ Tialima, megi da, nago dwai kolesaga te hanilama, hania pedelai. Tama te gasa hani we bidi augwaligo nage gisugu mani, te nago Sodom gisugu mani tiwai yali. Te Siria me Filistia we dabego, me te nage pađe bidali gasa hani dabego, augwaligo te nage magi nai meni yai we da augwa te homu eyu, te augwaligo posobo po nage dolo wai dao. ⁵⁸ Te tama kolesagade ena Genuai Bidigo te eno naga te penani ebo kolesaga, me te tobage gasa dwai kolesaga ebo şęę te naga tolomainu yai dao," po wali.

Te Godigo gesi daų wali bomai po te sesemane sogo elalua pidu, elalua paibao wali

⁵⁹ Genuai Bidigo po ma weyu, te tama po wali, "Jerusalem, ena God Genuai Bidi, eno nageba maiabo gasa po me elalubao. Te nage gesi ogwa bidi bidali sogo, te eno nage dali daų wali bomai po wali paibao po wai. Tiali, nago te daų wali po olo nai da homu elama, te nago bolalio. Tialima, eno nago te yali dwai kolesaga wei dolo ponani. ⁶⁰ Tialima, eno digi nago te bolali bomai po daų wali te eno homu kone me gegeda palogobeo. Tialima, eno gesi bomai po nage dali daų walama, tama te daų wali gesi bomai po te sesemane elalua paibao," wali. ⁶¹ "Tama eno te we ama nani si te nageba ma asobo şę ilaibao, tama eno augwali si te nageba ma asobo şę ilaibao, tama eno augwali si te nageba ma asobo şę ilaibao, tama eno augwali si te nageba ma asobo şę ilaibao. Mu tamao, eno te yainogo ebo kolesaga te daų wali bomai pode elalubeo, tiali te ena digi homugo yaibao. Eno te tama tebo sogo, te nago naga yali dwai kolesaga haniani te homu kone paligisu, te nage hale umagi mu yai dao," po wai. ⁶² "Eno te gesi bomai po nage dali daų walobaso, te nago te tiwai bugagia koneaibao, ena digi ena Genuai Bidi da po waibao. ⁶³ Tama eno nago te yali dwai kolesaga dabe sela şanama, tama tede homu kone ma palogobeo. Tiali digi, te nago te nago yali dwai kolesagade ma kone paliyu, hale dwai mu ebaso, te nago po me deli wagobeo. Ena God Genuai Bidi, eno te po wai dao."

Te bono me delide, me te ba kemodage side Genuai Bidigo po digi po begelama wali

17 Genuai Bidigo enabolo te tama po wali, ² "Tqđe bidio, eno homugo te po me deli begelama, te nago te Israel dabeba po digi po pusumainu homu

ebao," wali. ³ "Ena God Genuai Bidigo po te augwaliba mao. Te moni dobo dwai ba kemodage me deli bidali, aga boma pai bogo da, te bobobage mu elama, te aga nisi da, te dodobolo pai hauwa elalu, te sawi yai mu da. Aga te Lebanon bulu du dabeba bola pelama, tama agai te dwagi yai ni sida tobolu bubu me deli toga sigi palio. ⁴ Tialima, agai te ni tobolu te mone sabo bisnis şę ebo bidi dabego bulu tq kantriba tolasa pelama, tama agai te magi nai dobu si ebo bidi dabego taun me deliba buligi pai dao. ⁵ Tama agai te tq kantri Israelba bola pelama, te hogodo nai me deli sigi palio. Tama agai te nai wai te tq ili hauwa elalubo digi bulali. Tama te badu te ni genuai holabo ađ mabo wę hauwa elalui. ⁶ Tialima, te nai genuai bono pedelama, te aga nologo tigidali te bobobage mu pedelali. Te ni nologo tigidali te ba kemodage bidibo pesageba gealu tonon-aluai. Te aga pedali dabe te tq tomoba mu dulalio. Tama te bono nologo me yabe hauwa elalui dao," wali.

⁷ "Tiali goli, te gasa moni dobo dwai ba kemodage me bidali. Agai me te boma pai bogo bobobage elalu, te nisi hauwa elalui. Megi da, te bonogo agai te bidali tq hagela mu ebaso, te aga pedali dabe me nologo dabe te gasa ba kemodage bidibo badu begeligi soabo şę ilali. Te bonogo te gasa ba kemodagego agai ađ hauwa mawaiba homu yalio. ⁸ Tialima, te bono hasia elaluali tq da, te wiegi yai mu da. Te ađ me ili hauwa elalubo tqđe da, te bono wiegi yai holama, te nologo hauwa pedelama, te ni du hauwa walama, te polalubo ni mu pedalumainu eyu, te hasia ba kemodagego agai tede bulai dao."

⁹ "Tialima, ena God Genuai Bidi, eno hanalubo po me deli te tiwai elalubao, te bono bugagia elalu, te genuai pedalubo da, agawe? Menio. Te hasia ba kemodagego wado ebo homu elama, te bono pedali dali gudulama, agai te du dabe sela şanama, te gesi pedalubo honu dabe te siago boga sabo şę ilaibao. Bomo meni yai bidigo, ma dwasianu hanigo naga, augwaligo gudubaso, usu yaibao. Tama tialima, te bomai ba kemodagego te gudubo şę dene me egobeo," wai. ¹⁰ "Te bono wiegi yai tqđe elaluali, tiali goli agai bugagia elalu, te genuai holabo usu ebeo. Te posola pai wali te sia ge asobo badu asama, te bono aiyaba elalubaso, tama te bono agai elaluali pesagede sasia paibao," te po walio.

Te begelali po page e dao

¹¹ Te Genuai Bidigo po enabolo te tiwai ma wali, ¹² "Te po sela şanama, hagoma ebo bidi dabeba hanalu wao, augwaligo te po page koneaniwe, ma meniwe? Te po page e tiwai da. Babilon king te Jerusalemba aselama, tama agai te Juda king dali, te ami ofisa bidi dabe dali selama, te Babilonba kalabus sela pai dao. Aga da te hasia asali ba kemodage tiwai dao. ¹³ Aga te tq kantri Judade bidali sogo, te Babilon kingo te daų walobo po me deli te Juda king agai hani bage me deli dali te po daų wali. Agai tama po wali, te bidi Juda gesi king bidi pedalumainao wai. Te Juda king da, te bono tiwai dao.

Agai te gesi kingba bomai po daŋ waliyu, aga te aga dologode bidaibao wali. Te Babilon king aga tŋ kantriba ma pali sogo, agai te Juda dabe genuai polalubo bidi dabe aga dali sela pai dao. ¹⁴ Te Babilon king bidigo tama po wali, te gesi kingo te daŋ wali bomai po wali pişama, te aga tŋ kantri bomai ma pedalubo sę elama, te Babilon dali ma boi hwjainu ebaso da, teda Babilon kingo te genuai bidi dabe dolaibao. ¹⁵ Tialima, te Juda kingo agai daŋ walali bomai po wali pabeo. Agai te Isipba po ola tolama, te hos dabe me te genuai ami bidi hani dabe aselama, aga tau sagasao wali. Te Isip king bidi da, te si wabo ba kemodage tiwai dao. Tialima, te king aga bugagia bidaiba homu elama yali da, agawe? Menio. Agai te Babilon kingo po sela şabaso, tialima te Babilon king aselama, te agabolo dwai dene mawaibao," wali. †

¹⁶ "Ena God Genuai Bidi, ena sesemane sogo bidibo da, eno po dolo tama obao, te Juda king da, Babilon tŋ kantriba kalabus igi pelama, tede bidibadi, aga isaibao," wali. "Te page te tiwai elalubao. Te Babilon kingo aga te king pedelao obaso pedelali, tialima agai te daŋ wali bomai pode hagela homu eyu, te po sela şayu, te agai te Babilon king daŋ wali bomai po bolai dao. ¹⁷ Tialima, te Babilon ami bidi dabe asama, te hwjbo nai hauwa nigilama, te Jerusalem bagua sabo tŋ du holaibao. Tama augwaligo te Jerusalem dabe dali boi hwjnama, te we bidi hauwa ela mueibao. Te sogo, te Isip kingo bomai ami bidi dabe, augwaligo te Juda king tau sabo usu meni yaibao. ¹⁸ Te Juda kingo te eno nogi weyu, te Babilon kingba nogo mayu elama, tama agai po daŋ walali. Tama agai te Babilon king dali daŋ walali po, te bomai po bolaligo te aga dene saibao. Tialima, aga bugagia bidabo usu meni yaibao," te po wali.

¹⁹ "Ena God Genuai Bidi, ena sesemane sogo bidibao, eno mu po tama obao, eno te Juda kingba dwai dene mawaibao. Agai te po daŋ wali sogo agai eno nogide bomai po daŋ weyu, te daŋ wali po wali paibao wali, tiali goli agai wali pabeo. ²⁰ Tama tialima, eno aga tola sabo ba bono gaga mueibao. Tola selama, te aga eno Babilonba sela pelama, te agabolo dwai dene mawaibao, magi baso meni, agai ena dali daŋ walali bomai po wali pabeo. ²¹ Te boi bidi dabego te aga hani ami bidi dabe augwa geme duala sigi pabo pesage dolaibao. Te isişawani ami bidi dabe, augwali te gasa pedai tigidaliba wi tedela paibao. Tama dage Israelgo te tama sę ebo bugagia koneama, ena Genuai Bidigo digi, eno wali me po da te homu yaibao," te po wali.

Godigo te Israel dabe tau sabo bomai po daŋ walio

²²⁻²³ God Genuai Bidigo te tama po wali, "Ena digi te bobobage ni sida honu me deli toga saibao. Tama eno te Israel bulu du uganu igulai bulu dude bulaibao, te Israelde elalubo gasa bulu du tigidali aiyaba elalui bulu du da. Tama te ni genuai holaibao. Te agai nologo bobobage elama, tede te wai du walaibao. Te aga polalubo ni sida mu pedelaibao. Te haniani ba dabe te ni

tiwai madi aga nologoba geme duala sagasaibao. Tama augwa be dabe te ni nologo dabede sę yaibao. ²⁴ Tama te tŋde elalubo ni dabe tigidaligo te tiwai bugagia konemainu yaibao, ena Genuai Bidi, eno te bobobage ni gela mubo dao, me eno te dwasianu ni dabe bobobage pedalumainu ilibo dao. Eno te yabe elalubo ni dabe sasia palobo sę ilibo dao. Me te sasia pali ni dabe da, te augwali yabe ma holobo sę ilibo dao. Ena Genuai Bidi, eno te po walio, tama eno te wali po gilama te tigidali sę ela silaibao," wali.

Godigo tigidali bidi deli deligo kolesaga subo dao

18 Genuai Bidigo enabolo te po pusao po walali, ² "Dage Israelgo godolo ebo po begelama wabo po me deli e tiwai da, 'Te aya idago te tau isşawai ni wain du tubo da. Tiali goli, te augwaligo wai dabego pedauwalide ha ebo da.' Magi baso dagego te tobage po wabo dawew? ^{††3} Ena God Genuai Bidi, ena sesemane sogo bidaibao, eno mu po dagebolo obao, eno dagego te wabo po mu tagalabo sę ilaibao," wali. ⁴ "Te aya idago bidibo ula tigidali, me te wai dabego bidibo ula eno nogode naga elalubao. Tama tibaso, te bidi deligo te sęę sabo dwai sę ebaso, te bidi naga isaibao," te po wai.

⁵ "Te wiegi yai bidi me deli elalu, te aga kolesaga doloba pai mu elalubaso da, teda te bidi bugagia mu bidaibao. ⁶ Te tobage bidigo te Israel dabego tibo god dabeba lotu me wasişama, tama agai augwaligo te tibo godiba ofa tiwai elama mabo nai dabe me tugobeo. Tama agai te gasa bidigo we penani me isişama, tama agai te we poluago elali gasi ebo sogo te we dali me pigobeo. ⁷ Agai gasa bidi dabeba dwai sę ilama, te augwaligo nai dabe wi sabeo. Te gasa bidi dabego agaba negeli ilama, te agai we ponabo usu nama augwaligo mani nai, agai te nai dabe tolalubo sę mu egobeo. Menio. Agai te agaba negeli ilali bidi dabeba ma mabo dao. Agai te nasi ebo bidi dabe nai mayu, te ugwa meni yani bidi dabeba te ugwa mabo dao. ⁸ Te abagi me delibolo agai negeli ilibo sogo, te negeli wei ponobaso da, teda agai te gasa ugadu daganobo mone dali me sogobeo. Te agai po tŋ odobo sogo, agai doloba pai kolesaga naga eyu, tama agai te po tŋba asali bidi dabe dali po bugagia dodolobo dao. ⁹ Tama agai te eno po tigidali bugagia wali pelama, te eno bomai po me wali peyu, te doloba pai kolesaga naga yaibao. Te tobage bidi te doloba pai bidi da, tialima mu tama, aga bugagia bidaibao. Ena God Genuai Bidi, eno tama po obao," walio. ‡

¹⁰⁻¹¹ "Tama te tiwai bidigo ogwa me deli elalu, te ogwa genuai pedelama, te agai nai wi dabe siyu, te bidi dabe ela muyu, ma tobage dwai kolesaga me deli te aga ayago isşawani sę me ebaso da, teda aga isimainao. Te ogwago te augwaligo tibo god dabeba ofa yali nai dabe tubo dao, te agai gasa bidi dabego we dabe penani ebo dao. ¹² Agai te magi nai doado bage meni yai bidi dabeba dwai dwai sę eyu, te agai nai wi siyu, tama te gasa bidi dabego agabolo mani nai dabe

† 17:15 2 Kin 24:15-20; 2 Sto 36:10-13

†† 18:2 Jer 31:29 ‡ 18:9 Prs 18:5

daş olama tolalu, te augwaligo mani negeli ponabo daşba usu nubo tiwai yali. Tama agai te tibo god dabe-ba lotu weyu, tama te lotu wabo pesagede te tobage dwai kolesaga dabe mu eyu ebo dao. ¹³ Tama aga abagi dabego te negeli wei ponobo sogo, agai te gasa ugadu daganobo mone dali sabo dao. Te tobage bidi da, te bugagia bidaibao homu eba, agawe? Mu menio. Agai te yali kolesaga dabe eno godolo homu mu isaşbaso, te aga isimainao," wali. "Te aga yali kolesaga pagede te aga isaibao po wai dao," wali.

¹⁴ "Tama te tomo bidigo te ogwa me deli ame nani, te wai genuai pedelama, te aga ayago yali dwai kolesaga tigidali suali goli, aga ogwago te kolesaga wali pişaşbaso da, teda aga bugagia bidaibao. ¹⁵ Te tobage bidigo te Israel dabego tibo god dabeba lotu wagobeo, tama agai augwaligo te tibo god dabeba ofa yali nai dabe me tugobeo. Agai te gasa bidi dabego we dali penani me isaşma, ¹⁶ te gasa bidi dabe dolobo se isaşyu, te gasa bidi dabego nai dabe wi siyu me ebo meni. Agai te bidi dabego wei ponabo usu nama nai deli me sabeo. Agai te nasi ebo bidi dabe nai mayu, te ugwa dabe meni yani bidi dabe te ugwa dabe mayu ebo dao," wali.

¹⁷ "Agai te magi nai meni yai bidi dabe dolobo se me isaşyu, tama agai te abagi dabede te wei ponobo mone gasa dali ugadu daganama me sabo meni. Agai eno tigidali bomai po, me eno gasa po dali wali pobaso, te tobage bidi te bugagia bidaibao. Mu tama, aga ayago te dwai se hauwa yali, tiali goli wai da, te ayago yali dwai seşede me isigobeo. ¹⁸ Aga ayago te gasa we bidi dabeba dwai se eyu, te anoma bomonama eyu, te augwaligo nai siyu, te tobage dwai kolesaga dabe yali. Tialima, aya aga yali se dagede te aga isimainao," wali.

¹⁹ "Tiali goli, dage Israelgo enabolo te tama po hanalu wali, 'Magi baso ogwago te aga ayago seşe tolabo usu egobe da po obawe?' Tialima, eno dagego po te tiwai wei ponobao. Te ogwago doloba pai kolesaga eyu, te eno bomai po tigidali wali pobaso da, teda aga bugagia bidaibao. ²⁰ Te seşe sali bidi, te aga naga isaibao. Te ayago seşe sai baso da, teda te ogwago mena dwai se me isaşwani, tama agai te ayago yali seşe tolabo usu munu me egobeo. Te ogwago dwai se ebaso da, teda ayago te magi dwai se me isaşbaso, te ogwago seşe agai me tologobeo. Doloba pai bidigo te aga yali doloba pai kolesagade te wiegi yai mone sabo tiwai eyu, te dwai se ebo bidigo te aga yali dwai kolesagade seşe tolobo dao," wali. †

²¹ "Tiali goli, te dwai bidi me deligo aga dwai se yali tagalama, te agai eno bomai po wali peyu, te doloba pai kolesaga naga ebaso da, teda mu tama, aga tede me isigobeo. Menio. Aga bugagia bidaibao. ²² Te agai polobadu yali dwai se eno homu kone ma palogobeo. Megi da, agai doloba pai kolesaga ebaso, te aga bugagia bidaibao. ²³ Ena God Genuai Bidi, eno dageba hanalu wabo homu yali, te dwai bidi me deli isibo sogo eno homu pemene eba homu dagego eba, agawe? Mu menio. Te bidi me deligo aga dwai se ebo tagalama,

bugagia bidibaso, tede eno wiegi yai pemene yaibao," wali.

²⁴ "Tiali goli, te doloba pai bidi me deligo te doloba pai kolesaga tagalama, te tobage eno godolo menişabo dwai dwai kolesaga eyu, te dwai bidi dabego ebo kolesaga tiwai ebaso da, teda aga bugagia bidaiba homu ebo da, agawe? Mu menio. Te eno agai wiegi yai kolesaga yalide homu kone munu ma palogobeo. Agai te enaba homugo keş pai kolesaga togolama, tama ena tudiba munama, te dwai se yali, tibaso te aga isimainao," wai dao. ²⁵ "Tiali goli, dagego te tama po obao, 'Genuai Bidigo ebo te kolesaga, te dolo meni,' wali. Tialima, dage Israelgo, eno po wabo bugagia odao. Dagego homude eno kolesaga te dolo meni da homu eba, agawe? Menio. Te dagego ebo kolesaga da, te dolo me ebe dao. ²⁶ Te doloba pai bidi-go te doloba pai kolesaga yali tagalama, te dwai kolesaga ebaso da, teda aga te yali dwai kolesaga pagede te aga isabo elalubao. ²⁷ Ma, te dwai se yali bidi aga te yali dwai kolesaga tagalu, te doloba pai kolesaga ebaso da, teda aga me isigobeo. Menio. Te aga bugagia bidaibao. ²⁸ Agai koneanio, te agai kolesaga wiegi yai isaşbaso, tibaso aga te dwai kolesaga tagalama, te wiegi yai kolesaga wali pali. Tiali da, te aga me isigobeo. Menio. Aga bugagia bidaibao. ²⁹ Tiali goli, eno te kolesaga wali pobaso, te dage Israelgo te po obao, eno kolesaga dolo meni po wali. Dagego eno kolesaga dolo meni da homu eba, agawe? Menio. Dagego kolesaga naga te dolo ebe dao," wali.

³⁰ "Megi da, ena God Genuai Bidi, eno dage Israelde po elalubao. Te eno dage po tş ilibo sogo te dage deli deligo kolesaga eno dagalaibao. Tama tibaso, dage homu begelama, ge neyu, dagego te ebo dwai kolesaga tigidali tagalao. Te dagego tama tibaso da, teda duga te yali dwai kolesagago dage me dologobeo. ³¹ Magi baso dage Israel isainu ebawe? Te dagego ebo dwai kolesaga tigidali te dagego tagalişo, te dagego poloba meda haliga elalubo kolesaga hasegelama, te dagego gesi noma haliga, me gesi noma mobo bidi sao. ³² Ena God Genuai Bidi, eno te bidi me deli, ma we, ma wai, te isibasoo eno homu pemene me ebeo. Tama tibaso, dagego te ge neyu, dwai se tagalama, te haliga begelama, te dage bugagia bidişo," te po walio.

Esekielgo hobede ebo balia yali

19 Godigo po enabolo walali, te Israel king side homu dene ebo e balia po wao po wali.

² "Nago ida te wiegi yai hasa laion sou mu da.

Agai te hasa laion omai dabe tomode bidu, tama agai aga wai dabe negelama, te augwali genuai pedelalio.

³ Aga ogwa me deli te wiegi yai ogwa bidi laion pedelali.

Idago agabolo te hasa gegebo kolesaga ola mani, tama nosali aga te bidi ela tubo hasa laion pedelalio.

⁴ Te tş kantri bidi dabe hauwago

te hasa laiongo ebo kolesaga po odali.

Augwaligo te tş dedage dogagaselama,

† 18:20 Bom 24:16

tama laion te t̄ dedageba tulaluali.
Augwaligo agai penane dilide
te gaŷ yai nai huk munama,
tama aga te t̄ kantri Isipba kekasa palio.”

⁵“Te aga idago aga ma asobo tonaluali sesabi mu yali,

tiali goli te wai ma begasa me
asisaŷbaso, aga homu seŷe yali.
Tialima, agai gasa ogwa me daŷ ilali,
tama aga me te wiegi yai boma pai
hasa laion tiwai pedelali.

⁶Aga genuai pedelama
te aga gasa hasa laion dabe dali uda wali,
tama idago agabolo te hasa gegebo
kolesaga ola mani,
tama nosali aga te bidi ela tubo hasa
laion pedelai dao.

⁷Agai augwaligo te bomai be dabe koneama,
tama aga pelama, te boi bidi dabego
taun dabe dolali.

Agai i hae umagia bomonama mu obaso,
te tigidali we bidi wi yai dao.

⁸Te tigidali pađe elaluali t̄ kantri pedai
bidi dabego te hasa laion dali boi hwjagasali.
Augwaligo te ba bono mubo wa munama, aga tola
salio.

⁹Augwaligo agai penane dilide te gaŷ yai
huk munama, te aga kekasa pali.
Augwaligo aga te halobage me delide kalabus elama,
tama augwaligo aga te Babilon kingba odasa pali.
Augwaligo aga te bomai kalabusiba muani,
te aga te Israel bulu du dabeba wi ma
painu ebo usu egobeo.
Tama te we bidi dabe augwaligo
agai i wabo ma odogobeo.”

¹⁰“Dage si, duga ida aga te wain ni tiwai
augwaligo te aŷ sesege pađe bulali.
Tama te ni genuai pedelama,
tama nologo hauwa elama, te nai du hauwa walali.

¹¹Te ni nologo dabe boma pelama,
tama augwaligo te nologogo
te kingo tolasa bilibo dono nigibaso, usu yaibao.
Te ni bobage mu holama,
te pađe dagalu diagulainu yali.

Tigidali we bidigo suali, aga bobage mu holali,
te nologo me yabe hauwa elaluai dao.

¹²Tiali goli, te bidi dabego wado po weyu,
aga maga gudulama, te aga t̄ba degelai.
Te giliga asobo badu te posolai wali aselama,
te agai wai dabe tigidali boga pai.
Te bidi dabego te ni nologo tigidali tologolama,
tama te ni nologo dabe sasiasa pali
te augwaligo isiba ulai dao.

¹³Tama augwaligo te ni te wa pai buluba
mu sela pelama,
tama augwaligo te aŷ meni yai t̄de bulalio.

¹⁴Isi te ni pedelama, te ni nologo tigidali
dobadi, te ni wai du dabe me dalio.
Tama te bomai nologo me elalusiawai,
te kingo tolasa bilibo dono tiwai
pedelabo ni nologo tiwai me pedalubeo.

E po da, te homu dene ebo balia po da. Te balia po
augwaligo hauwa sogo odu geaibao,” wali.

Israel dabe augwaligo God wali me pabeo wali

20 Da te Babilonde bidibadi te kibu be 7 wabode,
tama te kibu bede, te polua a naga, te dei nogo
si wabode, te Israel tobolu bidi dabe augwali ena Es-
ekiel pageba duayagasali. Augwaligo homude po me
deli elalubaso, te augwaligo enaba hanaluama, te
Genuai Bidigo homu mena tama elalubo page
koneainu yai dao. ²Tialima, Genuai Bidigo enabolo te
tama po walio, ³“T̄de bidio, nago eno e po te Israel
tobolu bidi dabe augwaliba mao. ‘Ena God, Genuai Bi-
di, eno dage tobolu bidiba te tama po obao. Dagego
eno homu mena tama elalubo koneainu asali po oba,
agawe? Ena te Sesemane Bidibo God da, eno po dolo
dagebolo obao, dage odolali naga asalio. Eno dagego
hanalubo po deli wei me ponogobeo. Ena God Genuai
Bidi, eno te po wai dao.’ Te po augwalibolo mao,” wali.

⁴“T̄de bidio, nago augwali po t̄ ilaibawe? Awe, eno
homugo nago te bidi dabe po t̄ ilao. Te augwa w̄j
n̄y dabego dwai kugumini yai kolesaga yali ma homu
kone palao, nago te po augwaliba walao. ⁵Augwaliba
tama po wao, ‘Ena God Genuai Bidi, dage Israel dabe
ena hani we bidi dabe pedalumainu daŷ ilali sogo, te
eno duga w̄j n̄y dabe dali dila pai bomai po daŷ
wali. Augwali te Isipde bidibadi, ena digi ena augwali-
ba ola menama, te eno tama po wai, “Ena digi ena
God, dagego Genuai Bidi dao,” te po wai dao. ⁶Tama
te sogo eno dila pai bomai po augwali dali daŷ olama,
te augwali eno Isipde selama, te eno augwaliba ma-
iabo te daŷ ilali t̄ba odasa asali. Te t̄ te polalubo sawi
yai t̄ mu elaluali, te gasa badu t̄ pedai tigidali aiyaba
elaluali. Te t̄go ili hauwa elalu, te nai wiegi yai mu ho-
lai dao. ⁷Te eno augwaliba te tama po wali, tigidaliba
te tama po wali, tigidali deli deligo te augwaligo
godolo mu ebo te Isipgo tibo god dabe sela saŷao wai.
Eno te po augwaliba waliyu, augwaligo te dwai nai
dabeba lotu weyu, te ena God, augwa Genuai Bidi, eno
gedude augwa digi meda ilibao wali. ⁸Eno augwaliba
te tama po walali, tiali goli te bidi me deli mego te po
me odobeo. Menio. Tigidaligo eno po sela saŷu, tama
augwaligo te Isip dabego tibo god dabe sela saŷeo.
Tama tibaso, te augwali Isipde bidali sogo te eno hali-
ga seŷe dwai mu augwaliba eyu, te pađe eno haliga
seŷe yali usu nama, augwaliba te dwai dene magi dao.
⁹Tialima, eno te seŷawani, magi baso meni, tego eno
nogi aiyaba elaluidali weyu yali. Eno te Israel augwali-
ba te tama bomo yai po daŷ walama, te eno augwali
eno Isipde selama, odasa asaibao wali. Tama eno te
daŷ wabo bomai po te gasa hani we bidi gedude daŷ
wali, te Israel augwali tomode bidali. Eno te daŷ wali

bomai po wali pişabaso da, teda ena digi ena nogi te augwaligo gedude aiyaba elalueibao,' te po wao," wali.

¹⁰ "Tama tibaso, eno te Israel dabe te Isipde selama, te t̄o wa pai buluba odasa asai dao. ¹¹ Te eno po augwaliba mayu, te eno bomai po augwali ola mawai. Te bugagia bidabo homu ebo we bidi dabe da, augwaligo te bomai po wali peyu, bugagia bidaibao. ¹² Tama eno te Sabat side bodolu muani, te eno po daŋ walobo daŋ tiwai augwali dali yali. Augwali te side toma neyu, tama augwa te tiwai konemainu yali, ena Genuai Bidigo eno augwali ena wiegi yai we bidi dabe pedalubo s̄ yalio. ^{†13} Tiali goli, te masigi t̄o wa pai bulude me, augwaligo eno po sela saŋani. Augwaligo eno po wali pabo hagela homu elama, te augwaligo eno bomu yai po dabe sela saŋani, te bomu yai po dabe augwaligo wali peyu, te augwali bugagia bidimainu yali. Tama te Sabat side bomu yai po mu augwaligo bolalio. Tama tibaso, haliga s̄beŋ dwai mu augwaliba elama, te pađe eno augwali te masigi t̄o wa pai bulude dwai dene menama, te augwali tigidalali dolainu yai digi dao. ^{††14} Tialima, eno te tiwai s̄ isawani, magi baso meni, te tama s̄go eno ena nogi te gasa hani dabe gedude aiyaba elalueiba homu yali. Eno te Israel dabe augwali te Isipde selama, odasa asobo augwaligo suali, tialima eno te Israel dabe me dolobeo. ¹⁵ Tialima, Israel dabe augwali te masigi t̄o wa pai bulude bidali sogo, te eno po bomu yai augwaliba weyu, eno augwali daŋ ilali, te wiegi yai sawi yai t̄ba augwali odasa pabo usu mu me egobeo wali. Te polalubo t̄o mu te t̄o ili hauwa mu elalu, te gasa t̄o dabe aiyaba mu elaluai dao," te po wai. ^{†16} "Eno te po page e tiwai da, augwaligo eno po wali pabo homu me ebeo. Menio. Augwaligo te augwa tibo god dabeba naga lotu wabo homu yali. Tialima, augwaligo eno bomu yai po bolobo s̄ eyu, tama te Sabat side bodolu muani bomu yai po me sela saŋu yai dao."

¹⁷ "Tiali goli, eno augwali homu dene me ebaso, te augwali masigi t̄o wa pai bulude bidali sogo te eno augwali mu sia somainogo ebeo. ¹⁸ Tialima, eno te augwa hani wai dabeba te tama po walali, 'Dagego te duga aya dabego yali dwai kolesaga wali peyu, tama dagego te augwaligo tibo god dabeba lotu weyu, te duga digi eno gedude meda pedalubo s̄ elamu dao. ¹⁹ Ena digi ena God, duga Genuai Bidi da, tama eno tigidalali po, me eno bomu yai po dali bugagia wali pao,' te po walio. ²⁰ 'Dagego te haniani Sabat bodolu side bugagia homu kone palama, te gasagi yai tedali sogo da homu eyu, te eno bodolu side tiwai mu daŋ ilao. Te bodolu side te eno dage dali bomai po daŋ walobo daŋ tiwai yali. Dage te bodolu side toma neyu, tama dagego te tiwai bugagia koneama, ena digi ena God, dagego Genuai Bidi da,' eno te po wai dao," wali.

²¹ "Eno te tiwai po augwaliba wali, tiali goli te we bidi hanigo me ena dali hagoma yali. Te augwaligo eno po wali me pişama, te augwaligo eno bomu yai po dabe bolali, te bomu yai po dabe te augwaligo wali pigi sogo da, te augwali bugagia bidigi da. Tama augwaligo

te Sabat side bomu yai po mu bolali. Tialima, eno haliga s̄beŋ dwai mu augwaliba elama, te pađe eno dwai dene menama, te augwali tigidalali mu dolabo homu yai dao. ²² Tiali goli, eno tama tebeo, magi baso meni, te tiwai eyu da, te gasa hani we bidi dabego gedude te eno nogi aiyaba elaluidali homu yali. Te hani dabego eno te Israel dabe Isip t̄o kantride selama, odasa asobo suali, tibaso eno te Israel dabe dolainu yali homu hagela yai. ²³ Tialima, eno te tiwai po bomonama wali, te eno augwali sela saŋama, te t̄o pedai tigidaliba tedela palaibao walio. ^{†24} Eno te po wali, magi baso meni, augwaligo eno po sela saŋani. Tama augwaligo te Sabat side bomu yai po, me gasa bomai po dabe dali bolama, tama augwaligo te augwa waŋ n̄oŋ dabego tibo god dabeba lotu wabo homu bomonama mu yali," wali.

²⁵ "Tama me, eno gasa tobage po me te dwai bomai po meba augwaliba mani, te bomai pogo augwali tau selama, bugagia me bidigobeo wali. ²⁶ Te eno augwa te tibo god dabeba ofa emainu sula tagalu, te augwa eno gedude meda pedalubo s̄ ilali. Te augwa gomunai ogwa dabe te tibo godiba ofa tiwai yainu te elebo eno sula tagalali. Te augwa tama s̄ emainu eno sula tagalali, magi baso meni, augwa te tebo kolesagade te augwa dwai noma siyu, hagela mu yabo s̄ eno digi ilali. Te augwa te tiwai bugagia koneama, ena digi ena Genuai Bidi da omainu yai dao," wali.

Godigo te Israel dabego te agai po wali pişabo kolesaga tagalomai ilali

²⁷ Genuai Bidigo po te tiwai ma wali, "T̄ođe bidio, eno homugo nago eno po te Israel dabeba momainu yali. Te po e tiwai dao, 'Ena God Genuai Bidi, eno po dage Israelde elalubao. Te duga waŋ n̄oŋ dabego gasa dwai kolesaga me eyu, te augwaligo eno po sela saŋama, te eno nogi aiyaba mu elaluali. Te kolesaga te tiwai dao. ²⁸ Te eno augwali mawaibao olama po daŋ wali t̄ba te augwali odasa asali sogo, augwaligo te genuai ni dabe te genuai bulu du dabe sulama, te augwaligo te homu eyu, te tibo god dabeba lotu wabo pesage dabe wiegi yai elaluba homu yali. Tama augwaligo te hasa dabe me wain dabe hauwa seselama, augwaligo ofa yali, te tiali kolesagade augwaligo ena haliga s̄beŋ dwai mu ilai dao. ²⁹ Tialima, eno te tiwai augwaliba hanalu wali, "Magi baso dage te bulu du ugaba mu pelama, te tibo god dabeba lotu wagulubawe?" Tialima, te Israel dabego te lotu wabo pesage dabe augwaligo te tiwai nogi yali, "Te uganu elalubo pesage mu dao," augwaligo te po walio,' eno po te Israel dabeba mao," wali.

³⁰ "Megi da, dage Israelde eno po elalubao. Dagego te duga waŋ n̄oŋ dabego tibo god dabe wali pobao. Magi baso dagego augwaligo te dwai kolesaga wali pabo dawo? ³¹ Dagego te tibo god dabeba ofa ebo s̄ me idubao. Dagego me te duga wai dabe elama, augwaliba ofa ebo dao. Te tebo kolesagade dage eno gedude meda yai mu pedelebao. Tialima, dage Israel hale dwasianu me isama, te eno mena homu elalubo

† 20:12 Sai 31:13-17 †† 20:13 Prs 18:5 ‡ 20:15 Nam 14:26-35

†† 20:23 Prs 26:33

te hania koneainu dage enaba asobo sę idubao. Tiali goli, dage odolali asobao. Ena God Genuai Bidi, ena sesemane sogo bidaibao, eno po dolo mu megi dage-bolo obao, eno dagego hanalu wali po deli wei me ponogobeo," wali.

³² "Dage te gasa tų kantri we bidi dabe tiwai mu pedelabo homu godolo eyu, te bagego te ni dabeba me masigi dabeba lotu obao. Tialima, eno dage te tiwai pedalumainu me egobeo. Mu menio. ³³ Ena God Genuai Bidi, ena sesemane sogo bidaibao, eno dageba te tiwai po bomonama obao. Eno dagede haliga sębę eyu, ena digi ena dagego king pedelama, te eno dageba dwai dene mayu, te dage eno bomonama umagia tonalueibao. ³⁴ Megi dage te tų kantri hauwade te kalabus bidada pobao, tialima eno dage te bulu dabede bidali ma oda selama, te deliba sisi-naibao. Te eno haliga sębę ebo bomo dali, te eno dageba dene mabo kolesaga dali dageba pedalubo koneagameo. ³⁵ Dage te sisinabo pesage da, te masigi kemi wa pai bulu da, aga nogi e tiwai elaluali, 'Te Tigidali We Bidi Hanigo Wa Pai Bulu Pesage dao.' Tama tede eno dage te duga yali dwai kolesagade po tų ilaibao, ³⁶ te eno duga wai nõų dabe te masigi kemi tų wa pai bulu du Sainaide bidali sogo, te augwali eno po tų ela mani tiwai yaibao. Ena God Genuai Bidi, eno tama po wai dao," wali.

³⁷ "Tama te bulude te dagego eno bomo yai daų wali po wali pomainogo yaibao. Te eno dage deli deligo kolesaga dagalaibao. ³⁸ Tama eno te hagoma ebo bidi dabe me, te dwai sęęę elalubo bidi dabe me sela şana-ma, te augwali dage tomode munu ma bidimainu me egobeo. Te eno dage Israel tigidali te kalabus bidali bulude selama, dage te po tų ebo madi odasa asaibao, tiali goli te hagoma eyu dwai sę ebo bidi dabe, augwali Israelgo te tųba me pogobeo. Eno te tiwai ebaso, te dagego bugagia koneama, ena digi ena Genuai Bidi da waibao," wali.

³⁹ "Te dage Israel hani da, ena, God Genuai Bidi, eno te tama po te dageba obao, te dagego homu godolo ebo wida, dagego duga te tibo god dabe wali pao. Tegobao, te dagego godolo yali homu simina ela siminao. Tiali goli, dagego te tiwai ebaso da, teda nosali dagego eno po odoyu, mu wali paibao. Dagego te duga tibo god dabeba ofa eyu, eno nogi da aiyaba munu me elalugobe dao," wali.

⁴⁰ "Magi baso meni. Te ena God Genuai Bidi, eno tama po obao. Te po tų yali tudi badu, dage eno we bidi te Israel eno tųba ma pelama, te dage tigidaligo enaba te genuai tedali gasagi yai bulu dude digi lotu obaso, te eno dageba wiegi yai homu pemene yaibao. Te dagego enaba wiegi yai homu eyu, polasa inayai wiegi yai ofa yabo nai dabe selama aselama, te dagego enabolo maiagameo," te po wai dao.

⁴¹ "Te dage bidali tų kantri dabede eno dage selama, tama dage ena te bulu duba odasa asobo sogo da, teda eno bugai haliga pemene dageba eyu, te eno wiegi yai ofa ebo denami ebaso pemene homu ebo tiwai yaibao. Te gasa hani bagego eno te tama sę dageba

ebo sulama, te tiwai augwaligo koneyu, eno kolesaga te dolo mu ebao po waibao. ⁴² Te eno duga wai nõų dabeba mawaiba olama, te bomo yai po daų wali tųde dage te dugulalubo sogo da, teda dagego te tiwai bugagia koneaibao, ena digi ena Genuai Bidi da po waibao. ⁴³ Tama dagego duga te tobage dwai kugumi-ni yai kolesaga dabe eyu, dage te eno gedude meda pedelali teba homu kone palaibao. Tama duga te yali dwai kolesaga dabede dage hale mu yaibao. ⁴⁴ Dagego te tiwai bugagia koneaibao, eno dagego te dwai kolesaga yali sę pagede wei ponobo sę dolo me ebeo. Menio. Eno ena wiegi yai nogide homu kone palama, te eno dageba wiegi yai sę mu yali. Tama dagego te tiwai bugagia koneaibao, ena digi ena Genuai Bidi da. Ena God Genuai Bidigo, eno te po wai dao," wali.

Isi te saut badu pedelaibao wali

⁴⁵ Genuai Bidigo enabolo te tiwai po walio, ⁴⁶ "Tųde bidio, eno homugo nago te saut pedai badu tonalu, nago te tų kantri dali, te buluba me, wado ilao," po wai. ⁴⁷ "Nago te buluba po walu, te Genuai Bidi, ena Godigo poba olo bugagia muao po walao. Eno po e tiwai, 'Odao. Eno isi nogobao, te siago nago ni tigidali daibao, te sasia pai dabe, ma sasisawai me, tagalao. Te mena nai me deligo te isi sula sawainu ebo usu egobeo. Te isi dabo te saut badu gagalama, te not badu pedaiba usu nigi pelama, te isigo tigidali we bidigo tigi posolo yaibao. ⁴⁸ Tigidaligo te tiwai ebo koneama, ena Genuai Bidi, eno te isi nogali, te mena bidi me deligo te isi sula sawainu ebo usu me egobeo,' te po wao," te po wai dao. ⁴⁹ Genuai Bidigo po ola simanobo si da, tialima eno te tama po wei ponani, "Hobede ya, God Genuai Bidio, eno te po augwalibolo pusubo si, magi yaibawe? Tigidali we bidigo eno te tobage begelama pusubo po odobo hagela ebo dao." Ena Esekiel eno te po wali.

Godigo Israel dabe agai bainat hwągo elaibao wali

21 Genuai Bidigo enabolo te tiwai po wali, ² "Tųde bidio, nago te giliga degasa pabo badu te Jerusalemba tonama, te Israel we bidi augwali po tų ilibo po weyu, augwali te dwai sę ebo we bidi da po wao. Tama me augwaligo te tibo god dabeba lotu wabo pesage dabe eno godolo homu me egobe dao, te po me wao. ³ Ena Genuai Bidigo te po augwaliba mao, 'Ena dage Israelgo boi bidi pedaliyu, te eno bainat hwąga bulubo bedu selama, te dage tigidali elaibao, te dage dwai we bidi, ma dage dwagi yai we bidi, te eno me sula tagalogobeo. ⁴ Te eno bainat hwągo dage enama, dage tigidali ela mueibao, te saut badu gagalasa, te not badu pedaiba usu nugi paibao. ⁵ Tama tigidali we bidi te tiwai koneagameo, ena Genuai Bidigo digi, eno ena bainat hwą selama, tama eno te bainat hwąga bulubo beba ma bulugobeo. Menio. Te eno dage dene mayu, ela silaibao,' eno te po nago augwalibolo pusao," Genuai Bidigo enabolo te po wai.

⁶ Genuai Bidigo po wadolama, te tiwai wali, "Tõde bidio, nage te pepeli diliba pelama, te bomonama, hwaŵa wao, te nago homu hobolu du alua pabo tiwai yao, te tigidali bidigo sumainao. ⁷ Te augwaligo nage hanalu magi baso nago te tiwai hwaŵa obawe po obaso da, teda nago augwaliba te tiwai po walao, 'Genuai seŵe mu pedelainu ebaso, te ena hwaŵa obao,' po wao. 'Te sogo dage wi dwai mu eyu, te dagego saŵa didibili elama, te dage bomo mu meni yaibao. Te dwai sogo megi da pedelainu ebaso. Te Genuai Bidi Godigo po dao.' Nago augwalibolo te po wao," wali.

⁸ Tialima, Genuai Bidigo enabolo te tiwai po ma wali, ⁹ "Tõde bidio, megi eno nagebolo te po digi po begelama ela mani po pusao. Ena Genuai Bidi, eno tama po obao. Bainat hwaŵ me deli elalubao. Augwaligo te hwaŵ elego bugagia dulama, te meda bugagia holali. ¹⁰ Te hwaŵ poa pai mu pedelali, te gegemani ula emainu augwaligo meda holali, te dagalu ula tiwai yali. Dage eno we bidi dabe, dagego homugo te dage bugagia bidaiba homu eyu, te wiegi yai pemene eba, agawe? Mu menio. Eno dila pai po dageba mani, tiali goli dagego hagoma ebo se me iduai dao. ¹¹ Megi tama augwaligo te bainat hwaŵ meda holobao, te agai bidi elabo sisi elalubao. Augwaligo te elego dulama, meda hola silai elalubao, tialima augwaligo te we bidi dabe elabo bidi nogoba muaiba. ¹² Tõde bidio, nago i hae weyu, hobede ebo gela wao, magi baso meni, te bainat hwaŵo te Israel dabe polalubo bidi dabe eleyu, te eno we bidi dabe dali elaibao. Nago gela weyu, te bidigo hobede mu yabo kolesaga yao. ¹³ Megi da, eno ena we bidi dabe usu sabo seŵe mu yaibao. Te augwaligo augwa dwai seŵe ebo kolesaga me tagalişbaso da, teda ena God Genuai Bidi, eno po dolo obao, te tigidali seŵe augwaliba pedelaiba," po walio.

¹⁴ "Tõde bidio, eno po te tiwai pusao. Nago nogo bada elu, megi da te bainat hwaŵo te we bidi dabe elebo gagalobao. Te bainat hwaŵo augwali pobelama, te hauwa elebo dao. ¹⁵ Te bainat hwaŵo te taun sunumi tigidalide tonalu, te we bidi dabe wi ilama, te hauwa ela mubao. Te bainat hwaŵ gegemani umagi mu eyu, te dagalu be sele ula tiwai eyu, te bidi dabe ela muabo sisi elaluai dao. ¹⁶ Nage bainat hwaŵ, nage te tigidali badu pelama, te we bidi dabe ela muao. ¹⁷ Te eno digi me, eno nogo bada elama, te eno haliga seŵe yali usu naibao. Ena Genuai Bidigo eno tama po wai dao," wali.

Babilon kingo te Jerusalemba boi hwaŵ yagasaibao wali

¹⁸ Genuai Bidigo enabolo po weyu, te tama po wai dao, ¹⁹⁻²⁰ "Tõde bidio, nago te tõ kantri me deliba asabo sunumi daŵ ilao, te bulu me delide te sunumi tunu mage si badu pedasa palio. Te Raba teba pabo sunumi me deli elaluaibao, te Amon dabego genuai taun da. Te sunumi me deli te Jerusalemba pabo elaluaibao, te masigigo nigai bomai obo elalubo taun, te tõ Juda kantrigo genuai taun da. Tialima, nago te sunumi age side te koneabo po aşao. Te Raba taunba pabo sunumidu te gasa daŵ ilibo po aşeyu, te Jerusalem taunba pabo sunumidu te gasa daŵ ebo po aşao. Te

Babilon kingo agai ami bidi dabego dali te bainat hwaŵ selama, tama augwaligo te sunumi wali asu, tama te sunumi mage siba sabolaibao. ²¹ Tama kingo agai te mena sunumidu pabo konesiawai, tibaso agai te hanilibo seŵe ebo kolesaga yaibao. Hasia bolo agai te ene beledide elaluali ene dabe memenege ilaibao. Gasa enego te Raba taunba nogo tũ eyu, te gasa ene mego te Jerusalem taunba nogo tũ iliyu, te kingo deli naga sabo homu yaibao. Te agai tibo god dabeba me hanalu olama, tama nosali agai te elali kibu hasago homu hobolu duba bugagia tonaluama, te augwa ofa yainu elali hasa dao. ²² Tialima, kingo te dolo nogo badu sali enego, te taun Jerusalem daŵ eyu, nogo tũ ilaibao, tama agai te tiwai koneyu, augwaligo te Jerusalem taunba boi hwaŵi paiba homu yaibao. Tama augwali te Jerusalemba dolo pelama, te taun bagulali sunumi aluabo masin dabe nigilama, augwali peyu, te we bidi dabe elainu yaibao. Te masin nigali simanobo si da, teda te ami dabego i hae bomonama weyu, te taun sunumi alumainu te masin pogolobo seŵe yaibao. Augwaligo te obode tõ du holama, te Jerusalem bagulama, te moni hanude bidibo bage dali haniani hwaŵi kolesaga yaibao," wali.

²³ "Nago te po Israel dabeba pusaibao, tiali goli augwaligo te po da te tibo po oba homu elama, te Babilon kingo augwaliba boi hwaŵagasogobe da homu yaibao, magi baso meni, augwali te agai dologode bidabo bomo yai po daŵ wai da, te homu yali. Tialima, augwaligo dwai kolesaga hauwa ebaso, te king asama, augwali kalabus yagasomainu eno sula tagalaibao. Te agai asobo augwaligo subo sogo da, teda augwa te tiwai koneaibao, augwa digi yali seŵe dage te dwai seŵe pedaluba homu yaibao," te po wali.

²⁴ "Tialima, dage Israelde, ena God Genuai Bidigo eno po dagede elalubao. Sesemane sogo dagego dwai seŵe ebaso, te eno dagego te ebo kolesagade homu kone me gegeda palobeo. Tigidali bidigo dagego dwai seŵe ebo koneani, magi baso meni, dagego te kolesaga bulu ulade hanilama ebaso. Dage dwai seŵe ebo seŵe genuai elalubaso, tialima eno te boi bidi dabego boi hwaŵagasomainu sula tagalama, te dage kalabus emainu yaibao," wali.

²⁵ "Israel kingo, nago eno po sela sayu, dwai kolesaga mu ebo bidi da. Te eno nago ebo dwai seŵe tigidali wei ponabo sogo megi pedelalio. ²⁶ Ena God Genuai Bidi, eno te po obao, nage te kingo munu me bidilamuo. Tialima, nago te kingo madi me, te tobolude bagulali ugwa nami me, peda muao. Megi da, eno te tigidali nai hasegelebo seŵe ebaso. Te olo bidali bidi dabe te genuai bidi pedalu, te genuai bidi bidali bidi da, te olo bidali bidi tiwai pedelaibao. ²⁷ Te dwai mu dolai elalubao! Te bidi dabego polobadu susawani kolesagade, te Jerusalem mu dolaibao. E bulu pesage olo tama elalubadi, te bidi me deli asobo sogoba usu naibao. Eno te bidi sa munama, agai te Jerusalem tonalumainogo, eno te taun agabolo mawaibao," wali.

Godigo te Amon dabe dolaibao wali po

²⁸ Genuai Bidigo po ma weyu, te tama wali, "Tode bidio, eno homugo nago po me deli te Amon dabe pusao homu ebao, te augwaligo Israel dabeba dwai po wabo bidi dabe da. Ena God Genuai Bidigo eno te tama po augwaliba obao. Augwaligo eno bainat hwa meda bugagia mu holama, te gegemani ula gasagi yai eyu, te dula gegemani ula tiwai yali. Tama agai te bidi elabo sisi elalubao," wai dao. ²⁹ "Dage Amon dabego te nade subo nai tiwai sulama, tama dagego te tama po pusali, dagego digi te bainat hwa nogo tolama, te eno po sela sayu dwai kolesaga ebo bidi dabe elaiba wali. Tialima, te yali na tigidali, me te profet po wali, te tibo po naga po walio. Te mu da, te bidi dabego yali dwai se wei ponabo sogo te pedelalio, tialima te se dagego me egobe dao," wali.

³⁰ "Nebukatnesar, nago te bainat aga bulali beba ma bulao. Te eno dage te duga page bulude digi dolo po tu ilaibao. ³¹ Eno dagede haliga sebe ebaso, te dage eno dolaibao, te genuai isi bogoligo te kala isi dala sabo tiwai yaibao. Tama eno te bidi dabe dolobo koneai bidi dabe tagala palama, te augwali aselama, dageba dwai dene magasaibao. Te bidi dabego te gasa bidi dabeba dwai kolesaga ebo godolo mu ebo dao. ³² Tama dage te isigo sia ulama, te dela silibo tiwai yaibao. Dagego kaneme te duga tode digi gelaibao. Te mena bidi deligo dage homu kone ma palogobeo. Ena Genuai Bidi, eno te po wai dao," te po wali. †

Jerusalem dabego dwai se hauwa yali

22 Genuai Bidigo enabolo te tiwai po wali, ² "Tode bidio, eno homugo nago te Jerusalem we bidi po tu ila homu ebao. Augwaligo te bidi hauwa ela muani. Nago augwa te yali dwai kugumini yai kolesagade augwali po tu ilagameo po wao. ³ Eno po te tiwai obao, 'Ena God Genuai Bidi, eno dage Israelde po elalubao. Dagego duga we bidi digi hauwa ela muani. Te dagego te tibo god dabeba lotu weyu, te duga digi eno gedude meda yai mu pedalubao. Tialima, te dage dolabo sogo paba yagasai dao. ⁴ Dagego te dwai kolesaga dabe yaligo, te dagede sege elalubao. Tialima, dwasianu sogo naga elalubao, tama dage dolaibao. Te pagede naga tama, te gasa hani we bidi dabego dage gisugu mayu, te dageba posobo po omainu te eno sula tagalaibao. ⁵ Te gasa hani te digibulu bidibo, me pade bidibo bage dabe, augwaligo koneani, dage te tobage dwai kolesaga ebo we bidi da homu eyu, te augwaligo dageba posobo po waibao,' te po augwalibolo wao," wali.

⁶ "Te Israel polalubo bidi dabe, augwali tigidaligo te augwa bomode tigidali se ebo usu da homu yali. Tiyu, augwaligo te bidi dabe ela mubo se yai dao. ⁷ Te Jerusalem taunde mena bidi me deligo te aga aya ida po dologoba me pabeo. Te dage dali bidibo gasa to

kantri bidi dabeba dagego dwai se ebao. Te wilawe we dabeba te dagego dwai se yali, te tiana wai dabeba me te tiwai dwai se ebo dao. ^{††8} Dagego te homu eyu, enaba te lotu wabo nai dabe te olo nai da homu ebao. Tama me, dagego te Sabat bodolu muani side bomu yai po mu bolobo dao. ^{†9} Dage bidi mebago tibo po gasa bidi dabeba kisilama weyu, te po tode augwali isimaina po omainu tebao. Te meba te tibo god dabeba lotu wabo pesageba pelama, te ofa ebo kibu mi dabe tubo da. Te mebago te lotu wabo pesagede penani se ebo dao. ^{†10} Mebago te augwa ayago we dali pagela piali. Te meba bidi dabego te augwa we dabe te poluago elali gasi elalubadi bomu elama, pagela piai dao. ^{†11} Te mebago gasa bidigo we dali penani eyu, te mebago hale isiayu, augwa ogwago we dabe dali pagela piyu yali, te mebago augwa ayago wegi dali pagela pialio. ^{††12} Te mebago augwa abagi dabe ela muabo mone sabo dao. Te mebago augwa abagi dabego te negeli ilali wei augwaliba ponobo sogo te gasa ugwado daganobo mone dali sabo dao. Te mebago augwa abagi dabe wi ilibo se elama, te augwaligo mone kekebo se yalio. Dagego te ena God Genuai Bidi homu kone isama, kegeda pali da,' te po augwalibolo wao," wali. ††

^{†3} "Eno wado po te dage nai wi sabo bidi dabeba, me te gasa bidi ela mubo bidi dabe, dageba eno wado ilaibao. Tialima, eno nogo bada bomonama eleyu, te eno dwai dene dageba mawaibao. ^{†4} Te sogo dage wi dwai mu eyu, te dage dili elama, me dolalugobeo. Mu menio. Ena Genuai Bidi, eno te ena wali po tiwai gilama yaibao. ^{†5} Te dage eno tigidali to kantri pedaiba tagala palaibao. Tama eno dagego duga te dwai kolesaga tigidali tagalomainu ilaibao. ^{†6} Dagego te ebo kolesagago te duga nogi aiyaba elalubaso, tama te tiwai dagego bugagia koneyu, ena digi ena Genuai Bidi da po wagameo,' nago te po te we bidibolo pusao," Genuai Bidigo te po wali.

Godigo haliga sebe te genuai sia dabo tiwai yali

^{†7} Genuai Bidigo te tiwai po enabolo ma weyu, te tama wali, ^{†8} "Tode bidio, te Israel we bidi dabe augwali eno hagela mu ebao. Te bidi dabego te kapa nogi silva elalubo masigide te silva sainu eyu, te genuai isiba ulama, te dwai hogomu sela sabo dao. Te Israel we bidi dabe augwali te sela sabo dwai nai naga tiwai dao, eno gedude. Bidi dabe augwaligo te tiwai pobe bage hogomu selama, sayu naga ebo dao. ^{†9} Tialima, dage Israel, te ena God Genuai Bidigo e po odiao. Dage da, te bidi dabego te silva isiba ulama, te pobe bage hogomu tiwai ebao. Tialima, eno dage tigidali te Jerusalemba odasa pelama, te dwai dene dageba mawaibao. ^{†20} Eno haliga sebe da, te genuai isi dabo tiwai ebao. Te dage eno ulaibao, te bidi dabego te masigi dabe genuai isiba ulama, te silva sainu ebo tiwai ebao. Augwaligo te isi ponobaso, te isi bogoli umagi

† 21:32 Jer 49:1-6; Ese 25:1-7; Amo 1:3-15; Sef 2:8-11

†† 22:7 Sai 20:12; 22:21-22; Bom 5:16; 24:17 † 22:8 Prs 19:30; 26:2 †† 22:11 Prs 18:7-20 †† 22:12 Sai 22:25; 23:8; Prs 25:36-37; Bom 16:19; 23:19

posolo yai mu pedelama, tama silva te aĵ tiwai ped-alubo dao. Tama eno dageba te tiwai yaibao. ²¹ Mu tamao, eno dageba haliga şeĵe ebao. Tialima, dage eno te Jerusalemba sisinama, te dageba dwai dene ilaibao. Eno haliga şeĵe te genuai isi dabo tiwai pedelama, te dage mu ulaibao. ²² Te dagego eno bomo asobo hania mu sueibao. Te sogo dagego te tiwai bugagia koneyu, ena digi eno dageba dwai dene mabo dao," Genuai Bidigo te po wali.

Te Israel polalubo bidi dabego dwai kolesaga yali

²³ Genuai Bidigo po ma wadolama, te tiwai po wali, ²⁴ "Tĵde bidio, nago te Israel dabeba te po walao, augwaligo dwai kolesaga hauwa eyu, te augwaligo tĵ eno gedude meda pedelali. Tialima, eno haliga şeĵe dwai mu augwaliba eyu, eno te tulubage paliama, te kalaba tulubage me paliama, te dene mabo şe augwaliba mobao. ²⁵ Te profet dabego dwai kolesaga po mia selama, augwali te laion dabego te hasa ela munama, te hasa dili tologa tuyu i wabo tiwai yali. Te bidi dabego te augwa abagi dabe hauwa ela munama, tama augwa te abagi dabego mone me doado bage sali. Tama te isali bidi dabego we dabe sibi, augwaduba odolo bidibao. ²⁶ Te pris dabego eno bomai po bolama, tama augwaligo homugo enaba te lotu wabo nai te olo nai tiwai da homu yali. Augwaligo te tobage deli kolesaga eno nai dabeba eyu, te augwaligo eno nai da weyu, sa musiawai naiba ebo kolesaga tiwai yalio. Tama eno gedude te mena nai dabe te meda meni yai, me te mena nai dabe te meda yai da, te po te we bidi dabeba bugagia me ola mabo meni. Tama tiyu, augwaligo te Sabat side bomu yai po me wali pabo meni. Tama augwaligo te tama tebo kolesaga tigidalide te ena nogi aiyaba elaluai dao," wali. †

²⁷ "Te gegunai bidi dabe augwali te bulu uni yowi dabe tiwai eyu, te hasa elama, te tologolama tubo şe tiwai yali. Te gegunai bidi dabe augwaligo te mone me doado bage hauwa sabo homu eyu, te bidi dabe augwali ela munama, te augwaligo doado bage sabo dao. ²⁸ Te we bidi dabe augwaligo dwai kolesaga ebaso, te profet dabego wado po augwaliba wabeo. Menio. Augwa te tama po wabo dao, te we bidi dabego wiegi yai kolesaga naga ebao wabo. Te wabo pogo te we bidi dabego dwai şe ebo geme dualubo dao. Te profet augwali da, te dila pişawai obo nide te tedela yai pen pilibo bidi dabe tiwai elama, te bidi dabego te dila pai obo da homu emainu yalio. Augwaligo na dabe yali, te tibo na naga yali, augwaligo te pedelaiba po wali nai dabe, te me pedalubeo. Te profet dabego te po weyu, te God Genuai Bidi eno po pusabao wali, tiali goli eno po me deli augwaliba me mabeo. ²⁹ Te bidi dabego augwa abagi dabe wi ilama, te augwaligo mone doado bage bisigi elama sabo dao. Te augwaligo nai dabe me wi siyu ebo dao. Augwaligo te magi nai meni yai bidi dabe, me gasa tĵ kantri bidi dabe te Israelba bidagasali bidi me, augwali dolobo şe dwai mu ebo dao," wali.

† 22:26 Prs 10:10

³⁰ "Te eno po pusulama, te we bidi dabe enaba ma odasa asabo bidi deli me eno gegebo usu sali. Tialima, eno gegebo şe ela pali, menio. Te tobage bidi bidigi sogo da, aga te taun dolainu asobo boi bidi dabe asobo sunumi paligi da, te taun bagulali obo tiwai pedaligi da. Tama aga te obo alua pali badu dolalu, te boi bidi dabe taun tomoba asainu ebo sogo, te hwĵbo bidi tiwai pedaligi da. Ena digi eno te Israelgo boi bidi tiwai pedelali, te eno augwaligo tĵ kantri dolainu yali, tiali goli te tobage bidi bidigi sogo da, eno tama şe igi menio. Tialima, eno te tiwai bidi me subeo. Mu menio. ³¹ Tialima, eno augwalide haliga şeĵe ebaso, te augwali eno mu dolainu ebao, te isi dage kalaba munama, dala sabo tiwai yaibao. Te eno augwa yali dwai kolesaga dolo mu wei ponaibao. Ena God Genuai Bidi, eno te po wai dao," wali.

We sigo penani ela bilali po

23 Genuai Bidi te tama po enabolo walio, ² "Tĵde bidio, polobadu we si bidali. Augwaligo ida deli naga elaluai. ³ Te augwali wegi ogwa we elalubadi, augwali si te Isipde bidali. Te bidi dabego augwali sigo tigidide gagali eyu, augwali si dali penani elama, augwali si te penani we pedelalio. ⁴ Te gomunai wegi nogi Ohola, te Samariade po kisilama wali, te Israel tĵ not badu kantrigo genuai taun da. Te tomo wegi nogi da, Oholiba, te Jerusalemda po kisilama walio, te Juda tĵ kantride saut badu elalubo genuai taun dao," wali.

"Tialima, eno te wegi si sali, te augwali sigo eno wai dabe ame nanio. ⁵ Ohola aga eno we da, tiali goli agai penani ebo kolesaga eyu, te agai te Asiria dabe dali gedu elama, te augwali agai abagi dabe pedelalio. ⁶ Te abagi dabe augwali te gegunai Asiria gavman bidi dabe da, augwali te ami polalubo ofisa bidi dabe augwaligo te wiegi yai husugu ugwa gudali. Te sawi yai ami dabe augwa te hosde dugulama boi hwĵani. Ohola agai te gesi ogwa bidi dabe sulama, te aga haliga hogodasa holalio. ⁷ Tama aga te polalubo Asiria bidi dabego penani we pedelali. Tama agai augwaligo te tibo god dabe lotu wabo şe yali, tama aga eno gedude meda yai mu pedelai dao. ⁸ Agai te penani şe te aga Isipde bidu, te gesi ogwa bidide bidali sogo yali tiwai yali. Te sogo te bidi dabego aga ame tolama, te gagali eyu, aga penani elama, te augwa homu godolo yali te silalio. ⁹ Agai te dwai kolesaga Asiria dabe dali yali, te agai godolo mu yali abagi dabe mu da. Tama eno te Asiria dabe aselama, aga dolagasomainu ilai dao. ¹⁰ Te augwaligo agai ugwa peda şanama, te aga habu olo mu bidali. Tama augwaligo Ohola te bainat hwĵo ela munama, te agai wai naga tigidali sali. Te we dabe sibiĵo te tiwai şe te we Oholaba pedelali po mibo odama, tama augwa te po wali, 'Agai te aga yali dwai kolesagade şeĵe tolobo şe yai dao.' Augwaligo te po wali."

¹¹ "Te tomo wegi Oholibago te şeĵe dabe te Oholaba pedalubo suali, tiali goli agai tede homu kone palubeo. Menio. Agai te penani şe ebo bomu umagi mu eyu, tama agai te Oholago yali dwai kolesaga aiyaba elaluai dao. ¹² Oholibago me te Asiria gegunai bidi

dabe me, ofisa dabe dali gedu eyu yai. Tigidali te sawi yai gesi ogwa bidi, tama te wiegi yai ugwa gudai au elalu, tama augwali hwjbo hos kibu dabede dugulama hwjani. Tama Oholibago haliga augwalide hogodama, te aga augwali dali pagela pidu geai dao. ¹³ Eno suali, agai aga amago yali kolesaga tobage yalio. Augwali si-go kolesaga te meda yai mu yai dao," wali.

¹⁴ "Tiali goli, Oholibago dwai kolesaga yali te umabogi mu yalio. Agai te Babilon gegunai bidi dabego piksa noma suali. Te bidi dabego te piksa te bagulali be dagade te mama yai pengo pilalio. ¹⁵ Te piksa dabe da, te gegunai bidi dabego te kukulu gudama, te augwaligo wiegi yai au yai ugwa dabe selama, te augwa tobolude bagulali. Oholibago te Babilon ami polalubo ofisa dabe piksa suali, te gasa sawi yai mu ebaso, ¹⁶ te aga haliga augwalide mu hogodaluali. Tibaso, agai te Babilonba po ola tolama, te aga dali piagasomainu augwaliba hanalu wai dao. ¹⁷ Tialima, augwali asama, aga dali pagela pilama, tama te augwa godolo yali homu silalio, tama augwaligo Oholiba te meda mu ilali. Augwaligo te tama sę ela pidu ela pali, te nosali agai augwalide hagela mu yai dao. ¹⁸ Oholiba aga te we dwai mu da. Agai dwai kolesaga te hania hanilama ebaso, tigidali bidigo koneani, aga te penani we da homu yalio. Te eno agade hagela mu yali, te eno agai ama hagela homu yali tiwai yalio. ¹⁹ Tiali digi, aga penani yali kolesaga genuai eyu, umabo mu yalio. Aga te Isipde bidu te penani yali te sogoba homu kone palama ebo tiwai yai dao. ²⁰ Tede polobadu bididubadi aga te Isip bidi dabede haliga hogodali. Te augwaligo nai da, te kibu donkigo nai tiwai genuai elalu, te augwaligo tigi aĵ te umagia mu pedalu, te kibu hosgo aĵ tiwai yalio," wali.

²¹ "Augwali te tiwai bidibaso, Oholiba, nago te nage Isipde te gesi wegide bidali sogo yali kolesaga tobage yabo homu godolo ebaso. Te sogo te bidi dabego nago ame tolama, te gagali eyu, te nage dali pagela pidu geai dao," Genuai Bidigo te po wali.

Godigo Oholiba dolabo po wali

²² Genuai Bidigo po te tiwai ma wali, "Oholiba, nago te tobage dwai kolesaga ebaso da, teda ena God Genuai Bidi, eno po nage dali elalubao. Eno koneani, nago naga te abagi dabe nosali hagela homu yali, tiali digi augwaligo te nagede wado yabo sę eno ilibaso, te augwali tigidali badu asama, nageba dwai sę yagasaibao. ²³ Eno te gegunai gavman bidi dabe dali, te ami polalubo ofisa dabe dali te bulu tĵ kantri Babilonde, me Kaldia, me te Pekot hani dabe, me Soa, me Koa, me Asiria, te tama bulu bidi dabe selama, tama augwali te kibu hos dabede dugulama, te augwali eno odasa asaibao. Polobadu nago te bidi dabe te ogwa bidide bidibo suali, te gasa sawi yai mu bidibaso, te nago augwalide gedu yai dao. ²⁴ Tiali goli, megi da, augwa te not badu tĵ pedai bidali taga soyu, te nage dali boi hwj yagasaibao. Augwali te genuai ami hani dabe dali asu, te augwa hwjbo karis dabe me, te walu doado bage tolobo karis dabe dali asaibao. Augwa te

hwjbo doado bage me selama, te hwjbo kapa madi munama, te sabele dabe dali, awa dabe dali tolasa asu, te augwaligo nage bagua sagasaibao. Te augwaligo nage aiyaba elalubo sę eno ilama, te augwaligo nage te augwa kolesagade digi po tĵ elama, te augwaligo nageba dwai dene mawaibao. ²⁵ Nago ena tudiba mubaso, te eno nage dali wado po wali. Tialima, te bidi dabego nageba dwai sę mu yabo sę eno ilaibao. Te augwaligo nago guni me olo togolama, te nago wai dabe me saibao. Te nago tĵ kantride me badu bidali we bidi dabe, te bidi dabego augwali te bainat hwągo ela muyu, ma te augwali isiba ulaibao. ²⁶ Te bidi dabe augwaligo nago ugwa pepeda sęnama, te nago wiegi yai beli me nogode muani ring dabe saibao. ²⁷ Eno te sę dabe ebaso, te nago penani sę ebo kolesaga munu ma isęma, te nage Isipde bidu yali gagalasa, te tiwai megi e sogoba usu naga nagasalio. Te nago naga te ti-bo god dabeba lotu munu ma wasiayyu, tama nago te Isip dabeba homu kone ma egobe dao," wali.

²⁸ "Magi baso meni. Ena God Genuai Bidi, eno te tama po nagebolo obao, te nago godolo isęma hagela homu yali bidi dabe, te nageba dwai dene mabo sę yagasomainu eno tamadi tama sula tagalaibao. ²⁹ Te bidi dabego nage godolo isęwai, te bidi dabe augwaligo nago doado bage tigidali saibao. Te nage olo mu bidaibao, te penani we aga bolu olo bidibadi te bidi dabego aga subo tiwai ebaso. Nago penani dwai kolesaga hauwa ebaso, ³⁰ tama nageba te sęę dabe pedalaibao. Nago te gasa tĵ kantri dabego tibo god dabe tigidali wali peyu, te naga digi eno gedude meda ilali, te penani we aga yali kolesagago meda ilibo tiwai yalio. ³¹ Nago naga amago dwai kolesaga ebo wali pobaso, te eno nageba dwai dene mabo te agabolo mani dwai dene tiwai mawaibao," walio.

³² "Ena God Genuai Bidigo te tama po obao, Oholiba, te eno nageba dwai dene mu mawaibao, te naga amabolo mani dwai dene tiwai tobage nageba me mawaibao," te po wai. "Te eno nage te bomai wain aĵ te genuai kabude tumainu ebo tiwai ilama, te nage wabo pabo bidi tiwai yaibao. Te gasa hani we bidi tigi-daligo nage sulama, te nage gisugu mayu, te nageba dwai posobo po waibao. ³³ Te wain aĵ eno te Samaria mani tobage wain tiwai da, te naga nagebolo mawaibao. Nago tulama, te nage gęę page eyu, te nage haliga sęęę eyu, te wi dwai mu elama, te nage dolaibao. ³⁴ Ena God Genuai Bidigo eno po dolo obao, nago tulama, te wain mu siminama, tama te kabu nago aluama, te aga pepedai me badu selama, te naga digi naga ame togaibao," wai dao.

³⁵ "Ena God Genuai Bidigo eno te tiwai po nagebolo obao, nago ena homu konebo tagalama, te ena tudiba munama, te tobage dwai kolesaga dabe mu yali. Tibaso, naga te yali dwai penani kolesaga dabede sęęę to-lao," wali.

Godigo te dwai we si dolabo po walio

³⁶ Tialima, Genuai Bidigo enabolo te tama po wali, "Tĵde bidio, eno homugo nago te Ohola me Oholiba

sigo dwai kugumini yai kolesaga yalide dagalama, tama po tų ilao," wali. ³⁷ "Augwali si te penani we da, te bidi me ela muai dao. Augwali sigo te tibo god dabe dali penani tiwai yali. Augwali sigo eno wai dabe ame nani, tiali digi augwali sigo augwali elama, te tibo god dabeba ofa eyu yalio. ³⁸ Te kolesaga naga me ebeo. Menio. Augwali sigo te tiwai gasa dwai kolesaga me yali. Augwali sigo eno be te eno gedude meda mu ilali. Te augwali sigo te Sabat bodolu muani side bomai po bolali, te eno bodolu muani side digi mu dao. ³⁹ Augwali sigo te wai dabe te tibo god dabeba ofa ela silama da, teda augwali si te sogo naga hogodasa aselama, te eno beba lotu wagasali. Te tiali kolesagago augwali sigo eno be meda mu ilalio. Augwali sigo te kolesaga dwai mu eno bede digi yai dao," wali.

⁴⁰ "Te augwali sigo gasa dwai kolesaga mu me yali. Augwali sigo te digibulu bulu bidi dabeba po ola tolama, hanaluama, augwali asao wali. Tialima, augwaligo te po odama, te augwali asali. Te we si ađ paluama, te gedu au ilibo pen pilama, te beli dabe me nogode ring dabe muanio. ⁴¹ Te augwali sigo bet me deli au ilama, tede dugulalu, tama augwali sigo te tobage wiegi yai nai dabe te bet pađe elalubo tebolo sai me deliba muani. Tama augwali sigo te eno augwali siba mani te wiegi yai denami ilibo hano ebo pauda me, te oliv wel me, augwali sigo te tebolo saiba muanio. ⁴² Augwaligo te tų wa pai bulude bidali bidi dabe hauwa selama, te augwali odasa aselama, tama te we si dali augwaligo nai da tuali. Te augwa wiegi yai pemene eyu, i hae subigila wali. Te bidi dabego te we sigo nogoba ring muyu, te augwali sigo toboluba te kwin wego madi muanio. ⁴³ Eno sulama, eno te homu yali, te sesabi mu elama, te we sigo bidi tagalobo kolesaga elama, te megı da augwali si te penani we pedelama, tama te bidi dabe augwali siba naga pai dao. ⁴⁴ Augwaligo te Ohola me Oholiba siba penani sę igi piduali, te penani we si da po wai dao. ⁴⁵ Augwali sigo te sali bidi dali bidali tagalobo kolesaga eyu, bidi dabe ela muani, tibaso te doloba pai bidi dabego augwali po tų ilama, te tama po weyu, te augwali si isimainao," po wai dao.

⁴⁶ "Tialima, ena God Genuai Bidi, eno te tiwai po obao. Te genuai hani bidi i olama, te we si penani yagasomainao. Te augwaligo augwali si wi dwai mu ilabo sę elama, te augwa te augwali sigo doado bage bisigi elama, sainu yaibao. ⁴⁷ Te augwaligo te we siba masigi şanama, te augwali si bainat hwągo enama, te augwali si isaibao. Te augwali sigo wai dabe augwaligo ela mu-nama, te augwali sigo be tigidali isigo domainao," wai dao. ⁴⁸ "Te tiali kolesagade eno te tų kantride penani yali kolesaga mu sela şawaibao, tama tigidali wego eno te sę ebo sulama, augwa te tiwai konemainu yaibao, te we sigo penani kolesaga yali tiwai sę te augwaligo munu me egobe dao waibao. ⁴⁹ Dage ama nami we sigo, odao. Dage sigo penani sę hauwa eyu, tama dage sigo te tibo god dabeba lotu po wali. Tibaso, eno te dwai dene dage siba mawaibao. Te tiwai dage sigo bugagia koneao, ena digi ena God Genuai Bidi, eno te po wabo dao." Te po wali.

Jerusalem te sene me deli tiwai da

24 Te kibu be 9 da te kalabuside bidali, te dei 10 wabode, te 10 poluade, te bidali kibu bede, [†] Genuai Bidigo enabolo te tiwai po wali, ² "Tųde bidio, te side naga gagalasa, te Babilon kingo te Jerusalem bagulubo sę yali. Tialima, nago te side te Israel dabego koneyu, te nago po te mu po yabo te po wabo dei aşao," wali. ^{††3} "Nago te Israel hagoma bidi dabeba nago te po digi po begelama, augwaliba pusao. Te God Genuai Bidi eno po da e tiwai, 'Nai ulubo bidi, nago sospen te isiba ugadu munama, te sospenba ađ tabilao. ⁴⁵ Te sipsip me deli wiegi yai mu me deli selama, elama, te togao. Te agai polalubo mi me badu sao, te wiegi yai na mi, me şađa mi da, te wiegi yai dili dabe selama, te sospenba tigidali buao. Te dili dabe te mi dologode munama, te kibu mi me dili dabe bugagia posolo ađba ulao,' eno te tiwai po aşao," wai.

⁶ "Ena God Genuai Bidi, eno te po obao. Jerusalem taun te brasgo nigai sene me deli tiwai elalu, te aga to-mode meda mu elaluali, te bidi dabego aga wiegi yai pedalumainu yabo usu egobeo. Te senede kibu mi pedai tigidali, me kibu dili me teda muao, te senede deli me elalusiawai. Magi baso meni. Te Jerusalem dabego gasa bidi dabe ela muani, tialima te augwali mu dolaibao," wali. ⁷ "Augwaligo te augwa dwai kolesagade homu kone me tųa pabeo. Menio. Augwaligo hanilama, bulu ulade yali. Te augwaligo te bidi dabe elama, te kaneme te masigi elalubo pesage daide gealu tiwai yali. Augwaligo kaneme te tųba gealumainu me ebeo, te tųgo geme dualumaina wabeo. ⁸ Tiali digi, ena eno te masigi elalubo pesagede augwaligo kaneme gealumainu ilali, te eno sumainu yali. Te eno augwaligo yali dwai sęde homu kone palama, te augwaliba eno haliga sębę eyu, te eno augwaliba dwai dene mawaibao," wali.

⁹ "Tialima, ena God Genuai Bidi, eno te tama po obao, eno te kaneme pađanalubo taun mu dolaibao. Te taun ulabo isi ena digi pesage holaibao. ¹⁰ Isi hauwa pesage holama, te sia nogolama, ula ilao. Te sene posolo ađ kulukulu olala pidu genama, wa pelama, te kibu mi dabe me dili te isigo mu tigidali dela pelama, te senede mu silao. ¹¹ Tialima, te bras sene te iside ulalumainu elama, te posolo hobulu mu yai pedalumainao. Te sene meda mu yali, te eno homugo te isigo te dila pai pobele bage hogomu silimainu elama, te sene wiegi yai meda meni yai ma pedalumainu yao. ¹² Tiali goli, ena odolali sę dene yali. Isigo te pobele bage dela silabo usu meni yai dao. ¹³ Dage Jerusalem, te yaba yali po wali page te dagego dwai meda yai kolesagade dađ elasa walio. Eno dagego dwai kolesaga sela şabo usu sali, tiali goli dagego hagela yali. Dage meda dali bidabo homu naga yali. Tialima, te ena haliga sębę ebaso, te eno dageba dwai dene mabo sę ebaso, te eno dageba dwai dene mabo sę mu yaibao.

[†] Te dago megı elalubo kalendade, te deli wabo poluago 15 dei, te kibu be 588 te Kraıs e tųde ame nisiabadi bidali sogo dao wali.

^{††} 24:2 2 Kin 25:1; Jer 52:4

Tama dage te meda dali me tama bidaludubadi, te eno haliga şeþę yali silibo sogoba usu naibao," wai dao.
 14 "Ena Genuai Bidi, eno mu po obao, te dage eno dolaibao. Te dagego meda yai kolesaga ebode te tigi-dali eno homu kone ebo gegeda palogobeo. Te dage eno homu dene me isama, te eno dageba olo mu tau sabo wiegi yai kolesaga me egobeo. Mu menio. Te eno dage po tų ilama, te dagego yali dwai kolesaga tigidali dolo wei ponaibao. Ena God Genuai Bidi, eno te po wai dao," wali.

Profet Esekielgo we isali

15 Genuai Bidigo enabolo te tama po wali, 16 "Tęde bidio, eno koneani, nago naga we godolo homu mu yai, tiali goli te polo tama eno te we dagala selama, te nage olo bidaibao. Tiali goli, nago agade gela weyu, te hobede ebo balia me olamu dao," wali. 17 "Nago hali-gade naga hwawa wao. Te bidi dabego nage odomainu me ilamuo. Tama nago te isai bidi dabede hobede ebo kolesaga dabe tiwai me elamuo. Te nago tobolude mubo ugwa name belama, te saęade nadoba gudao, te naga sesemane sogo au ebo tiwai yao. Te nago pedauwali panigio. Te abagi dabego hobede ebo kolesaga wali peyu, te nageba nai sela asobo şę tiwai nago me elamuo dao." Genuai Bidigo enabolo te po wali.

18 Te kigamu te we bidi dabe dali eno po miani, te pio eno we isalio. Te do tama kigamude, eno te Genuai Bidigo enabolo po wali şę dabe yai dao. 19 Te we bidi augwaligo ena sulama, te augwaligo enabolo te tiwai hanalu wali, "Magi baso nago te homu dene ebo kolesaga wali pabewe? Te nago magi nai me deli dabolo ola maiabo homu eyu eba, agawe?" te po wali.

20 Tama tibaso, eno augwaliba te tama po wei ponani, "God Genuai Bidigo enabolo waliyu, 21 te dage Israelba te po pusao wali, Godigo te tama po wali, 'Dagego God eno moni tempel bede wiegi yai homu pemene eyu, tama dagego te po weyu, te bomai dila pai be mu da, wali. Tama te be dagego godolo mu ebao. Tiali goli, eno te be dolaibao. Te dage hani wai dabe te Jerusalemda me bidalubo te boi hwjnama dolaibao. 22 Tialima, te Esekielgo yali kolesaga tobage te dagego me yaibao. Te dagego duga pedauwali me panigobeo. Tama te duga abagi dabego te hobede ebo kolesaga eyu, te dageba nai dabe sela asobo şę dagego iligobeo. 23 Te dagego ugwa tobolude belama, te saęade nadoba bulama, paibao. Dagego te isali we bidide homu dene elama, gela wabo homu eyu tigobeo. Magi baso meni, te dagego duga digi yali şeęde homu kone hauwa tų pelama, te dagego tigi dabe te nomona saibao. Tama dagego duga haside digi hwawa weyu tiaibao. 24 Esekiel te dagego daę tiwai ilali, magi baso meni, dagego me agai te yali kolesaga tobage naga yaibao. Te tigidali şę pedalubo si da, dagego te tiwai tama koneagameo, ena digi ena Genuai Bidi dao.' Godigo te po dagebolo pusao po wai dao," eno te po wai.

25 Te Genuai Bidigo po enabolo weyu, te tama po ma wali, "Tęde bidio, eno be augwaligo be tomode elaluali, tialima te augwali bomo elama, dolalueiba, te homu augwaligo yali. Augwaligo te be godolo homu elama, tede wiegi yai pemene eyu, teba sesemane homu kone elaluali. Tiali goli, eno ena te be dolama, tama eno augwaligo wai dabe ela muaibao," te po wai dao.

26 "Eno te tama şę ebo sogo, te bidi me deli te Jerusalemda wi aselama, te şę dabe pedelali po nageba walagasaibao. 27 Te bubugade naga, te eno nago pedauwali usu ma ilama, te nage pedauwali pania sai munu me elalugobeo. Tialima, te nageba po sela asali bidi dali te nago po ma miaibao. Te Israel augwaligo sueibao, te nago po ma obaso, te Israel dabego te tiwai koneama, ena digi ena Genuai Bidi bidibo dao," po wai dao.

Esekielgo te gasa tų kantri dabe dolabo po pusali

(Daę 25-32)

Godigo te Amon dabe dolaibao

25 Genuai Bidigo enabolo te tama po wali, 2 "Tęde bidio, nago te Amon dabego tųba tonao, te augwali dolabo po wao. 3 Augwaliba te tama po walao, 'Dage Amon dabego ena God Genuai Bidigo poba bugagia olo muao. Dagego eno be dolali, me te boi bidi dabego te Israel dabego tų dolali me, dagego suali, te Juda dabe selama, te digibulu buluba kalabus igi pali. Tama dagego te şę dabe ebo sulama, tega weyu, wiegi yai homu pemene eyu, dili elebo kolesaga yai dao. 4 Tialima, eno te bidi hani me deli te giliga asobo badu asomainu ilama, te augwaligo dage dali boi hwjagaselama, te dagego tų saibao. Te augwaligo sel ugwa be dabe te dagego tųde şę elama, tede bidaibao. Te augwaligo nai dagego tųde sela tuyu, te dagego bulmakau ame pę dabe sela tuyu yaibao. 5 Te eno taun Raba, te dagego genuai taun, te dolama, te kibu kamel dabego nosai tubo pesage pedelaibao. Te tų kantri Amon te kibu sipsip dabego obo dabe nigibo pesage pedelaibao. Tama dagego te tiwai koneyu, ena digi ena Genuai Bidi mu da po wagameo,' te po te Amon bagebolo wao," te po wali.

6 "Te eno te şę dage dali magi baso yaibawe? Te ena God Genuai Bidigo te tama po obao. Eno koneani, dagego te Israel dabe godolo homu meni isawani, te Israel tų kantri dolali sogo, dage wiegi yai pemene elama, nogo bada eliyu, wele siyu, kęnę wai dao.

7 Dagego te tama kolesaga yali, tibaso te eno dageba dwai dene momainogo te gasa hanigo dage sagasomainu elama, te dageba dwai dene momainu yali. Te eno dage dolobo şę mu elama, tama dage te tų kantri me deli bidibo tiwai me egobeo. Te tiwai dagego bugagia koneyu, ena digi ena Genuai Bidi da po wa-

iagameo,' te po te Amon we bidiba pusao," Genuai Bidigo enabolo te po wai dao. †

Godigo po weyu, te Moap kantri dolaibao wali

⁸ Genuai Bidigo po ma weyu, te tama po wai, "Ena God Genuai Bidi, eno po obao, te Moap dabe me Seir dabe, augwaligo te homu yali, te Juda dabe te gasa hani bidi dabe tiwai si da homu yai dao. ⁹ Tialima, eno te boi bidi dabe aselama, te t̄ kantri d̄j̄ p̄de elalubo te Moap dabego bomai taunba hw̄jagasomainu yaibao. Te augwaligo te wiegi yai taun dabe dolaibao, te taun Bet Jesimot, me taun Balmeon, me taun Kiri-ataim dao. ¹⁰ Te boi bidi dabe te giliga asobo badu asama, te Moap dabeba me, Amon dabeba dali siba boi hw̄jnama, te augwali aiyaba elaluama, te augwaligo t̄ saibao. Tama te Amon dabe te t̄ kantri pedai tiwai me deli ma bidigobeo. ¹¹ Awe, eno te dwai dene mabo s̄ te Moap dabeba ebaso, tama augwa te tiwai bugagia koneama, ena digi ena Genuai Bidi mu da po omainu yaibao," wali. ††

Godigo po weyu, Idom t̄ kantri dolaiba wali

¹² Genuai Bidigo te tama po wali, "Ena God Genuai Bidi, eno po obao, Idom dabego dwai kolesaga mu te Juda dabeba wei ponani, tialima te Idom dabego yali dwai s̄ te genuai mu igi pai dao. ¹³ Te eno megi te po obao, eno te Idom dabeba dwai dene umabo mu menama, te tigidali we bidi ela munama, te augwa kibu sibi dabe tigidali me elaibao, te not badu te distrik Temande gagalama peyu, te saut badu te taun Dedanba usu naibao. Te t̄ kantri Idom olo mu elaluaibao. ¹⁴ Eno te Idom dabego dwai kolesaga wei ponabo homu yali, tibaso te eno ena we bidi augwali te Israel dabe, te augwali elali boi hw̄jgi pomainu tagala palaibao. Te kolesagade te Idom dabego eno haliga s̄b̄ḡ genuai ebo koneaibao. Tialima, te Idom dabego te tiwai bugagia koneaibao, ena digi eno augwaligo dwai s̄ yali wei ponobao homu yaibao. Ena God Genuai Bidi eno te po wai dao." ‡

Godigo po weyu, te Filistia dabe dolaibao wali

¹⁵ Genuai Bidigo po ma weyu, te tama po wali, "Ena God Genuai Bidi, eno te po obao, te bobobage sogo te Filistia dabego te Israel dabe godolo homu me isiama, te augwaliba boi bidi ebo s̄ yalio. Te Filistia dabe augwaligo dwai s̄ wei ponobo s̄ umabo mu eyu, te augwali mu dolai dao. ¹⁶ Tibaso, megi da, eno te po obao, eno te Filistia dabe augwaliba dwai dene mabo s̄ mu elama, tama eno te nambisde bidibo we bidi tigidali mu silabo s̄ yaibao.

¹⁷ Eno haliga s̄b̄ḡ dwai mu augwalide elama, tama augwaligo yali dwai kolesaga tigidali dolo wei pon-

aibao. Tama augwaligo te tiwai bugagia koneama, ena digi ena Genuai Bidi dao," te po wai dao. ‡‡

Godigo po weyu, te Tair taun dolaibao wali

26 Te da Babilon t̄de kalabuside bidibadi te kibu be 11 wabode, tama te poluade deli wabo side, Genuai Bidigo enabolo te tiwai po pusalio, ² "T̄de bidio, eno te tamu āj̄ tomode elalubo t̄de elalubo taun Tair we bidide po elalubao, te t̄ te tamu āj̄ sesege p̄de elalubao. Te Tair taunde bidibo we bidigo homu pemene eyu, e tiwai i hae obao, 'Jerusalem dolobaso, te gasa t̄ kantri bidi dabe teba pelama, te mone sabo bisnis s̄ yali te ma igi pabo usu me egobeo. Megi da, te augwali aselama, da dali naga te nai dabe dobu si ebo bisnis s̄ yagasaibao, tama tiyu dago doado bage hauwa saibao,' po wabo dao, te Tair we bidi."

³ "Tama tibaso, megi God, ena Genuai Bidi, eno te po obao, ena dage Tair hanu bidi dabego boi bidi pedelaibao. Te eno bidi hani hauwa odasa aselama, dage dali boi hw̄jagasomainogo yaibao, te tamu āj̄ genuai pepeda pelama, dini gisigilibo tiwai yaibao. ⁴ Tama te augwaligo dagego taun bagulali bomai masigigo nigali obo dolama, tama augwaligo te obo bagulali bobobage be taua dabe tigidali pepedama, aiyaba tudulaibao. Tama eno dagego taunde elalubo t̄ dabe tigidali sela s̄n̄ama, tama masigi bulu naga olo tede elalueibao. ⁵ Tama te s̄ḡȳ sabo s̄ ebo bidi dabe aselama, te āj̄ tomode elalubo masigi bulude s̄ḡȳ sabo wa dinigina munama, te giligago te wa omainogo yaibao. Te ena God Genuai Bidigo po obao. Te gasa hani bidi dabego dage sagaselama, te dageba dwai s̄ mu yaibao. ⁶ Tama te boi bidi dabe aselama, te genuai bulu te taun dabe bidalubo we bidi dabe ela mueibao, te taun Tair elalubo p̄de bulu dabede bidibo we bidi me ela mueibao, te nambisde bidibo bage. Tama dage Tair hani, dagego bugagia te tiwai page kone peyu, ena Genuai Bidigo digi eno te tama s̄ eba homu yaibao," wali.

⁷ "Magi baso meni. Ena God Genuai Bidi, eno te tama po obao. Eno te bomai king me deli odasa asaibao, te king Nebukatnesar te t̄ pedai Babilon king dao, tama agai te gasa t̄ pedai kantri dabego king dabe tonalubo dao. Tama agai dage Tair dabe dali boi hw̄jaibao. Te aga not badu pedaide bidali tagalama, te genuai ami hani dabe dali aselayu, tama te boi hw̄jbo nai kibu hos dabe, me karis dabe dali asiyu, te kibu hos dabede dugulama boi hw̄jbo ami hani bidi dabe dali asaibao. ⁸ Tama augwali aselama, te nago nambisde elalubo taun bidi hani dabe dali hw̄jagaselama, te taun dabe dolaibao. Tama te tamu āj̄ tomode elalubo t̄ba aselama, augwaligo te taun Tairgo obo bulu badu te t̄ du holama, te dagego taun tomoba hw̄jainogo tiwaibao. Tama augwa awa dabe te augwa seselalubo obo tiwai elalu, te augwaligo hw̄jaibao. ⁹ Tama augwaligo genuai masin selama, tama te taun bagulali

† 25:7 Jer 49:1-6; Ese 21:28-32; Amo 1:13-15; Sef 2:8-11 †† 25:11 Ais 15:1-16:14; 25:10-12; Jer 48:1-47; Amo 2:1-3; Sef 2:8-11 ‡ 25:14 Ais 34:5-17; 63:1-6; Jer 49:7-22; Ese 35:1-15; Amo 1:11-12; Oba 1:14; Mal 1:2-5

‡‡ 25:17 Ais 14:29-31; Jer 47:1-7; Jol 3:4-8; Amo 1:6-8; Sef 2:4-7; Sek 9:5-7

obo pepedelama tulaibao. Tama te ain tigi dage selama, te bagulali obo aluama, pebedama mueibao.

¹⁰⁻¹¹ Tama te ami bidi dabe te kibu hos dabede, me te kibu hosgo kekebo nai karis dabede dugulama, te taun bagulali obo sunumi dabedu tomoba paibao. Te augwaligo genuai kulukulu wabo şę eyu, te bagulali obo mumunu yaibao. Augwaligo te kibu hos dabe te taun sunumi dabe tigidalidu udabaso, te tş hogomu genuai pedelama, te taun tomode be dabe halueibao. Tama te ami bidi dabego te bainat hwą nogo tulama, te taunde we bidi tigidali ela mueibao. Tama augwaligo te taunde dila pai pos dabe tologolama, te tşba şawaibao. ¹² Te boi bidi dabe augwaligo te dagego mone dabe me doado bage tigidali sobadi, tama dagego mone sabo bisnis şę ebo nai dabe tigidali saibao. Tama augwaligo te taun bagulali obo dabe aluama, te dagego wiegi wiegi yai be dabe mu dolaibao. Tama augwaligo te masigi dabe me, ni dabe me, tş dabe me, tigidali selama, te tamu aşıba şawaibao.

¹³ Tama dagego te tşabi po wabo me, te gita elebo şę ebo me, te ma egobeo. ¹⁴ Te eno dagego bulu tşde te masigi dabe naga elalumainu yaibao. Tama te şųę gegebo şę ebo bidi dabego te şųę hagane togobo wa te masigiba manama, te wa dabe giligago omainogo tiaibao. Tama bidi dabego te taun ma nigainu ebaso, usu egobeo. Magi baso meni. Ena God Genuai Bidi, eno te po wai dao," wali.

¹⁵ "Ena God Genuai Bidi, eno te Tair dabeba te tama po obao. Te boi bidi dabego dagego taun dabe dolobo sogo, te gasa taun te tamu aşı pade bidalubo we bidi dabego te ami bidi dabego te tama kulukulu wabo odaibao. Tama te ami bidi dabe augwaligo dage te taunde elama, tama te tigi selai bagego hwąwa wabo genuai mu pedelama, tama te gela u wabo te gasa taunde bidibo bage augwaligo odaibao. Tama te we bidi dabe augwali wi eyu, dwai noma mu saibao.

¹⁶ Tama te tigidali tş pedai kantri te tamu aşı pade bidibo king bidi dabego dagede te pedalubo şę dabe sula-ma, wi dwai mu eyu, te augwa king şę eyu, te dugulalubo sia sai tagalama, aiyaba duagulu, tama augwa te king şę eyu gudubo sawi yai ugwa dabe pepeda şana-ma, tama olo te tşba duagulama, tama didibili eyu bidaibao. ¹⁷ Tama augwali te king dabego te dagego taun dolali şede te e tiwai hobede ebo balia po waibao, 'Hobede mu da, genuai nogi yai taun, nage dolalio. Te taun nago we bidi dabe te tamu aşıba asai, te polobadu augwaligo sip hauwa elalu, te augwali tamu aşıde şę yali polalubo hani dabe bidali. Tama te tamu aşı pade bidalubo taun we bidi dabe, te augwali nago taun we bidide wi dwai mu yali. Tiali goli, megida, nago sip dabe iba soyu, eda asiyu eyu, te bisnis şę iduali munu ma egobe dao. ¹⁸ Magi baso meni, te side naga nage dolalio, tama te tamu aşı tomo bulude bidalubo we bidi dabego sulama, tama augwali wi dwai umagi mu eyu, tama didibili ebaso,' augwaligo te balia po waibao," wali. ††

† 26:13 Ped 18:22 †† 26:18 Ped 18:9-10

¹⁹ "Ena God Genuai Bidi, eno te tama po obao. Tair, te eno nage te olo bulu pesage nigilaibao, te bidi meni yai taun tiwai elalueibao. Tama eno nage te genuai tamu aşıgo mesegelama, te nage aiyadu dologode mu bidimainu yaibao. ²⁰ Te sogo eno nage te isai bidi dabego bulu pesageba tagala palaibao, tama nage te tş polobadu bidi dabe dali bidaibao. Te eno nage te tş dologode te dolali taun dabe dali sesemane sogo bidimainogo yaibao. Tama nagede te bidi dabe bidimainogo me egobeo. Tama nage te tşde wiegi yai taun ma pedelama bidainogo ebaso, te usu munu ma egobeo. ²¹ Te eno nage mu dola silama, tama gasa we bidi hanigo nage sulama, wi emainu yaibao. Te eno nage mu silimainogo ilama, tama te we bidi dabe augwaligo nage sueinu gegebo sogo da, te augwaligo nage me sugobeo. Ena God Genuai Bidi, eno te tama po wai dao," wali. ‡

Te taun Tair dolaide Esekiel gela wali

27 Genuai Bidigo te tiwai po enabolo wai, ² "Tşde bidio, Tair taun dolaibao, tama tibaso, nage gela weyu, tama hobede ebo balia po wao. ³ Te taun tamu aşı pade elalu, te tamu aşı pade elalua pabo tş pedai kantri dabe dali te mone me doado bage dobu si eyu, bisnis şę iduali. Ena God Genuai Bidi, eno homugo nago te balia po agaba pusao homu ebaso," wali.

"Tair, nago te tama po weyu,
nage te wiegi yai sawi yai polalubo
taun mu da homu ebo dao.

⁴ Te taun nigibo bidi dabego,
te augwaligo nage te wiegi yai sip mu
tiwai pedalumainu ilali,
tama te tamu aşı te nago bidibo pesage tiwai elaluali.

⁵ Augwaligo te ni pain te bulu du
Hermonde selama, tama te sip nigai.
Tama augwaligo te wiegi yai ni sida
te Lebanon tşde selama,
tama te name ugwa walobo ni
te bobobage dulai dao.

⁶ Tama augwaligo te ni kali te bulu Basande selama,
te aşı togobo habesege dabe nigai.
Tama augwaligo te sip aiyaba mubo
soiyame ni te tobage wiegi yai ni
me deli te bulu Saiprusde selama, nigali.
Tama augwaligo te genuai kibu nogi
elefango genuai kele dabe selama,
te sip aiyaba sabo soiyame saidu au ilali.

⁷ Tama augwaligo te gasa sawi yai name
ugwa pedai te bulu Isipde selama,
tego te waligo pogolabo sel nigai.
Te name ugwa pedai te haniani augo
dodobolo pai selama, te sel nigai.
Te sel te sipde walobo ugwa plak tiwai muani.
Tama augwaligo te husugu yai me mama
yai name ugwa te bulu Saiprusde selama,
te sip guni tolasa pabo bidi dulalubo

‡ 26:21 Ped 18:21

madi seselalumainu muani.
^{8,9} Tama te sip tomode şe eyu,
 habesege togobo bidi dabe,
 augwali te bulu Saidon taun bidi dabe,
 me te bulu Arvat taun bidi dabe da.
 Tama me badu te taun Biblos bidi dabe
 te sip tomode şe eyu,
 te sip aiyaba paliali ni name agebeledu
 te aĵ sip tomoba holobaso te sebelebo şe eyu yai.
 Taun Tair, te sipba po kisilama wali,
 te taun Tair nageba digi po olama walio.
 Te nago kolesaga koneai bidi dabe te sip tomode
 tau sabo ebo bidi dabe tiwai da.
 Te gasa tŕ kantri sip dabe tigidali nageba asali,
 tama te sipde şe yai bidi dabe te taun
 tomoba pelama,
 te doado bage nago stua dabede abeleyu yai dao.
¹⁰ Te tŕ kantri Persia, me Lidia,
 me Libia bulu bidi hani dabe,
 augwali te nago ami bidi dabe bidali.
 Tama augwaligo te hwjbo sabele dabe,
 me tobolude mubo kapago nigai madi dabe me,
 te nago taun bagulali obode walali.
 Te hani dabe augwaligo te boi hwjnama,
 nage tau sabo şe eyu,
 te nago genuai nogi somainu yai dao.
¹¹ Te taun Arvat ami bidi dabe augwali
 te nago taun obo bagulali obode dolalu,
 tama augwaligo te boi bidi dabe asobo
 suainu tonaluali.
 Tama te taun Gamat ami dabe
 te obo bobobage nigali taua dabe tede dolalu,
 te boi bidi dabe asobo suainu, no bidibo.
 Tama augwaligo hwjbo sabele dabe
 te nago obode walali.
 Te hani dabe augwaligo naga nage tau sobaso,
 te nage wiegi yai sawi yai taun mu pedelai dao.”
 Genuai Bidigo enabolo te tama balia po te taun Tair-
 bolo wao, wali.
¹² “Tair, te nago mone sabo bisnis şe te bulu tŕ kantri
 Spen dali yali. Tama augwaligo nagebolo te silva, me
 ain, me kapa, me soda, te tama nai mani, te augwaligo
 nagede te nai hauwa sainogo tiai dao. ¹³ Tama nago
 mone sabo bisnis şe te kantri tŕ pedai Grik dali, me
 Tubal, me Mesek, te tama bulu dabede bisnis şe yali,
 tama nago nai dabe augwaliba mayu yali, te olo mu şe
 yabo bidi dabe me, te tobage gasa nai dabe me, te
 hanigo te brasgo nigali nai dabe mayu yai dao. ¹⁴ Tama
 nago mone sabo bisnis şe te taun Togarma dali yali.
 Nago nai doado bage augwaliba mayu, te nago te hos
 dabe, me donki dabe, me te boi hwjbo hos dabe dobu
 si eyu yai. ¹⁵ Tama te taun Dedan bidi dabego me te
 nage dali mone sabo bisnis şe yali. Tama te tamu aĵ
 pade bidibo bulu tŕ kantri bidi dabe hauwago te mone
 sabo bisnis şe ebaso, tama augwaligo nageba te ele-
 fango kele dabe mayu, te augwaligo nageba nago
 doado bage sainu te husugu yai ni ebonigo dobu si
 yalio. ¹⁶ Tama te bulu Siria we bidi dabe, augwaligo

nageba te wiegi yai mama yai name ugwa dabe mayu,
 te augwaligo haniani au yai hobolai name ugwa dabe
 mayu yali, tama te wiegi yai tedela yai name ugwa
 dabe me, te haniani au ilai mobadi, te haniani gasagi
 yai dila pai masigi dabe me mayu yali, te augwaligo
 nagede doado bage hauwa sainogo tama tiai dao,”
 wali.

¹⁷ “Tama Tair. te Juda me Israel dabego nageba te wit
 hauwa mayu, te pusu nai hani, me te ni oliv wel, me te
 tobage gasagi yai marasin, me gasa nai dabe mobadi
 yali, te augwaligo nagede sabo nai dobu si abeleyu,
 tama tiai dao. ¹⁸ Te taun Damaskus bidi dabego te
 mone sabo bisnis şe nage dali eyu, te augwaligo wain
 aĵ dabe nageba mani, te augwaligo te taun Helbonde
 sali, tama te sipsip nisi dabe augwaligo te bulu Sa-
 harde sai dao. ¹⁹ Te bulu Wedan, me Grik, te hani
 dabego me, te hani Usal hani dabego me, te mone
 sabo bisnis şe nage dali yali. Augwaligo te ain, me san-
 da te tobage ni me deligo nigai wel, me te tobage nai
 nogi awi diligo nigai te wiegi yai denami ebo nai, te
 tama nai dabe sesali, te augwaligo nage dali dobu si
 ebo hauwa sainu tama yali. ²⁰ Te Dedango hani
 bagego nagebolo te hos dabe tudi dilide dugabo nai
 satel dologode munama dugayabo ugwa blanket dabe
 mani, te nago augwali maiabo nai dabe dali dobu si
 eyu tiali.”

²¹ “Te bulu kantri Arebia bidi dabego me, te tŕ kantri
 Kedar tobolu bidi dabego me, te augwaligo nagebolo
 te kibu sipsip wai dabe me, te omai kibu sipsip me, te
 meme kibu dabe me mobadi yali, te augwaligo nago
 mabo nai dabe sabo homu eyu, tama tiai dao. ²² Te bu-
 lu Sebade bisnis şe ebo bidi dabe me, te taun bulu Ra-
 ma bidi dabego me, te gol me, te wiegi yai denami ebo
 tobage nai nogi pauda me, te wiegi yai sawi yai masigi
 dabe me sesali, te nage dali dobu si eyu, nago mabo
 nai dabe sabo eyu, tama şe yai dao. ²³ Te taun Haran,
 me Kane, me Iden, te tama bulu bidi dabego me, te
 kantri Seba me, Asur me, Kilmat me, te tama bulude te
 mone sabo bisnis şe ebo bidi dabego nage dali te
 mone sabo bisnis şe yai dao. ²⁴ Tama augwaligo sesali
 nai dabe te sawi wiegi yai ugwa dabe me, te sisi yai
 name ugwa me, te augwaligo wiegi yai au ilama hobo-
 lai name ugwa dabe me, te tobage wiegi yai dila pai
 haliga bono, me te tobage au hauwa yai ugwa blanket
 dabe, me te be soiyameba salobo dodobolo pai somo
 ugwa dabe augwaligo sesali. Te tobage blanket dabe
 au wiegi yai hauwa elaluali. Tama augwaligo te nai
 dabe nagebolo mayu, te nago nai doado bage dabe
 augwaligo siyu yainogo te tiwai dobu si yalio. ²⁵ Te
 genuai sip dabego te nago walu dabe gasa bulu tŕ
 kantriba sela peyu yalio,” wali.

“Tama naga digi nage te genuai sip me delide te doa-
 do bage hauwa paĝanalubo tiwai nagede elaluai dao.
²⁶ Tama te we habesege bomo elama togobo bidi
 dabego te aĵ bomonama togobaso, te nage genuai
 tamu aĵ tomoba tugi pali. Tiali goli, bomai wali ped-
 aliyu, tama nage dolaibao. ²⁷ Tama nago mone tigidali
 me, au doado bage me, te tigidali sip guni tubo tau

sabo bidi me, te sip tomode se ebo kamda bidi me, te tigidali bisnis se ebo bidi me, te nago ami bidi tigidali me, te nage dali bidali gasa bidi tigidali, augwali me nage dolali side te tamu ajde hagawaibao. ²⁸ Tama te sip guni tubo bidi dabego i dwagila mu i waibao, tama augwali dolobo se yali te to mumunu yali sego te tamu aj sane nambis me mumunu yaibao," wali.

²⁹ "Tama tialima, te gasa sip te sip tugi pabo madi tugi pelama, tama te sip guni tubo bidi dabe me, te sip tomode se ebo bidi dabe dali, augwa sip dabe tagalama, tama augwali tigidali pelama, te tamu aj saneba doligi paibao. ³⁰ Te tigidaligo nagede haliga hobede eyu, dwai gela nagede waibao. Tama augwa te homu dene ebo kolesaga wali peyu, te augwa tobolude pu pilama, tama kelide pila muyu, tama te kelide ugwa begelu, eda begeleyu iduaibao. ³¹ Tama augwa tobulu nisi poala şana, te wane ilaibao. Tama augwa te homu dene ebo side mubo ugwa gudama, te augwali dwai haliga mu eyu, te gela oladu bidaibao. ³² Tama augwa te bidi isaide wabo balia po waibao. Tama augwaligo e tiwai balia po waibao,

'Tair, te taun me deli
te nage dolali tiwai gilama me ebeo.
Nage te tamu aj tomode elaluali,
³³ tama nago naga walu doado bage
te gasa to pedai kantriba te tamu ajdu tolali.
Te we bidi dabe augwaligo te nai dabe
doado bage siyu,
te augwa wiegi yai homu pemene yalio.
Te king dabe augwaligo mone sabo
bisnis se nago te naide yali,
tama augwali te mone sabo bidi mu tiwai pedelali.
³⁴ Tiali goli, megı da, nage te tamu ajde dolobao.
Tama nage te tamu aj tomoba mu dulali.
Te nagede bidali bidi tigidali,
me te nago doado bage walu dabe dali,
tigidali te ajde hagawai dao.'

Augwaligo te tiwai balia po waibao.

³⁵ 'Te tamu aj pađe bidibo taun we bidi dabe,
augwaligo nage dolali po odama,
te augwali dwai noma mu salio.
Tama augwaligo king dabe me wi umagi mu eyu,
te augwaligo gesabidi gasagi yai mu hasegelali.
³⁶ Nage dwagila mu dolali,
tama nage te tode mu ma bidigobeo.
Tama nage te tigidali mone sabo
bisnis se ebo te tigidali to pedaide
bidibo bidigo nage sulama, te augwali wi mu eyu,
tama augwaligo te homu yaibao,
"Tiyu, te tiwai se daba me pedalidali,"
homu yaibao,' augwaligo te balia po waibao." †

Godigo te po wali, Tair bulu king dolaibao po wali

28 Genuai Bidigo enabolo te po wali, ² "Tođe bidi, eno homugo nago Tair kingbolo ena God Genuai Bidigo eno po aga dali pusainogo ebo po pusigi pao. Eno po e dao.

Tair king bidi, nago naga nogi ugwaba siyu,
te po wali, nage god me deli dao, wali.
Tama nago bulu te god dabego bulu
yali gilama tamu aj tomode elalubao.
Mu tama, nago te po wali,
tiali goli, nage god menio, nage olo bidi dao.

³ Awe, nago homugo nago wiegi yai homugo
Danelgo wiegi yai homu kolesaga edelai
da homu te ebao.

Tama nago homugo tigidali game dualali po dabe
nago koneaiba homu te ebao.

⁴ Te nago genuai homu kolesagago
naga mone bidi pedaliyu,
me nago gol me silva hauwa mu
elaluyu, te homu ebao.

⁵ Tama nago wiegi yai bisnis se elama,
tama nago tede mone hauwa nago salio.
Tama tibaso, nago naga te mone dabe
me te nai hauwade homu elama,
tama nago hagoma genuai mu ebao," wali.

⁶ "Tama tialima, ena God Genuai Bidi, eno nagebolo
megı e obao.

Nago hagoma eyu, nago homugo nago homu kole-
saga

te god dabego homu kolesaga
tiwai dao homu te ebao.

⁷ Tama tibaso, eno te homu dene
isašo boi bidi dabe dwai mu teba tagala palama,
tama nage dali boi hwımainogo yaibao.

Tama augwaligo nago naga homu kolesagago sali
wiegi wiegi yai nai dabe tigidali dolagasaibao.

Awe, nago gawebo nai dabe sese augwaligo
dolaibao.

⁸ Tama augwaligo nage dolama, mu tagalama,
tama nage naga bulude elama
muaibao, te tamu aj tomode.

Tama nage aiyaba isai bidigo buluba aiyaba dulaibao.

⁹ Te augwaligo nage elainogo ebode
nago augwalibolo po weyu,

'Te ena god me da,' nago te po waiba homu eba,
agawe?

Mu menio.

Te nago koneaibao, nage olo bidi yabo homu yaibao.

Tama nage te gasa to kantridu asali
bidi dabego nogode elalubadi,
nage god menio homu yaibao.

¹⁰ Te boi bidi dabego nage dolama,
tama nage dwai olo nai meni yai bidi
tiwai isibo aq yaibao.

Ena God Genuai Bidi, eno po polo wali.”
¹¹ Tama God Genuai Bidigo enabolo po genina ma weyu, te po wali, ¹² “Tode bidi, nago te Tair king bidide hobedai balia po olama, tama agabolo e tama po wao.

‘Tair bulu king bidi, ena God Genuai Bidigo po nago odao.
 Polobadu nage wiegi yai bidi mu bidiyu, tama nago tigidali bidi aiyaba elaluama bidai dao.
 Tama nago homu kolesaga genuai mu elama, tama nage tonobo sawi mu yai dao.
¹³ Te nage te Iden gide bidai bidi tiwai aq yai dao, te Godigo wiegi yai gi.
 Tama nage te wiegi yai sawi yai masigigo au yai dao, te augwaligo te masigi daganabo nai dabe te golgo nigai.
 Te masigi dabe e dao,
 rubi, me topas, me daimon, me beril, me kanilian, me jasper, me sapaia, me emeral, me ganet dao.
 Te nai dabe tigidali eno dodolagalali, te nage eno te tode pedalobode somainogo eyu.
¹⁴ King, eno nage tonalubo ensel bidi tiwai sa muai dao, tama nage dolaluyu, tama naga bogo dinigalu dolaluai dao.
 Tama nage eno bulu dude bidiyu, tama nage sawi yai udula pai masigi tomode bilai dao.
¹⁵ Te eno nage tode pedelemainu yali sogo da, nago kolesaga te dwagi yai mu yali, tama nago nai mede me geda mubeo.
 Tiali goli, nago nosali dwai kolesaga elama, tama nago eno gedude sege elaluali.
¹⁶ Nago bisnis se bulu hauwaba yali.
 Tama nago te we bidi dabe dali hwjnama, tama nago bisnis se tau somainogo yali, tama nago sege sali.
 Mu tama, nage tonalubo ensel bidi tiwai dao, tiali goli nage eno gedude meda mu yai pedelai dao.
 Tama eno nage sela sanama, tama nago eno bulu du taga soali.
 Tama nage te udula pai masigi tomode ma me bidibeo.
¹⁷ Nago homugo tiali, nago gesabidi sawi yai mu dao homu yali, tama nago hagoma mu elama, tama naga nogi ugwaba salio.
 Nago genuai homu kolesaga elaluali, tama nago homugo te homu kolesagago te genuai nogi sabo dao homu yali.
 Tiali, te po page delide naga tama eno nage aiyaba te toba sawai dao, te gasa meba king dabego nage sulama, tama augwaligo nage gisugu dwai mu momainogo yali.’
¹⁸ ‘Tair bulu king bidi, nago te bisnis se yali sogo, te nago dwai kolesaga hauwa mu yalio, tama nago te segego te lotu be dabe

dwai meda yai mu pedelalio.
 Tama tibaso, eno te isi te taun tomode pedelemainu elama, tama sese ula silali, tama te isi sisi dulu keli hali naga te elaluali.
 Tama gasa tigidali bidi hanigo suali.
¹⁹ Nage dolama, mu dolai elalubadi, nage tode munu me ma bidigobeo.
 Tama tigidali we bidigo te dwai se dabe nagede pedelali po odama, tama augwali noma dwai mu salio.’

Nago te po te Tair king bidibolo pusao,” Genuai Bidigo enabolo te po wai.

Godigo te po wali, taun Saidon dolaibao wali

²⁰ Genuai Bidigo enabolo te po wali, ²¹ “Tode bidi, nago te taun Saidonba ugwa tonama, tama te po wao, te aga dolaibao po wao. ²² Nago te Saidon dabebolo God Genuai Bidi eno augwalibolo yabo po pusao. Augwalibolo walao, ena God, eno augwali dali boi bidi homu elama, tama eno augwalibolo eno tedali gasagi yai kolesaga augwalibolo ola mawaibao. Tama augwaligo enabolo genuai nogi mawaibao. Tama gasa hani dabe mebago eno te Saidon dabebolo yabo te kolesaga augwaligo sulama, tama augwaligo eno bomo koneaibao. Tama te sogo naga te Saidon dabe augwaligo koneaibao, ena deli naga ena Genuai Bidi dao homu yaibao. ²³ Te eno augwaliba genuai gasi dwai tagala palaibao. Tama eno tigidali badu boi bidi dabe hogodolama, tama augwali dali hwjnama, tama augwaligo we bidi hauwa ela silimainu yaibao. Tama te Saidon dabego kaneme dabe te taun sunumi dabedu kegelu soaibao. Tama te Saidon dabego bugagia mu koneama koneaibao, ena deli naga ena Genuai Bidi dao homu yaibao,” wali.

Godigo Israel dabe dali wiegi yai se yaibao

²⁴ “Ena Genuai Bidi, eno po genina ma weyu, te po obao. Te bidi hani dabe augwali Israel dabe pade bidalubo bidi dabego Israel dabe dali boi bidi mu elama, tama augwali dali dwai se mu yali, te sesane yai bonogo bidi tigde enebo tiwai yali. Tiali goli, augwaligo te kolesaga nosali ma elamo dao. Tama te sogo te Israel dabe augwaligo koneaibao, ena deli naga ena God Genuai Bidi dao homu yaibao,” wali.
²⁵ “Ena God Genuai Bidi, eno te po obao. Te eno wiegi yai doloba pai kolesaga te Israel dabe tomode ola mobaso, tama gasa hani bidi dabego sueibao. Te sogo eno te Israel dabe augwali eno te gasa gasa buluba sela sawani bage deli deli ma oda selama, ma odasa asaibao, tama eno augwa kantriba ma odasa asaibao. Tama augwali augwa tode mu tama mu bidaibao, te eno Jekopbolo mani, te tde dao, eno se bidibolo.
²⁶ Tama augwali bugagia bidiyu, augwa be dabe se eyu, augwa wain gi buluyu yaibao. Tama eno gasa hani bidi dabebolo eno dene mawaibao, te augwaligo te Israel dabe dali dwai se yali bage. Tama te sogo te Israel dabe augwali bugagia bidiyu, tama augwaligo e

tama koneaibao, ena deli naga God augwaligo Genuai Bidi dao homu yaibao," te po wai. †

Godigo te po wali, kantri Isip dolaibao po wali

29 Te da kalabus bulude bidibadi te kibu be nogo si, te 10 wabode, te polua nogo si, te 12 deide, Genuai Bidigo enabolo te po wali, ² "Tõde bidi, nago Isip king bidiba ugwaba tonao, tama te po wao, ena God eno aga dali, aga Isip we bidi dabe dali sese dolaibao po wao. ³ Nago te God Genuai Bidi eno po agabolo pusuyu, te po walao,

'Isip king bidi, ena nago boi bidi pedalobao.

Nage te pukpuk me genuai deli

te Isip dabego wę dabede pila mubo tiwai dao.

Nago te po wabo dao.

Nago naga digi naga ma geselai dao olama,

tama te aĵ Nail te naga aĵ dao wabo dao.

⁴ Tama tialima, eno huk nago penanede munama,

tama te sųĵ dabe nago abolode

dagana somainu yaibao.

Tama eno nage kegelama,

tama te sųĵ dabe dali dage aĵ tagalama,

dage buluba soaibao.

⁵ Tama eno nage te sųĵ dabe dali dage selama,

te wa pai bulu besela sųwaibao.

Tama nago tigi te tõe pila mubadi,

tama nago tigi pubulabo bidi meni yaibao.

Tama eno te bulu hasa dabe,

me ba dabego nago tigi tumainogo sula tagalaibao.

⁶ Tama tialima, dage Isip dabego koneagameo,

ena deli naga ena God Genuai Bidi dao

homu yagameo.'

Te po te Isip king bidibolo wao," wali.

"Te po me agabolo pusao, 'Te Israel dabego homugo tiai da, dage Isip dabego augwali tau sogowe homu yai da, te boi hwĵbode. Tiali goli, dagego augwali me tau sai menio. King, te Israel dabe augwaligo homugo tiali, nage te nogo tolasa pabo bomai dono tiwai dao homu yali. Tiali goli, menio. †† Te augwaligo nage nogo tola selama, bilainogo ebode da, nage te sigi dili tiwai bomo togwa pelama, bidigo punali badu enebo tiwai yali. Augwaligo nage daĵ olama touwali, tiali goli nage togwa pali, tama augwali tula munama, augwaligo tudi dolali. Tiyu, nago augwali tau sabeo. ⁸ Tama tibaso, ena God Genuai Bidi eno te po obao. Te eno boi bidi dabego dage Isip dabe dali boi hwĵagaso-mainu odasa asaibao. Tama augwaligo te we bidi eleyu, me hasa dabe eleyu yaibao. ⁹ Tama te kantri Isip dolama, tama te kantri te olo tõ bulu mu elaluaibao. Tialima, dagego bugagia mu e tama koneaibao, ena deli naga ena Genuai Bidi dao homu yaibao,' te po agabolo wao," wali.

"King, nago te po wai dao, naga digi te wę Nail nigilai dao po wai dao. Tama nago te po wali, te naga aĵ

† 28:26 Jol 3:4-8; Sek 9:1-2; Mat 11:21-22; Luk 10:13-14 †† 29:6 Ais 36:6

dao, wali. ¹⁰ Te po te dwai mu dao. Tama tialima, ena nago boi bidi me te aĵ Nailgo boi bidi pedalibao. Tama eno tigidali Isip bulu badu olo tõ mu pedalomainu ilaibao. Te taun Mikdol not badu gagalama, tama pelama, taun Aswan te saut badu usu nigi paibao, te Sudan tõ daĵ paĵa usu nigi paibao. ¹¹ Tama te kibu be 40, bidi sese si kibu bede, te nai dabe me deli te kantri Isip tomode me elalugobeo. Tama tede bidi ma hasa dabe tede me biligobeo. ¹² Tama eno e kantri Isip geninama mu dolaibao. Te Isip taun dabe, me te tõ sese dali, mu dwai dolai elalueibao, te gasa dolali tõ dali taun dabe dali aiyaba elalueibao. Tama eno te Isip dabego taun dabe mu dolama tagalama, tama augwali kibu te bidi sese si kibu be mu tiwai tama me bidaibao. Tama eno te Isip dabe augwali augwa kantride sela sųwaibao, tama augwali gasa hani we bidi tomode bida bida paibao,' agabolo te po wao," wali.

¹³ "Ena God Genuai Bidi, eno te po wali dao. Tama te 40 kibu be silibo si, teda eno te Isip dabe augwali eno sela sųnama pali te kantride ma oda saibao, tama augwali augwa bulu tõ muba ma odasa asaibao. ¹⁴ Te augwali asela silama da, teda augwali u badu te saut badu te Isip dabego tõe bidaibao. Tama Isip bulu te polobadu bomai kantri bidali tiwai ma bidigobeo. ¹⁵ Te eno augwali olo nai tiwai ilama, tama augwaligo polobadu te tobolu gagea pelama, meba kantri dabe tonaluali yali gilama me egobeo. Augwaligo te gasa tõ pedai kantri tonaluabo bomo me elalugobeo. ¹⁶ Tama te Israel dabe augwaligo te sę te Isip dabede pedelali sę suaibao, tama augwaligo koneaibao, augwaligo te Isip dabego augwali tau sao walide augwaligo sęĵ sali koneaibao. Tama te Israel dabe augwaligo te kole-saga ma egobeo. Tama te Israel dabe augwaligo e tama bugagia koneaibao, ena deli naga ena God Genuai Bidi da homu yaibao.' Esekiel, nago te po te Isip king bidibolo wao," Genuai Bidigo te po wai.

King Nebukatnesargo Isip bulu aiyaba elaluaibao

¹⁷ Te deli wabo polua, te deli wabo dei te da kalabuse bidibadi kibu be 27 wabode, Genuai Bidigo enabolo e tama po walali. ¹⁸ "Tõe bidi, odao. King Nebukatnesar aga ami bidi dabe dali, augwaligo te taun Tair dali boi hwĵbo sę te yali. Kingo aga ami bidi dabebolo sęgai hwĵbo nai dabe tolomainu ilama, tama te tialigo augwali tobolu wane ilama, tama augwaligo nage wali dagala palio. Tiali goli, king aga ami dali augwali olodali bomai sę yali. Augwaligo te hwĵbode augwaligo wiegi yai nai me siyu ebeo. ¹⁹ Tama tialima, megi da, God Genuai Bidi eno te po obao. Eno te Isip dabego tõ te king Nebukatnesarbolu mawaibao. Agai dolama, tama Isip dabego mone dali, doado bage dali sese sela paibao, te aga ami bidi dabego bomai sę yali pe tiwai saibao. ²⁰ Te eno Isip agabolo, me aga ami dabe, augwalibolo mawaibao. Te augwa bomai sę yali te pe tiwai saibao. Magi baso meni, te boi augwaligo hwĵjanide te eno sę dao. Te da God Genuai Bidi eno po dao," wali.

²¹“Tama te şe pedalobo sogo da, teda eno Israel dabego bomo ma pedalumainu ilaibao. Tama tõe bidi, ena nago Israel tomode po bomonama omainu ilaibao. Tama augwaligo bugagia koneaibao, ena deli naga te Genuai Bidi dao homu yaibao,” te po wali.

Genuai Bidigo Isip bulu dolaibao

30 Genuai Bidigo enabolo e tama po walali, ²“Tõe bidi, eno homugo nago ena God Genuai Bidigo po pusumainu homu ebao. Nage gela bomonama mu olama, tama hobede mu dao e po wao, ³“Påde tama dwai sogo pedelaibao. Te da, te Genuai Bidigo tigidali we bidibolo dene mabo sogo pedelaibao. Te da te pø pedalobo genuai sogo yaibao, tama te sogo te we bidi hauwa dolobo sogo pedelaibao. ⁴Tama te sogo te boi bidi dabego te Isip dabe dali boi hwj yagasaibao. Tama genuai sege te Sudan we bidiba pedelaibao, te Isip saut badu elalubo distrik dao. Te boi bidi dabego Isip we bidi hauwa elama, isila silama, tama te kantri dolama, tama Isip dabego mone me doado bage selama, tama augwa kantriba selasa paibao,” te po wao,” wali.

⁵“Tama te hwjbode me Isip amigo abelali bage, te Sudan hani ami bidi hauwa, me Lidia, me Libia, me Kup, me gasa hani bidi me, augwali te hwjbode te Isip bage dali isaibao,” wali.

⁶“Tama ena Genuai Bidi eno po genina ma weyu, te po obao,

“Te u not badu taun Mikdoldu gagalama, tama taun Aswan te saut badu elalubo buluba usu nigi paibao, te boi bidi dabego te Isip dabe tau siyu, hwjbo bidi dabe sese tama ela silaibao. Te Isip dabe augwaligo augwa bomode wiegi yai homu pemene mu ebo dao. Tiali goli, te bomo te mu tama sia saibao. Te da God Genuai Bidi eno po dao.

⁷Te eno Isip dabego tø dolaibao, te dolobo se genuai mu yaibao, tama eno agai taun dabe mu dolaibao.

⁸Te eno Isip dabego nai dabe sese tama isi ulama, tama te Isip dabe tau sabo se ebo bidi dabe me dolaibao.

Tama te Isip dabe augwaligo e tama bugagia koneaibao,

ena deli naga ena Genuai Bidi te yaba homu yaibao,” te po obao,” wali.

⁹“Te Sudan dabe augwali bugagia bidiyu, augwaligo homugo magi se me augwalide pedalogobe homu te ebao. Tiali goli, eno te Isip bulu dolobode, teda eno te bidi dabe Sudanba te geba sipdu pomainu tagala palaibao. Augwali te Nail aji daide te sipdu pelama, tama augwaligo te we bidibolo eno te Isip dabe dali yali se po pusaibao. Tama te Sudan dabe augwali noma dwai mu saibao. Te tamadi tama eno te te tama tiaibao,” wali.

¹⁰“Ena God Genuai Bidi, eno po genina ma weyu, te po obao, te eno te king Nebukatnesar aga ami dali augwali aselama, augwali Isip dabego mone me tigidali nai dabe somainu sula tagalaibao.

¹¹Te Babilon dabe augwali te bidi hani dwai mu dao, te homu dene isaø bage dao.

Tama augwali aselama, tama Isip mu tama dolagasaibao.

Te augwaligo augwali te bainat hwago elama, tama isai bidi dabego tigi te Isip bulu tõe mu paqana paibao.

¹²Tama eno te we Nail sula somainogo ilaibao.

Tama eno gasa kantri bidi dabego Isip bulu sese dolomainu ilaibao.

Tama bidi dwai dabego augwaligo te Isip dabego tø saibao.

Te da Genuai Bidi eno po dao.”

¹³“Ena Genuai Bidi eno po genina ma weyu, te po wali. Te eno te taun Memfis te Isip bulude te tibo god dabe piksa noma sese tama mu silaibao. Te eno Isip dabego king sela şanama, tama Isip dabego king meni emainu yaibao. Tama eno te Isip dabe augwali wi dwai mu emainu ilaibao. ¹⁴⁻¹⁶Tama Isip bulu sese tama isi ula silaibao. Tama eno u saut badu te Isip bulude te olo bulu pedalomainu yaibao. Tama taun Soan te not badu te bulu sese tama isi ula silaibao. Tama te boi bidi dabego te taun Tebes bagulali obo aluama, tagalaibao. Tama we bidi hauwa elama, silaibao. Eno taun Pelusium sebe ebao, te da te Isip dabego bomai taun dao, tama eno aga dene genuai menama, tama augwali sege me dene genuai mu saibao. Tama eno Memfis dabebolo sege sesemane sogo dene mawaibao. ¹⁷Tama te boi bidi dabe augwaligo te taun Heliopolis me Bubastis taun gesi bidi dabe sese tama ela silaibao. Tama augwaligo te taun side we bidi dabe sese nogo bono dunama, tama gasa kantriba kalabus igi paibao. ¹⁸Te Isip dabe augwa bomode augwali gana peyu yai da. Tiali goli, eno augwaligo bomosese silimainu yaibao. Tama te sogo naga te taun Tapanesde hulua saibao. Tama genuai pogo te Isip bulu tigidali tama mesega saibao. Tama te boi bidi dabego te Isip bulude tigidali taunde we bidi dabe selama, tama augwali gasa kantriba kalabus igi peyu, odasa paibao. ¹⁹Tialima, te tama kolesagago eno Isip dabe dene mawaibao. Tama augwaligo e tama bugagia koneaibao, ena deli naga te Genuai Bidi te yabao olama koneaibao.” Genuai Bidigo te po wali.

Isip king bidigo bomosia sali

²⁰Te hasia wabo poluade, te dei namba 7de, te kibu be 11 wabo, te kibu bede da kalabuside bidibadi Genuai Bidigo enabolo te po walali, ²¹“Tõe bidi, eno Isip bulu king bidigo nogo aboai dao. Tama bidi mego agai nogo pobilibeo, me te ni name munama, kebeo. Te nogo bomosia elama, tama te bainat ma nogo tulama

hwjmainu me ebeo. ²² Tama tialima, God Genuai Bidi eno e po te obao, eno Isip king bidi dali boi bidi te ebao. Tama eno agai nogo si tama togolama tagalaibao, te hasia aboai nogo dali, te wiegi yai nogo dali tama togwa paibao. Tama te bainat agai nogode honoga pelama, tulaluaibao. ²³ Tama eno te Isip we bidi dabe tedela palama, te gasa kantri dabeba sela şawaibao. ²⁴ Tama tialima, eno Babilon king bidigo nogo si bomo ilama, tama ena bainat hwa te agai nogo-ba muaibao. Tiali goli, eno Isip king bidigo nogo si tama togwa şawaibao, tama aga genuai dene mu saibao. Tama Babilon king bidigo gedude aga hwa dwai mu waibao, te bidi me isainogo wabo tiwai yaibao. ²⁵ Mu tamao, eno agai bomo sela şanama, tama eno Babilon king bidigo bomo emainu ilaibao. Tama ena bainat te Babilon kingbolo mawaibao, tama agai Isip bidi dabe elama isilaibao. Tama te sogo te Isip dabe augwaligo bugagia koneaibao, ena deli naga ena Genuai Bidi da olama, koneaibao. ²⁶ Tama eno te Isip dabe sela şanama, tama augwali te tedela pelama, augwali te gasa kantri dabeba subigila bidigi paibao. Tama te sogo augwaligo bugagia koneaibao, ena deli te Genuai Bidi dao, te koneaibao," wali.

Godigo te po wali, Asiria king bidi te wiegi yai ni sida tiwai dao po wali

31 Te namba 11 wabo kibu bedede da kalabuside bidali kibu bedede, te sela wabo poluago deli wabo deide, Genuai Bidigo enabolo te po walali, ² "Tode bidio, eno homugo nago eno po te Isip king bidi dali, aga we bidi dabe dali, augwalibolo eno po pusumainu ebao. Te po da, e dao,

'Dage Isip dabe, dage bomai bidi hani mu dao. De mu dagego elalubo bomai bomu tiwai elalubowe?

³ Te Asiria dabede homu kone palao.

Augwali te kantri Lebanonde elalubo te bobobage ni bq o sida tiwai bomonama mu dolaluai dao.

Te nigo te wiegi yai bobobage nologo dabe elaluyu, me agai dologode wiegi yai kedau elaluyu yai dao.

Te ni bq te bobobage mu elama, tama meba ni dabe aiyaba elaluai elaluali.

⁴ Tama tq tomode elaluali wego te ni sida genuai mu holomainu ilali.

Te we te tq daide ugwađu pedaliyu, tama te ni page pađe te ađ biliyu yali, tama tilama nosali te ađ te gasa meba ni dabeba pali.

⁵ Te we hauwa mu elaluyu, tama te ni genuai mu holali, tama gasa meba ni dabe aiyaba elaluali. Tama agai nologo dabe genuai mu elama, tama bobobage mu yali.

⁶ Tama te haniani ba dabe augwaligo augwa be te ni nologoba şe yagasai dao. Tama me te bulu hasa dabe augwali te ni nologo dologoba bidagaselama,

tama augwaligo augwa gođu te ni nologo dologode sai da.

Tama tigidali kantri we bidi augwali te ni dologoba duayagasiyu yai dao.

⁷ Te mu tama dao, te ni da, te polalubo sawi yai mu dao.

Agai te bobobage nologo mu elalubao, tama agai pedali te tq dologode elalubo weba dulubo dao.

⁸ Te eno gi Idende te ni tiwai wiegi yai ni me elalubeo. Agai te tigidali te gide sida ni tiwai me edelai elalubeo.

Tama te ni sidago nologogo te ni paingo nologo aiyaba elaluai elalubao, me te eno gide meba gasa ni dabe aiyaba elaluai elalubao. †

⁹ Ena digi te ni nologo hauwa holomainu ilama, tama aga wiegi yai ni holomainu ilai dao.

Tama tialima, eno te gi Idende tigidali ni dabe augwaligo te ni peşş yalio,' te po pusao," wali.

¹⁰ "Te bobobage ni sida bq, te Asiria tq kantri da, agai hagoma dogia pelama, tama aga tobolu gagea pabo şe ebo genuai mu yai dao. Magi baso meni, aga ugwanu bobobage mu holama, meba ni dabe aiyaba elaluai baso. Tialima, megi God Genuai Bidi, eno agade pedelali nai dabe po pusaibao. ¹¹ Eno aga tudi ola mawai dao. Tama eno aga gasa bomai king mego nogoba mani. Tama te kingo te ni agai yali dwai kole-saga wei ponoyu, dene mawai dao. ¹² Tama homu dene isabo bidi hani dwai mu dabe mu aselama, tama te ni bq gelama, tqba degelama, tama olo tqde elalumainu yali. Tama agai nologo dabe da, te bulu du dabeba, me malu buluba, me bulu bubiabi togoaluai madi totogaluai dao. Tama te we bidi hani augwali polobadu te ni nologode polobadu duala sagasiyu yali, te bage augwaligo tagalama, subigila pepelawai dao. ¹³ Te ni tqde pila mubadi, te ba dabe aselama, tama agaba ma duayagasai dao. Tama te bulu hasa dabe auwali me aselama, tama te ni nologo page te ni tigiba teba bidagasai dao. ¹⁴ Tama tibaso, nosali da, eno te ni tiwai bobobage me holomainu sula tagalogobeo. Te augwaligo we hauwa sobadi me tagalao, augwali ugwanu bobobage me hologobeo. Menio. Augwali sese isimainu yaibao. Te bidi dabe yali gilama tama augwali te isai bidi dabego buluba aiyaba dulaibao,' te po te Isip bageba pusao," Genuai Bidigo enabolo te po wali.

¹⁵ "Ena God Genuai Bidi, eno te po obao. Tama te ni isilama, tama te isai bidigo buluba polo pai digi da, te da eno te tq dologode we dabego aga hobede emainu ilama, tama aga mesega somainu yaibao, tama eno te we dabe paliama, tama augwali ugwaba tqba ma holomainu egobeo. Tama tiyu, te ađ dabe hauwa sula siyu yai dao. Tama eno te Lebanon bulu du dabede be huliasiyu emainu yali. Tama meba gasa ni dabego te nide hobede elama, tama augwali me sasia pai dao.

† 31:8 Gag 2:9

¹⁶ Te eno te ni te isai bidi dabego buluba polo şawai madi da, aga moni busugu wabo odama, teda tigidali kantri tş mobodo yai dao. Tama te me gasa wiegi wiegi yai ni dabe te isai bidigo bulude polo bidali ni dabe, augwaligo te ni dolai sulama, tama augwali me wiegi yai homu dwasianu yai dao. Te augwali te aşı hauwa sali ni dabe, augwali Iden gi ni dabe dao, me augwali te kantri Lebanonde wiegi wiegi yai ni dabe me dao.

¹⁷ Te ni bş o sida nologo dologode dualalu yali bidi dabe augwali me, te ni tau siyu yali te bidi dabe dali, augwali te ni dali te isai bidi dabego buluba pai. Tama augwali te boi bidi dabego bainat hwşgo elai bidi dabe dali bidaibao, te po pusao, wali.

¹⁸ "Te Isip king, aga we bidi umabo mu dali, augwali te ni bş sida tiwai dao. Te Iden gide te ni bobobage wiegi yai te ni tiwai me holai menio. Tiali goli, megi da, te ni aga te Iden gide ni tiwai pedelama, tama aga te isibo bidigo buluba aiyaba dulaibao. Tama aga te wiegi yai kolesaga wali pişabo bidi dabego bidi hani dali bidaibao, me te boi bidi dabego boide elali bidi dabe dali bidaibao, te gş pagede." Ena God Genuai Bidi, eno po polo wali dao, wali.

Isip king dolaibao

32 Te hasia wabo dei, te namba 12 polua, te namba 12 kibu bede da kalabuside bidali sogo, Genuai Bidigo enabolo e tama po walali, ² "Tşde bidi, nago Isip king bidide hobedai gela weyu, e tama balia po wao,

'King, nago homugo nage te meba kantri tomode te boma pai laion yowi da homu ebo dao. Tiali goli, menio.

Nage te moni pukpuk me deli te wşde bidiyu, şaşı subigila şayı ebode wş dunugu ilibo pukpuk tiwai dao.

³ Tama tialima, ena God Genuai Bidi eno e tama po e obao, te eno we bidi hani hauwa mu odasa asaibao. Tama eno tola sabo wa nageba şanama, tama nage tola saibao, tama augwaligo nage wş kemi saneba ugwaba kegasa asaibao.

⁴ Tama nage eno tşba ugwa sana palaibao, awe, te pepeli diliba muaibao.

Tama eno tigidali ba dabe, me eno tigidali bulu tşde hasa dabe odasa aselama, nage tumainogo yaibao.

Tama augwaligo haliga mu paşana paibao.

⁵ Tama eno nago te tigi meba selama, tama bulu duba şanama, tama nago te mi dabe me dili dabego te odogo malu bulu me paşana paibao.

⁶ Tama eno nago kaneme digibuluba gea palaibao.

Tama te kaneme agai tigidali aşı dabe usu elama, tama tigidali bulu du dabe mesega sigi peyu yaibao.

Tama te odogo malu bulu dabe

te nago tigi migo paşana mu paibao.

⁷ Te eno nage silibo sogo da,

teda eno dagalu halua selama, tama tigidali hş dabego ula sula somainogo yaibao. Tama me eno te pşgo te giliga mesega somainu elama,

tama te giliga ula munu ma me egobeo. Tama te polua me ula me egobeo. †

⁸ Awe, eno tigidali dagalude ula dabe geme dulaibao.

Tama nago kantri mu hulua saibao.'

Te da God Genuai Bidi eno po dao," wali.

⁹ "Te we bidi hauwago eno nage polo dolali po odama,

tama augwali wi dwai mu yaibao.

Tama te po da, te kantri dabe nago susişıma yali te bulu dabeba usu nigı paibao.

¹⁰ Te nage eno bainat hwşgo dolobo sogo, te king dabe, me te tigidali kantri

we bidi dabego sulama,

tama augwali wi dwai mu selama, didibili elama, tama augwali noma mu saibao.

Awe, te sogo tama te king dabego te homu yaibao,

tiyu Godigo da dali te tiwai şş da dali idali homu yaibao."

¹¹ "Te po wao, 'Isip king, ena God Genuai Bidi, eno te tama po wali dao.

Te Babilon kingo nage dali hwş yagasaibao.

¹² Te eno te dwai kantrigo

te homu dene isişbo ami bidi dabe dwai mugo nago we bidi dabe sese ela silagasomainu yaibao.

Tama augwaligo dage Isip dabego

wiegi yai homu gana pabo te nai dabe tigidali mu dolagasaibao.

¹³ Tama eno nago tigidali kau kibu dabe augwali tigidali wş tubo pesagede ela silaibao.

Tama te bidi me kau kibu te aşı bilyu, te aşı dunugu ilabo ma meni yaibao.

¹⁴ Tama tialima, eno te tigidali aşı dabe wiegi yai elaluyu,

tama bugagia soayu ilaibao.

Te God Genuai Bidi eno po dao.

¹⁵ Te eno nago we bidi ela silama, tama nago kantride tigidali nai dabe sela şana silai madi da,

teda te kantri te olo tş mu pedalaibao, tama da, dage Isip dabego bugagia koneaibao,

ena deli naga ena Genuai Bidi dao homu yaibao.'

Te tama balia po pusao," wali.

¹⁶ "Tama te gasa kantri we sibigo augwaligo te hobedai balia po waibao, augwaligo te dage Isip dabe homu dene eyu, gela wabode te balia po waibao. Ena God Genuai Bidi eno po polo wali dao," te po wali.

Te isai bidigo bulude bidibo we bidi dabe

¹⁷ Te da kalabus te Babilon bulude bidibadi, kibu be namba 12 wabo sogo, te namba 15 deide, te namba

† 32:7 Ais 13:10; Mat 24:29; Mak 13:24-25; Luk 21:25; Ped 6:12-13; 8:12

12 poluade, te kibu bede God Genuai Bidigo enabolo e tama po walali. ¹⁸“Tode bidi, nago hobedai gela te genuai Isip we bidi hanide wao. Tama nago augwali te meba gasa bomai kantri we bidi dabe bidibo pesageba, te isai bidigo buluba talua sigi pomainu nago tagala palao. ¹⁹Te Isip dabebolo e tama po walao. ‘Dagego homugo dagego ugwaba ela holama, tama dagego gasa we bidi aiyaba elaluai dao homu eba, agawe? Mu menio. Polo tama dage te gasa hani bidi dabe, te dwai kolesaga ebo we bidi hanigo bidi dabe bidalubo isai bidigo buluba bidigi pişo, te wiegi yai kolesaga wali pişabo bidi hani dali bidigi pişo,’ te po te Isip dabebolo wao,” te po wali.

²⁰“Tode bidio, bainat hwa te Isip tode ami bidi dabe polo elabo dola muai elalubao. Augwali isimainu sula tagalama, tama augwali te gasa hani meba te boide isali bage dali bidigi pomainu yao. ²¹Te isai bidi dabego bulude da, te boi hwjibode genuai nogi yai bidi dabego te Isip dabe, me augwali sali bidi dabe subode augwali wiegi yai homu yaibao. Augwali te buluba aiyaba dulama, tama augwaligo te Isip dabeba hae weyu, e tama po waibao, ‘Te wiegi yai kolesaga wali pişama ebo hanigo bidi dabe, te augwali e buluba dulama, tama augwali e bulude te bidibao. Te boi bidi dabego augwali elama, isilai dao,’ te gu pagede bidibo bagego augwalide te po waibao,” wali.

²²Kantri Asiria aga ami bidi dabego gu page dali te bulude te elalubao. Te boi bidi dabego augwali boide ela silai dao. ²³Tama augwaligo gu page te bulu aiya badu mu elalubao. Tama Asiria kantri aga gu page te tomode, te Asiria dabe augwali isişama ebadi da, augwaligo hauwa we bidi wi mu emainu ilai dao,” wali.

²⁴⁻²⁵“Tama kantri Elam me te bulude naga te elalubao, me te ami bidi dabe te boide isali bidi dabego pesage badu te elalubao. Tama te Elam kantri ami bidi dabego gu pagego te kantri Elam bagua sai elalubao. Te boi bidi dabego te ami bidi dabe boide elai dao. Te Elam dabego wiegi yai kolesaga wali me pai menio. Tama me ma, augwali isişama ebadi da, augwaligo we bidi hauwa wi emainu ilai dao. Tiali goli, augwali megi da, isai bidi dabego buluba bidigi pali. Tama tibaso, augwali hale dwai mu eba,” wali.

²⁶“Te kantri Mesek me kantri Tubal si, me augwa ami bidi dabe dali, te buluba naga bidigi pali. Tama te kantri sigo gu page te ami bidi dabego gu page tomode elalubao. Te boi bidi dabego augwali ela silai dao. Te kantri Mesek me Tubal sigo te wiegi yai kolesaga me yai menio. Tama me ma, augwali isişama isşabadi, augwaligo kantri hauwa wi emainu ilai dao. ²⁷Te bidi dabego te ami bidi dabe augwali te dwai bidi dabe pubalobo tiwai tama pubalai dao. Augwaligo te polobadu bidali genuai nogi yai ami bidi dabe pubalobo tiwai kolesagago pubulai menio. Augwaligo te nogi yai polobadu bidali bage pubaluyu, augwaligo augwa bainat augwa tobolu dologode muyu yai dao. Te Mesek me Tubal dabe augwali augwa dagede augwali isalio. Magi baso meni. Te augwali bidibadi, augwaligo te we bidi hauwa wi mu iliyu yai dao,” wali.

²⁸“Tama kantri Isip me dolama, tama aga me te boi bidi dabego elali bidi dabe tomoba bidigi paibao. Te bidi dabe augwali te dwagi yai kolesaga isşawai bidi hanigo bidi dabe dao,” wali.

²⁹“Tama kantri Idom me te isai bidigo bulude te bidibao. Aga te aga king dabe, me augwa tobolu bidi dabe dali te bidibao. Polobadu te Idom dabe augwali bomai ami bidi dabe mu bidai dao. Tiali goli, megi da, augwali isilama, tama augwali te hwjibode boi bidi dabego ela muai bidi dabe dali teba bidigi paibao. Te bidi dabe augwali te wiegi yai kolesaga wali pişama yai bidi hanigo bidi dabe dao,” wali.

³⁰“Tama u not badu king dabe me te bulude te bidibao. Tama me te Saidon dabe me augwali dali te bidibao. Polobadu augwali bomai bidi hani bidiyu, augwaligo bidi hani hauwa wi ilai dao. Tiali goli, megi da, augwali polo isila pelama, augwali hale dwai mu eba. Magi baso meni. Augwali te buluba bidi meba dali bidigi pali, te boi bidi dabego boide elai bidi dabe dali bidigi pali. Te bidi dabe augwali te wiegi yai kolesaga wali pişama yai bidi hani bidi dabe dao. Augwaligo me te isai bidi buluba aiyaba dulali bidi dabego sali hale tiwai naga salio,” wali.

³¹“Te Isip king bidi aga ami bidi dabe dali, augwali te buluba dulubo sogo da, teda agai me te meba hani te hasia bidali bage bidibo suaibao. Tama agai homu dwasianu wiegi yai elama, tama aga hale genuai ganama egobeo, te aga ami dabe dali, te boi bidi dabego augwali elai bidi dabe dao. Te da God Genuai Bidi eno po dao. ³²Ena digi te Isip king bidi aga ami dali augwali hodolama, tama augwaligo we bidi hauwa wi dwai mu emainu ilai dao. Tiali goli, megi da, boi bidi dabego Isip dabe augwali boide elama, tama augwali te isai bidi dabego buluba bidigi paibao. Tama augwali te boi bidi dabego boide elai bidi dabe dali isai bidigo buluba bidigi paibao. Te bidi dabe augwali te wiegi yai kolesaga wali pişabo bidi hanigo bidi dabe dao. Ena God Genuai Bidi eno po polo wali dao.” Te po wali.

Godigo te Israel dabe augwali bugagia ma bidimainu ilaibao

(Daj 33-37)

Godigo Esekiel te bidi tonalubo bidi nigilali

(Ese 3:16-21)

33 Genuai Bidigo enabolo e tama po wali, ²“Tode bidio, nago naga hani bage, te Israel bage dali, te Juda we bidi dali si, augwalibolo te bidi tonalubo bidigo ebo se po pusa mao. Te eno boi bidi dabe me te kantri me dali hwjmainu taga palobaso da, teda te kantri we bidigo augwa tonaluabo bidi me deli sa mubo dao. ³Tama te tonalubo bidigo boi bidi dabe asobo sulama da, teda agai te biugel bu wabo dao, te we bidibolo boi asobao olama mayu, te po wabo dao. ⁴⁻⁵Tama tialima, te bidi me deligo te biugel bu wabo

odama, tama aga wi pelama, tama duala sabo pesage gegegi pişama yai digi, tama te boi bidi dabego aga elama isilali da, teda te bidi aga dagede aga isai dao. Magi baso meni. Ma, aga duala sigi pigi sogo da, teda aga me isigi menio. ⁶Tiali goli, te tonalubo bidigo te biugel bu wasiama yali da, teda te boi bidi dabego te we bidi sese tama ela silaibao. Te mu tama goli da, te we bidi augwaligo dwai seęę elama, isali goli dao. Tiali goli, eno gedude da, te tonalubo bidi dabego geda muanigo da, te augwali te isali dao. Tama eno aga dali te po tų yaibao," wali.

⁷"Tųde bidio, eno nage Israel dabe tonalubo bidi nigilibao. Te eno bomai po augwalibolo pusabo po elalubaso da, teda eno nagebolo menama, tama nago augwalibolo pusa magameo. ⁸Tialima, eno bidi mego dwai kolesaga ebo subaso da, tama eno aga isaibao obaso da, teda nago agabolo pusao. Nago agabolo agai homu kolesaga, me agai ebo kolesaga hasegeleyu yao po wao. Tialima, nago agabolo wasiama yali da, teda agai seęę me tama elaluaibao, tama aga isaibao. Tiali goli, eno gedude da, teda nago dagede aga isaibao. ⁹Tiali goli, nago te seęę sabo bidibelo po walai digi, tama agai te dwai kolesaga tagalişama ebaso da, teda te dwai kolesagago aga dolama, tama aga isaibao. Tiali goli, nago te seę yalide seęę me sogobeo, tama nage me isigobeo," wali.

Genuai Bidigo homugo dwai kolesaga ebo bidi isibo hagela homu yali

¹⁰Genuai Bidigo enabolo po geninama ma weyu, e tama po wali, "Tųde bidi, nago eno te po te Israel we bidibolo pusa mao, 'Dagego e tama po wabo dao, "Dago seęę hauwa sabo da," po wali, "tama tialima, da homu seęę genuai mu ebaso," po wali, "tama dago tigi dili pulu ha mu ebaso, mena tama tiyu, da bugagia bidigowe?" Dagego te po wabo dao.' ¹¹Te Israel dabebolo e tama po walao, 'Ena God Genuai Bidi, ena tigidali sogo bidibo dao, tama mu tama dao, te dwai kolesaga ebo bidi dabe isibaso, eno tede wiegi yai homu pemene egobe dao. Menio. Eno te dwai kolesaga dabeba tudi ola menama bidibo bidi dabeba eno wiegi yai homu pemene ebo dao. Dage Israel dabego odao. Ma begasa asao. Dagego duga ebo dwai kolesagaba tudi ola menama, tama dage enaba ma asiąo. Magi baso dagego isabo seę idu gebawe?' Nago augwalibolo te po wao," wali.

¹²"Tųde bidi, nago te naga hani Israel dabebolo walao, 'Tialima, te doloba pai bidi mego dwai seę ebaso da, teda agai polobadu yali doloba pai kolesaga aga me bugagia bidimainu tau me sogobeo. Tialima, bidi me dwai seę iduai bidigo dwai kolesaga tagalama, wiegi yai kolesaga ebaso da, teda agai aga yali dwai kolesagaba tudi ola mayu te ebaso. Teda eno aga dologobeo. Tama tialima, te doloba pai bidi me deligo dwai seę ebo gagalobaso da, teda eno agai yali doloba pai kolesaga koneama, tama eno aga bugagia bidimainu me sula tagalogobeo. Menio. ¹³Eno te doloba pai bidi dabebolo augwali bugagia bidaibao po wabo dao. Tiali

goli, bidi mego homugo agai yali wiegi yai kolesagago aga tau saibao olama, tama agai doloba pai kolesaga tagalama, tama agai dwai seęę sabo seę eyu da, teda God eno agai polobadu te yali doloba pai kolesaga kone me egobeo. Menio. Megi aga dwai kolesaga yai baso da, teda aga isimainao. ¹⁴Tama eno bidi dwai dabebolo augwali isimainao po wabo dao. Tiali goli, te dwai kolesaga ebo bidigo aga yali dwai kolesagaba tudi ola menama, tama agai doloba pai kolesaga naga idu baso da, ¹⁵teda aga munu me isigobeo. Tialima, te bidi agai te bidi me delibolo agai te negeli yali te tonalubo nai ma wei mobaso, o agai wi sali nai ma wei ponobaso, me agai eno tigidali bomai po wali pelama, tama agai dwai kolesaga isiama eyu da, teda te bidi munu me isigobeo. Menio. Aga bugagia mu bidaibao. ¹⁶Tialima, eno agai polobadu yali dwai kolesaga kone me palogobeo. Megi da, agai doloba pai kolesaga ebaso da, teda aga bugagia bidaibao.' Te po augwalibolo pusao," wali.

¹⁷"Tiali goli, tųde bidio, naga abagi dabego te po wabo dao, Genuai Bidi eno kolesaga dolo menio po wabo dao. Tiali goli, menio, te Israel dabe augwa kolesaga te dolo menio. ¹⁸Tialima, te doloba pai bidigo aga te doloba pai kolesaga tagalama, tama dwai kolesaga ebaso da, teda aga isaibao. ¹⁹Me ma, te dwai kolesaga ebo bidi me deligo aga yali dwai kolesaga tudi ola menama, tama agai doloba pai wiegi yai kolesaga wali peyu da, teda aga bugagia bidaibao. ²⁰Tiali goli, dage Israel dabego te po wabo dao, Genuai Bidi eno kolesaga dolo meni po wabo dao. Teda odao. Nosalali eno dage po tų elama, tama dagego kolesaga osola sulama, tama dage deli deligo ebo kolesaga dagalaibao," Genuai Bidigo enabolo te po wai.

Jerusalem dolalio

²¹⁻²²Te da kalabuside bidibadi kibu be namba 12 wabode, tama te dei namba 4, te namba 10 poluade, te sogo pio te eno Genuai Bidigo bomu ena tigiba asobo gagama yali. Tama te sogo kigamu Genuai Bidigo eno pedauwali ma usu ilama, tama eno po ma wabo usu ilali. † Tama elama, tama bidi me deli aselama, tama enabolo te po wali, "Jerusalem polo dolalio," te po wali. Te boi bidi dabego te Jerusalem hanu dolobo sulama, tama te bidi aga ena bidibo madi asali. ††

Te we bidi kantri Israelde bididuali we bidigo dwai kolesaga yalio

²³Genuai Bidigo enabolo e tama po wali, ²⁴"Tųde bidio, Israel dabego taun polo dolalio. Tiali goli, te we bidi te taunde me bidibao. Augwaligo e tama po wabo dao, 'Abraham aga te bidi deli goli dao, tama Godigo te tų tigidali tama agabolo mawai dao. Tiali goli, megida, dago we bidi hauwa te elalubao. Tama tilama, Godigo te tų mu tama dabolo mawai yali bogo.' Aug-

† Te Esekiel Daj 3:26 tede elalubo po suo. Te polobadu sogo gagalasa, tama e sogoba usu nama, Esekiel aga te po wabo usu isiayı, aga hamena begelai bidi bididuai. †† 33:21-22 2 Kin 25:3-10; Jer 39:2-8; 52:4-14

waligo te po wabo dao. ²⁵ Tama tibaso, megi da eno homugo nago te po augwalibolo pusa mao. Ena God Genuai Bidi eno te po e obao. Dagego dwai kolesaga hauwa ebo dao. Te dagego te hasa dabe tuainogo elebo sogo, dagego kaneme dabe sela şabo menio. Me, dagego tibo god dabeba lotu po weyu ebo dao. Me, dagego bidi dabe ela muyu ebo dao. Mena tibaso dagego te tş saiba homu ebawe? ²⁶ Tigidali sogo dagego subigila hwjyu ebo dao. Tama me, dagego dwai damua pai kolesaga dabe ebo dao, me dagego duga abagi sologo we dabe dali penani şe eyu ebo dao. Dagego homugo mena tama tiyu, dagego te tş saiba homu ebawe? Dagego usu munu ma me egobeo," wali.

²⁷ "Tialima, eno homugo nago ena God Genuai Bidigo po augwalibolo pusa mao. Ena God dao, tama ena tigidali sogo bidibo dao, tama eno mu po e tama obao. Te boi bidi dabego te dolai taunde bidalubo we bidi sese tama ela silagasaibao. Tama me, te bulu hasa dabego te taunde bidisaıa, olo bulu badu bidalubo we bidi elama, tuagasaibao. Tama me, te dualaluabo pesage wiegi yai digi duala sali we bidi, me masigi dudulawede duala sali we bidi, augwali genuai gasi mu selama, isaibao. ²⁸ Tama eno te tş dolama, tama te tş olo tş mu pedelaibao. Te Israel dabe augwaligo augwa bomode mu gana pabo dao. Tiali goli, eno augwaligo te bomu mu silaibao. Tama te Israel dabego bulu du te dwai bulu dasu mu pedelaibao, tama te bidi dabe augwali tede bilibo hagela yaibao. ²⁹ Te augwaligo te dwai damua pai kolesaga ebaso da, eno te we bidigo bulu tş te olo bulu tiwai pedelemainu ilaibao. Te tiwai ilibo si da, teda augwaligo e tama bugagia koneaibao, ena deli naga te Genuai Bidi te yabo homu yaibao," wali.

Te we bidi augwaligo te profetgo po wali pabeo

³⁰ Genuai Bidigo enabolo e tama po wali, "Tşde bidio, te naga abagi dede augwali te taun obo pşde sisinibo sogo, me augwa be sunumi pşde sisinibo sogo augwaligo nage koneama, augwaligo e tama po wabo dao. 'Polo pinao, da pelama, Genuai Bidigo mena po aga profet bidibolo megi maniwe odigi pinao,' wabo dao. ³¹ Tama tialima, eno we bidi augwali nago po odainu sisinagasobo dao. Awe, augwali nago gesabidide dualama, nago po odobo dao. Tiali goli, augwaligo olodali tama odobo dao. Augwaligo te po wali pabo menio. Augwaligo te timainao po wabo dao. Tiali goli augwaligo te mone hauwa sabo homu naga ebo dao. ³² Augwaligo nago po odabo homu ebao, te bidigo gita eleyu, te wiegi yai musik wabo tiwai odabo homu ebo dao. Tama me, te bidigo wiegi yai dogoni elaluyu, tama bidigo we godolo eyu, te wiegi yai balia po wabo odabo homu ebo tiwai ebo dao, augwaligo nago po tigidali tama odobo dao. Tiali goli, augwaligo dwasianu wali me pabo menio. ³³ Tiali goli, mu tama, nosali nago wali po sese tama mu pedelaibao. Tama te sogo augwaligo koneaibao, te nago te pusali po dabe,

te eno po mu te yabao homu yaibao." Genuai Bidigo te po wali.

Godigo Israel dabego tobolu bidi dabe po tş yali

34 Genuai Bidigo enabolo e tama po walali, ² "Tşde bidio, nago te Israel dabe tobolu bidi dabe po tş ela mayu, nago e tama po wao, 'Dage Israel dabego tobolu bidi dabeo, odişo. Ena God Genuai Bidi, eno po dage dali elalubao. Dage dolaibao. Te Israel dabe augwali da, te sipsip kibu dabe tiwai dao, tama dage da, te sipsip tonalubo şe elalubo bidi dabe tiwai dao. Tiali goli, dagego duga naga ma tonaluyu ebo dao, tama dagego te sipsip dabe tonalubo menio. ³ Dagego te sipsip ame pş tuyu, te augwaligo sipsip kibu nisigo nigai gudubo ugwa gudubo dao, tama dagego wiegi yai tumona pai sipsip kibu elama, te ili dali mi dali tubo dao. Tiali goli, dagego te sipsip kibu tonalubo menio. ⁴ Dagego te bomu meni yai sipsip dabe tau sabo menio. Tama me dagego te gasi yai sipsip dabe usu ilibo menio, me dagego te tigi selai sipsip kibu dabe keni dagego şşşbo menio. Tama me dagego te hagawai sipsip gegegi pelama, tama dagego augwali ma oda sabo menio. Te dagego bomogo da, dagego augwali dali selebo şe eyu, tama sesanobo bidigo ebo kolesaga tiwai ebo dao. ⁵ Te sipsip dabe augwali tonalubo bidi meniama, augwali augwa digi subigila bilibo tiwai ebo dao. Tama te bulu hasa dabego augwali elama tubo dao. ⁶ Eno sipsip kibu dabe augwali te bulu du dabeba wi pobao, tama augwali tigidali tşba tigidali polo pepelawalio. Tama augwali gegabo bidi meni yanio. Mu menio.' Te po augwalibolo pusao," Genuai Bidigo enabolo te po wai.

⁷ "Te po me pusao, 'Tialima dage te tonalubo bidi dabe, dagego Genuai Bidi eno po odao. ⁸ Ena God Genuai Bidi, eno tigidali sogo bidibo dao, tama eno po mu tama e obao, eno sipsip kibu dabe augwali bugagia tonaluabo bidi menio. Tama tibaso, te bulu hasa dabego te sipsip kibu dabe ela wialama, augwali tuali dao. Tama te eno sipsip kibu tonalumainu sa muani bidi dabe augwaligo te hagawali sipsip dabe gegebeo. Augwaligo augwa naga ma tonalubo şe eyu, tama augwali te sipsip dabe tonalubeo. ⁹ Tama tibaso, dage tonalubo bidi dabe, dagego eno po odişo. ¹⁰ Ena God Genuai Bidi, eno po te obao, eno dage dali boi bidi te ebao, tama eno dagede te po tş yaibao. Tama ena sipsip kibu dabe dagego nogode ma dobola selama, tama dage augwali tonalubo bidi me bidigobeo. Eno dage tonalubo bidi dabego duga digi duga ma tonalubo kolesaga silaibao. Te eno ena sipsip kibu dabe ma selama, tama dagego tuabo sipsip kibu meni yaibao,' te po pusao," Genuai Bidigo te po wali.

Genuai Bidi aga digi aga te wiegi yai sipsip kibu tonalubo bidi dao

¹¹ "Ena God Genuai Bidi, eno te po te obao, te ena digi ena sipsip dabe gegelama, tama augwali ma oda se-

† 34:5 Nam 27:17; 2 Sto 18:16; Mat 9:36; Mak 6:34

lama, tama ena digi augwali bugagia tonaluaibao. ¹²Te eno te sipsip tonalubo bidigo te sipsip kibu tonalubo tiwai elama, tama eno te sipsip dabe subigila pali dabe gegaibao. Te eno sipsip kibu dabe augwali te genuai p̄q̄ elama, hulua sali sogo augwali subigila tedela pai dao. Tiali goli, ena pelama, tama eno augwali pali pe-sageba tigidali gegegi paibao. ¹³Te eno augwali gasa kantriba ma oda sigi pelama, tama augwali te kantri Israelba ma odasa asaibao, te augwa t̄q̄ mu dao. Tama augwali tigidali sogo bulu du dabede bidiyu, me w̄p̄de bidiyu yaibao. ¹⁴Tama augwali Israel dabego bulu du dabede bidiyu, te wiegi yai nosai dabe tuyu bidaibao. ¹⁵Tama ena digi te ena sipsip tonalubo bidi bidaibao, tama eno augwali toma tuabo bulu wiegi yai madi odasa paibao. Te da God Genuai Bidi eno po dao. ¹⁶Tialima, sipsip kibu meba hagabaso da, teda eno augwali gegegi pelama, tama eno augwali ma oda saibao. Ma, te sipsip dabe meba subigila pepelawai baso da, teda eno augwali gegegi oda sigi paibao. Tama meba dolama, keni elalubaso da, teda eno augwaligo keni sisaibao. Tama meba augwali gasi elalubaso da, te eno augwaligo gasi usu ma ilaibao. Tiali goli, eno te tumona pai boma pai sipsip dabe dolaibao. Magi baso meni, eno sipsip dabe tonalubo doloba pai kolesaga naga ebo dao, eno te po te tobolu bidi dabebolo obao, wali.

¹⁷“Tialima megī dage eno sipsip hani, ena God Genuai Bidi, eno dagebolo e tama po e obao, eno dage deli deligo kolesaga osola suyu, tama dagalaibao, te dage meba te omai sipsip tiwai dao, meba te meme tiwai dao. ¹⁸Dage mebago wiegi yai nosai hauwa tula-ma, tama dagego tabi paḡaḡa pabo dao. Tama dagego te meba elalubo nosai dabe subigila agalama, tagalobo dao. Tama me dagego wiegi yai aḡ subaso da, dagego tuyu ebo dao, tama nosali dage te aḡde subigila bilama, tama te w̄p̄ dunugu ilainu ebo dao. ¹⁹Tama eno meba sipsip dabego dagego te agayu yali nosai, me te dunugu iliyu yali aḡ tuyu ebo dao. Dagego te kolesaga dolo menio. Te po pusao, God Genuai Bidigo te po wai.

²⁰“Tama dagego ebo kolesaga dolo meni baso, God Genuai Bidi eno te po obao, te ena digi dagego tumona pai me boma pai sipsip, me bomō meni yai sipsip dabego kolesaga dagala sueibao. ²¹Dage bomai sipsip dabego te bomō meni yai sipsip dabe ḡaḡgo elama, buluba sela ṣaḡo dao. Me dagego duga tigigo augwali pogolobo peyu, tama augwali bogoba pomainu ilibo dao. Tama dagego augwali eno sipsip hanide sela ṣawai dao. ²²Tiali goli, eno ena te sipsip hani dabe ma oda selama, tama eno augwaliba te dwai nai dabe augwaliba ma asomainu sula tagalogobeo. Tama eno ena sipsip dabego kolesaga osola sulama, tama wiegi yai sipsip dabe meba muyu, me dwai sipsip dabe meba muyu yaibao. ²³Tama eno ena ṣ̄ bidi Devitgo hanide bidi me deli sa munama, tama aga eno sipsip dabe tonalubo bidi nigilama, tama agai eno sipsip dabe augwali bugagia tonalumainu yaibao. ^{†24}Tama ena Genuai Bidi da, augwaligo God

bidaibao, tama te Devitgo hani bidi te augwaligo king bidaibao. Te da God Genuai Bidi eno po dao. ^{†25}Tama eno augwali dali deli homu eyu, augwali dali bidabo po ḡaḡ walaibao, te augwali bugagia bidimainu. Tama eno te sipsip dabe elebo te bulu hasa dabe tigidali badu sela ṣaḡama, tama augwali te bulude munu me ma bidigobeo. Tama tibaso, te sipsip dabego te wa pai t̄q̄ dali, te ni sili elalubo bulu dali si te sipsip dabe bidabo bulu wiegi yai tiwai elaluaibao, eno te po obao” wali.

²⁶“Tama eno te bulude wiegi yai ṣ̄ iliyu, me eno bulu du bagualubo t̄q̄ wiegi yai ilaibao. Tama tulubage side da, eno te t̄q̄ba tulubage hauwa te t̄q̄ba tumainu yaibao, tama te tulubagego te t̄q̄ wiegi yai mu pedelemainu ilaibao. ²⁷Tama te ni dabe te du walobo ni dabe augwaligo du dabe hauwa mu walaibao. Tama nai dabe hauwa gide holaibao. Tama eno ena we bidi te boi bidi dabego nogode ma dobola saibao, te boi bidi dabego augwali ḡaḡ olama, augwali kalabus ilali pe-sagede ma oda saibao, tama eno augwali ma odasa asaibao. Tama augwali augwa t̄q̄de bugagia mu bidaibao. Tama augwaligo bugagia mu koneaibao, ena deli naga ena Genuai Bidi te yabao homu yaibao.

²⁸Tama te gasa kantri haiden bidi dabego augwali dali dwai ṣ̄ munu me ma egobeo. Tama te bulu hasa dabego augwali munu me ma ela tugobeo. Te we bidi augwali bugagia bidibadi, te gasa we bidigo augwali wi me iligobeo, te meni yaibao. ²⁹Tama eno augwaligo t̄q̄ ili hauwa emainu ilama, tama nai dabe hauwa tede holomainu ilaibao. Tama augwaligo kantri nai habuge me egobeo. Tama te gasa meba kantri we bidigo koneaibao, te kantride nai hauwa elalubao olama, tama augwaligo te posobo po me wagobeo. ³⁰Tama te Israel dabe augwaligo e tama bugagia koneaibao, ena God Genuai Bidi, ena augwali dali bidiyu, tama augwali eno we bidi hani bidaibao. Te da God Genuai Bidi eno po dao. ³¹Dage eno we bidi, dage eno sipsip kibu tiwai dao, tama dage ena t̄q̄de bidiyu, tama eno dagebolo nai mabo dao. Tama ena dagego God bidibao, Genuai Bidi eno po polo wali. Te po augwalibolo pusao, God Genuai Bidigo te po wali.

Godigo Idom dabe dolaibao

35 Genuai Bidigo enabolo te po walali, ²“T̄q̄de bidio, nago kantri Idomba tonama, tama nago te po wao, te kantri Idom dolaibao po wao. ³Nago kantri Idombolo e tama po wao, ‘Ena God Genuai Bidi, eno dage Idom dabego bulu du dabe dali boi bidi homu ebao, po walao. Te eno dage dali bomonama eyu, dolama, tagalama, tama dagego t̄q̄ olo t̄q̄ tiwai ped-alumainu ilaibao. ⁴Tama eno dagego taun dabe dolaibao, tama dagego t̄q̄ dwai olo elaluaibao. Tama tiyu, dagego koneaibao, ena deli naga ena Genuai Bidi yabao homu koneaibao. Te po wao, wali.

⁵“Te po me augwalibolo wao, ‘Polobadu mu dage Idom dabego Israel dabe dali boi bidi elalui dao, me eno te Israel dabe dolali sogo, me eno te boi bidi dabe

† 34:23 Ped 7:17 †† 34:24 Ese 37:24

tagala palama, augwali dali hwjagasali sogo me, dagego te Israel dali boi bidi elalui dao. Te sogo asali boi bidi dabe dage Idom bagego tau selama, te Israel dabe elama, isilai dao. ⁶ Tama tibaso, ena tigidali sogo bidibo God eno mu po mu e obao. Te boi bidi dabego dage elama, isilaibao. Te augwaligo dage munu me ma geda mugobeo. Dagego bidi dabe ela mubo kolesaga ebode hagela homu ebeo. Tialima, boi bidi dabego dage ela mubo kolesagade gagamua sogoboe. ⁷ Te eno te kantri Idom we bidi sese ela silama, tama te kantri Idom te olo bulu mu pedalaibao. ⁸ Te eno te boi bidi dabego dage Idom dabe elemainu ilaibao, tama dagego tigi dabego te bulu du dabe, me odogo malu dabe mesega siyu yaibao. ⁹ Te eno dagego kantri olo bulu elalumainu ilama, tama te tiwai tigidali sogo tama elalua paibao. Tama dagego taun dabede bidi munu me ma bidigobeo. Tama tiyu, dagego e tama bugagia koneaibao, ena deli naga ena Genuai Bidi dao homu yaibao.' Te po me pusao," wali.

¹⁰ "Dage Idom dabe, dagego ena God Genuai Bidi eno te kantri si Israel de Judade bidiba homu me yai menio, te augwali eno we bidi dao. Megi da, dagego te po wali dao, dagego augwali hani sigo tş saibao po te wali dao. ¹¹ Tama tibaso, ena God Genuai Bidi, ena tigidali sogo bidibo da, tama eno mu po tama dage dali obao, eno dagego dwai kolesaga wei ponaibao. Dagego Israel dabe godolo munu ma me ebeo, tama dagego augwali dali şebş elama, tama dage augwali dali haliga dwai mu yai dao. Tama tialima, eno dagego te augwali dali yali dwai kolesaga wei dolo ponaibao. Tama te Israel dabe augwaligo ena bugagia mu koneaibao. ¹² Tama dage Idom dabego e tama bugagia koneaibao, ena Genuai Bidigo dage Idom dabego Israel tşba dwai po e tama wabo odali da homu yaibao, "Te Israel dabego bulu du dabe polo dolai dao. Tama megı da, da Idom bage dago te tş kantri selama, tonaluaibao." Dagego te po wabo eno odali. ¹³ Dage Idom dabego ena dali hagoma elama, tama dagego ena posobo po olama, tama dagego ena dali dwai po wai dao. Tama eno dagego te po odai dao. ¹⁴ Tialima, ena God Genuai Bidi eno te po e obao, eno dage sese tama mu dolama, tama gasa meba kantri we bidigo sulama, tama augwali wiegi yai homu pemene yaibao. ¹⁵ Dagego te eno we bidi Israel dabe dolobode dage wiegi yai homu pemene yai dao. Tialima, eno dage Idom dabeba me deli tiwai şş naga elama, dage Idom dabe me dolaibao. Tama te bulu du Seir, me te gasa bulu dabe te kantride elalubo bulu dabe te olo bulu mu pedalaibao. Tama te Israel dabe augwaligo e tama bugagia koneaibao, ena deli naga ena Genuai Bidi dao homu yaibao.' Te po te Idom bagebolo wao," Genuai Bidigo enabolo te po wali. †

Godigo Israel dabe dali wiegi yai şş yaibao

36 Genuai Bidigo ena dali e tama po wali, "Tşde bidio, nago te Israel dabego bulu du dabebolo

eno augwalibolo wainogo ebo te poba bugagia olo saganama odao po walao. ² Ena God Genuai Bidi, eno e tama po wainu ebao. Te Israel dabe augwaligo boi bidi dabego e tama po wai dao, 'Wiegi yai mu dao. Megi da, te genuai bulu du dabe dago bulu du dao,' wai."

³ "Tama tialima, nago ena God Genuai Bidigo e po pusao, 'Te gasa hani bidigo dage Israel dabe dali hwjagasai dao. Tama te kantri tigidali badu mu tama dolama, tama te dagego kantri sai dao. Tama augwaligo te kantri Israel dwai po walama, tama augwaligo posobo po walai dao. ⁴ Tama tialima, dage Israel dabego bulu du dabe, me malu bulu dabe, dagego ena God Genuai Bidigo po odao. Tama me dage dolali taun dabe, me te meba gasa te kantride bulu dabe, dagego me odao, te dage boi bidi dabego dolali bulu dabe, dagego odao.' Te po pusao," wali.

"Eno koneani, te dage pşde elalubo kantri bidi dabego dage dali dwai şş elama, tama dage dali posobo po wai dao. ⁵ Tama tialima, God ena Genuai Bidi ena haliga şşbş posolo tiwai eyu, eno bomai po te kantri Idomba, me kantri dage pşde elalubo, te kantri dabeba te obao. Augwaligo homugo ena te olo nai dao tiwai homu elama, tama augwaligo eno tş sainu homu mu gana pai dao. Magi baso meni. Augwaligo te tş me badu te augwaligo kau kibu dabe me sipsip kibugo nosai tede tumainao homu yali. ⁶ Tama tialima, tşde bidi, nago eno e tama po pusa mao. "Dage te Israel tşde elalubo bulu du dabe, me odogo malu bulu dabe, dagego odişo. Ena God Genuai Bidi, eno te meba gasa kantri dabe dali şşbş dwai mu ebao. Magi baso meni, augwaligo dage dali hale yabo po wai dao.

⁷ Tialima, ena God Genuai Bidi, eno mu po mu te obao, eno te kantri dabe aiyaba elaluama, tama augwali hale ilaibao. ⁸ Tiali goli, te ni dabe te dagego bulu du dabede ma holaibao. Tama augwaligo yabe hauwa solama, tama augwali du hauwa walaibao. Dwasianu sogo mu tama, eno we bidi dage Israel dabe dage te kantri Israelba ma asaibao. Tama dagego te wiegi yai ni du dabe tuaibao. ⁹ Eno dage bulu du dabe dali wiegi yai şş yaibao. Tama tialima, eno te Israel dabe augwaligo dagede gi dabe ma emainu yaibao. ¹⁰ Tama eno Israel we bidi hauwa mu pedelemainu ilama, tama augwali dagede bidimainu yaibao. Tama augwaligo te taun dabe ma geseleyu, me te boi bidi dabego dolali bulu dabe ma dodoliyu yaibao. ¹¹ Tama te we bidi dabe me dagede bidibo hasa dabe hauwa mu pedelaibao. Tama te we bidi tigidali pesage badu polobadu bidali yali gilama yaibao, tama eno dage dali wiegi yai kolesaga mu yaibao. Tama te kolesagago da, eno polobadu yali kolesaga edelama mu yaibao. Tama dagego bugagia mu koneaibao, ena deli naga ena Genuai Bidi dao homu yaibao. ¹² Tama eno ena we bidi Israel dage bulu du dabede bugagia bidimainu yaibao. Tama dage augwaligo tş elaluaibao, tama augwaligo te tş augwa wai dabebolo nosali mawaibao. Tama dagego te Israel dabego wai bşş dabe munu me ma dologobeo." Te tama po te bulu du dabe dali, me odogo malu bulu

† 35:15 Ais 34:5-17; 63:1-6; Jer 49:7-22; Ese 25:12-14; Amo 1:11-12; Oba 1-14; Mal 1:2-5

dabebolo tama pusao,' ena Genuai Bidi eno te po obao," wali.

¹³ "Ena God Genuai Bidi, eno te po te obao. Te we bidigo te po wabo dao, 'Dago kantri tōgo te bidi dabe siliyu, me te wai bōq dabe doliyu ebo dao,' po wabo dao. ¹⁴ Augwaligo te tama po obao, tiali goli, ena God Genuai Bidi eno te po obao, dage bulu du dabego Israel dabe dali dwai sē ma elamo dao. ¹⁵ Tama te gasa meba hani bidigo posobo po olama, tama dage Israel dabego bulu du hale me iligobeo. Tama dage bulu du dabego eno we bidi dwai sēde me tulalumainu iliyu me egobeo. Ena God Genuai Bidi, eno po polo walio," te po wai.

Godigo Israel we bidi gesi we bidi pedelemainu ilaibao

¹⁶ Genuai Bidigo enabolo po ma weyu, e tama po wali, ¹⁷ "Tōde bidi, te Israel dabe augwa tōde polobadu bidali sogo augwaligo dwai kolesaga meda yai mu yai dao, tama augwaligo te tō dolai dao. Tama augwali eno gedude meda yai mu bidai dao, te we me aga poluago elai we tiwai aq yai dao. ¹⁸ Augwaligo bidi hauwa mu elai dao. Tama augwaligo tibo god dabeba lotu olama, tama tebogo augwaligo kantri Israel eno gedude meda dwai mu pedelai dao. Tama tibaso, eno augwali dali sēbē genuai mu elama, tama eno augwali dene genuai mu mawai dao, ¹⁹ te augwaligo tigidali dwai kolesaga dabe wei ponainu. Tama eno augwali gasa kantri dabeba sela şawai dao. ²⁰ Te gasa meba hanigo Israel dabe augwali tomode dwai mu bidalubo suali. Tama te tialigo eno nogi aiyaba elalualio. Tama te hani augwaligo homugo ena olo nai dao homu yalio, tama augwaligo te po wabo dao, 'Te Israel dabe augwali te Genuai Bidigo hani dao. Magi baso augwaligo agai tō taga soaliwe? Te agai augwali tau sabo usu isābaso yali, agawe?' ²¹ Eno te po dabe te Israel dabe pali bulu tigidalide wabo eno odali. Tama eno homugo tiali tiyu, te hani augwaligo eno nogi aiyaba elaluidalio," wali.

²² "Tama tibaso, eno homugo Esekiel, nago eno te po Israel dabebolo pusa mao, 'Ena God Genuai Bidi, eno po te tama te wali dao. Te gasa meba hanigo dage augwali tomode bidibo sulama, tama augwaligo eno nogi aiyaba elaluali. Tama tialima, eno te megī yainogo ebo sē dabe te eno dage Israel dabe kone palama, me yainu ebeo. Eno dage tobade te sē egobeo. Menio. Eno ena genuai nogiba kone palama, tama eno nogi tobade eno te sē yaibao. ²³ Tama tialima, eno te gasa meba hani e tama kolesaga ola mawaibao. Te eno kolesaga wiegi yai doloba pai mu dao olama, ola mawaibao. Tama augwaligo enabolo genuai nogi mawaibao. Dage Israel dabego dagede te hani bidigo megī eno nogi aiyaba elalubao. Tiali goli, eno dage tau sabo sē bomai mu ebo si da, te gasa meba hanigo sulama, tama augwaligo te e tama koneaibao, ena tedali gasagi yai dao, tama eno kolesaga wiegi yai doloba pai te yabao olama, koneaibao. Tama augwaligo e tama bugagia koneaibao, ena deli naga te Genuai Bidi

dao homu yaibao. Te da God Genuai Bidi eno po dao.' Esekiel, nago te po pusao," wali.

²⁴ "Nago te eno po me augwalibolo pusao, 'Eno dage dali yabo sē po da, e dao. Eno dage te bidibo te kantri sese tamade oda selama, tama dage duga tō muba ma odasa asaibao. ²⁵ Tama eno wiegi yai meda meni yai aq selama, dage tigiba gelaibao, te dage eno gedude wiegi yai ma pedalomainu. Awe, eno dagego dwai damua pai kolesaga, me dagego tibo god dabe me sela şawai, tama dage eno gedude wiegi yai pedelaibao. ²⁶ Tama eno dabebolo gesi kolesaga me gesi homu mawaibao, te eno poba begi pabo homu kolesaga dao. Polobadu dagego tobolu te masigi tiwai dila pai dao. Tiali goli, eno te dwai homu kolesaga sela şanama, tama eno dabebolo gesi homu kolesaga mawaibao. ²⁷ Tama eno dabebolo ena mobo bidi dabebolo mawaibao, tama aga dagego homude bidaibao. Tama eno dage homu hogodolama, tama dagego eno bomai po, me eno gasa po wali bugagia pomainu ilaibao. ²⁸ Tama dage eno duga wāj dabebolo mani te tōde bidaibao. Tama dage ena we bidi dolo mu pedelaibao, tama ena dagego God mu bidaibao. ²⁹⁻³⁰ Tama eno dage tau selama, tama dagego dwai meda yai kolesaga munu ma me egobeo. Tama eno dagego gide dabe nai dabe hauwa holomainu ilaibao. Tama te ni du walobo ni dabego te ni du dabe hauwa mu walaibao. Tama tiyu, dage nai me habuge me egobeo. Tama tibaso, gasa meba hanigo dage posobo po te nai şaq pabode me wagobeo. ³¹ Tama te sogo da, dagego duga yali te dwai damua pai kolesaga dabe sēgē dabe kone palaibao, me te dagego yali eno godolo mu isāwai sē dabe kone paliyu, tama dage hale genuai mu yaibao.' Te po me pusao," wali.

³² "Awe, dage Israel we bidi, dagego God Genuai Bidi eno po bugagia odiāo. Te sē page mu eno yainu ebo sē eno dage tobade egobeo. Menio. Eno homugo ena genuai nogiba kone palama yaibao. Tama eno te sē dabe ebo sogo da, eno homugo dagego duga yali dwai kolesaga kone palama, tama dage hale dwai mu yaibao.' Te po wao."

³³ "E po me augwalibolo pusao, 'Ena God Genuai Bidi, eno po genina ma weyu, e tama po obao. Te eno dagego sēgē sela şanama, tama dage eno gedude wiegi yai pedalubo sogo da, teda eno dage sula tagalama, tama dagego duga taun dabe, me duga bulu dabe bugagia ma dodolomainu ilaibao. Te boi bidi dabego dolali hanu dabe ma dodolama, tama dage te taun dabede ma bidaibao. ³⁴ Te bidi dabe dagego tōde biliyu ebo dao, tama augwaligo dagego gi dabe dasu hola pai suyu ebo dao. Tiali goli, eno dagego te gi dabe ma emainu sula tagalaibao. ³⁵ Tama te gasa hani bidi dabe augwaligo e tama po waibao, "Polobadu te tō dasu hola pai goli dao. Tiali goli, megī da, te gi Iden yali gilama wiegi yai mu te ilai yabo. Tama polobadu da, te taun dabe da dolama mu elalui dao. Tiali goli, megī da, te Israel dabe augwaligo sē ma elama, tama augwaligo deli deli taun bagulama bomai obo te ma

gesela silai dao. Tama te we bidi te taunde ma te bidibao." Augwaligo te po waibao. ³⁶Tama dage Israel dabe duga tde ma bidibo sogo da, te meba gasa hani dage pde bidibo bidi dabe auwaligo e tama bugagia koneaibao, ena Genuai Bidi ena digi te dolali taun ma nigiyu, me eno te dasu dwai mu holai gi ma eyu yai dao. Ena Genuai Bidi eno te s yabo po da walaio, tama eno te tama s yaibao.' Te po tigidali nago te Israel bagebolo pusao," Genuai Bidigo enabolo te po wai.

³⁷"Ena God Genuai Bidi eno te po obao. Te Israel dabe augwaligo enabolo te augwa we bidi hauwa ilao po hanalubo sogo da, teda eno augwaligo te gedu haluasa po wabo me odaibao. ³⁸Te augwali hauwa pedelaibao, te sipsip kibu dabe augwaligo te genuai sogo me eno augwalibolo sa muani te sogo te ofa yainu sesebo, te sipsip kibu hauwa tiwai yaibao. Tama te Israel dabe augwa ma te nigali te taun dabede bidigo pana paibao. Tama te s dabe pedalobo sogo da, teda augwaligo e tama koneaibao, ena deli naga ena Genuai Bidi dao homu yaibao," wali.

Esekielgo bidi dili dabe hauwa mu suali

37 Genuai Bidigo bomo enaba aselama, tama Genuai Bidigo Mobo Bidigo ena oda selama, tama ena odasa pelama, odogo malu bulu mede bidi dili dabe kisu delalubo madi odasa pali. ²Tama agai ena te bulu odogode odasa bilibadi suali da, eno bidi dili dabe hauwa mu suali. Tama tigidali dili dabe mu wa pai elalubo suali. ³Tama Genuai Bidigo enabolo te po wali, "Tde bidi, nago homugo te bidi dili dabego we bidi mu ma gagabo usu yaibawe, ma meniwe?" Tiali goli, eno te po wali, "God Genuai Bidi, nagaduba deli naga koneanio, eno da, menio," wali.

⁴Tama Genuai Bidigo enabolo te po wali, "Eno homugo nago eno po te dili dabebolo pusao. Te dili dabebolo e tama po pusao, 'Dage dili mu wa pai dabe, dagego Genuai Bidi eno po odao. ⁵Ena God Genuai Bidi, eno te po e obao, eno dagebolo bidibo mobo menama, tama dage we bidi ma pedelaibao. ⁶Awe, eno dage kigibili ma mayu, me tigi mi dabe ma mayu elama, tama dage tigi waligo ma halua saibao. Tama eno dagebolo bidibo mobo menama, tama dage bidibo ula selama, tama dage ma bidaibao. Tama tiyu, dagego bugagia mu koneaibao, ena deli naga ena Genuai Bidi dao homu yaibao.' Te po te dili dabeba pusao," agai enabolo wali.

⁷Tama tibaso, eno Genuai Bidigo enabolo pusao wali po tiwai tama pusali. Eno te po pusubo s idubadi, tama eno kilikili wabo odali. Te da te dili sibi kidagalo wabo po odali. Tama eno tonalubadi, te dili aga digi pba kigigili pabo suali, te aga elaluali pesageba ma pabo suali, tama augwali bidi mu ma pedalobo suali.

⁸Tama eno suali, te tigi kigibili me tigi mi dabe te diliba ma wadoa selama, tama tigi wali ma halua sagaselama, tama augwali we bidi tiwai ma pedalobo suali, tiali goli augwaligo mobo kegebo subeo.

⁹Tama nosali Genuai Bidigo enabolo te po wali "Tde bidi, nago eno po te walibolo e tama po pusao, 'Godigo te po wali, wali, nage tigidali badu aselama, tama nago te boi bidigo elai bidi dabe te mobo mao, tama augwali bidibo mobo ma somainu yao.' Te po wao," wali. ¹⁰Tialima, eno Genuai Bidigo te po pusali, tama te wali te bidi tigiba dabe asali, tama augwali sese tama bidibo mobo selama, tama augwali sese tama hodolubo suali. Augwali te genuai ami bidi hani tiwai mu elaluali. †

¹¹Tialima, Genuai Bidigo enabolo te po wali, "Tde bidi, te kalabuside megi bidibo Israel dabe tigidali augwali da, te bidi dili dabe wa pai tiwai dao, tama augwaligo te po wabo dao, 'Te dago dili dabe mu wa pai dao, tama bugagia munu ma me bidigobeo. Tama da mu tama mu hagawaibao.' Augwaligo po da te tama goli dao. ¹²Tiali goli, eno homugo nago eno po augwalibolo pusalama, tama augwalibolo e tama po augwalibolo pusao, te ena Genuai Bidigo po, ena God Genuai Bidi, eno dagego g page t dalama, tama dage buluba odasa aselama, tama dage kantri Israelba ma odasa paibao, te duga t mu dao. ¹³Tama eno dage g pagede hodolobo sogo da, teda dage eno we bidigo e tama bugagia koneaibao, ena deli naga ena Genuai Bidi dao homu yaibao. ¹⁴Tama eno dagebolo eno mobo bidi dagebolo menama, tama dage bidibo ula saibao. Tama eno dage duga t muba ma odasa paibao, tama dage tede bugagia bidaibao. Tama eno te s ebo sogo da, dagego e tama bugagia koneaibao, te da ena po mu dao homu elama, tama eno ena po da walali gilama yali. Ena Genuai Bidi eno po polo wali. Te po te Israel dabebolo pusao," wali.

Israel dabe augwali kantri deli mu pedelaibao

¹⁵Genuai Bidigo enabolo te po wali, ¹⁶"Tde bidi, nago ni dage me deli sigi pelama, tama nago te po ug-wadu daide aşao, 'Te Juda hanigo ni dage, me te meba Israel hani we bidigo ni dage dali augwali deliba elalubao.' Tama tialima, nago te ni dage me deli selama, tama nago te po tede aşao, 'Te Josep hanigo ni dage, me te Efraim hanigo ni dage dali, me Israel hani mebago ni dage dali deliba elalubao.' Te si wali ni dagede te po aşao," wali.

¹⁷"Nago aşena silama da, teda nago te ni dage sabi si deliba waloluyu, teda te ni dage si te deli ni gagawaibao, nago nogode. ¹⁸Tama naga abagi dedego nago te s yali page po hanalubo sogo da, ¹⁹teda nago augwalibolo e tama po walao, 'Ena God Genuai Bidi eno obao, eno te Josepgo ni dage, te ni dage te Efraim hani, me te meba Israel hanigo ni me da, eno te ni me Juda hanigo ni dage si selama, deliba walolaibao. Tama eno te ni dage si te eno nogode ni dage deli elaluaibao.' Te po wao," wali.

²⁰"Tde bidi, nago te po aşani ni dage si nogo tola sao, tama te we bidigo sumainu ugwaba sao. ²¹Tialima, nago augwalibolo e tama po walao, 'Ena God Genuai Bidi, eno te po obao, eno te tigidali Israel dabe

augwali te bidibo te tigidali kantri dabede oda selama, sisinama, tama augwali augwa t̄ muba eno odasa paibao. ²² Tama tialima, eno augwali kantri deli te t̄de pedelemainu ilaibao, te Israel dabego bulu dabede. Tama augwali king deligo augwali tigidali tonaluaibao. Tama augwali bugulama, king bidi si elalubo kantri si munu me ma bidigobeo. ²³ Tama augwaligo tibo god dabeba ma lotu po weyu, me dwai damua pai kole-saga wali peyu, me dwai şeşę sabo kolesaga wali me peyu me egobeo. Tama tiyu, augwali eno gedude meda yai me pedalogobeo. Augwali me habu badu bidi augwaligo şeşę saibasao, tagalao, eno augwali tau selama, tama augwali wiegi yai pedalaibao. Tama augwali eno we bidi bidaibao, tama ena augwaligo God bidaibao. ²⁴ Tama eno şę bidi Devitgo hani bidi me deli augwaligo king bidaibao. Tama aga deli naga augwaligo tonalubo king bidaibao. Tama augwali eno bomai po me, eno gasa po wali peyu yaibao. ^{†25} Tama dage hani bidi dabe tigidali sogo polobadu duga w̄j dabe bidali te t̄de bidada paibao. Te da, te eno ena şę bidi Jekopbolo mani te t̄ dao. Tama Devitgo hani bidi me deli augwaligo tomode king tigidali sogo bida bida peyu bidaibao. ²⁶ Tama eno augwali dali kontrak po daş walama, tama augwali tigidali sogo bugagia bida bida peyu bidaibao. Tama eno augwali augwa t̄de bidimainu sula tagalama, tama augwali we bidi hani genuai hauwa mu pedelaibao. Tama eno be augwali tomode tigidali sogo mu elalua paibao. ²⁷ Tama eno bidibo madi augwali dali bidaibao. Tama ena augwaligo God bidaibao, tama augwali eno we bidi bidaibao. ^{††28} Te eno be Israel dabe augwali tomode sesemane elalubo sogo da, teda gasa hani we bidigo sumainu yaibao. Tama augwaligo e tama bugagia koneaibao, ena Genuai Bidi, eno te Israel dabe augwali ena we bidi mu ilali kolesaga augwaligo sueibao.' Te po te we bidibolo pusao," God Genuai Bidigo te po wali.

King Gokde wali po

(*Daj 38-39*)

Genuai Bidigo king Gok dali po elaluali

38 Genuai Bidigo enabolo e tama po walio, ² "T̄de bidi, eno homugo nago te Gokba tonao, te t̄ Magok bidi dao, te kantri Mesek me kantri Tubal sigo polalubo king dao. Nago te Gok dolaibao po wao. ^{†3} Nago agabolo e tama po wao, 'Gok, Mesek me Tubalogo polalubo king, odao, ena God Genuai Bidi, eno nage dali boi bidi eba. ⁴ Te eno nage begelama, tama nago te saut badu edaba tonaibao. Tama eno nago penane dilide huk gebelama, tama nage dali, naga ami hani hauwa dali, eno edaba eba kegaibao. Nago ami bidi umabo tigidaligo hw̄jbo ugwa gudiyu, me ni nami awa dabe dali, me sabele dabe dali toliyu, me bainat hw̄j dabe nogo tuyu ebo dao, tama augwali

hos dabede duabo dao. ⁵ Te kantri hauwago ami bidi geninama nage dali bidiba. Te kantri Persia, me kantri Sudan, me Libia ami bidi dabe nage dali te bidibao. Tama augwali sesego te hw̄jabo kapa madi gudiyu, me hw̄jabo ni nami sabele toliyu yaibao. ⁶ Tama me te kantri Gomer me taun Togarma ami bidi dabe me nage dali te bidibao. Te taun Togarma te u badu not badu digibulu bulu badu mu elalubao. ⁷ King Gok, nago hw̄jabo kegaluao. Me nago te tonalubo te ami dabe augwaligo me te hw̄jabo kegalumainao. Tama nago te polalubo bidi pedaliyu, augwali bugagia tonalua. ⁸ Nago kibu be hauwa tonaluyu bolo yao. Te Israel hani eno augwali polobadu te haniani gasa t̄ kantri dabeba sela şawai dao. Tama augwali tede kalabus te kibu be hauwa bididubadi, te augwa page bulu t̄ te dwai dolai elaluai dao. Tiali toli, eno augwali ma odasa aselama, tama augwali Israel bulude elalubo bulu du dabede bugagia te bidibao. Te we bidi augwaligo te augwa kantride nai dabe tigidali bugagia dodolama, tama augwali bugagia dulalubao. Tama te nosali kibu be hauwa silama, tama eno nage te kantriba hw̄jgi poemainu tagala palaibao. ⁹ Tama eno nage naga ami bidi dabe, me gasa kantri hauwago ami bidi dabe, dage te we bidi dabe dali hw̄jmainu eno dage tagala palobo sogo, teda dage te genuai wali me tulubage tiwai elama, dagego augwaligo t̄ te p̄go mesega sabo tiwai yaibao.' Nago te po te king bidi Gokbolo pusao," wali.

¹⁰ "E po me pusao, 'Ena God Genuai Bidi eno te po obao. Gok, te nago augwali dali hw̄jgi pabo sogo da, teda homu hogodama, tama augwaligo nai nai dabe sabo homu mu yaibao. ¹¹ Te nago homugo tiaibao, te hani augwaligo hw̄jsama eyu, me augwaligo magi dwai şę ebeo homu yaibao. Tama augwaligo taun dabe obogo bagua sai me elalubeo, te genuai sunumi paliabo nai me elalubeo. Me te augwali seselalubo nai dabe menio, te homu yaibao. Tama tialima, nago homugo augwali dali hw̄jgi pabo homu yaibao, ¹² tama augwaligo wiegi yai nai dabe sabo homu yaibao. Te we bidi augwali gasa bulu tagalama, tama augwali ma aselama, tama augwa te taun dabe ma geselai dao. Tama augwaligo kau kibu hauwa elaluyu, me sipsip kibu hauwa elaluyu eba, me haniani nai dabe hauwa tama elalubao. Tama augwaligo kantri te tigidali t̄de kantri dabe tomode mu te elalubao. ¹³ Tama te sogo te kantri Seba me Dedan hani, me te kantri Spen taun bisnis bidi dabe augwaligo dage asobo sulama, tama augwaligo dagebolo hanaluyu, te po waibao, "Te nago naga ami hauwa sisinama, tama augwali dali hw̄jna-ma, augwaligo wiegi yai nai dabe hauwa sainogo yai da, agawe? Tama dago homugo dagego gol me silva hauwa saibawe, me augwaligo kau kibu, me te meba nai dabe hauwa sainogo homu eba, agawe? Te wiegi yai mu dao," augwaligo te po nagebolo hanalu waibao.' Te po king Gokbolo wao," te po wali.

¹⁴ "Tama tialima, t̄de bidi, nago eno po te king Gokbolo pusa mao. Eno po da e dao, 'King Gok, odao. Te God Genuai Bidi eno we bidi augwali augwa t̄de bugagia bidibo sogo da, teda nago te koneaibao.

† 37:24 Ese 34:24 †† 37:27 2 Ko 6:16; Ped 21:3 ‡ 38:2 Ped 20:8

¹⁵ Tama nage naga genuai ami hani dali, dage duga kantri u not badu tagalama, tama dagego te we bidi augwali dali hwj yagasaibao. Te ami bidi dabe augwali kantri hauwadu asaibao. Tama augwali sese tama augwali hosde dualama, tama augwali nage dali asaibao. Augwali umabo mu asaibao, bidigo augwali nedebaso, usu me egobeo. ¹⁶ Te eno dage ena we bidi te Israel we bidi dabe dali hwjgi pomainu tagala palaibao. Tama augwaligo dagego te t̄q te p̄go mesega sabo tiwai ebo augwaligo sueibao. King Gok, nosali sogode nago te s̄q dabe emainogo eno nage hodolaibao, te gasa hani dabego sulama, konemainogo, te ena tedali gasagi yai bidiyu, tama eno kolesaga te wiegi yai mu elama, tama doloba pai mu dao olama konemainu. Tama augwaligo ena bugagia mu koneaibao. ¹⁷ Ena God Genuai Bidi, eno po te ena s̄q bidi dabebolo polobadu mu mawai dao, te augwali te Israel dabego profet dabe dao. Tama kibu be hauwade augwaligo po pusuyu, e tama po wai dao, nosali God eno te bidi me seselama, tama te Israel dabe dali hwjmainu yaibao. King Gok, te bidi te nage tama dao.' Te po te king Gokde pusao," Genuai Bidigo enabolo te po wai.

Genuai Bidigo king Gok dene mawaibao

¹⁸ "Ena God Genuai Bidi, eno te po obao. Te king Gokgo te Israel dabego t̄qba aselama, hwjgasobo si, teda eno te Gok dali, te aga dali asali bage dali, augwali dali s̄b̄q dwai mu yaibao. ¹⁹⁻²⁰ Tama eno s̄b̄q genuai mu pedelaibao, te posolai sia dabo tiwai yaibao. Tama Gokgo te Israel dabe dali hwjbode, ena te Israel dabego t̄qba asaibao, tama te t̄q mali dwai genuai mu yaibao. Tama tialima, tigidali s̄ḡq dabe, me ba dabe, me bulu hasa dabe, me bidigo negebo haniani hasa dabe, me te tigidali t̄qde bilibo gasa nai dabe, me te tigidali t̄qde bidibo we bidi dabe, tigidali wi elama, noma dwai mu saibao. Tama te bulu du dabe alua paibao. Tama me te sao pado bulu dabe te degaibao. Tama te tigidali taun obo dabe h̄gia pelama, tama degaibao. ²¹ Tialima, ena God Genuai Bidi, eno te po obao, te eno te Israel dabego bulu du bulude dabe te eno genuai w̄bi hwjmainogo ilaibao, te king Gok dolainogo. Te aga ami bidi dabe augwali te augwa hasi ma hwjnama, tama augwa hasi ma ela wialaibao. ²² Tama eno agaba haniani gasi pedalomainu iliyu, me boi agaba pedalomainu eyu yaibao, te agabolo dene mayu tama tiaibao. Te eno te tulubage, me talua ge tulubage, me posolai masigi te isi dabo te gea paliyu yaibao, tama te nai dabe aga tigiba tulaluyu, me aga dali asali ami bidi dabe tigiba me tulalueibao, me te aga dali asali haniani kantri bidi dabeba tulalueibao. ²³ Tialima, eno te tebo kolesagago tigidali we bidibolo eno genuai bomo ola mayu, me eno kolesaga wiegi yai me doloba pai kolesaga mu ola mawaibao. Tama augwaligo ena mu konea paibao, ena tedali gasagi yai mu dao, te koneaibao. Tama augwaligo bugagia mu konea paibao, ena deli ena Genuai Bidi dao homu yaibao," wali.

Genuai Bidigo Gok aiyaba elaluaibao

³⁹ God Genuai Bidigo po geninama ma weyu, e tama po wali. "T̄qde bidi, nago eno po te Gokbobo pusao Tama agabolo e tama po walao, 'King Gok, nage te kantri Mesek me Tubal bidi dabego polalubo king dao, tama eno nage dali boi bidi homu ebao. ² Te eno nage begelama, tama nago edaba te sautba begelaibao, tama eno nage kegaibao. Tama eno nage naga kantri u not badu mu tagalamainu elama, tama nage eno te Israel dabego bulu du buluba odasa aselama, tama nago Israel dabe dali hwjmainu ilaibao. ³ Tama eno nago enesigi te pobase nogo badu tuali te nogoba eno elama, tama te enesigi tulalueibao. Tama eno nago dolo nogo badu tuali ene dabeba elebo si, te ene dabe me tulalueibao. ⁴⁻⁵ Tama nage me, nage dali asali ami dabe, te haniani kantridu nage dali asali bage me, dage sese tama te Israel dabego bulude bulu dude isaibao. Tama dagego tigi dabe te pepeli dili t̄qde olo munalua paibao. Tama te ba kemodage dabe, me bulu hasa dabego dagego tigi dabe tuagasaibao. Te da God Genuai Bidi eno po dao.' Te po king Godbobo pusao," wali.

⁶ "E po me agabolo pusao. 'Tama eno isi te t̄q Magok bulude pedalomainu ilaibao, me te tamu āj p̄qde dua bidibo we bidi tigiba me te isi pedalomainu yaibao. Tama te hani augwaligo te tama bugagia koneaibao, ena deli ena Genuai Bidi dao homu yaibao. ⁷ Te s̄q dabe eno ena we bidi Israel dabe dali yainogo ebo te s̄q dabe da, te augwaligo gasa we bidi hanigo eno wiegi yai nogi konemainu ola mawaibao. Tama augwaligo eno genuai nogi munu me aiyaba elalugobeo. Tama augwaligo e tama bugagia koneaibao, ena deli ena Genuai Bidi, tama ena te Israel dabe dali bidiba homu yaibao. Tama ena te tedali gasagi yai da, te eno kolesaga te wiegi yai doloba pai mu dao, augwaligo te homu yaibao.' Te po me pusao," wali.

⁸ "Ena God Genuai Bidi, eno te po obao. Mu tamao, te sogo mu pedalaibao. Tama eno wali s̄q dabe sese tama eno te sogo yaibao. ⁹ Tama te Israel we bidi dabe augwaligo augwa taun dabe tagalama, tama augwaligo te boi bidi dabego hwjbo nai dabe t̄qde subigila tagalai wilalua pabo nai dabe sigi paibao. Te augwaligo te sabele dabe me te awa dabe siyu, me enesigi siyu, me ene dabe siyu, me hwjbo w̄bi dage dabe siyu, me te bobobage sesemone dabe siyu yaibao. Tama augwaligo te nai dabe sisinama, tama augwaligo te isi pulu dabe ulubo tiwai yaibao. Tama tiyu, augwaligo ulabo isi te kibu be nogo a naga olama, me badu nogo si, te ⁷ kibu bede nogabo isi usu elaluaibao, ¹⁰ tama te kibu be a naga olama, me badu nogo si te kibu bede augwaligo buside o kala sili bulude isi gegebo s̄q meni yaibao. Menio. Te augwaligo te hwjbo nai dabe naga augwaligo isi ulubo s̄q eyu yaibao. Tama te kolesagago da, te Israel dabe augwaligo augwa boi bidi dabe augwaligo dwai kolesaga wei ponaibao. Te boi bidi dabego Israel dabe doado bage dabe wi sai, tama megi da, te Israel dabego te boi bidi dabego nai dabe

saibao. Te da, God Genuai Bidi eno po dao,' nago te po te bidi Gokbolo pusao," wali.

Gokgo ami bidi dabego gų page

¹¹ "Ena Genuai Bidi eno po genina ma weyu, e po obao. 'Te şę dabe tigidali pedalobo sogo da, teda eno te kantri Israelde te king Gok aga ami dabe dali augwali pubulabo gų page tų deli me sa muaibao. Te gų page da, te Osogo Bidagasali Bidi Dabego Odogo Malu Bulude elaluaiba, te u badu te giliga asobo badu te tamu aų Detsi te sigi aų badu. Tama te we bidi augwali te badu munu me ma biligobeo. Magi baso meni. Te Gokgo ami bidi dabego gų page te bulu badu mu paęana paibao. Tama augwaligo te odogo malu bulu nogi e tama nogi nogi yaiba, Gokgo Ami Bidi Dabego Odogo Malu Bulu dao waibao. ¹² Tama te Israel dabe augwaligo te Gokgo ami bidi dabego tigi pubalobo şę idubadi, te 7 polua bidaibao. Tialima, augwaligo augwali polo pubala silibo si, teda augwaligo tų eno gedude wiegi yai ma yaibao. ¹³ Te Israel dabe sese tamago te şę yaibao. Tama bidi dabego enaba genuai nogi mabo sogo da, teda augwali te şę yali bidi dabebolo me genuai nogi mawaibao. Te da God Genuai Bidi eno po dao. ¹⁴ Tama te a naga olama, si, te 7 polua silibode da, te Israel dabe augwaligo bidi dabe sa munama, tama augwali tigidali Israel tųba pelama, tama te bidi dili dabe me munalubo gege biligi paibao. Tama augwaligo te dili dabe pubalaibao, te tų wiegi yai pedalomai. ¹⁵ Tama te bidi dabe augwali biligi pelama, te bidi dili dabe elalubo subaso da, te bidi dabe augwaligo te dili elalubo paęde sa munagaliyu yaibao. Tama gasa bidi dabe mebago te dili dabe sagaselama, tama augwaligo te Gokgo Ami Bidi Dabego Odogo Malu Buluba pubaligi paibao. ¹⁶ Augwaligo te dabe sese pubala silibo si, teda Israel dabego tų sese tama wiegi yai ma pedelaibao. Tama taun me deli te gų page paęde elaluaibao. Tama augwaligo te taun nogi e tama nogi yaibao, Genuai Ami Bidi Hani nogi yaibao.' Eno te po obao," wali.

¹⁷ "Ena God Genuai Bidi eno te po me obao. Tųde bidi, eno homugo nago e tųde ba dabe me bulu hasa dabe asomainu i ola kegelao. Eno e po augwalibolo pusao, 'Dage te Israel dabego bulu du buluba dabe sisinagaselama, tama dagego eno dagebolo ofa nai mawainu ebo te ofa nai tuagameo. Te eno dagebolo tuabo mi hauwa mayu, me tuabo kaneme hauwa mu mayu yaibao. ¹⁸ Te dagego te king hauwago bomai ami bidi dabego tigi mi me kaneme hauwa tuyu yaibao, te bidi dabego mi dabe te Basan bulude sabo wiegi yai tumona pai genuai sipsip kibu, me meme kibu, me kau kibu ofa ebo mi tiwai tueibao. ¹⁹ Te eno te ami dabe te ofa tiwai elebo si da, dage te ba dabe me bulu hasa dabe dagego te tigi ili dabe tudubadi genama, dagego tabi paęaęo tagalama, tama augwaligo kaneme tudu pelama, dage polobo bidi tiwai ebo si tagalaibao. ²⁰ Awe, eno dagego genuai nai da mu mawaibao. Tama dagego te hos dabego tigi dabe tuyu, me te hosde duabo ami bidi dabego tigi, me te

hwjbo bomai bidi dabego tigi me tuyu yaibao. Tama dagego tabi mu paęana paibao.' Te da God Genuai Bidi eno po dao." †

Genuai Bidigo Israel dabe ma oda saibao

²¹ Genuai Bidigo po bomonama ma weyu, te po wali, "Te eno te we bidi tigidali augwa dwai dwai kolesaga wei ponoyu, augwali dene mawaibao. Eno te tama tibo sogo da, teda augwaligo eno genuai bomo sulama, tama augwaligo enabolo genuai nogi mawaibao.

²² Tama tialima, te sogo me, nosali bidibo tigidali sogo me, te Israel dabe augwaligo te tama bugagia koneaibao, ena deli ena Genuai Bidi, tama ena augwa God dao waibao. ²³ Tama gasa tų kantride bidibo we bidi hani bidi eno te Israel dabe dali yali şę page mu koneaibao. Te eno te Israel dabe digibulu buluba kalabus şę emainu tagala palali sogo, eno te tama tiai dao. Magi baso meni, te Israel dabe augwaligo eno po sela şanama, şęę sobaso tiai dao. Tama tialima, eno augwalibolo tudi ola mawai dao. Tama te boi bidi dabego augwali aiyaba elaluama, tama augwali sese ela isila silimainu sula tagalai dao. ²⁴ Eno augwaliba tudi ola menama, tama augwaligo dwai meda yai şę dabe elama, şęę şę dabe yali wei ponoyu, tama tiai dao, augwa dagede," wali.

²⁵ "Ena God Genuai Bidi, eno te po obao, eno te Israel dabe dene polo mawai dao. Tama tialima, eno megi augwali ma homu dene ma yaibao. Tama bidi mego eno genuai nogi aiyaba elalubo usu me egobeo. ²⁶ Te augwali augwa tųde bugagia bidiyu, tama bidi mego augwali wi ma ilisąma ebaso da, teda augwaligo augwa polobadu yali dwai kolesagaba kone palama, tama augwali hale dwai mu yaibao. ²⁷ Eno augwali augwa boi bidi dabego kantride selama, tama augwali augwa kantri muba ma odasa asaibao. Tama te gasa hani bidi dabego eno te Israel dabe dali yali şę sulama, tama augwaligo e tama koneaibao, te ena tedali gasagi yai dao, tama eno kolesaga wiegi yai doloba pai mu augwaligo suaibao. ²⁸ Tama te Israel dabego eno augwali dali yali şę kone palaibao. Te augwaligo eno augwali gasa kantriba kalabus igi pomainu tagala palali, me augwali augwa kantriba ma odasa asali kone paliyu yaibao. Tama augwaligo e tama bugagia koneaibao, ena deli ena Genuai Bidi augwaligo God dao homu yaibao. ²⁹ Tama eno ena mobo bidi augwalibolo mawaibao. Tama eno augwali tudi munu me ma ola magobeo. Ena God Genuai Bidi, eno te tama po te wali dao," te po wali.

† 39:20 Ped 19:17-18

Godigo Esekielbolo nosali Israel bulude pedelabo wiegi yai nai dabe ola mani

(Daj 40-48)

Genuai Bidigo Esekiel Jerusalemba odasa pali

40 Te da kalabuside bidibadi kibu be 25 wabode, tama te kibu bedede te dei namba 10 wabo sogo eno Genuai Bidigo bomo enaba asobo gagama yali. Te da te boi bidi dabego te taun Jerusalem selama, 14 kibu be polo pai nosali badu dao. Tama te sogo tama Genuai Bidigo ena tolasa pali. ² Tama te nade ebo şę dabe tiwai elama, Godigo ena tolasa pelama, Israel dabego tşba odasa pelama, tama bulu du ugwanu mu yai bulu duba me tagaligi pali. Tama eno u sautba tonobadi, eno be dabe elalubo suali, tama te ma te taun me elalubo tiwai subo aş yali. ¹³ Tama Godigo ena pşba odasa pali, tama eno bidi me bidibo suali, tama aga te bras ula tiwai ebo suali. Te bidi te taun obo sunumide dolaluali, tama agai te bobobage nai usu sabo haliga bono elaluyu, me te gasa nai usu sabo ni tolaluyu, dolalubo suali. ††

⁴ Tialima, te bidigo enabolo e tama po walali, "Tşde bidi, eno nagebolo waselainu ebo nai dabeba bugagia mu tonalua. Me nago odainu ebo poba bugagia olo saganama odao. Magi baso meni. Godigo nage odasa asali, te nagebolo eno te nai dabe ola momainu, tama nosali nago Israel dabebolo eno te pusa mani po pusao," te bidigo enabolo te po wali.

Esekielgo giliga asobo badu elalubo obo sunumi suali

⁵ Eno Godigo tempel be suali, tama masigigo nigai genuai obogo te be bagulai suali. Tama te bidigo te usu ni sabo eno suali. Te usu ni bobobage te 3 mita usu nama elaluali. Tama agai te Godigo be bagulali genuai obo usu sali. Tama te obo bobobage ugwaba te 3 mita usu nama elaluyu, me ugwade edasi dedawali te 3 mita usu nama elaluali. ⁶ Tama te obogo bobobage sunumi sela elaluali. Tama te deli deli sunumi u badude te be habu dabe si badu elalua peyu, tama elaluali. Tama bidi dabe augwali Godigo beba painogo da, augwali te be habu elalubo sunumi me delidu peyu yao. Tama be sunumi tagalama, saboligi pao. Te deli deli sunumide te ugwa holoyu, eda asiyu yabo togobili te elalubao. Tialima, te usu ni elalubo bidi aga te giliga asobo badu elalubo obo sunumi badu pali. Tama te bidi aga te sunumi togobilidu ugwaba holoyu, agai te obo sunumi ugwanu dedawali usu nigo usu sesa holali. Tama daj te usu ni da, te 3 mita usu nama elaluali. Te hasia wali sunumi daj te 3 mita usu nama elaluali. ⁷ Te be te sunumigo talua sai elaluali. Te be sunumide te u badu me e badu te tonalubo bidi bidabo be habu dabe me elaluali. Tama

bilabo sunumi bobobage te tomode elaluali. Tama te bidigo te be habu genuai me bobobage usu nigo usu sabo suali. Tama augwali sese tama deli daj yai naga elalubo suali, te 3 mita usu nama naga, tama agai tama te be habu tomode ugwanu edanu dedawali te usu nigo usu sali. Te be habu todogo pali tomode tama te dagago genuai daj te 2 mita me hap mita elalua pali. Te pesage te genuai be habuba deli ugwa peyu, eda asiyu ebo pesage deli tama naga dao. Tialima, te bidi aga pelama, te be habu sunumiba saboligi pali. Tama agai te sunumi sabi badu daga ugwanu edanu dedawali te usu ni sabo suali. Tama te badu te daga daj te 3 mita usu nama elaluali. ⁸⁹ Tama aga te genuai be habuba pelama, tama agai te be habu usu nigo usu sabo suali. Te be habu genuai daj te 4 mita usu nama elaluali. Te be habu u badu te gasa sunumi me elaluali. Te sunumi te Godigo beba pabo sunumi elaluali. Tama te bidigo te be habugo sunumi sabi badu daga usu nigo usu sigi pali. Tama agai daj te wan mita usu nama elaluali.

¹⁰ Te be tonalubo bidi dabe bidibo be habu dabe da, te 6 tama elaluali, te genuai sunumi bogo badu elalubo be habu dabe. Te me badu sela, me badu sela elaluali. Tama tigidali be habu dabe deli usu ni naga elaluali. ¹¹ Tama nosali te bidi aga genuai sunumi dedawaliba pelama, tama agai te pesage usu nigo usu sesa bilali. Te sunumi dedawali te 6 olama hap mita tama usu nama naga elaluali. Tiali goli, augwaligo te be sunumi dabo si da, teda te daj pşba 5 mita tamaba usu nigi pali. ¹² Tama te tonalubo bidi dabego be habu gesabidi badu te pşwadage be daga ugwaba bobobage te 50 sentimita elaluyu, me ugwade eda si dedawali me te 50 sentimita tama usu nama elaluali. Tama te be habugo bobobage me genuai yali me te deli mita naga elaluali, te 3 mita tama naga elalua pali. ¹³ Tialima, te bidi aga te tonalubo bidi me deligo be habu tomoba pelama, tama usu nigo usu siyu yali. Agai te be habu tudi badu dagade gagalama, tama pelama, te soabo sunumi ela solama, gasa dolo si be habu tudi badu dagaba pelama, te usu nigi pali. Tama te tiwai usu selama, te usu te 12 mita olama hap mita yali. Te da te bego genuai daj namba dao. ¹⁴ Tama nosali te bidigo te dedawali sabide elalubo genuai be habu usu nigo usu sigi pali. Te be habu aga bobobage da, te 10 mita usu nama dao. Te genuai be habu u badu te sunumi te Godigo be bagulai genuai sisinibo pesageba pabo sunumi dao. ¹⁵ Te genuai sunumi bulu badu gagalama, tama te dedawali usu selama, tama te sabi badu elalubo sunumiba usu nigi pelama, te usu te 25 mita usu nama dao. ¹⁶ Te tigidali be habu si si tomode te windo elalua pali. Tama te tonalubo bidi dabego be habu tudi badu daga elalua pabo, te daga dabede me te windo dabe elalua pali. Tama augwaligo te ni det noma te be dagade te windo pşde elalua pali.

Esekiel agai genuai sisinibo pesage te obo tomode su-ali

¹⁷ Tama tialima, te bidigo ena oda selama, tama da sigo te be habu tagalama, tama te obo tomode genuai sisinibo pesage te Godigo be bagulama tomode elalubo, teba pesageba pali. Tama eno 30 be habu te sisinibo pesagede bogu badu elalua pabo suali, te sisinibo pesage bogu badu selade naga. Tama augwali te masigigo nigai genuai oboba ugwa mu dagana sai elaluali. Tama te be habu dabe gesabidi badude augwaligo masigi du dabe wasilama, tama bilibo pesage nigai suali, agai te pedu elalubo suali. Te bilibo pesage te tigidali be habu gesabidi badu naga elalua pabo suali. ¹⁸ Te bilibo pesage aiyadu elalubadi, te Godigo be bagulai sisinibo pesage te ugwadu tama elaluali. ¹⁹ Te sisinibo pesage obogo te gasa obo me bagulai. Te da te namba 2 obo te Godigo tempel be bagulai obo mu dao. Te namba 2 obo tomode te gasa sisinibo pesage me elaluali. Tama te sisinibo pesage te ugwanu gana ma elaluali. Te namba 2 obo te giliga asobo badu, te sunumi me deli elaluali. Tama te bidigo te obo si agebele tomode elaluali tş usu nigo usu sali. Agai te genuai obo sunumide gagalama, tama pelama, tama te namba 2 obo sunumiba saboligi pali. Tama te tş mita te 50 mita usu nama tama dş yali.

Esekiel agai u not badu obo sunumi suali

Tama tialima, te bidi aga u not badu pali, ²⁰ tama agai te not badu elaluali be obo sunumi usu nigo usu sali. ²¹⁻²² Te tomo habu dabe te giliga asobo badu genuai obo tomode te be habu dabe tiwai mu dao. Tama tialima, te sunumi genuai dş te 12 mita hap usu nama dao. Tama te sunumi dedawali bobobage da, te 25 mita usu nama dao. Tama te sunumi togobili te agalama ugwaba te genuai obo tomoba pabo te a naga olama, si, te 7 te bede elalubao. ²³ Te u badu not badu te Godigo be bagulali namba 2 genuai obode, te sunumi me deli elalubo. Te da te giliga asobo badu te sunumi tiwai si mu dao. Tialima, te bidigo te sunumi si agebele tomode te tş usu nigo usu sali. Te agai te giliga asobo badu yali kolesaga tiwai tama yali. Tama te tş dş me te 50 mita usu nama tama elaluali.

Esekielgo u saut badu elalubo obo badu sunumi suali

²⁴⁻²⁶ Tialima, te bidigo ena u saut badu odasa pali. Tama dadi si te obo sunumide beba sabolali. Te genuai obo sunumiba tama agai te be usu nigo te be usu sali. Te be habu dabe te deli tiwai si naga elalua pali, te gasa me be si tiwai yali gilama naga elaluali. Tama tialima, te be bobobage te 25 mita elaluali, tama te aga genuai da, te 12 mita olama hap mita tama elaluali. Tama te sunumide te ugwa genuai be habuba holobo togobili te a naga olama si, te 7 agabo madi elaluali. ²⁷ Tama te e saut badu me te 7 namba 2 obo badu te sunumi me deli elaluali. Tama te bidigo agai giliga asobo badu te yali kolesaga tiwai te obo sunumi si to-

mo agebele tş usu nigo usu sali. Tama te tş dş te 50 mita usu nama tama elaluali.

Esekiel agai namba 2 obo sunumi suali

²⁸ Tama tialima, te bidigo ena te namba 2 obo sunumi elalubo madi odasa pali, te saut badu. Tama dadi si te sunumidu tomoba pelama, te sisinibo pesage, te Godigo tempel be gesabidi badu elalubo, te pesageba saboligi pali. Tama te namba 2 obo sunumide me be elaluali. Te bidigo te saut badu te sunumi usu nigo usu sali, tama te be habu dabe sese tama te gasa genuai be habu te usu sali tiwai si tama naga elaluali. ²⁹ Te tempel be tonalubo bidi dabego be habu dabe me, te genuai be habu me, te be habu tomode daga dabe sese tama te gasa meba be habu usu sali usu ni tiwai naga elaluali. Tama te sunumi dedawali bede me te windo dabe me elaluali. Tama te dedawali bobobage magi te 25 mita usu nama elaluyu, me ugwanu edanu dedawali te 12 mita olama hap mita elaluali. ³⁰ Tama te be tomode te genuai be habu te si dali si badu elaluali. Tama te be habu bobobage te usu ni te 12 mita olama, ugwadu hap mita dao. Tama te be genuai ugwanu dedawali da, te 2 mita olama hap mita dao. ³¹ Te bede genuai be habu aga gesabidi te genuai sisinibo pesage badu elalubao. Tama te tempel be tonalubo bidi dabego be habu dabe te Godigo tempel be pşde elaluali. Tama te ni detgo piksa dabe te windo dabe pşde elalua pali. Tama te be sunumi te a naga olama sela, te 8 agabo togobili ni aiyaba te genuai sisinibo pesageba dulubo digi elaluali. ³²⁻³⁴ Tialima, te bidigo ena te giliga asobo badu te namba 2 obo tomode elalubo sisinibo pesageba teba odasa pali. Me te tonalubo bidi dabego be habu te Godigo be gesabidi badu pşde elaluali. Tama agai te namba 2 obo badu elaluali be sunumi usu nigo usu sali. Tama te be habu dabe, me te tigidali nai dabe te meba be habu dabe usu ni sali tiwai naga elaluali. Te bego genuai be habu te genuai sisinibo pesage pşde elaluali. Tama te tonalubo bidi dabego be habu dabe te Godigo be pşde tama elaluali, te Godigo be gesabidiba polobadu. Tama te ni detgo piksa noma te windo pşde dabe elalua pabo suali. Tama te be togobili te a naga olama sela, te 8 aiyaba te genuai sisinibo pesageba dulubo digi elalubo suali.

³⁵⁻³⁷ Tialima, te bidigo ena oda selama, tama not badu te namba 2 obo sunumi beba odasa pali. Tama agai te be usu nigo usu sali. Tama te be habu dabe usu sali, te gasa meba be habu dabe tiwai si naga elalua pali. Tama tede te ni detgo piksa noma te piksa tama elaluali. Tama te tonalubo bidi dabego be habu dabe te Godigo be pşde elaluali. Tama te be sunumi togobili te aiyaba genuai sisinibo pesageba dulubo madi te togobili ni te a naga olama sela elaluali.

Esekiel agai te ofa nai dabe dodolobo pesage suali

³⁸ Te not badu te bede te gasa be habu me elaluali. Te be habu te genuai be habu sesege badu elaluali.

Tama te be habugo sunumi te genuai be habu dedawali sunumi badu elaluali. Tama te be habude augwaligo te iside mu dela silabo ofa yabo hasa dabego mi aşıgo telabo digi dao. ³⁹ Te genuai be dedawali bogo badu si badu te tebol sai elaluali. Te me si u badu elaluyu, me si te me badu polo badu elaluali. Tama te tebol sai dabede augwaligo te iside mu dela silabo ofa yabo kibu eleyu, me seęę sela sayabo ofa yabo kibu eleyu, me seęę dabe dodolabo ofa yabo kibu dabe tama eleyu ebo tebol dabe dao. ⁴⁰ Te bulu badu te genuai be habude te genuai be habu muba pabo te togobili pagede te me si me si tebol tede munaluali. Te tebol me si te togobili elalubo badu elaluyu, me si te u badu elaluyu yali. ⁴¹ Tialima, te ofa ebo kibu dabe elebo tebol te a naga olama sela, te 8 tebol elaluali. Te me si me si te genuai be tomode elaluali, tama me si me si te bulu badu elaluali. ⁴² Tama gasa me si me si tebol me elaluali, te augwaligo masigigo nigai. Te tebol dabe ugwaba daşı te 50 sentimita dao. Tama agai bobobage elama, genuai te usu ni da, te 75 sentimita dao. Tama te tebol daide augwaligo te sese dela ulubo ofa yabo kibu dabe elebo kaęo hwaę dabe tede munalubo dao. ⁴³ Augwaligo te be habu dagade te genuai huk dabe munama bagulai elaluali. Te huk bobobage usu ni te 7 hap sentimita dao. Tama augwaligo te ofa ebo kibu mi dabe te tebolde muyu ebo dao.

Ezekiel agai pris dabego be habu suali

⁴⁴ Tialima, te bidigo ena te namba 2 obo tomode elalubo te bidi dabe sisinibo pesageba odasa pali, te Godigo tempel be gesabidi badu. Tama eno te balia po wabo bidi dabego be habu si suali. Te be habu me te not badu be sunumiba polo badu elaluali, tama u saut-ba tonoyu ebo suali. Tama me be habu te saut badu obo sunumi be sesegede elaluali, tama u notba tonoyu ebo elaluali.

⁴⁵ Tama te bidigo enabolo e tama po walali, "Te not badu te elalubo be habu te Godigo be tomode seę ebo bidi dabego be habu dao. Tama te saut badu elalubo be habu te altade ⁴⁶ seę ebo bidi dabego be habu dao," wali. "Te tigidalı pris dabe te Sadok hani wai, tama augwali te Livai hani dao. Te Sadok hani pris bidi dabe naga te Genuai Bidi pageba paibao, agai seę yainogo," te po wali.

Augwali Godigo tempel beba sabolali

⁴⁷ Tama tialima, te bidigo Godigo be gesabidi badu sisinibo pesage badu usu nigo usu sali. Tama te sisinibo pesage tigidalı badu te deli tiwai daşı naga elaluali, te 50 mita usu nama naga elaluali. Tama te alta te Godigo tempel be gesabidi badu te sisinibo pesage tomode elaluali. ⁴⁸ Te usu ni tolalubo bidi agai ena te Godigo be sunumidu odasa pelama, tama dadi si te be mabo tiwai habuba me pali. Agai te be sunumi ugwanu edanu dedawali te usu nigo usu sali. Te sunumigo bobobage tama te daşı te 2 mita olama, hap mita

elaluali. Tama agai te sunumigo genuai te usu nigo usu sali, tama agai magi te 7 mita usu nama elaluali. Tama te dwasianu daga te be habu badu elaluali te daga usu ni da, te mita deli olama, hap mita yali. ⁴⁹ Te sunumi dedawaligo bobobage te 10 mita elaluali. Tama agai genuai te 5 mita olama, hap mita elaluali. Tama te sunumide togobili elaluyu, tama aiyaba te sisinibo pesageba dulubo togobili elaluali. Tama te togobili bogo badu si dali si badu te genuai pos si dolaluali.

41 Te Tedali Gasagi Yai Be Habu te be mabo tiwai be habu tudi badu elalubo. Tama te bidigo ena te Tedali Gasagi Yai Be Habu sunumiba odasa pali. Agai te sunumi usu nigo usu sali. Tama te sunumi sesegede te obo ugwanu dedawali te 3 mita elaluali. ² Tama te sunumi aga te dedawali te 5 mita elaluali. Tama me te obo dage te bugai te sunumi habu badu gagalama, te me habuba te 2 mita me hap mita elaluali. Tama te obo dage me te be sunumi me badu pedai badu te usu ni si te tiwai si naga yali. Tama agai te Tedali Gasagi Yai Be Habu usu nigo usu sali. Tama te be habu te bobobage te 20 mita usu nama elaluyu, me te be habu genuai te 10 mita usu nama elaluali.

³ Tialima, nosali aga te Tedali Gasagi Yai Be Habu tudi badu te gasa be habu sunumi me deliba pali. Tama agai te be sunumi usu nigo usu sali. Te sunumi sesege badu obo ugwanu dedawali te wan mita elaluali. Tama te be sunumi mu da, te 3 mita usu nama elaluali. Tama te be sunumidu te obo te sunumidu gagalama, te be habuba te 3 mita olama, hap mita elaluali. Te obo me badu sunumi sesege badu te deli tiwai daşı naga elaluali.

⁴ Tialima, agai te be habu usu nigo usu sali. Tama te be habu tigidalı pedai badu te deli tiwai daşı naga elaluali, te 10 mita usu nama naga tama elaluali. Tama agai enabolo e tama po wali, "E da te Tedali Gasagi Yai Mu Be Habu mu dao," wali.

Ezekiel agai te Godigo tempel be sesegede elalubo be habu dabe susa pali

⁵⁶ Te Godigo tempel bedede te Tedali Gasagi Yai Be Habu, me te Tedali Gasagi Yai Mu Be Habu, augwali si te dwasianu dwasianu be habu dabego bagua sai mu elaluali. Tama te usu ni tolalubo bidigo te be habu tomode elalua pabo obo dabe genuai yali usu nigo usu siyu, me Tedali Gasagi Yai Be Habu, me Tedali Gasagi Yai Mu Be Habu te usu nigo usu sali. Te daga dabe aiyaba badu te daşı te 3 mita usu nama elaluali. Tiali goli, te habu tomode me te daga tomode te daşı te deli tiwai si menio. Magi baso meni. Augwaligo te be daga bulu badu te habu sugunani si daganani. Tama te be habu dabe te sai yali selade wasilama elaluali. Te aiyadu be habu lain te aiyadu tęde elaluali. Tama me te tomo ugwadu be habu dabe te tomo menename ni daide elaluali. Tama te menename ni te hasia manani kau ni daide elaluali. Tama te ugwadu daide te be sai ni te si wabo manani kau ni daide elaluali. Augwaligo te tobage kolesagago nigai elaluali. Magi baso meni. Aug-

waligo Godigo be dagade dedage nigibo hagela ebaso, te soiyame ni aiyadu be saiba muainogo. Tigidali be saide te be habu 30 elaluai. Tama aiyadu be habu dabe te 2 mita usu nama elaluai. ⁷ Te tomode be habu dabego te 2 mita genuai edelama elaluai. Tama ugwadu be habu daj dabego tomode be habu dabe edelai elaluai. Tama te be tomoba holobo togobili me, te ugwaba holobo me, te togobili elaluai.

⁸⁻¹¹ Te Godigo be obo genuai me te habu u badu elaluai. Te obo dedawali da, te 2 mita usu nama elaluai. Tama te obode te sunumi si te bidi dabe ugwa eda yabo elaluai. Te sunumi me te saut badu elaluyu, me te not badu elaluyu yali. Tama eno suali, te bilibo pesage te Godigo be bagulama elalubo suali. Te ugwaba genuai yali da te 2 mita olama, hap mita elaluai. Te ugwadu te bilibo te be sai te ugwaba te Godigo be habu daj tiwai elaluai. Tama te daj da te 3 mita usu nama elaluai. Tama te bilibo pesage aiyadu te olo pesage me elaluai, te Godigo be bagulama elaluai. Tama agai genuai usu yai te 10 mita elaluai. Te olo t̄q elalubo digi te be dabe meba te bogode elaluai.

Godigo be usu sai

¹² Te giliga dega sabo badu te Godigo be tudi badu genuai be me deli elaluai. Tama agai edaba te Godigo be bagulama elalubo te olo pesage o t̄q elalubo digi edaba tonaluai. Te be bobobage te 45 mita usu nama elaluai. Tama te be ugwanu edanu dedawali te genuai te 35 mita usu nama elaluai. Tama te be daga dedawali da, te 2 mita olama, hap mita elaluai. ¹³ Tialima, te be tagalama, te bidigo Godigo tempel be bobobage usu nigo usu sali. Tama te daj te 50 mita usu nama elaluai. Tama nosali agai te olo t̄q, me te giliga pabo badu te be dali si agai usu nigo usu sali. Agai Godigo tempel be tudi badu gagalama, tama te be tudi badu tagaligi pali. Te daj me te 50 mita tama yali. ¹⁴ Tialima, agai Godigo be gesabidiba usu siyu, me olo t̄q dabe u badu elaluai, me e badu elaluai olo t̄q elalubo pesage agai usu nigo usu sali, tama te daj me te 50 mita usu nama naga elaluai. ¹⁵⁻¹⁶ Tama agai te tempel be tudi badu elalubo be bobobage me te be habu bobobage si u badu me elaluai, te tama usu nigo usu sali. Tama te daj me te 50 mita naga elaluai.

Esekielgo Godigo tempel be tomode be daga tigidali au yali agai suali

Augwaligo te Godigo tempel be sunumi dedawali dali, te Tedali Gasagi Yai Be Habu dali, te Tedali Gasagi Yai Mu Be Habu dali, augwali sela te dodolai masigi dabego nigai dao. Tama te be habu selago tomode elaluai be daga dabe augwaligo te ni namigo dagawani. Me te sunumi p̄qde elalubo daga dabede, me dwasianu windo dabede, me te be sunumi genuai pesage badu me, te ni namigo daganai elaluai. Te ni nami dabego te daga mesega sai elaluyu, te aiyadu soiyamedu gagalama, tama holama, te windoba usu nigai pali. Tama me te windo halubo ni nami dabe me

elaluai. ¹⁷ Augwaligo te Tedali Gasagi Yai Be Habude augwaligo piksa togobadi, me te Tedali Gasagi Yai Mu Be Habu me ugwa badu be habu badu daga, me te be habuba pabo sunumi daga me augwaligo te piksa togwai elaluai. ¹⁸ Tama te piksa dabe te ni det piksa, me te bogo me si me si yai ensel dabe piksa dao. Tama te deli deli ensel bidigo piksa te ni det piksa tomo tomode elalua pali. Te ensel dabego gesabidi si te e tama tiwai si elaluai. ¹⁹ Te me da, te bidigo gesabidi, me te laion yowigo gesabidi elaluai. Tama te piksa si-go te ni det u badu elalubo me e badu elalubo piksaba ugwa tonoyu, edaba tonaluyu yali. Te tiwai tigi poai piksa te tigidali be daga elalubo madi elalua pali, ²⁰ te be aiyadu gagalama, tama te sunumi ugwadu toboluba tama usu nigai pai elaluai. ²¹ Te Tedali Gasagi Yai Be Habu badu te sunumi pos te me si me si badu elaluai. Tama augwali daj te deli tiwai si naga elalua pali.

Genuai Bidi pagede elalubo tebol Esekielgo suali

Te Tedali Gasagi Yai Mu Be Habu p̄qde augwaligo ²² ni namigo nigai alta sai elaluai. Te nai ugwa badu daj te 1 wan mita olama, hap mita elaluai. Te nai dage badu me, bogo badu me, page badu me, augwaligo ni namigo nigai elaluai. Tama te usu ni tolalubo bidigo enabolo e tama po walali, "Te nai da, te Genuai Bidi gesabidide elalubo tebol sai dao," wali.

Godigo be sunumi dabe

²³⁻²⁴ Te Tedali Gasagi Yai Mu Be Habuba tula pabo sunumi si elaluai. Te be sunumi si deliba ununu pelama, elalua pali. Tama deli deli sunumi te ununama, deli sunumi elalubo tiwai yali. Tama me te Tedali Gasagi Yai Be Habu badu me te deli tiwai be sunumi naga elaluai. ²⁵ Tama te Tedali Gasagi Yai Be Habu sunumi bulu badude me augwaligo te ni det piksa, me te ensel piksa tiwai si naga togwai elaluai, te be dagade elalua pali piksa tiwai naga elaluai. Te Godigo be tomoba pabo be sunumi bulu badu mabode te be pedu dwasianu deli elaluai. Augwaligo te be pedu te ni namigo nigai. ²⁶ Tama te be mabo u badu me, e badu me, te dagade te dwasianu windo dabe elalua pali. Tama te be mabo dagade te ni det piksa elaluai, te windo dabe bogo badu side elaluai.

Pris bidi dabego be si

42 Tialima nosali te usu ni tolalubo bidigo ena u not badu odasa pali. Tama da si te genuai sisinibo pesageba saboligi pelama, tama eno u not badu te Godigo be not badu te be me elalubo suali. Te be te Godigo be tudi badu te not badu te genuai be tudi badu p̄qde elaluai. ² Te be sunumi te u not badu gesabidi elaluai. Te be bobobage te 50 mita elaluyu, me agai genuai te 25 mita usu nama elaluai.

³ Te be tudi te olo t̄q dage te Godigo be bogo badu elaluai, te t̄qba dagana sai elaluai. Tama te be gesabidi te genuai sisinibo pesage elalubo, tama ugwaba te bidi bilibo sunumiba ugwaba tonaluai. Tama augwali-

go te bede sai sela yai elaluali. Augwaligo namba 2 me namba 3 plua be sai ugwanu tomoba pelama, gana nigai elaluali. Tialima, te bego agabo togobili sela elalubo aq yali. ⁴ Tama te bede te bilibo pesage bobobage te namba 3 saide elaluali, te olo tq dage pađe. Te bilibo pesage ugwanu dedawali da, te 5 mita usu nama elaluali. Tama te bilibo pesage me te be bagulama pelama, tama u badu te not badu sunumi dabeba saboligi pai elaluali. Tama te bilibo sunumi te 50 sentimita usu nama elaluali. ⁵ Te namba 3 be sai te namba 1 wan me namba 2 be sai magi magi genuai usu nama tiwai si menio. Magi baso meni. Augwaligo namba 3 plua sai ugwanu mu nigai dao. ⁶ Augwaligo te be sai dabe augwaligo pos saide ugwadu nigai menio. Te meba sisinibo pesagede be dabe tiwai menio. Menio. Te badu tq te dwasianu bulu du tiwai dao, tama tialima augwaligo te be sai dabe te tqde nidigili pai dao. Tama tialigo te namba 2 me namba 3 sai ugwanu mu gana pai elaluali.

⁷⁻⁸ Te namba 1 be sai usu sali bobobage te 25 mita tama naga usu nama elaluali. Tiali goli, meba be sai dabe te 50 mita usu nama elaluali. Tama augwaligo namba 1 wan be saide augwaligo be daga deli yai elaluali. Te daga bobobage te 25 mita usu nama dao, te namba 1 be sai tiwai mu dao. ⁹⁻¹⁰ Te obo tomode bilabo sunumi elaluyu, me te namba wan be saide me tiwai si elaluali, te bilabo pesage. Tialima, bidi te be tomoba painogo da, teda te bidi agai giliga asobo badu aselama, tama aga te bilibo sunumidu aselama, tama te be tomoba pomainao.

Tama u saut badu te Godigo be elalubo pađe te be me deli elaluali. Tama aga me te genuai be Godigo be tudi badu elalubo be pađe elaluali. ¹¹ Te saut badu te be gesabidi badu te bilibo pesage me deli elaluali. Tama te da te not badu elalubo te bilibo pesage tiwai dao. Tama te be si dađ deli tiwai si tama dao, tama te be sunumi me tigidali nai dabe deli tiwai si naga dao. ¹² Tialima, bidi u saut badu elalubo beba painogo yali da, teda aga giliga pedalubo badu aselama, tama te bilibo sunumi wali pelama, te be tomoba pao, te not badu elalubo be dali tiwai si tama dao.

¹³ Tialima, te usu ni totalubo bidigo ena dali te po wali, "Te be si te Godigo be mu dao, tama tedali gasagi yai mu dao. Te pris dabe augwali te Genuai Bidigo beba augwa se igi pabo dao. Augwali da te be siba pomainao, tama augwaligo te we bidigo Genuai Bidibolo mani te wiegi yai tedali polalubo ofa yali nai tumainao. Te be si te Genuai Bidigo be si mu dao, augwali tedali gasagi yai mu dao. Tama tialima, te pris dabe augwaligo te we bidigo mani tedali polalubo ofa nai dabe te be side muyu emainao. Te da te wit ulubo ofa, me we bidigo sege sela sabo ofa, me dwai kolesaga dodolobo ofa yali, te ofa mubo be si dao," wali.

¹⁴ Tama agai te po me wali, "Te pris dabe augwali Godigo bede se yali bidi dabe, augwaligo te be side augwaligo gudubo ugwa hasegelebo ugwa te be side hasegeleyu emainao. Te pris se yabo gudubo ugwa te Genuai Bidigo nai ugwa dabe naga dao. Tama tiyu,

augwaligo pris se ebo ugwa hasegelama, tama augwaligo meba olo ugwa hasegelama, gudumainao. Tama elama, augwali te be si teda solama, genuai sisinibo pesageba pomainao, te da te olo we bidigo pesage dao," te usu ni totalubo bidigo te po wali.

Bidigo Godigo be bagulali obo usu nigo usu sali

¹⁵ Te bidigo Godigo tempel be dali, me te genuai obo tomode elaluali te nai dabe sese tama usu nigo usu sali. Tama agai ena te giliga asobo badu te genuai obo sunumi badu odasa pelama, tama te genuai obo usu nigo usu sigi pali. ¹⁶ Agai te usu ni selama, tama agai te badu te obo usu nigo usu sali, te giliga asobo badu. Tama agai usu sali te 250 mita usu nama elaluali. ¹⁷⁻¹⁹ Tama nosali agai not badu obo usu nigo usu siyu, me saut badu, me giliga dega sabo badu obo usu nigo usu siyu yali. Tama augwali deli deligo dađ te 250 mita usu nama naga elalua pali. ²⁰ Te Genuai Bidigo tempel be bagulali obo te me si me si bogo badu elaluali. Tama te dađ tigidali bogo badu te deli tiwai si naga yali, te 250 mita usu nama naga yai yali. Te genuai obo te Genuai Bidigo tedali gasagi yai nai dabe dali, te olo nai dabe dali si tomode dađ elalubo obo dao. Te Godigo tedali gasagi yai nai dabe te obo tomode elaluyu, tama te olo nai dabe bulu badu elaluyu elaluali.

Genuai Bidi aga beba ma asali

43 Te haniani nai usu sali bidigo ena te giliga asobo badu obo sunumiba odasa pali. ² Tama eno Israel dabego Godigo moni ula elalubo suali. Tama te ula te giliga asobo badu asobo suali. Tama te ula pedalobo si da, eno agai po wabo dogoni te genuai tamu ađ kulukulu wabo tiwai tama eno odali. Tama Godigo ulago tq ula genuai mu yali. ³ Tama te se yali eno nade megie ebo eno subo aq yali. Te da te eno polobadu suali te na yali te na tiwai mu ma yali, te aga te Jerusalem dolainu asali sogo, tama te eno te Babilon bulu ađ Kebarde polobadu suali na tiwai ma suali. Eno te ula sulama, tama eno bogoli sugunama, tama eno gesabidi tqba pogulama elaluali. ⁴ Tama Genuai Bidigo te ula te giliga asobo badu te sunumiba dula pelama, tama Genuai Bidi Godigo be tomoba dula pali.

⁵ Tialima, Genuai Bidigo Mobo Bidigo ena ugwa daboia selama, tama ena odasa, te dwasianu sisinibo pesage Godigo be gesabidi badu te sisinibo pesageba odasa pali. Tama eno Genuai Bidigo boma pai ulago te be pađana pai suali. ⁶ Tama te bidi ena pagede me dolalubadi, eno po me te Godigo be tomode po wabo odali. ⁷⁻⁸ Te da te Genuai Bidigo pedauwalidu po wali. Tama agai enabolo e tama po walali "Tqde bidio, eno sia king te be tomode te elalubao. Tama te pesage da, te we bidi augwali aselama, enaba lotu wagasabo ma-di dao. Ena tigidali sogo ede bidada paibao, te ena we bidi Israel dabe tomode. Tama nosali Israel dabe, me augwa king dabe, augwaligo nosali eno wiegi yai nogi aiyaba munu ma me elalugobeo. Polobadu te we bidi

† 43:2 Ese 10:3-4, 18-19; 11:22-23

dali, te king bidi dabe dali, augwaligo ena tagalama, te tibo god dabeba lotu po odu geai dao, we bidigo dwai penane şe ebo tiwai yali. Tiali goli, megi da, te augwaligo te tibo godiba lotu po te ugwanu elalubo madide me weyu egobeo. Tama te king dabe augwaligo eno tempel be pađe mu augwaligo be me ma şe yagasiyu me egobeo. Polobadu augwaligo be te tama elaluai dao, tama te king dabe augwali augwa bede isibo sogo augwaligo eno be meda iliyu yai dao. Tama me augwaligo dwai damua pai kolesaga eyu, augwaligo eno nogi aiyaba elaluyu yai dao. Tama tibaso, eno augwali dali şeşe elama, tama augwali dolai dao. ⁹ Megi da, te Israel dabe augwaligo tibo godiba lotu me wabo tagalao. Tama augwaligo augwa king eno be pađe is-mainu sula tagalamo dao. Tialima, augwaligo eno po wali peyu da, teda ena augwali dali tigidali sogo mu bidaibao," te po wali.

¹⁰ Genuai Bidigo ena dali po genina ma weyu, e tama po wali, "Tqde bidio. Nago Israel dabebolo po weyu, 'Godigo tempel be e tiwai elalubo eno suali,' te po olama, tama nago te tigidali suali naide po pusao. Tama augwaligo te be te tiwai elalubo bugagia konemainu eyu, tama augwaligo augwa yali dwai kolesagade hale dwai mu emainu yao. ¹¹ Augwali hale eyu da, teda nago augwalibolo eno bede tigidali be habude, me te doado bage dabede po augwalibolo wao. Augwalibolo tigidali te nai dabe magi po weyu, me te sunumi dabe muabo pesage ola mayu, me te be şe ebo kolesaga sese ola mayu yao. Tama augwalibolo te be tomode şe yabo bomai po dabe ola mao. Augwaligo te be te nago suali tiwai dolo mu şe yainogo eyu, me augwaligo te bede elalubo bomai po dabe bugagia wali pomainu eyu, nago te po sese te bukude aşenama, augwali mao."

¹² "Eno bego bomai po da e dao. Te be da, te aga pesage te bulu dude tama elalueibao. Tama te be mesalo bagulama elalubo te tq te eno tq mu elaluaibao, tedali gasagi yai mu elaluaibao. Te eno bego hage yai bomai po dao," wali.

Te alta sai usu sai

¹³ Genuai Bidigo po genina ma weyu, te po wali, "Te alta dabego daj dabe da, te e tama dao. Te we gamiago e alta bagulai elaluali. Te we gamia ayanu dulali te 50 sentimita usu nama dao. Tama aga genuai yali me te 50 sentimita usu nama tama dao. Te we gamia te dwasianu obogo bogo badu bagulai elaluali. Te obo ugwaba bobobage te 25 sentimita usu nama dao. Te alta dabe nigibo magi te ugwaba mu holai dao. Augwali te e tama tiwai dao. ¹⁴⁻¹⁵ Altago bugai sela elalubao. Te aiya badu bugai badu te wan mita usu nama tama dao. Tama tomode te daj ugwaba holobo te daj te 2 mita usu nama dao. Tama dage ugwa badu te ofa ebo nai dabe ulabo alta sai dao. Te ugwanu holali te 2 mita usu nama dao."

"Te tomo tigi genuai me bobobage yali, te aiyadu bobobage me genuai tiwai si menio. Magi baso meni. Tomo tigi te tomoba te 50 sentimita usu tomoba ugwa

pai dao, te aga tigidali bogo badu. Tama ugwa badu tigi te uganu mu genina 50 sentimita usu nama mu pai dao. Te tigidali bogo badu usu nama, tama te alta ugwadu saide te me si me si dage badu da, te kau kibu gaş tiwai nai te dolalubao. ¹⁶ Te alta ugwadu daide te genuai yali me, bobobage yali me, te deli tiwai daj naga yali, te 6 mita usu. ¹⁷ Tama te alta tomode te genuai yali me, bobobage yali me, te deli daj usu nama naga dao, te 7 mita usu. Tama te alta tomo tigi bogo badu te dwasianu obo dolaluali. Te obo ugwaba bobobage te 25 sentimita usu nama dao. Te obo te alta tomo tigde te bagulali te aj gamia bogo badu elalubao. Tama te gamia te genuai te 50 sentimita usu nama dao. Tama te giliga asobo badu te alta daiba ugwa holobo te togobili me deli elalubao," wali. †

Augwaligo alta te Godigo nai dao olama, sa muani

¹⁸ Genuai Bidigo enabolo e tama po wali, "Tqde bidi, nago ena God Genuai Bidigo po odao. Augwaligo te alta nigibo şe silibo si da, tama augwaligo tede te sese delabo ofa yainu, tama te hasa kaneme dabe te daiba şabo si da, teda nago e tama bomai po wali pao. ¹⁹ Nago kau kibu omai me deli selama, tama Sadok hani pris dabebolo mao. Ena God Genuai Bidi eno te po obao. Te Livai hani bidi dabego naga augwali deli naga ena pageba aselama, tama augwali eno şe emainao. Tialima, te pris dabe augwaligo naga te kau kibu elama, tama augwaligo naga te şeşe sela şabo ofa uluyu emainao. ²⁰ Tama nago te kau kibugo kaneme meba selama, tama te altago gaş me si me side munama, tama me alta me si me si dage badu tomode, me te dwasianu obo te alta tomode bagulali tede mubadi yao. Tama nago te ebo kolesagago te altago meda sela sayu, tama te alta eno gedude wiegi yai pedalaibao. ²¹ Tama nago te kau kibu tigi mi selama, tama nago augwaligo te sa muani te pesagede ulao, te eno tempel be bulu badu elalubo, te pesage. ²² Tama pilama, nosali te si wabo sogo da, te sogo da, teda nago meme kibu omai kenigo agai tigi me dolisawai selama, tama şeşe sela şabo ofa yao. Tama nago te meme kibugo kaneme selama, tama nago kau kibu kane-mego yali te kolesaga tiwai ma yao, te alta meda sela somainu yao. ²³ Nago te şe polo elama da, teda nago gesi kau kibu omai me deli, me sipsip kibu omai me deli te kenigo augwaligo tigi me dolisama yai selama, ²⁴ tama nago augwali si ena pageba sesao. Tama te pris dabe augwaligo tamu te ela muani kibu si tigi mi-ba nogogo telala pelama, tama augwaligo isigo mu dela silibo ofa ulumainao. ²⁵ Tama te sogo gagalama, te dei namba 7 wabo sogoba usu nama, nago te meme omai me deli sesao, te şeşe sela sayabo ofa tiwai. Tama me kau kibu omai, me sipsip kibu omai deli me te isigo mu dela silabo ofa tiwai sesao. Nago wiegi yai hasa dabe naga sesao, te keni dabego augwaligo tigi dabe me dolisama yai dabe sesao. ²⁶ Te a naga olama si sogo te pris dabego te tobage ofa idubadi geaibao, te alta meda sela sayu, te eno gedude wiegi

† 43:17 Sai 27:1-2; 2 Sto 4:1

yai pedalobo siba usu naibao. Tialima, augwaligo te ebo kolesagago te alta te eno mu dao olama, augwaligo sa muaibao. ²⁷ Tama te Sarere silibo si da, teda te alta aga se yabo polo kegalubao. Tama te dei namba 8de te pris dabe augwaligo dage Israel dabego ofa ebo gagalomainao. Augwaligo te isigo mu dela silibo ofa eyu, me ena dali haliga deli ebo ofa eyu emainao. Tama augwaligo te tama tibode da, teda eno dage dali wiegi yai haliga yaibao. Ena God Genuai Bidi, eno po polo wali dao," te po wali. †

Giliga asobo badu sunumi palialuaibao

44 Tama te bidigo ena te lotu be tempelgo te giliga asobo badu genuai sunumiba ma odasa pali. Tama eno sunumi paliai elalubo suali. ² Tama Genuai Bidigo ena dali e tama po wali, "Te sunumi palialuama, tama bidigo dabo usu me egobeo. Tama bidi me deli te sunumidu tula asobo usu me egobeo. Magi baso meni. Ena God Genuai Bidi, dage Israel dabego Genuai Bidi, te sunumidu tula asai sunumi dao. Tialima, te sunumi tigidali sogo me palialuaibao. ³ Tama king deli digi agaduba naga te be sunumi elalubo dolo naga asomainao. Tama aga eno gedude te ofa nai tumainao. Tama aga te sunumidu tula aselama, tama aga te be sunumidu buluba ma tula pomainao," wali.

Godigo we bidi naga aga te be tomoba tula pomainao

⁴ Tialima, te bidigo ena odasa, te not badu te obo badu sunumidu odasa pelama, tama te Godigo be gesabidi badu doligi pali. Tama eno Genuai Bidi Godigo ulago te aga be pağana sai suali. Tama tibaso, eno bogoli sugunama, tama eno gesabidi tğba elama basi giluali. ⁵ Tama Genuai Bidigo enabolo e tama po walali, "Tğde bidio, nago eno nagebolo ola mawainu ebo te nai dabe bugagia tonalua. Tama eno nagebolo wainogo ebo te po bugagia odao. Eno nagebolo te eno tempel bego bomai po, me te bego kolesaga po nagebolo pusaibao, eno te bego po dabe. Bidi meba augwali te eno tempel be tomoba pabo te usu yaibao, tiali goli gasa meba eno habu mu selai dao. Tama eno tede po wainu ebao, tama nago te po waboba bugagia olo saganama odao," wali.

⁶ "Nago te hagoma ebo Israel we bidibolo e tama po walao. Ena God Genuai Bidi, eno te po dage Israel dabe dali te elalubao. Dagego te dwai damua pai te kolesaga yali mu tagalao. Dagego te dwai damua pai kolesaga elama, tama dagego e dwai kolesaga me yali dao, ⁷ dagego te gasa meba kantri bidi hani dabe eno be tomoba asomainu sula tagalai dao. Te dagego te kibu ili me kaneme ofa eyu, te eno nai mu dao olama, ulubo sogo tama tiai dao. Te Israel hani isğwai bulu badu bage, augwaligo augwa tigi hale ebo nai togisğwai bidi dabe dao. Tama augwaligo ena homugo me konebo menio. Augwali eno be tomoba aselama, tama augwaligo eno gedude te be meda ilai dao. Dagego te dwai damua pai kolesaga tama yaligo dao,

† 43:27 Sai 29:35-37

teda dagego eno dağ walali po huğia sğwai dao.

⁸ Tama elama, dagego duga digi eno bede se yai menio. Menio. Dagego te Israel hani isğwai bulu badu bidi dabego dagego se emainogo sula tagalai dao," wali.

⁹ "Ena God Genuai Bidi eno te po obao. Te gasa meba kantri bidi dabe augwali te augwa hale ebo nai wali togisğwai bulu badu bage dao. Tama augwaligo enaba homu dağ me wabo bage menio. Te bage augwali eno tedali gasagi yai beba me tula pelamo dao. Augwali Israel dabe tomode bidai me tagalao. Augwali te be tomoba me pogobeo," wali.

Te Livai dabe augwali pris se igio

¹⁰⁻¹⁴ Genuai Bidigo enabolo e tama po walali, "Te Israel dabe augwaligo ena tudi ola mani sogo te Livai dabe augwaligo ena tagalama, tama augwaligo tibo god dabeba lotu po wai dao. Tama augwaligo te we bidi te tibo god dabeba lotu omainu tau sai dao. Tama te kolesagago te we bidigo homu hogodolama, tama augwali dwai kolesaga yai dao. Tama tialima, ena God Genuai Bidi eno mu po mu e obao, eno te Livai dabe dene mawaibao, augwaligo te dene dali seğe dali tolaibao. Megi eno te Livai dabe augwali pris se emainu me sula tagalogobeo. Augwali ena pageba me, ma eno tedali gasagi yai nai mu dabe pageba augwali asomainu me sula tagalogobeo. Eno augwali pris se idali weyu habu selebao. Tama augwaligo augwa damua pai kolesagade hale dwai mu yaibao. Tiali goli, eno augwali eno tempel be sunumi dabe tonalubo se emainu sa muaibao. Tama me te tempel be tomode meba se dabe emainu sa muaibao. Tama me augwaligo isigo mu dela silabo ofa yabo hasa dabe eleyu, me te we bidi dabego sesebo ofa ebo nai dabe meba augwaligo eleyu emainao. Tama augwaligo we bidi lotu wabode tau siyu emainao," te po wali.

Pris bidi dabego se po

¹⁵ "Ena God Genuai Bidi eno e tama po e obao. Te gasa Livai hani bagego te eno pris se me egobeo. Tiali goli, te Sadok hani Livai dabego naga te pris se emainao. Te Israel dabe augwaligo ena tudi ola mani sogo, te hani deligo naga eno be tomode se dolo idu geai dao. Tialima, megi da, te Sadok hani deli naga ena pağba asiyu, me eno se dabe eyu, me hasa ili dabe me kaneme dabe seselama, tama enaba ofa yagasiyu emainao. ¹⁶ Te Sadok dabe augwali naga ena be tomoba asiyu, me eno tebol pağba asiyu, me eno se eyu, me eno nai dabe tonalubo se eyu emainao. ¹⁷ Te pris dabe augwali eno namba 2 obo tomoba eno be bagulali obo tomoba pabo si da, augwaligo te pris ugwa wiegi yai name ugwago nigai ugwa gudumainao. Te augwali te obo tomode bidibo sogo augwaligo te sipsip kibu nisigo nigai ugwa guda magio, te habu selai dao. ¹⁸ Augwaligo trausis, me name ugwa tobolude gudubo gudumainao, te augwaligo wiegi yai name ugwago nigai. Tiali goli, augwaligo kukulu gudamo dao. Tiyu posologo augwaligo tigi dolabuo. †¹⁹ Tama augwaligo

te pesage tagalama, tama augwali genuai we bidi sisinibo pesageba painu da, teda augwaligo eno bede sę yainu, te gudubo ugwa dinama, tama gasa olo ugwa guduyu emainao. Tama augwaligo te ugwa dabe te Tedali Gasagi Yai Be Habu pađe elalubo be habu side dinama mumainao. Magi baso meni, te we bidi augwali te prisgo te ugwa dabe pađa asama, te we bidi tede dene sidali weyu tama tiao," wali. †

²⁰ "Te pris dabe augwali augwa tobolu nisi togobo sogo augwaligo tobolu nisi sese togwa şanama, tama augwaligo tobolu wane diliba nigilamo dao. Me ma, augwaligo tobolu nisi bobobage mu holomainao sula tagalamu dao. ††²¹ Te pris dabe augwali namba 2 obo tomoba painu peyu, augwaligo wain ađi tulamu dao. Te eno tempel be bagulali obo tomoba painu te wain tulamu dao. ††²² Tama me pris bidi dabego te we aga bidigo sela şawai we selamu dao. Augwaligo te we bidi dali pişama yai deli naga somainu yao, ma augwaligo te pris bidi me isai bidigo we siyu tama emainao. Tiali goli, augwali gasa olo bidi dabe isai bidigo we me somainu elamuo," wali. ††

²³ "Te pris dabe augwaligo te we bidibolo mena nai dabe eno gedude te tedali gasagi yai meda meni yai nai mu augwalibolo ola mayu, me mena nai dabe eno gedude te olo da wabo nai dabe augwalibolo ola mayu yao. Tama me augwaligo mena nai eno gedude meda yai augwalibolo ola mao. ††²⁴ Te we bidigo nai me delide wado po weyu ebaso da, teda te we bidi augwaligo po te pris bidi dabe augwali tomode bidiyu eno bomai po wali peyu, augwaligo po osola sumainao. Te pris dabe augwaligo eno bodolu muani genuai sogo dabe augwaligo te bomai po wali peyu emainao. Te eno lotu wabo sogo bodolu muani bugagia wali peyu emainao. Tama me te pris dabe augwaligo Sabatde bugagia koneama, tama te sogo te eno si mu dao olama, sa mumainao," te po wali.

²⁵ "Te pris bidi dabe augwali te isai bidi pageba pigio. Tialima, augwali pađa pali da, teda augwali eno gedude meda yai pedelaibao. Tiali goli, augwa deli kaneme bidi me isali da, te aga aya, ma ida, ma wai bęy, ma ama, ma abe bidigo sişama yai isibaso da, teda te deli kaneme bidi aga te isai bidi pageba pomainao. Tiali te ebo kolesagago augwali eno gedude meda yai pedelaibao. †††²⁶ Tialima nosali augwaligo te wiegi yai ma pedalobo kolesaga wali pelama ma yao. Tama te pris bidi me ma wiegi yai ma pedelai yai baso da, teda aga a naga olama si, 7 sogo bolo ma tonalumainao. ††²⁷ Tama nosali aga te eno be bagulali namba 2 obo tomoba pomainao, te eno Tedali Gasagi Yai Be Habude sę emainu. Tiali goli, agai bolo hasia aga sęęę sela şayabo ofa bolo deli me emainao. Tama nosali agai eno tempel be tomode sę emainao. Te da God Genuai Bidi eno po dao," wali.

²⁸ "Te pris dabe augwali te meba hani dabego yali gilama te kantri Israel tomode tę dage me sogobeo. Me-

nio. Ena da, te augwaligo wiegi yai nai dabe augwaligo tigidali sogo tolaluainu sabo nai dabe tiwai dao. †††²⁹ Te pris dabe augwaligo te we bidigo mabo wit ulubo ofa tuyu, me sęęę sela şawainu ulubo ofa me tuyu, me dwai kolesaga geda muani dodolobo ofa tuyu emainao. Tama augwaligo te we bidigo eno nai mu dao olama, sa muani te nai dabe me tuyu emainao. ††³⁰ Te we bidigo te gide hasia inayali nai dabe te pris dabebolo magasomainao. Me te pris dabego meba tedali gasagi yai nai dabe te we bidigo ena magasabo, te nai dabe me augwali tumainao. Tama te we bidigo bret ulubo sogo da, augwaligo hasia ulali te bret selama, tama te pris dabebolo te ofa tiwai momainao. Tialima, te we bidi augwaligo te tama tiali da, teda eno augwaligo be me we wai dabe dali wiegi yai sę eyu yaibao," wali. †

³¹ "Tiali goli, te ba o hasa dabe me olodali isiyu, ma te bulu hasago me ela muai baso me, te pris dabe augwaligo te ba o hasa dabego mi tulamu dao," Genuai Bidigo te po wai. ††

Te Israel dabe augwaligo Genuai Bidigo tę pedai me deli sa mumainao

45 Genuai Bidigo po ena dali genina ma weyu, e tama po wali. "Te dage kantri Israelba ma peyu, tama deli deli haniba tę dobabo sogo da, teda dagego ena Genuai Bidibolo tę genuai pedai me dađi ilao. Te tę bobobage te 12 kilomita usu nama, me genuai yali te 10 kilomita usu nama dađi ilao. Tama te tę pedai te eno tedali gasagi yai tę dao. †² Tama dagego eno te tę tomode deli me dađi yao, te eno tempel be tede sę yabo digi. Te tę me si me si bogo badu te deli tiwai usu naga emainao, te 250 mita usu nama. Tama dagego te tempel be sę yabo pedai tę bagulali tę me dađi ilao. Tama agai genuai te 25 mita usu nama magi yao. Tama te namba 2 tę pedai te olo tę elaluaibao. ††³⁻⁵ Tialima, dagego eno pedai genuai si pedao, tama te si te deli usu tiwai si naga emainao. Tama te tę bobobage si te deli deli te 12 kilomita usu nama, me genuai yali te si te 5 kilomita usu nama dađi emainao. Te tę pedai te me te pris dabego tę dao. Te ena be elalubo pesage te tę dao. Te pris dabe augwali ena pađa asobo dao, augwali eno be tomode sę yainogo, augwaligo augwa be te tęde sę emainao, te eno augwali dađi ilali te eno tęde. Tama te tę pedai te ena obode dao. Te da te ena tę mu dao. Tama te tę te tedali gasagi yai mu dao. Tama eno tęgo namba 2 pedai te eno Livai dabego tę dađi ilibao. Te Livai dabe augwaligo eno tempel bede sę meba ebo dao. Tama augwaligo augwa taun tede nigimainao, te tę pedaide," wali.

⁶ "Dagego pris dabego tę bogo badu gasa tę me ma dađi ilao. Te tę bobobage te 12 kilomita usu nama dađi iliyu, me agai genuai te 2 olama, hap kilomita usu siyu yao. Te tę da, te tigidali Israel we bidi dabego tę dao. Te augwaligo genuai taun te tęde nigimainao," Genuai Bidigo te po wali.

†† 44:18 Sai 28:39-43; Prs 16:4 † 44:19 Prs 16:23 †† 44:20 Prs 21:5 † 44:21 Prs 10:9 †† 44:22 Prs 21:7, 13-14 †† 44:23 Prs 10:10 ††† 44:25 Prs 21:1-4

††† 44:28 Nam 18:20 † 44:30 Nam 18:8-19 †† 44:31 Prs 22:8

Godigo kingo t̄o sa muani

⁷ Genuai Bidigo po genina ma weyu, e tama po wali, "Dagego kingo t̄o pedai si d̄aj̄ ilīo. Te hasia wabo t̄o pedai te giliga asobo badu elaluaibao. Te eno t̄o me dagego genuai taun bogode tama pelama, te giliga asobo badu tama usu nigi paibao, te kantri sabi simanigi paliba usu nigi paibao. Tama si wabo pedai te giliga dega sabo badu elaluaibao. Te eno t̄o me genuai taun pedai bogode badu, tama te kingo t̄o pedai sigo te kantri mesegela saibao. Te giliga asobo badu gagalama, tama te giliga dega sabo kantriba tama usu nigi paibao. Te t̄o pedai te deli deli Israel hani dabego augwa we bidi dobabo t̄o pedai dao. ⁸ King aga t̄o tali elaluaibao, tama agai te we bidi dali dwai s̄e me egobeo, te king dabe augwalibolo eno polobadu mani king dabego yali gilama, tama agai Israel dabego t̄o sidali weyu," wali.

⁹ "Ena God Genuai Bidi eno te tama po wali. Dage Israel dabego tobolu bidi dabego dwai kolesaga tagalīo. Dagego we bidi dabe dali bomonama dwai s̄e elama, tama dagego augwali aiyaba elaluai dao. Tama tialima, dagego te dwai kolesaga dabe tagalama, tama dagego doloba pai kolesaga naga dolo iȳo. Tama dagego eno we bidi augwa t̄ode sela s̄abo kolesaga tagalao. Ena God Genuai Bidi, eno te tama po wali dao," wali.

Te Israel dabe augwaligo tigidali nai dolo dobola so-mainao

¹⁰ Genuai Bidigo po genina ma weyu, e tama po wali, "Dage Israel dabego tigidali nai dabe dolo tiwai si naga dobola sīo. ¹¹ Efa te wa pai nai dabe skel ebo nai dao, tama bat te āj̄ dabe skel ebo nai dao. Tama te efa me bat si te deli tiwai usu si naga elaluyu emainao. Tialima, nogo si efa te homa nogi wabo usu sabo nai me deli usu nama dao. Tama te nogo si bat te homa ma kor usu nama dao. Homa te tigidali haniani nai dabe skel ebo nai dao. ¹² Te nai nai dabego s̄e s̄e skel ebo skel da, e tama da. Te 20 gera te skel deli usu nama dao. Me te 60 sekel te mina deli usu nama dao," wali.

¹³ "Te dagego te nai dabe enabolo ofa tiwai sesebo sogo da, dagego te tama nai dabe skel eyu yao. Dagego tigidali 60 kilo wit me bali bugwai deli ofa eyu yao. ¹⁴ Tama me dagego 100 lita ni oliv du wel bugwai deli ofa eyu yao. ¹⁵ Tama me dagego te tigidali 200 sipsip kibugo dagego w̄e hauwa elalubo t̄ode nosai tubo te sipsip bugwai, me deli dagego ofa eyu yao. Dagego te nai dabe te wit ulubo ofa yainu, me isigo mu dela silabo ofa yabo nai, me ena dali haliga deli yabo ofa yabo nai tama seseyu yao. Dagego te ofa eyu da, teda eno dage Israel dabe sesego s̄e s̄e sela s̄awaibao. Te da God Genuai Bidi eno po dao," wali.

¹⁶ "Tigidali we bidigo te ofa yabo nai dabe tigidali tama Israel dabego king pageba sesīo. ¹⁷ Tama kingo

te sesali naigo te isigo sese dela silibo ofa mayu, me wit ulubo ofa mayu, me wain gelebo ofa mayu yao. Kingo te ofa dabe te genuai sogo dabe, te gesi polua nanibo sogo, me Sabat side, me gasa meba genuai bodolu muani sogo eno Israel dabe augwalibolo mani, te si pedalobaso augwaligo te ofa yabo nai dabe seseyu yao. Tama me, agai Israel we bidigo s̄e s̄e sela s̄ayabo ofa me mayu emainao. Te da te s̄e s̄e sela s̄abo ofa dabe, me wit ulubo ofa dabe, me isigo sese dela silibo ofa, me ena dali deli haliga ebo ofa mayu yao," te po wali.

Te lotu po wabo genuai sogo

¹⁸ "Ena God Genuai Bidi, eno e tama po obao, te hasia wabo dei te hasia wabo poluade nago te gesi kau kibu omai agai tigi kenigo me dolis̄ama yai selama, ofa yagasao. Te ofa ebo te eno tempel be te eno gedude wiegi yai pedelemainu yaibao. ¹⁹ Tama pris bidigo te s̄e s̄e sela s̄abo te ofa ebo te kau kibu kaneme selama, tama eno tempel be ni posde pilaibao. Te eno be sunumi si badu elalubo pos nide, me te alta me si me si te dage badu piliyu, me te eno be bagulali te si wabo obo sunumi te pos ni dabede piliyu tama yao. ²⁰ Tama nago deli tiwai kolesaga naga te hasia wabo poluago te 7 wabo deide nago te tiwai kolesaga naga yao. Tialima, bidi mebago augwa kolesaga bugagia homu kone palis̄ama, tama augwaligo s̄e s̄e saibasoda da, ma augwaligo augwa s̄e s̄e sali konesīawai basoda da, teda te augwaligo te kolesagago eno be meda ilibo dao. Tama te ofago eno be wiegi yai ma pedelaibao," wali.

²¹ "Te hasia wabo poluago 14 deide da, dagego Godigo Israel Dabe Augwali Olo Bugagia Bidimainu Sula Tagalali Sogo d̄aj̄ ilao, te Pasova bodolu muani sogo dao. Tama a naga olama, si sogo bididubadi, dagego te yis musīawai bret tuīo. ²² Te genuai sogo dabego hasia wabo deide da, dagego kingo te kau kibu omai me deli te pris dabebolo menama, tama te kingo me te tigidali we bidigo s̄e s̄e sela s̄abo ofa emainao. ²³ Tama te Yis Meni Yai Bret tubo sogo da, te Sarere me deli dao, te kingo ena Genuai Bidibolo agai a naga olama, si kau kibu omai, me a naga olama, si sipsip kibu omai mayu emainao, te isigo sese dela silibo ofa tiwai dao. Agai wiegi yai hasa dabe naga somainao. Te hasa dabe augwaligo tigiwali te kenigo me dolis̄ama yai sao. Tama me tigidali sogo kingo meme kibu omai te s̄e s̄e sela s̄abo ofa tiwai eyu yao," te po wai.

²⁴ "Tama me kingo 14 kilogram wiegi yai plaua, me 3 lita oliv wel te deli deli kau kibu me sipsip kibu dabe dali mayu yao. Tama te pris bidigo te kau kibu o sipsip kibu ofa ebo sogo, agai te plaua me, wel me ofa eyu emainao," wali.

²⁵ "Te Osogo Bidabo Bede Bidibo Genuai Sogo te 7 wabo poluago 15 deide gagalama, tama a naga olama, si sogo tama bidaibao. Tama te sogo te king agai te Yis Meni Yai Bret tubo sogo sesebo ofa tiwai mu sesemainao. Te tigidali sogo agai deli namba tiwai kau kibu me sipsip kibu ofa yabo sesemainao, te isigo sese

† 45:10 Prs 19:36

†† 45:21 Sai 12:1-20; Nam 28:16-25

dela silabo ofa, me te seęę sela sayabo meme kibu deli. Tama agai deli tiwai skel yai witgo nigai plaua me, oliv wel me sesao, te ofa yabo," God Genuai Bidigo te po wali. †

Godigo kingo yabo ofa po wali

46 "Ena God Genuai Bidi eno te po obao. Te tigidali wikde te giliga asobo badu te namba 2 obo sunumi te a naga olama, deli, te 6 tama sogo te seę ebo sogo te be sunumi palialumainao. Tiali goli, augwali te sunumi te Sabat side, me gesi poluago genuai sogo naga dayu emainao. ² Tialima, te lotu po wabo sogo te king aga eno obo tomoba tula asomainao. Tama king aga genuai sisinibo pesage tagalama, tama aga te giliga asobo badu te si wabo obo sunumi tomoba pomainao. Tama aga sunumi paęde dolaluyu, tama agai altaba ugwaba tonomainao. Tama te pris dabe augwaligo kingo sesali te nai dabe ofa emainao. Te da te isigo sese dela silabo ofa, me homu ena dali deliba yabo ofa dabe dao. Tama king aga bogoli sugunama, tama agai mage basi gilua, tama enaba lotu po omainao. Tama nosali agai te pesage tagalama, tama genuai sisinibo pesageba pomainao. Tiali goli, te pris dabe augwaligo te sunumi dalalubadi, be pioba usu nigai pomainao, tama piode ma paliao. ³ Tama te lotu wabo genuai sogo dabe te we bidi augwali te bede sisinibo pesage genuai te si wabo obo bulu badu sisalumainao, te eno gesabidide. Tama augwali bogoli sugunama, enaba lotu omainao," wali.

⁴ "Te tigidali sogo Sabatde kingo a naga olama, deli, 6 sipsip kibu wai, me sipsip kibu omai te isigo mu dela silabo ofa eyu emainao. Agai te sipsip kibu dabe te augwaligo tigiwali kenigo me dolisama yai te wiegi yai kibu naga sao. ⁵ Agai te 14 kilogram wiegi yai plaua te sipsip kibu omai dali seseyu emainao. Tama me agai te sipsip kibu gęę dabe dali aga homugo plaua sesemainao. Tama agai te plaua sesali tiwai skel te oliv wel me sesemainao. Tialima, agai 14 kilogram plaua seseyu da, teda agai 3 lita oliv wel dali sesemainao," wali.

⁶ "Te gesi poluago genuai sogo te king agai te e tama ofa yabo nai dabe naga seseyu emainao. Te kau kibu omai deli, me a naga olama, deli, 6 sipsip kibu gęę, me sipsip kibu omai deli tama seseyu emainao. Agai te hasa dabe te keni dabego augwaligo tigiwali dabe me dolisama yai seseyu emainao. ⁷ Agai te 14 kilogram wiegi yai plaua te kau kibu omai dali seseyu, me 14 kilogram plaua wiegi yai te sipsip kibu omai dali sesemainao. Tama me agai aga homugo plaua te sipsip kibu gęę dabe dali sesemainao. Tama agai te sesebo plaua skel usu te oliv wel me agai sesemainao. Skel da e tama dao. Ma, agai 14 kilogram plaua seseyu da, teda agai 3 lita oliv wel seseyu emainao. ⁸ Te king agai enaba lotu po wainu da, teda aga te genuai sisinibo pesage tagalama, tama aga te giliga asobo badu be sunumi namba 2 obo badu tomoba pomainao. Tama pelama, te sunumi paęba bidigi pomainao. Tama agai

lotu ola silama da, teda aga te asali te sunumidu ma teda solama, tama aga te genuai sisinibo pesageba ma asomainao," wali.

⁹ "Te we bidi augwali ena Genuai Bidiba augwaligo te lotu wabo sogo naga lotu wagasiyu yaibao. Tialima, augwali u not badu genuai obo sunumi badu tomoba asai baso da, teda augwali lotu ola silama, tama augwali u saut badu te genuai obo sunumi badu buluba ma pomainao. Tialima, augwali saut badu obo sunumi badu tomoba aselama, lotu wagasai baso da, teda augwali te not badu te obo sunumidu buluba ma somainao. Augwali augwa te asali sunumidu deli naga augwali ma pelamo, menio. Augwaligo te obo gasa sunumidu taga pao. ¹⁰ King aga eno obo tomoba te we bidi tomoba tula pabo sogo tula peyu emainao. Tama agai te we bidigo te obo taga soabode, agai me taga somainao. ¹¹ Te lotu po wabo sogo dabe da, te we bidi augwaligo ofa nai mawainogo da, augwaligo 14 kilogram wiegi yai plaua te kau kibu omai deli deli dali mayu, me te sipsip kibu omai deli deli dali te 14 kilogram wiegi yai plaua dali mayu emainao. Tama augwaligo augwa homugo plaua meba selama, tama augwaligo te sipsip kibu gęę dabe dali sesemainao. Tama augwaligo te sesebo plaua skel usu nama, te oliv wel me tama sesemainao. Te skel da e tama dao. Ma, augwaligo 14 kilogram plaua sesaibaso da, teda augwaligo 3 lita oliv wel seseyu emainao," wali.

¹² "Tialima, king aga homugo ena Genuai Bidiba ofa yabo nai dabe sesebaso da, te isigo dela silabo ofa, ma ena dali homu deli yabo ofa yabo nai seseyu da, teda te pris bidi dabe augwaligo te giliga asobo badu te si wabo obo sunumi badu sunumi dayao. Tama king aga te pris dabego agai ofa ebode te obo sunumide bidimainao, te agai te Sabat side ebo tiwai tama yao. Agai lotu ola silibo si da, aga te be taga solama, tama te pris dabe augwaligo te sunumi ma palimainao," wali.

Godigo tigidali bubuga side ofa dabe po wali

¹³ Genuai Bidigo po genina ma weyu, e tama po wali, "Tigidali sogo kigamu dagego sipsip kibu gęę deli agai tigi kenigo me dolisama yai, tama agai kibu be deli yai tama seseyu yao. Tama dagego ena Genuai Bidibolo te siago mu dela silibo ofa mayu yao. Dagego te tama tobage ofa tigidali be posobo sogo eyu yao. ¹⁴ Tama me ma dagego tigidali sogo kigamu dagego wit ulubo ofa te siago mu dela silabo ofa dali uluyu yao. Dagego 2 kilogram plaua selama, tama 1 lita oliv wel dali beęę, te wit ulubo ofa yainu. Te tigidali sogo kigamu ofa ebo bomai po te tigidali sogo nosali me ma elalua paibao. ¹⁵ Tigidali sogo kigamu dagego sipsip kibu gęę, me plaua, me oliv wel seseyu yao, te siago sese dela silabo ofa tiwai tama," te po wai.

King bidigo tę po

¹⁶ "Ena God Genuai Bidi, eno e tama po obao. Tialima king aga ogwa me delibolo aga tę me togwa mani da, teda te tę te wai aga tę elaluyu, tama aga hani we wai

t̄o nosali me elaluaibao. ¹⁷ Tiali goli, kingo agai t̄o me-ba aga s̄e bidibolo me mani da, teda te t̄o kibu be 50 wabode te t̄o king aga t̄o ma gagawaibao. Te kibu be da, te nai dabe ma wei ponobo kibu be dao. Te t̄o te king aga wai puluba dali augwa t̄o dao. Te king aga hani mu augwali te t̄o aya mu dao. ¹⁸ Tama me ma king agai te we bidigo t̄o wi me selamu dao. Tialima, agai aga wai puluba bolo t̄o pedai me mawainu da, te agai aga t̄o pedai mu naga momainao. Tama tiyu da, eno we bidi augwa t̄o elaluyu, tama augwali t̄o s̄oş pai me elalugobeo," God Genuai Bidigo te po wai.

Esekiel agai ofa ulubo pesage dabe suali

¹⁹ Te bidi agai ena odasa, te pris dabego be gesabidi badu bilibo sunumiba odasa pali, te Godigo tempel be not badu. Tama te bilibo pesage te pelama, te t̄o dage me te giliga dega sabo badu elalubo suali. ²⁰ Te bidigo enabolo e tama tiwai po walali, "Te da, te pris dabe aselama, tama te kibu mi senede uluyu yabo digi dao, te s̄eşe sela s̄ayu, me dwai kolesaga dodolabo ofa nai uluyu yabo pesage dao. Tama augwaligo wit ulubo plaua ofa siyu elama, tama augwaligo tede ulaibao. Te pris dabe augwaligo te ofa te genuai sisinibo pesage-ba sela pigio. Tiyu, augwaligo te ofa maiabo naigo te we bidi dolidali weyu," wali.

²¹ Tialima, te bidigo ena te tempel be bulu badu elalubo te bidi sisinibo pesage genuaiba odasa pali. Tama dadi si te sisinibo pesage me si me si dage badu odasa pali. Tama eno te dage badu deli deli badu te t̄o dage elalubo suali. ²² Tama te t̄o dage te deli tiwai usu ni naga elaluali, te bobobage te 20 mita usu nama, me genuai yali te 15 mita usu nama dao. ²³ Tama te t̄o me si me si deli delide te masigigo nigai sai bagulai elaluali. Tama te sai dologode te sia nogobo pesage dabe elaluali. ²⁴ Tialima, te bidigo enabolo e tama tiwai po walali, "Te Godigo tempel bede s̄e ebo bidi dabe augwali te kibu mi ulubo te pesage dabeba te we bidigo ofa yabo nai sesebo teba ulugi pomainao," wali.

W̄ego Godigo be tagalama pali

47 Tialima, te bidigo ena Godigo tempel be polalubo sunumiba ma odasa asali. Tama eno te aḡi te sunumi dologodu pedelama, tama giliga asoboba geasa pabo suali. Magi baso meni. Godigo be giliga pedaloboba gesabidi tonalubo suali. Tama te aḡi te sunumi saut badu pedelama, tama te aḡi te saut badu te alta sesegedu peyu, te alta edelebo suali. ^{†2} Tialima, te bidigo ena te u badu not badu elalubo sunumi elaluboba da si pali. Tama da si Godigo be bagulali genuai obo bulu badu pali. Da si biligi pelama, tama da si giliga asobo badu sunumiba saboligi pali. Tama eno te aḡi te saut badu te sunumi dologode pedelama, tama pabo suali. ³ Tama te bidigo aga usu sabo haliga bono selama, tama te aḡi wali peyu, usu sesa pelama, te 500 mita usu nigi pali. Tama agai enabolo aḡi nogeao po wali. Tialima, eno aḡi nogelama, tama te aḡi ugwanu

eno s̄aḡa aiyadu s̄aḡa sawali bogoli d̄aḡi yali. ⁴ Tialima, agai te aḡi wali 500 mita ma pali, tama agai enabolo te aḡi ma nogeao po wali. Tialima, eno te aḡi nogeali. Tama te aḡi gebo delama, tama eno bogoli ugwadu d̄aḡi igiluali, te ena s̄aḡade. Tama agai te aḡi 500 mita ma pali. Tama te aḡi tede eno tigi tomoba ugwa holama, tomo d̄aḡi yali. ⁵ Tama agai te w̄eḡi dulu ma dulama, tama 500 mita ma pali. Tama te w̄eḡi gebo d̄aḡi elalubaso, tama ena nogeabo usu meni yani. Te pesagedu te bidi dabe w̄eḡi paluama, nogeabo usu elaluali. ⁶ Te bidigo enabolo e tama po walali, "T̄oḡe bidi, nago te s̄e yali dabe po sula silaliwe?" Agai po ola silibo si, da si te aḡi dulu ug-waba ma holali.

⁷ Te da si ma geasa pabo sogo eno te aḡi u badu me, e badu me, te ni dabe hauwa dolalua pabo suali. ⁸ Tama agai enabolo e tama po walali, "Te aḡi te giliga asobo badu pelama, tama Jordan aḡi odogo malu badu pelama, tama sigi aḡi Detsiba dolo pabo dao. Megi da, sigi aḡi Detsi tamu hauwa elalubao. Tiali goli, te aḡi go te sigi aḡi wiegi yai ma ilaibao. ⁹ Tigidali haniani aḡi hasa dabe te aḡi pabo pesagedu tama bidaibao. Tama te aḡi s̄uḡu hauwa mu bidaibao. Magi baso meni. Te aḡi go sigi aḡi Detsigo tamu aḡi wiegi yai ilaibao. Tama te aḡi pabo pesage tigidali badu da, te tigidali nai dabe holoyu naga yaibao. ¹⁰ Te s̄uḡu sabo s̄e ebo bidi dabego te sigi aḡi Detsi kemi sane badu dolaluyu, s̄uḡu sabo wa te aḡi ba s̄anama, tama s̄uḡu saibao, te bulu Eneklaimdu gagalama, pelama, bulu Engediba usu nigi paibao. Tama augwaligo s̄uḡu sabo s̄e siliyu, augwa wa dabe aḡi kemi sanede muaibao, te wa dabe te kemi sanede omainogo. Te Detsi aḡi de elalubo haniani s̄uḡu dabe te Mediterenian tamu aḡi de bidibo s̄uḡu tiwai mu bidaibao. ¹¹ Tiali goli, te sele pu aḡi dabego aḡi dabe te sigi aḡi p̄aḡe elalua pabo te aḡi dabe wiegi yai me egobeo. Menio. Te pu aḡi dabe te tamu sabo aḡi tiwai elaluaibao. ¹² Tama te Godigo tempel bedu pedelali aḡi bogo si badu te wiegi yai ni du walobo ni holaibo. Te ni yabe dabe te me sasi egobeo. Tama augwaligo gesi noma nai tigidali poluade waliyu yaibao. Magi baso meni. Te aḡi te Godigo bedu asobo aḡi da, tama te aḡi pagede elalubo ni dabe sa weyu, tama tiaibao. Te bidi dabego te ni du tuaibao, tama te ni yabe dabe selama, tama augwa haniani gasi dabe usu iliyu yainu saibao," te bidigo te po wai.

Te kantri Israelgo t̄o d̄aḡi dabe

¹³⁻¹⁴ God Genuai Bidigo e tama po wali, "Eno dage Israel dabego w̄aḡi dabe dali bomai po mu d̄aḡi walai dao. Te eno dagebolo te Israel t̄o dagebolo menama, tama te t̄o dagego t̄o tigidali sogo elaluaibao. Dagego te t̄o dage Israel hani nogo si olama, s̄aḡa me badu si haniba dobola s̄iḡo. Tigidali w̄aḡi hanigo te t̄o pedai deli badu siyu yaibao. Tiali goli, Josepgo hanigo da, te t̄o pedai si badu saibao. Te t̄o d̄aḡi da, e tama dao," wali.

¹⁵⁻¹⁶ "Te u not badu te t̄o d̄aḡi te genuai tamu aḡi Meditereniande gagalama, tama pelama, giliga asobo badu te taun Hetlon usu nigi pelama, tama taun Hamat me taun Sedatba pabo sunumiba usu nigi pela-

† 46:17 Prs 25:10 †† 47:1 Sek 14:8; Jon 7:38; Ped 22:1

ma, tama ma pelama, taun Berota me taun Sibraim usu nigi pabo dao. Te Sibraim te t̄o pedai Damaskus me t̄o pedai Hamat si tomode elalubo d̄ajde elalubao. Tama dagego t̄o d̄aj pelama, taun Tikonba usu nigi pali dao. Te taun te distrik Hauran t̄ode d̄aj dao. ¹⁷ Tialima, te kantri Israel t̄o d̄aj te genuai tamu āj Mediterenian badu gagalama, pelama, taun Enon usu nigi pali dao. Te not badu t̄o d̄aj te d̄aj te saut badu te Damaskus me Hamat t̄o d̄ajde elalubao," wali.

¹⁸ "Tama giliga asobo badu t̄o d̄aj te Damaskus taun me distrik Hauran t̄odu pelama, Jordan āj dulu pelama, tama saut badu Israel dabego t̄odu me distrik Gileat t̄odu pali dao. Tama pelama, sautba saboligi pelama, te sigi āj Detsiba usu nigi pali," wali.

¹⁹ "Tama me te saut badu t̄o d̄aj te taun Tamardu gagalama, tama giliga degebo badu tama peyu, te āj elalubo bulu du peyu, te bulu augwaligo Kades Meriba wabo buluba usu nigi pali. Tama obanu gana holama, tama āj dulu holama, Isip dabego d̄ajdu pelama, genuai tamu āj Mediterenianba usu nigi pali dao."

²⁰ "Tama giliga dega sabo badu t̄o d̄aj te not badu pelama, tama genuai tamu āj Mediterenian kemi sanedu pelama, tama u not badu te d̄aj gagalali pesageba usu nigi pali," wali.

²¹ "Dagego te d̄aj dabe tomode elalubo t̄o duga deli deli hani dabeba dobola sīo. ²² Tama te deli deli hanigo t̄o te augwa wai dabe nosali pedalobo bagego t̄o elaluaibao. Tama dagego t̄o d̄aj elama, dobayu da, te da dagego gasa hani bidi dabe augwa we dabe dage dali bidiyu, wai ame nani bagego t̄o me d̄aj elama maīo. Dagego homugo e tama tiao, te bidi dabe augwali te Israel dabe naga dao olama, tama augwaliba me te t̄o togwa maīo. ²³ Te deli deli Israel hanigo augwa dali bidibo gasa hani bidi dage dali bidibo bage t̄o togwa maīo. Te da, God Genuai Bidi eno po dao," te po wai.

Augwaligo te not badu t̄o Israel haniba dobola sali

48 Genuai Bidigo po genina ma weyu, e tama po wali, "Te kantri Israel t̄o d̄aj te genuai tamu āj Mediterenian kemi sane p̄ade te not badu galalaibao. Tama giliga asobo badu pelama, taun Hetlonba tama peyu, tama te taun Hamatba pabo sunumi toboluba tama paibao. Tama te d̄aj pelama, te Damaskus usu nigi peyu, me Hamatba usu nigi peyu yaibao. Tama d̄aj pelama, taun Enonba usu nigi paibao. Tama Damaskus hanudu peyu, Hamatba usu nigi paibao. Te Dan hanigo te not badu t̄o saibao. Te kantri d̄aj sabi badu augwaligo t̄o d̄aj te kantri d̄aj dagedu tama gagalama, te giliga asobo badu gagalama, pelama. tama a badu giliga dega saboba aselama, tama genuai tamu āj Mediterenianba usu nigi paibao. ²⁻⁷ Te Aser hanigo te saut badu te Dan hanigo t̄o badu saibao. Te Naptali hanigo te Aser hanigo t̄o saut badu saibao. Te Manase hanigo te Naptali hanigo t̄o saut badu t̄o saibao. Tama te Efraim hanigo te Manase hanigo t̄o saut badu t̄o saibao. Tama te Ruben hanigo te Efraim hanigo t̄o saut badu saibao. Tama me Ruben hanigo t̄o

saut badu te Juda hanigo saibao. Te tigidali hanigo t̄o d̄aj te giliga asobo badu gagalama, pelama, genuai tamu āj kemi sane Mediterenian nambisba usu nigi peyu yaibao," Genuai Bidigo te po wali.

Godigo genuai t̄o pedai kantri tomode elalubo po wali (Ese 45:1-8)

⁸ Genuai Bidigo po genina ma weyu, e tama po wali, "Te t̄o pedai te Juda hanigo t̄o saut badu elalubo t̄o te gasa s̄e me elalubao, te tedali gasagi yai t̄o dao. Te t̄o genuai d̄aj te not badude gagalama, saut badu usu nigi peyu, te 12 olama, hap kilomita usu nama dao. Tama te t̄o te kantri d̄ajdu gagalali, te giliga asobo badu gagalama, tama pelama, genuai tamu āj Mediterenian nambis kemi sanedu tama pali dao. Te deli deli Israel hanigo t̄o d̄aj tiwai tama dao. Tama Genuai Bidi eno tempel be te t̄o pedaide elaluaibao," wali.

⁹⁻¹⁰ "Te t̄o tomode dagego eno t̄o mu deli me d̄aj iȳo. Te t̄o u not badu me saut badu te bobobage dao. Tama te si dali si badu te deli tiwai d̄aj naga elalumainao, te 12 kilomita usu nama elalumainao. Tama me badu bogo badu si badu me, te deli d̄aj tiwai si naga elalumainao, te 5 kilomita usu nama. Te da, te pris dabego t̄o dao. Tama Genuai Bidi eno tempel be te t̄o tomode mu elaluaibao. ¹¹ Te t̄o tedali gasagi yai mu dao. Tama te t̄o te Sadok hanigo pris bidi dabego t̄o dao. Te Israel dabe augwaligo ena tudi ola mani sogo, polobadu mu, te sogo te Sadok hanigo augwali wali pai menio. Te Livai dabego yali tiwai me yai menio. Menio. Te pris dabe augwaligo ena wali mu pelama, tama augwaligo eno s̄e mu yai dao. ¹² Tama tibasoo, eno ena te t̄o pedai te pris hanibolo te mobao. Te wiewi yai nai presen tiwai te olo mobao. Tama augwaligo te t̄o te tedali gasagi yai mu dao," wali.

¹³ "Te Livai dabe augwali te pris dabego t̄o pedai me badu bogo badu saibao. Te t̄o bobobage d̄aj te 12 kilomita olama, hap kilomita usu nama, tama te t̄o genuai dedawali te 5 kilomita usu nama dao. ¹⁴ Te t̄o dabe dagego eno t̄o d̄aj yali te wiewi yai polalubo t̄o mu dao, tama tedali gasagi yai mu dao. Tama tialima, te pris dabe, ma Livai dabe augwaligo te t̄o te gasa hani mebagoo te t̄o mayu o abelemainu me sula tagalama dao," wali.

"Tama te pris bidi dabe t̄o bogo me badu dagego t̄o pedai me ¹⁵ d̄aj iȳo. Te t̄o bobobage te 12 kilomita olama, hap dao. Tama te t̄o genuai te 2 kilomita olama, hap kilomita dao. Te da, te we bidi augwaligo t̄o dao, tama te we bidi augwaligo genuai taun tede nigaibao, te t̄ode. Tama augwaligo augwa be te t̄ode s̄e eyu emainao. Tama me badu bugai te olo t̄o elaluaibao.

¹⁶ Te taun me si me si bogo badu te obogo bagulai elaluaibao, tama tigidali bogo badu deli tiwai d̄aj naga elaluali, te 2,250 mita usu nama elaluaibao. ¹⁷ Tama te taun te olo t̄ogo te taun bagua sai elalumainao. Tama te t̄o genuai te 125 mita usu nama elalumainao.

¹⁸⁻¹⁹ Augwaligo augwa taun te we bidigo t̄ode nigimainao. Tama tiyu, te taungo te t̄o tomode togwai

elaluaibao. Me badu pedai te giliga asobo badu elaluyu, me badu pedai te giliga dega sabo badu elaluaibao. Te t̄o pedai si te taun we bidigo gi tede eyu emainao. Te t̄o pedai si bobobage te deli tiwai si naga dao, te 5 kilomita naga dao. Te tigidali Israel hani we bidi augwali te taunba s̄e yagasiyu da, augwaligo te t̄ode gi eyu emainao," wali.

²⁰ "Te we bidigo t̄o, me eno t̄o pedai te pris dabe me Livai dabe augwali bidibo, te t̄o te genuai t̄o tiwai me pedelali. Te t̄o daj me si me si badu te deli daj tiwai naga dao, te 12 kilomita olama, hap kilomita usu nama naga dao. ²¹⁻²² Eno t̄o me, te we bidigo t̄o te genuai t̄o tomode te elalubao. Te da eno gasa s̄e me yainogo daj yai dao. Tama t̄o me badu pedai badu elaluyu, me badu pedai badu elaluyu, te ebao. Te da, te kingo t̄o dao. T̄o pedai me deli te giliga asobo badu te elalubao. Te da te eno t̄o daj bogo badu gagalama, pelama, giliga asobo badu te kantri daj badu daj igi pali dao. Tama me badu t̄o pedai te giliga dega sabo badu te elalubao. Te da eno t̄o bogo badu gagalama, pelama, genuai tamu āj Mediterenian nambis sesegeba tama usu nigi pali. Tama tialima, te we bidigo t̄o, me eno t̄o si te kingo t̄o tomode mu elalubo. Te eno t̄o me badu te eno be elalubo, tama te t̄o me badu bogo te eno Livai dabebolo daj ilai dao. Tama te we bidigo t̄o te genuai taun te elalubo badu dao. Te Juda dabego t̄o te kingo t̄o not badu te elalubao. Tama Benjamin hanigo t̄o saut badu te elalubao," te po wai.

Augwaligo Israel hanigo t̄o gasa hanibolo doba yali

²³⁻²⁷ Genuai Bidigo po genina ma weyu, e tama tiwai po wali, "Te Israel hani mebago t̄o e tama dao. Te Benjamin hanigo t̄o te gasagi yai s̄e elalubo t̄o saut badu saibao. Tama Simeon hanigo t̄o te Benjamin hanigo t̄o saut badu saibao. Tama Isakar hanigo t̄o te Simeon hanigo t̄o saut badu saibao. Tama te Sebulun hanigo t̄o te Isakar hanigo t̄o saut badu saibao. Tama Gat hanigo te Sebulun hanigo t̄o saut badu t̄o saibao. Te

tigidali hanigo t̄o daj te giliga asobo badu gagalama, tama pelama, genuai tamu āj Mediterenian nambis kemi saneba usu nigi peyu yaibao. ²⁸ Te Gat hanigo t̄o dage badu te kantri daj dao, te Gat hanigo t̄o saut badu. Tama te taun Tamardu gagalama, pelama, te giliga dega sabo badu tama peyu, te āj elalubo odogo bulu augwaligo Kades Meriba wabo buluba usu nigi pali. Tama ugwanu dwasianu holama, tama te āj dulu te Isip dabego bulu dajdu pelama, genuai tamu āj Mediterenianba usu nigi pali. ²⁹ Dagego ena God Genuai Bidi eno po wali pīo. Te dagego te t̄o Israel hani duga hasi dobola sabo side tama tiao. Te Israel hani deli deli duga hasi dobola sabode tama tiao," Genuai Bidigo te po wali.

Godigo genuai taun dabe sunumi po wali

³⁰⁻³⁴ Genuai Bidigo po genina ma weyu, e tama po wali, "Te genuai taun bagulali obo sunumi nogo si olama si sunumi elaluaibao. Te deli deli obo bogo badu te sunumi sela sela elalua paibao. Te deli deli sunumi dabede te Israel hani deli deli wajgo nogi elalua paibao. Te sunumi nogi Ruben elaluyu, me nogi Juda, me nogi Livai elalubo sunumi sela te not badu elalua paibao. Tama te sunumi nogi Josep, me nogi Benjamin, me nogi Dan elalubo te sunumi sela te giliga asobo badu elaluaibao. Tama me nogi Simeon elalubo sunumi, me nogi Isakar, me nogi Sebulun elalubo sunumi sela te saut badu elaluaibao. Tama me nogi Gat, me nogi Aser, me nogi Naptali elalubo sunumi sela te giliga dega sabo badu elaluaibao. Te obo deli deli badu te obo bobobage te 2,250 mita usu tama elaluaibao. ³⁵ Tialima, te taun sese bagua sali obo te bobobage daj te 9,000 mita usu nama dao. Tigidali sogo augwaligo te taun nogi e tama nogi eyu yaibao, 'Genuai Bidi ede bidibao,' te nogi waibao," Genuai Bidigo te po wai.

† 48:30-34 Ped 21:12-13

Danielgo Buku

Hasia nedebo po

Danielgo bukude te 6 po dabe elaluyu, me te na yali po me si me si elalubao. Te Juda dabe augwali genuai seḡe elaluyu bidibadi, te sogo bidigo e buku Daniel aḡai dao, dago te homu ebo dao. Te buku da, te we bidigo Godigo augwali tau siyu, tama augwali dali dagana selama elalubo, augwaligo wiegi yai konemainogo yali. Tama nosali Godigo augwaligo seḡe sela saḡa silama, tama augwali wiegi yai bidimainu ilaibao. Te Danielgo bukude bugai si elalubao.

(1) Daḡ 1-6 te Daniel me aga abagi dede augwalide po elalubao. Hauwa sogo te boi bidi dabego augwali dali dwai seḡe yainogo yali. Tiali goli, augwaligo Godiba homu daḡ olama, tama augwaligo doloba pai kolesaga naga yali, tama te boi bidi dabego augwali dali yainogo yali seḡe te augwaligo yabo usu ebeo.

(2) Te Daḡ 7-12 te Danielgo nade suali nai po elalubao. Te sogo te gasa Godigo po odisawai kantri dabe bomu elama mu bidali. Tama augwaligo Godigo we bidi mu silabo tonobo aḡ yali. Tiali goli, te na yaligo ola mani, te Godigo aga we bidi tau selama, te kantri dabego bomu sia sayabo homu yali. Tama nosali Godigo we bidi wiegi yai mu bidaibao.

Te Danielba me, aga abagi selaba dali pedelali seḡe dabe yali po

(Daḡ 1-6)

Te Juda dabego ogwa bidi meba te king Nebukatnesargo bede bidali

1 Te Jehoiakim te Juda dabego tuni bidi king pedelali, tama kibu be sela bidai madigi, tialima Nebukatnesar te Babilon bulu kingo te Jerusalemba hwjagasainu aselama, tama agai ami bidigo te taun tigidali bagulali. ¹² Godigo te Nebukatnesargo te Jehoiakim me te Juda we bidi hauwa somainu elama, tama te Godigo bede muani wiegi yai nai, te kap, me plet pou dabe meba salio. Tama agai te aga tibo godigo beba digibulu sela pali, te be te tḡ pedai Sinarde elaluali, te Babilon hanude digi dao.

³ Tama king Nebukatnesargo te Aspenasbolo walali, te aga bede seḡe ebo bidi dabego polalubo ofisa bidi dao, te Juda tomode te gesi ogwa bidi meba somainu yabo po wali. Agai te king Jehoiakimgo hani sibi, me te polalubo genuai bidi dabego hani sibi, te tomode gesi ogwa bidi dabe sao po wai dao. ⁴ Agai te gesi ogwa bidi dabe te wiegi yai gesabidi, me tigi wiegi yai yai naga sao po wali. Tama te tigi me badu dolali te me sigio, tama te wiegi yai kolesaga hauwa koneama, tama te wiegi yai skul olama, te kolesaga polo konea pabo bidi

† 1:1 2 Kin 24:1; 2 Sto 36:5-7

dabe naga sao, wali. Tama tiyu, augwaligo te kingo bede seḡe ebaso, usu yaibao. Tama Aspenasgo digi te augwaliba te nedebo me aḡebo seḡe te Babilon pode ola mayu, tama te Babilon bagego polobadu aḡani wiegi yai kolesaga tigidali me ola momainogo yai dao.

^{†15} Tama kingo te tiwai po me wali, te tigidali side augwaligo te kingo bede nai sabo bidi dabego ebo kolesaga tiwai eyu, te nai me wain weḡe tumainu yaibao wali. Augwali te skul sabo te kibu be selade waibao, tama nosali augwali te kingo seḡe bidi pedelaibao, wai dao.

⁶ Te Juda hani gesi ogwa bidi dabe tomode te Aspenasgo te bidi me si me si sai elaluai. Augwa nogi e tiwai, Daniel, me Hanania, me Misael, me Asaria dao.

⁷ Tama Aspenasgo gesi noma nogi augwaliba mawai. Agai te Danielgo nogi te Beltesasar polali, te Hananiago nogi te Satrak poali, tama Misael agai te Mesak poali, tama Asaria nogi te Abetnego poai dao.

⁸ Danielgo te kingo bede te nai me wain weḡe te augwaligo mabo nai tubo te aga hagela yali. Te kingo bede elalubo tobage nai dabe, te Godigo Juda dabeba habu selai. Tama tiyu, Daniel aga te mabo nai me weḡe tuabo hagela homu yali, tiyu aga te God gedude meda idali homu yai. Tialima, agai te polalubo ofisa bidi Aspenasba hanalu wali, te augwaligo agaba te gasa tobage nai mobaso usu egowe po hanalu wai dao.

⁹ Tama Godigo te Aspenasgo te Daniel homu dene emainu ilali, ¹⁰ tiali goli Aspenasgo Danielba te tiwai po wali, "Ena te kingde wi eba, magi baso meni, agai te dagego tuabo nai me weḡe te sa muani. Tama dage tigi nomona selama, tama te dagego te duga dali asali

†† 1:4 2 Kin 20:17-18; 24:10-16; 2 Sto 36:10; Ais 39:7-8

gesi bidi dabego tigi tiwai tobage pedalisabaso da, teda te king bidigo po olama, augwaligo ena ela muaibao," wali.

¹¹ Aspenasgo te Daniel, me Hanania, me Misael, me Asaria, te me si me si bage tonaluabo bidi me deli nigilali. Tama Danielgo te tonalubo bidiba te tiwai po wagi pali, ¹² "Nago da e tiwai usu sao. Dabolo te gide sabo tubo nai doanai dabe naga mao," wali, "tama tuabo kedau yai wẹ mayu iduao," po wali, "te nogo si sogoba usu nagasao," te po wai. ¹³ "Tialima, nosali te nogo si wali side, te gasa gesi bidi dabe te kingo be tomode nai tuali bidi dabe sulama, te da me suagameo, tama te nago koneaibao, te dago tigi te augwaligo tigi tiwai wiegi yai pedalugowe, ma meniwe? Te sulama, tama nosali nago mena sẹ dabolo yabo homu ebaso da, teda te po menio, nago te sẹ yagameo," wali. ¹⁴ Te tonalubo bidigo te Danielgo pode usu da po olama, tama agai te Danielgo wali po tiwai gilama te sẹ yai dao.

¹⁵ Tialima, te nogo si wali sogo te silama, tama te bage tonalubo bidigo te augwali tigi wiegi yai mu pedaluabo sulama, tama augwaligo tigi te mu boma pelama, te kingo bede nai tumainu te sa muani gesi bidi dabego tigi mu edelai سوالio. ¹⁶ Tama tibaso, te tonalubo bidigo te Daniel dali, te aga abagi sela bageba dali, te kingo wiegi wiegi yai nai te augwaliba me mabeo. Agai te doanai, te nai dabe naga augwaliba mawai dao.

¹⁷ Tama Godigo wiegi yai konebo homu kolesaga te Danielba me, te aga abagi sela daliba menama, tama augwaligo koneani kolesaga te genuai mu elalu, te bukude elalubo po dabe me te mu konea pelama elaluai, tama augwaligo gasa nai dabe konebo kolesaga hauwa mu elaluai. Tama me, te Godigo Danielba te na ebo page dabe pusa mabo konebo kolesaga wiegi yai mani.

¹⁸ Te tigidali gesi bidi te kibu be sela te skul wabo silali, te king Nebukatnesargo daji ilali gilama yali, tama te Aspenasgo augwali te kingba odasa pepela yali. ¹⁹ Tama te kingo augwali dali po mibo sogo, te agai te tiwai suali, te Daniel, me Hanania, me Misael, me Asaria, te bagego koneani kolesagago te gasa gesi bidi dabego koneani kolesaga aiyaba elaluai. Tama agai augwali te kingo sẹ yabo bidi pedalumainu ilalio. ²⁰ Kingo augwaliba te tobage hauwa naide po hanalu obadi, te agai te tiwai suali, te augwaligo koneani kolesagago te tigidali aga tonalubo tẹ pedaide bidali kolesaga koneani bidi dabe aiyaba mu elaluai suali. Te kolesaga koneani bidi dabego kolesaga dali, te Juda me si me si bidigo koneani kolesaga dali usu mu isiabo aq isawai dao.

²¹ Danielgo te king bidigo aga nogoba muani sẹ bobobage sogo yalio. Aga te sẹ idubadi, te gasa tuni bidi nogi te Sairus te Babilon king bidi pedelali sogoba usu nai dao.

Nebukatnesargo na yali

² Te me deli sogo hulide te si wabo kibu bede te Nebukatnesar king bidibadi, agai na yai. Te na yaligo te aga haliga sẹgẹ mu ilama, tama aga piabo aq ma ebeo. ² Tama tibaso, agai po te gedugo tonama konebo bidi dabeba me, te pobi wabo bidi dabeba me, te dagalu hq dabe suyu nosali pedelabo sẹ konebo kolesaga koneai elalubo bidi dabe, te augwaliba po ola tolali. Augwali aselama, te agai na yali po page pusagasomainu yalio. Te augwali aselama, kingo geduba dolagasobo sogo, ³ agai te tiwai po augwaliba weyu yai, "Eno na yalio, tama te na yaligo ena homu sẹgẹ tama elalubao," wai. "Tama tibaso, eno te na yali page koneainu ebao," wai.

⁴ Tama augwaligo te kingba po wei ponoyu, te Aram pogo begelama, te tiwai po wai, "King o, eno homugo nage te sesemane sogo sesabi elama, bugagia bidagameo. Te nago dabolo te nago nade suali nai po bolo pusao," wali, "tama dago te na page nageba pusa mawaibao," te po wai dao.

⁵ Tama kingo te bidi dabe augwaliba te tiwai po wai, "Eno mu po dageba obao, te dagego enaba te eno nade suai nai dabede po pusisayu, tama te na yali page enaba te dagego pusa masiabo usu isiabaso da, teda te eno ena ami bidi dabeba walama, te dagego tigi tologolama, dolama, tama dage isimainu yaibao," wali. "Tama augwaligo dagego be dolama, te olo nai kakali hogomu tiwai pedelaibao," te po wai. ⁶ "Tiali goli, te dagego enabolo te eno nade suali nai dabe dali, te na yali page dali si pusa mobaso da, teda eno dageba te doado bage hauwa mayu, tama eno dagego nogi genuai pedalubo sẹ ilaibao. Tialima, megi da, dagego enabolo te eno na yali po page pusa maiyao," te po wali.

⁷ Tama augwaligo kingba te po ma wai, "Nago te nade suali nai po bolo dabolo pusa mao," po wai, "tama dago te page pusaibao," wali.

⁸ Tama kingo te po wali, "Eno te dagego tibo po wabo koneanio. Te dagego gesege gana eyu, te sesabi yaibao, magi baso meni, te dagego homugo eno te u wali po hasegelaibao homu yali. Tiali goli, te usu me egobeo. ⁹ Te dagego enabolo te eno nade suali naide po wasiabaso da, dage tigidali te deli dolobo sẹ tobagego naga te dage dolaibao. Dage tigidaligo deli homu elama, te eno homu hasegelibo usu egowe weyu, te dagego ena tibo po ola mobao. Tialima, te eno nade suali nai po te enabolo waiyo. Dagego tama tibaso da, teda eno koneaibao, te dagego te na yali po page dali pusubo usu yaibao," te po wai.

¹⁰ Te bidi dabego te kingo po wabo odolama, tama augwaligo te tiwai po wei ponani, "King, te nago dabolo te yao po wabo sẹ hanalubo po wali, te tẹde bidi me deligo nagebolo te po nageba obaso, te usu egobeo. King, te bidi osola subo bidi, me te gasa kolesaga koneai bidi dabeba me, te genuai bomai king bidigo te tobage hanalubo po polobadu munu me hanalu wai menio. ¹¹ King, te nago dabolo hanalu wali nai po da

kone tųą palio, tama te bidi me deligo yainogo ebaso, usu me egobeo. Te god dabego naga usu yaibao. Tama te god dabe te bidi dali me bidibeo," wali.

¹² Kingo te po odolama, te aga sębę eyu, agai wado po dwai mu wali. Tama agai te ami bidi dabeba po ola tolama, te augwaligo te Babilonde te po page koneai bidi tigidali ela silaibao, wali. ¹³ Tama te kolesaga konea pai bidi dabe ela muao wabo po augwaligo ola tolama, tama augwali meba pelama, te Daniel me, aga abagi dabe sela dali, te augwali me ela muainu yali.

Godigo te na page Danielbolo ola mawai

¹⁴ Tialima, Ariok, te kingo ami bidi dabede te polalubo ofisa bidi, te hodolama peyu, te Babilonde kolesaga konea pai bidi dabe ela mugi painu yai. Tama Danielgo te homu kone bugagia palama, te Ariok dali miabo po sunumi dodolali. ¹⁵ Tama agai Ariokba te tiwai po hanalu wali, "Magi baso kingo te sesena pai bidi tiwai eyu, tama bomai po weyu, te kolesaga po page konea pai bidi dabe ela muaiba po waliwe?" Tama Ariokgo Danielba te tama sę pedelali po wai. ¹⁶ Tama Daniel te kingba polo pelama, tama agabolo hanalugi pelama, agai te po page koneani bidi dabe te polo asesa ela mugio olama, tama agai te na yali po page pusaibao po wai dao.

¹⁷ Kingo te pode usu da po obaso, tama Daniel aga beba ma begasa pelama, tama aga abagi selabolo te po walali, te Hanania, me Misael, me Asaria, te tama sę pedelali po wali. ¹⁸ Tama agai augwaliba te tiwai po wai, "Dago te dagalude bidibo Godiba gedu haluasa po wainao, te Godigo olo tau mabo wiegi yai kolesago te dabolo te geme dualali nai page ola momainu elama, tama da te gasa po page koneani bidi te Babilon bulu bidi dabe dali isidali weyu, te dago tama tinao," wai. ¹⁹ Tialima, te sogo hulide naga, te Daniel aga na tiwai ebadi, tama Godigo Danielba te kingo na yali page ola mawai. Tama Danielgo te po wei ponoyu, tama te Godigo nogi ugwaba siyu, ²⁰ tama te tiwai po wai, "God, eno nago nogi sesemane sogo ugwaba saibao. Tigidali bomo me koneani kolesaga te nagede naga elalubao. ²¹ Nago te giliga side, me tulubage side te tonalubao, tama nago digi te bidi dabe king pedalumainu elama, tama nago te king dabe augwa sęde sela sayu ebo dao. Tama nago te wiegi yai konebo homu kolesaga te we bidi dabeba mabo dao. ²² Te nai hauwa geme dualalubo te bidi dabego konesiąwai. Tiali goli, God, nago te nai dabe te bidi mebabolo ola mabo dao. Te nanobo ula te nagede elalubao, tama nago te be hulia side elalubo nai te konea pai dao. ²³ Te eno wąj nųų dabego God, eno nageba gedu haluasa po weyu, usu da olama, te nage nogi ugwaba sobao. Magi baso meni, nago enabolo te konebo kolesaga me te bomo enaba mawai, tama nago eno gedu haluasa po wabo odolama, tama enabolo te dago nageba hanalu wali nai ola mawai. Tama nago dabolo te dago te kingba aga nade pusabo po meba mawai dao," Danielgo te gedu haluasa po wai.

Danielgo te na yali po page kingba pusali

²⁴ Daniel te Ariokba pali, te bidi te kingo nogo tų dąj ilama, te Babilon po page koneai bidi dabe elimainu yali bidi da, tama Danielgo agaba te tama po wai, "Nago te po page koneai bidi dabe munu me eligio," wai. "Nago ena te kingba sela pao, tama eno agaba te na yali po olama, tama te na yali page agaba pusaibao," wali.

²⁵ Tialima, polo asesa Ariokgo te Daniel kingba sela pelama, tama agabolo te po walali, "Eno te dago te augwaligo page bulude sesali Juda bidi me deli gęgalio, tama agai nageba te na yali po page pusa mabo usu yaibao," wali.

²⁶ Tama kingo Danielba hanalu wali, "Beltesasar, te nago enabolo te eno na yali po weyu, tama te na yali po page pusubaso usu mu yaibawe?" te po wai.

²⁷ Tialima, Danielgo kingba te tama po wai, "King o, te kolesaga page koneai bidi me deligo te geme dualali nai page po pusainu ebaso, usu me egobeo, te gedugo tonama konebo bidi dabe me, te pobi wabo bidi dabe me, augwali usu me egobeo. ²⁸ Tiali goli, te dagalude bidibo God deli elalubao, tama agai te geme dualalubo nai page hania hanilaibao. King, Godigo nageba te nosali pedelabo nai dabede te na nagebolo ola manio. Megi da, te eno nageba te nago na yali po waibao. ²⁹ King, nage pilamubadi, tama nago te nosali pedelabo sęde homugo kone paluyu, tama te nade Godigo nageba te nosali pedelabo nai dabe ola mani. Te God, te geme dualalubo nai dabe hanilibo God dao, tama agai nageba te nai dabe pedelaibao olama, te ola mani dao. ³⁰ Tama te Godigo enabolo te geme dualaluali nai ola mawai. Te eno koneani kolesaga genuai da homu eyu, tama eno te gasa kolesaga koneani bidi dabe aiyaba elaluali da, te homu me egobeo. Menio. Godigo te sę enaba ola mobaso, te nago na yali po page te nago konemainogo ebo dao," wali.

³¹ "King, te nago nade te moni dobo dwai bidi me deli piksa noma suyu, bididuali. Tama te nai te bomo elama, te ula mu yai. Nago sulama, te nage wi dwai mu yai. ³² Augwaligo aga tobolu te wiegi yai golgo nigai, te ula mu elaluali. Te hagawia me te aga nogo si augwaligo te silvago nigai, tama aga tabi me saęą tele si te brasgo nigai. ³³ Te aga saęą pańo me sugu mi te aingo nigali, tiali goli te aiyadu saęą sawali si te ain me tųgo dali nigai. ³⁴ Nago te piksa nomaba tonaludubadi, tama masigi me deli aga digi te bulu dudu gebu aluasa dulu, te piksa saęą augwaligo te tųgo me aingo nigali pedai badu elali. Tama te saęą si dwasianu mimia pelama, kakali nigilali. Bidigo te masigigo te dolobo sę me ebeo. ³⁵ Tama te tigidali ain, me tų, me bras, me silva, me gol, tigidali te pepeda pelama, tama te wit tigiwali bo te dago sela sańo tiwai pedelali. Tama te wali-go te kakali hogomu selasa pelama, tama te dwasianu hogomu dabe me elalubeo. Tiali goli, te piksa noma elali masigi, te genuai bulu du pedelama, tama te tų pedai tigidali mesęga salio," wali.

³⁶ “King, te tama na nago suali. Tialima, megi da, eno nageba te na yali po page pusaibao. ³⁷ King, nage te polasa mu polalubao, tama nago te tigidali gasa king aiyaba elaluai. Te dagalude bidibo Godigo agai nage sa munama, tama agai nageba te genuai bomo, me genuai nogi mawai dao. ³⁸ Agai nago te tigidali t̄de bidibo we bidi hani, me tigidali hasa sibi, me ba sibi, te tonalumainu ebo bidi nigali. Te nade te augwaligo te tobolu golgo nigali tiwai, te nage digi dao. ³⁹ Te nage tudi badu gasa king bidi hani pedelaibao, tiali goli te augwaligo bomo te nago bomo tiwai me egobeo. Tama nosali te sela wabo king bidi hani pedalubo sogo, te tigidali t̄o pedai tonalueibao. Te king hani te bras tiwai dao. ⁴⁰ Nosali te me si me si wabo king bidi hani pedelaibao. Agai bomo te aingo bomo tiwai yaibao. Aingo te tigidali nai elibo si, te kakali mu elama, te hogomu tiwai ebo dao. Tialima, te tiwai te king hanigo te kantri bulu t̄o pedai te tigidali mu dolama siliyu, te polobadu yali king bidi hani ela silaibao. ⁴¹ Te nago nade te tiwai suali, te naigo saḡa sawali me saḡa ge dabe augwaligo te t̄o de ain si taluama, nigali. Te page te tiwai. Te kingo tonaluali we bidi te pepeda pelama, te hani si pedelaibao. Tiali goli, te hani si te bomo elaludaibao. Ain te t̄o dali saḡa side elaluali, tama te da te tiwai ola mawai, augwaligo bomo tigidali te polo tama me siligobeo. ⁴² Te saḡa ge dabe augwaligo te ain me t̄ogo nigali te tiwai ola mawai, te king bidi hani me badu te aingo bomo tiwai elalueibao, tiali goli te gasa pedai badu te t̄ogo dwasianu bomo naga tiwai me elalueibao. ⁴³ Augwaligo te piksa saḡa nigainogo te ain me t̄o dali taluama, nigali. Te page te tiwai dao. Te king dabego homugo te pepeda pali hani dabe ma sisinabo homu elama, tama te augwaligo te gasa king dabego wegi dabe sabo homu elama, tama tiaibao. Tiali goli, te augwali deliba bugagia me dagana sogobeo, magi baso meni, ain te t̄o dali bugagia me dagana sabo menio,” wali.

⁴⁴ “Tama te king dabe bidalubadi, te Godigo te we bidi tonalubo bomo te tomo hodolama, tama te tonalubo bomo te sesemane bidada peyu, bidada paibao. Te gasa king dabego te Godigo tonalubo bomo te elalueinu ebaso, usu me egobeo, te gasa bagego te bomo me sogobeo. Tiali digi, te agai da te augwali aiyaba elaluama, tama te gasa king dabe mu dola silama, tama agai tonalubo bomo te sesemane elaluaibao. ⁴⁵ Nago suali, te masigi olodali aluasa dulu te tulaluama, tama te piksa augwaligo te ain, me bras, me t̄o, silva, gol, te tama naigo nigali piksa elibo suai. Te masigi te Godigo bomo tiwai nigali. Te Godigo genuai nogi elalubao, agai nageba te nosali pedelabo nai dabede seḡ ola mawai. Te nade nago te suali nai dabede te seḡ te eno nagebolo wali po gilama te tiwai seḡ dolo mu pedelaibao,” Danielgo te po wai.

Kingo Danielba genuai nogi mawai

⁴⁶ King Nebukatnesargo te Danielgo po odolama, tialima agai Daniel paḡa kidu sugunama, tama te po weyu, te augwa tibo godiba ofa ebo tiwai me te dena-

mi ebo nai me te Danielba ofa yao po wali. ⁴⁷ Tama kingo Danielba te tama po wali, “Mu tama dao, nago Godigo te gasa god tigidali aiyaba elaluai. Aga te tigidali kingo Genuai Bidi, tama agai te geme dualali nai page ola mabo bidi dao. Megi eno te koneai, magi baso meni, nago te geme dualaluali na page te hania hanilialio,” wali.

⁴⁸ Tama kingo Daniel daḡ ilama, te Babilon Provinsde polalubo tuni bidi nigali, tama aga te kingba wiegi yai homu mabo bidi tigidali tonalubo bos bidi nigilali. Tama me te kingo te wiegi yai homu pemene ilibo nai hauwa te Danielba menama, tama Daniel genuai nogi elaluai dao. ⁴⁹ Kingo te Danielgo po wali pelama, tama te Satrak, me Mesak, me Abetnego, te augwali sa munama, te Babilon Provins t̄o pedai tonalubo seḡ mawai. Tama Daniel aga digi te kingo bede bidalio.

Nebukatnesargo we bidibolo bidi piksaba lotu po wao po wali

3 Nebukatnesargo te po obaso, tama augwaligo te bidi piksa noma me deli te golgo nigai, te aga bobobage usu sali, te 27 mita teba usu nani, tama aga genuai usu nama usu sali, te 3 mita. Tama augwaligo te piksa te dolo t̄o pesage augwaligo te nogi Dura nogi yai, te Babilon Provins t̄o pedaide dodolai dao. ² Kingo te po weyu, te aga gavman ofisa tigidali te piksa noma gudainogo eyu, sisinagasao wai. Tialima, te hetman dabe me, tama te polalubo tuni bidi, me si wabo tuni bidi, me te mone tonalubo bidi dabe, me te jas bidi dabe, tama te t̄o pedaide gasa ofisa dabe me, te augwali sisinagasai. Tama kingo augwaliba weyu, augwaligo te golgo nigali piksaba lotu waiyaḡo po walio. ³ Tama te po obaso, te tigidali gavman genuai bidi te piksa elalubo pesageba sisinama, te lotu wainogo yalio, augwali tede dodolali.

⁴ Tama te gavmango po pusubo bidi me deligo te i bomo elama weyu, te tiwai wali, “Dage tigidali bulu t̄o pedai kantri we bidi me, te tigidali hani me, te po haniani wabo we bidi dabe dao. ⁵ Dagego te biugel bolo hasia bu wabo odaibao, tama nosali augwaligo te gasa tobage musik hauwa waibao. Tialima, dagego te musik wabo odobaso da, te dagego kidu sugunama, tama te king Nebukatnesargo dodolali piksa teba lotu waiyaḡo. ⁶ Te bidi me deligo te piksaba kidu sugunama, lotu po wasiaḡbaso da, teda polo tama dago aga selama, tama aga te genuai stov sia posolo mu elalubo te tomoba aiya saḡwaibao,” te gavmango po pusubo bidigo te po wali.

⁷ Tama augwaligo te musik wabo odobo sogo, te tigidali bulu t̄o pedai kantri bidi dabe, me te tigidali hani, me te tigidali haniani po wabo we bidi dabe, augwa te kidu sugunama, tama te piksaba lotu wali, king Nebukatnesargo dodolali piksaba lotu po wai dao.

Augwaligo te Juda bidi sela po t̄u ilali

⁸ Kingo te tama po wai, tigidali bidigo te piksaba lotu waiyaḡo po wali, tialima te Babilon bidi meba te kingba

aselama, tama te Juda bidi sela po tų ilagasai. ⁹ Augwaligo kingba te tiwai po walio, "Genuai bidi, nage sesemane sogo bugagia bidagameo. ¹⁰ King o, nago bomo yai po te tiwai ilali, te augwaligo musik wabo sogo, tigidali we bidigo te kidu sugunama, tama nago te dodolali piksaba lotu po waiyao po wai. ¹¹ Tama bidi me deligo te muani bomai po wali me pişabaso da, teda nago aga te genuai sia daboba aiyaba şawaibao po wali. ¹² Tiali goli, te Juda bidi sela, Satrak, me Mesak, me Abetnego, nago augwali sa munama, te Babilon tonaluminium yali bage, augwaligo te nago po sela şawai. Augwaligo te nago god dabeba lotu me wasiawai, tama me nago te dodolali piksaba kidu sugunama, lotu me wabeo," wali.

¹³ Kingo te tama po odolama, tama aga wado po dwai mu olama, tama te po weyu, augwaligo te bidi sela agaba odasa asao wai. ¹⁴ Te sela bidi sabalubo sode, kingo augwaliba te tama po hanalu wai, "Satrak, me Mesak, me Abetnego, augwaligo te po weyu, dagego te eno godiba lotu po me wasiayu, tama me dagego eno te dodolali piksaba kidu sugunubeo po wali. Te mu da, agawe?" ¹⁵ Tialima, dagego te musik odobo sogo, dagego kidu sugunama, tama te piksaba lotu waiyao. Tama dagego te tiwai isabaso da, megi naga tama eno te bidi dabeba walama, tama augwaligo dage te genuai sia daboba şamainogo yaibao. Tama dagego homugo te dage tau sabo god me deli elaluba homu eba, agawe?" kingo te po wai.

¹⁶ Tialima, Satrak, me Mesak, me Abetnego, te bagego te po wali, "King, te nago da selade yainu ebo şede te dago magi po me menio. ¹⁷ Dago lotu po te God muba wabo dao. Dago te God agai da tau sabo usu elalu, te nago bomo, me te siago bomu geda mubaso da, teda te Godigo şe dao," wali. ¹⁸ "Tiali goli, agai da tau şabaso da, te tagalao, dago te nago god dabeba lotu po me wagobeo, tama me dago nago te dodolali gol piksaba me kidu sugunugobeo," augwali selago te po wai dao.

Augwaligo te Satrak, me Mesak, me Abetnego te siaba şawai

¹⁹ Nebukatnesargo haliga şeşę te Satrak, me Mesak, me Abetnego, te bageba eyu, tama agai guni buyu, gedu me gesabidi me peęo sela pali. Tama agai te aga şe bidi dabeba olama, te sia nogonama, te bogoli mu dwai pedaluminium ilao wali. Polobadu augwaligo sia nogani posolo ebo te tiwai posolo yai me pedalubeo, te genuai mu. ²⁰ Tama agai te bomai ami bidi dabeba walama, te Satrak, me Mesak, me Abetnego te nogo şaęa baklaingo dunama, te siaba şayao po wali.

²¹ Tama tialima, te bidi sela te augwa gudalubo ugwa dali keņama, tama augwali te genuai siaba şawai dao. ²² Kingo te po obaso, tama augwaligo te sia nogani te posolo genuai mu pedelali, tama te ami bidi dabego te Juda bidi sela pelama, te siaba şagi pali sogo, te siago te ami bidi dabe delama, te augwali isai dao. ²³ Tama tialima, te Satrak, me Mesak, me Abetnego te sia to-

moba tulaluai, tama augwaligo te augwali keņani bono baklain, te keņani tiwai tama elaluai.

²⁴ Nebukatnesargo te augwali tama tebo sulama, tama polo tama agai dwai midigi selama, dolugulali. Tama agai bolo te wiegi yai homu kolesaga ola mabo bidi dabeba hanalu wali, "Dago te bidi sela nogo şaęa dųnama, te siaba şawani, ma meniwe?" Tama augwaligo agabolo te po wai, "Awe, genuai bidi, dago te tama tiwai dao." ²⁵ Tialima, agai te po wali, "Magi elama tama eno suali, te bidi me si me si te sia tomode bili-bowe? Tama te dago augwali keņani baklain bono, te augwali tigde elalubo ma me subeo. Tama siago me augwali me dabeo. Tama te me si me si wali bidi te god me deli tonobo aę ebao," te po wai.

Siago te Satrak, me Mesak, me Abetnego, te me dabeo

²⁶ Tama Nebukatnesar te stov sia nogani paęa pelama, tama i wai, "Satrak, me Mesak, me Abetnego, dage te Ugwade Mu Bidibo Godigo şe bidi dabe dao, dage buluba dię soao." Tialima, polo tama augwali buluba dię asalio. ²⁷ Tama te kingo genuai bidi dabe, augwali te paęa paęa aselama, te siago disawani Juda bidi sela suagasalio. Tama augwaligo te tiwai suali, te siago augwa tobolu nisi me, te augwa gudali ugwa me, te siago disawai, tama te sia hano kugumini me te augwali tigde me elalubeo.

²⁸ Tama kingo te po wai, "Da tigidaligo te Satrak, me Mesak, me Abetnego, te augwaligo God nogi ugwaba sinao," wali. "Agai te aga mobo bidi ensel tagala palama, tama te agaba lotu weyu, te konealubo homu daę wabo bidi sela tau sali. Augwaligo te eno bomu yai po sela şayu, te augwali isabo wi me ebeo. Tama augwaligo gasa godiba lotu me wabeo. Menio. Augwaligo te augwa Godiba digi naga lotu wai dao. ²⁹ Te niwai god me deligo te aga we bidi tau siyu, te Satrak, me Mesak, me Abetnego, te augwa Godigo yali tiwai me egobeo. Tama megi eno te po wainu ebao. Te bidi dabego te Godiba posobo po wabo te habu mu dao. Te mena bulu kantri tų bidi dabego, me te mena hani bidi, ma te mena tobage po wabo bidi hani, augwaligo te tama tiwai po obaso da, teda eno te augwali tigi tologolama, miminama, te augwali isaibao. Tama eno te augwaligo be me te pobele bage tiwai pedaluminium ilaibao," wali.

³⁰ Kingo po ola silama da, teda agai te Satrak, me Mesak, me Abetnego, te augwali sela bageba te gesi şe te Babilon bulu tų pedaide mawai, te augwaligo polobadu yali şe mu edelama mu yali.

Nebukatnesargo si wali na yali

4 Te King Nebukatnesargo po te tigidali bulu tų pedai we bidi dabeba me, te tigidali haniba me, te tigidali haniani po wabo bidi haniba te po ola tolali. Agai po te tiwai, "Dage tigidali bugagia bidaluięo," walio. ² "Megi ena dwagi yai homu eyu, tama eno dageba te Ugwadu Mu Bidibo Godigo enaba ola mani bomu yai şe dali, te bidi noma sabo genuai şe dabede po obao," wali.

³“Godigo te tobage genuai sę ebo mu dabolo ola mawaibao. Tama aga digi te boma pai mu elalubao. Aga te king sesemane bidada pidu, bidibo dao. Agai te tigidali nai tonalubo sę te sesemane sogo elalua pidu, mu elalua paibao.”

⁴“Ena Nebukatnesar, eno te tigidali nai sulama, tama eno sę dabe sese te wiegi yai pedalubaso, tama ena wiegi yai pemene elama, te ena bede bidai dao. ⁵Tiali goli, me sogo deli sogo hulide eno na elama, tama ena wi dwai mu yalio. Ena te eno bet saide pila mubadi, tama te eno homude suali nai dabe augwaligo ena wi dwai mu ilalio. ⁶Tama tibaso, eno te tigidali Babilonde te po page koneai bidi dabe asiąo olama, enabolo te na yali page pusagiąo po wali. ⁷Tama te tobage po page koneai bidi dabe dali, te pobi wabo bage dali, te tama bidi dabe tigidali asalio. Eno augwaliba te na yali po walali, tiali goli augwaligo te na yali po page pusabo usu meni yai dao. ⁸Nosali Daniel asai. Eno agaba te nogi Beltesasar polama mawai, te nogi te eno god nogi dao. Te bomai god dabego te homu kolesaga Danielba mawai baso, tama tialima, eno na yali po te agabolo walio. Eno agaba te tama po wai, ⁹‘Beltesasar, te kolesaga koneai bidi dabego tobolu bidio, eno koneani, te bomai god dabego nageba te homu kolesaga menama, tama te magi nai me deli nagede geme dualalubeo. Tialima, eno na yali po megı odama, tama nago te nade yali po page pusao,’ wali.”

¹⁰“Eno agabolo te po wali, ‘Ena piali sogo, eno na te tiwai yali. Eno suali, te tigidali bulu tų tomode te bobobage ni me deli dolalubo suali. ¹¹Te genuai pedelama, tama te ni bobage holali tobolu te dagaluba usu nu giluwainu yali, te tigidali bulu tų pedai bidi tigidaligo sumainu ebo tiwai yai. ¹²Te nigo te wiegi yai yabe elalu, tama te nai hauwa walali, tama te tigidali bidigo, me hasa sibigo te tuabo usu elaluai. Te bulu uni hasa sibi dabe aselama, te ni dologoba toma tuagasu yagasai, tama te ba dabego aga nologode be nigali, tama te tobage tigidali nai sibigo te aga du tuagasalio.

¹³Eno te na yali homu kone paludubadi, tama eno suali, te mobo bidi ensel me deli te dagaludu dulubo suai, te mobo bidi ensel dabede te nai dabe tonalubo ensel me deli dao. ¹⁴Agai i bomonama weyu, te tiwai po wali, “Te ni degemainu, te gelao,” wali. “Tama te aga nologo dabe togwao, tama te yabe dabe selama, subigila tedela palao,” wai. “Te ni dologode bidibo kibu hasa sibi dabe sela sayu, te ni nologode dugulalubo ba sibi dabe te sela sayao. ¹⁵Tiali goli, te aga page da, te nosai elalubo tų tomode elalumainu yao, tama te genuai ring ain me bras te me deli selama, tama te aga pageba muao. Te hulide tulubage segeni ebo te aga daiba tulalumainu elama, tama aga te kibu hasa dabego te tuabo nosai gegebo tiwai emainao. ¹⁶Agai te bidi dabego homu kolesaga ebo tiwai ma egobeo, tiali goli aga homu kolesaga te kibu hasa sibi dabego homu kolesaga tiwai elalua pidubadi, te kibu be 7 bidaibao,” wali. ¹⁷“Te nai dabe tonalubo mobo bidi ensel dabe, augwaligo te nai dabe pedalumainao po

obaso, te tigidali bidigo konemainu yali, te Ugwadu Bidibo God Mugo te tigidali we bidi tonalubo dao. Te agai homugo digi te bidi dabe king pedalumainu sa mubo da, te genuai nogi elalubo bidi me, te olo bidi tama me, te tagalao, te agai digi sa mubo dao.” Te ensel mobo bidigo te po wai,’ eno te po Danielba wali.

¹⁸Tama eno Danielba te tiwai po ma wali, ‘Eno nageba te eno na yali po wai dao. Megi da, Beltesasar, nago enabolo eno te na yali po page pusao, magi baso meni, te eno po page koneai bidi me deligo enabolo te po wainu ebaso, te usu ebeo. Nage naga usu da, magi baso meni, te bomai god dabego te nageba homu kolesaga mawai dao,’ eno Danielbolo te po wali,” Nebukatnesargo te po wai dao.

Danielgo te na page pusali

¹⁹Danielgo te na page koneai, tama agai te homu si eyu, tama te kingba pusabo wiegi yai homu pemene isawani. Tama aga te po polo wei ponebeo. Tiali goli, kingo agaba te po wai, “Beltesasar, tama nago homugo te na elalumaina homu elama, tama te na yali pagede nago haliga sęę emainu egio,” wali. Tialima, Beltesasargo te po wai, “King o, eno homude te nade yali sę nageba pedalubo te eno hagela homu yai. Eno homugo te nago boi bidi dabe augwaliba naga pedalumainu homu yai dao. ²⁰Nago te genuai ni me deli suali. Te aga tobolu te dagaluba mu usu nu gulali, tama tųde bidi tigidaligo suali. ²¹Te agai yabe te wiegi yai dabe naga elaluai, tama te nigo du wai te hauwa elalualı, te tigidali bidigo me hasa dabego te tuabo usu elaluai. Te bulu uni hasa dabe te ni dologoba toma nagasali, tama te ba dabego te aga te ni nologoba be sęnama bidai dao. ²²King o, te ni da, te nage tama dao. Nago genuai nogi mu te we bidi tigidaligo gedude elalubao, tama nago bomogo te tigidali bulu tų habu usu nama tonalubo dao,” wali.

²³“Tama nago suali, te nai dabe tonalubo ensel mobo bidi me deli te dagaludu dulama, te po wali, ‘Te ni gelama, dolao,’ wali, ‘tiali goli, te tųde page te nosai dabe elalubo page tomode elalumainu sula tagalao. Tama te genuai ring ain me bras deli selama, tama te aga pageba muao,’ wali. ‘Te hulide tulubage segeni ebo te aga daiba ugwadu tuluyu, tama kibu hasa dabe dali te kibu be 7 tama bidimainu ilao,’ te ensel mobo bidigo nagebolo te po wali.”

²⁴“King, te na yali page te tiwai. Te Ugwadu Bidibo God Mugo te nageba pedelabo naide po wali dao. ²⁵Nago te we bidi dabe bidibo pesage tagalama, tama nage pelama, te uni hasa dabe dali bidigi paibao. Nage te kibu bulmakau dabego nosai dabe tubo tiwai eyu, tama nage bulude piaibao, tama te hulide tulubage segeni tulubo te nageba idubadi, te kibu be 7, teba usu nigı paibao. Nage te tiwai bididubadi, te nago te tiwai te Ugwadu Mu Bidibo Godigo te tigidali we bidi tonalubo homu konebo teba usu nigı pabo teba usu naibao. Te aga homugo digi, agai te bidi dabe te king pedalumainu ebo dao. ²⁶Nago odali, te enselgo te ni page te tųde elalumainao wali. Te wali po page te ti-

wai. Te God deligo naga te tigidali t̄de nai tonalubo da, te tama tiwai bugagia konebo sogo da, teda nage te king ma pedalaibao. ²⁷ Tama eno homugo te megi eno nagebolo wabo po tiwai yao. Nago te seḡe munu ma sigio," wai. "Nago te doloba pai kolesaga naga yao, tama nago te olo tau sabo wiegi yai homu te magi nai s̄q̄ pabo we bidi dabeba yao. Dago konebeo, te nago te tama tibaso da, teda nage te bugagia bidiyu, tama nago ebo seḡe tigidali te wiegi yai naga pedalaibao, te nago nade suali seḡe nageba asogobeo," Danielgo king bidibolo te po wai.

²⁸ Tama nosali, te tigidali wali seḡe te king Nebukatnesarba te Danielgo wali tiwai gilama pedelai dao. ²⁹ Te polua nogo si olama, saḡaḡo si, te 12 polua silibo si da, tialima te me sogo deli sogo te king aga te be mabo nivalidu te Babilon bede te daide bidali. ³⁰ Tama agai te tama po wali, "Iya, Babilon te genuai taun mu, tama te polalubo mu da. Te ena king bidi ede bidimainu eyu, te eno bomogo digi, eno te taun hodolali, te eno genuai bomo me genuai nogi te tigidali hani we bidiba ola mani dao," kingo te po wai.

³¹ Agai te po odubadi, tama agai po me deli te dagalude asobo odali. Te po e tiwai wali, "King Nebukatnesar, nago eno po odao. Te nago te haniani bulu tonalubo genuai bomo, megi tama te eno nago nogo dela saḡaibao. ³² Tama te augwaligo nage sela saḡama, tama nage te we bidi dabe dali munu ma bidigobeo. Te nage bulu uni hasa dabe dali naga bidaibao. Nago te kibu bulmakau dabego nai tubo tiwai ela bilidubadi, te kibu be a naga olama, me nogo badu si yaibao. Te nage te tiwai bididubadi, 'Te Ugwadu Mu Bidibo Godigo te tigidali we bidi tonalubo da,' te tiwai homu konebo sogo usu naibao. 'Te God aga homugo digi, agai te bidi dabe te king pedalumainu ebo dao,' nago te homu yaibao." King bidigo te po wabo odali.

³³ Tama polo mu te seḡe dabe te king Nebukatnesarba te enselgo wali po tiwai gilama pedelali. Augwaligo aga te we bidi dabe tomodu sela saḡama, tama aga te kibu bulmakau dabe tiwai gilama te nosai tuduai dao. Te hulide tulubage segeni ebo te aga tigi daiba tulali. Tama aga tobolu nisi te ba aiwai nisi bobage ebo tiwai pedelali, tama aga nogo dani bobage te bago dani bobage tiwai pedelalio.

Nebukatnesargo te God nogi ugwaba salio

³⁴ "Te kibu be a naga me si wali silibo sogo da, ena Nebukatnesar, eno te dagaluba ugwa tonaluama, tama eno homu kolesaga te wiegi yai ma pedelai. Tama eno wiegi yai homu pemene te Ugwadu Bidibo Godiba mu yalio. Te sesemane bidada pidu bidibo God, tama eno aga nogi ugwaba mu siyu, kekene nanio. Tama eno te tama po wai,

'God te king sesemane sogo bidada peyu, bidibo dao.

³⁵ Agai suali, te t̄de bidi dabe te olo nai tiwai yali. Te dagalude ensel mobo bidi dabe, me t̄de bidi dabe,

te aga dologode bidiyu, tama agai augwali tonalubao.

Te agai magi seḡe me deli yainu ebo sogo, te niwai bidi me deligo te paligobeo.

Tama te niwai bidi mego agaba te tama po me hanalu,

"Nago magi yainu ebawe?" te po me wagobeo.' Eno te po wai."

³⁶ "Eno te po wali sogo da, teda polo tama te eno homu wiegi yai ma pedelama, tama eno te ena genuai nogi ma sali, tama te polobadu eno te tonaluali bulu t̄q̄ kantri tonalubo bomo ma sai. Te enaba wiegi yai homu kolesaga mabo bidi dabe, me te ena genuai bidi dabe, augwali te ena dali ma bidagasalio. Tama ena te king ma bidiyu, tama ena nogi genuai mu elaluali, te eno polobadu elaluali te genuai nogi aiyaba elaluai dao. ³⁷ Megi da, ena Nebukatnesar, eno wiegi yai homu pemene te dagalude kingba eyu, tama eno aga nogi ugwaba siyu, tama agaba genuai nogi mawai. Tigidali seḡe agai ebo te wiegi yai pedelama, tama doloba pai naga yali, tama agai te bidi dabego augwa nogi augwa digi ugwaba sainu ebo bidi dabe te aiyaba elalubo dao," king Nebukatnesargo te po wali.

King Belsasargo te genuai nai da tuali

5 Te Belsasar Babilonde king bidali sogo, agai genuai nai da me deli tuali. Agai te aga gegunai bidi dabe te nai tuboba asomainu i olama, tama augwali aga dali te wain aḡ tuali, te kingo wiegi yai genuai be tomode. Te sisinani gegunai bidi dabe nedali namba, te tiwai, te 1,000 bidi dabe dao. ² Augwali te we tudubadi, tama Belsasargo te aga seḡe bidi dabeba walama, te gol kap dabe, me silva me selama, sesao wali. Te kap dabe te aga waj Nebukatnesargo te Godigo be, te moni lotu be tempel te Jerusalemde selama, tama te Babilonba selasa asai. Kingo homugo aga dali, te gegunai bidi dabe me, te aga we mu dabe dali, me te i badu daganalubo si wali we hani dabe dali, augwali te kapudu wain weḡe tuainu yai. ³ Tialima, te seḡe ebo bidi dabego te kap dabe seselama, tama tigidali bidi me we dabe augwaligo te kapde weḡe tualio. ⁴ Augwaligo te wain weḡe tuduladu, tama augwaligo te gol, me silva, me bras, me ain, me ni, me masigi, te nai dabego nigali god dabe augwaligo te nogi ugwaba sabo seḡe yali.

⁵ Tialima, polo tama bidi me deligo nogo te be habu togwa sali pai tede pedelama, tama te nogogo nogo ge me deligo te pai ugwadu tede po asebo seḡe yali. Te badu te lam sole ula genuai ebadi, tama kingo te nogo gego asebo te hania mu sualio. ⁶ King te wi mu yali, tama aga gesabidi te hasegelama, tedela yai pedelali, tama aga bomo me silali, tama aga tigi dili dabe te mumunu eyu, didibili yalio. ⁷ Agai te bidi dabe augwaliba te i bomu elama weyu, augwaligo te seḡe ebo page konea pelama, te osabo bidi dabe, me te po page kolesaga koneai bidi dabe te seḡe pedalubaso, te augwali i wali, te augwali asomainu yai. Augwali asobo si da, teda kingo augwaliba te tama po wali, "Te bidi me deligo te po nedelama, tama enaba te po page pusubaso da,

teda eno agaba te kingo mubo mama yai name ugwa muaibao. Tama eno te sen gol aga mageba domonama, tama aga genuai nogi elaluaibao," wali. "Tama aga te eno gavmande te sela wali ofisa bidi pedelaibao," wai.

⁸ Kingo te po aga te po page koneai bidi tigidaliba wali, tiali goli niwai bidi me deligo te be paide asəni po me nedesiəwai. Tama te augwali me deligo kingba te asəni po page me wabeo. ⁹ Tialima, king Belsasar te wi dwai mu elama, tama aga gesabidi te tedela mu hasegeligi palio. Tama te gegunai bidi dabe te moni homu mu yai, magi baso meni, te augwaligo magi sɛ deli me yabo usu me isəwanio.

¹⁰ Te king dali, aga genuai bidi dabe daligo posolu wali. Te kingo idago te posolu wabo odama, tama aga te nai tubo be habu tomoba pali. Tama agai te po wali, "King, nage te sesemane sogo bugagia bidagameo. Te sɛ ebogo te nage homu poma peyu, tama nago gesabidi tedela eyu, nago haliga te dwai me emainu iligio. ¹¹ Odao. Te nago bulu tɔde te bidi me deli bidibao, tama te bomai god dabego agaba te wiegi yai homu kolesaga mawai. Te naga wəj king bidali sogo, agai te bidigo te wiegi yai homu kolesaga koneai elalubo suali, tama agai koneani kolesaga te genuai mu, te god dabego koneani kolesagaba usu nani. Tama nago wəj, king Nebukatnesargo, aga te bidi osabo tama aga te gasa kolesaga koneani bidi dabego tobolu bidi nigilama bidali. Te naga wəjgo te tama tiali, ¹² magi baso meni, te bidigo koneani kolesaga te tedali gasagi yai mu elalu, tama agai te na ebo page dabe, me te po begelama wabo po me, tama te geme dualali po page me, pusuyu yali. Tama nago te bidi Danielba po ola tolao, king Nebukatnesargo aga nogi te Beltesasar poali, tama agaba hanalugi pelama, te aga ase-lama, te nageba te be habu paide elalubo asəni po page pusagasomainogo yao," te king aga idago te po wai.

Danielgo te be habu paide elaluali po page pusalio

¹³ Tama tialima, augwaligo Daniel te tomoba sela aselama, tama aga te king pəba doligi pali. Tama kingo agabolo te tama po wai, "Nage Daniel, nage te Juda bidi me deli da, agawe? Nage te eno wəj king Nebukatnesargo polobadu sela asali hani bidi me deli da homu ebao. ¹⁴ Eno te tiwai odali, te god dabego nageba wiegi yai homu kolesaga menama, tama nago koneani kolesaga te genuai elalubao wali. ¹⁵ Eno te po page koneai bidi dabe i olama, te be habu paide elalubo po nedagaselama, te enabolo page pusao wali, tiali goli augwali usu me isəwai. ¹⁶ Tiali goli, eno odali, te nago da te tobage po page koneama, tama te geme dualali po tiwai me te nago konebo dao, wali. Tialima, nago te po page nedabo usu elama, tama enabolo nago te po page pusubaso da, teda eno nageba te kingo mubo mama yai ugwa name munama, tama eno nago mageba te sen gol munama, te nago nogi genuai elalueibao. Tama nage te eno gavmande te

sela wabo ofisa bidi pedalumainu nigilaibao," te po king Belsasaro wali.

¹⁷ Tialima, Danielgo te tama po wei ponama, te po wali, "Tagalao, eno nagede te wiegi yai nai me deli me sogobeo. Te nago homugo wei homu ebaso da, teda nago gasa bidiba mao. Tiali goli, king, megi da, eno te po nedama, tama nagebolo te po page pusaibao."

¹⁸ "Odao. Te Ugwadu Mu Bidibo Godigo te nago wəj Nebukatnesar te bomai genuai king pedalumainu ilali. Tama agai genuai nogi elalu, te ugwanu egulama, tama ugwadu daide mu elaluai dao. ¹⁹ Agai bomo genuai mu elaluali, tama teyu te tigidali bulu tɔ kantri we bidi dabe, me te tigidali hani, me te tigidali haniani po wabo hani bidi dabe te agade wi mu elama, tama augwali didibili yai. Te agai bidi me deli ela muabo homu eyu da, agai elai dao. Tama te bidi me deli aga bidibo ula elalumainu homu eyu da, agai te bidimainu sula tagalali. Te agai bidi me deligo nogi ugwaba sabo homu ebaso da, agai te tama tiali. Te agai aiyaba elalu, te bidi me deli dolainu homu ebaso da, teda agai te tama tiai dao. ²⁰ Tiali goli, nago wəjgo homugo te aga umabo ugwanu mu da homu elama, tama aga hagoma eyu, haniani dobo kolesaga subigila ebaso, tama Godigo aga sela sənama, tama aga te king me bidibeo, tama aga genuai nogi elaluali te tulaluai dao. ²¹ Godigo agai homu kolesaga te kibu hasa dabego homu kolesaga tiwai pedalumainu ilali, tama te we bidi dabego aga sela səwani. Tama aga te bulu uni yowi donki dabe dali bidigi pelama, tama aga te bulmakau dabego nosai tubo tiwai yaligia agai me tuali. Tama hulide tulubage segeni aga tigiba tulaluai. Tama nosali agai te tiwai koneani, te Ugwadu Mu Bidibo Godigo te tigidali we bidi tonalubo king bage tonalubo dao homu yalio. Te God agai homugo digi, agai te bidi dabe king pedalumainu ebo dao, te nago ayago aya king Nebukatnesargo te tiwai konea sai dao," Danielgo te po wai.

²² "Te Belsasar, nage te Nebukatnesargo wəj ogwa, tama nago te yali sɛ dabe koneai. Tiali goli, naga digi naga aiyaba elalubeo. Menio. ²³ Nago naga digi naga nogi ugwaba sabo homu elama, tama dagalude Genuai Bidigo nogi aiyaba elaluabo homu yai. Nago te sɛ bidi dabeba olama, tama augwaligo te nago wəjgo te Godigo bede sela asali kap dabe seselama, tama nage dali, te naga genuai bidi dabe dali, me te nago we mu dabe dali, me te nago si wali hani we dabe dali, dage tigidaligo wain əj te kapde tuali. Tama dagego te bidi dabego te gol, me silva, me bras, me ain, me ni, me masigi, te tama nai dabego nigali tibo god dabego nogi ugwaba salio. Te god dabego te tonono me bilisəyu, tama po me odisəma, tama te magi sɛ me konesiəwai. God deligo naga te nago bidibo ula, me nago ebo sɛ tigidali te tonalubao. Tiali goli, nago agai nogi ugwaba me sabeo. ²⁴ Tama tibaso, Godigo te nogo tagala palama, te be paide po asəgasali."

²⁵ "Te asəni po te tiwai, 'Nedao, Nedao, Dagalao, Pepedao.' ²⁶ Tama te 'Nedao' wali po page te tiwai, Godigo nage te king bidabo nisu naga sogo te nedalio.

Megi nago silibo side dao. ²⁷ Tama te 'Dagalao' wali po page te tiwai, Godigo nago kolesaga dagalalio, tama te ola mayu dagalali, te nago wiegi yai kolesaga me elalubeo. ²⁸ Tama te 'Pedao' wali po page, te tiwai, Godigo te nago tonaluali t̄ kantri pedelama, tama me badu te Midia dabeba doba yali, te me badu Persiaba doba yalio," Danielgo te po wali.

²⁹ King Belsasargo te po odolama, tialima agai te bidi dabeba walama, te mama yai ugwa name te Danielba munama, tama te sen gol aga mageba muao, wali. Tama kingo Daniel te gavman ofisa bidi te sela wabo bidi nigilali.

³⁰ Tialima, te sogo hulide naga tama, te Midia dabe aselama, te Belsasar ela muagasali, te Babilon king dao. ³¹ Tama Darius te Midia t̄ pedai bidi te king pedelama, tama te bulu t̄ kantri tonaluai. Dariusgo kibu be te bidi sese sela, te me si, 62 kibu be elalubadi, te sogo aga te Babilon king pedelama, bidai dao.

Augwaligo Daniel te laion dabe bidibo dedageba tula palali

6 Darius te king pedelama da, teda agai te 120 ofisa bidi nigilama, te augwaligo agai bulu t̄ pedai kantri dabe tonalumainu yalio. ² Tama agai Daniel me, gasa bidi si dali, te sela bidigo te ofisa dabe tonalumainu yali, me te kingo s̄ bidi dabego s̄ tonalumainu yai dao, te aga gavmango mone te olodali hagaidali weyu yali. ³ Kingo suali, te Danielgo s̄ wiegi yai mu eyu, te ofisa dabego s̄, me te aga dali deli s̄ ebo bidi sigo s̄ ebo te augwali agai aiyaba elaluali. Tama tibaso, kingo homugo agai Daniel te tigidali bulu t̄de te polalubo ofisa bidi nigilabo homu yalio. ⁴ Tama tibaso, te gasa ofisa dabe me, te aga dali deli s̄ yali bidi sigo me, te tama homu yali, te hagela homu yai. Tama te augwaligo Danielgo te dwai s̄ meba ebo te sunumi gegebo s̄ yali, te augwaligo aga po t̄ ilainu tialio. Tiali goli, augwaligo te dwai s̄ me deli ebo gegebo usu is̄awani, magi baso meni, Daniel te doloba pai bidi, tama agai s̄ te wiegi yai naga yai. Agai te tibo po me wasīayu, te dolo is̄awai kolesaga me ebeo. ⁵ Tialima, augwa haside digi po miyu, te tiwai po wali, "Dago te Danielgo s̄ ebode te dwai s̄ ebo kolesaga gegebo usu egobeo, te dago aga po t̄ ilainu. Dago te aga Godibolo agai lotu wabo kole-sagade suinao, tama te dago aga po t̄ ilabo sunumi gegebo homu ebo dao," augwaligo te po wali.

⁶ Tama augwaligo te king sugi pelama, agabolo te po wali, "King Darius, nage bugagia sesemane sogo bidagameo," wali. ⁷ "Da tigidali ofisa te bulu t̄ kantride nago s̄ ebao, da te polalubo gavman ofisa dabe, me tigidali gasa ofisa, dago te po mia selama, te bomoi yai po me deli muagameo wai. Dago homugo nago te we bidi dabeba te tiwai po omainu homu yai, te bidi sese deli olama, nogo si, te 30 dei wabo side usu nama, bidi me deligo te god me deliba, ma te bidi me deliba, gedu haluasa po me olamuo. Menio. Augwaligo te nageba naga gedu haluasa po omainao. Te mena bidi me deligo te po bolobaso da, teda nago aga

te moni hasa laion dabe bidibo t̄ dedageba s̄ayu, tula palagameo wai dao. ⁸ Tialima, king, nago te bidi dabeba walama, te bomoi yai po te pepaba as̄ao olama, tama te nago nogi me as̄ao, te muani po d̄ay waliyu tiao, tama te tigidali we bidigo wali pomainu yaibao. Te bomoi po te da Midia me Persia bagego bomoi po me deli pedalaibao, tama te bidi me deligo hasegelimainu ebaso, usu me egobeo," augwaligo te po wai. ⁹ Te po odobaso, tama king Dariusgo te bidi dabego te po as̄ao wali, tama agai te aga nogi te pepade as̄ai dao.

¹⁰ Tama Danielgo te po d̄ay walali po odobo sogo, aga te aga beba hogodasa palio. Tama aga te ugwa badu elaluali be habu dai badu holama, tama te windo p̄ade kidu sugunama, te Jerusalemba tonono yalio. Tama agai te sesemane sogo gedu haluasa po weyu, te nage usu da po te Godiba wabo tiwai yali. Agai te deli deli sogo bubugade te gedu haluasa po sela sogo weyu yai dao. ¹¹ Tialima, nosali te Daniel po t̄ ilainu yali te ofisa dabe, augwa hasi po mia selama, tama augwali te Danielgo beba polo pai, tama augwaligo te aga Godiba gedu haluasa po wabo suai. ¹² Tama subaso, augwali kingba pelama, te tiwai po wali, "King o, nago te tama po wali, te 30 dei, te tama side te tigidali we bidigo nageba lotu po waiȳao po wai. Tama te augwaligo god me deliba, ma gasa bidiba, te lotu po obaso da, teda nago augwali te laion bidibo t̄ dedageba tula palaibao wai," augwaligo kingbolo te po wai.

Tama kingo te po wai, "Te dolo po dao. Te muani po te boma pai mu elama, te hasegelabo usu is̄awai, magi baso meni, te da Midia me Persia dabego d̄ay walali po dao," te po wai.

¹³ Tialima, augwaligo kingba te tiwai po wai, "Daniel, te Juda hani bidi me deli, agai te nago po sela s̄anama, tama nago te muani po wali me pabeo. Sesemane sogo agai te aga Godiba gedu haluasa po te sela sogo te deli bubugade weyu ebo dao," te po wai. ¹⁴ Kingo te po odama, tama aga haliga s̄eḡe mu ebaso, tama te Daniel tau sabo sunumi gegebo s̄ yalio. Aga homude te Daniel tau sabo sunumi gegebo s̄ bomoi mu idubadi, te giliga dega sigulali, tiali goli aga te sunumi me deli gegebeo.

¹⁵ Te be pio igi pabode, te ofisa dabe te kingba ma begasa aselama, tama agabolo te tiwai po waga-sali, "King, nago te da Midia me Persia dago ebo kolesaga koneani. Te kingo te po me deli d̄ay walai ebaso da, te d̄ay wali po me hasegeligobeo," wali. ¹⁶ Tialima, kingo te gasa bidi dabebolo te Daniel sao po olama, tama aga te laion dabe bidibo t̄ dedageba tula palali. Tama agai Danielba te tiwai po wai, "Eno homugo te nago konealubo homu d̄ay mu olama, agaba sesemane sogo te lotu po udubo Godigo, agai nage tau somainao," te po wai dao.

¹⁷ Augwaligo Daniel te t̄ dedageba tula palama, tama augwaligo te genuai sawali masigi me deli selama, tama te dedage pania palali. Tama king dali, te ofisa dabego dali, te augwa nogode elaluali ringo d̄aj te masigide ilama muani, te bidi dabego te Daniel tau

siyu, te magi sę me idali weyu, te habu selali. ¹⁸ Nosali king te aga beba ma pali. Tama te sogo hulide aga te nai me tusiama tama agai te we bidi dabe i olama, aga wiegi yai homu pemene ilagasomainu me ebeo. Tama me, te aga godege piabo aq me ebeo. Mu menio.

¹⁹ Te kigamu digi mu king te hodaluama, te tq dedageba polo palio. ²⁰ Te siligi pelama da, teda aga haliga sęęę mu elama, tama te tiwai i wali, "Daniel, nage te sesemane sogo bidibo Godigo sę bidi, odao. Nago te wali pelama, te agaba sesemane sogo lotu udubo God, agai te laion dabego pedauwali paniama, te nage gaq kelama tubewe, ma meniwe?" te po wai.

²¹ Tama Daniel te tq dedage tomode bidiyu, tama te tiwai po wei ponani, "King, eno homugo nage sesemane sogo sesabi elama bidao. ²² Godigo te aga mobo bidi ensel tagala palama, tama te laion dabe pedauwali paniama, tama augwaligo ena me dolobeo. Agai koneani, eno magi dwai sę me isiqwai, tama eno dwai kolesaga nageba me ebeo. Tama tibaso, agai ena tonalubo dao," Danielgo te po wali.

²³ King te wiegi yai homu pemene umabo mu eyu, tama te bidi dabeba weyu, te Daniel te tq dedagedu ugwaba kegao po wali. Augwaligo aga kegelama da, tama augwaligo te tiwai suali, te aga tigi me dolisiqwai elaluali, magi baso meni, agai konealubo po te Godiba daq mu wai dao.

²⁴ Tialima, kingo te Daniel po tq ilali bidi dabe augwali sao po olama, tama te augwali dali, te augwa we wai dabe dali, augwali te laion bidibo tq dedageba tula palalio. Augwali te tqba tulusiqbadi, te laion dabe posoga palama, tama augwali daboa sigulama, tama augwali tigi pepeda tulama, te mu dolai dao.

²⁵ Tama nosali king Dariusgo te tigidali bulu tq pedai we bidi dabe, me te tigidali haniba, me tigidali haniani po wabo hani we bidi te pas asęna tolalio. Agai te tama po wai, "Dage tigidali te bugagia bidiqo," wali.

²⁶ "Dage eno bulu tq pedai kantri dabe we bidi dabeo, eno te po odiqo. Dage tigidaligo genuai nogi te Danielgo Godiba menama, tama te God dologoba pelama bidao. Te God te sesemane sogo bidada pobao. Aga te king sesemane sogo bidada pidu, bidada paibao, tama aga te we bidi tonalubo bomo te me siligobeo. ²⁷ Agai te we bidi dabe dolainu ebo sogo te augwali ma sabo dao. Tama agai te tobage te genuai bomai sę te dagalude me tqde ebao. Te Godigo te Daniel tonalu, tama te laion dabego aga me dolobeo," te po wai dao.

²⁸ Tama te Darius king bidali sogo, me te Sairus te Persia king bidali sogo me, Daniel te moni nogi yai genuai bidi mu pedelama, bidai dao.

Danielgo te aga na dabe yali po pusali

(Daj 7-12)

Danielgo nade te hasa me si me si sualio

7 Te hasia mu wabo kibu bede te Belsasar te king Babilonde bidali, ena Daniel eno te na ebo tiwai nai te hulide suali. Tama eno te na yali po te buku me delide asęani. Na te tiwai dao. ² Wali te tigidali badu asiyu, tama te genuai tamu aq dini hodolali. ³ Tama gasagi gasagi yai moni hasa te kibu tiwai dabe me si me si te tamu aq bikside pedelai. ⁴ Hasia pedelali te laion yowi tiwai, tama te genuai ba kemodagego bogo tiwai elaluali. Eno tonono ebadi, tama eno suali, augwaligo aga bogo sela saņama, tama augwaligo aga te bidi yaligia saqo sigo dodolobo suali. Tama augwa te bidigo homu kolesaga tiwai agaba mawai.

⁵ Tialima, eno suali, te si wali te kibu tiwai hasa te aga pilamubo suali, tama te genuai hasa me deli te nogi augwa te bea wali. Agai te gasa hasa me deligo punali dili sela te aga pedauwalide habilaluali. Tama te po me deli agade pedalu, te tiwai po wali, "Iya, tegoba, holalua, te mi hauwa tulama, nago tabi paqayao," wai.

⁶ Eno me tonono ebadi, tama eno gasa genuai hasa te uni pusi te nogi lepat tiwai suali. Te naigo bogo te me si me si aga tudide elaluali, tama aga tobolu te me si me si elaluali. Tama augwaligo agabolo te tigidali nai tonalubo bomo mawai, te eno suali. ^{††}

⁷ Eno te sogo hulide ma tonono ela bilibadi, tama eno te me si me si wali te hasa suali. Iya, aga gesabidi te mu dwai elama, tama aga bomo genuai mu elaluai, tama ena agade wi dwai mu yalio. Agai genuai ain kele elalu, tama agai te tigidali bage tulama, dolobo sę mu yai. Tama nosali aga agalama, tama mimia sabo kakali tulaluali. Te kibu tiwai moni hasa te gasa eno suali hasa dabe tobage tiwai meni, magi baso meni, aga tobolude te nogi si gaq elaluali. ^{†††} Eno te gaq dabede homu kone paluyu ebadi, gedu dolo mu ponama, te nogi si gaqba tonalubadi, tama eno te dwasianu gaq me deli te augwali tomode pedalubo suali. Te gesi pedelali gaqgo te polasa elaluali gaq sela guda sawai. Tama te gesi gaq te komgo te bidi gedu ge dali, pedauwali dali, si elaluai. Tama aga hagoma eyu, te aga digi aga nogi ugwaba sabo po wabo eno odalio. ^{†††}

Danielgo te sesemane sogo bidada peyu, bidada pabo bidide na yali

⁹ Tama nade eno suali, augwaligo te king duayabo sia sai meba sela aselama, muagasai. Tama te Polobadu Polobadu Bidada Aselama, te Megi Me Bidada Peyu, Bidada Pabo Bidi aselama, te duabo sia

† 7:3 Ped 13:1; 17:8 †† 7:6 Ped 13:2 †† 7:7 Ped 12:3; 13:1
††† 7:8 Ped 13:5-6

kingde dugayagasobo suali. Agai gudali ugwa dabe te nala nisi poai mu yai, tama agai tobolu nisi te tedela mu, te meda meni yai kibu sipsip nisi tiwai yai. Tama te dugabo sia king te wil dabe elaluali, tama te dugabo sia sai tigidali badu te isi bogoli genuai elama, ^{†10} tama besela palalio. Te bidi sese umabo mu, te hauwa tausen we bidigo te Bidigo sę yali, tama te umabo hauwa milion we bidi aga pade dolaluali. Tama mebago te buku dabe dagalama, te po tų kot hodolainu yai. ††

¹¹ Eno tonono ebadi, tama eno odali, te me si me si wali te dwasianu kom gaų hasago te aga digi aga nogi ugwaba sabo sę yali. Tama eno suali, augwaligo te me si me si wali hasa elama, tama aga tigi te siaba sawani, tama siago te aga gaų kom dali tigidali dela silalio.

¹² Tama te bidali hasa sela, augwa bomo te augwaligo silama, tama te nai dabe te augwaligo tonalumainu ma sula tagalobeo. Tiali goli, te augwaligo te augwali polo me elisawai. Augwaligo te augwali dwasianu sogo gogolama, bidimainu sula tagalalio.

¹³ Eno te hulide yali nade, eno te bidi me deli te da tųde bidi tiwai tobage suali. Aga te dagalu pų dabe tomode bidiyu, tama ena paba asali. Tama augwaligo aga te Polobadu Polobadu Bidada Aselama, te Megi Me Bidada Peyu, Bidada Pabo Bidiba sela palio. † ††¹⁴ Te Polobadu Polobadu Mu Bidali Bidigo digi aga te king pedalumainu elama, tama agaba te bomo me genuai nogi mawai. Tama aga te sesemane sogo bidada pabo te bomo elalua pabo king bidiyu, tama aga king sę ebo te munu me sia sogobeo. Tama te tigidali bulu tų kantri we bidi me, tigidali hani bidi me, tigidali haniani po wabo hani bulu bidi, te aga dologode naga bidaibao. ††

Te Danielgo suali naide po page pusali

¹⁵ Eno te nai dabe te nade sulama, tama ena midigi mu selama, tama homu hauwa dogia palio. ¹⁶ Tialima, ena te sia king pade dolalubo bidi dabe me deliba pelama, tama eno agaba hanalu, te na yali po page pusao wali. Tama agai enabolo te tama po wai, ¹⁷ "Te genuai hasa me si me si tego daj ilali, te bomai bulu tų kantri pedai me si me si pedelaibao," po wali. ¹⁸ "Tiali goli, nosali te Ugwadu Mu Bidibo Godigo we bidi augwali te king dabe tiwai pedelama, tama augwali te sesemane sogo bidada peyu, bidibo tiwai gilama yaibao," te sia king pade dolalubo bidigo enabolo te po wai. †††

¹⁹ Eno te po odobo si da, tama eno te me si me si wali hasa te kuna mu ma koneabo homu yali. Aga te gasa hasa dabede te tedali gasagi yai ebaso, tama ena agade wi dwai mu yali. Agai ain kele genuai elalu, tama te aga saųade dani dabe te bras tiwai elaluai.

† 7:9 Ped 1:14; 20:4 †† 7:10 Ped 5:11; 20:12 † Te Aram pogo te po "te bidi me deli te da tųde bidi tiwai tobage," te po begelama, tama "Godigo Bidi Mu" wabo. Te nosali Jisas aga te tųde bidali sogo, aga te tama po agade digi wai dao. †† 7:13 Mat 24:30; 26:64; Mak 13:26; 14:62; Luk 21:27; Ped 1:7, 13; 14:14 †† 7:14 Ped 11:15 ††† 7:18 Ped 22:5

Tama agai te nai hauwa aluama, tama tuyu, tama te tigidali kakali agalama, te tudulaluali. ²⁰ Tama me eno te nogo si kom gaų te tobolude elaluali, te kuna mu ma koneabo homu yai, tama te dwasianu nosali pedelali kom te gaųgo te polasa elaluali gaų sela guda sawani. Te kom gaųgo te gedu me pedauwali elalu, tama genuai po daga mu weyu, tama aga digi aga nogi ugwaba sali. Eno te dwasianu kom gaų suali sogo, tama ena wi dwai mu yali. Eno te kom gaųde wi ebo tiwai yaligia te gasa kom gaų dabede me tebeo. ²¹ Tama te na yalide, eno suali, te kom gaųgo te Godigo we bidi dabe dali hwįnama, tama augwali dolobo sę ebo sualio. †††²² Tama te Polobadu Polobadu Digi Bidali Bidi pedelama, tama te kom gaų dali kot po tų elama, te tama po wali, komgo te dwai sę genuai te Ugwadu Mu Bidibo Godigo we bidide yali dao. ⁵ Tama te Godigo we bidi te king tiwai pedalabo sogo te usu niyu te ped-alubao wali. ††

²³ Eno te bidiba eno te koneainu yali nai dabede po hanaluama, tama agai enabolo te tama tiwai po wali, "Te na yali po page te e tiwai dao. Te me si me si wali hasa, te e tiwai, te me si me si wali tų kantri pedai tama elalueibao, tama aga te gasa tigidali bulu tų kantride te gasagi yai tedali me elalueibao. Agai te tigidali gasa bulu tų kantri aiyaba elaluama, tama augwali agalama, tama augwali silimainu yaibao. ²⁴ Te kom nogo si te nogo si king augwali te bulu tų kantride digi pedelaibao. Nosali te gasa king pedaliyu, tama aga te polasa pedelali king dabego kolesaga tiwai egobeo, te tedali gasagi yai yaibao. Agai te king sela sela sawaibao. †††²⁵ Tama agai te Ugwadu Mu Bidibo Godiba po dwai mu olama, tama aga we bidi dabe aiyaba elalueibao. Tama agai te lotu pode bomai po hasegeliyu, te genuai side wabo te hasegelaibao. Tama agai te Godigo we bidi tonaludubadi, te kibu be sela olama, te kibu be me badu pedaiba usu nigi paibao," wai. †† †††²⁶ "Aga te sogo bodolu silibaso, tama Godigo te po tų kot hodolama, tama agai te kingo bomosilama, tama aga mu dolaibao," wali. ²⁷ "Tama te Ugwade Mu Bidibo Godigo te tigidali tųde kingo genuai nogi me bomo te aga we bidi dabeba mawaibao. Tama augwali te sesemane sogo king bidada peyu, bidada paibao. Tama tigidali bulu tų kantri we bidi dabe te Godigo we bidi dologode bidiyu, tama augwaligo po wali paibao," walio. ††

²⁸ Te eno nade suali po tigidali te tama dao. Ena Daniel, ena wi dwai mu elama, tama eno gesabidi te hasegelama, tedela yali. Tama eno te nai dabede homu kone palobo homu mu yalio. ††

††† 7:21 Ped 13:7 † Te po page te Hibru pode kuna konesiųwai. Bidi mebago homude te po tama tiwai da homu yali, "Te Ugwade Bidibo Godigo ugwaba ela holali," homu yai. Tama bidi mebago homude te po te tiwai da homu yai, "Bidigo te Ugwade Mu Bidibo Godigo we bidiba te bomosilama, augwaligo te po tų kot ebo sę tonalumainu yali," te homu yai. †† 7:22 Ped 20:4 ††† 7:24 Ped 17:12 †† Te Hibru pogo te vesgo po page kuna konesiųwai. Bidi mebago homugo te kibu be sela me hap tede po wali homu yai. Tama meba bidigo homugo te geme dualali po da homu eyu, tama nisu sogo te sęę silabo te kuna mu konebeo, wai. ††† 7:25 Ped 12:14; 13:5-6 †† 7:27 Ped 20:4; 22:5 †† Te augwaligo Aram pogo

Te Danielgo nade te sipsip me meme suali

8 Te sela kibu be wabode te Belsasar king bidali side, eno te gasa nai te nade subo aq̄ yalio. ² Te nade polo tama ena pelama, te bulu t̄q̄ pedai provins Elamba sabolama, tama ena te genuai taun Susa tomode dolalualii. Te taun te masigigo nigai genuai boma pai obo elalualii. Ena te moni aḡ gamia nogi Ulai p̄ade dolaluai. ³ Ena tonalubadi, te omai sipsip me deli te w̄q̄ p̄ade dolalubo suali. Agai te gaḡ si elalualii. Te podolali kom gaḡ te bobobage yai elalualii, tiali goli te si wali kom gaḡ te polasa pedelali kom gaḡ nosali badu pedelai, tama te bobobage mu dao. ⁴ Eno suali, te omai sipsipgo tobolu gaḡ aiyaba basi gulama, tama udulama peyu, te agai gaḡ komgo hudula palu ela palio. Aga te giliga degasa dulubo badu pali, tama te not badu me, saut badu me palio. Te niwai hasa me deligo aga paliabo usu me isaḡwai, tama te me deli agade wi painu ebo usu meni yai. Aga te s̄q̄ dabe te aga homugo digi eyu, tama te boma pai mu pedelali.

⁵ Eno te yali s̄q̄ pagede homu kone pidubadi, tama eno suali, te omai meme me deli te giliga dega sabo badu bidali tagalama, polo asobo suai. Aga udabo te umaboba pai mu asiyu, tama agai nogo saḡaḡo te t̄q̄ me d̄j̄abe. Agai kom gaḡ te moni dobo dwai me deli naga te aga gedu page si badu tomode elaluai. ⁶ Eno te w̄q̄ p̄ade dolalubo suali sipsip te memego subo si da, teda te meme s̄b̄e eyu, te bomonama udabo bomo mu elama, te sipsip bidibo madi palio. ⁷ Tama agai te sipsip dali hw̄j̄bo eno suali. Te memego wado mu dwai eyu, tama nogo saḡaḡ dili bomo dede pelama, tama dolo udayu, tama te omai sipsipba hudula paligi pali, tama agai gaḡ kom si togwa saḡwani. Te omai sipsipgo aga degelabo bomo meni yani, tama te memego aga te t̄q̄ba aiya daboasa saḡnama, tama aga dolagila mu agaga pali. Tama te magi nai me deligo te sipsip tau sabo usu me ebeo.

⁸ Tialima, nosali te memego hagoma umabo mu eyu, tama aga bomo ola mawai. Tiali goli, te aga bomo genuai mu pedalubo sogo, agai gaḡ kom te togwa palio. Tama te togwa pali kom elalualii pesagede te gasa kom me si me si pedelali. Te me si me si kom te moni dobo dwai mu yali. Te kom me deligo te not badu tonalubo tiwai yali, tama gasa mego te saut badu tonalubo tiwai yali, tama gasa mego te giliga pedalubo madiba tonalu, tama gasa mego te giliga dega sabo badu tonalu yalio. ⁹ Tama gesi kom dwasianu te ni honu pedalubo tiwai eyu, te me si me si elalualii kom tomodu pedelali. Te gesi komgo bomo te genuai pedelai. Tama agai te saut badu, me giliga pedalubo badu, me te Godigo aga we bidiba te wiegi yai mani t̄q̄de bidali we bidi dabe augwali aiyaba elalualio. ¹⁰ Te kom te boma pai mu pedelama, tama te h̄q̄ dabe dali hw̄j̄ani. Te h̄q̄ dabego hw̄j̄ani te dagalude ami bidi dabego hw̄j̄bo tiwai yali. Tama komgo te h̄q̄ dabe meba te t̄q̄ba aiya tula palama, tama augwali agayalio.

as̄ani po ede silalio. Tama augwaligo te Daj̄ 8de gagalama, te Daj̄ 12 teba usu nama, augwaligo te Hibru pogo as̄ani.

¹¹ Tama te komgo te dagalu ami king me aiyaba elalueinu usu sali. Agai te kingba ofa ebo kolesaga te silimainu elama, tama agai te we bidigo te kingba lotu wabo be dolalio. ¹² Te we bidi dabego dwai kolesaga ebaso, tama te komgo te dagalude ami bidi dabe aiyaba elaluabo bomo selama, tama te tigidali side ofa ebo kolesaga silainogo yali. Te Godigo po da, te mu po naga wali, tiali goli, te komgo te po begela dolali, te we bidi dabego wali pomainu me idali weyu tama tialio. Tama me, tigidali s̄q̄ te komgo yainu homu yali, te agai eyu naga yali.

¹³ Tama eno odali, te ensel mobo bidi me deligo po wabo odali, tama gasa ensel bidigo te tiwai po agaba hanalu wali, “Megi dago te subo dwai nai dabe, nisu sogo augwali siligowe? Nisu sogo mu te we bidi dabego te Godiba ofa ebo ma gagalama eyu, tama nisu sogo te tigidali nai mu dolobo dwai kolesaga silaibawe? Nisu sogo te komgo bomo silama, tama agai munu ma te lotu wabo be me, te dagalude ami bidi dabe te agai saḡaḡo agalu, te ma dologobewe?”

¹⁴ Tama te po miani enselgo, agai te tama po ena dali wali, “Te dwai s̄q̄ ebo nai te elaludubadi, te umabo sogo, te 2,300, te sogoba usu naibao,” wali. ^{††} “Te tama bidibo side dabe te augwaligo ofa dabe te augwa polobadu yali tiwai te kigamu me pio me egobeo. Te side tama silama da, teda augwaligo te Godigo be ma dodolama, tama te ofa dabe ma yaibao,” po wali.

¹⁵ Ena te Daniel, eno te yali naba tonalubo homu idubadi, tama eno te na page gegabo homu bomo yali. Tama polo tama te eno bidi me deli te ena p̄ade dolalubo suali. [‡]

Ensel Gabrielgo te na page po pusali

¹⁶ Tama eno te bidi me deligo i wabo te aḡ gamia Ulai tomode i weyu, te tama po wabo eno odali, “Ensel Gabriel, nago te Danielgo suali s̄q̄ po page pusao,” wali. ^{†††} Tialima, Gabriel te ena p̄aba dolagasali, tama ena agade wi dwai mu elama, tama ena degasa dulama, tama eno gesabidi te t̄q̄ba aiya pogulai. Tama Gabrielgo enabolo te tama tiwai po wali, “Nage olo bidi tama da,” wali, “tiali goli, eno homugo nago te na page konemainu ebao. Te nade yali s̄q̄ te tigidali dagalu dali, t̄q̄ dali si silabo sogo p̄ade te pedalubo s̄q̄ po te elalualii dao,” po wai. ¹⁸ Agai po odubadi yaide, ena gedu geḡ page elama, tama ena t̄q̄ba mu degasa dulali. Tiali goli, agai ena nogo tola selama, te ena ugwaba sago-lama, tama ena dolugulai. ¹⁹ Tama agai te po wai, “Eno nagebolo te Godigo haliga s̄b̄e yali silainu ebo sogo te pedelabo s̄q̄ dabede po wainu ebao,” wali, “te Godigo dagalu de t̄q̄de muani nai dabe silainu ebo bodolu muani sogo p̄ade te tama tiaibao. Te tiali s̄q̄ dabe nago te nade suali s̄q̄ tiwai mu pedelaibao,” wali.

[†] 8:10 Ped 12:4 ^{††} Te Hibru pogo namba 2,300 elalubao wali. Te deli deli sogo bubugade usu nama, te daj̄ ilai baso da, teda agai te 2,300 side po olama dolo wali. Tiali goli, agai te tigidali side te kigamude me piode te ofa yabo bodolu mubaso da, teda agai te 1,150 po olama naga te po wali dao. [‡] Te bidi aga te ensel Gabriel naga da, te ves 16 me 17 tede suo. Tiali goli, Danielgo homugo aga te gasa bidi deli tonobo tiwai yalio. ^{††} 8:16 Luk 1:19, 26

²⁰“Nago te omai sipsip me deligo te gaꝝ kom si elalubo suali. Te bulu tꝝ kantri si, Midia me Persia sigo king bidi side po wai dao. ²¹Tama nago te meme suali, te bulu tꝝ kantri Grikde daꝝ iliyu wali, tama te aga gedu page si badu tomode elaluali te moni bage kom dolaluali, te Grik dabego hasia polalubo king bidi te da, wali. ²²Nago te moni bage kom togwa pabo suali, tama aga te pesagede gasa gesi kom me si me si pedelali. Te page e tiwai dao. Te kantri Grik te peda pelama, te gesi kantri me si me si pedelaibao. Tiali goli, te kantri bulu peda pişabadi, te bomo elaluali, te tiwai gilama nosali me elalugobeo,” wali.

²³“Te bulu tꝝ kantri dabe te tulaluainu ebo sogo, te augwali we bidigo dwai seꝝe sabo seꝝe mu pedalubaso, teda te sogo naga, te king me deli pedelaibao. Aga te bidi dwai mu dao. Aga te hagoma ebo bidi, tama tibo po wabo bidi dao. ²⁴Aga te bomai pedaliyu, tama te nai hauwa dolaibao wali, tiali goli te aga bomo digi egobeo. Tama agai homugo yainu ebo seꝝe, te mu eyu naga yaibao. Agai te bomai bidi dabe doliyu, tama te Godigo we bidi dabe dolaibao. ²⁵Agai te we bidi dabe tibo po ola mabo seꝝe ebo tomoba mu pabo bidi pedelama, tama aga te tibo po homu hauwa dogia pabo kolesaga tigidali te ugwanu mu igulaibao. Tama aga haligade digi, aga te polalubo bidi mu da homu yaibao. Te we bidi dabego homude augwali te bugagia bidiba homu yaibao, tiali goli te polo tama mu te aga homu hogodalu, te augwali hauwa dolaibao. Aga te hagoma eyu, te tigidali king aiyaba elaluali, te genuai King God dali hwjabo homu yaibao. Tama te sogo te mena bidi mego te aga me dologobeo, tiali goli te aga dolaibao. ²⁶Eno te pio ma kigamu ebo seꝝe elalubo te na yali po page pusali. Te suali nai dabe te pedelaibao. Tiali goli, nago te na yali po gasa we bidi dabeba me pusugio, magi baso meni, te seꝝe dabe te polo tama me pedalugobeo,” te genuai ensel bidi Gabrielgo enabolo te po wai.

²⁷Eno te po oda selama, tama ena haliga seꝝe mu yali, tama meba sogode ena gasi tiwai yali. Gasi silama da, te ena hogodama, tama ena te king Belsasargo mani seꝝe ma palio. Tama te nade eno homu hauwa ebo seꝝe yali, tiali goli eno te na page kuna koneabo usu meni yanio.

Danielgo gedu haluasa po weyu, Godigo te Israel dabe tau somainu yai

9 Darius, te Serksisgo ogwa, aga te bulu tꝝ kantri Midia bidi dao, tama aga te kantri Babilonde king pedelali. ²Te hasia kibu bede aga te king bidali, ena Daniel, eno te Godigo buku dabe nededuali. Tama eno te Genuai Bidigo te profet Jeremaiaaba mani pode homu kone palali. Agai te po weyu, te Jerusalem dolama elalubadi, te kibu be bidi sese sela olama, te nogo si, te 70 yiaba usu naibao walio. ¹³Tialima, eno gedu haluasa po te God Genuai Bidiba wabo gagalali. Eno haliga hobede mu yali, tama eno nai munu me tusiama, tama eno te homu dene ebo ugwa bea selama,

† 9:2 Jer 25:11; 29:10

tama sia keli eno tigide muani. Ena te tiwai bidiyu, tama eno gedu haluasa po bomonama te Genuai Bidi-ba wali. ⁴Tama eno te Israel we bidi dabego seꝝe te Godiba pusali, eno Genuai Bidi da. Eno te tama po wali, “God, Genuai Bidi, nage polalubao, tama dago nago nogi ugwaba sobao. Sesemane sogo nago te naga da dali daꝝ walali po wali pai. Tama eyu, sesemane sogo te nage godolo elama, tama nago po wali pabo we bidi dabe te nago augwali godolo mu ebo dao,” wali.

⁵“Da te dwai we bidi mu dao. Dago te seꝝe sabo seꝝe eyu, dwai seꝝe nageba yai. Dago nago po sela saꝝu, tama dago te nago dabolo yao wali te wiegi yai doloba pai kolesaga me isiawai. ⁶Dago te nago seꝝe bidi dabego po odisawai, te augwali profet dabe. Augwaligo te nago po te king dabeba me, tobolu bidi dabeba me, te bulali waj dabe me, te da tigidali we bidi dabeba te po pusali. ⁷Genuai Bidi, naga duba deligo naga te doloba pai kolesaga ebo God da, tiali goli te dena dwai kolesaga te hale genuai da tigidali Israelba sela asali. Tagala, da Judia tꝝde bidibadi, ma Jerusalemde bidibadi, ma tigidali buluba te nago da tagala paliyu ela bili-bo da, te dago nago po me sela saꝝbaso, nago da tagala palai dao. Tama megii te dwai halego da mesegelai dao.”

⁸“Genuai Bidi, te dago king dabego me, tobolu bidi dabe me, dago waj nꝝ dabego dwai kolesaga elama, tama nageba dwai seꝝe yai seꝝe dabe nagebolo yai dao. ⁹Dago nago po sela saꝝwani, tiali goli nage te olo mu tau mabo wiegi yai kolesaga elalubo God, tama nago dago dwai seꝝe yali seꝝe sela saꝝbo dao. ¹⁰God, Genuai Bidi, dago nago po odisama, tama dago te nago homugo dago wali pomainu homu yali kolesaga te wali pişawai, te nago dabolo te profet dabego pedauwalide wali po tiwai gilama, te nago seꝝe bidi dabe dao. ¹¹Te bomai po dabe te Moses te nago seꝝe bidigo dabolo mayu, nago bomai po te tiwai wali, dago te bomai po bugagia wali pişabaso da, te nago dwai seꝝe daba yaibao po wali. Tiali goli, da tigidali Israelgo nago te bomai po togoyu bolama, tama dago nago po odisabo homu yalio. Dago dwai seꝝe nageba ebaso, tama nago te wali po gilama te dabolo dwai dene mabo seꝝe yai dao. ¹²Nago te seꝝe yaibao wali gilama tama te seꝝe nago te dabolo me, dago tobolu bidi dabeba me yali. Nago te Jerusalemba te dwai seꝝe mu elama, tama mu dolali. Te gasa taun me deli te Jerusalem taun dolali tiwai munu me ebeo.

¹³Nago te Mosesgo bomai po tomode wali po gilama dago te seꝝe tigidali sali. Tiali goli, megii me dago te seꝝe sabo kolesaga me tagalisiama, tama dago nageba hanalu, te dabolo bugai haliga yabo po me hanalusiawai, tama dago nago mu po wali me pişawai. ¹⁴God, dago Genuai Bidi, nago te dago yali dwai seꝝe wei ponainu sisi elama tonaluali. Tama megii da, te seꝝe nago yalio, magi baso meni, nage te doloba pai kolesaga naga ebo God dao. Tiali goli, dago te nago po me odobeo.”

¹⁵“God, te dago Genuai Bidi, te nago bomoo te dabolo ola mayu, te da te bulu Isip kantride kalabus seꝝe yali so-

go, te nago da sela asali. Tama megı me, te gasa bulu t̄ kantri we bidi dabego nago te yali bomai s̄de homu kone palama, tama augwaligo nageba genuai nogi mawai. Mu tama, dago dwai s̄ elama, tama dago dwai kolesaga hauwa yai dao. ¹⁶ Tama nago dago dwai s̄, me dwai kolesaga dabe te dago w̄j n̄q̄ dabego me ebo sulama, tama nago dabolo dwai dene sabo menama, tama te taun Jerusalem dolali. Tama te Jerusalem p̄de elaluali bulu t̄ kantri we bidi tigidali, augwaligo te Jerusalemba me, te nago we bidi dabolo me, posobo po weyu, gisugu mabo po wali. Tiali goli, megı te dago homugo te nago wado po te Jerusalemba munu ma wagi homu yali, magı baso meni, te nago taun da, tama te naga bulu dude digi ugwadu elalubao. Te polobadu nago da tau sabo wiegi yai s̄ hauwa yali, tama dago homugo nago te tiwai ma emainu homu ebo dao. ¹⁷ God, te eno gedu haluasa po me hanalubo po odao. Eno homugo te naga genuai nogide homu kone palama, tama te augwaligo dolali be te nago ma dodolabo homu yao. ¹⁸ God, te dago gela wabo odama, tama da suo. Te dade elalubo s̄ḡ, me te naga taunde elalubo s̄ḡ, suo. Da te doloba pai we bidigo tama dago nageba hanalubeo. Menio. Dago koneani, nage te homu dene eyu, olo tau sabo wiegi yai kolesaga elalubo God, tama tiyu dago nageba hanalu obao. ¹⁹ Genuai Bidi, dago gedu haluasa po wabo odama, tama dago s̄ḡ sela sayao. Genuai Bidi, dago wabo po polo odama, te da tau sao. Te taun Jerusalem dali, te we bidi dabe dali, te naga dao. Tama tiyu, te nago me tonalugio. Te naga genuai nogide homu kone palama, te da polo tau sao," eno te tama gedu haluasa po wai.

Ensel Gebrielgo te profet Jeremaiago wali po page pusalio

²⁰ Ena Daniel, eno gedu haluasa po odubadi, tama ena s̄ḡ, me eno we bidi dabego s̄ḡ, te hania pusubo s̄ yali, te Israel dabe dao. Tama eno Godiba hanalu wali, ena Genuai Bidi, te aga be te bulu dude ma s̄ emainu yali. ²¹ Eno gedu haluasa po odubadi, tama te ensel Gebriel, eno te hasia yali nade suali, te aga bola dulu, te ena bidibo pesageba asali. Tama te sogo, te dago polobadu iduali te pio ofa ebo sogo dao. ^{†22} Agai eno homu ula tega sawainu, tama agai te tama po wali, "Daniel, ena te nage homu ula tegelainu asalio, te nago wiegi yai homu kolesaga hauwa elalueibao. ²³ Daniel, Godigo nage godolo mu ebao. Tama nago gedu haluasa po wabo gagalubo sogo, agai te po me deli pusali, te eno nageba magasu asali. Megı te nago olo bugagia munaluao, tama eno nago te nedali po page pusaibao," ensel bidi Gebrielgo te po wai.

²⁴ "Godigo d̄j ilali te 70 taims 7 kibu be dabe silibo si, te agai nago we bidi dabe dali, me Jerusalem te wiegi yai ma ilabo po wali, tama aga taun dao. ^{††} Agai te tigi-

† 9:21 Luk 1:19, 26 †† Profet Jeremaiago te tama po wai, te Israel bulu kantri t̄ dwai elaludubadi, te kibu be bidi sese sela olama, nogo si, te 70 yia bidaibao wali. Tiali goli, te vesde wali po te ensel

dali we bidigo s̄ḡ sela sanama, tama augwa yali dwai kolesaga tigidali siminaibao. Tama agai te sese mane bidada pabo sogo pedalumainu ilaibao. Tama aga te Gasagi Yai Tedali Mu pesage me deli nigilaibao. [‡] Godigo te s̄ dabe te nade wali s̄ me, te profet dabego wali po me, te usu nagasu, te tama yai dao. ²⁵ Nago odama, te tiwai koneao, te Jerusalem taun ma gagalama nigaibao wabo po pedalubo sogo, te 7 taims 7-pela yia, te tama kibu be siliyu bolo yaibao, tialima te Godigo Sa Muani Genuai Bidi, aga te sabolaibao. Te augwaligo te Jerusalem dali, te taun tomode sunumi dabe, me te taun bagulali genuai masigi obo dabe, te ma nigaibao. ^{††} Tama te Jerusalem elalubadi te 62 taims 7-pela yia, teba usu naibao, tiali goli te kibu be dabede te s̄ḡ elalubo sogo dao. ²⁶ Te 62 taims 7-pela yia wali, te silibo si da, teda augwaligo te Godigo Sa Munama Nigilali Genuai Bidi ela mubaso, tama aga nai deli me elalugobeo. Tama te bomai king me deligo genuai ami hani aselama, tama Jerusalem me Godigo be dali dolaibao. Te hw̄nama dolobo s̄ me te genuai w̄ asiyu, te pobe bage daseasa soabo tiwai yaibao. Tama te genuai boi hw̄bo te elalua pidubadi, te tigidali nai sia sabo sogoba usu nama, tama tigidali nai te Godigo wali po gilama te dolaibao. ²⁷ Te kingo te d̄j wabo bomai po te hauwa we bidi dali eyu, te agai po augwaligo wali pomainu yaibao. Tama te d̄j wali po kontrak te elalua pidubadi, te kibu be a naga olama, me si teba usu naibao. Tama nosali te sela kibu be, me te kibu be pedai me badu siminigi pabo si da, teda agai te we bidi dabego te Godiba ebo tobage ofa tigidali te paliabao. Tama te king bidi agai te dwai nai mu me deli te Godigo be pedu daide ugwadu munama, tama te doado bage me nai dabe dolabo dwai nai tede munaluyu, te Godigo te king dolabo sogo bodoluba usu nagasaibao," ensel Gebrielgo te po wai dao. ^{‡‡}

‡‡

mobo bidi Gebrielgo e tama po wai, te bidi sese sela olama, nogo si wabo te "70 kibu be," te 70 kibu be po olama, te po dolo wabeo wali, te "Sarere 70" po da olama walio. Bidi hauwago te tama homu yali, "te Sarere" po wali te Hıbru pode te kibu be a naga olama, me si, te tama olama d̄j ilali. Tama tiyu, te 70 Sarere tede te 70 taims eyu da, te kibu be a naga me si teba ma te kibu be 490 dao. Tiali goli, bidi mebagı te homu yali, te Hıbru pogo te Sarere dabede te po dolo wali da, te homu yai. Tama te gasa bidi dabego homugo te nosali badu pedelabo nai dabede te olo po begelibo po naga wali homu yai, tama te dolo sogo mu me d̄j ilibe homu yai dao. [‡] Bidi mebagı homugo dago te po begelina homu yali, "Te agaduba tedali habu selai bulu mu elalueibao," te kolesagade, te "God aga digi te bidi me deli d̄j ilaibao, te bidigo te wiegi yai doloba pai kolesaga yabo bidi dao." ^{††} Bidi mebagı homugo dago te vesde wali po te e tiwai begelinao homu yalio, "Nago odama, te tama koneao, te Jerusalem ma nigaibao weyu, te po ma pedalubo sogo da, te 7 taims 7 kibu be olama, te 62 taims te 7 kibu be te silibo si da, teda te Genuai Bidi Godigo D̄j Ilali Bidi pedelaibao. Te sogo tomode augwaligo te Jerusalem taun ma nigiyu, te taun tomode sunumi dabe me nigiyu, tama te taun bagulali genuai gamia dali te dodolama nigaibao. Tiali goli, te kibu be dabede te s̄ḡ yabo sogo dao." ^{‡‡} Te Hıbru pogo te ves 27de wali po te kuna konesiawai, tama bidi mebagı te po gasa kolesagago begelibo s̄ yali. ^{‡‡†} 9:27 Dan 11:31; Mat 24:15

Danielgo na te wẹ Taigris sesegede suali

10 Te sela wabo kibu bede te Sairus te Persia king bidali side, Godigo po me deli te Danielba mawai, agai gasa nogi te Beltesasar dao. Tama te genuai dwai sogo mu pedelaibao wali, te mu po dao. Te po te na ebo tiwai agaba pedelali, tama agai te na suali sogo, agai te po page koneai.

² Te sela wabo kibu bede Sairus te king bidali side, ena Daniel, eno te haliga sẹgẹ dwai mu elama, tama eno te gela naga wabo sẹ idu, te Sarere selaba usu nani. ³ Te Sarere selade, eno te wiegi yai nai me tusiayū, ma te wiegi yai nai hasa me deli te me tubeo. Eno te wain wẹ tusiama, tama eno tobolu nisi dwasianu me dodolobeo. ⁴ Tialima, te namba wan polua te deli polua te dei 24de, te kibu be, ena te genuai wẹ Taigris sesegede dolaluai. ⁵ Eno te ugwaba tonobadi, tama eno te bidi me deli te nami ugwa wiegi yai beali bidi suali, tama augwaligo te wiegi yai golgo nigali kukulu muai. ⁶ Aga tigi te ula mu yali, te wiegi yai sawi yai masigi me deli te ula mu yai tiwai. Aga gesabidi te dagalude elalubo be sele ula tiwai eyu, tama agai gedu te sole ula tiwai yali. Agai nogo me sạgạ te ula mu yali, te augwaligo te brasgo nigali nai bugagia penai ula ebo tiwai yai. Tama eno odali, agai wabo po te genuai mu, te genuai we bidi hani dabego po wabo tiwai yalio. †

⁷ Ena deligo naga eno te nai te nade subo tiwai yai. Te ena dali bidali bidi dabe augwaligo te magi nai deli me subeo, tiali goli augwali wi dwai mu elama, tama augwali wi pelama, duala sigi pai. ⁸ Tama ena duba deli naga bidiyu, tama eno te nai suali te gasagi yai sẹ tedali mu yai. Eno te nai te nade subo tiwai elama, tama eno bomo tigidali te sia selama, te eno gesabi te mu gasa me hasegelai. ⁹ Tialima, eno te bidigo po wabo odali, tama eno agai dogonide po wabo odobo sogo, eno gedu gẹg page elama, tama ena te tọba degasa dulama, te ena isai bidi tiwai elama, tama ena gesabi tọba ponama, pila muai. ¹⁰ Tama eno odobadi, te bidi me deligo nogogo ena nogo tulama, te ena ugwaba hodolali, tama eno nogo me sạgạ si te tọde poaluyu, dolaluai. Tiali goli, ena wi edubadi, tama ena didibili idualio.

¹¹ Tialima, te bidigo enabolo te tama po wali, “Daniel, Godigo nage godolo mu ebao,” wali. “Nage hodaluma, te eno nageba wainu ebo poba te nago olo bugagia muao. Godigo digi ena tagala palobaso, tama ena nageba asali,” te po wai. Agai po ola simanobo si, tama ena dolugulali, tiali goli ena didibili me idualio. ¹² Tama agai po ma weyu, te tama po wai, “Daniel, nage wi igio. Te nago gagalu, te naga digi naga aiyaba elaluama, te Godigo nageba yabo sẹ koneainu tiali sogo, Godigo nago te gedu haluasa po wabo odama, tama ena tagala palai dao. ¹³ Ena polo asainu homu yai, tiali goli te bulu tọ kantri Persia tonalubo dwai enselgo te ena gealubadi, te dei tolaluai. Agai te tama tiali, tama te polalubo ensel me deli, Maikel, te ena tau

† 10:6 Ped 1:13-15; 2:18; 19:12

sagasu asainu yali, magi baso meni, agai te enaduba deli naga te bulu tọ kantri Persia king dabe dali bidibo suali, tama ena tau sabo bidi me meni yai. ††¹⁴ Ena nageba te po wagasiyu asali, te nago we bidiba te tigi-dali nai sibi sia sabo sogo te pade te sẹ pedelaiba po wagasalio. Nago suali, meba nai te sogo pedelali, tiali goli megi eno nageba te gasa sẹ nosali pedelabo po ola magasali,” agai te po wai.

¹⁵ Agai te po wabo sogo, eno te tọba tonono elama, tama eno pedauwali pania sai dao. ¹⁶ Tialima, te bidi te da tọde bidi tiwai da, agai te aga nogo te eno pedauwaliba muai. Tama eno pedauwali dagayu, tama eno agaba te tiwai po wali, “Genuai bidi, eno te na sulama, tama ena wi dwai mu elama, tama eno bomo tigidali silalio. ¹⁷ Tama tiyu, eno magi po nageba waibawe? Ena te sẹ bidi me deli te genuai bidigo gedude dolalubo tiwai ebao. Eno bomo meni baso, tama eno po wabo mobo meni yai,” eno te po wai.

¹⁸ Tialima, te bidigo ena ma tola selama, te ena bomo pedelali. ¹⁹ Tama agai enabolo te tiwai po wai, “Godigo nage godolo mu ebaso, tama nago haliga nagame igulama bidao, tama nage wi me igio. Nage bomo elama, dolaluo,” wali.

Agai po ola siminama, tama eno bomo genuaiba mu eyu, te agabolo te po wali, “Genuai bidi, megi nago enaba te nai dabede po wao, magi baso meni, nago ena bomo ilali dao.” ²⁰⁻²¹ Tama agai te po wali, “Nago koneani, magi baso ena nageba asaliwe? Ena asali, eno te Mu Po Wabo Bukude Aşani Po meba pusagasu ula tegelagasalio. Tiali goli, eno sesabi elama me bidigobeo. Te ena polo ma pelama, tama te bulu tọ kantri Persia tonalubo dwai ensel dali hwjgi paibao. Tama te hwjbo silibo si da, te bulu tọ kantri Grik tonalubo dwai ensel sabolaibao. Te de me deligo ena tau me sabe, Maikel, te dage Israel dabe tonalubo ensel, te agai deligo naga ena tau sabo dao,” te po wai. †

11 “Magi baso meni, te hasia kibu bede mu Darius, te bulu tọ kantri Midia bidi, te aga te Babilon king bidali side, eno te Maikel tau sali.” Te bidi tiwai bidi te po enabolo tama wali.

Te Isip king dabe, me Siria king dabe, augwa hasi boi hwjbo sẹ yaibao wali po

² Tialima, te bidigo po ma weyu, agai enaba te tiwai po wali, “Daniel, odao. Eno te nageba po wainu ebo sẹ dabe, te mu tama pedelaibao. Te king sela me ma pedelama, tama te bulu tọ kantri Persia tonalueibao. Tama nosali te king me deli ma pedelaibao. Te me si me si wabo kingo te mone me doado bage hauwa elalueibao, te Persiade bidibo gasa king dabe aiyaba elalueibao. Tama agai bomo te genuai pedalubo sogo, agai doado bage hauwa elalueibao, agai te tigidali Grikba haliga dwai yabo sẹ ilama, tama te augwaligo agaba hwjbo homu ilaibao. ³ Nosali te gasa bomai king me deli pedelama, te agai te bulu tọ kantri hauwa, me te we bidi hauwa tonalueibao. Tama mena sẹ agai homugo yainu homu yali sẹ, te sẹ agai eyu na-

†† 10:13 Ped 12:7 ‡ 10:20-21 Ped 12:7

ga yaibao," wai. ⁴"Tiali goli, aga bomo te genuai ped-alubo sogo da, teda agai tonaluali bulu t̄q kantri te pe-da pelama, tama te kantri bulu t̄q me si me si pede-laibao, tama aga wai te ogwa dabego digi te bulu t̄q kantri me tonalubo s̄q egobeo. Menio. Te gasa bidi dabego augwali tonaluaeibao," wali, "tiali goli, augwali-go bomo te bomai kingo bomo tiwai si me elalusīwaibao," wali.

⁵"Te sogo te saut badu bidali te bulu t̄q kantri king, te Isip t̄q da, te bomo elaluaeibao. † Tiali goli agai polaluali ami ofisa bidi me deli te gasa bulu t̄q kantri te not badu king pedelaibao. Tama agai bomo te genuai mu elama, tama te Isip kingo bomo aiyaba elaluaeibao. Tama te ofisago tonalubo bulu t̄q kantri te genuai mu pedalugulaibao. ⁶Te kibu be mebade nosali te Isip kingo te agai wegi te bulu t̄q kantri not badu bidibo kingo somainu mawaibao, te kantri te Siria dao. Te tama tiali, te bulu t̄q kantri si te bugagia bidainu yaibao. Tiali goli, te wego bomo te sesabi sogo elama bidibeo, tama aga bidigo bomo me te silaibao. Te augwaligo te we ela muyu, te aga dali pali hani me eleyu, tama aga aya me, aga bidi me elaibao. ††⁷ Nosali dwasianu bidama gana, te we aga dali deli kaneme bidi me deli te Isip bulu t̄q kantri king pedelaibao. Tama te king pelama, te Siria t̄q kingo ami bidi dabe dali hwjgi pelama, tama te taun bomai obo banis elalubo tomoba pelama, tama te Siria dabe dali hwjnama, te augwali aiyaba elaluaeibao. ⁸Agai te augwaligo tibo god dabego piksa dali, te tibo god augwa wiegi yai doado bage dabe dali, tigidali saibao, te augwaligo gol me silvago nigali. Tama agai te tigidali nai doado bage te Isipba sela paibao. Te hwj̄sq̄badi kibu be meba bidaibao, ⁹tama nosali te Siria king te Isipba pelama, te Isip dabe dali hwjaibao. Tama aga bulu t̄q kantriba ma geasa paibao," agai te po wai.

¹⁰Tama po ma weyu, agai te po wai, "Te Siria kingo ogwa dabego te ami hauwa umabo selama, te sisinagaselama, te augwaligo hwj̄abo sisi yaibao. Tama polo tama te kingo ogwa dabe me deligo te ami dabe selama, te augwali asesala polo pelama, te bulu hauwa aiya-ba elalu, te w̄q̄ genuai asobo tiwai yaibao. Tama augwaligo te bomai obo banis elalubo taunba hwjgi paibao, te Isip kingo tonalubo bulu t̄q̄ba pelama, hwjgi paibao. ¹¹Tialima, te Isip kingo te wado ebo homu s̄q̄b̄q̄ genuai mu elalu, te aga pelama, te Siria kingba hwjgi pelama, tama agai te genuai ami aiyaba elalua-ma, tama augwali kalabus yaibao," wali. ¹²"Agai te

† Te Hibu pogo te kantri si nogi te tiwai, te Isip me Siria te augwaligo nogi dolo nogi ebeo. Menio. Augwaligo te tama po wai, "te not badu kantri t̄q," me "saut badu kantri t̄q da," te tama wali. Tiali goli, te Daj 11, ves hauwade, te tiwai suali, "te not badu kantri," wali, te kantri Siria dolo po walio, te kantri t̄q te Israel t̄q not pedai badu elaluali. Tama te "saut kantri" wabo, te Isip kantri po dolo wali, te kantri t̄q te Israel t̄q saut badu elaluali. Tiali goli, te Daj 11 silagasu wali pode bidi mebago te tama homu yali, te bukude wali pogo te bulu Isip de Siria side te po ma wabe homu yalio. Menio. Agai te gasa kantri bulu po olama wali homu yalio. †† Hibu pogo te vesde wali po kuna konebe homu yai. Meba bidigo homugo te vesde wali po te wego waide po wali homu yali, tama te aga ayade te po wabe homu yalio.

hwjanide te aga wiegi yai homu pemene yaibao. Agai te ami bidi hauwa umabo mu elaibao, tiali goli agai te yali bomo tiwai te sesabi elama gana me elalugobeo," wali.

¹³"Siria kingo te genuai ami hani mu sisinaibao, te polobadu hwjgi pali ami dabego namba te aiyaba elaluaeibao. Tama nosali kibu be mebade, agai te genuai bomai ami selama, te augwaligo te Isip king dali hwjgi paibao. Tama augwa te hwjgi pabo sogo, te augwa te nai hauwa dali sela paibao. ¹⁴Te sogo te bidi hauwa te Isip king dali boi bidi yaibao. Tama te Daniel, nago hanide te hwjbo bidi mebago te nai me deligo po te nade wabo po tiwai odaibao. Tama augwaligo te Isip dabeba hwjyu, te nade wali po te mu pedalumainu yaibao. Tiali goli, augwali te hwjbo side menia saibao. ¹⁵Tama te Siria t̄q king te aga ami dabe dali aselama, te bomai taun me deli bagulama, te augwaligo hwjnama, te taun saibao. Tama te Isip ami dabego te munu me ma hwjgobeo. Te augwa wiegi yai bomai ami dabego me te bomo meni yaibao. ¹⁶Tama te Siria t̄q kingo te magi s̄q̄ yainu, te aga homugo digi ebaso, te mena bidigo aga me paligobeo. Agai te Godigo aga we bidi dabeba te wiegi yai mani t̄q saibao, tama agai te nai dabe dolobo s̄q̄ yaibao," wali.

¹⁷"Nosali te Siria kingo aga ami dabe tigidali umabo mu selama, te Isip bulu t̄q kantriba hwjgi pabo homu yaibao. Agai te wiegi yai s̄q̄ meba yabo homu elama, tama agai te tama tiaibao. Tama me, agai te aga wegi te Isip kingba tagala palama, somainu yaibao. Agai te tama tebo sunumide te Isip kantri bulu t̄q aiyaba elaluabo usu yaibao homu yaibao. Tiali goli, agai te tama homu yali te geda mueibao, tama te nai me deli agai me sogobeo. ¹⁸Tama nosali agai te tamu āj sesegede elalubo bulu t̄q kantri dabeba hwjgi pelama, te agai hauwa bulu t̄q kantri aiyaba elaluaeibao," wali. "Tiali goli, te gasa bulu t̄q kantri ofisa me deligo te aga hagoma kolesaga silimainu yaibao, tama te hagoma kolesagago aga digi aga mu dolaibao. ¹⁹Tama te Siria king te aga bulu t̄q kantriba ma geasa pelama, tama te bomai obo banis elalubo taunde bidaibao. Tiali goli, aga te tulalu dolama, tama te bidi dabego aga munu ma me sugobeo. ²⁰Tialima, te gasa kingo agai bidali pesage selama, tama agai te takis mone sabo bidi me deli tagala palaibao, te takis mone somainogo. Magi baso meni, agai homugo te agai te king bidi bididubadi, agai te wiegi yai doado bage elaluaeibao homu yaibao. Tiali goli, te king te P̄wadage sogo naga tama bidama, tama te aga isaibao. Agai te hwj̄bode me isigobeo, tama me te mena bidigo te wado po aga dali olama, te aga me ela mugobeo. Tama te bidi dabego te magi pagede mu aga isali, te page me konegobeo," wali.

Te king dwai mu me deli te kantri Siriade pedelaibao

²¹Tama te bidi te da t̄q̄de bidi tiwaigo te enaba po ma wali, Danielba, te tama po wali, "Nosali te gasa Siria king pedelaibao, tama aga te dwai bidi mu yaibao. Te bidi aga te king pedelabo bidi tiwai āq̄

isawabao, tiali goli polo tama te aga pedelama, tama te haniani homu bega sabo po me tibo po weyu yaibao, tama aga digi te Siria king bidimainu ilaibao," wai. ²² "Te genuai ami hanigo hwjagasali te tagalao, agai te augwali aiyaba elaluama, tama augwali mu silaibao. Tama me, agai te Godigo we bidigo hetpris aiyaba elalueibao. ²³⁻²⁴ Te agai bulu t̄ kantri te dwasianu yali, tiali goli agai te bulu t̄ kantri bidi meba dali te tibo po daḡ walama, te agai homugo te augwali dali bugagia bidabo homu yainu ebo tiwai yaibao. Tiali goli, te agai augwaligo hwjabo homu meni yai elalubadi, te agai polo tama augwali dali hwjaibao. Tama tebo kolesagade te aga bomai king pedelaibao. Te agai augwali dali te hwjani bulu t̄ kantri dabe, te mone doado bage me hauwa elalubo bulu t̄ kantri dali hwjaibao. Tama agai te hwjnama sali wiegi yai nai dabe te aga abagi solo dabeba dobawaibao. Te aga w̄j n̄ḡ dabego te tobage kolesaga polobadu isawai. Agai te boi hwjabo homu elama, tama te bomai obo banis elalubo taun sainu tiaibao, tama meba saibao. Tiali goli, agai te tobage kolesaga te p̄wadage sogo naga yaibao."

²⁵ "Te kingo te Isip kingde wi me egobeo. Tama tiyu, agai te genuai ami me deli sisinama, te Isip dabe dali hwjaibao. Tama te Isip kingo te genuai bomai ami selama, tama augwaligo me te Siria king dali hwjabo sisi elaluali. Tiali goli, Isip kingo ugwaba ela me hologobeo, magi baso meni, te bidi mebago aga geanabo po minama, tama aga tibo po mu ola mawaibao. ²⁶ Te aga ofisa dabego digi te aga dolaibao. Tama te Siria dabego agai ami dabe mu dolama, tama te bidi sese hauwa tausen ami ela mueibao. ²⁷ Tama nosali te king augwa si te deliba dugulama, nai tueibao. Tiali goli, te augwa si homu te dwai elalu, te augwa si po dogia pabo po te pedauwalidu weyu, te augwali siba digi tibo po waibao. Tama augwali sigo te yainu homu yali s̄ te me egobeo. Magi baso meni, te Godigo te s̄ emainu sa muani sogo bodolu te pedalis̄badi digi ebao. ²⁸ Tama te Siria kingo te agai hwjyu sali doado bage tigidali selama, tama te aga bulu t̄ kantriba ma paibao. Agai te Godigo lotu po wabo we bidi augwali dolabo homu bomo yaibao. Tama agai yabo homu yali s̄ tigidali te agai eyu naga yaibao, tama nosali aga te aga bulu t̄ kantriba ma paibao," te po wai dao.

²⁹ "Te Godigo sa muani sogo, te Siria king te Isipba pelama, te Isip dabe dali ma hwjgi paibao, tiali goli agai te polobadu augwali aiyaba elaluali tiwai gilama me egobeo. ³⁰ Tama te giliga degasa dulubo badu bidi dabe te Isipba gebadu aselama, tama aga dali hwjbaso, tama aga wi yaibao. Tama agai te wado po dwai mu olama, ma begasa peyu, tama agai te Godiba lotu wabo we bidi dabe dolaibao. Agai te God tudiba mubo bidi dabe dali dwagi yai s̄ yaibao. ³¹ Te agai ami bidi mebago te Godigo be te God gedude meda ilaibao. Tama te Israel dabego te Godiba tigidali sogo ofa ebo te habu selaibao, tama augwaligo te dwai nai mu te Godigo be tomode dodolai elalueibao," te po wai.

^{†32} "Tama kingo te God tudiba mubo bidi dabe bega

sabo po olama, tama te augwaligo aga wali paibao. Tiali goli, te God dologoba mu pelama bidali we bidi da, teda augwali te bomonama dolalu, te king bidigo po wali pogobeo. ³³ Te Israel dabe augwa polalubo bidi dabego te koneani kolesaga wiegi yai elalui, tama augwaligo tau siyu, te we bidi hauwa dodolu, tama augwaliba te wiegi yai homu kolesaga mawaibao. Tiali goli, te boi bidi dabego te polalubo bidi dabe meba te bainatgo elama, te meba siaba ulama, isaibao. Tama augwaligo te polalubo bidi dabego doado bage meba wi selama, tama te polalubo bidi meba kalabus yaibao. Tiali goli, augwaligo te tebo kolesaga te bobobage sogo sesabi gana elama me egobeo. ³⁴ Te boi bidi dabego te Israel polalubo bidi dabe elebo sogo, te bidi mebago te polalubo bidi dabe tau saibao. Tiali goli, te augwali hauwago te augwade digi tau sabo homu elalu, te polalubo bidi dabe tau sabo s̄ yaibao. ³⁵ Te boi bidi dabego te polalubo bidi meba dolaibao," wali, "tiali goli, augwaligo te s̄geḡo te gasa polalubo bidi meba daḡ waliyu, te doloba pai kolesaga emainu yali, tama te augwali God gedude magi meda isawai mu pedelaibao. Te tobage kolesaga te me siligobeo. Te tama elalua pidubadi, te Godigo te tigidali nai sia sabo bodolu muani siba usu naibao," wali.

³⁶ "Te kingo te mena s̄ dabe te aga homugo digi yaibao. Aga te hagoma eyu, te aga digi aga nogi ugwaba siyu, e tama po waibao, 'Eno te tigidali god elalualio,' te po waibao. Tama agai te tobage posobo po dabe te Ugwadu Bidibo Godigo nogi aiyaba elalu, tama waibao. Agai te tama tobage kolesaga ela pidubadi, te Godigo haliga s̄beḡ yaliba usu naibao, magi baso meni, Godigo agai te yaibao homu yali s̄ tigidali ebo dao. ^{††37} Te kingo te aga w̄j n̄ḡ dabego tibo god te wei elama, godolo me eyu egobeo, tama te tibo god te we dabego wei elama godolo ebo god dabe me, te godolo meni yaibao. Tama agai te tigidali god tudiba muaibao, magi baso meni, aga homugo te aga polalu, te augwali aiyaba elaluali homu yaibao.

³⁸ Te agai te genuai nogi te tibo god me deliba naga mayu, te bomai obo banis elalubo hanu tonalubo god da homu yaibao. Te kingo w̄j n̄ḡ dabego polobadu te godiba lotu me wasiawai. Tiali goli, te kingo te silva, me gol, me te sawi yai masigi, tama te gasa wiegi yai nai dabe te godiba te ofa tiwai elama, mawaibao. ³⁹ Tama agai te bomai obo banis elalubo taun sigi painu hwjgi pabo sogo, agai te gasa tedali hanigo godiba hanalu, te aga tau somainu yaibao. Tama aga te bidi dabe augwaligo king bidimainu godolo ebo bidi dabeba te genuai nogi mawaibao. Tama agai augwali te polalubo bidi dabe pedalumainu elama, te t̄ dage augwaliba mawaibao, te agai augwalide te aga tau sali wei ponobo tiwai yaibao," wali.

⁴⁰ "Te tigidali dagalude me t̄de nai sia sabo sogo da, teda te saut t̄ badu te Isip kingo te Siria bulu t̄ te not badu bidali king dali hwj yagasaibao. Te polo tama te Siria t̄ kingo te hwjbo nai karis dabe, me hos, me te

† 11:31 Dan 9:27; 12:11; Mat 24:15; Mak 13:14 †† 11:36 2 Te 2:3-4; Ped 13:5-6

hwjbo sip dabe selama, tama asesa polo pelama, te Isip king dali te bomo elama, hwjgi painu yaibao. Agai te bulu t̄q kantri hauwa te āj genuai asobo tiwai elama, aiyaba elalueibao. ⁴¹ Te ami dabe te Godigo aga we bidiba mawainu yali wiegi yai t̄qba sabolaibao, tama augwaligo te genuai hani we bidi ela mueibao. Tiali goli, te amigo te bulu t̄q kantri Idom, me Moap, me te genuai bulu t̄q kantri Amon, te badu me sogobeo. ⁴² Te kingo te bulu t̄q kantri hauwa aiyaba elalu, me te Isip t̄q kantri bugagia sula tagalu elalumainu me egobeo. Menio. ⁴³ Agai te gol, me silva, me te gasa wiegi yai doado bage dabe te Isip dabego genuai monego abelibo nai dabe saibao. Tama te bulu t̄q kantri Libia me Itiopia sigo te aga tau saibao. ⁴⁴ Tiali goli, nosali te bidi dabego agaba te giliga pedalubo badu, me te not badu te nai dabe agaba pedelabo po obaso, tama te pogo aga wi ilaibao. Tama aga haliga dwai mu elama, te hwjbo bomu mu igi pelama, tama te we bidi hani hauwa mu silaibao," walio. ⁴⁵ "Tama agai te aga genuai ugwa be s̄q yaibao, te genuai tamu āj Mediterenian edaba togoliyu, te Godigo polalubo bulu du ugwaba togoliyu elama, tomode agai te genuai wiegi yai name ugwa be dabe s̄q yaibao. Tiali goli, te aga dolama, tama te mena bidi me deligo aga tau me sogobeo," te bidi te da t̄qde bidi tiwaigo te po wai.

Sabi simanobo sogo wabo po

12 Tama te bidi te da t̄qde bidi tiwai, agai te Danielba te tama po ma wali, "Te sogo te polalubo ensel Maikel te pedelaibao, te dage Israel dabe tonalubo ensel dao. Te sogo te genuai s̄q̄q̄ mu pedelaibao. Polobadu te tobage s̄q̄q̄ tiwai te bulu t̄q kantri me delide pedalubeo. Te s̄q̄q̄ pedalubo sogo, teda te Godigo dage te Israel we bidi tigidali dobola ma saibao, augwali nogi te agai bukude elalualio, tama te augwali bugagia bidaibao. ¹² Tama Godigo te genuai hani isali we bidi ma hodolaibao. Meba augwaligo te sesemane sogo bidada peyu, bidada pabo wiegi yai ula saibao. Tiali goli, mebago te hale genuai mu elaluyu, tama augwali te sesemane sogo bidada peyu, bidada paibao. ^{†13} Te wiegi yai kolesaga koneai elaluai bidi dabe, te augwalide ula ebo te dagalu ula mu te hulide ebo tiwai yaibao. Augwaligo te we bidi hauwa te doloba pai kolesaga wali pomainu dodolali, tama augwa ula te sesemane elalu, te h̄q̄ ula tiwai yaibao. ⁴ Tialima, megī da, Daniel, nago te po dabe elalubo buku te haluao. Tama nago d̄aj̄ tede muao, te bidi dabego te buku habu seliyu, tama tiao. Te buku te halualudubadi, te tigidali dagalude me t̄qde nai silibo si te p̄q̄ba usu naibao. Tama we bidi hauwago te po page koneainu, iba soyu, eda soyu eyu, s̄q̄ dene mu yaibao. Tiali goli, te augwali usu me egobeo," te bidigo te po wali. ^{‡†}

† 12:1 Mat 24:21; Mak 13:19; Ped 7:14; 12:7 †† 12:2 Mat 25:46; Jon 5:29 ‡ Amos 8:12 tede te tiwai po naga elalubao. Tiali goli, te

⁵ Nosali ena, Daniel, eno te gasa bidi si te w̄q̄ sanede dolalubo suali. Me deli te ena dolalubo badu dolaluai, tama me deli te w̄q̄ u badu dolalualio. ⁶ Te dolaluali bidi si te bidi me deligo te wiegi yai nami ugwa belama, te w̄q̄ tomo daide ugwadu dolaluali bidibolo te po walio. Agai te tiwai po wai, "Nisu sogo mu te gasa tobage noma sabo s̄q̄ dabe pedelama, te mu siligowe?" ⁷ Tialima, te wiegi yai nami ugwa beali bidigo, agai te aga nogo si dali te dagaluba nogo t̄q̄ elalu, tama agai te tama po wali, "Te Sesemane Sogo Bidibo Godigo nogide, eno mu po obao, te gasagi yai pedelali te tobage nai dabe te elalua pidu, te kibu be sela olama, me kibu be pedaiba usu naibao. Tama te Godigo we bidigo bomu te mu sia sigi pabo sogo, te augwali mu dolobaso da, teda te s̄q̄ dabe me te sia saibao," wali. ^{‡‡}

⁸ Eno agai te po wabo odali, tiali goli eno kuna mu bugagia konebeo. Tama eno agaba te tama po hanalu wali, "Tiali goli, genuai bidio, te s̄q̄ dabe te magi elama silaibawe?"

⁹ Tiali goli, agai po wei ponoyu, te tiwai po wali, "Daniel, nage pao. Magi baso meni, te buku te halualio, te ma dagabo te habu selali, magi baso meni, te po page te game dualaludubadi, te dagalu me t̄q̄ silibo sogoba usu naibao," wali. ¹⁰ "Te s̄q̄q̄ dabe pedelali te hauwa we bidi d̄aj̄ waliyu, te doloba pai kolesaga emainu yai, tama augwa te magi meda meni yai wiegi yai mu te God geduba pedalumainu yaibao. Tama te wiegi yai homu kolesaga koneai elalualio we bidi, te augwaligo naga te s̄q̄ dabe page koneaibao. Tiali goli, te dwai we bidi dabego te s̄q̄ page koneainu ebaso, usu me egobeo, tama te augwaligo dwai kolesaga hauwa mu ebo s̄q̄ yaibao," wali. ^{‡‡}

¹¹ "Te boi bidi dabego te Israel dabeba te Godibolo tigidali sogo ofa ebo kolesaga tagala weyu, tama augwa te doado bage me nai dabe dolabo dwai nai mu te Godigo be tomode dodolobo side gagalama, tama te 1,290 bodolu sogo wali te siligi pomainao," walio.

^{§12} "Tama te we bidi bomu elalu bidibaso, tama te God tonalu, te 1,335 bodolu sogode usu nama te siligi pabo side, augwa wiegi yai homu pemene emainao.

¹³ Tama Daniel, megī nage te bomu elama dolalu, te dagalu me t̄q̄ silibo siba usu nao. Te nage isaibao, tiali goli nosali te nage ma hodaluama, tama te tigidali nai siligi pabo side, te Godigo nageba sa muani nai dabe saibao," te wiegi yai name ugwa beali bidigo te po wali.

Hibru pogo te page kuna konebeo. Mebago te homu yali, te po e tiwai wali homu yali, "Te we bidi hauwa te tigidali t̄q̄ habu usu nama bilaibao, tama augwaligo te gasa tobage s̄q̄ hauwa koneainogo yaibao." †† 12:4 Ped 22:10 ‡‡ Te Hibru pogo te vesde wali po kuna konebeo. Meba bidigo homugo te homu yai, agai te kibu be sela olama, me kibu be peda sigi pali homu yali. Tama meba bidigo homu te agai po game dualama weyu, tama te nisu sogo te s̄q̄q̄ pedeliyu siligowe, te dago kuna konegobeo. ††† 12:7 Ped 10:5; 12:14 ‡‡‡ 12:10 Ped 22:11 § 12:11 Dan 9:27; 11:31; Mat 24:15; Mak 13:14

Profet Hoseago Buku

Hasia nedebo po

Te Hosea buku te namba wan buku te nogo si olama, saḡaḡo si, te 12, te profet dabego pɛwadage buku me deli dao. Te meba gasa profet bidi dabego buku, te profet Aisaia, me profet Jeremaia, me Esekiel, te augwali bobobage buku dabe dao. Tama tialima, te 12 wabo te buku te 12, te nogo si ugwadu si wabo, augwaligo te pɛwadage buku nogi wabo dao. Te Hoseago profet po te Israel bulude, te not badu, te Asiria dabego te bulu dolagasabo magade pusai dao. Teda te genuai seḡe elaluyu, tama te Israel hani te sogo dodolama mu bidai dao. Te Hoseago pusali pode te wiegi yai po dage elalubao. Tiali te me badu polobadu da, te we bidi dabego augwa dwai dwai kolesaga dodolomainu po wai, te elalubao. Augwaligo God tagalama, augwaligo tibo god dabe wali pai dao. Tama me badu pedai badu da, agai te Godigo homu nagame elama, bidi olodali tau sabo po page pusali. Agai te bidigo seḡe sela saḡama, tama God aga ma oda sabo po pusali. Te Hosea aga bidali kolesagago te Godigo ebo kolesaga tiwai yali. Hoseago we subigila pelama, tama subigila penani seḡe ela bilali. Te Israel dabego God tagalama, te subigila te tibo god dabe wali pabo tiwai yali. Tiali goli, nosali Hoseago aga we ma sali. Te da, te Godigo aga we bidi ma sainogo homu dene ebo kolesaga te piksa tiwai dao. Godigo aga we bidi godolo mu eyu, tama agai augwali me tagalabo homu me ebeo.

Hosea aga we wai augwaligo po

(Daj 1-3)

1 Te Usia, me Jotam, me Ahas, me Hesehia, te bage deli deli augwali te Juda dabego king dabe bida bida pali sogo, God Genuai Bidigo agai po Hoseabolo mawai. Hosea da te Berigo ogwa dao. Tama Jeroboam, te Jehoasgo ogwa, te Israel king bidai dao. Te bidi dabe king pedelama bididubadi, tama Genuai Bidigo Hoseabolo te po maduai. †

Hoseago wego te wai dabe ame nai

2 Hasia sogo Genuai Bidigo te Israel dabeba maiabo po te Hoseago pedauwaliba muani, agai Hoseabolo te tiwai po wai, "Eno we bidi dabe augwaligo ena homugo wei me ebeo, tama augwaligo te tibo godiba lotu wagi pobao, te bidigo sai wego penani igi pabo tiwai ebao. Te usu siyu, nago te we me deli sigi pao, tama nosali te wego penani yaibao. Tama agai wai dabego me te aga ebo kolesaga tiwaiba peyu, te penani seḡe yaibao," wali. **3** Tialima, Hoseago te we Gomer sali, te Diplaimgo wegi. Nosali Gomer haliga elama, te ogwa me deli ame nai. **4** Tama Genuai Bidigo te po wali, "Nago aga nogi 'Jesril' poao," wali, "magi baso meni, te Israel king bidigo waj nɔy Jehugo te king bidi si

polobadu ela muai, te Jesril bulude. Tama te ogwa nogi Jesril poabogo eno te megii bidibo Israel kingba daj ilibo seḡe tiwai ebao, te eno agaba dwai dene tamadi tama mawaibao, te Jehugo yali dwai seḡe wei ponoyu tiaibao, te aga waj nɔy dao. Tama eno te Jehugo hani king pedalumainu me egobeo. †† **5** Tama te sogo eno te Israel hanigo amigo bomo dolaibao, te Jesril odogo bulude tiaibao," te po wai.

6 Nosali Gomer te haliga ma elama, te wegi ame nai. Tama Genuai Bidigo Hoseabolo te tiwai po wai, "Aga nogi e tiwai nogi yao, 'Eno Aga Godolo Ebo Menio'. Magi baso meni, eno te Israel dabe godolo homu me egobeo, tama eno augwaligo seḡe me sela saḡobeo. **7** Tiali goli, eno te Juda we bidi dabe godolo ebao. Tama ena God, te augwa Genuai Bidi, te eno augwali tau saibao. Tiali goli, eno te hwjibode te bainatgo me enesigi sesemonego te augwali tau selama, me hwjigobeo. Tama eno te ami dabe me hos dabe dali tagala palama, te Juda we bidi tau sagasomainu me egobeo. Menio. Eno gasa sunumi me elalubao," wali.

8 Nosali te Eno Aga Godolo Ebo Menio wali wegi agai te ame tubo tagalubo side, teda te Gomer te haliga ma elama, tama gasa ogwa ame nani. **9** Tama Genuai Bidigo Hoseabolo te tiwai po wai, "Nago aga nogi e tama poao," wali, "Eno Menio'. Magi baso meni, dage Israel dabe eno we bidi menio. Tama ena dagego God bidigobeo," wali.

† 1:1 2 Kin 14:23-29; 15:1-7; 15:32-38; 16:1-20; 18:1-20:21; 2 Sto 26:1-23; 2 Sto 27:1-8; 2 Sto 28:1-27; 2 Sto 29:1-32:33

†† 2 King 9-10 tede elalubo po suo. ‡ 1:4 2 Kin 10:11

Te Israel kantri tɔ bugagia ma elalueibao wali

¹⁰ Te Genuai Bidigo po ma weyu, te po wai, "Te Israel dabe te nabisde masigi sani tiwai hauwa umabo ma pedelaibao, tama te augwaligo augwali te nedainu ebaso, usu egobeo. Megi da, te ena Godigo augwaliba te tiwai po wali, 'Dage te eno hani we bidi menio,' wali. Tiali goli, me sogo deli sogo, te eno augwaliba te po waibao, 'Ena te sesemane bidibo ula elalubo God dao, tama dage eno wai dabe da,' waibao. ^{†11} Tama te hani Juda me Israel hani si te ma gesabidi deliba elama, tama te bulu tɔ kantri dedeli naga pedelaibao. Tama augwa polalubo bidi deli naga te nigilaibao, tama augwali te bomai kantri pedelama, tama augwaligo ebo sɛ tigidali te wiegi yai naga pedelaibao. Augwali te Godigo nigali wiegi yai gi tiwai pedelaibao. ^{††} Mu tama, Godigo te sɛ ebo sogo, te genuai side mu yaibao," wali.

2 "Megi dagego duga deli kaneme hani Israel dabe nogi eyu, e tama tiwai waiɔ, 'Dage te Godigo We Bidi Dao, tama Godigo Dage Godolo Mu Yai Dao,' te po wao," Genuai Bidigo Hoseabolo te po wai.

Te Gomergo Hosea tagalali tiwai, te Israel dabego God tagalali

² Godigo te tiwai po begelama, te aga we bidiba wali, "Eno wai dabeo, dagego ida te eno we da homu me elalugobeo, tama ena te agai bidi ma elalubeo.

Tiali goli, dagego aga dali konila po weyu, agaba bomonama hanalu, te penani ebo kolesaga tagalao po wao.

³ Te agai tagalisɔbaso da, teda eno aga gudali ugwa tigidali peda sɔnana, tama aga tigi olo gagolama, te aga ame nani sogo tiwai tigi olo bidiyu, tama aga hale dwai mu yaibao.

Tama eno aga te tɔ wa pai pedalubo tiwai elama, te ni meni ebo tiwai ilaibao, tama te tuabo wɛ me meni yaibao, tama tebo kolesagago te eno aga dolaibao.

⁴ Te eno agai wai dabe homu dene me egobeo, magi baso meni, augwali te hale meni isɔwai penani we me deligo wai dabe dao.

⁵ Te wego te tama po wali, 'Te eno wei eyu, godolo homu ebo bidi dabe wali paibao,' wai.

'Augwaligo ena te nai me wɛ mayu, te gudabo ugwa dabe me mayu yali, tama te oliv wel me wain mayu ebo dao,' te po wai.

⁶ Tama te homu ebaso, te eno ni sesane dabe selama, te we bidibo pesage bagulama elalueibao.

Te eno aga soabo sunumide obogo togwa palama,

† 1:10 Rom 9:26 †† Te Godigo gi nigali po wali, augwaligo te Hibrupogo nogi yali te Jesril. Hasia bolo te wai selago nogi dwai nai nogi polali. Tiali goli, megi da, te sela nogide te wiegi yai nai naga daj ilali.

tama aga te bidi dabeba ma pobaso, te usu me egobeo.

⁷ Te agai godolo homu ebo bidi dabeba painogo pali goli,

tiali goli aga te augwaliba me pedalugobeo.

Te agai augwali gegegi paibao,

tiali goli, agai augwali me sugobeo.

Tama tibaso, agai te po waibao,

'Polobadu ena eno bidi dali bugagia bidalio,

tiali goli, megi menio.

Tama tibaso, te ena bidi muba dolo ma paibao,' te po waibao."

⁸ "Agai te tiwai kone sabo homu isɔwai,

eno digi eno aga tigidali nai mawai,

wain me wel mani,

tama te hauwa silva me gol mawai.

Tama agai te silva me gol te naigo

te tibo god Balba lotu wabo sɛ yai.

⁹ Tama tibaso, te gide nai inilama sabo side,

eno te nai dabe me wain agabolo mani nai

te eno ma saibao.

Tama aga tigi bolo olo elalu idali weyu,

eno te gudubo ugwa dabe polobadu mani.

Eno agabolo te mani gudubo wiegi yai

ugwa dabe me ma saibao," wali.

¹⁰ "Tama eno agai gudali ugwa dabe

te agai godolo homu ebo bidi dabego

gedude pepeda sɔwaiabao,

te aga tigi bolu olo bidaibao.

Tama te bidi me deligo aga eno nogode

me dobola sogobeo.

¹¹ Te eno agai te wiegi yai homu pemene ebo

te genuai side wabo te tigidali mu

silimainu yaibao.

Te genuai side da wabo te tiwai,

te lotu wabo genuai side te deli deli kibu bedeped-
alu,

te deli deli poluade pedalu yai,

tama te Sabat side lotu wabo me,

te gasa tobage lotu dabe me, te tama tiwai yai.

¹² Te eno te wain ni dabe, me te ni fik kaya ni dabe

te bidi dabego aga wei elama, aga mani,

te aga mone mabo tiwai yai,

te nai dabe eno mu dolaibao.

Tama te uni hasa dabego

te wain gi dolagaselama,

tama te ni kaya fik gi me dolama,

te olo bus tiwai pedelaibao," wali.

¹³ "Agai ena hauwa sogo homu kone gegeda palali,

tama te tibo god Balba te wiegi yai

denami ebo ofa iligi palio,

tama agai te wiegi yai au dobage munama,

te aga godolo ebo bidi wali bilali.

Tama tibaso, eno te dwai dene agaba mawaibao.

Ena Genuai Bidi, eno te tama po wai dao," wali.

Genuai Bidigo aga we bidi godolo mu eba

¹⁴ Genuai Bidigo te po begelama wabo pode te tiwai po wali,

“Tialima, eno te wiegi yai po te we Israel dali olama, tama aga te masigi kemi pesageba ma kekasa paibao.

Tama eno aga homu bega sabo po weyu, agabolo te tiwai po waibao,

‘Eno nage godolo mu eba,’ waibao.

¹⁵ Te eno te wain gi dabe agaba ma menama, tama eno augwaligo te odogo nogi yali pesage Te Dwai Sęęę nogi poali pesage te hasegelaibao, tama te wiegi yai nai pedalubo pesage pedelaibao,” wali.

“Te pesagede agai te eno po wali peyu, te aga gesi wegi ogwa wede te Isip t̄o taga soyu asali sogo tiwai kolesaga yaibao. †

¹⁶ Tama agai enaba te tama po waibao, ‘Nage eno bidi da,’ waibao.

Tama agai homugo ena te tibo god Bal da, te homu munu me ma is̄ayu, tama enabolo te tobage po weyu, ‘Nage Bal, nage eno genuai bidi da,’ te homu me egobeo.

¹⁷ Te eno agai te nogi Bal ma omainu me egobeo. Mu menio.”

¹⁸ “Tama te sogo eno te daŋ wabo bomai po kontrak te buside tigidali uni hasa, me hasamani dabe dali, me ba dabe dali te po daŋ walaibao,” po wai.

“Tama augwaligo te eno we bidi dabe me dologobeo. Tama eno te hwjbo doado bage tigidali sela saŋwaibao,

te bobobage bainat ge hwa, me enesigi ene sesemane, tama eno we bidi dabe te t̄ođe dua digi tegaluama bidiyu, te augwali wi munu me egobeo,” wali.

¹⁹ “Israel, te eno nage te eno we tiwai pedalumainu yaibao, tama te nage sesemane sogo bidada pomainu yaibao.

Te eno doloba pai kolesaga nageba eyu, tama eno nage me tagalugobeo,” wai.

“Tama eno nage sesemane sogo godolo mu eyu, tama nagebolo eno te olo wiegi yai homu kolesaga yaibao,” wali.

²⁰ “Eno te ena daŋ wali po wali peyu, tama nage te eno we tiwai sesemane bidaibao.

Tama nago te tiwai koneyu, ena tama te naga Genuai Bidi da homu yaibao,” wali.

²¹⁻²² “Tama te sogo ena Genuai Bidi,

† 2:15 Jos 7:24-26

te eno ena we bidi te Israel dabego gedu haluasa po wabo te eno odaibao. †† Tama eno te tulubage t̄ođa tulumainu elama, tama augwaligo te bulali nai tigidali, te wain me wel, te hauwa holomainu yaibao.

²³ Tama eno te ena we bidi

te t̄ođa munama, tama augwali te eno nigali wiegi yai gi tiwai pedelaibao.

Polobadu eno ena we bidibolo te tama wali,

‘Eno Dage Godolo Me Ebeo,’ wai.

Tiali goli, nosali te eno augwali godolo mu yaibao.

Polobadu eno augwaliba te tiwai po wali,

‘Dage Eno Menio,’ wali.

Tiali goli, nosali eno te tiwai po waibao,

‘Dage Te Ena We Bidi Mu Dao,’ waibao.

Tama te augwaligo te tiwai po wei ponaibao,

‘Nage dago God mu dao,’ waibao.” ‡

Hosea me aga dwai we dali

3 Genuai Bidigo enabolo te tama po ma wali, “Nago te naga we godolo ma yao, megi da agai te gasa bidi dali penani yali te palia salio. Nago aga godolo mu eyu, te eno ena we bidi Israel dabe, augwali godolo mu ebo tiwai gilama yao. Mu tama, te augwaligo ena tagalama, te tibo godiba pelama, tama augwaligo te olali wain wai dabe te tibo godiba ofa yainu sali. Tiali goli, tagalao, eno te Israel dabe godolo mu idubo dao,” wali.

² Tialima, eno te we te 150 kinago, me te bali naigo paŋawai beg a naga olama, me deligo eno te we ma abelali. ³ Tialima, te eno agabolo wali, “Mu tama, nage te eno we dao, tiali goli, te megi tebode ena nage dali me pigobeo,” wali. “Hasia bolo te nage ena dali hauwa sogo elama bidao, tama te sogo nage te sunumide bilibo we tiwai me bidilamuo. Tama te eno nage naga tonalueibao,” eno te po wali. ⁴ Te tiwai naga te Israel dabe te hauwa sogo olo bidaibao. Tama te augwali tonalubo te polalubo bidi, me king bidi te meni yaibao. Te augwaligo te tibo godiba ofa me is̄ayu, te augwaligo masigi pos ni me dualis̄ama, lotu me wagobeo. Te augwaligo te haniani tibo god dabe tagalaibao, tama te piksa dabe augwa te nosali pedelabo sę konemainu ola mabo nai dabe, te tagala silaibao. ⁵ Te tiali sogo silibaso da, teda te Israel dabe te Godiba ma aselama, te Genuai Bidi deliba naga lotu waibao. Te augwaligo te king Devitgo waj̄ n̄oŋ deli naga wali paibao. Tama augwa te Genuai Bidigo po dologoba naga pobaso, tama agai te haniani wiegi yai nai augwaliba mayu yaibao.

†† Te badu pedaide, profetgo te po te Israelde wali, tiali goli, agai te Israel nogi te Jesril poali. Te Godigo dwai nai hasegelibo tiwai agai te Israelde tiali, tama augwali te wiegi yai ma ilali. Tama tibaso, te ves 22 me 23 tede wali po te tiwai, Godigo te Hoseago ogwa sela nogi hasegelali. Te Daj̄ 1:11, tede wali po suo. ‡ 2:23 Rom 9:25; 1 Pi 2:10

Godigo te Israel bage dali po elalubao*(Daj 4-13)***Genuai Bidigo Israel po tų ilali**

4 Genuai Bidigo te kantri tųde bidibo we bidi dabe-ba po kisilama wali.

Dage Israel, te Genuai Bidigo po odao.
 Agai te tama po wai,
 "Te bulu tų kantride bidibo we bidi dabego
 te mu po wabo kolesaga konesiama,
 tama augwa abagi dabe digi
 te godolo homu me ebeo.
 Augwaligo te ena augwa Genuai Bidi da
 homu me isaıwai.
² Augwaligo te po daų wali,
 tiali goli augwaligo wali me pisıwai.
 Augwaligo tibo po olama, tama bidi ela muyu,
 te nai doado bage wi siyu,
 tama penani eyu ebo dao,
 tama augwa te bidi ela mubo seı ela pabo dao.
 Tama te dwai kolesaga te genuai mu pedelama,
³ tama tibaso, te tų wa pai.
 Tama te tųde elalubo nai tigidalı,
 te hasa dabe, me ba dabe, me suęų dabe,
 te tigidalı isibo dao," wali.

Genuai Bidigo te pris dabe po tų ilama, tama augwalı-ba wado po wai

⁴ Genuai Bidigo po ma weyu,
 te tiwai po wai,
 "Te mena bidi me deligo te we bidi dabe
 po tų me iligobeo, magi baso meni,
 te dwai kolesaga page augwalıde me
 elalubeo. Meni.
 Te dage prisde po elalubao,
 tama tiyu eno dage dali po elalubao," wali.
⁵ "Tigidalı sogo dagego seı yalı,
 tiali goli dagego seı besela palama eyu,
 tama dagego geda mubo dao.
 Tama te profet dabego me tama naga tibo dao.
 Tama tibaso, eno te Israel dolaıbao,
 te dagego ida tiwai dao.
⁶ Te we bidi dabego ena bugagia konesiabaso,
 augwaligo ena wali me asobeo,
 tama teyu, te augwali dolaıbao," wai.
 "Dage pris dabego ena wali me asıayı,
 tama dagego eno po sela saıwanio.
 Tama tiyu, te eno dage sela saıwaıbao.
 Tama eno te dagego wai dabe me
 te eno pris pedalumainu me egobeo," wai dao.
⁷ "Dage pris te hauwa mu pedelalı,
 tama tiyu dagego dwai seı hauwa mu yalı.

Megi dage genuai nogi elalubo,
 tiali goli te eno dage aiyaba elaluama,
 tama dage dwai hale mu yaıbao," te po wai.
⁸ "Te eno we bidi dabego dwai seęeı selama,
 tama tede te hasa dabe ofa mayu,
 tama te ofa nai te dagego tubo nai tiwai ebao.
 Tama tiyu, dagego te tobage ofa nai hauwa somainu
 eyu,
 dagego te we bidigo dwai seı umabo
 emainao homu mu ebao," wai dao.
⁹ "Tama tibaso, eno te we bidıba
 dwai dene mayu, te augwali dolaıbao,
 tama dage pris dabe me te sabo dene tiwai saıbao,"
 wali,
 "te eno dwai dene mabo seı dageba eyu,
 te dagego yalı dwai kolesaga
 wei ponoyu tiaıbao," wai dao.

¹⁰ "Te dagego wiegi yalı nai tueıbao,
 tiali goli, te dage tabı elama paęaęobeo.
 Te dagego tibo god dabeba lotu weyu,
 tama te wai hauwa ame naıbao homu elama,
 te penani ebo kolesaga yaıbao,
 tiali goli te dage wai meni yaıbao.
 Magi baso meni, te dagego ena tudıba munama,
 tama dagego te tibo god naga
 wali pabo dao," Godigo te po wai.

Genuai Bidigo te tibo godıba lotu wabo bidi dabe-de halıga seęeı yalı

¹¹ Genuai Bidigo te po wali,
 "Te haniani bomai wain aıęigo te eno we bidi dabego
 homu kolesaga
 ayana palama, dolobo dao.
¹² Tama augwaligo te olo ni dagego nigalı
 tibo god hanaluama,
 te geme dualalı po page pedalumainu yalı.
 Iya, tegoba, augwaligo homugo te ni dage dabego
 te augwaligo koneainu ebo nai dabe
 ola momainu homu elama tiali.
 Awe, augwaligo ena tagalılo,
 tama augwaligo te tibo god dabe wali pai,
 te penani ebo we me deligo aga bidi
 tagalıyu ebo tiwai yalıo.
¹³ Augwali te bulu duba holama,
 te tibo god dabeba ofa eyu,
 tama te wiegi yalı denami ebo ofa me,
 te habu selalı pesage te genuai ni page
 dologode te ofa ebo dao,
 magi baso meni, te ni dologode
 te wiegi yalı tiwaı madı elalubaso yalı."
 "Tama tiyu, duga wegi dabe te sunumide
 bilalubo we dabe tiwai ebao," wai.
 "Tama duga waı we dabe me te penani ela bilıbo dao.
¹⁴ Tiali goli, te eno augwaligo ebo
 dwai kolesaga wei me ponogobeo," wali.
 "Magi baso meni, dage bidi dabe duga digi me
 te tibo godigo lotu beba

te penani ebo we dabeba pabo dao.
Tama dage augwali dali deliba sisinama,
tama te tibo godiba ofa ebo dao.
Tama eno po dolo dageba te tiwai wali,
'Dage te we bidi te wiegi yai
homu kolesaga elalusiabo we bidi,
te dage dolaibao.' Eno te po wali."

¹⁵ "Dage Israel we bidi te penani we tiwai elama,
tama dagego ena tagalalio.
Tiali goli, tiyu dage te Juda we bidigo
te tobage kolesaga tiwai igimio.
Dage munu me te tibo lotu te Gilgalba
ma te Betelba me wagi pelamuo.
Dagego te tebo kolesagago
te Betel te dwai pesage pedalubo tiwai ebao.
Tama teyu, te eno be tiwai aq me egobeo. †
Tama te bulu pesage side, dagego te po daq walobo
po

te eno nogide me wagio,
'Genuai Bidi te sesemane bidada pabo dao.'

¹⁶ Te Israel dabe augwali te hagoma ebo
bulmakau dabe tiwai yai.

Augwaligo homugo te eno augwali
te sipsip tonalubo bidigo te aga sipsip dabe
tonalubo tiwai yaibao homu yali.

Tiali goli, augwali te hagoma mu eyu,
te eno usu me egobeo.

¹⁷ Te tibo godigo te Israel dabe kegalio.
Tagalao, te augwa homu wali pomainao.

¹⁸ Augwaligo te bidi dabego augwalide
dwagi yai homu yao, te homu me ebeo. Menio.
Augwaligo te hale ebo kolesaga naga godolo ebo
dao.

Tama tiyu, augwa te aq hauwa tulama,
tama geq page yali, tama nosali
augwa penani ela palio.

¹⁹ Tialima, odao.

Te eno augwali te bomai waligo
te pobeke bage hogomu
tolasa pelama saqi pabo tiwai eyu,
tama augwali dolaibao.

Tama augwa te tibo godiba ofa yali homu kone pala-
ma,
tama te augwali hale dwai mu yaibao,"
Genuai Bidigo te po wai.

5 ¹⁻² "Dage pris dabe, dagego te po odiao.
Dage Israelgo, eno poba olo bugagia muiqo.
Tama dage kingo hani, dagego odiao.
Dagego te doloba pai po tu odobo se elalubao,
tiali goli dagego tama me tibeo.
Tama tiyu, duga digi te po tuba dodolobao.
Dage prisgo tibo lotu te Mispade hodolama,
tama te bulu du Taborde, me te Sitim taunde tiai.
Tama te dagego te we bidi dabego homu kolesaga
dolali.

† Te bulu nogi Betel wabo, te nogi page e tiwai dao, "Godigo be,"
tama wabo dao.

Tama tiyu, dage te hasa ke,
me te hasa waba bulubo to dedage tiwai elaluali.
Tama eno dage dodolomainogo eyu,
te dwai dene dage tigidaliba mawaibao," walio.
³ "Eno te dage Israelgo dwai kolesaga koneai dao.
Dage enade geme me duala sogobeo.
Dage ena wali me asisqama,
tama dage tigidali eno gedude meda yai pedelai,
te penani ebo we tiwai yai dao," wali.

Te Israel dabego te Genuai Bidi dali gesabidi deliba me unlugobeo

⁴ "Te Israel dabego te tibo godiba lotu weyu yali,
tama te kolesagago augwaligo
homu kolesaga daq walama,
tama augwaligo te Genuai Bidi
wali me pabo meni, te usu egobeo.
Tama augwa te yali dwai kolesagago
te augwali paniamama,
tama augwali te augwa Godiba ma
asabo usu isqwai dao.

⁵ Te Israel dabe augwa hagoma
kolesagago digi augwa ma po tu ilali.
Te augwa dwai se yali segego digi te augwa tulalua-
ma,

tama te Juda dabe me te augwali dali tulaluai dao.

⁶ Augwaligo sipsip me bulmakau
te Genuai Bidiba ofa yainu sali,
tiali goli augwaligo te ofa olodali yali.
Magi baso meni, Genuai Bidigo augwali tagalali,
tama tiyu augwaligo aga munu
ma susiabo aq yai.

⁷ Augwaligo te Genuai Bidi tagalali,
te wego aga bidi tagalama,
te penani ela bilibo we tiwai yai.
Tama augwa wai dabego te tama konebe,
God te augwa aya mu da homu ebeo.
Tialima, te dwasianu sogo gana,
tama te boi bidi dabego augwali dolagasaibao,
tama augwa to dage dali dolaibao," wai.

Te Juda me Israel dabe si hwjai

⁸ "Dage Gibeia, dage Rama, dage Betel, dage Ben-
jamin,
te bu wabo nai biugel bu waiqo.

Bomonama i wao.

Udada peyu, te boi hwiqo.

⁹ Te dwai se wei ponobo side naga
te Israel dabe mu dolaibao.

Eno te po dage Israel haniba pusubao,
mu tamao, te eno wali gilama
te se pedelaibao," wali.

¹⁰ Genuai Bidigo te po wai,
"Odiao. Te Juda polalubo bidi dabego
te Israel dabego to me badu wi sai.
Tama eno wado po dwai mu augwaliba wali.
Tama eno augwali dolainu ebo te we asiyu,

te nai dabe dolobo tiwai yaibao," wali.

¹¹ "Te Juda dabego genuai seḡe te Israelba mawai. Te Israel dabe te gasa king meba bidiboba pali, tama augwaligo te augwali tau saibao homu yali. Tiali goli, te king dabe te olo bidi tiwai, tama augwali tau sabo usu meni yai.

¹² Tama eno digi te Israel dabe me Juda dabe dolaibao,

te dwai osogani me sumadigi dabego te nai dolobo tiwai yaibao," wali.

¹³ "Te Israel dabe augwali te tiwai te gasi dwai mu ebo koneani, tama te Juda dabego augwa keni dabe ebo sulama, tialima te Asiria bulu tḡ kantri genuai kingba pelama, te augwali tau somainu hanalugi pali. Tiali goli, te Asiria dabego augwaligo gasi usu ilama, tama augwaligo keni pedela somainu ilabo usu me ebeo.

¹⁴ Megi da, ena te bomai laion tiwai pedalama, tama eno te Israel me Juda si dali hwjaibao," wai. "Te ena digi eno augwali pepeda palama tagalaibao, tama augwali te tiwai bidimainu yaibao. Te eno augwali kekasa pelama, te bidi me deligo augwali tau siyu, eno nogode ma sainu ebo usu me egobeo," wali.

¹⁵ "Te ena te ena buluba ma pelama, te ena we bidi tagaligi pelama da, tama te augwali te augwa yali dwai seḡede te dene me seḡe sabo sogoba usu somainu yaibao. Tiali goli, nosali te augwali enaba ma asaibao. Te augwali dwai dene siyu bolo elama, te augwali enaba ma asaibao," wai dao.

Te we bidigo pedauwalide te Genuai Bidiba ma asainu tibo po wabo tiwai yai

6 Te Israel we bidi dabe augwaligo te e tama po wai, "Iya, tegoba, da te Genuai Bidiba ma pinao. Agai da dolali, tiali goli, te agai da bugagia wiegi yai ma ilaibao. Agai da elama, te keni pedelali, tiali goli, te keni agai ma pedela somainu yaibao.

² Nosali te si sogo, ma sela sogo bidama, tama te agai da hodolama, tama te aga dali bugagia bidaibao.

³ Dago te Genuai Bidi koneabo seḡe bomo inao. Dago koneani, tigidali sogo kigamu te giliga ped-alubao.

Tama dago koneani, te tigidali sogo tulubage tulubo, tulubage te tḡba tulubao.

Tama te tiwai naga dago koneao, Genuai Bidi te aselama, te da wiegi yai bugagia ma ilaibao," augwaligo te po wai.

Genuai Bidigo te we bidiba po wei ponani

⁴ Tialima, Genuai Bidigo te tiwai po wei ponani, "Dage Israel, me dage Juda, te eno mena seḡe dageba yagawe?

Te dagego ena godolo homu ebadi, tiali goli dagego sesabi gana elama, te ena godolo homu ebeo. Menio.

Te dagego godolo ebo homu te polo tama mu sia siyu yali, te kigamu dagalude te pḡ me hawa pedelama silibo tiwai ebao.

Tama te hulide tulali tulubage segeni te nosade elaluali, te giliga nanu te polo wa pabo tiwai ebo dao.

⁵ Tama tibaso, te eno profet bidi dabe tagala palama, te dage po tḡ yabo po augwaligo dageba bomonama weyu, tama te dage dwai dene mu saibao.

Dagego odalio, te mena seḡe eno dageba yabo te dagego koneai.

Te hania mu elalubao.

Tama te seḡe dabe e tama telalubao.

⁶ Dagego te hasa elama, tama enabolo olo mabo kolesaga,

te tobage ofa seḡe ebo te eno godolo homu mu egobeo. Menio.

Te dagego gasa we bidide homu dene eyu, tau sabo kolesaga ebo, te eno godolo mu ebo dao.

Eno godolo ebo homu te dagego homu kolesaga te enaba sesemane momainu homu ebao, tama tiyu, te dagego ena bugagia konemainu homu ebo dao," wali. †

⁷ "Te we bidi dabe augwaligo te bulu Adam pesagede te weḡ Jordan nogelama, tama eno augwaliba te mani tḡba sabolali. Tama polo tama te eno augwali dali polobadu daḡ walali po augwaligo togolama, bolai dao.

⁸ Te dwai seḡe ebo bidi dabe, me te gasa bidi dabe ela mubo bidi dabe, augwali te moni taun Gileatde paḡanalubao.

⁹ Te pris dabe te nai wi sabo bidi dabe tiwai elama, te sunumide geme dualaluyu, te bidi dabe dolama, te augwaligo doado bage wi sainu ebo dao.

Tama te augwaligo te bidi dabe te Sekemba pabo sunumi tunu magede ela muyu yali,

te lotu wagi pabo pesage dao.

Augwali te bidi dwai dabe mu dao.

¹⁰ Eno te Israel dabego te dwai kolesaga mu me deli ebo suai.

Te eno we bidi augwaligo te tibo godiba lotu weyu, tama augwali eno gedude dwai

† 6:6 Mat 9:13; 12:7

meda yai mu pedelalio.”

¹¹ “Tama dage Juda me, te eno dagego yali sęde te dwai dene maiabo sogo bodolu muai dao,” Genuai Bidigo te po wai.

⁷ “Eno te Israel dabe usu ma ilama, te augwa sę tigidali te wiegi yai pedalumainu ebo sogo, tegoba, eno te augwaligo dwai kolesaga naga suali, tama te Samaria bage augwaligo yali dwai sę dabete pebeli dilide elalubo suali. Augwaligo te abagi dabe tibo po ola mayu, tama augwaligo te be aluama, te doado bage wi siyu yai. Tama augwaligo te bidi dabego doado bage te taun sunumide anoma eyu, kekelama siyu yai. ² Eno augwaligo ebo kolesagade homu kone me gegeda palogobeo. Menio. Tiali goli, augwaligo te sę yali homu kone palisęwai. Te augwa ebo dwai sęęęo te augwali mesegelali, tama sesemane sogo eno te sęęę naga sudu gebo dao.” Genuai Bidigo te po wai.

Augwaligo te dwai sę yabo po miani

³ Genuai Bidigo te po wali, “Te meba we bidigo te haniani dwai kolesaga yabo po minama, tama augwaligo te king, me aga ofisa dabe dali homu bega sabo po weyu, tama augwali tibo po ola mabo dao. ⁴ Augwali te tibo po wabo bidi dabe, tama augwaligo haliga te kingba mu mubeo. Tama augwaligo haliga sębę ebo te geme dualama, te sia ula dwasianu idubo tiwai iduali. Te bret ulubo bidigo te sia ula ilama, te bret bo domainu elalueibao. Bret bo dabo si da, teda agai te sia ponama, tama te sia ula genuai yaibao. Augwaligo haliga sębę te tiwai elalubo dao. ⁵ Te kingo nai daa tubo side, augwaligo te king aga ofisa dabe dali te bomai wę hauwa tumainu yaibao. Tama king me, aga ofisa dabe dali, te gęę page elama, te tobolu kolesaga meni yaibao. ⁶ Te u bidi dabe augwa dwai sę yabo homu kolesaga te sia posolo ebo tiwai ebo. Te hulide augwaligo haliga sębę ebo te sia dwasianu dabo tiwai ebo, tama te hano naga pedalu dali. Tiali goli, te kigamu te bogoli ula genuai elama, ebo dao.” ⁷ “Augwaligo te wado po olama, te deli deli pedalubo king ela muyu iduali, te augwa tobolu bidi dabe dali te tama tiai. Te dwai kolesaga augwa bulu kantri tęde elaluali, tama te bidi me deligo enaba

gedu haluasa po weyu me ebeo,” Genuai Bidi Godigo te po wai.

Te Israel dabego homugo te gasa kantri tę bagego augwali tau saibao homu yai

⁸ Genuai Bidigo te po wai, “Te Israel dabe gasa hani dali kęę pelama, te augwa kolesaga wali pali. Te augwaligo kolesaga te usu ebo meni, te bret bugagia disębo tiwai yai. ⁹ Te Israel dabe augwa te kolesagago te augwa digi bomu tamunani, tiali goli augwaligo te konesięwai. Awe, augwali te monu dabe bomu meni yai tiwai yali, tiali goli augwaligo te me konebeo. ¹⁰ Te Israel dabe augwa hagoma ebo kolesagago digi augwa po tę ilali, tiali goli te augwa homu begelama, te augwa Genuai Bidi, God enaba ma asobeo. Mu tama, augwaligo ena kegasa asobeo. ¹¹ Israel te kolesaga meni yai umunaluai ba hi subigila bola bilibo tiwai ebo dao,” wai. “Hasia bolo augwali pelama, te Isip dabego augwali tau sogowe weyu, hanalugi pali, tama nosali augwali pelama, te Asiria dabeba me hanalugi pai dao. ¹² Tama augwali te bola pabo sogo, teda eno ba sabo wa te ugwaba sęwaibao, augwali tola somainu yaibao. Te augwaligo dwai sę emainu deliba sisinibo si, te eno augwaliba te augwa yali kolesagade dene ilaibao,” wali, “te augwaliba eno polobadu wali po gilama tiwai yaibao,” wai. ¹³ “Odięo. Te augwali dolomainu yaibao. Augwaligo ena tagalama, te enaba hagoma yali. Tama tibaso, eno augwali dolaibao,” wali. “Hasia bolo eno augwali tau sainu yali, tiali goli augwaligo tibo kolesaga enaba yalio. ¹⁴ Augwaligo tibo gedu haluasa po enaba wabo dao. Tama augwali te tęba degasa dulama, tama te dwai gela te Genuai Bidigo po odisębo bidi haiden dabego wabo tiwai ebo dao. Te augwaligo nai me wain aę sainu gedu haluasa po wabo sogo, te augwa digi augwa tigi dabe ge hwęgo togobo, te haiden eno po wali pisębo bidi dabego ebo tiwai ebo dao. Augwaligo ena dali hagoma mu ebo dao. ¹⁵ Mu tama, ena digi eno augwali tau sali, te augwali genuai elama te dili emainu ilali, tiali goli augwaligo te enaba dwai sę wei ponabo po mia salio. ¹⁶ Ena da te Ugwadu Mu Bidibo God mu dao. Te sęęę pedalubo sogo te augwali enaba aselama, te eno augwali tau somainu ebeo. Menio. Augwa te bomu meni yai nai dabeba naga pali.

Augwali te dwai enego te nai enani
geda mubo tiwai yali.
Te augwa polalubo tobolu bidi dabego
te augwa bomogo digi te boi bidi
aiyaba elalueibao tiwai po wai.
Tiali goli, te menio.
Te hwjbo side augwali isibaso,
te Isip dabego augwali dwai gisugu mawaibao,"
Genuai Bidigo te po wai dao.

**Te Israel dabego tibo godiba lotu obaso, tama Genuai
Bidigo augwali po tų ilali**

8 Genuai Bidigo enabolo te po wai,
"Te boi hwjmainu biugel bu wao," wali.
"Te boi bidi dabe polo aselama,
te eno tųba hwjagasaibao,
te ba kemodage polo te tųba bola dulama,
te hasa bolo ela sigulubo tiwai yaibao.
Magi baso meni.
Eno te ena we bidi dabe dali
daų walali po te augwaligo togolama,
te bolama, tama augwaligo eno
bomai po sela saųwani.
² Augwaligo te po wabo dao,
'Nage dago God da, da Israel dabe,
tama dago nage koneai da,' obao.
³ Tiali goli, menio.
Augwaligo te wiegi yai doloba pai kolesaga tagaluba-
so,
te boi bidi dabego augwali pobeasa bilaibao," wai.

⁴ "Eno we bidi augwa digi augwa
dolaluaibao homu eyu,
augwa king bidi dali polaluabo
tobolu bidi dali nigilibao,
tibaso eno augwaliba usu da homu ebeo.
Augwaligo te tibo god te augwa silva me golgo nigali.
Tibaso, eno te we bidi augwali dolaibao," wai.
⁵ "Eno te bulmakau gol te Samaria dabego
nigali te lotu wabo eno hagela mu yai.
Eno wado po dwai mu augwaliba wali.
Eno homu augwa te dwai kolesaga
polo tagalomai yai.
Tiali goli, te me tebeo.
⁶ Te Israel seų bidi me deligo te tibo god nigali.
Te God meni, te olo piksa noma naga dao.
Eno te bulmakau piksa noma alua saųnama,
te pobeke bage kakali pedelaibao," wai.
⁷ "Augwaligo ebo dwai kolesaga te dwasianu naga
dao,
te dwasianu wali asobo tiwai naga dao,
augwaligo te homu ebo dao.
Tiali goli, nosali te kolesaga ebode augwali dolaibao,
te pobegebo wali genuaigo
te bidi dolobo tiwai yaibao.
Tama augwali te wit gide te nai walisabo tiwai eyu,
tama te bret nigabo wit meni yani.
Tialima, te dwai witgo nai me pedai badu

waligi sogo da, tagalao,
te gasa badu tų kantri bidi dabego
naga tuagasigi da," wai dao.

⁸ "Te Israel dabe te wiegi yai mu me isaųwai.
Te gasa tų kantri dabego augwali dalali tiwai elama,
tama te Israel dabe te bage tiwai pedalali.
Megi da, augwali te olo nai me deli tiwai elama,
tama augwaligo te eno seų yainu ebaso,
usu me egobeo.
⁹ Augwaligo hagoma te bulu uni yowigo
ebo hagoma tiwai yali,
tama augwa homu kolesaga wali pai.
Te augwali pelama,
te Asiria dabego augwali tau somainu hanalugi pai,
tama augwaligo te mone tolama,
te gasa tų kantri king homu begelama,
augwali tau somainu yai.
¹⁰ Tialima, megis da, augwali
te gasa kantri dabe tiwai pedalali goli,
te augwali dali eno deliba sisinama,
te dwai dene mawaibao," wai.
"Tamadi tama te Asiria kingo augwali
aiyaba mu elaluama,
te dwai genuai seų seų augwaliba muaibao," wai dao.

¹¹ "Te Israel dabego te augwa
dwai seų yali seų seų sela saųabo alta hauwa nigali,
tialima te yali ofa dolo me isaųwai,
tama tiyu augwaligo te dwai seų hauwa yalio.
¹² Eno augwalibolo te eno bomu yai po hauwa asųani.
Tiali goli, augwaligo te bomu yai po suali,
te gasa hanigo ebo tobage kolesaga naga yali,
te augwaligo ena wali me asobeo," wai.
¹³ "Augwaligo te ofa hauwa eyu,
te ofa ebo mi tubo dao.
Tialima ena, Genuai Bidi,
eno augwaliba te wiegi yai homu pemene me ebeo.
Tibaso, megis da, eno augwa yali dwai seųde
homu kone palama,
te dene mawaibao," wali.
"Te eno augwali Isipba ma kalabus
igi pomainu tagala palaibao," wai.

¹⁴ "Te Israel dabego homugo te kingo
bomogo augwali tau sabo usu yaiba homu yai,
tama tiyu augwaligo te kingo bomai be seų yani.
Tiali goli, augwaligo te naide homu kone isaųwai,
ena God, eno te we bidi nigai dao.
Tama te Juda dabego me te dwai seų yai elaluali,
magi baso meni, augwa taun dabe
bagulabo te bomai obo dabe nigali,
tama augwa homugo te augwali
bugagia bidaiba homu yai.
Tiali goli, tagalao, eno sia te taunba tula palama,
te kingo be dabe dali siago dela silimainu yaibao,"
Genuai Bidigo enabolo te po wai.

Godigo Israel dabe dene mawaibao

9 Israel dabe, dagego te wiegi yai kolesaga wali pisabo te haiden bidi dabego ebo kolesaga te dagego te genuai nai daa tuyu, te lotu wabo sogo ebo kolesaga tagaliqo. Magi baso meni, te dagego duga God tudiba muna-ma, te dagego aga wali me pabeo. Te tigidali badu, dagego te Balba lotu weyu, te sunumide penani ela bilibo wego ebo kolesaga tiwai ebao. Tama te penani ebogo te mone sabo se tiwai ebo dao.

² Tiali goli, pade sogo dage te nai saq peyu, te oliv wel me wain meni yaibao.

³ Tama dage Israel te Genuai Bidigo mani tqde me bidigobeo.

Tama dage te Isipba kalabus ma igi peyu, te Asiria bulu tqba me kalabus igi paibao.

Tama te bulude te Godigo dageba te habu selali nai dabe tueibao.

⁴ Dage te gasa hani dabego bulu tq kantride bidibo sogo da,

teda dagego Genuai Bidiba te wain me, kibu hasa me, te ofa me magobeo.

Tama duga naigo digi te dage God gedude meda ilaibao wali,

te bidi dabego te bidi isaide te diligide gela weyu bidibo sogo te ulama tubo naigo, te augwali meda pedalubo tiwai yaibao wali.

Tama te naigo te dagego haliga paganobo tiwai naga yaibao.

Te dagego te nai me badu te Genuai Bidigo tempel beba sela aselama,

te ofa yagasainu ebaso, usu me egobeo. Mu menio.

⁵ Tama te Godigo genuai bodolu side da, teda dagego magi se yaibawe?

Te moni nai daa tubo side, te dagego magi yaibawe? Te sunumi menio.

⁶ Nosali te genuai sege yai se, te dage dolabo se te pedalubaso da, teda dage wi tedela paibao.

Tama te Isip dabego dage suyu da, te dage selasa peyu,

te Isipba kalabus iligi paibao.

Tama tede dage bidaludubadi,

te dage isibo siba usu nama, te augwaligo dage te Mempisde pubulaibao, te augwa genuai taun dao.

Dage te duga pesage buluba ma asogobeo. Menio.

Tama te duga be dabe, me mone silva, me te wiegi yai doado bage te olo bulu tomode elalubadi,

te genuai bus holama, te tigidali mesegelaibao.

⁷ Te Godigo dageba dwai dene maiabo sogo pedelalio.

Tama duga te yali dwai kolesagade usu nama, te dene saibao.

Te se pedalubo sogo da, teda Israel, duga koneaibao, te dwai dene dao.

Dagego enabolo te po wali,

“Te profet aga te kolesaga meni yai umuna sali da,” wali.

“Te Godigo bomo elalubo bidi, aga te kolesaga geda mubo bidi da,” wai.

Dage we bidigo ena godolo homu me isawani, magi baso meni, dagego dwai sege te genuai umabo yai dao. †

⁸ Godigo digi te dage aga we bidi dabeba te profet bidi nigilama,

te bomai po pusagasomainu tagala palali.

Tiali goli, te ena bilibo badu te tigidali badu, dagego ena te umbengo te ba tola sabo tiwai emainu homu yai.

Te Godigo tqde digi dagego enaba boi bidi ebo dao.

⁹ Dagego te dwai kolesaga sesemane sogo ebao, te duga waj noq dabego polobadu te bulu Gibeade yali se tiwai yai.

Tama te Godigo dagego yali dwai sege te homu kone paliyu,

te agai dageba dwai dene mu mawaibao. ††

Israel dabego sege sali, tama te segego dene sali po

¹⁰ Genuai Bidigo te po wai,

“Hasia mu eno dage Israel suali,

te dwagi yai mu elaluali,

te bidi me deligo te wain ni te wa pai tqde pedelama,

te nai walali subo tiwai yali.

Dagego te waj noq dabe augwali te podolali hani wai te ni kaya fik te tau hasia ebo tiwai yai, dwagi yai bidali.

Tiali goli, nosali augwali te bulu du Peorba sabolali sogo,

tama hasia sogo augwaligo te tibo god

Balba lotu wali,

augwa te tibo god godolo mu elama,

tama augwali dwai pedelali,

te Bal tiwaigo mu pedelai dao. ‡

¹¹ Te Israelgo bomo te ba bola pabo tiwai elama, augwaligo bomo hagawaibao, tama silaibao.

Tama te we dabe sibigo te haliga me isama, te wai me ame nogobeo,” wali.

¹² “Tiali goli, te mebago wai elalubaso da,

teda te wai dabe eno ela mueibao,

tama eno te me deli sula tagalama,

elalumainu me egobeo.

Eno te we bidi tagalobo sogo,

te dwai nai haniani augwaliba pedelaibao,”

Genuai Bidigo te po wai dao.

¹³ Tama Hoseago te po wali, “Genuai Bidi, eno suali,

† 9:7 Mat 9:13; 12:7 †† 9:9 Tob 19:1-30 ‡ 9:10 Nam 25:1-5

hasia bolo te taun Tair te dwagi yai
madi mu te bidaluali,
tiali goli nosali te boi bidi dabego
augwali dolagasai dao.
Tama eno suali, te tobage sę te Israel
haniba me pedelaibao,
te boi bidi dabego te Israelgo hani wai dabe
pobeasa biliyu, ela muaibao, te eno سوالو," po wai.
14 "Tama tialima, eno nageba hanalu obao,
te nago magi sę te Israel dabeba yaibawe?
Nago te we dabe sibigo te wai ame nomainu me ili-
gio.
Te dwasianu wai dabe elalubo we dabego
ame te nago ame pę wa palama,
te augwa wai dabeba te ame mabo usu
meni emainu ilao," po walio.

15 Tama Genuai Bidigo po ma wai,
"Polobadu augwali te Gilgalde bidiyu,
tama augwa te dwai kolesaga ebo gagalali,
tama te sogo naga eno me eno
augwaliba haliga sębę ebo gagalali.
Te we bidi dabego dwai sę hauwa yai,
tama augwa polalubo tobolu
bidi dabego me eno po sela sęwani.
Tama tialima, eno tęde te augwali eno sela sęnama,
tama eno augwali godolo homu munu ma egobeo.
16 Te Israel dabego wai ame nabo usu isęwaibao,
augwali te ni me deli te ni sele aę wa pelama,
te nai walisębo tiwai yaibao.
Tialima, te mebago wai ame nobaso da,
teda augwaligo te godolo homu mu
ebo wai dabe te eno ela muaibao," te po wai dao.

Hoseago po weyu, Godigo te Israel dabeba dwai dene ilaiba wali

17 Eno aga sę ebo God,
te Godigo te aga we bidi tudiba mueibao,
magi baso meni, augwaligo agai
po wali pisębaso tiali.
Tama augwali te bulu tę kantride
te tę meni yai bidi dabe tiwai bidaibao walio,
augwali te bulu wau bilibo bage naga bidaibao.
10 Te Israel dabego doado bage hauwa elalu,
tama augwali te nai hauwa mu walobo
wiegı yai ni wain tiwai yalio.
Augwaligo te wiegi yai nai doado bage
umabo mu pedelama,
tialima augwa te tibo godigo alta,
me ni pos te umabo umabo digi nigilama,
tama augwa te ni pos bugagia mu me au ilai dao.
2 Augwali te tibo po naga wabo bidi tiwai yali,
tialima megı da, te augwa yali dwai sęde
te dwai dene saibao.
Godigo te augwaligo alta ela besela sęnama,
tama agai te augwaligo bulu hęę
bidi noma nigali pos ni te dolaibao.

3 Te pęde sesabi gana bidisębo gana elama bidisięba-
di,
te Israel dabego te tama po waibao,
"Dago te Genuai Bidigo po wali pisębaso,
tialima te Genuai Bidigo dago king
sela sęwani da," waibao.
"Te dago king elalugi sogo da,
teda agai da magi elama tau sigı dawę?
Mu menigi dao.
4 Te king dabego da tau sabo po
olo gani bole tiwai yali.
Te augwaligo olodali dęę walobo po hauwa olama,
tama augwaligo te olodali naga
te gasa tę kantri king bidi dabe dali po minama,
dęę walobo dao," augwaligo te po waibao.

Te Israel dabego te doloba pai kolesaga tagalu,
te tobage dwai kolesaga naga ebo dao.
Tama te tobage dwai kolesagago te dwai nosaide
te bidi dolabo nai elalubo tiwai ebo dao.
Tama tiyu, augwali tomode te po tę hauwa
pedalobo dao.

5 Te bulmakau gol Betelde elaluali te dolaibao,
tama te taun Samariade bidali we bidi
te augwali wi elama,
te bulmakaude homu dene yaibao.
Te tibo godide sę ebo we bidi, me pris dabe,
augwali agade te homu dene eyu,
gela waibao, magi baso meni,
te Asiria dabego aga au dobage hęgia sęnama,
te aga dolaibao.

6 Tialima, te Asiria dabego te bulmakau
te Asiriaba sela pelama,
tama augwa te kingba te takis mabo tiwai yaibao.
Te Israel dabego te po page koneai
bidi dabego po wali pai,
tama te bidi dabego po te geda muanio.
Tialima, te boi bidi dabego augwali aiyaba elaluama,
tama te Israel dabe hale dwai mu saibao.
7 Te Israel king te hagawaibao,
te dwasianu dedelage kakali hogomu tiwai eyu,
te wę asu, tolasa pabo tiwai yaibao.
8 Te Israel dabego te tibo godiba lotu weyu,
te bulu du ugwadu bagede
te lotu wabo pesage elaluali,
tama Godigo te pesage dabe dolaibao.
Tama nosai me te sesane yai bono dabe pedelama,
te alta dabe mesegelaibao.
Tama te sogo te boi bidi dabede geme
duala sainu yali we bidi dabe,
tama augwaligo te bulu du dabeba hanalu,
te augwali mesega sao po waibao. †

Genuai Bidigo te Israel dabe dolomainao po wai

9 Tialima, Genuai Bidigo te po wali,
"Polobadu te Israel dabego te Gibeade
enaba dwai sę yali,

† 10:8 Luk 23:30; Ped 6:16

tama augwaligo te kolesaga tagalobeo.
 Tialima, te boi bidi dabego te Israelba hwjagaselama,
 tama te hwj hwj pali, te Gibeaba usu nigi paibao. †
 10 Tialima, eno te sę yabo homu ebaso da,
 teda te tiwai naga eno te bidi dabeba hwjyu,
 te augwaliba dene ilaibao.
 Augwaligo te genuai dwai sę si yali.
 Augwaligo ena tagalama, tama augwaligo
 te tibo god dabeba lotu po odu geai dao.
 Tama tibaso, eno te augwali dali
 gasa bulu tų kantri bidi dabe deliba sisinama,
 te augwaliba hwjagasonainu ilaibao," wai dao.
 11 "Polobadu Israel te ogwa we bulmakau
 so me deli tiwai bidali,
 te agai te wit bugagia agabo koneani,
 te nai wit te we bidi dabego somainu yalio.
 Tama agai te sę godolo mu elama yali.
 Hasia agai te sinabo sę dene me isųwai,
 tiali goli megi te eno agaba te sina yabo sę mawai.
 Megi da, eno te Juda me Israel
 te bulmakau tiwai sę dene emainu ilali,
 bidigo te sę yabo bulmakau magede
 te ni nami pedai keņama,
 tama agai te tų elibo masin kekasa bilaibao.
 Aga te nai kekasa bilibo sę dene elama,
 te ni nami pedaigo aga dogoni me
 mage me dilama, dolalio.
 12 Eno te Israel me Juda augwaliba te tama po walio,
 'Dagego te dwai kolesaga tagalama,
 te doloba pai kolesaga wali peyu,
 te enaba lotu waiųo,' wali,
 'bidigo te gesi gide tų elama, te nai bulama,
 te nai bugagia holama,
 te hauwa walobo tiwai yaibao,' wai.
 'Megi te dage ena God duga Genuai Bidiba
 ma asobo sogo dao.
 Te dage enaba ma asali da,
 teda eno dage bugagia mu wiegi yai sę ilaibao.'
 Eno dagebolo te po wai. ††
 13 Tiali goli dagego te tama me tibeo. Menio.
 Dage te gi sę ebo bidi tiwai yali, tiali goli dagego gide,
 dagego te dwai kolesaga me dwai
 tibo kolesaga naga bulali.
 Tama tialima, dagego gide te nai dwai
 naga pedelama, te dagego tubo sę ebao."

"Dagego homugo te duga genuai ami hanigo
 te dage tau sabo usu yaibao homu yali.
 14 Tialima, te boi bidi dabego dageba hwjagaselama,
 te augwaligo dagego te bomai obo banis elalubo
 tigidali taun dolagasaibao," wali.
 "Te dolobo sę te polobadu te king Salmango
 agai te taun Betarbelba hwjgi pelama,
 te nai mu dolali tiwai yaibao," wali.
 "Tama aga hani dabego te augwaligo we wai dali se-
 lama,
 te augwali subigila sųsųnama, te augwali isai dao.

† 10:9 Tob 19:1-30 †† 10:12 Jer 4:3

15 Dage te Betel dabe, dagego te dwai sę hauwa yali,
 tama duga te yali sęgo sęę tiwai
 dageba pedelaibao," wali.
 "Te hwjbo sogo, te augwaligo te Israel king ela muna-
 ma,
 te mu isilaibao," te po wai dao.

**Te we bidigo Godide hagoma yali, tiali goli agai aug-
 wali godolo mu yalio**

11 Genuai Bidigo po wadolama weyu, te tiwai wali,
 "Te Israel dabe te dwasianu ogwa wai tiwai di-
 gi,
 eno aga godolo mu elama, te eno aga i olama,
 te Isip taga soao olama, te eno ogwa bidalio. ‡
 2 Eno te hauwa sogo augwali i weyu,
 te ena wali asao po wai.
 Tiali goli, sesemane sogo te augwaligo
 ena tudiba muani.
 Eno we bidi augwaligo te tibo god Balba ofa yalio.
 Augwaligo te wiegi yai denami ebo hano ilibo ofa
 te haniani tibo godiba yai dao.
 3 Ena digi eno te Israel dabe ola mawai,
 te ayago te wai sunumi ola mabo tiwai yali.
 Te eno nogogo augwali tolasa asai.
 Eno augwali usu ma ilali,
 tiali goli augwaligo eno digi eno te sę
 augwalide yali homu me ebeo," wali.
 4 "Eno augwali homu dene elama,
 te eno augwali godolo mu yai,
 tama eno augwali enaba sali.
 Eno te augwalide elaluali genuai sęę sela sųnama,
 te augwali bugagia wiegi yai ilama,
 te augwali nai manio."
 5 "Tiali goli, augwali enaba me asisųwai.
 Tialima, augwa te Isipba ma pomainu ebowe,
 ma te Asiria dabego augwali
 tonalumainu egowe yaibao.
 6 Genuai boi hwjyu,
 te boi bidi dabego te taun obo sunumi aluama,
 tama augwali te taun tomoba pelama, hwjaibao.
 Te boi hwjbogo te eno we bidi silaibao," wali,
 "magi baso meni, te augwaligo
 augwa homu kolesaga naga wali pai.
 7 Sesemane sogo augwaligo bomonama,
 ena tudiba muani,
 tialima eno augwaliba te mawainu ebo dwai dene
 te augwali me geda mugobeo.
 Te genuai sęę augwalide elalubaso,
 te augwali dwai gela waibao.
 Tama te mena bidi me deligo te sęę me
 sela sųwainu ebaso, usu me egobeo," wai dao.
 8 "Dage Israel, te eno dage tagalu da me egobeo,"
 wali,
 "te ena dagede wi me pogobeo.
 Tama eno dage te bulu Atma me Seboim,
 te bulu si bidi hani mu silali tiwai

‡ 11:1 Sai 4:22; Mat 2:15

gilama da me tegobeo," wai.
 "Eno dage tigidali mu doloyu da me egobeo,
 magi baso meni, eno dage godolo
 homu mu ebo dao," wali. †
 9 "Eno dageba haliga sębę yali,
 tiali goli eno dageba te dwai dene da me magobeo.
 Magi baso meni, eno kolesaga te bidigo
 kolesaga tiwai menio.
 Ena God, te eno kolesaga tedali gasagi yai elalubao,
 tiali goli ena te dage dali bidibao.
 Eno wado elama, te eno dage doloyu da me egobeo,"
 wabo dao.

10 "Te eno ena we bidi dabego boi bidi
 te i bomonama weyu, te hasa laiongo ga weyu,
 i wabo tiwai eyu, te eno augwali wi ilaibao.
 Tama eno we bidi dabego te giliga
 dega sigulubo badu tagalama,
 tama didibili ebo dali te polo asesa,
 ena wali asaibao.
 11 Te augwaligo Isip tagalama,
 tama te polo asesa asu, te ba bola
 asobo tiwai yaibao.
 Awe, augwali me Asiria tagalama,
 te ba hi dabe tiwai bola asaibao.
 Tama eno augwali te augwa page buluba
 ma odasa asaibao.
 Ena Genuai Bidi, eno te po wai dao," wali.

Te Israel me Juda augwaligo te God tagalali

12 Genuai Bidigo po ma weyu, te po wai,
 "Te Israel we bidi augwaligo enaba
 tibo po hauwa sogo mu wai.
 Te Juda dabego eno po sela sębo sę mu idualio.
 Tiali goli, ena God, ena augwali tiwai menio.
 Ena doloba pai, te eno homu hasegelama,
 te eno tibo po me wagobeo,
 te we bidide eno homugo mu kęą pai God dao,"
 te po wai.

12 Genuai Bidigo te po wai,
 "Te Israel dabego tigidali sę
 te giligade me hulide yali,
 te augwa digi dolabo dwai sę yalio.
 Te tibo po wabo kolesaga,
 me hwjbo kolesaga te augwali tomode
 genuai pedelali.
 Augwaligo te Asiria dabe dali sę yabo po mia sali.
 Me ma, augwa te bisnis sę te ni oliv welgo elama,
 te Isipba tolama, te Isip dabego abelali."

2 Genuai Bidigo te Juda dabe dali po elalubao.
 Tama agai te Israel dabeba dwai dene mayu,
 te augwa yali sęde usu nama tiaibao wai.

3 Augwa wj nqy Jekopgo te aga ama dali hwjani,
 te augwa si idago haligade bidibadi tialio.
 Nosali Jekop te genuai igulama,
 tama agai te God dali hwjai dao. ††

4 Te hwjani side, agai te Godigo ensel
 mobo bidi dali pagelama,
 tęba pinayu hwjai, te aga usu si igulama,
 ugwaba ela holali.
 Tama Jekopgo gela hauwa weyu, te Godiba hanalu,
 te aga olo tau sabo wiegi yai homu
 kolesaga yao po wali.
 Tama gasa sogo Jekopba te Betelde God pedelama,
 tama aga dali po miai dao. ‡
 5 Te Jekop dali po miani God,
 aga te Tigidali Bomo Elalubo Genuai Bidi dao.
 Dago aga nogi te tiwai wao, Genuai Bidi dao.
 6 Tialima, dagego duga Godiba konealubo
 po daų olama, ma begasa asiąo.
 Tama dagego aga naga wali mu asiyu,
 te po tų ebode te doloba pai kolesaga naga eyu,
 tama agai dage tau sabo tonaluiąo.

Te Israel dabego yali dwai sę te genuai mu yai

7 Genuai Bidigo te po wai,
 "Te Israel dabe bisnis bidi nigali,
 tiali goli augwaligo te bisnis sęde
 doloba pai kolesaga me ebeo.
 Augwali te Kenan bisnis bidi dabe tobage tiwai pede-
 lai.
 Te bidi dabego te augwaligo nai dabe abelagaso-
 bode,

te augwali tibo po ola maiabo homu eyu,
 tede augwa homu tomode gisugu weyu,
 puba hwi po wabo dao.
 Augwaligo te nai dabe dolo si me dagalubeo.

8 Tialima, augwaligo te tama po wabo dao,
 'Da te mone bidi pedelalio,' wabo.

'Dago doado bage hauwa elalubao.
 Tama niwai bidi me deligo te po weyu,
 dago te nai wi sabo kolesagade
 te mone bidi pedelali me wagobeo.'

Augwaligo te po tama wabo dao.

9 Tiali goli, ena God, te duga Genuai Bidi,
 eno te dagego tibo po koneai.

Polobadu eno dage te Isipde selama, odasa asai.

Tialima, eno dagego te wiegi yai be dabe
 tagalumainu elama,
 te dage ugwa bede ma piagameo wali,
 te polobadu eno dage dali te masigi kemi tęde
 te moni nai daa tuabo sogode deliba
 gesabidi ununiyu yali tiwai gilama emainu
 ma yaibao," po walio. ‡†

10 "Eno po te profet dabeba olama,
 tama te eno nade wabo tiwai
 te hauwa nai po augwaliba wali.

Te profet dabego pedauwalidu eno
 te Israel dabeba weyu,
 te augwaligo dwai kolesaga ebo
 te tudiba muiąo po wai dao.

11 Tiali goli, augwaligo te po me odobeo. Menio.
 Te Gileatde augwaligo dwai kolesaga hauwa yali,

† 11:8 Bom 29:23 †† 12:3 Gag 25:26

‡ 12:4 Gag 28:10-22; 32:24-26 †† 12:9 Prs 23:42-43

tama te augwali mu hagawaibao.
 Te taun Gilgalde augwaligo te bulmakau
 dwai alta dabede ofa yai.
 Tialima, te alta dabe te besela sɔnana,
 te masigi pesage holali te pepeli delide
 hania olo elalueibao," po wai dao.
¹² Polobadu mu dago wɔj nɔj Jekop
 aga ama Isode wi ebaso,
 aga te tɔ kantri Mesopotemiaba wi pai.
 Tama aga te we sabo homu eyu, tama tiali,
 tialima aga te gasa bidigo sipsip tonalubo sɛ yali,
 te bidi aga wegi ma abelainu tama tiai dao. †
¹³ Tama te Israel dabe Isipde bidali sogo,
 Genuai Bidigo te profet me deligo
 augwali sigi pomainu tagala palama,
 tama augwaligo te Isip taga soali,
 te kalabus yali bulu da.
 Tama te profetgo augwali bugagia tonaluai dao. ††
¹⁴ Tiali goli, te Israel dabego
 dwai kolesaga hauwa ebaso,
 tama Genuai Bidigo wado po dwai mu wai.
 Tama augwali isimainao wai.
 Te Israel dabego Genuai Bidigo nogide
 hagela homu eyu, aiyaba elalubaso,
 tialima te agai augwaligo dwai
 sɛgɛ sali te sela sɔgoebo wai.

Godigo te Israel dabe dolaibao wai

13 Polobadu te Efraimgo hanigo po obaso,
 tama te Israel gasa hani wi elama,
 te po odali.
 Tiali goli, te Efraim hanigo te tibo god Balba
 lotu po obaso, augwaligo sɛgɛ salio.
 Tama tialima, te augwali isaibao po wai dao.
² Tama megɛ me, augwaligo
 te dwai sɛ me idubo sɛ ebaso wali.
 Augwa te tibo god te silvago nigilama,
 augwa teba lotu wabo dao.
 Te bidi dabe augwa homugo digi koneama,
 te tibo god noma piksa dabe te augwa
 nogogo digi nigali.
 Tama augwa te po weyu ebo,
 "Dagego te piksa nomaba ofa yao," wabo dao.
 Ae, tegoba, augwaligo te bulmakau
 nomaba te nono nani!
 Augwali te menagi yai bidi mu dawɛ?
³ Tama tialima, te we bidi dabe augwali
 te kigamu pedalubo dagalu pɔ te olo
 sia sabo tiwai gilama yaibao wali.
 Augwali te hulide tulali tulubage segeni
 te nosade elaluama,
 te giliga nanu polo sia sabo tiwai ɔɔ yaibao.
 Augwali te wit bo te waligo sela pelama,
 te besela palobo tiwai yaibao.
 Tama augwali te sia hano te be pedudu ugwaba hola-
 ma,
 te polo silibo tiwai yaibao wali.

† 12:12 Gag 29:1-20 †† 12:13 Sai 12:50-51

⁴ Genuai Bidigo te tiwai po wali,
 "Ena God, duga Genuai Bidi da,
 eno dage te Isipde selama, tedu eba odasa asai.
 Ena deli naga, ena duga God dao. Te gasa me menio.
 Enaduba deligo naga eno dage ma sabo dao.
⁵ Dage te kemi tɔ wa pai bulude bidali sogo,
 eno dage bugagia mu tonaluai dao.
⁶ Tialima, nosali dage te wiegi yai tɔba sabalubo so-
 go,
 te dage nai paɔana pelama,
 te dage tigidali nai usu yali.
 Dagego te nai sela selama da, tama dagego te homu
 yali,
 te duga bomogo digi dagego te nai sali homu yai.
 Tama tiyu, dagego ena homu kone
 gegeda palubao," wai. †
⁷ "Tialima, ena te dage soabo sunumide
 geme duala selama,
 tama eno dage te laion me gasa genuai uni pusigo
 te bidi elibo tiwai gilama yaibao," wali.
⁸ "Te ena samonama, posoga palu,
 te dage hagawia aluaibao,
 te hasa beago te aga wai hagawaide
 sɛbɛ eyu, gasa hasa dali ebo
 tiwai gilama yaibao," wali.
 "Tama eno dage subigila miminama,
 tama dage te polo dalaibao,
 te laion me gasa uni hasa dabego
 augwa tubo hasade ebo tiwai yaibao," wai dao.
⁹ "Te Israel dabe, te ena deli naga
 te dage tau sabo usu yaibao.
 Tiali goli, dagego hagela ebaso, tama eno dage
 dolaibao.
 Tama dego dage tau sogowe? Te bidi dabe menio.
¹⁰ Polobadu dagego enabolo hanalu,
 te king me polalubo tobolu bidi dabe
 mao po odu geani,
 tiali goli augwaligo dage mena tama tau sogowe?
 Augwali usu munu me egobeo. ††
¹¹ Polobadu eno wado elama,
 te eno dageba king mawai.
 Tama megɛ me, eno te wado po umabo mu olama,
 te eno augwali sela sɔwai dao," wali. ††
¹² "Eno te Israelgo tigidali dwai sɛ yali
 sɛgɛ te eno bukude asɛnana, te eno munalubao,
 eno homu kone gegeda me pogobeo.
¹³ Te Israel augwali bugagia bidimainu yali,
 tiali goli augwali te homu kolesaga
 meni yai umuna pelama, augwa hagela homu yai.
 Augwali da, te wai bou me deli tiwai dao.
 Te wai bou te idago haliga tomode elaluama,
 te idago ame nainogo ebo tiwai yali,
 tiali goli te wai tega pabo homu ebeo.
¹⁴ Tiali goli, nosali eno te Israel bage

† 13:6 Bom 8:11-17 †† 13:10 1 Sml 8:5-6 †† 13:11 1 Sml 10:17-24; 15:26

te isali bidi dabego pesagede ma saibao.
Isibo, ena te dwai nai tiwai pedelama,
tama nage ela mu silaibao.

Te isai bidigo pesage,
ena te moni dwai gasi tiwai pedelama,
tama nage dwai mu dolaibao.

Eno te Israel dabeba te olo tau sabo
wiegi yai homu kolesagago
tau me sogobeo," wali. †

¹⁵ "Te Efraim dabe hauwa mu pedelama,
tama te gasa Israel hani aiyaba elaluali,
tiali goli eno te posolo yai bomai wali mu
te giliga asobo badu tagala palama,
tama te waligo augwaligo te ulu wę
sula somainu ilaibao.

Tama te waligo augwa dwagi yai
doado bage sela pela silimainu yaibao," wali.

¹⁶ "Te Samaria dabego enade hagoma mu yali,
tama augwali te dwai dene bolo somainao.

Te bomai wali tiwai eyu, te boi bidi dabego
augwaliba hwjagaselama, te augwali ela munama,
tama te dwasianu wai puluba tigidali
te tōba sąşanama, te augwali me isaibao.

Tama augwaligo te haliga elalubo
we dabego tabi togwaibao," po wai dao.

Te Israel dabe augwa yali dwai sę tagalama, tama augwali Genuai Bidiba ma asaibao

(Daj 14)

Hoseago Israel dabeba te po weyu, augwali te Genuai Bidiba ma asiąo wai

14 Te Israel dabe, dage te Godiba ma asiąo, te
duga

Genuai Bidi dao,
magi baso meni, te duga dwai sęęęo
dage tulalumainu yali dao.

² Dage te Genuai Bidiba ma aselama,
tama te gedu haluasa po dagego
Godiba te ofa tiwai iyagameo.

Dagego gedu haluasa po e tiwai wagameo,
"God, nago dago sęęę tigidali sela sąyu,
tama dago gedu haluasa po wabo odao.

Tama dago te bulmakau elama,
tama nageba ofa ebo usu egobeo. Menio.

Te dago te dena polobadu daų walali po wali gilama,
te dwagi yai kolesaga naga yaibao.

³ Te Asiria dabego da ma dobola sogobeo, usu egob-
eo,

tama te hwjbo hos dabego me da tau me sogobeo.
Te usu egobeo.

Dago te tibo god nigali,
te dago te tiwai po augwaliba ma weyu,

† 13:14 1 Ko 15:55

'Dage te dago god da,' me wagobeo.
Genuai Bidi, nago dabolo te homu dene eyu,
tau sabo wiegi yai kolesaga ebo dao,
magi baso meni,
da te aya meni yai wai puluba bidibao,
te tau sabo usu meni yai bidibo dao."

Dagego tama gedu haluasa po agabolo wao.

Genuai Bidigo te po weyu, te Israel dabe bugagia dugulalu bidaibao wai

⁴ Genuai Bidigo te po wai,
"Tialima, ena te tagalali we bidi dabe eno
ma dobola saibao.

Te eno haligago augwali godolo mu eyu,
te eno augwaliba wado yabo homu begelama,
munu me egobeo.

⁵ Te eno Israel dabeba wiegi yai sę ilaibao,
te tulubage segeni te wa pai tōba tulama,
te telabo tiwai yaibao.

Te augwali te gasa wiegi yai sawi yai
plauwa tiwai pedaliyu,
tama te tō kantri Lebanonde
te genuai bomai ni dabe tiwai pedaliyu yaibao.
Te ni dabe sele te tō aya tomoba mu dulali
tiwai ebo dao.

⁶ Te augwali wiegi yai mu te gesi ni yabe
pedalubo tiwai eyu,
te oliv ni wiegi yai pedalubo tiwai yaibao.
Tama te we bidigo augwalide wiegi yai
homu pemene eyu,
te augwaligo te Lebanon wiegi yai ni
sida dabe te wiegi yai denami ebo tiwai yaibao.

⁷ Te augwali ena dali ma bidagasobaso,
te eno augwali tonaluaibao.
Tama augwa gide te nai umabo hauwa
walama, elalueibao.

Te augwa wai hauwa ame naibao,
te gide wiegi yai ni wain augwa
nai wai ge hauwa walobo tiwai yaibao.
Tama augwa te genuai nogi elalu,
te Lebanonde polalubo wain tiwai gilama elalueibao.

⁸ Tama te sogo te Israel dabego te tibo
godiba lotu munu me wagobeo.

Te enaduba deligo naga augwaligo
gedu haluasa po wabo odaibao.
Te eno augwali bugagia tonalu,
tama augwali te ena dologode bidiyu,
te bidi te genuai ni wuli dologo
tiwaji madi te giliga nanu posolo ebaso
bidibo tiwai yaibao.

Ena digi ena te tigidali wiegi yai nai
augwaligo sabo page bidi dao,"
God Genuai Bidigo te po wai.

Po silagasu wabo po

⁹ Te wiegi yai homu kolesaga elalubo bidi dabe,
augwaligo te e bukude elalubo po konea sao.

Tama eno homugo te augwaligo homu kone palama,
tama te po wali pomainao.
Te Genuai Bidigo kolesaga te dolo naga elalubao,
tama te doloba pai bidi dabego

te kolesaga wali peyu bidaibao.
Tiali goli, te dwai sę ebo bidi dabe,
te augwaligo Genuai Bidigo kolesaga wali pogobeo.
Tama tiyu, augwali tulalubo dao.

Profet Joelgo Buku

Hasia nedebo po

Te e bukude te profet Joelgo pusali po dabe te elalubao. Tiali goli, te po dabede te profet bidi aga te aga mena tiwai bidi dawe te po pusubeo. Teda aga te kantri Persia bomo elama bidali sogo bidai bidi tonobo aq̄ ebao. Teda te Israel we bidi dabe augwali te kantri Babilon tagalama, augwali te Juda t̄ba ma asali sogo, Joelgo dwai sogo mu deli te kantride pedalubo suali. Te moni giliga posologo te tigidali nai dabe sasilibo suali. Tama moni genuai mano sibi aselama, te tubo nai yabe dabe sese tula silibo suali. Joelgo te s̄ dabe suali, te bidigo Godiba boi bidi homu yainogo ebo bidiba dua dao wabo tiwai suali. Augwaligo augwa dwai kolesaga dabe yaibao. Tiali goli, nosali da, Genuai Bidigo be posobo si asaibao. Teda te Godigo te dwai sogo pedalaibao wali, te be posobo sogo agai te dwai kolesaga yali we bidiba dene mayu, me agai te sogo te wiegi yai kolesaga yali we bidiba wiegi yai kolesaga iyu yaibao wali sogo pedalaibao, te aga kolesaga wali pali we bidiba te wiegi yai s̄ yaibao.

Joelgo te we bidi homu begelama, tama Godigo augwali hobede emainao po wali. Daq̄ walai po genuai deli Joelgo profet po tomode deli elalubao. Te po te Daj̄ 2:28-32, tede te elalubao. God aga Mobo Bidi te we bidiba tagala palaibao wali. Te monu dabeba, me gesi bidi dabe, sese tama agai Mobo Bidi mawaibao wali. Te Godigo te Mobo Bidi te Jisas wali bilali bidi dabeba tagala palai madi, Pitago te po wali, teda te profet Joelgo profet po-ba te usu nani dao po wali. Te Tagala Palali 2:1-42 tede suo.

Te we bidi dabego nai tigidali doado bage dolobaso, tama augwali gela wai

1 Te e po da, Genuai Bidigo Joelbolo mawai, te Petuelgo ogwa dao.

² Dage monu dabe we bidigo, odiq̄o.
Te dage tigidali Judago, odao.
Eno dageba meḡi te pedelali nai po hanalu obao.
Te tobage nai te polobadu dage bidali sogo me pedelai daw̄e?

Te duga waj̄ n̄q̄ bidali sogo me pedelai daw̄e?
Eno homugo te menio.

³ Dagego duga wai dabebolo te s̄ yali po waiq̄o.
Augwaligo te augwa wai dabeba te po omainao, tama te wai dabego te nosali pedalubo haniba omainao.

⁴ Te me si me si te tobage kuli mano hani pedelama, tama te tigidali nai yabe mu silalio.

Tama hasia te polasa pali kuli mano hanigo te taga pali nai yabe, te si wali nosali asobo kuli mano hanigo tula silali. Tama te sela wali, me te me si me si wali hani, te hani sigo te tama tiwai naga yali, tama te tigidali nai mu silalio.

⁵ Dage te bomai aq̄ tulama, ḡq̄ page ebo bidi dabe, hogodama gela waiq̄o.

Dage te wain w̄ tubo bidi dabe, dage me gela waiq̄o,

magi baso meni, te kuli mano dabego dagego te gesi wain aq̄ nigabo bono du tigidali te dolali dao.

⁶ Genuai kuli mano hani te genuai ami hani me deli tiwai yali, te dago t̄ kantri tigidali mu halua sigulali. Augwali bomai mu, te hauwa umabo, te nedabo usu egobeo.

Te augwaligo kele te laiongo kele tiwai te mu poa pai dao. †

⁷ Augwaligo te dago ni wain dabe dolama, te dago ni kaya fik me tula silali. Augwa te tigidali ni kaya wale me ni nologo tula silama, wa pelama, te tedela yai elalui dao.

⁸ Dage we bidi dabe, dage gela waiq̄o, te gesi weḡi aga sainu yali bidi isibaso, te aga gela wabo tiwai iyq̄o.

⁹ Te nai me wain te God aga beba ofa yabo nai meni yai.

Te pris dabe augwa Genuai Bidiba ofa yabo nai meni baso, tibaso te augwali gela obao.

¹⁰ Te gi dabede nai meniama, olo mu elalubao. Tama t̄ digi me gela obao, magi baso meni, tigidali gide nai dolali, te wain du wai tigidali sasia pelama,

† 1:6 Ped 9:8

te oliv ni dabe me sasia palio.
¹¹ Dage te gide sę ebo bidi dabe,
dage te homu dene eyu, gela waiąo.
Tama dage te wain gide sę ebo bidi dabe,
dage gela waiąo.
Magi baso meni, tigidali wit, me bali,
me tigidali nai dolalio.
¹² Te ni wain dabe dali,
te ni kaya fik dabe me, sasia palio.
Tama te gasa tobage du walobo ni dabe tigidali,
augwali mu sasia pali.
Tialima, te we bidi dabego wiegi yai
homu pemene ebo tigidali te sia salio.
¹³ Dage te altaba ofa ebo pris dabe,
dagego te homu dene ebo side gudubo
ugwa gudama, tama dage gela waiąo.
Te hulide dagego te homu dene ebode
gudubo ugwa gudama,
te Godigo be tomoba pelama, tama gela udubadi,
te be posoboba usu nao. Magi baso meni,
te dena Godiba ofa yabo nai me wain meni yai dao.
¹⁴ Dagego te tigidali we bidiba wao,
augwa te nai habu selemainao.
Tama tigidali we bidi sisinagasomainu i olama,
te lotu wagasomainao wali.
Te polalubo tobolu bidi, me tigidali Juda we bidi,
tama dage te Godigo be tomoba pelama,
te dena Genuai Bidi, agaba i waiąo.
¹⁵ Magi baso meni,
te Genuai Bidi asabo side bodolu te pąba yagasalio,
tama te bodolu side te Tigidali Bomo Elalubo
Godigo te dolabo genuai sę daba tagala palaibao.
Hobede da, te side te dwai mu dao. †

¹⁶ Te nai dabe dolali, te dago magi sę deli me egobeo.
Te Godigo beba da paibao,
tiali goli dago wiegi yai homu pemene me egobeo.
¹⁷ Tęde wę meni yai,
tama tiyu, te tę tomode nai wai dabe
isila pelama, te nai me holobeo.
Tialima, te nai mubo be olo elaluama, te dolalio.
¹⁸ Hobede dao, te bulmakau dabe nasi dwai mu eba-
so,
te hou weyu, ga walio.
Augwali te homu kolesaga meni yani,
magi baso meni, te tuabo nosai me elalubeo.
Te sipsip hani me nasi eyu, te nomona salio.

¹⁹ Genuai Bidio, eno gedu haluasa po bomonama
obao,
magi baso meni, te tigidali nosai me,
ni me, te sasia pelama,
te augwali isigo ulali tiwai yali dao.
²⁰ Te uni hasa dabego me nageba i obao,
magi baso meni, tigidali aę sula siyu,
tigidali nosai me wa pai dao.

Te kuli mano dabego yali sę te Genuai Bidigo bodolu
side dąj mabo tiwai yalio

2 Genuai Bidigo te dwai sę ebo we bidiba dene
maiabo bodolu, te pąba megı yagasoba wali.
Tialima, dagego te biugel bu weyu,
te Godigo bulu dude digi, te Saionde belo dabe elao.
Tama te side te tigidali Juda we bidi
noma somainao wali.

² Genuai Bidigo te wabo side te be mu hulıa saibao,
tama te husugu yai pęgo te dagalu mesega saibao.
Te genuai kuli mano hani te ami tiwai elama,
te bulu du dabe mesega sagaselama,
te kigamu te be posobo asobo tiwai pedelaibao wali.
Te polobadu te tiwai sę deli me pedalubeo,
tama te tiwai sę me te nosali me pedalugobeo,
wai dao.

³ Augwaligo te nai yabe me, nosai me, tula silaibao,
te kala siago dabo tiwai yaibao.
Te augwali te pedalisąwani pesagede digi
te wiegi yai te Iden gi tiwai elaluali,
tiali goli augwaligo te nai yabe tigidali
tula silali pesagede, te bulu tę wa pai pedelali.
Augwaligo te yabe deli me elalumainu me
sula tagalubeo.
Augwaligo mu silalio.

⁴ Te kuli mano dabe te boi hwjabo
hos dabego udada asobo tiwai ebao.

⁵ Te augwali bulu duba samanobo sogo,
augwali te karis masigiba samanu
kidagalo wabo tiwai ebao,
tama te kala siago deyu,
podo podo wabo tiwai ebao.
Augwali te genuai ami hanigo
te boi hwjainu wasibo tiwai yaibao. ††

⁶ Te augwali pąba asobo sogo,
tigidali tęde bidibo we bidi hani
wi dwai mu elama,
te augwali bomu mu menia sai dao.

⁷ Te kuli mano dabe te hwjabo bidi dabe
udada asobo tiwai elama,
augwali te taun bagulali obo banisba holali.
Te augwali dolo naga peyu,
te ami dabego nogo sąę sayu,
mas ebo tiwai ebo dao.

Te augwali gasaba begelama, me tonono me ebeo,
⁸ tama augwa pabo sunumi digi me palia sabeo.
Augwa te tigidali obo banis aluama, tomoba pobao,
te mena nai me deligo augwali me palibeo.

⁹ Augwali te taun dabeba udada pelama,
tama augwa te obo banis bolama,
te u badu aiya dulubao.
Tama augwali te be dabeba holama,
tama te be pola sali dedage windodu
te nai wi sabo bidi tiwai elama,
te be tomoba pabo dao.

¹⁰ Augwali pobadi, te tę dali, dagalu dali si

† 1:15 Ais 13:6

†† 2:5 Ped 9:7-9

mumunu yaibao.
 Tama giliga dali, polua si, te hulua saibao,
 tama te hq̄ ula ma egobeo. †
 11 Genuai Bidigo te aga ami bidi dabeba
 i bomonama wali,
 te agai pedauwalide te dagalu
 kulukulu wabo tiwai yali.
 Te agai po wali pabo bomai ami hauwa elaluai.
 Idaya, tegobao!
 Te Genuai Bidigo bodolu side te dwai mu dao.
 Tialima, de aga te bugagia bidiyu,
 te aga me dologobe dawē? ††

Godigo te we bidi dabe te tiwai i weyu, te augwali homu begeliq̄o wai

12 Tialima, Genuai Bidigo te po wai,
 “Mu dao, te tigidali s̄ pedelaibao,
 tiali goli megi dage haliga begelama,
 enaba ma asiq̄o,” wai.
 “Tama duga te nai habu selama,
 tama haliga hobede elama, gela weyu,
 enaba ma asiq̄o.
 13 Te duga homu dene ebo ola mayu,
 te dagego ugwa dabe olodali pisagimio.
 Te duga haligade digi te duga yali
 dwai s̄de homu dene mu yao,”
 Genuai Bidigo te po wali.
 Dage te Godiba ma asiyu, te dena Genuai Bidi dao.
 Agade te olo mu tau sabo wiegi yai pemene ebo
 homu kolesaga paq̄analubao,
 te dade wiegi yai s̄ ebao.
 Godigo dabolo te dua dua eyu, s̄b̄ polo egobeo,
 te da sesemane sogo godolo mu ebao.
 Sesemane sogo agai dago dwai s̄q̄
 sela saq̄abo sisi idu,
 te dabolo dwai dene ilabo homu ebe dao.
 14 Dego konegowe?
 Te dage dena Genuai Bidi Godiba ma asigi sogo da,
 teda agai homu te ma hasegelama,
 te dabolo wiegi yai s̄ eyu,
 te da nai hauwa magi da.
 Tama tiyu, te dago te ofa yabo nai hauwa me,
 te ofa yabo wain me, elalueibao.
 15 Dagego te bulu du Saionde te biugel naigo bu wao.
 Te we bidi dabeba weyu, te augwa nai habu selao,
 tama dagego augwali sisinama, lotu omainu yao.
 16 Tigidali we bidi sisinama,
 te augwali genuai lotu omainu sisinao.
 Te tigidali monu dabe, mosi dabe me,
 tigidali wai puluba me,
 te idago ame tubo dwasiyanu
 wai b̄q̄ dabe me, sela asiq̄o.
 Te tamadi gesi selama bidibo we bidi dabe me,
 tigidali we bidi te be tagalama, asiq̄o wai dao.
 17 Te pris dabego Genuai Bidigo s̄ eyu,
 te aga be sunumi me alta tomode yali,

augwa te gela weyu,
 te gedu haluasa po te tiwai waiq̄o wali,
 “Genuai Bidi, nago naga we bidi dabe da
 homu dene yao,” wao.
 “Te nago da homu dene isaq̄baso da,
 teda te gasa hani we bidi dabego da tudiba muyu,
 tama daba posobo po te tiwai waibao,
 ‘Te dagego God mena bidibawe?’ te po waibao.”
 Te pris dabego te po waiq̄o.

Genuai Bidigo te nai ma holomainu ilali

18 Tialima, augwali homu begelibaso,
 te Genuai Bidigo aga t̄de homu hauwa elama,
 tama agai te aga we bidi dabeba
 te olo mu tau sabo wiegi yai homu kolesaga eyu,
 tau sai dao.
 19 Agai te po wai, “Megi da, eno dageba te wain me,
 ni oliv wel me mawaibao, tama dagego
 hauwa elalueibao.
 Eno tama tibode te gasa we bidi dabego
 dage tudiba mubo po munu me ma wagobeo.
 20 Tialima, eno te kuli mano dabe
 te not pedaiba gudulaibao,
 meba te wa pai t̄ bulu pesageba sela saq̄waibao.
 Te hasia mu asali kuli mano hani
 eno te sigi aq̄ Detsiba gudulaibao,
 te nosali asali hani eno te genuai
 tamu aq̄ Mediterenianba sela saq̄waibao,” wali.
 “Tama te kuli mano hani tigi te isila pelama,
 te damubo kugumini yaibao.
 Eno te tama tebo te augwaligo dageba yali
 dwai s̄ tigidali wei ponoyu, tama tiaibao,”
 Genuai Bidigo te po wai.
 21 “T̄, nage wi me igio.
 Nage wiegi yai homu pemene elama,
 te bugai haliga yao, magi baso meni,
 ena Genuai Bidi, eno te wiegi yai
 s̄ hauwa nageba ebo dao.
 22 Te kibu hasa sibi dabe, dage wi me igimio.
 Magi baso meni, te nosai ma pedelali.
 Te ni dabego nai ma walali, te ni kaya fik me,
 ni wain me, te du hauwa walama elaluai.”
 23 “Te Saion we bidi dabe, dage wiegi yai
 pemene iyq̄o.
 Dagego te duga Genuai Bidi ena Godigo
 dage tau sali s̄de wiegi yai pemene yao,” wai.
 “Eno dageba te tulubage te nai bulabo sogo
 usu nama mawai,
 tama dageba te polobadu yali tiwai
 te tulubage hauwa mawai.
 24 Te wit bo wali sela saq̄o pesagede
 te wit ge paq̄analueibao,
 te wain me ni oliv wel nigibo dedagede,
 te wain me wel paq̄ana pelama gelaibao,” wali.
 25 “Ena digi eno te kuli mano dabe
 dageba te ami bidi tiwai elama tagala palali.

† 2:10 Ped 8:12 †† 2:11 Ped 6:17

Tama tialima, te dagego nai tigidali te kibu bede te genuai hani kuli mano dabego te tula silali nai tigidali te eno wei pona silaibao," wai dao.

²⁶ "Megi da, te dagego tuabo nai hauwa elalu, te dage mu pağana paibao.

Tama dagego te ena God nogi ugwaba saibao, te duga Genuai Bidi dao, magi baso meni, eno te wiegi yai bomai sę hauwa dageba yalio.

Tama te gasa we bidi hanigo te eno we bidi dabe dage hale munu ma ilimainogo me egobeo.

²⁷ Tialima, dage Israel, te ena dage dali bidibo te dagego koneaibao, te ena Genuai Bidi, ena naga ena duga God dao. Te gasa hani we bidi dabego te eno we bidi dageba te hale ilabo sę me emainu munu me ma egobeo," wai.

Godigo te aga Mobo Bidi te tigidali we bidi haniba mawaibao wai

²⁸ Te Genuai Bidigo po ma weyu, te po wali,

"Nosali te eno Mobo Bidi te tigidali we bidiba tagala palaibao," wali.

"Tama te dagego ogwa dabe me, wegigo me, te eno po te profet dabego po pusubo tiwai yaibao," wali.

"Te dage monu dabe bidi dabego te na eyu, te gesi ogwa bidi dabego me te na tiwai yaibao," wali.

²⁹ "Te tama tebo sogo te eno Mobo Bidi te eno sę bidiba, me sę ebo we dabeba tagala palaibao," walio.

Te Genuai Bidigo side bodolu dağ ilali

³⁰ Genuai Bidigo po ma weyu, te po wai,

"Te eno te e side dağ ilali sogo bodolu te tõe me dagalude mueibao," wali.

"Te tõe genuai boi hwjabo si pedalubode, te bidi hauwago kaneme gelaibao.

Te sia dabo augwa taunde pedelama, te hano genuai hano ugwaba holaibao," wali.

³¹ "Tama te dagalude da, te giliga ge be hulua selama, te poluade mama yai pedelama, te bidi kaneme tiwai yaibao.

Dagego te nai subo sogo da, te dagego koneyu, te Genuai Bidigo sogo bodolu te pedalubao homu yaibao.

Te genuai side te tigidali tõe we bidi wi mu yaibao. †

³² Tialima, niwai we bidi te augwali tau somainu enaba hanalubaso, teda te eno augwali tigidali ma saibao," wali.

"Ena Genuai Bidi da, eno te sęde te tiwai

po walio, te Jerusalemde bidibo we bidi meba te me hagagobeo.

Te we bidi dabe ena digi te sa munama dağ ilali, te augwali bugagia bidaibao wai dao," wali. ††

Godigo te we bidi sisinama, po tu yaibao wai

3 Genuai Bidigo te po wai, "Te sogo, te side, eno te Jerusalem we bidi dabe me, te gasa badu Juda pedai dabe me, augwali te bugagia ma dugulalumainao po waibao.

² Te eno tigidali we bidi hani selama, te odogo malu tõe pesageba sisinagasali, augwaligo God Te Po Tu Odobo Jas Dao nogi polali tõe.

Te pesagede eno te po tu elama, tama te Israel hani isawai bage augwaligo te eno we bidi dabeba yali tigidali kolesaga dagalaibao.

Te hani dabego eno tõe pepedama, te augwa hasi dobola sali, tama augwaligo te Israel dabe te gasa bulu tõe kantriba wi tedela pomainu ilalio.

³ Te hani augwa te satu gagali elama, dego te Israel we bidi deli deli sesa pabo te hanilibo sueinu yali.

Tama tiyu, augwa te Israel dabego wegi ogwa dabe te maketde munama, augwaligo te mone salio.

Tialima, te monego augwa te penani we dabe abeliyu,

te wain abeliyu yai dao."

Genuai Bidigo te po wai. ⁴ "Dage te Tair me Saidon hani bage, me tigidali Filistia pedai badu me, dagego enaba mena sę yainu ebawe? Dagego homugo eno te dwai sę yalide homu eyu, te wei ponainu eba, agawe? Te dagego tama homu ebaso da, teda eno te polo dageba te wei pon-aibao," wali. ⁵ "Dagego te silva me gol sobadi, te gasa sawi yai nai hauwa sela pelama, te dagego tibo godiba lotu wabo beba mugi pai dao," wali. ⁶ "Dagego te Jerusalem we bidi sobadi, te juda pedai gasa badu me selama, te augwali digibulu mu odasa pelama, te Grik dabego augwali abelai dao. ⁷ Tiali goli, megid da, eno augwali ma sela aselama, te dagego augwali tagala palali bulu taga soaibao. Te dagego augwaliba yali to-bage kolesaga tiwai te eno dageba yaibao," wali. ⁸ "Te eno te juda dabego te dagego wai ogwa dabe me wegi somainu ilaibao. Tama te Sabea dabe, te digibulu bidi dabego, te juda dabeba aselama, te dagego ogwa me, wegi me, abelagaselama, te augwali digibulu sela paibao. Ena Genuai Bidi, eno te po wai dao," wali. ‡

† 2:31 Mat 24:29; Mak 13:24-25; Luk 21:25; Ped 6:12-13

†† 2:32 Tpi 2:17-21; Rom 10:13 ‡ 3:8 Ais 14:29-31; 23:1-18; Jer 47:1-7; Ese 25:15-17; 26:1-28:26; Amo 1:6-8, 9-10; Sef 2:4-7; Sek 9:1-7; Mat 11:21-22; Luk 10:13-14

⁹ Godigo Joelbolo weyu, te po te tigidali hani we bidi-ba wao po wali.

“Dage te boi hwjabo sisi elaluo.
Te tigidali ami sisinagasomainu i olama,
te hwjigi pao,” wali.

¹⁰ “Te gi tɔ pedebo genuai ain te bainat
tiwai pedalumainu halua,” wali,
“me te ni nologo togobo hwɔ haluama,
te sesemone tiwai pedalumainu yao,”
wai.

“Te bomo meni yai bidi me te hogodama,
te hwjbo bidi tiwai yao,” wali. †

¹¹ “Dage bulu tɔ kantri pade bidibo
tigidali hani bage,
dage asesa polo te odogo malu tɔ
pesageba sisinagasao,” wai.

Tama Genuai Bidi, eno homugo nago te naga bomai
ami bidi dabe te boi bidi dabeba hwjagasomainu
tagala palao.

¹² Godigo te po wai, “Te we bidi
hani dabe te sisi elama,
te odogo malu tɔba dulao,” wali,
“augwaligo te God Te Po Tɔ Odobo
Jas Dao nogi poali tɔba dulao.

Ena Genuai Bidi, ena te pesagede dugulalu,
te Israel pade bidibo tigidali gasa hani
we bidi te po tɔ ilaibao,” wai dao.

¹³ “Te hani we bidi dabe te dwai mu dao.
Te augwali te bidigo inawai tau yai wit nai
togobo tiwai togwao.

Te augwali bomonama agawaibao,
bidigo te wain wai ge du te sɔgɔgo agabo tiwai yao.
Te halobage tiwai nai te mu pɔgɔna pelama,
te wain ɔj buluba gelaibao.

Tialima, te hani dabe mu dolaibao,” wai dao. ††

¹⁴ Te hauwa umabo we bidi te odogo
malu buluba sisinama, po tɔ yaibao.
Te dwasianu sogo te Genuai Bidi te buluba
pedelabo bodolude te pedelaibao.

¹⁵ Tama te giliga me polua te hulua siyu,

te hɔ dabe me ula ma egobeo.

**Godigo te aga we bidi tigidali te wiegi yai bugagia
ilaibao wai**

¹⁶ Genuai Bidi te Jerusalem te Saion
bulu dude bidiyu,
te po dagɔ genuai mu waibao.

Agai i wabo te dagalu kulukulu wabo tiwai obaso,
te tɔ dali dagalu si mumunu yaibao.

Tiali goli, Genuai Bidigo te aga we bidi tigidali tonalu,
te augwali me dologobeo. ‡

¹⁷ Agai te tama po wai,

“Te sogo te Israel dagego koneiagameo,
ena tama ena God, te duga Genuai Bidi da waibao.

Ena te Saionde bidibao, ena bulu du deli digi dao.
Te Jerusalem eno te ena taun naga pedelama,
te gasa hani dabe augwaligo boi bidi homu eyu,
te tomoba ma pogobeo.

¹⁸ Te sogo wain gi pedalama,
te bulu du mesega sigulaibao,
te bulmakau hauwa te dwasianu bulu du dabede
bidalueibao.

Te Juda we bidi dabego wɛ hauwa elalueibao.

Wɛ me deli te Genuai Bidigo bedu gomo gudama,
te Odogo Bulu Tɔ Te Ni Akas Elalubo
madiba dulaibao,” wai.

¹⁹ “Te Isip dabego tɔ te wa pai bulu pedelaibao,
te Idom dabego tɔ da, te olo bulu tiwai pedelama,
bidi tede me bidigobeo.

Magi baso meni, te hani sigo te Juda dabe
dali hwjnama,

tama te magi dwai sɛ isɔwai we bidi olodali elali.

²⁰⁻²¹ Tialima, eno te we bidi elali bidi dabeba
te tobage kolesaga yali wei ponama,
te augwali elaibao,” wai.

“Eno te dwai sɛ yali bidi deli me gedelegobeo.

Tialima, te Jerusalemde sesemane bidibo
we bidi dabe me,

te Juda gasa badu pedaide bidibo me,
ena Genuai Bidi ena te Saion bulu dude bidiyu,
te sesemane tonalueibao,” po wai dao.

† 3:10 Ais 2:4; Mai 4:3 †† 3:13 Ped 14:14-20; 19:15

‡ 3:16 Amo 1:2

Profet Amosgo Buku

Polasa nedebo po

Dago homu te profet Amos agai pusali po augwaligo bukude asęai dao, tama agai po wabo buku te Baibel to-mode elalui dao. Tama tebode Amos polasa peyu, tama nosali badu pedelali gasa profet dabego pusali po me augwaligo bukude nosali asęnama, tama buku Baibel tomode elalubao. Amos aga te Juda tų kantri pedaide te dwasianu taun bidi me deli da, te hasia bolo aga te sipsip tonalubo bidi bidali. Tialima, Godigo aga i olama, agai po te kantri Israel not badu bidibo we bidi augwaliba pusigi pomainu yalio. Te sogo te Israel dabe augwali bugagia bidiyu, te magi nai me deligo augwaliba genuai sęę me mabeo.

Te Israel dabe augwa homugo te augwali bugagia bidiba homu yali, tialima Amosgo augwaliba te tiwai po wali, te God gedude augwali bugagia me bidibeo. Augwaligo te magi nai meni yai bidi dabe augwali tomode bidibo augwaligo bugagia me tonalusawai, tama augwaligo te doloba pai kolesaga augwa abagi dabe tigidaliba me ebeo. Amosgo augwaliba bomai po mu mani, te augwaligo homude me te ebo kolesaga dola mabo po walio. Agai te po wali, te augwali homu me begelisawaso da, teda Godigo dwai dene mu augwaliba ilaibao. Te Israel gegunai bidi dabego agai te po odobo sogo, augwaligo aga te Juda tų kantri pedaiba ma sela sawabo homu yai dao.

Amosgo te we bidi augwaliba te tiwai po walali, te augwaligo mena kolesaga ebode te Godigo magi sę me egobe da, te homu elamuo. Augwaligo te tobage homu elaluyu da, augwaligo te God munu ma konegobe dao. Augwaligo te tiwai tama bugagia koneao, God augwa Genuai Bidi da weyu, tama agai te tigidali sę yabo bomo elaluba homu yao. Te agai augwaliba dwai dene maiabo bomu me elalubo dao. Te profet Amosgo te po wai.

Te Israel augwaligo dwai sę ebo genuai elalubaso, Amosgo te Godigo po augwaliba pusalio

(Daj 1:1-5:3)

Godigo po Amosba mawai

1 E po da, te bidi Amosgo pusali po dao. Amos aga te Tekoa taun bidi da, tama aga te sipsip kibu hauwa page bidi me deli bidai dao. Godigo agabolo te Israel hanide e po mani sogo, aga te nade subo nai tiwai gilama yali. Te sogo Usia te Juda tų kantri king bidibo sogo, me te Jeroboam, te Joasgo ogwa, te Israel tų kantri king bidali. Te sogo Amosgo te nade subo nai tiwai sulama da, teda nosali badu te kibu be si bidama da, te genuai tų mali yai. †

Genuai Bidigo te we bidi augwaliba dwai dene maiabo bomu elalubao
(Amo 5:8-9; 9:5-6)

² Te Amosgo e bukude wabo po page e tiwai dao, Genuai Bidi te Saion bulu dude bidiyu,

† 1:1 2 Kin 14:23-29; 15:1-7; 2 Sto 26:1-23

te agai i hai genuagia mu udubao.

Awe, aga tede te Jerusalem moni taunde bidiyu, sębę ebaso, te agai dogonigo hwa bomonama obao. Tama tibaso, te sipsipgo tuabo wiegi yai nosai dabe sasia pobao, me te Karmel bulu dude elalubo ni yabe dabe, tigidali wa pobao. ††

Godigo te Siria tų kantri we bidi augwali po tų ilaibao

³ Genuai Bidigo wabo po e dao, "Hauwa sogo te Damaskus hanu we bidi, te Siria tų kantri bage, augwaligo dwai sęę sabo sę idu geai. Tebode augwaligo dwasianu toma me nabeo. Menio. Augwaligo te Gileat tų we bidi dabe dali dwai sębę eyu mu dolali, tialima, mu tama, eno te Damaskus dabeba dwai dene mu mabo sę yaibao," wali. ⁴ "Awe, eno isi te king Hasaelgo sę yani genuai wiegi yai beba te sia tula palaibao, tama te isigo te king Benhadatgo taun ulaibao, te bomai obo elalubo taun dao. ⁵ Eno te Damaskus genuai taun te genuai sunumi daw walobo ain ba dabe te togolama, mimia sawaibao. Tama eno te Odogo Bulu Avende bidali we bidi tigidali sela sawana, ela gudulubadi, tama eno te tų kantri Beteden king bidi me ela gudulaibao. † Tama te Siria hani bage te tų kantri Kirba

†† 1:2 Jol 3:16 ‡ Te Odogo Bulu Aven, me kantri Beteden te taun Damaskus pade elaluali bogo. Tialima, te Hibru pogo te Odogo

kalabus paibao, te giliga pedalubo badu elalubao." Te po da, Genuai Bidigo po dao. †

Godigo te Filistia t̄q kantri we bidi dabe augwali po t̄q ilaibao

⁶ Genuai Bidigo wabo po e dao, "Hauwa sogo te taun Gasa we bidi dabe, te Filistia t̄q kantri bage, augwaligo dwai seḡe sabo seḡe idu geai. Augwaligo te tebode dwasianu toma me nabeo. Menio. Te Gasa dabego te bulu hani bage me deli sese selama, te kantri t̄q Idomba kalabus seḡe emainogo sela pali. Tialima, mu tama, eno te Gasa dabe augwaliba dwai dene mu mabo seḡe yaibao. ⁷ Tialima, eno te isi Gasa taun obo tomoba tula palaibao, tama te isigo te taunde bomai be dabe ulaibao. ⁸ Te Filistia t̄q taun dabede eno tama tiaibao, eno te taun Asdot hani bage tigidali ela gudulama, tama eno te Askelon king me ela gudulaibao. Tama eno te taun Ekronba me te dwai seḡe mabo seḡe ilama, tama te Filistia t̄qde bidali we bidi dabe sese eno ela mu silaibao." Te po da, Genuai Bidi Godigo wai po dao. ††

Godigo te taun Tair we bidi augwali po t̄q ilaibao

⁹ Genuai Bidigo wabo po e dao, "Hauwa sogo te taun Tair we bidi dabego dwai seḡe sabo seḡe idu geai. Augwaligo tebode dwasianu toma me nabeo. Menio. Augwaligo te Israel we bidi hani me deli sese ela gudulama, te t̄q kantri Idomba kalabus seḡe emainogo sela palio. Polobadu augwaligo te Israel hani bidi augwali dali te po me deli daḡ walama, te augwa hodobo deliba bugagia bidinao wali, tiali goli augwaligo te daḡ walali po bolali. Tama tialima, te mu tama, eno te Tair dabeba dwai dene seḡe mabo seḡe yaibao. ¹⁰ Eno te Tair taun obo dabeba te isi tula palama, tama te taunde bomai be dabe te isigo dela silaibao," te po wai. ‡

Godigo te Idom kantri t̄q we bidi augwali po t̄q ilaibao

¹¹ Genuai Bidigo wabo po e dao, "Hauwa sogo te Idom t̄q kantri we bidigo dwai seḡe sabo seḡe idu geai. Augwaligo te tebode dwasianu toma me nabeo. Augwaligo te Israel hani we bidi dabe pobeasa pali, te augwa ama dabe digi †† te augwali bobage hwaḡ ge bainatgo elalio. Te augwali hobede eyu, tau sabo homu eyu, tama augwali tagalabo homu dwasianu me ebeo. Mu menio. Augwaligo haliga seḡe ebo wado yabo homu seḡe genuai mu elama, posolo mu yai, tama te haliga seḡe yali me silibeo. Te me elalualio. Tialima, mu tama, eno te Idom dabe augwaliba dwai

Bulu Aven nogi te paḡe te tobage po tiwai elalubao, "te dwai kolesaga dabe ebo odogo bulu da," wabo. Te nogi Beteden te tobage po tiwai si elalubao, "te wiegi yai homu pemene ebo hanu da," wali. Te nogi ede elalubo te Godigo te we bidi augwaliba dwai dene maiabo kolesaga augwaliba yali po ede ola mabo tiwai po wali. † 1:5 Ais 17:1-3; Jer 49:23-27; Sek 9:1 †† 1:8 Ais 14:29-31; Jer 47:1-7; Ese 25:15-17; Jol 3:4-8; Sef 2:4-7; Sek 9:5-7 ‡ 1:10 Ais 23:1-18; Ese 26:1-28:19; Jol 3:4-8; Sek 9:1-4; Mat 11:21-22; Luk 10:13-14 †† Te Israel dabe augwali hani te Jekopgo waḡ noḡde bulali, tama Idom dabe augwali hani bulali waḡ noḡ te Iso da, te Jekopgo ama dao. Te buku Gag, Daj 36:1-8, tede te po elalubo suao.

seḡe mabo dene mu ilaibao. ¹² Eno te isi aiyaba tula palama, tama te Teman taun, me Bosra taun sigo elalubo bomai be dabe te isigo domainu ulaibao," te po wai dao. ††

Godigo te t̄q kantri Amon we bidi augwali po t̄q ilaibao

¹³ Genuai Bidigo wabo po e dao, "Hauwa sogo te Amon we bidi dabego dwai seḡe sabo seḡe idu geai. Augwaligo te tebode dwasianu toma me nabeo. Menio. Augwaligo te t̄q dage me badu sainu, boi hwj̄bo seḡe ebadi, te t̄q Gileat bulude augwaligo te wai haliga elalubo we dabe haliga hwaḡo aluali. Tama tialima, mu tama, eno te Amon dabeba dwai seḡe mabo dene mawaibao. ¹⁴ Eno te moni taun Raba aiyaba isi tula palama, tama te taun bomai be dabe isi ulaibao. Te ami bidi augwa boi hwj̄bo sogo, te i hai bomonama weyu, tama te hwj̄bo bomai pedalu, te bomai wali me deli te dwai sogo pedalubo tiwai yaibao. ¹⁵ Te boi bidi dabego te Amon king aga ofisa bidi dabe dali, augwali te gasa buluba kalabus igi painu sela paibao." Te po da, Genuai Bidigo po dao. †††

Godigo te Moap t̄q kantri we bidi dabe augwali po t̄q ilaibao

² Genuai Bidigo wabo po e dao, "Hauwa sogo te Moap kantri we bidi augwaligo dwai seḡe sabo seḡe idu geai. Augwaligo te tama seḡe sabo seḡe me edu geḡu, tama augwaligo dwasianu toma me nabeo. Augwaligo te Idom kingba dwai seḡe iduama, te aga ela muanio. Tama nosali aga nogi mu dolainogo eyu, augwaligo aga dili dabe te gḡ pagede ma guda selama, te isiba ulama, te buai dali tubo keli kambang tiwai pedelali. Tialima, mu tama, eno te Moap dabe augwaliba te dwai dene mabo seḡe mawaibao. ² Eno isi te Moap kantri t̄qba tula palama, te Keriot taunde elalubo bomai be dabe te isigo daibao. Tama te genuai boi hwjaibao, te ami bidi dabego i hai weyu, te bu wabo nai biugel bomonama ponaibao. Te tama tebo sogo te Moap dabe ela silama, isaibao. ³ Eno te Moap king ela mubadi, te aga ofisa dabe dali tigidali ela mueibao." Te po da, Genuai Bidi aga po dao. †††

Godigo te Juda t̄q kantri we bidi dabe augwali po t̄q ilaibao

⁴ Genuai Bidigo wabo po e dao, "Hauwa sogo te Juda t̄q kantri we bidi dabe augwaligo dwai seḡe sabo seḡe idu geai. Augwaligo te tama tibo seḡe augwaligo dwasianu toma me nabeo. Menio. Ena da, Genuai Bidi dao, tiali goli augwaligo eno bomo yai po sela saḡu, te eno augwali ola mani po augwaligo wali me pabeo. Augwaligo homu kolesaga umuna selama, geda muyu, ena wali munu ma pabeo. Magi baso meni, augwa te tibo god dabe wali pidu, te augwa waḡ noḡ

†† 1:12 Ais 34:5-17; 63:1-6; Jer 49:7-22; Ese 25:12-14; 35:1-15; Oba 1-14; Mal 1:2-5 ††† 1:15 Ais 34:5-17; 63:1-6; Jer 49:7-22; Ese 25:12-14; 35:1-15; Oba 1-14; Mal 1:2-5 ††† 2:3 Ais 15:1-16:14; 25:10-12; Jer 48:1-47; Ese 25:8-11; Sef 2:8-11

dabego yali sê tiwai yali. Tialima, mu tama, eno te Juda dabe augwaliba te dwai sêgê mabo dene ilaibao. ⁵ Tialima, eno isi te Juda tōba tula palama, te Jerusalemde bomai be dabe isigo dela silimainu ilaibao,” te po wai dao.

Godigo te Israel kantri tō we bidi dabe augwali po tū ilaibao

⁶ Genuai Bidigo wabo po e dao, “Hauwa sogo te Israel we bidi dabe augwaligo te dwai sêgê sabo sê idu geai. Augwaligo te tama tibo sêde dwasianu toma me nabeo. Tialima, mu tama, eno augwaliba te dwai dene mabo sê mu yaibao. Magi baso meni, te Israel dabe augwa abagi dabego augwaliba negeli somainu ilali, tialima augwa te abagi dabego te negeli sali wei ponabo usu meni baso, te negeli mani bidi dabego augwa te abagi dabe pageabi ilama, tama augwali te gasa bidigo olo sê ebo bidi me olo sê ebo we pedalumainu yali. Tama tebogo te Israel dabe mebago meba bidi dabede augwa negeli mani mone wei ponama salio. Hobede ya, te abagi dabego te magi dwai sê me isāwai, te augwaligo sali negeli te dwasianu tama, te olo s̄aḡa nadoba su abelibo mone usu nama goli, tialima te meba Israel dabego augwali homu dene me ebeo. Menio. ⁷ Augwa te bomo kimi meni yai bidi, te augwa digi augwa tau sabo usu meni yai bidi dabe, te augwali aiyaba elaluama, tama augwa te magi nai meni yai bidi dabe ela gudulubo dao. Bidigo me, aga ayago me, te olo sê ebo we deliba naga penani igi pabo dao, te tama tiali kolesagade augwaligo eno genuai nogide hale mu ilibo dao. ⁸ Te tigidali lotu wabo bede te augwa abagi dabede negeli sali name ugwade godege piyu ebo dao. Augwa te name ugwa sabo, te augwa abagigo augwalide negeli sali wei ponomainu d̄aj ilibo sê tiwai eyu ebo, tiali goli augwaligo te sali name ugwa te augwa abagi dabeba ma mabo meni. † Tama augwaligo te augwa negeli sali wei ponabo usu meni yai abagi dabe po tū ilama, te augwa wain wê te wain wê te augwa Godigo be tomode tubo dao,” wali.

⁹ Tama Genuai Bidigo te po me obao, “Dage Israel bage, eno we bidi dabe, eno digi dage tau sabo homu elama, eno te Amor dabe dolali. Te hani bidi dabe augwali te bobobage mu, te bobobage ni tiwai elama, augwa bomo te ni kaligo bomo tiwai yai goli, tama eno te Amor dabe mu silai dao. ††¹⁰ Hasia bolo eno digi dage te Isipde selama, te dage odasa asai. Ena dage asobadu polasa peyu, te masigi kemi tōde bididubadi, te kibu be bidi sese si, 40 yia yali, tama te tudi badu eno te Amor dabe dolama, dageba te augwaligo tō mawai dao. ¹¹⁻¹² Eno dagego ogwa dabe meba sa muyu, te profet bidi pedalumainu ilali, tiali goli dagego augwali habu seleyu, te augwaligo eno po pusulamuo po wali. Tama eno te gesi ogwa bidi meba sa muyu, te Nasa ^{*} bidi pedalumainu yai. Tiali goli, dagego te Nasa

† Te Daj ves 8, tede elalubo bomai po te buku Sai, Daj 22:26-27 te tiwai po tede elalubo suao †† 2:9 Bom 3:8-11 ‡ Te nogi “Nasa” elaluali bidi dabe augwa digi te Godiba menama, augwa te bomai aj

bidi dabeba po bomu yai obaso, augwaligo te d̄aj walali po togolama, te wain wê tumainu ebo sê ilali. Te mu dawē, ma meniwe? Eno homu te mu dao. Ena Genuai Bidigo, eno te po wai dao.” ††

¹³ Genuai Bidigo po ma weyu, te po wai, “Tialima, megi da, eno dage aiyaba elaluabao. Tama dagego te genuai s̄eḡaj nai tolai bidigo tigi dene ebaso, gela wabo tiwai mu yaibao, te aga tudi badu dene ebaso wabo po waibao. ¹⁴ Te sogo te bomonama udabo bidi dabe, te augwali wi painu ebo usu me egobeo. Te bomai bidi dabego bomu mu meni yaibao. Te ami bidi dabe augwa digi bugagia bidainu tau sabo me usu egobeo. ¹⁵ Te enesigigo boi hwj̄bo bidi dabe te augwa bomu elama dolalu, hwj̄ainu ebaso, usu me egobeo. Te bomu elama polo udabo bidi dabe augwa wi painu ebaso, usu egobeo. Te hosde dugulama boi hwj̄bo bidi dabe, augwali me wi me pogobeo. Menio. Te boi bidi dabego augwali ela mueibao. ¹⁶ Tama te eno po tū ebo side, te wi munu me isāwani ami bidi dabe me, te augwa boi hwj̄bo doado bage kidilama, olo tama wi paibao. Ena Genuai Bidigo eno te po wai dao.”

3 Dage Israel, dage tigidali hani Genuai Bidigo dage Isipde ma dobola selama, odasa asali, dagego agai dagebolo mabo po odiāo. ² Agai te tiwai po obao, “Te haniani we bidi hani hauwa te tigidali tōde elalubao. Tiali goli, eno dage Israel hani deli naga te ena hani da wainu d̄aj ilama, diā selama, te eno dage bugagia tonalubao. Tama tialima, eno suali, dagego dwai sê ebo kolesaga te genuai ebaso da, tede eno dagego te dwai sê tigidali wei ponoyu, te dageba dene mabo sê yaibao,” te po obao.

Ma, te Godigo po mobaso da, tede profet bidigo te po pusao

³ Te hasia bolo bidi si dugulama, po mia sisāwai, magi ilama te bidi augwa si talua gasaba pobaso usu yaibawe? Menio.

⁴ Te bomai hasa laiongo te hasa me deli te buside sisābaso, magi baso agai i waibawe? Te ogwa bidi bomai hasa laion me deli te masigi dedage tomode bididu, te aga hasa me ela tusiābadi, agai i waibawe? Mu menio.

⁵ Te bidigo te ba k̄ hanisiābadi, te ba te k̄ tomoba pogowe? Woo, pogobeo. Te hasa me deli te k̄ tomoba pisābadi, magi ilama te k̄ pedegalugowe? Woo, tegobeo.

⁶ Te bu wabo nai biugel te taun me deli tomode bu obaso, te boi hwj̄abo bidi asobao po pusubo tiwai ebo si da, te hanu we bidi augwa wi homu yaibao, agawe?

wain me bia wê tubo habu selali, te tiwai bidi augwaligo te gasa s̄e dabe yali po te buku Nam, Daj 6:1-8, tede te po me elalubo suao. †† 2:11-12 Nam 6:1-8

Magia, wi yaibao.

Te tiwai naga, te taun me deli dolobaso,
dagego homugo Genuai Bidi Godigo
te dolabo nai tagala palai dao homu
ebo da, agawe?

Magia, tagala palai dao.

⁷ Mu tamao, tigidali sę God Genuai Bidigo yabo homu ebo sę,

agai aga sę bidi dabebolo hasia po pusaibao,
te profet dabeba waibao,
tama nosali agai wali po gilama te sę ebo dao.

⁸ Te bomai hasa laiongo i bomonama wabo
odobo si da,
te bidi aga wi homu ebo meni da, agawe?

Awe, aga wi yaibao.

Te God Genuai Bidigo po bidi me deliba pusubaso,
te bidigo te po pusubo meni da, agawe?

Menio. Agai pusaibao.

Te Amosgo wali po dao.

Amosgo te Samaria taun dolaibao po wai

⁹ Te taun Asdot king bidi bidibo pesage genuai bede bidalubo bidi dabeba, me te kantri tę Isipba i waliyu, te augwaliba te tama po walao, "Dage tigidali pelama, te Samaria hanu pade elalubo bulu duba sisinigi pelama, te subigila tedelama bilalubo we bidi suo, te augwaligo ebo te tobage dwai kolesaga dabe sueibao."

¹⁰ Genuai Bidigo te tama po wali, "Te Samaria we bidi augwaligo te nai wi siyu, hwjbo kolesaga eyu, te nai hauwa selama, te augwa bomai be dabe paganani. Augwa te doloba pai kolesaga me konebeo. Mu menio. ¹¹ Tama tibaso, te boi bidi hani me deli asama, te Samaria bagego tę kantri tomode bilama, tama te taun bomai obo dabe dolama, tama augwaligo te genuai bomai be dabe aluama, tama tomode elalubo nai doado bage tigidali saibao," po wai dao.

¹² Te Genuai Bidigo po ma weyu, te po wai, "Te bomai hasa laiongo sipsip kibu me deli ela tubaso, te sipsip tonalubo bidigo te sipsip ma dobola sainu ebaso da, teda agai te tigi pedai naga munalubo sueibao, te saęa dili si, ma olo pedai, te tama sueibao. Te Godigo te tobage kolesaga tiwai te Samaria hanude bidibo Israel we bidiba yaibao, te hanu te Israelgo genuai tę kantri elalubao. Te we bidi augwa wiegi yai homu pemene elalu bidai, augwali te dolaibao. Te augwali dwasianu hani dabe naga te bugulama me bidaibao. Te taun wiegi yai doado bage tigidali dolai tiwai elalu, te pibo sai bet nigali saęa me badu naga elalubo tiwai yaibao," wai dao.

¹³ God, Genuai Bidi Tigidali Bomo Elalubo Bidigo, agai te tiwai po wai, "Dagego olo bugagia munama, te Jekopgo bulai waj nę dabe augwaliba te po walao.

¹⁴ Eno te Israel dabeba augwa yali dwai sę wei ponobo sogo, teda eno te taun Betelgo alta sai dabe dolaibao. Tama eno te tigidali altade elalubo gaę yai nai kom dabe alueibao, tama te kom gaę dabe te tęba tutula palaibao. † ††¹⁵ Te eno te bidi dabe augwa te kedau sogo bidainu sę yani wiegi yai be dabe dolaibao, te aug-

wa giliga posolo ebo side bidainu sę yani, te tobage sawi yai be me dolaibao. Te be dabe augwa te moni hasa elefan kelego au ilali, augwaligo te tigidali alulama, olo nai hogomu tiwai pedelaibao. Te tigidali genuai be dabe me mu dolaibao," Genuai Bidigo te po wai dao.

⁴ Dage Samaria we dabego, te po odiaę. Dage mu nisalio, te Basan bulude elalubo wiegi yai bulmakau dabego nosai hauwa tulama, nisibo tiwai pedelali. Dagego te bomo kimi meni yai we bidi dabeba dwai sę ebo dao. Tama dagego te magi nai doado bage meni yai bidi dabeba sęę menama, te dagego augwali dwasianu hobede me ebeo. Menio. Dagego te duga bidi tonalu, te augwaliba e tiwai i weyu, "Te tubo bomai aę hauwa sesao. Da geę page yaibao," wabo dao. ² Genuai Bidi Tigidali Bomo Elalubo Bidi aga te wiegi yai doloba pai kolesaga ebo God dao, tama tibaso agai te tama bomai po daę walali, "Mu tama, me sogo deli pedalubo si da, te boi bidi augwaligo dage te gaę yai bisigigo kekelama, dage sela paibao. Awe, dage tigidali te pis suęu daboasa holobo gaę yai nai hukgo suęu sabo tiwai yaibao. ³ Te augwaligo dage te moni hanu taungo obo banis aluali madi dabedu buluba sela pelama, tama augwaligo dage te pesage Harmon habuba saęi paibao," Genuai Bidigo te po obao. †

Godigo te Israel dabeba dwai dene mabo sę yali, tiali goli augwaligo tobolu dili mu dila pai elaluali

⁴ God, Tigidali Bomo Elalubo Genuai Bidigo te tama po wali, "Dage Israel we bidi dabego, tegoba, dage polo pepela yao. Dagego dwai sęę sabo sę te lotu wabo pesage taun Betelba egi pię. Te dage te lotu wabo pesage te taun Gilgalba pelama, te dwai sęę sabo sę genuagia umabo sę egi pię. Tama tiyu, tigidali sogo kigamude dagego te ofa yabo hasa dabe sela pię. Te sela wabo sogo tigidali side, dagego te nogo si wali naide te me deli togolama, enaba mawainu sesao.

⁵ Tegoba, dagego te eno bomai po boloyu, dagego te yis elalubo bret enaba ofa eyu, te bubu hwi wabo ofa tiwai yao. Te dagego duga homugo enaba ofa yainu, te nai hauwa sesebo sogo, tegobao, tebode duga digi duga nogi ugwaba sobao. Dagego te tama tebo tobage kolesaga wei homu ebo dao," te po wali.

⁶ Genuai Bidigo te tama po wali, "Awe, dagego tama tebo dao. Tama tibaso, eno tama, eno te genuai nasi te dagego taun tigidaliba pedalumainu ilama, te tigidali bulude dage nai meni yai. Tiali goli, te dage enaba ma geasa asobeo. Mu menio."

⁷ Genuai Bidigo te po wali, "Ena digi eno te tulubage paliali, te tulubage tulubo sogo te nai wiegi yai pedalumainu ilibo tulubage te eno paliali. Eno te tulubage te taun mebaba tagala palali, te gasaba me tebeo. Menio. Te gi mebago tulubage sali. Tialima, te gasa gi

† Te Israel dabe augwaligo te bulmakau kibu gaę tiwai nai augwa digi nigilama, te augwa alta dabe dage badu muai dao. Te tiwai po te buku Sai, Daj 27:2, tede elalubo po suo. †† 3:14 2 Kin 23:15

‡ Te Hibru pogo tede wali po te Harmon bulu mena mu elaluali, te menagialu bulu te dago kuna konebe dao.

dabego me sabeo, menio, tama tigidali te sasia palio. ⁸Te taun me badu we bidi augwali wę nogonego mu salio. Tama tialima, bomu meni baso, dwai biliyu, augwa te gasa taun dabeba wę gege palio. Tiali goli, wę sqa palio. Eno te tama sę me yali, tiali goli te dage enaba ma geasa asobeo. Mu menio," wali.

⁹Te Genuai Bidigo te tama po wai, "Hauwa sogo eno te dagego gi dolomainu eyu, eno te posolai wali tagala palai. Me, te hauwa sogo eno te dagego gi nai yabe aminawai holomainogo ilai. Te kuli mano dabego dagego gi nai dabe, me wain gi dabe, me ni kaya fik, me oliv ni dabe tula silimainu yai. Tiali goli, dage enaba ma geasa me asobeo. Mu menio," wali.

¹⁰Genuai Bidigo po ma weyu, te tama wali, "Eno dage dolabo dwai gasi mu tagala palali, eno te Isip dabe augwaliba yali tiwai yalio. Te boi hwjibode eno dage gesi ogwa bidi ela muyu, eno dagego hwjibo hos dabe te boi bidi dabego somainu ilalio. Te eno dagego te hwjibode isali bidi dabego tigo te dage bidibo pesagede te dwai kugumini ebo dagego denami odomainu ilalio. Tiali goli, tede me dage enaba ma geasa me asobeo. Mu menio," wali.

¹¹⁻¹²Te Genuai Bidigo te po wai, "Eno dage meba dolali, eno te taun si Sodom me Gomora dolali tiwai yali. Me ma, te dage me bidalubo hani, dage te isi dage me te isigo uludubo tiwai ebadi, tialima bidi dabego te iside sela sawai. Tiali goli, dage enaba ma geasa me asobeo. Mu menio. Tama tibaso, eno dage Israel dabeba dwai dene mabo sę yaibao. Eno te tama tiaibao, tialima dage eno po tųba sabolabo sisi elalua, dagego God da. Ena Genuai Bidi, eno te po wai dao." †

Genuai Bidigo tigidali sę yabo bomu elalubao
(Amo 5:8-9; 9:5-6)

¹³Godigo naga te bulu du dabe nigali,
te wali me pedalumainu ilibao.
Agai aga homu kolesaga te we bidibolo haniliyu,
ola mabo dao.
Agai bomogo naga te be posobo ula hasegeleyu,
tama be hulibo dao.
Aga te bulu du dabe daide ugwadu biliyu,
te tų habu tigidaliba tonalubao.
God, Tigidali Bomu Elalubo Genuai Bidi,
aga digi te kolesaga ebo dao.

Profetgo te Israel augwalide homu dene ebo balia wai

5 Dage Israel hani dabe, dagego te isai bidide wabo balia odao. Megi ena, Amos, eno dageba te balia obao, magi baso meni, dage te isai bidi tiwai yaibao. ²Te tiwai balia obao,

"Te gesi wegı Israel, aga degasa dulalio, ela mubaso, te ma hodalubo usu ebeo.
Aga te aga tųde pila mubao,
te aga tau selama hodolabo bidi deli me meni dao."

† 4:11-12 Gag 19:24

³Magi baso meni, God Genuai Bidigo te Israel hani-bolo te tama obao, "Te Israel taun me deligo te ami bidi dabe bidi sese umabo 1,000 te boi hwjiboba tagala palama, te bidi sese a naga 100 ami bidi naga ma geasa asaibao. Te gasa taungo te bidi sese a naga 100 ami bidi tagala palu, te ami bidi nogo si naga ma geasa asaibao."

Tigidali nai tonalubo Genuai Bidigo agai te Israel dabe augwaligo kolesaga dodolaibao homu yai

(Daj 5:4-15)

Te Israel dabe augwali Godiba ma begasa aselama, te augwa bidabo ula sao wai

⁴Te Genuai Bidigo Israel dabeba te tiwai po obao, "Dage isidali weyu, tama bidimainogo eyu, dage enaba geasa asiąo. ⁵Dage te gasa tų kantri taun Berseba iba pelama, lotu me wagi pelamuo. Dagego ena te Betelde gegebo sę me elamuo, magi baso meni, te taun da mu dolaibao. †† Dage te u taun Gilgalba pelama, lotu me olamuo, magi baso meni, te Gilgal we bidi augwali gudulama, te gasa buluba kalabus paibao," wali. ‡

⁶Dage te Genuai Bidiba pobaso da, te dage isisąma iyu bidaibao. Tiali goli, te dage agaba pisąbaso da, teda aga te genuai isi tiwai asama, te dage Josep aga bulali hani ulaibao. Tama te isigo te Betel hanu bidi dabe daibao. Te bidi me deligo te isi sula sawainu ebaso, usu me egobeo. Dage te Genuai Bidiba piąo, tama dage peyu da, teda dagego te bidada peyu, bidada pabo ula saibao

Te dwai kolesaga ebo bidi dabe te augwali dolaibao

⁷Ae, hobede ya, dage po tų ebo dolobo bage, me dage te doloba pai kolesaga aiyaba elalubo bidi dabe, te dage tigidali mu dolaibao.

Genuai Bidigo te tigidali sę yabo bomu elaluyu, tama te dwai kolesaga ebo we bidi dolabo bomu elalubo dao

(Amo 1:2; 4:13; 9:5-6)

⁸⁻⁹Godigo te hų dabe pedalumainu ilama, tama tigidali ula ebo nai ugwadu elalubao. Agai te be huliali hasegeleyu, tama te be posobo dao, te ula elalubo hasegeleyu, tama be hulibo dao. Tama agai te tamu aų asomainu i ola asama,

†† Te hanu nogi Betel te page e tiwai elalubao, "Godigo be," wabo. Tiali goli, Betelde te Israel bage augwaligo Godigo nogi dolobo dwai kolesaga ebaso, agai te hanu dolabo homu yali. ‡ Te polobadu te Israel we bidi hani augwali te Godigo augwalibolo ma-iabo tų tomoba pali sogo, te sogo augwaligo te Jordan aų nogelama, tama hasia bolo te hanu Gilgal pąde bidai dao. Megi da, te Israel bage augwali te Gilgaldu augwa tų taga soaibao, Amosgo te po obao. Te buku Jos, Daj 4, ves 19-24, tede elalubo po suo.

tama agai te tōba ugwadu gea palagasaibao.
 Agai te bomai bidi dabe me doliyu,
 te augwa bomai be dabe me dolobo dao.
 Godigo digi te tobage tigidali sę ebo dao,
 tama aga nogi e tiwai elalubao, Genuai Bidi dao. †

Amosgo Israel dabe augwaliba te augwaligo haniani dwai kolesaga ebo po walali

¹⁰ Te doloba pai bidi dabe augwali te po tūba sabalobo sogo, te mu po naga weyu, te dage dwai kolesaga ebo bidi dabeba wado po obaso da, teda dagego te doloba pai bidi dabe wei homu me ebo meni. ¹¹ Me, dagego te magi nai meni yai bidi dabego nai sainu anoma eyu, te dagego augwaligo tubo nai wi sabo dao. Tama tiyu, dagego augwali agabo dao. Tama tibasog, dagego dwagi yai be dabe masigigo sę yani goli, dage te bede bidigobeo. Te dagego wiegi yai wain gi bulali goli, dagego te gi dabede wain ąj me tugobeo. ¹² Magi baso meni. Dagego sęęę dabe dwai mu elalubo eno koneani, tama eno koneani, dagego sęęę hauwa mu elalubao. Dagego dwai sę te wiegi yai bidi dabeba ebao. Dagego te dobo sę ebo bidi dabego nógode te mone ge dabe sabo dao. Tama te po tų ebo si, te magi nai meni yai bidi dabego gasa bidi dabe aiya-ba elaluidali weyu, dagego te po tų dolobo dao.

¹³ Te we bidi augwaligo te tobage dwai kolesaga ebo sogo, te kolesaga koneai bidi, doloba pai bidi, agai pedauwali pania sai elalu, te agai po me deli augwaliba me wagobeo.

Wiegi yai kolesaga naga wali peyu, te God dage dali bidaibao

¹⁴ Dagego ma geasama, te dwai kolesaga wali pabo tųdu pabo tagalao, tama dagego te wiegi yai kolesaga naga wali piąo Tibaso, te dage bugagia bidaibao. Dagego te tama po wabo dao, "God, Tigidali Bomo Elalubo Genuai Bidi, aga da dali bidibao," wabo. Dagego te wiegi yai kolesaga ebaso da, teda mu tamao, te God dage dali mu bidagameo. ¹⁵ Dwai kolesaga ebo tudiba muao, te wiegi yai kolesaga naga godolo eyu, wali pao. Dagego doloba pai po tų naga yao. Te dagego tama tiyu da, te Genuai Bidigo dage dolisąwai dwasianu me bidibo Josepgo hani bage homu dene eyu, tau saibao.

Genuai Bidigo dene mabo sę Israel dabe augwaliba yaibao

(Dąj 5:16-9:15)

Te Israel augwa hobedai gela waibao

¹⁶⁻¹⁷ Tialima, dagego te dwai kolesaga ebaso, tialima eno Genuai Bidigo aga Tigidali Bomo Elalubo God, agai te tiwai po obao, "Eno dwai dene mabo sę dageba

† 5:8-9 Jop 9:9; 38:31

yagasaibao," wali. "Tama tialima, augwaligo dagego taun sunumi dabede gela bomo elama, ela paibao. Te we bidi deliba sisinibo madide me, te we bidi augwali noma dwai mu siyu, gela udaibao, te taun dabe to-mode. Tama me augwa te taun bulu badu bidalubo olo we bidi dabeba i weyu, te balia ebo mu konea pai bidi dabego te bidi isaide te homu dene elama, balia wabo tiwai tau sagasomainu yaibao, dagego. Me te wain gi dabede bidaluali bidi dabe wiegi yai homu pemene ebo tagalama, te augwa dwai gela mu waibao." Genuai Bidigo te po obao.

Te lotu wabo kolesaga dabego te Israel dabe tau me sogobeo wai

¹⁸ Dage tigidaligo homugo te Genuai Bidigo Bodolu Side asesu pedalumainao homu ebao. Tiali goli, dage hobede mu ebao. Mena wiegi yai sę mu dageba te side pedelaibawe? †† Dagego homugo te be posobo si da homu eba, agawe? Mu menio. Te be hulialubo side naga dao. ¹⁹ Te si asobo, dage geda mugobeo. E tiwai yaibao. Te bidi me deli te dwai hasa laionde wi pabo tiwai elama, tama aga te laion hasa tagalama, wi poba-di, te gasa moni dwai hasa me nogi bea te aga deliba gesabidi si unulama, tama beago aga gaų kelainogo yali. Tama te bidi te hasa bea wi pelama, tama aga be tomoba wi peyu, sana pabo homu elama, bugagia bidaiba homu yai. Tama toma tumainogo, aga te be dagaba nogo tola sigi pabo tiwai yali, tiali goli, tegoba, te be dagade bidali dwai hasamanigo aga gaų kelai dao, tama te bidi isai dao. ²⁰ Awe, te tiwai me, te Genuai Bidigo muani bodolu side te be posobo ula me dwasianu pedalugobeo. Mu menio. Te be hulialubo sabo genuai sę pedelaibao. Te Amosgo po wabo silalio.

²¹ Genuai Bidigo te tama po obao, "Eno dagego te genuai lotu wabo si dabede homu pemene isaąma, te eno augwali homu godolo me egobe dao. Hagelabo homu mu ebao. ²² Dagego te isiba tigidali ulama dabo ofa yabo nai sesebaso, me wit me ofa ebo goli, te ofa denami ebo eno me odogobeo. Dagego te bulmakau dabeba nai madubaso, te augwali nisalio. Tama dagego te bulmakau dabe te enaba ofa tiwai eyu, bu-ba hwi wainogo sesali goli, eno te ofa dabe me sula tagalaibao. ††† Dagego lotu wabo balia munu me elamuo. Tama dagego te gita dabe me eligio. Ena odobo hagela ebao. ²⁴ Tialima, eno homugo dagego te po tų ebo kolesaga dolo naga eyu, te gasa wiegi yai doloba pai kolesaga dabe naga eyu, tama te kolesaga sesemane sogo mu elaludu, te me sula sisąbo genuai wę me deli elalubo tiwai elalubaso, usu dao," wali.

²⁵ "Dage Israel dabe, te kibu be bidi sese si, te 40 yia ena dage dali te masigi kemi tų bulu pesagede bilali sogo, eno dagebolo hanalu, enabolo dagego te haniani ofa yao po wai menio. ²⁶⁻²⁷ Tialima, megi da, dagego ena tagalalio, tama dagego duga digi te nigali dwai god dabe piksa noma siba lotu obao. Tama

†† Te Dąj 5 ves 18 tede elalubo po tiwai te buku Jol, Dąj 1:15-2:11, tede te tiwai po page deli tiwai elalubo suao. †† 5:22 Ais 1:11-14

dagego te me deli nogi king Sakut nogi yali, te me deli te nogi Kaiwan nogi yai, te aga piksa noma te dagalu hq tiwai nigai. Tialima, te eno dage te gasa tq pedai kantri me deliba kalabus igi pomainu tagala palaibao, te Damaskus taun pedai u badu. Eno dage te buluba tagala palobo sogo, dagego te tibo god si tolasa paibao." Genuai Bidi aga te tama po obao. Aga nogi da, e tiwai, Tigidali Bomo Elalubo God dao. †

Te Israel dabe augwa bomogo digi bugagia bidabo tau sobaso, usu egobeo

6 Amosgo po e dao. Hobede dao, dage Jerusalemde bugagia dugulalubo we bidi, me te Samaria taunde bidibo we bidi, dagego te tiwai homu ebao, te magi nai me deligo dage me dologobe da homu ebo dao. Te hobede ebao, dage te polalubo kantri tq Israel gegunai bidi dabe, te dagego augwali tau somainogo te we bidi dageba asidu gebo dao. Hobede mu ebao, dage tigidali dolaibao. ² Dage pelama, Kalne taun sugi pao. Tama nosali dagego te Hamat genuai taun sugi pao, te dage ma bilama, te Get taun me sugi pao, te kantri Filistia tqde elalubao. Dagego homugo te taun dabego bomo te dage Juda me Israel dabego tq kantrigo bomo edelai da homu eba, agawe? Te dagego homugo augwaligo tq te genuai mu elama, te dagego tq kantri tiwai si meni da homu eba, agawe? Awe, tiali goli augwali dolai dao. ³ Hobedagia mu. Dagego homugo te dolobo sq dageba pedalugobe da homu ebao. Tialima, hobede mu ebao, te dagego ebo dwai sq dabego te dwai sogo paba pedalumainu sesebo sq ebo dao.

⁴ Dage mone hauwa elalubo bidi dabe, te wiegi yai pibo bet sai mude olo pila mubadi, te wiegi yai nai bulmakau me nisai sipsip mi tubao, dage dua dao. Te dwai sogogo dageba gesabidi si unulaibao. ⁵ Dagego te gesi olo balia nigibo sq ebo wei ebo dao, te Devitgo yali tiwai eyu, dagego te wiegi yai musik gagali eyu, te gita gagali me ebo dao. ⁶ Dagego te genuai kap wain wq hauwa tubo dao. Te dagego denami ebo sawi yai sanda, me ili yai nai te duga tigde denami iliyu mubo dao. Tiali goli, dagego te tq kantri Israel nosali dolabo homu dene dwasianu me ebo menio. ⁷ Tama tialima, dage Israel bage te gasa buluba kalabus sela pabo sogo, dage naga te polasa pabo hani mu tiwai pedaluyu paibao. Tama duga te genuai nai daa tuali tiwai munu ma tugobeo.

⁸ God, Tigidali Bomo Elalubo Genuai Bidi, Tigidali Nai Tonalubo Bidi, agai te tiwai bomai po daq wali, "Eno te Israel dabego gagea peyu, te hagoma ebo kolesaga ebo, te eno hagela homu ebao. Te eno augwaligo genuai boma pai be dabe eno haliga sqbeq yaibao. Tama tialima, eno te augwaligo polalubo taun dali, te tomode elalubo tigidali nai te augwa boi bidi dabego no-goba mawaibao," te po wai dao.

⁹ Te nogo si we bidi naga te deli bede geme me bidiyu da, teda tigidali isaibao. ¹⁰ Te bidi me deli isali sogo, te aga deli kaneme bidi me deli asama, te aga ti-

gi selama, ulugi painu yaibao. Tama te deli kaneme hani bidigo te be tomode geme dualalubo bidi i weyu, te tiwai waibao, "Te gasa bidi dabe me bidibawe, ma meniwe?" Te geme dualalubo bidigo te tiwai po wei ponaibao, "Menio," wali. Tialima, te deli kaneme hani bidigo te tama po waibao, "Pedauwali pania sao. Dago Genuai Bidigo nogi munu me nogi ilamo dao," te po waibao.

¹¹ Magi baso meni. Genuai Bidigo po obaso, te tigidali genuai be me, dwasianu be dali, te subigila todogola pelama, olo pobebe bage hogomu pedelaibao.

¹² Dagego homugo te hos kibu dabe te genuai masigi dabe daidu ugwadu udada pabo usu yaiba, agawe? Te menio. Ma, dagego homugo te genuai masigi ugwadu daide te bulmakau dabego te gi tq elebo dono kegebo usu yaiba homu eba, agawe? Menio. Te kolesaga dabe mu geda mubao. Tiali goli, te dagego te to-bage deli tigi poai kolesaga naga ebao. Dagego te po tq ebo doloba pai kolesaga te bidi isilibo nabi tiwai pedalubao. Tama dagego te wiegi yai kolesaga te dwai ha ebo nai tiwai pedalubo dao.

¹³ Dagego te taun Lodebar aiyaba elaluali da homu elama, pemene eyu, te dage hagoma eyu, bidibao. Tama dagego duga nogi ugwaba siyu, te po me obao, "Te dena bomogo digi te taun Karnaim sali," homu ebao. ¹⁴ Tiali goli, Tigidali Bomo Elalubo Genuai Bidi agai te tama po wai, "Te eno gasa bidi hani me deli tagala palama, te dage Israelba boi hwjagasomainu yaibao. Augwaligo te dage dali hwjbo sq umabo mu eyu, genuai sqsq mawaibao, te Hamat taun te not badu gagalasa pabo, te wq Araba te saut badu usu nigipai biao," te po wai dao.

Amosgo nade te kuli mano dabe suali

7 Me sogo God Genuai Bidigo te nai me deli te nade tiwai enabolo ola mawai. Eno suali, Genuai Bidigo te kuli mano hani genuai me deli pedalumainu ilali. Te sq bidi dabego te kingo bulmakau dabeba ma-iabo nosai togolama, te gesi nosai kulubi ma pedalubo sogo da, teda te kuli mano dabe me pedelalio. ² Te nade eno suali, te kuli mano dabego te tqde nosai dabe me ni yabe tigidali silai yalio. Tibaso, tede noma siyu, eno te tama po i wali, "God, Genuai Bidio, nago naga we bidi dabe augwaligo dwai sqsq sela sayao, te Israel dabe dao. Augwali dwasianu hani naga dao, te augwali bomo meni yai. Te nago te kuli mano dabe tagala palama, te Israel dabego dwai kolesaga te tiwai wei ponogi sogo da, tede augwali magi ilama bugagia bidaibawe?" wali. ³ Te po obaso, Genuai Bidigo homu hasegelama, agai te tama po wai, "Nago te nade suali nai, te pedalumainu me egobeo," te po wai.

Amosgo nade isi suali

⁴ God Genuai Bidigo enabolo gasa nai me te nade ebo tiwai ola mani. Te nade eno suali, te Genuai Bidigo te isi dodolama, te aga we bidigo dwai sq yai baso,

† 5:26-27 Tpi 7:42-43

agai augwaliba dene mawainu ebo suai. Tama te isigo te aianu mu dulai tamu wê te isi delama, te wê sula selama, te nosali te isigo te gi bulabo t̄ me dabo s̄ gagalio. ⁵ Tialima, megi da, eno tama po wai, "God, Genuai Bidi, woo, nago te s̄ me elamuo. Nago we bidi dabe te dwasianu hani naga elalubao, te augwaligo bomo elalubo menio. Te nago augwaliba te tobage dwai dene mabo s̄ ebaso da, teda augwali mena gila-ma bugagia bidaibawe?" ⁶ Tama tibaso, Genuai Bidigo homu ma hasegelama, te po wai, "Te s̄ me, pedalu-gobeo," wali.

Amosgo nade te ain walobo hobi suali

⁷ Te Genuai Bidigo enabolo te gasa nai ma te nade tiwai ola mawai. Eno suali, Genuai Bidi te be me deli daga p̄de dolaluali. Te be s̄ yani bidi dabe, augwaligo te be s̄ idubadi, augwaligo te dwasianu ain walobo hobi tolalu, te be daga dolo dolalubowe, ma meniwe, tama usu sainu yai dao. Tama te be daga dabe dolo tama dolaluali. Tama eno suali, Genuai Bidigo te hobi tolaluai. ⁸ Tama agai enabolo te tiwai po hanalu wai, "Amos, nago magi nai sualiwe?" Tama eno te po wali, "Te be dodolabo ain elalubo hobi me deli suali."

Tama agai enabolo te tiwai po wali, "Odao. Eno te hobi tolalubo s̄ ebo te eno ena we bidi augwaligo ebo kolesaga sueinu ebaso, te eno augwali suali, te be daga dolo dolalus̄bo tiwai suali. Tama tibaso, eno augwaligo dwai kolesaga wei ponaibao homu eyu, te eno homu ma hasegelabo usu egobeo. ⁹ Te bulu te Israel dabe, te augwali Aisakgo w̄j n̄q̄ hani dabe, te augwaligo lotu wabo pesage dabe te mu dolaibao. Tama eno te king Jeroboamgo hani dabe mu silimainu ilaibao," te po wai dao.

Profet Amosgo te pris Amasiaba wado ilali

¹⁰ Te Amasia, aga te Betel taun pesagede lotu wabo pris bidi dabego tobolu bidi, agai te Israel king bidi Jeroboamba po ola tolali. Agai te tiwai po wali, "Te nago tonalubo t̄ tomode digi te Amosgo te Israel we bidi augwali haliga hodoliyu, dianobo s̄ eyu, nageba augwaligo boi bidi homu emainogo ebaso. Te nago aga sula tagaludubaso da, teda agai pogo te t̄ kantri dolaibao. ¹¹ Amosgo te tama tiwai po obao, 'Jeroboam te genuai boi hw̄jbo side me isibaso, tama te Israel dabe te digibulu bulu me deliba kalabus igi paibao.' Te po wabo dao," Amasiago te po wali.

¹² Tialima, Amasia pelama, Amosbolo te tama po waligi pali, "Profet, nago e Betelde bidibo gudama, wi pao. Nage Juda t̄ba ma geasa pao. Nago profet po te Juda we bidiba wagi pobaso, te Juda dabe augwa digi nage mone momainao. ¹³ Nago te profet po e bulu Betelde pusubo te dago hagela homu ebaso. Magi baso meni, kingo te pesagede lotu wabo dao. Tama ede elalubo lotu wabo be da, te tigidali Israel hanigo be dao," te po wali.

¹⁴ Tama Amosgo te tiwai po Amasiabolo wei ponani, "Ena te gasa profet dabe meba tiwai meni, tama eno

te profet po wabo s̄de mone sabo s̄ me ebeo. Ena te sipsip dabe tonalubo bidi me deli naga tama, tama eno te ni kaya fik dabe tonalubo s̄ iduai dao. ¹⁵ Tiali goli, eno ena s̄ idu bidibadi, tama Genuai Bidigo ena tedu selama, enabolo te tiwai po wali, 'Nage pelama, nago eno po te eno we bidi Israel dabeba pusigi pao,' wali. Tama tibaso, ena asai dao. ¹⁶ Tialima, Genuai Bidigo po odao. Agai te Israel dabede wado po elalubao, tiali goli nago enabolo te profet po augwaliba pusubo te habu selibo dao. ¹⁷ Amasia, nago te po wai dao. Tialima, Genuai Bidigo po nage dali megi elalubao. Agai nageba te po obao, 'Nago we da, te taunde penani s̄ ebo we pedelaibao. Tama te boi bidi dabego boi hw̄j-gaselama, te nago wai dabe ela mueibao. Te augwaligo nago t̄ selama, gasa bidi dabeba dobawaibao. Te augwaligo nage te dobo kolesaga ebo haiden kantriba sela pelama, tama nage te bulude bidama, isaibao. Tama te boi bidi dabego te Israel we bidi sela peyu, te Israel t̄ taga peyu, te gasa t̄ kantriba kalabus igi peyu, sela paibao,' Genuai Bidigo nageba te po wai dao," Amosgo te po wai.

Amosgo nade te basket wade haniani nai elalubo suali

⁸ Te na ebo tiwai Genuai Bidigo enabolo te basket wa me delide te haniani tau yai nedu du hauwa tede p̄aḡanalubo tiwai ola mani. ² Te Genuai Bidigo enabolo te tiwai hanalu wali, "Amos, nago magi nai sualiwe?" Eno te tiwai po agabolo wali, "Eno te basket wa me delide haniani tau yai nedu du hauwa p̄aḡanalubo suali," wali.

Tialima, Genuai Bidigo enabolo te tiwai po ma wali, "Te eno ena we bidi Israel dabe dolabo sogo, te bidi dabego te gide tau inawai nai dabe tuabo sogo ped-alubo tiwai yalio. Megi da, te eno augwaliba dwai dene mawaibao. Eno te ena homu munu ma hasegeligobeo. ³ Te sogo te tempel lotu bede bidali we bidi dabego te balia munu me egobeo. Menio. Te augwa gela wabo s̄ naga yaibao. Magi baso meni. Te isali bidi dabego tigi te tigidali pedai badu subigila munolua paibao. Augwaligo te tigi dabe buluba sela s̄bo sogo da, teda te bidi dabego po deli me wagobeo," wali.

Kantri Israel dolaibao

⁴ Amosgo po e dao. Dage Israel bisnis s̄ ebo bage, dagego te magi nai s̄q̄ pai meba bidi dabe agayu, aiyaba elaluama, tama dagego te magi nai meni yai bidi dabe te dagego t̄ kantride bidibo dolabo homu ebo bage, dagego odao. ⁵ Duga digi dagego te tiwai po obao, "Dago homugo te genuai lotu wabo side polo silao homu ebaso, tama dago te dena nai dabe te maketba muḡi pelama, te bidi dabego abelimainu homu yaibao. Nisu sogo te toma nabo Sabat si siligowe? Da ases̄a te maketba pabo homu eyu, te dago nai dabe maketba muḡi paibao. Tama tibaso, dago mone mubo ugwaba igulama, te dago tibo d̄j̄ ilibo s̄ elama, tama te nai abelibo bidi dabe muma sabo usu sabo skel mueibao. ⁶ Te dago dwai wit maketde muna-

ma, te bidigo abelibo si, te dago genuai mone saibao. Dago te magi nai meni yai bidi mu me deli gegaibao, te dago agaba mabo mone wei ponabo usu meniabo tiwai bidi dao. Agai negeli te genuai meni, te saḡa nadoba abelibo mone tiwai naga. Tiali goli, dago aga pageabi elama, aga te gasa bidide olo sę mu ebo bidi pedalumainu yaibao. Tama te bidigo dabolo mone mayu, te magi nai meni yai bidiba mani mone negeli elalubo wei ponodumainu yaibao," dagego te tiwai po wabo dao.

⁷ E po odao. Genuai Bidi, te Israelgo aga nogi ugwa-ba sabo God, agai nogo guni sisu muyu, te tiwai bo-mai po daḡ wai, "Eno dage Israel dabego dwai kole-saga ebode homu kone me gegeda palogobeo. ⁸ Tama tialima, eno te tḡ mali ilama, te tḡ kantri we bidi tigi-dali wi dwai mu ilama, gela ola paibao. Te tḡ kantri tigidali badu dwai noma saibao. Te tḡ ugwadu sa-monama, ma tulalu, te Isip wę Nail asama, te wę bo dabo tiwai elama, te ma kekasa pabo tiwai yaibao. ⁹ Te sogode eno te giliga tomo yagasu, te nai tubo belo do-lo ebo side te giliga iba dega sigulubo tiwai ilama, te be hulua sabogo te giliga tomo elalubadi mu halueibao. Ena God, Genuai Bidi, eno te tama po obao. ¹⁰ Te genuai lotu wabo bodolu side, eno te isai bidide homu dene ebo sę pedalubo tiwai ilaibao. Te dagego wiegi yai pemene ebo balia te eno hasegelama, te augwaligo haliga sęḡe elalu wabo balia pedalubo tiwai ilaibao. Te dage haliga sęḡe elama, gela waibao, te aya ida aga ogwa deli elaluai, te isaide homu sęḡe elalu, gela wabo tiwai yaibao. Te augwa we de bidi si te ho-mu dene ola mabo ugwa gudama, te augwa si tobolu nisi tigidali poala saḡwani, te augwali sigo homu dene ebo ola momainu yali. Tama eno dage te tobage kole-saga tiwai naga wali pomainu ilaibao. Te dwai sę ebo sogo, te dageba genuai sęḡe mu pedalu, te dwai sę ebo silibo sogoba usu naibao," wali.

¹¹ God, Genuai Bidigo, te tiwai po ma wali, "Nosali eno te dagego tḡ kantri pedaiba genuai nasi pedelabo sę ilaibao. Tama te tigidali we bidi nasi mu yaibao, tiali goli augwali te tuabo naide nasi me egobeo. Te augwa dogoni wa paibao, tiali goli augwa wę tuabo homu egobeo. Magi baso meni, te nasi ebo te naide nasi eyu, wę nogone eyu tobage si menio. Augwali te eno po naga odabo homu naga eyu, te nasi ebo tiwai yaibao. Ena God, Genuai Bidi, ena digi eno tama po obao. ¹² Te we bidi augwaligo ena Genuai Bididu asobo po sabo homu godolo yaibao, te augwa tigidali badu tedelama, digibulu wau bilalu, eno po pusubo bidi gegaibao. Tialima, te augwa sainu ebaso, usu me egobeo. ¹³ Te sogode te sawi yai gesi wegi dabe, me te bomai gesi ogwa bidi dabe te gedu aḡyo page elama, degasa dulaibao, te wę nogonego mu isibo we bidi dabe tiwai yaibao. ¹⁴ We bidi mebago te Samaria dabego tibo god dabego nogide po daḡ walobo dao. Augwa nogo guni sisu muyu, augwaligo te tiwai po wabo, 'Mu da, te taun Dango tibo god nogide,' wabo, ma, 'Te Berseba taungo tibo god nogide mu da,' po ti-wai wabo dao. Tialima, te we bidi augwali da isama, te

augwali ma hodalugobe dao," Genuai Bidigo te po wai dao.

Genuai Bidigo Israel dabe po tḡ ilaibao

⁹ Eno suali, Genuai Bidi te aga be paḡde elalubo alta paḡde dolalubo suali. Te agai te tiwai po wali, "Te eno be bobobage pos dabe tobolude elao, te be mabo tigidali badu memenege yaibao. Te pos dabe gaga nig-ilama, te be tomode elalubo we bidi tobolu ugwadu daiba degasa dulama, te augwali ela mumainao. Te isisaḡwani hani bidi dabe yai baso da, teda eno te boi bidi dabe tagala palama, ela muagasomainu yaibao. Te me deli wi pelama, bugagia bidainu yabo usu me egobeo. Mu menio. ² Te bidi meba enade wi pelayu, te isai bidi dabego pesagede te tḡ dedage aiyaba dogob-aso, te tagalao, te augwali eno pageabi yaibao. Te aug-wali dagaluba ugwa holainu ebaso, me tagalao, te augwali eno aiyaba kekasa dulaibao. ³ Te augwali pela-ma, te Karmel bulu duba geme duala sigi pobaso da, teda eno augwali gegelama, te pageabi yaibao. Te augwali tamu wę page dologoba mu geme duala sigi pobaso da, teda eno te tamu aḡde bidibo dobo dwai hasamani kauwabidibolo walama, te augwali ela tueibao. ⁴ Te boi bidi dabego augwali kalabus igi painu gasa tḡ kantriba sela pobaso da, teda eno te boi bidi dabeba walama, te augwali ela mumainu yaibao. Eno augwali mu silabo homu ebaso. Eno augwali tau me so-gobeo," Genuai Bidigo te po wali.

Genuai Bidigo bomogo te we bidi dabe augwaliba dwai dene mayu, te tigidali sę yaibao

(Amo 1:2; 4:13; 5:8-9)

⁵ God, Tigidali Bomo Elalubo Genuai Bidigo, agai nogogo te tḡ diḡnubaso, te tḡ memenege yaibao.

Tama tigidali tḡde bidalubo we bidi, augwali te haliga sęḡe elama, gela waibao. Tigidali pedai badu tḡ te ugwaba samanu posoga palama, te ma degasa dulaibao, te wę asobogo te wę Nail ge bo delama, te nosali ma keka sabo tiwai yaibao.

⁶ Genuai Bidigo aga togobili te dagalude nigilama, tama agai dagalu te tḡ ugwadu muani, te bagua sai be pedu nigai tiwai yalio.

Agai te tamu aḡ i ola aselama, tama agai te tḡ daiba ugwadu gelebo dao. God deligo naga te sę dabe ebo dao, tama agai nogi da te tiwai elalubao, Genuai Bidi dao.

Godigo tigidali hani we bidi tonalubao

⁷ Tialima, Genuai Bidigo te tiwai po wali, "Dage Israel dabe, te Itiopia dabe me eno bugagia tonalubao, te eno dage tonalubo tiwai ebaso. Awe, me eno te Filistia dabe te bulu Kritde selama, te augwali odasa asali, tama eno te Siria dabe me te tḡ kantri Kirde sela asai, te eno augwali odasa asali, te dage eno Isipde selama,

odasa asali tiwai gilama yalio. ⁸Ena God, Genuai Bidigo, eno dage Israel we bidi dabego kolesaga bugagia subo sę idubao, magi baso meni, te dwai sęęę dagede mu paęanalubao. Tama tialima, te eno dage dolama, te dage mu silaibao. Tiali goli, eno te Jekopgo hani me badu naga bidimainu sula tagalaibao. Eno augwali tigidali mu me dologobeo," wali.

⁹"Te eno pogo naga weyu, eno te Israel dabe augwali dagalaibao, te bidi dabego te wit ge bo hogomu te waia saide munama, dagalama, hogomu sela sębo tiwai yaibao. Te Israel dabe bidi dwai dabe te gasa tų kantri tomoba tulalu, te wit dwali hogomu sela sębo tiwai yaibao. ¹⁰Te dwai bidi dabego megı te tama po obao, 'Te Godigo magı nai me deligo da dolomainu me iligobeo.' Tiali goli, nosali eno te boi bidi dabego augwali ela mumainogo ilaibao," Genuai Bidigo te po wai dao.

Godigo te Israel tų kantri wiegi yai ma pedalumainu ilaibao

¹¹Genuai Bidigo te tama po wai, "Nosali te me sogo si pedalubaso, teda eno te Devitgo hanide king me deli hodolaibao. Megı da, te hanigo tų kantri te be me deli degasa pelama, dolai tiwai elalubao. Tialima, nosali eno te be ma sęnama da, teda eno te be daga dabe me dodola silama, te be polobadu elaluali tiwai ma

pedelaibao. ¹²Tama tilama, tama te Israel dabego boi hwjnama, te Idom tų kantri pedai badu elaluali tų tigidali ma sobadi, tama augwaligo te gasa tų kantri te eno augwaligo somainu dąj ilali kantri tų me ma sesa paibao." Te Genuai Bidigo po dao, tama agai te aga wali po tiwai gilama yaibao. †

¹³Genuai Bidigo te Israel we bidi dali te tiwai po wali, "Me sogo deli pedalubo si da, teda te gide bulali nai dabe polo holama, te hauwa mu walaibao, te bidi dabego tigidali sela silabo usu egobeo. Te wain ni dabe polo mu holama, te nai umabo walaibao, tama te wain wę nigıbo bidi dabego te silabo sę ebo usu egobeo. Tama te we bidi augwa pusı yai wain hauwa elalu, te bulu dude wę paęanama, te aiyaba gealubo tiwai mu yaibao. ¹⁴Eno te ena we bidi dabe augwa page bulu muba ma odasa paibao. Tama augwa te dolali taun dabe ma geselama, nigilama, tama augwa tede ma bidalueibao. Tama augwa te wain gi ma bulama, te tuabo wain ađ ma nigaibao. Tama augwa te gi nai dabe bulama, te gi dabede nai sela tueibao. ¹⁵Te bidigo aga gide nai bulubo tiwai eyu, eno ena we bidi dabe te eno augwalıba mani tųde bugagia tegaluama, dugulalumainu sula tagalaibao, te mena bidi deligo augwali ma ela gudulabo usu me egobeo." God, dagego Genuai Bidi, agai te tiwai po wai dao.

† 9:12 Tpi 15:16-18

Profet Obadiago Buku

Hasia nedebo po

Te profet Obadiago aga po te Babilon dabego te hanu Jerusalem dolagasai nosali pusali. Polobadu mu te Idom dabe te Israel dabego boi bidi bidai dao. Tama te Babilon dabego te Jerusalem hanu dolagasobo sogo, te Idom dabe augwali wiegi yai homu mu elama, tama augwaligo te Babilon dabe tau selama, tama Israel dabe dali dwai sę yai dao. Tama tialima, Obadiago profet po weyu, e tama po wali, Godigo te Idom dabe dene mawaibao po wali. Te tų kantri Idom dali, te gasa tų pedai kantri dabego dali, te Israel dabeba boi bidi elaluali, te augwali dolaibao. Augwali sese tama menia saibao, te po wai.

Godigo te tų kantri Idomba dwai dene ilibo sę yaibao

1 God Genuai Bidigo te po te Idom bagebolo wali, tama agai te po Obadiabolo mawai. Genuai Bidigo bidi me deli te tigidali bulu tų kantriba tagala palali, tama dago agai po odalio. Agai te po wai, "Dage sisi elama, dago te Idom dali hwjgi pinao," walio. ² Genuai Bidigo te Idom dabeba te po wai, "Te eno dagego bo-mo aiyaba elalueibao, te tigidali bidi hani bagego te tudiba muyu, te dageba posobo po waibao. ³ Te duga hagoma ebo kolesagago naga, te dage tibo po ola mobao. Te bomai masigi obogo te dagego genuai taun bagua selama, te dage bulu du tomode bidibao. Tialima, dagego te tama po obao, 'Dego da aiyaba elalueibawe? Mu menio,' wabo. ⁴ Tialima, eno dageba te po obao, dage te ugwadu mu bola soabo ba kemodage tiwai elalubo te tagalao, tama te be ugwadu daide te hų tomode sę yani tiwai elalubo, teda eno dage aiyaba mu kekasa dulaibao."

⁵ "Te nai wi sabo bidi hulide asobo sogo, augwaligo te mena nai doado bage te augwa homu wei ebo nai selama, te me badu elalubadi taga paibao. Me, te we bidi dabego te wain ge du wai sisinibo sogo, te augwaligo me badu elalubadi tagalaibao. Tiali goli, dage da, te boi bidi dabego dage mu silaibao," wai. ⁶ "Augwaligo te dagego mone me doado bage tigidali saibao, te dage Isogo hani dabego geme dualali doado bage selama, te selasa paibao," wai. ⁷ "Te dage dali homu munama kęalubo bulu tų kantri dabego te dage tibo po ola mawaibao. Te augwaligo dage sela sębaso, te duga bulu tų kantri tagalama, pelawaibao. Te dage dali bugagia bidali bulu tų kantri hani bagego te hwjbo side augwaligo dage aiyaba elalueibao. Te dage dali nai tuali abagi dabego me, te augwaligo dage tola sabo kę bono gaga munama, tama augwa te po

waibao, 'Te Idom dabego koneani homu kolesaga menade elalubawe?' waibao."

⁸ "Te eno dage Idom dabeba dwai dene ilibo sę ebo sogo, teda eno te dagego kolesaga page konea pali hani tigidali silaibao, tama dagego koneani kolesaga page tigidali te sela sęwaibao. ⁹ Tama dage te Teman taun bidi dabego te boi hwjbo mu konea pali, tiali goli, te dage wi dwai mu yaibao. Tama eno dage te tigidali Isogo ami hani ela silaibao," Genuai Bidigo te po wali.

Te Idomgo yali sęde te augwali dolabo sę yalio

¹⁰ Genuai Bidigo te tiwai po ma wali, "Dage Idom dabego te duga ama dede dabego nai doado bage dabe wi sali, augwali te Jekopgo hani dabe, te augwali ela muai dao. [†] Tama tibaso, eno dage hale mu iliyu, tama dage mu ela silaibao, dage munu me ma pedalgobeo. ¹¹ Te Juda dabego boi bidi dabe asiyu, te Jerusalem sunumi obo banis aluama, te Juda dabego mone me doado bage selama, te augwa hasi dobola sali sogo, dage te olo dolalugi pelama, te Juda dabe tau me sabeo. Tialima, dage me te augwaligo nai wi sali bidi dabe deli hani tiwai yali dao," wali.

¹²⁻¹⁴ Genuai Bidigo te po me wali, "Dagego te duga ama dede te Juda dabeba yali sę hauwa te dolo yai sę me ebeo. Dagego te augwali dwai dene sabo sogo, te dagego bugai haliga eyu, wiegi yai homu pemene yali. Te dagego hagoma eyu, te augwali dwai dene ebadi, te gagali ilibo po wali. Te eno we bidi augwali dene sabo sogo, te dage augwaligo taun tomoba pelama, te augwali dene sabode te wiegi yai homu pemene elama, te augwaligo wiegi yai nai dabe elali. Dage te sunumi tumage age siba doligi pelama, te meba Juda wi painu sobadi, te pageabi elama tualio. Tama dagego

[†] *Jekop de Iso augwa si aya deli naga dao. Te Israel me Juda augwa waj nų te Jekop dao, tama te Idom dabe te augwa hani waj nų te Iso dao.*

augwali te boi bidi dabego nogoba muani. Dagego te yali sę dabe, te dolo yai sę mu me ebeo," wai dao. †

Godigo te tigidali hani bageba te dwai dene mabo sę yaibao wai

¹⁵ Tama Genuai Bidigo te tiwai ma wali, "Eno te tigidali we bidi hani po tų ilabo bodolu si, te pąba ya-gasalio. Te dage Idom dabego yali dwai sę te eno dageba dolo mu wei ponaibao. Te duga yali dwai kole-sagade usu nama, te dage sęęę saibao," wai. ¹⁶ "Eno te dwai dene ena we bidiba mani. Te tiwai naga, te eno te tigidali bulu tų kantriba yaibao," wali, "te augwali te ha yai wę tubo tiwai yaibao. Te eno augwali mu silaibao," wali.

Te Israel dabe ugwaba igulama, te ugwaba ela ho-laibao

¹⁷ Te Genuai Bidigo te tiwai po ma wali, "Tialima, me-ba te bulu du Saionde bidali te me dologobeo, tama te Saion bulu du te ena bulu mu pedelaibao. Tama te Jekopgo hanigo te eno augwali mani tų te augwa ma saibao. ¹⁸ Te Jekopgo we bidi dabe, me aga ogwa

† 1:12-14 Ais 34:5-17; 63:1-6; Jer 49:7-22; Ese 25:12-14; 35:1-15; Amo 1:11-12; Mal 1:2-5

Josepgo hani bage, augwali te sia tiwai pedelama, te augwaligo Isogo hani silaibao, te siago te kala wa pai dela pabo tiwai yaibao. Te Iso hanide te bidi deli me bidigobeo. Ena Genuai Bidi, eno te po wai dao," wali.

¹⁹ "Te Negevde bidibo Israel dabe, te Juda saut badu, te augwaligo Isogo bulu du te Idom tų kantride elalu-aibao. Tama te dwasianu bulu du dabe te giliga dega sigulubo te Juda badu elalubo, te Filistia dabego tų augwaligo saibao," wali. "Te Israel hani mebago te Efraim me Samariago tų saibao, te Benjamingo hanigo te wę Jordan bolama, te Gileat tų te giliga pedalubo badu saibao," wai dao. ²⁰ "Te not badu Israel bidi dabe, augwali te gasa tų kantriba kalabus igi pai, te augwali kalabus silama, ma asaibao," wai. "Te augwaligo Fonisia tų saibao, te Sarefat te not badu usu nigi paibao. Te Sardis taunde kalabus yali Jerusalem bidi dabe, te augwali ma aselama, te Negev tų pedaide elalubo taun dabe saibao," walio. ²¹ "Te Jerusalem dabego te boi hwįnama, augwali aiyaba elalubaso da, te augwali pelama, te Idom dabe dali hwįgi pelama, te augwaligo bulu tų kantri selama, te augwaligo augwali tonalueibao. Tiali goli, ena Genuai Bidi, te ena digi ena te augwa king bidaibao," wai dao.

Profet Jonago Buku

Hasia nedebo po

Jonago buku te gasa meba profet dabego buku tiwai mu menio. Te Jonago profet po hauwa me pusubeo. Menio. Te bukude olo Jonago yali sę dabe po naga pusai dao, tama me Jonago yali dolo meni yai sę yali po me asęanio. Godigo Jonabolo te genuai hanu Niniveba po pusigi pao po wali, te Godigo po odisawai we bidi te haiden bage bidibo madi.

Tiali goli, Jona aga hagela homu yai. Tama hasia bolo aga Godide wi pabo bolo usu sali. Tiali goli, Godigo aga ma odasa asali. Tama te sogo Jona te Niniveba pelama, tama te profet po augwaliba pusigi pali. Tiali goli, agai suali, augwali homu begelebaso agai koneani, God augwali dologobe homu yali. Tama aga tede haliga dwai yai goli tama bidali. Tama tialima, Godigo Jonabolo bidi godolo elama, hobede ebo kolesaga ola mani.

Meba Juda we bidigo homugo tiali, Godigo augwali naga godolo ebo dao homu yali. Tama agai gasa we bidi godolo ebo menio homu yali. E bukugo augwali e tama haninama ola mawainu yali, Godigo tigidali tęde we bidi godolo ebo homu yali. Tama sę me deli Israel dabe augwaliba deli mani, te augwali pelama, gasa we bidi agaba odasa asabo sę mani.

Jona aga wi pali goli, Godigo aga ma selasa asali

(Daj 1-2)

1 Te Genuai Bidigo po Jonabolo mani, te Amitaigo wai dao. ¹² Agai te po wai, "Nage hogodama, digibulu pelama, tama nage te moni hanu Niniveba pelama, tama nago te augwaligo sęęę mu sali bomai po te we bidi augwalibolo magi pao. Eno te augwaligo ebo dwai sę hauwa sualio," wali.

³ Tiali goli, Jonago te Genuai Bidi tagalama, tama te hanu me deli nogi Tarsis teba wi painogo yai. Tialima, aga hogodama, te nambisde elalubo dwasianu hanu Jopa teba pelama, tama agai te hanu Tarsisba painu ebo te sip me deli gegali. Agai te sip abelama, teba holali. Agai te Genuai Bidi tagalama painu wi palio.

⁴ Tiali goli, augwali pobadi, te Genuai Bidigo te bomai wali te tamu aęde pedalumainu ilali. Tama te wali dali, kulubage si te bomu mu elama, tama te sip dolainu yalio. ⁵ Tama te sip tomode sę ebo bidi dabe augwali dwai wi mu elama, tama tigidali deli deligo augwa god i ola palio. Tama augwaligo te sip sęęę mu idali homu elama, tama augwaligo te walu dabe meba te tamu aęba sawani. Tiali goli Jona da, te sip aiyadu dologo tomoba mu dulama, tama pila mudalio. ⁶ Tama te sip guni tubo kepten bidi agai te Jona gegela sula-ma, tama agabolo te wado po wai, "Magi baso nage

pila mubawe? Nage hodaluama, tama naga god i wao. Te agai da homu dene elama, tama da tau sabo homu eyu da, te da me isigobeo," wali. ⁷ Tama augwali si holama, te sip ugwadu daide bidiyu, tama te sip sę ebo boskru bidi dabe augwaligo tama po wali, "Tegoba, polo dao! Da deli deligo dena nogi tigidali te pepa dagede asęnama, tama waba bulama, tama dago nogi deli sao. Dago tama tilama, te da dolainu yali sę page te bidi dago koneaibao," wali. Tialima, augwaligo tama tilama, tama Jonago nogi pedelalio. ⁸ Tama augwaligo te po agabolo wai, "Te sęęę daba pedelali, te po page nago dabolo wao!" te po wali. "Nago magi sę ede yali-we? Tama nage mena badu asai dawew? Nage mena bulu bidi, tama nage mena hani dawew?" wali.

⁹ Tialima, Jonago po wei ponoyu, te po wai, "Ena te Hibru bidi hani, tama eno lotu po Genuai Bidibolo wabo da, aga te dagalude God dao. Agai te tamu aę me, tę me nigai dao," te po wai.

¹⁰ Tama Jonago te sip tomode sę ebo boskru bidi dabe augwalibolo hasia bolo te po wai dao, "Eno te Genuai Bidi taga soyu, wi soai." Tialima, augwaligo te po odama, tama augwali wi mu yai. Tama augwaligo Jonabolo te po wali, "Tegoba! Nago dwai sę genuai mu yalio!" po wai.

¹¹ Te wali bomu mu eyu, tama te aę dini genuai umabo pedalubao. Tama te sip tomode sę ebo boskru bidi dabe, augwaligo Jonabolo hanaluyu, te po wai, "Te dago magi sę nagebolo ebaso, tama te aę dini asobo silama, tama da bugagia bidaibawew?"

¹² Tama Jonago po wei ponoyu, te po wai, "Dagego ena selama, tama ena te tamu aęba sawaso da, tama te aę dini silaibao. Ena koneani, ena digi ena te genuai aę

dini te dageba pedelabo page enade yalio," Jonago te po wai.

¹³ Tiali goli, te sip guni tolasa pabo bidi dabe augwaligo te sip te tamu aji saniba tugi painu, tama augwaligo te aji togobo se bomo elama yali. Tiali goli, te genuai aji dini bomo mu yali, tama augwali te tamu aji saniba tugi pabo usu munu me ebeo. ¹⁴ Tialima, augwaligo Genuai Bidibolo i wali, "O Genuai Bidi, dago nagebolo gedu haluasa po obao. Te dago e bidi te tamu aji sa baso da, teda nago da isimainu me elamuo. Nago da po tu me iligio, te nago te bidigo gasa bidi ela mubaso, te po tu ebo tiwai igio. Genuai Bidi, nago te naga homu wali peyu, tama nago te se ebao," wali. ¹⁵ Tama augwaligo te Jona selama, tama te tamu aji sa wani. Tama te aji dini yali isalio. ¹⁶ Tama tebo sulama, te sip guni tolasa pabo bidi dabe augwali Genuai Bidide wi mu elama, tama augwaligo agabolo ofa ilama, tama agabolo te augwaligo nosali yabo kolesaga po meba daq walalio. ¹⁷ Augwaligo Jona te aji sa nama, tama tiali goli, Genuai Bidigo te sugu moni genuai me sa muyu, tagala palama, tama te sugu agai Jona dalalio. Tama Jona te sugu haligade sela sogo bidai, te ulade sela sogo, me te hulide sela sogo bidibadi yai dao. †

Jonago gedu haluasa po weyu, Godibolo usu da po wai

2 Jona te sugu haligade bididu, tama agai Godibolo gedu haluasa po wali, agai Genuai Bidi dao. ² Agai te po wai,

"Genuai Bidio, eno sege tolali, tama eno nagebolo i wali,

tama nago eno i wabo odali.

Ena te isibo bidi dabe dwai bulude bidibaso, tama eno nageba gela wali.

Tama nago eno gela wabo odai dao.

³ Nago ena sanama, tama ena tamu aji aiyaba mu dulalio.

Te tamu aji ena tigidali mesegelai.

Tama nago te genuai aji dini ena daide ugwadu pepeda pali.

⁴ Eno te po wali, 'Nago ena sela sawanio.

Tiali goli, eno nago genuai tedali lotu be tempel te ma sueibao homu ebao,' eno te po wai."

⁵ "Te aji dini ena daide ugwadu pepeda peyu, tama eno mobo sabo paliali.

Tama tamu aji ena tigidali mesegelialio.

Te tamu aji de nosaigo ena tobolu bagulai elalualio.

⁶ Ena te tamu aji tomoba te tigidali bulu du page aiyaba mu dulali.

Te dwai bulugo ena kalabus mu ilai.

Tiali goli, Genuai Bidi, nage eno God, nago ena ma dobola salio.

Tama eno te dwai bulu tagalama, ena te bidibo ulade bidibao.

⁷ Genuai Bidio, ena kone palali, te ena isabo homu yai,

tama nage eno homugo ma koneani.

Tama eno gedu haluasa po wali,

te po nago genuai tempel lotu beba pedelialio."

⁸ "Te tibo godiba lotu po wabo bidi dabe, augwaligo te nago augwali homu dene eyu, tau sabo kolesaga te tudiba mubo dao.

⁹ Tiali goli, eno te nago nogi ugwaba sabo balia olama,

tama nagebolo ofa mawaibao.

Te tigidali se po eno nage dali daq wali, te se eno yaibao.

Genuai Bidi, nagaduba deligo bomo eyu,

naga te da ma dobola selama,

tama da bidibo ulade bidibao!"

Jonago te po wai.

¹⁰ Tama Genuai Bidigo po te genuai sugubolo olama, tama sugugo Jona te tamu aji saniba buguligi pai dao.

Jonago te hanu Ninivede te Godigo po olamani

(Daj 3-4)

Jona te moni hanu Niniveba pai

3 Tama Genuai Bidigo Jonabolo po ma wai, ² "Nage hogodama, tama nage te moni hanu Niniveba pao," wai. "Tama eno nagebolo mani po, te nago te we bidi augwalibolo pusao," wali.

³ Tama tialima, Jonago Genuai Bidigo penane wali pelama, tama aga hogodama, Niniveba pai. Ninive te moni genuai hanu mu dao. Te bidi te hanu gasa bogo badu sabolainu peyu da, te aga sela sogo pelama, te hanu me bogo badu sabalubo dao. ⁴ Megi da, Jona pabo gagalama, te hanu tomoba pai. Te aga pali deli sogo sabolama, tama i bomo elama, te bidi dabe augwalibolo weyu te po wai, "Nosali te bidi sese si wabo bodolu sogo silibo si, tama te Ninive moni hanu e tigidali mu dolaibao!" Te po wai. ⁵ Te moni hanu Ninivede bidibo we bidi augwaligo Godigo te poba homu daq mu wali. Tama augwaligo te po wai, "Dago nai gisilao. Tama da genuai bidi me, te nogi meni yai olo bidi me, te dago homu dene ebo bobobage ugwa munama, te dago homu dene ebo daj ilao," wali. ††

⁶ Te Ninive tuni bidigo te Jonago pusagasali po odama, tama aga te dualalualio gasagi yai wiegi yai duabo sai tagalali. Agai te wiegi yai au yali ugwa sela sanama, tama homu dene ebo gudubo ugwa munama, tama aga te sia keli daide bidalio. ⁷ Te tuni bidigo te Ninive hanude bidibo tigidali we bidibolo po ola tolai. Agai te po wai, "Te eno po, me te eno tobolu bidi dabe daligo po obao. Te bidi me deligo te nai tumainu me

† 1:17 Mat 12:40

†† 3:5 Mat 12:41; Luk 11:32

egobeo. Dage we bidi badi, te bulmakau sipsip dabe dali, dagego te nai me, we me tuyu, me elamu dao.

⁸ Dage tigidaligo te homu dene ebo ugwa munama, tama te tobage dwai name ugwa dabe te bulmakau sipsip dabe me munama, tama dagego bomo elama, Godibolo gedu haluasa po wao. Dage tigidaligo te dwai kolesaga tigidali badi, te dwai se haniani ebo kolesaga, te tigidali dagego tagalao. ⁹ Te dago tama tibaso da, te Godigo wado po wabo homu hasegelama, tama agai da tau sabo homu eyu da, teda da me isigobeo," polalubo king bidigo te po wai.

¹⁰ Tialima, augwaligo augwa dwai kolesaga ebo tagalali, tama Godigo augwaligo te tebo se suai. Godigo agai homu hasegelama, tama agai te se yaibao wali, tama te dwai dene mabo se agai me ebeo.

Godigo te we bidi dabe dali te olo tau sabo kolesaga ebaso, tama Jona sebe yali

4 Jonago dwai homu te Godigo tama yali kolesagade elama, tama aga haliga sebe yalio. ² Tama agai Genuai Bidibolo gedu haluasa po weyu, te po wai, "Genuai Bidio, nago eno po odao. Eno bulu tagalama, e buluba asisiabadi, tama eno koneani, te nago tama tiaibao naga wai. Tama ena wi peyu, tama ena te to Tarsis teba painu yai. Eno koneani, nage te homu dene elama, olo tau sabo dwagi yai kolesaga ebo God da. Nago sebe polo me egobeo. Menio. Nago dade homu dene genilama mu ebaso. Nago homu kolesaga hasegelama, tama nago te bidi dwai ebo wei me ponobeo. ¹³ Tialima, Genuai Bidi, megida, nago ena bidibo ula silao. Te ena isiyu da, te dwagi yai da. Tama ena isisayu da, te dwagi yai me egobeo," wali.

⁴ Genuai Bidigo po wei ponoyu, te po wai, "Nago te wado po wabo te dolo da, agawe?"

⁵ Tama Jonago te hanu tagalama, tama pelama, te giliga pedalubo badu bidigi palio. Agai te hobo yano be senama, tama aga tede bididuai. Agai te Ninive hanude magi nai pedalubowe naga suainu yalio.

⁶ Tama God, Genuai Bidigo te bono me deli ped-alumainu ilama, te Jona seselalumainu ilama, te giligo aga dolidali weyu, tama aga bugagia bidimainu yai. Tama Jona aga dwagi yai homu pemene mu te bonode yalio. ⁷ Tiali goli, do kigamu mu Godigo te ni dolabo dwai nai me deli tagala palama, tama te bono sasia palio. ⁸ Tama nosali giliga bomo elama pedelama, tama Godigo posolo yai wali te giliga pedalubo badu tagala palali. Tama Jona tobolude giliga doliyu, tama aga gedu ayoge elama, tama aga tulaluainu yalio. Tama Jonago te homu yai, 'Te isaio. Te ena isiyu da, te dwagi yai da. Tama ena isisayu da, te dwagi yai egobeo,' agai te homu yai.

⁹ Tiali goli Godigo te tiwai po Jonabolo wali, "Te bono sasiaide nago wado po wabo. Nago te wado po wabo te dolo da, agawe?"

Tama Jonago po wei ponoyu, te po wai, "Awe, eno wado ebo dolo ebaso. Ena sebe mu ebaso! Tagalao, te ena isimainu yaibao," wai.

¹⁰ Tama Genuai Bidigo agabolo te tiwai po wali, "Te bono te deli sogo hulide naga pedelama, genuai yali, tama gasa hulide aga sasia pai. Nago agade dwasianu se me ebe, tama nago aga genuai me ilibeo. Tiali goli, nago te dwasianu olo naide homu dene yai. ¹¹ Tama eno me, eno te Ninive hanude bidibo we bidide homu dene mu ebaso. Te genuai hanu, tama te we bidi hauwa elalubao, te augwali bidibo bage nedali te namba hauwa bidi sese elalubo, te 120,000 edelalio. Tama te kibu bulmakau dabe me hauwa elalubao. Eno augwali tigidalide homu kone palobao." Genuai Bidigo Jonabolo te po wai.

Profet Maikago Buku

Hasia nedebo po

Te profet bidi Maikago agai po te Aisaiago po pusali tiwai side naga te po pusai dao. Tiali goli, Aisaia aga te Jerusalem bidi dao, tama agai te genuai bidi dabebolo po pusa mawai dao. Profet Maika aga te Juda dabego dwasianu hanu me delidu asai dao. Agai te we bidi dabebolo e tiwai po walai dao. Godigo augwalibolo dene mawaibao po walali. Magi baso meni, augwaligo Godiba tudi ola menama, tama augwaligo tigidali wiegi yai kolesaga dabe tagalai baso. Te Maikago wali profet po tomode te wiegi yai daꝋ wali promis po me badu me tomode elaluali. Agai e tama po wali, nosali Godigo aga we bidi dabe dali wiegi yai seꝋ mu yaibao po wali. Agai Devitgo hani tomode bidi me deli sa munama, tama agai augwali wiegi yai kolesaga elama, augwali doloba pai kolesaga elama, tonaluaibao wali. Te Maikago po me deli te meba gasa profet bagego pusali po page po tiwai mu dao. Te po e tiwai dao: "Genuai Bidigo dabolo wiegi yai kolesaga po pusa mawai dao. Agai homugo dago te tiwai kolesaga wali pomainu homu yali. Dago doloba pai kolesaga wali pelama, tama gasa bidi dabe godolo mu yao. Tama dago dena homu kolesaga aiyaba elaluama, tama dena God dali homu deli elama bidao. Tama aga deli naga wali pao." Te po te buku Maika, Daj 6:8, tede te elalubao.

1 Te Jotan, Ahas, me Hesehia, te bidi deli deli te Judade king bida bida piduali sogo, Genuai Bidigo te po Maikabolo mawai, te taun Moreset bidi me deli dao. Genuai Bidigo Maikabolo te Samaria me Jerusalemde nosali pedelabo seꝋ dabe po wai dao. †

Godigo te Samaria me Jerusalemde dwai dene ilaibao wali po

2 Dage tigidali we bidi hani, te po odiaꝋ.
Dage te tꝋde bidibo bidi tigidali,
te Godigo poba olo muiyaꝋ.
God Genuai Bidigo dage po tuꝋ ilaibao. Dagego odao.
Genuai Bidi aga be te dagalude bidiyu, te po walio.
3 Genuai Bidigo te aga wiegi yai bulu digi te tagalama,
te asabo homu ebaꝋ.
Aga dulama, te bulu du padode daidu bilagasaibao, wai.
4 Tama te bulu du dabe te aga saꝋaꝋ
dologode aꝋi tiwai pedelaibao,
te ula ebo nai kandel te ula eyu,
te aga ili te weꝋ pedalubo tiwai yaibao.
Te bulu du dabe te odogo malu tꝋ pesageba te gea paliyu,
te bulu dudu weꝋ saꝋbo samanobo tiwai yaibao.
5 Te tigidali seꝋ pedelaibao, magi baso meni,
te Israel dabego dwai seꝋ eyu,
te Godigo po sela saꝋwani.
Te hagoma ebo kolesaga te Israelde elaluali,

te seꝋ page dego dawee?
Te Samaria dabede naga dao.
Te Juda tibo godiba lotu po wali kolesaga,
te seꝋ page dego dolai dawee?
Te page Jerusalem dabede naga elaluai dao.

6 Tialima, Genuai Bidigo te po wai,
"Te eno Samaria taun dolama,
te pepeli dilide te pobele bage du
holobo tiwai yaibao.
Tama te ni wain du kulubi bulubo pesage pedelaibao.
Te aga be dabe tigidali eno elama, dolaibao," wali,
"tialima, eno te be dabego masigi kakali hogomu,
te odogo pesageba gea palaibao," walio.
7 "Te eno te tibo god dabego noma haluama,
te siaba saꝋwaibao," wai.
"Tialima, te god dabe te pobele bage hogomu pesage
holobo naga tiwai pedelaibao.
Te Samaria dabego te God tudiba munama,
tama augwa te tibo godiba lotu po wai,
te wego aga bidi tagalama,
te subigila penani ela bilibo tiwai yali.
Tialima, te meba hani aselama,
te Samaria aiyaba elaluama,
te Samaria dabego te dwai seꝋ yalide sali doado bage
gasa tꝋ kantriba sela pelama,
te doado bage te augwa tibo godiba
magi paibao," wai.

8 Tialima, Maikago te po wali,
"Te seꝋ dabe pedelaibao,
tama tiyu, ena te haliga hobede eyu, gela waibao.

† 1:1 2 Kin 15:32-38; 16:1-20; 18:1-20:21; 2 Sto 27:1-7; 28:1-27;
29:1-32:33

Te eno saḡa nadoba su me musiḡama,
te eno dwai pisila pai nami ugwa naga
gudaibao," wai.
"Te eno homu dene eyu gela wabo,
te yowigo goo wabo tiwai weyu,
te haliga homu dene elama,
te i wabo te ebigo dwai hwa wabo
gilama yaibao," po wai.
9 "Magi baso meni, te Samaria dabego
keni pedela sabeo.
Tama paḡe Juda dabe me te tobage keni saibao,"
wali.
"Tama Jerusalem digi, te eno we bidi dabego pesage,
te dwasianu sogo naga tama te me dolaibao," wai.

Te boi bidi dabe Jerusalem paḡa asali

10 Dagego te Get dabebolo olamuo,
te dago boi bidi dabe,
te Godigo da dolali po wagimio.
Te augwaligo dage gela wabo
te augwaligo sumainu me elamuo.
Dage te Bet Leafra we bidi, †
dage te haliga seḡe mu elama,
gela weyu, te duga tigide pu muiyaḡo.
11 Dage te Safir we bidi, dage hale elama,
te pisila pai ugwa gudama,
te gasa tḡ kantriba te kalabus igi pabo tiwai yao.
Te Sanan dabe wi dwai mu elama,
te augwa taun tagalama,
te buluba me teda soagobeo.
Dagego te Betesel we bidi dabe gela wabo odobaso
da,
te dagego koneagameo,
te badu te geme duala sigi pabo pesage me
elalubeo.
12 Te Marot we bidi dabe haliga seḡe elama,
te bidi mebago augwali tau sagasobo
tonalueibao, magi baso meni,
te paḡe Genuai Bidigo te Jerusalem dolaibao.
13 Dage te Lakis taun we bidi dabe,
dagego te karis dabe selama,
te udabo mu koneai hos dabeba gebelama,
te wi pomainao.
Magi baso meni,
dagego te Israel dabego dwai kolesaga ebo wali
pali,
tialima dagego te Jerusalem tulalumainu yali dao.
14 Dage Juda dabe, dagego te taun Moreset Get
homu dene iyaḡo,
magi baso meni, te gasa hanigo selama,
te dagego taun da ma wagobeo.
Tama te Aksip we bidi dabego te Israel
king dabe tau me sogobeo.
15 Dage te Maresa we bidi,

† Te taun Bet Leafra dali, te gasa taun dabede wali po te ves
10-15 tede elalubao, augwali te Jerusalem paḡe elaluali. Te boi bidi
dabego te Jerusalemba hwigi painu ebaso, augwali bolo polasa te
taun dabeba pedaliyu yaibao.

te Genuai Bidigo dage te boi
bidi dabego nogoba munama,
te dagego taun augwaligo saibao.
Tama te Israel polaluali tobolu bidi dabe
te Adulam masigi ola beba
geme wi duala sigi peyu, ela paibao.
16 Te boi bidi dabego te dagego homu godolo mu ebo
wai dabe selama, te selasa paibao.
Tialima, te duga wai dabede homu dene ebo gela
weyu,
tama te tobolu nisi tigidali poala saḡama,
te tobolu wane kikili ilao.

Godigo te augwaliba dwai seḡ ilali bidi dabe dolaibao wali

2 Te dage dwai kolesaga yabo homu ebo bidi,
te hobede ya, te dage dolaibao!
Dage te hulide godege me piḡama,
dagego te dwai kolesaga yabo homu naga eyu,
te kigamu mu dage hodaluama, te seḡ ebo dao,
magi baso meni, dagego te sunumi gegali dao.
2 Te dagego bidi me deligo gi sabo homu pesa eyu,
dagego bomonama te siyu naga yaibao.
Dagego te be sabo homu pesa ebaso da,
dagego te siyu naga ebo dao.
Dagego te tibo seḡ ebo kolesaga elama,
te gasa bidi dabego be me,
te augwa wai nḡde sali tḡ me, wi sabo dao.
3 Tialima, Genuai Bidigo te po obao,
"Odiḡo. Eno dage dolabo homu ebaso,
te wi pabo usu me egobeo.
Te dage hagoma elama bilainu ebaso, usu me egob-
eo,
magi baso meni, te dwai sogo mugo dage gegaibao.
4 Te dwai seḡ dabe pedalubo sogo da,
te bidi dabego dage dolali po mimi pelama,
te dageba posobo po waibao.
Tama augwaligo te tibo homu dene eyu,
te tiwai tibo gela wabo weyu, balia po waibao,
'Da mu dolali dao.
Genuai Bidigo dago tḡ salio.
Agai te tḡ te da kalabus yali bidi dabeba
dobayu, mawai dao.'
Augwaligo te po waibao," Genuai Bidigo te po obao.
5 Tialima, nosali augwaligo te tḡ
te Genuai Bidigo we bidi dabeba ma mabo sogo,
dagego hanigo te me badu pedai deli me sogobeo.
6 Te we bidi dabego enabolo wali,
"Maika, nago te tobage olo po dabolo me magio,"
wali.
"Nago te tobage seḡ po me migio.
Godigo da aiyaba elaluyu, te da hale me egobeo,"
wali.
7 Dage Israel dabe, dage Jekopgo hani bage da,
dagego te tobage po obao, agawe?
Dagego homugo te Genuai Bidigo dage dali
homu seḡe eyu,

agai dageba magi dwai sę deli me egobeo oba,
agawe?

Genuai Bidigo dage dali e po elalubao,
“Eno te nagame yai po dua digi te
doloba pai bidi dabeba waibao,
eno augwali me dolobo menio.

⁸Tiali goli, odiąo.

Duga digi ilama, tama eno hani te ena dali boi bidi
pedalubao.

Te bidi dabe augwa boi hwjani te ugwa ela holai,
te ma aselama,
beba bugagia dugulaluagasobo homu yai.

Tiali goli, dagego augwaligo kedau side
gudubo ugwa wi sabo dao.

⁹Dagego te eno hani dabego wilawe we dabe te aug-
wa

godolo homu ebo bede ela gudulai.

Te dagego eno te augwaligo wai dabeba mani
wiegi yai nogi te doloyu,
te wai dabe dwai bidibo dao.

¹⁰Dage hogodasa pao.

Te toma nabo pesage menio,” wali.

“Dagego te dwai kolesaga eyu,
te eno gedude dage dwai mu pedalubaso,
tialima eno te dage dwai ilama, mu dolaibao,” wai.

¹¹“Te profet me deli aselama,
te tiwai tibo po wagasiyu,

‘Eno te profetgo wabo po tiwai weyu,
te dagego wain hauwa elalu,
te bomai wę me elalueibao,’ po obaso da,
te we bidi dabego te tiwai profet godolo yaibao,”
Genuai Bidigo te po wai.

Godigo agai we bidi hani nosali ma saibao

¹²Te Genuai Bidigo po ma weyu, te po wali,
“Tialima, nosali eno te dage te sogo me bidibo
tigidali Israel we bidi sisinani elalueibao.

Te eno dage ma sisiniyu,
te sipsip tonalubo bidigo te sipsip dabe
te oboba ma sela asobo tiwai gilama yaibao,” wali.

“Tama te we bidi hauwa dagego tęde pąąanalueibao,
te sipsip dabe te wiegi yai nosai tubo madi
pąąanalubo tiwai yaibao,” wali.

¹³“Godigo te aga we bidi kalabuside
bidali tagala palama, te augwali buluba dinaibao.

Augwaligo te taun obo aluama, te buluba teda
soaibao,

te augwa king da, te Genuai Bidi digi da,
te augwali asobodu polasa paibao,”
Genuai Bidigo te po wai dao.

Maikago te Israel dabe tobolu bidi dabeba wado ilali

3 Te Jekop hani polalubo bidi dabe,
dage Israel tobolu bidi dabe, odiąo.

Dagego te doloba pai kolesaga
godolo elama, yabo sę elalubao,

²tiali goli dagego te dwai kolesaga godolo mu elama,

te doloba pai kolesaga godolo homu me ebeo.

Dagego te kolesaga dabego te dagego eno we bidi
dabe

bidibadi digi, te tigi wali dagala sabo tiwai ebao.

Te dagego augwaligo tigi mi togobo tiwai elama,
³tama dagego te tigidali tualio.

Te dagego augwaligo tigi wali sela sąbo tiwai eyu,
te augwaligo dili togobo tiwai elama,

tama dagego te augwali mi te hwą gego todogolama,
te sene sospende bubo tiwai yalio.

⁴Nosali me sogo si te pedalubo side tama,
dage te Genuai Bidiba gela waibao,

tiali goli agai te dagego gela wabo me odogobeo.

Agai te dagego gedu haluasa po wabo me
odisąwaibao, magi baso meni,

dagego te dwai kolesaga yalio.

⁵Te tibo profet mebago te bidi dabego augwaligo
mone momainu, te daų wabo po waibao,

te augwa wiegi yai sogo elalubaso tibo dao,
tiali goli te augwaligo te augwali tibo po ola mawai.

Tialima, te augwaligo augwali mone masiąbaso da,
teda te profet dabego augwali wi iliyu,

te boi bidi dabego augwali dali
hwjagasaibao po waibao.

Tama tibaso, Genuai Bidigo te tiwai po
te profet dabeba obao,

⁶“Dagego eno we bidi dabe tibo po ola mobaso,
tialima megi da, dagego te profetgo te nade sabo

po

tiwai munu me ma sogobeo,” wali,

“tama te nosali pedelaibao wabo nai po
te dagego me wagobeo.

Te dagego bodolu sogo megi silainu ebao.

Te giliga iba dega sigulama,
te be huliasabogo dage mesega sabo
tiwai gilama ebao,” walio.

⁷“Tama te mena sę dabe te nosali pedelaibao po
pusali

profet dabe, te augwali hale elama,

te augwali dwai haliga yaibao, magi baso meni,
Godigo te augwaligo gedu haluasa po wabo me odis-
ąma,

te pedelao wali nai dabe pedalumainu
me isąbaso, te tama tiai dao.”

Genuai Bidigo te po obao.

⁸Tiali goli, ena Maika da,
te Genuai Bidigo Mobo Bidigo enabolo
te bomo mobaso,

tama eno homu kolesagade
te doloba pai kolesaga yali.

Te agai eno haliga daų waliyu,
te Israel dabe augwaliba te augwa sęęę
tigidali pusa mabo po hanilibo dao.

⁹Dage Israel tobolu bidi dabego odiąo.
Dagego te doloba pai kolesaga godolo homu meni

isąwai.

Dagego te wiegi yai kolesaga
 te dwai kolesaga pedalumainu ilibo dao.
¹⁰ Dagego te we bidi dabe elibo kolesaga,
 me te tobage dolo isawai kolesaga dabe yali,
 tama te kolesagade dagego homugo
 te Jerusalem we bidi dabe, te Godigo taunde,
 te bomai hani pedalubao homu ebo dao.
¹¹ Te taun bidi dabego
 te tobolu bidi dabe homu bega sabo sę eyu,
 te augwaliba mone mayu,
 te augwa haniani dwai kolesaga emainu ebo dao.
 Te pris dabego te mone naga sainogo
 te Godigo bomai po page pusubo dao.
 Tialima, te profet dabego te mone sabo homu eyu,
 te geme dualali po pusali.
 Tigidaligo te tiwai eyu, augwa te po wali,
 "Genuai Bidi te da dali bidibao," walio.
 "Tialima, te magi nai me deligo da me
 dologobeo," wabo dao.

¹² Tialima, te tobolu bidi dabe me, pris me profet,
 te duga yali sęde naga
 te Godigo Jerusalem dolaibao wali.
 Te Jerusalem tigidali nai doado bage te dolama,
 tama te pobele bage hogomu pesage
 holobo tiwai yaibao wali.
 Tama Saion te olo tų pedelama,
 te bidi dabego tede te gi nai bulaibao wali.
 Tama te bulu dude te dasu nosai pedelaibao,
 te Godigo be elalubo madi tiaibao wai dao. †

Genuai Bidi te tigidali we bidigo king bidaibao wai

4 Te me sogo si deli te nosali pedalubo side te bulu
 du,
 te Genuai Bidigo be elaluali madi, te daide mu elalu,
 te gasa bulu du tigidali aiyaba elalueibao wai.
 Tama we bidi hani hauwa teba sisinagasaibao.
² Tialima, augwa te po waibao,
 "Asiaę, da te Saion bulu duba holinao,
 te Genuai Bidigo bulu du dao.
 Da te Israelgo Godigo beba pelama,
 te agai dago emainu homu ebo kolesaga
 ola momainao,
 tialima te aga digi sa muani sunumidu da bilaibao."
 Augwaligo te po waibao.
 Te magi eyu, augwaligo te tama po waibawe,
 Jerusalem da, te Genuai Bidigo agai bomai po
 te we bidi dabe ola mayu,
 te agai po augwaliba pusa mabo pesage dao.
³ Genuai Bidigo te tigidali kantri
 we bidi hanigo po tų ebo dodolama,
 te augwa deliba bugagia bidimainu yaibao.
 Te agai te digibulu elalubo bomai tų kantri me,
 te Israel pąde elalubo tų kantri dali,
 te po tų dodolobo po miaibao.
 Tama te augwa moni bainat hwaę dabe siade ulama,
 hamago haluama, te gi tų elibo ain tama nigilaibao.

Me te augwa kapago nigai sesemone ene hamago
 haluama,
 te wain bono gi sę yabo hwaę ge tama nigaibao.
 Tama tigidali we bidi hani augwa hasi
 te munu me ma hwişama,
 te hwjainu usu siyu ma egobeo. ††
⁴ Tama tigidali bidi deli deli te augwa wain bono gi,
 me ni fik kaya gi pąde bugagia bidalu,
 te mena bidi me deligo augwali
 wi ilabo sę me iligobeo.
 Te Tigidali Bomo Elalubo Genuai Bidigo
 te po daų waliyu, wai dao. ‡
⁵ Te tigidali hani bulu bage deli deli
 augwa te tibo godiba lotu weyu,
 te augwali wali pabo dao.
 Awe, tiali goli, te da Israelgo te lotu Godiba waibao,
 te dago sesemane bidada peyu,
 bidada pabo Genuai Bidi da,
 te aga deli naga wali pabo dao.

Te Israel dabe augwa page buluba ma asaibao

⁶ Genuai Bidigo te po wai,
 "Te eno augwali dwai dene menama,
 te gasa bulu tų kantriba
 te kalabus sę emainu tagala palali we bidi dabe,
 te nosali, te bodolu mani sogo pedalubo si,
 te augwali eno ma deliba sisinaibao," te po wai.
⁷ "Te hani bidi te dwasianu naga dao,
 te augwali te augwa page bulu digibulu bidali,
 te bilabo usu meni yani,
 tiali goli te eno ma gagalama,
 te augwali bomai hani we bidi
 pedalumainu ilaibao," wali.
 "Tialima, ena te augwa king te Saion bulu dude
 sesemane bidada peyu, bidada paibao," wai dao.
⁸ Taun Jerusalem, God nagede bidiyu,
 te naga we bidi dabe tonalubao,
 te kibu sipsip page bidigo
 te sipsip dabe tonalubo tiwai ebao.
 Tialima, nosali nage te polalubo taun pedaliyu,
 te hasia polasa tų kantri elaluali tiwai
 ma pedelaibao.
⁹ Jerusalem, magi baso nage gela genuai obawe?
 Magi baso nage te wego wai ame nainu
 tudi eliyu, tigi dene ebo tiwai ebawe?
 Nago king meni da, agawe?
 Nago kolesaga page koneai bidi dabe
 isila pai da, agawe?
¹⁰ Tialima, dage Israel we bidi dabe,
 dage i hai weyu, gela weyu,
 tama te wego wai tega painu te tigi dene ebaso,
 subigila bebegeli bilibo tiwai yao.
 Magi baso meni, megı dage te taun tagalama,
 te kala elalubo pesagede bididuaibao.
 Te dage augwaligo te Babilonba sela paibao.
 Tiali goli, nosali Genuai Bidigo dage

† 3:12 Jer 26:18

†† 4:3 Jol 3:10 ‡ 4:4 Sek 3:10

te boi bidi dabego nogode ma dobola saibao wali.
¹¹ Megi da, te boi bidi hauwago
 te dage dali hwjainu sisinanio.
 Augwaligo posobo po te tiwai obao,
 “Tegobao, dago te Jerusalem mu dolama,
 tama sua, aga te tiwai naga me
 elalua pomainu yaibao,” obao.
¹² Tiali goli, te hani bidi dabego
 te Genuai Bidigo homu kolesaga konesawai.
 Te Genuai Bidigo augwali sisinama,
 te augwaliba dwai dene maiabo
 te augwaligo konesama wali,
 te bidigo te bo elalubo wit sisinama, te agaga pela-
 ma,
 te wit nai ge sainu ebo tiwai gilama yaibao.

¹³ Genuai Bidigo te po wali,
 “Dage Jerusalem we bidi dabe, dage pelama,
 te duga boi bidi dabeba dwai dene magi piqo.
 Te eno dage te bulmakau me deligo te gaḡ ain,
 me saḡa bras te bomu elalubo tiwai
 pedalumainu ilaibao,” wali.
 “Tialima, dagego te we bidi hani hauwa agamainu
 yaibao.

Te boi bidi dabego te hwjyu sali tigidali nai doado
 bage,
 te dagego selama, enaba mawaibao,
 te tigidali tḡde Genuai Bidi dao,” te po wai.
5 Dage Jerusalem dabe, hodaluao,
 te tigidali ami selama, sisinagasao.
 Te boi bidi dabego da bagua salio.
 Augwaligo te Israel tuni bidi nabogede te donogo
 eliyu,
 aga te genuai hale ebo ilaibao.

Godigo te tobolu bidi me deli te Betlehemde ped- alumainu yaibao

² Genuai Bidigo te tiwai po wali,
 “Betlehem Efrata, te tigidali Juda taun tomode
 nage te dwasianu taun mu elalubao.
 Tiali goli, nagede te genuai tuni bidi me deli pedela-
 ma,
 tama agai te Israel hani tonaluabo bidi dao.
 Te polobadu mu aga hasia waj monu nḡ
 me deli pedelali,
 tama aga hani bidi me bidibao,” te po wai. †

³ Tialima, Genuai Bidigo aga we bidi dabe digi
 te boi bidi dabego nogode bidimainu ilama,
 te Godigo we me deli sa mubo sogoba usu niyu,
 te ogwa me deli ame naibao.
 Tialima, te sogo te bidigo abagi dabe augwali te gasa
 bulu tḡ kantride kalabus sḡ igi pali bidi dabe,
 te augwali ma aselama,
 te augwa hani dali deliba ma sisinagasaibao.

⁴ Te tobolu bidi pedalubo si da,
 te aga we bidi dabe aga tonalueibao,

te God, aga Genuai Bidigo bomode
 me genuai nogide te tama tiaibao.
 Tama te we bidi dabe bugagia bidaibao, magi baso
 meni,
 te tigidali bulu tḡ kantri dabede bidalubo bidi hani
 dabego te agai bomu koneaibao.
⁵ Tama aga digi te nagame yai haliga ebo
 homu te tigidali we bidiba mayu,
 tama te boi bidi homu ebo kolesaga
 te munu ma me pedalugobeo.

Godigo te aga we bidi dabe tau siyu, te boi bidi dabe- ba dwai dene mawaibao

Te Asiria dabe dago tḡba asobo sogo,
 te dago taun bagulali masigi obo dabe aluama,
 dago te ami dabe tonaluabo bomai
 polalubo bidi dabe hauwa tagala palama,
 augwaligo te boi bidi dabe dali hwjmainu yaibao.
⁶ Te augwaligo Asiria dabe dali hwjbo bomu mu ela-
 ma,
 te moni bobobage bainat hwḡo
 te augwali aiyaba elaluama,
 te augwa bulu tḡ kantri nogi Nimrot te saibao. ††
 Tama tebogo te Betlehemde pedelali genuai tuni bidi-
 go
 da te Asiria bagego nogode ma dobola saibao. ‡
 Te Asiria bage dago tḡ daj bolama,
 hwjagasobo sogo, agai tama tiaibao.
⁷ Tama te Israel hani meba te boi bidi dabego me
 dolisawai bage,
 augwali te gasa hani hauwa tau sabo
 bidi pedelaibao,
 te Genuai Bidigo te hulide tulubage segeni wḡ te
 nosaiba tulumainu tagala palobo tiwai eyu,
 te olo tulubagego te ni dabe
 wiegi yai pedalumainu ebo tiwai yaibao.
 Tama augwaligo te sḡ te Genuai Bidigo
 bomode naga yaibao,
 te augwaduba bomogo digi te tegobeo.
⁸ Te Israel hani te gasa hani tomode bidiyu,
 te laiongo buside te hasa sibi
 ela tueinu gegebo sḡ tiwai eyu,
 ma te sipsip obode ela tueinu ebo tiwai yaibao.
 Aga te sipsip dabe tomoba pelama,
 te augwali daiba samonama,
 te augwali gaḡgo subigila tologa saḡabo tiwai eyu,
 tama te sipsip dabe tau sabo bidi
 me deli meni ebo aḡ yaibao.
⁹ Te tiwai naga dage Israel dabego
 te dagego boi bidi tigidali aiyaba elaluama,
 te augwali mu silaibao.
 Tama augwali posoyu,
 dagego duga wele si ugwaba saibao.

†† Polobadu mu te bidi me deli nogi Nimrot agai te hanu nogi
 Ninive gagalai dao, te Asiria kantrigo genuai polalubo hanu dao.
 Tama tialima, me sogo augwaligo te Asiria kantrigo si wabo nogi te
 Nimrot wabo dao. Te buku Gag, Daj 10:8-12, tede elalubo po nedao.

‡ 5:6 Gag 10:8-11

† 5:2 Mat 2:6; Jon 7:42

¹⁰ Genuai Bidigo te Israel dabeba te po wali,
 “Te sogo eno te hwjbo doado bage dolaibao,” wali.
 “Te boi hwjabo hos dabe eno sela şanama,
 te karis dabe dolaibao,” wai dao.
¹¹ “Te eno dagego taun dabe dali,
 te taun bagulali masigi obo dabe tigidali dolama,
 tama dage tede geme duala sainu ebo
 usu me egobeo,” wai dao.
¹² “Te eno dagego tibo pobi wabo nai me,
 sisi tomage tigidali sela şayu,
 tama eno dagego te sogo nigibo bidi,
 te dabe te munu ma me elalumainu,
 me egobeo,” wali.
¹³ “Te eno te tigidali kapago nigai tibo god,
 me te lotu wabo masigi pos tigidali sela şawaibao.
 Tama te duga digi nigali nai dabeba
 munu ma lotu omainu me egobeo,” wali.
¹⁴ “Te eno te god we Aserago noma elalubo pos dabe
 guda şanama,
 te duga bidali pesagede sela şanama,
 te dagego taun dabe eno dolaibao,” wai dao.
¹⁵ “Te eno haliga şeşę mu elama,
 tama te eno po sela şabo haniani we bidi hanigo
 te hagoma ebo kolesaga eno wei ponaibao,” po wai
 dao.

Genuai Bidigo Israel po tų ilali po

6 Genuai Bidigo te Israel po tų ilibo dagego odiąo.
 Genuai Bidi, nage aselama, augwali po tų ya-
 gasao,
 tama te bulu du dabe te po tų ebo odobo jas bidiyu,
 tama augwaligo te nago po dagalaibao.
² Dage te bulu du dabe, dage te tų page daų waliyu,
 te tų sesemane bidada pidu, bidada pabo nai dabe,
 dagego te Genuai Bidigo po tų ebo odiąo.
 Magi baso meni.
 Genuai Bidigo aga we bidide po olama, waibao.
 Agai po te Israel dabeba kisilama waibao.
³ Tialima, Genuai Bidigo te tiwai po obao,
 “Eno we bidi dabeo,
 eno mena dwai şę dageba yaliwe?
 Eno mena şę elama, dageba şęę maniwe?
 Ae, tegoba, dagego enaba po wei ponao,” te po obao.
⁴ “Eno tama te eno dage kalabus togolama,
 te dage Isipde selama, te dage odasa asali.
 Tama eno te Moses nigilali, me Aron, me Miriam me,
 te tama bage polasa peyu,
 te dage sunumi ola mawai dao. †
⁵ Eno we bidi dabeo,
 te dwai şę te polobadu Balak te Moap
 kingo te dageba dwai şę yainu yali,
 te homugo koneao,” wali.
 “Te Balam, te Beorgo ogwago wali po,
 te Balakbolo wei ponani po, te homu kone ma palao.
 Tama eno yali genuai şę tigidali me te homu koneao,
 te bulu Sitim dagego tagalama,

te bulu Gilgalba sobadi, te şę yali.
 Dagego te eno şę yali dabe koneao,
 tialima, te eno dage tau siyu yali şę dabe,
 te dagego ma koneao,” God Genuai Bidigo te po
 megi obao. ††

Genuai Bidigo te kolesaga dabe te bidi dabego emainu homu ebao

⁶ Te ena te dagalude Genuai Bidi Godiba
 lotu wainu asobo sogo da,
 teda eno mena nai sesaibawe?
 Eno aga gesbidide kidu sugunama,
 eno magi maiabo nai elaluaibawe?
 Te eno wiegi yai bulmakau wai mu selama,
 te siaba ulugi pabo ofa yaibawe?
 Ma, eno te kibu be me deli elalubo
 dwagi yai kau kibu wai dabe sesiyu,
 tama siago dela silibo ofa mobaso da,
 teda te usugowe, ma meniwe?
⁷ Eno te hauwa umabo tausen tausen
 sipsip omai sela asiyu,
 ma te eno wel botol hauwa umabo
 mu tausen sela asobaso da,
 teda Genuai Bidigo wiegi yai homu
 pemene egowe, ma meniwe?
 Ma, te ena gomunai ogwa elama,
 te Godigo eno dwai şęę sela şamainu
 ofa ebaso, te usu egowe? Menio!
 Eno homugo yali şę dabe sela şawainogo eyu,
 eno te ena tigo sali wai te ofa mawaibawe?
 Menio!
⁸ Genuai Bidigo dabolo te wiegi yai
 kolesaga yabo po walio.
 Tama agai homugo dago te tiwai kolesaga
 naga emainu yai.
 Dago te doloba pai kolesaga wali pao,
 te gasa bidi dabe homu dene eyu, tau sao,
 te dena homu kolesaga digi tegaluama,
 te dena God dali deli haliga elama bidiyu,
 tama aga wali pabo usu dao.
⁹ Te dago Genuai Bidiba wi homu ebo,
 te wiegi yai homu kolesaga dao.
 Genuai Bidigo te Jerusalemba i weyu, te tama po wai,
 “Dage te taunde bidibo we bidi dabe, dagego odiąo,
 te dage dene mabo bomo elalubo bidigo
 wabo po sao,” wai dao.
¹⁰ “Te dwai şęę sai bidigo bede
 te wiegi yai sawi yai nai hauwa elaluali,
 augwa te tibo şę ebo kolesagade augwaligo salio.
 Augwaligo maketde te nai dabe dolo si me dagal-
 isąbaso,
 eno te dwai kolesaga hagela homu mu ebao,” wali.
¹¹ “Eno te tibo şę eyu, te skel dagalubo şę ebo bidi
 dabego dwai şęę me sela şagobeo,” wali.
¹² “Te Jerusalemda bidibo mone hauwa elalubo
 bidi dabego te magi nai meni yai bidi dabego

† 6:4 Sai 4:10-16; 12:50-51; 15:20

†† 6:5 Nam 22:2-24:25; Jos 3:1-4:19

doado bage anoma elama, sali.
 Te dage tigidali te tibo po wabo bidi naga dao," wali.
¹³"Tama tialima, megì da, eno dagego te dwai sę ebo
 sęgęde homu kone palama,
 tama eno dage dolobo sę gagalama
 yaibao," po wai dao.
¹⁴"Te dage nai tuyu da yaibao,
 tiali goli, dage nai sili bidaibao,
 dagego tabi habuge yaibao.
 Tigidali nai dagego selama, te beba sisinani,
 te bugagia me munalugobeo.
 Te nai me deli bugagia elalubaso da,
 teda eno te boi bidi dabego hwjagasomainu elama,
 te augwali dolaibao.
¹⁵Tama tibaso, te gi sę dagego yaibao,
 tiali goli, tede nai dagego me sogobeo.
 Te oliv wel sabo sę dagego yaibao,
 tiali goli dagego tigde me piligobeo.
 Te wain dagego nigaibao,
 tiali goli te wain wę dagego me tugobeo.
¹⁶Dagego te king Omrigo dwai kolesaga wali pali,
 me aga ogwa king Ahapgo kolesaga me wali pai.
 Dagego augwali sigo polobadu
 te yali tobage kolesaga tiwai yali,
 tialima te eno dage dolaibao, te gasa bidi hani
 bagego dage tudiba muaibao.
 Te tigidali bulu pedaide bidibo hani bidigo
 te dageba gesabidi tuluga selama,
 tama dwai posobo po waibao," wai dao. †

Israelgo dwai kolesaga yali po

7 Hobede ya, ena dwai mu bidibao.
 Ena te nasi ebo bidi tiwai elama,
 te tuabo wiegi yai nedu du me deli gegebeo.
 Te tigidali wain ni du me, ni kaya fik du me,
 augwa te tigidali sela silalio.
²Te po digi wabo po page e dao.
 Te dago bulu tų kantride te doloba pai bidi
 me deli me bidibeo,
 te bidi me deligo te God wali me pabo meni.
 Mu menio.
 Tigidali bidigo te gasa bidi ela muabo
 sunumi naga gegebo dao.
 Te tigidaligo augwa abagi dabeba boi bidi ebo sę
 ebo dao.
³Augwaligo te dwai sę ebo kolesaga mu koneani.
 Te ofisa dabego me jas dabego te bidi dabeba i weyu,
 te augwaliba te mone menama,
 te po tų dolainu ebo dao.
 Augwaligo deli homu ebo dao.
 Te genuai nogi elalubo bidi dabego te jas dabeba
 te homu wei godolo ebo po obaso,
 te po tų doloyu, te jas dabego te bidi dabego
 wabo po wali peyu ebo dao.
⁴Te gasa bidi dabe mebago homugo te augwali
 wiegi yai doloba pai kolesaga ebo bidi da,
 te homu yali, Godigo suali,

augwali te dwai bidi dabe da wali.
 Augwali te dwai nosai tiwai,
 te sesani elalubo bono tiwai yali.
 Te bodolu si pedalubo sogo,
 te Godigo aga we bidi dabeba
 te dwai dene ilaibao homu yali,
 te agai te profet dabego pedauwalide
 dąų wali po tiwai gilama yaibao.
 Godigo tama tibao,
 te augwa homu kolesaga kone tų palama,
 te augwali umuna paibao.
⁵⁶Awe, te sogo te ogwa dabego
 te augwa aya dabeba posobo po dwai weyu,
 te wegì dabego augwa ida dabego
 po sela sayu yaibao.
 Te bidigo sali we dabego te augwa
 auwa dabe dali konila po weyu yaibao.
 Te bidi aga we wai dali te boi bidi pedelaibao.
 Tibaso, nago te naga abagigo wabo po me,
 hai namugo po me, te osola suao, dua dao.
 Tama nago te naga we dali wabo po tigidali me,
 te bugagia tonalu te yao. ††
⁷Tialima, ena da, ena digi dwagi yai homu eyu,
 eno konealubo homu Genuai Bidiba dąų walio.
 Te Godigo eno gedu haluasa po wabo odama,
 tama eno te eno God agai ena
 tau sagasobo tonalubo dao.

Genuai Bidigo aga we bidi dabe ma saibao

⁸Te dago boi bidi dabego te dabolo posobo po
 omainu me ilamuo.
 Mu tama, da tulaluali, tiali goli, te da ma hodaluaibao.
 Da be hulua side megì bidibao,
 tiali goli te Genuai Bidigo ula dabolo mawaibao.
⁹Dago dwai sęgę sabo sę te Genuai Bidigo gedude
 yali,
 tialima te dwasianu sogo naga tama
 te Genuai Bidigo haliga sębę elama,
 te dabolo dene mabo sę yaibao.
 Tiali goli, agai da tau saibao, tama te gasa bidi
 dabego
 da dali yali dwai sę agai dodolaibao.
 Te hulua side agai da selama, te da ulaba odasa
 asaibao.
 Te da bidibadi digi, te agai da boi bidi dabego nogode
 ma saibao,
 tama dago agai ebo doloba pai kolesaga sueibao.
¹⁰Polobadu te boi bidi dabego
 dabolo te tiwai posobo po wali,
 "God, duga Genuai Bidi, menade bidibawe?" wali.
 Tiali goli, nosali te Genuai Bidigo da tau sabo
 augwa sulama, te augwali hale dwai mu saibao.
 Te Genuai Bidigo augwali aiyaba elaluama,
 te augwaligo te tų pu aiyana pai,
 te bidi dabego sęgęgo agabo tiwai ebo sueibao.

¹¹Dage te Jerusalem we bidi dabe,

† 6:16 1 Kin 16:23-34; 21:25-26

†† 7:5-6 Mat 10:35-36; Luk 12:53

te sogo bodolu si pedalubo si da,
te dagego te taun bagulubo masigi obo sę
ma yabo bodolu si pedelaibao.

Tama te sogo augwaligo te taun sesege badu
te ibaba tegasa peyu, te genuai igi paibao.

¹² Tama nago we bidi te gasa tų kantride kalabus
igi pali, te augwali ma asaibao.

Augwali te wę Yufretis pedai badu te tų kantri Asiria,
te giliga pedalubo badu asaibao.

Te augwali Isip te saut badu asaibao.

Tama augwali te tigidali habude
te digibulu bidali te asiyu,
te tų kantri te nambis badu elalui,
te genuai tamu ąj, me te bulu du pesage dabede
bidali tagalama, asaibao.

¹³ Tiali goli,
te tų kantri dabe te olo masigi kemi tų
pesage pedelaibao,
magi baso meni, tede bidali we bidi dabego
te dwai kolesaga hauwa yalio.

Genuai Bidi, nago te Israel hobede yao

¹⁴ Genuai Bidi, naga digi te naga dą olama,
sa muani we bidi dabe te naga tonalubo bidi bidao.

Augwali te moni genuai dulu te wiegi yai tų elalubo
bulu du dabe bagede bidibao,
tama te gi bulabo wiegi yai tų me aiyadu elalubao.

Tialima, nago augwaliba te wiegi yai tų elalubo madi-
ba
te gi bulugi pomainu yao,
te Basan me Gileatde, te polobadu yali tiwai yao.

¹⁵ Genuai Bidigo te po wei ponoyu, te po wai,
“Te eno dage tau siyu, te bomai sę meba yaibao,
te dagego sueibao, te eno dage Isipde selama,
odasa asiyu yali sę tiwai yaibao,” po wai.

¹⁶ “Te gasa hani bage augwaligo te bomo elalubao,
tialima te augwaligo eno bomu sulama,
te augwali dwai noma saibao.

Te augwali wi elama,
te augwa nogogo pedauwali pania siyu,
me olo si pania saibao,” wali.

¹⁷ “Te augwali eno gedude tųba degasa dulama,
te tabi bulu gigi paibao,
te hasamani haliga bulu pabo tiwai yaibao.

Te augwali wi elama, noma siyu,
te augwali geme duala sali pesage tagalama,
te pepeli deliba teda aselama,
te dagego Genuai Bidi God enaba asaibao,” wali.

¹⁸ Genuai Bidi, te god me deli nage tiwai me menio.
Nago te naga we bidi dabe, te augwali kalabus igi
peyu,

meba ma asali bage, te augwaligo sęę nago
sela sądubadi gebao.

Nago wado po wabo homu sęę
te sesemane me elaludubeo.

Menio. Sesemane sogo nago wiegi yai pemene eyu,
te da godolo mu eyu, tau sabo dao.

¹⁹ Te nago olo mu tau sabo wiegi yai kolesaga dabolo
ma yaibao.

Te nago dago sęę aiyaba elalu,
te magi nai me deli nago sągągo agabo tiwai eba,
tama te sęę nago te tamu ąj ge
aiyanu mu dulaliba te sąwaibao.

²⁰ Te nago naga po tigidali wali pelama,
te nago da Israel dabeba te olo mu
tau sabo wiegi yai kolesaga yaibao,
te Abrahamgo wąj nų hani,
te nago we bidi dabe dao.

Te nago polobadu dago wąj nų dabebolo
te dą walali po tigidali te mu usu nubo dao.

Profet Nahumgo Buku

Hasia nedebo po

Dago te profet Nahum bidi dali kolesaga page dago kuna konebeo. Te e buku agai aseani te homu pemene ebo po tiwai agai aseani dao. Magi baso meni, genuai hanu Ninive dolai baso. Ninive te kantri Asiriago genuai hanu dao. Asiria te bomai kantri mu me deli dao. Tialima te agai ami bidigo te gasa meba hanu dabe hauwa mu dolai dao. Tama te hanigo naga te kantri Israel te not badu dolama, tama te Israel we bidi odasa pelama, gasa buluba dabe bidigi pali. Tialima te boi bidi dabego te taun Ninive dolalio po Israel dabe augwaligo odobo si, augwali homu pemene genuai mu yali. Profet Nahumgo te po wali, God aga digi te se te Ninive hanude pedalumainu yali dao, te augwali dene mawainogo. Magi baso meni, augwaligo homu gana pelama, tama augwaligo dwai kolesaga hauwa mu yai dao.

Genuai Bidigo haliga sebe te genuai taun Niniveba yali

1 Godigo te genuai taun Ninivede po te profet Nahumbolo te nai nade subo tiwai ebo sogo te sege yai po mawai. Profet Nahum aga te Elkos bulu bidi dao. †

² Genuai Bidi naga te God dao, te agai te gasa god aga tiwai pedalumainu me egobeo. Te agai po sela sabo bidi dabe agai koneanio. Genuai Bidigo te haliga sebe augwaliba eyu, te dwai dene augwaliba mu mabo dao. ³ Genuai Bidigo asesu wado po me wagobeo. Tiali goli, aga te bomu yai elalubao, te sesemane sogo agai te dwai se ebo bidi dabeba te dene mawaibao. Te Genuai Bidi gasaba me deli pabo sogo da, te genuai wali me tulubage pedelaibao, te po dabe te agai saqa dologode te pobele bage hogomu tiwai pedalubo dao. ⁴ Te agai tamu aja wado ilibaso da, teda te tamu aja sula saibao. Tama agai te we dabe me sula somainu ilaibao. Te agai tama po obaso, te wiegi yai nosai me gi me te nai yabe dabe sasia paibao. Te Basan badu gi dabe me, te Karmel bulu dude te nedu du walobo ni dabe me, te Lebanon bulu du dabede elalubo plauwa dabe me, te tagalao, tigidali te sasia pabo dao. ⁵ Tigidali bulu du te Genuai Bidigo gesabidide mumunu elama, te olo we tiwai me pedelali. Te Genuai Bidi sabalubo sogo to te mumunu yai, te tigidali we bidi me mumunu elama go page ebo dao, wali. ⁶ Te aga haliga sebe ebo sogo da, de mu te bugagia bidaibawe? Te de aga me dologobe dawo? Mu menio. Agai te we bidi dabeba wado eyu, te agai gedu te sia bogoli tiwai penela pelama, te masigi dabe pepeda pelama, te hogomu pobele bage pedalubo dao.

⁷ Genuai Bidi agai wiegi yai kolesaga da dali ebao. Aga te aga we bidi dabe te sege sabo sogo game du ala sabo tiwai madi tiwai elalu, tama te agaba pabo we bidi dabe tau sabo dao. ⁸ Te genuai aja asobo tiwai elama, tama aga boi bidi dabe te Ninive bage te aiyaba mu elaluama, tama te agai po sela sabo bidi dabe te ela muyu yaibao.

⁹ Dage boi bidi dabe, dagego te Genuai Bidiba magi dwai se yabo po mianiwe? Dua dao, agai te dage tigidali silimainu yaibao. Te bidi me deligo si sogo hagma ebaso usu egobeo. Mu menio. ¹⁰ Dage te bomu we tuyu go page mu yali bage tiwai dao, dage dwai madi bidibao. Agai dage tigidali silaibao wali, te siago te sesani yai nosai me kala wa pai te isi tula palobo tiwai yaibao.

¹¹ Dage Ninive bidi dabe me deligo te dwai homu kolesaga elalu, tama agai te Genuai Bidiba dwai se yabo po miano. ¹² Tialima Genuai Bidigo aga we bidi dabe, te Juda dabeba, te tama po wai, "Te Asiria dabe te bomu bidi dabe te genuai abagi hani elalubao, tiali goli te augwali eno dolama te augwali mu silaibao. Eno we bidi Juda dabe, eno dageba genuai sege muani, tialima eno te munu me ma tegobeo. Mu menio. ¹³ Te Asiria dabego dage tonaluali, tiali goli megi da, te eno augwaligo bomu aiyaba elaluama, tama te augwaligo dage kalabus ma egobeo," wali.

¹⁴ Tialima Genuai Bidigo te tiwai bomu po te Asiria dabeba wali, "Te dage hanigo waj no me pedalugobeo," wali. "Te eno dagego lotu bedo elalubo tibo god dabe, te nigo me kapago nigali noma piksa te tigidali dolaibao," wali. "Te eno dagego gu page silaibao. Tama dage munu ma me bidigobeo. Magi baso meni, dage te dwai bidi mu dao," wai.

¹⁵ Suao. Bidi me deli te bulu du sunumi dabedu asiyu, te wiegi yai po selasa asobao. Aga asobo te hwjani silali po pusagasu asobao. Tialima te Juda we

† 1:1 Ais 10:5-34; 14:24-27; Sef 2:13-15

bidi dabe, dage te genuai side sisinama, te Godiba lotu weyu, tama agabolo dagego te mawaiba po daj wali nai maiqo. Tama te bidi dwai dabego te dagego to somainu ma egobeo. Godigo augwali dolai dao. †

2 ¹⁻² Te boi bidi dabego te Israel dabe dolama, tama augwaligo te wiegi yai nai doado bage tigidali sela palio, tiali goli meggi Genuai Bidigo homugo te Israelgo genuai nogi ma ilaibao, te polobadu tiwai yaibao.

Ninive dolalio

Te Ninive dabe, te boi bidi dabego dageba boi hwjagasai dao. Te dage dolabo bidi dabe asalio. Te duga ami bidi dabe te taungo genuai obode tonalumainu muao! Te sunumi dabede tonalua! Dage te bomo elama dolalu, te hwjabo sisi elalua! ³ Te boi bidi dabego sabele te mama yai tolalu, te au yali au te mama yai ugwa dabe munama, te augwaligo dage dali boi hwjagasobao. Augwali te hwjainu udayu, te augwa karis dabe te sia ula tiwai elasa asali, te sesemone ene dabe augwa te ni wiligo nigali, augwa te wele siyu teqabi ebao. ⁴ Te karis dabe te sunumi dabedu te taunba asiyu, te udabo diluagi mu elama, tama te sisinibo pesageba ugwaba udayu, edaba udayu ebao. Augwaligo ula te sole udalobo tiwai eyu, tama te be sele ebo tiwai polo polo ebao. ⁵ Te ofisa dabego te po olama, te ami bage augwali asesu polo mu pali madi te masigigo augwali sagade dolobao. Te boi bidi dabe te masigigo nigai genuai obo elaluboba udulama, te obo aluabo masin dualigi pobao. ⁶ Te masingo te weqade elaluali sunumi aluama te sunumi dala palio. Tialima te kingo bedede bidali we bidi tigidali augwali wi mu dwai ebao. ⁷ Te boi bidi dabego te Asiria king bidi dolalumainu ilali. Tama augwaligo kwingo gudubo ugwa peda sanama, tama kalabusiba odasa pali. Tama te kwingo seqe ebo we dabe te dwai haliga eyu gela obao. Augwa te homu dene mu ebaso, te augwa hagawiaba nogo elebao.

⁸ Te we bidi dabe te Ninive taun buluba wi tedela sawani, te weqalialuali dalubaso te weqapabo tiwai ebao. Te ofisa dabe augwaligo i bomonama weyu, te tiwai obao, "Dolaluiqo! Dolaluiqo! Wi pigimio!" wabo. Tiali goli te me deli doligi pelama, te ma geasa me pabeo. Menio. Tigidali wi naga pela silibao.

⁹ Te boi bidi dabe augwa hasiba digi te po obao, "Ae, tegobao, te tigidali silva me gol tigidali sao," po obao. "Magi baso meni, te augwaligo taunde te wiegi wiegi yai sawi yai nai paganaluai dao," wabo.

¹⁰ Te taun Ninive mu dolalio, te bidi dabego tagalama wi tedela pali. Tama taun te pobe bage yai olo toq mu elaluai. Te we bidi dabe wi dwai mu elama, te augwali nogo sagade didibili ebao. Augwa bomu kimi te isalio, tama augwa gedu te tedela dwai mu yai dao. ¹¹⁻¹² Hasia te genuai taun bomu mu elalu, te laion dabego be dabe tiwai elaluali, tiali goli meggi da, menio. Polobadu Ninive te bomai ogwa bidi laion bugagia bidiyu, aga nai tuabo madi tiwai elaluali, te laion so me wai puluba te geme dualalu, te boi bidi dabego augwali dolo-

mainu me ebeo. Te hasa elibo laiongo te hasa dabe te dwasianu aga kakali minama, aga so me wai dabe augwaliba mani. Aga beba te hasa pagana palali. Tiali goli meggi da, aga be mena elalubawe? Te be dolai dao.

¹³ Tigidali Bomo Elalubo Genuai Bidigo te Ninive dabeba te tiwai po wali, "Ena digi ena dagego boi bidi dao," wali. "Te eno dagego karis dabe tigidali siago ulaibao," wali. "Te dagego ami bidi dabe te hwjbaso isaibao. Te dagego gasa bagego nai sali tigidali te ena ma saibao," wai. "Te gasa bulu toq kantri we bidi dabego te dagego po sela pelama, augwaliba wagi po-mainu tagala palali bidi dabego pedauwalidu wabo po te augwaligo me odogobeo," te po wai.

3 Hobede ya! Te Ninive we bidi dabego tibo po umabo mu weyu, te bidi dabe hauwa mu ela muani. Te augwaligo te gasa hanigo wiegi yai nai doado bage hauwa bomonama selama, te Ninive taun pagana. Tama tialima te Godigo augwali tigidali dolaibao wai. ² Te wip bigo te hos dabe tuda elibo kidagalo wabo odaibao, te hosgo sagade me karis wil te sunumidu pabode kidagalo wabo dao. Tama te hwjabo karis te sunumi masigide sasa mano soabo odaibao. ³ Te boi hwjabo bidi dabe te hosde dualama, te udada asiyu, te augwa bainat hwq me sesemone te dula gegemane ela asobo tiwai yaibao. Tialima augwaligo te bidi hauwa ela munama, te augwa tigi dabe pesage holaibao, te bidigo nedabo usu me egobeo. Te soabo bidi dabe augwaligo te isali bidi dabe tigi daide agaga soaibao wali.

⁴ Te Ninive taun te penani we tiwai yali, tama aga te dwai dene mu salio. Aga gesabidi te sawi yai mu elalubaso, agai te bidi dabe homu bega sabo seqe ilali. Agai te we bidi hani dabego homu kekelama te agaba augwali pobaso, te agai augwali kalabus seqe emainu ilalio. ⁵ Te Tigidali Bomo Elalubo Genuai Bidigo te po wali, "Ninive, nageba eno dwai dene ilaibao, nage penani we, te eno nago ugwa dabe pepeda sanama, te nage tigi olo elalu, te ugwa meniama, tama te we bidi hanigo nage subaso, te nage hale saibao. ⁶ Te eno nage mu begala dolama, tama nage te dwai kugumini yai naigo haluaibao. Te tigidali bulu toq pedai kantri we bidi dabego nage sulama, wi yaibao. ⁷ Tigidaligo nage subaso, te habu bulu kilasa paibao. Augwa te po waibao, 'Suao! Ninive dolalio. Te bidi me deligo agade homu dene mu egobeo. Te bidi me deligo aga tau sabo wiegi yai po wabo homu me egobeo,' augwaligo te po waibao," Genuai Bidigo te po wai dao.

⁸ Ninive, nago homugo nago bomogo te Tebes, te Isipgo genuai taungo bomu edelaibao homu eba, agawe? Agai me te genuai aj me deli te aga obo banis tiwai elaluali wali. Te aj te weq Nail dao. ⁹ Tebesgo te bulu toq kantri Isip me Itiopia tonaluali, te gasa bulu toq kantri me deligo agai bomu aiyaba me elalubeo. Te toq kantri Libiango te agaba hwjbode kisa selama, hai namu wai elaluali. ¹⁰ Tiali goli te boi bidi dabego te Tebes dabe aiyaba elaluama, te augwali sela pelama, kalabus igi pali. Augwaligo te wai dabe elama, augwali te tigidali sunumi tunu magede isasa palio. Tama augwaligo

† 1:15 Ais 52:7

te Tebes genuai bidi dabe te sengo nogo duani, te augwa hasi dobola selama, te augwali sela palio.

¹¹ Dage Ninive dabe, dage me te Isip dabe yali tiwai pedelaibao. Dage te bomai aji tulama gəo page ebo bidi tiwai eyu, te dagego homu kolesaga te umuna pelama, te dage tulalueibao. Te dage duga boi bidi dabede wi painu yaibao. ¹² Tama te boi bidi dabego te dagego bomai taun sainu sinabo sə me egobeo. Menio. Te bomai taun dabe te ni kaya fik tau yai tiwai elalubao. Te bidi me deligo te niba pemebaso da, te nai tau dabe te aga pedauwaliba dolo tudulalueibao. ¹³ Dagego ami bidi dabe te we dabe tiwai naga dao, tialima te mena ami bidi me deligo bomonama te boi bidi dali hwjnama, te augwali me sela sągobeo. Te siago te dagego taun bomai sunumi dabe nigali te bomai bə nami dabe daibao wai. ¹⁴ Dage Ninive dabe, te tuabo aji te taunba sela asao, te boi bidi dabego te taun obo bagua sainu ebo te sisi elalu tonaluagameo. Te mama yai tə dagego sigi pelama, te agayu, pu aiyana palama, te bokisba munama, te brik nigaibao. Tama dagego te brik te hanu obode dəy waligi pao, wali.

¹⁵ Tialima te me usu egobeo. Te boi bidi dabe aselama, te dage dali te duga taun dali siago ulama, te dage

isaibao. Te dage tigidali silaibao, te nai dabe te kuli mano dabego silibo tiwai yaibao.

Polobadu dage te kuli mano tiwai pedelai dao. ¹⁶ Te bisnis bidi dagego hauwa mu elaluama, te dagalude hə dabego namba aiyaba elaluali. Tiali goli megi te tigidali pela silalio, te kuli mano dabego bogo diniga palama, bola pabo tiwai yai dao. ¹⁷ Te dagego tobolu bidi dabe deliba sisiniyu, te genuai hani kuli mano tiwai te kedau ebo sogo te masigigo nigai obo banisde te kuli mano dabe sisinibo tiwai yali. Tiali goli te giliga nanobo sogo te augwali bola peyu, te augwali menaba paliwe te bidi me deligo me konegobeo.

¹⁸ Te Asiria genuai king, nago odao, wali. Te nago polalubo bidi dabe me genuai bidi dabe te isalio. Te boi bidi dabego nago we bidi dabe sela sąnama, subigila te bulu duba tedela palama, tama augwali te augwa buluba ma sela asabo bidi deli te meni yanio. ¹⁹ Te nago keni dabe pedela somainu yabo marasin deli me elalubeo. Mu menio. Polobadu te nago augwaliba yali dwai kolesagade te bidi me deli wi painu ebaso usu ebeo. Tialima tigidali bidigo te nage dolali po sabilibo odolama, augwali te wiegi yai homu pemene mu elama, nogo elaibao.

Profet Habakukgo Po Elalubo Buku

Hasia nedabo po

Te bidi Habakuk aga te Genuai Bidigo wali po pusa mabo profet bidi me deli dao. Tama agai po te kantri Babilon boma pai mu elalubadi pusai dao. Agai Babilon dabego kolesaga dwai mu ebo sualio. Augwali te hwjnama, gasa meba hani dolobo bage dao. Tama te tialigo Habakuk aga homu kone hauwa tua pomainu ilalio. Agai Godibolo e tama po hanalu wali, "Eno koneani, nage doloba pai bidi dao, tama tibaso, nago te dwai kolesaga ebo bidi dabe po tų ela mabo dao, tama augwalibolo dwai pe wei ponobo dao. Tiali goli, te bidi dabego te bidi meba dwanu wiegi yai bidi dabe dolobo sę ebao. Tama nago olo bidiyu tonalubao. Nago magi baso te tama sę ebawe?" Habakukgo te po hanalu wali. (Te Daj 1, ves 13de suo.)

Te hanalubo po polobadu elalui, tama megi me me te elalubao. Tama Godigo wei ponabo me te me elalubao. Agai te po wali, aga digi aga te tigidali nai page bidi dao. Tama aga homugo digi me aga digi bodolu mani sogo agai te tigidali nai dabe dodolaibao. Tama te sę pedalisibadi, te doloba pai kolesaga ebo we bidi dabe augwali bidabo ula elaluama me bidaibao. Magi baso meni, augwaligo Genuai Bidide homu daj olalubaso. Habakukgo me pogo te po wali. Godigo te dwai bidi dabe me dene mawaibao po wali. Tama te buku siligi peyu, te Godigo nogi ugwaba sabo balia po me elalubao. Tama Habakuk aga bomai homu daj wali me ola mani.

Habakuk agai homu sęę yali po pusubaso, Genuai Bidigo agai po wei ponanio

(Daj 1-2)

1 Te Genuai Bidigo te sęę yai po dabe te profet Habakukbolo te nade subo nai tiwai elama, ola mani.

Habakukgo te we bidigo ebo dwai kolesaga po Genuai Bidibolo pusa mani

² Genuai Bidi, hauwa sogo mu eno nage i wabo dao. Nisu mu nago eno i wabo odama, tama nago da Juda dabe tau saibawe, tama te dwai nai dabe daba pedalobo naigo da dolidalio? ³ Eno sęę hauwa mu te we bidiba pedalobo suali. Magi baso nago te sęę pedalumainu sula tagalobawe? Mena tama tibaso nago te sę dabe te we bidiba te dwai sę dabe pedalobo sula, tama nago magi sę me deli isama ebawe? Te tigidali badu te dwai bidi dabe augwaligo te we bidi dolama, me augwa nai dabe me doliyu ebao. Tama te bidi dabe augwa hasi wado po olama, subigila hwjyu ebao. ⁴ Tama te we bidi augwaligo po tų ebo si, augwaligo te nago bomai po wali pisama, tama augwaligo homugo te bomai po te olo nai dao tiwai homu ebao. Tama sesemane sogo te bidi dabego doloba pai kolesaga wali pabeo. Te dwai bidi dabego te doloba pai bidi

dabe aiyaba elaluama, tama nago bomai po te hęgia sabo dao.

Genuai Bidigo aga we bidibolo po me deli mani

⁵ Tialima, Genuai Bidigo aga we bidibolo e tama po pusa mani. "Dagego meba gasa kantri we bidi bugagia suo, tama dage noma dwai mu saibao. Magi baso meni. Tamadi tama eno augwali tomode gasagi yai nai me pedelemainu elama, tama dagego te sę yali po odobode da, teda dagego homugo te mu dao homu me egobeo. ^{†6} Odao. Eno te Babilon dabe augwali bomai hani mu pedelemainu ilaibao. Te bidi dabe augwali te bidi dwai dabe dao, tama augwali hwjbo bomai bidi dabe dao. Megi augwali ami bidi dabe tigidali kantri dabeba pelama, augwali polo aiyaba elaluama, tama augwali tonalubao. ^{††7} Augwaligo tigidali bidi hani augwalide wi dwai mu emainu ilibo dao. Tama te dwai bidi dabego bomai po deli me wali pabo menio. Augwaligo augwa homu kolesaga wali naga pabo dao, tama augwa nogi naga ugaba sabo dao," wali.

⁸ "Te Babilon bage augwaligo hos kibu dabe omagia polo udabo dao. Tama augwaligo meba tigidali bulu hasa dabe omagia udabo edelama, mu udabo dao. Tama te hos dabego dolama mu hwjyu ebo dao. Tama augwaligo hwjbo kolesagago te hulide bilibo te uni yowigo hwjbo kolesaga edelama mu ebo dao. Te hos kibu dabe augwali sasamano pelama, tama te hwjbo bidi dabe augwali te hosde dualama, tama augwali digibulu bulu mude hogodama, tama udulama, tama

† 1:5 Tpi 13:41 †† 1:6 2 Kin 24:2

hwjainu pabo dao. Te bage augwali te ba kemodagego te hasa dabe ela tuainu te bogo si pobeia selama, tɔba tualubo tiwai elama omagia mu udawaibao," wali.

⁹ "Te augwaligo ami dabego augwaligo te magi yali te kantri dolo pelama, tama te kantri dolama, tama bomonama, te we bidi selama, te kalabus sɛ igi po-mainu ilibo dao. Te bage augwaligo te sali te kalabus dabego namba te hauwa kisu mu, te aji sanede kemi sane tiwai dao, bidigo augwali nedemainogo ebaso, te usu egobeo. ¹⁰ Te Babilon bage augwaligo te king dabe, me te kantri ofisa bidi dabe gisugu mena tagalubo dao. Augwaligo te taun dabe dolabo homu ebaso da, tama te taun dabe bomai obo elalubaso da, tagalao, augwaligo gisugu mayu ebo dao. Tama augwaligo te obo sesegede augwaligo tɔ du holama, tama augwali tedu te oboba ugwaba holama, tama taun to-moba pelama, tama te taun me te taunde nai dabe sese tama sabo dao. ¹¹ Augwaligo hwjɔbo silama, tama augwali deli sogo mu augwali gasaba omagia mu polo pabo dao, te wali soabo tiwai tama ebo dao. Te Babilon bidi dabe augwaligo god me deli wali pabo menio. Augwaligo augwa homu kolesaga me augwa bomo wali pabo dao. Tama augwaligo te tobage haniani dwai sɛ ebaso, augwaligo genuai sɛgɛ mu elalubao," Genuai Bidigo aga we bidibolo te po walali.

Habakukgo konila po olama, Genuai Bidibolo ma walalio

¹² God, polobadu mu me, megi tama me, nage Genuai Bidi me te bidibao. Eno Genuai Bidi, nage te tedali wiegi yai doloba pai kolesaga ebo God dao, tama nago da isimainu sula tagalogobeo. God, nage eno Genuai Bidi dao, tama nage te bomai masigi tiwai dao, tama da te tudi badu te tiwaji madide duala sabo tiwai dao. Nago te Babilon dabe magi elama, tama augwali bomo ilama, tama augwaligo da tonalubo sɛ emainu magi ilai dao, te dago dwai sɛgɛ wei ponoyu tiai dao. ¹³ Te Babilon dabe augwali te tibo po wabo bidi dabe dao, me augwali te haniani dwai sɛ ebo bidi dabe dao. Mena tama mu tibaso, nago augwali nago sɛ emainogo sula tagalobawe? Eno koneani, nage doloba pai mu elama, tama nago dwai kolesaga ebo bidi dabe po tɔ ela mayu, tama augwalibolo dwai pe wei ponobo dao. Tiali goli, te Babilon bidi dwai dabego te bidi meba dwasianu wiegi yai bidi dabe dolobao, tama nage ma olo dulaluyu tonalubao. Nago magi baso tama tibawe?

¹⁴ Te Juda we bidi augwali sɔgɔ o sagado dabe menio. Menio. Tialima, nago magi baso augwali tagalama, tama augwali tobolu bidi meni yai bidiyu, olo te sɔgɔ me sagado dabe tiwai bidimainu tagalobawe? ¹⁵ Tama te Babilon dabego te we bidi selama, kalabus ilibo dao, te bidi dabego te sɔgɔ dabe tubo hukugo me sɔgɔ sabo wa umbengo sabo tiwai ebao. Augwaligo augwali kalabus ela silama, tama augwali wiegi yai homu eyu, hae ulugu wabo dao. ¹⁶ Te tama tibo kolesagago augwaligo nai dabe hauwa mu selama, sisinibo dao. Tama augwaligo augwa bomo te augwa tibo god tiwai ilama, tama te tibo god nogi ugwaba selama,

tama te bomogo nogi ugwaba sainu ofa eyu ebo dao.

¹⁷ Te Babilon dabego augwa boi bidi dabe hobede dwasianu me ebo menio. Tiali goli, Genuai Bidi, nago augwaligo hwjnama, tama meba kantri dabe dolomainu sesemane sogo sula tagalaiba, agawe?

Genuai Bidigo Habakukgo po wei ponanio

2 Eno Genuai Bidiba te eno homude elalubo po walama, tama agai po enaba wei mabo tonalubao, te eno agai po wei ma ponainogo ebao. Eno aga tonalubo, te ami dabe te tauaba holama, te boi bidi dabe asobo tonalubo tiwai yaibao. ² Tialima, Genuai Bidigo enabolo te tama po wali, "Eno nagebolo te po mobao, te nade wabo tiwai po mawaibao. Tama nago te po te masigi pedai me delide bugagia asɛnama, tama niwai bidigo nedainogo te agai bugagia sula, nedemainao. ³ Te sɛ dabe pedelabo sogo, te menu gana elalubao. Tama tibaso, nago te po asɛnama, munalumainao. Tiali goli, te sesabi gana bidisiɔba-di, te pade sogo digi tama, te eno nagebolo ola mawainogo ebo sɛ da, te pedelaibao. Nago homugo te sɛ polo pedalugobe da homu yaibao, tiali goli nago dwasianu sogo tonaluama gana te sɛ pedelaibao, te mani bodolu te geda mugobeo. ⁴ Te nago asɛabo po e tama dao, "Te dwai sɛ yali bidi dabego hagoma eyu, tama augwaligo doloba pai kolesaga me ebeo. Tialima, te Godigo kolesaga wali mu pabo bidi dabe, augwali da te doloba pai bidi dabe yai baso, tama augwali te augwa bidabo ula dali bidaibao," te po asɛao," Genuai Bidigo enabolo te po wei ponai dao. ^{††}

Te dwai kolesaga ebo bidi dabe augwali dolaibao

⁵ Tama ena Habakuk eno e po obao, te dwai sɛ ebo bidi dabe augwali te bomai aji tulama, te gɛɔ page dolama mu eyu, tama augwaligo dwai sɛ mu gasa bidi dabebolo ebo dao. Te doado bage hauwa sabo homu godolo ebo bidi dabe, augwali te hagoma ebo bidi dabe weyu, augwali bugagia me bidigobeo. Augwaligo te doado bage hauwa sabo homu ebao, te isibo sogo te we bidi hauwa sabo tiwai ebao. Tama augwaligo te bulu hauwa tɔ pedai kantri dabe dali boi hwjnama, te augwali aiyaba elaluama, te augwaligo bomo dologode bidimainu ebo dao. ⁶ Tialima, te tɔ pedai kantri bulu we bidi augwaligo te augwali tonalubo Babilon bidi dabeba posobo po waibao. Te augwaligo te tiwai po augwaliba waibao, "Dage te gasa hani bidi dabego doado bage anoma elama sabo bidi dabe dao, te dage dolaibao. Nisu sogo te bidi dabego dagego nai negeli elalubo wei ponomainu selibo sɛ ebo kolesaga tagalaibawe?" te po waibao. ⁷ Deli sogo polo tama te gasa hani dabe aiyaba elalubo bidi dabe, te dugade digi genuai negeli elalueibao, tama gasa hani bidi dabe dageba aselayu, tama dagebolo te po weyu, te negeli elalubo polo tama wei ponao po waibao, tama dage wi eyu, tigi didibili yaibao. Awe, te boi bidi dabe aselama, bomonama, te dagego doado bage tigidali kegelama,

† 2:3 Hib 10:37 †† 2:4 Rom 1:17; Gal 3:11; Hib 10:38

tama sela paibao. ⁸ Dagego te t̄q kantri hauwa we bidi dabego doado bage kegelama sali. Tama dagego te we bidi hauwa ela munama, tama augwaligo taun dabe me dolali. Tiali goli, dagego bidi hani me badu gedelali, tama nosali augwali hogodalu, tama dagego augwali gasa hani bidi dabeba yali kolesaga tiwai dageba wei ponaibao.

⁹ Dage te bomonama eyu, te gasa hani dabego nai hauwa sali bidi dabe, dage dolaibao. Magi baso meni. Dagego te doado bage duga hani dabeba digi mawai. Tama dagego bomai be dabe s̄nana, te duga doado bage bugagia obo tomoba bagua selama, tama dagego homugo te dagego te tiali kolesaga yaligo te dolabo s̄go dage ela soaibao homu yai dao. ¹⁰ Tiali goli, te duga dwai kolesagago digi te duga hani dabego nogi aiyaba elaluali dao. Dagego te bulu t̄q kantri hauwa ela tuali tiwai elama dolali, tama duga yali dwai s̄go te duga ma dolaibao. ¹¹ Tama dagego te duga be dabe be paiyai masigi dabe augwaligo me te i weyu, te dage kisiliyu, po t̄q āq ilaibao. Te duga be walawalago me te tobage po tiwai naga wei ponobo po waibao, dagebolo.

¹² Dage te we bidi hauwa ela muani bidi dabe, dagego te augwaligo s̄ dene mu ilaligo te duga taun bomai taun dolalumi da homu yali, te dage me dolaibao. Dagego te duga taun dāq walabo homu elama, tama dagego dwai kolesaga haniani yai dao.

¹³ Dagego te t̄q pedai kantri bulu bidi dabe aiyaba elaluama, te we bidi dabe kalabus elama, tama augwaligo dagego nai doado bage dabe nigibo s̄ dene mu yali. Tiali goli, isigo te nai tigidali dela silibaso, tama te yali s̄ olodali tama ela tagalaibao. Te Tigidali Bomo Elalubo Genuai Bidigo te s̄ pedalomainu ilaibao. Te po wai dao. ¹⁴ Tama tigidali we bidigo me, tigidali t̄de nai sibigo me, te Genuai Bidigo genuai nogi dali bomai dali si konemainogo yalio. Te konebo kolesaga te tigidali t̄q pedai habu mu usu nigi paibao, te tamu āj bo deyu, te dāj eboya usu nugulubo tiwai gilama mu yaibao. †

¹⁵ Dage gasa bidi hani dabeba wado po genuagia mu po wali bidi dabe, te dage dolaibao. Dagego haliga s̄b̄e ebo te wain āj kapde tabila tubo tiwai eyu, tama dagego te bidi dabego te abagi dabeba wain āj hauwa menama, te augwali ḡēq page ilama, te augwa ugwa dabe pepeda s̄nana, te augwali ugwa tigi olo bidiyu, te augwali hale dwai mu somainu ilibo tiwai s̄ ebao. Dagego te aiyaba elaluali bidi hani dabe augwali hale dwai mu ilalio. ¹⁶ Te tama tiwai gilama, te Genuai Bidigo dagego genuai nogi elaluali aiyaba elaluama, te dage hale dwai mu yaibao. Te agai digi dagebolo dwai dene mu mabo s̄ elama, te agai duga digi te wain āj hauwa mu tumainogo ebo tiwai elama, te dage ḡēq page dwai mu yaibao. Te dage tigi habu olo bidibo te bidi dabego sulama, tama dagego genuai nogi elaluali aiyaba tula palama, tama dage hale dwai umagi mu yaibao. ¹⁷ Dagego te Lebanon bulu dulu ni subigila gela gela tagalabaso, tama meḡi da Godigo te tiwai

deli kolesaga dageba yaibao. Te bulu uni hasa dabego te bulu hasa sibi hauwa elebo tiwai dagego tama yali dao, tialima meḡi da, te duga digi te dolaibao. Te tama s̄ pedalaibao, magi baso meni, dagego te haniani t̄de bidali we bidi dabe hauwa mu elama, munama, te augwaligo taun dabe dolai dao.

¹⁸⁻¹⁹ Dage bidi dabego te ni dage dabeba me, te masigi dabe me, te tiwai po waliyu, “Nage pila muani tagalama, hodaluao,” wabo. Dage dolaibao. Dagego homugo te nai hodaluama, te dagebolo magi me deli ola mawaiba homu eba, agawe? Tega, dage, te tibo god dabego dage magi ila tau saibawe? Augwaligo usu me egobeo. Tibo god nigibo s̄ da, te gol me, te ni dagego me selama, te bidigo digi nigibao. Tama tiyu, te nai dabego dage dali po me deli me wagobeo. Agai dage tibo po naga ola mawaibao, tama tiyu te dage dolaibao. Bidigo digi te tibo god nigo dulama nigali, tama agai homugo te naigo aga tau sabo usu yaiba homu yali. Tiali goli, agai usu munu me egobeo. Te tibo godigo mobo meni yai nai naga dao, tama po me wagobeo. Te dagego silvago me golgo bugagia mu au ilali goli, te tagalao. Agai magi s̄ me egobeo. ²⁰ Tiali goli, Genuai Bidigo te tiwai egobeo. Aga te aga be tomode bidibao, tama dage tigidali t̄de we bidi, dage aga p̄ba aselama, te dage pedauwali pania selama, bidao.

Habakukgo gedu haluasa po wali

(Daj 3)

Profetgo te Israel dabe tau somainu, te Godiba hanalubo po wali

3 Profet Habakukgo Genuai Bidiba gedu haluasa po weyu, e tiwai wali. Te gedu haluasa po wali te bidi dabego te balia pode ma us̄bo po wabo si, teda augwaligo te hobede ebo kolesagade wali pabo balia po wali pomainu yao. Tama te musik wabo tonalubo bidigo te gita elibo bidi dabeba po walama, te gita eliyu balia po omainogo yao. ††

² Genuai Bidio, te nago bomogo yali s̄ede po eno odolama, te ena noma siyu,
nage dologode bidabo homu ebao.
Te polobadu nago yali genuai genuai s̄ dabe,
eno homugo nago te tiwai bomai s̄ dabe
te nago da meḡi bidibo sogo ma emainu homu ebao,
te meḡi e sogo bidibo bidi dabe augwaligo nago
te tebo s̄ ebo kolesaga sulama konemainao.

Mu tama, nago dade s̄b̄e ebo page elalubao,
tiali goli, nago te hobede ebo God da,

† 2:14 Ais 11:9

†† Tede wali te Hibru pode te musik wabo tonalubo bidi po wali, te Daj 3, ves 19, te siligi pabo lainde te po elalubao.

te eno nagebolo hanalubo, te nago da hobede elama,
tama da tau sao.

³ Godigo te tō Idom bulude bidali tagalama,
te aga ma asalio.

God te wiegi yai doloba pai kolesaga tigidali
mu ebo God, aga te Paran tō pedai bulu dude bidali
hogodama, asalio.

Agai bomo te be posali ula tiwai pedelama,
tama te dagalu tigidali pedai badu mesega salio.
Tebogo te tigidali tōde we bidigo agai te genuai nogi
ugaba sabo homu ebo sē ilalio.

⁴ Te aga asidubadi, te agai nogode duala sali bomogo
genuai ula te be sele tiwai eyu,
tigidali habuba pelama, mu usu nanio.

⁵ Agai te haniani gasi dabe te pabodu
polasa tagala palali.

Me agai te we bidi dabe ela mubo genuai gasi te aga
wali nosali asalio.

⁶ Te aga dolugulubo sogo da,
tigidali tō midigi eyu, mumunu ebao.

Agai te we bidi dabe augwali subo sogo da,
augwali te ibaba kila sesa peyu, midigi sabo dao.

Te genuai bomai bulu du dabe
te alua pelama, tulaluaibao.

Te polobadu aga bilali dwasianu bulu du dabe augwali
te aiyaba kilasa dulubo dao.

Genuai Bidigo ebo kolesaga dabe te sesemane sogo
elalua paibao.

⁷ Te tō kantri Kusan name ugwa be dabe eno suali,
te mu dolai elaluali.

Te Midian dabego ugwa be dabe te degasa pai elalua
palio.

⁸ Genuai Bidio, nago wali tagala palama,
tama nago te aḡ dabe me, tamu aḡ dali,
te bomo elama, pedalumainu yali.

Te nago augwalide wado homu eyu,
te tiwai yali da, agawe?

Te nago naga we bidi dabe augwali tau siyu aselama,
te boi bidi dabe aiyaba elaluali sogo,
te pō de tulubo tulubage si te nago boi hwībo nai,
te kibu hos dabe me te karis dabe tiwai gilama yalio.

⁹⁻¹⁰ Nago naga enesigi dodola munama,
tama nago te po obaso, tama nago ene dabe
te nago enabo dāḡ ilali bulu dolo palio.

Te bulu du dabego nage subo sogo da,
augwali midigi yai dao.

Nago genuai aḡ te tōba tula palobo sogo,
tama agai te genuai aḡ gamia nigai dao.

Te aḡ genuai bomo elama asalio.

Te tō dologo badu elalubo aḡ dabego me kidagalo
weyu,

te ge bo dabo ugwanu holama,
te dagaluba usu nai dao.

¹¹ Te nago ene dabe enama, augwali polo pabo side

te gegemani eyu, ula mu ebo dao,
tama giliga de polua si te dagalude bilisiābadi,
osogo olo dolaluali.

¹² Nago wado homu ebo genuai mu
te tigidali tō kantri bulu we bidi dali elaluali,
tama nage te tō daide ugwadu biliyu,
tama tigidali bulu we bidi agawalio.

¹³ Nago tama tiali,
te naga we bidi dabe ma sainogo yali,
te nago sa muani king dali sainogo yali.

Nago te dwai sē ebo bidi dabego tobolu bidi
bomonama

elama, tama nago te agai bidi hani mu dolai dao.

¹⁴ Te boi bidi dabe, augwali te genuai wali asobo tiwai
yali,

te da gasaba tedela palainogo tiali.

Augwaligo da aiyaba elalualide

wiegi yai homu pemene yali,

te dwai sē ebo bidi dabe geme duala selama,

te magi nai meni yai we bidi augwaliba

dwai sē yainu tonalubo tiwai ebao.

Tiali goli, nago te boi bidi dabego ami tobolu bidi
kepten

te aga ene dabego digi ma enanio.

¹⁵ Nage te naga hos kibu dabe tudide dugulasali,
tama augwali te tamu aḡ daidu agaga palio.

Tama tiali sēgo te tamu aḡ dini genuai
hogodomainu ilalio.

¹⁶ Eno te sē yali po tigidali odama, te ena midigi salio.

Ena wi elama, te eno pedauwali me didibili yali.

Eno nogo sḡḡ bomo kimi meniama isali,

te ena bomo meni yanio.

Eno koneani, te God aselama,

te da dolobo bidi dabe te dwai dene ilaibao,

tibasoa ena dua digi bidiyu,

tama te sogo pedalubo tonalubao.

¹⁷ Te ni kaya fik dabego te du walisābaso,
me te ni wain dabego me te wain du walisābaso,

tama te ni oliv dabego me te du wai walisāma,

tama te gide nai meni yai elalu,

tama te kibu sipsip tigidali isibadi elama,

tama te kibu bulmakau dabego

be dabe me olo mu elaluyu da,

¹⁸ teda te sēḡ tigidali pedalali goli, te tagalao,

te eno Genuai Bidide wiegi yai homu

pemene elama, bugai haliga yaibao.

Magi baso meni,

Genuai Bidi aga te God da,

tama aga da, te ena ma dobola sabo bidi dao.

¹⁹ God eno Genuai Bidi da, agai enabolo bomomobao.

Agai eno sḡḡ bomomoo ilali,

te bulu du polo holobo uni hasa dia dabego sḡḡ

tiwai ilama,

tama agai ena te bulu du dabe daide ugadu bugagia

bilimainogo yai dao. †

† 3:19 2 Sml 22:34; Tib 18:33

Profet Sefanaïago Po Aşei Buku

Hasia nedabo po

Sefanaia agai profet po polobadu gana pusai dao, te king Josaiago te Juda dabego dwai kolesaga augwaligo augwa lotu wabode dodolali sogo pusai dao. (2 Kin Daj 22 me 23de suao.) Sefanaia agai Juda hanibolo agai augwaligo te dolo meni yai kolesaga tagala po walai dao. Tialima meni yani da, teda Godigo genuai seęę augwaliba tagala palaibao.

Sefanaïago te po me pusali, te meba kantri we bidi dabego Juda dabe dali boi bidi yali we bidibolo me dene mawaibao po wali. Jerusalem me dolaibao. Tiali goli, te we bidi, augwali homu begelama, tama augwali doloba pai kolesaga wali pai we bidi augwali da bugagia bidaibao. Tama nosali te Jerusalem bugagia ma pedelaibao, tama te doloba pai we bidi augwali tede bidaibao.

Genuai Bidigo bubuga pedelaibao

(Daj 1-3)

Te Genuai Bidigo bubugade agai te we bidi po tų ela mawaibao

1 Te Josaia, te Emongo ogwa, aga te Juda hani we bidigo king bidali sogo, te sogo Genuai Bidi Godigo e po Sefanaïabolo pusa mawai dao. Sefanaia aga te king Heskia hani kanemedede pedelai bidi dao. Kusi te Sefanaïago aya dao, tama Gedalia te Kusigo aya dao, tama Amaria te Gedaliago aya dao, tama Heskia te Amariago aya dao. †

² Te Genuai Bidigo Sefanaïabolo e tama tiwai po walalio, "Eno tigidali tųde elalubo nai dabe mu dolaio. ³ Te da, te tigidali bidi dabe, me hasa dabe, me ba dabe, me sųę dabe, sese tama dao. Tama eno te we bidi tigidali dwai seę emainu ebo nai dabe sese tama silaibao. Te eno tigidali tųde we bidi sese tama dola silaibao, tama deli me bidigobeo. Ena Genuai Bidi, eno po polo walio."

⁴ "Eno te Juda tų pedai we bidi, me Jerusalem hanu we bidi dene mawaibao. Tama teyu, eno te tibo god Balba lotu wabo nai dabe sese tama doliyu, me Balgo tigidali pris dabe sese tama doliyu yaibao. Tama te we bidi dabego augwali munu me ma homu kone egobeo. ⁵ Te eno te we bidi augwali augwa wiegi yai dolaba pai be peduba pelama, tama augwaligo te polua, me giliga, me hų dabeba lotu wabo we bidi me dolaibao. Mu tama, we bidi hauwa augwaligo enaba lotu po weyu, e tama po wabo, 'Mu tamao, dago Genuai Bidi

wali pobao,' po wabo dao. Tiali goli, augwaligo tibo god Molekba lotu wagi peyu, me augwaligo te po 'Te mu tama,' po wabo dao, 'dago god Molek wali pobao,' po wabo dao. Tialima, eno augwali dolaibao. ⁶ Te we bidi augwaligo ena tudi ola menama, tama ena wali me asisųma iyu, tama enabolo augwali dodolomainu hanalubo menio. Te eno te we bidi augwali me dolaibao," Genuai Bidigo te po wai.

⁷ Tigidali Nai Tonalubo Genuai Bidi Godigo bubuga pąba polo yagasalio. Tialima, dage aga pageba aselama, tama pedauwali pania selama elalua. Genuai Bidigo aga we bidi elabo dola selama elalubao, te bidi dabego ofa ebo hasa dabe elebo tiwai yaibao. Tama agai meba bidi dabe i wali, te agai ebo seę dabe suagasomainu. Tama agai augwalibolo agai gedude wiegi yai pedalobo kolesaga emainu yao po wali.

⁸ Genuai Bidigo e tama po wali, "Te eno ena te we bidi ela wialobo bubugade, te eno te kingo ofisa dabe dene mayu, me te kingo wai ogwa dabebolo, me te bulu badu dwai kolesaga wali pabo bidi sese tama dene mena silaibao. ⁹ Te eno te we bidi augwali te bulu badu we bidigo lotu wabo tiwai ebo we bidi, me nai wi siyu, me bidi ela muyu ebo we bidi sese dene mayu, me te nai wi sai nai dabego augwa genuai bidigo be pąęaniyu ebo bidi dabebolo dene mawaibao," wali.

¹⁰ Genuai Bidigo te po wali, "Te bubugade dagego te we bidi augwali te Jerusalem sunumi obo pąde dolalubo suaibao. Augwaligo te Sųęugo Sunumi wabo, tede tama dagego augwali gela wabo po odaibao. Te dagego te Jerusalemgo Niu Taun we bidigo gela odaibao. Tama dagego mage nai me bulu dude bomonama mu kulukulu wabo odaibao. ¹¹ Te dage te taunde odogo malu bulude bidiyu, te po dabe odobaso da, teda dage gela waibao. Magi baso meni, dagego duga tigidali bisnis bidi dabe isai subaso," te po wai.

† 1:1 2 Kin 22:1-23:30; 2 Sto 34:1-35:27

¹²“Tama te sogo eno lam selama, tama ena Jerusalem tomoba pelama, tama eno te bidi dabe eno kolesaga godolo isaıma ebo bidi dabe bugagia gegegi paibao. Augwaligo homu augwa digi tigidali seı yaibao homu ebao. Tiali goli, menio. Augwaligo te po wali, ‘God da, olo bidibo dao,’ po wali. ‘Agai wiegi yai bidi dabe tau selama, tama agai dwai bidi dabebolo dwai pe mabeo. Tialima, aga tagalao,’ wali. Tialima, eno te bidi dabe augwali dolaibao. ¹³Te boi bidi dabego te bage augwaligo nai dabe wi saibao, tama augwaligo be dabe dolaibao. Augwaligo gesi be dabe seı yai goli, augwali te be dabede bidigobeo. Te augwaligo ni wain bulaiba, tiali goli augwaligo te ni du sogobeo, tama augwaligo te wain weı me geselegobeo,” Genuai Bidigo te po wai.

¹⁴Genuai Bidigo agai po tuı yabo te bubuga te paıde dao, tama te sogo paıde polo pedelaibao. Te dwai bubugade da, te bomai ami bidi dabe tagalao, augwali me wi dwai mu elama, tama gela geninama mu waibao. ¹⁵Tama te sogo Genuai Bidigo moni seıbeı pebeli diliba mu pedelaibao, tama te we bidigo homu seıgeı elama, tama augwaligo homu dwai yaibao, tama te nai dabe sese tama dola silaibao. Tama te poı dabego giliga halua siyu, te dwai tuı be elama, tama geninama mu hulıa saibao. ¹⁶Tama te bubugade te biugel bu weyu, me te ami bidi dabego hae weyu yaibao, te augwaligo te bomai obo elalubo taun obo aluyu, me te tonalubo bidi wasman dabego bobobage be dabe aluyu yaibao.

¹⁷Genuai Bidigo e tama po wali, “Te tuıde we bidi dabego ena Genuai Bidi dali dwai seı yalıo. Tama tıbaso, eno haniani dwai dene augwalıde pedelemainu ilama, tama augwali te gedu widai bidi dabego sunumi gege bilıbo tiwai bilaibao, tiali goli te wi pabo tuı menio. Tama augwaligo kaneme te weı tiwai gelama, tama augwali isaibao. Tama augwaligo tigi dabe te tuıde te yowi di danamu pabo tiwai damuaıbao,” Genuai Bidigo te po wai.

¹⁸Tama te bubugade Genuai Bidigo seıbeı hania hani nama, mu suaıbao. Tama augwaligo silva me gol dabego augwali tau me sogobeo. Mu menio. Genuai Bidigo seıbeı te dwai isi tiwai pedelama, tama tigidali tuı dela silaıbao. Tama deli sogo tama agai tuıde we bidi sese tama mu silaıbao.

We bidi augwaligo homu kolesaga begelemainu yao

2 Dage e kantri we bidi, dage delıba sisinao. Dagego duga dwai kolesagade dage hale dwasianu me ebo menio. Dagego homu bugagia kone palama, tama te dwai kolesagade hale iıyo. ²Tıyu, Godigo aga homu seıbeı haniniyu, dage deli sogo tama te plaua sasia pabo tiwai elama dolidali weyu iıyo. Tıyu, Genuai Bidigo seı yagasiyu, dage isi ulubo tiwai elama ulidali weyu iıyo.

³Dage we bidi hamaga isaınama Genuai Bidigo po sela saısiama ebo we bidi, dage agaba asiıyo. Dagego duga digi aiyaba elaluama, tama doloba pai kolesaga naga iıyo. Tialima, dagego te tama tiyu da, teda Genuai

ai Bidigo seıbeı elama, tama te dwai pe te dwai we bidi dabebolo wei ponobo sogo dage da dologobeo.

Genuai Bidigo Juda bulu paıde elalubo kantri dabe dolaıbao

⁴Te Genuai Bidigo te kantri Filistia dolobo sogo, te taun Gasade bidi deli me bidigobeo. Me te taun Askelonde me bidi meni yaıbao. Te boi bidi dabego taun Asdot we bidi sese tama deli be posobo sogo sela saıwaıbao, tama augwaligo te taun Ekron we bidi me sela saıwaıbao.

⁵Tega, dage Kenan tuıde bidibo Filistia dabe, nambisde bidibo Keret bage, dage me dolaıbao! Genuai Bidigo dage po tuı ela mawai dao. Tama agai dage dolama, tama bidi deli me bidigobeo. ⁶Dagego tuı dage te tamu aı sabide te elalubao, teda te olo kala bulu pedelaıbao. Tama te sipsip tonalubo bidi dabego tede dwasianu be dabe me sipsip obo te pesagede seı eyu yaıbao. ⁷Tama te dwasianu Juda hani augwali dolısaıma yalı, te bage augwaligo dagego tuı saıbao. Tama augwaligo sipsip kibu dabego tede nai tulama, tama te Juda dabe augwali te Askelon taun bede piyu yaıbao. Tama God augwa Genuai Bidi, augwa Juda dabego Genuai Bidi augwali dali bidıyu, tama agai augwali augwa kantride bugagia bidımainu ilaıbao. †

⁸Genuai Bidi Tigidali Bomo Elalubo Bidigo te tama po wali, “Te kantri Moap me kantri Amon bidi dabego eno we bidi posobo po olama, tama eno we bidi dali dwai po wabo eno polo odalıo. Tama augwaligo hae olama, te po wali, ‘Augwaligo tuı dago saıbao,’ po wali. ⁹Mu tamao, ena Tigidali Bomo Elalubo Genuai Bidi ena bidalıubao. Ena Israel dabego God, eno mu po weyu, te daı obao. Te Moap dabe, me Amon dabe, augwali te taun Sodom de Gomora si dolalı tiwai tama yaıbao. Tama hae naga holama, tama augwaligo tuı mesega saıbao. Tama tamu sabo dedage dabe naga pedelama, tama te bulu dolama, te tama elaluıbao. Eno hani augwali me bidalı da, te bidi dabe augwaligo augwali dali hwınama, tama augwaligo nai dabe kegelama saıbao, tama augwaligo tuı me saıbao,” te po wai. ††

¹⁰Te tama tiwai seı te Godigo te Moap dabe me Amon dabe dali me dene mawaıbao. Magı baso meni. Augwaligo hamaga elama, tobolu gagea peyu ebo dao. Tama augwaligo Genuai Bidi Tigidali Bomo Elalubo Bidigo we bidi dabe dali dwai po wabo dao. ¹¹Genuai Bidigo augwali wi dwai mu emainu ilaıbao. Te agai te tigidalı kantri dabego tıbo god dabe olo nai pedelemainu ilaıbao. Tama tigidalı tuı we bidi augwali augwa kantride bidıyu, Genuai Bidıba naga lotu po weyu yaıbao. ‡

¹²Dage kantri Kus we bidi, Genuai Bidigo dage boıde ela muna silaıbao. †† ††

† 2:7 Aıs 14:29-31; Jer 47:1-7; Ese 25:15-17; Jol 3:4-8; Amo 1:6-8; Sek 9:5-7 †† 2:9 Gag 19:24 ‡ 2:11 Aıs 15:1-16:14; 25:10-12; Jer 48:1-47; 49:1-6; Ese 21:28-32; 25:1-11; Amo 1:13-15 †† Te tuı kantri nogi augwaligo polobadu wali Kus, megi dago te nogi Sudan wabo dao. †† 2:12 Aıs 18:1-7

¹³ Tama aga bomogo naga Genuai Bidigo te kantri Asiria we bidi dola silaibao. Te kantri te not badu te elalubao. Tama agai augwaligo genuai taun Ninive dolaibao. Tama te taun te olo nai meni yai olo t̄q wa pai bulu elaluaibao, tama bidi te bulude me bidigobeo.

¹⁴ Te kau kibu dabe, me sipsip kibu dabe, me meme kibu dabe, me bulu hasa dabe naga, augwali teba piagasiyu yaibao. Magi baso meni, te boi bidi dabego te wiegi yai ni b̄q name dabe dadalama, buluba şaşawaibao. Tama te hulide bilalobo ba dabe augwali te bede bidaibao. Tama augwali te windo dabede du-alama, te augwa po weyu yaibao.

¹⁵ Te Ninive dabe augwaligo homugo augwali bomai bage dao homu elama, tama augwaligo homu augwali bidi dabego me dologobeo homu ebao. Tama tiyu, augwali wiegi yai homu pemene ebao. Tama augwaligo homugo augwaligo taun te hasia polalubo taun dao homu ebao, te tigidali kantri tomode. Tiali goli, mu menio. Te dwai nai dabe te Ninivede pedelaibao. Tama te bulu dolama, tama elaluaibao. Tama te bulu te bulu hasa dabego bulu gagawaibao. Te bidi dabe sese augwali te pāba pabo bage augwaligo posobo po weyu, eda ma kila siyu yaibao. †

Genuai Bidigo Jerusalem dabego seġe sela şawani

3 Jerusalem, hobede ya, nage dolaibao, nago kole-saga Genuai Bidigo gedude dwai damua pai mu yalio. Nagede bidibo we bidi dabe augwaligo agai po sela şabo dao. Tama augwaligo augwa hasi deli hani dali dwai sē ebo dao. ² Augwaligo bidi dabego po odis-awai, awe, augwaligo Genuai Bidigo po me odai menio. Tama augwaligo Genuai Bidigo augwali dodolo-mainu homu ebo hagela yai dao. Tama augwaligo aga-ba homu dāq olama, tama augwaligo Genuai Bidigo augwali tau somainu me hanalu wai menio. ³ Te Jerusalem genuai bidi dabe augwaligo te olo we bidi dali dwai kolesaga ebode augwali te bulu laion sibi nasi ebaso bomona daġa wabo tiwai ebo dao. Tama te po t̄q odobo bidi dabe, augwali te uni yowi nasi genuai ebo tiwai iyu ebo dao. Tama augwaligo te hasa tulama, silama, tama augwaligo do tuabo dili me mubeo. ⁴ Te profet dabe augwaligo augwa sē subigila eyu, bugagia ebo meni, tama augwaligo te bidi dabe augwali dolo-mainu ili po naga ola mayu ebo dao. Tama te pris dabe augwaligo te Godigo tedali gasagi yai be habu dabede dwai sē eyu ebo dao. Tama augwaligo Godigo bomai po hasegelama tagalali, te augwa digi augwa ma tau somainu.

⁵ Tiali goli, Genuai Bidi Jerusalemde me bididuali. Agai doloba pai kolesaga naga ebo dao. Te agai dolo isawai kolesaga da agai me ebo menio. Mu menio. Te tigidali sogo bubugade agai te we bidi dabe dali dolo-ba pai po t̄q naga ebo dao. Agai te sē tagalobo menio. Tiali goli, te taunde bidibo dwai bidi dabego te dolo meni yai kolesaga naga ebo dao. Tama augwali tede hale dwasianu me ebeo. Mu menio.

⁶ Genuai Bidigo e tama po obao, “Eno meba kantri dabe mu silama, te Juda hani isawai bage, tama augwaligo genuai taun dabe dolama tagalai dao. Tama te bomai obo dabe me, be dabe me, te boi bidi tonaluyu no munalubo te sigide elalubo be dabe dolama, tagalai elalubao. Tama te bidi dabe augwali te taun sunumidu tomodu bidi dabe me bilibeo. Magi baso meni. Bidi deli me bidisama ebaso. ⁷ Eno homugo te eno we bidi dabe augwaligo eno te kolesaga sulama, tama augwali ena dologode bidigowe homu yali, tama eno augwali dodolomainu sula tagalogowe homu yali. Tialima, augwaligo eno augwalibolo polobadu ola mani nai dabe bugagia koneyu da, teda eno augwali me dologobeo. Me eno augwaliba dwai dene magi menigi da. Tiali goli, augwaligo eno ola mani po odobeo. Menio. Deli sogo tama augwali hogodama, tama augwaligo bomonama, augwa polobadu yali dwai kolesaga edelama mu yalio,” te po obao.

⁸ Tialima, Genuai Bidigo aga wali asobo we bidibolo e tama po walali, “Dage homu hauwa igimio. Dagego eno te tigidali kantri we bidi po t̄q ela mabo te sogo deli naga tonaluiagameo. Magi baso meni. Eno augwali dali sēbē elama, tama eno augwali deliba sisina-gasomai elama, homu polo dāq olama, tama eno augwali dene mawaibao. Tama eno sēbē te isi bogoli tiwai elama, tama eno tigidali t̄q dabe mu dolaibao,” wali.

⁹ “Tama te sogo eno tigidali kantride we bidigo homu kolesaga hasesegele paibao. Augwaligo homu kole-saga gesi ma elama, tama augwaligo ena deliba naga gedu haluasa po weyu yaibao. Tama augwali homu deli naga elama, tama augwaligo eno po wali asaibao.

¹⁰ Tama eno we bidi dabe augwali eno te digibulu kantri Kusba sela şawani we bidi dabe, me gasa meba kantriba tagala palali, te we bidi augwaligo ena ofa dabe yabo nai sesaibao. ¹¹ Eno ede bidibo we bidi, te mu tama dao, dagego eno po mu tama sela şawai dao. Tiali goli, eno te sē dabe pedelemainu ebo sogo da, teda dagego duga yali kolesagade hale me egobeo dao. Magi baso meni. Eno dagego te bidi dabe augwali te hamaga elama, gagea peyu yali bidi dabe sela şawaibao. Tama dage Jerusalemde eno bulu dude bidaibao. Tama dagego tede ena dali hamaga ma eyu egobeo. ¹² Tama te we bidi augwali eno Jerusalemde bidimainu sula tagalaibao. Augwaligo nai dabe hauwa meniama, tama augwaligo augwa aiyaba elaluama elaluaibao. Tama augwali enaba aselama, tama augwali tau somainu enabolo hanalu waibao. ¹³ Te Israel hani dwasianu augwali me bidibao, augwaligo gasa bi-di dabe dali dwai kolesaga me egobeo. Tama augwaligo ili po olama, tama augwa abagi dabe ili po wabo sē me egobeo. Te augwali wiegila bidibo sē naga elaluaibao. Tama augwali wi ilabo bidi meni yaibao,” Genuai Bidigo te po wai. ††

Wiegi yai homu pemene ebo balia po me deli

¹⁴ Dage Israel dabe, dage i olama, homu pemene ebo balia po waiqo.

† 2:15 Ais 10:5-34; 14:24-27; Nah 1:1-3:19

†† 3:13 Ped 14:5

Dage Saionde bidibo bage, dwagi yai homu eyu,
 tşabi po waişo.
 Dage Jerusalem dabe, dage wiegi yai homu elama,
 homu pemene geninama mu iyşo.
¹⁵ Magi baso meni.
 Genuai Bidigo te po wai dao,
 agai dage dene mawaibao po wai dao,
 tiali goli megı da, dagego dene sabo usu eyu silama,
 agai te po tagalali dao.
 Agai dagego boi bidi dabe sese sela şawani dao.
 Genuai Bidi da, aga Israel dabego king dao,
 tama aga dage dali bidibao.
 Tialima, dage nai me delide munu ma wi igimio.
¹⁶ Nosali bubuga me deli pedelaibao,
 tama te bubugade augwaligo Jerusalem dabe
 te tama po waibao,
 "Dage Jerusalem we bidi dabe,
 magi naide wi me elamo dao,
 tama dage olo dali noma sigio.
¹⁷ God, duga Genuai Bidi, aga dage dali bidibao.
 Agai bomogo dage tau selama,
 tama dagego te boide dagego tobolu ela holali dao.
 Genuai Bidi aga dagede wiegi yai homu pemene elama,
 tama balia po waibao,
 te we bidigo lotu wabo genuai sogo ebo tiwai
 yaibao.
 Agai dage godolo mu ebao,
 tama agai po deli me wagobeo,"
 augwaligo te tobage po waibao.
¹⁸ Genuai Bidigo po genina ma weyu, e tama po wali,
 "Eno dage Jerusalem dabe dene mawai dao,
 tama dagego te nai da tuyu lotu wabo genuai sogo

te kolesaga dabe wali me pabo usu me ebeo.
 Dagego enabolo te haniani moni da tubo dali lotu po
 wabo sogo ebo kolesaga ebo usu me ebeo.
 Tama te tialigo dage hale geninama mu emainu ilalio.
 Tiali goli megı da, dagego hale eno silaibao.
¹⁹ Suao, te sogo bubugade eno dage dali dwai şş
 elama,
 dage aiyaba elaluali te boi bidi dabe dene
 mawaibao.
 Dage meba Israel dabe gasa kantri dabeba
 subigila pelama, tama gasa kantride bidibao,
 te sipsip kibu hani subigila pelama,
 augwaligo şşş dola tagalali bage
 tiwai yali gilama yali da.
 Tiali goli, eno augwali duga bulu tşba mu
 ma odasa asaibao.
 Megı da, dage meba hanigo gedude te hale mu te
 ebao.
 Tiali goli, eno te hale silama,
 tama dagebolo genuai nogi mawaibao.
 Tama digibulu tş we bidigo dagego nogi ugwaba
 saibao.
²⁰ Te asobo bubugade,
 eno dage te tigidali pesagede bidalubo te pesagede
 ma oda saibao,
 tama eno dage duga bulu muba ma odasa asaibao.
 Tama me eno dage genuai nogi menama,
 tama tigidali tşde we bidigo dagego nogi ugwaba
 saibao. Tama te sogo eno dagego şş wiegi yai
 pedemainu ilama,
 tama dage wiegila bidibo elaluaibao.
 Dagego te şş pedelebo te duga gedugo mu sueibao.
 Ena Genuai Bidi, eno po polo walio," tama wali.

Profet Hagaigo Po Elalubo Buku

Hasia bolo nedebo po

Te Juda hani te augwali te kantri Babilon bulude kalabuside bidali tagalama, augwali te Jerusalemba ma bida-gasali. Tama augwali te 20 kibu be te Jerusalemda bididubadi, augwaligo Godigo tempel be ma geselebo sę gagalali. Tiali goli, tomode augwaligo te sę ebo tagalama tama mu silibeo Tama tibaso, te Juda bagego te be geselebo sę ma gagalainogo eyu, te profet bidi si, Hagai dali te Sekaraia dali, augwali sigo te bidi me sibolo te augwali si homu kolesaga daꝥ walobo po pusa mani. Augwali si nogi e dao, Serubabel dali me te Josua dali si da, te bidi si te Juda hanigo tobolu bidi si da, tama augwali sigo te Godigo be ma hodolobo sę elama, tama augwali sigo te lotu po wabo tomode te me badu te meda yai kolesaga ebo ma dodolama ma wiegi yai ilimainu augwali si daꝥ walai. Te profet bidi Hagaigo te po digi po begelama pusali Hagaigo e tama po wai, tialima te Juda dabe augwaligo te sę eyu da, teda te augwali tau selama te sisinama te-da bugagia sę yaibao, tama teyu da, te Godigo dwagi yai po bodolu sali po bugagia pedelaibao, te polobadu po pusali profet bidi dabego yali gilama yaibao. Godigo augwali ma dwagi yai ilama, tama te we bidi dabe augwali bugagia tegaluama bugagia bidabo dwagi yai bodolu sogo pedelaibao wali.

Godigo te we bidi dabe augwalibolo te God agai be ma sę yao po wali

(*Daj 1:1-2:9*)

Godigo te we bidi dabe augwalibolo te eno be polo as-esa elama polo sę yao wali

1 Te bidi Darius aga te Persia bulude king bidi nigil-ama bidibo sogo, tama te 6 wabo polua, te dei delide, te agai kibu be si 2 yia wabode, Genuai Bidigo te tama po te profet bidi Hagaibolo te po wai. Agai te e tama po te bidi Serubabelbolo pusa momainu yai, aga te Juda hanigo tobolu bidi da, tama te tobolu pris bidi Josua agabolo me pusao wali. Te bidi Serubabel aga te Sealtielgo ogwa da. Tama te bidi Josua aga te Je-hosadakgo ogwa da. ¹²Tama tialima Hagaigo te po te bidi sibolo pusama wai, "God Genuai Bidi, aga Tigidali Bomo Elalubo Bidi da, agai te po wai, 'Te we bidi dabe augwaligo e tama po wabo dao, 'Te Godigo tempel be ma sę ebo sogo, aga pedalisiaꝥo sogo,' augwaligo te po wabo dao.' Genuai Bidigo te po wai," Hagaigo aug-wali sibolo wali.

³Tama te Genuai Bidi aga te Tigidali Bomo Elalubo Bidi, agai te we bidi dabe augwalibolo e tama po te profet bidi Hagaigo penanidu ma wali. ⁴Agai e tama po wali, "Eno hani we bidi dabe, magi baso dage te dwagi dwagi yai bede naga bidibawe, tama te eno be

da dolama elaluba, agawe? ⁵Ena Genuai Bidi, Eno Tigi-dali Bomo Elalubo Bidi, eno dagebolo e tama po obao, dagego homu kolesaga hauwa agea peyu tama te duga tigiba te dwai nai pedelalide homugo kone palao. ⁶Dagego te umabo nai bulalio, tiali goli te dwasianu nai naga holalio. Dagego te me badu nai elalubaso da, tialima te naigo da te dage usu egobeo wai. Dagego te tuabo wain aꝥ elalubao, tiali goli agai te dagego tuabo godolo eboba usu nagasogobeo. Dagego me badu holobo ugwa elalubao, tiali goli te holobo ugwago te dagego tigde kedau ebaso holobo usu menio. Tama te mone sabo sę ebo bidi dabe aug-waligo mone sobadi, tiali goli te mone polo sia sabo, te e tama tiwai te mone mubo halobage dedage yai madigi mubo aꝥ yai dao. ⁷Ena Genuai Bidi, Eno Tigi-dali Bomo Elalubo Bidi, eno dagebolo e tama po obao, dagego te e tama sę duga pagede pedelali sę bage dagego homugo bugagia kone paliꝥo. ⁸Odao. Dage te ugwa bulu duba holama, tama dagego te eno be ma sę yabo ni dabe togolama sao," wali, "tama dagego ma sę yao, tama eno bugai homu pemene elama gana paibao," wali. "Tama dagego enaba naga lotu po weyu yao, tama tibo kolesagago ena genuai nogi saibao," Genuai Bidigo te po wali.

⁹"Dagego homugo duga gide bulali nai umabo sainu homu te yali, tiali goli nai umabo mu me pedalobeo. Tama dagego te nai dabe beba sesebaso da, te nai po-lo sia sabo bage e tiwai dao, te nai dabe te eno mobogo sela saꝥbaso peyu te yali," wali. "Odao. Eno tama yali da, magi baso meni, dage tigidaligo te duga digi bid-abo be sę ebo sęde dene mu yalio, tiali goli dagego te eno be tologa pai dwai mu elalubo da, tede dagego

† 1:1 Esr 4:24-5:2; 6:14

homugo kone palobeo. ¹⁰ Duga te tama tibo kolesaga-go da tama teyu te kulubage eba tulube dao," wali, "tama te nai dabe te gide munu me holobe dao," wali. ¹¹ "Te eno naga te eno te kulubage tuludali weyu daŋ wai dao. Tama teyu te moni giliga te bulu dude me, tama me te tigidali nai gide me, me te wain gide me, tama me te ni olivde me, te tigidali nai dabe te moni giliga nanai dao. Eno te tōde holobo tigidali nai dabe-ba kulubage me tulumainu me sula tagalobe dao," wali, "tama me te bidi dabe me, me te bulu hasa dabe me, tama me te tigidali haniani nai dabe te duga gide bulali nai dabede me," Genuai Bidigo te po wai.

Te we bidi dabe augwaligo te Genuai Bidigo po wali pabo ma gagalali

¹² Tama te bidi Serubabel dali, te tobolu bidi pris Josua dali me badu Juda hani we bidi dabe augwali si dali bidai, augwali tigidaligo te Genuai Bidi augwa Godigo e tama po obaso augwali wi yai, tama augwaligo te profet bidi Hagaigo po wabode wali pai, te profet bidi Hagai te Godigo te augwali pageba tagala palai bidi dao. ¹³ Tama tialima, te bidi Hagai agai te we bidi dabebolo e tama po augwalibolo ola mani, "Godigo te po wai, 'Ena Genuai Bidi, tama tigidali sogo ena dage dali bidada paibao,' wali." Hagaigo te po wai. ¹⁴ Tama te Genuai Bidi agai te bidi Serubabel dali, te Josua dali, te tigidali we bidi dali augwaligo homu hodolama, tama augwaligo agai be seŋ yainogo yali. Tama augwali aselama, te augwa Godigo be seŋ ebo seŋ gagalali, Genuai Bidi aga Tigidali Bomo Elalubo Bidi. ¹⁵ Augwaligo te be seŋ ebo seŋ hodolali te polua 6 poluade, te dei 24 wabode te be ma seŋ ebo seŋ gagalali. Te Persia king bidi Dariusgo aga te king bidi bidiyu te agai kibu be si wabode te be ma seŋ gagalali.

Godigo te gesi be dwagi yai mu pedelaibao

2 Te kibu bede tama, te polua 7 mun, dei 21 wabode, te bodolu side te Godigo te profet bidi Hagaibolo po ma ola mani. ² Agai te Hagaibolo te po wali, "Nago te po te tobolu bidi Serubabel dali, te tobolu pris bidi Josua dali sibolo me, tede me bidalubo Juda we bidi dabebolo me e tama po augwalibolo hanalu wao, ³ "Te polobadu te eno be te dwagi yai mu da, tama duga hani me badu suali bidi augwaligo te be me konealuba wida. Tama tialima, te megi dagego suali ma te olo nai tiwai da olama oba, agawe? ⁴ Tagalao, dage tigidaligo haliga moni seŋe mu egimio. Dage hodaluama tama seŋ yao, magi baso meni, ena Tigidali Bomo Elalubo Genuai Bidi ena dage dali bidibao. ⁵ Polobadu mu dagego te Isip bulu tagalama tama dage eba asali, tama te sogo ena dage dali po bodolu siyu tama po wai, ena te dage dali tigidali sogo bidada paibao, te po wai. Tama me te eno Mobo Bidi me te tigidali sogo dage dali bidaibao wai dao, tama teyu dage tigidaligo wi egimio,' eno te po wai," wali. ^{††}

† 2:3 Esr 3:12 †† 2:5 Sai 29:45-46

⁶ "Ena Genuai Bidi, ena Tigidali Bomo Elalubo Bidi da, eno tama po obao, tama eno te pēwadage sogo tama te eno dagalude elalubo nai me, tama me te tōde elalubo nai me, tama me te tamu aŋide elalubo nai me, te nai dabe tigidali me memenege ma eduaibao," wali. ⁷ "Tama eno te tigidali bulude bidibo gavman bidi dabe augwali me midigi saibao," wali. "Tama te we bidi dabe augwaligo te umabo mone me te doado bage me selama, tama augwaligo te bidibo madigi pesageba selasa aselama, tama te eno beba paŋanagasaibao. ⁸ Tama te silva me, tama me te gol me, te nai dabe me te tigidali bulude muani nai me, te eno nai naga dao. ⁹ Te eno gesi be wiegi wiegi yai mu pedelaibao, tama teyu te bego te polobadu be aiyaba elaluaibao. Tama te bulu pesagede da haliga dua tegaluama bugagia bidibo kolesaga menama, tama eno te umabo dwagi yai nai dabe te eno hani we bidi dabebolo mawaibao," wali. "Ena God, Genuai Bidi, Tigidali Bomo Elalubo Bidi, eno mu po walio," wali.

Godigo te we bidi dabe dali, te tobolu bidi Serubabel si dali dwagi yai seŋ yali

(Daj 2:10-23)

Te dwai meda yai kolesaga ebogo te we bidi dabe augwaligo te denami yai ofa nai mabo meda elama dolali

¹⁰⁻¹¹ Te Darius aga te Persia kantride king bidi nigilama kibu be si da, te polua te 9 polua, dei 24, te e kibu bede Genuai Bidi aga Tigidali Bomo Elalubo, agai te gasa po me te profet bidi Hagaibolo ola mani. Agai e tama po wai, "Eno homugo nago te pris bidi dabe hanalua, te eno bomai po page kegelama haninao," wali. ¹² "Tialima te bidi me deligo te aga dolo te ofa yali hasa mi dwasianu sali da, tama agai te bulubo ugwa tomoba munama selasa pobaso da, tama tibaso da, teda te agai te bulubo ugwade me te o gagawai nai bret me, ma te augwaligo te gasa nai me ulali naide me, ma te wainde me, ma te oliv welde me, ma te gasa nai dabe mede, te agai holobo ugwa daŋ ola saibao," wali. "Tama tialima te seŋ pedalobaso da, teda te ena nai mu dao olama tama habu selebao, ma meniwe?" te po wali. ¹³ "Tialima te Hagaigo aga pelama, tama te pris bidibolo hanalugi pelama, tama augwaligo te po wai, "Menio. Aga munu me ma usu egobeo," wali.

¹³ Tama te bidi Hagaigo agai augwalibolo e tama po ma hanalu wali, "Tialima bidi me deligo agai nogo te isai bidi tigiba nogo mubaso da, tialima te dago koneao, aga digi aga te Godigo gedude aga medade sabao," wali. "Tama tialima, nosali agai te tuabo nai agai nogo tubaso da, teda te nai me te meda mu te pedalobao, ma meniwe?" Tama te pris bidi dabego e

‡ 2:6 Hib 12:26 †† Te buku Prs tede suao, te Daj 6:25-27.

tama po wei ponani, "Awe, te nai da teda mu tama meda pedelali dao," wali. †

¹⁴Tama tialima, te Genuai Bidigo tempel be te kibu be hauwa dolai olo elaluyu, te augwaligo ma geselesiamma te isai bidigo tigi tiwai olo elalubaso, te bidi Hagaigo tede po digi po weyu te po wali, "Edao. Genuai Bidigo e tama po walio, 'Te tama e bidibo we bidi dabe tigidali me, te augwa ebo sę dabe dali augwali mu meda elama bidibao,' wali, 'augwali te tama tiwai naga dao. Augwaligo kolesaga me mu meda yai dao, tama tialima te augwaligo te tigidali ofa altade ebo me, te tama tigidali eno gedude meda naga elalubao,' Genuai Bidigo te po walio," Hagaigo te po wali.

Godigo te aga hani we bidi dabe augwali te ma dwagi yai ilaibao olama agai bodolu po mawai

¹⁵Genuai Bidigo e tama po wai, "Dagego te duga tigi polobadu pedelali sę te dagego bugagia ma kone palao. Te sogo dagego te eno be tomode sę gagalama, tiali goli dagego te sę ebo tagalali. ¹⁶Dage te pelama, te nai pesage me deliba pai, tama dagego homugo te me si me si tama begde nai bubo usu yaiba, tama tiali goli te nai da te beg si naga bubo usu yai dao. Tama dage te wain wę manobo tank wę elalubo madigi pelama, dagego homugo te nogo si sene genage wain wę paęawaiba homu elama, tama tiali goli te wain węgo da, te sene genage me si me si tama paęabo usu yai dao," wali. ¹⁷"Eno te posolo yai wali me deli tagala palama, tama te wali asu, te gasi me deli te wali dali asu, te dagego te gi nai dabe tigidali dolai dao," wali, "tama te ais te kulubage tiwai aselama, tama te dagego gide bulali nai dabe tigidali dolai dao," wali. "Dagego te sę dabe augwali pedalobo suai dao, tiali goli dagego sulama, te dagego te eno be sę ebode duga homu munu me begelebeo. ¹⁸Megi e 9 polua,

dei 24 wabode, te dagego te tę dodola silama, tama eno be sę ebo sę yaibao. Tama teyu, te megı dagego suao, eno homugo te eno dwagi yai sę dage dali yaibao. ¹⁹Te mu tama, te tubo nai muabo bede te sia gagawai nai wit me elalubeo, tama ni wain me, me te ni kaya fik me, tama me te ni pomigranet me, te oliv me, te ni dabe augwali du walisabadi, tiali goli megı eno te gagalama, tama dage dali eno dwagi yai sę ma ilaibao," te po wali.

Genuai Bidi agai te tobolu bidi Serubabelbolo te nogi ilabo namba ma yabo po wai

²⁰Te tama bodolu digi te si sogo wabo sogo, te Genuai Bidigo te profet bidi Hagaibolo te po me ola mawai. ²¹Genuai Bidigo e tama po wali, "Te tobolu bidi Serubabelbolo te po wao, Juda hanigo tobolu bidi, e tama tiwai, 'Eno homugo te dagalude elalubo nai me, te tęde elalubo nai memenege ma eduaibao,' wali. ²²'Eno te haniani tę kantrigo king bage augwaligo bomodolama, tama augwaligo bomomunu ma egobeo. Tama eno te augwaligo te boi hwjbo karis dali, te tede dolalubo ami soldia bidi dabe dali, augwali dolaibao,' wali. 'Tama te tigidali te boi hwjbo hos kibu dabe me isaibao,' wali, 'tama te kibu hosde dugayali ami soldia bidi dabe, augwaligo augwa hasi te deli sę ebo bage augwa hasi ma elaibao,' wali. ²³'Te sę pedalobo sogo, Serubabel, nage eno saibao, eno sę bidio, tama nage te ena sę bidi mu gagawai ilaibao, tama nago te eno hani we bidi dabe augwali te nago bugagia tonalugameo. Eno nage deli tama daę ilaibao, tama nage deli tama te nogode holobo nai te ring gagawai tama te eno nogode bidagameo. Ena God, Genuai Bidi aga Tigidali Bomo Elalubo Bidi, eno po olama silalio,' te po te tobolu bidi Serubabelbolo pusao," Genuai Bidigo te profet bidi Hagaibolo wali.

† 2:13 Nam 19:11-22

Profet Sekaraiago Po Aşei Buku

Hasia nedabo po

Profet Sekaraia aga te profet Hagai dali deli şe ebo bidi dao. Agai bomai homugo me te Juda we bidigo te Godigo tempel be ma şenama tama doloba pai kolesaga yai we bidi ma pedalomainu homu yalio. Sekaraiago me augwali dali Godigo wiegi yai kolesaga yaibao po augwalibolo pusa mani, te wiegi yai sogo pedelaibao po pusali

Te profet po dago te Dağ 1-8de te elalubo po te buku Esekiel me Danielde suali po tiwai si dao. Sekaraia agai nade subo şe dabe tiwai suali, tama haniani po page begelama pusai po dabe tede elaluai.

Te Dağ 9-14 tede te nosali pedalaibo nai dabe po elalubo. Teda te Godigo tigidali we bidigo kolesaga osola subo sogo tiaibao, me Godigo agai şe emainu bidi me tagala palobode. Te meba po begelama wali po te nosali jisago yali şe dabe po dolo si kadu walio.

Sekaraia agai nade subo nai dabe tiwai suali

(Dağ 1-6)

Genuai Bidigo te po wali, aga we bidi augwali agaba ma asomainao po wali

1 Te king Darius aga kantri Persiade king bidali sogo, te aga king bidibadi kibu be namba 2 wabode, te 8 poluade, God Genuai Bidigo e po te profet Sekaraiabolo mani. Te Sekaraia aga te Berekiago ogwa dao, te Berekia te Idogo ogwa dao. †

² Genuai Bidi Aga Tigidali Bomo Elalubo Bidigo Sekaraiabolo aga we bidibolo e tama po pusao po wali, "Ena Genuai Bidi, polobadu eno dagego waj dabe dali şebę mu yai dao. ³ Tiali goli megı da, eno dagebollo e tama po e walobao, dage enaba geasa ma asięo, tama eno dage tau sagasaibao. ⁴ Dagego duga waj dabego yali şe tiwai igimio. Te eno poloba profet dabego augwalibolo te dwai kolesagaba tudi ola mao po obadi, augwaligo te dwai kolesagaba tudi ola mawai menio. Tiali goli augwaligo eno po odai menio. ⁵ Megı da, dagego waj dabe polo isila pai dao, tama te profet dabe augwali me isai dao. ⁶ Tiali goli eno po te profet sibi dabego pedauwalidu eno pedelaibao wali te şe dabe duga waj dabeba polo pedelai dao. Augwaligo eno augwalibolo mani te po wali pai menio. Tama tialigo augwali te dolali dao. Tama nosali augwali homu begelama augwaligo e tama po wai dao, 'God, Tigidali Bomo Elalubo Genuai Bidi, agai dabolo wali gilama tama agai dabolo dene mawai dao. Te dena

† 1:1 Esr 4:24-5:1; 6:14

dagede tama dao,' augwaligo te po wali," God Genuai Bidigo te po wai.

Profetgo hos dabe te na subo nai tiwai suali

⁷ Te Darius aga king bidibadi namba 2 kibu be wabode, te namba 11 poluago namba 24 deide, te polua augwaligo polua nogi Sebat wabo poluade, Genuai Bidigo po enabolo mani. ⁸ Te hulide eno nai me nade subo nai tiwai me suali. Tama eno Genuai Bidigo ensel bidi kaneme hosde dualasa asobo suali. Te hos te bulu odogo mede ni tomode dolalubo suali. Tama meba hos dabe aga tudi badu dolalubo suali. Te hos dabe meba te kaneme hos, meba te nala hos, meba hos dabe te popoi pai hos dabe suali. Tama te ensel dabe te hos dabede dualalubo suali. †⁹ Tialima eno te namba wan enselbolo e tama po hanalu wali, "Te nai page mena tama dawew?" po hanalu wali. Tama ensel bidigo e tama po wali, "Eno nagebolo te na yali po page pusaibao." ¹⁰ Tama enselgo po genina ma weyu e tama po wali, "Genuai Bidigo te ensel dabe taga pelama, te tigidali tğ dabe bugagia susa biligi pomainu taga palai dao," wali.

¹¹ Tama te ensel dabego te namba wan enselbolo e tama po walali, "Da tigidali tğde bilalio. Tama dago tigidali we bidi augwali şeşę menia suali, tama augwali bugagia naga bidibo suali," wali. ¹² Tialima te polalubo enselgo te po wali, "Tigidali Bomo Elalubo Genuai Bidi, nago te kibu be 70 usu nama nago te Jerusalem we bidi dali me te Juda hanigo taunde bidibo we bidi dabe dali şebę yai dao. Nisu mu nago augwali dali homu dene eyu tau ma saibawe?" tama wali.

¹³ Tama Genuai Bidigo wiegi yai po te ensel bidigo homu nagame elama dua bidabo po wei ponani.

†† 1:8 Ped 6:2, 4

¹⁴ Tama te ensel bidigo enabolo Tigidalı Bomo Elalubo Genuai Bidigo po te pusa mao po wali. Godigo te po wali, "Eno genuai homu dene mu te Jerusalem we bidi dabeba ebao, te eno genuai taun dao, tama eno augwalıba homu kone kone hauwa mu ebao. ¹⁵ Polobadu ena we bidi dali şebę dwasianu yai dao, tama gasa hani bidi dabebolo augwali dene magasao po wai dao. Tialima augwali aselama, tama augwalıgo eno we bidi dwasianu gana me dolobeo. Menio. Augwalıgo te magi edelama, tama augwali mu tama mu dolama tagalalıo. Tama tede megi te kantri dabe augwali bugagia bidıyu augwali şeęę meni yai goli, eno augwali dali şebę dwai mu ebao. ¹⁶ Tialima, eno megi Jerusalemba ma aselama, tama eno agai we bidi dabe dali hobede homu ma yainu ebao. Tama augwalıgo eno be ma şe eyu, me augwalıgo taun Jerusalem ma dodolıyu yaıbao," te Tigidalı Bomo Elalubo Genuai Bidıgo te po wali.

¹⁷ Tama ensel bidigo enabolo gasa me po me e tama pusao po walalı, "Tigidalı Bomo Elalubo Genuai Bidigo te po wali, te tigidalı nai dabe agai taunde paęana yaıbao po wali, tama te we bidi wiagıla mu bidımainu yaıbao po wali. Tama agai Jerusalem aga taun mu tiwai ma magi ilaıbao po wali. Tama agai te Jerusalem we bi-di homu tegaluama bugagia bidımainu ilaıbao," wali.

Sekaraiago kau kibugo tobolu gaę sualı

¹⁸ Eno nade subo nai tiwai ma sualı, tama eno kau kibugo tobolu gaę me si me si elalubo sualı. ¹⁹ Tama te ensel ena dali po wali bidi asobo si, eno agabolo e tama po hanalu wali, "Eno te sualı nai page mena tama nai dawe?" wali. Tama agai te po wei ponoyu, te po wali, "Te gaę dabe te Juda me Israel me Jerusalem dolalı te kantri dabe te magi iyu te yalı dao," tama wali.

²⁰ Tama Genuai Bidigo enabolo me si me si şe bidi hama tolalubadı asobo ola mani. ²¹ Tama eno agabolo hanalu wali, "Te bidi dabe augwali te magi yabo bidi dawe?" Tama agai te po wali, "Augwali te asobo da, te Juda dabe dolama gasa kantri dabeba besela şayani, te kantri dabe wi ilama tama augwalıgo bomo tamunabo bidi te asobao," wali.

Sekaraiago nai dabe usu nıgo usu sabo bono string sualı

2 Eno nade nai subo tiwai elama, tama eno bidi mego usu ni bono nogo tolalubo sualı. ² Tama eno agabolo e tama po hanalu wali, "Nage mena pobawe?" Tama agai po wei ponoyu, te po wali, "Ena pabo da te Jerusalem usu nıgo usu sainu pobao, te eno agai bobobage yalı koneyu, me genuai iyu yalı koneainu te usu ni bonogo usu sainu pobao," wali.

³ Tama eno sualı, ena dali te po wadualı ensel aga ugwanu gana pabo sualı, tama gasa ensel me agaba hodola sagasalı. ⁴ Tialima namba wan enselgo namba tu enselbolo e tama po walalı, "Nage te usu sabo bono string tolalubo te bidi pageba usayao, tama agabolo e tama po walao, 'Te Jerusalemde te we bidi hauwa

bidıyu, me kau kibu hauwa bidıyu yaıbao. Tama te pesage genuai mu elama, tama augwalıgo taun obo bagulabo usu me egobeo. ⁵ Tama Genuai Bidigo te po wai dao, aga te isi tiwai pedalama, tama aga te taun bagulalı obo tiwai te Jerusalem bagualuaıbao, tama agai te taun tonaluaıbao. Tama aga Jerusalemdede bıdaıbao, tama agai genuai ula me bomo pepeli dilıba hanınaıbao,' te po te usu sabo bono string tolalubo bidıba walao," te enselgo te po walalı.

Godigo Juda dabe augwa page buluba ma i wali

⁶⁻⁷ Te Genuai Bidi aga we bidi dabebolo e tama po walalı, "Aşıo. Eno dage tigidalı badude elalubo buluba pomainu dobola palalı dao. Dage meba te saut badu peyu, meba te gilıga pedalubo baduba peyu, tama meba te gilıga degasa pabo baduba peyu yalı. Tialima, dage mebago megi da te not badu elalubo te taun Babilon wi tagalama, Jerusalem taunba polo ma aşıo," wali.

⁸ Tialima, Tigidalı Bomo Elalubo Genuai Bidi aga te God aga genuai bomo ulade bidıbo bidi dao. Agai aga we bidi dololalı te kantri dabe homu kone ebao. Tama agai Jerusalem bagebolo e tama po walalı, "Tialima bi-di me delıgo nage dolainu ebaso da, teda aga digi aga ma dolaıbao. ⁹ Tialima dagego eno we bidi dolobaso da, teda ena digi dage dali hwjaıbao. Tama te we bidi polobadu dagego augwali dagego kalabus şe yalı da, te augwa digi dage dolaıbao," wali. Tama te şe dabe pedalobo sogo te we bidi tigidalıgo e tama koneaıbao, Tigidalı Bomo Elalubo Genuai Bidi aga digi ena tagala palama, eno agai po pusagasalı yabo homu koneaıbao.

¹⁰ Tama Genuai Bidigo po ma weyu e tama po wali, "Dage Jerusalem we bidi, dage wiegi yalı homu pemene eyu, tęabi po wao. Magi baso meni, ena asobao, tama ena dage tomode bıdaıbao," wali. ¹¹ "Tama te sogo kantri hauwa we bidi augwali Genuai Bidıba aselama, tama augwali eno we bidi bıdaıbao. Tama ena dage tomode bıdaıbao, tama dagego koneaıbao, ena aga digi dage tomoba taga palama, dage tomode bidıbo koneaıbao. ¹² Tama te Juda dabe augwali God aga te kantrıde bıdaıbao, tama augwali Godigo gedude wiegi yalı we bidi mu bıdaıbao. Tama agai Jerusalem godolo mu eyu, tiwai meba taun dabe godolo egobeo, tama agai Jerusalem da aga hanu mu da tama waıbao." Genuai Bidıgo te po wai.

¹³ Genuai Bidi aga bulu mu tagalama, tama aga daba asaıbao. Tialima, da tigidalı tę pedaıde bidıbo we bidi pedauwali pani selama tama tonaluinao.

Profet bidıgo het pris nade subo nai tiwai sualı

3 Te nade subo nai tiwai elama, Genuai Bidıgo tobolu bidi pris Josua enabolo ola mani. Josua aga Genuai Bidıgo ensel bidi paęe dolalubo sualı. Tama dwai haubo bidi Satan te Josuago dolo nogo badu dolalualı, tama agai po tų ela mawainu kegalualı.

^{†2} Tama Genuai Bidıgo Satanbolo e tama po walalı, "Sa-

tan, eno nagebolo obao, nago po deli me olamo dao. Eno Jerusalem godolo mu ebao, tama eno nagebolo penane pania sao po te obao. Eno te bidi Josua ma salio. Te bidi mego te isi dage dolidali iside selama, agade te isi sula selama, te isi dage nogogo totalubo tiwai, te aga dolidali weyu eno te bidi Josua te tama ma dobola salio," wali. ^{†3} Te Josuago ugwa dabe sese meda mu elama, tama aga te ensel pagede dolaluali. ⁴ Tialima te enselgo meba ensel dabebolo waliyu, e tama tiwai po walali, "Te bidi tigide elalubo dwai ugwa dabe sela sayao," wali. Tama agai Josuabolo e tama po walali, "Odao. Eno nago dwai seş seş me nago te dwai meda yai ugwa dabe sela şawani dao. Tama megı da, eno nagebolo wiegi yai gesi ugwa dabe mawaibao." Te ensel me deligo te po wali. ⁵ Tama eno te po wali, "Te augwaligo wiegi yai tedela name ugwa augwaligo me selama, Josuago tobolude hadi tiwai baguligi sogo da, teda wiegi yai igi dao." Tama augwaligo eno wali po gilama tama tiali. Genuai Bidigo ensel pade dolaluali, tama meba ensel dabego Josua gesi ugwa dabe gudu-ludali.

⁶ Tialima enselgo Josuabolo e tama po walali, ⁷ "Te Tigidalı Bomo Elalubo Genuai Bidigo te po wali, 'Tialima ma nago eno bomai po tigidali wali pelama, tama nago eno nagebolo mani seş tigidali eyu da, teda eno nage sa muyu, nago eno be tonalubo seş me te tigidali lotu wabo nai dabe tonalubo seş me idumainu sula tagalaibao. Tama eno nage ena pageba asomainu sula tagalaibao, te ensel dabego ebo gilama yaibao. ⁸ Polalubo pris Josua, odao, me dage meba pris dabe me dagego me odao, dage te nosali pedalabo wiegi yai nai te magi tiwai me dage dao. Odao. Eno ena seş bidi odasa asaibao. Agai nogi da e dao, Ni Abu. ^{††9} Megı da, eno masigi me gedu a naga olama si, te 7 yai te masigi selama, Josua pade muaibao. Tama eno te masigide po me aşaiabao. Tama deli sogo tama eno ena kantri we bidigo seş seş sela şawaibao. ¹⁰ Tama te bubuga ped-alobaso da, teda dage deli deli duga abagi dabe i olama, dage dali bidagasomainu yagameo. Tama dage duga wain gi dabede dulaluyu, me duga fik ni dologode dulaluyu yagameo. Tama dage tigidali homu nagame elama, tama bugagia mu bidiagameo,' Genuai Bidigo te po wali," ensel bidigo enabolo te Genuai Bidigo po tama pusali. ‡

Profetgo te 7 lam sole suali

⁴ Ena dali hasia te po wali te ensel bidi aga ma ase-lama, ena augwaligo te godege piai bidi hodolo aş yagasali. ² Tama agai enabolo e tama po hanalu wali, "Nago magi nai subawe?" Tama eno te po wali, "Eno gol ni dage wel muabo dis ugwadu daide elalubo eno subao. Tama nogo a naga olama me badu nogo si, te 7 gol lam ni dage dagana sai elalubo subao. Tama tigidali lam deli deligo te disde wel sabo paip elalubao. ³ Tama ni oliv si te gol lam ni dage pade dolaluali, te me badu me badu me elalubao," eno te po wali. ††

† 3:2 *Jut* 9 †† 3:8 *Jer* 23:5; 33:15; *Sek* 6:12 ‡ 3:10 *Mai* 4:4

⁴ Eno sulama tama eno enselbolo e tama po hanalu wali, "Genuai Bidi, eno te suali nai page magi nai mu dawe?" ⁵ Tama agai enabolo e tama po walali, "Nago konebe, agawe?" Tama eno te po wali, "Genuai Bidi, eno konebeo."

Godigo Serubabel dali po daş walali

⁶ Tama tialima enselgo enabolo Genuai Bidigo te po polalubo gavman bidi Serubabelbolo pusa mao po wali. Genuai Bidigo te po wali, "Nago naga bomogo o naga ami dabego bomogo te seş dabe ebo usu egobeo. Menio. Eno Mobo Bidi Spiritgo bomo nage dali bidaibao, tama te bomo deligo naga nago te seş yaibao. ^{††7} Tialima, genuai nai dabe te bulu du tiwaigo nago sunumi palia sobaso da, teda eno tigidali sela şawaibao. Tama nago eno be ma seş yaibao. Tama nago namba wan masigi aga pesagede mubo si da, teda te we bidigo hai bomona weyu e tama po waibao, 'Te da, wiegi yai be mu dao,' augwaligo te po waibao," wali.

⁸ Tialima Genuai Bidigo enabolo gasa po me pusa mani. ⁹ Agai te po wali, "Serubabelgo eno be seş yabo digi tş polo dodolai dao, tama aga digi polo seş yaibao. Tama eno be seş silibo si da, teda eno we bidi tigidali-go ena digi nage augwaliba taga palai yabao homugo koneaibao. ¹⁰ Augwaligo seş polo siligi pisama ebo suali, tama tibaso augwali homu seş seş yali. Tiali goli augwaligo Serubabelgo te be seş dodolabo ain yai string tolama, tama eno be seş gagalobo sulama, tama augwali wiegi yai homu pemene mu yaibao," wali. ††

Ensel bidigo Sekaraiabolo te lam me te ni oliv po page pusa mani

Tama ensel bidigo enabolo e tama po wali, "Te nogo a naga olama me badu nogo si, te 7 lam te Genuai Bidigo gedu magi iliyu te yali dao. Agai tigidali tş sese tama subo dao," wali. ¹¹ Tama eno agabolo hanalu wali, "Te ni oliv te lam si dali badu si bogu badu dolaluali, ma te page mena tama dawe? ^{†††12} Tama te ni oliv nologo si te gol paip pade munalubo te page magi nai dawe, me te oliv nigo wel te paip si tomoba geasa dulubao, te page mena tama dawe?" wali.

¹³ Tama agai enabolo e tama po hanalu wali, "Nago konebe, agawe?" Tama eno te po wali, "Genuai Bidi, eno konebeo." ¹⁴ Tialima agai te po wali, "Te da, te Genuai Bidigo bidi si tigidali tşde genuai bidi si te tşde agai seş emainu magi ilai bidi si tiwai dao, te augwali si tobolude wel gelama, magi ilai bidi si tiwai dao, te agai seş emainogo," te ensel bidigo te po wali.

Profet bidigo buku me bola pabo suali

⁵ Tama eno ma tonobadi yaide, eno buku me bola pabo suali. ² Tama ensel bidigo enabolo e tama po wali, "Nago magi nai subawe?" Tama eno te po wali, "Eno buku me bola pabo subao. Tama te buku

†† 4:3 *Ped* 11:4 ††† 4:6 *Esr* 5:2 †††† 4:10 *Ped* 5:6 †††† 4:11 *Ped* 11:4

bobobage te 10 mita usu nama, me agai genuai te 5 mita usu nama," wali.

³Tama agai enabolo e tama po walali, "Godigo te po wali, Juda bulude bidibo we bidi sese tama dene saibao po wali. Tama agai te po te buku elalubao. Tama te buku me badu bogu badu te po aşai elalubao, Godigo te kantride bidibo nai wi sabo bidi dabe sese sela şawaibao po obao. Me ma, te buku me badu bogu badu te po aşani, augwaligo tibo po weyu mu tamao obao te bidi dabe sela şawaibao wabo po wai te elalubao. ⁴Tigidali Bomo Elalubo Genuai Bidigo te po wali, agai te dwai bidi dolabo po toloyu, tama agai te nai wi siyu me tibo po weyu ebo bidi dabego be tomoba po ola talaibao. Tama te po te bidi dabe augwa be tomode elaluyu, tama te bidi dabe dola silaibao," wali.

Profet bidigo te we me deli te basket wade bidibo suali

⁵Te ensel aga me pedelama, tama agai enabolo e tama po me walali, "Suao. Gasa nai me te asobao."

⁶Tama eno agabolo hanalu wali, "Te magi nai dawew?" Tama agai te po wali, "Te da, basket wa me dao, tama te basket wa te dagego kantri we bidi dabego homu godolo ebo dwai şe dabe magi elama te dao," wali.

⁷Te basket po augwaligo aingo nigai dao. Eno tonalubadi augwaligo te basket po dabo suali, tama eno suali, te basketde we me tomode dualalubo suali. ⁸Tama ensel bidigo te po wali, "Te we da, te tigidali dwai kolesaga page tiwai piksa dao," wali. Agai po ola silama, tama agai te we aiyaba ma pogolama, tama te basket po paliali. ⁹Eno ugwaba tonobadi yaide, eno we me si te genuai bago bogu tiwai elama, tama augwali si ena bidibo madi bola asobo suali. Tama augwali sigo te basket wa ugaba selama, sigiba bola pabo suali.

¹⁰Eno te nai sulama, tama eno te enselbolo e tama po hanalu wali, "Augwali sigo te basket wa menaba sela pabowe?" ¹¹Tama ensel bidigo enabolo te po walali, "Augwali sigo te kantri Babiloniaba sela pelama, tama augwaligo tede genuai lotu be şe yainu te sela pobao. Augwali sigo te basket wa te be tomode muaibao. Tama te Babilonia we bidi dabego te basketba lotu po waibao," wali.

Profet bidigo karis me si me si suali

⁶Tama nosali eno ma tonobadi yaide, hwıbo nai karis me si me si te bulu du si bras tomode pedelama edaba udabo suali. ²Te bedeba hos dabego te namba wan karis kegebo suali. Tama sisi yai hos kibu dabego si wabo karis kegebo suali. ¹³Tama nala hos dabego sela wabo karis kegebo suali. Tama te dodobolo pai hos dabego te me si me si wabo karis kegebo suali. ¹⁴Tama eno te ensel bidibolo e tama po hanalu wali, "Genuai Bidi, te karis dabe page te magi nai dawew?"

† 6:2 Ped 6:4, 5 †† 6:3 Ped 6:2

⁵Tama ensel bidigo te po wali, "Te me si me si karis te me si me si haniani wali magiyu te yali dao. Megi tama augwali tigidali tşde tonalubo Genuai Bidi page tagalama, augwali te asali dao," wali. ¹⁶Te sisi hos kibu dabego kegebo te karis da, te not badu elalubo kantriba te pobao. Tama me te nala hos dabego kegebo te karis, te giliga dega saboba te pobao. Tama te dodobolo pai hos dabego kegebo te karis te sautba te pobao suali. ⁷Te dodobolo pai hos dabe sabolobo si da, augwali polo pelama, te kantri dabe bugagia tonaluanu te ebao. Tama ensel bidigo te po wali, "Te usu dao, dage piagameo." Tialima augwali udulama pali. ⁸Tama te ensel bidigo enabolo i weyu te po wali, "Te notba pali te hos dabego tebogo te Genuai Bidigo homu kedau iligi palio," wali.

Godigo Sekaraiabolo Josua te king bidi tobolu madi gudulao po walali

⁹Te Genuai Bidigo enabolo po me deli mayu, e tama po wali, ¹⁰"Te me si me si bidi, Heldai, me Tobiya, me Jedaia, te Sefaniago ogwa Josaiia, te Babilon tagalama, augwali Jerusalemba polo asali dao. Megi tama nago augwaligo sesali wiegi yai maiabo nai dabe selama, tama nage Josaiago beba pao. ¹¹Tialima augwaligo nagebolo te mani te silva me gol selama, tama nago kingo hadi me deli geselao. Tama nago te hadi sela pelama, tama nago het pris Josuago toboluba buligi pao, te Jehosadakgo ogwa dao. ¹²Tama nago agabolo e tama po walao, 'Tigidali Bomo Elalubo Genuai Bidigo te po wali, Te Bidi Ni Abu wabo bidi aga bidibo pesagede wiegi yai mu pedelaibao. Tama agai eno be ma şe yaibao. ¹³Agai digi eno be şenama, tama aga genuai nogi mu elaluaibao, te kingo nogi tiwai mu elaluaibao. Tama agai aga we bidi tonaluaibao. Tama te pris aga sia kingde dualaluaibao. Tama agai te prisgo yabo şede dali te kingo yabo şede dali si homu nagame elama bidiyu, te şe si bugagia mu yaibao,' te po Josaiabolo pusao," Genuai Bidigo enabolo te po wali. ¹⁴Tama te king hadi da, te Genuai Bidigo be tomode munaluaibao. Tama te we bidigo te hadi sulama, tama augwaligo te Heldai, me Tobiya, me Jedaia, me te Sefaniago ogwa Josaiago yali wiegi yai kolesaga kone palama te koneyu yaibao, te kegeda pogobeo.

¹⁵Te digibulu bidali bidi dabe augwali aselama, augwali tau selama, Genuai Bidigo be şe ebo tau saga-saibao. Tama augwaligo şena silibo si da, teda dagego e tama koneaibao, Tigidali Bomo Elalubo Genuai Bidigo ena taga palama, ena dage dali bidiba, te homu koneaibao. Tialima, dagego God Genuai Bidigo po sese tama bugagia wali peyu da, teda te nai dabe sese tama mu pedelaibao.

‡ 6:5 Ped 7:1 †† 6:12 Jer 23:5; 33:15; Sek 3:8

Godigo şeęę yali si hasegelama, wiegi yai homu pemene ebo si pedelemainu ilaibao

(Daj 7-8)

Godigo te nai gisilainu tibo po olama habu selebo pode wado po wali

7 Te Darius king bidibadi te kibu be me si me si wabo, te kibu bede te namba 9 poluago namba 4 deide, te polua Kislev wabo, Genuai Bidigo po me deli enabolo mani.

²Tama te Betel we bidigo te Sareser me Regemelek me bidi meba ebadi augwaligo Tigidali Bomo Elalubo Genuai Bidigo beba tagala palali. Augwali pali da, Genuai Bidigo augwali dali wiegi yai şe emainu gedu haluasa po wagi pomai tagala palali. ³Tama augwaligo te pris dabe me profet bidi dabebolo e tama tiwai po hanalu wainu pali, "Genuai Bidigo be dolai elalubadi kibu be hauwa mu pali dao. Tama dago agaba me gela udubao. Tama dago tigidali a naga poluade nai habu selama gisilabo po bodolu muyu yalio. Tialima dago me tama tiduaiba, agawe?"

⁴Tialima, Tigidali Bomo Elalubo Genuai Bidigo enabolo te po walali, ⁵"Nago te kantri we bidi dabe me augwaligo pris bidi dabebolo e tama po walao, 'Mu tamao, te kibu be 70 edubadi te tigidali 5 poluade me te 7 poluade dagego nai dabe habu selama, hobedai gela weyu yai dao. Tiali goli dagego te enade homu kone paliyu, te eno nogi ugwaba sabo kolesaga me yai menio. Mu menio. ⁶Tama me ma, dagego nai tubo sogo da, teda dagego duga tabi paęaęnabo nai naga tuyu ebo dao,' te po augwalibolo wao," Genuai Bidigo te po walali.

⁷Polobadu Genuai Bidigo te deli tiwai po naga te profet sibigo pedauwalidu pusai dao, te we bidi dabebolo. Agai te po te Jerusalem wiegi yai elaluyu, wiegi yai nai dabe hauwa elalubadi agai te po mawai dao. Tama te sogo te we bidi hauwa te Jerusalem paęana peyu, me te Jerusalem bogo badu elaluali taun dabede, me te saut badu taun dabede me we bidi paęayyu, me giliga dega sabo badu te dwasianu bulu du dabede me te we bidi hauwa paęayyu yai dao.

Genuai Bidigo Sekaraiabolo Juda dabego kalabus şeęę yali po page pusa mani

⁸Te Genuai Bidigo Sekaraiabolo po me pusa mayu, e tama tiwai po wali, ⁹"Polobadu eno te po ena we bidibolo mawai dao, 'Te po tų ebo sogo te dagego tigidali wiegi yai doloba pai kolesaga naga iyao. Tama dagego duga deli hani dabe dali hobede homu iyao, tama augwali tau sabo şeęę yao. ¹⁰Dagego bidi isai wilawe we dabe dali dwai şeęę me elamo dao. Me dagego wai puluba augwa aya isai wai dabe dali me dwai şeęę me elamo dao, te digibulu bidi dage dali bidagasali te we bidi

dabe dali me dagego dwai şeęę me elamo dao, me te nai dabe habuge yai we bidi dali me dwai kolesaga elamo dao. Tama dagego duga deli hani bidi dabe dolainu homu elamo dao,' eno te po mawai dao," Genuai Bidigo enabolo wali.

¹¹"Tiali goli te we bidi augwali tobolu gagea pelama, augwaligo po odabo homu hagela yali. Augwaligo augwa homu kolesaga daęę ola selama, ¹²tama augwaligo homu masigi dila pabo tiwai yalio. Augwaligo Genuai Bidi ena Tigidali Bomo Elalubo Bidigo bomai po dali haniani po odobo hagela yalio. Eno Spirit Mobo Bidigo te profet sibigo pedauwalidu eno te po augwalibolo polobadu tolai dao. Tiali goli te we bidigo te po wali pabeo. Tama tibaso, eno şeęę dwai mu yalio.

¹³Tama eno augwaligo gedu haluasa po wabo odai menio. Magi baso meni, augwaligo eno po odisaęa ebaso. ¹⁴Tialima eno augwali te genuai waligo te nai dabe sela şabo tiwai elama, tama eno augwali gasa kantri dabeba sela şayyu, tedela palai dao. Tama augwaligo dwai kolesaga ebogo te wiegi yai tų te dwai tų tiwai pedelali. Tama tede bidi me deli tede bidibeo," Genuai Bidigo te po wali.

Genuai Bidigo te Jerusalem wiegi yai bugagia ma ilabo po daęę walali

8 Te Tigidali Bomo Elalubo Genuai Bidigo po te Sekaraiabolo mawai. ²Godigo te po wali, "Eno te Jerusalem dabe godolo mu ebaso, tama eno augwali tau sabo homu ebaso. Eno augwali godolo mu elama, te augwaligo boi bidi dabede eno haliga şeęę ebo dao.

³Te ena ma aselama, ena te Jerusalemde bidaibao, te eno taun mu da. Tama Jerusalem, te Genuai Bidi te Tigidali Bomo Elalubo Bidigo bulu du da, te augwaligo nogi eyu Te Genuai Bidigo Tedali Gasagi Yai Bulu da waibao. Te gasa hani we bidi augwaligo te eno we bidi dabe sulama, te augwaligo tama po waibao, 'Suao, te Jerusalem augwaligo Genuai Bidi wali mu pabo dao,' te tama po waibao. ⁴Te wabi hwjbo me te şeęę dabe te taunde me pedalisabadi, tama te we bidi dabe monu dabe mu pedelama, te dono dabe tolama bilalueibao. Tama augwali te taun pedai tigidali badu dugulalu toma nabo şeęę yaibao. ⁵Tama te dwasianu wai puluba dabe te taunde paęana pelama bidalu, tama augwali e gagali eladu bidalueibao," Genuai Bidigo te po wali.

⁶Te Tigidali Bomo Elalubo Genuai Bidigo e po me wali, "Te me bidibo we bidi dabe augwali te dwasianu hani naga bidibao, tama augwaligo homugo eno te po wali şeęę dabe pedalugobe da homu yali bogo. Tiali goli ena Genuai Bidi Tigidali Bomo Elalubo Bidigo, eno te tiwai homu me egobeo. Menio. Eno tigidali şeęę ebo usu yaibao. ⁷⁻⁸Te boi bidi dabego eno we bidi dabe augwali selama, te giliga pedalubo badu me te giliga dega sigulubo badu te tų kantri dabeba bidigi palali. Tama eno te we bidi dabe ma sigi pelama, te augwali ma odasa aselama, te augwali Jerusalem ma bidaga-saibao. Te augwali eno we bidi dabe bidalu, te ena

augwaligo God bidaibao. Te augwali eno doloba pai kolesagago sesemane sogo tonalueibao," wali.

⁹ Te Tigidali Bomo Elalubo Genuai Bidigo e po me wali, "Dage dilibi budulama, şę bomu yao. Te eno be şę hodolobo sogo, te eno po pusubo bidi profet dabego eno po pusali. Augwaligo pedauwalide wali po homu kone palao. Tialima, megi me te tobage deli po naga odobao. ¹⁰ Te profet bidi dabego po pusisabadi yali sogo, te bidi dabe augwaligo te şę yabo bidi dabe abeliyu, ma te şę yabo kibu dabe me abelebo usu isawai elaluali. Tama me eno augwa abagi hasi boi bidi ilibo şę ilama, te augwali bugagia bidabo usu meni yai elaluai dao. ¹¹ Tialima megi da, eno gasa tobage kole-saga te bidalubo dwasianu hani we bidi dali yaibao wali. ¹² Te eno augwali haliga dua tegaluama bidibo şę ilama, te augwa wai gi dabe bulumainu yaibao. Te tulubage hauwa tulama, te augwaligo wain ni du dabe walama, te nai dabe me wiegi yai holaibao. Eno te tigidali wiegi yai şę te dwasianu bidibo hani pedali dali yaibao. ¹³ Dage Juda dabe me Israel dabego, odao. Polobadu te gasa hani dabego te dage dolobo sulama, tama augwaligo augwa boi bidi dabeba te tiwai po walali, 'Dago homugo te dage mu dolomainao homu ebao. Te Juda dabe me Israel dabe dolali tiwai emainogo homu ebao.' Tialima megi da, eno dage Juda me Israel dabe dobola ma selama, te dageba wiegi yai şę yaibao. Te gasa hani dabego dageba te tama tebo şę ebo sulama, te augwaligo augwa abagi dabeba te tama po walaibao, 'Dago homugo dage te Juda dabe me Israel dabe bugagia bidibo tiwai gilama emainogo homu ebao,' waibao. Tibaso dage wi me elamuo, dage bomu elama naga dolalubo usu dao," Genuai Bidigo te po wali.

¹⁴ Tigidali Bomo Elalubo Genuai Bidigo te tama po wali, "Polobadu dagego waj nõu dabego ena haliga şębę yabo şę ilibaso, te eno augwaliba dwai dene mabo homu elama, te eno homu me hasegelibeo. Menio. Eno augwali dolobo şę naga yai dao. ¹⁵ Tiali goli megi da, eno te Jerusalem dabe me Juda dabe te wiegi yai bugagia ilabo homu ebao. Tibaso dage te bomu elalu, dolaluo," te po wali. ¹⁶ "Tama dagego e tobage kolesaga dabe iyao. Dage tigidaligo te mu po naga gasa bidi dabe dali waiyao. Tama dagego po te po tų kotde te mu po naga weyu, bugagia dodolobaso da, te po silaibao. ¹⁷ Dagego dwai şę ebo kolesaga te gasa we bidi dabe augwaliba yabo homu me elamuo. Te dage po tų kotde dologi pabo sogo, dagego te tibo po munu me pusulamuo. Eno te tibo po wabo kolesaga, me te po tų kot po game dualubo kolesaga, me te wado po weyu hwjbo kolesaga ebo te eno godolo mu me ebo meni dao," wali.

¹⁸ Tama Genuai Bidi Tigidali Bomo Elalubo Bidigo gasa po me ena Sekaraiabolo mawai dao. ¹⁹ Agai te tama po wai, "Dagego me sogo side te polua me si me si 4 poluade, me te polua a nagade, me te polua a naga me si 7 poluade, me te nogo si poluade te nai tubo osogo habu selali, te dageba pedelali şęęę homu kone

† 8:16 Ef 4:25

paliyu tiali. Tiali goli, te şęęę dabe kone palobo genuai side hasegelama, te tigidali Juda dabego wiegi yai homu pemene yabo si pedelaibao. Tialima dagego te mu po wabo godolo homu elama, te gasa we bidi dabe dali bugagia tegaluama bidibo kolesaga yao," te po wai dao.

²⁰ Genuai Bidi Tigidali Bomo Elalubo Bidigo po me weyu, te tiwai po wali, "Nosali genuai taun hauwa we bidi dabe te Jerusalemba aselawaibao. ²¹ Te taun me delide bidali we bidi dabe augwaligo te gasa taun we bidi augwaliba te tiwai po walaibao, 'Da te Jerusalemba pelama, te Genuai Bidi Te Tigidali Bomo Elalubo Bidiba lotu wagi pelama, te agabolo hanalu, te dabolo wiegi yai şę bugagia ilao po wagi pobao. Dage da dali asiyo,' waibao. ²² Te genuai bomai tų kantri hauwa we bidi dabe te Genuai Bidi Tigidali Bomo Elalubo Bidiba lotu wagasu, te Jerusalemba asaibao, tama agabolo hanalu, te augwaliba me wiegi yai şę bugagia yao po waibao. ²³ Te sogo te nogo si bidi, te haniani po wabo bage, te digibulu dabedu asama, te Juda bidi me deli pageabi elama tolalu, tama augwaligo te tiwai po waibao, 'Dago te tiwai odali, te God dage dali bidibao wali. Tibaso, da me dage Juda bage dali deli hani pedelaibao homu ebao,' te po waibao," Genuai Bidigo te po wali.

Genuai Bidigo te gasagi yai şę dabe pedelabo şę ilama, te aga we bidi dabe tau saibao

(Daj 9-14)

Godigo te gasa hani dabe te tų kantriba dwai dene mabo şę ilaibao

⁹ Te Genuai Bidigo po enabolo mayu, te tama wali. Te tigidali tų kantri we bidi dabe augwali te Genuai Bidi dologode naga bidiyu, te Israel hani dabe bidalubo tiwai yaibao. Genuai Bidigo te tų pedai Hadrak me te taun Damaskus, ^{†2} me Hamat tonalubo şę yaibao, te tų pedai Hadrak distrik pađe elaluali. Tama agai te taun Tair me taun Saidon te tonalubao. Te Tair dabe me Saidon dabego augwaligo te kolesaga koneani bidi dabe hauwa elaluali digi goli, te Genuai Bidigo augwali me tonalueibao wai dao. ³ Tair te bomai taun pedelali te augwaligo dila pai masigi banisgo te taun bagulali. Tama augwaligo te hauwa silva me gol sisanani, tama te silva me gol te augwaligo gedude olo nai tiwai elaluali. ⁴ Tiali goli Genuai Bidigo augwaligo te nai doado bage tigidali dagala şawaibao. Genuai Bidigo Tair dabego te nai dabe te tamu aįba şawaibao, tama te boi bidi dabego te taun siago ulama, te tigidali mu dolaibao. [‡]

⁵ Tama te Askelon we bidi dabe augwaligo te tiwai şę tede pedalubo dabe sulama

†† 9:1 Ais 17:1-3; Jer 49:23-27; Amo 1:3-5 ‡ 9:4 Ais 23:1-18; Ese 26:1-28:26; Jol 3:4-8; Amo 1:9-10; Mat 11:21-22; Luk 10:13-14

tama augwali wi yali.
 Tama augwali me dolama,
 tama nosali augwaligo bulude te bidi dabe meni yai.
 Te gasa bulu bidi dabego me te genuai seęę augwali-
 ba
 pedalubo sulama,
 te augwaligo king bidi isaibao.
 Te Ekron bulu bidi dabego sulama,
 te seęę tiwai augwali me saibao.
 Augwaligo homugo te Tair dabego
 augwali tau saiba homu yaibao.
 Tiali goli, menio. Te augwali mu hagawaibao.
⁶Te gasa gasa hani augwali
 te taun Asdotba bidagasaibao,
 tibaso augwali deliba taluabo usu meni yai.
 Tama Genuai Bidigo te po obao,
 "Te Filistia dabe augwali hagoma ebo
 bidi dabe yai baso,
 tibaso eno augwali aiyaba mu elaluaibao.
⁷Te Filistia dabe me badu me bidalubo hani pedai,
 te augwali eno hani we bidi pedelaibao,
 tama augwali te dwasianu hani we bidi tiwai
 te Juda hani tomode bidaibao.
 Tama te Ekron dabe augwali
 eno hani we bidi pedelaibao,
 te Jebus dabe augwaligo polobadu yali tiwai. †
 Tialima augwaligo te kibu hasa mi
 kaneme dali elalubo me tusiąma,
 te gasa nai dabe me te Juda dabego
 tusiąma habu selali nai dabe me tugobeo,"
 Genuai Bidigo te po wali. ††

⁸"Te eno ena tų kantri tonalu, eno te tųba te ami bidi
 dabe uga peyu, eda asu ebo seę munu ma egobeo. Te
 boi bidi dabego eno we bidi dabe aiyaba elaluama, te
 augwaliba dwai seę ebo eno me gogolama sula tagalo-
 gobeo, magi baso meni, eno suali, te we bidi dabe
 augwali dene sabo suai dao." Genuai Bidigo te po me
 wai.

King bidi asaibao

⁹Dage Saion taun Jerusalem we bidi dabeo, dage ho-
 mu pemene umagia mu eyu, hae wao. Suiąo. Dagego
 king te asobao. Te agai bidi dabe aiyaba elaluali genu-
 ai nogi elalubao. Tiali goli, agai nogi aga digi ugala me
 sabeo. Menio. Aga te nogi meni yai bidi asobo tiwai
 eyu, aga te donki kibu me deli daide ugadu dugulasa
 asaibao. Aga te ogwa bidi donki kibude dugulasa
 asaibao wali. ‡

¹⁰Genuai Bidigo po ma weyu, te po wali, "Eno te boi
 hwjbo karis dabe me hos kibu dabe sela sųnama, tama
 augwali te Israel dabe bidibo tomode munu me elalu-
 gobeo. Tama augwaligo te hwjbo ene dabe te tigidali

† Te Jebus dabe, hasia bolo te augwali hani dabe te Jerusalem
 bulu page bidi dabe dao. Nosali te Devitgo te taun Jerusalem sali so-
 go, te Jebus hani dabe te Israel dabe dali hodobo bidali. Te tiwai po
 te Jos Daj 15:63 tede elalubao. †† 9:7 Ais 14:29-31; Jer 47:1-7; Ese
 25:15-17; Jol 3:4-8; Amo 1:6-8; Sef 2:4-7 ‡ 9:9 Mat 21:5; Jon 12:15

eno dolaibao. Te dagego kingo te tigidali tų kantride te
 boi hwjbo kolesaga tagalama, te deli haliga elama
 bidimainogo ilaibao, tama agai te genuai tų pedai
 badu bidibo we bidi tigidali tonalueibao. Te tų te genu-
 ai tamu aj dage badu gagalasa pelama, te digibulu mu
 elalubo tamu ajba mu usu nigipai. Te me te genu-
 ai aj Yufretisde gagalasa pali, te u badu pedai digibulu
 mu usu nigipai," Genuai Bidigo te po wali. ‡†

Godigo aga we bidi dabe bidabo page ma dodolaibao

¹¹Te Genuai Bidigo te tiwai po wali, "Eno daų wabo
 po kontrak me deli dage Juda dali yali. Te waj nų
 dabego te ofa yabo kibu dabe elama, te kaneme
 gealuali. Tialima, te gelali kanemego te da dali daų
 wali po kontrak daų walali. Tama tibaso, eno dage te
 gasa tų kantride kalabus seę ebo tagalomainogo
 ilaibao. Te kalabus seę dwai mu yali, te dage genuai tų
 dedage tomoba munama bidibo tiwai elalu, te dage
 tuabo aj menia sali tiwai elaluai dao. ¹²Dagego
 koneani, te Genuai Bidigo dage tau saibao, tibaso
 dage te duga page buluba ma aselama, te dage buga-
 gia bidaibao. Dage te seęę genuai tolali, tiali goli eno
 te tiwai po obao, eno dage wiegi yai bugagia ilama,
 tama eno te ebo wiegi yai kolesagago te seęę aiyaba
 mu elalueibao. ¹³Te Juda dabe augwali eno te enesigi
 tolalubo tiwai eyu, tama te Israel dabe augwali te eno
 enesigide ene daganalubo tiwai elalueibao, tama te
 Jerusalem bidi dabe augwali da te hwą ge bainat
 gelalubo tiwai elalu, tama eno te Grik dabe dali boi
 hwjaibao," te po wali.

¹⁴Te Genuai Bidi aga we bidi augwali daiba ugadu
 hanilama pedelaibao, tama agai enesigi kekelama to-
 golaibao, te agai enani ene dabe te be selego ula ebo
 tiwai yaibao. Tama God Genuai Bidigo te bu wabo nai
 biugel bu wabo si, te aga bomonama soyu, te aga
 bidali pesage saut badu tagalama, te wali dali tu-
 lubage si tomodu asaibao. ¹⁵Tama Genuai Bidi Tigidali
 Bomo Elalubo Bidigo te aga we bidi tudi badu tonalu
 posolalueibao, tama augwaligo augwa boi bidi dabe
 ela silaibao. Te boi hwjbo side te augwaligo i wabo te
 bomai aj tuai bidigo i hae wabo tiwai eyu, tama aug-
 waligo te boi bidi dabe ela mueibao. Te boi bidi
 dabego kaneme te augwaligo te ofa yainu te poude
 tabilama te altaba gealubo tiwai yaibao.

¹⁶Te tama tibo side Genuai Bidigo aga we bidi dabe
 augwali ma dobola saibao, te kibu sipsip tonalubo
 bidigo te aga sipsip dabe te hasa laiongo elama
 dolainu ebadi te ma dobola sabo tiwai ebao. Tama
 augwali dwagi yai mu agai tųde bidiyu, te gasa sawi
 yai bugagia ula mu yai masigi te kingo tobolu madide
 elalubo tiwai yaibao. ¹⁷Te tų da, wiegi yai mu
 elalueibao. Tama te gesi wegi ogwa dabego te wit nai
 me wain hauwa elalueibao, tama augwali te genuai
 hani te bomai we bidi mu pedelaibao.

‡† 9:10 Tib 72:8

Godigo aga we bidi dabe augwali ma sabo bomai po daş wali

10 Te gide nai dabe pedalubo sogo dagego te Genuai Bidiba hanaluyu, te agai tulubage tagala palomainu emainao. Genuai Bidigo te pş hauwa dabe tagala palama, te tulubage tulumainu ilibaso, tama te nai dabe pedelama holobo dao. ² Te bidi dabe augwaligo te augwa bede munalubo tibo god dabeba me, te mena ş page konea pabo bidi dabeba me hanalu te nosali mena ş dabe pedelabo po omainu ebo dao. Tiali goli, augwaligo tibo po wei ponoyu, te dwai po augwaliba wabo dao. Bidi mebago te na yali po page pusali, te augwaligo me dage tibo po ola mobao. Augwaligo te tama po weyu, te dage nagame yai homu saibao po wabo, tiali goli te menio. Te haliga şeş me elaludalio. Tama tialima, te we bidi dabe tedela palama, te hagawai sipsip kibu wai tiwai yali. Augwa polalubo tuni bidi meni baso, tama augwali şeş elaluai dao. †

³ Genuai Bidigo te po wali, "Te gasa tş pedai kantri bidi dabego eno we bidi dabe augwali tonalubo te eno hagela eyu haliga şeş ebao. Te eno augwaliba dwai dene mabo ş yaibao. Te Juda we bidi dabe augwali te eno we bidi dabe dao. Te ena Tigidali Bomo Elalubo Genuai Bidi, ena digi te eno augwali bugagia tonaluaeibao, te bidi mego aga kibu sipsip hani tonalubo tiwai gilama yaibao. Te Juda dabe da, te hwjbo bomai hos kibu tiwai pedelaibao. ⁴ Tama te Juda hani augwaligo digi te tuni bidi king dabe me polalubo bidi dabe pedalu, te ami polalubo kepten bidi dabe me pedalu yaibao. ⁵ Tama tibaso, te Juda dabego te boi bidi dabe aiyaba elalubo ş eyu, te ami bidi dabego te taun sunumi dabede te tş pude te boi bidi aiyaba agabo tiwai yaibao. Te Genuai Bidi augwali dali bidibasoo, te augwaligo hwjbo bomoo eyu, te hos kibude dugayali boi bidi dabe me augwali aiyaba elaluboba usu naibao," wali

⁶ "Te eno Juda we bidi augwali te bomai we bidi pedalumainu ilama, tama eno te Israel we bidi dabe ma dobola somainu yaibao. Eno augwali hobede mu ebaso, tama eno te tigidali we bidi ma selama, te augwa page buluba ma odasa asaibao. Te eno augwali sela şaşaiwai we bidi bidibo tiwai elama, te augwali bugagia bidaluaeibao. Magi baso meni, ena God te augwaligo Genuai Bidi dao. Tama tiyu, eno augwaligo gedu haluasa po wabo odaibao. ⁷ Te Israel we bidi dabe augwali te bomai ami bidi dabe tiwai pedalubaso, te augwali te wain aş tubo bidi dabego homu pemene ebo tiwai yaibao. Te augwaligo nosali ame nabo wai dabego te wiegi yai ş Genuai Bidigo augwa bulai wai dabede yali ş homu kone ma palama, te wiegi yai homu pemene mu yaibao," wali.

⁸ "Te eno ena we bidi dabe augwali tigidali i ola bilama, te augwali sisinaibao. Te eno augwali ma dobola selama, te augwali polobadu bidali tiwai gilama hauwa mu pedelaibao. ⁹ Mu tamao, eno augwali gasa tş

kantriba gugula palama, teba bidigi pomainu ilali. Augwali te digibulude bidaluali, tiali goli augwaligo ena homu kone palobo ş me gegeda palogobeo. Te hani dabe augwa wai puluba dabe dali te augwali bugagia mu bidama, te tigidali deliba sisinama, te augwa page buluba ma asaibao. ¹⁰ Te Isip tşde me Asiria bulu tşde bidali we bidi augwali, te eno augwali ma odasa aselama, te augwa bulu tşba ma bidagasaibao. Eno te tş daj kidilama, tama augwaligo te Gileat tş pedai me te Lebanongo tş pedai me sigi pomainogo yaibao. Tama te we bidi dabe hauwa mu te tşde paşanaluaeibao. ¹¹ Te eno augwali augwa page bulu muba ma odasa asaibao. Te Isip dabe me Asiria dabego te augwali asabo sunumi te moni aş biksigo panibo tiwai ebaso da, teda eno augwali hani si aiyaba elaluaeibao. Te Isip dabego bomoo menia selama, tama genuai pabo aş Nail sula sabo tiwai yaibao. Tama eno te Asiria dabego genuai bomoo aiyaba elaluaeibao. ¹² Te eno we bidi dabe augwali te bomai we bidi dabe pedalumainu ilaibao. Tama augwali ena dologode bidiyu, te eno po wali peyu bilibo ş yaibao. Ena Genuai Bidigo eno te po wai dao," wali.

Te king dwai dabe te dolali ni tiwai dao

11 Dage Lebanon, dagego da te isi aselama te dagego ni sida dabe ulagasomainogo sula tagalao. ² Te ni sida dabe delali dao. Te ni dabego genuai nogi elaluali, augwali dolalio. Tialima dage te wiegi yai ni wuli dabe, dagego gela waiyaş. Augwaligo moni genuai bulu busi togwalualio. Tialima dage Basan bulu boma pai ni kali dabe, dagego me gela waiyaş. ³ Te king haliga şeş mu ebaso augwali gela obao, magi baso meni, te augwaligo bomoo me genuai nogi elaluali silalio. Dagego te king dabego i dwagila wabo odao. Augwali te hasa laion dabego ebo ş tiwai yali, augwaligo te wş Jordan sesegede te hasa laion geme duala siduali genuai busi togobaso te dwai hwş wabo tiwai obao.

Godigo po weyu, te tobage tonalubo bidi side po wali

⁴ God ena Genuai Bidigo enabolo te tama po walali, "Nago ş te sipsip kibu dabe tonalubo bidigo ebo ş tiwai yao," wali. "Te sipsip kibu dabe aga aya dabego te sipsip dabe ela tueinu ebo dao. ⁵ Te sipsip kibu aga aya dabego te sipsip kibu dabe ela munama, te tama homu yaibao, 'Dago dwai kolesaga ebe da,' te homu ebo dao. Augwaligo te kibu migo mone selama, tama augwaligo te po wabo dao, 'Te Genuai Bidigo nogi ugwaba sinao. Da te mone bidi pedelalio.' Te sipsip kibu dabe tonalubo bidi dabego me te augwaligo sipsip kibu dabe elebo homu dene me ebo menio," wali.

⁶ Genuai Bidigo te tama po wai, "Te eno te tşde we bidi dabe homu dene me egobeo. Te ena digi eno te tigidali deli deli te augwali te augwa kingo nogoba mueibao. Tama te king dabego augwali dolaibao, te sipsip kibu dabe aga ayago te sipsip kibu elebo tiwai

† 10:2 Mat 9:36; Mak 6:34

yaibao. Te kingo augwali dolobo sogo da, teda eno augwali me tau sogobeo," te po wai dao.

⁷Tama tialima ena te sipsip dabe meba tonalubo bidi pedelali, te magi nai doado bage meni ebo bidi dabego te ela tuabo sipsip kibu dabe da. Tama eno te sipsip kibu dabe tonaluali bidi dabego te kibu ososalobiliyu tolasa bilali dono si eno sali. Te dono me nogi, eno te tiwai nogi polali, te Olo Mu Tau Sabo Homu Ebo dono da, tama dono me nogi te tiwai nogi yali te Deli Madi Sisinibo nogi polali. Tama eno te dono si tolalu, te sipsip kibu hani dabe tonalua bilalio. ⁸Tialima te ena dali şe ebo abagi selago enaba godolo homu isabaso, tama eno augwali sela te polua deli tomode sela şana silalio. ⁹Tama eno te hani sipsipbolo te tama po walali, "Ena dage tonalubo bidi munu ma bidigobeo," wali. "Te isabo sipsip dabe augwaligo daş ilali, te augwali isimainu yaibao. Tama augwaligo te dolabo daş ilali sipsip dabe da, augwali te dolomainu yao. Te meba mugai bidualuali hani yai baso da, teda augwa digi augwa dolobo şe emainao, tama tialima te augwali mu sia saibao," wali. ¹⁰Tama eno te Olo Mu Tau Sabo nogi poali dono selama, te dono eno togwalio, tama tiyu te eno gasa tş pedai kantri dabe dali daş walali po togwai dao. ¹¹Tialima te daş walali po te sogode mu silalio.

Tama te doado bage nai dabe şaş pali bidi dabego, eno te tiwai şe ebo augwaligo sulama, te tiwai augwaligo koneyu, te Genuai Bidigo po augwaliba mani da homu yali, te eno yali şede te tiwai şe eba homu yai dao. ¹²Te eno augwaliba te tiwai po walio, "Te dagego mone enabolo maiabo homu ebaso da, teda mao. Te meni baso, tagalao. Duga homugo dao." Tialima augwaligo enabolo te mone ge bidi sese deli, gasa nogo si, te 30 silva naga mawai.

¹³Te bidi dabe augwaligo ena te dwai şe bidi da homu ebaso, tama augwaligo ena te dwasianu mone naga manio. Te Genuai Bidigo enabolo te tiwai po walali, "Nago te mone te tşgo sospen şeş nigibo bidibolo mao," wali. Tialima eno te mone Genuai Bidigo beba sela pelama, tama eno te mone te tşgo sospen nigibo bidibolo mawai dao. ¹⁴Tialima nosali eno te si wali dono togwali, te dono nogi eno te tiwai nogi yali te Deliba Sisinibo dono nogi polali, tama te Juda me Israel si tomode pedelama, te hani si me pedelai dao.

¹⁵Tama Genuai Bidigo enabolo te tiwai po walali, "Nage te kibu sipsip tonalubo bidi ma pedelao," wali, "tiali goli megi da, nage te sipsip kibu tonalubo dwai bidi mu tiwai pedelao. ¹⁶Magi baso meni, eno te ena hani we bidi dabe tonalubo bidi me deli muani, augwali te sipsip hani dabe tiwai dao. Tiali goli te tonalubo bidigo te sipsip kibu dabe dolainu ebadi tau me sabeo, tama agai te hagabo kibu sipsip dabe gegeyu i ola bilibo şe me ebeo, tama agai te sipsip dabe keni yai şşşbo şe me isawai, tama agai te bugagia bidibo hani sipsip dabe nai mayu me ebeo. Menio. Aga digi te nisali kibu elama mi dabe tubo şe idu, te tigidali tula silibo şe yali, te augwaligo nogo şaş dani dabe dali tula siliboba

usu nanio. ¹⁷Tialima te tonalubo dwai bidi dolomainao, magi baso meni, agai agai hani sipsip tonalubo tagalali. Te boi bidi dabego agaba boi hwjagaselama te agai bomo tigidali aiyaba mu tamunaibao. Tialima agai nogo kimi bomu isilama, tama agai dolo nogo badu gedu te mu halua somainao," Genuai Bidigo te po wai dao.

Nosali Godigo Jerusalem ma saibao wali

12 Te e po da, te Genuai Bidigo po da, aga te dagalu genuai kegelalma, me te tş dodolama nigali God dao, tama agai te we bidi dabe augwaliba bidibo ula mabo da. Agai po te Israel dabeba mayu, te tama wali, ²"Eno te Jerusalem te kap wain me deli tiwai pedalumainu ilaibao. Tama te Jerusalem paşde elalubo tş kantrigo aga dolainu ebaso, te tş kantri augwali te kapde wain aş tuai bidi dabe te geş page dwagila mu ebo tiwai pedelaibao. Te augwaligo Jerusalemba boi hwjgi pabo side, te augwali pelama, te bagulali obo banis taun bagua sigi pelama, tama augwaligo te Juda dabego gasa taun dabe tigidali me bagua sela silaibao. ³Te tama tiabo sogo pedalubaso da, teda eno te Jerusalem te şeş yai masigi me deli mu tiwai ilaibao. Te tigidali bulu tş kantri bidi dabe te Jerusalem dali boi hwjainu teba sisinagasaibao, tiali goli augwa digi dolaibao, bidigo te moni şeşaş masigi ugaba sagulubo tiwai gilama mu yaibao. ⁴Te sogode eno te boi bidi dabego hos kibu dabe wi ilama, tama te hos kibude dugawali bidi dabe te homu kolesaga umuna palaibao. Eno te Juda dabe tonalueibao, tiali goli eno te boi bidi dabego hos kibu dabe gedu wilaibao. ⁵Tama te Juda dabego augwa polalubo bidi dabego te tama tebo şe ebo sulama, augwa homu tomode te tiwai po waibao, 'Awe, God, te Tigidali Bomo Elalubo Genuai Bidi, agai Jerusalemde bidibo aga we bidi dabeba bomu mawai dao,' Juda dabego te po waibao," Genuai Bidigo te po wali.

⁶"Te sogo eno ilama, tama te Juda dabe polalubo bidi dabe te kalade te genuai isi bogoli dala sabo tiwai pedalu, ma te wa pai wit gide isi bogoli ula pedalubo tiwai yaibao. Tama augwaligo te augwali paşde elalubo bulu tş kantri bidi hani tigidali ela silaibao, tiali goli Jerusalem taun te aga elaluali pesagede tama elalueibao," Genuai Bidigo te po wai dao.

⁷"Ena Genuai Bidigo te eno bomu mobaso, te Juda ami bidi dabego bomu bolo ugwa mu igulama, te augwa boi bidi aiyaba ilaibao, tama augwaligo genuai nogi saibao. Tama tibaso, te Devitde bulali waş nõş hani dabe me te Jerusalem we bidi dabego badi te gasa Juda we bidi tigidaligo genuai nogi aiyaba me elaluamo dao, te tiwai si naga elalueibao. ⁸Te tebo sogode Genuai Bidigo te Jerusalemde bidibo we bidi te obogo bagulubo tiwai yaibao, te boi hwjbo side mubo sabelego te tigi bea sabo tiwai gilama yaibao. Te eno augwali daş walobaso, te boi hwjabo bomu meni yani bidi dabego me, augwali te polobadu bidali bidi king Devit tiwai bomu bidi pedelaibao. Tama te Devitgo bulali waş nõş dabe te nosali pedalubo hani bage te aug-

† 11:13 Mat 27:9-10

wa polalubo bidi bidaibao, te Genuai Bidigo mobo bidi ensel tiwai, ma God aga tiwai digi bidibo tiwai yaibao. ⁹Tama te sogode eno te Jerusalem dali boi hwjainu yali te tigidali bulu t̄ kantri eno dolaibao," Genuai Bidigo te po wai dao.

Augwaligo te bidi enego enai baso, nosali augwali hobede ebo gela waibao

¹⁰Te Genuai Bidigo po geninama ma weyu te po wali, "Te eno te Devitgo bulali w̄j n̄q̄ hani dabego me te Jerusalem we bidi dabe augwaligo te homu dene eyu tau sabo kolesaga dali, te gedu haluasa po wabo kolesaga me, te si wali pomainu ilaibao. Te eno dwasianu naga egobeo. Tama augwaligo te augwa digi enego enama isali bidiba tononalu, te augwaligo aga gela usu mayu, te bidigo deli digi wai isaide dwai homu dene ebo gela wabo tiwai yaibao. Te augwaligo agade gela dwagila mu weyu, te bidigo aga gomunai ogwa deli isaide gela wabo tiwai yaibao. ^{††11-14}Te sogode te Jerusalemde genuai gela u mu waibao, te bidi dabego te t̄ malu dolo bulu te Megido pesagede te tibo god Hadatrimon dolaide te homu dene eyu gela usu mabo tiwai yaibao. ^{††}Te augwali ayago togwali hani sibi deli delide te augwa homu dene ebo gela waibao. Te Devitgo bulali w̄j n̄q̄ hani bidi dabe me, te Natango bulali w̄j hani dabe me, te Livaigo bulali hani w̄j n̄q̄ dabe me, te Simeigo bulali hani w̄j n̄q̄ dabe me, te gasa hanigo bulali w̄j n̄q̄ hani dabe tigidali me, te gela usu tigidaligo mawaibao. Te bulali w̄j hani deli deli te deliba sisinama, te bidi dabe gasa badu bidiyu, te we dabe sibi tedali badu bidalu, tama tigidaligo homu dene ebo gela usu mawaibao, te augwaligo enani bidide," Genuai Bidigo te po wai.

13 "Te tiwai s̄ pedalubo si da, teda eno ulu āj me deli munama elalueibao. Te Devitgo bulai w̄j n̄q̄ dabe me te Jerusalem we bidi dabe augwaligo te tibo god dabeba lotu olama, te s̄ḡḡ hauwa sali. Tibaso, te ājgo augwaligo te dwai s̄ yali s̄ḡḡ tigidali sela s̄wainogo yaibao," Genuai Bidigo te po wai.

Te tibo profet dabe silaibao

²Te Tigidali Bomo Elalubo Genuai Bidigo geninama ma weyu, te po wali, "Te sogo eno te eno we bidi hani-go t̄de tibo god dabe sela s̄wainogo, tama te bidi dabego augwali homu kone mu ma palogobeo. Tama eno te tibo profet dabe me sela s̄wainogo. Tama eno te we bidi dabego dwai homu kolesaga elalubo sela s̄-nama, tama augwaligo te tibo god dabe godolo homu munu ma egobeo. ³Te bidi me deligo tibo po ola mayu, te profet po obaso da, teda aga aya idago digi aga waibolo te tiwai po walao, 'Naga digi nago tibo po

† 12:10 Jon 19:37; Ped 1:7 †† Te kolesaga page konea silali bidigo homugo te nogi Hadatrimon page te tibo god me deli da homu yali. Te we bidi augwaligo lotu po agaba wali, augwaligo homude kone palali te aga te tigidali kibu be deli delide te deli sa muani sogo naga isibo dao, tama augwaligo agaba gela umagia mu wali. Tama nosali, augwaligo homude te aga bidibo ula ma sidu gebo dao homu ebo dao.

pusubao,' po wao. 'Te Genuai Bidigo po me wabeo. Tibaso, nage isao,' po wao. Te bidigo te tiwai tibo profet po pusubaso da, teda aga aya idago digi te hw̄j gego aga enama isilao. ⁴Te sogo te profet po wabo bidi me deligo te aga na dabe yaide digi te homu pemene eyu, ma te profetgo gudubo ugwa gudulama te profetgo ebo kolesaga tiwai eyu, te we bidi tibo po ola mayu me tegobeo. Menio. ⁵Te agai tama po weyu, 'Ena profet menio,' po waibao. 'Ena te gi s̄ naga ebo bidi dao. Ena te bidi me deligo olo s̄ ebo bidi dao,' tama po waibao. ⁶Te bidi me deligo te tiwai po agaba hanalu, 'Nage magi ilama te nago hagawiade hw̄j dolaliwe?' tialima agai tibo po weyu, te tiwai po waibao, 'Ena te ena abagi me deligo bede te hw̄jgo dolai da,' po waibao," Genuai Bidigo te po wai. ^{*}

Godigo te sipsip tonalubo bidide po wali

⁷Te Tigidali Bomo Elalubo Genuai Bidigo te tiwai po wali, "Bainat hw̄j, nage hodaluama, tama eno tonalubo s̄ ebo bidi dali hw̄jao, te bidi ena p̄de bidi-bi bidi yali goli. Aga ela mubaso da, teda te sipsip dabe wi tedela s̄wainogo. Te tama tiwai naga eno te ena we bidi dabe dali boi hw̄jaino. ^{††8}Tama eno te bulu t̄ kantri we bidi dabe tigidali te hani sela bugulama, te hani si ela silaibao. ⁹Tama te me badu bugai elalubo te dwagi yai pedalabo s̄ usu sabo s̄ ilaibao, te bidi mebago te gol me silva te dwai hogomu sela s̄mainogo te isiba ulubo tiwai yaibao. Tama augwaligo gedu haluasa po enaba obaso da, teda eno augwaligo gedu haluasa po wabo odaibao. Tama eno te tama po augwaliba walaibao, 'Dage da, eno we bidi dabe da' obaso, teda augwaligo te tama po waibao, 'Nage God, dago Genuai Bidi dao,' po waibao," Genuai Bidigo te po wai dao.

Te boi bidi dabego te Jerusalemba boi hw̄j yaibao wali

14 Te Godigo genuai bodolu si te pedelaibao. Tama te bodolu side te boi bidi dabe aselama, te dage Jerusalemggo mone dabe me doado bage s̄wainogo. Te duga digi tononalubadi digi te augwaligo augwa hasi te doado bage dobola saibao. ²Te Genuai Bidigo digi te tigidali bulu t̄ kantri ami bidi dabe sela aselama, te augwaligo dage Jerusalem dali boi hw̄j-mainogo yaibao. Te augwaligo Jerusalem dabe aiyaba elaluama, tama augwaligo bede elaluali doado bage tigidali saibao, tama augwaligo te we dabeba me dwai kolesaga yaibao. Te we bidi hani dabe me badu bugai te augwaligo selama, te gasa bulu t̄ kantriba kalabus iligi pali, tama te hani me badu bugai te Jerusalemde bidaibao. ³Tama Genuai Bidigo te bulu t̄ kantriba boi hw̄jgi paibao, te agai hw̄jbo sogo te ebo kolesaga ti-waigo te boi hw̄jaino wali. ⁴Te s̄ḡḡ pedalubo sogo

‡ Te tobage bidi mebago te profet pedelabo homu ebo bidigo te hw̄j ge selama, te augwa tigi wale togobo kolesaga wali pali. Te ti-wai po te buku 1 Kin 18:28 tede te po elalubao. Tama te bidi dabego aga tigi hagawiade te hw̄j ge dolali masalu elalubaso sulama, augwaligo te tiwai koneani, te aga profet me deli da homu yali. Tiali goli agai tibo po weyu, te menio po wali. †† 13:7 Mat 26:31; Mak 14:27

Genuai Bidi te bulu du Oliv pade te Jerusalem giliga pedalubo badu dolaluaibao. Tama te bulu du Oliv si badu pedasa pelama, tama genuai bulu odogo te to-mode elaluaibao. Te bulu du me badu pedai te bugasa te not badu peyu, te me badu pedai te saut badu pedasa paibao. ⁵ Te dage Jerusalem bage te bulu odogo kilasa pali te bulu Asalba daj usu nigi peyu wi paibao. Te dage asesu polo tama wi peyu, te dage bulali waj nõ nõ hani dabe te Juda king Usia bidali sogo te genuai tõ mali yainu ebaso wi pelawali tiwai gilama yaibao.

Tama te bodolu side God, eno Genuai Bidigo, te aga mobo bidi ensel tigidali selama, te nageba asaibao po wai dao. ⁶ Tama te ula te giliga nanobo sogode naga me pedalubeo. Menio. ⁷ Te be hulibo sogo pedalubo side, te ula da me tama te ula naga elaludaibao. Tama tialima, te giliga nanobo sogo me be hulibo sogo me elalugobeo. Genuai Bidi deligo naga te se nõ siso sogo pedelabo te agai naga konealubao.

⁸ Te sogo te wiegi yai aj te Jerusalemde pedelama te soaibao. Te aj me badu bugai te sigi aj Detsiba peyu, te bugai me badu te genuai tamu aj nogi Mediterenianba paibao. Te soabo aj te tulubage tulubo sogo me te giliga nanobo sogo soaibao. Te aj me sula sogobeo wali. ¹⁹ Tama Genuai Bidi te tigidali bulu tõ kantrigo king bidaibao. Tama tigidali we bidigo aga deliba naga lotu weyu, tama augwaligo aga nogi ebo nogi te e nogi deli naga nogi yaibao.

¹⁰ Te Jerusalem pade elalubo tõ da, te doloba pai tõ malu pedelaibao, te taun Geba te not badu gagalasa te pali, te taun Rimon te Jerusalem te sautba usu naibao. Te Jerusalem taun naga te bulu du me deli ugadu daide elalueibao. Te Jerusalem bagulali obo banis te polobadu elaluali tiwai dajba usu naibao. Te Benjamingo taun sunumide gagalasa pelama, te Dagebadu Sunumiba te daj usu naibao, te pesagede polobadu sunumi deli elaluali. Tama te daj Hananelgo Tauade gagalasa pali, te kingo wain nigali pesageba usu nigi paibao. ¹¹ Tama te Jerusalem we bidi dabe bugagia bidaibao, te magi nai me deligo augwali munu me ma dologobeo. ^{††}

¹² Te Genuai Bidigo dwai gasi me deli te Jerusalembo boi hwjani bulu tõ kantri tigidali bidi dabe augwaliba te gasi pedalomainu ilaibao. Te gasi e tiwai da. Te bidi dabe bididubadi digi te augwaligo tigi wali me gedu me hamena me te damueibao. ¹³ Tama Genuai Bidigo te hani bidi dabe wi ilibaso, te kolesaga umuna saibao. Tama tialima, te bidi dabego te augwali pade bidali bidi dabe pageabi elama ela mueibao. ¹⁴ Tama te Juda

bidi hani dabego te Jerusalem tau selama, te boi hwjaibao, te Jerusalem we bidi dabe dolidali weyu tama tiaibao. Tama augwaligo te bulu tõ kantri bidi dabego doado bage hauwa mu saibao, te gol me silva me ugwa dabe, tama nai dabe saibao. ¹⁵ Tama te boi bidi dabe elali gasi dwai mu te boi bidi dabego pesageba te augwaligo hos dabede, me kamel dabeba, me donki dabeba te gasi pedelaibao.

Te tigidali bulu tõ kantri we bidi augwaligo te Genuai Bidiba te lotu waibao

¹⁶ Te Juda dabe augwaligo te boi bidi aiyaba elalubo si da, teda te boi bidi dabego hani dabe bugai bidalubo bage te Jerusalembo tigidali kibu bede asidu-aibao. Tigidali Bomo Elalubo Genuai Bidi te augwaligo king bidibaso, te augwaligo agaba naga lotu waibao, te Juda hani me Israel hani isaşwai bage. Tama te augwaligo Osogo Bidabo Tolu Yabe Bede Te Genuai Bodolu Side wali pelama bidaibao. ¹⁷ Te bulu tõ kantri me deli te we bidi augwaligo te Tigidali Bomo Elalubo Genuai Bidi, te kingba lotu wagi pabo hagela homu ebaso da, teda te tulubage augwaligo tõba me tulu-gobeo. ¹⁸ Te Isip dabe augwaligo te Tolu Yabe Bede Osogo Bidibo Genuai Bodolu Muani Side te Jerusalemde lotu wabo hagela homu ebaso da, teda te deli tigi poai gasi te Genuai Bidigo te pisabo homu meni yani te bidi dabeba tagala palali, te gasi Isipba me pedelaibao. ¹⁹ Te tiwai genuai side lotu augwaligo wasiawani da, te Isip dabe me gasa bulu tõ kantri bidi dabeba me te deli tigi poai dene saibao wai dao.

²⁰ Te sogo augwaligo te tama homu eyu, te tigidali nai Genuai Bidigo nai naga da homu elama, te dwasianu nai belo te hos dabego magede domoani naiba usu nama yaibao. Tama te po me deli augwaligo te belode te tiwai aşani elaluaibao, "Te nai da Genuai Bidigo dao," teda aşna elalueibao. Te olo sospen seņe dabe tama me te Genuai Bidigo bede munaluali nai baso da, teda Genuai Bidigo nai mu pedelaibao, te ofa ebo kaneme gelebo genuai pou dis dabe tiwai yai baso te Genuai Bidigo dao. ²¹ Tama te olo sospen dabe te Jerusalem dabe me Juda dabego be tigidalide munalubaso da, te nai augwali me te Genuai Bidigo nai pedelaibao. Nosali te bidi mego te sospen dabe te Genuai Bidigo beba sela pelama, te we bidi dabego ofa yabo kibu mi ulumainogo abelao po me wagi pogobeo. Menio. Te we bidi dabego augwa sospen dabe digi sesaibao, magi baso meni, tigidali sospen te Genuai Bidigo nai mu elalueibao homu eyu po waibao.

† 14:8 Ese 47:1; Jon 7:38; Ped 22:1 †† 14:11 Ped 22:3

‡ 14:16 Prs 23:39-43

Profet Malakaigo Po Aşei Buku

Hasia nedebo po

Te profet Malakaigo agai po te gasa meba profet dabego pusai madi nosali pusai dao. Te sogo te Juda dabego Godigo tempel be Jerusalemde polo dodola silai digi dao. Godigo be da polo elalu goli, te Malakai agai suali, te ofa ebo kolesaga dabe me lotu po wabo kolesaga dabe dolo me elalubo sube. Tama tibaso, agai te pris dabe ebadi te we bidi dabego homu kolesaga daŋ walabo po pusali, te augwaligo Godigo gedude doloba pai kolesaga augwaligo wali pomainu.

Malakaigo Godigo daŋ wali kontrak pode po hauwa pusali. Agai te Juda dabe te kontrak dologode bidao po wali. Te bidi dabego augwa we dabe dali dagana selama elaluao, tama augwali te doloba pai kolesaga ebo we bidi pedelaibao. Malakaigo te seŋe sabo kolesaga po pusuyu, me homu begelebo po pusali. Tama agai Genuai Bidigo tempel be me sogo posabo po wali, tama Genuai Bidigo tigidali we bidi ebo kolesaga dagalabo po wali. Malakaigo sabi simanibo po te Elaija bolo hasia aselama, tama nosali Godigo agai yaibao olama daŋ wali tama yaibao. Te da wiegi yai po dao, te profet dabego buku silagasiyu wabo po, tama te pogo dago homu kolesaga kegelama, tama Godigo gesi noma kontrak aga we bidi dabe dali daŋ wainu yaliba kegasa palio, tama me te wiegi yai po page gagalaliba me. Te ensel bidi Gebrielgo te pris bidi Sekaraia aga te Jon bidi baptais ebo bidigo aya pedelaiba wali sogo, enselgo te Malakaigo profet po te Jongo usu naibao po wali. Te buku Luk 1:15-17, tede suao.

Godigo te Israel dabe godolo mu yali po

1 Te Genuai Bidigo te seŋe yai po Malakaiba menama, te Israel dabeba pumainu yai dao. ² Genuai Bidigo te tama po wali, "Te eno dage godolo mu eduali, tama megı me ebo dao," wali. Tiali goli, te Israel dabe augwaligo e tama po wei ponani, "Nago da godolo ebo mena tama yaliwe?" Tialima Genuai Bidigo te po augwaliba wei ponani, "Odiąo. Polobadu Iso me Jekop te ama nami si dao. Te eno Jekop dali, dage te agai waj nų dabe dali godolo homu yai dao. ³ Tiali goli eno te Iso dali te aga hani wai dabe dali godolo homu me isawai, augwa te nogi Idom poali. Tialima eno te Isogo bulu du bage pesage dolama, te eno agai bulu tų dage te bulu hasa dabego dwai pesage pedalumainu ilali," Genuai Bidigo te po wali. †

⁴ Te Idom dabego te po weyu, "Te dago taun dabe dolalio, tiali goli te dago ma nigaibao," wabo. Tialima Genuai Bidigo augwaliba te tiwai po wei ponaibao, "Duga ma da nigaibao, tiali goli te eno augwali ma aluama dolaibao," wali. "Te gasa hani dabego te Idom dabe nogi te tiwai nogi yaibao, 'Te dwai hani bage dao, te Genuai Bidigo sesemane sogo augwaliba wado po weyu, haliga sebe ebo hani bage dao,' te po waibao," wali. ⁵ "Dage Israel we bidigo te tebo se te duga gedugo digi sueibao. Tama dagego te po weyu, 'Genuai Bidigo bomo te umabo mu da Israelgo bulu tų

† 1:3 Rom 9:13

kantride elalu, te dago bulu tų pedai bogo badu me te usu nai dao,' po waibao," Genuai Bidigo te po wali. ††

Genuai Bidigo te pris dabeba wado ilali

⁶ Te Tigidali Bomo Elalubo Genuai Bidigo te tiwai po te pris dabeba wali, "Ogwago te aga ayago po wali peyu, te aya dologode bidaibao, me te se ebo bidigo me te aga tonalubo bidigo po wali paibao. Odiąo. Ena duga aya dao. Magi baso dage ena dologoba aselama bidisabo meniwe? Ena duga tonalubo bos bidi dao. Magi baso dagego eno po wali pisama ebawe? Dagego ena tudiba muyu, te eno nogi te olo nai dao homu eyu ebo dao. Tiali goli dagego enaba hanalu, 'Dago magi ilama nage tudiba mubawe?' te po wali. ⁷ Woo, megı eno dagego ebo kolesagade po obao. Dagego eno altade dwai ofa yali. Te nosali dagego enaba hanalu, 'Dago nago nogi magi ilama aiyaba elalubawe?' wali. Tialima megı eno dagebolo obao. Dagego eno alta te olo nai tiwai da homu elama, tialima dagego eno nogi aiyaba elalubo dao. ⁸ Te dagego gedu widai kibu hasa me deli te sela pelama, dagego enaba te ofa ebo sogo, dagego te dolo se eba homu ebo, agawe? Dagego te gasi yai kibu me, saŋa togwa pai kibu sela asiyu, dagego te dolo da homu eba, agawe? Te dagego te tiwai kibu me deli te duga gavman polalubo bidiba mobaso, te agai dageba wiegi yai

†† 1:5 Ais 34:5-17; 63:1-6; Jer 49:7-22; Ese 25:12-14; 35:1-15; Amo 1:11-12; Oba 1-14

homu pemene eba, homu yaibawe? Ma, dagego homugo te agai dageba wiegi yai nai me deli wei pon-aibao homu yaibawe? Mu menio!" Tigidali Bomo Elalubo Genuai Bidigo te po wai. †

⁹ Ae, dage pris, duga te Godiba hanalu te agai wiegi yai seş daba emainu homu yali. Tiali goli, te agai dagego gedu haluasa po me odogobeo, tama te seş yali page dego dawe? Te dugade digi dao. Magi baso meni, dagego agaba te dwai hasa dabe sesiyu, te ofa emainogo yali. ¹⁰ Te Tigidali Bomo Elalubo Genuai Bidigo te po wali, "Te bidi me deligo eno be sunumi dabe palibaso da, teda dage te tomoba me pişama, tama eno altade te dwai ofa dabe yabo sia me udulugobeo. Te usu dao. Magi baso meni, eno dagego ebo kole-sagade wiegi yaı pemene homu me ebeo. Tama te dagego enaba sesebo ofa dabe eno me sogobeo," wai dao. ¹¹ "Te tigidali bulu tş kantri we bidi dabego enaba genuai nogi mawaibao. Te tigidali bulude bidi dabego te wiegi yaı denami ofa hano iliyu, te tobage wiegi yai ofa dabe enaba mawaibao. Te tigidali we bidigo ena nogi ugwaba saibao. ¹² Tiali goli, dagego eno alta te olo nai da po weyu, te dagego duga digi homugo godolo işabo nai dabego enaba ofa yalio. Tialima dagego ena nogi ugwaba me sabeo. ¹³ Dagego te tama po wabo dao, 'Iya, da te ofa ebo hagela eba.' Te po wabo dao. Tialima, dagego ena godolo homu meni işawai. Dagego te bulu uni hasa dabego elai kibu hasa dabe te ofa yali. Dagego te kibu me hasa te gasi yai, ma te şaę dwai sela aselama, ofa ilali. Dagego homugo eno te nai saiba homu elama eba, agawe? Menio. ¹⁴ Ena Genuai Bidi, eno te po wali, te tibo po wabo bidi dolaibao wali. Te tobage bidigo te wiegi yai omai kibu te banisde elalu, te enaba mawaiba po daę wali, tiali goli agai te dwai kibugo ofa ilali. Te kolesaga dolo me ebeo, magi baso meni, ena genuai king dao, te tigidali hani bidi enade wi elama, te ena dologoba pelama bidibo dao. Tama tibaso, te wiegi yai nai naga enaba te ofa eyu mao," Genuai Bidigo te po wai.

² Te Tigidali Bomo Elalubo Genuai Bidigo te pris dabeba te tiwai po wali, ² "Eno dageba te bomu yai po me deli elalubao. Te dagego ebo seş tigidalide te eno nogi ugwaba sięo. Te dagego eno po odisaşma, te dage hagoma naga ebaso da, teda eno po bomonama obaso, te dage dolaibao. Te duga seşde sabo te wiegi yai nai dabe te eno dolaibao. Te mu tama eno tiai dao, magi baso meni, dagego homude eno olo po te oba olama, te dagego eno po wali pabeo. Tialima eno dage dolai dao. ³ Te eno dagego wai dabeba dwai dene mayu, te eno dagego gesabidide te ofa ebo kibu dabego di pilaibao. Tama eno dage te kibu sibi dabe haliga şabo pesageba sela şawaibao. ⁴ Eno te tama tebode dagego koneagameo, eno te bomai po dageba mani homu yaibao. Dagego eno po wali pobaso da, teda eno dage te pris dabe dali daę wali te bomai po, te Livai hani waı nõę dali yali po me bologobeo." Te Tigidali Bomo Elalubo Genuai Bidigo te po wai dao. ††

⁵ "Eno te daę wali bomai pode, eno te pris dabe hani tşde sesabi elama bidimainu ilali, te augwaliba bugagia bidabo po mawai. Eno augwaliba tama tiali, te augwaligo ena nogi ugwaba somainu yalio. Hasia augwaligo ena nogi ugwaba siyu, te ena dologode bidali.

⁶ Augwaligo dolo yai kolesaga te we bidi ola mawai. Augwaligo te dwai kolesaga augwali me ola mabeo. Te augwali ena dali bugagia dugulaluali. Augwa te wiegi yai kolesaga wali peyu, te augwaligo gasa we bidi hauwa tau siyu, te augwa dwai kolesaga tudiba muai dao. ⁷ Te pris dabego seş dao, te we bidi dabego ena bugagia konemainu ola mabo seş yao. Te we bidi dabe augwaliba pelama, te eno homu bugagia konemainu yao, magi baso meni, te pris bidi dabego te Tigidali Bomo Elalubo Genuai Bidi eno po pusumainu ebo bidi dabe dao," wali.

⁸ "Tiali goli dage pris dabego eno doloba pai sunumi tagalalio. Dagego te haniani skul wabogo te we bidi hauwa kekelama, te augwaligo dolo meni işawai tobage kolesaga eba. Mu tama, eno dage te Livai dabe dali daę wali po te dagego bolali dao. ⁹ Dagego eno po wali pişawai. Te eno po dagego te we bidiba ola mawainu ebo sogo, dagego te we bidi meba homu bega sabo po weyu, te meba wado po weyu, tama tebo-go te po tş dolo bugagia dodolobo menio. Tama tibaso, eno digi te Israel dabego te dage hagela homu eyu, dage tudiba mumainu ilalio," Genuai Bidigo te po weyu, tama Malakaigo pusali.

Te Israel dabego God tagalali

¹⁰ Da tigidaligo Aya te deli naga elalubao. Te God deli naga te agai da nigali. Tialima, magi baso dago te dena abagi dabe dali daę wali po bolobo dawe? Tama magi baso dago te dena waı nõę dabe dali daę wali kontrak po te dago wali pabewe? ¹¹ Polobadu te Juda dabe me Israelgo te Godiba po daę weyu, te augwaligo agai po wali paibao po wali. Tiali goli, augwaligo te daę wali po bolalio, tama augwa te dwai seş mu me deli yalio. Te bidi dabego te tibo godiba lotu wabo gasa hani we dabe salio. Tama te tiali kolesagade augwaligo te Genuai Bidigo be meda mu ilalio. ¹² Te Genuai Bidigo te kolesaga ebo bidi dabe te sela şayu, te da Israel hani tomode bidimainu me elamuo wali. Tama tiyu, augwaligo te Tigidali Bomo Elalubo Genuai Bidiba te ofa sela pigio wai dao. ¹³ Tama eno dagebolo te dagego gasa dwai seş me ebo po obao. Genuai Bidigo te dagego agaba sela pabo ofa umabo hagela eyu, te me sogobeo wali. Tama tibaso, dagego gela weyu, te i dwai weyu, te gela kugai aı te Genuai Bidigo alta daiba gealubo dao wali. ¹⁴ Tama nosali dagego te Godiba hanalu, te tiwai po wali, "Magi baso nago dago ofa sabo meniwe?" E tiwai eba. Genuai Bidigo koneani, dagego te duga ogwa bidide sali we dabe sela şawani-go te duga daę wali bomai po bolalio. Te we dabe duga hai namu dao, tama duga te God gedude po daę weyu, te dagego augwali munu me tagalogobeo wai. Tiali goli, dagego te bomai po bolali dao, wali. ¹⁵ Godi-

† 1:8 Bom 15:21 †† 2:4 Nam 3:11-13

‡ 2:5 Nam 25:12

go te dage bidi me we deliba selama bidimainu eyu, te homu kolesaga tigi deli mu pedalumainu ilali. Godigo te şę yali kolesaga page magi baso yaliwe? E tiwai yai. Te dago wai ame nenama, tama augwa te Godigo hani mu pedalumainu yalio. Tialima te dage bugagia dua dao, te dage we de bidi si deliba daganani sogo te daş walali po te dagego me bolamu dao, wai. ¹⁶ God, da Israel Genuai Bidigo, agai te po wai, "Eno homugo te wego bidi tagalama penani eyu, bidigo we tagalama penani eyu ebo kolesaga, te eno hagela homu mu ebo dao," wali. "Eno homugo dage me deligo te tobage dwai kolesaga mu te aga wede ebo te eno hagela ebo. Te dage dua dao, te dagego duga we dabe dali bugagia bidainu daş wali po te me bologio," God Genuai Bidigo te po wai dao.

Genuai Bidigo bodolu si te pađe dao

¹⁷ Dagego te haniani po hauwa obaso, tama Genuai Bidi te pode hagela yalio. Tiali goli, dagego te tiwai po hanalu wali, "Dago mena po obaso, te Genuai Bidigo dade hagela homu ebowe?" Dagego te tiwai po obao, "Genuai Bidigo homude te dwai şę ebo bidi te augwali wiegi yai bidi dabe da waibao, po meni, te agai augwali godolo eba homu yali." Tama dagego e tiwai po weyu yali, "Augwa te po weyu, Godigo te doloba pai kolesaga ebo dao wali. Tiali goli, dago aga te dwai kolesaga ebo bagede te tama tebo subeo," wali. Tama tibaso, agai dagego te wabo pode hagela homu mu ebo dao po walio.

³ Tialima, Tigidali Bomo Elalubo Genuai Bidigo po wei ponoyu, te tiwai wali, "Te eno po pusugi pabo bidi me deli te eno sunumi dodoligi pomainu polasa tagala palaibao. Dagego te Genuai Bidi asobo tonalubao, tialima polo tama aselama, te aga beba bidagasaibao. Dagego te eno po pusagasobo bidi suabo homu ebo wida, te suişo. Tialima, aga asobo te eno daş wali kontrak po pusagasaibao," te po wai dao.

² Tiali goli, Genuai Bidi aga asobo sogo, dego te po tu ebo ugwaba ela holobo usu egowe? Aga te pepeli diliba pedalubo sogo, de te me hagagobewe? Aga te sia posolo mu elasa asobo tiwai eyu, te silva me gol hogomu pobebe bage sela şabo tiwai yaibao. Tama aga te meda yai ugwa te sop dali wę dali sigo telabo tiwai yaibao, te meda mu sela şawaibao. ^{†3} Aga asobo te tigidali we bidigo kolesaga dagalainu asaibao, bidigo te silva siaba ulama, te dwai hogomu sela şabo tiwai yaibao. Te tiwai te Genuai Bidigo şę bidigo te pris dabego dwai meda yai kolesaga sela şanama, tama augwa te Genuai Bidiba wiegi yai ofa igi peyu selasa paibao wali. ⁴ Tama nosali te Jerusalem dabe me te gasa Juda pedai badu augwa te wiegi yai ofa Genuai Bidiba eyu, te polobadu yali tiwai ebaso, tama Genuai Bidigo te augwaligo ofade wiegi yai pemene ma yaibao wai dao.

⁵ Tigidali Bomo Elalubo Genuai Bidigo te po wai, "Eno dagego kolesaga dagalainu asaibao," wali. "Te polo

tama eno te we sali tomode dolobo şę eyu, te pobi wabo bidi dabe po tu iliyu, te tibo po kotde pusuyu, te tonalubo bidi dabego te augwa şę bidi bugagia me abeligobeo, te we dabego tigidali doado bage sabo bidigo te muma sabo po weyu, te augwa bidi isai we dabego doado bage me siyu, te augwa aya isai wai dabego doado bage me sali, te bomai po boloyu te gasa tu kantridu asai bidi dabego nai me sali. Te tigidali bidi ena dologode me bidibeo, tama tibaso te eno augwali po tu ilaibao," wai dao.

Te Godiba nai me badu mabo kolesaga po

⁶ Genuai Bidigo po ma weyu, te po wai, "Ena naga ena Genuai Bidi, tama eno homu kolesaga me hasegeligobeo. Tama tibaso, dage te Jekopgo bulai waşigo wai dabe, dage tigidali me hagabe dao. ⁷ Dage te duga bulai waş dabe te polobadu bidali tiwai tobage naga dao. Dagego eno bomai po tudiba munama, tama dagego wali pabeo. Tialima, te dagego dwai kolesaga tagalama, te enaba ma asobaso da, eno me eno te haliga şębe ebo tagalama, te dage ma saibao. Ena te Tigidali Bomo Elalubo Genuai Bidi, eno te po walio," wali.

"Dagego te po obao, 'Dago mena şę elama, nageba ma asaibawe?' te po wali. ⁸ Tialima eno dagebolo obao, dagego eno nai wi sali. Dagego homugo te dwagi yai kolesaga da homu eba, agawe? Mu menio. Tialima dagego e tama tebo dao. Nosali dagego enaba ma hanalu wai, 'Magi ilama nago nai dago wi saliwe?' Te bomai pode enaba mao wabo nai te dagego ma tonalubo dao. ⁹ Mu tama, eno po bomu ebaso, dage tigidali dolaibao. Magi baso meni, dage tigidaligo eno nai wi sabo dao. ¹⁰ Dagego duga doado bage tigidali dobolama, te nogo si pedai elaluyu, te me deli te eno beba sesao wali. Tama eno şę bidi dabego nai hauwa elaluaibao. Dagego tama tibaso da, te eno wiegi yai doado bage hauwa umabo dageba mayu, te dage me şę pogobeo, te nai mubo madi te usu egobeo. Te sunumi wali pobaso da, te dagego koneyu, te eno po tigidali mu po dao waibao. ^{†11} Dagego tama tibaso da, teda eno te dwai osogani dabe paniama, te dagego gi nai me dologobeo. Te ni wain du te dagego wain gide mu paşana paibao wai dao. ¹² Te gasa kantride bidibo bage tigidaligo dage sulama, tama te po waibao, 'Augwali bugagia mu bidibao,' waibao. 'Augwali wiegi yai pemene umabo mu yaibao,' waibao. Magi baso meni, te dagego tu te bugagia dugulalu bidabo pesage elalueibao." Genuai Bidigo te po wali.

Godigo augwaliba te olo tau sabo wiegi yai kolesaga yaibao po wai

¹³ Genuai Bidigo te tiwai po wai, "Dagego te po dwai hauwa enaba wali. Tiali goli, dagego te po hanalu obao, 'Dago mena po dwai nageba waliwe?' Dagego te tiwai po walio, 'Dago te Godiba lotu obadi goli, te Godigo da tau me sabeo,' po wali. ¹⁴ 'Magi baso dago

† 3:1 Mat 11:10; Mak 1:2; Luk 1:76; 7:27 †† 3:2 Ped 6:17

‡ 3:10 Prs 27:30; Nam 18:21-24; Bom 12:6; 14:22-29; Neh 13:12

agai po wali pobawe? Te Tigidali Bomo Elalubo Genuai Bidigo gedude dago dena yali dwai şede homu dene yali, tiali goli agai daba te wiegi yai nai deli wei me ponobeo. Tialima, magi baso dago olodali homu dene yaibawe?’ te po walio. ¹⁵ ‘Dago te hagoma ebo bidi dabe bugagia bidiyu pemene ebo suali. Tama te dwai kolesaga ebo bidi dabego te doado bage hauwa elalubao, tama augwa te God usu sabo tobage kolesaga yalio, te augwaliba dene mabowe, ma meniwe, te suainu tiali. Tama Godigo augwali me dolisawai. Mu menio.’ Dagego te po wai dao,” Genuai Bidigo te po wai.

¹⁶ Nosali te Genuai Bidi dologode bidama agai po odali we bidi dabe, augwa haside digi po miani, tama Genuai Bidigo augwaligo mibo po odalio. Tama Genuai Bidigo te po wai, tama te dagalude augwaligo te we bidigo nogi aşei elalubo buku me deli nigali, tede te Genuai Bidi dologode elalu, te agaba homu begi pai we bidi dabego nogi elaluali. ¹⁷ Tialima, te Tigidali Bomo Elalubo Genuai Bidigo te po wali, “Te hani dabe te ena hani naga bidaibao. Te genuai side bodolu eno muani, te hani dabe te eno we bidi mu bidaibao, te eno godolo ebo hani mu dao. Tama homu dene eyu, eno augwaliba te olo tau sabo wiegi yai kolesaga eyu, te aya me deligo te wai dabego ayago şe ebaso, te olo tau mabo wiegi yai kolesaga ebo tiwai yaibao. ¹⁸ Tama tiyu, te sogo te ena wali pabo doloba pai we bidiba eno ebo kolesaga ma suiyagameo, te eno dwai bidi dabeba ebo kolesaga, te augwaligo eno po sela şabo dao, te bageba me eno ebo kolesaga suiyagameo,” wali.

Te Genuai Bidigo bodolu si pedelaibao

4 Te Tigidali Bomo Elalubo Genuai Bidigo te po wai, “Bugagia odişo,” wali. “Me sogo bodolu si pedaliyu, siago te hagoma ebo we bidi tigidali me dwai şe ebo we bidi ulaibao, siago te wa pai kala dabo tiwai yaibao. Te side te siago augwali dolama, tama augwali tigidali mu silaibao,” po wai dao. ² “Tiali goli dage eno po wali pabo we bidi, te eno bomogo dage ma saibao. Eno bomo te giliga ulago bomo tiwai elalu, tama dage we bidi te giligago tigi dili ilibo tiwai yaibao. Te dage wiegi yai pemene eyu, te bulmakau wai dabe te banis tomode bidai te buluba dinibo side te sasa mano pabo tiwai ebo dao. ³ Eno te şe dabe ebo sogo te dwai şe ebo bidi dabe dagego aiyaba elalueibao, tama augwali te tş hogomu agabo tiwai yaibao,” wai dao.

⁴ “Dagego te eno şe bidi Moses nogoba te Sainai bulu dude mani po dabe me bomai po me te munu me tagaligio. Eno te po agabolo mani te tigidali Israel we bidigo wali pomainu yai dao,” Genuai Bidigo te po wai.

⁵ “Te dwai siago te dwai şe ebo bage dolabo bodolu side te eno side te genuai si ebaso, te we bidi tigidali te wi dwai mu yaibao. Tiali goli, hasia bolo te eno profet Elaija te dageba tagala palama, tama nosali te si pedelaibao,” wai dao. ¹⁶ “Tama agai te aya me wai dabe te deli haliga pedalumainu ilama, tama augwali tama meni eyu da, teda te eno dagego bulu tş kantri dolaibao,” Genuai Bidigo te po wai.

† 4:5 Mat 11:14; 17:10-13; Mak 9:11-13; Luk 1:17; Jon 1:21

Dwagi Yai Gesi Po Matyugo Aşani

Hasia nedebo tau sabo po

Te bidi Matyu aga te Juda hani bidi bidai, tama agai homugo te Juda we bidi augwaligo agai aşani po nedama tama augwaligo hania koneaibao, Jisas da te Godigo te we bidi tau somainu sa muani bidi Krai dao, te Juda dabego Mesaia bidi mu dao. Tama Matyugo homugo me te Juda dabego e me konea somainu yali, Jisas da te moni genuai Tuni Bidi dao. Te Juda bage mebago Jisasde dwagi yai homu eyu aga sali goli, te augwali hauwa umabo bidi augwaligo aga me sabeo. Matyugo dabolo hania ola mobao, te Jisas agai te Godigo te we bidi tonalubo kolesaga tede po hauwa ola mani.

Matyugo aşani gesi dwagi yai po te buk dabe me si me si elalubo te buku me deli wali e buku da te buku dabego te Jisas e tşde bidibadi pedelali şe dabede po pusali. E bukude te wegi Mariago Jisas ame nani sogo yali şe po pusali, te po pususu pali, te Jisas augwaligo elama, tama te gų pagede ma hodaluşogoba te po usu nigi palio, tama aga hani dabe tagalama, tama aga dagaluba holai dao.

Te genuai şe me deli te Matyugo ola maiabo homu yali, te e tiwai şe, Jisasde yali şego te Godigo polobadu po daų weyu, te po aşani buku dabe nogi Olpela Testamen ma Polobadu Kontrak dabede wali po dabeba mu usu nani. Godigo bomu yai po daų weyu, te bidi me deli tagala palama, te Israel dabe ma saibao po wali, tama e bukude te ola mayu, te Jisas te bidi tama dao po walio. Te buk Matyu hauwa pedai tomode te pogo ola mayu, te Jisasgo yali şe e tiwai da po ola mani, te po dabe augwaligo te Godigo po pusali bidi profet dabego polobadu pusali po dabeba mu usu nai dao.

Te gasa genuai şe mede te buku Matyugo te po wai, te dagalu tomode elalubo genuai bomu ma te Godigo genuai bomu elalubo te tama po wali. Te Jisasgo yali şede naga God te tigidali we bidi dabego king mu pedelabo homu elalubao, tama agai homugo tigidali we bidigo agai homu kolesaga naga wali mu pomainogo homu ebo dao. Te buku Matyu pedai a nagade te Jisasgo pusali bobage po dabe a naga elalubao. Hasia pusali po te Daj 5-7 tede elalubao, tama Jisas te bulu du me deli daide bidu pusali po dabe te elalubao. Tede wali pogo te God aga we bidi hani dabe mu bidibo we bidi dabego yabo kolesaga po ola mawai. Te si wali bobage po te Daj 10de elalubao. Te wali po te Jisas aga wali bilali şe bidi dabeba mani po da, te augwali pelama, te gasa we bidi hani dabeba te Jisasgo po pusigi pabo side yabo şe dabede po olama wali po dao.

Te sela wali bobage pogo te po wali, te Daj 13de te tiwai po wali, Jisasgo te God agai genuai bomu tomode elalubo kolesagade po begelama, te we bidi dabe augwaliba ola mabo po pusai. Te me si me si wabo bobage po, te Daj 18de te po elalubao. Jisasgo te aga wali mu pelama bidibo we bidi dabego ebo kolesagade po pusali. Te a naga wabo bobage po, te Daj 24-25 tede elalubao. Jisasgo te tama wali, te e tş me dagalu te silabo side yabo şe dabe po wali. Te e bukude digi weyu te mena bidi mugo te e buku aşani po wali te me elalubao. Tiali goli e bukugo nogi te tiwai sali, Matyugo aşani gesi dwagi yai po dao. Augwaligo homugo e Matyu homude koneani, aga te takis mone sabo şe ebo bidi bidali, te Daj 9:9-13 tede te po elalubo suo.

Jisas Kraişgo nų waj hani dabe augwaligo nogi (Luk 3:23-28)

¹ E te Jisas Kraişgo nų waj hanigo nogi nedada pabo po e dao. Jisas aga te Devitgo hani, tama Devit aga te Abrahamgo bidi hani dao.

² Te Abraham aga ogwa Aisak. Tama Aisak aga ogwa Jekop. Tama Jekop aga ogwa Juda te aga ama dede dali dao. ³ Juda aga ogwa Peres me Sera te si da. Te augwa si ida Tamar dao. Tama Peres aga ogwa Hesron. Tama Hesron aga ogwa Ram. ⁴ Tama Ramgo ogwa Aminadap. Tama Aminadapgo ogwa Nason. Tama Nasongo ogwa Salmon. ⁵ Tama Salmongo ogwa Boas,

tama Boas aga ida te aga Rahap. Tama Boasgo ogwa Obet, tama Obet aga ida te Rut. ⁶ Tama Obetgo ogwa Jesi. Tama Jesi aga ogwa te tuni bidi Devit dao.

Tama Devitgo ogwa Solomon, te Solomon aga ida te polobadu te bidi Uriago we dao. ⁷ Tama Solomon aga ogwa Rehoboam. Tama Rehoboam aga ogwa Abiya. Tama Abiya aga ogwa Asa. ⁸ Tama Asa aga ogwa Jehosafat. Tama Jehosafat aga ogwa Joram. Tama Joram aga ogwa Usia. ⁹ Tama Usia aga ogwa Jotam. Tama Jotam aga ogwa Ahas. Tama Ahas aga ogwa Hesehia. ¹⁰ Tama Hesehia aga ogwa Manase. Tama Manase aga ogwa Amos. Tama Amos aga ogwa Josaia. ¹¹ Tama Josaia aga ogwa Jekonia te aga ama dede dali dao. Te

sogo, te augwali bidibadi, te boi bidi dabe augwaligo te Israel dabe aiyaba elaluama, tama augwali te Babilon buluba kalabus se emainogo sela pali. †

¹² Te augwali Babilon buluba kalabus egi pai, tialima Jekonia aga ogwa Sealtiel. Tama Sealtiel aga ogwa Serubabel. ¹³ Tama Serubabel aga ogwa Abiut. Tama Abiut aga ogwa Eliakim. Tama Eliakim aga ogwa Asor. ¹⁴ Tama Asor aga ogwa Sadok. Tama Sadok aga ogwa Akim. Tama Akim aga ogwa Eliut. ¹⁵ Tama Eliut aga ogwa Elesar. Tama Elesar aga ogwa Matan. Tama Matan aga ogwa Jekop. ¹⁶ Tama Jekop aga ogwa Josep. Tama Josep te we Maria aga bidi dao. Tama Mariago Jisas ame nai, augwaligo aga nogi te Krai da wabo dao. Te aga sa muyu asaiba wali bidi dao.

¹⁷ Tama te tiwai nedada pelama, tama Abrahamgo hani tigidalide gagalasa aselama Devitgo haniba sabolali, te nogo si olama sağa badu me si me si hani dao. Tama tigidali Devitgo hanide gagalama asali augwali te Babilon buluba kalabus egi pali sogo, te me te nogo si olama sağago me si me si hani dao. Tama augwali Babilonba kalabus egi pali sogo, te Godigo sa muani bidi Krai pedalabo sogo me, te hani tigidali me te nogo si olama sağago me si me si hani bidi dao.

Mariago Jisas Krai ame nani

(Luk 2:1-7)

¹⁸ Te Jisas Krai aga ame nani po, e tiwai dao. Aga ida Maria augwaligo Josepbolo noma po wai. Tiali goli augwali si taluama bidisiabadi digi, tama Mariago suali aga te Godigo Tedali Mobo Bidigo se yalima haliga yai elaluai. ¹⁹ Maria aga bidi Josep, aga te doloba pai bidi da, tama agai Maria haliga elalubo po odobaso, tama agai Mariabolo hale mabo hagela homu yai. Tama agai dua digi naga tama aga tagalai homu yai. ²⁰ Tama Josepgo te homu idubadi, tama nade Genuai Bidigo ensel mobo bidi me deli agaba pedelai. Ensel bidigo te po wali, "Josep, Devitgo ogwa, nago naga we Maria sabo wi egio. Odao. Te wai aga haligade sali, te Godigo Tedali Mobo Bidigo aga mawai dao. ²¹ Te agai te wai ogwa ame naibao, tama nago aga nogi Jisas poao. Magi baso meni, agai te we bidi augwaligo sege elalubo sela sanama tama augwali ma saibao," te po wali.

²² Te tigidali pedelali se te tiwai te po me deli te Genuai Bidigo te agai po pusubo profet bidigo pedauwalidu wali po usu nanio. Te po pusubo profet bidigo te polobadu mu pusai po e tiwai wai,

²³ "Odao, wegi me deli te bidi dali me pisawai, te wegi aga haliga elama, te wai ogwa ame naibao. Tama augwaligo te wai nogi Emanuel nogi yaibao," te po wai.

Tama te nogi page e tiwai dao, God aga da dali bidibao. ††

²⁴ Te Josep godege pilama hodaluama, tama agai te Genuai Bidigo ensel mobo bidigo aga dali wali po gilama te tiwai se yai. Agai aga we sai. ²⁵ Tiali goli te wai ame nisiabadi agai aga te we dali me pibe, tama aga

te wego wai ogwa ame nabo te sogo pedelai. Tama agai te wai aga nogi Jisas poai.

Po page koneai bidi dabe augwali aselama, Jisas sua-gasai

² Te Mariago Jisas te Betlehem bulude ame nani, te Judia tode. Tama te sogo te moni gavman tuni bidi nogi Herot aga bidali. Tama Mariago te wai Jisas ame nai digi, tama nosali te sia ge pedalobo badu bidali po page koneai bidi dabe augwali meba te Jerusalem moni hanuba sabolali. Tama augwali te dagalu hode haniani po page mu koneai dao. Tama augwali Jerusalem hanuba sabolama, tama augwaligo te po wai, ² "Wai me deli aga te Juda dabego tuni bidi pedalainogo ame nani, aga menade bidibowe? Da te sia ge pedalobo badude bidibadi dago aga hode pedalobo sulama, tama agade kidu sugunama dago agade lotu po wainogo digibulu asai dao," te po wai. ³ Tama te gavman tuni bidi Herotgo te po wabo odama, tama aga noma siyu moni homu mu yali. Tama tigidali Jerusalem we bidi augwali me noma siyu moni homu yai. ⁴ Tama Herot agai te pris tuni bidi dabe me, te Israel dabego bomai po page koneai bidi dabe dali deliba sisinama, tama agai augwalibolo hanalu wali, "Te Godigo sa muani nosali asaibao wali bidi Krai aga mena bulude ame naibawe?" ⁵ Herotgo te po wai. Augwaligo agabolo te po wali, "Te Betlehem bulude, te Judia tode dao. Te Godigo po pusubo profet bidigo po polobadu aseyu te po wai,

⁶ "Te Betlehem hani, te Juda tode tomode, te Juda bagego tuni bidi dabego gedude nago nogi te dwasianunu elalugobeo. Te mu menio. Te nagede genuai tuni bidi me deli pedelaibao, tama agai eno hani Israel tonaluabo bidi dao," te po aseani," augwaligo te po Herotbolo wai. ‡

⁷ Tama te po odolama, tama Herotgo geme te sia ge pedalobo badu asali te po page koneai bidi dabe augwali i wai. Tama augwali aga pageba aselama, tama dua dua eyu agai augwalibolo "Te dagego suali hode te mena sogo pedalaliwe?" te po hanalu wali. Tama augwaligo agabolo te hode pedalali sogo pusali. ⁸ Tama tilama, agai augwali te Betlehem buluba tagala paliyu, tama te po wali, "Dage pelama, tama bomo elama te wai gegao. Tama dagego gegelama subaso da, teda dagego po enaba ma sela asao. Tama ena me pelama, agade kidu sugunama, eno agade lotu po wagi paibao," Herotgo te po wai.

⁹ Te augwaligo te tuni bidigo po odama, tama augwali pai. Tama pobadi, te hode polobadu augwali te sia ge pedalubo badude bidibadi suali hode, te hode augwali asobodu polasa pelama, tama te wai bidibo be pedu ugwadu dolo dolaluai. ¹⁰ Tama augwaligo te hode sulama, tama augwali wiegi yai homu genuai pemene mu yai. ¹¹ Tama augwali te be tomoba pelama, tama augwaligo te wai aga ida Maria dali suai. Tama augwali tobolu basi gulama, tama kidu sugunama, te waiba lotu po wai. Tama augwaligo augwa wa dabe dalama, tama

† 1:11 2 Kin 24:14-15; 2 Sto 36:10; Jer 27:20 †† 1:23 Ais 7:14

‡ 2:6 Mai 5:2

augwaligo te waibolo wiegi yai nai meba olo mawai, te kapa nogi gol me, te wiegi yai denami ebo pauda nai me, te tigide wiegi yai denami ilibo nai, te tama nai te wai olo mawai.

¹² Tama tilama, tama Godigo nade augwalibolo te po pusali, tama augwa te moni gavman tuni bidi Herot bidibo digi ma pigio te po wai. Tama augwali gasa tųdu peyu, augwa buluba ma pai.

Josep aga we dali wai bų augwali Isip buluba pai

¹³ Te Jisas suagasali po page koneai bidi dabe pela silai digi, tama Genuai Bidigo ensel mobo bidi Josepba nade pedalai. Ensel mobo bidigo te po wai, "Nage hodaluama te wai bų aga ida dali selama, tama Isip tųba wi pao. Te genuai gavman tuni bidi Herot agai te wai bų te ela muabo homu eyu, aga gegebo tamadi gagalaibao. Tama tibaso, megi wi pao. Tama nage Isip tųde bidibadi te eno ma asao obaso nage asao," te po wai. ¹⁴ Tama Josep hulide digi hodaluama te wai aga ida dali selama, tama aga Isip buluba pabo gagalali. ¹⁵ Tama Josep te Isip tųde bidibadi tama te moni gavman tuni bidi Herot isabo sogo tonaluyu bidali.

Te pedalali sę te tiwai te po me deli te Genuai Bidigo te agai po pusubo profet bidigo pedauwalidu wali po usu numainogo yai. Agai te po wali, "Eno ogwa aga Isipde bidibadi, tama eno aga tedu asomainogo i wai dao." †

Herotgo pode augwaligo wai bų dabe hauwa ela muai

¹⁶ Tialima te genuai gavman tuni bidi Herotgo koneama, te giliga pedalobo badu asali po page koneai bidi augwaligo agai wali po tudiba munama, tama gasa tųdu game pai homu yali, tialima aga sębe mu yai. Tama agai enesigi bidi dabe tagala paliyu, augwalibolo te po wai, "Dagego te Betlehem bulude me te pade elalubo bulude me tede bidibo ogwa wai dabe te kibu be si yabo tomode augwali tigidali ela muao," te po wali. Agai te po page koneai bidi augwalibolo te hų hasia pedelali sogode hanalu badi, tama augwaligo aga dali te wali po homugo ma koneama, agai kibu be si weyu tama tiwai dao.

¹⁷ Tama te sę ebogo te Godigo po polobadu pusali profet bidi Jeremaigo wali po me deli usu nanio. Agai te po wai,

¹⁸ "Augwaligo po me deli te Rama hanude odali.

Augwaligo te genuai gela wabo me te hobede yabo i wabo me odali. Te we Resel aga wai dabe hagede gela obao, tama te we bidi augwaligo aga homu wiegi yai me ilibo usu ebe. Magi baso meni. Aga wai dabe augwali tigidali isalio." ††

Josep aga me aga we me te ogwa dali augwali ma asai

¹⁹ Te nosali te moni gavman tuni bidi Herot isai. Tialima Isip buluba te Genuai Bidigo ensel mobo bidi Josep bidibo digi nade pedalai. ²⁰ Tama agai te po wai, "Nage

hogodolama, te wai aga ida dali selama, tama nage te Israel tųba ma pao. Te wai elainogo yali bidi dabe, augwali isai dao," te po wai. ²¹ Tama tibaso Josep hogodolama, tama te ogwa wai aga ida dali oda selama, tama augwali te Israel tųba pai. ²² Tiali goli agai odali, te bidi Arkelausgo te aga aya gavman genuai bidi Herotgo yali sę selama, tama te Judia genuai tųde gavman tuni bidi sę eyu bidibo po wai. Tama aga te po odobaso, aga te Judia genuai tųba bidigi pabo wi yali. Tama nade gasa po me Godigo agabolo olama, tama aga te Galili genuai tųba pai. ²³ Tama te tųba sabolama, tama aga te hanu me nogi Nasaret te hanuba bidigi pai. Tama te sę yaligo da te Godigo po pusali profet dabego wali po usu nubao, "Tama augwaligo aga te Nasaret hanu te bulu bidi dao, te po waibao," te po wali. ‡

Jon te we bidi baptais mabo bidi agai po pusai

(Mak 1:2-8; Luk 3:1-18; Jon 1:19-28)

3 Te nosali augwali te Nasaret hanude bididubadi te Jon, te baptais mabo bidi aga pedelai. Aga te Judia tų tomode te bidi meni yai bulude bidali, tama agai te po augwalibolo pusali, ² "Dage dwai kolesaga yalide ge neyu, homu geasa peyu bidių. Magi baso meni. Te dagalude bidibo bidi God agai we bidi tonalubo sę yabo bomo te paba asai dao, dage te bomo dologoba asių," te po wali. ³ Jon da, te agade Godigo te aga po pusali bidi Aisaia te profetgo pedauwalide wali po usu nani bidi dao. Aisaigo polobadu e po weyu aşani,

"Te bidi meni yai bulude bidi me deligo i weyu, bomonama te po obao, 'Genuai Bidigo asabo tų sisi ilao. Aga tų dabe dodolao,'" te po aşani. ‡†

⁴ Jongo te moni kibu kamel nisigo te augwaligo nigai bobage ugwa munama, tama agai tigide te kugulu guda. Tama agai te mano tiwai nai me te mege aį te nai si tuyu bidai. ⁵ Tama te sogo te Jerusalem moni hanude bidai we bidi dabe me, te Judia genuai tų we bidi me, te Jordan pabo aį pade bidali we bidi me, te augwali tigidali Jon bidibo digi asai. ⁶ Tama augwaligo augwa yali sęę dabe pusuyu, tama Jongo augwali te Jordan aįde baptais mani.

⁷ Tiali goli Jongo suali, te lotu po wabo bidi hani si te Farisi bage me te Sadyusi bage me te augwali me baptais somainogo asali, tama agai augwalibolo te sesanobo po weyu te po wali, "Dage te dwai hasamani dabego wai dabe, te Godigo te dwai sę yali we bidibolo dene ilabo sogo mu asaibao. Tama tialima mena bidigo dage dali po obaso, tama megi dage wi painogo ebawe?" ⁸ Tama dagego homu kolesaga begelebaso da, teda dagego dwagi yai kolesaga naga yao. Tama tiyu da, dagego duga homu kolesaga mu begelali te dago hania koneaibao. ⁹ Dagego eno pode geda siyu, dagego homude te homu me egimio: 'Te Abraham da, te dago aya da, tama tibaso da bugagia bidibao, te dago dena homu magi baso begelaibawe,' te wagio. Eno dagebolo te po obao, God agai da e masigi dabego te Abrahamgo wai pedala wali da te pedalobo usu

† 2:15 Hos 11:1 †† 2:18 Jer 31:15

‡ 2:23 Ais 11:1; Mak 1:24; Luk 2:39; Jon 1:45 ‡† 3:3 Ais 40:3

yaibao. ¹⁰Tama megi te sigi hwa ni pagede muai elalubao, te ni gelemainogo. Tama te nigo wiegi yai nai du walisiqbaso da, te tobage ni tigidali augwaligo gelama siaba sawaibao."

¹¹"Te eno dage olo ajiço baptais mabo te dage homu begelai elalubo te daı tiwai dao. Tiali goli ena tudi badu nosali asobo bidi, te agai bomogo eno bomomo aiyaba elaluaibao. Ena da, te wiegi yai bidi meni, tama tiyu eno agai saqa nadoba tolabo te usu egobeo. Agai dage te Godigo Tedali Mobo Bidi me te sia dali si dage-bolo mawaibao, te baptais mabo se tiwai. ¹²Te nai dagalobo bidi tiwai agai aga savol te aga nogode to-lalubao, tama agai te tubo nai wit ge dagalobo se emainogo ebao. Tama agai te wit hogomu te tigidali sela sawaibao. Tama agai te wiegi yai wit ge naga aga wit ge muabo beba sisinaibao. Tiali goli agai te dwai wit hogomu te isisaqo siaba ulaibao," Jongo te po wai.

Jongo Jisas baptais mawai

(Mak 1:9-11; Luk 3:21-22)

¹³Te Jon agai te we bidi baptais mabo sogo Jisas aga te Galili genuai to tagalama te Jordan weba pai. Aga Jonba pali, tama aga te Jon nogode baptais sainogo tiwai. ¹⁴Tiali goli Jongo aga te paliainogo yali, tama te po wali, "Te ena nago baptais mabo te usu egi dao. Tiali goli nage enaba asalio," te po wai.

¹⁵Tiali goli Jisasgo agabolo po wei ponoyu te po wali, "Woo, te nago eno wabo po wali peyu, te se yao. Tama tiyu, te dago doloba pai kolesaga naga usu nama inao," te po wai. Tama tialima Jongo agai po wali pai.

¹⁶Tama Jisas baptais selama, tama polo aga te we tagalama te we sesegeba holai. Tama dagalu tomode buga palima, te Godigo Mobo Bidi te aiyaba dulubo te agai suali, te ba hi tiwai tama aselama, te Jisasgo tigi-ba bidagasali. ¹⁷Tama pedauwali me delide te dagaludu i weyu, te tiwai po wai, "Te aga eno Ogwa dao. Eno aga godolo mu ebao. Tama eno homu agade te pemene wiegi yai ebo dao," te po wai.

Satango Jisas usu sai

(Mak 1:12-13; Luk 4:1-13)

4 Te sogo Jisas baptais selama, tama Godigo Mobo Bidigo Jisas te bidi meni yai buluba odasa pali, te Satango aga dwai se yanama sinawainogo yai. ¹²Tama Jisas nai tusiqbadi aga te bidi sese si siade me hulide me bidai. Tama nosali aga nasi yai. ³Tama te usu sabo bidi agaba pedelama, tama aga dwai se tomoba kegainu agai te po wali, "Nage te Godigo Ogwa da wida, teda nago po obadi e elalubo masigi dabego te begelama, te tubo nai bret pedalomainao, nago tumainogo yao," te po wai.

⁴Tiali goli Jisasgo e tiwai wali, "Godigo po bukude te po asani, 'Te tubo nai bretgo naga te bidi bidabo ula magobeo. Te bidigo bidibo ula te Godigo pedauwalide pedalobo tigidali pode sabo dao.'" †

⁵Agai te po obaso, tama Satango aga selasa te moni wiegi yai tedali hanuba pali, tama aga te Moni Lotu Be

† 4:1 Hib 2:18; 4:15 †† 4:4 Bom 8:3

tempel pedu te ugwaba mu dodolali. ⁶Tama agai agabolo po weyu te po wali, "Nage Godigo Ogwa da wida, teda nage te Moni Lotu Be pedu tedu aiyaba a toba samonao. Godigo po bukude te po wai, 'Agai aga ensel mobo bidi dabebolo nagede po olama, tama nage augwaligo nogo daide ugwaba saibao. Tiyu te nago saqa te masigigo me selidali weyu tama tiaibao,' te po asani," Satango te po wai. ‡

⁷Jisasgo agabolo te po wali, "Tiali goli te bukude te po ma wai, 'Nago Genuai Bidi God olo subigila usu sigio, sinagio. Aga te nago God dao.' Te po elalubao," wali. ††

⁸Te Satango Jisas ma selama, tama te bulu du me ugwanu yai me deli teba sela holai. Tama Satango agabolo te tode genuai ula yai bomo me, te tode tigidali elalubo wiegi yai nai dabe dali tigidali agabolo ola mani. ⁹Tama agai Jisasbolo te po wali, "Tama nago kidu sugunama tama basi gulama, ena dologoba peyu enabolo lotu po obaso da, teda eno te tigidali nai nagebolo mawaibao," wali.

¹⁰Tama Jisasgo aga dali te po wali, "Satan, nage gedao. Godigo po bukude te po wai, 'Nago naga Genuai Bidi God dali naga lotu po weyu, aga dologode bidao. Tama nago agai se deli naga daı olama yao.' Te po elalubao," Jisasgo te po wali. ††

¹¹Tama te Satango Jisas aga taga pali. Tama ensel mobo bidi dabe meba aselama Jisas tau sai.

Jisasgo se ebo te Galili moni tode gagalai

(Mak 1:14-15; Luk 4:14-15)

¹²Te Jisasgo te po odali, augwaligo Jon te we bidi baptais mani bidi kalabuside muani po wali, tialima aga Galili moni to teba pai. ¹³Tama aga te Nasaret hanude osogo bidama, tama tedu pelama, te Kaperneam buluba pelama bidigi pai. Te Kaperneam hanu te sigi we sesegeba elaluali, te Sebulun bidi hanigo to me te Naptali bidi hanigo to me te to si te badu elalubo dao. ¹⁴Tama tiyu, te po me deli te Godigo po polobadu pusali profet bidi Aisaigo pedauwalide wali po usu nani, tama Aisaigo te po wali,

¹⁵"Tama te Sebulun hanigo moni to badu, me te Naptali hanigo moni to te badu me, te sigi weba pabo to badu, te Jordan pabo aı badu, te Juda hani isiqwai bidi dabe hauwa bidibo to nogi Galili, ¹⁶te to tigidalide bidibo we bidi augwali hulide bidaluali, tama augwaligo te genuai ula nanobo suai dao. Te we bidi augwali te isabo be hulua sai digi bidaluali tama te wiegi yai ula augwaliba pedelai dao." †††

¹⁷Tama te sogo Jisasgo agai po pusubo se ebo gagalai. Agai te po oduali, "Dage dwai kolesaga yalide ge neyu, homu geasa piqo. Te Godigo te we bidi tonalubo se yabo sogo pađe dao."

‡ 4:6 Tib 91:11, 12 †† 4:7 Bom 6:16 ††† 4:10 Bom 6:13

††† 4:16 Ais 9:1-2

Jisasgo bidi me si me si i olama augwali aga wali asa wai

(Mak 1:16-20; Luk 5:1-11)

¹⁸ Te me sogo Jisas te Galili sigi wę sesegedu pobadi, tama agai te augwali ama name si suali, te bidi me no-gi Pita, me aga ama, Andru, augwali sigo te sųgų sabo wa te sigi węba sębo sę yai. Te augwali sigo te sųgų selama mone sabo bisnis sę yai dao. ¹⁹ Jisas agai augwali sibolo te po wai, "Dage si ena wali asao, tama eno dage si te bidi sabo sę ola mawaibao." ²⁰ Tama polo augwali sigo te sųgų sabo wa tagalama, tama Jisas aga wali pai.

²¹ Tama Jisas aga ma pobadi, tama agai gasa ama name si me suali, te Jems, te Sebedigo ogwa, te aga ama Jon dali. Te augwali si augwa si aya Sebedi dali te moni gebade bidibadi, tama augwa te sųgų sabo wa dodolobo sę iduai. Tama agai augwali si i wai. ²² Tialima tama polo augwali sigo te augwa si aya me te geba me tagalama, tama Jisas wali pai.

Jisasgo po pusulama we bidi hauwa usu ilai

(Luk 6:17-19)

²³ Te Jisas aga te moni tų Galili te tigidali sesege badu aga biligi pai. Agai aga ola mabo po te Juda dabego bomo yai po ola mabo be tomode te we bidibolo ola mawai. Tama ola mayu, agai augwalibolo te Godigo we bidi tonalubo sęde te gesi dwagi yai po pusali, tama te tigidali haniani gasi dabe me te tigidali dwai naigo te tigi dolai we bidi augwali tigi usu ma ilai dao. ²⁴ Tama augwaligo agai te sę yali po tigidali te Siria genuai tųde bidibo we bidibolo me te po pusai. Tama te po augwaligo odama, tama augwaligo te tigidali dwai gasi haniani eyu, te dwai dene sali bidi dabe me selasa asali, tama te dwai noma bidi elalubo bidi me, te esela pabo bidi dabe me, tama te sęgę dili bomo isai bidi dabe me, te sela asai. Tama agai augwali wiegi yai ma ilai dao. ²⁵ Tama te genuai we bidi hani hauwa, te genuai tų Galilide bidibo we bidigo me, te Dekapolis tųde bidibo we bidigo me, te moni hanu Jerusalem we bidigo me, te Judia genuai tųde bidibo we bidigo me, te Jordan pabo aji te tų u badu bidibo we bidigo me, te tų tigidalide bidibo we bidi mebagu naga te aga wali pai.

Jisasgo po te bulu du bageba holama ola mani

5 Te Jisasgo te genuai we bidi hani aga wali asobo suali, tama aga te bulu du me deli bageba holai. Tama aga te bulu dude dulalubadi, tama aga wali bilali bidi dabe augwali aga pageba asali. ² Tama agai po augwalibolo weyu te po ola mani,

³ "Te kolesaga koneani we bidi augwali te Godigo gedude augwa digi usu elama aiyaba elaluama bidibo we bidi dabe, te augwali homu wiegi yai pemene ebao. Te Godigo obo tomode augwaligo bidabo madi elalubao. ⁴ Tama te gela udubo we bidi dabe, te augwali homu pemene yaibao. Te

Godigo augwali mumanama homu wiegi yai pemene

ma ilaibao. ⁵ Tama te nagamea pai homu eyu augwa dene bugagia tolobo we bidi, te augwali homu wiegi yai pemene emainao. Te Godigo tų tigidali augwalibolo mawaibao. ⁶ Tama te doloba pai kolesaga sainogo bomu eyu godolo ebo we bidi dabe augwali wiegi yai homu pemene emainao. Te homu tiwai ebo we bidi dabe augwaligo homu kolesaga te Godigo augwali mu usu nama te tiwai pedelaibao. ⁷ Te gasa bidi dabe augwali dali homu dene eyu augwali olo mu tau sabo we bidi dabe, te augwali homu pemene wiegi yai emainao. Te Godigo augwalibolo me te homu dene eyu olo mu tau sabo kolesaga yaibao. ⁸ Tama te wiegi yai kolesaga eyu, te meda isęma doloba pai we bidi dabe augwali, te augwali homu pemene wiegi yai emainao. Te augwaligo augwa gedugo God sueibao.

⁹ Tama te wado po wabo me te hwįbo po te isilibo bidi dabe, te augwali wiegi yai homu pemene emainao. Te tama tebo bidi dabe augwalibolo te augwali Godigo ogwa dabe da wabo nogi waibao. ¹⁰ Te bidi dabego te doloba pai kolesaga wali pabode sulama, te kolesagade te dwai sę ebo bidi dabego augwalibolo sęgę sobaso da, teda augwali homu pemene emainogo inao. Tama te Godigo obo tomode augwaligo augwa bidabo madi elalubao." [†]

¹¹ "Tama dagebolo sęgę mabo bidi dabe augwaligo suali dagego ena wali pabo subaso da, te augwaligo dage dali dwai posobo po weyu, tama dene mobadi augwaligo te kedu meni yai tibo po haniani weyu ebaso da, teda dage homu pemene wiegi yai yao.

^{††12} Tama dage homu bugagia wiegi yai elama, pemene mu eyu bidięo. Te genuai wiegi yai nai mugo dage dagalude tonalubao. Te tiwai naga te bidi dabe augwaligo te Godigo po pusali profet bidi dabebolo hasia polobadu dene mawai tiwai dagebolo me tama tibao." [‡]

Konealubo po dų wabo bidi aga te tamu dali sole ula tiwai si dao

(Mak 9:50; Luk 14:34-35)

¹³ "Te dage konealubo po dų wabo we bidi dabe, dage e tųde bidibo we bidi tomode bidiyu, tama dage te tamu aga sę ebo tiwai eyu bidięo. Te tamu aga pusu te tubo naibolo mabo dao. Tama dagego dwagi yai kolesaga ebogo te gasa we bidi augwaligo ebo kolesaga dwagi yai ilao. Tiali goli, tamu halia peyu pusu ebo tagaliyu da, teda dago magi ilama te tamu aga pusu yali ma saibawe? Menio, te tamugo da, te sę ma egobeo. Te bidi dabego sela sęyu naga eyu, tama augwaligo sęgę agabo dao."

¹⁴ "Te dage te tigidali tųde ula tiwai dao. Te hanu me deli te bulu du bagede elaluyu, tama be hulide te augwaligo sole lam ula ebadi, tama te hanu aga duala sabo te usu egobeo. ¹⁵ Tama te bidi dabe augwaligo te sole lam domonama te baket dologoba me mubo me-

[†] 5:10 1 Pi 3:14 ^{††} 5:11 1 Pi 4:14 [‡] 5:12 2 Sto 36:16; Tpi 7:52

nio. Te meni. Augwaligo te sole ula te tebol saiba mu-nama, tama te sole ulago te bede bidibo we bidi ula mabo dao. ¹⁶Tama te tiwai naga dagego wiegi yai kolesaga ebo te sole ula ebo tiwai dao. Tama tibaso dagego ebo dwagi yai şe te we bidigo sumainao. Tama augwaligo sulama, tama augwaligo duga Aya te dagalude bidibo bidi nogi ugwaba saibao.”

Jisas te Godigo bomo yai po usu numainogo asai

¹⁷“Dagego homugo ena asali eno te Godigo bomo yai po me te Godigo po pusali bidi profet dabego ola mani po dali sela şawainogo asali homu egimio. Menio. Te eno te po sela şawainogo asobe, te eno te po mu usu nainogo ena asai dao. ¹⁸Te eno mu po dagebobo obao. Te dagalu dali tş si silisşabadi da, tama te aşani bomo yai po dwasianunu me deli munu me siligobeo. Menio. Te po tigidali augwali elaluaibao. Tama elalubadi te bomo yai pogo aga şe tigidali silaibao. Tama aga şe silibaso da, te sogo naga te bomo yai po me silaibao. ¹⁹Tama tibaso bidi me deligo te bomo yai po dwasianunu me deli tagaliyu, tama agai gasa bidi dabebolo te tiwai kolesaga ola mobaso da, teda te bidi aga nogi me te Godigo we bidi tonalubo sogode, te bidigo nogi dwasianu pedelaibao., Tiali goli te bomo yai po wali pelama te we bidigo te po wali pomainogo ola mabo bidi, agai nogi da te Godigo we bidi tonalubo sogo genuai pedelaibao. ²⁰Tama tibaso, eno dagebobo obao, te dagego doloba pai kolesaga ebogo te bomo yai po koneani bidi me te Farisi dabe dali augwaligo kolesaga dagego ayaba me elalusışbaso da, teda dage te Godigo we bidi tonalubo obo tomoba pogobeo.”

Jisasgo te gesi usu ni mawai (Luk 12:57-59)

²¹Te Jisasgo te po wai, “Te Mosesgo dagego waj dabebolo polobadu ola mani po te po dagego odai dao. Agai te po wai, ‘Te nago bidi me ela mugio. Tama bidi mego bidi me deli ela mubaso da, teda dagego te bidi aga te po tş ebo bidiba odasa pao,’ te po wai. ^{†22}Tiali goli megi eno po dagebobo obao: Tama bidi mego aga ama dali şeşey eyu da, te bidi aga po tuba odasa paibao, tama dene saibao. Tama bidi mego aga ama dali dwai po obaso da, teda te bidi aga te polalubo kaunsil bidibo digiba pelama, po tş emainogo yao. Tama bidi mego aga ama dali nogi posobo po weyu, nage şe isişbo homu meni yai dwai bidi dao weyu da, teda te bidi aga te dwai madigi sia dabo dene sabo buluba paibao. ²³Tama tibaso, nago Godibolo maiabo nai ofa te Moni Lotu Be tempelba sela aselama, tama te maiabo nai muabo saide bidibadi, tama te sogo polo ma homugo koneani naga amago po me deli elalubo homu nago ebaso da, ²⁴teda nago te Godibolo mawainogo yali nai ofa tede munalubadi taga soao. Tama nage pelama, hasia naga ama dali po

bolo dodolao. Te po dodola silama, tama megi da nage pelama, tama Godibolo ofa nai magi pao.”

²⁵“Tama bidi me deligo nage po tş ilainogo ebaso da, tama te po tş yabo sogo dage si tşdu pidubadi, tama polo nago po duga si te po dola sao. Te sogo nago aga dali dodola sisşwani da, te po tş yabo bidigo nage te po tş dodolobo bidi jasgo nogoba muaibao, tama jasgo nage enesigi bidigo nogoba munama, tama enesigi bidigo nage kalabusiba muaibao. ²⁶Tama eno mu po dagebobo obao, nago te po tşde sali negeli wei tigidali masişbadi, teda nage kalabuside bidibo tagalogobeo,” Jisasgo te po wai.

We sabo kolesaga dolobo kolesagade po wai

²⁷Te Jisasgo te po wai, “Te Mosesgo dagego waj dabebolo polobadu ola mani po te po dagego odai dao. Agai te po wai, ‘Penani egio.’ ^{††28}Tiali goli megi eno po dagebobo obao: Te bidi me deligo agai te we me deli olo naga agai homude godolo ebo homu eyu, tama te we dali penani şe yabo homu eyu tonono eyu da, te bidi agai homude te bomo yai po bolama, tama agai homude te penani şe ebo tiwai yali dao. ²⁹Tama tibaso, nago dolo nogo badu elalubo gedugo nage te dwai şeşeba kegebaso da, teda nage hagaidali weyu nago te gedu gudama şayao. Tama nago tigi me badu te tiwai hagabaso, te dwai dao. Tiali goli nago tigi sese bidibadi tama nago dwai şe edubaso da, teda augwaligo nago tigi sese te dwai dene sabo madiba şawaibao. Te dwai mu dao. ³⁰Tama nago dolo nogogo me nage te dwai şe ilibaso da, teda nago te nogo togolama şayao. Tama nago tigi me badu te tiwai hagabaso, te dwai dao. Tiali goli nago tigi sese bidibadi tama nago dwai şe edubaso da, teda nago tigi tigidali te dwai dene sabo madiba paibao. Te dwai mu dao,” Jisasgo te po wai.

We tagalobo kolesaga (Mat 19:9; Mak 10:11-12; Luk 16:18)

³¹“Po me polobadu augwaligo te po wai dao: ‘Te bidi me deligo aga we tagalobaso da, agai te we tagalobo po page aşenama, tama te pepa te webolo mao.’ ^{‡32}Tiali goli megi eno dagebobo te po obao: bidigo aga sai we tagaliyu, tama te wego dwai penani şe me işabadi, teda te bidigo te wego te penani şe ilibao, te we gasa bidigo siyu da. Tama te tobage we sabo bidi me agai te penani şe tama ebao.”

Mu po da wabo kolesaga

³³Jisasgo te po wai, “Te Mosesgo dagego waj dabebolo polobadu ola mani po me te po dagego odai dao, agai te po wai, ‘Nago te Genuai Bidi Godibolo te eno te şe mu yaibao po weyu, tama nago te po daş olama, tama nosali nago te daş wali po togogio. Menio. Nago te po dolo wali peyu te şe yao,’ Mosesgo te po wai. ^{‡‡34}Tiali goli megi eno e po dagebobo obao:

† 5:21 Sai 20:13; Bom 5:17

†† 5:27 Sai 20:14; Bom 5:18 ‡ 5:31 Bom 24:1-4; Mat 19:7; Mak 10:4 ‡‡ 5:33 Prs 19:12; Nam 30:2; Bom 23:21

dagego te duga nosali yabo sęde po weyu, tama we bidi augwaligo te mu po dao homu emainogo dagego te po daų wabo po munu me wagio. Mu menio. Dagego po me deli daų waliyu, dagalu me nogi ila-muo. Magi basowe, dagalu da, te God dulalubo sia sai dao. ³⁵Tama dagego te tų nogi elama, te po me deli daų waligio. Magi basowe, tų te dwasianu sai te Godigo saęa mubo madigi dao. Tama dagego te moni hanu Jerusalemde te po me deli daų waliyu te nogi wagio. Magi basowe, te Jerusalem te genuai tuni bidigo moni tedali hanu dao. ³⁶Tama nago naga tobolu nogi elama te nago po wabo me deli te me daų waligio. Magi basowe, te nago tobolu nisi me te tedela yai me te sisi yai te pedalainogo ilibo te me nage usu egobeo. Te Godigo sę naga dao. ³⁷Tama dagego 'Awe' obaso da, teda 'Awe' naga waiyaęo. Me ma, dagego 'Menio' obaso da, teda 'Menio' naga waiyaęo. Teda usu yaibao. Tiali goli dagego duga wabo po mu daų omainogo te gasa po me obaso da, te po te dwai bidi Satan aga te po page bidi dao," Jisasgo te po wai.

Jisasgo te dwai sę wei ponobo kolesagade po wai
(Luk 6:29-30)

³⁸"Te Mosesgo dagego waį dabebolo polobadu ola mani po me te dagego odai dao, te po e dao, 'Te bidi me deligo nago gedu dolobaso da, teda nago agai gedu me dolao. Tama bidi me deli agai nago kele me deli togobaso da, teda nago aga kele me deli me tog-wao.' ^{†39}Tiali goli megi eno dagebolo obao, te bidi mego dwai sę dagebolo ebaso da, te dagego agabolo te sę ebo wei ponogio. Menio. Te bidi me deligo nage nabo gede me badu nogogo elebaso da, teda nago gasa me badu nabo ge me te begelao, agai tede ele-mainao. ⁴⁰Tama bidi mego nage dali po tų elama, tama nago holobo ugwa sainogo ebaso da, teda nago holobo ugwa te agabolo mao, te nago kedau sogo gudubo kol siot te me mao. ⁴¹Tama bidi me deligo bomonama nage dali nago agai walu te daį deli te digibulu gana sela pina obaso da, teda nago agai walu te daį deli wali tagalama tama nage aga dali te daį si ugwanu gana mu pao. ⁴²Tama bidi me deligo nage dali te nai me deli po hanalu obaso da, teda nago te nai aga mao. Tama bidi mego nage dali negeli sainogo homu ebaso da, teda nago te bidi aga tudiba munama tama nage gesabi gasaba gegi pigio. Agabolo te nai osogo mao," Jisasgo te po wai.

Jisasgo te boi bidi godolo ebo kolesaga po wai
(Luk 6:27-28, 32-36)

⁴³Jisasgo te po wai, "Te dagego odai, polobadu augwaligo te po wai dao, 'Nago naga abagi godolo eyu, tama nago naga boi bidi dali dwai homu yao.' ⁴⁴Tiali goli megi eno dagebolo obao, dagego duga boi bidi dali dwagi yai homu eyu tama godolo eyu yao. Tama bidi meba augwaligo dagebolo dene mobaso da, teda dagego gedu haluasa po Godibolo wao, te agai augwali dali dwagi yai sę emainogo. ⁴⁵Tama tiyu da, dage

† 5:38 Sai 21:24; Prs 24:20; Bom 19:21

te duga Aya dagalude bidibo bidigo wai puluba mu bidaibao. Agai te tobage dwagi yai sę naga eyu, tama agai sia nanobo te dwai sę ebo bidi dabeba me te dwagi yai sę ebo bidi dabeba dali si te sia nanobo ula ilibo dao. Tama te tulubage tulubo me te doloba pai bidi dabeba me, te doloba pesiawai bidi dabeba me te tulubage tuluyu ilibo dao. ⁴⁶Tama te bidi dabe augwaligo dage godolo ebo bidi dabe te augwali dali naga dagego dwagi yai homu elama godolo eyu da, te Godigo dagebolo dwagi yai nai magi baso mawaibawe? Te takis mone sabo bidi dabe augwaligo te tiwai sę ebo dao. Tiali goli dagego homu augwali dwai bidi dabe dao. ⁴⁷Tama dagego duga abagi dedebolo naga te siade da po weyu da, teda dagego te sęde te gasa bidi augwali aiyaba elaluaibawe? Te menio. Te Godigo po odosiawai we bidi augwaligo me te tiwai kolesaga ebo dao. ⁴⁸Tiali goli dage, te dage wiegi yai kolesaga dali bugagia doloba pai mu bidięo, te duga dagalude bidibo Aya aga bugagia doloba pai mu bidibo tiwai gilama yao," Jisasgo te po wai.

Jisasgo te we bidi tau sabo kolesaga te po wai

⁶ Te bulu du daide bididubadi, Jisasgo te po me wai, "Dage dua dao. Te we bidi dabe augwaligo dagego te wiegi wiegi yai kolesaga ebo sulama, tama augwaligo dagego nogi ugwaba somainogo te bidi dabe augwali gedude te duga wiegi yai kolesaga egimio. Te dagego tama kolesaga eyu da, te duga dagalude bidibo Aya agai te dage mawainogo sisi elama elalubo te wiegi yai nai te dagego me sogobeo." ²"Tama tibaso, dagego tama tiao. Nago te magi nai meni yai bidi tau siyu, te masigi madu gebo si, te nago polasa te bu wabo nai biugel bu wabo bidi bolo tagala paligio, te ugwadu homugo naga po wabo bidi dabego ebo tiwai egio. Te we bidigo augwali nogi ug-waba somainogo tama augwaligo te we bidi gesabidide te nai meni yai we bidibolo masigi mabo dao, te bomo yai po ola mabo bede me, te pabo tųde me te kolesaga augwaligo ebo dao. Eno mu po dage-bolo obao, augwaligo te tobage sę elama, tama we bidigo augwaligo nogi ugwaba sai goli, te tama dao, te Godigo te sę ebode augwalibolo wiegi yai nai mu me magobeo. ³Tiali goli nago te magi nai meni yai bidi dabe augwali tau sabo si, teda te sę geme yao, tama nago pobase nogogo te dolo nogogo ebo sę kone-abuo. ⁴Tama tiyu da, nago augwalibolo nai mabo sę te geme dulaluao. Tama nago Ayago te nago geme dulalubo sę dabe subo dao, tama agai te wiegi yai nai wei nagebolo ponaibao," Jisasgo te po wai.

Gedu haluasa po wabo kolesaga
(Luk 11:2-4)

⁵"Tama dagego gedu haluasa po wabo sogo, dagego te ugwadu homugo naga po wabo bidi dabe augwaligo ebo kolesaga tiwai egimio. Augwaligo te bomo yai po ola mabo be tomode dolaluyu, gedu haluasa po wabo godolo eyu, me te genuai pabo tų bagu badu me, te we bidi dabego augwali sulama,

tama augwali nogi ugwaba somainogo tiwai ebo dao. Eno mu po dagebolo obao, augwaligo te tobage sę elama, tama we bidigo augwaligo nogi ugwaba sai goli, te tama dao, te Godigo te sę ebode augwalibolo wiegi yai nai mu me magobeo. ⁶ Tiali goli nago gedu haluasa po wainogo da, te naga be tomode daj togali digi pelama, tama tų paliama, naga Ayaba gedu haluasa po geme te be tomode nagaduba wao. Tama naga Ayago te nago geme dulalubo sę dabe subo dao, te agai te wiegi yai nai wei nagebolo ponaibao," wali.

⁷ "Tama dagego gedu haluasa po wabo sogo, te olo po hauwa widu geyu, te Godigo po odosiawai bidi dabego wabo po tiwai egio. Augwaligo homu augwaligo po hauwa widu gebaso, te Godigo te po odama, tama agai augwalibolo te hanalu wali nai mawaibao. ⁸ Te dagego augwaligo ebo kolesaga wali pigio. Te sogo dagego duga Ayabolo po hanalu wasiqbadi, agai dage te tigidali nai habuge ebo te agai koneai dao.

⁹ Tama dagego gedu haluasa po e tama wao, 'Dago Aya, nage dagalude bidibo bidi, dago homugo nago nogi wiegi yai tedali mu bideibao. ¹⁰ Dago homugo te nago te we bidi mu tonalubo sogo daba asomainao. Tama te dagalude bidibo bidi augwaligo nago homu kolesaga wali pabo tiwai gilama, tama nago homu kolesaga e tđde bidibo we bidi augwaligo wali pao. ¹¹ Dago homugo nago megi e sogode usu nama te da tuabo nai mao.

¹² Tama dago homugo nago dago dwai sę yali sela sayao. Te bidi dabe augwaligo da dali dwai sę elama, tama dago augwaligo te dwai sę yali sela saşbo tiwai yali gilama tama nago dago sę sę sela sayao. ¹³ Te da te dwai sę yanama sinawainogo ebo sogo daba asidali weyu, nago te habu selao. Tama te dwai sę page bidi agai da dolidali weyu te nago da tau sao. [Tama nago te genuai bomo me ula, te genuai nogi me te nagede sesemane sogo bidada paibao. Mu dao, te tama tiwai pedalomainao,

te dago homugo dao.] Te tiwai eyu, gedu haluasa po wao," wali.

¹⁴ "Odişo. Te dagego gasa we bidi augwaligo dage dali dwai sę ebo sela sabaso da, teda duga Aya dagalude bidibo bidi agai te dagego dwai sę ebo me te sela saşwaibao. ¹⁵ Tiali goli, dagego te gasa we bidi augwaligo dage dali dwai sę ebo sela sasişbaso da, teda duga Aya agai me te dagego dwai sę te sela sagobeo," Jisasgo te po wai.

Tubo nai osogo gisilibo kolesaga po

¹⁶ "Te dagego Godibolo po wainu tama nai osogo gisilidu gebo si, teda dagego dwai gesabi siyu, te huliasabo te tiwai te ugwadu homugo naga po wabo bidi dabego nai osogo gisilama gesabi huliasabo tiwai egimio. Te menio. Augwaligo gesabi doloyu, huliasabo te we bidigo augwaligo nai gisilali sulama kone-mainogo ebo dao. Eno mu po dagebolo obao, augwaligo te tobage sę elama, tama we bidigo augwaligo nogi ugwaba sai goli, te tama dao, te Godigo te sę

ebode augwalibolo wiegi yai nai me magobeo. ¹⁷ Tiali goli dage da, te dagego God dali po wainu te nai osogo gisilidu gebo si, te dagego gesabi dologio, te dagego duga tobolude wel munama, tama dagego gesabi wę tela yao, ¹⁸ te we bidi augwaligo dagego tubo nai gisilibo koneidali weyu tama yao. Te duga Aya te bidigo gedugo susişbo bidi agai naga dagego ebo sę sueibao. Tama duga Ayago te geme dulalubo nai subo dao, agai dagebolo te wiegi yai nai wei ponaibao," Jisasgo te po wai.

Wiegi yai doado bage dagalude sisinibo kolesaga po

(Luk 12:33-34)

¹⁹ "Dagego duga wiegi yai doado bage e tđde sabogimio. E tđde dwai asibago me te yaba ilibo nai dabego te nai doloyu, me te nai wi sabo bidi dabego te be tomode munalubadi aselama, nai wi sabo dao. Tama tibaso, te nai e tđde sabogimio. ²⁰ Te menio. Te dagalude te dwai asiba dabego me te doloyu, te dwai yaba ebogo te nai me dologobeo, tama te nai wi sabo bidi dabego te be aluama te nai wi me sagasogobeo. Tama tibaso, dagego duga wiegi yai doado bage te dagaluba naga saboama muişo. ²¹ Te dagego wiegi yai doado bage elalubo bulu, te bulude naga dagego homu konea palaibao," Jisasgo te po wai.

Tigigo ula ebo po wai

(Luk 11:34-36)

²² "Gedu da, te tigde lam tiwai dao. Tama nago gedu wiegi yai elalubaso da, teda nago tigi me te tigidali te ula yaibao. ²³ Tiali goli nago gedu dwai yaibaso da, teda nago tigi me te tigidali be huliasabo. Tama nage tomode elalubo ula te be huliasabo tiwai yaibaso da, teda te huliasabo sali te genuai mu yaibao," Jisasgo te po wai.

Bidi deligo te genuai bidi side sę ebo usu egobeo

(Luk 16:13; 12:22-31)

²⁴ "Te bidi deligo genuai bidi sigo sę ebo usu egobeo. Agai me deli dali dwai homu eyu, tama me dali te agai wiegi yai homu yaibao. Te agai me deli wali peyu, tama agai gasa bidi me aga homude bo weyu, te tudiba muaibao. Te tiwai dagego te Godigo sę dali te mone sabo sę dali yainogo ebo te usu egobeo. Te dage te mone dali doado bage dali si sabo sę ebo homu dologode bidiyu da, teda dagego duga homu te Godigo sę ebode bugagia mugobeo," wali.

²⁵ "Tama tibaso, eno e po dagebolo obao, dagego duga bidibo ula tigi tau mabo naide homu hauwa eyu, te po wagimio, 'Da magi nai tugowe?' ma 'Da magi wę tueibawe?' Tama dagego duga tigi tau siyu gudabo ugwade homu hauwa elama te po olamuo, 'Da magi ugwa gudugowe?' Te bidabo ula elalubogo te tubo nai aiyaba elalubo dao. Me te tigi elalubogo te gudabo ugwa aiyaba elalubo dao. ²⁶ Dagego te ba dabe suo, te dagalude bola pobao. Augwaligo nai bulusişama, tama te nai sisinama te nai mubo beba me mubo meni goli, augwali nai te Godigo mabo dao. Tama tiyu, God agai

gedude te ba dabe augwali genuai nai meni yai goli, agai augwali bugagia tonalubo dao. Tama dage da, dage agai gedude genuai dao. Tama tibaso, agai dage me bugagia tonaluaibao. ²⁷ Mu tama dao, dage to-mode niwai bidigo moni homu ebogo te aga digi aga bidabo bubuga bobobage ma ilabo usu yaibawe? Te menio, usu me egobeo."

²⁸ "Tama magi baso dagego homu hauwa te tigide gudubo ugwade ebawe? Dagego te gide holobo plaua noswai suişo, te augwali da magi ilama pedalobo dawe? Augwali da te şe dene ebeo. Te augwaligo ugwa me nigibo menio. ²⁹ Tiali goli eno dagebolo obao, polobadu te tuni bidi Solomon agai tigidali au dobage muyu, aga wiegi wiegi yai gudubo ugwa guduai goli, agai tigide muani au dobage te noswai plauago augo aga aiyaba elaluai dao. ³⁰ Tama te gide megı elaluali noswai, tama do da te noswai augwaligo togolama, siaba şawaibao. Tama te tiwai olo noswai te Godigo au ilibo dao. Tama dage te konealubo po dwasianu naga daş wabo we bidi, dagego mu koneişo. Godigo dage me bugagia tonaluyu, te ugwa dabe dagebolo me mu mawaibao. ³¹ Tama tibaso, dagego homu hauwa eyu te po wagimio, 'Te da magi nai tugowe?' ma 'Da magi wę tugowe?' ma 'Dago gudubo ugwa dabe menade saibawe?' Te dagego tama moni homu egimio. ³² Menio. Te kolesaga tigidali te Godigo po odisaşo we bidigo wali pabo homu kolesaga dao. Tama duga Aya dagalu bidi agai dage te haniani nai habuge ebo si agai koneyu, tama agai dage tau saibao. ³³ Tama tibaso, te naide moni homu isişama, tama dagego hasia bolo te Godigo we bidi tonalubo şe dali, me te wiegi yai doloba pai kolesaga sabo şe bolo wali piduama sao. Dagego te tama kolesaga ebaso da, te nosali agai gasa nai dabe tigidali me dagebolo mawaibao. ³⁴ Tama tibaso, dagego do yabo şede homu hauwa mu egio. Te do pedalabo şeş te augwa digi do dodololaibao. Te deli sogo ebo şeş te sogo naga usu nama yaibao," Jisasgo te po wai.

We bidi osola subo kolesaga po

(Luk 6:37-38, 41-42)

7 "Te Godigo dage osola suidali weyu tama dagego gasa we bidi dabe augwali osola subo kolesaga ebo tagalişo. ² Te dagego gasa we bidigo ebo kolesaga osola sulama, tama augwali şeş mabo tiwai gilama tama God agai dagego ebo kolesaga me osola sulama, tama dagebolo şeş mawaibao. Dagego augwali usu sali usu nigo naga te Godigo dage me usu saibao. ³ Tama tibaso, magi baso nago naga amago gedude elalubo dwasianu pobebe bage suai, tiali goli naga naga gedude elalubo genuai pobebe bage te bę nami tiwai te nago magi baso subo meniwe? ⁴ Nago naga gedude te genuai bę nami tiwai elalubo pobebe bage sela sasişbadi, te nago magi baso naga amabolo te po weyu, 'Ama, nago gedude elalubo pobebe bage eno sela şawaio,' te po obawe? ⁵ Nage ugwadu homugo naga po wabo bidi, hasia bolo nago naga gedude te

bę nami tiwai elalubo pobebe bage guda şayao. Tama tiyu nosali te nago gedu bugagia wiegi yai ebaso, teda naga amago gedude elalubo pobebe bage sela şayu guda sabode nage usu yaibao," Jisasgo te po wai.

⁶ "Te dagego te wiegi yai tedali nai te yowi dabebolo magimio. Tama dagego duga wiegi wiegi yai au yabo bis tiwai nai dabe te kibu dabeba şagimio. Tiyu augwaligo te nai dabe şaşo agalama, tama augwali ma begeleyu, tama dage ma tuidali weyu tama egimio," Jisasgo te po wai.

Gedu haluasa po bomu ebo şe ebo bidi po

(Luk 11:9-13)

⁷ "Te dagego gedu haluasa po Godiba hanalu da, teda agai dagego te hanalubo nai te dageba mawaibao. Dagego te nai gegebo şe idu da, teda te nai dagego sueibao. Tama dagego be tuba eliyu bebegu wedu da, teda Godigo dagebolo te tų dalaibao. ⁸ Magi baso meni. Tigidali bidigo gedu haluasa po God dali hanalubo po wabo bidi dabe, augwaligo te nai saibao. Te nai gegebo şe ebo bidi, agai te nai sueibao. Tama te be tuba elibo bidi, teda Godigo te bidibolo tų dalobo dao. ⁹ Tama dage tomode bidi me deligo waigo aga ayabolo te tubo nai bret mao po obaso da, teda aga ayago te waibolo te masigi me deli sela mawaibawe? Menio. ¹⁰ Tama te nasi ebo waigo aga ayabolo te şuş mao po obadi da, teda aga ayago te waibolo te dwai hasamani me deli sela mawaibawe? Te me menio. ¹¹ Tama dage dwai bidi dabe bidibo digi, tama dagego te wiegi yai nai duga wai dabeba mabo koneyu da, teda dagego mu koneişo, te duga Aya dagalude bidibo bidi agai wiegi yai nai te agabolo gedu haluasa po wabo bidi dabebolo mu mawaibao. Tama agai te dwagi yai nai mabo kolesagago dagego mabo kolesaga aiyaba mu elaluaibao," wali.

¹² "Te dagego homugo te gasa we bidi dabe augwaligo dagebolo yabo dwagi yai kolesaga tiwai gilama tama dagego me augwali dali te tiwai dwagi yai kolesaga naga iyşo. Te Mosesgo polobadu aşani bomu yai po tigidali me, te Godigo po pusali profet bidi dabego pusali po tigidali me, te po tigidali te page deli naga elalubao, te eno megı tama wali po naga dao," Jisasgo te po wai.

Bidibo ula sabo tų dwasianu dao

(Luk 13:24)

¹³ "Te da we bidi pabo tų si elalubao. Tama te sunumi me deli te dwasianu dao. Tama gasa sunumi te genuai dao, tama tedu pelama tama te pabo tų da te pobebe bage meniama te noma yai dao. We bidi augwali te genuai tųdu pabo te hagela isişwai tų dao. Tama we bidi umabo te tųdu wali pabo dao. Tiali goli te genuai tų te dwai sia elalubo madigi haga yabo tųba pabo tų dao. Tama tibaso, dage te gasa dwasianu sunumidu pao. ¹⁴ Tama te dwasianu sunumi tomodu pelama, tama te dwasianu tųdu peyu, tama te bidibo ula elalubo madigi painogo te sinabo şe ebo dao. Tama

deli deli we bidigo naga te tų gegelama subo dao," Jisasgo te po wai.

Dagego te ili po ola mabo bage bugagia suao
(Luk 6:43-44; 13:25-27)

¹⁵ "Te tibo lotu po ola mabo po wabo bage augwali asidali weyu bugagia suao. Augwali dageba asobo si, te augwali kibu sipsip tiwai asaibao, te augwali dwai sę isąbo bage tiwai augwaligo dagede dwai sę yabo homu geme dualama, tama augwali dageba asaibao. Tiali goli, augwaligo homude dage mu dolabo homu kolesaga ebo dao, te dwai bulu yowi tiwai dao. ¹⁶ Tama augwaligo ebo dwai sę te dagego subo si da, te dagego augwaligo ebo homu kolesaga te kuna mu koneaibao. Te sesani yai bono te pusu ebo wain bono du dabe dali gelama walogobeo. Me te sesani yai bono elalubo digi te ni kaya du elalubaso te bidi dabego sabo dawę? Menio. ¹⁷ Tama te bugagia pua pai holai nigo aga dwagi yai du naga walobo dao. Me ma te ni bugagia holosiąwai haganawai nigo dwai du naga walobo dao. ¹⁸ Tama te bugagia pua pai holai nigo te dwai nedu du dabe walogobeo, te menio. Me ma, te bugagia holosiąwai haganawai nigo wiegi yai nedu du dabe me walobo menio, usu egobeo. ¹⁹ Tama te wiegi yai du walosiąwai ni te augwaligo gelama, tama siaba ulubo dao. ²⁰ Tama tibaso, dagego te tibo lotu po ola mabo po wabo bage te dagego augwaligo ebo sę subo si da, te augwali dagego kuna mu koneaibao," Jisasgo te po wai.

²¹ Te Jisas agai po me weyu, te po wai, "Te we bidi hauwa augwaligo enade bomonama te po wabo dao, 'Dago Genuai Bidi, dago Genuai Bidi,' te po augwaligo enade wabo dao. Tiali goli, augwali tigidali te Godigo we bidi tonalubo madi te dagalu tomoba pogobeo. Tigidali menio, meba we bidi naga tomoba paibao. Eno Aya aga bidibo madi dagalude bidibo dao. Tama niwai bidi agai eno Ayago homu wali pabo bidi, te bidi naga te Godigo we bidi tonalubo madi tomoba bidigi paibao. ²² Tama te genuai sogo asobo si, te we bidi hauwa augwaligo enabolo te po waibao, 'Genuai Bidi, Genuai Bidio, dago nago nogi weyu, dago Godigo po te we bidibolo pusai dao. Nago nogigo bomogo dago te dwai haubo te we bidide elaluali sela sęwai dao, dago te we bidi noma sabo bomai sę yai dao,' augwaligo te po waibao. ²³ Tama te sogo eno augwalibolo te po hanilama waibao, 'Eno dage munu me konebeo. Dage dwai sę ebo bage, dage piąo,' eno te po te sogo waibao," Jisasgo te po wai.

Be sę ebo kolesaga si po wai
(Luk 6:47-49)

²⁴ "Te niwai bidi agai eno e wabo po odama wali pabo bidi, teda te bidi me deli agai homu te wiegi yai tiwai elalubo bidi, tama agai be te masigi daide ugwadu sę yai dao, te be bugagia dąų omainogo yai. ²⁵ Tama tulubage tuluyu, tama wę bomo yai asiyu, tama bomo yai wali pedaliyu, tama te nai dabego te be degelainogo yai dao. Tiali goli te be aga degebeo. Magi basowe,

te be dąų mu walali te tų tomode genuai genuai masigiba dąų mu wai dao. ²⁶ Tiali goli bidigo eno e po wabo odama wali pisąwani bidi, aga te esela pabo bidi tiwai elama, tama agai be tų dąų wasiąma, te kemi tųde naga ugwadu sę yai dao. ²⁷ Tama tulubage tuluyu, te wę bomo yai asiyu, tama bomai wali pedaliyu, tama te nai dabego te be degelama, tama te be degelai dao. Te be dolama mu degai dao," Jisasgo te po wai.

²⁸ Jisasgo wali po silagasu te po wali, tama tibaso te genuai we bidi hani augwaligo te po odama, augwali te pode noma mu siyu bidai dao. ²⁹ Magi basowe, agai augwali ola mani po te augwaligo bomo yai po page koneai bidi dabego po wabo tiwai wabeo. Menio. Agai augwali po ola mani te po page bidi, bomo elalubo bidi bidiyu, te po augwalibolo ola mani.

Jisasgo te tigiwalide dwai gasi yai bidi me deli ma wiegi yai ilai

(Mak 1:40-44; Luk 5:12-16)

8 Te Jisas aga te bulu dude bidali tagalama, tama aba dulama, tama we bidi hauwa aga wali asai. ² Tama te tigiwalide dwai gasi yai bidi me deli aga Jisas pąba aselama, tama tųba kidu sugunama, tama agai te po wali, "Nogi elalubo bidi, te nago homugo usu dao wida, teda nago ena wiegi yai ma ilama, tama ena te meda meni yai tiwai ma bidaibao," te bidigo te po wai.

³ Te Jisasgo nogo te bidi tigiba munama, tama aga nogogo tigiba diąyu te po wali, "Ao, eno homugo nage gasi usu ilaibao. Tama nage wiegi yai pedalao, te meda meni yai bidi bidao." Tialima, megi naga tama agai tigiwali dolali gasi silama, tama te bidi aga tigi wiegi yai yai. ⁴ Tama Jisasgo te bidi aga dali te po wali, "Bugagia dua dao. Nago bidi me deli dali eno nagede yali sę po me wagio. Menio. Nage dolo pelama, tama nago tigi te pris bageba waseligi pelama, tama agai nago tigi osola sumainao. Tama tilama, tama polobadu Mosesgo wali po gilama Godibolo nai ofa yao. Tama tiyu te bidi dabego koneyu, te nago gasi silali, nage te meda meni yai bidi tiwai megi ma bidibao, te homu augwali-go yaibao," Jisasgo te po wai.

Jisasgo te Rom ami genuai bidigo sę ebo bidi gasi usu ma ilai

(Luk 7:1-10)

⁵⁻⁶ Jisas te Kaperneam hanu tomoba pobadi, tama te ami bidi hauwa 100 tonalubo genuai bidi aselama, agabolo bomo elama hanaluyu te po wali, "Nogi elalubo bidi, eno sę ebo bidi gasi yai bedę pila mubao. Agai nogo sęą dili tigidali bomo isai, tama aga dwai mu bidibao," te po wai.

⁷ Jisasgo te po wai "Te eno aga geseligi paibao," wali.

⁸ Tiali goli te ami genuai bidigo po wei ponoyu, aga dali te po wali, "Nogi elalubo bidi, ena wiegi yai bidi meni, tama tiyu nage eno be tomoba pogobeo. Nago pogo naga po olama, tama eno sę ebo bidi aga gasi usu ilao. ⁹ Ena me te ena genuai nogi elalubo bidigo tonaluyu bidibo dao. Tama eno digi te ena ami bidi

dabe te ena dologode augwali bidibo dao. Tama eno me delibolo te po weyu, 'Nage pao' obaso da, teda aga pabo dao. Tama eno gasa bidi me dali te po weyu, 'Nage asa' wali da, teda aga asobo dao. Tama eno ena şe ebo bidibolo te po weyu, 'Nago te şe yao' obaso, teda agai te şe ebo dao," te ami genuai bidigo te po wai.

¹⁰ Jisasgo te po odama, tama aga homu noma siyu, tama agai aga wali asobo we bidi dabebolo te po wali, "Eno mu po dagebolo obao, eno te Israel we bidi hanide te tobage konealubo po daş wai bidi tiwai me deli eno subeo. Menio. ¹¹ Eno dagebolo obao, te sia pedalobo badu me, te sia aiyaba dega sigi pabo badu me, te si badu te we bidi hauwa aselama, tama augwali te polobadu e tşde bidali bidi te Abraham me Aisak me Jekop te bidi dabe dali deliba dualama, tama dagalude te Godigo we bidi tonalubo madi tomode bidiyu moni nai tueibao. ¹² Tiali goli, Godigo hasia bolo te dwai tigi dene sabo buluba muabo sa muani we bidi augwali da, te augwaligo te bulu badu te be hulua sai dwai madigi sela şawaibao. Tede augwali dwai gela weyu, tama augwa kele ma halua tueibao."

¹³ Tama Jisasgo te ami genuai bidibolo te po wai, "Naga beba pao. Eno homugo nago konealubo po daş wai pode te şe nageba pedalaibao," wali. Tama Jisasgo te po wali sogo naga tama te ami genuai bidigo şe ebo bidi gasi usu ma yai dao.

Jisasgo Pitago we aga ida gasi usu ma ilai

(Mak 1:29-31; Luk 4:38-39)

¹⁴ Tama Jisas Pitago be tomoba pobadi, tama Pitago we aga ida gasi eyu pila mubo suai. Aga tigi posolo gasi yai. ¹⁵ Tialima Jisasgo aga nogogo te wego nogo dişyu, tama te gasigo aga tagalali. Tama aga hodaluama, tama Jisasgo nai sisi ebo şe ebo gagalali.

Jisasgo gasi yai we bidi hauwa wiegi yai ma ilai

(Mak 1:32-34; Luk 4:40-41)

¹⁶ Tama te sogo pio naga augwaligo te dwai haubo augwalide elalubo we bidi hauwa augwali odasa aselama, tama Jisas pageba pedalai. Tama agai pogo naga po obadi tama te dwai haubo noma bidi dabe sela şawai. Tama agai tigidali gasi yai bidi dabe wiegi yai ilai dao. ¹⁷ Tama tiyu, agai te po me deli te Godigo po pusali bidi profet Aisaiago pedauwalidu wali po te usu nanio. Agai te po polobadu wai, "Aga digi dago gasi sai, tama agai dago tigi dolobo şeşę tolasa pai dao." †

Jisas wali painogo ebo bidi

(Luk 9:57-60)

¹⁸ Jisasgo te genuai we bidi hanigo aga bagulubo sulama, tama agai te aga wali asobo bidi dabebolo te po wai, "Da te sigi aşı u badu sesege badu te gebadu pinao," te po wai. ¹⁹ Tama te Juda dabego bomo yai po ola mabo bidi me deli aselama, aga dali te po wali, "Po ola mabo bidi, ena nage pabo bulu tigidali te nage wali ena paibao," te po wai.

²⁰ Jisasgo te po agabolo wali, "Te uni yowi dabe da, augwali pibo dedage te tşde elalubao, tama te ba dabe da, te augwali me pibo be elalubo dao. Tiali goli Godigo Bidi Mu da, te aga tobolu munama piabo digi te bulu pesage menio," wali.

²¹ Tama Jisas aga wali pabo bidi me deligo agabolo te po wali, "Genuai Bidi, nago usu da po wai wida, teda ena pelama, te eno aya bolo pubuligi paibao, tama nosali ena nage wali ma asaibao," te po wali.

²² Tiali goli Jisasgo agabolo te po wali, "Nage da, ena wali asao. Te Godigo po odisaşo isai bidi tiwai bidi dabe augwa digi te isai bidi dabe pubalomainao," Jisasgo te po wai.

Jisasgo te genuai wali isilali

(Mak 4:36-41; Luk 8:22-25)

²³ Jisas te gebaba holobaso, tama aga wali pabo bidi dabe me augwali aga wali pai dao. ²⁴ Tama augwali te gebadu te sigi aşı daidu pobadi, te genuai wali mu polo tama hodaluama pedaliyu, tama te moni weş dini asobogo te geba haluainogo yai. Tiali goli Jisas aga da te gebade godege pila mudai dao. ²⁵ Tama augwaligo aga pila mubadi hodoligi pali, tama augwaligo te po wai, "Genuai Bidi, nago da tau sao. Da megi e gebade dolama isiebao," wali.

²⁶ Tama agai augwalibolo te po wali, "Magi baso dage wi ebawe? Dagego homugo enade konealu po daş wabo te dwasianu naga dao." Tama aga hodaluama, te wali dali te moni weş dini te sia sao po wai. Tama te wali yali sia siyu, tama te weş memenege dwasianu me ebeo. ²⁷ Tama augwali moni noma siyu, tama augwaligo te po wali, "E bidi da, aga te mena tiwai bidi weyu, tama te wali de te weş sigo agai po odali dawe?" augwa hasi te po hanalu wai dao.

Jisasgo bidi side dwai haubo noma bidi sela şawai

(Mak 5:1-17; Luk 8:26-39)

²⁸ Te Jisas te gebadu pelama, te sigi weş u badu sabo-lali, te Gadara bidi hanigo tşba pedelai. Tama te sigi weş tagalama, tama tşdu pobadi te dwai haubo bidigo daş wai bidi si te bidi si aga tişba asai. Te bidi si te dwai page elalubo madide bidama asai. Te bidi si te dwai uni yowi bidibo tiwai ebaso, tama te we bidi augwali te tşdu bilainogo ebo te usu me yai menio. ²⁹ Tialima, te bidi sigo bomonama i weyu, te po wai, "Nage Godigo Ogwa dao, nago magi şe da dali megi yainogowe? Te bodolu mani sogo me elalubadi digi, te nage eba asali te nago da dene mawainogo ebawe?" wali.

³⁰ Tama tede genuai kibu hani augwali te dwasianu digibulu gana nai tuyu bidaluai. ³¹ Tama te bidi si daş wabo te dwai haubo mobo bidi dabego Jisas dali bomonama i weyu, te po wali, "Nago da sela şayu da, teda nago da te kibu dabe tomoba tagala palao." Te po wai.

³² Tama agai augwalibolo te po wai, "Dage pao." Tialima, te bidi si daş olaluali te dwai haubogo te bidi si tagalama, tama augwali te kibu dabe tomoba pai. Tama te kibu hani dabe tigidali augwali bomonama

† 8:17 Ais 53:4

udulama, tama te dwai saoba pai. Tama augwali te sigi węba tulaluama, tama augwali te wę tulama, poma peyu isila pai dao. ³³ Tama te kibu tonaluali bidi dabe augwaligo te sę ebo sulama augwali wi pai. Augwali pelama, te hanuba sabolama, tama te po dabe tigidali pusai. Tama augwaligo te dwai haubogo daų wali bidi side ebo suali sę po pusai dao. ³⁴ Tialima te hanude bidali we bidi tigidali palima, Jisas tiąba pai. Tama augwaligo aga sulama, tama augwaligo po bomonama aga dali te po hanalu weyu, tama aga te tęde bidibo tagalama, tama aga gasa buluba pao, te po wai dao.

Jisasgo te nogo saęa dili isai bidi usu ma ilai
(Mak 2:1-12; Luk 5:17-26)

9 Te Jisas te geba me deliba holama, tama te sigi wę e badu ma aselama, tama aga buluba ma pedelai. ² Tama augwaligo gasi bidi me deli aga pageba tolasa asali, te bidigo saęa tigi dili tigidali mu isai, tama aga te gologobe wade pila muai. Tama augwaligo konealubo po agade daų wali sulama, tama agai te gasi bidibolo te po wai, "Ogwa, nago homu ma tegaluma bidao. Eno nago yali dwai sę sęęę sela saębao," Jisasgo te po wai.

³ Tialima te Juda dabego bomu yai po page koneai bidi meba augwaligo augwa digi homude po weyu, te po wali, "Te bidi agai te Godigo nogide posobo po obao," te po wai.

⁴ Tama Jisasgo augwaligo homude wabo po koneama, tama agai augwalibolo te po wali, "Magi baso dagego dwai homu eyu, te duga homude te dwai dwai po obawe?" ⁵ Eno po bomu elalubo dagebolo ola mawainu, te eno magi po wagowe? Eno e bidibolo te po naga wabo si, 'Nago dwai sę dabe sela saębao,' teda eno pogo bomu elalubo dagego hania konegobeo. Me ma, eno e bidibolo te po wabo si, 'Nage hodaluama, bilao,' tama aga hodaluama agai aga pibo somo selama bilibaso da, teda dagego eno pogo bomu elalubao waibao. ⁶ Ena da, te Godigo Bidi Mu da. Bidigo dwai sę sęęę e tęde sela saęo bomu eno elalubo, te dagego suiąo." Tama weyu, agai te saęa dili tigidali isai bidibolo te po wai, "Nage hodaluama, naga somo selama, tama naga beba pao," te po wai.

⁷ Tama te bidi aga hodaluama, tama aga beba pai dao. ⁸ Tama te hanude bidali we bidi augwaligo te tebo bomai sę sulama, tama augwali wi yai. Tama augwaligo Godigo nogi ugwaba sai. Magi baso meni, agai te tobage bomu yai sę yabo bomu te we bidibolo mawai dao.

Jisasgo Matyu i wai
(Mak 2:13-17; Luk 5:27-32)

⁹ Te Jisas te bulu tagalama, tama aga pobadi agai bidi me deli te nai sela asobo we bidide takis mone sabo bede dulalubo suali, te bidi nogi Matyu da. Tama Jisasgo agabolo te po wali, "Nage ena wali asao." Tama aga hodaluama, sisi elama, tama aga wali pai.

¹⁰ Tama Jisas te be me delide dulaluyu nai tubadi, tama te we bidide takis mone sabo bidi dabe me, te Ju-

da dabego bomu yai po bugagia wali pesiųwai bidi dabe me, augwali hauwa asai. Tama augwali Jisas me aga wali pabo bidi dabe dali dulaluyu nai hodobo tuai. ¹¹ Tama te Farisi hani bidi dabe meba augwaligo sulama, tama augwaligo aga dali wali pabo bidi dabebolo te po wali, "Magi baso duga po ola mabo bidi agai te takis sabo bidi dabe dali, me te dwai sęęę sai bidi dabe dali hodobo nai tubo dawew?" te po wai.

¹² Jisasgo te po wabo odoyu, tama agai te po wali, "Te gasi meni yai bidi dabe augwali te haus sikba dokta bidibo digi pabo menio. Menio. Te gasi yai bidi dabe naga te haus sikba pelama, te doktago munamuna mabo dao. ¹³ Tama dage pao, te Godigo po bukude aşani po me deli nedama, tama te po page bugagia koneiąo. Te po e dao: 'Dagego te hasa elama tama enabolo olo mabo kolesaga, te tobage tebo ofa sę eno godolo menio. Te dagego gasa we bidide homu dene eyu tau sabo kolesaga te eno godolo ebo dao,' te po aşani. Tama ena asali, eno te we bidi augwa digi augwa homugo da doloba pai we bidi dao wabo we bidi i wainogo asobeo. Menio. Ena asali te eno dwai sęęę sai bidi dabe i wainogo asai dao," Jisasgo te po wai. †

Nai osogo gisilibo kolesaga po
(Mak 2:18-22; Luk 5:33-39)

¹⁴ Tama te sogo te we bidi baptais mabo bidi Jon aga wali pabo bidi dabe augwali Jisas bidibo digi aselama, te po wali, "Te da me, te Farisi hani bidi dabe dali dago te nai osogo gisilibo dao. Tiali goli nage wali pabo bidi dabe augwali magi baso nai gisilibo meniwe?" te po hanalu wai.

¹⁵ Tama Jisasgo te po digi begelai po me deli augwalibolo weyu te po wai, "Te gesi we tamadi sai bidi te aga abagi dabe dali bidibaso da, teda augwali homu te sogo homu sęęę elaluaibawe? Menio. Tiali goli nosali te we sai bidi augwaligo selama, gasaba pabo sogo da, tama aga abagi dabe dali me bidigobeo. Tama te sogo augwali homu sęęę eyu nai osogo gisilaibao," wali.

¹⁶ "Tama te bidi mego te gesi ugwa pedai selama, te poloba gudubo ugwa peda pali te me hobolobo menio. Ma agai tama tiyu da, teda te gudubo ugwa dedage hobolali te ugwa ma peda peyu, tama dedage genuai ma ebo dao. ¹⁷ Tama me, te bidi mego te gesi wain aį te poloba kibu meme waligo nigai botol tomoba mubo menio. Ma agai tama tiyu da, teda nosali te wain wę du paęana pelama, tama te meme wali botol peda peyu, tama te wain wę tęba olo gea peyu, tama te meme wali me doyu hagawaibao. Tama tibaso augwaligo te gesi wain wę te gesi meme wali botolde buliyu, tama te si dali si te bugagia munalubo dao," Jisasgo augwalibolo te po wai.

Jisasgo te genuai tobolu bidigo wegi ma hodoliyu, te agai ugwa dią yagasali we me usu ilali po
(Mak 5:21-43; Luk 8:40-56)

¹⁸ Te Jisasgo te Jon wali pabo bidi dabebolo te po odubadi yaide, tama te Juda hani genuai tobolu bidi

† 9:13 Hos 6:6; Mat 12:7

me deli aselama, aga pageba kidu sugunagasu agai te po wai, "Te eno wegı megi tama isalio. Tiali goli nage eno beba aselama, tama nago nogo aga tigıba muagasiyu, tama eno wegı ma bidaıbaı." Te Juda hani genuai bidigo te po wai dao.

¹⁹ Tama te po obaso, Jisas hodaluama, tama Jisas dali aga wali pabo bidi dabe me aga dali hodobo peyu, te bidi wali pai.

²⁰⁻²¹ Tama augwali pobadi yaide, we me deli augwali wali asai. Tama te we aga moni kaneme pidubadi, kibu be 12 kibu be bidai. Te we Jisas aga pabo wali asiyu, tama aga homude te wego te po wali, 'Te eno agai ugwa sabı badu nogogo diayı da, teda ena usu yaıbaı,' te wego te homu yai. Tama te homu elama, te we Jisas tudı badu pelama, tama agai ugwa sabı badu nogogo diayı.

²² Te Jisas begelama, te we sualı. Agai te webolo te po wai, "Eno wegı, nago homu te tegaluama bidao. Nago konealubo po enade daıı waıbaso, nago tigi ma usu ilalı." Tama Jisasgo te po obadi yaide, polo tama te we dwagi yai ma yalı.

²³ Tama Jisas ma pelama, te Juda hani genuai bidigo beba sabolama, tama Jisas te be tomoba pai. Te be tomode agai te diligide ona elebo bage sualı, te we bidi augwaligo moni gela weyu, genuai kiligili wabo agai odalı. ²⁴ Tama te sulama, Jisasgo augwalibolo te po wai, "Dage we bidi tigidalı buluba piıı. Te wegı isıbe dao, aga olo pıla mubao." Tama Jisasgo te po obaso, te bede bidalı we bidi aga dwai gısugu mawai. ²⁵ Tama te we bidi augwaligo te bedu buluba gudulama, tama te wegı tigi munalubo be daıı togalı tomoba pelama, tama Jisasgo nogogo te wegıgo nogo tubaso, tama te wegı ma hodalualı. ²⁶ Tama Jisasgo te seı yalı po polo odada pelama, tama te genuai tıde bidalı we bidi tigidalı augwaligo te po polo odalı.

Jisasgo te gedu widai bidi si usu iliyu, te pedauwali panıa sai bidi deli me usu ilalı po

²⁷ Te Jisasgo te be tagalama pai. Tama aga pobadi te gedu widai bidi si aga wali asiyu, i olama po weyu, te po wai, "Nage Devitgo Ogwa dao, tama nago da si homu dene eyu tau sao." Te po wai.

²⁸ Tama aga pelama, be tomoba bidigi pali, tama te gedu widai bidi si agaba asalı. Tama Jisasgo augwali sibolo te po wai, "Dage sigo duga homu tigidalı enaba munama, tama eno te dage si tau sabo usu ebo te homu dagego ebawe?" Tama te bidi sigo agabolo te po wali, "Awe, Genuai Bidi." ²⁹ Tama agai te bidi si geduba nogo muyu te po wai, "Dage sigo konealubo po enade daıı wai. Tama tialigo da, te tiwai seı megi dage sıba pedalomainao, te eno homugo." ³⁰ Tama te bidi sigo gedu widai elalualı te ma pedai. Tama Jisasgo bomonama te augwali sigo te yalı seı po hogwa somainogo te po wai, "Te bidi me deligo te seı yalı po koneidalı weyu wagimio." ³¹ Tiali goli agai te po wali digi te bidi si Jisas bidıbo digi tagalama, tama buluba soyu, tama Jisasgo te bomai seı ebo po te genuai tıde bidıbo we bidi tigidalı pusalı.

³² Te bidi si Jisas tagalama painogo ebadi, tama gasa bidi dabe augwaligo bidi me deli te pedauwali panıa sai bidi te dwai haubo mobo elalubo bidi sela aselama, tama Jisas pageba sela asai. ³³ Tialima, Jisasgo te bidıde elalubo dwai haubo mobo te sela şanama, tama polo te pedauwali panıa sai bidi aga po wabo gagalalı. Tama te tıde bidalı we bidi augwali noma selama, tama te po wai, "Polobadu te tiwai megi yalı bomai seı te Israel tıde munu me pedalı menio," te po wai.

³⁴ Tiali goli te Farisi hani dabe augwaligo te po wai, "Agai te dwai haubo mobo sela şabo seı ebo te dwai haubo mobo tobolu bidi dabego bomode te dwai haubo mobo te sela şabo dao," te po wai.

Jisasgo te we bidi augwali homu dene yalı po

³⁵ Te Jisas te genuai hanuba me te dwasianu buluba me biligi pidualı. Agai te we bidi augwali te augwa bomoyı po ola mabo be tomode te agai aga po ola mani. Agai te Godigo we bidi tonalubo seıde dwagi yai gesi po pusalı, tama agai augwali tıgıde elalubo hanıanı gası tıgidalı usu ma ilalı dao, te tigi bomoyı menı yalı gası me silama, te we bidi dwagi yalı ma ilalı dao.

³⁶ Tama bilidubadi, agai te genuai we bidi hani augwali sulama, tama agai homu dene augwalıde genuai mu yalı. Magı basowe, augwaligo homu dolo elalusııwıbaso, tama augwaligo augwa digi tau sabo usu isııwıbidıbo sualı. Augwali dwai mu bidıyu, te kibu sipsip dabe augwa aya menı yalı tiwai bidai. ¹³⁷ Tama agai aga wali pabo bidi dabebolo te po wali, "Te nai hauwa mu te gıde tau yalı elalubao, tiali goli te tau yalı nai sabo seı ebo bidi hauwa menio." ³⁸ Tama tibaso, dagego te gi aga ayabolo gedu haluasa po waiııı, tama agai aga seı bidi tagala palama, te gıde elalubo nai sisinigi poemainogo wao," Jisasgo te po wai.

Jisasgo wali pabo bidi nogo si olama şaııııo si te agai seıba tagala palalı po
(Mak 3:13-19; Luk 6:12-16)

10 Te Jisasgo aga wali pabo bidi dabe nogo si olama şaıııı badu si bidi asa olama i wali, tama agai augwalıboloyı bomoyı mani, te dwai haubo mobo bidi dabe sela şamainogo, tama te we bidi tıgidalı te hanıanı gası me, te tigi bomoyı menı yalı gası me usu ilımainogoyı dao. ² Te 12 bidi nogı te e dao: hasia bidi aga nogı Saimon, te aga gasa nogı Pita, tama me aga ama nogı Andru dali. Tama Jems me aga ama Jon dali, augwali si te Sebedigo ogwa si dao. ³ Tama Filip me Bartolomyu dali. Me Tomas, me Matyu, te takis mone polobadu sai bidi. Me Jems, te Alfiusgo ogwa, me Tadius dao. ⁴ Tama gasa Saimon te Selot hani bidi, augwaligo te Rom gavman bidi dabe sela şabo homu yalı bage dao. Tama Judas te Kerıot bulu bidi, te Jisas boı bidi augwali nogoba nosalı muanı bidi dao.

† 9:36 Nam 27:17; 1 Kin 22:17; 2 Sto 18:16; Ese 34:5; Sek 10:2; Mak 6:34

Jisasgo te 12 bidibolo te po sela pabo şe mani po

(Mak 6:7-13; Luk 9:1-6)

⁵ Te Jisasgo te 12 bidi şeba tagala palali, tama agai po augwalibolo ola mayu, te po wai, "Dage te Israel hani isişwai bidi dabeba me pelamuo. Tama dage te Samaria dabego genuai hanu tomoba me pigimio. Menio. ⁶ Dage te Israel hani we bidiba naga pao, te augwali te hagawai kibu sipsip tiwai dao. ⁷ Dage pelama, te dagego e tiwai po wao, 'Te dagalude bidibo God agai we bidi tonalubo şe yabo sogo paşa yagasai dao, megi e dao,' te po waişo. ⁸ Dagego te gasi we bidi dabe augwali usu iligi pao, tama isai bidi dabe ma hodoliyu, tama oiyabe gasi sai bidi dabe wiegi yai me-da isişwai ma iliyu, tama dwai haubo mobo sela şayu yao. Tama dage te şe yabo bomo te dagego olo sali, tama monego abelai menio. Tama tibaso, dagego te we bidi te bomogo olo tau sao, tama dagego augwalide mone sigio. ⁹ Tama dagego te nai abelabo nai gol me, te mone ge silva me, te kapa mone me te dagego mouwadagede sabiligio. ¹⁰ Tama dage bilibo sogo dagego te wa sabiligio, ma te holobo ugwa si me te şaşa nadoba olo si me, te bilibo dono olo si me to-lasa biligio. Menio. Te dagego tau sabo we bidi augwaligo dagebolo te tobage tigi tau sabo nai mo-mainao." wali.

¹¹ "Tama dage si si te hanu me deliba ma te dwasianu bulu tomoba me pobaso da, teda dagego bugagia sulama koneyu, mena bidi aga te bulude wiegi yai ma te doloba pai bidibo weyu suo. Tama te tiwai bidigo bede dage bidao, tama tede bididubadi te dage te gasa buluba pabo sogode te usu yaibao. ¹² Tama dage te be tomoba pobadi, dagego te bede bidibo we bidi augwalibolo dwagi yai homu eyu te po wao, 'Te dago homugo te wiegi yai sogo mu dageba asomainao.' ¹³ Tama dagego te po olama, tama te be-de bidibo we bidigo dage dali homu eyu usu da po obaso da, teda dagego wiegi yai po augwali dali bidimainao. Ma, augwaligo dagebolo wiegi yai homu me isaşbaso da, teda te wiegi yai pogo augwali tau sisişma te po dagebolo ma asaibao. ¹⁴ Tama bidi me deligo beba dage me sela pişma, tama dagego po me odisaşbaso da, teda te be dali te hanu si tagalama, tama dagego duga şaşade pu elalubo pobebe bage sela şayo, te augwaligo konemainogo te Godigo me augwali tagalai.yabo te homu emainogo yao. ¹⁵ Eno mu po dagebolo obao, te tigidali we bidi po tuş ebo bodolu muani sogo, te dagego po odobo hagela yai we bidi augwaligo sabo şeşe te genuai mu saibao, te şeşe te hanu si Sodom me Gomora side polobadu bidali dwai dwai kolesaga yali we bidigo sabo şeşe aiyaba elaluaibao," Jisasgo te po wai. ^{††}

Haniani şeşe pedalabo po

(Mak 13:9-13; Luk 21:12-17)

¹⁶ "Odao, eno dage te sipsip tiwai te uni yowi augwali tomoba tagala palobao. Tama tibaso dagego te

† 10:14 Tpi 13:51 †† 10:15 Gag 19:24-26; Mat 11:24

hasamanigo ebo kolesaga tiwai wali peyu, tama hasia bolo dagego yabo şe bolo homugo kone palao. Tama dagego te ba higo ebo nagamea pai kolesaga tiwai wali peyu, tama dwai şe me deli yabo homu kolesaga egimio. ¹⁷ Tama dage te dwai kolesaga ebo bidi dabede dua dao. Te augwaligo dage augwa kaunsil bidi dabede po tuş ilainogo sela peyu, tama augwaligo dage te bomo yai po ola mabo be tomode te keloago elaibao. ¹⁸ Te dagego ena wali pobaso, dage augwaligo te gavman bidi dabebolo me te genuai tuni bidiba me selasa paibao, te po tuş tede ilimainogo yaibao. Tama dagego augwali dali me, te Israel hani isişwai bidi dabe dali augwalibolo eno gesi wiegi yai po pusao. ¹⁹ Tama augwaligo dage po tuşba odasa pabode, tama dage wi elama te homu egimio, 'Dago po mena tama wagowe? Tama dago magi po wei ponogowe?' te homu egimio. Menio. Te sogo naga digi te Godigo dagego pusabo po ola mawaibao. ²⁰ Te duga digi naga te po pusugobeo. Menio. Te duga Ayago Mobo Bidigo, agai te po dagego pedauwalide ola mobaso, dagego te po waibao." wali.

²¹ "Tama bidi mego aga ama te boi bidigo nogoba munama, tama augwaligo aga ela muaibao. Tama aya-ago aga ogwa dali tama naga tiaibao. Tama ogwa wegi dabe augwaligo augwa aya ida si dali boi bidi homu elama, tama augwali ela mumainogo te gasa bidi dabego nogoba muaibao. ²² Tama tigidali we bidigo dwai homu mu dage dali yaibao. Magi basowe, dage eno hani bidi mu bidibaso tiaibao. Tiali goli, te bodolu muani sogo tonaluyu bomonama bidibo bidi, teda te bidi aga te Godigo ma dobola siyu, tama te dwagi yai madiba muaibao. ²³ Tama augwaligo dage te hanu me delide dene mobaso da, teda dage wi peyu, gasa hanuba pao. Eno mu po dagebolo obao, te tigidali Israel hanude te dagego şe ebo silişabadi yaide, tama te Godigo Bidi Mu aga ma asaibao." wali.

²⁴ "Augwaligo ena dali yali dwai kolesaga, te kolesaga naga augwaligo dage dali me yaibao. Te skul ogomani agai aga po ola mabo tisa bidi te aiyaba me elalugobeo, tama te şe ebo bidi te aga ugwadu elaluyu te şe tonalubo bidi aga aiyaba elalugobeo. ²⁵ Tama te skul ogomanigo te aga tisago ebo kolesaga tiwai ebo usu ebaso da, te usu dao. Tama te şe ebo bidigo aga tonalubo bidigo kolesaga tiwai ebo usu ebo si da, teda te me usu dao. Te augwaligo te nogi posobo po weyu, 'Nage te dwai haubo bidigo tobolu bidi Belsebul dao' po te hani tobolu bidibolo obaso da, teda dago koneao, te augwaligo dwai dwai nogi weyu posobo po wabo te aga dali bede bidibo bagebolo mu waibao," Jisasgo te po wai.

Bidigo Godide naga wi yao po

(Luk 12:2-7)

²⁶ "Te bidi dabe augwaligo dage dali te tobage şe nosali yaibao, te dagego konebaso, tama dagego te dwai şe ebo bidi dabe augwalide wi egimio. Te tigidali geme halualuali nai te bulu ulaba hania pedelaibao. Tama tigidali te geme dualaluali po te we bidigo hania koneaibao. ²⁷ Tama te hulide eno dagebolo ola mabo

po, te po dagego te giligade we bidibolo pusao. Tama dagego te olode duadigi odali po, te dagego te be dai-ba holama, te po augwalibolo pusao. ²⁸ Dagego tigi naga ela mubo bidi dabe te dage wi egio. Augwaligo dagego po wabo mobo noma bidi te dali me ela mu-gobeo. Menio. Te Godigo dagego tigi me noma bidi dali te genuai dene sabo te siade mu dolobo bomo elalubaso, te dage agade naga wi yao. ²⁹ Te we bidi augwaligo dwasianu bu ba tiwai si te mone ge deligo naga abelebo dao. Te ba dabe augwali dwasianunu olo nai dao. Tiali goli duga Aya God agai te tiwai ba bugagia tonalubo dao. Tama tonalubadi, te tiwai dwasianu ba me deli olo isigobeo, te Godigo bodolu mani isabo sogo naga te isaibao. ³⁰ Tama dage da, te Godigo dage bugagia tonaluyu, te dagego tobolude elalubo tobolu nisi tigidali deli deli agai neda silai dao. ³¹ Tama tibaso, dage wi me egio. Agai gedude te dage te bu ba dabe aiyaba mu elalualigo da, teda agai dage mu tau saibao," Jisasgo te po wai.

Jisasgo nogi hogwa sabo kolesaga ebo po

(Luk 12:8-9)

³² "Niwai bidigo eno nogi te we bidi augwali gedude pusuyu, 'Te ena Jisas wali pabo bidi dao' wabo bidi, te eno te bidi agai nogi me te eno Aya dagalude bidibo bidi gedude pusaibao. ³³ Tiali goli mena bidi agai te we bidi augwali gedude ena nogi tudiba mubo bidi, te eno me eno Aya dagalude bidibo bidi gedude aga nogi tudiba muaibao." Jisasgo te po wai.

Jisas aselama, we bidi dagalagasali po

(Luk 12:51-53; 14:26-27)

³⁴ "Dagego homugo ena asali te e tõe wabi hwjbo tigidali isilainogo asali homu dagego egio. Ena asali eno te hwjbo isilainu asobeo. Menio. Eno te bobobage ge hwq selasa asai tiwai dao, te we bidi dagalaibao. ³⁵ Te deli hani augwa hasi boi bidi ebo kolesaga pedelainogo te ena asali. Tama bidigo aga aya dali boi bidi eyu, tama wegigo me aga ida dali boi bidi yaibao, tama we aga bidigo ida dali me boi bidi yaibao. ³⁶ Tama bidi me deli aga bede bidibo we bidi dabe, te aga hani we bidi, augwali te bidi dali boi bidi eyu bidaibao. ³⁷ Tama niwai bidi agai aga aya me ida naga mu godolo eyu tama ena kuna godolo me isaşwani da, te bidi aga eno abagi bidigobeo, te usu menio. Tama bidi mego aga ogwa ma wegi naga godolo eyu, tama ena kuna godolo me isaşbo bidi, te aga eno abagi bidigobeo dao. ³⁸ Tama bidi aga ena wali peyu, tama gasa bidi dabe augwaligo agabolo dene me seşę dali mayu, tama te aga isilabo ni pedai tiwai dao. Tama agai te ni pedai selama, ena wali asisaşwani da, teda te bidi aga eno abagi bidigobeo. ³⁹ Tama niwai bidi aga tigi me aga tõe bidibo ula dali naga bugagia tonaluyu bidibo bidi, te bidi aga nosali wiegi yai mu bidabo ula hagawai bidi pedelaibao. Me ma, bidi aga tigi me aga tõe bidibo ula dali agai eno seba munama tama aga isiyu da, teda te bidi te nosali wiegi yai bidabo ula mu saibao, te bidada paibao," Jisasgo te po wai.

Bidigo wiegi yai nai sabo po

(Mak 9:41)

⁴⁰ "Bidigo dagego eno seş ebo sulama, tama wiegi yai kolesaga dagebolo ebaso da, teda agai te tiwai kolesaga dagebolo naga ebo meni, te ena dali me ebaso. Tama bidigo wiegi yai kolesaga ena dali ebo bidi, agai te God dali me te wiegi yai kolesaga ebaso, te agai ena tagala palobaso ena asai dao. ⁴¹ Bidi mego te homu eyu, 'Eno te Godigo po pusubo bidi profet bidi tau sabo' homu elama, tama te profet bidi sela pelama, aga bede te bidi bugagia nai gesebo dao, te bidi agai te profetgo nosali sabo wiegi yai nai me badu agai buga selama saibao. Tama bidigo homugo 'Te bidi doloba pai bidi bidibaso, eno aga tau saibao' homu eyu, tama te doloba pai bidi aga beba sela pelama, nai mayu bugagia gesebaso da, teda te Godigo te doloba pai bidibolo nosali maiabo nai me badu te bidi agai buga selama saibao. ⁴² Tama bidigo te ena wali pabo olo nogi meni yai bidi me deli aşı nogone ebo sulama, tama aga tau siyu. tama te kedau wai weş naga mabo bidi da, teda eno mu po dagebolo obao, Godigo te bidibolo te wiegi yai nai mu mawaibao, te nai te munu me hagagobeo," wali.

Jongo aga wali pabo bidi Jisas bidibo digi tagala palali po

(Luk 7:18-35)

11 Te bidi Jisas aga wali pabo bidi nogo si olama saşq badu si bidi dabebolo te seş ebo po mawai. Te po silibode teda agai te bulu tagalama, te tõe badu elalubo genuai hanu dabeba pelama, tama te we bidi augwalibolo agai po ola mayu, tama Godigo po pusai dao.

² Tama Jon te we bidi baptais mani bidi, te bidi aga te kalabuside bidibadi tama te sa muyu asaiba wali bidi Kraisgo te tigidali seş ebo po odai. Tama tibaso, Jongo aga wali pabo bidi dabe meba te Jisas bidiboba tagala palai dao. ³ Tama augwaligo agabolo te po hanalu wagasai, "Nage da, nage te sa muyu asaibao wali te bidi dawe, ma dago gasa bidi asobo tonaluaibawe?" augwaligo te po hanalu wali.

⁴ Te po obaso, Jisasgo augwalibolo te wei ponoyu, te po wai, "Dage pelama, Jonbolo te tigidali seş dagego odali po me, te suali seş me, te po tigidali agabolo wagi pao. ⁵ Dagego e subao, te gedu widai bidi dabe augwali gedu usu ma iliyu, te saşq dwai bidi dabe augwali bugagia ma bilibo dao. Te oiyabe yai bidi dabe augwali tigi wiegi yai pedaliyu, tama olo degai bidigo po ma odobo dao. Te isai bidi dabe augwali ma hodoliyu, tama te magi nai meni yai bidi dabe augwaligo te Godigo wiegi yai gesi po odobo dao. ⁶ Tama bidi enade homu si isaşma tama ena aga tudiba musiaşbo bidi, te bidi aga wiegi yai homu pemene yao," Jisasgo te po wai.

⁷ Tama Jon wali pabo bidi dabe augwaligo te po odama, tama geasa ma pobadi yaide, tama Jisasgo te

we bidi augwalibolo te bidi Jonde po wai, "Polobadu dage te bidi meni yai buluba pali, te bidi Jon dagego sugi pali, te dagego magi nai sugi paliwe? Ma, dagego te awi dili me deli te waligo memenege ilibaso sugi paliwe? Menio. ⁸ Dagego magi nai sugi pai dawewe? Ma, dagego te bidi me deligo te wiegi wiegi yai ugwa tigide muai yaibaso sugi paliwe? Menio. Te wiegi wiegi yai ugwa muai bidi dabe augwaligo te tuni bidigo wiegi yai bede naga bidibo dao. ⁹ Tiali goli, dage magi baso pai dawewe? Ma, te Godigo po pusubo profet bidi me deli sugi pai dawewe? Awe, eno dagebolo obao, e Godigo po pusubo profet bidigo da, agai te gasa te Godigo po pusali profet bidi dabe te tigidali aiyaba elualio. ¹⁰ Te Jon agade te gasa profet bidigo Godigo wali po polobadu aseai dao,

'Suao, te eno po pusabo bidi tagala palobaso, tama aga nage asabo digi polasa paibao. Agai nago tu sisi iligi paibao.' †

¹¹ Eno mu po dagebolo obao, Jon te we bidi baptais mani bidi agai te tode pedelali tigidali bidi aiyaba elalui dao. Tiali goli te Godigo we bidi tonalubo madide bidibo nogi meni yai olo bidi, te bidigo Jon aiyaba elalubao. ¹² Tama te baptais mani bidi Jon agai aga se ebo gagalali sogo daj elama, tama aga se edubadi megasama, te Godigo we bidi tonalubo se te bomonama tama paba yagasai dao, tama te sesena pai bomai bidi dabe augwali tola sainogo ebo dao. ¹³ Tama te Jon aga pedalisabadi te Godigo po pusali bidi profet bidi dabe me, te bomo yai po me, te augwali tigidaligo te nosali yabo se po pusai dao. Tama nosali Jon agai po pusagasali. ¹⁴ Tama dagego odai wida, teda te po odao: te polobadu bidali profet bidi dabe augwaligo te genuai profet bidi Elaija ma asaibao po wai dao. Tama Jon da, Jon aga te bidi Elaija dao po wali. ¹⁵ Tama te olo elalubo bidigo agai te po odao," wali.

¹⁶ "Te eno te megidibo we bidi augwali magi nai tiwai dao wagowe? Augwali te wai puluba tiwai dabe te maket bulu tomode bidaluyu, tama gagali eyu, tama augwaligo te gasa wai puluba dabebolo i bomonama weyu, te po obao, ¹⁷ 'Dago dage ona sulubadi, tiali goli dagego teabi ebo hagela ebao. Dago homu dene ebo teabi obadi, tiali goli dagego gela wabo hagela ebo dao.' ¹⁸ Tama tiwai, te Jon asali, tama agai te nai osogo gisiliyu, te bomai wain we me tuai menio. Tama tibaso augwaligo agade te po wai, 'Te dwai haubo mobo bidi agade bidibao,' te po wai dao. ¹⁹ Me ma, te Godigo Bidi Mu asali, tama agai nai dali aj dali tuyu yai, tama augwaligo agade te po wai, 'Suao, aga te nai hauwa mu tubo bidi, tama agai te bomai wain we me hauwa mu tubo dao. Aga te takis mone sabo dwai bidi dabe dali te sege sai bidi dabego kisasa bidibo abagi dao,' te po wai dao. Tiali goli te God aga mu konebo homu kolesaga ebo po te we bidigo odama, tama te kolesagago yali se nosali subaso da, teda augwaligo koneaibao, te homu kolesaga mu dao," Jisasgo te po wai.

Te bulu meba bage augwali homu bebelebo

(Luk 10:13-15)

²⁰ Te Galili tode Jisasgo te hanu mebade te bomai se hauwa mu yali goli, te hanude bidibo hani augwaligo augwa dwai kolesaga yalide ge neyu, homu begelama dwai kolesaga yali tagalasiabaso, te Jisasgo augwali sesanobo po weyu te po wali, ²¹ "Auo, dage Korasin dabe, homu deneo, te dwai dwai sogo dageba pedelaibao. Dage Betsaida hani bage me, homu deneo, te dwai dwai sogo dageba pedelaibao. Tama bidi me deligo bomai se te hanu si nogi Tair dali Saidon te hanu side te eno dagego e bulude yali se tiwai egi sogo da, teda te sogo digi polobadu te Tair hanude me Saidon hanu side augwaligo te beg dage te ugwa tiwai gudama, tama augwali te sia nogani kelide dualama, tama te sogo te hani sigo dwai se yali tagalama, homu begelegi dao. ^{†22} Tiali goli, eno dagebolo obao, te we bidi po tu yabo sogo bodolude, te Godigo dagebolo sege genuai mu mawaibao. Te dagego sabo segego te Tair me Saidon hanu sigo sabo sege aiyaba mu elaluaibao. ²³ Tama dage Kaperneam hanude bidibo bage, te dagego homu te dagego nogi ugwaba siyu, te sigiba mu, te dagaluba paio, te homu yali. Tiali goli, mu menio. Te dage tigi dene ebo dwai sia dabo dedage pageba sawaibao. Tama bidi me deli agai bomai se dabe te eno dagego hanude yali bomai se dabe tiwai te bomai se te Sodom hanude egi sogo da, teda megidibo me te Sodom hanu elalugi dao. ^{‡24} Tiali goli eno dagebolo obao, te we bidi po tu ilabo sogo te Godigo dagebolo sege genuai mu mawaibao. Te dagego sabo segego te Sodom we bidigo sabo sege aiyaba mu elaluaibao," Jisasgo te po wai.

Dage enaba aselama toma tuabo po

(Luk 10:21-22)

²⁵ Tama te sogo Jisasgo Godibolo te po wai, "Ayao, nage te dagalu dali tade dali nigila tonalubo Genuai Bidi dao. Eno nage dali deli homu eyu, nagebolo usu da po obao. Tode homu kolesaga koneai bidi dabe augwaligo koneidali weyu tama nago te eno tamadi pusali po page nago geme dualai dao. Tiali goli te tade elalubo homu kolesaga koneaiwai we bidi augwalibolo nago te po page ola mawai dao. ²⁶ Awe, Aya, nago te tiwai yaibao homu elama, tama tede dwagi yai homu eyu, nago tama tiwai naga yai dao." Jisasgo te po aga Ayabolo wali.

²⁷ Te we bidibolo Jisasgo te po wai, "Eno Aya agai tigidali nai eno nogoba muai dao. Tama niwai bidi me deli agai te Ogwa mu konea silai menio. Aya agaduba deligo naga te Ogwa konea silai dao. Tama niwai bidi me deligo agai te Aya me konea silai menio. Ogwago naga konea silai dao, tama te we bidi dabebolo te Ogwa aga digi te Aya augwalibolo ola mobaso da, te augwaligo me te Aya konea silaibao," wali.

† 11:10 Mal 3:1

†† 11:21 Ais 23:1-18; Ese 26:1-28:26; Jol 3:4-8; Amo 1:9-10; Sek 9:2-4 ‡ 11:23 Gag 19:24-28; Ais 14:13-15

²⁸ "Dage we bidi dabe şe dene genuai eyu şeşey yai nai tolobo tiwai we bidi dabe, dage tigidali enaba asao, te eno dage tau siyu, tama dagego toma tueibao. ²⁹ Dage ena dali hodobo wali asişo. Tama dage ena dali bididubadi eno dagebolo po ola mawaibao. Tama dagego kolesaga enade sao. Magi basowe, eno nagamea pai kolesaga te bidi dabe augwali dali eyu, tama ena digi ena aiyaba elalubo dao. Tama dage enaba asobaso da, teda dagego homude te toma tuagameo. ³⁰ Dage ena wali asişu, tama eno dagebolo dene magobeo, te şeşey yai nai me eno dagebolo magobeo," Jisasgo augwalibolo te po wai.

Te Sabat sogode şe habu selebo po

(Mak 2:23-28; Luk 6:1-5)

12 Te po olama nosali me sogo Sabatde Jisas te tubo nai wit gi tomodu pai. Tama aga wali pabo bidi dabe augwali nasi ebaso, tama augwaligo te wit ge selama, tama augwaligo tuai. ¹² Tama te Farisi bage augwaligo te kolesaga ebo sulama, tama augwaligo agabolo te po wai, "Suao, te kolesaga nage wali pabo bidi dabe augwaligo ebo, te Sabat sogode habu selai dao," wali.'

³⁴ Tama Jisasgo augwalibolo te po wai, "Te dagego te dena nõş bidi nogi Devitgo yali şeş po dagego nedebewe? Me sogo aga me, aga dali bidali bidi dabe me, augwali nai sili bidibadi tama moni nasi ebaso, tama Devitgo Godigo lotu be tomoba pelama, te Godigo gesabide muani bret selama tuali. Aga hani dabego me tuali. Tiali goli, te bret te habu selai elalui, tama te pris dabego naga tubo usu yaibao, te bomo yai pode te po wai. Tiali goli te bret augwaligo me tuali digi Godigo gedude dwai şeş ebeo. Dagego te aşani po nedebewe? ^{††5} Ma dagego te bomai po aşani bukude elalubo po me deli nedebewe? Te po e dao, te pris bidi dabe, augwaligo te Moni Lotu Be tempel tomode te Sabat sogo tigidali me augwa şeş ebo dao. Tama tiyu, augwaligo te Sabat sogo şeş egio wabo bomo yai po augwaligo bolobo dao. Tiali goli Godigo augwalibolo şeşey magobeo. Dagego te po nedebewe? ⁶ Eno megı te Moni Lotu Be tempelde po wali. Tialima eno dagebolo obao, te ede megı elalubo nai, agai te Moni Lotu Be tempel te aiyaba elalubo dao. ⁷ Tama bukude Godigo wali po me deli augwaligo aşani, 'Eno te dagego enabolo olo mabo nai ofa te godolo ebo menio. Dagego gasa we bidi dali homu dene eyu tau sabo kolesaga ebo, te eno godolo ebo dao.' Tama dagego te po page bugagia konegi sogo da, teda dagego te dwai şeş meni yai bidi dabebolo şeşey magı menigi dao.

⁸ Magı baso meni. Ena da, te Godigo Bidi Mu da. Ena da te Sabat sogode te genuai bidi dao. Tama tibaso, bidigo Sabatde mena şeş yagameo wabo po te eno digi waibao," Jisasgo te po wai.

Te Sabat sogode Jisasgo nogo dili isai bidi usu ilali po

(Mak 3:1-6; Luk 6:6-11)

⁹ Te Jisas aga te badu bidali tagalama, tama augwaligo Juda dabego bomo yai po ola mabo be tomoba pai.

¹⁰ Tama bidi me deli tede bididuai, te bidi aga nogo dili bomo isai elalui. Tama bidi meba augwaligo Jisas po tuş ilainogo homu elama, tama augwaligo aga hanalwai, "Ma, dago te Sabat sogode te gası yai bidi usu ilibaso, te bomo yai po bolaibawe ma meniwe?" te po wai.

¹¹ Tama Jisasgo augwalibolo te po wai, "Te dage tomode bidi me deli agai kibu sipsip me deli elaluyu, tama te sipsip te dedageba Sabat sogode tulalwai yaibaso da, te bidigo te sipsip ugaba ma kegelama ma saibawe, ma meniwe? Ao, te Sabat sogo digi te ma saibao. ¹² Tama te bidi da, bidigo da te sipsip aiyaba mu elalubo dao. Tama tialigo da, dago te Sabat sogode we bidi tau sabo dwagi yai şeş eyu da, teda tama tiyu dago te bomo yai po bologobeo, te usu dao." wali.

¹³ Tama te po olama agai te nogo dwai bidibolo te po wai, "Nago nogo dodolao." Tialima agai nogo dodolali, tama nogo wiegi yai ma pedelai, te gasa me nogo tiwai yai. ¹⁴ Tiali goli te Farisi dabe augwali te be tagalama, tama augwali deliba sisinama po miyu, tama Jisas elabo po miai dao.

Jisas aga Godigo şeş ebo bidi mu dao

¹⁵ Tiali goli Jisasgo augwaligo te po wabo koneama, tama agai te bulu tagalama gasaba pai. Tama te we bidi hauwa aga wali pai, tama agai augwali tomode tigidali gası we bidi usu ma ilai dao. ¹⁶ Tama augwali usu ma ilama, tama agai augwalibolo agai nogı me agai ebo bomai şeş po te gasa we bidibolo pusidali weyu habu selai dao.

¹⁷ Tama tebogo te po me deli te Godigo te agai po pusali profet bidi nogı Aisaiago pedauwalide wali po usu nanio. ¹⁸ Te po e dao,

"E bidi da, te eno şeş ebo bidi dao, eno aga sa muai dao. Eno aga godolo mu elama, tama eno homu aga dali wiegi yai ebaso. Te eno Moba Bidi te agaba mubaso, tama agai te doloba pai kolesaga ebo te po te gasa Israel hani isşwai bidi dabe augwalibolo te po pusaibao.

¹⁹ Tiali goli agai te konila ebo po me te genuai po daş me wagobeo. Te augwaligo agai pedauwalidu genuai daş olama i wabo te genuai tuş me odogobeo.

²⁰ Te awi dili me deli dwasianu togwa painogo yali, te tigidali me agai togwa pogobeo. Tama te lamde mubo hobi dwasianu bogoli idubo, te me agai tigidali te isiligobeo. Menio. Agai te tobage bomo kimi meni yai we bidi tau sabo şeş iduaibao, tama bomonama elama, te doloba pai şeşey te dwai şeşey aiyaba elaluaibao.

²¹ Tama te gasa hani dabe, te Israel hani isşwai we bidi dabe augwaligo konealubo po agade daş olama tonalueibao,"

te bidi Aisaiago te po polobadu aşanama, tama Jisasgo te po usu nanio. †

Augwaligo te po weyu Jisasgo Belsebul dali şe ebo da wali po

(Mak 3:20-30; Luk 11:14-23)

²² Tama te sogo augwaligo bidi me deli agaba sela asali, tama te bidide dwai haubo mobo bidi bidai. Aga gedu dali pedauwali dali te si pania sai. Tama Jisasgo aga usu ma ilali, tama te pedauwali pania sali bidi po ma weyu gedu ma pedeyu yai dao. ²³ Tama tigidali genuai we bidi hani augwali noma mu sai, tama augwaligo te po wai, "E bidi da aga te Devitgo Ogwa yaliwe, ma meniwe?"

²⁴ Tiali goli te Farisi dabe augwaligo te po odolama, tama augwaligo te po wai, "Woo, te dwai haubo mobo bidi te Belsebulgo bomode naga te bidigo te dwai haubo sela şabo dao. Te Belsebul aga te dwai haubo mobo bidi dabego tobolu bidi dao," te Farisi bagego te po wai.

²⁵ Tama agai augwaligo homude ebo kolesaga koneama, tama agai augwalibolo te po wai, "Te tuni bidigo bomode bidali bidi dabe augwali hani si te bugulama, tama augwa hasi wabi hwiyu da, teda te hani si dolaibao. Tama te hanu me delide bidali bidi dabe, ma te deli bede bidali hani, te augwali te si bugulama, tama augwa hasi wabi hwijani da, te hanu ma te be me elalugobeo, te tulolueibao. ²⁶ Tama tibasoo, Satango te Satan aga ma sela şayu da, teda aga hani te buga sai elaluai dao. Tama agai tonalubo hani augwali bomode me elalusişbaso, te dolaibao, te tulolueibao. ²⁷ Te mu tama te Belsebulgo ena tau sobaso tama eno te dwai haubo mobo bidi augwali sela şagi sogo da, teda dego te dage wali pabo bidi dabe augwali tau selama, tama augwaligo te dwai haubo mobo bidi augwali sela şagowe? Tama tiyu da te duga digi duga hanigo po tuş ilibo dao, te dage geda muani po hania ola mawaibao. ²⁸ Tiali goli, Godigo Mobo Bidigo ena te dwai haubo mobo bidi sela şayabo bomode mabo dao. Tama tibasoo dagego koneişo, te Godigo we bidi tonalubo kolesaga te dageba asaı dao. ²⁹ Tama te şe e tiwai dao. Te bidi me deli aga te bomai bidigo be tomoba pelama, tama agai bede elalubo doado bage sai hagede, agai te bomai bidi aiyaba elaluama, tama te dila pai bonogo te bidi keyu bolo yao. Agai tama tilama, tama agai te bidigo bede munalubo nai dabe saıbao," wali.

³⁰ "Bidigo ena dali abagi me wasişbo, te bidi aga eno boı bidi dao. Bidigo nai ena dali sisinişbo bidi, te bidi agai te nai subigila şaşş bilibo dao. ³¹ Tama tibasoo, eno dagebolo obao, te Godigo te we bidi augwaligo dwai şeşş ebo te tigidali me te posobo po me, te sela şabo usu yaıbao. Tiali goli bidigo te Godigo Mobo Bidibolo posobo po obaso, te bidigo şeşş te Godigo me sela şagobeo. ³² Tama bidi mego dwai po me deli te Godigo Bidi Mu dali obaso da, teda Godigo te bidi agai şeşş te sela şabo usu yaıbao. Tiali goli bidigo dwai po te Godi-

† 12:21 Ais 42:1-4

go Mobo Bidi dali weyu da, te bidi agai şeşş te megi e tşde bidibo sogo me te nosali me munu me te şeşş me sela şagobeo. Te şeşş me elalua peyu, bidada paıbao," Jisasgo te po wai.

Ni dwaigo nai dwai walobo po

(Luk 6:43-45)

³³ "Te wiegi yai nigo da, te nai me wiegi yai walaıbao. Ma, te dwai nigo da, teda te nai me dwai walobo dao. Tama te bidi dabe augwaligo te nai bolo sulama, tama augwaligo koneaıbao, te ni wiegi yai yaliwe ma dwai yaliwe naga osola subo dao. ³⁴ Dage te dwai bidi dabe, dage te dwai hasamani dabe tiwai dao. Tama tialigo da, magi ilama dagego wiegi yai po waıbawe? Tama bidigo pedauwalidu te tiwai po aga homude elalubo po pusubo dao. ³⁵ Wiegi yai bidigo homude te wiegi yai po hauwa elalubo dao. Tama agai kolesaga wiegi yai pedalobo dao. Bidi dwaigo agai homude dwai homu kolesaga hauwa elalubo dao. Tama tiyu, agai dwai kolesaga pedalobo dao,' wali.'

³⁶ "Eno dagebolo obao, te genuai po tuş pedalobo sogo te Godigo te we bidi dabe augwaligo tigidali subigila wali dwagi yai şeşş isişbo po te po tuş ebode dagalaıbao, tama te pode şeşş mawaıbao. ³⁷ Tama naga pode digi te Godigo nage doloba pai bidi nogi poaıbao, te nago yali kolesagade te şeşş sisawai bidi dao. Tama naga pode naga digi te agai nage dwai bidi nogi poaıbao, tama nage şeşş mawaıbao," Jisasgo te po wai.

Meba bidi augwaligo te bomai şeşş ebo suainogo wali po

(Mak 8:11-12; Luk 11:29-32)

³⁸ Tama agai te po obaso, te Juda dabego bomode yai po page ola mabo bidi meba me, te Farisi dabe meba dali augwaligo te po agabolo wai, "Po ola mabo bidi, dago homugo nago bomai şeşş me deli ebode, tama dagosumainogo nago te şeşş yao," te po wai.

³⁹ Tiali goli agai po wei augwalibolo ponoyu bomonama te po wai, "Te God tagalama tama dwai şeşş ela bilibo megi bidibo we bidi hani dabe, augwaligo te bomai şeşş ebo suainogo i wabo dao. Tiali goli, eno dagebolo te bomai şeşş me deli eno ola magobeo. Te polobadu Godigo po pusali bidi profet Jona agade pedelali bomai şeşş tiwai naga pedelama, tama dagego te sueıbao. ⁴⁰ Tama polobadu te tiwai yai te bidi Jona sela sogo giligade me sela sogo hulide te genuai şuşş haliga tomode bidai, tama te tiwai yali gilama naga te Godigo Bidi Mu aga me te sela sogo giligade me sela sogo hulide e tş tomode bidaıbao, te isaı we bidi bidibo madide. ††⁴¹ Tama Godigo we bidi augwali dagalobo sogo te Ninive hanu we bidi dabe augwali te po tşde dolaluyu, tama dage megi bidibo we bidibolo te augwaligo dwai kolesaga yali po pusaıbao. Magi baso meni. Polobadu mu Godigo po pusa mani bidi nogi Jona agai te Ninive we bidibolo Godigo po pusa mobadi yaide, augwaligo odama, dwai dwai şeşş yalide ge

†† 12:40 Jna 1:17

neyu, tama tagalama homu begelai dao. Tiali goli Jona aiyaba elalubo bidi me deli pedelama, tama megi dage tomode bidibao. ⁴²Tama polobadu bidali te genuai bi-di nogi Solomongo wabo wiegi yai kolesaga ebo po odai hagede, digibulu bulude bidiyu genuai bulu tonalubo we asai dao. Tiali goli Solomon aiyaba elalubo bidi me deli pedelama, tama megi dage tomode bidibao. Tama dagego agai po odisaşbaso, te Godigo te we bidi po tų ebo sogo te digibulu bulude asali genuai wego 'Dagego te dwai sę yai dao' po waibao," Jisasgo te po wai. ^{††}

Dwai haubo noma ma geasa asobo po

(Luk 11:24-26)

⁴³Jisasgo te po ma gagaliyu, te po wali, "Te dwai noma haubogo bidi me tagalama, te dwai tulubage meni yai buluba toma nabo pesage gegegi pabo dao. ⁴⁴Ti-wai pesage me susiaşbaso da, aga homugo tama tebao, 'Ena taga soali beba ma geasa paibao' homu yaibao. Tama aga pelama, te be sugi pali, augwaligo bugagia dodolama, pobeke bage meni yai au ma ilai beba ma pabo aų te bidi pageba, dwai noma ma peyu tebo dao. ⁴⁵Tama aga pelama, gasa dwai noma te a naga olama me si sigi pali. Tama te gasa dwai noma haubo dabego te dwai dwai sę ebo kolesaga tebogo te hasia dwai mobo haubogo ebo dwai kolesaga aiyaba elalubo dao. Tama augwali aga dali aselama, tama augwali tomoba pelama, tama augwali te bede bidibo dao. Polobadu te bidi dwai bidai, tiali goli megi me te aga dwai mu bidibao. Te tiwai naga megi e sogo dwai sę eyu bidibo we bidi augwalibolo me te tiwai sę pedelaibao," Jisasgo te po wai.

Jisasgo ida me Jisasgo ama dede dali po

(Mak 3:31-35; Luk 8:19-21)

⁴⁶Jisasgo po te we bidi augwalibolo madubadi, tama aga ida ama dede dali augwali aselama, bulu badu dolaluagasai. Augwaligo aga dali po miainogo asai.

⁴⁷Tama bidi me deligo agabolo te po wai, "Odao, naga ida me naga ama dede augwali bulu badu aselama dolalubao, tama augwaligo nage dali po miai hagede ebao." wali.

⁴⁸Tiali goli Jisasgo po wei te bidibolo ponoyu te po wai, "De aga eno ida dawe? De eno ama dawe?" Jisasgo te po wai. ⁴⁹Tama agai aga wali pabo bidi dabe nogo du eyu, te po wali, "Suao, eno ida me eno ama dede dali, te e dao. ⁵⁰Eno Aya dagalude bidibo bidi agai homu wali pabo we bidi da, te eno ama dabe me, abe dabe me ida dabe dao," Jisasgo te po wai.

Bidigo tubo nai wai gide saşş bilibo po begelama po digi wali po

(Mak 4:1-9; Luk 8:4-8)

13 Tama Jisasgo te po ola silama, tama te sogo naga aga te be tomode bidali tagalama, te bedu buluba soai. Tama aga pelama, te sigi aų sesege badu

dulalugi pai. ²Tama we bidi hani hauwa aselama. aga pageba sisinagasobaso tama aga te geba me deli dai-ba holama duagulali, tama te asali we bidi augwali tigidali te sigi aų sani sesegede bidalwai. ³Tama agai po digi po hauwa begelama augwalibolo wai. Agai te po wali, "Te bidi me deli pelama, te giba nai wai ge telala biligi pai. ⁴Tama agai te nai wai ge telala pobadi, tama te nai wai ge me badu te soabo tųde tudulualui. Tama te tųde tudulualui nai ge te ba dabego tuagasai.

⁵Tama te nai wai ge me badu te tų ili hauwa meni yai digi te masigi elalubo madigi daiba tudulualio. Te tų ayanu dulisaşwai madi tama te tedelalualui nai wai ge polo holali. ⁶Tiali goli giliga pedaliyu posologo te nai wai ge te giligago ulai. Tama te nai wai sele meniama, tama tigidali sasia pelama, tama isali. ⁷Tama meba te tedelawali nai wai ge te sesane yai bono elalubo madi tomoba tudulualui. Tama te sesane yai bono elalubo madi tomodu te nai wai ge holali digi, te sesani yai bonogo haluama, tama te nai isilali. ⁸Tiali goli te telala pali nai wai ge me badu te wiegi yai tųba tudulualui, tama te nai du walali. Meba te 100, tama me badugo te 60 walali, tama me badugo 30 tama waliyu yai," wali.

⁹"Duga po odobo olo elalubo bidigo da, te po bugagia odiąo," Jisasgo te po wai.

Magi baso Jisasgo po digi po begelama waliwe?

(Mak 4:10-12; Luk 8:9-10)

¹⁰Te Jisas aga wali pabo bidi dabe aga pageba aselama, te po wai, "Magi baso nago po digi po begelama augwalibolo obawe?"

¹¹Agai po wei ponoyu te po wai, "Godigo agai we bidi tonalubo sę game dualalualui po page haninama te agai dagebolo ola mawai dao. Tiali goli e bidi dabebolo te game dualali po page te haninai menio. ¹²Magi baso menio. Bidi me deligo nai meba elalubaso da, teda Godigo agabolo te nai umabo mayu, tama aga nai hauwa elaluaibao. Tama bidi me deligo te dwasianu nai naga elalubaso da, teda Godigo te dwasianu nai dagala saşwaibao. ¹³Tama tebo seųde eno te po digi po begelama augwalibolo obao: augwaligo gedugo da tonono bilibadi, tiali goli augwaligo magi nai me deli subo menio. Augwaligo olo mubadi, tiali goli augwaligo po me odisaųu tama kolesaga sabeo. ¹⁴Te tiwai sę ebo we bidi augwalide te po me deli te Godigo po pusali profet bidi Aisaigo wali po te usu nanio. Agai te Godigo wali po aşai dao:

'Te dagego po odobo sę ebadi, tiali goli dagego te po page konegobeo. Te dagego tonono bilibo sę ebadi, tiali goli dagego magi nai me deli sugobeo.

¹⁵Magi baso meni. E we bidi hanigo homu kolesaga te puna pai dao. Tama augwaligo ologo po odobo te hagela eyu, tama augwaligo augwa gedu palia sai. Tiyu augwaligo gedugo te magi nai me deli suidali weyu tiali, tama augwaligo ologo po odidali weyu tiali, tama augwaligo homude te po page ma koneama, tama augwali begesa enaba ma aselama, te eno aug-

wali usu ma ilidali weyu augwaligo tama kolesaga yai dao,[†]

Aisaiago Godigo wali po augwalide tama aşai dao.¹⁶ Tiali goli dage da, te wiegi yai homu pemene yao. Magi baso meni. Dagego gedugo te nai dabe te subo dao, tama dagego ologo po odobo dao.¹⁷ Eno mu po dagebolo obao, polobadu te Godigo po pusali bidi hauwa dabego me, te doloba pai bidi hauwa augwaligo me te megı dagego te subo şe suainogo godolo yai, tiali goli augwaligo me subeo. Tama augwaligo me megı dagego te odobo po odainogo godolo yai, tiali goli augwaligo te po me odai menio," Jisasgo te po wai. ††

Tube nai wai gede po digi po page begelama wali po
(Mak 4:13-20; Luk 8:11-15)

¹⁸ "Te megı da dagego te bidigo nai wai ge te giba tededal bilagasali po digi po page odiao, bugagia koneao. ¹⁹ Te Godigo we bidi tonalubo kolesagade po wabo odobo digi te po page koneyu daş wasıawai bidi, te bidi te aga da te soabo tıba olo tudulaluali nai wai ge tiwai dao. Tama te Satan agaba aselama, tama polo te po Godigo aga homuba budali po te Satango te dagala sabo dao. ²⁰ Tama te gi page bidigo te telala biligi pali nai wai ge meba te masigi elalubo madigi tudulaluali po wali da, te tiwai te bidigo te po odama tama polo selama, tama te pode wiegi yai homu pemene ebo. ²¹ Tiali goli aga da te sele meni yai nai tiwai dao. Tama tibaso, aga homu daide naga te odali po te dwasianu sogo naga elaluabao. Tama nosali bidi mebage te Godigo po aiyaba elaluabo homu eyu da, teda te bidibolo augwaligo şeş menama, tama dwai kolesaga agabolo eyu, tama agai konealubo po daş wali te polo tagalama, tama tulalubo dao. ²² Tama meba te tedela palali nai wai ge te sesani yai bono elalubo madi tomoba tudulaluali, te bidigo po sabo tiwai yali, tiali goli agai homu hauwa te tıde naiba pelama, tama agai mone dabe te doado bage hauwa sabobo homu hauwa yali, tama te homu ebogo te Godigo po mesegelama, tama agai nai ge walobeo. ²³ Tiali goli te tedela palali nai wai ge te wiegi yai ili yai elalubo tıba tudulaluali po wali da, te bidigo po odama tama te po page bugagia koneani dao. Te tobage we bidi augwaligo nai ge walaibao, te 100, ma 60, ma 30 tama walobo dao," Jisasgo te po wai.

Te gide dwai noswai pedalobo po begelama po digi po wali

²⁴ Te Jisasgo gasa po digi po begelama, augwalibolo te po wai, "Te Godigo we bidi tonalubo şe e tiwai dao. Te bidi me deligo aga wiegi yai nai wit wai ge te aga giba telala bilali. ²⁵ Tama elama, tama me sogo hulide we bidi augwali godege pi ai digi yaide, te bidi aga boi bidi aselama, tama agai te nai wai telawali wit gi tomoba te dwai noswai wai ge şaş bilagaselama, tama aga pialio. ²⁶ Tama nosali te wit holama, tama nai ge walain-

ogo ebadi, tama augwaligo te nai wai telawali gide te dwai noswai dali holobo suai. ²⁷ Tama te gide şe ebo bidi dabe pelama, te gi aga ayabolo wai peyu, augwaligo te po wai, 'Genuai bidi, dago homugo nago gide wiegi yai nai wai ge naga tedelalo bilali homu yai dao. Tama magi ilama te tiwai dwai noswai dali ped-alaliwe?' te po wai. ²⁸ Tama agai te şe bidi dabe augwalibolo te po wai, 'Te boi bidi me deligo te tiwai şe yali dao.' Tama te şe ebo bidi dabego agabolo te po wali, 'Tama tibaso, nago homugo usu wida, teda da pelama, te dwai noswai gudama, sisinigi pabo te usu yaibawe?' ²⁹ Tiali goli, agai augwalibolo te po wai, 'Mu menio. Tiyu dagego te dwai noswai gudama sisinibo şe eyu, dagego te wit dali gudabuo,' te po wai.

³⁰ 'Dagego te si dali si holomainao, te si holama, tama te nai sabo sogode te usu naibao. Tama te nai sabo sogo eno te nai togwa sabo şe ebo bidi augwalibolo te po waibao, "Dagego te dwai noswai bolo hasia sisinama, tama dunama, siade ulainogo keşama muao. Tiali goli, dagego te wit da, te te sisinama te eno nai mubo beba muao," eno te po waibao,' te bidigo te po wali," Jisasgo te po wai.

Te nai wai mastet me, te bret bo dabo nai yis te side po digi po begelama wali po
(Mak 4:30-32; Luk 13:18-21)

³¹ Te Jisasgo gasa po digi po begelama, augwalibolo te po wai, "Te Godigo we bidi tonalubo şe te nai wai me deli tiwai, te nai mastet wai tiwai dao. Bidi me deligo te nai wai selama, aga gide bulubo dao. ³² Te nai mastet wai ge da, te kemeni ge tiwai sabi si dwasiannunu mu dao. Tiali goli nosali te nai ge genuai hola silama, agai te gide holali haniani nai tigidali te aiyaba elalubo dao. Te ni tiwai holama, tama te ni nologoba te ba dabe duayagasobo dao," wali.

³³ Tama agai gasa po digi po me ma begelama, te po augwalibolo wai, "Te Godigo we bidi tonalubo şe te bret bo dabo nai yis tiwai dao. Te we me deligo te dwasianu yis selama, tama te genuai dramde munalubo tubo plaua dali taluama begelaibao. Tama nosali te plaua tigidali te bo dai subo dao," Jisasgo te po wai.

Jisasgo po begelama naga po digi pogo pusali po
(Mak 4:33-34)

³⁴ Te ola mabo po tigidali tama odubadi, Jisasgo te we bidi augwalibolo te po digi po begelama naga wai. Agai te po me deli haninama augwalibolo me pusubeo. Menio. Agai po digi po begelama naga augwalibolo te po wai dao, ³⁵ te Godigo po pusali bidi profet me deligo pedauwalide pusali po usu numainogo. Te profet bidi agai polobadu te po wai,

"Te eno augwalibolo po weyu, tama eno te po digi po wabo tiwai yaibao. Te eno augwalibolo te polobadu mu geme dualaluali po te megı e sogo me geme dualaluali po te po eno augwalibolo pusaibao," te po wai. †

Dwai noswai po digi po page po

³⁶ Te sogo Jisasgo te we bidi augwali tagalama, tama aga te be tomoba pelama bidai. Tama aga wali pabo bidi dabe augwali agaba aselama, te po wai, "Nago te dwai noswai te gide pedalobo po olama po digi po begelama wali po page te dabolo haninama ola mao," te po wai.

³⁷ Te Jisasgo po wei ponoyu te po wai, "Te wiegi yai nai ge telala pali bidi po wali da, te bidi da te ena dao, Godigo Bidi Mu dao. ³⁸ Tama te nai ge tedelalo pali gi da, te e t̄o dao. Tama te wiegi yai nai ge da, te Godigo obo tomode bidibo we bidi dao. Tama dwai noswai da, te Satango we bidi dabe dao. ³⁹ Te boi bidigo dwai noswai ge tedela bilagasali, te bidi da Satan dao. Te nai sabo sogo bodolu wali, te e t̄o silabo sogo dao. Te gi nai sabo bidi dabe augwali da, te Godigo s̄e ebo ensel mobo bidi dabe naga dao. ⁴⁰ Te gi s̄e ebo bidi dabe augwaligo dwai noswai sisinama siade ulubo, te tiwai naga augwaligo e t̄o silibo sogo muani bodolude te tiwai yaibao. ⁴¹ Te Godigo Bidi Mu agai aga s̄e ebo ensel mobo bidi dabe tagala palama, tama augwaligo te Godigo tonalubo we bidi tomode elalubo dwai dwai s̄e ilabo kolesaga me, te haniani gasa dwai s̄e ebo we bidi me, augwali tigidali sisinama ⁴² tama augwaligo te we bidi dabe augwali te moni tigi dene ebo siaba s̄awaibao. Tama te siade te augwali dwai gela mu weyu, tama augwa keke gaugo halua tuyu bidaibao. ⁴³ Tama te sogo te doloba pai we bidi augwali augwa Ayago we bidi tonalubo madide bidiyu, tama augwali tigde te giliga ula tiwai eyu bidaibao. Odo elalubo bidi dabego te po bugagia odiào," Jisasgo te po wai.

Bidigo te geme dualali wiegi yai doado bage gegebo po digi po begelama wali po

⁴⁴ "Te Godigo obo tomode bidibo kolesaga te wiegi yai mu dao, te gide geme dualaluali dila pai nai mu tiwai dao. Bidi mego te nai subaso, tama agai ma dualali. Agai wiegi yai homu pemene yai, tama aga pelama, aga doado bage tigidali te bidi dabebolo menama, mone selama, tama te gi t̄o abelegi paibao, te aga suali dila pai nai somainogo," Jisasgo te po wai.

Te wiegi yai bis po begelama wali po digi po

⁴⁵ "Te po me e dao. Te Godigo obo tomode bidibo kolesaga te wiegi yai mu dao, e tiwai dao. Bidi me deligo aga mone sabo bisnis s̄e eyu, te wiegi yai bis gegi bilibo dao. ⁴⁶ Agai te bis wiegi wiegi yai mu me deli subaso, te bis gasa bis tigidali aiyaba elalubaso, teda aga pelama, te aga doado bage tigidalide te mone sigi pelama, tama te wiegi yai bis abelegi paibao," Jisasgo te po wai.

Te s̄uḡu sabo wade po digi po begelama wali po

⁴⁷ "Ma, te Godigo we bidi tonalubo s̄e e tiwai dao. Bidi dabe augwaligo te s̄uḡu sainu te genuai s̄uḡu sabo

† 13:35 Tib 78:2

wa te sigi āiba şanama, tama haniani s̄uḡu te wa tomoba pabo te tiwai dao. ⁴⁸ Tama te s̄uḡu sabo wa pağa baso, teda augwaligo te wa kegasa te āi saniba tuagasobo dao. Tama augwali dualama, te wiegi yai s̄uḡu naga te genuai pede mebaba sisinaibao. Tiali goli te dwai s̄uḡu dabe da, te augwaligo te sela s̄abo dao. ⁴⁹ Tama e t̄o de dagalu si silibo sogo te tiwai gilama naga yaibao. Te Godigo s̄e ebo ensel mobo bidi dabe augwali aselama, te dwai kolesaga yali bidi dabe te doloba pai bidi dabe tomode bidibo te dagalama, sela s̄awaibao. ⁵⁰ Tama augwaligo augwali te genuai tigi dene yabo siaba s̄awaibao. Tama te siade augwali dwai gela weyu, tama augwa keke gaugo ma halua tueibao," Jisasgo te po wai.

⁵¹ Te Jisasgo augwalibolo hanalu wali, "Te eno megı pusali po page tigidali dagego koneaniwe?" Tama augwaligo agabolo te po wai, "Awe." ⁵² Agai augwalibolo te po wali, "Awe, te Juda dabego polobadu bomu yai po page koneani bidi aga te Godigo we bidi tonalubo kolesaga tede te po te skul wai tiwai pedalobaso da, teda agai te Godigo polobadu wali po me, te megı elalubo gesi wiegi yai po dali, te po si aga homude elaluaibao. Tama te dwagi yai po hauwago agai gasa we bidi ola mabo usu mu yaibao," Jisasgo te po wai.

Te Nasaret dabe augwaligo Jisas tudiba muani po

(Mak 6:1-6; Luk 4:16-30)

⁵³ Jisasgo te po digi po wali te po dabe ola silama, tama agai te bulu tagalama pai. ⁵⁴ Tama aga page buluba pali, tama Godigo po agai te augwa bomu yai po odobo be tomode ola mawai. Tama augwali noma mu siyu, te po augwa hasi wai, "Te kolesaga koneani, me te bomai s̄e tigidali, te bidi agai magı ilama te tigidali kolesaga saliwe? ⁵⁵ Te bidi da te kamda bidigo ogwa naga dao. Aga ida nogi Maria dao. Agai ama dabe te Jems, me Josep, me Saimon, me Judas, te augwali dao. ⁵⁶ Agai abe dabe tigidali da dali bidibao. Te kolesaga koneani me te bomai s̄e tigidali agai magı ilama saliwe?" ⁵⁷ Augwaligo te po olama, tama augwaligo aga dali dwai homu yai. Tiali goli Jisasgo augwalibolo te po wai, "Te Godigo po pusubo bidi profet agai nogi te tigidali bulude elalubo dao. Tiali goli aga page bulude me, aga bede me, te aga nogi meni yai elalubo dao," te po wai. ⁵⁸ Augwaligo agade konealubo po dağ wasiğbaso, agai bomai s̄e hauwa te aga page bulude ebeo.

Te we bidi baptais mani bidi Jon isali po

(Mak 6:14-29; Luk 3:19-20; Luk 3:7-9)

14 Te Jisas aga page bulude bidali sogo te Juda hani genuai gavman tuni bidi nogi Herot agai te Jisasgo s̄e ela bilibo po odai. ² Tama agai aga s̄e ebo bidi dabe augwalibolo te po wai, "Te bidi aga te baptais mani bidi Jon dao. Aga te gu pagede ma hodaluali dao. Tama tibaso, te tobage genuai bomai s̄e te aga nogo-du pedalobo dao," te po wai. ³ Te tiwai pedelali. Polobadu te gavman tuni bidi Herotgo bidi dabe tagala palama, tama augwaligo Jon pageba pelama, tama aga bonogo nogo d̄unama, tama "Aga kalabusi-

ba muao," po obaso, te aga kalabusiba muani. Te tuni bidi Herot aga ama Filipgo we nogi Herodias, te wego "Aga kalabusiba muao" po obaso, teba muani. ⁴ Magi baso meni. Polobadu Jon agai Herotbolo te po widu geai, "Nago te we sali şe te dolo menio." ⁵ Tama Jongo te po obaso, Herotgo Jon ela muabo homu yali goli, aga te Juda we bidi augwalide wi yai. Augwaligo homugo te Jon aga da, te Godigo po pusubo bidi profet da te homu yai dao.

⁶ Tama me sogode bidi meba augwali te tuni bidi Herot dali aga beba sisinani, te aga idago aga ame nani sogo pedalobo koneama tiwai. Tama te sogo te we Herodiasgo wegi, te gesi we, te aga te augwali to-mode teşabi ela bilai. Tama Herotgo godolo mu ebaso, ⁷ tama agai po daş weyu, te gesi webolo te po wai, "Mu tamao, magi nai nago enabolo hanalu obaso da, teda te nai eno nagebolo mawaibao," te po wai.

⁸ Tama te wegi aga idago agabolo te homu kolesaga mani, tama agai te Herotbolo te po wai, "Nago te we bidi baptais mani bidi Jon elama, aga mage togolama, tama aga tobolu te pou me delide munama, tama selama, enabolo eba magasao," te gesi wego te po wai.

⁹ Agai tama po wai, tama tuni bidigo homu seşeş yai. Tiali goli agai po daş weyu po mu po da wali te homu elama, tama aga dali dualama nai tuali bidi dabe augwaligo me te po wabo odai. Tama tibaso, agai te po aga seş ebo bidi dabebolo wai, "Te nai agabolo mao," te po wai. ¹⁰ Tama agai bidi me deli te kalabus beba tagala palama, tama Jongo tobolu togogi pai. ¹¹ Tama augwali aga tobolu te pou me delide munama sela asali, tama augwaligo te wegibolo mawai. Tama agai aga ida bidibo digi selama pai dao. ¹² Tama Jon aga wali pali bidi dabe augwali aselama, aga tigi naga selama pubulai. Augwaligo pubulama, tama augwali pelama, Jisasbolo te po wagi pai dao.

Jisasgo 5,000 bidi dabe mu te nai mani po

(Mak 6:31-44; Luk 9:10-17; Jon 6:1-13)

¹³ Te Jisasgo te Jon isali po wabo odama, tama agai te bulu tagalama, tama geba me deli selama, tama aşı daidu peyu, aga te bidi meni yai bulu badu pali, aga wali pabo bidi dabe augwali naga aga dali pali. Tiali goli te we bidi augwaligo aga pali po odobaso, tama augwali te hanude bidali tagalama, tama augwali aga pali wali pai dao. ¹⁴ Tama nosali Jisas aga te gebadu pelama, te weş u badu tugi pelama, tama agai genuai we bidi bidalubo suali. Tama agai augwali homu dene mu ebaso, tama agai augwaligo gasi sai bidi dabe usu ma ilali.

¹⁵ Tama pio aga wali pabo bidi dabe augwali agaba aselama, te po wai, "Te ede bidi meni yai madigi dao, tama be pio yalio. Tama nago e we bidi augwali tagala palama, pomainao. Augwa te be nani dabeba tedela pelama, tama augwa nai abela tugi pomainao," te po wai.

¹⁶ Tiali goli Jisasgo augwalibolo te po wai, "Magi baso augwali pomainogowe? Duga digi augwali nai mao."

¹⁷ Tama augwaligo agabolo te po wai, "Dago nai hauwa ede munalubeo. Te a naga bret badi, te şuşu si naga munalubao," te po wali.

¹⁸ Agai te po wai, "Te nai enabolo edaba sela asao."

¹⁹ Tama agai te we bidi augwalibolo po olama, augwali te noswaide duada pao te po wai. Tama agai te a naga bret badi te şuşu si dali selama, tama agai dagaluba ugwaba tonaluyu, aga Ayabolo nage usu dao po wai. Tama agai te bret pedama, tama aga wali pabo bidi dabebolo menama, tama aga wali pabo bidi dabego te we bidi augwalibolo te nai dobaba pai. ²⁰ Tama augwali tigidaligo te nai tulama, tama augwali te naigo tabiai. Tama augwaligo te nai meba munalubaso, tama te Jisas wali pabo bidi dabe augwaligo te munalubo nai sisinama, tama bonou wa 12 paşawai dao. ²¹ Te tiwai te 5,000 bidi dabego te nai tuai. Augwaligo te we me te wai puluba dabe augwaligo te nai tuali goli, augwali nedebeo.

Jisas te sigi aşı daidu pali po

(Mak 6:45-52; Jon 6:16-21)

²² Tama te nai tula silama da, tama megi da Jisas aga wali pabo bidi dabe augwalibolo te po wali, tama augwali te gebaba holama, te augwali polasa te sigi aşı u badu pao wai. Tama agaduba digi te we bidi augwali tagala palainogo yai. ²³ Agai te we bidi augwali tagala pala silama, tama agaduba deli naga te bulu duba holama, Godibolo po wainogo yai. Tama pio agaduba naga te bulude bidai. ²⁴ Aga tede bidibadi, te geba te sigi aşı digibulu tomodu pobadi, tama moni bomai wali te geba sabi badu asiyu, tama te aşı dini ugwaba holoyu, tama augwaligo aşıdu todogo pabo seş dene yali.

²⁵ Tama te be posabo magade Jisas te sigi aşı daidu pelama, aga wali pabo bidi dabe augwali bidibo geba-ba pedalainogo pai. ²⁶ Tama augwaligo aga te sigi aşı daidu asobo sulama, tama augwali moni wi mu yai. Augwaligo te po wali, "Te isi bidi me deli dao." Augwali wi eyu, tama augwaligo hwa wali. ²⁷ Tialima polo Jisasgo te po augwalibolo wali, "Dagego homu keşna sao. Te ena dao. Dage wi egimio."

²⁸ Pitago agabolo po wei ponoyu, te po wai dao, "Genuai Bidi, te nage tama da wida, teda nago enabolo olama, tama ena me te weş daidu nage pageba asao wao," te po wai.

²⁹ Jisasgo te po wai, "Nage asao." Tama te po obaso, Pitago te geba tagalama, tama te sigi aşı daidu te Jisas bidiboba pabo gagalali. ³⁰ Tiali goli agai te wali asobo sulama wi yali, tama aga te aşı tomoba tigi dwasianu hoasainogo yai. Tama agai bomonama i weyu, te po wai, "Genuai Bidi, nago ena tau sao," te po wai.

³¹ Tama polo mu Jisasgo nogo munama, Pita nogogo tola sali, tama agabolo te po wai, "Nago naga homu tigidali enaba mubeo, dwasianu naga mawai. Magi baso nago homu si ebawe?" ³² Tama augwali si te gebaba hola soabo side da, tama te moni wali sia sai dao.

³³ Tama te gebade bidali bidi dabe augwaligo agabolo aga nogi ugwaba sabo po weyu, augwaligo te po wai, "Mu tama, nage te Godigo Ogwa dao," wali.

Jisasgo gasi yai we bidi hauwa te Genesaretde usu ma ilali po
(Mak 6:53-56)

³⁴ Augwaligo te sigi aji nogolama, tama augwali pelama, te Genesaret te badu tugi pai. ³⁵ Tama te bulude bidibo bage augwaligo koneani, te aga Jisas dao. Tama augwaligo te pađe elalubo be nani tigidali dabeba po todolo pela silama, tama augwaligo haniani gasi yai we bidi dabe tigidali aga pageba selasa asai. ³⁶ Tama augwaligo agabolo hanaluyu, te gasi yai we bidi augwaligo nogo naga te agai ugwa sesegeba mumainao wai. Tama te gasi yai we bidi dabe augwaligo te tiwai yali bage tigidali augwaligo gasi usu ma ela silai dao.

Te Godigo bomai pogo te waji nõu dabego po aiyaba elalumainao po wali
(Mak 7:1-13)

15 Te Farisi hani bidi meba me, te Juda dabego bomai po page koneani bidi hani bage me, augwaligo te moni hanu Jerusalem tagalama, Jisas agaba aselama, augwaligo te po hanalu wagasai dao, ² "Magi baso nage wali pabo bidi dabe augwaligo te waji nõu dabego dabolo mani kolesaga te augwaligo bolobawe? Te augwaligo nai tuainogo ebo sogo, augwaligo te augwa nogo aji me telabo menio, te dena waji dabego nogo aji telabo gasagi yai se ebo augwaligo wali pabo menio." Te bagego te po hanalu wali.

³ Jisasgo po wei ponoyu, augwalibolo bomonama te po wai, "Te dage, dage magi baso duga digi duga kolesaga wali peyu, tama dagego te Godigo bomo yai po bolobo dawe? ⁴ Te Godigo te po wai, 'Nago naga aya de ida sigo nogi ugwaba siyu, augwali sigo po wali pao' wali, tama me 'Te bidigo aga aya de ida si dali dwai po obaso da, teda te bidi aga ela muao,' Godigo te po si wai. ¹⁵ Tiali goli te bomo yai po geda siyu, dagego te po wabo dao, 'Te bidi me deli agai aga aya me ida tau sabo mone me doado bage me elaluali digi, agai augwali sibolo "Eno e nai te Godibolo mawainogo sa muai nai dao" weyu da, ⁶ te usu da, te agai aga aya ida tau sabo tagalama, agai augwali sigo nogi ugwaba sabo bomo yai po bolobo se te usu dao,' te dagego te po ola mabo dao. Te tebo kolesagago dagego te Godigo po aiyaba elaluama, tama duga ebo kolesaga digi te ugwaba sabo dao, te naga wali pomainogo. ⁷ Dage homu ugwadu naga po wabo bidi dabe dao. Te Godigo po pusali profet bidi Aisaia agai dagede polobadu mu wali po te mu po tama dao. Agai dagede te Godigo po tama wai,

⁸ 'Te hani we bidi augwaligo eno nogi te pedauwaligo naga ugwaba sabo dao, tiali goli augwaligo homu kolesagago augwaligo ena dali abagi homu ebo menio.

⁹ Augwaligo te bidi dabego ola mani bomo yai po naga pusuyu te po wabo dao, "E te Godigo po dao." Tama tibaso augwaligo olo naga enabolo lotu po wabo dao,' ††

Godigo te po wali," Jisasgo te po wai.

Te bidi meda ilisiabo nai po
(Mak 7:14-23)

¹⁰ Te Jisasgo te po te tuni bidi dabebolo olama, tama te gasa olo we bidi augwali aga pageba asomainogo i olama, tama augwali aselama, tama agai augwalibolo te po wai, "Dagego e po bugagia odama, homude kuna koneao. ¹¹ Te bidi deligo agai aga nogo we telasiabadi te agai nai sela tubaso da, te kolesagago te bidi meda me iligobeo, tebogo aga Godigo gedude dwai bidi me iligobeo. Menio. Tiali goli te po bidigo pedauwali tomodu te buluba soabo pogo, tego naga te bidi meda ilibo dao," Jisasgo te po wai.

¹² Tama te sogo te aga wali pabo bidi dabe augwali aselama, agabolo te po wagasai, "Nago te Farisi dabe augwaligo nago megii tamadi wali po odoyu, tama augwaligo dwai homu ebo koneaniwe?" te po wai.

¹³ Agai po wei ponoyu, te po digi po begelama te po wai, "Eno Aya dagalude bidibao, agai gi tiwai elalubao. Tama tigidali nai dabe te agai digi me bulusawani nai da, te nai tigidali deli deli agai te sele dabe dali page guda sawaibao. ¹⁴ Dagego te Farisi dabe augwali sula tagalama elaluao. Augwali te gedu widai, tama te gedu widai mego te gasa gedu widai bidi te pabo tu ola mawainogo ebao. Tiali goli, te me gedu widaigo te me gedu widai bidi te tu ola mayu da, teda bidi talua si te aji gamia pageba tulaluaibao," Jisasgo te po wai.

¹⁵ Pitago te po wai, "Nago te hasia wali po digi po begelama wali po page pusao, tama dago odaio."

¹⁶ Jisasgo te po bomonama wai, "Dage me te homu kolesaga meni yai bidi dabe dawe? ¹⁷ Te dagego konebo meniwe? Te tigidali nai pedauwali tomodu te tabiba pelama, tama te tabigo nosali te di beba sela sagi pabo dao. ¹⁸ Tiali goli te po pedauwalide bidama tama te buluba asobo, te po te bidigo homu kolesagadu pedalobo dao. Tama te pogo naga te bidi meda ilibo dao, tebogo aga Godigo gedude dwai bidi ilibo dao. ¹⁹ Tama bidigo homu kolesagadu te haniani dwai se ilabo homu pedalobo dao. Tama te tobage homu eyu, augwaligo po weyu, tama augwaligo te bidi ela mubo kolesaga me, te we sabo se dolobo kolesaga me, te hale ilibo penani kolesaga dabe me, te nai wi sabo kolesaga me, te po tuđe tibo po wabo kolesaga me, te bidi nogi posobo po wabo kolesaga me, te tobage dwai dwai se ebo dao. ²⁰ Tama te tebo kolesaga dabego te bidi Godigo gedude te dwai meda ilibo dao. Tiali goli bidigo duga waji nõu ola mani nogo we telabo kolesaga isiabadi te nai tubo, tebo kolesagago te bidi meda iligobeo," Jisasgo te po wai.

Kenan tõ we agai konealubo po Jisasde daõ mu wali po
(Mak 7:24-30)

²¹ Te Jisasgo te Genesaret tõ tagalama, tama aga gasa tõba pai, te hanu si nogi me Tair, me Saidon, te hanu si paða pai. ²² Tama te Kenan tõdu asai we me deli te bulude bidai, te we da te Israel hani isiõwai we

† 15:4 Sai 20:12; 21:17; Prs 20:9; Bom 5:16 †† 15:9 Ais 29:13

dao. Tama te we Jisas pageba asama, tama te po wedu geai, "Genuai bidi, nage te polobadu bidali bidi Devit aga hani bidi, nage ena dali homu dene eyu, tau siyu yao. Eno wegi te dwai haubogo mu dagana sai, tama te dwai haubogo te wegibolo dene mu mabo dao," te wego te po wedu geai.

²³ Tiali goli Jisasgo te wego po wei ponobeo, sagia sai. Tama aga wali pabo bage augwali agaba aselama, tama aga homu begelemainogo te po wai, "Te we aga tagala palao. Aga da wali asiyu, da dali bomonama i weyu ebao," augwaligo te po wai. ²⁴ Tama Jisasgo augwalibolo po wei ponoyu, te po wai, "Te Israel we bidi hani augwali te hagawai kibu sipsip tiwai dao. Tama God agai ena tşba tagala palali, te eno augwali naga tau somainogo asai," Jisasgo te po wai. ²⁵ Tiali goli te wego te po odolama, tama Jisas aga şağade kidu sugunagaselama, tama yalima, te wego te po wai, "Genuai bidi, nago ena tau sao."

²⁶ Tama Jisasgo te wego po wei ponoyu, te po digi po begelama, te po wai, "Te wai pulubago tubo nai te nai dago te dwasianu yowi dabebolo menamuo, te dolo menio," Jisasgo te po wai.

²⁷ "Te po mu dao, genuai bidi," te wego te po wai. "Tiali goli te yowi dabe me augwaligo te ni nami sai dologoba tulaluali tubo nai kagali, te nai te yowi dabego tubo dao, page bidigo bede," te wego te po wai.

²⁸ Tama Jisasgo te wego po wei ponoyu, te po wai, "We, nago naga homu tigidali enaba mani şe, enade konealubo şe, te şe genuai mu dao. Tama tibaso, nago ena dali hanalu wali nai po te pedalaibao," te po wai. Tama Jisasgo te po wabo side, tama te sogo polo tama te wego wegi gasi sana pelama, bidai.

Jisasgo gasi yai bidi hauwa geselali po

²⁹ Te megi da, Jisasgo te hanu si tş tagalama, tama te sigi ađ Galili tş pşba pai. Tama aga te tşde te bulu du me deliba holama, tama te bulu dude dulaluai. ³⁰ Tama we bidi hani hauwa augwali aselama, aga pageba sisi-nagasai. Tama augwaligo te şağ dwai we bidi dabe me, te gedu widai bage me, te dili gagea pai bage me, te pedauwali pania sai bage me, te gasa gasi yai bidi dabe hauwa me, tama augwaligo te bidi dabe Jisas şağ pageba muagasai. Tama agai augwali ma usu ilama, gesela silai dao. ³¹ Tama te we bidi augwali noma siyu, augwali homu hauwa yai. Magi basowe, augwaligo suali, te pedauwali pania sai we bidi dabe po ma weyu, te dili gagea pali bage te usu ma eyu, tama te şağ dwai bage me te ma biliyu yai, tama te gedu widai bage te gedu pedeliyu yai. Tama tibaso, augwaligo te Israel bagego God nogi ugwaba mu sai dao.

Jisasgo te 4,000 bidi dabe nai mani po

(Mak 8:1-10)

³² Te Jisasgo aga wali pabo bidi dabe i olama asobode, tama agai te po wai, "Eno e we bidi augwali homu dene ebuo. Augwali sela sogo ena dali bidali, te augwa sesali nai tula silali. Te eno augwali nasi ebadi

pao po weyu tagala palogobeo. Tiyu augwali tşde nasigo sidalio," Jisasgo te po wai. ³³ Tama aga wali pabo bidi dabe augwaligo agabolo te po wai, "Te ede te bidi meni yai digi dao. Te dago te tubo nai bret hauwa te menade selama, te e tiwai bidibo genuai we bidi hani hauwa magowe?" te po wai.

³⁴ Jisasgo augwalibolo te po wai, "Dagego nisu naga bret elalubawe?" Augwaligo te po wai, "Dago bret nogo a naga me badu nogo si badi, tama dwasianu şuđ si sela badi tama dago munalubao," te po wai.

³⁵ Tama Jisasgo te we bidi augwalibolo te po olama, tama augwali te tşde duda pai. ³⁶ Tama agai te bret a naga olama me badu nogo si badi, te şuđ dabe sobadi elama, tama agai Godibolo nage usu da po olama, tama te nai pebedelama, tama aga wali pabo bidi dabebolo madubadi, tama augwaligo te we bidibolo te nai dobaba pai. ³⁷ Tama tigidali augwaligo te nai tuali usu ela silai. Tama Jisas aga wali pabo bidi dabe augwaligo te me badu elaluali nai tigidali sisinani, tama te naigo te genuai bonou wa a naga olama me si pşğawai. ³⁸ Tama te we dabe sibi me te wai puluba me augwaligo te nai me tuali goli, augwali nedebeo, te nai tuali bidi dabe naga nedali e tiwai te bidi sese hauwa 4,000 bidi dao.

³⁹ Te augwaligo te nai tula silama, tama Jisasgo te we bidi augwa buluba tagala palama, tama aga te geba holama, tama aga te ađ daidu pelama, te Magadan tş badu pai dao.

Augwaligo te bomai şe suainogo hanalu wali po

(Mak 8:11-13; Luk 12:54-56)

16 Te Farisi hani dabe mebago me, te Sadyusi hani dabe mebago me, augwali Jisas pageba aselama, tama aga augwaligo usu sainogo yai. Augwaligo agabolo te dagalude bomai şe ebo me deli te augwaligo suainogo te şe yao te po wai. God agai te Jisasde dwagi yai homu egowe ma egobewe, te konemainogo augwaligo te po agabolo wai. ² Tiali goli agai po wei ponoyu, bomonama te po wai, "Te be pio ebode dagego te po wabo dao, 'Dagalu mama ebao, tama tibaso do te wiegi yai be posaibao,' te po wabo dao. ³ Tama be posobode kigamu dagego te po wabo dao, 'Te pş sisi elama tama dagalu mama ebao. Tama tibaso megi da, te wali me tulubage tulaeibao,' te po wabo dao. Awe, dagego te dagalu sulama, tama te magi be nosali pedalabo be te dagego konebo dao, te dagego dagalobo dao. Tiali goli dagego megi e sogo da te bodolu koneama dagalobo menio. ⁴ Dage dwai we bidi hani, te aga bidi tagalai we agai penani şe ebo gilama, te dagego God tagaliyu ebo we bidi dabego te bomai şe suainogo i obao. Tiali goli eno bomai şe te dagego sumainogo me egobeo. Menio. Te dagego Jonago polobadu mu yali bomai şe naga suagameo," wali. Tama Jisasgo augwali tagalama, gasaba pai.

Ola mabo po bugagia suo po

(Mak 8:14-21)

⁵ Te augwali te sigi aĵ nogali, tiali goli te Jisas wali pabo bidi dabe augwaligo te tubo nai bret meba dali sela asainogo yali te homugo kegeda pai. ⁶ Tama Jisasgo augwalibolo te po wai, "Dage dua bugagia dao. Dage te Farisi hani dabe me te Sadyusi hani dabe dali sigo bret bo dabo nai yisde dua dao," wali.

⁷ Te augwa digi augwa hasi po miyu, te po wai, "Dago te bret sela asisabaso, agai te po obao."

⁸ Tama Jisasgo augwaligo wabo po koneama, tama agai te po wai, "Aua, dage da te enaba duga homu dwasianu muani bidi dabe da. Magi baso duga digi te po weyu, 'Te da bret menio' te po obawe? ⁹ Ma, dagego me konebo meniwe? Te bidi sese hauwa 5,000 bidigo te a naga bret sela tuali te augwali tabibaso, tama te bonou wa basket nisu naga paġawai dawew? Te tiali seġ dagego konesiama gegeda pai dawew? ¹⁰ Ma, te a naga olama me si tama bret te bidi sese hauwa 4,000 bidi dabebolo menama tuali, te dagego homugo te naigo nisu naga basket wa paġawani, te dagego gegeda pisiama konealusiayu ebawew? ¹¹ Te eno bret po dagebobo wabe. Magi baso dagego te konebewew? Dage te Farisi hani dabe me te Sadyusi hani dabe dali sigo bret bo dabo nai yisde dua dao," Jisasgo te po wai.

¹² Tama te po odama, tama augwaligo koneai, agai augwalibolo te bret bo dabo nai yisde te po olama wabeo. Menio. Agai te po wali, te augwali te Farisi dabe me te Sadyusi dabe dali sigo ola mabo pode te bugagia dua dao te po olama wali.

Pitago Jisas aga te Krai da po haninama pusali po

(Mak 8:27-30; Luk 9:18-21)

¹³ Te Jisas te gasa tġba pali, te tġde te hanu me deli nogi Sisaria tede elaluali, te gavman bidi nogi Filip agai te bulu tonaluali. Tama te badu pelama, tama te sogo Jisasgo agade digi te aga wali pabo bidi dabe augwalibolo hanaluyu, te po wai, "Te we bidi augwaligo homu te Godigo Bidi Mude aga de dawew, augwaligo magi po agade wabo dawew?" Jisasgo aga digi te po wai.

¹⁴ Tama augwaligo te po wai, "Mebago te po wabo dao, te nage te baptais mani bidi Jon da po wabo dao. Tama mebago nage ma te polobadu bidali profet bidi Elaija da wabo dao. Tama mebago te po weyu, nage te Jeremaia da po weyu, ma gasa te Godigo po polobadu pusali profet bidi da te po wabo dao."

¹⁵ Tama Jisasgo augwalibolo te po wai, "Tiali goli dagego da, te dagego homugo ma ena de da wabo dawew?"

¹⁶ Tama Saimon Pitago po wei ponoyu, te po wai, "Nage da, nage te Godigo te we bidi tau sabo sa muani bidi Krai dao, te nage bidibo ula elalubo Godigo Ogwa dao," Pitago te po wai.

¹⁷ Jisasgo po wei ponoyu, agabolo te po wai, "Saimon, Jongo ogwa, God agai nage dali wiegi yai seġ mu yai dao, tama nage wiegi yai homu pemene yao. E

tġde bidi me deligo te po nagebolo me ola mabeo. Menio. Eno Aya dagalude bidibo bidi agai te po nagebolo ola mani dao. ¹⁸ Tama eno nagebolo te po obao, nage Pita dao, te nogi page te masigi dao, tama eno ena po wali pabo we bidi hani te masigi daide pedalaibao, te be me deli te genuai masigi daide seġ ebo tiwai. Tama te we bidi hani augwali te dwai mobo bidi Satango we bidi ela muabo bomogo augwali me aiya-ba elalugobeo. ¹⁹ Te eno nagebolo te we bidi Godigo augwali tonalubo madi tomoba pabo tġ dabo ki, te ki eno nagebolo mawaibao. Tama menama, tama nago te tġde ebo niwai kolesaga daġ weyu habu selebaso da, teda Godigo me te aga bidibo madide te kolesaga daġ weyu habu selaibao. Tama nago e tġde niwai kolesaga yoga sisama pisigina sabaso da, teda Godigo me te aga bidibo madide te kolesaga yoga sisama pisigina saġwaibao," Jisasgo te po Pitabolo wai. ²⁰ Tama te po olama, agai po bomonama aga wali pabo bidi dabebolo wali, augwaligo gasa bidi dabebolo te aga digi te Godigo sa muani Krai bidi da wali po me wagio, hogwa sao, te po wai.

Jisasgo aga dene selama, isama, ma hodalueibao wali po

(Mak 8:31-9:1; Luk 9:22-27)

²¹ Tama te sogo, te Pitago nage Krai dao po wali sogo, te sogo Jisasgo gagalama, aga wali pabo bidi dabebolo te po haninama ola mawai, "Te mu tama, ena te moni hanu Jerusalemba paibao. Tama pelama, tama tede nosali te Juda dabe genuai bidi dabego me, te pris tobolu bidi dabego me, te Juda dabego bomoyai po page ola mabo bidi dabego me, te augwaligo ena dene genuai mu mawaibao. Augwaligo ena isilama, tama nosali te sela sogo wabo side ena ma hodalueibao," Jisasgo te po wai. ²² Tama Pitago aga te gasaba odasa aselama, tama bomonama yoga sabo po wabo galalai, "Genuai Bidi, mu menio. Eno homugo God agai nage dali homu dene eyu, tau siyu yao, te seġ nageba pedalidali weyu. Te seġ nageba me pedalogobe dao, te homu ebao," Pitago te po wai.

²³ Tama Jisas begelama, Pitabolo te po wai, "Satan, nage ena tudi badu soao. Nago eno pabo tġde tġ palobo nai tiwai dao. Nago Godigo homu kolesaga wali pabeo. Menio. Nago e tġde bidigo homu kolesaga naga wali peyu, enabolo te po wai," Jisasgo Pita dali te po wai.

²⁴ Tama te sogo Jisas aga wali pabo bidi dabe augwalibolo te po wai, "Te ena wali niwai bidi me deli asainu da, aga tobade aga digi aga homu aiya-ba elalulama, tama agaba asobo niwai seġe bugagia tolalu ena wali asao. ²⁵ Magi baso meni. Bidi me aga e tġde bidibo sogo aga tobade aga tigi sese yai da homu eyu da, teda dwaibao, hagawaibao. Me ma, niwai bidi me deli agai homugo ena koneyu, tama ena tobade aga bidibo ula tagaliyu da, teda aga bidabo ula mu saibao.

²⁶ Bidigo e tġde elalubo tigidali nai aga sai goli, tama te nai sobadi aga mu bidabo ula doloyu da, teda te tigidali sali naigo aga tau sabo usu egobeo. Te bidigo

te bidibo ula ma abelainu te mena nai mobaso, te usu me egobeo. Te menio. ²⁷ Magi baso meni. Nosali Godigo Bidi Mu te aga Ayago genuai bomo me, ula me dali, te ensel mobo bidi dabe dali hodobo si asaibao. Te sogo te agai tigidali we bidigo yali kolesaga usu nama wei ponaibao. ²⁸ Eno mu po dagebolo obao, dage megi ede bidalubo bidi dabe me badu isisabadi, dagego te Godigo Bidi Mu aga we bidi tonalubo sę yabo bomo dali asobo sueibao," Jisasgo te po wai.

Jisasgo tigi gasagi yai pedalai

(Mak 9:2-13; Luk 9:28-36)

17 Te nosali me sela sogo silama, tama Jisasgo Pita badi, te Jems de Jon ama name si badi, te bidi sela naga Jisasgo selama, tama aga polasa peyu, augwali te moni bobage bulu duba holai. Tede augwa naga bidaluai. ² Tama augwali te bulu dude bidibadi, te bidi sela augwaligo gedugo Jisas tonalubadi yaide, tama Jisasgo tigi augwaligo gedude gasagi yai pedalai. Aga gesabidi te giliga ge nanobo tiwai yai. Aga ugwa dabe me te gegemani eyu, tama ba nala nisi tiwai mu pedalai dao. ³ Tama tilama, tama teba gasa bidi me si pedalai, te Jisas wali pabo bidi sela augwaligo te bidi si gedugo suai. Te polo pedalai bidi si me bidi nogi Moses, bidi me aga nogi Elaija, te tõe polobadu mu bidai bidi si dao. Tama augwali si Jisas dali po mibo te bidi selago suai. ⁴ Tama tibaso, Pitago Jisasbolo te po wai, "Genuai Bidi, da ede bidibo te wiegi yai mu dao. Tama nage te homu eyu da, eno te osogo bidabo be sela sę yaibao, me nage bidabo be, me Moses bidabo be, me Elaija bidabo be tama sę yaibao," Pitago te po wai. ⁵ Tama Pitago te po odubadi yaide, tama ula mu ebo pę me deligo augwali tigidali polo mesega sagasali. Te pęgo augwali mesega sagaselama, tama te pę tomodu po me weyu te po wali, "E bidi da, eno Ogwa dao, te eno aga godolo mu ebo dao, eno aga dali dwagi yai homu mu ebo dao. Agai wabo po dagego mu odięo," te po wai. ¹⁶ Tama Jisas wali pabo bidi sela augwaligo te po wabo odobo si, augwali wi genuai mu eyu, augwa tigi tęba basi guluyu, augwa gesabidi tęba mugulama, tama augwali wi mu yai dao. ⁷ Tama Jisas augwali pęba asiyu, agai nogogo augwali dięyu, augwalibolo te po wai, "Dage hodaluao. Dage wi egimio," te po wai. ⁸ Tama augwaligo ugwaba tonono holali, te bidi si subeo. Te Jisas agaduba naga dolalubo suai.

⁹ Te augwali te bulu dude bidali tagalama dulubadi, Jisasgo bomo elama, augwalibolo te po wai, "Dagego megi suai sę po te gasa bidi dabebolo wagio. Dagego te po osogo hogwa sao. Tama nosali te Godigo Bidi Mu aga isama, tama ma hodalobode, tama te sogo dagego megi suai sę po te we bidibolo wagameo," Jisasgo te po wai.

¹⁰ Tama Jisas aga wali pabo bidi dabego agabolo hanalu wali, "Tiali goli, magi baso te da Juda dabego bomo yai po page koneai bidi dabe augwaligo te

polobadu e tõe bidali bidi Elaija bolo hasia asaibao po obawe?" ^{††}

¹¹ Tama agai po wei ponoyu, te po wai, "Awe, mu dao, Elaija aga ma asama, agai tigidali nai hasia dodolagasaibao. ¹² Tiali goli eno dagebolo obao, Elaija aga asali goli, tama te bidi dabe augwaligo aga konebeo. Menio. Augwa digi augwaligo augwa ebo haniani dwai kolesaga wali peyu, aga dali dwai sę yai. Te tiwai kolesago naga augwaligo te Godigo Bidi Mu dali me dwai sę eyu agabolo dene mayu yaibao," te po wai.

¹³ Jisasgo te po tiwai po obaso, tama aga wali pabo bidi dabe augwaligo koneani, agai augwalibolo te bap-tais mani bidi Jonde po wai, te Jon aga Elaijago sę yagasai dao.

Jisasgo dwai haubogo touai ogwa me deli usu ilali

(Mak 9:14-29; Luk 9:37-42)

¹⁴ Te Jisas dali, aga wali pabo bidi me sela hodobo augwali te bulu du dulama, tama te genuai we bidi hani bidalubo madi sabolali. Tama augwali teba sabalobadi, tama bidi me deli Jisas pęba kidu sugunagaselama, ¹⁵ tama te bidi agai te po wai, "Genuai bidi, nago eno ogwade homu dene eyu tau sao. Aga te esela pelama, tama aga tigi dwai mu bidibao. Awe, hauwa sogo aga te siaba tulaluyu, tama hauwa sogo me aga te aęba tulaluyu ebo dao. ¹⁶ Tama naga wali bilibo bidi dabego te aga usu ilimainogo eno aga augwali pageba sesai dao. Tiali goli augwaligo aga geselainogo yali usu isębaso tagalai dao," te po wai.

¹⁷ Te Jisasgo te po wei ponoyu, bomonama te po wai, "Dagego homu enaba begi pisęwai we bidi hani, tama dagego homu gagea pidubao. Ena dage dali nisu naga sogo me bidigowe? Nisu naga sogo eno dagego sęę tologowe? Dagego te ogwa eba sesao," wali. ¹⁸ Tama te ogwa sesama, tama Jisasgo te dwai haubo noma bidibolo wado ilibo po obaso, tama agai te ogwa dali bidali tagalama pabo si da, tama megi naga tama te ogwago gasi sia sai dao.

¹⁹ Te nosali te Jisas aga wali bilibo bidi dabe naga agaba aselama, te po wai, "Magi baso dago te dwai haubo sela sęwainogo ebo te usu ebewe?" ²⁰ Tama agai te po augwalibolo wai, "Dagego homu Godiba dwasianu naga begi pobaso, dagego te sę yainogo ebo te usu meni dao. Awe, eno mu po dagebolo obe dao, te dagego Godiba duga homu begi pabo kolesaga te dwasianunu, te kemeni ge tiwai usu elalubaso da, teda dagego e bulu dubolo te po weyu da, 'Nage hodaluama tama u badu pao' wabo si da, tama aga teba paibao. Tama dagego te tiwai bomai sę tigidali ebo te usu yaibao. ²¹ [Tiali goli dagego te gedu haluasa po wabo me, te osogo nai gisilibo sę me, te sę si isiębaso da, teda dagego te tobage gasa dwai haubo noma bidi sela sęwainogo ebo te usu egobeo. Menio.]" Jisasgo te po wai.

† 17:5 Gag 22:2; Bom 18:15; Tib 2:7; Ais 42:1; Mat 3:17; 12:18; Mak 1:11; Luk 3:22

†† 17:10 Mal 4:5

Jisasgo aga isama ma hodaloabo po ma wai
(Mak 9:30-32; Luk 9:43-45)

²² Augwali hodobo te Galili tşde deliba sisinama, tama Jisas aga wali pabo bidi dabebolo te po wai, "Augwaligo ena te Godigo Bidi Mu e tşde bidigo nogo-ba mawaibao. ²³ Tama augwaligo aga ela muaibao. Tama sela sogo wabode te Godigo bomogo aga ma hodolobaso, te aga ma hodalueibao," Jisasgo te po wai. Tama aga wali pabo bidi dabe augwali homu seęę mu te pode yai dao.

Jisasgo te Moni Lotu Be tempel beba takis mone muani po

²⁴ Te nosali te sogo augwali te Kaperneam hanuba sabolama, tama te Moni Lotu Be tempel tau sabo takis mone sabo bidi augwali te Pita pageba aselama, agabolo te po wai, "Te dagego po ola mabo bidi agai te Moni Lotu Be tempelba te takis mone mubo dawę?" te po wai. ²⁵ Tama Pitago te po wai, "Awe, magiai, te mabo dao." Tama aga te po olama, tama aga beba pal-ima, te be tomoba pelama, tama agai po wasiqbadi hasia bolo Jisasgo agabolo hanalu wai, "Saimon, nago magi homu ebawę? Te e tşde tuni bidi augwaligo te mone sabo haniani takis seę niwai bidide sabo dawę? Augwaligo augwa hani we bidi dali siyu, ma gasa hani we bidide sogowę?"

²⁶ Tama Pitago te po wai, "Te gasa we bidi hanide sabo dao." Tama Jisasgo agabolo te po wai, "Awe, tama tibaso te tuni bidi aga hani bidi augwaligo te takis mone magobę," agai te po wai. ²⁷ Aga homu agai te takis mone masiqbaso da, te usu da, te homu eyu tama agai Pitabolo po me wai, "Tiali goli, e takis sabo bage augwaligo da si dali dwai homu idali weyu, tama nage te sigi aįba pelama, te sųę sabo huk te aįba saęi pao. Tama nago hasia sabo sųę, te nago selama penane pedegao, tama nago te sųę tomode te mone ge me deli sueibao. Te mone ge nago selama, augwalibolo mao, te dadi si talua sigo takis mone usu nama muaibao," Jisasgo te po wai.

De te Godigo we bidi tonalubo madide genuai bidi dawę?

(Mak 9:33-37; Luk 9:46-48)

18 Tama te takis mabo po wali sogo aga wali pabo bidi dabe augwali Jisas pageba pelama, te po wai, "De mu te Godigo we bidi tonalubo madi genuai bidi mu dawę?"

² Tama Jisas agai te wai bųę me deli i olama asobo si, te wai bųę agai augwali tomoba sela aselama dodolali. ³ Tama agai te po wai, "Eno mu po dagebolo obao, te dage e wai bųę tiwai pedelama hasegelesiqbaso da, ta dage te Godigo we bidi tonalubo bomo tomoba munu me pogobę. ⁴ Te mena bidi aga digi te aga ebo kolesaga dabe dali aga aiyaba elaluama aga nagamea homu eyu, e wai bųę tiwai gagawali da, te tiwai kolesaga ebo bidi agai te gasa Godigo tonalubo we bidi dabe

augwaligo yali kolesaga aiyaba elaluabao. ⁵ Tama mena bidigo enade homu beagasu wiegi yai homu eyu, tama e tiwai wai bųę me tau sobaso da, teda agai te wai bųę naga tau siyu ebeo. Te ena agai tau siyu ebao. ⁶ Tiali goli bidi mego e tiwai wai pulubago enaba homu begagaselama, te konealubo po daų wali te aga dwai seę ebo tomoba kegeyu tulaluyu da, tebo bidigo dwai seęę mu saibao. Tama aga te dwai seę idali weyu, te bidi dabe augwaligo aga magede moni seęę yai masigi te bonogo keęama, te bidi te tamu aį moni ge tomoba sela saųu aga tede weę tuyu poma peyu elama isigi sogo da, teda te usugi dao. Te seę agaba pedaligi sogo da, aga te moni dene sigi menigi da."

⁷ "Magi baso meni. Te tşde bidi dabe augwaligo te bidi meba te dwai seę ebo kolesaga tomoba kegelama, te bidi meba tulalubo dao. Te augwali kegali bidi dabego moni dene mu saibao. Mu dao, te tobage haniani dwai kolesaga pedalaibao. Tiali goli te dwai seę ebo kolesaga tomoba gasa bidi kegebo bage, augwalide hobede mu yao, augwaligo moni dene mu saibao. ⁸ Me ma, te naga nogo ma saęaęo te nage dwai seę eboba kegeyu tama nage te kolesagaba tulaluainogo idali weyu, tama nage te nogo ma saęa te togwa saųao. Tama tiyu te nago nogo me deli naga elaluyu, ma nago saęa me te me deli naga elaluyu, tama nago te sesemane sogo bidada pabo ula sabo te usu dao. Tiali goli nago nogo si ma te nago saęa si me elaludu da tama augwaligo dwai seę eyu, nage te genuai dene mu siyu bidada pabo te isisąbo sia dabo madi teba peyu da, te dwai mu dao. ⁹ Tama me ma, naga gedu mego nage te dwai seę eboba kegeyu, tama nage tulaluainogo ebaso da, teda nago te gedu guda saųao. Tama nago gedu deli naga elaluyu, te naga sesemane sogo bidada pabo ula sabo, te usu dao. Tiali goli nago gedu si elaluyu, tama augwaligo nage te dedage page sia dabo madiba saųu da, te dwai mu dao. ¹⁰ Dage dua bugagia dao. Tiyu dagego te homu eyu, e dwasianu we bidi tomode me deli te olo nai tiwai da wagimio, augwalide tagala wagimio. Menio. Eno dagebolo te po obao, te Godigo bidi-bomadi bidibo ensel te mobo bidi dabe augwaligo sesemane sogo te eno Aya dagalude bidibo subo dao. Tama tiyu, te ensel mobo bidi dabego e tiwai dwasianu we bidi hani tonalubo dao. ¹¹ [Magi baso meni. Te Godigo Bidi Mu agai te hagawai we bidi dabe augwali ma sagasu asai dao.]" Jisasgo te po wai.

Te po digi po begelama, te kibu sipsip hagawali po wai
(Luk 15:3-7)

¹² Jisasgo te po wai, "Dagego magi homu ebowę? Ma, te bidi me deligo kibu sipsip te 100 sipsip elaluai baso da, tama te sipsip me deli hagabaso da, teda te bidigo magi yaibawę? Te agai te 99 sipsip te bulu dude nai tuyu bidibadi tagalama, tama agai te hagawali sipsip me deli gegebo seę gagalaibawę? ¹³ Awe, eno mu po dagebolo obao, te agai gegali sipsip subaso da, teda agai te hagasiąwani bidibo sipsip dali wiegi yai homu yai goli, agai te hagawai sipsip ma sali te sipsip delide wiegi yai homu pemene mu yaibao. ¹⁴ Tama te tiwai

naga duga Aya dagalude bidibo bidi agai e dwasianu wai puluba me deli hagaidali homu ebo dao," Jisasgo te po wai.

Amago ebo dwai kolesaga dodolobo po

¹⁵ "Te nago ama agai dwai kolesaga nage dali ebaso da, teda nage pelama dugaduba si digi bidiyu, tama nago aga dwai şe yali kolesaga te agabolo haninama ola mao. Tama agai nago po odobaso da, teda naga ama te dwai şeba kegali te nago aga ma oda sabo tiwai ebo dao, te dage si deli homu naga yaibao. ¹⁶ Me ma, agai nago po wabo odobo hagela ebaso da, teda nago te gasa bidi deli ma bidi si selama, tama agaba ma pao. Magi baso meni. Te Mosesgo aşani bomo yai pogo te tama po wabo da, 'Te dwai kolesaga dodolobo po te bidi si selago odişo, augwaligo "Te mu po dao" nosali omainogo te tama yao.' ¹⁷ Tiali goli agai augwaligo po odobo me hagela ebaso da, teda dagego te Godigo po odobo we bidi hanibolo te po pusao. Tama agai te Godigo po odobo we bidigo po me odisaşbaso da, teda dagego homugo aga te Godigo po odisaşbo bidi, ma te takis mone sabo şe ebo dwai bidi tiwai da homu eyu, aga sula tagalao," Jisasgo te po wai.

¹⁸ "Eno mu po dagebolo obao, dagego e tşde daş weyu habu selali nai te nai tigidali te Godigo me te aga we bidi tonalubo madide me daş weyu habu selaibao. Ma, dagego e tşde pisigina şabo nai te nai tigidali te Godigo me te aga we bidi tonalubo madide me pisigina şawaibao. ¹⁹ Tama eno po me dagebolo obao, e tşde dage tomode bidi me sigo deli homu kolesaga eyu, tama nai me deli sainogo augwali sigo gedu haluasa po obaso da, teda eno Aya dagalude bidibo bidi agai te nai te bidi sibolo mawaibao. ²⁰ Awe, te bidi si ma selago eno nogide bulu me deliba sisinabaso da, teda ena augwali tomode bidaibao," Jisasgo te po wai.

Te po digi po begelama bidi mego gasa bidigo negeli sela şaşibo po wai

²¹ Tama te sogo Pita Jisas pageba asama tama aga dali te po wai, "Genuai Bidi, nisu naga sogo ena amago dwai şe enabolo emainogo yai, tama agai enabolo dwai şe yali te şeşe eno nisu naga sogo sela şagowe? Ma a naga olama me badu nogo si tama sogo te şeşe sela şabo usu egowe?" Pitago Jisas dali te po hanalu wai. ²² Tama Jisasgo Pita dali te po wai, "Eno nagebolo te a naga me badu nogo si tama sogo te po wabeo. Menio. Eno te po obao, nago naga amago dwai şe yali te nago sesemane sogo agai te dwai şeşe sela şayao, eno te po nage dali obao. ²³ Magi baso meni. Te God agai we bidi tonalubo şe e tiwai dao, te tşde gavman tuni bidi me deligo aga şe tonalubo bidi dabego negeli sali nai dodolainogo yai. ²⁴ Tama agai te nai negeli sali dodolobo şe ebo gagalama, tama augwaligo bidi me deli aga pageba sela asai, tama te sela asali bidigo negeli sali mone te genuai mu tama te mone nogi hauwa mu dao. ²⁵ Tiali goli te bidi agai te negeli sali

mone wei ponabo mone usu mu menio. Tama tibaso, te gavman tuni bidigo augwalibolo te po olama, 'Te bidi me aga we wai dabe dali tama aga doado bage dali tigidali munama, tama gasa bidigo abelama, tama te negeli sali me badu ponabo mone sao. Aga gasa bidigo masigi şaşibo şe ebo bidi bidaibao,' te po wai.

²⁶ Tama te şe tonalubo bidi aga te tuni bidigo şaga pagede tşba kidu sugunama, tama te tuni bidigo homu bedegau iliyu, gonobo po weyu, te po widu geai, 'Nago ena hobede elama, ena tonalua. Tama eno nage dali negeli sali tigidali nagebolo wei ponaibao,' wali. ²⁷ Tama genuai bidigo te şe tonalubo bidi aga hobede ebaso tagalai, tama agai te olo negeli sali mone me tagalai."

²⁸ "Tama te şe tonalubo bidi buluba solama, tama aga te gasa şe tonalubo bidi me deli aga abagi me suali, tama agai te bidibolo negeli polobadu mane pololai masigi nogo si elalui. Tama agai aga abagi te bidi dogoniba keş sigi pelama, tama bomu eyu, te bidi poma peyu, tama agai agabolo te po wai, 'Nago negeli sali mone tigidali wei enabolo ponao.' ²⁹ Tama aga abagi te bidi tşba kidu sugunama, tama agabolo homu bedegau ilibo po weyu te po wai, 'Nago ena hobede elama tonalua. Eno nago mone negeli sali wei ponaibao,' wali. ³⁰ Tiali goli te bidi aga hagela yai. Tama agai aga abagi te bidi kalabusiba mugi pai, tama te bidi tede bidibadi agai negeli sali wei usu numainogo tiwaibao."

³¹ "Tama te tuni bidigo şe ebo bidi meba augwaligo te kolesaga ebo sulama, tama augwali dwai homu mu yai. Tama augwali pelama, augwa genuai bidibolo te po tigidali pusigi pai. ³² Tama tibaso, te genuai bidigo te bidi i olama, tama aga dali te po wai, 'Nage dwai kolesaga ebo şe tonalubo bidi dao. Hasia nage ena dali gela obaso, tama nago te negeli sali nai tigidali eno olo mu tagalao po wai dao,' te genuai bidigo te şe bidi dali te po wai. ³³ 'Tama te sogo eno nage hobede yai dao. Tama magi baso nago me naga abagi te gasa şe tonalubo bidi hobede yai meniwe?' wali. ³⁴ Tama genuai bidigo aga te dene maiabo bidi dabego nogo muai, te kalabuside, tama te bidi tede bidibadi agai nai negeli sali tigidali usu numainogo tiwaibao. ³⁵ Te tiwai me, dagego homu mu esişyu, dagego duga ama dabego dage dali yali dwai şe sela şaşiwani da, teda eno Aya dagalude bidibo bidi agai me te dagego dwai şe ebo te aga sela şagobeo," Jisasgo te po wai.

Jisasgo te bidigo aga sai we sela şabo kolesaga ebo po wai

(Mak 10:1-12; Luk 16:18)

19 Te Jisasgo te şe tonalubo bidi dabede po digi po begelai po wali silama, tama agai te Galili tşde bidali tagalama, tama te moni pabo aş Jordan bolama, te Judia tş badu pai. ² Tama we bidi hauwa augwali aga wali asai. Tama tede agai augwaligo gasi dabe usu ma ilai.

³ Tama te Farisi hani dabe meba agaba aselama, tama augwaligo agai geda mubo po wagowe te homu

eyu, tama augwaligo aga usu sagasai. Augwaligo te po wai, "Nago magi homu ebowe? Ma, dago bomu yai pode te bidigo aga homu naga wali peyu, tama aga we te tigidali magi şede sela şabo te usu egowe?" te po wai.

⁴Jisasgo po wei ponoyu, te po wai, "Te dagego polobadu te aşani po me nedai meniwe? Agai te po wai dao, 'Polobadu mu Godigo tigidali nai nigali sogo agai te bidi me we augwali nigilama pedelai dao.'

¹⁵Tama agai te po me wai, 'Tama tiyu, bidigo aga aya ida tagalama, tama aga we dali mu keş pelama, tama augwa si te deli tigi tiwai mu pedeliyu bidaibao,' te po wai. ¹⁶Tama tibaso, augwa si hasia tedali tedali bidali tiwai egobeo. Menio. Augwa si te dedeli tigi tiwai mu yaibao. Tama Godigo te daş olama keşnani nai te bidigo me togolamuo," Jisasgo te po wai.

⁷Tama te Farisi dabe augwaligo agabolo te po wai, "Tama tiyu da, te magi baso Mosesgo polobadu te bomai po mayu, te bidigo we sela şabo po te pasde aş-nama te webolo menama, tama aga sela şayao po magi baso wai dawew?" †

⁸Te Jisasgo augwalibolo te po wai, "Dage te masigi homu tomoba şawai elalubo bidama dobaso, tama tiyu Mosesgo suali dagego te tiwai kolesaga ebaso, agai dagego waş dabebolo te we sela şabo po wai dao. Tiali goli te Godigo tigidali nai nigali sogo te tiwai kolesaga meni yai dao. ⁹Eno, eno e tiwai po dagebolo obao, te bidi mego wego te dwai penani şe me işabadi, tama bidigo te we aga sela şanama gasa we sobaso da, teda te bidi aga digi te dwai penani şe ebo kolesagaba kekebo şe tiwai ebo dao," Jisasgo te po wai.

¹⁰Tama aga wali bilibo bidi dabego agabolo te po wai, "Te bidi aga we dali bidibo kolesaga te tiwai ebaso da, teda te bidigo we sabo şe te tagalabo digi dao, aga olo bidao," te po wai.

¹¹Tiali goli agai augwalibolo te po wai, "Te bidi tigidaligo te we sisabo po me sabo usu egobeo. Menio. Godigo te bidi mebabolo naga te po mabo dao. ¹²Magi baso meni. Te haniani bidi augwali te we me sogobeo, te usu egobeo. Augwali meba bidi te augwa idago ame nani sogo te augwali tama tiwai naga ame nai, aga tigi dwali. Tama meba ma te gasa bidi dabego augwaligo domo ge dinamama, tama augwaligo we me sogobeo. Tama mebago te Godigo we bidi tonalubo şe asomainogo tiyu, te we sabo şe habu selebo dao. Bidigo te po agai sainogo usu ebo bidi da, teda agai te po somainao," Jisasgo te po wai.

Jisasgo te wai puluba bugagia bidabo po mobo mani po

(Mak 10:13-16; Luk 18:15-17)

¹³Te sogo te we bidi augwaligo te dwasianu wai puluba meba te Jisas agaba odasa asai. Augwaligo agabolo te po wainogo te nago nogo te e wai puluba tobolude munama, bugagia bidimainogo gedu haluasa po wao. Tiali goli te Jisas wali pabo bagego te bidi

dabego te po wainogo asobo sulama, tama te we bidi-bolo wado po weyu, te şe ebo tagalao te po wai. ¹⁴Tiali goli Jisasgo te po wai, "Dagego te wai puluba augwali ena pageba asomainao," po wali. "Dagego augwali daş me wagimio. Menio. Te e wai pulubago ebo homu kolesaga tiwai ebo we bidi te augwali Godigo we bidi tonalubo madigi tomoba asagameo," wali.

¹⁵Tama agai nogo augwali tobolude munama, bugagia bidabo mobo mabo po wai. Tama nosali aga te bulude bidali tagalama, gasaba pai.

Gesi bidigo doado bage hauwa elalubo po

(Mak 10:17-31; Luk 18:18-30)

¹⁶Te me sogo bidi me deli Jisas pageba sabolama, te po wai, "Po ola mabo bidi, eno mena tiwai wiegi yai kolesaga elama, tama ena te bugagia sesemane sogo bidada peyu, bidada pabo ula sogowe?" Te bidigo te po wai.

¹⁷Tama Jisasgo agabolo te po wai, "Te enabolo magi baso nago te wiegi yai şede hanalu obawe? Te me deli digi naga te aga wiegi yai dao, te God dao. Tama nage te wiegi yai bidabo ula sabo homu ebo wida, teda nago te Godigo bomu yai po wali pao."

¹⁸Tama te bidigo agabolo te po wai, "Mena bomai po dabewe?" Tama Jisasgo te po wai, "Te e po dabe dao: 'Nago bidi ela mugio. Nago te penani şe egio. Nago nai wi sigio. Nago gasa bidide tibo po ola magio.

¹⁹Nago naga aya idago po wali pao. Tama nago gasa bidi dabe dali dwagi yai homu eyu godolo yao, te nago naga digi naga dwagi yai homu eyu godolo ebo tiwai kolesaga te gasa bidi dabe dali me tama naga tiao," wali. †

²⁰Te gesi bidigo agabolo te po wai, "Te tigidali bomai po eno wali pela silai dao. Eno magi şe me deli yabo te habuge elalubowe?"

²¹Tama Jisasgo agabolo te po wali, "Te nage doloba pai mu pedalabo homu ebaso da, teda nage pelama, nago doado bage tigidali te bidi dabego abelemainogo munama, tama nago te sali mone te magi nai meni yai we bidi augwalibolo te mone mao. Teda nago nosali sabo wiegi yai nai hauwa mu te Godigo bidibo madide sisi ilai elaluaibao. Tama tilama, nage ena wali asao," Jisasgo te po wai. ²²Te gesi bidigo te po wali odolama, tama aga homu şeş mu yali, tama aga beba ma pai. Magi basowe, te agai doado bage hauwa mu elaluai.

²³Tama Jisasgo aga wali pabo bidi dabebolo te po wai, "Eno mu po dagebolo obe dao, te mone hauwa munalubo bidi aga te Godigo we bidi tonalubo kolesaga te tomoba painogo te sinabo şe mu yaibao.

²⁴Eno dagebolo te po ma obe dao, te moni kibu kamel te ugwa hobolo medabu dedage tomoba painogo te sinabo şe yaibawe? Awe, tiali goli te mone hauwa elalubo bidi te Godigo we bidi tonalubo kolesaga tomoba painogo sinabo şe genuai mu yaibao," te po wai.

† 19:4 Gag 1:27; 5:2 †† 19:5 Gag 2:24 † 19:7 Bom 24:1-4; Mat 5:31

†† 19:18 Sai 20:13-16; Bom 5:17-20 †† 19:19 Sai 20:12; Prs 19:18; Bom 5:16

²⁵ Te aga wali bilibo bidi dabe augwaligo te po wabo odama, augwali te pode noma mu sali. Tama augwaligo te po wai, "Tama te tiwai ebaso da, teda de Godigo aga ma selama, tama aga te bugagia sesemane sogo bidada pogowe?"

²⁶ Tama Jisasgo augwali dolo mu ponama tonalu, tama te po augwalibolo wali, "Te e tşde bidi dabe augwaligo te şe ebo te usu me egobeo. Tiali goli God da, te tigidali şe ebo usu yaibao," wali.

²⁷ Jisas agai te po olama, tama Pitago agabolo po wei ponoyu, te po wai, "Da suao, te dago tigidali nai dabe tagalama, nage wali asobao. Te dago magi nai saibawe?"

²⁸ Tama Jisasgo augwali dali te po wali, "Eno mu po dagebolo obao, te tigidali nai gesi noma ma pedalobo sogo, te Godigo Bidi Mu aga genuai nogi me bomo dali te sogo te tuni bidi duabo sia saide dulaluyu, te sogo te dage, dage ena wali asali bidi dabe me, dage tuni bidi dabe bidiyu, tama te 12 wali te duabo sia saide dualama, tama te 12 te Israel hani augwali tonalubo şe yagameo. ²⁹ Tama tigidali we bidigo eno nogiba homu tia sagaselama, tama augwaligo augwa be dabe me, augwa ama dede me, abe dede me, te augwa ida aya me, augwa wai puluba me, gi dabe me tagalama, tama ena wali asali we bidi da, te augwaligo te tagalali nai wei genuai mu ma saibao. Augwaligo nosali sabo naigo te polobadu tagalali nai edelaibao. Tama te sesemane sogo bugagia bidada pabo wiegi yai ula me saibao.

³⁰ Tiali goli, te megi polasa pali bidi dabe hauwa augwali nosali badu ma igisulama, te nosali badu asali we bidi dabe hauwa te pologi soaibao," Jisasgo te po wai.

20 "Magi baso menio. Te Godigo we bidi tonalubo kolesaga te bidi me deligo tş hauwa elalubo bidigo yali kolesaga tiwai dao. Te kigamu digi mu te bidigo aga du walobo bono gide şe yabo bidi sesa bili-gi pai. ² Te augwaligo te mone ge nogo si sabo usu da olama, te mone ge nogo si te sogode saiba po usu da obaso, tama agai wain bono du giba şe egi pomaino-go augwali tagala palai. ³ Tama te giliga nanobode aga asiyu suali, te bidi meba olo te bidi sisinama bidibo digi dodolalubo suai. ⁴ Agai augwalibolo te po wai, 'Dage me pelama, te wain giba şe egi pişo, tama te şe ebogo sabo mone tiwai usu nama, te eno dagebolo mawaibao,' wali. ⁵ Tama po obaso, augwali pai. Tama te giliga tomode me te be pio ebode me aga ma peyu, tama naga tiwai. ⁶ Tama be pio giliga dega sabode aga ma pelama suali, te bidi dabe meba olo dodolalubo suai. Tama agai augwalibolo te po wai, 'Magi baso dage moni e giligade olo mu dolaludubadi geaniwe?' te po wai. ⁷ Tama augwaligo po wei ponoyu, te po wai, 'Te dabolo şe maiabo bidi me menio.' Tama agai augwalibolo te po wai, 'Dage me te wain giba pelama, şe egi pişo.' ⁸ Tama te be pio yai digi, tama te wain bono du gi page bidigo te aga şe ebo bidi dabe tonalubo bidibolo te tiwai po wai, 'Nago te şe egi pali bidi dabe augwali i olama, mone mao. Nago te nosali badu mu şe yagasali bidi dabe gagalasa, tama nago augwali

mone mena mena pelama usu nigibu, tama te polasa kigamu şe egi pali bidi dabe mone simaniyu augwali mone nosali mao,' te po wai. ⁹ Tama i olama, tama te giliga dega sigi pabode şe gagalama yali bidi dabe, augwali pedalama, tama augwali deli deligo te mone ge nogo si, nogo si mone ge sai. ¹⁰ Tama te şe kigamu digi polasa pelama şe gagaligi pali bidi dabe, te augwali aselama, te augwaligo homugo te augwali mone hauwa saibao homu yai. Tiali goli menio. Augwaligo me te mone ge nogo si, nogo si, mone ge naga sesa palio. ¹¹ Augwaligo te mone selama, tama augwaligo te gi page bidi dali dwai homu eyu, po wabo gagalali. ¹² Augwaligo dwai homu eyu, te po wai, 'Te nosali mu aselama şe yagasali bidi dabe, augwaligo şe te hauwa sogo ebeo. Tiali goli dago kigamu mu şe egi pali te megi e sogoba usu nagasobao, tama giligago da tigde ulali dene yalio. Tama tiali digi nago augwalibolo mani mone te dabolo megi e mani mone tiwai si manio,' wali. ¹³ Te gi page bidigo augwali tomode bidi me delibolo po wei ponai. Agai te po wai, 'Abagio, eno nage dali dwai şe ilibeo. Te dadi sigo te mone ge nogo si sabo po dodolama, usu da po wai meniwe? ¹⁴ Nago naga mone selama, tama nage pao. Eno homugo te eno nagebolo mani mone, tiwai naga eno te nosali şe yagasali bidi agabolo mawainogo ebao. ¹⁵ Te mone te eno şe ebo nai dao. Ma, eno te ena monede digi te tiwai homu egobewe? Eno wiegi yai kolesaga aga dali ebaso, nago homu dwai ebawe?' gi page bidigo te po wali," Jisasgo te po wai.

¹⁶ Te Jisasgo te po silagasu wabo po weyu, te po wai, "Awe, tama tiwai te nosali mu yali bidi dabe augwali te pologi soaibao. Tama te polali bidi dabe augwali nosali badu ilaibao," te po wai.

Jisasgo aga isabo sogode sela sogo po wali

(Mak 10:32-34; Luk 18:31-33)

¹⁷ Te Jisas te moni hanu Jerusalemba pobadi, te aga wali pabo bidi dabe nogo si olama şağo si bidi dabe augwali naga agai selama, tama olo we bidi tagalama tedali pai. Te tşdu pelayu, Jisasgo augwali dali po weyu, te po wai, ¹⁸ "Odişo, te megi da te moni hanu Jerusalemba holobao. Tama tede augwaligo te Godigo Bidi Mu te pris tobolu bidi dabebolo badi, te bomo yai po page koneai bidi dabe dali, augwaligo bomoba aga mawaibao. Tama augwaligo aga po tş ilama, tama aga ela muabo po mia saibao. ¹⁹ Tama augwaligo aga te Ju-da hani isşwai bidi dabe augwaliba mawaibao, te bagego agabolo te dwai usubo şe eyu, te posobo po weyu, tama aga bigo eliyu elama, tama aga ni pedaiba daganama, te neligo enama isaibao. Tama bidama, te sela wali sogode te aga ma hodaluaibao." Jisasgo te po agade tiaibao olama te po wai.

Jems de Jon dali si genuai bidi bidaiba wali po

(Mak 10:35-45)

²⁰ Tama te sogo te bidi Sebedi aga ogwa sigo ida, te we aga ogwa si dali te Jisas pageba asai. Tama te we aga te tşba kidu sugunama, tama agabolo te nai me

deli sainu te po agabolo te po hanalu wagasai. ²¹ Tama Jisasgo agabolo te po wai, "Nago magi nai godolo ebowe?" wali. Tama agai Jisasbolo te po wai, "Nago po obaso da, teda eno e ogwa si te nago we bidi tonalubo madigi nage pađe dulalumainogo, te me nago dolo nogo badu bidiyu, te me nago pobase nogo badu bidiyu emainao." Te bidi sigo idago te po wai.

²² Agai te tiwai po obaso, tama Jisasgo te po wei ponoyu, te po wai, "Dage sigo te nai po page bugagia koneşama dagego te hanalu obao. Dage sigo eno te ađ tuainogo ebo kapde te ađ dage sigo me tubo usubo gilama, te eno sabo dene tiwai gilama te dage sigo sabo usu egowe?" Tama augwali sigo agabolo te po wai, "Te da sigo tubo usu yaibao."

²³ Tama Jisasgo augwali sibolo te po wai, "Mu dao, te dage si eno kapde ađ tueibao. Tiali goli de mu te eno dolo nogode me pobase nogode me dua yabo, te se eno egobeo. Menio. Te tobage bidi dabe bidabo bulu dabe te eno Ayago naga augwali dua yabo digi sisi yai elalubao," Jisasgo te po wai.

²⁴ Tama te nogo si bage augwaligo te po wabo odolama, tama augwaligo te ama name si dali dwai homu eyu, wado po weyu yai. ²⁵ Tiali goli Jisasgo augwali i olama, tama aga pageba asobo si, tama agai te po wai, "Dagego koneani, te Israel hani isawai bagego tuni bidi dabe augwaligo bomonama augwa hani we bidi dabeba seęę muyu, tama naga tiyu augwali tonalubo dao. Tama me te genuai bidi dabe augwaligo bomomu elama, te we bidigo augwaligo po wali pomainogo ebo dao. ²⁶ Tiali goli te tobage seę ebo kolesaga dage tomode me elalugobeo. Menio. Te bidi mego aga te genuai bidi te dage tomode bidainogo da, aga te dagego seę ebo bidi bidao. ²⁷ Tama bidi me aga te dagego genuai polalubo bidi bidainogo da, aga te dagego masigi sisabo seę ebo bidi tiwai bidao. ²⁸ Te tiwai naga gilama te Godigo Bidi Mu aga te bidi mego tau somainogo me asobeo. Menio. Aga asali te augwali digi tau somainogo asali, tama agai bidibo ulago te we bidi hauwa mu ma abelemainogo asai dao," Jisasgo te po wai.

Jisasgo te gedu widai bidi si geselai

(Mak 10:46-52; Luk 18:35-43)

²⁹ Te augwaligo te Jeriko hanu tagalama, te Jerusalem hanuba pabo ma gagalali. Tama we bidi hani genuai mu augwaligo Jisas wali aselawai. ³⁰ Tama gedu widai bidi si te tu pađe dulalulai. Tama te bidi sigo Jisas asobo po odama, tama te bidi sigo bomonama i weyu te po wai, "Genuai bidi, nage te polobadu bidali bidi Devitgo hani bidi dao, nago dadi si dali homu dene eyu, da tau siyu yao," wali. ³¹ Tama te we bidi augwaligo te bidi si hagea siyu, po bomonama penane pania sao po wai. Tiali goli te bidi sigo po daga geninama mu weyu, bomonama te po wai, "Genuai bidio, nage te polobadu bidali bidi Devitgo hani bidi, nago dadi si homu dene elama tau sao." ³² Tama Jisas pelama, sagia sigi pelama dolalulai, te bidi si i weyu te po wai, "Dage sigo homugo eno magi seę dage sibolo

emainogowe?" ³³ Tama te gedu widai bidi sigo agabolo te po wai, "Genuai bidio, da sigo homugo nago da si gedu ma pedalao," wali. ³⁴ Tama Jisasgo augwali si homu dene yali, tama agai nogo te bidi si geduba muani, tama megi naga tama te bidi sigo gedu pedama wiegi yai ma yai. Tama augwali sigo Jisas aga wali pai.

Jisas te Jerusalem hanu tomoba tuni bidi tiwai pai

(Mak 11:1-11; Luk 19:28-40; Jon 12:12-19)

21 Te augwali Jerusalem pađa sabolama, te dwasianu hanu nogi Betfage teba sabolali, te Oliv bulu du pađe elalui. Tama Jisas aga wali pabo bidi si tagala paliyu, tama augwali sibolo te po wai, ² "Dage sigo te pađe elalubo dwasianu bulu tomoba pelama, suao. Tama polo dage sigo te kibu donki me deli augwaligo te bonogo gebelai dolalubo sueibao, tama te donki aga wai dali dao. Tama dage sigo te gebelali bono pisiginama, te kibu donki si ena pageba selasa asao. ³ Tama dage sigo te donki si sela sobadi, bidi me deligo dage si dali po me obaso da, te bidi dali dage sigo te po wao, 'Woo, Genuai Bidigo seę e donki side elalubo' po wao. Tama te po olama, tama polo agai te kibu donki si dage sigo sela piąo te po waibao," Jisasgo te po wai. ⁴⁵ Te seę pedalobo si te Godigo seę nosali pedalabo po pusali bidigo polobadu wali po usu numainogo yai. Agai te po wali,

"Te Saion bulu we bidi dali te po wao, 'Suao, dagego tuni bidi duga pageba asobao. Agai nagame yai kolesaga dali, te aga kibu donki daide naga dualasa asobao. Tama aga te walu sabilibo donkigo wai tede dualasa asobao,' te po wao," [†] profet bidi me deligo te po polobadu wai.

⁶ Tama aga te wali pabo bidi sigo te Jisasgo augwali si dali wali po wali pelama tama tiwai. ⁷ Tama tega sigo te donki aga ida da te wai dali me sela asai, tama augwa si gudubo ugwa te donki si tudiba muai. Tama Jisas aga te donki wai tudide dualasa pabo gagalai.

⁸ Tama aga pobadi we bidi hauwa augwaligo augwa gudubo bobobage ugwa dabe te tuđe wawa sili pelama, muna muna pai. Tama bidi meba augwaligo yabe elalubo ni nologo togolama, tuđe muna muna pai. Genuai bidi asobao homu eyu tama tiwai. ⁹ Tama te bidi Jisas tomoba ilama peyu, tama we bidi meba augwali polasa pabo bage dali, nosali asobo we bidi dali augwaligo bomu elama i weyu, te Jisasgo nogi ugwaba siyu, te po wai,

"Dago nage dali dwagi yai homu pemene ebao, te nage Devitgo hani bidi dao. Godigo nage dali dwagi yai seę yao, te nage te Genuai Bidigo nogide asali bidi dao. Dagalude bidibo bage me augwaligo aga nogi ugwaba sao." ^{††}

¹⁰ Te aga te Jerusalem hanu tomoba pali, tama te hanu tomode bidali we bidi augwali noma mu selama, tama te po wai, "Te bidi aga te de dawe?" te po wai.

¹¹ Tama aga dali asali we bidi augwaligo te po wai, "Aga te Jisas dao, te Godigo po pusubo profet bidi, te

Nasaret hanudu te Galili tdu asai dao," augwaligo te po wai.

Jisasgo te Moni Lotu Be tempelde bisnis se yali bidi dabe sela sawani

(Mak 11:15-19; Luk 19:45-48; Jon 2:13-22)

¹² Te Jisas aga te Jerusalem hanu tomoba pelama, tama aga te Moni Lotu Be tempel tomoba peyu suali, te nai muani bage dali me, te nai abelebo bage dali me sulama, tama agai augwali tigidali buluba sela sawai. Tama agai te Godibolo ofa mabo gasagi yai masigi ge dobu si ebo bagego tebol sai dali mone ge dali gelali. Bidi meba augwaligo ba hi dabe te be to-mode muagasai, te olo we bidi augwaligo te ba hi abelama, te Godibolo ofa olo mawainogo te ba dabe muani. Tama agai te bagego duabo sai dabe gea palali. ¹³ Tama tilama, agai te po augwalibolo wai, "Bukude Godigo e po aseai dao, 'Eno be da, te we bidi-gedu haluasa po wabo be dao,' te po elalubao. Tiali goli dagego te be te nai wi sabo bidigo be tiwai te ilibao," Jisasgo te po wai. †

¹⁴ Tama aga te Moni Lotu Be tempel tomode bidibadi, tama te gedu widai we bidi dabe me, te saqa dwai bidi dabe me augwali aga bidibo paba asali, tama agai augwali wiegi yai ma ilali. ¹⁵ Tiali goli te genuai pris bidi dabe me, te bomo yai po page koneai bidi dabe me augwaligo agai te bomai se ebo sulama, tama odali te wai puluba augwaligo te Moni Lotu Be tempel be to-mode bomonama i weyu te po wai, "Te Devitgo hani bidi dali wiegi yai homu pemene yao," te wai puluba augwaligo te po wai. ¹⁶ Tama tibaso, te genuai bage augwaligo homu dwai eyu, agabolo te po wai, "Te nago augwaligo te wabo po nago odaliwe?" Tama Jisasgo augwalibolo te po wai, "Ao, eno odalio. Tiali goli dagego te bidi me deligo te Godide polobadu aseani po me deli nedebewe? Te po e dao, 'Nago te gilama, tama te dwasianu wai puluba augwaligo nago nogi ugwaba sabo wiegi yai po wai dao.' Dagego te po nedebewe?"

¹⁷ Tama agai augwali tagalama, tama aga te moni hanu buluba pelama, tama te dwasianu hanu Betani te badu hulide bidigi pai.

Jisasgo pode te ni kaya sasia pai

(Mak 11:12-14, 20-24)

¹⁸ Te sogo kigamu digi mu aga te moni hanu tomoba ma pobadi tama aga nasi yai. ¹⁹ Tama aga pelama, te t sesegede elaluali ni kaya sulama, tama te ni paba pali, aga du sela tuainogo yai. Tiali goli tede nai me deli walai elalubo subeo. Menio. Yabe naga elaluai. Tama agai te ni kayabolo te tiwai po wali, "Nago nai ma walogobeo. Mu menio." Tama polo mu te ni kaya aga sasia pai dao.

²⁰ Te aga wali pabo bidi dabe augwaligo te se ebo sulama, tama augwali noma mu sai. Augwaligo te po wai, "Magi baso e ni kaya te polo sasia paliwe?" ²¹ Tama Jisasgo po wei ponoyu, augwalibolo te po wai, "Eno

mu po dagebolo obao, dagego te Godide konealubo po mu da olama, tama dagego homu si me isabaso da, teda dagego eno e ni kayade yali tiwai se dagego me ebo te usu yaibao. Tama dagego te se naga egob-eo. Menio. Te dagego e elalubo bulu dubolo te po weyu, 'Nage hodaluama, nage te tamu aba samonao' po obaso da, teda agai te tiwai yaibao. ²² Tama dagego konealubo po da olama gedu haluasa po weyu da, teda te nai dagego sainogo gedu haluasa po wabo, te nai dagego saibao," Jisasgo te po wai dao.

Augwaligo Jisasbolo hanalu wali dego te se aga nogo-ba mani po wai

(Mak 11:27-33; Luk 20:1-8)

²³ Te Jisas te Juda dabego Moni Lotu Be tempel tomoba pelama, te wiegi yai po te we bidibolo ola maduai. Tama te genuai pris bidi dabe dali, te Juda bagego to-bolu bidi dabe augwali dali agaba aselama, tama te po wai, "Nago magi bomo elaluyu, nago naga ebo se ebawe? Tama dego te bomo nagebolo mayu te se yao weyu yaliwe?" ²⁴ Tama Jisasgo po wei ponoyu, augwalibolo te po wai, "Eno me eno magi nai po me deli naga dagebolo hanalu waibao. Tama dagego eno po wei ponebaso da, teda eno me eno dagebolo te eno magi bomo elaluyu, eno e se ebo te po dagebolo waibao." ²⁵ Tama agai te po wali, "Te Jongo we bidi baptais mani se te menade pedaliwe? Te Godigo te se agabolo maniwe, ma bidi dabego mani se nagawe?" wali.

Augwaligo te po wabo odolama, tama augwa digi augwa hasi po miyu te po wai, "Ma, dago e tobage po wabo si, 'Te Godigo te se agabolo mani' po obaso da, teda agai dabolo e tiwai tobage po waibao, 'Teda magi baso agai wali poba dagego duga homu muyu da wabewe?' Te po da dali waibao. ²⁶ Tama te po obaso, dago te po waibao, 'Bidi dabego naga te se Jonbolo mani' obaso da, teda da te e bidalubo we bidi wi yaibao. Magi baso meni, tigidali bage augwaligo te Jon aga te Godigo po pusali bidi profet da te homu naga ebo dao," te po wai. ²⁷ Tama tibaso, augwaligo te po wei ponoyu, Jisasbolo te po wai, "Dago konebeo." Tama Jisasgo augwalibolo te po wai, "Eno me eno dagebolo te eno magi bomo elaluyu, eno e se ebo po te dagebolo me wagobeo," Jisasgo te po te Juda bage genuai bidi dabe dali wai dao.

Bidi deligo ogwa side po digi po begelama wai

²⁸ "Tiali ma, dagego magi homu ebowe? Bidi deligo ogwa si bidai. Aga te me ogwa pageba pelama, agabolo te po wai, 'Ogwao, te meg e sogode nage pelama, te wain bono du giba se egi pao,' te po wai. ²⁹ Tama aga ogwago te po wai, 'Ena hagela palio.' Tiali goli nosali aga homu ma hasegelama, tama aga te se egi pai. ³⁰ Tama te bidi aga gasa ogwa pageba pelama, te wali po tiwai naga agabolo wai. Tama agai te po wai, 'Awe, aya.' Tiali digi aga pabeo. ³¹ Tama tilama, te ogwa sigo te mena ogwago mu te aga ayago homu kolesaga wali paliwe?" Jisasgo te po hanalu wai. Tama augwaligo te po wai, "Te aga hasia ogwago agai po wali pali." Tama

† 21:13 Ais 56:7; Jer 7:11

Jisasgo te Juda bage genuai bidi dabebolo te po wai, "Eno mu po dagebolo obe dao, te takis mone sabo dwai bidi dabe augwali badi, te penani yali we dabe dali, augwaligo ge neyu homu ma hasegelama, tama augwali dage aiyaba elaluama tama polasa te Godigo we bidi tonalubo kolesaga tomoba peyu, tama dage nosaliba ilalio. ³² Magi baso meni, Jon dageba pedalama, tama agai te doloba pai kolesaga ebo te po dagebolo ola mani, tama dagego aga wali poba homu daꝓ wabeo. Tiali goli te takis mone sabo dwai bidi dabe badi, te penani yali we dabe augwaligo homu te poba daꝓ wai. Tama te tama tebo dagego suali goli dagego ge neyu, homu hasegelama, agai wali poba homu daꝓ wabo kolesaga munu me ebeo," Jisasgo te po augwali dali wai.

Te po digi po begelama te dwai bidi dabego te wain bono du gi tonaluali wali
(Mak 12:1-12; Luk 20:9-19)

³³ "Dagego te gasa po digi po begelama wali po me odao. Bidi me deligo genuai tꝓ elalubo bidigo agai te bono du wain gi bulama, tama obo bagulali. Tama te gi tomode agai te wain bono du agayabo te tank nai nigilali, tama te gi tonalubo bidigo bobobage be me me deli seꝓ yani. Tama agai te gi te seꝓ yabo bidi meba augwaligo nogoba muani, te augwaligo te gi tonalubo seꝓ eyu, te gi nai meba naga somainogo yai. Tama te gi page bidi aga digi digibulu bulu me deli teba pai.

³⁴ Nosali, te wain bono wai sisinabo sogo bodolu paꝓa yagasali, tama agai te seꝓ bidi dabe augwali tagala palama, augwali te wain bono giba pelama, te gi page bidigo nai sigi pomainogo yai. ³⁵ Tama te gide seꝓ yali bidi dabego te tagala palali seꝓ bidi dabe selama, tama augwaligo me deli ela tagaliyu, tama gasa seꝓ bidi me te mu ela muani, tama gasa seꝓ bidi mebolo te masigi-gigo naga elainu te masigi sayani. ³⁶ Tama te gi page bidigo te seꝓ bidi meba ma tagala palali. Agai seꝓ bidi hauwanu gana tagala palali, te polobadu yali tiwai ebeo. Tama te gide seꝓ ebo bidi dabego te hasia yali kolesaga tiwai naga augwali dali yai. ³⁷ Tama nosali agai aga ogwa mu te augwalibolo tagala palai. Ayago e tiwai po wai, 'Te augwaligo eno ogwago po mu odaibao,' te homu yai. ³⁸ Tiali goli te gide seꝓ ebo bidi dabe augwaligo te ogwa asobo sulama, tama augwa hasi po miyu te po wai, 'Te aga aya isibo si, e bidigo te aga ayago nai tigidali saibao. Asao, te dago aga ela muiꝓo, tama dago agai sabo gi saibao,' te gide seꝓ ebo bidi dabe augwaligo te po wai. ³⁹ Tama augwaligo aga selama, tama aga augwaligo te gidu te buluba ma sela sayani, tama augwaligo aga ela muai dao. ⁴⁰ Tama tibaso, nosali te wain bono du gi page bidi asiyu, tama mena tiwai kolesaga te gide seꝓ yali bidi dabe augwali dali egowe? Dagego magi homu ebawe?" Jisasgo te po wai.

⁴¹ Te augwaligo agabolo te po wai, "Teda augwali te dwai seꝓ yali bidi dabe bidibaso, agai augwali dwagila mu dolaibao. Tama agai te wain gi gasa hanigo te gi seꝓ tonalumi hagede mawaibao, tama te gide nai sabo

sogo augwaligo aya agabolo nai mawaibao," augwaligo te po wai.

⁴² Te Jisasgo augwalibolo te po wali, "Te bukude polobadu aseani te po te dagego nedebewe? E tiwai dao,

'Te masigi be seꝓ yabo masigi me deli te seꝓ bidi dabego sela sayani masigi, megi da polalubo masigi pedalama, te be daꝓ walali elalubao. Genuai Bidigo agai te tiwai seꝓ elama pedalali, tama dago suali te wiegi yai mu dao.' †

⁴³ Tama tibaso eno e po dagebolo obao, te Godigo we bidi tonalubo seꝓ dagede elaluali dagalama, tama te Godigo we bidi tonalubo seꝓe doloba pai kolesaga ebo we bidi augwaliba eno te nai mawaibao. ⁴⁴ [Tama bidi te masigi daiba ugwadu tulalubo bidi da, teda te bidi aga te dwasianu dwasianunu mu pebeda paibao. Ma, te masigi te bidi deli daiba ugwadu tulalu baso da, teda agai aga mu dolama, tama pobebe bage naga tiwai pedalaibao.]

⁴⁵ Te genuai pris bidi dabe badi, te Farisi dabe dali, augwaligo Jisasgo te po digi po begelama wabo po odama, tama augwaligo koneani, agai te po augwalide wai. ⁴⁶ Tama augwaligo aga daꝓ wabo tꝓ kegali, tiali goli augwali te we bidi augwalide wi yali. Te we bidi augwaligo homugo Jisas aga te Godigo po pusubo bidi dao te homu yalio.

We sabode genuai nai da tubo pode po digi po begelama wai
(Luk 14:15-24)

22 Te Jisasgo po digi po begelama augwalibolo te po ma weyu te po wai, ² "Te Godigo we bidi tonalubo kolesaga te tuni bidi me deligo yali kolesaga tiwai dao. Te aga ogwa we sainogo ebaso, tama tuni bidigo te genuai nai da sisi elama muai dao. ³ E me te tiwai yainogo tama hasia bolo agai te bidi meba te we sabode nai tuagasomainogo i wai. Tama te nai tubo sogode te aga seꝓ ebo bidi dabe tagala palama, te nai tuagasiyu asomainogo i wagi pali. Tiali goli augwali asobo hagela elama me asobeo. ⁴ Tama agai gasa seꝓ ebo bidi meba ma tagala paliyu, augwalibolo te po wai, 'Dage eno te asomainu i wali bidi dabe augwali bidiboba pao, tama dagego augwalibolo e tiwai po wao, "Odiꝓo, te we sabo bidide eno te nai sisi yai elalubao. Te omai bulmakau dabe badi, te eno wiegi yai nisai bulmakau wai dabe me, dago elalio. Tama tigidali nai sisi yai elalubao. Dage te we sabode da tubo naiba asiꝓo," te po wao,' te tuni bidigo te po wai. ⁵ Te seꝓ ebo bidi dabego te po augwalibolo wagi pai, tiali goli augwaligo te po odobo hagela yali, tama augwali gasaba tedela pai. Me deli te aga giba pali, tama me te aga mone sabo seꝓ egi pali. ⁶ Te bidi dabe meba go te tuni bidigo tagala palali seꝓ bidi pageabi elama, dene menama elama, tama augwali ela muai dao. ⁷ Tama te tuni bidi seꝓe elama, tama aga te enesigi bidi me te ami bidi dabe tagala palama, augwali pelama, te seꝓ ebo bidi dabe elali bidi dabe augwali tigidali mu

† 21:42 Tib 118:22-23

ela siligi pai. Tama be me bulu dabe tigidali sia tulama ula silai. ⁸ Tama te tuni bidigo aga şę bidi dabe augwalibolo te po wai, 'Te we sabode tuabo nai sisi yai elalubadi, tiali goli eno te i wali bidi dabe, augwali te asobo usu menio, te dwai bage dao. ⁹ Tama tibaso, dage te tigidali tų tunu magi siba pao, tama dagego te suali we bidi dabe tigidali, dagego augwali i olama, te we sabo sogode te nai megi tuagasao, te po wao.' ¹⁰ Agai tama tiwai po wai, tama te şę bidi dabe augwali te tigidali tų tunu magiba tedela pelama, tama te suali we bidi dabe tigidali augwali sisinao, te dwai bidi dabe me te wiegi yai bidi dabe augwali dali sisinagasai. Tama augwali te we sabo madi aselama, mu pağana sagasai."

¹¹ "Te we bidi augwali duada pai digi, tama te tuni bidigo augwali suainogo te be tomoba pai. Tama agai suali, bidi me deli te we sabo digi asainogo wiegi yai ugwa gudama asisawai suali. ¹² Tama te tuni bidigo agabolo te po wai, 'Abagio, magi ilama nago e we sabo sogode asainu nago ugwa wiegi yai gudama eba asai meniwe?' Tiali goli agai sagia sai, po me wabeo. ¹³ Tama te tuni bidigo aga şę ebo bidi dabe augwalibolo te po wai, 'Dagego aga nogo sağa dunama, te bedu buluba şanama, tama te be hulua side digibulu bidimainao. Te be hulua side aga dwai gela weyu, tama aga kele ma halua tumainu yaibao,' te tuni bidigo te po wai," Jisasgo te po wai.

¹⁴ "Awe, te tama tiwai Godigo te we bidi hauwa i wabo dao, tiali goli agai bidi deli deli naga sa munama, tama aga te we bidi tonalubo kolesaga tomoba asomainogo tebo dao," Jisasgo te po wai.

Augwaligo Jisasbolo te Sisarbolo takis mabo kolesaga po hanalu wai

(Mak 12:13-17; Luk 20:20-26)

¹⁵ Te Farisi hani dabe augwali Jisas taga pelama, po migi peyu te po wai, "Dago magi ilama te aga wabo pode aga dağ omainogo eyu aga usu sogowe?" te po miani. ¹⁶ Tama augwaligo augwa wali pabo bidi dabe augwali dali, te genuai gavman bidi Herotgo bidi dabe me tagala palama, tama augwaligo Jisas pageba pedalama, te po wai, "Po ola mabo bidi, dago koneani, nage te doloba pai bidi mu dao. Tama nago mu pode naga te we bidi augwalibolo te Godigo te yao wali wiegi yai kolesaga po ola mabo dao. Bidi me deli aga genuai nogi elaluyu da, te nage aga wi menio, nago deli po tiwai naga te tigidali bidibolo wabo dao. ¹⁷ Tama tibaso, nago po dabolobao. Nago magi homu ebawe? Dago te Rom gavman tuni bidi Sisar agabolo takis mone mobaso da, teda tama tiyu dago te Mosesgo mani bomu yai po dago bolaiwawe, ma meniwe?" augwaligo te po Jisasbolo hanalu wai.

¹⁸ Tialima, Jisasgo augwaligo dwai tibo homu ebo konea pelama, tama agai te po wai, "Dage tibo po wabo bidi dabe dao, magi baso dagego ena dağ omainogo eyu usu sobawe? ¹⁹ Dagego te takis Sisarbolo mabo mone ge me deli enabolobao waselao." Tama augwaligo mone me deli sela aselama, agabolo ola

mani. ²⁰ Tama agai augwalibolo hanalu wali, "Te e masigi daide elalubo gesabidi noma me, e aşani nogi me, te dego dawew?" ²¹ Tama augwaligo te po wali, "Te Sisargo dao." Tama agai augwalibolo te po wai, "Tama tibaso, te Sisargo nai, te dagego te Sisar agabolo wei ponoyu mao. Tama Godigo nai da, te dagego Godibolo mao," wali.

²² Augwaligo te po wabo odolama, tama augwali noma mu sai. Tama augwali aga tagalama, pai dao.

Augwaligo Jisasbolo te bidi isama ma hodalobo po hanalu wai

(Mak 12:18-27; Luk 20:27-40)

²³ Tama te sogo naga te Sadyusi bidi meba te Jisas pageba sabolai. Te bidi hanigo homugo te isai bidi augwali ma hodalogobeo te po wabo dao. Te Sadyusi bage augwali Jisas pageba sabolama hanalu wai, ²⁴ "Tisa, po ola mabo bidi, te polobadu mu bidali bidi Mosesgo te po wai, 'Te bidi me deli aga we selama, wai meni ebadi isibaso da, teda aga amago te we selama, tama aga ama tau selama, te wai ame nao.' Mosesgo te po wai. ²⁵ Tama polobadu te ama solo te nogo a naga me si te da tomode bidai. Tama gomunai bidi aga we selama, bidama, isai, tiali goli agai wai meni yai. Tama aga ama mego te ama isiyu taga pali we sai. ²⁶ Tama tomo bidigo me te tiwai naga yali, tama te tomo bidi tudi badu bidigo me tiali, tama naga tede pelama, te a naga olama me badu nogo si wali bidiba usu nigi pai dao. ²⁷ Tama te bidi dabe tigidaligo wai meni badi isila silali, tama nosali mu te we me isai. ²⁸ Tialima, nago po wao. Te isali bidi dabe ma hodalobo sogo, te we dego we mu te bidi a naga olama me badu nogo si augwalide bidigowe? Nago koneani, tigidaligo te we naga sai dao," Sadyusi bagego te po wai.

²⁹ Tiali goli Jisasgo augwalibolo po wei ponoyu, te po wai, "Dagego te Godigo bukude wali po konebeo. Tama dagego te Godigo bomu me konebeo. Tama tibaso, dagego geda muyu, te po obao. ³⁰ Magi baso meni. Te isali bidi dabe augwali ma hodalobo sogo, te bidi dabego te we sabo şę me egobeo. Menio. Te augwali olo te dagalude bidibo mobu bidi ensel bidibo gilama tiwai bidaluaibao. ³¹ Tiali goli, te isai bidi dabe ma hodaluaibao wali po, te pode eno dagebolo ma hanalu obao, ma Godigo te dagebolo wali po te dagego me nedebewe? Agai te po wai dao, ³² 'Ena da, te Abrahamgo God me, ena te Aisakgo God me, ena te Jekopgo God me bidalubo dao,' Godigo te po wai. Tama te po page e dao, God aga te isila silali bidi dabego God menio. Aga te ula dali megi bidibo bidi dabego God dao," Jisasgo te po wai. ††

³³ Tede sisinagasali we bidi hauwa augwaligo te po wabo odolama, tama augwali agai te wali pode noma mu salio.

Godigo polalubo bomo yai po

(Mak 12:28-31; Luk 10:25-28)

³⁴ Jisasgo te wali pogo te Sadyusi bagego pedauwali paniai. Tama te Farisi dabego te po odama, tama augwali aga pageba sisinagasali. ³⁵ Tama augwali tomode te bomo yai po page koneai bidi me deli bidali. Agai Jisas usu siyu hanalu wainogo yali, ³⁶ "Tisa, po ola mabo bidi, te Godigo bomai po tigidali tomode mena pogo te tigidali gasa bomai po te aiyaba elaluama, tama te genuai mu dawew?"

³⁷ Tama Jisasgo agabolo te po wai, "Genuai Bidi da aga nago God dao. Te nago aga godolo ebo te nago homu tigidali me, te nago noma tigidaligo me, te nago homu kolesaga tigidali agaba munama, tama aga nago godolo mu yao." ^{†38} Te bomai po aga te genuai elalubo, tama aga te polalubo mu dao. ³⁹ Tama te bomai poba daganalubo po aga te tiwai dao. Te e dao, "Nago naga digi godolo ebo te kolesaga tiwaigo te nago bidi hasi dabe augwali dali wiegi yai homu elama godolo yao." ^{††40} Te bomo yai po side te tigidali bomo yai po page me, te Godigo po pusali bidi profet dabego po page me, te po side naga elalubo dao," Jisasgo te po wai.

Jisasgo te Farisi dabebolo te Krais po hanalu wai

(Mak 12:35-37; Luk 20:41-44)

⁴¹ Te Farisi dabe augwali Jisas pageba sisinama bidalubadi, tama agai augwalibolo hanalu wai, "Dagego magi homu te Godigo sa muani bidi Kraisde ebawe? ⁴² Aga te dego hani bidi dawew?" Tama augwaligo agabolo te po wai, "Te Devitgo hani bidi dao."

⁴³ Tama agai augwalibolo te po wai, "Tialima magi baso Godigo Mobo Bidigo Devitbolo e homu kolesaga menama, tama Devitgo aga Genuai Bidi da nogi waliwew? Agai e po wai,

⁴⁴ 'Genuai God agai eno Genuai Bidibolo weyu, te po wai, "Nage eno dolo nogo badu duayao, tama te eno nago boi bidi dabe nageba munama, tama nago dologoba mubo sogo pedelabo tonaluo." [‡]

⁴⁵ Dagego suao. Devit aga digi aga Genuai Bidi da nogi waligo da, teda magi baso dagego aga te Devitgo hani bidi naga da po waliwew?"

⁴⁶ Tama niwai bidi me deligo Jisasgo te po wei ponabo te usu menio. Tama te side augwali agade wi ebo gagalali, tama nosali augwaligo agabolo te magi nai po me hanalubo menio.

Te bomai po page ola mabo bidi dabe dali, te Farisi dabe dali sigo ebo kolesaga

(Mak 12:38-39; Luk 11:43, 46; 20:45-46)

23 Te Jisas agai te Farisi dabego po aiyaba elaluama, tama te sogo tama agai po te we bidi dabe dali, aga wali bilibo bidi dali, augwalibolo te pusali. ² Agai e tiwai po wai, "Te bomai po page ola mabo bidi dabe dali, te Farisi dabe dali, augwaligo dagebolo te

bomo yai po ola mabo dao, te Mosesgo yali gilama ebo dao. ³ Tama tibaso, te tigidali po augwaligo dagebolo ola mabo po te dagego odama, wali pao. Tiali goli augwaligo ebo kolesaga, te kolesaga dagego wali pigimio. Menio. Augwaligo po hauwa obadi, tiali goli augwa digi augwaligo te po me wali pabo menio.

⁴ Tama tiyu, augwaligo te mesegaluai seęę te bidi dabe augwali nageba ugwadu muaibao, tiali goli augwa digi augwaligo dwasianunu me nogo danigo naga me te tola selama, te seęę tolobo bidi dabe augwali tau me sogobeo. ⁵ Augwaligo ebo kolesaga tigidali te we bidi dabego augwali genuai nogi yai bidi da olama sumainogo tibo dao. Awe, te bomo yai po wali peyu, augwaligo te Godigo po aşani nogo mo dali, te wiani dali, augwa tigde mubo dao. Tama augwa gudali ugwa sesegede te sesemo elalubo dao. Tiali goli te we bidigo augwali sumainogo augwaligo te nogo mo me te wiani me te sesemo me, augwaligo te nai genuai mu nigilama mubo dao. ^{††6} Augwaligo te genuai nai da tubo side te polalubo ni namide duabo godolo elama, te nai hasia sabo homu ebo dao, tama te bomai po ola mabo bede me te polalubo wiegi yai ni namide naga duabo dao. ⁷ Augwaligo te we bidi dabego augwali te bidi sisinama bidibo madi tomode te augwalibolo te we bidigo siade da wabo godolo elama, tama augwaligo augwalibolo nogi weyu, te po ola mabo bidi eno tisa da po wabo godolo ebo dao."

⁸ "Tiali goli, te bidi dabe augwaligo dage nogi eyu, 'Tisa, po ola mabo bidi da' olamuo. Menio. Te bidi me deli naga te aga dagego te po ola mabo bidi dao, tama dage tigidali te ama dede ama dede naga bidibo dao.

⁹ Tama e tıde te bidi me delibolo te dagego aya da po me wagio. Te bidi me deli naga te dagego Aya dao, te aga dagalude bidibo dao. ¹⁰ Tama augwaligo dagebolo nogi nogi eyu 'Tobolu bidi' po me olamuo. Dagego tobolu bidi deli bidibao, aga te sa muani bidi Krais dao.

¹¹ Dage tomode dagego genuai bidi aga te dagego seęę bidi bidao. ¹² Magi baso meni, bidi mego aga digi aga nogi ugwaba sabo bidi, te bidi Godigo aiyaba muaibao. Tama bidigo aga digi aga nogi aiyaba elalubo bidi, te aga genuai nogi Godigo agabolo mawaibao," Jisasgo te po wai.

Jisasgo te bomai po page ola mabo bidi dabego dwai kolesaga ebo po augwalibolo wali

(Mak 12:40; Luk 11:39-42, 44, 52; 20:47)

¹³ "Dage te bomai po page ola mabo bidi dabe me, dage Farisi dabe me, hobede ya. Dageba te dwai sogo mu pedelaibao, dage tibo po wabo bage. Te Godigo we bidi tonalubo kolesaga tomoba pabo tı te dagego te we bidi augwaligo gesabidiba te tı palibo dao. Duga digi te tomoba me pabo meni, tama te we bidi augwali te tomoba painogo ebadi, te dagego augwali pabo tı palibo dao. ¹⁴ [Dage bomai po page ola mabo bidi me, dage Farisi dabe dali, hobede ya. Dageba te dwai sogo mu te pedelaibao, dage tibo po wabo bage. Dage te augwa bidi isai we dabe pageba pelama, tama

† 22:37 Bom 6:5 †† 22:39 Prs 19:18 ‡ 22:44 Tib 110:1

†† 23:5 Nam 15:38; Bom 6:8; Mat 6:1

dagego te ugwadu homugo naga po augwali dali olama, tama augwaligo be me doado bage wi sabo dao. Tama dagego gedu haluasa po bobobage weyu, duga te dwai şe yali po geme dualiyu tebo dao. Tama tibaso, te dwai şe wei ponabo sogode te dageba asabo şeşę te dwasianu menio.]” Jisasgo te po wai.

¹⁵“Dage bomai po page ola mabo bidi dabe me, dage Farisi dabe dali, hobede ya. Dageba te dwai sogo mu pedelaibao, dage tibo po wabo bage. Dage te tamu ađde badi, te tđde dali bilibao, te bidi me deli gegelama, tama te bidi me deli aga dage dali bilabo bidi sainogo dagego bomonama gegebo dao. Aga te dage dali bilibo bidi pedalama, tama dagego aga te moni sia dabo buluba pomainogo ilibo dao, te duga tiwai ilibao. Dagego aga te dwai şe ebo tomoba kegelama, tama agai ebo dwai şego dagego ebo dwai şe aiyaba mu elalubo dao,” wali.

¹⁶“Dage gedu widai bagego te bidi dabe augwali tu ola mawainogo ebao, hobede ya. Dageba te dwai sogo mu pedelaibao. Dagego e tiwai po te bidi dabebolo ola mabo dao, ‘Te nago po dađ omainogo eyu da, te Moni Lotu Be tempel nogi olama, tama mu po dao wao. Tiali goli nosali nago te dađ wali po togoyu da, te usu dao, te şeşę menio. Tialima, nago te Moni Lotu Be tempel tomode elalubo wiegi yai kapa gol nogi ilama, tama mu po da wabo si da, teda nago te po wali şe tiwai yao, togolamuo.’ Dagego augwalibolo te po ola mabo dao. ¹⁷Dage esela pelama gedu widalio. Magi nai da te polalubo nai dawe? Ma, te gol da, te polalubawe? Ma, te Moni Lotu Be tempelgo te gol wiegi yai ilali, ma te da te polalubo nai dawe? Te be tempel polalubo dao. ¹⁸Tama dagego te po me augwalibolo ola mabo dao, ‘Te bidigo aga po dađ omainogo eyu da, te Godibolo olo mabo ofa ebo sai nogi ilama, mu po dao wao. Tiali goli nosali agai te dađ wali po togoyu da, te usu dao, te şeşę menio. Tiali ma, agai te ofa saide muani olo mabo nai nogi ilama, tama mu po da obaso da, teda agai te dađ wali po wali şe tiwai yao, togolamuo.’ Dagego te tobage po augwalibolo ola mabo dao.

¹⁹Dage gedu widalio. Magi nai te polalubo naiwe? Ma, ofa polalubawe? Ma, te ofa ebo sai yaligo te ofa wiegi yai ilaligo, te polalubo naiwe? Te ofa ebo sai te polalubo nai mu dao. ²⁰Tama tibaso, bidigo aga po dađ omainogo eyu, tama te Godibolo olo mabo ofa ebo sai nogi ilama, mu po dao obaso da, teda agai aga po te ofa ebo sai nogi dali, te saide muani nai tigidali dali side agai po olama dađ walali. ²¹Tama bidigo te Moni Lotu Be tempel nogi ilama, mu po da obaso da, teda aga po me te tempel be dali, te tempel bede bidibo bidi God dali, te side te po dađ walobao. ²²Tama bidi mego dagalu nogi ilama, mu po da wali da, teda agai te po badi, te Godigo duabo sia sai dali, te sia saide dulalubo bidi dali, te side te wali po dađ walobo dao.” Jisasgo te po wai.

²³“Dage bomai po page ola mabo bidi me, dage Farisi dabe dali, hobede ya. Dageba te dwai sogo mu pedelaibao, dage tibo po wabo bage. Dage te dwasianu bomai po wali peyu, te tigidali gide elalubo

dwasianu nai te kaya dabe dagego nogo si bugulama, deli te Godibolo menama, tama nogo a naga olama me badu nogo me si me si dagego sabo dao. Ao, te usu dao. Tiali goli dagego te bomoi yai po genuai tigidali me badu sula tagalali, te bidi dagalobo doloba pai kolesaga me, te bidi homu dene eyu tau sabo kolesaga me, te bidi dabe dali dolo şe naga ebo kolesaga me dao. Te Godibolo nogo si nai bugulama deli mabo bomai po badi, te po dagego tagaligio, tiali goli e tobage te genuai bomai po te şeşę dagego mu iyao.

²⁴Dage gedu widai bagego te bidi dabe augwali tu ola mawainu ebao. Dagego te ađ te dwasianu dinai dali tudali weyu, dagego te ađ osola suainogo te nami ugwaba gelebo dao. Tiali goli te kibu kamel dagego sese dalobo dao,” wali.

²⁵“Dage bomai po page ola mabo bidi me, dage Farisi dabe dali, hobede ya. Dageba te dwai sogo mu pedelaibao. Te daide dage te dwagi yai bidi dabe tiwai dao. Tiali goli dagego homu kolesaga tomode te nai wi sabo kolesaga me te tigigo ebo kolesaga pađanama, te kolesaga wali pabo dao. Dage da, te ađ tubo kap me plet pou te bulu badu naga penebo bidi tiwai dao.

²⁶Nage Farisi, nage gedu widai. Hasia bolo nago te kap tomode elalubo pobele bage penao, tama te kap bulu badu me te hogomu meniama usu elaluaibao.”

²⁷“Dage bomai po page ola mabo bidi me, dage Farisi dabe dali, hobede ya. Dageba te dwai sogo mu pedelaibao. Dage te guş page ola be augwaligo te tedela yai pengi pilali tiwai dao. Bulu badu da, te bidi go subo dwagi yai ilali, tiali goli tomode da, te isai bidi dabego dili dabe me te tigidali dwai meda yai mobia pai nai te pađanalubo dao. ²⁸Dagego me te tiwai naga elalubao. Te bidi dabego dage tigi subo da, augwaligo da dage doloba pai bidi dabe da te homu ebao. Tiali goli tomode da, dagego te tibo po wabo kolesaga me te bomai po sela şabo kolesaga pađanalubo dao,” Jisasgo te po augwali dali wai.

Jisasgo te bomai po page ola mabo bidi dabe augwali dwai dene sabo po wali

(Luk 11:47-51)

²⁹Po ma weyu, agai te po wai,” Dage bomai po page ola mabo bidi me, dage Farisi dabe dali, hobede ya. Dageba te dwai sogo mu pedelaibao. Dagego te polobadu po pusali bidi profet dabe guş pagede masigi be şenama, tama te polobadu bidali doloba pai bidi dabe muani guş page au ilibo dao. ³⁰Tama tiyu, dagego e tobage po obao, ‘Da te polobadu waj dabe bidali sogo da bidigi sogo da, teda dago te Godigo po pusali bidi profet dabe augwali elibo me tau sigi menio.’

³¹Dagego te pogo ola mani, dage da te polobadu po pusali bidi dabe elali te bidi dabego wai dabe te dage megi e bidalubao. ³²Tama tibaso, megi da dage pelama, duga waj dabego yali dwai kolesaga usu nigi pao.

³³Dage dwai hasamani dabe dao. Dage dwai hasamanigo wai puluba dao. Godigo dage po tu ilibaso, tama dage te dwai sia dabo madi pageba paibao.

Mena tama dage menadu wi paibawe? Menio. ³⁴ Tama tibaso, eno te Godigo po pusabo bidi meba badi, tama te wiegi yai homu konea palobo bidi me, te Godigo po ola mabo bidi augwali dageba tagala palaibao. Tama te bidi dabe meba dagego ela muyu, tama meba te ni pedaide eliyu, tama meba dagego bomo yai po ola mabo be tomode bigo eleyu, dene mawaibao. Tama dagego augwali te hanu me delide ela gudulama, tama gasa hanu meba dagego augwali pobasa pabo şę yaibao. ³⁵ Tama tibaso, te doloba pai bidi dabe augwali e tşde bidaluali, tama te bidi dabego augwali ela silalio, te şęęę dugade naga elaluaibao. Augwaligo te doloba pai bidi dabe ela silali, te wiegi yai bidi Abel gagalasa pelama, te Sekaraia teba usu nigi palio, te Berekiago ogwa, aga dagego te Moni Lotu Be tempel tomode ela muani, te dwasianu be daę togali me te ofa muode sai te si tomode dagego Sekaraia ela muani. ³⁶ Eno mu po dagebolo obe dao, te dwai şę yali şęęę tigidali te megı e tşde bidalubo we bidi haniba mu pedelaibao," Jisasgo te po wai.

Jisasgo te Jerusalem hanude gela walali

(Luk 13:34-35)

³⁷ "Jerusalem, Jerusalem, nago te Godigo tagala palali bidi profet dabe augwali ela munama, tama nago te Godigo nageba tagala palali şę bidi masigi şana-ma, augwali me ela muanio. Hauwa sogo mu eno nago we bidi sisinainogo ebadi, te so ba kakarukgo te aga wai dabe augwali te bogo dologoba sisinibo tiwai, tiali goli dagego hagela yai dao. ³⁸ Dagego odao, megı da, dagego bulu da te olo elaluaibao, tagalai dao. ³⁹ Awe, eno dagebolo obao, te dagego ena ma sugob-eo, tama bidama nosali sogo usu nigi pelama, tama te sogo dagego te po enade waibao, 'Dago homugo te Godigo te Genuai Bidigo nogide asali bidi dali wiegi yai şę yao,' dagego te po waibao," Jisasgo te po wai.

Jisasgo te Moni Lotu Be tempel dolaibao po wali

(Mak 13:1-2; Luk 21:5-6)

24 Jisasgo te Moni Lotu Be tempel tagalama poba-di, tama aga wali pabo bidi dabe augwali aga pageba asai. Augwaligo te tempel bego haniani be dabe agabolo ola mawainu yai. ² Tiali goli agai po augwalibolo wei ponoyu, te po wai, "Awe, dagego te haniani be dabe tigidali suao. Eno mu po dagebolo obao, augwaligo e gasa masigi daide ugwadu manama elalubo masigi dabe, te me gogolama me sula tagalogo-beo. Te tigidali augwali pebedelama, te tşba aiyaba şaşwaibao." Jisasgo te po wai.

Jisasgo şęęę hauwa pedalabo po wai.

(Mak 13:3-13; Luk 21:7-19)

³ Te aga pelama, tama te dwasianu bulu du Oliv teba sabolama, aga tede dualaluyu, tama aga wali bilibo bi-di dabe naga augwali aga pageba aselama, augwaligo te po wai, "Nago dabolo wao, nisu sogo te Moni Lotu Be tempel dolobo şę pedelaibawe? Magı şę bolo hasia

pedelama, dago koneai elalubadi, nage ma asiyu e tş siligowe?"

⁴ Te Jisasgo augwaligo po wei ponoyu, bomonama te po wai, "Bidigo dagebolo tibo po olama, tama dagego te mu po dao homu idali weyu, dage dua dao. ⁵ Magı baso meni. Bidi hauwa aselama, augwaligo eno nogi nogi ilama, tama augwaligo te po waibao, 'Ena digı ena te Godigo sa muani bidi Kraıs dao.' Tama augwaligo te we bidi hauwa ili po ola mawaibao, te augwali gasa tşba paibao. ⁶ Tama dagego te moni wabi hwıbo kulukulu dali te wabi hwıbo po sabilibo po odaibao. Dagego odama, dage midigi polo selama noma sigio. Te şę bolo pedelaibao, tiali goli te tş de dagalu si silabo sogo me elalubao. Te nosali mu pedelaibao. ⁷ Awe, tama genuai hwıyu, bidi hani me deligo te wabi te gasa genuai bidi hani dali hwı yaibao. Tama me tuni bidigo bidi hani te gasa tuni bidigo bidi hani dali wabi hwıyu hwı yaibao. Tama haniani bulu habu badu genu-ai nai nasi ela ela paibao, tama tş me mali ela ela paibao. ⁸ Te tigidali şę te wego wai ame nainogo hasia dene ebo te tiwai pedelaibao," wali.

⁹ "Te tebo sogo augwaligo dage selama, dene ilama, şęęę mobadi yaibao, tama augwaligo dage ela muaibao. Tama tigidali we bidi hani augwaligo dwai homu mu dagebolo yaibao. Magı baso meni, eno nogi dagede elalubaso augwaligo dage dali tama tiaibao.

¹⁰ Tama tebo sogo te we bidi hauwa augwaligo enade konealubo po daę wali tagalama, tama augwaligo augwa ama dabe boi bidigo nogoba munama, tama augwa me augwa digı augwa ama dabe dali boi bidi yaibao. ¹¹ Tama te tibo po pusubo bidi profet dabe hauwa pedelama, tama we bidi hauwa tibo po ola mawaibao, augwali gasa tşdu kegasa pomainogo yaibao. ¹² Tama te dwai kolesaga ebo hauwa mu pedeliyu, tama te bidi hauwago gasa we bidi dali dwagi yai homu eyu godolo ebo kolesaga kedauwa saibao. ¹³ Tiali goli, mena bidi aga te tş dagalu silibo side bomonama bidali bidi da, teda Godigo aga ma dobola saibao. ¹⁴ Tama augwaligo te Godigo we bidi tonalubo kolesaga po, te wiegi yai po te tigidali tş habu badu pusaibao, te po tigidali tşde bidibo we bidi augwaligo odomainogo, tama nosali gana digı te tş, de dagalu si silabo sogo te pedelaibao," Jisasgo te po wai.

Dwai nai mu pedelaibao

(Mak 13:14-23; Luk 21:20-24)

¹⁵ Jisasgo te po me wai, "Te polobadu bidali bidi Daniel agai Godigo po pusuyu, te dolobo gasa dwai naide po pusali, polobadu. Tama dagego te dwai nai te magı dwai şę isawai wiegi yai bulude bidibo sueibao. (Bidigo te po nedebaso da, agai homugo bugagia koneao.) ¹⁶ Tama te şę pedelabo sogo te Judia tşde bidibo we bidi augwali te bulu duba wi pao. ¹⁷ Tama te be daide ugwadu bidibo bidi te aga be aiya dulama, te doado bage me sigilugobeo, aga wi naga pao. ¹⁸ Tama te sogo gide bidibo bidi, te aga tudiba begelama, aga gudubo ugwa bede me sigı pelamuo, olo wi pao. ¹⁹ Te

haliga yai we dabe me te sogode te we dabego wai ame mobadi te augwali hobede mu dao. ²⁰ Dagego gedu haluasa po waiya, te dage te kedau ebo sogo ma te Sabat sogode wi pidali weyu tama tia. ²¹ Te sogo da, te sege genuai mu elaluaibao. Te e tş gesi sogo elalubadi te megi e sogode te usu nagasu, te tiwai sege te polobadu munu me pedalobeo. Tama nosali me te tiwai sege munu me ma elalugobeo. Menio. ²² Tama Godigo te genuai sege elalubo sogo togogi menigi da, teda te tigidali we bidi mu doligi dao. Tiali goli God aga te sa muani we bidi augwalide homu konealua. Tama tiyu, augwali tobade agai te sogo tog-waibao" wali.

²³ "Te sogode, te bidi me deligo dagebolo e tobage po waibao, 'Suao, te Godigo sa muani bidi Krai ede bidibao,' ma 'Ude bidibao' obaso da, teda dagego homu te poba me daş olamu dao. ²⁴ Magi baso meni, te bidi meba aselama, tibo po e tiwai waibao, 'Ena Krai, te sa muani bidi dao,' ma 'Ena te Godigo po pusubo profet bidi me deli dao,' te tobage po waibao. Tama augwaligo bidi noma sabo bomai se genuai eyu, tama haniani haniani se yaibao. Augwaligo te we bidi God aga sa muani bage tibo po olama, te dwai se ebo tomoba kegai hagede tebo dao. Tiali goli, te usu egobeo. ²⁵ Odiş, te se pedelasişbadi eno dagebolo te po hasia bolo wai dao. ²⁶ Tama tibaso, augwaligo dagebolo te po waibao, 'Suao, aga u badu te bidi meni yai madi bidibao,' obaso da, te dage te badu me sugi pelamu. Ma, augwaligo te po waibao, 'Suao, aga te be tomode geme dualalubao,' obaso da, te dagego te poba homu daş me olamu dao. ²⁷ Magi baso meni, te dagalude te be sele ula ebo sogo, te ula te sia ge pedalobo badu pedalama, tama te ula ebogo te sia ge dega saboba me pabo dao. Tama te Godigo Bidi Mu ma asobo sogo te tiwai naga pedelaibao, hania mu pedalaibao," te po wai.

²⁸ "Te isali hasa tigi elalubo madi, te pesageba te tigi mi tubo ba dabe augwali deliba sisinagasaibao," Jisasgo te po wai.

Godigo Bidi Mu nosali asaibao

(Mak 13:24-27; Luk 21:25-28)

²⁹ "Te sogo te genuai sege yali te silai madi, tama polo te sia ge hulua selama, tama te polua ula me egobeo, tama te hş dabe dagalude tulaluaibao. Tama te dagalude bomai nai te tş mali tiwai elama, geş page yaibao. ³⁰ Te tebo sogo te Godigo Bidi Mugo daş te dagalude pedelaibao, tama te tşde we bidi hani tigidali augwali augwa nogo pagasa moni gela waibao. Tama augwaligo te Godigo Bidi Mu te dagalu pş daide ug-wadu dualasa asobo sueibao, tama aga genuai bomo me genuai ula dali dulaibao. ³¹ Tama aga mobo bidi ensel dabe tagala palama, augwaligo te bu wabo nai biugel bomonama mu bu ola asaibao, tama augwaligo aga te sa muani we bidi dabe sisinaibao. Te augwali te tş bogo me si me si yali badu te we bidi sesa asiyu,

† 24:29 Ais 13:10; 34:4; Ese 32:7; Jol 2:10, 31; 3:15; Ped 6:12, 13

tama te dagalu sesege badu mu usu nigi paibao, te we bidi sigi paibao," Jisasgo te po wai.

Ni kayago te tş de dagalu si sisşbo sogo bodolu muani kolesaga yai

(Mak 13:28-31; Luk 21:29-33)

³² "Dagego te ni kayade koneiş. Te agai nologode te we elaluyu, te gesi yabe pedalabo sogo, dagego koneaibao, te sogo te dwagi yai giliga nanobo si ped-alainogo eba, te po wabo dao. ³³ Te tiwai naga, nosali dagego te eno megi pusali se tigidali pedalobode subo si, teda dagego koneagameo, te tş dagalu si silabo sogo te pşba yagaselama, te e tşde elalubao po waibao. ³⁴ Eno mu po dagebolo obao, te megi e sogode te tşde bidalubo we bidi augwali me isişbadi, tama te se tigi-dali pedalaibao. ³⁵ Te dagalu de tş si da, te silaibao, tiali goli eno po da, te munu me sia sogobeo," Jisasgo te po wai.

Niwai bidi mego te asobo sogo te bodolu me konegobeo

(Mak 13:32-37; Luk 17:26-30, 34-36)

³⁶ "Tiali goli mena bidi mego te asobo sogo te bodolu munu me konebeo. Te dagalude bidibo mobo bidi ensel dabe augwaligo me konebeo. Ogwago me konebeo. Aga Aya deligo naga te bodolu konealubo dao. ³⁷ Te polobadu mu bidali bidi Noa aga tşde bidali sogo augwaligo yali kolesaga, te kolesaga tiwai naga te Godigo Bidi Mu ma asobo sogode me augwaligo tama tiaibao. ³⁸ Te polobadu te genuai aş isişbadi, we bidi augwali te nai tuyu, te we dabe tuyu, te we siyu ela bidalubadi yaide, tama Noa te moni geba tomoba pai dao. ³⁹ Augwaligo homu kone me isşma, te augwali tama naga bidiba homu yali, tama polo te genuai aş asiyu, te we bidi tigidali dagalasa pela silali. Te yali tiwai naga te Godigo Bidi Mu ma asobo sogo tiaibao, augwaligo te asobo sogo bodolu koneişbadi. tama tiaibao ⁴⁰ Tama te bidi si gide se ebadi, tama Godigo me deli naga siyu, tama gasa me da, tede bidibadi tagalaibao. ⁴¹ Tama te we sigo te keli gagawai nai plaua nigibadi, tama Godigo me deli naga saibao, tama me da, tede bidibadi tagalaibao. ⁴² Tama tibaso, dagego bugagia tonalua. Duga Genuai Bidi ma asobo sogo, te dagego konegobeo. ⁴³ Dagego homugo te seşde koneao, te be page bidigo hasia bolo te nisu sogo hulide te nai wi sabo bidi asobo te agai konegi sogo da, teda agai bugagia tonalugi baso, tama te nai wi sabo bidigo agai be aluama, te tomoba soabo si te me gogolama me sula tagaligi menigi da. ⁴⁴ Tama tibaso, dage me sisi elalua. Te Godigo Bidi Mu te me sogo dagego homugo koneişbo sogo te aga asaibao," Jisasgo te po wai.

†† 24:37 Gag 6:5-8 † 24:39 Gag 7:6-24

**Wiegi yai şe bidi dali, dwai şe bidi dali side po digi po
begelama wai**
(Luk 12:42-46)

⁴⁵ "Mena şe bidigo wiegi yai homu elama, tama agai aga genuai bidide homu keş paı bidi dawe? Te bidi aga genuai bidigo aga sa munama, te gasa şe ebo bidi augwali tonalumainogo, tama augwalibolo aga te nai mabo sogo te nai momainogo yai. ⁴⁶ Tama aga genuai bidi gasaba pelama, tama nosali ma asobode, tama te şe bidigo polobadu agai wali po selama, te şe bugagia yai sualı da, teda te şe bidi aga homu wiegi yai pemene yagameo. ⁴⁷ Eno mu po dagebolo obao, teda agai te şe bidi aga te tigidalı agai nai tonalubo bidi munama bidaıbao. ⁴⁸ Tiali goli, te şe bidi dwai bidi bidıbaso da, teda aga homugo digi aga te homu elama, te eno genuai bidi te polo me asogobe da homu eyu, ⁴⁹ tama agai aga dali deli şe ebo bidi dabe augwali elıbo şe gagalaıbao, tama agai te nai me te weş me te bomai aşı tubo bidi augwali dali te aşı tubo şe gagalaıbao. ⁵⁰ Tama te şe bidi aga genuai bidi ma asabo sogo sisi isabadi, tama me sogo agai te bodolu konesişbo sogo te aga genuai bidi ma asaıbao. ⁵¹ Tama ma aselama, te genuai bidigo te şe bidi mu dolama, tama agai aga te tıbo po wabo bidi dabe dali te dwai buluba munama bidaıbao. Tede te augwali dwai gela weyu, tama augwa kele halua tuyu bidaıbao," Jıasgo te po wai.

Nogo si wegi manide po digi po begelama wai

25 Jıasgo te po wai, "Te aga ma asobo sogo te Godigo we bidi tonalubo madi tomoba painogo ebo we bidi augwali te wegi mani nogo si tiwai dao. Te bidi me deli megi tama we sabo bidi, aga asaıba wali. Tama te gesi wegi mani augwaligo augwa lam sole selama, tama augwali te gege peyu, te tıdu tişba pelama, tama aga odasa asainogo yai. ² Tama a naga wegi mani homu kolesaga meni yai, tama me a naga wegi-giegi yai homu kolesaga elaluai. ³ Te homu kolesaga meni yai wegi mani augwaligo lam sole sela asalı, tiali goli augwaligo te aşı manabo wel dali me sela asobeo. ⁴ Tiali goli te homu kolesaga elalubo wegi mani augwaligo te aşı manobo wel te augwa botolde paşanama tama augwaligo te dali sela asai. ⁵ Te bidi te we sabo bidi aga polo asobe, tama te wegi mani tıgıdalı dali gedu şeşe elama tama augwali godege paı." ⁶ "Tama huli tomode mu i me deli ola asai, 'Te we sabo bidi aga asobao. Dagego aga te tıdu tişba pelama tama aga odasa asao.' ⁷ Tama olama, tama te wegi mani augwali tıgıdalı hodaluama, tama augwa lam sole sisi elama dodolai. ⁸ Tama te homu kolesaga meni yai wegi manigo te wiegi yai homu kolesaga elalubo wegi dabebolo te po wai, 'Dagego wel aşı me badu dabolo mao. Dago sole lam aşı sula sainogo ebuo.' ⁹ Tiali goli te kolesaga yai wegi manigo po wei augwalibolo ponoyu, te po wai, 'Te e wel aşıgo te da me te dage dali usu egowe, egobewe, te dago konebeo. Te duga stua beba pelama, duga tedalı abelegi pao,' wali.

¹⁰ Tama augwali pelama, te wel aşı abelegi paı digi, tama te we sabo bidi aga asalı. Tama te sisi elama bidalı wegi mani augwali te be tomoba aga dali te we sabo genuai nai tubo madi paı. Tama bade bidıbo bage augwaligo te be tı bugagia paıai."

¹¹ "Nosalı te wel aşı abelegi paı te gasa a naga wegi ogwa we augwali aselama, tama augwaligo bego bego weyu te po wai, 'Genuai bidi, genuai bidi, nago da be tı dalao.' ¹² Tiali goli agai po wei ponoyu, bomonama te po wai, 'Eno mu po dagebolo obao, eno dage konebeo,' wali."

¹³ "Tama tibaso, dagego bugagia tonaluo. Dage me, te dagego te aga asobo sogo me te bodolu me konebe dao," Jıasgo te po wai.

**Te po digi pode begelama te şe bidi dabego mone salı
po wai**
(Luk 19:11-27)

¹⁴ Te Jıasgo te po me wali, "Te Godigo Bidi Mu aga ma asobo sogo e tiwai yaıbao. Te genuai bidi me deli aga te digıbulu bulu painogo ebo. Agai aga şe ebo bidi dabe i olama, asobo sı, tama agai nai dabe augwali nogoba osogo muai, augwaligo bugagia tonalumainogo yai. ¹⁵ Agai te şe bidi deli deli augwaligo kolesaga me bomo homugo koneama, tama augwalibolo te mone dobawai. Me delıbolo agai te bidi sese mone hauwa 5,000 kına mani, tama mebolo agai te bidi sese mone hauwa te 2,000 kına mani, tama mebolo agai te bidi sese mone hauwa 1,000 kına mawai. Agai tama tilama, aga paı. ¹⁶ Aga paı madi, tama polo te 5,000 kına salı bidigo te monede bısnis şe elama, tama gasa mone te 5,000 kına salı, te moneba ugwađu daganani mone te profit mone dao. ¹⁷ Tama te 2,000 kına salı bidigo, agai me te monede bısnis şe elama, tama gasa mone 2,000 kına te moneba ugwađu daganama saı. ¹⁸ Tiali goli te bidigo te mone 1,000 kına salı bidi aga pelama, tama agai te tı dedage dogolama, tama aga genuai bidigo mani mone te dedagede game dualıgi paı."

¹⁹ "Bobobage sogo bıdada paı madi, tama nosalı te şe bidi dabe augwa genuai paı ma asai. Tama agai augwalibolo te mani mone po dodolainogo yai. ²⁰ Tama te 5,000 kına salı bidi asalı, tama agai te moneba ugwađu te 5,000 kına daganama sesalı, tama te po wai, 'Genuai bidi, nago mone 5,000 kına eno nogoba osogo muai dao. Suao, eno bısnis şe elama, gasa mone 5,000 kına ma sela muai dao,' wali. ²¹ Aga genuai bidigo agabolo te po wai, 'Nage wiegi yai şe bidi dao, nago enade homu keş paı bidi dao, nago wiegi yai şe mu yai. Nago dwasianu nai bugagia tonalualıgo da, tama eno homugo nage te nai hauwa tonalubo bidi nigılaıbao. Nago wiegi yai homu pemene ena dali ya-gasao,' wai. ²² Tama bidigo te 2,000 kına salı bidi me aselama, tama agai te po wai, 'Genuai bidi, nago te 2,000 kına enabolo mawai. Suao, eno bısnis şe ma elama, te eno gasa mone 2,000 kına ma sela muai dao,' wali. ²³ Aga genuai bidigo agabolo te po wali, 'Nage wiegi yai şe bidi dao, nago enade homu keş paı bidi dao, nago wiegi yai şe mu yai. Nago dwasianu nai

bugagia tonalualigo da, tama eno homugo nage te nai hauwa tonalubo bidi nigilaibao. Nago wiegi yai homu pemene ena dali yagasao,' te po wai."

²⁴ "Tama te 1,000 kina sali bidi, te bidi me aselama, tama te po wai, 'Genuai bidi, eno koneani, nago te nai ge bulasişwai goli, nago te nai sabo dao. Tama gasa bidi mego tş badu te nai wai telawai digi, tede nago te nai dabe sabo dao. Nage sesena pai bidi dao. ²⁵ Tama ena wi ebaso, nago enabolo te mani mone te 1,000 kina, te eno tş dedageba geme dualai. Te naga mone e dao,' te şş bidigo te po wali," Jisasgo te po wai.

²⁶ "Tiali goli aga genuai bidigo po agabolo wei ponoyu, te po wai, 'Nage dwai şş bidi dao. Nage şş hagela ebo bidi. Ma, nago bugagia koneani eno te nai ge bulasişwai goli, te nai siyu, tama gasa bidigo tşde telawai nai sabo te nago konebo dao. ²⁷ Tialima, nago magi baso eno mone te benkba muai meniwe? Nago te eno mone te benkba mugi sogo da, teda ena ma asobode te ena nai dali te gasa ugwadu daganani nai te profit mone dali sigi da. ²⁸ Tialima, dagego te mone 1,000 kina te bidi agade selama, te mone 10,000 kina munalubo bidibolo mao. ²⁹ Magi baso meni, te nai meba elalubo bidi augwali tigidali, te eno meba ma augwalibolo mawaibao, tama augwaligo nai umabo mu elaluaibao. Tiali goli, te dwasianu nai naga elalubo bidi, te agade eno te dwasianu nai me ma saibao.

³⁰ Tama e dwai olo bidi, dagego aga te be hulua si madi buluba sela şşyao. Tama tede augwali dwai gela weyu, tama augwa kele ma halua tueibao,' te genuai bidigo te po wali," Jisasgo te po wai.

Te Godigo Bidi Mugo tigidali bidi hani dagalaibao wali

³¹ Te po ma weyu, Jisasgo te po wai, "Nosali te Godigo Bidi Mu te tuni bidi ma asobode, tama tigidali ensel mobo bidi aga dali, te sogo aga te tuni bidigo wiegi yai sia saide dualagasaibao. ³² Tama tigidali tşde bidibo we bidi hani augwali aga gesabidiba sisinaibao. Tama agai augwali dobolama, tama hani si bugulama muaibao, tama te sipsip me meme tonalubo bidigo te sipsip hani tedaliba muyu, te meme hani tedaliba mubo gilama tiwai yaibao. ³³ Agai te sipsip dabe aga dolo nogo badu muyu, te meme dabe pobase nogo badu muyu ebo tiwai yaibao. ³⁴ Tama te tuni bidigo aga dolo nogo badu bidibo bidi dabebolo po weyu, te po waibao, 'Dage da, te eno Ayago dage dali wiegi yai şş mu yai dao. Polobadu mu agai te tş nigali sogode agai we bidi tonalubo kolesaga sisi ilama, tama tede dage bidabo madi sisi ilali elalubo. Dage aselama, te bulu tomoba dage aşıo. ³⁵ Magi baso meni, polobadu ena nasi dali bidibadi, dagego ena nai mawai. Ena aşı nogone ebadi, tama dagego ena aşı mawai. Ena gasa bulu bidi asobaso, tama dagego duga beba ena odasa pai. ³⁶ Ena ugwa meni badi, tama dagego ugwa ena mani. Ena gasi ebadi dagego ena bugagia tonaluai. Ena kalabuside bidibadi, tama dagego ena suagasai dao,' te tuni bidi agai te po waibao. ³⁷ Te po obaso, tama te doloba pai we bidi dabego po agabolo wei ponoyu, te po waibao, 'Genuai Bidi, nisu sogo dago su-

ali, nage nasi elalubadi, tama dago nage nai mawai dawe? Tama nisu sogo nage aşı nogone ebadi, dago nage aşı maniwe? ³⁸ Nisu sogo dago suali, nage gasa bulu bidi asama, tama dago beba odasa paliwe? Tama nisu sogo nage ugwa meni baso, tama dago ugwa nage mawai dawe? ³⁹ Tama mena sogo dago suali, nage gasi elalubaso, ma nage kalabuside bidibadi, tama dago nage suagasu tau saliwe?' te doloba pai we bidi augwaligo te po hanalu waibao. ⁴⁰ Tama tuni bidigo po wei ponoyu, augwalibolo te po waibao, 'Eno mu po dagebolo obao, te tigidali şş dagego te eno amanu e tiwai te nogi meni yai bidi dali yali wiegi yai şş, te şş dabe te dagego ena dali te yali dao.' Tunu bidigo te po waibao."

⁴¹ "Tama tuni bidi agai te pobase nogo badu bidibo we bidi augwalibolo e tobage po waibao, 'Dage haga yabo bidi dabe dao. Dage enade geda selama, tama dage te munu me sula sisşbo siaba pao, te sia te Aya-go sisi ilali elalubo, te dwai şş yali tobolu bidi Satan aga wali bilibo mobo ensel bidi dabe augwali dali mu-mainogo yai. ⁴² Magi baso meni, polobadu ena nasi idubadi, dagego ena nai mabeo. Ena aşı nogone idubadi, tama dagego ena aşı mabeo. ⁴³ Ena gasa bulu bidi digi, tama dagego beba ena odasa pabeo. Ena ugwa meni badi, dagego ugwa ena me mabeo. Ena gasi elalubadi, ma ena kalabuside bidibadi, tama dagego ena suagaselama tau sabe,' tunu bidigo te po waibao."

⁴⁴ "Tama augwaligo me agai po wei ponoyu, te po waibao, 'Genuai Bidi, nisu sogo nage nasi ebadi dago suali, ma nage aşı nogone ebadi, ma nage gasa bulu bidi, ma nage ugwa meni yai me, ma nage gasi elalubadi, ma nage kalabuside bidibadi, tama dago nage me tau sabewe?' augwaligo te po waibao."

⁴⁵ "Tama agai augwaligo po wei ponoyu, te po waibao, 'Eno mu po dagebolo obao, te dagego eno megı e wali tobage şş te e tiwai nogi meni yai bidi aga dagego tau me sabeo, te tobage şş dagego enabolo me te ebo,' te tunu bidigo te po waibao. ⁴⁶ Tama te bidi hani augwali te dwai dene genuai sigi paibao, te sesemane sogo dene iduabo bulude bidaibao. Tiali goli te doloba pai we bidi dabe augwali da, te sesemane sogo bidada peyu, bidada pabo ula selama bidaibao," Jisasgo te po wai.

Te tobolu bidi dabe augwaligo Jisas elabo po minama daş wai

(Mak 14:1-2; Luk 22:1-2; Jon 11:45-53)

²⁶ Te Jisasgo te po wali tigidali silama, tama te sogo agai aga wali pabo bidi dabebolo te po wali, ² "Dagego koneani, si sogo naga bidilama, tama te bo disşwai nai tubo si nogi Pasova te pedelaibao. Tama augwaligo te Godigo Bidi Mu te boi bidi dabego nogo-ba munama, tama augwaligo aga te ni pedaide walaibao," wali. †

³ Tama te sogo tama te genuai pris bidi dabe me, te Juda tobolu bidi dabe badi, augwali te pris tobolu bidigo wiegi yai genuai beba sisinani, te aga nogi Kaiafas

† 26:2 Sai 12:1-27

dao. ⁴Tama augwaligo Jisas geme daŋ olama, tama aga ela muabo po miai dao. ⁵Tiali goli augwaligo e tiwai po wai, "Dago te se te toma tuyu olo bidibo wiegi yai side me egobeo. Tiyu te we bidi augwaligo wabi hwibo se hodolabuo," te po wai.

Wego te denami ebo nai wel te Jisas toboluba gelali
(Mak 14:3-9; Jon 12:1-8)

⁶Te moni hanu Jerusalem pađe te dwasianu hanu nogi Betani elalubao, tama tede te bidi me deli nogi Saimon bidai. Polobadu te oiyabe gasi yai bidi bidama, tama te gasi silai dao. Tama Jisas aga te bidi Saimongo bede bididubadi, ⁷tama we me deli aga pageba asali, tama gasagi yai denami ebo wel wiegi yai mu te wego te botol masigi elalubo sela asai. Te wel abelabo mone te genuai mu da. Tama agai te denami ebo wel te Jisas toboluba gelali, te aga nai tubo saide dulalubo sogo tiai dao. ⁸Tama aga wali pabo bidi dabe augwaligo te tebo sulama, tama augwaligo homu dwai yai. Augwaligo te po wai, "Magi eyu te wiegi yai denami ebo wel olo dali hagawaliwe?" ⁹Tama te wiegi yai denami ebo nai wel te bidigo abelemainogo magi sogo da, tama dago genuai mone te naide selama, te magi nai meni yai bidi dabe augwalibolo magi dao." Augwaligo te po wai.

¹⁰Te Jisasgo augwaligo te po wabo koneama, tama agai augwalibolo te po wai, "Magi baso dagego sege te e webolo mobawe? Agai wiegi yai kolesaga mu enabolo yalio. ¹¹Tama te magi nai meni yai bidi dabe dage dali sesemane sogo bidaibao. Tiali goli ena da, te ena dage dali sesemane sogo me bidigobeo. ¹²Te e wego te wiegi yai denami ebo wel ena tigiba gelali, te agai ena te gu pagede muabo se te meg e sisi ilali dao. ¹³Eno mu po dagebolo obao, te tigidali tu habu badu te augwaligo Godigo dwagi yai gesi po pusigi pobaso da, tama tede augwaligo te meg e wego enade yali se po me augwaligo pusaibao. Tama agai yali se kegeda pidali weyu, augwaligo teba homu muna koneaibao," Jisasgo te po wai.

Judasgo Jisas te tobolu bidi dabego nogoba maiabo po daŋ wai

(Mak 14:10-11; Luk 22:3-6)

¹⁴Te Jisas wali bilibo bage te nogo si olama saŋago si bidi te me deli, aga nogi Judas aga bulu nogi Keriot dao. Tama te wego te wel Jisasgo toboluba gelali sogo te bidi aga te pris tobolu bidi dabe pageba pelama, tama augwalibolo te po wai, ¹⁵"Dagego magi nai enabolo mobaso, tama eno dage nogoba te Jisas mawaibawe?" wali. Tialima augwaligo te mone ge 30 agabolo mawai. Te masigi dabe te wiegi yai kapa nogi silva tego nigai masigi dao. ¹⁶Tama te sogo agai Jisas te boi bidi dabe augwali nogoba mawainogo te deli sogo me sogo gegebo se galalama yai.

Jisas aga wali bilibo bidi dabe dali Pasova nai tuali po
(Mak 14:12-21; Luk 22:7-14, 21-23; Jon 13:21-30)

¹⁷Te polali side te bo disawai nai bret tubo sogo olo bidibo side, Jisas aga wali pabo bage augwali aga pageba aselama, tama augwaligo te po wai, "Nago homugo dago nago Pasova tuabo nai menade sisi ilagawe?"

¹⁸Tama agai te po wai, "Dage te moni hanu tomoba pelama, tama dage te bidi me deli bidibo digi pelama, agabolo te po wao, 'Te po ola mabo bidi agai te po walio, "Eno bodolu mani sogo te paaba yagasalio. Nago bede te eno nai Pasova te ena wali pabo bidi dabe dali tuaiba," te po walio.' Te be page bidibolo te po wao," Jisasgo te po wai.

¹⁹Tialima, aga wali pabo bidi dabego te Jisasgo augwalibolo wali po selama, te tiwai yali, tama augwaligo te Pasova tubo nai sisi ilali.

²⁰Tama be pio ebode aga te aga wali pabo bidi te 12 bidi dabe dali te nai tubo tebol sai pađe dualama bidai. ²¹Augwali nai tuyu bidibadi, tama agai te po wai, "Eno mu po dagebolo obao, dage tomode me deligo ena te boi bidi dabego nogoba mawaibao," wali.

²²Tama augwali te pode homu sege mu ebaso, tama deli deli bidibo bage augwaligo agabolo hanaluyu, te po wai, "Genuai Bidi, ma ena dawew?"

²³Tiali goli agai po wei ponoyu, te po wai, "Te ena dali tubo nai sainu e pouba aiya nogo mubo bidi, agai ena te boi bidi dabego nogoba mawaibao. ²⁴Te Godigo Bidi Mu aga pabo tu po augwaligo te bukude polobadu aşani, tama te tudu aga peyu, tama isaibao. Tiali goli te Godigo Bidi Mu te boi bidi nogoba muabo bidi da, hobede mu ebaso. Te aga idago te bidi aga me ame negi menigi sogo da, te usugi da," Jisasgo te po wai.

²⁵Judas aga te boi bidi nogoba mani bidi, agai po wei ponoyu, te po wai, "Po ola mabo bidi, ma ena dawew?" Jisasgo agabolo te po wai, "Awe, nago te tiwai po obao." Jisasgo te po wai.

Jisasgo bret me wain aŋ aga wali bilibo bidi dabebolo mani

(Mak 14:22-26; Luk 22:15-20; 1 Ko 11:23-25)

²⁶Augwali nai tudubadi, tama Jisasgo te bret selama, tama Godibolo nage usu da po olama, tama nogogo pebedelama, tama aga wali bilibo bidi dabebolo mani. Tama agai te po wai, "Dagego selama tuo. Te eno tigi dao."

²⁷Tama agai te wain aŋ munalubo kap me deli selama, tama Godibolo nage usu da po olama, tama augwalibolo mani, tama te po wai, "Dage tigidaligo te aŋ naga tuo. ²⁸Magi baso meni, te eno kaneme dao. Augwaligo ena ela muyu, tama eno kaneme gelebogo te Godigo te we bidi ma dobola sabo gesi po te bomo menama mu daŋ walaibao. Eno te kaneme gelebogo te hauwa we bidigo dwai se ebo te tagaliyu dagala saŋaibao. ²⁹Eno dagebolo obao, eno te wain aŋ munu

† 26:28 Sai 24:8; Jer 31:31-34

me ma tugobeo, te sogo eno te gesi wain aji dage dali te eno Ayago we bidi tonalubo madi tomode bidibo sogoba usu nagasaibao," Jisasgo te po wai.

³⁰ Jisasgo te po silibo si, tama augwaligo Godigo nogi ugwaba sabo teabi po ola silama, tama augwali te bedu buluba solama, tama augwali te Oliv bulu duba pai.

Jisasgo te Pitago aga tudiba muaibao po wali

(Mak 14:27-31; Luk 22:31-34; Jon 13:36-38)

³¹ Te augwali te Oliv bulu duba sabolama, tama Jisasgo augwalibolo te po wai, "Megi e sogo hulide dage da, te dage tigidali te enaba duga homu tigidali mubo se tagalama tuloluaibao. Magi baso meni. Te Godigo polobadu wali po augwaligo te bukude asani, te po tama wai, 'Eno te sipsip tonalubo bidi elibaso, tama te sipsip hani dabe augwali tedali tedela wi paibao.' Te asani po elalubao. ³² Tiali goli ena isama tama ma hodaluama, tama ena dage asabo madi polasa te Galili tba paibao," Jisasgo te po wai.

³³ Pitago po wei ponoyu, bomonama agabolo te po wai, "E bage augwali tigidaligo te nageba augwa homu mubo kolesaga tagalama tolalueibao nago te tama po wabo digi, te ena da, ena tama me tegobeo," Pitago te po wai dao.

³⁴ Jisasgo agabolo te po wali, "Eno mu po nagebolo obe dao, e sogo megı hulide, te ba kakaruk po wasiabadi tama sela sogo nago po weyu, nago ena konebeo te po waibao."

³⁵ Pitago agabolo te po wai, "Bidi dabe augwaligo ena me nage dali ela muyu da, teda te usu dao. Tiali goli, eno nage konebeo po munu me wagobeo. Mu menio," Pitago te po wai. Tama tigidali aga wali pabo bidi dabego te tiwai po naga wai.

Jisasgo gedu haluasa po te Getsemani gide wali

(Mak 14:32-42; Luk 22:39-46)

³⁶ Tialima, Jisas augwali dali gasa badu te augwaligo nogi yali te Getsemani teba pai. Tama aga wali pabo bidi dabebolo te po wai, "Dage ede dualama bidaluao, tama ena u badu pelama, gedu haluasa po wagi pobao," te po wai. ³⁷ Tama agai Pita dali te Sebedigo ogwa si selama, augwali hodobo pai. Tama megı da, aga homu sege elama, tama aga homu dene dwai mu yalio. ³⁸ Agai augwalibolo te po wali, "Eno homu sege mu ebaso, pade ena isainogo ebaso. Dage ede bidiyu, tama ena dali tonaluyu, godege pigimio." ³⁹ Tama aga dwasianu gana obaba pelama, tama aga pabo gesabidiba degasa dulama, tama gedu haluasa po weyu, bomonama te po wai, "Eno Aya, te usu da wida, teda nago enade te elalubo kap dagala sayao. Tiali goli nago eno homu kolesaga wali me pelamuo. Menio. Nago naga homu kolesaga naga wali pao," wali.

⁴⁰ Tama aga wali pabo bidi dabe bidiboba aga pelama, tama suali, augwali godege pila muai. Tama agai augwali hodolama, tama Pitabolo agai te po wai, "Magi yaliwe, dagego ena dali te dwasianu sogo tonalu-

gobewe? ⁴¹ Dagego tonaluyu, gedu haluasa po wao. Tiyu dage usu sabo dwai kolesagago te dage aiyaba elalugobeo. Mu tama, dagego homugo te wiegi yai se naga yaibao. Tiali goli, te dagego bomu usu egobeo," wali.

⁴² Aga si sogo ma pelama, gedu haluasa po te aga dene sabode te tiwai po wai, "Eno Ayao, tama te kappo ena ela soabo usu me egobe da homu elama, tama eno te kap selama, te aji tumai da wida, teda nago naga homu kolesaga wali naga pao.," te po wai. ⁴³ Tama aga ma aselama suali, augwali pila mubo suai. Augwali gedu sege yalio. ⁴⁴ Tama agai augwali ma tagalama, tama aga pelama, gedu haluasa po sela sogo wagi pai. Te gedu haluasa po aga hasia wali tiwai, te naga agai ma walio. ⁴⁵ Nosali aga wali pabo bidi dabe pageba aselama, augwalibolo te po wai, "Dage me pila mudu toma tudubawe? E dao odiao, te sogo megı pedalio, te augwaligo Godigo Bidi Mu te dwai sege sai bidi dabego nogoba mawainogo ebaso. ⁴⁶ Dage hodaluao, tama da augwali tba pinao. Suao, ena augwaligo nogoba maiabo bidi aga te pba megı yagasobao," Jisasgo te po wai.

Judasgo Jisas te boi bidi dabego nogoba mawai

(Mak 14:43-50; Luk 22:47-53; Jon 18:3-12)

⁴⁷ Te Jisasgo po udubadi yaide, tama Judas, te aga wali pabo bidi te 12 wali bidi me deli, aga asali. Tama genuai bidi hani aga dali asali, tama augwaligo te bobobage hwa ge me wabi me nogode tulama asai. Te genuai pris tobolu bidi dabe dali, te Juda dabe tobolu bidi hani dabego augwali tagala palobaso asalio.

⁴⁸ Tama aga te augwali nogoba maiabo bidigo, agai e tiwai po me deli augwalibolo usu selama mani, "Te eno bidi me deli aga dali ena kisa sigi paibao. Te bidi aga Jisas dao. Dagego aga naga da olama, pageabi yao." Te po wai. ⁴⁹ Tama aga polo Jisas pageba dolo aselama, tama te po wali, "Hulide dao, po ola mabo bidio." Tama agai aga dali gesabi sebedi usu sagasai.

⁵⁰ Jisasgo agabolo te po wai, "Abagio, te nago aselama yainogo yali se, te se nago polo tama yao," wali. Megı da augwali aselama, nogo Jisasba munama, tama aga pageabi elama da wai. ⁵¹ Tialima, Jisas dali bidali bidi me deligo agai aga bobobage hwa ge kega sai. Tama agai te hwa go te pris tobolu bidigo se bidigo olo togwa sanama, tba tulaluai. ⁵² Tiali goli Jisasgo agabolo te po wai, "Te nago hwa ge aga muani madi ma bulao. Tigidali bidi te bobobage hwa gego hwıbo kolesaga ebo bidi dabe, augwali te gasa bidi dabego moni hwa gego ela muaibao. ⁵³ Nago eno bomu konebeo. Eno ena Ayabolo hanaluyu da, teda agai te ensel mobo bidi hani umabo mu tagala palama, tama augwali dulama, ena tau sagasaibao. ⁵⁴ Tiali goli, eno te tiwai ebaso da, teda te megı enade pedelabo se pedalogobeo. Polobadu Godigo po asani bukude te enade megı pedelabo se po aseai dao. Pedalomainao," wali.

⁵⁵ Tama te sogo naga Jisasgo te aga sagasai bidi hanibolo te po wai, "Dagego ena sagasiyu, tama

dagego te bobobage hwa ge me wabi dabe tolasa asali, te dage te nai wi sabo bidi sainogo asobo tiwai yali. Magi baso te tiwai yaliwe? Tigidali sogo ena te Moni Lotu Be tempel tomode bidiyu, tama eno po te we bidi augwalibolo ola madu geai goli, te dagego te sogo tama dagego ena me nogo daꝝ me wabeo.⁵⁶ Tiali goli te se tigidali enade megi pedalobo te polobadu Godigo po pusali bidi profet dabego bukude aseani po usu nainogo ebao," Jisasgo te po wai. Tama aga wali pali bidi dabe augwaligo Jisas taga peyu, tama augwali wi pela silai.

Augwaligo Jisas po tu ela mani

(Mak 14:53-65; Luk 22:54-55, 63-71; Jon 18:13-14, 19-24)

⁵⁷ Te bomai po page koneai bidi dabe dali, te Juda dabe tobolu bidi dabe dali, augwali te bidi Kaiafasgo beba sisanama bidaluai. Te Kaiafas aga te pris bage tuni bidi mu dao. Tama te Jisas nogo tulama daꝝ wali bidi dabe augwaligo aga te Kaiafasgo beba odasa palio.⁵⁸ Tama Pita Jisas aga wali pai, tiali goli aga digibulu gana dwasianu bidai. Aga te tuni bidi Kaiafasgo obo tomoba pelama, tama te enesigi bidi dabe dali te be mesalode dulaluai. Agai te magi se Jisasde pedalobo te agai sula sainogo yali.⁵⁹ Te pris tobolu bidi dabe dali, te tigidali kaunsil dabe dali, augwaligo te Jisasde tibo po omainogo yabo bidi dabe gegebo se yali, tama augwaligo aga ela muabo po daꝝ wabo tu gegemainogo yalio.⁶⁰ Tama bidi hauwa pedelama, tama tibo po dabe agaba walio. Tiali goli augwaligo aga elabo te dwai se yali te po gegali te usu me ebeo. Tiali goli nosali bidi me si aselama sabolali.⁶¹ Tama te bidi sigo te po walio, "Te bidigo te po wai dao, 'Eno te Godigo Moni Lotu Be tempel aluama degebode, tama sela sogo eno ma se ebo usu yaibao,' agai te po wai dao," augwali sigo te po wai.⁶² Tama te pris tuni bidi doligulama Jisasbolo te po wai, "Nago te po me deli wei ponosiama ebawe? Magi yaide augwaligo te po dabe nagebolo togolobawe?" wali.⁶³ Tiali goli Jisasgo po me wabeo. Tama te pris tuni bidigo agabolo te po wai, "Te nago dabolo mu po naga omainogo eno nagebolo te bidibo ula elalubo Godigo nogide te po hanalu obao, nage te Godigo sa muani bidai Krai, te Godigo Ogwa dawo, ma meniwe?"

⁶⁴ Jisasgo agabolo te po wali, "Awe, nago po wali ena te tiwai dao. Tiali goli eno dagebolo obao, nosali dagego te Godigo Bidi Mu te Tigidali Bomo Elalubo Godigo dolo nogo badude dualalubo sueibao. Tama aga te ugwadu daide elalubo pade bidama asobo, te me dagego sueibao," wali. †

⁶⁵ Jisasgo te tiwai po wali, tama te pris tuni bidigo te po odama, tama dwai homu mu eyu, tama aga gudali bobage ugwa pisilama, te po wali, "Agai Godibolo posobo po walio. Tama te bidi meba bolo agai e bidide po pusumainogo i wabo tagalao. Agai Godibolo posobo po walio. Megi tama te po wali dagego odali dao.⁶⁶ Dagego magi homu ebowe?" Tama augwaligo

po wei ponoyu te po wali, "Agai dwai se yalio, tama aga isimainao," wali.

⁶⁷ Tama megi da augwaligo pesa Jisas gesabiba sawani, tama augwaligo nogo sugunama aga elali, tama mebago nogo kalago aga elama,^{††68} tama augwaligo te po wai, "Nage Krai, te Godigo sa muani bidi, nage te Godigo po pusubo bidi profet da wida, megi wao. Dego nage elaliwe, te nogi nogi ya," augwaligo te Jisas dali wai.

Pitago te po wali, "Eno Jisas me konebeo"

(Mak 14:66-72; Luk 22:56-62; Jon 18:15-18, 25-27)

⁶⁹ Te augwaligo te se Jisas dali ebadi, tama Pita te be mesalode dulaluai. Tama tede se ebo we me deli aga paba aselama, tama te po wai, "Nage me te Galili to bulu bidi Jisas dali bidai dao," wali.

⁷⁰ Tiali goli Pitago po weyu, menio po te tigidali bidigo gedude bomonama, te po wai, "Eno nago te wabo po page konebeo."⁷¹ Tama aga solama, te be bagulali obo mabo pade bidai. Tama gasa se we mego aga sulama, tama te pade bidalubo we bidi augwalibolo te po wai, "Te e bidi da, te Nasaret bulu bidi Jisas dali bidali bidi dao." Te po wai.

⁷² Tama Pitago po geme ma dualiyu, bomonama te po wai, "Mu tamao, eno te bidi me konebeo."⁷³ Nosali gana dwasianu, tama te dolaluali bidi meba augwali aselama, Pitabolo te po wali, "Mu tama, nage augwali hani bidi dao. Naga pogo nage haninani dao, nago po te Galili bidigo po wabo tiwai wabo dao," wali.

⁷⁴ Tialima megi da Pitago po bomo mu elama weyu, agai tibo po obaso da, teda Godigo aga ela mumainogo eyu te po wai, "Mu tamao, eno te bidi munu me konebeo. Mu menio." Agai te po ola silai madi, tama polo te ba kakaruk po walio.⁷⁵ Tama megi da Pitago Jisasgo aga dali wali po homugo ma koneano, "Te ba kakaruk po wasiabadi, tama nago po sela sogo olama, te nago ena konebeo waibao." Tama Pita aga te bedu buluba solama, gela geninama mu wai dao.

Augwaligo Jisas te Pailat bidibo madi odasa pai

(Mak 15:1; Luk 23:1-2; Jon 18:28-32)

27 Te be posa pabode, tama te tigidali Godibolo nai ula mabo pris genuai bidi dabe badi, te Juda hani tobolu bidi dabe dali, augwaligo po minama, Jisas elabo po olama, tama deli homu elama te po daꝝ wai.² Augwaligo aga te aligabo bonogo kename, tama augwaligo aga selama, te polalubo genuai gavman bidi Pontius Pailat bidibolo magi pai.

Judas isalio

(Tpi 1:18-19)

³ Megi da Judas, te Jisas boi bidi dabego nogoba mani bidi, agai Jisas augwaligo po tu ebode aiyaba elaluama tama aga ela muabo homu ebo suai. Tama aga ge neyu, tama homu hasegeleyu yai, tama te sali mone ge bidi sese olama nogo si silva mone te pris

† 26:64 Dan 7:13

†† 26:67 Ais 50:6

genuai bidi dabe dali te Juda dabe tobolu bidi dabe augwalibolo te mone sela pelama, ma magi palio.
⁴ Tama agai augwalibolo te po wai, "Eno dwai şe elama, şeş salio. Eno te magi dwai şe me isawai bidi te boi bidi dabego nogoba manigo, tama aga isaibao," wali. Tiali goli augwaligo te po wai, "Te dago şe menio. Te naga şe tali dao."
⁵ Tama Judasgo te silva mone ge dabe te Moni Lotu Be tempel tomode şanama, tama aga pelama, aga digi te ba bonoba waligi pelama isai.
⁶ Te genuai pris bidi dabe augwaligo te Judasgo şawani mone ge selama, tama augwaligo augwa hasi te po wai, "Te e monede da, te bidi elai mone dao. Tama tibaso, dago te mone ge te Moni Lotu Be tempel mone dali muyu da, teda dago te bomai po bolaibao. Te dali me mugobeo," wali.
⁷ Tama tibaso, augwaligo po me dedeli minama daş wali, tama nosali augwaligo te monego te bidi dabego te sene nigabo mama tş sabo madi te tş abelali. Augwaligo te homu yali, te digibulu bulu bidi dabe ede isiyu da, teda te tş augwali muabo gş page nigilama elalumainogo homu yali.
⁸ Tama augwaligo te tş te bidi elai monego abelebaso, te we bidi augwaligo te tş nogi poali, te Kaneme Tş nogi wai. Tama megi tama me, te nogi me elalubo dao.
⁹ Tama augwaligo te tş tama abeleyu, tama po me deli polobadu Godigo aga po pusali bidi profet Jeremaiago pedauwalide wali po te megi mu usu nanio. Agai te po polobadu wai,
 "Te Israel dabe meba augwaligo te bidi me deli abelabo mone ge noma dodolama tama te silva mone ge bidi sese olama nogo si te tama po daş wali.
¹⁰ Tama augwaligo te mone ge selama, tama augwaligo te sene nigabo mama tş sabo tş abelali, te Genuai Bidigo enabolo wali po tiwai dao."
 †

"Nage te Juda dabego tuni bidi dawew?"

(Mak 15:2-5; Luk 23:3-5; Jon 18:33-38)

¹¹ Te bidi Jisas te gavman polalubo bidi gedude te be tomode dodolai. Tama genuai polalubo gavman bidigo agabolo hanalu wali, "Nage Juda dabego tuni bidi dawew?" Tama Jisasgo te po wali, "Naga digi naga te po obao."
¹² Tama te genuai pris bidi dabe badi, te Juda bage tobolu bidi dabe dali, augwaligo aga po tş ilibo şeş yali. Tiali goli agai po me deli wei me ponebeo.
¹³ Tama te gavman genuai bidi Pailatgo agabolo te po wali, "Ma, nago te tigidali po augwaligo nage po tş ilibo po te nago odobewe?"
¹⁴ Tiali goli Jisasgo po me deli te gavman bidi Pailatbolo wei me ponebeo. Tama tibaso, te polalubo gavman bidi aga homu hauwa eyu noma sali.

Pontius Pailatgo Jisas ni pedaide elabo po wai

(Mak 15:6-15; Luk 23:13-25; Jon 18:39-19:16)

¹⁵ Te tigidali kibu bedede te Pasova side bodolu muna olo bidali sogo, te polalubo gavman bidigo te kalabus bidi me deli olo tagala palobo dao. Te we bidi augwa digi te bidi me deli tagala palomainogo aga no-

† 27:10 Jer 19:1-13; Sek 11:12-13

gi obaso, teda te tuni bidi Pailatgo augwaligo homu wali peyu, te bidi me deli te augwaliba tagala palobo dao.
¹⁶ Tama te sogo agai dwai şeş yai dwai bidi mu me deli te kalabuside bidai, te aga nogi Jisas Barabas dao.
¹⁷⁻¹⁸ Tama megi da Pailat aga te be tagalama, buluba pelama, tama we bidi augwali sisinagasali. Agai koneani, te tobolu bidi dabe augwaligo Jisas dali naga dwai homu elama, tama augwaligo Jisas aga gesabidide po tş ilainogo eyu, odasa asai dao. Tama tibaso, Pailat agai te we bidibolo te po wai, "Dagego homugo eno de dageba tagala palagawe? Ma, eno te Jisas Barabas, ma eno te Jisas, augwaligo te Kraiis nogi ebo bidi te dageba tagala palagawe?"
¹⁹ Tama me, te bidi Pailat aga te po tş odobo bidi jas dugabo siade aga dualalubadi, tama aga wego po agabolo toliyu te po wai, "Nago magi şeş me deli te doloba pai bidi dali me elamuo. Te eno hulide nade aga sulama, tama eno genuai homu elalubao." Te po wai.

²⁰ Te genuai pris bidi dabe badi, te Juda dabe tobolu bidi hani dali, augwaligo te we bidi homu hodolama, augwaligo te Pailatbolo i weyu, te bidi Barabas tagalama, te Jisas ela muao, te po omainogo yai.
²¹ Tama te genuai gavman bidigo po augwalibolo ma naga wali, "Dagego homugo eno te e bidi sigo te mena bidi dageba tagala palomainogo homu ebawew?" Augwaligo te po wai, "Barabas."
²² Pailat agai augwalibolo te po wai, "Eno tama tiyu da, teda e bidi da Jisas, augwaligo Kraiis nogi ebo bidi, agabolo eno magi şeş yagawew?" Tama augwali tigidali te po wai, "Aga ni pedaide elao."
²³ Tama Pailatgo te po wali, "Magi basowew? Agai magi dwai şeş yaliwew?" Tiali goli augwaligo bomonama ma i wali, "Ni pedaide aga elao," wali.

²⁴ Tama megi da Pailatgo koneani, agai po usu ebeo. Menio. Tama wabi genuai hwjainogo yai. Tama agai augwali ola momainogo agai wew te poude meba selama, tama aga nogo te we bidigo gedude wew telawai. Tama nogo wew teladubadi agai te po wai, "Te e bidi elibo da, te eno şeş menio. Te duga şeş naga dao."
²⁵ Tama tigidali we bidi augwaligo po wei ponoyu, te po wai, "Te aga elebo şeş te daba me te dena wai dabeba asomainao," wali.
²⁶ Tama te sogo Pailatgo te bidi Barabas augwaliba olo tagala palali. Tama agai po olama, tama gasa bidigo Jisas te dwai bigo elidu gelama, tama te ami bidi dabe nogoba mani, te augwaligo aga te ni pedaide elimainogo yalio.

Ami bidi dabe augwaligo Jisasbolo posobo po wai

(Mak 15:16-20; Jon 19:2-3)

²⁷ Tama megi da, te ami bidi dabego Jisas te gavman tuni bidigo be tomoba odasa pali, tama augwali tigidali aga pageba sisinagasai.
²⁸ Tama augwaligo agai gudali ugwa pedela munama, tama augwaligo bobobage mama ugwa me deli aga tigiba muanio, te genuai polalubo bidigo ugwa tiwai dao.
²⁹ Tama augwaligo sesani yai bonogo madi me deli nigilama, tama augwaligo Jisas toboluba muai. Tama elama, tama augwaligo te awi dili me deli agai dolo nogode muai. Tama augwaligo agaba kidu sugunama, tama augwali-

go posobo po agabolo e tiwai wai, "Siade dao, Juda dabego tuni bidi dao." ³⁰ Tama olama, tama augwaligo agabolo pesa sayani, tama augwaligo te awi dili ma dobola selama, aga toboluba elidu geai. ³¹ Augwaligo te dwai posobo po dabe agabolo ola silibo si, megi da agai te gudali mama ugwa te augwaligo peda sali, tama augwaligo aga ugwa ma tigiba muai. Tama augwaligo aga te ni pedaide elainogo sela palio.

Augwaligo Jisas ni pedaide daganama enani

(Mak 15:21-32; Luk 23:26-43; Jon 19:17-27)

³² Augwali te moni hanu buluba pobadi, tama augwaligo te Sairini bulu bidi me deli suali, aga nogi Saimon. Tama augwaligo bomonama agai te Jisasgo tolali ni pedai tolao wali, tama agai tolali. ³³ Augwali pelama, dwasianu bulu du me deliba sabolali, aga nogi Golgota. Te bulu nogi page e tiwai dao, tobolu dili tiwai bulu du da wai. ³⁴ Tama augwaligo te wain aji meba te ha ebo dwai marasin dali gelama, Jisasgo tumainu manio. Tama agai tula suali, tiali goli agai tubeo.

³⁵ Augwaligo Jisas aga te ni pedaide elama daganai madi, tama agai gudali ugwa dabe augwa dobola sainogo augwa hasi satu gagali bolo yalio. ^{†36} Tama elama, tama augwali te bulude dualama, tama augwaligo aga tonaluyu bidalio. ³⁷ Te aga tobolude ugwa du augwaligo aga te po tu ilali po aşai. Augwaligo e tiwai po aşanio: 'Te e bidi Jisas, te Juda dabego tuni bidi dao.' ³⁸ Te Jisas pađe augwaligo te nai wi sai bidi me si te ni pedaide walali, me deli te dolo nogo badu waliyu, me te pobase nogo badu waliyu yalio.

³⁹ Tama te we bidi augwali iba soyu, oba soyu eyu, augwaligo dwai posobo po agabolo walio. Tama augwaligo augwa tobolu bebegeliyu, ^{†40} tama te po wai, "Nago te Moni Lotu Be tempel aluama, tama sela sogo naga ma se yaiba po wali bidi, megi da, te naga digi naga tau sao. Tama nage te Godigo Ogwa da wida, teda nage te ni pedaide daganalubo tagalama, tama nage te tpa aiya dulao," augwaligo te tiwai posobo po wai.

⁴¹ Te genuai pris bidi dabego me, te bomo yai po page ola mabo bidi dabe dali, te Juda dabe tobolu bidi dabe badi, augwaligo me dwai posobo po weyu, bomonama te po augwa hasi wai, ⁴² "Agai gasa bidi dabe augwali naga tau sali, tiali goli aga digi aga tau sainogo ebo usu egobeo. Ma, aga da te da Israel bagego tuni bidi da wida, teda aga te nide daganani tagalama, aiyaba dulubaso, teda dago bomo yai homu agaba munama daş waibao. ⁴³ Agai homu Godiba tinama te po wali, 'Ena Godigo Ogwa dao' wai. Tialima, Godigo aga godolo eba wida, agai aga megi tau so-mainao." Augwaligo te po wai. ⁴⁴ Te nai wi sai bidi me si augwaligo te Jisas walali ni pedaide pađe ela daganai, te bidi sigo me te tiwai dwai posobo po naga agabolo walio.

Jisas isalio

(Mak 15:33-41; Luk 23:44-49; Jon 19:28-30)

⁴⁵ Tama te sia ge tomode mu, te tigidali tu badu te be hulua sabo tiwai elama, te be hulua si mu elama, tama telalubadi te be pio yabo magaba usu nanio. ⁴⁶ Tama be pio ebo pađe Jisasgo i bomonama weyu, te po wai, "Eli, eli, lama sabaktaniwe?" Te po page e tiwai dao: "Eno God, eno God, magi baso nago ena tagaluwe?"

⁴⁷ Tialima meba te pađe dolaluali bidi, augwaligo te wabo po odama, tama augwaligo te po wai, "Te bidi agai te polobadu bidali bidi Elaija te i obao," te po wai. ⁴⁸ Tama polo te bidi dabe augwali me deli udada pelama, te tamu ajde elalubo wawi yai nai me deli sigi pali, tama te nai te wain aji dali taluama, tama te nai awi dili donode kename, tama te nai Jisasgo tumainogo manio. ⁴⁹ Tiali goli gasa bidi dabe meba augwaligo te po wai, "Meo, dago bolo sueibao. Ma, te bidi Elaija asemama, aga tau sagasobowe, ma menigowe?" te po wai. ⁵⁰ Te Jisasgo i bomonama ma olama, tama aga noma bidi mobo tagala palalio, te aga mu isalio.

⁵¹ Tama te sogo naga te Moni Lotu Be tempel tomode walaluali genuai bobage daş ilali nami ugwa te ugwa du gagalasa aiyaba mu pedasa dulama, tama pedai si pedalali. Tama tu mali ebadi, tama genuai masigi dabe me pebeda palio. ^{†52} Tama gu page palialuali tu dala pelama, tama Godigo we bidi hauwa, polobadu augwali isali, megi augwali tigi elalubadi tama ma hodalualio. ⁵³ Augwaligo te gu page tagalali, tama nosali Jisas ma hodaloai madi, augwali te Godibolo hoga sali moni hanu tomoba palio. Tama bidi hauwago te sogo augwali suai dao.

⁵⁴ Tama te enesigi bidi dabego tobolu bidi aga ami bidi dabe aga dali te Jisas tonaluali bage, augwaligo te tu mali ebo me te se dabe pedalobo sulama, tama augwali moni wi mu yalio. Augwaligo te po wai, "Mu tamo, te bidi aga te Godigo Ogwa mu dao," te po wai.

⁵⁵ Tama we hauwa bidali, augwali te Galili tudu Jisas tau sainogo aga wali asai. Te we dabe augwali te dwasianu digibulu gana dolalu tononaluai. ⁵⁶ Te we me deli augwali dali tomode bidali we te Maria aga bulu Makdaladu asai. Tama we me te aga Maria, te bidi si Jemsde Josep sigo ida. Tama we me deli te bidi Sebedigo we, te aga ogwa sigo ida dao.

Augwaligo Jisasgo tigi te masigi ola be dedageba muai

(Mak 15:42-47; Luk 23:50-56; Jon 19:38-42)

⁵⁷ Te pio te Arimatea bulu bidi me deli te masigi hauwa elalubo bidi, aga nogi Josep, aga asai. Aga me te Jisas wali pali bidi dao. ⁵⁸ Tama aga te gavman polalubo bidi Pailat pageba sabolama, te Jisasgo tigi sabo po hanalu wai. Tama te Pailatgo te ami bidi dabebolo olama, tama augwaligo te tigi Josepbolo sela mawai. ⁵⁹ Tama Josepgo te Jisas tigi selama, tama aga te meda meni yai tedela yai gesi nami ugwade bebe pelama mesegelai. ⁶⁰ Tama agai te Jisas tigi te aga digi nigai gu pageba muji palio. Agai te genuai masigi tomode te

† 27:35 Tib 22:18 †† 27:39 Tib 22:18

‡ 27:51 Sai 26:31-33

ola be me deli tamadi nigai. Tama agai te tigi te ola be tomoba munama, tama agai te genuai masigi me deli hogogo bele pelama, te tigi muani gu page ola be sunumi te masigi mego paniani. Agai tama tilama, tama aga palio. ⁶¹ Maria te Makdala bulu we badi, te gasa we Maria dali, augwali si tede bidali. Augwali si te gu page dolo si pađe dualualui, tama augwali sigo te gu pageba tononaluyu bidalio.

Te ami bidi dabe augwaligo te gu pagede tonaluai

⁶² Tama nosali sogode, te Sabatde nai sisi ebo sogo te silai madi, tama te genuai pris bidi dabe badi, te Farisi dabe dali, augwali te genuai gavman bidi Pailat pageba pelama, sisinigi palio. ⁶³ Augwaligo te po wali, "Genuai bidi, dago po me deli te tibo po wali bidi aga bidali sogo wali po me deli megi ma koneani. Agai te po wai, 'Nosali te sela sogo wabode te ena ma hodalu-aibao' wai dao." ⁶⁴ Tama tibaso, nago po olama, tama augwaligo te gu page sela sogo bugagia tonalumainao. Tiyu yaide aga wali pali bidi dabego aga tigi geme wi sagaselama, gasaba mugi pidali weyu te bugagia tonalua po wao. U bagego aga tigi selama, tama augwaligo tibo po te we bidi augwalibolo weyu, 'Aga te gu pagede ma hodaluualio' waibao. Tama tiyu da, te nosali wabo tibo pogo te polobadu wali tibo po aiyaba elaluaibao," augwaligo te po wai. ⁶⁵ Tama Pailat agai augwalibolo te po wai, "Dagego te tonalubo bidi dabe meba elalubao. Tama dage pelama, te gu page bomonama tonalua po, te duga ebo tiwai gilama yao." ⁶⁶ Tama te po obaso, augwali pelama, te gu page panialugi pai. Augwaligo te gu page sunumi paniani masigi daide te habu selebo da me deli ilama, tama augwaligo ami bidi dabe mebago te gu page tonalumainogo muanio.

Jisas ma hodaloai

(Mak 16:1-10; Luk 24:1-12; Jon 20:1-10)

28 Te Sabat side silai madi, te Sarere hasia polali sogo te giliga pađe pedelainogo ebadi, tama te Makdala bulu we nogi Maria badi, te gasa we Maria dali, augwali si te gu page suagasainogo asai. ² Tama polo mu genuai to mali pedalai. Magi baso meni. Te Genuai Bidigo mobo bidi ensel te dagalu tagalama, tama e toba aiya dulali, tama agai te ola be gu page sunumi paniani masigi hogogo bele pelama, tama aga te masigi daide ugwadu dulalualio. ³ Aga gesabi ula te be sele ula tiwai yali, tama aga gudali ugwa te tedela yai te dagalu po ula tiwai yalio. ⁴ Tama te gu page tonaluali ami bidi dabe augwaligo te tebo sulama, tama augwali agade wi elama, tama augwali tigi didibili eyu, tama augwali te isai bidi tiwai gagawalio, te toba tulalio.

⁵ Tiali goli te mobo bidi enselgo te we sibolo te po wai, "Dage si wi tagalao. Eno koneani, dage sigo Jisas gegagasu asali, te bidi augwaligo te ni pedaide walali bidi dao. ⁶ Aga ede me bidibeo. Aga ma hodaluualui, te tiwai po polobadu agai wali. Dage sigo aga munaluali madi suagasao. ⁷ Tama sulama, tama dage si polo

pelama, aga wali pali bidi dabebolo te po wao, aga gu pagede ma hodaluualio. Odišo. Aga dage asabo madi polasa te Galili to teba paibao, tama dagego aga tede sueibao, augwalibolo te po wao. Te eno po tama dao," te ensel bidigo te po wai.

⁸ Tama te we si wi homu dali elaluyu, tama wiegi yai homu pemene dali te geninama mu eyu, tama polo augwali sigo te gu page ola be tagalama, tama te ensel bidigo wali po te aga wali pali bidi dabebolo wagi painogo udulama polo palio. ⁹ Tama polo Jisasgo augwali si te tođe pobadi tišo asai, tama te po wai, "Kigamu mu dao." Tama te we si paša pelama, tama aga saša page tola selama, te we sigo agabolo lotu po walio. ¹⁰ Jisasgo po weyu te we sibolo te po wai, "Dage si wi elamuo. Dage sigo eno ama dede augwalibolo wagi pelama, tama augwali te Galili buluba pao wao. Tama augwaligo ena tede sumainogo yaibao," Jisasgo te we sibolo te po wai.

Ami bidi dabego wali po

¹¹ Te we si te tođu pidubadi yaide, tama te gu page tonaluali ami bidi meba augwali te Jerusalem hanu tomoba pelama, tama augwaligo te po te genuai pris bidi dabe augwalibolo te tigidali se pedalali po walio.

¹² Tama te genuai bidi dabe augwali te Juda dabe tobolu bidi dabe dali sisinama, tama augwaligo po me deli mianio, tama augwaligo yabo se po da y wali. Augwaligo genuai mone te ami bidi dabebolo menama, tama augwaligo te po wai, ¹³ "Dagego e tiwai po wao, 'Da hulide godege pi ai digi, tama aga wali pali bidi dabe augwali geme aselama, tama augwaligo aga tigi wi sela pai yalio,' dagego we bidibolo te po wao.

¹⁴ Tama polalubo genuai gavman tuni bidigo te pedalali se po odobo si, teda dago po meba agabolo weyu, tama dagego magi dwai se yali homu me elalugobeo." Te Juda dabe tobolu bidi dabego te po wai.

¹⁵ Tama te ami bidi dabe augwaligo te moni mone selama, tama augwaligo te wali po augwaligo wali palio. Tama te po te Juda we bidiba pelama odali, tama augwaligo te po naga ola pali te megi tama me augwaligo te po me wabo dao.

Jisasgo misin se aga wali pali bidi dabebolo manio

(Mak 16:14-18; Luk 24:36-49; Jon 20:19-23)

¹⁶ Te aga wali pali bidi dabe nogo si olama saša badu deli augwali te Galili buluba pali, tama augwali te bulu duba sabolali, te Jisasgo augwali te polobadu bodolu mani bulu duba. ¹⁷ Tama augwaligo tede Jisas sulama, tama augwaligo agabolo lotu po wai. Tiali goli mebago homu si elaluama te homu yali, te aga mu ma hodalu-aliwe? ¹⁸ Tama Jisas paša aselama, augwalibolo e tiwai po wali, "Godigo enabolo te tigidali dagalude me tođe elalubo nai tonalua bomo mawai dao. ¹⁹ Tama tibaso, dage pelama, tigidali we bidi hani ena wali asobo we bidi pedelao. Tama dagego augwali te Aya me Ogwa me Mobo Bidigo nogide baptais mao. ²⁰ Tama dagego eno dagebolo te mani po tigidali augwaligo wali pomai hagede ola mao. Odišo. Ena dage dali tigi-

dali sogo bidaibao, tama te dagalu de tş si silibo sogo-
ba usu naibao," Jisasgo te po wai.

Dwagi Yai Gesi Po Makgo Aşani

Hasia nedebo tau sabo po

pi Te bidi Mak aga te Juda hani bidi da, tama agai te Jisas Kraisde po aşanama, tama te Juda hani isişwai Grik po wabo we bidi dabebolo mani. Jisasgo agade digi te nogi poai, "Ena Godigo Bidi Mu dao," te po wai, tama agai te we bidigo yali dwai şe şeşę sela şamainogo asali. Agai te we bidide elaluali dwai haubo noma sela şabo bo-mode me, te agai ola mani pode me, te we bidigo sali şeşę sela şabode me, tede dago Jisasgo bomona hania konea sabo dao. Makgo te Jisasgo yali şede po hauwa pusali, tiali goli agai te Jisasgo te we bidi dabe aga po ola mani şede po hauwa me wabeo. Te hasia bolo Makgo te baptais mani bidi Jongo po pusali, tama te Jisas aga baptais selama pobadi te Satango aga usu sali po me pusali. Nosali dago suali, te haniani şeşę dabe tolali we bidi dabe augwalide Jisasgo olo mu homu dene eyu tau sabo şeşę eyu, tama agai augwali po ola mani. Te hasia bolo aga wali pali bidi dabego Jisasgo yali şeşę kuna koneşabaso, te dua dua augwaligo agade konea sabo şeşę yai dao. Te bidi dabego me te Jisasde boi bidi pedalubo şeşę eyu, tama augwaligo agaba şeşę hauwa mani. Tama te silagasu agai aşani buku pedaide, te Makgo te po weyu, te Jisas isilama, ma hodaluali po walio.

Te we bidi baptais mani bidi Jongo po pusali

(Mat 3:1-12; Luk 3:1-9, 15-17; Jon 1:19-28)

1 E po da te Jisasde gesi dwagi yai po dao. Jisas da, te Godigo te we bidi tau sainu daj ilai bidi Krais da, te God aga ogwa dao. ² Te gesi dwagi yai po pusubo şeşę e tiwai hasia bolo pedelai elaluali. Godigo agai Kraisde wali po te Godigo po pusa mabo profet bidi Aisaiabolo polobadu mu pusali. Tama Godigo agabolo po olama, tama te profet bidi Aisaiago Godigo po te bukude aşai. Te bukude aşani po tomode Godigo aga ogwabolo te po wai, "Edao. Eno po sela pabo bidi tagala palama, tama aga nage pabo badu poligi soaibao. Agai te nago pabo tuş sisi yaibao," te po wai. ³ Godigo te polasa pabo bidide te po me wai, "Bidi meni yai bulude aga i bomonama weyu, te po waibao, 'Te dago Genuai Bidi aga pabo tuş sisi eiyao, te agai dage tonalubo şeşę yabo sunumi bugagia dodolao,' te polasa pabo bidigo te po waibao," Godigo te po olama, tama bidi me deligo te po bukude aşani. ^{††}

⁴ Te po polobadu obaso, te gesi dwagi yai po pusubo şeşę te tiwai nosali gagalali, te we bidi baptais mabo bidi Jon diş holali side. Tama te bidi meni yai bulude pedelama bididu, tama Jongo e po te agaba asali we bidibolo pupusu pai, "Te dagego duga yali dwai şede ge neyu tama homu begeleao, te Godigo dagego dwai şede sali şeşę wei ponogobeo, sela şawaibao, te eno dage weşęo baptais mawaibao," Jongo te po wai. ⁵ Tama te Judia tş pedai provinsde bidali we bidi dabe umabo mu Jon pageba sisinigi pai, te Jerusalem moni hanu we bidi dabe umabo me agaba asali. Tama augwali deli

† 1:2 Mal 3:1 †† 1:3 Ais 40:3

deligo augwa dwai şeşę yali şeşę hania hanilama, tama te po wai, "Eno dwai şeşę dabe yai dao." Tama tibadi Jongo augwali te Jordan pabo aşide baptais mani. ⁶ Tama Jongo gudubo ugwa te moni kibu kamel nisigo nigai dao, tama aga tabide te kibu wali kukulu gudai. Tama aga te bulu tomode bidibo kuli mano me hanamu dali si tuyu bidai dao. ⁷ Tama agai po bomona elama pusuyu, te po wai, "Te ena tuda badu asobo bidi me deligo, tama agai bomona te eno bomona aiyaba elaluaibao. Ena wiegi yai bidi weyu, tama ena aga şeşę ebo bidi bidiyu, ena duagulama te eno agai şaga nadoba bono me pisagagobeo. ⁸ Eno dage weşęo naga baptais mani dao. Tiali goli agai dagebolo Godigo Tedali Moba Bidi dobawaibao, dage dali bidimainu tama tiaibao," Jongo te we bidi dabebolo te po wai.

Jongo Jisas baptais mani

(Mat 3:13-17; Luk 3:21-22)

⁹ Te side Jisas te Nasaret dwasianu hanu te Galili tşde bidali taga soyu asali. Tama Jongo aga te Jordan pabo aşide tomode baptais mani. ¹⁰ Tama polo aga te we tagasu, te bulu weşę sesegeba doligulubadi, tama agai te dagalu dala pabo suali, tama te Godigo Tedali Moba Bidi te ba hi tiwai gagalasa agaba dulali. ¹¹ Tama te dagalude pedauwali me delidu bomonama i weyu, te po wai, "Nage eno Ogwa dao. Eno nage godolo mu eba. Eno homu nagede wiegi yai ebo dao," te po wai. [‡]

‡ 1:11 Gag 22:2; Tib 2:7; Ais 42:1; Mat 3:17; 12:18; Mak 9:7; Luk 3:22

Satango Jisas usu sali

(Mat 4:1-11; Luk 4:1-13)

¹² Tama te po ola silama, tama polo te Godigo Tedali Mobo Bidigo bomonama te Jisas bidi meni yai buluba polo tagala palai. ¹³ Tama aga te bidi meni yai bulude bididubadi, te bidi sese si sogo bidali, tama te usu sabo dwai mobo bidi Satan asama, tama sesemane sogo aga usu sagasali, Jisasgo dwai se emainogo tama usu sali. Tama Jisas te bulu hasa dabe dali bidali. Tama Godigo dagalude se ebo ensel mobo bidi dabego aga tau sali.

Jisasgo se ebo te Galili todeagalali

(Mat 4:12-17; Luk 4:14-15)

¹⁴ Te Jongo te gavman bidi Herotboto "Dwai se egio" po obaso, te Herot sebe eyu, tama agai Jon kalabusiba muani. Tama te sogo Jisas te Galili moni to pedai tomoba pelama, tama Galili todeagalali biliyu, agai Godigo gesi dwagi yai po pusa mena mena bilai, te po wai, ¹⁵ "Te megida, te bodolu sogo mu pedalubao. Te Godigo te we bidi mu tonalubo sogo paba yagasalio. Tama tibuso, dagego duga yali dwai se de ge neyu, tama homu begelama, tama duga homu te gesi dwagi yai poba begi pao," Jisasgo te we bidi dabeboto te po pususu bilai dao.

Jisasgo bidi me si me si aga wali asiyo wali

(Mat 4:18-22; Luk 5:1-11)

¹⁶ Te Jisas te Galili sigi aji sane sesegedu pobadi, tama agai te Saimon aga ama Andru dali si suali. Augwali si te sigi weba te sugu hagani togobo wa sabo se iduai. Augwali sigo te sugu sabo se de te mone sabo bisnis se eyu bidai. ¹⁷ Tama Jisasgo augwali siboto te po wai, "Dage si ena wali asiyo, tama eno dage siboto te bidi sabo se ola mawaibao, te sali bidi dabe ena wali asomainogo yaibao," te po wai. ¹⁸ Tama polo te augwa si te sugu hagani togobo wa tagalama, tama Jisas aga wali pai. ¹⁹ Aga dwasianu ma pelama gana, tama agai Jems suali, te bidi Sebedigo ogwa, te aga ama Jon dali bidibo suai. Augwali si me te augwa gebade bididu, te sugu sabo hagani togobo wa dodolobo se idubadi suali. ²⁰ Tama agai augwali si polo i olama, tama augwali sigo te augwa si aya Sebedi te gebade te aga se bidi dabe dali bidibadi taga peyu, tama augwali si te Jisas wali pali.

Jisasgo te dwai haubo noma bidi te bidi me delide sela sawani

(Luk 4:31-37)

²¹ Te Jisas dali, aga bidi me si me si dali, augwali te Kaperneam hanuba pelama, tama teba sabolali. Tama te Sabat sogo dwasianu Sarere Jisas te Juda dabego bomoyai po ola mabo be tomoba polo pelama, tama agai po te we bidi augwaliboto ola mani. ²² Tama augwaligo agai po odama, tama augwali moni noma siyu, tama midigi sai. Magi baso meni. Agai augwali te Juda dabego bomoyai po koneani bidi dabego kolesaga ola

mabo tiwai gilama me ebeo. Menio. Agai augwali te nogi dali bomoyai si elalubo bidigo kolesaga ola mabo tiwai mu yai.

²³ Te sogo bidi me deli te augwaligo bomoyai po odobo lotu be tomode bididuali, tama agade te dwai haubo noma bidi elaluali. Agai bomonama i weyu, te po wali, ²⁴ "Te Nasaret hanu bidi Jisas, nago da dwai mobo dabeboto mena se yainogo asaliwe? Te nago da dolainogo homu eyu, asai dawo? Eno nage koneani, nage te Godigo gasagi yai tedali wiegi yai bidi dao," te po wai.

²⁵ Tiali goli Jisasgo te dwai moboboto te po wai, "Nagopedaawali pania selama, tama te bidi nago taga soayu, buluba soao," te po wai. ²⁶ Tama te dwai mobogote bidigo tigi omagia mu didibili ilai, tama i wabogote po daga genuai mu olama, tama te bidi taga palio.

²⁷ Tama tigidali we bidi augwali noma siyu, tama augwali hasi tomode digi po miani, "Te e da mena se dawo? Te gasagi yai gesi ola mabo po dao," te po wai. "Te bidigo bomoyai elalubaso, tama agai te dwai haubo noma bidi dabega po pusubaso, tama augwaligo agai po odali," te po wai. ²⁸ Tama agai yali se po Galili to pedai-ba polo pelama, te we bidi tigidali odali.

Jisasgo te Pitago wego ida usu ilali

(Mat 8:14-15; Luk 4:38-39)

²⁹ Te bidi Jisasgo te dwai mobo bidi sela sawani, tama te Juda dabego bomoyai po odobo lotu be taga pelama, tama te Saimon dali Andru dali sigo be tomoba pali. Tama Jems me Jon augwali si me hodobo pali. ³⁰ Tama Saimon aga au te be tomode te pibo be saide pila muai, te tigi posolo gasi elaluali. Tama te we gasi elalubo po augwaligo te Jisasboto polo wali. ³¹ Te po olama, tama Jisas agaba pelama, tama aga nogotola sigi pelama, hodolali. Tama te tigi posolo gasi agade elaluali tagalama, tama te wego augwali nai sisi ilibo se yai.

Jisasgo te we bidi hauwa usu ilali

(Mat 8:16-17; Luk 4:40-41)

³² Te be pio eyu, giliga dega sigilubode, te we bidi augwaligo te gasi yai we bidi dabe me, te dwai haubo noma bidi elalubo we bidi dabe te augwaligo agaba selasa asai. ³³ Tama te hanude bidaluali we bidi tigidali augwali te be sunumi paba sisinani. ³⁴ Tama agai te gasi haniani elaluali we bidi hauwa usu ma ilili pali. Tama agai te dwai haubo noma bidi hauwa elaluali te sela sawani. Tama te se ebadi, te dwai haubo noma bagego aga Godigo Ogwa da konebaso, augwaligo tede po waidali weyu, agai augwaliboto habu selibo po bomonama wai.

Jisas te Galili Provins todeagalali

(Luk 4:42-44)

³⁵ Te sogo kigamu digi mu aga hodaluama, tama agaduba buluba diq solama, tama te bidi meni yai madiba me pelama, aga Godiboto po wainogoyai. ³⁶ Tama nosali, Jisasgo Godiboto po me odubadi, tama

Saimon dali aga abagi solo me augwaligo Jisas gege pai. ³⁷ Augwaligo aga gegela sulama, tama augwaligo te po wali, "Te tigidali we bidi augwaligo nage gegainogo ebo dao," te po wai. ³⁸ Tama agai augwaliba te po wali, "Te tagalama, te da meba te gasa pade elalubo buluba pinao. Eno po augwaliba me pusainogo. Te sepe naga ena asai dao," te po wai. ³⁹ Tama olama, aga te Galili topedai tigidaliba pelama, tama agai te wiegi yai po te augwaligo bomai po odo bo lotu be dabe tomode pusuyu, tama agai te dwai haubo noma bidi dabe sela sayu yai.

Jisasgo te oiyabe gasi yai bidi me deli wiegi yai ilali
(Mat 8:1-4; Luk 5:12-16)

⁴⁰ Te oiyabe gasi yai bidi me deli agaba asama, bomonama hanalu wagasali. Aga kidu sugunagasama, tama Jisasbolo te po wai, "Te nago homugo usu dao wida, teda nago ena wiegi yai ma ilama, tama ena te meda meni yai tiwai ma bidaibao," te bidigo te po wai.

⁴¹ Tama Jisasgo aga homu dene mu ebaso, tama agaba nogo munama diayu, tama agabolo te po wai, "Awe, eno homugo nage gasi usu ilaibao. Tama nage wiegi yai pedalao, te meda meni yai bidi bidao," te po wai.

⁴² Tama megini naga tama te oiyabe gasigo agade elaluali taga palio, tama aga wiegi yai pedelali. ⁴³ Tama Jisasgo te bidi tagala palobadi agabolo po bomonama weyu, te po wai, ⁴⁴ "Bugagia dua dao. Nago bidi me deli dali eno nagede yali sepe po me wagio. Menio. Nage dolo pelama, tama nago tigi te pris bageba waseligi pelama, tama agai nago tigi osola sumainao. Tama tilama, tama polobadu Mosesgo wali po gilama Godibolo nai ofa yao. Tama tiyu, te bidi dabego koneyu, te nago gasi silali, nage te meda meni yai bidi tiwai megini ma bidibao, te homu augwaligo yaibao," Jisasgo te po wai. †

⁴⁵ Tiali goli te bidigo Jisasgo agaba wali po wali pisa, agai te sepe yali po tigidali we bidi dabeba subigila pususu bilali, te tigidali hanuba pususu bila silali. Tama tibaso, te we bidi umabo augwali agaba asidali weyu, Jisas aga te hanu dabe tomoba hania pabo usu ebeo. Menio. Aga te hanu bulu badu naga bidali, te bidi meni yai madi naga bidai. Tama te topedai tigidali habu badu we bidi dabe te aga bidibo madi naga asiyu yai.

Jisasgo te nogo saqa dwai bidi me deli usu ma ilali
(Mat 9:1-8; Luk 5:17-26)

2 Te meba sogo hododolama bidali silama da, tama aga te Kaperneam hanuba ma pai. Tama Kaperneam hanuba sabolama, tama te we bidi augwaligo aga te bede bidibo po odali. ² Tama we bidi hauwa sisinama, tama te be pagana salio. Tama bulu badu te be sunumi pade te agebele olo me elalubeo. Tama agai te gesi dwagi yai po augwaliba pusubo sepe yali. ³ Tama pusubadi, augwaligo gasi yai bidi me deli agaba selasa asai. Te bidigo nogo saqa dili me te tigidali mu penelai. Tama bidi me si me si augwaligo te

† 1:44 Prs 14:1-32

gasi yai bidi tolasa asai. ⁴ Te we bidigo te be tomode bidabo pesage mu pagana selama, mu pena sai baso, tama augwaligo te gasi yai bidi aga te Jisas paba sela asabo usu isawai. Tama augwali te be ugwadu daiba holama, tama augwaligo te Jisas bidibo madi badu te be daj dawali. Augwaligo te dalama, tama augwaligo te gasi yai bidi pila mubo bono wa dali selama, te aiya ba tagalaluama mugulali. ⁵ Tama Jisasgo augwali sula ma koneani, augwaligo agaba augwa homu tigidali muyu, tama agaba homugo tialubo bidi dabe dao, te agai koneani. Tama tibaso, agai te gasi yai bidibolo te po wai, "Eno ogwa, eno nago yali dwai sepe sela sawanio," wali.

⁶ Te Juda dabego bomu yai po page koneai bidi dabe meba augwali tede dulalu bidaluali, tama augwa homude augwaligo te tiwai homu yai, ⁷ "Magi baso te bidigo agai te tiwai po wabowe? Agai te Godiba posobo po obao. Te mena bidi me deligo te bidigo dwai sepe me sela saqobeo. Te God agaduba sepe naga dao," augwaligo te homu yali.

⁸ Te Jisas aga homude polo koneani, augwaligo te homu augwa homude elaluali. Tama agai te po augwaliba wali, "Magi baso dagego te tobage homu te duga homude elalubawe?" ⁹ Te eno pogo bomu elalubo te dagego hania konemainogo eyu, eno mena po waibawe? Eno e bidibolo te po wabo si, "Nago dwai sepe eno sela sawani," teda eno po bomu elalubo dagego hania konegobeo. Tiali goli eno e bidibolo po olama, tama aga hodaluama, agai aga pibo somo selama bilibaso da, teda eno pogo bomu elalubo te dagego mu koneaibao. ¹⁰ Ena da, te Godigo Bidi Mu da, tama eno homugo dagego konemainogo, eno e tope bomu elalubao, te we bidi dabego dwai sepe sela sayabo usu yabo elalubo. Dagego suiyo," te po wai. Tama begelama, agai te nogo saqa dili isai bidibolo te po wali,

¹¹ "Eno nagebolo obao, nage doligulama, tama naga pibo somo selama, tama naga beba pao," te po wali.

¹² Tama te bidi hodaluama, tama te tigidali we bidi gedude aga pibo somo polo selama, tama palio. Tama tibaso tigidali we bidi augwali noma mu siyu, midigi sai. Tama augwaligo God nogi ugwaba siyu, tama augwaligo te po wali, "Polobadu dago te tobage tiwai sepe ebo me susiawai dao," te po wai.

Jisasgo Livai i wali

(Mat 9:9-13; Luk 5:27-32)

¹³ Te Jisas te Galili sigi wepe saniba ma biligi pai. Tama genuai hani we bidi agaba asobaso, tama agai te Godigo wiegi yai po augwaliba pusa mawai. ¹⁴ Tama aga pobadi, tama te bidi nogi Livai suali, te Alfiusgo ogwa, aga te maket takis mone sabo bede dulalubadi. Tama Jisasgo agabolo te po wali, "Nage ena wali asao," wali. Tama aga hogodama, aga wali palio.

¹⁵ Tama nosali Jisas me, aga wali pabo bidi dabe me, augwali te Livaigo beba duagi pelama, nai tuali. Tama te takis mone sabo bidi hauwa me te dwai sepe sai bidi hauwa augwali Jisas dali me aga wali pabo bidi dabe dali hodobo dugulama nai tuali. Te tobage tiwai bidi

hauwa augwali sesemane sogo te Jisas wali bilaluai.
¹⁶ Te Juda bidi dabe tomode te hani me deli nogi Farisi hani elalualui. Tama Farisi bage meba augwali te Mosesgo bomo yai po page koneai bidi dabe, augwaligo suali, te Jisasgo te dwai sege sai bidi dabe dali, me te takis mone sabo bidi dabe dali, nai tubo suali. Tama augwaligo aga wali pabo bidi dabebolo wali, "Magi baso agai te takis mone sabo bidi dabe dali, me te dwai sege sai bidi dabe dali nai tubawe?" te po wai. ¹⁷ Jisasgo te po wabo odobaso, tama agai te po te Farisi dabebolo wali, "Te gasi meni yai bidi dabe augwali te munamuna mabo bidi pageba pogobeo. Menio. Te gasi yai bidi naga te munamuna mabo bidiba paibao. Ena asali, eno te doloba pai bidi dabe i wainogo me asobeo. Ena asali te eno dwai sege sai bidi dabe i wainogo te ena asai dao," Jisasgo te po wai.

Tube nai osogo gisilibo kolesaga po
 (Mat 9:14-17; Luk 5:33-39)

¹⁸ Te we bidi baptais mani bidi Jon wali pali bidi dabego me te Farisi dabe augwaligo me te tubo nai osogo gisilibo kolesaga wali pali. Tama bidi meba asemama, Jisasba wagasiyu, te po wali, "Te Jon wali pabo bidi dabego me, te Farisi wali pabo bidi dabego badi, te nai osogo gisilibo kolesaga ebo dao. Magi baso te nage wali bilibo bidi dabe augwaligo me te nai osogo gisilibo meniwe?" wali. ¹⁹ Tama Jisasgo po digi po begeleyu, tama te po augwalibolo wali, "Te we kebo bidi me deligo abagi dabe te we sainogo ebadi tama te bidi augwali dali bidibadi te nai osogo gisilibo usu egowe? Menio. Te we sabo bidi augwali dali bidibadi, te sogo te augwaligo te nai osogo gisilibo te usu me egobeo. ²⁰ Tiali goli nosali gasa bidi dabego te we kebo bidi bomonama odasa pabo si, teda te sogo aga abagi augwali homu dene eyu, tama augwaligo osogo te nai habu selaibao. Tama ena e tode bididubadi eno bidi dabe augwaligo nai osogo gisiligobeo," Jisasgo te po wai.

Polobadu sege dali gesi sege dali deliba talua palamuo po wali

²¹ Te sogo Jisasgo gasa po digi po me begeleyu, te po wai, "Bidigo te gesi ugwa pedai selama, te poloba badi ugwa pedai dali me hobologobeo. Te agai te tiwai ebo si da, teda te dedage hobolali ugwa pedaigo te badi ugwa ma dedage ilaibao. Te gesigo te poloba badi ugwa pisilama, tama dedage genuai ma pedalaibao. ²² Tama me, te bidi mego te gesi wain aji te poloba badi pai kibu meme waligo nigai botol teba tabigobeo. Ma agai tama tiyu da, teda nosali te wain we genuai bo delama, tama te meme wali botol peda peyu, tama te wain we toba olo gea peyu, tama te meme wali me doyu hagawaibao. Tama tibaso, augwaligo te gesi wain aji te gesi meme wali botolba tabibo dao, tama te si dali si te bugagia munalubo dao," Jisasgo augwalibolo te po wai.

Te Sabat sogode sege ebo habu selebo po
 (Mat 12:1-8; Luk 6:1-5)

²³ Te Juda dabego Sabat sogo me delide Jisas te wit gi tomodu soai. Tama aga wali pabo bidi dabe aga dali soali, tama augwali nasi baso, tama augwaligo te nai wit meba selama, tama te ge tuali. ²⁴ Tama Farisi dabe meba tede bidali. Augwaligo te tebo sege sulama, tama Jisasbolo te po wali, "Suao. Magi baso augwaligo te Sabat side habu selali sege bolaliwe?" ²⁵ Tama Jisasgo augwalibolo te po wali, "Te dagego te dena nge bidi nogi Devitgo yali sege po dagego nedebewe? Me sogo aga me, aga dali bidali bidi dabe me, augwali nai sili bidibadi tama moni nasi eyu bidali. ²⁶ Te sogo te bidi nogi Abiatar te genuai tobolu pris bidi bidibadi, tama Devitgo Godigo lotu be tomoba pelama, te Godigo gesabide muani bret selama tuali. Aga hani dabego me tuali. Tiali goli, te bret te habu selai elaluai, tama te pris dabego naga tubo usu yaibao wai, te bomo yai pode. Tiali goli te bret augwaligo me tuali digi Godigo gedude dwai sege ebeo. Dagego te aseani po nedebewe?" ²⁷ Tama Jisasgo te po augwalibolo wai, "Godigo te bidi muani te Sabat sogo tau somainogo me mubeo. Menio. Agai te Sabat sogo muani te bidi tau somainogo muai dao. ²⁸ Ena da, te Godigo Bidi Mu da. Ena da, te Sabat sogode te genuai bidi dao. Tama tibaso, bidigo Sabatde mena sege yagameo, te eno waibao," Jisasgo te po wai.

Te Sabat sogode Jisasgo te nogo penelai bidi usu ma ilali

(Mat 12:9-14; Luk 6:6-11)

3 Te me sogo Sabatde Jisas te bomai po odobo lotu be tomoba ma pali. Tama bidi me deli bididuali, te aga nogo me deli dwai elaluai. Te aga nogo penelama, te wa pai tiwai elaluai. ² Tama augwaligo Jisasba tonalualui. Augwaligo koneainogo, agai te bidi te Sabatde te wiegi yai ilibowe, ma meni ebowe naga sueinogo yai. Augwaligo te Jisasgo te sege ebode te po tu ilainogo homu yali. ³ Tama Jisasgo te nogo penelai bidibolo te po wai, "Nage eba asao, te we bidi gesabidide dolaluagasao." ⁴ Aga paba asama, tama Jisasgo augwalibolo te po wai, "Te eno dagebolo hanalu obao, te dago te Sabat sogo te wiegi yai kolesaga yabo homu yaibawe, ma dago dwai kolesaga yaibawe? Dago te Sabat sogo te bidi dabe bugagia bidimainu tau sabo sege yaibawe, ma dago te bidi ela mumainogo eyu yaibawe? Dago bomo yai pogo tede magi po elalubawe?" Tiali goli augwali sagia siyu, po me wabeo. ⁵ Tama agai augwaliba tonono bilama, tama augwaligo te nogo dwai bidi homu dene esiba-so, aga sebege yali. Tama agai augwaligo tabi dagana sabo sulama, tama aga tede homu sege yali. Tama agai po te bidibolo wali, "Nage nogo debelao." Tibaso, aga nogo debelali, tama nogo wiegi yai ma pedalali. ⁶ Tama te Farisi dabego te tebo sulama, tama polo te augwali hogodosa pelama, tama augwali te Herodion

hani dali deliba sisinigi pali. Augwali tigidaligo po miyu, tama Jisas elabo po miani.

We bidi hani hauwa mu augwali te sigi aḡ sane p̄ba sisinani

⁷ Te Jisas dali aga wali pabo bidi dabe augwali te bidali bulu tagalama, tama augwali te Galili sigi aḡ saneba pali. Tama te genuai hani we bidi augwali aga wali asali. Augwali te Galili t̄ḡ we bidi me, te Judia t̄ḡ me, ⁸ te Jerusalem moni hanu me, te Idumea t̄ḡ we bidi dabe me, te Jordan pabo aḡ pedai u badu bidibo we bidi me, te moni hanu si Tair dali Saidon side bidibo we bidi, te genuai hani we bidi dabe augwaligo te Jisasgo ebo s̄ḡ po odama, tama augwali agaba asali. ⁹ Tama Jisasgo aga wali pabo bidi dabebolo te po wai, "Te genuai we bidi hani mu bidalubao. Tiyu augwaligo ena gea sidali, dagego te moni geba me deli dodolama muao. Ena teba holama, tama bugagia bidaibao," agai te po wali. ¹⁰ Magi baso meni. Agai te gasi yai we bidi hauwa wiegi yai ma ilali, tama tibaso te gasa gasi yai we bidi dabego agaba bomonama k̄ḡ sai elalui. Augwaligo agaba nogo muainogo homu yai. ¹¹ Te dwai haubo noma bidi elaluali bidi dabego aga subaso da, teda augwaligo agaba kidu sugunama, tama augwali i bomonama weyu te po wali, "Nage Godigo Ogwa dao," wali. ¹² Tiali goli agai po bomonama augwaliba wali, augwaligo te aga nogi hanilama munu me wagio wai.

Jisasgo aga po sela pabo bidi nogo si olama saḡaḡo si bidi sa muani

(Mat 10:1-4; Luk 6:12-16)

¹³ Jisas te bulu du daiba holai. Agai te bidi meba sa muainogo yai. Tama agai te bidi dabe i olama, tama augwali agaba asali. ¹⁴ Tama agai nogo si olama saḡaḡo si bidi sa munama, te augwali aga dali bidimainu yai. Agai augwali te wiegi yai po pusigi pomainogo tagala palabo homu elama, ¹⁵ tama agai augwalibolo te dwai haubo noma bidi sela saḡo bomomo mawainogo yai. ¹⁶ Agai te nogo si olama saḡaḡo si sa muani bidi dabego nogi e dao: te me Saimon, Jisasgo agabolo gasa nogi Pita mawai. ¹⁷ Tama Jems, te Sebedigo ogwa, te aga ama Jon dali, te agai gasa nogi Boanerges mani. Te nogigo page te e tama tiwai dao: te be kuluku wabo dagalugo ogwa dao wali. ¹⁸ Tama gasa sa muani bidi dabego nogi Andru, me Filip, me Bartolomyu, me Matyu, me Tomas, me Jems te Alfiusgo ogwa, me Tadius, me Saimon te Kenan t̄ḡ bidi, ¹⁹ tama Judas te Keriot bulu bidi, te bidigo nosali te Jisas dali boi ebo bidi dabego nogoba muai dao.

Augwaligo Jisasbolo tibo po kisilali

(Mat 12:24-32; Luk 11:14-23; 12:10)

²⁰ Jisas te beba pai. Tama te genuai we bidi hani augwali ma sisinani, tama te Jisas aga wali pabo bidi dabe dali augwaligo te we bidi tau sabo s̄ḡ hauwa elalubaso, augwali te nai tuabo sogo meni yani. ²¹ Te Jisas aga deli kaneme bage augwaligo te po odama, tama aug-

waligo aga sagasainogo asai. Magi baso meni, te olo we bidi dabego "Aga te wabo palio" po wabo augwaligo odali.

²² Te Juda dabego bomai po page koneani bidi dabe augwali te Jerusalemde bidaluali tama meba edaba dulama, tama augwaligo Jisasde te po wai, "Te dwai haubo noma bidi dabego tobolu bidi nogi Belsebul, tego Jisasde dagana siyu bididubao. Tama te Belsebulgo agabolo mani bomogo Jisasgo te dwai haubo noma bidi dabe sela saḡo dao," augwaligo te po wai.

²³ Tama te po obaso, Jisasgo augwali aga p̄ba asomainogo i olama, tama agai te po meba habu sugunama te po begelama wali. Agai te po wai, "Te magi ilama tama te Satango te Satan aga digi te sela saḡwainogo ebo usu yaibawe? Woo, te Satango aga digi me sela sagobeo. ²⁴ Te genuai t̄ḡde bidi me deligo bomomo tomode bidibo bidi dabe augwa hasi te hani si bugulama tama hw̄baso da, teda te bomomo elaluali te usu me elalugobeo, te moni hani tulaluaibao. ²⁵ Tama te deli bede bidaluali bidi hani te augwa hasi bugulama, tama augwali hw̄baso da, teda te bede bidali bage te bomomo elama me bidigobeo, te pebeda paibao. ²⁶ Tama te tiwai me, te Satan agaba digi boi bidi elama, tama aga hani te peda siyu da, teda aga bomomo elama bidabo te usu me elalugobeo. Menio. Te aga sia saibao.

²⁷ Me ma, te bidi me deli aga olo tama te bomai bidi me deligo beba pelama, tama agai nai selama dobawainogo ebo te usu me egobeo. Menio. Agai te bomai bidibolo hasia te nogo saḡaḡo duaibao. Agai tama tilama, tama agai te bidigo bede elaluali doado bage tigidali dobola selama selasa paibao," wali.

²⁸ Tama Jisasgo te po olama, po me weyu agai te po wai, "Eno mu po dagebolo obao. Te we bidigo magi magi dwai s̄ḡ ebo, ma augwaligo magi dwai posobo po Godibolo wabo, te tigidali dwai dwai kolesaga te God agai sela saḡo bomogo sela saḡo usu mu yaibao. ²⁹ Tiali goli bidigo dwai posobo po te Godigo Tedali Mobo Bidi dali obaso da, teda Godigo agai te seḡḡ me sela saḡiama elaludu, te megi me nosali me te munu me sela saḡobeo. Menio. Te seḡḡ agade me tama elalua pidu pidubadi geaibao," Jisasgo augwalibolo te tama po wai. ³⁰ Magi baso meni. Augwaligo aga dali te po wai, "Te agade dwai haubo noma bidi elalubao," wali.

Te Jisasgo ida dali te ama dede dabe dalide po

(Mat 12:46-50; Luk 8:19-21)

³¹ Te po wabo silama, tama te sogo te Jisasgo ida me ama dede dabe dali augwali sabolali. Augwali te be bulu badu dodolalu, tama augwaligo po agaba ola tolali. Augwaligo homugo te aga augwaliba asomainu homu yai. ³² Tama genuai we bidi hani duada solama, te aga bagulama tomode bidibaso, tama augwaligo te po agabolo wali, "Odao, te naga ida me ama dede badi, te augwali bulu badu bidaluagaselama, te augwaligo nage i obao," wali.

³³ Tama agai te po wei augwaliba ponani, "De dede te eno ida me ama me dawe?" ³⁴ Agai te aga bagulama

duada pali we bidiba tonono bilama, tama agai te po wai, "Te eno ida dede, ama dede dabe ena dali bidalubo suião," wai. ³⁵ "Te bidigo te Godigo homu kolesaga wali pabo bidi bidibaso da, aga te eno ama abe me ida dao," Jisasgo te po wai.

Bidigo te giba nai wai tedela palali po
(Mat 13:1-9; Luk 8:4-8)

4 Te nosali me sogo Jisasgo te we bidi augwali te Galili sigi we sane pãde po ola mabo se ebo ma gagalali. Tama genuai we bidi hani mu te augwali agaba sisinagasali. Tama aga te geba me deliba holama, tama tede dulalwai. Tama geba te sigi we tomode elalwai. Tama tigidali we bidi augwali te we sane pãde duada pelama bidalwai. ² Tama agai ola mani po hauwa te po habu sugunama, te begelebo pogo naga augwali dali wali. Agai e tama tiwai po augwaliba mawai. ³ "Dagego odiaõ! Te bidi me deli pelama, te giba nai wai tedelalo biligi pai. ⁴ Agai tedelalo palio, tama te nai wai ge meba te sunumide tudulalwai. Tama ba dabe asiyu, te nai wai ge tuali. ⁵ Tama meba nai wai te masigi elalubo badu tudulalwai, tama te tã hauwa meni yai madi. Te tã aiyanu igilusiãwai madi weyu, tama te nai wai polo holai. ⁶ Tiali goli giliga ug-wadu naniyu, tama te giligago ulali. Tama te wit nai aga sele meniama, tama tigidali wa pelama, tama sasia pelama isali. ⁷ Tama meba nai wai te sesani bono elalubo tomoba tudulalwai. Tama te sesani bono me holama te mesegelali, tama agai nai me walobeo. ⁸ Tiali goli te nai wai meba te wiegi yai tã ili yai madiba tudulaluama, tama genuai holama, tama nai du walai. Mebago ge dwasianu te 30 walali, mebago te 60 walali, tama mebago geninama mu tama te 100 walalio." ⁹ Tama agai te po me augwalibolo wali, "Te olo elalubo bidi agai te po odiaõ," te po wai.

Jisasgo po digi po begelebo se page po
(Mat 13:10-17; Luk 8:9-10)

¹⁰ Te nosali te we bidi hauwa aga dali menibadi, Jisas agaduba naga bididuali, tama aga wali pabo bidi nogo si olama saããõ si badi, te meba Jisas aga dali bidalubo bidi dabe dali, augwaligo agabolo te begelama wali po pagede hanalu wali. ¹¹ Tama agai te po augwalibolo wai, "Godigo dagebolo te agai te we bidi dabe tonalubo se page geme dualalwai po page te dagebolo ola mawai dao. Tiali goli te Godigo po odisãma bulu badu bidibo bidi dabe augwaligo da, te eno pusubo po te po digi po begelama, tama wabogo naga te po odobo dao. Te po page augwaligo odobo menio. ¹² Te Godigo po bukude te gasa we bidide polobadu aseani po, te po page te megì bidalubo we bidide elalubao, te e tiwai dao:

'Te augwaligo tonono bilibadi, tiali goli te augwaligo te subo nai page hania konegobeo. Te augwaligo po odobadi, tiali goli te po page augwaligo me konesiãwani. Tama augwaligo konegi sogo da, teda augwaligo homu begeleyu, tama Godigo augwaligo dwai se yali seããõ sela saãõ da,†

te po polobadu aseani," Jisasgo te po wai.

Te nai waide po page begelama wali po
(Mat 13:18-23; Luk 8:11-15)

¹³ Tama Jisasgo augwalibolo te po hanalu wai, "Dagego te eno po digi po begelama wali po page me konebe dawe? Tama tiyu da, teda dagego mena tama te begelama wabo po page tigidali koneaibawe? ¹⁴ Te bidigo nai wai bulai po wali agai te Godigo po haniani we bidibolo pusuyu te bulali tiwai dao. ¹⁵ Te sunumide tudulalwai po wali te Godigo po odali we bidi hani dabe, tama te sogo naga Satan asama, te Godigo augwali homude bulali po dagala saãwai. ¹⁶ Tama meba we bidi augwali te masigi elalwai tãba tudulalwai nai wai tiwai yai. Augwaligo Godigo po odama, tama polo augwali kolesaga sali, tama augwali tede wiegi yai homu pemene yali. ¹⁷ Tiali goli augwaligo sele te dã me olalubeo. Augwali te dwasianu sogo naga elalwai. Te nosali Godigo po aiyaba elaluainogo ebo bidi mebago te we bidi augwaliba seããõ dali dene dali mobaso da, teda augwaligo te po wali pabo kolesaga tagalaibao. ¹⁸ Tama meba we bidi augwali te sesani yai bono elalubo tomoba tudulalwai nai wai tiwai yai. Te hani augwaligo te Godigo po odali, ¹⁹ tiali goli augwaligo homu hauwa te tãde naide elama, tama augwaligo te mone hauwa sisinabo homu elama, tama haniani doado bagede godola pelama pesa yali. Te doado bage dabede homu ebogo te Godigo po mesegelama, tama tebo we bidi hani augwali te nai du me walisãwai. ²⁰ Tiali goli meba we bidi augwali te wiegi yai tãba tudulalwai nai wai tiwai gilama yai. Te augwaligo Godigo po odama, tama augwaligo selama tama totalalwai, tama augwaligo nai du walali. Mebago te ge dwasianu walu, te mebago hauwa walu, te mebago geninama mu tama waliyu yalio," Jisasgo te po wai.

Te ulade po digi po begelali po
(Luk 8:16-18)

²¹ Tama agai te po me augwalibolo wai, "Te bidigo lam sole domonama bogoli ebadi tama sela asama, te baket dologoba ma te pibo sai bet dologoba te mubo dawe? Menio. Agai te tebol sai daiba mubo dao. ²² Te tigidali geme dualalwai nai nosali te hania haninama pedalaibao. Tama bidigo te mesegalwai tigidali nai, nosali te ulaba hanilama pedalaibao. ²³ Te olo elalubo bidi agai eno te po odiaõ!"

²⁴ Tama agai te po me augwalibolo wai, "Te dagego odali po, tede dagego bugagia kone palao! Te dagego bidi dabebolo te mabo nai usu nama, te usu si naga dageba wei ponaibao. Tama agai meba ma wadolama te dageba mawaibao. ²⁵ Te bidi me deligo nai totalubo bidi, te Godigo agabolo geninama ma mawaibao. Tiali goli, te bidi me deligo dwasianu nai naga me elalubo bidi da, teda agai te elalubo nai, te hagawaibao," Jisasgo te po augwalibolo wai.

† 4:12 Ais 6:9-10

Te nai wai holobo po begelama wali

²⁶ Tama agai te po me wai, "Te Godigo we bidi tonalubo se tomoba pabo tu te e tiwai dao, te bidi me deligo te nai wai tpa tedelalo pabo tiwai dao. ²⁷ Tama tigidali sogo be hulibo usu nama te bidi godege piduali, tama be posobode aga hogodama bilidu yai. Tama te tedelalo pali nai wai holama, tama mena tama genuai ebo me, te bidi agai me konebeo. ²⁸ Te tp aga digi se ebaso tama te nai wai holama, tama nosali te nai wai du walaibao. Hasia bolo te nai honu pedalama, tama nosali te nai tobolu tomode te nai genuai pedalaibao. ²⁹ Tama nosali te nai genuai elama te nai inabo si da, teda te bidigo te hwa ge dali se yaibao. Te nai sabo sogo bodolu te pedalali dao," Jisasgo te po wai. †

Te mastet nai waide po begelama wali po

(Mat 13:31-32; Luk 13:18-19)

³⁰ Tama Jisasgo te po wali, "Dago te Godigo we bidi tonalubo se te mena tama usu saibawe? Tama dago tede mena usu sabo po begelama waibawe? ³¹ Te tiwai nai wai me deli te nogi dago te mastet wabo. Te nai mastet wai ge da te e tpe gasa tigidali elalubo nai wai ge tiwai me elalubeo. Menio. Te dwasianunu mu tama. Bidigo te nai wai ge te tpa bulaibao. ³² Bidigo te mastet nai wai ge bulama, tama holama tama genuai igulama, tama te kaya te tobage tigidali ni aiyaba elalubaibao. Te aga nologo genuai igulama, tama te ni nologode te ba dabe te tpa madi dologoba duayagasu yaibao," Jisasgo te po wai.

³³ Jisasgo te we bidi augwalibolo te po digi po hauwa begelama, te tama tiwai agai po pusali, te augwaligo homu kolesagaba muabo usu po naga wai dao. ³⁴ Agai te po te we bidi augwalibolo hanilama me pusubeo. Menio. Agai te po begelama naga pusali. Tama aga te wali pabo bidi dabe naga aga dali bidibadi, agai te po page tigidali hanilama augwali dali pusuyu yai dao.

Jisasgo po obaso, tama genuai wali sia sali

(Mat 8:23-27; Luk 8:22-25)

³⁵ Tama te silama te sogo digi te be pio ebode, agai te aga wali pabo bidi dabebolo weyu, te po wai, "Da te sigi aj u badu pedai badu pinao," po wai. ³⁶ Tama augwaligo te genuai we bidi hani bidaludubadi taga peyu, te augwali Jisas dugulaluali gebaba holama, tama augwaligo aga dali selama pali. Tama gasa bidi dabe augwali meba gasa geba dabe me tedu augwali dali pai. ³⁷ Tama augwali te sigi aj tomodu pobadi, te moni genuai wali me deli hogodama, tama we dini te geba tomoba asali, tama te geba te weba hoa sigulama, te wego geba pagna sainogo yai. ³⁸ Tama Jisas te geba dugi badu bidali, tama aga tobolu te geba dugiba mu nama, godege pila muani. Augwaligo aga hodoligi pelama, tama augwaligo te po wai, "Tisa po ola mabo bidio, te pade da weba hoa selama hagainogo ebao,

† 4:29 Jol 3:13

tama nago homugo te kone palobewe?" ³⁹ Tama Jisas hodasa holama, tama te waliba wado po obadi, tama webolo po weyu te po wali, "Megi da, usu dao. Nage sia sao! Nage megii tama silama isao!" Tama wali kekasa peyu, tama te we me dwasianu memenege munu me ebeo. ⁴⁰ Tama agai aga wali pabo bidi dabebolo te po wai, "Magi baso dage te tiwai wi ebawe? Te dagego enade te konealubo po daq weyu enaba duga homu me tialubo meniwe?" te po wai. ⁴¹ Tiali goli augwali wi dwai mu elama, tama augwa hasi tomode po mia siyu, te po wali, "Te bidi aga niwai bidi, tama te wali de we dali sigo agai po odaliwe?" te po wai.

(Mat 8:28-34; Luk 8:26-39)

5 Te Jisas dali aga bidi dabe dali augwali te gebadu pelama, tama te sigi we u badu pedai badu te Gerasa dabego tpa sabolali. ² Agai te geba taga soai madi, tama polo te wabo pabo dwai haubo elalubo bidi me deli te Jisas tpa asali. Te bidi te gu page hauwa elalubo tpe subigila biliduwi bidi tama asali. ³ Aga te gu pagede pilala bilai. Tama te bidi me deligo aga daq wabo te usu me isaawai. Te sengo me usu me ebeo. ⁴ Te hauwa sogo augwaligo te hankapgo me sengo nogo saqa duyu yali. Tiali goli agai te hankap me sen me togwa sawani. Agai te moni bomu mu eyu, tama bidi mego aga tuainu ebo te usu me isaawai. ⁵ Te sesemane sogo giligade me hulide me aga te gu pagede me bulu dude bidada biliduwi. Tama agai i dwai olama, tama aga tigi te aga digi masigigo tologobo se iduai.

⁶ Te agai Jisas te digibulu bidibadi digi sulama, tama aga udada asama, tama aga pageba kidu sugunagasali. ⁷ Agai bomu elama mu i weyu, te po wai, "Jisas, nage ugwade bidibo Godigo ogwa mu, nago magi se enade yainogo ebawe? Eno te Godigo nogide nagebollo hanalu obao, nago te dene enabolo me magio," te po wai. ⁸ Magi baso meni, te Jisasgo agabolo wali, "Nage dwai haubo noma bidi, nago te bidide bidibo taga pao," wali.

⁹ Tama Jisasgo agabolo hanalu wali, "Nago nogi dewe?" Tama agai te po wai, "Ena nogi Ami dao. Magi baso meni, da hani genuai hauwa dao." ¹⁰ Tama agai Jisasbolo i bomu elama weyu, Jisasgo te dwai haubo noma bidi dabe te moni tpe munu me sela saqio po widu geai. ¹¹ Te genuai kibu hani sibi dabe augwali te dwasianu bulu du pade nai tuduladu bidaludai.

¹² Tama te dwai haubo noma bidi dabe augwaligo te bomonama i weyu, Jisasbolo te po wali, "Nago da te kibu dabe tomoba tagala palao," te po wai. ¹³ Tama Jisasgo augwali teba pao olama usu da wai. Tama te dwai haubo noma bidi dabe augwaligo te bidi taga peyu, tama augwali te kibu dabe tomoba bula sigi pali. Tama te kibu hani dabe bomonama mu udada pelama, tama te dwai bulu sau pado me deliba samonani. Te tigidali kibu umabo mu te bidi sese hauwa 2,000 dao. Tama augwali te sigi ajba tulaluama, tama augwali te we tulama poma peyu isila silai dao.

¹⁴ Te kibu tononaluali bidi wi pelama, tama augwali po te hanuba me tede elalubo bulu dabeba sela

pali. Tama te we bidi augwali te se ebo suagasali.

¹⁵ Augwali te Jisas bidiboba sabolama, tama augwaligo suali, te dwai haubo noma bidi hauwa polobadu agade bidali bidi, te bidi Jisas dali bidibo augwaligo suali. Megi da, aga ugwa gudama, tama aga homu kole-saga peda pelama, tama aga bugagia dualaludali. Tama te we bidi augwaligo te sulama, tama augwali wi yai. ¹⁶ Tama te bidi dabe te Jisasgo yali se suali bage, augwaligo te hanudu tamadi asali we bidibolo te bidide pedalali se po pususu pali, polobadu te dwai haubo noma bidi agade bidai. Tama augwaligo te kibu dabede yali se po me pusali. ¹⁷ Tama tibaso, te we bidigo bomonama weyu, te Jisas augwaligo bulude bidibo tagalama, te gasaba pao wai.

¹⁸ Tialima, Jisas te gebaba holobadi, tama polobadu te dwai haubo noma bidi sela sawani bidi, agai te tiwai po Jisasba hanalu wali, "Ena nage dali paio," wali.

¹⁹ Tiali goli Jisasgo hagela homu yali. Agai agabolo te po wali, "Nage naga beba me naga deli hani bidibo madiba pao. Tama nago te tigidali se Genuai Bidigo nagede yali se po pusugi peyu, tama agai nage homu dene eyu tau sali po me pusao," Jisasgo te po wai.

²⁰ Tama tibaso te bidi pelama, tama agai te se yali po te hanu nogo si elalubo to pedai badu te Jisasgo agade yali se po tigidali pususu bilali. Tama tigidali we bidi augwali homu hauwa eyu noma sali.

Te isali wegi dali gasi yai we dali side po

(Mat 9:18-26; Luk 8:40-56)

²¹ Te Jisas te gebadu peyu, te sigi aji ma nogeali. Aga te we u badu pedai badu tugi pali, tama genuai we bidi hani augwali aselama agaba sisanagasali. Tama Jisas aga te sigi aji sane pade bidali. ²² Te Juda dabego bomai po odobo lotu be tonalubo tobolu bidi me deli asali, aga nogi te Jairus. Agai te Jisas sulama, tama aga sagga paba basi gulama kidu sugunagasali. ²³ Tama agai bomonama agabolo te tiwai po hanalu wali, "Te eno dwasianu wegi te pade isabo homu yai. Nago agaba nogo muagaselama, tama aga usu ma igulama bidimainogo obao," te bidi Jairusgo te po wai.

²⁴ Tama Jisas aga dali hodobo pali. Tama genuai we bidi hani augwali aga wali pali, tama aga pabo madi te augwali mu pena sali. ²⁵ Tama we me deli bididuali, tama aga tigde kaneme sesemane sogo idubadi, tama te kibu be nogo si olama sagago si bidai. ²⁶ Te hauwa dokta bidigo te hauwa sogo agaba dene madubo se iduali, tama te wego aga mone tigidali te augwaliba mena silali. Tiali goli agai gasi te dwasianu usu me ebeo. Menio. ²⁷ Te wego te Jisasgo ebo se po odai. Tama aga aselama, tama aga te genuai we bidi hauwa bidalubo tomode bididuali. Aga te Jisas pabo wali nosali asidu, tama agai ugwa sabi badu diana asidu. ²⁸ Agai te tiwai homu eyu te po wali, "Te eno nogo agai ugwa sabi badu naga diabaso da, te ena usu ma yaibao," agai te homu yai. ²⁹ Tama te deli sogo naga, te aga kaneme yali te togwa siyu tama wa sali, tama aga tigde te gasi pela silali homu yai.

³⁰ Tama polo Jisasgo koneani, te meba bomo agade taga pabo koneani. Tama tibaso aga begelama, te we bidi dabebolo te po wali, "Dego eno ugwaba nogogo diayaniwe?"

³¹ Tama aga wali pabo bidi dabego agabolo te po wali, "Nago suo, te genuai we bidi hani te nage pade pena sali dao. Tama magi baso nago te po weyu, 'Dego eno ugwaba nogogo diabo' po obawe?"

³² Tama dego te tialiwe nama, Jisasgo te we bidi tomode tonono bilali. ³³ Tama te wego te se agade pedelali koneama, tama aga wi eyu didibili dali yali. Tama tiyu aga asama, Jisas paba kidu sugunagasama, tama te tigidali se agade yali po te hanilama pusali. ³⁴ Tama Jisasgo agabolo te po wai, "Eno wegi, te naga enade konealubo po daj weyu, enaba homu tialubo kolesaga ebogo te nage usu ma ilali dao. Nage pao, tama naga homu nage me wiegi yai elaluao. Nago gasi silimainogo yai," te po wai.

³⁵ Jisasgo te po odubadi, tama te bomai po odobo lotu be tonalubo tobolu bidigo bede bidibo bidi dabe meba aselawali. Augwaligo te po wali, "Te nago wegi isalio. Magi baso nago te se dene yabo po te po ola mabo tisa bidibolo obawe?"

³⁶ Tiali goli Jisasgo augwaligo te wabo poba olo me musiama, odola tagalali. Agai te bidi Jairusbolo te po wali, "Nage wi egio. Nago enade konealubo po naga daj weyu naga homu enaba tialuama bidao," te po wai. ³⁷ Tama agai te we bidi dabe augwali habu selama, te augwali aga dali me pelamuo wali. Pita me Jems me Jon, te Jems aga ama, te augwali sela naga aga dali pali. ³⁸ Augwali te tobolu bidi Jairus aga beba sabolama, tama Jisasgo suali, augwaligo te genuai po kulukulu wabo suali. Augwali te homu dene eboso dwai gela mu oladuali. ³⁹ Tama aga te be tomoba pelama, tama augwalibolo te po wali, "Magi baso dagego te genuai po kulukulu weyu, te gela weyu ebawe? Te wai te aga mu isibeo. Aga te godege naga piali dao," agai te po wai.

⁴⁰ Tiali goli augwaligo aga gisugu mani. Tama tibaso agai te be tomode bidali tigidali we bidi buluba gudula silali. Tama agai te wai aga aya de ida dali si naga selama, tama aga wali pabo bidi sela sobadi elama, tama augwali te isali wai munalubo madi te be habu tomoba pali. ⁴¹ Tama agai te wegi nogo tolalu, tama agabolo weyu, te po wali, "Talita kumi." Te po begelama tama dena pogo te po page e tiwai dao, "Dwasianu wegi, eno nagebobo obao, nage hodaluao," wali.

⁴² Tama polo te dwasianu wegi hodaluama tama soali. Agai kibu be 12 elaluai. Tama augwaligo te se ebo sulama, tama midigi siyu noma mu salio. ⁴³ Tama Jisasgo po bomonama augwalibolo weyu, te po wai, "Dagego te se ebo suali po te bidi me delibolo munu me olamuo." Tama agai augwalibolo weyu, te nai meba selama te dwasianu wegibolo maijo po wai.

Te Nasaret dabe augwaligo te Jisas tudiba muani

(Mat 13:53-58; Luk 4:16-30)

6 Te silama tama Jisas te bulude bidali tagalama, te aga page bulu Nasaret hanu teba pali. Tama aga wali pabo bidi dabe augwali aga wali pai. ² Te Sabat sogo aga te bomai po odobo lotu be tomoba pelama, tama te we bidi augwalibolo te Godigo po pusa mani. Tama augwali hauwago agai po odolama, tama augwali dwai noma siyu midigi sali. Augwaligo te po wali, "Te bidigo te ola mani po menade saliwe? Te agade koneani elalubo kolesaga, te menagai kolesaga dawewe? Mena tama tilama agai te bomai se ebowe?" ³ Te bidi aga te be se ebo kamda bidi naga dao, te dago koneani. Aga te we Mariago ogwa, tama aga ama dede da te Jems, me Josep, me Judas, me Saimon, te tama bagego ama gomunai bidi dao. Te aga abe dabe da dali ede bidibao." Augwaligo te tiwai po olama, tama augwaligo aga dali dwai homu ela mani.

⁴ Tama Jisasgo augwalibolo te po wali, "Te Godigo po pusubo profet bidigo nogi tigidali bulude elalubao. Tiali goli te aga page bulude me, te aga deli kaneme hanide me, te aga be mude me, te aga nogi meni yaibao," te po wai. ⁵ Tama agai te bomai se me deli te bulude me egobeo. Agai nogo te gasi bidi si selaba naga munama tama augwali wiegi yai ma ilali. ⁶ Tama te we bidi augwaligo agade konealubo po daŋ wasiayu, tama augwa homu agaba tialusiabaso, te aga noma siyu midigi sali.

Jisasgo aga bidi dabebolo se mani

(Mat 10:5-15; Luk 9:1-6)

Te Jisasgo te Nasaret hanu tagalama, tama aga te bulu pedai dabeba biligi pelama, tama agai te Godigo po te we bidi dabe augwalibolo ola mena mena bilai dao. ⁷ Tama agai te aga wali pabo bidi nogo si olama saŋago si bidi dabe i olama asali, tama agai augwali bidi si si tagala palali. Agai te dwai haubo noma bidi sela sayabo bomomo te augwalibolo mawai. ⁸ Tama agai te po augwalibolo wai, te bilibo dono augwaligo tolasa bilao wali, tiali goli augwali te biligi pabo sogo gasa doado bage dali me sabiligio wali. Augwaligo te bret me sabiligio wali. Te wa brasbel me augwaligo me sigio po wali, tama augwaligo gudali ugwa agebeledete mone bulama me sela pelamuo. Menio. ⁹ Augwaligo te saŋa nadoba mumainogo yao wali, tiali goli augwaligo te holobo ugwa si munamuo wali. ¹⁰ Tama agai augwalibolo te po me wali, "Te dage bulu me deliba sabolama tama te be me deli tomoba pobaso da, teda dage te be tomode naga bidiŋo, te gasa gasa beba pigimio. Tama nosali dagego te be tagalama te dage piŋo. ¹¹ Tama te meba bulude te augwaligo dage te augwa beba dage sela piŋama, tama augwaligo dagego po odisayu ebaso da, teda dagego te bulu taga peyu, tama te dagego saŋade elalubo pobeledage sela sayao. Tama tiyu augwaligo te augwa dage dali yali dwai kolesaga homugo kone palomainao," agai te po wai.

¹² Tama tibaso te po sela pabo se bidi dabe si si pelama, tama augwaligo te tiwai po te we bidi dabebolo haniani bulude pusali, "Dagego duga dwai se tagalao, tede ge neyu duga homu kolesaga begeleŋo," te tobage po wali. ¹³ Tama me augwaligo te dwai haubo noma bidi hauwa sela sanama, tama augwaligo te hauwa gasi yai bidi tigde wel munama tama augwali usu ma iliyu yai dao.

Te we bidi baptais mani bidi Jon isali po

(Mat 14:1-12; 9:7-9)

¹⁴ Tama megi da, te gavman tuni bidi Herot agai te se ebo po dabe odali, magi baso meni, te tigidali to pedaide te Jisasgo nogi usu elalualio. Te meba we bidi augwaligo te po Jisasde wali, "Te we bidi baptais mani bidi Jon aga te gu pagede ma hodalualio, te aga Jisas dao. Tama tibaso te genuai bomomo agai nogode ped-alubao," te po wai. ¹⁵ Tama meba augwaligo te po wali, "Woo, te meni. Jisas da, te aga te polobadu bidali profet bidi Elaija dao." Tama mebago te po wali, "Aga te profet dao, te polobadu Godigo po pusubo se ela bilali profet dabe tiwai dao."

¹⁶ Tama te gavman tuni bidi Herotgo te wabo po odama, tama agai te po wai, "Polobadu eno bidi me tagala palama, tama agai Jon dogoni togolama tama aga isai dao. Tiali goli megi da, aga ma hodaluali dao," te po wali. ¹⁷⁻¹⁹ Polobadu Herot aga ama Filip me bidibadi, te Herotgo Filipgo we nogi Herodias dagala sai. Tama tibaso Jongo hauwa sogo te Herotbolo te po wai, "Nago te naga amago we sali, te dolo me ebeo," wali. Tama te we Herodias agai homu dwai mu te Jon dali elama, tama aga ela muabo homu yali, tiali goli agai te tiabo se usu ebeo. Herotgo te bidi meba tagala palama, tama augwaligo te Jon pageabi elama, tama te kalabus bede aga te sengo keani. Tiali goli agai Jon ela mubeo. ²⁰ Magi baso meni, Herot aga te Jonde wi yai. Agai koneani, Jon aga te wiegi yai tama doloba pai bidi bidali. Tama agai te aga bugagia tonaluali. Agai te Jongo pusubo po odama, tama aga homu hauwa elama, tama aga homu seŋe iduali. Tiali goli agai te agai po odobo te godolo mu yai.

²¹ Nosali te we Herodiasgo te tiwai sunumi elalubo pedalali. Herot aga idago aga ame nani side pedalubaso, te agai genuai nai ulaiba wali. Agai te nai da tueinu ebo te aga dali gavman seŋe tau sabo bidi dabe dali tueinogo yali, tama te polalubo ami tuni bidi me, te Galili toŋde bidalubo genuai bidi dabe dali te nai da tueinogo yai. ²² Tama te we Herodias aga wegi agai te nai tubo madi tomoba aselama, teŋabi yagasali. Tama Herot dali te aga dali nai tuali bidi dabe me, augwali godolo mu yali. Tama Herotgo te gesi wegibolo weyu, te po wai, "Nago magi nai saiwe? Nago enabolo po obaso, te eno nagebolo mu mawaibao," te po wai. ²³ Tama Herotgo agai po daŋ wabo po bomonama weyu, agai agabolo te po wai, "Mu tama dao, nago mena nai po enabolo hanalu wali, te eno nage mawaibao. Te nago eno te we bidi tonalubo te bomomo

tomode togolama, te nage mao po obaso da, teda eno nage mawaibao," agai te gesi wegibolo te po wali.

²⁴ Tama te wegi buluba solama, tama aga idabolo hanalugi soali, "Te eno mena nai sai po wagawe?" Tama aga idago te po wai, "Nago te we bidi baptais mani bidi Jongo tobolu sabo po wao," te po wali.

²⁵ Tialima, te gesi wegi polo ma te tuni bidi pageba ma asama, tama te po agabolo wali, "Megi naga tama eno homugo nago te baptais mani bidi Jongo tobolu te pou me delide munama, tama nago enabolo mao," wai.

²⁶ Agai te tama po obaso, tama te tuni bidigo homu sege mu yalio. Tiali goli agai homude te agai mu po da daqu wali te aga dali hodobo te duada pelama nai tudu pabo bidi dabe gesabidide wali po, te pode homugo kone palali. Tama agai te wegigo po sela sagobeo homu yalio. ²⁷ Tialima, polo tama te tuni bidi Herot agai te ami bidi me deli tagala palama, te Jongo tobolu togogi pelama sela asomainogo yali. Te ami bidi te kalabus beba pelama, tama Jongo tobolu mage togwai.

²⁸ Tama agai te Jongo tobolu togwai te pou me delide munama, tama selasa aselama, tama te gesi wegibolo magasali. Tama te wegigo aga idabolo mawai. ²⁹ Te Jon aga wali pabo bidi dabego te wabo po odama, tama augwaligo aga tigi sagaselama, tama augwaligo te gu pageba pubaligi pai.

Jisasgo bidi dabe umabo 5,000 bidi nai mani

(Mat 14:13-21; Luk 9:10-17; Jon 6:1-13)

³⁰ Te Jisasgo tagala palali po sela pali se bidi dabe augwaligo se silama, tama ma begasa aselama, tama augwali Jisas dali deliba sisinani. Tama augwaligo te egi pali se po miani, tama tigidali po augwaligo te we bidibolo ola mani po wai. ³¹ Te we bidi hauwa eda asiyu, ugwa soyu yali, tama Jisas dali aga wali pabo bidi dabe dali augwaligo te we bidi tau sabo se ebaso, augwali nai tuyu toma nabo sogo meni yani. Tama tibaso Jisas aga wali pabo bidi dabebolo te po wali, "Ae, tegobao, dena naga te bidi meni yaiba me deli pelama, tama dage toma dwasianu tuiagameo," te po wai. ³² Tama augwali te geba selama, tama augwali te sigi aji daidu te bidi meni yai habu me deli badu pali. Augwa naga palio.

³³ Tiali goli te we bidi hauwago augwali pabo suali, tama augwaligo te augwali koneani. Tama tigidali hanu we bidi augwali teba pedai badu tordu udada pelama, tama augwali te Jisas pali sunumi te badu polasa pedaligi palio. ³⁴ Tama Jisas te gebadu pelama, te we pedai badu tugi pelama, tama agai te we bidi hauwa bidalubo suali. Tama agai augwali homu dene genuai mu yali. Augwali te sipsip kibu tonalubo bidi meni yai tiwai bidaluali. Tama tibaso agai gagalama, te wiegi yai po hauwa augwaliba ola mawai. ³⁵ Te giliga dega sigulainogo yali, tama te Jisas aga wali pabo bidi dabe te agaba aselama, tama augwaligo te po wai, "Te ede da, te bidi meni yai madi tama te giliga dega sigu-

lainogo ebaso. ³⁶ Nago te we bidi augwali tagala palao. Augwali peyu, te be nani dabeba pomainao, tama augwa tuabo nai abelegi pomainogo tagala palao," te po wali.

³⁷ Jisasgo augwaliba te po wei ponani, "Duga digi te augwali nai maijo." Tama augwaligo agabolo te po wali, "Te nago homugo dago te bidi sese a naga 200 kina monego dago te bret abelegi pomainogo eyu obawe?" ³⁸ Tama agai augwalibolo te po wali, "Dagego nisu naga bret munalubowe? Dage pelama sugi piyo." Augwaligo sula selama, tama augwaligo te po wai, "Dago te bret a naga, me te sugu si te tama elalubao." ³⁹ Tama agai augwalibolo te po wali, "Tigidali augwali te wiegi yai nosaide wasisi pelama, duada piyo wao," te po wali. ⁴⁰ Tama te we bidi tigidali augwali duada pali, tama te wasisi pelama, duada pali hani me badu te bidi sese a naga 100 bidi duada pobadi, te meba duada pali hanide te bidi si olama nogo si 50 bidi bidada pali. ⁴¹ Tama agai te a naga bret dali te sugu si me sali. Tama agai te dagaluba tonaludama, tama puba hwi po Godibolo walio. Tama agai te bret pebedama, tama te aga wali pabo bidi dabebolo menama, tama augwaligo te we bidiba dobaba pali. Tama te sugu si me tologolama, tama te tigidali we bidiba dobaba palio.

⁴² Tama tigidali augwali te nai tudu pali te usu mu yalio. ⁴³ Tama te bret me sugu te me badu tigidali munalua pali, te augwaligo sisinama, tama te bonou wa basket te nogo si olama sagago si pagawani. ⁴⁴ Te bret me sugu tuali bidi dabe, augwali te bidi sese umabo te 5,000 bidi dao.

Jisas te sigi aji daidu pali

(Mat 14:22-33; Jon 6:16-21)

⁴⁵ Te nai mabo se silama, tama Jisasgo aga wali pabo bidi dabe augwali te asesa piyo olama, te augwali polo te gebaba holomainogo elama, tama augwali te aga asabo badu te sigi aji pedai badu polasa te Betsaida buluba piyo wali. Agaduba digi te we bidi dabe augwa beba tagala palu pomainogo yai. ⁴⁶ Agai te we bidi augwali tagala palama, tama aga te bulu du bageba ugwa holai. Aga tede agaduba bididubadi te Godibolo po wainogo tiali. ⁴⁷ Te be pio ebode te geba te sigi aji tomode elaluali, tama Jisas agaduba te tede me bididuai. ⁴⁸ Tama agai suali, te waligo augwali degelainogo ebaso, tama augwali te we togobo se dene mu yai. Te be posabo pade, teda Jisas te sigi aji daidu augwali bidiboba pali. Agai te augwali ela soainogo yai. ⁴⁹ Tiali goli te aga wali pabo bidi dabe augwaligo aga te sigi aji daidu asobo sulama, tama augwaligo homugo aga te isi bidi me deli da te homu yai. Tama augwali homu dwai noma sabo i dali walio. ⁵⁰ Magi baso meni, tigidali augwaligo aga sulama, tama augwali wi mu yai.

Tama polo Jisasgo augwalibolo weyu te po wai, "Dage homu tegaluijo, bomo elama bidiyo. Te ena tama dao. Dage wi egimio," te po wai. ⁵¹ Tama aga te gebaba holama, tama augwali dali bidibo si, tama te moni wali asali sia salio. Tama augwali midigi eyu noma mu selama, tama augwaligo homu hauwa yalio.

† 6:34 Nam 27:17; 1 Kin 22:17; 2 Sto 18:16; Ese 34:5; Sek 10:2; Mat 9:36

⁵² Magi baso meni. Te Jisasgo te we bidi hauwa tebolo bret dabe dobawali se page tede augwaligo bugagia homu kone me palobeo. Menio. Augwa homu me hulaluama tama usu ebe.

Jisasgo te Genesaretde gasi bidi hauwa wiegi yai ma ilali
(Mat 14:34-36)

⁵³ Te silama, tama augwali te sigi aj nogolama, tama augwali te Genesaret pedai badu tugi pali, tama augwaligo te geba tede gebelali. ⁵⁴ Augwaligo te geba taga sobadi, tama polo te we bidi dabe augwaligo te Jisas sulama, tama aga konea palio. ⁵⁵ Tama te bidi dabe udada pelama, te pade elalubo tigidali bulu dabeba tedela pali. Tama tigidali bagego te Jisas bidibo po odama, augwaligo te gasi yai bidi dabe te gologobe wade munama, tama augwaligo te augwali tolama tama aga pageba tolasa pelawali. ⁵⁶ Tama tigidali bulude me te tigidali hanude me te tigidali tq pedaide te Jisas sabaligi pabo digi, augwaligo te gasi yai we bidi dabe sela asama, te maket ebo pesage tomoba muagasiyu yai. Te augwaligo i bomo elama Jisasbolo weyu, tama te gasi yai we bidi dabego te agai ugwaba nogogo diamainogo gogoliyu sula tagala wali. Tama tigidali gasi bidi dabego te agai ugwaba nogo munama, te augwali tigidali wiegi yai elama, usu ma ela pai dao.

Bidi mebago Godigo kolesaga tudiba muani
(Mat 15:1-9)

7 Te meba Farisi hani bage meba dali, te Juda dabego bomai po page koneai bidi dabe meba dali, augwaligo te mone hanu Jerusalem taga soyu, te augwali Jisas bidibo madiba sininagasai. ² Tama augwaligo te aga wali pabo bidi dabe mebago nai tubo suali, te augwaligo nogo bolo hasia wego te nogo habuba mu tugulama telasiama te nai sela tuali. ³ Te Farisi dabego me te tigidali Juda dabe augwaligo te augwa waj nqu dabego polobadu yali kolesaga wali pelama, tama augwali te nogo aj hasia nogo habuba usu nama telasiabadi da, te augwaligo nai tusiawai dao. ⁴ Te augwali te Juda hani isawai bagego maket elaluboba pelama ma asiyu, tama augwaligo nogo we telasiabadi da, te augwaligo nai me tuai menio. Tama augwaligo te waj nqude sali gasa kolesaga hauwa me wali peyu yai. Augwaligo te we tubo kap me, sene me, genuai pou me, te pibo bet sai me we telayu yai dao.

⁵ Tama tibaso te Farisi dabe me te Juda dabego bomai po page koneai bidi dabe augwaligo te Jisasbolo hanalu wali, "Magi baso te nage wali pabo bidi dabe augwaligo te dago waj nqu dabe augwaligo kolesaga wali pabo meniwe? Te augwaligo dago nogo we telabo kolesaga isama, tama nogo meda elalubadi nai tubo dao," te po wai.

⁶ Tama Jisasgo augwalibolo te po wai, "Te polobadu bidali profet bidi Aisaia agai dagede te po meba dolo mu weyu, tama te dage ili po wabo bidi dabe da wai. Agai te e tama tiwai po polobadu aseani,

'Godigo te po wai, "Te hani bidi augwaligo eno nogi te pedauwaligo ugwaba sabo dao, tiali goli augwaligo homu te enade digibulu elalubo dao.

⁷ Augwaligo enade olo dali lotu po weyu ebo dao. Magi baso meni, augwaligo te bidigo nigali bomai po naga ola mayu te po wali, 'Te e da Godigo po dao' wai,"

Aisaia te po aseani." †

⁸ "Tama dagego te Godigo bomai po tagalama, tama dagego te bidi dabego ola mabo po naga dau olama tolalubo dao," Jisasgo te Farisi bage dali te Juda dabego bomai po page koneani bage me augwalibolo wai.

⁹ Tama agai augwalibolo te po me wali, "Dagego te Godigo bomai po tagalabo bugagia koneama, tama duga digi ebo kolesaga wali pabo dao. ¹⁰ E tiwai dao. Polobadu Mosesgo te bomo yai po pusali, 'Nago te naga aya idago po wali pao,' wai, tama me po wali, 'Bidigo dwai po te aga aya idabolo wabo bidi te aga isimainao,' te po si Mosesgo ola mani. ¹¹ Tiali goli dagego te po si tagalama, dagego e tiwai po dabolo ola mabo da, te bidi me deligo aga aya ma ida tau sabo mone ma doado bage elalubadi, tiali goli agai te po augwali sibolo waibao, 'Te e mone da, te eno Godiba mawainogo sa muani elalubao' po obaso da, ¹² teda agai te aga ida bugagia wiegi yai ilibo se te tama tagaliyu da, te usu dao, dagego te tobage po ola mabo dao. ¹³ Tama naga tiyu, tama dagego te duga waj nqude sali kolesaga wali pelama, tama dagego te Godigo po dolobo aq ebo dao. Tama dagego te tobage tiwai kolesaga hauwa ebao," Jisasgo te po wai.

Te bidi meda ilibo naide po wai
(Mat 15:10-20)

¹⁴ Tama Jisasgo te we bidi augwali i ma olama, tama agai te po augwalibolo wali, "Dage tigidaligo eno po odama tama homugo konea sao! ¹⁵ Te bidi me delide te nai bulu badu elaluali tama te nai aga tomoba pelama, tama te naigo te bidi meda ilibo te usu me egobeo. Menio. Te bidi tomode elaluali nai dabe te buluba soyu, tama tego naga te bidi dwai meda ilaibao. ¹⁶ [Te olo elalubo bidigo agai te po odiao.]

¹⁷ Agai te we bidi bidalubadi taga peyu, te aga beba pai. Tama aga wali pabo bidi dabego agabolo te begelama wali po digi po page hanalu wali. ¹⁸ Tama agai te po augwalibolo wali, "Dage me te homu kolesaga meni eyu, obawe? Te dagego konebewe? Te tigidali bulu badu elaluali nai te bidi tomoba pelama, tego te bidi dwai meda ilibo usu egobeo. ¹⁹ Magi baso meni, te tiwai naigo te bidi homu tomoba mu pogobeo. Menio. Te haliga tomoba peyu, tama te di tabo sunumidu naga pelama, tama nosali te di beba paibao," agai te po wai. Te pode Jisasgo te tigidali haniani tubo nai te wiegi yai da, te habu selebo menio, te po wai.

²⁰ Tama agai te po me wai, "Te dwai nai te bidi tomode elaluama tama buluba asobo, tego te bidi meda ilibo dao. ²¹ Te bidi tomode, te homu kolesaga tomode

† 7:7 Ais 29:13 †† 7:10 Sai 20:12; 21:17; Prs 20:9; Bom 5:16

pedalubo nai dabe te e tiwai: te dwai homu kolesaga dabe, te penani ebo kolesaga, me te nai wi sabo kolesaga me, te bidi ela mubo kolesaga me, ²² te we sabo dolobo kolesaga me, te mena nai sainu homu hogodama pesa dalobo kolesaga me, te haniani dwai dwai kolesaga me, te tibo po weyu te hagoma ebo kolesaga, me te bidi nogi posobo po wabo kolesaga ebo, me te hagoma homu elama te esela pabo bidigo kolesaga tiwai eyu ebo dao. ²³ Te tobage tigidali dwai kolesaga te bidi tomode elaluali te buluba asiyu, tama te bidi meda ilibo dao," Jisasgo te we bidi dabebolo te po wai.

Te Fonisia hani wede po

(Mat 15:21-28)

²⁴ Te Jisas hogodama tama aga te bidali bulu taga soali, tama te Tair hanu pedaiba pai. Aga te be me deli tomoba pali, tama aga tede bidibo te bidi me deligo aga koneidali homu yali. Tiali goli aga geme duala sainogo ebo te usu me egobeo. ²⁵ Menio. Te we me deligo aga bidibo po odali. Te we aga wegi elaluali, tama te dwai haubo noma bidi te wegide bidai. Tama te we aga polo tama asama, te Jisas saḡa paba kidu sugunagasali. ²⁶ Te we aga te Juda hani isaḡwai we da, aga te Fonisia hani we, te Siria moni tḡde elalubo bulu da. Agai te Jisasba i weyu, te agai wegide elalubo dwai haubo noma bidi sela saḡyao wai. ²⁷ Tiali goli Jisasgo agabolo po wei ponoyu, te Juda hani dali te Juda hani isaḡwai bage me te side po digi po begelama tama te po wai, "Dago te wai dabebolo te hasia nai mao. Tiyu dago te wai dabego nai sela tuyu tama te yowi dabeba te nai saḡyabuo," te po wai.

²⁸ Tiali goli te wego agabolo po wei ponoyu, te po wali, "Genuai Bidi, nago te mu po obao. Tiali goli te yowi dabego te wai dabego nai kagali te tebol sai dologoba tulalubo nai sela tubo dao," te wego te po wai.

²⁹ Tama Jisasgo agabolo te po wali, "Nago te tiwai po obaso da, teda nage ma geasa pagameo. Te dwai haubogo nago wegi daḡ elaluali te taga palio," te po wai. ³⁰ Tama te we aga beba ma geasa pelama, tama aga wai te bet saide pila mubo suali, tama mu tama, te dwai haubogo daḡ elaluali te taga pai sualio.

Jisasgo te olo degai bidi wiegi yai ma ilali

³¹ Te silama, megi da Jisas ma hogodama, tama te Tair tḡ pedaide bidali tagalama, tama te Saidon bulu tomodu pai. Tama aga te hanu nogo si elalubo genuai tḡ tedu pelama gana, tama te sigi aḡ Galili paba sabolali. ³² Tama augwaligo bidi me deli agaba selasa asali, te aga olo degebadi te hamena begebadi yai elaluai. Tama augwaligo Jisasba hanalu te bidiba nogo diḡyao po wai. ³³ Tama tibaso, Jisasgo aga selasa pelama, tama te we bidi taga soali, tama augwaduba si naga bidigi pali. Tama Jisasgo nogo dani te bidigo oloba munama, tama pesa saḡnama, tama te pesa nogo daniba muyu, te bidigo hamenaba muanio. ³⁴ Tama agai te dagaluba tonaludu, tama mobo bomonama ponani, te aga homude gela wabo tiwai elama, tama agai agabo-

lo weyu te po wai, "Efata!" po wai. Te tiwai wali, "Nago olo dala pao," wai. ³⁵ Tama te bidigo olo degai elaluali te dala pali, tama aga te hamena panialuali nai te polo taga pali, tama aga po bugagia wai. ³⁶ Tama Jisasgo augwaliba habu seleyu, bomonama wali, augwaligo te seḡ yali po te bidi me delibolo munu me wagio po wai. Agai bomonama augwali habu selali, tiali goli menio, augwaligo bomu mu elama, te po pususu palio. ³⁷ Tama te seḡ yali po odali we bidi tigidali augwali midigi siyu, tama noma mu sali, tama augwaligo te po wai, "Tigidali seḡ agai ebo, te agai wiegi yai seḡ naga ebo dao. Agai te olo degai bidi me, te bidigo po odomainogo iliyu, tama te pedauwali pania sai bidigo po ma omainogo eyu yai dao," te we bidi dabego te po wai.

Jisasgo te we bidi hauwa umabo 4,000 nai mani

(Mat 15:32-39)

8 Te silama, tama nosali me sogo te genuai we bidi hani ma sisinani, tama augwali tuabo nai tula silama tama nai meni yai. Tama tibaso, Jisasgo aga wali pabo bidi dabe i olama asobo si, tama agai augwalibolo te po wali, ² "Eno te e bidalubo we bidi augwalide homu dene ebao. Augwali ena dali sela sogo bidalio, tama megi augwali nai meni yai dao. ³ Tama augwali nai sili bidai elalubadi te eno augwali te augwa beba pomainu tagala palali da, teda augwali tomode pobadi te gedu te geḡ page elama, te augwali sunumiba tulaluaibao. Meba augwali te digibulu asiyu asalio," te po wai.

⁴ Tama aga wali pabo bidi dabego agabolo te po wei ponoyu, te po wai, "Te ede da, te bidi meni yai madi bidibao. Tama dago menade te bret tubo nai selama, te we bidi augwali mawaibawe?" Te po wai.

⁵ Jisasgo augwaliba hanalu wali, "Dagego nisu naga bret munalubowe?" Tama augwaligo te po wali, "Te a naga olama me badu si munalubo," wai. ⁶ Tama agai te we bidi augwalibolo olama, tama augwali te tḡba dua-da pao wali. Tama agai te a naga olama me badu si bret selama, tama agai Godiba puba hwi olama, tama te nai pebedama, tama aga te wali pabo bidi dabebolo menama, te augwaligo dobaba pomainogo yali. Tama augwaligo te we bidiba dobaba palio. ⁷ Tama augwaligo te dwasianu suḡu si sela me elaluali. Tama agai te me selama, te Godiba puba hwi olama, tama aga wali pabo bidi dabebolo te me dobayao po wai, tama augwaligo te me dobaba pali. ⁸ Nosali te we bidi augwali te nai tula silama usu ebaso, tama aga wali pabo bidi augwaligo te elalubo nai meba dwasianu delage sisinama, tama te bonou wa basket te nogo a naga me si tede bulama paḡawani. ⁹ Te nai tuali we bidi augwali bidi sese hauwa umabo 4,000 bidi usu tama. Tama Jisasgo augwali pomainu tagala palalio. ¹⁰ Tama elama, polo aga te aga wali pabo bidi dabe dali te gebaba holama, tama augwali te Dalmanuta te badu pedaiba pai.

Te Farisi meba augwaligo te bomai se ebo suainogo yai
(Mat 16:1-4)

¹¹ Te Farisi dabe meba augwali aselama, tama augwaligo te Jisas dali te wado po tiwai weyu konila po wai. Augwaligo te Jisasbolo bomai se me deli yao po wali. Augwaligo aga te usu sabo se senayu naga yai. ¹² Jisasgo aga homu noma bidide sege ebo aq ebaso, tama agai te po wai, "Magi baso te we bidi hanigo e sogode te bomai se yao obawe? Eno mu po dagebolo obe dao, te e sogode te bidalubo bidi dabego suabo bomai se me deli eno me egobeo. Mu menio!" wali. ¹³ Tama agai te Farisi bidi dabe augwali tede bidaludubadi taga peyu, tama aga te gebaba ma holama, tama te sigi aji pedai u badu pabo gagalali.

Jisasgo te nai yisde po digi po begelama wai
(Mat 16:5-12)

¹⁴ Tama te Jisas wali pabo bidi dabe augwaligo te homu gegeda peyu, tama augwaligo te tubo nai bret meba dali sela asisawai. Augwaligo te bret deli digi naga te gebade augwaligo munaluai. ¹⁵ Tama Jisasgo po bomo elama augwaliba weyu, te po wai, "Dage bugagia tonalua! Dage te Farisi dabego yisde me te gavman tuni bidi Herotgo yisde te dage dua dao!" te po wai. ¹⁶ Tama augwa digi augwa hasi po mia siyu, te po wai, "Dago te bret meni baso, tama agai te po da dali obao," te po wali. ¹⁷ Jisasgo koneama, tama agai augwalibolo te po wali, "Magi baso dagego te tiwai po duga hasi mibawe, 'Dago te bret menio,' te magi baso obawe? Te dagego homude kone palai elalubo meniwe? Te dage homu kolesaga meni yai elalubawe? Te dagego homu puna paliwe?" ¹⁸ Dagego gedu elalubo, tama dagego te nai subo meni da, agawe? Dagego olo elalubao, tama dagego te po odobo meni da, agawe? Dagego homugo te brette gegeda palai dawewe? ¹⁹ Eno te a naga bret te bidi sese hauwa umabo 5,000 bidi te nai pebedama mani sogo, dagego te nisu naga bonou wa basket te me badu munaluali bretgo pagawai dawewe?" Tama augwaligo te po wai, "Te nogo si olama saqago si da," wali. ²⁰ "Tama eno te bidi sese hauwa umabo te 4,000 bidi te nai bret te bidi meni yai bulude pebedama mani sogo, dagego te nisu naga bonou wa basket te me badu munaluali naigo pagana dawewe?" Tama augwaligo te po wai, "Te a naga olama me badu si dao," te po wai. ²¹ Tama agai augwalibolo te po wai, "Tama dagego me konesiama ebawe?"

Jisasgo te gedu widai bidi wiegi yai ilali

²² Tama augwali te Betsaida hanu teba sabolali. Tama te we bidi augwaligo bidi me deli te agaba selasa asali, te aga gedu widai. Tama augwaligo Jisasbolo weyu, te bidiba nogo muao po walio. ²³ Tialima, Jisasgo te gedu widai bidigo nogo tola selama, tama agai aga te buluba odasa soali. Tama agai te bidi geduba pesa sana-

ma, tama aga geduba te nogo ugwadu munama, tama agabolo hanalu wali, "Nago te nai me deli subowe, ma meniwe?" ²⁴ Tama te bidigo tonono bilama, tama agai te po wai, "Awe, eno te bidi meba suali. Eno augwali te ni tiwai suali, tama augwali bilaluali," te po wai.

²⁵ Tama Jisasgo nogo aga geduba ma muai. Tama te bidigo bomo elama tonono bilali, tama agai gedu wiegi yai pedelama, tama aga tigidali nai hania sula silai.

²⁶ Tama Jisasgo te bidi aga te aga beba tagala palu, tama te po wai, "Nage te bidi dabe bidibo be nani tomoba ma pigio, naga beba dolo pao," te po wai.

Pitago Jisas aga te Kraisa da po haninani po
(Mat 16:13-20; Luk 9:18-21)

²⁷ Te Jisas aga te aga wali pabo bidi dabe dali hogodama, tama augwali te to pedai Sisaria Filipai teba pali. Tama te sunumidu peladu te agai aga wali pabo bidi dabe augwaliba hanalu, te po wali, "Te we bidi dabe augwaligo ena de nogi ebo dawewe?"

²⁸ Tama augwaligo agabolo te po wai, "Te meba augwaligo nage te we bidi baptais mani bidi Jon nogi ebao. Tama mebago nage te polobadu bidali bidi Elaija nogi ebao. Tama mebago te po weyu, nage te Godigo po pusali polobadu bidali profet bidi me deli da po obao." ²⁹ Tama Jisasgo te augwalibolo hanalu wali, "Duga digi te ena de nogi ebo dawewe?" Tama Pitago agabolo po wei ponoyu, te po wai, "Nage Kraisa dao, e we bidi tau somainu Godigo nage sa muyu asaiba wali bidi dao," te po wai. ³⁰ Tama agai augwali habu seleyu, te augwaligo bidi me delibolo olamu da po wai.

Jisasgo te aga isaama ma hodaluabao po wali
(Mat 16:21-28; Luk 9:22-27)

³¹ Te Jisas agai te aga wali pabo bidi dabe augwalibolo te tiwai po ola mabo gagalali, "Te Godigo Bidi Mu te aga dene hauwa tolomainu yaibao, tama te Juda dabego tobolu bidi dabe, me te genuai pris bidi dabe, me te Juda dabego bomai po page koneai bidi dabe augwaligo te aga tudiba munama, tama aga ela muaibao. Te nosali sela sogo bidama te aga ma hodaluabao," te po wai. ³² Agai te po augwalibolo hania haninama wai. Tama tibaso, Pitago Jisas te sesege badu odasa solama, tama aga dali te tobage po wagio po wali. ³³ Tiali goli Jisasgo begelama, tama aga wali pabo bidi dabeba tononalu, tama agai Pitabolo wado iliyu, te po wai, "Satan, nage ena tudi badu soao! Nago te Godigo homu kolesaga wali me pabo menio. Te meni. Nago te tode bidigo ebo homu kolesaga naga te wali pobao," te po wai.

³⁴ Tama agai te we bidi agaba asomainu i weyu, te aga dali wali pabo bidi dabe me asomainu yai. Tama aselama, tama agai augwalibolo te po wai, "Te bidi me deligo ena wali asainogo da, te aga digi aga aiyaba elaluama, tama agai e homu yao, aga ena wali pobadi aga dene sobaso da, teda te usu da, te homu ebo bidigo agai aga ni pedai tolasa pabo tiwai eyu, aga ena wali asao. ³⁵ Magi baso meni, te bidi me deligo aga digi aga bidabo ula bugagia tonalubo homu ebaso da, te

aga bidabo ula te hagawaibao. Tiali goli te bidigo enade te Godigo wiegi yai gesi pode te homu kone palama, tama aga bidabo ula tagalu da, te aga bidabo ula mu saibao. ³⁶ Te bidigo te tigidali tõe doado bage siyu, te aga digi aga bidibo ula tagaluyu da, teda te bidigo genuai wiegi yai nai tama saliwe? Te meni. ³⁷ Te bidigo mena mone mayu, te aga bidabo ula dobola siyu ma abelaibawe? Te menio. ³⁸ Tama te megie e sogo tõe bidibo we bidi dabe augwali da, te aga bidi taga soayu penani ebo we tiwai da, augwaligo Godigo po taga soali, tama haniani dwai se ebo dao. Te bidi augwali bidalubo tomode bidiyu, tama agai enade me te eno ola mabo pode me hale eyu ebaso da, teda nosali ena te Godigo Bidi Mu, ena me te bidide hale eyu aga nogi geme dualaluaibao, te eno ena Ayago genuai bomo yai ula dali, te wiegi yai tedali ensel mobo bidi dabe dali e tōba ma asobo sogo tama tiaibao," Jisasgo te po wai.

9 Te po silama, tama agai augwalibolo te po wai, "Eno mu po dagebolo obao, te ede dolalubo bidi dabe meba te augwali me isisabadi, tama te Godigo te we bidi tonalubo se te aga bomo dali pedalubo augwaligo sueibao," agai te po wai.

Jisasgo tigi te gasagi yai hasegelali
(Mat 17:1-13; Luk 9:28-36)

² Nosali te Sarere deli bidai madi, Jisasgo Pita me Jems me Jon selama, tama agai augwali te ugwanu holai bulu du me deli te bageba odasa holali. Tama augwa naga tede bidaluali. Tama augwali gedude Jisasgo tigi hasegelama, tama aga gasagi yai pedalai. ³ Tama agai ugwade te dula gegemani ebo tiwai pedalali, tama te nala nisi tedela tiwai mu yai. Te tõe bidi me deligo ugwa te tiwai gilama pedalubo usu me egobeo. ⁴ Tama te polobadu bidali bidi si Elaija dali Moses dali si pedalama, tama augwali sigo te Jisas dali po mibo te augwaligo suali. ⁵ Pitago te sulama, tama agai Jisasbolo weyu, te po wai, "Tisa, po ola mabo bidi, da ede bidibo, te wiegi yai ebao. Dago te bola yano be sela se yainogo, te me deli nago, te me deli Mosesgo, te me deli Elaijago dao," Pitago te po wai. ⁶ Magi baso meni, te augwali wi mu ebaso, te agai mena po wagawe weyu, te Pitago konesiama te homu yai.

⁷ Tama te dagalu pō me deli pedelama, te augwali mesega sagasali. Tama te pō tomodu te pedauwali me delidu te po waida wai, "E bidi da, te eno Ogwa da, eno aga godolo mu ebao. Dagego agai po odiāo," wai.

⁸ Tama polo tama, te augwaligo tonono bilali, tama augwaligo te gasa bidi me si te subeo, polo pali. Te Jisas agaduba deli naga te augwali dali bidibo suali.

⁹ Augwali te bulu dude bidali tagalama tama aiyaba dudulayu, tama Jisasgo augwali habu seleyu, te tiwai po wai, "Te dagego suali se, te dagego bidi me delibolo munu me wasiama, te ena Godigo Bidi Mu te gū page tagalama ma hodalobo sogoba usu naibao," wali.

¹⁰ Tama tibaso te po augwa homuba dāy ola selama, tama augwa hasi digi te e tama po miani, "Te gū page

tagalama ma hodaluaiba po wali, te mena se dawewe?" te po miani. ¹¹ Tama augwaligo agabolo hanalu wali, "Magi baso te bomai po page koneani bidi dabe augwaligo te po weyu, te hasia bolo te Elaija asaibao, tama nosali naga te Godigo tagala palabo bidi asaibao, te po magi baso wabo dawewe?" augwaligo te po hanalu wali. ¹²⁻¹³ Tama Jisasgo augwalibolo te po wali, "Awe, mu tama, te Elaija bolo hasia asama, tama te Godigo tagala palabo bidi asobode te tigidali nai ma dodolagasomainu yaibao. Awe, eno dagebolo obao, Elaija te asalio. Tama te bidi dabe augwa homugo digi wali peyu, augwaligo dwai se aga dali yali, te Godigo po bukude polobadu aseani po tiwai gilama yai dao. Tiali goli te Godigo po bukude te ena Godigo Bidi Mude magi po tede elalubawe? Te po e tiwai dao, ena te dene hauwa toloyu, tama te bidi dabego ena tudiba muaiabao," Jisasgo te po wai.

Te ogwa esela pabo se ilibo dwai haubo noma bidide po wali

(Mat 17:14-21; Luk 9:37-43)

¹⁴ Augwali pelama, tama te bulu du pageba dulama, te wali pabo bidi dabe meba bidalubo madi sabalubadi, tama te genuai we bidi hani te augwaliba sisininai elalubo suai. Tama te Juda dabego bomai po page koneani bidi dabe meba augwaligo te wado po konila po augwali dali oduai. ¹⁵ Te po odobo we bidi tigidali augwaligo te Jisas asobo sulama, tama polo te augwali midigi siyu te noma sali. Augwali te aga pageba udada pelama, tama augwaligo siade da po aga dali wali. ¹⁶ Tama agai te aga wali pabo bidi dabebolo hanalu wali, "Dagego te konila po wabo te bomai po page koneani bage dali te mena pode obawe?" te po wai.

¹⁷ Tama te we bidi hani tomode bidali bidi me deli agai te po Jisasbolo wei ponoyu, te po wai, "Tisa, po ola mabo bidi, te eno ogwade te pedauwali panialubo dwai haubo noma bidi me deli elalubaso, tama eno aga te nageba odasa asai. ¹⁸ Te hauwa sogo te dwai haubogo aga dāy olaluyu, tama agai aga te tōba sādubao. Tama aga pedauwalide te pesa dini pedaliyu, tama aga kele penane dagana selama, tama aga tigi te tigidali boma peyu didila pai. Tama eno te nage wali pabo bidi dabebolo te dwai haubo sela sayao po hanalu wali, tiali goli te augwaligo usu ebeo." Te bidigo te po wai.

¹⁹ Jisasgo te po odama, tama agai te we bidi augwalibolo wai, "Te dage hani we bidigo enade konealubo po dāy olama, duga homu enaba tialubo menio! Nisu naga sogo te eno dagego sege tolomainogo ebawe? Dagego te ogwa enaba odasa asao," wali. ²⁰ Tama augwaligo te ogwa agaba odasa pali. Te dwai haubogo Jisas sulama, tama polo te ogwa degelainu mu yali, tama te wai te tōba degasa dulama, tama hogogo bele pelama, tama te dini pesa me deli te aga pedauwalidu pedalali. ²¹ Tama Jisasgo aga ayabolo hanalu wali, "Nisu naga sogo aga te tiwai elaluai dawewe?" Tama agai

te po wai, "Te aga dwasianu elalubadi te tama tiai elalui dao. ²² Tama hauwa sogo te dwai haubogo aga te siaba sayu, te wēba sayu yai, tama aga ela muabo homu yai. Tiali goli te nago usu ilabo homu yaiba wida, teda nago da homu dene elama, tama da tau sao!" wali.

²³ Jisasgo agabolo te po wali, "Awe, mu da, te nago enade te po wali, 'Nago usu yaiba wida,' nago te po wali. Tiali goli te tiwai meni. Te nago enade konealubo po daḡ olama, tama nago homu enaba tialubo usu elalu da, te nago tigidali nai sabo te usu yaibao."

²⁴ Tama polo te ogwa aga ayago i weyu, te po wai, "Eno nagede konealubo po daḡ wali, tiali goli tede ena te habuge tiwai yai! Nago ena tau sao!" ²⁵ Jisasgo te genuai we bidi hani augwali sisinagasobo suali. Tama tibasogai te dwai haubo bidiba wado iliyu, te po wali, "Nage te pedauwali pania sai, me nage te olo degai haubo bidi, eno nageboto obe dao, nago te ogwa taga pao! Tama nage aga tomode munu ma bidilamu dao," te po wai. ²⁶ Tama te dwai haubogo te dwai i weyu, tama agai te ogwa degelai sedu genama, tama te dwai haubogo te aga taga peyu tama palio. Tama te ogwa te isai bidi tiwai munaluali. Tama bidi hauwa augwaligo te po weyu, "Aga te isali dao," wai. ²⁷ Tiali goli Jisasgo aga nogo tola selama, tama aga hodolobaso, tama aga doligulalio.

²⁸ Nosali Jisas te be tomoba pelama, tama te aga wali pabo bidi dabe naga bidalubadi tama augwaligo agabolo hanalu wali, "Magi baso dago te dwai haubo sela saḡwainu yali te usu meni yaniwe?" ²⁹ Tama agai te po augwalibolo wai, "Te Godibolo gedu haluasa po wabogo naga te tobage dwai haubo noma bage sela saḡbo te usu yaibao. Te gasa seḡ ebogo da, te usu me egobeo," te po wai.

Jisasgo te aga isaḡma ma hodaluai po te si sogo wali
(Mat 17:22-23; Luk 9:43-45)

³⁰ Augwaligo te bidali bulu taga peyu, tama augwali te Galili toḡ tomoba pali. Tama Jisasgo te aga menade bidibo, te we bidi augwaligo aga koneidali homu yai. ³¹ Magi baso meni, agai te aga wali pabo bidi dabe ola mabo seḡ yainogo yai. Tama agai augwalibolo te po wai, "Te augwaligo ena Godigo Bidi Mu te bidi dabego nogoba muaibao. Tama augwaligo ena ela muaibao. Augwaligo ena ela munama, tialima sela sogo bidama nosali te ena ma hodaluai," te po wai. ³² Tiali goli augwaligo te po page konesiḡwai. Tama augwaligo agabolo hanalu wabo wi yalio.

De aga genuai bidi bidigowe po
(Mat 18:1-5; Luk 9:46-48)

³³ Tialima, augwali te Kaperneam hanuba sabolali. Augwali te be tomoba pela siali madi, tama Jisasgo aga wali pabo bidi dabeba hanaluyu, te po wai, "Te da asobadi, te sunumide dagego duga hasi mena po miai dawē?" ³⁴ Tiali goli augwaligo po me wabeo. Magi baso meni, te sunumide augwaligo te augwali tomode de polalubo bidi bidaibawe te po miai. ³⁵ Tama aga duag-

ulama, tama te wali pabo bidi nogo si olama saḡaḡo si bidi i wai. Tama agai augwalibolo te po wai, "Te bidi me deli aga te polalubo bidi bidabo homu ebaso da, teda aga te nosali sabi badu mu bidama, te tigidali bidi tau sabo seḡ ebo bidi tiwai bidao," wai. ³⁶ Te po olama, tama agai te dwasianu wai me deli selama, tama aga te augwali tomode dolalumainogo ilali. Tama agai aga nogo tolasa, tama augwalibolo te po wai, ³⁷ "Te bidigo eno nogide homu kone palama, tama te tiwai dwasianu ogwa wai me deli tau sobaso da, te agai ena tau sobao. Tama ena tau sabo bidi, agai te ena naga tau me siyu me ebeo. Menio. Agai te eno Aya me tau sobao, agai ena tagala palobaso te ena asai dao," Jisasgo te po wai.

Te da dali boi bidi isaḡbo bidi, te aga dago abagi da
(Luk 9:49-50)

³⁸ Te aga wali pabo bidi me deli, aga nogi Jon, tego agabolo weyu, te po wai, "Tisa, po ola mabo bidi, te bidi me deligo nago nogide te dwai haubo noma bidi sela saḡbo seḡ ebo dago suali. Tiali goli aga te da wali me asobeo. Tama tibaso, dago aga habu selali," te po wai. ³⁹ Jisasgo agabolo te po wai, "Dagego te aga habu me selamuo. Te bidi me deli agai eno nogide te bomai seḡ me ebaso da, teda agai polo tama te eno nogi posobo po me wainogo me egobeo. ⁴⁰ Te dade boi bidi homu me isaḡbo bidi da, aga te dago abagi dao. ⁴¹ Te bidi me deligo dage sulama, tama agai te homu elama, 'Eno te Kraiso bidi dabe tau saiba' homu elama, tama agai te kapde wē dage mobaso da, teda eno mu po dagebolo obao, te bidigo nosali sabo wiewi yai nai da, te me hagagobeo," Jisasgo te po wai.

Te dwai seḡ tomoba gegebo kolesaga po
(Mat 18:6-9; Luk 17:1-2)

⁴² Te Jisasgo po me weyu, te ola mabo po wai, "Te bidi me deligo e tiwai wai pulubago enaba homu bega-gaselama, te konealubo po daḡ olalubadi, te aga dwai seḡba tulalumainu iligi sogo da, teda te tebo bidigo dwai seḡe mu sigi da. Tama aga te tiwai dwai seḡ te wai dali idali weyu, te bidi dabe augwaligo te bidigo magede moni seḡe yai masigi te bonogo keḡnama, tama aga te tamu aḡ moni ge tomoba sela sayu aga tede isigi sogo da, teda te usigi dao. Te seḡ agaba ped-aligi sogo da, aga te wai dali dwai seḡ isaḡma tama moni dene sigi menigi da. ⁴³ Tama tibaso, dage deli delide e tiwai dao. Te nago nogogo te nage dwai seḡba tulalumainu ilibasoda, te nago te nogo aga togolama sela saḡao. Teda nago nogo deli naga elaluyu, tama nago te dwai seḡ isaḡbo te sesemane sogo bidada pabo ula sabo, te usu dao. Tiali goli nago nogo si me elaludu da, tama augwaligo dwai seḡ eyu, nage te genuai dene mu siyu bidada pabo te isaḡbo sia dabo madi teba peyu da, te dwai mu dao. ⁴⁴ [Te bulude te dwasianu isaḡbo kigi dabe te augwa tigde elalubao, tama te sia dabo munu me sula sogobeo.] ⁴⁵ Tama naga saḡaḡo te nage dwai seḡba tulalumainu ilibasoda, nago te saḡaḡa aga togwama sela saḡao. Teda nago

sąą te deli badu naga elaluyu, tama nago te dwai sę isiąbo te nago te bidabo ula mu saibao, te usu dao. Tiali goli nago sęą te si elaludu da, tama augwaligo dwai sę eyu nage te genuai dene mu siyu bidada pabo te isisąbo sia dabo madi teba peyu da, te dwai mu dao.⁴⁶ [Te bulude te dwasianu isisąbo kigi dabe te augwa tigide elalubao, tama te sia dabo munu me sula sogobeo.]⁴⁷ Ma, nago gedugo nage te dwai sęba tulaluminu ilibaso da, te nago aga gudama sęyao. Teda nago gedu deli naga elaluyu, tama nago te dwai sę isiąbo te sesemane sogo bidada pabo ula sabo, te usu dao. Tiali goli nago gedu si me elaludu da, tama augwaligo nage dwai sęba tulaluminu iliyu da, augwaligo nage te dwai isisąbo sia dabo madi saoba sęwaibao, te dwai mu dao.⁴⁸ Te bulude te dwasianu kigi dabe te augwali tigide bidalu te augwali me isisąma, tama te sia dabo te me sula sogobeo," Jisasgo te po wai. †
⁴⁹ Te agai po me weyu, te po wai, "Te bidi mego tamu aga tubo naide mubo tiwai gilama, Godigo te we bidi dabeba te dabo sia mawaibao.⁵⁰ Tamu te wiegi yai nai dao. Tiali goli, te tamu te halia pobaso da, teda dagego mena tiwai ilama tama te tama ha ma elalugowe? Te usu egobeo. Te tamude elalubo tubo nai te pusu tiwai gilama, tama dage bugagia bidiąo, duga hasi nagamea homu eyu tama bugagia bidiąo," Jisasgo te po wali.

Jisasgo te we sabo sę togobo kolesagade po wai
 (Mat 19:1-12; Luk 16:18)

10 Te Jisas hogodama, te bidali bulu taga peyu, tama aga te Judia provins tų pedai badu te pabo aj Jordan pedai u badu pai. Tama we bidi hauwa agaba ma sisinagasali. Tama agai te aga ebo kolesaga wali peyu, tama Godigo po te augwalibolo ola mawai.
² Tama te po ola mobadi, te Farisi dabe meba agaba aselama, tama augwaligo usu sinayani. Augwaligo te po wali, "Te da Juda dabego bomai pode te bidigo aga we sela sębode, te usu da wali elalubowe, ma meniwe?"³ Jisasgo augwaliba po wei ponoyu, te po wai, "Mosesgo mena bomai po dagebolo mawai dawew?"
⁴ Augwaligo te po wali, "Moses agai te po wai, bidigo we sabo togobo nogi pepa asęnama, tama te we sela sęwainu eyu da, te usu da po wai dao." ††
⁵ Tiali goli Jisasgo augwalibolo te po wai, "Te dagego hagoma ebaso, tama Mosesgo te tobage bomai po dagebolo polobadu asęai dao.⁶ Tiali goli polobadu mu, hasia bolo te Godigo tigidali nai nigali sogo, agai te bidi me we augwali si nigai dao.⁷ Tama tibaso, megi bidigo te aga aya de ida si tagalama, tama aga we dali keą pelama bidaibao.⁸ Tama tiyu, augwali si tigi te deli mu naga pedelaibao. Tama tibaso, augwali si te tedali bidu tedali bidu yali tiwai gilama ma elalugobeo. Menio. Augwali si tigi te dedeli mu tiwai naga bidaibao.⁹ Tama tibaso, te Godigo tama keńani nai, te bidigo me togolamu dao," Jisasgo te po wai.

¹⁰ Te po olama, nosali augwali te be tomoba ma geasa pelama, tama aga wali pabo bidi dabego agabolo te wali pode hanalu wali.¹¹ Agai te po augwalibolo wali, "Te bidi me deligo aga we tagalu, tama gasa we sobaso da, te bidigo aga hasia sali we doloyu tama penani ebo kolesaga yai dao.¹² Te tiwai me, te we me deligo aga bidi tagalu, tama gasa bidi dali pobaso da, te we agai te penani ebo kolesaga yai dao," Jisasgo te po wai. ††

Jisasgo te dwasianu wai puluba augwali te wiegi yai po mani
 (Mat 19:13-15; Luk 18:15-17)

¹³ Te we bidi meba augwaligo te augwa dwasianu wai puluba meba te agaba odasa asali. Augwaligo homugo te agai nogo augwaliba muyu, te augwaliba dwagi yai sę pedalabo po omainu homu yai. Tiali goli te aga wali pabo bidi dabego augwaliba wado ilali.¹⁴ Jisasgo te tebo sulama, tama agai homu dwai yai. Agai augwalibolo te po wai, "Dagego te dwasianu wai puluba augwali enaba asomainu emainao. Dagego augwali panigimio. Te Godigo bomo dologoba peyu tede bidabo we bidi, augwaligo homu kolesaga te e wai pulubago homu kolesaga tiwai si dao.¹⁵ Eno mu po dagebolo obe dao, te bidi me deli aga te dwasianu wai puluba tiwai gagayu, te God bidibo madi tomoba pabo homu me isiawani bidi, aga te tomoba painu ebo usu me egobeo. Mu menio," te po wai.¹⁶ Tama olama, tama agai nogogo te wai puluba tolalu, tama augwali deli deliba nogo ugwadu munama, tama augwaliba te wiegi yai mobo mawai.

Doado bage hauwa elalubo bidide po
 (Mat 19:16-30; Luk 18:18-30)

¹⁷ Te Jisas hogodama tama ma pobadi, tama bidi me deli udada asama, tama agaba kidu sugunagaselama, tama agabolo hanalu, "Te po ola mabo wiegi yai tisa bidio, te eno magi ilama tama eno te bidabo ula selama, bugagia sesemane sogo bidada peyu bidada pogowe?" Te po wai.¹⁸ Jisasgo agabolo te po wai, "Magi baso nago ena wiegi yai da nogi obawe? God agaduba deli naga te wiegi yai dao.¹⁹ Nago te bomai po koneanio: 'Nago te bidi ela mugio. Nago te penani sę egio. Nago nai wi sigio. Nago gasa bidibolo tibo po me olamuo. Nago tibo pode gasa bidigo doado bage anoma elama sigio. Nago te naga aya de ida sigo po wali pao,' te bomai po dabe nago koneanio, te wali pao," Jisasgo te po wai. ††

²⁰ Tama te bidigo Jisasbolo weyu, te po wai, "Tisa, po ola mabo bidi, te ena wai bęąde digi gagalasa megi e sogoba usu nagasali, eno te bomai po tigidali wali pai dao."²¹ Jisasgo agaba tonaludama, tama aga dali dwagi yai homu eyu godolo mu yai. Agai agabolo te po wai, "Nage te nai me deli digi habuge yai elalubao. Nage pelama, te nago doado bage tigidali munama, tama nago tede mone selama, tama te magi nai meni

† 9:48 Ais 66:24 †† 10:4 Bom 24:1-4; Mat 5:31 ‡ 10:6 Gag 1:27; 5:2

†† 10:12 Mat 5:32; 1 Ko 7:10-11 †† 10:19 Sai 20:12-16; Bom 5:16-20

yai bidi dabeba dobayao. Tama tiyu da, te nago wiegi yai nai mu te Godigo bidibo madide elaluaibao. Tama nage ena wali asao," te po wali. ²² Te bidigo te po odama, tama aga gesabidi hulua selama, tama aga homu sege ebaso, tama aga pai. Magi baso meni, te agai doado bage hauwa elalubaso te homu yai.

²³ Te bidi taga pelama, tama Jisasgo aga wali pabo bidiba tonono bilama tama te po wai, "Te doado bage hauwa elalubo bidi dabe augwali te God bidibo madi tomoba pabo te sinabo se yaibao," te po wai. ²⁴ Tama aga wali pabo bidi dabe te pode midigi siyu noma sai. Tiali goli Jisasgo po wei augwalibolo ma ponoyu, te po wai, "Te eno ogomani dabe, te God bidibo madi tomoba painu ebo bidi, aga te sinabo se dene yaibao. ²⁵ Te moni kibu kamel te ugwa hobolobo medabu agebele tomodu dula painu da, aga te sinabo se dene me isiam te doado bage hauwa elalubo bidi te Godigo bidibidigi tomoba painu sinabo se ebo tiwai gilama me egobeo," te po wai. ²⁶ Tiali goli te aga wali pabo bidi dabe augwali te pode homu midigi mu selama, tama augwa hasi po mia siyu te po wali, "Te tiwai elalubaso da, teda de te Godigo aga ma dobola somainogusu yaibawe?" ²⁷ Tama Jisasgo augwaliba dolo ponama tonalu, te po wai, "Te we bidi dabe augwa digi tede augwali usu egobe, tiali goli God agai da, te usu yaibao. Godigo te tigidali se yainu ebo usu dao."

²⁸ Tama Pitago po me deli Jisasbolo weyu, te po wai, "Suao, da nage wali pabo bidi dabe, dago te tigidali doado bage tagalama, tama da nage wali bilibao," te po wai.

²⁹ Jisasgo te po wai, "Eno mu po dagebolo obao, tigidali bidigo enade homu kone palu, tama te Godigo wiegi yai gesi pode me koneama, tama te be, ma ama, me abe, me ida, me aya, me wai, me gi, te tigidali nai taga peyu da, ³⁰ teda Godigo augwaliba te tobage nai te 100 nedama tama wei ponaibao. Tama augwali te tude bidalubo sogo teda augwaligo be hauwa siyu, te ama me hauwa siyu, te abe me hauwa sobadi, te ida me hauwa sobadi, te wai puluba me hauwa siyu, te gi me hauwa sobadi yaibao. Tama te bidi mebago te dwai kolesaga hauwa augwaliba yaibao. Tama te nosali bidabo sogo augwali te sesemane bugagia bidada peyu, bidada pabo ula me saibao. ³¹ Tiali goli te sogo te meggi polali bidi dabe hauwa mu augwali nosali tudi badu yaibao. Tama te meggi tudi badu yali bidi dabe hauwa augwali poligi soaibao," Jisasgo te po wai.

Sela sogo wali Jisasgo aga isibode po wali

(Mat 20:17-19; Luk 18:31-34)

³² Augwali te sunumidu pelayu, tama augwali te Jerusalem moni hanuba pabo homu yai. Te Jisas poligi pelama pali. Tama aga wali pabo bidi dabe augwali homu hauwa yai. Tama augwali wali asali we bidi, augwali wi yali. Jisasgo aga wali pabo bidi te nogo si olama sagago si te augwali tedali ma selama, tama agaba pedelabo se po te po augwaliba wabo gagalali. ³³ Agai te po wali, "Odiqo, meggi da te Jerusalem hanuba paibao. Tama da teba sabolama, tama bidi me deligo

ena Godigo Bidi Mu te genuai pris bidibolo me, te Juda dabego bomai po page koneai bidi dabe augwaligo nogoba muaibao. Tama augwaligo ena po tu ilibo se elama, tama ena ela muabo po minama daq waibao. Tama augwaligo ena te Juda hani isawai bidi dabeba mawaibao. ³⁴ Tama te bage augwaligo posobo po enaba weyu, tama enaba pesa sayu, te ena subigila eliyu elama, tama ena ela muaibao. Tama sela sogo ena te gu pagede bidama, tama nosali ena Godigo Bidi Mu ena ma hodaluaibao," Jisasgo te po wai.

Jems de Jon augwali si te genuai bidi bidabo homu yali

(Mat 20:20-28)

³⁵ Te bidi Sebedigo ogwa si, Jems me Jon, augwali si te Jisasba aselama, te po agabolo wai, "Tisa bidi, da sigo te magi nai po deli nagebolo hanalu waibao, tama da sigo homugo nago te se da sibolo emainu homu ebao." ³⁶ Tama agai augwali sibolo te po wai, "Dage sigo homugo eno mena se dage sibolo emainogowe?" ³⁷ Augwali sigo agabolo te po wali, "Nosali te nage genuai tuni bidi pedalubo side, da sigo homugo te da si me deli te nago dolo nogo badu dugayu, te me nago pobase nogo badu dugayu emainu te homu yai dao," te po wai. ³⁸ Tiali goli Jisasgo te aga tamadi tama dene sabode me, te aga isibo side yabo se po, te side agai po digi po begelama, weyu, tama augwali sibolo te po wali, "Dage sigo te enabolo hanalubo naide po te dage sigo bugagia konesiama te obao. Te dage sigo eno tamadi e aji tuainu ebo kap tede te dage sigo homugo tuabo te usu dawewe? Ma, te dage sigo eno meggi sainu ebo baptais te dage sigo me te sabo homu usu dawewe?" ³⁹ Tama augwali sigo agabolo te po wai, "Te da si usu yaibao," wai. Jisasgo augwali sibolo te po wai, "Mu dao, te meggi eno aji tubo kapde te dage sigo me tueibao. Te meggi eno baptais sabo, te dage sigo me saibao. ⁴⁰ Tiali goli de te eno dolo nogode ma pobase nogode du-ayabo se, te se eno me egobeo. Menio. Godigo digi te duabo sia sai te bidi mebabolo mawainu agai sisi ilai elalubao," Jisasgo te po wali.

⁴¹ Te wali pabo bidi dabe nogo si bage augwaligo te tiali po odama, tama augwaligo te Jems de Jon si dali dwai homu mu yai dao. ⁴² Tiali goli Jisasgo augwali i olama asobo si, tama agai augwalibolo te po wai, "Dagego koneani, te Juda hani isawai we bidi hani tomode te augwa tobolu bidi dabego augwali aiya elaluabo bomu hauwa elalubao, tama augwa genuai bidi dabego te augwali bomu elama mu tonalubo dao. ⁴³ Tiali goli te kolesaga dage tomode munu me elalugobeo. Menio. Te bidi aga te dage tomode genuai bidi bidabo homu eyu da, te aga dagego se ebo bidi tiwai bidao. ⁴⁴ Tama bidi te polalubo bidi bidabo homu eyu da, teda aga te tigidali bidigo se ebo nogi meni yai bidi tiwai bidao. ⁴⁵ Magi baso meni, te ena Godigo Bidi Mu tama, tama ena me te bidigo ena tau sabo se emainu me asobeo. Menio. Ena asali, te eno augwali tau sabo se yainu asai, tama eno bidibo ulago digi te hauwa we bidi ma abelagasai dao," Jisasgo te po wai.

Te Jeriko hanu gedu widai bidi po

(Mat 20:29-34; Luk 18:35-43)

⁴⁶ Te Jisas dali, aga wali pabo bidi dabe dali, augwali te Jerusalemba pabo tɔdu pobadi, tama augwali te Jeriko hanuba sabolali. Tama agai te Jeriko tagalama pali. Tama aga wali pabo bidi dabe, te genuai we bidi hani dali, augwali aga dali pali. Tama bidi me nogi Bartimeus, te Timeus aga ogwa, aga te sunumi bogo sese badu dulaludai. Aga te gedu widai, tama te sunumidu soabo we bidi dabe augwalibolo te mone ge me doado bage momainu i udubo se iduai. ⁴⁷ Agai te Nasaret bidi Jisas asobo po odama, tama agai i wabo gagalama bomonama wai, "Jisas, nage te Devitgo Ogwa dao, nago ena homu dene eyu tau sao!" te po wai. ⁴⁸ Te bidi hauwa augwaligo aga wado iliyu, te po wali, "Nago pedauwali pania sao," wai. Tiali goli agai po daga genuai olama i wali, "Devitgo Ogwa, nago ena homu dene eyu tau sao!"

⁴⁹ Tama Jisas dolagaselama, tama te po wai, "Te aga i olama asomainao." Tama augwaligo te gedu widai bidi i olama, tama augwaligo agabolo te po wai, "Nago haliga bomom emainao. Nage hodaluao. Agai nage i obao." ⁵⁰ Tialima, aga genuai holobo ugwa peda sanama, tama polo doligulama, tama Jisas bidiboba pali. ⁵¹ Tama Jisasgo agabolo te po wali, "Nago homugo te eno magi se nagebobo emainuwe?" Tama te gedu widai bidigo agabolo te po wai, "Tisa bidi, te ena gedu ma pedelimainu elama, bulu ula ma suainogo yai." ⁵² Tama Jisasgo agabolo te po wai, "Nage piduao. Te naga enade konealubo po daj olama, naga homu enaba tialubo kolesaga ebogo te nage wiegi yai ma ilibao." Te tama polo te aga gedu usu elama, tama aga bulu ula ma suali. Tama agai te Jisas dali te sunumidu wali pai.

Jisas te Jerusalem tomoba tuni bidi tiwai pedalama pali

(Mat 21:1-11; Luk 19:28-40; Jon 12:12-19)

11 Augwali te Jerusalem moni hanu paba sabolama, tama augwali te Betfage me Betani te be nani siba sabolali, te oliv ni sili elalubo bulu du nogi Oliv te pade elaluai. Tama sabolama, tama Jisasgo aga wali pabo bidi si tagala palu, ² tama augwali sibolo te po wai, "Dage si te e pade elalubo te be naniba piao. Dage si te be nani tomoba pabode, tama polo dage sigo te megii tama holobo gesi kibu donki me deli augwaligo te haliga bonogo gebelai elalubo sueibao. Te bidi me deli tede dualasa bilisiqwai elaluaibao. Te aga gebelali haliga bono pedalama, sela asao. ³ Tama bidi me deligo dage sibolo te po weyu, 'Magi baso dage sigo te se ebawe?' obaso da, teda dage sigo te po waiyo, 'Te Genuai Bidigo agade te se elalubo, tama agai te aga polo ma tagala palaibao' po waiyo," Jisasgo augwali sibolo te po wai.

⁴ Te po obaso, augwali pai, tama augwali sigo te gesi ogwa bidi donki me deli suali, augwaligo te be me deli te sunumi pade bulu badu gebelama elaluai. Tama augwali pelama, te haliga gebelai elalubo bono pedali.

⁵ Tama te pade dolaluali bidi meba augwaligo te po augwali sibolo wai, "Dage sigo magi baso te ogwa bidi donki kibu haliga pedebawe?" ⁶ Tama augwali sigo te Jisasgo wali po tiwai gilama augwalibolo wali. Tama augwali sibolo te donki sela pao olama, augwaligo usu da po wai. ⁷ Tialima, augwali sigo te ogwa bidi donki Jisasba sela asali. Tama augwali sigo te augwa bulubo ugwa te donki tuda daiba pasugulama, tama te daide Jisas duayali. ⁸ Tama bidi hauwa augwaligo te augwa holobo ugwa dabe te sunumide wawa sili pai. Tama meba augwali te giba pelama, tama te yabe hauwa elalubo ni nologo togolama, tama te sunumiba muna muna pali, aga soabo sunumi au iliyu tama yali. ⁹ Tama te polasa pabo we bidi augwaligo me, te nosali asobo we bidi augwaligo me, te augwaligo bomom elama i wali, "Te Godigo nogi ugwaba mu sinao! Godigo te Genuai Bidigo nogide asali bidi te wiegi yai bugagia ilao! ¹⁰ Godigo megii te asobo bomom te wiegi yai ilao, te dago waj nqu te Devitgo bomom dao. Te Ugwade Mu Bidibo Godigo nogi ugwaba sao!" augwaligo te po bomom elama weyu bilali.

¹¹ Tama te tiwai eyu, Jisas te Jerusalem tomoba sabolama, tama te Moni Lotu Be tempel tomoba pelama, tama tede elalubo tigidali nai tonono bila silalio. Tiali goli te giliga dega sigulai. Tama tibaso, aga wali pabo bidi nogo si olama saqago si bidi dabe dali augwali te Betani be naniba pigii pai.

Jisasgo te Moni Lotu Be tempel bede te bisnis se iduali bidi dabe ela gudulali

(Mat 21:18-19)

¹² Te nosali sogode augwaligo te bulu Betani tagalama, tama Jerusalemba ma asobadi, tama Jisas aga nasi yali. ¹³ Agai te ni kaya me deli te dwasianu digibulu gana dolalu, tama yabe te hauwa elalubo suali. Aga te ni paba pelama, te du meba walai elalubowe naga gegainu yai. Tama aga te ni pageba sabolali, tiali goli tede te nai du walai elalubo me deli subeo. Menio. Te yabe naga elaluali. Magi baso meni, te ni fikgo du walobo sogo pedalubeo. ¹⁴ Tama Jisasgo te niba te po wai, "Nago te du munu me walamuo. Mu menio," te po wai. Tama aga wali pabo bidi dabe augwaligo te po wabo odai.

¹⁵ Augwali ma pelama, te Jerusalemba ma sabolali. Tama Jisas te Moni Lotu Be tempel be tomoba pelama, tama te be tomode bisnis se ebo bidi dabe sela sayu, ela gudulubo se gagalali. Agai te mone ge dobu si ebo bidi dabego tebol sai gea palobadi, te ba dabe dobu si ebo bidi dabego duabo sai dali gelibadi yai. ¹⁶ Tama augwalibolo agai te tobage nai dabe tolasa biliyu, te tempel Be tomodu bilibo po te augwaliba habu selali. ¹⁷ Tama agai augwalibolo te po ola mani, "Te Godigo po bukude te aseani pode e tiwai po Godigo wai po elalubao, 'Eno be da, te tigidali we bidi hanigo te enabolo gedu haluasa po omainu ebo be da' po wai. Tiali goli dagego te geme nai wi sabo bagego be pedalubo tiwai gilama ilibao," Jisasgo te po wai. ††

† 11:9 Tib 118:25, 26 †† 11:17 Ais 56:7; Jer 7:11

¹⁸ Te genuai pris dabe dali, te Juda dabego bomai po page koneai bidi dabe dali, augwaligo te se ebo po odama, tama augwaligo aga ela muabo sunumi gegebo se gagalali. Augwali agade wi yali. Magi baso meni, te tigidali we bidi augwali te agai ola mani pode te midigi eyu noma mu sai. ¹⁹ Tama te be pio ebode Jisas dali, te aga wali pabo bidi dabe badi, te augwaligo te Jerusalem tagalama palio.

Te kaya nide konea sali po

(Mat 21:20-22)

²⁰ Te nosali sogode te kigamu mu augwali Jerusalemba ma pobadi, tama augwaligo te ni kaya sasia pai suali. Te yabe me te ni pedali dali tigidali te sasia pali.

²¹ Pitago tede homugo ma kone palama, tama agai te po wai, "Tisa bidi, suao. Te do sogode nago te ni kaya dolaiba po wai. Megi te aga sasia pali dao," Pitago te po wai.

²² Tama Jisasgo augwaliba po wei ponoyu, te po wai, "Te dagego Godiba konealubo po daw olama, tama duga homu agaba tialubaso da, ²³ teda dagego te bulu dubolo po weyu, 'Nage hogodama, tama nage te tamu aiba samonao,' te po wagameo. Tama homu si me isayu, tama duga homude Godide konealubo po daw naga olama, te po weyu, 'Eno te wali po te mu po pedalaibao,' te homu mu eyu da, teda dagego te bulu dude wali po gilama te se mu pedalaibao. ²⁴ Tama tibasoo, eno dagebolo obe dao, dagego te nai me deli sainogo te Godibolo po weyu, te naide hanalu wabo po wabo side, tama dagego homude te Godide konealubo po daw olama tama te homu eyu da, 'Awe, mu da, dago te nai saibao,' te se te dagego wali po tiwai gilama pedalaibao. ²⁵ Tama dage doligulama gedu haluasa po wabo sogo, tama te duga Aya dagalude bidibo bidi agai te dagego dwai se yali sela sawainogo eyu, tama dagego te bidi me deligo te dagebolo dwai se ilali te homu kone palobaso da, teda dagego te bidigo dwai se yali te sela sawao. ²⁶ [Tiali goli te dagego gasa bidigo dwai se sela sasiabaso da, teda duga Aya dagalude bidibo bidi agai te dagego dwai se te me sela sagobeo.]" Jisasgo augwalibolo te po wai.

Jisasgo aga se yabo bomomenade saliwe?

(Mat 21:23-27; Luk 20:1-8)

²⁷ Tama augwali te Jerusalemba ma sabolai. Jisas te Moni Lotu Be tempel tomode bilibadi, tama te genuai pris bidi dabe dali, te Juda dabego bomai po page koneai bidi dabe dali, te tobolu bidi dabe me, augwali te agaba asali. ²⁸ Augwaligo agabolo te po wai, "Nago magi bomomenade elalu, tama nago te se dabe ebawe? Tama dagego te bomomenade menama, tama nagebolo weyu, te se yao po waliwe?" ²⁹ Jisasgo augwalibolo te po wali, "Eno me te eno magi nai po me deli te dagebolo hanalu wabo homu ebo. Tama dagego eno po wei ponobaso da, teda eno me te eno magi bomomenade elalu, eno te se dabe ebo po dagebolo waibao. ³⁰ Te Jongo te we bidi baptais mani se, dagego homugo te dagalude

nai da homu ebawe, ma te bidigo se naga te homu ebawe? Dagego te po enabolo wei ponao."

³¹ Tama te tobolu bidi dabe augwa digi augwa hasi po miani, "Dago te mena pogo agai po wei pon-aibawe? Dago te po weyu, 'Te dagalude nai da' po obaso da, teda agai te po waibao, 'Magi baso dagego homu aga poba begi pabewe?' te po waibao. ³² Tama dagego te po obadi, 'Te bidigo nai naga da' po obaso da, teda te po usu meni yaibao," wali. Magi baso meni, augwali te we bidide wi yai. Tigidali we bidigo homugo te Jon da, te Godigo po pusubo profet bidi da, te homu yai. ³³ Tama tibasoo, te tobolu bage augwaligo Jisasba po wei ponoyu, te po wai, "Dago konebeo." Tama Jisasgo augwalibolo te po wai, "Eno me te eno magi bomomenade elalu, te eno te se dabe ebo po te dagebolo eno me wagobeo," wali.

Te bono du gi tonalubo bagede po digi po begelama wali po

(Mat 21:33-46; Luk 20:9-19)

12 Tama Jisasgo te po meba begelama, te Juda dabego genuai bagebolo wai. Agai te po wali, "Te bidi me deli agai te bono du wain gi bulama, tama obogo bagulali. Tama agai te wain bono du ai sabo agabo madi nigilama, tama te gi tonalubo bidigo bobage sigi be me deli se yani. Tama agai te gi te bisnis se yainogo ebo bidi dabe mebage nogoba muai. Tama aga digi te aga digibulu bulu habuba palio. ² Te nosali aga te bodolu sogo pedalubaso, teda agai te se bidi me deli te wain gide se ebo bidi dabe bidalubo madiba tagala palai. Agai homugo te gide nai meba te agaba momainu yai. ³ Tama augwaligo te se bidi pageabi elama, tama aga dodologia elama, tama aga olo ma tagala palalio. ⁴ Tama te gi page bidi agai gasa se bidi me te augwaliba tagala palali. Tama augwaligo aga tobolude gagai ilama, tama agaba dwai se ilali. ⁵ Tama agai se bidi me dedeli ma tagala palai. Tama augwaligo te bidi aga ela muai. Tama agai se bidi hauwa mu ma tagala palai. Tama augwaligo meba olo eliyu, tama meba te augwaligo ela muyu yali. ⁶ Tama agai bidi deli mu ma elalualio. Te aga ogwa, agai godolo mu yai. Nosali mu agai te ogwa te wain gi se ebo bidi dabe bidalubo digi ma tagala palali. Agai te tiwai homu yai, 'Te augwaligo eno ogwago po odaiba' homu yai. ⁷ Tiali goli te gide se yali bidi dabego augwa hasi tomode po mia siyu, augwaligo te po wai, 'Te e bidigo te aga ayago doado bage tigidali nosali saibao. Te bageo, dago te aga ela muinao. Tama dena digi te gi tolaluaibao,' te po wai. ⁸ Tama olama, te augwaligo aga selama, ela muai. Tama augwaligo aga tigi te gi sesege bulu badu sawani."

⁹ "Tialima, te wain gi page bidi agai magi yaibawe? Te aga aselama, tama te gide se yali bidi dabe te augwali ela muaibao. Tama agai te gi te gasa bidi meba augwaligo nogoba mawaibao. ¹⁰ Dagego te Godigo po bukude aseani po me deli dagego nedebewe? Agai e tiwai po wali dao:

Te se bidi dabego sela sawani masigi, megida aga

te be polalubo kele ni tiwai daꝯ elalubo masigi pedalai elalubao. ¹¹ Genuai Bidigo digi te seꝯ pedalumainu ilali, tama dago sulama, te wiegi yai mu yai.†

Dagego te po polobadu nedebeve?" Jisasgo te po wali.

¹² Te Juda dabego tobolu bidi dabe augwaligo Jisas pageabi elama tuainu yali, tiali goli augwali te we bidide wi yai. Augwaligo koneani, Jisasgo te po digi po begelama, te augwali tobolu bagede wai. Tama augwaligo aga taga peyu, tama augwali palio.

Te gavmanibolo takis mabo seꝯe po

(Mat 22:15-22; Luk 20:20-26)

¹³ Tama nosali te Juda dabego tobolu bidi dabe augwaligo te Farisi meba dali, te Herot wali pali bidi meba me augwali tagala palama, te augwali Jisas bidiboba pali. Augwaligo te Jisas usu sabo po meba wainogo yai. ¹⁴ Augwali aselama, tama augwaligo agabolo te po wai, "Tisa, po ola mabo bidi, dago koneani, nage mu po wabo bidi dao. Tama nago homugo te bidi delide homu naga me egobeo. Nago te nogi yai bidi dali gasa po me tedali weyu, te nogi meni yani bidi dali gasa po me tedali weyu me egobeo. Menio. Nago te mu pode naga te Godigo kolesaga te we bidi augwali ola mayu ebao. Nago mena homu ebawe? Te dago takis te Rom gavman tuni bidi mu Sisar agabolo mobaso, tebogo dago te Godigo bomai po bolobowe, ma meniwe? Dago mawaibawe, ma dago magobewe?" Augwaligo te po wai.

¹⁵ Tiali goli Jisasgo augwaligo te tibo po wabo te agai koneama, tama agai augwalibolo te po wai, "Magi baso dagego ena usu sobawe? Te mone ge me deli sela aselama, eno sueibao," te po wai. ¹⁶ Tama augwaligo te mone ge me deli sela asali. Tama agai augwalibolo hanalu wali, "Te e mone gede elalubo noma me te aseani nogi te dego dawewe?" Tama augwaligo te po wai, "Te gavman tuni bidi Sisargo dao." ¹⁷ Tama Jisasgo augwalibolo te po wei ponani, "Te Sisar gavmanigo nai, te dagego Sisarbolo maiꝯo. Tama Godigo nai, te dagego Godibolo maiꝯo," wali. Tama augwali te pode noma mu sali.

Te bidi isaꝯa ma hodalobo po

(Mat 22:23-33; Luk 20:27-40)

¹⁸ Megi da te Sadyusi hani bidi meba augwali te Jisasba asali. Te hani augwaligo te homu yai, te isali bidi ma hodalogobeo wai. Tama augwaligo agabolo hanalu wagasali. ¹⁹ "Tisa, po ola mabo bidi, Mosesgo te po me deli aseꝯu, dabolo te tiwai bomo yai po wai: te bidi me deli isaꝯa, tama agai wai meni yani, tiali goli aga we te bididubaso da, teda te bidi aga amago te we selama, tama aga isali ama tau siyu, te wai ame nomainogo yao, te Mosesgo dabolo te bomai po mawai dao.

²⁰ Tialima, te ama a naga olama me badu si bidai. Te gomunai bidigo we sali, tama nosali aga isali, tama

wai me ame nisiꝯawai. ²¹ Tialima, tomo bidigo te we sali, tama aga me isai, tama wai me ame nisiꝯawai. Tama te tudi badu bidigo me tiwai yai. ²² Te tiwai naga ela pidubadi, tama te a naga olama me badu si ama dabe tigidaligo te we sesa pali goli, te wai me ame nisiꝯa, tama augwali isila pai. Tama nosali mu, te we me isali. ²³ Tialima nosali te isai we bidi dabe ma hodalobode, te sogo te we aga te dego we mu bidigowe? Nago koneani, te bidi a naga olama me badu si bidi bagego te we te augwaligo selama bidai," te Sadyusi bagego te po wai.

²⁴ Tama Jisasgo augwalibolo te po wai, "Dagego te Godigo po bukude elalubo po page me konebeo. Tama te Godigo bomo me dagego konebeo. Tama tibaso, dagego te we bidi ma hodalobode wabo po geda muyu obao. ²⁵ Te isai bidi dabe te guꝯ page tagalama ma hodalobo sogode, te isai we bidi augwali te bidigo we ma siyu me egobeo. Menio. Te augwali te dagalude bidalubo ensel mobo bidi dabe bidalubo tiwai gilama bidaluaibao. ²⁶ Tiali goli te isai bidi dabe ma hodaluaiba po wabo, te dagego te Mosesgo aseani bukude te dwasianu nide sia dali po wali te po nedebo meniwe? Te wali pode Godigo te po Mosesbolo te polobadu isali bidi dabede wai, 'Ena te Abrahamgo God, me Aisakgo God, me Jekopgo God te dao,' te po wai. ²⁷ Tama te po page e dao, ma te bidi dabe selago mobo noma isigi sogo da, teda God da augwaligo God me meniwi da. Tiali goli te tiwai elalubeo. Menio. Aga da, te bidibo ula elalu bidalubo bidi dabego God dao. Te dagego po te mu geda muanio," Jisasgo te Sadyusi bidi dabebolo te po wai.

Godigo hasia polalubo bomai po

(Mat 22:34-40; Luk 10:25-28)

²⁸ Te Juda dabego bomai po page ola mabo bidi me deli aga asama, tama agai te augwa hasi konila po wabo odali. Tama agai odobadi, te Jisasgo wiegi yai po augwaliba wei ponobo po odali. Tama agai Jisasbolo hanalu wali, "Mena bomai po agai te tigidali bomai po aiyaba elaluama, tama te polalubo dawewe?"

²⁹ Jisasgo po wei ponoyu, agabolo te po wai, "Te polalubo bomai po te e dao:

'Dage Israel hani we bidi, dagego odiꝯo! Genuai Bidi, dago God, aga deli digi naga te dago Genuai Bidi dao. ³⁰ Tama nago te Genuai Bidi godolo mu yao, te nago God dao, te nago homu tigidaligo me, te nago noma bidi tigidaligo me, te nago homu kolesaga tigidaligo me, te nago bomo tigidaligo me te aga godolo mu yao.' ††

³¹ Tama te si wabo bomai po te e dao:

'Nago gasa bidi godolo eyu, te nago naga godolo ebo tiwai gilama yao.'

Te gasa bomai po te genuai elama, tama te bomai po si te aiyaba me elaluai me elalubeo," Jisasgo te po wai.

³² Tama te bomai po page ola mabo bidi agai te tiwai po Jisasbolo wai, "Tisa, po ola mabo bidi, nago po te wiegi yai. Mu dao, God agaduba deli naga te Genuai

† 12:11 Tib 118:22-23

†† 12:30 Bom 6:4-5

Bidi, tama gasa bidi me bidibeo.³³ Dago aga godolo mu ebo, te tigidali homugo me, te tigidali kolesagago me, te tigidali dago bomogo tama tiao. Tama dago gasa bidi godolo yainu te denade godolo ebo tiwai gilama yao. Dago te bomai po si wali pali da, teda te kolesagago te dago te Godibolo siaba tigidali te hasa ulubo ofa ilibo te tigidali aiyaba elaluama, tama te gasa ebo ofa tigidali me te aiyaba elalua silaibao," te bidigo te po wai. †

³⁴ Jisasgo te bidigo po wei ponobo po odali, te wiegi yai kolesaga koneai bidigo po wabo tiwai gilama yali, tama Jisasgo agabolo te po wali, "Nage te God dologoba pabo te nagede digibulu me elalubeo," te po wai.

Te sogo gagalama tama tigidali bidi dabe augwaligo usu sabo po meba te Jisasbolo hanalu wabo te augwali wi yai dao.

Jisasgo te Kraisi po augwaliba hanalu wali

(Mat 22:41-46; Luk 20:41-44)

³⁵ Jisas te Moni Lotu Be tempel tomoba pelama bidiyu, tama te we bidi dabe augwaliba po ola mabo se yai. Tama ebadi, agai te po hanalu wali, "Magi baso te Juda dabego bomai po page ola mabo bidi dabego te po wabo, te Kraisi, Godigo te we bidi tau somainu daj ilali bidi, te aga te Devitgo ogwa da po magi baso wabo dawo?"³⁶ Te polobadu Godigo Tedali Mobo Bidi-go te Devitbolo te homu kolesaga mobaso, tama Devitgo digi te po wai,

'Genuai Bidi agai te eno Genuai Bidibolo te tiwai po wai dao: "Nage eno dolo nogo badu duayagasao, te nosali te eno nago boi bidi dabe aiyaba elaluama, tama augwali nago dologoba muabo sogo usu nagasaibao," te po wai.'

³⁷ Devitgo digi aga te Genuai Bidi nogi yali. Tama tibo, te mena tama te Genuai Bidi aga te Devitgo bulai wai pedalaibawe?" Jisasgo te po wai.

Te bomai po koneai tisa dabego kolesagade dua dao po wai

(Mat 23:1-36; Luk 20:45-47)

Te genuai we bidi hani augwaligo te Jisasgo ola mani po odoyu, wiegi yai homu pemene yai.³⁸ Tama Jisasgo augwali ola mayu, tama agai te po wai, "Dage te bomai po page koneai bidi dabe dua dao. Augwali te bobage gudubo ugwa belama pabo homu godolo ebo dao. Te we bidi sisinibo pesagede te we bidi augwalibolo te siade da wabo te augwaligo godolo naga ebo dao.³⁹ Augwali te bomai po ola mabo lotu bede te we bidi gesabidi badu te polalubo ni namide duayabo godolo ebo dao, tama te genuai nai da tubo sogode te augwali te polalubo ni namide duayabo homu godolo ebo dao.⁴⁰ Augwaligo te augwa bidi isai we dabe tibo po weyu, tama augwaligo be dabe wi siyu ebo dao. Tama te ebo kolesaga mesegelainogo eyu, tama augwaligo tibo gedu haluasa po bobage weyu ebo dao. Te Godigo po tu ebo sogode te bidi dabe augwaligo genuai sege mu saibao," Jisasgo te po wai.

† 12:33 Hos 6:6

Doado bage meni yai wilawe we agai Godiba ofa mani

(Luk 21:1-4)

⁴¹ Jisas te Moni Lotu Be tempel tomode bidiyu, tama aga te Godibolo ofa maiabo mone ge mubo halobage pade dulalulai. Tama agai te we bidi dabego te halobageba mone ge tulagasobo suali. Tama doado bage hauwa elalubo bidi dabego masigi hauwa tulagasu yai.⁴² Tama aga bidi isai wilawe we, te doado bage meni yai we me deli, aga aselama, tama te dwasianu nogeai mone ge si te halobage tomoba bulagasali, te mama yai dwasianunu masigi si naga dao.⁴³ Tama Jisasgo aga wali pabo bidi asomainu i olama, tama augwalibolo agai te po wai, "Eno mu po dagebolo obao, te aga bidi isai wilawe we, te doado bage meni yai wego, agai te mone ge muani, te tialigo te tigidali we bidigo te halobageba mone muani mone te aiyaba elalualio.⁴⁴ Magi baso meni, te tigidali we bidi augwaligo te mone ge hauwa elalu, tama augwaligo meba naga te halobageba muani. Tiali goli te we aga te mu menia sai digi, tama agai aga mone tigidali te halobageba muani, tama aga nai me badu abela tubo te mu meni dao," Jisasgo te po wai.

Te tigidali nai silabo sogo asobo po

(Mat 24:1-2; Luk 21:5-6)

13 Jisasgo te Moni Lotu Be tempel tagalama sobadi, tama aga wali pabo bidi me deligo agabolo te po wali, "Tisa, po ola mabo bidi, te e Moni Lotu Be tempelde elalubo genuai genuai masigi me te masigigo nigali wiegi wiegi yai be dabe elalubao suao," te po wali.² Tama Jisasgo agabolo te tiwai po wei ponani, "Nago te elalubo genuai be dabe suyu, obe dawo? Te nosali augwaligo te masigi me daide te gasa masigi manalubo te gogoloyu me sula tagalogobeo. Menio. Te augwali tigidali pebedama, aiyaba sasawaibao," te po wai.

³ Tama nosali Jisas te Oliv bulu dude dualalu, tama te Moni Lotu be tempel u badu pedaide elalubo suali. Tama Pita, me Jems, me Jon, me Andru, te augwali naga agaba aselawali. Tama augwaligo agabolo hanalu wali,⁴ "Nago dabolo wao, nisu sogo te sege te Moni Lotu Be tempelba pedalugowe? Mena daj bolo hasia pedalubo si, tama dago koneai elalubadi, megida te sege dabe te pade pedalaiba homu elalugowe?"

⁵ Tama Jisasgo po augwaliba pusa mayu, te po wai, "Dage dua dao. Tiyu te bidi me deligo dage ili po ola mayabuo.⁶ Te bidi dabe hauwa augwali aselayu, tama ena nogi ilama, tama augwaligo te po waibao, 'Ena digi ena te bidi dao.' Tama augwaligo te we bidi hauwa tibo po ola mawaibao.⁷ Tama me, nosali dagego te boi hwjabo kulukulu wabo po me, te boi hwjabo po sabili-po po me odobaso da, teda dage asesa polo tama norma siyu, midigi munu me elamuo. Te sege dabe pedaliyu da yaibao, tiali goli te dagalu de to si silabo sogo bodolu te me elaluaibao.⁸ Te bidi hani me deligo te gasa bidi hani me dali wabi hwjaibao. Tama me tuni bidi hani me deligo te gasa tuni bidi mego hani bidi dali

te wabi hwaiabao. Te me badu pedai badu te t̄ mali eyu, tama augwali nasi genuai elaluaibao. Te s̄ ebo te wego hasia wai ame nainu dene pedalubo tiwai gilama te hasia pedalaibao.”

⁹“Duga digi te bugagia tonaluīo. Te augwaligo dage te augwa kaunsilba po t̄ ela mawaibao. Tama augwaligo dage te juda dabego bomai po odobo lotu be tomode elaibao. Te augwaligo ena nogi aiyaba elalubabo homu elama, tama augwaligo dage te gavmaniba me te tuni bidi gesabidiba dodolaibao. Tama tebode te dagego te Godigo gesi wiegi yai po te augwaliba pusa mao. ¹⁰Te tigidali t̄de bidibo hani bidigo te Godigo gesi wiegi yai po pusubo bidigo po hasia odoyu bolo yaibao. ¹¹Tama augwaligo dage nogo tulama, tama dage te po t̄ba odasa pabo sogo, dage wi eyu te homu me elamuo, ‘Te dago te po t̄de mena po wagowe?’ Menio. Tigidali po Godigo dageboto te sogode digi menama, te dagego pusumainu yaibao. Magi baso meni, te duga digi te po me pusugobeo. Menio. Te Godigo Tedali Mobo bidi agai te po pusaibao. ¹²Tama tobage s̄ pedalubo sogo te bidi dabego augwa ama dabe te boi bidi dabego nogoba munama, te augwali ela mumainu yaibao. Tama te aya dabego me te ogo mani augwali te boi bidi nogoba muyu, te tama tiaibao. Tama te ogwa me wegi me augwaligo me te augwa aya ida dabe te boi bidi nogoba munama, tama augwali ela mumainu yaibao. ¹³Tama tigidali bidi dabe augwaligo dage dali dwai homu mu yaibao. Eno nogi dagede elalubaso, tama augwaligo te tiwai kolesaga yaibao. Tiali goli te mena bidigo bomu elama dolaludubadi te dagalu de t̄ dali si siligi pabo sogoba usu nagasali bidi, te aga da, Godigo ma dobola saibao,” Jisasgo te po wai.

¹⁴“Tama te bulu dolabo dwai dwai nai mu dagego sueibao. Aga da, te habu selai elalubo bulu te badu doligi soaibao.” (Te po nedebo bidi agai homude bugagia kone palao.) “Tama te s̄ ebo sogode te Judia t̄ pedai badu bidibo we bidi augwali te bulu duba wi pelawaibao. ¹⁵Tama te aga be daide ugwadu bidibo bidi aga te aiyaba dulama, te be tomoba doado bage sigulainu ebo te usu munu me egobeo, aga olo naga wi pao. ¹⁶Tama te sogo aga gide bidibo bidi, aga begasa pelama, te kedaude gudubo ugwa me beba sigi pelamuo, te aga olo naga wi pao. ¹⁷Te haliga elalubo we dabe, me te sogo wai ame mabo we dabe, te augwali hobede mu dao! ¹⁸Tama dagego te Godibolo gedu haluasa po waiȳo, te s̄ dabe te moni kedau sogode pedelabuo. ¹⁹Magi baso meni, te sogode te genuai s̄ge mu elaluaibao. Te Godigo tigidali nai nigali sogo gagalasa, te meḡ e sogoba usu nagasu, te tiwai s̄ge te polobadu me pedalis̄wai. Tama nosali me te tiwai s̄ge meni yaibao. ²⁰Tama Genuai Bidigo te sogo bodolu te hagana selama, p̄wadage iligi menigi da, teda te tigidali we bidi hagagi dao. Tiali goli agai te sa muyu d̄j̄ ilali we bidi augwalide homu kone palama elaluali. Tama tibaso agai te bodolu sogo p̄wadage sogo ilama elalubo dao.”

²¹“Te sogode, te bidi me deligo dagebolo weyu, ‘Suao, te Krai ede bidibao,’ ma ‘Suao, aga ude bidibao,’ te po obaso da, dagego te pode homu d̄j̄ me olamuo. ²²Magi baso meni, te bidi meba te sogo aselama, tama tibo po weyu, te tiwai po waibao, ‘Ena Krai da,’ ma ‘Ena te Godigo po pusubo profet bidi me deli dao,’ tama augwaligo te bidigo susīwai bomai s̄ eyu, tama gasagi gasagi yai s̄ dabe yaibao. Mu tama, te augwali usu yali homu ebogo da, teda augwaligo te Godigo augwali sa muyu d̄j̄ ilali we bidi tibo po ola menama, tama augwali tulalumainu yaibao. ²³Tama tiyu dage dua dao. Te s̄ me pedalis̄badi eno te tigidali s̄ yabo po te dagebolo wai dao,” Jisasgo te po wai.

Nosali te Godigo Bidi Mu asaibao

(Mat 24:29-31; Luk 21:25-28)

²⁴Jisasgo po me weyu, te po wai, “Tiali goli te genuai s̄ge hasia bolo ela silama, tama te sogode te giliga gehulia selama, tama te polua me ula isīama, ²⁵tama te dagaludu h̄ dabe tudaluaibao. Te dagalude elalubo bomai nai tigidali te mumunu yaibao. ²⁶Tama te tebo sogode teda augwaligo te Godigo Bidi Mu te dagalu tomodu te p̄ me deli daide ugwadu dualasa asobo sueibao, te aga genuai bomu me genuai wiegi yai ula elalubadi te asaibao. ²⁷Tama te sogo te aga ensel mobo bidi dabe augwali tagala palama, tama augwaligo te aga sainu sa muani we bidi augwali sisinigiluaibao. Te agai te tigidali t̄ pedai badu sesa biligiluaibao. Te dagalu de t̄ dali si ununani te sesege tigidali habuba mu usu nama augwali sisinaibao,” Jisasgo te po wai.

²⁸Tama agai po me weyu, te po wai, “Dagego te ni kayade kolesaga konea sao. Te ni aga nologo āj̄ elalu, tama te gesi yabe hogonu pedalubo sogo, dagego koneani, te poi pibo sogo wiegi yai giliga nanobo sogo pedelainu ebo, te homu ebo dao. ²⁹Te tiwai gilama naga, nosali dagego te suali te s̄ pedalubaso, teda dagego koneaibao, te ena ma asobo sogo te p̄ba yagaselama, tama te sunumide elalubao. ³⁰Eno mu po dagebolo obe dao: te meḡ e sogode bidalubo we bidi dabe augwali me isis̄badi, tama te s̄ tigidali pedalubo sueibao. ³¹Te dagalu de t̄ dali si da, te mu sia saibao, tiali goli eno po da, te munu me hagayu, te sia siyu me egobeo. Te me elalua paibao,” agai te po wai.

Te bidi me deligo Krai asabo sogode te bodolu me konebeo

(Mat 24:36-44)

³²Te Jisasgo po ma weyu, te po wai, “Tiali goli te bidi me deligo te asabo sogode te bodolu me konebeo. Te dagalude ensel mobo bidi dabe augwaligo me te me konebeo. Te Godigo Ogwago me agai me konebeo. God Ayago naga agai te asabo sogo bodolu koneai elalubao. ³³Dage dua dao. Dagego tonalu bidīo. Te nisu sogo pedalabo te dagego me konebeo

† 13:14 Dan 9:27; 11:31; 12:11 †† 13:19 Dan 12:1; Ped 7:14

‡ 13:24 Ais 13:10; Ese 32:7; Jol 2:10, 31; 3:15; Ped 6:12 †† 13:26 Dan 7:13; Ped 1:7

dao. ³⁴ E tiwai elaluaibao. Te bidi me deligo te aga be tagalama, te gasaba pelama biligi pali. Hasia bolo agai te se ebo bidi dabebolo te agai doado bage tolaluabo po wali, tama agai te se bidi deli deli augwalibolo te se dobayali. Tama agai te be sunumi tonaluabo bidibolo te po wali, agai te sunumi bugagia tonalua po wai.

³⁵ Tama te dagego me te tiwai gilama bugagia tonalua. Te be page bidi aga nisu sogo asabo te dagego konebe. Te aga pio asogowe, ma huli tomode asabo me, ma te be posainuba po obadi me, ma te kigamu asabo me, te dagego konebe dao. ³⁶ Tiyu aga te deli sogo naga mu polo tama asiyu, te dage pila mubadi aga asidali weyu, tama dage tonaluyu bidia. ³⁷ Eno dagebolo te mabo po, te po eno tigidali we bidibolo obao, dage tigidali te bugagia tonalua!" Jisasgo aga wali pabo bidi me si me si augwalibolo te po wai.

Te tobolu bidi dabe augwaligo te Jisas ela muabo po wai

(Mat 26:1-5; Luk 22:1-2; Jon 11:45-53)

14 Te sogo te Juda dabego olo bidiyu, te bo disawai bret nai tuabo sogo nogi Pasova, te tuabo side te pedelabo bodolu si elaluali. Tama te genuai pris dabego me te bomai po page koneai bidi dabe augwaligo te po wai, "Mena tama tilama, te dago Jisas geme pageabi elama, tama aga ela muaibawe?" ¹² Augwaligo te po miyu, tama te po me wai, "Dago te tiwai se te olo bidibo Pasova side me egobeo. Tiyu te we bidi augwaligo wabi hwjabo se hodolabuo," te po wai.

Wego Jisas toboluba te denami ebo nai sanda gelali

(Mat 26:6-13; Jon 12:1-8)

³ Te Jisas hogodama, te Betani be nani teba te oiyabe gasi sai bidi nogi Saimongo beba pali. Aga te tebol saide duagi pelama, tama nai tuyu bidibadi, tama me me deli asali, tama agai te gasa sawi yai botol masigide te wiegi yai denami ebo nai sanda elaluali, te nai abelabo mone te genuai mu dao. Tama agai te botol dalama, tama te denami yai sanda te Jisas toboluba gelali. ⁴ Tiali goli meba te bidaluali bidi, augwaligo homu dwai yali. Augwa hasi po mia siyu, te tiwai po wai, "Magi baso te wiegi yai denami ebo sanda olo dali hagamainu ebowe?" ⁵ Dago te nai te bidi dabego abele-mainogo egi sogo da, teda dago te mone te 300 kina sigi sogo da, tama te doado bage meni yai we bidi dabe augwaliba magi dao." Tama te homu elama, augwaligo te webolo wado po wali.

⁶ Tiali goli Jisasgo te po wai, "Dagego te we sege mabo tagalao. Magi baso dagego agabolo sege mobawe? Te agai wiegi yai kolesaga enabolo ebao. ⁷ Sesemane sogo te doado bage meni yai bidi dabe te augwali dage dali bididuaibao. Tigidali sogo dagego augwali tau siduabo homu idubaso da, teda tu elaluaibao. Tiali goli te ena da, te dage dali sesemane sogo me bidigobeo. ⁸ Te wego yabo homu yali se, te agai te

se yalio. Agai ena tigiba te denami wel muani te ena gu pageba mumainogo sisi iliyu yai. ⁹ Eno mu po dagebolo obao, te tigidali tu pedaide augwaligo te Godigo gesi wiegi yai po pusubo se ela pabode, te augwaligo e wego te yali se de po mimi peyu, tama augwali tede homu kone palaibao," Jisasgo te po wai.

Judasgo Jisas te boi bidi dabego nogoba maiabo po daw wai

(Mat 26:14-16; Luk 22:3-6)

¹⁰ Te wego te sanda nai Jisasgo toboluba gelali sogo, te sogo te 12 wali pabo bidi me deli, te Judas te Keriot bulu bidi, aga te genuai pris dabe augwali bidibo digi pai. Agai te Jisas augwali nogoba mawainu yai. ¹¹ Augwaligo te wabo po odama, te augwali wiegi yai homu pemene yai. Tama augwaligo agabolo te masigi meba maiabo po daw wai. Tama Judasgo te me sogo te Jisas augwali nogoba muabo sunumi me deli gegebo se ebo te sogo galalali.

Jisas aga wali pabo bidi dabe augwali dali te Pasova nai tualii

(Mat 26:17-25; Luk 22:7-14, 21-23; Jon 13:21-30)

¹² Te Juda dabego te yis meni yai bo disawai bret nai tuabo si pedalali. Tama te polasa gagalobo sogode augwaligo te Pasova nai tuabo sipsip kibu wai eliyu ebo dao. Tama Jisas aga wali pabo bidi dabego Jisasbolo po weyu, te po wai, "Nago homugo dago te tubo nai menaba sisi iligi pelama, tama nago te Pasova nai tuaibawe?" ¹³ Tialima, Jisasgo te augwali si naga tagala palu, tama augwali sibolo te po wai, "Dage si te Jerusalem hanu tomoba pia. Tama te sene we tulama sela asobo bidi me deligo dage si te sunumide sueibao. Dage sigo aga wali pia. ¹⁴ Aga te be me deli tomoba pabo si da, teda dage sigo te be page bidi agabolo te tiwai po waiyo, "Te Tisa, po ola mabo bidi, agai te po wali, "Te eno ena wali pabo bidi dabe dali te Pasova nai tuabo madi te be habu nigilali te menade elalubowe?" te po wao. ¹⁵ Tama agai dage sibolo te ug-wadu sigide elalubo te be habu ola mawaibao, tede te tebol sai me, duabo sai me te sisi ilai elaluaibao. Dage sigo da tuabo nai te be habude sisi ilao," Jisasgo te po wai.

¹⁶ Tialima, te wali pabo bidi si palio. Augwali si te hanuba sabolama, tama augwali sigo te Jisasgo augwali sibolo wali po tiwai gilama yai. Tama augwali sigo te tuabo nai Pasova sisi ilali. ¹⁷ Te sogo be pio ebode Jisas aga wali pabo bidi dabe dali aselawai. ¹⁸ Augwali te tebol saide dudulaluyu tama nai tutuladu, tama Jisasgo te po wai, "Eno mu po dagebolo obao, te dage tomode bidi me deli agai ena te ena dali boi bidi ebo bidi dabe augwaligo nogoba mawaibao. Te ena dali megai nai tubo bidi me deligo tama tiaibao," te po wai.

¹⁹ Te wali pabo bidi dabe augwali homu sege elama, tama augwali deli deligo aga hanalua pabo galalali, "Te enawe?" te po wai. ²⁰ Jisasgo augwalibolo te po wai, "Te dage nogo si olama saqago si bage te me dedeli tomode dao. Te ena dali te nogo talua te pou tomoba

muyu, tubo nai sabo bidi te dao. ²¹ Awe, mu tama, te Godigo Bidi Mu aga isaibao, te agade te tiwai po te Godigo po bukude aseani po tiwai isaibao. Tiali goli te Godigo Bidi Mu te boi bidi dabe nogoba muani bidi da, te aga hobedagia mu ebaol! Te bidi aga idago aga me ame nagi menigi da, te usu egi da, aga bugagia bidigi da," Jisasgo te po wai.

Jisasgo te komunion nai augwalibolo mani

(Mat 26:26-30; Luk 22:14-20; 1 Ko 11:23-25)

²² Augwali te Pasova nai tutuladubadi, tama Jisasgo te bret me deli selama, tama Godiba puba hwi olama, tama pebedama, tama augwalibolo mani. Tama agai te po wai, "Dagego sela tuao. Te eno tigi dao." ²³ Tama agai te wain we tabiali kap me deli selama, tama Godiba puba hwi olama, tama augwalibolo mani. Tama augwali tigidaligo tede wain aj tudu pela silali. ²⁴ Tama agai augwalibolo te po wai, "Te da, te eno kaneme dao, tama te kanemego te Godigo aga we bidi tau somainogo eyu mani po te day walobao. Eno te kaneme gelebogo te we bidi hauwa umabo mu tau saibao. ²⁵ Eno mu po dagebolo obao, eno te wain du kaneme aj munu ma tusiabadi te eno gesi aj te Godigo we bidi tonalubo madide tubo sogoba usu nigi paibao," Jisasgo te po wai.

²⁶ Tama augwaligo te Godigo nogi ugwaba sabo teabi po me deli olama, tama augwali te be tagaluyu, tama Jerusalem hanu bulu badu pelama, tama te Oliv bulu duba pelawai.

Jisasgo te Pitago aga tudiba muaibao po wai

(Mat 26:31-35; Luk 22:31-34; Jon 13:36-38)

²⁷ Te Jisasgo augwalibolo te po wai, "Te dage tigidaligo ena taga peyu, tama wi paibao. Magi baso meni. Te Godigo po bukude elalubo po me deli tiwai dao, te Godigo wali po e dao, 'Eno te kibu sipsip tonaluali bidi elibaso, tama te sipsip dabe wi tedela paibao,' te po wai dao. ²⁸ Tiali goli ena te gu pagede ma hodaluama, tama dage asomainu ena polasa te Galili to pedai teba paibao," Jisasgo te po wai.

²⁹ Pitago agabolo te po wai, "Te e bidi tigidaligo augwaligo nage taga peyu wi pobaso da, tagalao, magigo meni, te eno nage taga pogobeo," te po wai. ³⁰ Tama Jisasgo agabolo te po wai, "Eno mu po nagebolo obao, megie e sogo hulide, te ba kakaruk po si sogo wasiabadi, tama nago ena konebeo po te sela sogo waibao." wali. ³¹ Tiali goli Pitago po bomo elama mu weyu, "Tagalao, te ena nage dali isibaso, te usu dao. Tiali goli eno te nage konebeo po munu me wagobeo. Mu menio!" Tama Jisas wali pabo bidi dabe tigidaligo augwaligo me te tiwai po naga ola pai.

Jisasgo te Getsemani gide Godibolo gedu haluasa po wai

(Mat 26:36-46; Luk 22:39-46)

³² Te augwali peyu, tama te gi me deliba sabolali, te gi bulu nogi Getsemani. Tama Jisasgo aga wali pabo bidi dabe augwalibolo te po wai, "Dage ede bidaluiyo. Ena God dali po wagi painu homu ebaol." ³³ Tama agai te Pita, me Jems, me Jon, te bage sela selama, tama augwali aga dali pali. Megi da, te aga homu moni sege eyu, tama aga kone palu te aga dwai homu mu yai. ³⁴ Tama agai augwalibolo te po wai, "Te eno homu sege mu eyu, te pade ena isabo homu ebaol. Dage ede bidaludu tama bugagia tonaluaol," wali.

³⁵ Tama aga dwasianu pelama gana, tama toba basi gulama, tama agai gedu haluasa po wai. Te Godigo usu da wida, te dwai denego aga te sogo ela somainu homu yai. ³⁶ Agai te po wali, "Aya, nago te tigidaligo se ebo usu dao. Eno homugo nago enaba megie te ped-alainu ebo te dene dagala samainu homu ebaol. Tiali goli nago te eno homu wali me pelamuo. Menio. Nago te naga homu wali naga pao," Jisasgo te po wai.

³⁷ Tama aga ma geasa pelama, tama te wali pabo bidi dabe pila mubo suali. Tama agai Pitabolo te po wai, "Saimon, nage pila mudubawe? Nago te bodolu pade yagasobo te tonaluabo te usu esiayu egobe daweo?"

³⁸ Tama agai te augwali selabolo te po wai, "Dagego bugagia tonaludu, gedu haluasa po waiyo. Tiyu te dage usu sabo naigo te dage gege asabuo. Mu tama, duga noma bidi dabe te dwagi yai se yabo homu ebo dao. Tiali goli duga tigigo bomol soq pobao," agai te po wai.

³⁹ Tama aga ma pelama, gedu haluasa po wagi pai. Te aga hasia gedu haluasa po wali tiwai ma wali, te gedu haluasa po tiwai naga Godibolo ma weyu yai dao. ⁴⁰ Tama aga ma aselama suali, te aga wali pabo bidi dabe augwali godege pila mubo suai. Te augwaligo gedu sege mu elalui. Tama augwaligo agabolo te mena po agabolo wainogo yabo te augwaligo me konebeo.

⁴¹ Jisasgo te sela sogo aga Ayabolo po wagi peyu yali silama, ma aselama, tama agai augwalibolo te po wai, "Dage pila mudu tama toma nedu edubawe? Tama dao! Suao, megie da bidi me deligo te ena Godigo Bidi Mu te dwai sege sai bidi dabego nogoba muaibao.

⁴² Dage hodaluama, tama da pinao. Suiyo, te boi bidigo nogoba ena mawainogo ebo bidi te augwali aga dali asai dao," Jisasgo te po wai.

Augwaligo Jisas nogol tuali

(Mat 26:47-56; Luk 22:47-53; Jon 18:3-12)

⁴³ Jisasgo po odubadi, tama polo te Judas, te wali pabo bidi 12 te augwali me deli, aga asai. Te genuai bidi hani aga dali asai, tama augwaligo te po pai hwa bobage hwa ge bainat me sesemone wabi me te tolasa asai. Te genuai pris dabego me, te Juda dabego bomai po page koneai bidi dabego me, te Juda dabe tobolu bidi dabe badi, te augwaligo te tagala palobaso

te augwali Judas dali asai. ⁴⁴ Tama te Jisas augwali no-goba maiabo bidi agai te daji me deli augwali mawaibao po weyu, te po wai, "Te eno bidi me deliba kisa sigi pelama nono naibao. Te bidi aga te Jisas dao. Dagego aga pageabi elama tulama, tama aga bugagia amua elama, tama aga selasa pião," wai.

⁴⁵ Tialima, Judas aga sabolama, tama Jisasba polo pelama, tama te po wai, "Tisa, po ola mabo bidi," te po wai. Tama agai Jisasba kisa sagaselama, nono nai.

⁴⁶ Tama tibaso, augwaligo nogo Jisasba munama, tama aga pageabi yai. ⁴⁷ Tiali goli te Jisas wali pabo bidi dabe pãde te dolaluali bidi me deli, agai te aga elaluali bobage ge hwa kega selama, tama te tobolu pris bidigo se ebo bidi elama, tama aga olo togolama, tama tãba tulaluali. ⁴⁸ Tama Jisasgo te asali bidi dabebolo te po wai, "Dagego ena sagasu, tama dagego te poa pai bobage hwa me sesemone wãbi me tolasa asali, te dagego nai wi sai bidi me deli sagasobo tiwai gilama yainu te yali da, agawe? Magi basowe? ⁴⁹ Tigidali sogode te ena dage dali te Moni Lotu Be tempel tomode dulalu, tama eno te Godigo po dagebolo ola mawai, tama dagego ena nogo tulama pageabi me ebeo. Tiali goli dagego enade megì ebo se ebogo te Godigo po bukude elalubo po meba te mu pedalumainu ebaõ," Jisasgo te po wai.

⁵⁰ Tama aga wali pabo bidi dabe tigidali augwaligo aga taga peyu, tama augwali wi pelawai. ⁵¹ Tama gesi bidi me deli te Jisas wali asudai, tama agai tigde te tedela yai nami ugwa naga gudasa asiduai. Tama augwaligo aga pageabi elama tuali. ⁵² Tiali goli aga te tedela nami ugwa taga peyu, tama aga tigi olo naga elalubadi te aga wi pai.

Augwaligo Jisas te kaunsilgo gedude po tu ilali

(Mat 26:57-68; Luk 22:54-55, 63-71; Jon 18:13-14, 19-24)

⁵³ Tama augwaligo Jisas te tobolu bidi prisgo beba odasa pai. Tama tigidali genuai pris me te Juda dabego tobolu bidi dabe me te augwa bomai po page koneai bidi dabe, te augwali aselama, te beba sisinagasali.

⁵⁴ Tama Pita te Jisas pabo wali pali, tiali goli aga te dwasianu digibulu gana bidai. Aga te tobolu pris bidigo be bagulali obo tomoba pai. Tama aga te enesigi bidi dabe dali dualalu, te augwaligo kedau nainu noganì siade te aga tigi kedau neduali. ⁵⁵ Tama te genuai pris dabego me te tigidali kaunsil dabe augwali te bidi dabe meba i olama asobo side, te augwaligo te Jisasgo yali kolesaga po pusumainu yai. Augwaligo te aga ela muabo homu ebaso, tama te dwai se yali sunumi me deli te gegali. Tiali goli te augwaligo agai dwai se yali te me gegebeo. ⁵⁶ Te bidi dabe hauwa augwaligo agade te tibo po kisilali, tiali goli augwaligo po te tiwai si me ebeo. ⁵⁷ Tama te bidi meba augwali doligulama, tama tibo po te Jisasba kisilama weyu, te po wai,

⁵⁸ "Dago odali, agai te tiwai po wai, 'Te eno digi eno te bidi dabego nogogo se yani te Moni Lotu Be tempel te aluaibao. Tama nosali te be eno te sela sogode gasa dodolama se yaibao, tiali goli te be te nogogo me se egobeo,' agai te po wabo dago odalio," augwaligo te

po wai. ⁵⁹ Tiali goli augwaligo te wali po te me geda muyu, tama te po tiwai si me ebeo. Bidi mego pusali po te gasagi yai tedali dwasianu yai, tama gasa bidigo po me tedali gasagi yai po wai, te tiwai si meni. Te usu ebeo.

⁶⁰ Tama te tuni bidi pris mu te tomode dolaluyu, tama Jisasbolo hanalu wali, "Nago te po deli me wei begelesiãma ebawe? Te nageba kisilama wabo pode te nago magi ebawe?" ⁶¹ Tiali goli Jisas aga pedauwali panialu, tama te agabolo po me deli wei me ponobeo. Te tuni bidi pris bidigo agaba ma hanalu wali, "Nage Kraiss, te magi dwai se deli me isiãwai te Godigo Ogwa dawè, ma meniwe?" ⁶² Tama Jisasgo te po wai, "Te ena tama dao. Tama nosali dagego te Godigo Bidi Mu te Tigidali Bomo Elalubo Godigo dolo nogode dualama asobo dagego sueibao. Tama aga te dagalu tomodu te po me deli daidu dualasa asaibao," wali.

⁶³ Tama Jisasgo te po wabo te tuni bidi pris bidi sebe eyu, tama aga gudaluali ugwa pisila sayu, tama te po wai, "Dago te gasa bidigo e bidigo yali se de po wabo me odogobeo. Te tagalao. ⁶⁴ Dagego odalio, agai te Godiba posobo po wai. Dagego mena homu ebawe?" Tama augwali tigidaligo te tiwai po Jisasde wai, "Agai dwai se yai elalubaso, tama aga isimainao." ⁶⁵ Megì da augwali mebago gagalama, te aga pesa sayu yai. Tama augwaligo te nami ugwa pedaigo te aga gedu paniama, tama augwaligo aga elama, tama augwaligo te po wai, "Nago te haniani se de koneai profet bidi tiwai eyu tama po wao. Dego nage elaliwe?" Tama te ami bidi dabego aga selama, tama aga subigila dodolama elali.

Pitago te po wali, "Eno Jisas konebeo," wai

(Mat 26:69-75; Luk 22:56-62; Jon 18:15-18, 25-27)

⁶⁶ Pita te aiyadu bidali, te be bagulali obo tomode bididuai. Tama te tuni bidi pris bidigo se ebo we me deli asali. ⁶⁷ Tama te we agai te Pita aga te siade tigi kedau nedubo suali. Tama te se ebo wego te aga dolo ponama tonalu, tama te po wai, "Nage me, nage te Nasaret bulu bidi Jisas dali bidai dao." ⁶⁸ Tiali goli Pita go po weyu, menio te tiwai po wai, "Eno nago te wabo po eno me konebeo." Tama aga te be obo sunumi pa badu buluba doligi soali. Tama ba kakaruk po me deli wai.

⁶⁹ Tama tede me te se ebo wego aga ma sulama, tama agai te pãde dodolalubo bidi dabe dali po ma weyu, te po wai, "Te e bidi da, aga te Jisas wali pabo bidi me deli dao." ⁷⁰ Tiali goli Pitago po ma weyu, "Menio," wali. Nosali dwasianu bidama gana, te aga pãde dodolaluali bidi dabe augwaligo te po ma Pitabolo wai, "Mu tamao, nage te augwali hani bidi dao. Nage te Galili bulu bidi naga dao," te po wai. ⁷¹ Tialima, megì da Pitago po bomonama weyu, te po wai, "Te eno megì te mu po naga wasiãyu da, teda Godigo ena elimainao. Eno dagego te po wabo bidi me konebeo."

⁷² Tama polo te ba kakaruk hwa si sogo wai. Tama Pitago te Jisasgo agabolo wali po te homugo ma kone palali, "Te ba kakaruk po si sogo wasiãbadi, tama nago

po sela sogo wagi soyu, nago ena konebeo po waibao," wai. Tama Pita aga dwai gela mu wai.

Te Rom gavman tuni bidi Pailat agai Jisas osola suali
(Mat 27:1-2, 11-14; Luk 23:1-5; Jon 18:28-38)

15 Te kigamu mu te genuai pris dabe dali, te tobolu bidi dabe me, te bomai po page koneai bidi dabe me, te tigidali kaunsil dabe badi, te augwaligo po me deli miani. Tama augwaligo Jisas te bonogo nogo si dunama, tama augwaligo aga selama, tama aga te Rom gavman polalubo tuni bidi Pailat agabolo mawai dao. ² Tama Pailatgo agabolo hanalu wali, "Nage te Juda dabego tuni bidi da, agawe?" Jisasgo po wei ponani, "Naga digi nago te tiwai po obao." ³ Tama te genuai pris bidi dabe augwaligo agaba te po hauwa kisilama wali. ⁴ Tama tibaso, Pailatgo agaba ma hanalu wali, "Nago te po me deli wei me ponosiama, ebawe? Odao, augwaligo te po hauwa nageba kisilama obao," te po wai. ⁵ Tiali goli Jisasgo te po deli wei me ponobeo. Tama tibaso, te Pailat aga noma mu sali.

⁶ Te tigidali kibu bede te Juda dabego te Pasova olo bidiyu toma nabo side, te gavman bidi Pailat agai te kalabus bidi me deli te olo tagala palu yai. Te Juda we bidi augwa digi te bidi me deli nogi nogi ilama tagala palumainu i obaso da, teda Pailatgo te bidi augwaliba tagala palu yai. ⁷ Tama te sogo te bidi me deli te kalabuside bidai, te aga nogi Barabas. Aga te gavman bidi dabe dali wabi hwjai bidi dabe augwali dali kalabus yai bidai. Te hani augwaligo te wabi hwjina, tama augwaligo te bidi meba ela muai. ⁸ Tialima, te we bidi augwali sabalu, tama augwaligo te Pailatba i waliyu, te agai polobadu te augwalibolo ebo tiwai te emainu i wai. ⁹ Tama Pailatgo po wei augwaliba ponoyu, te po wai, "Te dagego homugo eno te dage Juda dabego tuni bidi Jisas te dageba tagala palumainu homu ebawe?" ¹⁰ Magi baso meni. Agai koneani, te genuai pris bidi dabego te homu dwai Jisas dali naga elama, tama augwaligo aga te po tupa odasa asai.

¹¹ Tiali goli te genuai pris bidi dabego te we bidi dabe augwaligo homu hodoloyu, te augwaligo Pailatba i waliyu, te Barabas augwaliba tagala palao po wai. ¹² Tama Pailatgo po augwaliba ma wali, "Tama dage te Juda dabego tuni bidi nogi ebo, eno te bidi aga magi yaibawe?" ¹³ Augwaligo te i ma wai, "Aga te ni pedaide elao!" ¹⁴ Tama Pailatgo augwalibolo te po wai, "Magi basowe? Agai magi dwai se yaliwe?" Tiali goli te we bidi augwaligo po dagay weyu i bomonama wai, "Te aga ni pedaide elao," wali. ¹⁵ Tama Pailatgo homugo te we bidi augwaligo aga dali dwagi yai homu emainao homu yali. Tama tibaso agai te kalabus bidi Barabas te augwaliba tagala palali. Tama agai Jisas te ami bidi dabe augwali nogoba menama, te augwaligo aga dene mayu, dwai bigo eliyu elama, tama aga te ni pedaide elimainu yai.

Te Rom ami bidi dabe augwaligo Jisasba te dwai posobo po wai

(Mat 27:27-31; Jon 19:2-3)

¹⁶ Te Rom ami bidi dabe augwaligo Jisas te gavman bidi Pailatgo be obo bagulali tomoba odasa pelama, tama te be mesalode augwaligo te tigidali ami bidi dabe asomainu i wai. ¹⁷ Augwaligo te mama yai nami ugwa me deli selama, te Jisasba gudulali. Tama augwaligo te sesani yai bono me deligo te madi nigilama, tama augwaligo te Jisas toboluba muai. ¹⁸ Tama augwali hodalu, doligulama, tama agaba nogo dodoloyu, te po wai, "Giligade dao, te Juda dabego tuni bidi dao!" ¹⁹ Tama augwaligo aga toboluba te wawi yai sigi dili me deligo elali. Tama augwaligo agaba pesa sawai. Tama augwaligo kidu sugunu gulama, tama augwaligo tibo po naga weyu, te aga genuai bidibolo ebo kole-saga tiwai yali. ²⁰ Augwaligo te gisugu mabo se me te dwai posobo po dabe aga dali ola silibo si da, teda augwaligo agaba te gudulali mama ugwa te augwa peda selama, tama augwaligo aga ugwa te agaba ma gudulali. Tama augwaligo aga te ni pedaiba walainu selasa palio.

Augwaligo Jisas te ni pedaide walali

(Mat 27:32-44; Luk 23:26-43; Jon 19:17-27)

²¹ Bidi me deli, Saimon te Sairini bulu bidi, te Aleksander me Rufus sigo aya, aga aselama, tama te Jerusalem hanu tomoba painu soali. Tama te ami bidi dabe augwaligo agade bomu eyu, agai te Jisas elabo ni pedai te agai tolao wai. Tama agai te ni pedai tolasa pabo gagalali. ²² Tama peyu, augwaligo Jisas te bulu du me deli teba sela pali, te aga nogi Golgota. Te nogi page te e tiwai dao, te tobolu dili tiwai bulu du dao. ²³ Augwaligo te Jisasbolo te wain aji dali taluali marasin aji mawainu yai, te aga tigi dene silabo marasin tiwai elalubao. Tiali goli agai me tubeo. ²⁴ Tialima, augwaligo aga te ni pedaide ela daganama, tama te ami bidi dabe augwaligo te agai gudali ugwa tigidali te augwa dobola sai. Augwaligo te satu gagali elama, dego te mena ugwa te daji elama sainu tiali. ²⁵ Te giliga ula daji ebo kigamu tama, te augwaligo aga te ni pedaide daganama walali. ²⁶ Tama te ni pedaide ugwadu te augwaligo aga po tujilali po aseai. Augwaligo e tiwai po aseai dao, "Te Juda dabego tuni bidi dao," te po aseanama te ni pedaide elaluali. ²⁷ Te Jisas walali ni pedai pade augwaligo te nai wi sai te dwai se yai bidi augwali si te gasa ni pedai side walali. Augwaligo te bidi me aga te dolo nogo badu waliyu, tama me agai pobase nogo badu waliyu yai. ²⁸ [Tama tialima te Godigo po bukude aseani po me deli te mu pedalai. Te e tiwai po wai dao, "Augwaligo aga dali te dwai bidi dabe dali nedali."]

²⁹ Tama te augwali eda soyu, ugwa peyu ebo we bidi augwaligo dwai posobo po agabolo weyu yai. Augwaligo tobolu pemeyu, tama po wai, "Ia, nago te Moni Lotu Be tempel aluama tama te sela sogo naga ma se yaiba wali bidi dao. Behede! ³⁰ Megi da, naga digi na-

ga tau sao. Nage te ni pedaide daganalubo tagalama, tama nage aiyaba dulao," te po wali. ³¹ Te genuai pris bidi dabe dali te juda dabego bomai po page koneai bidi dabe, augwaligo me te dwai posobo po wai. Augwaligo te augwa hasi tomode digi te tiwai po wai, "Agai te gasa we bidi dabe tau sali, tiali goli aga digi aga tau sabo usu ebe. ³² Te bidi Kraisi wabo, te da Israël dabego tuni bidi, aga te ni pedaide daganalubo tagalama tama te t̄ba aiya dulubaso, tama dago sula-ma, tama dago agade konealubo po daḡ waibao," genuai bage augwaligo te po wai. Te bidi si augwaligo te Jisas paḡe te ni pedaide walali, te bidi me deligo me te dwai posobo po agabolo wai.

Jisas isalio

(Mat 27:45-56; Luk 23:44-49; Jon 19:28-30)

³³ Te nai tubo belo wabo giliga tomode, te tigidali t̄ badu be huli si ela selama, te giliga dega sigi painu ebo teba usu nani. ³⁴ Tama te giliga dega sainu ebode te Jisasgo po daḡ bomonama weyu, te po wai, "Eloi, Eloi, lama sabaktani?" E tiwai po wai, "Eno God, eno God, magi baso nago ena tagalubawe?" ³⁵ Tama te paḡe dodolaluali bidi meba augwaligo te po odama, tama augwaligo te po wali, "Odiḡo, agai te Elaija i obao." ³⁶ Tama bidi me deli udada pelama, tama te wawi yai bola tiwai nai selama, tama te nai te olo wain aḡ te naiba gelama, tama te sigi dili me delide munama, tama Jisas agabolo te tumainu ugwaba mawai. Tama te bidigo te po wai, "Meo, dago suyu bolo yaibao. Te bidi Elaija asama, aga te t̄ba aiya sela du-laiba homu egowe, ma meni egowe?" te po wai.

³⁷ Tama Jisasgo po daḡ bomonama mu olama, tama aga isalio.

³⁸ Te sogo naga tama te Moni Lotu Be tempel tomode daḡ tiwai walalobo genuai nami ugwa, te ugwa te ugadu pedasa dulali te aiyaba sabolali, tama te moni nami ugwa pedai si pedelai. ³⁹ Tama te ami bidi dabe augwa genuai bidi aga te Jisas paḡe dolalubadi aga te tiwai elama isibo suali. Tama agai te po wai, "Mu tama, te bidi aga te Godigo Ogwa dao."

⁴⁰ Te we dabe meba me te digibulu gana dwasianu dodolalu, tama augwaligo me tononaluali. Te augwali tomode bidali we me deli te Makdala moni t̄ we Maria dao. Tama we me deli te Maria, te nogi sabi si wali, te bidi Jems me Joses tega sigo ida. Te bidi Jems aga nogi me Gesi Bidi dao. Tama we me deli aga te Salome dao. ⁴¹ Polobadu Jisas te Galili t̄de bidibadi, tama te we dabe augwali aga wali biliyu, tama aga tau sai. Tama te gasa we dabe hauwa me bidali, augwali te moni hanu Jerusalemba Jisas dali asai dao.

Augwaligo Jisas pubulali

(Mat 27:57-61; Luk 23:50-56; Jon 19:38-42)

⁴² Te be pio ebode te Arimatea t̄ bidi nogi Josep aga asali. Aga te juda dabego genuai kaunsil hani bidi me deli, tama agai nogi wiegi yai elalualui. Agai me te Godigo we bidi tonaluabo sogo asobo tonaluyu bidali. ⁴³ Do

tama da wabo side te Sabat sogo pedelabo elalubaso, tama megi pio te haniani nai sisi ebo sogo elalualui. Tama tibaso Josep aga te Pailat bidibo be tomoba pelama, te aga gesabidiba doligi pelama, tama aga wi me ebeo. Menio. Agai te Jisasgo tigi sabo po agabolo hanalu wali. ⁴⁴ Te pode Pailat aga noma sali, tama te po wai, "Aga polo isai dawe?" Tama agai te ami polalubo bidi kepten i olama asobo side, tama agabolo hanalu wali, "Te Jisas isaliwe, ma meniwe?" ⁴⁵ Agai te ami tuni bidi keptengo po odama, teda agai Josepbolo te po wai, agai te tigi somainao. ⁴⁶ Tama Josepgo te tedela moni nami ugwa abelama, tama agai Jisas tigi te ni pedaide daganaluali te aiyaba sela dulai. Tama agai aga te tedela ugwago bebe pelama, tama aga te gḡ page me deli tomoba muai. Augwaligo te gḡ page te genuai ola be masigi tomode nigai. Tama Josepgo te moni masigi me deli hogogo bele pelama, tama te ola be gḡ page dedage elalubo te paniai. ⁴⁷ Te Maria Makdala t̄ we me te gasa we Maria dali, te Josesgo ida, augwali sigo tononaluali, tama augwaligo te Jisas mubo pesage augwali sigo suali.

Jisas ma hodaluai

(Mat 28:1-8; Luk 24:1-12; Jon 20:1-10)

16 Sabat sogo bidama silai madi, tama Maria te Makdala t̄ we, te gasa Maria dali, aga da te bidi Jems aga ida, tama te gasa we nogi Salome, te we sela augwaligo te wel me te gasa wiegi yai denami ebo nai me abelai. Augwaligo te Jisas tigiba piligi pabo homu yai, aga tigi polo daumua pidali weyu tama yai. ² Te kigamu mu te wik polasa gagalobo sogo augwali te gḡ pageba pai. ³⁴ Tama pobadi augwa hasi po mia siyu, te po wai, "Dego da tau selama, tama te gḡ page paniani masigi hogogo bele pogowe?" Magi baso meni, te masigi te genuai bage mu dao. Tama paḡa sabolama, tama augwaligo tonono pobadi, tama augwaligo suali, te gḡ page paniani masigi te me elalubeo. Menio. Bidi me deligo te masigi hogogo bele pai. ⁵ Augwali te gḡ page tomoba pobadi, tama augwaligo te gesi ogwa bidi me deli te dolo nogo badu dualalubo suai. Aga te bobage tedela ugwa gudai elaluai. Tama augwali noma siyu midigi siyu wi yali. ⁶ Tama agai augwalibolo te po wai, "Dage midigi siyu noma me selamuo. Eno koneani, dage asali te Nasaret bidi Jisas gegagasali, aga augwaligo te ni pedaide walali. Aga hodaluai! Aga te ede me bidibeo! Te augwaligo aga muani pesage te elalubo suiḡo. ⁷ Tiali goli dagego te aga wali pali bidi dabebolo wagi piḡo, tama Pitabolo wao, 'Jisas aga te dage asabo madi te Galili t̄ba polasa pobao. Te agai polobadu wali po tiwai gilama, te dagego aga te Galili t̄de sueibao,'" agai te po wai.

⁸ Tama te we dabe augwali te gḡ page tomoba pali te buluba solama, tama augwaligo te gḡ page tagalama wi soai. Augwali didibili elama, tama augwali homu te midigi siyu dwai noma sali. Tama augwaligo te bidi me deli dali te po deli me wabe, magi baso meni, te augwali wi yai.

† 15:29 Tib 22:7; 109:25; Mak 14:58; Jon 2:19

Maria te Makdala tɔ we agai Jisas suali

(Mat 28:9-10; Jon 20:11-18)

⁹ [Jisas te kigamu mu te sɛ polasa gagalobo sogo tede hodaluali. Tama aga hasia te Makdala bulu we Mariaba pedelai. Te we polobadu Jisasgo te dwai haubo noma bidi te nogo a naga olama me badu si elalubadi sela sawani te we dao. ¹⁰ Te we Maria agai Jisas sulama, tama aga pelama, te Jisas dali wali bilali bidi dabebolo te aga suali po wagi pai. Te bidi dabe augwali homu sɛgɛ elama, tama augwali gela weyu bidaludai. ¹¹ Maria agai te po augwalibolo wai, "Jisas aga te bidibo ula elalu bidibo tama eno سوالio." Tama augwaligo te po odama, tama augwaligo homu te po-ba daɣ me wabeo.

Te wali pali bidi sigo Jisas te sunumide suali

(Luk 24:13-35)

¹² Tama nosali te wali pali bidi sigo te moni hanu Jerusalem tagalama, tama te sunumidu pai. Tama Jisas te gasagi yai hasegelama, tama augwali siba pedaligi pai. ¹³ Tama augwali sigo aga sula koneama, tama augwaligo te po te gasa wali pali bidi dabeba pusugi pai. Tiali goli augwaligo te augwali sigo wali poba homu daɣ me wabeo.

Jisasgo augwalibolo te Godigo po pusugi pabo sɛ mani

(Mat 28:16-20; Luk 24:36-49; Jon 20:19-23)

¹⁴ Nosali badu te wali pali bidi dabe nogo si olama saɣago deli te augwali dugulama nai tubadi, tama Jisas te augwaliba pedelai. Te augwaligo agai wali po-ba augwa homu daɣ me wasiɣbaso, tama agai augwaliba wado ilali. Magi baso meni, augwaligo olo te palialu, tama te we bidi augwaligo suali, aga te ma ho-

daloai yali po wabo te augwaligo homu teba daɣ me wabeo. ¹⁵ Tama agai po augwaliba weyu, te po wai, "Dage te tigidali tɔ habu pedaiba pelama, tama te enade gesi wiegi yai po te tigidali we bidiba pusa mao. ¹⁶ Te enade konealubo po daɣ olama, tama aga homu enaba tialuyu tama te baptais sabo bidi, aga te Godigo ma dobola selama, tama aga bidi da waibao. Tiali goli te enade te konealubo po daɣ me wasiɣwani bidi, aga te po tɔ ebo sogode hagawaibao. ¹⁷ Godigo te bomai sɛ meba te enade homu daɣ wabo bidi dabego no-gode pedalumainu ilaibao. Te eno nogide augwaligo te dwai haubo noma bidi dabe sela saɣo sɛ yaibao, tama augwaligo te bidi dabego odisawai gesi noma po te pusuyu yaibao. ¹⁸ Te augwaligo augwa nogo te bidi gaɣ kelebo dwai hasamaniba mubaso, ma te kone-siɣbadi augwaligo te bidi isibo nai tubaso da, teda te hasamanigo me te isibo naigo me augwali dologobeo. Tama augwaligo nogo te gasi sai we bidiba mubo si da, tama te gasi sai bidi dabe usu ma yaibao," Jisasgo te po wai.

Godigo Jisas selama te dagaluba pai

(Luk 24:50-53; Tpi 1:9-11)

¹⁹ Genuai Bidi Jisas agai po augwaliba pusa silama, tama Godigo aga selama te dagaluba holai. Tama megida, aga te Godigo dolo nogo badude dualalu bidibao. ²⁰ Tama te wali pabo bidi dabe augwali pelama, tama augwaliba te ola mani po te tigidali tɔ pedai badu pelama, te po pususu biligi pai dao. Tama Genuai Bidi te augwali dali sɛ eyu, tama te augwaligo nogode te haniani bomai sɛ ebogo agai hania hanilali, te augwaligo ola mabo po te mu po naga dao.]

† 16:19 Tpi 1:9-11

Dwagi Yai Gesi Po Lukgo Aşani

Hasia nedebo tau sabo po

Te Jisasde po aşani bidi nogi Luk aga te Israel hani isawai bidi bidiyu, tama agai Grik po wali. Agai te munamuna mabo şe yali, te dokta bidi bidai. Tama me sogo aga Pol dali te haniani tþba pali. Agai e bukude elalubo po te Grik bidi me delibolo aşana tolali. Lukgo te Jisasgo te haniani şeşę dali dene tolobo olo we bidi dali homu dene eyu godolo eyu, tama agai augwali tau sali şe te Lukgo dabolo waselebo dao.

Lukgo Jisasde aşani po meba te gasa bidi dabe Matyu me Mak me Jon augwali selago aşębeo, te Luk agaduba naga te po aşani. Te Jisas aga ame nane sogode pedelali şe po me, te aga ogwade bidali po me, te agai pusali po digi po begelali po meba me, te tobage po te Lukgo naga aşani. Te bidi Lukgo po te bukude naga aşanama silibeo. Menio. Luk agai naga dago te nogi ebo "Godigo şęba tagala palai bidigo po" nogi wabo buku te me Lukgo aşani

Lukgo Tiofilusbolo aşanama mawai po

1 Genuai bidi Tiofilus, polobadu te bidi hauwa augwaligo te Godigo polobadu da tomode yali şe po aşębo homu eyu bugagia sina wai dao.

² Augwaligo te şe gagalobo te gedugo suali bidi dabego po siyu wali pai dao. Te gedugo suali bidi dabe augwaligo te po pupusu bilai dao. ³ Tama tibaso, eno me te po naga aşanama, nagebolo tolainu te ebao. Hauwa sogo mu te şe pagede eno te şe gedugo suali bidi dabebolo hanalu wai dao. Megi eno bugagia dodolama, te aşęyu te ebao. Tialima, deli po naga tama dao. ⁴ Tama nago polobadu augwaligo nagebolo ola mani po mu yai daba homu emainu, eno te po ma te aşana tolobao.

Enselgo Sekaraiabolo Jon ame naibao wali

⁵ Te bidi nogi Herot te Juda bagego gavman tobolu bidi bidibadi, polobadu Israel hani augwa pris bidi me nogi Sekaraia bididualio. Agai hani sibi nogi Abiya sibi da, te hanide pris bidai bidi dao. Te Sekaraiago Aron hani sibi we nogi Elisabet sai. Te Aron hani sibi me te pris şe ebo hani bidi bidai. ⁶ Te bidi Sekaraia dali aga we dali si te God gedude dolasa bidiyu, te God tonaludubadi, te augwali sigo dwai şe me ebeo. Augwa si Godigo bomo yai po tigidali wali pidu digi, te Genuai Bidigo po dabe me tigidali wali palio, tama augwali sigo dwai şe me ebeo. ⁷ Tiali goli augwali si wai menio. Te we Elisabet aga haliga daş wai. Te Elisabet dali Sekaraia dali augwali si monu dabe mosi dabe eyu, wai ame nabo usu meni yai.

⁸⁻¹⁰ Te Sekaraia aga dali deli şe ebo bage şęba asalio, te Moni Lotu Beba, te Sekaraia aga paşę wali

bodolude, te şede dagalali. Tama tibaso, Sekaraia agai aga pris şe eyu, tama aga te denami yai nai siago ulubo şe egi palio, Godigo gesabidide. Te ebo şe page da, te Godibolo gedu haluasa po pusubo tiwai. Tama tibaso, aga te Moni Lotu Be tempel tomoba pelama, tama te denami yai nai siago uludubadi, we bidi te bulu badu tonaludu, augwaligo Godibolo gedu haluasa po weyu bidali.

¹¹ Tebadi yaide, Godigo ensel bidi me deli dulama, te denami yai hano holobo pesage doloba polo badu dolalubo suali. ¹² Tama Sekaraiago Godigo ensel bidi dolalubo sulama, moni noma sali, wi yali. ¹³ Tiali goli, te enselgo agabolo te po wali, "Sekaraia, nage wi tagalao. Te Godigo nago agabolo hanalu wali po odalio. Naga we Elisabetgo nago ogwa me deli ame naibao. ¹⁴ Nago te ogwa nogi Jon poao. Aga ame nabo si, dage si me gasa we bidi hauwa me bugai homu naga yaibao. Magi baso meni. ¹⁵ Godigo gesabidide agai nogi genuai elaluaibao. Agai diluai weş dabe tulamuo. Te Jon aga ame nabo sogo gagalama, Godigo Dwagi Yai Mobo Bidi aga dali bidaibao. ¹⁶ Te Jon agai te Israel we bidi dabe hauwa te God augwa Genuai Bidiba ma begasa asao po wabo bidi dao. ¹⁷ Agai te Godigo po polobadu pusa mawai bidi Elaijago yali şe me, bomo me tigidali selama, Genuai Bidi nosali asaibao obaso, te Jon aga polasa paibao. Agai te aya dabego homu hasegelama, wai bęş hobede emai yaibao. Me agai te po sela şabo bidi dabego homu hasegelama, augwali doloba pai bidigo homu somai yaibao. Agai bidi hauwa sisi elama elaludu, Genuai Bidi asabo tonalu mai yaibao. Tama tibaso, te we bidi augwaligo te Jonde bugai homu mu yaibao," te ensel bidigo te po wali. †

† 1:5 1 Sto 24:10

†† 1:15 Nam 6:3 ‡ 1:17 Mal 4:5-6

¹⁸ Te po olama, Sekaraiago te ensel bidibolo hanalu te po walio, "Te eno we me, ena me, te da si mosi dabe monu dabe yai dao. Mena tama ma nago te po eno mu dao wagowe?" ¹⁹ Tama ensel bidigo te po wei ponoyu te po wai, "Ena nogi Gebriel dao. Ena God gesabidide dolalubo dao. God aga digi ena tagala palama, nagebolo dwagi yai po pusigi pa tobo obaso, nagebolo te po pusagasiyu te obao. ^{†20} Nago odao. Nago eno wali po mu dao homu isaşbaso da, nago pedauwali dagana saibao. Dagana selama, nago po me wasiaşbadi, eno po tu sisu pabo bodolude nage doloa paibao. Te eno po tu sisu pao wali bodolude te se şayibao," ensel bidigo te po wali.

²¹ Te gasagi yai nai pedalobaso, Sekaraiago u be tomode tonalubadi, te we bidigo aga magi yaliwe homu yali, aga magi baso gesegebawe homu yali. ²² Tama nosali aga buluba asama, po wabo usu ebeo. Agai nogogo naga bagi ela bilali. Tama augwaligo te tama tebo sulama, "U be tomode magi nai sualiwe namao," wali.

²³ Te Sekaraia aga se şilabo bodoluba yagasobaso, aga buluba soali. ²⁴ Tama nosali aga we Elisabet haliga yalio. Aga bede dualalubadi, polua a naga palio. ²⁵ Elisabet agai te po wai, "Te Genuai Bidigo ena olo dali tau selama, isabo magade eno wai saibao. Tama tialigo we bidi gesabidide ena hale yai goli, megı agai te hale sela şawai dao," Elisabet agai te po wali.

Ensel bidigo Mariabolo Jisas ame naibao po walio

²⁶ Te we Elisabet haliga elama, polua a naga olama, me badu nogo deli wagisu, tama Godigo te ensel bidi nogi Gebriel te bulu me nogi Nasaretba pao walio. ²⁷ Gesi wegi me te bidi Josepbolo noma po wai, te wegi nogi Maria dao, "Te wegi pageba po pusigi pao," te Godigo te enselbolo te tama po wali. ²⁸ Te bidi Josep te Devitgo hani bidi dao. Tama te ensel bidi Gebriel te Maria pageba pelama, "Giligade dao," te po wali. "Genuai Bidigo nage megı hobede yalio, nage bugai homu yabo se şyalio. Aga nage dali bidibao," wali.

²⁹ Te wegi Mariago te po odobo si, aga homu tuş palio. Agai homugo e bidigo magi po nama wabowe, te homu yali. ³⁰ Tama te ensel bidigo Mariabolo "Nage wi egio," te po wali. "Godigo nage dali dwagi yai homu ebao. ³¹ Edao! Nage haliga yaibao. Nage haliga elama, ogwa tega paibao. Te ogwa nogi nago Jisas poao. Aga genuai bidi bidaibao. ³² Tama Godigo te po waibao, 'Aga nogi Genuai Godigo Ogwa dao,' waibao. Godigo aga genuai bidi nigilaibao, aga nıu Devitgo yali gilama. ^{†33} Te tigidali sogo Jekopgo hanigo genuai bidi bidaibao. Aga te we bidi sesemane sogo tonaluaibao," te enselgo te po wali. ³⁴ Tama Mariago enselbolo te po hanalu wali, "Ena bidigo we menio. Tama magi ilama, tama tiwaibawe?" ³⁵ Tama te ensel mobo bidigo po wei ponoyu, te po walio, "Te Godigo Mobo Bidi asama, tama agai bomogo nage mesegalueibao. Tama tibaso, nago tega pabo wai nogi Godigo nogi poaibao, 'Dwai se şaşbo ogwa dao,' waibao, 'Te Godigo Ogwa dao,'

waibao. ³⁶ Edao. Naga be bidi we Elisabet mosi dabe mu bidai goli, agai ogwa haliga elalubao. Polobadu augwaligo te wego wai ame nogobeo wai dao. Tiali goli, megı aga haliga elalubadi, polua a naga olama, me badu nogo deli polo pai dao. ³⁷ Godigo me isişwai se ş me menio," te ensel bidigo te po wali. ^{†38} Tama Mariago te po wali, enselbolo, "E. Ena Genuai Bidi agai se ş ebo we dao. Eno homugo nago enabolo wali po tu sisu pomai yaiba," te po wali. Tama te enselgo Maria taga palio.

Mariago Elisabet sugi pali

³⁹ Te tamadi ganama, ensel dali po miani elalubadi, Maria aga Judia hanude bulu du meba palio. ⁴⁰ Teba sabolama, aga Sekaraiago beba sabolama, Elisabetbolo "Giligade dao" wali. ⁴¹ Tama Mariago "Giligade dao" wali po obadi, Elisabetgo haligade elaluali wai mobodo yalio. Te Godigo Dwagi Yai Mobogo Elisabet beasagasalio. ⁴² Tama Elisabetgo midigi sali, Mariabolo daş olama, te po wai, "Te Godigo nage dali dwagi yai homu mu ebe yabao, gasa we dabe aiyaba elalualio. Nago uda haliga elalubo ogwago me tama naga te waibao, olo bidi dabe aiyaba elaluaibao. ⁴³ Godigo ena te moni dwagi yai se ş magi baso maniwe, te eno Genuai Bidi aga idago ena suagasali. Te ena genuai we menio. ⁴⁴ Edao! Nago enabolo 'Giligade dao' wabo odama, eno haligade elalubo waigo dwagi yai homu eyu, mobodo yalio. ⁴⁵ Genuai Bidigo nagebolo wali poba nago homu begi pai yabao. Tama teyu, nage bugai homu mu te ebao. Nosali Genuai Bidigo yaibao wali se ş tu sisu paibao," Elisabetgo te po wali.

Mariago wali teşabi po

⁴⁶ Te Mariago te po wali, "Eno homugo da Genuai Bidigo nogi ugwaba sobao. ⁴⁷ Tama eno nomago ena tau sabo Godibolo bugai homu mu ebao. Te ena agai se ş ebo we da. ⁴⁸ Tiali ena da, olo bage da. Tama agai ena kegeda pabo menio. Te megı me, nosali me bidibo we bidigo Godigo enabolo bugai homu mani po naga ola paibao. Magi baso meni. ⁴⁹ Moni Bomai Godigo enabolo te genuai se ş yali pode te obe dao. Agai nogi gasagi yai mu tedali dao. ⁵⁰ Te God agai po tu sisu pabo we bidibolo agai olo tau sabo se ş me, te iba bida da pabo bidigo ogwago ogwa dabego me, agai po tu sisu pidubaso da, agai tama tede piduabo tolai dao. Agai nogogo bomai se ş yai dao. ⁵¹ Po sela şayı augwaligo augwa nogi kegenanu ebo bage agai augwali besela şawai dao. ⁵² Agai gavman tobolu bidi dabe aiyaba elaluama, te nogi meni yai bidi nogi ugwaba sabo dao. ⁵³ Agai te nasi ebo bidi dwagi yai naigo tabi paşalobo dao. Agai te sibage hauwa mubo bidi olo dali gudula palobo dao. ⁵⁴ Polobadu mu Godigo dago nıu dabebo lo bodolu mawani. Tama megı agai bodolu tu sisu pobao. Da Israel dabe agai se ş ebo we bidi dabe dao, tama megı agai da tau magasalio. ⁵⁵ God agai dago nıu dabebo lo te po wali, 'Te eno Abraham hobede

† 1:19 Dan 8:16; 9:21 †† 1:32 2 Sml 7:12, 13, 16; Ais 9:7

‡ 1:37 Gag 18:14

eyu, te aga hani me, ibaba ame nabo ogwa me, tama naga tede paibao.' Tama te wali po agai kegeda pabeo," Mariago te po wali. †

⁵⁶ Te Maria Elisabet dali bidibadi, polua sela bidama da, tama nosali aga buluba ma pali.

Elisabetgo Jon tega pali

⁵⁷ Te Elisabet agai wai tega pabo bodolu asobaso, te agai ogwa tega pai dao. ⁵⁸ Aga hani dabe me, te deli bulu bage me tigidaligo Godigo Elisabet aga olo dali tau sali po odama, tigidali Elisabet dali bugai homu ela silai dao.

⁵⁹ Te Sarere deli silama, tama augwaligo te ogwa tigi-wali togwagasali, te tebo Juda dabego polobadu tama tolai şę dao. Tama augwaligo homugo "Agai aya nogi Sekaraia ma poaibao," te po wali. ⁶⁰ Tiali goli te ogwa aga idago po weyu," Te egobeo. Dago e wai nogi Jon poaibao," te po wali. ⁶¹ Tama augwaligo te po weyu," Te naga deli hani bagede te tiwai nogi nago awa dabede me, hai dabede me tiwai nogi elalubo menio," te po wali. ⁶² Augwaligo nogogo bagi eyu, Sekaraiabolo "E wai nogi de poaibawe?" te po wali.

⁶³ Tama Sekaraia agai nogogo bagi eyu, "Te buku aşebo nai me sesao," olama, tama agai e tama aşanio, "Agai nogi Jon dao." ⁶⁴ Tama augwaligo homu tųą palio. Polo tama Sekaraia agai po wabo ma usu yalio. Tama agai hamena ma usu yali. ⁶⁵ Te po weyu, agai Godigo nogi ugwaba sali. Tama augwa deli bulu bidi dabe me wi kisu dali. Augwali tigidaligo te po ola silama, pomo mu yalio, te Judia dabego bulu bageba me bulu agebele me. ⁶⁶ Augwaligo te po odobo si, monu pomo mu ebaso, augwaligo te po wali, "Te wai nosali mena tama tiwai wai bidigowe?" wali. Genuai Bidigo bomu aga dali bidibo augwaligo koneanio.

Sekaraiago wali tęąbi po

⁶⁷ Godigo Tedali Mobo Bidigo Sekaraia beasagaso baso, te Godigo po pusuyu, te po walio, ⁶⁸ "Dena Genuai Bidi Israel dabego God nogi kegenaninao. Agai aga we bidi da tau sagasalio. ⁶⁹ Tilama, agai da ma abelai dao. Polobadu aga şę yali bidi Devitgo eda dadalo asali hanide bomai bidi me deli pedelama, te bidi Godigo da ma sabo bidi nigilai dao. ⁷⁰ Polobadu agai po pusa mani bidi dabego waligia te yaliao. ⁷¹ God agai polobadu agai da boi bidigo nogode ma saibao wali po te sabao, te da dali dwai homu ebo bidigo nogode me agai da sali. ⁷² Agai dago wųj dabe moni hobede eyu, tau saibao wali bidi te asalio. Tama agai polobadu bodolu mani aga me konealubao. ⁷³ Agai dago wųj Abrahambolo bomai bodolu mu mawai dao. Tama megi agai polobadu yaibao waligia yainu te ebao. Boi bidigo nogode agai da ma sainu ebao wai. ⁷⁴ Tama agai şę dago dų olama, tulama, wi egobeo. ⁷⁵ Da e tųde bidibo sogo dago dwai şę isąma, dolo tųdu pelama, agai şę inao. Tama aga gesabidide da dolasa bilinao," Sekaraiago te po wali. ⁷⁶ Agai te po me Jonde

† 1:55 Gag 17:7; 1 Sml 2:1-10

wali, "Eno ogwa, 'Nage nosali Moni Godigo po pusa mabo bidi mu dao,' Godigo te po waibao. Nage bolo polasa paidigi Genuai Bidi nosali asaibao. Nage polasa pelama, aga asobo tų sisi ela muaibao. ††77 Agai we bidibolo nago po ola menama, konealueibao. Agai augwaligo dwai şę dabe sela şanama, augwali ma sai hagede ebao homu yaibao. ⁷⁸ Dago God da dali hobede mu elama, agai e tama tiwaibao. Te dagalu be posobo ula elalubo e tųba dabolo tagala palaibao. ⁷⁹ Tama te hulide bidalubo bageba ula ilimainu, me isabo pųde elalubo bage me, te bage tau somainu tiwaibao. Agai da te dwagi yai homude bilibo tųdu pabo po agai dabolo mobo ola mawaibao," Sekaraiago te po wali. ‡

⁸⁰ Nosali e wai Jon genuai elama, te aga noma bidi me bomu yai pedalumainu ilali. Tama aga te we bidi meni yai bulude bidali. Tama nosali aga te Israel we bidigo gesabidiba hanilagaselama, bidali.

Mariago Jisas ame nani

(Mat 1:18-25)

2 Te sogo gavman tobolu bidi Sisar Ogastus bidibo sogo, te tigidali we bidi nogi sabo sogo bodolu muani. ² Te sogo hasia mu augwaligo nogi sabo gagalali. Te Siria tųgo gavman tobolu bidi nogi Sairinias te sogo bidai dao. ³ Tama tibaso, tigidali we bidi augwa page buluba nogi sai hagede pela silalio. ⁴ Tama te bidi Josep me aga bidali odogo bulu te Galili tų pedaide elaluali bulu Nasaret taga pelama, te aga wųj Devitgo te Judia tųde nigali hanu nogi Betlehem hanuba holalio. ⁵ Josep dali aga daganasa bidibo we Maria dali augwali si me nogi sai hagede holalio. ⁶ Tama Mariago haliga elalualio. Augwali si Betlehem tede bidibadi yaide, Mariago wai tega pabo bodolu maga yalio. ⁷ Tama Maria agai hasia ogwa ame nani. Tama pedai ugwa nanamenu dabego belama, tama kibu bulmakaugo nai tubo halobageba te ogwa wai pilagalama elalualio. Magi baso menio. We bidi osogo pibo be pųąna saide.

Ensel dabego kibu sipsip tonalubo bagebolo po pusali

⁸ Te bulu bogu badu kibu sipsip tonalubo bage me badu bidalwai, tama augwaligo hulide me kibu sipsip tonalubo dao. ⁹ Genuai Bidigo ensel bidi aga augwali pageba aselama, te Genuai Bidigo ula augwaligo tigidate te moni ula yali. Tama augwali moni wi mu yali. ¹⁰ Tiali goli "Wi egio," enselgo te po wali. "Ena dage pageba dwagi yai po sela sobao, te we bidigo te po odama, bugai homu mu emainu ebao. ¹¹ Megi pio hulide Devitgo hanude wai me tega pai dao, te agai dage ma dobola saibao, aga te we bidi tau somainu sa muani Genuai Bidi dao. ¹² Dagego gegegi peyu da, te wai bųy me ugwa nanamenu dabego mesega galama, tama bulmakaugo nai tubo halobage tomode pilai elalubo sueibao. Telalubo sulama, dagego te po mu daba homu yaibao," te enselgo te po wai.

†† 1:76 Mal 3:1 ‡ 1:79 Ais 9:2

¹³ Te enselgo te po obadi, polo tama dagalu badu ensel hauwa mu dulama, te ensel dali dololalubo سوالو. Augwaligo Godigo nogi ugwaba siyu, tama walio,
¹⁴ “God agai nogi ugwanu mu kegenanao. Tode bidibo we bidi homu tegaluama, bidaio. Augwalibolo Godigo dwagi yai homu ebao,” te ensel dabego te po wali.

Kibu sipsip tonalubo bagego Jisas sugi pali

¹⁵ Te ensel dabe dagaluba ma pebelawaide, te sipsip tonalubo bagego te po wali, “Da Betlehema pelama, megı Genuai Bidigo dabolo wali po page sugi pebelawaibao,” wali. ¹⁶ Tama augwali polo pali. Gege pelama, Maria me Josep dali augwali si sualı, te wai bıoı me bulmakaugo tubo nai halobage tomode pıla mubo sualı. ¹⁷ Sulama da, te waide augwaligo odalı po dabe te bidi Josep dali Maria dali augwali sibolo te po dabe pusa mani. ¹⁸ Tigıdali we bidigo te sipsip tonalubo bidi dabego wali pode noma mu salio.
¹⁹ Tama Mariago te po odobo si, agai te po page me, agai gedugo sualı se me, mena tama yaliwe te homu idu konealudu geani. ²⁰ Tama te sipsip tonalubo bage te sipsip tonalubo seba ma geasa peyu, Godigo nogi kegene nalani. Te augwaligo gedugo sualı se dabe me, te augwaligo odalı po dabe me, tu sisu pela silalı. Tama tibaso, augwaligo bugai homu elama, augwaligo Godigo nogi ugwaba kegenanalı.

Jisas nogi poalı

²¹ Te Sarere deli bidama, nosalı augwaligo te wai tigi-walı togolama, aga nogi Jisas polalı. Te wai aga idago tabide menıbadi, hasia te enselgo te nogi ola mawai.

Augwaligo Jisas te Moni Lotu Be tempel teba magasalı

²² Te wai dali aga ida dali si habu selalı bodolu ela soaide, Mosesgo walıgia, tama aga ida dali aya sigo Jerusalemba Genuai Bidibolo mawainu sela pali.
²³ Genuai Bidigo bomı yai pode aşani yalıgia, “Wego hasia ogwa ebaso da, Genuai Bidigo nogoba muiıo,” tama po aşani, te augwali sigo te po wali pali.
^{†24} Tama augwali sigo te Godibolo maiabo ba hi si ma ba ni sasi si sela pelama, te Godıba maiabo pogo me asai dao. Te Genuai Bidigo bomı yai pode wali yalıgia tıalıo.
²⁵ Te sogo bidi me nogi Simeon Jerusalemde bıdalıo. Te aga doloba pai kolesaga eyu, te Godıba lotu wabo bıdi bıdai dao. Aga te Israel dabe tau sabo bıdi asobo tonaludu gesege yai dao. Godigo Tedalı Mıbo Bıdi aga dali bıdıbaso, tama Godigo Mıbo Bidigo agabolo weyu, te aga polo isıgıbeo po wai dao. ²⁶ “Te Genuai Bidigo we bıdi tau somainu sa muanı bıdi Krais sula-ma, nage isaıbao,” te po wali. ²⁷ Tama Godigo Mıbo Bidigo Simeon hodolama, tama Moni Lotu Be tempel tomoba pali. Godigo bomı yai pode wali po yalıgia emainu, te aga ida de aya sigo Jisas te be tomoba sela pali. ²⁸ Simeongo nogogo te wai dobola selama, tama agai Godigo nogi ugwaba siyu, e tama te po wali,

† 2:23 Sai 13:2, 12

²⁹ “Genuai Bıdi, megı nago se ebo bıdi pomainao, megı ena homu tegaluama, bıdaiıo, polobadu nago walı yalı-gıa. ³⁰ Eno gedugo nago da ma sainu yalı se eno sualıo. ³¹ Nago te tıgdalı tode bıdibo we bıdi gesabıdide sisi ela muai dao. ³² Sole ula deli dao, tego deli te Israel hani isıwai we bıdibolo ula ola mawaıbao. Tama agai moni nogi te Israel hani we bıdi dabebolo mawaıbao,” Simeongo Jısasde te po wali. ††

³³ Te ogwa aga aya de ida si Simeongo te ogwabolo wali pode augwali si noma salı. ³⁴ Simeongo Godigo bugai homu Jısas dali aga aya de ida si augwalibolo me ilao wali. Agai Jısas aga ida Mariabolo te po wali, “Odııo. E waigo pode Israel we bıdi hauwa augwaligo God taga paıbao. Tama hauwa bage me augwali God paıba asaıbao. Te aga daı tiwai me deli nıgalueıbao, tama bıdi hauwago agabolo dwai po waıbao. ³⁵ Tama tibaso, we bıdi hauwago geme dualalıalı homu te pe-beli dilıba pedelaıbao. Tıalı goli nage da, te bainat hwaı ge tiwai me deli elalu, te nago hoboludu togwalubo ti-wai ebaso, te homu dene tiwai yaıbao,” Simeongo te po wali.

³⁶⁻³⁷ Te Simeon agai wali po silıbo si, te mosı dabe we me deli te Godigo po pusa mani profet we tiwai we bıdıdualı, te we aga nogi Ana dao. Aga te Fanuelgo we-gı dao, te Aser hani we dao. Te we mosı dabe mu dao. Te mosı we te Moni Lotu Be tempel tomoba asalı. Te mosı we gesı tıgi elalıbadi bıdigo selama bıdalı, te kibu be nogo a naga me badu nogogo si te 7 yia dao. Tama nosalı aga bıdi isaide, te agadıba naga bıdalı kibu be 77 bıdalı. Te aga bıdi dali bıdalı kibu be dali delıba taluyu, te bıdi sese me si me si tama me si me si, te 84 yia dao. Te we agai te Moni Lotu Be tempel taga pabo menıo. Aga nai habu selama, Godıbolo gedu haluasa po hanaludu bıdama, Godigo se me ulade eyu, hulıde eyu yai dao. ³⁸ Te sogo me aga paıba aselama, Godıbolo “Nage usu dao” wai dao, Godigo te wai mawai baso. Te Godigo Jerusalem bage ma sai hagede tonalubo we bıdi dabebolo te ogwa wai bıdibo po pusa mani, te mosı we Anago.

Josep Nasaretba ma pali

³⁹ Te Josep dali Maria dali sigo Godigo bomı yai pode yao wali se dabe ela silama, augwa te Galılı toı pedai tomode elalıbo bulu Nasaret be nanıba ma pali.
⁴⁰ Tama te ogwa gawabulu elama, bomı mu yalı. Godıgo aga olo mu tau sabo kolesagade olo dali mu tau selama, dwagi yai kolesaga elalıalıo.

Jısas wabo ogwa Moni Lotu Be tempel tomoba pali

⁴¹ Te Jısas aga aya dali ida si Genuai Bidigo te Juda dabe augwali daı ilalıde Godigo enselgo augwali ela soalı te kone palu tubo nai tubo sogode tıgdalı kibu be tomode augwali si Jerusalemba holoduııı dao.
⁴² Jısas kibu be nogo si olama, saıgaıo si dıgi peda sai elalıbadi, augwali te nai tubo sogo Jerusalemba holo-dubogıa holalı. ⁴³ Tama te nai tubo bodolu ela sobaso,

†† 2:32 Aıs 42:6; 49:6; 52:10

augwa buluba pebelabo gagalali. Tiali goli, te ogwa Jisas Jerusalemde me biduali. Aga bidibo aga ida dali aga aya sigo konebe. Augwali sigo te homu yai, "Aga te pebelabo bage tomode pabe yaba" homu yali. ⁴⁴Tama deli sogo augwali palio. Te sogo pio augwali sigo augwa be bidi dabe, augwa abagi dabe tomode Jisas gegali, mu menio. ⁴⁵Susiabaso, augwali si Jerusalemge geasa ma pali, tede gegali. ⁴⁶Augwa si ge gedubadi, sela sogo hulide usu nama gegalio, nosali augwali sigo aga te Moni Lotu Be tempel tomode suali. Te Juda dabego po ola mabo bidi dabe tomode duguladubo suali. Augwaligo po wabo odalu, agai me ugwaba hanalu idubo suali. ⁴⁷Agai po odali we bidi dabe tigidali noma sali, "Agai homu poa pelamubao, agai pusali po dwagi yai po dao," wali. ⁴⁸Aga ida dali aya sigo sulama, noma sali. Aga idago agabolo te po wali, "Idao, magi baso nago tama te ebawe? Naga aya dali dadi si homu adaladu baso, gegaligo sai dao," te po wali. ⁴⁹Tama agai augwali sigo po wei ponoyu, te po wali, "Magi baso dage sigo ena gasa bulude ge geduai dawe? Eno ayago bede bidabo da, dage sigo konebewe?" ⁵⁰Tiali goli augwali sigo agai te wali po page konebe. ⁵¹Tama aga ida de aya si dali Nasaretba aiyaba ma dulali. Tama tigidali sogo agai ida dali aya sigo po wali piduali. Tama aga idago tigidali po aga homuba munama, te dağ olaluali. ⁵²Tama Jisas genuai elama, agai homu kolesaga dwagi yai mu yali. Godigo me e tçde bidigo me Jisas godolo mu elama, kua pali.

Te we bidi baptais mabo bidi Jon agai Godigo po pusali
(Mat 3:1-12; Mak 1:1-8; Jon 1:19-28)

3 ¹²Te Sekaraiago ogwa Jon te bidi meni yai bulude bidibadi, Godigo agai po agabolo konelali. Tama te sogo tr gavman genuai tobolu bidi me nogi Taiberius, me sogo Sisar wabo da, agai seğ gagalali kibu be nogi si olama, me sağ sese silali. Bidi me nogi Pontias, me sogo Pailat wabo, te Judia bulude aga gavman tobolu bidi bidai dao. Me Herot aga Galili tçde gavman tobolu bidi bidali. Aga ama Filip te bulu me nogi Ituria dali Trakonitis dali si tonaluali. Bidi me nogi Lisaniyas agai te bulu me nogi Abilene tonaluali. Te sogo te pris bidigo tobolu bage nogi Anas dali Kaiafas dali si bidibadi dao. ³Godigo po Jonbolo ola mobaso, Jon aga te pabo ađi nogi Jordan sesege bulu dabeba pali. Agai te bulu we bidi dabebolo po pusuyu, tama te po wali, "Dagego dwai seğ eboba tudi ilama, dage tigidali baptais sao, tama Godigo dagego dwai seğ yali ge geda palomainu," tama po pusudu geani. ⁴Jongo yali seğ te Godigo po pusali profet bidi Aisaiago polobadu bukude aseani yaligia te ebao. Aisaiago te polobadu bukude aseyu, tama te po wai dao, "Te bidi me deligo bidi meni yai bulu tomode i udubao, 'Genuai Bidi asobo tuğ geselao. Aga bilabo tuğ dolo mu nigao. ⁵Tigidali odogo dabe mu pağanao. Tigidali bobiabi dabe du dabe kigila palao. Gagila bilai tuğ dabe me dolo ma dodolao. ⁶Tigidali we bidigo Godigo olo hobede elama, tau sabo kolesaga augwa gedugo sueibao," te Aisaiago te po polobadu aseai dao. †

⁷Tama we bidi hauwa mu Jon agai augwali baptais momainu Jon aga pageba beasagasali. "Dage dwai hasamani dabe," agai augwalibolo te po wali. "Godigo dage dali yabo seğede dage sana pagameo po tego dagebolo waliwe? ⁸Dagego dwagi yai seğ ebo sulama, dagego dwai seğ dabe tudiba sağwai yabao po waibao, te gasa bidigo te po waibao. 'Abraham da dago wađi mu da, dago dwai seğ meni,' te homu ebo gagali igimio. Eno dagebolo megi mu po tama obe dao. Godigo e elewi dabego Abrahamgo bulai wađi hani sibi nigilabo homu eyu da, te agai tegi dao. ⁹Ni gelabo bidigo te ni tigde sae ilama, te sae nide hwağ munalubaso da, te ni tamadi tama gelaibao homu yaibao. Ni dabe du gesego walisiğwani ni dabe da, gelama, isiba sağwaibao. Dage te tobage sae ilali ni tiwai dao," Jongo te po wai.

¹⁰Te bagego agabolo hanalu wali, "Dago megi magi seğ egowe?" ¹¹Jon agai te poba wei ponoyu, te po wali, "Holobo ugwa si munalubo bidigo me deli te holobo ugwa meni yai bidibolo mao. Me tubo nai munalubo bidigo me te meni yai bidibolo dobayao," Jongo te po wali.

¹²Takis sesa bilibo bidi dabe me badu Jon pageba te baptais sainu asama, hanalu wali, "Po ola mabo bidi, dago magi yagawe?" wali. ¹³"Te takis mone sa wali gilama dolo tama naga weli pelama siyu, te dagego homugo edelama obanu sigi pigimio," Jongo te po wali.

¹⁴Enesigi bidi dabe me badu Jon pageba asama, hanalu wali, "Da da, magi yaliwe? Dago da magi egowe?" Jongo augwalibolo te po wali, "Dagego gasa bidigo mone bomo elama, sigimio, me tibo po tuğ elama, sigimio. Duga mabo mone deli naga sabo homu elasa siğo," wali.

¹⁵Te we bidigo bugai homu mu hodolali. Augwaligo homugo Jon te Godigo we bidi tau somai hagede sa muani bidi Krai yaliwe homu yali. ¹⁶Tama tibaso, Jongo augwali tigidalibolo te po wali, "Eno dage da ađigo naga baptais mobao. Tiali goli ena ela holai bidi deli nosali asobao. Eno agai sağa nadoba pedabo me usu me egobe. Tama te bidi agai te Godigo Tedali Moba Bidi dage me badubolo mawaibao, te baptais mabo tiwai. Agai dage me badubolo sia mawaibao, te baptais mabo tiwai. ¹⁷Nai dagalobo bidi aga savol selama, tubo nai wit ge dali sabea dali si dagalaibao. Tilama, aga te nai ge naga aga beba muyu, sabea naga te siaba muaibao. Tama te nosali asobo bidi agai te we bidi dagalu me te hasi yaibao, augwali me badu agai te sula siğabo siaba mawaibao," Jongo te po wali.

¹⁸Te hauwa sogo haniani tuğdu Jongo dwagi yai poba asiğo nama, te Godigo po pusubo sogo agai mobo maduali, te we bidibolo, dwai ebo kolesaga hasegelemai hagede Jongo tama oduialio. ¹⁹Tiali goli, Jongo pogo gavman tobolu bidi Herot guni pagede mu ela paludali. Te magi baso menio. Aga amago we Herodias aga dagala selama, me hauwa sogo dwai dwai seğ mu iduali. ²⁰Tama Herot aga Jon kalabusiba ma muanigo Herot agadi dwai seğ tomoba mu togwa pai dao.

† 3:6 Ais 40:3-5

Jongo Jisas baptais mani

(Mat 3:13-17; Mak 1:9-11)

²¹ Te Jongo tigidali we bidi baptais menama, tama nosali agai Jisas me baptais mani. Tama baptais sela-ma, Godibolo po odubadi yaide, dagalu tomode si buga pali. ²² Tama Godigo Tedali Mobo Bidi dagaludu dulali. Te Godigo Mobo Noma Bidi ba hi tiwai aga toboluba dugayagasali. Dagalu badu i weyu, te po wali, "Nage eno homu keşlubo Ogwa mu dao. Eno nage dali dwagi yai homu elalubao," te po wai.

Jisas aga nõgo nogi dabe e dao

(Mat 1:1-17)

²³ Te bidi Jisas agai kibu be bidi sese deli olama, me bidigo nogo si wagi sobadi, te 30 yia wabode aga se ebo gagalalio. Tigidali we bidigo homugo Jisas Josepgo ogwa daba homu yali. Tama Josep aga aya Heli. Heli aga aya Matat, Matat aga aya Livai. ²⁴ Livai aga aya Melki, Melki aga aya Janai, Janai aga aya Josep. ²⁵ Josep aga aya Matatias, Matatias aga aya Amos. Amos aga aya Nehum, Nehum aga aya Esli, Esli aga aya Nagai. ²⁶ Nagai aga aya Mat, Mat aga aya Matatias, Matatias aga aya Semen, Semen aga aya Josek, Josek aga aya Joda. ²⁷ Joda aga aya Joanan, Joanan aga aya Resa, Resa aga aya Serubabel, Serubabel aga aya Sealtiel, Sealtiel aga aya Neri. ²⁸ Neri aga aya Melki, Melki aga aya Adi, Adi aga aya Kosam, Kosam aga aya Elmadam, Elmadam aga aya Er. ²⁹ Er aga aya Josua, Josua aga aya Elieser, Elieser aga aya Jorim, Jorim aga aya Matat, Matat aga aya Livai. ³⁰ Livai aga aya Simeon, Simeon aga aya Juda, Juda aga aya Josep, Josep aga aya Jonam, Jonam aga aya Eliakim, ³¹ Eliakim aga aya Melea, Melea aga aya Mena, Mena aga aya Matata, Matata aga aya Natan, Natan aga aya Devit, ³² Devit aga aya Jesi, Jesi aga aya Obet, Obet aga aya Boas, Boas aga aya Salmon, Salmon aga aya Nason. ³³ Nason aga aya Aminadap, Aminadap aga aya Atmin, Atmin aga aya Arni, Arni aga aya Hesron, Hesron aga aya Peres, Peres aga aya Juda. ³⁴ Juda aga aya Jekop, Jekop aga aya Aisak, Aisak aga aya Abraham, Abraham aga aya Tera, Tera aga aya Nahor, ³⁵ Nahor aga aya Seruk, Seruk aga aya Reu, Reu aga aya Pelek, Pelek aga aya Eber, Eber aga aya Sela. ³⁶ Sela aga aya Kainan, Kainan aga aya Arpaksat, Arpaksat aga aya Siem, Siem aga aya Noa, Noa aga aya Lamek. ³⁷ Lamek aga aya Metusela, Metusela aga aya Enok, Enok aga aya Jaret, Jaret aga aya Mahalalel, Mahalalel aga aya Kainan. ³⁸ Kainan aga aya Enos, Enos aga aya Set, Set aga aya Adam, Adam aga aya God dao.

Satango Jisasbolo dwai se yanama, sinayani

(Mat 4:1-11; Mak 1:12-13)

4 Jisas tigde Godigo Tedali Mobo Bidi paşanaluali. Tama Jisasgo te Jordan pabo aş taga pelama, ma geasa pali. Tama Godigo Mobogo aga te bidi meni yai buluba odasa pali. ² Jisas te bidi meni yai buluba pelama bidibadi yaide, Sarere a naga olama, a naga sogo,

te 40 dei bidai elalubadi, Satango Jisasbolo dwai se yanama sinayagasali. Te sogo usu nama Jisasgo nai munu me tubeo. Tama te sogo silibo si, Jisas nasi yali. ³ Tibaso, Satango agabolo wali, "Nage Godigo Ogwa da wida, teda nago wele elewibolo po olama, tubo nai gagagi sobaso da, nage tuao." ⁴ Tiali goli, Jisasgo agai po wei ponoyu, te po wali, "Woo, Godigo bukude wali po e tiwai po wai dao, 'Te tubo nai bretgo naga te bidi bidabo ula magobeo.'" ⁵ Nosali Satango Jisas odasa holama, polo tama tigidali we bidi tşde bidibo ola mani. ⁶ Satango te po wali, "Te tigidali we bidi tonalubo bomo me, genuai nogi me, nagebolo naga mawaibao. Te tigidali nai eno tonalubo dao. Eno gasa bidibolo maiabo homu ebaso da, mawaibao. ⁷ Nago enabolo kidu tşba polama, enabolo lotu po weyu da, teda te nai dabe naga saibao," Satango te po wali. ⁸ Tibaso, Jisasgo wei ponoyu, te po wali, "Woo, Godigo bukude wali po e tiwai po wai dao, 'Nago naga Genuai Bidi God dali naga lotu po weyu aga dologode bidao. Tama nago agai se deli naga daş olama yao,' te po wai dao," Jisasgo te po wai. ^{††}

⁹ Nosali Satango Jisas Jerusalem Moni Lotu Be tempel poa pali daiba mu sela holali. Tama Satango te po wali, "Nage Godigo Ogwa da wida, edu aba samanao. ¹⁰ Godigo po wali bukude te po wai dao, 'Godigo aga ensel dabebolo olama, nage saboa sagsaibao,' te po wai dao. ^{††1} Tama te bukude me te po wai dao, 'Augwa nogogo nage tola selama, elewigo nage me saşade me selegobeo,' wai dao," te po wali. ^{††2} Tiali goli, Jisasgo wei ponoyu, te po wali, "Te bukude po tama telalubao, 'Nago Genuai Bidi God olo subigila usu sigio, sinagio. Aga te nago God dao,'" te po wali. ^{††3} Satango tama sinana bilali dobaso, Jisas aga taga pali, me sogo ma sinawainu yai.

Jisasgo Galili tşde se ebo gagalali

(Mat 4:12-17; Mak 1:14-15)

¹⁴ Te Godigo Tedali Mobo Bidigo bomode Jisas ma pelama, Galili tşba sabolali. Aga asali po te bulude mu pagia pali. ¹⁵ Hauwa sogo Jisas agai po te Juda dabego bomo yai po ola mabo be dabede te we bidibolo ola madu geani. Tama tibaso, tigidali we bidigo aga nogi ugwaba sali.

Nasaret bagego Jisas tudiba ilali

(Mat 13:53-58; Mak 6:1-6)

¹⁶ Te bidi Jisas polobadu aga dwasianu badi bidama, gomunai yali pesage te Nasaret be nani tomoba palio. Te Sabat sogo aga te Juda dabego bomo yai po ola mabo beba pidu bogia. Tama tede aga te Godigo wali po buku po nedai hagede, dolalugulali. ¹⁷ Augwaligo agabolo polobadu Godigo po pusa mabo profet bidi nogi Aisaigo aşani po buku dagaluma, po e tama aşai suali, augwalibolo haninama nedali.

¹⁸ "Genuai Bidigo Mobo Bidi ena dali bidibao.

† 4:4 Bom 8:3 †† 4:8 Bom 6:13 ‡ 4:10 Tib 91:11 †† 4:11 Tib 91:12 †† 4:12 Bom 6:16

Agai dwagi yai po eno te nai meni yai we bidibolo ola momainu ena sa muai dao. Agai ena tama po pupusu bilimainu tagala palai dao, 'Dage kalabus yali bage kalabus tagala piąo. Gedu widai bage, dage duga gedugo ma sueibao.' Kalabus seąo tabibo bage augwaligo seą togolomainu agai ena tagala palai dao. ¹⁹ Genuai Bidigo e tųde bidibo we bidi ma sagasabo bodolu magayagasobaso, pupusu bilimainu ena tagala palali," †

te aşani po Jisasgo haninama nedali, aga digi aga homugo tiyai. ²⁰ Te Jisasgo te buku ma mesegelama, te buku tonalubo bidibolo menama, aga dugagulali. Tama te be tomode bidali we bidigo aga naga tonono yali. ²¹ Tibaso, agai te po wabo gagalali, "Megi tama te eno nedali po dolo tų sisu pabo po duga te odali dao," te po wali.

²² Te we bidi tigidali augwaligo Jisas nogi ugwaba sali, tama Jisasgo dwagi yai po pusalide augwali tigidali noma sali. Tiali goli, augwaligo te po wali, "Mena tamawe, e bidi da, Josepgo ogwa meni yali wenagao," te po wai dao.

²³ Te Jisasgo augwalibolo te po wali, "Mu tama, dagego enabolo hasia bolo te po waibao, 'Dokta bidi, naga digi naga ma geseleyu yao. Nago bulu me nogi Kaperneamde yali seą po dago odai dao. Tama naga te yaligia nage e pesagede me ma tama tiao,' dagego enabolo waibao." ²⁴ Jisasgo wei ponoyu, te po wali, "Eno dagebolo mu tama te obe dao, Godigo po ola mabo bidigo po aga bulude bidu wabo, aga te bulu bidigo mu tama odobo menio. ²⁵ Eno dagebolo mu tama obe dao, Godigo po pusa mabo bidi Elaija bidali sogo, kibu be sela olama, me kibu be tomode togolama, tulubage munu me tulai menio. Tigidali pesagede nasi ela pai dao. Te sogo Israel hani wilawe we hauwa mu bidai dao. ††²⁶ Tiali goli, Godigo Elaija te Israel hani wilawe we me tau somainu teba pao wai menio. Tiali goli, te Israel hani isąwai bage Saidon tųde, Sarefat be nani we wilawe deli bidibo madi naga tau sigi pao wai dao, Godigo. ²⁷ Me Godigo po pusa mabo bidi Elaisa bidali sogo, Israel bage oiyabe bidi hauwa bidai dao. Tiali goli, augwali me deli ma geselai menio. Me ma, te Israel hani isąwai oiyabe bidi me deli bidai, te Siria tųde. Agai nogi Naman. Te oiyabe bidi deli digi Elaisago ma geselai dao," Jisasgo te po wali.

²⁸ Te Juda dabego bomu yai po ola mabo bede bidali bagego te po odoyu, moni seąbe yali. ²⁹ Augwali hodaluama, Jisas nogo tuluama, aga te be nanidu kegasa pelama, buluba sayani. Te be nani dude seą yai dao. Tama augwaligo te sau mabo dageba Jisas odasa pali, te sauba sayai hagede. ³⁰ Tiali goli, Jisas aga te bidi hauwa tomo agebeledu dią sesa palima, aga polo palio.

Jisasgo bidi me tigde dwai haubo sela sayani

(Mak 1:21-28)

³¹ Te bidi Jisas Galili bulude be nani me nogi Kaperneamba dulali. Tama te Sabatde we bidi Godigo

po ola maduali, te Juda dabego bomu yai po ola mabo be tomode. ³² Tama agai po bomu yai mu wabo odama, te we bidi noma sali. ³³ Te be tomode bidi me dwai haubo dagawai bidi bididuali. Agai moni hai olama, te po wali, "Tega Jisas, nage Nasaret bidi da.

³⁴ Nage dabolo magi seą yainu asaliwe? Nage da dolainu asaliwe namao. Eno nage koneani. Nage Godigo gasagi yai tedali wiegi yai bidi da," wali. ³⁵ Tama Jisasgo agai po tomode togwa sayu, te po wali, "Nage sagiasa peyu, te bidi taga soao," wali. Tama te dwai haubogo te bidi augwali tomode te tųba sayani. Tama te dwai mobogo taga pelama, te bidigo tigi me dolobe. ³⁶ Tibaso, tigidali we bidi midigi yali. Augwa hasi ugwa tonu, eda tonu eyu, te po wali, "E ma, magi po wagawe? Dwai haubobolo bomu elalubo bidigo wabo po gagawai wabo yabao. Te po odama, wabo po selama, te dwai haubogo te bidi taga pobao," te po wali. ³⁷ Jisasgo tama tiali po te bulu tigidali bila similali.

Pitago aga augo gasi Jisasgo pogo silali

(Mat 8:14-15; Mak 1:29-31)

³⁸ Te Jisasgo te Juda dabego bomu yai po ola mabo be taga pelama, tama Saimongo be tomoba pali. Saimon aga au tigi moni posolo gasigo mu isai seąi pila muani. Te we tau somainu eyu, augwaligo Jisas i wali. ³⁹ Te we pageba Jisas aga dolalugi pelama, "Te dwai gasi, nago te we taga pao," Jisasgo te po wali. Te po obaso, te gasigo te we taga pali. Tama tilama, te we polo tama ma hogoda sanama, be page asali bidi dabe nai ula mabo seą ela bilali.

Jisasgo we bidi hauwa geselali

(Mat 8:16-17; Mak 1:32-34)

⁴⁰ Te giliga ge aba degasaide, te gasi yali bidi aga abagi dedego augwali Jisas aga pageba odasa aselawali. Tama agai nogo te gasi we bidi dononama, mumuna bilali. Tama augwali tigidali ma gesa pali. ⁴¹ Dwai haubo dabego we bidi hauwa taga pali. Tama te dwai haubo dabego hai olama, te po wali, "Nage Godigo Ogwa dao." Augwaligo koneani, Jisas te Godigo we bidi tau somainu sa muani bidi Kraisi da. Tama tibaso, augwaligo te po te we bidibolo waidali weyu, agai augwaligo po tomode togwa sayani.

Jisasgo be nani dabede seą ela bilali

(Mak 1:35-39)

⁴² Te sogo do kigamu hulide mu Jisas hogoda sanama, bidi meni yai buluba mu pali. Nosali te we bidi augwaligo gegali digi sulama, augwali taga pidali weyu, "Jisas, nage ede bidao," wali. ⁴³ Tiali goli, agai wei ponoyu, te po wali, "Godigo eno seą emai hagede, tagala palali seą gasa hanuba me egi pabo elalubo. Godigo we bidi tonalubo po pupusa memena bilabo seą elalubo," te po wali.

⁴⁴ Tama aga te po Juda dabego bomu yai po ola mabo be dabe tomode ola maduali, te Juda dabego tųde.

† 4:19 Ais 61:1-2 †† 4:25 1 Kin 17:1

Jisasgo te bidi dabe me badubolo ena wali asişo wali
(Mat 4:18-22; Mak 1:16-20)

5 Te me sogo Jisas te Genesaret sigi aşı sesegede dolalubadi, Jisas aga pageba Godigo po odainu we bidigo mu odoga sagasalio. ² Tama Jisasgo te geba si sigi aşı bogu badu gebeadubo suali. Tiali goli te suşu sabo bagego geba osogo tagalama, augwa te agane togobo nai umben aşı teladualio. ³ Jisas aga Saimongo geba meba hola pali. Agai te Saimonbolo "Te geba sigi aşı tomoba ugwaba dwanu pogwa palao," te po wali. Tama aga te geba daide duguladu, te we bidibolo Godigo po pusa mabo dage ma wadolali.

⁴ Agai te po pusa silama, Saimonbolo te po wali, "E geba sigi aşı tomoba ugwani ma nogelama, duga suşu sainu da, te agane togobo wa umben te aşıba tu-liagameo." ⁵ Saimongo wei ponoyu, te po wali, "Genuai Bidi, moni huli sesabi dago yabo şe iduali goli, te suşu deli munu me sai menio. Tiali goli, nago po obaso da, eno agane wa te aşıba tuluabao," wali. ⁶ Tama augwali-go te agane togobo wa dabe aşıba tulama, suşu um-abo mu tualigo te agane wa paşe togwa pai şe yanio. ⁷ Tama tibaso, augwa gasa gebade bidali age dabe me badu ma augwali tau sagasomaiinu i wali. Tama aug-wali aselama, te geba si suşu paşanani. Tebadi yaide, te geba si te węba hoa sigulainu şe yanio. ⁸ Tama Saimon (me sogo Pita wabo bidi) agai te tebo sulama, Jisasgo saşu pagede aga kidu sugunama, Jisasbolo te po wali, "O Genuai Bidi, nago ena taga pao. Ena da, dwai şe ebo bidi dao," te po wali. ⁹ Agai augwali-go te sali suşu sulama, noma mu sali. Aga dali bidali bidi dabe me noma mu sali. ¹⁰ Bidi me nogi me Sebedigo ogwa si Jems dali Jon dali si me, Saimon aga age solo da. Augwali si me moni noma sali. Tama Jisas-go Saimonbolo te po wali, "Nage wi egio. Nosali nago we bidi siyu tama tiwaibao," te po wali. ¹¹ Tama te geba si aşı saniba ma nogelama, tigidali nai dabe tede tagalama, augwali tigidali Jisas wali pela sialio.

Jisasgo oiyabe bidi me deli geselali
(Mat 8:1-4; Mak 1:40-45)

¹² Me sogo Jisas be nani me delide bidibadi yaide, oiyabe gasi sai bidi aga pageba asali. Te oiyabe gasigo aga tigi sibi tigidali mu usu nai bidi da. Te bidigo Jisas sulama, kidu sugunama, agai Jisasgo bomu gonobo po weyu, te po wali, "Genuai Bidi, nago homugo usu dao wida, teda nago ena wiegi yai ma ilama tama ena te meda meni yai tiwai ma bidaibao," te bidigo te po wali. ¹³ Tama Jisasgo nogo debelama, te bidi tigiba dişu, te po wali, "Awe, eno homugo nage gasi usu ilaibao. Tama nage wiegi yai pedalao, te meda meni yai bidi bidao," Tama te sogo polo tama te bidi dwagi yai ma yali. ¹⁴ Tama Jisasgo te bidi aga dali te po wali, "Bugagia dua dao. Nago bidi me deli dali eno nagede yali şe po me wugio. Menio. Nage dolo pelama, tama nago tigi te pris bageba waseligi pelama, tama agai nago tigi osola sumainao. Te elama, tama nago te Godibolo te ofa mao, te bidi Mosesgo te kolesaga yao

wali po tiwai gilama emainogo yao. Tama tiyu te bidi dabego koneyu, te nago gasi silali, nage te meda meni yai bidi tiwai megi ma bidibao, te homu augwaligo yaibao," Jisasgo te po wali. ¹⁵ Jisasgo agade "Po pusula-muo" po wai goli, agai yali şe po pususu paligo ugwa genia palio. Tama umabo we bidi aselama, agai wabo po odagasali, agai augwaligo gasi dabe sela şamainu yai. ¹⁶ Tiali goli, hauwa sogo agai te we bidi dabe bidalubadi pali. Aga te bidi meni yai sesawai digiba pelama, agai Godibolo gedu haluasa po wagi pidu geduai dao.

Jisasgo nogo saşu isai bidi dwagi yai ma ilali
(Mat 9:1-8; Mak 2:1-12)

¹⁷ Me sogo Jisas be me tomode bidai. Agai te we bidibolo aga po pusa mawai. Tama te Farisi hani sibi dabe me, te Godigo bomu yai po konebo bidi dabe me, aug-wali bidibadi, augwaligo aga tonaluali. Augwali te Galili bulu tş bulu tigidalidu asai, te Judia tşdu me, te Jerusalem be nanidu me asai. Tama Genuai Bidigo te gasi dabe silabo bomu Jisasbolo mani. ¹⁸ Bidi mebago te nogo saşu dili kimi isai bidi te aga gologobe ni wade munama, tolasa asali. Te sela asali, te be tomoba sela pelama, te Jisas pageba muwainu yai. ¹⁹ Tiali goli, te we bidi hauwa mu te be tomode paşana sai elaluali. Augwaligo sunumi gegali. Meni baso, be peduba te to-gobilidu holali. Te be asege be dao. Te be pedu haluali nai dagala munama, tama augwaligo te bidi aga te ni gologobe wa dali te we bidi bidibo tomoba, te Jisas bidibo digi gesabidi badu aiyaba tagalaluama mugu-lalio.

²⁰ Jisas agai suali, te bidi dabe agai poba homu begi pai bidi dabe da. Sulama, agai te nogo saşu isai bidibolo te po wali, "Abagi, eno nago yali dwai şe sela şayanio," te po wali. ²¹ Tama Godigo bomu yai po page konebo bidi dabe dali, te Farisi hani sibi dabe dali, augwa hasi ugwa tonu, eda tonu eyu, te po wali, "E bi-di magwai bidi yaliwe? E bidigo Godigo nogi dolobo po olamuo. God deligo naga bidigo dwai şe sela şabo da." Te po wali. ²² Tama Jisasgo augwaligo ebo homu konea-ma, agai augwalibolo po wei ponoyu, te po wali, "Dagego magi baso tama homu ebawe? ²³⁻²⁴ Eno po bomu elalubo dagebolo ola mawainu, te eno mena tama wagowe? Eno e bidibolo te po naga wabo si, 'Nago dwai şe dabe sela şayani,' teda eno pogo bomu elalubo dagego hania konegobeo. Me ma, eno e bidibolo te po wabo si, 'Nage hodaluama, bilao,' tama aga hodaluama agai aga pibo somu selama hogodasa pobaso da, teda dagego eno pogo bomu elalubo waibao. Ena da, Godigo Bidi Mu da. Bidigo dwai şe e tşde sela şabo bomu elalubo dagego suyaganio," wali. Tama agai te nogo saşu isai bidibolo te po wali, "Eno nagebolo obe dao, hodaluama, nago somu selama, beba pao." ²⁵ Polo tama, tigidali we bidigo tonalubadi yaide, te nogo saşu isai bidi hodaluama, agai odobe wa selama, beba pai. Aga beba peyu, Godigo nogi ug-waba sali. ²⁶ Tama tigidali we bidi gegemani mu sela-

† 5:14 Prs 14:1-32

ma, Godigo nogi ugwaba sali. Augwali wi elama, te po wali, "Megi dago gasagi yai şe mu ebo سوالو."

Jisasgo bidi me nogi Livai i wali
(Mat 9:9-13; Mak 2:13-17)

²⁷ Te nosali Jisas te be nani taga pobadi yaide, agai te maket takis sabo bidi me deli suali, aga ofis bede. Te bidi nogi Livai. Tama sulama, Jisasgo agabolo "Nage ena wali asao," wali. ²⁸ Livai hodaluama, agai ebo şe tagalama, Jisas wali pali. ²⁹ Tama Jisas moni nogi elalubaso, Livaigo agai bede nai ulubaso, te takis sabo bidi hauwa mu dali, te gasagi yai bidi dabe me, augwali te nai tuagasali. ³⁰ Tama te Farisi hani sibi bidi dabe me, te Godigo bomu yai po konebo bidi dabe me, augwaligo te sulama, Jisas wali pabo bidi dabebo- lo wado po weyu, te po hanalu wali, "Dage te takis sabo dwai bidi dabe me, te dwai şe ebo dabe me, te augwali dali hodobo magi baso nai tubawe?" ³¹ Jisasgo augwalibolo po wei ponai. Dwai dwai şe ebo bidi dabe te gasi bidi dabe aq elalubaso, Jisasgo tama po digi sugunuyu te po wali, "Gasi meni yai bidi te dokta bidi pageba pabo menio. Gasi yai bidi naga te dokta bidi pageba pabo dao. ³² Ena te homu doloba pai bidibolo 'Nage homu begalao' po wagasobeo. Te meni. Ena te dwai şe ebo we bidibolo 'Duga homu begeleaq' po wagasali," te po wali.

Tubo nai gisilibo şe
(Mat 9:14-17; Mak 2:18-22)

³³ Te Farisi hani sibi me, te Godigo bomu yai po konebo hani bage dabe me, augwaligo Jisasbolo te po wali, "Te bidi Jon aga wali pabo bidi dabe augwaligo tubo nai gisilama, Godibolo po wabo dao. Tama te Farisi hani sibi wali pabo bidi dabe me, augwaligo me tebo şe gilalma ebo dao. Tiali goli, nago bidi dabe augwaligo te nai gisilibo şe ebo menio. Augwa nai me wę me tudubo dao," wali. ³⁴ Tama Jisas aga dali aga wali pabo bidi dabe me, tebadi agai te we sabo bidide po begelama, wai. "Te bidi mego we sabo sogode, dagego aga abagi solobolo 'Nai osogo gisiliaq' po wabo menio. Magi baso meni. Te we sabo bidi augwali dali bidibo sogo augwali bugai homu ebo dao. ³⁵ Tama nosali me sogo te boi bidi dabego te we sabo bidi gasa buluba sela pelama, aga age solo homu dene ebaso, te sogo nai osogo gisilabo sogo pedelaibao," Jisasgo te po wali.

³⁶ E po begelai po digi po me Jisasgo augwalibolo pusa mayu, te po wali, "Bidi mego me gesi ugwa nami pisalama, pobidi badia pai ugwa nami me hobologobeo. Megu tama teyu da, aga te gesi ugwa pisawaiba, tama gesi ugwa te pobidi ugwa ma gagagobeo. ³⁷ Ma mego me te gesi bomai wain wę te poloba sipsip tigi-waliba tabigobeo. Megu te eyu da, te gesi bomai wain węgo te sipsip wali aulua sanama, buluba gea paibao. Tama te sipsip wali aulua pelama, doaibao. ³⁸ Gesi bomai wę te gesi sipsip waligo nigali botolba tabiao. ³⁹ Te bidi mego te polobadu muai bomai aq tulama, gesi bomai aq ma tuabo homu ebo menio. 'Polobadu muani

bomai aq da usu da,' te po wabo da," Jisasgo te po wali. Te po weyu, agai te Farisi bagebolo te po page waj hagede, te poloba po dali, te gesi po dali te si augwaligo taluamuo.

Sabat side şe ebo po
(Mat 12:1-8; Mak 2:23-28)

6 Me sogo Sabatde te Jisas me aga dali bidali bidi dabe me, augwali te gi tomodu pali. Tama te gide te rais tiwai nai wit holobo gi dao. Tama augwali pobadi, te bidi dabe augwaligo te wit ge togolama, nogogo pelegelama, te saba wali ma te agau buluba tedela şanama, te ge dabe tubo gagalali. ² Tama Farisi hani sibi dabe me badu tede bidali. Augwaligo te sulama, te po hanalu wali, "Te dena bomu yai pode tama po wabo da, 'Sabat sogode şe egio.' Tama te po wai goli, dagego e şe magi baso ebawe?" wali.

³⁻⁴ Tama Jisasgo augwalibolo te po wali, "Te dagego te dena nqı bidi nogi Devitgo yali şe po dagego nede-bewe? Me sogo aga me, aga dali bidali bidi dabe me, augwali nai sili bidibadi tama moni nasi eyu bidali. Tama tibaso Devitgo Godigo lotu be tomoba pelama, te Godigo gesabide muani bret selama tuali. Aga hani dabego me tuali. Tiali goli, te bret te habu selai elalui, tama te pris dabego naga tubo usu yaibao wai, te bomu yai pode. Tiali goli te bret augwaligo me tuali digi, Godigo gedude dwai şe ebeo. Dagego te aşani po nedebebe?" ¹⁵ Tama Jisasgo augwalibolo te po wali, "Ena da, te Godigo Bidi Mu da. Ena da, te Sabat sogode te genuai bidi dao. Tama tibaso, bidigo Sabatde mena şe yagameo te eno waibao," wali.

Nogo penenai bidi Jisasgo Sabatde dodolai po
(Mat 12:9-14; Mak 3:1-6)

⁶ Te me sogo Sabatde Jisas te Juda dabego bomu yai po ola mabo be tomoba pelama, we bidibolo po ola mani. Tama tede te dolo nogo penenai bidi me deli bidai. ⁷ Tama te Juda dabego bomu yai po konebo bidi dabe me, te Farisi sibi dabe me, augwaligo Jisas gedu diliasa tonaluali. Magi ebawe weyu, te Jisas po tų ela mawai hagede te page gegali. Augwaligo Jisasgo te Sabatde te nogo dwai bidi dodologowe weyu, tonaluali. ⁸ Tiali goli, aga digi te bidi dabego ebo homu koneani. Tama agai te nogo penenai bidibolo te po wali, "Nage holalualo, te we bidi bidiboma teba tomoba dolaluagasao," wali. Tama te bidi hodaluama, we bidi tomode dolaluagasali. ⁹ Tama Jisasgo te tonaluali bagebolo te po wali, "Te eno dagebolo hanalu obao, dago Sabatde dwagi yai şe yaibawe? Dago bomu yai po dabego mena po wabo dawew? Dago bidi dolabo şe yaibawe, ma dago tau saibawe?" te po hanalu wali. ¹⁰ Tama agai te bidi dabe gedu tonono biliama, te nogo penenai bidibolo te po wali, "Nago nogo debelao." Tama te bidigo tama tilama, agai nogo bugagia ma gesa soali.

¹¹ Te bidi Jisasgo te nogo dwai bidi ma dodolobo şe ebo tononaluali bidi dabe da, te bomu yai po konea

† 6:3-4 Prs 24:9; 1 Sml 21:1-6

pai bidi dabe me, te Farisi hani me augwaligo te şe ebo sulama, moni şeşey eyu, guni bula salio. Augwa hasi augwaligo te bidi Jisas mu ela muabo sunumi gegabo po mibo po gagalobo şe yalio.

Jisasgo aga tagala palabo bidi dabe sa muani
(Mat 10:1-4; Mak 3:13-19)

¹² Te sogo Jisasgo Godibolo po wainu eyu, tama bulu duba holama, moni huli sesabi Godibolo po udali.

¹³ Tama te be posobo si, aga wali pabo we bidi aga pageba i olama, agai te bidi dabe nogo si olama, şaęa me badu si daş ilali. Tama nosali agai te bidi dabe "Eno tagala palabo bidi dabe da" wali. ¹⁴ Tama te bidi dabe nogi e dao, me Saimon (Jisasgo aga nogi Pita poai), me bidi nogi Andru, te Saimon aga amanu. Me bidi si nogi Jems me Jon. ¹⁵ Me bidi si nogi Filip, me Bartolomyu, me bidi si nogi me Matyu, me Tomas. Me bidi nogi Jems, te Alfiusgo ogwa da. Me bidi nogi Saimon, agai nogi me Selot. ¹⁶ Bidi me aga nogi Judas, te gasa bidi Jems aga ogwa dao. Gasa bidi aga nogi Judas, aga te Keriot bulu bidi dao. Nosali te bidigo Jisas te boi bidi nogoba muani, Jisas po hwa pabo bidi.

Jisasgo we bidi dabebolo agai po pusa mani
(Mat 4:23-25)

¹⁷ Te Jisas te bulu dude bidama aiyaba ma dulai, aga tagala palabo bidi dabe dali dulali. Tama dulama, augwali te bulu odogo tş maluba sabolama, te aga hanide po pusali. Tama umabo we bidi aga pageba asali. Augwali me badu te Judia tşdu asai, me badu Jerusalem be nanidu asai, me badu te nabis bulu sidu asai, me nogi Taia, me nogi Saidon, tedu me asali. ¹⁸ Augwali Jisasgo ola mabo po odagasai. Te gasi yai bidi dabe bugagia dodolomai hagede asai. Me badu we bidi dwai haubo bidibo we bidi aselama, Jisasgo te dwai haubo sela şayu, "Te dage pao," wali. ¹⁹ Jisas agai bomoşo gasi yai we bidi hauwa usu ilibaso, mebago me Jisas agai tigi dişwainu yali, augwali dwagi yai ma emai hagede.

Bugai homu dali hobede dali si
(Mat 5:1-12)

²⁰ Te Jisasgo aga hani bidi dabeba tonono bilama, te po wali, "Te dage nai meni yai we bidi, bugai homu iyao. God da dagego tobolu bidi dao. ²¹ Dage megi nasi ebo bage, dage bugai homu iyao. Dage nosali tabiaibao. Dage megi gela wabo bage, dage bugai homu iyao. Nosali duga gisugu waibao. ²² Megi dagego ena te Godigo Bidi Mu wali pobaso gasa bidigo dage dali sesanobo po weyu, dage buluba gudula palu, dage bidasabo po dwai weyu, dage dwai bidi dao obaso da, teda dage bugai homu pemene yao. ²³ Magi baso meni, dage bugai homu elama, gawi iyao. Tama tibaso, dagebolo maiabo nai genuai mu te dagalude elalubo. Dagebolo tama şe ebo bage augwa nşu dabego me Godigo po ola mabo bidi dabebolo me polobadu tama teduai dao. ²⁴ Tiali goli, dage megi nai hauwa munalubuo we bidi dabe dwai side bidaibao.

Duga homu tegaluama, bugagia bidali sogo te ela pali dao. ²⁵ Te nai dabe megi elalubo bage, dage dwai side bidaibao. Nosali duga nasi yaibao. Te megi gisugu wabo bage, dage dwai bede bidaibao. Nosali dage moni homu dene elama, gela waibao. ²⁶ Tama tigidali we bidigo dage kegenano baso da, nosali dwai bede bidaibao. Augwa nşuşo me te tiwai po naga tibo po pusa mabo profet bidibolo tebo po udai dao," Jisasgo te po wali.

Boi bidi dali bugai homu iyao
(Mat 5:38-48)

²⁷ Te Jisasgo te po ma wadolu, te po wali, "Megi dage eno pusubo po odalubo bidi dabe, dagebolo eno megi e po pusubao. Dagego boi bidi dali dwagi yai homu eyu, dage sesalubo bidi dabebolo dwagi yai şe eyu iyao. ²⁸ Dage i ola mabo bidi dabebolo dwagi yai homu elama, dage dali dwagi yai homu isabo bagede Godibolo po olama, dwagi yai homu ilabo po waiyao. ²⁹ Bidi mego nago nabogode ele baso da, me badu me elemainao. Bidi mego eda badu gulali holobo ugwa saket bomo elama sobaso da, te ugwadu tomode gudali holobo ugwa me somainao. ³⁰ Mena bidi augwaligo nagebolo magi nai me mao obaso da, te nago mao. Bidi mebago nago nai bomonama sobaso da, te ena ma mao wagio, somainao. ³¹ Nagebolo gasa bidigo te dwagi yai şe emainao homu ebogia, te nago gasa bidibolo me tama tiyao," wali.

³² "Dagebolo dwagi yai homu ebo bidi dabebolo naga duga dwagi yai homu eyu da, magi baso Godigo te dagebolo dwagi yai homu yao po waibawe? Dwai dwai şe ebo bidigo me augwalibolo dwagi yai homu ebo bidi dali dwagi yai homu ebo dao. ³³ Ma, te dagebolo dwagi yai şe ebo bidi dabebolo naga duga dwagi yai şe eyu da, magi baso Godigo dagebolo dwagi yai homu yao po waibawe? Dwai dwai şe ebo bidi dabego me te tama naga te tiwai şe ebo dao. ³⁴ Dugabolo wei maiabo homu aş ebo bidibolo naga te nai osogo mayu da, te magi baso Godigo dagebolo dwagi yai homu ilao po obawe? Dwai dwai şe ebo bidi dabego me te tama naga tebo dao. ³⁵ Tegio. Boi bidibolo dwagi yai homu elama, augwalibolo dwagi yai şe iyao, nai olo menama, wei ma sigimio. Genuai Godigo te agabolo nage usu dao wasişwai bidi dabebolo me, te dwai şe ebo bidi dabebolo me dwagi yai şe ebo da. Tama tibaso, dagego te şe yalide, dage maiabo nai genuai mu nosali elalubo. Tama dage Genuai Godigo ogwa dabe yaibao. ³⁶ Duga Ayago we bidi hobede elama, tau sabogia, dagego me we bidi hobede elama, tau sişo," Jisasgo te po wali.

We bidi dagalabo habu selali po
(Mat 7:1-5)

³⁷ Jisasgo po ma wadolama weyu, te po wali, "Dagego gasa bidi dabe dagalama, augwali dwai bidi dabe da po weyu, posobo po wagimio. Tama tiyu da, Godigo dage dagalama posogobeo. Şeşey yai po dagego dobagio. God agai dagebolo şeşey yai po

dobaidali weyu, dagego gasa bidibolo sege yai po wagimio. Gasa bidigo dagebolo dwai se yali te sela sa-nama, kegeda palişo. Tama tiyu da, teda Godigo dagego dwai se yali kegeda palaibao. ³⁸ Gasa bidibolo nai maişo. Godigo dagebolo me tiwaibao. Te wei Godigo dagebolo edelama, duga nogoba gelaibao. Duga gasa bidibolo mani tiwai, Godigo dagebolo ma tama mawaibao," Jisasgo te po wali.

³⁹ Jisasgo e po digi po augwalibolo pusali, "Gedu widai bidi mego me gedu widai bidi tu ola magobeo. Tama tiyu da, augwali si dali si te aji gamia soabo dedageba tulalueibao. ⁴⁰ Skul wai mego aga tisa ela holai elalubeo. Tiali goli, aga skul silama, se usu selama, aga tisa dali usu si yaibao. ⁴¹ Magi baso nago naga amago gedude elalubo dwasianu pobebe bage suai, tiali goli naga naga gedude elalubo genuai pobebe bage te bo nami tiwai te nago magi baso subo meni-we? ⁴² Nago naga gedude te genuai bo nami tiwai elalubo pobebe bage sela saşibadi, te nago magi baso naga amabolo te po weyu, 'Ama, nago gedude elalubo pobebe bage eno sela saşawio,' te po obawe? Nage ug-wadu homugo naga po wabo bidi, hasia bolo nago naga gedude te bo nami tiwai elalubo pobebe bage guda saşao. Tama tiyu nosali te nago gedu bugagia wiegi yai ebaso, teda naga amago gedude elalubo pobebe bage sela saşu guda sabode nage usu yaibao," Jisasgo te po wali.

Ni aga du dwai walobo po

(Mat 7:16-20; 12:33-35)

⁴³ Jisasgo te po digi po ma wadolali, "Bugagia pua pai holai nigo du dwai walobo menio. Ma, haganawai nigo du geswai walobo menio. ⁴⁴ Ni aga du dagego subaso da, te ni dagego konebo dao. Magi baso menio. Bidigo te sesani yai bono dilibide siga du togobo meni.

⁴⁵ Sesani yai bono dilibide me bobi dabe togobo meni. Geswai bidigo aga homude paşanalubo dwagi yai se ebo dao. Dwai bidigo da, aga homude paşanalubo dwai se ebo dao. Bidi aga homude paşanaluai po aga pedauwaligo wabo dao," Jisasgo te po wali.

Be se ebo bidi si

(Mat 7:24-27)

⁴⁶ Te Jisasgo te po digi po ma wadolu, te po wali, "Te dagego eno yao wali se isanama, magi baso enabolo 'Dago Genuai Bidi dao' po ola obawe? ⁴⁷ Eno wabo po odagasama, wali pabo bidi da, mena tama tiwai yali wenama sumainu, ola mawaibawe? ⁴⁸ Aga be se eyu, be beli ni ayanu mu diganama, masigi daiba bululama, se yai bidi aşo, te elalubao. Te be seşnama, nosali te pabo aji asobo si, te be degelebe, te be degebe. Magi baso meni. Te be se yai bidigo gisiga se yai eyu, degebe. ⁴⁹ Tiali goli, eno po odama, wali pişabo bidi da, te bidi aga be beli ni bugagia bulisişwai digi, we asiyu pogolobode polo mu pagesa soali. Tama te be mu dolali," Jisasgo te po wali.

Jisasgo te Rom genuai bidigo se ebo bidi tau sali

(Mat 8:5-13)

⁷ Te Jisasgo we bidibolo te po pusa silama, nosali Kaperneam be nani tomoba pali. ² Te Rom ami genuai bidigo te 100 ami bidi dabe tonalubo bidigo te aga dali homu keş pelama se ebo bidi isai hagede seanio. ³ Tama te ami genuai bidigo Jisas te Kaperneam hanude bidibo po odama, te Juda dabe tobolu bidi me badu tagala palali. Jisas asama, aga se ebo bidi dwagi yai ma ilaimainu, te bidi dabebolo Jisas oda sigi pişo wai. ⁴⁵ Tama te Juda tobolu bidi dabe Jisas pageba sabolama, Jisasbolo hanalua suali. Augwaligo agabolo te po wali, "Te Rom ami genuai bidi dwagi yai bidi da. Agai da Juda dabe dali homu keş pabo da. Agai dago bomu yai po ola mabo be se ebo agai masigigo da tau sali. Tama tibaso, nago agai dwagi yai se wei ponao," augwaligo te po wali. ⁶ Tama Jisas augwali hodobo pali. Jisas te bidigo be paşe asobadi yaide, te bidigo aga abagi dabe tagala palama, Jisasbolo te po wagi pali, "Genuai Bidio, nage eno beba asomaina homu ebo tiwai egobeo. Ena geswai wiegi yai bidi menio. Ena genuai bidi meni yai baso, nage eno beba asobo usu egobeo. ⁷ Tama tibaso, ena me ena digi nage pageba asobo homu ebeo. Tiali goli, nago po naga wao, eno se ebo bidi dwagi yai eyu gesa paibao. Ena me gasa bidi dabego bomu dologode bidi-bo bidi dao. ⁸ Ena me te ena genuai nogi elalubo bidigo tonaluyu bidibo dao. Tama eno digi te ena ami bidi dabe te ena dologode augwali bidibo dao. Tama eno me delibolo te po weyu, 'Nage pao' obaso da, teda aga pabo dao. Tama eno gasa bidi me dali te po weyu, 'Nage asa' wali da, teda aga asobo dao. Tama eno ena se ebo bidibolo te po weyu, 'Nago te se yao' obaso, teda agai te se ebo dao," te Rom ami genuai bidigo te po wai. ⁹ Tama te po wali Jisasgo odama, noma sali. Tudiba begelama, aga wali asali we bidibolo te po wali, "Te Israel bage tomode me Godibolo tama tiwai homu ebo bidi eno me suai menio. Megi dagebolo te mu po obe dao," te po wali. ¹⁰ Te ami genuai bidi aga po sela asali abagi dabe te ami genuai bidigo beba ma begasa pelama, te se ebo bidi bugagia ma bidibo suali.

Wilawe wego ogwa Jisasgo hodolali

¹¹ Te bidi tau sali, te sogo do Jisas be nani me nogi Nainba pali. Aga wali pali bidi dabe me, umabo we bidi me aga dali pali. ¹² Te be naniba sabaligi pobadi, te isai bidi me deli te pubaligi peyu tolasa soabo سوالio. Te isali bidi wilawe wego ogwa deli digi tama pubaligi su sobaso, aga ida me we bidi me hauwa wali asali. ¹³ Tama Genuai Bidigo te wilawe we sulama, moni hobede mu eyu, "Gela wugio" wali. ¹⁴ Nosali Jisas aga pelama, te isai bidi muani ni gologobe wa dişbadi, te ni gologobe wa tolasa asali bage dolalualali. Tama "Ogwa bidi, hodaluao, eno mu po nagebolo tama obe dao," Jisasgo te po wali. ¹⁵ Tama te isali bidi hodalua-ma, po wabo gagalobadi, Jisasgo aga idabolo ma mani. ¹⁶ Tama te tigidali we bidi moni wi elama, aug-

waligo Godigo nogi ugwaba sali. Augwaligo te po wai, "Moni Godigo po ola mabo bidi da tomode megı e pedalıgulai yabao. God aga we bidi tau sagasu, te asaı yabao." ¹⁷ Jisasgo te tiali po tıgdalı Juda dabego buluba me, te bogo badu elalua pabo buluba me, pela silalı.

Baptais mani bidi Jongo Jisasbolo po wagi pabo bidi dabe tagala palalı

(Mat 11:2-19)

¹⁸ Te Jon aga wali bilıbo bidi dabego Jisasgo ebo şe sualı po Jonbolo pusa mani. ¹⁹ Tama Jon aga wali bilıbo bidi sı i wali. Tama te bidi sibolo "Genuai Bidibolo hanalugi pao," wali, "Nage Jongo te nosalı asaıbao wali bidi dawe, ma gasa bidi me asobo dago tonalu-aıbawe?" Jongo tama Jisasbolo wao po wali. ²⁰ Tama tega sı Jisas pageba asıyu, "Te we bidi baptais mani bıdı Jongo dadı sı nage pageba nage te asaıbao wali bıdı nage tama dawe, ma gasa bıdı me tonaluagawe, po omainu dadı sı tagala palalı," te po wali.

²¹ Te sogo naga tama Jisasgo olo gası me, dwai gası mu me, te dwai noma bıdı elalubo bıdı me dwagi yai ma ilalı. Tama gedu wıdai we bıdı me gedu ma pedalı. ²² Te po obaso, Jisasgo augwalıbolo te wei ponoyu te po wai, "Dage pelama, Jonbolo te tıgdalı şe dagego odalı po me te sualı şe me te po tıgdalı agabolo wagi pao. Dagego e subao, te gedu wıdai bıdı dabe augwalı gedu usu ma ilıyu, te saęa dwai bıdı dabe augwalı bugagia ma bilıbo dao. Te oıyabe yai bıdı dabe augwalı tıgi wıegi yai pedalıyu, tama olo degai bıdıgo po ma odobo dao. Te isalı bıdı dabe augwalı ma hodalıyu, tama te magı nai meni yai bıdı dabe augwalıgo te Godigo wıegi yai gesı po odobo dao. ²³ Tama bıdı enade homu sı isıęma tama ena aga tudıba musıębo bıdı, te bıdı aga wıegi yai homu pemene yao," Jisasgo te po wai.

²⁴ Tama tede bıdıalı we bıdıbolo Jisasgo te po hanalu wali," Polobadu dage te bıdı meni yai buluba palı, te bıdı Jon dagego sugı palı, te dagego magı nai sugı palıwe? Ma, dagego te awı dılı me delı, te walıgo memenege ilıbaso sugı palıwe? Menıo. ²⁵ Te menıo. Magıde suainu paı dawe? Wıegi yai ugwa gudalı bıdı dagego sugı palıwe? Te menıo. Te tobage ugwa gudalıubo bage, te doado bage umabo munalubo dabe, augwalı te genuai gavman tunı bıdıgo wıegi yai be dabede bıdıbo dao, te bıdı meni yai bulude meni. ²⁶ Tıalı gılı dage magı baso paı dawe? Ma, te Godigo po pusubo profet bıdı me delı sugı paı dawe? Awe, eno dagebolo obao, e Godigo po pusubo profet bıdıgo da, agaı te gasa te Godigo po pusalı profet bıdı dabe te tıgdalı aıyaba elalualıo. ²⁷ Te Jon agade te gasa profet bıdıgo Godigo wali po polobadu aşai dao, 'Suao, te eno po pusabo bıdı tagala palobaso, tama aga nage asabo dıgi polasa paıbao. Agaı nago tı sısı ilıgi paıbao.' †

²⁸ Ma wadolu, Jisasgo te po wali, "Eno dagebolo obe dao, e tıde ame nabo we bıdı tıgdalı Jongo aıyaba

elalualıo. Tıalı gılı, te Godigo obo tomode bıdıbo monı nogı meni yai bıdı me agaı nogıgo te Jon aga monı nogı aıyaba elaluaıbao," Jisasgo te po wali. ²⁹ Te bıdı Jongo baptais manı we bıdı dabe me, te baptais salı te takıs sabo bıdı dabe me, augwalıgo Jisasgo wali po odolama te homu yai, Godigo mu po dolo wali da homu yalıo. ³⁰ Tıalı gılı, te Godigo augwalı tau sainu yalı homu Farısı sıbı dabe me, Juda dabego bomo yai po ola mabo bıdı dabe me, augwalıgo te homu sela şana-ma, "Jongo da baptais mabo hagelabo," te po wai dao.

³¹ Ma wadolu, Jisasgo te po wali, "Dage megı bıdalubo bage magıdeba usu nagawe? Dage magı nai tıwai yagawe? ³² Dage da, te maketde gagalı ebo wai puluba aę, te elaluba. Te wai puluba mego hai ulugu weyu, 'Dago ona sulubadı gılı, dagego tıębı ebe. Me ma, dago gela obadı gılı, dagego gela wabe.' Magı baso meni. ³³ Te we bıdı baptais mabo bıdı Jon asama, nai gısilu, bomai wı gısilu yalı gılı, dagego te agade 'Aga da, te dwai noma bulalubo bıdı dao,' te po wali. ³⁴ Me ma, ena Godigo Bıdı Mu asama, nai tuyu, aı tuyu ebadı gılı, dagego enabolo 'Buluba sela şawai bıdı dabe, takıs sabo bıdı dabego abagi dao,' wai dao. Me dagego enade 'Bomai aı me nai e tudu gebo dwai bıdı dao,' wai dao. ³⁵ Tıalı gılı, Godigo po wali pabo we bıdı dabebolo Godigo kolesaga mu augwalıbolo mu ola mabo dao," Jisasgo te po wali.

Jisas te Farısı sıbı bıdı nogı Saimongo bede nai tualı

³⁶ Te Farısı bıdı mego Jisas agaı beba nai tuagasomainu eyu, i wali. Tama Jisas agaı beba pelama, nai tuainu, nı nanı daıde dulalu tıęlualı, Juda dabe augwalıgo nai tubo şe ebogia. ³⁷ Te be nanıde dwai dwai şe idubo we me delı bıdı. Te wego Jisas te Farısı bıdıgo bede bıdıbo po odama, masıgıgo nıgai genagi delı denanı yai wel paęanalubadı, te beba sısalı. ³⁸ Jisasgo saęa pagede tudı badu dolaludu, gela weyu, aga gela guago Jisas saęa sawalı nadugwalı. Tama te we aga bobobage tobolu nısigı Jisasgo saęa sawalı holama, saęa sawalı sı nono nenama, te denanı wel aga saęade pilalı. ³⁹ Tama Jisas i wali Farısı bıdıgo aga homude 'E bıdı Godigo po ola mabo bıdı tıgi sogo da, te da te mena tama bilıbo wego ena dıę yagasobo we homu egi dao, ma mena tama bıdıbo we yalıwe wagi dao,' te Farısı bıdıgo te homu yalı.

⁴⁰ Jisasgo te Farısı bıdıbolo te po wali, "Saimon, nagebolo eno pusabo po me delı elalubao." "Tısa bıdı, enabolo pusao," Saimongo te po wali. ⁴¹ Jisasgo tama gagalı, "Gasa bıdıgo bıdı me sibolo mone negelı manı. Bıdı mebolo 100 kına mobadı, mebolo 10 kına mayu yalı. ⁴² Tama nosalı tega sıgo te mone wei ponabo aę isıbaso, agaı mone negelı sı sela şawanı. Mena bıdıgo te mone negelı munanı bıdı dalı homu mu keęluaıbawe?"

⁴³ Saimongo te po wali, "Eno homugo mone genuai mu salı bıdıgo te bıdı dalı homu mu keęluaıbao," wali. "Nago po dolode walao," Jisasgo te po wali. ⁴⁴ Te sogo naga Jisas te we pageba ugwaba begegi soyu, Saimon-bolo te po walıo, "E we nago subawe? Ena nago beba

† 7:27 Mal 3:1

asali goli, nago ena bugagia gesesiawai, eno sağa ađ tela yabo ađ me mawai meni. Tiali goli, e wego gela guago eno sağa sawali ađ tedalama, aga bobobage to-bolu nisigo eno sağa holali. ⁴⁵ Nago beba ena asobadi, dwagi yai homu elama, nago ena nono nabe. Tiali goli, e wego da, ena asobode gagalama eno sağade nono nabo togobeo. ⁴⁶ Nago wel eno toboluba me mube. Tiali goli, e wego dwagi yai denami welgo eno sağa sawali usu nani. ⁴⁷ Eno nagebobo obe dao, agai enade mu tia pabogo agai dwai dwai se yali mu sela sawani nama e ola maniao. Mego ena dali homu dwasianu keğluba, ta dwai dwai se yali dwasianu sela sawani te ola mobao," Jisasgo te po wali. ⁴⁸ Tama Jisasgo te webolo te po wali, "Nago dwai dwai se yali polo sela sawani," wali. ⁴⁹ Me badu ni namide dugulalui we bidi augwa homugo te po wali, 'E niwai bidi yaliwe? Agai we bidigo dwai dwai se yali sela sabo dao,' augwaligo te po wali. ⁵⁰ Tiali goli, Jisasgo te webolo "Nago enaba homu beagasaligo nage sana palali dao. Nage dwagi yai homu dali pao," wali.

Jisas dali pali we dabe

8 Te tiali magede, Jisasgo Godigo we bidi tonalubo dwagi yai po pupusu biligibu genuai be nani dabe dali, dwasianu be nani dabeba pali. Aga dali bilibo nogo si olama, sağa si peda sigisu tama bidi dabe aga dali pali. ² Te we dabe, me badu dwai haubogo tuaide Jisasgo sela sayani we dabe me, me badu gasi ebaso, te gasi sela sayani we dabe me, augwali Jisas wali bilali. Te we me nogi Maria, aga bulu nogi Makdala. Polobadu dwai haubo nogo a naga olama, me badu nogo si peda selama, te tama haubo noma bidigo te we tolalubaso, Jisasgo sela sayani. ³ We me nogi Joana, Herotgo bede se ebo genuai bidi Kusago we dao. We me nogi Susana. Me badu we dabe hauwago augwa monego Jisas me, Jisas aga dali bilibo bidi dabe me tau sali.

8 Tubo nai ge sasa bilibo bidiba elasa soali po digi po pusali

(Mat 13:1-9; Mak 4:1-9)

⁴ We bidi dabe hauwa moni be nani dabedu aseselama, Jisas pageba moni pesage odogolama bidibadi, Jisasgo te po digi po augwalibolo pusali. ⁵ "Me sogo bidi me deligo aga tubo nai wai ge te giba telaligi pai. Tama aga te nai ge tedelalo bilibadi, me badu tude tulaluali. Tama nosali te tude tulaluali nai wai me badu bidigo sağago agayu, me badu ba dabego tuali. ⁶ Tama aga te nai ge tededalo bilibadi, me badu elewi elalubo tđ daiba tulaluali. Tama nosali te nai ge kulubi holali goli, tđ ili meni duama, sasia pelama, isali. ⁷ Tama te bidigo nai ge me badu sesani yai bono siliba tedelaluali. Tama nosali holobadi yaide, te sesani yai bono dabe dali talua holama mesegelali, tama te nai isila pali. Tama me badu ge dabe dwagi yai tđba tulaluali. ⁸ Te nai dabe holama, du umabo walali. Duga po odabo olo elalubaso da, bugagia odiao," Jisasgo te po wali.

Te po digi po dabego se

(Mat 13:10-17; Mak 4:10-12)

⁹ Jisas aga dali bilali bidi dabego hanaluyu, "Nago wali po digi po mena po olama, obawe?" wali. ¹⁰ Jisasgo wei ponoyu, te po wali, "Godigo te we bidi tonalubo bomo geme dualalubo po page dagebobo da hanilai dao. Tiali goli, gasa we bidi dabebobo eno te po digi pogo naga ola mobe dao. Augwaligo gegali goli, te susiamainu eyu, te odali goli, te konesiamainu tebo dao," Jisasgo te po wali. †

Jisasgo te tubo nai wit ge tedelabo bilali bidiba ela sigi soali po digi po page hanilani

(Mat 13:18-23; Mak 4:13-20)

¹¹ Jisasgo te po ma wadolu, te po wali, "Te po digi po e tama po weyu, te walio. Te tubo nai ge da, te Godigo po dao. ¹² Te tubo nai ge tude tulaluali da, te bidi dabe augwaligo po odali goli, Satan asama, te poba homu begi pelama, sana pidali weyu, agai sela sayagasali po olama waliao. Satango homugo tiali, teyu te augwaligo homude konealubo po dağ obaso da, te Godigo augwali ma saiba homu yali. ¹³ Te tubo nai ge elewi elalubo tđ daiba tulaluali po wali da, te bidi dabe augwaligo dwagi yai homu elama, te po odali tiwai yali. Tiali goli, augwa homu tomoba te po mu musiam, olo ugwadu homugo te poba begi pelama elalubadi, te Satango dwai se yanama sinabo sogo augwali tulalu, te Godiba homu muani tagalobo dao. ¹⁴ Te tubo nai ge sesani yai bono sili elalubo tomoba tudulaluali po wabo da, te da te bidi dabe augwaligo te Godigo po odali tiwai yali goli, e tđde ebo naide moni homu hauwa eyu, te nai doado bage hauwa elalu, te monede me, e tđde ebo seđe bugai homu pemene eyu, tama te nai doado bagego augwali homu hogodabo meseğelama, te augwaligo Godigo po bugagia me odobeo. Augwali te nai du bugagia walama, te inawai nai tiwai elalube dao. ¹⁵ Te tubo nai ge te ili elalubo dwagi yai geswai tđde tudulaluali po wali da, te da te bidi dabego po odama, te augwa bugagia wali pelama, te homude dağ ola sali tiwai yali. Te augwa haliga bugagia dolasa elalubadi, te augwa bomu elama bidu, te augwa nai du walobo tiwai te elaluali dao," Jisasgo te po wali.

Bidi dabe augwaligo lam sole ula te baket dologoba gemi dualigio po wali, te po nogo habu sugunama wali

(Mak 4:21-25)

¹⁶ Jisasgo po ma wadolama weyu, te po wali, "Bidi mego te lam sole domonama bogoli ebadi, tama sela asama, te senego mesegelu, ma pibo bet dologoba mugibu me egobeo. Menio. Te bidi dabe augwaligo te tebol sai daiba ugadu dugulaibao, te be tomoba asobo we bidi dabe augwaligo te ula sumainogo tebo dao. ¹⁷ Te tigidali magi magi nai geme dualaluali, te nosali

† 8:10 Ais 6:9-10

pebeli diliba hanilaibao. Te tigidali magi magi po te bidi dabego geme mesegaluali, te po te hania pebeli diliba pedelama, we bidigo odaibao. ¹⁸ Dagego te po odoyu, mu dua dao. Bidi mego nai meba tolalubo bidi yai baso da, teda Godigo agabolo gasa nai me ugadu daganama mawaibao. Tiali goli, bidi mego nai me deli menibadi goli, te dwasianu aga tobade munaluba homu yali nai sela paibao," Jisasgo te po wali, te bidi dabe augwa homu agaba muani bidi dabeba magi paibao po wali.

De dede te Jisasgo ida me ama dabe dawe?

(Mat 12:46-50; Mak 3:31-35)

¹⁹ Jisas aga ida me ama dabe me aga pageba asainu yali goli, tama we bidi dabego sesela selama, te Jisas suabo aq ebeo. ²⁰ Mebago Jisasbolo te po wali, "Naga ida me, naga ama dabego me nage sueo olama, bulu badu e dodoladubao," wali. ²¹ Jisasgo te we bidi augwalibolo te po wali, "Godigo po odama, wali pabo we bidi da, ta eno ida dabe, ama dabe dao," wali.

Jisasgo moni wali tamunani

(Mat 8:23-27; Mak 4:35-41)

²² Me sogo Jisas me aga dali bilibo bidi dabe me moni geba ugwaba daiba holama, tomoba dualama, tama agai te po wali, "Da e sigi aji u badu bogu badu pinao." Tama augwaligo nogebo gagalali. ²³ Tama augwaligo te we gebadu habesegego todogo pidubadi, te Jisas godege piali. Moni bomai wali te sigi aji pedelama, te geba tomoba aji pagela sawani. Augwali dwai tupa mu degelali. ²⁴ Augwaligo Jisas hodolagasu, te po wali, "Genuai Bidi, Genuai Bidi. Da isabo magana pali." Tama Jisas hodaloama, wali hageyu, te waligo sabilibo aji hagelama togoliyu yali. Te waligo me, aji me moni te bomu hodali tagalama, ma tamugulali. ²⁵ Tama aga wali bilibo bidi dabebolo te po wali, "Magi baso enaba homu beagasobewe?" Tiali goli, augwali noma selama, wi yali. Augwa hasi ugwa tono eda, tono elama, te po wali, "E magwai bidi yaliwe? Agai te wali dabe, aji dabebolo me hage baso, augwali sigo agai wabo po wali pabo dao," augwaligo te po wali.

Bidi me delide dwai haubo dabe elalubo Jisasgo sela sawani

(Mat 8:28-34; Mak 5:1-20)

²⁶ Te augwali te moni gebadu pelama, te u badu bogu badu Gerasa dabego buluba sabolali. Te bulu te Galili bulu dolo si dao. ²⁷ Tama Jisas te gebadu asobadi yaide, dwai haubogo toai bidi Jisas tiaba asali, te aji saniba. Polobadu te be nanide bidama, bolu olo te isai bidi mubo ola be dabeba gudasa pelama, bidai. ²⁸ Te bidigo Jisas suyu, moni hai gela olama, Jisas saqa pageba degagaselama, moni i hai olama, te po wali, "Jisas, nage moni genuai Godigo Ogwa dao. Nago enabolo magi se egowe? Nago ena dene magio," wali.

²⁹ Jisasgo dwai haubo pomainu gudulu baso, te bidigo te po wali. Polobadu hauwa sogo bidi dabego te bidi aligabo bidilama, kalabuside muani. Mubadi goli,

dwai nomago tulama, diq paludali. Tama te dwai haubogo te bidi te bidi meni yai bulu tomoba sela piduali. ³⁰ Jisasgo agabolo hanalu wali, "Nage nogi de dawe?" te po wali. "Ena nogi Hauwa dao," te bidigo te po wali. Dwai haubo noma bidi hauwa mu aga tigiba dagawani baso, te nogi "Hauwa" poai. ³¹ Tama te dwai haubo dabego Jisasbolo hanalu, te po wali, "Da megi dwai bulu te bidibolo dene mabo madiba mugio," wali.

³² Te kibu dabe umabo ugwadu sau pado pade nai tuyu bidaluali. Tama te dwai haubo dabe augwaligo u kibu dabe tigiba dagana sigi pai hagede, Jisasbolo gonai. Tama gonobaso, Jisasgo augwa te emainu tagala palali. ³³ Tama tibaso, te bidi tagalama, kibu dabe tomoba pali. Moni te kibu dabe tigidali wi peyu, te sigidu sau padoba samonama, sigi aji tulaluama, tama augwali te we tulama poma peyu isila pai dao.

³⁴ Te kibu dabe negeduali bidi dabego te tebo sulama, polo pelama, moni be nani dabeba me, moni gi se eyu bidalubo bidi dabeba me te se yali po pupusu bilali. ³⁵ Te we bidi dabe augwaligo te tiali se po odama, sugibu pebelawali. Augwali Jisas pageba aselama, suali, te dwai haubo dabego tulama wabo pali bidi te dwai haubo bidi sela sabaso, te aga ugwa ma gudama, Jisas saqa pagede dugulalubo suali. Aga polobadu wiegi yai homu dali ma elama, duguladubo suali. ³⁶ Tama tibaso, augwali moni wi mu yali. Jisasgo te se ebo suali bidi dabego te we bidibolo te bidi sana palobo suali po pusali. ³⁷ Tama te Gerasa bulu bidi dabe tigidali wi kisu mu dobaso, Jisas pao olama, gudulali. Tama te po obaso, Jisas te geba daiba holama, painu yali. ³⁸ Tama te dwai haubo noma bidi dabego taga pali bidigo Jisasbolo po bomu elama mu hanalu wali, "Ena me nage dali paio," wali. ³⁹ Tiali goli, Jisasgo te bidi ma geliyu, te po wali, "Nage ma geasa pelama, Godigo nagebolo yali se po naga pesageba pupusu biligi pao." Tama te bidigo te be nanide bidibo we bidi tigidalibolo Jisasgo agade yali se po pupusu bilama, siminani.

Jisas aga ugwa diq yagasali we dali, Jairus aga wegidi dali side po

(Mat 9:18-26; Mak 5:21-43)

⁴⁰ Jisas te sigi aji me badu pedai bogu badu te moni gebadu ma nogebadi yaide, te we bidi tigidali augwaligo aga asobaso sulama, te augwa dwagi yai homu pemene yali. Magi baso meni. Augwaligo aga asobo tonalwai dao. ⁴¹ Tama Juda dabego bomu yai po ola mabo lotu be tonalubo genuai bidi tobolu bidi nogi Jairus sabolali. Aga Jisas saqa pageba degelagaselama, "Nage eno beba asaibawe?" olama, hanalu wali. ⁴² Aga wegidi deli digi kibu be nogu si olama, saqago si peda sigi soai te wegidi isai sinabaso, te po wali. Jisas tu sisu pobadi yaide, genuai hani we bidigo aga mu beasa pali. ⁴³ We me deli bididwai, te wego tigide kaneme pidubadi, kibu be nogu si olama, saqago si peda sigi soali. Aga mone dabe tigidali aga tau somainu dokta bidi dabe abeliyu mone mani goli, augwaligo aga me tau sabo aq ebe. ⁴⁴ Te we bidi tomode te we Jisas tudi badu aselama, Jisas agai ugwa sabi badu diq yani. Te

sogo naga tama agai tigidu kaneme duludali polo tama togwa salio.

⁴⁵ Jisasgo te po hanalu wali, "Ena dego dią yaniwe?" Tigidaligo "Ena menio" ola silali. Tama Pitago te po wali, "Genuai Bidi, we bidi hauwago nage mu bealu, nage pogolobao." ⁴⁶ Tiali goli, Jisasgo te po wali, "Eno bomo dią si da obaso, eno koneanio, bidi mego ena dią yani homu ebaso." ⁴⁷ Tama te wego agai yali şę Jisas agai aga sulama konebaso, te we didibili dali eyu, Jisas şaęa pageba kidu sugunagasalio. Te we bidi tigidali gesabidide Jisasbolo Jisas aga tigi dią yani po pusali. Tialigo aga ma polo gesa pali po pusali. ⁴⁸ Tama Jisasgo te webolo te po wali, "Eno wegi, naga enaba homu konealubo homu bealubogo nage te usu ilaliąo. Dwagi yai homu elasa pao," wali.

⁴⁹ Jisasgo te po odubadi yaide, genuai bidi Jairusgo bedu tolai po wagasobo bidi asali. Te po sesali bidi agai Jairusbolo te po weyu, "Nago wegi isai dao," wali. "Te po ola mabo bidi aga asao po ma wagi," wali. ⁵⁰ Tiali goli Jisasgo te po odama, Jairusbolo te po wali, "Wi egio. Enaba naga homu beaduo. Nago wegi ma hodaluabao," wali. ⁵¹ Tama Jisas te beba sabolama, bidi me asa wabe. Tiali goli, Pita badi, Jems badi, Jon badi, te wegi aga ida de aya si badi elama naga Jisas dali te be tomoba pali. ⁵² Te isali wegi diliigi asai we bidi tigidali te wai hagede moni hobede elama, gela wali. Tama Jisasgo augwalibolo "Gela wagimio, e wegi isibe dao. Aga olo pila mubao," te po wali. ⁵³ Te wegi isai goli, Jisasgo mu isibe da obaso, augwaligo Jisas gisugu mani. ⁵⁴ Tiali goli, Jisasgo nogogo te wegi nogo tulama, bomonama, "E wegi, nage hodaluao," te wali. Aga noma ma bula sagasama, te sogo tama polo hodaluali. ⁵⁵ Tama Jisasgo te wegi aga ida ayabolo "Tubo nai me te wegibolo mao," wali. ⁵⁶ Te wegi aga ida aya moni noma sali goli, Jisasgo "E tama tiali po gasa we bidibolo pusugio," wali.

Jisasgo te nogo si olama, şaęaęo si bidi dabeba şę mayu, tagala palali

(Mat 10:5-15; Mak 6:7-13)

9 Te Jisasgo te nogo si olama, şaęa badu peda sigi soabo bidi si te augwali deliba sisinimainu i olama, tama agai augwaliba te genuai bomo me nogi mayu, te augwaligo te we bidi dabede dwai haubo noma bidi sela şayu, tama augwaligo te tobage gasagi yai gasi dabe tigidali sela şanama, usu ma ilabo bomomanio. ² Tama God agai we bidi tonalubo po me, gasi yai we bidi tau siyu me emainu, Jisasgo augwali tagala palali. ³ Agai te bidi dabebolo te po wali, "Dage pelayu, magi nai me sela pigimio. Dono me, nai gonobo wa me, tuabo nai me, mone ge me, te ugwa si me, te tama nai dabe me sela pigimio, bede taga pao. ⁴ Dage mena buluba pobadi, augwaligo dage dali dwagi yai homu ebaso da, teda dage te bede naga bidao. Te be nani taga soabo bodolude taga soyu, te gasa buluba me peyu yao. ⁵ Te dage hanu me deliba pobadi yaide, te hanude bidibo we bidi augwaligo beba dage odasa pisama, tama dagego wabo pode dwagi yai homu

isabaso da, te hanu bulu taga soao. Te dage soai hagede, te augwa kolesaga geda muani koneama sumai hagede, duga şaęade elaluali pu hola şanama, taga soao," Jisasgo te po wali. ⁶ Tama augwaligo Jisas taga pelama, tigidali be nani sisu pebelayu, Godigo dwagi yai po pusuyu, gasi bidi tau siyu ela pali.

Gavman bidi Herot homu kone tuą pali

(Mat 14:1-12; Mak 6:14-29)

⁷⁻⁸ Te Galili tų tonalubo tobolu bidi Herotgo te Jisasgo yali şę po dabe odali. Tama aga homu kone tuą pali. Magi baso menio. Bidi mebago te baptais mani bidi Jon ma hodaluama, bidibao, wali. Mebago "Te polobadu bidali profet bidi Elaija ma pedelama, bidibao," te po wali. Mebago polobadu Godigo po ola mani bidi ma pedelalio wali. Te po hauwa obaso, Herot aga homu kone mu tuą pali. ⁹ Tama Herotgo te po wali, "Eno pode Jongo holo togwa şawai goli dao, e ma niwai bidi po eno odobo agawe?" Tibaso, Herot agai 'Jisas da, te polobadu bidali bidi Jon dawe?' homu eyu, tama 'Jisas sueibao' wai.

Jisasgo bidi umabo mu te 5,000 bidi nai mani

(Mat 14:13-21; Mak 6:30-44; Jon 6:1-13)

¹⁰ Jisasgo tagala palali bidi dabe augwali Jisas pageba ma sabolama, te augwaligo yali şę po dabe ma pusagasali. Tama Jisasgo augwali oda selama, pali. Te gasa we bidi dabe bidibadi tagalama, te augwali naga te hanu me deliba pali. Te hanu nogi Betsaida dao. ¹¹ Augwaligo te we bidi dabe taga pali. Umabo we bidigo augwali pali po odama, augwali me nosali pali. Aga pageba augwali sabolobaso, Jisasgo dwagi yai homu elama, God agai we bidi tonalubo po pusa mayu, gasi yali we bidi meba tau sali. ¹² Giliga aiyaba osoga sobadi yaide, Jisas aga wali pabo bidi dabe augwali aga pageba aselama, agabolo te po wali, "E bidi meni yai digi dao. E we bidi tagala palama, augwa digi tuabo nai me, piabo be me gegemainao, te dwasianu be nani dabede me, te gi dabede me." ¹³ Tiali goli, Jisasgo augwalibolo te po wali, "Tuabo nai duga digi mao." Augwaligo wei ponoyu, te po wali, "Dago bret a naga badi, şuęu si badi elama naga, munalubao. Moni we bidi dabego tuabo nai dabe dago abelegi pomainu obawe?" (Tama tede bidibo bidi dabe namba nedebo te umabo mu, te 5,000 dao.) ¹⁴ Jisasgo aga bidi dabebolo weyu, "Te we bidi dabe dugayao po wao," po wali. "Bugulama, te haniani nani elama, duga duga pao, te bidi sese si olama nogo si te 50 50 naga nidigi pelama, dugayao wao," te po wali.

¹⁵ Te Jisas aga dali bidibo bagego agai wali po selama, dugaya baso, duga duga pali. ¹⁶ Tama Jisasgo te bret a naga badi, şuęu si badi selama, dagaluba tonalu, Godibolo nage usu dao wali. Nage usu da olama, te nai pebedama, Jisas aga dali bidibo bagebolo menama, te bagego ma te we bidi dabebolo doboba pali. Te tibadi yaide, te tubo nai kua pali. Augwaligo te nai tulama, tabiali. ¹⁷ Tama Jisas aga wali pali bagego te we bidigo tulama me badu tagalali nai dabe

nedama, bonou wa nogo si olama, sağa si peda sigisu pağa yani.

Pitago Jisas dolo mu nogi ya mani

(Mat 16:13-19; Mak 8:27-29)

¹⁸ Te me sogo Jisas agaduba Godibolo po odubadi yaide, aga wali pali bage aga pageba asali. “We bidi augwaligo ena da de da wabo dawe?” augwalibolo tama hanalu wali. ¹⁹ “Mebago nage da te we bidi bap-tais mani bidi Jon dao wabo dao,” augwaligo te po wali. “Mebago ma nage Elaija dao, te wabo dao. Meba-go ma polobadu Godigo po ola mani bidi ma hodaloai bidi dao wabo dao,” augwaligo te po wali. ²⁰ “Dagego homugo ma ena de da wabo dawe?” wali. Pitago te po wei ponoyu, te po wali, “Nage da, Kraisa da, Godigo da Juda we bidi tau somai hagede tagala palali bidi dao,” Pitago te po wai.

Jisasgo aga dene selama, isabo po wali

(Mat 16:20-28; Mak 8:30-9:1)

²¹ Jisas agai augwaligo te po mebolo waidali weyu, bomona hageali, “Te po mesegeleiao,” wali. ²² Agai te po me wali, “Ena da, Godigo Bidi Mu da. Tama nosali te Juda dabego genuai bidi dabego me, te pris tobolu bi-di dabego me, te Juda dabego bomoyai po ola mabo tobolu bidi dabego me, augwaligo ena buluba ela palama, dene genuai mu mawaibao. Augwaligo ena isilama, nosali sela wali sogo ena hodaluwaibao,” te po wali.

²³ Jisasgo tigidali we bidibolo te po wali, “Te ena wali me niwai bidi asainu da, aga tobade homu konebo gege da pelama, ena tigde ebo dene tiwai aga bidibo donolama iduabo bidi, ena wali asao. ²⁴ Bidi me aga e tðde bidibo sogo aga tobade aga tigi sese yaida homu eyu da, te doaibao. Me ma, bidi me ena wali asobadi yaide, aga tðde bidibo sogo sia sobaso da, nosali bidibo ula selama, ma bidaibao. ²⁵ Bidi mego e tðde elalubo nai tigidali aga sai goli, aga digi ma dolo ma aga ma aiyaba elalu, te nai dabego aga mena tama tau sabo usu egowe? Te menio. ²⁶ Bidi mego enade hale eyu, eno ola mabo pode hale eyu ebaso da, teda nosali eno te bidide hale yaibao. Nosali Godigo Bidi Mu aga bomoyai dabe dali, aga ayago bomoyai dabe, moni ensel dabego bomoyai dabe dali asobo sogo, te hale yai bidi suyu, ena Godigo Bidi Mu eno me te bidide hale yaibao. ²⁷ Te po koneao. Dage megi e bidalubo bidi dabe me badu isisabadi, Godigo we bidi tonalubo se sueibao,” Jisasgo te po wali.

Jisasgo tigi osogo hasegelali

(Mat 17:1-13; Mak 9:2-13)

²⁸ Te po olama, Sarere deli bidama, Pita badi, Jon badi, Jems badi, tama bage Jisasgo selama, bulu duba Godibolo po wainu holali. ²⁹ Tama agai Godiba gedu haluasa po obadi yaide, aga megi tama elaluali tigi gesabidi tagalama, gasa tigi yai gesabidi hasegelama, aga ugwa dabe me te gasa tedela yai mu gagalama, te ula umagi mu pedelalio. ³⁰ Te sogo naga polo tama bi-

di si aga dali po udubo suali, te bidi Moses dali Elaija si dao. Te Moses, polobadu mu te bidibolo God agai te bomoyai po Juda dabebolo mani. Te bidi Elaija aga nosali bidiyu, Godigo agabolo ola mani po agai te Juda bagebolo pusali bidi dao. ³¹ Te bidi si asali, te Godigo ula dali pedelama, te dagalude elalubo pò tedela mu tiwai yali. Te bidi sigo Jisas dali po uduali. Godigo polobadu wali po te dolo wali pomai hagede eyu, Jisas Jerusalemde isabo bodolu maga baso, augwali sigo te po aga dali miduali. ³² Te sogo Pita me, aga abagi si me gedu magane ebaso, godege piyai goli, hodaluama, te Jisasde te dagalu pò tedela ula tiwai ula Jisasde elalu, te aga dali dolaluali bidi side me te tiwai ula elalubo suali. ³³ Tama te bidi sigo Jisas taga pidali weyu, Pitago Jisasbolo te po wali, “Genuai Bidi, da ede tama bidibo da usu dao. Da selago ugwa be sela sèna-ma, me nage osogo bidabo be se eyu, me Moses osogo bidabo be se eyu, me Elaija osogo bidabo be se eyu yaibao,” te po wali. (Pita noma siyu, agai wali po page kuna konesiama tama wali.)

³⁴ Pita agai po odubadi yaide, pò pedalama, pò tiwai-gu augwali mesaga sali. Tama te pogo augwali mesaga sagasobadi yaide, te Jisas dali bilali bage wi yali. ³⁵ Te pò tomode po me dagayu te po wali, “E eno Ogwa dao. Agai eno se emainu sa muani Ogwa dao. Dagego agai wabo po odao.” ³⁶ Te po togwa sobadi yaide, Jisas agaduba bidibo suali. Te pedelali se dabe augwaligo osogo hogwa selama, tama tiali po te we bidibolo dwasianu me pusube.

Jisasgo dwai nomago toai ogwa usu ilali

(Mat 17:14-21; Mak 9:14-29)

³⁷ Te sogo do te Jisas aga wali bilibo bidi dabe dali te bulu bubia bidu aiyaba dulubadi, te we bidi umabo te Jisas tiğba asali. ³⁸ Te we bidi tomode bidi me deligo moni hai i olama, te po wali, “Po ola mabo bidi, eno nagebolo hanalube dao, e suo. Eno ogwa deli digi tama dao. ³⁹ Dwai noma bidigo tuai digi, moni hai olama, nogo sağa didigi ebo dao. Te aga kele dawede pesa dini pağana pabo dao, kelelaude. Tama tiduama, bomonama, dene ilama, taga pabo da. ⁴⁰ Naga wali bilibo bidi dabe augwaligo te dwai haubo noma bidi sela şamainu eno hanalu wali goli, augwaligo usu selama, usu meni baso, tagalai,” te po wali.

⁴¹ Jisasgo wei ponoyu, te po wali, “Magi baso dagego homu enaba begi pisama, gagega pidubawe? Ena dage dali nisu naga sogo bidigowe? Nisu naga sogo dagego sege eno tologowe?” wali. Tama te ogwa aga ayabolo te po wali, “Nago ogwa eba sesao.” ⁴² Te ogwa Jisas pageba asobadi yaide, te dwai haubo noma bidigo elama, tğba degasa pelama, aga nogo sağa didigi yali. Tama Jisasgo te dwai haubo noma bidibolo hagebo po weyu, te haubo bidi sela sayu, te ogwa ma sana palama, aga ayabolo ma mani. ⁴³ Godigo moni bomoyai sulama, tigidali we bidi noma mu sali.

Jisasgo aga isabo po ma pusali

(Mat 17:22-23; Mak 9:30-32)

Te we bidi Jisasgo te yali se tigidali sulama, noma sali homu me elalubadi yaide, agai aga wali bilibo bidi dabebolo te po wali, ⁴⁴ "Megi eno dagebolo wabo po munu me kegeda pigimio. Augwaligo te ena Godigo Bidi Mu e tede bidigo bomoba mawaibao." Te po page mena tama waliwe augwaligo konebe. ⁴⁵ Te po page augwaligo koneidali weyu, Godigo dualali. Tama te po page Jisasbolo ma hanalu wabo augwali wi yali.

De genuai mu dawewe?

(Mat 18:1-5; Mak 9:33-37)

⁴⁶ "Da tomode de genuai mu dawewe?" te po olama, Jisas wali bilibo bidi augwa hasi konila yali. ⁴⁷ Augwaligo te konila ebo homu Jisasgo koneama, dolo po mu oba homu emai hagede, wai boq me deli oda selama, aga panogo badu dualali. ⁴⁸ Augwalibolo agai te po wali, "Bidi mego enade homu kone palu te ena tobade e wai boq tiwai dali bugai homu eyu, tau sali da, te agai enade bugai homu eyu, tau siyu tebao. Bidi mego ena asobadi, bugai homu eyu tau sobaso da, teda ena tagala palali bidi dali bugai homu eyu tebao. Magi baso meni, bidi me aga digi nogi elaluama, te dage tigidali tomode aga nogi dwasianu mu elalubo bidi yai baso da, te aga polalubo bidi mu bidaibao," Jisasgo te po wali.

Bidi mego dage boi bidi isiama hagebaso da, te duga abagi hasi dao

(Mak 9:38-40)

⁴⁹ Te bidi Jongo po dagalama weyu, "Genuai Bidi," te po wali. "Bidi mego Jisas nago nogide dwai noma haubo bidi dabe sela sasas bilibo dago sulama, te bidi-ba dago hagebo po wai dao. Aga nage wali pabo bidi meni baso, dago aga habu seliyu, hageai dao," wali. ⁵⁰ Tiali goli, Jisasgo te po wali, "Dagego te tobage bidi hagegi biligimio. Gasa bidi agai dageba boi bidi ebo se isiabaso da, te duga abagi hani bidi dao," wali.

Samaria tde bidi dabego Jisas asobaso, dwagi yai homu ebe

⁵¹ Te Godigo Jisas dagaluba odasa holabo magabadi yaide, Jisasgo koneama, aga te Jerusalemba pabo homu mu elama, pabo gagalali. ⁵² Magi magi nai dabe sisi ela mumainu, po wagi pabo bidi dabe tagala palali. Augwali te Samaria dabego be naniba sabolama, tama augwaligo agai nai me doado bage dodolama, sisi ilainu yalio. ⁵³ Tiali goli, Samaria bagego aga Jerusalemba soabo po odama, tama augwali te Jerusalem bage dali boi bidi homu ebaso, augwaligo agade bugagia gesabo homu ebe. ⁵⁴ Tama Jisas aga wali bilibo bidi si Jems de Jon dali sigo te Samaria bagego te tama tebo kolesaga ebo sulama, augwali sigo Jisasbolo hanalu te po wali, "Genuai Bidi, nago homu dago dagalu badu isi i olama, te bage isigo do-

mai hagede yaiwe?" ⁵⁵ Tama Jisas tudiba begelama, augwali siba wado po weyu, hageali. ⁵⁶ Tama tiyu, aga augwali dali gasa be naniba pali.

Jisas wali pabo bidi dabe nigainu yai

(Mat 8:19-22)

⁵⁷ Te augwa tu sisu pebelabadi yaide, bidi mego Jisas-bolo te po wali, "Nage pabo digi, ena me nage wali paibao." ⁵⁸ Jisasgo te po agabolo wali, "Te uni yowi dabe da, augwali pibo dedage te tede elalubao, tama te ba dabe da, te augwali me pibo be elalubo dao. Tiali goli Godigo Bidi Mu da, te aga tobolu munama piabo digi te bulu pesage menio," wali.

⁵⁹ Agai gasa bidibolo te po wali, "Ena wali asao." Tiali goli te bidigo te po wali, "Genuai Bidi, hasia bolo eno aya isibo tonaluaibao. Isibaso da, pubulaibao. Nosali ena nage wali asaibao." ⁶⁰ Tama Jisasgo wei ponoyu, te po wali, "Te Godigo po odiaso isai bidi tiwai bidi dabe augwa digi te isai bidi dabe pubalomainao. Nage pelama, Godigo we bidi tonalubo po pupusu biligi pao," te po wai.

⁶¹ Bidi mego agabolo te po wali, "Genuai Bidi, ena nage wali pai hagede digi, te hasia bolo ena pelama, ena ida aya dede dabebolo te augwali tobaligi pabo po wagi pabo usu egowe," wali. ⁶² Jisasgo agabolo te po wali, "Bidigo eno se gagalama, te se ebadi tagalo baso da, te Godigo we bidi tonalubo pesagede te bidigo se ebo usu egobeo," wali.

Jisasgo te aga se yabo gasa bidi dabe te 72 bidi dabe tagala palali

10 Te nosali Genuai Bidigo bidi sese sela olama, me bidi nogo si olama, sagago si peda sigisu te 72 bidi sa munama, tagala palali. Aga nosali pabo pesage tigidaliba te bidi dabe si si tagala paliyu ela palio. ² Tama agai aga wali pabo bidi dabebolo te po wali, "Te nai hauwa mu te gide tau yai elalubao, tiali goli te tau yai nai sabo se ebo bidi hauwa menio. Tama tibaso dagego te gi aga ayabolo gedu haluasa po waiyo, tama agai aga se bidi tagala palama te gide elalubo nai sisinini pomainogo wao. ³ Te se polo egi piyo. Eno dage moni dwai uni yowi dabe tomoba te sipsip tagala palobo yo ebo dao. ⁴ Te mone ge bubo be me, nai gonobo wa me, saqa nadoba dabe sela pigimio. Tu dilide gasa bidi babe dali po weyu gesego igimio. ⁵ Te dage be me deli tomoba pabo sogo, te dagego hasia bolo te po waiyo, 'E bede bidibo we bidi bugagia bidiyo.' Te tiwai homu nagame ilibo po wao. ⁶ Homu tegaluama, bugagia bidibo bidi me te bede bidibaso da, nago dwagi yai homu me aga dali elalumainao. Te tobage bidi me meni baso da, nago wali po du walisiabaso da, te po dugaba digi ma asomainao. God agai augwalibolo dwagi yai se egobeo, te dagego koneaiba. ⁷ Te se ebo bidi aga nai sabo dao. Dage te bede deli bidibadi, te tubo nai maiyu, aji me maiyu ebaso da, te nai tuiyo. Dage te bedu me beba peyu ela biligimio. ⁸ Dage mena be naniba pobadi yaide, augwaligo dwagi yai homu elama, dawea soba-

so da, te dage tumai hagede muani nai tuiào. ⁹ Dagego suali digi, te dage pali be nanide gasi yai we bidi bidibaso da, te augwali tau siào. Tede bidibo we bidibolo ‘Godigo we bidi tonalubo se dage pageba asali dao,’ waiyào. ¹⁰ Tiali goli, gasa be nani meba pobadi yaide, dage dali bugai homu elama, dawea siasaşbaso da, te be naniba pabo tų dilide dolalu, te po wao, ¹¹ ‘Dagego e bulude elalubo te dago sağade dagayane te pobe bage te dago sela saşo da, te duga konemai hagede ebao. Tiali goli, dagego bugagia homu kone palao. Godigo we bidi tonalubo se ebo bomu dage pageba paşa yagasalio,’ te po waiyào. ¹² Eno dagebolo megı obe dao, Godigo we bidi po tų ela mabo sogode, te polobadu dwai bulu Sodom we bidi Godigo hobede elama, dwasianu seğe mawaibao. Tiali goli, te dagebolo bugai homu isişyu dawea sisşyane be nani we bidi dabeba mabo seğe te genuagi mu yaibao,” Jisasgo te po wali.

Homu begi pişaşo be nani we bidi dabede po
(Mat 11:20-24)

¹³ Te Jisasgo po ma wadolama weyu, te po wali, “Dage te hanu Korasin we bidi dabe, hobede mu yaibao. Betsaida bage, dage me hobede mu ebao. Magi baso menio. Te bidi me deli te hanu si Tair me Saidonba pelama, te eno dage tomode yali bidi noma sabo bomai se tiwai me igi pigi sogo da, teda te polo tama te Tair me Saidon, te hanu side bidali we bidi dabe homu begeligi dao. Tama augwa homu hasegeliyu, augwa dwai dwai se yalide moni homu eyu, dwai homu dene elama, te homu dene ebaso gudubo ugwa dabe gudulama, te augwa tobolude keli pilama dugulalugi dao. Te augwa yali dwai se de homu kone palama tama tigi dao. ¹⁴ Tiali goli, te Godigo e tųde we bidi po tų ilabo bodolu muani sogo pedalubo side, te dageba pedalubo seğe go da, te Taia hanu dali me te Saidon te hanu side bidali we bidi dabeba pedalubo seğe aiyaba elalu, te yalawainu yaibao. Tiali goli, dagebolo da, te genuai seğe pedelaibao. ¹⁵ Tama dage Kaperneam hanude bidibo bage, te dagego homu te dagego nogi te we bidi augwaligo te sigiba dagaluba ugwanu mu holobao, te homu eba, agawe?. Tiali goli, mu menio. Te dage tigi dene ebo dwai sia dabo dedage pageba saşwaibao,” Jisasgo te po wali.

¹⁶ Jisasgo aga wali bilibo bidi dabebolo te po wali, “Bidi mego dagego pusubo po odobaso da, te agai eno po odoyu tebao. Bidi mego dage buluba ela palobaso da, te agai ena buluba ela palu tebao. Bidi mego ena buluba ela palobaso da, te ena tagala palali bidi me buluba ela palu tebao.” Jisasgo te po olama, te bidi dabe pali.

Te 72 bidi dabe Jisas pageba ma geasa asali

¹⁷ Te nosali Jisasgo te tagala palali bidi dabe dwagi yai homu mu dali Jisas pageba ma asali. Augwaligo te po wali, “Genuai Bidi, dwai noma haubo bidi dabego

† 10:13 Ais 23:1-18; Ese 26:1-28:26; Jol 3:4-8; Amo 1:9-10; Sek 9:2-4

dago nago nogi olama, hage baso, dago po wali pali.” ¹⁸ Jisas agai te dwai haubo polalubo bidi nogi Satan agai bomu polobadu dolai dao homu eyu, te po wali, “Satan be sole gagawai dagaludu kegasa dulubo eno polobadu suai dao. ¹⁹ Edao. Eno dagebolo bomu mawai dao, dagego te Boi Bidigo bomu mu aiyaba elalumainu. Te hwş dabe me, te bidi gaş kelebo hasamani me, sağa go agabaso da, te dage gaş keleso da, dene isaşwai, te tiwai dagego te Boi Bidi Satan aiyaba elaluaibao. Agai bomu tigidali tego dage aiyaba elalugobeo. Augwaligo dagebolo magi se me elama, dene mugobeo. ²⁰ Dagego tama te ebo se de dwagi yai homu egimio. Te po tagalu, ma dagego nogi te dagalude te buku mede aşai dao, tede dwagi yai homu iyaşo,” Jisasgo te po wali.

Jisasgo dwagi yai homu eyu, God Ayabolo usu da po wali

(Mat 11:25-27; 13:16-17)

²¹ Te sogo naga tama Godigo Dwagi Yai Mobogo Jisas dwagi yai homu mu ilali. Tama agai te po wali, “Ayao, nage te dagalu dali tų dali nigila tonalubo Genuai Bidi dao. Eno nage dali deli homu eyu nagebolo usu da po obao. Tųde homu kolesaga koneai bidi dabe augwaligo koneidali weyu tama nago te eno tamadi pusali po page nago geme dualai dao. Tiali goli te tųde elalubo homu kolesaga konesişwai we bidi augwalibolo nago te po page ola mawai dao. Awe, Aya, nago te tiwai yaibao homu elama, tama tede dwagi yai homu eyu nago tama tiwai naga yai dao,” wali.

²² Te we bidibolo Jisasgo te po wai, “Eno Aya agai tigi-dali nai eno nogoba muai dao. Tama niwai bidi me deli agai te Ogwa mu konea silai menio. Aya agaduba deligo naga te Ogwa konea silai dao. Tama niwai bidi me deli agai te Aya me konea silai menio. Ogwago naga konea silai dao, tama te we bidi dabebolo te Ogwa aga digi te Aya augwalibolo ola mobaso da, te augwaligo me te Aya konea silaibao,” wali. ²³ Tama aga wali bilibo bidi dabeba ibaba gelama, geme te po wali, “Te dagego megı subo se tiwai te bidi dabe augwaligo me subaso da, te dwagi yai homu pemene iyaşo.

²⁴ Polobadu Godigo po pusa mabo profet bidi dabe me, te genuai tuni bidi king dabe me, augwaligo te ebo se suainu yai goli me suai menio. Augwaligo dagego odobo po odainu yai goli me odai menio,” wali.

Samaria bidigo dwagi yai kolesaga yali po elasa soyu pusali po

²⁵ Te Juda dabego bomu yai po ola mabo bidi me asama, Jisas usu sai hagede, agai po hanalubo po wagaşali. Agai te po wali, “Po ola mabo bidi, eno noma te bugagia gamonabo pesageba painu, magi se yaşawe?” ²⁶ Jisasgo po wei ponoyu, te po wali, “Te Godigo po wabo bukude magi po wali elalubawe? Te wali po dabe nago nedama suali, mena page konebo dawew?”

²⁷ Te bidigo te po wali, “Te Godigo po wabo bukude te po wabo dao, ‘Nago Genuai Bidi God naga homu sese

badi, naga noma sese badi, naga bomo sese badi, naga kolesaga sese badi elama, tigidaligo naga Godibolo homu keşluao,' wabo dao. 'Me ma, naga digi naga homu godolo mu eyu keşlubogia, te nago te bidi naga abagi hasi me godolo homu eyu me tama nage tiao,' te po wabo dao," wali. †

²⁸ Te Jisasgo po wei ponoyu, agabolo te po wali, "Te usu dao. Nago po dolo obao. Nago tama tiyu da, te naga bidabo noma bidigo ula te gamonabo bulu selama, bidad peyu, bidad paibao," te po wali. ²⁹ Tiali goli, te Juda dabego bomoyai po ola mabo bidi aga hale idali weyu, Jisas agade doloba pai bidi dao homu emai hagede, agai Jisasbolo ma hanaluyu te po wali, "Eno abagi hasi da, te de dawew?" wali.

³⁰ Jisasgo te po wali, "Bidi me Jerusalemdu te Jeriko be naniba dulubadi yaide, nai wi sabo bidi dabe te game sunumide dula selama, te bidi asobadi pageabi elama tulama, te bidi aga ugwa dabe pepedama, elama, tama augwaligo aga doado bage tigidali wi sali. Tama te bidi isabo pade magawai te aga mesena isai tiwai munalubadi, taga palio. ³¹ Tebadi yaide, te pris bidi me deli te tuđu naga pali. Tama agai te elali bidi te tama telalubo sulama, te tuđu bogo badu bogelama ela soyu pali. Te bidi tau sabeo. ³² Tama nosali te tuđu naga Livi sibi bidi me deli teba sabolali. Te bidi munalubo sulama, te tuđu bogo badu me ela solama pali. ³³ Tiali goli, Samaria bidi me te tuđu naga asiyu, te bidi suali. Te sulama, tama te boi yai bidi dao, te homu elama, tagalobe, moni homu dene yali. ³⁴ Te bidi pageba pelama, wel dabe, bomai weş dabe keni idaliyu te elali pesageba gelama, te ugwa bogogo kenama, te bidi aqobo kibu daiba muani. Tama bidi osogo pibo beba sela pelama, tede agai tonaluali. ³⁵ Te sogo do agai mone ge si selama, te osogo pibo be page bidibolo mani. Te bidibolo te po wali, 'Nago bugagia tonalua. E mone ge si usuşbaso da, ena ma asobo sogo nago e bidide pali mone eno nagebolo wei ma mawaibao,' te Samaria bidigo te po wai," Jisasgo te po wali.

³⁶ Te Jisasgo te po hanalu wali, "Te bidi sela tomode nago homugo mena bidigo te elali bidi te bidi aga abagi da homu yaliwe?" ³⁷ Tama te bomoyai po ola mabo bidigo wei ponoyu, te po wali, "Homu dene elama, tau sali bidi dao," te bidigo te po wali. Jisasgo ma te po wali, "Te yaligia te nago me tiao."

Jisas te Marta dali Maria dali sigo beba pai

³⁸ Te Jisas aga wali pabo bidi dabe dali pobadi yaide, be nani me deliba sabolali. Tama tede te we me nogi Martago Jisas asobadi, dwagi yai homu elama, bugagia gesali. ³⁹ Te we aga ama nogi Maria aga te Genuai Bidi saqapagede dugulalu, agai ola mabo po odaludalio. ⁴⁰ Tama Marta agai te nai ulubo seş dabe sulama, homu tuş pali. Tama tibaso, aga Jisas pageba aselama, te po wali, "Genuai Bidi, eno amago e seş dabe enaduba emainu taga soali nago konebewe? Ena tau sigi pao po wao." ⁴¹ Genuai Bidigo wei ponoyu, te po wali, "Marta, Marta, nage da te tigidali nai sulama, homu te tuş

pobao. ⁴² Tiali goli, seş seş yai nai deli mu te elalubao. Tama Mariago homugo te saiba homu yali te segai nai te saleao. Mego me dobagobeo," Jisasgo te po wai

Jisasgo Godibolo gedu haluasa po wabo ola mabo po (Mat 6:9-15; 7:7-11)

11 Me sogo Jisas te bulu me deli badu pelama, te Godibolo gedu haluasa po olama, silama, te aga wali bilibo bidi mego agabolo te tama po wai, "Genuai Bidi, te nago dabolo me te Godibolo gedu haluasa po wabo seş ola mao. Te bidi Jongo aga wali bilibo bidi dabe ola manigia yao," wali. ² Tama Jisasgo augwalibolo te po wali, "Godibolo po weyu, e tama waiyoş, 'Dago Aya, dago homugo nago dwagi yai nogi ugwaba

somainao. Dago homugo nago we bidi tonalubo seş asomainao. ³ Da bidibo dononama dago homugo tubo nai mao. ⁴ Gasa bidigo dabolo dwai seş ebaso da, dago te sela saşo dao. Tama dago homugo nago te dago dwai seş sali seş me sela saşao. Nago da te dwai seş emainu bomona sinabo pesageba sela pigio,' te po waiyoş," wali.

⁵ Te Jisasgo aga wali bilibo bidi dabebolo te po wadolama ma weyu, te po wali, "Dage me duga abagigo beba huli tomode pelama, agabolo weyu, 'Abagi, ena te tubo nai bret negeli sela mao. ⁶ Eno abagi me eno beba asali goli, eno maiabo nai menio,' waibao. ⁷ Te be tomode bidibo bidi naga abagigo po wei ponoyu, te po waibao, 'Ena hodoligio. Be tuş polo paiyai dao. Ena me, ena wai me te pibo bedugude ugwa banuama paii dao. Ena hodaluama, nage eno magi nai me magobeo,' te po waibao. Megi da, magi yaliwe? ⁸ Eno dagebolo obe dao, aga naga abagi goli, aga homugo eno magobeo homu yali. Tiali goli, aga abagi hale isanama, hauwa sogo hanaludu geyu bidibaso da, te aga ma hodaluama, te tuabo nai mawaibao. Te po page tama telalubo. ⁹ Godibolo po weyu tama tiao. Nago mu meni ebo nai sainu da, hanaludu bidama, nosali Godigo nagebolo mawaibao. Hauwa sogo gegedu bidibaso da, Godigo nagebolo ola mawaibao. Be tuşba nogogo begobego udu bidibaso da, ta nagebolo dala munaibao. ¹⁰ Magi baso meni. Tigidali bidigo gedu haluasa po God dali hanalu wabo bidi dabe, augwaligo te nai saibao. Te nai gegebo seş ebo bidi, agai te nai sueibao. Tama te be tuşba elebo bidi, teda Godigo te bidibolo tuş dalobo dao," Jisasgo augwalibolo te po wai.

¹¹ Te Godibolo po wabode, Jisas agai augwalibolo te po me wali, "Dage meba duga ogwago suştu tuainu hanalu badi yaide, dwai hasamani mawaibawe? Menio. ¹² Ba ge tuainu hanalu badi yaide, bidi gaş kelebo nai hwaş mawaibawe? Menio. ¹³ Dage dwai dwai seş ebo bidi dabe goli, duga wai dabebolo dwagi yai nai mabo dao. Dagalude bidibo Aya me aga Dwagi Yai Mabo Bidi sainu hanalubo bidibolo mu mawaibao. Tama agai te dwagi yai nai mabo kolesagago dagego mabo kolesaga aiyaba mu elaluaişao," Jisasgo te po wali.

† 10:27 Prs 19:18; Bom 6:5

Augwaligo po weyu, Jisasgo te Belsebul dali sę ebo da po wali

(Mat 12:22-30; Mak 3:20-27)

¹⁴ Me sogo Jisasgo te po wasiřbo dwai noma haubo bidi sela řadubadi, te dwai noma haubo bidigo te bidi tagala palobadi, te bidigo nosali po ma wabo gagalali. Tama te we bidi dabego te sę ebo sulama, noma mu salio. ¹⁵ Tiali goli, mebago ma "Te dwai noma tobolu bidi Belsebulgo bomo menama, te dwai noma te sela řabo dao," wali.

¹⁶ Te bidi mebago Jisas tola sabo bono gaga muyu te aga habela palomainu, te po wali, "Godigo bomo nagebolo mani dago sumainu wida, te nago da noma sabo bomai sę me deli ela suo," te po wali. ¹⁷ Tiali goli, Jisasgo augwaligo ebo homu koneama, te po wali, "Te deli bulu tř kantri pedai bidi hani si ma bugulama, te boi hwřbaso da, teda polo tama te bulu tř pedai dolaibao. Ma, te deli ayago togwali hani sibi tomode bugulama digi hwřbaso da, teda te deli hani sibi bidibo page dolaibao. ¹⁸ Tama te Satango hani bage si bugulama, hwřgi sogo da, teda magi ilama agai te tobage sę ebo bomogo te nai dabe tonalugi dawe? Dagego enabolo dwai noma haubo tobolu bidi Belsebulgo te enabolo bomo mawai digi eno te sę ebao, te po dagego obao. ¹⁹ Mu tama ena te Belsebulgo bomo ena dali elalubaso, eno te dwai haubo noma bidi dabe sela řařa bilibao te homu ebaso da, teda dego dage wali pabo hani bage augwali me te tau sabo sę egi dawe? Tiali goli, te duga hani dabego digi te dagebolo te po dolo ola mobaso, te dagego konebao, augwaligo te agai bomogo te sę ebo menio. ²⁰ Te sę ebogo te dagego gedamubano sę te ola mobao. Dagego gedamubo po obao. Eno e sę ebo te Godigo bomogo naga te dwai haubo noma bidi dabe sela řařa bilibo dao. Te sę ebogo te Godigo we bidi tonalubo sę dage pageba asai elalubo te ola mobao," wali.

²¹ Jisasgo te po ma wadolali. "Bomai bidi me deligo aga te boi hwřbo bainat hwř te nai dabe dali te aga bede sisi elalu, aga be tonalubadi yaide, te bede mubo nai dabe bugagia munalubo da. ²² Tiali goli, te boma pai bidi me deli pedelama, te boi sulama te bidi dali hwřnama, te bidigo bomo aiyaba elalubaso da, teda te be page bidi aga tobade tiřduali te boi hwřbo nai dabe tigidali te bomai bidigo sela pabo dao. Tama te be page bidigo polobadu wi sali nai te bomai bidigo ma selama, tama dobabo dao. ²³ Bidi mebago ena dali homu muisřbo bidi da, te bidigo ena dali te boi bidi tiwai te ebao. Ena sipsip tonalubo tau sisřbo bidi da, te agai eno sipsip dabe osalubo bidi tiwai eyu te ebao," Jisasgo te po wali.

Dwai noma ma geasa asobo po

(Mat 12:43-45)

²⁴ Jisasgo te po wabo ma gagalali, "Te dwai nomago bidi me taga pelama, wa pai buluba toma nabo pesage gegegi pobao. Tiwai pesage me susiřbaso da, aga homugo tama te ebao, 'Ena taga soali beba ma

geasa paibao.' ²⁵ Tama tibaso, bugagia ma dodolama, pobebe bage meni yai beba ma pabo ař te bidi pageba peyu te ebo dao. ²⁶ Tama ma pelama, te 7 te tama dwai haubo noma bidi dabe agai odasa asobo da. Tama te gasa dwai noma haubo bidi dabego dwai dwai sę ebo kolesaga te ebogo te hasia dwai mobo haubogo ebo dwai kolesaga aiyaba elalubo dao. Augwali asama, aga dali te bidi ma te tuagasobao. Tama tibaso, polobadu yali sę tagalama, ugwanu mu te egi pobao," Jisasgo te po wali.

²⁷ Te Jisasgo te genuai we bidi hani tomode te po dagayu, te po obadi yaide, te we me deli augwali tomode bididuali wego te po dař olama, te tiwai po wali, "Nage ame nenama negali we da, bugai homu ebadi bogo dao," te po wali. ²⁸ Tiali goli, Jisasgo wei ponoyu, te po wali, "Te mu dao. Tiali goli, Godigo po odama, wali pabo we bidi augwali dwagi yai homu mu ebadi bogo dao," wali.

Bidi mebago Jisasbolo bomai sę yao po wali

(Mat 12:38-42)

²⁹ Te we bidi umabo Jisas odoga sagasobaso, agai te po wali, "Dage megi e sogo bidalubo hani we bidi dabe da, te dwai mu da. Dagego enabolo te 'Godigo bomode te bomai sę ebao te koneainogo te sę ola mao,' po wabo yabao. Tiali goli, dagego te bomai sę yabo dař tiwai ilibo dagego me sugobeo. Menio. Te Godigo te profet bidi Jonabolo polobadu yaligia enabolo me te sę ebo dagego sueibao. ³⁰ Polobadu Godigo po ola mabo bidi Jona aga isali tiwai. Tama ma hodolama, agai Godigo po te moni hanu te be nani nogi Ninive tede bidali we bidibolo Godigo po pusigi pali. Tama te tiwai ena te Godigo Bidi Mu te dage megi bidibo bagebolo pedelaibao. ³¹ Te Godigo te we bidi augwali po tř ilabo dař ilali side, te e tř pedai saut badu bidali genuai nogi yai we kwin agai te megi e sogo bidalubo we bidi dabego dwai sę yali po hania hanilama pusaibao. Magi baso meni. Te kwin we bogo badu mu bidali goli, te aga polobadu te Juda dabego king bidi nogi Solomongo dwagi yai kolesaga ebo po odai hagede, digibulu buludu genuai bulu tonalubo we asai dao. Tiali goli, eno Solomon aiyaba elalualio. Eno nogigo me agai nogi aiyaba elaluali goli, dagego eno po odobe dao. Tama dagego eno po odisřbaso, te Godigo te we bidi po tř ebo sogo te genuai wego 'Dagego te dwai sę te yaliao' po waibao. ³² Polobadu Godigo po pusa mabo bidi nogi Jona agai te Ninive we bidibolo Godigo po pusa mobadi yaide, augwaligo odama, dwai dwai sę tagalai dao. Tama eno Jona aiyaba elaluali goli, dagego eno po odobe dao. Nosali Godigo we bidi po tř ela mabo sogo te Ninive we bidigo dagebolo 'Dwai sę dagego te yaliao' po waibao," Jisasgo te po wali.

Sole poba elasa soali po

(Mat 5:15-6:22-23)

³³ Jisasgo te po ma wadolama weyu te po wali, "Te bidi dabego te lam sole udulama, te be dedageba aiya

muyu, ma te baket me deli tomoba dualogobeo. Menio. Te tebol daiba ugadu munama, tama te be tomoba asobo bidi dabego te sole sumainu, sole mubo tebol daiba mubo dao. ³⁴ Naga tigigo sole te naga gedu da. Naga gedugo be ula bugagia suyu, naga homu kolesaga dwagi yai yaibao. Tiali goli, naga gedu doyu da, teda nago homu kolesaga me te be huliaselama dwaibao. ³⁵ Naga tolalubo sole ula sula sidali weyu, bugagia tonalu dua yao. Tiyu nagede te elalubo ula te be huliasai pedelabuo. ³⁶ Te naga tigidetigidalide te genuai ula usu nai eladu da, te me badu huliasisama, te naga tigi tigidalide ula naga usu nai elaluaibao, te lam sole ula elalubogia yaibao,” Jisasgo te po wali.

Jisasgo Farisi sibi dali Juda dabego bomoyai po olamabo bidi dabe dali augwaligo dwaisę ebowali

(Mat 23:1-36; Mak 12:38-40)

³⁷ Te Jisasgo te po silama, Farisi bidi mego agai beba aga dali nai tuagasao wali. Tama tibaso, Jisas te be tomoba pelama, nai tuainu dugulaluali. ³⁸ Jisas agai te Farisi dabego nogo wę telabo sę wali pisama, nai polo tubaso, te Farisi bidi noma sai. ³⁹ Tama Genuai Bidigo te po wali, “Dage Farisi dabego te kap dabe me, pou dabe me te eda badu bulu badu meda elalubaso, te bugagia dua digi me te aęde telabo dao. Tiali goli, dagego homude dwaisę yabokonealubao, gasa bidigo nai sulama, eno somainawe homu ebo bage dao. Tama te ebogohomudwaidao olamabodao. ⁴⁰ Dage da, te mu umawai bage te yabao. Te nai dabe bulu badu nigali Godigo te nai dabe tomobadume nigibehomueba, agawe? ⁴¹ Tiali goli, te duga munalubo pou dabe, kap dabe tomodemunalubonaidabe te nai meni yai bidi dabebolomenama, dagego te tiwai kolesaga eyu da, te dage magi dwaimeda meni yai wiegi yai mu ma yaibao. ⁴² Dage Farisi dabego duga gide ebo yalawai naidwasianunu selama, Godibolomabodao. Te tama sę da dagego ebadi goli, te dagego dolobapaiskolesaga ebotalagu, te sęęę sai we biditau sabo menio, me dagego te God godolo mu ebo kolesaga ebo menio. Te tama tebo sę ebogodage dene genuai mu saibao,” wali.

⁴³ “Dage Farisi dabe, dage dua dao. Te dage te Juda dabego bomoyai po olamabobebapelama, te nogielalubobiduayabopesagebadugawai homuebo dao. Me ma, we bidigo maketde dage sulama, genuai bidi dao omaina homuebo dao. Tama te ebogodagedene genuai mu saibao. ⁴⁴ Dage dua tama dao. Dage da, te isai bidi te gu pagedepubulai madi elalubote konesiasama, te bidi dabe te daide ugadubilibo tiwai ebo dao. Te dage bulu badu tonobote wiegi yai dahomu ebao. Tiali goli, tomo badu da, dage mu dwaliao. Tama dagego gasawe bidimedailibosę yaidao. Te sę ebogonosali dage dene geswai saibao,” Jisasgo te po wali.

⁴⁵ Te Juda dabego bomoyai po olamabobidimego agabolo te po wali, “Polamabobidi, nago te tama powabogote dagonogime dolobao.” ⁴⁶ Jisasgo wei

ponoyu, te po wali, “Dage te bomoyai po olamabobididabe me nosali dene genuaisaibao. Dagego gasawe biditudibasęęę yai walumu te abilibo aę te ebao. Tiali goli duga nogo dwasianudebalama, tau sabe dao. ⁴⁷⁻⁴⁸ Polobadu duga nõęo God aga po pusa momainu tagalapalali profetbididabe elamuaidao. Tama dagego te pubulalimadigigu page ma aulubao. Tama te ebogodagenosaligenuaidene saibao. ⁴⁹ Tama tibaso, Godigo dwagi yai kolesagote po polobadu waidao, ‘Te eno po pusa maiaboprofetbididabe me, te eno po pusigipomainu tagalapalobote aposelbididabe me, te eno augwalibolotagalapalaibao. Tama telama, augwaligote bididabe me baduelu, me badulo sesanama, osogoe laibao,’ te po waidao. ⁵⁰ Tama tibaso, megi bidalubobagete tigidali Godigo po pusa mabobididabebolopolobadubidali we bidigo yali sę weisiyu, dene saibao. Te Godigo etę nigalisogogagalasa asali, te megi ebidibosogoba usu nagasu, te yali dwaisęęę te megi bidalubowe bididabede weiponaibao. ⁵¹ Polobadu augwaligote Godigo po pusa maniprofetdabe elamuani. Te bidime nogi Abel elali. Te sogode gagalasa elala asali, te siminagasu, te bidi Sekaraia elamuani. Te bidi Sekaraia te Moni Lotu Be tempel tomobapelama, dolalugipali. Aga te Godibolonai ulamabosianogobotala pesage pagedebidali. Te habumu selalipesagesitomo agebeledebidibadi yaide, augwaligo aga elamuani. Te tiali pode eno mu tama obe dao. Te tiali weisiyu megi bidibowe bididabe augwali monidene mu saibao. ⁵² Dage bomoyai po olamabobididabegote mu po dualigimenigi sogo da, teda te we bidigobugagiakonegida. Tiali goli, dagego te po dualali. Dagego te po bugagia odisawai, gasawe bidigoodainu sinabadi yaide, dagego augwali togolaliao,” Jisasgo te po wali.

⁵³ Te Jisas te bulu tagalama pobaso, te bomoyai po olamabobage me, te Farisibage me, augwaligo agadewai homueyu, te aganogidoloboposobopowabogagalali. Augwaligo agabolo te haniani po hauwabage mu hanaluwalio. ⁵⁴ Te augwaligote bidijisasgowapo me gedamubowenagasuai hagede, te hanalubo po hauwabage unuladogia sawanio.

Jisasgo dage ugwadu homugotibo powabote Farisibididabe gagayabuo po wali

(Mat 10:26-27)

12 Te sę ebadi yaide, te umabotausen we bidijisapagebamu odogwasagaselama, augwahasiala agagabilalubo aę yalio. Tama Jisasgo hasiabolo agawalibilobobididabebolote po wali, “Dage te Farisibage te ugwadu homugotibo powabobididabegobogiyabuo. Dage te tiwai gagaidali weyu, bugagia dilasabidięo. Bidi mego bret nigibosogo, tomobadwasianu bomonobonaimubodao. Tama nosali te bret bomapabodao. Te Farisidabego ugwaduhomugopo wabo sę, te dwaisę dage tomobasiyu da, dage tomode geniapabao, te bret bodai tiwai yaibao. ² Magimagi nai tigidalimesegaluali, te daibahaniahani-

laibao. Tigidali mesegalubo po me konea sialibao. Magi po me dagego hulide wali, te po ulade odaibao.
³ Dage mego te bidi meni yai be tomode bidu, te hulide te oloba pomu po olama dua digi wali po, te bidi mebago te be peduba holama, hai olama waibao,” Jisasgo te po wali.

Bidigo te God delide naga wi yao po wali

(Mat 10:28-31)

⁴ Te Jisasgo po ma wadolama weyu te po wali, “Eno abagi dedeo, eno dagebolo te tiwai po obe dao. Te bidi dabe augwaligo dage te olo tigi busi bulu elebaso, wi elamuo. Te nosali augwaligo magi se me isiayyu, te dagego noma bidi me isiligobeo. ⁵ Te eno po hanilama, dage dali obe dao. Te dagego mena bidide wi yaibawe? Te dagego wi yabo bidi dagebolo eno ola mawaibao. Te God dali dagego wi iyao. Te Godigo bidi elama, te noma bidi dali siaba sabo bomo agai usu yaibao. Eno mu tama dagebolo obe dao. God dali naga wi iyao,” wali.

⁶ “Te dagego koneiyao, te dwasianu a naga banu dabe te bidi dabego te nogeai mone ge 2 toea sigo te banu sabo meniwe? Tiali goli, Godigo te tiwai dwasianu banu deli me te homu kone me gegeda palogobeo. ⁷ Tama te ba dabe diluai bage meni goli, Godigo augwali konealubo dao. Te dage bidi dabe da, te genuai diluai bage dao. Godigo duga tobolu nisi dabe tigidali nedama, konea silai elalubo dao. Tama tibaso, God agai dage bugagia tonalubaso, dage gasa bidide wi egimio,” Jisasgo te po wali.

Dago bidi sabode Jisasgo nogi wabo hale egio

(Mat 10:32-33; 12:32; 10:19-20)

⁸ Jisasgo te po ma wadolali, “Eno dagebolo obe dao. Bidi sabode bidibadi ‘Ao, ena da te Jisas wali pabo bidi dao’ wabo bidi, te bidi Godigo Bidi Mu eno dagalude Godigo ensel dabe sabode eno te po waibao, ‘Ao, te bidi ena wali asobo bidi dao.’ ⁹ Tialima, bidi sabode ‘Woo, ena Jisas wali pabo bidi menio’ wabo bidi, te Godigo tagala palai bidi eno me dagalude Godigo ensel dabe sabode eno te bidide ‘Woo, te ena wali asobo bidi menio,’ waibao. ¹⁰ Bidi mego Godigo Bidi Mu dali dwai posobo po obaso da, Godigo te bidigo dwai posobo po wali te agai homu kone isiayyu gegeda palu tagalubo usu yaibao. Tialima, bidi mego Godigo Dwagi Yai Mobo Bidide dwai posobo po obaso da, Godigo te dwai po wali sela sabo usu egobeo. ¹¹ Dagego Godigo po pusubaso, augwaligo dage te Juda dabego bomo yai po ola mabo beba odasa selama, po tų ela mawainu eyu, ma te gavman tobolu bidigo gesabidide me po tų ela mawainu ebaso da, eno mena po obaso, te ena sana pabo po wagowe te homu eyu, te nago moni homu egimio. Magi baso menio. ¹² Te sogo tama te Godigo Dwagi Yai Mobo Bidigo nago wabo po ola mawaibao, te nage tau sai hagede tiaibao,” Jisasgo te po wali.

Jisasgo te nai doado bage hauwa munalubo te umawai bidibolo po digi po elasa soali po wali

¹³ Te bidi sabode bidi mego te po wali, “Po ola mabo bidi, eno amabolo dena aya isu dabololo taga pali nai duga si te doado bage buga siao po wao.” ¹⁴ Jisasgo wei ponoyu, te po wali, “Bidi mego te nai bugulabo bommo enabolo mabe, te nai bugulabo eno usu egobeo. Te eno se menio.” ¹⁵ Te we bidi dabebolo agai te po wali, “Dua dao, duga tobage nai yogo idali weyu. Nai hauwa mu mubo te bidi geswai bidibo menio. Nai hauwa mu mubo te bidi te aga bidibo ula sabo te usu menio,” wali.

¹⁶ Te Jisasgo te po digi po pusali, “Nai hauwa mubo bidi mego tųde nai bugagia holama hauwa walobo gi me deli elaluali. ¹⁷ Aga homude te po wabo gagalali, ‘Ena gide holali nai muabo pesage dabe usu egobeo. Eno magi yagawe? ¹⁸ Eno te ebao,’ agai te po weyu, aga homugo tiali, ‘Eno gide ebo nai me, olo dwagi yai nai me muai hagede te eno hasia nai mudali be dabe huginama, genuai be ma se yaibao,’ te homu yai. ¹⁹ ‘Ena digi enabolo ma te po waibao, “Kisu bidi dao, ena homugo mu tuali, te nai dabe kibu be hauwade se ela pali nai munalubao. Te tiali ena se ebo tagalama, nai tuyu, aį tuyu, elama, bugai homu eyu bidao.” Eno te po enabolo ma waibao,’ agai te homu yai. ²⁰ Tiali goli, Godigo te bidibolo te po wali, ‘Nage da, mu umawai bidi dao. Megi hulide tama nage isaibao. Nage isaide, mena bidigo naga tobade yogwaluali nai dabe tigidali saibawe?’” Jisasgo te po wali. ²¹ Jisasgo te po silu, te po wali, “Te da e tųde bidi dabego augwa tobade nai umabo selama, sabobo aų te ebao. Tiali goli, Godigo gedude augwali te magi nai meni yai bidi bidaibao. Te nai dabe agade me elalugobeo,” Jisasgo te po wali.

Godiba homu tialubo kolesaga po wali

(Mat 6:25-34)

²² Jisasgo aga wali bilibo bage dabebolo te po wali, “Tama tibaso, eno dagebolo te tama po obao, dagego te po begelama pusali pode te homu hauwa elama, te tigi tau sabo nai tulama bidabo te naiba homu dogia pigio, ‘Te mena nai tugowe?’ Te dagego tigi tau sabo seđe homu hauwa dogia pelama, te po wagio, ‘Te dago mena ugwa dabe gudugowe?’ te homu me dogia pigio. ²³ Tubo nai da, seųe menio. Tialima, bidi bidibo ula elalubode te seųe elalubao. Gudabo ugwa dabede da, seųe menio. Tialima, duga bidibo tigi elalubo da, te seųe te ebao. ²⁴ Te ba dabe suo. Augwaligo nai me bulama, nogogo sabe dao. Augwa tubo nai muabo be me meni dao. Tialima, Godigo augwali gesebo dao. Ba dabe da seųe menio. Dage bidi da, seųe ebaso, Godigo tubo nai mawaibao. ²⁵ Dage bidi mego moni homu ela pabogo aga isabo bodolu didigili pabo usu egowe? Menio. Dagego te tama homu eyu da bugagia bidada piduaiba te homu ebo usu egobeo. ²⁶ Te dagego te tama tiwai dwasianu seųu me yabo usu isaşbaso da, te da magi baso dagego te gasa me me naide moni ho-

mu ebawe? ²⁷ Te bulu wel noswai duduli walobo dagego suiåo. Augwaligo se dene bomo elama, augwa au ebo menio. Augwaligo te ugwa dabe me nigibeo. Tiali goli, te eno dagebolo obe dao. Te polobadu bidali king bidi nogi Solomongo te nai hauwa mu muani bidi agai aga tigide me te ugwa wiegi wiegi yai au yali goli, te e noswai dabe duduligo yali augo te Solomongo au yali aiyaba elaluali. ²⁸ Te noswai dabe Godigo aulubo dao. Te noswai dabe megı tama elalubo nago sualı goli, te do da sasia pelama, te bidi dabego togolama, isiba ulaibao. Te olo noswai tiwai da, te Godigo aulubo da. Dage we bidi dabego homu dwasianu mu Godiba te begı pobao. God agai dagebolo ugwa maiabogo te noswai aulubo aiyaba elaluaibao. ²⁹ Te dagego moni homu elama, te da tuabo mena nai dabe tueibawe, ma dago te mena ađ dabe tugowe, te homu ebo dao. Dagego te tama homu elama, te nai gegegimio. ³⁰ Te God wali pişabo te tõe we bidi hani dabe tigidaligo te tama tebo moni homu elama, tigidali sogo gegebo dao. Dagego homugo tuabo homu ebo nai da, te duga Ayago agai dage maiabo homu konealubao. ³¹ Te nai dabe gegegebo tagalama, Godigo we bidi tonalubo se wali bugagia pobaso da, ta nago homugo tubo nai me, ugwa me God agai mawaibao," Jisasgo te po wali.

³² Jisasgo po ma wadolama, "Te dage ena dali bilibo bidi dabe, dage te dwasianu hani sipsip tiwai dao. Te dage wi egimio. Magi baso meni. Duga Ayago dagebolo po weyu, te aga dagego king bidibao po olama, Godigo dagebolo te we bidi tonalubo se mawainu, dwagi yai homu elalubao. ³³ Duga munalubo nai dabe tigidali gasa bidibolo menama, mone ge selama, nai meni yai we bidibolo maiåo. Dagego tama tiyu da, ta duga wiegi yai nai dabe dagalude muiåo. Tama tede te nai me dologobeo, bidi mego wi sogobeo, mano dabego me tugobeo. ³⁴ Duga homu me duga te wiegi yai nai dabe munalubo digi elaluaibao," Jisasgo te po wali.

Te wiegi yai se ebo bidi dabe dabego sisi elalubo po

³⁵ Jisasgo te po wali, "Magi magi nai asobo tonalu, sisi elalua. Duga ugwa dabe hagana selama, te kuku lu dađ walama, te lam sole udulama tolalu, sisi elaluiåo. ³⁶ Se ebo bidi dabego augwa genuai bidi we kebo digi pai asobo tonaluali yaligia iyåo. Te genuai bidi sabalu, tuđa bego bego wabo si, polo tama tu dawai dao. ³⁷ Te genuai bidi asu suagasali, te se ebo bidi dabe te godege pişama, te gedu dila pai bomonama bididubadi yaide, augwa genuai bidigo suagasobaso da, teda te se ebo bidi dabe da dwagi yai homu pemene mu yaibao. Eno dagebolo obe dao, te genuai bidi agai digi te se ebo bidi dabego se ebogia, aga ugwa haganama, te kuku lu dađ walama, 'Dage dua yao' olama, tubo nai augwalibolo mawaibao. ³⁸ Te genuai bidi huli tomode me, ma be posabo magade te ba gogolo po hasia sogo obadi me, te aga asabo kone-sıabode, te augwali sisi elasa bidibadi yaide, aga te huli tomode me, ma be posabo magade me aga asobo si,

† 12:27 1 Kin 10:4-7; 2 Sto 9:3-6

te augwali dwagi yai pemene mu yaibao. Tama te po konealu iyåo. ³⁹ Dagego te se homu kone palao. Te be page bidigo te nai wi sabo bidi te mena sogo asobo te konegi sogo da, te da tonalubadi, te nai wi sabo bidi aga be aluama, te be tomoba asobo sulama gogolama tagaligi menio. Te tonalubadi ebaso, te nai wi sagasigi menio. ⁴⁰ Ena da Godigo Bidi Mu dao. Dagego ena ma asabo bodolu konesabaso da, dage me olo sisi tama elalu yao," Jisasgo te po wali.

Genuai Bidigo homu tialubo wiegi yai se bidi ma homu tıalusıåo dwai se bidi te po olama wali

(Mat 24:45-51)

⁴¹ Te Pitago Jisasbolo hanalu te po wali, "Genuai Bidi, nago te wali po digi po dabolo naga obawe, ma tigidali bagego me odomainu waliwe?" te hanalubo po tama Pitago wali. ⁴² Tama Genuai Bidigo wei ponoyu, te po wali, "Te eno te kolesaga elama, dwagi yai se ebo bidibolo obao. Aga genuai bidigo te bidi te se tigidali tonaluabo genuai bidi me ma nigilaibao. Te bidi te gasa se ebo we bidi dabe nai dobayabo sogo dobayabo genuai bidi me nigilaibao. ⁴³ Te se ebo bidigo aga genuai bidigo mani se idubadi yaide, aga genuai bidigo ma suagasobaso, te se ebo bidi dwagi yai homu mu yaibao. ⁴⁴ Eno dagebolo mu tama obe dao, te genuai bidigo aga te se bugagia ebo bidi genuai bidi agai nai dabe tonaluabo bidi nigilaibao. ⁴⁵ Tialima, te se ebo bidigo aga homude te tama homu yali, 'Eno genuai bidi polobadu pai goli, gesege ebo' olama, agai te gasa se ebo bidi dabe me, gasa se ebo we dabe me elu yali, tama agai nai hauwa tubadi, te bomai ađ me hauwa tuyu elama, te aga tobolu geđ elama, te esela pai bidi tiwai eyu, te tama se idubadi da, ⁴⁶ me sogo te se ebo bidi agai gegeda pelama, te agai konesabo sogo me, te genuai bidi asama, te genuai bidigo te se ebo bidi hwåo todogolama, denelege milama, muaibao. Tama agai te bidi te po odisåo bidigo pesageba muaiba."

⁴⁷ "Te se ebo bidi me aga genuai bidigo se ya po wai goli, sisi elama, ya wali se isawai bidi, te genuai bidigo te se bidi bıgo dwaigila mu elaiabao. ⁴⁸ Me ma, gasa se ebo bidibolo aga genuai bidigo ya wali se agai bugagia konesanama, aga te bıgo elabo homu yabo seba usu nama ebaso da, teda te se ebo bidi te bıgo te yalawagia dua digi elaiabao. Te genuai nai mu sali bidigo te genuai nai wei ma ponabo se yabo te elalubao," Jisasgo te po wali. "Te we bidi augwaligo nai hauwa te bidi me deli te bidigo nogoba muaeibaso da, teda augwaligo te bidibolo te genuai nai mu wei ponabo te genuai te elalubao," Jisasgo te po wali

We bidi bugulubo bidi Jisas dao

(Mat 10:34-36)

⁴⁹ Te Jisasgo po ma wadolali, "E tũa sia nogagasu, ena asai dao. Tiabo homu eno polobadu yai dao. ⁵⁰ Baptais sabode te ađgo eno tigi siminibo tiwai, te nosali dene me eno tigi siminaibao. Eno baptais sabo gilama te ena dene sabo se elalubao. Te dene simi-

nasabadi yaide, ena dwai homu mu ebao. ⁵¹ Dagego homugo eno e tıba te tigidali we bidi dwagi yai homu ilagasali waliwe? Dagebolo eno mu po obao, te menio. Eno da te we bidi bugulagasu ena asai dao. ⁵² Tama we bidi bugulama, te tiwai me badu e badu bidaibao, me badu u badu bidaibao. Megi daı elama, deli bede a naga bidai yabaso da, bugulama, selago te me si dali boi bidi eyu, te me sigo te me sela bage dali boi bidi eyu yaibao. Aya dabego augwa ogwa dali dwai homu eyu yaibao. ⁵³ Ogwa dabego me augwa aya dali dwai homu yaibao. Ida dabego me augwa wegi dali dwai homu yaibao. Wegi dabego me augwa ida dali dwai homu yaibao. Ida dabego me augwa ogwago we dali dwai homu yaibao. Tama ogwago we dabego me augwa auwa dali dwai homu yaibao," Jisasgo te po wali.

Jisasgo te po weyu, te megı pedalubo se bodolu page koneao po wali

(Mat 16:2-3)

⁵⁴ Jisasgo te we bidi dabebolo te po wali, "Sia ge pabo badu dagalu sisili ela sobaso da, 'Tulubage tulaibao,' dagego te po polo wabo da, tama nosali tulubage tulubo dao. ⁵⁵ Tama me badu habu badu wali asobaso da, 'Teda te giliga nanobo moni posolo yaibao,' duga tama wabo dao. Tama moni posolo ebo dao. ⁵⁶ Dage ugwadu homugo po wabo mu umawai bage mu dao. Duga tıgo me dagalugo me ebo se sulama, konebo goli dao. Magi baso megı e ebo se page dagego konebewe?" Jisasgo te po wali.

Nage po tı ilıbo bidi dali polo po dodolao wali

(Mat 5:25-26)

⁵⁷ Jisasgo te po ma wadolali, "Magi baso dagego te mena kolesaga te doloba pai te dwagi yai kolesaga dawe, te homu elama dagalobo meniwe? ⁵⁸ Bidi mego nago dwai se yali olama, nage po tı ebo pesageba odasa pobadi yaide, te bidi dali dage si te sunumidu pobadi yaide te po tı bugagia dodolao. Meni baso da, nage po tı ebo bidi pageba kekasa pelama, te bidigo nage enesigi bidigo nogoba muaibao. Augwaligo nage kalabuside muaibao. ⁵⁹ Eno nagebolo te po dolo mu tama obe dao, te po tı abelışbaso, nage kalabus bedebidubadi yaide, te nageba daı ilali monego nage te kalabus bede abelama simanışabadi yaide, nage munu me te bulu daı soagobeo," Jisasgo te po wali.

13 Te Jisas agai po obadi yaide, hasia asışawai we bidi me pageba asali. Tama augwaligo Jisasbolo te po wali, "Te Galili tı we bidi me badu augwa sipsip kibu ela munama, Godibolo ofa olo mobadi yaide, tama te moni gavman tobolu bidi nogi Pailat agai po olama, gasa bidi dabego te we bidi ela muai. Tama ela munama, agai augwaligo kaneme me, te sipsip kibu kaneme me si taluali, tamadi," augwaligo te po wali. ² Tama te po odama, Jisasgo augwalıbolu te po wei ponani, "Te Galili tı we bidi augwali te tiwai isıbaso, tama dagego homu augwaligo yali dwai se te gasa Galili tıde bidıbo we bidigo yali dwai se aiyaba elaluali, dagego te homu ebawe? Te tebeo. ³ Eno dolo dagebo-

lo obao, duga dwai se ebo kolesaga tagalasıbaso, teda dage me isaibao."

⁴ "Te bulu nogi Siloam, tede moni bobobage sigı be degasa pai. Tama te sigı be degeyu yaide, we bidi hauwa te 18 elalıo, augwali mu isalı. Te be degalı po dagego polo odalı. Tama dagego e homu yalı bogo, te Jerusalem be nani we bidi me badu augwaligo dwai se dwasianu yalı, tialima te sigı be degeyu elalı we bidi augwali dwai dwai se mu yalı. Dagego te homu yalı bogo. Te tebeo. ⁵ Eno dagebolo e po obao, duga dwai se ebo kolesaga tagalasıbaso, teda dage me isaibao," Jisasgo te po wali.

Jisasgo nedu duba po digı po begelama pusalı

⁶ Te po olama, Jisasgo augwalıbolu e po digı po pusalı. Agai te po wali, "Bidi mego agai wain gıde ni haga elaluali. Tama nosalı te bidigo te ni du walalıwe naga suagasalı. Tialima, haga du walobeo. ⁷ Du walışıbaso, agai te gı se ebo bidıbolu te po wali, 'Edao. Kibu be selade ena e haga du suagasıdu geanı. Tialı goli, du walobeo. E ni gelao. E nıgo te tı ili magı baso olo sabo dawe?' ⁸ Tama olama, te gı se ebo bidıgo te po wei ponanı, 'Genuai bidi, meo, e ni haga elalumainao. Kibu be delıde elalumainu yaibao. Te kibu be tomode eno e ni haga pagede tı diganamı, te tı ili mabo nai munama, tama taga paıbao. ⁹ Tama nosalı, du walobaso, usu da. Tialı goli e ni haga walışıbaso, eno gelaıbao,' te gı se ebo bidıgo te po wali," Jisasgo te po wali.

Te Sabat sogode Jisasgo te tudı basıa salı we usu ma ilalıo

¹⁰ Te Sabat sogo mede Jisas te Juda dabego bomu yalı po ola mabo be tomoba pelama, te we bidi dabebolo Godıgo po ola manı. ¹¹ Tama agai wabo po odalı we bidı bidalı tomode te tudı basıa salı we bidalı. Te dwai kauwa bidi mego te we daı olama, te dwai gası te we tıgıde munama elalubadı, tama te kibu be hauwa 18 te tama kibu bede te we tudı basıa selama elaluali, te aga bugagia dolo ma dolalugobeo. ¹² Tama Jisasgo te we sulama, agai te webolu i dwasianu weyu, asao wali. Tama te we asobo sı da, Jisasgo te po wali, "We, nagede te elalubo gası te silalı dao, nage olo bıdao," wali. ¹³ Te Jisas agai nogo sı te tudı basıa selama te suga salı wego tıgıde mubaso, tama polo tama te we tudı debela palu bugagia dolugulualıo. Tama te wego Godıgo nogı ugaba salı.

¹⁴ Te Juda dabego bomu yalı po ola mabo be tobolu bidi agai seşeyalı, Jisasgo te gası yalı we Sabat sogode dwagi yalı ma ilalıde. Tama tibaso, te tobolu bidıgo te we bidıbolu te po wali, "Nogo a naga bıdamı, e badu nogo delı sogo dago se ebo usu da. Tama te sogode e bidıgo pageba asıaıo, agai dagego gası sıa somainu. Tialima, Sabat sogode asıgımiıo," wali.

¹⁵ Te Genuai Bidi Jisasgo te tobolu bidıbolu te po wei ponanı, "Dage magı ebo bıdı dawe? Dagego po mobu mabo da, tialı goli duga po mobu mabo te dagego tıbo

po dali weyu, te wabo po wali pabo meni. Te dagego wabo po me te ebo kolesaga me deli tigi tiwai si me elalubeo. Te Sabat sogode, dage tigidaligo te duga kibu hos me, te kau kibu me muani madi pelama, te wę tumainu, te duga augwali muani pesage tagalama, te węba odasa pabo da, te Sabat sogode tiaibao. Tama te sę ebo si, dage moni homu ebo meni dao. ¹⁶ Me ma, e we da, te polobadu genuai bidi Abrahamgo hani we da. Tama e we te dwai kauwa bidi Satango daę wali, kibu be hauwa 18 bidali. Eno e we tau salio, e we bugagia sese bidimainu sana palalio. Dwagi yai sę yalio. Eno dwai sę ebeo. Dagego homugo te eno dwai sę yalio, te homu ebawe? Te menio," Jisasgo te po wali. ¹⁷ Tama Jisasgo wali wei ponani po te boi bidi dabe kone palama, tama augwaligo geda muani po me koneama, augwali hale yali. Tiali goli, te we bidi tigidali augwaligo Jisasgo bomai sę yali sulama, augwaligo dwagi yai homu mu yali.

Tubo nai ge mastet dwasianunu tede te po digi po begelama wali

(Mat 13:31-33; Mak 4:30-32)

¹⁸ Te Jisasgo te we bidibolo e nai mastetde po digi po weyu, te po wali, "Te Godigo we bidi tonalubo sę, te magi sę tiwai dawę? Mena sę agai ebo sę tiwai dawę? ¹⁹ Godigo we bidi tonalubo sę te tubo nai nogi mastet ge tiwai dao. Te mastet ge da, te kemeni ge sabi si dao, dwasianunu mu dao. Tama bidi mego te mastet ge selama, agai gide tela yali. Tama te nai wai tedelama, te koliali. Koliama, te genuai holama, te ni tiwai pedelali. Tama te ba dabe augwa be te ni nologode sę yani," Jisasgo te po wali.

Jisasgo te bret bo dabode po digi po elasa pusali po

(Mat 13:33)

²⁰ Te Jisasgo po wadolama weyu, te po ma hanalu wali, "Te Godigo we bidi tonalubo sę te mena sę tiwai dawę? ²¹ Godigo we bidi tonalubo sę te tubo nai nogi bret bo dabo nai yis tiwai da. We mego te yis selama, tama tubo plaua hauwa selama, te yis dali plaua dali si taluali. Tama taluama, te plaua tigidali bo dalio," Jisasgo te po wali.

Jisasgo te po weyu, dage te dwasianu sunumi tomoba paibao po wali

(Mat 7:13-14, 21-23)

²² Te Jisas te Jerusalem be naniba pabo ma gagalali. Tama peyu, tomode dwasianu be nani dabeba saboloyu, tama agai te we bidi dabebolo Godigo po ola mani. ²³ Tama ebadi yaide, bidi mego aga hanalu wali, "Genuai Bidi, te Godigo ma sabo we bidi nisu naga-
gawe? Hauwa ma sogowe? Deli deli ma sogowe?" wali. ²⁴ Te Jisasgo te we bidibolo te po wali, "Te be tų dwasianu goli, dage bomo elama, te sunumi tomoba piąo. Magi baso meni. Eno dagebolo obao. We bidi hauwa Godigo we bidi tonalubo madigi tomoba pai hagede, ebadi, tiali goli te augwali usu egobeo. ²⁵ Tama te be page bidi hodaluama, te be sunumi palia

sai madigi, tama dage te be mesalode bulu badu dolalueibao. Tama dolalubadi, dagego te be sunumiba bego bego wabo gagalama eyu, te po waibao, 'Genuai Bidi, tų dayao, da tomoba asaio.' Tiali goli, agai dagebolo te po wei ponaibao, 'Dage menadu asaibe, eno konebeo. Dage eno konebeo.' ²⁶ Tama te sogo dagego e po wabo gagalaibao, 'Woo, dago nage dali nai tuyu, wę tuyu yali. Nago dago be nanide da po ola mani,' waibao. ²⁷ Tiali goli, te be page bidigo dagebolo te po waibao, 'Eno dagebolo obao, dage menadu asaibe, eno konebeo. Dage piąo, dage tigidali dwai dwai sę ebo bage, dage enade gedao,' waibao. ²⁸ Tama olama, dage tede bidiyu, te polobadu bidali bidi dabe te Abraham me, Aisak me, Jekop me, te Godigo po ola mabo profet bidi dabe me, augwali tigidali Godigo we bidi tonalubo madigi tomode bidibo dagego sueibao. Tiali goli, dage te bulu badu bidaiibao. Dage bulu badu bidibaso, dage hwa waibao, duga kele gaęęo ma halua tueibao, te duga sębę ebaso tieibao. ²⁹ Tama we bidi augwali te giliga asobo badu me, te giliga dega sabo badu me, te not bogo badu me, te saut bogo badu me, te tigidali bulu badu we bidi augwali deliba aselama, Godigo we bidi tonalubo madigi tomoba pelama, nai tueibao. ³⁰ Suao. Me badu bidi megi te nosali sabi badu mu bidali bidi dabe da, te polasa pabo bidi yaibao. Me ma, megi me badu polasa pabo bidi goli, nosali te menio, te nosali tudi badu bidibo bage yaibao," Jisasgo te po wali.

Jisasgo te Jerusalemde bidali we bidi godolo mu yali

(Mat 23:37-39)

³¹ Te Jisasgo te we bidi dabebolo te po obadi yaide, te Farisi sibi bidi me badu aga pageba asai. Tama augwaligo agabolo te po wali, "Te genuai gavman bidi nogi Herot agai nage isilai hagede homu ebao. Tama tibaso, nage e bulu taga pelama, pao," te Farisi bidi dabe augwaligo te po wali.

³² Tama Jisasgo augwalibolo te po wali, "Dage pelama, te bidi muma sabo te dwai uni yowi tiwai bidi Herot pageba pao, agabolo te po wao, 'Edao, eno te dwai kauwa bidi sela saęu, te gasi yai we bidi dwagi yai ma ilibao, megi me, do me, te sę yaibao. Tama duba eno sę siminaibao.' Agabolo te po wao. ³³ Tiali goli, eno pabo tų megi me, do me, duba me ena wali paibao. Magi baso meni. Godigo po ola mabo bidi me deli te gasa bulude isibaso da, te dwali. Tede isilamuo. Jerusalemde isigi sogo da, teda usu igi da. ³⁴ Aua, dage Jerusalem bage dao. God agai po ola mabo bidi dabe dageba tagala palali. Tialima, dagego augwali ela muani, te masigi dabe saęu, eleyu yali. Tama hauwa sogo eno homugo eno dage deliba sisinai hagede, pagia somainu, te ba kakaruk kimi aga gou dabe bogo dologode munama, bogogo bea sabo aę tiwai. Tiali goli dagego hagelabo wali. ³⁵ Edao! Megi dagego bidibo be nani Godigo tagalali, olo elalubao. Tama eno dagebolo obao, nosali dagego ena ma sugobeo. Dagego ena susiaęma bidu, hauwa sogo sia saibao. Tama sia selama, nosali me dagego 'Dago te Godigo

nogide asobo bidigo nogi ugwaba sao' wabo si, teda dagego ena ma sueibao," Jisasgo te po wali.

Jisasgo te tigi bo dabo gasi yai bidi dwagi yai ma ilali

14 Me sogo Sabat Jisas pelama, te Farisi dabe augwa genuai tobolu bidigo beba nai tugi pai. Tama te bidi aga te Farisi sibigo genuai tobolu bidi bidibo dao. Agai bede me te juda dabego bomo yai po mu koneai bidi dabe me, Farisi sibi dabe me, augwali bidiyu, augwaligo Jisas agai magi şe ebo weyu, tonaluali. ² Tama te bede me, nogo şağ ş tigi bo dae bidi me te Jisas pagede bidali. ³ Jisasgo te bidi sulama, te juda bagego bomo yai po mu koneai bidi dabe me, te Farisi sibi dabe me, te hanibolo te po hanalu wali, "Te Sabat sogode dago te gasi yai bidi dabe usu ma iliyu dodolobo şe ebaso da, usu yaibawe?" ⁴ Tiali goli, augwaligo po wei ponebe. Tama Jisasgo te nogo şağ ş tigi bo dae bidi selama, dodolama, tagala palali. ⁵ Te bidi dodolama, tagala palama, Jisasgo te tonalubo bidi dabebolo te po wali, "Te dage tomode bidi mego ogwa me, kau kibu me wę geba te Sabat sogode tulalueibaso, te bidi me agai sulama, te aga ogwa isidali weyu, polo peyu, saibawe, ma te meniwe? Te kibu kau me, te wę geba tulalubaso, page bidigo sulama, te aga pelama, te Sabat sogode agai saibawe?". ⁶ Ma, te sogobe-we?" wali. Tiali goli, augwaligo agai wali po wei pono-gobeo. Augwaligo po me wabeo.

⁷ Te be page bidigo gasa bidi dabebolo nai tuagasiao wai dao. Tama te bidi dabe augwali te be tomoba aselama, augwaligo te nogi elalubo bidi duga yabo madigiba polo pelama, tede bidali. Tama Jisasgo augwaligo te kolesaga ebo sulama, augwalibolo e po digi po wali. Agai te po wali, ⁸⁻⁹ "Bidi mego we sabo side, tama augwali nage nai tuagasao wabo side, nage pelama, te nogi elalubo bidi duga yabo madigiba dugwagi pigio. Magi basowe? Nage te nogi elalubo bidi duga yabo madigiba dugwagi pigi sogo da, te be page bidigo te genuai nogi yai bidi i olama, te bidi aselama, be page bidigo nagebolo e duga yabo madigi tagalao, e bidi ede dugwamainao, nage gasa be badu bidigi pao wagi da. Tama agai nagebolo te po wagi sogo da, nage hale eyu, te olo bidi duga yabo madigiba pigi da. ¹⁰ Te tiwai egimio. Augwaligo nage i wabo si, olo bidi duga yabo madigiba dugwagi pao. Tama tilama, te be page bidi aselama, sulama, agai nagebolo te po waibao, 'Abagi, nage te nogi elalubo bidi bidibo madigiba asao, tede duga yao.' Te wabo si yaide, te nai tuagasali we bidi tigidaligo gedude nago nogi ugwaba saibao. E po peni e dao. ¹¹ Niwai bidi aga nogi ugwaba sobaso da, teda Godigo te bidi nogi aiyaba elaluaibao. Ma, aga nogi ugwaba sisama bidali bidi, Godigo te bidigo nogi ugwa saibao," Jisasgo te po wali.

¹² Te Jisasgo te aga i wali bidibolo te po wali, "Naga nai hauwa te giligade uluyu, ma te piode uluyu elama, te naga abagi dede, ama dede, naga hani bidi me, kisalubo bidi dabe me, augwaligo nai hauwa elalubo bage, te tobage bidi dabe i wagio. Augwaligo nage nosali i olama, wei ponodali weyu, nago augwali i wa-

gio. ¹³ Tiali goli, naga nai hauwa nogeainu ebaso, te nai meni yai bidi me, te nogo dwai bidi me, şağ ş dwai bidi me, gedu widai bidi me, te tobage we bidi i wao. ¹⁴ Te tobage we bidi nago i wabo si, Godigo nagebolo dwagi yai şe yaibao. Magi baso meni. Augwaligo nage ma wei mabo usu egobeo. Tama te doloba pai we bidi te gų pagede ma hodolobo sogode, Godigo nage ma wei ponaibao," Jisasgo te po wali.

Tube nai hauwa nogeai po digi po

(Mat 22:1-10)

¹⁵ Te nai tuabo saide duga yali bidi mego Jisasgo ola mani po odama, te bidigo Jisasbolo te po wali, "Te bidi me Godigo we bidi tonalubo madi tomoba pelama, tede nai tubaso da, teda dwagi yai homu pemene elama, tama bugagia bidada peyu, bidada paibao," wali. ¹⁶ Bidi mego te po wali. Tialima, Jisasgo agabolo te po wali, "Te bidi mego tubo nai hauwa selama, nogeaiyu, we bidi hauwabolo agai po ola tolali, 'Eno nai sisi ebo si, dage tuagasiao,' te po ola tolali. ¹⁷ Tama nosali te tubo nai sisi elama, te bidigo aga şe ebo bidi tagala palali, te polobadu i wali we bidibolo e po omainu, 'Megi asiao. Te tubo nai sisi ela munama, tue hagede, megi dage asiao wali.' ¹⁸ Tiali goli, augwali deli deligo ena hagelabo homu eyu, ili po wali. Bidi mego te şe ebo bidibolo te po wali, 'Megi tama eno gi tş abelali. Tama te tş megi eno sugi paibao. Nago genuai bidibolo te po wao.' ¹⁹ Bidi mego te po wali, 'Eno şe ebo kibu kau nogo si megi tama abelali. Tama eno te kibu dabe bomo elama, şe bugagia ebowe weyu, sugi pobao. Nage pelama, nago genuai bidibolo te po pusao. Megi ena asogobeo.' ²⁰ Tama bidi mego e po wali, 'Eno we tamadi kewae dao. Tibaso, ena asogobeo,' wali.

²¹ Tama tibaso, te şe ebo bidi aga genuai bidi pageba ma pelama, augwaligo wali po pusigi pali. Tama te genuai bidi şeşe elama, dwai homu yali, te i wali bidi augwalibolo. Aga şe ebo bidibolo te po wali, 'Polo pao. E moni taun genuai pabo tşde me, dwasianu pabo tşde me, tede bidibo nai meni yai we bidi oda sigi pelama, asao. Te tigi dwai we bidi me, gedu widai we bidi me, şağ ş dwai we bidi me, tigidali oda sigi pelama, eba asao,' te po wali. ²² Tama te şe ebo bidi pelama, aga genuai bidigo yao wali şe elama, genuai bidi pageba ma aselama, te po wali, 'Genuai bidi, nago enabolo wali şe eno yalio. Tialima, be pağşbeo, habuge yali,' wali. ²³ Te po odama, te genuai bidigo te po wali, 'Moni taun taga pelama, te moni pabo tşde bidibo we bidi me, te dwasianu pabo tşde bidibo we bidi me gegegi pelama, eno beba asiao po bomo elama wao, eno be pağşmainu, eno sisi yali nai augwaligo tumainu yao. ²⁴ Eno nagebolo e po obao, eno hasia i wali bidi tigidali augwaligo eno sisi yali nai tugobeo,' te po wali," Jisasgo te po wai.

**Bidi te Genuai Bidi Jisas wali peyu da, te bomo yai sę
elalubao**
(Mat 10:37-38)

²⁵ Te bidi Jisas te Farisi hani bidigo be taga pelama, Jerusalem be naniba pabo ma gagalali. We bidi me hauwa aga dali wali pai. Tama Jisas hobolu begelama, augwalibolo po pusali, te po wai, ²⁶ "Niwai bidi ena wali pai hagede homu ebaso da, te ena godolo mu tama eyu, ena wali pai hageda, te usu da. Tama agai aga ida aya dali, aga we wai puluba dali, aga ama dede, abe dede godolo mu eyu, tama agai ena dwasianu godolo homu eyu da, tea te tobage bidi ena wali pogobeo. Tama te agai aga digi aiyaba munama, agai ena ugwa-ba muyu, aga ena wali pabo, te usu dao. ²⁷ Niwai bidi ena isibo hagelabo weyu tama aga ena wali pabo meni, te tobage bidi te eno hani bidi menio. Te ena wali pabo sę e tiwai dao. ²⁸ Bidi mego sigi be sę yainu da, hasia aga digi aga homude homu kone palobo, 'E be sę ebo ena usu egowe, usu egobewe? Eno mone ge usu egowe, usu egobewe?' ²⁹ Tama te bidi te homu hasia kone palisiabadi, te sigi be ni bulali da, tama agai te be sę ebo sę ebaso, te be sę siligobeo. Tama gasa bidi dabego te sę yali sulama, te agade posobo po weyu, te bo wabo po gagalama, ³⁰ te po waibao, 'Te bidigo e sigi be sę ebo gagalali. Tiali goli, agai e sigi be sę yani simanobeo.' Augwaligo te tobage po waidali weyu, agai hasia te be sę ebo bugagia koneama, usu baso, te be sę yao," Jisasgo te po wali.

³¹ Jisasgo e po me wali, aga wali pabo sęde, "Te gasa bulude bidibo boi hwjbo genuai tuni bidi dali agai enesigi bidi dabe dali, augwali hwj yagasobo si, teda ede bidibo hwjbo tuni bidi hwjgi paibao, aga enesigi bidi dabe hodobo paibao. Tiali goli, hasia aga homude te po mobo waibao, 'Te asobo boi bidi aga hwjbo bidi hauwa mu 20,000 elalubao. Tama eno hwjbo bidi hauwa mu menio, 10,000 naga elalubao. Sabi si menio. Te bidi eno aiyaba elalugowe, elalugobewe, te eno konebe,' waibao. ³² Tama agai homude ena usu egobe wabo si, teda aga boi bidi digibulu bidibadi, agai po digi bidi tolaibao, boi pimainu yaibao. ³³ Eno tamadi wali po deliba taluyu, tama te tiwai yaibao. Bidi mego aga doado bage tigidali tagalabo hagela baso, teda te bidi eno hani bidi menio," Jisasgo te po wai.

Halea pali tamu po
(Mat 5:13; Mak 9:50)

³⁴ Te Jisasgo te po wali, "Te tamu da, pusu ebo wiegi yai nai dao. Tialima, te tamu pusu ebo te mu halea pobaso da, mena tama ma pusu yaibawe? ³⁵ Te mu halea pali tamu te olo nai tiwai dao, sę menio. Aga ili te tþba magobeo. Te gide holobo nai tau sabo sę me egobeo. Te kibu bulmakau di dali taluama, te gide muainu ebaso, usu me egobeo. Te bidi dabe augwaligo te tobage tamu olo sela sþbo dao. Eno wabo po konebo bidi, agai eno po bugagia odao," Jisasgo te po wali.

Kibu sipsip me deli hagawai po
(Mat 18:12-14)

15 Te takis sabo bidi dabe dede, dwai kolesaga ebo bage me, augwali hauwa Jisas pageba asali, agai ola mabo po odainu hagede yali. ² Tama te Farisi bidi hani dabe me, te Juda dabego bomo yai po koneani bi-di dabe me, augwaligo hagelabo po weyu, te po wai, "E bidigo te dwai sę ebo we bidi pagebo dao, augwali hodobo beba pelama, nai tugi pabo dao," wali. ³ Augwaligo te po obaso, tama Jisasgo augwalibolo e po begelama pusuyu, te po wai, ⁴ "Dage tomode bidi mego te kibu sipsip bidi sese nogo a naga te 100 elalubadi, tama te sipsip me deli hagabaso, te bidigo mena sę yaibawe? Te kibu sipsip page bidi agai te bidalubo sipsip te tubo nai sabo madide osogo taga pelama, tama te hagawai sipsip gegegi paibao, nono ebo menio, bugagia gegebo. ⁵ Gegegi pelama, subaso, teda dwagi yai homu eyu, te kibu sipsip nagede auwasa paibao. ⁶ Tama pelama, aga beba sabolama, aga hani bidi dabe me, abagi dabe me i olama, deliba sisinama, augwalibolo te po waibao, 'Ena dali dwagi yai homu yao. Eno kibu sipsip hagawai. Te eno gegelama, eno salio. Dagego ena dali dwagi yai homu yao,' te sipsip page bidigo te po waibao. ⁷ Eno dagebolo obao, te tiwai te doloba pai we bidi hauwa olo bidibadi, teda dagalude te ensel dabe dwagi yai homu ebo dao. Tialima, dwai sę ebo bidi me deli aga homu begelama, te aga dwai sę yali tudiba mubaso da, teda te dagalude ensel dabego te moni dwagi yai homu pemene mu yaibao," Jisasgo te po wali.

Mone ge hagawai po

⁸ Jisasgo te po me wali, "Me ma, we mego mone ge nogo si elalubadi, te mone ge me deli te be tomode hagabaso, tama te wego magi sę yaibawe? Te wego sole domonama, te hagawai masigi te be tomode gegebo gagalaibao. Tama agai te be hogomu poalama, te pobebe bage dabe deliba sisinyu, gegaibao, nono ebo menio, bugagia gegebo. ⁹ Gegelama, subaso, teda dwagi yai homu eyu, aga hani dabe me, abagi dede me i olama, deliba sisinama, augwalibolo te po waibao, 'Ena dali dwagi yai homu yao. Ena hagawai masigi ma sali,' te wego te po waibao. ¹⁰ Eno dagebolo obao, dwai sę ebo bidi me deli aga homu begelama, dwai sę tudiba sþbaso da, teda Godigo ensel bidi dabe augwali dwagi yai homu mu ebo dao, te wego te hagawai masigi ge gegelama ma sali gilama tiwai," Jisasgo te po wali.

Gesi bidi hagayali po

¹¹ Te Jisasgo te we bidi dabebolo po me weyu, te po wai, "Te bidi mego ogwa si bidali. ¹² Tama te i badu bidigo aga ayabolo te po wali, 'Aya, nago doado bage dobayao. Eno nosali saibao homu yali doado bage enabolo megiti tama mao,' te nosali sabo hagela ebo homu elama, te po wali. Te i badu bidigo te po olama,

aga ayago aga doado bage tigidali aga ogwa sibolo dobolama, mani."

¹³ "Te dwasianu bidama, i badu bidigo aga sali doado bage munama, tama gasa bidigo abelama, te i badu bidibolo masigi dabe mani. Tama te i badu bidi aga doado bagede sai mone tigidali selama, gasa digibulu tþba mu pelama, bidigi pai. Tede bidibadi, aga dwai dwai haniani se eyu, hagoma homu ebo kolesaga elama, aga mone tigidali besela şanama dolama tagalalio. ¹⁴ Tama aga mone tigidali sia sali. Masigi sia selama, tama te sogo te tþde moni nasi yali. Tama te gesi bidi nai meni yai bidi bidali. ¹⁵ Nai meni baso, aga tede bidali tþ page bidi me deli pageba pali, tubo nai sabo se emainu yai. Tama te tþ page bidigo te gesi bidi aga giba tagala palali, te aga kibu tonalubo se emainu yai. ¹⁶ Tama te gesi bidi moni nasi baso, agai te homu yali, 'Eno te kibu dabego tubo ni du dabe tugi sogo da, teda usu igi da,' wali. Tialima, bidi mego agabolo tubo nai mabe."

¹⁷ "Te aga homu kolesaga ma hasegelama, aga tedali homu ma yali. Aga te homu yali, 'Eno aya aga se ebo bage augwaligo tubo nai hauwa mu munalubadi goli, ede ena nasigo tama isaibao. ¹⁸ Ena edu taga pelama, eno aya pageba paibao. Teba pelama, eno agabolo te po waibao, 'Aya, eno Godigo gedude dwai se yali, nago gabidide me eno dwai se yalio. ¹⁹ Hasia ena nago ogwa bidali goli, ma eno dwai kolesaga yali. Te megi nago enabolo ogwa olamuo. Enawe nago se ebo bidi bidagawe?' te gesi bidigo te homu yali."

²⁰ "Te homu elama, te bulu taga pelama, tama pelama, aga aya pageba painu yai. Tialima, digibulu aga tomode asodubadi, aga ayago aga asobo suali. Tama ayago agabolo homu dene eyu, aya aga ogwanu pageba udulama pali, te nogogo pageali, te gesabide nono nani. ²¹ Tama te gesi bidigo aga ayabolo te po wali, 'Aya, eno Godigo gedude dwai se yali, nago gabidide me eno dwai se yalio. Ena gesuai bidi menio, dwai bidi dao. Tama tibaso, nago enabolo te ogwa da po olamu dao,' te po wali. ²² Tiali goli, aga ayago aga wabo po togwali, te se ebo bagebolo te po wali, 'Polo pao, te dwagi yai bobobage ugwa sela asao, aga tigide bulao. Dwagi yai nogo mou sela asao, aga nogode holoyu yao, saęa nadoba me aga saęade buluyu yao. ²³ Te sa muani kibu kau wai selama, elao. Da dwagi yai homu eyu, genuai nai tuinao,' wali. ²⁴ 'Magi baso meni. E bidi eno ogwanu isigi pai tiwai yai goli, tama megi ma bidibao. Aga hagawai, tama megi eno ogwanu ma sualio,' ayago te po wali. Tama olama, augwali genuai dwagi yai homu ebo gagalali."

²⁵ "Te bidigo gomunai ogwa gide bidali, te i badu bidi beba asali sogode. Tama te gomunai bidi aga be paþa asiyu, te teþbi eyu habidi elebo odali. ²⁶ Te teþbi ebo po odama, agai te se ebo bidi me deli i olama, agabolo hanaluyu, te po wai, 'Te dagego e teþbi magi baso ebawe?' te gomunai bidigo te tama po hanalu wali. ²⁷ Tama te se ebo bidigo agabolo te po wei ponani, 'Te nago amanu ma asali. Nago aya aga ogwanu sese ma asobaso, agai te sa muani tuabo kibu kau wai elao tu-

inao wali, dabolo,' te se ebo bidigo te po wali. ²⁸ Tama te po odama, te gomunai bidi seþe yali. Be tomoba pabo aga hagela yali. Aga aya te be bulu badu asai, aga homu dene baso, 'Nage be tomoba asao' wedu gebadi. ²⁹ Aga ayago 'Nage asao' wali goli, te gomunai bidigo aga ayabolo te po wei ponani, 'Nage eno wabo po homugo suo. Kibu be hauwade eno nago se yalio. Nago enabolo wali po eno sela saþe, odalio. Ena tama tiali goli, ena dali, eno abagi dede da moni nai tumainu, nago kibu meme wai naga ena munu me mabe. ³⁰ Tiwai goli, u bidi nago ogwanu, agai nago mani doado bage te penani seþe bilibo we dabede olo silama, bidali. Aga te dwai se yali goli, aga eba ma asobo si, naga sa muani tuabo kibu kau wai ela mani, tumainu, nage dwagi yai homu ebaso,' te gomunai bidigo te po wali."

³¹ "Tama aga ayago te gomunai bidibolo te po wei ponai, 'Eno ogwa, tigidali sogo nage ena dali bidibo dao. Eno doado bage tigidali nago nogode mawai dao. ³² Megi da dwagi yai homu eyu, teþbi yabo si dao. Magi baso menio. E bidi nago amanu aga isigi pai tiwai yai yali, tama megi ma bidibao. Aga hagawai, tama megi eno ma suali,' te ayago te po wali," Jisasgo te po wai.

Se ebo bidi tonalubo bidigo aga genuai bidigo negeli elalubo bidide wei ponabo po begelama pusali

16 Te Jisasgo aga wali asobo we bidi dabebolo e po begelai po pusa mayu, te po wai, "Te sibage siyu, genuai bidi me deli bidali. Tama aga doado bage genuai mu elalubaso, aga doado bage tonalubo bidi nigilai dao. Tama nosali gasa bidigo te genuai bidibolo te po wali, 'Nago doado bage tonalubo bidi agai se bugagia esiþbadi, nago nai dabe olo sela saþo dao,' wali. ² Tama te po odama, te genuai bidigo te doado bage tonalubo bidi i olama, agabolo te po wali, 'Te nago seþe bugagia ebo menio po eno odalio. Nago te bidigo wei ponabo po aşani buku tigidali dodolama, ena mao, eno sueio. Nago te se ma egobeo, eno nage sela saþwaibao,' te po wali."

³ "Te aga genuai bidigo wali po odama, te doado bage tonalubo bidigo e homu yali, 'Te genuai bidigo ena te seþe sela saþwanego da, eno magi masigi sabo se yagawe? Gi se yabo eno bomu usu egobeo. Te ena we bidibolo masigi gonobadi, ena hale yaibao. Magi se yagawe? ⁴ E, eno konebao. Te genuai bidide negeli mani bage eno tau saibao. Tama nosali te genuai bidigo ena e seþe sela şanama, tama te negeli mani bage augwaligo enade dwagi yai homu eyu, ena te sese sana bidaibao,' agai homude te po wali. ⁵ Tama te homu elama, agai te genuai bidide negeli mani bage deli deli i wali. Tama te hasia asali bidibolo agai te po hanalu wali, 'Te eno genuai bidide te negeli mani nai nisu naga maniwe?' ⁶ Te negeli mani bidigo te po wai, 'Te eno nago genuai bidibolo te 100 dram wel eno negeli sali elalubao. Te eno denama hauwa wei pon-aibao, te moni genagi nogo si olama, saęa sese, me badu saęa deli, denama paęanama, wei ponaibao,' te

po wali. Tama te doado bage tonalubo bidi agai te po wali, 'E bukude e pepa yabe da, nago negeli wei ponabo po aşani pepa yabe dao. Tama nago e pepa yabede aşani namba po sela sayao, te denama gena-gi a naga olama, me badu nogo sela aşao, nago mani negeli te tiwai togwao,' wali."

⁷"Te negeli mani bidigo te tiwai elama, tama te doado bage tonalubo bidi agai te genuai bidide negeli mani bidi mebolu te po hanalu wali, 'Nage me, eno genuai bidibolu te negeli mani nai nisu naga maniwe?' Te negeli mani bidigo te po wei ponani, 'Te moni kobi wa hauwa mu 1,000 selama, tubo nai nogi wit ge te wa dabe pağanama, tama eno te genuai bidibolu mayu, wei ponaibao,' te po wali. Tama te doado bage tonalubo bidigo agabolu te po wali, 'E bukude e pepa yabe da, nago negeli wei ponabo po aşani pepa yabe dao. Tama nago e pepa yabede aşani namba po sela sayao, te gasa namba aşao, hauwa mu meni, hauwa naga 800. Te tiwai nago polobadu mani negeli togwao,' wali."

⁸"Te genuai bidi agai aga doado bage tonalubo bidigo yali şe po odama, te nai tonalubo bidi nogi ugwaba siyu, te po wali, 'U bidi aga homu tedali yali, te negeli mane bage wi idali weyu, aga digi aga tigi bugagia tau sali,' wali. Te peni e dao. Te augwa homu wali pabo we bidi augwali homu bugagia mu eyu, augwa hasi tau siyu, augwa tigi tau sabo dao. Tialima, te ulade bidibo we bidi augwali homu eyu, augwa tigi bugagia tau sabo menio," Jisasgo te po wali.

⁹Te po olama, Jisasgo po me maneyu, te po wali, "Te eno dagebolu e po obao, te sibage me doado bage me, me sogo te naigo we bidi te dwai kolesaga tomoba kekebo dao. Tiali goli, duga doado bagego we bidi bugagia tau siyu, abagi hauwa nigiliyu, bidao. Tama te tiwai elama, tama nosali te doado bage sia sobaso da, Godigo dage pageyu, 'Eno bidibo madi tomoba asia,' waibao. ¹⁰Bidi mego dwasianunu nai bugagia tonalubaso da, teda te bidi da, genuai nai me bugagia tonalubo bidi dao. Ma, bidi mego dwasianunu nai tonaluyu, tama tibo po obaso da, teda te bidi da genuai naide me tibo po wabo bidi dao. ¹¹Tama tibaso, nage e tşde bidibo doado bage bugagia tonalusabaso da, teda bidi mego nage te doado bage mu me magomeo. ¹²Tama, gasa bidigo doado bage nago nogue munama, tama nage te nai bugagia tonalusabaso da, teda bidi mego nago nai nage me magomeo. ¹³Nage te genuai bidi sigo tedali şe egomeo. Te menio. Nage te genuai bidi me godolu mu eyu, aga wabo po odaibao. Tiali goli, nage te i badu genuai bidide dwai homu eyu, agai wabo po nago odogobeo. Nago homu Godide mubaso da, teda naga homu te doado bagede me mugomeo. Ma, naga homu te doado bagede mubaso da, teda naga homu Godide mugobeo. Nago homugo me deli sabo aş baso da, deli sao," Jisasgo te we bidibolu te po wali.

¹⁴Te Farisi bidi hani dabe augwaligo Jisasgo wali po odali. Augwali te mone dali pesa ebo bage bidali. Tama tibaso, Jisasgo agai po obadi yaide, augwaligo

bo weyu bidali. ¹⁵Tialima, Jisasgo augwalibolu te po wai, "Dagego homugo we bidi augwaligo dagede e homu yaibao, dage doloba pai bage dao. Tiali goli, God agai dagego homu kolesaga mu konebo dao. Tama we bidigo gedude wiegi yai nai dabe, te nai dabe Godigo gedude meda yai nai naga dao," Jisasgo te po wali.

¹⁶Te Jisasgo te po me wali, "Te polobadu bidali bidi Moses agai Godigo bomu yai po bukude aşani. Tama Godigo wali po pusa mani bage augwaligo agai wali po me bukude aşani. Tama bidaluama, te po kibu be hauwa bidabo po mu dao. Tama te pogo dage ola mani. Tiali goli, te bidi nogi Jon ame nenama, genuai elama, tama agai Godigo po pusa mabo gagalali. Agai te we bidibolu gesi po dwagi yai po ola mayu, God agai we bidi tonaluyu, augwali aga bomode bidaibao, wali. Tama Jongu te po pusa mabo gagalama, hauwa we bidi Godigo be tomoba pai hagede bomu elama, tomoba pabo dao. ¹⁷Eno te wali goli, te dagalu me, te dagalude bidibo nai dabe me, e tş me, augwali tigidali olo hagawaibao. Tiali goli, Godigo bomu yai po me dwasianunu te munu me olo hagagobeo."

¹⁸"Niwai bidi aga we sela şanama, gasa we sobaso da, teda te bidigo penani ebo dao. Me ma, niwai bidi agai te gasa bidigo sela şawai we sobaso da, teda te bidi mego penani ebo dao," Jisasgo te po wali.

Agai masigi daide bidali bidi me, te nai meni yai bidi me, te bidi side po

(Mat 5:31-32; Mak 10:11-12)

¹⁹Te Jisasgo augwalibolu te po wali, "Polodi te aga masigi daide bidali bidi bidali. Aga ugwa dabede wiegi yai daide bidai. Aga be dwagi yai bede bidu, te pusu nai me dwagi yai tuyu bidali, tigidali sogo. ²⁰Tama te nai meni yai bidi me bidali, aga nogi Lasarus, te hobe-dagia bidai bidi. Aga tigde moni hai yai bidi. Te nai meni yai bidi nogi Lasarus gasa bidigo aga pagasa selama, te masigi daide bidali bidigo moni be tş mabo badu te sesegeba dualagasali. ²¹Tede bididubadi, te genuai bidigo tubo nai sesemo dabe, te kagali dabe aga tuyu bidali. Te haego elae gasi bidi bididubadi, te yowi dabe aselama, te keni bole te hamenago awela tudu bidali, tigidali sogo. ²²Tama te tiwai bidama, tama te nai meni yai bidi isali. Te bidi isama, Godigo ensel bidi dabe augwaligo te isai bidi dagaluba tolasa pali, te polobadu bidali genuai bidi Abraham bogu badu bidigi pali, moni da tumainu yali. Te nosali aga masigi daide bidali bidi me te isali. Isama, aga hani bidigo aga pubulali. ²³Aga noma te dene ebo buluba bidigi pali. Tede dene dwasianu meni, moni dene mu eyu bidali. Tama te tiwai bidu, aga gedu ugwaba tonama, Abraham digibulu bidibo suali, te nai meni yai bidi Lasarus aga bogu badu bidibo me suali. ²⁴Tama sula-ma, agai i weyu, te po wali, 'Eno aya Abraham, nago ena homu dene eyu, tau mao. Te bidi Lasarus nago tagala palama, agai nogo daniba weş mumainu, te eno hamenaba me yalawai weş muao, eno tigi kedau emainu. Magi baso meni. E siade eno tigi dene genuai mu ebuo,' te po wali."

²⁵ "Tiali goli, Abrahamgo te po wei ponani, 'Woo. Eno ogwa, polobadu bidali te kone palao. Nage tðde bidali sogode naga te dwagi yai nai dabe tigidali siyu, e bidi Lasarus aga te dwai nai dabe naga sali. Tiali goli, megì aga ede bugagia bidibao. Nage tede dene mu siyu bidibao. ²⁶ Peni me elalubao. Dage bidibo madi me, da si ede bidibo madi me, te si tomode te moni genuai sau pado elalubao. Te moni genuai sau elalubaso, niwai bidi aga edu peyu, nage bidibo madiba sabolabo usu egomeo. Me ma, nago bidibo madide bidibo bidi te da bidibo madi asabo me usu egomeo, te moni sau tomode elalubao,' wali."

²⁷ "Abrahamgo te po olama, tama te masigi daide bidali bidi agai gela weyu, te po wali, 'Eno ma bomo elama, nagebolo hanalu obao, te bidi Lasarus eno aya-go beba tagala palao. ²⁸ Tede eno ama a naga bidibao. Tama te bidi teba pelama, po mobo momainao, augwali e dene sabo buluba asidali,' wali."

²⁹ "Tiali goli, Abrahamgo po wei ponoyu, te po wali, 'Woo, te menio. Polobadu Mosesgo bukude aşani po augwaligo elalubao. Te polobadu bidali bidi dabe me badu, augwaligo Godigo wali po we bidibolo ola mayu, te po bukude aşani. Te aşani po me nago ama dedego elalubao, konealubao. Te aşani po si augwaligo odoyu, bidimainao,' Abrahamgo te po wali. ³⁰ Te aga masigi daide bidali bidi agai te po wali, 'Eno aya Abraham, te menio, usu egobeo. Tiali goli, te bidi Lasarus te isi bidi bidibo madidu hodaloyu, eno ama dedeba pabo si, teda augwa homu begelama, dwai şe tudiba mawaibao,' te po wali. ³¹ Abrahamgo agabolo po wei ponoyu, e po wali, 'Mosesgo aşani po me, te Godigo po ola mani profet bidi dabego polobadu aşani po me, te po si nago ama dedego odışbaso da, teda bidi me gı pagedu hodaloyu, augwaliba pedaluyu, tama ebo si, te usu egobeo, homu begelegobeo,' Abrahamgo te tama po wali," Jisasgo wali.

(Mat 18:6-7, 21-22; Mak 9:42)

17 Te Jisasgo aga wali asobo bagebolo te po wali, "Te haniani dwai şe ebo kolesaga mu elalubo. Tiali goli, dwai şe ebo sunumi dayabo bidi nosali moni dene mu saibao. ² Aga te tobage şe eidali weyu, augwaligo aga magede moni masigi bonogo keyu, te bidi te tamu ađ tomoba sayu, aga tede isigi sogo da, teda te usu igi dao. Aga te tiwai isibaso, tama dwasianu dene saibao. Me ma, te bidi bidiyu, agai e nogi meni yai we bidi me deli te dwai şe ebo kolesaga tomoba gegeyu egi sogo da, teda agai te dwai şe mu egi dao. Te dwai şe eyu da, tama nosali Godigo agabolo moni dene mu mawaibao. Duga digi tobade te koneama, tonaluiyo, dwai şe edugio menio, bugagia bidiyo," wali.

³ "Te kisalubo bidi agai nagede dwai şe ebaso da, teda nago agabolo 'Te dwai şe igio' wao. Tama olama, te dwai şe yali bidi aga homu begelebaso, agai yali dwai şe nago sela sayao. ⁴ Tama agai nagede dwai şe elama, tama nosali 'Te ena nagede dwai şe yalide, te ena hobede ebaso' nageba wagasu da, teda nago aga yali dwai şe sela sayao. Te bidi deli sogode te tiwai şe me badu nogo a naga olama, me badu nogo si ebaso da,

teda nago aga yali dwai şe tigidali sela sayao, wei ponogio," Jisasgo te po wali.

⁵ Te po sela pabo bidi augwaligo Genuai Bidi Jisasbolo te po wali, "Dena homu kolesaga nageba muani digi, da usube. Da tau sao, dena homu kolesaga tigidali nageba mumainu. Te tiwai munama, te usu yaibao," te po wali. ⁶ Tama te Genuai Bidi Jisas agai augwalibolo te po wali, "Edao. Dagego kolesaga enaba mu daş wabo şe te dwasianunu kemeni ge tiwai dwasianu elalugi sogo da, teda e gasa nigo dagego wabo po odigi da. Dagego e gasa niba 'Nage naga pedali dabe tðu gudama, tama te tamu ađba pelama, naga digi teba buligi pao' obaso da, teda te nigo te po odaibao, teba buligi paibao," wali.

⁷ Jisasgo te po me wali, "Dage tomode bidi me deli agai şe ebo bidi elaluyu, tama te şe ebo bidi agai te gi tðu elebo şe ebo da, ma te kibu sipsip tonalubo dao. Tama te şe ebo bidi te şe silama, tama beba asobo si, nago agabolo 'Naga nai polo tuao' wabo dawo? Menio. ⁸ Me ma, nago agabolo te po waibao, 'Eno tubo nai no-geao. Nai nogeama, tama tubo nai mabo ugwa gula-ma, tama eno nai ena magasu, tau siyu, tia. Tama nosali naga nai tuageameo,' te po waibao. ⁹ Te şe ebo bidi agai genuai bidigo nage te şe yao wabo po odoyu, te şe ebaso da, te genuai bidi agai nage usu da wabowe? Meni. ¹⁰ Te dage dali yaligiam, 'Te şe yao' po olama, tama te şe dagego silibo si, te po wao, 'Da da, şe ebo bage naga dao. Dabolo dage usu da po olamuo. Dago nogode muani şe naga dago yalio,' te po wao," Jisasgo te po wali.

Jisasgo oiyabe gasi sai bidi nogo si sese ma ilali

¹¹ Te Jisas te moni taun Jerusalemba pabo ma gagalama, te Samaria tðu me, Galili tðu me te bulu si tomo te dađba pali. ¹² Tama aga dwasianu be nani tomoba pai hagede, te oiyabe gasi sai bidi nogo sigo aga sunumide suali. Tama te oiyabe gasi sai bage digibulu gana dolaluali. ¹³ Tede dolalubadi, augwaligo i wali, "Jisas, Genuai Bidi, nago da homu dene eyu, da tau mao," wali. ¹⁴ Tama Jisasgo augwali sulama, tama agai augwalibolo te po wali, "Dage piyo, te pris bidi dabe pageba piyo. Te bageba pelama, duga tigi augwalibolo waseligi piyo," te po wali. Tama odama, te oiyabe gasi sai bidi dabe pabo gagalali. Augwali pebelayu subadi, augwa tigi sese ma yali suali, tomode. ¹⁵ Tama augwa tigi sese ma yali sulama, tama bidi me deli aga geasa pelama, i bomona wali, aga Godigo nogi ugwaba siyu, Jisas pageba ma asali. ¹⁶ Tama Jisasgo şağı pagede aga kidu pogulama, nage usu da weyu, "Nage dwagi yai bidi mu dao," wali. Te gasi meni yani, sese ma yali bidi da, te Samaria bulu bidi dao, Juda hani isıwai bidi.

¹⁷ Te Jisas agai te we bidi dabebolo te po hanalu wali, "Eno te oiyabe gasi sai bage nogo si sese ma ilali. Tama te bidi me badu menadewe? ¹⁸ E Juda hani isıwai bidi naga agaduba geasa aselama, Godibolo nage usu dao wagasali. Te eno sese ma ilali Juda dabe augwali magi baso nage usu da wagasobewe?" ¹⁹ Tama Jisasgo te nage usu dao wagasali bidibolo te po wali, "Nago

naga homu kolesaga tigidali enaba mubaso, teda nago tigi sese ma yali dao. Tama tibaso, hodaloyu, naga beba pao," wali.

Godigo we bidi tonalubo sogo asaibao

(Mat 24:23-28, 37-41)

²⁰ Te Farisi hani bidi me badu augwaligo Jisas hanalu weyu, te po wali, "Te Godigo we bidi tonalubo sogo nisu asogowe?" wali. Tama Jisasgo te po wei ponani, "Te Godigo we bidi tonalubo sogo asobo sunumi te bidigo polo konegobeo, bidigo gedugo susiabo nai dao. ²¹ Godigo we bidi tonalubo se dage tomode pedalubo te gagai dao. Tama bidi dabe augwaligo 'Ede pedelali' ma 'Ude pedelali' po wagomeo," Jisasgo te po wali.

²² Te Jisasgo aga wali asobo bidi dabebolo te po wai, "Ena da Godigo Bidi Mu da. Te nosali sogode dagego ena deli sogo ma sue hagede, tiali goli dagego ena sugobeo. ²³ Tama bidi dabe augwaligo geda muyu, dagebolo 'Aga ede bidibao' ma 'Aga ude bidibao' po augwaligo waibao. Tama dage augwali wali pigimio, sugi pigimio. Augwaligo wabo po odogimio. Dage kone dao. ²⁴ Te be sele eyu, te dagalude moni ula eyu ebo dao. Tama te tiwai Godigo Bidi Mu ma asobo sogo hania te tiwai yaibao," wali.

²⁵ "Tiali goli, hasia ena e tõe bidibadi, te megidi bidibo we bidi augwaligo enabolo dene hauwa menama, ena sela saıwaibao, tudiba muaibao. ²⁶ Ena da Godigo Bidi Mu dao. Tama ena pelama, tama ma asobo sogode, te tõe bidibo we bidi augwali te polobadu bidali bidi Noa aga tõe bidali sogo bidali we bidigo yali se tiwai yaibao. ²⁷ We bidi dabe augwaligo te sogo God homu isayu, nai tuyu, we ma tuyu, bidali. Augwa we keyu, we ma mayu, bidali. Tama augwali te tiwai bidibadi yaide, te bidi Noa te moni geba tomoba peyu, tama te moni aı polo asiyu, te wego te we bidi tigidali eleyu yali.

²⁸ Ena e tõe ma asobo si, te polobadu bidali bidi me aga nogi Lot, aga tõe bidali sogo me tiwai yaibao. We bidi augwaligo God homu isayu, nai tuyu, we dabe tuyu, bidali. Augwaligo haniani nai dobuyu, gide haniani nai buluyu, be dabe se eyu, bidali. Augwaligo God tama homu isayu, bidali. ²⁹ Tiali goli, te bidi Lot aga te be nani nogi Sodom taga pabo sogode, te moni sia dabe me, bogoli ebo posolo masigi dabe me, dagaludu tulali, te Sodom bulu we bidi tigidali ela muani.

³⁰ Te tiwai pedelaibao, nosali, ena e tõe ma asobo sogode. ³¹ Tama te sogode niwai bidi aga be pedude bidiyu, agai doado bage be tomode munalubaso, tama aga sai hagede aba tõe dulama, be tomoba pelamuo. Me ma, aga gide bidibo bidi me, aga bede muani doado bage sai hagede ma geasa pelamuo. ³² Te polobadu bidali bidi Lot aga we, tede koneao, te yaligia yabuo. Te we aga beba ma tonaluyu, isali."

³³ "Niwai bidi aga e tõe bidibo sogo aga tobade aga digi sese yai da homu eyu da, teda dowaiabao. Me ma, niwai bidi ena tobade aga tõe bidibo sogo sia sobaso

da, teda nosali ma bidaibao. ³⁴ Eno dagebolo obao, te Godigo tagala palai bidi ma asobo sogo hulide te bidi si be saide pila mubadi yaide, me naga oda siyu, me naga tagalaibao, te ensel dabe augwaligo. ³⁵ Te sogo ulade me, we si tubo nai sisilubadi yaide, me naga oda siyu, me tagalaibao," Jisasgo te po wali. ³⁶ ["Bidi si gide bididubadi yaide, me naga oda siyu, me tagalaibao," Jisasgo te po wali.] ³⁷ Tama Jisasgo aga wali po simanama, aga wali asobo bagego aga hanalu wali, "Genuai Bidi, te se yaibao wali menade yaibawe?" wali. Jisasgo augwalibolo te po begelai po weyu, te po wali, "Te ba kemedage dabe augwali te isali tigi munalubo madiba sisinaibao," wali.

Te wilawe we dali, po tu dodolobo bidi dali po begelama wali po Jisasgo pusali

18 Te Jisasgo aga wali asobo we bidibolo po begelai po me pusali. "Dagego sesemane sogo Godibolo gedu haluasa po weyu, nono meniamama, tagalidali weyu, eno e po begelai po dagebolo pusubao," wali. ² Jisasgo te po wali, "Te be nani mede te po tu dodolobo bidi me deli bidali. Te bidigo Godide wi isayu, we bidide me wi isayu bidali. ³ Tama te be nanide te bidi isai wilawe we me deli bidali. Tama te wilawe we te po tu dodolobo bidi pageba asidu geali. Asiyu, 'Nago eno po tu odao, eno boi bidigo po aiyaba elaluaibao,' te po wagasidu geali. ⁴ Tama te po tu dodolobo bidi hauwa sogo te wilawe wego wali pode 'Menio' wedu gebadi yali. Tiali goli, nosali aga homu begeleyu, aga homugo koneama, te po wali, 'Eno God me, bidi me wi isabadi goli, ⁵ e we hauwa sogo asidu gebaso, eno aga po tu odama, tau mawaibao. Eno aga tau magi menigi sogo da, teda aga sesemane sogo asiyu, eno bomo sia sagi dao,' te homu yali," Jisasgo te po wali.

⁶ Tama Genuai Bidi Jisasgo te po wali, "Dagego te gagea pai po tu dodolobo bidigo wali po odao. ⁷ Te God aga sa muani we bidi augwaligo ulade me, hulide me aga hanalu wabo si, te God agai augwali tau magowe, ma magobewe? Agai bobenu bidama, tau sogowe? ⁸ Eno dagebolo obao, menio, augwaligo hanalu wabo po agai odoyu, tama te tau sabo bodolu asobo si, agai tau mawaibao. Tiali goli, ena Godigo Bidi Mu ena e tõe ma asobo si, enaba homu kolesaga mani we bidi eno sugowe?" Jisasgo te po wali.

Te Farisi hani bidi dali, takis sabo bidi dali sigo po Jisasgo begelama pusali,

⁹ Te Jisas agai po begelai po me pusali. Te we bidi me badu augwaligo te tiwai homu yali, 'Da naga doloba pai we bidi mu dao. Tiali goli, gasa we bidi tigidali te dwai we bidi dao,' augwaligo te homu yali. Tama te homu yali we bidibolo Jisasgo e po begelai po pusali.

¹⁰ Agai te po wali, "Te bidi si te Moni Lotu Be tempel be tomoba pali, Godibolo augwa po omainu yai. Te bidi me te Farisi hani bidi da. Bidi me, te gavman takis sabo bidi dao. ¹¹ Tama te Farisi hani bidi doligulama,

† 17:26 Gag 6:5-8 †† 17:27 Gag 7:6-24 ‡ 17:29 Gag 18:20-19:25 †† Ena da Godigo Bidi Mu dao.

aga homu tomode te po wali, 'O God, ena da te gasa bidi dabe tiwai meni baso, eno nagebolo nage usu dao obao. Gasa bage augwaligo doado bage pesa ebo dao. Augwaligo te gavmanigo bombo yai po sela şabo dao. Augwaligo penani ebo dao. Ena da u takis sabo bidi tiwai meni baso, eno nagebolo nage usu dao obao. ¹² Te Sarere deli tomode si sogo ena tubo nai gisilibo dao. Tama eno doado bage nogo si selama, te me deli nagebolo mabo dao, me badu nogo a olama, me badu nogo me si me si ena sabo dao,' te Farisi hani bidigo te po wali."

¹³ "Tiali goli, te gavman takis sabo bidi digibulu uba doligi pelama, tama aga gedugo dagaluba ogwaba tonalubeo. Ena dwai dwai şe yalio te homu eyu, homu dene eyu, aga hagawiaba nogogo eledu bidali. Agai te po wali, 'God, enade homu dene eyu, tau mao. Ena dwai dwai şe ebo bidi dao,' te po wali. ¹⁴ Eno dagebolo obao, e bidi aga beba ma peyu, Godigo aga yali dwai şe sela şawai bidi dao. U Farisi hani bidi te tiwai menio. Mena bidigo te aga nogi me ugwaba sobaso, Godigo te bidi aiyaba elaluaibao. Ma, mena bidi imilasa bidibaso, teda Godigo te bidigo nogi ugwaba saibao," Jisasgo te po wali.

Jisasgo te wai pulubabolo bugagia bidabo po te wali dao

(Mat 19:13-15; Mak 10:13-16)

¹⁵ Te we bidi augwa wai puluba Jisas pageba magasali. Augwaligo agabolo te po wai hagede, 'Nago nogo e wai puluba tobolude munama, bugagia bidabo po wao.' Tiali goli, te Jisas wali pabo bagego te wai puluba dabe sela asobo sulama, tama te we bidibolo "Te şe ebo tagalao" po wali. ¹⁶ Tiali goli, Jisasgo te wai puluba aga pageba i wali, te aga wali pabo bidi dabebolo te po wai, "Te wai puluba enaba asomainao. Tagala waggio. Eno wabo po e wai pulubago odalio. Te baso augwaligo ena tia sali. Tama te tobage homu ebo we bidi augwali Godigo we bidi tonalubo madigi tomoba asagameo. Konealuao. ¹⁷ Ogwa dali wegı dali augwaligo Godigo wabo po odama, tia sali. Tama te tobage homu isşawai we bidi augwali Godigo we bidi tonalubo madigi tomoba pogobeo," Jisasgo te po wai.

Masigi daide bidibo bidide po

(Mat 19:16-30; Mak 10:17-31)

¹⁸ Te Juda dabe tomode bidai nogi yai bidi me Jisas pageba asali. Agai Jisas hanalu wali, "Po ola mabo dwagi yai bidi, eno mena şe ebaso, ena tigidali sogo bidibo ula selama bidaibawe, ma gamonabo ula selama, bidada paibawe?" wali. ¹⁹ Tama Jisasgo te bidigo po wei ponoyu, te po hanalu wali, "Enabolo magi baso dwagi yai bidi waliwe? Te dwagi yai bidi me menio. Te God deli naga te dwagi yai bidi dao. ²⁰ Nago te Godigo mani bombo yai po koneani. Te bombo yai po te da, penani şe egio, bidi ela mugio, bidi nai wi sigio, tibo po waggio, naga aya ida nogi ugwaba sao," Jisasgo te po wali. ²¹ Tama te nogi yai bidigo te po wei ponani, "Ao,

ena gesi ogwade bidibadi, te bombo yai po te eno wali pabo gagalali. Tama wali pelama, megi me tama te pode me bidibao," wali. ²² Te Jisasgo te bidigo wali po odama, tama agabolo te po wali, "Magi nai me deli elalubuo, te şe nago ebeo. Nago beba pelama, naga doado bage tigidali selama, maketba munama, tama gasa bidi dabego abelaibao. Tama te doado bagede sali mone sobaso, te nai meni yai we bidi dobayao. Nago te şe ebaso, Godigo bidibo madide nago doado bage hauwa mu elaluaibao, nosali. Tama nago te şe elama, nage ena wali asao," Jisasgo te po wali. ²³ Tiali goli, te nogi yai bidi agai Jisasgo wali po odama, aga homu şeşu mu yali. Magi baso meni. Agai sibage me, doado bage me, kisu delalubo, te nai tagalogobeo.

²⁴ Tama Jisasgo te bidi aga homu şeşu mu ebo suyu, te po wali, "Te walu hauwa munalubo we bidi, sibage hauwa munalubo bidi, augwali Godigo bombo tomoba pai hagede, te moni sinabo şe mu yaibao, tabiaibao. ²⁵ Te moni kibu kamel te ugwa hobolobo medabu aga-bele tomodu dula pabo si, teda sinabo şe eyu, tabigobeo, te masigi hauwa kisu munalubo bidi Godigo bombo tomo dologoba dula pai hagede, moni şe mu yaibao, tabiaibao," Jisasgo te po wali.

²⁶ Jisasgo wali po odali we bidi noma siyu, augwaligo aga hanalu, te po wali, "Tama tibaso, Godigo mena we bidi ma dobola somainogo usu yaibawe?" ²⁷ Jisasgo te po wei ponani, "Te şe ebo, bidigo te şe yabo usu egobeo, te Godigo te şe ebo usu yaibao." ²⁸ Tama te bidi nogi Pita agai Jisasbolo te po wali, "Suao. Dago be dabe tagalama, nage wali asobao," wali. ²⁹ "Ao," Jisasgo wali, "tama eno dagebolo e po obao, bidi mego aga be dabe, aga we, aga ama dede, aga ida aya, aga wai puluba tagalama, Godigo we bidi tonalubo şe tobade, ³⁰ tama te bidigo te tagalali nai genuai mu ma saibao, e tşde bidibo sogode. Agai nosali sabo nai te polobadu tagalali nai te edelaibao. Tama nosali aga bida bida paibao, gamonaibao," Jisasgo te po wali.

Jisasgo aga isabo sogo po sela sogo wali

(Mat 20:17-19; Mak 10:32-34)

³¹ Te Jisasgo aga wali asobo bidi nogo si olama, şaga me badu si selama, augwali te we bidi tagalama, augwa tedali bidali. Agai augwalibolo te po wali, "Edao. Da Jerusalem be naniba pobao. Tama da tede bidibadi, te polobadu bidai bidi dabego enade aşani po mu po pedelaibao. Ena da Godigo Bidi Mu dao. Augwaligo te Godigo enade wali po aşani, te po mu po pedelaibao, Jerusalem be nanide. ³² Te Juda dabe augwaligo ena te Juda hani isşawai bagego nogoba mawaibao. Tama menama, te Juda hani isşawai bagego enabolo usu saibao, dwai po weyu, ena tigiba pesa şawaibao. ³³ Augwaligo kibu wali bigo ena tudi badu elaibao. Tama augwaligo ena ela muaibao. Tiali goli, giliga sela sogo elama, ena ma hodaluaibao, bidaibao," Jisasgo te po wali.

³⁴ Jisasgo te po olama, aga wali asobo bidi augwaligo te po page gisiga konebeo. Te po page geme dualali, tama Jisasgo magi naibolo waliwe augwaligo konebe.

Jisasgo gedu widai bidi gedu pedelama usu ma ilali
(Mat 20:29-34; Mak 10:46-52)

³⁵ Te Jisas tşdu pobadi yaide, te dwasianu taun nogi Jeriko te pşba sabolama, te gedu widai bidi deli te tş sesegede dulaluyu, masigi gonodu bidali. ³⁶ Tama te gedu widai bidi agai te we bidi hauwa ela soabo u wabo odama, te po hanalu wali, "Magi ebawe?" wali. ³⁷ Tama augwaligo agabolo wali, "Te Nasaret bulu bidi nogi Jisas ela sobao," wali. ³⁸ Te gedu widai bidigo i wali, "Jisas, te polobadu nogi yai bidi Devitgo Ogwa. Nage enade homu dene eyu, tau mao," wali. ³⁹ Te polalubo bidi dabe augwaligo agabolo "Te po tagalao, sagia sao," wali. Tiali goli, agai bomonama ma i wali, "Devitgo Ogwa, enade homu dene eyu, tau mao." ⁴⁰ Tama tibaso, Jisas bilibo tagalali. "Te gedu widai bidi nogo tolasa asao," wali. Tama te gedu widai bidi Jisas pşba asama, tama Jisasgo hanalu wali, "Nage eno magi ş emainuwe?" ⁴¹ Te gedu widai bidigo po wei ponani, "Genuai Bidi, nago eno gedu ma dodolobaso, te eno gedu ma bulu ula bolo ma sueibao," wali. ⁴² Tama Jisasgo te po wali, "Suao. Nago enade tia sobaso, nago gedu dwagi yai ma ilai dao," wali. ⁴³ Polo te bidigo gedu si dwagi yai ma pedelalio. Agai Godigo nogi ogwaba siyu, Jisas wali pabo gagalali. Tama te we bidi augwaligo Jisasgo agade yali ş sulama, tama augwaligo me Godigo nogi ogwaba sali.

Te Jisas dali, Sakius dali si po

19 Te Jisas te be nani nogi Jerikoba sabolama, tama tomoba pai, te be nani ela pomainu yali. ² Te be nanide bidali bidi me agai nogi Sakius. Agai mone sabo ş te Rom gavman takis sabo ş yai. Tama aga te takis sabo bagego polalubo bidi dao, agai mone me doado bage me kisu delalubo. ³ Tama te bidi Sakius te Jisas asobo po odama, agai homu Jisas eno sueibao. Tiali goli te bidi Sakius te pşwadage bidi yai elalubaso, Jisas te agai subeo. Magi basowe? Te we bidi hauwa ugwanu polasa dolalubaso, te sesela salio, tama Sakius agai Jisas subo usube. ⁴ Tama tibaso, Sakius polo udalama, pelama, polo te ni me deliba pai. Agai homu, ena e ni holama, te Jisas e ni pşba asobaso, eno aga sueibao. ⁵ Tama Jisas te ni pşba sabolama, ni sigiba ogwa tonali, Sakius suali. Jisasgo te po wali, "Sakius, nage polo dulao. Megi da si nago beba pinao, tede bidaibao," wali. ⁶ Tama te po baso, Sakius polo dulali. Dwagi yai homu mu eyu, te Jisas agai beba odasa peyu, geseyu yai. ⁷ Te we bidi augwaligo te sulama, tama hagelabo po weyu, te po wali, "Jisas te dwai ş ebo bidigo beba nai tugi pali." ⁸ Tama Sakius doligulama, agai te Genuai Bidi Jisasbolo te po wai, "Genuai Bidi, suao. Eno masigi dabe, doado bage tigidali si bugwaibao. Si bugulama, nai meni yai we bidi dobawaibao. Tama bidi mebolo eno ili po olama, agai nai wi sali da, tama megı te nai eno me si me si elama, wei ponaibao," wali. ⁹ Te Jisasgo te bidi Sakiusgo wali po odama, tama Jisasgo te po wali, "Megı tama Godigo e bedo bidibo

we bidi tau mayu, ma sali. Magı baso meni. E bidi da te polobadu bidali nogi yai bidi Abrahamgo ogwa mu dao. Polobadu Abrahamgo Godigo wali po odama, agai mu koneani, tia sali. Megı me, eno wali po odama, nago mu konealualio, tia sali. ¹⁰ Ena Godigo Bidi Mu da, tama Godigo ena tagala palobaso, ena asali. Te olo hagawai we bidi eno gegı asai, te eno augwali tau mayu, ma somainu ebao," Jisasgo te po wai.

Nogo si ş ebo bidi dabebolo mone ge dobayali po digi po
(Mat 25:14-30)

¹¹ Te we bidi augwaligo Jisasgo wabo po odobadi, agai gasa po me augwalibolo pusali, te po digi po. Tama Jisas te be nani nogi Jerusalem pşba sabalobaso, tama augwaligo geda muyu, te homu yali, Jisas te Jerusalem be naniba sabalobo si, Godigo we bidi tonalubo ş tamadi tama gagalaibao, augwaligo te homu yali. ¹² Tama tibaso, Jisasgo augwalibolo e po digi po pusali, agai te po wai, "Te nogi yai bidi me deli digibulu gasa buluba osogo pai hagede. Tama tede bidibadi, te gavman genuai polalubo bidigo aga te aga bulu genuai gavman bidi nigilaibao. Tama nigilama, aga page buluba ma bidagasaibao. ¹³ Tama te bidi aga pisşbadi, agai ş ebo bage nogo si i olama, augwali deli delibolo mone ni yabe nogo si mawai. Agai augwalibolo te po wai, 'Te ena gasa digibulu bulude bidibadi, dagego te mone sabo ş yao, eno mawai masigigo tama tiao, tama nosali eno masigi hauwa ma saibao,' te po wai. ¹⁴ Tama te po olama, tama te digibulu gasa buluba pabo gagalali. Tiali goli, te genuai bidi dologode bidaibao wabo bagego bidi me badu tagala palu, te po wai, 'Dagego te gavman genuai polalubo bidibolo te po wao, "E bidi dago buludu asai bidi, da tonalubo bidi nigibo hagelabo" wao,' te po wali." ¹⁵ "Tiali goli, te bidi digibulu buluba sabolama, te genuai polalubo bidigo aga genuai gavman bidi nigali. Tama agai gavman ş ebo bomo selama, aga buluba ma pali. Teba sabolama, agai polobadu masigi menama ş yali bidi dabe i wali, augwaligo gasa masigi nisu naga sali te suai hagede. ¹⁶ Te hasia asai bidi aga pageba asama, te po wai, 'Genuai bidi, nago enabolo mani ni yabego te eno ş ma elama, te 200 kina ma ugwadu daganabo profet mone salio,' te po wali. ¹⁷ Tama te genuai bidigo agabolo te po wei ponani, 'Nage dwagi yai ş ebo bidi dao. Nago te ş bugagia yalio. Eno nago nogode te dwasianu mone menama, tama nago te dwasianu naigo bugagia tonalubo ş ebo bidi mu dao, te eno koneanio. Tama tibaso, megı te be nani nogo si tonalubo bomo eno nagebolo mobao,' te po wai. ¹⁸ Tama i badu ş ebo bidi aselama, te po wai, 'Genuai bidi, nago enabolo mani monego te ş ma elama, te eno mone te 100 kina sai dao,' wali. ¹⁹ Tama te genuai bidigo agabolo te po wai, 'Nago me te be nani a naga te nago tonaluo.'" ²⁰ "Te nosali bidi asiyu, te po wai, 'Genuai bidi, nago enabolo mani mone e dao. E masigi eno ugwade tomogolama, bugagia muani. Magı baso meni. ²¹ Eno

nagede wi yalio. Nage da, homu sesena pabo bidi dao. Te gasa bidi dabego munalubo nai, te nago sabo dao. Naga gide nai bulisama, te gasa bidigo gide bulali nai sabo bidi dao,' wali. ²² Te genuai bidigo agabolo po wei ponoyu, te po wai, 'Nage dwai se ebo bidi, nago megi wali pogo eno nage aiyaba elaluaibao. Ena da homu sesena pabo bidi dao, nago koneani. Gide nai bulisama, eno te tubo nai naga sabo bidi dao, te me nago koneani. Gide nai bulisama, ena tubo nai sabo bidi dao, te me nago koneani. ²³ Nago koneani, ena te tiwai bidi yaibaso, te nago eno masigi te benkde magi baso mubewe? Nage eno masigi te benkde mugi sogo da, teda ena ma asali sogode ena gasa masigi me badu ma sigi da,' wali."

²⁴ "Tama te genuai bidigo tede dolalubo bagebolo te po wai, 'Te ni yabe nogo si masigi selama, te u bidi mao, te masigi bidi sese a naga 200 kina sali bidibolo mao,' wali ²⁵ Tama tede dolalubo bagego te po wai, 'Genuai bidi, te bidi agai bidi sese nogo a naga 200 kina polo sai dao,' wai. ²⁶ Te genuai bidigo te po wali, 'Eno dagebolo obao, te nai elalubo bidi agai nai me saibao. Tiali goli, te dwasianu nai elalubo bidigo nai gasa bidigo saibao. ²⁷ Tama eno boi bidi odasa asao. Augwali ena dologode bidibo hagelabo wali. Tama te bage odasa asao, eno gabidide hwaço ela muao,' te genuai bidigo te po wali," Jisasgo te po wai dao.

Jisas te Jerusalem be nani tomoba pali

(Mat 21:1-11; Mak 11:1-11; Jon 12:12-19)

²⁸ Te Jisas agai po ola mena silama, tama agai te Jeriko be nani tagalali. Te aga te we bidi polasa peyu, Jerusalem moni taunba pabo ma gagalali, ogwaba. ²⁹ Tama pelama, tama te dwasianu be nani si paşa sabolali. Be nani me nogi Betfage, te be nani me nogi Betani, te si paşa sabolali. Tama sabolama, augwali te bulu du nogi Oliv te bulu duba sabolali. Teba sabolama, tama Jisasgo bidi si i wali, augwali si tagala palama pomainu yali. ³⁰ Augwali sibolo te po wali, "U be naniba pao. Tama te be nani tomoba pelama, tede dage sigo kibu donki wai sueibao, page bidigo haliga gebelalio. Te gesi donki wai te bidi munu me duasiawai donki dao. Te donki wai gebelali haliga pisigina sayao, ena pageba sesao. ³¹ Bidi mego dage sibolo dage te donki wai magi baso bono pisigawaniwe te po obaso, agabolo te po wei ponao, 'Te Genuai Bidigo te donki waide se elalubo,' te po wao," Jisasgo te po wai.

³² Tama tibaso, te tagala palai bidi si u be naniba pelama, Jisasgo wali po mu salio, augwali sigo te donki wai suali. ³³ Tama te bidi sigo aga gebelali haliga pisi-gabadi, te donki wai page bidi dabego hanalu wali, "Dage sigo te hos wai magi baso pisigabawe?" ³⁴ Tama augwali sigo te po wei ponani, "Te Genuai Bidigo te donkide se elalubuo," wali. ³⁵ Tama augwali sigo te kibu donki wai Jisas magasali. Augwa holobo ugwa dabe dilama, donki wai tudide pasugulali. Tama muna-ma, augwaligo Jisas tau selama, te tudide dualai.

³⁶ Tama Jisas te tiwai pobadi, te we bidi aga soabo sunumi au iliyu, augwa holobo ugwa dabe te pabo gesabi

badu tuđe dodolama, muani. Magi basowe? Genuai bidi asobaso tama muani.

³⁷ Te Jisas te Jerusalem be nani paşa sabolali, te bulu du nogi Oliv a odogoba pabo gagalali. Tama teba pobadi, aga wali asobo we bidi hauwa mu tigidali augwali dwagi yai homu mu eyu, bomonama i weyu, Godigo nogi ugwaba siyu yali. Augwaligo Jisasgo polobadu yali bomai se subaso, Godigo nogi ugwaba sali. ³⁸ Augwali e tobage po wali, "Dago te genuai bidigo nogi ugwaba mu sobao. Aga te Godigo nogide asali bidi dao. Dago homugo dagalude boi pibo sogo asomainao. Dago Godigo nogi ugwaba mu sinoa," augwaligo te tobage po wali.

³⁹ Te we bidi tomode te Farisi bidi dabe me badu bidali. Tama augwaligo Jisasbolo te po wali, "Po ola mabo bidi, te nage wali asobo bidi dabebolo 'Te po tagalama, sagia sao' wao," wali. ⁴⁰ Jisasgo te po wei ponani, "Eno dagebolo obao, e we bidigo sagia sobaso, teda e masigi dabego te tobage po wabo gagalaibao, Godigo nogi ugwaba saibao," wali.

⁴¹ Te Jisas te Jerusalem moni be nani paşa asiyu, te be nani suyu, agai te be nanide bidibo we bidide homu dene eyu, gela wali. ⁴² Agai te po wali, "Ena wali asobo we bidi dabe augwaligo te boi pibo sunumi konebao. Megi eno homugo boi pibo te page Jerusalem bage dagego megi koneaibao. Tiali goli, te page God agai geme dualali, dagego sube. ⁴³ Nosali te dwai bidibadi te asaibao. Boi bidi dabe augwaligo e be nani bobegelaibao, dage wi pidali weyu. Augwaligo te be nani moni obode te tço hauwa diganama, te tço hobolu badu dagana saibao. Tigidali badu bobegelaibao. ⁴⁴ Augwaligo dage Jerusalem dabe ela silaibao, te be dabe tigidali augwaligo mu huçiaibao. Be nigali masigi me deli ug-wadu me munalugobeo, tigidali pepedelama, aba saşwaibao, meba me tedali, tedali, besala paibao. Magi baso te se yaibawe? Woo, te Godigo dage suagasu tau sabo sogo asali side te dagego konebeo," Jisasgo te po wai.

Jisas te Moni Lotu Be tempelba pai

(Mat 21:12-17; Mak 11:15-19; Jon 2:13-22)

⁴⁵ Te Jerusalem be nani tomoba pelama, Jisas te Moni Lotu Be tempel teba pali. Teba sabolama, te lotu be tomoba peyu, te maket tiwai nai dabe te tempel be tomode muduali bidi dabe agai buluba ela gudulu sela saşbo gagalali. ⁴⁶ Agai te bidi dabe sela saşbadi, te po wali, "Te bukude te Godigo wali po tede noma muanio, te aşani po me deli e dao, 'Eno be te we bidi enabolo gedu haluasa po wabo be elaluaibao,' te po polobadu aşani. Tiali goli, dagego e be te nai wi sabo bagego geme dualubo ola be tiwai nigilalio," Jisasgo te po wai.

⁴⁷ Te Jisas agai te se yali. Te deli deli sogo agai te we bidi dabebolo ola mani po wali, te Moni Lotu Be tempel tomode. Tama te pris tuni bidi dabe me, te Godigo polobadu wali po koneani bage me, augwaligo Jisas elabo tuđe gegali. Te Juda dabe tuni bidi dabe me, aug-

† 19:46 Ais 56:7; Jer 7:11

waligo Jisas elabo tu gegebo gagalali. ⁴⁸ Tiali goli, te Jisas elabo tu augwaligo sube. Magi baso meni. Te we bidi tigidaligo bomu mu elama, Jisasgo wabo po odai hagede.

(Mat 21:23-27; Mak 11:27-33)

20 Te me sogo Jisas te Moni Lotu Be tempel to-mode bidu, agai te we bidi ola mayu, augwalibolo Godigo dwagi yai po pusalio. Tama agai te po pusabadi, te pris tuni bidi dabe me, te Godigo polobadu wali po page koneani bage me, augwali agaba asali. Te Juda dabe genuai bage me asali. ² Tama aselama, augwaligo agabolo te po hanalu wali, "Nago mena bomogo naga te do yali se yaliwe? Te se dego nago nogode maniwe?" augwaligo te po hanalu wali. ³⁻⁴ Tama Jisasgo augwalibolo te po wai, "Ena me dagebolo po me deli hanalu waibao. Te bidi nogi Jon, agai te we bidi baptais mani. Dego te bidi Jon te seba tagala palaliwe, te Godigo tagala palaliwe, ma dego te seba tagala palaliwe? Dagego ena wei ponao," wali. ⁵ Augwa hasi te po miyu, te po wai, "Te dago 'Godigo Jon te seba tagala palali' po obaso, teda Jisasgo dabolo te po hanalu waibao, 'Dage Jongu wali po magi baso gisiga odobewe?' ⁶ Tiali goli, dago 'Woo, Jon aga homugo te baptais mabo se sali' obaso, teda e we bidi tigidaligo masigi sayu, da ela muaibao. Augwaligo homu te bidi Jon da Godigo tagala palali bidi mu dao," augwa hasi augwaligo te po wai. ⁷ Tama tibaso, augwaligo Jisasbolo te po wai, "Dego te bidi Jon aga seba tagala palaliwe, te dago konebeo," wali. ⁸ Tama Jisasgo augwalibolo te po wai, "Eno hanalu wali po dagego wei ponosiabaso, teda dagego enabolo hanalu wali po me eno wei ponogobeo. E se eno nogode muani bidi nogi dagebolo eno wagobeo," Jisasgo te po wali.

Bono du gi po digi po

(Mat 21:33-46; Mak 12:1-12)

⁹ Te Jisasgo te Juda dabe tuni bidi dabebolo agai wabo po silama, tama agai te olo we bidi dabebolo te bono du gi po digi po pusali. Agai te po wai, "Bidi mego bono du gi bulali. Tama aga te bono du gi te se ebo dabego nogoba osogo muani, augwaligo te gi tonaluminiumu, te augwaligo masigi sabo se dao. Tama elama, aga te gasa digibulu buluba bidigi pali, teda hauwa sogo bidai hagede. ¹⁰ Tama nosali, te bono du dabe tau ebo sogode, te gi page bidigo aga se ebo bidi deli i wali, tagala pomainu. Agai te bidibolo te po wali, 'Nage pao, te eno bono du gi tonaluminiumu bagebolo te po wao, "Te bono dude sai masigi me badu mao, ena te gi page bidibolo magi paibao." Te po wao.' Tama te se ebo bidi pelama, te giba sabolama, te gi page bidigo wali po pusali. Tiali goli, te gi tonaluminiumu bidi dabe augwaligo masigi mabe. Augwaligo aga wabi-go elama, buluba sela sayu yali."

¹¹ "Te nosali te gi page bidi agai se ebo bidi me deli tagala palali, te digibulu giba. Te bidi me te gi tonaluminiumu bagego wabi-go elali. Augwaligo te bidi hale yabo po weyu, buluba sela sayu yali, masigi mabe.

¹² Tama nosali sela sogo weyu, aga se ebo bidi tagala

palali. Te bidi augwaligo elali, elali digi du yai. Tama te bidi me augwaligo buluba sela sawai. ¹³ Te se yali po odama, te gi page bidigo te homu yali, 'Ena mena se yaibawe? E, ena eno dwagi yai homu ebo ogwa mu te tagala palaibao. Te gi tonaluminiumu bagego agai po sela sagobeo, bugagia odaibao,' te homu yali. ¹⁴ Tiali goli, meni. Te ogwa te digibulu giba sabolama, tama te gi tonaluminiumu bagego aga sulama, augwa hasi te po wali, 'Aga aya isibo si, e bidigo te gi mu saibao. Tama tibaso, dago aga ela muinao. Nosali aga aya isibaso, teda dago te gi mu saibao,' te po wali. ¹⁵ Tama olama, augwaligo te gi page bidigo ogwa bono du gi bulu badu sawai, teda ela muani. Tama, dagego homu te gi page bidigo te bagebolo mena se egowe? ¹⁶ Aga te giba asiyu, te gi tonaluminiumu bage agai ela muyu, te gi te gasa bidi dabego nogoba muaibao, "Jisasgo te po wali. Tama agai wali po odali we bidigo te po wai, "Daba te sege maiabuo." ¹⁷ Tiali goli, Jisasgo augwali gedu bomonama tonaluminiumu, te po wali, "Godigo wali po bukude e po wabo da,

'Te be se ebo bagego polobadu sela sawani masigi, te masigi nosali te be tonaluminiumu masigi nigali.'

¹⁸ Te po page da, te ena te masigi dao. Tama eno dagebolo obao, niwai bidi te masigiba tulolubaso, aga tigi dwasianu gagawaibao. Me ma, te masigi bidiba tulolubaso, aga tigi mia paibao," Jisasgo te po wali.

¹⁹ Te Godigo polobadu wali po page koneani bidi dabe me, te pris tobolu bidi dabe me, augwaligo suali, Jisas agai po digi po augwalibolo bomu yai naga walio, augwali aiyaba elalumainu. Tama tibaso, augwaligo te homu yai, "Megi tama dago e bidi Jisas nogo si duwaibao." Tiali goli, tuni bidi augwaligo te we bidide wi baso, augwaligo aga nogo si du-be.

Takis mabo po

(Mat 22:15-22; Mak 12:13-17)

²⁰ Te genuai tuni bidi pris hani bage, me te bomai po page koneai bidi dabe augwaligo Jisas nogo si duşiabaso, augwaligo aga te moni gavman tobolu bidigo nogode muai hagede, te gavman bidi bomu hauwa mu elalubo bidi dao, we bidi tigidali tonaluminiumu bidi dao. Te Jisas te bidigo nogode maiabo tu augwaligo gegali. Te se eyu, augwaligo sa pabo bidi dabe Jisasba tagala palali. Tama Jisasba aselama, augwaligo agabolo tibo muma sabo abagi po weyu, agai wabo po odai hagede asobo bidi tiwai asali. Jisas agai pode geda mubaso, augwaligo aga nogo si duwaibao. ²¹ Tama augwaligo agabolo tibo po weyu, te po wali, "Po ola mabo bidi, te nago naga ola mabo po dolo yai po mu naga wabo dao. Nago homude tigidali we bidi usu si dao. Nago homude bidi me ugwaba me di holobo menio, bidi me aiyaba me elalugobe, tigidali we bidigo kolesaga te deli tama dao. Godigo bomu yai po nogo te we bidibolo dolo mu ola mabo dao. ²² Te moni Rom gavman tobolu bidi Sisar, dago te bidibolo te takis moni mabo se, te se dwagi yai se dawe, ma dwai se dawe?" te po augwaligo hanalu wali.

²³ Tiali goli, Jisasgo augwaligo tibo po nigibo şe ebo homu agai polo koneani. ²⁴ Agai augwalibolo te po wai, "Te takis Abelabo masigi enabolo waselao, eno sueio. Te masigide dego noma elalubowe? Mena bidigo po tede aşaniwe?" te po hanalu wali. Tama te sa pabo dabego te po wali, "Te gavman tobolu bidi Sisar agai noma te takis Abelabo masigi daide elalubo, agai wali po tede aşani." ²⁵ Tama Jisasgo augwalibolo te po wali, "Ao. Tama tibaso, te takis mabo şede, te bidi Sisarbolo agai nai dabe mao, tama te lotude me te Godibolo maiabo nai yai baso da, te God agai nai dabe da agabolo dolo mao," wali. ²⁶ Tama augwaligo agai pode tugobeo, te we bidi gesabidide. Te sa pabo bagego noma siyu, sagia sai.

Augwaligo Jisasbolo hanalu wali, isai bidi ma hodalu-aibawe?

(Mat 22:23-33; Mak 12:18-27)

²⁷ Te Sadyusi bidi hani augwaligo homugo isai bidi ma hodalogobe. Sadyusi dabe me badu Jisas pageba asali. Tama augwaligo agade muma sabo homu eyu, te po wali, ²⁸ "Po ola mabo bidi, te polobadu bidi Mosesgo e bomo yai po me deli dabolo aşani. Tibaso, gomunai bidi me deligo we selama, tama agai sali wego wai ame nisawai, tama te bidi isibaso, teda aga amago te we ma sao. Te we selama, tama wai ame nobaso da, isai bidigo wai dao wao. Te şe yao, Mosesgo te bomo yai po aşani. Ao. ²⁹ Me sogo ama a naga me badu si augwali bidai. Gomunai bidigo we sai, agai wai meni, te aga olo isali. ³⁰ Tama nosali aga ama tomo bidigo te we ma sali. ³¹ Nosali te bidi isilama, te tomo bidi tudi badu bidigo te we ma sali. Ama dede a naga me badu nogo si te we deli naga salio. Tiali, tigidaligo wai me ame nabe. Tilama, tigidali isalio. ³² Nosali te we me isalio. ³³ Te a naga me badu nogo si bidi te bage augwaligo te we selama, bidama, isali. Tilama, te isai we bidi ma hodalobo sogode te we mena bidigo we dawew?" augwaligo te po wali.

³⁴ Te Jisasgo te po wei ponani, "Dage we bidi e sogo megı we sabo dao. Megı tıde bidigo we dali bidi si augwa si sabo dao. ³⁵ Tigidali we bidi megı te tiwai ebo dao. Tiali goli, augwali we bidi Godigo po weyu, augwali hodaluama, te nosali sogode bidibo we bidi, augwali te sogode we sabo şe ma egobeo. ³⁶ Augwali ma isigobeo. Augwali mobo bidi ensel tiwai bidaibao. Godigo augwali gu pagede hodolali. Tama tibaso, augwali Godigo wai bqu bidibo," Jisasgo te po wai.

³⁷ "Te Mosesgo aga po aşani, te po wai, 'Isai bidi gu pagede ma hodalobo dao.' Agai mena şe elama, tama agai dabolo te po ola maniwe? Agai aşani po tomode te po elalubao, me sogo Mosesgo dwasianu ni pagede sia dilubo suali. Moses agai nqu dabe polobadu isali goli, agai Godide te po aşani, 'Genuai God te Abraham, Aisak, Jekop te bagego God dao' wali. ³⁸ Tama Godigo 'Ena da te bagego God dao' obaso, te dago kone dao, te God da, te isai bidigo God menio. Bidibo

bidigo God dao. Tama Godigo gedude, bidibo we bidi me, isai bidi dabe me, te bidibao," Jisasgo te po wai.

³⁹ Jisasgo te po te Sadyusi bagebolo olama, augwali aiyaba elaluama, gasa bidi hani dabe, te Juda dabego bomo yai po koneai bage, augwaligo Jisasbolo te po wai, "Po ola mabo bidi, nago augwalibolo wei ponani po usu dao," wali. ⁴⁰ Te Sadyusi dabe augwali agade wi baso, po me deli ma hanalu wabeo.

Jisasgo augwali te Godigo sa muani bidide hanalu wali

(Mat 22:41-46; Mak 12:35-37)

⁴¹ Te Jisasgo augwalibolo te po hanalu wali, "Dagego te po wabo dao, 'Te nosali asabo bidi Kraıs da, te polobadu bidi nogı Devit aga ogwa da.' Dagego te po magı baso wabo dawew? ⁴² Buku me nogı Sam, te lotu teabi po wabo buku tomode te bidi Devitgo te po aşani,

'God agai eno Genuai Bidibolo te po wai, "Nage eno dolo nogo badude duayao. ⁴³ Nage tede duabadi, eno nago boı bidi dabe nago şaga dologoba muaiabao,

nago şaga augwali tobolude agawaıbao," ' Devitgo te po aşani. ⁴⁴ Tama te po tomode Devit aga digı aga te Kraıs, te nosali asabo bidi, te bidide 'Eno Genuai Bidi' wali. Tama tibaso, Kraıs te Devitgo ogwa naga te menio, te agai genuai bidi mu dao," Jisasgo te po wai.

Te bomo yai po ola mabo bidi dabego yali şe po

(Mat 23:1-36; Mak 12:38-40)

⁴⁵ Te we bidi tigidali augwali tede bidibadi, Jisasgo wali po odali. ⁴⁶ Tama Jisasgo aga po sabo bidibolo weyu, te po wai, "Dage dua dao, te bomo yai po koneai bidi dabede. Augwali godola pela bobobage ugwa gudama, bilama pabo dao, nogı yai bidi tiwai. Augwali godola pela te we bidigo bidi sisinibo pesagede augwalibolo siade dao omainogo, genuai bidi tiwai. Augwali mu godola pela lotu be tomode bidi gesabidide naga dualubo, genuai bidi tiwai. Augwali godola pela genuai nai tubo side augwali polalubo ni namide naga duawainogo ebo dao. ⁴⁷ Augwaligo te wilawe we dabego doado bage gısigılibo dao. Tiali goli, augwaligo tibo gedu haluasa po bobobage wabo dao. Tama nosali Godigo tigidali we bidide po tu ebo si, te tobage bidi dabe, te bomo yai po koneai dabe, augwaligo monı şeş mu saıbao, te gasa we bidigo dwasianu şeş saıbao," Jisasgo te po wai.

Magı nai meni yai wilawe wego aga mone ge dwasianunu Godibolo mani

(Mak 12:41-44)

21 Te Jisas te Monı Lotu Be tempel tomode tonolo bilibadi, agai suali, te mone hauwa munalubo bidi dabego augwaligo Godibolo masigi te halobage tomoba mubo agai suali. ² Tama Jisasgo suali, te magı nai meni yai wilawe wego dwasianunu nogeai mone ge si te halobage tomoba muani. ³ Tama sulama, Jisasgo tede bidibo we bidi dali te po wai, "Eno mu po dage

dali obao, e magi nai meni yai wilawe wego mani masigigo te tigidali we bidigo mani masigi aiyaba elaluali. ⁴ Te tigidali we bidi augwaligo masigi hauwa me badu munalubo. Augwaligo me badu naga Godibolo manio. Tiali goli, e we da masigi aga mu mina salio. Te we agai masigi tigidali Godibolo manio. Te we aga nai abela tuabo masigi mu mina salio," Jisasgo te po wai.

Jisasgo te Moni Lotu Be tempel nosali dolaibao po wai (Mat 24:1-2; Mak 13:1-2)

⁵ Te bidi dabe me badugo te Moni Lotu Be tempel tede po wai, "Augwaligo te be dwagi yai masigigo auluai, te we bidigo Godibolo mani nai dabe me sisinama, te şe yai dao," te po wali. Tialima, Jisasgo te po wali, ⁶ "E tõe elalubo nai dabe megı dagego subo, te sogo pedalobo side te dage dali boı bidi dabe augwaligo me gogologobeo masigi ugwadu munalubo masigi duluda aiyadu masigi agasi halo olama, tigidali pebedama, aiyaba şawaıbao," Jisasgo te po wai.

⁷ Te augwaligo Jisas hanaluyu, te po wali, "Po ola mabo bidi, te şe nisu pedalaıbawe? E be dolabo maganubo side, te mena tiwai şe hasia pedalubo sulama, dago koneaıbawe?" ⁸ Tama Jisasgo po weyu, te po wali, "Bidi hauwa asiyu, Jisas ena nogi waıbao, Jisas asaıbao wali, ena te Jisas ena e asalise, te po waıbao, dage dali. Dage dua dao. Augwaligo dage ili po ola mawaıbao. Tama augwaligo te po me waıbao, 'Asobo si te paba maga yagasobao.' Tiali goli, dagego te po wabo bidi wali pigio. ⁹ Dagego odoyu da moni wabi hwıbo po odobo si, teda dage didibili egio. Ma, bidi dabe augwaligo te gavman sela şawai hagede wabi hwıbo po odobo si, te dage didibili egio. Te şe polo hasia pedaliyu polo yaıbao. Tiali goli, te si polo siligobeo, tigidali nai silabo si polo asogobeo," Jisasgo te po wai.

¹⁰ Jisasgo augwalıbolo te po me weyu, "Me bidi hanigo me bidi hani dali wabi hwıaıbao. Te genuai bulude bidıbo bidi hani mego te gasa genuai bulude bidıbo bidi hani me dali hwıaıbao. ¹¹ Genuai genuai geę e tõe pedalaıbao. Me badu habu badu genuai nasi dali genuai gasi dali yaıbao. Te dagalude te we bidi wi yabo moni haniani şe pedalaıbao. ¹² Tiali goli, te tigidali şe pedalaışabadi, bidi dabe augwaligo dage tulama, dwai şe dage dali yaıbao. Augwaligo dage te bomo yai po ola mabo be tomoba odasa pelama, po tı ela menama, tama augwaligo dage kalabus be tomoba muaıbao. Eno nogi tobade dage şe ebadi, augwaligo dage te moni gavman tuni bidi gesabide odasa paıbao. ¹³ Te dagego Godigo po wabo tı nigılu te ebao. ¹⁴ Tama augwaligo dage dali te şe esişabadi, dagego te homu yao, te po tı ebo sogode duga digi tau sabo po dagego homude hasia dodola sigio. ¹⁵ Ena digi ena koneai bidigo po dage pedauwalıba muaıbao. Te baso, dagego boı bidi dabego te po sela şanama aiyaba elalugobeo. ¹⁶ Dagego aya ida me, ama me, deli sibi dabe me, abagi me, augwaligo dage te gavman bidi dabego nogoba muaıbao. Augwaligo dage me badu ela muaıbao. ¹⁷ Tigidali we bidi augwaligo dage dali

moni şeþe mu yaıbao. Magi basowe? Eno nogi dage dali bidıbaso augwaligo tama tiaıbao. ¹⁸ Tiali goli, dage bugagia mu bidaıbao, dagego tobolude tobolu nisi me deli hagagobeo. Tama tibaso, wi egimio. ¹⁹ Dage bomo elama, bidao. Nono esışabaso, dagego mu bidabo sogo nosali saıbao," Jisasgo te po wai.

Jerusalem hanu augwaligo dolaıbao po Jisasgo wai (Mat 24:15-21; Mak 13:14-19)

²⁰ Te Jisasgo te po me wai, "Te nosali dagego te ami bidi dabego Jerusalem be nani bagulıbo maga dagego subaso, teda te Jerusalem hanu dolabo sogo paba yagasali, te dagego koneaıbao. ²¹ Tama te sogode te Judia tõe bidıbo bage augwali te bulu duba wi pao. Tama te Jerusalem hanu tomode bidıbo we bidi me, augwali te hanu taga peyu, gasa madıba wi pişo. Te bidi dabe hanu sesege badu bidıbo bidi, augwali te hanu tomoba pelamuo. ²² Te sogode te Godigo te Juda we bidigo yali dwai şe wei ponabo sogo dao. Tama te side te Godigo bukude aşani po tigidali te nai igıbilama walaıbao. ²³ Tama te halıga yai we dabe dali, wai boı ame megı tama mabo we me, te tobage webolo hobede yao. Genuai şeęe mu e tõe pedalaıbao, te Godigo şeþe yai we bidi te sogo gegaıbao. ²⁴ Tama te boı bidi dabego te Juda dabe me badu moni hwıgo ela muaıbao, me badu nogi si dılama, kalabus ılama, odasa pelama, tama tigidali gasa tıba mugi paıbao, tede mu bidımainu yaıbao. Tama te boı bidi dabe, te Juda bidi hani isawai dabe, augwaligo te Jerusalem hanu mu dola silaıbao, te aiyaba elaluaıbao. Tama nosali te Juda hani isawai dabego Juda dabe aiyaba elalubo si silaıbao," Jisasgo te po augwalıbolo wai.

Nosali Jisas te Godigo Bidi Mu dagaludu asaıbao (Mat 24:29-31; Mak 13:24-29)

²⁵ Te Jisasgo augwalıbolo po me weyu, te po wai, "Te gilıgade me, te poluade me, te hıde me te gasagi yai şe pedalaıbao, bidigo koneışo şe. Tama tõe tigidali we bidi dwai homu elama, wi eyu, gela weyu, tebo side moni tamu aı dini asainogo u wabo augwaligo odoyu, wi yaıbao. ²⁶ We bidi augwaligo homugo magi şe e tõe pedalogowe, te po waıbao. Tibaso, augwali homude wi eyu, tigi aiyoge eyu, tıbo isaıbao. Magi basowe? Te dagalude hı dabe augwaligo tı mina sobaso, gegele bilaıbao. ²⁷ Tama te ebo sogo ena te Godigo Bidi Mu ena gasa dagalu pı medu asaıbao, te eno moni bomo dali, moni ula dali asobo augwaligo te sogo sueıbao. Te moni ula te gilıga sesena pai nanobo tiwai yaıbao. ²⁸ Hasia te şe gagalama pedalubo side, te ebo sogo dage tobolu ugwanu elama, dolaluaı. Te side dage Godigo sabo silabo side paba yagasobao," Jisasgo te po wai.

Kaiya solobo side te ebo sogo bodolu mabo po

(Mat 24:32-35; Mak 13:28-31)

²⁹ Te Jisasgo po me begelama, augwali daj wai. Agai te po wai, "Dagego kaiya dali gasa ni dabe me solobo subo dao. ³⁰ Tama dagego suyu, gesi yabe pedalobaso da, te dagego konebo dao, te sogo poi pibo si tamadi pedalaibao. ³¹ Te tiwai me, te eno dagebolo megı pusali seęę pedalobo dagego subaso da, te dagego koneaibao, te Godigo we bidi tonalubo sogo polo pa-ba asai yabo. ³² Eno mu po dage dali obao, megı e sogo bidibo we bidi augwali me badu bidibadi, te ebo sogo te seęę tigidali pedalaibao. ³³ Dagalu dali, tğ dali tigidali pela silaibao, tiali goli eno po me munu me sia sogo beo," Jisasgo te po wai.

Bugagia suao po

³⁴ "Te dage dua dao, bugagia suao. Dagego tigidali sogo bomai wę tulama, aiyoge elamu dao. Tiyu dagego tigi tau sabo homu naga egıo. Te tiwai kole-sagago dage mesegelebaso da, teda te Bidi Mu asobo sogo dage polo asaibao, te enego hasa enebo tiwai yaibao. ³⁵ Te ena asobo sogo te tigidali tğde bidibo we bidibolo me te tiwai seę pedalaibao. ³⁶ Sesemane sogo dage bugagia suao, dua dao. Te seę eyu, tigidali sogo dage God hanalu wao, agai dagebolo aga bomo mo-mainu yao. Tama tilama, tigidali te seę dageba pedelainogo yali da, te dage geda munama ela soeibao. Tiyu da, dage ena gesabide bugagia dolaluaibao, ena da te Godigo Bidi Mu dao," Jisasgo te po wai.

³⁷ Te tigidali sogo Jisasgo po augwali we bidi dali Moni Lotu Be tempel tomode ola mawai. Tilama, te hulide Jisas aga bulu du me nogi Oliv teba pigi pabo dao. ³⁸ Tigidali we bidi augwali kigamu mu aselama, te Moni Lotu Be tempel tomoba bulama, Jisasgo po odainogo yai, tigidali sogo.

Bidi me nogi Judas agai Jisas te tuni bidi dabego no-gode mabo bodolu mani

(Mat 26:1-5; Mak 14:1-2; Jon 11:45-53)

22 Te olo bidibo sogo me paşa yagasaibao. Tama te sogo te Juda dabe augwaligo 'Te polobadu mu Godigo dago waj nğ dabe mu ela soyu, elisaşani sogo da' weyu, augwaligo te sogo bo disaşwai nai bret tubo dao. Te olo bidibo sogo nogi Pasova dao. ² Tama te pris tuni bidi dabe me, te Juda dabego bomo yai po koneai bidi dabe me, augwaligo te Jisas elabo sunumi gegali. Tama augwali te we bidigo suidali weyu, wi yali. Tama tibaso, te we bidi suidali weyu, augwali te po geme miani.

³ Te dwai haubo noma bidi Satan agai te bidi me nogi Judas aga homu tomoba pai. Te Judas aga te Kerıot bulu bidi dao. Tama Judas te Jisas wali tigidali sogo pabo bidi nogo si olama, saęa me badu si tomode bidali bidi dao. ⁴ Tama Satan te bidi Judas aga homu tomoba pelama, tama Judas pelama, te pris tuni bidi dabe me, te Moni Lotu Be tempel tonalubo seę ebo tuni enesigi

bidi dabe me augwali dali agai po miani. Agai te Jisas augwaligo nogoba mubo sunumi nigabo po wali.

⁵ Tibaso, augwali homu dwagi yai yali. Augwaligo po weyu, te po wai, "Nage dago mone ge mawaibao." ⁶ Judasgo te po wali, "Dagego po usu dao." Tama agai te Jisas augwaligo nogoba mubo sunumi gegebo gagalali. Agai tonaluali, me sogo te we bidi hauwa te Jisasde bidisaşbaso, tebo sogo agai Jisas te tuni bidi dabego nogoba muaibao.

Jisas wali pabo bidi sigo te Pasova tubo nai sisi egi pai

(Mat 26:17-25; Mak 14:12-21; Jon 13:21-30)

⁷ Te bo disaşwai tubo nai bret tuabo olo bidibo side, deli sogo silama, te kibu sipsip wai elebo bodolu sogo yagasali. Sipsip wai eleyu, te Juda dabego ma koneani, 'Polobadu Godigo dago nğ dabe ela soyu, elebe.'

⁸ Tama Jisasgo aga bidi Pita dali Jon dali "Dage si pao" augwali sibolo weyu, te po wai, "Dage si pelama, te nai sisi egi pao, te dago Pasova tubo nai," te po wai.

⁹ Tama augwali sigo te po hanalu wai, "Nago homu da sigo te tubo nai menade sisi yaibawe?" ¹⁰ Jisasgo augwali sibolo te po wai, "Dage si te moni be nani tomoba pao. Tama tğdu pobadi, seę ebo bidi me deligo baketgo aj tulama, tolasa peyu dage si tişa asaibao. Te bidi wali dage si pao. Tama be tomoba te bidi pobaso da, dage si me te be tomoba pao. ¹¹ Dage sigo te be page bidibolo wao, 'Po ola mabo bidigo nagebolo te po walio, "Nago be tomode te ena dali, eno bidi dabe dali, dago te Pasova nai tuabo be habu menadewe?"'

¹² Tama te bidigo dage si ugwadı moni be habu ola mawaibao. Tede te nai tuabo ni nami me dua yabo ni nami me agai seę ebo bagego te sisila muai dao. Te be habude dage sigo te tubo nai sisila muao," Jisasgo te po wai. ¹³ Tama te bidi si pelama, Jisasgo wali po gilama, te seę pedalali. Tama augwali sigo agai wali po wali pelama, te tubo nai sisila muani.

Jisas aga wali bilali bidi dabebolo diluai nai bret me wain aj manio

(Mat 26:26-30; Mak 14:22-26; 1 Ko 11:23-25)

¹⁴ Te Pasova nai tuabo sogo pedalali. Tama Jisas te beba aselama, te aga te nai tuabo ni namide dua yali, te aga po sela pabo bidi dabe te aposel bage augwali me tede dua yali. ¹⁵ Jisas augwalibolo te po wai, "Eno homugo godola pelama, te dago waj nğ hani te Is-rael dabe bugagia bidimainu sula tagalu ela soale side ma kone palu tubo nai Pasova dage dali megı tama tueibao. Tilama, nosali ena dene saibao. ¹⁶ Eno mu po dagebolo obao, eno e Pasova nai dage dali ma tugobeo. Tama e nai ma tusaşbadi, te Godigo we bidi tonalubo sogo gagalama, e nai tuabo seę page hania mu pedelaibao. Tama te sogo eno ma tueibao," Jisasgo te po wai.

¹⁷ Te Jisasgo agai te bono du kaneme wain wę paşawai kap selama, Godibolo usu da po olama, tama aga bidi dabebolo mayu, te po wai, "Dage te bono du kaneme wain wę selama, duga hasi tomode dobola selama, tuao. ¹⁸ Eno dagebolo obao, megı tama gagala-

ma, eno bono du wain wę ma tugobeo. Tama tusaq̄ba-di, te Godigo agai we bidi tonalubo sogo pedalabo sogo eno e nai ma tueibao," Jisasgo te po wai.

¹⁹ Te Jisasgo agai te diluai nai bret me selama, Godibolo nage usu dao olama, tama te nai bret nogogo togolama, aga bidi dabebolo dobawai. Agai te po wai, "E nai eno tigi mi dao. Eno dage tau somainogo mobao. Tuao. Ena isilama, dage nosali tama tuyu, ena konealu bidao," te po wai.

²⁰ Te nosali genuai nai tulama, te Jisasgo agai te diluai nai bret dobayu yali tiwai egi pelama, te bono du kaneme wain wę me tama tiali. Agai te po wai, "E bono du kaneme da, te eno kaneme dao. Gesi tų eno kanemego nigaibao, dage God dali mu kęq̄ somainogo, eno kaneme gelebao. ^{†21} Dagego suo. Ena te boi bidigo nogoba muabo bidi ena dali ede bidibao. ²² Ena da te Godigo Bidi Mu da. Ena te Godigo polobadu tų nigilai te tųdu paibao. Tiali goli, ena te boi bidi nogoba muani bidi tede ena hobede mu ebao," wali.

²³ Te Jisasgo te po obaso, agai bidi dabe augwa hasi hanalua peyu, dego te kolesaga yaibawe, augwa hasi te po wai.

Da tomode de polalubo bidi dawę?

²⁴ Te Jisas wali pabo bidi dabe augwa hasi konila yali. Tama konila po weyu, te po wai, "Da tomode mena bidi te polalubo bidi dawę?" ²⁵ Jisasgo te po augwali dali wai, "Te Juda bidi hani isaq̄wai dabego tobolu bidi dabe augwaligo bomo elalu, te we bidi tonalubo dao. Augwali genuai bidi bidibo dao. Augwaligo te we bidigo te tuni bidibolo wiegi yai bidi dao omainogo ebo dao.

²⁶ Tiali goli, te we bidi dabego te wabe. Tiali goli, dagego te tobage sę egio. Menio. Dage polalubo bidi homu ebaso da, teda dage nosali bidi tiwai bidao, gesi bidi tiwai. Dagego tobolu bidi bidabo homu eyu da, dage sę bidi tau sabo bidi bidao. ²⁷ Mena bidi polalubo bidi dawę? Te saide dualama nai tubo bidi dawę? Te sę tau sabo bidi nai poude togola magasobo bidi dawę? Te saide dualama nai tubo bidi naga te polalubo bidi dao. Tiali goli, ena dage tomode bidiyu dage sę tau sabo bidi dao," Jisasgo te po augwalibolo wai.

²⁸ "Te polobadu te sę pedelama, enaba te haniani sęq̄ę asainogo yai digi, dage ena dali bidai dao. Tama dagego ena taga soai menio. ²⁹ Eno Ayago we bidi tonalubo sę enabolo mawai. Tiali gilama, eno te sę dagebolo mobao. ³⁰ Nosali eno tigidali we bidi tonalubo side, dage ena dali hodobo nai tuagameo. Tama dage te tobolu bidigo duabo ni namide dualama, tama dagego te Israel bidi hani nogo si olama, saq̄q̄ badu si te we bidi hani po dodolobo hani bidagameo," Jisasgo te po aga bidi dabe dali wai.

Jisasgo te po wai, "Pita, nago ena tudiba muaibao"
(Mat 26:31-35; Mak 14:27-31; Jon 13:36-38)

³¹ Te Jisasgo te bidi Saimonbolo weyu, te po wai, "Saimon, Saimon, nage odao. Te dwai haubo noma bidi

nogi Satan agai dage dayu, usu sainogo, agai God hanalu wali. Tama Godigo 'Ao' wali. ³² Satango te sę yainogo yai digi, eno nage tau sainogo, God hanalu wali, 'Saimon tau sao. Agai homu kolesaga tigidali nageba mubo sę tagalidali weyu, nago Saimon tau sao.' Tama Saimon, nosali nage begasa, ma aselama, tama nago naga ama dabe bomu mayu daq̄ walao," Jisasgo te po wai. ³³ Pitago Jisasbolo wai, "Genuai Bidi, ena nage dali kalabus paibao. Ena nage dali isabo me sisi yalio," Pitago te wai, Jisas dali. ³⁴ Jisasgo Pitabolo te po wai, "Pita, eno nagebolo obao, e sogo hulide te ba kakaruk po wasiq̄badi, tama nago sela sogo waibao, 'Eno Jisas nogi konebe.' Te po nago waibao," Jisasgo te po wali.

Jisasgo sela po wai, gamugi dage masigi po dali, wa po dali, hwaq̄ ge po me

³⁵ Jisasgo te po aga wali bilali bidi dabe augwalibolo wai, "Polobadu eno dage te sę egi pao weyu, duga gamugi dage masigi dali, wa dali, saq̄q̄ nadoba dali sela pigio, te po wai. Tiali sogo, dage nai me deli saq̄q̄ paidawe?" Jisasgo augwali dali te po wai, tama augwaligo "Menio," te po wai. ³⁶ Jisasgo augwali dali te po wai, "Tiali goli, megi te gamugi dage masigi munalubo bidigo te nai sao, te wa munalubo bidi me aga wa sao. Tama hwaq̄ ge meni yai bidi da, teda aga ugwa menama, gasa bidigo abelama, te ugwade sai masigigo te moni hwaq̄ ge sao," Jisasgo te po wai. ³⁷ "Magi basowe? Bukude wali po augwaligo te po wai, 'Augwaligo homude augwaligo aga dali dwai bidi dabe dali sisilai dao,' wali. Tama eno dagebolo obao, tigidali po bukude wali po tiwai ena dali nai gilama walaibao. Ena tq̄de bidibo sogo tamadi sia saibao," Jisasgo te po aga bidi dabebolo wai. ^{††}

³⁸ Augwaligo te po wai, "Genuai Bidi, nago suo, dago moni hwaq̄ ge si e dao." Jisasgo sulama, augwalibolo te po wai, "Te tama usu dao."

Jisasgo te Getsemani gide Godibolo po wai

(Mat 26:36-46; Mak 14:32-42)

³⁹ Te Jisas te be taga peyu, te bulu du nogi Oliv teba pali, aga polobadu hauwa sogo teba pai dao. Tama aga bidi dabe augwali aga wali pai. ⁴⁰ Tama Jisas te bulu du Olivba sabolama, aga bidi dabebolo te po wai, "Dagego Godibolo hanalu po wao, te Satango dage dwai sę tomoba gegidali weyu." ⁴¹ Tama Jisasgo augwali taga peyu, aga dwasianu bobenu gana palio. Agai kidu tq̄ba sugunama, Godibolo po weyu, te po wai, ⁴² "Eno aya, nago homugo usu da wida, te sęq̄ę enade elalubo dagala saq̄yao. Tialima, nago eno homu wali pelamuo. Naga homu kolesaga naga wali pao," Jisasgo te po wai, aga Aya dali. ⁴³ [Tama Godigo sę ebo mobo ensel bidi me deli dagaludu asiyu, pedelagaselama, te Jisasba bomu mayu tau sali. ⁴⁴ Jisas aga homu sęq̄ę mu ebaso, Godibolo aga hanalubo po bomonama wai.

† 22:20 Jer 31:31-34

†† 22:37 Ais 53:12

Tama Jisasgo tigide te posolo wę kisu yai, te wę te tþba tuloluai, te kaneme tiwai.]

⁴⁵ Te Jisasgo aga Godibolo wali po silama, tama hodaluama, tama aga bidi dabe pageba ma pali. Tama augwali godege pibo aga suali. Augwali homu seęę mu ebaso, tama augwali godege piai. ⁴⁶ Tama agai augwalibolo te po wai, "Ya, dage magi baso pibawe? Hodaluiąo. Godibolo hanalubo po wao, te Satango dage dwai seę tomoba gegidali weyu," Jisasgo te po wai.

Judasgo Jisas te boi bidigo nogoba muani

(Mat 26:47-56; Mak 14:43-50; Jon 18:3-11)

⁴⁷ Te Jisasgo aga po obadi yaide, tama genuai bidi hani pąba asali. Te bidi Judas te Jisas wali pabo bidi nogo si olama, saęa me badu si tomode bidali, te bidi polasa asai. Tama aga aselama, Jisas dali pąba kisa sagsai. ⁴⁸ Tiali goli, Jisasgo agabolo te po wai, "Judas, ena da te Godigo Bidi Mu dao. Nago kisa sagsu, ena te boi bidi dabego nogoba mubawe?" ⁴⁹ Jisasgo bidi dabe augwaligo te seę pedalabo maga ebaso, augwaligo te po wai, "Genuai Bidi, nago usu da wida, dago te boi bidi dabe hwaę gego elaibao," te po Jisas dali wai. ⁵⁰ Tama te tamadi asai bage tomode te pris tuni bidigo seę ebo bidi me deli bidai. Tama Jisas wali pabo bidi mego te bidigo dolo nogo badu olo moni kago hwaęo togwa saęwai, tama te olo tþba tuloluai. ⁵¹ Tiali goli, Jisasgo te sulama, te po wai, "Tagalao. Me menio." Tama agai nogo te boi bidi oloba muai, tama te olo dwagi yai ma yai.

⁵² Te Jisasgo agai po wai, te pris tuni bidi dabe me, te Moni Lotu Be tempel tonalubo tuni enesigi bidi dabe me, te monu dabe me, augwalibolo agai po wai, augwaligo aga tuainogo asali baso. Agai te po wai, "Dagego moni kago hwaę dabe, wąbi dabe sesali da. Te dagego nai wi sai bidi nogo tulama, sela painogo asobo aę yaliwe?" Jisasgo te po boi bidi dali wai. ⁵³ "Tigidali sogo dage dali ena te Moni Lotu Be tempel tomode bidai dao. Te sogo dagego ena me sai menio. Tialima, megi e sogo dagego Godigo bodolu muani side dao, dagego duga homu wali piąo. Megi Satango bomogo seę ebo side dao," Jisasgo te po te boi bidi dabe dali wai.

Pitago te po wai, "Jisas eno konebeo"

(Mat 26:57-58, 69-75; Mak 14:53-54, 66-72; Jon 18:12-18, 25-27)

⁵⁴ Te Jisasgo aga po ola silibo si da, augwaligo aga nogo pageabi elama, sela pai. Augwaligo Jisas odasa peyu, te Godibolo te polalubo tuni pris bidigo beba pai. Tama Pita me augwali wali pai. Tiali goli, aga digibulu gana bidai. ⁵⁵ Te bage augwaligo sia te be mesalode nogai, sia kedau tuenu. Tama Pita me augwali dali dualama, sia te gogo tueinu dua yali. ⁵⁶ Te be tomode seę ebo wego Pita suai, te sia ulade. Te wego aga gedu diliasa tonaluyu, te po wai, "Te bidi me Jisas dali bidibo eno suai dao," te po wai. ⁵⁷ Hogwa siyu, Pitago te po wai, "Ena menio. We, nago wabo po eno te Jisas konebeo," Pitago te po wai. ⁵⁸ Nosali gana gasa

bidi mego Pita sulama, te po wai, "Nage me te Jisasgo hani dao." Tiali goli, Pitago te po wai, "Abagi, ena mu menio." ⁵⁹ Nosali bidama, gesege elama, gasa bidi mego po bomonama, te po wai, "Mu tama dao. Te bidi me Jisas dali bidai dao. Te bidi Galili tþ bidi tama dao, Jisas tiwai," te po wai. ⁶⁰ Tiali goli, Pitago te po wai, "Abagi, nago te wabo po eno konebeo." Agai te po tama obadi, ba kakaruk po wai. ⁶¹ Tama te kakaruk po ma wabo si, Jisasgo begelama, Pitaba tonani. Tama Pitago Jisasgo aga dali polobadu gana wali po ma koneama, "Te sogo hulide ba kakaruk po wasiąbadi, tama nago sela sogo te po waibao, 'Eno Jisas konebeo,' waibao." ⁶² Tama Pita agai Jisasgo te wali po ma konea-gasu, buluba pelama, moni gela mu wai.

Augwaligo Jisas gisugu maiyu, eleyu yai

(Mak 14:65)

⁶³ Te Jisas tonalubo bidi dabe augwaligo dwai dwai haniani po aga dali weyu, te aga eleyu yai. ⁶⁴ Augwaligo Jisas ugwago gedu haluama, nogogo elama, agabolo hanalu wali, "Dego nage elaliwe? Te nosali asabo nai konea pai profet bidigo wali po tiwai wao," te po wai. ⁶⁵ Tama augwaligo bidi posobo dwai po hauwa Jisas dali wai.

Augwaligo Jisas kaunsil bidigo gedude po tų ela mawai

(Mat 26:59-66; Mak 14:55-64; Jon 18:19-24)

⁶⁶ Te nosali te giliga pedelai, tama te Israel bidi hani tobolu bidi dabe dali, te pris tobolu bidi dabe me, te Juda dabego bomu yai po page koneani bidi dabe me, augwali tigidali sisinai, tama augwaligo po kaunsil bidigo po wabo gilama, te po wainogo yai. Tama te Jisas tonalubo bage augwaligo Jisas kaunsil geduba odasa pai. Te kaunsil dabe augwaligo te po wai, ⁶⁷ "Nago dabolo wao, nage Godigo sa muai nosali asaibao wali bidi Krai dawe?" Tama Jisasgo augwalibolo te po wai, "Eno dagebolo weyu da, te dagego te po mu po dao homu egobeo. ⁶⁸ Tialima, eno dagebolo me dagego homu ena da te Godigo sa muai bidi dawe hanalu da, te dagego eno po wei ponogobeo," Jisasgo te po wai, augwali dali. ⁶⁹ "Tiali goli, megi me, tigidali sogo nosali me, te Godigo Bidi Mu te bomu tigidali elalubo Godigo dolo nogo badu bidaibao, polalubo bidi bidabo madide. Ena da te Godigo Bidi Mu dao," Jisasgo te po wai.

⁷⁰ Te bidi dabe tigidaligo te po wai, "Tama nage te Godigo Ogwa mu dawe?" Jisasgo te po wai, "Dagego enabolo wali po tiwai, ena tama dao." ⁷¹ Augwaligo te po wai, "Dago magi baso gasa bidi i olama, te bidigo Jisasgo dwai seę yali po pusaibawe? Te Jisas aga digi aga pedauwalidu ena da Godigo ogwa da wali dwai po te dago megi tama odalio," te Juda bagego te po wai.

Juda dabe augwaligo Jisas augwa kiap tuni bidi gedude dodolama, po tų ela mawai

(Mat 27:1-2, 11-14; Mak 15:1-5; Jon 18:28-38)

23 Te genuai bidi dabe augwali tigidali hodalu, te po wai, "Jisas te kiap tuni bidi bidibo madi selasa

pao," wai. Te gavman tuni bidi nogi Pailat dao. ² Augwaligo gagalama, Jisas tu ela mayu, te bidi Pailat gesabide. Augwaligo te po wai, "E bidigo da hanigo ebo kolesaga dolali. Jisasgo da dabe weyu, dago gavman tuni bidi Sisarbolo takis masigi magio homu ebo dao. Tama Jisasgo dabolo habu selebo po weyu, te po wai, 'Ena da, Godigo sa muyu asaibao wali bidi Kraisi dao. Te ena tuni bidi dao,' Jisasgo te po wai dao," augwaligo te po wai. ³ Tama tuni bidi nogi Pailat agai Jisasbobo hanalu, te po wai, "Nage da, te Juda bagego tuni bidi dawe?" Jisasgo te tuni bidibolo po weyu, te po wai, "Naga digi te po obao, ena tama dao," Jisasgo te po wai. ⁴ Tama te tuni bidi Pailat agai te pris tobolu bidi dabe me, te sisinai Juda we bidi me, augwalibolo weyu, te po wai, "E bidi agai dwai se yali po page eno suali menio." ⁵ Tiali goli, augwaligo po bomonama ma weyu, te po wai, "Agai po te Juda we bidibolo mobaso, tigidalu we bidi dwai homu hogodolai. Agai te po Galili bulude gagalama, te se megi eba me sela asalio," augwaligo te po Jisasde wai, te bidi Pailatbobo.

Augwaligo Jisas Herot bidibo digi odasa pelama, tu ela mawai

⁶ Te kiap tuni bidi Pailatgo augwaligo wali po odama, augwalibolo hanalu wai, "Te bidi Jisas te Galili bulu bidi dawe?" ⁷ Augwaligo "Aga te bidi Herotgo tonalubo tude bidibo bidi dao," wali. Tama te po odama, Pailatgo "Aga Herotba sela pao, agai te po tu odomainogo," wali. Tama te sogo Herot te Jerusalem be nanide osogo bidibadi dao.

⁸ Te bidi Herotgo Jisas sulama, agai homu dwagi yai yali. Agai Jisasgo ebo se po odai, tama agai Jisas polobadu suainogo yai, hauwa sogo. Agai homugo eno te bidi Jisas agai bomai se ebo eno sueibao, te homu polobadu yai dao. ⁹ Tama tibaso, Herotgo Jisasbobo po hauwa hanalu wai. Tiali goli, Jisasgo agai po me wei ponebeo. ¹⁰ Tama te pris tuni bidi dabe dali, te Juda dabego bomu yai po mu koneai bidi dabe me, augwaligo paba aselama, augwaligo Jisas po tu bomonama mu wai. ¹¹ Tama Herot dali, aga enesigi bidi dabe dali, augwaligo Jisas dali dwai dwai haniani po olama, Jisas mu dolai. Augwaligo dwagi yai ugwa selama, Jisasbobo sabili mubo aq yai. Tama te tiwai elama, augwaligo gisugu wai. Tama elama, Herot agai "Jisas te kiap tuni bidi Pailatba ma odasa pao," te po wai, tama augwaligo aga odasa pai. ¹² Polobadu Herotgo te kiap tuni bidi Pailat dali augwa si wado yai. Tialima, megi augwali si abagi gagawai.

Kiap tuni bidi Pailat agai Jisas te ni agede elao wai

(Mat 27:15-26; Mak 15:6-15; Jon 18:39-19:16)

¹³ Te kiap tuni bidi Pailat agai te pris tuni bidi dabe dali, te tobolu bidi dabe dali, te olo we bidi dali i wai, tama augwali sisinai. ¹⁴ Tama augwali sisinama, agai augwalibolo te po wai, "Dagego e bidi Jisas ena pageba sela asali dao. Dagego te po wai, 'Jisasgo dago we bidigo ebo kolesaga dolai,' te po wai. Eno aga te po hanalu wali, duga gesabide. Tama dagego odao. Eno

Jisasgo yali magi sege agai me ebeo. Dagego aga tu ela mani te agai sege yali eno me subeo," Pailatgo te po wai. ¹⁵ "Herot agai Jisas dabolo ma tagala palali, dago Jisasde po tu odomainogo. Tama tibaso, dago koneani, Herot me agai Jisas agai sege yali me subeo. Tama tibaso, dena Rom dabego bomu yai pode, e bidi dago elegobeo," Pailatgo te po augwali dali wai. ¹⁶ "Tama tibaso da, eno e bidi bigo naga elama, olo tagala palaibao," te po wai. ¹⁷ [Te tigidalu sogo te Pasova nai tuabo olo bidibo side te Pailatgo kalabus bidi me deli te we bidibolo olo tagala palobo dao. Pailatgo augwaligo po wali pelama, bidi me augwaligo saibao wabo bidi augwalibolo tagala palobo dao.] ¹⁸ Tama tigidalu we bidigo moni i mu wai, "Te bidi elao, tama te bidi nogi Barabas dabolo olo tagala palao," te we bidigo te po wai.

¹⁹ Te bidi Barabas agai gavman dali te hanu Jerusalem tomode wabi hwjai, tama agai bidi me ela muai, tama augwaligo te bidi kalabus tomoba muai dao. ²⁰ Tama Pailatgo te we bidi dali po ma wai, agai Jisas tagala palainogo yai. ²¹ Tialima, augwaligo i weyu, te po wai, "Te bidi ni nami agede elao, te bidi ni nami agede elao," te po ma weyu, ma weyu yai, te Juda we bidigo. ²² Tama Pailatgo sela sogo te we bidibolo wai, "Magi basowe? Te e bidi Jisasgo mena dwai se yaliwe? Eno agai dwai se yali me subeo. Tama tibaso, dena Rom dabego bomu yai pode, e bidi dago elegobeo. Tama aga eno bigo naga elama, olo tagala palaibao," Pailatgo te po wai, te we bidi dali. ²³ Tiali goli, augwaligo bomu mu yai, augwaligo moni i bomonama mu wai. Te Pailatgo Jisas elamuo po augwalibolo omainogo, te augwaligo i wabo elabo pogo Pailatgo po aiyaba elaluai. ²⁴ Tama tibaso, Pailatgo po weyu, te po wai, "Te usu dao. ²⁵ Eno dagego po naga odaibao." Te bidi nogi Barabas te gavman dali wabi hwjnama, bidi ela muai. Tama te bidi augwaligo kalabus tomoba muai dao. Te we bidigo te bidi Barabas ma augwaligo sainogo te po wai, tama Pailatgo te bidi augwalibolo tagala palai. Tama te Pailatgo te we bidigo homu wali peyu, tama Jisas augwaligo nogoba muai.

Augwaligo Jisas ni pedaide elai

(Mat 27:32-44; Mak 15:21-32; Jon 19:17-27)

²⁶ Te enesigi bidi dabe augwaligo Jisasbobo aga elabo ni pedai tola olama, tama aga tolasa pai, te aga elabo pesageba. Tama augwali Jerusalem be nani taga sobadi, tomode te bidi me nogi Saimon augwaligo suali. Te bidi aga page bulu Sairini, tama megi aga Jerusalem tomoba painogo sobadi, tama te enesigi bidi dabego te bidigo Jisas tau selama, te ni pedai tolao wai. Tama geasa pelama, te bidigo te ni agai nagede tolama, Jisas wali pai.

²⁷ Te hauwa we bidi augwali Jisas wali pai. Tama te wali pabo we dabe hauwago Jisas hagede augwaligo gela weyu, te hobede ebo didigi weyu yai. ²⁸ Tialima, Jisas begelama, te we dabe dali te po wai, "Dage Jerusalem we dabe, dage ena hagede gela wago. Tiali goli, duga hagede gela weyu, duga wai boq hagede

gela weyu yao.²⁹ Odao. Nosali te sogo pedelaibao, tama augwaligo te po waibao, 'We dabe augwali wai ame nisiabo we dali, te wai ame nisiawai we dali, te we dabe augwali wai ame masiawai we dali, te augwali dwagi yai homu mu yagameo.'

³⁰ Tama tebo sogo da, augwaligo te bulu dubolo te po waibao, 'Te bulu du, dage daba degasa dulao.' Tama te dwasianu bulu dubolo me te po waibao, 'Dagego da mesega sao,' te po waibao. ^{†31} Megi da dwagi yai si digi, augwaligo enabolo dwai se ebao. Tama nosali te dwai si dageba asobo si, augwaligo dagebolo dwai se mu yaibao," Jisasgo te po wai.

³² Te ami enesigi bidi dabe augwaligo gasa bidi me si te sela asai. Te bidi sigo dwai se yai, augwaligo te bidi si Jisas dali elainogo sela asai. ³³ Augwali bulu meba sabolai, te bulu nogi diligo tobolu dao. Te bulu dude augwaligo Jisas ni nami pedaide neligo enama, te ni nami pedaide daş dagana ulai, te ni toba bulai. Augwaligo te dwai se yai bidi si me ni namide neligo enama, te ni pedai si toba bulai. Te bidi me Jisas dolo nogo badu muai, me bidi Jisasgo pobase nogo badu muai.

³⁴ Te Jisasgo te po wai, "Aya, nago augwaligo dwai se yali seşę sela sayao. Augwaligo enade ebo se seşę augwaligo konebeo." Tama te ami bidi dabe augwaligo satu gagali elama, Jisasgo gudubo ugwa dabe augwa dobola sai. ³⁵ Tama te juda we bidi augwali dololaluyu, tigidali se tonolaluyu bidai. Te tobolu bidi dabego Jisas dali dwai po haniani wai, "Jisasgo gasa bidi dabe naga tau salio. Aga Godigo mu sa muyu asaiba wali te bidi Kraisi mu da wida, te Jisas aga digi ma tau sao," te tobolu bidi dabego te po Jisas dali wai. ³⁶ Te ami enesigi bidi dabe augwaligo me Jisas dali dwai haniani po wai. Augwaligo paşba aselama, Jisas dwai ha ebo aş mawainogo yai. ³⁷ Augwaligo po weyu, te po wai, "Mu tama, nage te juda we bidigo tuni bidi da wida, teda naga digi naga ma tau sao," augwaligo Jisas dali te po wai.

³⁸ Tama te dwasianu ni namide aseyu, te po wai, "Te bidi te juda we bidi dabego tuni bidi dao," tama olama aşai. Tama te dwasianu ni namide augwaligo aşani po te ni pedai ugwadu daide neligo enai.

³⁹ Te dwai se yali bidi me si augwaligo ni namide walai me bidi deligo Jisas dali dwai po wai, "Jisas, nage da we bidi tau sai hagede sa muani bidi Kraisi da wida, naga digi tau siyu, dadi si me tau sao," Jisas dali ni namide walai bidi mego te po wai. ⁴⁰ Tialima, me bidigo te po odama, te bidi dali wado po wai, "Nago God dali wi ebewe? Nago seşę Jisasgo seşę tiwai sali.

⁴¹ Augwaligo da si elali da, te augwaligo doloba pai kolesaga yalio. Da sigo seşę sali da, te usu tama da si yali seşę tialio. Tiali goli, e bidi Jisas da, agai magi dwai se deli ebeo," Jisas dali elali bidi mego te po wai.

⁴² Tama te nosali po wali bidigo Jisasbolo te po wai, "Jisas, nosali nage tuni bidi pedelama bidibo side, nago te sogo ena kone palao," te bidi mego Jisas dali te po wai. ⁴³ Tama Jisasgo agabolo weyu, te po wai, "Eno nage dali mu po obao, megi tama nage ena dali buga-

gia bida bida pabo bulude bidaibao," Jisas te po te bidi dali wai.

Jisas ni pedaide mu isai

(Mat 27:45-56; Mak 15:33-41; Jon 19:28-30)

⁴⁴ Megi te sia tomode dao, tiali goli te sia ge isai, tama be hulua sabo aş yai. Tigidali tş mu hulua siyu ebo tiwai elalubadi, sia ge pio mu egi pai yali. ⁴⁵ Tama te genuai ugwa te Moni Lotu Be tempel tomode walaluali ugwa te tomode mu togwa pai, tama pedai si nigai. ^{††46} Tama Jisasgo i bomonama mu wai, "Aya, ena mobo eno naga nogoba mubao," Jisas te po tama olama, tama aga mu isai. ⁴⁷ Te enesigi bidi dabego tuni bidigo te seşę suai, tama agai Godigo nogi ugwaba siyu, agai te po wai, "Mu tamao, te bidi Jisas doloba pai bidi mu dao," te bidigo te po wai. ⁴⁸ Tama tigidali we bidi sisinama, te bidi sela elai hagede baso, tonaluai. Augwaligo te Jisas isibo suai. Tama homu dene eyu, augwa nogo pagasa, tama augwa beba pai. ⁴⁹ Tiali goli, Jisas aga abagi dabe dali, te we dabe me Jisas wali Galili buludu asai, augwali digibulu gana dolaluai. Tama augwaligo te seşę tigidali suai, te we bidi dabego.

Augwaligo Jisas tigi selama, masigi dedage tomoba muai

(Mat 27:57-61; Mak 15:42-47; Jon 19:38-42)

⁵⁰ Te bidi me deli bidai, te bidi nogi Josep. Te bidi aga Judia tş hanu bidi dao, te hanu nogi Arimatea. ⁵¹ Aga dwagi yai doloba pai bidi bidai. Agai te Godigo we bidi tonalubo sogo asobo tonaluyu bidali. Tama aga te juda dabego kaunsil digi, agai te meba kaunsil dabego Jisas elabo homude ao wabeo. ⁵² Te bidi Josep te gavman tuni bidi Pailat bidibo digi pelama, te po wai, "Eno Jisas tigi saio," wai. ⁵³ Tama Pailatgo "Sao," wai. Tibaso, Josep pelama, Jisas tigi tşba sela dulai. Tama Jisas wiegi yai tedela yai nami ugwago belai, tama Jisas guş page meba mugi pai. Te guş page augwaligo moni genuai masigi tomode nigai. Tama polobadu augwaligo bidi me musiawai digi, gesi mu dao. ⁵⁴ Te sogo Fraide dao, te juda dabego Sabatde tuabo nai sisi ebo sogo dao. Tama te Sabat tamadi tama pedalainogo ebao.

⁵⁵ Te we dabe augwali Galili buludu Jisas dali asai, augwali Josep wali pai. Tama augwaligo te guş page suai. Tama Josepgo Jisas tigi mena tama mubo, te me te we dabe augwaligo suai. ⁵⁶ Augwaligo polo suai, tama te we dabe augwali augwa beba ma pai. Tama te we dabe augwaligo wel dabe me, denami yai dwagi yai nai me sisila muai, te Jisas tigde mumainogo, aga tigi daumua pidali weyu.

Te Sabat sogo gagalali. Tama tibaso, Godigo bomo yai po wali peyu, augwali olo bidiyu, toma tuali.

Jisas guş pagede ma hodaloai

(Mat 28:1-10; Mak 16:1-8; Jon 20:1-10)

24 Te Sabat sogode olo bidama, te sogo kigamu Sande kigamu augwali te we dabe guş pageba

† 23:30 Hos 10:8; Ped 6:16

†† 23:45 Sai 26:31-33

ma pai. Augwaligo te dwagi yai denami yai nai me, wel dabe me sela pai, polobadu augwaligo sisila muai.

² Tama augwali te gu pageba sabolama, te gu page sunumi daş wali genuai masigi augwaligo suali, te gu page sunumide munalubo sube, te masigi augwaligo hogogo bele pelama bogo badude munalubo suai. Tama tibaso, te we dabe augwali te gu page tomoba pai. ³ Tiali tama, augwaligo Genuai Bidi Jisas tigi munalubo subeo, te ola be masigi tomode. ⁴ Te we dabe augwaligo te tiwai subaso, tama augwali homu hauwa mu yai. Tama augwali we dabe kolesaga tuş pelama, umula pela muai. Tama augwaligo tonalubadi yaide, bidi si polo pedelama, tede dolalualai. Te bidi sigo ugwa da mu udula pela muai. ⁵ Tama te we dabe augwali wi elama, augwa gesabidi tşba tonolualai. Tialima, te bidi sigo augwalibolo te po wai, "Magi baso dagego te bidibo bidi te isai bidi gu pagede gegebawe? Te Jisas ede bidibeo. Jisas ma hodaloai dao. ⁶⁻⁷ Dagego Jisas agai dagebolo mani po ma kone palao, Jisas Galili bulude bidiyu te po wai, 'Ena da te Godigo Bidi Mu dao. Tama augwaligo ena te dwai şe ebo bidi dabego nogoba mawaibao. Tama augwaligo ena te age sai nide elama, tama sela sogo gu pagede munaluama, ma hodalu-aibao,' agai te po wai," te bidi sigo te po wai, te we dabebolo. ⁸ Tama te we dabe augwaligo Jisasgo polobadu wali po ma augwaligo koneai.

⁹ Te we dabe augwali ma pai, tama augwaligo Jisas wali pabo bidi nogo si olama, şaş badu deli bidi dabebolo te augwaligo odali po dali, suali şe dali pusali. Tama augwaligo gasa we bidi dabebolo me te yali şe po wai. ¹⁰ Tama te po wagi pali we dabe augwaligo nogi e dao. We me nogi Maria, te Makdala bulu we dao. Te we me aga nogi Joana. Te we me aga nogi Maria, aga ogwa nogi Jems. Te we dabe augwali bidai, augwali te we dabe dali gasa we dabe me bidai, te we dabe augwaligo te po Jisas aga wali pabo bidi dabe dali wai. ¹¹ Tiali goli, Jisasgo bidi dabe augwaligo homu te we dabego wali po ola tama me te obao, homu yai. Tama augwaligo te we dabego po homuba daş olama mube, augwaligo homugo tibo po wabao homu yai.

¹² Tialima, Pita polo pelama, gu page sugi pai. Tama Pita te gu pageba sabolama, tudi basia selama, te masigi tomoba suai. Tama agai suali, te wiegi yai telela ugwa dabe naga munalubo suai. Agai Jisasgo tigi sube. Tibaso, Pita beba ma pelama, te pedelali şede aga homu hauwa mu yai.

Bidi sigo Emeus buluba pabo tuşde Jisas suai

(Mak 16:12-13)

¹³ Te sogo digi tamao, bidi me si te dwasianu bulu me nogi Emeus teba painogo augwali si te tuşdu pai. Te bidi si Jisas wali pabo bidi si dao. Te tuş Jerusalem tagalama, Emeusba pabo tuş te paşde naga. ¹⁴ Te bidi si te tuşdu pai, tama augwali sigo tigidali şe Jisas dali pedelama yali şe te po mimi pai. ¹⁵ Te bidi si te po ola peyu, augwa hasi hanalua peyu, pai. Tama Jisas aga digi te bidi si paşde pedelama, augwali hodobo pai. ¹⁶ Te bidi si augwaligo gedugo Jisas suali, tiali goli augwali-

go konebe, e Jisas te yaba, te homu ebe, te bidi sigo.

¹⁷ Te Jisasgo augwali sibolo te po wai, "Dage si magi po ola peyu pobawe?" te bidi si dali Jisasgo te po wai. Tama te bidi si dolaluai, tama augwa si homu şeş mu yai. ¹⁸ Tama te bidi me nogi Kliopas, te bidigo Jisasbolo te po wei ponoyu, te po wai, "Gasa bulu bidi dabe hauwa augwali megi Jerusalem bulude bidibao. Tama nage deligo nago te şe Jerusalemde pedalobo nago subewe?" te bidigo Jisas dali te po wai. ¹⁹ Te bidi agai tama wai, tama Jisasgo augwali sibolo hanalu wai, "Magi şewe?" Tama te bidi sigo Jisas dali te po wai, "Te şe te Nasaret bidi Jisasde pedalai. Te bidi Godigo nosali yabo şe po wabo bidi, Godigo po ola mabo bidi. Tama te bidigo agai bomai şe dali, bomai po dali Godigo gedude dali, te we bidigo gedude dali te şe yai," te bidi sigo Jisas dali te po wai. ²⁰ "Tama te pris tuni bidi dabe dali, te tobolu bidi dabe augwaligo te bidi te moni gavman tunibolo augwaligo nogoba muai. Tama gavmani-go po weyu, 'Te bidi elao,' te po wai. Tama augwaligo te bidi ni pedaide elai. ²¹ Tiali goli, polobadu dago homu tama yai, te bidigo agai da Israel we bidi te Rom gavman nogode bidali tagalama, agai da tonalumi yaibao. Dago te homu polobadu yai dao. Tiali, menio. Tama gasa po me tama telaluaio, te şe pedelai, tama megi te bidi duba elali, sela sogo bidibao," te bidi si Jisas dali te po wai.

²² "Te şe eyu, gasa şe me pedelali, megi. Tama megi da hani we dabe me badu augwaligo da midigi sabo şe yai. Kigamu mu te we dabe augwali te bidi muani gu pageba augwali pai," te po Jisas dali te bidi sigo wai. ²³ "Tama augwaligo Jisasgo tigi subeo. Tama augwali ma asai, tama augwaligo te po wai, 'Dago Godigo şe ebo ensel bidi dabe naga sualio,' tama te ensel bidi dabe augwaligo te po wai, ²⁴ 'Te Jisas aga ma bidibao,' wai. Tama da tomode bidi meba augwali pelama, te gu page sugi pai. Tama augwaligo te we dabego wali po tiwai tama suali. Tiali goli, Jisas aga tigi te augwaligo subeo," te bidi sigo Jisas dali te po wai.

²⁵ Te Jisasgo te tama po augwali sibolo wai, "Ao, dage sigo homu kolesaga meniwe? Dage sigo homu te polobadu Godigo şe nosali pedelabo po ola mani bidigo po naga konealuai dawew?" Jisas po augwali si dali wai. ²⁶ "Magi basowe tama tiyu dage sigo koneai meniwe, Godigo sa muani bidi Kraisa aga dene bolo selama, isilama, tama nosali aga genuai nogi mu saibao," Jisasgo te po wai. ²⁷ Tama Jisasgo Mosesgo aşani pode gagalama, tama tigidali Godigo şe nosali pedelabo po ola mani profet bidi dabego po Jisasgo te bidi sibolo ola mawai. Tigidali po buku dabede wali po Jisas aga tigde digi yali şe po wai. Te Jisas aga dali po page mu te bidi si dali ola mawai.

²⁸ Te augwali pelama, te bidi si pabo bulu teba sabolai. Tama Jisas agai mu pabo aş naga yai. ²⁹ Tialima, te bidi sigo Jisas "Pigio," te po wai, "nage dadi si dali bidao," wai. "Giliga iba dega sainogo ebo, tama paşde digi tama be hulua saibao," wali. Tama tibaso, Jisas augwali sigo be tomoba pelama, augwali si dali bidai.

³⁰ Nosali augwali nai tuainogo, tama Jisas augwali si

dali dulaluai. Tama Jisasgo te giguai nai bret selama, Godibolo hanaluyu usu da wai, tama te nai togolama, augwali sibolo mawai, Jisasgo. ³¹ Jisas agai tama tiwai tama augwali sigo gedu pedelebo tiwai ilali, tama te bidi sigo Jisas koneai. Tama Jisas polo hagawai, tama te bidi sigo Jisas ma subeo. ³² Tama te bidi si augwa hasi po weyu, te po wai, "Dadi si tıdu asai, tama Jisas agai dadi si dali po ola asai, tama Jisas agai bukude po page dadi si dali hania ola mawai, te sogo dadi sigo homu mu hogodaluai," te bidi sigo te po wai.

³³ Te bidi sigo te po wai, tama te sogo tama te bidi si augwa si Jerusalem buluba ma pai. Tama te bidi sigo te Jisasgo bidi nogo si olama, sağa badu deli bidi augwalibolo te bidi sigo te bage aga abagi dabe dali augwali deliba sisinama, bidalubo suai. ³⁴ Tama augwaligo te bidi sibolo te po wai, "Mu tamao, Genuai Bidi ma hodaloai, aga ma pedalobo Saimongo suai," augwaligo te bidi si dali te po wai. ³⁵ Tama augwali sigo te tigidali se augwali sigo tıde suali po augwali dali wai. Tama te bidi sigo te po wai, "Jisas agai te giguai nai bret togolama, da si mawai, tama dadi sigo te sogo megi koneai, te Jisas dao," augwali sigo te po wai.

Jisasgo bidi dabe augwaligo Jisas suai

(Mat 28:16-20; Mak 16:14-18; Jon 20:19-23)

³⁶ Augwaligo te po odubadi, tama Jisas aga te augwali tomoba polo dolagasai. Agai augwalibolo, "Homu tegaluama, bugagia bidişo," wai. ³⁷ Tialima, augwali gegemani siyu, augwali homu hogodaluai, tama augwali wi yai. Augwali te homu yai, augwaligo Jisas isi bidi subo, tama tiyu augwali wi yai. ³⁸ Tama Jisas agai augwalibolo te po wai, "Magi baso dagego homu hogodalualiwe? Magi baso dagego homu si ebawe?" Jisasgo te po wai, aga bidi dabe dali wai. ³⁹ "Dagego eno nogo sağa suo. Ena ena digi bidibao. Dagego nogo ena tigiba munama, suo. Isi bidi da, mi meni yai, dili meni yai. Tiali goli, ena da dili dali, mi dali elalubao," Jisasgo te po aga bidi dabe dali wai. ⁴⁰ Jisasgo te po olama, tama aga nogo dali sağa dali augwali bidibolo waselai. ⁴¹ Augwaligo Jisasbolo homu munama, te Jisas dao augwaligo me konebe. Augwali dwagi yai homu mu yai digi, augwali noma sai. Tama Jisas agai augwalibolo te po wai, "Tama dagego tubo nai ede me munalubowe?" Jisasgo augwalibolo hanalu wali. ⁴² Tama augwaligo siade ulai suğı dage te Jisas

manio. ⁴³ Tama Jisas agai te suğı selama, tubo tama augwaligo suai, Jisas wali pabo bidi dabego.

⁴⁴ Te Jisasgo augwalibolo te po wai, "Polobadu ena dage dali bidibadi, tama eno dagebolo wai dao, tigidali po te polobadu bidi Moses bidibo side aşani, te polobadu Godigo po pusa mani bidi dabego aşani bukude me, te buku nogi Sam tede me aşani po me, te enade aşani po tigidali nai igilama mu walaibao wai," Jisasgo te po wai. ⁴⁵ Tama Jisasgo augwalibolo homu ula ilai, tama augwaligo Godigo aşani po page hania konemainogo yai. ⁴⁶ Tama Jisasgo augwalibolo te po wai, "Godigo bukude tama te tobage po wai, 'Godigo sa muani bidi Krais dene polo selama, isilama, tama sela sogo aga gu pagede bidama, ⁴⁷ tama hodaluama, tama aga nogigo bomogo aga se ebo bidi dabe augwaligo agai po tigidali bidi hanibolo ola mawaibao, te we bidi augwaligo homu begelemainogo yaibao. Augwaligo homu begelama, tama Godigo augwaligo yali dwai dwai se sela sağwaibao. Te Godigo sa muani bidi agai se ebo bidi dabego te tobage po tigidali bidi hanibolo wagi paibao, te se augwaligo Jerusalem bulude gagalaibao.'

⁴⁸ Te po bukude aşai dao. Tama dagego eno te yali se tigidali suali, eno wali po tigidali odali. Tama dagego we bidibolo eno wali po me, yali se po me, te pusa mawaibao. ⁴⁹ Te nai polobadu eno Aya God agai dagebolo mawaiba wali nai, te eno megi dagebolo tagala palaibao. Tialima, dage te Jerusalem hanude bidişo. Dage bidibadi, tama te dagaludu bomo dageba du-laibao," Jisasgo augwalibolo te po wai.

Godigo Jisas dagaluba sela holai

(Mak 16:19-20; Tpi 1:9-12)

⁵⁰ Te Jisasgo agai bidi dabe augwali odasa, bulu me nogi Betani paşa sabolai. Tama Jisas agai nogo ugwaba selama, tama bugai homu ilabo po augwalibolo wai. ⁵¹ Tama agai te bidi dabebolo te po madubadi, tama Jisasgo augwali taga pai, tama Godigo Jisas dagaluba sela holai. ⁵² Tama te bidi dabe augwaligo Jisasgo nogi ugwaba munama, tama dwagi yai homu mu eyu, Jerusalem buluba ma geasa peyu yai. ⁵³ Tama tigidali sogo augwali te Moni Lotu Be tempel te be tomoba pelama, tama augwaligo Godigo nogi ugwaba mu sai, Jisasgo se ebo bidi dabego tama tiwai, God dali.

Dwagi Yai Gesi Po Jonggo Aşani

Hasia nedebo tau sabo po

Te Jonggo Jisasde aşani pogo te dabolo ola mabo dao, te Jisas da, te Godigo Ogwa mu da, te aga te da tõe bidibo we bidi ma dobola sabo bidi dao. Godigo agai po dabolo ola mawainu, tama agai aga Ogwa daba tagala palali. Tama tibaso, Jonggo Jisasde te po wai, aga da te Godigo po dao, tama te pogo te bidi tigi siyu tama bidi gagawai pedalali. Tama Jonggo homugo te agai Jisasde aşani po nedebo we bidi augwaligo homu te poba begi peyu, tama augwaligo te bidada peyu, bidada pabo ula siyu bidaibao. Te we bidi augwaligo te Jisas te Godigo Ogwa da hania konemainogo eyu, tama Jisasgo haniani bomai şe yali po te Jonggo aşani. Tama Jisasgo ola mani po me Jonggo aşani, te bobobage po dao. Aga isabo sogo paşa ya-gaselama, tama te sogo pio Jisasgo po hauwa aga wali pali bidi dabebolo ola mani, te augwali tau somainogo yai.

¹ Polobadu polobadu mu, te tigidali nai pedalisaşma, meni yai digi, Po bolo bidai. Po God dali bidai. Tama te Po aga digi God dao. ² Polobadu polobadu mu, te tigidali nai gagalobo sogode, te Po God dali bidai. ³ Godigo te Pobolo po weyu, tigidali nai nigao wai. Tama Pogo tigidali nai nigai. Tama gasa nai gasa tşdu me pedalobeo. Menio. Tigidali nai pedalali te Po aga digi nigilama, pedalai. ⁴ Bidabo bomu Po agade elalubo. Tama agai bidabo bomu te we bidi augwaligo ula dao. ⁵ Te ulago hulua sabobolo te ula mabo dao. Tama hulua sabogo te ula me sogo halubeo. ⁶ Godigo bidi me deli tagala palai, te bidi nogi Jon. ⁷ Jon agai te ula po te we bidibolo pusagasai. Te we bidi tigidali augwaligo te po odoyu, augwa homu tigidali te poba konealumainu eyu, te Jonggo te po pusagasai. ⁸ Jon aga digi te ula menio. Tiali goli agai te ula po augwalibolo te po wagasai. ⁹ Te ula da te ula mu dao. Tama aga te sogo tşba dulai, tigidali we bidi ula mawainogo yali.

¹⁰ Te Po e tõe bidai. Aga digi e tş nigai. Tiali goli tõe bidibo we bidi augwaligo aga konebeo. ¹¹ Aga bulu muba asai. Tiali goli aga hani augwaligo aga sabeo, gesebeo. ¹² Tialima, aga augwali bidi dabe mego sali, gesalio. Augwaligo augwa homu agaba muani. Tama tibaso, agai augwalide usu da po olama, tama augwali Godigo wai puluba pedalai dao. ¹³ Tama augwali Godigo wai puluba gagawainogo, augwali augwa ida ayago kanemego ame nabeo. Te augwali Godigo wai te augwa tşgigo homugo me ame nabe. Bidigo homugo menio. God aga digi augwali aga wai puluba pedalali dao.

¹⁴ Te Po aga digi bidi pedalai, tama da we bidi to-mode aga bidai. Dago agai genuai nogi dali agai moni bomu dali si suai. Te Godigo Ogwa deligo genuai nogi dali bomu dali si dago suai. Agai te we bidi ola tau sabo şe hauwa eyu, te agai mu po naga weyu yai. ¹⁵ Te

we bidi baptais mabo bidi Jon agai te we bidibolo agai po weyu i tama wai, "Polobadu eno te po wai, 'Nosali bidi me asobo bidi agai eno nogi aiyaba elaluaibao. Magi basowe? Ena ame nesiaşbadi, aga polobadu mu bidai. Tama tibaso, agai nogigo eno nogi aiyaba elalubo dao,' eno te po wai. Tama megi te bidi e dao, eno dagebolo polobadu wali po gilama," Jonggo te po wai. ¹⁶ Aga te ola tau sabo şe hauwa mu ebo dao. Tama dabolo agai ma eyu, ma eyu idu gebo dao. ¹⁷ Te bidi nogi Moses agai da Juda dabego wai mu augwalibolo agai Godigo bomu yai po ola mawai. Tiali goli, Jisas Kraş agai genuai ola tau sabo şe dali mu po dali si magasai. ¹⁸ Menio. Bidi me deligo God munu me gedugo subeo. Mu menio. Tialima, te Godigo ogwa deli aga aya paşe bidibo, agai Godigo page dabolo ola mawai dao.

We bidi baptais mabo bidi Jon agai po pusali

(Mat 3:1-12; Mak 1:1-8; Luk 3:1-18)

¹⁹ Te Juda dabe augwaligo pris bidi dabe dali, Livai bage dali augwaligo bidi dabe te Jerusalemdu te Jon bidibo digiba tagala palali, augwaligo Jon hanalu omainogo yali. Tama augwali Jon pageba sabolama, te po hanalu wai, "Nage dewe?" ²⁰ Tama Jon agai hogwa sabeo, po dualobeo, agai po hanilama weyu, te po wai, "Ena Godigo sa muyu asaiba wali bidi Kraş menio," Jonggo te po wai. ²¹ Tama augwaligo Jonbolo hanalu wai, "Magi yaliwe? Nage te bidi polobadu Godigo po wali bidi nogi Elaija dawe?" Tama Jonggo te po wai, "Ena te bidi Elaija menio." Tama augwaligo te po wai, "Dago te Godigo po wabo bidi asobo tonalubo dao. Nage te bidi dawe?" Tama Jonggo te po wei ponoyu, te po wai, "Ena te bidi menio." ^{†22} Tama aug-

† 1:21 Bom 18:15, 18; Mal 4:5

waligo Jonbolo te po wai, "Nage de dawe? Dago te da tagala palai bidi dabebolo po wei ponainogo, dabolo wao. Naga digi nage de da wabo dawe?"²³ Tama Jonggo te po wai, "Te polobadu bidai bidi nogi Aisaia, Godigo po polo ola mani profet bidi, agai te tobage po wai, 'Bidi me deligo bidi meni yai bulu tomode agai bomona ma i weyu, te po obao, "Te Genuai Bidigo asabo tu dodolao." Te po wabo bidi ena dao," Jonggo te po wai.^{†24-25} Tama te Farisi bidi hani dabego tagala palai bidi dabe augwaligo te po hanalu wai, "Nage Godigo sa muani bidi menio, tama nage te bidi nogi Elaija menio, nage te Godigo po polo ola mani bidi menio. Tama nago magi baso te we bidi baptais mobawe?" te po hanalu wai.²⁶ Tama Jonggo augwalibolo po wei ponoyu, te po wai, "Eno augwali olo aĵgo naga te baptais mabo dao. Tialima, dage tomode bidi me deli te dolalubao. Tama dagego te bidi konebeo.²⁷ Te bidi aga ena tudi badu nosali asaibao. Ena digi ena dwagi yai bidi menio. Teyu, eno agai saĵa nadoba bono eno pisigagobeo," Jonggo te po augwali dali wai.²⁸ Te po bulu me nogi Betani te badu pedalai, te aĵ nogi Jordan sesege badu. Te bulude Jonggo augwali Juda we bidi baptais mawai.

Jisas Godigo kibu sipsip wai tiwai dao

²⁹ Te sogo kigamu Jisas asobo Jonggo suai. Tama Jonggo te we bidibolo te po wai, "Suao, te bidi da, aga Godigo kibu sipsip wai dao. Agai te tigidali tĵde bidibo we bidi augwaligo yali dwai seĵe te sela saĵaibao.³⁰ Polobadu eno te po wai, 'Nosali bidi me asobo bidi agai eno nogi aiyaba elaluaibao. Magi basowe? Ena ame nesiaĵadi, aga polobadu mu bidai. Tama tibaso, agai nogigo eno nogi aiyaba elalubo dao,' eno te po wai. Tama megi te bidi e dao, eno dagebolo polobadu wali gilama.³¹ Eno digi eno te nosali asobo bidi mena bidi dawe, te eno konebeo. Tiali goli, eno aga te dage Israel we bidi dali ola momainu, eno we bidi baptais magasiyu asai," Jonggo te po wai.

³² Te Jon agai suali se te po weyu, te po wai, "Eno suali, Godigo Mobo Bidi dagalu tagalama, tĵba dulubuo, te ba hi tiwai asobo eno suai. Tama te ba hi Jisasgo tigi dolo dulubo, te eno suai.³³ Eno digi te nosali asobo bidi eno me konebeo. Tialima, Godigo ena tagala palu, we bidi baptais mao weyu, enabolo te po wai, 'Te eno Mobo Bidi dulama, bidi mede bidibo nago sueibao. Te bidi da, te nosali asaibao wali bidi dao. Tama te bidi agai te we bidibolo te eno Mobo Bidi mawaibao. Agai te Mobo Bidi augwali we bidi baptais mabo tiwai mawaibao,' Godigo enabolo te po wai.³⁴ Tama ena digi eno sulama, tama eno dagebolo te po obao, te bidi Jisas aga Godigo Ogwa dao," Jonggo po tama wai.

Jisasgo aga wali pabo bidi me si me si i olama sai

³⁵ Do tama dao wabo side Jon aga wali pabo bidi si Jon aga dali ma dolaluai.³⁶ Tama Jon agai Jisas soabo suali, tama Jonggo te po wai, "Suiĵo. Te bidi te Godigo kibu sipsip wai tiwai dao," Jonggo aga wali pabo bidi si

dali te po wai.³⁷ Te bidi sigo agai wali po odama, tama augwali si Jon tagalama, Jisas wali pai.³⁸ Jisas begelama suali, te bidi sigo aga wali asai. Tama Jisas agai te bidi sibolo te po wai, "Dage sigo magi nai gegebawe?" Tama te bidi sigo te po wai, "Rabai, nage mena bede bidibawe?" Te po Rabai, te page, po ola mabo bidi te page elalubo dao.³⁹ Tama Jisas agai te bidi sibolo te po wai, "Dage si aselama, suagasao." Tama te bidi si pelama, Jisas bidibo digi sugi pai. Te tama giliga dega sabo sogo 4 klok augwali si Jisas dali pelama, tama te piode augwali si Jisas dali bidai.

⁴⁰ Te Jonggo wali po odali bidi si augwali si Jisas wali pai. Tama bidi me deli aga nogi Andru, te aga ama nogi Saimon Pita.⁴¹ Tama polo agai aga ama Saimon gegegi pai, tama agabolo te po wali, "Dago te Mesaia bidi suali," Andruago aga ama Saimonboto te po wai. (Dago te nogi Mesaia wali begelama, tama te nogi poai Kraisi dao, Godigo sa muyu asaiba wali bidi dao.)⁴² Tama Andru agai aga ama Saimon odasa, Jisas bidibo madigi pai. Jisas agai Saimon sulama, te po wai, "Nage Saimon, Jonggo ogwa dao. Nosali nago nogi Sifas waibao," Jisasgo te po wai. (Dago te nogi Sifas begelama, tama wai, Pita wali nogi, te nogi page masigi dao.)

Jisasgo Filip dali Nataniel dali 'Dage si ena wali asao' wali

⁴³ Do tama da wabo side Jisas aga homugo Galili buluba paibao wai. Tama Jisas agai Filip suai, tama agabolo te po wai, "Nage ena wali asao," te po wai.⁴⁴ Filip aga te Betsaida be nanide bidai bidi, te bulu te Andru dali Pita dali augwali sigo page bulu.⁴⁵ Filip pelama, Natanielbolo te po wagi pai, "Te bidi polobadu Mosesgo te bomo yai po bukude aşani po dali, tama Godigo polobadu po ola mani profet bidi dabe me, augwaligo te bidi dali po aşai, te bidi dago suai. Te bidi Jisas aga Nasaret bulu bidi Josepgo ogwa dao," Filip agai te po wai.⁴⁶ Tama Nataniel agai te bo weyu, te po agabolo ola mani, "Teyu da, dwagi yai nai me deli te Nasaret bulude pedalaibawe?" Filipgo agabolo te po wali, "Nage aselama, suagasao." Tama augwali si Jisas pageba pai.

⁴⁷ Jisasgo Nataniel aga pageba asobo suali. Tama Jisasgo te bidi dabebolo tama wali, "Suiĵo. Te asobo bidi aga Israel bidi mu dao. Tibo po aga homude me elalubo meni."⁴⁸ Natanielgo Jisas hanalu weyu, te po wai, "Magi ilama, nago ena koneaniwe?" Jisasgo agabolo po wei ponoyu, te po wai, "Hasia, Filipgo nage i wasiaĵadi, te nage ni kaya pagede bidibadi, te sogo nage eno suai dao," Jisasgo te Nataniel dali te po wai.⁴⁹ Natanielgo Jisasgo po wei begelai, "Po ola mabo bidio, nage Godigo Ogwa dao, nage Israel we bidigo tuni bidi dao."⁵⁰ Jisasgo po wei ponanio, "Eno nagebolo te po wai dao, 'Nage eno ni kaya pagede suai dao.' Tama nago te po odobaso, naga homu tigidali enaba muaniwe? Ao, tama nosali nago sueibao, genuai seĵo eno megi yali te se aiyaba elaluaibao."⁵¹ Tama Jisasgo agabolo ma naga wai, "Mu tamao, eno mu po dagebolo obao, nosali dagego dagalu dala pabo sueibao.

† 1:23 Ais 40:3

Tama dagego Godigo dagalude se ebo ensel mobo bidi augwali ugwaba holoyu, aiyaba duluyu ebo dagego sueibao. Tama augwali enaba asiyu yaibao, ena da te Godigo Bidi Mu dao," Jisasgo te po wai.

Bidi me deli Kana bulude we sai

2 Te Jisasgo Nataniel dali te po olama, si sogo biliana, sela sogo wabo side tama bidi me deligo Kana bulude we sai. Te Kana bulu te Galili to pedai to mode elalubao. Tama Jisas aga ida te we sabo bede bidai. 2 Augwaligo Jisas aga bidi dabe dali augwali i wai, Jisas aga bidi dali augwali aselama, te we sabo suagasomainogo, augwaligo te po wai. 3 Tama te bomai aji wain silai. Tama Jisas aga idago agabolo te po wai, "Augwaligo bomai aji wain meni, te sia salio," Jisas dali aga idago te po wai. 4 Tama Jisasgo aga idabolo te po wai, "Ida, nago enabolo te po magi baso obawe? Eno we bidi augwali tau sabo sogo te pedalobeo," Jisasgo aga ida dali te po wai. 5 Jisas aga idago augwali te we sabo be page bidigo se ebo bagebolo te po wai, "Jisasgo po me deli dage dali obaso da, teda dagego te po wali pao," te po wai. 6 Te moni masigi sene a naga olama, me badu nogo deli badu munalubo. Tama te tobage sene deli deli augwaligo aji hauwa pagawaibao. Godigo augwalibolo dage usu da omainogo, te Juda dabe augwaligo nai tuainogo eyu, hasia bolo augwa nogo aji polo telawai. 7 Tama Jisasgo te se ebo bagebolo te po wai, "We sigibao, e moni masigi sene dabe pagayao." Tama augwaligo te masigi sene dabe mu pagawai. 8 Tama Jisasgo augwalibolo te po wai, "Te aji me badu dwasianu genagide manama, tama sela pelama, te tubo nai tonalubo bidibolo magibao," te po wai. Tama tilama, augwaligo te aji sela pai.

9 Te tubo nai tonalubo bidigo te aji agai polo tula suai, megii tama te bomai aji wain pedalali aji agai polo tula suai. Tama agai konebeo, augwaligo menade sali. Tialima, te se bidi augwaligo te aji tuali augwaligo koneai. Tialima, te nai tonalubo bidigo te we sali bidi agai i wai. 10 Tama asama, agai te bidibolo te po wali, "Tigidali bidigo da, augwaligo dwagi yai bomo aji wain polo dobabo dao. Tama nosali, augwali bidi dabego te aji hauwa tulama, tama augwaligo dobo aji yali aji te dobabo dao. Tiali goli, nago naga dwagi yai aji wain naga daju olaluama, tama megii tama nago sela asalio," agai te po wai.

11 Te bomai se Jisasgo yali bomai se hasia mu yai. Te Jisas agai te Galili to pedai badu to mode, te dwasianu be nani nogi Kana, tede te se yai. Tama Jisas aga bomo augwalibolo ola mawai, tama Jisas aga wali pabo bidi augwa Jisasba homu tigidali muai. 12 Te se silama, tama Jisas aga Kaperneam buluba pai. Aga ida me, aga ama dede me, aga wali pabo bidi dabe me, augwali hodobo pai, tama augwali te bulu Kaperneamde osogo bidigi pai, si sela sogo bidai.

Jisasgo te bidi dabe augwali Moni Lotu Be tempel to mode nai dabe dobu si ebadi sela sawai

(Mat 21:12-13; Mak 11:15-17; Luk 19:45-46)

13 Te Juda bage augwaligo bo disawai bret tuabo side te pade tama o, te si nogi Pasova dao. Tama Jisas aga te Jerusalem moni be naniba pai. 14 Tama Jerusalem be nani tomoba sabolama, tama te Moni Lotu Be tempel to mode Jisas agai suali, augwali bidi dabe augwa kibu bulmakau me, kibu sipsip me, ba dabe, tama augwaligo te naide maket ebo se eyu, te Moni Lotu Be tempel to mode yai, we bidi augwaligo te nai si dobu eyu abelama, Godibolo momainogo yai. Tama Jisasgo suali, ma gasa bulu masigi dobu si ebo bidi dabe da augwali ni nami pade dulalubo suali. 15 Tama Jisasgo te se sulama, tama agai bono dabe selama, bi nigai. Bi nigilama, agai te kibu bulmakau dali kibu sipsip dali tigidali te tempel bede augwali bigo elama, buluba gudulai. Tama Jisas agai te masigi dobu si ebo bidi dabego masigi dali ni nami dali gea palali. 16 Tama agai ba dabe dobu si ebo bidi dabebolo te po wai, "Te nai sela pao," wai. "Dagego eno ayago be te nai dobu ebo be tiwai egio," Jisasgo augwali dali te po wai. 17 Jisas aga wali pabo bidi dabe augwaligo po me Godigo po bukude wali po me ma koneai. Te bukude te po wai, "Eno homugo nago be tonalubo homu bomo ebo dao. Tama augwaligo enabolo dene mawaibao."

18 Te Juda dabe augwaligo te sulama, Jisas dali te po wai, "Mena bidigo nagebolo 'Te nai sela sawai,' obaso, tama nago te nai dabe sela sawaniwe? God agai nagebolo te po weyu da, teda nago naga moni bomai se me deli yao. Tama dago nago te se ebo sulama, Godigo nagebolo 'Te se yao' wali dago koneaibao," Juda dabe augwaligo Jisasbolo te po wai.

19 Tama Jisasgo po wei ponoyu, te po wai, "Dagego e lotu be tempel hugibaso, tama sela sogo eno polo te be ma se yaibao," Jisasgo te po te Juda dabe dali wai.

20 Tama Juda bage augwaligo te po wai, "Te tempel Moni Lotu Be se yai kibu be bidi sese si olama, tama a naga olama, me badu nogo deli badu kibu be te be se yai dao," te po wai. "Tama dago te be hugilama, tama sela sogo nago te be polo me se yaibawe? Woo, nage usu egobeo," te po Jisas dali wai. 21 Tialima, Jisasgo te tempel lotu be po wali agai tigde po wali, te Moni Lotu Bede meni. 22 Tilama, tama nosali Godigo Jisas gu pagede ma hodolai, te sogo Jisas aga wali pabo bidi dabe augwaligo Jisasgo polobadu te wali po augwaligo ma koneai. Tama augwaligo Godigo bukude muani po dali, Jisasgo wali po dali, te po siba augwa homu muai.

Jisasgo tigidali bidi konea silai

23 Te bidi Jisas bo disawai nai bret tubo side, te Pasova side, aga Jerusalem bulude bidibadi, tama we bidi hauwa augwaligo agai bomo yai se ebo suai. Tama sulama, tama augwaligo augwa homu tigidali Jisasba muai. Augwaligo te homu yai, aga te Godigo sa muyu, asaiba wali bidi dao. 24 Tialima, Jisasgo te homu yai,

augwaligo koneſiaſo aq, te homu yai. Tama tibaso, Jisas aga digi augwaligo nogoba mubeo. ²⁵ Magi basowe? Jisas aga digi te tigidali we bidigo homu mu konea silai. Gasa bidi mego agabolo te we bidigo homu me ola magobeo.

Jisasgo te bidi Nikodemus dali po miai

3 Bidi me deli bidai, te bidi nogi Nikodemus. Te bidi Farisi bidi hani dao. Tama te bidi Juda bage augwaligo tobolu bidi deli dao. ² Te bidi Jisas bidibo digi hulide aselama, te po wai, "Po ola mabo bidi, dago koneai, Godigo nage e tqba po ola mabo bidi nigilama, tagala palai. Tibaso da, Godigo bidi me deli dali bidisiayu da, agai te se Jisas nago ebo bomai se tiwai me egobeo," te bidigo Jisas dali te po wai.

³ Jisasgo Nikodemusbolo po wei ponoyu, te po wai, "Mu tama, eno nagebolo obao, bidi me te ma ame nabo tiwai eyu, gesi ma pedaliſiayu da, te bidi agai Godigo we bidi tonalubo se me sugobeo," Jisasgo te po wai. ⁴ Nikodemusgo Jisasbolo te po wai, "Magi ilama, monu dabe yai bidi ma ame nabo tiwai eyu, gesi bidi ma pedalaibawe? Teyu da, aga idago haligaba ma bula selama, tama idago ma ame naibawe?" Nikodemusgo Jisasbolo te po hanalu wai.

⁵ Jisasgo te po wei ponoyu, te po wai, "Mu tama eno nagebolo obao, bidi aje baptais sabo aje dali Godigo Mobo Bidi dali gesi ma gagasiayu da, te bidi God bidi-bidibo digi tomoba pogobeo. ⁶ Tigigo ame nabo nai, te tigi dao. Tama te nai God agai Mobo Bidigo ame nabo nai da, te mobo bidi dao. ⁷ Eno 'Dage gesi ma pedelao,' te po wabo pode nage noma sigio. ⁸ Te wali asobo da, te aga homu kolesagago te wali gasaba gasaba pabo dao. Nago te wali asobo po naga odobo dao, tialima nago mena badu pedalama, tama ma mena badu ma paliwe, te po wabo dao. Tigidali bidi gesi noma pedalobo augwaligo te tiwai egibi naga ebo dao," Jisasgo te po wai. ⁹ Nikodemusgo Jisasbolo te po wei ponai, "Te nai mena tama pedalaibawe?" te po wai. ¹⁰ Jisasgo Nikodemusbolo te po wei ponoyu, te po wai, "Magi yaliwe? Nage te Israel bidi dabe te bomai po page ola mabo bidi dao. Tama magi baso nago te nai konebe-we? ¹¹ Eno mu po nagebolo obao, dago e wabo po da te dago koneani po obao, tama dago po pusali da, te dago suali se po dao. Tiali goli dagego dago wali po te dagego tudiba muanio. ¹² Eno dagebolo eno e tqde nai po obao, tama dagego me 'Te mu tama dao' homu ebeo. Tibaso da, eno dagebolo dagalude nai po obaso da, te dagego mena tama te poba duga homu mugowe? ¹³ Gasa bidi me te Godigo bidibo madigiba me holobeo. Ena da Godigo Bidi Mu da, tama ena naga te dagalu tagalama, e tqba dulai, enaduba deli digio. ¹⁴ Polobadu Mosesgo te kapago nigai tibo hasamani te bidi meni yai bulude ni donogo ugwaba sai. Te tiwai yali gilama, tama augwaligo te Godigo Bidi Mu ugwaba sela mueibao. ¹⁵ Magi basowe? Tigidali bidi enaba homu mubaso da, augwali tigidaligo dwagi yai bidibo bomo selama, bidada peyu, mu bidada paibao," Jisas-

go te po wai. ¹⁶ God aga Ogwa deli digi mu bidibao. Tialima Godigo e tqde bidibo we bidi godolo mu eyu, tama augwali tau somainogo eyu, God agai Ogwa te e tqba tagala palali. Tama tiali da, tqde we bidi augwa homu agaba mubaso da, augwali hagaidali weyu, augwali dwagi yai bidabo bomo selama, bidada peyu, bidada pomainogo, Godigo te se yai. ¹⁷ Godigo aga Ogwa e tqba tagala palali te e tqde we bidi po tq dodolomainogo me tagala palobeo. Te menio. God aga Ogwa tagala palali da, te da tqde we bidi ma dobola sagasomainogo yai. ¹⁸ Niwai bidigo God aga Ogwaba homu mubaso da, teda te bidi da aga po tq menio, Godigo agabolo dene magobeo. Tiali ma, niwai bidi aga Godigo Ogwaba homu musiawani bidi da, Godigo te bidibolo po tq dodolama, dene mawaibao. Magi basowe? Te bidi agai God agai ogwa teba homu mubeo. ¹⁹ Tama te po tq yabo page tama telalubo. Ula yali e tqde polo pedalai dao. Tialima, bidi dabe augwaligo homugo hulia sabo augwaligo godola pai. Augwaligo ula te godolo ebeo. Magi basowe? Augwaligo kolesaga te dwalio. ²⁰ Dwai kolesaga ebo bidi agai te ulade boi bidi ebo dao. Agai dwai kolesaga yali hania ugwaba sela muidali weyu, aga te ulaba asobo menio. ²¹ Tialima, te dwagi yai kolesaga mu ebo bidi, te bidi aga da te ulaba pedalobo dao. Tama bidi dabe augwaligo te bidi agai se yali te Godigo bomode te se yai bugagia sumainogo, te bidi ulaba asobo dao.

Jongo Jisas po hanilama wai

²² Te nosali Jisas aga bidi dabe dali augwali hodobo Judia tq pedai teba poloba pai. Jisas augwali dali tede bidiyu, tama augwaligo Judia we bidi baptais mani. ²³ Jongo me te we bidi baptais mani bulu me nogi Ainon, te Salim bulu pade o, tede te we bidi baptais mani. Aje hauwa te mu te bulude elalubo. Tama we bidi augwali Jon bidibo digi aselama, baptais sagasali. ²⁴ Bidi Herot tego Jon te sogo kalabusiba me musiabadio.

²⁵ Te Jon aga wali pabo bidi dali te Juda bidi me deli dali, augwali tomode konila po wai. Te po konila ebo page te we bidi baptais mabo kolesagade po wai. ²⁶ Tama augwali Jon bidibo digi pelama, tama augwaligo Jonbolo te po wai, "Po ola mabo bidio, polobadu nage Jordan pabo aje u badu bidibadi, nago bidi me dali bidiyu, nago te bidide dwagi yai po wai. Tama megi te bidi agai te we bidi baptais mobao. Agai we bidi baptais mobaso, tama tigidali we bidi augwali te bidi bidibo digi pabo dao," Jon wali pabo bagego Jon dali te po wai. ²⁷ Jongo po wei ponoyu, te po wai, "Te God agai deli nai deli bidibolo me masiayu da, te bidi agaduba naga me sogobeo. ²⁸ Dagego eno polobadu te wali po odai dao, 'Ena Godigo sa muyu asaibao wali bidi Krais menio, tiali goli Godigo ena "Polasa aselama, te bidigo asobo tq dodolao," te po Godigo ena dali wai.' ²⁹ Tama tibaso, bidi me deligo we sobaso da, te we te bidigo sali we dao. Tama te bidi aga abagi dolaluyu, aga abagigo po odobao. Tama we sali bidigo po wabode, tama aga abagi megi tama dwagi yai homu ebo dao. Tama te tiwai, Jisas aga se megi e baso, tama ena dwa-

gi yai homu mu ebao. ³⁰ Agai nogi ugwaba dią holoyu, eno nogi da aiyaba elalumainogo yaibao," Jongo te po wai.

³¹ Bidi ogwadu asobo bidi, te bidi agai tigidali bidi aiyaba elaluai. Tode pedalai bidi da, te bidi agai e tode nai naga po wabo dao. Tialima, dagaludu asobo bidi te agai tigidali bidi aiyaba elaluai dao. ³² Te bidigo agai po wabo da, te nai dabe agai sulama tama agai odolama te po wai. Tialima, bidi me deligo agai te wali po selama, tama daų wabe. ³³ Tialima, niwai bidigo agai te po selama, daų wali da, agai te po usu da waibao, God agai mu po naga wabo dao. ³⁴ Te bidi Godigo tagala palali bidi, te bidi agai Godigo po pusubo dao. Magi basowe? Godigo agai Dwagi Yai Mobo Bidi agabolo habuge me mabeo, sese mu mawai. Tama mobaso, te bidigo Godigo po pusubo dao. ³⁵ Godigo aga Ogwa delide dwagi yai homu yai. Tama God agai tigidali nai aga Ogwago nogoba mawai. ³⁶ Niwai bidi agai homu tigidali te Godigo Ogwaba mubaso, te bidigo bidabo bomo da bidada peyu, bidada paibao. Tialima, niwai bidigo Godigo Ogwago po wali pişbaso da, te bidi aga bidabo bomo me sogobeo. Menio. Godigo şebę te bidide elalua paibao.

Jisasgo Samaria we dali po miai

4 Te sogo Farisi bage augwaligo po me deli odai, "Jisasgo te we bidi hauwa selama, tama augwali aga wali pobaso, augwaligo baptais sali. Tama Jisas agai te şede Jon aiyaba elaluai," te Farisi bage augwaligo te po odai. ² (Tialima, Jisas aga digi agai te we bidi baptais mabeo. Jisas aga wali pabo bidi augwaligo naga te we bidi baptais mawai.) ³ Jisasgo koneai augwali Farisi bagego te po odama, dwai homu yai. Tama tibaso, Jisas aga te Judia tų pedai taga pelama, te Galili tų pedaiba pai. ⁴ Tama Godigo homu wali peyu, te tų Jisas aga pali tų te Samaria tų pedai tomoba pabo tų dao. ⁵ Tama tilama, Jisas pelama, Samaria bagego hanuba sabolai, augwaligo te bulu nogi Sikar wali. Te tų te polobadu mu bidai bidi Jekopgo aga ogwa Josep mani tų te pađe tama dao. ¹⁶ Aį sabo tų dedage polobadu Jekopgo nigai, te bulude elalubuo. Jisas pelama, aga tigi dene baso, te aį sabo tų dedage pađe dugulaluai. Te giliga tomo yagasobode. ⁷⁻⁸ Jisas aga wali pabo bidi augwali te be nani nogi Sikarba pelama, nai abelegi pai. Tama Samaria we me deli asama, aį tuagasu asai. Jisasgo te webolo po weyu, te po wai, "Aį ena mao, ena tueio," te po wai, Jisasgo. ⁹ Te Samaria we noma siyu, agai Jisasbolo te po wai, "Ya, nage Juda bidi dao, te ena Samaria we dao. Magi baso nago te po obawe, 'Aį ena mao, ena tueio,' magi basowe?" te Samaria wego te po wai, Jisas dali. (Magi basowe? Juda bidi dabe augwali Samaria bidi dabe dali kisasa gelasa bilibo menio.) ¹⁰ Jisasgo te webolo po wei ponoyu, te po wai, "Nago te God agai te we bidibolo olo mabo nai konegi sogo da, tama ena mena bidigo nagebolo 'Aį ena mao, ena tueio' obao konegi sogo da, te si nago konegi sogo da, teda nago ena hanalu olama, eno nagebolo te bidabo

bomo elalubo aį mao wagi da," Jisasgo te po wai. ¹¹ Te wego Jisasbolo te po wai, "Genuai Bidio, nago aį tuabo nai meni. Tama te aį tubo dedage aba mu dao. Tama tiyu da, nago te bidabo bomo elalubo aį menade saibawe?" te wego Jisas dali te po wai. ¹² "Dago waj Jekopgo te aį dedage dabolo polobadu mawai dao. Tama aga dali, aga wai dabe dali, aga kibu bulmakau sipsip dali tamago tuai aį dao. Tialima, nago homu nago Jekop aga aiyaba elalualuwe?" te wego Jisas dali te po wai. ¹³ Jisasgo po wei agabolo ponoyu, te po wai, "Tigidali bidi te aį naga ede tuyu da, augwali aį nogone ma yaibao. ¹⁴ Tialima, bidi me deli eno mabo aį tuyu da, tigidali sogo te bidi aį nogone ma egobeo. Te aį eno mawainogo ebo aįgo da, te tama tiaibao, te aį da bidabo bomo mabo weų ulu pedalubo aų te bidi tigi tomode tiwai yaibao. Tama te aį tigidali sogo pedaliyu, te bidi mu bidada peyu, mu bidada paibao," Jisasgo te po wai. ¹⁵ Tama te wego Jisasbolo te po wai, "Genuai Bidio, nago te aį enabolo mao, tama nosali ena aį nogone ma idalio, tama ena eba aį ma tuagasidalio," te Jisas dali Samaria wego te po wai.

¹⁶ Jisasgo te webolo te po wai, "Nago bidibolo i wagi bilama, tama dage si eba asiąo," wai. ¹⁷ Wego po wei ponoyu, te po wai, "Ena bidi menio." Jisasgo agabolo te po wai, "Nago 'Ena bidi meni,' obawe, te nago mu po wabuo. ¹⁸ Magi basowe? Polobadu nago bidi a naga dao. Tama te bidi megi nage dali bidibo bidi da, te naga bidi menio. Nago po te mu tama dao," Jisasgo te po te we dali wai. ¹⁹ Wego Jisasbolo te po wai, "Genuai Bidio, megi eno koneanio, nage da te Godigo nosali yabo şę po ola mabo profet bidi deli dao. ²⁰ Polobadu da Samaria dabego waj dabe augwali te bulu duba sisinama, tama lotu po wai dao. Tialima, dage Juda dabego te po wabo dao, 'Te tigidali bidigo lotu po wabo bulu te Jerusalemde, tede naga wao,' dagego te po wabo dao," te wego te po wai. ²¹ Jisasgo te webolo te po wai, "Nago eno po mu po dao olama, konealua. Me sogo deli pedaliyu, tama dagego te Ayabolo lotu po te bulu dude wagobeo. Tama dagego Jerusalem tede me lotu po wagobeo. ²² Dagego konesiąwai nabilolo lotu po wabo dao. Da Juda dabe dago lotu po wabo da, te dago koneai bidibolo lotu po wabo dao. Magi basowe? Godigo we bidi ma sabo şę page te da Juda dabe tomode pedalaibao. ²³ Tialima, te sogo pedaliyu da, megi tama pedalalio, tama tigidali bidigo lotu po mu wabo bidi dabe da augwali lotu po augwa mobo bidigo waibao, augwa dolo ebo kolesagago me lotu po waibao. Tama Aya Godigo te tobage bidi gegebo dao, agabolo lotu po omainogo. ²⁴ God da, te mobo bidi dao. Tama bidigo agabolo lotu po weyu da, te bidigo aga mobo bidigo waibao, aga dolo ebo kolesagago me lotu po waibao," Jisasgo te po wai.

²⁵ Te wego agabolo te po wai, "Eno koneanio, Godigo sa muani bidi asaibao, augwali aga nogi Kraisa tama wai. Aga asobo sogo da, te agai dabolo tigidali naide po ola mawaibao," wali. ²⁶ Jisasgo te we agabolo te po wai, "Te ena tama dao, megi nage dali eno te po obao."

²⁷ Te Jisasgo te po obadi yaide, tama aga wali pabo bidi dabe augwali ma begasa asai. Tama augwali Jisasgo te Samaria we dali po mibo subaso, augwali noma sai. Tialima, bidi me deligo te webolo "Nage magi nai saiwe?" wabeo. Augwaligo Jisasbolo "Nage te we dali magi baso po obawe?" hanalu wabe. ²⁸ Tama te wego te aga aji tubo nai tagalama, tama te we aga hanuba ma pai. Tama te wego te we bidi dabe augwalibolo wagi peyu, te po wai. ²⁹ "Dagego bidi me deli suagasiyo. Agai eno polobadu yali se po tigidali enabolo wai. Te bidi te Godigo sa muani asaibao wali bidi Kraisi te yaliwe?" te wego te po te we bidi dabe dali wai. ³⁰ Tama te we bidi dabe augwali te hanu tagalama, aselama, Jisas bidibo digi asai.

³¹ Te we bidi dabe augwali asodubadi Jisas wali pabo bidi augwaligo Jisas dali te po wai, "Po ola mabo bidi, nage nai tuo," wali. ³² Tialima, Jisasgo augwali aga wali pabo bidibolo te po wai, "Eno nai meba elalubo te dagego konebeo." ³³ Tama tibaso, augwa hasi po wai, "Bidi me deligo aga nai magasaliwe?" Jisas wali pabo bidi augwaligo te po miati. ³⁴ Jisasgo augwalibolo te po wai, "Eno nai da, e tama dao: eno ena tagala palali bidigo homu wali pabo dao. Tama eno agai ena nogoba muani se polo silaio," Jisasgo te po wai. ³⁵ Jisas agai giba ela mubo po digi po weyu, te po wai, "Dagego tama wabo dao: 'Polua me si me si elalubo, tama te nai sabo si te pedalaibao,' Tialima, eno dagebolo obao, dagego tonono biliyu, tama dagego te gi dabe bugagia suiyo. Nai inawai yabowe naga, dagego suo. Te asobo we bidi augwali te inawai nai tiwai dao. ³⁶ Nai sabo bidi da, te bidi aga masigi sabo se eyu, aga masigi sabo dao. Tama elama, nai polobadu bulali bidi dali, te inawai nai sabo bidi dali, augwa talua si dwagi yai homu yaibao. Tama te tiwai, niwai bidigo we bidi eno po ola mayu yali bidi, augwaligo homu enaba muani, te bidi te nai sabo bidi tiwai dao. Godigo te bidibolo dwagi yai nai mawaibao. Tama te we bidibolo eno po polobadu wagi pali bidi me, te bidi te nai bulali bidi tiwai dao. Tama te bidi dali, te we bidi enaba sisinibo bidi dali, augwali si talua dwagi yai homu mu yaibao. Augwali sigo wali po odali we bidi augwali bidada peyu, bidada pabo bulu selama, bidaibao. ³⁷ Te tiwai eyu, tama tode bidibo we bidigo polobadu wali po mu po tamao, 'Bidi me deligo gi nai bulai, tama gasa bidi mego agai te nai sai.' ³⁸ Tama te tiwai eno dage tagala palali da, te dage we bidibolo eno po pusugi pomainogo yai. Polobadu dagego te se isiawai. Tialima, gasa bidigo dene yali sede te nai megi dagego sabao," Jisasgo te po wai.

³⁹ Te hanude bidali Samaria we bidi dabe hauwa augwaligo te wego wabo po odai. Tama te po odobaso, augwaligo augwa homu tigidali Jisasba muani. Te wego te po wai, "Agai enabolo eno polobadu yali se po tigidali mu wai." ⁴⁰ Tama tibaso, Samaria we bidi dabe augwali Jisas bidibo digi aselama, tama augwaligo Jisasbolo hanaluyu, po bomo elama wai, "Nage da dali bidao." Tama tibaso, Jisas augwali dali si sogo te bulude bidai. ⁴¹ Tama aga tede bidibadi yaide, we bidi

hauwa augwaligo Jisas aga digi wali po odolama, tama augwa homu tigidali agaba muani. ⁴² Tama augwaligo te webolo te po wai, "Megi dago nago po naga odolama, tama dena homu tigidali te bidiba mubo menio. Dena digi agai po odolama, tama dago homu tigidali agaba mubao. Te bidigo naga agai tigidali tode we bidi ma dobola sabo bidi dao," te Samaria bage augwaligo te po wai.

Jisasgo genuai gavman bidigo ogwa gasi yali geselai

⁴³ Te si sogo bidali silalio, tama Jisasgo te Samaria bulu tagalama, tama aga Galili toba pai. ⁴⁴ (Polobadu Jisas aga digi po weyu, te po wai, "Godigo po ola mabo bidi aga page bulude nogi menio," Jisasgo te po wai dao. Tama te po wali goli, Jisas te Galili toba pai.)

⁴⁵ Tama Jisas pelama, Galili buluba sabolai. Tama Galili bage augwaligo Jisas asobaso dwagi yai homu yai. Magi basowe? Augwali meba pelama, Jerusalem bulu sabolama, bo disawai nai tubo side tigidali se Jisasgo te sogo yali se augwaligo suai, polobadu. ⁴⁶ Jisas te Galili to tomoba pelama, tama aga te Kana be naniba sabolai. Te bulude polobadu Jisas agai aji mugo te pusu ebo aji wain nigai. Tama te be nani me nogi Kaperneam te digibulu gana. Tama Kaperneam bulude genuai gavman bidi bidai, te bidi aga ogwa gasi yai.

⁴⁷ Tama te gasi yai ogwa aga aya agai Jisas Judia to tagalama, Galili toba asali po odai. Tama tibaso, te bidi Jisas bidibo digi pelama, tama Jisasbolo hanaluyu, po bomo elama wai, tama Jisas te agai ogwa Jisasgo geselemainogo yai. Aga homu Jisas te Kaperneamba pelama, tama agai ogwa ma geselaibao. Te gasi yai ogwa pade tama isainu elalubo wai. ⁴⁸ Tama Jisasgo te gasi ogwa aga ayabolo te po wai, "Dagego te eno haniani bomai se ebo susiawai goli dagego duga homu tigidali enaba muao." ⁴⁹ Te genuai gavman bidigo te po wai, "Genuai Bidi, nage Kaperneam buluba polo dulao. Eno ogwa isidalio," te po Jisas dali wai. ⁵⁰ Jisasgo agabolo te po wai, "Nage pao. Naga ogwa da, bidibadi paibao." Te bidi Jisasgo wali po aga homu te poba munama, tama pai. ⁵¹ Aga begasa aba pidubadi yaide tama aga se ebo bidi dabego aga tiaba wagasai. Tama augwaligo agabolo te po wai, "Naga ogwa bidibuo," wai. ⁵² Tama agai augwalibolo hanalu wai, "Nisu te ogwa dwasianu usu yaliwe?" te po wai. Tama augwaligo te po wai, "Do giliga tomo ebo, te sogo tama aga tigi posolo silalio," te po wai. ⁵³ Tibaso, aga ayago koneai, do tama te sogo Jisasgo agabolo "Naga ogwa gasi silama, tama bidibadi paibao" wai dao. Agai te homu yai. Tama te bidi dali aga bede bidibo bage dali, augwaligo augwa homu tigidali Jisasba muani. ⁵⁴ Polobadu Jisas Judia to tagalama, tama Galili toba sabolama, tama bomai se eyu, te agai aji mugo pusu ebo aji wain begelama nigai. Tama megi me agai Judia to tagalama, Galili tode bomai se me yai, te gasi yai ogwa hodolai.

Jisasgo bidi me deli Betesda sigi aşde geselai

5 Te nosali te Juda bagego olo bidiyu lotu po wabo si te pedalai. Tama tebo side Jisas Jerusalem hanuba holai. ² Tama Jerusalem bagulali obo aşde kibu sip-sip dabego genuai soabo tu elalubo madi, tama te tu dolo si te dwasianu sigi aş ge elalui. Hibru pogo augwaligo te aş nogi Betesda wai. Te aş sesegede be mabo a naga elalui. ³ Te be mabode gasi yai we bidi hauwa bidai, gedu widai bidi dabe dali, aşaş dwai bidi dabe dali, tama nogo aşaş dili isai bidi me, augwali te be mabode bidai. (Augwaligo te aş memenege ebo tonaluyu bidai. ⁴ Me sogo deli sogo Godigo dagalude aş ebo ensel mobo bidi me deli te aş tomoba dulama, tama te aş te ensel bidigo memenege ilai. Te aş memenege silai digi, tama niwai bidi me deli polasa aşba dulali bidi da, te bidigo gasi polo silai.) ⁵ Bidi me deli te be mabode bidai. Te bidigo gasi elalubadi, kibu be te 38 kibu be te bidi gasi elalubadi tama yai. ⁶ Jisasgo te bidi pila mubo suai, tama Jisasgo koneai, te bidi gasi elalubadi, hauwa sogo mu bidai. Tama Jisasgo te bidibolo te po wai, "Nago homu da, naga tigi dwagi yai yabo homu ebowe?" Jisasgo te bidibolo te po hanalu wai. ⁷ Gasi yai bidigo Jisasbolo po wei ponoyu, te po wai, "Genuai Bidi, aş memenege ebo side ena aşba sela muabo bidi menio," te bidigo Jisas dali te po wai. "Ena digi tama pobadi digi, gasa bidi dabe polo polasa peyu, ena geanobo dao." ⁸ Jisasgo te bidibolo te po wai, "Nage hodaluama, doligulama, naga pibo somo selama, tama nage soao," Jisasgo te gasi yai bidibolo te po wai. ⁹ Tama polo te bidigo tigi dwagi yai ma yai. Tama aga pibo somo selama, tama soai.

Te Juda bagego olo bidibo Sabat sogode Jisas agai te bidi geselai. ¹⁰ Tama Juda dabe genuai bidi augwaligo te gasi munaluali bidi aga pibo doado bage selama, sobadi yaide, augwaligo agabolo te po wai, "Megi da, te habu olama olo bidibo side dao. Nago pibo somo magi baso sela sobawe? Te nago Sabat sogo aş elamu wali bomo yai po bolobao," te Juda bagego te bidi dali te po tama wai. ¹¹ Tiali digi agai po wei augwali dali ponoyu, te po wai, "Te ena geselali bidi agai enabolo te po wai, 'Naga pibo somo selama, pao,' enabolo te po wai," wali. ¹² Augwaligo agabolo hanalu wai, "Mena bidigo nagebolo te po weyu, 'Naga pibo somo selama, pao' waliwe?" ¹³ Tialima, te sana pali bidi agai Jisasgo nogi konebeo. Magi basowe? Te bulude we bidi hauwa mu elalubao, tama Jisas pai.

¹⁴ Nosali Jisasgo te bidi te Moni Lotu Be tempel tomode ma sulama, te po wai, "Odaliwe? Megi da nage usu yali dao. Nago dwai aş dabe ebo tagalao. Tiyu moni aşaş nageba pedalabuo," Jisasgo te bidibolo te po wai. ¹⁵ Tama te bidi pelama, Juda genuai bidi dabebolo wagi pai, "Ena geselai bidi te Jisas yalio," te bidigo Juda dabego tobolu bidi dabebolo te po wagi pai. ¹⁶ Tama tibaso, Juda dabe genuai bidi augwaligo Jisas dali boi bidi homu ebo gagalali. Magi basowe? Jisasgo te bidi geselali te Juda bage augwaligo olo bidibo side te aş yali. ¹⁷ Tialima, Jisasgo po wei ponoyu, te

po wai, "Eno Aya agai aş polobadu yali aş megi tama te ela asobao. Tama eno me ena aş ebao," Juda dabe genuai bidi dali Jisasgo te po wai dao. ¹⁸ Tama tialima, Juda genuai bidi augwaligo bomo eyu, Jisas mu elabo homu yai. Magi basowe? Augwaligo e homu yali, Jisas agai Juda bagego olo bidibo Sabat sogo bomo yai po te bolobaso naga menio. Jisas agai te po wabo, 'God da, te ena Aya mu da' wabo dao. Te wabo po da, Jisas aga digi aga te God tiwai pedalainogo wabuo Tama tibaso me augwaligo aga mu elabo homu yai.

Godigo Ogwa aga aş yabo nogi elalubuo

¹⁹ Te Jisasgo po wei ponoyu, te po wai, "Eno dagebolo mu po tama obao, Godigo Ogwago agaduba homugo magi aş me ebo menio. Agai Ayago ebo aş naga sulama, agai ebo dao. Tigidali aş Ayago ebo, te aga Ogwago tama ebo dao. ²⁰ Aya Godigo homugo aga Ogwa mu godola pabo, tama God agai ebo aş tigidali aga Ogwabolo ola mabo dao. Aya agai bomai aş me nosali aga Ogwabolo ola mawaibao. Tama te aşgo eno hasia yali aş aiyaba elaluaibao. Tama tibaso, dage noma siyu, homu hauwa yaibao. ²¹ God Ayago isai bidi ma hodolama, bidabo bomo mabo dao. Tama tibo gilama, Ogwago me aga homugo we bidibolo bidabo bomo mabo dao. ²² God agai digi agai bidi me deli agai po tu dodolobo menio. Tigidali po tu ebo aş agai aga Ogwago nogoba mawai dao. ²³ Magi baso meni. Tigidali bidigo Godigo Ogwa nogi ugwaba samainogo, te Godigo nogi ugwaba sabo gilamao. God Ayago aga Ogwa e aşba tagala palobaso, tama bidi te Godigo ogwago nogi ugwaba aşabo bidi da, agai Godigo nogi me ugwaba aşabo bidi da," Jisasgo te po wai.

²⁴ "Te eno mu po dagebolo obao, niwai bidigo eno po odama, tama te po wali pelama, tama ena tagala palali bidibolo te bidi agai bomo yai homu agabolo muyu da, te aga bidada peyu, bidada pabo bomo selama, bidaibao. Te bidi aga po tu aga dali me egobeo. Te agai isibo tagalama, tama megi aga bidabo bomode bidibao. ²⁵ Eno mu po dagebolo obao, te sogo pedalaibao, tama te megi polo pedalalio, tama isai bidi augwaligo Godigo ogwago po odaibao. Tama te po odama wali pabo we bidi dabe da, augwali mu bidaibao. ²⁶ Eno Aya aga bidabo bomo aga digi elalubo. Tama agai bidabo bomo aga Ogwabolo mawai. Enabolo. Tama te tiwai te bidabo bomo te aga Ogwago me elalubo. ²⁷ Aga te Godigo Bidi Mu dao, tigidali we bidi augwaligo abagi hasi bidi dao. Tama tibaso, Ayago agabolo te we bidi po tu yabo aş mawai. ²⁸ Dagego noma selama, tama homu hauwa egimio. Nosali me sogo pedalobo side da, gu pagede bidali bidi augwaligo te Godigo Bidi Mugo wabo po odaibao. ²⁹ Tama augwaligo te po odobaso, tama augwali gu page tagalama, buluba diaş asaibao. Me badu we bidi augwaligo dwagi yai kolesaga yali da, augwali hodaluama, bidabo bomo selama, bidaibao. Me badu we bidi augwaligo dwai kolesaga yali da, augwali hodaluama, tama po tu aş aşaş saibao. ³⁰ Eno homugo digi eno te aş ebo usu egobeo. Eno Godigo wali po naga wali

pelama, tama eno po tų ebo dao. Tama tibaso, eno po tų ebo sę te dolo mu ebo dao. Magi basowe? Eno sę ena homugo me ebo menio. Te ena tagala palali bidigo homu eno wali pabo dao," Jisasgo te po wai.

Bidi mebago Jisasgo page po pusubo dao

³¹ Te Jisasgo po ma weyu, te po wai, "Enaduba naga ena te Godigo Ogwa da weyu da, te po usu egobeo. ³² Tialima, gasa bidi me bidibo. Tama eno Aya God agai ena tau sabo po te we bidibolo pusubo dao, augwaligo eno wabo po mu po dao konemainogo ebo dao. Tama eno koneai, agai te wali po enade wabo da, te po mu po wabo da. ³³ Polobadu dagego te bidi Jonbolo dagego hanalu wali po tagala palai. Tama agai po pusuyu, eno po mu po dao wai. ³⁴ Bidi mego eno wabo po tau sabo bidi elaluyu da, te usu da. Me ma, te tobage bidi meni baso da, te me usu da. Tialima, eno homugo Godigo dage ma somainogo. Tama teyu, eno Jon badi dagebolo me eno e po obao. ³⁵ Jon da, te sole ula ebo gilama, agai ula we bidi dabebolo mawai dao. Tama dagego pęwadage side te ulade dagego dwagi yai homu osogo yai dao. ³⁶ Tialima eno wabo po tau sabo nai me elalubao, te moni bage mu dao. Eno Aya go enabolo sę mani, ena te sę tigidali elama, silimainogo ebao. Te sę dabe eno ebo dao. Tama te ebo sęgo me te we bidi ola menama, augwaligo konebo dao, Ayago ena tagala palobaso, ena asai dao," Jisasgo te po wai. ³⁷ "Tama Aya Godigo ena tagala palobaso ena asai, aga digi eno wabo po tau sabo dao. Dagego agai pedauwalidu wali po me odai menio. Tama dagego agai gesabi me munu me subeo, tama agai po me dagego homude bidibeo. ³⁸ Magi basowe? Agai tagala palali bidigo wabo poba duga homu tigidali mubeo," Jisasgo te po wai.

³⁹ "Dagego te homu ebo dao, Godigo aşani po tego dagebolo te bidabo bomu menama, tama dage bidada peyu, bidada paibao. Tama te homu eyu, dagego te po tigidali sogo gegeyu, nedebo dao. Tama te aşani po aga digi enade po page ola mabo dao. ⁴⁰ Tiali digi dage enaba aselama, bidabo bomu sagasobo hagela homu ebo dao," te po wai.

⁴¹ "Te ena asali, te we bidi augwaligo enabolo genuai nogi momainogo asobeo. ⁴² Tiali digi eno dage koneanio. Dagego God godolo mu ebo menio, te tiwai homu dagede elalubeo. ⁴³ Ena asali te ena Aya Godigo bomu dali genuai nogi dali selasa asiyu, asai digi, tama dagego eno po sabeo. Tiali goli, bidi me deli aga nogi dali asiyu da, teda dagego te bidigo wabo po saibao. ⁴⁴ Dagego genuai nogi duga haside sabo dao. Tiali digi, dagego Godigo dagebolo genuai nogi maiabo sę te bomu elama, ebo menio. Tama tibaso, dagego eno wabo po mena tama duga homuba mugowe? ⁴⁵ Dagego te eno Godibolo po tų ela mayao po waibao, te homu egimio. Eno te sę egobeo. Dage po tų ela maiabo bidi da Moses dao. Dagego homugo te bidi aga digi dage tau sabo bidi mu dao. Tiali goli agai dage po tų ela maiabo bidi dao. ⁴⁶ Dagego Mosesgo aşani poba homu tigidali mu mugi sogo da, teda

duga homu tigidali eno wali poba mugi da. Magi basowe? Te bidi Mosesgo enade po polobadu aşani. ⁴⁷ Tialima dagego agai aşani poba duga homu tigidali musiayu da, tibaso magila dagego eno po me mena tama odama, duga homu teba muaibawe? Dage usu egobeo," Jisasgo te po Juda bage dali wai.

Jisasgo bidi sese hauwa 5,000 bidi mu agai nai manio (Mat 14:13-21; Mak 6:30-44; Luk 9:10-17)

6 Te wali po silama, tama nosali me sogo Jisas Galili sigi ađ te moni gebadu nogelama, u badu pai. Augwaligo te ađ nogi me Taiberius nogi yai. ² Tama genuai we bidi hani hauwa augwaligo Jisasgo te gasi yai bidi hauwa agai dodolobo augwaligo suai. Tama tebo sulama, augwali Jisas wali pai. ³ Tama Jisas bulu du meba holama, tama Jisas aga wali pabo bidi dabe dali dulaluai, te bulu dude. ⁴ Tama bo disawai nai bret tuabo sogo te pade tama dao, te sogo nogi Pasova, te Juda bagego olo bidibo side wai. ⁵ Jisasgo tonono bilibadi, tama agai suai, genuai we bidi hani Jisas agaba asai. Tama Filipbolo agai te po wai, "Dago te we bidi augwali tuabo nai bret menade abelegowe?" Jisasgo te po wai. ⁶ Jisasgo Filipbolo te po wai, agai homu magi ebowe naga suainogo eyu, Jisasgo te po wai. Jisas aga digi yabo sę da te aga konea selama, te sę yaibao. ⁷ Filipgo Jisasbolo po wei ponoyu, te po wai, "Tibaso da, dago bret te masigi umabogo abelama, te we bidi mabo da, te augwali usu egobeo. Te augwali deli deligo te nai dwasianu naga siyu da, te me usu egobeo," Filipgo Jisas dali te po wai.

⁸ Aga bidi me deli Andru, te Saimon Pita aga ama, agai Jisas agabolo te po wai, ⁹ "Ogwa me deli ede bidibao, te ogwa agai a naga bret dali sųgų si dali munalubo. Te bret te bali plauago nigai. Tiali digi, te naigo e genuai we bidi hani usu egobeo," Andrugo te po wai. ¹⁰ Jisasgo te po wai, "Te we bidi augwali duayao wao," te po wali. Noswai hauwa tede elaluai, tama te we bidi augwali duawai, augwali te bidi hani bidi sese hauwa mu 5,000, te we dali wai puluba dali nedebeo. ¹¹ Augwali duada pao olama, augwali dualaluai, tama Jisasgo te ogwago bret selama, tama Jisasgo Godibolo nage usu dao wai. Tilama, te we bidi augwalibolo te nai doaba pai. Te sųgų si me agai tama naga tiwai agai augwalibolo mawai, augwa homugo usu yabo te tiwai naga. ¹² Augwali nai tuali usu ela silai. Tama Jisas aga wali pabo bidi dabebolo te po wai, "Dagego nai me badu munalubo sisinao," wai. "Tiyu yaide me badu nai olo tagalobuo," wai. Jisasgo te po aga bidi dabebolo wai. ¹³ Tama tialima, augwaligo te tulama, me badu munalubo nai dabe sisinama, tama augwaligo bonou wano si olama, sağa badu si pağawai. Te a naga bali bret tego bidi augwali nai tuali usu yalima, tama me badu munaluai, te nai augwaligo te bonou wade ma buai.

¹⁴ Te we bidi augwaligo Jisasgo te bomu yai sę ebo sulama, tama augwaligo te po wai, "Mu tamao, te aga e tğba asaiba wali bidi te aga dao, te Godigo po ola mabo bidi dao," te we bidi augwa hasi te po wai.

¹⁵ Tialima Jisasgo koneai, augwaligo homugo Jisas aga daꝓ olama, tama Jisas aga augwaligo tuni bidi bidi-mainogo yaibao, augwali te homu yai Jisas aga dali. Tama tibaso, Jisas agaduba bulu duba ma pai.

Jisas sigi aꝓ ge daidu asai
(Mat 14:22-33; Mak 6:45-52)

¹⁶ Pio tama Jisas aga wali pabo bidi augwali te sigi aꝓ geba dulai. ¹⁷ Megi hulua sai, tama Jisas augwali bidibo digi pedalobeo. Tama tibaso, augwali moni gebaba holama, te aꝓdu pai. Augwali Kaperneam be naniba painogo yai. ¹⁸ Bomo yai wali dali tama genuai aꝓ gisigi asiyu dali yai. ¹⁹ Augwali te gebadu aꝓ todogo pali, te kilomita a naga ma te a naga olama me badu nogo deli tama daꝓ egi pai. Tama augwaligo suali, Jisas aꝓ daidu asiyu tama te geba paꝓa sabolainogo asai. Tama augwali moni wi yai. ²⁰ Tialima, Jisasgo augwalibolo te po wai, "Ena Jisas tama asobao," wai. "Dage wi ebo tagaliꝓo," te po wai, Jisasgo. ²¹ Tama augwaligo Jisas geba tomoba sela asainogo yai. Tama te geba polo augwali te pabo bulu teba poloba tugi pai.

Te we bidi augwaligo Jisas gegebo seꝓ yai

²² Te do tama wabo side te we bidi augwali te sigi aꝓ sesege badu bidaluai. Augwaligo koneai, te do tama te gasa geba me menio. "Deli digi e munaluali," wai. Tama Jisas aga wali pabo bidi dali te gebaba holobeo. Menio. Te bidi dabe augwa naga te gebaba holama pai, te we bidi augwaligo te koneai. ²³ Tama augwaligo homu hauwa ebadi yaide, Taiberius bulu du asai geba meba teba poloba tuagasai, te Genuai Bidigo Godibolo nage usu da olama, tama te we bidi hauwa augwaligo nai tuali madigi paꝓa. ²⁴ Te we bidi augwaligo suali, Jisas dali aga bidi dabe dali bidibo subeo. Tialima, augwali te tamadi asai geba dabeba holama, tama augwali Kaperneam buluba Jisas gegegi pai.

Jisas bidabo bomo mabo bret dao wai

²⁵ Te we bidi augwaligo Jisas sigi aꝓ sesege badu gegai. Sulama, tama augwaligo Jisasbolo te po hanalu wai, "Po ola mabo bidi, nage eba nisu asai dawew?" te po wai. ²⁶ Jisasgo po wei ponoyu, te po wai, "Mu tama eno dagebolo obao, dagego eno yali bomo yai seꝓ page homugo koneama, ena gegeyu ebeo. Menio. Dage eno te mani bret tulama, tama dage haliga paꝓaꝓwai dao. Te tiali pagede dagego ena gegebo seꝓ ebaꝓo," wai. Jisasgo te po Juda bage dali wai. ²⁷ "Dagego te mobia pabo nai naga sabo seꝓ tiwai dagego egimio. Te menio. Dagego te bidada peyu bidabo bomo mabo nai sabo seꝓ yao. Te tiwai nai Godigo Bidi Mu agai dagebolo mawaibao. Magi basowe? Aga Aya Godigo te bidide dwagi yai homu eyu, sa muai," Jisasgo te po wai. ²⁸ Tama tibaso, augwaligo Jisasbolo te po wai, "Dago mena tama tilama, tama dago Godigo seꝓ yaibawew?" augwaligo Jisas dali te po wai. ²⁹ Jisasgo augwalibolo po wei ponoyu, te po wai, "Godigo seꝓ e tama dao: dagego te Godigo tagala palali bidigo wabo poba

duga homu tigidali muyu bidao," Jisasgo augwalibolo te po wai. ³⁰ Tama tibaso, augwaligo Jisasbolo te po wai, "Dena homu tigidali nageba mumainogo, tama nago magi bomo yai seꝓ yaibawew? Nago magi seꝓ yaibawew?" te Juda bagego Jisas dali te po hanalu wai. ³¹ "Dago waꝓi dabe augwaligo bidi meni yai bulude ili isiꝓwai nai nogi mana tuai dao. Godigo wali po bukude bidi mego aseani po gilama, 'Agai dagaludu bret augwalibolo menama, tama augwaligo tuai dao,' wai," augwaligo te po wali. [†] ³² Tama tibaso Jisasgo augwalibolo te po wai, "Mu tama eno dagebolo obao. Polobadu Mosesgo dagebolo mani nai te dagalu bret te dage mabeo. Menio. Eno Aya Godigo da te dage dagalu bret mu dage megi mabo dao. ³³ Te bret Godigo mani, te aga dagalu tagalama, e tꝓba dulama, tama agai tꝓde bidibo we bidi bidada pabo bomo magasobo dao," Jisasgo te po wai.

³⁴ Tama tibaso, augwaligo Jisasbolo te po wai, "Genuai Bidi, nago te bret dabolo tigidali sogo da mao," wai. ³⁵ Jisasgo augwalibolo te po wai, "Ena digi ena bidabo bomo mabo bret dao. Bidi agai homu enaba muyu, ena pageba asobaso da, te bidi aga nasi munu me egobeo. Tama bidigo aga homu tigidali enaba mu baso da, te bidi aga aꝓ nogone munu me egobeo," Jisasgo te po wai. ³⁶ "Tialima, eno dagebolo polobadu wali gilama, dagego ena suai dao, tiali digi dagego enabolo bomo yai homu daꝓ wabeo. ³⁷ Eno Ayago enabolo mabo we bidi tigidali augwali ena pageba asaibao, ena wali asomainogo. Ena pageba asobo bidi te aga eno me sela saꝓobeo, mu menio. ³⁸ Magi basowe? Eno dagalu tagalama, e tꝓba dulali, te eno homu kolesaga wali painogo asobeo. Menio. Ena e tꝓba dulali, te ena tagala palai bidigo homu ena wali pomainogo asai. ³⁹ Tama te ena tagala palai bidi agai homugo tama tiwai, agai enabolo mani we bidi eno me deli hagalamuo. Menio. Agai homugo eno augwali te tꝓ dali dagalu dali sia sabo sogo augwali tigidali eno ma hodolaibao. ⁴⁰ Eno Aya agai homu tama telalubo, aga ogwa osola suyu, agabolo bomo yai homu daꝓ olama muyu yai we bidi tigidali te augwali bidada peyu bidada pabo bomu selama, mu bidaibao. Tama augwali eno te tꝓ dali dagalu dali silibo sogode augwali eno digi ma hodolaibao, ma bidimainogo," Jisasgo te po wai. ⁴¹ Te Jisasgo te po tamadi wai dao, "Ena digi ena te tubo diluai nai bret dagalu tagalama, eba dulai." Jisas agai te po obaso, Juda bage augwa hasi hagelabo po miani. ⁴² Augwaligo te po wai, "E bidi da, te Josep aga ogwa dao. Dago aga aya ida dali koneai dao. Magi baso agai te po megi wabowe, 'Ena dagalu tagalama, e tꝓba duali dao,' wabowe? Agai po usubeo," augwaligo te po wai.

⁴³ Te Jisasgo augwalibolo po wei ponoyu, te po wai, "Dage duga hasi tomode te hagelabo po wabo tagaliꝓo. ⁴⁴ Bidi me deli ena pageba olo me asogobeo. Menio. Ayago ena tagala palobaso, ena asai dao. Tibaso, agai bidi me deli kegali da, tiali da, te bidi ena pageba

[†] 6:31 Sai 16:4, 15; Tib 78:24

asagameo. Tama te bidi eno aga nosali t̄o dali dagalu dali silibo side ma hodolaibao, aga ma bidimainogo tama yaibao. ⁴⁵ Te Godigo nosali yabo s̄e po pusa mani profet bidi dabe augwaligo te po aşani, 'Godigo tigi-dali we bidi ola mawaibao.' Mena bidi me Ayago po odolama, tama koneama, te bidi ena pageba asobo dao. ⁴⁶ Tiali goli, bidi me deligo Aya me gedugo subeo. Te bidi God dali bidilama, asali, te bidigo naga Aya gedugo suai dao. ⁴⁷ Eno mu po dagebolo obao. Bidigo enabolo aga homu d̄aŋ olama, enaba tialubo bidi, aga bidada peyu, bidada pabo bomomo selama, mu bidaibao. ⁴⁸ Ena digi ena te mu bidabo bomomo elalubo tubo diluai nai bret dao. ⁴⁹ Polobadu duga n̄ŋ dabe augwali te bidi meni yai bulude bididubadi, te ili isiŋwai nai nogi mana tuali goli, augwali nosali isali. ⁵⁰ Tialima, te dagalu tagalama dulali bret, te tedali gasagi yai. Tama tibaso, bidigo te bret tuali da, te aga te mu bidabo bomomo elalubo bret da, te ena dagalu tagalama, e t̄ŋba dulai dao. E bret bidigo tuyu da, te bidi aga bidada paibao, mu gamonaibao. Tama eno te bret agabolo mawaibao, te eno tigi dao. E t̄ŋde bidibo we bidi augwali mu bidimainogo, eno ena tigi mawaibao," Jisasgo te po wai.

⁵² Te Jisasgo te wali pode te Juda bage augwa hasi bomomo elama, konila yali. Augwali me badugo te po hanalu wali, "Mena tama tibaso, te bidi aga tigi da menama, tama dago tueibawe? Te s̄e ebo usu egobeo," Juda bage augwaligo te po wai. ⁵³ Tama Jisasgo augwalibolo te po wai, "Eno mu po dagebolo obao, dagego Godigo Bidi Mu agai tigi tusiŋwani da, agai kaneme tusiŋwani da, tiali da, dagego te bidabo bomomo elalugobeo. ⁵⁴ Bidigo eno tigi tuyu, tama eno kaneme tuali bidi da, aga bidada pabo bomomo elaluaibao, tama eno aga te t̄o dali, dagalu dali silibo side aga ma hodolaibao. ⁵⁵ Magi basowe? Eno tigi te tubo nai mu dao, tama eno kaneme te mu tubo aŋ dao," Jisasgo te Juda bage dali wai. ⁵⁶ "Bidigo eno tigi dali eno kaneme dali tubo bidi da, aga enade bidiyu, tama ena agade bidiyu, te bidi dadi si mu keŋ pai elaluaeibao. ⁵⁷ Bidada pabo bidi Aya agai ena tagala palai. Te tiwai gilama, ena me bidada pabo dao. Te tiwai gilama, mena bidi eno mi tuali bidi da, te bidi mu bidabo bomomo te ena bomode saibao. ⁵⁸ E bret, eno dagebolo po wabo bret da, te dagalu tagalama e t̄ŋba dulai bret dao. Duga n̄ŋ dabego bret tuali goli, augwali isali. Eno dagebolo wabo bret te tiwai menio. Bidigo e bret tuyu da, te bidi aga mu bidabo bomomo selama, bidada peyu, bidada paibao," Jisasgo te po wai.

⁵⁹ Jisasgo augwali te bomomo yai po ola mabo be tomode te po ola mawai, te Kaperneam be nanide.

Jisas aga wabo pogo mu bidada pabo bomomo mabo dao

⁶⁰ Te bidi Jisas agai te bret dagaludu dulali po olama, tama aga wali pabo we bidi hauwa augwaligo te po odolama, augwa hasi tomode te po wai, "Te pogo dabolo s̄eŋe mabo, dago te po magi elama, wali

pogowe? Mena bidigo te po odolama, wali pabo usu egowe?" augwaligo te po wali.

⁶¹ Bidi mego agabolo te po wasiŋbadi, Jisas aga digi koneai, aga wali pabo bage hauwa augwa hasi tomode te hagelabo po wai. Tama tibaso, agai augwalibolo te po wai, "Eno wali pode dage s̄eŋe elama, dagego ena tagalaibawe? ⁶² Tialima, dagego suali ma te Godigo Bidi Mu aga polobadu bidali buluba hodobo suyu da, magi yaibawe?" Jisasgo te po wai. ⁶³ "Te mu bidabo bomomo mabo bidi da, te God agai Mobo Bidi naga dao. Bidigo bomomo dwasianu me tau sogobeo, usu egobeo. Te po eno dagebolo polo wai dao, te pogo dagebolo God agai Mobo Bidi mabo dao, agai dagebolo te mu bidabo bomomo momainogo. ⁶⁴ Tiali digi, me badu bidi dage tomode augwaligo enade bomomo yai homu d̄aŋ olama, mube," Jisasgo te po wai. Polobadu digi, aga s̄e ebo gagalali sogode, Jisas aga koneai agade bomomo yai homu d̄aŋ olama, musiŋbo bage. Tama aga koneai me, te aga te boi bidigo nogoba sela maiabo bidi, te me agai polobadu koneai. ⁶⁵ Tama Jisasgo po me wadoloyu, te po wai, "Te pagede eno dagebolo te po wai dao, Ayago bidi mebolo usu dao wasiŋyu da, teda te bidi ena pageba asobo usu egobeo," Jisasgo te po wai.

⁶⁶ Te po silama, tama Jisas aga wali pabo we bidi hauwa augwaligo te po odama, Jisas tagalama, augwa ma geasa pai, tama augwali Jisas dali me bidibeo. ⁶⁷ Tama tibaso Jisas aga bidi nogo si olama, saŋa badu si bidibolo te po hanalu wai, "Dagego me ena tagalama, paibawe?" te po hanalu wai. ⁶⁸ Saimon Pitago Jisasbolo po wei ponoyu, te po wai, "Genuai Bidi, dago nage tagalama, da mena bidi pageba pogowe? Nago po da, te bidada peyu bidada pabo bomomo elalubuo. ⁶⁹ Tama dago te pode bomomo yai homu d̄aŋ olama, bidibo dao. Me dago nage koneai, naga digi naga Godigo doloba pai bidi mu dao, Godigo tagala palai bidi dao, te dago konebao," Pitago Jisas dali te po wai. ⁷⁰ Jisasgo te po wei ponoyu, te po wai, "Eno dage nogo si bidi selama, saŋa badu si bidi dage eno sai dao. Tialima, dage tomode me deli dwai haubo bidi te bidibao," Jisasgo te po aga bidi dali wai. ⁷¹ Jisas agai te Judasde te po wai, te gasa bidi Saimon tego ogwa, aga bulu nogi Keriot. Te aga nogo si olama saŋa badu si bidi te tomode, tialima, nosali te Judas agai Jisas boi bidi nogoba sela muaibao.

Jisas aga ama dede dabe dali pelama, te Juda bage olo osogo bidibo bede bidibo sugi pali

7 Te silama, tama Jisas aga Galili genuai t̄ŋba pelama, tede bidiyu, te me me buluba bilalio. Juda bage augwaligo Jisas elainogo yai, tama tibaso Jisas aga te Judia genuai t̄ŋ te badu me bilibo te hagela yai. ² Tama Juda bage olo bidibo side, te augwaligo nogi te nami ugwa bede bidabo side, te olo bidibo si te p̄aba yagasai. ³ Tama tibaso aga ama dabe augwaligo Jisas agabolo te po wai, "Nage e bulu tagalama, tama nage Judia moni t̄ŋba pao, te nago ebo s̄e te naga wali pabo we bidi augwaligo te s̄e sumainogo yao. ⁴ Bidi me deli

agai homu te tigidali we bidigo aga sumainogo, te agai ebo sę me geme dualama ebo menio. Te tiwai, nago te sę eyu da, tiali da, nage tigidali we bidi gedude augwaligo nage sumainogo, waselao," aga ama dedego te po wai. ⁵ Magi basowe? Aga ama dede augwaligo agabolo bomu yai homu daų olama, mubeo, tama tibaso augwaligo te nage te moni Judia tþba pao po wai.

⁶ Jisasgo augwalibolo te po wai, "Eno side te polo pedalobeo. Tialima, tigidali sogo te dagego side dao," wai. ⁷ "Tþde we bidi augwaligo dage dali sębę elama, boi bidi me ebo menio. Tialima, augwaligo ena dali sębę elama, boi bidi mu ebo dao. Magi basowe? Eno augwaligo ebo dwai kolesaga bolo eno augwali dali po wabo dao. ⁸ Dage naga ugwaba holiąo, te Juda bage augwaligo olo bidibo side te dagego sugi pao. Tialima, ena teba pabo me elalubo. Eno bodolu mani si te me elalubo," Jisasgo te po wai. ⁹ Jisasgo agai tama po augwali dali wai, tama aga Galili bulude bidai.

Jisas pelama, Juda bage augwali ugwa bede bidabo olo bidibo side sugi pai

¹⁰ Tialima, Jisas aga ama dede augwali Juda bagego olo bidibo side ebo sę sugi pai. Sugi pelama, tama nosali Jisas aga me holai. Aga teba hania me holobeo. Jisas aga geme pai. ¹¹ Te Juda hani tobolu bidi dabe augwaligo te side aga gegebo sę yai. Tama augwaligo te po wai, "Te bidi mena bidibowe?" te po te Juda bagego hanalu wali. ¹² Tama te we bidi augwa hasi pomu po hauwa Jisasde wali. Mebago te po wai, "Te dwagi yai bidi dao," wai. Tialima, mebago te po wai, "Agai augwali we bidi ili po ola mabo dao," Jisasde te we bidi augwa hasi te pomu po wai. ¹³ Tialima, augwaligo te Juda tobolu bidi dabe suyu, wi yai. Tama bidi deligo Jisasde aga po hanilama me wabeo.

¹⁴ Te Juda bagego olo bidibo si tomode mu Jisas te Moni Lotu Be tempel tomoba holama, te we bidi po ola mabo gagalali. ¹⁵ Tama te Juda bage tobolu bidi dabe augwaligo agai ola mabo pode noma sali. Augwaligo te po wai, "Te bidi aga te skulba pişawai bidi dao. Te tiwai bidama, tama agai mena sę ilama, te po page hauwa konebo dawew?" augwa hasi te po wai.

¹⁶ Te Jisasgo augwalibolo te po wei ponoyu, te po wai, "Te po eno dagebolo ola mani po da, te eno po menio. Te God agai po dao, agai ena tagala palobaso, ena asai dao. ¹⁷ Niwai bidigo Godigo homu kolesaga wali pabo bidi agai eno ola mabo po page koneagameo. Eno te we bidibolo ola mabo po menade saliwe? Te Godigo po dawew? Ma eno homugo naga te po obawew? Niwai bidigo Godigo homu kolesaga wali pabo bidi agai eno ola mabo po page koneagameo.

¹⁸ Bidi mego agai homugo digi po wabo bidi da, te bidi aga genuai nogi aga digi sainogo tibo dao. Tialima, bidi homugo tego ena tagala palama, ena asai da olama, agai Godigo nogi ugwaba siyu da, te usu yaibao, te tebo bidi da doloba pai bidi da, agade tibo dwai sę me isiųwai bidi dao. ¹⁹ Polobadu Mosesgo dage te Godigo bomu yai po mawai dao. Tialima, dage tomode

bidi mego te bomu yai po wali pabo menio. Magi baso dagego ena elainogo ebawew?" Jisasgo te po hanalu wai.

²⁰ Te we bidi augwaligo Jisasbolo po wei ponoyu, te po wai, "Dego nage elainogo ebawew? Woo, noma bidi dwai me deli nagede bidibaso, nago te po wali," te olo we bidi augwaligo te po wai. ²¹ Jisasgo augwalibolo po wei ponoyu, te po wai, "Ena bomai sę me deli te Sabat sogode ebaso, dage tigidali noma sali. ²² Moses agai dagebolo te bomu yai po polobadu mawai dao, ogwa ame nenama, a naga bidama me badu nogo sela wabo side, aga tigiwali togwa, daų ilao wali. Duga waj mu te po me wai dao, tama nosali Moses me agai te bomu yai po aşani. Tama te bomu yai po bolidali weyu, me sogo Sabat sogode dagego ogwa tigiwali togobo sę ebo dao. ²³ Dagego te tigiwali togobo bomai po wali peyu, te Sabat sogode me sogo te sę eyu da, teda dagego enade magi baso sębę ebawew, ena te gasi yai bidigo tigi eno dodolobo sę yalide. ²⁴ Dagego gedugo naga ena olo dali osola sulamuo. Dagego bugagia osola suyu, homu kolesaga dolo mu yao," Jisasgo te po wai.

Augwaligo te po wai, "Te bidi te sa muyu, asaibao wali bidi dawew?"

²⁵ Te Jerusalem we bidi mebago noma dwasianu siyu, te po wai, "E bidi te tobolu bidi dabego elai hagede yali bidi dawew? ²⁶ Suao. Agai po bidi gabidide te wabao. Tialima, augwaligo Jisas dali po me wabeo. Dago tobolu bidi dabe augwaligo me e homu ebawew, 'Te bidi Jisas da te Krai da, te sa muyu asaiba wali bidi,' augwaligo te homu ebawew? ²⁷ Tiali goli te asaiba wali bidi pedalobo si, te bidi me deligo agai page bulu me konegobeo. Me ma, dago e bidi Jisas agai page bulu te dago kone dao," te we bidi mebago te po wai.

²⁸ Tama Jisas agai te Moni Lotu Be tempel tomode te we bidi agai po ola mobadi, agai i bomu elama weyu, te po wai, "Ao, dagego ena koneai dao, eno page bulu be dagego koneai dao. Tiali digi, ena homugo digi ena me asobeo. Ayago ena tagala palobaso, ena asai dao. Agai kolesaga te mu tama dao. Dagego aga me konebeo. ²⁹ Tiali digi eno da God aga koneai dao. Ena da aga dali bidai. Agai ena tagala palai, e tþba. Tama tibaso, eno aga mu koneai dao," Jisasgo te po wai, te Juda dabe dali.

³⁰ Tama tibaso, te Juda bage tobolu bidi dabe augwaligo Jisas aga kalabus ilainogo yai. Tiali digi, agai sogo meba elalubuo, aga bodolu mani sogo asobeo, tama tialima bidi me deligo aga nogo me tubeo. Menio. ³¹ Me ma, te olo we bidi hauwago Jisasbolo augwa konealubo homu daų olama, elalualai. Augwaligo te Jisasba homu musiųwai bagebolo te po wai, "Te God agai sa muyu, asaiba wali bidi pedalobo si, te bidigo bomai sę hauwa mu eyu da, Jisasgo yali bomai sę aiyaba elaluaibawew? Menio," augwaligo te po wai

Augwaligo Jisas kalabus emainogo enesigi bidi dabe tagala palai

³² Te Farisi hani bidi augwaligo te olo we bidigo Jisasde te tobage po pomu po wabo odali. Tama te po odama, te Farisi hani bidi dabe dede, te pris tobolu bidi dabe dede, augwaligo enesigi bidi dabe tagala palama, Jisas kalabus yainogo, "Sigi pao," wai. ³³ Tialima, Jisasgo te po wai, "Dwasianu sogo ena dage dali bidaibao. Te silibo si, ena te ena tagala palai bidi pageba ma paibao. ³⁴ Tama dagego ena gegebo şe yaibao, tiali digi dagego ena me sugobeo. Magi basowe? Dagego ena bidabo buluba me pogobeo," Jisasgo te po te Juda dabe dali wai. ³⁵ Tama Jisasgo te po obaso, te Juda dabe tobolu bidi augwa hasi po weyu, te po wai, "Te bidi Jisas aga menaba pai digi, dago aga gege-lama, sugobewe? Jisas aga te Grik po wabo bidi dabego moni be naniba pogowe? Tede Juda bage me badu bidibo dao. Tama Jisas teba pelama, agai te Juda dabe me, Grik dabe augwalibolo te po ola magi paibawe? ³⁶ Agai dabolo te po wai, 'Dagego ena gegebo şe yaibao, tiali digi dagego ena sugobeo.' Agai te po me wai, 'Dage ena bidabo buluba me pogobeo.' Jisasgo te wali po page mena tamawe?" te Juda dabe tobolu bidi dabe augwa hasi te po wai.

Jisasgo te bidabo bomu elalubo ajde po wai

³⁷ Te olo bidibo si silibo side, te genuai side dao, wai. Te tebo side Jisas dolaluyu, bomu olama, i wai, "Bidi me deli ađ nogone ebaso da, te bidi ena pageba aselama, ađ tuagasao. ³⁸ Godigo wali po aşani bukude te po aşani po gilama, 'Bidi mego enabolo homu dađ olama, mubaso da, ta, te bidigo homu kolesagade te bidabo bomu elalubo ađ hauwa mu ulu pedalama, bilaibao,' wai," Jisasgo te po wai. ³⁹ Jisas agai te ađ po te Godigo Mobo Bidide wai. Augwa homu dađ olama, Jisasba mubo we bidi teba Godigo Mobo Bidi nosali asaibao. Tiali goli te sogo Jisas aga bomu dali moni nogi dali sađbadi, God agai Mobo Bidi te we bidibolo mabe, te nosali mawaibao.

Te we bidi augwali bidi hani si pedai

⁴⁰ Meba we bidi augwaligo Jisasgo wali po odolama, te po wai, "Mu tama, te bidi Jisas da te polasa asobo bidi, te Krais aga asobo sogo te pađe tama dao." ⁴¹ Meba bidigo te po wai, "Te aga da, te Godigo sa muyu asaibao wali bidi dao." Tiali digi mebago te po me wai, "Woo, Godigo asaiba wali bidi te Galili bulude pedalogobeo. ⁴² Godigo nosali yabo şe po ola mani profet bidi mego bukude aşani po, te po me deli te tiwai dao, Godigo asaibao wali bidi te Devitgo hani asali digi tedu asaibao, te be nani nogi Betlehem tedu asaibao, te bulu polobadu Devit aga page bulu dao," bidi mebago te po wai. ⁴³ Tama tibaso, te we bidi augwali bidi hani si tomode bugwai, te Jisasde. ⁴⁴ Meba bidi hani augwali-

go homugo Jisas kalabus yabo homu yai. Tiali digi bidi me deligo Jisas agaba nogo me mubeo.

Juda bage tobolu bidi dabego Jisasba homu mubeo

⁴⁵ Te geasa pelama, enesigi bidi dabe augwali te pris tobolu bidi dabe dali, te Farisi bidi dabe dali, augwali bidibo digi sabolai. Tama te tobolu bagego te enesigi bidi dabe hanalu wai, "Magi yaliwe? Dagego te bidi Jisas sela asai meniwe?" ⁴⁶ Te enesigi bidi dabego po wei ponoyu, te po wai, "Polobadu bidi mego Jisasgo wabo po tiwai munu me wai menio," te po wai. ⁴⁷ Tama tialima, te Farisi bagego dwai homu eyu, augwalibolo po wei ponoyu, te po wai, "Agai dage me ili po ola maniwe? ⁴⁸ Da tobolu bidi hani dali, Farisi bidi hani dali dago Jisasgo wabo pode homu musiabaso, te dagego me agabolo duga homu mugio. ⁴⁹ Tialima, te olo we bidi hani augwaligo Godigo bomu yai po page konebeo. Tama tibaso, augwali Godigo gedude dola silaibao," Farisi bagego te po wai.

⁵⁰ Nikodemus te bidi polobadu Jisas pageba pai, te bidi te Farisi aga hani tobolu bidi me. Tama agai augwalibolo te po wai, ⁵¹ "Dago bomu yai po e tiwai dao, te olo bidi me po tu odosiabadi, dago te bidibolo seđe magobeo. Aga yali şe po dago odama, te aga dwai şe ebaso, teda dago aga po tu elama, seđe mawaibao," Nikodemusgo te po wai. ⁵² Augwaligo po wei agabolo ponoyu, te po wai, "Nage me nage Galili bulu bidi dawo? Godigo bukude po bugagia nedao. Nedelama, koneao, Godigo nosali yabo şe po ola mabo profet bidi me deli te Galili buludu munu me pedalogobeo," augwaligo Nikodemusbolo te po wai.

Te we me deli penani ebo sulama, augwaligo nogo tulama, Jisas pageba odasa asali

8 [We bidi augwaligo Jisasgo wabo po odama, tama augwa beba tedela pai. Tialima, Jisas bulu du me nogi Oliv te bulu duba Jisas pai. ² Jisas aga kigamu digi mu te Moni Lotu Be tempel teba ma pai. Tama we bidi hauwa augwali Jisas agaba asai. Tama Jisas aga dualama, te we bidi po ola mabo ma gagalali. ³ Tama te Juda dabego bomu yai po mu koneai bage dali, te Farisi hani bidi dabe dali, augwaligo we me deli magasali. Te we penani ebo sulama, augwaligo aga nogo tulama, odasa aselama, tama te we tomode dolaluai, te we bidi gabidide. ⁴ Tama augwaligo Jisasbolo po weyu, te po wai, "Po ola mabo bidi, te wego penani ebuo, bidi mego suai," augwaligo te po wai. ⁵ Augwaligo te po me wai, "Te Moses agai aşani bomu yai pode e tiwai wali, 'Tiwai we yai baso da, masigi şanama, isimainogo elao,' te po wai dao. Jisas, nago magi po obaso, dago nago po naga odaibao," augwaligo Jisasbolo hanaluyu, te po wai. ⁶ Augwaligo tama po obaso Jisas homu magibo yabowe naga suainogo tiwai. Augwaligo homugo Jisasgo wabo pode augwaligo po tu ela maiabo tu me gegainogo, te Jisasgo po weyu, aga geda muyu da, teda augwaligo agade nogo tu ela mumai hagede.

† 7:38 Ese 47:1; Sek 14:8 †† 7:42 Mai 5:2

‡ 8:5 Prs 20:10; Bom 22:22-24

Tialima, Jisas tba basialuyu, aga nogo danigo tba po aşduai. ⁷ Augwaligo Jisasbolo ma hanaluyu, ma hanaluyu yai. Tialima, Jisas doligulama, agai te po augwali dali wai, "Bidi me dage tomode seęę meni yai bidi aga hasia mu te bidigo te we masigi sayao," wai, Jisasgo te po augwali dali wai. ⁸ Tama Jisas aga tba basialuyu, tde ma aşduai. ⁹ Augwaligo tama po odolama, tama augwali tomode te seęę meni yai bidi meni baso, tama augwali tigidali buluba deli deli naga buluba pai. Tobolu bidi polasa pai, tama meba augwali nosali pai, te po t ebo tagalama, tama augwali Jisas taga pai. Tama Jisas agaduba deli digi bidai, tama te we Jisas aga gesabide dolaluai. ¹⁰ Tama Jisas doligulama, te we dali po wai, "Augwali mena bidibawe? Bidi me deligo nage po t ela maiabo bidi bidibowe?" Jisasgo te we dali te po wai. ¹¹ Te wego te po wai, "Genuai Bidi, me deli me bidibeo." Tama Jisasgo te po wai, "Eno me nage po t elama, nagebolo seęę magobeo. Nage pao. Tama nosali nago dwai se ma egio," Jisasgo te we dali te po wai.]

Jisas aga e tde ula dao wai

¹² Te Jisasgo te Farisi hani bidi augwalibolo nosali te po ma wai, "Ena te tde we bidide ula dao. Bidi ena wali asobo bidi aga te bugagia bidabo ula aga selama, e tde bidaibao, aga hulide munu me bidigobeo," wali. ¹³ Tama te po obaso, te Farisi hani bidi augwaligo Jisas agabolo te po wai, "Megi nago e pusubo po naga tobade wabo. Gasa bidi mego nagede te po wabeo. Nago po da, te mu po menio," augwaligo te po wai. ¹⁴ Tama Jisasgo augwalibolo po wei ponoyu, te po wai, "Woo, te mu tamao. Ena digi ena tobade te po wali goli, te po mu dao. Magi basowe? Dagego ena taga soyu asali bulu te dagego konebeo, ena mena buluba pabowe te me dagego konebeo. Tialima, ena hogodama, taga soyu asali bulu, te ena konealubo. Tama ena te buluba ma pabo te me eno konealubo. Tama tibaso, ena digi ena tobade te ena da tde we bidigo ula dao po wali goli, te mu po dao. ¹⁵ Dagego bidi me osola subo si, tama dagego tde bidibo we bidigo kolesagade osola subo dao. Ena da bidi me osola subo menio. ¹⁶ Tialima, eno bidi me osola sugi sogo da, teda eno dolo mu naga te bidi osola sugi da. Magi basowe? Enaduba naga te se ebo menio. Ena tagala palali bidi ena Ayago ena dali te se ebo dao. ¹⁷ Dagego bomo yai po me deli e tama telaluboo, bidi sigo gasa bidide wali po deli po tiwai naga weyu da, te po mu po dao. ¹⁸ Ao, te tiwai, eno po da te ena digi ena tobade wabo dao, tama Ayago ena tagala palobaso, te ena asai dao, te Ayago agai me ena me da sigo ena tobade po wabo dao. Te ena tobade po wabo bidi si dao, dagego bomo yai po wali tiwai dao," Jisasgo te po wai. ¹⁹ Tama tialima, augwaligo Jisasbolo te po wai, "Nago aya mena bidibowe?" Jisasgo te po wei ponoyu, te po wai, "Dagego ena page kuna konebeo. Tama dagego eno Aya me dagego konebeo. Dagego ena konegi sogo da, teda dagego eno Aya me konegi da," Jisasgo te po wai.

²⁰ Jisas agai te po te masigi ge mubo be habude bidiyu, te po wai. Agai te we bidi te Moni Lotu Be tempel tomode ola mayu, te po wai, te masigi ge mubo be habude. Tama tialima, bidi me deligo aga kalabus me ebeo. Magi basowe? Te Jisas agai bodolu mani si te me elalubuo.

"Dage ena pabo buluba pabo usu egobeo," Jisasgo te po wai

²¹ Jisas agai augwalibolo po ma wai, "Ena paibao. Dagego ena gegebo se yaibao. Tialima dagego yali dwai seęo seęę me elalubadi, dage isaibao. Dage ena pabo buluba pabo usu egobeo," Jisasgo te po wai.

²² Tama Juda bage tobolu bidi dabe augwaligo te po augwa hasi wai, "Agai te po wali, da aga pabo buluba pabo usu egobeo, wali. Te po page e tama tiwai elalubowe, Jisas aga digi aga ma elainogo waliwe?" Juda bage augwaligo te po wai.

²³ Jisasgo augwalibolo te po wai, "Dagego page bulu aiyadu dao, eno page bulu ugwadu dao. Dage e tde bidibo bage dao, ena e tde bidi menio. ²⁴ Tama tibaso, eno dagebolo po wai dao, dagego yali dwai seęo seęę te me elalubadi, dage isaibao. Tama dage mu tama te seęęde isaibao, dage enade ena te tba dulali bidi dao po dagego te pode 'Mu po dao' homu esiayuda," Jisasgo te po wai.

²⁵ "Nage dewe?" augwaligo aga hanalu wai. Jisasgo augwalibolo te po wai, "Hasia sogode eno dagebolo wali gilamao. ²⁶ Eno dagede wabo po hauwa elalubao, dagego ebo kolesaga hauwa me eno osola sueibao. Tialima, ena tagala palali bidi te agai homu kolesaga te mu tama dao. Tama tigidali po eno Godide odobo po te po naga eno tde we bidibolo wabo dao," Jisasgo te po wai.

²⁷ Augwaligo Jisasgo aga Ayade po wabo te augwaligo me konebeo. ²⁸ Tama tibaso, agai augwalibolo te po wai, "Nosali dagego Godigo Bidi Mu ni pedaide daganama, te ugwaba sela muaibao. Te tebo sogo da, te dagego koneaibao, ena te ena digi dao. Te sogo me dagego koneaibao, eno haniani se eyu, eno homu wali pisiayu te se yalio. Eno po Ayago ena ola mani po naga wabo dao. ²⁹ Agai ena tagala palobaso, ena asai, agai ena dali bidibao. Agai ena tagalama, enaduba bidibo menio. Magi basowe? Eno ebo se te God agai godolo yabo se naga ebo dao," Jisasgo te po wai. ³⁰ Jisas agai te po obadi, we bidi hauwa agabolo homu daę olama, muai.

³¹ Tama tibaso, Jisas agai te agabolo homu tamadi muai we bidi tebolo te po wai, "Dagego eno ola mabo po wali peyu da, teda dage ena wali pabo we bidi mu dao. ³² Tama dagego te Godigo enade wabo mu po dagego mu koneaibao. Te mu po dagego mu koneama, tama te po mugo dage tau selama, tama dage nogo daę wali kolesaga tagalama, tama dage olo mu bugagia bidaibao," Jisasgo te po wai.

³³ Tama augwaligo Jisasbolo te po wai, "Woo, da Abrahamgo hani dao. Te tebo side bidi deligo da hani olo se ebo bidi te nigilama munu me bidai menio. Ma-

gi baso nago te po obawe, 'Dage te nogo daų wali kolesaga tagalama, tama dage olo mu bugagia bidaibao' po magi baso obawe?" augwaligo Jisas dali te po wai. ³⁴Jisasgo augwali dali te po wai, "Eno mu po dagebolo obao, tigidali we bidi augwaligo dwai sę edu da, augwali te dwai sę sęęę dologode me bididu ebao, te augwali te nogo daų wali olo sę ebo bidi dabe gagawai bidibao. ³⁵Te olo sę bidi aga te be page bidigo hanide mu bidigobeo, osogo tama bidaibao. Tialima, te be page bidigo ogwa aga te bidi hanide tigidali sogo mu bidada paibao. ³⁶Ena da God agai Ogwa dao. Tama eno dage bonogo nogo keųluali pisigina sayu da, teda dage bonogo nogo ma keųlugobeo, olo mu bugagia bidaibao. ³⁷Eno koneanio, dage te polobadu bidai bidi Abrahamgo hani dao. Tialima, dagego eno po sabo homu isiųbaso, dagego bomomo elama, ena elabo homu naga ebo dao. ³⁸Eno Aya agai enabolo ola mani sę po naga te tigidali sogo eno wabo dao. Tama tiali goli, dagego da, duga ayago dagebolo ola mani sę selama, te sę ebo dao," Jisasgo te po wai.

Dagego aya te Satan dao

³⁹Augwaligo Jisasbolo po wei ponoyu, te po wai, "Dago ayago hani page bidi da te Abraham dao," te po wai. Jisasgo augwalibolo te po wai, "Dage Abrahamgo wai dabe tigi sogo da, teda dage Abrahamgo yali kolesaga gagawai eyu, Godigo po odigi da. ⁴⁰Eno dage dali wabo po te eno Godigo mu po eno odolama, te po naga dagebolo wabo dao. Tialima, dagego ena elainogo ebao. Abraham agai tama tiwai menio. ⁴¹Dagego duga ayago yali kolesaga megie ebao," Jisasgo te po wai. Augwaligo Jisasbolo te po wai, "Dago idago da penani elama, da ame nai menio. Dago aya deli te God dao," te Juda bagego te po wai, Jisas dali.

⁴²Te bidi Jisasgo augwalibolo te po wai, "Te God aga dagego aya mu tigi sogo da, teda dagego ena dali godolo mu egi da. Magi basowe? Ena God dali bidilama asai dao. Ena homugo digi ena asobeo. Godigo ena tagala palobaso, asai dao. ⁴³Magi baso dagego eno po homugo bugagia konebewe? Te page tama dao. Dagego bomomo elama, dagego eno po sabo homu ebo menio. ⁴⁴Dage da duga ayago wai dabe dao. Dagego aya te Satan dao. Tama dage me bomomo elama, duga ayago ebo homu kolesaga wali painogo ebo dao. Polobadu mu, tigidali nai galalama nigali, te sogo te bidi Satan agai te bidi elebo sę tama ela asiyu, megie tama me te sę ela pabo dao. Tama agai mu po me wali pai menio. Magi basowe? Mu po agade bidibo menio. Tibo po wabo da te agai po mu dao. Satan aga tibo po wabo bidi mu dao. Tama aga tibo po wabo page bidi mu dao. ⁴⁵Tialima, ena da mu po obaso, dagego eno po mu po dao homu esiųyu, tama dagego te pode homu mubo menio. ⁴⁶Dage tomode bidi me deligo te enabolo nago dwai sę yali po weyu, tama te dwai sę page agai hania ola mabo usu egobeo. Te po kedu enade meni yai po dao. Tialima, eno mu po obadi, te dagego magi baso homude daų olama, mubewe? ⁴⁷Godigo wai dabego da augwaligo Godigo po tigidali odobo

dao. Tiali digi, dage Godigo wai dabe menio. Tama tibaso, dagego bomomo elama dagego Godigo po sabo homu ebo menio," Jisasgo te po wai.

Abraham pedalisiaųbadi, te sogo ena bidai

⁴⁸Te Juda bagego Jisasgo po wei ponoyu, te nogie posobo po wai, "Dago nagede tama po wai dao, 'Aga da dwai Samaria hani bidi dao. Tama dwai haubo mobo bidi agade bidibao,' dago te po nagede wai dao. Dago mu po tamao," Juda bagego Jisas dali te po wai. ⁴⁹Jisasgo po wei ponoyu, te po wai, "Enade dwai haubo mobo bidi me bidibeo. Ena ena Ayago nogie ugwaba sabo dao. Tiali digi, dagego eno nogie posobo dao. ⁵⁰Tialima, ena ena nogie ugwaba sabo sę me ebeo. Tialima bidi me deligo eno nogie ugwaba sabo sę ebo dao. Tama te bidi aga te ena dali dage dali tomode te po tų ebo po dodolabo bidi mu dao. ⁵¹Mu po eno dagebolo obao, eno po wali pabo bidi dabe augwali munu me isigobeo," Jisasgo te po wai.

⁵²Te Juda bage augwaligo Jisasbolo te po wai, "Megie da dago mu konebao, nagede dwai haubo mobo bidi bidibao. Abraham isai dao. Godigo nosalie yabo sę po ola mani profet bidi dabe me augwali isai dao. Te genuai nogie elalubo bage augwali isai digi, nago te po wai, 'Eno po wali pabo bidi dabe augwali munu me isigobeo.' ⁵³Magi yainuwe? Nago dage wai Abraham aiyaba elaluai hagede, nago te po waliwe? Te isai dao. Godigo nosalie yabo sę po ola mani profet bidi dabe augwali me isai dao. Naga digi magie baso naga nogie ugwaba sobawe?" Juda bagego Jisas dali te po hanalu wai.

⁵⁴Jisasgo po wei ponoyu, te po wai, "Ena digie ena nogie ugwaba sigie sogo da, teda eno nogie olo tųde nai tiwai egi dao. Ena Ayago digie eno nogie ugwaba sabo dao. Te bidide dagego te po wabo dao, 'Te dage God dao.' ⁵⁵Tiali goli, dagego aga munu me konebeo. Eno da aga hania konebo dao. Eno God aga konebeo po wagi sogo da, teda ena te dage gilama, tibo po wabo bidi tiwai bidigie dao. Tialima, te menio. Ena aga koneai, tama ena agai po wali pabo dao," Jisasgo te po wai. ⁵⁶"Duga wai mu Abraham agai ena e tųba nosalie bidagasaiba, te agai polobadu koneyu tama agai dwagi yai homu yai. Tama agai ena bidagasobo sulama tama agai tede dwagi yai homu mu yai dao," Jisasgo te po wai.

⁵⁷Te Juda bage augwaligo Jisasbolo te po wai, "Nagie kibu be bidi sese si olama, nogie si ebeo. Nage gesie bidi dao. Tama tialima, nage Abraham sualie po obawe?" ⁵⁸Jisasgo augwalibolo te po wai, "Mu po eno dage dali obao. Polobadu Abraham tede bidu ame nesiaųbadi yaide, te sogo ena bidai dao, megie tama me ena bidibo dao," Jisasgo te po wai. ⁵⁹Te Juda bage augwaligo Jisasgo te po wabo odobaso, tama augwaligo masigie selama, Jisas aga elainogie yai. Tialima, aga geme du-ala siyu, ela pelama, tama te Moni Lotu Be tempel taga peyu, aga buluba teda pai.

Gedu widai bidigo po

9 Te Jisas pobadi yaide, agai gedu widai bidi suai. Aga idago tabide elalubadi, tama aga gedu widai. ²Jisas aga wali pabo bidi augwaligo aga hanalu wai, "Po ola mabo bidi, te bidi dego sege selama, aga idago gedu widai ame naniwe? Te bidi aga digi sege saliwe, ma aga aya de ida sigo sege saliwe?" te po wai. ³Jisasgo te po wei ponoyu, te po wai, "Te bidi aga sege dali aga aya de ida sigo sege dali tede menio. Te se ped-alali, te Godigo bomo te bidide hania pedalobo te we bidi dabe augwaligo sumainogo yai. ⁴Megi ulade dao. Tama ulade dago ena tagala palali bidigo se yao. Huliasabo magade, huliasabode, bidi me deligo se me egobeo. ⁵Ena e tpe bidibo sogo, te ena e tpe we bidigo ula dao," Jisasgo aga isabo sogode te po wai. ⁶Jisasgo te po olama, tama agai tpa pesa sawai. Tama pesa dali, tpa dali piligai. Tama Jisasgo te tpa selama, te bidi geduba pilali. ⁷Tama agai te bidibolo te po wai, "Nage we ge aji nogi Siloam te aji paugi pao," wai. (Te we ge aji nogi Siloam, te nogi begelama, te po wai, bidi tagala palai.) Jisas agai te po obaso, te bidi pelama, aji paugi pai. Tama aga ma asai. Tialima, te bidi aga gedu megi tama mu tonobo usu yalio. ⁸Tama aga deli be bage aga hasi augwali me, te gasa bidi me badugo polobadu aga suai, te sogo agai we bidibolo agai masigi ge gonai, augwaligo augwa hasi te po wai, "Magi yaliwe? Te bidi te gedu widai dulaludu, masigi gonani bidi dawewe?" augwaligo te po wai. ⁹Mebago te po wai, "Te bidi tama dao." Tama mebago te po wai, "Te bidi menio. Te bidi tiwai dao, tiali te gasa bidi dao." Tama te bidi aga digi te po wai, "Te ena te bidi tama dao," te po wai. ¹⁰Augwaligo te bidibolo te po wai, "Magi ilama, nago gedu dwagi yai yaliwe?" te bidibolo augwaligo te po wai. ¹¹Te bidigo po wei ponoyu, te po wai, "Te bidi nogi Jisas, agai tpa dali, aji dali piligilama, eno gedude pilai. Tama aga enabolo te po wai, 'Nage Siloam we ge aji ba pelama, te aji paugi pao,' wai. Tama ena pelama, te aji paugi pai, tama eno gedu dwagi yai elama, tigidalai nai eno subo dao," te bidigo te po wai. ¹²Augwaligo te bidibolo te po wai, "Te bidi mena bidibowe?" Tama te bidigo te po wai, "Eno konebeo." ¹³Te bidi polobadu gedu widai bidi augwaligo te Farisi bidi hani bidi dabebolo odasa pai. ¹⁴Te Juda bagego Sabat sogode Jisasgo aiyana pai tpa selama, te bidi gedu pedalai. ¹⁵Tama te Farisi hani bage augwaligo te bidibolo ma hanalu wai, "Nago gedu mena tama dwagi yai pedalaliwe?" Te bidigo augwalibolo te po wai, "Te bidi agai aiyana pai tpa eno geduba muai, tama ena aji pauwai, tama eno gedu ula yai." ¹⁶Tama te Farisi bidi hani tomode si bugulama, mebago Jisasde te po wai, "Godigo te bidi tagala palobeo. Agai Sabat sogode bomo yai po wali pabeo." Tialima meba bidigo te po wai, "Dwai se ebo bidi mego te tiwai bomai se me ebo menio. Te bidi dwagi yai bidi dao," wai. ¹⁷Augwa hasi tama bugulama, tama augwaligo te gedu widai bidibolo ma hanaluyu, te po wai, "Nago gedu geselali bidi, te bidide nago magi homu ebowe?" Agai

te po wai, "Aga da, te Godigo nosali yabo se po ola mabo profet bidi me deli dao, eno te homu ebao," wali.

¹⁸Polobadu te bidi agai gedu halua sai, megi agai gedu pedai. Tialima, te Juda bage tobolu bidi dabe augwaligo homugo, te mu menio. Tama augwaligo te gedu widai bidi aga aya de ida si i wai. ¹⁹Augwaligo te we de bidi sibolo hanalu wai, "E dage sigo ogwa dawewe? Aga idago ame neyu, gedu widai ame nai, dage sigo tama po obawe? Tialima, magi ilama, agai gedu mu pedalaliwe?" te po wai. ²⁰Te gedu widai bidi aga aya de ida sigo te po wai, "Da sigo koneai, e ogwa te da sigo ogwa dao. Aga idago ame neyu, gedu widai ame nai, tama te me da sigo koneai. ²¹Tiali, megi agai gedu ula mena tama ilaliwe, te da sigo konebeo. Tama dego agai gedu pedalaliwe, te me da sigo konebeo. Dagego agabolo hanalu wao. Aga genuai yai dao, aga digi dage dali po wabo usu yaibao," augwali sigo te po wai. ²²Aga aya de ida si Juda dabe dali wi eyu, te po peda sai. Magi baso meni, te Juda bagego po mia siyu, te po wai, "Bidi mego te Jisas te sa muyu asaiba wali bidi Kraisa da weyu da, te dago te po wabo bidi te dago bomo yai po ola mabo be tomoba asidali weyu habu se-laibao," te po wai dao. ²³Tama tibaso, te polobadu gedu widai bidi aga aya de ida sigo te po wai, "Aga genuai yai dao. Duga agabolo hanalu wao." ²⁴Tama si sogo te gedu widai bidi i wai. Te tobolu bidi dabe augwaligo te po agabolo wai, "Godigo nogi naga ugwaba sao, te bidigo nogi ugwaba sigio. Dago koneai, te nago gedu dwagi yai ilali bidi aga dwai se ebo bidi dao. Tama nago agai nogi ugwaba sigio," augwaligo te po wai. ²⁵Agai po wei ponoyu, te po wai, "Aga dwai se ebo bidi dawewe, te eno konebeo. Eno te se deli koneai. Polobadu eno gedu widai. Tiali megi eno gedu ula yai." ²⁶Tama augwaligo agabolo te po wai, "Agai nage dali magi se yaliwe, agai nago gedu magila pedalaliwe?" ²⁷Agai augwali dali te po wai, "Eno dagebolo wai dao, tialima dagego odobo hagela yai. Magi baso dagego ma odainogo obawe? Dage aga wali pabo bidi mu pedalainogo ebowe?" te bidigo Juda bage dali te po wai. ²⁸Tama augwaligo aga dali dwai nogi posobo po weyu, te po wai, "Nage da, aga wali pabo bidi dao. Tialima, da te polobadu bidai nogi yai bidi Moses wali pabo bidi dabe dao. ²⁹Dago koneai, God agai po Mosesbolo mawai. Tialima, u bidi menade pedalaliwe, te dago konebeo," augwaligo te po wai. ³⁰Te gedu widai bidigo te Juda bagego tobolu bidi dabebolo te po wai, "Te bidi noma sabo se yali bidi dao. Aga menadu asaliwe, te dagego konesiawai goli, agai eno gedu si dwagi yai ilali. ³¹Dago koneai, Godigo te dwai se ebo bagego hanalu wabo po odobo menio. Tialima, bidi me deligo agai Godide wi eyu, Godigo po odoyu, Godigo homu wali pabo bidi, te bidigo hanalu wabo po Godigo odobo dao. ³²Tigidalai sogo polobadu bidi me deli aga idago gedu widai ame nani po dago odai. Tiali digi bidi me deligo te gedu pedalali po dago munu me odai menio. Dago waj mu, augwaligo te tobage po odai menio, dago ayago me, tama megi dago

me odai menio. ³³ Godigo te bidi tagala paligi menigi da, teda agai eno gedu dwagi yai iligi menio," te polobadu gedu widai bidigo te po wai.

³⁴ Augwaligo te gedu widai bidibolo te po wai, "Nage ame neyu, nage dwai şę dali bidai. Nage dwai şęęede bidai bidi mu da, nage. Tama tiali goli, magi baso nago da ola mawainogo ebawe?" augwaligo te po wai. Te po olama, augwaligo te polobadu gedu widai bidi te augwaligo bomo yai po ola mabo be tomoba asidali weyu, habu selali.

Homu kolesaga tomode gedu halua sai

³⁵ Te bidi Jisas agai te Juda bagego te polobadu gedu widai bidi habu selali po odai. Agai te bidi gegelama, sulama, te po wai, "Nago te Godigo Bidi Mude naga homu daş olama, mubawe?" Jisasgo te po wai.

³⁶ Te bidigo te po wai, "Genuai Bidi, te Godigo Bidi Mu te de dawę? Nago enabolo wao, agabolo eno homu muainogo yaibao." ³⁷ Jisasgo agabolo te po wai, "Nago aga suai. Te megi nage dali po wabo bidi tama dao," Jisasgo te bidi dali te po wai.

³⁸ Tama te bidigo kidu tşba sugunama, Jisasbolo te po wai, "Genuai Bidi, eno nagebolo homu daş olama, mubao," te bidigo te po wai.

³⁹ Jisasgo te po wai, "Ena e tşba asali, tşde bidibo we bidi dagalai hagede asai. Te homu kolesaga tomode gedu halua sai bidi, gedugo ma sumainogo te ena asai. Me ma, we bidi meba augwaligo homu, 'Ao, dago koneai dao, te da te gedugo subo bage dao,' augwaligo te homu ebo dao. Tama tibaso, augwaligo Godigo homu koneidali weyu augwali gedu halua somainogo ena asai dao," Jisasgo te po wai.

⁴⁰ Te Farisi bage me badu augwali Jisas dali tede bidai. Tama augwaligo te po odai. Augwaligo Jisasbolo te po wai, "Da me homu kolesaga tomode gedu halua sai dawę, nago te po obawe?"

⁴¹ Jisasgo po wei ponoyu, te po wai, "Dagego te homu eyu, 'Ao, da te homu kolesaga tomode gedu halua sai bage dao,' te dagego te homu eyu, tama dagego eno po sela şagi menigi da, teda dage dwai şęęę menigi da. Tialima, dagego duga gedu ula elalubao po waligo da, teda dagego şęęę me elalubao," te po wai.

Kibu sipsip tomogae tomode bidibo po begelama wai

10 Jisasgo te po wai, "Mu po eno dagebolo obao. Bidi kibu sipsip bidibo bagulali obo tomogae tomoba pabo tşdu dolo pişabo bidi da, te tialima agai gasa badu tomogae bolama tomoba pabo bidi yai baso da, teda te tebo bidi aga te nai wi sabo bidi dao, mena nai anoma elama sabo bidi dao. ² Tialima, bidi tşdu tomoba pabo bidi, te aga sipsip tonalubo bidi dao," te po wai. ³ "Te sipsip tonalubo bidi asobaso, te sipsip tomogai tş tonalubo bidi agai te tş dalama, tama te sipsip tonalubo bidi tomoba pelama, tama agai aga kibu sipsip nogi deli deli i wabo dao. Sipsip dabe i olama, tama aga polasa pobaso, tama te sipsip dabe augwali aga wali buluba soabo dao, te tubo

noswai gegemainogo tebo dao. ⁴ Tama augwali tigidali buluba teda soabode, te sipsip tonalubo bidi aga polasa peyu, augwali aga wali pabo dao. Magi basowe? Augwaligo aga po wabo dogoni odoyu, wali pabo dao. ⁵ Augwali gasa bidi wali me pabo menio. Augwali te bidigo po wabo dogoni odolama, tama konesişwai dogonigo po obaso, augwali wi pabo dao," Jisasgo te we bidibolo te po wai. ⁶ Jisasgo te po begelama, augwali dali wai. Tialima, augwaligo Jisasgo te wali po page augwaligo konebeo.

⁷ Te augwaligo Jisasgo wali po digi begelai po page konesişbaso, agai augwalibolo te po ma wai, "Eno mu po dage dali obao, ena digi ena da kibu sipsipgo tomogai tş palialubo bidi dao," te po wai. ⁸ "Te ena nosali asobadi, polasa asali te bidi dabe augwali nai wi sabo bage dao, dage meba tiwai dao, te mena nai anoma elama, nai wi sabo bage dao. Tialima, te sipsip dabe augwaligo te bidi dabego wali po odobeo. ⁹ Ena digi ena te tomogai tş tiwai dao. Te kibu sipsip dabe tomogai tomoba pelama, tama bugagia bidiyu, buluba ma soyu, tede nai tuyu elama, bugagia bidibo dao. Te tiwai egilama yaibao, bidi me ena bidibo digi asobaso da, aga Godigo tau selama, ma saibao. Tama te bidi dwagi yai madide bugagia bidaibao, te kibu sipsip bidibo tiwai egilama. ¹⁰ Te tibo po wabo bidi, aga te sipsip wi sabo bidi tiwai dao, te wi sabo bidi agai te homu deli naga elasa asai, agai te sipsip dabe wi siyu, ela munama, doloyu yainogo, te homu naga elasa asai. Tialima eno da, we bidi augwaligo bidabo bomo somainogo ena asai. Tama te bidabo bomo augwalide mu paşana pomainogo, ena asai dao," Jisasgo te po wai.

Jisas aga dwagi yai kibu sipsip tonalubo bidi dao

¹¹ Jisasgo te po me wai, "Ena te kibu sipsip dabe bugagia tonalubo bidi dao. Te kibu sipsip bugagia tonalubo bidi agai te homu ebo dao, 'Ena te sipsip tau sabo şę ebadi, tama te sipsip kibu elainogo asali bidigo ena me elebaso da, te usu dao,' te kibu sipsip bugagia tonalubo bidigo te homu ebo dao. ¹² Tiali digi sipsip tonalubo masigi sabo şę naga ebo bidi, tama agai sipsip tonalubo bidi mu meni, te sipsip kibu aya wasişwai bidi, aga te uni yowi asobaso, te sipsip dabe taga peyu, wi pabo dao. Tama tibaso, uni yowigo te sipsip kibu dabe ela tuyu, me badu wi pabo dao. ¹³ Magi baso te bidi wi pabo dawę? Te bidigo masigi sabo şę naga yai. Agai te kibu sipsip dabede homu dene eyu, tau sabo homu isişwai bidi dao. ¹⁴⁻¹⁵ Ena da, te kibu sipsip dabe bugagia tonalubo bidi da. Eno Ayago ena konebo dao, te eno ena Aya me konebo dao. Tama te tiwai egilama, eno ena kibu sipsip konebo dao, augwaligo me ena konebo dao. Eno te sipsip tau sidubadi, bidi mego ena ela muiyu da, te usu dao. Eno homu ena te sipsip tau saibao. ¹⁶ Eno gasa sipsip me elalubuo. Megi augwali e tomogai tomode bidibo menio. Te me eno sigi pelama, odasa asaibao, e tomogai tomoba muaibao. Tama augwaligo eno po odaibao.

Tama deli kibu sipsip hani bidaibao, tama te sipsip dabe tonalubo bidi deli digi yaibao.

¹⁷ Ena bidabo bomo te eno kibu sipsip tobade tagalaibao. Tama tibaso, Ayago ena godolo mu ebo dao. Tama nosali eno te bidabo bomo ma somai hagede eno te homu elama, ena bidabo bomo te kibu sipsip tobade tau siyu hasia tagalaibao. ¹⁸ Bidi me deligo eno bidabo bomo me sela şagobeo. Magi basowe? Ena digi ena homugo koneama, tama ena bidabo bomo ena kibu sipsip tobade tagalaibao. Tama ena bomogo bidabo bomo tagalama, tama bidabo bomo ena ma sabo elalubuo. Ena Ayago enabolo te şe ya wai dao," Jisasgo te po wai.

¹⁹ Juda bage augwaligo te po odolama, augwali bidi hani si ma bugai. ²⁰ Bidi hauwago te po wai, "Dwai haubo noma bidi agade bidiyu, aga polobao. Magi baso dagego agai po odobawe?" Juda bage me badugo Jisasde te po wai. ²¹ Meba bidigo te po wai, "Te bidi Jisasde dwai haubo noma bidi bidigi sogo da, teda agai te tobage po wagi menigi da. Dwai noma bidigo gedu widai bidi gedu pedalaibawe?" Juda bage mebaggo Jisasde te po wai.

Juda bage augwaligo Jisas dali boi bidi homu yai

²² Te kedau side, Jerusalem moni hanude te Juda bagego olo bidibo si pedalali. Te olo bidibo si page e dao. Polobadu boi bidi mego te habu selali bolama, tama te Moni Lotu Be tempel dwai meda ilai, habu selali nai te be tomoba mugipali. Tama nosali te Juda dabe augwaligo te be ma dwagi yai ilama, tų ma dawai. Nosali tigidali kibu bede te sogo ma konemainogo eyu, te side augwaligo olo bidibo sogo dao wai. ²³ Tama te olo bidibo side Jisas aga te Moni Lotu Be tempel moni mabode bilali. Tama te be mabo te polobadu genuai nogi yali bidi Solomon agai nigali be mabo dao. ²⁴ Jisas te moni be mabode bilibadi, tama Juda bage aselama, Jisas bagulama, te po wai, "Nisu naga sogo nago dago homu si pedemainogo ebawe?" Juda bagego Jisas dali te po wai. "Nage Godigo sa muyu asaiba wali bidi da, te Kraisi bidi da wida, nago po hanilama, da dali wao," augwaligo te po wai.

²⁵ Jisasgo augwali dali te po wai, "Eno dagebolo polobadu wai dao. Tama tiali goli, dagego eno po mu po dao homu ebeo. Eno Ayago tigidali bomoyai şe eno agai nogide te şe yao obaso, tama tigidali ena konesişwani we bidi eno te ebo şede sulama, ena konemainogo, eno te şe ebo dao. ²⁶ Tiali goli, dagego enabolo duga homu daş olama, mubeo. Magi basowe? Dage da eno kibu sipsip menio. ²⁷ Eno kibu sipsip dabego eno po wabo dogoni odobo dao. Eno augwali koneai, tama augwali ena wali asobo dao. ²⁸ Tama eno augwali bidada peyu, bidada pabo bomomobao, tama augwali munu me isigobeo, hagagobeo. Menio. Bidi me deligo augwali eno nogode ma dobola sabo usu egobeo. ²⁹ Magi basowe? Eno Aya agai augwali enabolo mawai. Agai bomote gasa bidi tigidaligo bomoyaiyaba elalubo dao. Tama tibaso, bidi mego Ayago nogode augwali dobola sabo usu egobeo. ³⁰ Ena dali Aya

dali si page deli tama dao," Jisasgo te po te Juda bage dali wai.

³¹ Te Juda bage augwaligo te po odolama, tama augwaligo masigi ma selama, tama Jisas tigi ba masigi şawai hagede, aga elemainogo yai. ³² Jisasgo augwalibolo te po wai, "Eno dagebolo Ayago dwagi yai bomoyai şe hauwa ola mawai dao. Tama dagego eno te yali şede dwai şe me deli ebo sulama, tama dagego te homu eyu, ena masigi şanama elainogo ebawe?" Jisasgo augwali dali te po wai. ³³ Tama Juda bage augwaligo Jisas dali po bomo elama weyu, te po wai, "Dago homugo nago de dwagi yai şe yalide dago te homu elama, nage masigi şanama elainogo ebeo. Nage olo tşde bidi tiwai digi, nago Godibolo posobo po weyu, te po wai, naga digi nage te God dao, te po obaso dago nage masigi şanama elainogo ebao," augwaligo te po wai.

³⁴ Jisasgo te po augwali dali wai, "Dagego bomoyai po aşani bukude te God agai wali po me deli elalubao, e dao, 'Eno te po wai, "Dage da God dabe dao,"' te bukude te aşani po elalubao. ³⁵ Tama dago koneai, Godigo te bukude aşani po te mu po tigidali sogo mu po dao. Tama te po tomode God agai te gasa we bidi tonalubo we bidi augwali god dabe dao wai. Te we bidibolo God agai po mawai dao. ³⁶ Tialima God aga digi ena sa muyu, e tşba tagala palai. Tama eno te po wai dao, 'Ena da Godigo Ogwa dao.' Tama tilama, dagego enabolo magi baso 'Nage Godigo nogi dwai posobo po wai dao,' waliwe? ³⁷ Eno Ayago enabolo yao wali şe eno egi menigi sogo da, teda duga homu enaba mugimio. ³⁸ Dagego duga homu eno wali poba musişwai goli, eno Godigo enabolo yao wali şe eyu da, teda dagego duga homu te yali şeba muişo. Magi basowe? Te eno yali şeba duga homu mubaso da, te dagego homu bugagia mu koneaibao, God Aya enade bidiyu, ena God Ayade bidiyu ebao, te dagego konemainogo duga homu eno yali şeba muao," Jisasgo te po wai.

³⁹ Te Juda bage augwaligo Jisas nogi bono duainogo homu ma yai. Tialima, agai augwali bidibo digi tagalama, gasa badu pai.

⁴⁰ Te Jisas ma pelama, Jordan pabo aş ma togogi pelama, tama pelama, Jongo we bidi polobadu baptais mani te bulu sabolama, Jisas te bulude bidai. ⁴¹ Tama te we bidi hauwa Jisas bidibo digi asai. Augwaligo te po wai, "Mu tamao, Jongo e bidigo ebo bomoyai şe me deli yai menio. Tiali digi tigidali po Jongo Jisasde wali po mu tama wai," augwaligo te po wai. ⁴² Tama tede we bidi hauwa augwaligo augwa bomoyai homu daş olama, Jisasba muani.

Lasarus isai

11 Bidi me deli nogi Lasarus, te bidi gasi yai. Te Lasarus aga bulu Betani, te bulude te we si bidali, we me nogi Maria, we me nogi Marta, augwali si ama name si dao. ² Te we Mariago Jisas şaşade denami yai wel nosali pilama, tama aga moni bobobage

tobolu nisigo ma holai. Te Maria aga abe Lasarus gasi yai. ³ Tama tibaso, aga abe sigo Jisas bidibo digi po ola tolai. Augwali sigo te po wai, "Genuai Bidi, nago godolo mu yali bidi aga gasi salio," te po wai.

⁴ Jisasgo te po odama, te po aga wali pabo bidi dabebolo wai, "Te gasi page tama telalubuo. Te gasigo sę te bidi Lasarus isibo gasi naga menio. We bidi augwaligo Godigo ula yai bomo sumainogo eyu te bidi gasi yai. We bidi augwaligo Godigo Ogwa me nogi ug-waba somainogo eyu, te gasigo Lasarus sai," Jisasgo te po wai.

⁵ Jisasgo te Marta dali, aga ama dali, Lasarus dali augwali Jisasgo godolo mu yai goli, ⁶ agai te Lasarus gasi ebo po odama digi, tama Jisas aga polo pisabadi, si sogo te bidibo bulude ma bidai. ⁷ Nosali si sogo silama, Jisas aga wali pabo bidi dabebolo te po wai, "Da Judia tþba ma pebelainao," wai.

⁸ Aga wali asobo bage augwali noma selama, tama te po wai, "Po ola mabo bidi, polobadu gana Juda bagego nage masigi şanama elai hagede te homu yai. Nage teba ma pelamuo," te po wai.

⁹ Jisasgo te Godigo bodolu mani sogo naga te aga isaibao po augwalibolo ola momainogo agai po nogo habu sugunama te po wali, "Te giliga nanobadi yaide, te ula elalubao. Tama siade bilibo bidi tulamubo menio. Magi basowe? Te ulade dao, agai aga pabo tų bugagia suagameo. ¹⁰ Tiali ma, bidi hulide bilibo bidi, aga tulamubo dao. Magi basowe? Ula menio, te aga te pabo tų hulialu," Jisasgo te po wai.

¹¹ Jisasgo te po ma wadolama, te po wai, "Dago abagi Lasarus godege pibao. Tialima, eno aga hodoligi paibao," Jisasgo te po aga wali pabo bidi dabe dali wai. ¹² Augwaligo te po wai, "Genuai Bidi, aga piyu da, te aga usu ma yaibao." ¹³ Jisasgo wali po "Lasarus godege pibao," te po page aga isai dao wali. Tialima, geda muyu, augwaligo homugo aga olo godege piali, te homu yai. ¹⁴ Tama tibaso, Jisasgo augwalibolo hanilama, te po wai, "Lasarus mu isalio," te po wai. ¹⁵ "Aga isali sogode ena aga dali bidibeo. Dage tobade ena agaba pabeo. Magi basowe? Nosali dagego enaba duga homu mumainogo ena tama tiwai. Te sę ebode eno dwagi yai homu ebao. Megi da aga bidibo digi pinao," Jisasgo te po wai. ¹⁶ Tomas, augwaligo aga nogi me Didimus wabo, te nogi page aga ama name dali deli sogo ame nai bidi, te bidi te Jisas wali pabo bidi me deli dao. Agai te Jisas wali pabo bidi mebabolo te po wai, "Da aga dali pinao, da me aga dali isimainogo pinao," Tomasgo te po wai.

Isai bidi hodalobo bomo dali, bidabo bomo dali si Jisasde elalubo dao

¹⁷ Te augwali pelama, pelama, tama Betani be naniba sabolali. Bidi mego Jisasbolo "Lasarus pubulama, me si me si sogo bidali," te po wai. ¹⁸ Te dwasianu be nani Betani te moni hanu Jerusalem pade digi tamao, usu ni kilomita sela tamao. ¹⁹ Tama Juda we bidi hauwa augwali Jerusalemdu aselama, Marta dali Maria dali si bidibo digi asai, augwali si dali mumonani po omaino-

go, augwa si abe isali sogo tiwai. ²⁰ Tama Martago Jisas asobo po odai, tama agai te be nani tagalama, tama Jisas tiþba pai. Tialima, Maria aga te be tomode bidai. ²¹ Martago Jisasbolo te po wai, "Genuai Bidi, nage ede bidigi sogo da, eno abe isigi menio," Martago te po Jisasbolo wai. ²² "Tialima, megi eno koneai, nago Godibolo magi nai me hanaluyu da, agai nagebolo mawaibao," Martago Jisas dali te po wai.

²³ Jisasgo Martabolo te po wai, "Naga abe ma hodaluama, bidaibao."

²⁴ Martago te po wai, "Eno koneai, aga nosali tų dagalu dali silibo side hodaluama, ma bidaibao. Te sogo tigidalu we bidi ma hodaluaibao," Martago te po wai.

²⁵ Jisasgo te po wai, "Isai bidi hodalobo bomo dali, bidabo bomu dali, te ena digi eno tonalubo dao. Bidi-gonabolo homu daų olama, muani bidi isali, te aga bidabo bomu selama, ma bidaibao. ²⁶ Bidibo bidi me agai enaba aga homu mu mubo bidi, aga munu me isigobeo. Nago homu te po waboba mubawe?" Jisasgo te po wai.

²⁷ Martago Jisasbolo te po wai, "Ao, Genuai Bidi. Nage da Kraiso dao. Nage Godigo Ogwa dao. Nage te bidi polobadu Godigo po weyu, e tþba asaibao wali bidi da. Ena homu daų olama, nageba muai dao," Martago te po wai.

Jisas aga gela wai

²⁸ Te we Martago te po olama, aga ama Maria i wagi pai. Te po dua digi wai, "Po ola mabo bidi aselama, bidibao, agai nage i wai dao," te po wai. ²⁹⁻³¹ Tama te Juda dabe Maria dali be tomode bidai. Augwaligo Mariabolo mumano po weyu bidai. Mariago te Martago pusali po odolama, aga polo hodaluama, Jisas bidibo digi pabo gagalai. Jisas te be nani Betani sabalisiþbadi, aga Martago hasia tiþba aselama, suali madigi me bidai. Tama te Juda bage augwaligo Maria polo hodaluama, buluba pabo suyu, tama augwaligo te homu yai, 'Aga gų pageba gela wainogo pabo,' te homu yai. Tama augwali aga wali pai.

³² Te Maria Jisas bidibo digi sabolai. Agai Jisas suyu, polo tama Maria aga tigi tþba pigilubo tiwai yai, Jisasgo saęa pagede. "Genuai Bidi, nage ede bidigi sogo da, eno abe isigi menio," Mariago te po Jisas dali wai. ³³ Jisasgo suai, Maria gela wabo. Tama agai suali, Juda bage aga dali asali bage, augwali me gela wabo suali. Tama Jisas agai me homu dene mu eyu, tama aga pade gela wabo homu yai, homu hę wai. ³⁴ Jisasgo te po wai, "Dagego aga menade muaniwe?" Augwaligo Jisasbolo te po wai, "Nago suagasao." ³⁵ Jisas gela wai. ³⁶ Tama tibaso Juda bage augwaligo augwa hasi te po wai, "Suao. Agai te bidi godolo genuai mu yai dao," te po wai. ³⁷ Tialima, meba bidigo e po wai, "Te bidi agai gedu widai bidi gedu ma pedalai. Agai te isai bidi me tau sigi sogo da, aga isigi menio. Agai magi baso aga tau sabewe?" Juda bagego Jisasde te po wai.

Jisasgo Lasarus ma hodolai

³⁸ Homu he ma weyu, Jisas te gu pageba pai. Te gu page augwaligo moni masigi tomode nigai dao. Tama moni sawali masigi me deli selama, tama sunumi paliali. ³⁹ Jisasgo te po wai, "Dagego te masigi sela sayao." Te isai bidigo abe nogi Marta, te wego Jisasbolo te po wai, "Genuai Bidi, aga isilama, me si me si tama sogo piai dao. Tama dwai kugumini ebo," Marta go te po wai. ⁴⁰ Tama Jisasgo Martabolo te po wai, "Maga yaliwe? Hasia nagebolo eno wai dao, nago enabolo homu muyu da, nago Godigo bomu nago sueibao," Jisasgo te po wai. ⁴¹ Te agai te masigi sela sayao te po obaso, augwaligo te masigi sela sawai. Tama Jisasgo dagaluba tonaluyu, te po wai, "Aya, eno nagebolo nage usu dao obao. Nago eno hanalu wali po nago odai dao. ⁴² Eno koneai, tigidali sogo nago eno hanalubo po wabo odobo dao. Tiali eno e dolalubo we bidi tobade e po megi nagebolo obao, augwaligo nago ena tagala palali bidibolo homu mumainogo ebo." ⁴³ Jisasgo te po olama, tama agai i bomu elama wai, "Lasarus, nage buluba asao," Jisasgo te po wai. ⁴⁴ Tama tilama, isai bidi hodaluama, buluba asai. Aga saqa dali nogo dali augwaligo nami ugwago bebe pai dao. Augwaligo dwasianu nami ugwago aga gesabidide haluama tama kani. Te kani tama elalubadi, buluba soai. Jisasgo augwalibolo te po wai, "Pisigina sayao, aga pomainao." Tama augwaligo te ugwa dabe pisigina sanama, tama aga beba pai.

Juda bage tobolu bidi augwaligo Jisas elabo po miai (Mat 26:1-5; Mak 14:1-2; Luk 22:1-2)

⁴⁵ Te Juda bage augwali Maria bidibo digi asai dao. Augwaligo Jisas agai te ebo se suai. Tama augwali hauwago homu agaba muai. ⁴⁶ Tialima, bidi meba pelama, Jerusalem be naniba sabolama, tama Jisasgo te yali se po te Farisi bagebolo wagi pai. ⁴⁷ Tama tibaso, te Farisi hani bage me, te pris hani tobolu bage me, augwaligo te kaunsil bage dali sisinama, Jisasde te po wai, "Dago te bidide magi yaibawe? Agai bomai se hauwa mu ebo dao. ⁴⁸ Tama tibaso, dago aga gogolama, agai te se me ela peyu da, tigidali we bidigo agabolo homu munama, tama augwali aga wali paibao. Tama tiyu da, te da tonalubo Rom gavman bagego te ebo se sulama, sebe elama, tama dago Moni Lotu Be tempel dali, da bidi hani dali, augwaligo dolagasaibao," Juda bagego te po wai.

⁴⁹ Tialima, augwali tomode bidi me nogi Kaiafas, aga bidai. Te kibu bede aga te pris bage tuni bidi nigai. Agai augwali dali te po wai, "Dage umunalubo bidi dabe tiwai dao. ⁵⁰ Dago hani tigidali dolidali weyu, bidi me deli isilama, tama aga isibogo te we bidi tau siyu da, te usu yaibao. Dagego te konebewe?" Kaiafasgo te po wai. ⁵¹ Agai po aga homugo digi wabeo. Te menio. Me ma, te kibu bede aga te pris hani bage tuni bidi bidiyu, agai te Jisasde nosali pedalabo se po, te Juda we bidi tau siyu, aga nosali isabo se pedalisaibadi te agai te po wai. ⁵² Tama Jisas aga isiyu, Juda we bidi na-

ga tau sogobeo, te Godigo we bidi gasa bulude bidada pali we bidi deliba sisinama, agai hani deli naga yaibao.

⁵³ Te sogo te Juda bagego tobolu bidi dabe augwaligo po gagalama, Jisas elabo po miai. ⁵⁴ Tama tibaso, Jisas te Judia to tomode hania bilibeo. Agai te bulu tagalama, tama te moni to me nogi Efraim, teba pai, te bidi meni yai to sesegeba. Tama Jisas te bulude aga wali pabo bidi dabe dali bidai.

⁵⁵ Te Juda bagego bo disawai nai bret tubo si te pade dao, te si nogi Pasova. Tama tibaso, we bidi hauwa te haniani bulu bidi hani augwali Jerusalem te buluba hodali, augwa yali dwai sege hasia sela samainogo yai. Nosali te Pasova nai augwaligo tueibao. ⁵⁶ Tama Jerusalemde augwaligo Jisas gegainogo yai. Tama augwali te Moni Lotu Be tempel tomode augwa hasi deliba sisinama, tama po miyu, te po hanalu wai, "Dagego magi homu ebowe? Jisas aga e nai tubo si eba asogowe?" Juda bagego augwa hasi te po wai. ⁵⁷ Te pris tobolu bage me, te Farisi hani bage me, augwaligo bomu elama, te po wai, "Bidi mego Jisas menade bidibo sulama, te bidi dabolu wagasao, tama dago aga kalabus yaibao," te po wai.

Mariago te dwagi yai denami ebo wel Jisas saqade gelai

(Mat 26:6-13; Mak 14:3-9)

12 Te Sarere deli elalubadi, te Juda bagego bo disawai nai bret tubo si, te sogo pedalaibao. Te olo bidibo sogo nogi Pasova dao. Te Pasova sogo pedalisaibadi, tama Jisas te Betani be naniba pai, te Lasarus aga bulu dao. Te bidi Jisasgo gu pagede hodolali bidi dao. ² Augwaligo Jisas nai te bulude nogeai. Tama te we Marta agai te nai dobabo tau sai. Tama Lasarus Jisas dali nai tubo bidi dabe dali dulaluai. ³ Tilama, te we Maria aga dwagi yai denami ebo wel selasa asai, dwasianu genagide. Te wel abelabo moni te hauwa mu, te dila pai nai mu dao. Agai te wel Jisas saqa sawalide pilai. Tama Jisas saqa Maria aga moni bobobage tobolu nisigo holai. Tama te bede bidali we bidi tigidali augwaligo te wel denami odai.

⁴ Te Jisas aga wali pabo bidi me Judas, aga page bulu Keriot, nosali te bidigo Jisas boi bidigo nogoba muani bidi, agai te wede wado po wai. ⁵ Agai te po wai, "Te we agai te wel dabolu menama, tama dago te wel munama, gasa bidigo abelegi sogo da, teda dago masigi hauwa 300 kina sigi dao. Te se egi sogo da, teda te masigi ge dago te nai meni yai we bidibolo magi da. Magi baso agai te tiwai se ebewe?" Judasgo te po wai. ⁶ Judas agai te nai meni yai we bidide homu dene elama, te po wabeo. Menio. Aga nai wi sabo bidi bidai dao. Tama agai te Jisas wali pabo bagego masigi mubo halobage tolalu, tama aga te halobagide mubo masigi deli deli sogo meba wi sai dao. ⁷ Tialima Jisasgo te po Judasbolo wai, "Te we tagalao, wado po wagi. Agai te wel tolalubadi, ena gu pageba muabo sogo asobo si, te wel ena tigde mumainao. ⁸ Nai meni yai we bidi augwali dage dali sesemane sogo bidaibao. Tama tiba-

so, dagego augwali tau sabo sogo hauwa elaluaibao. Tialima, ena da dage dali sesemane sogo bidigobeo," Jisasgo te po wai.

Te pris tobolu bage augwaligo Lasarus elabo po miai

⁹ Te Juda bage hauwa mu augwaligo Jisas te be nani Betanide bidibo po odolama, tama teba Jisas sugi pai. Augwali Jisas naga suainogo asobeo. Augwaligo Lasarus te Jisasgo polobadu gu pagede ma hodolali bi-di dao obaso, te Lasarus me augwaligo suainogo asai. ¹⁰ Tama tibaso, te pris hani tobolu bidi dabe augwaligo Lasarus me elabo po miai. ¹¹ Magi basowe? Juda we bi-di hauwa augwaligo te Jisasgo Lasarus dali yali seđe homu elama, tama augwaligo te pris bage wali pabo tagalama, tama augwaligo augwa homu tigidali Jisasba naga muani.

Jisas Jerusalem hanu tomoba tuni bidi tiwai pai

(Mat 21:1-11; Mak 1:1-11; Luk 19:28-40)

¹² Umabo we bidi augwali Jerusalem moni hanuba asai dao, te Pasova olo bidibo side. Tama do tama wabo sogo augwaligo Jisas Jerusalem buluba asaibao wabo po augwaligo odai. ¹³ Tama tibaso, genuai bidi asobo homu eyu, augwaligo te ni sebedi nologo tiwai ni selama, Jisas tuđu tiąba pai. Augwaligo bomo elama, i wai, "Dago Godigo nogi ugwaba sao. Dago te bi-di nogi ugwaba sao. Aga Genuai Bidigo nogide asai. Aga da Israel bidi dabego tuni bidi dao," augwaligo te po wai, Jisasde. Te genuai bidi dabe augwali genuai wiegi yai kibu hos tudide dualasa pabo dao.

¹⁴ Tialima Jisas aga nagamea pai homu eyu, tama gasa kibu hos nogi donki, te donki wai selama, tama te donki wai tudide dualasa pai. Te yali se te Godigo bukude wali po egilama, te po tama wai,

¹⁵ "Te dage Jerusalem hanu tomode bidiyu te bulu du nogi Saion tede bidibo bage, dage wi egio. Suao. Dagego tuni bidi asobo, aga kibu donki waide dualasa asobao," †

te po polobadu bukude tama po aşani.

¹⁶ Te se yali sogo Jisas wali pabo bidi dabe augwaligo te se page konebeo. Tiali goli nosali Jisas dagaluba hodaluama, aga genuai nogi dali, genuai bomo dali si ma selama, te sogo augwaligo te bukude aşani po ma koneai. Te po ma koneyu, augwaligo te homu yai 'Jisas te kibu donki wai tudide dualasa pali me, te we bidi augwaligo wali po me, te po si polobadu bukude aşani po wali peyu, te se yai.'

¹⁷ Polobadu Lasarus isilama, gu pagede munalubadi, tama we bidi hauwa augwali Jisas aga dali bidibadi, tama agai Lasarus i olama, hodolai, tama augwaligo suai. Megi te we bidi hauwa augwaligo Jisasgo te yali se po te gasa buludu tamadi asai we bidibolo pusai.

¹⁸ Te tamadi asai we bidi augwaligo Jisasgo te bomai se yali po odobaso, tama augwali Jisas tiąba pai. ¹⁹ Tama te Farisi bage augwaligo te we bidigo te se ebo sula-ma, tama augwa hasi po weyu, te po wai, "Megi

dagego koneao. Agade dago yali se usu ebeo. Tigidali tđe bidibo we bidi augwaligo aga wali poba," te Farisi bage augwaligo te po wai.

Grik bidi dabe augwaligo Jisas suainogo yai

²⁰ We bidi umabo augwali te olo bidibo side Jerusalem hanuba holama, lotu po Godibolo wainogo yai. Tama Grik bidi hani bidi me badu augwali me Jerusalem hanuba lotu po wagasai. ²¹ Te Grik bage augwali Filip pageba asai. (Te bidi Filip aga page bulu te Betsaida be nani, te Galili tđe.) Tama te Grik po wabo bage augwaligo Filipbolo hanaluyu, te po wai, "Edao, dago Jisas gedugo sulama, te bidi deli dali dago po mieo," te po wai. ²² Tama tilama, Filip te bidi Andru pageba pelama, tama agabolo te Grik bagego hanalu wali po pusali. Tama pusulama, tama Andru dali, Filip dali augwali si pelama, Jisasbolo te Grik bidi dabego wali po wagi pai. ²³ Tama Jisasgo augwali dali po wei ponoyu, te po wai, "Te Godigo Bidi Mu aga moni nogi dali, moni bomo dali, te si sabo sogo mu pedalai dao, meg. ²⁴ Eno mu po dagebolo obao, te nai wit wai tđa tulaluai, te pedama, kulubi holisiąyu da, te agaduba deli bidaibao, te tđe daumua paibao. Tialima, aga pedama, kulubi pedaliyu da, te agai nai hauwa walaibao. Te ena me tiwai dao. ²⁵ Tama te tiwai bidi aga tđe bidibo sogode aga tobade aga digi daų obaso da, teda nosali te bidi aga mu bidada pabo sogo mu hagawaibao. Me ma, bidigo e tđe bidibo sogo aga digi tudiba muyu da, te bidi aga bidibo sogo mu elaluaibao, aga bidada peyu, bidada paibao. ²⁶ Niwai bidi me deligo eno se yainogo ebo bidi, te bidi aga ena wali asao. Tama ena bidibo bulu, te bulude naga eno se ebo bidi ena dali bidaibao. Bidigo eno se ebo bidi, te eno Ayago te genuai nogi mawaibao," Jisasgo te po wai.

Jisas aga isabo te po wai

²⁷ Agai po ma weyu, Jisasgo te po wai, "Megi eno homu seęę mu eyu, midigi ebao. Tama eno magi po wagowe? Tiyu eno te po wagawe, 'Aya, nago te enabolo tamadi pedalainogo ebo se sela sayao, enaba asidali.' Eno te po wagawe? Woo, te po eno wagobeo. Tialima, te tiabo sogo ena pedalagasai dao, te ena dene so-mainogo yaibao. ²⁸ Aya, naga nogi genuai emainao, eno homugo tama te ebo dao," Jisasgo te po wai. Te po olama, tama dagaludu po me deli duali, "Eno ena nogi genuai yai dao. Tama eno nogi genuai ma ilaibao," dagaludu po asiyu, te po Jisas dali wai.

²⁹ We bidi dabe pađe dolaluai, augwaligo te po odolama, mebago te po wai, "Be kulu wai," tama mebago te po wai, "Ensel mobo bidi me deligo aga dali po wai," te po wai. ³⁰ Jisasgo po wei ponoyu te po wai, "Te wali pogo ena tau sabo po wabeo. Menio. Te wali po agai dage tobade asai, dage tau somainogo yai. ³¹ Megi Godigo tđe we bidi osola suyu, seęę mabo sogo dao. Megi e tđe elalubo dwai kolesaga tobolu bidi Satan sela sašo sogo dao. ³² Nosali augwali-

† 12:15 Sek 9:9

go ena ni pedaide ugwaba selama, elaibao. Tama te se ebo sogo eno tigidali tðde we bidi ena pageba gegasa asaibao," Jisasgo te po wai. ³³ Agai augwalibolo aga isabo tų ola mayu, agai augwali dali te po wai.

³⁴ Te we bidi augwaligo Jisasbolo po wei ponoyu, te po wai, "Dago bomu yai pode tama po elalubo dao, Godigo sa muyu, asaiba wali bidi Kraisa aga bidada peyu, bidada paibao, te po wai. Tama tibaso, magi baso nago te po obawe, augwaligo te Godigo Bidi Mu ugwaba sao, po wai. Te Godigo Bidi Mu wali te de dawee?" augwaligo te po wai. †

³⁵ Tama Jisasgo augwalibolo te po wai, "Dwasianu sogo me te ula dage dali bidaibao. Te hulua sabo dageba asidali weyu, megidi dagego te ula elalubo si, te ulade dage bidao. Te hulide pabo bidi aga mena pabowe te agai konegobeo. ³⁶ Megi ula dagede elalubao. Tama tibaso, duga homu tigidali te ulaba muao. Tama tilama, dage te ula tiwai pedalama, bidaibao," Jisasgo te po augwalibolo wai.

Juda bage hauwa augwaligo homu Jisasba mube

Jisasgo te po olama, tama agai augwali taga peyu, geme duala sigi pai. ³⁷ Agai yali bomai se hauwa augwaligo suali goli, augwaligo agabolo homu daų olama mubeo. ³⁸ Magi basowe? Polobadu Godigo nosali yabo se po ola mani profet bidi nogi Aisaia, agai aşani po usu numainogo yai. Aisaia po lobadu te po wai, "Genuai Bidi, dago wali po mena bidigo aga homu te poba mubowe? Bidi menio. Tama Genuai Bidigo aga bomu yai se yali goli te bidi mego te homu teba me mubeo," ††

Aisaia po te po aşani. ³⁹ Tama te we bidi augwaligo homu Jisasba mubo usu egobeo. Magi basowe? Po me Aisaia po aşani, e dao,

⁴⁰ "Augwaligo homu belegegi sogo da, teda eno augwali usu ma iligi da,' Godigo te po wai. Tialima, augwaligo gedugo sulama, homugo koneidali weyu, Godigo augwaligo gedu haluai dao. Agai augwali te homu tomoba masigi sawai gagawai we bidi ilali," ‡

Aisaia po te po polobadu aşani. ⁴¹ Aisaia po Jisasgo nosali sabo moni bomu suyu, agai moni nogi po odoyu yai dao. Tama tibaso Aisaia po agade te po aşani.

⁴² Te Juda bage augwaligo Jisasgo yali bomai se suali goli, augwaligo agabolo homu tigidali mubeo. Tiali digi, Juda bage tobolu bidi hauwa augwaligo agabolo augwa homu muai. Tialima, augwali te Farisi bage dali wi eyu, augwaligo augwa homu Jisasbolo muani po gasa bidibolo hanilama te po wabeo. Farisi bagego augwali te bomu yai po ola mabo be tomoba asobo habu selidali weyu, augwaligo gasa bidibolo te po pusubeo. ⁴³ Augwaligo te homu yai, 'Bidi dabego dabo' lo "Dage dwagi yai bage dao," obaso, te usu dao, te genuai dao. Te Godigo naga dabo' lo "Dage dwagi yai

bidi dao," obaso, te genuai menio, usu egobeo,' augwaligo te homu yai.

Jisasgo pogo bidi po tų ela mawaibao

⁴⁴ Te Jisasgo i weyu, te po wai, "Bidigo homu enaba mubo bidi, agai enabolo naga homu mubeo. Te bidi agai homu te ena tagala palali bidibolo me muani. ⁴⁵ Tama niwai bidigo aga gedugo ena suali bidi, agai te ena tagala palali bidi me subo. ⁴⁶ Ena e tųba asali, te ula tiwai dao. Magi basowe? Tigidali bidi enabolo homu muani bidi augwali te hulide bididali weyu, ena te tųde ula tiwai asai dao. ⁴⁷ Bidi me deligo eno po odolama, wali pisawani bidi, aga eno po tų ela magobeo. Ena tųba asali, te eno te tųde we bidi po tų ela mo-mainogo asobeo. Ena asali eno augwali ma sagasainogo asai. ⁴⁸ Bidigo te ena tudiba munama, eno po agai sela sawo bidi, aga po tų yabo se elalubao. Eno wali po, te pogo nosali te tų dagalu silibo side te eno wali pogo te bidi dali po tų yaibao. ⁴⁹ Magi basowe? Eno po ena digi homugo me wabeo. Te menio. Aya Godigo ena tagala palobaso, ena asai dao. Aga digi enabolo te po wai, 'Nago te se eyu, po weyu yao,' te po wai. ⁵⁰ Tama eno koneai, eno Ayago pogo te bidada peyu, bidada pabo bomu te we bidibolo mabo dao. Tama tibaso, eno wabo po tigidali agai enabolo wali po eno te po tigidali wabo dao," Jisasgo te po wai.

Jisasgo aga wali pabo bidi dabe sawa ađ telawai

13 Te olo bidibo si nogi Pasowa pedalisawadi, deli sogo naga elalubadi, tama Jisasgo koneai, aga e tų tagalama, Aya pageba pabo sogo te sawa yagasai. Tama Jisas agai aga te tųde bidibo we bidi tigidali sogo godolo mu eyu bidai. Megi agai te godolo mu ebo se tagalobeo. Agai augwali godolo mu ela pidubadi te aga isibo sogoba usu nai dao.

² Te dwai haubo mobu bidi Satan agai dwai homu kolesaga te bidi Judas homuba hasia muai dao, agai Jisas te boi bidigo nogoba muabo po Judasgo homude muai dao. Judas aga aya nogi Saimon, tama aga bulu nogi Keriot. Te pio hulide Jisas dali, aga wali pabo bidi dabe dali, augwaligo nai tuyu bidali. ³ Tama Jisasgo koneai, 'God agai tigidali bomu enabolo mawai dao. God agai ena tųba tagala palai, te ena God aga pageba ma paibao,' te me aga koneai. ⁴ Tama tibaso, Jisas aga nai tubo tagalama, hodaluama, tama aga bulu badu muani ugwa te pedela muani. Tama tigi holobo ugwa selama, tabide bea sai. ⁵ Tama tilama, agai ađ moni pouba gelama, tama agai wali pabo bidi dabego sawa ađ telabo gagalama, tama aga tigi holobo ugwa sawa ma holai. ⁶ Tama te se gagalama, tama Saimon Pita pageba asai. Pitago te po wai, "Genuai Bidi, nago ena sawa ađ telawainogowe?"

⁷ Jisasgo wei ponoyu, te po wai, "Eno ebo se page nago megidi kuna konebeo. Tialima tamadi digi te nago te se page koneaibao," Jisasgo te po wai.

⁸ Pitago agabolo te po wai, "Nago eno sawa ađ munu me telagobeo. Te menio," te po wai. Tama Jisasgo te

† 12:34 Tib 110:4; Ais 9:7; Ese 37:25; Dan 7:14 †† 12:38 Ais 53:1
‡ 12:40 Ais 6:10

po wai, "Eno nago sağa ađ telasiayu da, teda nage ena wali pabo bidi bidigobeo," te po wai.

⁹ Po wei ponoyu, Pitago te po wai, "Genuai Bidi, eno sağa naga ađ telagio. Nago eno tobolu me, nogo me ađ telayao," te po wai, Pitago.

¹⁰ Jisasgo te po wai, "Bidi aga ađ mu pauwai bidi te meda menio. Aga tigi ma ađ paugobeo, sağa naga ađ telaibao. Tama te tiwai dage meda meni yai bidi dabe da. Tiali goli, dage tomode te bidi me deli digi aga te meda yai bidi bidibo," Jisasgo te po wai. ¹¹ Jisas aga boi bidi nogoba muabo bidi aga polo koneai. Tama tibaso, agai te po wai, "Dage tomode te bidi me deli digi te meda yai bidi bidibo."

¹² Te Jisasgo augwaligo sağa ađ tedela silama, tama aga holobo ugwa ma tigide ma munama, tama aga augwali dali ma duayali. Tama agai augwali dali te po hanalu wai, "Eno dage dali megı tama yali se sulama, tama te se page dagego koneaniwe?" ¹³ Dagego enabolo po ola mabo bidi da weyu, tama Genuai Bidi dao wabo dao. Ao, dagego te po mu po dao. Ena te bidi tama dao. ¹⁴ Ena te po ola mabo bidi, Genuai Bidi da. Te eno dagego sağa ađ megı tama tela yali. Tama tibaso, dagego me duga ama dabego sağa ađ telabo se tama yao. ¹⁵ Tama eno dagebolo ola mobao, dage me te se ebo sulama, wali pomainogo yai. ¹⁶ Tama te se page ola mayu, eno dagebolo mu po obao, se ebo bidi agai aga genuai bidigo nogi aiyaba elalugobeo. Tama te po sela pabo bidigo aga tagala palali bidigo nogi aiyaba elalugobeo. ¹⁷ Dagego te po page koneyu da, te se yao. Tama te se eyu da, teda dage dwagi yai homu yagameo," Jisasgo te po wai.

¹⁸ Te agai po me weyu, te po wai, "Dage tigidali dali eno te po wabeo. Ena digi te ena sa muai bidi dabe, te eno konealubao. Tialima, te Godigo po bukude polobadu wali po te nai egilama, mu pedalaibao. Te polobadu aşani po te dao, 'Ena dali nai tuali bidi te bidi agai megı ena dali boi bidi yaibao.' ¹⁹ Te age dolobo se pedalisıabadi, megı eno dagebolo te obao. Tama tibaso, nosali te se pedalobaso da, teda dagego te mu koneaibao, te ena da Godigo tagala palai bidi dao.

²⁰ Eno dagebolo mu po obao, eno se bidi tagala palobao. Tama gasa bidigo te eno tagala palai bidide dwagi yai kolesaga ebaso da, te agai enade me te dwagi yai kolesaga ebo tiwai dao. Te kolesaga me ela pabo. Te bidigo te dwagi yai se te ena tagala palali bidibolo me te se ebo tiwai dao, te Godibolo," Jisasgo te po wai.

Judasgo Jisas boi bidigo nogoba muabo po

(Mat 26:20-25; Mak 14:17-21; Luk 22:21-23)

²¹ Te Jisasgo te po olama, tama aga homu sege mu yai. Tama agai po hanilama pusuyu, te po wai, "Eno mu po dagebolo obao, dage tomode me deligo ena boi bidi nogoba muaibao," Jisasgo te po wai. ²² Jisas agai te po obaso, te aga wali pabo bidi augwa hasi deli deligo augwa hasi tonono pai. Augwaligo konebeo, Jisas agai debolo wabowe, te homu yai. ²³ Te augwali tomode bidi me deli te Jisasgo aga dali dwagi yai ho-

mu eyu tama mu godola pabo, te bidi aga pade bidai.

²⁴ Te bidibolo Saimon Pita agai "Nago agabolo hanalu wao, agai debolo te po waliwe?" te po wabo tiwai Pitago te bidibolo guni midigilali. ²⁵ Tibaso, te bidi me Jisas tigiba kisa sagaselama, Jisas dali te po hanalu wai, "Genuai Bidi, nago mena bidide te po obawe?" wali.

²⁶ Tama Jisasgo po wei ponoyu, te po wai, "Eno e tubo nai bret dagego te poude elalubo tubo nai meba selama, tama bidi me deli mawaibao. Te bidi te tama dao." Tilama, Jisasgo bret naigo te poude elalubo nai meba selama, tama Judasbolo mawai. Te bidi Judas, aga aya nogi Saimon, aga bulu nogi Keriot dao. ²⁷ Judasgo te nai sai, tama tamadi tama te dwai haubo mobo bidi nogi Satan agai Judasgo homude dwai po mu muai. Jisasgo agabolo te po wai, "Nago te se yai wida, te nago polo yao," Jisasgo te po Judas dali wai.

²⁸ Te nai tuyu dulaluali bidi dabe augwaligo Jisasgo Judasbolo wali po page konebeo. ²⁹ Judas agai augwaligo masigi bubo honoli tonalubo bidi dao. Tama tibaso, mebagote homu yai, Jisasgo Judasbolo olo bidibo side tubo nai abelabo po agabolo wabo, te homu yai. Mebagote nai meni yai bidi dabe maiabo nai po wabo, te homu yai. ³⁰ Tialima, Judas Jisasgo mani nai agai sai, tama polo Judas aga te be buluba pai. Tama bulu huliasai.

Gesi bomo yai po

³¹ Te Judas te be buluba pai digi, tama Jisasgo te po wai, "Megı tama te Godigo Bidi Mu aga genuai bomo dali genuai nogi dali te we bidi augwaligo koneaibao. Tama Godigo Bidi Mu agai Godigo genuai bomo dali genuai nogi dali augwalibolo ola mawaibao. ³² Tama Godigo nogi te Godigo Bidi Mude siyu da, teda Godigo te Bidi Mu nogi ugwaba saibao, tamadi tama te se yaibao. ³³ Abagi dede, dwasianu sogo ena dage dali bidaibao. Tama dagego ena gegebo se yaibao. Tama eno Juda bagebolo wali po gilama, tama megı eno dagebolo me obao, dage ena pabo buluba me pogobeo. ³⁴ Eno dagebolo gesi bomo yai po mobao, dagego duga hasi dali dwagi yai homu eyu, augwali godolo mu yao. Eno dage dali dwagi yai homu eyu, godolo mu yali gilama, tilama duga hasi dali me dwagi yai homu eyu, augwali godolo mu yao. ³⁵ Tama dagego duga hasi dali dwagi yai homu eyu, augwali godolo mu eyu da, teda tigidali we bidigo sulama, koneaibao, dage da ena wali pabo bidi da waibao," Jisasgo te po aga bidi dabe dali wai.

Jisasgo te po wai, "Pitago eno nogi dualaibao"

(Mat 26:31-35; Mak 14:27-31; Luk 22:31-34)

³⁶ Te Jisasgo te po augwalibolo olama, tama Saimon Pitago agabolo te po wai, "Genuai Bidi, nage mena paiwe?" Jisasgo Pitabolo po wei ponoyu, te po wai, "Ena pabo bulu nago ena wali megı pogobeo. Tialima, nosali da, nago ena wali asaibao," wali.

³⁷ Pitago agabolo te po wai, "Genuai Bidi, magı baso eno nage megı wali pogobewe? Eno nage tau somainogo ena isiyu da, te usu yaibao," Pitago te po wai.

³⁸Jisasgo po wei ponoyu, te po wai, “Mu dawé? Ena tobade nage ena tau siyu, isabo sisi ebawe? Menio. Eno mu po nagebobo obao, be posisiabadi, te ba kakaruk po wasiabadi, sela sogo nago eno nogi duaibaobao,” Jisasgo te po wai.

Tõde we bidi da te Aya pageba pabo tũ te Jisasde elalubao

14 Te bidi Jisasgo aga bidi dabebolo te po me wai, “Dagego homu kolesaga midigi sigio. Dagego duga homu God dali daũ wabo dao. Dagego ena dali me duga homu daũ wao. ²Eno Ayago be tomode daũ habu togwali te bidibo madigi hauwa elalubo. Te tiwai elalugi menigi sogo da, te eno dagebobo te po wagi menio. Eno dage bidabo bulu dodoligi pobao. ³Tama eno dage bidabo bulu dodoligi peyu da, tama ena ma aselama, dage selama, ena dali bidigi paibaobao,” Jisasgo aga bidi dabebolo te po wai. “Ena bidibo bulude, dage me ena dali te bulude hodobo bidaibaobao,” Jisasgo te po wai. ⁴“Tama dagego koneai dao, ena te buluba painogo ebo tũ,” Jisasgo te po aga wali pabo bidi dabe dali wai. ⁵Tomasgo Jisasbobo te po wai, “Genuai Bidi, nage mena paiwe, dago konebeo. Magi ilama, dago te tũ koneaibawe?” Tomasgo te po Jisas dali wai. ⁶Jisasgo Tomasbobo te po wai, “Ena digi ena te pabo tũ dao, tama ena mu po wabo page dali, bidabo ula page dali te enade elalubo dao. Tialima bidi me deli Aya pageba gasa tũdu nogo habu sugunai tũdu me pogobeo. Pabo tũ ena deli dao. ⁷Tibasao, dagego ena kuna koneyu da, te dagego eno Aya God me koneaibaobao. Megi tama dagego gagalama, aga konebaobao, tama dagego God aga sualio,” Jisasgo te po wai.

⁸Te bidi nogi Filip agai te po wai, “Genuai Bidi, nago Aya dabolo ola mao, tama tiyu da, te da usu yaibaobao,” Filipgo Jisas dali te po wai. ⁹Jisasgo Filip dali te po wai, “Bobobage sogo ena dage dali bidali digi, tama nago ena gisiga konebewe? Bidigo ena suali da, te bidi agai Aya God me sualio. Magi baso nago ‘God dabolo ola ma,’ po waliwe?” Jisasgo te po wai. ¹⁰“Ena eno Aya dali bidibo dao, te aga ena dali me bidibo dao. Filip, nago te po odama, te mu po dao homu ebo meniwe? Eno dagebobo wabo po, te ena homugo digi me wabo menio. Aya ena dali bidiyu, Aya agai sũ mu te sũ naga eno ebo dao. ¹¹Eno tamadi tama e po wali, ‘Ena eno Aya dali bidibo dao, te aga ena dali me bidibo dao.’ Tama dagego te po odoyu, tama duga homu te poba begi pao. Te meni eyu da, eno te yali sũ dagego sulama, te ba duga homu begi pao, te ena dali, eno Aya dali hodobo bidibo dao, te poba homu begi pao. ¹²Eno mu po dagebobo obao, bidigo enaba aga homu muyu da, eno ebo sũ te agai me yaibaobao. Tama agai genuai sũ mu yaibaobao, tama te sũgo eno yali sũ aiyaba elaluaibaobao. Magi basowe? Ena eno Aya God bidibo digi paibaobao. ¹³Tama dagego magi nai po hanalu obaso da, Godigo aga Ogwade moni nogi somainogo, te eno dage tau saibaobao. ¹⁴Dagego eno magi sũ me deli emainogo, eno nogide gedu haluasa po weyu da, eno te dagego po

odolama, te sũ yaibaobao,” Jisasgo te po wai, aga bidi dabe dali.

Jisas agai Mobo Bidi tagala palaibaobao, te po wai

¹⁵Te Jisasgo te po wai, “Dagego enabolo dwagi yai homu eyu, godolo mu eyu da, teda dagego eno bomo yai po wali paibaobao. ¹⁶Tama eno te Ayabolo hanaluama, tama agai dage tau selama, gasa tau sabo bidi dagebobo mawaibaobao. Tama te bidi dage dali bidada peyu, bidada paibaobao. ¹⁷Te bidi da, te mu po naga wabo Godigo Mobo Bidi dao. E tõde huliasai we bidi augwaligo aga sogobeo. Magi basowe? Augwaligo aga susuayu, tama augwaligo te Mobo Bidi aga konegobeo. Tialima, dagego aga koneai, aga dage dali bidibaobao, tama aga dage deli deli tomode bidaibaobao,” Jisasgo te po aga bidi dabe dali wai.

¹⁸Jisasgo te po me wai, “Eno dage tagalama, duga naga olo bidigobeo, aya ida meni yai tiana wai bidibo tiwai egobeo. Ena dage pageba ma asaibaobao. ¹⁹Nosali gana tõde huliasai we bidi augwaligo ena ma sugobeo. Tialima, dagego ena nosali ma sueibaobao. Dagego ena ma subo sogode ena bidibo ula elalubaso, tama dage dali me te bidibo ula elalu, bidaibaobao. ²⁰Tama te sogo asobo si, dagego koneaibaobao, ena eno Aya dali bidibo dao, tama dage ena dali bidibo dao, ena dage dali bidibo, te dagego koneaibaobao,” Jisasgo te po wai.

²¹“Bidigo eno bomo yai po selama, bugagia wali pabo da, te bidi agai ena godolo mu eyu ebao. Tama niwai bidigo ena godolo ebo bidi, te eno Ayago me te bidi godolo yaibaobao. Tama eno me aga dali dwagi yai homu eyu, godolo eyu, ena digi te ena agabolo hania ola mawaibaobao,” Jisasgo te po wai.

²²Te Jisasgo te po obadi, tama gasa bidi Judas, aga te Keriot bulu bidi menio, te bidi agai Jisasbobo te po wai, “Genuai Bidi, magi ilama, nage dago gedude hania pedalaibawe, tiali goli, nage tõde huliasai we bidi gedude hania pedalogobewe?” Judasgo Jisas dali te po wai. ²³Jisasgo aga dali po wei ponoyu, te po wai, “Ena godolo mu ebo bidi, te bidi agai eno ola mabo po bugagia wali paibaobao. Tama eno Aya agai me te bidi godolo yaibaobao. Tama da si talua si aga dali bidagaselama, bidada peyu, bidada paibaobao. ²⁴Ena godolo mu isiabobidi, agai eno po bugagia wali pabo menio. Tama dagego te odali po, te eno po menio. Te po ena tagala palama asali bidi eno Ayago po dao,” Jisasgo te po wai.

²⁵“Ena dage dali bidiyu, eno te po dagebobo wai dao.

²⁶Tama dage tau siyu bomo maiabo bidi mu da te Godigo Mobo Bidi dao. Tama eno nogide Ayago te Mobo Bidi tagala palaibaobao. Te Mobo Bidi agai dage tigidali sũ ola mawaibaobao. Tama agai dagego homu kolesaga ma hodoloyu, tama eno wali po tigidali dagego homugo ma koneaibaobao,” Jisasgo te po wai.

²⁷“Eno dage taga pabo sogo paõde dao. Tama dage wi idali weyu, tama eno dage homu nagame elama, dua bidimainogo eno dagebobo bomobao. Eno te dwagi yai homu nagame ebo kolesaga eno dagebobo mobao. Tõde we bidigo nagame yai mabo homu kole-

saga tiwai eno dagebolo mabeo. Dagego homu kole-saga polo midigi siyu, tama dage wi egio. ²⁸ Dagego eno mani po odai dao, eno dage taga peyu, ena pelama, tama ena dage bidibo digi ma asaibao. Dagego ena godolo mu egi sogo da, teda ena Aya pageba ma pabode dagego dwagi yai homu egi da. Magi basowe? Aya God aga genuai bidi mu dao, tama ena aga dali usu menio. ²⁹ Te şę pedalişıabadi, megi eno dagebolo e po wai dao. Tama tibaso, nosali te şę pedalobaso da, teda dagego enade te duga homu mumainogo yaibao. ³⁰ Eno dage dali po hauwa megi wagobeo. Magi basowe? E tşde tobolu bidi megi tama asobao. Agai ena dali magi şę ebo usu egobeo. ³¹ Tialima, eno homugo tşde we bidi augwaligo eno ena Aya godolo mu ebo, augwaligo sulama, konemainogo, tama eno Ayago wabo po gilama, eno te şę ebo dao. Tialima, dage hodaluama, da pebelainao," Jisasgo aga wali pabo bidi dabe dali te po wai.

Jisas aga naga te bono ni wain mu dao

15 Te Jisasgo te po me aga wali pabo bidi dabebolo pusuyu, te po wai, "Ena da, te du walobo bono ni wain tigi mu tiwai dao. Tama eno Aya da, te bono ni wain gi page bidi dao. ² Tama enade wadolali nologo, te nai walisişwai nologo te tigidali eno Ayago togolama, sela şabo dao. Tialima, nai walobo nologo tigidali agai te dwai sewa yali nologode elaluali yabe te peş şayu sela şabo dao, tama aga nai genuai walomai hagede tiwai. ³ Tama eno dage meda meni yai bidi dabe ilai dao. Eno dagebolo polobadu wali pogo te dage meda meni yai bidi dabe ilai dao. ⁴ Dage ena dali wadolyu, bidao. Ena dage dali wadolyu bidimainao. Te bono ni nologo te ni wain tigde daş wasişbaso da, nai walogobeo. Tibaso, dage ena dali wadolyu, bidisişyu da, dage te tiwai yaibao, dage me nai me walogobeo," Jisasgo te po aga bidi dabe dali wai.

⁵ Te Jisasgo te po me wai, "Ena da, te bono ni wain tigi dao, te dage da te bono ni waingo nologo dao. Bidi ena dali wadolama bidiyu, ena aga dali wadolyu bidaibao. Tama te tiwai bidi agai du hauwa walaibao. Tibaso, dagego ena dali wadolyu bidisişyu da, teda dagego te eno dwagi yai şę me egobeo, usu egobeo. ⁶ Bidi me deli ena dali wadolyu bidisişyu da, te aga da te sasia pai ni nologo tiwai dao. Te augwaligo te tobage ni nologo sela şabo dao. Tama sela şanama, augwaligo te sasia pai nologo sisinama, tama augwaligo siaba şanama, dabo dao. ⁷ Dage ena dali wadolama bidiyu, tama eno wali po dage dali bidiyu da, tiali dagego magi naide hanalu obaso da, tama te eno dagebolo mawaibao. Dagego homu koneani gilama, dagebolo tama pedelaibao. ⁸ Dagego şę yalide du hauwa waliyu da, te kolesagade eno Ayago genuai nogi saibao. Tama tilama, dage eno po wali pabo bidi dabe mu yaibao. ⁹ Tama eno Aya agai ena dali dwagi yai homu eyu, godolo mu ebo gilama, tama eno dage dali dwagi yai homu eyu, godolo mu yai dao. Sese-manes sogo dage eno te godolo ebo kolesaga tomode bidişo. ¹⁰ Tama dagego eno bomu yai po bugagia wali

peyu da, teda dage eno te godolo mu ebo kolesaga tomode bidaibao. Eno ena Ayago bomu yai po bugagia wali peyu, tama agai dwagi yai homu eyu, godolo mu ebo kolesaga tomode ena bidibo dao. Tama dagego tebo gilamao. ¹¹ Ena dwagi yai homu mu eyu bidibo. Tama eno homugo dage me dwagi yai homu mu eyu, te dwagi yai homu kolesaga ebo dagego homu tomode mu paşanalı maio. Tama eno te homu eyu, dage dali te po mobo mabo po wai dao. ¹² Eno bomu yai po e tama dao: duga hasi godolo mu eyu, bidişo, eno dage dali godolo mu yali gilama. ¹³ Bidi me deli aga abagi dabe dali godolo mu eyu, tau somainogo, aga bidabo ula augwali tobade olo mobaso da, teda te tobage kolesagago gasa kolesaga tigidali aiyaba elalubo dao. ¹⁴ Tama dagego eno wali po selama, te po bugagia wali asobaso da, teda dage eno abagi dabe dao. ¹⁵ Genuai bidi agai aga şę ebo bidibolo te şę yao po naga wabo dao. Agai te bidibolo te şę yabo po page ola mabo menio. Tiali goli, eno Ayago ena dali wali po tigidali, te po eno dage dali wai dao. Tama tibaso, eno dage şę ebo bidi da wabo nogi naga ma wagobeo, eno dage dali abagi dabe dao wabo. ¹⁶ Dagego ena sai olama, sa mubeo. Eno dage sa muyu, dage ena bage dao wai dao. Tama eno dage şeba muai dao, tama dage pelama, du gilama walama, tama dagego du elalumainogo, te da eno dage sa muani page dao. Tama dagego tama du waloluyu da, eno nogide dagego magi şę me yainogo, eno Ayabolo hanalubaso da, agai dage tau siyu, te nai mawaibao," Jisasgo te po wai, aga wali pabo bidi dabe dali.

Tşde bidi dabe augwaligo Jisas aga wali pabo şę bidi dali boi bidi gagawaibao

¹⁷ Te Jisas agai te po me wai, "Te eno bomu yai po e dao, duga hasi dwagi yai homu eyu, godolo mu eyu, bidişo. ¹⁸ Tşde we bidi, augwaligo dage dali boi bidi yabo homu ebaso da, dagego koneao, hasia augwaligo ena dali boi bidi yabo homu yai dao. ¹⁹ Tama dage e tşde bidi mu tigi sogo da, teda tşde we bidi augwaligo dage dali dwagi yai homu eyu, dage augwaligo hani da wagi da. Tiali goli dage e tşde bidi menio. Eno dage saiba olama, sa muyu, dage ena bage dao wai dao. Tama dagego e tşde kolesaga tagalai dao. Tama tibaso, tşde we bidi augwaligo dage dali boi bidi yabo homu ebo dao. ²⁰ Eno tamadi wali po dagego bugagia ma koneao. Eno dagebolo te po wai, 'Te nogi meni yai şę ebo bidi agai aga genuai bidigo nogi aiyaba elalugobeo.' Tama te tiwai me, te tşde we bidi augwaligo ena dali dwai şę yaligo da, teda dage eno şę ebo bage dali me augwaligo dwai şę yaibao. Tama augwaligo eno po wali pigi sogo da, te dagego po me augwaligo wali pigi dao. ²¹ Tiali goli, augwaligo God konebeo, agai ena tagala palama, ena asai. Tama tibaso, dage eno hani gagalama, te eno po wali pabo suyu, tama augwaligo dage dali me dwai şę yaibao. ²² Tama ena aselama, eno augwalibolo te dwai şede po wasişwai tigi sogo da, te augwali şęşę menigi dao. Tialima, eno augwalibolo te po waligo da, megi augwaligo şęşę du-

alabo tu elalubo menio. ²³ Bidigo ena dali boi bidi yabo homu eyu da, te bidi agai eno Aya dali me boi bidi yabo homu ebao. ²⁴ Haniani se polobadu gasa bidigo esiawani se, te se eno augwali tomode yai. Tialima eno te se me esiayu da, te augwali sege me sigi menio. Tialima, megi augwaligo te eno yali se sulama digi, tama augwaligo ena dali, eno Aya da si talua si dali boi bidi yabo homu ebo dao. ²⁵ Tama polobadu God agai po obaso, te bidi mego te po bukude asani, augwaligo bomo yai po bukude. Tama augwaligo megi ebo boi bidi homu ebo se, augwaligo te po wali peyu, te po usu nuyu nai gilama walobao. Te polobadu asani po e dao, 'Augwaligo olo dali ena dali boi bidi yabo homu yai dao,' te po wali," Jisasgo te po wai. †

²⁶ Te Jisasgo po me weyu, te po wai, "Te tau mabo Mobo Bidi eno Aya dali bidibo. Tama eno aga dage bidibo digi tagala palaibao. Aga mu po naga wabo Mobo Bidi dao. Tama aga aselama, agai te we bidibolo enade po ola mawaibao. ²⁷ Tama dagego me enade te we bidibolo po pusao. Magi basowe? Polobadu dage ena dali bidibadi, eno te se gagalama ebo dagego suai, tama megi me eno te se ela asela daj yagasobo dagego subao," Jisasgo aga bidi dabe dali te po wai.

16 "Te dagego ena konealubo bomo yai homu kolesaga me tagalidali weyu, tama eno te po dagebolo wai dao," Jisas aga bidi dabebolo te po wai. ² "Augwaligo dage te Juda dabego bomo yai po ola mabo bede mu sela sawaibao, te dagede habu selebao. Tama te se naga egobeo. Nosali sogo pedalobode, tama te dage ela mubo bage augwaligo homugo Godigo se augwaligo bugagia ebao, te homu yaibao. Tama te homu eyu, tama dage dali tiwai se yaibao. ³ Tama augwaligo Aya konesiayu, tama augwaligo ena me konesiayu ebaso, te se dage dali yaibao. ⁴ Tialima dagebolo eno te se pedalabo po megi wai dao. Magi basowe? Nosali te se pedalobo si, tama dagego eno te se polobadu wali po dagego homugo ma koneagameo," Jisasgo te po wai.

God agai Mobo Bidigo ebo se

"Te polobadu ena dage dali bidibaso, tama eno te po dage dali wabeo," Jisasgo te po aga se bidi dabe dali wai. ⁵ "Tialima megi ena te ena tagala palai bidi pageba ma pobao. Tama dage tomode bidi me deligo enabolo me hanalu, 'Nage mena pobawe?' wabeo. ⁶ Tialima, dage dali eno te tamadi wali po obaso, tama dagego homu sege mu te ebao. ⁷ Tiali goli, eno mu po dage dali obao. Dage tau somainogo, dage eno taga peyu, ena pobao. Ena pisayu da, te Tau Mabo Bidi dageba asogobeo. Tialima, ena peyu da, te bidi eno dage bidibo digi tagala palaibao. ⁸ Tama aga asobo si, tama agai te tde we bidi augwaligo te dwai se ge da muani se augwalibolo hanilagasaibao. Tama agai augwaligo dwai se ebo page ola mawaibao. Te doloba pai kolesaga page me, te po tu ebo page me, te Mobo Bidi agai augwalibolo ola mawaibao. ⁹ Te tde we bidi augwaligo dwai se page e dao, te augwaligo enaba

augwa homu tigidali mubeo. ¹⁰ Te Mobo Bidi agai te tde we bidibolo ena te doloba pai bidi ena dao te po ola mawaibao. Ena eno Aya pageba pobao. Tama ena teba pobaso, augwaligo koneaibao, ena te doloba pai bidi mu dao, te waibao. Tama dagego ena ma sugobeo. ¹¹ Te Godigo po tu ebo page me, te Mobo Bidi agai augwali e tama ola mawaibao. Godigo e tde dwai we bidigo tuni bidi dali po tde te bidi aiyaba elaluali po te Mobo Bidigo augwalibolo hanilagasaibao," Jisasgo te po aga bidi dabe dali wai.

¹² "Te eno po hauwa dagebolo maiabo me elalubo. Tialima, te po dagego megi sogobeo, te sege yai po mu dao. ¹³ Tiali goli, te mu po naga wabo Mobo Bidi aga asobo si, tama agai dagebolo tigidali mu po bugagia ola mawaibao. Agai wabo po aga digi homule sabo po me wagobeo. Agai eno wai po aga odolama tama te po naga te agai dagebolo pusaibao, tama agai dagebolo nosali pedalabo se te po dage dali waibao. ¹⁴ Agai eno po selama, dage dali pusaibao. Agai te kolesaga ebode eno nogi genuai pedalumainogo yaibao. ¹⁵ Ayago tigidali nai te eno nai dao. Tama tibo, eno te po tamadi tama wai dao, te Mobo Bidi agai eno po selama, dage dali te pusaibao," Jisasgo te po aga wali bilali bage dali wai.

Homu segego begelama, dwagi yai homu pedalaibao

¹⁶ "Te nosali ganama dagego ena ma osogo sugobeo. Tama bidama, nosali ma dwasianu sogo dagego ena ma sueibao," Jisasgo te po wai.

¹⁷ Jisas aga bidi augwa hasi po weyu, te po wai, "Agai te wali po magi po page da dali waliagawe? Agai te po wai, 'Nosali ganama dagego ena ma sugobeo,' te po wai. 'Tama nosali ma dwasianu sogo dagego ena ma sueibao,' tama agai te po wai. Te po me wai, 'Ena Aya pageba pobao,' agai te po da dali wai. ¹⁸ Te 'dwasianu sogo' wali, te wali po page mena tama dawe? Te po page dago konebeo," augwaligo augwa hasi te po wai.

¹⁹ Augwaligo Jisas aga dali hanalu wainogo ebo agai koneai. Tama agai augwalibolo te po wai, "Dagego eno wali pode tama duga hasi te po page hanalu obawe? Eno te po wai, 'Nosali ganama dagego ena sugobeo, tama nosali ma dwasianu sogo te dagego ena ma sueibao,' te pode dagego hanalu obawe? ²⁰ Eno mu po dage dali obao, dage genuai gela weyu, tama homu dene eyu, gela mu waibao. Tiali goli, enade konesiawai we bidi augwali da dwagi yai homu yaibao. Tama dagego homu sege yaibao. Tiali goli dagego homu sege yali ma begelama, dwagi yai homu mu yaibao. ²¹ Te tiwai dao. Wego wai tega pabo sogo asobo si, te dene ebo sogo pedalobo koneyu, te we aga homu sege ebo dao. Tiali goli, agai nosali te wai ame nena, tama agai te dene homu yali ma agai konebeo. Tama te wai ame nenama, tama bidibaso, aga idago dwagi yai homu ebo dao. ²² Tama dage dali me te tiwai dao. Tama tiyu, megi dage homu sege ebao. Tiali goli, eno dage ma sueibao, tama dage dwagi yai homu ma yaibao. Tama niwai bidi mego dagego te dwagi yai ho-

mu ebo me sela sagobeo," Jisasgo te po aga bidi dabe dali wai.

²³ "Te sogo dagego ena dali magi nai me hanalugobeo. Eno dage dali mu po obao, dagego gedu haluasa po weyu, Ayago magi nai me dagebolo mao eno nogide weyu da, teda Aya agai dagebolo mawaibao," Jisasgo te po wai. ²⁴ "Polobadu dagego eno nogide magi nai sainogo hanalu obeo. Tama dagego homu dwagi yai mu emainogo, tama megii hanalu wao, tama te nai God agai dagebolo mawaibao," Jisas aga se bage dali te po wai.

Jisas agai te dwai noma bidi Satango bomoo aiyaba elaluali po

²⁵ Te Jisasgo te po wai, "Te eno te po begelama, dage dali wai dao. Nosali eno po begelama, dage dali ma wagobeo. Te meni. Eno po hanilama, Ayade po dage dali waibao. ²⁶ Tama tebo sogo dagego eno nogide aga hanalu waibao. Tama eno dagebolo te po wabeo, ena digi Ayago dage tau sabo po eno hanalu waibao. Te menio. Duga digi te Ayabolo gedu haluasa po dolo wao. ²⁷ Magi basowe? Aya aga digi dage godolo mu ebo dao. Tama agai dage magi baso godolo mu ebo dawo? Woo, dagego ena mu godolo eyu, tama dagego bomoo yai homugo koneama, te ena Aya dali bidama asali, te homu dagego yai. Tama dagego te homu ebaso, Aya agai dage godolo mu eyu, dagego hanalu wabo po wei ponaibao. ²⁸ Polobadu ena Aya dali bidai, tama eno aga taga soyu, ena e toba dulai. Tama megii ma eno e to taga peyu, Aya God bidibo digi painogo ebao," Jisasgo te po aga bidi dabe dali wai.

²⁹ Jisas aga wali pabo bidi augwaligo te po wai, "E, megii nago po te begelama po wabeo, tama nago po hania obao. ³⁰ Dago nagebolo hanalu wabo po te dago hanalusiabadi, te po nago polo koneai. Megii da dago koneanio, te nago tigidali nai koneai. Tama tibaso, nage God dali bidilama asai dao po, te pode dago te mu po dao te homu ebao," Jisas aga wali pabo bidi augwaligo te po wai.

³¹ Jisasgo te bidi augwali dali po wei ponoyu, te po wai, "Megii da, dagego duga homu enaba mu muaniwe? ³² Edao. Te sogo pade pedalainogo ebao, te polo pedalalio, tama augwaligo dage tigidali deli deli pobeasa bilibaso, tama duga buluba tedela paibao. Tama dagego ena taga peyu, enaduba deli digi bidaibao. Tialima, enaduba me bidigobeo. Aya God ena dali bidaibao. ³³ Eno homugo dage ena dali wadoloyu, tama dwagi yai homu nagame elama bidimainogo eyu, eno e po tamadi tama dage dali wai dao. Dage tode bidibadi te tode we bidi augwaligo dwai se dage dali yaibao. Tialima, dagego homu bomoo elama, bidao. Eno e tode kolesaga aiyaba elaluai dao," Jisasgo te po aga se bidi dabe dali wai.

Jisasgo gedu haluasa po aga bidi dabe tau siyu wai

17 Te bidi Jisasgo te po aga bidi dabebolo olama, tama agai dagaluba tonaluyu, te po wai, "Aya, te

bodolu muani sogo pedalalio. Tama eno nagebolo te genuai nogi momainogo, tama nago enabolo te genuai nogi mao," Jisasgo aga Aya God dali te po wai.

² "Tama nago ena sa muyu, moni bomoo mayu yai dao. Ena te tigidali tode we bidigo genuai bidi dao weyu, tama nago te bomoo enabolo mawai dao. Magi basowe? Te bidada pabo bomoo te we bidi nago enabolo mani we bidi augwali eno te bidada pabo bomoo mawaibao, te homu eyu, nago enabolo te nogi yai se mawai dao. Tama te bidada pabo bomoo menama, tama augwali bidada peyu, bidada paibao, gamon-aibao. ³ Tama te bidada pabo bomoo page e dao. Augwaligo nage koneyu, nage God deli mu dao. Augwaligo Jisas Kraisi koneyu, nago aga tagala palbaso asai bidi dao. Augwaligo te si mu koneyu da, teda te bidada pabo page te dao. ⁴ Eno nago genuai nogi dali, bomoo dali, te si te tode we bidi augwalibolo ola mawai. Nago enabolo yao olama mani se, te se eno tigidali mu ela silai dao. Tama tiyu, eno nago nogi dali bomoo dali te we bidi augwalibolo ola mawai. ⁵ Polobadu, te to pedalisiabadi digi, tama ena nage dali bidai dao. Tama ena nage dali bidiyu, bomoo yai ula elaluai dao. Aya, ena nage dali bidiyu, tama nago megii enabolo te bomoo yai ula digi ma mao," Jisasgo te po God dali wai.

⁶ "Tode bidibo we bidi meba nago sa muyu, tama nago augwali di se sali. Tama nago augwali di se selama, tama nago augwali enabolo mani. Te augwali nago bidi te elaluama, tama nago enabolo mani. Tama augwalibolo eno nago nogi haninai dao. Tama augwaligo nago po bugagia wali pai dao. ⁷ Megii da augwaligo konebo, tigidali nai nago enabolo mani nai te nage pagedu te nai asai. ⁸ Nago enabolo wali po, te po tigidali eno augwalibolo pusai dao. Tama augwaligo te po sali. Te po selama, tama augwaligo mu koneai, polobadu ena nage dali bidilama, asai dao. Tama nago ena tagala palama, ena asai dao, te pode augwaligo homugo te po wali, 'Te po mu po da,' olama, tama augwaligo konealubo po te pode daju wabo dao," Jisasgo te po wai.

⁹ "Te nago augwali tau somainogo, eno nagebolo e po obao. Eno nago te tode we bidi augwali tau somainogo me wabeo. Eno e po nagebolo obao, nago ena mani bidi dabe augwali tau somainogo, augwali nago bidi hani bidibaso, eno te po nage dali obao.

¹⁰ Tama eno bidi tigidali augwali te nago bidi me dao. Tama nago bidi tigidali te eno bidi dabe dao. Tama augwaligo eno nogi ugwaba sai dao. ¹¹ Tama megii da ena tode ma bidigobeo. Tialima, augwali da tode me bideibao. Tama ena da nage bidibo madigi asobao. Aya, nage magii dwai se me isiawai bidi, nago augwali tonaluaoo. Nago enabolo nago bomoo mawai dao. Tama te bomoo nago augwali tonaluaoo, augwali me deli homu naga elama, bidimainogo yao. Dadi si deli homu elama bidibo gilama, te tiwai augwali me te emainao.

¹² Tama ena augwali dali bidibo sogo da, nago nogi elalubo bomoo eno augwali bugagia tonaluali, nago te enabolo mani bomoo. Eno augwali bugagia tonaluyu, tama augwali me hagabeo. Hagawali te bidi deli digi

hagawai dao. Te nago polobadu bukude aşeyu wali, te po nai gilama walomainogo, te dolabo bidi deli naga tamadi hagawalio," wali. †

¹³ "Megi ena nage pageba asobao. Tama eno te po e tşde nage dali obao, te eno dwagi yai homu eno bidi dabe augwalide pağanalumainogo augwali dwagi yai homu mu emainogo ebao. ¹⁴ Nago po eno augwalibolo mawai dao. Tama tşde we bidigo augwali dali boi bidi gagawai dao. Ena da e tşde bidi menio. Te tiwai augwali me e tşde bidi menio. Tama tibaso, tşde we bidigo augwali dali boi bidi gagawai dao. ¹⁵ Tama eno e po nage dali weyu, eno nage augwali te tşde bidibo tagalomainogo hanalu wabeo. Te meni. Nago augwali bugagia tonalumainogo eno te po nagebolo obao, tama te dwai bidi Satan ağı augwali dolidali weyu, eno e po nagebolo obao. ¹⁶ Ena da e tşde bidi menio. Te tiwai augwali me e tşde bidi menio. ¹⁷ Tama tibaso, naga digi nago mu po augwalibolo ola mao, augwali gasagi yai tedali bidi dabe bidimainogo, magi se isiaşwai bidi dabe bidimainogo yao. ¹⁸ Tama polobadu nago ena tşba tagala palama, tama ena augwali tşde we bidi tomode bidai. Te tama tiwai eno e bidi dabe me tagala palama, augwali te tşde we bidi tomode bidigi pali. ¹⁹ Tama eno augwali tobade tau siyu, ena digi ena bidabo ula tagalama, nago po wali peyu, ena isaibao. Tama po mu wabogo augwali nago bidi hani mu bidimainao," Jisasgo te po wai.

²⁰ "Te nago augwali naga tau somainogo eno nage dali e po wabeo. Menio. Nosali augwaligo gasa we bidibolo eno po ola mayu, tama te po odobo we bidi augwaligo augwa homu enaba muaibao. Tama te tibo we bidi augwali tobade me tau siyu, tama eno megı nage dali e po obao, ²¹ augwali tigidali deli homu naga elama bidimainogo ebao. Aya, nage ena dali wadologyu, tama ena nage dali wadologyu bidibo tiwai, eno homugo augwali da si dali homu deli elama, wadologyu bidimaio. Tama te tiwai elama, tama tşde we bidi augwaligo te nago ena e tşba tagala palali po odama, tama augwaligo te mu po dao olama, koneagameo. Tama te seş pedalomainogo, eno e po nage dali megı obao. ²² Nago enabolo te bomo mani, te bomo eno augwalibolo manio, augwali deli homu elama, bidimainogo, dadi si deli homu elama bidibo tiwai, augwali me te deli homu elama bidimainogo eno te bomo augwalibolo mani. ²³ Ena e bidi dabe augwali dali bidiyu, tama nage ena dali bidiyu yai, tama tiwai eno homugo augwali me deli homu elama, bidimainao. Tama tiyu, te tşde we bidi augwaligo koneaibao, nago ena tagala palama, ena asai. Te me augwaligo koneaibao, te nago ena godolo mu ebogia, nago e bidi dabe me godolo mu ebo dao," Jisasgo te po wai.

²⁴ "Aya, eno homugo nago ena mani bidi dabe augwali ena bidibo bulude ena dali da hodobo nosali bidaio, augwaligo eno bomo yai ula dali bomo dali sumainogo yaibao. Polobadu, te tş pedalisiaşbadi, te sogo nago ena godolo mu eyu, tama nago te bomo yai

ula dali te bomo dali enabolo mawai dao. ²⁵ Aya, nage doloba pai bidi mu dao. Tama tşde we bidi augwaligo nage konebeo. Tiali goli, eno da nage koneai dao. Tama e bidi dabe augwaligo konebao, te nago ena tagala palama, ena asai dao. ²⁶ Tama nago nogı eno augwalibolo haninai dao. Tama tiyu, te seş nosali me eno mu ela paibao. Magı basowe? Te nago ena godolo mu ebo homu tiwai augwa hası te godolo mu ebo homu emainogo eno nago nogı augwalibolo haninai dao. Tama ena me augwali dali bidimainogo, eno nago nogı augwalibolo hanilaibao," Jisasgo te po Godigo ağı bidi dabe tau somainogo wai.

Judasgo Jisas boi bidi nogoba muai

(Mat 26:47-56; Mak 14:43-50; Luk 22:47-53)

18 Te Jisasgo te po olama, tama Jisas ağı bidi dabe dali augwaligo te bulu tagalama, tama peyu, Kidron ağı odogo nogogı pai. Te ni oliv sili, te ağı u badu elaluai. Tama Jisas ağı wali pabo bidi dabe dali augwali te oliv ni sili bulu tomoba pai. ² Hauwa sogo Jisas ağı wali pabo bidi dabe dali augwali te oliv ni siliba sisinama bidiyu yai, polobadu. Tama tibaso, Judas, Jisas te boi bidi nogoba muabo bidi, ağı me te ni sili koneai. ³ Tama tibaso, Judasgo ami bidi hani dali, tama meba pris tuni bidigo enesigi bidi dabe dali, te Farisi bagego enesigi bidi badi, tama selama, augwali te ni sili gıba dolo asai. Tama augwaligo lam dali sole dali tolasa asiyu, tama augwaligo hwıabo nai dabe dali sela asai. ⁴ Tama Jisasgo ağı pedabolo seş tigidali koneyu, tama ağı te ni sili gi buluba pelama, tama augwali tiaşba pai. Tama ağı augwali dali te po wai, "Dagego de gegasai dawe?"

⁵ Te augwaligo Jisas ağı dali po wei ponoyu, te po wai, "Dago te Nasaret bulu bidi Jisas gegasai dao," te po wai.

Jisasgo augwali dali te po wai, "Te bidi ena tama dao."

Tama Judas, Jisas te boi bidi nogoba muabo bidi me augwali dali dolaluai.

⁶ Jisasgo augwali dali "Te bidi ena tama da" obaso, tama augwali meba gegemani siyu, tudi bulu peyu elama tama tşba degasa pai. ⁷ Tama Jisas ağı augwali dali ma hanalu wai, "Dagego de gegasai dawe?" Tama augwaligo te po wai, "Te Nasaret bidi Jisas gegobao," te po wai.

⁸ Jisasgo po wei ponoyu, te po wai, "Eno dage dali wai dao, te bidi ena tama dao. Dagego ena nage gegaba wida, e bidi dabe olo pomainao," Jisasgo te po wai. ⁹ Tamadi ağı te po God dali wai, "Nago ena mani bidi dabe augwali eno me tagalobeo," wali. Tama Jisas ağı te tamadi wali po usu numainogo, ağı 'Augwali olo pomainao' po megı wali.

¹⁰ Te Saimon Pita ağı moni kago hwı munaluai, te kago hwı bulubo bede. Tama ağı te kago hwı kega siyu, tama ağı bidi mego dolo nogo badu olo te kago hwıtoğwa saşwai. Tama te bidi nogı Malkus, ağı te pris tuni bidigo seş ebo bidi da. ¹¹ Tialima Jisasgo Pita dali te po wai, "Nago te kago hwı ağı bulubo beba ma

† 17:12 Tib 41:9; Jon 13:18

bulama muao. Eno Aya agai enabolo bodolu mani, te ena tigide dene saibao. Te augwaligo ena dali yabo se nago te bodolu didigili painogo ebawe?" Jisasgo Pita dali te po wai.

Augwaligo Jisas te Anas bidibo digi odasa pai

¹² Te ami bidi hani dali, te augwa polalubo bidi dali, tama te Juda dabego enesigi bidi dabe dali, augwaligo Jisas nogo tulama, tama augwaligo bonogo agai nogo si tudi badu munama, keai. ¹³ Tama keinama, tama augwaligo Jisas te bidi nogi Anas bidibo digi hasia teba sela pai. Te bidi Anas te bidi Kaiafas aga waj dao. Tama te kibu bede te bidi Kaiafas agai te pris tuni bidi bidai. ¹⁴ Tama te bidi Kaiafas agai te Juda bage dali te po mobo mabo po polobadu wai dao. Agai te po wai dao, "Dago hani tigidali dolidali weyu, bidi me deli isilama, tama aga isibogo te we bidi tau siyu da, te usu yaibao," te po wali bidi Kaiafas aga dao. Tama augwaligo Jisas te Kaiafas aga waj Anas te bidi bidibo digiba sela pai.

Pitago "Jisas eno konebeo," te po wai

(Mat 26:69-70; Mak 14:66-68; Luk 22:55-57)

¹⁵ Te augwaligo Jisas sela pobaso, te Saimon Pita dali, te Jisasgo se bidi me dali augwali si Jisas wali pai. Tama te pris tuni bidi agai te gasa bidi konebaso, te gasa bidi te obo tomoba Jisas dali peyu, te be mesaloba sabolali, te pris hani tuni bidigo bede. ¹⁶ Tialima Pita te tu sesege pade dolaluai, bulu badu. Tama te gasa bidi, Jisas wali pabo bidi, aga te pris tuni bidigo abagi yaibaso, te bidi aga pelama, agai te tu tonalubo webolo po olama, tama agai Pita tomoba odasa asai. ¹⁷ Te tu tonalubo wego Pita dali te po wai, "Nage me te bidi Jisas wali pabo bidi dawe?" te wego Pitabolo hanaluyu, te po wai. Tama Pitago te po wai, "Woo, ena te bidi wali pabo bidi menio," wai.

¹⁸ Te bede se ebo bage dali, te Jisas odasa asali enesigi bidi dabe dali, augwaligo te be mesalo tomode sia nogai. Te kedau ebaso, tama augwali dolaluyu, te siade kedau tuyu, tigi posolo iliyu yai. Tama Pita me augwali dali dolaluyu, sia kedau tuai.

Te pris tuni bidi agai Jisas dali po hanalu wai

(Mat 26:59-66; Mak 14:55-64; Luk 22:66-71)

¹⁹ Te be tomode, te pris tuni bidi agai Jisas aga wali pabo bidi dabede po hanalu wai. Tama agai Jisasgo te we bidi dali ola mani pode me hanalu wai. ²⁰ Jisasgo aga dali po wei ponoyu, tama po wai, "Eno we bidibolo mani te po eno bulu ulade hania wai dao. Eno te we bidibolo po ola mabo se eyu, tama te bomo yai po ola mabo be tomode te se eno yali, ma te Moni Lotu Be tempel, tede me eno te se yai dao. Te be dabede te Juda bage sisinibo bulude eno augwalibolo eno po hania ola mawai dao. Tama eno po geme dualama bulu tomode me wabeo. ²¹ Tama tibaso, magi baso nago ena dali hanalu obawe? Nago eno te po odali we bidi dali hanalu wao. Eno wali po augwaligo koneai dao," Jisas-

go te po te pris tuni bidi dali wai. ²² Tama Jisas agai te po tama obadi yaide, enesigi bidi me deli Jisas pade dolaluali bidi, te enesigi bidi agai Jisas nogo sawaligo Jisas nabo gede eleyu, te po wai, "Nago te tobage po te pris tuni bidi dali wei ponoyu obawe? Te dwali," te po wai. ²³ Jisasgo te enesigi bidi dali po wei ponoyu, te po wai, "Eno dwai po wagi sogo da, nago te dwai po hania wagi da. Tialima, eno po dolo naga obadi da, tede magi baso nago ena elaliwe?" Jisasgo te enesigi bidi dali te po wai. ²⁴ Tama Jisas te aga nogo si bonogo keani tama elalubadi yaide, tama te bidi Anasgo Jisas aga te pris tuni bidi Kaiafas bidibo digi tagala palai.

Pitago te po ma weyu, te po wai, "Jisas eno konebeo," wai

(Mat 26:71-75; Mak 14:69-72; Luk 22:58-62)

²⁵ Te Saimon Pita dolaluyu, sia kedau tudai. Tama augwaligo aga dali te po wai, "Nage me te bidi wali pabo bidi dawe?" Tama Pita agai hogwa siyu, "Ena menio," te po wai. ²⁶ Tama te pris hani tuni bidigo se ebo bidi me deli tede bidai, te Pitago hwago olo togwali bidi aga deli hani bidi dao. Tama te bidi agai te po wai, "Eno homu eno nage suali, te nage te bidi Jisas dali te ni sili gide bidibo eno suali. Te mu dawe?" te po hanalu wai. ²⁷ Tama Pitago po ma weyu, hogwa siyu, te po wai, "Ena menio." Tama Pitago te po obadi yaide, megiti tama ba kakaruk po wai.

Augwaligo Jisas te gavman bidi Pailat bidibo digi sela pai

(Mat 27:1-2, 11-14; Mak 15:1-5; Luk 23:1-5)

²⁸ Te be tama posobadi, tama augwaligo Jisas ma selama, te bidi Kaiafas agai be tagalama, tama augwaligo Jisas te gavman tuni bidigo beba sela pai. Tama te beba sabolama, tama te Juda bage augwali digi te gavman tuni bidigo be tomoba pabeo. Te gavman bidi te Juda hani isawai bidi bidibaso, te Juda dabe aga be tomoba pabeo. Te habu selali bolidali weyu, tama augwali te be bulu badu bidali. Augwaligo te homu yai, te habu selali bolisiqbadi, dago te Pasova nai tueibao, te homu yai. ²⁹ Tama tibaso, te Rom gavman tuni bidi nogi Pailat aga te be tomode bidilama, bulu badu augwali bidibo digi asai. Agai augwali dali te po wai, "Dagego te bidi magi pode tu ela mawainogo ebawe?" te gavman tuni bidigo augwali dali te po wai. ³⁰ Tama augwaligo aga dali po wei ponoyu, te po wai, "Te bidi dwai kolesaga isawai bidi tigi sogo da, te dago nage bidibo digi sela asigi menio," augwali Juda bidigo te gavman tuni bidi dali te po wai. ³¹ Tama Pailatgo augwalibolo te po wai, "Duga digi Jisas aga selama, tama duga bomo yai po usu gilama, tama duga digi aga po tu ela mao," te Pailatgo Juda bidi dabe dali te po wai. Tama Juda bagego Pailatbolo te po wai, "Woo, dage Rom gavman bidi dabego te bomo yai po dabolo mawai, te po wai, 'Dage Juda bagego po tu eyu da, te dwai se yali bidi dagego elegio. Da Rom dabego naga te dwai se yali bidi ela mubo se ebo dao,' dagego da Juda bagebolo te po wai dao. Tama tibaso, dago e bidi

nage pageba sisali, te aga isimainogo yali," augwaligo te po wai. ³² Polobadu Jisasgo aga isabo sogode po me weyu, te po wai, "Juda hani isaşwai bagego ena nide walama, tama ena isaibao." Tama te po nai gilama walomainogo, megi te Juda bage augwaligo Jisas te Pailat pageba odasa aselama, tama te po wai.

³³ Te bidi Pailat aga te gavman be tomoba ma pai. Tama agai Jisas i weyu, asao wai, tama agabolo hanalu wai, "Nage te Juda we bidigo tuni bidi dawew?" Jisas dali Pailatgo te po wai. ³⁴ Jisasgo po wei ponoyu, te po wai, "Naga digi te po homugo koneama obawe? Ma gasa bidigo nagebolo te po weyu, ena dali te po wao te po waliwe?" Jisasgo te po wai. ³⁵ Pailatgo Jisasgo po wei ponoyu te wai, "Ena da Juda bidi dawew? Mu menio. Naga hani dali, te pris tuni bidi dabe dali, augwaligo nage ena bidibo digi sela asai dao. Tama nago magi şe yaliwe?" te Pailatgo Jisas dali te po wai.

³⁶ Te Jisasgo po wei ponoyu, te po wai, "Eno te we bidi tonalubo şe te e tşde yabo menio. Tama eno te we bidi tonalubo şe te e tşde elalugi sogo da, teda eno şe bidi augwaligo ena megi tau somainogo hwigi dao. Tama tiyu, ena niwai bidi mego agai ena te Juda dabego nogoba mugı menio. Tiali goli, eno te we bidi tonalubo şe te e tşde menio," Jisasgo te po wai.

³⁷ Tama tibaso, Pailatgo Jisas dali te po wai, "Nage te tuni bidi me deli dawew?" Jisasgo agai po wei ponoyu, te po wai, "Naga digi te po weyu, ena tuni bidi dao, te po wali. Te mu po page mu hania pedalomainogo, te ena te idago ena ame neyu, te ena e tşba asai dao. Tama tibaso, te mu po naga wali pabo we bidi augwaligo eno po odobo dao," Jisasgo te gavman tuni bidi dali te po wai. ³⁸ Pailatgo Jisas dali te po hanalu wai, "Mu po te magide dawew?"

Te Pailatgo Jisas dali te po olama, tama aga te Juda bage bidibo digi buluba ma pelama, tama agai augwali dali te po wai, "Eno Jisas agade magi dwai şe yali şeşę me subeo. ³⁹ Tialima dagego kolesaga tama telalubo dao, te dagebolo eno te bo disaşwai nai tuabo side, te si nogi Pasova, te side te kalabus bidi me deli eno dageba olo tagala palobo dao. Tama tiyu, eno dagebolo te Juda bidi dabego tuni bidi dageba tagala palagawew?" te Pailatgo Juda bidi dabe dali te po hanalu wai. ⁴⁰ Tama te bidi dabe augwaligo i hae me po dagş me genuai mu olama, te po wai, "Te bidi Jisas menio, nago te bidi Barabas daba olo tagala palao," te po olama i wai. Te bidi Barabas agai da te bidi eleyu mena nai anoma elama sabo bidi bidai.

19 Te gavman tuni bidi Pailat agai po olama, tama te ami bidi dabe augwaligo Jisas selama, tama aga tudide elali, te kibu waligo nigai dila pai bigo. ² Tama augwaligo aga dali gisugu omainogo, augwaligo sesani yai bono selama, tobolu madi nigilama, tama Jisasgo tobolude muai. Tama augwaligo te mama yai nami ugwa selama, aga tigide muai. ³ Tama augwaligo Jisas dali tibo posobo po weyu, "Siade dao, Juda we bidigo tuni bidi da" olama, tama augwaligo nogo sawaligo aga nabo gede elali. Augwaligo aga

dolobo şe yainogo, te tiwai te ami bidi hauwago aga elidu geai.

⁴ Te Pailat te Juda bage bidibo digi buluba ma aselama, te po wai, "Dagego suao, eno Jisas aga buluba odasa asobao, tama dagego konemainogo, eno agade magi dwai şe yali şeşę me subeo," Pailatgo te po wai. ⁵ Tama Jisas buluba asai, augwaligo te sesani yai bonogo nigali madi aga tobolude munaluai. Tama te mama yai nami ugwa me agai tigide me elalui. Tama Pailatgo augwali dali te po wai, "Te olo bidi dagego suao," te po wai.

⁶ Te tama tialima, te pris tobolu bidi dabe dali, te enesigi bidi dali augwaligo Jisas sulama, tama augwaligo po dagş weyu, te po wai, "Te bidi ni pedaide elao, te bidi ni pedaide elao," te Juda bage augwaligo te po wai. Tama Pailatgo augwali dali te po wai, "Duga digi aga selama, ni pedaide elao," te po wai. "Eno agade magi şeşę me subeo," te Pailatgo Juda bage dali te po wai.

⁷ Juda bage augwaligo te gavman tuni bidi Pailat agai po wei ponoyu, te po wai, "Dago bomo yai po me deli tama telalubo. Niwai bidi agai 'Ena da Godigo Ogwa dao' obaso da, te bidi ela muao. Te bomo yai po agai bolobaso, aga isao," augwaligo te po wai.

⁸ Te Pailat agai te po odolama, tama aga wi genuai mu yai. ⁹ Tama tibaso aga te gavman moni be tomoba ma pai. Tama agai Jisasbolo te po wai, "Nage mena badu bidi nage asai dawew?" Tiali goli, Jisas agai te Pailatgo po wei ponobeo. ¹⁰ Tialima, Pailatgo Jisas dali te po wai, "Magi baso nago ena dali po wabewew? Eno nage olo tagala palabo bomo elalubao. Ma, eno nage ni pedaide elabo bomo me, te eno elalubao. Tama nago te konesişyu ebawew?" te Pailatgo Jisas dali te po wai.

¹¹ Te Jisasgo agai po wei ponoyu, te po wai, "Tialima, God dagalu ugwadu bidibo bidi agai bomo nagebolo magi menigi sogo da, te nago bomogo ena aiyaba elalugi menio. Tama tibaso, ena nago nogoba muani bidi, te bidi agai şeşę genuai mu eyu, tama nago şeşę aiyaba elaluaibao," Jisasgo te po wai.

¹² Te Pailat agai Jisasgo te po odolama, tama agai Jisas olo tagala palabo tş gegai yai. Tiali goli te Juda bage augwaligo bomo elama po dagş weyu, te po wai, "Niwai bidi aga digi 'Ena tuni bidi da' weyu da, te bidi agai te Rom gavman tuni bidi Sisar dali boi bidi dao. Tama e bidi Jisas agai te tobage po wai dao. Tama tibaso, nago te bidi Jisas olo tagala palu da, te nage te Rom gavman tuni bidi Sisargo abagi menio, boi bidi tiwai bidaibao," Juda bagego Pailat dali te po wai.

¹³ Pailatgo te po odolama, tama agai te gavman moni be tomoba ma pelama, tama Jisas buluba sela asai. Tama Jisas buluba sela aselama, tama Pailat aga po tş odainogo duabo digi duawai, te bulu augwaligo nogi masigigo bidabo sai nigai digi dao wai. Tama te Hibru pogo te nogi tama wai, Gabata, te nogi tama wai. ¹⁴ Te tebo sogo te bo disaşwai nai tuabo si nogi Pasova te nai dodolobo side dao. Tama belo nai tubo te giliga tomo ebode tamao. Tama Pailatgo Juda bagebolo te po wai, "Duga tuni bidi suişyo," wai.

¹⁵ Te augwaligo po daga weyu, te po wai, "Te bidi sela sayao, te bidi sela sayao," tama po wai, "Te bidi ni pedaide elao," te po wai. Pailat tuni bidigo augwali Juda bage dali te po wai, "Dagego homugo eno duga tuni bidi ni pedaide elao, te homu ebawe?" Te pris hani tobolu bidi dabe augwaligo po wei ponoyu, te po wai, "Dago tuni bidi me menio, te dago tuni bidi te Sisar deli tama dao," te bidi dabego tama po wai. ^{16a} Tama tialima, Pailatgo te Jisas augwali Juda bidigo nogoba munama, tama augwaligo Jisas ni pedaide elamainogo yali.

Augwaligo Jisas ni pedaide elama daganai

(Mat 27:32-44; Mak 15:21-32; Luk 23:26-43)

¹⁶⁻²² Tama tiwai, tama te ami bidi dabe te Jisas augwa nogoba sai. Tama selama, tama Jisas aga digi te aga elabo ni pedai tolai, tama aga te Jerusalem hanu tagalama, t̄q me nogi Tobolu Dili te t̄qba pai. Tama te Hibru pogo te bulu du nogi Golgota wai. ¹⁸ Te bulu dude augwaligo Jisas ni pedaide elama daganai. Tama augwaligo gasa bidi me si me Jisas dali elai. Tama me bidi Jisas agai dolo nogo badu eleyu, me bidi agai pobase nogo badu eleyu yai. Tama Jisas aga tomode elai. ¹⁹ Tama gavman tuni bidi Pailat agai po me deli aşanama, tama augwaligo te Jisas elali ni pedaide muai. Te aşani pode te po wai, 'Jisas Nasaret bidi te Juda we bidigo tuni bidi dao,' te po te ni pedaide aşana muai. ²⁰ Augwaligo te Jisas ni pedaide elama daganani, te Jerusalem hanu pađe tamao. Tama tibaso, Juda bidi hauwa augwaligo te aşani po nedai te Hibru pogo. Tama Pailatgo te po Hibru pogo aşeyu, te Rom pogo aşeyu, te Grik pogo aşeyu yai, te Jisasgo ni pedaide tama po aşai. ²¹ Tama te pris tobolu bidi dabe augwaligo Pailatbolo te po wai, "Nago te po tama aşegio, 'Juda bidigo tuni bidi dao,' te po wagio. Nago tama po aşeo, 'Te bidi Jisas agai te po wai, "Ena te Juda we bidigo tuni bidi dao,"' te po agai wai dao," augwaligo te po wai. ²² Pailatgo augwaligo po wei ponoyu, te po wai, "Eno aşani po te eno polo aşai dao. Te po tama elalumainao," te po wai.

²³ Te ami bidi dabe augwaligo Jisas ni pedaide elama daganai. Tama te s̄q elama, tama augwaligo Jisas aga ugwa dabe sai. Aga ugwa dabe selama, tama ami bidi me si me si augwa hasi te ugwa dabe dobola sai, tama te ami bidi deli deligo Jisas agai te ugwa me deli sai. Tialima agai holobo ugwa hobolisiq̄wani bobobage mu nigai ugwa dao. ²⁴ Tama tibaso, te ami bidi dabe ugwa hasi po miyu te po wai, "Dago te ugwa pedegobeo. Dago satu gagali elama, tama te ugwa sabo bidi nigilaibao." Augwaligo tama tiwai tama tiyu, te bukude polobadu wali po usu nanio. Te bukude te po wai, "Augwaligo eno ugwa dabe dobola sai. Tama augwaligo eno holobo ugwa sabo bidi nigilainogo, te satu gagali yai," te bukude te po polobadu aşani. Tama te po usu nanio. Te ami bidi dabe augwaligo tama tiwai. †

²⁵ Te Jisasgo ni pedai pađe Jisas aga ida tede dolalulai. Te Jisas aga ida aga ama dede me tede dolalulai. Te

gasa we me, aga nogi Maria, aga bidi nogi Klopas, te we me Jisas aga ida dali dolalulai. Tama gasa we te Makdala bulu we nogi Maria, aga tede dolalulai. Te we dabe me si me si augwali Jisas elali ni pedai pađe dolaluyu bidali. ²⁶ Tama Jisas aga ida dali, te s̄q bidi me agai godola pali bidi me, augwali si te pađe dolalulai. Tama Jisasgo augwali si tede dolalubo sulama, tama aga ida dali te po wai, "Te nage dali dolalubo bidi te naga ogwa dao," Jisasgo te po aga ida dali wai. ²⁷ Tama Jisas agai te s̄q bidibolo te po wai, "Te naga ida dao." Tama te sogo te bidigo Maria aga beba odasa pelama, tama Maria aga dali bidai.

Jisas isai

(Mat 27:45-56; Mak 15:33-44; Luk 23:44-49)

²⁸ Te silama, Jisas agai koneai, eno s̄q tigidali megī tama siliyu te ebao, te homu yai. Tialima, Godigo polobadu aşani po me usu numainogo, agai te po wai, "Ena āj nogonego sobao," te po wai. †²⁹ Āj tubo nai me deli tede munaluai, tede gasagi yai āj paq̄a-naluai. Tama augwaligo te wawi yai bola tiwai nai selama, tama te ugwa te ājde munama, tama augwaligo te āj sali ugwa awi dilide k̄nema, tama augwaligo Jisas agai te āj tumainogo te ugwaba selama, mawai. ³⁰ Jisas agai te āj tulama, tama agai te po wai, "Eno yabo s̄q tigidali te silali," Jisasgo te po wai. Agai tama po olama, tama aga mage basi gulu, aga noma bidi tagala palama, tama Jisas aga isai.

³¹ Te Jisas ni pedaide elali sogo augwaligo te Pasova bo dis̄wai nai sisi ebo side dao wai. Te do me te Sabat yabo sogo dao, tama te Pasova olo bidibo si te do gagalaibao, te genuai sogo mu dao. Tama tibaso, Juda bage augwaligo homugo te Sabatde te isai bidigo tigi te ni pedaide me daganalubo hagelabo wai. Tama augwaligo Pailat tuni bidibolo te po olama, tama augwaligo te bidi dabe saq̄a dili togolama, tama megī augwali polo isimainogo yao. Tama isai digi, augwaligo tigi te ni pedaide sao, te po wai. ³² Tama tibaso, te ami bidi dabe pelama, augwaligo te Jisas dali elali bidi si saq̄a dili togogi pai. ³³ Te bidi si saq̄a dili togolama, tama augwali Jisas munalubo digi aselama suai, tama augwaligo Jisas aga isai digi suai. Tama tibaso, augwaligo Jisas aga saq̄a dili togobeo. ³⁴ Tialima ami bidi me deligo Jisas punali badu sesemonego enai. Tama polo kaneme dali āj dali geasa dulai, t̄qba. ³⁵ (Te tebo eno suali, eno po polo wai dao, tama tiyu, dagego duga homu Jisas agaba mumainogo yai. Tama eno te wali po te mu po tama dao. Tama ena digi koneyu, tama eno mu po wabo dao.) ³⁶ Te s̄q tama pedalai, tama Godigo bukude wali po usu numainogo yai. Te bukude aşani po tama wai, "Augwaligo agai dili me deli togogobeo," te po aşani. †³⁷ Tama gasa po me te Godigo bukude aşeyu te po wai, "Tama augwaligo te enani bidi teba gedugo tonaluaibao," te po me aşani. ††

† 19:24 Tib 22:18

†† 19:28 Tib 69:21; 22:15 ‡ 19:36 Sai 12:46; Nam 9:12; Tib 34:20
‡† 19:37 Sek 12:10; Ped 1:7

Augwaligo Jisas tigi ola be tomoba muai

(Mat 27:57-61; Mak 15:42-47; Luk 23:50-56)

³⁸ Te augwaligo Jisasgo tigide yali şe silama, tama gasa bidi me nogi Josep, Arimatea bulu bidi, agai te gavman tuni bidi Pailatbolo olama, "Jisas tigi eno saio," te po wai. Te bidi Josep aga Jisas wali pabo bidi dao. Tialima aga te Juda tuni bidi dabe dali wi eyu, tama agai 'Ena da Jisas wali pabo bidi da,' po hania wabe. Tama Pailatgo "Usu dao, nago sa," te po wai. Tama tilama Josep pelama, Jisas tigi sigi pai. ³⁹ Te bidi me, agai nogi Nikodemus, te bidi polobadu hasia Jisas bidibo digi hulide asali bidi, aga me asai. Agai te ni kaneme si taluama sesai, te dwagi yai denami ebo nai dao. Tama te nai dila pai nai mu dao, abelabo mone genuai mu dao. ⁴⁰ Tama te bidi si augwali sigo Jisas tigi selama, tama augwali sigo te denami yai nai aga tigiba muyu, te pedai ugwago aga tigi bebe peyu yai. Te Juda bidi dabego isai bidi pubulainogo ebo tiwai gilama yai. ⁴¹ Te ami bidi dabe augwaligo Jisas te elali digi tede gi me deli elaluai. Tama te gide isai bidi musişwai guş page ola be elalualio. ⁴² Do te Sabat sogo dao. Megi da te Juda we bidi augwaligo Pasova bo dişwai bret nai sisi ebo side dao. Te ola be paşe elalubaso, te bidi sigo Jisas tigi teba muai.

Jisas guş pagede ma hodaloai

(Mat 28:1-8; Mak 16:1-8; Luk 24:1-12)

20 Te Jisas guş pagede munama, si sogo bidilama, tama moni Sarere dao wabo side, tama te Makdala bulu we nogi Maria, te we aga guş pageba kigamu asai. Tama te bulu hulialubadi ganao. Tama agai suali, te ola be tuş halualio moni masigi te halualubo agai subeo. ² Tama sulama, tama te we aga Saimon Pita dali, te gasa bidi te Jisas agai godolo yali te bidi dali, te bidi si bidibo digi te we udawai. Tama Mariago augwali si dali po bomonama weyu, te po wai, "Augwaligo dago Genuai Bidi te ola bede sela pai yalio. Tama dago konebeo, augwaligo aga menaba mugi paliwe naga subeo," te we Mariago te Jisas wali pabo bidi si dali te po wai. ³ Tama te wego te po obaso, Pita dali te gasa bidi me dali, tama augwali si te bidali be tagalama, tama augwaligo te hanu tagalama, Jisas muani digi ola beba pabo gagalali. ⁴ Tama augwali si hodobo udawai. Tialima gasa bidigo Pita geanama, tama aga polasa pai, tama ola beba polo polasa sabolai. ⁵ Tama te polasa pali bidi aga basi gulama, bomo elama suali, te pedai ugwa nami dabe naga munalubo suali. Tialima aga te ola be guş page tomoba pabeo. ⁶ Saimon Pita aga nosali tudi badu asai, tama aga te guş page ola be tomoba polasa pai. Tomoba pelama, tama aga bomo elama suali, te pedai ugwa nami dabe naga munalubo Pita agai suai. ⁷ Tama gasa ugwa me munalubo agai suai, te Jisas tobolude bebe pali ugwa dao. Te ugwa gasa ugwa dabe dali munalubeo. Tama te ugwa bebe pelama, agaduba tali munaluai. ⁸ Tama te gasa bidi aga polo Pita geanama polasa asali, te bidi aga me te guş page ola be tomoba pai. Tama agai te tiwai elalubo

sulama, tama te bidi agai te Jisas ma hodaloali tede te sogo konealualio. ⁹ (Tama te sogo augwaligo Godigo polobadu aşani po page koneşişbadi. God agai po te bukude aşeyu, te po wai dao, "Aga guş pagede ma hodaluao," te po wai. Te sogo augwaligo te po page konebeo.) ¹⁰ Tama te bidi augwali sigo te şe tigidali sulama, tama augwali si augwa si beba ma pai.

Maria te Makdala bulu we agai Jisas suai

(Mat 28:9-10; Mak 16:9-11)

¹¹ Te we Maria te guş pageba ma sabolali, te bidi si augwali te ola be tomode bidibadi. Tama augwali si augwa si beba ma pelama, tama Maria te guş page ola be bulu badu gana dolaluyu, tama Maria aga gela udai. Aga gela udu digi, tama aga basi gulama, tama agai Jisas te muani ola be tomoba tonai. ¹² Tama Maria agai Godigo şe ebo ensel mobo bidi si tedela bobobage ugwa muai bidi si suai, te Jisas muani ola be tomode dulalubo suai. Tama te ensel mobo bidi me deli te Jisas tobolu muani digi dulaluyu, me te şaşa muani digi dulaluyu yai, te Maria agai suai. ¹³ Tama te ensel mobo bidi sigo Maria dali te po wai, "Te we, nage magi baso gela obawe?" te po wai. Tama Mariago augwali si dali te po wai, "Augwaligo eno Genuai Bidi selama, tama augwaligo menaba muaniwe, te eno konebeo," Mariago te ensel mobo bidi si dali te po wai. ¹⁴ Maria agai te po weyu, tama agai begelama suai, tama agai Jisas dolalubo suai. Tialima Mariago koneyu, te Jisas tama dao, te homu agai ebeo. ¹⁵ Jisasgo Maria agabolo te po wai, "Magi baso nage gela obawe? Nago de gegeyu ebawe?" Maria agai te homu yai, te bidi aga e gi tonalubo bidigo agai te po aga dali wabowe, agai te homu yai. Tama agai te bidibolo te po wai, "Genuai bidi, nago te isali bidi tigi sela pali wida, te nago enabolo aga muani digi ola mao, tama eno aga sela paio," wali.

¹⁶ Jisasgo agabolo te po wai, "Mariao." Tama Maria aga ma begelama, Jisas dali agai Hibru pogo weyu, "Rabonai," te po wai. Te po page e tama wai, "Po ola mabo bidio," te po wai. ¹⁷ Jisasgo Maria dali te po wai, "Nago ena dişgio. Ena eno Aya God bidibo digi dagaluba me pabeo. Tama tibaso, nago ena daşu ola sigio. Tialima, nage eno ama dabe bidibo digi pelama, augwali dali te po tama wagibao, 'Ena eno Aya bidibo madigi dagaluba holobao, tama te aga dagego Aya me dao. Tama eno ena God bidibo digi pobao, tama te God dagego God me dao,' te po eno ama dabebolo pusigi pao," Jisasgo Maria dali te po wai.

¹⁸ Tama tibaso, te Makdala bulu we nogi Maria aga pai, tama agai te Jisas wali pabo bidi augwali dali po weyu, te po wai, "Eno Genuai Bidi Jisas sualio," te po wai. Tama agai te Jisasgo agabolo mani te po augwali dali wai.

Agai bidi dabe augwaligo Jisas suai

(Mat 28:16-20; Mak 16:14-18; Luk 24:36-49)

¹⁹ Te Jisas wali pabo bidi dabe augwali Juda bidi dabe wi eyu, tama augwali bidibo te be tuş daşu olama, aug-

wali te be tomode bidai. Te sogo moni Sarere dao wabo sogo giliga iba dega sigi pai. Tama Jisas augwali bidibo digi tomoba dolaluagasai, tama augwalibolo te po wai, "Dagego homu dwagi yai elama, tama dage bugagia bidao," Jisasgo augwali dali te po wai. ²⁰ Jisas agai te po olama, tama agai nogo dali punali badu dali augwalibolo waselai. Tama agai bidi augwaligo Genuai Bidi sulama, tama augwaligo homu dwagi yai mu yai. ²¹ Tama Jisasgo augwalibolo te po ma wai, "Dage dwagi yai homu elama, bidao," te po wai. "Tama Ayago ena tagala palobaso, ena asai dao. Tama tialigia, eno me dage tagala palobao," Jisasgo te po aga wali bilali bidi dabe dali wai. ²² Jisas agai te po olama, tama aga mobo augwalibolo ponai, tama augwalibolo te po wai, "Dagego Godigo Dwagi Yai Mobo Bidi te sao," Jisasgo te po wai. ²³ "Dagego gasa bidi dabe mego dwai se yali sege sela sayu da, tama te dwai sego sege Godigo silaibao. Dagego gasa bidi dabego dwai se yali sege da yewu da, teda te sege me elaluaibao, te dwai se sege Godigo sela sagobeo," Jisasgo te po wai.

Tomasgo Jisas suai

²⁴ Jisas aga te aga wali pabo bidi augwali bidibo digi pedalai, te sogo aga bidi me deli augwali dali bidisiyai, te bidi Tomas dao, tama agai gasa nogi me Didimus wai, te nogi page aga idago wai si deli sogo ame nai. Te baso te nogi Didimus wai. ²⁵ Tama Jisas aga wali pabo bidi mebago Tomas agabolo te po wai, "Dago naga Genuai Bidi dago suai dao," te po Tomas dali wai. Tialima Tomasgo augwalibolo te po wai, "Eno aga nogode nel enani digi susiyau da, tama eno nogo dani te nel enani digi tomoba musiyau da, te eno nogo aga punali badu palama susiyau da, teda te eno te poba ena homu mu mugobeo," Tomasgo te po wai, augwali dali.

²⁶ Te nosali a naga olama me badu nogo sela sogo bidai, tama Jisas aga wali pali bidi augwali te be tomode ma bidai, tama Tomas me augwali dali bidai. Augwaligo tigidali tu mu day ola silai digi, tama Jisas augwali tomoba dolagasai. Tama agai te po wai, "Dagego homu dua bugagia bidao." ²⁷ Tama agai Tomasbolo te po wai, "Nago nogo dani eba da muao. Tama nago eno nogo me suo. Tama nago nogo eno punali badu palama suo. Nago homu si ebo tagalao. Enade nago homu deli yao, te tiwai bidao," Jisasgo te po Tomas dali wai. ²⁸ Tomasgo aga dali po wei ponoyu te po wai, "Nage eno Genuai Bidi dao, tama nage eno God nage dao," Tomasgo te po Jisas dali wai. ²⁹ Tama Jisasgo Tomas aga dali te po wai, "Nago ena subaso naga, tama nago homu enaba mubawe? Niwai bidi augwaligo ena susiyama, augwaligo homu enabolo mubo we bidi, te augwali dwagi yai homu mu yaibao," Jisasgo Tomas dali te po wai.

Jonggo te buku aseani po page e tama po wai

³⁰ Te Jisas agai bomo yai se hauwa mu aga wali pabo bidi augwaligo gedude agai te se yai. Tama eno te Jisas

agai yali se po tigidali eno e bukude asebeo, meba naga aseani. ³¹ Te bidi Jisas da, te Godigo sa muyu nosali asaibao wali bidi Kraisi dao, aga da te Godigo Ogwa dao. Tama dagego te po mu po dao homu emainogo, eno Jisasgo yali bomo yai se po meba e bukude aseani. Tama dagego Jisas da te Kraisi dao, te aga Godigo Ogwa dao, dagego te homu eyu, aga dali wadloyu, mu bidada pabo ula dagego somainogo eyu, eno agai yali se po aseani.

A naga olama me badu nogo si bidigo Jisas suai

²¹ Te nosali Jisas aga bidi dabego gedude ma pedalai, augwali te sigi ai nogi Taiberias pade bidibadi te aga ma pedalai, augwaligo aga suai. Aga augwali pageba te tiwai pedalai. ² Te bidi dabe nogi e tama wai, Saimon Pita, te me Tomas te agai gasa nogi me Didimus, te Nataniel aga bulu nogi Kana, te Galili to pedai bulu, tama te Sebedigo ogwa si dali, te Jisas wali pabo bidi me si me, augwali hodobo bidai, te sigi ai nogi Taiberias pade. ³ Tama Saimon Pitago augwalibolo te po wai, "Ena sugu gegegibu pobao," wai. Tama augwaligo Saimon Pita agabolo te po wai, "Da me nage dali paio," te po wai. Tama augwali pelama, te gebaba holai. Augwaligo te sogo hulide te se yali goli, sugu me sabeo. ⁴ Tama te giliga pedalainogo ebode, tama Jisas te sigi ai sanide aga dolalubo augwaligo suai. Tiali goli augwaligo aga koneyu, tama aga Jisas dao, te homu augwaligo ebeo. ⁵ Tama Jisasgo augwalibolo hanalubo po olama i weyu, te po wai, "Abagi dede, dagego sugu meba saliwe?" te po wai. Tama augwaligo aga dali po wei ponoyu, te po wai, "Menio," te po wai. ⁶ Augwaligo te po olama, tama agai augwalibolo te po wai, "Dagego te agane wa te dagego u badu te dolo nogo badu te sugu sabo wa te aiba sayao," te po wai, "tama dagego sugu meba saibao," te po wai. Tama tibaso, augwaligo te wa agai te wali te dolo te wa aiyaba sayai. Tama sanama, augwaligo sugu hauwa mu sai, tama augwaligo te wa ugwaba ma kegabo usu ebeo.

⁷ Te bidi me Jisas agai godolo ebo bidi, agai Pitabolo te po wai, "Te aga dago Genuai Bidi dao," te po wai. Tama Saimon Pita aga ugwa dabe pebeda munama, te se yai. Tama agai te po odai, "Te bidi aga dago Genuai Bidi dao" wabo, te po odobaso, Pita aga ugwa bea selama, tama aga te aiba samonai. ⁸ Tama te Jisas wali pabo bidi meba augwali te gebadu asai, te ai saniba. Tama augwaligo te sugu dabe te wa dali kegasa asai. Augwali digibulu gana bidibeo, te augwali bidali usu sabo te pade gana tamao, tama te sigi ai saniba asai. ⁹ Tama augwali te gebadu aselama, te ai sani badu sabolama, tama augwaligo suai, sia tede dabo suai, tama te siade sugu ulalubo suai, tama te tubo nai bret me tede munalubo augwaligo suai. ¹⁰ Jisasgo augwalibolo te po wai, "Megi dagego te sali sugu, te dagego meba eba sesao," te po wai.

¹¹ Te Saimon Pita te gebaba holama, tama te sugu wa agai ai saniba kegasa asai. Genuai sugu hauwa mu te wade paganaluai, tama te 153 te tama sugu te sugu

sabo wade bidai. Te sugu hauwa mu 153 tamao digi, te wa bono togobeo. ¹²Tama Jisasgo augwalibolo te po wai, "Dage nai tuagasao," te po wai. Tama Jisas wali pabo bidi me deligo aga dali me hanaluyu, "Nage de dawe?" te po aga dali wabeo. Augwaligo koneai, te aga dago Genuai Bidi dao, te homu yai. ¹³Tama Jisas aselama, te bret selama, augwalibolo mawai. Tama te siade ulai sugu me tama naga tiwai.

¹⁴Jisas aga gu pagede ma hodaluama, tama si sogo Jerusalem hanude aga wali pabo bidi augwaligo gedude aga pedalai dao. Tama megi me te sela sogo aga augwaligo gedude ma pedalai, te Taiberias sigi aji sanide.

Jisas dali Pita dali side po

¹⁵Te augwali nai tula silama, tama Jisasgo Saimon Pitabolo po weyu, te po wai, "Saimon, nage Jonggo ogwa dao, tama nago ena godolo ebo kolesagago e bidi dabe augwaligo ena godolo ebo kolesaga aiyaba elalubawe?" Tama Pitago agabolo te po wai, "Ao, Genuai Bidi, nago koneai dao, nage eno abagi dao." Jisasgo agabolo te po wai, "Nago enaba homu tamadi muani we bidi augwali eno po nago augwalibolo ola mao," Jisasgo te po wai. ¹⁶Tama bidama gana, tama Jisasgo Pita aga dali si sogo te po ma wai, "Saimon, nage Jonggo ogwa dao, tama nago ena godolo mu ebawe?" Pitago aga dali te po wai, "Ao, Genuai Bidi, nago koneai dao, nage eno abagi dao." Jisasgo agabolo te po wai, "Nago enabolo homu muani we bidi augwali nago tau siyu, tonaluyu yao," Jisasgo te po wai. ¹⁷Tama bidama gana, tama sela sogo agai Pitabolo te po ma hanalu wai, "Saimon, nage Jonggo ogwa dao, ena da nago abagi dawe?" Tama agai Pita dali sela sogo "Ena da nago abagi dawe?" obaso, Pita aga homu sege yai. Tama Pita agai Jisasbolo te po wai, "Genuai Bidi, nago tigidali nai koneai dao. Tama nago koneai dao, nage eno abagi dao," Pitago te po wai. Tama Jisasgo agabolo te po wai, "Nago enabolo homu muani we bidi augwali eno po nago augwalibolo ola mao. ¹⁸Eno mu po nage dali obao, polobadu nage gesi bidi bidiyu, tama naga digi

kugulu gudulama, tama naga pabo mena mena bulu te naga homugo digi te buluba pai dao. Tialima nosali nage monu dabe ebo sogo, tama tebo sogo da te nago nogo ugwaba siyu, tama gasa bidigo nago nogo tulama, nago homugo pisayabo homu isawani te buluba nage odasa paibao," Jisasgo te po wai. ¹⁹Jisasgo te po olama wai, nosali augwaligo Pita ela muaibao. Tama Pita isiyu, tama aga te isibogo tama agai Godigo nogi ugwaba saibao. Jisasgo te po olama wai. Jisas agai te po olama, tama agai Pita dali po weyu te po wai, "Nage ena wali asao."

²⁰Te augwali si pabo gagalama, pobadi, tama Pitago begela suali, te Jisasgo godolo ebo bidi, aga augwali si wali asobo suali. Te bidi aga polobadu gana augwali nai tuali sogo aga te Jisas hagawiade tialuyu, tama agai te po hanalu wai, "Genuai Bidi, niwai bidi agai nage boi bidi nogoba muaibawe?" te po wai. Te bidi Jisas dali Pita si wali asobo Pitago megi suali. ²¹Pita agai te bidi sulama, tama agai Jisasbolo te po wai, "Genuai Bidi, te bidi dali magi se yaibawe?" ²²Jisasgo Pita dali te po wai, "Eno homugo ena ma asobo si te bidi aga me bidibadi asomai da wida, te nago se dawe? Nage ena wali asao," Jisasgo Pita dali te po wai.

²³Tama Jisasgo te bidide te wali po tama te aga wali pabo bidi mebago te po odolama, usu ela silai. Te pode geda muyu, augwaligo te homu yai, "Jisasgo te po wai, te bidi isigobeo." Tiali goli Jisas agai te bidi dali nage isilamo dao, te po aga dali wabeo. Jisas agai te po wai, "Eno homugo ena ma asobo si te bidi aga me bidibadi asomai da wida, te nago se dawe?" te po wai. ²⁴Tama te Jisas wali pabo bidi agai digi Jisasgo wali po odoyu, tama Jisasgo yali se suyu yai. Tama te bidi ena dao, tama eno te po dali, te se dali yali po pusulama, tama eno te po e bukude aseai. Tama dago koneao, agai te wali po mu tama dao.

²⁵Te Jisas agai se hauwa mu yai. Meba naga eno e bukude aseai, meba po eno asebe. Tama e po asebo bidi eno te po tigidali deli deli aseyu da, tama te asebo buku hauwa mu yaibao, tama eno homugo tigidali bulu te buku dabe mubo usu egobeo.

Godigo Sęba Tagala Palai Bidigo Po

Te hasia nedebo tau sabo po

Te bidi Luk agai hasia te Jisas aga tęde bidibadi yali sę dali, aga wali po dali, te tigidalide po hasia asęnama, tama nosali agai te Jisasgo po wali pabo we bidi hani dabe geninama pedalobo po me asęani. Agai homugo te aga abagi Tiofilus agai koneaibao, te Jisas wali pali bidi dabe augwaligo te Jerusalem moni hanude gagalama, tama tedu te Judia moni tę pedaiba pelama, te Godigo po pusubo sę egi pai. Tama tedu augwali te Samaria moni tę pedaiba pususu biligi pali, tama tedu nosali augwali te haniani digibulu tęba pali. Hasia bolo augwaligo te Juda we bidi dabebolo naga te po ola magi pai. Tiali goli nosali augwaligo koneai, te Godigo homugo te Juda hani isęwai haniani hani we bidi tigidali augwaligo me te Jisasde wabo gesi dwagi yai po odomainao. Tama Godigo aga Tedali Mobo Bidi augwalibolo mayu tama agai tebogo augwali bomo mobaso, augwaligo te Juda dabego moni hanu Jerusalemde gagalama, tama nosali te gesi dwagi yai po te Juda hani isęwai bagego moni hanu Romba me te po pusugi pai dao.

Te aposel dabe augwaligo Jisasgo po te Jerusalemde pusali

(Daj 1:1-8:3)

Jisasgo bomo yai po daj weyu, agai te Tedali Mobo Bidi tagala palabo po wali

1 Eno abagi Tiofilus, te eno hasia bukude eno e po asęani, te Jisasgo yali sę dabe tigidali dali, te agai po ola mawai po tigidali dali, te si asęani. ^{†2} Jisasgo te tiwai yai, te aga sę gagalobo sogo pelama, Godigo aga dagaluba odasa pali sogoba daj egi pai. Tama Godigo aga dagaluba odasa pesiawai madi, Jisas agai sa muani tagala palai bidi dabebolo po pusa mawai. Tama agai Godigo Dwagi Yai Mobogo bomogo te po augwalibolo pusa mawai. ³ Tama Jisas isilama, ma hodaluama, te bidi sese si sogo aga bidi dabebolo agai tigi waselai, hauwa sogo. Tama agai augwaligo gedude sę dabe hauwa yali, te augwaligo aga gesi ma bidibo mu konemainu yai. Tama augwali homu si ebe. Augwaligo aga gedugo suali. Agai Godigo we bidi tonalubo sę po augwalibolo pusa mani. ⁴⁻⁵ Tama augwali deliba sisinagaselama, Jisasgo augwalibolo te po bomonama wai, "Polobadu Jon agai we bidi baptais mani. Tialima, tamadi tama dage Jerusalem moni hanude bidibadi, Godigo agai Tedali Dwagi Yai Mobo Bidi dageba mawaibao, te baptais sabo tiwai yaibao. Tama tibaso, dage te Jerusalem hanu taga pelamuo. Meo. Eno Ayago dagebolo mawaiba wali nai, te Godi-

† 1:1 Luk 1:1-4

go Dwagi Yai Mobo, aga asobo tonaluięo, eno dagebolo polobadu pusa mani nai po," Jisasgo te po wali. ^{††}

Godigo Jisas dagaluba odasa sai

⁶ Te Jisasgo tagala palabo bidi dabe augwali Jisas dali hodobo sisinagaselama, augwaligo aga hanalu, te po wali, "Genuai Bidi, polobadu da Israel hani bidi dabe dena tęde bidibo we bidi dabe tonaluali. Te polobadu yali sę yaligia nago tamadi ma gagalaibawe?" ⁷ Tama Jisasgo augwalibolo te po wei ponai, "Menio. Te eno Aya deli naga konealubo, te sę ebo sogo me, te agai bodolu mabo. Agai homugo. Dagego nai menio, tama tibaso dagego Ayago bodolu mani sogo si dabe konegobeo. ⁸ Me ma, e dagego koneagameo, te Godigo Mobo Bidi dageba asobo si, teda Godigo dage bomo ilaibao. Tama duga enade po te we bidi dabebolo pusa maiyęo, te Jerusalem be nanide me, te Judia tę pedai tigidalide me, te Samaria tę pedai tigidalide me, te moni digibulu tę pedai dabede me te po pusa mao," te po wali. ⁹ Tama Jisasgo te po olama, Godigo aga te dagaluba odasa sai, te augwaligo tonalubadi. Tama aga hodaluama, pęgo aga halua sagasali, te augwaligo aga ma subeo.

¹⁰ Te Jisas holobaso, augwaligo bomo yaigo tonalubadi, tama polo te nala nisi ugwa gudai bidi si augwali dali hodobo dolaluagasai. ¹¹ Tama augwali si-go te po hanalu wai, "Dage Galili tę bidi dabe, dage te ugwaba dagaluba magi baso tonalu dolalubawe? U bidi Jisas, te Godigo dagaluba odasa holali bidi, te bidi ma asaibao, te aga dagaluba pabo yaligia ma asiyu me tiaibao, te dagego tonalubadi megi pabo yaligia tiwai

†† 1:4-5 Mat 3:11; Mak 1:8; Luk 3:16; Jon 1:33 † 1:8 Mat 28:19; Mak 16:15; Luk 24:47-48

yaibao, ma asobo sogode," te po wali. Tama te po olama, tega si ma pali.

Te bidi Matias agai Judasgo sę sai

¹² Te Jisasgo tagala palai bidi dabe augwali te Oliv Ni Sili bulu dudu geasa pelama, Jerusalem be naniba ma pali, te bulu digibulu meni, pąde bidai, te kilomita deli naga. ¹³ Tama augwali Jerusalem tomoba pelama, beba sabolama, augwa osogo bidigi pabo be habuba ug-waba holali. Tama te bidi dabego nogi e dao, te Pita, Jon, Jems, Andru, te Filip me, Tomas me, te Bartolomyu me, Matyu me, te gasa me Jems, aga aya nogi Alfius, te Saimon, te independes sainu ebo hani bidi me, te gasa Judas me, aga aya nogi Jems. ¹⁴ Tama augwali hauwa sogo deliba sisinagasali, Godibolo po omainu yali. Tama te Jisas wali pai we dabe me, Jisas aga ida me, Jisas aga ama dede me, te bidi dabe dali hodobo deliba sisinagasali, Godibolo po omainu yali.

¹⁵ Te nosali si sela sogo silibaso, tama te sogo te Jisasde homu dą wai we bidi dabe deliba sisinagasali. Bidi sese me sela me sela 120 tama bidi sisinagasali. Tama Pita doligulama, te we bidibolo po me wai.

¹⁶ Pitago te po wai, "Ama dede, Godigo bukude polobadu asęani po mu dią holai dao. Polobadu Godigo Mobogo te Devitgo pedauwalidu po omainu ilai tiwai, te bidi Judasde. E Judasgo te Jisas tuabo sunumi te bidi dabebolo ola mawai bidi da. ¹⁷ Jisasgo aga polobadu sa muani, aga da dali sę emainu yali. Tama tibaso, Judas da dali bilai dao," te po wai. ¹⁸ (Polobadu Judas agai Jisasde dwai sę elama, masigi dabe sai dao. Tama te masigigo tų abelama, tede tulaluyu, aga tabi peda peyu, aga haliga dabe buluba dią soyu, tama isai dao. ¹⁹ Tama te Jerusalemde bidibo we bidi tigidali augwaligo te sę po odali. Odolama, tama te tų augwaligo pogo nogi poai, te nogi Akeldama. Te nogi page e dao, "Kaneme tų dao.") †

²⁰ Te Pitago po ma wai, "Te lotu tęąbi buku asęani bidigo te bukude te po wai, 'Aga be olo elalumainao, tede bidi me bidamuo.' †† E po me te bukude asęani, 'Me bidigo aga sę sao,' te po wali," Pitago te po wali, Judasde.

²¹⁻²² Te Pitago po ma wai, "Te bukude asęani po elalubaso, bidi me deli daba wadolama, da dali hodobo bidimainao. Te bidigo te we bidi dabebolo te po waibao, 'Te Genuai Bidi Jisas isilama, ma hodaluai, ma bidibao,' te po waibao. Tama polobadu Jongo we bidi baptais mabo sogode da dali hodobo bilai bidi me dąj ilinao. Te tama aselama, Jisas dagaluba peyu dąj yali. Te Jisas dali da hodobo biliyu bilali bidi, te bidi dago dąj ilaibao, te Judas hasegelainu, te Judasgo polobadu yali sę tiwai yaibao," te po wai.

²³ Te po obaso, te Jisasde homu dą wabo we bidi augwaligo bidi sigo nogi muai. Me bidi nogi Josep, agai nogi me si elaluai, me nogi Barsabas, me nogi Jastus. Tama gasa me bidigo nogi Matias. ²⁴ Tama augwaligo Jisasbolo te gedu haluasa po wai, "Genuai Bidi, nago tigidali bidi dabego homu kolesaga konebo dao.

Tama tibaso, Genuai Bidi, te bidi si me deli nago dabo-lo dąj ilama, ²⁵ da ola mao, te Judasgo yali sę somainu, nago tagala pali bidigo sę. Te sę Judasgo tagalama, aga digi dwai sę yali. Tialigo da, aga genuai sęęę mu salio," te po wai. ²⁶ Tama olama, augwaligo Matias dali Jastus dali sigo nogi yai nai dabe kapde munama, tama begelali, te Matiasgo nogi yai nai hasia asali. Tama tibaso, Matias nogo si olama, sęąę deli bidi dabeba wadolai.

Godigo Mobo Bidi asai

2 Te nosali te Pentikos sogo asobo si, te Jisas homu dą wabo we bidi tigidali te deli beba sisinagasali.

² Tama polo augwaligo te u wabo dagaludu odali, te moni bomu yai wali asobo u wabo tiwai. Tama te bede bidali we bidi tigidali augwaligo te u wabo odali.

³ Tama augwaligo te nai dabe suali, te dwasianu sia bogoli dabe tiwai, bidigo hamena gagawai dabe augwaligo suali. Tama te nai dabe pebeda pelama, bidi deli deliba pelama, dią yani. ⁴ Tama Godigo Dwagi Yai Mobogo augwali sali, te tigidali agada weyu, tama augwali tigidaligo gasagi yai gasagi yai konesiąwai po dabe wabo gagalali, te me bidigo me po weyu, tama me bidigo gasa po me weyu yali. Tama Godigo Mobogo augwali te po dabe omainu te sę ilali, augwaligo pedauwalidu.

⁵ Tede, te Jerusalem be nanide, te tigidali tų pedaidu asai Israel hani bidi dabe bidai, te augwali Godibolo lotu po wabo bidi dabe. ⁶ Tama augwaligo te u wabo odama, we bidi hauwa kisu deliba sisinagasali, te beba. Tama te Jisasgo tagala palai bidi dabe augwa tigidaligo te bulu po augwaligo konesiąwai goli ola bidiyu yali. Tama, tibaso, te tamadi asai bidi deli deli dabego po odama, augwali noma sali. ⁷ Tama noma mu selama, augwali moni homu elama, te po wai, "Te po wabo bidi dabe tigidali augwali Galili tų pedai bidi dabe da.

⁸ Tialima, dago odali, da deli deli bidi hani dabego po dabe augwaligo wabo dago odali. Dago po augwaligo mena tama koneaniwe?" te po wali. ⁹ Tama te po ma wai, "Da tigidali buludu eba asali, e Judia tų pedai me, te Paria tų pedai me, Midia tų pedai me, Elam tų pedai me, te Mesopotemia me, Kapadosia me, Pontus me, Esia me, ¹⁰ Frigia me, Pamfilia me, Isip me, tama da Rom bidi dabe eba aselama, bidibo me. Da me badu te Sairini be nanidu asali, te Libia tų tonalubo bidigo be nani. ¹¹ Da me badu Juda dabe mu da, me badu da homu begelama, Juda dabego ebo sę wali pabo dao.

Tama da Krit me, Arebia me. Tialima, te bidi dabego Godigo bomai sę po dabe dago po dabego wabo odali," augwaligo te po wai, te tamadi asai bidi dabego. ¹² Tama augwali noma selama, augwali homu kolesaga umana pali. Tama augwa hasi ma po miyu, te po wai, "Te nai mena tama tialiwe?" ¹³ Tiali goli, bidi dabe me badu augwaligo te posobo po weyu, te po wai, "E bidi dabego bomai wę tulama, wabo pabo sę gagawai ebao," te po wali.

† 1:19 Mat 27:3-8 †† 1:20 Tib 69:25; 109:8

Pitago te we bidi dabebolo pusali po

¹⁴ Te bidi Pita dali, te Jisasgo tagala palai bidi nogo si olama, saęa deli dali, augwali dodulaluai. Tama augwali dodulalu, Pitago te sisinagasai we bidigo wali po wei ponai, te po bomona wai, "Dage Juda hani, dagego odięo, te Jerusalemde bidibo bidi dabego me, odięo, te dagego te ede subo sę page koneagameo. ¹⁵ Dagego homu da bidi dabego bomai wę tulama, wabo pabo sę gagalali. Woo, te meni. Te kigamu giliga tamadi tama holobao. We bidi augwaligo kigamude bomai wę tulama, wabo pabo sę ebo menio. ¹⁶ Tiali goli, te subo sę page e dao. Te Godigo agabolo po olama, agai Godigo po pusa mawai bidi nogi Joel, agai e sęde polobadu te po wai,

¹⁷ "Te Godigo te po wai, "Te e si sia sainu ebadi yaide, eno ena Mobo Bidi tigidali we bidibolo olo mu mawaibao. Tama menama, dagego ogwa dabe, wegi dabe augwaligo eno po pusa mawaibao. Tama eno duga gesi bidi dabebolo me me gasagi yai na dabe ola mawaibao, te monu dabe augwalibolo me. ¹⁸ Mu tama, te side eno sę ebo bidi dabe me, eno sę ebo we dabe me, te siba eno ena Dwagi Yai Mobo Bidi olo mu mawaibao. Tama menama, augwaligo eno po pusa mawaibao. ¹⁹ Tama eno dagalude me, tęde me, te we bidi noma sabo gasagi yai bomai sę dabe yaibao. ²⁰ Te kaneme me, sia me, sisi yai hano me yaibao, te giliga eno huli si ilaibao, tama te polua me kaneme tiwai mama yai ilaibao. Tama nosali Genuai Bidi Jisasgo si asobo si, te side Genuai Bidigo genuai sę dabe yaibao, tama tibaso te sigo moni nogi elaluaibao. ²¹ Tama te side Genuai Bidi nogi elama i wabo bidi dabe da, teda Godigo augwali tau selama, aga we bidi dabe yaibao," Godigo te po wai,' †

Joelgo tama po wai," Pitago te po wali.

²² Te Pitago po ma wai, "Dage Israel dabe, dage e po odięo. Eno Jisas te Nasaret bidide po waibao, te agai bomai moni sę dabe Godigo agabolo mobaso, agai dagebolo ola mayu tama Godigo aga tagala palai dao. Dago te kone dao, te bomai sę dabe Jisasgo dage to-mode yali duga kone dao, te bidi Jisas agai yali.

²³ Tama Godigo polobadu mu koneama tiaibao homu elama, agaduba homugo po polo daę waluyu homude tiwai, te Jisas augwaligo dagego nogode muaibao. Tama dagego dwai bidi dabego Jisas elemainu ola mobaso, tama augwaligo aga ela muani. ²⁴ Tiali goli, Godigo te bidi ma hodolobaso, tama aga ma hodaloi dao. Bidi isibo sęgo Jisas kalabus usu isębaso, aga dene hauwa dali isama, Godigo agade te dene silali. ²⁵ Tama polobadu Devitgo te Jisas me hodalobo sęde te po weyu, e tobo wai,

'Eno Genuai Bidi eno gesabide sesemane bidibo suali. Tama aga eno dolo nogo badu bidibo. Tama tibaso, dwai sę hauwa enabolo pedalai ebaso da, augwali ena aiyaba elalugobeo. ²⁶ Tama tibaso, eno homu wiegi yai elama, tama eno tede po pusubo sogo eno

bugai homu mu ebo da. Ena bidi tama dao, ena isaibao. Tiali goli, ena te po wabo da, eno God agai enabolo dwagi yai sę ebo ena tonaluaibao.

²⁷ Magi baso meni. God, nago eno noma te isi bidi dabego pesagede olo tagalogobeo. Ena da, te nago dwagi yai sę ebo bidi da. Tama eno tigi nago damua pomainu tagalogobeo. ²⁸ Nago bugagia bidiyu bidabo tų enabolo ola mawai dao. Nage ena dali hodobo bidibaso, ena tego dwagi yai homu mu ilali,' ††

Devit agai te po wali," Pitago Jisasde te po wali.

²⁹ Te Pitago te we bidi dabebolo po ma wai, "Ena hani bidi ama dabe, dago wai mu Devit, te bidide po eno dagebolo hania haninama mu pusa momainu, e po obao. Devit polobadu isali, tama augwaligo aga pubulali. Agai tigi muani pesage te da bidibo digi paęde e elalubao, te ede me munalubuo. Tama tibaso, dago konebo dao, te Devitgo agai wali po agade digi wabe, te Jisasde wali. ³⁰ Tama Devit bidibadi yaide, te agai polo koneai, te magi sę dabe dię holaibao. Tama Godigo agabolo mu tama dao olama, te po mu daę walai, te Devitgo koneai. Godigo agabolo te po wai,

'Te eno naga hani bidi dabego bidi me nosali mu genuai bidi mu ilaibao, te nage tiwai,' te po wai, Godigo. ³¹ Tama Devitgo suali, te Godigo nosali yabo sę. Tama tibaso, Devitgo te we bidi tau somainu sa muani bidi Krai ma hodalobao, te sęde te po wai,

'Te Godigo aga te isi bidi dabego pesagede olo tagalogobeo. Tama agai tigi damua pogobeo.'

³² Tama te bidi Jisas, Godigo aga ma hodolali. Te sę da Godigo po wali pabo bidi dabego gedugo mu suali.

³³ Tama Godigo Jisas ma hodolama, aga dolo nogo badude muani, tama te nogi yai bidi bidibo madi. Tama Godigo agabolo aga Dwagi Yai Mobo mawai, te aga aya Godigo polobadu mawaibao olama polo po daę walai. Tama megi Jisas agai Godigo Dwagi Yai Mobo dabolo olo mu menama, e dagego suali sę me, odali po me pedalali. ³⁴ Tama Devit aga digi dagaluba pai menio, te Jisas yaligia. Me ma Devitgo e tęba wai, 'Eno Godigo eno Genuai Bidibolo te po wai, "Nage eno e dolo nogo badu dugayao. ³⁵ Tama pelama, eno naga boi bidi dabe aiyaba elaluama, nago saęa dologoba muaibao, te sogo daę egi paibao," Godigo te Genuai Bidibolo tama po wai,' Devitgo te po wali." †

³⁶ Te Pitago po ma wai, "Eno dagebolo te po obao, dage Israel we bidi tigidali, dagego hania koneao, te duga te nide enani bidi Jisas, te bidi Godigo te Genuai Bidi ilali, te Godigo we bidi tau somainu sa muani bidi Krai," Pitago te po wai.

³⁷ Te we bidi augwaligo te po odobo si, augwali moni homu mu elama, Pitabolo me, tama me badu Jisasgo tagala palai bidi dabebolo me te po wai, "Hani bidi ama dede, da magi egowe?"

³⁸ Te Pita agai augwalibolo te po wai, "Dage tigidali deli deli dabego tigidali dwai sę dabe tudiba togolama,

† 2:21 Jol 2:28-32

†† 2:28 Tib 16:8-11 ‡ 2:35 Tib 110:1

tama homu begelama, Jisasgo nogide baptais sao, te Godigo dagego dwai sę sela sęnama, boi bidi egobe weyu yao. Tama tilama, Godigo aga Dwagi Yai Mobo dagebolo mawaibao. ³⁹Tama Godigo polobadu mawaibao olama polo daꝝ walai po dagebolo me, te duga ogomani dabe nosali ame nabo tebolo me, tama te digibulu bidibo we bidibolo me, te dago Genuai Bidi God aga paꝝa i wabo we bidi tigidalibolo me, agai te tigidali we bidibolo aga Dwagi Yai Mobo mawaibao," Pitago te po wali.

⁴⁰Te Pitago augwalibolo dwasianu po wabe, te po hauwa wai, te po bomona weyu, te po wai, "Duga digi duga ma tau siꝝo. Tibaso, dage dene sogobeo, te Jisas ela muai dwai bidi dabe nosali dene sainu ebo yaligia," te po wai. ⁴¹Tama we bidi hauwa augwaligo agai wali po homude daꝝ wai. Tama we bidi hauwa mu 3,000 augwali te sogo baptais selama, tama augwali te Jisasde polobadu homu daꝝ wai we bidiba wadolagasai. ⁴²Tama augwali wadolali we bidi augwaligo Jisasgo tagala palai sę bidi dabego augwalibolo po hauwa mu ola momaina homu yali. Tama augwali deli hani tiwai bidali. Tama augwali deli madi hodobo nai tubo da, augwali Jisasde homu daꝝ wai dao weyu yai. Augwali Godibolo hodobo po wabo da.

Jisasde homu daꝝ wai we bidi augwali bugagia bidai

⁴³Te bidi Jisasgo tagala palai bidi dabe augwaligo te we bidi noma sabo gasagi yai bomai sę dabe hauwa sogo mu eduali. Tama tibaso, we bidi tigidali noma mu sai. ⁴⁴Tama te Jisasde homu daꝝ wai we bidi tigidali augwali deli hani tiwai pedelama bidali. Godigo po wali pabo bidi dabego homugo te da deli deligo munalubo nai dabe denaduba nai dabe da homu ebe, te Godigo daꝝ ilai me badu bidi dabe tau sabo nai dabe da, te homu yali. ⁴⁵E tiwai yai. Te augwaligo me sogo be dabe me, te tꝝde me, te munalubo me badu nai dabe me bidi dabeba menama, tama mone ge selama, me me nai habuge yai bidi dabe tau siyu yali. Tama tilama, augwali tigidali usu yali. ⁴⁶Tama augwali te Moni Lotu Be tempel tede sesemane sogo sisinagasu sisinagasobo da, te deli hani tiwai. Tama augwaligo sesemane sogo wiegi yai homu dali nai tuyu bidali, te augwa be dabede. Tama augwali wiegi yai homu dali nai tubo da. ⁴⁷Augwaligo te po wabo da, "Te God da, aga dwagi yai mu da." Tama te olo we bidi tigidali augwaligo te Jisasde homu daꝝ wai we bidi dabebolo wiegi yai homu yai. Tama Godigo sesemane deli deli sogo te olo we bidi dabe selama, agai po wali pabo bidi dabeba wadolobo dao.

Saꝝa dwai bidi dwagi yai ma ilali

3 Te me sogo Pita dali Jon dali te bidi si te Juda dabego Moni Lotu Be tempel teba pali, pioba poloba. Tama te Juda dabego pioba poloba Godibolo gedu haluasa po wabo sogo da. ²Tama te Moni Lotu Be tempelde te moni sunumi deli elalubo, te sunumi nogi Dwagi Yai Mu. Augwaligo te saꝝa dwai bidi me

deli te sunumiba sesemane sogo tolasa asama, teba mugasobo da, mone ge gonomainu yali. Te bidi aga idago tabide saꝝa tama dwai ame nai. Tama te bidigo tigidali sogo "Dwasianu masigi ena mao," wabo, te Lotu Be tempelba asobo we bidibolo. ³Aga Pita dali Jon dali si tomoba asobo sulama, "Dage sigo dwasianu masigi ena mao," wabo po hanalu wali. ⁴Augwali sigo te bidi dolo tonalu, tama Pitago te po wai, "Da siba nago tonaluao," wali. ⁵Tama te po obaso, te bidigo augwali si tonaluali, agai homugo 'Augwali sigo masigi enabolo mawaibao.' ⁶Pitago agabolo te po wai, "Ena masigi menio. Tialima, eno elalubo nai deli nagebolo mawaibao. Jisas Krai, te Nasaret bidi, agai te bomo elalubaso, eno nagebolo obao, nage bilao." ⁷Tama olama, saꝝa dwai bidigo dolo nogogo Pita nogo tolasa hodaluali. Tama megi tama saꝝa si dali si ma dolo yali, te aga saꝝa gaꝝ si me ma dolo yali, tama tigidali saꝝa dili ma bomo yai. ⁸Tama agai saꝝago sasa mano biliyu, posoga palu, posoga palu elama, aga saꝝago dolo dolaluali, tama agai bilalio. Aga augwali si dali Moni Lotu Be tempel tomoba pobadi yaide, agai posoga palu elama biliyu, agai Godigo nogi ugwaba salio. ⁹Tama tigidali we bidi te Moni Lotu Be tempel tomode augwaligo te bidi bilibo suali, agai tama biliyu Godigo nogi ugwaba salio. ¹⁰Augwaligo te bidi sulama, koneai, te po wai, "Te bidigo e Moni Lotu Be tempel sunumide dugulalu tigidali bidi hanalu wai, 'Masigi enanu mao,' wabo da, te sunumi nogi Dwagi Yai Mu," te po wai. Te mone enanu mao gonudali bidi aga saꝝa usu elama bilibasulo sulama, augwaligo noma mu sai.

Pitago te Moni Lotu Be tempel tomode po pusai

¹¹Te bidi agai Pita dali Jon dali tagalabo homu meni, tama te bidi si nogogo toalio. Tama bidi sela Moni Lotu Be tempel tomode dolalubo, te be mabode, te mabo nogi Solomongo Be Mabo. Tigidali we bidi augwali noma selama, udulama, te bidi sela pageba sabolali. ¹²Tama Pitago te we bidi sulama, augwalibolo te po wai, "Israel dabe, magi baso dage noma sobawe? Magi baso dagego da gedugo bugagia osabawe? Dadi sigo bomogo e bidi bilimai hagede dodolobeo, te menio. Dadi si dwagi yai bidi menio, e bidi dodolobeo. Godigo e sę yali. ¹³Dena waꝝ mu Abraham dede, Aisak dede, Jekop dede polobadu augwaligo koneama, Godibolo lotu po wabo page wai. Tama te Godigo agai ogwa Jisasgo nogi da ola mawai dao, te aga bomo me. Aga da, te da tau sabo bidi dao. Tiali goli, dagego polobadu Jisas te gavman genuai bidi teba odasa pai. Dagego aga po tꝝ elama, te kiap bidi nogi Pailat agai Jisas olo tagalai homu yai. ¹⁴Tiali goli, dagego te bidi Jisas tudiba muani, dwagi yai kolesaga yai bidi, mu doloba pai bidi dao. Dagego te kiap Pailat hanaluyu, 'Te bidi Barabas olo tagalama, da mao,' te po wai. ¹⁵Te bidi Barabas da, te bidi ela mubo bidi da. Dagego Jisas agai da bida bida pomai hagede tau sabo bidi, te dagego ela muai dao. Tiali goli, Godigo aga gꝝ pagede ma hodolali. Dadi sigo suali, aga ma bidibo. Tama dadi sigo koneama, te po dagebolo obe dao. ¹⁶Jisasgo bo-

mogo e bidi ma dwagi yai ilali. Dage tigidali gedugo sualio. Te bomo dagego suali te bidi dwagi yai ma ilali. Tiali goli, Jisasgo bomu aselama, dadi sigo te bidi Jisas konealubo homu ebaso te bidi dwagi yai ma ilali, te dagego gedugo sualio," Pitago te po wali.

¹⁷ Te Pitago po me wai, "Eno ama dede, dage dali dago genuai bidi dabe dali, dagego Jisasgo page bugagia koneaiwai baso, te agabolo te dwai sę yali, te eno konebao. ¹⁸ Godigo polobadu mu agai po pusa mabo bidi dabe tigidalibolo te po wai, 'Eno we bidi tau so-mainu sa muani bidi Krai, aga tigide dene hauwa yaibao, te augwaligo aga ela muaibao,' te po wai. Tama dagego agabolo dene menama, ela munama, dagego te dwai kolesaga e baso, te polobadu wali po tiwai yaligia megı nai ebigia muani. ¹⁹ Tama tibaso, dagego kolesaga begelama, Godigo kolesagadu wali piąo, tama Godigo dagego dwai sę sę sela sęmainu tama yao. ²⁰ Tama te elama, Genuai Bidigo dage dwagi yai toma tuabo sogo mawaibao, te agai dagego kolesaga daę walaibao. Tama nosali Jisas tagala palaibao, aga Godigo sa muani bidi Krai, tama da tau so-mainu yaibao. ²¹ Megı agai dagalude tonalu bidibo, Godigo tigidali nai gesı ma ilibo sogo, te sogo asobo tonalubo. Te po polobadu Godigo agai po pusa mabo bidigo dabebolo wai, mu dolo yai bidi dabe. Tama augwaligo te po pusa mani. ²² Tama Mosesgo polobadu te Juda dabebolo po wai,

'Te Genuai Bidi, dago God, agai ena dagebolo tagala palai dao. Tama nosali agai te tiwai te po pusa mabo bidi me dagebolo tagala palaibao, dagego hani bidi deli. Agai wabo po tigidali dagego bugagia odiąo. ²³ Tama te po pusa mabo bidigo po odisąbo we bidi, teda dagego Godigo po odobo we bidi tomo agebeledu buluba sela sęnama, elaibao,' † Mosesgo te po wali," Pitago te tama po wai.

²⁴ Pita agai po me wali, te po wai, "Te Godigo po pusa mabo bidi nogi Samuel dali, te nosali asai bidi dabe dali me, te Godigo po pusa mabo bidi dabe tigidali, augwaligo Jisasgo yabo sę po polobadu pusa mawai. Tama megı te sę dią holali. ²⁵ Godigo agai mu po ola tolai dao, te agai po pusa mabo bidi dabego ola mawai, te da tau so-mainu. Godigo dago wąj dabebolo agai mu po ola mawai dao. Tama Godigo Abrahambolo polobadu wali po megı da pagede me bidibo. Godigo Abrahambolo polobadu te po wai,

'Eno nago nosali ame nai wąj dabebolo dwagi yai sę hasia elama, nosali augwaligo tigidali tęde bidibo we bidi dabebolo dwagi yai sę yaibao,' †† Godigo te po wai. ²⁶ Tama te sę emai hagede, Godigo aga sę ebo bidi sa munama, dabolo hasia tagala palali. Agai homugo dage tigidaligo dwai kolesaga tagalama, dage bugagia bidaibao," Pitago te po wai.

Pita dali Jon si te kalabus elama, te kaunsil gesabide dolaluali po

4 Te Pita dali Jon si te we bidibolo po ola mobadi, te pris bidi dabe dali, te Moni Lotu Be tempel genuai

† 3:23 Bom 18:15, 18 †† 3:25 Gag 22:18

enesigi bidi kepten dali, te Juda dabe bidi sibi Sadyusi bage dali, augwali te bidi si pageba sabolali. ² Jisasgo tagala palai bidi sigo te we bidibolo te po wai, "Te Jisas isilama, ma hodaloai. Tibaso, dago koneagameo, te tigidali isibo we bidi ma hodaluabao," te po wai. Tama te po baso, te genuai bidi dabe sębę yali. ³ Augwaligo te bidi side sębę elama, nogo bono dunama, kalabus beba muai, piode, te do kigamu po tų dodolainu. ⁴ Tiali goli, augwali sigo po ola mabo po te odali we bidi te augwali hauwa mugı te po mu konealuali. Tama te bi-di dabe nedelama, te namba hauwa mu 5,000 yali.

⁵ Te sogo kigamu te Juda dabe genuai bidi dabe dali, te nogi elalubo monu dabe dali, te Juda dabego bomu yai po ola mabo bidi dabe dali, augwali Jerusalem buluba sisinagasali. ⁶ Tama bidi dabe me sisinagasali, te pris bidi tuni bidi, te bidi nogi Anas, te bidi dali, aga hani bidi dabe Kaiafas dali, Jon dali, Aleksander dali, augwali tigidali sisinagasali. ⁷ Tama te sisinagaselama, i olama, te Jisasgo tagala palai bidi si tomoba dolagasali. Augwaligo augwali sibolo te po hanalu wali, "Magı elama, dage sigo te sęą dwai bidi ma dwagi yai ilaliwe? Mena bomogo aga dwagi yai ilaliwe? Mena nogigo te aga ma dwagi yai ilaliwe?" te po wai.

⁸ Godigo Dwagi Yai Mobogo te Pita kolesaga pąąana sęyani. Te Pitago te po wei ponoyu te po wai, "Genuai bidi dabe, monu dabe, odao. ⁹ Dadi sigo te sęą dwai bidi ma dwagi yai ilali baso, dagego da si po tų ebao.

¹⁰ Tibaso, dage tigidaligo koneąo, te Israel we bidi dabe tigidali me, dagego koneao, ede te sęą dwai bi-di dolalubo, te Nasaret bidi Jisas Krai go nogi bomogo e bidi ma dwagi yai ilama, aga sęągo dolalubo. Te bi-di Jisas dagego ni pedaide elai bidi da. Tiali goli, Godigo aga gų pagede ma hodolai. ¹¹ Te tiwai Godigo po buku tomode e po asęai elalubao,

'Dage be sę ebo bidi dabego e masigi sela sęyani. Tiali goli, megı Godigo te masigibolo genuai nogi mawai.' ‡

Te po page Jisasde po wali. ¹² Jisas deligo te da tęde bi-di tau sabo te usu yaibao. Tigidali bulu Godigo da ma dobola sabo sa muani bidi me menio," Pitago te po wai.

¹³ Te Pita dali Jon sigo te po tama olama, wi meni baso, te Judago po tų ebo kaunsil bidi dabe noma sai. Augwaligo odai, te bidi si skulba pabe, olo bidi si naga dao, tama tibaso, augwali noma sai. Augwaligo te sogo koneai, te bidi si Jisas dali bidai dao. ¹⁴ Tiali goli, te polobadu sęą dwai bidi agai te Pita dali Jon si pąde wiegi yai dolalubo suali. ¹⁵ Sulama, te po magı ilama, aiyaba elalugobeo. Tama tibaso, augwaligo Pita de Jon sibolo "Gasa habuba dage si osogo piąo," wali. Genuai bidi dabe augwa hasi tega si po dodolali. ¹⁶ Augwa hasi te po hanalu wai, "Dago te bidi side magı sę yaibawe? Jerusalem tigidali we bidigo koneai, te dwagi yai bo-mai sę te bidi sigo yali, tama dago mena tama dualogo menio. ¹⁷ Tiali goli, te po tigidali we bidi dabebolo pususu bilidali weyu, dago te bidi sibolo te po bomai mu wainao, 'Dage sigo Jisasgo nogi munu ma pususu

‡ 4:11 Tib 118:22

pigimio, we bidibolo,' te tiwai po augwalibolo wainao," augwaligo te po wai.

¹⁸ Te po augwa hasi minama, augwaligo tega si i olama, dolagasali. Augwaligo po bommo elama, augwali sibolo wali, "Dago dage sibolo habu selebao. Dage sigo Jisas nogi ma gasa we bidibolo ola magio, agai po wai," te po wai. ¹⁹ Tiali goli, Pita dali Jon si dolalubadi, te Pitago te po wei ponoyu te po wai, "Dadi sigo Godigo po tagalama, dagego po wali pobaso, Godigo gedude te dolo yaibawe? Duga digi gedugo dagaliqo. ²⁰ Dadi sigo gedugo suali sę me, odali po me, te dago tagalogo," te po wai. ²¹⁻²² Tama te kaunsil dabego me badu bomai sę yabo po tega sibolo ma wai. Tigidali we bidigo Godigo nogi ugwaba siyu bidali, agai bomogo te saęą dwai bidi dwagi yai ma ilai baso. Te bidi agai kibu be bidi si nogo saęą sese te 40 yia silai, tama aga da gesi bidi menio. Tama augwali sigo te saęą dwai bidi dwagi yai ma ilama, tama te we bidi tigidali Godigo nogi ugwaba sobaso, te kaunsilgo 'Te bidi si dago mena tama elego menio,' te homu yai. Tama te po olama, augwaligo te bidi si olo tagala palai.

Godigo po odama wali pabo bidi hanigo Godibolo po pusubo bommo sai hagede hanalu wai po

²³ Te kaunsil dabe augwaligo te Pita dali Jon si olo tagala palama, tega si augwa si haniba polo pai. Tama sabolama, te po pusa mani, te pris hani genuai bidi dabe dede, monu dabe dedego tamadi wali po.

²⁴ Tama te Godigo po odama wali pabo bidi hani augwaligo te po odama, augwali deli homu ebadi, Godibolo te po wai, "Genuai Bidi, dago sę Tolalubo Bidi, te dagalu dede, tę dede, te tamu aę dede, te augwali tomode bidibo nai tigidali me, nagaduba nigali. ²⁵ Dago wai Devit, nago sę bidi, tebolo nago Dwagi Yai Mobogo po me deli e tama po wai. Te po obaso, Devitgo te po wai.

'Gasa bidi hani magi baso moni sębę yaliwe? Te bagego te sę usu isawai, augwaligo magi baso hwęgi pabo homu yaliwe? ²⁶ Te tę genuai bidi dabe dali, te bidi tonalubo bidi dabe augwali deliba sisinagaselama, sisi yai, te God me, te Godigo sa muani bidi me, te side hwęjabo homu yai,' † Devitgo te po wai. ²⁷ Tama te Devitgo polobadu wali po yaligia, augwaligo te sę tamadi yali. Te genuai bidi si, Herot dali, Pontias Pailat dali, e buluba sisinagasali, te gasa bidi hani me, te Israel we bidi me. Augwaligo Jisas dali hwęjabo homu yali, te nago dwagi yai tedali sę bidi, te bidi nago polobadu sa muai bidi. ²⁸ Polobadu nago bomogo me, nago homugo me, te po wai, 'Augwaligo nosali te tigidali sę yaibao,' wai. Tama tibaso, tamadi augwali sisinagaselama, te tigidali sę yali.

²⁹ Genuai Bidi, augwaligo da elaibao po wai, te po nago odao. Da da, nago sę ebo bidi dabe da. Nago da bommo ilao, tama dago nago po pusubo wi egobeo.

³⁰ We bidigo nago bommo sumainao. Gasi ebo we bidi dwagi yai ma ilao. Da tagala palama, nago dolo sę ebo

bidi agai nogide we bidigo polobadu susiawai bomai sę emainao," augwaligo te po wai, Godibolo.

³¹ Te augwaligo Godibolo po olama, silibo si, te sisi-nagasali bede tę mali yai. Godigo Dwagi Yai Mobo augwali kolesagaba asali, tama te sogo gagalama, Godigo po augwaligo pususu pai, wi ebe.

Godigo po wali pabo bidi augwali homu deli yali

³² Te bidi Jisas konealubo we bidi augwali homu deli, kolesaga deli elama, bugagia bidali. Bidi mego "Te nai ena naga dao" po me wabe. Augwali tigidaligo augwa doado bage dobolama, tigidali we bidi usu yai. ³³ Jisasgo tagala palai bidi dabego te po tigidali we bidibolo pusai, 'Genuai Bidi Jisas gę pagede ma hodaluali,' te po bomai mu. Godigo te Jisas konealubo we bidi tigidalibolo moni dwagi yai sę yali. ³⁴ Augwali tomode me me nai te bage habuge menio. Be page bidigo, tę page bidigo me augwaligo te po wai, "Gasa bidigo e nai sabo homu ebaso da, abelagasao." ³⁵ Abelagaselama, page bidi dabego te masigi selama, te Jisasgo tagala palai bidi dabebolo mani. Augwaligo selama, te nai meni yai we bidi tigidalibolo dobayali.

³⁶ Te augwaligo te tobage sę ebadi, te bidi me deli bidali, agai nogi Josep. Augwaligo nogi me poai, te nogi Barnabas. Te nogi page, 'Abagi pogo bidi tau sabo da.' Agai hani nogi Livai, agai page bulu te Saiprus tęde, te tamu aę tomode elalubo tę dao. ³⁷ Tama te bidi Barnabasgo agai tę me bidigo togwa menama, abelali. Abelama, Barnabasgo te mone ge dabe te Jisasgo tagala palai bidi dabebolo magasali, augwaligo dobamai hagede.

Ananias dali Safaira side po

5 Tiali, bidi me deli augwali dali bidali. Agai nogi Ananias, agai wego nogi Safaira. Augwali sigo gasa kolesaga yali. Augwali sigo tę gasa bidi togwa menama, abelali. ² Tiali goli, te tęde sali mone bogea siyu, me badu augwali sigo dualali. Agai wego me te kolesaga koneai. Agai me badu masigi te Jisasgo tagala palai bidi augwalibolo magi pelama, te po wai, "Te tęde sali masigi tamanu dao." ³ Pitago agabolo te po wai, "Ananias, magi baso Satango dwai kolesaga elama, nago te tę abelali masigi bogea siyu tama me badu dualama, te Godigo Dwagi Yai Mobobolo tibo po waliwe? ⁴ Te tę polobadu te nago tę mu da. Te tęde magi sę yabo me naga homu naga da. Te tę me bidigo abelama, mone sabo me, te tiabo me naga homu naga da. Te tiali, nago mena homu elama, te mone me badu bogea sabo sę elama, tibo po waliwe? Nago bidi dabebolo naga tibo po wabe. Meni. Nago Godibolo tibo po wali," Pitago te po wai. ⁵⁻⁶ Ananias te po odama, polo tama tęba degasa dulama, te aga polo tama isalio. Tama gesi ogwa bidi dabe aselama, augwaligo te bidi te nami ugwade belama, tolasa pelama, pubaligi pai. Tigidali we bidigo te yali sęde po odama, wi mu yali.

† 4:26 Tib 2:1-2

⁷ Te nosali nai po sela wai madigi, Ananaias aga we te be tomoba asali, tiali agai aga bidi isali po agai odobe. ⁸ Pitago agabolo hanalu wai, "Te tų abelali masigi, te tamanu dawe?" te po wai. Ananaiasgo wego te po wai, "Te tų abelali mone tamanu dao," te po wai. ⁹ Tiali goli, Pitago te po wai, "Magi baso dage sigo homugo te tibo po waliwe, te Godigo Dwagi Yai Mobo usu saliwe? Nago bidi pubulali bidi dabe tųba dolagasobo side, nage me tolasa paibao," te po wai. ¹⁰ Tama te we polo tama te bidi Pita sągą pagede degasa pelama, te aga isali. Te gesi ogwa bidi dabe te be tomoba asai. Augwaligo te we isai munalubo suali. Sulama, augwaligo te we tigi tolasa pelama, aga bidi muani madigi pubaligi pali. ¹¹ Tigidali we bidi Jisasgo po wali pabo bidi te po odali, tama augwaligo moni wi mu yalio. Te olo bidi dabego me sulama, wi mu yali.

Augwaligo bidi noma sabo sę yali

¹² Te tibo sogo Jisasgo tagala palai bidi dabego te we bidi tomode augwaligo bomai sę mu yalio, te bidi noma sabo sę me. Tigidali bidi Jisasgo po wali pabo bidi Moni Lotu Be tempel beba sisinagasai, sesemane sogo, te Solomongo Be Mabode. ¹³ Godigo po wali pisąbo bidi augwaligo wi elama, te bagede nagulagasobeo. Tigidali we bidi augwaligo te po wai, "Te hani da, dwagi yai bidi dabe dao." ¹⁴ Tama tialima, umabo we bidi augwaligo Jisasgo po wali pelama, tama augwaligo Genuai Bidigo haniba nagulagasalio. ¹⁵ Jisasgo tagala palai bidi dabego bomai sę mu ebaso, tigidali we bidigo augwa ama me, abe me gasi baso, gologobe wade munama, tų sesegeba selasa asali. Augwaligo homugo Pita te tų sesegedu biliyu, agai giligade bilibo noma te gasi yai bidi tigiba bogibaide ma dwagi yai ilimainu. ¹⁶ Jerusalem pąde bida bida pabo we bidigo gasi yai we bidi me, dwai mobo haubogo tuai we bidi me, Jisasgo tagala palai bidigo dwagi yai ma ilimaio olama, magasali. Tama augwali tigidali dwagi yai ma yali.

Jisasgo tagala palai bidi dabe augwali ensel mobo bidigo tau selama, kalabus bedu buluba tagala palai

¹⁷ Te side te pris hani tobolu bidi dede, agai abagi solo dede, augwaligo lotu hani nogi Sadyusi, augwaligo te Jisasgo tagala palai bidi dabebolo dwai homu mu yali. Tigidali we bidigo te Jisasgo tagala palai bidi dabe dali dwagi yai homu ebaso, te Sadyusi dabego moni sębę elama, elainu yalio. ¹⁸ Augwaligo te Jisasgo tagala palai bidi dabe tulama, kalabus beba muani, dwai sę ebo bidi dabe dali hodobo te kalabus beba muani. ¹⁹ Tiali goli, te hulide Godigo ensel bidi deligo te kalabus be tų dayagasali. Tų dayagaselama, te Jisasgo tagala palai bidi dabe buluba tagala palama, augwalibolo te po wai, ²⁰ "Te dage Moni Lotu Be tempel teba dolaligi pelama, we bidibolo te gesi kolesaga po tigidali ola mao," te po wai. ²¹ Tama Jisasgo tagala palai bidi dabe augwaligo te po wali pelama, kigamu hulide te

Moni Lotu Be tempel tomoba pelama, tigidali we bidibolo te po ola mabo gagalali.

Te pris tobolu bidi dali, agai abagi solo dabe dali, augwaligo te Juda bidi monu dabe i olama, te kaunsilde moni po tų miainu yai. Augwali deliba sisinagaselama, augwaligo enesigi bidi dabe te kalabus beba tagala palama, "Te Jisasgo tagala palai bage eba odasa asao," wali. ²² Tiali goli, augwali te kalabus beba sabolama, Jisasgo tagala palai bidi dabe te be tomode bidibo sube. Tama tibaso, te bidi dabe kaunsilba ma pelama, augwalibolo te po wai, ²³ "Te da te kalabus beba sabolama, dago suali, be tų palialubo suali, te kalabus bidi tonalubo bidi dabe tonalubo suali, te be tųde. Tiali goli, te be tų dalama suali, te be tomode te bidi menio," te po wai. ²⁴ Tama te Moni Lotu Be tempel genuai enesigi bidi dali, te pris genuai bidi dabe dali, augwaligo te po odama, augwaligo moni homu yali. Augwaligo te po wai, "Te magi sę yaliwe?" ²⁵ Bidi me deli te be tomoba aselama, agai augwalibolo te po wai, "Odao. Dagego kalabusiba muai bidi dabe, augwaligo te we bidibolo po ola mobao, te Moni Lotu Be tempel, tede dolalubo," wali. ²⁶ Tama te po obaso, te genuai enesigi bidi dali, agai enesigi bidi dabe dali, augwali pelama, Jisasgo tagala palai bidi dabe odasa asali. Augwali sesali sogo elebeo. Wi elama, augwaligo homugo "Dago te bidi dabe elebaso, te we bidigo masigi sąnama, da elaibao," te homu yai.

²⁷ Augwaligo te bidi dabe te be tomoba dodoligi pali, te kaunsil dabe gesabide. Tede dolalubadi, te pris tobolu bidigo augwalibolo te po wai, ²⁸ "Te dagego bidibolo Jisasgo po pusamuo olama, habu selai. Dagego homugo te da olo nai dao. Megi dagego tigidali we bidi Jerusalemde te Jisasgo po ola mawai. Dagego homugo dago Jisas elama, isilai," agai te po wai.

²⁹ Te tiali goli, Pita dali, me badu Jisasgo tagala palai bidi dabe, augwaligo te po wei ponoyu, te po wai, "Te dagego dago wali po wali pogobeo. Godigo dabolo mani genuai po mu dage wali paibao. ³⁰ Dago wąj dabe augwaligo polobadu Godibolo lotu po wai dao. Tama dagego Jisas te ni pedaide neligo enama, isalio. Tiali goli, dage wąjgo God, te Godigo digi Jisas ma hodolali. ³¹ Tama Godigo selama, ogwaba pelama, Jisas te Godigo dolo nogo badu bidibo, moni nogi elalubaso. Tama tede bidibo, te we bidi tobolu elalubo bidi da, te tau sabo bidi da, te Israel we bidi augwaligo homu begelama, Godigo augwaligo yali dwai sę dabe sela sąmainu ebaso. ³² Tama te Jisasgo polobadu yali sę te we bidigo konemai hagede, dage tede po sagwa mabo bidi dabe da. God agai po wali pabo we bidibolo te Dwagi Yai Mobo Bidi mabo da. Te Godigo Dwagi Yai Mobo Bidi me, te Jisasgo ebo sę konebo da, te sęde po sagwa mabo dao," Pitago te po wai.

³³ Te kaunsil dabego Pitago po odama, moni sębę mu yali. Augwaligo homugo 'Dago te Jisasgo tagala palai bidi dabe elaibao' homu yai. ³⁴ Tiali goli, bidi me deli augwali tomode bidali, te Juda dabego kaunsil bidi doligiluali te Farisi bidi sibi bidi, te bidi nogi Gamaliel. Te bidi agai Mosesgo bomu yai po pusubo bidi, tigidali

we bidi augwaligo bugagia konemai hagede, tama te we bidigo te dwagi yai bidi mu augwaligo aga dali dwagi yai homu elama, te bidi nogi ugwaba sali. Te bidi Gamaliel te kaunsil tomode dolaluyu tama te po wali, "Te Jisasgo tagala palai bidi dabe gasa habuba osogo pomainao." ³⁵ Augwali teba pelama, agai te kaunsil dabebolo te po wai, "Dage Israel bidi, dagego te bagebolo ebo sę dua yao. ³⁶ Polobadu te bidi nogi Teudas dią holama, te po wali, 'Ena genuai bidi mu dao.' Tama bidi hauwa 400 aga wali pai. Tiali goli, gasa bidigo te bidi elebaso, aga wali pali bidi me badu wi pela silali, te agai sę silali. ³⁷ Tama nosali te Galili tų bidi Judas, agai nogi sabi bidi dią holali, te gavmanigo we bidi nogi sabo side. Agai te homu yai tigidali bidi selama, gavmanide moni hauwa hwębao. Tiali goli, gavman bidigo enesigi bidigo aga elebaso, aga wali pali bidi wi pela silali. Tama te bidi si augwaligo yali sę tuloluai. ³⁸ Tama megi Jisasgo tagala palai bidi dabe, dagego te dwai sę elamuo. Olo bidimainao. Tama bidigo ebo sę dali kolesaga side sę eyu da, te polo sia saibao, tega sigo sę tuloluai tiwai. ³⁹ Tiali goli, te sę Godigo bomogo ebo sę eyu da, teda dagego te sę aiyaba elalubo usu egobeo. Dagego 'Te bidigo sę naga dao' wagi sogo da, teda dage God dali hwę egi da," te bidi Gamaliel agai te po wai.

⁴⁰ Te kaunsil dabe augwali Gamalielgo wali po wali pali. Augwaligo Jisasgo tagala palai bidi dabe i olama, "Asao." Augwaligo enesigi bidigo bįgo elemainu, tama augwaligo bįgo elali. Te kaunsil dabego augwalibolo te po wai, "Dagego Jisasgo nogide po munu ma pusulamuo," te po wai. Te po olama, augwaligo te bidi dabe olo tagala palali. ⁴¹ Tega sigo te kaunsil be tagalama pali. Tama te kaunsil bagego elali goli, mu ma bugai homu yali. Tama augwaligo te homu yali, 'Da Jisasgo po wali pobaso, Godigo usu da olama, da te bidigo gedude naga moni hale mu selama, Jisasgo sę tau sali,' te homu yai. ⁴² Tama te Moni Lotu Be tempel tede me, te we bidigo bede me, augwaligo sesemane sogo te Dwagi Yai Po te we bidibolo pusa mayu ola mani, te Jisas da, Godigo sa muai bidi Krai dao po wai.

Augwaligo te tagala palai bidi dabe tau sabo bidi a naga olama me badu nogo si bidi sa muani

6 Te nosali Jisas wali pabo we bidi dabe genilama pedelali, dwasianu hani augwa hasi tomode wado po wali. Me hanigo te Grik po weyu, me hanigo te Hıbru po weyu yalio, te Juda dabego po mu dao. Tama te hani si da Juda bidi hani da. Tama te Grik po wabo Juda dabego te po wai, "Te dagego nai dobabo sogo, dago bidi isai we nai bugagia mabo meni, deli deli sogo mayu ebo," te po wai. ² Tama te po obaso, te Jisasgo tagala palai bidi nogo si olama, saęągo side, augwaligo Jisas wali pabo we bidi tigidali i olama, augwalibolo te po wai, "Odao. Te nai dobabo sęgo dago sę mu te aiyaba elalubo. Te dwali. Dago sę mu te Godigo po tigidali we bidibolo ola mabo sę dao. ³ Tama tibaso, abagi dede, dagego bidi nogo a olama, me badu nogo si sao. Augwaligo te nai dobabo sę tonalumainao.

Augwali Godigo Dwagi Yai Mobo Bidi augwalide bidibo bidi, dwagi yai kolesaga ebo bidi, te tobage bidi sao, te nai dobabo sę emainu yao. ⁴ Tiali goli, dena te sę egobe. Da da, tigidali sogo Godibolo gedu haluasa po wabo sę dali, Godigo po pusa mabo sę dali, te sę si naga yaibao," augwaligo te po wai.

⁵ Te bidi Jisas wali pabo we bidi augwaligo te Jisasgo tagala palai bidi dabego po odama, "Usu da" wali. Tama tibaso, bidi dabe dąj ilali. Hasia bidi agai nogi Stiven, te agai Godigo po mu dąj olama odobo bidi dao, Godigo Dwagi Yai Mobo agai homude mu paęawai. Bidi mego nogi Filip, bidi mego nogi Prokorus, bidi mego nogi Nikanor, me Timon, me Parmenas, me Nikolas. Te bidi Nikolas, te agai page bulu Antiokdu asali. Polobadu agai te Juda dabego lotu po wabe, tama tamadi te Juda dabego lotu po agai wabo gagalali. ⁶ Tama te Jisas wali pabo we bidigo te bidi a naga olama, me badu nogo si te Jisasgo tagala palai bidi dabego gesabide dodolalugi pali. Tiliama, Jisasgo tagala palai bidi dabego augwaligo nogo te bage tobolude munama, Godibolo po wai, agai augwaligo ebo sę tau somai hagede. ⁷ Tama tibaso, we bidi dabe hauwa augwaligo Godigo po odama, konealuali. Te Jerusalem hanude te Jisas wali pabo we bidi hauwa mu yali. Tama te pris bidi hauwa me augwaligo Jisasgo po wali pali.

Juda bidi dabe augwaligo Stiven po tų ela mawai

⁸ Te Godigo te bidi Stivenbolo dwagi yai sę elama, genuai bomu mu mani. Stivengo me me genuai bomai sę yali, te we bidi noma sabo sę tiwai me yali. ⁹ Tiali goli, me badu bidigo te Stivengo ebo sęde hagelabo homu yai. Polobadu augwali te mone ge sisąbo olo sę ebo bidi bidalio. Tama tomode te sę tonalubo bidigo augwali olo tagala palali. Tama tibaso, augwaligo augwa Juda dabego bomu yai po ola mabo be nogi poai, Olo Tagala Palai Bidigo Be dao wali. Augwali da te Juda dabe da, te bulu sidu asali, te bulu si nogi me Sairini, me bulu nogi Aleksandria. Silisia bulu Juda bidi me, te Esia bulu Juda bidi me, augwali te olo tagala palai bidi dabe dali sisinagasali, Stivende augwaligo hwąjai hagede gagalali. ¹⁰ Tiali goli, Godigo Dwagi Yai Mobo dwagi yai bomai po Stivenbolo mani. Tama menama, Stivengo wali po augwaligo aiyaba elalubo usubeo.

¹¹ Tama tibaso, augwaligo me badu bidi abelama, te tibo po Stivende te po ola momainu, "Te Stivengo te Moses dali God dali te side dwai po wabo dago odali."

¹² Augwaligo te sę elama, te we bidi dabe dede, te genuai monu dabe dede, te Mosesgo bomu yai po ola mabo bidi dabe dede, augwali moni sębę yai, Stivende. Augwali pelama, Stiven nogo bono duąsa aselama, te kaunsil gesabiba dolaluagasali. ¹³ Stivende tibo po wabo bidi dabe me augwali dolaluagasali. Augwaligo te po wai, "Tigidali sogo te bidigo dwai po wabo bidi dao. Agai da dago dwagi yai Moni Lotu Be tempel dolobo dao, Mosesgo dwagi yai bomu yai po dolobo dao. ¹⁴ Agai te po wabo dago odalio, 'Te Nasaret bidi

Jisasgo te Moni Lotu Be tempel dolaibao. Mosesgo polobadu dabolo mani po, te po Jisasgo ma hasege-laibao' wali," augwaligo te po wai. ¹⁵ Tama olama, te kaunsil dabe dali dualu tonalubo bidi dabe augwaligo Stiven bomona tonaluali. Augwaligo te bidi gesabidi suali da, te Godigo dagalude sę ebo ensel bidi gesabidi tiwai suali.

Stivengo kaunsilde pusali po

7 Te pris tuni bidi agai Stivenbolo te po hanalu wai, "Nago te po wali mu dawew?" wali. ² Tama agai te po wei ponoyu te po wai, "Ama dede, aya dede, dagego eno po odao. Dago waj mu Abraham aga te Mesopotemia tęde bidibadi, te Haran tęba pisębadi yaide, te sogode God aga pageba asai. God da, te genuai dwagi yai bomu mu elalubo God dao. ³ Tama aselama, Godigo agabolo te po wai, 'Nage naga bulu taga pelama, naga hani dabe taga pelama, gasa buluba pao, te bulu nage eno ola mawaibao,' te po wai. ¹⁴ Tama te po obaso, Abraham te Kaldia tę taga pelama, te Haran tęba bidigi pali. Tede Abraham aga aya isali. Isilama, Godigo aga te Haran tędu tagala palama, e tęba da megı Israel da bidibo tęba asali. ⁵ Tama te sogode Godigo dwasianu tę me deli agabolo mabe, te agai tę tiwai elalumainu ebeo, te menio. Tiali goli, Godigo agabolo bodolu mayu, te po wai, 'Nosali te tę eno nagebolo mawaibao, te nago hani wai dabe augwaligo te tę aya mu elama, tonaluaibao,' te po wai. Tiali goli, Godigo te po mu wali sogode, Abrahamgo wai menibadi dao. ⁶ Godigo agabolo te po me wai, 'Naga hani wai te augwali gasa bulu me delide bidaibao. Tede bidibadi, augwaligo gasa bidigo sę olo ebo bidi dabe gagawaibao. Te sę tonalubo bidi dabego augwalibolo dwai sę mawaibao, te kibu be hauwa 400 tueibao. ⁷ Tiali goli, eno nosali te sę tonalubo bidi dabe dene mawaibao,' Godigo te po wai, 'Nago hani te tę taga pelama, e tęba aselama, enabolo lotu po waibao,' Godigo te po wai." ††

⁸ "Tama te po olama, Godigo Abrahambolo po me ola mayu, te po wai, 'Te nage dali nago hani dali, dagego ogwa dabe ame nabo si, te Sarere deli bidama, te augwaligo tigde dagego dę ilibo sę eyu, te tigi wali togwao. Tama te dę togobo te Godigo mani bodolu po koneaibao,' wali. Tiliama, nosali Abrahamgo wego wai ame nani. Te wai nogi Aisak. Sarere deli bidama, te wai aga ayago te waigo tigiwali togwalio. Tiliama, nosali mu Aisakgo we sali. Agai aga ogwa Jekop agai te yali sę tiwai yalio. Tama Jekop me aga genuai elama, agai te yali sę tiwai yali. Agai ogwa nogo si olama, sęga badu si wagi soali bage ame nena, agai augwali tigidalibolo te yali sę tiwai yali. Te bidi dabe da Israel bidigo waj dabe dao," Stivengo te po wai.

⁹ Te bidi Stivengo po ma ola mayu te po wai, "Te dago waj nogi si olama, sęga badu deli wagi soali bage augwa amanu Josep delibolo aga ama dedego aga dali sębę yali, dwai homu yali. Augwaligo Josep nogogo tu-

lama, gasa bidi hanibolo menama, mone ge sali, aga Isip tęde gasa bidigo olo sę ebo bidi emainu yai. Tiali goli, Godigo aga tagalobeo. ¹⁰ Tama Godigo aga tonaluali, me me sęę pedalobaso, Godigo aga tau selama, bugagia bidali. Te Isip tę genuai tuni bidi, tama Josep te Isip tę genuai tuni bidi gesabiba pelama, tama Godigo aga tau selama, Josepgo dwagi yai kole-saga ebo te tuni bidigo sulama, aga dwagi yai bidi dao, te tuni bidigo agade te homu yai. Tama tibaso, tuni bidigo Josep te Isip tę genuai gavman bidi nigilama, bidalio. 'Tigidali me me sę nago naga tonalua, eno bede me,' Isip tuni bidigo te po wai."

¹¹ "Te me sogo tigidali bulude nasi yali, Isip tę me, Kenan tę me, augwali tigidali nasigo mu dolalio. Dago waj Israel hani, augwaligo nai me gegelama, tubeo. ¹² Tama tibaso, Jekopgo te Isipde te tubo nai elalubo po odama, tama agai ogwa dabe, dago waj dabe, agai augwali tagala palali, Isip buluba hasia sogo mu nai sigi pai, te augwa buluba ma pali. ¹³ Tama nosali Isip buluba ma pelama, te sogo Josepgo agai ama dedebolo 'Ena da Josep dao' wali. ¹⁴ Te sogo me Isip tuni bidigo agai me Josepgo hani koneai dao. Tama Josepgo aga ama dedebolo po walio, 'Dage pelama, dago aya Jekop aga hani tigidali odasa aselama, da Isip bulude bidaibao.' Tama te hani we bidi hauwa mu 75 bidali.

¹⁵ Tama tibaso, Jekop dede dago waj hani tigidali te sogo Isipba asali. Aga monu dabe bidiyu, tede isai. Nosali dago waj dabe me augwali tede isai. ¹⁶ Isilama, tama bidi dabego augwaligo tigi sela pelama, Sekem buluba pubaligi pali. Polobadu Abrahamgo te tę Hamor bidi hanide masigigo abelai tę," Stivengo te po wai.

¹⁷ Te bidi Stivengo po ma ola mayu, te po wai, "Tama dago hani Israel bidi hauwa mu Isip bulude bidali. Tama te sogo Godigo polobadu Abrahambolo wali po Isip bulu taga soaibao wali po pęde yagasalio. ¹⁸ Tama te sogo Isip bulu tonalubo genuai bidi deli pedalama, tama agai te Josepgo polobadu mu yali sę konebe.

¹⁹ Tama te bidigo dago waj dabe mumuwani. Dago waj dabebolo dene mawai. Tama agai augwalibolo te po wai, 'Dagego we dabe sibigo wai ame nobaso da, dagego te wai dabe digibulu mu olo mugı pao.' Agai homugo, 'Te isimainao,' te homu yali. ²⁰ Tama olama, te side Moses ame neyu, tama aga te sawi yai wai mu yai. Tama aga idago bede ame modubadi, polua sela silali. ²¹ Tama aga idago genuai bidigo po wali pelama, tama Moses buluba mugı pali. Tede munama, tama Isip genuai tuni bidigo wegi agai asama, suali. Tama agai te wai Moses negelama, aga wai mu tiwai aę yalio. ²² Tama nosali Isip bidi dabego ebo kolesaga page augwaligo Mosesbolo ola mani. Moses genuai yali, agai sę dabe, po dabe bomai po mu augwalibolo manio," Stivengo te po wai.

²³ Te bidi Stivengo po ma ola mayu, te po wai, "Te bidi Mosesgo kibu be te 40 yia olama silibo si, agai homugo aga Israel hani bidi sugı paiba homu yali.

† 7:3 Gag 12:1 †† 7:7 Gag 15:13-14

‡ 7:9 Gag 37:11, 28; 39:2, 21 †† 7:11 Gag 42:1-2 †† 7:20 Sai 2:2

²⁴ Tama sugi pelama, sabolama, te Isip bidi me deligo Israel bidi me elebo suali. Tama tibaso, agai aga abagi tau sali. Tau selama, tama Isip bidi me deli agai wei ponoyu, ela muai. ²⁵ (Agai homugo eno hani augwaligo koneaibao, te Godigo ena sa muai, te eno augwali te Isip bidi boi bidi dabego nogode tagala pomainu yali. Tiali goli, augwaligo te sę konebe.) ²⁶ Do agai Israel bidi si hwjbo suali. Sulama, agai pedegelebo si, 'Abagi, odao. Dage si da, ama name si dao. Duga si hwjna-muo,' wali. ²⁷ Tiali goli, te bidi mebolu dwai sę ebo bidigo Moses nogogo dega palali, Mosesbolu te po wai, 'Nage te da tonalubo bidi menio. Nage da dabolo po tų dodolabo bidi menio. ²⁸ Te Isip bidi nago do elali tiwai, megi nago ena elai hagede ebawe?' te po hanalu wali. ²⁹ Mosesgo te po odama, wi elama, aga te Isip bulu tagalama, digibulu pelama, te Midian tęba bidigi pai. Tede bidibadi, we selama, ogwa si ame nai," Stivengo te po wai.

³⁰ Te kaunsil dabebolo Stivengo po me ola mayu, te po wai, "Te Moses aga te bidi meni yai bulude bidibadi, te Sainai bulu du pęde, te kibu be te 40 yia olama silali. Tede Godigo dagalude sę ebo ensel bidi me deli dwasianu ni tomode isi dabo digi bididuali, te Mosesgo suali. ³¹ Te bidi Mosesgo tama tebo sę ebo sulama, aga homu hauwa tuę pelama, noma salio. Aga te ni page pęba pelama, bugagia tonama sueinu yali. Tiali goli, agai Godigo po wabo odali, te po wai, 'Ena da God dao. ³² Ena naga wj nų dabe dedego God dao. Tama te bidi Abraham dede, Aisak dede, Jekop dede, naga wj solo augwaligo enabolo lotu po wai dao.' Mosesgo te po odama, wi mu elama, didibili yali. Tama agai te homu yali, 'Eno te nai ma tonalogobeo.' ³³ Genuai Bidigo agabolo te po wai, 'Nago sęę nadoba dię muao. Magi basowe, ena ede bidibaso, nage te dolalubo tę mu dwagi yai tedali elalubo tę dao. ³⁴ Eno we bidi dabego moni sęęę mu sabo te eno suali, te Isip bulude. Augwaligo gela wabo eno odalio, ę wabo me. Tama megi eno te sęęę sela sęwai hagede asali. Megi nage eno te Isip buluba tagala palobao,' Godigo te po wai, Mosesbolu," Stivengo te po wai.

³⁵ Stivengo te po me wali, "Te Mosesgo aga Israel bidi hani augwaligo polobadu aga sela sęwai, agabolo te po wai, 'Nage da, da tonalubo bidi menio. Nage da dabolo po tų dodolabo bidi menio.' Tiali goli, te bidi Godigo aga augwali tonalumainogo eyu sa muai bidi, augwali te boi bidi nogode dagala sęnama, Godigo aga te sę emai hagede sa muai. Te sogo Godigo dagalude sę ebo ensel bidigo te po Mosesbolu pusa mawai, te isi dabo dwasianu nide. ³⁶ Moses te Isip bulu nosali taga pelama, polasa peyu, te tigidali Israel we bidi nosali aga wali asalio. Tama te Isip bulude me, te mama tamu ę sesegede me, te bidi meni yai bulude me, tede bidi noma sabo bomai sę mu hauwa yali. E sę dabe edubadi, kibu be bidi nogo sęęę sese si 40 yia silali. ³⁷ Te bidi Moses agai tigidali Israel we bidibolo te po wai, 'Godigo te po pusabo bidi me deli dagebolo tagala palaibao, ena tiwai. Te bidi duga hani bidi digi dao,' te po wai. ³⁸ Te bidi Moses aga polobadu te Israel

we bidi hodobo sisinani, bidi meni yai bulude. Aga dago wj dabe dali bidibadi, tama aga Godigo dagalude sę ebo ensel bidigo Sainai bulu bagede po miai. Tama Mosesgo Godigo po sai, te po mu bomai po mu, polo sia sogobeo. Te po dago wjgo ugwaba ola mayu, ola mayu, ela pomai hagede, dabolo momainu yali. ³⁹ Tiali goli, dago wjgo Mosesgo po sela sęwai. Augwaligo aga dega palai. Dega pelama, augwaligo te homu yai, 'Da Isip buluba ma paio,' te po homu yai. ⁴⁰ Tama tibaso, Moses te bulu du bagede bidibadi yaide, augwali Moses aga ama gomunai bidi pageba sabolali, te bidi nogi Aron. Augwaligo agabolo te po wai, 'Aron, Moses magi yaliwe? Da Isip bulu tagala aselama, agai da bugagia odasa asai. Tiali goli, megi aga paliwe, isaliwe, te dago konebeo. Aron, nago po olama, bidi dabego te gasagi yai nai dabe nigilama, dago sulama, te naibolo dago lotu po waibao, God tiwai. Te naigo da bugagia polasa gegasa bilimai yaibao,' augwaligo te po wai."

⁴¹ "Augwaligo te po olama, te sogo augwaligo bulmakau kibu wai tiwai nai me deli nigalio, te augwaligo tibo god. Tama nigilama, augwaligo hasa dabe elama, te tibo godibolo lotu po olama, nai ula mani. Augwaligo moni kibu da tiwai tuali, augwa nogogo nigai nai sulama, dwagi yai homu elama, moni nai kibu da tiwai tuali. ⁴² Tialima, te sę ebaso, Godigo augwali tudiba ilalio. Godigo augwali tagalama, 'Giliga dede, polua dede, hę dede, te naibolo lotu po emainao,' Godigo te homu elama, sula tagalali. Augwaligo te sę yai hagede, Godigo po pusubo bidi dabego te po nosali asęani, 'Godigo te po wai, "Dage Israel we bidi odięo. Dage te bidi meni yai bulude bilidubadi, kibu be bidi si nogo sęęę sese silali. Tama te sogode dagego hasa hauwa mu elama, lotu po olama, dagego enabolo te lotu po wabe. ⁴³ Te tibo god nogi Molek agai ugwa be naga dagego tolasa bilu, te dagego tibo god nogi Refan agai hę noma me tolasa bilali. Augwali si naga te dagego nogogo nigai nai da, augwalibolo lotu po omainu yali. Tama tibaso, eno dage digibulu Babilon bulu tudiba tagala palaibao," Godigo te po wai," ††

Stivengo wali.

⁴⁴ Te bidi Stivengo te kaunsil dabebolo te po me badu ma wadolama, pusai, "Te polobadu dago wj dabe te bidi meni yai bulude bidali. Te bulude bidibadi, Godigo Mosesbolu 'Te ugwa be tama tiwai sę yao,' po ola mawai. Augwaligo te ugwa be te tiwai tama sę yani, te God augwali dali hodobo bidibo ola mawai hagede.

⁴⁵ Nosali dago wj augwa ogwago te ugwa be selama, te tobolu bidi Josua wali pelama, gasa hanigo tę sali. Godigo augwali tau selama, te tę sai. Tama te ugwa be tede elalubadi, genuai bidi Devit bidibo sogo te be me elalualu. ⁴⁶ Tama Devit agai Godigo bidabo mobo dwagi yai sali. Tama Devitgo agai Godibolo hanalu weyu, te po wali, 'Eno homugo nage bidabo lotu be sę yagawe?' olama, hanalu wali. 'Nage God mu dao, eno wj Jekopgo nageba lotu po wai dao,' te po wai. ⁴⁷ Tiali goli, nos-

ali Devit aga ogwa Solomon agai Godigo be sę yai dao." †

⁴⁸ Te Stivengo te po me wai, "Te tiali goli, God Genuai Bidi mu dao, te bidi dabego nogogo nigai bede bidigobeo. Tama te koneama, Godigo po pusa mabo bidigo polobadu te po aęai,

⁴⁹ 'Te Godigo te po wai, "Te eno tigidali bulu tonalubaso, te dagalu da, te eno dugulalubo ni nami sia tiwai dao, te tę da eno sęęęo dięnalubo ni nami tiwai dao. Dagego magi be enabolo sę yaibawe? Ena dulalu toma tuabo be menawe? ⁵⁰ Ena digi te tigidali nai nigai dao, te dagalu me, tę me ena digi nigai dao. Dagego ena bidabo be sę ebo usu egobeo," ††

Godigo te po wai."

⁵¹ Te bidi Stivengo te kaunsil dabebolo te po ma wai, "Dage da te po sela sębo bidi dabe dao. Dagego kole-saga da, Godigo po odisębo bidigo kolesaga tiwai dao. Dagego Godigo Dwagi Yai Mobogo po tigidali sogo sela sębo dao. Polobadu duga węj dabego po sela sęyani tiwai megı dagego te tibao. ⁵² Polobadu duga węj dabe augwaligo Godigo dwagi yai po pusa mabo bidi dabe tigidali ela silali. Me deli bidibawe? Mu menio. Polobadu mu Godigo dwagi yai po odasa pabo bi-di dabe augwaligo te po wai, 'Nosali God agai dwagi yai dolo sę ebo bidi asaibao.' Tialima, duga węj dabe augwaligo te po odasa pabo bidi dabe ela muani. Megı tama dagego te Godigo dwagi yai dolo sę ebo bidi ela muai. ⁵³ Godigo dagalude sę ebo bidi ensel augwaligo Godigo bomo yai po dugabolo pusa mawai. Tiali goli, te po duga wali pabe dao," Stivengo te po wai.

Augwaligo Stiven masigıo ela muani

⁵⁴ Te Stivengo te kaunsil dabebolo te po odubadi, augwaligo guni bulama, sębę ebaso, augwa kele halua tuali, agade. ⁵⁵ Tiali goli, Godigo Dwagi Yai Mobo Bidi aga homu kolesagade paęę yanio. Tama agai ugwaba dagaluba tonalubadi, Godigo dwagi yai ula sualı. Tama agai sualı, Jisas te Godigo dolo nogode dolalubo sualı. ⁵⁶ Stivengo te po wai, "Suao. Eno megı suba, dagalu dalalubo. Tama tede Godigo Bidi Mu megı Godigo dolo nogo badude dolalubo eno subao," te po wai. ⁵⁷ Tama augwa nogogo olo palia salı, tama moni i wali, augwaligo te po odidali weyu. Augwali tigidali aga pageba polo sisinani. ⁵⁸ Nogogo tulama, moni be nani bogoba sela sęyani. Tede augwaligo masigı dabe Stiven tigıba sęyani, aga ela mumainu eyu yalı. Te kaunsilde tıbo po wali bidi dabe augwa bulubo ugwa dabe osogo dięni, te masigı dabe bugagıa sęmainu eyu, te Stiven tigıba. Te gesı bidi deli, agai nogı Sol, aga pageba te ugwa dabe augwaligo muani. ⁵⁹ Augwaligo Stiven tigıba masigı sębo sę ebadi, Stivengo te Godıbolo te po wai, "Jisas, Genuai Bidi, nago eno mobo megı sao," te po wai. ⁶⁰ Aga kidu sugunama, agai Godıbolo i bomo elama, te po wai, "Genuai Bidi, nago augwaligo te enabolo ebo dwai sę sęęę nago sela sęyao," te po wai. Te po

olama, aga isai. 8:1a Tama te bidi Sol agai augwaligo Stiven ela mubo sulama, Sol agai te sęde usu da wali.

Te bidi Sol me te bidi dabe augwaligo te Jisas wali pabo we bidi elalı

8 Te sogo, Stiven isalı sogode, augwaligo Jisas wali pabo we bidi elebo sę gagalalı, te Jerusalemde. Te tebo sę genuagı mu yalı. Tama Jisas wali pabo we bidi tigidalı te Judıa tę, Samarıa tę te bulu sıba wı tedela palı. Tiali goli, te Jisasgo tagala palai bidi dabe wı pabe. ² Tama Jisas wali bugagıa pabo bidi me badu augwaligo moni homu dene mu elama, diligı aselama, moni gela olama, Stiven pubaligı palı. ³ Tiali goli, Sol agai homugo te Jisas wali pabo we bidi tigidalı eno ela silaıbao, te homu yalı. Tama agai te be deli delıba pelama, Jisasgo po wali pabo we bidi tigidalı naga agai augwali nogo alıgabo dunama, kalabus beba mugı palı, we dabe me, bidi dabe me.

Te tagala palalı bidi aposel augwaligo Jisasgo po te Judıa tęde me Samarıa tęde me pusa mawai

(Daj 8:4-12:25)

Augwaligo Samarıa bulude Godigo po pusubo sę yalı

⁴ Te Jisas wali pabo we bidi augwali wı pelama, tıgıdalı buluba tedela pelama, bidada palı. Tede augwaligo Jisasgo po pusa manı. ⁵ Me bidi nogı Filip, agai te Samarıa buluba dulama, tama agai te we bidi dabebolo te po wai, "Te Jisas da, Godigo we bidi tau somainu sa muai bidi Krais dao," te po wai. ⁶ We bidi hauwa augwaligo Filipgo po bugagıa odalı. Augwaligo agai wali po odama, agai we bidi noma sabo bomai sę ebo me sualı. ⁷ Tama dwai haubo mobo dabe we bidi hauwa tudı badu polobadu aselama, dagę yagaselama elalu tede bidıbadi, tama Filipgo po obaso, te dwai mobo haubo dabe te we bidıde bidalı taga peyu, moni hwę mu wai. Me badu sęęę isai we bidi Filipgo ma dwagi yalı ilalı, sęęę dwai we bidi me. ⁸ Tama tibaso, te Samarıa dabe bugalı homu mu yalı.

⁹ Te Samarıa bulude te bidi me deli nogı Saimon bidalı. Agai tede bobobage sogo bidu, dwai pobi wabo sę elama, te Samarıa we bidi noma mu sabo sę yalı.

Agai te po wai, "Ena da, genuai bidi mu dao," po wali. ¹⁰ Samarıa we bidi tigidalı, te genuai bidi me, te olo we bidi me, augwaligo Saimongo wali po bugagıa odalı. Tama augwaligo te bidi nogı weyu, "Te bidi agai Godigo mawai bomo gagawai mu elalubao," wali. Augwaligo "Te bomo nogı Genuai Bomo te bidıde elalubo dao," wali. ¹¹ Bobobage sogo te bidi agai pobi wabo pogo te we bidi dabe noma sobaso, augwaligo agai po wabo bugagıa olo munama, odalıo.

¹² Tiali goli, Filipgo te Godigo we bidi tonalubo sęde dwagi yalı po olama, te we bidıbolo te Jisas Kraisde po

† 7:47 1 Kin 6:1-38; 2 Sto 3:1-17 †† 7:50 Aıs 66:1-2

me wali. Tama te po odama, te we bidi augwaligo te poba augwa homu tigidali munama, Filipgo augwali baptais mani, we dabe sibi me, bidi dabe me. ¹³ Saimongo te Filipgo poba aga homu munama, tama Filipgo aga baptais mawai. Tama baptais menama, tama te Saimon te Filip wali pai. Agai te Filipgo we bidi noma sabo bomai sę mu ebo sulama, agai noma sai.

¹⁴ Te Samaria we bidigo Godigo po bugagia odobo po te Jisasgo tagala palai bidi dabego odali, Jerusalemda. Tama tibaso, augwaligo Pita dali Jon si te Samaria we bidi pageba tagala palai. ¹⁵ Te bidi si sabolama, augwali sigo Godibolo po hanalu wali, te we bidi augwaligo Godigo Dwagi Yai Mobo Bidi somainu yali. Godigo Dwagi Yai Mobo Bidi augwaliba polobadu asobeo. ¹⁶ Tama tega augwali sigo koneai, augwaligo Jisasgo nogide naga baptais sai dao. ¹⁷ Tama tibaso, Pita dali Jon sigo Godibolo po hanalu wali, Godigo Dwagi Yai Mobo augwaligo homuba asomai hagede. Tama augwali sigo nogo te tigidali we bidi toboluba muani. Augwali Jisasgo hani tama tibo sogo augwaligo Godigo Dwagi Yai Mobo Bidi sali.

¹⁸ Te tama tibo sogo, te bidi Saimon agai Jisasgo tagala palai bidi sigo tigidali we bidi toboluba nogo mubo suali, tama Godigo Dwagi Yai Mobo Bidi augwaliba asali. Agai masigi selasa asama, tega side te bomo abelai hagede yali, ¹⁹ te po wai, "Te mone ge sao. Eno homugo te eno te Godigo Mobo Bidi sabo bomoda dage side eno abelaibao. Tama eno me we bidi toboluba nogo munama, augwaligo Godigo Dwagi Yai Mobo Bidi saibao," te po wai. ²⁰ Tiali goli, Pitago te po wei ponoyu, te po wai, "Te Godigo olo mabo bomoda nago masigigo abelai hagede, nage dali nago masigi dali si te moni isiba paibao. ²¹ Godigo gedude nago homu dolo meni baso, te nage da dali te sęde me bidigobeo. ²² Tama te dwai sę ebo homu begelao. Begelama, tudiba muao. Tama nago Godibolo gedu haluasa po wao, agai nago te kolesaga ebo sela sęmainu yao. ²³ Eno nago homu sualio. Nago e sę pesabo kolesagago nago homu dolo mu menio. Tama nago homu damua pabo homu tiwai elalubo. Naga dwai kolesaga ebogo nago dwagi yai kolesaga yaga wali kalabus elalubo," Pitago te po wai.

²⁴ Te bidi Saimon agai Pita dali Jon sibolo te po wai, "Dage sigo Genuai Bidibolo po wao, ena tau somainu, nago wali po ena pageba aselama, ena dolidali," te po wai.

²⁵ Te Pita dali Jon dali sigo augwalibolo te Godigo sę yai po pusa menama, te Genuai Bidigo po me olama, augwali si Jerusalemba ma geasa pali. Tama tomode augwali si peyu, Godigo dwagi yai po te Samaria bulu hauwade pususu pali.

Filipgo te Itiopia bidibolo Godigo bukude elalubo po pusali

²⁶ Te Godigo ensel bidi me deligo Filipbolo te po wai, "Nage sisi elama, te saut eba pedai badu soao, te Jerusalemba pabo tų tagalama, te bulu nogi Gasa teba pabo tųba pao," te po wai. Te pabo tų te kemi tų naga

bega palai elalubo bulu da. Te sunumi te bidi meni yai badu elalubao. Tama tibaso, Filip aga sisi elama, polo pali. ²⁷⁻²⁸ Tama te tųdu te Itiopia bulu kantri moni nogi yai bidi me deli te hos dabego kegebo karis nai tedu asali. Tama te bidi agai Itiopia genuai gavman we kwin Kandasigo masigi tonalubo sę ebo tobolu bidi dao. Te bidi aga tigde nai domoge diąsawai bidi da. Te bidi aga Jerusalemba Godigo po odagasai. Tama megia aga buluba ma pai hagede, kibu hosgo kegebo bidi dulalubo karisde bidibo. Tama agai pobadi, Godigo polobadu po pusa mani bidi Aisaigo asęai po elalubo buku agai nedada pali. ²⁹ Tama Godigo Dwagi Yai Mobo Bidigo te Filipbolo te po wai, "Nage te kibu hos kegasa pabo te bidi dulalubo karis pęba pelama, bidao." ³⁰ Tialima te bidi Filip udulama, pęba pali. Te bidigo te Godigo po pusa mani bidi Aisaigo po asęai buku nedada pabo odali. Tama agai hanalu wali, "Nage te nedebo po page nago koneaniwe?" wali.

³¹ Tama te gavman bidigo te po wei ponai, "Tama tiali bidigo enabolo te po page ola masiųu da, eno konegobeo. Tama nage te karisba holama, ena dali dugaya-gasao," te po wali.

³² Te bidigo te bukude nedebo po Filipgo koneama, tama dao, te po wai,

"Augwaligo te kibu sipsip elai hagede, sela pabo sogo hwa wabo menio. Te tiwai te bidi agai hwa wabe. Augwaligo te kibu sipsip wai selama, nisi togwai hagede baso, te kibu sipsip wai dabe hwa wabo menio. Te tiwai te bidi agai hwa wabe. Agai po me wabe. ³³ Augwaligo te bidi hale manio. Augwaligo agabolo dolo yai po tų ela mabe. Tama augwaligo aga elama, isilali. Tama tibaso, me bidigo agai hani sibide po wagobeo, agai bidi hani sibi sia salio," †

te po asęai.

³⁴ Te Itiopia bulu gavman bidi agai Filipbolo te po wai, "Te bidi Aisaia aga homugo te po aga digide waliwe, ma mena bidide waliwe? Te po page enabolo wao." ³⁵ Filipgo agabolo te aga bukude nedali po page bugagia pusa mobadi, tama agai Jisasde dwagi yai po agabolo pusa manio. ³⁶ Tama augwali si te tųdu pobadi, te gavman bidigo aų sulama, te po wali, "Te aų ede elalubo. Ena magi baso baptais sogobewe?" te po wai.

³⁷ Filipgo agabolo te po wai, "Jisasba nago homu kolesaga tigidali agaba muyu da, teda eno nage baptais mawaiba," te po wai. Te bidigo te po wai, "Eno te Jisas Kraisa da te Godigo ogwa eno mu konealubo homu ebao." ³⁸ Tama te gavman bidigo i olama, te po wai, te kibu hos kekasa pabo sai guni tolasa pabo bidibolo, "Tama dolalualo," wali. Augwali si tęba dulama, tama aų tomoba pelama, tama Filipgo aga baptais mawai.

³⁹ Augwali si te aų taga solama, buluba hola sobadi, Godigo Dwagi Yai Mobo Bidigo Filip polo te gasa buluba selasa pali. Tama te gavman bidigo aga ma sube. Tama aga buluba pabo tųdu peyu, bugai homu yali.

⁴⁰ Filip te Asdot buluba polo sabolali. Agai te Asdot bulu taga pelama, te be nani tigidali bilama, Godigo gesi

† 8:33 Ais 53:7-8

dwagi yai po pususu bilali, te Sisaria be naniba sabolali.

Te bidi Sol aga homu begelama, Godigo po wali pabo po

9 Te bidi Filip te be nani tigidali bilibadi, tama te bidi Sol agai moni po dagę weyu, te po wai, "Jisasgo hani eno ela silaibao," wai. Tama aga te pris hani tuni bidi pageba pelama, te po hanalu wali, ² "Nago enabolo pas asęna mao. Te pas selama, ena Damaskus be naniba pelama, tede Juda dabego bomo yai po ola mabo be genuai bidi dabebolo te pas mawaibao. Eno te Jisas wali pabo we bidi subaso da, nogo dųlama, tama te genuai bidi dabego 'Usu da' waibao. Te we bidi eno Jerusalemba ma odasa aselama, kalabusiba muaibao," te po wai.

³ Te pas selama, Sol te Damaskus pabo tųdu pobadi yaide, pąba sabaligi pobadi, te dagaludu ula polo dula-ma, te Sol bologobea sali. ⁴ Tama Sol aga tųba tulaluali. Tama agai bidi me deligo pedauwalidu po weyu, te tama po wabo odali, "Sol, Sol, nago ena magi baso dolobo sę ebawe?" te po wai. ⁵ Solgo te po hanalu wali, "Genuai Bidi, nage de dawę?" "Ena da Jisas da, nago ena dolobo sę ebo bidi da," agai te po wai. ⁶ "Megi nage hogodama, Damaskus hanu tomoba pao. Tama bidi me deligo agai te nago sę yabo po ola mawaibao," te po wai.

⁷ Te bidi Sol dali pali bidi dabe augwali dwai midigi selama, augwali te tųde po me wasiřma sagiasa dodolualuali. Augwaligo te bidigo pedauwalidu po wabo odali, tiali goli, augwaligo bidi me sube. ⁸ Tama te bidi Sol agai sařago doligiluali. Agai gedu si pedama, suali, agai gedu tigidali hulialai. Tama tibaso, augwaligo nogo tulasa pelama, Damaskus be nani tomoba pali.

⁹ Te sela sogo agai gedu me hulialai. Tama te sela sogo agai nai me ař me tube.

¹⁰ Te Damaskus bulude bidi me deli Jisas wali pabo bidi bidali, agai nogi Ananias. Aga bidibadi, na gagawai yali. Tama te na ebadi, Genuai Bidi aga aselama, aga nogi wai. Tama Ananiasgo te po wei ponoyu te po wai, "Genuai Bidi, ena da ede bidibao." ¹¹ Genuai Bidigo agabolo te po wai, "Nage hogodama, pelama, te augwaligo doloba pai nogi wabo tųba pao, Judasgo beba sugi pao. Nago tede hanalu wao, 'Tarsus bulu bidi Sol tede bidibowe?' wao. ¹² Te bidi agai enabolo gedu haluasa po weyu, te bidibao. Tama Sol agai me na gagawai mu yali. Tama agai nage suali, te nage agai pageba asobo suali. Nago nogogo agai toboluba muani, agai gedu ma wiegi yai ilimainu ebo, te suali," Genuai Bidigo te po wai, Ananiasbolo.

¹³ Tama Ananiasgo te po wai, "Genuai Bidi, hauwa we bidigo enabolo te bidigo Jerusalemda nago po wali pabo hani we bidi dwai sę mu ebo bidi dao po enabolo pusai dao. ¹⁴ Tama te pris tobolu bidi dabe augwaligo agabolo pas asęna manio, te aga Damaskus aselama, te agai nago nogi wabo we bidi da kalabusiba muainu," te po wai. ¹⁵ Tama Genuai Bidigo agabolo te

po wai, "Nage pao, eno aga dąř ilibaso, agai eno sę yaibao. Sol agai eno nogi te gasa hani dabe we bidibolo ola mawaibao, te genuai gavman bidi dabebolo me, te Israel we bidibolo me eno nogi pusa maiabo bidi dao. ¹⁶ Tama ena digi aga ola mawaibao, agai ena nogi selasa pelama, tigidali we bidibolo pusa mawaibao, te me me sęęę, me me sęęę aga pageba asaibao," Genuai Bidigo te po wai. ¹⁷ Tama te po obaso, Ananias pelama, te beba sabolali. Tomoba pelama, agai nogo te Sol toboluba muani. Agai te po wai, "Sol, nage da eno ama dao. Tama Genuai Bidi Jisas aga digi ena nage pageba tagala palai dao. Nage te pabo tųdu edaba asobadi, Jisas aga digi nagebolo sabolali. Agai ena tagala palali, nago gedu ma dwagi yai ilimainu yai. Tama agai homugo Godigo Dwagi Yai Mobo nage tomode bidimai hagede, te sę yai," Ananiasgo te po wai. ¹⁸ Tama polo te Solgo gedude abolo tiwai elalualai nai polo tulalualai. Tulalubaso, te agai gedugo tigidali nai ma bugagia suali. Tama aga dolaluama, Ananiasgo aga baptais mani. ¹⁹ Tama nosali Sol agai nai tulama, aga bomo ma sali.

Sol agai Godigo po Damaskus bulude pusali

Sol agai te Jisas wali pabo we bidi dali agai sela sogo bidali, te Damaskus be nanide. ²⁰ Agai te Juda dabego bomo yai po ola mabo be dabeba polo pali. Tede agai Jisasgo po pusa mabo gagalali. Agai te po wai, "Jisas da, te Godigo Ogwa dao," wali. ²¹ Tigidali we bidigo agai wabo po odama, augwali noma mu sai. "Te bidi Jerusalemba bulude Jisasgo po wali pabo we bidi agai elebo po wali bidi, te dawę?" augwa hasi hanalu wali. "Tama te bidi agai eba asali, te Jisasgo po wali pabo we bidi agai nogo dunama, Jerusalemba odasa peyu, tama te pris hani genuai bidi dabebolo magi pai hagede aga eba asali," te po wai. ²² Tama Solgo po bomo yai po mu pusali. Agai te po wai, "Te bidi Jisas da, te Godigo we bidi tau somainu sa muai bidi Krai dao." Tama agai po bomo elalubaso, te Damaskusde bidibo Juda dabe augwaligo po wei ponogobeo. Agai pogo tigidali we bidigo po aiyaba elalualio.

²³ Te tama hauwa sogo silama, tama te Juda genuai bidi dabe sisinagaselama, Sol elabo sunumi gegali. ²⁴ Tialima, augwaligo aga elaibao wabo po bidi me deligo agabolo pusali. Tama Damaskus tomoba iliamu, u badu moni masigi obo elalualai. Sol wi diř pidali weyu, tama pio me, kigamu me, hulide me, te tųba Sol elai hagede, nų muagasai. ²⁵ Tiali goli, me sogo hulide te Jisasgo po wali pabo bidi dabego Sol te moni bono wa tomoba bulama, bono kęnama, te obo dwasianu windo tųdu te buluba dilani, tama bono wa aiyaba tagalalulali, tųba sabolama, Sol wi diř pali. †

Sol Jerusalemba pali

²⁶ Te Sol Jerusalemba sabolali. Tama tede agai homugo Jisasgo po wali pabo hani dali sisinai hagede yali. Tiali goli augwaligo agade wi mu yali. Augwaligo te ho-

† 9:25 2 Ko 11:32-33

mu yali, 'Te bidi agai Jisas wali pabo bidi mu menio,' te homu yali. ²⁷ Tama te bidi Barnabas agai Sol tau sali. Agai aga odasa pelama, Jisasgo tagala palai bidi pageba tagaligi pali. "Tama agai tųdu pobadi, Genuai Bidi sabolagasali, te Solgo aga suali. Genuai Bidigo agabolo po wali." Barnabasgo te po me wai, "Te Damaskusde Sol agai Jisasgo nogide po pusali, te aga wi me ebeo," te po wai. ²⁸ Tama tibaso, Sol agai Jisasgo tagala palai bidi dabe dali bidama, tama agai te Jerusalem be nani tomode agai Jisasgo nogi pusubo po te we bidibolo pususu bilali, wi ebe. Agai te Grik po wabo Juda dabe dali sisinama, po miani. ²⁹ Tiali goli, augwaligo aga elabo sunumi gegali. ³⁰ Tama te aga elabo sunumi gegebo po te Jisas wali pabo bidi me badugo odama, tama augwaligo Sol te Sisaria be naniba odasa pali. Tadu augwaligo aga agai page bulu mu Tarsus buluba tagala palali.

³¹ Te side Jisasgo po wali pabo we bidi te Judia tųde me, Galili tųde me, te Samaria tų me, te bulu we bidi augwali bugagia bidali, wi ebe. Godigo Dwagi Yai Mobogo augwali tau selama, te umabo we bidi Jisasgo poba augwa homu tigidali munama, bomu yali. Augwaligo Genuai Bidigo nogi ugwaba mu sali, te augwaligo Genuai Bidigo po wali pali.

Pita agai te bidi Ainius dwagi yai ma ilali

³² Te Pita tigidali buluba bilali. Me sogo aga te be nani nogi Lida, teba pai, Godigo po wali pabo we bidi sueinogo yai. ³³ Tama te bulude agai bidi me deli suali, te bidi nogi Ainius. Tama te bidi saęę isa silai, aga bede naga bididubadi, kibu be nogo a olama, me badu nogo sela olama silali. ³⁴ Pitago agabolo te po wai, "Ainius, Jisas Kraus agai nage dwagi yai ma ilibao. Nage ma hodaluao, naga somo belama, teba muao." Tama Ainius polo hodaluai. ³⁵ Tama te Lida bulu we bidi me, te Saron tų we bidi me, augwali tigidaligo Ainius bilibo sulama, augwali tigidaligo homu begelama, Genuai Bidi wali pali.

Pita agai te we nogi Tabita ma hodolali

³⁶ Te be nani Jopade te we me deli bidali, agai nogi Tabita. Agai Jisasgo po wali pali. Te Grik pode augwaligo aga nogi tama nogi wabo Dorkas. Tama tigidali sogo agai tigidali nai meni yai we bidi me, gasi ebo we bidi me, te agai tau sai dao. ³⁷ Tama te sogo aga gasi deli sali, te isali. Augwaligo agai tigi wę pauluama, te be ugwa badu habuba muai. ³⁸ Tama te be nani Jopa te Lida be nani digibulu meni, paęde mu. Te Jopade bidali Jisasgo po wali pabo we bidigo Pita te Lidade bidibo po odama, augwaligo bidi si Pita pageba tagala palali. Augwali si teba sabolama, Pitabolo te po wai, "Nage polo asao." ³⁹ Tama te po obaso, Pita sisi elama, aga tega si dali pali. Tama Jopa buluba sabolama, augwaligo aga te ugwa badu be habuba odasa pali. Tede te bidi isai we dabe sibi augwaligo gela wabo suali. Tama Dorkas agai bidibo sogo te bulubuo ugwa dabe me, te kedau baso bulubuo ugwa dabe me nigilama, te bidi

isai we dabebolo mawai. Augwaligo te ugwa dabe selama, Pitabolo ola mawai. ⁴⁰ Tama Pitago augwali "Buluba pięo," wali. Tama agai kidu sugunama, Godibolo po wali. Nosali agai isai we tigiba suali, te po wai, "Tabita, nage hodaluao," wali. Tama te we agai gedu peda sanama, tonono bilali, tama agai Pita sulama, hodasa holama, duagulali. ⁴¹ Pitago agai nogo tola selama, dodolali. Pitago te Jisasgo po wali pabo we bidi me i olama, augwali aselama, agai te we augwalibolo ola mawai, "Dorkas te bidibao," wali. ⁴² Pitago te sę yali po tigidali Jopade bidibo we bidi polo oda pela silali. Tama umabo we bidi augwaligo homu te Genuai Bidiba muani. ⁴³ Pita te hauwa sogo Jopa be nanide piali, te bidi me deligo bede, te bidi agai nogi Saimon. Agai ebo sę te isai kibu kau wali nagamea dwagi yai pomai hagede sę ebo bidi da.

Ensel mobo bidi te bidi Korniliusba pedelama, agaba po magasai elalubadi, te bidi Pita te bidi Korniliusgo beba pali

10 Te bidi me deli Sisaria be nanide bidali, agai nogi Kornilius. Te bidi aga te Rom ami enesigi bidi dabe tonalubo genuai bidi mu, te 100 ami bidi agai tonalubo da. Augwali te Itali tųdu asai. ² Tama te bidi aga hani dabe dali tigidali sogo te Godibolo lotu po wedu te bidigo te Godigo godolo yabo kolesaga yali. Te bidi aga dali deli bede bidibo bagego tigidali te Godologode bidai. Tama te bidi agai te tigidali Juda tųde bidibo nai meni yai we bidi agai tigidali sogo tau sabo da. Agai Godibolo hanalubo po hauwa sogo wabo bidi dao. ³ Tama me sogo pioba poloba nai po sela wabode, agai na gagawai yali. Tama agai Godigo dagalude sę ebo ensel bidi me deli aga pageba sabaloba hania sualio. Te Godigo ensel bidigo agabolo te po wai, "Kornilius." ⁴ Agai te ensel bidi gedugo bomonama tonama, wi mu yai. Tama agai te bidibolo hanalu wali, "Eno genuai bidi, nago homugo magi sę yaiwe?" Tama te ensel bidigo te po wei ponoyu, te po wali, "God agai nago agabolo po wabo me, te nai meni yai we bidi tau sabo kolesaga me, te Godigo sulama, bugai homu eba." ⁵ Tama megidi bidi me badu te Jopa buluba tagala palao, bidi me deli agai nogi Saimon, agai nogi me Pita, te bidi Pita odasa asomainu yao. ⁶ Tama te bidi agai nogi sabi bidi Saimongo bede bidibo, te tamu aę sesegede. Te nogi sabi bidi Saimon agai ebo sę te kibu kau waligo haniani nai nigibo sę ebo bidi dao," te ensel bidigo te po wai.

⁷ Te po olama, aga pali. Tama Korniliusgo aga bede sę ebo bidi si me i wali. Agai te ami bidi me deli me i wali, te bidigo Godibolo lotu po wabo bidi. Te bidigo Kornilius tigidali sogo mu tau sali. ⁸ Tama augwali aselama, Kornilius agai te bidi selabolo te ensel bidigo wali po pusa mani. Pusa menama, agai te bidi sela Jopa buluba tagala palali.

⁹ Te do te bidi sela augwali pelama, te Jopa be nani paęba sabaligi pobadi, te giligade Pita te be pedu sai yai madigi teba holama, bidali, te Godibolo po wainu yali. ¹⁰ Tama agai nasi mu ebaso, agai homugo nai tuai

hagede yali. Tama augwaligo nai dodolobadi, Pitago naa gagawai mu yali. ¹¹ Tama agai dagaluba tonobadi, dagalude moni tɔ dalaluali. Moni nami ugwade po dunama, dagaludu tɔba tula palali. ¹² Tama haniani hasa dabe, me me hasamani me, me me ba me te ugwa tomode kisu mu elaluali. ¹³ Pitago te po wabo odali, "Pita, nage hodasa pelama, me badu hasa dabe ela tuao," wali. ¹⁴ Tiali goli Pitago te po wali, "Genuai Bidi, eno ela tugobeo. Polobadu eno te habu sai nai dabe tube, megı me eno tugobeo," wali. ¹⁵ Tama Pitago po me odali, "Godigo agai 'Tubo nai dao' obaso da, tama Godigo agai nigai nai nago habu sai nai dao po wagi," wali. ¹⁶ Tama sela sogo te nami ugwa dulama, te po wali. Silama, te nami ugwa dagaluba polo kegasali.

¹⁷ Tama te bidi Pitago dagaludu te yali sɛ page homugo kone palali. Tedubadi yaide, te Korniliusgo tagala palai bidi dabe augwaligo te Saimongo be menawe po hanaluama, augwali te be maboba dola-gasali. ¹⁸ Augwaligo i olama, te po hanalu wai, "Te beba asali bidi bidibowe?" wali, "agai nogi Saimon dao, agai nogi me Pita dao," te po wali. ¹⁹ Tama Pita te na gagawai yali sɛ konealu bidibadi yaide, Godigo Dwagi Yai Mobogo agabolo te po wai, "Edao, bidi selago nage gege asalio. ²⁰ Tama tibaso, nage sisi elama, aiyaba dulao. Tama nago augwali dali pabo homu si egio. Eno augwali sela nage pageba tagala palai bidi dabe dao," te po wai. ²¹ Tama te po obaso, Pita aiyaba dulama, augwali selabolo te po wai, "Dagego ena gege asali bidi, te ena tama dao," agai te po wali. ²² "Dage magi pogo asaliwe?" wali. Augwaligo te po wei ponoyu, te po wali, "Te Rom ami genuai bidi nogi Kornilius, agai da nage pageba tagala palali. Te bidi da, aga dwagi yai bidi mu. Agai tigidali sogo Godibolo lotu po wabo bidi dao. Te Juda we bidi tigidali augwaligo agai nogi ugwa-ba sabo dao. Godigo dagalude sɛ ebo ensel bidi me deligo agabolo te po wai, 'Nago Pita i olama, tama aga nago beba asomainao, Pitago wabo po nago odomainu tama yao,' te ensel bidigo te po wali," augwaligo te po wai. ²³ Tama Pitago augwaligo wali po odobo si, agai augwali te be tomoba odasa pelama, pi-gi pai.

Te sogo kigamu, Pita dali Jisasgo po wali pabo Jopa bidi me badu dali, augwali sisi elama, augwali te sela bidi dabe dali augwali hodobo palio. ²⁴ Tama tomode pilama, ma pelama, augwali Sisaria buluba sabolali. Tede Kornilius agai abagi dede, bidi hani dede i olama, sisinagaselama, Pita asobo tonaluali. ²⁵ Tama Pita agai homugo Korniliusgo be tomoba pai hagede homu yai. Korniliusgo sulama, agai kidu sugunama, agai tobolu me, nogo me tɔba ilali, Pita saɣaɣe, agai lotu wali. ²⁶ Tiali goli, Pita agai te bidi ma hodoliyu, te po wai, "Nage hodaluao. Ena da bidi naga dao, nage tiwai tama dao." ²⁷ Augwali si po ola peyu, te be tomoba pobadi, tama Pitago suali, te be tomode agai te we bidi hauwa sisinama bidibo suali. ²⁸ Pitago augwalibolo te po wai, "Duga digi koneai dao, Juda we bidi dena te Juda hani isaɣwai hani bidi dabe dali abagi olama, augwaligo beba da bilibo menio, habu sai dao. Tiali goli,

Godigo enabolo te po ola mawai, 'Nago Judago lotu po wali pisabo we bidi nago tudiba menamuo,' wali.

²⁹ Tama tibaso, nago e bidi sela tagala palama, ena oda sagasobaso, eno te po 'Ena hagelabo' po te eno me wabeo. Tama megı eno nage hanalu obao, nago ena magi baso i waliwe?" Pitago te po wai.

³⁰ Te Korniliusgo te po wei ponoyu te po wali, "Te polobadu sela sogo polo walio, pioba poloba nai po sela wabode, eno Godibolo po weyu bidibadi, polo te bidi me deli ena pagede dolalubo suali. Agai ugwa ula genuai mu yali. ³¹ Agai ena nogi olama, te po wai, 'Kornilius, God agai nago agabolo po wabo me, te nago nai meni yai we bidi tau sabo dwagi yai kolesaga ebo sulama, Godigo bugai homu ebo. ³² Megı nago me badu bidi te Jopa buluba tagala palao, bidi me deli oda sigi pomainao, te bidi nogi Saimon, agai nogi me Pita. Te bidi aga nogi sabi bidi Saimongo bede bidibo, te tamu aɣ paɣe. Te nogi sabi bidi Saimon, agai ebo sɛ te isai kibu kau wali nagamea dwagi yai pomai hagede sɛ ebo bidi da,' te po wai. ³³ Tama tibaso, eno nage pageba po polo te tagala palai dao. Tama nago dwagi yai kolesaga mu elama, da pageba sabolalio. Tama megı da tigidali Godigo gedude bidibao. Tama dago homugo Genuai Bidigo nagebolo mani po te dago odaibao," Korniliusgo Pitabolo te po wai.

Pita agai Korniliusgo bede te po pusai dao

³⁴ Te Pita agai po wabo sɛ gagalali, "Mu tama dao, megı eno koneanio. God agai deli hani naga homu ebeo. Te mu menio. ³⁵ Tigidali haniani po wabo bidi hani augwaligo God wi elama, dwagi yai kolesaga ebaso da, tede Godigo 'Usu da' waibao. Duga digi koneai dao. ³⁶ Godigo te dwagi yai po da Israel we bidibolo mawai dao. Tama te dwagi yai po page e tiwai da, Jisas Kraıs da, te tigidali we bidigo Genuai Bidi da. Da tigidaligo aga godolo eyu da, te da dwagi yai homu elama, bugagia bidaibao. ³⁷ Duga digi koneai dao. Polobadu Jongo dwagi yai baptais mabo po pusa mawai dao. Te sogo te po te Galili tɔde gagalama, tigidali Judia tɔ usu yai dao. ³⁸ Te po duga digi koneai dao. God agai te Nasaret bulu bidi Jisas sa muai. Tama Godigo agai Dwagi yai Mobo Bidi dali, bomo dali si agabolo mawai dao. Tama Jisas aga tigidali bulu bilama, dwagi yai sɛ ela bilali, tama agai Satango dolai we bidi agai dwagi yai ma ilali. God aga dali bidibaso, te tobage sɛ yali. ³⁹ Tama dago suai dao, agai te sɛ Jerusalem tomode me, tigidali Israel bulude me, tama dago te yali sɛ po pusubao. Tama augwaligo aga ni pedaide walama, elai dao. ⁴⁰ Tiali goli, sela sogo gu pagede bidama, nosali Godigo aga ma hodolai dao. Tama me badu we bidi augwaligo gedugo aga suali. ⁴¹ We bidi tigidali augwaligo aga sube. Da polobadu Godigo agai po pusu maio olama daɣ ilai bidi, dago naga aga suai dao. Aga hodaluama, da aga dali hodobo bidu, nai me, aɣ me tuai dao. ⁴² Tama dabolo agai bomai po mu mawai dao. Agai 'Te dwagi yai po te tigidali we bidibolo ola mao,' wali. Godigo Jisas daɣ ilama, tigi-

dali bidibo we bidi me, isali we bidi me, aga po tų yabo bidi nigilama, bidibo. Te sę ebo po me dago te we bidi-bolo pusa mawaibao. ⁴³ Polobadu Godigo po pusa mani bidi tigidali augwaligo agade po wai. Augwaligo te po wai, 'Magwai we bidi deli deligo augwaligo agaba augwa homu tigidali mubaso da, agai nogigo bomogo augwaligo dwai sę ebo kolesaga God agai sela sęwaibao,' te Godigo po pusa mabo profet bidi dabego te po wali," Pitago te po wali.

Godigo Dwagi Yai Mobo Bidi gasa bidi haniba asali po

⁴⁴ Te bidi Pita agai po odubadi, te Godigo Dwagi Yai Mobo Bidi te po odobo we bidi tigidali tigiba dulali. ⁴⁵⁻⁴⁶ Tama augwaligo gasagi gasagi yai po, me me po haniani weyu, Godigo nogi ugwaba sali, "God, nage dwagi yai bidi mu dao," wali. Tama me badu Juda bidi augwali Jisasgo po wali pabo bidi dabe Pita dali asai, Jopadu. Augwali noma mu sai, Godigo agai Dwagi Yai Mobo Bidi te Juda hani isęwai we bidibolo me olo mawai. ⁴⁷ Pitago te po wai, "Te we bidi dabe augwali pageba Godigo Dwagi Yai Mobo Bidi asali dao, da pageba polobadu asali tiwai dao. Tama tibaso, bidi mebagi 'Te bage baptais me sogobeo' wagobeo," wali. ⁴⁸ Tama Pitago te hanibolo te po wali, "Megi dage Jisas Kraisgo nogide baptais sagemento." Tama tilama, augwaligo agabolo te po wai, "Nage da dali hodobo si sela sogo bidao," wali.

Pitago agai ebo sę po te Jerusalemde bidibo Godigo po wali pabo hanibolo ola magasai

11 Te Jisasgo tagala palai bidi dabe me, te Jisasgo po wali pabo bidi dabe me, augwali tigidali Judia bulu tęde bida bida pai. Tama augwaligo "Te Israel hani isęwai we bidi mego Godigo po odobuo," wabo te po odali. ² Tama Pita te Jerusalem buluba sabolali, te Judia tę tomode. Tialima, Juda we bidi me badu augwaligo homugo 'Te Israel hani isęwai bidi augwaligo Jisasgo po wali pobaso da, hasia augwa tigiwali togwao,' olama, te po bomu yai po elaluali. Augwaligo te homu elama, Pitabolo wado po wai, ³ "Te nage te tigi-wali togosięwai bidigo beba pelama, tama nage augwali dali hodobo nai tuyu yalio," te po wai. ⁴ Tama te po obaso, Pitago agai yali sę po page tigidali augwalibolo pusa manio. ⁵ Agai te po wai, "Te ena Jopa bulude bidibadi, ena Godibolo po weyu bidibadi, na gagawai yai. Te nade eno nai me deli nami ugwa belama, dulubo suali. Te moni ugwa te dagaludu ena pageba sabolagasali. ⁶ Tama eno tomoba subadi yaide, te haniani hasa, haniani hasamani me, haniani ba dabe me, te nami ugwa tomode kisu delalubo suali. ⁷ Eno po me deli odalio, 'Pita, nage hodaluama, te hasa dabe me badu nage ela tuao,' wali. ⁸ Tiali goli, eno te po wali, 'Genuai Bidi, te nai dabe da Juda we bidigo munu ma tubo nai dabe menio. Te dago habu sai nai dao. Eno tugobeo,' te po wai. ⁹ Tama dagaludu enabolo te po ma dulali, agai enabolo te po wai, 'Nago te nai habu sai dao po wagio. God aga digi te nai dwagi yai da

obaso da, teda usu dao,' wali. ¹⁰ Tama te sę enaba sela sogo sabolagaselama, tama nosali te nai tigidali me dagaluba kegasali. ¹¹ Tama te nai kegasobadi, bidi sela ena pibo beba sabolali. Sisaria bulu bidi me deligo augwali tagala pelama, ena oda sagasai. ¹² Godigo Dwagi Yai Mobo Bidigo enabolo te po wai, 'Nage te bidi sela dali hodobo pao, homu si egio,' wali. Tama ena Sisaria buluba pabo sogo, e Jopa bidi Jisasgo po wali pabo bidi me badu nogo kibisa deli olama, e bage da hodobo pali. Tama sabolama, da tigidali te bidi Kornilius agai be tomoba pali. ¹³ Korniliusgo da dali po pusali, agai te Godigo ensel bidi me deli aga be tomode dolalubo suali. Tama te ensel bidigo agabolo te po wai, 'Nago bidi me Jopaba tagala palao, te bidi Saimon, aga nogi me Pita, odasa somainu yao. ¹⁴ Aga aselama, dage tigidalibolo po pusa mawaibao, naga hani tigidali Godigo ma somainu eyu yaibao,' te ensel bidigo agabolo te po wali. ¹⁵ Tama nosali eno po pusubadi yaide, Godigo Dwagi Yai Mobo Bidi augwali tigiba dulalio, aga dago tigiba polobadu asali tiwai yai. ¹⁶ Tama eno tama homu yali, polobadu Genuai Bidigo dabolo te po wai, 'Jon agai te we bidi aęgo baptais mobao. Tialima, nosali Godigo agai Dwagi Yai Mobo Bidi dagebolo mawaibao,' wali. ¹⁷ Dago te Genuai Bidi Jisas Kraiss polobadu agaba dena homu mubo si, Godigo agai Dwagi Yai Mobo dabolo olo mawai. Tama eno suali, Godigo te Juda hani isęwai dagebolo me te Dwagi Yai Mobo Bidi mani. Tama agai augwalibolo manigo da, teda eno mena tama Godigo tų paligobeo," Pitago te po wai.

¹⁸ Te Jisasgo po wali pabo Juda bidi dabe augwaligo Pitago wali po odama, tama augwaligo wado po wabo tagalali. Tama augwaligo Godigo nogi ugwaba siyu, te po wai, "E, Godigo te sunumi dawai, te Israel bidi hani isęwai bidi dabe augwali me homu begelama, bugagia bidimainu yali," te po wali.

Antiok bulu we bidi augwaligo Godigo po odali

¹⁹ Te bidi Stiven augwaligo ela munama isali sogo, te Jisasgo po wali pabo we bidi wi pelama, me badu te Finisia tęba pali, me badu te tamu aę tomode elalubo tę nogi Saiprus, teba pali, me badu te Antiok buluba sabolali. Tiali goli, augwaligo po te gasa hani dabe augwaliba me pusubeo. Menio. Tama augwaligo Godigo po te Juda dagebolo naga pusa mani. ²⁰ Tialima, te Saiprus bidi dabe me, te Sairini tę bidi dabe me badu augwali Antiok buluba sabolama, tama te Israel hani isęwai bidi dagebolo Jisas Genuai Bidigo dwagi yai po pusa mani. ²¹ Tama te Genuai Bidigo bomu augwali dali hodobo bidama, tama umabo we bidi augwaligo Jisasba augwa homu mu muani, kolesaga begelama, Genuai Bidigo po wali pabo gagalali.

²² Te Jerusalemde bidali Jisasgo po wali pabo we bidigo te Antiok bulude Godigo genuai sę mu ebo po augwaligo odalio. Tama tibaso, augwaligo te bidi Barnabas tagala palali, te bulu Antiokba. ²³ Tama aga Antiok buluba sabolama, suali, Godigo we bidibolo dwagi

yai sę yali. Barnabas agai bugai homu pemene mu yali. Agai augwalibolo te po wai, "Dagego Godigo po wali bugagia piąo. Dagego te po tagalamuo, homu si egimio," agai te po mobo mani. ²⁴Tama te bidi Barnabas aga dwagi yai bidi mu. Agai Godigo po bugagia konealubo bidi mu, Godigo Dwagi Yai Mobo Bidi agai kolesagade paąanaluali. Tama te sogo umabo we bidi mu Jisasgo po wali pabo we bidi wadolagasali.

²⁵Te nosali Barnabas te Tarsus buluba te bidi Sol gegegi pali. Tama agai gegelama, sulama, Antiok buluba odasa asali. ²⁶Tama augwali si te Jisasgo po wali pabo we bidi tomode bidama, tama kibu be deli yali. Augwali sigo umabo we bidi Godigo po ola mani. Te Antiok we bidi augwaligo te Jisasgo po wali pabo we bidibolo te 'Kristen' nogi pobo gagalali.

²⁷Te sogo me, Godigo po pusa mabo bidi te profet dabe me badu Jerusalem taga pelama, augwali Antiok buluba sabolali. ²⁸Tama augwali tomode bidi me deli agai nogi Agabus, te bidi doligiluama, Godigo Dwagi Yai Mobogo bomogo te po pusa obaso, te po agai wai, "Tamadi tama tigidali bulu moni genuai nasi mu yaibao," wali. (Tama megi dago koneai dao, te bidi nogi Klodius te Rom gavman tobolu bidi bidibadi, te moni nasi yali.) ²⁹Tama te Jisasgo po wali pabo we bidi augwaligo te po wai, "Bidi deli deli naga masigi munalubaso da, muagasu yao," wai, "te dago te masigi sisinama, te Judia tęde bidibo Jisasgo po wali pabo hani dabe augwali nasi ebo, dago augwali tau sinao," te po wai. ³⁰Tama augwaligo te masigi sisinama, augwaligo Sol dali Barnabas sigo nogoba munama, augwali sigo te mone sela pelama, Jisasgo po wali pabo tobolu bidi dabebolo magi pali, te Jerusalemba.

Herotgo enesigi bidi dabego Jems ela muai, tama Pita naga kalabus ilai

12 Te bidi nogi Herot aga te Juda bidi bidali goli, te Rom gavmanigo aga te genuai gavman bidi nigilali. Aga bidibadi te Sol dali Barnabas si Jerusalemba sabolali. Herot agai te Jisasgo po wali pabo bidi me badu elebo sę ebo gagalali. ²Tama agai enesigi bidi me deli tagala palama, Jon aga ama gomunai bidi Jems moni kago hwągo mage togwa sayani.

³Te Jems elebo sulama, Juda bidi hanigo bugai homu yali. Tama Herot agai te sulama, tama agai Pita gegali. (Tama agai tilama, te sogo Juda we bidigo moni nai mu udumai hagede, tama augwaligo homugo 'Te polobadu Godigo dago wąj dabe tau sali sogo, te bo disąwai bret tuali sogo da,' te homu yai.) ⁴Tama augwaligo Pita nogo dulama, aga kalabusiba muani. Tama augwaligo Pita tonaluabo enesigi bidi nogo si olama, me badu saąą kibisa deli wagi solama sali. Me si me si nama bagego giligade me, hulide me, augwaligo me hasegeleyu, me hasegeleyu ilama, Pita tonaluali. Herot agai homugo Pita te tigidali we bidi gedude po tų ela mawainu yaibao, te moni nai nogeai sogo silibo si.

⁵Tama tibaso, augwaligo Pita kalabus bede tonaluali. Tiali goli, Jisasgo po wali pabo we bidi augwaligo Godi-

bolo gedu haluasa po hauwa sogo mu oduali, te Pita tau somainu yai.

Ensel bidigo Pita kalabus bedu ma sali

⁶Te Herot agai homugo 'Pita te we bidi gesabiba do kigamu odasa asaibao, po tų yai hagede,' homu yai. Tama te sogo hulide Pita te tonaluabo enesigi bidi si tomode piąi. Augwali sigo nogo dali Pitago nogo dali daganama, aligabo bonogo kęwai. Tama te kalabus be tųde tonalubo enesigi bidi dolaluali. ⁷Tama Godigo dagalude sę ebo ensel bidi me deli polo te kalabus be tomoba sabolama dolaluagasali, tama te be tomode ulago sela pali. Tama ensel bidigo Pita pila mubadi, tigiba diąnama, hodolai. Tama agai agabolo te po wali, "Nage polo hodaluao." Tama tibadi yaide, te aligabo bono si augwa digi tųba tuloluai. ⁸Te ensel bidigo te po wai, "Naga ugwa bugagia gudama, kibu wali daų wao. Naga saąą nadoba bulao," wali. Pitago tilama, te ensel bidigo agabolo te po wai, "Tama nago moni ugwa homu pagede belama, tama nage ena wali asao," wali. ⁹Pita te ensel bidi wali pelama, te kalabus be taga pelama, buluba pai. Tama Pitago te ebo sę konebe, agai homugo 'Mu ebowe, ma nade ebowe?' homu yali. ¹⁰Tama augwali sigo tomo tųde tonaluali enesigi bidi bidibadi ela soali. Ela solama, ma pelama, tama tomode me tonaluali enesigi bidi me, te me ela pali. Ma pelama, te moni dila pai aingo nigali tųba sabolali. Tama te moni dila pai aingo nigali tų sunumi aga digi dalasa pali, te augwali si te kalabus be taga pelama, te be nani tomoba pai. Tama augwali si tųdu dwasianu pabo aą elama, ensel bidigo Pita polo taga pali. ¹¹Tama Pita agai homugo 'Te yali sę te nade ebeo homu eyu, te eno mu koneanio,' wali, 'Genuai Bidi agai ensel bidi tagala palama, tama agai ena Herotgo nógode ma sali. Te Juda bidi hani augwaligo ena dali dwai sę yai hagede yali, tiali goli te Genuai Bidigo augwaligo homu dolai,' Pitago te homu yai.

¹²Te Pitago te homu elama, aga te we nogi Maria, Mariago beba pali. Te Maria aga ogwa agai nogi Jon, agai nogi me Mak. Tama te bede we bidi umabo sisinagaselama, Godibolo po weyu bidali. ¹³Tama Pitago te be tųba bebego wali. Tama te bede sę ebo gesi we tųba suagasali, te gesi we nogi Roda. ¹⁴Tama te wego Pitago dogoni koneai, tama agai dwagi yai homu mu ebaso, be tomoba polo ma pali, te tų dabe kegeda pali. Agai te we bidibolo te po wai, "Te Pita aga asai, bulu badu dolalubo," wali. ¹⁵Augwaligo te webolo "Nage wabo pabo po wabowe?" wali. Tiali goli, "Eno mu po obao," wali. Augwaligo te po wai, "Te da, te Pitago noma dolagasali bogo," wali.

¹⁶Te augwaligo te po obadi yaide, Pitago te be tųba bebego oduali. Tama augwaligo tų dalama, Pita dolalubo sulama, noma mu sali. ¹⁷Pitago agai nogo paliama, "Dage po tagalao," te po wai. Tama Genuai Bidigo aga kalabus bede buluba dią palama soali po augwalibolo pusa mani. Agai te po augwalibolo wali, "Te po dagego Jemsbolo pusao, te Jisasgo po wali

pabo tobolu bidi dabebolo me pusao," wali. Tama olama, Pita te be tagalama, gasa beba pali.

¹⁸ Te sogo kigamu, te kalabus bede bidali enesigi bidi dabe augwa hasi te po wai, "Pita mena tama paliwe?" Augwaligo moni homu mu eyu bidali. ¹⁹ Tama Herotgo te yali sę po odama, "Pita gegegi piąo," wali. Augwaligo gegegi pali, Pita sube. Tama tibaso, Herotgo te enesigi bidi dabe po tų elama, tama agai me badu bidibolo walama, "Augwali ela muao," wali. Tama augwaligo te enesigi bidi dabe ela muani.

Te sę elama, Herot te Judia tų tagalama, te Sisaria bulude osogo bidali.

Herot isali

²⁰ Te nosali Herotgo te Tair bidi dali, te Saidon bidi dali, te bulu si bidi dabe dali agai moni sębę yai. Tama tibaso, tigidali sisinama, aga sugi pali. Hasia bolo augwaligo te Herotgo be tonalubo sę ebo bidi deli suali, agai nogi Blastas. Augwaligo te bidi 'Abagi mu' wali. Tama augwaligo agabolo hanalu wali, "Te Herotgo wado po mena tama isilaibawe?" Tama nosali augwali te Herot pageba pelama, te po wai, "Te dago nai abelebo nago bulude naga dago nai abelama, tubo dao. Tama tibaso, dago te hwjbo sę tagalinao," wali.

²¹ Te Herot me deli sogo bodolu mani. Tama te bodolu mani sogode agai dwagi yai ugwa aluama, tama agai genuai bidigo wiegi yai ni namide dugayali. Tede agai te we bidibolo bobobage po ola mani.

²² Augwaligo agai po odama, tama augwaligo te po bommo elama, i hae weyu, te po wai, "Te po wabo bidi, bidi mugo wabe. Te po te god me deligo obao," wali. Te po olama, augwaligo nogo bada olama, Herotgo nogi ugwaba sai. ²³ Tama Herot agai Godigo nogi ugwaba sisąbaso, Godigo ensel bidi me deli agai Herotgo tigde elali. Tama te dwai gasi agai tigde pedelama, te dwai osoganigo agai tigde tudu pedelama, te nosali aga mu isali.

²⁴ Te sogo Godigo po te umabo we bidigo odama, augwaligo Godiba augwa homu tigidali muani, te haniani bulude.

²⁵ Te Barnabas dali, Sol dali, augwali sigo sę silama, Jerusalem taga pelama, Antiok be naniba ma sabolali. Te bidi Jon, aga nogi me Mak, te bidi si dali hodobo pali.

Polgo te Jisasgo po te haniani tų pedai kantride pusali

(Daj 13:1-21:14)

Augwaligo Barnabas dali, Sol dali si Godigo po pusa maiabo bidi si tagala palali

13 Te Antiok bulude, te Jisasgo po wali pabo bidi tomode, te Godigo po pusa mabo bidi profetgo pusubo po tiwai po wabo tiwai bidi me badu te bulude

bidali, te Godigo po te we bidi augwaliba ola mabo bidi dabe me badu me bidali. Te bidi dabe augwaligo nogi me Barnabas, me Simeon, agai nogi me Husugo Bidi, me bidi Lusius, agai page bulu Sairini, me bidi Manain, te moni gavman bidi Herot aga age, tama me bidi nogi Sol. ² Tama augwaligo tubo nai osogo gisilama, Godibolo nage dwagi yai da obadi, tama Godigo Dwagi Yai Mobo Bidigo augwalibolo te po wai, "Te Barnabas dali, Sol dali si te tedali sę emainu tedali muao, te eno daj ilali sę augwali sigo emai yaibao," wali. ³ Tama te po odama, augwaligo nai ma osogo tagalama, God dali po olama, augwa nogo tega si toboluba mubadi, augwali sigo te yabo tedali sęde sa muani. Tama tilama, tega si te sęba tagala palali.

Barnabas dali Sol si te Saiprus buluba pelama, Godigo po pusali

⁴ Te Godigo Dwagi Yai Mobo Bidigo te Barnabas dali, Sol dali si tagala palama, augwali si te Selusia buluba pali. Tama Selusiade moni gebadu pelama, tama te tamu aj bolama te Saiprus tų sabolali, te ajgo u badu te e badu si bologobea sai tomo yagu tųba sabolali.

⁵ Tama tede te be nani Salamis sabolama, augwali sigo te Juda dabego bommo yai po ola mabo be dabede Godigo po pusa mawai. Te bidi Jon, agai nogi me Mak, agai me tega si tau selama, te sę yali.

⁶ Te nosali augwaligo te Salamis bulu taga pelama, gasa habu badu, bulu me nogi Pafos, teba sabolali. Tama augwaligo te bulude Juda bidi me deli suali, agai nogi Barjisas. Te bidi agai dwai pobi dabe wabo bidi, tama agai tigidali we bidibolo tibo po ola mayu, "Ena Godigo po pusubo bidi dao," wali. ⁷ Tama te bidi aga abagi te moni gavman bidi Sergius, aga nogi me Paulus, aga abagi dao. Tama Sergius, aga nogi me Paulus, agai te Saiprus bulu tųde bidibo we bidi tigidali agai tonalubo da. Aga haniani kolesaga koneai bidi da. Tama te moni gavman bidigo Barnabas dali Sol si i olama, "Asao," wali, agai homugo 'Augwali sigo Godigo po enabolo ola mabo po odaio,' te homu yai.

⁸ Tiali goli, te dwai pobi dabe wabo bidi Barjisas, te Grik pogo aga nogi Elimas, agai homugo 'Moni gavman bidigo Godigo po wali pidali weyu,' te homu elama, tega sigo wali po sela sayani, te agai po ugwaba mu sali. ⁹ Te yali, te Sol agai nogi me Pol, agai gedugo te pobi wabo bidi bomonama tonaluali. Tama Godigo Dwagi Yai Mobo Bidi aga homude paąanaluali. ¹⁰ Pol agai te po wai, "Nage da, te Satango ogwa dao. Te nago tigidali dwagi yai kolesaga boi bidi homu aą, te ebe yabao. Nage dwai dwai kolesaga elama, tibo po wabo bidi me dao. Nago te Genuai Bidigo dwagi yai tų mu dolobao. Nago te tibo kolesaga tagalabo homu meniwe? ¹¹ Tama Genuai Bidigo nogogo nage geduba elaibao. Nago gedu hulua selama, giliga ge osogo sugobeo," Polgo te po wai. Tama polo te hano tiwai te bidi Elimas aga gedude halua selama, hulua si elaluali. Aga nogo dali saąą dali sigo naga tų gege pali. Agai homugo 'Dego ena nogo tolama, tų ola magowe?' te homu elama, bidi gegali. ¹² Tama te moni gavman bidigo te

ebo sę sulama, agai homu tigidali Jisasba muani. Aga noma mu sali, te Genuai Bidigo sę dabe augwali sigo aga ola mobaso tama noma sali.

Augwali te Antiok buluba sabolali, te Pisidia tęde

¹³ Te nosali Pol dali aga dali bidali bidi dabe augwaligo moni geba selama, Pafos bulu tagalama, tama tamu ađ daidu pelama tama augwali Perga be naniba sabolali, te Pamfilia tęde. Tiali goli, Jon aga nogi me Mak, agai tede te bage tagalama, aga Jerusalemba ma geasa pali. ¹⁴ Tama augwali Perga be nani tagalama, augwali pelama, Antiok be naniba sabolali, te gasa me tedali Antiok, te Pisidia tęde. Tama te Juda dabego Sabat sogo augwali te Juda dabego bomoyai po ola mabo be tomoba pelama, augwali dugayali. ¹⁵ Tama bidi mego Mosesgo bomoyai po așani buku nedama, tama nosali bidi mego Godigo polobadu po pusa mani profet bidigo așani buku me nedama, tama te tobolu bidi dabego Pol dali Barnabas sibolo po ola tolali. Augwaligo augwalibolo te po wai, "Ama dede, dagego dwagi yai po me elalubaso da, teda da we bidibolo dage sigo megida da ola maięo," te po wai. ¹⁶ Tama Pol hodaluama, agai "Dagego odao," olama, nogo muani. Agai te po wai, "Eno homugo dage Israel bidi me, dage Israel isęwai bidi hani me, tiali goli dagego Godibolo po mu wabo dao, dagego bugagia olo munama, eno po odao. ¹⁷ Da Israel we bidi dago God, agai dago waj dabe polobadu daj ilali. Tama augwali te Isip tęde bobobage sogo bidibadi, Godigo augwali te genuai hani mu nigilali. Tama God agai bomogo augwali te Isip tę taga solama, ¹⁸ te kemi tę bidi meni yai bulude bilidubadi, kibu be bidi sigo nogo sęę sese te 40 yia silama yali. Tama te kibu be tomode bidibadi, augwaligo dwai kolesaga ebo sęęę Godigo selama, agai tonaluali. ¹⁹ Tama Godigo te Kenan tęde bidali hani a nogo olama, me badu nogo si wagi solama bidai bidi hani ela silali. Tama ela silama, Godigo te tę te Israel hanibolo mani."

²⁰ "Te augwali te tęde bidama, te kibu be hauwa mu te 450 yia silali. Tama te silama, nosali Godigo te Israel hani dabe augwalibolo po tų dodolobo bidi dabe mawai. Tama me isibasoo, hasegeleyu, hasegeleyu, tama ela pali. Tama bida bida pelama, te bidi Samuel dię holali sogo sabaligi pali, te Godigo po pusa mabo profet bidi. ²¹ Tama te sogo augwaligo Godibolo hanalu wali, 'Da gegasa pabo bidi, moni genuai gavman bidi dabolo mao,' wali. Tama God agai te bidi Kis aga ogwa Sol te sa muani. Te bidi agai hani nogi Benjamin. Agai augwaligo moni genuai gavman bidi nigilama, tama bidali. Te sę eyu bidibadi, kibu be te 40 yia silali. ²² Tama tilama, Godigo Sol hasegelama, Devit te moni genuai gavman bidi nigilama bidali. Tama Godigo te po Devitde wai,

'Megi eno te bidi Devit sualio, te bidi Jesigo ogwa, eno agade dwagi yai homu ebao. Nosali eno sę tigidali agai yaibao,'

Godigo te po wai. ²³ Tama Jisas, te Devitgo nosali hani bidi, te bidi Godigo selama, da Israel dabe tau sabo bidi nigilali, Godigo polobadu wali po tiwai. ²⁴ Tama Jisas agai yali sę gagonalisabadi, Jon agai te Israel we bidi tigidalibolo te po wai, 'Dagego dwai kolesaga ebo tagalama, homu begelama, eno dage baptais mawaibao,' wali. ²⁵ Tama Jon agai sę silabo maga ebadi, agai te we bidibolo te po wai, 'Dagego homugo ena de daweo?' wali. 'Ena te dagego tonalubo bidi menio. Tiali goli, dagego odao. Bidi me deli nosali aga ena tudi badu asaibao. Aga da, te genuai bidi mu da. Ena da nogi elalubo bidi menio. Eno agai sęę nadoba bono pisigabo sę yainogo ebaso da, teda te sę ebo eno usu egobeo,' Jongo te po wai."

²⁶ Te bidi Polgo te po olama, po me ola mani, "Ama dede, abe dede, dage Abrahamgo hani bidi dagego me, odao. Dage Juda bidi hani isęwai bidi, dage God wali pabo dao, dagego me odao. Godigo agai da ma dobola sabo tų nigali po te da tigidalibolo tagala palali. ²⁷ Tama te Jerusalemdede bidibo we bidi me, augwaligo tobolu bidi dabe me, augwaligo te bidi Jisas agai yali sę page konebe, agai wali po page me augwaligo konebe. Augwaligo te Godigo po polobadu pusa mani bidi profet dabego wali po tigidali Sabat sogo odao, tama augwaligo te po page bugagia konebe. Tiali goli, augwaligo homugo Jisas elaiobao homu e basoo, polobadu Godigo po pusubo profet bidi dabego wali po megida nai gilama mu walalio. ²⁸ Jisasgo dwai kolesaga munu me isębadi, augwaligo Jisas olo dali po tų ela mani. Augwaligo te bidi Pailat agabolo moni po daga weyu, te po wali, 'Te bidi Jisas elao,' wali. ²⁹ Polobadu Godigo po pusa mani bidigo bukude așani po tiwai augwaligo te sę Jisasgo tigde ela silama, bidi sigo aga ni pedaide daganama, agai tigi selasa pelama, moni masigi dudulawe tomoba mugi pali. ³⁰ Tiali goli, Godigo aga ma hodolama, tama ma bidibao. ³¹ Tama nosali te polobadu aga dali Galilide bilali hani bidi dabe me aga dali Jerusalemba pali, agai augwalibolo hauwa sogo dię holali. Te hani augwali tigidali Israel we bidi tomode bilu, te ebo sualio sę po pusubo dao."

³²⁻³³ "Tama dadi si me dage pageba sabolama, te Godigo dwagi yai gesi po dagebolo pusa mobao. Tama te bomoyai po Godigo polobadu dago wajbobo walai po dao. Tama megida te po augwaligo wai puluba da pagede mu pedalalio, da tau somainu yai. God agai Jisas gų pagede ma hodolai dao. Polobadu bidi me deligo te Godide dwagi yai homu eyu wabo tęębi buku yabe side te po așani,

'Godigo te po wai, "Nage eno ogwa mu dao. Tama megida nage eno ogwa mu nigilai dao."'

³⁴ Jisas isilama, Godigo aga gų pagede ma hodolai, agai tigi nosali damua pogobe. Tama polobadu Godigo te sę yabo homu ebadi, te po wai, te bukude așani,

'Polobadu eno Devitbolo po ola mawai, agabolo dwagi yai sę yabo po. Tama megida eno nagebolo

† 13:17 Sai 1:7; 12:51

†† 13:24 Mak 1:4; Luk 3:3 ‡ 13:32-33 Tib 2:7

me te po e mobao.' †

³⁵ Tama te asęani buku yabe mede Devitgo te po me Godibolo wali,

'Naga dwagi yai sę ebo bidi naga agai tigi gų pagede damua pomai hagede tagalogobeo,' ††

wali. ³⁶ Tama Devit agai Godigo sę aga hani we bidi to-mode elama, tama aga nosali isai. Tama isęma, augwaligo aga wųgo masigi dudulaweba mugı pai. Tama tede aga tigi damua pai. Tama dago Devitgo polobadu wali po koneao, te po wali Devit aga tigde wabe. Agai tigde wabeo. ³⁷ Tiali goli, te Godigo ma hodolali bidi agai tigi damua pabeo."

³⁸⁻³⁹ "Ama dede, dagego te sę bugagia koneao. Dago dagebolo Jisasgo tigidali yali sę dagebolo pusa mobe dao. Tama agai dago tigidali dwai sę ebo sela sęyabo tų nigali. Duga bugagia koneao. Niwai we bidi augwaligo augwa homu Jisasba mubaso da, teda Godigo augwaligo yali dwai sę sela sęwaibao. Tiali goli, Mosesgo bomu yai po dabe augwaligo dagego dwai kole-saga ebo sę sela sęgobeo. ⁴⁰ Tama dage dua dao. Te Godigo po polobadu pusa mani profet bidi dabe augwaligo wali po dage pagede mu pedalidali weyu, dua dao. ⁴¹ Augwaligo te po asęani, Godigo te po wai, 'Odao, dage Godigo po sela sębo bidi dabe dao. Dagego tonaluama, moni homu elama, nosali noma sęo. Tiali goli, dage isaibao. Eno dage pagede sę ebadi, dagego te sę ebo dagego homugo mu konegobeo. Tama bidi me deligo dagebolo te sę page pusa mobadi, dagego agai wabo po page bugagia konealugobeo,' ‡

Godigo te tama po wai," Polgo te po wali.

⁴² Te Pol dali Barnabas dali si te Juda dabego bomu yai po ola mabo bedo po pusulama buluba dię sobadi, te we bidi augwaligo tega sibolo te po wai, "Me Sabatde dage sigo dabolo te po ma ola magameo," wali. ⁴³ Tama te we bidi tedela pelama, te Juda dabe hauwa augwali si wali pali. Tama te Juda hani isęwai we bidi hani Juda haniba wadolagasali, augwali me te Pol dali Barnabas dali wali pai. Tama augwali sigo augwalibolo te po ola mani, "Dagego Godigo po odoyu, bugagia bidięo. Tama God agai bomu dologode bidięo, agai dage tau somainu, te dage bugagia bidimainu tama yao," wali.

⁴⁴ Te nosali Sabat sogode te be nani we bidi tigidali pęde sisinagasali, tega sigo Genuai Bidigo po wabo odainu yali. ⁴⁵ Tama te Juda dabe me badu augwaligo te umabo we bidi sulama, augwali Pol dali Barnabas side dwai homu yali. Augwaligo Polgo wabo po sela sęnama, aga nogi aiyaba elaluali. ⁴⁶ Tiali goli, Pol dali Barnabas sigo bomu selama, wi isęma, te po wai, "Dago koneai, Godigo po hasia bolo dage Juda haniba mawainu yai. Tiali goli, dagego agai po sela sębaso da, teda dago dage Juda hani taga paibao. Duga homugo tama te da, dagego bugagia bida bida pabo kolesaga sogobeo homu ebaso da, teda da te Juda hani isęwai we bidi haniba tau sigi paibao. Godigo dabolo te bomu yai po wai dao,

⁴⁷ 'Nage eno sole tiwai nigilibe dao, te Juda hani isęwai te tigidali tų pedaide bidalubo we bidi augwaliba ula ilimai hagede ebao. Tama nago tigidali tųde bidibo we bidi tau selama, Godigo augwali ma somainu yao,' ††

wali," Polgo te po wai. ⁴⁸ Tama te Juda hani isęwai we bidi augwaligo Polgo wali po odama, augwaligo bugai homu mu yai. Bugai homu mu elama, augwaligo te Genuai Bidigo po ugwaba sai. Tama tigidali we bidi Godigo sesemane bida bida pabo kolesaga somai hagede polobadu sa muai we bidi, tama augwaligo megi Godigo po odama, te po mu po dao homu elama, te poba augwa homu tigidali muani.

⁴⁹ Te tųde bidibo we bidi augwaligo Genuai Bidigo po oda pela silali. ⁵⁰ Tama te Antiok be nanide te Juda hani isęwai genuai we dabe bidali. Tiali goli augwaligo Godibolo lotu po wabo dao. Tama te Juda dabe augwaligo te nogi yai we dabe dali, te kaunsil bidi dabe dali tigidalibolo bidi geme posobo po wali, Pol dali Barnabas si elemainogo yai. Tama augwaligo tega si gasa tųba gudulali. ⁵¹ Tama tibaso, augwali sigo sęę nadobade elaluali tų hogomu sela sęwani. Te yali sę te page elalubo. Augwali sigo te bidi dabego dwai kole-saga ebo sulama, te sę yali. Tega sigo te po wai, "Duga sę dao." Tama augwali si te Aikoniam buluba pali.

‡⁵² Tama te Antiokde bidali Jisasgo po wali pabo we bidi augwali bugai homu yali, te Godigo Dwagi Yai Mobo Bidi augwaligo homude pęęnaluali.

Barnabas dali Pol si te Aikoniamde bidama po pusali

14 Te bidi Pol dali Barnabas si te Aikoniam be nani-ba sabolama, te augwali sigo polobadu te bulu Antiokde yali sę tiwai ma yali. Augwali si te Juda dabego bomu yai po ola mabo be tomoba pelama, Godigo po bugagia pusa mani. Bugagia pusa menama, te Juda dabego me, te Juda hani isęwai bidi dabego me, te Jisasgo wiegi yai poba augwa homu tigidali muani, umabo we bidigo tialio. ² Tiali goli, te Juda dabe me badu augwaligo te po odobo hagela homu ebaso, augwaligo te Juda hani isęwai dabebolo bidi posobo po geme walali, augwaligo te Pol dali Barnabas dali sigo ebo sę dolomainu yai. ³ Augwali si Aikoniamde hauwa sogo mu bidama, augwali sigo Genuai Bidigo po bomu elama, mu pusali. Augwali sigo te po wai, "Te Genuai Bidi agai we bidibolo dwagi yai sę ebo homu ebo dao." Tama Genuai Bidigo agai bomu augwali sibolo menama, augwali sigo we bidi noma sabo sę dabe yali, te we bidigo 'Te bidi sigo wabo po mu dao' omainogo yai. ⁴ Tama te be nanide bidali we bidi tomode si pedali. Me badu we bidi augwaligo te Juda dabego po wali pai, me badu augwaligo te Jisasgo tagala palai bidi sigo wali po wali pai.

⁵ Te Juda hani isęwai bidi dabe me badu me, te Juda dabe me badu me, augwaligo genuai bidi dabe me, augwali tigidaligo te homu yai, "Dago te bidi si tigiba masigi sęnama, ela muaibao," homu yali. ⁶ Tama te bi-

† 13:34 Ais 55:3 †† 13:35 Tib 16:10 ‡ 13:41 Hab 1:5

†† 13:47 Ais 42:6; 49:6 ‡‡ 13:51 Mat 10:14; Mak 6:11; Luk 9:5; 10:11

di sigo tiwaibao wabo po odobo si, tama augwali si wi pelama, Listra buluba pali. Nosali te Derbe buluba pali, te bulu si te Likonia tęde elaluali. Tama te tę pęde elaluali dwasianu bulu meba pali. ⁷ Te tigidali bulu tęde augwali sigo Godigo dwagi yai po tigidali we bidi-bolo pususu bilali.

Augwaligo Pol tigiba masigi sayani

⁸ Te Listra bulude te saęę dwai bidi me deli bidali. Te bidi aga idago tabide saęę tama dwai ame nai, tama agai aga saęę bilibo menio. ⁹ Tama agai dugulalu, Polgo wabo po odali. Tama Pol agai suali, te bidi agai homu tigidali te Jisasba bugagia muani kolesaga te usu yali, aga dwagi yai ma ilainogo elalubo usu da homu yali. Tama Pol agai te bidi gedugo bomonama dolo ponama tonaluali. ¹⁰ Tama tialima Polgo bomonama tonalu, agai po bomonama pusuyu te tama wali, "Nage hodaluama, naga saęę sigo bugagia dolalua," te po wai. Tama te bidi agai polo hodaluama, aga saęę bilibo gagalali. ¹¹ Tama te Likonia tę we bidi dabe hauwa augwali sisinagaselama, Polgo wabo po odali. Augwaligo Polgo te yali sę sulama, Likonia pogo moni i wali, "Dago god dabe dagaludu da pageba dulalio. Tama te bidi sigo tigde bidibo," te po wai.

¹² Tama te we bidi augwaligo Barnabas te Sus nogi poai, te Sus aga augwaligo genuai tobolu god da. Tama augwaligo Pol suali, agai po wabo bidi, augwaligo te nogi Hermes poai, augwaligo po wabo god nogi. ¹³ Tama te tibo god Sus lotu wabo be te be nani sesege badu elaluali. Te Susbolo nai ulama mabo pris bidi agai omai kibu bulmakau dabe magasali. Tama magaselama, te dwagi yai ni yabe tau dabe selama, kibu bulmakau magede domonani, au yali. Augwaligo homugo te kibu bulmakau dabe elama, te bidi sibolo augwaligo lotu po wainogo.

¹⁴ Te Barnabas dali Pol si augwaligo te we bidi augwaligo augwali sibolo lotu po wainogo ebo sulama, augwa si ugwa pisa yali, augwali sigo te sę hagela baso. Augwali si te we bidi tomoba polo pelama, te we bidibolo bomona weyu, te po wali, ¹⁵ "Dagego te kolesaga egimio. Dadi si me bidi dage tiwai tama dao," wali. "Dadi si dage pageba asali, Godigo dwagi yai po dagebolo pusa mawainogo asai dao. Tama dagego te odolali lotu po wabo tibo god tudiba muiyę. Tudiba munama, dagego te God mu pageba asię, hauwa sogo bida bida peduabo God pageba asię. Agai te dagalu me, tę me, tamu aę me, tigidali tede bidibo nai dabe me agai nigai dao. ¹⁶ Tama polobadu Godigo tigidali we bidi hani augwa kolesagadu pabo sula tagalai. ¹⁷ Tiali goli, agai tigidali sogo tigidali we bidi augwaligo aga bidibo konemainu, dwagi yai nai dabe we bidi tomode mubo dao. Agai te dagaludu tulubage me, giliga nanobo sogo me, agai dę ilibo dao. Tama agai nai pedalama, tama dage bugai homu emainogo te sę ebo dao," augwali sigo te po wai. ¹⁸ Tama te we bidi augwaligo te bidi sibolo lotu po bomonama wainu yali, augwali sibolo nai noga mawai hagede me. Augwali si-

go moni sę bomu mu elama, te we bidigp ebo sę paliali.

¹⁹ Te nosali te Juda dabe me badu Pisidia tęde bulu me si elalubo, me nogi Antiok, me nogi Aikoniam. Te bulu side Pol dali Barnabas dali si polobadu osogo bidali. Te Juda dabe augwali tedu te Listra buluba ase-lama, augwaligo tigidali we bidi homu hodolama, tama augwaligo Pol tigiba masigi saęwai. Masigi saęama, tama agai mu isai bidi gagayali homu elama, augwaligo aga tigi be nani buluba kegasa pelama, mugi pali. ²⁰ Tialima, te Jisasgo po wali pabo we bidi augwali sisinagaselama, agai tigi bologobea sagasali. Bologobea sagaselama, Pol ma hodolama, te be nani tomoba ma pali. Tama te sogo kigamu aga dali Barnabas dali si te gasa be naniba pali, te be nani nogi Derbe.

Pol dali Barnabas dali si Antiok buluba ma pali, te Siria tęde

²¹ Te bidi Pol dali, Barnabas dali augwali sigo te bulu Derbede bidibo we bidibolo Jisasgo dwagi yai po pusa mani. Tama pusa menama, we bidi hauwa mu Jisasba augwa homu mu muani. Tama augwali si te Listra be naniba tędu ma geasa pelama, te Antiok be naniba sabolali, te Pisidia tęde. ²² Augwali sigo te Jisasgo po wali pabo we bidibolo dwagi yai po mobo mani, augwaligo Jisas konealubo homu dę walomainu. Augwali sigo te genuai po ola mawai, "Dago te Godigo tędu pobadi, gasa we bidi augwaligo dabolo haniani sęę mawaibao, tama nosali Godigo da tonalubo buluba da sabolaibao," te po wai. ²³ Tama tigidali bulude augwali sigo Jisasgo po wali pabo hani we bidi tonalubo tobolu bidi dę ilali. Tama nai osogo gisilama, Godibolo po olama, augwali sigo te tobolu bidi dabe Godigo nogue muai, augwaligo aga konealubaso.

²⁴ Te Pol dali, Barnabas dali si augwali te Pisidia tę tomodu pelama, te Pamfilia tęba sabolali. ²⁵ Teba sabolama, augwali sigo Godigo gesi dwagi yai po te Perga be nani we bidibolo pusa mawai. Tama tedu pelama, Atalia buluba sabolali. ²⁶ Tama augwali sigo Atalia bulu taga pelama, moni geba deli selama, tama aędu pelama tama Antiok buluba sabolali. Tama te bulude polobadu Jisasgo po wali pabo hanigo augwaligo nogo tega si tobolude munama, agai tega si tau somainu, Godibolo gedu haluasa po wai. Te po olama, augwaligo te bidi si polobadu tagala palali. Tama augwali si te tęba ma sabolali, te sę egi pomai hagede, tama augwali sigo te sę ela bila silama, ma asali. ²⁷ Tama augwali si Antiokba ma sabolama, augwali sigo Jisasgo po wali pabo we bidi dali deliba sisinagasali. Tama augwali sigo te sę yali po augwalibolo pusali, tigidali nai Godigo augwali si tau sali sę me, tama Godigo te Juda hani isęwai we bidi augwaligo agai po konealubo sunumi dayali. ²⁸ Tama augwali si Jisasgo po wali pabo hani dali bobobage sogo mu bidali.

Augwali Jerusalemba sabolama, genuai po mu miani

15 Te Jisasgo hani we bidi me badu augwaligo Judia tę taga pelama, Antiok be naniba sabolali. Tama augwaligo Jisasgo hani Juda bidigo lotu po wabo kolesaga wali pomainu ola manio. Tama augwaligo te po wali, "Moses agai bomo yai pogo te tigidali bidi Godigo hani mu bidao wali. Tama tilama, tigiwali togwao, Godigo daj muao. Tama dagego te sę isębaso da, Godigo dage sogobeo," te po wai. ² Tama Pol dali Barnabas dali augwali sigo te po wabo mu hagela yali. Tama augwali sigo te Juda bage dali moni pogo wabi hwjani, tama augwali sigo moni wado mu yali. Tama Antiokde bidali Jisasgo po wali pabo we bidi hanigo Pol dali Barnabas dali si, te bidi dabe me badu me, augwali Jerusalemba moni po miboba augwali pomainu homu yali. Jisasgo tagala palai bidi dabe me, tobolu bidi dabe me, augwali deliba sisinama, te po dodolomainu yaibao.

³ Tama tibaso, Jisasgo hani Antiok be nani bidigo augwali Jerusalemba pabo bidi dabe tagala palali. Tama augwali Fonisia tę dali, Samaria tę dali, te bulu si tomodu augwali pali. Tama te sogo augwali Jisasgo hani dali bidu, augwaligo sę ebo po dali pusali, me badu Juda bidi hani isęwai bidi, augwali te sogo Jisasba augwa homu mu muani, te po augwalibolo pusa mani. Tama te sogo augwaligo te po odama, augwaligo moni bugai homu mu yali. ⁴ Tama peyu, augwali Jerusalemba sabolali. Tama tigidali Jisasgo hanigo augwali sulama, dwagi yai homu yai, Jisasgo tagala palai bidi me, tobolu bidi me, augwaligo moni dwagi yai homu eyu augwali asobo suali. Augwali sigo augwalibolo Godigo tigidali sę augwali si bilu yali sę po pusa mani. ⁵ Tiali Jisasgo hani bage me badu augwali te Juda dabego lotu po wabo bidi Farisi sibi da. Augwali doligulama, te po wali, "Te Jisasgo po wali pabo we bidi me badu, augwali te Juda hani isęwai bidi dabe dao," wali. Tama augwaligo augwali sibolo tama wali, "Dage sigo te hanibolo te po wao, augwaligo Godigo Mosesbolo mani po mu wali pao, tama dage tigiwali togolama, tama Mosesgo yali kolesagadu wali pao," te po augwali sibolo tama ola mani, te Farisi sibi bidigo.

⁶ Tialima, nosali te Jisasgo tagala palai bidi me, te tobolu bidi dabe me, augwali sisinagasali, te po dodolomainu. Augwaligo homude elaluali po pususu pali. ⁷ Pususu pelama, Pita doligulama, te po tama wali, "Ama dede, duga kone dao, Godigo homugo te Juda hani isęwai bidi me augwaligo te Jisasgo dwagi yai po odama, augwa homu te poba mumainu yali. Tama polobadu mu God agai ena dage tomode te dwagi yai po augwalibolo pusumainu sa muani. ⁸ Tama God agai da dago homu tigidali konebo da. Tama God agai Dwagi Yai Mobo Bidi te agai dabolo hasia mani tiwai, tama nosali augwalibolo me manio, te Juda hani isęwai bidi dabe. Tama menama, dago koneageameo, Godigo augwali dali dwagi yai homu ebo dao. ⁹ Tama Godigo te Juda hani isęwai bidi hanibolo ebo sę te ebo kolesaga tiwai, agai da dali yali, polobadu. Tialima,

augwaligo te Jisasba augwa homu mubo si, agai augwaligo dwai kolesaga yali sęę sela sęwai dao. ¹⁰ Tama dagego te Juda hani gagasięwai bidi sęę mabo tagalięo. Dagego 'Dage Mosesgo po naga wali pięo' po augwalibolo wagimio. Magi basowe? Augwali usu egobeo. Suao. Dago waj me, dago me, te Mosesgo mani bomo yai po wali pabo sę bugagia wali pogobeo. Te tiwai moni sęę dago tudide tolobo dao. Tama tiwai sęę dagego augwalibolo mobaso da, dagego God usu saibao. ¹¹ Te dwali. Tialima, dago Jisasba dago homu tigidali mubo dao, tama dago konebo da, Genuai Bidi Jisas agai dago yali dwai sę agai tolai dao. Da tigidali we bidi Godigo da te tę deligo naga saibao. Tialima, agai te Juda hani isęwai we bidi me te tędu naga ma saibao," Pitago augwalibolo te po wai.

¹² Te po minama, tigidali bidi po sagia selama, Barnabas dali Pol dali sigo tigidali bomai sę Godigo augwali si nogode yali sę po pusali, te sogo augwali si te Juda hani isęwai bidigo tęde biliyu, te sę yali po pusali.

¹³ Tama augwali sigo te po silibo si, Jems aga augwa tobolu bidi gagalama, aga dodoligulama, te po wali, "Ama dedeo, dagego eno po odao. ¹⁴ Megi te Pita agai po dabolo pusali. Tama dago koneao, hasia sogo mu Godigo te agai hobede ebo homu te Juda hani isęwai we bidibolo me manio. Tama Godigo me badu aga hani mu nigimai hagede daj ilai dao. ¹⁵ Tama Godigo pedauwalide po selama pusubo buku da deli po tama tiwai augwaligo asęai da. Te po e tiwai,

¹⁶ "Genuai Bidi agai te po wai, "Nosali sogo ena ma asaibao. Augwaligo be me dodolama bidibo, polobadu be gagawali, degasa palio. Tiali goli eno te be ma gesi sę yaibao. Tama te tiwai eno gesi kolesaga te Devitgo hani ma hodalagasaibao," wali. ¹⁷ "Tama gasa hani augwaligo me ena gegebo sę yaibao, ena Genuai Bidi dao, te Juda hani gagasięwai bidi me. Tiali goli, eno augwali eno hani tomoba asomainu eno i wai dao," wali.

¹⁸ "Polobadu mu Genuai Bidi agai te sę pedalabo po wai dao, tama meg i te sę pedalalio."†

¹⁹ Te Jems agai te po pusali, "Eno homugo tama tibao. Dago te Juda hani isęwai Jisas wali pabo bidi dago sęę magio. Augwali God pageba asali, tama dago augwali dago kolesagadu pao olama i wagio. ²⁰ Me ma, dago augwalibolo pas tolinao. Tama te pas tomode te po wainao, 'Dagego te augwaligo te tibo godibolo ula mabo nai te dagego tugimio, dagego kibu me agai kaneme gelisęwai kibu tugimio, kaneme me tugimio. Te we sabo bomo yai po bolama, dwai penani sę egimio,' waibao. ††²¹ Te sę po Moses agai aga bukude asęai dao, polobadu mu. Tama lotu po wabo sogo tigidali augwaligo te Mosesgo po lotu be tomode nedebo dao. Tialima, augwaligo koneama, te sę ebo habu mu selai dao," Jems go te po wai.

† 15:18 Amo 9:11-12 †† 15:20 Sai 34:15-17; Prs 17:10-16; 18:6-23

Augwaligo te Jisasgo po wali pabo hani mebolo te pas tolali

²² Te Jisasgo sa muai tagala palai bidi dabe dali, te tobolu bidi dabe me, te Jisasgo po wali pabo we bidi tigi-dali me, augwaligo deli homu elama, bidi me badu augwaligo Antiok buluba tagala palabo homu yali. Augwaligo bidi si daj ilai, te Pol dali Barnabas si dali pomainu yali. Bidi si daj ilai, te bidi nogi me Judas, agai nogi me Barsabas, te gasa bidi nogi me da Sailas. Jisasgo po wali pabo bidi dabe augwaligo te bidi side dwagi yai homu yali. ²³ Tama augwaligo te pas sela pomainu, augwaligo te po asęani,

“Da Jisasgo tagala palai bidi dabe me, tobolu bidi dabe me, te Jisasgo hani me, Jerusalemde bidibo bage, da tigidali dagego ama da. Dago te pas dage pageba te asęna tolobao wali, Siria bulu me, Antiok bulu me, Silisia bulu me, dage Israel hani isawai bidi, dago dagebolo bugai homu ebao, te po wali. ²⁴ Tama dago po odalio, dago hani bage me badu augwali dage pageba aselama, augwaligo dagego homu dolali. Augwaligo me me po walio, tiali goli dago te hani dage pageba me tagala palai menio. ²⁵ Tama megi da deliba sisinagaselama, dago deli homu elama, te bidi si dage pageba tagala palali. Augwali si Pol dali Barnabas dali si hodobo pali. Pol dali Barnabas dali si te dago godolo mu ebo da. ²⁶ Tega sigo Genuai Bidi Jisas Kraiso se eyu, moni homu ebe, gasa bidigo augwali elebaso, usu dao homu yali. ²⁷ Tialima, dago Judas dali Sailas dali te augwali si dage pageba tagala palobao. Augwali sigo dago pasde asęani po tiwai po dagebolo pusa mawaibao.”

²⁸ “Godigo Dwagi Yai Mobo Bidi dali, da dali si te deli homu ebo da, dago dagebolo gasa seęę magobeo, da Juda hanigo kolesagadu wali pabo seęę. ²⁹ Dago homugo e po naga dagego wali pięo. Dagego te augwaligo te tibo godibolo ula mani nai dagego tugimio. Kaneme me tugimio. Agai kaneme gelisawai kibu tugimio. Dagego we sabo bomu yai po bolama, penani egimio. Tama dago e ola mani po dagego wali peyu da, te dage bugagia bidaibao. Tama dao. Dage tao,” te po asęani.

³⁰ Augwaligo te pas asęnama, te bidi dabego sela pelama, te Antiok be naniba sabolali. Tama augwaligo tigidali Jisasgo po wali pabo hani deliba sisinama, te pas augwalibolo mani. ³¹ Tama te sogo te Antiok we bidigo te pas asęani po odama, augwali bugai homu mu yai, te pas tomode elalubo pogo augwaligo homu tau siyu daj walali. ³² Te Judas dali Sailas dali te bidi si Godigo pedauwalide po selama, pusubo bidi da. Augwali si da Jisasgo hani dali hauwa sogo mu bidali, tama augwali sigo augwalibolo po pusulama, tau siyu daj walali. ³³ Tama augwali si tede hauwa sogo bidama, tama nosali Jisasgo po wali pabo hanigo tega si Jerusalemba ma tagala palali. Tama augwaligo te po wali, “Dage dwagi yai homu dali pao, te dage tagala palali bidi dabe pageba,” te po wai. ³⁴ Tiali goli, Sailas aga homugo nigilama, te Antiok bulude bidali.

³⁵ Te Pol dali, Barnabas dali si augwali si Antiok bulude bidali. Augwali si tede bidu, tama Jisasgo po wali pabo we bidi dali wadolagasali, we bidi Godigo dwagi yai po pusubaso bidali.

Augwali si Jisasgo po wali pabo we bidi hani dali bidu, Godigo dwagi yai po pusubadi, Godigo po odisa yali we bidibolo Godigo dwagi yai po pusubaso, Jisasgo po wali pabo we bidi pageba wadolagasali.

Pol dali Barnabas si bobegai po

³⁶ Te nosali me badu polua silama, Pol agai Barnabasbolo e tama po walali, “Dadi si ma pelama, dadi sigo Genuai Bidigo po polobadu pusa mani we bidi augwali Godigo po bugagia wali pabo wenama, sugi pinao,” te po wai. ³⁷ Barnabas agai homugo te bidi Jon, agai nogi me da Mak, aga dali pai homu yai. ³⁸ Tialima, polobadu Mak aga augwali si dali pai goli, Pamfilia tęde bidibadi, ma wi pai. Tama agai augwali sigo te yali se silisabadi yali. Tama tibaso, Polgo aga dali wado po wali, te Barnabas dali. Pol agai homugo Mak augwali si dali pogobe homu yali. ³⁹ Tama Pol dali Barnabas dali si deli homu ebe, tama tilama, augwa si ma wado po olama, bobegali. Tama Barnabas agai Mak selama, augwali si moni geba selama, tamu aj tomode elalubo Saipras tę teba pai. ⁴⁰ Tiali goli Pol agai Sailas daj ilai dao. Tama Jisasgo po wali pabo bidi hani augwaligo Godibolo po olama, “Tega si Genuai Bidi, nago tau sao,” te po wali. Tama olama, augwaligo tega si tagala palali. ⁴¹ Tama augwali si Siria tę tomode tędu pali, te Silisia tę tomode me. Tama augwali sigo Godigo po wali pabo we bidi hani tau sabo daj walobo se ela bilali.

Pol badi Sailas badi augwali si pabode Timoti me hodobo pali

16 Te Pol aga Derbe be naniba sabolali. Tama nosali te Listra buluba pali. Tede agai bidi me deli suai, te bidigo nogi Timoti. Aga dali, aga ida dali, augwali si augwa homu tigidali Jisasba munaluali. Te aga ida da te Juda hani we da. Tialima aga aya da, te da Grik hani bidi da. ² Tama te tigidali Listra bulude bidibo bidi me, te Aikoniamde bidibo bidi Jisasgo po wali pabo hani, augwaligo Timoti ‘Te dwagi yai bidi dao’ homu yai. ³ Tama Pol agai homugo Timoti aga dali seęba paibao homu yali. Tiali goli, agai koneani, te Juda hani bidi augwaligo Timoti aga ayade moni homu yali, augwaligo te homu yali, ‘Aga aya da Grik bidi da’ homu yali. Tama aga aya agai te sogo Timoti tigiwali togobe. Tialima, Polgo Timoti tigiwali togwali, te Juda bidi gagamai hagede daj ilali da, te Juda dabego Timoti agai wabo po odomainu yali. ⁴ Tama augwali te bulude bilali, te sogo Jisasgo po wali pabo hani dali sisinama bidali, te Jisasgo tagala palai bidi me, tobolu bidi dali augwaligo Jerusalemde polobadu wali po ola mani. Augwaligo “Dagego te wali po bugagia wali pięo,” wali. ⁵ Tama tibaso, Jisasgo po wali pabo hani tigidali aug-

waligo bomo salio. Tama umabo we bidi te Jisasgo po wali pabo we bidi tomoba tigidali deli deli sogo asali.

Pol agai nade te Masedonia bidi suali

⁶ Te nosali Pol dali aga dwasianu hani dali, augwaligo homugo te Esia tęba pabo homu yali. Tiali goli Godigo Dwagi Yai Mobo Bidigo augwali si te bulu Esiaba pelamuo po olama, habu seleyu, tų sinilani. Tama tibaso, augwaligo Frigia tę dali, Galesia tę dali te si tomodu pali. ⁷ Tama te sogo augwali Misia tę dąj sesegeba sabolali. Augwaligo homugo te Bitinia tę tomoba pabo homu yai. Tiali goli Jisasgo Dwagi Yai Mobo Bidigo te tų ma paliali. ⁸ Tama tibaso, augwaligo Misia tę tomodu peyu, augwali te be nani Troasba sabolali, te nabis bulu da. ⁹ Tama te sogo hulide Polgo na gagawai yali. Agai Masedonia tę bidi me deli dolalubo suali. Aga aselama, Polbolo bomu elama, hanalu wali, "Nage e Masedonia tęba aselama, da tau sagasao," wali. ¹⁰ Te sogo Polgo na gagawai elama, te sogo ena Luk da Pol dali munasa pali, tama dago walu dabe polo sisi elama, dago geba gegelama, Masedonia tęba pai hagede. Dago koneai, Godigo da i wali, agai dwagi yai po tede bidibo we bidibolo ola momainu yai.

Te we Lidia agai Jisasgo po wali pai

¹¹ Te tama da te Troas be nani taga pelama, da gebadu pelama, te Samotres tamu aų tomode elalubo bulu teba dolo pali. Da pilama, do kigamu geba selama, da Neapolis be naniba tagaligi palio, sabolalio. ¹² Tama dago Neapolis taga palio, augwaligo moni genuai taunba pali, te bulu nogi Filipai. Te bulu moni genuai bulu mu da, Masedonia tęde te bulu deli tobolu elalubo da. Te Rom bidi hani tede bidu, tonalubo da. Tama da te bulude hauwa sogo mu bidali. ¹³ Tama te Juda bidigo lotu po wabo Sabatde da te be nani tagalama, buluba pali. Da te moni pabo aų sesegeba bidigi pali. Dago te po odali, te pesagede me badu Juda dabe augwali deliba sisinama, Godibolo po wabo dao wali. Tama dago we dabe me badubolo te Jisasgo po dago augwalibolo ola manio. ¹⁴ We me deli bidali, dago po wabo agai odali. Te we nogi Lidia, te Taiataira be nanidu polobadu asali. Te we agai ebo sę da te nene gagawai nami ugwa agai gasa bidibolo menama, monego abelebo sę ebo da. Tama te we agai Godibolo lotu po wabo da, tigidali sogo. Tama agai Polgo po wabo odalio, tama Genuai Bidigo te wego homu dwagi yai ilali, te wego Polgo wabo po bugagia odomainu yali. Te sogo te wego homu tigidali Kraisba muani. ¹⁵ Tiali da dago aga dali agai bede bidibo we bidi dali baptais mani. Tama agai dabolo te po wali, "Dagego homugo eno Jisas wali pabo homu ebaso da, eno homugo Jisas mu konealu baso da, teda dage aselama, eno beba bidagasao, osogo," te po wai. Tama agai "Dage eno beba pinao" wali bomu mu yali. Tama tibaso, da aga dali pai.

Pol dali Sailas augwali si Filipai bulude kalabus yali

¹⁶ Te me sogo da te Godibolo gedu haluasa po wabo pesageba pobadi, tama dago wegi me deli asobo suai. Te wegi te mone sisębo sę ebo wegi da. Dwai mobo me deligo te wegi tigde dagawai elaluali. Te dwai mobogo te wegibolo te we bidigo nosali yabo sę po ola mabo da, te wegigo pedauwalidu te po wabo da. Tama te wegi sęde bidu, olo dali aga tonalubo bidigo nai sela tubo da. Umabo we bidi aselama, augwaligo nosali yabo sę po te wegigo augwalibolo ola momai hagede asai. Augwaligo mone ge te wegibolo menama, nosali te wegigo te po pusubo da. Tama elama, te wegi tonalubo bidi dabe augwaligo umabo masigi mu sabo dao. ¹⁷ Tama te wegigo agai da dali Pol dali sula-ma, wali asali. Wali asobadi, agai po bomonama mu wali, agai te po weyu, we bidi dabebolo te po wali, "E bidi dabe te Genuai Bidi Godigo sę ebo bidi dao," wali. "Augwali asali da, dagebolo Godigo dage ma sabo tų po ola mawai hagede asalio," te po wai. ¹⁸ Tama te wegigo agai umabo sogo tama naga tiali. Tibaso, nosali Pol aga hagela mu yali. Pol aga begegi solama, te dwai mobobolo te po wali, "Eno Jisas Kraisgo bomode nagebolo obao," wali, "te wegi tagalama, nage pao." Pol agai te po olama, tama te dwai mobogo te wegi polo taga pali. ¹⁹ Tama te wegigo te gasa bidigo nosali yabo sę po ma pusube. Te sogo te wegi tonalubo bidi dabego koneani, augwaligo mone sabo sę dolo baso, tama augwaligo Pol dali Sailas dali nogo tolasa, te tobolu bidi dabego po tų ebo pesageba odasa pali. ²⁰ Te augwaligo tega si genuai Rom gavman bidi pageba odasa pali. Tama augwaligo te po wali, "Dagego te Juda hani bidi si suo. Tama augwali sigo dwai hagoma ebo kolesaga dago bulu tomode yalio," wali. ²¹ "Da Rom bidi da, tiali goli e bidi sigo da gasagi yai kolesaga ola mabo da. Te kolesaga te da Rom bidi dago kolesaga tiwai menio. Duga bomu yai po elalubaso, tama augwali sigo te kolesaga me te wali po tiwai me dago ilamuo," te po wai. ²² Tama te tonaluali we bidi augwaligo te bidi sibolo dwai po wali, tama augwaligo te bidi si elebo gagalali. Tama te po tų ebo tobolu bidigo te enesigi bidibolo po wali, "Augwali sigo gudubo ugwa peda sanama, keloago tudi badu elao," wali. ²³ Te tiwai obaso, augwaligo te bidi si hauwa sogo mu keloago elali. Tama nosali augwaligo te bidi si kalabus beba nogo tulama, sęgi pali. Tama te po tų yali bidi dabe augwaligo te kalabus bidi tonalubo tobolu bidibolo bomai po mu wali, "Nago te bidi si bugagia tonaluo," wali, "augwali si wi pabuo." ²⁴ Tama te bomai po odama, te kalabus bidi tonalubo tobolu bidi agai te Pol dali Sailas dali si odasa pelama, te moni dąj todogo pai te masigigo nigai be habu muba tagaligi pali. Tama te bidi si moni ni pedai si dudulaweba sęga si tagalaluama, ma lok dąj walali.

²⁵ Te huli tomode mu Pol dali Sailas dali sigo Godibolo po weyu, aga nogi ugwaba sabo balia dabe weyu bidali. Tama te kalabus bede bidali bidi dabe me badu augwaligo te balia po wabo odali. ²⁶ Tama tibadi, moni

tę mali polo yali, te kalabus be ni dabe togwa pali, te be tę dabe polo augwa digi dala pali. Te augwaligo no-gode kęani aligabo bono aga digi pisagana pali.

²⁷ Tama te kalabus bidi tonalubo tobolu bidi aga ho-daluama, suali, te kalabus bede be tę tigidali dalalubo suali. Agai tama homu yali, 'Kalabus bidi tigidali wi pali dao,' homu yali. Tama tibaso, agai homugo 'Genuai gavman bidigo ena elaibao,' homu yali. Te homu elama, aga moni ge hwą kugulude walaluai hwą ugwa dią selama, aga digi tabide elainu yali. ²⁸ Tiali goli, Polgo agai moni po mu tama wali, "Naga digi ma elegio," wali. "Da wi pabeo, da tigidali me bidibao," wali.

²⁹ Tama te kalabus bidi tonalubo tobolu bidi agai te enesigi bidi i weyu, te po wali, "Sole selasa asao," wali. Tama sole selama, agai te kalabus be tomoba polo pali. Agai moni wi mu elama, didibili yali. Didibili ebadi, agai tobolu Pol dali Sailas dali si sągą pageba muani.

³⁰ Tama agai tega si buluba odasa pelama, hanalu wali, "Dage si genuai bidi dao. Eno magi sę elama, Godigo eno yali dwai sę sela sąmainu, Godigo ena ma so-gowe?" wali. ³¹ Tama Polgo agabolo te po wali, "Nago homu tigidali naga Jisas Genuai Bidi teba muyu da, te nage tigidali sogo bugagia bidaiba, Godigo nage dali nago bede bidibo we bidi dali ma saibao," wali. ³² Tama augwali sigo Jisasgo dwagi yai po aga dali, aga hani dali augwalibolo pusa mani. ³³ Tama te sogo hulide te kalabus tonalubo tobolu bidi agai homu Jisasba mu muani. Agai tega si selama, te bidi dabego keloago elali madigi keni te aįgo tedelama, ugwa nami selama, te kenide kęani. Pol dali Sailas dali sigo te kalabus bidi tonalubo bidi dali, aga bede bidibo we bidi dali te sogo tama baptais mani. ³⁴ Tama te bidigo Pol dali, Sailas dali si agai be tomoba odasa pelama, augwali si agai nai mani. Tama te tobolu bidi dali, aga bede bidali we bidi dali augwaligo moni bugai homu mu yali. Magi basowe? Te sogo augwaligo augwa homu tigidali Godiba mu muani.

³⁵ Te sogo kigamu te Rom gavman genuai bidi dabe augwaligo te enesigi bidi dabe tagala pelama, te kalabus bidi tonalubo tobolu bidibolo te po wai, "Nago te bidi si olo tagala pelama, pomainao," wali. ³⁶ Tama tibaso, te kalabus tonalubo tobolu bidi aselama, Pol-bolo wagasali, "Te Rom genuai bidi dabe augwaligo enabolo po ola tolalio, 'Dage si megı pao' po walio. 'Dage si piąo, te po me menio,' wali," te po wai. ³⁷ Tiali goli, Pol agai te po selasa asali enesigi bidibolo te po wai, "Woo," wali. "Tialima, dadi si kalabus yali, augwaligo te page me gegebeo," wali. "Te magi baso augwaligo da elama, da tigidali we bidi gesabide hale mawai dawę? Da si Rom bidi mu dao, dadi sigo nogi te Rom gavmanigo bukude elalubo dao. Te gavman bidi dabego konebewę? Megı augwaligo homugo dadi sigo pedauwali paniama, dadi sigo augwali dali po wasiąma, geme paibao. Augwa dwai kolesaga dadi si dali elama, te ma dualaibawę? Te menio," wali. "Dadi si olo me pogobeo," wali. "Te Rom gavman genuai bidi dabe augwa digi aselama, dadi si tagala palomainao," Pol agai te po wai.

³⁸ Te po selasa asali enesigi bidi dabe ma pelama, te Rom po tę ebo bidi dabebolo Polgo wali po pusigi pali. Tama te sogo te po odobo si, Pol dali Sailas dali si Rom bidi mu si da po odobo si, augwali wi mu yai. ³⁹ Tama tibaso, te Rom po tę ebo bidi dabe augwali te kalabus beba pelama, Pol dali Sailas dali sibolo te po wai, "Dago dwai kolesaga dage side yali ma, da homu dene mu ebao," wali. "Dage si e bulu tagalama, gasaba pagameo," te po wali. ⁴⁰ Tama Pol dali, Sailas dali si te kalabus be tagalama, te we Lidiago beba pali. Tede Jisasgo po wali pabo we bidi hani dali deliba sisinama, tama augwali sigo po pusulama, augwaligo homude daų walobo po pusa mani. Tama augwa si peyu, augwali taga pali, te Filipai be nani taga pali.

Te Tesalonaika be nani bidi augwaligo Pol dali Sailas dali elai hagede yali

17 Te Pol dali, Sailas dali si pelama, te Amfipolis be naniba sabolali. Te bulu taga pelama, Apolonia be naniba sabolali. Te be nanidu pelama, moni Tesalonaika be naniba sabolali. Tede te Juda dabe augwaligo bomo yai po ola mabo be elaluai. ² Tigidali bulude bilu, Pol agai te Juda dabego bomo yai po ola mabo beba pabo koneai dao. Tama tibaso, Tesalonaikade me aga bilu, te beba pali. Tama agai Godigo bukude elalubo po nedama, aga Juda dabe dali po miani. Agai te sę Sabat sogode ela bilibadi, Sarere sela silali. ³ Te sogo agai augwalibolo te po hania wali, te Godigo sa muani bidi, te we bidi tau somainu sa muai bidi Kraisdę po agai ola mani. "Suao," wali. "Godigo po elalubo bukude e po elalubo, te bidi Godigo dabolo tagala palaibao," wali. "Agai moni dene tolama, isaibao. Tama nosali aga gų pagede ma hodalueibao. Tama megı eno dagebolo Jisas aga digi te Godigo sa muani bidi Kraisdę dao obao," Pol agai te po wai. ⁴ Tama bidi me badu augwaligo te po odama, augwa homu te poba mu muani. Tama augwaligo Pol dali Sailas dali side wadolagasali. Tama me badu umabo bidi Grik po wabo bidi hani da, augwaligo Godibolo lotu po wabo, augwali me augwa homu te poba mu muani. Tama te nogi elaluai we dabe hauwa, augwali me augwa homu tigidali te Polgo wali poba muani.

⁵ Tiali goli, bidi me badu te Juda bidi hani da, te augwaligo umabo we bidi Pol dali Sailas dali si wali pabo sulama, augwaligo sębę mu yali. Tama tibaso, te Juda hanigo te dwai bidi dabe tigidali sogo augwali te sisinabo pesagede olo bilalubo suali. Tialima, augwaligo te dwai bidi hani deliba sisinani. Tama augwali udulama, bilu, moni po daų wali, umabo we bidi hodalu, Pol dali Sailas side wado yali. Tama te Juda dabe me, te dwai bidi dabe me, augwali tigidali sisinama, peyu, te bidi nogi Jesongo be bologobea sali, be tę aluama togo sąnama, Pol dali Sailas dali si kekasa painu, te augwali si po tę egi painu tama yali. ⁶ Tiali goli, augwaligo tega si gegali munu me sube. Tama tibaso, augwaligo Jeson badi, me badu Jisasgo po wali pabo bidi dabe badi, augwaligo te bidi dabe nogo tulama, te bulu page bidi kaunsil bidi pageba odasa pali. Augwaligo

moni daęa bomai mu weyu, te po wali, "E bidi dabe augwaligo gasa kolesaga eyu, tigidali bulude bidibo we bidi dolobo dao," wali. ⁷ "Megi augwali dago moni be naniba sabolali, e bidi Jesongo agai beba bidagasao wali. Dagego suao," wali, "augwaligo te dago Rom genuai gavman bidi Sisargo po dolobo. Tama augwaligo te po wali, 'Dago gasa bidi wali pinao' wali, 'te bidi nogi Jisas da,'" te po wai. ⁸ Augwaligo tama po wali, tialima tigidali we bidi me, te kaunsil bidi dabe me, tigidaligo moni po daęa olama, augwaligo te yali sęde dwai homu eyu sębę yali. ⁹ Tialima, te kaunsil bidi dabe augwaligo Jeson dali aga hani dali side te mone ge sai, tama augwalibolo tama po ola mani, "Nosali te yali sę ma ebaso da, te dagego te mone ge ma sogobeo," wali. Te po olama, augwaligo augwali tagala palali.

Pol dali Sailas augwali si Beriade sę yali

¹⁰ Te sogo be huli asobo si, te Jisasgo po wali pabo hani augwaligo Pol dali, Sailas dali si te Beria be naniba tagala palai. Tama augwali si pelama, te buluba sabolali. Tama sabolama, te Juda dabego bomu yai po ola mabo be tomoba pai. ¹¹ Te Beria bidi dabe te Tesalonaika be nani bidi hani tiwai meni. Te polobadu te Tesalonaika bagego tega sigo po polo sela sęwai dao. Tiali goli, te Beria bidi hani augwaligo da bugai homu elama, te po odali. Tama tigidali sogode Godigo po asęai bukude nedali, Polgo wali po usu niba pabo we-nama suali. ¹² Tama te Juda we bidi hauwago augwaligo homu te Jisasba muani. Te umabo Grik po wabo nogi elalubo we dabe me, augwa homu Jisasba muani, te Grik po wabo bidi dabe me. (Te augwali Jisasgo po wali pabo hani tomoba asali.) ¹³ Tiali goli, te Tesalonaika be nanide bidali Juda bidi dabe augwaligo te Polgo Godigo po Beria be nanide me ola mani po odobo si, augwali te Tesalonaika taga solama, Beriaba sabolai. Tede te Tesalonaika Juda dabego te we bidi dabe sisinama, dwai sębę yabo homu hodolali. Te homu hodolobo po obaso, augwaligo Pol dali, Sailas dali side dwai sębę yai. ¹⁴ Tama polo te Jisasgo po wali pabo bidi hani augwaligo Pol dali bidi me badu dali te nabisba tagala palali. Tiali goli, Sailas dali, Timoti dali te Beria be nanide bidaluali. ¹⁵ Tama Pol dali pali bidi dabe augwaligo Pol te Atens buluba tagaligi pali. Tama augwali Beriaba ma aselama, Polgo Sailas dali Timoti dali sibolo wali po pusagasali, "Dage si Pol bidibo buluba polo asao," wali. Tama agai te po dabololo tama walio," augwaligo te po wai.

Pol agai te Atensde bidibo we bidibolo po pusa mani

¹⁶ Te bidi Pol te moni hanu nogi Atensde te Sailas dali Timoti dali si asobo tonaluali. Tama tonalubadi, agai suali, te bulude bidibo we bidi dabego tibo god wali pabo kolesaga umabo yali. Tama tibaso, Pol agai te tibo sulama, moni homu mu yali. ¹⁷ Tama tibaso, Juda dabego bomu yai po ola mabo po mibo be tomode agai te Juda dabebolo umabo po ola mani, te Juda hani isęwai bidi dabebolo me, augwaligo Godibolo lo-

tu po wabo da. Te maketde Pol agai te maketba asobo we bidibolo sesemane sogo po ola mani. Agai homugo augwaligo Jisasgo po wali pomai hagede, te po bomu eyu ola mani. ¹⁸ Tama te Epikuria hani po ola mabo bidi dabe me, te Stoik hani po ola mabo bidi dabe me, augwaligo Polgo po aiyaba elalui hagede, pogo wębi hwjai aę yali. Te bidi me badugo te po wai, "Te bidi aga da, te mu konesięwai bidi da. Agai dabololo magi po obawe?" Me badu bidigo te po wali, "Agai te po wabo gasa habuba bidibo Godigowe?" te po wai. Pol agai te Jisasde po ola mobadi yaide, isai bidi te gu pagede ma hodaloabo po ola mobadi yaide, augwaligo te tobage po tama wali. ¹⁹ Tama tibaso, augwaligo Pol odasa pelama, te Areopagus bulu duba tagaligi pali. Te bulu dude te kaunsil tobolu bidi dabe deliba sisinagasobo dao. Augwaligo Polba hanalubo po weyu, te po wai, "Dago homugo nagebolo hanalubo da, nago te gesi po nago koneama, tigidali we bidibolo ola mabo po, nago dabololo me ola mao. ²⁰ Nago te wabo po me badu dali da noma sobao. Magi basowe? Polobadu dago te tiwai po odai menio. Tama tibaso, te po page dago bugagia odaio," augwaligo te po wai. (Tama te sogo te Atens bulu page bidi dabe me, te gasa buludu e buluba asali bidi dabe me, augwali tigidali sogo, giligade me, pio me bidu, augwaligo te gesi sę yabo po mibo dao. ²¹ Tama te tiwai po augwaligo polobadu me odisęwai po odaio. Tama tibaso, augwaligo u po Polbolo hanalu wali.)

²² Te bidi Pol aga te Areopagus bulu dude sisinagasai kaunsil bidi dabe tomode doligulama, te po wai, "Dage Atens bidi dabe. Dagego ebo kolesaga eno sualio. Tama eno homugo dagego umabo gasagi yai godibolo lotu po weyu, bomu mu ebo dao. ²³ Tama ena e be nani tomode bilibadi, eno te dagego umabo godibolo lotu wabo pesage dabe suali. Tama eno dagego te god me delibolo hasa dabe ula mabo pesage me deli sualio. Dagego te hasa dabe ula mabo pesage masigide te po asęani, 'Te nai dago konesięwai godigo nai dao.' Tialima, dagego konesięwai god, dagego te godibolo lotu po wabo da. Tiali goli, te god de dawę te dagego konebeo. Te god eno megi dagebolo e po pusa mabogo aga dagebolo waselaibao," wali.

²⁴ "God agai tę me, tęde bidibo nai tigidali me nigai dao. Te God agai tigidali nai dagalude elalubo nai me, te tęde elalubo nai me, tigidali aga naga tonalubo dao. Tama tibaso, bidigo nogogo sę yai lotu be tomode aga bidibo menio. ²⁵ Me ma, agai dago nogode agai nai tubo mu menio. God aga digi tigidali tęde bidibo we bidibolo noma mabo dao. Tigidali nai dabe dago gege-lama sabo, te Godigo naga mabo dao. ²⁶ Godigo hasia mu bidi me deli nigai (te bidi nogi Adam). Tama nosali te bidi deligo te tigidali haniani bidi dabe dalali. Tama Godigo tigidali bidi dabe tigidali buluba doayali, augwa te bulude bidimainu yai. Tama God aga digi polobadu mu augwali te bulu dabede bidabo sogo bodolu munama, daę ilai dao. ²⁷ God agai te sę ilai da, augwaligo ena gegemainu homu yali, tama augwaligo

homugo gogone pelama, ena pageba asomainu homu yali. Tiali goli, suao, God digibulu bidibeo, da pagede deli deli we bidi pagede bidibo. ²⁸ God agai sę ebaso da, da bidibo me, da bilibo me. Tama te page aga naga da. Te yali, duga me badu bidi dabe buku așębo koneai bidigo așęai po tiwai dao, 'Da bidibo me aga wai naga bidibao,' te po așęai. ²⁹ Tama da bidibo Godigo wai dabe bidibao. Tama tibaso, dago te homu egio, te God masigi tiwai dao, te bunuwaligo nigai piksa tiwai God da, olamuo. Dago te homu ilamuo, 'God da dago nogogo nigai dao,' te homu egio. ³⁰ Tama polobadu te bidi dabe augwaligo te sę ebaso, tama Godigo po me wabe, moni homu me ebe. Magi basowe? Te augwaligo agade kuna konesiębaso. Tiali goli, megi te sogo God agai bomai po mu tagala palali, tigidali bulude bidibo bidi dabego me odomainu yali. Agai tama wali, 'Dagego dwai kolesaga ebo tagalama, tama dage ena pageba asao,' wabo dao. ³¹ Tama agai deli sogo me bodolu mawai. Nosali te sogo agai tigidali tęde bidibo we bidi po tų ela mawaibao. Augwali po tų yabo bidi Godigo sa muai dao, te bidi agai dwagi yai doloba pai po tų mu yaibao. Tama Godigo te sa muai bidi agai dabolo hania ola mani. Mena sę elama, da tigidaligo sualiwe? Agai te bidi isęma, gų pagede ma hodaluama, ma gesi bida bida paibao," Pol agai te po wai.

³² Te sogo Pol agai bidi me deli gų pagede ma hodaluai po pusubo da, bidi me badu augwaligo te po gisugu mani. Tiali goli bidi me badu augwaligo agabolo te po wali, "Dago homugo nago te po dabolo ma pusa mao," wali. ³³ Tialima, Pol aga te po mibo tagalali. ³⁴ Tama bidi me badu augwali augwa homu Jisasba mu muani, tama augwali Pol dali pali. Te bidi me deli aga te Areopagusde bidibo kaunsil bidi, agai nogi Dionisius da, te we me deli agai nogi Damaris, augwali si me, gasa bidi dabe me badu me, augwali tigidali augwa homu Jisasba muani.

Polgo te Korin taun bulude sę eyu, po pusali

18 Te bidi Polgo nosali te Athens be nani taga pelama, agai Korin taun be naniba pali. ² Tama te bulude bidi me deli bidali, te Juda hani bidi, agai nogi Akwila. Aga bulu mu nogi da, Pontus da. Tama polobadu gana aga dali aga we dali te Itali tęde bidali taga soai. Aga we nogi da, Prisila da. Te Rom gavman tobolu bidi mu agai nogi Klodius, agai te Juda hani te Rom tęde bidali aga sela sęwai dao. Tama agai te po wali, "Dage Juda hani Romgo tęde ma bidigimio," wali. Tama tibaso, augwali si te Korin be naniba polasa soai madigi, Pol nosali Korin be naniba asai dao. Pol aga augwali sugi pali. Tama sugi pelama, agai augwali dali bidali. ³ Tama Pol agai te we de bidi si te hasa waligo ugwa be hobolama, te mone sabo sę ebo suali. Polobadu Pol aga me te sę yai. Tama augwali sigo Pol hanalu wali, "Nage dadi si dali bidu, e sę yaibao," wali. ⁴ Tama Pol aga tede bidu, tigidali Sabat sogo Juda dabego bomoi yai po ola mabo beba peyu yali. Tama agai te Juda hani bidi dabe dali me, te Grik hani bidi dabe dali me, agai

po ola mani. Tama agai homugo augwali homu begelemainu hagede homu yali.

⁵ Te nosali Sailas dali, Timoti dali augwali si te Masedonia tę taga solama, Korin be nanide Pol bidibo madigi sabolali. Tama augwali si asobo si, Polgo te ugwa be hobolobo sę tagalali. Agai tigidali sogo te Juda hani we bidi bidibo tomode po ola bilali. Tama agai po bomai mu pusuyu, te po wali, "Te dagego koneao. Te bidi Jisas aga Godigo aga sa muai bidi Kraiss da, te we bidi tau somainu." ⁶ Tiali goli, augwaligo homugo te po pusubo po odobe. Augwaligo agade sębę yali, tama augwaligo aga dali dwai po mu wali. Tama tibaso, Pol aga tama kolesaga yali, agai nogogo te aga gudali ugwade elaluali pobebe bage tedala sęyani. Tama tiyu agai te dę yali, agai nosali augwali ma homu egobeo olama, te sę yali. Tama agai augwalibolo po walali, "Tialima, nosali dage hagawai baso da, duga sę dao," wali. "Eno sę menio. Tialima, megi eno dage taga peyu, eno te Israel hani isęwai bidi dabebolo Godigo po pusa mawaibao," te po wai. ⁷ Tama tibaso, Pol aga te Juda hani taga peyu, aga te Israel hani isęwai bidi me deli, agai nogi Titius, me nogi Jastus, tego beba bidigi pali. Te bidi Titius agai Godibolo lotu po wabo dao. Agai be te Juda dabego bomoi yai po ola mabo be sesege badu elalubo. ⁸ Tama bidi me deli bidibo, agai nogi Krispus, aga Juda dabego bomoi yai po ola mabo be tonalubo genuai tobolu bidi mu dao. Te bidi dali, aga bede bidibo we bidi dabe dali, augwali tigidaligo Jisasba augwa homu tigidali mu muani. Tama Korin we bidi umabo augwaligo Polgo wabo po odama, augwaligo homu Jisasba mu munama, tama augwali tigidali baptais mani.

⁹ Te me sogo hulide Pol agai nai me deli te nade suali. Tama Genuai Bidigo aga dali po tama wali, "Nage wi egio," wali. "Nago po bomoi elama, augwalibolo wao. Naga pedauwali pania sigio," wali. ¹⁰ "Ena nage dali bidibao. Gasa bidigo nage dologobeo. Magi basowe? E be nanide bidibo we bidi umabo augwali eno sa muai dao. Augwaligo nago po odama, te augwali eno hani gagawaibao," wali. ¹¹ Tama te po obaso, Pol aga Korinde bidibadi, kibu be deli silama, me tomoba egi pali. Tama agai tigidali we bidi Godigo po ola mani.

¹² Te nosali te bidi me deli nogi Galio, te Rom gavman genuai mu tobolu bidi dabe augwaligo te bidi Galio te Grik tę tonaluabo tobolu bidi nigilali. Tama te sogo te Juda hani augwali sisinama, Pol selama, augwaligo aga po tųba odasa pali. ¹³ Augwaligo Galiobolo te po wai, "Te bidi agai homugo dago bomoi yai po dolobo. Tama agai te we bidibolo Godigo lotu po wabo gasa kolesaga elama, bugagia ola mabeo," wali.

¹⁴ Te bidi Pol aga doligulama, agai po gagalainogo, te gavman bidi Galio agai te Juda dabebolo te po tama wai, "E bidi Pol agai dwai sę mu egi sogo da, teda eno tonaluama, dagego po tų ebo po page tigidali eno odigi da. ¹⁵ Tiali goli, dage dolaga aselama, tama dagego umabo me me nogi wabo po obaso, te dage Juda hani-go bomoi yai po dabe po me obaso, dagego homugo ena te tiwai po odobo bidi dawę?" wali. "Menio. Duga

digi te po dodolao," po wali. ¹⁶ Tama agai te Juda hani bidi dabe augwali te po tų ebo bede sela sayani.

¹⁷ Augwali te be tagalama, buluba soali. Tede augwaligo te Juda dabego bomu yai po ola mabo be tonalubo bidi nogogo tuali. Te bidi nogi Sostenes. Augwaligo te po tų ebo be sesegede te bidi osogo elali. Tiali goli, Galiogo sulama, tama agai te dwai sę ebode moni homu ebe.

Pol aga Antiokba ma geasa pali, te Siria tųba

¹⁸ Te bidi Pol aga te Jisasgo po wali pabo hani dali hauwa sogo bidali, te Korin be nanide. Tama nosali agai augwali taga soali. Agai te Prisila dali, Akwila dali augwali sela te Siria tųba pabo gagalali. Tama Senkria be naniba tųdu sabolama, tede Pol agai Godibolo bodolu mawai. Aga tobolu nisi poayali, te bodolu mani po daų omainu yai. ¹⁹ Tama tilama, augwali sela te moni gebadu pelama, te tamu aų bolama tama Efesus moni be naniba sabolali. Tama Pol aga te Juda dabego bomu yai po ola mabo be tomoba pelama, te Juda dabe dali umabo po miani. ²⁰ Augwaligo agabolo augwalide hauwa sogo mu bidaimai hagede hanalu wali. Tiali goli, Polgo "Menio," wali. ²¹ Agai augwali taga peyu, te po wai, "Te Godigo 'Usu da' obaso da, teda nosali ena dage pageba ma geasa asaibao," wali. Te po olama, Pol te moni gebadu pelama, Efesus be nani taga pali.

²² Te bidi Pol te moni gebadu pelama, te nabis be nani Sisaria teba sabolali. Tedu tųdu pelama, Jerusalemba pali. Tama agai Jisasgo po wali pabo hani-bolo "Dage tao," wali. Tama nosali aga tedu pelama, Antiokba pali. ²³ Tede aga hauwa sogonu bidama, aga Antiok taga pali. Tama ma pelama, tųdu pelama, te Galesia tų me, Frigia tų me tomodu pelama, Jisasgo po wali pabo hani we bidi suali. Tama agai augwalibolo dwagi yai po pusa mani, augwali bomu somainogo yali.

²⁴ Te Juda bidi me deli Efesus be naniba sabolagasali. Agai nogi da Apolos, agai page bulu Aleksandria be nani da. Tama te bidi aga da po digi wabo bidi, te agai dwagi yai Godigo po asęani bukude ebo po page tigidali koneai bidi mu da. ²⁵ Tama agai koneai, te Genuai Bidigo agai tigidali we bidi ma sabo tų koneani. Tama tigidali sogo agai homugo daų mu eyu Jisasgo yali sę po dabe tigidali pusali, bugagia dolo pusa mani. Tiali goli, agai koneani, te Jongo agai te we bidi baptais mabo sę yali wali po naga agai koneani. ²⁶ Tama te bidi Apolos agai te Juda dabego bomu yai po ola mabo bede agai po bomonama wali, wi ebe. Prisila dali Akwila dali sigo agai po wabo odama, augwali sigo beba aga odasa pali. Tede augwali sigo agabolo Godigo pabo tų po page bugagia hania ola mawai. ²⁷⁻²⁸ Tama nosali Apolos agai homugo te Grik po wabo bidi dabego page bulu tųba pomai hagede homu yali. Tama tibaso, te Efesusde Jisasgo po wali pabo hani we bidigo bugai homu elama, te Grik tųde bidibo Jisasgo hani dabe-bolo pas asęani, te Apolos tau somainu yali. Te pas to-

mode augwaligo te po asęani, "Te bidi Apolos asobo si, dagego aga bugagia tau sao." Tama Apolos pelama, sabalobo si, tigidali sogo augwali sisinama, po mibo sę yali, augwaligo Godigo po bukude asęani po wali. Te po agai tigidali we bidibolo Jisas ola mani. Aga "Te bidi mu polobadu Godigo agai da tau somainogo sa muai bidi Kraisa da," wali. Tama tigidali sogo Apolosgo te Juda hanigo konila po wabo aiyaba elaluali. Tialima, Apolos agai Jisasgo po wali pabo we bidi hani tau mu sali, polobadu Godigo augwali hobede ebo kolesaga olo menama, tau sali.

Pol Efesusde sę yali po da

¹⁹ Te sogo Apolos te Korin be nanide bidibadi, Pol aga te Galesia tų tomoba sabolali, nosali te Efesus be naniba sabolali. Tama te bulude agai Jisasgo po wali pabo bidi me badu bidibo suali. ² Pol agai augwali te po hanalu wali, "Polobadu sogo dagego homu Jisasba mu muani sogo, te Godigo Dwagi Yai Mobo Bidi dage pageba asaliwe?" Augwaligo te po wei agade ponoyu, te po wali, "Godigo Dwagi Yai Mobo Bidi elalubo po dago polobadu odobeo," wali. ³ Tama Pol agai augwalibolo hanalu wali, "Tialima, te sogo augwaligo dage baptais mani sogo, dagego dego po wali pai dawe?" Augwaligo te po wali, "Jon agai we bidi baptais polobadu mayu agai ola mani po, te po bidi me deligo dabolo ola menama, dago te po wali pabo dao," wali. ⁴ Tama Pol agai te po wali, "Te polobadu te we bidi augwa dwai sę me, dwai kolesaga me tagalama, tudiba menama, homu begelama, te Jon agai te we bidibolo baptais mani. Tama tilama, agai augwalibolo te po wai, 'Te ena nosali asobo bidi, te bidi dagego homugo mu koneao,' wali. Tama eno dagebolo te po obao, te bidi da te Jisas da," Pol agai te po wai. ⁵ Tama te Efesus bulude bidali Jisasgo po wali pabo hani we bidi dabe augwaligo te po odama, augwali Jisas wali po baso, baptais sali. ⁶ Te baptais selama, deli deli bidi toboluba Pol agai nogo mubadi, Godigo Dwagi Yai Mobo Bidi augwaliba asali. Augwaligo gasagi yai hani-ani po wabo gagalali. Tama augwaligo Godigo augwalibolo mani po pusubo sę yali. ⁷ Tama augwali te bidi hani nogo si olama, sęga badu si wagi sulama, bidi hani bidibo.

⁸ Te Pol te polua sela tede bidali. Tede bidibadi, aga te Juda dabego bomu yai po ola mabo beba tigidali Sabat sogode te be tomoba pabo da. Agai augwalibolo te po wali, "Godigo homugo agai te we bidi tonalubo," wali. Aga wi ebe, te po bomonama wai, augwaligo konemainu te po mu dao. ⁹ Tiali goli, augwali me badu bidi dabego augwa homude hagela elama, augwa homugo Jisas konebe. Tama augwali tigidali bidi gedude doligulama, Godigo gesi tųde pabo pobolo augwaligo dwai po wali. Tama tibaso, Pol agai te po odama, agai Jisasba homu muani bidi oda selama, te augwaligo Juda dabego bomu yai po ola mabo be taga pali. Tama tigidali sogo agai augwali dali po miani, te bidi me deli agai nogi Tiranus, tego skul be tiwaiba sisinama, po ola mani. ¹⁰ Tama Pol agai te sę ebadi, kibu be si silali.

Te sę elama, umabo we bidi te Esia tę tomode bidibo we bidi augwaligo Godigo dwagi yai po odali. Me badu Juda hani we bidi da, me badu te Juda hani isęwai gasa hani dabe we bidi da.

Sevago ogwa dabe dwai mobo augwaligo gagalama, sela sęwai hagede yali, usu isęwai po

¹¹ Te sogo God agai genuai bomu mu Polbolo mani. Tama Godigo tigidali we bidibolo haniani bomai sę bidigo ebo usu isęwai sę mu ola mawai. ¹² Polgo nami ugwa ugwa kugulu gudai dao, te duga holobo ugwa gebode kęwai dao. Tama augwaligo te tobage ugwa dabe Polgo tulama, tama augwaligo te gasi sai bidi dabe bidibo madigiba selasa pai dao. Augwaligo te ugwa te gasi sai bidi tigiba mubo si, te gasi sia sai dao. Te dwai haubo noma elalubo bidi dabe me, te sogo augwaligo te sę ebo si, te dwai haubo nomago te bidi dabe tagalama, wi pai dao. ¹³⁻¹⁴ Tama Juda genuai bidi deli bidali agai nogi Seva da. Agai sę da, te pris bidi dabe tonalubo dao. Agai ogwa da nogo a olama, me badu nogo si da. Tama augwali biliyu, te dwai haubo noma bidibo we bidi dwai noma sela sęyani. Tiali goli, augwaligo homugo Jisas mu konebe. Tama dwai noma bidi me badu sela sęyu, Jisasgo nogi ilama, sela sęwainu yali. Tama augwaligo te dwai mobobolo te po wali, "Nage dwai haubo noma, eno Jisasgo bomogo nage sela sębo dao, te bidi Pol agai wabo po tiwai dao," te po wai. ¹⁵ Tiali goli, te dwai mobogo augwalibolo te po wai, "Eno Jisas kone dao. Eno Pol kone dao. Tiali goli, dagego mena bomu eyu, te sę ebawe? Eno dage mu konebeo," wali. ¹⁶ Tama te dwai mobo elalubo bidi agai te bidi dabe dali bomonama mu hwjnama, agai augwali tigidali ayaba elaluali. Tama augwaligo tigi agai mu dolali, augwaligo ugwa dabe pebeda sęyani, te augwali te be tagalama, wi pali, tama me badu augwaligo tigi olo wi pali. Magi basowe? Te bidigo augwaligo ugwa dabe pebeda sana silai dao. ¹⁷ Tama te Efesusde bidibo Juda we bidi dabe me, te Juda hani isęwai hani we bidi me, augwali tigidali te yali sę po odama, wi mu yali. Augwaligo te Genuai Bidi Jisas nogi ugwaba mu sali. ¹⁸ Tama nosali Jisasgo po wali pabo we bidi me badu augwali aselama, te po te we bidi tigidalibolo wai, "Te dwai pobi wabo sę dago polobadu yai dao" wali. ¹⁹ Tama augwaligo te pobi me, animani ola mabo buku dabe deliba sisanama, augwaligo tigidali we bidi gedude isiba ulai dao. Te buku abelebo mone ge te hauwa kisu 50,000 monego abelai dao. ²⁰ Tama umabo we bidi augwaligo te bomai sę yali po odobo si, augwaligo te Godigo dwagi yai po mu odali. Tama Godigo dwagi yai po tigidali we bidigo homuba pelama, daę wali.

Efesusde bidibo we bidi dabego Pol dali wado po wai

²¹ Te nosali augwaligo te sę ela silama, Godigo Dwagi Yai Mobo Bidigo Polgo homuba menama, aga Masedonia tę dali Akaia tę dali te bulu siba pomainu homu ilali. Tedu pelama, aga Jerusalemba sabaligi pomainu

homu yali. Tama Pol agai homugo bomu eyu te po wali, "Ena teba sabaligi pelama, nosali ena Rom be nani sugi paibao," te homu yali. ²² Tama tiali, Pol agai sę tau sabo bidi si te Masedonia tęba tagala palali, te bidi si nogi me Timoti, me Erastus. Tama te bidi si tagala palama, Pol te Esia tęde osogo bididuali.

²³ Te bidi Pol te Efesus be nanide te sogo bidibadi, te Efesusde bidibo bidi dabe hauwa augwaligo Godigo gesi tędu wali pabo bidi dabe dali konila po weyu, moni sębę mu yali. ²⁴ Tama te bidi me deli, agai nogi Demetrius, agai tigidali bidi sębę ebo homu hodolali. Agai te mone sabo sę te gasagi yai bunuwali tiwai nai geselebo sę ebo bidi da, te bunuwali tiwai nai nogi silva, te wiegi yai kapa dao. Te Efesus be nanide te tibo god nogi Artemis moni lotu wabo be elaluali. Tama te bidi Demetrius me agai tau sabo bidi dabe me, augwaligo te lotu be dwasianu noma te bunuwali tiwai naigo nigibo sę elama, tama umabo bidigo sulama, moni monego abelama, sabo sę ebo da. ²⁵ Tama te bidi Demetrius agai te tibo godigo dwasianu be sę ebo bidi dabe me, gasa sę ebo bidi dabe me, agai i olama, sisanama, te po miani. Agai te po augwalibolo tama wali, "Ama dede, dagego konebo dao, dago e sę ebogo te umabo masigi selama, da bugagia bidibo dao. ²⁶ Tama dagego te bidi Pol agai ebo kolesaga koneani dao, dago agai po dabe me odali dao. Agai Efesusde bidibo we bidi dabebolo wabo po dabe, tama agai Esia tęde bidibo we bidigo me agai po tama wabo da, "Te tobage bidigo nogogo nigibo god da, bomu menio, augwali god mu menio, agai dage tau sogobeo," te po walio. Agai tama po wabode tigidali we bidi augwaligo te po wali pali, te Efesus be nanide me, te Esia tęde me.

²⁷ Tama eno dago mone sabo sę dolidali weyu eno wi ebo, tama tigidali we bidigo dago e ebo sęde dwai po wabo. Dago bugagia tonalusęyu da, te po genuai mu yaibao. Tama augwaligo Artemisgo moni lotu be dolaibao," wali, "agai dago moni god we, tama augwaligo homugo genuai we god Artemis usu egobeo, agai dago tigidali Esia tę we bidi aga deliba lotu po wabo dao, te tigidali tęde bidibo we bidigo me," te po wali. ²⁸ Tama te we bidi augwaligo Demetriusgo wali po odobo si, augwaligo Pol dali moni sębę yali, tama augwaligo moni po daga weyu, te po wali, "Artemis, nage da Efesus we bidigo genuai god da," te wali. ²⁹ Tama te Efesusde bidibo we bidi augwaligo te po odoyu, augwaligo moni po daga wali, tama augwali pelama, Masedonia bidi Pol tau sali bidi si nogo tuali. Te bidi si me nogi da Gaius, me bidi nogi da Aristarkus. Tama augwaligo te bidi si nogo tolasa, augwa moni po tę ebo pesageba pali. ³⁰ Tama Pol agai homugo da, te bidi hani te po tę eboba agai po wagi pai homu yali. Tiali goli, te Jisasgo po wali pabo hanigo aga pigio wali.

³¹ Gavman sę ebo tonalubo bidi dabe me badu, te Esia tęde, augwaligo Pol dali abagi wai dao. Tama augwaligo me Polbolo tama po ola tolali, "Pol, nage te po mibo tomoba pigio," wali. ³² Tama te po mibode augwaligo homu agabe selama, te po dolali. Te moni po daga weyu, me bidigo aga homugo konealubo po wali, me

bidigo aga homugo konealubo po tedali me wali. Tama augwaligo umabo po mu dalasa pali. Te po miboba asali page augwali tigidaligo konebe. ³³ Tialima, bidi me deli tede bidali, agai nogi Aleksander dao. Tama Juda hani augwaligo te bidi te po mibo tomoba doligi pali. Tigidali we bidigo augwaligo homu, te po mibo page agai dao, homu yali. Tama agai nogo tigidali bidigo po odoboba nogo ugwaba muani, augwa po wabo tagalomai yali. Agai homugo te sisinama po mibo page te Juda hanigo menio waji hagede nogo muani. ³⁴ Tiali goli, te we bidi augwaligo aga Juda bidi dao konebaso da, agai te Artemisbolo lotu po wabo meni konenama, tama augwali tigidaligo moni po daga wali, te po wali, "Te Artemis, nage da Efesus we bidigo genuai god we dao," wali. Te po wabo kigamu gagalama, giliga tomo yagasali.

³⁵ Te nosali te kausil kuskus bidi agai te po togolama, agai augwaligo te po aiyaba elaluali. Agai te po wali, "Dage Efesus bidi dabe, odao. Tigidali bulude bidibo we bidi augwaligo e Efesus bulu kone dao. Augwaligo kone dao, dago te Artemis genuai we godigo moni lotu be tonalubo dao. Tama dago te masigi me tonalubo dao, te dagaludu tuloluai masigi, te masigibolo dago lotu po wabo da. Te me augwaligo konebo dao. Bidigo te po sela sago beo. ³⁶ Tama tibaso, dage dua bidi. Dagego bugagia konesiawai sęde wado egimio," wali. ³⁷ "Suao, dagego te bidi si po tęba odasa asali. Tiali goli, augwali sigo dago te lotu bede dwagi yai nai munalubo wi sabeo. Tama augwali sigo dago we god dali dwai po me wabeo," wali. ³⁸ "Tialima, Demitrius me, aga dali sę ebo bidi dabe me, augwaligo bidi me delide wado po wabo elalubaso da, teda augwa digi te po tę ebo sogo te po augwaligo dodolomainao, tama te po tę ebo bidi augwaligo te po dodolomainao," wali. ³⁹ "Tama dage me badu po elalubaso da, teda po tę ebo pesagede dagego te po wao. Tama te sogo genuai bidi dabe dugulama, po odama, augwaligo dodolobo da. Megi te po mibo silao. Magi basowe? ⁴⁰ Dago meg e po mibo dobo yabo, dwalio. Tama tibaso, te Rom gavman tobolu bidigo dago te kolesagade da tę egowe ma meniwe, te eno konebeo. Suao, da e sisinani po page menia madigi, dago umabo po mu dalasa pabo wali. Tama te gavman bidigo da po tę ebo si, dago magi po te gavman bidibolo wei begelaibawe? Po mu menio," te po wai. ⁴¹ Tama kuskus bidi agai te po olama, tama agai te bidi dabe tigidali augwa beba tagala palali.

Pol te Masedonia tę dali te Grik tę dali side bilali po

20 Te wado po wali dabe sia selama, te hauwa sagonu bugagia bidama, te Polgo Jisasgo po wali pabo we bidi i wali. Tama agai dwagi yai po augwali homude daę olama bombo sabo po ola mani. Tama nosali dage tao po olama, augwali nogo mani. Tama agai augwali taga pelama, aga moni gebadu Masedonia tęba pali. ² Tama te Masedonia tę tomode peyu, Jisasgo po wali pabo we bidi hani augwali tau sabo dwagi yai po Pol agai hauwa sogo ola mani. Ola mena-

ma, nosali aga te Grik tęba sabolali. ³ Te bulude aga polua sela bidali. Tialima, nosali agai homugo Siria tęba moni gebadu paio homu yali. Tama agai nai sisi elama, te Juda dabego aga ela muabo po agai odali. Tama tibaso, agai te homu yali, 'Ena Masedonia tędu pelama, ma geasa paibao,' homu yali. ⁴ Tama te bidi dabe me badu Pol dali hodobo pali. Te bidi nogi me Sopater, aga aya da Pirus da, aga bulu da Beria. Bidi me nogi da, Aristarkus, te gasa bidi me nogi Sekundus. Augwali sigo bulu da Tesalonaika. Tama gasa bidi me nogi da Gaius, aga bulu da Derbe. Tama gasa bidi me nogi Timoti. Bidi me nogi Tikikus, te gasa bidi me nogi Trofimius, augwali si bulu da Esia tę da. ⁵ Te bidi dabe tigidali augwali Pol dali pali. Augwali polasa pali, te Troas be nanide da asobo tonaluali. ⁶ Tama da Filipai be nanide bidama, nosali te bo disawai bret tuali bodolu silibo si, da moni gebadu pali. Tama pelama, a naga sogo silibo si, da Troasba sabolama, te polasa pali bidi dabe sulama, ma hodobo muna selama, da Troas be nanide Sabat deli bidali.

Te Troas be nanide Polgo Yutikus isai ma hodolai po

⁷ Te dwasianu Sarere pio te da deliba sisinama, te Jisasgo po wali pabo we bidi dabe me sisinama, nai bolo tuali. Tama Pol agai te we bidibolo Jisasgo po pusa mani. Agai te bobobage po pususu pedubadi, huli tomo mu yali. Magi basowe? Agai homugo do augwali taga paibao. ⁸ Tama te po mibo be habu badu augwaligo sole umabo wawalo pali. Tama te be da moni sigi be da, te po mibo habu da ugwa badu mu. ⁹ Tama gesi bidi me deli te windo tę me delide dugulaluali, agai nogi Yutikus. Tama Pol agai bobobage po pusubadi, te bidi godege magani elama, piali. Tama aga mu piai madigi, buluba tula muani, aga digibulu mu tama tęba tuloluali. Augwali aiyaba dulama, tęba pelama, suali, aga osawali, te bidi mu isai suali. ¹⁰ Tiali goli Pol aga udulama, tęba dulali. Tama agai te bidi tigiba usu si elama, agai nogogo te bidi nogo si dua elama, tuali. Tama Pol agai tigidali we bidibolo te po wai, "Dagego te bidi homu dene baso, gela wagimio. E bidi bidibo. Megi ma hodaluama, bidaibao," wali. ¹¹ Pol te habuba ma holali. Tede aga dali te Jisasgo po wali pabo we bidi dali augwaligo homugo Jisas makone palama, te bret nai tuali. Tama te Pol aga te wali po wadolama, te po ola pedubadi, be posobode te po tagalama, aga pali. ¹² Tama te gesi bidi Yutikus aga gedu pedalu bidibaso, te augwali dali hodobo agai beba pali. Tama augwaligo homu dwagi yai yali, aga ma gedu pedalu bidibo ula elalubaso.

Pol aga Troas be nani taga solama, Miletusba pai po

¹³ Te bidi Pol agai dabolo te po wali, "Dage gebadu polasa pelama, te Asos be naniba pao. Asos be naniba sabolama, ena asobo tede tonalua. Ena tędu asaibao, nosali da tigidali te moni gebadu ma paibao," te po wai. Te po olama, da te moni gebadu Asos be naniba sabolali. Tama Pol aga te Asos pabo tędu pelama, te

buluba sabolali. ¹⁴ Tama agai da Asos be nanide bidibadi sabolali, tama da hodobo moni gebadu pali, te Mitilini buluba sabolali. ¹⁵ Tama da Mitilini bulu tagalama, da pelama, Kios buluba do sabolali. Tama dago do Kios bulu tagalama, me sogo da Samos buluba sabolali. Tama kigamu ma pelama, te Miletus be naniba sabolali. ¹⁶ Pol agai homugo te Efesus be nani sugobeo, ela soaibao homu yai. Agai homugo ena Jerusalemba polo paibao homu yali, ena tede te Juda dabego moni nai tubo bodolu Jerusalemda bidibadi silaibao, te homu yali. Te Juda dabego moni nai tubo bodolu te nogi Pentikos dao.

Pol agai Efesus be nanide bidibo Jisasgo po wali pabo we bidi tobolu bidi dage tao wali

¹⁷ Te Pol Miletusde bidu, agai Efesusde bidibo Jisasgo po wali pabo we bidigo tobolu bidibolo agai pas me deli tolali. Te pasde agai te po wali, "Dage aselama, ena pageba asao," wali. ¹⁸ Tama augwali aselama, aga dali sisinama, bidali. Tama agai augwalibolo te po wali, "Ama dedeo, polobadu mu ena dage pageba hasia sogo mu te ena Esia tęba sabolai dao, dagego koneai dao, eno dage dali bidu tigidali yali sę kolesaga me dagego koneai dao. ¹⁹ Tama te sogo te Juda dabe augwaligo moni haniani sęęę enabolo mani, te ena gela gugai yali. Tama augwaligo ena dolabo tų me gegai dao. Tiali goli, ena digi nogi aiyaba elaluama, tama eno homugo Genuai Bidi Jisasgo sęba naga homu elama, sę yali. ²⁰ Te dage tau sabo po eno yogo yai menio. Duga bede me, duga sisinibo pesagede me, eno te po dugabolo eno umabo sogo pusa mawai dao. Te po duga koneai dao. Dage tau sabo po eno me deli dualai menio. ²¹ Sesemane sogo eno dagebolo po bomonama weyu, te po wai dao, 'Te Juda bidi dabe me, te Grik bidi dabe me, dagego dwai sę ebo kolesaga me tudiba tagalama, homu begelama, God pageba aselama, dagego homu Jisasba mu muao.' Te dage tau sabo po eno dagebolo tigidali sogo konelai dao. ²² Tama megi Godigo Dwagi Yai Mobo Bidigo ena daų olama, ena Jerusalemba odasa pabo. Te bulu bidi dabego enabolo magi sę egowe, te eno konebeo. ²³ Tialima, eno koneanio. Augwaligo ena elama, sęęę menama, ena kalabus yaibao. Tigidali be nanide te Godigo Dwagi Yai Mobo Bidigo te tobage sęęę sabo po enabolo ola mawai dao. ²⁴ Tama augwaligo ena elama isilibo eno moni homu menio. Te magigo menio. Tiali goli, eno genuai homu mu Genuai Bidi Jisasgo enabolo mani sę bomo elama mu yaibao. Tama te Godigo da homu dene ebo sę, te dwagi yai po eno tigidali we bidibolo augwaligo konealumai hagede bugagia pusa mawaibao," Pol agai te po wai.

²⁵ Polgo te po me wali, "Mu tama dao, dagego te po odao. Tama eno homugo te po megi silibo dao. Tialima, ena polobadu dage tomode biliyu, dage tigidali we bidibolo eno ola mawai dao, God aga dago Genuai Tobolu Bidi, agai da tonaluaibao wali. Tama megi eno koneanio, dagego ena munu ma sugobeo. ²⁶⁻²⁷ Tama tibaso, megi tama eno homugo e po dagebolo buga-

gia ola mabo dao. Tigidali sogo ena dage dali bidu, Godigo tigidali sę yabo homu ebo po eno dagebolo pusai dao. Te po eno yogo yai menio. Tama tibaso, bidi me deli dage tomode nosali aga hagabaso da, teda aga homugo dao, eno homugo menio," wali.

²⁸ Pol agai te tobolu bidi dabebolo te po wali, "Dua dao. Duga digi dali, te Godigo Dwagi Yai Mobo Bidigo dagego nogode muai we bidi dali, bugagia tonalua. Tama dagego augwali te kibu sipsip tiwai negebo aų yao. Dagego kone dao, Godigo aga ogwa Jisasgo kane-mego te hani aga abelama, aga ma sai dao. Tama dagego augwali bugagia negao. Magi basowe? ²⁹ Eno koneanio, nosali te eno dage taga pabo sogode, te dwai bidi dabe dage tomoba aselama, dage dolaibao. Tama augwali te bulu yowi asobo aų elama, te sipsip kibu wai elabo aų yaibao. ³⁰ Tama duga digi tomode bidi me badu hodaluama, ili po ola maiabo, augwaligo homugo tigidali Jisasgo po wali pabo we bidi augwali wali asomainu yaibao. ³¹ Tama dage bugagia suao, te tiwai bidi gegabo. Tama dagego homugo eno yali sę tagalamuo. Ena dage dali bidibadi, te kibu be sela silai dao. Tama te hulide me, kigamu me, eno dagebolo dwagi yai tau selama, daų walabo po ola mawai dao. Tama hauwa sogo eno dage moni homu dene elama, gela wai dao."

³² "Te megi eno dage God aga digi tonalumainu, God agai nogoba mubao. Tama Godigo dabolo hobede ebo kolesaga da olo menama tau sabo da po, te wali pogo me dage tonaluaibao. God aga usu elama, dage bomo ilaibao. God agai sa muani we bidi hani bugai homu ilabo sę elalubo da. Tama agai usu elama, te tobage sę dagebolo mawaibao. ³³ Tama dagego mone me, ugwa me, me me dwagi yai nai eno pesa yai menio. Eno homugo dagego masigi dabe, ugwa dabe eno dagego ena me mao wai menio. Duga digi koneai dao. ³⁴ Ena digi te be sę ebo ugwa hobolo sę elama, ena mone sai dao. Eno te mone selama, eno tubo nai me, eno abagigo tubo nai me, te eno abelali. ³⁵ Tubo nai sabo sę ebo kolesaga eno dagebolo ola manio. Dago te sę bomo elama, te gasi yai we bidi tigidali sogo tau soguų. Te tobage sę ebo kolesaga polobadu Jisasgo dabolo ola mawai dao, te po wai, 'Bidi mego gasa bidi nai olo mabo, te agai moni bugai homu ebo. Te nai sabo bidigo agai dwagi yai homugo te tau sabo bidi aiyaba elalubeo.' Tama dagego Genuai Bidi Jisasgo te wali po deli naga konealua, homugo tagalamuo," Pol agai te po wai.

³⁶ Te Pol agai po silibo si, tama agai augwali dali kidu sugunama, Godibolo po wai. ³⁷ Tama augwali tigidali sisinama, Pol pagea selama, sebedi usu eyu, gela wali. ³⁸ Tama augwali moni homu dene yali. Magi basowe? Agai te po wali, "Ena gesabi dagego munu ma sugobeo," wali. Tialima, te we bidi tigidali augwaligo aga odasa pelama, moni gebaba tagaligi pali, te tamu aų sanide.

Pol Jerusalemba pali

21 Te dago te Efesus bidi dabebolo tobalobo po olama, taga soali. Tama da pabo te moni geba te wali asiyu da te gebadu Kos buluba solama, dolo mu pali. Tama do kigamu dago te Kos bulu taga pelama, te Rodes buluba sabolali, tede piai. Pilama, tama dago te Rodes bulu tagalama, te Patara buluba pigi pali. ² Tama te Patara be nanide dago te gasa moni geba selama, te Fonisia tęba pabo geba da. Tama tibaso, da me te gebadu pali. ³ Tama pobadi, tomode dago te tamu aę tomode dwasianu bulu suali, te tę nogi Saiprus. Tama te Saiprus tę ela solama, te Siria tęba sabolali. Tama te geba te Tair be naniba sabolama, te bulude augwaligo walu dabe sela muani, tede dago te geba tagalama, te be nani tomoba pali. ⁴ Tama pelama, Jisasgo po wali pabo hani gegelama, augwali dali bidibadi, Sabat deli bidali. Tama te sogo Godigo Dwagi Yai Mobo Bidigo augwalibolo po me deli wali. Augwaligo Polbolo te po tama wali, "Te nage Jerusalemba pelamuo," wali. "Augwaligo nage elabuo," wali. ⁵ Tiali goli, da tede bidali sogo sia selama, da te bulu tagalama, moni gebaba ma pali. Te Jisasgo po wali pabo we bidi, wai puluba me, augwali da hodobo pelama, tamu aę sesegeba sabolali. Te kemi tęde da sisinama, kidu sugunama, Godibolo gedu haluasa po wali. ⁶ Po olama, nosali da tigidaligo "Dage tao," olama, da te moni geba tomoba pelama, te Jisasgo po wali pabo we bidi augwa beba geasa pali.

Te bidi Agabusgo nosali yabo sę po Polbolo ola mayu konelai dao

⁷ Te da te moni gebadu Tair be nani tagalama, pelama, te nabis be nani nogi Tolemesba sabolali. Tede dago te Jisasgo po wali pabo we bidi dali deli sogo pilama, da ma peyu, "Dage tao," olama pali. ⁸ Tama do kigamu da pelama, be nani Sisariaba sabolali. Tama da pelama, Filipgo beba sabolali. Agai tigidali sogo Jisasgo dwagi yai po we bidibolo pusa mabo dao. Aga polobadu nai dobabo sę emai hagede, nogo a olama me badu nogo si tama daę ilali bidi da, aga te sę yai bidi da. ⁹ Tama Filip agai wegı me si me si nama wegı bidali. Tama augwali genuai yai wegı goli, bidigo sabe. Tama te wegı dabebolo Godigo dwagi yai bomo menama, tama augwaligo Godigo po pusa mabo sę yai.

¹⁰ Da tede hauwa sogonu Filip dali bidama, te bidi nogi Agabus aga Judia tędu asai bidi da, te Filipgo beba sabolali. Tama te bidi agai me Godigo pedauwalide po selama, we bidibolo bomo elama, Godigo po pusa mabo bidi da. ¹¹ Tama aga da pageba aselama, agai Polgo kugulu selama, tama Agabus aga digi nogo dabe saęa dabe kęnama, agai dabolo te po ola mani, "Dagego odao, e po Godigo Dwagi Yai Mobo Bidigo enabolo mawai po eno dagebolo obao," wali. "E kugulu page bidi te Jerusalemda te Juda bidi dabego e ebo tiwai nogo saęa kęnama, kalabus yaibao," wali. "Tama augwaligo aga tama tilama, te Juda hani isawai bidibo-

lo mawaibao, aga tigde augwaligo dwai kolesaga emainu yaibao," Agabus agai homugo koneama, te po dabolo wali.

¹² Te dago Agabusgo wali po odobo si, da tigidaligo homu dene elama, Polbolo te po bomonama wai, "Nage Jerusalemba pigio," wali, Sisaria we bidi me dago tigidaligo te po wai. ¹³ Tama tiali goli, Polgo te po wei ponoyu te po wali, "Magi baso dage gela obawe? Dagego gela wagio. Tama dagego te homu sęęę ena magio. Suao, ena Jerusalemba pobao. Tama augwaligo ena kalabuside mubaso da, eno wi menio. Eno Genuai Bidi Jisasgo po pusa mobadi, augwaligo homugo ena elabo homu ebaso me, elemainao," te po wai. ¹⁴ Dago Polbolo te po wai, "Dago naga homugo pai hagede ebadi, dago togologobeo. Dago te po tama silali. Tilama, dago Godibolo po wainao, 'Genuai Bidi, naga homugo naga tigidali sę pedalomainao, da wali paibao, dago te aga pelamuo po ma wagobeo,'" dago te po wali.

Pol kalabus ilama te Judia tęde bidibadi augwaligo agai po tų odali

(Daę 21:15-26:32)

Pol agai te Jerusalemda bidibo tobolu bidi dabebolo aga bilu ela bilali sę po pusa mani

¹⁵ Te da hauwa sogonu Sisariade bidama, me sogo dago Jerusalemba pai hagede, dago walu dabe sisi elama, pali. ¹⁶ Te Sisaria bidi me badu Jisasgo po wali pabo bidi hani augwali da dali pali. Tama da augwaligo te bidi me deligo beba tagaligi pali, tede bidimainu yali. Te bidi nogi Nason, aga Saiprus buludu polobadu asai bidi da. Te bidi agai homu polobadu mu Jisasba muai bidi da.

¹⁷ Tialima, te sogo da Jerusalemba sabolama, te Jisasgo po wali pabo we bidi hanigo augwaligo bugai homu elama, da suagasali. ¹⁸ Tama do kigamu Pol dali da pelama, Jems dali po wagi pali. Tama te Jisasgo po wali pabo hani monu dabe tobolu bidi augwali me da dali sisinagasali. ¹⁹ Pol dali dago te bage dabe nogo menama, bugai homu yali. Tama tilama, nosali Pol agai te aga te Israel hani isawai bidi dabego tęde bilu ela bilali sę po augwalibolo pusali. Agai te po wai, "Godigo ena daę olama, eno te sę tigidali yali."

²⁰ Tama Polgo te po ola silama, augwaligo Godigo nogi ugwaba sali. Bidi me deli hodaluama, Polbolo agai te po wai, "Dago ama, nage bugagia koneao. Umabo Juda hani we bidi augwaligo homu Jisasba mu muai elalubao. Tama augwaligo bomo elama, Mosesgo bomo yai po tigidali wali pabo da. ²¹ Tiali goli, gasa bidi dabe me badu augwaligo te hani we bidibolo nago nogi dolobo po wali. Augwaligo te geda mubo po tiwai wabo da, 'Pol aga tigidali buluba pelama, tama agai Juda hani gegebo da. Tama agai koneama, te po augwalibolo ola mabo da, "Dagego Mosesgo dago

wajbolo mani bomo yai po wali pigio. Dagego ogwa ame nabode, tigiwali togogimio. Dago wajgo yali kole-saga tudiba tagalao," Polgo te tobage po ola mabo dao,' augwaligo te po wabo dao, nago nogi dolomain-ogo. ²² Tama te tobage po wabo bidi dabe augwaligo nage eba asali po polo odaibao. Tama dago magi egowe? ²³ Te usu dao. Pol, nage dago po wali pao. Da tomode bidi me si me si nama augwaligo deli bomai po bodolu God dali sai. Augwa bidibode me badu sę habu sai dao. ²⁴ Naga dali te bidi me si me si nama bidi me nage hodobo te Moni Lotu Be tempel teba pao. Tama dagego te Juda dabego lotu po wabode te kole-saga ebode God gedude dwagi yai yaibao. Godibolo nai mabode nago te bidi me si me sibolo nago masigi mao. Tama augwa tobolu nisi poala sayagameo, te augwaligo bomai po bodolu God dali sai tiwai. Nago te tibo si te Juda hanigo subo si, nage Juda dabego bomo yai po wali pobao waibao. Augwaligo nage te sę ebo sulama, augwaligo nage dago bomo yai po dabe bolobo menio koneaibao. ²⁵ Me ma, te Jisasgo po wali pabo hani, te Juda hani isawai we bidi, te dago augwalibolo te po pas asęnama, tolai dao. Dago augwalibolo te po tama wai dao, 'Dagego te augwaligo te tibo godibolo ula mabo nai dage tugimio, dagego kibu me agai kaneme gelisawai kibu tugimio, kaneme me tugimio. Te we sabo bomo yai po bolama, penani sę egimio,' dago augwalibolo te po wai," te bidi me deligo te po Polbolo wali.

²⁶ Tama te po obaso, do kigamu Pol agai te bidi me si me si nama bidi oda selama, Moni Lotu Be tempelba pali. Tama augwaligo te Juda hanigo God gedude dwagi yai kolesaga ilabo lotu wali. Tama nosali augwali te Moni Lotu tempel Be tomoba pelama, tama Pol agai te lotu po wabo tobolu bidibolo te po walali, "Te Sabat deli silibo si, nosali da te Godigo gedude dwagi yai ilabo lotu silaibao. Silama, te da deli deligo te Godibolo ula mabo nai dabe magasaibao," te po wai.

Juda dabego Pol te Moni Lotu Bede nogo tuai po

²⁷ Te Sabat deli silabo maga ebode, te Juda hani bidi me badu augwali Esia buludu aselama, Jerusalemba sabolama, tama augwaligo Pol te Moni Lotu Be tempel tomode bidibo suali. Tama sulama, augwaligo te umabo Juda hani bidi hodolama, Pol nogo tuali. ²⁸⁻²⁹ Tama augwaligo Pol te Jerusalem be nani tomode Efesus bidi deli dali bilibo polobadu suali, te bidi agai nogi Trofimus, te Israel hani isawai bidi. Tama augwaligo homugo Polgo te odasa asali bidi Israel hani meni homu yali, aga te Moni Lotu Be tomoba asali, tama te be dolali, augwaligo te geda mubo homu yali. Tama sulama, augwaligo i tama wali, "Hai, dage Israel bidi dabe, asięo, da tau sagasięo. Dago koneani. Bidi me deli agai tigidali bulude bidibo we bidi dabebolo po ola mabo, te dago hani nogi me, dago bomo yai po me, dago Moni Lotu Be tempel me agai aiyaba elalubo da. Nogo tuyu, te tibo bidi e dao. Suięo. Megi dagego aga suao. Agai dwai kolesaga mu yali, Israel hani isawai bidi dago dwagi yai Moni Lotu Be tomoba odasa asalio. Te

dwali. Tama tibaso, megı Pol agai dago Moni Lotu Be tempel dolalio, te be megı da te Godigo gedude dwagi yai mu menio," augwaligo te po wali.

³⁰ Tama te tobage po tigidali Jerusalemdede bidibo we bidigo odobo si, augwali te Moni Lotu Beba sisinagasali. Augwaligo Moni Lotu Be tomode Pol tulama, buluba kega sayani. Tama augwaligo te Moni Lotu Be tempel tų polo paliali. ³¹ Tama augwaligo Pol ela mubo sę yali. Tama ebadi, bidi me deli pelama, te Rom gavman enesigi bidi tonalubo tobolu bidi pageba aselama, te po wai, "Te Jerusalem we bidi tigidali augwaligo moni po daęa obao, augwali paęe hwjabo maga yali."

³² Tama te po obaso, te ami tobolu bidigo enesigi bidi hauwa mu me, augwali tonalubo bidi dabe me selama, te Moni Lotu Be tempel gobeba polo udulama pali.

Tede augwaligo te we bidigo Pol elebo suali. Tama te we bidi augwaligo te ami tobolu bidi me, te enesigi bidi hauwa asobo sulama, augwaligo Pol ma elebe, tagalali. ³³ Tama te ami tobolu bidi aga Pol pageba aselama, Pol nogo tuali. Tama enesigi bidi me badubolo te po wali, "Te bidi dagego aligabo bono si selama, te bidi nogode kęao." Tama agai te Juda bidi hanibolo te po hanalu wali, "E bidi dewe? Agai dwai magi sę yaliwe?" wali. ³⁴ Tialima, umabo bidi augwaligo bomonama po daęa weyu, augwaligo me me po, me me po wali. Te enesigi bidi tobolu bidi agai Polgo te yali sę po page agai konebo usube. Tama tibaso, te tobolu bidigo enesigi bidi me badubolo te po wai, "Dagego Pol selama, dagego bomai beba tagaligi pao," wali.

³⁵ Tama te enesigi bidi dabe augwaligo Pol togobilidu odasa holainu homu yai, tama te Juda dabego Pol ma sai hagede bomo yali. Tama tibaso, te ami bidi dabego Pol nogogo tobolude tolasa pali. ³⁶ Te Juda dabe augwali wali asobadi, augwaligo "Pol ela muao," po bomonama wali.

Pol aga digi tau sabo po page te Juda hani dali pusa mani

³⁷ Te ami bidi dabe augwaligo Pol odasa aselama, augwa bomai be tomoba pai hagede, tų pobasede, Pol agai te tobolu bidi hanalu wali, "Eno nagebolo po me deli hanalubo usu egowe?" Tama te ami tobolu bidigo hanalu wali, "Nage Grik po wabo dawe?" wali. ³⁸ "Eno homugo nage Isip bidi dao, te homu yali. Te bidi agai polobadu umabo we bidi homu hodolama, dago gavman bidigo po sela sawai dao. Tama augwaligo te gavman bidigo po wali pabo we bidi me elai hagede yai. Te bidi agai umabo 4,000 we bidi selama, te bidi meni yai wa pai buluba pai dao. Eno homugo nage te bidi yaliwe homu yai dao," te po wai. ³⁹ Tama Polgo te po wei ponani, "Ena da Juda bidi hani dao. Ena ame nani bulu da Tarsus da, te Silisia tų tomode. Tama tibaso, eno Grik po wabo dao. Tama eno nogi da te Tarsus bulude bukude asęnama elalubo dao, te moni be nani. Tiali megı eno homugo nagebolo hanalu obao. Eno homugo tigidali we bidibolo po waio," te po wai. ⁴⁰ Tama te ami tobolu bidigo "Augwali dali nago po wao," olama, tama Pol aga te be togobilide dolalu,

agai nogo tų yali, te we bidi augwaligo po wabo tagalomainogo. Tama augwali pedauwali pania selama, tama agai Juda pogo po pusubo gagalali.

22 Te bidi Pol agai augwalibolo te po wali, "Eno ama dedeo, eno aya dedeo, eno wabo po dagego koneao, eno dwai kolesaga yali menio, dagego bugagia odao." ² Pol agai augwalibolo te po wali. Augwaligo odali, augwa Juda pogo agai po pusubo suali. Augwaligo po munu me wabe. Magi basowe? Augwaligo agai po bugagia odainu tama yali. ³ Tama Pol agai te po wali, "Ena Juda hani bidi dao. Ena idago ena Silisia tųde Tarsus bulude ame nai dao. Tiali goli, te sogo ena dwasianude skulba pelama, ena genuai bidi ilalio, e Jerusalem be nanide bididuali. Te sogo te genuai bidi Gamaliel agai ena ola mawai dao. Tama eno dago wųd dabego bomu yai po tigidali eno skul mu wai dao. Tama eno bomu elama, Godigo po tigidali eno wali pali, dagego ede wali pabo tiwai tama dao. ⁴ Tama polobadu eno Godigo gesi tųdu wali pabo we bidi tigidali eno dolai dao. Tama eno dwai sę mu elama, we bidi me badu eno aligabo bonogo augwali kęnama, eno augwali kalabus ilai dao. ⁵ Tama te pris tobolu bidi me, te Juda lotu po wabo kaunsil bidi tigidali me, augwaligo dagebolo pusabo te yali sę po eno tibo po wabeo. Tama augwaligo enabolo pas me deli mawai dao. Eno te pas selasa pelama, te Damaskusde bidibo Juda hanibolo momainu eyu tama pali. Eno homugo ena Damaskusba pelama, Juda bidi hanigo ena kone-mainu, eno Jisasgo po wali pabo we bidi kalabus yainogo asai yaba homu emainu yali. Tama eno homugo augwali Jerusalemba odasa pelama, augwali moni sęęę me, dene me somainu tiwai dao. ⁶ Tialima, ena Damaskusba pabo tųdu pelama, tama da Damaskus pąba sabalobadi, giliga tomode, tama moni sole ula gagawai dagaludu polo aselama, te ulago ena tigidali bologobea sali. ⁷ Tama ena tųba degasa pali. Tųde munalubadi, eno bidi mego enabolo te po wabo odali, 'Sol, Sol, nago ena magi baso dolobo sę ebawe?' ⁸ Eno te po wei ponoyu, tama wali, 'Genuai Bidi, nage dewe?' wali. Tama agai enabolo te po wali, 'Ena Nasaret bidi Jisas dao, ena nago te dolobo sę ebo bidi dao,' wali. ⁹ Tama ena dali pali bidi dabego te ula suali. Tiali goli, te bidi me deligo ena dali te po wabo augwaligo odobe. ¹⁰ Tama eno aga te po hanalu wali, 'Genuai Bidi, nago homugo ena megi magi egowe?' Tama te Genuai Bidigo enabolo te po wali, 'Nage hodaluama, Damaskus tomoba pao. Bidi me deligo nagebolo Godigo homugo nago yabo sę po tigidali ola mawaibao,' wali. ¹¹ Tialima, eno gedu tigidali halua sali. Magi basowe? Te genuai sole ula gagawai nai eno geduba dolama, eno gedu hulua selama, hųsana pai dao. Tama ena dali pali bidi dabe augwaligo ena nogo tulama, Damaskus be nani tomoba odasa pali."

¹² "Te Damaskus be nanide te bidi me deli bidali, agai nogi Ananias. Te bidi Godibolo lotu po wabo da, da Juda dabego bomu yai po me agai wali pabo da, tama tigidali Juda te Damaskus tųde bidali bidi dabe augwaligo homugo 'Te dwagi yai bidi da,' homu yai dao.

¹³ Tialima, te bidi Ananias aga ena pageba dolagase-lama, agai ena dali te po wai, 'Sol, nage dago ama dao. Megi nage usu elama, gedugo ma suao,' te po wai. Tama te bidigo te po ola silibo si, eno gedu usu elama, aga eno suali. ¹⁴ Agai enabolo te po wai. 'Te God dago wųgo lotu po wai dao, te da, agai homugo agai yabo sę tigidali nago konemainogo te yali dao. Agai sę ebo dwagi yai bidi nage sumainu homu eyu, nage sa muai dao. Tama agai homugo agai pedauwaligo po wabo nago odomainu yali. ¹⁵ Tialima, Godigo homugo nage agai po pusabo bidi nigilali dao, tama nago tigidali we bidibolo nago gedugo suali nai me, te ologo odali po me pusagameo. ¹⁶ Nage magi baso tonalubawe? Nage hodaluama, tama baptais sao. Nago dago Genuai Bidi i wao, tama agai nago dwai kolesaga yali sęęę tigidali sela sųmainu tama yao,' Ananiasgo enabolo te po wai," Pol agai te po wali.

¹⁷ Te bidi Pol agai te po me wali, te Jerusalem we bidibolo, "Te nosali ena Jerusalemba geasa asali. Tama ena te Moni Lotu Be tempel tomoba pelama, Godibolo po obadi, te sogo eno nai me deli suali, ma nade subo aų yali. ¹⁸ Tama eno suali ma, Genuai Bidigo ena dali po mibo suali. Tama agai te po tama wali, 'Odao, nage te Jerusalem be nani megi polo taga pao. Nago e we bidibolo te enade po wabo si, augwaligo odogobeo.

¹⁹ Tama tibaso, nage polo pao,' te po wai. Eno te po wei ponoyu, te po wai, 'Genuai Bidi, augwaligo ena koneai dao. Polobadu ena te bomu yai po ola mabo be dabe tomoba pelama, te nago po wali pabo we bidi nogo tulama, elama, kalabuside muai dao. Tama eno te yali sę augwaligo koneai dao. ²⁰ Tama me sogo augwaligo nago po wabo bidi Stiven ela mubo si, ena tede bidu, ena me usu da po wai dao. Te Stiven elali bidi dabe augwaligo ugwa eno tonaluali, augwaligo Stiven ela mubo si,' eno te po wai. ²¹ Tama te Genuai Bidi agai enabolo te po wai, 'Nage megi pao. Eno nage te Israel hani isųwai we bidi pageba tagala palabo dao, digibulu,' te wali," Pol agai te po wali.

²² Te Juda hani we bidi tigidaligo Polgo wabo po odali. Tiali goli, agai te po wabo augwaligo odali, 'Te Israel hani isųwai bidi tau saibao,' wabo po odama, augwaligo sębę elama, bomu elama, po dagų wali, "Te tiwai kolesaga ebo bidi ela muao. Te dwai bidi aga da dali e tųde mu tama bidigio," wali. ²³ Tama augwali moni sębę mu ebaso, augwaligo moni po dagų olama, tų hogomu dali augwa gudubo ugwa dabe me selama, ugwaba sesayani. ²⁴ Tama te Rom ami tobolu bidigo aga enesigi bidi dabebolo te po tama wali, "Dagego Pol dago bomai be tomoba odasa asao," wali. "Dagego aga bono kęnama, keloago elao," wali. "Keloago elama, agai te Juda dabego agade te moni po dagų wabo page agai dabolo pusa mawaibao, agai tibo po wagob-eo," wali.

²⁵ Tiali goli, augwaligo Pol bono kęnama, bomai be tomoba pelama, augwaligo aga elai hagede, te ami genuai bidi me deli agai page pąde dolaluali. Tama te bidibolo Pol agai te po hanalu wali, "Dagego te po tų isųwai bidi olo dali elaibawe? Bidi me deli aga nogi

Rom gavman bidigo bukude elalubaso, te dagego te bidi olo elamuo. Te Rom gavmanigo bomu yai pode tiwai po elalubo dao, hasia po tų bolo ebo da, te bidi dwai kolesaga yai yabo wenama suenu," Pol agai te po wai. ²⁶ Tama te ami genuai bidigo te po odama, aga te enesigi tobolu bidi dolo pageba mu pelama, te po hanalu wali, "Nage magi sę yabo homu ebawe? E bidi agai nogi te Rom gavmanigo bukude nogi elalubo da," te po wai. ²⁷ Tama te ami tobolu bidi agai Pol sugi pelama, agai agabolo hanalu wali, "Nago nogi Rom gavmanigo bukude nogi elalubawe?" Pol agai "Awe" wali, "te mu dao," wali. ²⁸ Tama te enesigi bidi tobolu bidigo te po wali, "Eno Rom gavmanibolo mone ge hauwa mugo abelama, eno nogi Rom gavmanigo bukude asęnama tama elalubo dao," wali. Polgo te po ma wali, "Mu tama dao, ena aya dali ida dali sigo nogi te Rom gavmanigo bukude muai dao, polobadu. Tama ena ame nani sogode te bidigo eno nogi me bukude asęani," te po wai. ²⁹ Te ami genuai bidi dabe me, te Pol elai hagede yali bidi dabe me, augwaligo te po odobo si, augwali wi elama, polo habu kilali. Te tobolu bidi me moni wi mu yali. Magi basowe? Te bomu yai po bolama tama agai te enesigi bidi dabebolo megi tama te po wai dao, "Aligabo bono selama, Pol nogode kęao." Tiali goli, agai hasia Pol dali po tų ebe. Tama agai megi tama koneani, te Polgo nogi te Rom gavmanigo bukude elalubo dao.

Pol agai te Juda hani kaunsil bidi dali po pusa mawai

³⁰ Te do te enesigi bidi dabe augwa tobolu bidigo Pol nogode aligabo bono kęani pisagana palali. Tama agai homugo te Juda hanigo Pol po tų ebo po page mu gegai hagede tiali. Tama te ami tobolu bidigo te enesigi bidi dabe augwalibolo te po wai, "Dagego te pris hani tobolu bidi me, te Juda hani kaunsil bidi dabe me, sisinao," wali. Tama augwali sisinagaselama, ami tobolu bidigo Pol te po miboba odasa dulama, doligiluali.

23 Tama te moni po mibode Pol dolalu, te kaunsil tobolu bidi dabe bomonama gedugo tonalu, tama agai te po wali, "Dage eno deli hani dao. Eno te tiwai kolesaga Godigo susa aselama, megi eba usu naga sobao. Eno God dali dwai kolesaga me ebeo. Te tiwo kolesaga yalide ena ma po tų ela mabeo," wali. ² Tama Pol agai te po wabode, te pris tobolu bidi agai nogi Ananias, te bidi agai Pol pagede dolalubo bidibolo te po tama wali, "Dagego te bidi pedauwalide elao," wali, tama augwaligo Pol elali. ³ Tialima, Pol agai Ananiasbolo te po wali, "God agai nage elaibao," wali. "Nage te nago tigiwali badu naga sawi yai elalubo dao. Tiali goli nago homu kolesaga tomode da, te damua pai elalubao," wali. "Nago homugo nage Mosesgo bomu yai po wali pelama, enade po tų dolo ela mobao homu yali. Tiali goli, megi nago te bomu yai po bolama, nago te bidi dabebolo olama, ena olo dali elao wali. Te dwali," Pol agai te po wali. ⁴ Tama te Pol pagede dolalubo bidigo Polbolo te po wai, "Te bidi da, te tuni bidi pris dao. Tama nago magi baso te dwai po

agabolo obawe?" ⁵ Tama Pol agai te po wali, "Ama dedeo, eno konebeo, te tuni bidi pris aga bidibadi digi yabuo. Te eno geda muai yabuo. Magi baso meni, Godigo po wabo asęani bukude te po me deli elalubo, "Duga tonalubo tobolu bidibolo posobo po wagimio," wali.

⁶ Te Pol agai te tama weyu, agai bugagia koneama tonalu te homu yali. Te po miboba asali te kaunsil bidi dabe agai koneama, te bidi hani sibi dabe si bidibao homu yali. Agai suali, te bidi dabe tomode digi te bidi hani sibi si elalubao, me deli te Juda hani dabe tomode te Farisi bidi hani sibi dao. Te Juda dabego tomode digi te me badu bidi sibi hani da, te lotu po wabo tonalubo bidi hani sibi dabe da, te augwali te hani nogi Sadyusi dao. Tialima, agai augwali sulama, tama agai po bomu elama te po mibo bidi dabe augwaliba weyu, te po wali, "Ama dedeo, ena te Farisi hani bidi dao, eno hani nų dabe augwali me te Farisi hani dao. Tama megi ena dage tomode dolalubadi, dagego ena po tų ela mabo. Magi basowe? Eno homugo te tigidali we bidi Godigo te gų pagede ma hodolaibao. Eno te tiabo sogo tonalubo dao. Ena tama wali pode megi dagego ena po tų ela mobao," Polgo te po wali.

⁷ Te bidi Polgo te po olama silibo si, te bidi hani sibi si te Farisi me Sadyusi te hani augwa sibi tomode konila ebo wado po polo olama, te hani si te po miani te besela sęwanio. ⁸ (Magi basowe? Te Sadyusi hani sibigo te homu ebo da, te isai bidi dabe ma hodalogobeo homu elaluali, te Godigo ensel bidi dabe bidibeo, te homu ebo tiwai, te mobo bidi dabe me bidibeo, te homu ebo dao. Tiali goli, te Farisi hani sibi dabego te homu ebo da, te isai bidi dabe gų pagede ma hodoluaibao, te mobo bidi dabe mu bidibo da, te Godigo ensel bidi dabe mu bidibao homu yali.) ⁹ Tama te umabo bidi dabego bomonama, moni po dagę wali. Me badu te Farisi bidi sibi me, augwaligo te bomu yai po ola mabo sę eyu, dolaluali. Tama augwaligo sębę ebaso, te po bomonama wali, "Dago te bidigo dwai kolesaga me yai subeo. Mobogo me, ensel bidi me agabolo te po wali bogo," te po wali.

¹⁰ Te hani bidi sibi si augwa te po mibode moni sębę mu yali. Te ami tobolu bidi agai homugo tama tiali, "Te po miani bidi dabego Pol nogo sęę uga keke, edaba keke elama, agai tigi polo tologa pabode ela muabo maga dao," homu yali. Tama te homu elama, agai te enesigi bidi dabebolo te po wali, "Dage me badu te po mibo tomoba pao," wali. "Tama augwaligo Pol nogo keke baso da, teda dagego aga nogo keka selama, dago aga te bomai be tomoba sela paibao," wali.

¹¹ Te sę augwaligo elama, te sogo hulide te Genuai Bidi Jisas aga Pol pageba aselama, dolaluali. Tama agai te po wali, "Pol, nago Jerusalem bidibolo eno po pusa mani. Tama nosali nago te pusali po tiwai naga te Rom be nanide me pusa mao. Tama tibaso, nago wi egio, nago homu dęę olama, bidao," wali.

Juda dabego Pol elabo po wali

¹² Te do kigamu Juda hani bidi me badu sisinani, augwaligo yabo sę po dodolali. Tama augwaligo te po bodolu Godibolo daų walama, te po wai, "Dago tubo nai me, aų me gisilama, Polbolo polasa ela muaibao. Tilama, nosali dago nai me aų me ma tueibao," wali.

¹³ Te po minama mu daų wabo bidi dabe te bidi sigo nogo saų sese te 40 silama bidi bidali. ¹⁴ Tama augwali te pris hani genuai bidi dabe pageba pali, tama te tobolu bidi te monu dabe pageba me pelama, tama augwalibolo te po tama wali, "Dago te bomai bodolu po Godibolo wali, megi dago nai me, aų me tuguo wali. Pol ela muaibao, tama nosali dago nai me, aų me ma tugo. ¹⁵ Tama tibaso, megi dage me, te kaunsil tobolu bidi dabe me, dage tigidali dagego te ami tobolu bidibolo bidi mumubo po ola tolao. Agabolo te po wao, 'Dago homugo nago Pol eba ma tagala palao. Tama dago homugo agabolo po me badu ma hanalu waio, dago homugo agai mena sę mu yali te dago mu koneaio,' te po wao. Tiali goli, aga edaba asobadi, dago nų mugu pelama, aga ela muaibao," te Juda dabego te po wai.

¹⁶ Te bidi Pol aga abego ogwa, te gesi bidigo te Pol nų mugu pelama elabo po mibo odali. Tama tibaso, aga pelama, ami bidi dabego bomai beba Polbolo te po wagi pali. ¹⁷ Tama Pol agai te enesigi bidi genuai bidi me deli i olama, agabolo te po wali, "Nago te gesi bidi duga tobolu bidi pageba odasa pao. E bidi agai po me deli elalubo, agai odomainao," wali. ¹⁸ Tama agai te gesi bidi odasa, aga tobolu bidi pageba pali. Agai te po wai, "Te kalabus bidi Pol agai ena i olama, hanalu wali, eno e bidi nage pageba odasa soao. E bidi agai homude elalubo po me deli nagebolo mawaibao," wali.

¹⁹ Te ami hani tobolu bidigo te gesi bidi nogo tolasa, augwali si gasa habuba bidi meni yaiba pelama, agai te gesi bidibolo hanalu wali, "Nago homugo magi po enabolo waiwe?" wali.

²⁰ Te gesi bidigo agabolo te po wai, "Te Juda hanigo genuai bidi dabe augwaligo homu deli elama, augwaligo do nagebolo te tibo po nigilama, hanalu weyu, tama waibao, 'Dago homugo Polgo yali sę po ma odaio. Da pageba Pol odasa asao,' te po tama do augwaligo waibao. ²¹ Tiali goli, augwaligo wabo po nago 'Au' wagio. Te augwaligo bidi sese si bidi tųba nų mua-gasaibao, Pol pabode elainogo yaibao. Tama augwaligo God gedude Pol elaibao po polai dao. Augwaligo Pol elainu, te nai me, aų me osogo gisilali. Augwaligo te po dola selama, nago 'Awe, Pol te kaunsilba pagameo' po wabo wenama tonalubo," te gesi bidigo te po wai.

²² Te ami hani tobolu bidi agai te gesi bidibolo te po wai, "Nage pedauwali pania sao. Nago enabolo wali po gasa bidibolo munu ma pusugio, hogwa sao," wali. Tama agai te gesi bidi aga beba tagala palali.

Te ami tobolu bidigo Pol te moni gavman bidi Feliks pageba tagala palali

²³⁻²⁴ Te ami hani tobolu bidi agai te ami genuai bidi si i wali. Augwali si aselama, agai tega sibolo te po wai, "Dage sigo megi hulide Pol te Sisaria buluba odasa pao. Eno homugo dage sigo bugagia odasa pelama, Feliks pageba tagaligi pao. Agai te gavman moni tobolu bidi dao. Tama dagego enesigi bidi dabe bidi sese nogo si nama 200 bidi sao. Te kibu hosde duayabo enesigi bidi dabe te bidi sese sela olama, gasa bidigo nogo si nama 70 bidi me sao. Te bidi sese nogo si nama 200 bidigo sesemone enabo bidi me sao. Dage sigo tama bidi dodolama, te Pol aga duayabo hos kibu dabe dodolao. Tama dodolama, te megi huli tomode nai po wabo magade 9 klok e bulu taga pagameo," te po wai.

²⁵ Te po olama, te ami tobolu bidi agai te pas nogogo asęani, te pasde te po wali, ^{†26} "Eno nogi Klodius, me nogi Lisias dao. Megi eno te pas Feliks nagebolo asęba dao, nage gavman genuai tobolu bidi dao, nogi elalubo bidi dao. Nage tao. ²⁷ Eno te bidi nage pageba tagala palebe dao. Magi basowe? Te Juda hani bidigo aga nogo tulama, paųe mu tama elebadi, tama dago tama odali agai nogi dago gavman bukude nogi elalubo. Tama tibaso, ena eno enesigi bidi dabe dali pelama, te bidi augwaligo nogode eno salio, tau selama, bobelai dao. ²⁸ Eno homugo e bidigo mena dwai kolesaga ebaso, te Juda dabego elainu yaliwe? Tama tibaso, te po page eno koneainu, eno aga augwaligo kaunsil bagede po miboba odasa pali. ²⁹ Tama tilama, Pol agai yali po page eno odali. Augwaligo aga po tų yali Juda dabego bomu yai po me badu pode. Tama augwaligo aga elabo dwai kolesaga me ebeo. Tama augwaligo te dwasianu pode aga kalabus me egobeo. ³⁰ Tama tibaso, eno megi aga nage pageba polo tagala palobo dao. Magi basowe? Eno te Juda dabe sisinama, te bidi Pol elabo po eno odalio. Tama eno augwalibolo te po wali, 'Te bidi po tų yabo da, e tama dao. Dage megi Sisaria be naniba pao, te gavman genuai tobolu bidi Feliks agai pagede te po tų yao.' Te elama, eno po tama dao," te po agai asęani.

³¹ Te ami enesigi bidi dabe augwaligo augwa tobolu bidigo wali po wali pali. Tama augwali hulide Jerusalem taga pelama, augwaligo Pol te Antipatris be naniba odasa pali. ³² Tama do kigamu te tųdu pabo enesigi bidi sibi me, te sesemone enabo bidi dabe me, augwali Jerusalemba ma geasa pali. Tialima, hos kibude duga yali bidigo naga augwaligo Pol te Sisaria be naniba tagaligi pali. ³³ Tama te sogo augwali Sisaria sabolali. Te ami tobolu bidigo asęani pas augwaligo te gavman genuai tobolu bidi Feliksboli mani. Augwaligo te gavman tobolu bidi pageba Pol tagalali.

³⁴ Tama te gavman genuai tobolu bidi agai te pas nedama, agai Polbolo hanalu wali, "Nage mena tų bidi dawe?" Tama Pol agai te po tama wali, "Ena Silisia tųdu asai dao," wali. ³⁵ Tama te gavman genuai tobolu bidi

† 23:25 Sai 22:28

agai te po odobo si, agai Polbolo te po wai, "Nage po tų yabo bidi dabe eba sabalobo si, eno te po tų ebo odaibao." Tama aga enesigi bidi dabe i wali. "Dagego Pol genuai gavman bidigo dwagi yai beba tagaligi pao, te polobadu te genuai bidi Herotgo sę yai be dao. Dagego aga bugagia tonalua," te po wai.

Te Juda tobolu bidi dabe augwaligo Pol po tų yai po da

24 Te a naga sogo silama, te Ananias aga Sisaria be naniba asali. Te bidi Ananias te pris tobolu bidi da. Aga dali Juda dabego monu dabe me badu me asali. Te bidi me deli agai nogi Tertulus, aga me asali. Te bidi agai po tų ebo sę mu koneai bidi da. Tama augwali tigidali te gavman tobolu bidi Feliks pageba sabolama, tama augwaligo Pol po tų yabo po tigidali agabolo pusa mani.

² Tama te tobolu gavman bidi Feliks agai te Tertulus-bolo "Nago po wabo gagalao," wali. Tama aga doligiluma, Polgo po tų yabo po gagalama, agai tama po wali, "Dago genuai bidi, hasia eno nagebolo nage usu da po waibao. Magi basowe? Nago dwagi yai kolesaga mu elalubo. Tama tibaso, da bugagia bidibo da. Nago te bomu yai po bugagia dodolama, me badu sę me dago bulu hodolabo sę bugagia dolasa pabo. ³ Tama tigidali sogo dago nage dali moni bugai homu ebo dao. Te tama tibaso, dago homu nagebolo nage usu dao po obao. ⁴ Tialima, eno nage dali bobobage po pusugomeo, nago sę yaga wali sęga tola sidalio. Tialima, megi eno nago da homu dene elama, da olo tau sabo po hanalu obao, nago dago pęwadage ponu pusubo odao."

⁵ "Dago te bidi Pol sulama, koneani, agai da te dwai dwai kolesaga hauwa ebo bidi da. Tama dago koneani, te bidi agai tigidali Juda bidi tomode me, tigidali bulude me, hwjbo po page pabo bidi dao. Tama agai te wado po olama, tama te we bidi hani tomode pedebo bidi. Tama aga te Nasaret dwai bidi hani tobolu bidi dao. ⁶ Tama odao, agai dwai kolesaga dago Moni Lotu Be tempel tomode gagalama yali, te be meda ilainu, te dago Moni Lotu Be tempel bomu yai po agai bolalio. Tama tibaso, dago aga nogo tuali. [Tama dago homugo te dago bomu yai po bolalide, aga po tų ebao.

⁷ Tiali goli, te ami hani tobolu bidi nogi Lisias aga dali te enesigi bidi dali aselama, augwaligo te bidi dago nogode bomu mu elama, dobawai dao. ⁸ Tama nosali te ami tobolu bidi Lisias agai te po wai, 'Te Pol po tų yai hagede yali bidi augwali aselama, nage gedude te po wagasao,' wali.] Tama megi nago agai yali sę po page hanalu wabosi, tama aga digi te po page nagebolo pusaibao. Tama nago dago aga po tų yai hagede yali po page gegao," te po wai. ⁹ Tama Tertulusgo te po olama, te Juda dabego me aga tau selama, "Te mu po dao, te Polbolo naga," te po wali.

Pol agai Feliksbolo po pusali

¹⁰ Te genuai gavman bidi Feliks agai nogo sibage elama, "Asao" olama, agai homugo Pol agai po omainu

yali. Tama Pol aga dolalu, agai te po tama wali, "Eno nage koneanio, nage e tęde tobolu bidi nigila bidibadi, kibu be hauwa silalio. Tama tibaso, nago dago ebo kolesaga kone dao. Tama tibaso, eno dwagi yai homu eyu, ena digi tau sabo po nagebolo pusuba. ¹¹ Megi te poluade ena Jerusalemba pelama, Godibolo lotu po wainu yali. Te hauwa sogo silibeo, nogo si olama, sęga badu si wagi solama, sia sali. Tama nago augwalibolo hanalu wabo si, teda nago mu koneaibao, te po mu da. ¹² Te sogo augwaligo ena suali, eno gasa bidi dabe dali pogo wębi hwjyu ebe, te Moni Lotu Be tempel tomode. Tama eno bidi dabe me badu wębi hwjbo bidi me sisinibe. Eno te tobage kolesaga tigidali bomu yai po ola mabo bede eno me ebe, te Jerusalem tęde me ebe. ¹³ Tama augwaligo te po megi ena po tų ela mabo, te po mu po menio. Tama eno te dwai sę yali po page tiwai me augwaligo nagebolo ola magobeo, te po mu da wago." ¹⁴ "Tiali goli eno homugo dagebolo augwaligo ena po tų ela mani po dagebolo eno bugagia konelaibao. Ena te God wali pabo gesi tų wali pabo da. Ena God mu agabolo lotu po obao, te dago nęęgo te lotu po wali God da. Tiali goli, bidi me badu augwaligo dago gesi tųdu wali pobaso, augwaligo homugo da Juda hani dolobo dao homu ebo. Tiali goli, eno tigidali Mosesgo ašęani po me tagalobeo. Tama eno te polobadu Godigo po bukude ašęnama pusa mani po eno konealubo homugo tagalogobeo. ¹⁵ Eno konealubo homugo God koneama, nosali we bidi tigidali gų pagede ma hodolaibao, te me badu we bidi dwagi yai kolesaga yali we bidi hani da, te me badu dwai kolesaga yali we bidi hani da. Tama te sę yabo sogo asobo eno tonalubao. Tialima, te Juda hani bidi me augwaligo te sę yabo sogo tonalubao. ¹⁶ Tama tigidali sogo eno tigidali we bidibolo dwai kolesaga ebo ena mu hagelabo. Eno Godigo gedude me, we bidi tigidaligo gedude me dwagi yai kolesaga naga yai hagede, eno te sę bomu ebo da," Pol agai te po wai.

¹⁷ Te bidi Pol agai po me tama wali, "Te polobadu ena Jerusalemdede bidama, nosali gasa buluba pelama, kibu be me si me si nama silama, ena Jerusalemba tamadi ma pali. Te sogo ena peyu, eno ama dede Jerusalemdede bidibo bidi tau sai hagede, mone ge dali selasa pali. Eno homu me eno Godibolo hasa elama, Godibolo nai ula mabo kolesagadu wali pomainu yali. ¹⁸ Tama ena te Moni Lotu Be tempel tomode te sę ebadi, augwaligo ena suali. Te God gedude dwagi yai bidabo lotu sę eno ela silama, augwaligo ena suali. Tama bidi dabe me badu sisinama, po daga olo dali weyu, te ena dali hwjyu yabo bidi hani me sisinai menio. ¹⁹ Tiali goli, Juda hani me badu te Esia tęde bidibo bidi hani aselama, te Moni Lotu Be tempel tomoba asali. Tama augwaligo ena dali te po wabo page bidi dabe da. Tama te Juda dabe augwaligo homu ena po tų ela magi sogo da, teda augwali nago pageba aselama, ena po tų wagasigi da. Augwa po elalubaso da, magi homu elama, augwali magi baso nage pageba te po polo wagasobewe? Magi basowe? Augwaligo po menio. ²⁰ Tiali goli te bidi

dabe eba sabolali bidi dabe, augwaligo nagebolo eno dwai kolesaga yali po pusao wao, te eno moni kaunsil bidi gedude dolalubadi yali sę po pusao. ²¹ Tiali goli, augwaligo eno dwasianu yali sę me delide wado ebao. Eno te moni kaunsil bidi dabe gesabide tomode dolalu, eno te po wai dao, 'Eno homugo God mu konealubo da, te isali we bidi tigidali Godigo gų pagede ma hodolaibao. Tama tibaso, dagego ena po tų ela mabo,' eno te po wai," Polgo te po wai.

²² Te bidi Feliks agai te Genuai Bidi Jisas wali pabo tų po bugagia koneani. Tama agai te Juda bidi hanibolo te po tama ola mani, "Te ami tobolu bidi Lisias asobode, eno dagego te po tų ebo dodolaibao." Agai te po tama olama, te po tų yali tagalama, nosali po tų ma yainu tonaluali. ²³ Tama Feliks go te ami hani genuai bidibolo te po wai, "Pol kalabusiba muao. Tiali goli, nago Pol kalabus bomonama egio. Pol aga abagi dabe aselama, aga suagaselama, nai dabe me magasomainao," te po wai.

Feliks go Pol kalabus bede bidabo kibu be si mani

²⁴ Te nosali hauwa sogonu silama, Feliks dali aga we dali asai, te we nogi Drusila, te Juda hani we da. Augwali si aselama, tama augwaligo Pol i wai. Tama Pol aga pageba asali. Tama Pol agai augwali sibolo te Jisas Kraiss teba homu mubo po page ola mani, tama augwali sigo odali. ²⁵ Tiali goli, Pol agai te po ola mayu, te po wai, "Tigidali we bidi dwagi yai doloba pai kolesaga mu elama, bugagia tonalua, dagego dwai kolesaga egio." Tama agai te po wali, "Godigo we bidi tigidali po tų yaibao," wali. Tama te sogo Feliks agai te po odama, agai wi mu elama, agai Polbolo te po wali, "Nage megi te kalabus beba ma pao. Tama nosali me sogo eno sę meni baso, nage eno i obaso da, te nage ena pageba asagameo." ²⁶ Tama Feliks agai homugo Pol agai mone dualama, geme menama, agai kalabus ebo tagalamainu, te homu yali. Tama tibaso, agai Pol hauwa sogo i olama, aga dali po wali.

²⁷ Te Feliks agai homugo te Juda hani bidi dabe dali abagi olama, bugagia bidainu homu yali, tama agai Pol kalabus bidibadi sula tagalali. Tama kibu be si silama, te bidi Porsius, aga nogi me Festus, agai Feliks go sę hasegelama sali, te moni gavman sę. Tama Feliks gasa buluba sę egi pali.

Pol agai te po wai, te moni gavman bidi Sisargo agai eno po tų odomainao wali

25 Tama te sogo Festus agai te gesi sę selama, te Sisaria buluba asai dao. Tiali goli, tede sela sogo bidama, agai Jerusalem pa dao. ² Tama te Jerusalemde te pris tobolu bidi me, te Juda hani tobolu bidi me, augwali dali pai dao. Tama te hani Festus dali deliba sisinama, augwaligo Pol po tų yai dao. ³ Augwaligo bidi me badu dodolama, tąba nų mumainu, tama augwaligo homugo Pol elainu, tama augwaligo Festusbolo bomonama hanalu wali, "Dago homugo nago te bidi Pol Jerusalem o dasa asao," wali. ⁴ Tiali-

ma, Festus agai te po wei ponoyu, te po wali, "Pol aga Sisaria bulu kalabus bede bidali. Pąde tama ena Sisaria buluba ma paibao," wali. ⁵ "Tama dagego duga tobolu bidi dabe ena dali tagala palao. Tama te bidi agai dwai kolesaga yai baso da, te dagego aga te Sisaria bulude po tų ilagameo," wali.

⁶ Te Festus aga te Jerusalemde bidibadi, nogo si sogo bidama, aga Sisariaba ma pali. Tama do kigamu aga te po tų bede bidali. Tama agai ami bidi i olama, "Pol odasa asao," wali. ⁷ Tama Pol te po tų ebo be tomoba aselama, te Jerusalemdu asali Juda tobolu bidi dabe aga pageba sisinagasali. Te augwaligo bomai po umabo olama, te bidi Polgo dwai dwai kolesaga dabe haniani ebo bidi da po olama, Pol po tų ela mani. Tiali goli, te po mu po meni, augwaligo Festusbolo te po mu po ola magobeo. ⁸ Tiali goli, Pol agai te po wei begeleyu, te po wali, "Eno te Juda dabego bomo yai po me deli bolobeo. Eno dwai kolesaga augwaligo Moni Lotu Be tempel tomode me ebeo, te be tomode meda ilama, me dolobeo. Tama eno dago Rom gavman moni tobolu bidi Sisar agai nogi dolabo po me wabeo," Polgo te po wai.

⁹ Tialima te gavman bidi Festus go agai homugo te Juda hani bidi dabego aga dali dwagi yai homu pemene eyu, abagi olama bidai hagede homu yai. Tama tibaso, agai te po Polbolo hanalu wali, "Nago homugo eno te nago po tų te Juda dabego kaunsil bidi dabe gesabide dodolomainuwe? Tama tiabo homu ebaso da, teda nago homugo eno nago po tų te bulu Jerusalem pa pelama, dodoligi paiwe?"

¹⁰ Te bidi Pol agai te po wai, "Eno homugo Jerusalem pa pogobeo. Megi ena e dolalu po tų ebo be, te tigidali bulu tonalubo moni gavman bidi Sisargo po tų ebo be deli da. Nago ena e bede po tų ilao. Naga digi koneai dao, eno te Juda hani dali dwai kolesaga me ebeo.

¹¹ Eno te moni bomo yai po me deli bolai tigi sogo da, te ena ela muao wagi da. Nago homugo augwaligo aga ela muao po wagi sogo da, teda eno 'Ena elamu' po wagi menio. Tiali goli, augwaligo tibo pode ena po tų ebaso, te gavman bidigo ena augwaligo olo dali elemai hagede sula tagalogobeo. Tiali megi eno homugo nago ena te Rom buluba tagala palao, te Sisar pageba pelama, tede agai te ena po tų bugagia dodolaibao," Pol agai te po wai. ¹² Tama Festus agai te po odama, agai po tų ebo mu koneai bidi dabe dali po miani. Tama te po mibo silama, Festus agai Polbolo te po wai, "Nago homugo nage te Rom gavman moni tobolu bidi pageba pelama, agai nago po tų dodolaibao. Nage teba pao," wali.

Festus go Pol po Agripabolo hanalu wali

¹³ Te nosali me sogo te moni gavman bidi me deli, te bidi nogi Agripa da, aga dali aga abe dali si te Sisaria be naniba asali. Te aga abe nogi da Bernaisi da. Augwali si Sisaria buluba aselama, te Festusbolo "Nago te sę elama, bidibo, usu dao," wali. ¹⁴ Tama augwali si Sisaria be nanide hauwa sogonu bidama, te Festus agai te Pol po Agripabolo wali. Agai tama po wali, "Te kal-

abus bidi me deli bidibo, agai nogi Pol da. Tama Feliks-go te agai po tų silisąbaso, aga te kalabus bede bidibo. ¹⁵ Tama polobadu gana ena Jerusalemba pelama bidagasali sogo, te Juda dabego monu dabe me, te genuai pris tobolu bidi dabego badi, te Juda hani dabe tobolu bidi dabego me, tama augwaligo te bidi po tų ilali. Augwaligo enabolo te po wali, 'Nago te bidi po tų elama silibo si, enesigi bidi dabego aga mu ela muao,' wali. ¹⁶ Tama tiali goli, eno augwalibolo te po wai, 'Da Rom bidi dabe dago te tobage sę ebo menio. Dago te po tų yabo sę te tiwai ebo da. Te po tų yabo page bidi dabe me, te olo bidi me, augwali tigidali sisinagaselama, te olo bidi agai bilali po page dabe me, agai yali sę po page me pusubo dao. Tama te tobage po tų yabo sę esiąbaso da, teda da Rom dabego te bidi aga po tų yabo page bidi dabego nogoba mubo menio,' eno te Juda dabebolo te po wali."

¹⁷ "Tama augwali ena dali e Sisaria buluba asali. Tama ena toma tube, tama do kigamu ena te po tų ebo beba pali. Tama eno enesigi bidi dabe me badu tagala palama, augwaligo Pol ena pageba odasa magasali.

¹⁸ Tama dago po tų yali. Te Pol po tų ilibo bage dolaluyu, po wali. Tama eno homugo augwaligo te po tų ilibo Polgo haniani dwai kolesaga yai digi po tų ebo yaba homu yali. ¹⁹ Tiali goli, meni. Augwaligo aga po tų ebo po page augwaligo lotu po wabode naga tama. Tama augwaligo aga po tų ilibo po page me deli e tiwai elaluali. Te bidi me deli isali, agai nogi Jisas da. Tiali goli, Pol agai po bomai mu weyu, 'Te bidi Jisas da, te gesi bidibo ula elalu bidibao,' wali. ²⁰ Tama eno bugagia te po tų ebo eno konebeo. Tama tibaso, eno Polbolo hanalu wali, 'Nago homugo Jerusalemba pelama, tede nago e po tų yaibawe?' wali. ²¹ Tiali goli, Pol agai homu hagela yali. Tama agai enabolo te po wali, 'Nage ena Rom buluba tagala palama, te Sisar pageba pelama, tede agai digi eno po tų dodolaibao,' wali. Tama te po obaso, eno te enesigi bidi dabebolo te po wai, 'Aga dagego tonalua. Nosali eno aga Rom gavman bidi Sisar pageba tagala palaibao,'" Festusgo te po wai.

²² Tama te moni gavman bidi Agripa agai te Festusbolo po wai, "Ena digi te bidigo po ena odaibao." Tama Festusgo agabolo te po wai, "Do kigamu naga odagameo," wali.

²³ Te do kigamu te ami tobolu bidi dabe me, te Sisariade bidibo genuai nogi yai bidi dabe me, te gavmanigo po mibo be tomoba pali. Tama Agripa dali, Bernaisi dali si te be tomoba pabo si, te bede au yai madigi pelama, augwaligo augwali si bugai homu ilali, nogi ugwaba sali. Tama aselama, Festus agai ami bidi dabe me badu tagala palali, augwaligo Pol odasa aselama, te bidi dabe tomoba asomainu. ²⁴ Tama Festus aga doligi uluama, te po wai, "Te gavman genuai bidi Agripa me, te gasa genuai bidi dabe me, megi po miboba asali bidi dabe, dagego te bidi suo. Tigidali Juda we bidi augwaligo e bidi enabolo elao wali bidi e dao. Tama Jerusalemde me, ede me, augwaligo te po wali, enabolo wali, e dao. ²⁵ Tiali goli, ena digi gegali, te aga elabo po page menio. Tama aga digi enabolo hanalua-

ma, te po wai, 'Te Rom moni gavman bidi Sisar pageba ena tagala palao,' wali. Tama te po obaso, eno aga Sisar pageba tagala palaibao. ²⁶⁻²⁷ Te eno homugo moni gavman bidibolo te pas asęnama, te agai e bidigo po tų page konemainu yaibao. Tiali goli, eno te pasde asęabo po page eno konebe. Tama tibaso, eno e bidi dage pageba odasa asali. Tama duga naga aga po odao. Tama eno homugo mu te genuai gavman bidi Agripa, naga digi te agai po odao. Eno e bidi dago gavman tigidali bulu tonalubo tobolu bidi pageba tagala palu, te agai te po tų page bugagia wasiawai, eno homugo te usu egobeo, te homu yali. Tama nosali e bidigo po dago odama, eno dwagi yai pas me deli asęnama, te Sisarbolo te po tų page pusa mawaibao," Festusgo te po wai.

Pol agai Agripa dali po pusali

26 Te genuai gavman bidi Agripa agai Polbolo te po wai, "Megi naga digi tau sabo po pusagameo," wali. Tama Pol agai nogo munama tigidali we bidigo agai po odomainu, aga digi tau sabo po tama wabo gagalama weyu, te po wai, ²⁻³ "Genuai gavman bidi Agripa, nage gesabidide eno megi e po pusubo, ena dwagi yai homu ebao. Te Juda hani dabe augwaligo ena dali umabo dwai po tų yabo po wali, eno homugo te po wei begelebao. Tiali goli, nago mu koneai dao, tigidali da Juda bidigo haniani ebo kolesaga. Tama bidi dabe me badu augwaligo homu me deli te tiwai ebo dao. Bidi dabe me badu augwaligo pogo hwjbo tiwai elama, gasa homu dali wali pabo da, te me nago koneai dao. Tama eno te po eno nage gesabide pusubo, eno dwagi yai homu ebao. Tilama, megi eno homugo nage bugagia bidama, tonalua, eno wabo po odao," wali.

⁴ Te bidi Pol agai po me deli weyu, te po wai, "Te tama te Juda dabe tigidali augwaligo ena ogwade ena page bulude bidu yali kolesaga te augwaligo koneai dao. Tama ena gesi bidide Jerusalemba pelama, tede skul weyu bidali kolesaga me augwaligo koneai dao.

⁵ Augwaligo ena polobadu koneai dao. Augwaligo homugo te konegi sogo da, augwaligo eno Godigo po wali peyu te sę yali po nagebolo wagi da. Polobadu ena Farisi bidi sibigo ebo kolesaga wali pai dao. Tama da Farisi sibi dago bomu mu elama, te Juda dabego bomu yai po dabe tigidali dolo wali pabo dao. ⁶⁻⁷ Tama megi ena e po tų ebo bede dolalubo. Magi basowe? Polobadu mu Godigo dago bulai hani bidi nų dabe mubolo bodolu po polai dao. Godigo we bidi tigidali gų pagede ma hodolaibao po wali. Eno homugo te po mu po dao. Ena te wali po nai ebogila mubo tonalubo dao. Da Juda hani tomode Jekopgo ame nani hani sibi ogwa dabe nogo si olama, saęa me si elalubo da. Tama da Juda hani tigidaligo Godibolo hulide me, ulade me lotu po obadi, dago homugo agai dago nųbobo polobadu wali bodolu po nai ebogilia mubo tonaluyu bidibo dao. Gavman genuai bidi, eno te po konealubadi goli, augwaligo ena po tų ilibo. ⁸ Dage Juda hani, dagego e homu ebo da, 'Te Godigo te isali we

bidi gu pagede ma hodalogobeo.' Dage magi baso te homu ebawe?" Polgo te po hanalu wali.

⁹ Te bidi Pol agai po me weyu, te po wai, "Polobadu ena digi bomu elama, umabo dwai dwai kolesaga elama, te Nasaret bidi Jisasgo nogi aiyaba elalubo sę yai dao. ¹⁰ Tama eno te sę Jerusalemde yai dao. Te pris hani tobolu bidi dabe augwaligo usu da olama, tibaso eno Jisasgo po wali pabo umabo we bidi kalabus ilai dao. Tama me badu po tų elama, augwaligo elemmai hagede, eno usu dao wai dao. ¹¹ Tama hauwa sogo ena te Juda dabego bomu yai po ola mabo be dabe tomoba pelama, tama eno te augwali elemainu, eno bidi dabe me badu tagala palai dao, dene mawai, augwaligo Jisasba augwa homu mubo sę tagalomainu yali. Tama ena moni sębę mu elama, te Juda hani isųwai bidigo be nani dabeba peyu, tede te Jisasgo po wali pabo we bidi augwalibolo sęęę mawainu, gegegi pali," Pol agai te po wai.

Pol aga Jisasgo po wali pabo bidi gagayali po pusali

¹² Te bidi Pol agai te po wai, "Te eno tama sę yai dao. Tama te pris hani tobolu bidi dabe augwaligo enabolo pas asęna menama, usu da olama, tilama eno te pas selasa peyu, Damaskus buluba pelama, te Jisasgo po wali pabo we bidi dabe gegegi pai dao. ¹³ Dago genuai gavman tobolu bidi, bugagia odao. Nai po wabo pąde, da te Damaskus pabo tųdu pobadi, te moni sole gagawai ula dagalude asali, te ula da mu udula pali, te giliga tiwai ulago da bologobea sali, te ena dali pali bidi dabe me, te ulago mu usu yali. ¹⁴ Tama da tigidali tųba degasa pelama, munalubadi, bidi mego po wabo eno odali, te Hibu pogo wali. Agai enabolo te po wali, 'Sol, Sol, nago ena magi baso dolobawe? Nago ena elebo sę ebadi, te naga digi dene sabao. Nage te kau kibu tiwai dao. Te kau kibu page bidigo te pua pai ni dagego te kau kibu dono tigiba tunu pabo si, te dwagi yai tųdu pomainu, te kau kibu sęę sabologo ibaba sela sębo da, tama usu egobeo, aga sęę dili dene sabo da,' wali. ¹⁵ Tama eno te po wei ponoyu, te po hanalu wali, 'Genuai Bidi, nage de dawe?' wali. Tama te Genuai Bidi agai enabolo te po wai, 'Ena da Jisas da. Tigidali sogo nago ena dolobo sę ebo te bidi ena dao,' wali. ¹⁶ Tialima nage hodaluama, doligilua. Megi ena nage pageba asali, eno nage eno sę emainu sa mubao. Nage eno po sela pelama, tigidali we bidibolo nago megi na gagawai naide ena suali po pusao. Eno nosali nagebolo ola mabo sę po me, augwalibolo pusao. ¹⁷ Te Juda hani bidi dabe augwaligo nage ela muainu ebaso da, eno nage tau selama, bobelaibao. Tama eno nage te Israel hani isųwai we bidibolo tagala palaibao. Te hanigo me nage elainu ebaso da, eno nage tau selama, bobelaibao. ¹⁸ Tama nago augwali hulide bidibo pesage tagalama, ulaba kegasa asao. Tama nago augwali hulide bidibo kolesaga tagalama, nago augwali ula buluba kegasa asao. Augwali Satango bomode bidibadi, nago augwali ma sao, augwali God pageba asomainu tama yao. Tama augwaligo homugo ena konealu baso da, te augwaligo dwai kole-

saga ebo Godigo tigidali sela sęwaibao, te Godigo sa muai we bidi dali wadolagasaibao,' agai enabolo te po wai," Pol agai te po wali.

Pol agai te bidi Agripabolo Jisasgo sę yali po wali

¹⁹ Te bidi Pol agai te po wali, "Moni gavman tobolu bidi Agripa, eno moni ula dagaludu asobo sulama, agai po wali eno odama, te po eno sela sębeo. ²⁰ Tama hasia bolo eno te Damaskus we bidi pageba pali. Eno augwalibolo te po tama pusa mani, 'Dagego dwai kolesaga ebo sę tudiba sęnama, dage God pageba asao. Tama dagego dwagi yai kolesaga ebo tigidali we bidi augwaligo sulama, dwai kolesaga tudiba sęyani kone-mainao,' wali. Tama eno te po Jerusalem we bidibolo me, te Judia tų tomode bidibo we bidi tigidalibolo me, te Israel hani isųwai we bidibolo me, eno te po tama augwalibolo pusali. ²¹ Tama eno te we bidibolo te po tama pusubaso, te Juda bidi augwaligo homugo hage-labo olama, te po pagede augwaligo te Moni Lotu Be tempel tomode ena tulama, elainogo yalio. ²² Tiali goli, Godigo tigidali sogo agai ena tau sesa aselama, te megi eba sabolalio. Tialima, megi eno e po tųde mu po tigidali we bidi me, te tobolu bidi me, te olo bidibolo me, obao. Te Godigo pedauwalide po selama pusali bidigo asęani po me, te Mosesgo pusali po me, te eno megi e pusubo po me te deli po tama dao. Augwaligo te pusali po tiwai eno ela pelama, gasa pobadi me pusubeo. ²³ Tama Moses me, te Godigo pedauwalide po sali bidi me, augwaligo te po wali, 'Te bidi Israel we bidi tau somai hagede Godigo sa muai bidi Kraisa da, agai moni dene selama, isaibao. Tama aga hasia mu gu pagede hodalo polali bidi dao. Tama agai tigidali pogo te Juda hani me, te Juda hani isųwai bidi me, dwai kolesaga sela sębo sę dwagi yai konelai bidi aga dao, tigidali bidigo agai po odama, hulide pabo dwai kolesaga tagalomainu yaibao,'" Pol agai te po wali. †

²⁴ Te bidi Pol aga digi tau sabo po tama obadi, te bidi Festus agai agabolo i bomonama weyu, te po wali, "Pol, nage wabo pobao. Nage hauwa sogo skul wai bidi dao. Tama te genuai kolesaga sai bidi dao. Tibaso, nage wabo pobao," wali. ²⁵ Tama Pol agai te po wali, "Festus, nage dago gavman tobolu bidi dao. Ena wabo pabo bidi menio. Eno dwagi yai homu elalu, te po eno mu obao. ²⁶ E moni gavman bidi Agripa agai me ena e wabo po koneani. Tama te sę yali po pusubo eno wi ebo menio. Te tigidali yali sę agai gedude yai sę dao, te dualama me yai sę menio. ²⁷ Moni gavman bidi Agripa, nage Godigo pedauwalide po selama pusali bidigo asęani po nago homugo mu konebawe, te poba naga homu maniwe? Eno homugo naga homu te poba mu muani," Pol agai te po wali.

²⁸ Te bidi Agripa agai Polbolo te po wai, "Nago homugo te nago dwasianu wabo pogo ena Jisas wali pabo hani tomoba kegasa paibawe?" te po hanalu wali.

²⁹ Tama Pol agai agabolo te po wali, "Dwasianu pogo ma, te bobobage pogo ma, te usu dao, magigo menio. Tiali goli, eno Godibolo po olama, nage dali, e po mibo

† 26:23 Ais 42:6; 49:6; 1 Ko 15:20

bede bidibo we bidi me tigidali ena yaligia emainu ebao. Tiali goli, eno homugo dage ena kalabuside bidi-bo tiwai bididalio," Polgo te po wai.

³⁰ Te Pol agai po wabo silibo si, te moni gavman tobolu bidi Agripa me, te gavman tobolu bidi Festus me, te genuai nogi we Bernaisi me, te augwali sela dali bidali bidi me, augwali tigidali doligiluama, augwaligo te po tų ebo be tagalama, pali. ³¹ Tama te be tagalama, augwa hasi tomode po miai, "Te bidi agai kalabus yabo dwai kolesaga me deli ebeo. Tama aga augwaligo elabo dwai kolesaga me ebeo," wali. ³² Tama Agripa agai te Festusbolo te po wai, "Te bidi agai 'Te Sisar agai eno po tų odomainao' wabo po wagi menigi sogo da, teda dago aga olo tagala paligi da," te po wai.

Pol te Romba pali

(Daj 27-28)

Enesigi bidi dabego Pol moni gebadu Romba odasa pali

27 Te Festus agai Pol dali, gasa kalabus bidi dabe dali te Itali tųba moni gebadu pabo po dodolali, te Sisar pageba pomainu yali. Tama gavman tobolu bidi me badu augwaligo bidi me deli daj ilali, te bidi nogi Julius da, augwali tonaluabo bidi daj ilali. Te bidi Julius agai te ami enesigi bidi a naga bidi nogo saęa sese sil-ama, tonalubo tobolu bidi da. Tama aga te umabo ami enesigi bidi hani me deli tomode bidibo bidi da, te hani nogi 'Rom gavman moni tobolu bidigo enesigi bidi hani da.' ² Tama da moni geba me deli tomoba pali, te geba Esia tų nabisde elalubo bulu tigidali bilibo geba da. Te geba page bidi aga bulu nogi Adramitium be nani da, te Esia tųde. Tama te bidi me nogi Aristarkus aga da dali asali. Agai page bulu nogi Tesalonaika, te Masedonia provins tųde. Tama da te Sisaria bulu taga pali, te moni gebadu, te tamu aę daide pali. ³ Tama pelama, do kigamu geba tuagasabo pesageba sabolali, te bulu nogi Saidon. Te ami tobolu bidi Julius agai Polbolo dwagi yai kolesaga yali. Agai Pol tagala palama, Pol aga abagi dabe sugi pelama, augwaligo agabolo tubo nai dabe mani. ⁴ Tama nosali dago te Saidon bulu tagalama, ma pelama, te moni bomai wali da pabo guni badu asobaso, dago geba guni tubo bidigo te tamu aę tomode dwasianu bulu elalubo, te bulu nogi Saiprus, teba guni dodolali. Te tų pąde moni wali meni yai. ⁵ Tama te Saiprus tų ela soali, da te moni tamu aę tomodu pali, te gebadu. Pelama, te bulu si ela pali, te nabis sesegede, te bulu si nogi me Silisia tų, me Pamfilia tų da. Tama te nabis sesegede bulu meba sabolali, te be nani nogi Maira, te Lisia tųde, tama dago geba tede gebelali. ⁶ Tama tede dago te geba tagalama, te da tonalubo amigo geba me kegegi suali. Te geba te Aleksandria bulu bidigo geba, augwaligo Romba pai hagede ebo suali. Tama te ami bidi dabe augwaligo da te gebadu selasa pali.

⁷ Te moni geba mudu da Maira tagalama, ma pelama, dua dua tama pali. Magi basowe? Moni bomai waligo da bomonama sela saębaso. Tama da hauwa sogonu tamu aędu bilali, te Nidas buluba polo sabalobeo. Tialima, te waligo naga dago pabo tų ma sinia sali. Tama da te tamu aę tomode bulu me elalubo, te bulu nogi Krit, te bulu pąba sabolama, tamu aę sesege badu pali, tede te moni wali meni baso. Tedu pelama, Salmone tų dugulidu bobegegi pali. ⁸ Tama da te moni tamu aę sesegedu pali, tama te bulu sesegedu pali, te geba guni tubo bidigo moni sę mu elama, geba tubo pesageba tugi pali. Tama augwaligo te 'dwagi yai geba tubo pesage dao' nogi wabo dao. Te geba tugi pabo pesage Lasia be nani pąde da.

⁹ Te da tede olo dali bidibadi, hauwa sogo mu tama bidali. Tama tede bidibadi, tamu aę boj holobo sogo pąde yagasali. Te poluade tama moni wali asobo dao. Te kibu be yabo pąde yagasali, te Juda dabe augwaligo Godibolo nai ula mabo moni lotu wabo sogo silai dao. Godigo augwa dwai kolesaga yai sela saęmainu, te moni nogi elalubo lotu po wabo side dao, te sogo augwa tubo nai osogo gisilai dao. ¹⁰ Tama tebo sogo silibasos, te moni wali asobo sogo pąde yagasobaso, Pol agai te bidi dabe tau selama, bobelabo po wali, "Abagi dedeo, da moni gebadu tedu peyu da, te dwali, te da moni waligo geba dolama, da me, walu dabe tigidali me, da tamu aę tomode dolama, isilaibao," wali. "Da ede bolo me bidinao," wali. ¹¹ Tiali goli te sogo augwaligo Polgo wali po odama, te moni geba page bidi me, te moni geba tobolu bidi me, augwali sigo Polgo po sela saęyani. Tama te ami tobolu bidi agai Polgo wali po tagalama, te bidi sigo wali po wali pali. ¹² Tama augwaligo umabo po wali, tama bidi dabe me badu augwaligo homugo 'E bulu taga pelama, gasa bulu dwagi yai geba tugi pabo pesage te bulu Finiks badu pinao,' wali, 'Krit tųba.' 'E geba tubo pesagede moni wali asobo sogo bugagia bidigobeo. Tama tibaso, dago geba te Finiks buluba selasa pinao, te dwagi yai geba tubo pesage giliga pabo badu elalubo dao. Te pesagede wali aselama, geba dolobo menio,' wali. 'Te moni wali asobo sogo da pelama, te buluba bidigi pinao,' wali.

Moni waligo te tamu aę boj dwai mu hodolai

¹³ Te tialima, dwasianu dwagi yai wali me deli te saut badu tamu aędu asali, te geba tudi badu. Te geba tomode sę ebo bidi dabe augwaligo homugo 'E waligo da te Finiks buluba sela paibao,' homu yali. Tama tibaso, pomai hagede, augwaligo te geba dąų walobo moni sęęę yai ain dili tiwai nai tamu aę pudu ugwaba guduama, geba daiba munama, tama augwa te bulu pąde tamu aę sesegedu pali, te bulu nogi Kritba. ¹⁴ Tiali goli, tama pelama goli, moni wali mu polo asali, te Krit tųba pedai badu asali. Augwaligo te tobage moni wali mu nogi 'te giliga asoboba polobadu pobase nogo pedai badu asobo wali dao,' nogi wabo da. ¹⁵ Tama te wali polo aselama, te geba bomo elama pogolama sabilali. Tama dago te wali asoboba geba guni dodolai

hagede, sę bomo yali. Tiali goli, dago usu ebe. Tama te geba te waligo selasa pomai hagede tagalali. ¹⁶⁻¹⁷ Tama da te dwasianu bulu me nogi Kauda tų pąba asali, te tamu aų tomode elalubo tų. Tama da uba pedai badu te bomai wali meni yai madigi pali. Tama te dwasianu geba moni gebade bono polobadu gebelama, kegasa asobo dao. Tama te moni gebade sę ebo bidi dabe augwaligo homugo 'Te dwasianu geba hagaidali weyu, dago selama, moni gebaba muinao,' wali. Tama augwaligo te dwasianu geba kegebo moni sę mu yali. Tama augwaligo te dwasianu geba kegelama, moni geba daiba munama, tama bonogo bugagia kęani. Te kęna silama, tama gasa bono me selama, te bono aųba sęnama, a dologo badu solama, te bono gąų yai naigo selama, te moni gebade kęani, te geba dilide dąų olama, kęani. Te moni geba bomo te tiwai munama, da ma pali. Te moni gebade sę ebo bidi dabe augwali te waligo geba te Libia buluba pobogolo pobaso, augwali moni wi mu yali. Te nabis bulu dwai nagame yai kemi ebo pesagedu painu ebaso, wi mu yali. Tama tibaso, augwaligo te moni ugwa aiyaba dagala muani, te moni geba waligo naga tamu aųdu olo dali sabilimainu tagalali. ¹⁸ Tama te moni wali mu asiyu, aų bųj me kisu mu dela pali. Tama tibaso, do te moni gebade sę ebo bidi dabe augwaligo te walu dabe me badu tama aųba sębo gagalali, te geba yadala pomainu yali. ¹⁹ Tama te sogo ma te gebade sę ebo bidi augwaligo te gebade muani ni me, te bono me, te nami ugwa me augwaligo nogogo selama, sęyani. ²⁰ Tama da te moni tamu aųde hauwa sogo bidali, te tulubage me, te pų me kisu dali, dago dagalu sube. Tama dago te giliga me, hų me hauwa sogo sube, te hųgo dago bulu te badu elaluba homu ebe. Tama te moni wali agai te moni aų bųj hodolali. Tama tibaso, da gisiga bidibe. Dago te homu yali, 'Da tigidali e gebade tamadi isilaibao,' homu yali.

²¹ Te da nai hauwa sogo tube. Tama nosali Pol agai te geba tomode sę ebo bidi augwalibolo i olama, te po wali, "Te bidi hauwa, dagego odao. Dagego eno polobadu wali po sela sęyanio. Dagego eno po odama, te bulu Kritde bidigi sogo da, teda usu egi dao. Tama da e tiwai sę egi menio. Tiali goli duga eno po sela sęyanigo da, nai hauwa bage te hagela silali dao.

²² Tiali goli, megi eno homugo dage dąų walobe dao. Dagego wi elama, moni homu egio. Magu menio. Da bidi da me isigobeo. Tiali goli, te moni geba naga dolaibao," wali. "Eno koneanio, te po mu dao. Magu menio. ²³ Megi piali hulide Godigo enabolo po me olama, totalio. Te God eno agabolo lotu weyu, eno agai sę eyu ebo da. Te Godigo enabolo agai ensel bidi me deli ena pageba tagala palali. ²⁴ Tama agai enabolo tama wali, 'Pol, nage wi egio. Nage te moni Rom gawman tobolu bidi agai gedude dolalu, naga po wao. Tama odao. God da, te dwagi yai bidi mu dao. Tama tibaso, Godigo nagebolo dwagi yai sę elama, tau selama, tama te moni gebade nage dali bidibo bidi me deli isigobeo,' te ensel mobo bidigo enabolo tama wali.

²⁵ Tama tilama, abagi, dage noma sigio. Magu menio. Eno homu Godiba mubaso, agai dwagi yai kolesaga

dabolo yaibao, tama agai dagalude sę ebo ensel bidigo enabolo te tiwai po wai dao. ²⁶ Tiali goli, te moni geba te tamu aų tomode elalubo bulude sabalobadi, tede dolaibao," Pol agai te po wali.

²⁷ Te moni waligo da selasa pelama, te tamu aų nogi Adria tomode bilibadi, Sarere si silali. Te sogo huli tomode mu, te geba tomode sę ebo bidi dabe augwa homugo bulu me deli pąde elalubo homu yali. ²⁸ Tama tibaso, augwaligo moni sęę yai nai bobobage bonode gebelama, te tamu aų tomoba sanama, augwaligo te tamu aų degedu usu ni sali, te moni bobobage mu yali 40 mita. Tama da dwasianu pelagalama, te usu ma sali. ²⁹ Tama te sogo, dwasianu pąde tama yali, 30 mita. Tama te sę elama, augwaligo koneani, te nabis me deli pąde elalubao homu yali. Tama augwaligo homugo masigiba taluama, doligi paibao homu eyu, augwali wi yali. Tama augwaligo moni sęę yai ain me si me si nama bobobage bonode gebelama, deli deli te moni geba tudi badu tamu aų degeduba tagala palali. Tama tilama, augwaligo homugo masigiba taluidali weyu, be posomainu augwaligo Godibolo po wali. ³⁰ Tama Pol agai suali, te gebade sę ebo bidi augwaligo te dwasianu geba kęani bono pisaganama, te dwasianu geba tamu aųba aiyaba tagalobo suali. Augwaligo homugo te moni geba taga peyu, te dwasianu gebadu buluba wi pinao. Tiali goli, augwaligo tibode 'Moni geba gunide moni te sęę yai ain walaibao,' te tibo po tama wali. ³¹ Tama Pol agai koneyu agai te ami tobolu bidi me, te enesigi bidi dabebolo me, te po wali, "Te bidi augwali da dali bidisiąyu da, teda dage tigidali tamu aųde isigi da. Te bidi dabe augwali wi po baso da, Godigo da tau sogobeo, agai wali po tiwai." ³² Tama te po obaso, te ami bidi dabe augwaligo te dwasianu geba gebelali bono te ge hwągo togwali, te dwasianu geba te tamu aųgo olo selasa pali.

³³ Te be posobo pąde Pol agai augwalibolo "Nai selama, tuo" wali, tama augwalibolo po bomona wali, "Megi dagego moni homu edubadi, dagego nai tusiąma, Sarere si mu silali. ³⁴ Tama tibaso, eno homugo dagebolo po bomonama obao, dage megi nai tuo. Magu menio. Te nai tubode dage bomo selama, dage bugagia bidaibao. Eno koneanio, da tigidali tama bugagia bidaibao, da me deli dwasianu dologobeo, selegobeo," wali. ³⁵ Tama te po olama, Pol agai te bret nai selama, te bidi dabe gesabidide Pol agai Godibolo nage usu da olama, te nai nogogo pebedama, tubo gagalali. ³⁶ Tama te pogo augwaligo homu dąų olama, tama augwali tigidaligo me te nai tuali. ³⁷ Tama da tigidali te moni gebade bidali bidi dabe hauwa mu da 276. ³⁸ Tama dago te nai tuali, tabiali. Tama dago te tubo nai ge bek hauwa mu geba tabide muai te tigidali dago selama, tamu aųba sęyani, te geba yadala pomainu yali.

Moni geba dolalio

³⁹ Te be posobo si, te gebade sę ebo bidi augwaligo te nabis bulu tų sulama, te konebe. Tiali goli, augwaligo te bagu suai, te dwagi yai geba tubo gebabelede

elalubo suali. Tama augwaligo te po wali, "Dago moni geba te bagudu dolo sela pabo usu sinao," wali, "te geba te tų sesegeba daų waligi pinao," wali.⁴⁰ Tama pomai hagede, augwaligo te ain dilide gebelali bono dabe ge hwaęo togolama, tamu aę tomoba olo tagalali. Tama bidi me badu augwaligo te geba guni dodolobo habesege si bono kęani pisagana saęani. Tama augwaligo te nami ugwa te geba gunide ma walali. Tama te nami ugwaba waligo sabilibode da nabisba odasa pomainu, tama tiali.⁴¹ Tama tilama, dago geba te baguba pabo gagalali. Tiali goli, tamu aęęo geba selasa pelama, te tamu aę dologode dwasianu kemigo du elaluali. Tama te geba guni te kemi duba tųę paligi pabo si, te geba tudi badu tigidali pebeda pali. Magu menio. Moni tamu aę bęę dabe asiyu, te geba ni tologa saęani.

⁴² Te ami bidi dabe augwa homugo te kalabus hani me ela muaibao homu yali. Magi basowe? Augwaligo te homu yali, augwaligo tamu aędu paubo pelama, te nabis buluba sabolama, duala sigi pelama wi dię paibao homu yali.⁴³ Tiali goli, te ami tobolu bidi agai te ami dabego yali homu tagalao wali. Magu meni. Agai homugo augwaligo Pol elidali. Tama agai da tigidali i olama, agai te po wali, "Tialima, duga tamu aę paubo kone baso da, te duga samonama, paubo pelama, nabisba pięo," wali.⁴⁴ "Tama duga me badu nogo aę togobo konesiębaso da, dage te ni nami dabe me selama, te moni geba nigai ni hodigi selama, dage nosali aę pauluama, nabisba pięo," te po wali. Tama dago tama tilama, da tigidali te nabis buluba bugagia sabola silali, da me dolobe.

Pol te tamu aę tomode elalubo bulu nogi Maltade bidali

28 ¹⁻² Te da tigidali te nabis buluba bugagia sabola silali. Tama te bulu page bidi dabe augwaligo dwagi yai kolesaga elama, da tau sali. Tama augwaligo dabolo te po wali, "Te e tamu aę tomode elalubo bulu nogi Malta dao," wali. Tama augwaligo moni sia nogwani. Te sogo tulubage be yali, da tigidali kedau mu yali, tama te siade da kedau tuali.³ Te Pol agai dwasianu isi dabe sesa bilama, te isiba ulagasali. Te dwasianu ni me si tomode hasamani me deli bidali, agai sube. Tama te isigo hasamani tigde dabo si, tama te hasamani posoga palunama, Pol nogode gaų kelanani. Te tobage hasamanigo kelanai bidi polo isibo da.⁴ Tama te sogo te bulu page bidi dabe augwaligo te hasamani Pol nogode walalubo sulama, augwali moni noma selama, augwa hasi tomode po umabo weyu, te po wali, "Te bidi agai gasa bidi elabo bidi dao," te homu geda muani. "Tamu aęęo aga elebe. Tiali goli, te god me deli, agai nogi Dwai Kolesaga Dodolobo god, agai homugo aga elainu yali, te hasamani bidi isibo nabi aga tigde munalubo hasamani gaų kelali," te po wai.⁵ Tiali goli Pol agai nogo te dwai hasamani hogola saęnama, te hasamani isi tomoba tululuali. Tama Pol tigde dene ebe, aga bugagia bidali.⁶ Tama te bidi dabe augwaligo tonalua-

ma, augwaligo aga te hasamanigo kelali madigi dabe delama, aga polo degasa pelama, isibowe naga suenu tonaluali. Tiali goli, augwaligo tonalubadi, bobobage sogo mu bidibadi, te Pol aga tigi dene ebe, tama aga isibe. Tama te we bidi augwaligo moni homu elama, augwa homu begelama, te po wali, "Te bidi aga god me deli dao," wali.

⁷ Te bulu paęde te me badu tų deli elalubo, te tų te bidi me deli agai tų da. Tama te bidi te Malta tųde bidibo we bidi augwa tobolu bidi deli da, te bidi nogi Publius. Tama te bidigo da agai beba odasa pelama, da agai bugagia nai ula mayu bidali. Tama da sela sogo aga dali bidali.⁸ Tama te sogo te Publius aga aya moni gasi selama, bede pila mubo. Aga te gasi si sali, me haligadu kaneme yali, me tigde moni posolo yali. Tama Pol aga pelama, aga suali. Tama Polgo Godibolo po olama, agai nogo te gasi bidi toboluba muani.⁹ Agai te gasi sela saęnama, ma dwagi yai bidali. Augwaligo Polgo te tibo sulama, te Malta tųde bidibo gasi yai we bidi tigidali Pol pageba sisali. Tama Pol agai te gasi yai bidi gasi sela saęę pela silama, augwali ma dwagi yai ilali.

¹⁰ Augwaligo dabolo dwagi yai kolesaga elama, haniani dwagi yai nai da olo mani. Tama nosali da pabode augwaligo tigidali nai dago habuge yali nai augwaligo selama, te moni gebaba munai.

Pol agai Malta tų taga pelama, Romba sabolali

¹¹ Te hasia da te Malta tųde bidibadi, polua sela silali. Tama nosali da te gasa moni gebaba holali. Te moni geba page bidi te Aleksandria be nanide bidali. Tama agai tibo god nogi koneama, te tibo god nogi te moni geba sip gesabi badu daganai elaluali, "Deli sogo ame nai ogwa si da," te po wali. Tama te Malta tųde bidu, te moni wali dabe, te moni tulubage me sia sabo tonalu tede bidali. Tama dago augwali taga pali.

¹²⁻¹³ Tama da te moni gebadu pelama, te moni be nani nogi Sirakyusba sabolama, tede sela sogo bidali. Tama da Sirakyus tagalama, moni gebadu ma palio olama, te bulu me nogi Regiumba sabolali. Tama do kigamu wali me da asali badu geba tudi badu asali. Tama tego da tau selama, da pidubadi, be me huliamma, me sogo kigamu da bulu me nogi Puteoliba sabolali.¹⁴ Tama te bulude Jisasgo po wali pabo we bidi tede bidalubo suali. Tama augwaligo da augwali dali bidao wali. Te po baso, da augwali dali Sarere deli bidali. Tama da, dago augwali taga pelama, tųdu naga pidubadi, moni genuai hanu nogi Rom teba sabolali.

¹⁵ Da Romba sabalisiaębadi, Jisasgo po wali pabo we bidi augwaligo da asobo po odama, da tų tomoba augwaligo tięba asali. Tama me badu digibulu bobenu gana aselawali, maket me nogi Apiusde dago suali. Tama me badu aselama, te bidigo osogo abelama pibo be sela elalubo digide dago suali. Pol agai Jisasgo po wali pabo we bidi suyu, Godibolo nage usu dao wali, te bogo aga homu daų walobao, te homu yali.

¹⁶ Te da Rom tomoba sabalobo si, gavman tobolu bidi dabego Pol agaduba bidabo pesage osogo abela-

ma, bidimainu yali. Tiali goli, tigidali sogo enesigi bidi deligo tonaluali, Pol wi pidali weyu tiali.

¹⁷ Te bidi Pol aga Romde sela sogo bidama, Romde bidibo Juda hani tobolu bidi dabe "Dage ena pageba asiąo," Pol agai te po wali. Tama augwali aselama, Polgo te po wali, "Abagi dede, polobadu ena Jerusalemde bidai dao. Tama dago hani dali eno dwai sę me yai menio. Tama dago nųogo po me sela sųwai menio. Tiwai goli, te pode ena kalabus yai dao, Jerusalemde. Tama augwaligo ena Rom gavman genuai bidi pageba ena po tų emainu sela pao wali. ¹⁸ Tama Rom gavman genuai bidigo enabolo te yali sę po augwaligo odalio. Tama Rom gavman genuai bidigo eno magi sę me, ena isabo sę me yai sube, te po wali. Augwaligo homugo ena buluba tagala palainu yai digi. ¹⁹ Tiali goli, Juda bagego ena kalabus emaina olama, bomu mu yalio. Ena te Juda dabego nogode dią pabo tų me meni yani. Tama tibaso, eno te po wai, 'Ena Rom gavman genuai bidi Sisar pageba tagala paliąo, agai ena po tų ela mowainu,' wali. Tiali goli, ena te Juda bagego po tų ela mawainu eba asai menio. ²⁰ Tama tibaso, eno dage megi asomainu hanalu obao. Magi baso menio. Enade augwaligo yali sę dagego me konemainu obao. Megi dagego e konemainu, ena e aligabo bonogo ena nogo si megi augwaligo kęai dao, kalabus bidi ebo aų yalio. Magi basowe? Eno homugo te da Israel bage tonalubo bidi te Godigo dabolo nosali mawaibao, tama te sogo pedalobo eno tonaluyu bidibo dao. Tama tibaso, augwaligo ena kalabus mawai dao," te po wai.

²¹ Te Juda dabe mego Polbolo te po wai, "Te Juda bidi dabe augwaligo nagede po pusumainu dabolo pas me tolobe. Be bidi me Jerusalem badu asama, nagede dwai po me pusagasobe. ²² Tiali goli, bidi hauwa mu me badu asama, dabolo tama pusalio, te Jisasgo po wali pabo bage da mu hagela ebo po pusali. Tiali, Jisasgo hanigo ebo homu kolesaga dago sueo," te po wali. ²³ Tama augwaligo Polgo wabo po ma odomainu, dua yabo bodolu me muani. Tama we bidi hauwa mu Polgo bodolu mani digi asali. Pol agai te Godigo homugo we bidi tonalubo sę po augwalibolo pusali. Tama Pol agai Mosesgo polobadu asęani po dabe me, polobadu Godigo po sela bilali bagego asęani po dabe me, pusa mani, te po dali daganama pusali, te augwaligo Jisasde po mu daba homu emainu. Tama te po

pusubo kigamu mu gagalama, pio muba sabolali.

²⁴ Tama we bidi me badu augwaligo Polgo wali po mu dao homu yali goli, meba we bidigo te mu da homu ebe. ²⁵ Tama augwaligo po hauwa dogia pali. Tiyu augwaligo haliga digi deli ebe. Tama tibaso, Pol agai po me deli pusali, "God agai Dwagi Yai Mobo Bidi agai te Godigo po sela bilali profet bidi nogi Aisaia te bidibolo po me deli olama, tolalio, dagego nų mu dabebolo. Te po dageba me dolo te wabose," te po wali. ²⁶ "Godigo Aisaibolo te po pusa wali,

'Nage te Juda bageba pelama, tama te po pusao. "Dagego eno po oduda yaibao, tiali goli dagego te po page konegobeo. Dagego suyuda yaibao, tiali goli dagego munu me sugobeo," te po wai. ²⁷ Te magi baso menio. Te po page da, te we bidigo homugo eno po odogobeo. Tama augwaligo olo dega salio. Tama te ebogo, eno po odabo aų ebe dao. Augwaligo gedu me halua sali dao. Te tibogo, eno ebo sę suabo aų ebe dao. Augwaligo te sę egi menigi sogo da, teda enaba augwaligo dwagi yai kolesaga sigi dao, tama augwaligo ologo eno wali po me odigi dao. Me augwaligo eno yali sę me bugagia sugi dao. Tama tigi sogo da, augwali homu digi begelama, tama eno ma augwali dodoligi dao,' †

Godigo Aisaibolo tama po wai," Pol agai te tama po pusa mani.

²⁸ "Tama te po dage dolo mu te waliao. Tiali, dagego koneao. Tama Godigo da we bidi sela pabo tų po tama te Israel hani isųwai we bidibolo tolai yali. Tama te po augwaligo mu odaibao," Pol agai te po wai. ²⁹ Tama tilama, Polgo te po silama, augwa pebelayu, konila bomonama mu ela pali.

³⁰ Te kibu be si Rom bulude agai osogo abelai bede bidali. Tama aga te bidibo bede mone gego aga digi abeleduali. Tama aga pageba te we bidi hauwa asobaso, dwagi yai homu yali. ³¹ Tama agai Godigo homugo we bidi tonalubo sę po te we bidibolo pusa mani. Tama agai te Genuai Bidi Jisas Kraisgo po pusa mayu, aga hale me ebe. Tama agai te po pusubadi, bidi mego 'Nago te wabo po tagalao,' te po wagasobe, bidi mego habu selebe.

† 28:27 Ais 6:9-10

Polgo Po Pas Rom Dabebe Aşani

Hasia nedebo tau sabo po

Te Kraisgo po sela pabo bidi Pol agai e pas aşani. Magi baso meni. Te aga digi te moni hanu Romba polobadu pabeo, te gasa bidigo Kraisgo po augwalibolo hasia polobadu pusugi pai dao. Te bidi Pol agai homugo te Romba pelama augwali dali tamadi bidigi paibao homu elama, tama te Rom bagego aga teba asobo kolesaga page hania konemainu eyu, agai e pas tolali. Tama nosali aga te bulu tş kantri Spenba pelama, te Kraisgo po wali pabo we bidibolo po pusigi paibao homu yali. Agai homugo me te agai gasa haniani bulu we bidibolo ola mani po page te Rom bagego konea saibao. Te po page e tiwai dao: te Juda hani we bidi dali te Juda hani işawai haniani bulu hani we bidi dali, da tigidali te God paba asobo usu mu egobeo. Magi baso meni, da tigidaligo dwai şey eyu şeşey sai bage bidibo dao. Tiali goli Godigo aga Ogwa tagala palama, tama tialigo da te da aga paba asobo tş sunumi dawai dao. Te Krai wali pabo we bidi augwaligo yabo kolesaga po me te bidi Polgo e aşani pas tomode ola mani.

Hasia mu Polgo te Romde Jisasgo po wali pabo we bidibolo siade da po weyu, agai e tama po wali, te augwali tau somainu Godiba sesemane sogo gedu haluasa po hanalubo da. Tama nosali agai te pasde aşani homude po page pusa mani, te konealubo po daş wabo sunumi delide naga te God gedude doloba pai we bidi pedelaibao, te tobage wali po te Daş 1:17 tede elalubao. Polgo te tama po wali, tigidali we bidi, te Juda hani dabe augwali me, ma te gasa hani dabe me te tagalao, augwali me te şeşey sabo we bidi dao. Tama tialima Godigo olo tau sabo wiegi yai kolesaga eyu augwali ma sali. Te Jisas Kraisba konealubo homu daş wabo bidi yai baso da, te Godigo aga ma selama, tama aga te Godigo abagi pedaliyu, te Jisas Kraisgo ama bidai dao. Te bidi me deli Godigo ma sobaso da, teda agai bidabo ula te gesi noma pedelaibao. God aga dali bidibaso te Godigo Mobo Noma Bidi Ogwa Wai aga dali paşanalubidibao. Tama tialima te şeşey me işibo şego bomogo aga aiyaba elaluama tonalubaso, te usu me egobeo.

Tama te bidi Polgo pusali po tigidali te aga tau sabo bidi Tertius agai te po aşanama tama augwali sigo e pas te Rom moni hanuba tolali. Te tiwai me te bidi Pol agai te haniani tşde bidali te Kraisgo po wali pali we bidi hanibolo aga pas aşana tolobo şey eyu, tama me sogo aga digi te pas tolobo po olama, tama gasa bidigo te Polgo pusali po aşani. Tama tiyu, tama Pol agai nogi aga digi nogogo te pasde aiyadu aşani, tama gasa bidigo te pas iba sela pali.

Te konealubo homu daş wabo sunumi delide naga da te God gedude doloba pai we bidi pedelaibao

(Daş 1-4)

Polgo te Godigo po sela pabo şey yali

1 Ena Pol da, tama eno e po aşana tolobao. Ena te Krai Jisasgo şey bidi dao. God agai ena i olama tama te po sela pabo şey bidi nigilali. Eno te Godigo wiegi yai gesi po te we bidibolo pusumainu agai ena hagea selama tedali muai. ² Tama polobadu digi mu agai te wiegi yai gesi po nosali maiabo po daş olama, tama aga po pusali şey bidi profet dabe augwaligo te daş wali po te Godigo po bukude aşai dao. ³ Tama te

wiegi yai gesi po te aga Ogwade wabo po dao. Te aga bidi mu pedalama bidibode, te aga waş mu Devitgo hanide pedalali. ⁴ Tama me ma te wiegi yai kolesaga ebo Tedali Mobo Bidigo bomu eyu aga sa hania muani, aga te Godigo Ogwa da wai. Godigo aga te gu pagede ma hodolama, tama tebogo agai te we bidibolo aga Godigo Ogwa mu dao ola mayu waselai dao. Aga dago Genuai Bidi Jisas Krai dao. ⁵ Te aga nogi delide naga te Godigo da olo mu tau sabo wiegi yai kolesaga eyu, tama aga nogide me agai ena te po sela pabo şey bidi nigilali. Te Krai aga nogi tobade Godigo tama tiali, te Juda hani we bidi dali naga meni, te tigidali tşde bidibo we bidigo konealubo po agade daş weyu tama agai po wali pomainogo tama tiai dao. ⁶ Dagego me te Godigo i wabo odama, tama dage te Jisas Kraisde wadolali we bidi pedalali.

⁷ Eno e pas te dage Rom moni hanude bidibo we bidibolo aşana tolobao. Dage Rom bage, te God agai dage dali dwagi yai homu eyu, godolo eyu elama,

tama dage te aga we bidi mu bidimainogo eyu agai dage i wali. Tama eno homugo dago Aya God dali, Genuai Bidi Jisas Kraisd dali sigo te dage dali te olo mu tau sabo kolesagago eyu tama dage homu wiegi yai ilama dage dua bugagia bidaibao.

Polgo Rom dabe sugi pabo homu yali

⁸ Hasia eno e po bolo dagebolo wainogo ebao: te tigidali gasa t̄ badu bidibo bidi dabe augwaligo dagego Kraisd konealubo po d̄ olama bidibo po mibo dao. Tama tibaso eno te po mibode homu koneyu, tama Jisas Kraisgo nogide te eno usu da po weyu, te eno Godibolo gedu haluasa po wabo dao. ⁹ Eno Godigo s̄ eno bomo tigidaligo eyu, tama eno te aga Ogwade te wiegi yai gesi po te we bidibolo pusubo s̄ ebo dao. Tama te God aga digi koneani, eno mu po obao, sesemane sogo eno gedu haluasa po wabo si te eno dagego nogi nogi ebo dao. ¹⁰ Tama sesemane sogo eno agabolo gedu haluasa po weyu, eno te tiwai hanalubo dao, "Hauwa sogo augwali pageba pabo t̄ elalusībadi ena tonaluali goli, megi nago usu da olama, te ena pabo t̄ nigilama, ena augwaliba pomainao," te po wabo dao. ¹¹ Magi baso meni. Eno dage suainogo ebo homu mu godolo yai. Eno te Godigo Mobo Bidigo tau sabo po mobo meba te dagebolo mayu, te dage bomu ilimainogo homu ebo dao. ¹² Te e tama tiwai dao: eno homugo dagego te Kraisd konealubo po d̄ wabogo te ena tau siyu, te eno te Kraisd konealubo po d̄ wabogo dage tau siyu emainogo eno te dageba pabo homu ebo dao. Tama te tiwai ebogo te da tigidaligo homu bomu ilimainogo homu ebo dao. ¹³ Eno ama dedeo, eno homugo dagego e po bugagia koneīo, hauwa sogo eno te dage bidibo madi asaibao homu yali. Tiali goli sesemane sogo nai me deligo te ena t̄ palialubo dao. Te eno s̄go gasa bulude bidibo Juda hani is̄awai we bidi augwali tau selama te augwaligo Godigo po wali pabo we bidi pedalali, tama eno dage tomode me te tau sabo s̄ egi pabo homu hauwa sogo yai dao. ¹⁴ Magi baso meni. T̄de we bidigo gedude te Grik po wabo bage augwali te haniani naide kolesaga page tolalubo bage dao, nogi elalubo dao. Me ma, te Grik po wasībo bage, augwali nogi meni yai bage dao. Tiali goli agai enabolo te wiegi yai gesi po pusubo s̄ mayu, "Te Grik dabe dali, te Grik hani is̄awai we bidi dabe dali si augwali tigidaliba pusao" weyu yai. "Te kolesaga koneai bidi dabe dali, te kolesaga konesīawai bidi dabe me, tigidalibolo pusao," wai. ¹⁵ Tama tibaso eno homu me hodaloyu, te wiegi yai po te dage Rom hanude bidibo bidi dabebolo me te po pusainogo te homu bomu ebo dao. ¹⁶ Magi baso meni. Ena te wiegi yai gesi po wabode te ena hale me ebo menio. Te wiegi yai po Godigo bomu elalubao, te tigidali konealubo po d̄ wali bidi dabe ma sabo te po usu dao, te hasia Juda dabe ma selama, te nosali gasa hani dabe me ma dobola sabo te wiegi yai po usu mu dao. ¹⁷ Odīo. Te wiegi yai gesi pogo te Godigo te dwai s̄ yali we bidi te doloba pai we bidi ilabo s̄ page te

dabolo hania ola mabo dao. Te s̄ page e dao: bidigo aga homu tigidali Kraisba munama tama agade naga tialuyu da, teda te Godigo gedude te bidi te doloba pai bidi pedalaibao. Gasa s̄ ebo te usu egobeo, te Kraisd tialubo kolesaga naga usu yaibao. Tama te doloba pai bidi ilabo s̄ page hania ilimainogo te Godigo po pusali profet bidi agai polobadu mu te Godigo wali po me deli tama aşai, "Te bidigo aga homu tigidali enaba muyu, te enade tialubo bidi, te bidi eno gedude doloba pai bidi pedalama, tama bugagia bidada peyu bida-da paibao," te po aşai. †

Tigidali we bidi s̄e s̄ sabo we bidi dao

¹⁸ Te Godigo s̄e s̄ ebo te aga bidibo madidu hania pedalalio. Agai te God tudiba muyu, te dwai kolesaga eyu bidibo bidi dabe dali s̄e s̄ ebo dao. Te tobage dwai s̄ ebo bage augwaligo te dwai kolesagago te mu pogo s̄ idali weyu te mu po hogwa sabo dao. ¹⁹ Augwaligo te mu po page konebo t̄ elaluali, tiali goli augwaligo te t̄ wali pisībaso, Godigo augwali dali s̄e s̄ ebo dao. Magi baso meni, te tigidali Godigo kolesaga te geme me dualalubeo. Te augwaliba hania hanilani, God aga digi augwalibolo ola mawai dao. ²⁰ E tiwai dao: polobadu mu Godigo tigidali nai nigali, tama te sogo gagalama megi e sogoba usu nagasali, tama te bidi dabe augwaligo agai nigali nai dabe suali. Tama augwaligo tede te Godigo kolesaga meba koneani, te bidi dabego gedugo susībo kolesaga te augwaligo koneagameo. Te aga gasagi yai tedali mu da, aga God dao, te augwaligo hania koneagameo. Tama agai genuai bomu te sesemane sogo bidada pabo bomu dao, silisībo bomu mu dao, te me augwaligo agade koneagameo. Tama tibaso, te bidi dabe augwa dwai s̄ ebo kolesaga te geme dualiyu tama augwaligo te po wei ponabo t̄ menio, "Dago te God konebeo," te po me wagobeo. ²¹ Magi baso meni, augwaligo God koneali goli augwaligo aga te God mu da te homu me is̄ayu, tama augwaligo aga nogi ugwaba me sabeo. Tama augwaligo gedu haluasa po weyu agaba puba hwi me wabeo. Menio. Te augwaligo augwa homu kolesaga te olo naiba muani, te augwaligo God gege-da peyu, tama augwaligo homu te be hulua sabo tiwai pedalai. †²² Augwaligo hagoma eyu te po wai, "Dago kolesaga koneani," tiali goli augwali esela pai bidi dabe mu pedalai dao. ²³ Tama tiyu, augwaligo te isis̄abo Godigo moni ula yai bomu tudiba muyu, tama augwaligo lotu po agabolo me wabeo. Menio. Augwaligo aga hasegelama, tama olo isabo bidigo piksa nomabolo me, tama ba noma me, te kibu piksa noma me, tama hasa yogai hani dali, te hasamani hani dali noma me, te tama piksa dabe selama, tama "Te nai dago god dao," weyu, tama augwaligo te nai piksa noma dabeba lotu po wabo gagalama ebo dao. †

²⁴ Tama tibaso Godigo augwali tagalali. Augwa dwai kolesagago digi augwa te dwai meda yai kolesagaba kegeyu, tama augwa digi augwa tigi doloyu yainogo ebaso, agai augwali tagalali. ²⁵ Da bidi dago te Godigo

† 1:17 Hab 2:4 †† 1:21 Ef 4:17-18 † 1:23 Bom 4:16-18

nogi sesemane bidada pabo sogo ugwaba sidu geao. Mu dao. Tiali goli te tobage bidi dabe augwaligo te Godigo mu po tagalama tama hasegelama tibo po sali. Tama tiyu, augwaligo te tigidali nai nigali God tagalama, tama augwaligo agai nigali naiba naga lotu po weyu, tama augwaligo teba şe yali. ²⁶ Augwaligo aga tagalobaso, Godigo augwali te dwai meda kole-sagaba tagalama bidai. Augwa we dabe augwaligo te bidigo augwali sabo te dolo kolesaga augwaligo te tagalama, tama te we dabe augwa hasi te wego isişbo dwai meda yai kolesaga wali pai dao. ²⁷ Tama bidi dabego me augwaligo te we sabo dolo kolesaga ebo te tagalama, tama augwaligo homu te sia dabo tiwai eyu, tama augwaligo dwai meda yai kolesaga te augwa ama hasi dabe dali yainogo yai. Te bidi dabe augwaligo te bidi aga hasi isişbo hale ebo kolesaga te gasa bidi dabe dali yai. Tama te we bidi dabe augwa digi augwa te tobage dwai dwai şe yali kolesaga usu nama wei ponyu, te augwali dwai dene mu sai dao. ²⁸ Augwaligo te God augwa homude daş ola sabo hagela homu yaligo da, teda Godigo augwali te augwa dwai kolesaga page tolalubo bidigo kolesaga wali po-mainogo sula tagalalio. Tama tibaso, augwaligo te bidigo isşwai doloba pişwai haniani kolesaga yai. ²⁹ Tama augwaligo te doloba pai kolesaga me isşyu, tama dwai kolesaga mu eyu, tama mena nai pesa eyu, tama boi bidi ebo kolesaga yali. Augwaligo te doado bage hauwa elalubo bidi dali dwai homu eyu şeşbe sabo homu elama, tama bidi ela muyu yai, tama wado po weyu, tama tibo po weyu elama, tama gasa bidi dali dwai şeşbe yabo homu kone palobo dao, tama augwaligo po tola sabilibo po wabo dao. Te tigidali dwai kolesaga augwalide mu paşanalui. ³⁰ Te augwaligo posobo po olama tama hanilama me po pusuyu tama bidi mebago nogi dolali. Augwaligo God dali boi bidi eyu, tama po daş weyu, tama hagoma elama, tama augwa digi augwa nogi ugwaba sai. Augwaligo dwai gesi noma kolesaga pedalai. Tama augwaligo augwa aya de ida sigo po sela şayu yai dao. ³¹ Te augwaligo kolesaga me konebeo. Tama augwaligo gasa bidibolo te daş wali po wai, tiali goli augwaligo te augwa po wali me pişwai. Augwaligo te augwa deli kanemego ame nani bage augwali me godolo me egobeo. Augwaligo te gasa bidi dabe homu dene eyu tau me magobeo. ³² Te Godigo te tobage dwai şeşbe ebo bage dali ebo homu e tiwai dao: "Te tobage haniani dwai kolesaga ebo bidi dabe augwali isimainao, te dolo mu dao," agai te homu ebo dao. Te dwai kolesaga ebo bidi dabe augwaligo te Godigo ebo homu bugagia koneai goli, koneama tagalama, augwaligo te tiwai dwai kole-saga yai. Tama augwaligo te şeşbe naga me ebeo. Menio. Te augwaligo te tiwai dwai kolesaga ebo gasa bidi dabe augwali nogi me ugwaba siyu, te şeşbe usu dao weyu yai.

Godigo po tuş te dolo mu ebo dao

² Te Godigo te tobage dwai dwai kolesaga ebo we bidi dabe dali şeşbe ebo dao. Tama agai te şeşbe

ebo homu haninanigo da, teda dage tigidali bidi dabego gasa bagebolo po ela palobo da, eno dage deli delibolo e po obao, nago te naga yali dwai şeşbe te geme dualobo usu me egobeo. Nago po wei ponainogo yali usu egobeo. Odao, nago gasa bidi dali naga po weyu yali, tama tebo kolesagago nago po nagaba digi te po obao. Magi baso meni, nago gasa bidi agabolo naga "Nago dwai kolesaga yai," po wai, tiali goli naga digi nago me te tobage dwai kolesaga ebo dao. ² Tiali goli dago koneani, Godigo te tiwai dwai kolesaga ebo bidi augwalibolo te dwai dene sabo şeşbe wei ponobo dao. Tama tiyu Godigo po tuş ebo te dolo mu naga ebo dao. ³ Odao. Nago te tobage dwai kolesaga ebo bidi dabe augwalibolo te po weyu yali, tiali goli naga digi nago me te tiwai kolesaga yai, nago magi homu ebo dawo? Naga digi te Godigo po tuş gedelama wi pabo usu yaibawe? ⁴ Te ma, nago e homu ebawe, "Te Godigo ena wiegi yai bugagia iliyu, tama ena bobobage sogo tonaluyu, tama agai te dwai şeşbe ebo wei enabolo polo me ponogobeo." Te homu egio. Te Godigo wiegi yai polo wei ponosişbo kolesaga ebode, te nago homugo te olo nai tiwai da, te homu ebawe? Godigo homugo nage homu begelemainogo, tama agai dwagi yai kolesaga naga nagebolo eyu tonalubo dao. Te kolesaga page nago konebewe?

⁵ Tiali goli nago naga homu mu palia selama, tama nago homu me begelebeo. Tialima tebo kolesagago te nago te dwai dene sabo şeşbe ebo te pesage genuai holobao, te mone ge sabobo piduai tiwai. Te nosali te bodolu mani side te Godigo doloba pai po tuş ebode te agai şeşbe hania haninama pedalaibao, tama nage te dwai dene te sogo saibao. ⁶ Godigo te tigidali bidigo yali kolesagade usu nama dobawaibao. ⁷ Tama meba-goda, te dwagi yai kolesagade bomu elama bidiyu, tama tebo kolesagago augwaligo te genuai nogi me te wiegi yai nogi me te me dolişbo bidada pabo ula te tuş gegebo şeşbe ebo dao. Tama Godigo te tama kolesaga ebo bidi dabe augwalibolo te bugagia bidada peyu, bidada pabo bidibo ula mawaibao. ⁸ Tama mebago homugo augwade naga koneyu, tama augwaligo mu po wabo te tudiba munama, tama dolo isşwai kolesaga wali pabo dao. Teda Godigo te bidi dabe augwali dali dwai homu mu eyu, tama genuai şeşbe eyu yaibao. Tama tiyu agai te dwai dene mu sabo şeşbe augwaliba wei ponaibao.

⁹ Te dwai denede augwaligo hwa mu waibao, te dwai kolesaga yali bidi dabe tigidali, te Juda dabe augwaligo te dwai dene hasia selama, tama nosali te Juda hani isşwai bidi dabe augwali me tama naga tiaibao. ¹⁰ Tiali goli Godigo te wiegi yai kolesaga ebo tigidali bidibolo te genuai nogi me, te wiegi yai nogi me augwalibolo mayu, tama augwali aga dali hodobo bugagia bidaibao. Te Juda dabe augwalibolo hasia menama, tama nosali te Juda hani isşwai bage augwalibolo me mawaibao. ¹¹ Magi baso meni. God agai te we bidi dabe dagalobo si, agai te nogi yai we bidi tedali daga-

loyu, te nogi meni yai we bidi tedali dagaloyu ebo menio. Aga da te tobage kolesaga ebo bidi menio.

¹² Te e tiwai yaibao: God agai te Juda hani isawai bagebolo aga bomu yai po mabe. Tama tibaso, agai te augwaligo yali dwai kolesagade augwali po tu ebo si, augwaligo te bomu yai po bolali seđe agai augwali osola sulama dene magobeo. Tiali goli augwaligo augwa digi bomai po bolo baso, agai augwali dene mawaibao. Me ma, te Juda dabe augwaligo te Godigo augwalibolo mani bomu yai po konebo dao. Tama te bomu yai po koneyu dwai se yali bage augwali Godigo te bomu yai pogo osola sulama tama dene mawaibao. ¹³ Magi baso meni. Te bidi dabe augwaligo bomai po odolama, tama te po augwaligo homuba musiawani da, augwali te God gedude doloba pai bidi me pedalgobeo. Menio. Te tigidali bomai po tigidali sogo wali pali bidi, te bidi dabe augwali naga te Godigo augwali te doloba pai bidi nogi yaibao. ¹⁴ Eno te kolesagade po me elalubao. Te Juda hani isawai gasa hani bidi dabe augwaligo te Godigo te Juda hani dabebolo mani bomai po meni yani, tiali goli augwa digi augwa homude augwaligo te bomai po wali pabo kolesaga wali peyu da, teda te kolesaga ebo bidi dabe augwaligo te bomai po meni yai goli, augwa tama tilama tama augwa homu aga digi te augwa bomai po tiwai elalubo dao.

¹⁵ Augwa tama kolesaga ebode, te bomai pogo page te Godigo augwaligo homude aşani te hania mu pedalai. Tama te homude elalubo bomai pogo augwaligo ebo kolesaga osola subo dao. Tama me sogo augwa homugo augwa yali seđe po tu iliyu ebo, tama me sogo augwaligo yali kolesagade te augwa homugo te kolesaga usu da homu ebo dao. ¹⁶ Eno te Godigo wiegi yai gesi po te we bidibolo pusubo si eno e po me pusubo dao. Odao, te Godigo te aga bomai po mani bage me, te bomai po sisawani bage me augwali tigidali dali Godigo te po tu nosali yaibao. Tama tiyu agai te po tu dodolobo se te Kraisi Jisasgo nogoba muyu, tama te bidi dabego geme ebo kolesaga osola suyu yaibao.

Juda dabe augwaligo te gasa bidi dabebolo ola mani po te augwa digi augwa me te po wali pabe

¹⁷ Dage Rom dabe tomode te bidi dabe meba te Juda dabe da. Te dage Juda dabe delibolo eno po obao. Nage da, nago nogi Juda elaluyu tama nago homu te bomai poba tialuyu, tama Godigo nagebolo te bomai po mobaso, tebogo nage te po tuđe tau saibao, te homu ebo dao. Naga digi naga nogi ugwaba siyu tama nago te po wabo dao, "Ena Godigo bidi dao," te wabo dao, ¹⁸ "Te Godigo homu kolesaga eno koneai, agai enabolo 'Te kolesaga yao' po eno odali," nago te po weyu tama naga digi naga nogi ugwaba sabo dao. Augwaligo nage te bomai pode usu da olama, tama nago te doloba pai kolesaga koneyu godolo ebo dao. ¹⁹⁻²⁰ Nago e tiwai homu ebo dao: "Te bomai pode eno te kolesaga page badi te mu po me sali da," te homu eyu, tama "Eno te gedu widai bidi dabe augwali te eno tu me ola mabo usu dao. Ena te hulide bidibo bidi dabe augwali-

go ula tiwai bidibao. Ena te kolesaga meni yai bidi dabe augwali po ola mabo bidi. Ena te bugagia kone-siawai dwasianu wai puluba tiwai bidibo bage po ola mabo tisa bidi da" wai. ²¹ Odao. Nago te gasa bidi dabe ola mobaso da, teda magi baso nago naga digi naga ma ola mabo meniwe? Nago po pusuyu te bidigo nai wi me sigio po wali, tiali goli naga digi nago magi baso nai wi sabo dawo? ²² Nago te po wali, "We bidigo te dwai penani ebo kolesaga me igimio" wali, tiali goli naga digi te penani se ebo kolesaga magi baso ebo dawo? Gasa we bidi augwaligo te tibo god dabebolo lotu po weyu tama augwalibolo masigi me haniani dwagi yai nai me mabo dao. Nago te seđe te po wabo dao, "Eno te tibo godibolo lotu wabo kolesaga mu hagelabo." Tiali goli magi baso nago te tibo godigo lotu beba pelama, te mani nai wi sabo dawo? ²³ Nago te naga nogi ugwaba siyu, tama nago te po wai, "Eno Godigo bomai po boloyu yali, tama te kolesagago nago te Godigo nogi dolai dao. ²⁴ Te nago te kolesaga dolali, tede te bukude te tama tiwai po elalubao, "Te Juda hani isawai bagego dwai posobo po weyu te po wabo dao, 'Te Juda dabego God aga bomu meni yai bidi mu dao,' augwaligo te posobo po Godigo nogide wabo dao," te po te bukude aşani elalubao. †

Te dwasianu tigiwali togwa sabo kolesaga ebo po

²⁵ Te Godigo nogi dolobo seđe eno po me elalubao. Odiyo. God agai dagede sa muyu, tama dagego aga daji ilimainogo duga tigiwali togolama, tama dagego te bomai po tigidali bugagia wali pobaso da, teda te tigiwali togobo se ebogo aga du mu walaibao. Tiali goli dagego te bomai po bolali da, teda augwaligo dage tigiwali togwali digi, dage te tigiwali togosiawai bidi dabe tiwai pedalai dao. Te tigiwali togobo se ebogo dage tau sogobeo. ²⁶ Me ma, te tigiwali togosiawani Juda hani isawai bidi dabe augwaligo te Godigo bomai pogo kolesaga tigidali bugagia wali pobaso da, teda te bidi dabego nogi te tigiwali togwali Juda dabego nogi tiwai mu elaluaibao. ²⁷ Mu tama, dage Juda dabe dagego te bomai po elalubao, tama augwaligo dage tigiwali togwai. Tiali goli dagego te bomai po boloyu yai. Tama te Juda hani isawai bage augwali ola bidibao, augwa tigiwali togosiawani bidi dabe bidibo dao. Tiali goli augwaligo te Godigo bomai po wali mu pai yaibaso da, teda augwaligo ebo kolesagago dagego kolesaga aiyaba elaluyu tama po dagebolo naga waibao. ²⁸ Magi baso meni. Te bidi aga tigi daide naga te Juda bidi bidibo bage, te tobage bidi aga te Juda bidi mu menio. Tama te tigiwali togobo se ebogo te tigiwali togwali bidi te Godigo gedude te doloba pai bidi nigigobeo, te usu egobeo. Te menio. ²⁹ Te mu Juda bidi mu bidibo bidi, aga agai homu kolesagade te God wali pabo bidi bidibo dao. E tiwai dao, aga homude te dwai kolesaga togwa sawai bidi, te tobage bidi te Juda bidi mu dao. Tama Godigo Moba Bidigo aga dali te se ebo dao, te bomai po wali pabo kolesagago te tobage

† 2:24 Ais 52:5

sę ebo usu menio. Tama te dwai kolesaga togwa sąwai bidi, aga te e tõe bidi gedude nogi ugwaba sabo bidi tiwai bidigobeo. Menio. Agai nogi te Godigo ugwaba saibao.

Bidigo dwai kolesaga ebogo te Godigo po aiyaba me elalugobeo

3 Te tigiwali togobo sęde te tamadi wali po eno waligo da, te sęde dago ma kone palao. Te Juda dabe augwaligo te kolesaga wali peyu, tama augwaligo te Juda hani isąwai bidi dabe augwali mena tama aiyaba elaluaibawe? Te tigiwali togobo kolesaga ebogo augwali tau saibawe? ² Tegoba! Te wiegi yai haniani sęde te Juda dabe augwaligo te gasa hani bage aiyaba elalubo dao. Te hasia nai e dao: Godigo agai wiegi yai po te Juda dabe augwaligo bugagia tonalumainogo mawai dao. ³ Mu dao, augwali mebago te pode te po mu po dao homu me isiąyu tama augwa homu tigidali te poba mubo meni. Tiali goli magigo menio. Ma augwaligo Godigo pode te tobage homu ebogo te Godigo digi te agai te Juda dabego wąj mubolo mani daų wali po tagalomainogo ilaibawe? ⁴ Mu menio. Tigidali we bidi augwaligo tibo po wabo bage bidibogo da, God agaduba deligo mu po sesemane sogo wabo dao. Polobadu te genuai bidi Devit agai dwai sę elama tama Godigo agade po tų dolo mu elama tama Devitgo te sogo aşani pogo te eno megi tama wali po tau sabo dao. Agai te we bidigo dwai sę ebogo Godigo po tų dolo mu naga ebo kolesaga hania waselebo po te bukude aşeyu tama e po aşani,

“Nago po wabo si, tigidali sogo te we bidi augwaligo koneaibao, nago po te dolo po naga dao. Tama augwaligo nage po tų ila mobaso da, teda nago po tų ebogo augwali aiyaba mu elaluaibao,” te po aşani. †

⁵ Te bidi dabe mebago e tõe bidigo homu kolesaga wali peyu augwaligo e po obao, “Magi yaliwe? Te dago dwai kolesaga ebogo te Godigo doloba pai kolesaga hanilibaso da, teda Godigo te dago yali dwai sęde dene wei ponobo, tama agai te tama tebo kolesaga te dolo ebo menio.” ⁶ Woo, mu menio. Te God dolo me egi menigi sogo da, teda mena tama agai te tigidali tõe bidibo we bidigo kolesaga dagaligi dawew?

⁷ Tama gasa bidigo e po enabolo wei ponaibao, “Te eno te God dali kęą pisąwai kolesaga ebogo te Godigo aga we bidi dali kęą pabo kolesaga mu hanilama, te tama tialigo te aga genuai nogi mu pedalobaso da, teda magi baso agai enabolo te dwai sę ebo bidi nogi polali tama enabolo te dwai sę yali wei ponaibawe?”

⁸ Tama we bidi augwaligo te po tama weyu e po me wabo dao, “Ao, Godigo te dwagi yai kolesaga pedalumainogo te dago dwai sę inao. Te bidi Pol agai te tiwai po naga wabo dao,” augwaligo enade nogi posobo po weyu te po wabo dao. Nosali te bidi dabe augwalibolo te Godigo dwai dene wei ponoyu, te agai dolo mu naga wei ponaibao.

Te doloba pai kolesaga ebo bidi deli me bidibeo

⁹ Te Godigo te Juda dabe dali yali kolesagade dago magi homu egowe? Te ena me, te dage Rom we bidi meba me, te da te Juda hani bage dao. Te dago te Juda hani isąwai we bidi dabe augwali aiyaba elalubo dawew? Te me tegobeo. Mu menio. Eno tamadi te po walio, te dwai kolesaga sęęęo da tigidali badi, te Juda me te Juda hani isąwai bage dali te sęęęo mesegelai dao.

¹⁰ Te Godigo po bukude te tiwai po wali e elalubao:

“Te doloba pai bidi deli me bidibeo. Mu menio. Te bidi me deligo wiegi yai kolesaga me konebeo.

¹¹ Te bidi me deligo God gegebo sę me ebo menio. ¹² Tigidaligo te tų wali pabo tagalali. Augwali tigidali bidi dali te Godigo gedude te olo bidi naga mu pedalai. Te wiegi yai kolesaga ebo bidi mu menio. Awe, me deli me elalubeo. ††

¹³ Te ma dala muai gų pagede polobadu pubulali tigi dwai dwai kugumini ebo tiwai, te bidi dabe augwaligo pedauwaligo wabo po te dwai mu dao. Augwaligo tibo po hauwa wabo dao. Augwaligo te bidi doloba haniani po hauwa weyu, te dwai hasamanigo te bidi ela mubo tiwai ebo dao. ¹⁴ Sese-manane sogo augwaligo dwai dwai i ola mabo po odu geyu, te bidibolo sęęę mayu tebo dao. ††

¹⁵ Augwaligo asesu polo gasa bidi dali boi bidi homu elama tama ela mubo dao. ¹⁶ Augwaligo augwa dwai sę ebo kolesaga wali peyu, tama te bidi dabe hauwabolo te dene me sęęę me te si naga mabo dao. ¹⁷ Augwaligo te gasa bidi dabe dali deli homu elama me bidibeo. ††¹⁸ Augwaligo te God dali wi dwasianu me ebo menio,” te po te bukude polobadu aşani. †††

¹⁹ Tama dago koneani, te tigidali bomai pogo ebo sę agai te da te bomai po dologode bidibo Juda bidi dabe dali te sę ebo dao. Godigo bomai pogo te da Juda bagebolo me te dena yali dwai sę ola mabo dao. Tama tialigo da, bidi me deli agai “Te ena doloba pai bidi dao,” te po wabo usu egobeo. Te Godigo bomai po te pogo sę si elalubao. Te bomai pogo dago ebo dwai sę dabolo ola mabo dao, tama dago wei ponobo po menio. Tama me, da tigidali bidi te da tigidali gasa haniani tõe bidibo we bidi dago te Godigo gedude dwai sę yali elaluai, te Godigo da tigidali dali po tų yaibao. Dago te me konemainogo, te bomai po elalubo dao. ²⁰ Magi baso meni, te bomai po wali pabo kolesagade te bidi deli agade Godigo ‘Aga doloba pai bidi dao’ po me wagobeo. Te bomai pogo dena dwai sę ebo kolesaga denabolo hania mu ola mayu ebo dao, te tama sę naga te bomai pogo ebo dao.

† 3:4 Tib 51:4

†† 3:12 Tib 14:1-3; 53:1-3 † 3:13 Tib 5:9; 140:3 †† 3:14 Tib 10:7 ††† 3:17 Ais 59:7-8 ††† 3:18 Tib 36:1

Bidigo konealubo po Kraizde daŋ wali bidigo doloba pai nogi elaluaibao

²¹ Te bomai po wali pabo kolesagade te bidi me deli aga Godigo gedude te doloba pai bidi munu me pedalogobeo. Tiali goli megı da te Godigo te bidi doloba pai bidi ilibo kolesaga hania pedalali. Te bomai po wali pabo tıdu me pedalobeo. Menio. Te gasa tıdu pedalai. Tama te bomai po aşani po me, te Godigo po polobadu pusali ş bidi profet dabego pusali po me, te po sigo Godigo te bidi doloba pai bidi ilibo kolesagade nosali yabo ş po wai dao. ²² Te bidi doloba pai bidi ilibo kolesaga e dao: te bidigo konealubo po Jisas Kraizde daŋ wali bidi, aga Godigo doloba pai nogi poaibao. Tama tıgdali haniani we bidigo konealubo po daŋ obaso da, Godigo augwali doloba pai we bidi nogi waibao. Magı baso meni, te Juda hani bidi doloba pai bidi ilibo kolesaga, te Juda hani isıwai bidi doloba pai bidi ilibo kolesaga tedali tedali meni. ²³ Magı baso meni. Da tıgdali bidi dago dwai ş yai dao, tama da tıgdali te Godigo wiegi yai usu niba kadu wabo usu menio. ²⁴ Tiali goli Godigo da olo mu tau siyu mabo kolesaga yalio. Tama Kraıs Jisasgo yali şgo da ma abelama, tama Godigo da doloba pai we bidi nogi poai. Dago te me abelebeo. Godigo olo mu dabolo te Kraıs Jisasgo yali şede te doloba pai we bidi nogi poai. ²⁵⁻²⁶ Polobadu Godigo Jisas sa muyu, te aga isıma tama agai ni pedaıde te dulubo kanemego te agade konealubo po daŋ wali bidi dabego dwai ş yali te sela şıwaıbaı wai. Te kolesagago Godigo te agai ebo doloba pai kolesaga dabolo ola mani. Polobadu Godigo te we bidi augwali dali dua nagame eyu tama augwalıgo dwai ş sualı goli, agai aga nosali yabo şede homugo kone pelama agai te dwai ş wei ponebeo. Tiali goli megı e sogode agai te dwai ş ebo sula tagalobo menio. Aga ogwa ısalıde agai te dwai ş wei ponobo doloba pai kolesaga dabolo hania ola mawai dao. Tama tibaso dago koneani, God digı tıgdali doloba pai mu bidıbaı. Tama dago e me koneani, te tıgdali we bidigo konealubo po Jıasde daŋ obaso da, agai augwali doloba pai we bidi nogi nogi yaıbaı.

²⁷ Tama tibaso, dena digı dena nogi ugwaba sabo tı mena tama elalubawe? Te meni dao. Te tı palia salio. Magı naıgo te tı palıalıwe? Te Godigo augwali doloba pai we bidi nogi nogi yai hagede augwalıgo te bomai po wali pabo kolesagago augwali doloba pai bage ilibo meni. Te menio. Te Kraısde te konealubo po daŋ wabo kolesagago naga te we bidi doloba pai we bidi ilibo dao. Tama tibaso, dena nogi ugwaba sabo tı meni dao. ²⁸ Tama koneyu, dago e tiwai po wabo dao: bidigo konealubo po daŋ naga obaso tama Godigo aga doloba pai bidi nogi yaıbaı. Te bomai po wali pabo bidi da, agai te bomai po tıgdali dolo mu wali pabo usu meni baso, te Godigo aga doloba pai bidi nogi me wagobeo. ²⁹ Nago te po mu meni homu eyu, nago e po wabo dawı, "Te God aga te Juda dabe augwalıgo God naga dao. Aga da, te Juda hani aş isıwai te gasa hani dabe augwalıgo God meni," nago te homu ebo dawı? Te po

mu po menio. Aga da te gasa hani augwalıgo God me dao, agai augwali me ma dobola selama dwagi yai madıba mubo dao. ³⁰ God aga deli naga dao. Tama tıalıgo da, te tıgiwali togolama Kraısde konealubo po daŋ wabo Juda bidi, te Godigo aga doloba pai bidi nogi yaıbaı. Tama tıgiwali togosıma Kraısde konealubo po daŋ wali bidi, te Godigo te bidi aga me te doloba pai nogi nogi yaıbaı. ¹³¹ Dago e po wabo dao: we bidi augwalıgo Kraısde konealubo po daŋ obaso, te Godigo augwali aga gedude doloba pai we bidi ilıbaı. Tama te po wabogo dago te bomai po dolobo dawı? Mu menio. Dago te bomai po page hania haninama tama te page da bugagia wali pabo dao.

Godigo Abraham doloba pai bidi nogi poai

4 Awe, te Abrahamde me te tiwai pedalali. Abraham aga te da tiwai bidi, tama aga da Juda dabego wıj mu dao. Tama dago agade homu kone paluyu, tama Godigo bidi doloba pai bidi ilibo kolesaga page dago bugagia koneagameo. Agade magı ş pedalalıwe? ² Te mu tama Abrahamgo te dwagi yai kolesaga ebaso tama tede aga te doloba pai bidi pedalıgi sogo da, teda aga digı aga nogi ugwaba sainogo tıgi dao. Tiali goli God gedude aga digı aga nogi ugwaba sigı meni. ³ Tama te şede te Godigo po bukude e tiwai po wai dao, "Te Abrahamgo Godigo wali pode te mu po dao aga homu tomode weyu, tama Godigo po homude daŋ wali. Tama tibaso, Godigo 'Te Abraham te doloba pai bidi dao' wali," te bukude te po elalubao. ^{††4} Dago koneani, bidigo ş elama sabo mone, te mone dago te olo sabo dao te nogi nogi egobeo. Menio. Te ş ebo wei naga ponobo nai dao. ⁵ Tiali goli te Godigo te bidi dabe doloba pai bidi ilibo kolesaga te tiwai menio. Te menio. Bidi me delıgo homu eyu 'Eno te Godıde konealubo po daŋ obaso, agai ena te doloba pai bidi nogi poaıbaı. Eno ena ebo şede te nogi sogobeo.' Te homu ebo bidi agai homugo te God da te dwai ş yali we bidi te doloba pai bage ilibo God dao. Tama te homu ebo bidigo homugo konealubo po Godıba daŋ obaso, teda Godigo gedude te tiwai konealubo po daŋ wali bidi te doloba pai bidi dao. Tama Godigo agabolo te nogi olo mawai, te bidigo aga yali şgo abelebeo. ⁶ Tama te polobadu bıdaı bidi nogi Devı agai te tobage bomai po wali ısıwani doloba pai bidi nogi saı bıdıde homu kone paluyu, tama Devıgo te bidi aga wiegi yai homu pemene ebo koneai dao. ⁷ Tama te koneama, tama tede Devıgo te po aşani,

"Te Godigo bidi dabego te bomai po bolalı dwai kolesaga sela şanıma, tama augwalıgo dwai ş yali kolesaga mesegelalı, te bidi dabe augwali wiegi yai homu pemene mu ebo dao."

⁸ "Te Genuai Bidigo bidi me delıgo dwai ş yali te homu me konesiıbaso da, te bidi aga wiegi yai homu pemene mu ebo dao." ‡

⁹ Tama te tıgiwali togwali Juda bidi dabe augwali naga augwali te tiwai wiegi yai homu pemene emainogo

† 3:30 Bom 6:4; Gal 3:20 †† 4:3 Gag 15:6; Gal 3:6 ‡ 4:8 Tib 32:1-2

yaibawe? Ma te tigiwali togosişwai bidi dabe, te Juda hani isşwai bage, augwali me te wiegi yai homu pemene egowe? Woo, te tigiwali togosişwai bidi dabe augwali me te wiegi yai homu pemene yaibao. Magi baso meni. Dago te po tama wabo dao:

“Abrahamgo homugo te Godigo agabolo nai maiabo daş walali po te mu po dao. Tama tiyu, Abrahamgo te agade konealubo po daş wali kolesaga te Godigo sulama, tama Godigo homugo ‘Te Abraham te doloba pai bidi dao,’ te po wali.”

¹⁰ Tialima, Abraham te mena tama bidibadi tama Godigo aga doloba pai bidi da homu yaliwe? Ma aga tigiwali togwai elalubadi, ma aga tigiwali togosişbadi dawe? Te aga tigiwali togosişbadi tama Godigo homugo aga te doloba pai bidi da te homu elama, tama aga doloba pai bidi nogi wai dao. ¹¹ Aga te tigiwali togosişbadi, tama agai Godide konealubo po daş obaso, tama Godigo aga doloba pai bidi nogi wai. Tama nosali te sa muyu, te tigiwali togobo kolesaga mayu tebogo Godigo hania hanilali, te agai Abraham te doloba pai bidi nogi polali dao. Abraham agai hasia tama tilama, tama nosali gasa bidi dabe augwa tigiwali togosişbadi goli, te Godigo augwalibolo te doloba pai bidi nogi omainogo eyu, tama augwaligo Godide te konealubo po daş wai. Tama Abraham aga te kolesagade polasa pai bidi dao, tama augwali nosali wali asai. Tama tibaso aga da augwaligo hasia wai monu bidai. ¹² Tama aga te tigiwali togosişwani bagego wai naga ebeo. Menio. Aga da te da Juda dabego wai mu me dao, te da te dena tigiwali togolama tama Abrahamgo saşadu wali pabo Juda bage, dago te konealubo po daş wali. Tama tiyu te aga tigiwali togosişbadi te sogo agai tama tiwai kolesaga dago yai dao.

Godigo daş wali po te tigidali konealubo po daş wabo bidibolo wali po dao

¹³ Polobadu Godigo po Abraham dali me te aga bulai wai dali po daş wali elaluai, te agai te tigidali bulude bidibo we bidigo tş tigidali augwalibolo mawaibao po wai. Tiali goli Abrahamgo te bomai po wali pobaso Godigo te po agabolo daş me wabeo. Menio. Abrahamgo Godide konealubo po daş obaso tama Godigo aga doloba pai bidi nogi nogi yali, tama tibaso Godigo aga dali te tş maiabo po daş wai dao. ¹⁴ Te e tiwai dao: te bidi augwaligo te bomai po wali pobaso, augwaligo tede naga te tigidali nai sabo tigi sogo da, teda te konealubo po daş wabo kolesaga te olo nai tiwai elalugi da, tama te Godigo daş wali po me te bomu menigi dao. Magi baso meni. We bidigo te bomai po tigidali bugagia wali pabo usu meni baso, tama seşş sai we bidi bidibo dao. ¹⁵ Bomai po elalubaso da, teda dago koneani, te bomai po bolobo bidi aga Godigo nógode dene sabo tş te me elalubao. Tama te bomai po menigi sogo da, teda dago te bidigo bomai po bolobo te po me wagi menigi dao.

¹⁶ Tama tibaso, Godigo e homu ebo dago hania koneagameo, Godigo agai te nai maiabo daş wali po

mu po pedalomainogo eyu, te we bidi augwaligo te sa muani nai sabo homu eyu da, te augwaligo konealubo po agade daş obaso da, augwaligo te nai saibao. Tama tiyu, tama te Godigo agai olo tau sabo kolesaga te polobadu daş wali po mu po pedalobo dao. Tama elama, tama Godigo nai maiabo daş wali po te bomu elalubao, te tigidali Abrahamgo bulai wai dabe nosali pedalabo bage augwalide te po bomu elalubao, tulalugobeo. Te bomai po elalubo Godide konealubo po daş wabo Juda we bidi augwaligo naga te nai me sogobeo. Menio. Te bomai po elalusişbo Juda hani isşwai bage me, augwaligo Abraham tiwai eyu tama Godigo daş wali poba homu begi pobaso da, teda augwaligo me te Godigo maiabo nai mu saibao. Abraham aga da, te Godide konealubo po daş wali we bidi da tigidaligo hasia wai monu mu dao. ¹⁷ Tama tede te Godigo po bukude e tiwai po wai dao: “Eno nage te geninama pedalabo bidi hani hauwago wai mubao” wai. Te daş wali po Godigo obaso, Godigo gedude te po te bomu elalubao. Abraham te dago aya dao. Tama Abrahamgo konealubo po te daş wali po wali peyu Godiba homu daş wai. Te Godigo naga te isali bidi dabebolo te bidibo ula mayu, tama te pedalisaişwani nai dabe me i weyu, te augwali pedelainu ebo dao. Tama tibaso Abrahamgo e homu mu yali, te Godigo aga yaibao po wali seş te mu yaibao. †

¹⁸ Abrahamgo Godigo te seşş yaibao po wabo tş te agai me susaişbadi, tiali goli agai konealubo po mu daş weyu, te tş suai bidigo ebo tiwai yalio. Tama aga te bidi hani hauwago wai monu bidi pedelali, te Godigo wali po tiwai yalio, “Te nago bulai wai hani dabe e tiwai geninama tama pedalaibao,” te po wai dao. ¹⁹ Te Abrahamgo kibu be te bidi sese a naga te 100 kibu be paşde elalubadi, tama aga tigi te monu dabe tiwai elalualio. Tama aga we Sarago tigi me te mosi dabe tiwai yalio, augwali sigo wai ame nabo usubeo. Abrahamgo tede te homu yali, tiali goli agai Godigo wali pode konealubo po daş wali te bomu kimi me isibeo. Te agai konealubo po daş mu wai dao. ²⁰ Godigo po weyu, te nai nosali pedalaibao po wali, tama Abrahamgo tede homu elama, tama homu si eyu, tama agai te konealubo po tagalabo te homu me ebeo. Menio. Agai homu te Godigo poba begi pai, tama tebogo aga bomu ilali. Agai tama tiyu, te Godigo nogi ugwaba selama, ²¹ tama kuna koneanio, God agai te seşş yabo usu yaibao, te agai polobadu wali po tiwai wali pelama te seşş mu yaibao. ²² Tama Godigo homugo ‘Te Abrahamgo enade te konealubo po daş obaso, te aga doloba pai bidi dao.’ ²³ Te po te Godigo po bukude elalubao, “Godigo homugo aga te doloba pai bidi da te homu yali,” agai te Abraham dali naga te po me wabeo. ²⁴ Menio. Agai te po dabolo me walio. Te Godigo dago Genuai Bidi Jisas te guşş pagede ma hodolali. Tama te seşş dago konealubo po daş obaso da, teda Godigo homugo da te doloba pai we bidi dao, te homu agai da dali me yaibao. ²⁵ Godigo Jisas e tşba tagala palali te aga isşma dago dwai seşş yali seşşş sela şşmainogo yai.

† 4:11 Gag 17:10 †† 4:13 Gag 17:4-6; 22:17-18; Gal 3:29

‡ 4:17 Gag 17:5 †† 4:18 Gag 15:5 †† 4:19 Gag 17:17

Tama tiyu me, Godigo aga te gų pagede ma hodolaligo te agai da doloba pai we bidi nogi emainogo tiai dao.

Da te Krais dali isilama, tama da aga bidibo ulade bidibao

(Daj 5-8)

Godigo da doloba pai we bidi nogi poali po wai

5 Te dago konealubo po Godide daų waibaso tama Godigo da doloba pai we bidi nogi polaligo da, te da dago Genuai Bidi Jisas Kraisgo da God dali deli homu ilama pedalalio. ² Aga me agaduba deligo da megi te bidibo te wiegi yai olo tau mabo kolesaga tomoba pomainogo tų dalalio. Dago agade konealubo po daų weyu, tama agai te tų tama dalama, tama Godigo dabolo aga genuai nogi tiwai genuai nogi me maiabo sogo asobo dago tonalubao. Tama te asobo sogo tonalubadi dago wiegi yai homu pemene ebo dao. ³ Tama dago tede naga wiegi yai homu pemene me egobeo. Menio. Te seųę dali, dene dali daba pedalbode me te dago wiegi yai homu pemene ebo dao. Dago koneani, dago te seųę toloyu tama tebogo da homu bomu ilibo dao, tama dago te seųę bugagia tolaluyu bidibo dao. ⁴ Tama dago te seųę tolabo bomu te tiwai dali me bidibaso da, teda da te usu kolesagade dolalubo usu yaibao. Tama da dolalubo si da, teda Godigo da dali dwagi yai homu ebo dao. Tama agai da dali dwagi yai homu ebaso da, teda Godigo nosali da selama tama dabolo aga genuai nogi tiwai genuai nogi me maiabo sogo asobo te dago wiegi yai homu eyu tonaluyu bidibo dao. ⁵ Tama tiyu, tama te dago aga bugagia tonalubo kolesaga te tulalugobeo, te kolesaga ebogo da guni bula sabo bidi tiwai pedalgobeo. Magi baso meni. Godigo aga Tedali Mobo Bidi dabolo mani, tama agai te Godigo da dali wiegi yai homu eyu tama godolo mu ebo kolesaga te da homude gisiga ola mawai dao, te kolesaga dwasianu menio.

⁶ Awe, polobadu da bomu meni yai elalubadi, te da te Godigo gedude doloba pai we bidi bidabo usu yai menio, te sogo naga Krais isilama, agai te da dwai seų yali we bidi ma dobola sai dao. ⁷ Edao. Te doloba pai bidi tau siyu te bidi hauwa te isabo homu me egobeo. Tialima deli deli bidigo da, te aga homu bomu ilama tama te dwagi yai bidi me delide dwagi yai homu eyu tau siyu isabo homu elama tama isaibao. ⁸ Tiali goli, Godigo kolesaga e tiwai dao. Da dwai seų ebo we bidi naga bidai digi, Kraisgo da tau somainogo homu eyu aga isali. Te kolesagade Godigo da ola mani, te God aga digi agai da dali dwagi yai homu eyu godolo mu ebo dao. ⁹ Tama tialigo da, megi dago mu koneani, te agai da me mu dobola sesa pidubadi geyu, tama dago te dwai seų ebode aga seųę tagalama tama dago dene me sogobeo. Krais agai kaneme gelama tama da penama, tama megi Godigo da doloba pai we bidi nogi

obao. ¹⁰ Polobadu dago God dali boi bidi homu elama bidibadi, tama te sogo Godigo Ogwa isai. Tama te isaligo agai te dago boi bidi yali kolesaga silama, tama da God dali deli homu ilama pedalali. Tama agai tama tialigo da, teda dago mu kuna koneani, te dago dene sidali weyu, te Ogwago bidibogo te Godigo da ma dobola sainogo tiaibao. ¹¹ Tama tede naga me egobeo. Menio. Dago Genuai Bidi Jisas Krais agai da te God dali deli homu pedalumainogo ilali, tama agai te yali seųe te megi dago Godibolo wiegi yai homu pemene ebo dao.

Adamgo isabo seų nigilai, tiali goli Kraisgo bidabo ula nigilali

¹² Edao. Eno aşani po page e tiwai dao. Bidi deligo dwai seų hasia polobadu yali, tama te kolesagade te dwai seų ebo kolesaga e tųba pedalalio. Tama te dwai seųo te isibo seų sela asai. Tama te isibo seų tigidali we bidibolo mena mena pali. Magi baso meni, tigidali we bidigo dwai seų yai dao. ¹³ Te Godigo bomai po me pedalisiabadi, tiali goli te sogo te dwai seų ebo kolesaga e tųde elalui. Tialima, te bomai po te sogo meni baso, Godigo te dwai seų yali we bidi dali te 'Augwali da te negeli elalubo bage dao,' te homu yai menio. ¹⁴ Tiali goli te isibo seų te Adam bidali sogo daų elama asiyu, te Moses bidali te sogoba usu nagasai, tama te sogo tigidali te dwai seųo dolobo kolesagago tigidali bidi aiyaba elalualio. Te bidi mebago te Adamgo te Godigo agabolo dolo wali bomai po bolali tiwai me isaşani, tiali goli isibo seųo te augwali me aiyaba elalui.

Te Adam dali Krais sigo yali kolesagago te we bidi umabode du walali. Tama tibaso, te Adam da te piksa noma tiwai te nosali pedalabo bidi me deligo piksa noma te hasia pedalai dao. ¹⁵ Tiali goli Adamgo dwai seų yali dali te Godigo olo tau siyu mabo wiegi yai kolesaga dali, te tiwai si me ebeo. Mu menio. Te bidi deligo dwai seųe te bidi hauwa isai. Awe, te mu po dao. Tiali goli Godigo te olo mabo wiegi yai kolesaga dabolo eyu, tama te olo tau siyu mabo wiegi yai kolesaga yali te bidi Jisas Krais delide dago te olo mabo nai sai. Tama te olo tau siyu mabo wiegi yai seų me, te olo mabo wiegi yai nai dali sigo te bidi deli Adamgo yali seųe walali du aiyaba mu elaluama, tama we bidi umabobolo te seų pedaludu gebo dao. ¹⁶ Te Godigo olo mabo nai dali te bidi deligo dwai seų yali dali te tiwai si me ebeo. Mu menio. Te bidigo dwai kolesaga yaligo du walama tama Godigo te po wali, "Agai dwai seų yali, aga dali aga bulai wai dali augwali mu dolomainao" wai. Tiali goli bidi hauwago dwai seų ebo goli, tama megi Godigo augwalibolo te olo tau mabo wiegi yai kolesaga eyu tama augwali doloba pai we bidi nogi obo. Te Godigo olo mabo naigo te tiwai aiyaba elalubo dao. ¹⁷ Te bidi deligo te po sela saşanigo, tama te bidi deligo yali dwai seųo te isabo kolesaga te tuni bidi tiwai bidibo ilali, tama tigidali bidi aiyaba elalui. Te mu po dao. Tiali goli Godigo olo tau mani wiegi yai kolesaga badi te olo tau siyu mabo naigo me, agai da doloba

pai we bidi nogi polali, tego te isibo kolesaga aiyaba elaluama tama genuai mu ilalio. Tama dago mu koneani, tigidali bidigo te doloba pai bidi ilibo olo mabo sę siyu da, teda augwali bidibo ula dali bidiyu, te Jisas Kraisgo sęde tama aga dali tuni bidi dabe bidaibao.

¹⁸ Tama tibaso, dago homugo te pode bugagia koneao. Bidi deligo te Godigo po bolaligo, tama te dwai sę yaligo te da tigidali bidi da sęęę sai bidi ilai digi dao. Tama tiali goli, gasa bidi deligo doloba pai kolesaga yaligo te da tigidali bidigo elaluali sęęę sela şawai, tama da te wiegi yai bidibo ulade megi bidibo dao. ¹⁹ Tama te bidi deligo po sela şawainogo, tama agai te kolesagade te bidi hauwa te dwai sę ebo bidi ilalio. Tama te tiwai naga me, te gasa bidi me deligo te Godigo po wali paligo, tama agai te tiali kolesagade te bidi hauwa te doloba pai bidi te Godigo gedude pedalaibao.

²⁰ Te we bidi tigidali augwaligo augwa ebo dwai sę te Godigo gedude genuai mu dao konemainogo eyu, tama Godigo te bomai po dabe Mosesbolo ola mawai. Tama mayu, tama augwaligo te bomai po me bolodu mu geanio. Te bidi dabe augwaligo dwai sę umabo mu iduali, tiali goli Godigo te olo tau sabo wiegi yai kolesaga te augwalibolo me mu idu gebo dao. ²¹ Tama tiyu te olo tau sabo wiegi yai kolesagago te dwai sę aiyaba mu elalubo dao. Magi baso meni, te dwai sęgo te isibo kolesaga nigilama, tama te isibo kolesagago da tigidali aiyaba elaluyu bidai. Tiali goli te tiwai me megi Godigo te olo tau mabo wiegi yai kolesaga te ugwadu daide bidibao. Te kolesagago da megi tonalubo dao. Godigo te olo tau mabo wiegi yai kolesaga elama tama da doloba pai we bidi nogi obaso, dago te sesemane sogo bidada peyu, bidada pabo ula elalubao. Dago te ula dago Genuai Bidi Jisas Kraisgo sęde sai dao.

Da te Kraisi dali isali

6 Te dago te Godigo bomai po dabe bugagia wali pesiřbadi goli, agai da olo mu tau siyu, agai da ma dobola sali. Te agai da dali te wiegi yai sę ebaso, dago magi po waibawe? Bidi mego e tiwai po weyu, "Te Godigo olo tau mabo wiegi yai kolesaga dabolo me hauwa geninama idumainogo eyu, dago dwai sę hauwa idu geinao," te po weyu da, te po usu dawę, ma meniwe? ² Mu menio. Magi baso meni. Da te dwai kolesaga ebode te isai bidi tiwai mu elama tama dago te dwai kolesaga ebo tagalalio, te dago isiabo kolesaga mu dao. Tama tibaso, dago te dwai sę hauwa yabo homu mu egobeo. ³ Da te Kraisi dali tiasiyu tama baptais sali, te kolesagade da tigidali te aga isalide me tiasiyu tama baptais salio. Te sęde dagego homugo me konebewe? ⁴ Te baptais saligo da te Kraisi isalide da tede dali keř selama, tama Godigo da te Kraisi dali gų pagede pubulai tiwai yali dao. Tama Aya-go genuai bomogo agai te Kraisi gų pagede ma hodolali. Tama te tiwai me da me te gesi noma bidibo ula selama bidimainogo eyu, da te baptais salio.

⁵ E tiwai eyu dago te gesi noma bidibo ula sabo dao: da aga dali keř pelama tama da te aga isali tiwai isai. Tama tialigo da, da te aga dali keř pelama tama hodoloyu, me te aga hodoluali tiwai gilama te dago isali noma dabe ma hodoluama te gesi noma bidibo ula sabo dao. ⁶ Tama dago koneani, te dago poloba homu kolesaga te ni pedaide Kraisi dali isama tama te dwai sęgo da tigde sę yali bomo te silimainogo yalio, te da te dwai sę ebo kolesaga dologode me bidamu dao. ⁷ Magi baso meni, te isali bidide te dwai sę ebo kolesaga me daganalugobeo. ⁸ Awe, da Kraisi dali isali tiwai gilama yaligo da, teda dago konealubo po dař mu weyu e homu ebo dao, te da aga dali hodobo te gesi noma bidibo ulade me da bidaibao. ⁹ Magi baso meni. Dago koneani, Godigo Kraisi te gų pagede ma hodolali, tama aga munu me isigobeo. Te isibo bomogo te aga aiyaba me elalugobeo, te usu menio. ¹⁰ Awe, te aga deli sogo naga isali, munu me ma isigobeo. Tama te isaligo agai te dwai sę ebo bomu aiyaba elaluai. Tiali goli megi aga bidibo ulade ma bidibao, tama te bidibode agai Godigo nogi ugwaba somainogo eyu bidibo dao. ¹¹ Tama tibaso, duga me duga digi isama tama dwai sęgo bomu dologode ma bidibeo. Menio. Dage te Kraisi dali keř selama, tama dage bidibo ulade God dali bidibao. Dagego duga digi dali te homu yao. Tama te homugo ebo te usu ni tiwai dao, tama dagego ebo kolesaga te usu niba kadu wao.

¹² Te tama tiyu, dwai sęgo dage isabo tigi tonalumainogo gogolamuo. Tiyu te dwai sęgo dage kegeyu tama tigigo dwai kolesaga wali pabo homu yabuo. ¹³ Tama dagego duga nogo şař te dwai sę ebo madi menama, te dwai kolesaga emainogo elamuo. Te menio. Godigo dage te gų pagede ma hodolali tiwai yaligo da, teda dagego duga tigi tigidali badi, te dagego homu kolesaga me te Godibolo mayu, te doloba pai kolesaga naga eyu bidiřo. ¹⁴ Dagego koneani, te dwai sę ebo kolesagago te dage tonaluamuo. Magi baso meni. Te Godigo dage ma dobola somainogo eyu dagego te bomai po bugagia wali pabo homu ebo meni. Te meni. Tede dagego koneani, me sogo dagego geda muyu dwai sę eyu ebo dao. Te usu egobeo. Tama dagego homugo te Godigo olo tau sabo wiegi yai kolesaga tego naga dage ma dobola sobaso dage te wiegi yai kolesaga dologode bidabo homu yao.

Da te doloba pai kolesagago sę bidi dabe dao

¹⁵ Tama da te bomai po dologode me bidisiřyu, tama da te Godigo olo tau sabo wiegi yai kolesaga dologode megi bidibaso, dago magi yaibawe? Dago te dwai sę ebo usu egowe? Mu menio. ¹⁶ Te dagego duga tigi te bidi me deligo nogoba menama tama agai po naga wali pobaso da, teda dage agai sę ebo bidi bidibo dao. Koneaniwe? Ma dage te dwai sę ebo kolesagago sę bidi bidiyu tama dage agade duga noma mu isabo sę saibao. Ma dage Godigo po odoyu tama te pogo sę ebo bidi dabe bidiyu tama dage doloba pai kolesaga eyu bidibo dao. ¹⁷ Mu tamao, polobadu dage te dwai sę ebo kolesagago sę bidi bidali, tiali goli nosali aug-

waligo dagebolo Godigo po ola menama, tama dage homu mu eyu te po wali mu pabo gagalali. Te tama tebode dago Godibolo usu da po olama gedu haluasa po wao. ¹⁸Tama Godigo dage te dwai şe ebo kolesaga dologode bidali te dagala sanama, tama dage te doloba pai kolesaga dologode bidibo we bidi dabe bidibo dao. ¹⁹Te dagego homu kolesaga bomo menibadi, tama eno te da bidigo homu wali peyu, tama şe ebo bidide po digi po begeleyu, tama eno e po obao: polobadu dagego duga tigi tigidali te meda yai kolesagade şe ebo bidi bidiyu, tama dagego yali dwai dwai şe geninama mu pedalali. Tiali goli megi dagego te duga tigi dabe me homu kolesaga te doloba pai kolesagaba munama şe ebo bidi bidiyu, tama dage te dwai şe me isawai te wiegi yai tedali kolesaga naga pedalomainogo yao.

²⁰Magi baso meni. Polobadu dage te dwai şego şe ebo bidi bidibadi, te sogo dage te doloba pai kolesagade şe ebo şe bidi me bidibeo. ²¹Tialima te dwai şe ebode dagego magi nai saliwe? Woo, te megi te şede dage hale ebo dao. Te kolesagago te bidigo noma isibo şe naga pedalubo dao. ²²Tiali goli megi Godigo dage te dwai kolesagade kalabus elaluali te agai dagala şanama, tama dage aga şe ebo bidi munama bidibao. Tama dagego e tiwai wiegi yai nai saibao, God agai dage te wiegi yai tedali te dwai şe me isawai we bidi ilibao, tama dagego te wiegi yai sesemane sogo bidada pabo te bidibo ula saibao. ²³Magi baso meni. Te dwai şego te aga şe ebo bidi augwalibolo te pe mabo dao. Te mabo pe te isibo şe naga dao, augwali te God dali dagalama tama aga dali bidada peyu bidada pogobeo. Tiali goli te da te ula sabo dolo meni yai goli, Godigo dabolo te wiegi yai olo mabo kolesaga eyu, te sesemane sogo bidibo ula mawaibao, te da te dago Genuai Bidi Kraiş Jisalı dali wadolalı we bidi dabolo agai te ula olo naga mawaibao.

Magi da te gesi homu kolesagade bidibao

7 Eno ama dedeo, eno e po dage te bomai po bugagia koneani bidibolo obao. Te bidi bidibo ula elaluyu bidibadi, te sogo naga aga te dago elalubo bomai po dologode bidao wabo dao. Eno homugo dagego te tiwai ebo kolesaga koneani homu yalio. ²E tiwai dao, te bidigo sai we tama aga bidi bidibadi da, teda te bomai pogo aga te aga bidi dali keşnani. Tiali goli, aga bidi isai digi yai baso da, teda aga bidi dali te keşnani bomai pogo te aga ma keşlubeo. ³Tama te bidi bidibadi tama we gasa bidi dali pobaso da, teda te we sabo kolesaga te wego dolobo nogi waibao, te penani ebo we dao te waibao. Tiali goli, te bidi isai digi yaibaso da, te bomai pogo aga ma keşlubeo. Tama te we aga gasa bidi dali pobaso da, teda agai te we sabo kolesaga me dolobeo, aga te penani we dao wagobeo.

⁴Tama te tiwai me dage dali pedalalio, eno ama dedeo. Dagego tigi te Kraiş dali keş selama, tama te dali dage isalio, tama te bomai pogo dage me tola sabeo. Tama bidi isai we gasa bidi dali bidigi pabo tiwai, dage gasa bidi dali bidi pelama agai dage sali, aga

te Godigo aga te guş pagede ma hodolali bidi. Tama dago te Godigo homu kolesaga wali peyu tama wiegi yai şe emainogo eyu, tama Godigo aga te guş pagede ma hodolali. ⁵Da te poloba meda yai kolesagade bidali sogo, te bomai po elalubaso, tede dwai homu eyu, tama dago tigigo ebo dwai kolesaga hodoliyu tama dena tigigo dago dwai şe eyu bidai dao. Tama te şe dago elaluama, tama dena noma isabo şe naga pedalainogo yai dao, te da God dali bidisişbo şe naga pedalai dao. ⁶Tiali goli megi da, megi te Godigo da ma dobola somainogo eyu, te da te Mosesgo mani bomai po wali pabo şe, te şe tagalama tama da olo bidibao. Magi baso meni. Da te isai bidi tiwai bidibao, te dago tigi me homu me augwali sigo ebo dwai şego da me tonalubo menio. Tama tiyu, dago te Godigo şe ebo dao, te bomai po dologode bidibo meni. Te meni. Dago te gesi noma kolesaga te Tedali Mobo Bidigo te şe hodolama dago te şe ebo dao.

Dwai şego da dolali

⁷Tama tibaso dago magi po waibawe? "Te bomai pogo digi dabolo te dwai şe ilibo page pedalai dao," ma dago te tiwai po waiba agawe? Mu menio. Te bomai pogo te eno yali şede te dwai şe ebo po me ola magi menigi sogo da, teda eno me konegi meni dao. E tiwai yali, bomai pogo te po wai, "Nago gasa bidigo nai sabo homu eyu pesa me elamuo." Tama bomai pogo te tiwai po me wasiawai tigi sogo da, teda eno te gasa bidigo nai pesa ebo kolesaga te dwai kolesaga dao me konegi menio. ^{†8-9}Awe, te bomai po menigi sogo da, teda te dwai şe ebo kolesaga te isai bidi tiwai elalugi dao. E tiwai dao. Polobadu te ena ogwade bidibadi te sogo eno te bomai po konebeo, tama ena bugagia olo bidali, eno homu ena şeşş sai bidi meni. Tiali goli nosalı Godigo bomai po eno kone selama, tama eno homu tomode elaluali dwai şe ebo kolesagago eno dwai şe yabo homu hodaluama, tama haniani naide pesa ebo şego ena homu hodolai. Tebogo eno koneani, eno te bomai po bolama tama dwai şe yalio, te eno koneanio. ¹⁰Tama eno me koneani, eno te dwai şe ebaso, ena isali tiwai yalio, ena God dali bidibeo. Hasia sogo Godigo te bomai po sa muyu te enabolo bidibo ula mawaibao po wai. Tiali goli eno te bomai pode bidibo ula me sabeo, agai ena ela muyu naga yai dao. ¹¹Magi baso meni, te dwai şe ebo kolesagago te bomai pogo tuş gegelama, tama ena ili po ola mani, tama te kolesagade te bomai pogo ena ola mani, te ena dwai şe ebaso ena isali tiwai yalio, ena God dali bidibeo.

¹²Tama tibaso dago koneani, te Godigo bomai po aga digi te magi dwai şe me isayu te wiegi yai naga elalubao. Tama te Godigo dabolo tama tiao wali po tigidali me te dwai şe me isawai wiegi yai elaluali, tama doloba pelama, tama wiegi yai naga dao. ¹³Tialima megi dago magi homu yagawe? Ma te wiegi yai bomai po agai ena te Godide dagalaliwe? Mu menio. Te eno dwai şe ilabo kolesagago naga ena te Godide

† 7:7 Sai 20:17; Bom 5:21

dagalali, tego ena isai bidi tiwai ilalio. Te dwai şe yabo kolesagago te bomai pogo ena te isai bidi tiwai ilalio. Magi baso meni, te dwai şe ebo te hania pedaluyu tama te bomai pogo da ola mani, te dwai şe ebo te dwai dwai kolesaga mu dao.

Dwai şe ebogo dago homu kolesaga kalabus elaluali

¹⁴ Dago koneani, te bomai pode te Godigo Tedali Mobo Bidigo te Godigo homu kolesaga dabolo ola mabo dao. Tiali goli ena, eno poloba homu me elaluyu tama te homu ena wali pabo dao. Te dwai şe ebogo ena kalabus ilama tama eno agade şe iduai dao.

¹⁵ Hauwa sogo eno ebo kolesaga page te eno me konesiama ebao. Tama eno homugo godolo mu elama yainogo ebo kolesaga, te eno ebo meni. Tiali goli eno homugo hagela mu yali kolesaga, te eno ebo dao.

¹⁶ Tama eno homugo hagela mu yali kolesaga te eno yali goli, eno koneani, te dwai şe dao, tama te kolesaga ebo eno hagela yalio. Tama tialigo da, eno homu me te bomai po me te deli dao, te eno te po obao, "Awe, te Godigo bomai po te wiegi yai naga dao."

¹⁷ Tama tibaso megi eno koneani, te ena digi eno te dwai şe me ebo meni. Menio. Te ena tomode bidibo dwai şe ilibo homu kolesaga agai naga te şe ebo dao.

¹⁸ Eno koneani, ena tomode te wiegi yai nai deli me bidibo meni. Eno tşde bidibo tigide me te homude me, te side te wiegi yai nai me deli bidibo meni. Mu tama, eno wiegi yai kolesaga yabo homu ebo, tiali goli eno te kolesaga yabo usu me ebeo. ¹⁹ Awe, te wiegi yai kolesaga eno yainogo homu ebadi goli, te kolesaga eno me ebo meni. Me ma, eno ebo hagela homu yali dwai kolesaga, te kolesaga eno ebo dao. ²⁰ Tiali goli eno ebo hagela homu ebo dwai kolesaga eno yaligo da, teda ena digi eno te dwai şe ebo meni. Eno te şe yao homu ebeo. Menio. Te ena tomode bidibo dwai şe ilibo homu kolesaga agai naga te dwai şe ilibo dao.

²¹ Tama tibaso, enade te tiwai kolesaga bidibo eno sulama konebao: eno wiegi yai kolesaga yabo homu ebaso da, teda te eno homude elalubo dwai şe ebo kolesagago te homu aiyaba elalubo dao. ²² Mu tama, eno homude eno Godigo bomai po mu godolo ebo dao. ²³ Tiali goli eno subao, gasa bomai po te eno tigi tomode elalubao, te gasa bomai pogo eno tigi tonalubo dao. Tama te gasa bomai pogo te eno Godigo bomai po mu godolo ebo homu dali hwjbo dao. Tama te gasa bomai pogo ena te ena tomode bidibo dwai şe ilibo homu kolesaga wali pomainogo ilibo dao.

²⁴ Ena da te hobedagia bidibo bidi mu dao. Dego ena te eno tigigo yainogo ebo kolesaga dagala şagowe?

²⁵ Eno Godibolo usu da po olama gedu haluasa po obao. Te dago Genuai Bidi Jisas Kraisgo nogode agai ena dagala olo muanio. Tama ena e tiwai bidibao. Ena digi ena homugo te ena Godigo bomai po dologode bidiba homu ebo dao. Tiali goli poloba homu kolesagade ena te dwai şe ebo kolesaga dologode bidibo dao.

Kraisgo te dago yali dwai şe sela şanama, te Tedali Mobo Bidi dabolo mani

8 Te da Kraisde tialubaso, God agai da aga gedude te doloba pai we bidi dao te po wabo dao. Tama tibaso, Godigo da Krais Jisas dali wadolali we bidi dali po tş eyu tama şeşę dabolo magobeo. ² Magi baso meni, ena megi da Krais Jisasde tia selama tama Godigo Tedali Mobo Bidigo tş dalali. Te da te dena homude elalubo dwai şe ilibo kolesaga dologode me bidibadi, tama da te isai bidi tiwai bidiyu tama da Godide tedali bidai dao. Tama da te tama tiwai me bidibo tagalo-mainogo eyu, tama Tedali Mobo Bidigo gasa tş dawai, te da olo bugagia bidimainogo agai tama tiai dao. ³ E tiwai yai dao. Te dena tigi tomode bidibo dwai şe ilibo kolesaga elalubaso, dago te Godigo bomai po dolo wali peyu tama da doloba pai we bidi pedalisiaşo dao. Tiali goli God aga digi da doloba pai we bidi aga gedude pedalalio. Agai aga Ogwa naga tagala palai, te aga tigi te da dwai şe ebo bidi tigi tiwai elaluali. Aga dago dwai şe yali şeşę sela şawainogo asai, tama da bidigo dwai şe yali dene te Godigo aga delide naga wei ponai dao. ⁴ Agai tama tialigo te da te bomai pogo usu niba kadu walainogo yai. Magi baso meni, megi da te poloba yali dwai homu kolesagade me bilibeo. Menio. Dago te Tedali Mobo Bidigo wiegi yai kolesagade bilibo dao. ⁵ Te augwa homude elalubo dwai şe ilibo kolesagade bilibo bidi dabe, augwali te augwaligo homu kolesaga te poloba yali şede naga homu daş weyu tebo dao. Tiali goli te Tedali Mobo Bidigo ebo kolesagade bilibo bidi dabe augwali da, te augwaligo homu kolesaga te Tedali Mobo Bidigo naiba homu daş wabo dao. ⁶ Te augwa homude elalubo dwai şe ilibo kolesagaba naga homu daş wabo we bidi, augwali da dwai şego dolama te bidada peyu bidada pogobeo. Tiali goli bidigo homugo te Mobo Bidigo wiegi yai kolesagaba homu daş weyu da, te bidi te bidibo ula bidiyu, tama homu nagame elama bidada peyu, bidada paibao. ⁷ Te bidigo homugo te dwai şe ilibo kolesaga wali pobaso da, te tebo bidigo God dali boi bidi ebo bidigo tibo dao. Magi baso meni, aga te Godigo bomai po dologode me bidibo meni. Mu tama, agai te bomai po wali pabo usu egobeo. ⁸ Te dwai şe ilibo homu kolesagade bilibo bidi dabe, augwali te bidi augwaligo te Godigo godolo yabo kolesaga me egobeo, augwali tede usu egobeo.

⁹ Tiali goli dage da, dage te dwai şe ilibo homu kolesagade me bidibeo. Menio. Te Godigo Mobo Bidi dagede bidibaso, dage te Mobo Bidigo kolesagade bidibo dao. Tiali goli, te bidi me delide te Kraisgo Mobo Bidi meni baso da, te bidi aga te Kraisgo bidi meni. ¹⁰ Te dagego dwai şe ebaso, te dagego tigi te isabo sogo elalubao. Tiali goli, te Krais dage tomode bidiyu da, teda Godigo dage te doloba pai we bidi nogi nogi ebaso, dagego homu noma bidi te bidibo ula elaluaibao. ¹¹ Godigo Jisas te gş pagede ma hodolai. Tama te şe yali Godigo Mobo Bidi dage tomode bidaligo da, teda te Krais te gş pagede ma hodolali bidi agai

te dagego osogo bidibo isabo tigiba te bidibo ula me mayu tama dage me gų pagede ma hodolaibao. Te agai tama tiwai şę emainogo te aga Mobo Bidi dage tomode bidibo dao.

Tedali Mobo Bidigo da Godigo wai dabe pedalumainu nigilali

¹² Eno ama dedeo, Godigo Mobo Bidigo dago tigi ma hodolaibao. Tama tibaso, agade dago negeli elalubao, te agai kolesagade da wali pao. Tiali goli dago te dena tigigo homu kolesagade me negeli elalubeo, te dago poloba bilali homu kolesagade wali pelamuo. ¹³ Te dagego tigigo dwai şę ilibo homu kolesagade me bidibaso da, teda dage isabuo. Tiali goli, te Tedali Mobo Bidigo bomogo te dagego tigide dwai kolesaga dabe ebo te ela mubaso da, teda dage bidada peyu, bidada paibao. ¹⁴ Te Godigo Mobo Bidi wali bilibo we bidi augwali tigidali te Godigo wai dabe bidibo dao. ¹⁵ Magi baso meni, te Godigo dagebolo mani Mobo Bidi da, te dage olo şę ebo bidi bidiyu God ma wi ilibo Mobo Bidi meni. Te menio. Te mani Mobo Bidigo dage Godigo wai dabe ilibo Mobo Bidi dao. Te Tedali Mobo Bidigo dago i olama tama Godibolo "Aya, Aya" wabo dao. ¹⁶ Te Mobo Bidigo digi agai dago mobo noma bidi tau siyu tama dago homu tomode hania hanilama, da te Godigo wai puluba bidibo po wabo dao. ¹⁷ Tama da te Godigo wai dabe bidaligo da, teda nosali dago te Ayago nai me saibao. Awe, te dago Godigo nai saibao, te nai me dago Kraisi dali saibao. Te megı dago Godigo şę eyu tama Kraisi dali dago te dene tolobaso da, teda dago aga dali te genuai nogi me te ula yai bomu me, te me dago aga dali nosali saibao.

Nosali da bugagia bidabo digi mu te dagalude saibao

¹⁸ Te da e tşde bidibadi te da God wali pabo we bidi dali dwai homu ebo bagego dabolo dene dali şęęę dali mabo dao. Tiali goli eno te Godigo dabolo nosali ma-iabo ula yai bomu dali, haniani wiegi yai nai dali, te naide eno homugo kone palobo si, te eno e po wabo dao, "E, te eno megı tolobo şęęę te genuai menio, te dwasianunu naga dao, te olo nai tiwai dao," eno te homu ebo dao. ¹⁹ Te nosali Godigo da ugwaba selama, tama da agai wai dabe te hania hanilaibao. Tama te şę yabo sogo asobo te Godigo nigali tigidali naigo tonaluyu bidibo dao, te bidi aga homu memenege eyu, tama aga wiegi yai nai asobo sogo tonalubo tiwai gilama. ²⁰ Megı e sogo tigidali nai dabe dwai bidiyu tama dolobao. Te augwa homugo digi me ebeo. Menio. Godigo digi augwali te tiwai kalabus elama bidibo. Te augwaligo te Godigo augwalibolo nosali yabo şę tonaluyu bidibo dao. ²¹ Tama megı augwali te dolama bidibo kalabuside te tigidali nai Godigo dagala şanama, tama te tigidali bugagia mu te da Godigo wai dabe dali bidaibao. Te tigidali nigali nai te şę yabo sogo asobo tonaluyu bidibao. ²² Dago koneani, tigidali nai Godigo nigali, te tigidali dene eyu te hę wabo tiwai

ebo dao, te wego wai ame nainogo dene ebo tiwai ebao. Tama Godigo nigali nai tigidali te dwai hę weyu bidali, te megı e sogoba usu nagasobo dao. ²³ Tama te nai dabe augwali naga me tebeo. Menio. Dago te Tedali Mobo Bidi salio, te tiwai Godigo hasia mu dabo-lo te olo mu manio, te agai dabolo nosali gasa nai me mawaibao. Tama da me, dago homu tomode dene elama hę weyu, tama Godigo te da aga wai dabe pedal-abo kolesaga te silimainogo ebo sogo tonalubao, te agai dago tigi ma dobola selama olo bidabo sogo dao. ²⁴ Magı baso meni, Godigo da ma selama, tama megı dago agade konealubo homu dąų olama tama agai da dali te wiegi yai şę mu nosali usu numainogo dago megı tonalubo dao. Tiali goli dago tonaluali nai te nosali dago subo si da, te dago aga ma tonalugobeo. Bidigo te nai me deli suali da, magı baso te agai ma tonalugowe? Te egobeo. ²⁵ Tiali goli megı te nai dago sisşbadi da, dago homu dąų mu olama te nai dago mu saiba homu yali da, teda dago homu bomu te naiba elama tama bugagia tonaludubo dao.

²⁶ Te bugagia tonalubo kolesagago da tau sabo dao. Te tebo kolesagade me te Godigo Tedali Mobo Bidigo te da bomu meni yai bidi me tau sabo dao. E tiwai dao, dago te God dali gedu haluasa po wabo tų te kuna gisiga konebo menio. Tiali goli Godigo Mobo Bidigo digi da tau siyu, Godibolo gedu haluasa po wabo dao. Agai homude bomu eyu tama te hę wabo tiwai eyu, te pusışbo pogo agai Godibolo te po wabo dao. ²⁷ Tama te bidigo homu tomode elalubo nai subo bidi God, agai te Tedali Mobo Bidigo ebo homu konebo dao. Magı baso meni, te Tedali Mobo Bidigo te Godigo homu kolesaga wali peyu tama da Godigo we bidi tau siyu te gedu haluasa po hanalubo dao.

²⁸ Tama dago koneani, te augwaligo aga dali dwagi yai homu eyu godolo mu ebo we bidi, te we bidibolo pedalabo şę tigidali te Godigo digi dodolama, tama te şę tigidali te we bidi dabeba pedaluyu augwali tau sabo dao. Te we bidi augwali te Godigo ma saiba po wali we bidi augwali tama agai augwali sa munama i wai dao. ²⁹ Magı baso meni, te Godigo augwali polo koneani bidi dabe, agai augwali me hagea siyu tedali muani, te aga Ogwa tiwai pedalomainogo yai, tama ama name hauwa bidimai hagede yali, tama Kraisi te augwaligo ama gomunai bidi bidaibao. ³⁰ Tama God agai te polobadu hagea sali we bidi augwali, te agai augwali me i walio. Tama agai te i wali we bidi augwalibolo te agai augwaligo yali dwai şę şęęę sela şanama, tama augwali me te doloba pai bidi nogi poali. Te agai doloba pai nogi wali we bidi augwalibolo agai te aga digi elalubo ula yai bomu dali genuai nogi dali augwalibolo mani.

Godigo wiegi yai homu eyu godolo mu ebogo da munu me tagalogbeo

³¹ Te Godigo te da tau sabo şę hauwa po odobaso, tama dago magı po Godigo te ebo şę dabebe waibawe? E tama naga dao, te Godigo da tau sobaso, teda dego da dali boi bidi elama tama da aiyaba elalu-

gowe? Woo, bidi mu menio. ³² Agai aga Ogwa digi te dabolo mawainogo homu si me ebeo. Menio. Agai aga tagala palali te agai da tigidali tau sagasomainogo olo tagala palalio. Agai aga Ogwa digi da tau somainogo mobaso, teda mu tama dao, agai homugo te gasa nai me tigidali te olo mu dabolo te aga dali mawaibao.

³³ God aga digi da doloba pai we bidi nogi pobaso, te da God aga digi hagea sali we bidi bidiyu, te mena boi bidigo da kisiliyu po tų ebo usu egowe? Woo, bidi mu menio. ³⁴ Te dego da dali te dwai şę yali bidi te dwai dene sabo po wagawe? Menio. Magi baso meni. Krai Jisas aga digi isama, tama ma hodalubadi yai. Tama aga digi te Godigo dolo nogode genuai bidi bidiyu, tama God hanalu wabo po wabogo me da tau sabo dao. ³⁵ Te Kraisgo da dali dwagi yai homu eyu godolo mu ebo kolesagade te da mena nai mugo dagala şayabo nai menio. Ma te şęęę daba pedalobo si da, ma dago dene tolobaso, ma bidigo da dolobo si da, ma augwaligo da nasi ilabo şę ebaso, ma da gudubo ugwa meni baso, ma augwaligo da te dwai bulude bidimainogo ilibo şę ebaso, ma augwaligo da hwaęo ela mubo si da, tama te tobage şę ebo dabego da te Kraisgo da dwagi yai homu eyu godolo mu ebo şęde dagala şagobeo. ³⁶ Mu tama, dago koneani, te tobage şę dabe te daba pedalaibao, te Devitgo Godibolo polobadu e tiwai po wali gilama te tiwai şę yali, †

“Da te nago we bidi bidibaso, tama tigidali sogo augwaligo da ela muabo homu eyu, da pobeasa bilibo dao. Augwaligo da sulama, ‘Te ela muabo kibu sipsip wai tiwai naga yai dao,’ augwaligo dade te homu ebo dao.”

³⁷ Tiali goli, te augwaligo da dali te tobage dwai şę yali goli, Godigo da dali dwagi yai homu eyu godolo mu ebaso, tama agai da tau selama, tama dago te tobage şę tigidali aiyaba mu elaluaibao. ³⁸ Awe, eno tede konealubo homu mu daę wali, te magi nai me deligo da te Godigo godolo ebo şęde munu me dagala şagobeo. Ma te augwaligo da ela mubo, ma da bidibadi dago şęęę tolobo, ma ensel mobo bidi dabe, ma te dwai haubo mobo bidi dabe, ma te tųde bidibo tobolu bidi dabe, ma megi elalubo nai, ma te nosali pedalabo nai, ³⁹ ma te dagalude bomo elalubo dwai bage, ma te moni sia dabo bulude bomo elalubo bage, ma te meba gasade elalua pabo Godigo nigali nai, te tigidali nai dabego te Godigo dade dwagi yai homu eyu godolo mu ebo kolesaga te dagala şawainogo ebo usu me egobeo. Te dago Genuai Bidi Krai Jisasgo yali sego te Godigo aga dade ebo godolo ebo kolesaga dabolo ola mawai dao.

Te Godigo te Israel dabe yali kolesagade Polgo po wali

(Daj 9-11)

Polgo Israel dabe augwalide homu şęęę mu yali po wai

9 Ena Kraisde wadolai bidi bidibaso, tama eno megi wabo po te mu po naga waibao, tibo po wagobeo. Tama Godigo Tedali Mobo Bidigo te eno yabo kolesaga dagalobo homu tonaluyu, tama agai eno po me tau selama tama eno mu po naga obao. ² E tiwai dao, eno homu şęęę mu elama tama sesemane sogo ena dwai dene ebo dao. Magi baso meni, te eno hani Juda bage augwali meba hauwago Krai tudiba muanio.

³ Eno homugo te Godigo eno ama dede augwali ma dobola somainogo ebo homu godolo ebaso, augwali ena dali deli kaneme elalubao. Tama te tų elalugi sogo da, augwali tobade te eno Kraisba gedu haluasa po olama agai ena i ola mayu tama sela şanama tama ena hagamainogo elama tama augwali tau somainogo hasegeligi da. Eno te homu bomonama ebo dao.

⁴ Augwali da, te Abraham aga ogwago ogwa Jekop aga hani dao, tama Godigo augwali aga wai dabe nogi poali. Tama tiyu aga agai ula yai bomo augwali dali bidagasidu geai dao, te bidi meni yai kemi tų bulude. Aga digi agai daę wali po augwalibolo madu geai. Godigo agai bomai po me augwalibolo mani. Tama agai te augwaligo agabolo lotu po wabo kolesaga te agai ola mani. Tama agai aga sa muani bidi Krai nosali augwaligo hanidu pedalaibao po augwali dali daę walali. ^{††5} Augwaligo waj mu Abraham dali, Aisak dali, te Jekop dali, augwali polobadu bidiyu te genuai nogi sai bidi dabe hasia bidali, tama augwali te augwa bulai wai dabe naga bidai. Tama Krai aga e tųba dulama tama da bidi tiwai tigi sali sogo, agai te Juda hanide naga te bidi mu pedalali. Aga te tigidali nai tobolu bidi bidibao. Aga te God dao, te aga nogi dago sesemane bidada pabo sogo ugwaba sinao. Mu dao.

⁶ Te eno hani Juda bage augwali hauwago Krai tudiba muai goli, te Godigo polobadu daę wali po te olo hagabo tiwai me egobeo. Menio. E tiwai dao, te Jekop aga nogi me Israel, te bidi aga hanide pedalali bidi augwali tigidali te Godigo hagea sali Israel dabe mu me ebo meni. ⁷ Tama dago e tiwai po me olamuo, “Augwali te Abrahamgo kanemedede pedalama, tama tigidali augwali te aga wai dabe mu bidibao,” te wagio. Menio. Polobadu Godigo e tiwai po Abrahamo wai dao, “Te nago hani bidi nogi nosali nedada pabo si, te Aisakgo hani augwali naga nedada paibao.” ^{††8} Te po page e dao, te Godigo gedude te tigigo ebo kolesagade naga pedalali wai dabe augwali te Godigo wai dabe me egobeo. Menio. Te Godigo Abraham dali daę

† 8:36 Tib 44:22

†† 9:4 Sai 4:22 ‡ 9:7 Gag 21:12

wali pode ame nani wai dabe, te augwali Abrahamgo hanide nogi elaluai dao. ⁹ Tama te kolesagade homu palyu, Godigo te daŋ wali po e tiwai hasia polobadu te Abrahambolo wai, "Te eno te bodolu mani sogo ena ma asaibao, tama nago we Sarago te wai ogwa ame naibao," te po wai. †

¹⁰ Tama Godigo te naga me ebeo. Te Sarago ogwa Aisak ame nenama, tama genuai elama, tama agai aga we Rebeka sali. Tama Rebekago tabi elama tama te wai si deli sogo elaluali. Tama te wai sigo aya deli naga, te Aisak, da Juda dabego waŋ monu dao. ¹¹⁻¹² Tiali goli, Godigo homude bidi sa muabo kolesaga yalio. Agai te bidigo se ebode homu me ebeo. Aga digi aga homu naga wali peyu, te bidi i olama tama aga sa muaibao. Tama te wai si Jekop dali, Iso dali, augwali si ame nesiabadi, tama augwaligo te wiegi yai kolesaga ma te dwai kolesaga me isaŋbadi, Godigo Rebekabolo te aga tamadi ame nabo wai side te po wai, "Te nago ogwa si deli sogo ame nenama, tama nosali te gomunai bidi te i badu bidi dologode bidaibao," te po wai. ^{††13} Tama te tiwai naga pedalali, te Godigo po pusali bidi nogi Malakai agai nosali aşani Godigo wali po tiwai gilama yalio, "Eno Jekopde dwagi yai homu eyu godolo mu yali, tiali goli eno Iso hagela homu mu yali," Godigo te po wai. ‡

¹⁴ Tama tibaso, dago te seŋde magi po waibawe? "Godigo aga homu wali peyu, te bidi deli naga sa mubaso, agai te dolo me isaŋwai kolesaga yalio," te dago te tiwai po omainogo yagawe? Mu menio. ¹⁵ Magi baso meni. Godigo e tiwai po Mosesbolo polobadu wai, "Te ena digi eno bidi me delibolo te olo tau siyu mabo wiegi yai kolesaga yabo homu ebaso da, teda eno homu naga wali peyu, eno olo mabo wiegi yai kolesaga agabolo yaibao. Te eno bidi me deli homu dene yainogo da, teda eno homu naga wali peyu, aga eno homu dene ebo dao," Godigo te po wai. ^{††16} Tama te po obaso, dago koneani, te Godigo bidi sa mubo page, te bidigo homugo me te aga seŋ denego me ebaso Godigo aga sa mugobeo. Menio. Te Godigo te bidide homu dene eyu, olo tau siyu mabo wiegi yai kolesagago naga te bidi sa mubo dao. ¹⁷ Tama Mosesgo te bukude aşani Godigo e tiwai po te Isip tŋ tuni bidibolo wali, "Eno bomo tigidali bidibolo ola mawaio wali, te augwaligo eno nogi te tigidali tŋba sela pelama pusugi pomainogo obao. Tede naga eno nage hodolama, tama tuni bidi nigilama, tama eno te nage dali hwjbo dao," Godigo te wali po aşani. ^{††18} Tama tibaso dago koneani, te Godigo aga homu naga wali peyu te olo tau siyu mabo wiegi yai kolesaga te bidi me delibolo yainogo da, teda agai te olo mabo wiegi yai kolesaga te agabolo yaibao. Me ma, te bidi me deli agai te po odosiabŋo bidi ilainogo homu eyu da, teda agai te bidi te po odosiabŋo bidi ilibo dao.

Godigo seŋbe dali te Godigo wiegi yai kolesaga ola mabo po dali wai

¹⁹ Tiali goli, bidi mego enabolo e tiwai po wagi da homu yali da, "Te Godigo aga homu naga wali peyu, tama bidi me deli sa munama tama gasa bidi meni. Tama tiyu da, teda magi baso agai te bidigo dwai kolesaga ebo po me odubadi geaibawe? Dego te Godigo ebo homu kolesaga gisilainogo usu egowe? Bidi menio." ²⁰ Bidi me deligo te tiwai po hanalu weyu da, teda eno te po wei ponoyu te po waibao, "Abagi, nage de da weyu, tama nago te po Godibolo ela palamuo. Ma te mama tŋgo nigali senego te aga nigali bidigo geda muani homu eyu, tama te bidibolo te po wai, 'Magi baso nago ena te tiwai nigali' po waibawe? Menio. ^{††21} Te sene nigibo bidigo te agai mama tŋ pedai me deli selama, tama te tŋgo te sene si nigali, me deli te wiegi yai seŋ yabo sene te wiegi yai nigali, tama me deli te olo seŋ yabo dwai sene nigai. Aga homu naga wali peyu, tama te tiwai ebaso da, te usu da, po meni, te aga seŋ dao."

²² Te Godigo me te tiwai yai. Agai te aga seŋbe homu ebo te bidi dabebolo hania hanilabo homu yali, te tigi-dali bidigo agai bomo me konemainogo yai. Tama te dwai seŋ yali dene sabo we bidi augwali dolabo seŋ te sisi yai elalubo, tiali goli agai augwali gogolama polo elebeo, tama bobage sogo tonaluali. ²³ Magi baso meni, agai homugo te agai homu dene eyu tau sabo sa muani we bidi augwalibolo mabo wiegi wiegi yai ula yai bomo, te bomo augwali ola momainogo agai bobage sogo tonaluali. Augwali agai polobadu hagea sai dao, tama agai bomo yai ula augwaligo saibao. ²⁴ Te da dao. Agai da i wali, te da Juda hani naga i me wabe, menio, te gasa hani dabe dali me i walio. ²⁵ Te Godigo aga homu naga wali peyu, te we bidi meba naga hagea sabo kolesagade te polobadu Godigo po pusali bidi Hoseago aşani pode Godigo wali po me te e tiwai po aşani,

"Te eno hani isaŋwai we bidi hani, te augwali eno hani nogi poaibao. Tama te eno augwalide dwagi yai homu eyu godolo isaŋwai hani, te hani eno 'Te eno godolo mu ebo hani' nogi poaibao. ^{†††} ²⁶ 'Dage eno hani meni,' tama eno te po wali madi, te bulude naga te eno augwali nogi olama, 'Te bidabo ula elalubo Godigo wai da' po waibao," [§] Godigo te po olama, tama Hoseago aşani. ²⁷ Tama te gasa polobadu Godigo po pusali bidi Aisaiaogo te Israel hanide po olama tama te tiwai i wali, "Tama te Israel dabe augwaligo hani nedebo namba te aŋ sanede elalubo masigi kemi tiwai pedalubaso da, tagalao, teda Godigo augwali meba naga diŋ selama, tama dwasianu hani naga ma dobola saibao. ²⁸ Magi baso meni. Genuai Bidigo po tŋ silibo si tama te po polo togwa şanama tama te tŋde we bidi augwalibolo te dene wei ponaibao," Aisaiaogo te po wai. ^{††29} Tama polobadu Aisaiaogo te po olama po wai tiwai. Agai te po wai, "Te tigidali bomu elalubo Genuai Bidi agai te dago

† 9:9 Gag 18:10 †† 9:11-12 Gag 25:23 ‡ 9:13 Mal 1:2-3
†† 9:15 Sai 33:19 ††† 9:17 Sai 9:16

††† 9:20 Ais 29:16; 45:9 †††† 9:25 Hos 2:23 § 9:26 Hos 1:10
§† 9:28 Ais 10:22-23

dwasiyanu hani bidimainogo egi menigi sogo da, teda da mu doloyu, te bulu si nogi Sodom dali Gomora dali si tiwai pedalama, tama da mu dolai bidigi dao." Aisa-
iagio te po aşani. †

Te Israel dabe augwaligo Kraisde konealubo po daş mu olama, te doloba pai we bidi pedelabo homu elama konealubo po daş wabe

³⁰ Tama tibaso dago koneani, te gasa hani dabe augwaligo te doloba pai bidi nogi sabo şe dene me ebe, tiali goli augwaligo te doloba pai bidi nogi salio. Te e doloba pai kolesaga te augwaligo konealubo po daş olama sai. ³¹ Me ma, te Israel dabe augwali da, te Godigo augwalibolo doloba pai bidi nogi pomainogo eyu, tama augwali te bomai po bugagia wali pabo tş gegali goli, te tş augwaligo subeo, te augwali te bomai pogo usu niba kadu wabeo. ³² Augwali te Godigo gedude te doloba pai we bidi magi baso pedalebewo? Augwaligo te Kraisgo yali şede te konealubo po daş wasiayyu, tama augwaligo te Godigo te doloba pai bidi nogi poaibao homu eyu yali. Te po digi po begelama te tiwai yali, te şağade dolobo masigigo te augwaligo şağade dolama tama augwali tulaluai dao. ³³ Te tiwai po me deli te Godigo po bukude polobadu aşani, te po e tama wai,

"Odao. Te Saion hanude eno te bidi şağa dani tuş palama tulaluabo masigi me deli mubao. Eno te bidi me deli tede mubao, tama we bidi augwaligo aga dali dwai homu yaibao, te augwali dani tuş palama tulaluabo masigi tiwai dao. Tama tiali goli we bidigo agaba konealubo po daş wabo bage, agai augwali tau mu sabo usu mu yaibao, te augwali tulaluama hale me sogobeo,"

te po aşani. ††

Te Israel dabe augwaligo te Godigo bidi doloba pai bidi ilibo kolesaga wali pabe

10 Eno ama dede dabeo, eno homu dene eyu tama te Godigo te eno hani Israel bage augwali ma dobola somainogo ebo homu godolo mu elama, tama sesemane sogo eno Godibolo gedu haluasa po tede bomonama wabo dao. ² Eno augwali bugagia koneama tama eno hanilama augwalide mu po obao, augwaligo te Godigo kolesaga wali pabo şe bomo elama mu ebo dao. Tiali goli augwaligo me gisiga koneşama tama tibo dao. ³ Te Godigo da we bidi doloba pai nogi pobo te kolesagade augwaligo koneşabaso, tama augwa digi augwa kolesaga doloba pai pedalumainogo ebo şe yai. Tama tibaso, augwali te God dologode me bidisiayyu, tama agai augwali nogi doloba pai nogi omainogo me ebeo. ⁴ Dago koneani, te bomai po wali peyu tama Godigo bidi doloba pai bidi nogi pobo tş, te tş te Krais asali sogo silali. Megi te gesi tş elalubao. Te Kraisde konealubo po daş wabo we bidi, te Godigo augwali doloba pai we bidi nogi poaibao.

⁵ Te bomai po wali peyu tama Godigo bidi doloba pai bidi nogi pobo tşde te Mosesgo polobadu te po aşani, "Bidi te kolesaga tigidali eyu da, teda aga te bidada pabo ula saibao," te po aşani. ⁶ Tiali goli te bidigo Godide konealubo po daş obaso tama Godigo aga doloba pai bidi nogi wabo kolesaga, te kolesagade augwaligo polobadu tama aşani, "Nago naga homude te po olamuo, 'Te agai dabolo Godigo po pumainogo, te Krais edaba sela dulamainogo eyu, de te dagaluba pogowe,' te po olamuo," te po aşani. ⁷ Po me aşani, "Tama nago te po me olamuo, 'De te isai bidi dabego buluba dulaibawe,'" te po aşani. Te Krais tedu selasa asomainao homu eyu te po olamuo. ⁸ Tiali goli te aşani pogo magi po wabowe? Agai e po wabo dao, "Te Godigo po nage şade mu elalubao. Te nago pedauwalide me te nago homude me te po elalubao," te po bukude polobadu aşani. Te dago hanilama te we bidibolo pusubo po te Kraisde konealubo po dao. ⁹ Tama nago po hanilama pusuyu Jisas aga te Genuai Bidi da po olama, tama nago naga homude te Godigo aga te gş pagede ma hodolali şede konealubo po daş weyu da, teda Godigo nage ma dobola saibao. ¹⁰ Magi baso meni, te dago homugo te konealubo po daş obaso, tama Godigo da doloba pai we bidi nogi poaibao. Tama dago pedauwalidu te dena konealubo po we bidi gesabide pusubaso, tama te Godigo da ma saibao. ¹¹ Tama Godigo po bukude te şede te tama po wai dao, "Te bidigo konealubo po agaba daş obaso da, teda aga hale me sogobeo." ¹² Tama te pode te Juda dabe me te gasa hani dabe dali augwali te deli tigi poai tobage naga yali. Te da tigidaligo Genuai Bidi deli naga elalubao, tama agai te olo mu tau siyu mabo wiegi yai kolesaga te genuai mu te agaba i wabo we bidi tigidaliba mabo dao. ¹³ Tama tiyu, te Godigo po bukude wali po tiwai dao, te po e dao, "Tigidali bidigo Genuai Bidi nogi ilama tama agaba i wali da, teda agai augwali ma saibao," te po aşai dao. ¹⁴ Tiali goli bidi me deligo te Juda dabede enabolo te po waibao, "Te augwaligo konealubo po Kraisba hasia daş me wasiabaso da, teda augwaligo agaba gedu haluasa po olama i wagobeo. Tama augwaligo agade po me odisayyu da, teda augwaligo konealubo po agaba daş wagobeo. Tama te bidi me deligo po te augwalibolo me pusisawani da, magi ilama augwaligo agade po odaibawe? ¹⁵ Tama Godigo te po pusabo bidi augwali me tagala palisiawani da, magi ilama augwaligo te po pusigi pogowe?" Bidi mego enabolo te tobage po obaso da, teda eno te po wei ponoyu, e po waibao, "Woo, te Juda dabe augwaligo Kraisde te po odali dao, te Godigo po bukude elalubo po me deli tiwai, te po e dao, 'Te wiegi yai gesi po sesebo bidi dabe augwali asobo te homu dwagi yai ilibo şe mu dao,' te po aşani," eno te po waibao. ¹⁶ Tiali goli, te Juda dabe tigidaligo te wiegi yai gesi po selama wali me pabeo. Te polobadu bidali bidi nogi

† 9:29 Ais 1:9 †† 9:33 Ais 28:16

‡ 10:5 Prs 18:5 †† 10:8 Bom 30:12-14 †† 10:11 Ais 28:16
‡‡ 10:13 Jol 2:32 ‡‡‡ 10:15 Ais 52:7

Aisaia, aga Godigo po pusali profet bidi bidali. Tama te aga dali bidali bagego yali kolesaga te megı bidıbo bidi dabego ebo kolesaga tiwai yai dao. Tama tede dwai homu eyu, te Aisaiaıo te po aşani, "Genuai Bidi, dago te nago po augwalıbolu pusali. Tiali goli, augwalıo te po odalıwe ma meniwe, te eno konebeo," te po aşani. ¹⁷ Tialıma dago koneani, we bidıgo te Godıgo po odobaso tama teıogo te konealubo po daı wabo homu hodolobo dao. Tama bidi mego Kraıside po pusubaso, augwalıo Godıgo po odobo dao.

¹⁸ Tiali goli te Juda dabede, te mu dawıe, te augwalıo Kraıside te po odalıwe ma meniwe? Magia. Augwalıo odalıo. Te Godıgo po bukude elalubo po me delı tiwai dao, te po e dao,

"Te augwalıo dogoni te tıgıdali tıba pelama sabolalı. Tama augwalıo po pelama, te tıgıdali bulu mu usu egi pai." ^{††}

¹⁹ Tiali goli eno po ma obao, te Israel dabe augwalıo te po koneaniwe ma meniwe? Awe, augwalıo koneani. Hasia Mosesgo te seıde te Godıgo wali po polobadu aşani,

"Te eno olo we bidi meba saıbao, augwalı te delı hani mu meni, tama dagego teıode dwai homu elama tama eno augwalıbolu wiegi yai kolesaga ebaso, tama dage te sulama pesa yaıbao.

Te eno te kolesaga konesiıwai bidi hani augwalı me delı sobaso, tama dagego augwalı dali seıbe yaıbao." [‡]

²⁰ Tama te Godıgo po polobadu pusali bidi Aisaiaıo te po hanılama pusubo wi me eıeo. Agai Godıgo te gasa hani we bidıde wali po e tiwai aşani,

"Te ena gegebo seı me isıwani bidi dabego, te augwalıo ena sualı.

Te bidi dabe meba augwalıo te bidi meıabolu te enade po hanalusiıbadi, tiali goli ena augwalıba hanılama pedalobo dao." ^{††}

²¹ Tiali goli te Israel hani we bidıde te Aisaiaıo Godıgo e wali po aşani, "Te bobage sogo mu eno augwalı i wabo seı eıadi, te hani bidi augwalıo te po sela sına-ma tama dwai po wei ponai dao." ^{††}

Godıgo te olo tau mabo wiegi yai kolesaga te Israel hani badu yali

11 Te bidi Aisaiaıo te tobage po aşai baso, eno e po hanalu obao, te Godıgo aga hani we bidi aga digı sela sıyabo homu me yalıwe? Mu meni. Ena me ena te Israel bidi dao. Te bidi Abraham te eno wai mu dao. Ena te Benjamingo hani dao. ² Te Godıgo hani augwalı te agai polobadu koneıu hagea sai, agai te augwalı me sela sıwai meni. Dagego te Godıgo po pusali profet bidi Elaijago po te Godıgo po bukude elalubo te dagego koneani. Elaijago gedu haluasa po olama, tama te Israel dabe augwalı te Godıgo gesabıde po tı ela mawai. Agai te wali po e dao, ³ "Genuai Bidi, augwalıo te nago po pusubo bidi profet dabe augwalı ela muıu yalı. Tama augwalıo te

nagebolu mabo nai ulubo alta sai alualı. Tama ena delı naga ena bidıbao. Tama augwalıo ena gegebo seı eyu, tama ena ela muainogo ebo dao," Elaijago te po wai.

⁴ Tiali goli Godıgo agabolu mena po wei ponaniwe? Agai te po wai, "Eno digı ena bidi dabe te bidi sese hauwa 7,000 bidi salı, tama augwalıo te tıbo god Bal dologoba pelama teıa lotu me wasıwai dao," Godıgo te po wai. ⁵ Te tama megi e sogo me te hani bugai meıa elalubao, Godıgo te aga olo tau mabo wiegi yai kolesagago te augwalı hagea sııu ma sai dao. ⁶ Agai te olo tau sııu mabo wiegi yai kolesaga ebaso tama augwalı salı. Tama agai te augwalıo yalı seıde homugo te augwalı me sabeo. Tama augwalıo te seı eıode te Godıgo augwalı sııu da, tede te olo tau sııu mabo wiegi yai kolesaga ebo te olo munu me ma egi meniıo dao.

⁷ Tama tıbaso dago te Israel dabede magı po waıbawe? Te Israel dabe augwalıo te Godıgo augwalı doloba pai we bidi nogı poabo tı suainogo te seı dene yalı goli, te tı augwalıo me susıwai. Te Godıgo meıa we bidi naga dı selama, tama augwalıo te tı sualı. Tama gasa bage, te augwalıo Godıgo po odobo hagela eyu, tama augwa olo daı wali. ⁸ Te Godıgo po bukude wali po tiwai gilama yalı, te po wai,

"Godıgo te augwalıo homu kolesaga te godege pıbo tiwai ilalı. Agai te augwalıo gedu te susııbo tiwai ilama, tama ologu te po me odosiııu yalıo. ⁹ Tama augwalı te tiwai bidalı, tama megi e sogoba usu nagasai dao."

⁹ Tama Devıto me te boı bidi dabede Godıbolu te tiwai po olama wai,

"Te eno homugo te nago tılama, tama augwalıo wei ebo naiıo te augwalı te konesiıwai bidi tiwai ilao, te aga te subıgıla peıu te no aselama bidıbo bidi te koneıogıeo. Te bidi tiwai nago augwalı tiwai ilao. Tama augwalı tulolumainao, augwalı wei ponao.

¹⁰ Te eno homugo nago augwalı gedu hulıa somainu elama, tama augwalıo te hulıa sai pedalumainogo elama, tama augwalıo gedu pedama suainogo ebo usu me egıeo.

Tama nago augwalıbolu seıgeı mao, tama augwalıo tudı sugunama, tama augwalı te tiwai sesemane sogo bidımainogo yao," ^{††} Devıto te po polobadu wai.

Godıgo te gasa hani augwalı ma salı

¹¹ Te eno te po hanalu obao, te Juda dabe augwalıo te Kraıside konealubo po daı wasıııu tama tulaluama, tama augwalı tede mu dolalıwe? Mu meni. Augwalıo te dwai seı eyu tama te tı gıda mubaso, tama tede te Godıgo te gasa hani dabe augwalı ma sai. Godıgo homugo te wiegi yai kolesaga agai te gasa hani dali ebo te Israel dabe augwalıo sııu tama augwalı pesa emainogo tıai dao. ¹² Augwalıo te dwai seı ebaso,

† 10:16 Aıs 53:1 †† 10:18 Tib 19:4 ‡ 10:19 Bom 32:21
†† 10:20 Aıs 65:1 ††† 10:21 Aıs 65:2

††† 11:3 1 Kin 19:10, 14 †††† 11:4 1 Kin 19:18 § 11:8 Bom 29:4;
Aıs 29:10 §† 11:10 Tib 69:22-23

tama tede Godigo te tigidali tõe bidibo we bidi tau mu sidubadi geaibao. Augwaligo te Godigo kole-sagade tulalubaso, tama tede te Godigo te Juda aq isawai gasa we bidi hani augwalibolo wiegi yai kole-saga mu yai. Tama tibaso, tigidali Israel dabe Godiba ma geasa asobaso da, teda tigidali hani wiegi yai mu bidaibao, me deli dwai bidigobeo.

¹³ Tiali goli megi eno po te dage gasa we bidi hani dabe dagebolo mawainogo obao. Godigo ena tagala palali, te eno dage Juda hani isawai gasa we bidi dagede se emainogo yai. Tama tibaso eno homu pemene wiegi yai te seđe elama, tama te se bidigo gedude ugwaba siyu tama eno te se ebo dao. ¹⁴ Magi baso meni, te seđe eno homugo te eno hani Juda bage augwaligo te Godigo dage dali yali wiegi yai kolesaga sulama pesa eyu, tama eno te augwali tomode meba te eno ma sainogo ebo dao. ¹⁵ Edao. Godigo te Juda dabe augwali sela şanama, tama tede agai te tigidali tõe bidibo bidi selama, tama augwaligo deli homu aga dali pedalabo tu dawai. Te dwagi yai kolesaga dao. Tiali goli, Godigo te Juda dabe augwali ma sabo si, te wiegi yai mu yaibao, te isali bidi aga gu pagede ma hodalobo tiwai yaibao.

¹⁶ Te po digi po si begelama tama eno dagebolo obao. Te Juda dabe augwaligo tubo nai bret nigibo si, tama hasia augwaligo te dwasianu pedai bret nigibo plaua te Godibolo hasia mabo dao, te Godigo nai dao, te po wabo dao. Tama tibaso, dago koneani, te plaua-go nigibo bret tigidali te Godigo nai dao. Tama te ni pedali dabe te Godigo da wida, teda te ni nologo dabe augwali me te Godigo naga dao. Tama te tiwai me te Juda dabego waj dabe augwali Godigo we bidi bidal-ibaso, te megi bidibo Juda bage me te Godigo we bidi me bidibao. ¹⁷ Tama augwali te gide elalubo ni oliv tiwai bidiyu, tama Godigo te ni oliv nologo meba dwali togolama sela şanama, tama agai dage olo ni oliv nologo te bulude elalubadi selama, tama dage te gide elalubo ni olivgo nologo togwali pesagede wadolali. Tama dagego augwali hasegelama, tama megi dage bugagia bidibao. Tama dage te elalubo dwagi yai ni olivba wadolobaso, tama dage dali te ni aga nologo mu dali te dagego te ni oliv pedalidu asobo ajgo ili sabo dao, te nigo bomu me dagego sabo dao. ¹⁸ Tiali goli dagego te togwali ni nologo dabe augwalibolo te posobo po munu me olamuo. Te dagego duga nogi ugwaba siyu, augwalide posobo po wai wida, teda dagego homu bugagia koneyu bolo yao. Dagego te ni pedali me ugwaba sagolobo menio. Te ni pedaligo dage sagolobo dao.

¹⁹ Tiali goli dagego te duga nogi ugwaba sabo po wabo homu yaibao: "Godigo te ni oliv nologo dabe togwali madi, te ena augwali togwali pesagede wadolomainogo yai," waibao. ²⁰ Awe, te mu dao. Tiali goli, te augwaligo Kraisde konealubo po daq me wasiawan, tama te tialigo naga agai augwali togwa şawai. Tama dagego konealubo po daq obaso, tama dage bugagia bidibao. Tiali goli dua dao, dagego hagoma me elamuo. Te dage wi iyao. ²¹ Polobadu,

Godigo te Juda dabe, te nigo nologo mu dabe augwali me sula tagalasiawai, tama tiwai naga te dage tu-loluyu da, te agai dage me te me sula me tagalogob-eo. ²² Tialima, dagego te Godigo te we bidi dali ebo tau sabo kolesaga me te agai sesena pabo kolesaga dali me bugagia suiyao. Te aga kolesaga tagalali bidi dabe augwalibolo, te agai augwali sesenaibao. Me ma, dage te Godigo dage homu dene eyu tau sabo dao. Tama dagego te aga dage dali ebo kolesagade puba hwi weyu tama agade homu keq pai we bidi bidiyu da, te usu da. Ma, te meni yani da, te agai dage me togolama sela şawai. ²³ Tama te Juda dabe, te ni olivgo nologo mu, te augwaligo te Kraisde konealubo po daq wabo hagelabo homu tagaluyu da, teda Godigo augwali te augwali togwali pesagede ma wadolaibao. Awe, Godigo te augwali ma wadoligi pabo usu yaibao. ²⁴ Magi baso meni. Dage gasa hani we bidi da, te bu-side holali ni oliv nologo naga tiwai dao, te ni oliv mu-go nologo meni. Tiali goli Godigo dage te nide togolama, tama agai dage te gide elalubo ni oliv muba wadolali. Tama te Juda bage augwali da, te gide elalubo ni oliv dao. Tama tibaso, Godigo te augwali polobadu te ni nologo tiwai togwa şanama, tama augwali te augwa oliv niba digi te augwa ma wadoloyu ebo usu mu dao, te pedalisiabo se meni.

Godigo tigidali we bidibolo aga homu dene eyu tau sabo kolesaga yaio

²⁵ Eno ama dede, dage homu hagoma me idali weyu tama eno homugo dage te polobadu geme dualali po page gisiga koneao. Te e tiwai dao: te Israel hani we bidi me badugo homu palia sali, tama te kolesaga augwalide osogo elalubadi tama te gasa haniani hani we bidi augwali te Godiba asiyu, tama te sogo augwaligo hani nambaba usu nagasaibao. ²⁶ Tama te kole-sagago te Godigo te Israel dabe tigidali ma dobola saibao. Te agai po aşani bukude wali po tiwai gilama yaibao,

"Te we bidi ma dobola sabo bidi aga te Saion buludu asaibao.

Te agai te Jekopgo bidi hanigo yali Godigo po sela şabo kolesaga te agai sela şawai. †

²⁷ Tama te sogo eno te po daq augwali dali waibao,

Te po e dao, Te eno augwaligo dwai se ebo tigidali sela şawai." ††

²⁸ Te Godigo gesi noma wiegi yai po pusubo seđe te Juda dabe augwaligo Godide te boi bidi homu ebo dao, tama tede Godigo dage gasa hani we bidi tau sobao. Tiali goli, te Godigo augwali polobadu sa muani seđe, te augwali da aga abagi hani dao. Magi baso meni, polobadu mu agai te augwaligo waj dabede mu po daq walai dao. ²⁹ Tama tiyu, te Godigo agai te bidibolo olo mani wiegi yai naide te enabolo ma mao po munu me wagobeo. Agai te bidi sa munama tama i obaso da, teda agai homu te seđe me nosali ma hasegelegobeo. ³⁰ Polobadu dagego te Godigo po sela

† 11:26 Ais 59:20 †† 11:27 Jer 31:33-34

sawani. Tama megı te Juda hani bidi augwaligo agai po sela şanama, tama Godigo augwali osogo tagalabaso, tama agai dage gasa haniani hani we bidi dali homu dene eyu tau salio. ³¹ Tama te tiwai me augwaligo me te Godigo po sela şabao. Magi basowe? Te Godigo dage dali homu dene eyu tau sali kolesaga naga ebo gilama agai augwali dali me emainogo yaibao. ³² Magi baso meni, Godigo te po sela şabo kolesagade te tigi-dali we bidi dali kalabus ilama, te agai tigidalibolo me homu dene eyu olo tau sabo wiegi yai kolesaga yainogo tialio.

Dago Godigo nogi ugwaba sao

³³ Ei tegoba! Te Godigo wiegi wiegi yai homu kolesagade ena noma sobao. Te agai şe yabo homu kolesaga dali, agai koneani kolesaga dali, te mu paşana pelama, tama te tamu ađ gebo dabo tiwai gilama aiya-ba mu dulai. Da bidigo agai yali homu kolesaga page tigidali konemainogo ebo usu me egobeo. Dago agai da dali ebo şe page me munu me kuna konegobeo, da tede usu me egobeo. ¹³⁴ Te agai po bukude te tiwai po me aşani,

“Dego te Genuai Bidigo homu kolesaga koneai dawe? Dego te mobo mabo po agabolo mabo usu egowe? ††

³⁵ Dego te nai me deli hasia agabolo mani, tama agai te nai wei ponomainogo yaliwe?” †

³⁶ Bidi menio. Magi baso meni. Aga tigidali nai nigali bidi dao, tama agade te tigidali elalubo nai te bidibo ula elalubo dao. Tama tigidali naigo te aga nogi ugwaba somainogo eyu bidibo dao. Tama eno homugo dago sesemane sogo bidada peyu aga nogi ugwaba sao. Mu tama dao. ††

Polgo te Kraisba homu daş wabo we bidi dabego yabo kolesagade po wali

(Daj 12:1–15:13)

Dago dena tigi Godibolo ofa tiwai mainao wali

12 Eno ama dede, eno homugo te Godigo da dali homu dene eyu tama haniani olo tau mani wiegi yai kolesaga genuai mu yali, eno te homu ebaso, eno e po megı dagebolo hanilibao. Bidigo hasa ela munama tama Godibolo olo mabo şe, te ebo şe nogi poai te ofa dao. Tama te tiwai gilama dagego duga tigi te Godibolo olo mabo ofa tiwai yao. Te tigi bidibo ula elalubadi tama dagego Godibolo menama, tama te God aga deliba naga mao, te dwai şe me isawai nai ofa dao, tama dagego te Godigo godolo ebo kolesaga yaibao. Dagego tama tiyu, tama dage te tiwai God dologode bidiyu, tama duga lotu po mu te Godibolo waiyaşo.

² Tama te kolesaga edubadi, dage te tşde bidi dabe bi-

ladubo tiwai elama me bilalugio. Menio. Dagego homu kolesaga Godigo gesi noma pedalomainogo ilama, tama dagego kolesaga me gesi noma pedalomainogo emainao. Tama tiyu da, teda dagego te Godigo homu kolesaga koneaibao. Tama agai homu kolesaga koneama tama te bidigo yabo wiegi yai şe me, te Godigo gedude te usu niba kadu wabo kolesaga dali, te dolo-ba pai kolesaga dali, te tobage dwagi yai kolesaga page tigidali dagego hania koneaibao.

³ Te Godigo te eno şe yabo homu kolesaga enabolo olo mobaso, eno dage tigidali deli delibolo e po obao: nago geda muyu naga digi te nage mu koneai bidi mu da nago te homu me elamuo. Te menio. Hasia nago nagede homu dolo kone palao. Te Godigo te agade konealubo po daş wabo bomu nagebolo dobolama mani. Tama te bomu da, te usu ni tiwai dao, nagede. Tama te usu nigo naga şe yabo bomu dali, te nago şe yabo homu kolesaga dali te si usu sao. Dage tigidali deli deligo te tama yao. ⁴ Magi baso meni. Dago koneani, bidigo tigde te nogo me şaş me, te haniani badu şe ebo me te tigi delide naga elalubao. Tiali goli tigidali badu te şe deli tigi tiwai şe naga me ebo menio, te augwaligo haniani şe elalubao. ⁵ Tama te tiwai me da haniani we bidi hauwa elaluali goli, Kraisde da wadolama tama da tigi deli naga elalubao. Tama bidiyu, tama da tigidali deli deli da tigidali te gasa badu abagi tiwai dao. ⁶ Godigo dabolo olo mabo kolesaga elama, tama da deli delibolo gasagi gasagi yai te we bidi tau mabo şe yabo kolesaga dobola mani, te agai olo mabo kolesaga yai. Tama agai tama tialigo da, te da tigidali deli deligo te mani kolesagago dena hasi tau mao. Tama tiyu, bidi me deligo te Godigo po pusubo homu kolesaga elaluyu da, teda agai te aga Godide konealubo pogo bomu wali pelama te Godigo po pusao. ⁷ Ma, te bidi me deligo te ama dede dabe tau sabo homu kolesaga elalubaso da, teda agai te ama dede dabe tau sabo şe mu yao. Tama bidi mego te Godigo po ola mabo tisa şe ebo kolesaga elaluyu da, teda agai te tisa şe mu yao. ⁸ Bidi mego te bidi dabe augwali homu hodolobo kolesaga elalubaso da, teda agai te augwali homu hodolobo şe mu yao. Te Godigo hani we bidi tau somainogo aga nai dobabo bidi, aga dwagi yai homu eyu agai nai hauwa augwalibolo mao, te agai nai yogo homu elamuo. Te polalubo bidi, te agai homugo te şe mu yao. Te gasa bidi homu dene eyu tau sabo bidi, te bidi me agai homu pemene wiegi yai elama tama aga tau sao. †††

Te Godigo we bidi hanigo yabo kolesaga dago dolo mu yao

⁹ Duga hasi dagego duga ama dabebolo dwagi yai homu eyu godolo eba wida, teda dagego homu mu naga eyu augwali godolo mu ela pao. Tama tiyu, dagego te dwai kolesagaba tudi mu ola menama, tama dagego te wiegi yai kolesagaba homu mu keş sao. ¹⁰ Dage da, te deli hani bage dao. Tama tibaso, te deli hani we bidi dabego yabo kolesaga bomu eyu,

† 11:33 Ais 55:8 †† 11:34 Ais 40:13 † 11:35 Jop 41:11

†† 11:36 1 Ko 8:6

‡ 12:5 1 Ko 12:12 ††† 12:8 1 Ko 12:4-11

tama duga hasi duga ama dede abe dede augwali dali dwagi yai homu eyu godolo mu yao. Dage tigidali deli deligo duga nogi aiyaba elaluyu, te gasa bage augwali nogi naga ugwaba sao. ¹¹ Dagego sesemane sogo şę bomo mu yao. Tama dagego homude bomu eyu tama Genuai Bidigo şę yao. ¹² Dagego agade konealubo po daş olama, tama Genuai Bidigo dage tau sabo tonalubadi tama dagego wiegi yai homu pemene dali yao. Te şęę dageba pedalobaso da, teda dage bomu elama bugagia dolalua. Dagego tigidali sogo gedu haluasa po wao. ¹³ Tama te Godigo we bidi meba augwali te nai dabe meni baso da, teda dagego augwali tau sao. Me ma, te gasa bulu bidi dabe dage bidiboba pedalobo si da, teda dagego augwali bugagia geşeyu tonalua.

¹⁴ Te bidi dabe augwaligo dage dali dwai şę eyu dene mobaso da, te dagego Godibolo gedu haluasa po olama, te agai augwali wiegi yai ilimainao. Awe, dagego gedu haluasa po agaba obaso, te augwali agai wiegi yai ilimainogo wao. Dagego agai augwali dolomainogo gedu haluasa po weyu te i ola mabo po me olamu. ¹⁵ Te bidi dabe augwaligo wiegi yai pemene ebaso, te dagego wiegi yai homu pemene augwali dali hodobo iyao. Augwali homu dene eyu gela obaso, teda dage me augwali dali hodobo gela wao. ¹⁶ Dagego duga ama dede augwali dali deli homu tiwai elama, te duga digi dugade ebo homu tiwai augwali dali yao. Dagego homu dage genuai bidi bidabo homu me ilamu. Menio. Dage te nogi meni yai olo we bidi dabe dali abagi homu eyu bidişo. Dagego te homu elama duga digi te po me wago, "Eno naga eno koneai bidi dao," te po me wago.

¹⁷ Tama gasa bidigo dwai kolesaga dagebolo ebaso da, teda dagego te dwai kolesaga augwalibolo wei me ponogimio. Menio. Dagego duga ebo kolesaga bugagia osola sulama, tama te tigidali bidigo gedude wiegi yai dolo kolesaga te kolesaga naga iyao. ¹⁸ Duga digi te hwjabo homu me egio. Te tu elalubaso da, teda dagego deli homu tigidali bidi dali elama bidişo. ¹⁹ Eno abagi dede muo, te augwaligo dwai şę dagebolo ebo te duga digi wei munu me ponamuo. Te menio. Dagego te Godigo şębę ebo şę augwalide emainogo sula tagalişo. Magi baso meni, te Godigo po bukude agai te po wai, "Te dwai şę wei ponobo kolesaga da, te eno şę dao. Ena digi te eno dwai dene wei augwalibolo ponaibao, Genuai Bidigo te po wai." ²⁰ Te dwai şę wei munu me ponamuo. Te menio. Tiali goli, te Godigo po bukude wabo po tiwai, "Te nagebolo boi bidi ebo bidi aga nasi ebaso da, teda nago aga nai mao. Te aga aş nogone ebaso da, teda nago aş agabolo mao. Nago tama tiali da, teda agai yali kolesagade te nago aga hale ebo kolesaga mu ilaibao, tama te kolesagade ge naibao." ²¹ Gasa bidigo nagebolo dwai şę elama tama nago aga dwai şę ma wei ponoyu da, teda dwai kolesagago nage aiyaba elaluai dao. Te tama gogologio. Menio. Nago agabolo dwagi yai şę naga wei ponao.

† 12:14 Mat 5:44; Luk 6:28 †† 12:19 Bom 32:35 ‡ 12:20 Prs 25:21-22

Tama tiyu, nago dwagi yai kolesaga ebogo te aga dwai kolesaga yali aiyaba elalua.

Da te gavman bidi dabe augwali dologode bidao po wai

13 Da Godigo po wali bilibo we bidi da tigidali te gavman bidi dabe augwali dologode bidao. Magi baso meni. Te tşde elalubo gavman şę yabo bomu, te bomu tigidali te God aga digi agai dodolai dao. Te gavman me deli te olo me pedalubeo. Menio. Tigidali gavman bidibo, te Godigo digi augwali munama tama augwali bidibao. ² Tama tibaso, bidigo te gavmanigo po wali pabo hagela homu ebo bidi, te agai Godigo muani naide te homu ebo dao. Tama bidi augwaligo tama tibo da, teda augwali te augwa yali kolesagade te dwai dene saibao. ³ Magi baso meni. Te wiegi yai dolo kolesaga ebo bidi dabe augwali te gavman bidide wi ebo meni. Tiali goli te dwai kolesaga ebo bage augwali wi ilainogo te gavman bidi bidibao. Te nago te gavmanide wi ebo hagela homu ebowe? Teda, nago wiegi yai kolesaga naga ebaso, tama agai nago nogi ugwaba saibao. ⁴ Tama aga dali wi ebo page elalugobeo. Magi baso meni, aga te Godigo şę bidi te agai nage tau siyu, tama nage bugagia bidaibao. Tiali goli, nago dwai kolesaga ebaso da, teda nage aga wi yao. Nago koneani, te gavman enesigi bidi agai te poa pai genuai hwş ge tolalubo, tama agai te olo me tolalubo menio. Te gavman genuai bidi aga da te Godigo şę bidi, tama te dwai kolesaga ebo bidibolo te Godigo nogide te wei ponama dene mabo dao. ⁵ Tama tibaso, da te gavman bidi dologode bidao. Da te Godigo şębę geda somainogo ebode naga tama te gavman bidigo po wali pigio. Menio. Dago homugo te kolesaga ebo te dolo dao te tiwai homu yao.

⁶ Tama tede naga dagego te takis me abelebo dao. Magi baso meni, te gavman bidi dabe augwali te Godigo şę bidi bidibaso, tama sesemane sogo augwaligo bomu elama te şę naga tonalubo dao. ⁷ Dagego te bidi dabe augwalibolo te haniani negeli elalubaso da, teda dagego te augwalibolo mao. Te haniani takis, te maket takis dali, kaunsil takis dali, te tobage negeli te tedali tedali takis mone sabo bidi dabebolo mao. Dagego te gavman dabede deli dologode bidabo negeli elalubao. Tama tibaso, dage augwali dologode bidao. Dagego te gavman bidi dabe nogi ugwaba sabo negeli elalubao. Tama tibaso, dagego augwaligo nogi ugwaba sao. ⁸

Te bomai po dolo wali pabo kolesaga

⁸ Dagego bidi me delibolo negeli elalubaso da, te negeli polo wei ponao. Te negeli tigidali bugagia wei ponao. Tiali goli te negeli me deli dage tigidali deli deligo sesemane sogo me elaluaibao, siligobeo: te da te ama dede dabebolo dwagi yai homu eyu godolo mu yabo negeli elalubao. Magi baso meni, te bidi me deligo te gasa bidi dwagi yai homu eyu godolo ebo bidigo agai te kolesaga ebogo bomai po wali mu peduai dao,

†† 13:7 Mat 22:21; Mak 12:17; Luk 20:25

te aga te bomai pogo usu niba kadu wai dao. ⁹ Dago koneani, te bomai pode te po wai, "Nago te penani se egio. Nago bidi ela mugio. Nago nai wi sigio. Nago mena gasa bidigo nai dabe sulama pesa egio." Te bomai po dabe me, tama gasa bomai po tigidali elalubo, te tigidali bomai po deliba sisinama, tama augwali page deli naga elalubao, te page po e dao, "Te naga digi naga godolo ebo tiwai gilama te nago gasa we bidi dabe augwali godolo eyu tiao." ^{†10} Te bidigo gasa bidi dali dwagi yai homu eyu godolo mu ebo bidi, te agai dwai kolesaga te agabolo me egobeo. Tama tibaso, te we bidi dali wiegi yai homu eyu godolo ebo kolesaga ebo bidi, te agai te Godigo bomai po page usu naga-sobo dao.

Da dolo bilao

¹¹ Magi baso eno dagebolo te tiwai kolesaga yao po waliwe? Edao. Te megii da bidibo sogo te dagego koneanio. Megii dage te godege pila muani tagalama hodaloabo sogo dao. Magi baso meni. Polobadu da gesi konealubo po daş wabo bidi pedalali, tama Godigo da ma dobola sainogo homu yali sogo te digibilu gana elalubadi yali, tiali goli megii e sogo te dwasianu paşa pedalalio. ¹² Te be hulialuali silainogo elama, tama paşe be posainogo ebao. Tama tibaso, dago te be hulialu saide bidibo we bidigo ebo dwai kolesaga ebo tagalao. Te ami bidi dabe augwaligo augwa pibo ugwa guda munama, tama te augwa tigi duala sabo hwjabo ugwa gudubo dao. Tama te tiwai gilama, dago te dwai bidi Satan aiyaba elaluabo wiegi yai kolesaga te dago ugwa gudubo gilama guda sao. ¹³ Da dolo bilao, te giligade bilibo bidi tiwai yao. Dago te hagoma eyu te bomai aşı tuai bidi tiwai dedege bilamuo. Dago te penani ebo kolesaga eyu tama te meda ebo dwai kolesaga dali gagali egio. Dago gasa bidigo nai pesa elama godolo ebaso, tama wado po dabe me olamu dao. ¹⁴ Te tobage kolesaga meni. Dagego Genuai Bidi Jisas Krai selama, tama aga te bebo ugwa tiwai elama tama duga homude bea sao. Tama dagego te tigigo ebo dwai kolesaga wali pabo homu me egimio.

Dago ama bilibo me dagalamuo

14 Tama bidigo Krai de konealubo po daş weyu da yali, tiali goli agai konealubo po bomu isayü tama aga homu te God aga dali dwagi yai homu emainogo aga te bidigo nigali haniani bomai po aga wali pao homu ebo bidi dao. Te tobage bidi te dagego duga hani tomoba sela asao. Tiali goli tama tiyu te dagego homude aga dali gasa gasa konila po me olamu dao. Te meni. Te bidi olo mu sao. ² E tiwai yao. Bidi me deligo Krai de konealubo po bomu elama daş olama, tama agai tigidali haniani nai tubo dao. Tiali goli gasa bidi mego Krai de konealubo po daş olama gisiga konesiawai bidi, te bidi agai te mi tubo seşe habu selama, tama te gide holobo nai naga agai tubo dao. ³ Tama tigidali nai tubo bidigo, agai te kibu me

gasa nai mi tusiabo bidi dali dwai homu me egio, bo wagio. Me ma, te kibu me gasa nai mi tusiabo bidigo, agai homugo te tigidali nai tubo bidi te seşe sali homu me egio. Menio. Godigo te bidi me selama, tama agai hani dali dagayani dao. ⁴ Nage niwai bidi da olama, tama nago gasa bidigo seşe ebo bidigo ebo kolesagade te seşe sali homu ebo dawe? Te aga seşe bomu elama dolalubaso, ma aga tulalubaso da, te seşe aga Genuai Bidigo digi osola sulama tama aga dali yaibao. Tama te bidi aga dolaluaibao. Magi baso meni, te Genuai Bidigo digi te aga daş ilama, tama aga bomu elama dolalubo usu yaibao.

⁵ Te Krai wali pabo we bidi hani tomode bidi me deligo homugo te deli sogo bubugade te Godigo gedude te genuai sogo da homu mu elama tama te gasa sogo dabe te aiyaba elaluali homu ebo dao. Tama gasa bidigo homugo tigidali sogo te deli sogo bubugade tiwai da te homu ebo dao. Tigidali bidi deli deligo augwa digi augwa homude te seşe bugagia hanian homugo koneao. ⁶ Bidigo homugo deli sogo te polalubo genuai sogo da homu eyu da, te bidigo te Genuai Bidigo nogi ugwaba somainogo tama tebo dao. Te tigidali nai tubo bidi me, te bidigo te Godibolo te tubo naide puba hwi po obaso tama te nai tubo si agai te Genuai Bidigo nogi tama ugwaba sabo dao. Me ma, te tigidali nai me tusiabo bidi me, agai te Genuai Bidigo nogi ugwaba siyu, tama Godibolo te puba hwi po weyu ebadi, aga nai meba tubo meni. ^{††7} Dago koneani, te da usu da homu eyu, tama dena homu naga wali peyu tama da e tiwai bidaibao, ma da e tiwai isaibao, te homu eyu te da bidibo meni. ⁸ Menio. Te da bidibo ula elalubo sogo da, ma da isibo si da, te dago te Genuai Bidi dwagi yai homu ilabo seşe yao. Tama tibaso, da bidibadi me, ma da isai digi yaibasao, da te Genuai Bidigo we bidi hani dao. ⁹ Magi baso meni. Krai me isama tama bidibo ula ma sali da, te aga te isali bidi dabe dali te bidibo ula elalubo bidi dabe dali augwaligo Genuai Bidi bidainogo tama tiai dao.

¹⁰ Tama aga tama tialigo da, tama nago, magi baso nago te naga ama bilibo kolesaga dagalama tama aga dali dwai homu ebo dawe? Tama nago me, te magi baso nago te seşe sali homu naga ama u bidide ebo dawe? Dago koneani, te da tigidali te Godigo po tu ebode dolaluaibao. ¹¹ Magu meni, te Godigo po bukude aşani po tiwai yaibao, te po aşani, "Genuai Bidigo te po wai dao: 'Ena mu tama bidibo, ena isigobeo. Te tiwai eno megii wabo po me te mu usu nagasaibao. Te tigidali we bidigo ena pagede kidu sugunama, tama tigidali bidigo God po hanilama weyu aga God mu da waibao.'" [‡]

¹² Tama agai tama po waligo da, teda da tigidali we bidi deli deligo te dago Godibolo te dago yali tigidali kolesaga page te po pusaibao.

† 13:9 Sai 20:13-17; Prs 19:18; Bom 5:17-21

†† 14:6 Kol 2:16 ‡ 14:11 Ais 45:23

Dago ama dolobo şe me egio

¹³ Te da tigidali te Godigo po tų ebode mu dolalubaso, tama dago dwai homu gasa amago ebo kolesagade ebo tagalao, te me elamuo. Menio. Dago te tiwai homu yao: dago te ama dwai şeşeba tulalumainogo magi şe me deli elamu dao. Te aga Godigo pabo tųdu pabo dolamuo. ¹⁴ Ena te Genuai Bidi Jisas dali wadolama, tama agai ena ola manigo tama te eno e po page bugagia hania koneai, te magi tubo nai me deli te aga digi meda eyu tama te habu selai nai menio. Tiali goli bidigo te nai me deli te meda yai habu selali nai dao homu ebaso, te aga homude naga te nai meda elalubao, te agade te nai te habu selai nai dao. Dagego agabolo tuao olamuo. ¹⁵ Magi baso meni. E tiwai dao: nago amago homu te tubo nai me deli te habu selai nai dao. Tama agai nago te nai tubo subaso, tama aga homu te nai habu selali po wai nai goli, tama aga te habu selali po bolama, agai me te nai tubaso, aga te tiwai tulaluama te dwai homu şeşelaluaibao. Tama nago naga ama tama doloyu da, teda nago koneao, te kolesagade nago te aga ama dali dwagi yai homu eyu godolo eyu bidibo kolesaga nago tagalai dao. Krais isilama te ama ma dobola sainogo yali. Tama tibaso, nago nai tubo kolesagago te ama me dologio. ¹⁶ Tama tiyu, nago te kolesaga me deli dali te habu selesişwani kolesaga dao homu ebaso. Awe, tiali goli nago te kolesaga ebogo te nago ama te dwai şeş tomoba kegeyu da, teda te kolesaga ebo tagalao. Te gasa bidi dabe augwaligo te sulama, tama Godigo nogi posobo po waidali weyu, te nago te habu selesişwani kolesaga ebo tagalao. ¹⁷ Magi baso meni. Te Godigo da we bidi tonalubo şeş page da, te nai me wę tubo kolesagade te page elalubeo. Menio. Te aga da tonalubo şeş page e dao, te doloba pai kolesagade elaluyu, tama wiegi yai homu nagame eyu, tama wiegi yai homu pemene ebo kolesaga ebo. Te Godigo Tedali Mobo Bidigo te kolesaga da tomode nigilibo dao. ¹⁸ Tama bidi te tobage kolesaga ebogo te Kraisgo şeş bidi bidiyu da, teda aga Godigo usu niba kadu waibao, tama te bidi dabe augwaligo homugo te aga wiegi yai bidi da te homu yaibao. ¹⁹ Tama tibaso, da te tų naga wali peyu, te da deli homu ilabo kolesaga dali, te dena hasi dena bombo mabo kolesaga dali si, te da pobasa pao. ²⁰ Tama tiyu, e homu yao: eno ama da te Godigo ma dobola sai bidi dao. Tama tibaso, eno aga te konealubo pode dolidali weyu, te agai habu selali homu yai tubo nai te nai eno me tugobeo. Mu tama, te tubo nai tigidali wiegi yai dao, te we bidigo tuabo nai dao. Tiali goli, te nago nai me deli tuali digi tama tede te gasa bidi me deli tulalubo şeş ebaso da, teda nago dwai kolesaga ebaso. ²¹ Te doloba pai kolesaga e dao: nago amade kone palao. Aga te mi tubo kolesagade, ma te bomai wę tubo kolesagade, ma gasa şeşde me te habu selai dwai şeş dao homu ebaso da, teda agai nage te tobage kolesaga ebo sulama, tama aga homude elalubo habu selali po bolama tulaluidali weyu, nago te tobage kole-

saga egio. Tama tiyu te nago te wiegi yai ilibo dao.

²² Nago te mi dali wę dali tubo kolesagade nago naga homugo hania konebo, te homu te naga digi God dali dage si tomode dodolama elaluaao. Bidigo homugo te haniani ebo kolesaga usu selama tama meba dwai dao, meba dwagi yai şeş dao, te aga konebo dao. Tama te bidigo te wiegi yai kolesaga naga eyu, tama agai aga ebo şeşde dwai homu isişwai bidi, te bidi aga wiegi yai homu pemene yao. ²³ Tiali goli bidigo homu si elama te nai tuali da, te Godigo agabolo şeş mawaibao. Magi baso meni. Aga te şeşde te wiegi yai şeş naga dao te homu isişbadi aga homu si elama te nai tuali. Te tigidali şeş deli delide e po mu po dao: te şeş doloba pai şeş mu da homu isişbadi tama homu si elama te şeş eyu da, teda dago tede dwai şeş yalio.

Dago Kraisgo homu kolesaga wali pao

15 Te da Godigo we bidi hani tomode te we bidi meba augwaligo te Kraisde te konealubo po bombo meni yai bidiyu, tama augwaligo haniani şeşde te habu selebo dao, te ena tamadi tama te şeşde po aşani. Tama da meba te Kraisde te konealubo po bombo eyu daş olama bidibao. Tama da augwali dali te nagamea pai kolesaga eyu augwali sao. Dago augwali dali tama tiyu, tama dago augwaligo şeşde tolao. Dago augwali sula tagalama tama dena homu kolesaga naga wali me piduamu dao. ² Te menio. Da tigidali deli deli dago te da paşde bidibo bidide homugo kone palama, tama aga tau sabo şeş yao, te aga wiegi yai kolesaga selama, tama aga te Kraisde konealubo po bugagia daş wali bidi pedalomainao. ³ Te Kraisgo me, Krais aga digi aga homu wali me pabeo. Te meni. Te we bidi augwaligo agade nogi posobo po wali goli, aga Godigo homu naga wali pali. Te agade pedalali kolesaga te bidi mego Godibolo polobadu wali po tiwai gilama yai. Te bukude aşani po e dao: "Te God, te bidi dabe augwaligo nagebolo wabo dwai po wabo, te augwaligo dwai po wabo te po asiyu ena mesegelai dao," te po aşani, tama te Kraisde usu nagasai dao. ⁴ Godigo po tigidali augwaligo polobadu aşani, te augwaligo te po dabolo te wiegi yai bidabo kolesaga ola momainogo aşanio. Tama dago te aşani po nededu geyu, tama tede dago te haniani şeşde tolabo bombo dali, te dwagi yai po mobo mabo po dali somainogo eyu augwaligo te po aşani. Tama dago te bombo me te mobo mabo po me te bukude aşani pode selama, tama dwagi yai homu eyu, dago te Godigo da dali yabo wiegi yai şeş bugagia tonaluaibao. ⁵ Te God da, te haniani şeşde tolabo bombo page bidi dao, te dwagi yai mobo mabo po page bidi dao. Tama eno homugo te Godigo dage tau siyu, tama dage te Krais Jisasgo yali homu kolesaga wali mu peyu, tama dage deli homu naga duga hasi elaluyu bidaibao. ⁶ Eno homugo dage te tama bidiyu, tama pedauwali deli elama, tama Godigo nogi ugwaba somainogo yao, aga God tama dago Genuai Bidi Jisas Kraisgo Aya dao.

Krais da te Juda dabe dali gasa hani dabe dali ma
dobola sabo bidi dao

⁷ Dago te da pađe bidibo bidide homugo kone palao. Tama tibaso, duga hasi dage tigidali deli deligo te ama dede dabe selama, tama augwali dali deli homu elama bidao, te Kraisgo me da sali tiwai yaligi yao, te Godigo genuai nogi ugwaba pedalomainogo tiao. ⁸ Eno po page e dao: Krais agade digi naga aga homugo kone palisişbadi tama aga te tigiwali togobo Juda hani tau sabo şe bidi pedalai. Agai tama tialigo te God da te mu po naga wabo bidi dao ola mani dao. Tama tede Kraisgo te Godigo te polobadu bidali augwa waj dabebolo menama daş wali po tigidali usu nai dao. ⁹ Tama aga te Juda hanigo şe ebo bidi pedalobo te page me elalubao, te e dao: agai homugo te gasa hani augwaligo te Godigo homu dene eyu olo tau mabo wiegi yai kolesaga ebo te augwaligo sulama, tama aga nogi ugwaba somainogo homu yali, te Godigo po bukude wali po tiwai gilama yali, te po e dao:

“Tama eno nago nogi ugwaba sabo po gasa hani dabe tomode augwalibolo pusaibao.

Tama eno teşabi pogo nago nogi ugwaba saibao.” †

¹⁰ Tama bukude te şede gasa po me wali e dao:

“Dage gasa hani dabe, dagego te Godigo hani we bidi dali wiegi yai homu pemene yao.” ††

¹¹ Tama bukude te po gasa badu e tiwai po wali,

“Dage tigidali gasa hani bidi, dagego te Genuai Bidigo nogi ugwaba sao. Tama tigidali we bidi dagego aga nogi ugwaba sao.” ‡

¹² Tama te Juda hani isawai bagede te polobadu Godigo po pusali bidi Aisaiago me te po wai,

“Te gelali ni pedalide te ni koliama holobo tiwai gilama tama te bidi me deli te Jesigo hanide pedalaibao. Tama te bidi Godigo te gasa hani we bidi tonalubo bidi nigilaibao. Tama nigilama, tama augwaligo agade augwa homu tialuama, tama dwagi yai homu eyu, agai augwalibolo nosali yabo şe ebo tonaluaibao,” ‡†

te Godigo po polobadu pusali bidi Aisaiago te po aşani.

¹³ God da, aga te dago homu agaba tialuama tama dwagi yai homu eyu te agai dabolo nosali yabo şe tonalubo kolesaga page bidi dao. Tama eno gedu haluasa po weyu tama wabo dao, “God, te Rom bulude bidibo we bidi augwaligo nageba te konealubo po daş wali dao. Tama tebogo nago augwali wiegi yai homu pemene genuai elama, tama nagame yai homu te augwaliba pedalama tama paşanalumainogo yao, te eno homugo dao. Tama nago Tedali Mobo Bidigo bomogo augwali tau siyu tama augwaligo te nago nosali yabo şe bugagia tonalubo kolesaga te geninama mu pedalomainao,” eno te tobage po te Godibolo hanalu wabo dao.

Polgo aga ebo şede digi po weyu, tama agai
te Rom dabe de siade po wai

(Daj 15:14–16:27)

Pol agai te Godigo şe te Juda hani isawai gasa hani
bage tomode yali

¹⁴ Eno ama dede dabeo, te eno dagede te homu si ebo meni. Te eno homugo digi te dagego te we bidi tau sabo wiegi yai kolesaga sesemane sogo ebo dao, tama dagego haniani kolesaga tigidali elaluyu, tama dagego te Godigo wiegi yai homu kolesaga te duga hasi ama dede dabe augwalibolo ola mabo te dage usu ebo dao. ¹⁵ Tiali goli eno e pas tomode po meba ena homu wi me isayu, tama bomo elama te po dagebolo hania aşani. Eno te pode dage homu hodolainogo homu eba, te dagego te po kegeda pidali weyu yali. Magi baso meni, Godigo te aga olo tau mabo wiegi yai kolesaga ena dali eyu, tama enaba te dwagi yai şe mawai dao. ¹⁶ Tama agai ena te Krais Jisasgo şe ebo bidi bidimainogo ilama, te Juda hani isawai gasa hani augwali tomode şe emainogo yai. Ena te Godibolo lotu po weyu şe ebo bidi pris tiwai elama, tama eno Godigo wiegi yai gesi po pusubo şe eba. Eno te gasa hani augwali te Godiba sela aselama, tama Tedali Mobo Bidigo augwali wiegi yai mu doloba pai we bidi ilibo si, tama eno augwali Godibolo te usu si yai ofa tiwai elama mawaibao. ¹⁷ Tama tibaso, ena Krais Jisas dali wadolama, tama eno te Godibolo ebo şede te ena wiegi yai homu pemene ebo usu ebo dao. ¹⁸ Tama eno gasa bidigo yali şede po me wagobeo. Menio. Tama bomo elama, eno te Kraisgo şe ena nogode yali şe po naga pusubao. Agai eno po tau selama, tama wiegi yai şe dabe eno nogode yai. Tama te si ebogo te Juda hani isawai gasa hani we bidi augwali te Godigo po odoyu, tama augwaligo homu tulaluyu, tama augwali agai po wali pabo şe ilali. ¹⁹ Tama agai eno nogode te haniani bidigo me isawai bomai şe yai. Tama Tedali Mobo Bidigo me enabolo şe bomo yali. Te tigidali şe agai yai, te gasa hani dabe hodolama, tama augwaligo te Godigo po wali pomainogo yalio. Tama tiyu, eno te şe Jerusalemde gagalama, tama eno Kraisde wiegi yai gesi po tigidali augwalibolo pusali, tama ena bilali te tigidali habuba te digibulu mu bulu nogi Ilirikum daş egi pelama, tama te şe ela silai dao. ²⁰ Tama tiyu, te şede eno homugo te Kraisgo nogi polobadu koneşawani bage bidiboba pelama, tama augwalibolo eno te wiegi yai gesi po pusabo homu godolo mu yalio. Te po digi po begelama tama e tiwai dao, eno te gasa bidigo tulai be ni daide eno be me şe idali weyu, ena te digibulu buluba pai dao. ²¹ Tama tiyu, eno te Godigo po bukude polobadu aşani po usu numainogo yai, te po e dao,

“Te agade po munu me odosişwani bidi dabe, te augwaligo aga sueibao. Tama agade po odosişwani

† 15:9 2 Sml 22:50; Tib 18:49 †† 15:10 Bom 32:43 ‡ 15:11 Tib 117:1 ‡† 15:12 Ais 11:10

bidi dabego, te augwaligo agade bugagia koneaibao." †

Polgo Rom dabe suabo homu yali

²² Te digibulu bulude bidibo bage, te augwali Kraisgo nogi munu me odosişwani we bidi, te eno augwalibolo Godigo po pusubo ş hauwa elalubaso, tama te şego hauwa sogo ena tų palidubaso, tama ena dageba pabo usu me ebeo. †²³ Tiali goli megi eno yabo ş te gasa pađe elalubo tų pedai dabede me elalubeo, te ş tede silai dao. Tama hauwa kibu bede te ena dage bidibo madi asabo homu godolo mu yai dao. ²⁴ Tama tialigo da, megi eno homugo te ena te digibulu tų pedai nogi Spen, te dagego bulu Rom u badu bulu, te ba ena paio. Tama te Spenba pobadi tama tomode ena dagego hanu Romba hasia sabolaibao. Tama dageba te tiwai sabolama, tama ena dwasianu sogo dage dali dwagi yai homu eyu bidama, tama dagego ena tau siyu ena odasa pelama, te Spen bulu pabo tųba tagaligi pagameo. ²⁵ Tiali goli megi hasia bolo ena te Jerusalem hanuba pabo tamadi gagalaibao, te tede bidibo Godigo we bidi tau magi paibao. ²⁶ Te e tama tiaibao: te Masedonia dali Akaia dali te tų pedai side bidibo Godigo we bidi augwaligo po mia selama, tama dwagi yai homu eyu augwa nai sesa pelama sisinama, tama eno nogoba munama, tama te nai meni yai te Godigo we bidi augwalibolo te Jerusalemba tolainogo ebo dao. ²⁷ Mu tama, augwa digi augwaligo te mone mabo şede wiegi yai homu elama augwaligo tama tiwai yali, tiali goli augwaligo negeli me te Jerusalem dabede elalui. Magi baso meni, te Jerusalemde bidibo Juda dabe augwaligo te Juda hani isşwai gasa hani dabe augwali te Godigo wiegi yai gesi po mani negeli elalui. Tama tibaso, gasa hani augwaligo te tigide nai tau sabo negeli te Juda dabe augwalide elalui dao. †²⁸ Te gasa hani bage augwaligo Godigo wiegi yai po odama, tama te pogo megi du walobao, te gasa hani bage augwaligo augwa monego te Juda dabe tau saibao. Tama eno te ena nogoba muani ş silabo homu eyu, tama eno te wiegi yai du tigidali te Jerusalem dabe augwaligo nogoba bugagia menama da, tama nosali ena te Spen buluba pabo tųdu painogo, tama tedu pobadi hasia eno dage bolo suagasaibao. ²⁹ Tama eno koneanio, te ena dage bidiboba sabalobo si, te Kraisgo da tigidalibolo te wiegi yai homu ilibo dwagi yai ş elama, tama da pağawaibao.

³⁰ Eno ama dede, eno homugo dagego te dago Genuai Bidi Jisas Krai homu koneama, tama te Tedali Mobo Bidigo da tomode hodolali duga hasi godolo ebo kolesaga me homu kone palao. Tama te side homu kone palama, dage homu hodolama, tama te gedu haluasa po wabo ş dene ena dali emainu eno te homu godolo ebao. Dagego te Godibolo gedu haluasa po weyu ena tau somainogo yao, ³¹ tama ena te Juda dabe meba te Godigo po sela şabo bidi augwali no-gode ena dagala samainogo yaibao. Tama me, dagego

te Godibolo gedu haluasa po obaso, te Godigo aga we bidi Jerusalem dabe augwaligo te eno augwali tau sabo şede dwagi yai homu eyu tama godolo emainao. ³² Tama tiyu, tama Godigo usu da homu ebaso da, te ena wiegi yai homu pemene eyu, tama dage bidiboba sabolaibao. Tama ena dage dali dwasianu sogo bidiyu toma nabo homu yaibao. ³³ Eno homugo God da, aga te wiegi yai homu nagame ebo page bidi, aga te dage tigidali dali bidao. Mu dao.

Polgo we bidi hauwabolo siade da po ola tolali

16 Eno homugo te dago abe Fibi aga dage bidiboba sabalobo si dagego aga selama, tama agabolo wiegi yai ş bugagia yao. Agai te ede Senkria bulude Godigo po odobo we bidi tau sabo ş ebo dao. ² Eno homugo dagego homu Genuai Bidiba koneama, tama dagego te we Fibi selama, te dage Godigo po odobo we bidi dali bidimai homu yao. Te wiegi yai kolesaga da Godigo we bidigo ebo kolesaga dao. Tama Fibi aga magi nai me deli meni baso da, teda dagego aga tau sao. Magi baso meni, agai abagi homu eyu tama we bidi hauwa tau sai, tama agai ena me tau sai dao.

³ Dagego eno siade da po wali te we Prisilade, aga bidi Akwila sibolo mao, augwali si te Krai Jisasde ena dali deli ş ebo dao. ⁴ Te augwali sigo ena isidali weyu ena tau siyu isabo sisi yai elaluali. Tama eno naga eno gedu haluasa po augwali side weyu Godibolo usu da po me wabeo. Menio. Te Godigo po odobo gasa hani dabe tigidali augwaligo me te gedu haluasa po weyu, te Prisila dali Akwila dali side Godibolo puba hwi wabo dao. ⁵ Tama eno siade da wali po dagego te augwali sigo beba sisinibo te Godigo po odobo we bidibolo te po wao.

Dagego eno siade da wali po te bidi Epainetus agabolo mao, eno abagi mu dao. Te moni tų Esiade te tigidali we bidi augwaligo augwa homu Kraisba musişbadi te agai polasa aga Godigo po wali pabo bidi hasia pedalai. ⁶ Dagego eno siade da wabo po te we Mariabolo wao. Agai te ş dene hauwa elama dage tau sai. ⁷ Te eno siade da wali po dagego te bidi si Andronikus dali Junias sibolo wao. Augwali si eno Juda hani deli tama ena dali me sogo polobadu kalabuside bidai dao. Augwali si te Godigo po sela pabo bidi augwali tomode nogi elalubao, tama augwali si ena dali polama Kraisde wadolama bidai.

⁸ Dagego eno siade da wali po te bidi nogi Ampliatusbolo mao. Da si te Genuai Bidiba wadolama tama aga eno abagi mu bidibao. ⁹ Dagego eno te siade da wali po te bidi Urbanus agabolo wao, aga da dali te Kraisde deli ş ebao. Tama siade da po te bidi Stakisbolo me wao, aga eno abagi mu dao. ¹⁰ Dagego eno siade da wali po te Apelesbolo wao, aga da te aga Kraisde homu keğ pai kolesaga augwaligo usu selama tama usu da wai nogi bidi dao. Dagego eno siade da wali po te bidi Aristobulus dali deli bede bidibo bage augwalibolo wao. ¹¹ Te eno siade da wali po te bidi Herodionbolo dagego waiyağ, aga te ena dali Juda hani deli dao. Te eno siade da wali po te Genuai Bidide

† 15:21 Ais 52:15 †† 15:22 Rom 1:13 ‡ 15:26 1 Ko 16:1-4
‡† 15:27 1 Ko 9:11

wadolali we bidi augwali te bidi Narsisusgo bede bidi-bo bagebolo dagego te po augwalibolo waiya.

¹² Dagego eno siade da wali po te we ama name si Trifina dali Trifosa sibolo wao, augwali si te Genuai Bidigo şe ebo dao. Te eno siade da wali po te we nogi Persisibolo wao, eno abagi mu dao. Agai şe dene hauwa Genuai Bidide yai dao. ¹³ Eno siade da wali po dagego te Rufusbolo waiya. Aga te Genuai Bidi wali pabo wiegi yai bidi dao. Eno siade da wali po agai id-abolo me wao. Te we te enade te aga eno ogwa tiwai dao homu eyu, tama agai enade dwagi yai şe ebo dao. ¹⁴ Eno siade da wali po te Asinkritusbolo me, Flegon, Hermes, Patrobas, Hermas me, te bidi dabebolo dagego te po waiya, tama augwali dali bidalubo ama dedebolo me wao. ¹⁵ Dagego eno siade da wali po te Filologus dali aga we Julia sibolo me, tama te bidi Nereus dali aga abe dali sibolo weyu, tama te bidi Olimpasbolo me, tama augwali dali bidibo Godigo we bidi tigidali augwalibolo te po waiya.

¹⁶ Te Godigo we bidi dago ebo kolesaga te tiwai eyu, tama abagi homu eyu, duga hasi dage tigidali deli deligo te ama dede augwali pageia. Te Kraiso po odobo hani tigidali augwaligo siade da po dagebolo ola tolobao.

Bidi mebago Kraiso hani we bidi tomode pedebo po

¹⁷ Ama dedeo, te we bidi hani pedebo kolesaga ebo bidi dabe, te bagede dagego bugagia suao, dua dao. Te dagego Kraise polobadu odali ola mabo po, te po augwaligo sela şawainogo eyu, tama augwaligo we bidi dwai şe ebo kolesaga tomoba kegebo dao. Te tobage we bidi dagego tagalao, augwali tudiba mu muao. ¹⁸ Magi baso meni, te tobage bidi dabe augwaligo te dago Genuai Bidi Kraise şe me ebeo. Menio. Te augwaligo augwa tigigo digi ebo kolesaga naga wali pabo dao. Tama pusu ebo po me tama te bidi homu begasa pabo tibo pogo augwaligo te dwai şede koneşabo we bidi dabe homuba tibo po ola menama, tama te bidi dabe augwaligo homugo te dwai kolesaga da homu me isawaibao. ¹⁹ Dagego Godigo po bugagia wali pabo kolesaga po, te tigidali bidi dabe augwaligo odalio. Tama tibaso, eno wiegi yai homu pemene dagede ebao. Tiali goli eno homugo dagego te wiegi yai doloba pai kolesagade bugagia gisiga koneao. Me ma, te dwai kolesagade eno homugo dage te tobage kolesaga isayabo homu mu yao. ²⁰ Tama tiyu da, teda

God da, aga te wiegi yai homu nagame ebo page bidi, dwasianu sogo tama silama, tama agai te Satan dagego şağ dologoba munama agawaibao. Te eno homugo te dago Genuai Bidi Jisas Kraiso da olo mu tau sali wiegi yai kolesaga dage dali bidao.

Bidi meba augwaligo Rom dabebolo siade da po ola tolai

²¹ Ena dali deli şe ebo bidi, Timoti, agai siade da wabo po dagebolo ola tolobao. Tama Lusius me, Jeson me, Sosipater me, eno Juda hani deli bage, augwaligo me siade da wabo po dagebolo ola tolobao.

²² Ena Tertius, te eno Polgo pedauwalide po selama tama eno e pas eno nogogo aşai. Te Genuai Bidigo nogide eno siade da wabo po dagebolo obao.

²³ Te bidi nogi Gaius agai siade da po dagebolo ola tolobao. Agai ena Pol bugagia agai bede tonaluyu nai gesali. Aga beba te Kraiso po odobo we bidi augwali deliba sisinibo dao. Erastus, aga e hanude te gavmani-go kuskus şe ebo masigi tonalubo bidi, tama dago ama Kwartus, te augwali sigo siade da po dagebolo ola tolobao.

²⁴ [Te dago Genuai Bidi Jisas Kraiso da olo mu tau mani wiegi yai kolesaga te dage tigidali dali bidao. Mu dao.]

Dago God nogi ugwaba sao

²⁵ Dago Godigo nogi ugwaba mu sinao. Eno aga gesi wiegi yai po pusubogia tama God agai dage te Kraise homu keş pai we bidi mu daş wabo usu yaibao. Te wiegi yai gesi po te Jisas Kraise elalubao. Tama polobadu tigidali sogo te po te geme dualali po geme dualaluali, ²⁶ tiali goli megi Godigo te po hania hanilai dao. Godigo po pusali bidi profet dabego te geme dualali po polobadu aşani. Tama megi te sesemane sogo bidibo Godigo agai te augwalibolo te po pusao po olama, tama agai po sela pabo bidi dabe augwaligo te tigidali tşde bidibo we bidibolo pusugi peyu, tama augwalibolo hania ola mabo şe megi ebo dao, te tigidali we bidi agaba konealubo po daş olama tama agai kolesaga wali pomainogo ebao.

²⁷ Te God agaduba deligo naga mu koneai elalubao, dago te Jisas Kraise sesemane bidada pabo sogo aga nogi ugwaba sao. Mu dao. Eno po tama dao. Ena Pol da.

Polgo Hasia Pas Deli Korin Dabebe Aşani

Hasia nedebo tau sabo po

Polobadu te bidi Pol bidali sogo, aga digi te bulu Korin genuai taun me deli te provins t̄o pedai Akaia bulude te Grik dabego moni t̄o pedai tomoba pelama, tama te moni genuai hanu Korin teba sabolama, tama Krajs Jisasgo po te Korin we bidi dabebolo pusali. Te Korin hanu dwai nogi elaluali, te dwai dwai penani ş̄e ebo hanu wai, tama tibo god hauwa tede elaluali. Te Korin we bidi mebago te Godigo po bugagia odali. Tama nosali Pol aga te gasa hanu nogi Efesus tede bidibadi, agai e pas te Korin bagebolo aş̄na tolali. Agai odali, te hani augwa hasi tomode pebeda pali. Tama bidi me deligo dwai penani ş̄e yali. Tama te Korin bage augwaligo pas te Polba aş̄na toloyu, tama haniani kolesaga ebode te augwaligo aga po hanalu wali. Tama Pol agai te hanalu wali po wei ponoyu, tama aga homu me Godigo homu dali si augwalibolo pusa mani.

Polgo moni homu te Jisasgo po wali pabo te Korinde bidalubo we bidide yali, tiyu augwaligo konealubo homu daş̄ wabo te bomu kimi meni dali weyu yali. Tama augwaligo wiegi yai kolesaga yali te dolidali homu yai. Agai te we de bidi si deliba dagana selama bidu ebo te doloba pai kolesagade po weyu, tama te ş̄eş̄e dabe pedalubo si te Godigo Tedali Mobo Bidigo te augwali bilibo dodolomainu yabo po weyu yai. Agai te lotu wabo wiegi yai kolesaga ebo po me te haniani gasagi yai homu kolesaga te Tedali Mobo Bidigo te Jisas wali pabo bagede ebo po wali. Tama me te isali bidi dabe ma hodalueibao po wai dao.

Te tama tigidali ş̄e dabego te Korin dabebe ş̄eş̄e mobaso, te bidi Polgo te wiegi yai mu pogo te augwali tau so-mainu eyu te Godigo ebo homu kolesaga konemainu yali. Te e bukude daş̄ me badude te Genuai Bidi wali pabo bagego homu godolo ebo po te buku Daş̄ 13 tede te po elalubao. Te daş̄de te tiwai po te gasa bidi hasi homu godolo ebo po wali elalubao, te hasia mu Godigo aga we bidi dabebe mani homu kolesaga te dao. Dago te tama kolesaga wali pabo usu dao.

Te Genuai Bidigo po wali pabo bagego augwa digi augwa nogi ugaba sabo konila po me olamuo po wai

(Daş̄ 1-4)

1 ¹⁻² Ena Pol da, tama Godigo digi aga homugo konea pelama tama agai ena i olama, te Krajs Jisasgo tagala palali bidi ş̄eba muani. Ena dali dago ama Sostenes dadi sigo e pas te dage Korin moni hanude bidalubo Godigo we bidi hanibolo aş̄na tolobao. Dage te Godigo dwai ş̄e me is̄abo wiegi yai we bidi pedalomainu eyu agai dage i wai dao. Tama dage Krajs Jisas dali wadolama, tama dage dali te tigidali bulude bidalubo we bidi augwaligo te dago Genuai Bidi Jisas Krajsbolo lotu po wabo bage dali, te da tigidali Krajs Jisas dali wadoloyu tama Godigo we bidi hani bidibo dao. Aga da, te augwaligo me te dago me Genuai Bidi dao. ^{†3} Eno homugo dago Aya God dali, te Genuai Bidi Jisas Krajs dali, augwali sigo te augwa olo

tau sabo kolesaga me, te bidi homu dua digi nagame ilibo kolesaga dali si te dagebolo mao.

Polgo Godiba puba hwi po wali

⁴ Eno gedu haluasa po weyu, tama tigidali sogo eno te ena Godibolo dagede puba hwi po wabo dao. Magi baso meni, dage Krajs Jisas dali wadolobaso Godigo dage olo tau siduai dao. ⁵ Dage Krajs dali wadoloyu tama Godigo bomu dagebolo mayu, dage te tigidali dwagi yai kolesaga ebode te dage usu mu dao, ş̄oş̄ pabeo. Tama tiyu, dagego te Godigo po kuna koneyu tama gasa we bidibolo pusubo ş̄e te dage usu nubo dao. ⁶ Te Krajsde ola mani po te dagego bugagia mu odolama te sai dao. Tama selama, tama dagego ebo kolesaga hasegelebaso, te gasa we bidi dabe augwaligo sulama tama augwaligo koneai, dagego te Krajsde ola mani po mu odobo dao. Tama tibaso, ⁷ te Godigo dagebolo maiabo wiegi yai ş̄e yabo bomu tigidali dagego sai dao, tede dage ş̄oş̄ peyu habuge me ebeo. Tama dagego tama selama, dagego dago Genuai Bidi Jisas Krajs hania pedalabo sogo asobo tonaluyu bidibo dao. ⁸ Tama agai te dagego agade konealubo po daş̄ weyu agaba homugo tialubo kolesaga, te agai bomu ilama, tama te tigidali nai silabo sogo usu nigi paibao.

† 1:1-2 Tpi 18:1

Agai tama tiyu, tama dago Genuai Bidi Jisas Kraiss aga ma asobo sogo te sogo dage seğe meni yai we bidi pedalaibao. ⁹ Te God aga digi dage aga ogwa Jisas Kraiss dali wadolomainogo eyu tama dage i wali bidi, te tiwai God aga digi da te agai homugo dage dali keğ pai bidi mu dao, te dage agaba tiğ pabo te usu dao.

Te Korin dabe augwa hasi bugulama hani si sela pedalai

¹⁰ Ama dedeo, te dago Genuai Bidi Jisas Kraiss agai aga nogigo bomomo enabolo mobaso, eno homu dene ebadi te nogi bomomo eno e po dagebolo megii obao, dage tigidaligo deli homu naga eyu tama po deli tama wao. Dage si sela pebeda pigimio. Te mu menio. Dage bidibo deli hani tama bidiyu, deli homu kolesaga naga dali, te deli seğ yabo homu dali te seğ yao. ¹¹ Eno te po dagebolo magi baso obawe? Woo, eno ama dede, te dage tomode bidibo we nogi Kloe, aga bede bidibo bage meba augwaligo enabolo wali, duga hasi tomode wado ebo wali. ¹² E tiwai dao: dage tigidali deli deligo gasagi gasagi yai po wabo. Me badugo te po wabo, "Ena Pol wali pabo dao." Me badugo te po wabo, "Ena Apolos wali pabo dao." Me badugo "Ena Pita wali pabo dao" wabo. Tama me badugo "Ena Kraiss wali pabo dao," te po wabo. ¹³ Tega! Magi yaliwe? Kraiss tomode pebeda pali elaluba agawe? Ena Pol, te ena dage tobade te ni pedaide isaliwe? Te dage baptais yalide, te ena Pol wali pomainogo eyu tama dage baptais yali dawo? Te mu meni.

¹⁴⁻¹⁵ Dage tomode eno baptais yali te Krispus dali Gaius dali te bidi sidigi da. Gasa bidi meni. Tama eno te we bidi hauwa te baptais masiğbaso, ena dwagi yai homu ebo dao. Magi baso meni. Te eno we bidi hauwa te baptais magi sogo da, teda augwaligo te "Da Pol wali peyu tama baptais salio," te po augwaligo wagi da. ¹⁶ E, eno megii tama ma kone palali, te bidi Stefanas dali aga hani dali digi te me eno baptais mani da. Eno gasa me baptais maniwe ma meniwe, te eno konebeo, kegeda pai. ¹⁷ Tama Kraissgo ena tagala palali te we bidi baptais emainogo tagala palabeo. Menio. Agai ena tagala palali eno te Godigo wiegi yai gesi po te we bidi augwalibolo pumainogo tagala palali. Tama tiyu agai homugo eno te tğde koneai bidi dabego wabo pogo agai gesi po page ola menamuo te homu yai. Te Kraiss aga te ni pedaide isibogo bomomo eno dolidali weyu tama eno te tğde koneai bidigo po pusubo kolesaga wali pabo meni.

Godigo wiegi yai homu kolesaga dali agai genuai bomomo dali si po

¹⁸ Eno koneani, te augwali digi dolobo seğ ebo tğdu pabo we bidi augwaligo homu te Kraiss ni pedaide isali po te homu kolesaga meni yai bidigo wabo po naga dao. Tiali goli te da Godigo ma dobola sabo we bidi, te dago homu te po da te Godigo genuai bomomo hania ola

mabo po dao. ¹⁹ Tama tede te Godigo po aşani bukude Godigo wali po me deli e tiwai elalubao:

"Te eno te tğde koneani bidi dabego homu kolesaga dolaibao, te haniani seğde polo konea pabo bidi dabego homu kolesaga ena sela sağwaibao," ^{††} Godigo te po wai. ²⁰ Tama Godigo te po polobadu obaso, te tğde koneai bidi dabe augwali magi yaibawe? Te buku hauwa elalubo po page konebo bage, augwali me magi yaibawe? Ma, te gasa bidigo homu bega sabo po bugagia wabo bage, augwali me mena seğ me elalubawe? Menio. Godigo dabolo hanilama hania ola mawai dao, te e tğde elalubo wiegi yai homu kolesaga te olo nai tiwai dao, te homu kolesaga meni yai bidigo olo po naga dao. [‡]

²¹ Magi baso meni, God aga homu kolesaga te wiegi yai mu, aga tigidali naide kuna konebo kolesaga sia pai elalubo dao. Tama agai te tiwai ilama tama we bidi augwaligo augwa homu kolesagago naga aga koneşiğbo seğ ilali. Tialima Godigo homugo te dago Kraissde pusubo pogo agai te po augwa homugo konealubo we bidi agai ma dobola saibao. Tğde we bidi augwaligo te pode te homu kolesaga meni yai bidigo olo po naga dao homu yali, tiali goli Godigo homugo te pogo agai we bidi ma saibao. ²²⁻²³ Te Juda bage augwaligo te po wabo dao, "Te ola mabo pode, te dago gedugo te nago te bidigo işğbo genuai bomoi seğ ebo subaso da, te da dago te nago ola mabo po te mu po dao homu yaibao." Tiali goli eno "Te Kraiss aga te ni pedaide isali kolesaga te genuai seğ dao," te po eno te Juda dabebo lo obaso, augwaligo te po hagela eyu oda tagalobo dao. Me ma, te Juda hani işğwai bage augwaligo homugo bidi mego aga digi homu kolesagago naga augwalibolo augwa e tğde bidibo kolesaga page hania ola mao, te homu augwaligo ebo dao. Tama tiali goli dago te Kraiss ni pedaide isali po augwalibolo ola mobaso, hagela homu eyu te pode augwaligo me te homu kolesaga meni yai olo po naga dao, te homu ebo dao.

²⁴ Tiali goli te da Godigo i olama diğ sali we bidi, da me badu Juda bage, me badu te Juda hani işğwai bage, dago homu te Kraissde pusubo pogo te Godigo genuai bomomo dali aga wiegi yai homu kolesaga me te hania ola mabo dao. ²⁵ Magi baso meni, bidigo gedude te Godigo yali homu kolesaga te page meni yai homu kolesaga dao. Tiali goli agai homu kolesaga wiegi yai mu dao, tego te tğde bidigo homu kolesaga tigidali aiyaba elalubo dao. Tama bidigo gedude Godigo yali seğ, te bomomo meni yai seğ dao. Tiali goli te mu meni, agai genuai bomomo te tğde we bidigo bomomo tigidali aiyaba elalubo dao.

²⁶ Eno ama dede, kone palao. Te Godigo dage i wali sogo te dage magi we bidi dabe bidaliwe? Te tğde bidigo gedude dage tomode te haniani naide bugagia koneani bidi hauwa meni, te gasa we bidi tonalubo bomomo elalubo bidi hauwa meni, te genuai nogi yai bidi dage tomode hauwa menio. ²⁷ Te meni. God agai homugo eyu tama te tğde haniani naide kuna koneani we bidi hale emainogo eyu, agai te augwaligo gedude

† 1:12 Tpi 18:24

†† 1:19 Ais 29:14 ‡ 1:20 Jop 12:17; Ais 19:12; 33:18; 44:25

te homu kolesaga meni yai bage diş sali. Tama me te tşde genuai bomo elalubo bage hale emainogo eyu, agai te tşde we bidigo gedude bomu meni yai we bidi diş sali. ²⁸ Te tşde we bidi augwaligo gasa we bidi me badude e homu ebo dao, "Woo, augwali te nogi meni yai bage naga dao, dwai bage dao, augwali olo nai naga dao," te homu ebo dao. Tiali goli agai te tşde we bidigo gedude genuai wiegi yai nai dolomainogo eyu, Godigo te tobage olo we bidi diş sai dao. ²⁹ Tama tibasoo, dago hania koneani, te bidi me deligo aga digi nogi Godigo gedude ugwaba me sogobeo. ³⁰ Tiali goli Godigo dage Krai Jisas dali wadolali, te agai tilama tama Kraiigo da wiegi yai homu kolesaga elalubo we bidi nigali. Te Kraiide God agai da agai wiegi yai we bidi hani mu ilali, tama dago dwai şede sali şeşę sela şanama tama da olo bugagia bidibao. ³¹ Tama tibasoo, te dago te Godigo po bukude elalubo po me deli tiwai inao. Tede e tiwai po wai dao, "Bidi me deligo te nogi ugwaba sabo po wabo homu eyu da, teda agai dago Genuai Bidigo nogi naga ugwaba sao," te po aşani. †

Polgo te Korin dabego konealubo po daş omainu te ni pedaide po page pusali

2 Tama eno ama dedeo, polobadu hasia ena dageba asama, tama eno Godigo geme dualali mu po te dagebolo pusagasali, tiali goli eno te haniani pogo te dage homu begelemainogo me wabeo. Tama eno te koneani genuai genuai kolesagade te po dagebolo me pusubeo. ² Te eno homugo digi eno tiwai po walio: te ena dage tomode bidibo sogo, te eno homugo gasa nai me konebo şeş me ebeo. Menio. Eno homugo te Jisas Kraiiba naga konealumainogo yaibao. Awe, te Jisas Krai ni pedaide isai dao, tede naga eno dagebolo po pusabo homu yai. ³ Tama polobadu ena dage dali bidali sogo, te sogo ena bomu meni yani. Ena moni wi elalu, tama ena tigi didibili hauwa yai. ⁴ Tama eno ola mani po me, te dagebolo pusali po me, te eno te kolesaga koneai bidigo kolesaga selama, te dagego homu bega sabo po me wabe. Menio. Dagego te Tedali Mobo Bidigo bomu kuna konemainogo eyu, eno Godigo po dagebolo ola mayu wai dao. ⁵ Eno tama tiali. Magi baso meni, eno homugo te bidigo homu kolesagaba te dagego homu teba tialugobeo. Menio. Eno homugo te dagego Godigo bomode naga te Kraiide konealubo po daş weyu, tama teba naga duga homu bugagia tialuaibao. Tama tibasoo, eno te Kraiigo po dagebolo pusuyu, eno te kolesaga koneai bidigo po wabo kolesaga wali pabeo, eno te tobage homu bega sabo pogo te Kraiigo po dagebolo pusubeo.

Godigo Tedali Mobogo te kuna koneabo kolesaga dabolo mani

⁶ Te tşde kolesaga koneai bidi dabego kolesaga eno dagebolo ola masiřwani goli, te Godigo Mobo Bidigo te Godide ola mabo po page kuna konebo usu yali we bidi augwalibolo eno te koneani kolesaga po pusubo

dao. Tiali goli te tşde bidi dabego koneani kolesaga po me wabo meni. Tama te tşde tobolu bidi dabego kolesaga me dago wabo meni, te augwaligo bomu kimi megi meni ebo. ⁷ Tiali goli dago te Godigo koneani kolesaga po pusubo dao. Te po te bidi dabego koneidali weyu geme dualaluali. Godigo te tş dagalu nigisiřbadi tama agai te koneani kolesaga sa muani te dabolo mayu, tama te koneani kolesagago dago te Godigo bomai ula digi nosali selama tama bugagia bidimainu yalio. Tama te tobage koneani kolesaga po dago te we bidibolo ola mabo da. ⁸ Te e tşde tobolu bidi deli mego te koneani kolesaga po page me konebeo. Menio. Te augwaligo konegi sogo da, teda augwaligo te ula yai bomu elalubo Genuai Bidi me sisi nama, tama aga te ni pedaide elama me isigi meni dao. ⁹ Tiali goli dago te şeş dabe po wabo te Godigo po bukude wali po gilama yali,

"Te we bidigo gedugo susiřwani nai, tama odogo me odobe, tama bidigo homuba me pedalisiřwai, te nai digi Godigo sisi ilali te we bidi dabe augwaligo aga godolo mu ebo bage augwalibolo momainogo yai." ††

¹⁰ Tiali goli te polobadu geme dualaluali po te Tedali Mobo Bidigo şede te Godigo dabolo ola mani. Tedali Mobo Bidigo te tigidali nai osola suyu tama koneani. Tama te Godigo homu kolesagade aga geme dualali nosali şeş yabo homu, te me te Mobo Bidigo konebo dao. ¹¹ Mena bidigo te gasa bidi mego homu konegowe? Menio. Te bidi aga mobogo digi, te aga tomode bidibo, tego naga koneani. Te tiwai naga, te gasa bidi me deligo te Godigo homu kolesaga me koneisiřwai. Te Godigo Mobogo digi agai naga konebo dao. ¹² Tama dago e tşde we bidi tonalubo mobo me sabeo. Menio. Dago te Godidu asali Mobo Bidi sali, tama dago te Godigo dabolo olo maiabo tigidali nai konemainogo yalio.

¹³ Tama tibasoo, dago te Godigo Tedali Mobo Bidi elalubo we bidibolo te Godigo olo maiabo naide po hanilama pusubadi, dago te bidigo homude selama dago te po me wabo meni. Menio. Te Tedali Mobogo digi da ola menama, tama dago te po ola mabo dao. ¹⁴ Tiali goli te Tedali Mobo Bidi elalusiřbo bidi da, agai te Godigo Mobogo olo mabo nai dabe sogobeo, aga usu egobeo. Magi baso meni, agai homugo te page meni yai nai dao, tama agai te naide te page bugagia konegobeo. Te naide po dago te Tedali Mobo Bidide naga sali, tama te Tedali Mobo Bidi meni yani bidi da, agai te po page me dagalogobeo. ¹⁵ Tialima, te Tedali Mobo elalubo bidigo, agai te tigidali nai dagalama, tama te nai page konebo usu ebo dao. Tiali goli te bidi me deligo te Tedali Mobo elalubo bidi dagalainogo ebo te usu me egobeo. ¹⁶ Awe, te Godigo po bukude po me elalubo e tiwai wabo,

"Dego te Genuai Bidigo homu konebaso, te agai Genuai Bidi mobo mabo usu egowe? Bidi meni," te aşani po tama wabo. Tiali goli te Kraiigo homu kolesaga dago elalubo dao. ‡

† 1:31 Jer 9:24

†† 2:9 Ais 64:4 ‡ 2:16 Ais 40:13

Godigo po pusubo bidi da te Godigo şe ebo bidi dao

3 Tama tialima, ama dedeo, polobadu eno digi dagebolo mani po te eno dagebolo te Tedali Mobo Bidi elalubo bidi dabebolo mani po tiwai gilama me mabeo. Usubeo. Menio. Eno dagebolo mani po te eno te poloba homu elalubo bidi dabebolo mabo po tiwai mani. Te sogo dage te Kraisgo kolesagade kuna konesiayü tama te wai bqu tiwai bidibadi tiwai dao. ² Eno po digi po begelama obao. Dage te Kraisi wali pabo kolesagade wai bqu tiwai bidibaso, te eno po dagebolo ola mobadi, eno te yadala pai po naga dage ola mani, te wai bqu ame pe mabo tiwai. Eno te dili yai nai dage mabeo. Te sogo dagego te dila pai nai tuabo aq isawai, dagego Godigo sege yai po sabo usube. Me-gi me dage usu yabo me elalubao. ¹³ Magi baso meni, dage te poloba meda yai homu kolesagade me bididubao. Awe, te ama hasi dali dwai homu eyu tama konila po wabo homu kolesaga te dagede me elalubao. Tama te kolesaga dagego me idubo, te poloba dobo homu kolesaga ebao. Te tama tebo kolesaga te tde bidigo ebo kolesaga naga dao. ⁴ Dage tomode bidi me badu deli deligo te po wabo, "Ena Pol wali pabo dao." Tama gasa bidi me badu deli deligo te po wabo, "Ena da te Apolos wali pabo bidi dao," te po wabo. Te tiwai kolesaga ebaso, dago koneani, te dage tde bidi tiwai me bidibao.

⁵ Dagego bugagia homu kone palao. Apolos wali te de dawe? Ena Pol, ena de dawe? Da si da te se bidi naga bidibao. Genuai Bidigo gasa gasa se da sibolo mawai, tama da sigo te yali sege dagego konealubo po te Kraisde day wali. ⁶ Eno da te nai wai bulali. Te Apolosgo te nai wai bulali madi pageba we gegeli pali. Tiali goli God agai te nai pua pai holomainu iliduali. ⁷ Tama te nai wai bulali bidi, agai nogi te meni yaibao. Tama te we mabo bidi, agai nogi me te elalugobeo. Magigo menio. Godigo te nai holomainu ilidubao, agaduba deligo genuai nogi naga elalubo dao. ⁸ Tama te nai wai bulubo bidi me, te nai waiba we mabo bidi, te augwali sigo se te deli tigi poai naga yali. Tama augwali si deli deligo te augwa si yali se usu nama, te Godigo augwalibolo mabo dwagi yai nai saibao. ⁹ Magi baso meni, da si te Godigo deli se naga ebo se bidi dao, tama dage te Godigo gi tiwai dao.

Te Godigo we bidibolo po pusubo se bidi te kamda se ebo bidi tiwai

Tama dage te Godigo be tiwai, aga te be sedu bidibao. ¹⁰ Te God aga olo da tau sali wiegi yai kolesagade ena te Godigo po pusubo sege te polalubo tobolu bidi te kolesaga koneai kamda bidi tiwai pedalali, tama eno te be pos ni bulalio. Tama gasa bidigo te pos ni daide ugwadu te be se ebao. Tama tigidali bidi augwali deli deli dua bugagia koneama tama te pos ni daide be se yao. ¹¹ Dagego koneani, te be pos ni mu bulai elalubao, te Jisas Kraisi naga dao. Tama niwai bidi

me deligo agai te gasa pos ni me bulainu ebo te usu me egobeo. ¹² Tama te pos ni daide ugwadu be se yainu ebo bidi augwali deli deligo haniani naigo te be se yaibao. Bidi me deligo te wiegi yai kapa nogi gol tego te be se yaibao. Bidi mego te kapa nogi silvago ma te dila pai masigi mugo, me te nigo, ma te kalago, ma te gasagi yai nosai dili dabego te be se yaibao. ¹³ Te magi naigo te be se yainu homu ebaso da, teda te tigidali bidigo se yali te nosali po tu ebo sogo te hania haninama pedalaibao. Tama te po tu ebo side te sia dabo posolo ebo tiwai pedalaibao. Tama te sia aga digi te tigidali bidi deli deligo yali se usu sesa pelama, tama augwaligo yali se te wiegi yai yaliwe ma meniwe, te augwaligo koneaibao. ¹⁴ Te bidi deligo be te pos ni daide se ebaso, tama agai te be siago disibaso da, teda te se bidibolo Godigo dwagi yai nai mawaibao. ¹⁵ Tiali goli te se bidi me deligo be te tigidali siago dobaso da, teda te bidigo yali tigidali se te hawawaibao. Tialima te se bidi aga digi te bugagia bidaibao, tiali goli te bidi siago dabo be buluba wi pali-go te sana pali bidi tiwai bidaibao.

Dage te Godigo wiegi yai be dao

¹⁶ Dage da te Godigo wiegi yai lotu be tiwai dao, tama te Godigo Tedali Mobo Bidi te dage tomode bidibao, bidi aga bede bidibo tiwai bidibao. Tama te dagego me konebewe? ¹⁷ Te bidi deligo Godigo te wiegi yai lotu be elalubo te dolobaso da, teda Godigo te bidi dolaibao. Magi baso meni, te Godigo be te tedali gasagi yai mu elalubo, te Godigo be naga dao. Te dage tama dao.

¹⁸ Tiyu te bidi me deli agade digi tibo po ola mayabuo. Te dage tomode bidi deli agai te e tde homu kolesaga wali peyu tama te tiwai homu eyu, 'Eno kolesaga koneai elalubo,' aga te homu eyu da, teda aga hasia bolo aga te tde we bidigo gedude te wabo pabo bidi tiwai pedalao. Tama tiyu aga te Godigo gedude te kolesaga koneai bidi mu pedalaibao. ¹⁹ Magi baso meni, te e tde koneani kolesaga te Godigo gedude te wabo pabo bidigo kolesaga tiwai ebao. Tede te Godigo po bukude te e tama tiwai po wai: "God agai tilama tama augwaligo kolesaga koneanigo

te augwa digi tibo haniani kolesaga koneai bidi dabe sali, te bidigo ba munama te kebi sabo tiwai gilama ebo dao." ††

²⁰ Tama tede te bukude te tiwai po me wali: "Genuai Bidigo koneani, te kolesaga koneai bidi dabego homu kolesaga te du walisiabo olo nai tiwai ebo dao." ‡

²¹ Tama tibaso, te dage tomode te bidi me deligo te da Godigo po pusubo bidigo nogi ugwaba sabuo. Suao, te tigidali nai duga nai dao. ²² Ena Pol, me Apolos, me Pita, da te dage tau sabo se ebo bidi dabe da. E tde elalubo nai tigidali me, tego dage aiyaba elaluama tonaluabo nai meni, dagego te nai tigidali aiyaba elaluama tonaluabo bage dao. Te tde bidibo sogo

† 3:2 Hib 5:12-13

†† 3:19 Jop 5:13 ‡ 3:20 Tib 94:11

me, te isibo kolesaga me, te megi elalubo sogo me, te nosali pedalabo sogo me, te tigidali te dagego nai dao. ²³Tama dage te Kraiso dologode bidiyu dage agai we bidi hani dao. Tama Kraiso aga digi God dologode bidiyu aga Godigo bidi dao.

Genuai Bidigo digi aga şe bidi dagalaibao

4 Dagego te ena Pol dali, Apolos dali, Pita dali te dade dagego homugo kone paluyu tama koneao, da te Kraiso şe ebo bidi dabe tama Godigo te geme dualalubo po pusuyu tonalubo bidi dabe dao. ²Tama te şe tonalubo şede te tiwai bomai po elalubao: te şe ebo bidigo te şe idubadi aga te agabolo te şe mani bidi dali homugo keş pai bidi bidao. ³Tiali goli te dage, ma te bidi me deligo po tuşo te eno te şe ebo kolesaga dagalainogo da, teda eno homugo te magigo meni. Magi baso meni. Ena digi me te ena şe ebo kolesaga te me dagalabo menio. Tiali goli te usu dao, po meni. ⁴Mu tama, te Godigo enabolo mani şe ebode eno homugo eno te şede şaş pabeo, bugagia yai dao. Tiali goli te eno tama tiwai po wabo usu me egobe: "Ena doloba pai bidi da," te wagobeo. Te ena dagalobo şe ebo bidi te Genuai Bidigo şe naga dao. ⁵Tama tibaso, te sogo me elalubadi, te dago Genuai Bidi asişabadi dagego te gasa bidi mego ebo kolesaga dagaligio. Aga asama tama agai te we bidi augwaligo augwa homu tomode geme dualaluali po tigidali selama te ulaba muagasaibao. Tama tigidali bidigo homu kolesaga hania hanilaibao. Tama te sogo Godigo da tigidali deli deli bidi te dago yali şe osola sulama, tama te şe usu baso agai te şe yali bidigo nogi ugwaba saibao. Bidi deli deligo yali şe usu nama te aga nogi te tama naga ugwaba saibao.

⁶Ama dedeo, eno homugo dage tau sabo homu elama, tama eno te ena dali Apolos da side te tamadi tama wali po wali. Dagego homugo da side homu koneama, tama te Godigo po bukude wali po tiwai gilama dolo wali peyu tama te po me boligio. Tama tiyu dagego hagoma eyu tama bidi me deligo nogi ugwaba siyu tama gasa bidi mego nogi aiyaba munu me elalugio. ⁷Abagi, magi yaliwe? Dego nage genuai bidi muai dawe? Tama nago mena nai te Godide sisawani nai elalubowe? Te mu tama nago te nai Godide saligo da, teda magi baso te nago naga nogi ugwaba siyu, te naga digi nage te nai page bidi da wainogo ebawe? Te hagoma ebo tagalao.

⁸Awe, dagego homugo te dagego haliga paşana palio! Dagego homugo te dage tigidali nai elalu tama dage usu yai elalubao. Te dagego da aiyaba elaluama, tama dage te gavman tuni bidi king tiwai pedalalio! Mu tama dawe? Woo, te duga homu naga dao. Eno homugo dage te tuni bidi king mu pedalomainao. Dage tama tigi sogo da, teda da me dage dali te tuni bidi dabego bomu elalugi da. ⁹Magi baso meni, eno te homu yali: Godigo te da aga po sela pabo şe bidi da te nosali badu mubo bidi tiwai ilama bidibao. Da te po tuş yali bidi dabe da olama tama da isimainu emainao wai. Tama augwaligo da tigidali te ensel dabe me te tşde

bidi dabe dali augwaligo gedude da elainu homu yali, te tigidaligo da dali gisugu mawainogo yali. ¹⁰Te Kraiso nogi ugwaba sainu, da te tşde we bidigo gedude te kolesaga geda muyu te polobo bidi tiwai bidibo dao, tiali goli dage te Kraiso kolesagade te kolesaga koneai bidi tiwai bidibao. Dage bomai we bidi mu bidimainogo eyu tama dago dena digi bomu meni yai bidi dabe ilali. Dage genuai wiegi yai nogi elalubao, tiali goli dago nogi meni yanio. ¹¹Polobadu me tama bida da asali te megi e sogoba me usu nagasali, da Godigo po sela pabo bidi dabe, da nai sili bidiyu, tama dago dogoni me wa peyu aş nogone ebo, tama da badi ugwa naga elaluali. Augwaligo nogo tudi badu da eliyu ebo dao. Tama da bugagia dulalu bidabo pesage meni yai dao. ¹²Dago dena nogogo digi masigi dena tigi tau sabo şe eyu dene mu ebo dao. Augwaligo dwai posobo po dabolo wabo, tiali goli dago augwali bugagia bidabo po naga augwaliba ponoyu ebo dao. Augwaligo dabolo dwai şe eyu, te dene mabo kolesaga ebo, tama augwaligo te tiwai şe eyu dago sula tagalama, te şeş bugagia tolobo dao. ¹³Augwaligo po dwai mu da dali weyu ebo dao, tiali goli dago homu nagame ilibo po dua digi augwaliba weyu ebo dao. Da te tigidali tş pedaide bidibo bagego gedude te dwai pobeke bage tiwai mu gagawali. Da te tigidali bidigo gedude te nai ulubo genagide nai kagali te aşgo sela şaşo meda yai nai tiwai dao. Da te tiwai bidali, te megi e sogoba usu nagasu te tiwai me bidibao.

Te Korin we bidi augwaligo me te Polgo ebo kolesaga yao po wai

¹⁴Te ena dali Apolos da si hobedagia bidibadi dage bugagia te po aşanigo te dage hale eyu dwai bidimainu homu me ebeo. Menio. Eno wai puluba tiwai dage eno dwagi yai homu eyu godolo ebaso, tama eno dage homu tau sabo po ola momainu obao. ¹⁵Te mu tama dage te Kraiso kolesagade te dage bugagia tonalubo bidi te bidi sese umabo te 10,000 bidi elaluyu da, tagalao, te dagego aya hauwa me elalubeo. Menio. Te da Kraiso jisas dali wadolobo kolesagade enaduba deli ena te dagego aya tiwai bidibao. Dage eno te Kraiso wiegi yai gesi po pusama, tama dagego te po odolama tama Kraiso wali pabo gagalali. Tede te dage eno wai puluba pedalali. ¹⁶Tama tibaso, eno dage te eno kolesagade usu selama bilimainu tama dage eno hodolobo te usu dao, ena da dagego aya tiwai dao. ¹⁷Tama tibaso, te kolesagade naga eno te bidi Timoti dageba tagala palali. Aga te eno ogwa tiwai da, tama eno aga godolo mu eyu aga ena dali te homugo keş pai bidi dao. Te agai dagego homu ma hodoliyu, te eno Kraiso kolesagade wali pabo sunumi wali pomainu homu hodolaibao. Eno te tigidali bulude te Godigo po wali pabo we bidi hani tigidaliba te kolesaga naga ola mabo dao.

¹⁸Te dage tomode bidi meba augwaligo homugo te ena dageba asogobe homu eyu, tama augwali hagoma ebao. ¹⁹Tiali goli menio. Te Genuai Bidigo homu

usu yali da, teda ena dage bidiboba polo asaibao. Tama eno te hagoma ebo bidi dabego wabo po naga konegobeo, te augwaligo te Godigo şę yabo bomo me elalubowe ma meniwe, te me eno koneaibao. ²⁰ Magi baso meni, te Godigo bidi deli tonalubo si, te bidigo ebo şede naga dago God aga dali bidibo te konebo dao. Aga wabo pogo naga dago konegobeo. ²¹ Dagego mena kolesaga godolo ebowe? Te dagego homugo eno te dage dodolabo dono wabi tolasa ena dageba asomainogowe? Ma, dagego homugo eno te dage dali dwagi yai homu eyu godolo ebo kolesaga me, te homu nagame ebo kolesaga elalubo te eno dageba sela asomainogo homu ebo dawew?

Te Godigo po wali pabo bagego te augwali tomode pedalubo dwai kolesaga dodolao po wali

(Daj 5-6)

Te dwai penani şę te Korin bage tomode pedelali

5 Te we sabo kolesaga togolama dolobo şę te dage tomode mu tama elalubao, te po wabo eno me odali. Tama te we sabo togolama dolobo gasagi yai kolesaga me, te tobage kolesaga te Godigo po odisawani we bidigo me isabo dwai kolesaga dao. Te e tama tiwai: te dage tomode bidi me deligo aga ayago we sai. ¹² Tama dage, dage me tama duga nogi ugwa-ba siyu hagoma idubawe? Te dagego tede hagoma ebo kolesaga tagalama, te dage homu dene eyu gela wagi sogo da, teda te usu igi mu da. Tama tiyu, te dagego te dwai penani kolesaga ebo bidi sela şanama, tama dage dali me bidimainu me elamu dao! ³ Te enade, mu tama, te eno tigi te dagede digibulu elalubo, tiali goli te eno homude ena te dage dali bidibao. Tama ena da te ena dage dali mu bidibo tiwai aq ebo, tama eno te kolesaga ebo bidigo şę te eno me dagala suai dao. ⁴ Eno te tiwai po wai dao: te Genuai Bidi Jisasgo nogide te dage deliba sisinama po miao. Tama eno homu me, te dago Genuai Bidi Jisasgo bomo me te dage dali bidaibao. ⁵ Tama tiyu te bidi dagego te Satango nogoba munama, te agai te dwai şę yali bidigo tigi dolomainao. Dago te tiwai elama, tama aga tigi dolai goli Godigo te bidigo mobo noma bidi te Genuai Bidi ma asobo side ma dobola somainogo tama tiao.

Te Korin bidi dabe augwaligo te dwai şę ebo bidi sela şamainu wai

⁶ Te dage tomode te bidi me deligo te dwai penani şę idubao, tama dagego tede hagoma ebo kolesaga ebao, te dwali. Te aga dage dali me bididubadi, te aga te tubo nai bret bo dabo nai yis tiwai dao. Te dwasianu yisgo te tigidali bret bo domainu ilibo dao. Te dagego konesiayub ebowe? ⁷ Dage da te yis meni yai bret tiwai

dao. Awe, te eno koneani. Tiali goli te dwai penani şę ebo bidi dage tomode bididubadi aga te yis tiwai eyu, tama agai dwai şę ebo kolesagago dage me dolaibao. Te juda dabego Pasova nai tubo olo bidibo side, tede augwaligo te sipsip wai ela tuyu, tama te sogo me te bo disawai bret me tuai dao. Te tiwai me megi te dago Pasova sipsip Kraisa aga isama te ofa mayu yai dao. Tama tibaso, dagego te bidi buluba şayao, te dage te gesi bret, te yis meni yai bret tiwai ma pedalomainogo yao. ¹¹⁸ Tama tilama, da dwagi yai homu eyu deliba sisinama tama dago Pasova nai tuinao. Tede eno po digi po begelama tama po page obao, dago tama tuyu dago te poloba yis dali tulamuo, te yis meni yai bret naga tuao. Te po page e dao: dago te dwai şę yabo homu dali te dwai dwai şę ebo kolesaga dali te si ilamuo. Meni. Dago homu mu naga eyu, tama mu po naga weyu yao. [‡]

⁹ Te eno gasa me dagebolo aşena tolali pasde eno e tama po wai: "Dagego te dwai penani şę eyu we sabo kolesaga dolobo bidi dabe dali kisasa biligimio," te po aşena tolali. ¹⁰ Eno te we sabo kolesaga doloyu ebo te Godigo po odisawani tigidali bidi dabe augwali te mu tagalao po weyu eno te po wabe. Te tede bidi dabe augwaligo Godigo po wali pişayu tama te mena nai pesa ebo bidi dabe me te gasa bidigo nai anoma elama sainu ebo bidi me, te tibo godiba lotu po wabo bidi dabe, te augwali mu tagalao olama eno te po me wabeo. Te dagego te dabe mu tagalabo homu egi sogo da, teda dagego te tigidali tş mu taga pelama, tama gasaba bidigi pigi da. ¹¹ Tiali goli eno aşani po page te e tiwai dao: te bidi me deligo aga dage dali ama da wabo bidigo te we sabo kolesaga dolobo me, agai te gasa bidigo naide pesa eyu, me agai tibo godibolo lotu po weyu, me agai posobo po obaso me, ma agai bomai wş tubaso, ma agai te gasa bidigo nai anoma elama te tigidali kolesaga ebaso da, teda dagego aga dali kisasa biligio, aga dali abagi me waggio. Menio. Dagego te tiwai şę ebo bidi dali te nai me munu me tulamo dao. ¹²⁻¹³ Te Godigo po odisama dago hani bulu badu bidibo we bidi dabe dagalobo şę, te eno şę dawew? Menio. Te God aga digi augwaligo kolesaga dagalaibao. Tiali goli te dage dali bidiyu Godigo po wali pabo we bidi hani tomode elalubo bage, te augwali dagalobo şę, te dagego yabo şę dao. Tede te Godigo po bukude po me deli elalubao, te po dago wali pinao, te po e dao: "Dagego te dage tomode bidi-bo te dwai bidi buluba mu sela şayao." ^{††}

Te Godigo po wali pabo we bidigo te augwa ama po tş ela magio wali

6 Te dage tomode bidi me deligo po te gasa bidi me dali elalubaso da, te agai te Godigo we bidi bolama tama te Godigo po odisawani jas bidi dabe gesabidide te po tş egi pogowe? Ya! Agai te tebo kolesagade te aga hale meni yaibawe? ² Da Godigo we bidi te dago te tigidali tşde bidigo kolesaga nosali da-

† 5:1 Bom 22:30

†† 5:7 Sai 12:5 ‡ 5:8 Sai 13:7; Bom 16:3 †† 5:12-13 Bom 13:5; 17:7

galainu yaibao, te dagego konesiaṃawe? Mu tama, te dagego te tigidali tḡde bidigo kolesaga dagalaibao. Tama magi egowe? Te dagego duga hasi te tobage dwasianu po naga dagalobo te usu meniwe? ³ Te dago te mobo bidi ensel dabego kolesaga me nosali dagalaibao, te me dagego konebewe? Mu tama, te dago augwaligo kolesaga te dagalaibao. Tama tibaso, dago te tḡde dwasianu nai dabe po dagalobaso te usu mu yaibao. ⁴ Tama tialigo da, teda dagego e tḡde naide po elalubaso da, magi baso dagego te po dagalobo sḡ te Godigo po odisaṃa te dago gedude nogi meni yani bidiba mobawe? ⁵ Eno te po wabode dage bugagia bidimainu obao, te dagego te tiwai ebo kolesagade te dage hale yaol! Magi baso meni. Te dage tomode te ama name si tomode pedalobo po dagalabo te kolesaga koneai bidi me deli naga meni ebawe? ⁶ Tiali goli dagego te tiwai ebo meni. Te po pagede naga te ama me deligo te gasa ama me te po tḡ ela mayu, tama te Kraide konealubo po daḡ wasiaṃani bidi dabe gedude te po tḡ ilibo da. Te dwali.

⁷ Awe, dagego duga hasi te ama dabe po tḡ ilibo, tama te kolesagade digi te dage tulalualio. Magi baso augwaligo te dwai sḡ dagebolo emainu gogolobewe? Magi baso te augwaligo dagego doado bage anoma elama somainogo gogolobewe? Dagego te tiwai egi sogo da, teda tebogo dagego te Godigo po odisaṃani bidigo gedude po tḡ ebo kolesaga aiyaba elalugi da. ⁸ Tiali goli menio. Duga digi te meba bidi dabe dali dwai sḡ elama, tama augwaligo doado bage anoma elama sali! Awe, dagego te tiwai dwai kolesaga te duga ama dabe mu dali ebo dao. ⁹ Te dwai kolesaga ebo bidi dabe, augwali te augwali Godigo te we bidi tonalubo bomo tomoba me pogobeo. Te dagego konebewe? Tiyu dagego te duga homuba digi tibo po ola maiabuo. Te penani sḡ kolesaga ebo bidi dabe me, tama te tibo god wali pabo bidi dabe me, te we sabo kolesaga dolobo bidi dabe badi, tama te we dali ebo kolesaga tiwai eyu godolo ebo bidi dabe me, tama te hale ebo kolesaga te gasa bidi dabe dali ebo bidi dabe me, ¹⁰ tama te nai wi sabo bidi dabe tama te gasa bidi dabego doado bagede pesa homu ebo bidi dabe me, tama te bomai wḡ tubo bidi me, tama te gasa bidi dali posobo po wabo bidi dabe me, tama te gasa bidi dabego doado bage anoma elama sabo bidi dabe me, te tobage kolesaga ebo bidi dabe tigidali te augwali Godigo we bidi bugagia tonalubo bomo tomoba pabo usu me egobeo. ¹¹ Tama polobadu dage meba te tiwai sḡ ebo we bidi dabe bidaluali. Tiali goli dagego te dwai sḡ ebo tagalama, tama baptais salio. Godigo dage aga da olama sa muai. Dagego te doloba pai nogi salio. Te Genuai Bidi Jisas Krai me te Godigo Tedali Mobo augwali sigo sḡ eyu, tama dage Godigo gedude doloba pai we bidi hani tama pedalai dao.

Te dago tigigo ebo kolesaga ebogo te God nogi ugwa-ba sao

¹² Dage tomode te bidi me deligo e tiwai homu ebo dao, 'Te tigidali sḡ eno ebo da te usu egi da.' Awe, mu

tama. Tiali goli te tigidali sḡ ebogo ena tau me sogobe. Tigidali kolesaga eno yabo usu da yaibao. Tiali goli eno te kolesaga me deli ebogo te ena tonalumainu me gogologobeo. ¹³ Gasa bidigo eno po aiyaba elalumainu eyu e tiwai po waibao, "Tubo nai te tabigo sabo nai da, tama tabigo te nai sabo dao." Agai homu te tiwai me aga tigigo te dwai penani sḡ ebo te me usu dao, te aga tigigo yabo sḡ dao. Awe, agai te tubo nai dali te tabi dali side wali po te mu dao. Tiali goli Godigo te si dali nosali silaibao. Tiali goli dage tigigo te penani kolesaga yabo nai meni. Menio. Dago tigi da te dage Genuai Bidigo nai dao. Tama Genuai Bidi te tigi tau sabo nai dabolo mabo dao. ¹⁴ Tama tiyu, God aga bomogi digi te dage Genuai Bidi te gḡ pagede hodolali, tama te tiwai dage tigi tau siyu agai da me hodolaibao.

¹⁵ Te dage deli deligo tigi te Kraiigo tigi nogo saḡa tiwai elalubo, te dagego me konebewe? Tama eno te Kraiigo tigi pedai me badu dagala selama, tama penani eyu, te genuai tḡdu bilibo wego tigiba munama elalumainu homu egowe? Munu me tegobeo. Mu menio! ¹⁶ Te penani sḡ ebo we dali kisa sali bidi, te aga dali te tigi deli aga dali yali, te dagego konebewe? Godigo po bukude te tiwai po olama hania wali, "Te bidi dali aga we dali augwali si tigi deli naga pedalali," te po aşani. ¹⁷ Tiali goli te Genuai Bidi dali keḡ sali bidi da, agai homu mobo bidi te aga dali deli elalubo dao.

¹⁸ Dage te penani kolesaga idali weyu te boi bidi tiwai wi pao! Te tigidali dwai sḡ te bidigo ebo, te tigi bulu badu ebo dao. Tiali goli te penani sḡ kolesaga ebo bidi, agai aga tigi aga digi dolobo dao. ¹⁹ Te dagego tigi da, te homude Godigo Tedali Wieg Yai Mobogo be elalubao, te dagego konebewe? Godigo te Tedali Wieg Yai Mobo te dagebolo manio, tama te Mobo dage tomode bidibao. Dage te dugade digi me elalubo meni. ²⁰ Menio. Godigo te genuai naigo mu dage ma abelalio. Tama tibaso, penani sḡ isaṃu, te dagego tigi te dagego Godigo nogi ugwaba sabo kolesaga naga yaol.

Polgo te we sabo kolesagade po wali

(Daj 7)

Polgo te we sabo kolesagade ola mabo po wai

7 Megi da eno dagego enaba tolali pasde aşani po wei ponainogo homu ebao. Eno homugo te bidigo te we dwasianu me nogogo diaṃaṃbaso da, te wieg yai dao. ² Tiali goli te haniani penani ebo kolesaga te tḡde elalubao. Tama dagego te kolesaga idali weyu, te tigidali bidi deli deligo te augwa we sao, tama tigidali we dabe deli deligo me te augwali sali bidi dali bidao. Te bidigo tigi te aga wego da, tama bidigo me geḡ siyu tama daḡ munu me olamuo. Te tiwai naga, wego tigi te aga bidigo da, tama wego me geḡ siyu tama daḡ munu me olamo dao. ^{3 4} Magi baso meni. Te

† 6:16 Gag 2:24 †† 6:19 1 Ko 3:16; 2 Ko 6:16

wego aga tigi me tonalugobeo. Menio. Te aga bidigo tonalubao. Tama te tiwai naga, te bidigo aga tigi geş selama daş weyu munu me tonalugobeo. Menio. Te aga wego tonalubao. ⁵ Dage we de bidi si taluama bidibo, te me deligo me tudiba muyu tama aga tigi daş weyu geş siyu me elamuo. Te kolesaga ebo tagalao. Mu tama, duga si homu deliba munama, tama duga si tigi te pewardage sogo habu selabo homu elama, te duga si Godibolo gedu haluasa po wabo ş yainu osogo habu selabo homu ebaso da, te usu da. Tiali goli nosali te duga si homu deli elama te duga si tigi deliba ma taluao. Tiyu duga digi te duga tigi ma tonaluabo usu isayü, tama Satango dage usu siyu, te dagego dwai penani ş emainogo sinabuo.

⁶ Te e we sabode wabo po, te dagego enabolo hanalu obaso tama eno te usu da wai. Tiali goli te eno dagego we sao po weyu te bomai po tiwai me ebeo.

⁷ Te eno homugo tigidali we bidi te ena digi tiwai bidimainu homu ebo dao. Tiali goli eno koneani, te Godigo tigidali bidi delibolo te haniani ş yabo kolesaga mani. Te me deligo te gasa tobage me tiwai tedali siyu, te gasa mego te gasa tiwai tedali sali.

⁸ Tiali goli te we sisawai bidi me, te bidigo sisawai wai badi, tama te augwa bidi dabe isai we dabebolo me, te augwalibolo eno te tiwai po obao: te augwali ena tiwai bidibaso da, te wiegi yai dao. Ena da te we sisayü enaduba bidibo bidi dao. ⁹ Tiali goli, te augwaligo homu me tigi te augwa digi bugagia tonaluabo homu usu yabo aş isabaso da, te augwa sao. Te augwali we sobaso da, te wiegi yai da. Tiyu augwaligo homu hogo-daluyu tama dwai ş ebo homu yabuo.

¹⁰ Te we sali bidi me, te bidigo sali we te augwalibolo eno te bomai po mobao. Te eno digi eno bomai po me wabeo. Menio. Te dago Genuai Bidigo polobadu mani bomai po dao. Te e tiwai elalubao: te wego aga bidi me taga pelamuo wali. ¹¹ Te aga bidi tagalai baso da, te aga olo bidimainao. Te meni baso da, te aga ma begasa pelama, tama aga bidi dali deli homu elama bidigi pao. Tama bidigo me te aga we munu me sela ş agio. †

¹² Tama dage tomode gasa bidi dabe augwalibolo te ena digi eno naga te po obao, te dago Genuai Bidigo wali po meni. Eno e tiwai po obao: te ama me deligo we sali tama te wego te Kraide konealubo po daş wasiabaso, tama te we aga dali bidainogo homu ebaso da, te amago te aga me sela ş agio. ¹³ Ma, we me deli selama tama te we aga bidigo te Kraide konealubo po daş wasiabaso, tama te bidi te we dali bidabo homu ebaso da, teda te wego aga te bidi me taga pelamu dao. ¹⁴ Magi baso meni. Te konealubo po daş wasiawani bidigo te aga we dali mu keş pelama bidiyu, tama tebogo te aga te Godigo gedude te dwagi yai bidi ilaibao. Te tiwai naga te Kraide konealubo po daş wasiawani wego te aga bidi dali mu keş pelama bidiyu, tama tebogo te we aga te Godigo gedude te dwagi yai we ilaibao. Te meni yani da, teda dagego wai puluba dabe te augwali dwagi yai me egobeo. Tiali goli

megi te augwali Godigo gedude wiegi yai elama mu bidalubao. ¹⁵ Tiali goli, te konealubo po daş wasiawani bidi agai te aga Kraide konealubo po daş wali we tagalabo homu ebaso da, te usu da, agai tagalomainao. Te tiwai kolesaga pedaliyu, te duga ama ma abe aga te kalabus tiwai me elalugobeo. Magi baso meni. Godigo dage i olama, te wiegi yai homu nagame ebo kolesaga wali pomainu ebo dao. ¹⁶ We, nago te naga bidi tau selama, te aga Godigo po wali pabo bidi pedelabo, ma meniabo, te nago konebeo. Te nage bidi, te nago naga we tau sobaso tama aga te Godigo po wali pabo we pedelabo, ma te meniabo me, te nago konebeo dao.

Te Godigo dabolo doba yali kolesagade te da bidaluao

¹⁷ Tiali goli dago Genuai Bidigo te deli deli bidibolo dobaba pali ş eyu, tama aga te ş eyu bidibadi te Godigo aga i obaso da, teda aga te ş ede naga bilao. Eno te tiwai bomai po te tigidali Godigo po wali pabo we bidi hanibolo bomonama ola mabo dao. ¹⁸ Te po page e tiwai dao. Te bidi me deli te Juda dabe augwali-ago aga tigiwali sa muyu tama togolama tama te tiwai bidibadi Godigo aga i waliwe? Teda, agai te aga tigiwali togwali te ma dodolabo homu egio, te tagala. Te gasa bidi me deli aga tigiwali togosiawai bidibadi te Godigo aga i waliwe? Teda, agai tigiwali megi togogio. ¹⁹ Te tigiwali togobo kolesaga, te Godigo gedude te olo nai tiwai dao. Tama te tigiwali togosiabo kolesaga me te aga gedude te olo nai tiwai dao. Tiali goli te Godigo bomai po wali pabo kolesaga, te mu nai dao, te seş e dao, tede magigo meni wagimio. ²⁰ Te bidi te ş me delide bidibadi tama Godigo aga i obaso da, teda aga te ş ede me bididuo. ²¹ Te e tiwai dao. Te nage masigi sisabo olo ş ebo bidi bidibadi tama Godigo nage i waliwe? Teda, tagala, magigo menio. Tiali goli, nago te masigi sisabo olo ş ebo tagalabo sunumi elalubaso da, teda nago te sunumi wali pao. ²² Tiali goli te olo mu ş ebo bidi bidibadi tama Godigo aga i wali, megi da te aga dago Genuai Bidigo selama, tama te Genuai Bidigo gedude te aga olo ş ebo bidi me bidigobeo, te aga olo naga bidibao. Te tiwai naga, te olo wiegi yai bidali bidi, te olo ş ebo me isabadi tama Genuai Bidigo aga i wali, megi da aga te Kraide masigi sisabo olo ş ebo bidi tiwai pedalama bidibao. ²³ Te Godigo te genuai naigo mu dage ma abelalio. Tama tibaso, dage te bidi dabede te masigi sisabo olo ş ebo bidi tiwai me ped-aligimio, te bidi dabego olo nigibo bomu yai po dologoba bidigi pigimio. ²⁴ Te ama dedeo, te dage deli deli te niwai ş ebo bidi bidibadi tama Godigo aga i obaso, aga te ş ede naga te God dali deli homu eyu tama bidimainao.

Polgo te we sisawai bidi me te bidigo sisawai we augwalide wali po

²⁵ Te bidigo sisawai we te augwalide po tama, eno te dago Genuai Bidigo bomai po me elalubo meni, tiali goli eno te ena homude po pusubao. Te Godigo olo

† 7:11 Mat 5:32; 19:9; Mak 10:11-12; Luk 16:18

tau sabo wiegi yai kolesaga enade elama, tama agai ena te homu mu naga ebo bidi ilali, tama dage enaba duga homugo tialubo te usu dao. ²⁶ Eno homugo e tiwai kolesaga ebo te wiegi yai da wai: te megı tama sogo te genuai seęę dali dene dali si te daba pedalubao, gasa bidi dabego nogogo. Tama tibaso, dage tigidali deli deli te megı bidıbo tiwai gilama te tama bidaluao, te eno homu dao. ²⁷ Te nago we sai dawe? Tialima, te nago aga tagalabo sunumi gegebo se me egio. Te nago we sabe dawe? Teda, nago te we sabo homu ma elamuo. ²⁸ Tiali goli, te nago we siyu da, te dwai se meni. Tama te gesi wegi te bidıgo siyu da, te wegi agai te dwai se me ebeo. Tiali goli te we sali bidi me te bidıgo sali we te augwali seęę meba te tıde elaluaıbao, tama eno homugo te tobage se dageba pedalidali homu eyu eno e po obao, te dage megı bidıbo tiwai gilama te tama bidaluao.

²⁹ Ama dedeo, eno te megı wali po te page e dao: te tı dali dagalu si silabo bodolu megı da pewadage ebao. Tama tibaso, te bodolu sogo elalubadi, te tıde elalubo naide naga dago homugo kone pelamuo. Te we elalubo bidi dabe te augwali te we meni yai bidi dabe bidıbo tiwai bidao. ³⁰ Tama te homu dene eyu gela wabo bidi dabe, augwali te gela wasıbo bidi dabe tiwai bidaluao. Te wiegi yai homu pemene ebo bidi dabe, te augwali wiegi yai homu pemene isıbo bidi dabe tiwai bidao. Tama te doado bage abelebo bidi dabe, augwali te doado bage mu sisıbo bidi bidıbo tiwai bidao. ³¹ Tama te tıde doado bage sabo bisnis se ebo bidi dabe, augwali te e tıde doado bage daę olalusıbo bidi dabe tiwai bidao. Dago te tıde elalubo nai dali kolesaga dali si tede naga dago homugo kone pelamuo. Dago koneani, te e megı elalubo tı silama tama hasegelama, tama te gasagi yai mu pedalaıbao.

³² Tama tibaso, eno homugo te haniani naide te dagego moni homu isıyu tama dage bugagia bidao. Te we sisıwai bidıgo, agai te dago Genuai Bidıgo kolesagade te aga homugo kone palobo dao, te kolesaga aga bugagia wali pomainogo aga tama tebo dao. Agai te Genuai Bidıgo homugo godolo yabo kolesaga yabo homu ebo dao. ³³ Tiali goli te we sali bidi, agai te tıde doado bagede homugo kone palobo dao. Agai te aga wego godolo ebo kolesaga yabo homu ebo dao.

³⁴ Tama tiyu, agai homu kolesaga pebeda paıbao. Tama bidıgo sisıwai we me, te gesi wegi me, agai te dago Genuai Bidıgo kolesagade te agai homugo kone palobo dao. Aga homugo te aga tigi me te homu mobo bidi dali me te Godigo gedude bugagia wiegi yai mu bidimainu homu ebo dao. Tiali goli te bidıgo sali we, agai te tıde doado bagede homugo kone palobo dao. Agai te aga bidıgo godolo ebo kolesaga yabo homu ebo dao.

³⁵ Eno te megı aşani po te dage tau selama dage bugagia bidimainogo wali. Te dage palıbo po me wabeo. Menio. Eno homugo te dage dolasa bidiyu, tama agade dagego homugo keę peyu tama sesemane sogo te dago Genuai Bidıgo se emainogo, te nai me deligo te dage homu kegabi sidali weyu te po wali.

³⁶ Te bidi me deli aga homugo agai te dolo meniabo kolesaga te aga noma sali gesi wegi te dali te tiwai kolesaga ebaso, tama agai homu te wede hodoloyu bomo mu eyu, tama agai sualı te gasa sunumi me elalusıbaso da, teda te bidıgo te wegi keımainao. Te seęę sabo se ebeo. Te augwa si bidimainao. ³⁷ Tiali goli, te bidi me deligo aga homude bomo eyu, tama te nai me deligo te aga selıbo se me isııbadi, tama aga homugo digi ebo tonaluyu, tama aga homude te po olama, te agai homugo te gesi wegi te augwalıgo aga noma sali te aga olo mu bidimainogo ebaso da, te wiegi yai dao. ³⁸ Tama tibaso, bidıgo te gesi wegi sabo, te agai wiegi yai kolesaga ebao. Tama te we sisıwai bidi, agai kolesaga te wiegi yai mu ebao.

³⁹ Te we me deligo bidi te aga bidi bidıbadi, te we te aga bidi dali naga keę pelama bidao. Tiali goli, te we aga bidi isıbo si da, te we te bidi dali me keęlıbeo. Te aga gasa bidi dali pabo homu ebaso da, teda aga te bidı dali pomainao. Tiali goli aga te Godigo po wali pabo bidi dali naga pao. ⁴⁰ Tiali goli ena digi eno homugo te tiwai homu yai: te bidi isai we aga olo bidainogo ebaso da, te aga wiegi yai homu pemene mu yaıbao. Tama eno homugo te Godigo Tedali Mobo Bidi te enade me bidiyu, tama agai ena te kolesagade agai homu ola mani.

Te Godigo po odobo we bidi dabe augwalıgo te tıbo god dabeba ofa ebo kıbu mi dabe tueıbawe ma tugobewe?

(Daj 8-10)

Te augwalıgo tıbo godıbolo ofa mani kıbu mi te augwalıgo tugowe obaso Polgo te po wai

8 Dagego te enabolo aşana tolalı pode, tede dagego e po me ena hanalı wali, "Te gasa we bidi augwalıgo hasa ela munama, tama te tıbo godıbolo te ofa tiwai eyu, te hasa mi meba te tıbo god pageba mubo dao. Tama da Godigo po wali pabo we bidi dago te tobage mi tubo te usu dawe, ma meniwe?" te po dagego enabolo aşana tolalı. Te kolesaga ebode eno wabo po elalubao.

Dage mebage e po wabo dao, "Da tıgidalıgo koneani, te tıbo god te olo nai dao." Awe, te mu po dao. Tiali goli te olo konebo kolesagago te hagoma ebo kolesaga ebo homu hodolaıbao. Tiali goli dago dena hası te gasa we bidi dali wiegi yai homu eyu godolo ebo kolesaga selama, tama tebogo te da Godigo po wali pabo bomai we bidi pedalaıbao. ² Te bidi me deligo agai te nai me deli mu koneani homu ebaso da, teda te bidıgo koneani kolesaga sıpa pali, te usu yabo me elalubao. ³ Tiali goli, te bidi me deligo aga God dali dwagi yai homu eyu godolo ebaso da, teda Godigo koneama, te bidi te Godigo bidi dao.

⁴ Te gasa we bidi augwaligo te tibo godiba ofa elama te mi dabe tubo kolesagade eno po megı obao. Dage mebago te tobage mi tuaio homu eyu tama dagego e po wabo dao, "Te tibo god te mu bidibo nai menio. Te olo piksa noma naga dao," te po wabo. Awe, dago te po page koneani. Tama dage mebago e po me wabo dao, "Te god hauwa me elalubeo. Menio. Te God deli naga aga bidibao," te wabo. Awe, te me dago koneani. ⁵ Mu tama, te gasa we bidi augwaligo te nogi "god" nogi ebo nai hauwa elalubao, tama te augwaligo hauwa naide nogi ilama, te "genuai bidi da" wai. Tama mu tama te "god" dabe, te dagalude, ma te tıde bidigi sogo da, ⁶ tagalao, te dade dago God deli naga te elalubao, te God Aya dao. Aga te tigidali nai page bidi. Tama dago agai sę emainogo eyu da aga wai mu bidibao. Tama te Genuai Bidi deli naga elalubao, te Jisas Kraıs da. Agai te tigidali nai nigali. Tama dago bidibo ula te agadu sai dao.

⁷ Tiali goli dage tomode te we bidi mebago te tibo godide te kolesaga kuna konebeo. Te mebago te polobadu te tibo godibolo mi ofa yali kolesaga hauwa sogo wali pedu geani. Tama megı me augwaligo homugo te gasa we bidigo te mi te tibo godiba ofa mu yali homu me ebo dao. Tama te homu ebadi augwaligo te tobage mi tubaso da, teda augwaligo homu tede sęę sobao. ⁸ Tiali goli dagego te kolesagade e po wei ponobo dao, "Te nai tubo kolesagago da te God paıba odasa me pogobeo. Te dago nai tusiıbaso, teda da te God gedude me sę pogobeo. Me ma, te dago tubaso da, teda da te God gedude wiegi yai me pedalugobeo."

⁹ Awe, te mu dao. Tiali goli dage mi tubo bage dage dua dao. Tiyu tama te tibo godibolo mani mi tubo sę duga digi elama, tama te bomo meni yai bidi dabego sulama, tede saęade dolama, tama augwali te dwai sęęba tula muabuo. ¹⁰ Nage bidi te koneani kolesaga elalubao wida, te nage te tibo godigo lotu beba pelama, tama nage tede dulalu nai tueibao, tama bidi me deli te aga Kraısde konealubo po daı wabo kolesaga bomo meni yai bidi te agai nage subaso, te tebode te aga homu hodolama tama aga homu te mi tubo te dwai kolesaga da homu yali goli, te tibo godiba ofa yali nai tuabo homu yaıbao, tama agai te mi tueibao.

¹¹ Tama tibaso, te nago koneani kolesagago te bomo isawani bidi dolali, te amade te Kraıs aga isama tama aga ma sai dao. ¹² Te ama mebago te Kraısde konealubo po daı wabo kolesaga te bomo me ebeo. Tama dagego te dwai sę augwaliba elama, tama augwaligo te augwa gedude sę ebo dwai ilibaso da, te kolesagade te dagego dwai sę te Kraısba digi yaıbao.

¹³ Tama tibaso, te nai tubogo eno ama te dwai sęba tulalumainogo ilibaso da, teda eno te mi munu ma tugobeo. Tiyu eno te eno ama te dwai sęba tulalubo sę ilidalio.

Te Godigo po sela pabo sę bidi Pol bilali sęde po

9 Te gasa we bidi me tau siyu tama augwali dolidalı weyu, eno te gasa kolesaga me ebo dao. Ena olo

mu bidibo dao, te gasa bidigo enabolo "E tiwai kole-saga yao" te po wabo usu egobeo. Tama me ena te Godigo po sela pabo sę bidi mu dao. Aga te gı pagede hodaluama tama nosali eno digi gedugo ena dago Genuai Bidi Jisas mu suai bidi dao. Te eno dago Genuai Bidi tobade sę yaligo tama te sęde naga dage te God wali pabo we bidi pedalali. ² Te bidi meba augwaligo ena te Godigo po sela pabo bidi meni da homu yali, tiali goli tagalao, duga koneani, ena te Godigo po sela pabo bidi bidibo. Suao, ena te Genuai Bidigo po sela pabo sę bidi bidibao, tama te koneabo sę te dagede elalubao.

³ Te bidi mebago eno dagede masigi sisıbaso ena te Godigo po sela pabo bidi meni da wabo si, tama eno e tiwai po te augwaliba wei ponobo dao: ⁴ te eno ebo sęde te Godigo po odobo we bidi augwaligo augwa doado bagego ena tau sobaso da, te dolo dawe ma meniwe? Te dolo mu dao. ⁵ Te gasa Godigo po sela pabo sę ebo bidi dabe augwali deli deligo te Godigo po wali pabo we kęnama, tama augwali te po pusubo sę eyu gasaba bilibadi te augwa we augwali dali hodobo pabo dao. Te dago Genuai Bidi Jisas aga ama dedego badi, te Pitago me te tama tebo dao. Tama ena me, eno we elalugi sogo da, teda eno me te tiwai eyu da te usugi mu da. ⁶ Te gasa Godigo po sela pabo sę ebo bage tigidali augwaligo te Kraısde po pusubo sę sesemane sogo ebaso, tama augwa nogogo te masigi sabo sę ebo meni. Te ena me Barnabas da sigo naga te tiwai me ebo usu meniwe? ⁷ Mena bidi te ami sę ebo bidigo tama aga digi te aga tubo nai abele-gowe? Te menio. Mena bidigo te gi bulama tama aga te gide bulali nai sabo meniwe? Me ma te bidi mego te kibu meme dali sipsip dali hani tonaluyu tama aga digi te augwaligo ame pę me tugobewe? Woo, te tiwai menio. Agai te nai meba tueibao.

⁸ Te eno tede bidigo homu naga wali pelama tama eno te tiwai po wabowe? Meni. Te bomai pode me te sę ebo bidigo aga pe masigi sabode te tiwai page elalubo po me elalubao. ⁹ Mosesgo te bomai pode te tiwai po aşani elalubao: "Te dagego wit ge dagalomainogo eyu tama te bulmakaugo te wit saęaęo agabo sę ebaso, teda nago te aga pedauwali me pani-amuo," po wai. Te Godigo te bulmakau dabe augwa tubo nai sabode naga homu koneama wali dawe? ^{†10} Menio, te agai te po bidi dabolo me wali homu ebao. Awe, te po aşani te da tobade wali dao. Magı baso meni. Godigo te tiwai kolesaga emainogo yai: bidigo te gi tı elibo sę eyu, tama bidigo te gide inaiani nai sabo sę ebo bidi me, augwali si augwa yali sęde te nai sabo homu elama tama te sę ebo dao. ¹¹ Tialima, dago te Godigo po dagebolo pusubo sę yali, te dago te dagego homu noma bidi mobo tomode te ge bulali tiwai yai. Tama tibaso, dagego dabolo te tigi tau sabo nai naga mobaso, te dolo dawe ma meniwe? Te dobu si ebode te dage sę paliwe? Te meni. ^{††12} Te dagede bidi mebago te tigi tau sabo nai sabo usu ebo da wida, teda eno me te nai sigi sogo da, te usu mu egi dao.

† 9:9 Bom 25:4; 1 Ti 5:18 †† 9:11 Rom 15:27

Te nai dago sabo usu yaiba wali goli, te dago me sabeo. Menio. Dago te we bidigo Kraizde wiegi yai gesi po odobo sunumi te panibo te dago hagela homu yai. Tama tibaso te haniani seğe dabe dago tolobo dao.

¹³ Te Moni Lotu Be tempel, te bede se ebo bidi dabe, augwaligo te bede augwa nai sela tubo dao. Tama tiyu te Juda we bidi augwaligo te Godibolo maiabo nai magaselama, tama te be tomode te alta saide te nai Godibolo mabo se ebo bidi dabe augwaligo da te alta saide ulubo nai hasa mi meba te sela tubo dao. Tama tiyu augwaligo augwa nai abelebo menio, te augwaligo Godigo se ebode augwa nai tama sabo dao. ¹⁴ Tama te tiwai naga dago Genuai Bidigo te bomai po muani: te Godigo wiegi yai gesi po pusubo se ebo bidi dabe, te se de augwaligo te wiegi yai gesi po sabo we bidigo tigi tau sabo nai meba somainogo yao. ††

¹⁵ Tiali goli ena digi eno te tama tiwai nai me deli sisawai dao. Tama megı me eno te nai saiba olama eno e po me aşe beo. Menio. Te ena bolo hasia is-mainao wai! Eno masigi sisabadi te se ebo dao. Tama eno te se de wiegi yai homu pemene ebao. Tama bidi me deligo enabolo masigi mayu eno te wiegi yai homu pemene ebo page te dagala samainogo me egobeo.

¹⁶ Eno te Kraizde wiegi yai gesi po pusubo, tede eno te ena nogi ugwaba sabo te usu menio. Te menio. Eno sunumi gasa me elalubeo. Dago Genuai Bidigo enabolo te se naga mawai dao. Tama eno te wiegi yai gesi po pususiayu da, tede ena hobedagia mu bidaibao. ¹⁷ Te ena homugo digi eno te se egi da, tede eno te se de sabo usu egi da. Tiali goli, eno homugo te se eno yabo homu me isabaso da, tede Godigo te se enabolo emainu mawai dao. ¹⁸ Tama tibaso, te se de eno mena nai saibawe? Te eno sabo nai te e tiwai elalubao: te eno sainu elalubo nai te Godigo wiegi yai gesi po pusubo se de sabo elalubo, te eno me sabo meni. Menio. Eno te wiegi yai gesi po pusama tama eno augwaliba olo mabo dao. Tama tede eno dwagi yai homu pemene ebo usu baso, te wiegi yai gesi po olo pusubo kolesaga da eno sabo nai tiwai dao.

Pol te tigidali we bidigo se ebo bidi tiwai bidali

¹⁹ Ena da te bidi me deligo olo se ebo bidi me bidainogo me bidibe. Tiali goli te ena homugo ena digi te ena te tigidali bidi dologoba muyu, tama ena augwaligo olo se ebo bidi tiwai bidainogo homu elama ebao, te eno bidi hauwa sabo homu elama tibo dao. Augwali Jisas wali pabo bage pedalomainogo eyu ena tama ebo dao. ²⁰ Tama eno te Godigo wiegi yai gesi po te Juda dabeolo pusubadi, ena te augwali tiwai bidibo dao. Ena digi ena te Mosesgo mani bomai po dologoba pabe, tiali goli eno te bomai po dologode bidibo Juda bidi dabe sainogo eyu tama ena augwali tiwai gilama te bomai po dologode bidibo dao. ²¹ Te Juda hani isawai bidi dabe, augwali te Mosesgo mani bomai po meni yani bidi dabego gedude, ena te Mosesgo mani bomai po meni yani bidi tiwai pedalali, te bomai po meni yani bidi dabe sainogo tama tiali. Tiali goli eno te

† 9:13 Bom 18:1 †† 9:14 Mat 10:10; Luk 10:7

Godigo bomai po tagalainogo ebeo. Menio. Eno te Kraizgo bomai po wali pabo dao. ²² Te Kraizde konealubo po daı wabo bomı meni yani we bidi augwali eno tau sainogo eyu, tama ena te bomı meni yai bidi tiwai bidibo dao. Eno te tigidali sunumidu te gasa bidi dabego ebo kolesaga tigidali usu siyu, tama augwali tiwai bidibo dao. Augwali meba eno ma dobola somainogo tama ebo dao. ²³ Eno te se tigidali ebo te Godigo wiegi yai gesi po pusubo se te ugwaba somainogo ebo dao, tama te wiegi yai gesi pogo dabolo mabo dwagi yai nai meba me eno somainogo eno te tiwai se ebo dao.

Te dago te nai sigi painu bomonama udaiyaı po wali

²⁴ Megı eno te po digi po begelama obao. Te udabo ususu si ebo bidi dabe te tigidali augwali udulama, tama te geanani bidi deligo naga te dwagi yai nai sabo dao. Te dagego konebewe? Tialima, dage me te tiwai bomonama Godigo po bugagia mu wali piıo, agai te dagebolo dwagi yai se emainogo yao. ²⁵ Tama tigidali bidigo te nai sainogo homu eyu udabo da, te augwaligo homu dali, te augwaligo tigi ebo kolesaga dali, te tigidali augwaligo aiyaba elaluyu bugagia tonalubo dao. Te bidi dabego tama tiyu te geanani bidigo sabo dwagi yai nai sainogo tebo dao. Tiali goli te nai polo dolobo nai naga dao. Me ma, dago Godigo po wali peyu te me dolisabo nai sabo se ebo dao. ²⁶ Tama tibaso, ena digi me, ena te dwagi yai nai me sainogo eyu tama ena udabadi te eno gasaba tonono peyu me udagobe. Eno nogo wabi hwjainogo, te eno nogo subigila şanama olo dali nogo me şagobeo, tama te wali naga me eligobeo. ²⁷ Menio. Eno te ena tigiba mu eliyu tama aga ena homu wali pomainogo ebo dao. Magı baso meni. Eno te Godigo wiegi yai gesi po te gasa we bidi hauwabolo pusubo dao, te augwaligo te po bugagia wali pomainogo ebo dao. Tiali goli nosali ena digi te eno te po bugagia wali pisayu tama ena tulaluidali weyu, tama eno bomonama te eno ebo kolesaga bugagia tonalubo dao.

Dago te tibo god dabe wali pelamuo

10 Ama dedeo, dage ede gegeda pelamuo: dago wai dabe tigidali te bidi meni yai dwai bulude bilibadi augwali te dagalu pı dologode bugagia bidali. Tama augwali tigidali te şaıo naga pelama, tama te tamu ai nogeyu sana pai dao. ² Tama tigidali augwali te pıde tamu ai side baptais sali tiwai yali, tama te baptais saligo augwali te Moses wali pomainogo sa muani. ³ Tama augwali tigidaligo te Godigo Tedali Mobo Bidigo augwali mani te nai nogi mana augwaligo tuai dao. ⁴ Tama augwali tigidaligo te Godigo Tedali Mobo Bidigo augwali mani ai te augwaligo tuali. Awe, augwaligo te Tedali Mobogo te genuai sau pado masigıdu asobo ai tuali, te masigi augwali dali hodobo pai. Te masigi te Kraiz aga digi dao. ⁵ Te Godigo te to-

‡ 10:1 Sai 13:21-22; 14:22-29 †† 10:3 Sai 16:35 †† 10:4 Sai 17:6; Nam 20:11

bage tau sabo şę tigidali augwali dali yali goli, agai te we bidi dago waj dabe hauwa tomode augwaligo kole-saga te Godigo godolo me isiawani. Mu menio. Magi baso meni. Dago koneai, augwali umabo te bidi meni yai bulude isilama, tama augwaligo tigi tede besela palama, wilalua pali, te bidi si sela naga bugagia sana pali. †

⁶Tama te augwalide pedalali şę tigidali te noma tiwai pedalali, te dago sulama tama dago waj dabe augwaligo te pesa yali tiwai te dago me te dwai şede pesa idali weyu dago sumainogo yali. ⁷Tama suyu, tama dagego te tibo god dabebolo lotu po munu me wagimio, te augwali tomode mebago yali şę tiwai me egio. Te bukude te augwaligo te tibo god dali yali şede e po wai dao: "Te we bidi augwali dualama te nai tuyu wę tuyu elama, tama augwali hogodama tama augwaligo teşabi yali." ^{†8}Tama dago me te penani ebo kolesaga me egimio, te augwali tomode mebago te yali kole-saga tiwai me egio, tama deli sogo naga te bidi sese umabo te 23,000 bidi te augwali isai dao. ⁹Tama dago me dwai şę eyu te Genuai Bidi usu me selamuo. Te augwali tomode mebago dwai şę eyu aga usu sobaso, tama te dwai hasamani dabego augwali gaş kelama tama augwali isai dao. ^{†10}Tama dagego dwai homu eyu Godibolo wado po me olamuo. Te dago waj dabe augwali tomode mebago te God dali dwai homu eyu wado po obaso, tama te bidi ela mubo ensel mobo bidigo te augwali ela munama tama augwali dolai dao. ‡

¹¹Te şę dabe tigidali augwaliba pedalali, te gasa we bidigo sumainogo ebo şę noma tiwai pedalali. Tama dago me te tobage dwai şę idali weyu gasa bidi dabego te po te Godigo po bukude aşani. Magi baso meni. Te da megi bidibo sogo te tigidali nai silabo sogo paşba yagasai dao. ¹²Tama tibaso, dagego duga digi bomogo bugagia dolalubo usu da homu eyu da, teda dage tulaluyu dolidali weyu dage bugagia suao. ¹³Te dwai şę ilibo usu sabo şę dagebolo pedalobo, augwali tigidali te gasagi yai me egobeo. Menio. Te tigidali we bidibolo pedalobo usu sabo deli tigi poai şę ped-alubao. Tama Godigo aga dage dali homugo keş pai bidi bidiyu tama aga daş wali po wali peyu, te usu sabo şę ebogo dagego bomu aiyaba elaluainogo ebo gogolama me sula tagalogobeo. Menio. Te dwai şę tomoba kegebo usu sabo şę dageba pedalubaso da, teda Godigo dage sana pabo tuş nigilaibao. Te tuş e dao: te agai dage daş walama, tama dage te usu sabo şede bomu elama dolalubo usu yaibao.

¹⁴Tama tibaso, eno abagi dede dabe muo, dagego te tibo god lotu beba nai tugi pabo kolesaga wi eyu tagalama, tama te kolesaga tudiba muao. ¹⁵Dagego kolesaga elalubaso, tama eno dagebolo te po obao. Duga digi eno pusubo po dagalişo. Eno po e dao. ¹⁶Te dago komunion tubaso da, dago te kapde gedu halu-asa po olama tama Godibolo puba hwi po wabo dao. Te kapde elalubo wain aş da tigidali deli deligo tubo si

da, tebogo dago te bidi Kraisgo tigi kaneme dobayu tubo dao. Tama dago komunion tubadi, dago te dwasianu pebedama dobaba pabo bret, dago te bret tubo si da, tebogo dago te bidi Kraisgo tigi mi dobayu tubo tiwai ebo dao. ^{††17}Te komunion tubo bret te deli naga elalubao, tama da we bidi hauwa elaluali goli, te tigi delide naga wadolali elalubao. Magi baso meni, da tigidaligo te bret deli naga tubo dao.

¹⁸Dagego te Israel dabe augwaligo yali kolesagade homugo kone palao. Godigo augwaligo yali dwai şę sela şawainogo eyu, tama augwaligo te sipsip dali meme dali selama, tama te pris bidi dabego nogoba mawai. Tama menama, tama te pris bidi dabego te nai dabe ela munama, tama te mi te alta sai ugwadu dai-ba muyu, tama siago uluyu, tama Godibolo ofa tama mawai dao. Tama tiyu te nai sesali bage dali, te pris bi-di dabe dali, augwali tigidaligo te altade ofa mani nai tuyu deli hani naga bidiyu tama bidali. ^{††19}Eno magi homu elama tama te po waliwe? 'Te tibo god me aga mu bidibao, te agabolo ofa mabo tubo nai me te şeşę nai mu dao,' eno te tiwai homu elama te Israel dabego Godibolo ofa mabo kolesagade po waliwe? ²⁰Mu menio. Eno wali po page e dao: te Godigo po odisawai bagego augwa alta saide ofa ebo nai, te augwaligo dwai haubo noma bidi dabebolo te ofa mabo dao. Augwaligo te Godibolo ofa me mabeo. Tama dage te dwai haubo noma bage dali deliba sisinibo te eno godolo me egobeo, ena mu hagelabo. ²¹Dagego te dago Genuai Bidi Kraisgo kap wain wę tuyu, te dwai haubo noma bagede lotu wainogo eyu augwaligo kapde dali si wę tuyu ebo usu me egobeo. Te dagego dena Genuai Bidigo ni nami tebol saide nai tuyu, te dwai haubo noma dabego lotu bede tebol saide nai dali si tuyu ebo te usu me egobeo. ²²Dago augwaligo te tibo god bagebolo ofa mani nai tuyu da, teda dago te Godigo da dali dwai homu ebo şę ilaibao. Dago bomogo agai bomu aiyaba elalubo da, agawe? Te dago bomu usu menio.

Tigidali şę ebogo dago Godigo nogi ugwaba sao

²³Dage tomode bidi mebago e po obao, "Te mi tubo kolesagade te da olo bidibo dao, tede habu selebo po meni. Dago te mi tuyu da, tebogo dago Godigo bomu yai po me bologobeo," augwaligo te po wabo dao. Awe, mu tama. Tiali goli te tigidali şę ebogo da tau me sogobeo. "Te haniani şę hauwa dago yabo te usu dao," augwaligo te po me wabo dao. Tiali goli te tigidali şę ebogo da God wali pabo bomu meni. ²⁴Bidi me deligo aga digi naga bugagia bidabo homu me elamu. Menio. Tigidali we bidi deli deligo te gasa bidi bugagia bidimainogo homu eyu tama augwali tau sabo kolesaga yao.

²⁵Tigidali haniani mi augwaligo te maketde elalubo, te dagego abela tuyu da, te usu da. Po meni. Dagego homu hauwa elama tama 'E mi augwaligo te tibo god me delibolo ofa maniwe, ma meniwe?' te po hanalu

† 10:5 Nam 14:29-30 †† 10:7 Sai 32:6 ‡ 10:8 Nam 25:1-18
†† 10:9 Nam 21:5-6 ‡† 10:10 Nam 16:41-49

††† 10:16 Mat 26:26-28; Mak 14:22-24; Luk 22:19-20 ††† 10:18 Prs 7:6

wagio. ²⁶ Magi baso meni. Dago koneani, te bukude elalubo po me deli e tiwai dao, "Te e tõe, pağanalubo tigidali nai dabe dali, te Genuai Bidigo naga dao." †

²⁷ Tama te Kraisba aga homu tigidali musiawani bidi me deli agai te dage meba i olama dage dali nai tuainogo ebaso da, tama dage pabo homu ebaso da, te usu da. Augwaligo dagebolo mabo te nai tigidali dagego tuiào. Tama dagego homu hauwa elama 'E mi augwaligo te tibo god me delibolo ofa maniwe, ma meniwe?' te po wagio. ²⁸ Tiali goli, te bidi me deligo te po dagebolo weyu, "Te mi da, te ofa yai mi da" po obaso da, te da te bidigo dagebolo wali po te dagego homugo koneama, tama aga tobade dagego te nai me tulamu dao. Dwai sę dwagi yai sę dagalabo homu dolidali weyu te nai tugio. ²⁹ Eno dagebolo te po te dagego dwai sę dwagi yai sę dagalabo homu tobade te po wabeo. Meni. Eno te dagebolo te mi tubode po wali bidi agai te dwai sę dwagi yai sę dagalabo homu tobade te po dagebolo obao. Magi baso meni, te agai homu si eyu bidibao.

Dage tomode bidi me deligo te po hanalu waibao, "Ena digi ena haniani nai tubo usu yabo digi, tama gasa bidigo te ebo kolesaga dagalabo homugo digi eno ebo kolesaga magi baso te dagalaibawe?" ³⁰ Te eno te tubo naide Godibolo puba hwi po olama te nai tuali goli, te gasa bidigo eno te puba hwi wali tubo naide te magi baso ena dali dwai po waibawe?"

³¹ Te dage tomode bidi me deligo te po obaso, eno e po agabolo wei ponaibao, te dagego te nai tuyu me wę tuyu ebode, ma dage gasa sę ebo si da, dagego gasa we bidide homugo koneao, augwaligo Godigo nogi ugwaba somainogo eyu dagego duga kolesaga tigidali tama bugagia tiao. ³² Tama tiyu, dagego te Juda dabe me, te Grik dabe me homugo koneao, tama Godigo po odobo we bidi hani dabe me, tama dagego ebo sęde augwaligo God dali agai po dali si dali dwai homu idali weyu, dagego duga ebo kolesaga bugagia tonalua. ³³ Ena me eno te tiwai kolesaga ebo dao. Eno homugo te eno ebo kolesaga tigidalide te we bidi tigidali augwaligo dwagi yai homu naga emainao. Tama te homu ebaso, eno ena digi naga bugagia bidabo homu me egobeo. Meni. Eno homugo te eno tigidali we bidi augwali tau siyu, tama Godigo augwali ma dobola somainogo eyu, tama eno ena ebo kolesaga tigidali tama dodolobo dao.

Polgo po weyu te Tedali Mobo Bidigo mabo wiegi yai sę ebo me te lotu wabo wiegi yai kolesaga yabo po wali

(Daj 11-14)

11 Te we bidi tigidali agai augwali tau somainogo eyu Kraisi agai aga digi aiyaba muyu bidali. Tama ena me eno agai te yali kolesaga wali pabo dao. Tama

dage me dagego ena wali asiyu, tama te tiwai kolesaga naga yao.

Polgo te lotu wabode tobolu halubo kolesagade ebo po

² Dagego sesemane sogo ena homugo koneama tama eno te selama dagebolo mani po tigidali daų eyu wali pabo dao. Tama tibaso, eno te po obao, dagego wiegi yai kolesaga mu ebo dao. ³ Me ma, te dagego ena te po hanalu wali, "Te da deliba sisinama tama Godibolo po weyu, tama Godigo po odoyu tebo sogo, te dago we dabe sibi augwaligo augwa tobolu te nami ugwago haluaibawe ma meniwe?" te po dagego ena hanalu wai dao. Tiali goli eno homugo hasia dagego te po konemainogo obao: te bidi Kraisgo tobolu bidi te God dao, tama tigidali bidigo tobolu bidi te Kraisi dao, tama wego tobolu te aga bidi dao. ⁴ Te dage deliba sisinama tama bidi mego tobolu haluama tama Godibolo po weyu, ma te Godigo po pusuyu da, te bidigo aga tobolu bidi Kraisba hale mabo dao. Te dwali.

⁵ Tama we me deligo te aga tobolu halusiama tama Godibolo po obaso, ma Godigo po pusubaso da, te agai aga bidigo tobolu bidi tama tiwai bidiyu, aga aiyaba elalubo dao. Te dwali. Tama tiyu da, te aga te hale isašo moni tųdu bilibo we tiwai dao. ⁶ Te tobage dwai penani kolesaga ebo we hale ilimainogo augwaligo aga tobolu nisi tigidali mu poabo dao. Tama te dage tomode te we me deligo aga tobolu halusiama tama Godibolo po obaso, te wego te sę ebogo aga bidi tama aiyaba elalubaso, aga tobolu nisi mu poa yao. Tiali goli we aga tobolu nisi mu poabo te moni hale iliyu da, te da te we te lotu obadi aga tobolu te nami ugwago halumainao. ⁷ Bidigo te aga tobolu me haluamuo. Magi baso meni, te Godigo bidi nigali sogo agai aga digi tiwai nigalio, tama te bidibolo Godigo aga digi wiegi yai homu kolesaga tiwai mani. Tiali goli te we aga te aga bidigo kolesaga naga elalubo dao. ^{††8} Magi baso meni. Godigo bidi nigali te wego tigigo me nigibeo. Menio. Agai we nigali te bidigo tigigo nigai dao. ⁹ Tama Godigo te we homu koneama tama bidi nigilama aga tau somainogo me ebeo. Menio. Agai bidi homugo koneama tama wego aga bidi tau somainogo nigalio. ^{††10} Tama tibaso, te Godigo sę ebo ensel mobo bidi augwaligo te we aga bidi dologode bidibo somainogo eyu, te wego aga tobolu te nami ugwago halumainao.

¹¹ Tialima da we bidi te dena Genuai Bidi dali wadoloyu bilibode, tede te we naga tedali bidiyu tama bidi meniama, tama bidi naga tedali bidiyu, tama we meni eyu me ebeo. ¹² Menio. Godigo hasia sogo te we bidigo tigigo nigali, tama tialima megi te tiwai te agai bidi wego tigide nigilama pedalobo dao. Tiali goli God da te tigidali nai nigali bidi mu dao.

¹³ Duga digi te eno megi wali po dagaliào. Te wego tobolu halusiama tama Godibolo po wabo, te kolesaga usu egowe? ¹⁴ Te we bidi dena kolesaga digi te tiwai dagebolo ola mabo dao: te bidigo bobage tobolu nisi elalubaso da, te dolo meni. ¹⁵ Tiali goli te wego bobage

† 10:26 Tib 24:1

†† 11:7 Gag 1:26-27 ‡ 11:9 Gag 2:18-23

tobolu nisi elalubaso da, te aga wiegi yai au yabo nai elalubao. Magi baso meni, Godigo bobage tobolu nisi agabolo mani te aga tobolu halualumainogo yali.

¹⁶ Tialima, bidi me deligo te wego Godibolo po obadi aga tobolu haluabo sède konila po wabo homu eyu da, te agai koneao, dago gasagi yai kolesaga me elalubo meni, tama gasa bulude bidibo Godigo po odobo we bidi hani dabego me te gasagi yai kolesaga me elalubo menio. Da tigidaligo te we aga tobolu haluabo kolesaga wali pabo dao.

Te komunion nai tubo po

¹⁷ Tialima megı eno te bomai po meba dagebolo mawainogo ebao, tiali goli dagego te ebo sède te eno dage nogi ugwaba siyu dagego wiegi yai kolesaga mu ebo dao te eno wagobeo. Magi baso meni. Te dage sisinibo si, te wiegi yai kolesaga me pedalobeo. Menio. Te dwai kolesaga pedalobo dao. ¹⁸ Tede hasia bolo eno te po obao: te dage lotu wainogo sisinibo sogo, dage tedali tedela pabo dao. Eno te tiwai po dagede odobao. Tama eno homu te po meba te mu po dao, dagego te tiwai ebo dao. ¹⁹ Awe, eno koneani, te dage tomode te Godigo pode homu mu kęa pai we bidi augwali hania hanilama pedalomainogo eyu, te dage bidi mebago pode dwasianu tedela pabo kolesaga te me sogo pedalaibao. Te eno koneani. ²⁰ Tialima dage tigidali sisinibo sogo dagego te dago Genuai Bidigo komunion nai tubo kolesaga ebo dao. Tiali goli te mu meni. ²¹ Menio. Te dage tedelama, tama dage tigidali deli deligo te duga digi duga nai naga polo selama tama tubo dao. Tama me deligo nai tubo silisabadi, tama mego gasa bage dali aga nai dobasiama te aga nai tubo polo silama, tama te wain bomai aı hauwa tulama wabo pabo bidi tiwai eyu ebo dao. ²² Magi basowe? Te dagego nai tuyu wę tuyu yabo be elalubao. Te duga bede duga nai hasia tuao, tama nosali deliba sisinama te komunion nai tuao. Ma, dagego homugo te Godigo po odobo we bidi te olo nai tiwai da homu elama, tama dagego te meba nai meni yani ama dedebolo hale mabo homu eba, agawe? Tede eno mena po dagebolo wagawe? Ma, eno dage nogi ugwaba so-mainogowe? Menio. Te sède te eno dage nogi ugwaba munu me sogobeo.

²³ Magi baso meni. Te eno dagebolo mani po te eno dago Genuai Bidide naga te ola mani po sali. Te e tiwai dao: te pio hulide Judasgo Jisas te Juda dabe boi bidigo nogoba musiabadi, te sogo pio hulide te Genuai Bidi Jisasgo ²⁴ te Bret selama, tama te naide Godibolo puba hwi po olama, tama te Bret pebedama, tama aga dali bidali bidi dabebolo mayu, te po wali, "Te eno tigi dao, te eno dage tobade mobao. Dagego tigidali sogo tama tidu gebo si ena homugo koneao," agai te po wai. ²⁵ Augwaligo augwa hulide tuabo nai tula silibo si, tama agai te kap me selama, tama tiwai naga Godibolo puba hwi po olama, tama augwalibolo mayu te po wali, "Te kapde elalubo wain aı te eno kaneme dao. Tama te kanemego eno te gesi daı wali po daı obao. Tigidali sogo dagego e aı tubaso da, teda dagego

tama tiyu ena homugo konealua," te bidi Jisasgo te po wai. ²⁶ Tama tibaso, dago Genuai Bidi aga ma asisabadi te tigidali sogo dagego te Bret dali te kapde dali wę tubo si, dagego te aga isali po pusubo dao.

²⁷ Tama tibaso, bidi me deligo hasia bugagia homu kone palisiama tama Genuai Bidigo te Bret dali te kapde aı dali olo subigila tuali da, te bogo agai te Genuai Bidigo tigi me kaneme te dolobo tiwai ilali, tama aga tede sęę elalubao. ²⁸ Te komunion tubo sogo te bidigo aga digi homu bugagia osalama tama usu yali homu eyu da, teda aga te Bret me te kapde te aı tuao. ²⁹ Magi baso meni, bidigo te dago Genuai Bidigo tigde homu kone bugagia palisiama, tama agai te Bret me te wę me olo subigila tuyu da, teda agai Bret me wę me tuali tede Godigo agabolo te sęę menama tama dwai sę agaba pedalaibao. ³⁰ Te page delide naga te dage tomode we bidi hauwa augwali tigi bomo menama, tama augwali gasi elama, tama augwali meba me isalio. ³¹ Te dago dena homu hasia bugagia osola suyu da, teda te Godigo dabolo te sęę magobeo. ³² Tiali goli, Genuai Bidigo dago ebo kolesaga osola sulama, tama dabolo dene osogo mobaso da, tede te da aga wai bę tiwai dodolobao. Agai tama tebo te da tęde bidi dabe augwali dali nosali mu hagaidali weyu tebo dao.

³³ Tama tibaso, eno ama dedeo, dage te nai tuboba sisinainogo da, dagego te gasa bage augwali asobo hasia tonalua. ³⁴ Te me deli moni nasi ebaso da, te agai bede nai tuao. Tiyu dage deliba sisinibo kolesagade Godigo dagebolo sęę magobeo. Te gasa kolesagade elalubo po, te nosali ena dageba asobo sogo te eno dodolaibao.

Te Tedali Mobo Bidigo haniani sę yabo homu kolesaga dobabo dao

12 Eno ama dedeo, te Godigo Tedali Mobo Bidigo te haniani sę yabo homu kolesaga dabolo mabode, te dagego tede gisiga konesiama bididali weyu eno tede dage homu dodolabo po me megı pusaibao. ² Dagego koneanio, polobadu dagego te Godigo po odisabadi, te sogo augwaligo haniani kolesaga ebogo dage te po meni yai tibo godiba kekasa pelama, tama dagego augwali wali naga piduai dao. ³ Tama tibaso, eno homugo dagego hania koneao, te Godigo Mobo Bidi te bidi me deli dali bidama tama agabolo po mobaso da, te bidigo te po me wagobeo, "Jisas hagamainao, agaba dwai sę pedalomainao," te po munu me wagobeo. Me ma, te Tedali Mobo Bidi meni yani bidigo "Te Jisas da, te Genuai Bidi dao" po wabo te usu me egobeo.

⁴ Te Godigo Tedali Mobo Bidigo haniani sę yabo homu kolesaga dabolo olo mu mabo dao, tiali goli te Godigo Mobo Bidi deli naga elalubao. ⁵ Tama dago dena hasi haniani tau sabo sę ebo, tiali goli dago Genuai Bidi deli naga bidibao. ⁶ Te haniani tau sabo sę ebo homu kolesaga elalubo, tiali goli te God deligo naga te tigidali bidibolo bomu dali homu kolesaga dali si

menama, tama augwaligo tigidali tau sabo şe ebo usu yaibao. ⁷ Te Tedali Mobo Bidigo aga bomo te tigidali we bidi deli delibolo pedalobo dao. Tama elama, tama augwali deli deligo te mani bomogo te Godigo po odobo we bidi hani tau sabo usu yaibao. ⁸ E tiwai dao. Te Godigo we bidi hani tomode te bidi me delibolo te Tedali Mobo Bidigo te we bidi dabebolo te Godigo wiegi yai homu kolesaga ola maiabo homu kolesaga agai olo mabo dao. Tama te gasa bidibolo te Tedali Mobo deligo naga te Godigo kolesaga te we bidi augwaligo bugagia konemainogo te po pusubo şe ebo homu kolesaga mabo dao. ⁹ Tama te Tedali Mobo Bidigo gasa bidi mebolo te bomu mayu, tama te bidigo Godiba aga homu tigidali mayu agaba tialubo kolesaga, te kolesaga bomu menama tama te bidigo homu si isişbadi tama agai genuai şe ebo usu dao. Tama gasa bidi mebolo te haniani gasi yai we bidi dabe usu ilabo bomu te Tedali Mobo Bidi deligo naga mabo dao. ¹⁰ Tama gasa bidi mebolo te Tedali Mobo Bidigo te haniani bomai şe yabo bomu mabo dao. Tama gasa bidi mebolo te Godigo po pusabo kolesaga agai mabo dao. Tama mebolo te haniani dwai haubo noma bidi dali te dwagi yai noma bidi dali dagalabo kolesaga agai mabo dao. Tama gasa bidi mebolo te Godigo Mobo Bidigo te tşde bidibo we bidigo homugo konesişwai po wabo kolesaga mabo dao. Tama agai me te gasa bidi me delibolo te hasia bidigo wabo po begelabo kolesaga olo mabo dao. ¹¹ Eno megi tama nedada pali haniani şe yabo homu kolesaga augwali tigidali te Godigo Mobo Bidi deligo naga te nigibo dao. Te aga homugo digi agai te gasa şe yabo kolesaga te gasa bidi me delibolo dobayu, tama gasa bidi mebolo te gasa şe yabo kolesaga mayu ebo dao. †

Da tigidali da tigi delide şe hauwa elalubo

¹² Te bidi Kraisi da te bidigo tigi me deli tiwai dao, tama te tigigo nogo şaşı me, te haniani nai hauwa te elalubao. Tama te tigigo haniani gasagi gasagi yai nai hauwa elaluali goli, te tigi deli naga dao. ¹³ Tama da me te tiwai elalubao. Te da meba te Juda hani da, da meba te Juda hani bidi aş isşwai bage dao, meba te masigi sisşbo olo şe ebo we bidi da, meba olo şe isişwani we bidi dao. Tiali goli te Tedali Mobo Bidi delide naga da tigidali te baptais selama tama deli tigi poaj naga pedelali, tama Godigo te Tedali Mobo Bidi deli naga dabolo mawai dao. ††

¹⁴ Te bidigo tigde, te dago koneani, te tigi te deli badu naga me elalubeo. Menio. Te aga haniani şe yabo nai elalubo dao. ¹⁵ Te şaşıgo te tiwai po wagi sogo da, "Ena te nogo meni, tama tibaso ena te tigde me wadoalubeo," te şaşı aga togolama tedali agaduba elalueibao wabo digi, tagalao. Te meni. Aga te tigi badu naga me wadoalubo dao. ¹⁶ Tama ologo te po wagi sogo da, "Ena te gedu meni, tama tiyu ena te tigde me wadoalubeo," te olo aga togolama tedali agaduba elalueiba wabo digi, tagalao. Te meni. Aga te tigi badu naga me wadoalubao. ¹⁷ Te tigi sesede te

gedu naga elalugi sogo da, magi ilama te agai po odaibawe? Tama te tigi sese te olo naga elalubaso da, teda magi ilama agai te nai denami ebo odaibawe? Meni, te tiwai usu egobeo. ¹⁸ Tiali goli tigi te tiwai me elalugobeo. Menio. Godigo aga digi homu wali peyu, te tigi tigidali badu te haniani şe yabo nai deli deli muna muna pali, te aga digi godolo yainogo tiwai dao. ¹⁹ Tama tigi sese te deli şe yabo nai naga elalugi sogo da, teda te tigi mu te menade elaluaibawe? ²⁰ Tiali goli te tiwai me egobeo. Menio. Te tigi badu haniani şe hauwa yabo nai elalubao, tiali goli te tigi deli naga elalubao.

²¹ Tama tibaso, gedugo te nogobolo te po wabo usu me egobe, "Te nogo, nage bidigi menigi sogo da, te enaduba deli ena bugagia bidigi dao." Tama tobolugo me şaşı bolo te po me wagobero, "Te şaşı, nage bidigi menigi sogo da, te enaduba deli digi ena bugagia bidigi dao," te po wabo usu me egobeo. ²² Mu menio. Te tigi dabe badu dago te bomu meni homu yali, te me elalusişwani da, teda te tigi bugagia me elalugobeo. Mu menio. ²³ Tama te tigi dabe badu dago homugo augwali te dwasişanu dwali homu yali, te dago augwali bugagia tonalubo dao. Tama te tigi wiegi yai isişwani dabe badu, teda dago hale idali weyu, dago augwali te gudubo ugwago halua sabo dao. ²⁴ Tiali goli te dago augwalide hale isşbo badu, te dago gudubo ugwago halua sabo meni. Tiali goli Godigo te tigi dabe tigidali te deli badu wadolai elalubao. Tama me badu augwali te nogi meni yai tiwai elaluali, teda agai augwalibolo te nogi ma mayu ebo dao. ²⁵ Agai tama tiwai ebaso, te augwali tedali me pebeda pogobeo, menio, te tigidali deli deli badu te augwaligo augwa hasi te gasa badu te deli şe tiwai naga eyu bugagia tonalumainogo ebo dao. ²⁶ Tama tiyu te tigi me badu pedai badu dene eyu da, te tigidali badu dwai bidaibao. Tama me deli badu te nogi sobaso da, te tigi tigidali badu augwaligo te aga dali wiegi yai homu yaibao.

²⁷ Tialima dage da, da tigidali deliba wadolama, tama dage da te Kraisişgo tigi tiwai dao. Tama dage deli deli te Kraisişgo tigigo haniani şe yabo badu dabe dao.

²⁸ Tama te Godigo po odobo we bidi hani tomode Godigo aga digi te şe dodolama, tama tigidali bidi te haniani şeşa muani. Te hasia te po sela pabo bidi dabe nigilali, te si wali te Godigo po pusabo bidi dabe, te sela wali te agai po ola mabo tisa bidi dabe muani. Te dabe tuda badu nosali te bomu menama, te bomai şe ebo bidi dabe nigilali. Tama nosali ma te gasi yai bidi dabe usu ilibo bidi dabe elalubo, tama te we bidi dabe tau sabo bidi me, tama te haniani şe dabe tonalubao bidi dabe muani, tama haniani homugo konesişbo pogo po wabo bidi nigilai. ²⁹ Magi yaliwe? Te Godigo po odobo we bidi hani tomode te tigidali bidi te Godigo po sela pabo şe ebo bidi dabe bidibo dawe? Ma, tigidali te po pusabo bidi bidibawe? Ma, tigidali te po ola mabo tisa bidi bidibawe? Ma, tigidalişgo te bomai şe ebo bomu elalubawe? ³⁰ Ma, tigidalişgo te gasi yai bidi dabe usu ma ilibo bomu te elalubo dawe? Ma, tigidali-

† 12:11 Rom 12:6-8 †† 12:13 Rom 12:4-5

‡ 12:28 Ef 4:11

go te haniani homugo konesiabo pogo po wabo dawe? Ma, te tigidaligo te gasa bidigo wali po begelebo se ebo usu egowe? Mu menio! ³¹ Tiali goli dagego bomu eyu tama godolo elama, te Godigo dabolo olo mabo agai we bidi hani tau sabo bomu tigidalide te polali nai sao.

Tama megi eno dagebolo te polalubo tu mu me deli te dagebolo ola maiabo homu ebao.

Te we bidi dali dwagi yai homu eyu godolo mu ebo kolesaga po

13 Te haniani dago homugo konesiabo pogo po wabo, tede eno po tamadi wai dao. Te eno te da tede bidibo we bidigo dena homugo konesiabo haniani pogo wabo, ma te tede bidi dabego wabo haniani po, ma te ensel mobo bidi dabego gasagi yai po me, te po tigidaligo eno po wabo usu eyu da, tiali goli eno te gasa we bidi dali dwagi yai homu eyu godolo ebo kolesaga esiayu da, teda eno po wabo te belo olo subigila elibo tiwai eyu, ma te moni nigo nigali habidi te olo elibo tiwai gilama yaibao. ² Ma, eno te profet bidigo wabo po tiwai te Godigo po pusubo bomu elaluyu, tama eno te Godigo geme dualali po tigidali koneyu, tama eno gasa haniani homu kolesaga me koneyu, tama eno Godide bomai konealubo po daq elaluyu, tama eno te genuai bulu du gasaba pogolobo usu iligi da, ena te tiwai bidiyu, tiali goli eno te gasa we bidi dali dwagi yai homu eyu godolo ebo kolesaga esiayu da, teda ena te olo nai tiwai dao. ¹³ Tama eno ena doado bage tigidali te magi nai meni yai we bidi dabe augwalibolo mena mena pelama, tama ena te Kraisde boi bidi homu ebo bagego selama, tama eno tigi te siaba ulama tama ena te isiyu da, tiali goli eno te gasa we bidi dali dwagi yai homu eyu godolo ebo kolesaga esiayu da, teda te eno yali tigidali dwagi yai sego ena dwasianu tau sabo usu me egobeo.

⁴ Te gasa we bidibolo wiegi yai homu eyu godolo ebo bidi agai e tobage kolesaga ebo dao. Augwaligo dwai kolesaga aga dali ebaso, te agai wei polo me ponogobeo. Te gasa we bidibolo wiegi yai homu eyu godolo ebo bidigo, te agai tigidali bidi tau sobao. Agai te doado bage hauwa elalubo bidi dali dwai homu me egobeo. Te gasa bidibolo wiegi yai homu ebo bidigo te aga digi aga nogi ugwaba me sogobeo. Tama agai dwai hagoma me egobeo. ⁵ Agai te bidi dabe augwali dali te kolesaga usu isawai bidigo ebo kolesaga ebo meni. Agai te aga doado bage dabede te nai yogo homu ebo meni. Te agai sebe polo me egobe, konila po polo wagobeo. Te augwaligo agabolo dwai se ilibaso, te agai te se de aga homugo ma nededu gebo meni. ⁶ Te gasa bidigo ebo dolo isawai kolesagade te agai wiegi yai homu pemene me egobeo. Menio. Agai te we bidi augwaligo Godigo mu doloba pai kolesaga ebode te wiegi yai homu pemene agai ebo dao. ⁷ Te gasa we bidibolo wiegi yai homu eyu godolo ebo bidi agai tigidali sege bugagia tolobo dao. Te tama tiyu, agai aga abagi dali homugo keq pai bidi bidada pabo dao, te

kolesaga me sia sogobeo. Te aga dali dwai se yali abagi, tede agai wiegi yai homu pemene eyu tama te bidigo homu hasegelebo aga bugagia tonalubo dao, agai te kolesaga ebo tagalogobeo. Te tigidali sege sabode te aga bomu elama bugagia dolalubo dao, aga munu me sebe polo egobeo.

⁸ Te Godigo aga we bidibolo te tau sabo bomu osogo mawai dao. Agai bidi mebolo te Godigo po pusubo bomu olo mayu, tama gasa bidibolo te haniani gasagi yai homugo konesiabo pogo po wabo bomu olo tama mayu, tama tedali bidibolo gasa haniani homu kolesaga koneabo bomu mayu ebo dao. Te tobage mani se yabo bomu te osogo elalubo nai naga dao. Tiali goli te gasa we bidi dali dwagi yai homu eyu godolo ebo kolesaga da, te gamonabo kolesaga mu dao, te munu me siligobeo. ⁹ Te megi dago haniani homu kolesaga koneabo bomu te sese meni, te saq pali. Tama te Godigo po pusubo bomu me, te sese meni, te saq pali.

¹⁰ Tiali goli nosali te sese usu mu yai nai asiyu, tama te sogo te sese isawai saq pali nai dabe tigidali silaibao, te augwaligo se me meni. ¹¹ E tiwai yaibao. Polobadu ena dwasianu ogwa bidibadi, te sogo eno dwasianu ogwago po wabo tiwai yai dao. Eno te dwasianu ogwago homu ebo se tiwai yai dao. Eno te dwasianu ogwago homu dodolobo kolesaga tiwai me eyu bidai dao. Eno kuna konesiabaso, eno haniani se de saq peyu bidali. Tiali goli nosali ena genuai bidi pedalama, tama eno bugagia konebaso, eno te dwasianu ogwago yali kolesaga yali te tagalai dao. ¹² Dago te aq dulade subadi, te dena gesabidi dago kuna subo meni, te dwasianu hulua sai tiwai subo dao. Tama te tiwai me, dago God gisiga mu konebo menio. Tiali goli te sogo nosali da, te dago Godigo gesabidi mu dolo sueibao. Megi dago te God kuna konebeo, te me badu naga koneani. Tiali goli nosali da, te dago aga mu koneyu, te agai da mu konebo tiwai gilama yaibao.

¹³ Tama te sogo asisabadi, te kolesaga sela sesemane sogo elalubao, te homugo keq pabo kolesaga dali, te dwagi yai homu eyu bugagia tonalubo kolesaga dali, te we bidi dali wiegi yai homu eyu godolo ebo kolesaga dali, te augwali sela sesemane sogo elalubo dao. Tiali goli te kolesaga selade te polalubo kolesaga me deli, te gasa bidibolo wiegi yai homu eyu godolo ebo kolesaga elalubo dao.

Te Godigo Tedali Mobo Bidigo mabo polalubo bomu sabo homu eyu, te dagego Godigo po godolo homu elama pusao po wai

14 Te gasa we bidi dali wiegi yai homu eyu godolo ebo kolesaga da te polalubo kolesaga elalubaso, te dagego bomu eyu te kolesaga bugagia wali pao. Tama tiyu, dagego te Tedali Mobo Bidigo maiabo tau mabo bomu sabo homu bomu eyu godolo tigidali sogo iduao. Tiali goli te maiabo bomu dabe tomode te Godigo po gasa we bidi dabebolo pusubo bomu te polalubo bomu elalubaso, dagego te bomu sabo homu hasia yao. ² Magi baso meni, te tede bidibo we bidigo konesiabo po wabo bidi agai te we bidibolo te po wag-

obeo. Menio. Agai te po wabogo te Godibolo naga wabo dao. Magi baso meni, te we bidi augwaligo agai wabo po page konegobeo. Te Tedali Mobo Bidigo bomogo te agai te geme dualali po page wabo dao. ³ Me ma, Godigo po pusubo bidi, agai po te we bidibolo weyu, tama te pogo augwa homugo God dali keş pabo kolesaga tebolo bomomo mabo dao, tama augwaligo kolesaga wiegi yai emainu homu hodolama, tama augwali homu nagame ilibo dao. ⁴ Te tşde bidibo we bidigo konesişbo po wabo bidi, te aga digi naga tau sabo dao. Tiali goli te Godigo po pusubo bidigo, agai te Godigo po odobo we bidi hani sese tau sabo dao. ⁵ Eno homugo dage tigidaligo te we bidigo konesişbo pogo po omainogo te homu godolo eba. Tiali goli eno homugo te Godigo po dagego pusumainogo te homu mu godolo eba. Magi baso meni, te Godigo po hania pusubo bidi agai te we bidi tau sabo şe ebogo te we bidigo konesişbo pogo po wabo bidigo tau sabo şe aiyaba elalubo dao. Tiali goli, te we bidi augwaligo te po page hania konemainogo eyu, bidi mego te po page begeleyu da, teda te usu da, te po pusubo bidi dali te we bidigo konesişbo pogo po wabo bidi dali si-go tau sabo şe te tiwai si dao.

Dago Godigo po dena pogo pusao po

⁶ Eno ama dedeo, dagego te po homugo bugagia koneao. Ena te dage bidibo madi aselama, tama eno po te we bidigo konesişbo gasa pogo naga wainogo eyu da, tiali goli te Godigo enabolo waselali po meba te eno dagebolo wasiyu, ma eno wiegi yai kolesaga dagebolo masişma, ma te Godigo po eno pusuşişma, te eno dage me po ola masişbaso da, teda eno te we bidi konesişbo pogo wabogo dage bugagia tau sogobeo. Mu menio. ⁷ Te bidibo ula meni yai nai, te ona me gita, te tiwai naga elalubao. Te agai haniani po dolo bugagia wasişbaso da, teda dago magi ilama te agai dogonide wabo po bugagia odaibawe? Te usu egobeo. ⁸ Ma, te ami enesigi bidi dabe augwaligo te bu wabo nai biugel bu wabo odobo si, augwaligo konebo dao, te hwşabo sogo asai dao, te homu yaibao. Tiali goli ami bidi me deligo te biugel naigo dolo hwa wasişbaso da, teda dego te wşbi hwşabo sisi elaluaibawe? Bidi meni. ⁹ Dage me, dage te tiwai gilama naga yaibao. Dagego duga lotude te bidi dabego konesişbo gasa pogo po obaso da, magi ilama augwaligo te po page koneaibawe? Menio. Teda dagego po olo madi hagagi paibao. ¹⁰ Mu tama, te haniani we bidi hani augwaligo te haniani po hauwa e tşde elalubao, dago te haniani po nedebo usu egobeo. Tiali goli te po me deli olo me elalubeo. Te tigidali pogo te page elalubao. ¹¹ Tialima, te bidi me deligo pusubo po page eno me konesişbaso da, te agai homugo ena te gasa digibulu bidibo bidi hani da homu yaibao. Tama eno me eno homugo te po wabo bidi te gasa digibulu bidibo bidi hani da, te homu ebo dao. ¹² Dagego me dagego te we bidigo konesişbo pogo po weyu da, teda dage tama tiwai ebo dao. Tialima, dagego te Tedali Mobo Bidigo olo ma-iaibo tau sabo bomomo dabe sainogo homu godolo yaligo

da, teda Godigo we bidi hani bugagia dolalumainao homu eyu, dagego te augwali wiegi yai mu tau mabo bomomo sabo homu bomonama eyu, tama te Mobo Bidibolo te bomomo da mao weyu bidişo.

¹³ Tama tibaso, te we bidi dabego konesişbo pode po wabo bidigo, agai te po begelabo bomomo somainogo eyu tama agai Godibolo te bomomo ena mao po hanalu wao. Tama tiyu, tama agai te bomomo sobaso da, teda agai te aga gasa pogo wabo po begelama, tama gasa we bidi augwaligo te po page hania koneaibao. ¹⁴ Magi baso meni, eno te da we bidigo konesişbo pogo Godibolo po weyu da, teda eno mobo bidigo me te gedu haluasa po wabo, tiali goli tebogo eno homu kolesaga tau sabo meni, te olo elaluaibao. ¹⁵ Tama eno magi egowe? Te eno ena homu ogwa wai dali te da we bidi konesişbo pogo Godibolo po weyu aga nogi ugwaba saibao, tama ena homugo kone paliyu tama waibao. Eno aga nogi ugwaba sabo teşbi po te konesişbo pogo te eno homu ogwa waigo weyu, tama te eno homugo dali me te teşbi po waibao. ¹⁶ Te nago tama tişişma, tama naga homu ogwa waigo naga te lotu wabo sogode nago Godibolo puba hwi po weyu da, tama tede bidibo olo bidi me deligo te po konesişwani da, teda magi ilama agai te nago puba hwi po walide te "Amen, mu dao" po agai wagowe? Te usu me egobeo. Agai nago te wali po me konegobeo. ¹⁷ Mu tama, nago Godibolo po wali te wiegi yai wali, tiali goli nago te po waligo te gasa bidi homu tau siyu bomomo me mabeo.

¹⁸ Dagego te da tşde bidibo we bidigo dena homugo konesişbo pogo me sogo Godibolo po wabo dao. Awe, te usu da. Eno me hauwa sogo tama tebo dao, tama te şede eno dage aiyaba elalubo dao. God agai te pogo po wabo bomomo ena mobaso, eno agabolo puba hwi po wabo dao. ¹⁹ Tiali goli te Godigo po odobo we bidi sisinibode, eno homugo te eno te augwaligo konesişbo po hauwa mu wagobeo. Menio. Eno homu e tiwai dao, te dena pogo weyu, eno augwali tau siyu, te ola mabo po bugagia ola momainogo eyu, te eno dwasianu pogo hania waibao, te usu dao.

²⁰ Eno ama dedeo, dagego te haniani şede dagalabo homude dage te wai puluba tiwai me bidilamuo. Menio. Te dwai kolesaga ebode dage te dwasianu wai puluba bidibo tiwai bidao, te dwai kolesaga egimio. Tiali goli duga haniani şe ebo dagalabo homude, dage te genuai bidi tiwai pedalişo. ²¹ Te Godigo bomai pode augwaligo te tiwai po polobadu aşai dao, te gasa konesişbo pogo wabo kolesagade, "Genuai Bidigo te po wai, 'Te gasa po wabo bidigo pedauwalide, tama te gasa bidi hanigo pedauwalide te eno po e we bidi hanibolo mawaibao. Tiali goli tebogo me usu egobeo, te augwaligo eno po wali me pogobeo,' agai te po wai." †

²² Tama tibaso, dago koneani, te da tşde bidibo we bidigo konesişbo gasa pogo po wabo kolesaga da, te muani sa dao, te Kraişba augwa homu tigidali musişwai bagego augwaligo te tobage po wabo

† 14:21 Ais 28:11-12

odoyu, tama augwaligo Godigo bomo meba sueibao. Me ma, te Godigo po pusubo kolesaga da, te me te muani sa dao, tama te po odoyu bugagia wali pabo we bidi augwaligo tedu koneaibao, augwaligo augwa homu tigidali te Kraisba mu muai dao. ²³ Tama tibaso, te dage Godigo po odobo we bidi tigidali dage deli madi sisinama, tama dage te sogo po wabo bage tigidaligo we bidigo konesiabo gasa gasa pogo po weyu, tama bidi mebago konesiama, tama Kraisba augwa homu musiawani bidi dali, augwali te tomoba asiyu da, teda augwaligo dagede te po waibao, "Dage esela pobao" waibao. ²⁴ Tiali goli, dage tigidali deli deligo Godigo po dena pogo pusubaso, tama Kraisba augwa homu musiawani bage, ma bugagia konesiawani bidi me deli, aga te tomoba asobaso da, teda dage tigidaligo pogo te bidi homude enaibao, tama dage tigidaligo pogo aga po tų ela mabo tiwai eyu tama aga koneaibao, Godigo gedude aga dwai sę yali sęę elalubao. ²⁵ Tama tigidali po aga homude geme dulaluali, te agai hania pusaibao. Tama aga ge neyu, aga gesabidiba basi gulama, tama God nogi ugwaba siyu, tama hanilama te po waibao, "Mu tama, God te dage tomode bidibao," agai te po waibao.

Te lotu po wabo sę tigidali dolo pedalomainao

²⁶ Ama dedeo, dagego magi yaibawe? Dage lotu po wainogo eyu sisinibo sogo, dage tigidali deli deligo te duga hasi tau sabo sę elalubao. Me deligo te Godigo nogi ugwaba sabo balia weyu, tama me deligo te dage po ola mabo sę eyu, tama me deligo te Godigo agabolo tamadi mani po, tama agai te po pusaibao. Tama me deligo te dago konesiabo gasa pogo po weyu, tama mego te po begelebo sę elalubao. Dagego ebo sę tigidali ebogo te dage Godigo po odobo we bidi tau siyu bomomoinogo iyao. ²⁷ Tama mebago te da tųde bidibo we bidigo konesiabo pogo po wainogo homu ebaso da, teda sigo ma selago naga yao. Te usu dao. Tama augwaligo po hodobo me olamuo. Menio. Me deligo bolo po hasia olama, tama gasa aga po nosali weyu yao. Tama bidi me deligo te augwaligo wali po page begelemainao. ²⁸ Tama te po begelabo bidi meni baso da, teda te we bidigo konesiabo pogo po wabo bidi te dage Godigo po odobo we bidi sisinani sogo po wabo pedauwali pania sao. Agai aga digi homu tomode God dali naga aga po mimainao. ²⁹ Tama te Godigo po pusubo bidi si ma sela, augwaligo te Godigo po pusumainao. Tama gasa bage augwaligo te pusali po dagaloyu tama osola suyu miao. ³⁰ Tama me deli dulaluali bidibolo, tama Godigo Mobo Bidigo po me deli agabolo te sogo naga ola mani po wainogo ebaso da, teda te hasia doligulama po wabo bidi, te aga wabo po silao, te Godigo agabolo po tamadi mani bidigo te mani po omainao. ³¹ Te kolesaga ebogo da, teda dage tigidali deli deligo Godigo po pusagameo, tama dage tigidali we bidigo koneama kolesaga selama, tama dage tigidali bomomoinogo yaibao. ³² Te Godigo po pusubo bidi dabe augwaligo augwa Godigo Mobo Bidigo nogode sali po pusubo bomomoinogo digi

tonalumainao. ³³⁻³⁴ Magi baso meni, Godigo te da dago lotu po wabode te subigila ebo homu me ilibo meni. Te menio. Agai da deli homude naga nagamea homu elama bidimainogo ilibo dao.

Te Godigo po odobo we bidi sisinibo sogo te we dabe sibigo po me olamuo, augwali pedauwali naga pania sao. Da Godigo po odobo we bidi hani te tigidali tųde bidiyu, da tigidaligo tama naga tebo dao. Te we dabe sibi augwali te Godigo po odobo we bidi tomode me polalugobeo. Augwali te dologode bidao, te Juda dabego bomai pode wali po gilama yao. ³⁵ Te we dabe sibi augwaligo te lotude odali po me deli page koneainogo da, teda augwaligo augwa bidibolo augwa bede hanalu wao. Ma, te Godigo po odobo we bidi sisinibo sogo wego po obaso da, agai te dolo isawai hale ilibo kolesaga ebao.

³⁶ Awe, eno koneani, te dagego eno megi tama wali po bolobo dao. Te dage tomode te dage deliba sisinibo sogo te we mebago po pusubo dao. Magi basowe? Dage te Godigo wiegi yai gesi po page bage dagede da agawe? Dagego naga te Godigo po siyu, tama gasa we bidi augwali meni yaiba agawe? Te meni. Dagego te tigidali gasa tųde bidibo Godigo po odobo we bidi hani augwaligo ebo kolesaga wali peyu, tama te we dabe sibigo lotu po obadi po pusubo habu selao.

³⁷ Tama bidi me deli aga homugo digi aga te Godigo po pusubo bidi da te homu ebaso, ma aga digi homugo te Godigo Tedali Mobo Bidigo agabolo te Godigo we bidi tau sabo sę agabolo mani, te homu eyu da, teda aga koneao, te po eno dagebolo megi aşani te Genuai Bidigo bomai po dao. ³⁸ Tiali goli aga te tiwai homu me isayu da, teda dago me aga te Godigo po pusubo bidi da te homu me egobeo.

³⁹ Eno ama dede dabeo, eno wali po page e dao: dagego te Godigo po pusubo sę emainogo eyu duga homugo bomomoinogo elama godolo yao. Tama me, dagego te da tųde bidibo we bidigo konesiabo gasa gasa pogo te Godigo nogi ugwaba sabo sę te habu munu me selamu dao. ⁴⁰ Tiali goli dage deliba sisinama tama lotu po obadi, te subigila egimio, te sę dodolama tama wiegi yai naga pedalomainao.

Te isali we bidi dabe augwali ma hodalueibao

(Daj 15)

Te Krai isilama tama ma hodaluali po

15 Eno ama dedeo, megi eno homugo te eno dagebolo polobadu pusali wiegi yai gesi po, te po pagede dage homu ma hodolainogo eno homu ebao. Dagego te wiegi yai gesi po salio, tama dage tede bomomoinogo elama dolalubo dao. ² Tama Godigo te wiegi yai gesi pogo naga dage ma dobola siyu wiegi yai madiba mubao. Dagego te eno dagebolo pusali wiegi yai gesi po dali duga homugo mu keę peyu da, te pogo agai dage ma dobola saibao. Te dagego te tiwai

isayu da, teda dagego olo naga Kraisba duga homu tigidali muyu agaba tialuali.

³ Te eno polasa po dagebolo hasia bolo mani, te eno me eno polobadu te po naga sali. Te po e tiwai dao: te Krais isilama dago dwai seğę tigidali sela samainogo yali, te Godigo po bukude polobadu aşani po tama usu nani. ¹⁴ Tama augwaligo aga te masigi dedage gu pageba mugı pai. Tama sela sogo wabode Godigo aga ma hodolama, tama aga me bidibao, te Godigo po bukude polobadu aşani po tama usu numainogo yai dao. ¹⁵ Tama nosali aga Pita bidibo madi pedalali, tama nosali te aga seğę bidi nogo si olama sağa badu si bidi bidibo madi pedalama augwaligo aga sualı. ¹⁶ Tama nosali ma dago ama dede hauwa dali augwaligo aga sualı, te bidi sese hauwa 500 bidi augwaligo sualı. Tama te sualı ama dede augwali meba nosali isiyu yai, tiali goli hauwa augwali megi me bidibao. ⁷ Tama nosali ma Jemsgo aga sualı. Tama te sogo nosali aga seğa tagala palali bidi dabego me aga sualıo. Te tiwai aga isilama ma hodalualı po eno dagebolo hasia bolo ola mani.

⁸ Tama augwaligo sula silama, tudi badu mu aga te ena geduba me pedalai, ena te wai bęu tiwai te aga idago te ame nesiağo sogo ame nani. ¹⁹ Magi baso meni. Ena da, ena te Godigo po sela pabo bidi dabe augwali tomode te dwasianu gagayali. Tama ena te bidi augwaligo te Godigo po sela pabo bidi nogi wabo usu me egi menio. Magi baso meni, polobadu eno te Godigo po odobo we bidi hani dolobo seğę hauwa mu yai dao. ¹⁰ Tiali goli Godigo olo mu tau sabo kolesaga ena tau selama, tama agai ena megi bidibo tiwai ilali, ena te aga seğę ebo tagala palali bidi dao. Tama agai ena olo mu tau sali wiegi yai kolesaga te olo me hagabeo. Mu menio. Eno aga seğę bomu mu elama yai, te gasa Godigo po sela pali bidi dabe augwaligo yali seğę eno yali seğę ebogo aiyaba elalualı. Tiali goli eno ena digi me ebeo. Menio. Te Godigo olo tau sabo wiegi yai kolesaga ena dali bidiyu, agai naga te seğę ebo dao. ¹¹ Tiali goli te eno ma augwaligo te gesi wiegi yai po pusali, te tagalao. Te magigo meni. Da aga tagala palali bidi tigidaligo te Kraisde po naga pusubo dao. Tama dagego te pode naga konealubo po duga homu go dağ olama tama Kraisba homu dağ elalubo dao.

Nosali tigidali isali bidi ma hodolobo kolesagade po

¹² Sesemane sogo da Godigo gesi wiegi yai po pusubo bidi dabe dago te Krais isama tama Godigo aga ma hodolali po pusubo dao. Tama tialigo da, magi ilama tama dage tomode meba augwaligo e tiwai tibo po weyu ebo dao: "Te isai bidi, aga ma hodalugobe, dago te homu ebo da," te po wabo. ¹³ Edao. Te isai bidi mu ma hodolobo usu menigi sogo da, teda Godigo Krais te gu pageba ma hodoligi meni da. ¹⁴ Tama mu tama Godigo Krais ma hodoligi menigi sogo da, teda dago te pusubo po, te po olo nai tiwai gagagi da, tama

† 15:3 Ais 53:5-12 †† 15:4 Tib 16:8-10; Mat 12:40; 28:16-17; Mak 16:14; Luk 24:36; Jon 20:19; Tpi 2:24-32 ‡ 15:5 Luk 24:34 †† 15:8 Tpi 9:3-6 †† 15:9 Tpi 8:3

dagego Kraisde konealubo po dağ olama agaba homu tialubo kolesaga, te me te olo nai tiwai pedaligi da. ¹⁵ Tama te tiwai da wida, teda me da te Godigo po pusubode te da tibo po wabo bidi tiwai pedalaibao. Magi baso meni, dago te Godide po weyu tama dago te agai Krais te gu pageba ma hodolali po dago hanilama hania wali. Tiali goli Godigo te isai bidi ma hodolobo meni eyu da, teda agai te Krais me ma hodolobeo. ¹⁶ Awe, mu tama Godigo te isai bidi ma hodolobo meni da wida, teda Godigo te Krais me hodoligi meni. ¹⁷ Tama mu tama Godigo te Krais ma hodoligi menigi sogo da, teda dagego te Kraisba duga homu tigidali mubo kolesaga ebogo te duga tau sabo usu me egi menio. Duga dwai seğę dali bididubadi gebo dao. ¹⁸ Tama me elalubao, te Kraisde konealubo po dağ olama isali we bidi dabe, augwali me hagawai dao. ¹⁹ Te Krais agai da ma dobola somainogo eyu, dago dena homu tigidali agaba munama tama agaba tialuyu, tama dwagi yai homu eyu aga ma asobo tonalubo dao. Tama tebogo da e tęde bidibo sogode naga da tau siyu da, teda da hobedagia mu bidibao. We bidi augwaligo da dali homu dene ebogo te gasa we bidide homu dene ebo seğę aiyaba elalualı.

²⁰ Tiali goli te tiwai me egobeo. Mu menio. Te Krais isali, tama mu tama Godigo aga te isai we bidi tomodu ma hodolali. Aga te isali we bidi dabe hodalomainogo te hasia polasa hodalualı bidi aga dao. Tama te gide nai inabo hasia pedalali nai tiwai aga te gu pageba hasia mu ma pedalai dao. Tama tibaso, dago koneani, agade konealubo po dağ wali we bidi tigidali augwali me te Godigo ma hodolaibao.

²¹ Magi baso meni, te bidi deli Adamgo yali seğę tedu te isibo kolesaga pedalali, tama te tiwai me te gasa bidi me deli Kraisgo yali seğę te isai bidi ma hodaloabo kolesaga me pedalalıo. ²² Te e tama tiwai: te Adamgo bulai wai augwali tigidali isibo bage dao. Tama tiali goli Kraisgo we bidi hani augwali tigidali bidibo ula saibao. ²³ Tiali goli da tigidali we bidi deli deli te da ma hodaluama, tama dena sogo tede te bidabo ula saibao. Te hasia bolo polalubo te Krais aga ma hodaluama tama bidabo ula sai dao. Tama nosali aga ma asobo sogo, da aga hani tigidali ma hodalualı. ²⁴ Tama te sogo tigidali nai silaibao. Tama Kraisgo te gavman seğę tigidali silibadi, tama te haniani tobolu bidi seğę ebo tigidali badi, tama tigidali bomu dola silibadi elama, tama agai aga tigidali nai tonalubo bomu me ula te Aya Godigo nogoba muaibao. ²⁵ Magi baso meni, Krais te tuni bidi bidimainu eyu, tama bidada pidubadi tama Godigo te boi bidi tigidali augwali aiyaba elaluama siligi pabo si usu nigi paibao. ²⁶ Agai te gasa boi bidi dabe augwali tigidali dolobode da, teda agai te isibo kolesaga me sia saibao. ²⁷ Magi baso meni, te Godigo po bukude te tiwai po wai, "Godigo tigidali nai te aga dologode muaibao" wai. Te aşani pode te Godigo tigidali nai te Krais dologode muaibao po wai. Tama tialima dago hania koneani, Godigo tigidali nai te Krais dologoba muani, tiali goli God aga digi te Krais dologode me

††† 15:25 Tib 110:1

bidigobeo. Menio. ¹²⁸ Tama nosali Godigo tigidali nai Kraiss dologode munama silibo si da, teda God aga Og-wa digi te God dologoba pelama, te tigidali nai aga dologoba munama, tama God te tigidali nai dali, tigidali we bidi dali tobolu bidi mu bidimainogo yaibao.

²⁹ Edao. Te Godigo te bidi dabe te gu pagede ma hodaluaibao po te mu po menigi sogo da, magi baso te meba bidibo bidigo te isali bidi tau somainogo eyu baptais sabo dawe? Te mu tama te isai bidi munu me ma hodalugobe da weyu da, teda magi baso te isai bidi dabe tobade te bidibo bidigo augwali tau somainogo eyu baptais sabo dawe? ³⁰ Tama ena dali, te ena dali deli se ebo bage me, da me sesemane sogo bidi mebago da dolainogo ebo dao. Te isai bidi ma hodoligi menigi sogo da, teda magi baso da e tiwai bidaibawe? Te isai we bidi ma hodoligi menigi sogo da, teda te Godigo pode boi bidi homu ebo bagego da dene me maidali weyu dago e se tagaligi da. ³¹ Ama dedeo, te tigidali sogo te ena dali boi homu ebo bagego dene mabo homu ebaso, te tigidali sogo deli deli ena isigowe, te eno konesiabadi ena tama bidibo dao. Te po mu po naga dao, te eno dagede ebo homu te mu tama dao tiwai. Mu tama, da tigidali dago Genuai Bidi Kraiss Jisasde tia selama bidibo tama eno wiegi yai homu pemene dagebolo mu ebo dao. ³² Ena e moni hanu Efesusde polobadu bidibadi, te Godigo pode boi bidi homu ebo bagego ena dali dwai se yali, augwali te bulude bidibo dwai hui digi ebo hasa dabe tiwai yali. Tama eno tede bidigo homu wali naga pigi sogo da, teda te sege tolobogo ena mena tama tau sogowe ena te homu egi da. Tama tiyu, mu tama te isai bidi dabe ma hodoligi menigi sogo da, teda "Da do ma tamadi isibaso, tagalao, dago te nai me we me subigila tunao," te homu egi dao. ^{††}

³³ Augwaligo dage te tobage tibo po ola mabo gogolamu! Bidi me deligo te dwai kolesaga ebode polobadu wali po te mu po naga dao. Agai te po wai, "Te da dwai bidi dabe dali kisasa biliyu da, teda augwaligo dwai kolesagago dago wiegi yai kolesaga ebo dolaibao," agai te po wai. ³⁴ Dagego te wabo pabo kolesaga tagalama tama dolo homu kolesaga yao. Dagego dwai se ebo tagaliyo. Dagego odao. Dage tomode meba augwaligo te Godigo te isai we bidi ma hodalugobe po wabo bage, augwaligo God kuna konebeo. Te dage hale ilainogo eyu eno te po dageboloobao.

Te isali tigi gasagi yai ma hodaluaibao

³⁵ Tiali goli bidi me deligo te tiwai po hanalu waibao, "Te Godigo po wali pali isai we bidi dabe augwali mena tama hodalugowe? Te augwali mena tiwai tigi selama ma hodalugowe?" agai te po waibao. ³⁶ Te eno te po wei ponoyu e po obao: nage kolesaga meni yai bidi dawe? Nago hanalu wali po si te kidu meni yai po naga dao. Naga digi te nai yiyu ge bulubo naga koneani, tama te nai ge bulama tama tomode te ge peda pelama tama kulubi holisiayu da, teda te holabo yiyu

† 15:27 Tib 8:6 †† 15:32 Ais 22:13

aga bidabo ula me sogobeo. ³⁷ Tama nago te ge naga bulubo dao, te nosali pedalobo sese nai tigi bulubo meni. Te menio. Nago olo ge naga bulali, te yiyu ge, ma gasa nai ge me te olo ge naga bulubo dao. ³⁸ Tama Godigo digi aga homugo te yiyu gede pedelabo yabe dodolama nigali, te aga digi homugo koneama te tiwai yali. Tama agai haniani yabe te haniani nai wai tigidali deli delibolo mabo dao.

³⁹ Tigidali tede elalubo naigo tigi te deli nai tigi tiwai naga me elalubeo. Menio. Te bidigo tigi gasagi yai me tedali elalubo, tama hasa dabego gasagi yai me tedali, tama ba dabego gasagi yai me elalubo, tama sugu dabego me gasagi yai tedali tigi elalubo dao. ⁴⁰ Tama dagalude nai dabe me tede nai dabe me tedali elalubao. Tiali goli te dagalude nai dabego au yali te deli tigi poai elalubo, tama tede nai dabego au yali te gasagi yai tedali elalubao. ⁴¹ Te giligago au yali te deli tigi poai elalubo, tama poluago au yali te gasagi yai me, tama te ho dabego au te gasagi yai me elalubo. Tama ho dabego au me te gasagi gasagi yai elalubao.

⁴² Te Godigo te isali we bidi dabe ma hodolobo kolesaga me, te tiwai naga yaibao. Te tigi dago te nai ge tiwai pubalobo, te dolaibao. Te ma hodolobo tigi te gasagi yai dao, te munu me dologobeo, te gamonabo tigi dao. ⁴³ Te tigi dago pubalobo, te sawi isawai dwai mu yali. Te ma hodolobo tigi, te wiegi yai sawia pai mu yaibao. Te dago toba pubalobo tigi, te bomo me elalubeo. Te ma hodolobo tigi, te bomo hauwa elaluaibao. ⁴⁴ Te tigi dago pubalobo, te tede bidabo tigi naga pubulaibao. Te ma hodolobo tigi, te dagalude bidabo tigi elaluaibao. Te tede tigi elalubo, tama tibaso dago koneani, te dagalude bidabo tigi me elalubo dao. ⁴⁵ Te Godigo po bukude asani pode me te tiwai po wai, "Te polasa hasia bidi, Adam, te bidibo ula elalubo bidi pedalai," te po asani. Tama nosali mu pedalali Adam aga te bidibo ula mabo mobo bidi pedalali. ^{†46} Tiali goli te bidibo ula mabo mobo bidi te hasia me pedalobeo. Menio. Te e tede bidabo ula te hasia pedalali. Tama bidibo ula ebo mobo bidi noma te nosali badu pedalaibao, aga te tede bidabo ula hasegelaibao. ⁴⁷ Te hasia polali bidi Adam te e tede bidibolo polali. Godigo togo naga aga nigali. Nosali pedalali bidi te agade Adam si wabo bidi, te aga dagalude bidai bidi dao, tedu asai dao. ⁴⁸ Da tede we bidi tigidali, da te Godigo te togo nigali bidi Adam tiwai pedalali. Tama da Kraissgo we bidi hani bage, da te dagaludu asali bidi Kraiss tiwai mu pedalaibao. ⁴⁹ Tama meggi da te Godigo togo nigali bidi Adam tiwai dao, dago elalubo tigi te agai elaluali tigi tiwai si naga dao. Tama te tiwai naga me dago te dagaludu asali bidi Kraiss aga tigi tiwai naga digi dago nosali saibao.

⁵⁰ Ama dedeo, eno meggi wali po page e dao: te e tede bidabo tigi naga elalubo bidi te Godigo we bidi tonalubo madide bidibo usu me egobeo. Tama te gamonasiabo tigde bidibo bidi me gamonogobeo.

⁵¹ Dagego odiao. Eno geme dualali po me deli dagebolo pusubao: te da tigidali me isigobeo. Tiali goli

‡ 15:45 Gag 2:7

Godigo da tigidaligo tigi te hasegelama te gasagi yai tigi me pedalaibao, ⁵² polo mu, bidigo gedu gagamu ebo tiwai, te tõe dagalu si silibo sogo te bu wabo nai biugel po wabo sogo tiaibao. Awe, te bu wabo nai biugel po waibao, tama te Godigo po wali pali isali we bidi augwali gu pagede hodaluaiabao, tama augwali munu me dologobeo, te augwali gamonaibao. Tama da me bidibo bage, dago tigi hasegelama, gasagi yai mu pedalaibao. ⁵³ Te e tiwai: te dolobo tigi, te hasegelama tama te dolisiabo tigi pedalama, tama sesemane sogo bugagia bidimainogo emainao. Te isibo tigi te hasegelama, tama gamonabo tigi ulade bidimainogo emainao. ⁵⁴ Mu tamao, te dago elalubo tigi, te dolobo tigi, te hasegelama sesemane sogo bugagia bidaibao. Tama te isibo tigi te hasegelama te gamonabo tigi pedalama tama sesemane sogo bidaibao. Te tebo sogo te Godigo po bukude aşani po me deli te usu nagaibao. Bukude te po wai:

"Godigo te wabi hwani bomo elama, tama te isibo kolesaga te aiyaba elaluama, tama tigidali mu silalio." ††

⁵⁵ Bukude po me e tiwai elalubao,

"Nage da, isibo kolesaga, tama nago te we bidi aiyaba elaluabo se mena elalubawe? Menio! Te mu silalio! Nage da, isibo kolesaga, te nago dene mabo bomomenawe? Te menio! Te aiyaba elalualio!" ‡

Te po bukude aşani. ⁵⁶ Tõe we bidi augwaligo te isibode magi baso wi ebo dawewe? Woo, augwaligo koneani, augwaligo dwai se eyu bidibaso, nosali augwali dene saibao. Augwaligo dwai se yali, te augwaligo mena tama koneaniwe? Te Godigo Mosesbolo mani bomai pogo te dwai se yali page augwali hania waselebo dao. ⁵⁷ Tiali goli Godibolo dago puba hwi po wao! Te dago Genuai Bidi Jisas Kraiso yali se, te Godigo da bomomobaso, tama dago te boi bidi, te isibo kolesaga, te dago aiyaba elalubo dao.

⁵⁸ Eno ama dede muo, te da nosali ma hodaluama tama tebogo te isibo kolesaga aiyaba mu elalubaso, megi dage bomo elama bidiyu, tama wi homu eyu dwasianu ibaba kila selamuo. Te dagego Genuai Bidigo se dene ebo, te olo me tagalogobeo, te se ebogo aga du mu walaibao. Dagego te tiwai koneama, tama sesemane sogo dagego dago Genuai Bidigo se se bomomu yao.

Polgo homugo mena se dabe agai igi da, homu yali po

(Daj 16)

Polgo te Godigo we bidi tau sabo masigi po wali

16 Dagego ena te Judia tõe bidibo bage tau sabo masigide po hanalu wali. Megi eno te po wei ponoyu, dagego te sisinama Godigo we bidi augwali-

bolo mawainogo ebo masigi po wabo elalubao. Te se yabo sunumi eno te Galesia moni tõe bidibo Godigo po odobo we bidi hani dabe augwalibolo ola mani, tama dagego me te tiwai gilama yao. ^{†2} Te tigidali Sande dage tigidali deligo te hasia Sarere se elama sali mone tede homugo koneama, tama te bugulama tama me badu te duga bede bugagia munalumainao, te tiwai saboao. Tama nosali ena sabolobode, teda dagego augwali maiabo mone gegebo se me egobeo. ³ Nosali ena dage bidibo digi sabolobode, teda duga digi te mone sela pabo bidi meba nogo tu elama, dagego te tau sabo masigi dabe te moni hanu Jerusalemba sela pomainogo yaibao. Tama dagego pas dabe aşana, tama augwalibolo menama, tama augwali teba tagala palaibao. ⁴ Tama ena me ena pabo homu ebaso da, teda augwali ena dali hodobo paibao.

Pol pelama Korin dabe suainogo homu yali

⁵ Eno tede se me elalubaso, eno e bulu Efesus tagalama tama hasia ena te Masedonia moni tõe pedai teba paibao. Te moni tõe tomodu biliyu, tama tede eno se silibo si, tama ena dage bidibo madi pedalaibao.

^{†6} Tama sabolama, tama ena dwasianu sogo te dage dali bidabo homu ebaso. Ena kuna konebe, te ena dage dali bidibadi te moni kedau ebo silibo sogoba usu nagaibao homu yai. Tama nosali ena gasa buluba se egi paibao, te mena bulu te megi eno konebeo. Tialima ena gasa buluba painogo ebode, teda dagego te pabo sunumiba ena odasa pelama, tama tau siyu tagaligi pagameo. ⁷ Ena megi te Masedonia tõe poba di ena dageba asigi sogo da, teda ena dage dali dwasianu sogo naga bidibo usigi da. Te ena hagelabo. Dago Genuai Bidigo usu da po obaso da, te ena Masedonia tõe elalubo se silama tama dageba asama, tama ena dwasianu bobage sogo dage dali bidabo homu ebaso.

⁸ Tiali goli ena e Efesus bulude bidibadi te Juda dabego moni nai tubo sogo nogi Pentikos pedalobo sogoba usu nagasomainu homu ebo dao. ⁹ Magi baso meni, Godigo eno sunumi dalobaso, tama eno te we bidi hauwa te Godigo po wali pomainogo tau sabo se genuai elalubao. Tama ena dali boi bidi homu ebo bidi dabe me hauwa ede elalubao.

¹⁰ Te nosali Timoti dage bidibo madiba pedalobo si da, teda dagego bugagia tonalu te aga dage tomode wi isayu homu nagame elama dua digi bidimainao. Magi baso meni, agai Genuai Bidigo se eyu, te eno digi ebo se tiwai ebo bidi dao. ¹¹ Tama tibaso, bidi me badugo aga te olo nai tiwai bidi da homu eyu, tama aga tudiba me munamuo. Menio. Dagego aga homu nagame ilama, tama nosali aga te enaba asabo sunumiba bugagia tagalagaselama, tama aga ena pageba asomainogo yao. Eno te ama dede meba dali aga asobo tonaluaiabao.

¹² Tama dago ama Apolos, te agade po te tiwai dao: te hauwa sogo eno po agabolo bomo elama weyu, te aga ama dede dali augwaligo dage suagasomainogo

† 15:52 1 Te 4:15-17 †† 15:54 Ais 25:8 ‡ 15:55 Hos 13:14

†† 16:1 Rom 15:25-26 ‡† 16:5 Tpi 19:21

po wai dao. Tiali goli aga pabo hagela homu mu yai. Nosali, te aga pabo sogo suali usu ebaso da, teda aga dageba sabolagasaibao.

Po silagasu wabo po wai

¹³ Dagego bugagia tonaluyu, tama te Kraide konealubo pode bomu elama bugagia dolalua. Dage bidi mu sesemane sogo bidiyu, tama bomu elama bidalo. ¹⁴ Tigidali şę dagego ebo, dagego dwagi yai homu te Godibolo me te we bidi dabe augwali dali eyu, tama dagego duga şę tigidali iduao.

¹⁵ Ama dedeo, dagego te bidi Stefanas dali aga hani dali koneani, augwali te gasa Akaia tş pedai hani bidi dabe augwaligo Godigo po wali pabo gagalışbadi te augwalibolo polasa te Godigo po wali pabo hani we bidi pedalama tama megi bidibao. Tama augwa digi homugo augwaligo te Godigo po odobo we bidi augwali tau sabo şę salio. Eno homugo dage te tobage we bidi augwali ¹⁶ dologode bidimainogo homu ebaso, tama tigidali bidi dabego augwali tau selama, tama te şęde şę bomu elama ebo dao. ¹⁷ Tama Stefanas me Fortunatus badi te Akaikus, te bage augwali ena bidibo madi asali, tama eno homu wiegi yai pemene yalio. Magi baso meni, dagego ena tau somainogo eyu eba asabo te usu işbaso, tama augwali selago dage hasegelama,

tama augwali ena bidibo madi asai dao. ¹⁸ Augwaligo ena homu me, tama dage homu me nagame ilali. Tama tiyu dagego te tobage tiwai bidi dabe augwali nogi ugwaba sao.

¹⁹ Te moni tş pedai Esiade te Godigo po odobo we bidi augwaligo te giligade dao po dagebolo obao. Te Akwila de aga we Prisila dali, te Godigo po odobo we bidi te augwali sigo beba sisinibo bage, augwaligo dage dali dwagi yai homu eyu, dagebolo te Genuai Bidigo nogide siade dao po hauwa obao. ²⁰ Tama tigidali Efesusde bidibo ama dedego siade dao po dagebolo wali. Te da Godigo we bidigo kolesagade, dage tigidali deli deligo te ama dedebolo wiegi yai homu eyu augwali nogo mayao.

²¹ Ena Pol da, te ena digi eno nogogo te siade da po aşena dagebolo tolobao. ²² Bidi me deli aga homugo te dago Genuai Bidi Krai dali dwagi yai homu ebo hagela homu eyu da, te bidi agabolo dwai şę pedalomainao. Genuai Bidi, nage asao!

²³ Te eno homugo te Genuai Bidi Jisasgo olo tau sabo wiegi yai kolesaga te dage dali bidao.

²⁴ Te Krai Jisasgo yali şęde te da tigidali hodobo deliba wadoloyu bidibo dao. Tama tiyu, eno dage dali dwagi yai homu eyu godolo eyu bidibao.

† 16:19 Tpi 18:2

Polgo Korin Dabeba Si Wabo Pas Aşani

Hasia nedebo tau sabo po

Te Korin moni hanude te Kraisgo po wali pabo we bidi hani dabe elaluali. Tama te tibo po ola mabo bidi dabe augwaligo ili po weyu tama te hani dabe bidibo tomoba pali. Te bagego augwa tibo po te Korin we bidibolo ola mobadi tama augwaligo Polde haniani dwai posobo po weyu, te aga te Godigo po sela pabo bidi mu menio wai. Tama te bidi Pol gasa digibulu bulude bidibadi agai te posobo po wabo kolesaga ebo po odolama, tama te tibo po ola mabo bagego te Korin we bidi dabego te Krai wali pabo kolesaga dolidali weyu, tama agai e tau sabo po aşana tolali. Aga da te Kraisgo şe ebo bidi mu da weyu, tama agai te şe ebode te boi bidi dabego no-gode sali dene dali şeşę dali te tigidali te Polgo augwaliba ola mobao. Aga te Korin buluba ma asaibao wali. Tama te sogo te Judia tş pedaide bidibo te Godigo po wali pabo bage augwali dwagila bidibaso, tama te bidi Pol aga hani bage dali mone sisilama, te augwali magi painu yali. Tama te buku Daj 8 me 9de, te bidi Polgo te bulu Korin bidi dabe haliga hodolobo po weyu, te şeba mone maiabo po wai dao. Te te bidi Polgo silagasu aşani pasde te e tama po wali, te tibo po sela pabo bidi aposel dabe aselama te bulu Korinde bidiyu, tama augwaligo te bidi Polgo nogi aiyaba elalubo şe eyu, tama agai te Godigo po sela pabo şe emainu te tagala palali bidi nogi aposel şe ebo nogi dolama begela tagalali. Te po wai dao.

Polgo po hanilama weyu, te Godigo tagala palali bidi aposel dabeba şe mani po wali

(Daj 1-7)

1 Ena Pol dao, ena te Krai Jisasgo şe ebo tagala palai bidi dao. God aga homugo digi tama Godigo ena te aga şe ebo bidi muai. Ena dali, te dago ama Timoti da sigo pas te dage Godigo po odoyu te Korin moni hanude bidibo we bidi dagebolo e pas aşana tolobao, te moni Grik tş pedai tigidali badu bidalubo te Godigo we bidi tigidalibolo eno e pas aşana tolobao. ² Eno homugo te dago Aya God dali, te Genuai Bidi Jisas Krai daligo, te olo mu da tau siyu mabo wiegi yai kolesagago te dagego homu nagame ilama bidişo.

Polgo te Godigo aga tau sobaso gedu haluasa po weyu usu da wai

³ Dago agabolo puba hwi po weyu, tama God nogi ugwaba sao, aga te God tama dago Genuai Bidi Jisas Kraisgo Aya dao. Aga te dago Aya, tama aga te hobede eyu tau sabo page bidi dao. Aga te tigidali şeşę elalubo bidigo homu nagame ilibo God dao. ⁴ Te tigidali dene mabo şeşę daba pedalobo agai te dago homu nagame ilibo dao. Magi basowe? Agai da homu nagame ilibo kolesagago naga dago te haniani şeşę elalubo bidi dabe augwali homu nagame ilimainogo

eyu, te Godigo da homu nagame bugagia ilibo dao.

⁵ Magi baso meni, te Kraisgo tolali genuai dene, te dago me te tiwai naga tolobao. Tama tiali goli, te sogo me te Kraisgo genuai homu nagamego da paşanai dao, te nagame ilibo kolesaga te dene tiwai si pedalobo dao. ⁶ Te da şeşę tolobaso da, te dagego homu nagame iliyu tiaibao, tama Godigo dage ma somainogo ebao. Tama Godigo dago homu nagame ilibaso da, te dagego homu me nagame ilimainogo ebao. Te dage bomu elama dolaluyu, tama dago tolobo dene tiwai tolobaso da, teda Godigo dage homu nagame ilaibao. ⁷ Tama homu si isayyu, dago homugo koneani, te dage bomu elama dolalueibao. Dago koneai, dage da dali dene tolobao, tama tibaso te dage da dali te homu nagame ebo kolesaga me selama bidaibao.

⁸ Ama dedeo, te dago homugo te moni tş pedai Esia tede te şeşę daba pedalali te dagego koneaibao. Te genuai şeşę mugo da aiyaba elaluama, tama dago bomu aiyaba mu elaluali. Tama tiyu, tama dago homugo te da isabo homu yali dao. ⁹ Mu po da wali, te da homu şeşę ebo te po tş ebo bidi jasgo te da isimaino po wali tiwai elama bidali. Te şeşę dabe te tiwai magi baso pedalaliwe? Te dena bomogo usu yabo homu idali weyu te şeşę daba pedalali. Dago te Godigo bomoba homu tialumainogo yai, te agai te isai bidi dabe augwali hodolobo bidi dao. ¹⁰ Te Esia tşde dwai nai mugo da ela muainogo yali, tiali goli Godigo tede da ma dobola sai. Tama megi me te agai da ma sidu gebo dao. Tama tibaso, dago dena homu te tobage şe ebo God agaba daş weyu, tama dago homu e tiwai ebo dao, sesemane sogo te dwai naigo da dolainogo eba-

di, te agai da ma selama, tama da bugagia bidaibao.

¹¹ Tama dagego tede Godibolo hanalu wabo po wabogo da tau sao. Tama tiyu te Godigo te we bidi hauwago aga hanalu wabo po tama odama, tama agai da tau saibao. Tama we bidi hauwago te agai da tau sali şeba homu koneama, tama Godibolo usu da po agai te yali dwagi yai şede waibao.

Pol aga şe yabo homu hasegelama, te Korin dabe tibo po ola mayabo homu me ebeo

¹² Dago wiegi yai homu pemene ebo şe e kolesaga delide ebo dao: dago homugo hanilama po pusuyu da, te magi dwai şe isabo te wiegi yai kolesaga me tama te Godigo da mabo te meda isawai homu kolesagade bilibo po pusubao. Te e tşede bidigo koneani kolesaga te dago wali pabeo. Menio. Te Godigo olo mayu tau sabo wiegi yai kolesagago naga da tau selama, tama da te tiwai kolesagade bilibao. Tama da te kolesagade te tigidali bidi tomode bilibo dao. Tama dageba dago te kolesaga me mu ela pidu geai dao. ¹³⁻¹⁴ Dago gasa po me dageba aşna tolabeo. Menio. Te po dagego nedama tama page koneabo po naga aşbaeo. Tama megi dagego da gisiga koneşayu, mesela naga koneai goli, dena homugo te dagego nosali da kuna koneaibao homu yai. Tama tiyu, te Genuai Bidi ma asobo sogo te dago dagede wiegi yai homu pemene ebogia, te dagego da dali wiegi yai homu pemene yagameo, te tiwai si naga yaibao.

¹⁵ Tama dagego enade te dwagi yai abagi homu ebo kolesaga tede eno homu si isabaso, tama polobadu eno po weyu, te eno homugo hasia dage bidibo madi-bolo pelama, tama duga wiegi yai homu si sogo yagameo po wai. ¹⁶ Eno homugo hasia ena dage bidibo madibolo pabo homu yali, tama eno dage tagalama, tama ena te Masedonia genuai tş pedai teba paibao wali, tama eno te Masedonia tş tagalama, te ena dage bidiboba ma asaibao wai. Tama eno homugo dagego ena te Judia tşba tagala palomainogo yai dao.

¹⁷ Tiali goli, te dageba pabo tş paliali, te ena dageba asobe. Magi basowe? Eno e tama tiabo po wai, tiali goli eno po subigila hasegelali homu elama tama eno po olo wali dawew? Ma, eno te yaibao wali şe isabaso da, te eno e tşde bidigo olo po wabo tiwai elama, tama ena te homu mu isawai bidi dawew? Mu menio.

¹⁸ God da, te homu mu ebo bidi dao, tama aga da dali homu keş pai bidi dao, tama agai dabolo te du wal-işabo po pusubo meni. Tama tialigo da, te dago dage-bolo pusali po me te page si elaluali po meni.

Polobadu eno dagebolo te ena dageba asaibao po wai. Tama homu mu naga eyu eno te po wai. Tiali goli eno gasa şe elalubaso, ena dageba ma asobo usube. ¹⁹ Ena me Sailas me Timoti, dago dage tomode pusali po, te Godigo Ogwa Jisas Krais agade te po pusali.

Tama Krais aga subigila hasegelebo menio, aga da te aga homu polo subigila hasegelebo bidi meni. Agai aga daş walali po togogobeo, aga yaibao wali şe te aga mu yaibao. ²⁰ Te Godigo daş wali po hauwa elalubao, tama Kraisde naga te daş walali po tigidali

mu usu nagasai dao. Tama tibaso, dago Godigo po odama, tama Kraisgo nogide naga dago te po weyu, "Awe, mu dao," te pode olama, tama dago Godigo nogi ugwaba sabo dao. ²¹ Tama Godigo digi da dali dage dali bomu ilama, tama da Krais dali homugo keş pai we bidi bidibao. Tama agai digi da diş selama tama şeba me muai dao. ²² Agai aga daş iliyu daba sa muani, tama dago homuba Tedali Mobo Bidi mawai. Godigo te da dali gasa wiegi yai şe nosali yabo homu eyu, tama te Mobo Bidi hasia dabolo mani, tama dago te koneao wai: mu tama agai te tigidali wiegi yai şe da dali mu yaibao.

Pol te augwali bidibo madi te Korinba polo me pabeo wai

²³ Te eno te polobadu aşna tolali pasgo te dageba asobode tibo po wai yaibaso da, teda Godigo eno te tibo po wali te hania haninagameo. Tiali goli, menio. Eno mu po naga obao. Te eno şeş dageba mabo te eno hagela homu yali, tama tiyu te ena dage bidibo madi polo me te Korin buluba ma asobe dao. ²⁴ Te dagego Kraisde konealubo po daş olama, agaba homu tialubo te dago tonalubo tiwai me egobeo. Menio. Te agaba tialubo kolesagade dage bomu elama dolalubao. Tama dago şe dage dali eyu te dagego wiegi yai homu pemene ebo te pedalomainogo tebo dao.

2 Tama tibaso, ena homugo digi eno te po wai: 'Te eno hasia aşna tolali pas te Korin bagego selama, tama augwali homu şeş eyu bidali. Te ena augwali pageba pelama, tama augwaligo ebo kolesagade te augwaligo dwai şe yali po olama, tama augwali homu şeş ma ilibo te eno hagela ebao,' eno dage dali te homu yai dao. ² Magi baso meni. Te eno dagebolo homu şeş mayu da, teda dego te eno homu wiegi yai pemene iligowe? Te eno dage homu şeş ilai digi da, teda ena wiegi yai homu pemene ilabo bidi menigi da. ³ Dage we bidigo te wiegi yai homu pemene enabolo mabo bage dao. Tama ena dage pageba pelama, te eno homu şeş sidali weyu, te delide naga polobadu eno te pas aşna tolama tama dagego sali. Eno dage tigidalide te tiwai homugo koneai: te eno nai me delide te wiegi yai homu pemene ebaso da, teda dage tigidaligo me wiegi yai homu pemene teba ebo dao. ⁴ Mu dao, polobadu eno pas dageba aşna tolali, te sogo eno homu şeş genuai badi, dene dali elaluali, tama ena gela hauwa dali weyu bidali. Eno te pas aşna tolali te eno dageba homu şeş mawainogo ebeo. Menio. Eno te pas polobadu aşani te dagego ena konemainogo yali, eno dage dali dwagi yai homu eyu godolo ebo kolesaga te genuai mu dao.

Augwaligo te dwai penani şe yali bidigo yali dwai şe sela şayao wai

⁵ Te dage tomode polobadu dwai penani şe eyu homu şeş ilali bidigo, agai te homu şeş enabolo naga me mabeo. Menio. Agai te homu şeş meba te dage tigidaliba manio. Eno te po bomu elama wabo te ena

hagela ebaso, tama eno te po wai, "Meba dao." ⁶ Te dagego eno hasia aşana tolali pas po nedeyu, tama dagego eno po wali peyu te bidi buluba şayu yali. Tama aga dali te şe ebogo te dwai dene te dage hauwa bidigo te bidi agaba wei ponani, te tibogo aga usu ilai, te bidigo ge neyu homu begelai dao. ⁷ Tama tibaso, dagego gasa kolesaga me megı iyao. Te dagego agai şeşe sela şanama, tama aga homu nagame ilao. Tiyu genuai homu şeşe mugo te bidi aiyaba mu elaluabuo. ⁸ Tama tibaso, eno homugo dagego te duga ebo dwagi yai homu eyu godolo ebo homu te agabolo bugagia ola mao. ⁹ Polobadu eno te pas aşana tolali, te dage eno usu naga sai. Eno koneainogo yali, dagego te tigidali naide eno po wali pogowe naga suainogo yai dao. ¹⁰ Tama dagego bidi me deligo şeşe sela şabaso da, teda eno me eno tagalaibao. Awe, te eno sela şabo gasa bidigo yali şeşe elaluyu da, te eno Kraıs gedude te şeşe sela şabao, te dage tobade tau siyu tiaibao. ¹¹ Eno te dago aga şeşe sela şabo homu yali, tiyu Satango da tibo po ola menama tama da aiyaba elaluidali weyu tiaibao. Dago agai te we bidi dolabo dwai homu kolesaga koneai dao.

Pol aga te bidi Taitus suabo homu eyu, aga homu şeşe eyu te bulu Troasde bidali po

¹² Polobadu gana ena pelama te Troas hanuba pedalama, te gesi wiegi yai po Kraısde pusainogo yali, tama Genuai Bidigo te po pusubo tı dalalio. ¹³ Tiali goli eno te moni homu tagalama, te homu nagame me elalubeo. Magi baso meni, te eno ama Taitus aga dage bidiboba pelama bidali, tiali goli aga ma asama eno aga me subeo. Tama tibaso, eno te Troas bage augwali tagalama, te Taitus gegegi peyu, tama ena asama te Masedonia moni tı pedaiba sabolai dao.

Te Godigo bomode te tagala palali bidi dabego te hwıbo bomu aiyaba elaluai

¹⁴ Tiali goli te Masedonia tıde eno Taitus sulama, tama agai dagede dwagi yai po olama, megı eno usu da weyu Godibolo po odu gebao. Sesemane sogo agai da tau selama, tama dago Kraısge bomode te wıbi hwıjani usu yai. Tama dago şe ebode te Godigo po pusali, tama te bidi dabe augwaligo Kraıs konea sabo dao. Te koneani kolesaga te pusu ebo nai tiwai denami te tigidali habuba pabo tiwai ebao. ¹⁵ Mu tama, dena digi te pusu yai denami ebo nai te Kraısge selama tama Godibolo mabo tiwai dao. Te denami te Godigo augwali ma sabo tı tomode bidibo we bidi dabe augwaliba me, tama te bidi dolabo tı tomode bidibo we bidi dabe augwaliba me te denami pedalobo dao. ¹⁶ Te bidi dolabo tı tomode bidibo hanigo te odobo denami te isabo denami odobo dao, tama augwali te isabo madi pedalaibao. Tama te Godigo augwali ma sabo tı tomode bidibo hanigo te odobo denami te bidibo ula sabo denami odobo dao, tama agai te bidibo ula augwaliba pedalomainogo yaibao. Te şede Godigo da tau

sisayu tama dago te şe ebo usu egowe? Mu menio. Tialima aga da tau mu sabo dao. ¹⁷ Tiali goli, da te bidi hauwa augwali tiwai me ebeo, augwali tedali tedela pelama, te Godigo pode masigi sabo bisnis şe tiwai me ebo, te tiwai dago egobeo. Menio. Dago te şe Godide sali, tama dago te Godigo şede tibo po subigila me wagobeo. Menio. Dago şe dolasa mu tigidali ela pobao. Da te Kraıs dali wadolama, tama homu mu naga eyu, tama God gedude dago agai po te we bidi dabebolo pusubo dao.

Te Godigo gesi daı wali po şe yabo bidi po

3 Eno te da bidi sigo ebo şede te tobage po aşana so, tama dago megı ma gagalama te dena nogı ugwaba ma sainogo ebawe? Menio. Gasa bidi dabe, te dagebolo tibo po ola mabo bage, augwali dageba asiyu tama pas dagebolo mani. Augwali gasa bulude bidibadi, tama augwaligo te bulu page bidi dabebolo te tobage po wai, "Te Korin bagego da koneyu, da dali dwagi yai homu emainogo eyu, tama dagego augwalibolo tolabo pas aşeyu dago nogoba muao," te po olama, tama te tobage pas dageba tolasa asai. Me ma, augwaligo dage tagaliyu gasaba pai hagede, augwaligo homugo dagego me te tobage augwali tau sabo pas aşano wai. Te bagego te augwa nogı ugwaba sabo kolesaga ebo dao. Tiali goli ena dali Timoti da sigo te tobage tau sabo pas mao po dagebolo wabeo. Menio. ² Eno te aşana tolobo pasde po digi po dwasianu begelegu tama obao. Te da bidi si te Godigo po pusubo şe ebo bidi mu dao po wabo pas, te pas te dage we bidi dao. Tama dage te dena homude aşanı tiwai elalubao. Te pas nedebos şe tiwai eyu tama tigidali bidi augwaligo dage suyu, tama da sigo dage dali yali şe page augwaligo haninama hania konebo dao. ³ Dage haninama te dage te Kraısdı asai pas tiwai me deli bidibao. Te da sigo yali şede Kraısgo te pas aşanı. Agai te aşabo medabugo sisi aı selama tama me aşabeo. Menio. Agai te bidibo ula elalubo Godigo Mobo Bidigo aşanı. Agai te sawali yai masigi daide me aşabeo. Menio. Agai te we bidigo homude aşanı dao. †

⁴ Da Kraısde wadolama tama Godiba homu tialubaso, dena homu si isayu dago dagede yali şede te tobage po wabo dao. ⁵ Mu tama, dena digi te şe ebo usu egobeo, tama tiyu dena digi dago te magı şe me deli yaibao po me wagobeo. Menio. God deligo naga te dago şe emainogo ebo usu ilibo dao. ⁶ Magi baso meni, aga digi da usu ilama, tama da te agai da tau somainogo eyu gesi noma daı wali pogo şe ebo bidi bidibao. Te gesi noma da tau somainogo eyu daı wali po te hasia aşanı bomai po tego nai me egobeo. Menio. Te Godigo Mobo Bidigo nai dao. Magi baso meni. Te hasia aşanı bomai pogo te bidi ela mubo dao, tiali goli te Godigo Mobo Bidigo bidibo ula te bidibolo mabo dao. ††

⁷⁻⁹ Te Godigo te we bidi dali polobadu yali şe dali, te agai megı ebo gesi şe dali, te şe side dago homugo kone paluyu dagalınao. Polobadu Godigo te bomu yai

pogo po te sawali yai masigi daide aşai. Tama te bomu yai pogo ebo sego te we bidi dabe augwali isaboba pedalaibao. Te bomu yai pogo se te da we bidi po tu ilama, tama da sege sai bage dao hania hanilabo se dao. Tiali goli te se te Godigo wiegi yai bomu yai ula dali pedalali. Tama Mosesgo gesabidi ula mu ebaso, tama Israel dabe wi eyu, augwaligo aga gesabidiba tonabo usu me ebeo. Te bomu yai pogo se tidubadi te se ebode te bomu yai ula elaluali. Tiali goli nosali te bomu yai ula silalio. Tama meggi, meggi Godigo se ebogo te we bidi augwalibolo aga Tedali Mobo Bidi mabo dao. Meggi Godigo wiegi yai gesi po pusubo se ebode te bidi dabe augwali doloba pai nogi nogi yaibao, te se de Godigo bomu yai ula te umabo mu elalubo dao. ^{†10} Tama te bomai pogo se ebo ula polobadu sali, te tiwai ula meggi meni yanio. Magi baso meni, te nosali pedalali gasa sego aga aiyaba mu elaluama, tama genuai ula mu elalubo dao. ^{†11} Magi baso meni. Te oso go elaluali se aga te bomu yai ula elalualigo da, teda te Godigo Mobo Bidigo te we bidibolo maiabo gesi wiegi yai po se, te se sesemane sogo elalubao, te se aga Godigo bomu yai ula umabo mu elalubo dao.

^{†12} Awe, te Godigo te we bidi doloba pai nogi yabo po pusubo se, te sego bomu yai ulago te Mosesgo mani bomu yai pogo ula aiyaba mu elalubo dao. Dago te se de te homu eyu tama dwagi yai homu ebaso, da wi me egobeo. Menio. Bomu eyu dago po hanilama pusudubao. ^{†13} Dago te Mosesgo yali kolesaga tiwai me ebo meni. Agai aga gesabidi te ugwa namigo mesegeleyu palia sidu geai, tama te Israel dabe augwaligo te aga gesabide elalubo ula sula painogo ebo munu me suidali weyu idu geai. ^{††14} Tiali goli te Israel dabe augwaligo homu mu puna peyu, kone tuş pali. Tama tigidali sogo augwaligo te Godigo te we bidi tau sabo poloba daş wali po naga te bukude nedeyu iduai, te ugwa nami tiwai me augwa homude elalubadi, te meggi e sogoba usu nagasoba. Menio. Te Krai delide naga Godigo te homu mesegaluali ugwa nami dagala şabo dao. ^{†15} Awe, tigidali sogo te Israel dabe augwaligo te Mosesgo aşani po nedeyu ebo, te ugwa namigo augwaligo homu mesegaluali tiwai elalubao, te meggi e sogoba usu nagasobao. Tama te nedebo po page augwaligo kuna konebo menio. ^{†16} Tiali goli, bidigo homu Genuai Bidiba ma begelegi pobaso da, teda agai te bidi aga homu mesegaluali ugwa nami dagala şabo dao. ^{†17} Te pode, te Genuai Bidi wali, te da aga te Godigo Tedali Mobo Bidi dao. Tama Genuai Bidigo Mobo te bidi me deli dali bidiyu da, teda te nai me deligo te bidi me keşlugobeo. Menio. Aga olo mu bidibo dao.

^{†18} Tama da tigidali, da te nai me deligo da gesabidi me au palialubeo. Tama Genuai Bidigo wiegi yai bomu yai ula daba asiyu, tama da te gesabidi subo aş dula tiwai pedalama te ula te bidi dabe augwaliba pobao, tama augwaligo subo dao. Sesemane sogo dago ula umabo mu sabo, tama da hasegeleyu tama Genuai Bidi aga noma tiwai pedalobo dao. Genuai Bidi aga te Mobo,

tama agai te tiwai kolesaga da dali ebo dao, tama te bomu yai ula te genilama mu ela pabo dao.

Godigo po sela pabo bidi augwali te tşo nigai sene tiwai

4 Godigo da homu dene eyu tau selama, tama te agai gesi daş wali po pusubo se dabolo mawai. Tama tialigo da, teda te se de da bomu kimi isay me egobeo, te se tagalabo homu me egobeo. ² Menio. Dago te geme dualama hale ebo kolesaga te tudiba muanio. Te tibo po wabo kolesagade da me bilibeo. Tama dago Godigo po me hasegelegobeo. Menio. Dago mu po hanilama mu pusubo da, tama tigidali bidi deli deli augwa homugo dago pusubo po mu po dao konemainogo ebo dao, tama augwa dago ebo se God gedude konemainogo ebo dao. ³ Tiali goli te dago pusubo gesi wiegi yai po, te po te geme duala sobaso da, teda te hagayabo we bidi dabe augwaligo gedude naga te po te geme dualubao. ⁴ Magi baso meni. Te e tşde tibo god Satan agai te Krai sogo poba augwa homu begi pişabo bidi dabe augwaligo homu kone tuş palali. Magi baso meni, Krai aga da te God tiwai mu dao, tama agai dabolo Godigo noma mu hanilibo dao. Tama te Krai sogo genuai bomu yai ula waselabo wiegi yai gesi po, te po te giliga nanobo tiwai dao. Tiali goli te hagayabo we bidi augwaligo te pogo nanobo ula suidali weyu, Satan agai augwaligo homu kone puna palama tuş palali. ⁵ Dago denade po te we bidibolo me pusugobeo. Mu menio. Dago e tiwai po pusubo dao: "Te Krai Jisas aga dago Genuai Bidi dao, tama Jisas tobade da te dagego se ebo bidi bidibao," te tiwai po pusubo dao. ⁶ Magi baso meni, e tiwai dao. Polobadu mu Godigo te po wai, "Te be huliasai madi ula pedalomainao," wai. Tama te po wali God aga ula digi da dali bidibao, tama da homu ula mu ilibo. Te ula e dao: dago te Godigo bomu yai ula te Krai gesabidide elalubo koneai dao. [†]

⁷ Tiali goli ena dali, te ena dali deli se ebo bidi dabe dali, dena te bomu yai ulade po pusubo wiegi yai se elalubo, te tşo nigai olo sene tomode elalubo tiwai ebao, te dena isibo tigde naga elalubo dao. Te tigidali bidigo konemainogo ebao, te Krai sode wiegi yai gesi po pusubo se ebo wiegi yai genuai bomu mu, te Godigo bomu naga dao. Te dago menio. ⁸ E dao. E tiwai dao, te tigidali badu te bidi dabego dabolo te sege madu gebo dao, tiali goli tego da mu dolobeo. Te hauwa sogo dago dena pabo tuş hania konebo menio, tiali goli tigidali sogo dena tuş me elalubo dao, te mu daş wabeo. Tama tibaso da Godigo se de bomu kimi munu me isibo menio. ⁹ Te boi bidi dabe augwaligo dwai se da dali yainogo da pobesa bilidu gebo dao, tiali goli Godigo da me tagalobeo. Augwaligo da elama tulaluidu gebo dao, tiali goli da mu me dolobeo.

¹⁰⁻¹¹ Polobadu te gasa bidi dabe augwaligo Jisas aiyaba elalubo homu eyu, tama agabolo dene menama tama aga isali. Tama te tiwai me te boi bidi dabe augwaligo dabolo sege meggi mayu, tama dene me mayu, tama

† 3:7-9 Sai 34:29 †† 3:13 Sai 34:33

‡ 4:6 Gag 1:3

da hauwa sogo pade isali, te Jisas tobade. Tialima dago Jisasgo bomo selama tama aga se eyu, te gasa bage augwaligo te suyu konebo dao, te gu pagede ma hodolali bidi Jisasgo da isabo tigide bidibo bage tau siyu, tama dago agai se tama ebo dao. Augwaligo da dali tama homu ebo dao. ¹² Tama tibaso, te e tiwai dao: te isabo se te dade hauwa sogo idubao. Tiali goli dago Kraiso bomo elaluyu, tama agai gesi wiegi yai po pusubo se ebaso, tama dagego te bidabo ula bugagia siyu tama bidada peyu, bidada paibao.

¹³ Awe, te isabo se enade hauwa sogo idubao. Tiali goli dago Godigo po pusubo se tagalobeo. Magi baso meni. Polobadu te Godigo po bukude bidi me deligo te po wai, "Eno Godiba homu elalubaso, eno po hanilama pusai," te po asani. Tama dago me te tobage homu eyu, dago Kraiso homu elalubaso, tama dago te Godigo gesi wiegi yai po te we bidibolo me hanilama pusubo dao. ¹⁴ Dago homu si isayu tama mu koneanio, Godigo dago Genuai Bidi Jisas hodolali, tama agai da me Jisas dali hodolama, tama da dali dage dali aga paba odasa paibao, te da tigidali aga gesabidiba pedalaibao. ¹⁵ Magi baso meni. Te tigidali sege te da Godigo po pusubo bidi dabeba pedalali, te dage tau somainogo tama yai. Nosali Godigo olo mu tau mani wiegi yai kolesaga te we bidi umaboba ela pelama, tama genilama augwaligo usu da po umabo mu Godibolo waibao, tama aga nogi ugwaba mu saibao.

¹⁶ Dago te homugo konebaso, tama da Godigo se de bomo kimi munu me isibo menio. Te mu tama, dago tigi dolainogo ebo dao. Tiali goli magigo meni, dago homu dali noma dali si te tigidali deli deli sogo gesi ma pedaliyu ebo dao. ¹⁷ Te e tiwai: te da Godigo po pusubo bidi dabe, te dabolo pedalubo sege te dwasianu dao, tama te pewadage sogo naga osogo elaluaibao. Tama da e tade bidibadi te sege tolobaso, nosali dagalude dago te sesemane sogo bugagia bida da peyu, bidada pabo wiegi yai nai mu saibao. Tama te dagalude bugagia bidabo te wiegi yai sego te dago megi elalubo dwasianu sege aiyaba mu elaluaibao, te wiegi yai mu naga yaibao. ¹⁸ Magi baso meni. Dago te gedugo e tade subo nai dabeba dago tonqlq me ebo meni. Te menio. Dago koneani, dago gedugo subo nai, te pewadage sogo naga elaluaibao. Tama dago gedugo te susiabo nai, te sesemane sogo bidada peyu, bidada paibao. Tama tibaso, te tobage naiba naga dago dena gedugo tonqlq ebo dao.

Dago gedugo susiabo nai tonalubadi bilibo dao

5 Dago te daba pedalobo haniani sege tede moni homu me ebo menio. Magi baso meni. Dago te tiwai koneanio: te da e tade megi elalubo tigi da, te dena osogo bidabo be tiwai dao, te nami ugwa be tiwai dao. Tama te osogo bidabo be hugibaso da, teda Godigo da maiabo be me deli elalubao. Te be bidigo no-gogo me se ebeo. Te dagalude elalubo, tama te be sesemane sogo elalua peyu, elalua paibao, te be ga-

monaibao. ² Megi da e tade tigi elalubadi, te haniani sege toloyu, tama dago te hagela homu eyu me sogo gela weyu bidibao. Magi baso meni. Dago dena te dagalude elalubo be, te dago gesi tigi, tego te da tigi te gudubo ugwago mesega sabo tiwai emainu godolo ebo dao. ³ Dago tigide te gudali da, teda da tigi bolu olo tiwai me bidibo augwaligo sugobeo. ⁴ Awe, da e osogo bidabo ugwa bede me bidaludu, tama da sege siyu gela weyu bidibao. Te dago poloba tigi tagalainogo homu eyu me wabeo. Menio. Dago homugo dago gesi tigi mubode, te gesi ugwa tiwai elama, teda te isibo tigi te aga bidibo ula somainogo ebo dao. ⁵ Godigo digi dago te gamonabo tigi somainogo dabolo sisi ilai dao. Tama agai Tedali Mobo Bidi dabolo mani. Te Godigo me badu nai dabolo nosali mawainogo te agai hasia podolali nai te Tedali Mobo Bidi dabolo mani, tama dago e tama koneai: mu tama te agai tigidali nai dabolo maiabo homu yai, tama mu mawaibao.

⁶ Tama tego dago homu sesemane sogo daj waliyu ebo. Dago tede bomo elalubao. Dago koneani, megi te dago tigi te dena bidibo be tiwai elalubao. Tama megi e sogo da ede me bididubadi, da Genuai Bidigo bulude aga dali me bidibeo. ⁷ Menio. Tama megi da e tade bididubadi, dago dena homu tigidali agaba muyu tama aga dali bilibo dao. Dago gedugo aga susiabi tama tibo dao. ⁸ Tiali digi, dago homu sesemane sogo daj waliyu elama dago bomo elalubao. Dago homugo e elalubo tigi tagalama tama Genuai Bidi dali hodobo bugagia mu bidigi pabo homu godolo ebo dao. ⁹ Tama da dena tigide me bididubadi, ma tigi tagalama gasaba bidigi pai, te magigo menio. Sesemane sogo dago homu bomo elama, te Genuai Bidigo godolo yabo kolesaga tigidali naga inao homu ebo dao. ¹⁰ Magi baso meni. Dago koneani, da tigidali te Kraiso po tade hania hanilama pedalaibao. Tama da megi e bidibo tigi dali bidiyu tama wiegi yai kolesaga ebaso, ma dago dwai kolesaga eyu me yali da, teda da tigidali deli deli te dena yali kolesagade usu nama tama dago te tiwai saibao. ^{††}

Dago te we bidi dabego God dali deli homu ilibo se yabo po elalubao po wali

¹¹ Te da tigidali te moni po tade pedalaibao homu ebaso, da Genuai Bidide wi eyu, tama te bidi dabe augwaligo te da Godigo po sela pabo bidi dabe mu dao te hania konemainogo eyu, dago augwalibolo homu bega sabo po weyu bidibao. Godigo da gisiga koneani. Tama eno homu te dage me, dage deli deli duga te dwai se dali dwagi yai se dali dagalabo homugo ena hania koneai, te ena homu mu eyu te Godigo se ebo bidi bidibao. ¹² Te dagego homugo da wiegi yai bidi da homu emainogo, dena digi dena nogi ugwaba siyu te po me wabeo. Menio. Dage tomode bidi meba hagoma homu eyu, augwa nogide naga olo wiegi yai homu pemene ebo bidi dabe bidibao, augwa ebo kolesagade wiegi yai homu pemene me isabo bage dao. Tama bidiyu, augwaligo da Godigo po sela pabo

† 4:13 Tib 116:10

†† 5:10 Rom 14:10

bagede nogi posobo po wabo dao. Tama te ena te homu mu eyu Godigo sę ebo bidi bidibao po, dago te po asęna tolali, te u tobage bidigo gedude dagego da dali wiegi yai homu pemene emainogo ebao. Dago homugo dagego te bidi dabego wabo ena nogi posobo po te po wei ponabo usu yaibao homu yali. ¹³ Eno te Godigo sę bommo ebadi, tama gasa bidi dabe augwaligo ena dene mabo dao. Tama ena dali boi bidi homu ebo bage augwaligo te sę sulama tama "Te bidi Pol aga polobo bidi mu dao," augwaligo enade te po obao. Te usu dao, eno Godigo sę me yaibao. Me ma, da Godigo sę ebo bage, da homu dolo elaluyu bidibaso, teda tama bidiyu, dena sę eyu, tama tebogo dage tau sabo da, te dage tobade te sę ebo dao. ¹⁴ Magi baso meni. Te Kraiso da dali dwagi yai homu eyu godolo ebogo, tebogo naga da homu hodolama tama dago Godigo sę ebo dao. Magi baso meni, dago homugo bugagia kone palama, tama te tiwai homu koneanio: bidi deligo da tigidali hasegelama tama da tobade aga isalio, tama tede da tigidali isai tiwai yai dao. ¹⁵ Tama agai da tigidali hasegelama isalio, te agai tama tibaso, da bidibo ula dali bidibo we bidi dago dena digi homu koneama munu me biligobeo. Menio. Te da tobade hasegeleyu isama tama ma hodaluuli bidi, te dago aga homu naga wali peyu tama aga sę eyu bilao.

¹⁶ Tama tibaso, megi dena digi te poloba te tęde bidi dabego ebo homu kolesaga wali me pisęma tama bidi me deligo kolesaga me dagalogobeo. Mu tama, polobadu dago te tęde poloba homu kolesaga wali peyu tama Kraiso dagaloyu tiwai. Tiali goli megi dago aga te dagalabo kolesagade me dagalobeo. ¹⁷ Tama tibaso niwai bidi Kraiso wadolobo si da, teda Godigo aga gesi noma bidi mu ilama pedalaibao. Bugagia odao. Megi te bidigo ebo poloba kolesaga tigidali silalio, tama gesi kolesaga pedalai dao. ¹⁸ God aga digi te tigidali hasegelebo sę page bidi dao. Polobadu da agade boi bidi bidali, tiali goli Kraiso yali sęde Godigo da aga dali deli homu ilama, tama da aga abagi hani pedalai. Tama agai te sę dabolo mani, te aga tau selama te aga dali boi bidi homu ebo bidi dabe augwaligo aga dali abagi homu pedalomainogo ilibo sę dabolo mani. ¹⁹ Dago pusubo po e tama tiwai: God agai te Kraiso yali sęgo te tigidali we bidigo te boi bidi sę ebo kolesaga tagalama, tama aga dali abagi homu pedalomainogo yai. Agai te augwaligo yali dwai sęde homu kone ma ebeo. Tama agai dabolo te boi bidi dabe aga dali abagi homu ilabo po pusubo sę dabolo mawai dao. ²⁰ Tama tibaso, dago te Kraiso pedauwalide po selama tama agai po pusubao. Te tiwai God aga digi te tigidali bidi dago pedauwaligo i obao. Dago Kraiso digi te po tigidali we bidibolo pusubao, tama dago te tiwai po augwalibolo obao, "Te dagego boi bidi homu ebo kolesaga tagalama, God dali abagi homu ebo kolesaga mu yao," dago te po pusubo dao. ²¹ Te bidi Kraiso agai dwai sę me isęwai, tiali goli da tobade Godigo dago dwai sę yali sęęę tigidali agaba sisinama, tama aga te dwai sęęę sai bidi tiwai mu pedalai. Agai tama tiali te da Kraiso wadolomainogo yali, tama agai

bomogo da te Godigo gedude doloba pai we bidi pedalomainogo yai dao.

Godigo po sela pabo bidi dabe augwali te sęde sęęę hauwa tolali po

6 Dago sę God dali eyu tama dago te tiwai po bommo elama dagebolo obao: dagego te Godigo olo mani wiegi yai tau sabo kolesaga salio, tiyu dagego agai te olo mu mani wiegi yai tau sabo kolesaga tagalabuo, te kolesagago agai sę dage tomode bugagia emainao. ² Magi baso meni. Polobadu Godigo aga we bidi hanibolo te po wai dao,

"Te eno bodolu mani wiegi yai sogo, eno nago po odai dao. Tama te bidi dabe augwali ma dobola sabo sogode, eno nage tau sali." †

Odao! Megi naga te bodolu mani wiegi yai sogo. Megi e sogo naga te Godigo da ma dobola sabo sogo dao. Tama tibaso, dagego agai olo mabo wiegi yai tau sabo kolesaga sula tagaligimio.

³ Dago homugo te bidi dabe augwaligo dwai po te dago ebo sęba me badi te tama po waidali homu elama, tama augwaligo Godigo po tudiba muidali weyu, dago te bidi dabe augwali sęęde magi nai me deligo enama tulaluabo sę me egobeo. ⁴ Menio. Da Godigo sę ebo bidi bidiyu, tama tede sesemane sogo dago wiegi yai kolesaga ebogo tigidali bidibolo dago ola mayu, te tiwai ebao: te haniani sęęę daba pedalubaso, tama dwai naigo da dolobadi me, tama te dabolo pedalobo dwai sogo tego da daę obadi, te da bommo elama mu dolalubo dao. Tama tibaso, tigidali bidigo konebo dao, te da Godigo sę ebo bidi dabe mu dao. ⁵ Bidi dabe augwaligo da elama tama da kalabus iliyu yai. Te boi bidi dabe augwaligo da pobesa bilama tama moni po daę weyu, po dwai i olama dabolo wai. Da moni sę dene mu yali. Da hauwa sogo bugagia godege me pisęwai. Tama da nai sili bidiyu yai dao. †⁶ Dago meda isęwai wiegi yai kolesaga eyu, tama Godigo pode dago wiegi yai homu kolesaga elaluyu kuna koneai dao. Bidi dabego dabolo dene mani goli, dago wado po polo me wasiębo. Dago te bidi tau siyu, augwalibolo wiegi yai kolesaga ilibo dao. Dago te Tedali Mobo Bidigo bommo elalubao. Dago dena homu mu eyu, te dwagi yai homu eyu godolo ebo kolesaga te bidi dabe augwalibolo ebo, te pedauwalide naga te kolesaga ebode me wabo meni. Tama dago te tobage kolesaga ebadi, gasa bidi dabe augwaligo koneagameo, da te Godigo sę ebo bage mu dao. ⁷ Dago mu po pusubo dao. Dago dena sę Godigo bomode ebo dao. Dago doloba pai kolesaga ebo dao, tama tebogo te wębi hwębo nai te dolo nogode me, pobase nogo me elalubo tiwai elama, tama tede dago wębi hwębo dao. ⁸ Tama bidi mebago dago nogi ugwaba sabo dao, tama bidi mebago da nogi aiyaba elaluyu ebo dao. Mebago posobo po dwai dabolo wabo, tama mebago gasa bidi dabe augwalibolo te dago wiegi yai kolesaga ebo po pusubo dao. Boi bidi dabe augwaligo da tibo po weyu, te we bidi dwai sę tomoba kegebo bidi da homu ebo dao, tiali

† 6:2 Ais 49:8 †† 6:5 Tpi 16:23

goli menio, dago mu po naga wabo dao. ⁹ Te we bidi mebago gedude te da nogi meni yai bage da, da kone-
abo bidi meni ebo tiwai ebo dao, tiali goli bidi hauwa-
go da koneani. Da te isainogo ebo bidi tiwai ebo dao,
tiali goli meni, da bidibo ula dali me bididubo dao. Te
Godigo da dodoloyu te keloago elebo tiwai ebo, tiali
goli agai da me ela mubeo. ¹⁰ Da Godigo se ebo bidi
dabe, da te homu sege mu hauwa sogo ebo dao, tiali
goli te magigo meni, sesemane sogo dago homu
pemene wiegi yai ebo dao. Da te magi nai meni yai bi-
di tiwai bidibo dao, tiali goli tagala, dago te mu wiegi
yai nai hauwa we bidi hauwabolo mabo dao. Da te
bidigo gedude te magi nai deli me meni yai tiwai ebo
dao, tiali goli te meni, dago tigidali nai mu elalubo
dao. Tama tebogo te tigidali we bidibolo hania ola
mabo dao, da te Godigo se ebo bidi dabe mu dao.

¹¹ Dage Korin bulu we bidi dabe, dagebolo dago de-
na homu hania hanilama dagebolo megii tama wai
dao. Dago dage dali dwagi yai homu eyu godolo mu
ebo kolesaga te genuai mu dao. ¹² Dago dena homu
dagede me palia sabeo. Menio. Dago dage godolo mu
ebao. Tiali goli duga digi homu da dali palia sela-
ma, tama da deli homude me bidibeo. ¹³ Megi eno
dagebolo wabo po te ayago aga waibolo po mobo
mayu wabo po tiwai obao: dabolo te kolesaga wei
ponoyu, dagego me da dali dwagi yai homu eyu, da
godolo mu genuai yao.

Da te Godigo be tiwai elalubao, tiyu Godigo po wali pisabo bage dali kisasa biligio wali po

¹⁴ Te Godigo po wali pisawai bage augwali te tedali
gasagi yai, tama dage augwali dali kisasa bilama tama
augwaligo ebo kolesaga tau me selamuo. Menio. Magi
ilama tama te doloba pai kolesaga dali, te bomai po
sela sabo kolesaga dali, te si dali abagi omainu
yaibawe? Menio. Mena tama te ula te be hulua sai dali
deliba sisinimainogo yaibawe? Te usu egobeo. ¹⁵ Ma,
te Krai te Satan dali deli homu elama bidibo da,
agawe? Te Krai de konealubo po daw wali bidi dali, te
konealubo po daw wasiawani bidi dali, te augwali sigo
deli homu tolaluaibawe? Mu menio. ¹⁶ Mena tama da-
go te Godigo wiegi yai be dali, te bulu haubo bidigo
dali si te deli madi sisinaibawe? Te tiwai me egobeo.
Dagego koneani, da digi, da te bidibo ula elalubo
Godigo bidabo be tiwai dao, te polobadu Godigo te ti-
wai po wai,

“Te ena augwali dali bidiyu, tama augwali tomode
bilaibao. Tama ena augwaligo God bidiyu, tama
augwali eno we bidi bidaibao.” †

¹⁷ Tama Genuai Bidigo te aga we bidigo te dwai se ebo
bage tagalamainogo eyu po ma wai,

“Tama tibaso, dagego augwali tagalama, tama gasa
madi bidigi pao, tedali mu bidao. Tama dagego
te augwaligo dwai se yabo meda yai nai munu
me tolamuo. Tama ena digi eno dage saibao.

††¹⁸ Tama ena dagego Aya bidiyu, tama

dage eno wai ogwa me wegi me bidaibao, Genuai

Bidi tigidali bomu page bidi, agai te po wai dao.” ‡

7 Eno ama dede muo, dago te Godigo te da dali
daw wali po dabe tama salio. Tama tibaso, dago
dena tigde me homu elalubo meda tigidali sela şana-
ma tama wiegi yai tedali bidinao. Tama dago Godide
wi elama, tama wiegi yai doloba pai kolesaga mu naga
sesemane sogo wali pinao.

Polgo te Korin bulu bidi dabe dali wiegi yai homu pemene mu yali po

² Dagego da dali dwagi yai homu eyu da godolo mu
genuai yao. Magi baso meni. Dago bidi me delibolo
dwai se me ilibeo. Dage deli me dolosiawai. Te dago
bidi me deli tibo po ola menama, agai nai anoma ela-
ma me sisawai. ³ Eno dagebolo te tiwai po kisiliyu me
wabeo. Magi baso meni. Eno tama tiwai po polobadu
walio: dago dage dali dwagi yai homu eyu godolo mu
ebao, tama dage isibo si da, teda da me dage dali is-
abo homu yaibao. Tama dage bidibo ula elaluyu
bidibaso da, teda da te bidibo ulade dage dali bidabo
homu yaibao. ⁴ Eno dagede homu si ebo meni. Eno ho-
mu pemene wiegi yai dagebolo ebao. Te tigidali dabo-
lo pedalobo segede, te eno homugo dage koneama,
tama tede ena homu dua nagame mu ilama bidibo,
tama eno homu wiegi yai pemene mu elalubo dao.

⁵ Magi baso meni. Polobadu da aselama te Masedo-
nia tşba sabolali, tama tede me da tigi dwasianu toma
me nabeo. Menio. Te haniani sege daba pedalai. Dago
po konila te Godigo po odisabo bidi dabe dali wali,
tama da homude wi yali. ⁶ Tiali goli God da, te sege
elalubo bidigo homu dua nagame ilibo bidi dao. Agai
te Taitus da bidibo madi asobogo agai da wiegi yai ho-
mu nagame ilai dao. ⁷ Taitus te da bidibo digi sabalo-
bode, tede naga te Godigo da wiegi yai homu nagame
me ilibeo. Menio. Dagego Taitusgo homu nagame
ilibaso, tama agai te po sela asali, tama tede me Godi-
go dago homu nagame ilama bomu mani. Taitusgo te
dagego da suabo homu godolo mu eyu, tama dagego
enade homu dene eyu gela wabo po dabolo pusali,
tama dagego ena dali deli homu elama bidabo homu
ebo po me wali. Tama eno homu pemene wiegi yai
hauwa mu eyu bidibao.

⁸ Eno koneani, eno aşana tolali pasgo dagebolo dene
mani, tiali goli tede eno ge nabo meni. Mu tama,
polobadu hasia bolo eno tede ge nani, tiali goli megii
da menio. Eno koneani, te pasgo dagebolo homu sege
mani, tiali goli te pewadage sogo naga yalio. ⁹ Taitusgo
po dabolo pusbaso, megii eno homu pemene wiegi
yai ebao. Eno dage homu sege yalide wiegi yai homu
pemene me ebo. Menio. Eno te homu segego dage
homu begelali, tede eno wiegi yai homu pemene
ebao. Eno koneani, dagego duga homu begelemaino-
go eyu, Godigo digi te homu sege dageba pedalo-
mainogo ilali. Tama tibaso, dago pogo dage dwasianu
me dolobeo, te eno aşani pogo dage te tiwai tau sai
dao. ¹⁰ Homu sege ilibo te Godigo nigilibo, tebogo da
bidi dabe dago dwai se yalide ge neyu tama homu

† 6:16 1 Ko 3:16; 6:19 †† 6:17 Ais 52:11

‡ 6:18 2 Sml 7:14; 1 Sto 17:13; Ais 43:6; Jer 31:9

begelemainogo ebo dao, tama te kolesagade Godigo da ma saibao. Tama dago te homu begelebo kolesagade te ge negobeo, te dwagi yai naga dao. Tiali goli te tęde bidi dabe augwaligo homu sęęę ebo kolesagago, tede te isibo sę pedalobo dao. ¹¹ Dagego bugagia homu koneao. Te homu sęęę Godigo dagebolo mani, tego agai te haniani wiegi yai kolesaga dagebolo pedalomainogo yali. Agai dage asesela selama, tama dage hogodolama duga po dodolomainogo yali. Agai dage hodolama te dwai penani sę yali bidi wado ilama, tama dage Godide wi yaibao. Dagego homugo da suabo homu elama tama gela weyu, tama dagego te dwai penani sę yali bidi dodolobo sę bomu elama yabo homu yai. Te dage tomode te bidi me deligo dwai penani sę yali, tede te tigidali badude dagego ebo kolesaga te po dodoloyu yali. Dagego kolesaga tama tiwai hania hanilama pedalai dao. Tama tiyu, te dagego te bidigo yali dwai sęde megi sęęę me elalubo menio.

¹² Te mu tama, polobadu eno te pas dagebolo asęana tolali. Tiali goli eno te bidi me deligo dwai sę yali te homu elama te po me asębeo. Tama eno gasa bidi homu me ebe, te agabolo dwai sę yali bidi me homugo konebeo. Eno homugo augwali siba naga homu elama te po polobadu asęana me tolobeo. Menio. Eno te dagego kolesaga hanilama pedalomainogo yali, tama God gedude duga bugagia konemainogo yai: dagego da godolo mu yalio. Tede me tama eno te polobadu pas dagebolo asęana tolali. ¹³ Dagego te kolesagago da homu nagame ilama dua bidai.

Tama dago homu nagame naga me ebeo. Menio. Dago homu wiegi yai pemene yai. Magi baso meni. Dage tigidaligo te Taitusgo homu noma toma nabo nigilali, tama aga wiegi yai homu pemene yalio. Dago te sulama, tama da wiegi yai homu pemene mu idubadi bidali. ¹⁴ Polobadu eno dage nogi te Taitus gesabidide ugwaba sali, tama megi eno te pode ena hale me sabeo. Menio. Tigidali po dago dagede wabo po, te mu po naga wai dao. Tama tiwai naga eyu, dago dage nogi te Taitus gesabidide ugwaba sali, tama te eno dagede agabolo pusali po me hanilama pedalali, te mu po naga dao. ¹⁵ Taitus aga dage bidibo madi pedalobaso, tama dage wi elama didibili eyu, tama dagego aga siyu geseali, tama dage tigidaligo agai po wali pai. Agai megi te homu me konedu tama agai dage dali dwagi yai homu eyu godolo mu ebo homu genuai pedalobo dao. ¹⁶ Megi eno homugo mu konebo, eno dage dali homu si ebo meni, te dagego tigidali kolesaga dolo mu ebaso, eno homu dageba tia pabo te usu dao.

Te Korin dabe augwaligo te mone me doado bage sisi elama, te Godigo po odobo we bidi te Judia tęde bidigo bage tau sinao po wali

(Daj 8-9)

Te Godigo po odobo we bidi augwaligo ama dede tau sao po

8 Ama dedeo, te Godigo po odobo we bidi hani dabe te Masedonia moni tę tomode te haniani bulude elalubao. Tama dago homugo dagego koneao, te Godigo olo tau sabo wiegi yai kolesagago augwali tomode yali sę, te dagego koneao. E tiwai dao. ² Genuai sęęę augwaliba pedalama, tama tego augwali homu usu sabo sę mu yali. Tama te sogo augwali magi nai meni yai mu bidali. Tiali goli magigo meni homu elama, augwaligo wiegi yai homu pemene genuai mu dali elaluali. Tama tiyu, augwaligo te gasa Godigo po odobo we bidi tau sabo homu mu genuai elama, tama augwaligo masigi hauwa sisinai dao. ³ Eno koneama tama eno po hanilama obao: augwaligo augwa digi homu kolesaga wali pelama tama te masigi muani. Augwaligo maiabo nai usu selama, tama te tiwai augwaligo mawai. Awe, augwaligo te maiabo masigi aiya-ba elaluama tama umabo mu madu geai. ⁴ Augwaligo te dago usu da po omainogo bomu mu elama augwaligo me te Godigo po odobo gasa we bidi dabe dali hodobo augwaligo augwa masigigo te Godigo Juda we bidi olo tau sabo sę yaio po bomonama wali.

⁵ Polobadu dago augwalide tama tiwai homu yali, 'Te augwaligo mone meba mawaibao,' wai. Tiali goli augwaligo te tiwai naga me ebeo. Menio. Hasia bolo augwa bolo augwa digi te dago Genuai Bidibolo menama, tama augwaligo te Godigo homu wali pelama, tama augwa digi dabolo me mawai dao. Tama elama tama augwaligo augwa tau sabo masigi me mawai dao. ⁶ Polobadu Taitusgo te Juda bage olo tau sabo wiegi yai kolesaga ebo sę dage tomode hodolali. Tama te Masedonia we bidi augwaligo genuai olo tau sabo sę ebaso, dago bomu eyu agai dage tau siyu, tama dagego duga tau sabo sę silimainogo ebaso. ⁷ Te tigidali sęde dagego kolesaga wiegi yai mu ebo dao. Dagego homude Kraisde konealubo po daę olama, tama dagego te konealubo po hanilama pusubo sę bomu ebo dao. Dagego kolesaga hauwa koneama, tama dagego Godigo sę yabo homu mu hodaluali. Dagego da dali dwagi yai homu eyu godolo ebo kolesaga, tede me dagego bugagia mu yali dao. Tialima te tiwai naga megi dagego te gasa we bidi olo tau sabo wiegi yai kolesaga ebo sę me bugagia mu yao.

⁸ E tau sabo sęde eno bomai po dagebolo me mabo meni. Te menio. Eno dagebolo te meba bidi dabe augwaligo te wiegi yai sę yabo homu hodaluali po obao,

tama te kolesagade eno dagego ama dabe dali dwagi yai homu eyu godolo ebo kolesaga usu sobao. Te dago koneainogo, te dagego te we bidi godolo ebo kolesaga te nai mu dao. ⁹ Magi baso meni. Dagego te dago Genuai Bidi Jisas Kraisgo olo tau sabo wiegi yai kolesaga ebo şe koneai. Aga God dali hodobo bidiyu, tama genuai nogi dali, bomo yai ula dali si umabo elalubadi, tiali goli agai dage tau somainogo eyu tama aga magi nai meni yai bidi pedalali. Tama aga te magi nai meni yai bidi tiwai pedalaligo te dagebolo te God dali bidiyu bomo yai ula umabo sabo tı dawai dao.

¹⁰ Te tau siyu maiabo masigi, tede eno yali homu megi eno dagebolo pusubao: te hasia bidali kibu bede dagego te şe yabo homu godolo naga hasia yai dao, tama te Masedonia tıde bidibo we bidi augwaligo nosali te şe yabo homu yai. ¹¹ Teda te şe megi tama dagego ela sili yao. Polobadu dagego te şe yabo godolo polo yali, tama tiwai yali gilama megi me dagego te şe polo silao, te duga nai usu nama te mone gego tiao. ¹² Magi baso meni. Te bidigo godolo mu elama nai maiabo homu ebaso da, teda Godigo te kolesaga godolo mu yaibao. Godigo te bidigo elalubo nai tigidalide homu koneama, tama agai kolesaga tede dagalaibao. Agai te aga elalusişbo naide me dagalogobeo.

¹³ Te Juda bage tau siyu, tama dagego duga mone hauwa mayu, tama augwali bugagia bidiyu, tiali goli dage şa peyu emainogo eno te homu ebeo. Te menio. Eno homugo dage bidibo tigidali ususu si naga elama bidimainogo homu ebo dao. ¹⁴ Megi e sogo dagego nai hauwago te nai şa pali we bidi usu numainogo yaibao. Tama nosali me sogo dage nai şa pelama tama te Juda dabe augwaligo nai hauwa elalubaso da, teda augwaligo naigo dage usu numainogo yao, eno te homu ebao. Te kolesagade te dage dali augwali dali si tiwai usu yaibao.

¹⁵ Te bukude wali po e tiwai dao,

“Te bidigo te tubo nai nogi mana hauwa sali bidi, te hauwa me meni yani. Tama te nai dwasianu sali bidigo, te aga te nai me şa pabeo.” †

Te şe ebo bidi meba augwali te Korin buluba sabo-laibao po wai

¹⁶ Eno Godibolo po weyu usu da po obao, agai te bidi Taitusgo homu hodolobaso, tama agai dago homu tiwai ebao. Agai me dage tau sabo homu godolo mu ebo dao. ¹⁷ Magi baso meni. Agai dago Korin buluba pao wali po wali pali. Tiali goli aga me te şe yabo homu godolo mu ebaso, tama aga digi aga homugo dage bidibo madi asabo homu ebao. ¹⁸ Tama dago ama me deli aga dali hodobo tagala palaibao. Te tigidali bulude te Godigo po odobo we bidide te ama agai Godigo gesi wiegi yai po pusubo şe ebo nogi elalubao. ¹⁹ Tama te tiwai naga me ebeo. Menio. Te haniani bulude bidibo Godigo po odobo we bidi augwaligo te aga sa munama, te aga da dali Jerusalem hanuba biliyu, te olo tau sabo wiegi yai kolesaga tau sabo şe emainogo

† 8:15 Sai 16:18

yai. Dago te Genuai Bidi nogi ugwaba siyu te şe ebao, tama te bidi dabe augwali ola menalama augwaligo konemainogo yali, te dago te tau sabo şe yabo homu mu ebao.

²⁰ Dago te olo mabo genuai nai tonalubo kolesaga ebode te bidi me deligo dwai po da dali weyu, “Polgo te Juda bagebolo olo mu maiabo masigi meba buga salio,” te tobage po waidali weyu dago homu yai. Tama tiyu dago te ama dali tagala palobao. ²¹ Dago wiegi yai dolo kolesaga yabo homu ebo, te dago Genuai Bidigo gedude naga te kolesaga me egobeo. Menio. Te e tıde bidi dabego gedude dali te kolesaga ebo dao. ††

²² Tama tibaso, dago dena ama me deli augwali si dali hodobo tagala palobao. Hauwa sogo dago aga haniani şede usu sali, tama agai şe bomu elama ebo dago sualı. Megi agai homugo te dagego wiegi yai kolesaga naga ebo homu bomu ebaso, tama agai te şe yabo bomu ebao. ²³ Te Taitusde dagego konemainogo ebao: aga tama ena dali deli şede dage tau sabo şe ebao. Tama dago ama si aga dali hodobo pabo bage, te dagego konemainogo yai: augwali si te Godigo po odobo we bidigo sa muani tagala palali bidi bidibao, tama augwa şede te Kraisgo nogi ugwaba sabo dao. ²⁴ Teda dagego duga dwagi yai homu eyu godolo mu ebo kolesaga te bidi dabe augwalibolo ola maişo. Tama te Godigo po odobo we bidi dabe augwaligo dagego te kolesaga ebo mu konemainogo elama, tama dagego şede dago dagede wiegi yai homu pemene ebo page me augwaligo konemainogo tiao.

Godigo po odobo te Korinde bidibo we bidi augwaligo te Godigo po odobo we bidi me badu olo mabo tau sabo nai po wali

⁹ Te Godigo we bidi Juda bage augwali tau siyu olo mabo nai te dagego koneanio. Tama eno tede bobage po me aşegobeo. ² Eno koneani, dagego te şe yabo homu hodaluali, tama sesemane sogo eno dage nogi te Masedonia bulu bidi dabe augwali gesabidide ugwaba sabo dao. Eno dagede te tiwai po augwalibolo wabo dao, “Te polobadu bidali kibu bede te Akaia genuai tıde bidibo we bidi dabe augwaligo te masigi mabo tau sabo şe galainogo sisi yalio.” Tama augwaligo dagego te şede bomu ebo po odolama, tama tede te Masedonia bidi dabe me hauwa homu hodolalio. ³ Tiali goli dago te wabo pode te duga nogi ugwaba siyu, te olo po tiwai pedali weyu, eno te ama dede augwali dageba hasia tagala palobao. Te eno homugo te dagego duga maiabo nai sisi elama bidao, te eno te Masedonia bagebolo wali po gilama tiwai yao. ⁴ Dago homu si meni, te dagego maiabo nai sisi yali elalubo homu ebao. Tiali goli eno te homu yali, te Masedonia bidi dabe meba augwali ena dali nosali asiyu tama suyu, te dage sisi isşwai ebaso, tama tiyu, da tede hale siyu, tama dage dali me genuai hale mu yabuo. ⁵ Tama tibaso, eno homugo eno ama dede augwali bolo te dage bidibo madi aselama polasa sabalomainogo eno augwalibolo te po obao, tama dagego te

†† 8:21 Prs 3:4

olo tau selama tolaibao wali nai te augwaligo hasia bolosisi ilao. Tama te ena me nosali sabalobo si, te olo tau siyu mabo nai te olo mu mayu sisi ebo tiwai elama, tama te nai dago dagede anoma elama sabo tiwai me egobeo.

⁶ Dagego homugo te bugagia koneao: nai yogo homu eyu dwasianu nai bulubo bidigo, te agai nai dwasianu naga nosali saibao. Tama te nai hauwa bulali bidigo, te agai nai hauwa saibao. ⁷ Dage tigidali deligo te Juda bage tau mabo monede duga digi duga bugagia homugo hasia kone palama, tama te homu kolesaga tiwai wali naga peyu mone mao. Tiyu bidi me deligo mabo naide homu sege elama, tama agai homugo bidi dabego bomo ebaso, tama te kolesagade naga agai te nai mani homu me ilamuo. Menio. Agai digi aga homu hasia dodolama, tama te tiwai naga mao. Magi baso meni. Godigo te bidigo wiegi yai homu pemene elama nai mabo kolesaga ebo bidi, te tobage bidi Godigo godolo ebo dao. ⁸ Tama Godigo olo mabo nai tigidali te dagebolo mabo usu mu eyu, tama dage mu paqanaluaibao. Tama tigidali sogo dage tigidali nai usu mu elama, tama dagego tigidali wiegi yai se yabo nai hauwa elaluaibao. ⁹ Te Godigo po bukude te nai mayu tau sabo kolesaga ebo bidi dali po wali, te po e dao,

"Te bidigo nai hauwa te magi nai meni yai we bidibolo mani, te bidigo nai wai sanama bulala pabo tiwai yalio. Te agai doloba pai kolesaga sesemane sogo elaluaibao." †

¹⁰ Godigo nai wai te bidibolo bulumainogo menama, tama tigidali bidibolo tubo nai menama tama augwaligo tubo dao. Teda Godigo dage usu nama te nai dabe mayu, tama dagego te gasa Godigo po odobo we bidibolo tau sabo kolesaga genuai mu ilaibao. Tama dagego doloba pai kolesaga umabo mu pedaludaibao, te bidigo nai wai bulai digi tama nosali te nai umabo mu walobo tiwai iduaibao. ††¹¹ Tama dagego nai hauwa elaluaibao, tama dagego homu mu naga eyu, nai hauwa te ama dede augwalibolo tigidali sogo mabo usu yaibao. Tama dago se de dagego te olo tau siyu mabo naide te ama dede augwaligo te Godibolo usu da po waibao. ¹² Awe, dagego te tiwai se go te Godigo we bidi tau siyu, te kolesagade dagego te augwali saq pali nai usu nubo se yaibao. Tama te tiwai kolesaga naga me egobeo. Menio. Dagego te tebo kolesaga ebaso, te augwaligo dwagi yai homu eyu, Godibolo usu da po hauwa waibao. ¹³ Dagego te ama dede tau sabo se ebode, tede te dagego kolesaga hanilama pedalaibao. Te ama dede augwaligo koneama, dagego te Godigo po bugagia wali pelama tama Kraiso wiegi yai gesi po we bidi gedude hania hanilai dao. Tama dagego homu mu naga eyu, olo mabo nai genuai augwalibolo mabo me, te gasa bidi dabebolo me mabo sueibao. Tama eyu augwaligo Godigo nogi ugwaba saibao. ¹⁴ Te Godigo olo mabo wiegi yai kolesaga genuai mu dagede elalubo, te augwaligo koneaibao. Tama tiyu augwaligo dage godolo elama, tama augwaligo Godibolo po

weyu, te agai te olo tau sabo wiegi yai kolesaga dagebolo mobaso, augwaligo agabolo puba hwi po waibao. ¹⁵ Godigo dabelo te olo mani nai, te genuai mu egi pali, tama tede te dwagi yai po tigidali dago pusubo usu me egobeo. Dago Godibolo te olo mabo naide puba hwi po wao.

Bidi mebago po dwai Polba wali tama te Korin dabego agaba dwai haliga ilabo se yali, tiyu Polgo te Korin dabe augwali homu dodolobo po wali

(Daj 10-13)

Polgo aga nogide posobo po wali bagebolo po wei ponai po

¹⁰ Te dage tomode bidi mebago po kisila ena dali weyu te po wai, "Pol aga da dali bidiyu, tama aga digi aga aiyaba elaluali, tiali goli aga digibulu bidibo sogo te agai po bomai asena toloyu da dali wabo dao," te po wali. Tiali goli ena Pol eno homugo te dagego Kraiso homu kolesaga hasia bolo kone palao, te aga digi aga homu aiyaba elaluama tama te bidi dabe augwali dali nagame yai kolesaga yai, tama eno me te tobage homu eyu, dagebolo e mobo mabo po megi obao. ² Eno e tama tiwai po dagebolo obao: nosali ena dageba pedalobo si, tede dage dua dao, tiyu eno dagebolo sesena pai po mayabuo. Tiali goli eno homugo eno po te bidi mebago da te tede kolesagade biliba homu ebo bidi dabe augwalibolo hanilama bomo elama te sesena pai po pusabo homu ebaso. ³ Mu tama, da te we bidi tomode e tede bidibo dao, tiali goli Godigo pode boi bidi homu ebo bidi dabe dali hwj-bode dago te tede bidigo wabi hwjbo tiwai me ebo meni. ⁴ Tigidali wabi hwjbo nai dabe dago tolalubo, te tede nai tiwai me elalubeo. Menio. Te Godigo bomo elalubao, te boi bidigo bomai obo alubo usu yaibao. ⁵ Dago augwaligo da dali konila po wabo page pedeyu, tama augwaligo wabo po aiyaba mu elalubo dao. Tama tigidali kolesaga ugwadu mu dolaluyu tama te God koneainogo homu ebo bidi dabego tu palialubo, te me dago hujibo dao. Tama da tigidali bidigo homu kolesaga dago kalabus ilama, te Kraiso homu kolesaga wali pomainogo ebo dao. ⁶ Tama da sisi elama dage tonalubao. Te da dagego bidibo digi sabolama, tama dagego dago po tigidali wali pobaso da, tede dago te dage tomode bidibo te po sela sa bo bidi augwalide po tu dodolama tama augwali tigidalibolo dwai dene wei ponai po.

⁷ Dagego te duga gedude elalubo nai bugagia suiyo. Te dage tomode bidi me deli aga homu aga digi te Kraiso bidi bidiyu da, tede aga digi homu kone ma palama tama aga te tiwai koneaibao, aga digi te Kraiso bidi da homu yali da, tede da me te Kraiso bidi bidibao, da aga dali tiwai si mu dao. ⁸ Magi baso

† 9:9 Tib 112:9 †† 9:10 Ais 55:10

meni. Dago Genuai Bidigo dabolo te şe emainogo te genuai nogi dabolo mani, te dago dagego Kraizde homu tialubo kolesaga ebode daş walomainogo yali. Te dage dolomainogo eyu agai te bomo dabolo mabeo. Tama eno dena te şede dena nogi ugwaba mu sali goli, tede ena hale me sogobeo, te dolo dao, dago dena şe bugagia yaibao. ⁹Tiali goli dagego eno aşena tolobo pasgo te dage olo wi ilibo homu ebo te eno hagela homu ebao. Dagego te tama egimio. ¹⁰Mu tama, bidi meba augwaligo enade tama tiwai po obao, "Awe, te agai aşena tolobo pasde şeşę yai po elaluyu, tama bomo elalubo po me elalubo dao. Tiali goli aga digi sabalobo si tama dago aga digi suyu bomu meni yani, tama agai po te olo nai tiwai dao." Te tama po wabo dao. ¹¹Te po wabo bidi dabe, augwaligo e tama tiwai homu bugagia kone palao: da digibulu bidiyu tama dago pas naga aşenama dagebolo tolobo po, te po dali, te da asama dage dali bidiyu ebo kolesaga dali, te si tiwai si mu yaibao, te tedali gasagi yai menio.

¹²Te dago dena digi dali te augwali digi augwa nogi ugwaba sabo bidi dabe dali si dago osola sulama, tama da augwali tiwai si da po wagobeo. Te po wabo dago hagela homu ebao. Magi baso meni. Te bidi dabego augwaligo ebo kolesagago naga te augwa kolesaga usu sabo dao. Me deligo aga ebo kolesaga te gasa bidi mego ebo kolesagade usu sabo şe ebo dao. Te tama tebo bidi dabe, augwaligo bugagia koneşabaso, wiegi yai koneai kolesaga me elalubo menio. ¹³Tiali goli da dali, God agai te dago şe yabo madi sesegede daş ilali. Te daş ilama, tama dage Korin bulude bidibo we bidi dage te daş tomode bidibao. Tama dago ebo şede dago dena sali daş edelama tama dago dena nogi ugwaba me sogobeo. ¹⁴Tama dage te daş tomode bidaligo da, teda da pologi solama tama Kraizde wiegi yai gesi po dageba sela asali sogo, te sogo dago dena şe yabo madi daş mu edelebeo. ¹⁵Dago te Godigo mawai daş bolama, tama te gasa bidi dabe augwaligo yali şede te dago dena digi dena nogi ugwaba me sabo meni. Te menio. Dago homugo te tiwai bomu ebo dao: te dagego duga homu tigidali Kraisba mubo kolesaga bomu yai pedalobo si, tama dago şe genuai dage tomode pedalomainogo eyu, te dena dage tomode Godigo şe yabo daş usu nama tama te genuai mu pedalaibao. ¹⁶Tama tiyu, dago dage tagalama, tama te Kraizde wiegi yai gesi po te dage u badu elalubo me badu tşde bidibo we bidibolo sela pabo usu yaibao. Te elama, tama dago gasa bidigo te gasa daş ilali tş tomode yali şede te dago nogi olo ugwaba me sogobeo.

¹⁷Awe, te meni. Te Godigo po bukude po me deli e tiwai elalubao, "Te nogi ugwaba sabo homu ebo bidi, agai te dago Genuai Bidigo yali şede po weyu, tama Genuai Bidigo nogi naga ugwaba sao," te po aşani.

^{†18}Magi baso meni. Dago koneani, te bidi aga digi aga nogi ugwaba sabo, te bidi aga nogi te God gedude me elalugobeo. Mu menio. Te dago Genuai Bidigo bidi me

deligo nogi ugwaba siyu, te dwagi yai bidi da obaso da, te bidi naga nogi mu elaluaibao.

Polgo te tibo po sela pabo bidigo po hanilama pusali

11 Te dageba nosali asali bidi dabe augwaligo augwa digi augwa nogi ugwaba siyu, tama homu kolesaga meni yani po wali goli, dagego augwali tede tagalao wabeo. Tama tibaso, eno homugo dagego ena me gogolama, tama eno te homu kolesaga meni yai po dwasianu waio. Awe, dagego ena gogolao. ²Te gasa bidi dabe augwaligo te dagego Kraiz wali pabo kolesaga dolidali weyu, eno augwalide dwai homu ebo dao, te Godigo augwalide dwai homu ebo tiwai gilama. Magi baso meni. Bidigo aga penani şe munu me isawai wiegi yai bidibo gesi wegi noma te bidi delibolo naga mabo tiwai, te eno dage te bidi deligo naga somainogo eyu sa muanio. Eno dage Kraisbolo maiabo homu ebo dao. ³Tiali goli ena wi ebao. Dago koneani, te dwai hasamani tiwai bidibo bidi Satan agai tibo po wabo mu koneani homu elama, tama polobadu agai te we Iv dago auwa tibo po ola menama tama aga tulualui. Te dagego tiwai me dage, te dageba tamadi asali bagego po odolama, te tiwai kolesaga dageba pedalobuo. Tiyu, dagego homu mu eyu Kraiz dali naga wadolama tama wali pabo wiegi yai kolesaga tagalidali homu eno ebao. Ena tede wi ebo dao. ^{†4}Magi baso meni. Te bidi meba augwali dage pageba pedalama, tama Jisade gasagi yai po pusubao, augwaligo wabo po te dago te Jisade pusubo po tiwai me wabo meni, te gasagi yai tedali dao. Tama te kolesagade dagego te gasagi yai mobo sabo, te dagego polobadu sali te Tedali Mobo Bidi tiwai meni. Tama dagego gasagi yai po augwalidu odobao, te dagego dade sali te wiegi yai gesi po tiwai meni, te gasagi yai tedali dao. Te bidi me deligo te tobage kolesaga dage tomode me ebaso da, teda dagego dwagi yai homu eyu, agai te tobage kolesaga emainogo gogolobo dao. Tiali goli te dolo menio. ⁵Te bage augwaligo homu te augwali Godigo po sela pabo şe ebo bidi dabe bidiyu, tama augwali te şede polalubo bidi dabe dao, augwaligo te homu ebo dao. Odao. Eno homu augwaligo ena te dwasianu şe me delide aiyaba elalubo menio. ⁶Mu tama, eno te Grik dabego po bugagia pusubo kolesaga te me koneşawani, tiali goli te magigo menio, eno te Kraizde homu kolesaga me şaş pabeo. Mu menio. Tigidali şe ebode dago dagebolo hania ola mawai dao, dago Kraizde kuna mu konebo dao.

⁷Dagego koneani, eno te Godigo wiegi yai gesi po dagebolo ola mani sogo, tede eno masigi me sabeo. Te kolesagade ena digi ena aiyaba elaluama te dage ugwaba siyu yai. Magi yaliwe? Dagego homu eno te yali kolesagade te ena şeşę sali, agawe? ⁸Eno masigi dabe te gasa bulude bidibo Godigo po odobo we bidi mebade sali, te ena dagede şe emainogo eyu augwaligo ena tama tau sai. Te kolesagade te eno augwaligo nai anoma elama olo sabo tiwai yai dao. ⁹Ena dage dali polobadu bidali sogo ena nai me şaş pali, te sogo

† 10:17 Jer 9:24

†† 11:3 Gag 3:1-5, 13

eno dagede bidi me deli dali aga nai anoma eyu seęę me mabeo. Menio. Te ama dede dabe augwaligo te Masedonia tų tagalama tama Korin hanuba pedaliyu, augwaligo ena sųą pali nai usu nani. Tama tigidali nai eno bugagia tonaluama, tama dagego duga masigigo ena tau sabode eno dwasianu seęę dagebolo me mabeo. Tama sesemane sogo eno te tiwai bugagia tonluaibao. ^{†10} Te Kraiso mu po enade elalubao. Tama tibaso, eno tibo po wasiabo, e mu po naga obao, te tigidali Akaia moni tų badu te bidi me deligo te eno dagede masigi sisabo kolesagade ena nogi ugwaba sabo te bidi mego tų palibo usu me egobeo. ^{†11} Magi baso eno tama obawe? Eno te dagego masigi sisabo kolesaga ebogo te eno dage dali dwagi yai homu isayu godolo mu isayu bidibo te waselebo daweo? Menio. Eno dage dali dwagi yai homu eyu godolo ebo kolesaga ebo, te Godigo koneai dao.

^{†12} Meba bidi augwaligo homugo eno me te eno ebo seęde dagede masigi sao, augwaligo te masigi dagede sabo tiwai yao, augwaligo te homu ebao. Magi baso meni, augwaligo homugo eno te tiwai eyu da, teda augwali da tiwai si bidibaso, augwa digi augwa nogi ugwaba sabo tų elaluaibao. Tiali goli menio, eno te dagego masigi sisayu te tų palibo seę augwaliba ebao. Tama eno tiwai seę naga me iduaibao. ^{†13} Magi baso meni. Te tobage seę ebo bidi dabe augwali te Godigo po sela pabo bidi dabe mu menio, augwali te tibo po wabo seę ebo bidi dabe naga bidibao. Augwaligo augwa kolesaga hasegelama, tama tigi naga augwali te Kraiso po sela pabo bidi dabe tiwai bidibao, we bidigo gedude. ^{†14} Tama dage tede moni midigi me selamuo. Dago koneani, Satango digi aga tigi hasegelama, tama tigi naga aga te dwai seę isawai wiegi yai ensel mobo bidi tiwai pedalobo dao. ^{†15} Tama tibaso, aga seę ebo bidi dabe augwaligo me te augwa kolesaga tibo hasegelama, tama te bidi dabe augwali gedude te augwali doloba pai kolesagade seę ebo bidi dabe tiwai pedalobaso da, teda da tede moni midigi me selamuo. Nosali augwali te augwa seę yali usu nama tiwai dwai dene mu saibao.

Pol te Godigo po sela pabo seęde dene hauwa tolali

^{†16} Hasia eno po wali, tama megi eno po ma obao, bidi mego ena te koneşawai bidi da te homu munu me elamuo. Tiali goli, dagego homu ena te homu kolesaga meni yai bidi da homu ebaso da, teda dagego ena gogoliabo, tama ena me ena nogi ugwaba dwasianu sainogo yaibao, te homu kolesaga meni yai bidi tiwai. ^{†17} Eno dago Genuai Bidigo homu kolesaga wali pelama, eno e po me wabeo. Menio. Eno po te koneşawai bidigo po wabo tiwai eyu, tama ena nogi ugwaba sabo bomu ena digi ebo dao. ^{†18} Bidi hauwa augwaligo te tųde kolesaga wali pelama, tama augwa nogi augwa digi ugwaba sabo dao. Tama eno me te kolesaga osogo wali pelama, tama ena digi ena nogi ugwaba sabo po dwasianu obao. ^{†19} Dagego te eno te tobage kolesaga ebo seę ilali. Magi baso meni. Dagego

wiegi yai koneani kolesaga elalubao, tama dagego te koneşawai bidi gogola sula tagalabo homu godolo elama, te koneşawai bidigo po dagebolo momainogo yali! ^{†20} Awe, te bidigo dage te aga dologoba mubaso, ma agai dagego nai tigidali silibaso, ma agai dage dali hagoma ebaso, ma agai dage gesabidide elibaso da, teda agai tama temainogo te dagego gogolobo dao, po meni! ^{†21} Mu tama, augwaligo te tebo kolesagade dago te seę yabo bomu me elalubeo! Tama eno te kolesaga igi sogo da, teda eno seęę siyu tama hale egi da.

Megi eno po te aga digi nogi ugwaba sabo po wabo kolesaga meni yai bidigo po tiwai obao, te bidi mebagu augwa ebo kolesaga po te bomu elama pusubaso da, teda eno me eno bomu elama tama augwali aiyaba elaluabo po pusaibao. ^{†22} Augwali te Hibru dabe da wida, teda ena me te Hibru bidi dao. Augwali te Israel hani bidi dabe da, agawe? Teda, ena me ena te Israel hani bidi da. Augwali te Abrahamgo bulai wai hani da, agawe? Teda, ena me ena te Abrahamgo bulai wai hani bidi mu dao. ^{†23} Augwali te Kraiso seę ebo bidi dabe da wida, agawe? Megi eno po te aga digi nogi ugwaba sabo kolesaga meni yai polobo bidigo po tiwai mu obao. Eno augwali te Kraiso seęde aiyaba mu elaluali. Te seę dene idu gealigo eno edelama ugwanu igulali. Te eno Kraide po pusubaso, te boi bidi dabego ena kalabus beba hauwa sogo muani. Tede eno te tibo po ola mabo bidi dabe ela holai dao. Te boi bidi dabe augwaligo ena hauwa sogo mu elali, bidigo nedebo usu egobeo, tede eno e bage augwali aiyaba mu elaluali. Hauwa sogo ena paęde isabo tiwai yai. ^{††24} E tiwai yai. Te a naga sogo Juda dabe augwaligo ena te dwai kibu waligo nigai bigo elali, te nedali te bidi sese deli olama, nogo si olama, nogo me badu a naga me si me si, te 39 tama sogo daę egi pai. A naga sogo te tiwai ena elali. ^{††25} Te sela sogo te Rom dabego ena keloago elali. Deli sogo te Juda dabe augwaligo ena ela mumainogo eyu masigi şanama ena elali. Sela sogo moni geba sip dabe doloyu, ena te tamu aęde hagawai. Tama tiyu, sip me deli tama dolali sogo te deli sogo hulide me giligade ena te tamu aę daide bidali. ^{††26} Te hauwa sogo ena digibulu tųdu bilali. Ena te pabo aę hauwade hagawainogo yali. Ena te tųdu bilibo bidi elebo aga nai wi sabo dwai bidi dabe augwaligo nogode dolainogo yali. Te eno hani bage, te Juda hani dabe augwaligo me ena dolainogo homu yali, tama Juda hani isawai bidi dabe augwaligo me ena dolainogo homu yai. Ena te haniani hanude dolainogo yali, tama te bidi meni yai bulude me ena dolainogo yai. Ena te tamu aęde dolainogo yai. Ena te tibo po wabo abagi dede dabe augwaligo nogode me elainogo yai dao. ^{††27} Eno seę dene haniani mu yalio. Hauwa sogo ena hulide seę eyu, tama ena godege me pibe. Ena nai sili bidali, tama ena aę nogonego sali. Hauwa sogo eno nai gisilali. Ena kedaugo me siyu, tama ena ugwa me meni yai bidai dao. ^{†28} Tama te naga me ebeo. Menio. Te tigidali deli deli sogo eno te haniani bulude bidibo Godigo

† 11:9 Fil 4:15-18

†† 11:23 Tpi 16:23 ‡ 11:24 Bom 25:3 †† 11:25 Tpi 14:19; 16:22
‡† 11:26 Tpi 9:23; 14:5

po odobo we bidi tigidali tonalubo şe eyu, tama tede genuai şeşę mu enabolo mubo dao. ²⁹ Te bidi me deli bomo meni ebawe? Teda, ena me te bomo meni yai tiwai bidaibao. Te bidi me deli te dwai şeba tulaluai dawę? Teda, eno te aga te dwai şe tomoba kegalı bidi dali dwai homu mu yaibao. Awe, tigidali haniani şe ebode eno te dagebolo tibo po ola mabo bage augwali eno aiyaba elalubo dao.

³⁰ Te gasa tų me meniama, tama ena nogi ena digi ugwaba sobaso da, teda eno te ena bomo meni da po olama, tama tede ena homu pemene yaibao. ³¹ God, te God tama dago Genuai Bidi Jisasgo Aya, dago sese-manę sogo aga nogi ugwaba siyu tama bidada peyu bidada pomainao. Agai koneani, eno tibo po te enaba pedalalı şede me wagobeo. ³² Te polobadu eno Godigo şe edubadi, me sogo ena te Damaskus moni hanude bidibadi, te tobolu bidi me deli aga te tuni bidi Aretas dologode bidali. Tama te tobolu bidi agai te Damaskus hanu buluba pabo tųde tonalubo bidi muani. Agai ena selama kalabus ilainogo yalı. ³³ Tialı goli meba ama dede augwalıgo ena moni basket wade munama, tama te hanu genuai masıgıgo nigai bobage obo te windodu augwalıgo ena buluba aba bonogo tagalama, tama ena buluba dilama teda soalı. Tama ena te tobolu bidi nogode muani tagalama, tama ena sana pelama wi pai dao. Te sogo te şede ena bomo meni yai bidi mu bidalı. Tialıma Godigo ena tau salı. †

Te nade subo şe dabe tiwai gilama eyu, te Godigo po hauwa Polbolo ola mani

12 Te gasa bidi dabe augwalıgo eno nogi dolobo po dage dali olama, tama dagego ena tau sabo po wei ponosişbaso, ena digi ena nogi ugwaba sobao. Te gasa tų me elalubeo. Mu tama, te kolesagago da tau me sışabo usu me isşwani. Tialı goli tagalama, te dago Genuai Bidıgo enabolo te na yalı me, te geme dualalı po meba mani, tede eno po megi waibao. ² Ena te Kraisgo bidi bidıyu, tama kibı be nogo sı olama şaşago me sı me sı polobadu Godigo ena te dagalu sela wali sigi mu teba ugwaba sela holalı. Te ena teba pobadi ena tıgi dali bidalıwe, ma ena tıgi tagalama te eno noma bidi naga teba palıwe, te eno me konebeo. Godigo naga koneanio. ³⁴ Tama Godigo ena te Paradais teba sela holalı. Te ena tıgi dali bidalıwe, ma eno tıgi tagalama eno noma bidi naga teba palıwe, te eno me konebeo. Godigo koneani. Tede eno te bidıgo me pusubo usu isışabo tobage po odama, tama te po bidıgo me pusidalı weyu habu selalı dao. ⁵ Godigo ena dali te yalı kolesaga, tede eno homu pemene yaibao. Tialı goli ena digi ena nogi ugwaba me sogobe. Ena bomo meni yanı po ena olama, tama tede naga ena nogi ugwaba sabo dao. ⁶ Mu tama, ena digi ena nogi ugwaba sigi sogo da, teda ena konesişwai bidi tiwai me egi menıgi dao. Menio. Te eno mu po naga wagi da. Tialı goli ena digi ena nogi ugwaba me sogobeo. Magi baso meni, eno homugo te bidi me delıgo te po odolama tama agai homugo ena te wiegi yalı bidi mu

da homu idalı. Eno homugo dagego eno ebo kolesaga sulama, tama dagego eno Godigo po pusubo po odolama, tama te sı naga osola sulama, tama dagego tiwai homu dolo enaba emainogo ebo dao.

Te sesani tiwai naıgo Pol tıgıba enanı

⁷ Te po hauwa Godigo enabolo te dagalude ola mani, te genuai wiegi yalı nai mu dao. Tama tede ena digi ena ugwaba sabo te Godigo godolo me ebe, tama agai te dene mabo sesani ena tıgıba enebo nai tiwai nai me deli enabolo mani. Te dene mabo nai te Satango şe ebo bidi tiwai dao, te ena elidumainogo ebao. Te ena aiyaba elaluama tama te eno te dagalude sualı naıde ena digi ena ugwaba me sidalı olama tibo dao. ⁸ Sela sogo eno dago Genuai Bidıbolo hanaluyu po wali, te dene mabo nai agai enade sela şamainogo yalı. ⁹ Tialı goli agai te po enabolo walı, "Woo, te eno olo tau sabo wiegi yalı kolesaga nagede usu yalı elalubao. Magi baso meni, te bomo meni yalı bidıde eno bomo hania mu pedalobo dao," Genuai Bidıgo te po walı. Tama ena bomo meni yalı da te homu şeşę munu me egobeo. Menio. Ena wiegi yalı homu pemene mu tede ebo dao, te Kraisgo bomo enade elalumainogo ebao. ¹⁰ Tama tıbaso, Krais tobade ena bomo meniama, tama te bidi dabego enade nogi dwalı posobo po weyu, enabolo dwalı şe ilama, tama haniani şeşęgo ena siyu, tama bidı dabe augwalıgo ena doloyu dwalı sogo enaba ped-alobaso da, teda eno wiegi yalı homu tede ebo dao. Awe, te ena digi bomo meni ebo sogo, te sogo naga eno homu Kraisba tıaluyu, tama aga bomo eno sabo dao.

¹¹ Te eno te ena digi nogi ugwaba salı po tamadı weyu, te eno te kolesaga meni yalı bidi tiwai yalı. Tialı goli dage, dagego ena hodolobaso tama eno te po wali. Te duga digi eno nogi ugwaba sigi sogo da, te doloba pai kolesaga egi da. Tialı goli tama me tıbeo. Mu tama, ena te olo nai tiwai dao. Tama te gasa bidi dabe augwalıgo homu te augwalı Godigo po sela pabo şe ebo bidi dabe bidıyu, tama augwalı te şede polalubo bidi dabe dao, augwalıgo augwa şede te homu ebo dao. Tialı goli ena dali augwalı dali sı usu siyu da, teda augwalıgo ena te dwasıanu şe me delıde ena aiyaba elalugobeo. Mu menio. ¹² Ena dage tomode bidibadi, te gasa bagego enabolo mani şeşę tıgidalı eno bugagia toloyu, tama dage tomode şe hauwa elama, tama ena da, te Godigo po sela pabo bidi mu da ola mabo bomalı şe eno nogode pedalalı. Te e dao: te haniani bidıgo isşwai bomalı şe dage tomode pedalalı, te Godigo şe sa munama, tama bidi dodola midıgi selama, tama Godigo bomu şumainogo yalıo. ¹³ Eno te deli tiwai kolesaga te gasa Godigo po odobo we bidi hanıbolu yalı, te dagebolo yalı tiwai şe yalı. Eno dage tau sabo şe mede şaş mu pabeo. Delı şede naga eno dage dali te gasa Godigo po odobo we bidi hanı dali tiwai sı ebe. Augwalıgo augwa masıgıgo ena tau salı goli, eno digi dagebolo duga masıgıgo ena tau sao po munu me wabeo. Tede dagego homu eno şeşę salı homu eyu da, eno homugo dagego te eno salı şeşę

† 11:33 Tpi 9:23-25

sela sayao! Tiali goli eno koneani, eno tede seęę me sabeo.

¹⁴ Megi ena sela sogo dage bidibo madi asabo sisi ebao, tama dagego nai eno anoma eyu sainogo tama dagego duga masigigo ena tau sao po me wagobeo. Te menio. Odao, eno dagego nai me sogobeo. Menio. Eno dage naga sabo homu ebao, eno dage Kraibolo momainogo ebao. Dagego koneani, te wai dabe augwaligo te nai dabe gegebo seę elama te aya de ida si tau sabo seę me egobeo. Menio. Te aya ida augwaligo naga te wai dabe augwali tau sabo seę yaibao. Tama ena da dagego aya tiwai dao. ¹⁵ Tama dwagi yai homu eyu, dage tobade eno ena nai tigidali maiabo homu elama, tama ena bidibo ula me maiabo homu ebao, te dage tau sabo homu ebao. Eno dage dali dwagi yai homu eyu godolo mu ebo kolesaga genuai mu ebao, tama te dagego magi baso ena dali homugo dwasianu naga kone palobowe?

¹⁶ Tiali goli dage tomode meba augwaligo enade te tiwai po waibao, "Mu tama, agai digi dago masigi hania hanilama me sabe, tiali goli agai te po bebegelebo bidi tibo seę ela mabo bidi, tama te tibo po wabo kolesagago agai te da muma menama, tama gasa bagego nogode te dago masigi sai dao," augwaligo te po wai. ¹⁷ Tialima, eno bidi meba dageba tagala palidu geai. Magi yaliwe? Te augwali me deli augwali nogode eno tibo po olama tama dagego nai anoma elama me sai da, agawe? Te menio. ¹⁸ Eno te Taitus hodolama, tama aga dage bidibo madi asali, tama eno te gasa ama me deli aga dali hodobo tagala palali. Tama te Taitusgo ili po olama dagego nai anoma elama me saliwe? Menio. Ma dagego homu te ena dali Taitus si da te Tedali Mobo Bidi deligo bomode naga me bidibo meni, dagego da si dali te homu ebawe? Da si te tu delide naga me bilibo meni, dagego te homu ebawe? Edao. Dagego te tobage homu da si dali eyu da, teda duga homu hasegelao, te da sigo ebo kolesagade bugagia homugo koneao.

¹⁹ Dagego eno tamadi aşani po tigidali tede homugo kone palama, tama tede dagego e tiwai homu idubadi bogo, 'Te wali pogo te Pol agai aga nogi tau sabo seę naga ebao.' Tiali goli te mu menio. Dagego da dali po tu eyu, tama dena yali seę osola suabo bidi dabe meni. Abagi mu dede, da Krai dali wadolama tama Godigo gedude dolalubadi, dago te po tigidali dagebolo aşana tolobao. Tama tiyu dage tau somainogo eyu dago te po dagebolo aşana tolobao. ²⁰ Eno e homu ebao: ena dageba asama, tama dagego ebo kolesaga sulama te eno suainogo homu yali tiwai we bidi me bidibo sugobe homu yaibao, dagego gasagi yai kolesaga ebo eno sueibao. Tama tiyu, eno te dagego ebo kolesaga subaso, tama eno dage dali dodolobo seę ebo tede dagego hagela homu yaibao. Polobadu eno dage dali seę hauwa yali, tiali goli megı ena wi dwasianu eyu homu si dagede ebao. Eno homu ena dageba asama, tama eno dage tomode duga hasi e tiwai haniani dwai kolesaga ebo eno sueibao: konila po wabo me, te amabolo aga elalubo naide dwai homu

ebo me, tama seęę elama wado po wabo me, tama nai yogo kolesaga ebo me, dwai nogi posobo po wabo me, bidi geme posobo po wabo me, te hagoma ebo me, te Godigo po odobo we bidi hani pedaloyu dolobo kolesaga me, te tobage dwai kolesaga ebo eno dage tomode te sueibao, eno te homu ebao. ²¹ Eno e homu me ebao, ena dage bidiboba ma asobo si tama ena God agai ena te dagego gesabidide aiyaba elaluaibao. Tiyu eno dage hauwade gela waibao. Magi baso meni, te we bidi polobadu augwaligo te dwai seę yali te tagalama tama homu begelama, tama te meda yai kolesaga me, te penani ebo kolesaga me, te hale isabo dwai dwai seę subigila ebo kolesaga, te augwaligo polobadu yali te dwai kolesaga tudiba me mube. Tama tede eno dage dali yabo seęde homu eyu tama homu seęę elalubao.

Te Korin dabe augwa konealubo po bugagia tonalu dua dao wali po

13 Megi ena dage bidibo madi sela sogo wagisu te asainogo ebao. Tama asama, eno dage tomode po tu eyu, tama bidi me deli ma we me deli agai naga gasa we bidide po kisilibo te usu egobeo. Godigo po bukude elalubo po me deli wali peyu dago te po tu dodolaibao, te po e dao: "Te bidi si ma bidi sela te pedauwali deli poba muani wida, teda te po bomo elalubaso, tama te tobage pogo naga te po tu dodolobo usu yaibao," te po aşani. ¹² Te polobadu dwai seę yali we bidi dabe augwali me, te gasa bidi dabe dage tigidalibolo me, te ena si sogo wagisu dage dali bidagasali sogo te eno yabo kolesaga po dage dali wali. Tama megı me ena digibulu bidiyu, eno te tiwai po dagebolo ma obao: te ena dage bidibo madi ma asobo si, teda eno te dwai seę yai we bidi dabe augwali eno olo me gogologobeo, eno augwalibolo seęę mawaibao. ³ Dagego enade e tiwai homu ebao, 'Te Kraisgo Polgo pedauwalidu dabolo po wabo meni dawę, ma po wabo dawę? Te homu dagego enade yaligo da, teda dagego hania bugagia konemainogo eyu eno te bagebolo augwa sali seęę mawaibao. Te Krai dage dali bomo kimi me isiyu me egobeo. Menio. Agai dagede seę bomu mu ebo dao. ⁴ Magi baso meni. Polobadu agai aga digi bomu meni yai bidi tiwai ilama tama bidibadi, tama augwaligo aga ni pedaide elali goli, Godigo bomogo megı aga bidibo ulade ma bideibao. Tama da aga dali wadolama, tama da me bomu meni yani tiwai bidibao. Tiali goli Godigo bomogo da aga dali bidibo ulade bidibao. Tama dago te bomu dage tomoba hanilaibao.

⁵ Dagego sesemane sogo duga digi duga homu usu sela suyu, te duga homu tigidali Kraisba munama agaba homu tialubowe, ma meni yani, te bugagia koneao. Duga digi duga dagalao. Te bidi Jisas Krai dagego homude bidibo te dagego konebewe? Te meni wida, teda dage usu selama, te usu niba kadu wabeo. ⁶ Tama eno homugo dagego konebo te Godigo seę ebode da te usu niba kadu waibao homu dagego ebo dao. ⁷ Tama Godi-

go dage tau siyu, tama dagego dwai kolesaga me deli isamainogo eyu, dago agabolo hanalu wabo po wabo dao. Dago magi baso te tiwai ebo dawo? Te dage wiegi yai we bidi bidibaso, dago dena se dage dali bugagia yali, te homu emainogo eyu, te dago Godibolo te po hanalu wabo dawo? Woo, te menio. Dena homugo te dagego doloba pai kolesaga yao. Tama tiyu, tama da dageba asama te duga ebo kolesagade po meni baso, tama dago dage dali po tu ebogo dena bomo ola mabo tu meni eyu da, te usu da, magigo meni.

⁸ Dagego koneani, dago te mu po aiyaba elaluainogo ebo usu me egobeo. Menio. Dago te mu po naga wabo se tau sabo naga usu yaibao. Tama tiyu, dagego wiegi yai kolesaga naga eyu da, teda dago dage dali po me wagobeo. ⁹ Tama dago dage dali po tu isayu tama tede Godigo da mani bomo waselabo tu meni baso, bidi mebago da bomo meni yai bage da te homu yaibao. Te usu da, po meni. Dagego dwai se me isayu tama Godigo po bugagia wali peyu tama tede bomu elalubaso, da wiegi yai homu pemene yaibao. Tama dago Godibolo sesemane sogo hanalu wabo po weyu, dago homugo agai dage tigidali dodolama tama dage agai po odobo bomai we bidi mu pedaloyu, agai we bidi mu naga bidaibao. ¹⁰ Megi ena digibulu bidiyu, tama eno te dagebolo po aseana tolali, te pagede naga dao: te ena dage dali bidagasobo sogo tama sesena pai bidi tiwai eyu, eno dage te dago Genuai Bidigo enabolo mani se yabo bomogo eno dage selebo se idalio. Agai

dena yabo se te bomu dali, genuai nogi dali si dabolo mani, te dago dagego Kraisde homu tialubo kolesaga ebode da walomainogo yali. Te dage dolomainogo eyu agai te bomu dabolo mabeo.

Po silagasu wabo po

¹¹ Eno ama dedeo, megie eno po paliama, tama eno dage tao po obao. Dagego duga ebo kolesaga dodolama, tama Godigo po odobo bomai we bidi mu pedalobo kolesaga yao. Dagego eno dage tau sabo po odiyo. Dagego te deli tigi poai deli homu naga elama, nagame yai bidao. Tama God da, te we bidi dali dwagi yai homu eyu godolo kolesaga ebo dali, te homu nagame ilibo kolesaga ebo dali si ebo God, aga te dage dali bidaibao.

¹² Te da Godigo we bidigo kolesagade, dage tigidali deli deligo te ama dede, abe dede dali wiegi yai homu elama augwali nogo mao. ¹³ Ede bidibo Godigo we bidi tigidali augwaligo dagebolo wiegi yai homu elama siade da po ola tolobao.

¹⁴ Eno homugo dago Genuai Bidi Jisas Kraisgo olo tau sabo wiegi yai kolesaga dali, tama Godigo dage dali dwagi yai homu eyu godolo ebo kolesaga dali, tama Tedali Mobu Bidi dage tigidaligo homude abagi tiwai bidibo kolesaga dali, te kolesaga sela dage tigidali dali hodobo mu bidao.

Polgo Galesia Dabeba Pas Aşani

Hasia nedebo tau sabo po

Te Jisas Kraizde gesi wiegi yai po sela pabo bidi dabe augwaligo te Juda dabego t̄ tagalama tama haniani gasa t̄ba pali sogo, tede augwaligo te gesi po te Juda hani we bidi dali, te Juda hani is̄wai we bidi dali sibolo te gesi po ola mani. Tama te po odali we bidi meba augwaligo te po mu po dao homu eyu, Kraiz wali pabo gagalali. Polgo te po ola mabo s̄ te Galesia Provinsde yali. Tiali goli nosali gasa bidi dabe augwaligo te po wai, "Te we bidi Kraiz mu wali pabo homu eyu da, teda hasia augwali te da Juda hani we bidi tiwai pedaluyu, tama te Godigo Mosesbolo mani bomo yai po wali peyu, tama te bidi dabe augwaligo Godigo d̄j̄ sainogo eyu augwa tigi togwao," te po wai.

Pol agai homugo te tobage po ola mabo po te dolo meni. Tialima te Galesia Provins tomode gasa bidi augwaligo te Kraizgo po wali pali we bidibolo te po wai, "Te bidi Pol te Godigo po sela pabo bidi mu menio, aga te bomo yai pode geda muani," te po wai. Te po obaso, Polgo e pas te Galesia t̄de bidali Kraiz wali pali we bidibolo aşana tolali, agai augwali tau somainogo yai. Tama tiyu, agai augwali ola mani, Godigo digi aga i obaso, aga te Kraizgo po sela pabo bidi mu dao. Tama agai te Juda hani is̄wai we bidibolo Kraizde po pusumainogo eyu, Godigo aga te s̄ba muani. Te we bidi te Juda hani tiwai pedalominao po tagalao, Polgo wali. Bidi aga Kraizde konealubo po d̄j̄ weyu, tama aga homu Kraizde naga tialubo bidi, te bidi Godigo gedude doloba paı bidi pedalaıbaı, Polgo te po wali. Tama te pasde simanobo po te tama wai, te Kraizgo da bidi te magi s̄ is̄wai te tedali wiegi yai olo mu bidibo bidi dabe pedalominao yali sogo, te Tedali Mobo Bidigo dago yabo wiegi yai kole-sagadu pabo t̄j̄ dodolobaso, tama dago te wiegi yai kolesaga te gasa bidi dabeba ebaı, te po wai dao.

Godigo digi te bidi Pol agai po sela pabo bidi nigilai po

(D̄j̄ 1:1–2:14)

1 Ena da Pol da. God agai ena tagala palali, eno agai po wagi pomainogo yai. Bidigo ena tagala palobeo, bidi mego ena te po wagi pabo s̄ba mubeo. Te menio. Te God dago Aya dali te agai te ḡj̄ pagede ma hodolai bidi Jisas Kraiz dali, augwali sigo ena te s̄ba muai dao. ² Tama ena dali, ena dali bidibo ama dabe tigidali dali, dago te pas dage Galesia t̄j̄ tomode bidibo Kraizgo po wali pabo we bidibolo aşana tolobao. Tama aşana, tama dwasianu hani deli delibolo te po aşana tolobao. ³ Tama dago homugo God dago Aya dali, dago Genuai Bidi Jisas Kraiz dali, te augwali sigo dagebolo olo tau sabo s̄ eyu, dage dwagi yai homu elama bidao. ⁴ Tama Kraiz agai te dago Aya Godigo homu wali peyu, tama aga digi aga bidibo ula olo mayu, agai dago yali dwai dwai s̄ḡḡ te sela s̄wai. Tama tiyu agai homu da e t̄de megi elalubo dwai kolesagade sela pomainogo yai. ⁵ Tama agai te s̄ ebaso, dago God agai nogi sesemane sogo ugwaba mu sao. Eno homugo dago tama wainao.

Kraizde dwagi yai gesi po me deli digi elalubao

⁶ Tegoba! Dagego yali s̄de ena noma mu salio. Dagego magi yaliwe? Te Kraiz agai dage olo tau siyu, tama God agai dage i wai dao. Tiali goli polo tama dagego te s̄ tagaluyu, tama dagego gasagi yai po wali pabo gagalali. Tama te gasagi yai po dagebolo pusali bage augwaligo "Ao, e po Kraizde dwagi yai gesi po mu dao," wali. ⁷ Tiali digi gasa wiegi yai po me elalubeo. Mu menio. Bidi meba augwaligo dagego homu kolesaga gasaba hasegelabo homu eyu, tama augwaligo te Kraizde wiegi yai po gasaba begelainogo yai. ⁸ Tiali goli, dago digi, ma Godigo s̄ ebo ensel bidi me deligo digi te dagebolo dago polobadu wali gesi wiegi yai po hasegelama, gasa po weyu da, teda da te moni sia dabo buluba pao, te eno homugo. ⁹ Dago te po polobadu wai dao, tama megi me eno ma obao, niwai bidi agai te dagego polobadu odali dwagi yai po wasiayu da, tama agai gasagi yai po dagebolo obaso da, teda te po wabo bidi aga te siaba pao, hagamainao.

¹⁰ Te eno te tobage bomai po weyu, te we bidi augwaligo ena dali dwagi yai homu emainogo wabeo. Te menio. Eno homugo God agai ena dali dwagi yai homu yaıbaı. Eno te tobage po weyu, we bidi augwaligo eno nogi ugwaba sao, eno te homu ebowe? Woo, te me-

nio. Eno te we bidi te enade homu bega sabo po wagi sogo da, teda ena Kraisgo sę ebo bidi bidigi menio.

Godigo Pol agai po sela pabo bidi nigilai po

¹¹ Ama dedeo, dagebolo eno mu po obao, e wiegi yai gesi po eno polobadu dagebolo wali po page te bidi mego pedalomainogo ebeo. ¹² Tama eno te po bidi mede sabeo. Tama bidi mego te po enabolo ola mabeo. Mu menio. Jisas Kraiś aga digi enabolo te po ola mayu waselai. Tama te koneama, ena da Godigo tagala palai po wagi pabo bidi mu dao, te dagego koneaibao.

¹³ Te eno polobadu yali kolesaga te ena Juda bidi hani dali bidibadi yali sę po, te po dagego polo odai dao. Tama eno Jisas koneşıabadi, te Juda bidi hanigo Godibolo lotu wabo sę eno wali pai dao. Tama te tiwai bidibadi, te sogode eno Kraisgo po wali pabo bidi hani elala bilaluai, tama eno te hani tigidali mu ela silainu homu eyu bidaluai. ¹⁴ Tama augwali dali homu dene isiabadi eno te sę yai. Tama me, te ena gesi bidi bidibadi, dena Juda dabego wajigo yali kolesaga wali pabo homu ebode, tede te Juda hani tomode elaluali gesi bidi tigidali eno ena abagi dede te dena wajigo kolesaga wali pabo sęde augwali aiyaba elaluai. Te Juda dabego ebo sęde eno bomu mu elama, tama Juda hani tomode nogi sai.

¹⁵ Tiali digi, polobadu eno idago ena ame nesiabadi, tama Godigo ena te sogo sa muai dao. Tama tiyu, agai ena dali aga dwagi yai homu eyu, olo tau siyu, tama ena ame nenama, tama aga bidi mu pedalumainu ilama, tama agai ena i wai, eno agai sę emainogo yai.

¹⁶ Tama agai ena i olama, tama agai eno homu mu hasegelainogo eyu, tama agai homu 'Megi eno Polbollo eno ogwa waselaibao,' te homu eyu, tama te sogo agai aga ogwa Jisas enabolo waselai. Tama eno te Juda bidi hani isiawai we bidibolo te bidi Jisasde gesi dwagi yai po pusigi pomainogo eyu, God agai ena i olama, tama ena gasa bidigo bidibo digiba pabeo, agai enabolo te sę page ola momainogo eyu teba pabeo. Te menio. ¹⁷ Tama Godigo ena i wasiabadi, agai gasa bidi dabe aga po sela pabo bidi dabe nigilai dao. Augwali Jerusalem hanude bidali. Tama Godigo enabolo aga ogwa waselama, tama nosali ena augwali dali te sęde po miainogo ena Jerusalemba pabeo. Te menio. Eno te bidi meni yai tş Arebia teba osogo bidigi pai. Tama nosali te tş tagalama, tama ena te Damaskus buluba bidigi pai. ¹⁸ Tama nosali kibu be sela bidama, tama ena Jerusalem hanuba pai, tama Pita dali po miainogo yai. Tama ena aga dali bidibadi, Sarere si te me deli tama sogo tede bidai. ¹⁹ Tama ena tede bidibadi, te Godigo po sela pabo bidi tigidali eno subeo. Te dago Genuai Bidi Jisas aga amanu Jems deli naga bidibo eno suai, Pita dali. ²⁰ Tama eno megi dage dali asęna tolobo po, te eno te yali sęde tibo po dage dali wagobeo. God agai koneani, e po mu po naga dao.

²¹ Tama Jerusalem tagalama, tama nosali ena ma te tş Siria dali te Silisia te tş siba pai. ²² Tama te sogo te Kraisde wadolama te Judia tşde bidali we bidi augwaligo ena gesabi susiama, ²³ tama gasa bidigo enade wali po naga odai. Tama augwaligo enade te po wai, "Polobadu te bidi Pol agai da elebo sę yai, dago Jisasde konealubo po doloyu yai. Tiali goli aga homu begelama, tama megi aga biliyu, agai we bidibolo te po wabo dao, 'Te Jisasde konealubo po te po mu po dao.'" Augwaligo enade te Godigo ena homu hasegelali po odali. ²⁴ Tama augwaligo enade te po odoyu, tama augwaligo Godigo nogi ugwaba sai. Tama tibaso, te sęde dagego koneageameo, Godigo digi te eno dagebolo ola mani gesi dwagi yai po agai enabolo ola mawai dao.

Godigo po sela pabo bidi dabe augwaligo Pol agai yali sę po odama, tama te usu dao wali

2 Te ena gasa bulude bidibadi, te kibu be nogo si olama, saęa badu me si me si bidai. Tama nosali ena dali Barnabas da si Jerusalemba pai. Tama eno te bidi Taitus me selama, da hodobo pai. Te da bidi sela Jerusalem hanuba sabolama, tama tede da dali ped-alali sę dagego bugagia koneao. ² Ena Jerusalemba olo pabeo. Menio. Godigo digi ena teba pao obaso, ena pai. Tama da teba sabolama, tama te tobolu bidi dabe augwaligo beba pali. Te dagebolo gasagi yai po ola mabo bage augwaligo te Jems dali, Pita dali, Jon dali, te bidi sela te tuni bidi dabe da, te homu ebao. Tama da augwaligo beba sabolama, tama eno augwalibolo naga te eno te Juda bidi hani isiawai we bidibolo pusali dwagi yai po te eno augwalibolo ola mawai. Te eno polobadu yali Godigo po pusubo sę me, megi ebo sę me te sę olo ela tagalidali weyu, eno augwalibolo te sę yali po page ola mawai. ³ Tama te sogo Taitus ena dali bidai. Tama aga te Grik bulu bidi dao, Juda bidi menio. Tiali goli te tobolu bidi dabe augwaligo sisinama, tama po mibadi, te bidi Taitus te Juda dabego kolesaga wali peyu, te aga tigiwali togolama tama dago bomu yai po tigidali wali pao, augwaligo te po wabeo. Menio. ⁴ Tama te sogo gasa bidi meba asai. Tama augwaligo "Ao, da Jisas wali pabo bidi dao," weyu, te tibo po naga wai. Sa asobo bidi tiwai augwali geme aselama, tama da dali wadolali. Tama polobadu da te da Juda dabego waj dabego nigali bomu yai po dologode bidaluai. Tama da Kraiś Jisasde wadolama, tama agai da te kolesagade tagalali, da olo bugagia bidimainogo yai. Tiali goli te bidi dabe augwaligo te kolesaga page geme suagasai, augwaligo da te augwa bomu yai po dologoba ma munama tama tede daę olama, da tede bidimainogo yai. ⁵ Augwaligo homugo te bidi aga Kraiśgo hani tomoba asobo si, tama hasia aga tigi togwao, da Juda dabe tiwai eyu, tama dago bomu yai po tigidali wali pao. Tiali goli augwaligo Godigo gesi dwagi yai po dolidali weyu, tama te po bugagia bidiyu dage tau somainogo, dago augwaligo wali po odobeo. Te po dago polo odama tagalali.

† 1:13 Tpi 8:3; 22:4-5; 26:9-11 †† 1:16 Tpi 9:3-6; 22:6-10; 26:13-18

‡ 2:1 Tpi 11:30; 15:2

⁶Te Jems dali, Pita dali, Jon dali, te tobage bidi dabe augwali Jerusalem hanude bidiyu, te we bidigo gedude augwali te Godigo bidi hani tobolu bidi dabe tiwai bidai. Tiali goli, eno homu augwali da genuai bidi dawē, ma olo bidi dawē, te magigo menio. God agai we bidi osola subo si, agai augwaligo tigide osola subo meni. Tama te tobolu bidi nogi elalubo bidi sela augwaligo gasa po te eno te Juda hani isəwai we bidibolo wabo pode wadolobeo. ⁷Mu menio. Augwaligo koneai, God agai te Pitago agai po te Juda hanibolo pumainogo yai tiwai gilama, tama megi Godigo ena te Juda hani isəwai we bidibolo te Godigo po pumainogo tagala palai bidi dao. ⁸Tama God agai te Pitabolo aga bomo menama, tama Pitago te Juda bidi hanibolo Godigo po selama pusigi pali. Tama tiwai me te God agai digi enabolo aga bomo menama, tama eno te Juda hani isəwai we bidibolo Godigo po sela pusigi palio. ⁹Tama Jems dali, Pita dali, Jon dali augwali te Godigo hani bidi tomode te be ni bomo elama dolalubo tiwai bidama dolaluai, te we bidigo gedude. Tama te bidi sela augwaligo koneai, te God agai ena olo mu tau siyu, tama enabolo te sə mawai. Tama tibaso, augwaligo ena dali Barnabas dali si nogo mani. Tama nogo mayu, da tigidaligo te homu yali, te da sigo te Juda hani isəwai we bidi tomode Godigo sə yaibao, tama augwali selago te Juda bidi hani tomode te sə yaibao. ¹⁰Tama te homu eyu, tama augwaligo da sibolo te po wai, “Dage sigo te Juda hani tomode bidibo magi nai meni yai we bidi gegeda pelamuo, te dago augwaligo tuabo nai abelemainogo, dagego masigi dabe eba tolao,” augwaligo te po wai. Tama te sə eno digi eno bomu eyu, te sə ebo dao.

Pol agai Pitabolo te po wai, “Nago ebo kolesaga meba te dolo mu menio”

¹¹Te dageba tamadi asai gasagi yai po ola mabo bage, te bage augwaligo e tiwai po wabo dao, “Te bidi Pol agai Godigo po ola mabode te geda mubo dao. Tiali goli Pita agai te po bugagia dolo ola mabo dao,” te bagego te po wabo dao. Tiali goli deli sogo Pita aga geda muani te eno suali. Te e tiwai pedalali. Te ena te Jerusalem hanude te bidi sela dali po mibo silama, tama nosali ena te Antiok moni hanude bidibadi, Pita aga teba asai. ¹²Tama aga Antiok tede osogo bidibadi, agai te Kraisgo po wali pabo we bidi dali nai tudu geai. Tama augwali meba te Juda hani we bidi dao, meba Juda hani isəwai bage dao. Tama Pita aga Juda bidi digi, agai te Juda bagego habu selali po me deli bolali, te aga te Juda hani isəwai we bidi dali nai tudu geai. Tama tiyu, bidi meba augwali polobadu te Jerusalem hanude bidibadi, augwali Jems dali bidai dao. Tama te bage augwali Jerusalem tedu asama, tama augwali te Antiok hanuba sabolali. Tama te bage sabalobaso, tama Pita agai te Juda hani isəwai we bidi dabe dali nai tubo tagalali. Magi baso meni. Te tamadi asai Juda bidi augwaligo bomu eyu, te homu yai, te Juda hani isəwai bidi Godigo hani tomoba asomai hagede, augwaligo tigiwali togobo kolesaga wali pao, te Juda bage tiwai.

Tama Pita aga te tamadi asai Juda bage dali wi eyu, tama agai te Juda hani isəwai bidi dabe dali nai tubo tagalali. ¹³Tama te Antiok bulude bidali Juda bage, te Kraisgo po wali pabo bidi, augwaligo me wi eyu, te Pitago yali dwai sə tiwai yai. Augwaligo koneai, te gasa hani we bidi dali nai tubo sə te Godigo gedude usu dao, dwagi yai sə dao. Tama augwaligo te tiwai koneai digi augwali te Jerusalemdu asai bidi dabe dali wi eyu, tama te Juda hani isəwai bage dali nai tubo tagalali. Tama Barnabas me, augwaligo te yali kolesagago te Barnabas aga digi kege elama, tama Barnabas agai me te kolesaga yai. ¹⁴Tama tiali goli eno suali, augwaligo Godigo gesi dwagi yai po tagalama, te wiegi yai doloba pai kolesaga me wali pabeo, te eno suali. Tama tibaso, eno Pita augwaligo gedude te eno aga dali te po wali, “Naga ida dali aya augwali si Juda bidi hani bage dao. Tama augwali sigo nage Juda hani tomode ame nani, te nage Juda bidi mu dao. Tiali digi, me sogo nago te Juda dabego ebo kolesaga tagalama, tama nage te Juda hani isəwai we bidi tiwai bidibo dao. Tama tibaso, megi nago te Juda hani isəwai bidi dali bomu eyu, augwaligo te Juda hanigo ebo kolesaga wali pao po nago magi baso obawe?” eno Pitabolo te po wai.

Te Krais Jisasde konealubo po daḡ wali we bidi dabe augwali naga te Godigo gedude te doloba pai we bidi pedelaibao

(Daḡ 2:15–4:31)

¹⁵Eno Pitabolo e po me augwaligo gesabidide wai, “Te mu dao, te gasa hani we dabego da si ame nabeo, te menio. Te Juda hani isəwai we bidi augwaligo Mosesgo mani bomu yai po koneisəma, tama augwaligo dwai sə eyu, subigila naga bidibo dao. Tiali goli da bidi si te Juda bidi hani tomode ame nenama, tama dago te Mosesgo mani bomu yai po koneai. ¹⁶Tama tiali digi dago te me koneai, te Godigo agabolo ‘Nage doloba pai bidi mu dao’ omainogo, bidi mego te bomu yai po dolo mu wali pabo usu egobeo. Te tobage kolesaga ebo bidi Godigo usu niba kadu wagobeo. Tiali goli te bidi aga homu tigidali Jisas Krais teba munama, agade konealubo po mu daḡ olama, tama te kolesaga ebo bidi naga te doloba pai bidi mu pedelaibao, te Godigo gedude. Tama tibaso, da me te tiwai yai. Dago te homu yai: te dago te bomu yai po bugagia wali peyu da, te sə naga usu egobeo. Tama dena homu tigidali te Kraisba munama, tama agade konealubo po daḡ obaso, teda da Godigo gedude doloba pai we bidi mu bidaibao. Tama tibaso, dago Krais Jisasde konealubo po daḡ wai dao. Te bomu yai po wali pabo kolesaga naga ebo bidi, aga Godigo gedude doloba pai bidi munu me bidigobeo. ¹⁷Tama da Juda dabe meba, da Krais dali wadolama, tama da Godigo gedude doloba pai we bidi bidaibao. Tama dago te homu naga eyu,

† 2:16 Tib 143:2; Rom 3:20, 22

dago te bomu yai pogo da tau sabo homu ebo tagalama, tama gasa juda hani dabe augwaligo gedude da te bomu yai po bolobo bage dao, te dwai juda hani isa'wai we bidi tiwai dao, augwaligo da dali te homu yaibao. Tama tiyu da, augwaligo te homu me yaibao, 'Ao, te Krai agai te bage te dwai se yabo kolesagaba kegalio', te homu yaibao. Tiali goli te pode eno bomu elama e po obao, te tiwai mu menio. ¹⁸ Edao. Polobadu eno te homu yai dao, ena te bomu yai po bugagia wali pobaso da, te Godigo 'Nage doloba pai bidi dao', te waibao. Tiali ma, nosali eno te homu ebo tagalali. Tiali goli megi ena te polobadu tagalali homu ma eyu da, teda te we bidi augwaligo hania koneaibao, ena polobadu te bomu yai po bolama, eno dwai se yali bidi dao waibao. ¹⁹ Tama eno te bomu yai po nedeyu tama te nedebogo eno koneani, eno te bomu yai po dabe bolama, tama eno Godigo gedude dwai se yai dao, tama agai ena sege mawaibao, te eno konea sali. Tama koneyu, eno te me koneani, eno te dena waj dabego bomu yai po wali peyu, tama tedu ena Godigo gedude te doloba pai bidi munu me pedalogobeo. Tama tibaso, megi eno Godigo po wali peyu aga se eyu bidibo dao. Tama ena te bidi Jisas dali te ni pedaide isali tiwai ebo aq te homu ebo dao. ²⁰ Megi ena eno bomogo naga bidibo meni, ena Krai go bomogo bidibao. Aga da te Godigo Ogwa da, tama agai ena dali dwagi yai homu eyu godolo mu elama, tama aga digi bidibo ula tagalama tama ena tau siyu isai. Tama eno ena homu tigidali agaba muyu, megi ena e tede tigi tomode bidiyu, tama te tiwai ena aga bomogo bidibo dao. ²¹ Tama da te Godigo gedude doloba pai we bidi pedalomainogo eyu, te bomai po bugagia wali pabo usu egi sogo da, teda da tau siyu Jisas aga olo naga isali, dago te homu egi da. Tialima agai te tiwai ebeo. God agai da dali olo mu tau sabo kolesaga eyu, Jisas tagala palali. Tama eno agai te se yali tudi badu mugobeo," eno te po me Pitabolo wai, te Antiok hanude.

Dagego te duga homu tigidali Jisasba mubo kolesaga magi baso tagalaliwe?

3 Idao! dage Galesia bulu we bidi hani bage, dage homu kolesaga meni yai bage, eno dagede noma mu sobao. Polobadu ena dage dali bidibadi yaide, te sogo eno dagebolo te Jisas Krai agai te ni pedaide wadolama tama isa'ama, dago yali dwai se sege sela sawani po, te po eno dagebolo mu hania pusai dao. Tama te po odolama, tama Godigo gedude dage doloba pai we bidi pedalaingogo eyu, dagego duga homu tigidali te poba mu muani. Tiali digi megi dagego homugo te juda bagego bomu yai po wali paibao, te God agai dage doloba pai we bidi dao omainogo ebao. Dagego duga homu magi baso hasegelaliwe? Dego te homu bega sabo pobi olama, tama homu begelabo po dagebolo pusaliwe? ² Tama dagego te juda dabego bomu yai po wali pabo homu ebaso, eno dage te po me deli hanalu obao. Edao. Godigo Dwagi Yai Mobo Bidi aga dageba asai dao, polobadu. Tama aga dageba ma-

gi baso asaliwe? Dagego te bomu yai po bugagia wali pidu baso Godigo Mobo Bidi dageba asaliwe? Te menio. Dagego te Krai se gesi dwagi yai po odama, tama te poba duga homu tigidali mubaso, te Godigo aga Mobo Bidi dagebolo mawai dao. ³ Tama Godigo Mobo Bidigo bomu dali dagego God wali pabo gagalali. Tama megi dagego homu eyu, 'Te Godigo Mobo Bidigo bomu tagalama, tama dena bomu elama da te bomu yai po bugagia wali peyu, te tiwai bidiyu, tama dena kolesaga wiegi yai mu pedalaibao,' dagego te homu eyu da, teda dage te homu kolesaga meni yai we bidi mu dao. ⁴ Tama homugo kone palao. Polobadu te Godigo Dwagi Yai Mobo Bidi aga dageba aselama, tama haniani dwagi yai se dageba pedalai. Tama megi dagego te dwagi yai se olo subigila sela sawaibawe? Woo, eno homu dagego te tiwai egobeo. ⁵ Tama God agai aga Mobo Bidi dagebolo menama, tama agai dage tomode bidi noma sabo bomai se ebo dao. Magi basowe? Dagego te bomu yai po bugagia wali pobaso agai te Mobo Bidi mabo dawee? Te menio. Dagego te Krai se gesi dwagi yai po odama, tama te poba duga homu tigidali mubaso, te God agai dage dali te dwagi yai se ebo dao. †

⁶ Te Godigo dagebolo yali dwagi yai se, te tobage se naga me agai te polobadu bidai bidi Abraham dali yai. Tama agai Abrahambolo te se yalide augwaligo Godigo po bukude e po aseani, "Te Abraham agai Godigo wali po odama, tama agai aga homu tigidali te poba mubaso, tama Godigo gedude Abraham te doloba pai bidi mu pedalai," augwaligo te po aseai. ⁷ Tama tibaso, dagego bugagia koneao, te Godigo wali po odoyu, te poba augwa homu tigidali mubo we bidi, augwali naga te Abraham aga hani we bidi mu dao. Te dagebolo te homu bega sabo po wali bage, augwaligo geda muyu te homu ebo da, 'Abraham aga bulai wai dabe augwali da te aga hani we bidi mu dao,' augwaligo te homu ebao. Tiali goli te mu menio. ⁸ Tama polobadu God agai koneai, nosali te Abrahamgo bulai wai aq isa'wai we bidi meba augwaligo Godigo po odama, augwa homu tigidali te poba munama, tama Godigo augwaligo yali dwai dwai se sela sanama, tama agai augwali doloba pai we bidi dao waibao. Tama tibaso, polobadu, te se pedalisia'badi, Godigo te Abrahambolo te po wai, "Te eno nage dali wiegi yai se eyu, tama tebogo nosali te tigidali haniani bidi hani dali wiegi yai se me yaibao." Godigo te po olama, tama bidi mego te po bukude aseani. ^{†9} Tama Abraham agai Godigo agabolo wali po odama, tama te poba aga homu sese mubaso, Godigo aga dali dwagi yai se yai dao. Tama tiwai, niwai we bidi augwa homu sese Godigo wali poba mubaso, Godigo augwali dali dwagi yai se ebo dao.

¹⁰ Me ma, we bidi meba augwaligo te homu ebo dao, 'Te dago te bomu yai po bugagia wali peyu, tama Godigo gedude da doloba pai we bidi pedalaibao.' Tiali goli te tobage homu ebo we bidi augwalibolo Godigo dwai sege mena mena piduaibao. Magi baso meni. Te God agai wali po bukude te po me deli elalubao, e dao, "Ni-

† 3:5 Gag 15:6; Rom 4:3 †† 3:8 Gag 12:3

wai bidi aga te bomo yai po wali pabo bidi aga sese-mané sogo te bukude aşani bomó yai po tigidali te gisiga wali pişawai bidi, te bidibolo God agai dwai seşę mena mena piduaibao," te po aşani. Tama da we bidigo te bomó yai po tigidali gisiga wali pabo usubeo.

^{†11} Tama Godigo po bukude tobo me wai, "Niwai bidi aga homu kolesaga tigidali Godiba mubo bidi, Godigo agabolo nage doloba pai bidi da olama, te tobage bidi naga bida bida paibao," te po te Godigo bukude elalubao. Tama tibaso, tede dago hania koneani, bidi me te bomó yai po wali pelama Godigo agabolo nage doloba pai bidi dao wagobeo. Te usubeo. ^{††12} Te bomó yai po wali pabo kolesaga me, te bidi aga homu kolesaga tigidali Godiba mubo seş me, te seş si tedali dao, tiwai si menio. Tama Godigo po bukude te po me elalubao, "Te bomó yai po tigidali mu wali pabo bidi, te bomó yai po me deli sela şaşıwai bidi, te seş ebogo te bidi tau siyu, tama te bidi bidaibao," te po te bukude augwaligo aşani. ^{††13} Tiali goli dago koneai, da te seş ebode usubeo, da te bomó yai po tigidali mu wali pişawai bage dao. Tama tibaso, da te Godigo dabolo maiabo dwai seşę dologode bidali. Tialima, Krais agai da ma abelama, tama megi da te dwai seşę dologode bidibo menio. Tama agai da ma abelali seş e tiwai yali, agai te Godigo dabolo maiabo dwai seşę aga tigde selama, tama aga digi isali. Tama Godigo po bukude te po me deli e dao, "Te augwaligo nide walali bidi te bidi te Godigo dwai seşę maiabo bidi dao," te po aşani. Tama augwaligo Krais eleyu, te ni pedaide walama, tama aga da tobade te Godigo dwai seşę maiabo bidi aga pedalai. ^{††14} Agai te seş magi baso yaliwe? Te God agai te tama homu yai, te da tigidali Krais Jisas dali wadolama, tama te Godigo polobadu Abrahambolo daş wali po te po te Juda hani isişwai bagede mu pedalaibao, te God agai augwali tigidali dali dwagi yai seş mu yaibao, agai Abraham dali yali gilama tiwaibao. Tama te tiwai eyu, Godigo homugo da tigidali dena homu tigidali te Jisasba munama, tama God agai aga Dwagi Yai Mobo Bidi dabolo mawaibao po weyu daş wali. Tama te po mu pedalainogo, Jisasgo te dwai seşę da tobade sali. Tama tiyu, te dago Godigo Mobo Bidi sabo tu te tiwai megi elalubao.

Godigo bomó yai pogo te God agai hasia daş wali po sela şagobeo

¹⁵ Eno ama dedeo, megi eno te da tşde bidibo bidigo ebo kolesagade dwasianu po waibao, dagego Godigo ebo kolesaga hania konemainogo ebao. Te bidi si augwaligo homu deli eyu, tama te homude te daş wali po aşęyu, te gasa bidi agai te augwali sigo daş wali po sela şagobeo. Agai te poba gasa po ma wadologobeo. Tama te daş wali po da te tşde bidi dabego po naga digi, gasa bidigo te po sela şagobeo. Tama te tiwai me, te Godigo daş wali po te gasa pogo munu me sela şagobeo, te usubeo. ¹⁶ Tama Godigo agai po daş weyu, tama Abrahambolo te tobage po wai, "Eno nage dali,

nago wai me deli dali, te dage sibolo dwagi yai seş yaibao," te po daş weyu wali. Tama Godigo wali po bukude augwaligo te po aşębeo, "nago wai dabe," te bidi hauwa badi wabo menio, te wai bidi deli nagade Godigo agai daş wali po wai dao, tama te wai deli te Krais naga dao. ^{††17} Tama eno megi dagebolo wabo po page e dao, te Abraham dali nosali yabo dwagi yai seş po weyu, tama te po Godigo polobadu mu daş wali. Tama tialigo da, te nosali asali bomó yai po tego te polobadu daş wali po togogobeo. Te kibu be 430 silama, tama Godigo te bomó yai po mawai. Tama tibaso, te nosali asali bomó yai pogo te hasia wali daş wali po aiyaba elaluama, tama te po hasegelama, te olo po tiwai pedalogobeo. ^{††18} Tama da te bomó yai po naga bugagia wali peyu, tama God agai da dali dwagi yai seş egi sogo da, teda agade agai daş wali po wali peyu agai da dali dwagi yai seş egi menigi da. Tiali goli te menio. God agai 'Eno Abraham dali daş wali po polobadu obaso, tama megi eno aga dali dwagi yai seş yaibao' te homu eyu, Godigo Abraham olo tau siyu, dwagi yai seş yai. Tama tibaso dago koneai, te Mosesgo sali bomó yai po tego te Godigo polobadu daş wali po aiyaba elalugobeo.

¹⁹ Tialima, te po konila eyu, bidi mego te po enabolo waibao, "Te nago megi wali po te mu po weyu da, tama Godigo te daş wali po hasia olama, tama agai te da Juda dabebolo te bomó yai po me magi baso nosali maniwe?" te po bidi mego ena hanalu waibao. Tama Godigo e homu eyu te bomó yai po mani, 'Augwaligo augwa te eno bomó yai po bolobo seş hania konemainogo yaibao.' Tama te bomó yai po mayu, Godigo e homu me yali, 'Polobadu eno te Abraham aga wai deli te bidi dali eno dwagi yai seş yaibao po daş wali. Tama te bidi asişabadi te bomó yai pogo seş elalubao, te aga asobo sogo usu nagasaibao. Tama te bidi asobo si te bomó yai pogo seş silaibao,' Godigo te bomó yai pode te homu yai. Tama te homu eyu, God agai te bomó yai po mayu, te we bidigo nogoba dolo mubeo. Te menio. Agai te bomó yai po te aga seş ebo ensel bidi dabebolo menama, tama augwaligo te tomode bidali bidi Moses tebolo mani, te po te bidi Mosesgo dabolo pusa mani. ²⁰ Te bomó yai po mabo seş te tiwai yali. Tiali goli te Godigo hasia polobadu daş wali po tego te bomó yai po aiyaba elalubaso, God aga digi te daş wali po te Abrahambolo pusali, te tomode bidibo bidibolo pusa mabeo.

Te bomó yai pogo da te Kraisba odasa pabo te tudiba tonalubo aya tiwai elaluali

²¹ Te bomó yai po dali, te Godigo we bidibolo dwagi yai seş yaibao daş wali po dali, te po si augwa hasi boi bidi si tiwai dawę? Woo, te tiwai mu menio. Te po olamuo. Tama Godigo te bomó yai po me deli menama, tama te bomó yai pogo te we bidi Godigo gedude doloba pai we bidi egi sogo da, teda te we bidi tigidali augwali te bomó yai po wali pelama, augwali Godigo gedude doloba pai pedelali wagi da. ²² Tialima, te to-

† 3:10 Bom 27:26 †† 3:11 Hab 2:4 ‡ 3:12 Prs 18:5 †† 3:13 Bom 21:23

‡† 3:16 Gag 12:7 ††† 3:17 Sai 12:40

bage bomo yai po elalubo menio. Tama te Godigo po bukude augwaligo te po aşani, "Te tigidali tde bidi-bo we bidi augwaligo Godigo bomo yai po boludubo dao. Tama te kolesaga ebogo augwali mu dagana selama, tama augwali te s tomode kalabus bidi tiwai dao," te po aşani. Tama te aşani po odama, tama dago koneani, te bomo yai po wali pabo t te usubeo. Tama tibaso, te pabo t me deli naga elalubao. Godigo polobadu te po wai, "Niwai we bidigo homu kolesaga Jisas Kraisde da wabo we bidi eno augwali dali te doloba pai bidi da waibao," te po da wai. Tama da dena homu tigidali agaba muyu da, teda da doloba pai we bidi te Godigo gedude pedalaibao. ²³ Tialima, te dena homu te Jisasba muabo sogo pedalisabadi, tama te bomo yai pogo da kalabus bidi tiwai da wali, te da dena homu Jisasba muabo t pedalabo sogo tonalubadi bidai dao. ²⁴ Tama tibaso, te Kraiś aga asisabadi te bomo yai pogo da tonaluai dao. Magi baso meni. Te Kraiś aga aselama, tama dago dena homu tigidali agaba menama, tama Godigo da dali te doloba pai we bidi dao omainogo, da te bomo yai po dologode tonaluyu bidai dao. ²⁵ Tialima, megi te dena homu Jisasba muabo sogo asaligo da, te da te bomo yai po dologode bidabo sogo sia sali dao.

Dago konealubo po da weyu, Godigo wai puluba pedelaibao

²⁶ Te dage tigidali bidigo Jisas Kraisde konealubo po da weyu, tama dagego te konealubo po da wabode te dage da Godigo wai puluba dao. ²⁷ Tama dagego duga homu tigidali Kraiśba munama tama baptaiś selama, tama dage aga dali wadolama tama bidibao. Tama bidiyu, bidi aga gudubo ugwa gudubo tiwai eyu, dagego Kraiśgo digi homu kolesaga duga homude da walao, te dagego te homu kolesaga wali pomainogo tama yao. ²⁸ Tama aga homu kolesaga siyu, tama dage Kraiś aga we bidi bidiyu, tama dage deli hani naga bidaligo da, teda dage haniani tedali tedali bage dao, te homu egio. Polobadu dage meba Juda hani we bidi bidai, meba Juda hani isiwai bidi bidai. Meba nogi meni yai we bidi bidai, meba genuai nogi elalubo bidi bidai. Dage meba bidi, meba we dao. Tiali goli megi dage te haniani tedali tedali bidali kolesaga mu sila palio. Dage te Kraiś Jisasde wadolama, tama dage tigidali megi Jisasde we bidi hani deli naga mu bidibo dao. ²⁹ Tama tiyu, dage Kraiś aga dali wadolama, tama dage aga hani we bidi bidibaso, te dage Abrahamgo wai me bidibao. Tama tibaso, te polobadu Godigo Abraham-bolo sa muyu sgameo wali te hagea sali nai, te nai dagego sabo bidi dabe dao. Godigo dage ma dobola sai dao. †

Te Kraiśgo yali sde da olo mu s ebo bidi bidali tagalama, te Godigo wai puluba pedelali po wali

4 Te Kraiś aga asisabadi, te bomo yai pogo da tonaluai dao. Tama eno po meba te pode

elalubao. E tde dago kolesaga e tiwai elalubo dao. Ogwa me deli aga aya ida si isibaso, nosali agai aga ayago elaluali nai mu saibao. ² Tiali goli aga dwasianu ogwa bididubadi, aga te nogi meni yai bidi tiwai bidiyu, aga ayago amago aga tonaluaibao. Te ogwa te bidi dologode bidibo dao, te aga ayago doado bage sabo sogo tonalubo dao. ³ Tama te tiwai polobadu dago bugagia konesiabadi, da e tde dwai olo kolesaga ebo dologode bidai dao. ⁴ Tialima, te Godigo bodolu mani sabolobo side, agai aga ogwa e tba tagala palai. Tagala palama, tama e tde wego aga ame nai, tama aga e tde bidibadi aga te Juda dabego bomo yai po dologode bididubadi yai. ⁵ Tama tiyu, agai da tde bidi bomo yai po dologode bidibadi abelai dao, da Godigo wai puluba pedalama bidimainogo yai. ⁶ Tama dage aga wai puluba bidibaso, God agai Ogowo Mobo Bidi dago homuba tagala palama, tama dago i weyu, te po agabolo wabo da, "Aya, Aya." ⁷ Tama tibaso, megi dage deli deli te olo s ebo bidi tiwai ma bidigobeo. Menio. Dage agai ogwa dabe bidibao. Tama agai aga ogwaboloma maibabo nai dagebolo mawaibao, te agai te we bidi ma dobola sabo kolesaga agai dage dali yaibao.

Pol agai Galesia hani dali moni homu ebo dao

⁸ Te polobadu dagego God konesiabadi, tama dage e tde dwai haubo noma bidi dabe dologode bidai dao, dage augwaligo olo s ebo bidi tiwai bidai dao. Tama te god mu menio, te augwali tibo god dao. ⁹ Tiali goli, megi dagego God koneai dao. Woo, meo, te po dwasianu usube. Te e tiwai dao, megi Godigo dage aga dali wadolai. Tama megi dagego God mu koneai digi, magi baso te tde dwai olo kolesaga ebo dologoba ma geasa peyu, tama dage te kolesagade kalabus sde ma bidibo tiwai ebawe? Augwaligo dage tau sabo usu egobeo, bomu elalubeo. ¹⁰ Tama tiyu, sesemane sogo dagego te genuai si bidibode me, te gesi polua pedalubode me, te genuai lotu po wabo sogode me, te gesi kibu be gagalobode, te dagego suyu, dagego homu te naide da wabo dao. Dagego homu 'Dago te s ebode Godigo da ma saibao' geda muyu te homu ebo dao. ¹¹ Dagede homu se eyu, tama eno moni homu ebao. Te eno dage dali yali s te olo elama, tama tagalobowe te homu eyu, eno dagede homu si ebo dao.

¹² Eno ama dedeo, dagede eno homu dene eyu, tama bomonama eno dagebolo e po obao. Polobadu ena te da Juda dabego waigo yali kolesaga dologode bidibadi, tama dage te tiwai bidibe. Tama dage tau sainogo eno te eno wai dabego kolesaga dologode bidali tagalama, tama dage tiwai bidali. Tama megi dage te Juda dabego waigo kolesaga tomoba pidali weyu, eno dagebolo te po obao, dage ena tiwai olo mu bidao. Ena hasia dage pageba asali sogo dagego ena dali magi dwai s me yai menio. ¹³ Dagego koneani, te sogo eno tigi gasi selama, bomu meni yai. Tama te sogo hasia eno te Godigo dwagi yai po dagebolo pusai dao. ¹⁴ Tama eno gasi ebadi, dagego ena geseyu, bugagia tonaluai dao. Te sde dage dene sai

† 3:29 Rom 4:13

dao. Tama tiali goli ena tudiba muyu, tama dagego ena hagela ebo po me wai menio. Te tiwai menio. Tama Godigo ensel bidi me deli aga dage pageba asiyu da, tama dagego aga bugagia gesaibao. Ma, Kraisd Jisas aga digi aga dage pageba asiyu da, tama dagego aga bugagia gesaibao. Tama te tiwai ena dage pageba asali sogo dwagi yai homu mu eyu, dagego ena bugagia gesai dao. ¹⁵ Tama dagego te gesebo sę ebadi dagego ena dali te dwagi yai homu yali. Te homu megi mena tama elalubowe? Dage te homu gege da paliwe? Eno mu po tama dagego te dwagi yai kole-saga yali haniliyu te po obao. Tama tebo sogode dagego te homu yai, 'Dago Pol tau siyu, dago dena gedu ge gudama, agabolo magi sogo da, teda usu egi dao,' dagego te homu yai. ¹⁶ Tiali goli dage megi magi yaliwe? Megi eno mu po dage dali obaso, tama dagego 'Woo, megi Pol agai da dali boi bidi homu ebao,' dagego te homu enade ebawe?

¹⁷ Te gasa bidi dabe meba augwali dage pageba nosali asiyu, tama augwaligo dagebolo homu bega sabo po bomu elama wabo dao. Tiali goli augwaligo dage homu bega sabo po wabo te dwalio. Te dwagi yai po menio. Augwaligo dage ena dali tomode togolama, dage augwaligo po wali pomainogo bomu ebo dao. Tama dagego augwaligo nogi ugwaba somainogo tama tebo dao. ¹⁸ Tama bidigo te homu bega sabo po te pode te wiegi yai po obaso da, teda te po usu dao. Tama sesemane sogo da te wiegi yai homu bega sabo po naga wao. Tama te sogo da hodobo bidisiayu da, tialima dagego te tebo homu kolesaga me tagalamu dao. ¹⁹ Eno wai puluba, polobadu dagego homu kole-saga Kraisdę daę wasiábadi, te sogo dagede ena moni homu eyu dene sai dao. Tama te tiwai megi me ena te dene ma sabo dao. Te wego wai ame nainogo dene ebo tiwai, dene megi eno ebo dao. Tama ena te dene sesa pidubadi tama dagego homu kolesaga te Kraisdę homu kolesaga tiwai ebo side te eno homu wiegi yai eyu usu yaibao. ²⁰ Tama megi moni homu eyu, eno homugo dage pageba asabo homu ebo dao. Tama ena dage dali bidiyu da, teda eno po dua dage dali wagi da. Tiali goli ena dage dali meni baso, eno dagede moni homu eyu, tama eno dagebolo te po bomu elama obao.

Te we Hagarde Sara side po digi po begelama wai

²¹ Te dage Galesia dabe mebage 'Godigo da doloba pai bidi dabe da waibao' homu eyu, tama dage te Juda dabego bomu yai po dologoba painogo homu ebo dao. Tama tibaso da, te po eno megi dagebolo hanalu obao, dagego te bomu yai po page bugagia odobo dawę? ²² Tama te bomu yai po tomode po me deli e tama wai dao, te bidi Abraham polobadu mu bidai, te Juda hanigo agai waji, te bidi Abraham agai wai ogwa si elaluai. Tama te ogwa mego ida te Abrahamgo aga we mu bidai, te we nogi Sara dao. Tama gasa ogwa aga ida, te we da te Sara aga sę ebo we nogi Hagar dao. ²³ Tama Abraham aga te we Hagar dali bidibaso,

† 4:22 Gag 16:15; 21:2

te wego aga ogwa nosali ame nani. Te ogwa ame nabo te tęde we bidi dabego ebo kolesagade bidiyu ebo kolesaga tiwaigo te sę elama te ogwa ame nani. Te polobadu pedalisiábbo kolesagade isiábbo tiwai yai meni. Tiali goli aga wai ame nesiábbo mosi we mu Sara, te wede Godigo aga daę wali po wali pobaso, Sarago te ogwa ame nani. Tama tiyu, te we bidi noma sabo sę tama pedalali. ²⁴ Tama te we si augwalide te po digi po begelama tama wali po page e tiwai elalubao. Te we si da, te daę walali kontrak po si dao. Te daę walali kontrak po me deli te bulu du nogi Sainai tedu asali, tama te daę walali kontrak po te Godigo Mosesbolo mani bomu yai po dao. Tama te bomu yai po dologode bidi-bo we bidi augwali da te kontrak pogo wai puluba tiwai dao. Tama dage po digi po begelama, tama te bomu yai po kontrak po te we nogi Hagar dao. ²⁵ Tama Hagar da, te Arebia tęde elalubo bulu du nogi Sainai dao. Tama gasa piksa mede, te we Hagar te megi elalubo hanu Jerusalem tiwai dao, te hanude bidibo we bidi augwali te bomu yai po dologode daę weyu bidibo dao. ²⁶ Ao, tiali goli megi eno te gesi hanu me Jerusalem tede po digi po begelama obao, te hanu aga dagalude megi tonalubo dao. Te gesi hanu Jerusalem te gasa we dao, te we nogi Sara dao. Aga te olo sę ebo we menio. Tama da te Godigo mani gesi kontrak po dologode olo bugagia bidibo, tama te we Sara aga te dage ida tiwai bidibo dao. ²⁷ Tama te Godigo da dali daę walali gesi kontrak po, te gesi pogo te polobadu mani bomu yai po kontrak po aiyaba elalubao. Eno tede tamadi wali po digi po tiwai po meba te bidi me deligo Godigo bukude tama po polobadu aşai,

"Tama nage dwai haliga tabi elalubo we, tama nago wai ame nabo usu isiawai, tama nage wai ame nabo dene ebe, tama naga digi nago homu wiegi yai hauwa elama, tama i bomonama ola bilao. Nago bidi aga nage osogo taga pai goli, tama nosali nago wai puluba hauwa ame naibao, te aga bidi dali bidali wego wai puluba namba aiyaba elaluai," te po aşani. ††

²⁸ Eno ama dedeo, dage te bidi Aisak tiwai dao. Godigo te we Sarabolo daę wali po mobaso, tama nosali te ogwa Aisak ame nani. Tama dagede me Godigo agai daę wali po wali pelama, tama agai dage ma dobola sai dao. ²⁹ Tama te Abraham tęde bidali sogo te we Hagar aga ogwago te Sarago ogwa dali boi bidi homu eyu bidali. Awe, te tęde kolesagade ame mani ogwa agai te Godigo Mobo Bidigo bomogo ame nani ogwa dali dwai homu eyu dene mani. Tama megi e sogo me te tęde kolesaga wali pabo bage augwaligo te Kraisdę po wali pabo we bidi dali boi bidi homu ebo dao. ³⁰ Tiali goli, te bukude wali Godigo po te magi po elalubowe? Augwaligo te po e tama aşai:

"Te olo sę ebo we dali aga ogwa dali si megi sela sayao. Te olo sę ebo wego ogwa agai te aga ayago doado bage meba nosali sogobeo. Te olo bidibo wego ogwa naga, aga aya isibo si, agai aga ayago

†† 4:27 Ais 54:1 ‡ 4:29 Gag 21:9

doado bage saibao," †
bukude te po aşani. ³¹ Tama tibaso, eno ama dedeo, suao. Da te olo şe ebo wego wai puluba menio, da te bomo yai po dologode bidibo menio. Da te daş wasiawai olo bidibo we Sarago wai puluba tiwai dao.

Te Kraisgo da bidi dabe olo magi şe isiawai pedelama bidimainu ilali sogo, te Tedali Mobo Bidigo da bilibo page dodolobaso tama dago wiegi yai kolesaga gasa bageba ebao

(Daş 5-6)

5 Te da olo mu bugagia bidimainogo eyu tama Kraiş agai te da daş wali nai pisigina şanama, tama megi da olo bidibao. Tama tibaso, augwaligo dage te bomo yai po dologoba ma muidali weyu, tama dage bomu elama, tama daş wasiawai olo bidibo bidi dabe bidiaw. ² Odiaw. Ena da Pol da, tama eno dagebobo e şeşş yai po megi obao. Gasa bidi augwaligo dagebobo te po waidu gebao, "Te God agai dage dali 'Dage dwagi yai doloba pai bage dao' agai te po omainogo, duga tigiwali togwao," augwaligo dagebobo te po mobo mabo dao. Tiali goli eno dagebobo e po obao, dage te usu da po weyu, tama duga tigiwali togoyu da, teda Kraiş agai dage tau somainogo yali şe te şego dage tau sogobeo. Agai dage tau sainogo ebo usu egobeo. ³ Te po tiwai me elalubo. Dage dolidali weyu, eno gasa dage tau sabo po waibao. Te dage tomode bidi me deli aga tigiwali togomainogo agai usu da weyu da, teda agai te gasa bomu yai po tigidali me wali pao, te bomu yai po deli naga wali pigio. ⁴ Tama dagego te bomu yai po wali pabo homu eyu da, tama dagego te bomu yai po wali pabode God agai dage doloba pai we bidi da te homu emainogo yali weyu da, teda dagego Kraiş tagalama, tama duga tali bobogasa pai. Tama dagego Kraiş agai dage olo tau sabo kolesaga tagalalio. Tama tiyu, dage te şeşş sai we bidi me bidaibao. ⁵ Tiali goli dago da te gasagi yai homu kolesaga tedali sabo dao. Tama dago e homu ebo dao: God agai Mobo Bidigo da tau siyu, tama dago homu Godide daş wabo dao. Tama te tiwai elaluyu, dago aga tonaluyu, agai da doloba pai we bidi da omainogo bugagia bidibo dao. ⁶ Tama tiyu, dago koneani, te bidi aga Kraiş Jisade wadolyu da, teda aga tigiwali togobo şe te olo şeşş tama tiwai da, tama te tigiwali togisawai bidi me, te me te olo şeşş tiwai da. Te şede magigobeo, te olo şeşş tama dao. Tiali goli, te bidigo aga abagi dali te wiegi yai homu elama tama tau sabo, te bidigo Godide konealubo po daş wabo homu kolesaga hodolobao, te agai kolesaga te usu mu elalubao.

⁷ Te polobadu dagego Kraişgo mu po wali peyu, te tşdu bugagia wali pai dao. Te mena bidigo te tş palibaso, dagego te po mu bugagia wali pabo tagalaliwe?

⁸ Te dagego megi te wali pabo homu kolesaga te po page God pagedu asobo menio. God agai dage i wali te mu po wali pomainogo yai.

⁹ Te eno te gasa bidi augwaligo dage dolobo şeşş, tede te po digi po begelama obao. Te bret bo dabo nai nogi yis, tama te nai yis dwasianunu selama, tama te aş dali te plaua hauwa dali si taluama, tama te yisgo te plaua tigidali usu nama, bo dela silibo dao. Tama te tiwai augwaligo dage dali wabo dwai mobo mabo pogo dage tigidali mu dolaibao. ††¹⁰ Tiali goli, ena dage dali da tigidali te Genuai Bidi Kraişde wadolobaso, tama dagede eno e homu ebao, dagego eno homu wali pabo tagalama, gasa bidigo po wali pogobeo. Tama te dagego homu hodolobo bidi te agai nogi eno konebeo. Tialima, te bidigo dagede dwai şeşş ebaso, tama Godigo agabolo dene mawaibao.

¹¹ Te tigiwali togwabo po wabo bidi augwaligo dagebobo te po wali, "Te bidi Pol me, agai te po wabo dao, 'Bidi me Godigo agabolo te doloba pai bidi da omainogo, tama aga tigiwali togwao, aga te Godigo bomu yai po tigidali me wali asao,' Polgo te po wabo dao," augwaligo enade te po wali. Tiali goli te mu meni, eno te po wabo menio. Eno ama dedeo, eno te tobage po odubadi tigi sogo da, teda te Juda dabe augwaligo ena dali boi bidi eyu, ena elainogo homu me egi menio. Woo, eno te we bidibolo te Kraiş aga te ni pedaide isiyu dago şeşş sela şayani po naga ola mabo dao. Tama eno te po naga ola mobaso, tama augwaligo hagela eyu, tama augwaligo ena dene mabo dao. Tialima, te eno te tigiwali togwao po me, te duga homu tigidali Kraişde muao po me, te po si taluama, tama te po si wagi sogo da, teda augwaligo ena dene dali şeşş dali magi menio. ¹² Tama dage te tigiwali togwa po wabo bidi dabe augwaligo dagego wiegi yai homu elalubo te homu kolesaga augwaligo dolainogo eyu, te tigiwali togobo po wabo dao. Tama eno homugo te bidi dabe augwaligo augwa digi domo dşao!

¹³ Ama dede, polobadu God agai dage i wai dao, dage olo mu bugagia bidimainu yai. Tama dage megi olo mu bugagia bidiyu, tama bugagia suao. Te da te bomu yai po dologode bidisiawaso, tama dago polo homu kolesaga wali peyu, tama dena tigigo kolesaga wali pinao, te homu egimio. Te menio. God agai da tau selama, tama da olo mu bugagia bidibaso, tama dage duga hasi dwagi yai homu eyu, duga abagi tau sao, te augwaligo olo şeşş ebo bidi tiwai bidao. ¹⁴ Tama bidigo te bomu yai po me deli bugagia wali pobaso da, teda agai gasa bomu yai po tigidali usu nagasaibao. Tama te bomu yai po me deli e dao: dagego duga hasi dali dwagi yai homu eyu godolo ebo homu yao, te duga digi naga godolo ebo homu tiwai yao. ††¹⁵ Tiali goli, dagego wado wado po weyu, tama gasa bidi aiyaba elaluyu, tama duga hasi tomode hwşbo po weyu da, teda dage dua dao. Tiyu dage tigidali hodobo hagabo dao, tama deli hani bidibo kolesaga dolaibao.

† 4:30 Gag 21:10

†† 5:9 1 Ko 5:6 ‡ 5:14 Prs 19:18

Godigo Mobo Bidigo kolesaga dali tçde dwai haligago meda kolesaga dali side po

¹⁶ Te eno po e tama dao: dage te Godigo Mobo Bidi-go ebo dwagi yai kolesagade bilao. Tama dagego tama tiyu da, teda dagego te dwai dwai tçde kolesaga wali munu me pogobeo. ¹⁷ Tama te dago tigo ebo dwai tçde kolesaga te Godigo Mobo Bidigo ebo dwagi yai kolesaga tiwai menio. Te gasagi yai dao, tedali dao. Tama augwali sigo augwa hasi hwjyu, tama augwali si konila eyu, mego kolesagago me kolesaga te aiyaba elaluinogo eyu, te kolesaga augwa si boi bidi tiwai ebo dao. Tama te Godigo Mobo Bidigo ebo kolesaga dali, te dago tigo tçde ebo dwai kolesaga dali, te kolesaga si augwali dagego homude hwjbaso, tama dagego te yainogo yali te sç egobeo. ¹⁸ Tama te Godigo Mobo Bidigo dagebolo ola mabo tų te tų dagego wali pidu da, teda dage te Juda dabego bomu yai po dologode bidigobeo.

¹⁹ Te bidigo tigo tçde ebo dwai dwai kolesaga te hania elalubo, te dago subo dao. Tama te tobage kolesaga nogi eno nedada paibao, e dao: te penani ebo sç me, te dwai meda yai kolesaga me, te homu hodolobo kolesaga hania ebo me, ²⁰ te Godigo nogi aba muna-ma tama gasa naigo nogi ugwaba sabo kolesaga me, te animani sabo dwai pobi wabo kolesaga me, tama boi bidi ebo kolesaga me, te wado po wabo me, te dwai homu eyu, te konila po wabo kolesaga me, te mena nai gedugo sulama godolo eyu sabo kolesaga me, te sçbe ebo kolesaga me, te nai yogo ebo homu me, te bidi hani si pedebo kolesaga me, ²¹ te gasa bidigo naide dwai homu ebo kolesaga me, te bomu yai aį tulama polobo bidi tiwai ebo kolesaga me, te dwai dwai penani sç ebo kolesaga me, tama te tobage hani-ani kolesaga ebo dao. Tama eno polobadu dagebolo wali po megi ma obao, te tobage kolesaga ebo bidi aga te Godigo we bidi tonalubo bomu dologoba munu me pisiąbaso aga tede wiegi yai homu egobeo.

²² Tiali goli Godigo Mobo Bidigo te bidigo homude hodolobo dwagi yai kolesaga e dao: te we bidide dwagi yai homu eyu, godolo mu ebo kolesaga me, te dwagi yai homu ebo kolesaga me, te homu nagame ebo kolesaga me, te wei polo ponosiąbo kolesaga me, te we bidi tigidali tau sabo kolesaga me, te doloba pelama bilibo kolesaga me, te homu kęą pabo kolesaga me, ²³ te imilai bidigo ebo homu kolesaga me, te dago homu kolesaga bugagia tonalubo kolesaga me, te tobage kolesaga tigidali te Godigo Mobo Bidi agai dago homude hodolobo dao. Tama te tobage dwagi yai kolesagade te bomu yai po me deligo habu selebeo. ²⁴ Tama Krai Jisasde wadolali we bidi augwaligo augwa tigo tçde ebo dwai kolesaga ela silai dao, te ni pedaide elali gilama tiwai. Tama te dwai kolesagago hodolobo sç, te gedugo mena nai sulama sainogo ebo homu kolesaga te me, te Krai go we bidi augwaligo te kolesaga tagala silai dao.

²⁵ Te Godigo Mobo Bidi agai da bidibo ula menama, tama da me te Mobo Bidi bilibo kolesaga tiwaide pepela walinao. ²⁶ Tama tiyu, dago dena digi dena nogi ugwaba siyu, tama dago dena ama homu hodolobo po weyu aga sçbe yabo po wagio, tama tiyu dago homu augwaligo nai sabo homu elamo dao.

Mena tobage nai wae nago bulai baso da, te tobage naga nago saibao

6 Eno abagi dede, dagego bidi me deli aga dwai sç ebadi subaso da, teda te Godigo Mobo Bidi agai ebo wiegi yai kolesaga wali pabo bidi dagego te bidibolo dua dua digi agai homu begelabo dodolobo po wao. Dagego aga dali homu sçbe eyu wado po wagio. Dage tigidali deli deli dua dao, tama te dwai bidi Satingo dage me te dwai kolesaga tomoba kegidali weyu yao. ² Tama dage tomode bidi me deli agai te tobage sçbe toloyu da, teda dagego aga tau mao. Tama dagego duga hasi te tobage tau sabo sç eyu da, teda dagego te Krai go bomu yai po usu nagasaibao.

³ Tama dage dua dao, bugagia suo. Te bidi deli agai te homu ebo, aga digi aga nogi ugadu elalubo homu eyu da, tama agaduba bomu dali bidibo bidi da homu eyu da, tiali goli aga nogi me bomu me elalusiąbaso, teda te bidi aga digi aga homu tomode ili po ola mabo dao. Tama aga tulamuidali weyu, agai te homu ilamuo. ⁴ Tama tidali weyu, tigidali bidi augwa ebo sç augwa digi osola suyu, tama dago ebo sç wiegi yai sç ebowe te suainogo bugagia osola suo. Tama tebo bidi agai te aga digi ebo kolesagade sulama, tama te kolesaga usu baso, aga wiegi yai homu emainao. Tiyu aga ebo kolesaga dali te gasa bidigo ebo kolesaga dali si te dagalamuo. ⁵ Magi baso meni. Godigo tigidali bidi deli delibolo augwaligo e tçde yabo sç tedali tedali dobolama mawai dao. Tama tiyu, tama augwali deli deligo te mani sç te ni nagede tolobo tiwai ebo dao.

⁶ Te Godigo po odali bidi agai aga wiegi yai nai tigidali togolama, tama te Godigo po ola mabo bidibolo dobayao.

⁷ Te e pode dagego geda munamuo: bidi mego te Godigo po olo oda tagalama, tama nosali Godigo te bidibolo sçbe magobeo, te homu mu egimio. Tama bidi mego te tubo nai ge me tçde buluyu da, teda te bulali naigo du te naga nosali saibao, te gasagi yai naigo du sogobeo. ⁸ Tama te nai ge bulubo sçde eno te po digi po begelama obao, bidi aga tigo tçde ebo dwai kolesaga wali peyu bidiyu da, teda tede agai te tobage kolesagago du walama saibao. Tama te kolesagago te bidi dolama, mu hagabo tiwai yaibao. Tiali goli, te bidi agai Godigo Mobo Bidigo dwagi yai kolesaga wali peyu bidiyu da, teda te bidigo te tobage dwagi yai kolesagago walobo du nosali saibao, te Godigo Mobo Bidigo agabolo te bidada pabo bidabo ula mawaibao. ⁹ Tama tibaso, dago te dwagi yai kolesaga edubadi, te tigi dene eyu da, teda dago te dwagi yai kolesaga ebo sç hagela ilamuo. Magi baso meni. Dago te sç ebo tagalosiąbaso da, teda nosali te nai inabo side Godigo dabolo te wiegi yai kolesaga ebo sçgo nai wai du

mawaibao. ¹⁰Tama tibaso, dago te dwagi yai kolesaga ebo tų subaso da, teda dago te tigidali we bidi tau sao. Tama te Kraizde augwa homu tigidali muani we bidi te augwali dago hani we bidi tiwai dao. Tama tibaso, dago bomonama, tama augwali te dwagi yai kolesaga eyu, hauwa sogo tau sao.

¹¹Eno dagebolo e pas po tolainogo eyu, tama eno te dagebolo pusubo po obadi, gasa bidigo odolama tama agai nogogo aşba. Tiali goli megi eno dagebolo te po silagasu wabo po obaso, ena digi eno e po eno nogogo aşba. Suao. Eno e po silagasu aşba po te eno genuaigo aşba. ¹²Te Juda bidi meba augwaligo bomu elama, tama te dagego tigiwali togwao po te mobo mabo po dagebolo megi wedu gebao. Tama tiyu, augwaligo te tigi daide ebo şede augwa nogi ugwaba saibao. Augwaligo e homu ebo dao, augwaligo dagebolo te tigiwali togwao po olama, tama dagego duga tigiwali togobo si, tama gasa Juda bagego te şe yali po odobo si augwaligo te dage tigiwai togwao po ola mani bagego nogi ugwaba saibao. Me ma, augwaligo koneani, te augwaligo dagebolo te Godigo gedude dage doloba pai we bidi pedalomainogo, Kraiz agai ni pedaide isali po weyu da, teda te gasa Juda dabe augwaligo augwalibolo dene mawaibao. Tama tibaso, augwaligo dagebolo te tigiwali togwao po naga weyu, mobo mabo po dagebolo wabo dao. ¹³Tialima, te augwa tigiwali togwali bage, te bage augwa digi augwaligo te Juda dabego bomu yai po tigidali mu bugagia wali pabo menio. Tama dagebolo te duga tigiwali togomainogo mobo mabo po weyu, tama augwaligo dagede te homu ebao, 'Augwali dago po wali peyu, augwa tigiwali togobo si, tama te dago Juda hani

bagego dago nogi ugwaba saibao,' te homu eyu augwaligo dagebolo te tigiwali togwabo po wabo dao.

¹⁴Tama augwaligo te şede augwa nogi ugwaba sabo dao. Tiali goli, ena digi eno te dago Genuai Bidi Jisas Kraiz agai da tau somainogo aga ni pedaide isali po, te po weyu, tama eno aga nogi naga ugwaba sabo dao. Tama te ni pedaide eno te po obao, eno ena tigigo e tųde ebo dwai kolesaga ela silai dao, te ni pedaide elali gilama tiwai. Tama ena me, te tobage dwai kolesaga ebode mu isali bidi tiwai dao, te tųde ebo kolesagago eno homu ma hodologobeo. ¹⁵Tama te tigiwali togobo şe dali, te tigiwali togışıbo şe dali si te olo şe dao. Te şede magigobeo, te olo şe tama dao. Tialima, te God agai da gesi noma sai we bidi nigibo kolesaga, te kolesaga wiegi yai mu dao, genuai mu dao, şeş mu dao. ¹⁶Tama eno homugo te eno megi tamadi wali po wali pabo we bidi tigidali, te Godigo augwalide homu dene eyu, tau sao, augwali moni homu işiřma bugagia bidimainogo yao. Tama te tobage we bidi augwali te Godigo diř sali Israel we bidi hani mu dao.

¹⁷Te eno po silagasu wabo po e dao: polobadu eno te Jisasgo şe ebaso, augwaligo eno tigi elali. Tama elama, tama te eno tigide elalubo masalu tego te ola mobao, te ena da te Jisasgo şe ebo bidi mu dao. Tama tibaso, megi gagalama, tama bidi mego eno po tudiba muyu te tigiwali togobo po wabo bagego po wali peyu agai tebogo ena dwai homu ilamuo. Dagego eno po wali piř.

¹⁸Eno ama dedeo, dagede eno homugo dago Genuai Bidi Jisas Kraiz agai dage tigidali olo tau sao, te dage bugagia mu bidimainogo yao. Te mu dao. Te eno po tama dao.

Polgo Efesus Dabeba Pas Aşani

Hasia nedebo tau sabo po

Te boi bidi dabe augwaligo Pol dali dwai homu eyu, tama aga kalabus beba muani, te moni hanu Romde. Tama agai te Kraisgo po wali pabo we bidi hani meba tau somainogo eyu, tama Polgo augwalibolo pas dabe aşana tolali. Tama tiyu agai pas me deli te bidi Filemon agabolo aşana tolali. Te pas me deli me te Kolosi hanuba tolali. Tama te tudi badu Polgo e pas aşanama, tama te bidi Tikikus aga nogoba muyu, tama Tikikusgo e pas te Efesus moni hanuba sela pali. Te Efesus moni tş tomode bidali Kraisgo po wali pali hani bage augwaligo me e pas nosali selama tama nedali.

E pas tomode Polgo genuai po sela ola mani. Hasia agai te Kraisde wali, aga da te tşde bidibo we bidi ma dobola sabo wiegi yai bidi mu dao. Tama gasa po te Krais wali pabo we bidi augwalide wali. Augwali haniani gasagi gasagi yai we bidi dao, tiali goli augwali me te dedeli hani naga elalubao, augwali te Kraisgo tigi dao. Tama te tudi badu Polgo te Efesus bagebolo te doloba pai kolesaga eyu bugagia bidabo tau sabo po ola mayu aşani. Te pas aşani homu kolesagago page e tiwai dao, Godigo homude te tigidali elalubo nai te bidi Kraisba sisinabo homu yali, te tigidali dagalude nai me tşde nai me, tama Kraid aga te tigidali naigo polalubo tobolu bidi bidaibao. Te Daj 1:10 tede te tama po elalubao. Tama Godigo digi agade homu keş pabo we bidi homu hodolabo homu yali, te augwali Krais dali mu usu selama, tama augwali haliga delide bidimainu yaibao.

Godigo Kraisde te da te gesi noma we bidi dabe ilibo şe yai dao (Daj 1-3)

1 Ena Pol da, ena Krais Jisasgo po pusigi pabo bidi dao. Tama God aga homugo ena te po wagi pabo şe emainogo eyu, agai ena te şeba muai dao. Tama eno e pas Godigo we bidi dagebolo eno aşana tolobao, dage Efesus bulu bidi hani, dage Krais Jisas wali pabo we bidi hani mu dao. ²Tama eno homugo dago Aya God dali, dago Genuai Bidi Jisas Krais dali te augwali sigo dagebolo olo tau siyu, dage haliga nagame eyu bidao.

Godigo Kraisde wiegi yai homu ilibo şe da dali yai dao

³Dago Godibolo usu da po weyu, agai nogi ugwaba sao. Aga dago Genuai Bidi Jisas Kraisgo Aya dao, agai God dao. Tama da te Krais dali wadolama, tama te da we bidigo gedugo susişbo bomu elalubo naide, te tobage naide Godigo wiegi yai homu ilibo şe tigidali da dali yai dao. Agai te dago homu noma bidi tau somainogo eyu te wiegi yai homu ilibo şe yai dao. ⁴Tama Godigo tş nigisişbadi, agai da Krais dali wadolainu, da sa muai dao. Te şe page e dao: Godigo homugo da aga gedude dwai şe isişwai we bidi, agai gedude doloba pai we bidi bidimainogo eyu agai da sa muai dao. ⁵Tama God agai da dali wiegi yai homu eyu, da godolo mu ebaso, tama agai polobadu digi te agai da sa muyu, da te Jisas Kraisgo yali şego da ma selama,

tama da God aga wai puluba bidimainogo yai dao. Tama te şe God aga homugo digi da godolo eyu tiwai dao. ⁶Tama Godigo aga ogwa Jisasde dwagi yai homu eyu, tama da aga ogwade wadolo baso, tama agai da dali wiegi yai homu ilibo şe yai dao. Tama God agai da olo mu tau siyu agai te genuai şe ebaso, te dago God aga ula yai bomu elalubo nogi ugwaba sao. ⁷Te Krais aga ni pedaide isilama, tama agai kanemego te da dşu wali nai pisigina şawai, tama megi da olo mu bidibo dao. Te po page e dao, te Jisasgo kanemedede te God agai dago yali dwai dwai şeş tigidali te mu sela şawai dao. Godigo da dali yali olo tau sabo kolesaga te dwasianu menio, agai te kolesaga umabo mu da dali yai. ⁸⁻⁹Tama tiyu, God agai te dwagi yai homu kolesaga eyu, tama agai te tigidali naide mu konea silibaso, tama agai polobadu mu yali homu aga wali peyu, agai dabolo te bidibolo polobadu ola masişwai po ola mawai. Tama te po dabolo ola masişbadi, God aga homu te Krais agai eno homu wali peyu, te agai te şe yaibao, Godigo polobadu mu te homu yai. ¹⁰Tama te şe e tama dao, God agai tigidali nai dodolo piduainu, agai bodolu mani sogo asobo si, te tigidali dagalude elalubo nai me, te tigidali tşde elalubo nai me, te Kraisba tigidali nai deliba sisinaibao. Tama te sogo Krais aga tigidali naigo tobolu bidi bidaibao. ¹¹Ao, te God agaduba agai te nosali pedalabo şede homu bugagia konea pelama, tama agai homugo magi şe yainogo ebo şe, te şe tigidali mu pedalobo dao. Tama

† 1:7 Kol 1:14

agai te homu kolesaga wali peyu, tama polobadu agai da Juda dabe sa muai. Tama aga homugo da Juda dabe da aga hani we bidi mu bidimainogo agai da Kraisd dali wadolali. God agai te seđe hasia mu konea pelama, tama tiwai dao. ¹² Tama hasia te gasa we bidi augwaligo te kolesaga isiabadi da Juda we bidi dena homu tigidali te Godigo sa muani nosali asaibao wali bidi Kraisd te bidiba dena homu muani. Tama dena homu tigidali agaba munama, tama dwagi yai homu eyu, da aga ma asobo bugagia tonaluai dao. Tama da te tobage seđe hasia ebo bidi dabe dago Godigo ula yai bomo elalubo nogi ugwaba sao. ¹³ Te dage me, dage Juda hani isiawai we bidi, te mu po pusubo dagego odai, te Godigo wiegi yai pogo dage ma sabo po dao. Tama dagego te po odama, tama dagego konealubo po Kraisd de dađ wai dao. Tama dage Kraisd dali wadolama bidibaso, tama God agai dage hagea siyu, sa mumainogo tama aga Mobo Bidi dagebolo mawai. Polobadu agai po weyu, te Mobo Bidi dabo mawaibao po aga homugo wai dao. ¹⁴ Polobadu Godigo aga we bidi dali wiegi yai kolesaga yabo po wai dao. Tama megi agai dabolo aga Mobo Bidi manigo da, teda agai tebogo dago konebo dao, te agai da sa muani, te agai polobadu wali po tiwai nosali mu pedalaibao. Agai aga Mobo Bidi dabolo mobaso, te nosali te Godigo aga sa muani we bidi mu selama, tama augwali aga dali hodobo mu olo bidaibao, te me dago hania konebao, tede dago homu si ebo menio. Tama tibaso, dago Godigo ula yai bomo elalubo nogi ugwaba sao.

Godigo Efesus hanibolo koneabo kolesaga momainogo Polgo hanalubo po wai

¹⁵ Te Godigo te tobage wiegi yai seđe dabolo ebaso, eno agabolo usu da po wabo dao. Eno odali, dagego konealubo po Genuai Bidi Jisasde dađ wali po me, tama dagego augwali dali wiegi yai homu eyu, te Kraisgo po odobo we bidi tigidali godolo ebo po me, te po si eno odali. ¹⁶ Tama tibaso, dagego tebo po eno odoyu, sesemane sogo eno Godibolo usu da po weyu agai dage tau somainogo po wabo dao. Dage eno homugo gegeda peyu me tagalobo menio. Tigidali sogo God dali eno po wabo si, dage tau somainogo eno dagego nogi me eno wabo dao. ¹⁷ Tama God da dago Genuai Bidi Jisas Kraisd aga God da, te dago genuai nogi mu elalubo Aya dao. Tama eno aga dali po weyu, eno homugo agai aga Mobo Bidi dagebolo mao. Tama menama, tama te Mobo Bidi agai dage wiegi yai homu kolesaga menama, tama agai God dagebolo wase-laibao, te dagego God aga bugagia kuna konea sili-mainogo tiaibao. ¹⁸ Te eno homugo agai wiegi yai ula yai pogo dage homude ula momainogo yaibao. God agai dage i wali, te dagego agai te da mu ma sabo sogo tonalumainogo agai dage i wai dao. Tama Godigo Mobo Bidi agai dagego homude te wiegi yai ula yai po ola mayu, tama dagego te da mu ma sabo sogo tonalubo seđe page gisiga koneyu, tama wiegi yai homu ebadi dagego te sogo asobo tonaluaibao. Tama God agai aga we bidi dali wiegi yai kolesaga nosali yaibao

po weyu, te po dađ wai dao. Tama tibaso, dagego te kolesaga page wiegi yai mu dao konemainogo, eno God hanaludu gebo dao, agai te dagebolo te dage dali nosali yabo kolesaga page gisiga ola mao. ¹⁹⁻²⁰ Tama eno God dali po weyu, eno po me deli dage tau somainogo wabo dao. Eno homugo te Godigo agai bomo dagebolo ola menama tama dagego te bomu bugagia koneaibao. Te bomu dwasianu meni. Tama agai bomu te bidigo usu nigo usu sobaso, te usu egobeo, te bomu genuai mu elalubo. Tialima God agai te bomogo da Kraisd konealubo po dađ wali we bidi da tomode tau siyu seđe ebo dao. Tama te da tomode seđe ebo bomu naga eyu, tama Godigo Kraisd te gu page de ma hodoloyu, tama aga dolo nogo badu munama, tama megi aga God dali hodobo dagalude bidibao. ²¹ Tama megi Kraisd aga ugwadu mu bidalubao, tigidali tobolu bidi, tigidali polalubo bidi me, tigidali bomai bidi, tigidali nogi elalubo bidi me, tede me, dagalude me, Kraisd agai augwali tigidali aiyaba elaluama, aga ugwadu mu bidibo, te nosali me tama tiwaibao. ²² Tama Godigo tigidali nai mu Kraisd dologoba muai, tama Kraisd aga te nai dabe tonalubo bidi nigilama, tama Godigo po wali pabo we bidi genuai tobolu bidi nigilai. ²³ Tama aga te tobolu bidi bidiyu tama Godigo po wali pabo we bidi hani aga tigi tiwai bidiyu, tama te hani te Kraisd agai te seđe yao obaso, te po wali pabo dao. Te tigidali bulude elalubo habuge yai nai tigidali te Kraisd aga da te nai tigidali simanobo page bidi dao. Tama te Kraisgo po wali pabo we bidi hani augwaligo Kraisd te tigi sese ilibo dao. †

Da isai bidi tiwai elalubadi Godigo da Kraisd dali ma hodolai

2 Te dage, polobadu dagego dwai kolesaga elama, te tu geda mubaso, tama dage isai bidi tiwai elaluai dao. Isai bidi agai Godigo wabo po odosiabo gilama, tama dagego me Godigo po odobe. ² Tama te sogo dage e tede bidibo we bidigo ebo dwai kolesaga wali bilaluai dao. Tama tiyu, dagego te dwai haubo noma tobolu bidigo kolesaga wali pai dao. Agai te dagalude bidibo dwai haubo noma bage tonalubo dao, tama megi me agai te Godigo po sela sabo we bidigo homu kolesaga tonalubo dao. ³ Tama da me, da tigidali polobadu te hani tiwai bidaluali. Dago tigi tede ebo dwai dwai kolesaga wali peyu, tama dago tigi de pusu yabo kolesaga ela piduai. Dago homude pusu yabo kolesaga me dago ela piduai. Tama te kolesaga edubadi, Godigo da dali seđe eduai, agai te gasa we bidi tigidali dali seđe iduali tiwai. Tama God agai da eligi sogo da, teda te dolo egi dao, po meni. ⁴⁵ Mu tama, dago yali dwai kolesagago da ela munama, tama da isai bidi tiwai bidibo ađ eyu bidai. Tama da te tiwai bidalulai goli, Godigo da dali dwagi yai homu elama, tama da godolo genuai mu yali. Tama tibaso, agai da dali homu dene genuai mu eyu, da tau sabo homu mu yai. Tama eyu, agai da Kraisd wadolama, da ma hodolai, te da ma bidimainogo yai. Tama tiyu, te Godi-

† 1:19-20 Tib 110:1 †† 1:22 Tib 8:6 ‡ 1:23 Kol 1:18

go da olo mu tau sabo wiegi yai kolesagago naga agai dage ma dobola sai dao. ¹⁶ Tama Godigo da Krai Jisas dali wadolama, tama agai Krai dali da dali ma hodolai, te da isai bidi tiwai bidibo aq ebo silalio, dago tomode ogwa wai gesi noma ma pedalai. Tama da te Krai dali te dagalude bidiyu dago agai we bidi tonalubo se meba emainogo te God agai da ma hodolai tiwai yai. ⁷ Agai te se da dali magi baso yaliwe? Woo, agai da dali dwagi yai homu eyu, da godolo mu ebaso, tama agai Krai Jisas tagala palali, da tau so-mainogo yai. Agai da olo tau sali, te dago abelegobeo. Tama agai da olo tau sali kolesaga te mu genuai mu tama dao, te we bidi tigidali augwaligo kuna kone-mainogo, tigidali sogo nosali, te Godigo da Krai dali ma hodolali. ⁸ Tama tiyu, Godigo da olo tau sabo kolesaga naga tego dage tau selama, dage Satango nogode ma sali dao. Tama dagego te Krai hagede te konealubo po duga homu daq olama, tama God agai dage tau siyu ma sali dao. Te dagego bomogo me ebeo. Te menio. Te God agai dage olo tau sai dao. ⁹ Niwai bidi aga digi bomogo te wiegi yai kolesaga eyu, aga digi nogi ugwaba sidali weyu, tama Godigo da olo tau sai dao. ¹⁰ Tama God aga digi agai da gesi noma ma nigilai. Agai da Krai Jisas dali wadolama, tama da tqde bidibo sogo tigidali dago we bidi tau sabo se naga ela bilimainogo eyu, agai da gesi noma ma nigilai. Tama dago te we bidi tau sabo se yabo te se agai polobadu sisi yai.

Krai agai te bidi hani si deliba sisinai

¹¹ Te God agai dage olo tau selama, tama Satango nogode ma siyu, tama dagego yabo wiegi yai se sisi yai. Tama tibaso, dagego duga polobadu bidali kolesaga ma konea palao. Dage da te Juda hani isiawai ame nani we bidi hani dao. Da Juda hani bidi dago ge hwaqo dena tigiwali togobo dao, te da Godigo hani da olama waselemainogo ebo dao. Tama te Juda hani bidi dabe augwaligo dage hagede bo olama, "Te God kone-siqbaso augwaligo augwa tigiwali togosiawani bidi dabe dao," te po dagede wabo dao. Tiali goli te tigiwali togobo se te bidigo nogogo aga tigi daide naga ebo se dao, te genuai se menio.

¹² Tama polobadu dage te tiwai bidibadi, te dagego Krai aga de dawe, te dagego konebeo. Dage te Israel bidi hani bulu badu bidaluai, te dage God agai hagea sai we bidi hani meni. Te God agai te da Israel we bidi dali dwagi yai se nosali yabo po olama, tama dabolo polobadu mu pusai dao. Tama te pogo bomo te Godigo dena wajbobo mu daq wali po te dao. Tiali goli Godigo dage Israel hani isiawai we bidi dali te tobage tau sabo daq wali po wabeo. Tama dage tqde bidibadi dage dwagi yai homu eyu, te Godigo dage dali wiegi yai se yabo sogo tonaluai menio. Tama dagego God kone-siqawai bidai dao.

¹³ Polobadu dage te God digibulu bidai dao, pade meni. Tiali goli te Godigo sa muani tagala palali bidi Krai aga ni pedaide isilama, tama aga kanemego

dage te Krai Jisasde wadolama, tama megii agai dage God paba bidagasomainogo yai dao, dage te Juda dabe tiwai bidimainogo yai. ¹⁴ Magi baso meni. Krai aga digi te boi piabo tq nigai dao. Polobadu da Juda bidi hani dali dage Juda hani isiawai bidi hani dali gasagi yai tedali bidaluai. Tama tiyu, te bidi hani si augwa hasi te boi bidi homu eyu bidaluai. Tama te bidi hani si tomode te daq tiwai elaluai. Tama Krai aga ni pedaide isilama tama te tiwai eyu aga tigigo te hani si tomode elaluali daq te agai hqgialio. Tama hugilama, tama agai da hani si deliba sisinama, deli hani tiwai nigilai, te megii te boi bidi homu mu silai dao. ¹⁵ Magi baso meni. Agai te Juda dabego bomo yai po silali, te bomai po te daq tiwai polobadu elaluali. Awe, agai te homu yali, "Te eno te bidi hani si deliba sisinama, tama te gesi noma bidi hani deli nigilaibao, tama augwali enade wadolaibao," te homu yai. Tama te homu eyu, agai te Juda dabego bomo yai pogo ebo se agai mu silali. Tama megii te dwasianu bomo yai po me, te genuai bomo yai po me, te augwali tigidali megii se elalubo menio. ¹⁶ Tama tiyu, agai te da Juda bage dali dage Juda hani isiawai bage dali tomode yali boi bidi homu agai ela silimainogo eyu te aga te ni pedaide isali. Tama aga te ni pedaide isilama, tama agai te bidi hani si deliba sisinama, wadolama, tama tigi deli tiwai nigilama, tama agai te wadolali hani we bidi God pageba ma sesali. ¹⁷ Tama Krai aga asama, tama agai te wiegi yai gesi po, te boi piabo po agai da tigidalibolo pusagasali. Te dage God digibulu bidali Juda hani isiawai bage dali, te da God pade bidali Juda bidi hani dali si, te da tigidalibolo agai te boi piabo po ola magasali. ¹⁸ Eno te po magi baso obawe? Te Krai agai te da hani si tau sabo se ebaso, Godigo Mobo Bidi aga da tigidalide hodobo bidiyu, tama da gedu haluasa po wabo si te God dago Aya agai dago wabo po odaibao. ¹⁹ Te Krai agai te tobage genuai se tigidali ebaso, megii dage Juda hani isiawai we bidi te dage gasa bulu we bidi menio, osogo bidagasai bage me menio. Woo, megii dage Godigo we bidi hani tomoba mu asai dao, te bidi hani dage mu wadolai dao, te augwali dali hodobo kaneme deli dao. ²⁰ Tama eno te be se ebo po pagede te po digi po begelama te po megii obao. Te Krai aga digi aga te be daq wabo page ni tiwai dao. Tama agai tagala palali bidi dabe augwaligo dagebolo pusali po me, te Godigo po ola mabo bidi augwaligo dagebolo ola mani po me, te wiegi yai po te be kau ni dabe tiwai dao. Tama dage da, te be kele ni dabe tiwai dao, te be daq wabo page ni dali te be kau ni dali si tede dage bugagia daq olama elalubao. ²¹ Tama Krai aga digi agai te be se ebo ni tigidali wadolama, tama te be genuai mu pedalobo dao. Tama tiyu, te be gasagi yai tedali be elaluaibao, te dago Genuai Bidigo aga hagea sai be. ²² Dage me Krai de mu daq olama, tama Krai agai dage dali te gasa we bidi dali te deliba munama, tama Godigo Mobo Bidigo bidabo madigi nigibo dao.

† 2:4-5 Kol 2:13

†† 2:15 Kol 2:14 ‡ 2:16 Kol 1:20 †† 2:17 Ais 57:19

Pol agai Godigo wiegi yai po gasa hanibolo pusubo şę yai

3 Te Godigo te da bidi hani si deliba wadolobaso, te ena Pol ena digi eno Godibolo hanalubo po wabo dao. Tama eno te dage Juda bidi hani isişwai we bidi tau sainogo eno Krai Jisago po ola bilaluali. Tama eno te şę ebaso, te Juda dabe augwaligo tede dwai homu eyu tama te Rom gavman bidi dabe augwaligo ena nogo si dunama, kalabus beba muani. Tama megi ena tede bidiyu, te eno Godibolo hanalubo po wabo dao, te dage tau somainogo ebo dao.

² Dagego polo odai, te Godigo wiegi yai homu elama, olo tau sabo te kolesaga agai enabolo mani, te eno te dage tau somainogo yai. Eno homu dagego agai ena dali te şę yali po odalio. ³ Te Godigo yabo kolesaga po te po polobadu geme dualaluali. Tama te po God agai enabolo ola mani, te agai yabo kolesaga page eno hania konemainogo yai. Tama Godigo tede ena hania ola mani kolesaga eno megi tama pęwadage aşani pogo dagebolo pusali. ⁴ Tama dagego eno te aşani po nedeyu da, teda dagego te bugagia koneaibao, te eno homu kolesaga te hania ula eyu, tama te Krai agai yabo şę po, te polobadu geme dualaluali po, te po page eno hania konea pai, te dagego koneaibao.

⁵ Tama te tigidali sogo polobadu Godigo te geme dualali po hania me haninai menio. Tiali goli megi Godigo Mobo Bidi agai te po page te God aga po wagi pabo bidi dabe dali, te Godigo po ola mabo bidi dali sibolo te geme dualaluali po haninama ola mawai. ⁶ Te dualaluali po page e dao: dage Juda hani isişwai bidi hani dagego Godigo wiegi yai gesi po odama, dagego homu kolesaga tigidali te poba munama, tama dage te Juda hani dali wadolama tama da dali deli hani bidibao. Tama tibaso, da te megi e tiwai dao: polobadu Godigo agai te Krai ba augwa homu begi pabo Juda dabe dali dwagi yai şę hauwa yaibao po daş walali. Tama megi Krai go yali şęde Godigo te tobage dwagi yai şę te Juda hani isişwai bage dali me yaibao, te augwa homu agaba begi pali we bidi augwali dali agai te tiwai mu yaibao. ⁷ Te God agai wiegi yai po eno pusigi pomainogo ena te şęba muai dao. Tama agai te olo tau sabo wiegi yai şę enabolo eyu, tama agai bomo me enabolo mani, te ena daş olama eno te şę emainogo tebo dao. ⁸ Tama Krai go we bidi tomode te eno nogi augwali tigidali dologode elaluali goli, God agai enabolo olo tau sabo kolesaga eyu, tama agai ena te wiegi yai po pusubo şę gasa we bidi, te Juda hani isişwai we bidi augwalibolo te po pumainogo ena te şęba muai. Tama te wiegi yai po page hagede eno augwalibolo te tobage po pusubo dao, te Krai agai da dali ebo olo tau sabo kolesaga te moni genuai mu, tama bidigo te kolesaga konemainogo eyu gegebo usu egobeo. ⁹ Tama te tigidali nai nigai God, te hasia mu agai homude aga nosali yabo kolesaga dualai. Tama te homu kolesaga tigidali sogo polobadu aga homude dualaluali. Tama megi agai homu kolesagade

dualaluali yabo şę po page eno haninama te tigidali we bidibolo pumainogo agai enabolo te wiegi yai po pusubo şę mawai. ¹⁰ Tama polobadu agai homude yabo şę dualaluai. Tiali goli megi agai te agai po wali pabo we bidibolo haninama ola mani. Te gasa we bidi me augwaligo te Godigo po wali pabo we bidigo pedawalidu te po odama tama Krai wali peyu tama aga hani bage pedalomainogo eyu, agai aga po haninama ola mani. Tama tebogo augwaligo te Godigo wiegi yai şę ebo kolesaga te dagalude bidibo ensel mobo bidi tobolu bidi dali, te polalubo bidi dabe augwalibolo te wiegi yai ebo kolesaga page waselemainogo yai. Tama te wiegi yai kolesaga page te ensel mobo bidi dabebolo tama waselama, tama augwaligo Godigo haniani şę ebode wiegi yai homu kolesaga mu elalubo te augwaligo hania koneaibao. ¹¹ Polobadu digi dago Genuai Bidi Krai Jisago şęde Godigo te wiegi yai homu kolesaga eyu tama tiaibao homu yai. Tama megi agai te yali homu kolesaga wali pelama te şę yali dao. ¹² Tama dago Krai agai te wiegi yai şę ebo suyu, tama dago homu kolesaga tigidali agaba muyu, tama aga dali wadolobaso, tama wi esişyu, homu si esişyu, tama da God paşa olo pabo da. ¹³ Tama tiyu dago konebao, te dago hanalu wabo po te Godigo odaibao. Tama tibaso, megi eno te po dagebolo obao, tama dagego odao: tama eno dage tau siyu te dene sabode, te dagego homu kolesaga tede bomo kimi menia pigimio. Menio. Te eno e şę ebode dagebolo genuai nogi mawaibao.

Te Efesus hani tau somainogo, Pol agai Godibolo tau sao po wali

¹⁴ Te Godigo agai homugo da Juda bidi hani dali te dage Juda hani isişwai bidi hani dali te si deliba wadolama te hani deli tiwai elama bidimainu yali. Tama te hani si deliba wadolabo homu yali te homu Godigo polobadu osogo dualaluali. Tama polobadu Godigo dualaluali po page megi eno homude konebaso da, teda eno kidu sugunama God Ayabolo hanalobo dao. ¹⁵ Tama da tigidali dagalude me tşde bidibo we bidi hani da wiegi yai bomo dali bidabo ula me te God Aya aga nogode sabo dao. ¹⁶ Tama tibaso eno gedu haluasa po e tama wabo dao: "Aya God, nago naga we bidi dali wiegi yai şę yabo homu umabo mu elalubo dao. Tama tiyu, eno homugo nago te Efesus hani we bidi dali dwagi yai şę eyu, tama nago Mobo Bidi agai nago bomo meba selama, tama agai augwalibolo te bomo mao, augwaligo homu bomu ilimainogo, te Mobo Bidigo bomogo augwali daş mu walomainogo tama tiao," eno God dali te tobage hanalu wabo po wabo dao. ¹⁷ Eno homugo dagego Krai de konealubo po daş obaso da, teda te Krai go dage tau siyu dage homude wiegi yai kolesaga ola mayu bidaibao. Tama dagego God dali we bidi dali wiegi yai homu eyu godolo ebo kolesaga bugagia emainogo eyu, tama agai dage te şęde tau somainogo eno God dali hanalu wabo po wabo dao. Tama eno homugo dagego te God dali we bidi dali godolo ebo kole-

sagade te dage dolalua, te ni pedali tõe daş olama te ni daş weyu dolalubo tiwai yaibao. ¹⁸ Tama tiyu da, te dage me, te Godigo we bidi tigidali me, te dage tigidaligo bomo selama, te Kraisa agai dage wiegi yai homu eyu godolo mu ebo kolesaga dagego bugagia mu koneaibao. Tama agai tebo kolesaga te genuai mu dao, te bidigo pobesa pabo usu egobeo. ¹⁹ Awe, Kraiso te dage we bidi godolo mu ebo kolesaga tigidali te bidigo kuna bugagia kone palasiabo kolesaga digi, te eno homugo dagego te kolesaga bugagia mu koneao. Tama dagego tama tiyu da, teda dagego ebo kolesaga tigidali te God agai ebo wiegi yai kolesaga naga tiwai pedalobao. Tama eno dagede te homu ebaso, tama eno God dali dage tau sabo po wabo dao. ²⁰ Te dago Godigo nogi ugwaba mu sinao. Tama agai te wiegi yai kolesaga ebo bomogo da we bidi tomode genuai se ebo dao. Te se ebo bomogo te da Godibolo hanaluyu gedu haluasa po wabo me, te dago homude ebo kolesaga te tigidali agai aiyaba elaluyu, tama agai wiegi yai kolesagade se ebo te genuai mu ebo dao. ²¹ Te dwasianu se menio. Tama tibaso, da God agai po wali pabo we bidi, da Kraisa Jisasde wadolai we bidi hani dago Godigo genuai wiegi yai nogi ugwaba siyu, te tigidali bidada pabo sogode me, te tigidali sogo te tiwai wiegi yai kolesaga me mu ela pidubadi geao. Te tebo kolesaga me tagaligio. Te mu po dao.

Da Kraiso tigde dagana sai elalubao, tama dago Godigo kolesagade digi wali pinao

(Daj 4-6)

Da Godigo po wali pabo we bidi te Kraise wadolama, tama da deli tiwai dao

⁴ Te God agai dage Kraise wadolomainogo agai dage Juda hani isawai we bidi i obaso, te eno dagebolo homu hodolobo po megii obao. Tama ena Genuai Bidi Kraisa agai seba munama, tama eno te se eyu, tama augwaligo ena kalabus beba muai goli, eno bomu eyu dagebolo e homu hodolobo mobo mabo po obao. Te dage agai we bidi hani tomoba asomainogo Godigo dage i wali. Tama te sogo agai dage aga usu ni ola mani. Tama dagego agai wali po bugagia wali peyu, te usu niba dolo mu kadu wao. Dagego aga tama wali peyu da, te usu mu dao. ² Dagego tama kolesaga wali peyu, duga digi duga nogi ugwaba sisiama, tama imila pai we bidi mu bidiao. Tama bidigo dage dali dwai kolesaga ebaso da, te dagego te se emainu sulama tona tagalao, wei sigimio. Tama tiyu, dagego duga abagi dabe dali wiegi yai homu elama godolo mu yao, tama augwaligo mabo sege te dagego tolao. ¹³ Tama Godigo Mobo Bidi agai dage homu kenai we bidi dabe nigilibaso, te kolesagago agai dage te bonogo kebo tiwai elama tama dage deli hani tiwai

mu bidibo dao. Tama tibaso da, dage bomu elama se dene eyu te deli hani kolesaga daş ola selama bidao. ⁴ Tama da Godigo po wali pabo we bidi da tigidali deli tigi tiwai elalubo, tama te Godigo Mobo Bidi me te deli naga bidibo dao. Tama tiwai elalubaso, Genuai Bidi agai da i wali sogo te sogo te po wai, "Te ena ma asobode homu konea paluyu, tama dage ena tonalua," te po deli naga dao. ⁵ Tama dago Genuai Bidi deli naga elalubao, tama Kraise dago konealubo po deli naga elalubao, te baptais sabo kolesaga me te page deli digi naga elalubo dao. ⁶ Tama te God me deli digi naga bidibo, te da tigidali tõe hani bidi dabe dago Aya deli aga dao. Tama agai tigidali bidi aiyaba elaluama tama agai nogi dali bomu dali te ugwadu mu elalubao, tama tiyu agai se tigidali we bidi tomode eyu, tama tigidali bidi tomode bidibo dao.

⁷ Te Kraisa agai da deliba sisinama, tama agai da deli tigi tiwai nigilai goli, tama agai da usu selama, nedama, tama aga homu wali peyu agai da deli delibolo haniani se yabo homu kolesaga agai dabolo dobawai dao. ⁸ Tama polobadu augwaligo Godigo po bukude te Kraisa agai yabo se e tobage po asani, "Agai te genuai boi bidi hani nogo dunama, kalabuside muainu dagalu sigiba mu sela holai dao. Tama tilama agai wiegi yai nai dabe bidi dabebolo olo mani," ^{††}

te po augwaligo polobadu asani. ⁹ Tama te "dagalu sigiba mu holai" po magi baso waliwe? Woo, te page e dao, hasia bolo aga aiyaba mu dulai dao, e toba sabolama, tama to tomoba aga dulai dao. ¹⁰ Tama hasia dulali bidi, aga me te nosali ugwaba holali bidi dao. Aga holali, te dagaluba holai, tama te dagalu ela soali, te sigiba mu holali, agai te tigidali bulude elalubo sese isawai nai tigidali te ma siminainogo aga holali.

¹¹ Tama aga digi agai naga agai te wiegi yai nai dabe bidi dabebolo e tiwai olo mawai: te agai meba bidi augwalibolo Godigo po sela pelama pusigi pabo se yabo bidi nigilai. Bidi me badubolo agai wabo po ola mabo bidi te seba muai. Bidi meba augwaligo Godigo wiegi yai po pusa mabo se yabo bidi nigilai. Tama me badu bidibolo te Godigo we bidi hani tonalubo se dali te Godigo po ola mabo se dali emainu agai te se augwalibolo mawai dao. ¹² Tama agai dabolo te haniani wiegi yai se yabo homu kolesaga magi baso dobabo dawo? Te Godigo we bidi hani augwaligo we bidi tau sabo se ebode bugagia sisi elama bidimainogo agai tebo dao, te Kraisa augwa homu tigidali muai we bidi hani augwali Kraisa agai tigi tiwai bidiyu, augwali geninama eyu bomu siyu bugagia bidimainogo agai te dwagi yai se yabo homu kolesaga dabolo tama doba do dao. ¹³ Tama tiyu, tama we bidi tau sabo wiegi yai se dago me ela pidubadi geyu da, teda da tigidaligo bomu yai homu Kraise daş wabo se deli homu kolesaga naga mu eyu, tama dago Godigo Ogwa bugagia konea silimainogo tiyu dago deli homu kolesaga naga agade mu yaibao. Tama tiyu, te da Godigo hani we bidi mu pedalaibao. Tama tiyu, da Godide wiegi yai kole-

† 4:2 Kol 3:12-13

†† 4:8 Tib 68:18

saga ebo we bidi mu te Kraiś aga tiwai mu elama bidaibao. Tama aga dago usu ni mu tiwai da, agai usu niba dolo pedaliyu da, teda da aga dali usu mu yaibao. ¹⁴Tama da Godigo hani we bidi mu bugagia pedalama, tama te Godigo pode da te homu subigila pabo wai puluba tiwai ma bidigobeo. Te eno po digi po me megı obao. Te geba, te geba moni sigi ađıdu pobadi, wali asiyu te ađı dini me te bomu yai wali me augwali sigo te geba subigila bega sayu sela sađbo dao. Tama te tiwai bidi muma sabo tibo po wabo bidi augwaligo ili po weyu, tama bidi hauwa augwaligo homu polo tulalubo dao. Tama tiyu, te bidi muma sabo bidi augwaligo te we bidi te gasa dwai se ebo tuba kegebo dao. Tiali goli, da Godigo hani we bidi mu bugagia pedalama bidibaso, tama te bidi muma sabo dwai bidi dabe augwaligo wabo tibo pogo da tulalugobeo. ¹⁵Te menio. Da Godigo we bidi hani tomode dena abagi dabe augwali dali wiegi yai kolesaga eyu godolo mu elama, tama Godide mu po naga wao. Tama tiyu, tama da te tobage wiegi yai se idubadi, tama da Kraiśde mu dađı waibao. Aga te dago tigigo tobolu bidi aga deli dao. ¹⁶Tama aga te dago tobolu bidiyu, tama da agai tigi tiwai bidibaso, teda agai da nogo sađa gedu tigide elalubo te tigidali agai tonalubo dao. Tama aga da tigidali tonalubaso, tama da tigidali bugagia deli tigiba wadolama, tama te dili dabe wadolobo nai augwaligo te tigi deliba bugagia dađı wabo dao. Tama dago tigi deli badu se ebo augwa hasi tau sabo se ebo si, tama te tebo kolesaga te tigigo ebo wiegi yai kolesaga genuai eyu, tama te wiegi yai kolesaga eyu godolo mu ebaso da, tama te tigi genuai bomu selama wiegi yai mu pedalobo dao. †

Godigo po wali pabo we bidigo wiegi yai gesi kolesaga wali pao

¹⁷Tama tibaso, eno po me deli dage dali wainu obao. Te ena da Genuai Bidigo po wabo bidi bidibaso, dage tau somainogo eno te po bomu elama obao. Odiđo. Dagego te Godigo po odisađo bidi dabego ebo kolesaga munu me ma wali pelamo dao. Augwaligo homu kolesaga da te olo habuge naide naga te homu ebo dao. ¹⁸Tama tiyu augwaligo homu kolesaga dwai eyu, be hulıa sabo tiwai ebo dao, augwaligo ebo homu te kedu meni yai homu kolesaga dao. Tama te Godigo mabo bidada pabo ula augwaligo sogobeo. Magi baso meni. Augwaligo bomu elama konebo hagela homu eyu, tama augwali munu me konesiayı bidibo dao. ¹⁹Augwaligo te haniani dwai dwai kolesaga ebo tomoba mu peyu tama augwaligo homu mu hodaloyu tama dwai meda yai haniani kolesaga mu ebo dao. Sese-manı sogo augwaligo te se yaio homu ebo dao. Tama tiyu tama augwali hale munu me ebo menio. ²⁰Tialima, dagego te tobage dwai se emainogo gasa bidi dabe augwaligo te Kraiś aga kolesaga page dagebolo ola mabeo. Te tiwai si menio. ²¹Tama augwaligo dagebolo agade po olama, tama dagego mu odali. Tama dage Jıśasde wadolama, tama augwaligo agade mu po

dagebolo ola mani dao. ²²Te mu po da wali po e tiwai dao: polobadu dagego duga dwai dwai se yabo homu kolesagade biliyu bidai dao. Tama te sogo te dwai homu kolesagago dage tonaluyu, tama dagebolo te dwai dwai se yao po weyu yai. Tama tiyu, te dagego te dwai se ebode godolo emainogo tama te dwai se yabo homu kolesagago tibo po weyu, dagego homu hodolai dao, tama dage te dwai se ebo tıdu pai dao. Tama te dwai se ebogo te dwai se yabo homu kolesaga doloyu yai. Tialima megı dagego te polobadu yai dwai homu kolesaga mu sela sayao. †²³Tama tilama, dagego homu kolesaga dali mobo dali wiegi yai gesi mu ma pedalama bidiđo. ²⁴Tama dagego dwai meda yai kolesaga ebo tagalama, tama dagego wiegi yai gesi kolesaga eyu tama dage te gesi noma bidi tiwai pedalao, te aga tigi we paluai bidigo aga gesi ugwa gudubogia tiwai yao. Tama dage te gesi noma bidi tiwai pedaloyu, tama God aga digi agai te dage gesi noma bidi nigali, tama dage God aga homu kolesaga tiwai mu pedalainogo nigali. Tama tibaso, gasa we bidi augwaligo dagego Godigo po odoyu bidibo sumainogo te dagego bugagia bidiđo. Tama tiyu, dage gasa we bidide te wiegi yai dolo mu kolesaga naga eyu, tama God agade te dagego aga pabo tıdu naga peyu yao, aga gedude doloba pai we bidi mu bidiđo. ‡

²⁵Te God agai dage te gesi noma we bidi nigaligo da, teda dagego dwai tibo po wabo kolesaga tagalama tama munu me egimio. Te menio. Tama dage tigidaligo duga hasi tomode mu po naga wao. Magi baso meni. Dagego koneani, da tigidali te deli tigide naga wadolama bidibo dao. †²⁶Tama me sogo dagego homu sebe eyu da, teda dua dao, te dagego sebe ebo homugo dage te dwai se ebo kolesaga tomoba kekeidali weyu. Tama te giliga piode dega sigi pisiabadi te homu sebe polo tagalama silao. †²⁷Dagego tısiawani da, te sebe me elalubadi, tea te dwai haubo noma bidi dabe augwaligo tobolu bidi tebolo te dagego sunumi dalaibao, agai dage dwai se tomoba kegaibao. ²⁸Tama te polobadu nai wi sidu geai bidi agai te nai wi sabo se tagalama silao. Megı aga digi doloba pai se yao. Tama agai aga digi nai sabo se aga nogogo digi eyu, tama aga digi tau siyu, te nai meni yai we bidi me tau siyu yao. ²⁹Tama dagego dwai meda yai po me wagio. Menio. Dwagi yai po naga weyu, te bomu kimi meni yai we bidi augwali bomu somainu te bomu mabo po wabo usu dao. Tama tiyu, dagego te Godigo olo tau mabo wiegi yai kolesaga te dagego po odobo we bidibolo tama mao. ³⁰Tialima dagego tısiawani da, dwai meda yai po weyu da, teda dagego te Godigo Mobo Bidi dwai homu dene mu ilaibao. Tama te dwali dao. Te Godigo Mobo Bidi aga wiegi yai tedali mu dao. Tama God agai dage ma dobola sai hagede te dage hagea siyu sa mumainogo eyu agai dagebolo aga Mobo Bidi mawai dao. Tama te Godigo Mobo Bidi dage dali bidibaso, dagego mu konebao, te God agai dage olo mu bidabo bidi nigilabo sogo te nosali mu

† 4:16 Kol 2:19

†† 4:22 Kol 3:9 ‡ 4:24 Kol 3:10; Gag 1:26 †† 4:25 Sek 8:16 †† 4:26 Tib 4:4

pedalaibao. Tama tibaso, dwai po weyu aga dwai homu dene mu iligio. ³¹ Tama dagego boi bidi homu ebo me, te wado po weyu tama homu seḅe ebo me, te genuai po daga wabo me, te posobo po me, te moni dwai homu ebo me, te tigidali dwai kolesaga ebo tagaliyu sela sayao. ³² Te tobage dwai kolesaga munu me egimio. Te menio. Tama dagego duga ama dede dali deli homu eyu dwagi yai tau sabo seḅ yao. Tama duga hasi dali homu dene eyu, augwali godolo mu yao. Tama duga hasigo dwai seḅ dagebolo ebaso da, teda dage seḅe egio, te dagego augwali godolo mu eyu augwaligo yali dwai seḅ sela sayao. Te Kraiso agai dage tau selama tama Godigo dagego yali dwai seḅ seḅe sela sayai dao. Te tiwai kolesaga dagego me tiao. †

Da wiegi yai kolesaga ebo ulade bilao

5 Te God agai dage godolo mu eyu dage aga wai puluba nivaligo da, teda dagego agai ebo kolesaga tiwai wali bugagia pao. ² Tama tiyu, dagego duga hasi godolo mu ebo kolesaga eyu, tama dagego yabo seḅ tigidali ebo si te kolesagago dage tonaluminumo, te Kraiso da godolo eyu wiegi yai homu ebo tiwai gilama. Agai da godolo eyu, tama aga digi aga bidabo ula da hagede tagalama, tama augwaligo aga isilali. Tama tiyu, agai aga tigi te Godibolo olo mani, te polobadu bidali bagego Godibolo mani wiegi yai denami ebo nai mani tiwai yai dao. Tama te seḅe God aga Kraiso dwagi yai homu ebo dao. ††

³ Te God agai dage aga hani we bidi nivaligo da, teda te penani ebo kolesaga me, te dwai dwai meda yai kolesaga me, te mena gasa bidigo nai pesa eyu godolo ebo kolesaga tigidali, te tebo dwai kolesagago ebo seḅ dwasianu munu me dage tomode te pedalamuo. Gasa we bidi dabe augwaligo dagego te tobage dwai kolesaga yali po waidali weyu, tama dagego doloba peyu bidiqo. ⁴ Dagego dwai meda yai po me, te homu kolesaga meni yai bagego wabo po me, te dwai gagali po wabo me, te po dabe dagego wagio. Te tebo kolesaga usu egobeo. Menio. God agai dage tau sobaso, tama dagego agabolo usu da wabo po weyu da, teda te po usu dao, te tobage po wao. ⁵ Dagego gisiga mu koneao, te penani ebo bidi me, te dwai dwai meda yai kolesaga ebo bidi me, te mena gasa bidigo nai godolo eyu pesa ebo bidi me, te tobage dwai seḅ ebo bidi dabe augwali Kraiso dali God dali sigo tonalubo we bidi hani tomoba munu me pogobeo. Tama te nai godolo eyu pesa ebo kolesaga, te kolesaga da te tibo godibolo lotu po wabo seḅ tiwai dao, te naiba te bidigo aga homu tigidali muani.

⁶ Dage bugagia dua dao. Tiyu dage te gasa bidigo agai dage te dwai kolesaga tomoba kekainogo ebaso da, agai wabo kedu meni yai po wali pelamuo. Te eno tamadi wali dwai kolesaga ebode te Godigo agai po sela saḅo bidi dabe dali seḅe yaibao. ⁷ Tama tibaso, dage augwali dali kisa selama tama te hai namu tiwai si elamo dao. ⁸ Te polobadu dage dwai kolesaga ebode biliyu tama dage be hulua side bidibo tiwai yai dao.

† 4:32 Kol 3:13 †† 5:2 Sai 29:18; Tib 40:6

Tiali goli megi dage te Genuai Bidide wadolama, tama agai dage wiegi yai ulaba munama bidibao. Tama tibaso, dagego wiegi yai kolesaga naga eyu dage te ula yai we bidi tiwai bidiqo. ⁹ Tama te gide bulali nai bugagia holama, tama geninama walobo gilama tama te tiwai me te ulago agai te tigidali dwagi yai kolesaga ebo me, te doloba pai kolesaga me, te homu mu sai wiegi yai kolesaga, te tigidali hania bugagia ugwaba hanilama pedalobo dao. ¹⁰ Tama te ula yai we bidi bidiyu, dagego mena tiwai kolesaga ebaso te Genuai Bidi God aga dwagi yai homu ilabo kolesaga dagego usu sela suo. ¹¹ Tama dagego te dwai kolesagade biliyu hulua side bidibo bidi dabe augwali dali hai namu olama augwaligo te ebo kolesaga egio. Te tiwai kolesaga ebogo te nai dwagi yai me walogobeo. Menio. Te kolesaga da te hulua sai kolesaga dao. Te egimio. Te kolesaga ebo page dagego hania bugagia ugwaba haninama pedalao, tigidali we bidi augwalibolo ola mao.

¹² Me ma, eno augwaligo game dualama ebo dwai meda yai kolesaga po pusugobeo. Menio. Eno augwaligo te tobage dwai dwai kolesaga ebode po wagi sogo da, teda eno pedauwali seḅe eyu hale naga egi dao. Magi baso meni, te dwai dwai seḅ ebo po pusainogo ebo te usu menio. Eno dage dali te seḅe po mibo hagalabo.

¹³ Tiali goli, tigidali ebo kolesaga te ulaba sela mubo si, teda te kolesaga page tigidali hania haninama elaluaibao. Tama te haniani nai tigidali, te ula elalubo tiwai yaibao. ¹⁴ Tama tialigo da, te po me elalubao:

“Nage pila mubo bidi, hodaloao, tama nage te gu pagede ma hodaloama, tama Kraiso agai wiegi yai ula nage mawaibao.”

¹⁵ Tama tibaso, dagego duga bilibo bugagia tonaluyu bilao. Dage bilibo te kolesaga meni yai bidi tiwai biligio. Menio. Dage bilibo te kolesaga koneai we bidi bilibo tiwai bilao. Tama tiyu dagego wiegi yai kolesaga naga yao. ¹⁶ Tama megi da, te we bidi hauwa augwaligo dwai seḅ ebo sogo dao. Tialima, megi da, te dage Godigo kolesagade bilibo sogo dao. Tama tibaso, te dwagi yai seḅ yabo sogo dagego olo gesegeliyu tagaligimio. ¹⁷ Tama dage te kolesaga meni yai we bidi tiwai biligio. Te menio. Dagego mena tiwai kolesaga ebaso te Genuai Bidi God aga dwagi yai homu ilabo kolesaga dagego usu sela suo.

¹⁸ Te dage te bomo yai aḅ hauwa tulama te polobo bidi tiwai egimio. Menio. Te tebo kolesagago dageba daganama dolainogo ebo dao. Dagego God agai wiegi yai Mobo Bidigo dageba daganama tonaluminumo, te dage bugagia bidimainogo yao. ¹⁹ Tama tiyu, dagego duga hasi duga ama dedego noma bidi mobo daḅ omainogo, dagego haniani dwagi yai balia po wao. Tama te lotu balia wabo buku nogi Sam, te bukude elalubo Godigo nogi ugwaba sabo po me, te Jisasgo nogi ugwaba sabo teḅabi po me, te po tama duga ama dedebolo wao. Tama tiyu, bomu eyu te dago Genuai Bidibolo me aga nogi ugwaba sabo balia po dali lotu teḅabi po dali wao. ²⁰ Tama te tigidali sogo te dageba pedalobo tigidali seḅe te dagego God Aya dali usu da

‡ 5:16 Kol 4:5

po wao. Te dage te dago Genuai Bidi Jisas Kraisdé wadolobaso, God dali usu da po wao. †

Polgo te we sabo sède da bugagia dodolobo po wali

²¹ Te bidi Kraisdé agai genuai nogi mu elaluama, tama dagego duga digi aga dologoba muani obaso, duga hasi dali duga ama dede dologode bidao. ²² Tama tiyu, te we dabe sibi deli deli dagego duga bidigo po bugagia wali peyu, te dagego te Genuai Bidi Kraisdé po wali pabo tiwai gilama te duga bidigo wabo po wali pao, augwali dologode bidişo. †²³ Tama Kraisdé aga te aga po wali pabo we bidide tobolu bidi bidibo gilama, tama bidi me aga wede tobolu bidi bidibo dao. Te agai po wali pabo we bidi te agai tigi tiwai, tama Kraisdé aga digi augwali ma dobola sabo bidi dao. ²⁴ Tama tibaso agai po wali pabo we bidi te Kraisdé aga dologode bidibo gilama, te tiwai dage we dabego me tama naga tiyu, sese mane sogo dagego duga bidigo po bugagia wali peyu duga bidi dologode bidao.

²⁵ Tama bidi dabe deli deli, dagego duga we dabe dali abagi dao homu eyu, godolo mu yao, te Kraisdé aga po wali pabo we bidi godolo mu yaligia tiwai yao. Agai da godolo mu eyu, aga bidabo ula tagalama da tau siyu aga te ni pedaide elama isai dao. Tama agai da dali godolo eyu tau sabo homu tiwai dagego duga we dali tama naga tiao. †²⁶ Tama Kraisdé agai tama tiali te aga po wali pabo we bidi hani agai augwali Godibolo mawainogo agai augwali şj telawali te meda meni yai pedaloyu, tama agai pogo me augwali tedali gasagi yai nigilali. ²⁷ Tama Kraisdé agai homugo aga po wali pabo we bidi agai gedude augwali te wiegi yai mu pedalomainu yali. Tama augwali te husugwa sai me, bedogola sai me, te tiwai elaluidali weyu, tama augwaligo te magi dwai sè me esişyu wiegi yai kolesaga naga eyu bugagia mu bidimainao. Te homu Kraisdé aga po wali pabo we bidi dali yai. ²⁸ Tama dage bidi dabego duga we dabe augwali dali wiegi yai kolesaga eyu, augwali godolo yao, te dagego duga digi duga tigi dali wiegi yai homu eyu godolo ebogia yao. Aga we godolo ebo bidi, te aga digi aga godolo ebo dao. ²⁹ Dago koneani, te bidi mego aga digi aga tigi dali boi bidi homu ebo meni. Te menio. Agai aga tigi nai mayu, bugagia tonalubo dao, te Kraisdé aga po wali pabo we bidi dali ebo gilama. ³⁰ Da te nogo, şaşş, gedu te nai dabe te Kraisdé tigi dagi tiwai dao. ³¹ Tama te Godigo po aşşai bukude te po me deli wai, "Tama tibaso, te bidigo aga ida aya taga soyu, tama aga we dali dagana selama, deli tigi gagawai pedalobo dao." †³² E po tomode te genuai geme po digi po page tede elalubo. Tama ena digi eno homugo te Kraisdé dali aga we bidi dali po page hanilibao. ³³ Tiali digi agai dage deli deli bidi dali me te po wali, "Nago naga tigi dali dwagi yai homu eyu godolo mu ebogia, nago naga we dali dwagi yai homu eyu, godolo mu yao." Me ma, we dabe dagego duga bidigo nogi ugwaba selama augwali dologode bidao.

Te bidi Polgo ida aya me wai dabe dali po wali

6 Dage wai dabe dagego te Genuai Bidigo po wali pobaso, te ida ayago wabo po wali pao. Te tama tebo kolesaga te dolo dao. †²³ Te Godigo po weyu, tama Mosesgo bukude aşşani po tiwai, "Te duga aya idago po wali pao. Tama te po mobo te wali peyu da, tama dage bugagia mu bidiyu, e tşde hauwa sogo bideibao," te po wai. Tama Godigo te po bomu eyu, dşş walai. Agai te mobo po hauwa weyu, te e po dali te dşş wali po hasia wadolali. ††

⁴ Tama dage aya dede dagego duga wai dabe homu hodolama augwali sşşş emainogo elamu. Menio. Dagego te Genuai Bidigo po wali peyu, tama augwali bugagia tonaluyu, tama agai po augwali ola mao. ††

Te bidi Polgo te olo sè ebo bidi dabe dali, te sè tonalubo bidi dabe dali augwali side po wali

⁵ Dage olo sè ebo bidi dabe, dagego duga sè ebo tonalubo bidide wi eyu, augwaligo po wali peyu augwali dologode bidao. Tama tiyu, homu mu eyu, dage deli deligo te homu yao, 'Eno yabo sè te Kraisdé tobade yaibao.' ⁶ Tama te homu eyu duga sè yao. Dagego sè ebo tonalubo bidigo dagede dwagi yai homu emainogo augwaligo dage tonalubadi naga dagego sè bugagia egio. Te menio. Te homu mu eyu, te dage Kraisdé agai olo sè ebo bidi dabe bidiyu, tama Godigo homu kolesaga wali peyu bidao. ⁷ Tama dagego dwagi yai homu eyu, sè yao. Te sè te bidide naga ebo meni. Te menio. Te dagego duga sè te Genuai Bidi Kraisdé agade yao. ⁸ Dagego koneani, bidi me deligo dwagi yai sè eyu da, Genuai Bidigo dwagi yai nai mawaibao. Agai te olo sè ebo bidi dali me, te gasa bidigo sè isiabo bidi dali me te sè naga yaibao. ⁵

⁹ Dage te olo sè ebo bage mu abelai bidi dabe, dagego odao. Dagego augwaligo sè ebo tonaluyu, dagego me Godigo homu kolesaga wali peyu te tiwai kolesaga naga augwali dali yao. Dagego augwali wi ilibo kolesaga tagalao. Dagego koneani, te Genuai Bidi aga dagalude bidibo, tama aga da te augwali olo sè ebo bidigo Genuai Bidi me, te dagego Genuai Bidi me bidibao. Tama agai tigidali we bidi deli usu nigo naga usu sabo dao. ††

Godigo we bidi te enesigi bidi tiwai dao

¹⁰ Te eno po silagasu wabo po e dao: dage te Genuai Bidi Kraisdé agade wadloyu, tama dagego agai genuai bomu meba siyu, tama dage bomu eyu bidao. ¹¹ Tama eno dagebolo hwjbo po digi po begelama megi obao. God agai dagebolo te duga tigi duala sabo nai mobao. Tama dagego bomu eyu, te dwai haubo noma bidi Sataango geme dualama ebo dwai kolesaga tigidali te aiyaba elaluyu, dage bugagia dolalumainogo eyu, tama dagego te tigi duala sabo nai tigidali selama tigitide muao. ¹² Magi baso meni. Te da Kraisdé wali pabo

† 5:20 Kol 3:16-17 †† 5:22 Kol 3:18; 1 Pi 3:1 ‡ 5:25 Kol 3:19; 1 Pi 3:7 †† 5:31 Gag 2:24

‡‡ 6:1 Kol 3:20 ††† 6:2-3 Sai 20:12; Bom 5:16 ††† 6:4 Kol 3:21 † 6:8 Kol 3:22-25 †† 6:9 Bom 10:17; Kol 3:25; Kol 4:1

we bidi hani, dago te dwai sę ebo kolesaga dali hwjyu tama dago e tęde bidibo bidi dali hwjbo meni. Dago te dwai sę ebo kolesaga dali hwjbadi, tama dago te dwai haubo noma bidi ugwadu te dagalude bidibo bage dali me hwjbo dao. Augwali da te megi hulua side dwai sę ebo tobolu bidi dabe me, te polalubo bidi dabe me, te we bidi tonalubo dwai noma bidi dabe dao. ¹³ Tama tibaso, Godigo dagebolo mabo tigi duala sabo nai megi duga tigide muao. Tama tiyu, te augwaligo dage dali dwai sę ebo sogo pedalobo si, te dage bomu elama augwali dali hwjdu gelama, tama aiyaba elaluama, tama dage bomu yai bidi mu me dolaluaibao, wi pogobeo.

¹⁴ Awe, dage e tama tiwai dola selama dolalua. Dagego Godigo mu po te duga kugulu tiwai gudulama, tama bugagia daę olama, tama te doloba pai wiegi yai kolesaga ebo te dagego duga hagawia sesela sabo nai tiwai abiao. ¹⁵ Tama te enesigi bidi agai te hwjbo sisi elama, tama saęade mubo nai nadoba mubo dao. Tama te tiwai dagego te Godigo dwagi yai gesi po mu konealubo kolesaga bugagia dolasa elalua, God agai gasa bidi dali dwagi yai homu yabo po. ¹⁶ Tama enesigi bidi agai aga sabele abibo tiwai tama dagego Godide konealubo po tigidali sogo abilasa bilao. Tama tiyu, te sabelego te boi bidigo sia dage ponai ene dabe sela saęwaibao. Te boi bidi nogi te Satan dao. ¹⁷ Te Godigo dage polo ma dobola sai dao. Te homu ebo kolesaga te kapago nigai tobolu madi tiwai selama, tobolude muao. Tama dagego te Mobo Bidigo bobobage poa pai hwaę ge tiwai te Godigo te bukude aşani po bugagia odama, sao. ¹⁸ Tama tiyu, tigidali sogo dagego po God dali wao, agai dage tau somainu yai. Tama te Godigo Mobo Bidi agai dage bomu mayu,

† 6:14 Ais 11:5; 59:17 †† 6:15 Ais 52:7 ‡ 6:17 Ais 59:17

tego Godibolo po wao. Te sę yainu, dage pila mugimio, hodalua, nolę isiębo aę egimio. Te sę munu me tagaligio. Tigidali sogo dagego gedu haluasa po Godigo we bidi tau somainu wao. ¹⁹ Dagego po Godigo ena me tau somainu wao. Eno homugo dagego po e tama omainogo obao: God agai eno pedauwalide po mu-mainogo, tama eno te wi ebo homu aiyaba keęa sigulumainu, tama te Godigo wiegi yai pogo geme dualali po page bugagia pusumainu agabolo po wao. ²⁰ Ena da te Godigo dwagi yai po pusubo bidi. Tama te tebo pode te ena kalabuside bidibao. Tama tibaso, ena te wi ebo homu aiyaba keęa sigulumainu tama ena te bomu elama te Godigo wiegi yai po pusumainu dagego God hanalu wabo po wao.

Te bidi Polgo Godiba hanalu te augwaliba wiegi yai sę emainu augwali tobalobo po wali

²¹ Te bidi Tikikus aga te dago ama mu tiwai, tama aga te Genuai Bidigo dwagi yai sę ebo bidi dao. Tama agai te eno ebo sę po tigidali dagebolo pusagasomainu te bidi eno megi aga dage bidibo digi tagala palobao.

²² Tama eno aga dage bidibo digi tagala paliyu, da ede mena tama bidibo wenama tama agai pusaibao, dagego homu daę walomainu tama yaibao.

²³ Te eno ama dedeo, eno homugo dago Aya God me, dago Genuai Bidi Jisas Krai me, augwali sigo dagego homu dua nagame ilao, tama augwaligo dagebolo te godolo mu ebo kolesaga me, te konealubo po daę wabo kolesaga me mao, te eno homugo. ²⁴ Te eno homugo me, Godigo agai olo tau mabo kolesaga te dago Genuai Bidi Jisas Krai godolo mu eyu aga me tagaliębo we bidi dabe tebolo te olo tau mabo kolesaga mao. Tama dao. Ena da, Pol da.

Polgo Filipai Dabeba Pas Aşani

Hasia nedebo tau sabo po

Te bidi Pol polobadu hasia sogo te tamu aġ nogelama, te bulu Grik moni t̄o pedai tomoba pelama, tama te Filipai moni hanuba sabolama, tama tede Kraisgo po pusa mani. Tama elama tama Kraisgo po wali pabo we bidi hani pedalali, te bulu Masedonia genuai t̄o pedaide dao. Te po da te buku nogi Tagala Palai te Daġ 16:8-15, tede elalubo suo. Tama nosali Pol gasa hanuba me bidigi pai elalubadi, te augwaligo aga kalabus hadabu ilali. Te aga kalabuside bidali sogo agai odali, te bidi mebago te Filipaide bidibo Godigo po wali pabo we bidigo konealubo homu dolobo po wabo odali. Tialima dago te pas Polgo aşanama te bulu Filipai haniba tolali pas nedebo sogo da, dago suali, te nai dabego te bidi Pol haliga seġe yabo se me ilibeo. Menio. Agai konealubo homu Jisasde mu keġ pelama elalu, tama aga homu pemene idu bidai dao.

Te Pol aga te kalabus bede bidibadi te mone me doado bage habuge yai elalubo po obaso, tama te Filipai bage augwaligo te Pol tau sabo mone ge sisinama, tama te bidi Epafroditus aga nogoba te mone munama tama Pol bidibo digiba tagala palali. Tama Epafroditus te Filipai buluba geasa ma pobaso, Polgo augwalibolo puba hwi po omainogo eyu, e pas aşanama tama agabolo mani. Polgo te Kraisgo po wali pabo we bidi homu bomo mabo po aşani. Te Juda dabego bomai po dologoba pigio wali. Agai te dene me seġe dali elalubao, tiali goli aga dwagi yai homu pemene eyu bidibao. Aga homugo Godigo aga tau siyu tama aga kalabus tamadi silaibao.

Te Filipai dabego Pol dali hai namu elalubaso, tama Pol wiegi yai pemene mu yai

(Daġ 1-4)

1 Ena da Pol dao. Tama ena dali Timoti da si Krai Jisasgo se bidi, da sigo e po te dage Filipai hanude bidibo Godigo po odobo we bidibolo aşana tolobao. Dage Krai Jisas dali wadolama bidu, tama e pas dagebobo me, te dage tonalubo bidi dabebolo me, te tonalubo se tau sabo bidi dabebolo me, te dage tigi-dali Godigo po odobo we bidibolo tolobao. ² Eno homugo dago Aya God dali dago Genuai Bidi Jisas Krai augwali sigo dage dali te olo tau sabo kolesaga eyu, tama dage homu nagamea peyu bugagia bidao.

Polgo augwalide Godibolo buba hwi po wai

³⁵ Te polobadu hasia sogo ena dage bidibo digi sabolama, tama eno dagebobo Godigo wiegi yai gesi po pusulama, tama dagego te po homugo selama, tama Godigo we bidi hani dage pedalali. Tama te sogo gagalama, eno te gasa bulu we bidibolo te Godigo po pusubo se eyu, tama dagego ena tau siyu bididuui dao, tama megi me dagego tama tibo dao. Tama tibo, eno dage dali dwagi yai homu pemene eyu, eno homugo dage ma kone palobo sogo tigidali te eno Godibolo nage usu da po dagede wabo dao. Tama

Godigo dage tau somainogo eyu, eno agabolo hanalu wabo po wabo dao. ⁶ Tama tiyu, eno homu si menio, eno mu koneai, te God agai dage deli deligo homu to-mode te dwagi yai se gagalama, tama te se ela peyu, mu ela pelama, tama Krai Jisas t̄oba ma asobo side naga agai te dagede ebo dwagi yai se silaibao. Te eno mu koneanio. ⁷ Tama tigidali sogo eno dwagi yai homu eyu dagede homugo konea palobo dao. Tama eno dagede dwagi yai homu ebo te dolo naga dao. Magi baso meni, God agai ena dali dwagi yai se elama, tama agai po pusubo se eno nogoba mani. Tama tigidali sogo eno te se ebadi, te dagego ena tau sai dao. Polobadu ena kalabus menibadi eno te Godigo pode boi bidi homu ebo bagego po aiyaba elaluabo po wabo se yai. Tama tiyu, eno te gasa we bidi tau sali, augwaligo augwa homugo Godigo po bugagia daġ omainogo yai. Tama megi ena kalabuside bidibao. Polobadu me, megi me, te tigidali sogo dagego ena te seġe tau sai dao. Tama tibaso, eno dage dali kone palobo si ena dwagi yai homu ebo dao. ⁸ Awe, eno dage dali dwagi yai homu moni pemene eyu, bomo elama godolo mu ebo dao, te Krai Jisas agai aga digi tiwai gilama ebo dao. Godigo koneai, eno tede mu po naga obao.

⁹ Te Godigo dage tau somainogo eyu, eno agabolo hanalu wabo po wabo dao. Tama tiyu, eno homugo agai dage tau siyu, tama dagego duga hasi we bidi dali dwagi yai homu eyu godolo ebo kolesaga te geni-nama mu pedaluyu bididuao. Tama eno homugo me te dagego te mu po page tigidali hania kuna koneama,

tama dagego te dwagi yai kolesaga me dwai kolesaga si bugagia dagalabo homu kolesaga mu elaluaibao. ¹⁰ Magi baso meni, dagego te kolesaga dagalabo homu kolesaga elalubaso da, teda dagego te tigidali kolesaga osola sulama, tama te wiegi yai mu kolesaga sabo usu yaibao. Tama tiyu da, teda te Krai aga t̄ba ma asobo sogo tonalubadi dage meda meni yai me, seḡe sis̄awai we bidi bidaibao. ¹¹ Tama Jisas Krai agai naga pedalabo dolo mu yai kolesaga augwali dagede geninama pedalama, tama dagego ebo kolesaga tigidali te tiwai naga elaluaibao. Tama tebogo Godibolo bomo yai ula dali genuai nogi si mawaibao. Eno dagede te homu eyu, Godibolo gedu haluasa po wabo dao.

Pol kalabuside bidali, tebogo te Godigo po pusubo sē tau sai

¹² Eno ama dede, eno homugo dagego hania koneao, te enade ede polo pedalali sē, te augwaligo ena kalabus muani sē, te sē ebogo ena te Godigo po pusubo sē tagalamainogo eyu usu ebeo. Menio. Te augwaligo ena kalabusiba mubaso te Godigo po pusubo sē ela pomainogo tiwai, te gasa we bidi augwali te po odis̄awani bage, te augwaligo me te po odao. ¹³ Tama tibaso, megi te gavman tuni bidigo be tonalubo enesigi bidi dabe augwali tigidaligo koneai, ena Krai sē ebo bidi bidibaso naga, ena e kalabus bede bidibao. Tama gasa ede bidibo we bidi tigidali augwaligo me te koneai. ¹⁴ Tama ena e kalabus bede bidibaso, dago ama dede meba hauwa augwaligo bomo te dago Genuai Bidide selama, tama wi ebo kolesaga tagaliyu bomu elama, te Godigo po pusubo sē megi bugagia ebao.

¹⁵ Awe, eno koneani, augwali mebago konila weyu, eno nogide dwai homu eyu, tama eno nogi aiyaba elalubadi tama augwa nogi ugwaba momainogo eyu, tama augwaligo we bidibolo Krai sē po pusubo dao. Tiali goli dago ama dede me badu augwaligo enade dwagi yai dolo homu eyu, Krai sē po te we bidibolo pusubo dao. ¹⁶ Augwaligo ena dali dwagi yai homu eyu godolo mu ebo kolesaga ebaso, augwaligo Krai sē po pusubo dao. Magi baso meni, augwaligo koneai, te Godigo pode boi bidi homu ebo bagego po aiyaba elaluabo po wabo sē, te sē Godigo enabolo mani. ¹⁷ Tiali goli u bage augwaligo eno nogide dwai homu ebo bage, augwaligo me Krai sē po we bidibolo pusubo dao. Tialima augwaligo homu mu esīayu, tama Krai po pusubo dao. Augwaligo eno nogi aiyaba elaluama, augwa nogi ugwaba sabo kolesaga naga eyu, tama e homu ebao, 'Te dago Krai sē po te we bidi dabebolo pusuyu da, teda Pol te kalabuside bidibadi aga homu dwai mu ilaibao,' te homu augwaligo ebo dao.

¹⁸ Magigo meni. Bidi mebago ena dali dwai homu eyu, augwaligo Krai sē po te we bidibolo pusubo dao. Bidi mebago me te homu mu eyu, te we bidibolo Krai sē po pusubo dao. Awe, usu dao, po meni, aug-

waligo Krai sē po pusubaso eno dwagi yai homu mu ebao. Tama eno dwagi yai homu mu eyu tama bididu-aibao. ¹⁹ Magi baso meni, eno mu koneai, dagego ena tau somainogo gedu haluasa po wabogo me, te Jisas Krai sē Tedali Mobo Bidigo tau sabogo me, te sigo ena tau selama, tama te ena kalabusiba muani bage augwaligo ena olo tagala palaibao. ²⁰ Tama eno dwagi yai homu elama, tama eno te kolesaga mu pedalaibao olama tonaluyu, tama me eno te kolesaga pedalomainao homu mu ebao, te kolesaga e dao: eno homugo te Godigo ena mani sēde ena munu me tulalugobeo. Menio. Eno homugo te tigidali sogo, te megi tama me, te ena bomu selama wi esīayu, tama eno tigo me eno homu kolesagago me te eno te Krai sē te we bidibolo ola mayu, tama augwaligo agai nogi ugwaba saibao. Tama homu eyu, te ena me bidibogo ma ena isibogo, tebogo agai nogi ugwaba somainao. ²¹ Magi baso meni. Eno homu tama tiwai: ena e t̄de me bidiyu da, teda ena Krai dali homugo kē pā bidi mu bidaibao. Ena isiyu da, teda ena wiegi yai mu bugagia bidaibao, tebogo e t̄de bidibo aiyaba mu elaluaibao. ²² Tiali goli ena e t̄de me bididuyu da, teda eno we bidi hauwa tau sabo sē ebo usu yaibao. Tialima eno mena t̄ wali pogowe? Te eno konebeo. ²³ Eno homu si ebao, tama te homu sigo ena augwali si tomode dā walali. Te homu me e dao: ena Krai dali bidigi pomainu ena isaio homu bomu elama ebo dao. Te aga dali bidibogo te e t̄de bidibo kolesaga aiyaba mu elaluaibao. ²⁴ Tiali goli me homu e tiwai dao: eno dage tobade e t̄de me bidiyu dage tau sabo sē, te me te genuai sē dao, tebogo ena aga dali bidigi pabo sē aiyaba elalubo dao. ²⁵ Tama tede eno homu si ebo meni, eno mu koneai, ena e t̄de me bidaibao. Tama ena dage dali bidiyu, tama dagego te konealubo po dā wabo bomu genuai pedaluyu, tama dage dwagi yai homu mu pemene emainogo eyu, eno dage dali tau siyu bidaibao. ²⁶ Tama tibaso, ena dage dali ma bidibo si, te dage Krai Jisas dali wadolobaso tama eno yali sēde dagego te dwagi yai homu pemene ebo page hauwa elaluaibao.

²⁷ Te enade nosali pedalabo sē te dago megi konebeo. Tialima te tagalao, te sē sē menio. Te sē sē nai, te e dao: te dago Krai sēde ola mabo wiegi yai po, te po te da usu sabo usu ni tiwai dao, tama te dagego ebo kolesaga te usu niba kadu wao. Dagego tama tiyu da, teda ena dage bidibo digi pabo ma gasa bulude bidibo, te usu dao, eno dagego ebo kolesagade dwagi yai po naga odaibao. Dagego te Krai sēde ola mabo wiegi yai po bugagia wali pobaso da, teda dage duga hasi deli homu naga eyu, tama bomu elama dolaluaibao. Tama me dagego ebo kolesaga deli naga eyu, tama duga hasi tau siyu, tama te Krai sēde dwagi yai konealubo po aiyaba elaluabo dwai sē ebo bage augwaligo dage dologobeo. Dagego tama ebo kolesaga po eno odaibao. ²⁸ Eno te dagebolo dene mabo bage augwalide po odaio. Augwaligo dage wi homu me ilibogologio. Dage munu me wi isīabo, te kolesaga ebogo te augwalibolo ola mawaibao, te augwali dolama

tama mu hagawaibao, tiali goli God aga digi dage bugagia tonaluyu tama dage wiegi yai bidaibao. ²⁹ Magi baso meni, dage, dagebolo Godigo dwagi yai şe olo elama, tama agai dage te Kraisgo şe ebo we bidi nigilai dao. Tama tiyu, agai dage tau selama, tama dagego Kraisde konealubo po homugo daş wali. Te me elalubao, te agai dagebolo agai nogide dene sabo kolesaga me olo manio, te wiegi yai dao. ³⁰ Tama dagego te Krais tobade dene sobaso, te dage ena dali hodobo te tobage dene sabo şe ebo usu dao. Polobadu ena dage dali bidibadi eno hwjbo dagego suai dao, augwaligo Kraisde ena dene mani. Tama megi me dagego odali, augwaligo e bulude me enabolo dene meş mabo dao.

Kraisgo aga nogi ugwaba sisişbo wiegi yai kolesaga yali

2 Te dage Krais dali wadolama tama bidu, tama dagego bomu tama elalubo dao. Tama agai dage dali dwagi yai homu eyu godolo ebaso, tama dagego homu nagame elama bugagia bidibo dao. Dage agai Tedali Mobo Bidi dali deli homu eyu kisasa biliyu bidibo dao. Tama dagego duga hasi tomode te abagi homu eyu, homu dene eyu duga hasi tau sabo dao. ² Dagego tama tialigo da, eno homu dwagi yai genuai mu dagego emainu e kolesaga tama yao: te deli homu naga bugagia yao, tama duga hasi dwagi yai homu eyu godolo ebo kolesaga te dobayao, tama homu dali, homu kolesaga dali te duga hasi deli naga tiwai si naga elaluo. ³ Gasa bidi tau sabo kolesaga tagalama, tama duga digide naga homugo kone paluyu, duga nogi naga olo ugwaba sabo kolesaga eyu, dage te tiwai bidilamuo. Te menio. Te imilai homu eyu, e homu yao, "Te gasa we bidi augwali dwagi yai bage dao. Ena augwali dologode bidaibao," te homu yao. ⁴ Tama tiyu, dagego duga digi naga tau siyu, duga nai naga bugagia tonalugimio. Gasa we bidi augwali me tau siyu, augwaligo nai me dagego bugagia tonaluişo.

⁵ Dagego elaluabo homu kolesaga te Krais Jisasgo elaluali homu kolesaga tiwai gilama yao. Te kolesaga e dao:

⁶ Aga tigidali sogo polobadu God tiwai mu bididuai dao.

Tiali goli agai aga digi tau somainu "Ena e tiwai bidaibao" homu te munu me ebeo.

⁷ Te mu menio. Agai digi aga genuai wiegi yai nogi tagalama, tama nogi meni yai şede daş walali bidi tiwai pedalali.

Aga te tşde bidibo bidi dabe tiwai pedalama, tama bidi augwaligo suali aga be bidi mu bidai.

⁸ Aga digi aga nogi aiyaba munama, tama Godigo po wali peyu, tama augwaligo aga ela muabo sogo usu nagasai, te dwai ni pedaide naga isali.

⁹ Tama tialide Godigo aga ugwaba mu sela muai, tama agabolo te gasa nogi tigidali aiyaba elalubo genuai nogi mawai.

¹⁰ Tama tibaso, dagalu bidi me, tşde bidi me, tş dai dologo badu bidibo bidi dabe me, augwali

tigidaligo Jisasgo nogi ugwaba somainogo augwali kidu sugunaibao,

¹¹ tama tigidali bidigo e po hania waibao, "Jisas Krais da, aga naga te Genuai Bidi dao."

Tama tiyu, augwaligo God Ayago nogi ugwanu mu elaluabao. †

Godigo po odobo we bidi te dagalu ho dabe tiwai ula yao po

¹² Eno abagi mu dede, Krais aga Godigo po mu wali pali. Tama tibaso, ena dage dali polobadu bidibadi dagego eno po wali pali tiwai gilama, te megi me, ena digibulu bidibadi te dagego bomu elama, te eno po bugagia wali pao. Te şeşę dao, olo şeş mu menio. Tama tiyu, God dali duga homugo keş pai we bidi mu bidiyu, tama te dage bidibo kolesaga wiegi yai mu sese pedalomainu bomu elama tiduao. ¹³ Magi baso meni, te dagego aga homu wali pabo homu emainogo, te dagego aga homu wali pabo bomu me elalumainogo, te God aga digi dage tomode aga şeş eyu, tama dagego homu agai hodolobo dao.

¹⁴ Tama dage Godigo po tama wali peyu tama dagego elalubo şeş ebadi, te duga hasi wado po wabo me, konila po wabo me, te tobage po wagimio. ¹⁵⁻¹⁶ Tama dagego te şeş tama eyu da, teda dage te gasa we bidigo gedude te magi şeş isşwai we bidi bidiyu, tama dage te dwai şeş dali dwagi yai şeş dali gealusişbo we bidi bidaibao. Tama bidiyu, dage te homu gagea pai haniani dwai dwai şeş ebo we bidi tomode bidibadi goli, dage Godigo mu doloba pai wai puluba bidaibao. Tama dage augwali tomode bidibadi dagego te ho dabe hulide ula nanobo tiwai eyu bidişo. Tama tibadi, dagego augwalibolo te wiegi yai bidibo ula elalubo po pusao. Dagego tama tiyu da, teda te Krais aga e tşba ma asobo side eno dwagi yai homu dage dali yaibao. Magi baso meni, eno koneaibao, eno dage tomode yali tigi dene şeş me te eno bomu me te olo dali ebeo. ††

¹⁷ Dagego duga homugo Kraisde konealubo po daş wabo kolesaga ebo, te kolesaga ebo te Godigo gedude te dagego agabolo te ofa nai mabo kolesaga ebo tiwai dao. Tama bidi dabe augwaligo ena ela mugowe, mugobewe, te eno konebeo. Tama augwaligo ena ela muyu da, teda eno kaneme dali te dagego ofa mabo nai dali te si dago agabolo mawaibao, te polobadu bidali bidi dabego te wain aş te ofa nai daiba gelali tiwai yaibao. Awe, tama tiyu da, teda usu da, eno tede dwagi yai homu pemene ebao, tama dage dali hodobo eno dwagi yai homu ebao. ¹⁸ Te tama tiwai me, dagego me te enaba pedalabo şede dwagi yai homu pemene yao, tama ena dali hodobo dwagi yai homu yao.

Polgo bidi si Filipai hanuba tagala palaibao

¹⁹ Genuai Bidi Jisasgo homu usu weyu da, te eno dage bugagia bidibowe wabo po odomainogo, eno Timoti dage bidibo digi tamadi tagala palaibao. Tama

aga ma asama, dagede po enabolo olama, eno me dagede dwagi yai homu yaibao. ²⁰ Eno Timoti tiwai bidi me menio. Agai ena dali homu deli naga ebo dao. Agai dage tau sabo homu mu ebo dao. ²¹ Tigidali gasa bidi dabe augwa naide naga homu eyu, tama tede tonalubo dao, tama augwaligo Jisas Kraiso sęde homu eyu tonalubo menio. ²² Tama duga digi Timoti mu koneai, te aga yali sę dagego osola sulama tama dagego koneai, te aga sę bugagia ebo dwagi yai bidi dao. Agai ena dali hodobo te Godigo po pusubo sę iduai dao, te aga ogwago aga aya dali hodobo sę ebo tiwai yai dao. ²³ Te gavman bidi dabe augwaligo ena e kalabus bedu tamadi olo tagala palogowe, ma meniwe, te eno megi konebeo. Tialima te eno nosali konebaso da, teda eno Timoti polo dage bidibo digi tagala palaibao. ²⁴ Tama Genuai Bidigo homu usu weyu da, te ena digi ena dage bidibo digi tamadi asaibao, eno megi te homu ebao.

²⁵ Eno homugo te bidi Epafroditus dage bidibo digi ma tagala palaibao. Aga dago ama dao, tama ena dali deli sęde abagi olama biduai dao. Tama gasa bidi dabe augwaligo Godigo po pusubo sę dolidali weyu tama agai ena tau siyu, tama da sigo tigi dene sę iduai dao, te ami enesigi bidigo bomo elama hwjbo tiwai yai dao. Polobadu dagego Epafroditus ena bidibo digi tagala palai, tama agai ena tau siyu ena dali bidibao. ²⁶ Agai dwai homu mu eyu, tama agai homugo aga dageba polo paio wabo. Magi baso meni, dagego aga gasi yali po odali, te po agai odali. Tama agai te po odama, tama dagego agade moni homu idali weyu aga dagede homu dene eyu dage sugi pabo homu eyu bidibao. ²⁷ Awe, mu tama, polobadu aga gasi mu yai, tama pade mu aga isabo tiwai yai. Tiali goli Godigo aga dali homu dene eyu, tama aga tau selama aga isibeo. Tama tebode Godigo aga deli naga homu dene eyu tau sabeo. Agai ena me homu dene elama tau salio. Agai koneai, ena e kalabuside bidibasos, ena sęęę dali dene me te elalubao. Tama eno abagi isibasos, eno genuai sęęę elaluaibao. Tama idali weyu Godigo te bidi tau sabogo ena me tama tau sai dao. ²⁸ Tama tibasos, ena wiegi yai homu eyu tama eno homugo aga dage bidibo digi tagala palabo homu ebao. Tama tiyu, tama dagego aga ma subo si, teda dagego dwagi yai homu agade ma yaibao. Tama eno sęęę me te tama silaibao. ²⁹ Dage dali, te bidi Epafroditus dali, te dage tigidali te Genuai Bidi Kraiso hani deli dao. Tama tibasos, aga dageba asobo si, dagego aga duga ama tiwai ma sao. Te tobage bidigo nogi dagego ugwaba siyu, tama augwali dali dwagi yai homu yao. ³⁰ Magi baso meni. Kraiso sę tobade aga pade tama isai digi dao. Agai homugo aga bidabo homu yai menio. Dage digibulu bidiyu, tama duga digi ena tau sabo usu şabaso, agai ena tau sabo homu elama, tama Kraiso sę ebadi pade isai digi dao.

Godigo te we bidi doloba pai ilibo sę po

3 Eno ama dede, eno po silainogo e po obao, eno homugo te dage te dago Genuai Bidi dali

wadolobaso, te dage dwagi yai homu pemene yao. Te eno dagebolo polobadu pusali po, te po megi ma aşebo eno hagelabo menio. Te po dagebolo ma aşębo-gage tau siyu, tama gasa bidigo ola mabo pogo dage dologobeo. ² Dage dua dao, te sę dwai ebo bidi dabe, te wili sulai yowi tiwai. Dage dua dao, dwai bidi dabego dagebolo "Te da Juda bidi dabe tiwai eyu, duga tigi togoyu, Godigo sa mubo daj tigi muao," te po wabo bage, te augwalide dua dao. ³ Magi baso meni. Augwali meni, te dago naga te Godigo sa mubo daj mu sai dao. Augwaligo homu te augwa tigiwali togobaso augwali Godigo gedude doloba pai bidi dao, tede geda muyu augwaligo te homu ebo dao. Tiali goli dage te doloba pai bidi nogi sabo tų koneai. Magi baso meni. Godigo Mubo Bidigo da tau siyu, tama dago Godibolo lotu po wabo dao. Da Kraiso Jisas dali wadolama bidiyu, tama tede da dwagi yai homu mu pemene ebo dao. Tama bidiyu, dago Godigo sa mubo daj elalubao. Dago te dena tigiwali togobo sęde te da tau sabo kolesaga dao, te homu mu ebo menio. ⁴ Te tigiwali togobo kolesaga dali, te bidi aga tigi bomogo ebo haniani kolesaga dali, te tobage kolesaga ebogo te bidi te Godigo gedude doloba pai bidi ilibo usugi da, teda ena aga gedude doloba pai bidi mu dao. Tama gasa bidi me deligo aga tigiwali togobo sę elama tama gasa sę me eyu, tama aga wiegi yai bidi dao homu eyu da, teda eno te bidi aiyaba elalui dao. ⁵ Magi baso meni. Edao. Ena ame nenama, tama Sarere deli bidama, tama augwaligo eno tigiwali togwai, te Godigo hani sa mubo daj enaba tama muai. Ena te Israel bidi mu, tama ena Benjamin te bidigo hani. Eno aya ida si augwaligo Hibru po weyu bidai, tama ena me Hibru po wabo bidi mu dao. Ena genuai hodolama, tama ena te Farisi hani bage dali wadolali. Augwaligo bomu eyu, te Juda dabego bomu yai po tigidali deli deli dolo mu bugagia wali pabo bage dao. Te tiwai ena me te da Juda dabego bomai po tigidali dolo mu odama wali peyu bidai dao. Tebode ena olo bidi meni. ¹⁶ Eno te Godigo nogi dolobo we bidi elaiabos homu bomu elama, tama tede geda muyu eno te Kraiso wali pabo we bidi hani augwalibolos genuai dene mayu bidai dao. Te Godigo te Juda dabego bomai po dolo wali pabo bidibolos te doloba pai bidi nogi pogi sogo da, teda enabolo agai te nogi pogi da. Eno te bomai po me deli me bolobeo. Te eno dwagi yai kolesaga tama yali goli, te usu meni. ^{††7} Tiali goli te eno megi tama nedali eno nogi tau sabo wiegi yai kolesaga, te augwali tigidalide eno homu hasegelama, tama megi eno homu te augwali te ena tau sisabo nai naga dao, te hagawai nai naga tiwai dao. Magi baso meni, Kraiso agai ena tau mu sai dao. ⁸ Tiali goli te da Juda dabego ebo kolesagade naga eno homu te augwali te ena tau sisabo nai dao. Tede naga menio. Te ena Godigo gedude doloba pai bidi pedalomainogo eyu, polobadu eno haniani gasa kolesaga hauwa me eyu bididuai dao. Te kolesaga tigidalide me megi eno e homu ebo dao, te augwali ena tau sisabo kolesaga dao, te olo nai mu dao, te homu eno megi

† 3:5 Tpi 23:6; 26:5; Rom 11:1 †† 3:6 Tpi 8:3; 22:4; 26:9-11

ebo dao. Magi baso meni. Te wiegi yai kolesaga me deli naga eno megi subo dao. Te kolesaga e dao: ena te eno Genuai Bidi Krai Jisas dali mu wadolama, tama ena aga dali abagi mu kisasa bilibao, te kolesaga da te genuai wiegi yai kolesaga mu dao, tebogo te gasa kolesaga tigidali aiyaba elalubo dao. Tama aga tobade eno te gasa ena tau sabo kolesaga tigidali tagalai dao. Eno Krai tama somainu eyu, tama te gasa kolesaga tigidali te dwai olo pobebe bage naga dao, eno te homu ebo dao. ⁹ Eno homugo ena aga dali wadoloyu tama homugo mu keą paibao. Polobadu eno e homu eyu bidai dao: eno te Juda bagego bomu yai po dolo mu bugagia wali peyu da, teda Godigo gedude ena doloba pai bidi pedalaibao. Tiali goli megi eno te homu ebo meni. Eno Krai de konealubo po daų olama, tama Godigo ena doloba pai bidi nogi yai dao. God aga digi te Krai de konealubo po daų wabo bidibolo te doloba pai bidi nogi ebo dao. ¹⁰ Tama bomu elama, eno deli homu naga ebo dao: ena Krai dali wadoloyu, tama eno aga kuna koneaio. Aga isąma ma hodaluama tama bomu elalubao. Eno homugo eno te bomu mu koneaio. Eno aga dali abagi mu olama, tama aga dene sali tiwai eno dene sobaso te usu dao, eno te dene saio. Tama tiyu, aga isali tiwai ena isaio. ¹¹ Eno homugo te tu elalubaso, nosali ena te isali we bidi tomodu Godigo ena ma hodaluaiobao, tama ena ma bidaibao.

Polgo bomu elama daų yali digi sabolainogo udawai

¹² Tiali goli eno megi tama wali kolesaga, te tobage kolesaga eno polo selama, tama megi ena doloba pai wiegi yai bidi mu dao, eno te homu ebo meni. Te menio. Bidi dabe augwaligo bomu elama daų yali digi polo sabolainogo udabo tiwai, te eno bomu elama, tama te Godigo enabolo maiabo nai sabo homu ebo dao. Eno te tiwai emainogo eyu, Krai Jisago polobadu ena aga wali pomainogo ilai dao. ¹³ Ama dedeo, te enade, te eno homugo te kolesaga polo mu sai dao, te homu ebeo. Meni. Tiali goli eno homu me deli digi tama ebo dao. Eno polobadu yali homu kolesaga tagaluyu, tama augwalide homu ma esiayu, tama eno nosali sabo nai se bomu ebo dao. ¹⁴ Tama tibaso, eno bomu elama, daų yali digi sabolama, dwagi yai muani nai sainogo udabo dao. Te dwagi yai muani nai sabo e tiwai, Godigo da Krai Jisas dali wadolama, tama aga dali bidada peyu, bidada pomainu agai da dagaluba holao olama i wai dao.

¹⁵ Te da Godigo po kibu be hauwa bugagia wali pali bage, te dago aga homu kolesaga koneai bage, te da tigidaligo te bomu elama daų yali digi sabolama, dwagi yai muani nai sainogo uda yabo homu deli naga yao. Tiali goli dage mebago gasa homu me elalubaso wida, teda Godigo dagebolo te po page hania waselaibao.

¹⁶ Tialima te Godigo dabolo polobadu waselali yabo kolesaga, te kolesaga dago bugagia wali pomainao.

¹⁷ Eno ama dedeo, dage tigidaligo eno ebo kolesaga sulama, tama te tama tiduao. Dago dagebolo te dolo yabo kolesaga ola mawai dao. Tama tibaso, duga hasi

dagego dago ebo kolesaga wali asobo bidi dabe bugagia suao, te dagego augwaligo ebo kolesaga dolo wali pomainogo tama yao. ¹⁸ Polobadu hauwa sogo eno dagebolo wai dao, tialima megi eno dagebolo ma obao, tama eno homu dene eyu gedude aų pedalabo dao. Magi baso meni. Godigo po odobo we bidi hani tomode te we bidi hauwa augwaligo ebo kolesagago augwali te Krai ni pedaide isali se page dali boi bidi ilibo dao. ¹⁹ Augwa tigi tuabo nai dabe, te nai sabo homu naga augwaligo eyu, tama te kolesaga wali pabo dao. Te sabo nai dabe augwaligo tibo god tiwai mu dao. Augwaligo dwai haniani hale ebo kolesaga ebo dao. Tiali goli augwali tede hale menio, tede augwaligo dwagi yai homu eyu, tama augwa nogi ugwaba sabo dao. Tama augwaligo e tde elalubo naide naga homugo daų olama tama bidibo dao. Tama augwaligo te tobage kolesaga ebaso, augwali mu dolaibao, te dwai buluba paibao. ²⁰ Tiali goli, da, te da gasagi yai we bidi hani dao. Dago bulu mu te Godigo bidibo digi mu dao, tama wiegi yai homu eyu dago te da ma dobola sabo bidi, te Genuai Bidi Jisas Krai, aga tedu dulama, tba ma asobo tonaluyu bidibo dao. ²¹ Magi baso meni. Agai bomu te gasa tigidali bomu aiyaba elalubo dao. Tama agai bomu agai tigidali nai deliba sisinama, tama aga dologoba muabo te bomu tede usu dao. Tama aga tba ma asama, tama dago bomu meni yai polo isibo tigi, te tigi agai bomu hasegelaibao, tama dago tigi agai wiegi yai ula elalubo tigi tiwai si pedalaibao.

Dage deli homu eyu tama dwagi yai homu kolesaga sao

4 Eno ama dedeo, te Krai e tba ma asama, tama da dali wiegi yai se yaibao. Tama tibaso, dage aga dali polobadu wadolama tama megi bomu elama dolaluiąo. Eno dage dali wiegi yai homu mu pemene ebo dao, tama eno dagede homugo ma kone palobo si eno homu dene ebo dao. Dagego ena homu dwagi yai ilibo dao. Dage da, te eno bulali nai du walali tiwai dao.

² Yuodia dali Sintike, te we dage sigo odao: dage si Krai dali wadolama, tama ama name si tiwai bidiyu, homu deli naga yao. Dage si tama naga tiao. ³ Tama nage me, nage ena dali homugo keą pai bidi, ena dali deli se ebo bidi dao, eno nagebolo e po obao, te we si augwaligo deli homu naga emainogo nago augwali tau sao. Eno Godigo po pusubo se ebadi, augwali sigo tigi dene se eyu, ena tau sali. Te bidi Klemen dali, gasa ena dali deli se ebo bidi dabe dali, augwaligo te we si dali se yali dao. Tama augwali tigidaligo nogi te Godigo bukude asena elalubo dao, te bidibo ula sali bagego nogi asani bukude.

⁴ Eno homugo dage te Genuai Bidi dali wadolali we bidi dage sesemane sogo dwagi yai homu pemene eyu bidao. Awe, eno te po ma obao, dagego homu dwagi yai pemene yao.

⁵ Dagego homu nagame ebo kolesaga tigidali sogo eyu, tama tigidali we bidi augwaligo te kolesaga sueibao. Dago Genuai Bidi ma asobo sogo paba yaga-sai dao. ⁶ Dagego haniani naide moni homu egimio. Te menio. Te dageba pedalobo se tigidalide dagego Godibolo tede po weyu, tama agabolo buba hwi olama, tama te dagego saq pabo naide aga hanalu wao. ⁷ Dagego tama tiyu da, teda dage Krai Jisas dali wadolama, tama aga dali hodobo bidiyu, tama Godigo dage nagamea pai homu ilibo kolesagago dage bugagia tonaluaibao, tama dage wi egobeo. Te nagamea pai homu ilibo kolesaga page te da tede bidibo we bidigo kuna munu me konegobeo, te agai kolesagago dage homu kolesaga aiyaba mu elalubo dao. Awe, tede dage homu kolesagago deq sabo dao, tiali goli agai te nagamea pai homu ilibo kolesaga page me hauwa elalubao.

⁸ Eno ama dedeo, eno po silagasu wabo po me deli waibao. Dagego eno e nedebolo kolesaga nogi selama tama augwalide naga dagego homugo bugagia kone pabalo piduao. E tobage kolesaga augwali dwagi yai dao, tama tigidali we bidigo e kolesaga ebo bidigo nogi ugwaba sabo dao. E dao: te tibo po wasiabo kolesaga me, te wiegi yai kolesaga me, te Godigo gedude me bidigo gedude me dolo kolesaga, tama meda isaqwai kolesaga dali, te abagi homu ilibo kolesaga dali, te doloba pai kolesaga dali, te dwagi yai nogi elalubo kolesaga dali, te tobage ebo kolesagade dagego homugo kone pabalu pidubadi geao. ⁹ Ena dage dali bidibadi eno te haniani kolesaga po dagebolo ola menama tama dagebolo mani. Tama dagego eno yali kolesaga gedugo suali. Dagego te enade tama sali kolesaga sesemane sogo iduao. Tama tiyu te dabolo nagame homu ilibo God aga dage dali bidaibao.

Te Filipai hani bagego tau sabo nai dabe Polbolo tolai baso, te Polgo buba hwi po wai

¹⁰ Ena te dage Genuai Bidi dali wadolama tama bidiyu, tama meggi ena dwagi yai homu mu pemene ebao. Magi baso meni. Hauwa sogo silama tama dagego ena tau sabo tu ma dalama, tama dagego ena tau sabo kolesaga te ni dululi pisigalubo tiwai eyu, tama dagego mone ge enabolo tagala palali. Tama tiyu, tama dagego enade homugo konea palobo, te eno koneai. Dagego ena gegeda pabeo. Te meni. Tiali goli dage tu meni yai dao. ¹¹ Tama tede ena nai saq pabo hobedagia bidibao, eno te po meggi wabeo. Te meni. Eno elalubo nai, te naide ena dwagi yai homu eyu bugagia bidibo kolesaga te eno konea silai dao. ¹² Ena magi nai meni yai bidi bidibo kolesaga dali, te nai hauwa elalubo kolesaga dali si eno koneai. Te eno polobadu konesiawai kolesaga eno meggi konebo dao. Tama tibaso, tigidali bulude me, tigidali sogo me, te

ena dwagi yai homu eyu, bugagia bidabo ena usu yaibao. Ma, eno nai hauwa tubo sogo ma nasi ebo sogo, tama doado bage hauwa elalubo sogo, ma nai saq pabo sogo, te magigo menio. ¹³ Krai agai aga bomo ena menama, tama te bomogo eno tigidali se ebo usu ebo dao.

¹⁴ Tiali goli, dagego ena dali hai namu si weyu, eno sege dagego tolai, te kolesaga dwagi yai dao. ¹⁵ Tama dage Filipai we bidi, duga digi mu koneai: te polobadu eno te Godigo gesi wiegi yai po sela pabo se dage tomode ebo gagalali sogo, te sogo eno te Masedonia to tagalama, tama gasa toba pali sogo, te sogo gasa Godigo po odobo we bidi hani augwaligo ena tau sabe, te dagego naga ena dali deli se yabo homu eyu, tama enabolo mone ge menama, tama eno te mone ge sai dao. ¹⁶ Ena Tesalonaika bulude bidibadi tama eno nai saq pobaso, dagego ena si sela sogo tau sai dao. ¹⁷ Te dagego ena tau sabo badi, te eno dagego enabolo mani masigi gede homugo kone paluyu sabo homu ebo meni. Te meni. Eno homugo Godigo te dagego ena tau siyu duga nai dobabo dwagi yai se ebo sulama, tama agai nosali dage wei ponaibao.

¹⁸ Dagego mani tigidali nai usu elama eno selama, ena saq pabo meni. Te dagego dwagi yai nai dabe te bidi Epafroditus nogoba munama, tama agai tolasa asai, te eno sai, tama meggi ena pagana pabo. Te dagego tolali nai dabe augwali da te Godibolo olo maiabo denami ebo ofa nai tiwai dao, te agai gedude te usu dao, tama agai homu dwagi yai ilibo nai dao. ¹⁹ Tama ena wali pabo God agai dage bugagia wei ponaibao. Dage Krai Jisas dali wadolama tama dagego mena nai saq pobaso da, teda agai umabo elalubo wiegi yai ula yai naigo dage tau siyu, tama dage me mu pagana paibao. ²⁰ Eno homugo da tigidaligo dena Aya Godigo bomo yai ula elalubo nogi sesemane sogo uganu sao, bidada peyu, bidada pabo sogo tama yao. Te mu tama dao.

Po me badu wai

²¹ Eno siade da wabo po te tede bidibo Godigo po odobo we bidi tigidalibolo wao, augwali Krai Jisasgo hani bage dao. Dago ama dabe ena dali ede bidibo bagego dage dali siade dao po olama tolobao. ²² Ede bidibo Godigo we bidi augwali tigidaligo dagebolo siade dao po ola tolobao. Meba gavman tuni bidi Sisar agai bede se ebo bidi augwaligo te siade da wabo po bomo elama, dage dali te po wai.

²³ Eno homugo dage Genuai Bidi Jisas Krai olo tau sabo wiegi yai kolesaga dage dali bidao. Te tama dao.

Polgo Kolosi Dabeba Pas Aşani

Hasia nedebo tau sabo po

Te hanu nogi Kolosi te Esia moni t̄o tomode elaluali. Pol aga digi te Kolosi hanuba pabe, gasa bidigo Godigo po teba hasia pusugi pai dao. Tama Pol te Rom moni hanu kalabus bede bidibadi tama te bidi Epafras te Kolosi hanu taga soyu, te Romba sabolama tama Pol suagasali. Agai Polbolo te Koloside pedalali s̄e po pusuyu, tama te we bidi meba te augwa polobadu yali dwai kolesaga tomoba ma painogo ebao wali. Te me te tibo po ola mabo bage augwaligo te we bidibolo te augwa tigi aiyaba elaluabo tibo po ola mobao, te po me Polbolo pusali. Tiali goli te we bidi hauwa augwali Krai bugagia wali pabo dao, te po me Epafrasgo Polbolo pusali. Tama tiba-so, Pol dwagi yai homu eyu, tama agai te Kolosi we bidi dali godolo ebaso, agai e tau sabo bomo mabo po aş-nama, tama te bidi Tikikusgo augwalibolo sela pomainogo yai. Te si wabo bidi nogi Onesimus, te bidide Polgo po hauwa olama, te bidi Filemonbolo te pas aşeyu te tama po wai dao.

**Krais aga te tigidali naigo tobolu bidi da,
tama te tigidali bidibo ula me te Godigo kole-
saga agade pağanalubao**

(Daj 1:1-3:4)

1 ¹⁻² Ena Pol dao, ena Krai Jisasgo po sela pabo s̄e bidi dao. God aga homugo digi ena te s̄eba muani. Tama dago ama Timoti aga ena dali bidibao. Tama eno e pas aşna dagebolo tolobao, dage Kolosi moni hanude bidibo Godigo we bidi hani. Dage da, dago ama dabe, dage Krai dali wadolama tama aga dali homu k̄eş pai bage dao. Eno homugo dago Aya Godigo olo tau sabo wiegi yai kolesagago dagego homu dua nagame ilama, tama dage bugagia bidimainao.

Polgo Godibolo puba hwi po wai

³ Te God agai dage tau somainogo da sigo gedu haluasa po wabo dao. Tama weyu, tama sesemane sogo te dago Genuai Bidi Jisas Kraisgo Aya Godibolo dago dagede puba hwi po wabo dao. ⁴ Magi baso meni, dago odali, te dagego Krai Jisasde konealubo po daş wali po me, te Godigo we bidi tigidali dali dagego dwagi yai homu eyu godolo ebo kolesaga po me, te po si dago odobaso, dago agabolo puba hwi po wabo dao. ⁵ Te mu po, te Godigo gesi wiegi yai po, te po pusubo bidi hasia sogo dage bidibo digi sabolali sogo, te sogo dagego te po odama, tama dagego koneani, te nosali Godigo dage dali dwagi yai s̄e mu yaibao. Te tama odama, tama dagego tede dwagi yai homu eyu, bugagia tonalubo dao. Dage tama tonalubaso, dagego Krai konealubo po daş olama, tama Godigo we bidi

tigidali dali dwagi yai homu eyu godolo ebo kolesaga ebo dao. Tama te Godigo dage dali nosali yabo dwagi yai kolesaga page te Godigo aga bidibo digide bugagia tonalubo dao, te dologobeo. ⁶ Tama te gesi wiegi yai po pusubo bidi dabe augwali te tigidali t̄oba tedali pelama, tama tede bidibo we bidibolo te po pusama, tama tebogo te we bidi dali dwagi yai s̄e ebo dao, te ni aga du bugagia walobo tiwai ebo. Te dage tomode me te tiwai yai dao. Hasia dagego te Godigo olo tau sabo wiegi yai kolesaga po odama, tama te kolesagago dage tau selama, tama te kolesaga dagego kuna konebo dao. Tama te sogo gagalama tama megi e soga usu nagasama te wiegi yai pogo dage tomode aga du bugagia walobo dao. ⁷ Epafras agai te wiegi yai gesi po dage ola menama, tama dagego konea sai. Aga dago deli s̄ede bidibo dwagi yai bidi dao, tama da sigo aga dali dwagi yai homu ebo dao. Aga te Krai dali homu k̄eş pai s̄e ebo bidi dao, tama agai da si te s̄ede tau sabo dao. ⁸ Tama agai da sibolo e po hania hanilai dao, "Te Godigo Mobo Bidigo te Kolosi we bidi tau sobaso, tama augwaligo te Godigo po odobo we bidi tigidali dali dwagi yai homu eyu godolo ebo dao," te po wai.

⁹ Te Godigo po dage tomode te tobage dwagi yai s̄e yali baso, dago dagede te po odali sogo gagalama tama eduali tama megi usu nagasama tama dago Godibolo po wabo dao. Tama tiyu, dago Godibolo e po hanalu wabo dao, "God, nago te Kolosi we bidi augwalibolo te nago Mobo Bidigo maiabo wiegi yai homu kolesaga tigidali augwalibolo mao. Tama mobaso, augwaligo nago s̄e yabo homu kolesaga gisiga koneaibao," dago dagede te po Godibolo wabo dao.

¹⁰ Tama agai te homu kolesaga dagebolo mobaso, te-

da dagego ebo kolesaga te dago Genuai Bidigo gedude te usu yaibao, tama te kolesaga tigidaligo aga homu dwagi yai ilaibao. Tama dagego haniani dwagi yai se yaibao, te dwagi yai ni aga du walobo tiwai yaibao. Dagego God koneama tama te konebo se genuai pedalaibao. ¹¹ Dago homugo Godigo agai moni ula yai wiegi yai bomo meba selama, tama te bomo dagebobo mao, tama te bomogo dage bomai we bidi ilao. Tama agai dwagi yai bomogo dage bomo elama dolaluyu, tigidali sege bugagia tolaluyu, tama dagego boi bidi homu egobeo, dagego augwali wei ponobo homu egobeo. ¹² Tama dagego tama tiyu, dwagi yai homu mu pemene eyu, dago Aya Godibolo puba hwi po wao. Magi baso meni. Te agai tonalubo wiegi yai ula elalubo digi tede agai aga we bidibolo maiabo nai hagea selama munaluali. Tama dagego te hagea sali nai meba somainogo agai dage usu ilai dao. ¹³ Da te dwai haubo tobolu bidi Satango dologode te hulua sai bulude bidibadi, God agai da ma dobola selama, tama da bugagia sela pelama, tama aga godolo ebo Ogwago we bidi tonalubo kolesaga dologoba mugu pali. ¹⁴ Agai Ogwago te da daq wali nai pisigina sawai dao. Te po page e dao, agai yali se de Godigo dago yali dwai se sela sawai dao. †

Krais da te tigidali nai tobolu bidi dao

¹⁵ God aga te dago susiabo bidi goli, Krais te God tiwai mu bidiyu tama bidigo gedugo suali bidi bidai. Aga Godigo hasia ogwa dao, te tigidali nigali naigo nogi agai nogigo aiyaba elalubo dao. ¹⁶ Magi baso meni. Godigo agabolo te se yao olama, tama agai te dagalude nai tigidali dali, tede nai tigidali dali nigai. Agai dago subo nai me dago susiabo nai te tigidali agai nigai. Te dago gedugo susiabo dagalude bidibo ensel mobo bidi tonalubo bage dali, te haniani tuni bidi dabe dali, te tobolu bidi dabe dali, te bomo elalubo bidi dabe dali, agai augwali tigidali nigai. Tigidali elalubo naide Godigo agabolo nigao olama, tama agai nigilama, tama te Krais aga nogi ugwaba somainogo eyu bidibo dao, te aga te tigidali naigo peni dao. ¹⁷ Te tigidali nigali nai nigisiabadi, te sogo aga bolo biduduai dao, tama tigidali nai agai aga bomogo tonaluyu, tama megu bugagia bidiyu tedela pabo meni. ¹⁸ Godigo po odobo we bidi augwali da te Krais aga tigi tiwai dao, tama aga da te aga tigigo tobolu dao. Tama aga da te tigigo bidabo bomu page bidi dao. Aga naga te tigidali naide polalubo bidi bidimainogo eyu, tama aga da te Godigo hasia ogwa da, tama aga hasia mu gu pagede hodaloai bidi dao. ¹⁹ Magi baso meni. God aga digi homugo agai homu kolesaga sese te aga ogwago elaluyu, tama ogwa aga tiwai mu bidaibao. ²⁰ Tama tiyu, God aga digi homugo te aga Ogwago se ebogo agai te tigidali nai God dali deli homu ma ilaibao, tede nai dali dagalude nai tigidali. Aga Ogwago kaneme ni pedaide gelai. Tama tebogo Godigo da dali boi piabo se yai dao. ‡

²¹ Awe, polobadu dagego dwai homu kolesaga eyu, tama dwai se idubaso, dagego God dali boi bidi homu elama tama dagego aga konebeo, dage digibulu bidai dao. ²² Tiali goli megu aga Ogwago tede bidali tigi isali kolesagago agai dage aga abagi ilai dao. Agai homugo dage tedali mu we bidi, dage bugagia magu sege me meniama wiegi yai agai gedude nigiliyu, tama agai dage aga pageba odasa asomainogo agai dage aga abagi dabe ilai dao. ²³ Tialima dage, dagego bomu elama, te Godigo gesi dwagi yai pode homu keq pai we bidi bidiyu tama dolalua. Te bugagia se yai be aga toba tuluali ni tigi augwali te tede mu daq obaso, te be peme egobeo. Te tiwai me dagego duga homu agai pode keq pai we bidi bidao. Dagego polobadu te po odoyu, tama te Godigo dagebobo nosali maiabo naide dagego dwagi yai homu eyu tonalubo gagalali. Megu dage te tonalubo kolesaga tagaligo. Te gesi dwagi yai po augwaligo tigidali tede we bidibolo pusigi pai dao, tama ena Pol, ena te gesi dwagi yai po pusubo se ebo bidi pedalai dao.

Godigo geme dualali po waselali

²⁴ Ena megu e kalabus bede bidiyu tama dene sobao. Tiali goli eno dage tau somainogo eyu, tama te dene sobaso, eno dwagi yai homu ebao. Magi baso meni. Da Godigo po odobo we bidi da, te Krais aga tigi tiwai bidibao. Tama aga tigi tobade te dene tolobo se me elalubao. Tama eno tigide te dene me sobaso da, teda eno te agai aga tigi tau sabo dene meba toloyu, tama te dene silibo se eno tama tau sabo dao. ²⁵ Tama God aga digi ena aga we bidi hanigo se bidi nigilai dao. Eno dage tau somainogo eyu agai e se enabolo mani, te Godigo po sese eno gisiga ola mayu, tama we bidi augwaligo te po page kuna konemainogo ebo dao. ²⁶ Tigidali sogo polobadu te po page tigidali bidi hanigo gedude dulaluai. Tialima megu God agai aga we bidi mubolo te po page hania waselai dao. ²⁷ Te Godigo homu e dao: agai aga polobadu dulaluai po agai we bidi mu augwalibolo hania hanilaibao. Tama te dulaluali pogo te gasa hani we bidi tigidali tau sabo po dao. Te dulaluali po wiegi yai mu dao, te bomu yai ula umabo elalubo po dao. Te dulaluali po page e dao: Krais aga digi dage deli delide hodobo bidibao, tama aga tama bidibaso dagego Godigo bomu yai ula dali, genuai nogi dali, bomu dali te meba saibao, tama tede dagego dwagi yai homu eyu bugagia tonalubo dao. ²⁸ Tama tibaso, dago Kraisde po te tigidali bidibolo pusubo dao. Dago homugo tigidali we bidi deli deli augwali Krais dali wadolama, tama bugagia holama, tama wiegi yai we bidi mu bidimainogo eyu, tama dago augwali Godibolo mawaibao, bidigo aga wiegi yai nai ofa te Godibolo mabo tiwai. Tama emainogo dago tigidali wiegi yai homu kolesagago augwali ola mayu, tama dua dao, e pode geda mugio, te tobage po weyu dago tigidali we bidi Kraisde po ola mabo dao. ²⁹ Tama te se emainogo eno bomu eyu tama ena se dene mu ebo dao. Kraisde enabolo aga genuai bomu menama, tama te bomogo naga eno bomu eyu te se ebo dao.

† 1:14 Ef 1:7 †† 1:18 Ef 1:22-23 ‡ 1:20 Ef 2:16

2 Eno homugo dagego tama koneao: eno sę dene eyu, eno dage Kolosi bage dali, te Laodisia hanude bidibo Godigo po odobo we bidi hani dali, te gasa ena gesabidi susiawai bidi dabe tigidali dali, eno dage dali augwali dali tau sabo sę yai dao. ² Magi baso meni. Eno homugo te dage me, augwali me, dage tigidaligo homu kolesaga bomu emainu eyu, tama augwa hasi dwagi yai homu eyu godolo ebo kolesaga ebogo augwali deliba keę somainogo ebo dao. Tama eno homugo me te augwaligo te Godigo gesi dwagi yai po page sese kuna koneama, tama te konebaso augwaligo tede homu si munu me egobeo. Tama bidiyu, augwali tede te doado bage hauwa elalubo bidi tiwai bugagia bidaibao. Tama tiyu, augwaligo Godigo dualai po page hania koneaibao, te page da te Kraisi aga digi naga dao. ³ Aga da te Godigo wiegi yai homu kolesaga dali konebo homu dali si dabolo waselai bidi dao. Te homu kolesaga dali konebo homu dali si polobadu du-alalubadi bidai dao, te bidigo umabo wiegi yai doado bage geme dualali tiwai elaluali.

⁴ Bidi me deligo dage homu bega somainu ili po ola menama, tama dagego homu polo tulaluidali weyu, eno te po dage Kolosi we bidibolo aşana tolobao. Agai wiegi yai po mu dage ola mani digi, te po ola tagalao. ⁵ Magi baso meni. Ena dage dali megi bidibo meni goli, eno homugo dage dali kone palobo dao. Tama dagego Kraisi konealubo po bugagia daę olama, tama hani deli naga wadolyu, tama dage homu dila pai we bidi bugagia bidibao. Eno dagede tama konebaso, ena dwagi yai homu pemene ebaos.

Dago Kraisi dali keę selama bidao

⁶ Dagego "Awe, Kraisi Jisas aga dago Genuai Bidi dao," te po dagego polobadu olama tama aga tama saligo da, teda agai kolesaga eyu aga dali hodobo bidao. ⁷ Dagego aga dali wadolama, tama bomu elama aga dali bugagia daę wao, te ni pedali sele tęde aba mu peyu daę olama te ni daę weyu dolalubo tiwai yao. Tama aga te be daę wabo tuni ni dali, te be kau ni dali si tiwai dao, tama dage da te be kele ni dabe tiwai elaluyu, tama dage aga dali bugagia daę weyu bidięo. Tama tiyu, te bidi Epafrasgo dagebolo ola mani Kraisi-konealubo po, te pogo dagebolo bomu momainao, te dagego elalubo bomu genuai usu emainogo yao. Tama bidiyu, tama dagego Godibolo puba hwi po hauwa wao, dagego duga homu te puba hwi pogo paęanao.

⁸ Dage dua dao. Bidi dabe meba augwaligo te tęde bidigo olo homu kolesaga, te we bidibolo tibo po ola mabo homu kolesaga, augwaligo dagebolo te tobage dwai homu kolesaga ola menama, tama te homu kolesagago dage daę waidali weyu, dage dua dao. Te tobage homu kolesaga te Kraisi ola mabeo. Mu menio. Te tobage olo homu kolesaga te bidi dabego polo waęgo ola mani kolesaga dao, me te tę dali dagalu dali si tonalubo dwai genuai mobu bagego ola mani homu kolesaga dao. Te Kraisi sabeo. ⁹ Magi baso meni. God aga digi sese mu te Kraisi tigi tomode bidibo

dao, tama Kraisi aga tiwai mu bidibo dao. ¹⁰ Tama dage aga dali wadolobaso, agai dagebolo te bidabo ula sese mawai dao, tede dage sę pogobeo. Kraisi agai te bomu elaluyu tonalubo sę ebo genuai mobu bidi dabe tigidali aiyaba elaluama, tama aga polalubo bidi dao.

¹¹ Te me elalubao. Te Juda dabe augwaligo ame nani ogwa tigidali te tigiwali togwai, te Juda hanigo sa augwaligo tigiba tama muani. Tama dage, dage Kraisi dali wadolobaso, te dagede te Godigo sa mu elalubo dao. Te sa te bidigo nogogo ilali sa meni. Te Kraisi muani sa dao. Te dagego tigigo dwai sę yabo kolesagago dage daę wali. Tiali goli Kraisi te kolesaga pisigina sayani. Tebogo dageba Kraisi sa muai dao. ¹² Magi baso meni. Te dagego duga homu begelama tama aę-ba dulali sogo, te sogo dage Kraisi dali hodobo pubulali tiwai yai. Tama te sogo me te dage te aędu ma hodoluali sogo, te dage Kraisi dali hodobo gų pagede ma hodoluali tiwai yai. Aga te isali we bidi tomode osogo bidama tama Godigo aga tedu ma hodolali, agai sę yabo bomu. Tama dagego te bomode duga homu bugagia daę obaso, God agai dage me Kraisi dali hodobo hodolali tiwai yai. ¹³ Polobadu dage Juda bidi hani isawai bage, dagego te Godigo bomu yai po wali pisayu, dagego te bomu yai po bolama dagego hani-ani dwai sę iduyu bidai. Tama tibaso dage Godide te isali bidi dabe tiwai bidai dao, dagego aga me konebeo. Tiali goli Godigo dage Kraisi dali gų pagede ma hodolali tiwai elama, tama bidibo ula menama, tama dage megi bugagia bidibao. Godigo dago yali dwai sę sęę tigidali mu sela sawai dao. ¹⁴ Dago agai bomu yai po bolama tama dago aga dali dwai genuai negeli elaluali. Te bomu yai aşani pogo da po tų yabo paliali. Tama agai te po tų yao wali po sela saęnama tama te Kraisi aga te ni pedaide isibogo te bomu yai pogo da po tų yabo sę tigidali silai dao. ¹⁵ Tama te ni pedaide Kraisi agai aga bomu te bomu elaluyu tonalubo sę ebo genuai dwai mobu bidi dabego bomu aiyaba elaluama, tama dili eleyu, tama tigidali bidigo gedude te dolali mobu bidi dabe hania waselali.

¹⁶ Kraisi aga isaligo te da po tų yabo sę silibaso, dagego bidi me deligo dagebolo po weyu dagego tubo naide me, tubo aęde me te bomu yai po mabo gogolamuo. Te lotu po wabo tedali sa muani sogo dabe dali, te yaluai polua sogode wabo lotu dali, te Sarere deli deli toma tubo sogode me, te sogo tigidalide te bidi me deligo dagebolo bomu yai po mabo gogolamuo. ¹⁷ Te tobage bomu yai po tigidali augwaligo sę polobadu elaluali, te dago te nosali asabo bidi asaibao po wabo konemainogo yai. Tama aga asai dao, te Kraisi dao. ¹⁸ Bidi me deligo agai nade suali nai po weyu, tama dagebolo te po waibao, "Duga digi aiyaba elaluama, ensel mobu bidi dabebolo lotu po wao," agai te po waibao. Tiali goli agai te tobage po olama, tama dagego homu polo tulaluamuo. Godigo dagebolo nosali maiabo nai hagaidali weyu dagego te bidigo wabo po odogio. Te bidi agai te tęde homu

† 2:12 Rom 6:4 †† 2:13 Ef 2:1-5 † 2:14 Ef 2:15 †† 2:16 Rom 14:1-6

kolesaga naga eyu, tama hagoma homu genuai eyu aga nogi ugwaba sabo dao. Tiali goli agai po kedu meni yai dao. ¹⁹ Te po wabo bidi agai Krai agaga homugo daŋ wabo tagalai dao. Krai agaga da te tobolu tiwai dao, tama da Godigo po odobo we bidi te tigi tiwai dao. Tama te tobolugo te tigi sese bugagia tonaluyu te dili dabe te kigibiligo deliba bugagia daŋ olama, tama nai tulama tama te tigi dwagi yai pedalobo dao. Tama da Godigo po odobo we bidi me te dago tobolu bidi Krai dali tama wadolama, tama Godigo bomu selama da bugagia holobo dao. †

²⁰ Dage Krai dali hodobo isali tiwai yai. Tama tialigo da, teda megi dage te tŋ dali dagalu dali si tonalubo dwai genuai mobo bage dologode me bidibeo. Tama tibaso, magi baso dage tŋde bidi tiwai me bidibawe? Magi baso dagego tŋde bomu yai po dologode bilibawe? ²¹ E tobage bomu yai habu selebo po elalubao, "E nai nogogo tugio, u nai tula sugio, te gasa nai nogogo diągio." Dagego te bomu yai po magi baso odobawe? ²² Te bomu yai po te naide wabo dao, tiali goli dago te nai tubaso da, te nai mu ela silibo dao. Te tobage bomu yai po dabe, te bidigo naga augwa homugo nigilama tama ola mabo dao. ²³ Mu tama, te tobage tubo naide wabo bomu yai po nigali bidi dabe, augwali gasa we bidigo gedude te mu koneai bage dao. Tiali goli, te meni. Augwaligo bomu elama tama we bidibolo te po wabo dao, "Dagego te ensel mobo bidi dabebolo lotu po wao." Tama augwaligo tibo po weyu "Ena imilai homu ebo bidi dao," te po wabo dao. Tama augwaligo te homu ebo dao, "Awe, eno ena tigi-bolo nai masiŋbaso, teda Godigo gedude ena dwagi yai bidi pedalaibao." Tiali goli augwaligo te bomu yai pode mu geda muani. Te tobage habu selebo kole-saga ebogo augwaligo tigigo bomu elama yainu ebo dwai kole-saga aiyaba elalugobeo. Te meni.

Krais da tomode bidibaso, tama da gesi noma we bidi dabe pedelama bidibao

(Daj 3:5-4:18)

3 Dage Krai dali hodobo gŋ pagede ma hodaluma tama gesi noma bidabo ula elaluyu bidibao. Tama tialigo da, dagego bomu elama, duga homu te dagalude elalubo naiba muao, tede elalubo nai sabo homu yao. Tede Krai agaga tuni bidi duabo saide bidibao, te God agaga dolo nogo badu. †¹² Sesemane sogo dagego te Godigo bidibo digide elalubo naide homu daŋ wao. Dagego tŋde naiba duga homu mugio. ³ Magi baso meni. Dage isali aŋ tiwai yai, tama dagego megi elalubo bidibo ula te Krai dali God pagede geme dulaluyu bidibao. ⁴ Krai agaga dago bidibo ula page bidi dao. Tama nosali agaga e tŋba ma asama hania pedalama, tama dage me agaga dali pedalaibao, tama dagego agai ula yai wiegi yai bomu meba elaluaibao.

⁵ Dage Kolosi bulude bidibo we bidi, dage Krai dali hodobo gŋ pagede ma hodaluali aŋ tiwai ebaso, dagego te duga tigigo ebo dwai kole-saga tigidali isilao, te tŋde kole-saga ebo tagalao. Te tobage kole-saga e dao: dwai penani ebo kole-saga dali, meda yai kole-saga dali, te homu hodolobo dwai seŋ yabo kole-saga dali, te habu selali nai sabo homu ebo dali, tama doado bage hauwa sainogo godolo ebo kole-saga dali. Te doado bage hauwa sabo kole-saga da, te tibo god selama tama agabolo lotu po weyu agaga dologode bidibo kole-saga tiwai dao. ⁶ We bidi augwaligo te tobage kole-saga dabe ebaso, te Godigo augwali dali seŋe eyu, tama augwalibolo dwai dene mabo sogo mu asaibao. ⁷ Polobadu dage te bidi dabe dali bilali, tama dagego te tobage dwai kole-saga tigidali duga digi yai, tama te kole-sagago dage aiyaba elaluali.

⁸ Tiali goli megi dagego e tobage kole-saga tigidali sela saŋao: boi bidi homu ebo dali, haliga seŋe ebo dali, gasa bidi dene mabo homu ebo dali, te nogi posobo dwai po wabo kole-saga dali, tama meda yai po wabo dali, te tigidali sela saŋao. ⁹ Dagego duga hasi ama dabe tibo po wabo tagalią. Magi baso meni, polobadu dagego tigigo dwai seŋ yabo kole-saga dologode bidibo dagego tagalali, tama te tobage dwai kole-saga ebo dagego tagalali. †¹⁰ Tama dagego te gesi noma homu kole-saga selama elalubao. God agaga digi te gesi noma bidi nigai, tama dagego agaga kuna koneyu, tama agaga tiwai mu pedalomainogo, agaga dage sesemane sogo tau sabo dao. †¹¹ Tama Godigo tama tibaso, megi agaga gedude te we bidi haniani tedali elalubo menio. Te Juda hani isaŋwai hani dali Juda bidi hani te si tedali gasagi yai meni. Te tigiwali togolama sa elalubo bage dali, te tigiwali togisiąbo bage dali, agaga gedude te tedali gasagi yai me menio. Te bulu tomode mu bidibo bidi dabe dali, te bulu yowi tiwai bidibo bage me, te augwaligo seŋe daŋ olama masigi sisąbo seŋe ebo bage me, te olo bugagia bidibo we bidi me, Godigo gedude augwali tedali tedali gasagi gasagi yai meni. Te magigo meni. Krai agaga digi naga te genuai dao, tama agaga te agaga we bidi tigidali deli deli tomode bidibao.

¹² Dage da, te Godigo we bidi hani dao. Agaga dage dali dwagi yai homu eyu, tama dage godolo ebaso tama dage agaga we bidi hani pedalomainogo, agaga dage te tigidali we bidi tomodu dią sali. Tama dią sobaso, bidigo agaga gesi ugwa dabe gudubo tiwai gilama dagego e dwagi yai kole-saga selama tama yao: dagego we bidi hobede yao, augwalibolo dwagi yai seŋe naga yao, hagoma homu eyu duga nogi ugwaba sigio. Sesena pai homu egimio, we bidi dali dua dao. Bidigo dage dali dwai seŋe ebaso da, te dagego sula tagalama seŋe polo egimio. ¹³ Duga hasi bidi me deligo "Eno ama dwai seŋe ena dali yali," te po weyu, tama agaga te dwai seŋe ebaso da, te agaga nagame homu eyu agaga amago yali dwai seŋe seŋe sela saŋao. Dago Genuai Bidi Krai agaga dagego seŋe sela saŋai dao. Te tiwai gilama duga hasi dagego me abagigo seŋe sela saŋao. †¹⁴ Tama te

† 2:19 Ef 4:16 †† 3:1 Tib 110:1

‡ 3:9 Ef 4:22 †† 3:10 Gag 1:26; Ef 4:24 †† 3:13 Ef 4:2, 32

duga hasi dwagi yai homu eyu godolo ebo kolesaga me te eno megi nogi yali haniani dwagi yai kolesagaba te polalubo kolesaga daŋ walao. Te duga hasi dwagi yai homu eyu godolo ebo kolesagago te gasa haniani wiegi yai kolesaga deliba sisinama, tama wiegi yai mu pedalama tama usu niba kadu mu waibao. ¹⁵ Krai agai da dwagi yai homu nagame ilibo kolesaga ebo dao. Tama te kolesagago dagego homu tonalumainao. Magi baso meni. Dage dwagi yai homu nagame eyu bidimainogo God agai dage deli deli i olama tama deliba sisinama, tama dage tigi deli naga tiwai pedalai dao. Tama sesemane sogo dagego Godibolo puba hwi po weyu bidao. ¹⁶ Krai agai ola mani po te wiegi yai po mu naga dao. Tama te po dagego homude bugagia elalumainao. Duga hasi dagego wiegi yai homu kolesagago Krai po ola mayu tama dua dao, e pode geda mugio, te tobage po weyu duga hasi ola mao. Tama tiyu, tama dagego haniani balia po wao, tama te lotu balia wabo buku nogi Teşabi Po Buku, te bukude elalubo Godigo nogi ugwaba sabo po me, te Krai po nogi ugwaba sabo teşabi po me, te Godigo Moba Bidi po mabo haniani teşabi pogo me duga hasi ola mao. Dagego duga homude Godibolo usu da po weyu tama te balia po wao. ¹⁷ Tama tigidali sogo dagego po obadi ma dagego nogogo se ebadi, te tigidali ebo kolesaga dagego dago Genuai Bidi Jisasgo nogide yao, tama agai dage dali yali seŋe dagego dago Aya Godibolo puba hwi po weyu bidao. †

Bede bidibo bagego yabo kolesaga po

¹⁸ Dage bidigo sai we dabe sibi, dage deli deli duga bidi dologode bidiyu agai po odao. Dage dago Genuai Bidi Krai wali pabo we bidibaso tama tiao. ††

¹⁹ We sai bidi dabe, dage deli deligo duga we dali abagi homu eyu aga bugagia tonalua. Tama sesena pai bidigo kolesaga tiwai naga we dali egio. †

²⁰ Wai dabe, dagego duga aya ida sigo wabo nai po tigidali odoyu wali pao. Te dwagi yai kolesaga ebogo te dago Genuai Bidi dwagi yai homu ilibo dao. ††

²¹ Aya dabe, dagego duga wai dabe dali wado po tigidali sogo olamuo, te augwali dwai homu ilibo kolesaga egimio. Dagego augwali dali te tobage kolesaga eyu da, teda augwaligo te seŋe sabo homu eyu, tama dwagi yai kolesaga ebo tagalaibao. ††

²² Dage seŋe daŋ olama masigi sişabo se ebo bidi dabe, duga tonalubo bidigo po tigidali wali pao. Augwaligo dage dali dwagi yai homu emainu tama augwaligo dage tonalubadi naga dagego duga seŋe bugagia egimio. Te meni. Tigidali sogo dagego dago Genuai Bidi Krai dali wi eyu aga dologode bidibaso, tama homu mu eyu dagego duga seŋe bugagia yao. ²³ Tigidali seŋe dagego ebo, te seŋe dagego bomu elama yao. Tama dagego duga seŋe ebadi e homu yao, "Eno e seŋe ebo, te bidi naga tau siyu ebo menio, te eno e seŋe ebogo te Genuai Bidi Krai tau sabo dao," te homu yao. ²⁴ Tama tiyu dagego koneao, Genuai Bidi agai dage wei

† 3:17 Ef 5:19-20 †† 3:18 Ef 5:22; 1 Pi 3:1 †† 3:19 Ef 5:25; 1 Pi 3:7 †† 3:20 Ef 6:1 †† 3:21 Ef 6:4

ponoyu tama dage aga nai nosali sabo we bidi dabe ilaibao. Te Krai aga da te dagego Genuai Bidi bidi dao, tama dagego seŋe ebogo aga tau sabo dao. ²⁵ Tama niwai bidi agai dwai seŋe ebago da, teda Godigo aga te yali dwai seŋe wei ponaibao. Te nogi elalubo bage da, ma nogi meni yai we bidi da, te magigo meni, Godigo usu ni deligo naga da tigidali usu saibao. ††

4 Dage seŋe bidi tonalubo bidi, dagego augwali tigidali dali kolesaga deli naga yao, te doloba pai kolesaga naga yao. Koneao, dage me te tonalubo Genuai Bidi elalubao, aga dagalude bidibao. ††

² Dage Kolosi we bidi, dagego Godibolo gedu haluasa po bomu elama oduao, tagaligimio, tama subigila wagimio. Tama tiyu, agabolo puba hwi po wao.

³ Dagego gedu haluasa po obadi, Godigo da me tau somainogo te po wao, "Aya, nago po, te Krai seŋe polobadu game dualali po, te po augwaligo te we bidi-bolo pusumainogo tuŋ dayao," dagego te po hanalu wao. Eno gasa we bidibolo agai po pusubaso, augwaligo ena e kalabusiba muai dao. ⁴ Tama tibaso, eno agai po page hanilimainogo dagego Godibolo ena tau sao po wao. Agai enabolo te seŋe mawai dao.

⁵ Dage te Godigo obo tomoba asişawai we bidi dali bidibadi, dagego homugo kone palama tama bugagia bilao, subigila meni. Augwalibolo Godigo po pusubo sunumi dabaso da, teda augwalibolo pusao. ⁵⁶ Tama tiyu dagego wabo po sesemane sogo dwagi yai eyu tama augwaligo odai hagede emainu tama pusu yabo po naga wao. Tama bidi mego dage Godigo po pagede po me hanalu obaso da, dagego agabolo bugagia wei ponobo po kuna homu kone palama wei pona. †

Polgo te bidi si Tikikus dali Onesimus augwali si te Kolosi haniba tagala palu, siade dao wabo po silaga-sobo po wai

⁷ Tikikus da, te dago aga dali dwagi yai homu eyu godolo ebo ama dao, tama agai dagebolo te enaba pedalali seŋe po tigidali pusaibao. Agai te ena dali homugo keŋa pai bidi dao, tama agai te ena tau sabo dwagi yai seŋe bidi mu dao, tama da dali deli seŋe eyu Genuai Bidigo seŋe ebo bidi dao. ^{5†8} Tikikus agai te da ede bidibo bage te daba pedalali seŋe po dagebolo omainogo, tama dagego te po odama homu kolesaga bomu emai yainogo eno aga dage bidibo digi tamadi tagala palaibao. ^{5††9} Tama Onesimus me aga dali hodobo paibao. Onesimus aga dago dwagi yai homu ebo ama mu dao, te homugo keŋa pai bidi dao. Aga Kolosi bidi hani me dao. Tama te bidi Tikikus dali Onesimus sigo da ede bidibo bageba pedalali seŋe po tigidali dagebolo pusaibao. ^{5†}

¹⁰ Aristarkus, te ena dali Jisasgo seŋe kalabus elama bidibo bidi, agai siade dao te po dagebolo e pasgo ola tolobao. Tama Mak, Barnabas aga hai, dage dali agai siade dao te po ola tolobao. Dage bidibo digi aga sabaloyu da, dagego aga bugagia sao, te eno dagebolo polobadu ola tolali po tiwai agade yao. ^{5††11} Josua, aug-

††† 3:25 Bom 10:17; Ef 6:5-9 ††† 4:1 Ef 6:9 § 4:5 Ef 5:16 §† 4:7 Tpi 20:4; 2 Ti 4:12 §†† 4:8 Ef 6:21-22 §† 4:9 Flm 10-12 §†† 4:10 Tpi 12:12, 25; 13:13; 15:37-39; 19:29; 27:2; Flm 24

waligo te bidi nogi me Jastas wabo, agai me dagebolo siade dao te po ola tolobao. Aga dali, Aristarkus dali, Mak dali, augwali sela naga te Krai wali pabo Juda bage ede bidiyu tama augwaligo ena dali se eyu, te Godigo te we bidi tonalubo kolesaga pedalomainogo ebo dao. Te gasa Jisas wali pabo Juda bagego ena te se de tau sabo meni. Tama te bidi selago ena tau genuai mu sabo dao.

¹² Epafra agai dagebolo siade dao po ola tolobao. Aga me dage hani deli dao, tama aga Krai Jisasgo se ebo bidi dao. Sesemane sogo agai gedu haluasa po weyu homu daꝓ olama, tama bomo elama weyu dage tau sabo dao. Agai homugo dage Godigo homu tigi-dali bugagia wali peyu, tama tede homu si munu me isayu, tama dage bidi mu pedalama tama bomo elama bugagia dolalumainogo eyu agai gedu haluasa po Godibolo weyu, "Augwali te tiwai pedalomainogo, tau sao," agai te po wabo dao. ^{†13} Awe, ena digi eno aga koneama, eno e po agade obao, te agai dage dali, te Laodisia hanu we bidi dali, te Hierapolis hanu we bidi dali, dage tigidali tau somainogo eyu aga se dene mu ebo dao.

† 4:12 Kol 1:7; Flm 23

¹⁴ Luk, te dago aga dali dwagi yai homu eyu godolo ebo dokta bidi dao, aga dali Demas augwali sigo dage Kolosi we bidibolo siade dao po ola tolobao. ^{††}

¹⁵ Dagego eno siade dao wabo po te Laodisia hanude bidibo ama dabe, te Godigo po odobo bage augwalibolo wao. Tama eno te siade dao wabo po te we Nimfa dali, agai beba sisinibo Godigo po odobo we bidi augwalibolo me wao. ¹⁶ Dagego e pas nedelama, tama dagego te Laodisia hanude bidibo Godigo po odobo we bidibolo tolao, augwaligo me e po nedelomainogo eyu yao. Tama eno te Laodisia we bidibolo aseña tolali pas po, te dagego me selama nedao.

¹⁷ Tama dagego te bidi Arkipus aga dali e po wao, "Te Genuai Bidigo nago nogoba muani se sula tagaligio. Nage aga se ebo bidi bidibaso, te mani se bugagia silao," te po Arkipusbolo wao.

¹⁸ Ena Pol da, tama ena digi eno nogogo dagebolo siade dao po aseña tolobao. Dagego ena kalabus bede bidibo te gegeda pigimio.

Eno homugo Godigo olo tau sabo kolesaga dage dali bidao. Te tama dao.

†† 4:14 2 Ti 4:10, 11; Flm 24

Polgo Hasia Pas Deli Tesalonaika Dabebe

Aseani

Hasia nedebo tau sabo po

Te Tesalonaika moni hanu te nabis bulu dao, te Masedonia moni t̄pedai sesegede elaluali. Tama Pol teba sabolama, tama Kraisde po hasia te Juda hani we bidi dabebo pusali. Augwali hauwa homu hasegelama tama Kraisgo po wali pabo gagalali. Tama te Juda hani isiḡwai we bidi augwali me hauwa tama tiali. Tama nosali Pol te Korin hanude bidibadi, agai te Timoti te Tesalonaika hanuba tagala palali. Te Timoti ma asama, tama agai Polbolo te Tesalonaika hani tomode pedalali s̄po pusali. Te tibo po ola mabo bage Tesalonaikaba asama, tama Pol nogi posobo po obaso, e pas tomode Polgo aga digi nogi tau sabo po aseani. Tama boi bidi dabego augwali dene mani goli, te Tesalonaika we bidi augwali Krai bugagia wali pobaso, Pol dwagi yai homu eyu, te Godibolo buba hwi po aseani. Tama augwaligo te augwa hani isali we bidide homu hauwa ebaso, Polgo te Godigo da ḡy pagede ma hodalueibao po augwalibolo wei ponobo po aseyu, tama gasa tau sabo homu bomo mabo po me aseḡa tolali.

Pol dali aga deli s̄e ebo bagego me te Tesalonaika hani bagede augwaligo moni homu yali

(Daj 1-3)

1 Pol, me Sailas, Timoti dali, da bidi selago te po dagebolo aseḡa tolobao, dage Tesalonaika bulude bidibo we bidibolo. Dage te God Aya me Genuai Bidi Jisas Kraisde wadolama bidibao. God agai dage olo tau selama, tama dage bugagia bidao, dago homugo tebo dao. †

Tesalonaika we bidi augwaligo God dali konealubo po daḡ olama, bugagia bidai

2 Tigidali sogo dage dage tigidali dali Godibolo buba hwi po weyu, dago bomu eyu, gedu haluasa po dage tau somainogo wabo dao. **3** Tama dage Aya Godibolo po obadi, dagego ebo dwagi yai kolesaga te dage gegeda pabo menio, te dage ma konebo dao. Dagego Kraisde duga homu tigidali mubaso, tama dagego dwagi yai s̄e ebo dao. Dagego duga hasi dwagi yai homu eyu, tau siyu ebaso, s̄e dene ebo dao. Tama dwagi yai homu eyu, dagego 'Dago Genuai Bidi Jisas Krai mu

† 1:1 Tpi 17:1

aselama, da tau saibao, te homu eyu, tama bomu elama, dagego tonalubo dao. Tama dagego te s̄e ebo po dago ma koneyu, dago Godibolo buba hwi po wabo dao. **4** Dago abagi dabe, God agai dage godolo mu eyu, agai dage aga we bidi mu da olama, sa muyu yai dao, te si dage konebo dao. Tama tibaso, dago Godibolo nage usu dao te po wabo dao. **5** God agai dagebolo te homu yali dage mena tama koneaniwe? Dago te Godigo po dagebolo pusagasali sogo, te olo po dali naga wagasai menio. Te pode Godigo Moba Bidi agai bomu mu eyu, tama dagego te po mu po dao homu yali, te dagego te pode homu si ebeo. Duga digi dage dage dali hodobo bidiyu tau sabo kolesaga, te dagego konebo dao. **6** Tama dagego dage kolesaga dali, te Genuai Bidi Kraisgo kolesaga dali te kolesaga si dagego wali pabo gilama. Polobadu augwaligo da dali, Genuai Bidi Krai dali dene mani gilama, dage me Godigo po sobadi, tama dage me dene salio. Dage dene sali goli, te Godigo Moba Bidi agai dagego homu dwagi yai mu ilalio. †† Tama tibaso, te Masedonia dali Akaia dali te genuai t̄side bidibo Jisas wali pabo we bidi augwaligo dagego te dwagi yai s̄e yali po odama, tama augwaligo te tiwai inao, te po wai. **8** Dagego Genuai Bidigo po gasa we bidibolo pusubo te po te digibulu bulude odalio. Te po te Masedonia bulu dali Akaia te bulu side naga te po odai menio. Tigidali bulu bidi

†† 1:6 Tpi 17:5-9

augwaligo dagego te Godibolo konealubo po daų wabo po augwaligo odalio. Tama tibaso, dago dagego te se ebo po te dago augwalibolo ma wagobeo. ⁹ Dage bidibo digi da asali sogode dagego yali se po augwa digi augwaligo dabolo pusubo dao. Augwaligo da dali pusuyu, te po wai, 'Augwaligo te tibo god tagaliyu, tama augwaligo homu God muba muai,' te po wabo dao, tama dage bidabo ula sabo te God agai se bidi dage bidibao, te po wabo dao. ¹⁰ Tama augwaligo te po wabo dao, dage te Godigo Ogwa dagalu tagalama e t̄ba ma asobo sogo te dagego tonalubo dao, te po wabo dao. Te Godigo polobadu gų pagede ma hodolali bidi, te Jisas, tama te bidi agai da dali Godigo nosali sebe idali weyu tau sali bidi Jisas dao. Dagego te bidi asobo tonalubo po augwaligo dabolo pusubo dao.

Polgo Tesalonaika bulude se yali po

2 ¹⁻² Dago abagi dabe, polobadu da dage bidibo digi aselama, tama dago yali se te nai walosiawai se menio, te dagego koneai dao. Hasia da dage bidibo digi asisabadi, da Filipai bulude bidibadi, da dene siyu, tama augwaligo dago tigi doloyu, nogi posobo po weyu yai, te me dagego koneai dao. Tiali goli, da dage bidibo digi aselama, tama God agai da homu kolesaga daų waliyu, tama dago boi bidi sulama, wi eyu didibili homu yai menio. Dago bommo elama, Godigo po dagebobo pusa mawai. ^{†3} Dago dage dali po ola mobadi, te dagego te po doloyu, dwai se yabo po dali, ili po wabo kolesaga dali, dagego te tobage po wabo menio. ⁴ Te menio. God agai da osola sulama, tama da usu ebaso, tama agai dabolo agai dwagi yai po pusumainogo dabolo te se mawai. Tama tibaso, dagego te po hania hanilama te po pusubo dao. Dago te se ebo t̄de we bidi augwali da dali homu dwagi yai emainogo te se ebo menio. God agai deligo naga dagego te se ebo godolo emainogo te se ebo dao. Tama God aga digi dagego homu kolesaga tomode osola subo dao. ⁵ Dagego koneai, dagego te wabo pode dagego homu bega somainogo dagego te po wabeo. Dago te Godigo po dagego dali obadi, dagego nai sainogo dagego tibo po dagego dali weyu menio. Tama God agai me te se ebo gedugo suai dao, te po mu po dao waibao. ⁶ Tama dagego te se ebo te t̄de bidigo dagego nogi ugwaba somainogo te se ebeo, te dagego me te gasa bidi me tomode te dagego te se ebeo. Te Jisas Krais aga digi da tagala palali agai se bidi da bidibadi goli, dagego bommo elama, tama dagego dabolo te genuai nogi momainogo dagego te se ebeo. ⁷ Te menio. Tialima, da dagego dali bidali sogo, da homu nagame yai kolesaga eyu bidali, wego aga wai dabe bugagia tonaluyu negebo tiwai eyu bidai dao. ⁸ Tama dagego dagego godolo mu yai, tama dagego Godigo dwagi yai po dagebobo te pusa mawainogo yai. Tama te se naga menio. Dago dagego tau siyu isabo te sisi eyu, te homu me dagego yai dao. Magi basowe? Dagego dagego godolo mu eyu, te homu yai dao. ⁹ Dago abagi dabe, da dagego tomode bidibadi, dagego se dene ebo te tigidali dagego koneai dao. Tama dagego dagebobo Godigo dwa-

† 2:1-2 Tpi 16:19-24; 17:1-9

gi yai po pusubadi, tama dagego te masigi sabo gasagi yai se yai dao, te siade me hulide me yai dao. Te yali se dagego koneai dao. Dago te se magi baso yaliwe? Te dagego dagebobo sege maidali weyu, dagego te se yai dao. ¹⁰ Tama da dagego Jisas wali pabo we bidi tomode bidali sogo, dagego te gasagi yai mu kolesaga yali. God agai gedude dagego yali kolesaga te dwagi yai mu yali. Tama we bidigo gedude dagego yali kolesaga te doloba pai mu yali, tama te se ebadi, magi dwai se me yai menio. Tama te yali kolesaga dagego sulama, koneai dao. Tama God me agai te dagego yali kolesaga sulama, koneai dao. ¹¹ Tama dagego koneai, ayago aga wai dabe dali ebo kolesaga tiwai dagego me dagego deli deli dali yai dao. ¹² Tama dagego tulaluidali weyu, dagego dagego homu kolesaga tomode hodoloyu, tama dagego homu kolesaga daų waliyu yai. Tama dagego bommo elama, dagebobo po mobo maidu geai, te po wai, "God agai dagego dali dwagi yai homu emainogo, agai dwagi yai kolesaga mu wali pao. God agai dagego i wali, tama dagego aga obo tomode bidiyu, agai genuai ula yai bommo sumainogo agai dagego i wai dao," dagego dagego dali te po wai.

Augwaligo konealubo po daų weyu, bommo elama, sege dali tolai

¹³ Tama tibaso, sesemane sogo dagego Godibolo gedu haluasa po weyu, dagego nage usu dao po wabo dao. Magi basowe? Polobadu Godigo po dagego pedauwalide wabo po dagego odai. Tama te po odama, tama te olo bidigo po dao homu eyu, dagego te po sai menio. Te menio. Te po Godigo po mu dao. Tama dagego te po odoyu, dagego te homu yai, awe, te Godigo po mu dao. Tama te pogo te Godibolo konealubo po daų wabo bidigo homu kolesagade se bommo mu ebo dao. Te Judia t̄de bidibo we bidi meba augwali Godigo we bidi hani mu dao. Augwali te Jisas Kraisde homu daų wali we bidi dao. ¹⁴ Dago ama dabe, dagego augwali tiwai dao. Augwali te Jisasde homu daų obaso, te Juda bage mebage hagela ebaso, augwali dene mawai. Tama te tiwai dagego me duga hanigo nogode dene sai dao. ^{††15} Tama te dwai se yali Juda bage augwaligo Godigo po pusa mani profet bidi elama isai, tama augwaligo Genuai Bidi Jisas me eleyu yai. Tama tiyu, augwaligo da me ela guduluyu sela sawai dao. Tama augwaligo ebo se de te Godigo dwagi yai homu isiawai se dao. Tama augwaligo tigidali bidi dali boi bidi mu ebo dao. ^{††16} Tama boi bidi mu bidiyu, augwaligo dagego se yabo tų pania sabo se ebo dao. Tama te Juda hani isiawai we bidi Godigo augwali ma somainogo, dagego Godigo po augwalibolo pusainogo ebadi, te Juda bage augwaligo da dali "Te po waggio," wabo dao. Tama tiyu, augwaligo dwai se yali te hauwa mu yai dao, te genagi naigo pagawai tiwai. Tialima, God agai moni sebe ebo augwali paba mu bidagasai elalubao.

†† 2:14 Tpi 17:5 † 2:15 Tpi 9:23, 29; 13:45, 50; 14:2, 5, 19; 17:5, 13; 18:12

Pol agai Tesalonaika we bidi augwali ma suabo homu yai

¹⁷ Dago abagi dabe, Juda bage augwaligo da dage dali bidibadi ela gudulai dao. Tama tiyu, da aya ida meni yai wai bidibo tiwai yai dao, osogo. Dago dage gesabi subeo. Tialima, dago homu dage dali bidibao. Tama dago dage gesabi suainogo asabo tų gegebo şę bomo mu yai. Dago dage suainogo dago homu bomo mu yai dao. ¹⁸ Tama da dage pageba asainogo yai. Ena Pol dao, tama hauwa sogo ena dage bidibo digi asainogo usu sai, te usu menio. Magi baso menio. Te dwai mobo bidi Satan agai da asabo tų daų walio.

¹⁹ Tama nosali dago Genuai Bidi Jisas e tųba ma asobo sogo te da tųde we bidi aga gesabidide da dolaluaibao. Tama aga asobo sogo da dwagi yai homu eyu tonalubo dao. Tama aga asobo sogo dago te dwagi yai nai dali te dwagi yai au yabo nai dali te si waibao. Dago dwagi yai nai dali au yabo nai dali te si de dawee? Te dage tama dao. ²⁰ Awe, duga digi te dago dwagi yai au yabo nai dao. Dagede te dago dwagi yai homu mu ilibo nai dao.

Pol agai Timoti te Tesalonaika hanuba tagala palai

3 Te dago dage ma suainogo hauwa sogo tonaluma, tama dago te homu yai, da nosali ma tonalugobeo. Pol me Sailas da si naga te Atens hanude bidaibao homu yai. ¹²⁻³ Tama te homu elama, da sigo dago ama Timoti dage bidibo digiba tagala palai. Timoti aga te Godigo şę ebo bidi dao. Aga te Jisas Kraisde po pusubo bidi dao. Da sigo Timoti dage pageba tagala palai, tama agai dage bomu mayu, tama dagego Kraisde konealubo po daų walomainogo, tama augwaligo dage dene mobaso da, dage meba bidi te Jisasgo po tagalidali weyu yai. God aga digi da te dene dali şęęę dali te somainogo, agai da te bodolu mawai. ⁴ Awe, polobadu da dage dali bidibadi, te dene dage pageba asisąbadi, tama dago te po dage dali odu geai, "Nosali da dene saibao," wai. Tama te po wali gilama tama tiwai, tama dagego sulama koneai dao. ⁵ Tama te dene dage pageba asali baso, tama eno ma tonaluyu gesege ma egobeo homu eyu, eno bidi me deli dageba tagala palai. Te eno dagego Kraisde konealubo po me daų wabowe, te eno koneainogo te bidi tagala palai. Te dwai şę ebo tomoba kegebo dwai mobo tuni bidi agai dage dali te şę yaliwe eno te homu yali. Agai te şę dage dali egi sogo da, tama dago dage dali yali şę olo dali eyu, te nai walosiąwai şę egi da.

⁶ Te da dagede moni homu te tiwai eyu bidali. Tiali goli, Timoti aga dage pageba sabolama, tama dage dali osogo bidiyu, tama agai dage tagasu, megi tama aga da bidibo digi ma asai. Tama aselama, agai dwagi yai po da dali pusai. Dwagi yai po pusuyu, agai te po wai, "Te Tesalonaika dabe augwaligo Godide konealubo po bugagia daų waliyu bidibo dao. Augwaligo augwa hasi godolo mu eyu bidibo dao," te po

wai. Me agai te po wai, sesemane sogo dagego da dage dali bidali sogo homugo ma koneyu, tama dagego da dali dwagi yai homu ebo dao. Tama dagego da suabo homu bomu mu dali elama bidai, te dago dage suainogo ebo homu tiwai dagego me te homu ebo po Timoti agai da sibolo tamadi pusai, megi tama. ^{††7} Dago abagi dede, gasa bidi augwaligo dabolo şęęę dali dene si mayu, tama da isabo tiwai yai dao. Tiali goli, Timoti agai po dabolo pusubaso, tama dago konebao, dagego Godide konealubo po me daų wabo dao. Tama tibaso, da bomu ma selama, bugagia bidibao. ⁸ Magi baso menio. Dage Genuai Bidi agai bomode bomu elama, tama aga dali bugagia wadoloyu ebaso, teda te tebogo dago şęęę dali dene dali si aiya-ba elaluali. Tama elama, da moni dwagi yai homu elama, da bugagia bidibao. ⁹ Tama tibaso, dagego te dwagi yai şę ebo po odolama, tama God agai da dali te dwagi yai homu kolesaga mabo te şede tama magi ilama dago agabolo te nage usu da po weyu, tiwai si yaibawe? Woo, da usu egobeo. Agai dabolo yali dwagi yai şę, te şęgo dago usu da po wabo şę aiyaba mu elalubo dao. ¹⁰ Tama hauwa sogo mu dago giligade me, hulide me God dali hanalu wabo po wabo dao, te da dage pageba aselama, dage pagia sainogo. Tama dagego God dali duga homu tigidali mubo şę dwasianu habuge eyu da, te dago ma paąąainogo dage tau siyu, te po wabo dao. ¹¹ Tama dago homugo dago Aya God, aga digi, te dago Genuai Bidi Jisas augwali sigo da dage pageba pabo tų damainogo, dago te po olama, gedu haluasa augwali sibolo hanalobo dao. ¹² Tama dagede, dago homugo Genuai Bidi agai te dagego duga hasi godolo mu ebo şę genuai mu ilimainogo dago hanalobo po wabo dao. Tama me agai dagego te gasa we bidi tigidali augwali dali godolo mu ebo şę genuai mu eyu paąąana palomainogo dago hanalobo dao. Tama te dago dage dali godolo ebo şę gilama dagego te tiwai emainogo dago Genuai Bidi hanalobo po wabo dao. ¹³ Tama te Genuai Bidi agai dage te we bidi dali godolo mu ebo şede daų omainogo, dago aga dali te hanalobo po wabo dao. Tama agai tama tilama, tama nosali dago Genuai Bidi Jisas aga doloba mu pai we bidi tigidali aga dali e tųba ma asobo sogo, te dage me te sogo Godigo doloba mu pai we bidi dago Aya God agai gesabidide bidimainogo, tama dago te Genuai Bidi dali te po hanalobo dao.

† 3:1 Tpi 17:15

†† 3:6 Tpi 18:5

Tesalonaika bagego te wiegi yai kolesaga dabe te augwa bidibo side bomo elama ped-alumainao wali

(Daj 4-5)

Mena kolesaga te God agai gedude dwagi yai kolesaga dawew?

4 Dago abagi dede, dago gasa po me elalubo. Tama da te Genuai Bidigo po sela pabo bidi dabe dao. Tama tibaso, dagego e po tudiba muidali weyu, tama dago bomo elama, dagebolo e po megı obao. Polobadu dago te Godigo gedude dwagi yai dolo yai kolesaga ebo po dagebolo ola mawai. Tama dago te tobage po dagebolo ola menama, tama dagego te po odoyu, wali peyu bidibo dao. Tiali goli, megı dago bomo elama, dagebolo e po megı obao, te dagego dene siyu te tobage şę tigidali dagego bugagia mu yao. ² Tama te Genuai Bidi Jisas agai da tau selama, tama dago dagebolo te şę yao po wali, te dagego koneai dao. ³ Tama te po page mu e dao, God agai dage dali ebo homu e tiwai, dagego magı dwai şę me isişma, doloba pai we bidi mu bidao. Tama penani ebo şę dagego egimio. ⁴ Tama te dwai şę isişbo kolesaga bugagia wali peyu, tama we sabo kolesaga dage deli deligo bugagia koneama, tama tebo kolesaga eyu bidao, God agai homu dage dali te tiwai homu ebo dao. Tama dagego tebo kolesaga, te Godigo kolesaga naga tiwai wali pao, tşde we bidi augwaligo 'Te şę dwagi yai şę dao' omainogo yao. ⁵ Tama we sabo şę te tiwai eyu, tama dagego te God konesişwai bidi hanigo ebo kolesaga tiwai egimio. Te God konesişma, augwali augwa dwai şę yabo homu kolesaga wali peyu, te bomogo, te we sabo dao. ⁶ Tama God agai ebo homu e dao. Dagego te we sabo şę po bolama, tama duga abagi dali dwai şę egimio. Magı baso menio. Genuai Bidi Jisas agai te tobage dwai şę ebo kolesaga ebo bidi augwali tigidali agai wei ponobo dao. Tama polobadu da dage dali bidibadi, e şęę yai po dao homu eyu, dago te po hanilama, dage dali wai dao, dage tau so-mainogo. ⁷ God agai da i wali, dago te dwai meda yai kolesaga wali pomainogo da i wabeo. Menio. Agai da i wali, te dago dwagi yai doloba pai kolesaga mu wali pomainogo agai da i wai dao. ⁸ Tama tibaso, e po odolama ela pabo bidi, te bidi agai e tşde bidigo po naga tudiba mubeo. Te bidi agai Godigo po odolama ela peyu, aga tudiba muani bidi dao. Te God agai naga dagebolo te Dwagi Yai Mobo Bidi mani God da, te Mobo Bidi agai dagebolo mani, dage Godigo we bidi mu bidimainogo.

⁹ Te eno duga abagi dabe augwalibolo dagego dwagi yai homu ela mabo, te po eno meba aşęgobeo. Magı basowe? God agai te duga hasi dali dwagi yai homu mabo te kolesaga dagebolo ola menama, tama te

kolesaga dagego koneyu bidibao. Tama eno dagebolo te po ma ola magobeo. ¹⁰ Tama dagego dwagi yai homu duga abagi dabe te Masedonia tş tigidali tomode bidibo bidi dabe augwali dali ebo dao. Dagego te kolesaga ebaso, God agai te kolesaga dagebolo ola mani, te dago koneai. Tiali ma, dago abagi dede, dago po bomo elama, dage dali obao, tama dagego duga abagi dabe augwali dali dwagi yai homu ebo kolesaga te kolesaga dagego me mu ela pao. ¹¹ Dagego homu kolesaga tomode bomo elama, tama dagego homu dwagi yai nagamea peyu, tama duga bidibo bugagia tonaluo. Tama dagego duga digı duga masigi sabo şę yao, dago polobadu dagebolo te po wali gilama.

¹² Dage magı nai me menia sidali weyu, te duga masigi sabo şę yao. Tama te Godigo po wali pesişwai we bidi augwaligo dagego te dwagi yai kolesaga ebo sumainogo, tama dagego homu dwagi yai nagamea peyu, tama duga bidibo bugagia tonaluo.

¹³ Dago abagi dede o, edao. Te Godigo po wali pisişwani we bidi augwaligo augwa homu Godiba musişyu, te isali we bidi gş pagede ma hodalobo sogo augwaligo tonalişma, tama te isibo we bidide augwali homu dene eyu, gela mu wabo dao. Tiali goli, dago homugo te Godigo po wali pelama isali we bidide te dagego bugagia koneao. Dagego te buluba bidibo we bidigo gela wabo tiwai waidali weyu, dago e po dagebolo obao. ¹⁴ Da tigidaligo te Jisas aga isilama, tama ma hodaloai dao, te dago te mu po da homu eyu, konealubo dao. Tama tibaso, da tigidali Jisas dali wadoloyu bidibaso, dago e po me konealubo dao, te Godigo te Jisasgo bomode te agai po wali pelama isali we bidi Jisas aga dali ma hodasa sela asaibao. ¹⁵ Tama Genuai Bidigo po naga dago dagebolo megı obao. Nosali Genuai Bidi ma asobode, da e tşde isisişwani we bidi, da polo hasia polasa te Godigo po odolama, isali we bidi taga peyu da polo pogobeo. ¹⁶ Te menio. E tiwai pedalaibao. Te Godigo bomo elama po weyu, tama polalubo genuai ensel mobo bidigo i weyu, tama Godigo moni bu wabo nai biugel po weyu, tama tebo sogo Genuai Bidi Jisas aga digı dagalu tagalama, dubo gagaibao. Tama polobadu Jisasde konealubo po daş olama isali we bidi, augwali polo hasia mu gş pagede hodaloibao. ¹⁷ Tama te sogo da tşde isisişwani we bidi, Godigo da te ma hodolali we bidi dali pşgo odasa dagaluba holaibao, te da te asobo Genuai Bidi tişba pomainogo yaibao. Tama elama, da te Genuai Bidi Jisas dali sesemane sogo bidada peyu, mu bidada paibao. ¹⁸ Te şę pedalama, tama da tigidali te tiwai bidaibao. Tama tibaso, dage tomode we bidi meba augwali isibaso, dagego te pogo duga hasi tau siyu, duga homu daş walao.

Dago sisi elama, Genuai Bidi asobo tonaluo

5 Dago abagi dede o, te da dage dali bidibadi dago dagebolo dago Genuai Bidi asobo po wai. Tama tibaso, agai asobo sogode dago dagebolo po me aşęgobeo. ² Menio. Duga digı koneai dao, Genuai Bidi

asabo sogo te nai wi sabo bidi hulide geme polo asobo tiwai yaibao. ¹³ Tama te Godigo po wali pisişwai we bidi augwaligo te po waibao, "Megi te da bugagia bidabo sogo dao, te da dolabo nai paba asogobeo," te po waibao. Tiali goli, augwaligo te tobage po obadi, sisi isişwai, te sogo digi tama augwali dolabo nai polo augwaliba pedalaibao, augwali noma mu saibao. Te wede ebo ş tiwai, we mego wai ame nainogo tigde ebo dene tiwai ebo si pedelaibao, tama te we te dene wi pabo tş menio, wi sana pogobeo. Tama te tiwai te Genuai Bidi asobo sogode te Godigo po wali pisişwai bage augwali wi pabo tş menio.

⁴ Tiali ma, abagi dede, dage hulide bidibo menio, te Genuai Bidi asobo sogo te nai wi sabo bidi tiwai geme eyu, polo aselama, dage noma sogobe. Menio. Dage te hulide bidibeo. ⁵ Te menio. Dage tigidali we bidi giligade ula dali bidibo dao. Da be hulia sai digi huli tomode me bidibo menio. ⁶ Tama tibaso, da sisi eyu, godege piabuo, te gasa sisi isişma godege pibo we bidi tiwai. Tama dago gedu pedaluyu, bugagia tonaluyu, tama dago homu kolesaga wiegi yai mu elama, bidao. ⁷ Dago koneai, godege pibo bidi augwali hulide pibo dao. Tama bomu yai aş tulama aiyoge ebo bidi, te bidi dabe augwali te hulide naga te ş ebo dao. ⁸ Tiali ma, da ulade bidibo bidi dao. Tama tibaso, dago homu kolesaga wiegi yai mu elama bidinao. Te hwıbo bidi aga hagawiade te boi bidigo elidali weyu mubo nai tiwai, tama dago Godide konealubo po bugagia selama, we bidi dali dwagi yai homu ebo kolesaga eyu, bugagia bidinao. Tebo ş si te dago hagawiade muabo dila pai nai tiwai dao. Tama Godigo da ma sabo homu bomu eyu, agai te sogo da somainogo dago tonaluinao. Tama te homu kolesaga tiwai, te dago tobolude muabo dila pai kapa madi tiwai dao, te hwıbo sogo da tau somainogo. ⁹⁻¹⁰ Magi baso menio. God agai da bodolu mani te dago agai homu şeş ebo dago somainogo ebo menio. Woo, agai da sa muyu, te homu yai, augwaligo Genuai Bidi Jisas Kraiş agai augwali tobade isilama, tama augwali ma saibao, God agai te homu elama, da sa muani. Tama Genuai Bidi aga ma asobo sogo da bidiyu da, ma da isali da, te sogo da aga dali hodobo bidada peyu, mu bidada pomainogo, Godigo da sa muani. ¹¹ Tama tibaso, duga hasi te pogo duga abagi dabe augwali homu kolesaga daş waliyu, tau siyu, te po augwalibolo ola mao, tama megi dagego te ebo ş tiwai tama naga yao.

Po silagasu wabo po tama wali, Godigo te aga po wali pabo we bidi dabego te dwagi yai kolesaga mu saibao po wali

¹² Dago abagi dabe, dago dagebolo te po obao, dage tomode Godigo ş ebo bidi dabe dologode dage bidao. Genuai Bidi agai te bidi dabe augwali dagego

† 5:2 Mat 24:43; Luk 12:39; 2 Pi 3:10 †† 5:8 Ais 59:17; Ef 6:13-17

tobolu bidi nigilama bidai, tama te bidi dabe augwaligo Godigo po dagebolo ola mayu, dagego homu kolesaga dodolobo dao. ¹³ Dagego homugo augwaligo ş ebo kone palao, augwaligo te ş eyu, dage tau sabo ş dao. Tama dagego augwali dali dwagi yai homu mu elama, augwali godolo mu yao. Tama dagego duga abagi dabe augwali dali deli homu elama bidao.

¹⁴ Dago abagi dage tuni bidi dabebolo dago po bomu elama dage dali obao. Dagego te ş hagela ebo bidi dabe augwalibolo po bomu elama, augwali homu kolesaga dagego bugagia ma dodolao. Tama te wi ebo bidi dabe augwaligo homu kolesaga daş walao. Tama te bomu meni yai bidi dabe augwali dali dagego dwagi yai kolesaga naga eyu bidao, şeş egimio. ¹⁵ Gasa bidi dabe augwaligo dage dali dwai ş ebaso da, dagego augwali dali te dwai ş ebo wei ponogio. Dagego te tiwai idali weyu, bugagia tonaluo. Tigidali sogo dagego bomu elama, duga hasi augwali dali dwagi yai ş naga yao. Tama te ş tiwai tigidali bidi dali me yao. ¹⁶ Tama tiyu, sesemane sogo dage dwagi yai homu elama bidao, ¹⁷ te dagego sesemane sogo gedu haluasa po bidada peyu me, God dali po wao. ¹⁸ Te dage dali magi ş me ebaso da, dagego God dali buba hwi po wao. Te dage Kraiş Jisasde wadolama, tama God agai homugo dagego tama kolesaga emainogo tebo dao.

¹⁹ Dagego te Godigo Dwagi Yai Mobo Bidigo ş ebo paligio. ²⁰ Bidi dabe augwaligo 'Te God agai enabolo wali po eno dagebolo pusaibao' obaso da, teda dagego te po olo sela şagio. ²¹ Tialima dagego te tobage po wabo tigidali bugagia osola suo. Tama dwagi yai po naga dagego daş ola siyu, ²² tama dwai ş tigidali tagalama, sela sayao.

²³ Te God aga te dwagi yai homu nagame ebo kolesaga page bidi mu dao. Tama eno homugo te God aga digi dage doloba pai mu ilaibao, aga tiwai bidimainogo yaibao. Tama eno homugo agai dagego homu kolesaga tomode ş ebo mobo bidi me, te dagego noma bidi me, te dagego tigi me God agai bugagia tonaluaibao, tama dage dwagi yai mu bidimainogo. Tama dago Genuai Bidi Jisas Kraiş ma asobo sogo te dage magi dwai ş isişwai we bidi tiwai bidaibao. ²⁴ Tama te dage i wali God agai te ş dage dali mu tiwaibao. Magi baso meni. God agai te tigidali ş yaibao wali, te ş tigidali agai ebo dao.

²⁵ Dago abagi dabeo, dagego God agai da tau somainogo gedu haluasa po wao. ²⁶ Dagego tede bidibo Godigo we bidi dali dwagi yai homu eyu, tama augwalibolo nogo maişo. ²⁷ Ena da te Genuai Bidigo po sela pabo bidi dao. Tama tibaso, eno dage dali e po obao, eno te aşani po te tigidali abagi dabe augwali dali nedao. ²⁸ Eno homugo te dago Genuai Bidi Jisas Kraiş agai olo tau sabo kolesaga dage dali bidaibao. Ena Pol dao.

Polgo Si Wali Pas Tesalonaika Dabebe Aşani

Hasia nedebo tau sabo po

Te bidi Pol te Korin moni hanude bidibadi tama agai te hasia wali pas deli te Tesalonaika hani we bidibolo aşana tolali. Tama te pas sela pali bidi nosali ma asama, tama agai Polbolo te Tesalonaika bage tomode pedalali se po wagasali. Bidi mebago geda muyu, tama te Kraisa aga polo e t̄ba ma asai dao po wali, tama te pogo gasa we bidigo homu dolama, tama augwaligo augwa digi tau sabo se tagalama olo bidali. Te Tesalonaika hanude bidibo Kraiso po wali pabo we bidi dabego homude subo te tiwai yali. Te Kraisa ma asobo sogo mena se mu pedalugowe tama homu yali. Te bidi mebago te po weyu, te Genuai Bidi asabo sogo te pedelalio tama po obaso, te bidi Pol dali Sailas me Timoti, augwali sela bidigo te hani bage augwaligo homu dodolobo po weyu, te si wali pas aşai dao. Polgo te tiwai po weyu, te sogo pedalube dao, wali. Hasia bolo te we bidi dabego dwai hagoma mu eyu, te tobage dwai kolesaga umagi elama bomo yai mu pedelaibao. Tama te bomo yai po bolama sela şabo bidi me deli pedelama, tama agai Kraisa boi bidi mu yaibao. Tama te sogo te boi bidi dabego te Kraiso po wali pabo we bidibolo dene dali sege dali si mabo po, te me Polgo odali. Tama tibaso, agai e pas aşeyu, tama augwali te sege side tau sabo po augwalibolo tolali.

Genuai Bidigo side nosali pedelaibao wali

(Daj 1-2)

1 Pol, me Sailas, Timoti, te dago te po dagebolo aşana tolobao. Dage Godigo po odama wali pabo we bidi, te dage Tesalonaika bulude bidibo we bidi dao. Dage dago Aya God me Genuai Bidi Jisas Kraide wadolama bidibao. ² Aya God dali Jisas Kraisa Genuai Bidi augwali sigo dage olo tau selama, tama dage haliga nagame ilama bugagia bidao, dago homugo tebo dao.

Te Tesalonaika bage te sege sabo sogo augwali bomo elama dolalu tulalusişmainogo Polgo Godibolo gedu haluasa po weyu usu da wai

³ Dago abagi dabe, sesemane sogo dago Godibolo usu da weyu, dago dagede homu kone palu gedu haluasa po wabo dao. Tama dago Godibolo nage usu da po wabo si, te usu si ebo dao. Magi basowe? God agai dage tau selama, tama dagego Jisasde po konealubo kolesaga mu genuai mu yai dao, tama dage deli deligo dwagi yai homu duga abagi dabe dali ebo dao, tama dagego te kolesaga ebo meş ela pabo dao. ⁴ Tama tibaso, dago Godide dwagi yai homu ebo dao. Dagego te dwagi yai kolesaga ebo po dago odobaso, tama da gasa buluba biligi peyu, tama dago digi dagego ebo dwagi yai kolesaga te Godigo po wali pabo we bidi augwalibolo pusuyu, dago dagego nogi ugwaba sabo dao. Gasa bidi augwaligo dage dali dwai

kolesaga eyu, tama augwaligo dage eleyu, tama dagebolo sege mabo dao, te po dago gasa we bidibolo pusubo dao. Tama dago te po wabo dao, 'Te Tesalonaika we bidi augwaligo tigide sege siyu dene sobadi digi, tama augwaligo bomo elama dolaluyu, konealubo po day wabo dao,' dago te po gasa we bidi dali weyu, dago dagego nogi ugwaba sabo dao.

God agai dago ebo kolesaga dolo osola subo dao

⁵ Te dagego te ebo kolesagade God agai da hania tama ola mobao, agai dago ebo kolesaga osola subo si, tama agai dolo osola subo dao. Tama dagego te God agai we bidi tonalubo se tobade te dene dali sege dali si sai. Gasa bidi dabe augwaligo dagebolo dene dali sege dali si mawai. Tama tibaso, God agai dage dali tama tiyu, tama dage agai we bidi hani tomode bidibo usu yaibao. ⁶ God agai dolo kolesaga e tama yaibao. Agai dage dali te dwai se yali boi bidi dali begelama wei siyu, augwalibolo dwai se hauwa elama, tigi dene mawaibao. ⁷ Tama agai dagego megi te tolobo sege sela şanama, tama dage da dali olo bidiyu, toma tuabo sogo menama bidaibao. Agai tebo sogo Genuai Bidi Jisas aga boma pai ensel mobo bidi dabe dali dagalu tagalama, e t̄ba asobo te sogo aga moni sia bogoli dali e t̄ba asaibao, we bidigo bulu ulade hania sueibao, te aga asobo sogode. ⁸ Tama tiwai aselama, tama te sogo God konebo hagela yali we bidi dali, Genuai Bidi Jisasgo po wali pişwani bidi dali augwalibolo agai dene mawaibao. ⁹ Tama te bidi dabe augwali e tama dene saibao, augwali Genuai Bidi gesabidide digibulu bidaibao, tama agai genuai ula

dali bomo dali digibulu bidada peyu, bidada paibao, tama tiyu augwali mu dwai bidaibao. ¹⁰ Te we bidi dabe augwali te Jisas e t̄ba asobo side augwali te tiwai mu hagawaibao. Tama agai e t̄ba asobo sogode, agai doloba pai mu we bidi augwaligo aga nogi ugwaba mu saibao. Tama konealubo po Jisasde daḡ wali we bidi, augwali noma siyu, Jisas dali dwagi yai po waibao. Tama dago Godigo po dage tomode pusulama, tama dagego konealubo po te pode daḡ obaso, te dagego me augwali dali Genuai Bidigo nogi te sogo ugwaba saibao.

Polgo Tesalonaika bulu we bidi tau somainogo Godibolo gedu haluasa po wai

¹¹ Te dago te Genuai Bidi aga ma asobo sogode homu eyu, tama tigidali sogo dago Godibolo gedu haluasa po dage tau somainogo wabo dao. Tama Godigo dage polobadu i walide, tama agai homugo dage aga wai puluba gagawaibao, agai te homu elama, i wai dao. Tama megi dago Godibolo usu da weyu gedu haluasa po agai dage tau siyu dage aga wai puluba mu gagawaibao. Dago Godibolo po e tama wabo dao, “God, te Tesalonaika we bidi augwaligo konealubo po nagede daḡ weyu, tama augwaligo homugo haniani se te konealubo po daḡ wabo bidi dabego ebo se tiwai yabo homu eyu, tama augwali dwagi yai we bidi nago gedude bidainogo tebo dao. Tama dago nagebolo po hanaluyu, nago augwali tau siyu, tama augwaligo te se tigidali emainogo tama augwaligo te se yabo homu tiwai,” dago te tobage po wabo dao. ¹² Tama dagego te dwagi yai kolesaga ebode dago Genuai Bidi Jisasgo nogi dagego ugwaba saibao. Tama dago God dali Genuai Bidi Jisas Krai dali augwali sigo dwagi yai homu da dali eyu, da olo mu tau mabo homu kolesaga dwagi yai mu eyu, tama Jisasgo dagego nogi me ugwaba saibao.

Bomo yai po sela saḡo bidi po

2 Dago abagi dede, dago Genuai Bidi Jisas Krai aga ma asiyu, tama da aga dali deliba sisiniyu ebo, tebode megi dago dage tau sabo po elalubao. ^{†2} Bomo elama, dagebolo te po obao, bidi mego dagebolo te Genuai Bidi asabo bodolu te pedalai dao te po obaso, dagego te wabo po odolama, dage polo homu hauwa eyu, dage homu seḡe egio. Bidi mego na eyu, Jisas ma asai dao po te bidigo odali bogo. Ma, bidi mego aga homugo digi te po waliwe? Ma, augwaligo, ‘Woo, Pol agai te Jisas ma asai dao po pasde aseña tolai dao, dabolo,’ tama me augwaligo waliwe? ³ Jisas ma asobode augwaligo geda muani po dagego odamuo. Te Jisas ma asobo sogo olo dali tama polo pedalogobeo. Te menio. Te se pedalainogo hasia bolo bidi hauwa augwaligo dwai se hauwa elama, tama God nogi gege da peyu, tudiba mu muaibao. Te bomo yai po sela saḡo dwai se ebo bidi hasia aga bolo dago gesabidiba pedalaibao. Te bidi Godigo te moni sia bulude nosali

mu dola silaibao. ⁴ Tama te bidi mu dwai bidi mu dao. T̄de we bidi augwaligo haniani naibolo lotu po wabo dao. Tama te bidi agai te nai tigidali dali boi bidi elama, tama te bidi aga God tiwai mu yaibao. Tama te bidi aga digi aga nogi ugwaba mu siyu, te tigidali lotu po wabo nai aiyaba elalu dolama, tama te bidi aga Godigo Moni Lotu Be tempel tomode bidiyu, tama agai po weyu te po waibao, “Ena digi ena God dao,” te bomo yai po sela saḡo bidi agai te po waibao. ^{††}

⁵ Polobadu ena dage dali Tesalonaika bulude bidibadi yaide, eno dagebolo te se nosali pedalaibao po wai dao. ⁶ Tama te bomo yai po sela saḡo bidi aga asobo tu palialubao. Tama te bidi aga Godigo bodolu mani sogo naga bulu ulaba hania pedalaibao, tama dagego te konebao. ⁷ Megi te bomo yai po sela saḡo kolesaga e t̄de geme dulalubo digi, aga se ebo dao. Tama aga geme dulaluama, tama aga te tu palialuali bidi bogia soabo tonalubao. ⁸ Tama te tu palialuali bidi bogia solama, tama te sogo naga te bomo yai po sela saḡo bidi hania bulu ulaba pedalaibao. Tama Genuai Bidi Jisas nosali asama, tama agai te bidi agai po wabo mobogo ela muaibao. Tama Genuai Bidi Jisas aga bomo dali ula dali hania pedalama, asaibao. Tama agai te bomo yai ulago te bomo yai po sela saḡani bidi mu dolaibao.

^{†9} Tiali goli te bidi pedalama, Jisasgo aga ela musiḡbadi, te bidi agai Satango genuai bomo selama, tama agai tigidali me me bomai se me, bidigo isiḡwai se me, bidigo noma sabo tibo se me, te se tigidali te bomo yai po sela saḡo bidigo te sogo yaibao. ^{††10} Tama agai tigidali ili po wabo dwai kolesaga eyu, agai te hagayabo tuḡdu pabo bidi dabe dali tibo po waibao. Tama te bidi dabe augwaligo te Godigo mu po dago odaio homu egi sogo da, teda God agai augwali ma sigi da. Tiali goli augwaligo te Godigo mu po odobo hagela yai.

¹¹ Tama tibaso, Godigo augwaligo homu pesegelaibao, tama augwaligo te tibo po wabo mu po dao omainogo yaibao. ¹² Tama elama, Godigo mu po augwaligo homude daḡ wasiḡyu, tama dwai se ebo kolesagade dwagi yai homu mu yai we bidi tigidali augwali Godigo po tuḡde seḡe mu saibao.

Godigo dage sa muyu, dage ma saibao

¹³⁻¹⁴ Tiali ma, eno abagi dede, megi dage te tobage we bidi menio. Genuai Bidigo dagebolo dwagi yai homu eyu, dage godolo mu ebo dao. Polobadu mu God agai dage sa muyu, dage ma saibao wai. Tama Godigo Mobo Bidi agai dage habu seliyu, ‘Godigo hani dao’ wai. God agai homugo dago Genuai Bidi Jisas Krai agai genuai ula dali bomo dali agai dage dali nosali dobawaibao. Tama te homu eyu, agai dage i wali, dago agai gesi dwagi yai po dagebolo pusali sogo. Tama dagego te mu po dao wai dao, tama God dali, dage dali sigo te tebo kolesagade Godigo dage ma sai. Tama tibaso, sesemane sogo dago gedu haluasa po weyu, dago Godibolo buba hwi weyu nage usu dao po wabo dao. ¹⁵ Abagi dede, God agai dagebolo te dwagi yai se ebaso, dage bomo elama, dago dagebolo pusali

† 2:1 1 Te 4:15-17

†† 2:4 Dan 11:36; Ese 28:2 ‡ 2:8 Ais 11:4 †† 2:9 Mat 24:24

po me, pasde aseani po me, te po tigidali mu daꝓ olama, tama bugagia bidao.

¹⁶⁻¹⁷ Te dago Aya God agai da dali dwagi yai homu eyu, da godolo mu ebo dao. Tama tiyu, agai da olo mu tau siyu, dago homu kolesaga dwagi yai eyu, sese-mané sogo bidada paibao. Tama agai da olo mu tau siyu, tama Godigo da nosali bugagia bidimainogo yaibao, da tonaluyu bidibo dao. Tama dago homugo dago Aya God dali, dago Genuai Bidi Jisas Kraiis dali, augwali sigo dagego homu kolesaga bomo daꝓ walo-mainao, tama dage tau sao, dagego tigidali dwagi yai kolesaga eyu, tama dwagi yai po naga omainogo yao. Dago homugo tama timainogo ebao, tama tibaso dago gedu haluasa po obao.

Tesalonaika hani bage augwaligo te se ebo hagela ebo bidi dabe dodolobo kolesagade po wali

(Daꝓ 3)

Dagego Godibolo gedu haluasa po da tau somainogo wao

3 Abagi dedeo, dago po me deli elalubuo. Te po e dao, dagego Godibolo gedu haluasa po da tau somainogo wao. Tama God agai da tau selama, tama dago Genuai Bidi Jisasgo po te tigidali buluba polo sela pelama, we bidi hauwa augwaligo te po odama, tama Genuai Bidigo nogi genuai emainao. Te pogo dage to-mode se polo yali tiwai gilama gasa bulude emainogo, dagego Godibolo po hanalu wao. ² Dagego koneai, bidi hauwa augwaligo Godigo dwagi yai po odoyu, homude daꝓ wabeo. Tama tibaso, te tobage mu dwai se ebo bidi dabe augwaligo da Godigo po sela pabo bidi dali dwai se idali weyu, dagego te seꝓde me Godibolo gedu haluasa po wao.

³ Awe, we bidi mebago dwagi yai kolesaga mu ebo menio. Tialima, Genuai Bidi Jisas agai da dali dwagi yai kolesaga naga mu ebo dao. Tama tibaso, da we bidi agade homu daꝓ olama bidibaso, te usu yaibao. Agai dage bomo menama, tama dage tonaluyu, tama dwai haubo bidi Satan agai dage dali dwai kolesaga me egobeo. ⁴ Tama me, Genuai Bidigo da ola menama, tama dago dagede te konebao, tigidali kolesaga dago dagebolo yao te po wali, te se dagego megí me ebo dao, tama nosali me dagego tama naga tiwai se yaibao. ⁵ Dago homugo Genuai Bidi Jisasgo dagego homu kolesaga dodolomainogo yai. Tama agai te se dage dali eyu, tama dagego Godigo dage dali dwagi yai homu eyu, godolo mu ebo se page mu koneaibao. Tama agai dagego homu kolesaga dodolama, tama Kraiis agai moni seꝓe tolaluyu, aga bomo elama dolaluali se page dagego te me mu koneaibao. Tama koneama, dagego te se tiwai gilama eyu bidao. Dago

dage dali te homu eyu, dago Godibolo gedu haluasa po wabo dao.

Godigo po wali pabo we bidi tigidali augwaligo se yao wai

⁶ Abagi dede, dago Genuai Bidi Jisas Kraiisgo nogide, dago po bomo elama, dagebolo obao, dagego suali abagi agai tubo nai sabo se ebo hagelayu, olo bidiyu, tama agai dagego dade sali po wali pisabaso da, dagego te tobage bidi sula tagalao. ⁷ Polobadu da dage dali bidibadi, tama da olo bidai menio. Tama dagego koneai, dagego dago yali kolesaga tiwai gilama tama dagego tama tiao. ⁸ Tama da dage dali bidibadi dago dagego nogode tubo nai olo me sabe. Menio. Dago abeleyu naga yai. Dago se bomo elama, tama siade me hulide me te se dene hauwa mu eyu, tama dago dagebolo naga seꝓe maidali weyu tiwai dao, dage habuge idali weyu. ⁹ Da da, dagego tubo nai masiabo bidi menio. Da da, dagego po ola mabo bidi dabe dao. Tama tibaso, dago dagego nai olo sobaso, te usugi da. Tiali goli, te menio. Dago te tubo nai sabo se ebo dagego suali. Tama dagego dago yali kolesaga wali pomainogo te se dago yai dao. ¹⁰ Polobadu da dage dali bidibadi, tama dago e bomo yai po dagebolo maiyu tama wai, niwai bidi se ebo hagelabo homu eyu se isiawani te bidibolo tubo nai magio.

¹¹ Magi baso dago te po waliwe? Dago odali, dage to-mode bidi meba tubo nai sabo se isiama olo bidibo po dago odalio. Augwaligo se me ebo menio, tigidali sogo. Augwali olo biliyu, gasa we bidigo ebo se suyu, tama augwaligo te po ola bilibo dao. Tama dago augwaligo te dwai se ebo po odama, tama dago dagebolo te nai magio po ma obao. ¹² Te Genuai Bidi Jisas Kraiis agai nogigo bomogo dago te tobage se ebo bidi dabe augwalibolo po mobo mayu, bomo elama te po obao, augwali nagame elama, bugagia bidiyu, se eyu, tama augwa digi nai sela tumainogo yao.

¹³ Eno abagi dede, dage dwagi yai se ebo bage, dagego dolo dwagi yai kolesaga ebo hagela egimio. ¹⁴ Tama niwai bidi me deligo dago megí aseña tolali po tigidali wali pisabaso da, te bidi dagego sulama, koneao. Tama dage te bidigo ebo kolesaga sulama, sula tagalao, digibulu bidao. Tama aga yali dwai kolesagade hale emainao, aga homu begelemainogo tama tiao. ¹⁵ Tiali ma, dagego homugo aga dali boi bidi yabo homu egimio. Te menio. Dagego homugo dago abagi dao te homu elama, tama dagego agabolo po mobo ola mao.

Po silagasu wabo po

¹⁶ Te Genuai Bidi Jisas aga dwagi yai homu nagame ebo page bidi mu dao. Tama dago homugo sesemane sogo aga digi dage dali bidiyu, tama dage dwagi yai homu nagame emainogo yao. Tama dago homugo haniani se dagebolo pedalubaso da, teda agai dage dwagi yai homu nagame emainogo yao.

¹⁷ Ena Pol ena digi eno te po dage tao olama, aşbao. Te eno tigidali pas aşbo silagasu, eno tama po naga aşbo dao.

¹⁸ Eno homugo Genuai Bidi Jisas Krais agai da olo mu tau sabo dwagi yai kolesaga dage tigidali dali bidao. Te tama dao.

Polgo Hasia Pas Deli Timotibolo Asena Tolai

Hasia nedebo tau sabo po

Te bidi Pol te Godigo gesi wiegi yai po pususu biligi pobadi, aga te hanu nogi Listraba sabolama, te bulu Galeisia Provins t̄q pedaide biliyu, tama te po tede pusali. Tama gesi bidi me deli nogi Timoti agai te po odolama tama homu hasegelama, tama Kraisgo po wali pabo gagalali. Aga te hanu Listra buludu asai bidi dao. Aga ida te Juda hani we da, te aga aya te Grik hani bidi dao. Polgo aga selama, tama augwali si biliyu, te Godigo s̄q haniani buluba egi pai. Te po te buku nogi Tagala Palai, te Daj̄ 16:1-3, tede elalubo po suo. Nosali Polgo Timoti te Efesus hanude taga soali. Agai homugo te bidi Timotigo te tede bidali Kraisgo po wali pabo we bidi hani tonalubo s̄q eyu, aga augwaligo tobolu bidi bidaibao. Tama e pas tomode Polgo te bidi Timotibolo te haniani tau sabo po weyu, tama te we bidi hani dodolobo po wabo. Te tibo po ola mabo bage te Efesus bulude elalubaso, te bidi Polgo Timotibolo augwaligo po wabo tagala wao wali. Tama te bidi Timotigo te Kraisgo po wali pabo hani tomode elalubo bidi meba selama tama augwaligo te Godigo we bidi tau sabo s̄q̄ba muao, te Polgo te tobage po me asena tolali.

Timotigo aga digi aga ebo kolesaga bugagia tonalu, tama Godigo po wali pabo we bidi tigidali me tonalu yai

(Daj̄ 1-6)

¹ Ena Pol dao, ena Krai Jisasgo po sela pabo s̄q̄ bidi dao. God da, te da ma dobola sabo bidi dao, tama dago suainogo dwagi yai homu eyu tonalubo bidi deli te Krai Jisas dao, tama augwali sigo enabolo te s̄q̄ yao po obaso, eno te Kraisgo po sela pabo s̄q̄ bidi bidibao.

² Timoti, nage dali eno e po asena tolobao. Te eno nagebolo Godigo po pusama, tama nago homu te poba begi peyu, tama nage te gesi noma bidi pedalali. Tama tiyu, tama nage eno ogwa mu tiwai dao. Tama eno homugo dago Aya God dali, dago Genuai Bidi Krai Jisas dali, augwali sigo nagebolo te olo tau sabo kolesagago dwagi yai s̄q̄ eyu, tama homu dene eyu elama, tama nago homu nageamea peyu bugagia bidao.

Tibo po ola mabo bage sagia sao wao po

³ Polobadu ena te moni t̄q̄ Masedonia teba painogo eno nagebolo po wali, te tiwai naga meḡi eno nagebolo po ma obao. Nage te Efesus hanude me bidao, tama bidi meba augwalibolo te po weyu, augwaligo te we bidi dabe augwali tibo po ola mabo tagalao, te bomonama te po augwalibolo wao. ⁴ Tama wao, "Dagego te haniani olo namu po dali, te polobadu waj̄

dabego nogi hauwade po mibo dali, te tobage po mibo tagalao," te po bomonama augwalibolo wao. Magi baso meni. We bidi augwaligo te po odolama, tama tede po miyu, tama augwa hasi wado po wabo dao. Tama tebogo te we bidi augwaligo Godigo s̄q̄ yabo homu konebo tau sabo menio. Te dago te Godide konealubo po daj̄ wabo, tebogo naga dabolo Godigo s̄q̄ yabo homu ola mabo dao. ⁵ Tama eno augwaligo te tobage po ola mabo tagalao wali po page e dao: augwaligo eno po wali pobaso da, teda augwaligo homu te meda meniama, tama te dwai s̄q̄ me dwagi yai s̄q̄ me dagalabo homu bugagia elaluama, tama augwaligo homu mu eyu, tama Kraisde konealubo po daj̄ mu waibao. Tama tiyu, tama te tigidali kolesagago augwaligo te gasa we bidi dali dwagi yai homu eyu godolo mu yabo homu kolesaga hodolaibao. ⁶ Bidi meba augwaligo te dwagi yai kolesaga tagalama, tama augwaligo te pabo t̄q̄ me tagalama, tama augwali subigila te olo kedu meni yai po ola bilibo dao. ⁷ Augwali te Godigo bomai pode te po ola mabo tisa bidi bidabo godolo homu ebo dao. Tiali goli augwa digi augwa wabo po page me konebe, tama augwaligo bomonama tama "Awe, dago gisiga koneani, te dago ola mabo po te mu po naga dao" wali goli, augwaligo te ola mabo po page me konebeo.

⁸ Dago hania koneani, te Godigo bomai po da, te dwagi yai dao, te bomai pogo ebo s̄q̄ elalubao. Dago te bomai pogo ebo s̄q̄ naga eyu da, te usu mu dao. ⁹ Tiali goli te me dago konea. Godigo te bomai po mani. Te bomai po da, te doloba pai we bidi dabe augwali tonaluabo po meni. Te menio. Te bomai po te haniani dwai kolesaga ebo bagebolo wai dao. Augwaligo te bomai po ola tagalama tama te po sela s̄q̄bo bage

dao. Augwaligo God tudiba muyu, dwai kolesaga ebo bidi dabe dao. Te Godigo kolesaga tagala po weyu, tama te tęde kolesaga wali pabo we bidi dao. Meba augwaligo augwa aya ida ela mubo bage dao, meba te gasa bidi ela muyu ebo bidi dabe dao. ¹⁰ Te penani kolesaga ebo we bidi, te ogomani dali dwai dwai sę ebo bidi dabe, te we bidi wi sabo bidi dabe me, te tibo po wabo bage, te po tęde tibo po wabo bidi dabe me, te bomai po dabe te tobage we bidibolo muai dao. Te tobage kolesaga te Sodom de Gomora hanu side yali kolesaga tiwai dao. Me te gasa haniani dwai sę ebo bi-di dabe me, te Godigo dwagi yai ola mabo po odisąbo bage, augwalibolo me te bomai pogo po elalubao. ¹¹ Te dwagi yai ola mabo po da, te ula yai bomo elalubo wiegi yai bidi God agai te po pusao olama en-abolo mani gesi wiegi yai po tomode elalubao.

Godigo Pol aga homu dene eyu tau sali po

¹² Dago Genuai Bidi Krai Jisas agai eno sę yabo bo-mo mobaso, tama eno agabolo buba hwi wabo dao. Agai homu ena agaba homu keą pai bidi bidiyu, tama agai sę yabo ena usu yaibao. Agai te homu elama, tama aga sęba ena mubaso, eno agabolo nage usu da po wabo dao. ¹³ Mu tama, polobadu eno agai nogibolo dwai posobo po wabo bidi bidai, tama eno agai po odobo we bidi dabe dali boi bidi eyu, augwalibolo dene mabo sę iduai. Tama eno aga dali hagoma eyu, aga nogi dolobo sę eyu bidai. Eno Krai sde tama dwai sę yali goli, Godigo ena homu dene eyu tau sali. Magi basowe? Eno konealubo po Krai sde daų wasiąbaso eno bugagia konesiąma, tama eno te tiwai dwai kole-saga aga dali iduai. ¹⁴ Tama dago Genuai Bidigo olo tau sabo wiegi yai kolesaga umabo mu enabolo eyu, tama agai enabolo te agaba homu begi pabo bomo me, te we bidi dali dwagi yai homu eyu godolo ebo kolesaga me, te kolesaga si agai enabolo olo mani. Da Krai Jisas dali wadolobaso, tama te kolesaga si agai dabolo mani. ¹⁵ E konealubo po te mu po dao, tama tigidali we bidi e po odama augwaligo homugo mu daų omainao: Krai Jisas te tęba dulali, te tęde dwai sę ebo we bidi dabe ma dobola sainogo asali. Awe, te mu po dao, tama te hasia polasa dwai sę yali bidi te ena digi tama e dao, eno yali dwai sę te gasa bagego dwai sę aiyaba elaluali. ¹⁶ Ena te hasia polasa dwai sę yali bi-di te ena digi bidali goli, Jisas Krai sde agai ena dali homu dene eyu tau selama, tama ena ma dobola sai. Magi basowe? Te ena subo piksa noma tiwai yali. Tama nos-ali te gasa dwai sę ebo we bidi augwaligo te Krai sde te dwai sę ebo bidi polo elisąbo wiegi yai kolesaga hania konemainogo eyu, agai ena dali te kolesaga naga ha-sia yai dao. Tama augwaligo homu aga poba begi peyu, tama bidibo ula selama, bugagia sesemane so-go bidada peyu, bidada pomainogo yaibao. ¹⁷ Tama tibaso, eno agai ena dali yali sęde homugo kone paluyu, tama aga genuai nogi me aga wiegi yai ula yai bomo me te si ugwaba muyu, tama eno e po obao: "Aga te Tuni Bidi tigidali sogo bidibao. Aga me isibo

meni, gamonaibao. Tama bidigo aga me subo menio. Agaduba deli naga te God mu dao. Genuai nogi me bomo me te agade sesemane sogo mu bidada peyu, bidada pomainao. Mu dao," eno te po obao.

¹⁸ Eno ogwa Timoti, polobadu Godigo po pusubo profet bidi dabe meba augwaligo nago nosali yabo sęde mu yabo po augwaligo dabolo pusai dao. Tama megi me eno te po wali peyu, tama eno e po nagebolo obao. Tama nage me, nago te po ma koneama, tama te pogo nage tau siyu, te nago hwjabo nai tiwai elalumainao. Tama tiyu, tama nago bomo elama, tama nago ebo sę bugagia yao, te hwjbo tiwai yao. ¹⁹ Tama bidiyu, tama nago te konealubo po nago homugo bugagia daų wao, te dwai sę me isiąma, tama nago te dwai sę me dwagi yai sę me dagalabo homu bugagia elaluyu bidao. Te bidi meba augwaligo te augwa dwai sę me dwagi yai sę me dagalabo homugo augwalibolo wali po ola tagaluyu ebaso, tama augwaligo Godide konealubo po daų wabo tagalai dao, tama augwali hobedagia dwai kolesaga daide bidibao. Te augwali te tamu aį daidu pabo moni geba sip tiwai dao, tama tede elalubo moni masigigo te moni geba sip dolobo tiwai gilama yai dao. Augwaligo Godide konealubo po daų wabo tagalai dao. ²⁰ Te Himeneus de Aleksander, te bidi sigo te tiwai kolesaga yalio. Tama tibaso, aug-wali si eno te dwai haubo tobolu bidi Satango nogoba muani, agai augwalibolo sęę mawaibao. Augwali sigo sęę selama, tama Godigo nogide dwai posobo po wabo tagalamainogo eno tama yai dao.

Dago Godiba hanalu gedu haluasa po wabo kolesaga eyu, te tigidali we bidi tau sao wali po

² ¹² Tama tibaso, nago yabo sęde, te sę nago emainogo eno nage homu hodolobo po obao. Ha-sia tuni po e tama. God agai tigidali we bidi tau so-mainogo eyu, nago te Godigo hani we bidi tigidalibolo gedu haluasa po wao, te po wao. Tama tiyu, agai aug-wali tau sao po hanaluyu, tama agabolo nage usu dao po me wao. Godigo te gavman tuni bidi dabe dali, te genuai gavman sę ebo bidi dabe tigidali tau somaino-go eyu, dagego agabolo gedu haluasa po wao. Magi basowe? Godigo augwali tau siyu, tama augwaligo augwa te we bidi tonalubo sę bugagia eyu da, teda da we bidi tigidali da bugagia bidaibao. Gasa bidi aug-waligo dabolo sęę magobeo, tama da tigidali homu nagame wiegi yai elama Godigo homu naga wali peyu, tama gasa we bidi dali bugagia bidaibao. ³ Te tobage gedu haluasa po wabo kolesaga dwagi yai dao, tama tede te da ma dobola sabo bidi God aga dwagi yai ho-mu ebo dao. ⁴ Te agai homugo te agai tigidali we bidi ma siyu, tama augwaligo aga mu po page mu kone-mainogo ebo dao. ⁵ Magi baso meni. Te God deli naga bidibao. Tama te God de bidi si tomode naga dolalubo bidi deli naga te elalubao, te bidi te Krai sde Jisas dao. Agai God dali we bidi dali deliba sisinabo bidi dao. ⁶ Agai aga bidibo ulago digi te tagaliyu, te tigidali we bidi ma abelali. Te tama tiali kolesagade Godigo aga bodolu mani sogo da ola mani, te agai tigidali we bidi

† 1:13 Tpi 8:3; 9:4-5

ma sabo homu ebo dao. ⁷Tama tede Godigo ena te agai po sela pabo sę bidi mubaso, tama eno agai po pusubo sę elalubao. Eno mu po naga obao, eno tibo po me wabeo, te Israel hani isiawai bidi dabebolo po ola mabo tisa bidi agai ena nigilali, te eno augwalibolo te Godigo mu po dali te Kraizde konealubo po augwa homugo daų wabo kolesaga me eno ola momainogo yali.

⁸Tama eno homugo te tigidali bulu bidi dabe augwaligo gedu haluasa po omainogo homu ebao. Eno homugo augwali Godigo kolesaga naga wali pabo bidi dabe bidu, tama haliga sębę me wado po wabo tagaliyu, tama augwa nogo ugwaba siyu, te augwaligo gedu haluasa po omainogo ebo dao. Nago augwalibolo tama tiao po wao.

We dabe sibigo yabo kolesaga po

⁹Eno homugo te we dabe sibigo me augwa gudubo ugwade homugo bugagia kone paliyu, augwa nogi ugwaba sabo kolesaga te ugwade elamuo, te bidigo homu hodolobo sę me elamuo. Augwaligo te tobolu nisi me te tigi me te haniani bis dabego badi, te wiegi yai kapa golgo me te moni masigigo sabo ugwago me, te augwa tigi dali tobolu nisi me au ilama elamuo. ^{†10}Menio. Te we dabe sibi augwaligo te Godigo homu wali pabo homu eyu da, te augwaligo we bidi tau sabo haniani wiegi yai sę yao. Te da te augwa au ilibo nai tiwai mu dao. ^{†11}Te we dabe sibi augwa digi aiyaba elaluma, tama pedauwali pania selama, tama po ola mabo bidigo wabo po sao. ^{†12}Te Godigo po odobo we bidi hani tomode te eno te we me deli te po ola mabo tisa bidi ma te bidi dabego tobolu we bidimainogo me gogolobo menio. Te menio. Te we dabe sibi augwali te pedauwali pania selama, tama bidigo wabo po naga odao. ^{†13}Magi baso meni. Te tiwai yai: Godigo Adam bolo hasia nigali, tama nosali agai te we Iv nigai dao. ^{††14}Tama me te Adamgo tibo po homude daų me wabe. Wego te tibo po homu daų olama, tama agai Godigo bomai po bolali. ^{†15}Tiali goli te we dabe sibigo te wai dabe ame nabo sę yaibao. Augwaligo te wai ame nabo kolesagade Godigo augwali ma dobola saibao. Tama augwaligo Godiba konealubo po sesemane sogo daų weyu, tama we bidi dali dwagi yai homu ebo kolesaga wali peyu, tama augwali dwai sę isaųbo kolesaga me wali pabo sę isaųma bugagia bidiyu, tama wiegi yai homu elalubaso da, teda Godigo augwali ma dobola saibao.

Te Godigo po odobo we bidi tonalubo bidigo wiegi yai kolesaga yao po wali

3 E po te mu po dao: bidi me deligo te Godigo po odobo we bidi tonalubo homu ebaso da, te bidi aga wiegi yai sę godolo ebao. ²Tama nago te Godigo we bidi tonalubo bidi nigiyu tama aga e tama bidao. Aga dolo mu bidao, tama te bidi dabe augwaligo agade te dwai sę ebo me gegegobeo. Aga te we deligo

bidi naga bidao. Aga homu bugagia dodolama tama dulalua. Aga aga digi kolesaga bugagia tonalua. Aga subigila bidibo bidi bidamuo. Te aga te Godigo po odobo gasa buludu asali we bidi agai aga beba sabo bidi bidao. Tama aga te Godigo po ola mabo sęde aga usu yao. ³Aga te bomai aų tulama te esela pabo bidi tiwai bidamuo. Agai sębę polo eyu, bidi eleyu me egobeo. Menio. Agai te bidi dabe dali imilai homu nagame yao. Agai te wabi subigila hwigio. Agai homu te monede kuna daų me olamuo. ⁴Aga bugagia kenasa bidiyu, agai te aga digi we wai puluba bugagia tonaluyu, tama te wai dabe aga dologode bidiyu, te augwaligo agai po wali pomainogo yao. ⁵Magi baso meni. Te bidigo aga digi aga we wai puluba bugagia tonalusaųbo bidi da, aga te Godigo po odobo we bidigo tobolu bidi bidibo te usu me egobeo. ⁶Te tamadi gesi noma baptais tamadi sali bidi te tonalubo bidi sę munu me menamuo. Tiyu aga te hagoma ebaso tama Godigo aga dali po tų elama dene mayu, te agai Satan po tų yaligia tiwai elama sela sawani. ⁷Te bidigo wiegi yai nogi te Godigo po odisawani bidi dabe augwali tomode elalubo bidi, te aga naga te tonalubo bidi sę ebo usu yaibao. Te aga nogi wiegi yai me elalusaųwani da, teda aga dwai sę eyu, tama aga hale elama, tama te Satango hagani togobo wago te aga saibao. ^{††}

Te Godigo po odobo we bidide sę ebo bidi po

⁸Te nago te Godigo po odobo we bidi tonalubo sę tau sabo bidi dabe nigiyu, augwali me e tama bidao. Te homu mu naga eyu, te wiegi yai kolesaga ebo bidi bidao. Augwali te bomai aų tulama esela pabo bidi tiwai me elamuo. Augwali te gasa bidi dabego mone dabe anoma elama sabo homu ebo bidi bidamuo. ⁹Te augwaligo dwai sę isaųma tama augwali homu wiegi yai elaluyu, tama augwaligo te polobadu geme dualali po, te Godigo Kraizde dabolo waselali konealuabo po homugo daų olama bidao. ^{†10}Te hasia dagego augwaligo ebo kolesaga usu sao. Tama augwaligo kolesaga dolasa elama tama po meni baso da, teda augwali te tau sabo sęba muao.

^{†11}Tama te bidi dabe augwaligo we dabe, te we dabe te wiegi yai kolesaga ebo we bidao. Augwali te posobo po wabo we dabe bidamuo. Te augwaligo augwa homu bugagia dodolama tama bidao. Sesemane sogo te augwaligo wiegi yai dolo kolesaga naga yao.

^{†12}Te tau sabo bidigo we te deli digi naga selama bidao. Agai te aga we wai bugagia tonalua. ^{†13}Te bidi dabe augwali te Godigo po odobo we bidi tau sabo sę bidi bidiyu tama wiegi yai sę eyu da, teda we bidi gedude augwali nogi wiegi yai elaluaibao. Tama augwaligo te Kraiz Jisade konealubo po bomu elama pusubo usu yaibao.

† 2:9 1 Pi 3:3 †† 2:13 Gag 2:7, 21-22 † 2:14 Gag 3:1-6

†† 3:7 Tai 1:6-9

Godigo po page megı waselali kolesaga po page te genuai nai mu da po wali

¹⁴ Eno homugo ena nage bidıbo madi tamadi asaıbaı. Tiali goli megı eno e pas nagebılo aseña tolobao. ¹⁵ Magı bası meni, ena polo sabalısıqbası da, teda nago e pas selama tama nedama, tama nago nage Godigo hanıde bugagıa bıdabo kolesaga po tede koneagameı. Te God aga da te bıdıbo ıla elalubo God dao. Te agai po odobo we bıdı hani augwali da te Godıgo be tiwai we bıdı dao. Tama augwali te Godıgo mu po tolalubo te bomai ni pos dali kau ni me tiwai elalubo dao. ¹⁶ Awe, mu tama, te polobadu gıme du-alalı po, te Godıgo dabılo waselalı konealuabo po page te genuai mu elalubo, tama bıdıgo te pode te po mu meniı wabo te usu me egıbeı. Te konealuabo po e dao:

Aga te tıgi elalubo bıdı mu pedalı, tama haniı hanııı.

Tedalı Mıbo Bıdıgo we bıdıbılo ıla mani, te bıdı aga dılo mu yalı.

Te dagalude mıbo bıdı ensel dabego aga suai.

Tama po pusubo bıdı augwalıgo agade po te tıgdalı we bıdı hanıbılo pusıgi palı.

Te tıde bıdı dabe augwalıgo konealuabo po agade daı wai.

Te Godıgo aga dagaluba odasa holama, tama megı aga bımo dali, genuai nogı dali selama bıdıbo dao.

Tıbo po ıla mabo bıdı dabe augwalıgo po waıbaı

4 Godıgo Tedalı Mıbo Bıdıgo hanılama te po wai: nosalı sogo bıdı meba augwalıgo te Kraıside konealubo po tagalıbaı wali. Te augwalıgo te tıbo po wabo dwai haubo noma bıdı dabego ıla mabo po odama, tama augwalıgo te dwai haubo noma bıdıgo po wali paıbaı. ² Bıdı meba augwalıgo dwai se dali dwagi yalı se dagalabo homu te ısalı tiwai dao. Tama tıbası augwalıgo augwa ebo se dagalısııyu tama augwali tıbo po wabo bage dao. Tama "Eno mu po naga obao," wai goli, augwalıgo te dwai haubo noma bıdı dabego tıbo po naga ıla mabo dao. ³ Tama tiyu, augwalıgo e tiwai po ıla mabo dao, "Dagego te we sabı se elamuo, te se habı selalı se dao," te po augwalıgo ıla mabo dao. Tama me augwalıgo hanıanı tubı nalı me badu habı selebo dao. Tıalı goli Godıgo te nalı dabe nıgalı te da bıdıgo konealubo po daı weyu tama agai mu po koneanı we bıdı, dago te nalı dabe selama tuyu, tama Godıbılo gedu halıasa po weyu "Nage usu da" ımainıgo yalı. ⁴ Magı bası meni. Dago koneanı, te Godıgo nıgalı nalı tıgdalı, te wiegi yalı naga yalı. Tıyu dago sayabuo. Dago Godıbılo usu da weyu gedu halıasa po ılama saı. ⁵ Te Godıgo te naıde polobadu wali po dali, te dago gedu halıasa po wabo po dali, te po sıgo te nalı wiegi yalı ılama pedalıbo dao. Tama tıbası, te nalı dago tuagameı, po meni.

Timoti te Kraısgı wiegi yalı se bıdı bıdımainıao

⁶ Nago te enı megı aseanı po te dago ama dedebılo mıbası da, teda nage te Jısgıgo wiegi yalı se bıdı bıdıbaı. Tama tiyu, te konealubo pode me, te nago wali pabo tıgdalı wiegi yalı kolesaga ıla mabo po me, te po sıde nago genuai bımo bugagıa sıdu bıdıbaı. ⁷ Tıalı goli te hanıanı ılo namu po dali, te hanıanı kedı meni yalı po dali, te tobage po mıbo te nago odogıo, te tudıba muao. Te tobage ılo po dago God bıugagıa koneabo tau sabı po meniı. Bımo elama, nago naga dıgi te Godıgo kolesaga wali pabo se ıla mayu bıdao. ⁸ Nago koneanı, te dago tıgıgo se ebıgo te tıgıbılo bımo mıbası, te bıgo da tau sabı dwasıanı usu ebo dao. Tıalı goli Godıgo kolesaga wali pabıgo te da tau sabı te hauwa mu ebo dao. Te se ebıgo da megı te bıugagıa bıdıbo ıla mabo dao, te nosalı bıdıbo ıla tau sabı me te usu yaıbaı. ⁹ Te po mu tama wali, tama te po tıgdalı bıdıgo odama, tama augwalıgo homu te po bıa begı pobası, te usu yaıbaı. ¹⁰ Tama da Godıgo kolesaga wali pabo, te bıgo da megı me, nosalı me tau sabı usu bası, dago bımo eyu se dene mu ebo dao. God da, te tıgdalı we bıdı ma sabı bıdı da, tama agai te Kraıside konealubo po augwa homugo daı wali we bıdı da mu ma dıbıla sabı bıdı dao. Tama tıbası, dago te bıdıbo ıla elalubo Godıba homu begı pelama, tama agai da sımainıgo dago aga tonalıbo dao.

¹¹ Nago bımonama te po te Godıgo we bıdı augwalıbılo pusao, tama augwalıgo wali pımainıgo ıla maı. ¹² Augwalıgo sualı, nage gesı bıdı homu ebo, tıalı goli augwalıgo homugo nage te ılo bıdı yalı homu ebo gıogıogıo. Menıo. Nage te polalıbo bıdı bıdao. Tama tiyu, tama nago po wabo kolesaga me, te bılıbo me, tama nago we bıdı dali dwagi yalı homu eyu godılo ebo kolesaga me, te nago Godıba homu begı pabo kolesaga bıdı, tama te magı dwai se ısııwai wiegi yalı kolesaga nago ebo augwalıgo suyu, tama augwalıgo homu Godıba begı pabo we bıdı augwalıgo nage wali asaıbaı. ¹³ Ena nago bıdıbo dıgi nosalı asaıbaı. Te sogo nago ena tonalıdu dıgi, nago te Godıgo bıukude aseanı po aga hanı we bıdıbılo nedebı se yao. Tama augwalıbılo Godıgo po pusıyu tama ıla mayu bıdalııao. ¹⁴ Polobadu te Godıgo po pusubo bıdı augwalıgo nago nosalı yabo seıde mu yabo po weyu, tama te monu dabe tobolu bıdı augwalıgo augwa nogo nago toboluba muanı. Tama te sogo Godıgo nago se yabo bımo dali, homu kolesaga dali nagebılo ılo manıo. Te manı nalı tagalıgıo. Te manı bımogı me, te homu kolesagıgo me nago naga se yao. ¹⁵ Tıgdalı bıdıgo nago ebo te pua paı holobo ni tiwai se sımainıgo eyu, tama sesemane sogo nago te Godıgo we bıdı tonalıbo se bımo elama bıugagıa yao. ¹⁶ Tama naga dıgi ebo kolesaga me, te we bıdı ıla mabo se te bıugagıa tonalıuo. Tama tıdıuo. Nago tama tiyu da, teda naga seıgo dıgi nage dali nago po odobo we bıdı dali ma dıbıla saıbaı.

We bidi dodolobo wiegi yai kolesaga po

5 Te Godigo po odobo we bidi hani tomode te monu dabe tobolu bidi me deligo dwai şe eyu da, nago aga te dwai şede ma dodoloyu tama nago agabolo sesena pai po me olamuo. Menio. Nago po nagame elama dua digi dodolao, te naga aya monu dodolobo tiwai gilama yao. Tama nago te gesi ogwa bidi dabe dodoloyu, te naga ama dodolobo tiwai gilama yao. ²Tama nago te mosi dabe dodoloyu, te naga ida mosi dabe dodolubo tiwai gilama yao. Tama nago te gesi we dabe dodoloyu, te naga abe dodolubo tiwai eyu, te wiegi yai dolo homu naga ebadi augwali dodolao. Mena bidi nago dwai şede dodolabo homu ebo bidi, nago sesena pai homu eyu dodologio.

³Te we me deli aga bidi isai digi, tama we agaduba mu bidibaso da, teda nago te Godigo po odobo we bidi augwaligo te we tama bidibo koneama tama augwaligo augwa mone gego te we tau sao po wao. ⁴Tiali goli te bidi isai we me deligo te aga wai genuai yai me, ma aga waigo wai te genuai yai elalubaso da, teda augwaligo bugagia koneao: te augwaligo polasa yabo şe te augwaligo Godigo po wali peyu, tama augwa hani we bidi bugagia tonaluyu, tama augwali polobadu dwasianude aya idago bugagia tonaluali tobage kolesaga wei ponoyu tonalua. Awe, Godigo te kolesaga godolo mu ebo dao. ⁵Tama we aga bidi isai madi, tama we agaduba mu bidiyu aga tau sabo bidi meni baso da, teda te wego te tiwai kolesaga ebo dao: agai Godiba tialuyu, tama Godigo aga tau somainogo eyu giligade me hulide me te agai Godiba gedu haluasa po weyu ena tau sao wabo dao. ⁶Tiali goli gasa we me, te aga bidi isai madi, tama te wego te tigigo ebo kolesaga naga wali pabo homu eyu, tama dwai kolesaga ebaso da, teda aga tigi bididubadi goli aga bidibo noma te Godigo gedude isai dao. ⁷Nago bomonama te eno tamadi wali po te Godigo po odobo we bidi augwalibolo pusao. Awe, augwaligo tama temainao, magi baso meni, augwali te gasa we bidigo gedude augwaligo dwai kolesaga elalugobeo. Tiyu gasa bagego po augwali dali elalugobeo. ⁸Eno te po magi baso obawe? Te bidigo aga deli hani dabe me, ma aga kaneme deli hani digi te bugagia tonalusişwani da, teda te bidigo aga Godide konealubo po te tudiba munama tama agai ebo kolesaga te dwai mu elama, tama tebogo te Godigo po odisşwai bidi dabego ebo dwai kolesaga te aiyaba elaluaibao. Te Godigo po odisşwai bidigo augwa digi te tiwai dwai kolesaga me ebeo. Menio! Augwaligo te augwa bidi isai we dabe, te augwaligo bugagia tonaluyu tau sabo dao.

⁹Te augwali tau sabo hani bage meni yai wilawe we elalubaso da, te Godigo po odobo we bidi hani augwaligo augwa mone gego te tobage wilawe we tau somainogo eyu, augwaligo nogi te bukude dago aşeo dao. Te bukude nogi elalubo wilawe we dabe naga augwaligo te tau sabo mone sabo dao. Tama nago te bidi isai we dabe nogi te bukude olo aşegio. Menio. Te bidi isai we aga kibu be bidi sese sela wali, te tobage

bidi isali we aga bidi deli naga dali bidali mosi we elalubaso da, teda aga nogi naga nago aşeo. ¹⁰Tama e tobage haniani wiegi yai şe yai nogi elalubo we tiwai: agai te aga wai puluba bugagia tonaluali. Tama agai te gasa bulu we bidi augwali te agai beba asobode nai mayu yali. Tama imilai homu eyu, agai te Godigo po odobo we bidi tau siyu şaęa we tedabo şe yai dao. Tama agai te şeęę dali dene dali sali we bidi dabe tau siyu yai. Tama te wilawe we aga te tobage haniani we bidi tau sabo dwagi yai şe ebo kolesaga wali pabo we bidali da, teda nago te tobage we dabe augwali naga nogi te bukude aşeo.

¹¹⁻¹²Tiali goli nago te augwa bidi dabe isai, te gesi we dabe augwali nogi aşenamuo. Menio! Te augwaligo homu hodolama tama te bidi dali ma pabo homu ebo si, te augwaligo Krais te tudiba muaibao. Tama tiyu, tama augwaligo agai şede te hasia daę wali po augwaligo togolama, tama tede şeęę saibao. ¹³Tama gasa dwai kolesaga me augwaligo koneaibao. Augwaligo şe isayı tama augwali tigidali we bidigo beba olo pabo kolesaga saibao. Te kolesaga naga egobeo, te gasa dwai kolesaga me yaibao. Augwaligo te gasa we bidi dabe augwaligo po anoma elama tama po sabilibo şe eyu, tama augwalibolo posobo po weyu yaibao. Te po augwaligo tedela paibao, haniani beba. Tama tiyu, tama augwaligo me te hogwa sa wali po togolama, tama augwaligo gasa we bidibolo subigila pusaibao.

¹⁴Tama tibaso, augwaligo tama idali weyu, eno homugo Timoti nago te bidi isai gesi we dabe te augwali bidigo ma sao po wao, tama wai ame nobaso, te augwa hani tonalubo şe yao. Te augwaligo tama tiyu da, teda, te da dali te dwai po wabo boi bidigo tu gegabo usu meni yaibao. ¹⁵Eno tama tiwai po te gesi we dabe wali, magi baso meni, te we dabe mebago te Kraisgo şede daę wali po te tagalama, tama augwaligo te Satan wali pabo gagalai dao. ¹⁶Te Kraisde konealubo po daę wali we me deli te aga hani tomode te aga bidi dabe isai we dabe meba elalubaso da, teda te we aga digi te bidi isai we dabe tonaluyu tau sao. Te tau sabo şe te Godigo po odobo we bidi hanibolo te wego munamuo. Meni. Augwaligo te agaduba deli mu bidibo wilawe we dabe, te augwali tau sabo bage meni yai we dabe, augwaligo te tobage we dabe tau siyu tonalumainao.

Tobolu bidi dabede wali po

¹⁷Te Godigo po odobo we bidi hani tonalubo monu dabe, augwaligo te şe bugagia eyu da, teda te hanigo augwaligo nogi ugwaba siyu, tama augwalibolo te augwaligo sabo pe mone mayu, tama meba ugwadu manuma mao. Te tonalubo bidi dabe tomode te bidi dabe meba augwaligo te şe eyu, tama augwaligo me te Godigo po pusuyu tama te we bidi dabebolo ola mabo şe bugagia eyu te şe dene yali, te tobolu bidi dabe augwalibolo te manani masigi polasa mao. ¹⁸Magi baso meni. Te Godigo po bukude te Mosesgo polobadu e po aşeni, "Te nai wit ge bo sela somainu te nago bulmakau agai şe eyu tama te ge dabe şaęaęo

agabadi, nago aga gani te bonogo daŋ wagio, aga te ge meba tumainao," te po aşeni. Te tobage po me elalubao, "Te sę bidigo aga mone sabo usu dao," te po wai dao. ¹⁹ Tama bidi me deligo naga te po waibao, "Te Godigo po odobo we bidi tonalubo bidigo dwai sę yali" po obaso da, teda nago te po odogio. Tiali goli bidi sigo ma selago te po obaso da, teda nago odao, te bidi osola suo. ²⁰ Tama tiyu, tobolu bidi dabe mebagote dwai sę yaibaso da, teda nago te Godigo po odobo we bidi augwali tigidali gedude te dwai sę yali bidibolo "Nago te dwai sę yalio, te kolesaga tagalama, tama Godigo po wali pabo ma gagalao," te po wao. Augwaligo gedude tama eyu da, tama gasa tobolu bidi dabe augwali me te tiwai dwai sę ebo wi elama tagalumainao.

²¹ Te God me, Krajs Jisas me, te Godigo diŋ sali ensel mobo bidi dabe, te augwaligo gesabidide eno nagebollo dolo mu obao, te eno megi tama nagebolo aşeni ola mabo po nago bugagia wali pao. Tama tiyu, tama nago te tobolu bidi dabego yali sę osola subadi, nago te bidi me delide wei ebo abagi homu eyu, tama gasa bidi me delide dwai homu eyu munu te tiwai elamu dao. Te bidi dabe osola subo sę te nago dolo mu naga yao. ²² Tama me nago te bidi me deli polo selama, tama aga bugagia osola susiŋbadi, tama nago nogo aga toboluba muyu, tama aga te Godigo we bidi tonalubo tobolu bidi nigilamuo. Magi baso meni. Te nago aga polo te tobolu bidi nigilama tama agai dwai sę eyu da, teda nago aga te dwai sę ebo tau sali tiwai waibao. Tama idali weyu, dua dao. Nago te naga digi bugagia tonaluyu, tama dwai sę me deli isiŋwai bidi bidao.

²³ Timoti, nago te olo wę naga tubo kolesaga tagalao. Tama te hauwa sogo te tigi bomo silabo gasi nageba pedaliyu ebo, tama te gasi sela sęwainogo da, teda nago te naga tabi tau sainogo te nago dwasianu wain wę dali tuo.

²⁴ Te Godigo po odobo we bidi hani tobolu bidi nigilibo sęde eno e po me nagebollo obao. Nago te bidi dabe hasia osola subadi, e po ma koneao. Te bidi mebagote dwai sę dabe hanilama hania mu elaluyu, tama augwali te po tų yabo madi poligi pobaso, tama dago augwali polo dagalama koneani. Tiali goli bidi mebagote dwai sę game dualaluama, tama nosali naga hania hanilama pedalubo dago subo dao. ²⁵ Te wiegi yai kolesaga me te tiwai naga dao. Te wiegi yai kolesaga dabe me te hania elalubo dago subo dao. Tama meba dwagi yai kolesaga te we bidi dabego ebo te hania polo me pedalisiŋyu yali goli, te me sesemane sogo game me dualalugobeo. Menio! Nosali dago te me koneaibao.

Olo sę ebo bidi dabede po wali

6 Te nago bidibo digi Efesusde bidibo Godigo po odobo we bidi augwali meba te masigi sisębo olo sę ebo we bidi dabe dao. Augwaligo augwa genuai bidigo sę eyu augwaligo tama tiwai homu yao, "Te ena

† 5:18 Bom 25:4; Mat 10:10; Luk 10:7†† 5:19 Bom 17:6; 19:15

genuai bidi aga te wiegi yai bidi, tama eno aga nogi ugwaba sabo te usu dao. Agai te sę yao wabo po eno odaibao," augwaligo te homu yao po wao. Tama te sę we bidi dabego te tiwai homu kolesaga eyu da, teda te genuai tonalubo bidi dabego te Godigo nogide me te Godigo po me te si dali dwai posobo po wabo kolesaga me egobeo. ² Me ma, te olo sę ebo bagego genuai bidi aga te Godigo po odobo bidi bidiyu da, teda te sę ebo bidi dabego te homu me ilamuo, "Te genuai bidi aga Krajsba homu begi pai bidi bidibasao, aga da te eno ama tiwai dao. Tama tibaso, ena dali eno sę tonalubo genuai bidi dali, te da si Godigo gedude tiwai si dao. Tama tibaso, eno agai po odogobeo, te tigi dene sę egobeo." Te homu augwaligo ilamuo. Menio. Augwaligo tama homu yao: "Eno bomo elama eno genuai bidigo sę bugagia mu eyu, tama eno te tiwai aga tau saibao. Magi baso meni. Eno genuai bidi aga te Krajsba homu begi pai bidi, tama eno aga dali dwagi yai homu eyu godolo ebao." Te sę ebo bage augwaligo te homu yao wao.

Te mone me doado bage hauwa sabo godolo ebo homu kolesagade te tigidali dwai kolesaga page elalubao

Te sesemane sogo nago te we bidi augwalibolo te tiwai kolesaga eno nagebollo wali po tiwai gilama te we bidi ola madubadi geao, tama augwaligo homu hodolama wali pomainao. ³ Tiali goli bidi mebagote po wali pisęma tama augwaligo bidi dabe gasa po ola mabo dao. Te gasa po te dago Genuai Bidi Jisas Krajsgo doloba pai po dali tiwai si isiŋwai po dao. Tama te gasa po te dago te Godigo kolesaga wali pabo ola mabo po dali tiwai si isiŋwai po dao. ⁴ Te gasa po ola mabo bidi agai te hagoma genuai eyu, te agai Godigo kolesaga dwasianunu me konebeo. Menio. Agai homu kolesaga gasi tiwai ebaso, tama agai te bidi dabe dali konila po wabo kolesaga godolo ebo dao. Tama subigila te dwasianu po pagede te po si wado po wabo ebo tiwai kolesaga me agai godolo ebo dao. Te tobage konila po wabode te tiwai kolesaga pedaludu gebo dao: augwaligo dwai homu gasa bidi dabe dali eyu, tama augwaligo augwa hasi konila po weyu, tama posobo po wabo, tama augwaligo te homu ebo dao, "Te gasa bidigo dwai sę yabo homu ebao." ⁵ Tama sesemane sogo augwaligo wado po subigila weyu ebo dao. Te tobage bidi dabe augwali te gagea pai homu ebo bidi pedalama, tama augwaligo te mu po te augwa homude daŋ wabo tagalai dao. Augwaligo homugo te Godigo kolesaga wali pabo te bisnis ebo sunumi augwaliba bugagia pedalama, tama mone hauwa siyu, tama walu hauwa sabo mone bidi pedalaibao homu ebo dao.

⁶ Mu tama, te bidigo Godigo kolesaga wali peyu, tama aga homude te tigidali nai te aga usu yali da homu ebaso da, teda aga te wiegi yai doado bage hauwa elalubo bidi tiwai yaibao. ⁷ Dago koneani, te idago da ame nenama tama da tęde pedalali, te sogo dago magi nai me deli sela asobeo. Menio. Te da olo naga asai. Tama nosali sogo da isibo sogo tama te tę tagalobode

te dago magi nai me deli te dago isibo noma bidigo me sela pogobeo. Menio!⁸ Tama tibaso, dago tubo nai me ugwa me elalubaso da, teda dago dwagi yai homu pemene idu te homu yao, "Te naigo ena usu ilali. Ena dwagi yai homu pemene ebo dao," te homu yao.⁹ Tiali goli te doado bage hauwa saio homu ebo bidi dabe augwali te buside bidibo uni kibu dabego te nai tugi painogo te denami odobo tiwai ebo dao. Tiali goli te kibu aga te dedagede tulaluyu isabo homu me konegobeo. Te moneba homu konebo bidi dabego homu te tiwai ebo dao. Te augwa homu te moneba daꝓ olama, tama augwaligo te haniani dwai kolesaga wali peyu, tama te homu kolesaga meni yai bidi tiwai bilibadi, te augwa digi dene mabo kolesagago augwali daꝓ wabo dao. Tama tiyu augwa digi dolama, tama augwali dwai mu hobedagia bidaibao.¹⁰ Magi baso meni, te mone godolo homu ebo kolesaga te tigidali haniani dwai kolesaga page mu elalubao. Te bidi meba augwaligo te bomu elama te mone godolo ebaso, tama te kolesagago augwali kegelama tama augwaligo te Kraisde konealubo po tagalai digi, tama augwa yali dwai seꝓ hauwago te augwali homude enani tama genuai dene mu tolali.

Timoti nage tau sabo po nago bomonama uda baso da, te bidibo ula selama, sesemane sogo bidada paibao

¹¹ Te bidi dabe meba augwaligo te doado bage hauwa saio homu ebaso tama tiwai dolaibao. Tiali goli Timoti, nage da te Godigo bidi da olama, tama nago te tobage dwai seꝓ ebo kolesagaba tudi ola mao. Me ma, nago te bomu elama te doloba pai kolesaga badi, te Godigo godolo mu ebo kolesaga me, te Kraisde konealubo po daꝓ mu wabo kolesaga me, tama te gasa ama dabe godolo ebo kolesaga dolo wali pao. Tama te bomu elama dolaluyu, tama te boi bidi dabego mabo seꝓ tigidali bugagia tolobo kolesaga me, tama augwali dali nagame elama bidibo kolesaga yao.¹² Te Kraisde konealubo po daꝓ wabo bidi te ususu si yainogo udabo tiwai seꝓ elalubao. Tama tibaso, nago te sesemane sogo bugagia bidada peyu, bidada pabo ula somainogo te seꝓ bomu elama yao. Magi baso meni, polobadu nago te we bidi hauwago gedu to-mode te "Ena Kraisde konealubo po daꝓ wai dao," te dwagi yai po nago augwalibolo pusali sogo te Godigo nage sa muyu te bidibo ula saibao wali.¹³ Te God da te tigidali nai bidibo ula menama tonalubo bidi dao. Tama Krai Jisas aga te gavman tuni bidi Pontius Pailat gedude te dolo po naga weyu, aga digi aga te Godigo we bidi tau somainogo tagala palali bidi Krai dao po wai. Tama te God badi, te Krai Jisas dali sigo gedude te tiwai po bomu elama nagebobo eno megí obao:¹⁴ nago te Godigo po bugagia tonalua. Nago te gasa bagego te Godigo pode dolobo po wabo gogologio. Te nago bugagia tonaluali da, teda te pode dwai po wain-

ogo yabo te usu meni yaibao. Nago tama tonalua pidubadi te dago Genuai Bidi Jisas Krai te ma asobo sogoba usu nagasu tama Krai aga hanilama hania pedalaibao.¹⁵ Aga ma asobo sogo te Godigo aga digi sa muani bodolu sogo elalubo, te sogo te dolo sogo mu naga yaibao. God naga te dwagi yai homu pemene ebo page bidi, tama agaduba deligo naga tigidali seꝓ yabo bomu elalubao. Agai te tꝓde tuni bidi dabego Tunni Bidi, tama aga te genuai bidi dabego Genuai Bidi dao.¹⁶ Agaduba deli naga te munu me isisaꝓo ula page elalubo bidi dao. Aga te genuai nanobo ula to-mode mu bidibo, tama da aga paꝓa pabo te usu me egobeo. Te bidi me deligo aga munu me sube, tama aga me subo usu egobeo. Genuai nogi mu me, bomu me te agade sesemane sogo bidada peyu, bidada paibao. Mu dao.

Te doado bage hauwa elalubo bidi dabebolo wabo po

¹⁷ Timoti, nago te tꝓde doado bage hauwa elalubo bidi dabebolo e po bomu elama wao: "Dagego te gasa bidi dabe dali hagoma me elamuo, tama dagego te tiwai homu me egio, 'Eno doado bage hauwa elalubaso, te bugagia bidaibao.' Dagego te homu me egio. Menio. Dagego daꝓ wabo homugo te nai dabego augwali tau siyu bugagia bidaiba homu elamuo. Magi baso meni, te tꝓde nai augwaligo da tigidali sogo tau sabo usu menio. Tama dagego e homu yao, 'Eno Godiba konealubo po daꝓ mu olama, tama agai ena tau siyu, ena bugagia bidaibao,' dagego te homu yao. Te dago homu dwagi yai pemene emainogo eyu, tama God aga digi te haniani dwagi yai nai te dabolo olo mu mabo dao." Te doado bage hauwa elalubo we bidibolo te po pusao.¹⁸ Nago te augwalibolo te po weyu, tama e po me wao, "Dagego te we bidi tau sabo dwagi yai kolesaga haniani yao, dwagi yai seꝓ umabo yao, te sesemane sogo dagego doado bage te gasa bidi dabebolo olo mayu, tama te nai dobabo bidi kolesaga bugagia yao," te po bomu elama augwalibolo wao.¹⁹ Te augwaligo tama tiyu da, teda augwaligo te augwa nosali Godigo bulude te augwali tau sabo bomu hauwa tede elaluaibao. Tama tiyu da, te augwaligo sabo bidibo ula augwali te wiegi yai mu bidibo ula sabo usu mu yaibao.

²⁰ Timoti, Godigo agai po nagebobo mani. Nago te po bugagia tonalua. Bidi dabe mebage te Godigo kolesaga wali isaꝓo olo po dabe wabo dao. Augwaligo homugo augwa wabo po te koneai kolesaga po mu dao. Tiali goli meni, augwaligo wabo po te page meni yai konila ebo po naga dao. Nago te tobage po dabe tudiba muao.²¹ Magi baso meni, bidi meba augwaligo te po wai, "Dago te mu koneanio," te po wali. Tiali goli augwali geda muyu, tama augwaligo te Kraisde konealubo po daꝓ wabo tagalama tama bidibao.

Te tama dao. Te Godigo olo mu tau sabo wiegi yai kolesaga te dage dali bidao.

† 6:13 Jon 18:37

Polgo Si Wali Pas Timotiba Aşani

Hasia nedebo tau sabo po

Te Pol te Rom moni hanude kalabus bidibadi agai e pas te gesi pasto bidi Timoti agaba aşana tolali. Polgo koneani, te Efesus hanude te boi bidi dabe augwaligo te Kraisgo po wali pabo we bidi dabebolo mabo dene dali, seęę dali te genuai mu nosali pedalaibao. Tama agai me koneani, te Kraisgo po wali pabo we bidi hani to-mode te tibo po ola mabo bage pedaluyu, tama te gasa we bidigo dwagi yai kolesaga ebo dolobo seę yaibao. Tama koneyu, tama Polgo te Timoti homu hodolobo tau sabo po aşani, te Timotigo te aga te we bidi tonalubo seę bugagia emainogo yai. Tama Polgo homugo te Timoti aga Romba asao, te po wali. Magi baso meni, Polgo koneani, aga digi isabo sogo paęa yagasai dao.

Te bidi Timotigo seę bomu elama ebaso, te seę bidi mu nogi te God gedude elalueibao

(Daj 1-4)

1 Ena Pol dao, ena Krai Jisasgo po sela pabo seę bidi dao. God aga homugo digi ena te seęba muani. Da te Krai Jisas dali wadolobaso da, teda Godigo te bidibo ula dabolo mawaibao. Agai te ula mabo po mu daę walali. Tama agai ena te po we bidibolo pusigi po-mainogo agai ena tagala palai dao. ² Timoti, eno nage dali dwagi yai homu eyu godolo ebo dao, nage eno ogwa mu tiwai dao, tama eno e pas nagebolo aşana tolobao. Eno homugo God Aya dali, dago Genuai Bidi Krai Jisas dali sigo, te olo tau sabo wiegi yai kolesaga-go te nage homu dene eyu tau selama, tama nago homu dua nagame ilama bidimainao.

Dago te Godigo po dali hale me elamuo

³ Te eno waj dabego Godigo kolesaga wali pali, te tiwai naga gilama eno me wali pobao. Tama eno te dwai seę dali dwagi yai seę dali dagalabo homugo kone paluyu, eno te ebo kolesaga te dolo mu ebo homu ebaso. Tama eno gedu haluasa po wabo, te eno hulide me giligade me obao, sesemane sogo te eno nage homugo koneama te Godibolo buba hwi weyu, te nage usu da po agabolo wabo dao. ⁴ Te eno nage Efesus bulude tagalali sogo te nago homu dene ebaso nago gedude aę gelali. Tama tede eno homu ebaso, tama eno homugo eno dwagi yai homu pemene yainogo eyu, eno nage suabo homu godolo mu ebaso. ⁵ Eno te nago Kraide konealubo po naga homugo daę mu wali kolesagaba homu kone palama, te nago te tibo menio. Te tobage konealubo po tiwai hasia te naga

auwa mosi Loisgo me, te naga ida Yunisgo konealubo po daę wabo kolesaga me te tiwai elalui. Tama eno mu koneani, homu si meni, te tiwai konealubo po te nagede me elalubo dao. ⁶ Tama tibaso eno nago homu hodolabo po megi nagebolo obao. Te Godigo nagebolo te nago yabo seę me, te seę yabo bomu dali, homu kolesaga dali si te nagebolo olo mawai dao. Tama te nagebolo mani nai te nago homugo kone palao. Polobadu eno nogo nago toboluba mubaso tama nago te nai sai. Megi nago te sali nai ma hodolobo seę yao, te bidigo sia bogoli genuai emainu ponobo tiwai ilao. ⁷ Magi baso meni, te Godigo da te wi ebo bage bidimainu aga Mobo Bidi dabolo me mabeo. Menio. Agai Mobo Bidigo dabolo te bomu hauwa me, te dena ama dede dali dwagi yai homu eyu godolo ebo kolesaga me, te dena digi bugagia tonalubo bomu me, te dabolo momainogo eyu, Godigo aga Mobo Bidi dabolo mani.

⁸ Tama tibaso, nago te dago Genuai Bidi Jisas da, te Godigo sa muani te we bidi tau somainogo tagala palali bidi Krai dao, te po te we bidibolo pusubo te hale me egio. Tama eno te po we bidi meba augwalibolo pusubaso, augwaligo ena kalabusiba muani. Tiali goli nago enade me hale me elamuo. Menio. Nago bomu te Godide selama, tama ena dali te Kraide wiegi yai gesi po pusubo seę seęę tolao. ⁹ Godigo da ma dobola selama, tama da aga we bidi mu bidimainu agai da i wali. Agai te dago dwagi yai kolesaga ebaso, te homu elama tama i me wabeo. Menio. Te aga homugo digi te agai da olo mu tau sabo dwagi yai kolesaga elama tama da i wali. Polobadu mu, Godigo te tğ dali dagalu dali nigisiabadi, tama te Krai Jisasgo yabo seę koneama agai te olo mu tau sabo wiegi yai kolesaga dabolo mawai dao. ¹⁰ Tama megi e sogo Krai Jisas, te da ma sali bidi, aga te hanilama pedalalio.

Tama tedu te Godigo olo mu tau sabo wiegi yai kole-saga te hania pedalali. Krais Jisasgo te isibo kolesaga-go bomo togolama, tama te agai ola mani gesi wiegi yai pogo te dwagi yai bidibo ula dali, te dolosiąbo gamonabo kolesaga dali te si pedalama, tama te ulaba munama elalubao.

¹¹ Godigo te wiegi yai gesi po pusubo şeba ena mubaso, tama ena te po pusubo bidi bidiyu, tama ena te Godigo şeba tagala palali şe ebo po ola mabo tisa bidi dao. ¹² Tama tiyu, ena kalabus bidi megi bidiyu, tama te şeşę eno tolobao. Tiali goli, ena tede hale me egobeo. Menio. Ena da, te eno Godiba homu tia pai bi-di da weyu, te aga eno konebaso hale egobeo. Tama eno koneani, agai ena nogoba te muani şe te agai mu tonaluyu, tama te sesemane sogo bugagia bidada peyu, te genuai bodolu pedalubo sogoba usu nigi pabo aga usu yaibao, te şe hagagobeo. ¹³ Te doloba pai tau sabo po nago eno pedauwalide odali. Te odali po te usu ni tiwai elaluyu, tama te po bugagia wali pao. Tama tiyu, nago konealubo po Krais Jisasba bomu elama daş weyu, tama aga dali wadolama, tama God dali, we bidi dali dwagi yai homu eyu godolo mu eyu bidao. ¹⁴ Nago te Godigo nagebobo mani dwagi yai po te nago bugagia tonalua. Tama Godigo Tedali Mobo Bidi te da tomode bidiyu, agai nage te şede tau saibao.

¹⁵ Timoti, nago koneani, te Esia genuai tşde bidibo Godigo po odobo bidi augwali tigidaligo ena tagalai dao. Te augwali tomode te bidi si Figelus me Hermogenes si dali, te augwaligo me ena tagalai dao. ¹⁶ Eno homugo te Genuai Bidi Godigo te bidi Onesiforus aga we wai puluba dali homu dene eyu tau sao. Te hauwa sogo Onesiforusgo eno homu dwagi yai bugagia ilai. Tama aga ena kalabus yalide hale me ebeo. Menio. ¹⁷ Aga te e moni hanu Romba asama, tama ena gegagasobo şe dene iduama, tama nosali agai ena sualio. ¹⁸ Te genuai po tş yabo sogode eno homugo te Genuai Bidigo Onesiforus homu dene eyu tau sao. Tama te bi-di agai ena te Efesus bulude hauwa sogo tau sali, te naga digi bugagia naga koneai dao.

Nage te Krais Jisasgo wiegi yai ami bidi bidao

2 Timoti, eno ogwa, naga digi sesemane sogo nago te Krais Jisasgo olo mu tau sabo dwagi yai kole-sagago te nage bomu momainao. ² Tama tiyu, te nago eno pedauwalide odali po, te po te bidi hauwa gedude pusali po tigidali nago odali. Tama te po naga nago te Godigo poba homu keş pai bidi dabe, augwaligo nogoba te po bugagia muao, te augwaligo me usu elama tama te po gasa Godigo poba homu keş pai bidi dabebolo nosali ola momainu yao.

³ Da Godigo po odobo we bidi te da te ami bidi hani tiwai dao, tama Krais Jisas aga da te dago tuni bidi dao. Nage te agai dwagi yai şe ebo ami bidi bididu, tama da gasa ami şe ebo bidi dabe dali hodobo te şeşę dali dene tolobo şe yao. ⁴ Te ami şe eyu bidibo bidigo agai te gasa haniani şe dali eyu me egobeo. Menio. Te aga tonalubo genuai ami bidigo agai ebo

şede dwagi yai homu emainu eyu, agai te ami bidigo şe naga ebo dao. ⁵ Te bidi geainu udabo bidi, agai te udabo bomai po bugagia dolo wali pao. Ma te meni eyu da, teda agai te udabo bidigo ugaba ela holobo nogi sabo namba me sogobeo. ⁶ Te şe dene elama gi bulama tonalubo bidi da, aga te gasa bidi dabego te gide nai polasa sisşbadi te polasa nai sabo bidi dao. ⁷ Timoti, nago eno te wali po digi po begelali po sela homude kone palao. Te Genuai Bidigo nage homu ula ilibaso, tama te po page tigidali nago koneaibao.

⁸ Sesemane sogo nago te Jisas Krais homugo koneao. Aga te isşma, te isali bidi bidibo digidu ma hodaluai. Aga te polobadu tuni bidi Devitgo hani bidi bidai. Te eno te Godigo gesi dwagi yai po wabo si, te Krais aga te bidi Devitgo bulai wai dao, te po me eno pusubo dao. ⁹ Eno te gesi dwagi yai po pusubaso, tama tede naga te bidi augwaligo ena te gavmango bomu yai po bolali dwai bidi da homu elama, tama augwaligo haniani şeşę enabolo mani. Awe, augwaligo ena kalabusiba me muani. Tiali goli te Godigo po da, augwaligo te kalabusiba me mugobeo, te usu egobeo. ¹⁰ Tama tibaso, eno ena homu daş walama, tama eno te şeşę tigidali tolobode bomu elama dolalubo dao. Eno te Godigo aga sa muani we bidi tau sainu ebo dao. Eno homugo te Krais Jisasgo yali şego te Godigo augwali ma dobola selama, tama dagalude bugagia mu bidada peyu, bidada pomainu ebo dao.

¹¹ E po eno megi obao te mu po dao, tama bidigo aga homu teba tialubaso, te aga tulalugobeo:

“Te mu tama, da Krais dali wadolama tama aga dali isali tiwai yaligo da, teda da me aga dali bidibo ulade bidaibao.

¹² Te da tigidali şeşę tolobode bomu elama dolaluai da, teda da aga dali tuni bidi me bidaibao.

Te dago aga tudiba mubaso da, teda agai me da tudiba muaibao. †

¹³ Te dago te Kraisba homu begi pabo kolesaga tagaliyu da, teda agai aga doloba pai kolesaga tagalogobeo.

Agai te aga doloba pai kolesaga te munu me hasegelegobeo. Mu menio.”

Te şe bidi mu nogi te Godigo gedude elaluainogo eyu, te bidi Timotigo şe bomu elama yao wali

¹⁴ Sesemane sogo nago te nago tonalubo we bidi augwali homu te eno megi wali pogo hodolao. Tama God gedude nago augwalibolo te haniani olo pode konila po olamuo po bomu elama wao. Te olo pode konila po wabo kolesagago te bidi me deli tau sabo usu me egobeo. Menio. Te tobage po odobo bidi dabe te doloyu naga ebo dao. ¹⁵ Tialima, te genuai pabo tş bugagia dolo mu nigibo bidi tiwai gilama eyu, tama nago te Godigo mu po dolo augwalibolo ola mao. Tama tiyu, nago naga şede hale idali weyu, te Godigo nago ebo şede “Te usu mu dao,” omainogo eyu, tama nago bomu elama, nago şe bugagia yao. ¹⁶ Te kedu meni yai olo po, te Godigo kolesaga wali pisşbo olo

† 2:12 Mat 10:33; Luk 12:9

po, te tobage po wabo nago ela soao, augwali dali po migio. Te tobage po mibogo te bidi dabego te Godigo kolesaga tagalabo kolesaga genuai ilibo dao. ¹⁷ Te tobage olo po ola mabo bagego po te dwai keni tiwai elama, tama te genuai mu pedaliyu, tama tigi mi tıdu pabo keni tiwai yaibao. Te tobage po ola mabo bidi si te Himeneus de Filetus si dao. ¹⁸ Te bidi si augwaligo te Godigo mu pode geda munama tama tagalali. Tama tiyu, augwaligo te we bidibolo te po ola mabo dao, "Da ma hodaloai dao, tama da isibo si dago tigi nosali ma hodalogobeo." Te pogo augwaligo te we bidi mebago Kraide dađ wali konealubo po dolobo dao. ¹⁹ Tiali goli Godigo mu po te bidigo dolobo usu egobeo. Te bomai be tuni ni pos tiwai bulalio, tama te dolalubao, te be peme egobeo. Tama te tuni ni posde hagea siyu aşani po te tiwai elalubao, "Genuai Bidigo aga we bidi digi bugagia koneani." Tama te po me aşani elalubo, "Te Genuai Bidi nogi nogi eyu 'Ena aga bidi dao' po wabo tigidali bidi, augwaligo te dolo isiđwai kolesaga tudiba muao," te po aşani elalubao.

²⁰ Te doado bage hauwa elalubo bidigo bede te haniani plet pou elalubo dao. Te plet pou meba augwaligo te wiegi yai kapa si gol me silva, te sigo nigali. Tama te nogi elalubo sogo augwaligo nai tuenu augwaligo te wiegi yai nai naga te tobage wiegi yai pou dabeba mubo dao. Te pou dabe te gasagi yai tedali dao. Tama plet pou meba augwaligo nigo nigali me, tama meba augwaligo te mama tıgo nigali me elalubao. Te tobage olo pougo te olo sę naga elalubao. ²¹ Tama bidi dabe augwali te pou dabe tiwai dao. Bidi me deligo te olo po ola mabo bage tagalama, tama aga te meda meni yai bidali da, teda aga te dwagi yai sę mu ebo pou tiwai bidiyu, te aga tedali gasagi yai sę ebo bidi bidaibao. Magi baso meni, aga magi sę me isiđwai bugagia bidibaso agai aga Genuai Bidigo sę ebo usu eyu, tama we bidi tau sabo haniani dwagi yai sę tigidali yabo sisi ilaibao. ²² Nage gesi bidi dao. Te gesi bidigo dwai sę godolo ebo homu kolesaga nageba ped-alubo si, te sesemane sogo nage te kolesaga suyu sali siyu wi pao. Tama tiyu nago te doloba pai kolesaga me, te homu mu ebo kolesaga me, te we bidi dali dwagi yai homu eyu godolo mu ebo kolesaga me, te homu nagame eyu we bidi dali bugagia bidibo kolesaga me, te kolesaga tigidali nago pobasa pao. We bidi meba augwali te meda meni yai homu kolesaga elalu tama te Genuai Bidigo nogi nogi eyu, "Da aga we bidi dao," te po wabo bage dao. Tama nago augwali dali wadologyu, tama dagego te eno megi tama nogi yali wiegi yai kolesaga pobasa pao. ²³ Tama te kedu meni yai olo pode konila po wabo te nago tudiba muao. Nago koneani, te tobage pogo te konila po wabo homu hodolobo po page elalubao, tama tede te sębe ebo kolesaga pedalobo dao. ²⁴ Tiali goli te Genuai Bidigo sę ebo bidigo te munu me pogo hwınamuo. Menio. Agai te tigidali we bidi dali abagi homu eyu dua digi yao. Aga te Godigo po ola mabo sęde usu eyu wiegi yai tisa bidi bidiyu, tama sębe polo eyu polo wei ponosiđbo bi-di bidao. ²⁵ Te agai ola mabo po sela sębo bidi dabe

dali agai te nagamea pai homu naga eyu, augwaligo homu dodolao. Te agai tama tiyu da, teda Godigo augwali tau siyu, tama augwali homu hasegeleyu tama te mu po bugagia koneabo tı elaluaibao. ²⁶ Polobadu te Satango agai hagani togobo wago augwali sali, te augwaligo agai po wali pomainu yali. Tiali goli augwaligo te mu po koneyu da, teda augwaligo homu hania ma ula eyu, tama augwaligo te Satango hagani togobo wa wi pabo usu yaibao.

Te tı de dagalu si silibo sogo te bidi dabe augwaligo dwai kolesaga hauwa pedalaibao

3 Timoti, nago te tiwai tama koneao: te tı de dagalu si silibo sogo te pađa yagasobo si te dwai sę ebo bidi dabe augwaligo dwai sę hauwa ebaso, te Godigo po odobo we bidiba te dwai sęgo kekainu sin-abo sogo pedelaibao. ² Te bidi dabe augwa digi te augwa naga godolo elama, tama augwaligo te mone ge godolo mu yaibao. Te augwa digi augwa nogi ugwaba siyu, tama subigila hagoma eyu, tama posobo po waibao. Te meba augwaligo aya idago po sela sęwaibao. Te augwaligo buba hwi po te Godibolo me, te gasa we bidibolo me wagobeo. Augwaligo Godigo kolesaga tudiba muaibao. ³ Te augwa deli kanemedede ame nani ama dede dabe dali digi te deliba wasia sogobeo. Gasa bidigo augwali dali yali dwai sę te augwaligo sela sębo homu munu me egobeo, te homu dene me egobeo. Te geme dualama posobo po subigila waibao. Te meba augwaligo augwa tıgigo homu me tonalugobeo. Te augwali sębe eyu subigila bidi dabe dolaibao. Tama augwaligo te tigidali dwagi yai kolesaga dali boi bidi nigaibao. ⁴ Te augwaligo augwa abagi dabe te boi bidi nogoba muaibao. Te augwaligo augwa ebo kolesaga osola susuayu tama bomo elama, tama augwa homu naga polo wali paibao. Te augwa homugo digi te augwali genuai bidi da homu yaibao. Te augwaligo te tıgigo te haniani godolo ebo homude te wiegi yai homu pemene eyu, tama augwaligo God godolo homu me egobeo. ⁵ Te augwaligo te Godigo po odobo we bidi mu tiwai me sogo bilaibao. Tiali goli augwa homu ugwadu daidu naga tama tiyu, tama Godigo augwaligo kolesaga hasegelabo bomu te augwa tudiba mubo dao. Te tama kolesaga ebo bidi dabe augwalide te nage ibaba kisa selama bidamuo. ⁶ Te tama tobage bidi dabe meba te augwali dua digi biliyu, tama te wiegi yai homu kolesaga meni yai we dabego be tomoba pelama, tama augwaligo augwali homu te kalabus ilibo dao. Te tobage we dabe augwali te dwai sę hauwa elalu, te augwali homude sęge elalubao. Tama augwaligo homu te haniani naide hodolama, tama augwa homu subigila hogwaiabo homu eyu, tama tebogo augwali te haniani kolesagaba kegebo dao. ⁷ Te we dabe augwaligo sesemane sogo augwaligo te ola mabo po odobo sę ebadi, tiali goli augwaligo te Godigo mu po page koneainu ebo usu egobeo. ⁸ Polobadu Janes de Jambres te bidi sigo Moses dali boi bidi yali, tama tiwai yali gilama te megi elalubo bidi dabe augwaligo me te Godigo mu po dali

boi bidi ebo dao. Te augwaligo homu kolesaga te dolalio, tama augwaligo Kraisde konealubo po daų wali te tibo naga ebaso, Godigo augwali buluba sawai dao. ¹⁹ Tiali goli augwaligo te Godigo mu po dali boi bidi ebo kolesaga te we bidi tomode genuai mu me ped-alugobeo. Menio. Te tigidali bidigo augwaligo kolesaga te esela pabo bidi dabego ebo kolesaga tiwai ebo sueibao, te tiwai te polobadu te bidi dabego te bidi Janes de Jambres sigo te esela pabo bidigo ebo kolesaga suali tiwai gilama yaibao.

Nago Godigo po daų ola sao

¹⁰ Te gasa bidi dabe augwaligo te tobage dwai seų eyu bidaibao. Tiali goli nage da, nage ena dali biliyu, tama eno te we bidi dabebolo ola mani po te nago koneai. Tama eno kolesaga page tigidali te me nago koneai. Ena e tşde bidibo sogo eno bommo elama, tama Godigo seų yabo homu ebo me te nago koneai. Nago ena me koneani, eno konealubo po Godiba daų olama, tama sesemane sogo eno te gasa we bidi dali seų polo ebeo, te eno seų augwali dali dua yali dao. Eno augwali dali dwagi yai homu eyu, godolo mu ebo kolesaga eyu, tama augwaligo enabolo mani seų menama, tama eno bommo elama bididu te seų eno bugagia tolobo dao, te me nago koneai. Eno ebo kolesaga tigidali nago koneama, nago wali pabo dao. ¹¹ Te bidi dabego dwai kolesaga ena dali ebo tigidali te nago koneani, tama tigidali dene ena te bulu Antiokde me, Aikoniamde me, te Listrade me sai. Te tigidali seų augwaligo enabolo menama tama eno te seų tolobo nago koneanio. Tiali goli Genuai Bidigo ena tau siyu, tama te seų tigidali agai sila palali. ¹² Te mu po dao, tigidali bidi te Krais Jisas dali keų selama, tama Godigo kolesaga wali pabo bidi, teda te boi bidi dabego dwai seų eyu, seų augwalibolo me mawaibao. ¹³ Tiali goli te dwai bidi dabego me, te tibo po ola mabo bidi dabego me, te bidi dabe augwaligo ebo dwai seų dwasianu gagalama tama genuai pedalaibao. Tama tiyu, augwaligo te tibo po te gasa we bidibolo ola mobadi, te Satango me augwali tibo po ola maduaibao. Tama augwaligo kolesaga te dwai mu pedalaibao. ¹⁴ Tiali goli, Timoti, nago da, nago te Godigo mu po odama tama bommo elama nago "Te po mu po dao," te homu te pode yali dao. Tama megi nago te kolesaga me eyu bididuao. Dago nage te mu po ola mani we bidi nago da bugagia konebo dao. ¹⁵ Tama e me nago koneani, polobadu nage te dwasianu wai bşų elalubadi tama nago te tedali gasagi yai wiegi yai bukude po konebo seų gagalama sai. Te tedali bukude pogo te dwagi yai homu kolesaga nagebolo mabo usu yali. Tama nago te dwagi yai homu kolesagago eyu, tama konealubo po Krais Jisasba daų obaso da, teda Godigo nage ma saibao. ¹⁶ Te Godigo Mobo Bidigo digi te tigidali wiegi yai po bukude aşani bidi dabe tau selama, tama augwaligo te po te bukude aşai dao. Tama te dwagi yai kolesaga dabolo ola mabo seų me, tama dena dwai seų denabolo ola mabo seų me, tama da bilibo kolesaga ma

dodolobo seų me, tama dabolo te doloba pai kolesaga ola mabo seų me, te seų tigidali ebode te Godigo bukude aşani po usu dao. ¹⁷ Tama tibaso, da Godigo seų ebo bidi tigidali dago te bukude aşani pode te seų yabo bommo dali, te homu kolesaga dali si selama, tama dago tigidali haniani dwagi yai seų yabo usu elama sisi ilimainu ebo dao.

Nago Godigo po mu pusao

4 ¹² Timoti, te God de Krais Jisas si gedude eno nagebolo e moni seų yai po bommo elama wainogo ebao. Krais Jisas agai te tigidali we bidi, te bidibo ula elalubo bidi badi, te isali bidi dabe dali me po tş eyu dagalaibao. Te aga tşba ma asiyu, tama tigidali bidi geduba pedalama, tama tuni bidi mu bidaibao. Tama tibaso, eno e seų yai po bommo elama nagebolo obao, nago Godigo po mu pusao. Tama te po odainu sisi elalubo bidi dabe ebaso, ma augwali sisi elalusiqbaso me, te homu eyu tagalao, te sesemane sogo nago te Kraisgo po bommo elama pusubo seų yao. Nago te augwali homuba te po eniyu, te augwali homu begelemainu te augwali hodolao. Augwaligo dwai seų ebaso, tama nago te pogo te dwai seų tagalabo po augwalibolo pusao. Nago te augwaligo Godigo kolesaga wali pomainu homu hodolao. Tama te tobage haniani seų eyu, sesemane sogo nago augwalide seų dua digi eyu, seų polo isşyu tama augwali bugagia ola mao. ³ Magi baso meni, nosali te gasa sogo pedalaibao. Tama te sogo te bidi dabego Godigo mu po ola mabo odobo hagela yaibao. Odogobeo. Menio. Te augwa digi augwa homu kolesaga naga wali peyu, tama augwaligo te po ola mabo tisa bidi hauwa saibao. Augwaligo godolo ebo po odomainogo te bage saibao. Tama te po ola mabo bidi dabe augwaligo te augwali sali we bidi dabebolo Godigo po pusugobeo. Menio. Augwaligo te we bidigo godolo ebo po naga pusaibao. Te we bidi augwaligo olo te dini ebaso, te tibo po ola mabo bidi dabego te augwaligo olo te pogo kieibao. ⁴ Tama te we bidi augwaligo te mu po odobo tagaliyu, te tudiba munama, tama te haniani olo namu po waboba olo munama odaibao. ⁵ Tiali goli naga digi te polobo bidi tiwai bidisişyu naga homu sesemane sogo bugagia tonaludao. Tama tiyu nago te seų tolao. Nago te bidi dabe augwalibolo te Godigo gesi dwagi yai po pusubo seų yao. Nago te we bidi dabe augwali tau sabo haniani seų elalubaso, te seų nago bugagia mu yao.

⁶ Magi baso meni, te ena isşma pabo sogo paşa yagasalio. Nago koneani, te polobadu te bidi dabe augwaligo te wain aş gelama te Godibolo ofa mabo, te tiwai naga te eno kaneme gelabo sogo paşa yagasali. ⁷ Te Kraisde konealubo po daų wabo bidi te usu si yainogo udabo tiwai seų elalubao. Te usu si yainu ena bugagia udawai dao. Megi da te daş ilaliba ena mu sabo-lalio. Eno Kraisde konealubo po homugo daų mu wai dao, te eno munu me tagalobeo. ⁸ Megi da te udabo daş ilaliba pedalali bidigo genuai nogi yai namba te sisi elama ena tonalubao. Te genuai nogi sabo namba te

tiwai yaibao: te Genuai Bidigo ena te doloba pai bidi nogi poaibao. Genuai Bidi aga te doloba pai po tų ebo bidi jas, tama te genuai sogo pedalubode agai te doloba pai bidi nogi enabolo mawaibao. Tama agai enaduba delibolo naga te me magobeo. Menio. Te aga hania pedalubo suainu godolo homu ebo bidi dabe tigidalibolo te doloba pai bidi nogi mawaibao.

Po silagasu wabo po

⁹ Nage asesą tama nage ena bidibo madi polo asao. ¹⁰ Te bidi Demas agai ena taga palio. Agai te megi tųde elalubo kolesaga godolo mu elama, tama agai ena tagalama te Tesalonaika hanuba pai. Te Kresens aga te Galesia tųba pobadi yali, tama te bidi Taitus me te Dalmesia tųba pai dao. ¹¹ Luk deli naga ena dali bidibao. Nago te Mak selama, tama odasa nage dali asao. Agai te bugagia te sęde ena tau somainu usu yaibao. ¹² Eno te bidi Tikikus te Efesus hanuba tagala palai dao. ¹³ Nage enaba asobadi tama nago te eno kedau sogo gudubo bobage ugwa sela asao. Te ugwa eno te Troas hanude tagalali, te bidi Karpus aga bede munalubao. Tama tede muani buku dabe me sao. Tama bugagia dua mu nago te eno sipsip wali dabego nigali te buku dabe sabo te homu munu me gegeda peyu tagalamu dao. [‡]

¹⁴ Te bidi nogi Aleksander, agai mone ge sabo sę da te haniani nai te aga kapago nigibo bidi, te bidi agai enabolo dwai sę mu ilali. Nosali te Genuai Bidigo agabolo te dwai dene wei ponoyu, te aga yali dwai kolesaga usu nama te dene mawaibao. ¹⁵ Nage me nage te bidi Aleksanderde dua dao, bugagia tonalua. Agai bomu mu elama, tama te dago ola mabo po mu aiyaba elaluainu eyu, tede boi bidi homu yai dao.

† 4:10 2 Ko 8:23; Gal 2:3; Kol 4:14; Tai 1:4; Flm 24 †† 4:11 Tpi 12:12, 25; 13:13; 15:37-39; Kol 4:10, 14; Flm 24 ‡ 4:13 Tpi 20:6
‡† 4:14 Tib 62:12; Rom 2:6

¹⁶ Te ena ede Rom hanude bidiyu, tama te hasia sogo eno te po tųde te po wei ponani sogo te bidi me deli ena tau sabo po me wagasobeo. Menio. Tigidali bidi augwaligo ena tagalali. Eno homugo te augwaligo te dwai sę te Godigo homu kone me elamuo, wei ponamuo. ¹⁷ Tiali goli Genuai Bidi aga ena dali bidaluyu, tama enabolo bomu mani. Eno te Godigo po sese pusubo te usu mu emainu, tama te agai po odisąwai hani tigidali augwaligo odomainogo eyu, agai bomu enabolo mani. Tama augwali te bidi ela tubo dwai hasa laion tiwai bidiyu, tama augwaligo ena ela muidali weyu Godigo ena tau selama dwagi yai madiba muanio. ¹⁸ Te augwaligo dwai kolesaga tigidali ena dali yainu ebo, tede te Genuai Bidigo ena tau selama, tama agai ena ma sai hagede eyu, tama ena oda selama, te aga bomu elalubo bulu te dagaluba sese muaibao, aga we bidi tonalubo sę ebo madiba. Te genuai nogi me bomu te agade sesemane sogo mu bidada peyu, bidada pomainao. Mu dao.

¹⁹ Nago eno te siade da wali po te we Prisila dali, aga bidi Akwila si dali me, te Onesiforus me te aga we wai puluba augwalibolo te po wao. ²⁰ Te bidi Erastus te Korin hanude me bidibao. Tama Trofimus te gasi elalubaso, tama eno aga te Miletus hanude tagalama bidibao. ²¹ Nage asesą polo asiyu, tama te kedau eyu dwai wali asobo sogo asisąbadi nage eba polo sabo-lao.

Te bidi dabe Yubulus me, te Pudens badi, te Linus me, te we nogi Klodia me, augwaligo te siade dao po nagebolo ola tolobao. Te gasa ede bidibo ama dede dabe tigidaligo me te po ola tolobao.

²² Eno homugo te dago Genuai Bidi te nage dali bidao. Te agai olo mu tau sabo wiegi yai kolesaga te dage dali bidao. Te tama dao.

‡‡ 4:19 Tpi 18:2

Polgo Pas Taitusbolo Aşani

Hasia nedebo tau sabo po

Te bidi Taitus aga te Juda hani bidi meni. Tiali goli aga te Godigo po wali pabo bidi pedelali sogo, agai te bidi Pol te po sela pabo şede tau sabo şe yai dao. Te Grik dabego moni tş sesegede te genuai tamu ađ elalubao, tama te tamu ađ tomode te tş me nogi Krit te elalubao. Tama te bidi Pol dali, Taitus dali augwali si te bulu tş Kritba pelama, tama Kraisde gesi dwagi yai po pusa mani. Te po pusa menama, tama te Krit we bidi mebago te po odama, homu begelama tama Kraisgo po wali pabo we bidi hani tede pedalali. Tama nosali te bidi Pol gasa buluba painogo eyu, tama agai te bidi Taitus te Krit bulude taga soyu, te bidi Taitus te we bidi hanide tobolu bidi nigilali. Tama te bidi Pol nosali e pas te Taitusbolo tolali. Te bidi Polgo homugo te Taitus agai te Krit moni tş tomode te tigidali hanude te Kraisgo po wali pabo we bidi hani tonalubo tau sabo bidi dabe dodolama augwa şeba muao. Tama te we bidi dabe me augwaligo yabo wiegi yai kolesaga po me Polgo e pas tomode aşanama tama tolali.

Te bidi Taitusgo te tş ailan Kritde te Godigo po wali pabo bidi dabego konealubo po dş waliyu, te augwaligo kolesaga dodolobo şe yali po

(Daj 1-3)

¹ Ena Pol dao, tama ena Godigo şe ebo bidi dao. Ena te Jisas Kraisgo po sela pabo şe ebo bidi ena dao. Agai ena diş selama tama tagala palama, tama eno te Godigo hagea sai we bidi augwaligo te agade konealubo po augwa homude eno bomu iligi pao ena dali te po wai, tama eno augwali tau siyu elama, tama augwaligo Godigo mu po selama, tama augwali aga tiwai bidimainogo agai ena te şe mani. ²Tama te mu po page e dao: God agai tibo po munu me wabo meni, tama polobadu mu agai tigidali nai nigisişbadi tama agai te sesemane sogo bidada pabo bidibo ula dabolo mawaibao te po agai olama tama dş wali. Tama tibas, megi dago te mu po odolama, tama dwagi yai homu eyu, te bidabo ula sabo sogo tonaluyu bidibo dao. ³Tama polobadu mu agai te po dş olama, tama tamadi te sogo aga digi bodolu mawai sogo agai bidi meba homu hodolama, tama agai po aga augwalibolo hania ola mani. Tama elama, tama agai te po pusubo şe eno nogoba muai dao, tama te da ma dobola sabo bidi God agai te po ola mao obaso, tama eno te mu po te we bidibolo ola mabo dao.

⁴Taitus nage dali eno e po aşana tolobao. Te da dali, nage dali da tigidaligo God dali, Krais dali te konealubo po deli naga elalubao, tama nage eno og-

wa mu tiwai dao. Tama eno homugo dago Aya God dali, Krais Jisas dali augwali sigo nagebolo te olo tau sabo kolesagago dwagi yai şe eyu elama, tama nago homu nageamea peyu bugagia bidao.

Polgo Taitusbolo şe mani, te Godigo we bidi tomode tonalubo şe yabo tobolu bidi polalubo bidi dabe nigilainu yali

⁵ Eno nage taga soayu, tama nage te Krit moni tşde bidibadi ena soai dao, nage eno taga soali te po pagede tama dao: eno homugo nago te tigidali dodoloyu silisşwani şe te şe nago dodolomainogo tiwai dao. Tama tiyu, nago tigidali hanu deli delide te Godigo po wali pabo we bidi hani augwa tobolu bidi nigilao, te eno polobadu nage dali wali po gilamao.

⁶ Tama nago te tobolu bidi nigibo si te pode ma kone palao: niwai bidi me deli te we bidi gedude agai dwai kolesaga isişwai bidi yai baso da, tama agai we me deli digi yai baso da, tama agai wai dabe augwaligo Godide konealubo po dş wai yai baso da, tama augwaligo dwai şe subigila yai po meni baso da, tama augwaligo ida de aya sigo po sela sasişwai yai baso da, tama te tiwai bidi nago augwali tobolu bidi nigilao.

⁷ Magi baso meni, te Godigo we bidi tonalubo bidi te bidi agai Godigo şe tonalubo dao. Tama tibas, te bidi aga dolo bugagia bilao, şeş meni yai bidi bidao. Agai hagoma ebo kolesaga ebo bidi bidilamuo, tama agai şeş polo me elamuo. Agai bomai ađ hauwa tubo bidi menio, tama agai bidi dabe me elebo menio. Tama agai masigi dabe hauwa sabo homu eyu pesş ebo bidi menio. ⁸ Te menio. Tiali goli gasa buludu asobo we bidi agai augwali dali dwagi yai homu eyu bugagia gesebo bidi bidao. Tama agai dwagi yai kolesaga naga godolo

eyu, tama tiyu dwagi yai homu dali yao. Aga homu ke-nai bidi bidao. Aga te doloba pai bidi bidiyu, tama Godigo gedude aga dwagi yai bidi bidao. Aga digi aga bidibo te kolesaga bugagia tonalua. ⁹ Te Godigo po da te wiegi yai tulalusiabo po dao, tama te Godigo we bidi tonalubo bidi agai te po odolama, tama agai te po aga homugo daq wao. Tama tiyu da, teda agai te ola mabo pogo te gasa we bidi tau siyu, augwaligo homu bomo ilibo usu yaibao. Me ma, agai te po sela sabo bi-di dabe dali po miyu, tama augwaligo te pode geda muani kolesaga agai augwalibolo ola mabo usu yaibao. †

¹⁰ Magi baso meni. Te Krit tede te Godigo we bidi hani tomode te bidi hauwa augwaligo te tobolu bidigo po odogobeo, tama te po wali pabo hagela ebo dao. Augwaligo page meni yai olo po naga weyu, gasa bidi dabe tibo po ola mabo dao. Te tama tebo bidi dabe hauwa augwali te Juda bage dao. Augwaligo polobadu Kraisde konealubo po daq wali goli, augwaligo homugo te da tigidaligo te Juda dabego bomu yai po me wali pomainao. ¹¹ Tama augwaligo gasa bidi dabego mone masigi bomu elama sainogo eyu, tama augwaligo te ola masiabo po ola mabo dao. Te usu meni. Tama tebogo augwaligo te we bidi hani meba tomode si bugulama, tama we bidi meba augwaligo Godigo po meggi bugagia wali me pabo meni. Tama tibaso, te nago nigilibo tonalubo bidi dabe augwaligo te olo po ola mabo bagego pedauwali daq wao. ¹² Polobadu mu Krit bulu bidi me deli, te bidi agai haniani po page mu koneai bidi bidai. Tama te bidi agai te po wai, "Te Krit tede bidibo bidi dabe augwali tigidali sogo te tibo po wabo bidi hani bidibo dao. Augwali uni sulai kibu tiwai dao. Tama augwaligo nai hauwa tulama, tama se ebo hagela ebo bidi dabe dao," te Krit bidi aga digi agai te po polobadu mu wai dao. ¹³ Tama agai po mu tama dao. Tama tibaso, augwaligo te God dali konealubo po augwa homugo bugagia dolo mu ma daq omainogo nago augwali dali po bomu elama te po wao, "Te gasagi yai po ola mabo tagalao. ¹⁴ Te Juda dabego haniani olo namu po dali, te bidi dabego olo nigali bomu yai po dabe me, te tagalao. Te tobage po page bidi augwali da te Godigo mu po tudiba muani bage dao. Tama tibaso, dagego te tobage olo po wali pabo tagalao," nago augwalibolo te po wao. ¹⁵ Te homu kolesaga meda meni yai bidi dabe augwaligo gedude te tigidali nai te habu selisawai nai naga dao. Tiali goli te dwai meda yai homu elalubo bage, augwaligo God dali konealubo po daq wasiawai bage augwalide magi se dwagi yai me ebo, augwaligo dwagi yai kolesaga ebo page konebo menio. Magi baso meni. Augwaligo homu kolesaga dali, augwa dwai se dwagi yai se dagalabo homu me, te si dolama tama dwai meda elama elalubao. ¹⁶ Augwaligo pedauwaligo naga te po wabo dao, "Eno God koneai dao," te po wabo. Tiali goli augwaligo bilibo kolesaga ebogo te God hogwa sabo dao. Godigo augwali me godolo ebo menio, hagela mu

ebo. Augwali agai po sela sabo bidi dao, tama augwaligo dwagi yai kolesaga me deli ebo usu meni.

Te monu dabego te Godigo godolo yabo kolesaga bugagia wali peyu, te wiegi yai kolesaga ola mabo po wao

² Te dwai po ola mabo bage augwali te tiwai bidibo dao. Tiali goli nage, nago te Godigo wiegi yai po wali pabo we bidigo yabo kolesaga ola mabo po nago bugagia ola mao. ² Tama tiyu, nago augwalibolo e tobo wao: monu dabe yai bidi augwaligo te bomai aj hauwa tulamuo, augwaligo augwa tigigo ebo kolesaga bugagia tonalua. Augwaligo doloba pai homu kolesaga naga koneyu, tama augwa homu kolesaga bugagia tonalua, te po wao. Tama te God dali konealubo pode augwaligo te po page kuna koneyu bidao. Tama tiyu, augwaligo God dali, gasa we bidi dali dwagi yai homu ebo kolesaga eyu, tama tigidali sege yai se asobadi bomu elama dolalubo kolesaga selama bidao, te po te monu dabebolo ola mao. ³ Te mosi dabe yai we augwalibolo me te po wao, augwaligo te dwai se isiabo wego ebo kolesaga dolo wali pao. Tama tiyu augwaligo te we bidi nogi posobo po wagio, augwali bomai aj tubo se te dologode bidigio, te po wao. Tama augwaligo te gesi we dabe sibibolo dwagi yai kolesaga ola mao. ⁴ Tama tiyu augwaligo te gesi we dabebolo te po wao, "Dagego duga bidi dali, wai dabe dali dwagi yai homu eyu godolo yao." ⁵ Gasa we bidi augwaligo te gesi we dabego ebo kolesaga sulama, tama augwaligo Godigo po dali dwai posobo po waidali weyu, tama te mosi dabe yai we augwaligo te gesi we dabebolo e po me ola mao: "Dagego duga digi bidibo homu kolesaga bugagia tonalua, tama dwai penane se ebo homu egimio, tama dagego bidibo be tonalubo se bugagia yao, tama dagego duga bidi dali wai dabe dali dwagi yai se eyu bidao. Dage duga bidi dologode bidao," te tobage po te augwaligo te gesi we dabebolo ola mao wao.

⁶ Te gesi bidi dabe augwalibolo me ola mayu, tama augwalibolo wao, "Dagego duga tigigo ebo kolesaga bugagia tonalua," te po wao. ⁷ Tama naga digi nago ebo kolesaga tigidali ebogo te nago te gesi bidi dabebolo dwagi yai kolesaga naga tama ola mao. Tama tiyu, nago homu mu eyu, tama 'E po sege yai po dao,' te homu eyu elama, tama Godigo po ola mao. ⁸ Tama nago agai po ola mabo si te dolo po naga augwali dali wao. Tama tiyu da, teda nage dali boi bidi homu ebo bage augwaligo da dali, te nago ola mabo po dali, tede augwaligo dwai po me wabo usu sabaso, tama augwali hale yaibao.

⁹ Nago te masigi sisawai olo se bidi augwalibolo te po wao: augwaligo tigidali se ebode te augwa tonalubo bidigo augwali dali dwagi yai homu emainogo tama augwaligo augwa tonalubo bidigo po odolama, tama augwali dologode naga bidao. Tama augwaligo augwa tonalubo bidi dabebolo po wei ponoyu te dwai po me olamuo. ¹⁰ Te tonalubo bidigo nai dabe me wi selamuo. Te menio. Te doloba pai kolesaga na-

† 1:9 1 Ti 3:2-7

ga eyu, tama augwa tonalubo bidi dabe dali homu keꝓ pai bidigo ebo kolesaga te tonalubo bagebolo augwaligo tama yao ola mao. Te seꝓ ebo bidi dabebolo te po wao. Tama tiyu da, teda augwaligo tigidali seꝓ ebo-go te da ma dobola sabo bidi God agade ola mabo po augwaligo te gasa bidigo gedude ugwaba siyu au eyu yaibao.

¹¹ Magi baso meni. Tigidali we bidi agai ma dobola somainogo eyu, tama Godigo agai da olo tau sabo wiegi yai kolesaga hania waselai dao. ¹² Tama da tꝓde we bidi dago Godigo bomai po tudiba muyu, tama te dwai dwai kolesaga eyu bidai dao. Tiali goli agai olo tau sabo wiegi yai kolesaga tego da e tiwai ola mabo dao: "Dagego te dwai seꝓ tudiba muao, te doloba pai kolesaga naga yao, tama dage e tꝓde bidibadi te Godigo gedude dwagi yai we bidi bidao." ¹³ Tama dago te ola mani po odolama, tama te tiwai kolesaga eyu bidibadi, tama dwagi yai homu eyu, te wiegi yai sogo asobo dago tonalubo dao. Tama te sogo asobo si, teda dago genuai God te da ma dobola sali bidi Jisas Krais agai bomo yai ula dali, genuai nogi dali, te hania ulaba pedalaibao. ¹⁴ Aga digi aga bidibo ula tagalai dao, tama agai te bidibo ulago da ma abelama, tama dago te tigidali bomo yai po sela saꝓbo te kolesaga agai sela saꝓwainogo tama yai dao. Agai da penama, tama da we bidi aga hani mu pedalainogo te seꝓ yai, tama dago tigidali dwagi yai kolesaga bomo elama te seꝓ naga emainogo agai aga bidibo ula tagalai dao. †

¹⁵ Nago eno megı wali ola mabo po te po te we bidi dabe dali nago te po ola mao. Nago augwali te pogo hodolama, tama augwaligo te po wali pomainao. Tama nago te po sela saꝓnama wali pisꝓbo bidi augwaligo homu begelemainu nago augwali dali po bomo elama wao. Te bidi dabe augwaligo nage olo bidi yali-we te homu idali weyu tama nago te ola mabo po bugagia bomonama augwalibolo ola mao.

Godigo wiegi yai seꝓ mu dade yali, tama dago dwagi yai kolesaga yao po wali

3 Taitus, nago te nago tonalubo Godigo po wali pabo we bidi augwalibolo e po widu geao: augwali te gavman tuni bidi dabe dali genuai bidi dali dologode bidiyu, tama augwaligo po odolama te po wali pao. Tama tiyu tama augwaligo tigidali dwagi yai kolesaga yabo seꝓ sisi eyu bidao, te po ola mao. ² Augwaligo bidi mede dwai po olamuo. Te menio. Augwali homu nagame elama, tama abagi homu eyu bidao. Tama sesemane sogo augwaligo tigidali we bidi dali te imilai homu eyu, tama augwali tau sao. Te po augwali ola mao. ³ Magi baso meni. Polobadu da me, nage me da tigidali Godigo po odisꝓbadi tama da te homu kolesaga meni yai bidi tiwai bidai dao. Tama dago me po sela saꝓwai dao, tama tibo po odolama, tama dago pabo tꝓde geda muyu tama bilai dao. Tama bidibadi tama dena tigigo ebo haniani dwai kolesaga dali te tigi pusu ilibo seꝓ me, te tobage seꝓ ebogo da kalabus mu yai dao. Dago te bidi hasi dali dwai homu ebo kole-

sagade biliyu, tama dago augwaligo nai dabe pesꝓ eyu yai dao. Tama bidi meba augwaligo da dali boi bidi eyu, tama dena hasi tomode me boi bidi naga elalua pai dao. ⁴ Tiali goli, God aga da, te da ma dobola sabo bidi dao. Tama agai da dali yabo tau sabo kolesaga dali, aga da godolo ebo kolesaga me, te si hania ped-alali sogo, ⁵ te sogo agai da ma dobola sai. Agai dago doloba pai kolesaga ebaso, tama agai da ma sabeo. Dago te doloba pai kolesaga ebeo. Aga digi da we bidi hobede mu ebaso tama da ma sai dao. Tama aga digi da aꝓgo paluama, tama da gesi noma wai ma pedalai dao. Tama tiyu tama agai Mobo Bidigo da gesi noma bidibo ula mawai dao. ⁶ Te Jisas Krais da, dena ma dobola sabo bidi, te agai seꝓde Godigo aga Mobo Bidi dabolo mu mawai dao, te bidi mego aꝓ hauwa gea palobo tiwai eyu tama Godigo aga Mobo Bidi dabolo mani. ⁷ Agai homugo da aga gedude doloba pai we bi-di pedaliyu, tama te da tonalubo bidada pabo ula da-go mu somainogo eyu agai dabolo aga Mobo Bidi mawai dao. ⁸ Te po mu dao.

Tama eno homugo nago te po bomo elama ola mao, te Godibolo augwa homu tigidali mani we bidi augwaligo te ola mabo po dali homugo bugagia kone palama, tama augwaligo bomo elama te dwagi yai seꝓ eyu bidimainao. Dwagi yai seꝓ te dwagi yai page elalubao, tama te dwagi yai seꝓ ebogo te tigidali gasa we bidi dabe me tau sabo dao. ⁹ Tiali goli te Godigo we bidi meba augwaligo te peni meni yai olo naide hanalua peyu te po wabo dao. Augwaligo te polobadu waꝓ dabego nogide po weyu, tama augwa hasi wado po wabo dao. Tama te bomo yai pode konila ebo dao. Te tobage po wabo dabe nago gedelao. Dago koneani, te pogo da tau sogobeo, tama dwagi yai nai walobo menio. ¹⁰ Niwai bidi agai te Godigo we bidi hani bugulubo po wabo bidi da, nago te bidibolo deli sogo me si sogo me te seꝓ tagalao po wao. Tama agai nago po odisꝓbaso da, teda nago te bidi aga tudiba muao.

¹¹ Nago koneani, tama tiwai bidi aga homu te gagea pai dao, tama agai ebo dwai seꝓo aga te dwai bidi dao hania ola mabo dao.

Po silagasu wabo po

¹² Nosali eno Artemas me Tikikus te eno nage bidibo digi tagala palobaso da, te nage polo ena bidibo digi Nikopolis te hanuba asao. Magi baso meni, ena te Nikopolis bulude te dwai kedau sogo ena te bulude bidaibao, eno te homu daꝓ wali. ^{††13} Nago te bomai po page koneai bidi nogi Senas dali, te gasa bidi me Apolos augwali si nago tau sao. Augwali si te gasaba painogo ebo si, tama nago augwalibolo te gasaba pabo tau sabo nai bugagia mao, tama augwali si bilibo nai tꝓde menia sogobeo. ^{†14} Tama dago we bidi, te Krit tꝓde bidibo Godigo po wali pabo we bidi, augwaligo te gasa we bidi tau sabo dwagi yai seꝓ ebo kolesaga koneao. Augwali tama tiyu da, teda augwaligo te nai

† 2:14 Sai 19:5; Bom 4:20; 7:6; 14:2; Tib 130:8; 1 Pi 2:9

†† 3:12 Tpi 20:4; Ef 6:21-22; Kol 4:7-8; 2 Ti 4:12 † 3:13 Tpi 18:24; 1 Ko 16:12

meni yai we bidi tau sabo se ebo usu yaibao. Augwali te nai walisiabo ni tiwai bidilamuo.

¹⁵Te ena dali bidibo we bidi tigidali augwaligo nage dali siade dao, bugagia bidao, te po nagebolo ola tolobao, e pasgo. Tama te nage dali bidibo bage, aug-

wali da dali deli homu eyu tama God dali konealubo po daɣ wali, te we bidibolo nago dago te siade dao, bugagia bidao wali po wao.

Eno homugo Godigo da olo tau sabo kolesaga dage tigidali dali bidao. Te tama dao.

Polgo Pas Filemonba Aşani

Hasia nedebo tau sabo po

Te me sogo Pol kalabus tomode bidibadi tama aga te kalabusde bidali gasa bidi nogi Onesimus suali. Te Onesimus polobadu te Kolosi moni hanude bidama, tama aga te bidi Filemon aga masigi sisabo olo se ebo bidi bidali. Tiali goli aga wi peyu, tama gasaba pelama, te Pol kalabus bidibo digi sabolali. Tama Polgo agabolo Kraisgo po pusa menama, tama Onesimus aga homu hasegelama, te aga yali dwai se tudiba munama, te Kraisgo po wali pabo bidi pedalali. Tama Polgo Onesimus te aga tonalubo bidi Filemon tebolo ma tagala palainogo eyu, tama agai e pas aseyu tama Onesimusgo nogoba muani. Agai homugo te Filemon agai Onesimus dali sebesesiya tama aga bugagia sao wali. Tama Pol nosali te Filemon bidibo digi asaibao, te po me aseña tolali.

Filemongo olo se ebo bidi wi pali, tama nosali aga Godigo po wali pabo bidi pedelai, tama Polgo te bidi aga te Filemon bidibo digi ma tagala palali po

¹ Ena Pol da. Tama eno we bidibolo Krai Jisasde po weyu, tama augwali mebago hagela eyu, tama augwaligo ena kalabus beba muani. Tama ena te kalabus bede bidibadi, te ena dali, dago abagi Timoti dali, da sigo e pas aseña, Filemon nagebolo tolobao. Nage dago dwagi yai abagi mu, da dali deli se ebo bidi dao. ² Tama da sigo e po te we Apiabolo me, te bidi Arkipusbolo me aseñai. Tama Arkipus agai te we bidi tau sabo se de te aga bomu eyu te tau sabo se ebo dao, ami bidigo bomu eyu hwibo te tiwai ebo dao. Tama da sigo nago beba sisinibo Godigo po wali pabo we bidibolo me e po aseba. †

³ Eno homugo dago Aya God dali, te Genuai Bidi Jisas Krai dali, augwali sigo dage olo tau sabo kolesaga te homu dage dali bidimainao, dage dwagi yai homu eyu bidimainogo hagede.

Filemon agai dwagi yai kolesaga ebo dao

⁴ Eno abagi Filemon, eno Godibolo eno gedu haluasa po weyu, eno nago nogi wabo si, sesemane sogo eno Godibolo buba hwi wabo dao. ⁵ Magi basowe? Sese mane sogo eno odali augwaligo nagede po weyu, nago te Genuai Bidi Jisasbolo dwagi yai homu eyu, tama nago konealubo po agade dawai. Tama tiyu nago Godigo we bidi tigidalibolo dwagi yai homu eyu, tau sabo dao, te po me eno odali. ⁶ Tama eno Godibolo gedu haluasa po weyu, eno te homu ebo dao: da dena homu Jisasba muyu, te da nage dali wadolobo dao. Tama tiyu, eno homugo dago Jisasde konealubo po

† 1:2 Kol 4:17

daw wabo kolesaga ebogo nage ola momainao. Tama ola menama, tama God agai da Jisasde wadolali we bidi da dali yabo dwagi yai se page nago gisiga mu koneaibao. Te homu eyu, eno Godibolo hanalu wabo dao. ⁷ Eno dwagi yai ama, Godigo we bidi tigidali nago augwali dali dwagi yai homu eyu, godolo mu ebo dao. Tama tiyu, nago te kolesaga eyu, augwaligo homu pua peyu, dwagi yai ilai. Tama te kolesaga ebode ena dwagi yai homu elama, tama eno moni homu me esiya, te eno homu dwagi yai elama bidibao.

Filemon agai Onesimus te aga ama ma oda sabo tiwai yao

⁸ Te nago te we bidi tau sabo se ebaso, eno te homu elalubo dao: Te Kraisgo nogi te bomode eno te po bomu elama, nagebolo weyu te nage wiegi yai doloba pai kolesaga me yainogo wagi sogo da, tama tiyu eno po nago wali pigi dao. ⁹ Tiali goli eno homugo nago te kolesaga emainogo te eno nagebolo te bomu elalubo po wagobeo. Menio. Dago dena hasi wiegi yai homu eyu godolo ebo homu eyu, tama da deliba wadolama bidibao. Tama tiyu, eno nage dali po bomu elama wabo homu eno egobeo, te eno duadigi nage dali hanaluyu te po obao. Ena Pol, ena da Godigo po sela pabo bidi dao, tama Krai Jisas tobade augwaligo ena kalabus beba munama, megi tede bidibao. Tama ena te Pol, tiali digi, eno nagebolo te po bomu elama wagobeo. ¹⁰ Tama tibaso, "Abagi aga tau saibao," homu eyu, eno te bidi Onesimus tobade megi nage dali eno hanalu obao. Tama ena te kalabus bede bidibadi, te bidi Onesimus aga me te kalabus bede bidai. Eno agabolo Godigo po pusulama, tama Onesimus agai te po bugagia odama, aga homu begelama, tama aga Godigo hani bidi pedalali. Tama tibaso, megi aga da eno ogwa tiwai dao. ††¹¹ Tama polobadu Onesimus aga

†† 1:10 Kol 4:9

nage dali bidali sogo aga nago olo şe ebo bidi bidiyu, tama aga hagela eyu, tama aga nage tau sisabo bidi bidai. Tiali goli megi da, aga nage dali ena dali tau sabo bidi mu bidaibao.

¹² Te eno te bidi Onesimus dali dwagi yai homu eyu godolo mu ebo digi, megi eno aga nage pageba ma tagala palobao. ¹³ Tama eno homugo agai ena tau somainogo aga ede ena dali bidimainao, homu yali. Eno Godigo gesi dwagi yai po te we bidibolo pusubaso, augwaligo ena e kalabus beba muani. Tama ena ede bidibadi nage digibulu bidiyu, nago ena tau sabo usu şabaso, eno homugo Onesimus aga e hanude bidiyu agai ena tau somaina homu yali. ¹⁴ Tiali goli nago te usu da po wasiřbaso da, te eno aga ede bidao wagobeo. Eno nage dali bomo egobeo. Menio. Eno homugo nago dwagi yai şe eyu, nago homugo Onesimus agai ena tau siyu ede bidiyu bidimainogo homu eyu da, nago te homu usu eyu da, te aga ede bidiyu ena tau saibao.

¹⁵ Te Onesimus wi peyu, agai nage tagalama, osogo eba bidagasai. Magi basowe? Nago aga ma siyu, tama aga nage dali mu bidaibao, eno te homu ebao. ¹⁶ Tama megi aga te olo şe ebo bidi naga ma egobeo. Menio. Da bidi sela Genuai Bidi Jisasde wadolobaso, te bidi Onesimus aga da te da sigo ama mu dao. Tama megi aga dago ama mu gagawali, dago dwagi yai homu aga dali ebo dao. Te eno digi aga dali te eno ama mu te homu eyu, aga dali wiegi yai homu ebo dao. Me ma, nago eno ebo homu aiyaba elaluyu, tama nago te homu eyu, aga nago şe ebo bidi bidiyu, te me nago ama dao, tama nago aga dali dwagi yai homu elama, godolo mu yao.

¹⁷ Te nago homugo ena te Kraiso şede age name si ebo tiwai homu eyu da, te aga nage pageba ma asobo si, te nago Onesimus bugagia ma sao, te nago ena dali wiegi yai homu ebo gilama te nago Onesimus dali me wiegi yai homu eyu aga ma sao. ¹⁸ Tama agai nage dali

dwai şe me elama, tama agai nage dali negeli elaluyu da, teda nago agai te negeli ilali hasegelama, eno nogi tede muao. ¹⁹ Ena Pol, ena digi eno e po eno nogogo aşai, ena digi eno te Onesimusgo negeli ma wei pon-aibao. Tama eno nagebolo Godigo po polobadu ola magi menigi sogo da, teda te şede nago ena dali genuai negeli elalugi menigi da. Tiali goli megi eno te genuai negelide po wagobeo. ²⁰ Eno ama, te Genuai Bidi Jisasgo nogi tobade nago enabolo te wiegi yai homu nagame ilao. Tama da si te Kraiso agai şe ebo bidi bidai, tama tiyu nago te ebo dwagi yai kolesaga te Onesimusde eyu, te nago eno homu wiegi yai pua pomainogo tama tiao.

²¹ Eno te homu bomo ebogo da, te nago eno te po wali pabo homu ebao. Tama tiyu eno nago Onesimus tau sao po nagebolo aşana tolobao. Eno koneani, nago yabo te kolesagago megi eno nagebolo te yao wabo kolesaga te aiyaba elaluama, tama nago te Onesimus dali nosali ebo kolesaga te wiegi yai mu yaibao. ²² Tama tiyu, eno po me deli elalubao. Te eno homugo dagego gedu haluasa po wabo te Godigo odabo homu yaibao. Tama tiyu, agai ena dagebolo ma maiabo homu yaibao. Tama tibaso, ena nage dali bidabo be tomode dař togwali te ena bidabo digi sisi elama elaluo.

²³⁻²⁴ Te bidi Epafraş aga ena dali e kalabus bede bidibao. Da sigo Kraiso Jisasgo şe ebaso, augwaligo da si kalabus beba muani. Tama Epafraş dali, Mak dali, Aristarkus dali, te Demas dali, te Luk dali, te bidi tigidali augwaligo ena dali Kraiso şe ebo bidi dabe dao. Tama tiyu, augwaligo nagebolo nage tao po obao. †

²⁵ Eno homugo te dago Genuai Bidi Jisas Kraiso agai we bidi olo mu tau sabo kolesaga dage tigidalide bidimainao. Tama dao.

† 1:23-24 Tpi 12:12, 25; 13:13; 15:37-39; 19:29; 27:2; Kol 4:10

Hibru Dabeba Tolali Pas

Hasia nedebo tau sabo po

Te e pas nogi Hibru, te nogi page e dao: te pas bidi me deligo aseani te Godigo po wali pabo hani me deli augwa konealubo homu tagalainu ebaso, te haniba aseai pas dao. Magi baso meni, te bidi hani mebago augwali aiyaba elaluama, te augwaliba sege mani. Te Hibru po wabo Juda hani we bidi dabe, augwalibolo bidi me deligo e pas aseana tolali. Dego e pas aseaniwe, te dago konebeo, agai aga nogi e pas tomode asebeo. Tama augwali te Juda we bidi bidali goli, augwaligo te Kraisde gesi wiegi yai po odama, tama te Kraisi wali pabo we bidi hani pedelali. Tama e pas aseani bidi agai augwaliba te genuai po peni page sela ola mani. Te pogo me deli e dao. (1) Te Jisas Kraisi aga te wiegi yai mu tama, te Godigo Ogwa dao. Te Jisas e tede bidali sogo, agade te sege hauwa me dene dali tolali, tama te tiali kolesagade Godigo Jisas te polalubo bidi mu pedalumainu elama, te we bidi dabe augwali tau sali. Te po te Daj 2:10 tede elalubao. Te bidi Jisas agai te Juda dabego polobadu elalualinai tigidali aiyaba mu elaluai dao. Kraisi agai te ensel mobo bidi dabe me, te bidi Moses me, te bidi Arongo hani pris bidi se ebo me, te bidi Melkisedek me, te tigidaligo nogi te Godigo Ogwa Jisas Kraisi nogigo ela solama aiyaba elaluali. (2) Godigo digi Jisas sa munama, te pris sesemane sogo bidimainu yali, tama agai te Juda pris bidali bidi dabe aiyaba elaluai dao. (3) Jisas te dagalude polalubo pris me bidada pidu bidaibao. Tama agai te agaba konealubo homu dau wabo we bidi ma dobola sobaso, te usu yaibao. Te bidi Mosesgo lotu po ola mayu pusali bomu yai po dabe, te Jisasgo yabo se ola mabo se ebo kolesaga naga yali. Te pasgo te we bidi augwaligo konealubo homu dau walobo po aseani, tama agai te polobadu bidali Israel we bidi dabego boma pai konealubo po dau wali te po te Daj 11 tede hauwa elalubao. Agai tame po wali, te mena tiwai segego augwali gegebaso, te augwa konealubo po dau ola selama elaludu te augwa isiboba usu nubaso, te usu dao. Augwaligo te Jisasba naga tonono elalua pedu te agai kolesaga wali pobaso da, teda tebogo te augwalide tolobo sege me dene te dagala sawaibao. Tama tibaso, augwali aga dali homugo kepa pai we bidi mu bidaio, e pas aseani bidigo te po obao.

Jisasgo te ensel dabe aiyaba elaluali

(Daj 1-2)

Godigo Ogwago po dabolo mani

1 Te polobadu mu hauwa sogo me, te haniani kolesaga hauwago me, te Godigo agai po pusali bidi profet dabego pedauwalidu agai po meba te dago waj dabebolo mena mena pai dao. **2** Tiali goli megie sogo da, te nosali pedalobo sogo tiwai mu yali, te Godigo aga Ogwago pedauwalidu agai po dabolo pusai dao. Te aga Ogwago nogogo me te Godigo te tede dali dagalu dali te tigidali nai nigai dao. Tama Godigo agai te tigidali nai nosali somainogo aga sa muai. **3** Te Ogwa agai te Godigo wiegi wiegi yai homu kolesaga te dabolo hania ola mabo bidi dao, tama aga te God tiwai gagawai mu tama. Agai po da te genuai bomu elalubo, tama te bomai pogo agai te tigidali bidibo nai me bidaluao odubadi tama te bidalubo dao. Agai te we bidigo sege

sali sela sawo se te silama, tama megie da te Tigidali Bomu Elalubo Tuni Bidi, te God dolo nogu badu dulalubao, aga genuai bidi mu dao.

Te Godigo Ogwago nogigo te ensel mobo bidi dabego nogi aiyaba elalubo dao

4 Te aga Ayade sali nogigo te ensel mobo bidi dabego nogi te aiyaba elaluama, tama wiegi yai mu yali. Tama tiwai yaligo da, aga digi te mobo bidi ensel dabe augwaligo Genuai Bidi mu pedalama, tama augwali aga dologoba pali. **5** Magi baso meni. Polobadu Godigo aga Ogwa dali te po wai,

“Nage eno Ogwa dao. Megie tama ena digi nago Aya pedalomainogo yai.”

Tama agai po ma wai,

“Te ena digi agai Aya bidiyu, tama aga te eno Ogwa bidaibao.” †

Te me sogo Godigo te po si te ensel mobo bidi me deli dali wai dawu? Menio. **6** Tiali goli agai aga gomunai Ogwa te e tede tamadi tagala palobo sogo tama agai te po wai,

† 1:5 2 Sml 7:14; 1 Sto 17:13; Tib 2:7

“Tigidali eno sę ebo ensel mobo bidi dabe, dage kidu sugunama, tama dagego aga nogi ugwaba sao,” wali. †

⁷ Tama God agai te ensel bidi dabe augwalide te po wai,

“Godigo te aga ensel mobo bidi dabe augwali te wali tiwai pedalomainogo ilibo dao.

Te agai aga sę ebo bidi dabe augwali te moni posolo ebo sia tiwai pedalomainogo ilibo dao.” ††

⁸ Tiali goli aga Ogwabolo agai te tiwai po wai,

“Nage God dao, nage tuni bidi sesemane sogo bidada peyu, bidada paibao.

Nago naga we bidi te doloba pai kolesagago tonalubo

dao, tama te kolesaga naga ebode nago genuai wiegi yai nogi elalubao.

⁹ Nago te doloba pai kolesaga ebo te godolo mu eyu, tama te bomo yai po sela sębo te nago hagela mu ebo dao.

Tama tibaso, ena nago God bidiyu, tama eno nago nogi ugwaba somainogo eyu, te wel nago toboluba gelali, tama tebogo nage te wiegi yai homu pemene ilali.

Te naga hai namu dabe augwaligo te nago wiegi yai homu pemene ebo tiwai me egobeo.” ‡

¹⁰ Tama agai po agabolo ma weyu te po wai,

“Genuai Bidi, polobadu mu nago e tų nigilama tama aga bomo elalubao. Te dagalu me, te naga nogogo nigai.

¹¹ Te dagalu de tų si te tigidali dolaibao, tiali goli nage da me dologobeo. Menio. Nage da sesemane sogo bidaibao.

Te dagalu de tų si da te tigidali te badia paibao, te poloba ugwa badia pai tiwai yaibao.

¹² Te nago augwali pedeyu, te bidigo badia pai ugwa pedebo tiwai yaibao.

Te nago augwali hasegeleyu, te bidigo ugwa hasegelebo tiwai yaibao.

Tiali goli, nage da, tama naga bidibo dao. Nage me hasegelegobeo.

Tama nage bidibo sogo te munu me siligobeo.” ††

¹³ Polobadu Godigo te po wai,

“Nage genuai bidi ena dali hodobo bidimainogo eyu, tama eno dolo nogo badu duayao.

Tama dualubadi, te eno nago boi bidi dabe augwali te nago sęę dologoba muaibao.” ††

Tiali goli me sogo Godigo te po te ensel mobo bidi me deli dali waliwe? Menio. ¹⁴ Te ensel mobo bidi dabe augwali da, te noma bidi, tama augwaligo te Godigo sę ebo dao. Te Godigo augwali tagala palaibao, te aga augwaligo sęęę sali sela sęnana ma sainogo ebo we bidi dabe tau somainogo tebo dao.

Godigo da ma sali, te genuai sę mu dao

2 Te Godigo Ogwago genuai nogigo te ensel mobo bidi dabego nogi aiyaba elalualigo da, teda dago

† 1:6 Bom 32:43 †† 1:7 Tib 104:4 ‡ 1:9 Tib 45:6-7 †† 1:12 Tib 102:25-27 †† 1:13 Tib 110:1

te dago odali mu po tagalaidali weyu, dago ma bomonama tama te odali po homugo bugagia daų ola sao. ² Magi baso meni. Polobadu Godigo po meba te ensel mobo bidi dabebolo pusama, tama augwaligo te we bidibolo ma pusali. Tama pusama, tama te po Godigo bomonama bugagia daų walali. Tama tiyu, tama bidigo te po bolama tama te po sela sęwani bidi tigidali, augwali te dwai dene mu te augwa yali dwai kolesaga usu nama sai dao. ³ Tiali goli megi da, Godigo da ma sabo sę yali, tama agai te sę yali te genuai nai mu dao. Tama tibaso, dago Godigo te sę yali po oda tagalama tudiba muani da, teda da wi peyu, tama te dwai sę yalide te dene sabo sę te mena tama geda saibawe? Te usu munu egobeo. Hasia Genuai Bidigo digi po pusuyu, tama agai da ma saibao homu yai. Tama agai po odali bidi dabe augwaligo dabolo te po mu po naga dao hania ola mawai dao. ⁴ Tama ebadi, God me agai te po te haniani bomai sęgo me tama agai haniani bomu yai idualigo te po mu po dao dabolo hania ola mani. Tama tiyu, agai te Moba Bidigo olo mabo haniani wiegi yai sę ebo kolesaga te we bidi dabe augwaliba dobayali, te God aga digi homugo tama tiai.

Te da ma sali sę yali tuni bidi Jisas dao

⁵ Eno megi așbo po, te we bidigo gesi kolesaga eyu bidibo te nosali pedalabo po obao. Godigo te ensel mobo bidi dabego te kolesaga ebo dodolama tonalumainogo teba me mubeo. Menio. ⁶ Te Godigo po bukude așani po me delide te bidi me deligo te po pusai,

“God, bidi dabe augwali te magi nai da weyu, tama nago augwali homugo konebo dawe?

Magi baso nago augwali tonalubo dawe? Augwali tųde bidibo bage naga dao.

⁷ Te osogo naga, nago augwali te ensel mobo bidi dabe augwali dologoba muai.

Nago augwalibolo genuai bomu me, genuai nogi mawai, tama te kolesagago nago augwaligo nogi ugwaba sai.

⁸ Nago te tigidali nai augwali dologoba muani, te nai tigidali augwaligo tonalumainogo tiai.” †††

Awe, Godigo te tigidali nai bidi dologoba munama elaluai. Tama agai te nai me deli te olo me augwali dologode elalumainogo me ebeo. Tiali goli megi dago me susębadi digi te tigidali nai bidi dologode elalubeo. Menio. ⁹ Tiali goli dago Jisas konebao. Polobadu osogo naga Godigo aga nogi te mobo bidi ensel dabego nogi dologode bidimainogo ilali, te Godigo wiegi yai homu eyu, te olo mu tau sabo kolesaga pedalomainogo me te tigidali bidi tau siyu isainogo tiai. Agai te dene tolama isali, tama Godigo aga nogi ugwaba selama, tama genuai bomu me genuai nogi agabolo mawai dao, tama megi aga te tiwai bidibo dago konebao. ¹⁰ God

aga te tigidali nai nigai bidi, tama agai tigidali nai bugagia bidimainogo tonalubo dao. Tama agai homugo aga wai puluba hauwa te dagaluba odasa pelama,

††† 2:8 Tib 8:4-6

tama bugagia mu aga dali bidimainogo yai. Tama tiyu, agai dene Jisasba pedalobo gogolali, tama te dene yaligo te Jisas te we bidi augwali hasia mu polasa pabo augwali ma sali bidi usu mu ilali. Godigo te kolesaga yaligo, te dolo mu yai.

¹¹ Dago koneani, te tigidali we bidi te magi dwai sę isama wiegi yai pedalomainogo ilali te bidi aga Jisas dao, tama te magi dwai sę me isayu te wiegi yai pedalali we bidi te tigidali augwaligo aya te Jisasgo aya me te deli naga dao. Tama tibaso, Jisasgo te we bidi augwali nogi weyu, “ama” wai, tama agai augwali te tiwai nogi ebo te aga hale me ebeo. ¹² Te Jisasgo da “ama” wabo pode augwaligo polobadu e po bukude asęai dao,

“God, eno nago nogi te eno ama dede augwalibolo pusaibao.

Awe, te eno nago nogi ugwaba sabo tęabi weyu, te genuai po miyu sisinibo madi tomode te po pusaibao.” †

¹³ Tama agai po ma wali,

“Te eno digi agade konealubo homu mu dęu waibao.”

Tama agai po ma weyu te po wai,

“Ena digi bidibo, suo. Tama Godigo ena mani we bidi dabe, augwali me ena dali bidibao, te wai dabe tiwai bidibao.” ††

¹⁴ Tama te agai “wai dabe” wabo we bidi dabe augwali te tęde we bidi bidai, te da tigidali tiwai yai. Augwali tama bidaligo da, Jisas me te bidi augwali tiwai mu gilama pedalai, te aga tigi isimainogo yali, tama te isibogo agai te bomo elalubo bidi agai te bidi isimainogo ebo bidi te agai bomo dolaibao. Te bomo elaluali bidi te Satan dao. ¹⁵ Te we bidi augwali isibode wi yai. Tama augwali te tęde bidali tigidali sogo, te isibode wi ebogo augwali kalabus elalui. Tama augwali te kalabuside bidibo sela sęwainogo eyu, Jisas aga e tęde isai dao. ¹⁶ Mu tamao, agai te ensel mobo bidi dabe tau sainogo te sę me ebeo. Menio. Agai te sę yali te Abrahamgo hani augwali tau sainogo te sę yai dao.

¹⁷ Tama tibaso, te tigidali naide aga te tigidali we bidi tiwai mu pedalomainogo tiali. Magi basowe? Agai tama tialigo da, tama aga te God dali we bidi dali tomode dolalubo pris tobolu bidi bidabo te usu igibu tama Godigo sę tolaluaibao. Agai te we bidi homu dene eyu, tau sabo wiegi yai kolesaga eyu, tama aga te Godiba aga homugo kęę pai bidi bidai. Tama tiyu, agai te Godigo te tigidali we bidigo dwai sę yali sęęę sela sęwainogo eyu, te aga ofa ilali te usu yai dao. Tiali goli aga te we bidi tiwai mu pedaligi menigi da, teda te sę tigidali ebo aga usu menigi da. ¹⁸ Aga digi te dene tolali, te Satango aga dwai sę ebo kolesagaba kekainu eyu te usu sabo sę tigidali agaba pedalali, tiali goli aga dwai sę me ebeo. Tama tibaso, megi te usu sabo sę te we bidi dabe augwaliba pedalobo si te agai augwali tau sabo usu dao.

Jisasgo genuai nogigo Mosesgo genuai nogi aiyaba elalui

(Dęi 3:1–4:13)

Jisasgo genuai nogigo Mosesgo genuai nogi aiyaba elalui

3 Te Godigo po odolama wali pabo ama dede dabe, te dagalude bidibo Godigo dage me te Jisasgo sę ebogo i wai dao. Tama tibaso, dagego homugo Jisas bugagia kone palięo. Agai te dago agade konealubo homu dęu weyu tama agade po te we bidi gesabide pusubo tau siyu, tama dago pris tobolu bidi bidimainogo eyu, Godigo aga e tęba tagala palali. ² Godigo aga te sęba muani, tama agai Godide homu kęę pai bidi bidai. Agai te bidi Mosesgo polobadu te Godigo we bidi tau sabo sę tiwai yai. Te we bidi augwali Godigo be tiwai bidai. ³ Tama dago koneani, be sę yai bidigo genuai nogigo te aga sę yai bego genuai nogi digi aiyaba elalubo dao. Tama te tiwai me Godigo homugo Jisas koneani, agai te genuai nogi me deli sabogo te Mosesgo genuai nogi te aiyaba elaluabo homu yai. ⁴ Te tigidali be te bidigo aga sęnama elalubao. Tama te tigidali nai nigali bidi da, te God dao. ⁵ Te bidi Moses aga te Godigo sę bidi, tama te Godigo we bidi tigidali tomode yali sęde agai Godide homu kęę pai bidi bidai. Tama agai te Godigo nosali wabo po pusubo sę te Mosesgo bugagia yai. ⁶ Tiali goli Kraisa aga da te Godigo Ogwa, tama agai da te Godigo hani augwali tonaluyu tama te tobolu bidi bidibo sę elaluyu, tama agai me te sęde Godide homu kęę pai bidi bidibao. Tama tibaso, agai nogigo te Mosesgo nogi aiyaba elalubo dao. Tama sesemane sogo dago konealubo po dęu weyu tama wi isayu tama dago wiegi yai homu pemene elama tama Genuai Bidi naga tonaluyu da, teda da me te Godigo hani mu bidaibao, te da agai be tiwai elaluaibao.

Te Godigo po sela sębo bidi dabe augwali toma munu me tugobeo

⁷ Te dago Kraise konealubo po bugagia dęu obaso da, teda da te Godigo we bidi hani mu bidaibao wali. Tama tialigo da, dago te Godigo dabolo wabo po mu odao, te Godigo Mobo Bidigo polobadu wali po tiwai. Agai po te bukude asęani, te po e dao:

“Megi e sogo tama dagego Godigo pedauwalide po odali da, ⁸ teda dagego duga olo palia sigio, te tiwai dagego węj dabe augwaligo polobadu Godigo po sela sęyu hagoma yali sogo tiwai. Augwali te bidi meni yai madi bidiyu tama augwaligo God usu sai. Te sogo augwaligo augwa olo palia sali.

⁹ Tama Godigo te po wai, ‘Tede dagego węj nęu dabe augwaligo eno yali bomai sę tigidali te kibu be

† 2:12 Tib 22:22 †† 2:13 Ais 8:17, 18

‡ 3:2 Nam 12:7

bidi sese si tede usu nama augwaligo suai.
Tiali goli te sula tagaliyu, augwaligo ena usu mu sai.

¹⁰Tama tibaso, te we bidi hani dali eno sêbê mu elama,
tama eno te homu yai, "Tigidali sogo augwali te enade homu kêq pisawai we bidi bidai dao. Tigidali sogo augwaligo te eno kolesagadu me bilai menio."

¹¹Tama eno sêbê eyu, tama eno po hasegelidali weyu eno mu po olama daq wali, te po wai, "Augwali eno te toma nabo pesageba munu me asogobeo. Munu me asogobeo. Mu menio." te po wai dao."[†]

Te Godigo Mobo Bidigo te po tigidali polobadu olama tama bukude asenama elalubao.

Dago te Godigo po te Israel dabego sela sawani tiwai yabuo

¹²Ama dede dabe, dage bugagia bidao. Tiyu dage tomode ama me deli aga homude dwai sê ebo homu elaluyu, tama aga Godide konealubo po tagaliyu, tama te bidibo ula elalubo God gegeda peyu tudiba muidali weyu, dagego dua dao. ¹³Tama tiwai pedalidali weyu, meg e sogo Godigo nogi yali "te meg e" te me elalubadi, tigidali sogo deli deli dagego wiegi yai po te ama dedebolo mayu, tama augwali homu hodoloyu tau sao. Duga hasi tama tiluao. Tiyu te sêgê sabo kole-sagago dage tomode bidi me deli ili po ola mayu, tama te sêgo aga olo palia selamuo. ¹⁴Magi baso meni. Polobadu dago Godide konealubo po daq wali, teda te konealubo po meg e me dago bugagia daq weyu, teda da isiboba usu nig paibao. Dago tama tiyu da, teda da te Krai dali wadolama, tama sê deli naga aga dali hodobo eyu tama bidaibao.

¹⁵Dago koneani, te Godigo po bukude te po me elalubao,
"Meg e sogo tama dagego Godigo pedauwalide po odali da, teda dagego duga olo munu me palia sigio,
te tiwai dagego waj dabe augwaligo polobadu Godigo po sela sayu hagoma yali sogo tiwai."^{††}

¹⁶Polobadu niwai we bidi augwaligo Godigo po odali goli, augwaligo hagoma eyu, te Godigo po sela sawai dawê? Te bidi Mosesgo te Isip tq tagalama odasa asali we bidi tigidali augwaligo te sê yai. Augwaligo naga tama te kolesaga yai dao. ¹⁷Te kibu be bidi sese si usu nama te Godigo sêbê de dali yaliwe? Agai te dwai sêgê sabo we bidi augwali dali sêbê yali, tama te we bidi augwali isai, tama augwaligo tigi te bidi meni yai bulude elaluai. Godigo te dwai sê yali we bidi augwali dali naga sêbê yai. ¹⁸Godigo debolo po olama, tama mu da olama agai po daq weyu, te augwali agai toma nabo pesage tomoba munu me asogobeo waliwe? Te agai po sela sawani we bidi augwalibolo te po wai. Agai te po augwalibolo naga wai dao. ¹⁹Tama tibaso, dago hania koneani, te augwaligo augwa homugo Godiba

tiqlusiabaso, tama te tebogo naga te augwali Godigo te toma tumainogo ebo digi te pesage tomoba painogo ebo te usu me ebeo.

Te Godigo we bidi augwali toma nabo po wai

⁴ Godigo daq wali po meg e me elalubao, tama agai tede te po wai, "Dage eno te toma nabo nigilali te tomoba piagameo." Tama tibaso da wi me yao. Tiyu Godigo gedude dage tomode me deli te tq geda muyu, tama te toma nabo pesage tomoba pabo usu egobeo waidali weyu, dage dua dao. ²Dago te Godigo bukude te toma nabo pesagede wiegi yai po pusali te odai, te Israel dabego polobadu odali po tiwai. Tiali goli augwaligo te po olo dali odolama, tama tede augwaligo homude te konealubo po daq me wabeo. Tama tiyu, augwaligo te odali po, te pogo augwali tau me sabeo. ³Da te Kraisde konealubo po daq wabo we bidi, te da toma nabo pesage te tomoba paibao. Polobadu Godigo te pesageba pisabo bagede po weyu te po wai, "Ena sêbê eyu, tama eno po hasegelidali weyu eno mu po olama daq wali, te po wai, 'Augwali eno te toma nabo pesageba munu me asogobeo. Munu me asogobeo. Mu menio,' te po wai."^{††}

Godigo te tigidali nai nigila silali sogo, te agai yabo sê me elalubao. Tiali goli dago agai te tiwai po te aga toma nabo pesagede po wai odobaso, teda dago koneagameo, te toma nabo pesage me elalubao. ⁴Tama te bukude asenani po me delide te bidigo te nogo a naga me badu si wali sogode te po wai, "God aga tigidali nai nigila silama, tama te nogo a naga olama me badu si wali sogo te aga toma neyu olo bidai."^{††}

⁵Tama te gasa asenani pode me te toma nabo pesagede Godigo te po wai,
"Augwali te eno toma nabo pesageba munu me asogobeo. Munu me asogobeo!"^{†††}

⁶Tama te wiegi yai po te polobadu odali te we bidi, augwaligo te po mu po dao te homu isayu tama te po sela sawani, tama augwali da te toma nabo pesage tomoba pabeo. Tialima gasa we bidi augwali Godigo gedude te toma nomainogo yali te pesage tomoba pabo usu dao. ⁷Te dago e tama koneani: Godigo bodolu me sogo deli ma muai dao. Agai te bodolu muani nogi yali "Te meg e naga tama." Hasia te Israel dabego agai po sela sawani. Tiali goli nosali te kibu be hauwa pai madigi tama Godigo po te bidi Devitgo penanede ma pusali, te dago te tiwai po tamadi wai, "Te meg e sogo tama dagego Godigo pedauwalide po odali da, teda dagego duga olo munu me palia sigio."^{†††}

⁸Te polobadu te tobolu bidi Josuago te Israel we bidi augwali te Godigo mawaibao wali toma nabo pesage tomoba selasa pigi sogo da, teda Godigo nosali te gasa sogode me da po wagi menio. ⁹⁹Tiali goli dago

[†] 3:11 Tib 95:7-11 ^{††} 3:15 Tib 95:7-8 ^{†††} 3:18 Nam 14:1-35

^{††} 4:3 Tib 95:11 ^{†††} 4:4 Gag 2:2 ^{††††} 4:5 Tib 95:11 ^{†††††} 4:7 Tib 95:7-8 [§] 4:8 Bom 31:7; Jos 22:4

koneani, te toma nabo sogo te me elalubao. Te Godigo tigidali nai nigila silama, tama aga toma nani sogo, te tiwai tama te toma nabo sogo asobo te Godigo we bidi augwali tonalubo dao. ¹⁰ Magi baso meni. Dago koneani, te Godigo te toma nomainogo nigilali pesage tomoba pabo bidi, te aga digi sę yali silama te toma nabo te tiwai ebao, te polobadu God aga digi sę silama, te toma neyu olo bidali tiwai gilama tebo dao. ¹¹ Tama tibaso, te toma nabo pesage tomoba painogo da te dago sę bomonama yao. Tiyu yaide te bidi me deligo te Godigo po sela sębo kolesaga wali peyu, te Juda bage augwaligo polobadu yali sę tiwai yabuo, tama aga tula munama tama hagawaibao. Te tiwai idali weyu, dago bomonama Godigo po bugagia wali pao.

¹² Magi baso meni. Te Godigo wali po te bidabo ula elalubao, tama aga te sę bomo idubao. Te mu poa pai, tama te si dali si badu poa pai hwę gego poai yali te aiyaba elaluai. Tama bidigo poa pai kago hwę gego hasa mi togoyu, tama te poa pai hwę ge polo te hasa dili tomoba tugi pelama, tama te dili hania pedalobo dao. Tama te tiwai me Godigo wali po dago homu tomoba peyu, tama dago homu ogwa wai dali dago mobo dali si pedebo dao. Tama agai wali pogo dago ebo homu dali dago homu kolesaga page dali si, te tigidali te agai osola subo dao. ¹³ Te Godigo nigali nai me deli te God agai gedude te geme dula sainogo ebo te usu munu me egobeo. Menio. Te tigidali nai te hania mu te Godigo gedude tigidali te elalubao. Tama Godigo naga te dago ebo kolesaga tigidali dagalabo bidi dao.

Te gesi daų wabo sę kontrak yali bidi Jisas te dagalude polalubo pris bidi bidibao

(Daj 4:14–10:38)

¹⁴ Te God aga te dago ebo kolesaga dagalabo bidi bidibaso, dago te Kraisinde homugo konealubo po, te gasa we bidi dabebolo pusabo po, dago te pode dago homugo mu kę pao. Magi baso meni, dago genuai pris tobolu bidi te bidibao, tama aga te dagaluba holama tama Godigo bidibo digi tomoba mu pai. Aga te bidi Jisas, te Godigo Ogwa dao. ¹⁵ Dago digi te sęę aiyaba elaluabo bomo menio. Tiali goli dago genuai pris tobolu bidi aga tede da homu dene isębo tiwai bidi da po wagobeo. Menio. Te daba usu siyu te pedalobo sęę tigidali, te tigidali sęę agaba me pedalama aga me usu sai. Tiali goli agai dwai sę munu me ebeo. ¹⁶ Tama dago te tobage genuai pris tobolu bidi elalubaso, da te dwagi yai homu eyu tama God pęba pao, te da wi me egimio. Aga da te olo tau siyu wiegi yai kolesaga mabo bidi dao. Tama da agaba peyu, tama agai da homu dene ebo homu eyu te da tau saibao. Tama dago sęę elalubaso da, teda agai te olo

tau sabo wiegi yai homu kolesaga ebogo te da tau saibao.

Jisas aga te dago genuai polalubo pris bidi da ma sabo te usu mu yalio

5 Te tigidali genuai pris tobolu bidi sa mubo kole-saga te e tiwai ebo dao: te Godigo bidi dabe augwa hani tomodu dię selama, te Godigo augwali sęba munama, te we bidi augwali tau sabo sę elala paibao. Augwaligo te we bidi dabego Godibolo haniani maiabo nai mabo sę eyu, tama te sęęę sela sębo haniani ofa me Godibolo mabo sę ebo dao. ² Te bidi dabe augwa digi te Godigo po dolo wali pabo bomo meni yai bidi me sogo bidibaso, augwaligo te kolesaga konesiębo te Godigo tų wali pabo tagalali we bidi dabe dali te dua digi kolesaga sesa pobaso te usu dao. ³ Tama augwali me te bomo meni yai bidi dabe bidibaso, augwaligo te we bidi augwaligo sęęę sela sębo ofa naga mabo meni, te augwade digi sęęę dali sela sębo ofa me te Godibolo mabo te dolo dao. ⁴ Te genuai pris tobolu bidigo ebo sę te genuai nogi elaluai. Tama bidi me deli aga homugo aga digi te sę me sogobeo. Menio. Godigo naga hasia agabolo i olama, tama agai te sę yaibao, te polobadu agai te bidi Aron te genuai pris tobolu bidi sęba i wali tiwai gilama ebo dao. ⁵

⁵ Krai me agai te Livai hani pris bidi dabe tiwai tama tiai. Agai aga nogi aga digi ugwaba selama tama 'Ena te genuai pris tobolu bidi pedalaibao,' agai te homu ebeo. Menio. God aga digi aga nogi ugwaba siyu, tama te sę emainogo sa muai. Tama tiyu Godigo agabolo te po wai,

"Nage eno Ogwa dao. Megi tama ena digi nago Aya pedalomainogo yai." ^{††}

⁶ Te Godigo po buku tomode te gasa badu me agai te po wai,

"Nage pris bidi sesemane sogo bidada paibao, te polobadu bidali pris bidi Melkisedek tiwai yaibao." ^{††}

⁷ Polobadu Jisas te e tęde bidi tiwai bidibadi, te sogo agai po Godibolo wai. Godigo aga te isibode ma sabo homu yali, tama tiyu agai gedu haluasa po aga dali weyu genuai i wali, tama aga gela hauwa mu wai. Agai aga homu kolesaga te aga digi aiyaba elaluama tama imilai bidi bidama, tama aga God dologode bidali, tama tibaso Godigo agai gedu haluasa po wabo odai dao. ^{†††} Jisas da te Godigo Ogwa tama, tiali goli aga dene tolali, tama te tialigo te Godigo po wali pabo kolesaga te aga mu konea sali dao. ⁹ Te tama tialigo aga te usu mu ilama, tama aga te we bidi ma dobola sabo bidi pedalama, tama agai po wali pabo we bidi tigidali ma siyu, augwali bugagia bidada peyu, bidada pabo bidi dao. ¹⁰ Tama Godigo aga sa munama tama te po wai, "Nage pris bidi dao, te polobadu bidali pris bidi Melkisedek tiwai yaibao."

† 4:10 Gag 2:2

†† 5:3 Prs 9:7† 5:4 Sai 28:1†† 5:5 Tib 2:7†† 5:6 Tib 110:4
††† 5:7 Mat 26:36-46; Mak 14:32-42; Luk 22:39-46

Da te dwasianu wai bõy tiwai munu me bidigio po wali

¹¹ Te bidi Kraisi aga te pris bidi dao, te Melkisedek tiwai, tede eno po hauwa elalubaso, tama dagebolo eno te po wainogo yai. Tiali goli dagego homu kolesaga megi puna pelama, tama dagego polo konea sabo menio. Tama tibaso, dagebolo eno te po page ola mawainogo sinabo sê dene yaibao. ¹² Te dage Godigo po ola mabo bidi bidabo sogo usu yali homu yai. Tiali goli menio. Dagego homu kolesaga habuge elalubaso, tama eno homu bidi me deligo te Godigo hasia polalubo po page deli deli te dagebolo ma ola momainogo yao. Dage te wai bõy tiwai dao, dagego te dili yai nai me sela tugobeo. Te dagego te ame pẽ naga tubo usu dao. Dage tama bidibo te dwai dao, usu egobeo. ¹³ Dago koneani, te ame pẽ naga tubo bidi tigidali augwali dwasianu wai bõy naga bidibao. Tama augwaligo te doloba pai kolesaga dali, te dwai kolesaga dali bugagia dagalabo te augwaligo me konebeo. ¹⁴ Tiali goli te dili yai nai da te genuai bidi dabe augwaligo tubo dao. Te tobage bidi dabego te augwa digi augwa homude kolesaga hauwa sogo osola suyu, tama augwaligo te wiegi yai kolesaga ebo me te dwai kolesaga ebo me te augwaligo dagalabo usu dao.

6 ¹⁻² Tama tibaso, dago te bidi mugo odabo po odao. Dago te hasia sogo odali Kraisi pode naga te po page po wabo sê elala pigimio. Tama dago te be ni pos me deli te hauwa sogo buluyu idu gebo menio. Dago te sê silama, tama gasa sê egi pabo dao. Tama tiyu, dago e tobage po naga me olamuo: te dago homu begelama te bidibo ula elalusiãbo te kolesaga tigidali tudiba munama homu begeleyu, tama dago Godide konealubo po dũy weyu, tama te haniani baptais sabo kolesaga po wabo me, tama te bidi toboluba nogo mubo me, tama te tigidali isai bidi ma hodaloabo po me, tama te bidi dabe augwali te po tũ elama, tama te po tũ dodolobo bidi agai po sesemane sogo bidada peyu, bidada paibao po wai. Tama da te tobage hasia sogo odali po wabode naga bidigimio. Menio. Te da pidu geyu, tama dago te we bidi mu augwalibolo ola maiabo po odinao. ³ Tama Godigo tede usu da obaso da, teda mu tama dago te tiwai sê naga eguo, tama dago agai gasa po me odama tama wali paibao.

⁴⁶ Magi baso meni. Te bidi meba augwaligo te Godigo ula salio. Augwaligo te Godigo olo mabo wiegi yai nai usu sela sulama koneani. Tama te Godigo Mobo Bidi me te augwaligo sai dao. Augwaligo te Godigo wali po odolama, tama augwaligo koneani, te wiegi yai mu da wai. Augwaligo te Godigo wiegi yai sogo bombo ebo suyu gẽnena, tama te tiwai bombo te nosali pedalaibao te homu yalio. Tama te bidi dabe augwali tulaluyu tama God tudiba mubaso da, teda augwali ma begasa aselama, homu ma begelabo tũ te usu munu me egobeo. Menio. Te tebo kolesagago augwa digi augwaligo te Godigo Ogwa te ni pedaide ma elali sê tiwai yai. Augwaligo aga ni pedaide walama, te bidi dabego agade te posobo po waibao.

† 5:13 1 Ko 3:2

⁷ Eno te Godigo ula sela tagalali bidi tede po digi po begelama tama aga e tiwai dao. Te tũ elalubao. Te tũde te hauwa sogo tulubage teba bugagia tuluyu, tama tũgo te tulubage sabo dao. Tama te tũde gi bulali we bidi augwali tau somainogo eyu, tama te tũgo wiegi yai nai walobaso da, teda te kolesagade Godigo wiegi yai sê te tũba ilibo dao. ⁸ Tiali goli, agai te haniani sesani yai bono naga walobaso da, teda te tũ te olo dwai tũ dao. Te pãde Godigo gedude dolaibao. Nosali da siago aga daibao. ^{††}

⁹ Te abagi dabe mu, megi eno e sêgẽ yai po dagebolo wali goli, eno mu koneani, homu si meni, te dage te tiwai me dologobeo. Menio. Eno e homu dage dali ebao, te dagego te dwagi yai tũ wali peyu tama Godigo dage ma dobola saibao. ¹⁰ God aga te dolo osola subo koneasiãbo bidi meni. Agai homugo dagego te yali tigidali sêde te homu me gegeda peyu, me tagalobeo. Menio. Dagego duga homugo agade kone palobadi tama agade dwagi yai homu eyu, tama te tialigo te dage homu hodolama tama agai we bidi augwali te dagego tau sidu geduai dao. Tama te tiwai kolesaga dagego me ela pabo dao. ¹¹ Tama bomonama eno homugo dage tigidali deli deligo te tiwai sê bombo naga eyu, tama dwagi yai homu ebadi duga konealubo po dũy weyu, tama Godigo duga ma sabo te tonaluo. Dagego te tiwai sê ela pidu, te duga e tũde bidibo sogo te silibode te usu nigi pao. ¹² Dage sê ebo hagela egimio. Menio. Bidi meba augwaligo te Godide konealubo po dũy mu weyu, te hagela homu polo isiãbo bidi dabe bidibao. Tama tiyu, tama te polobadu Godigo te aga wai dabe augwalibolo mawaibao wali nai tigidali te tobage bugagia tonalubo bidi dabego sabo dao. Dagego augwaligo ebo dwagi yai kolesaga wali pião.

Godigo dũy wali po mu po pedalaibao

¹³ Polobadu Godigo te agabolo nai maiabo po Abraham dali dũy wai. Tama bidi me deli aga te genuai bidi da olama tama God aga aiyaba me elalugobeo. Mu Menio. Godigo nogi naga te ugwade mu elalubao. Tama tiwai tialigo da, teda God agai homugo agai te Abrahambolo nai maiabo mu po olama, tama te dũy wali poba genuai bombo me momainogo eyu, God aga digi nogigo bombo teba manani. ¹⁴ Agai te po bomonama wai, "Eno mu po naga obao, te eno nagebolo dwagi yai sê yaibao, tama eno nage wãj hani hauwa mu nosali pedalomainogo ilaibao," te po wai. ¹⁵ Tama Abrahamgo hauwa sogo bugagia tonaluyu, tama aga hagela polo me isãwai, tama nosali agaba te tigidali sê mu pedalali, te tiwai polobadu te Godigo agabolo te wãj hauwa mawaibao po wai dao. ¹⁶ Bidi si augwa hasi konila po weyu da, teda bidi mego te gasa bidibolo agai wabo po mu po naga dao te hania ola momainogo eyu, te bidigo aga digi nogi weyu te mu po dao te wagobeo. Menio. Agai te gasa bidi me deli, te genuai nogi elalubo bidi, te bidigo nogi weyu tama agai wabo po te tiwai dũy wabo dao. Tama tebogo te bidi si to-

†† 6:8 Gag 3:17-18 † 6:14 Gag 22:16-17

mode elalubo konila po togolama tama po me meni. ¹⁷ Tama te tiwai me, polobadu Godigo po weyu, te Godigo aga we bidi tau saibao po wai. Agai hania mu augwalibolo ola mawainogo yali, agai te tau sabo po me hasegelegobeo. Tama tibaso, te daꝓ wali poba genuai bomo me momainogo eyu God aga digi nogigo bomo teba manani. ¹⁸ Tama tibaso, te Godigo mu po daꝓ wabo me, te aga teba aga nogigo bomo manubo me, te seꝓ si me hasegelegobeo. Te seꝓ side Godigo tibo po munu me wagobeo. Tama tibaso, tebogo da te God paꝓa wi pelama geme duala sigi pali we bidi da homu bomo mayu, mu daꝓ ilimainogo yai. Tama tiyu, dago homugo te Godigo po dabolo weyu te daꝓ olama, te agai da dali nosali yabo dwagi yai seꝓ dago tede dwagi yai homu eyu tama tonalubo dao. ¹⁹ Tama agai wali pode dago dwagi yai homu eyu tonalubo kolesagago te dago homu bugagia daꝓ wabo dao, agai po te genuai seꝓeꝓ yai ain nai bonogo gebelama, tama te moni geba sip tede daꝓ olama, tama te tamu aꝓ sesegede te sip bugagia daꝓ ola sali tiwai dao. Tama te tonalubo kolesagade dago homu si ebo meni, tede dago mu koneani, te Godigo wali po mu po pedalaibao. Tama te homu eyu, dago dena homu te Jisasba muai dao. Aga te dagalude elalubo Moni Lotu Be tempel tomoba pelama, tama tede walali genuai nami ugwa tudi badu pelama, tama te God bidibo be habuba mu sabolai dao. ²⁰ Tama da tobade Jisas aga digi polasa peyu, te be habu tomoba pali, te da tau sainogo yali. Aga te genuai pris tobolu bidi ped-alali, te bidi Melkisedek tiwai pedalali, tama aga sesemane sogo bidada peyu, bidada paibao. ††

Melkisedek aga genuai nogi mu elaluai bidi mu da po wai

7 U bidi Melkisedek aga te genuai hanu nogi Salem tuni bidi bidali, tama aga God ugwadu bidi mugo pris bidi dao. Polobadu Abrahamgo boi hwjnama, te tuni bidi dabe augwali elama tama aga buluba ma sobadi, tama te sogo Melkisedekgo aga te tuꝓde tiꝓba sabolama tama Godigo Abraham dali dwagi yai seꝓ emainogo eyu gedu haluasa po wai. ² Tama Abrahamgo te boi hwjgi pelama sali tigidali nai dodolama tama nogo si selama, deli deli bugulama, tama te bidi Melkisedekbolo deli mani. Abrahamgo te hwjꝓbode sali nai tigidalide tama yali. Dago te nogi Melkisedek begelama e tama po wai: te doloba pai kolesaga ebo tuni bidi da wai. Aga me te bulu Salem tuni bidi dao. Te nogi Salem begelama tama te po page e tiwai dao: te homu nagamea peyu bugagia bidibo kolesaga tuni bidi dao. ³ Te Godigo po bukude aga aya me ida me augwali sigo nogi aseꝓeo, tama aga wajꝓ noꝓ hani me menio. Aga te aga idago ame nani si te sogo nogi aseꝓeo, tama aga isali sogo me menio. Aga te Godigo Ogwa tiwai bidai, aga te pris bidi sesemane sogo bidada peyu, bidada paibao.

⁴ Dagego te Melkisedek homugo koneao, aga genuai nogi mu elaluai. Magi baso meni. Dago hasia wajꝓ mu,

Abraham, agai digi te tigidali wiegi wiegi yai nai te wabi hwjyu sali nai dobolama, tama agai te nai nogo si nogo si dodolama tama te tigidali nogo si nedali naide te nai deli digi wai te Melkisedekbolo mawai, te aga genuai nogi elalubaso te agabolo tama mawai. ⁵ Te Livai hanigo wai dabe augwaligo te pris bidi seꝓ sai dao. Tama Godigo te Mosesbolo mani bomai pogo augwalibolo te po wai, augwaligo te Israel dabe augwaligo tigidali elaluali nai nedeyu, nogo si nogo si tama dodolama, tama tigidali nai nogo side te nai deli digi wabo somainao wai, te sali nai te Livai hani bidi dabebolo momainogo yao wai. Te Israel dabe augwali te augwa ama dede dabe mu te augwali, tama augwali te Abrahamgo wai dabe dao. Tiali goli tagaliyu, te Livai dabe augwaligo te augwa ama dedego nai dabe te me badu deli deli te augwaligo siyu yai dao. ⁶ Tama Melkisedek aga te augwaligo hanide te aga ped-alobeo, aga te Livai hani bidi menio. Tiali goli te Abrahamgo aga nai dabe nogo si nogo si nedelama tama nogo si deli delide Melkisedekgo nai me deli salio. Tama Abraham aga te Godigo aga dali wiegi yai seꝓ ilabo daꝓ wali po sali bidi bidaligo da, tede te Melkisedekgo Godigo te Abraham dali dwagi yai seꝓ emainogo eyu tama te gedu haluasa po wai. ⁷ Tama dago koneani, te Godigo gasa bidi dali dwagi yai seꝓ emainogo eyu gedu haluasa po wabo bidi te aga ugwadu elalubao. Te agade Godigo tau sali bidi, te aga aiyadu dologode bidibao. Tama tibaso, dago koneani, Melkisedek aga nogigo te Abrahamgo nogi aiyaba elaluali. ⁸ Te Livai dabe augwaligo te pris bidi seꝓ eyu, tama te Israel dabede te nai tigidali te tomode bugulama tama nogo si nogo si dodolama tama me deli wabo siyu yali, augwali da te isabo bidi naga dao. Tiali goli te bidi Melkisedek agai te nai me deli wabo sali, tama te bukude po agade weyu te po wai, "Aga da te bidibo ula dali bidibao" po wai. ⁹⁻¹⁰ Tama dago e tama tiwai po wabo te usu dao: te Livai hani bidi dabe augwaligo te pris bidi seꝓ eyu, tama augwa ama dede dabe te Israel bagede te nai siduai dao. Tiali goli polobadu hasia te Livai hani augwali Abrahamgo hanide pedalisiꝓbadi, tama augwali te Abrahamgo tigi tomode me bidibadi tiwai wabo, te sogo te bidi Melkisedek aga te Abraham tiꝓba asama tama Abrahamgo agabolo te hwjyu sali nai meba mani. Tama tiyu augwaligo wajꝓ mu Abrahamgo te nai meba te Melkisedekbolo mobaso, te Livai dabe augwaligo me te nai te Melkisedekbolo mani aꝓ yai. Tama tibaso, dago koneagameo, te bidi Melkisedek agai nogigo te Livai hani pris bidi dabego nogi aiyaba elalubo dao.

¹¹ Te Livai hani bidi dabe augwaligo te pris bidi seꝓ ebo kolesaga, te kolesaga Godigo Mosesgo pedauwalidu te seꝓ yao wali. Tama te pris bidi seꝓ ebo kolesaga elaluyu, tama Godigo te Israel dabebolo agai bomo yai po hauwa mawai dao. Tiali goli, te Livai dabe augwaligo pris seꝓ yaligo te we bidi augwali usu ilama tama wiegi yai mu pedaligi sogo da, tede te gasagi yai pris, aga te Melkisedek tiwai elama, tama aga te bidi

† 6:19 Prs 16:2 †† 6:20 Tib 110:4 ‡ 7:2 Gag 14:17-20

‡† 7:5 Nam 18:21

Aron aga hani bidi meni, aga te Livai bidi meni, te tobage gasagi yai pris bidi aga pedaligi meni da. Tiali goli aga pedalama bidibao. ¹² Tama te pris hani hasegelebaso da, teda te hasegelebo sę usu ilimainogo eyu, augwaligo te pris sę ebo kolesagade bomai po me augwaligo hasegelao. ¹³ Godigo po bukude te agade po wabo bidi, te bidi dago Genuai Bidi, aga te gasa hani bidi dao, aga te Livai hani bidi menio. Tama aga te hani bidi mede polobadu te Godibolo ofa mabo sai nogi alta, te altade te pris sę munu me yai menio. ¹⁴ Dago hania koneai, dago Genuai Bidi aga te Juda hanide naga pedelai. Tama Mosesgo te hani augwali te pris hani bidaibao po me wabeo.

Jisas aga te Melkisedek tiwai te pris bidi sesemane sogo bidaibao po wai

¹⁵ Te Livai dabe augwaligo pris sę yaligo te we bidi augwali usu ilama tama wiegi yai mu pedalobo usu ebe. Dago te po page te hania mu konebo dao. Magi baso meni, te gasagi yai pris me pedalobo suao tama aga te bidi Melkisedek tiwai dao. ¹⁶ Te bomai po me deligo aga mena hani bidi dawe, ma aga mena kaneme bidi dawe, te tobage po wabo bomai pogo bomogo aga te pris bidi sęba me mubeo. Menio. Te gamonabo ula elalubo te bomogo naga, te munu me dolisiębo ulago bomogo aga te pris bidi nigilali. ¹⁷ Magi baso meni. Godigo po agade e tiwai po wai, "Nage pris bidi sesemane sogo bidada paibao, te polobadu bidali pris bidi Melkisedek tiwai yaibao," te po wai. †

¹⁸ Tama Godigo te hasia polobadu te pris sęde wali bomoyai po te dagala sayanio. Magi baso meni, te bomoyai pogo bomoyai usu menio. Te bomoyai pogo da tau me sabo usu ebeo. ¹⁹ Te Godigo Mosesgo pedauwalidu mani bomoyai pogo te magi nai me deli te wiegi yai mu ilama sese me pedalubo usu ebeo. Tiali goli Godigo gasa tų me dayali, te wiegi yai elama tama te polobadu mani bomai po te aiyaba elaluai, tama da dwagi yai homu eyu, agai da dali yabo dwagi yai sę asobo sogo bugagia tonaluyu ebadı, te tųdu da te God pąba pomainogo tiwai dao. Da polobadu dwagi yai homu eyu tonaluali kolesaga te gesi kolesagago aiyaba elalubo dao.

²⁰ Me po elalubao. Godigo Jisas te pris sęba sa muani, agai aga te olo me sa mubeo. Menio. Agai mu po obao olama, tama aga sa muai. Te polobadu pris nigali bidi dabe augwali dali te tiwai me ebeo. Te Godigo hasia agai mu po obao olama tama augwali te pris bidi pedalai menio. ²¹ Tiali goli Godigo mu po da po wabogo te Jisas te pris bidi nigilali. Godigo agabolo te po wai,

"Ena da Genuai Bidi dao, tama eno mu po da po wai, tama tede eno homu me hasegelegobeo, 'Nage te pris bidi sę eyu, sesemane sogo bidada peyu, bidada paibao.'" ††

²² Tama tiyu tama dago koneai, te Godigo agai da tau somainogo eyu daų wali po olama, tama Jisas da te Godigo daų wali po du mu walobo sę ilabo bidi dao. Tama te we bidi tau sabo daų wali gesi pogo te polobadu daų wali po aiyaba mu elalubo dao.

²³ Polobadu te bidi hauwa pris sę ebo bidi bidai. Magi baso meni, te bidi dabe augwaligo te pris sę iduama tama augwali isibaso, te augwa ogwago augwa sę sali. Tama nosali te bidi dabe me isama, tama augwa ogwago te pris sę sali. Tama tiyu, te bidi me deligo sesemane sogo te pris sę eyu me bidigobeo. ²⁴ Tiali goli Jisas da, sesemane sogo bidada peyu, bidada pabo dao. Tama tibaso, agai te pris sę sesemane sogo tonaluyu, tama gasa bidigo aga me hasegelegobeo.

²⁵ Tama tibaso, agai nogide te God pąba asobo we bidi augwali te agai ma siyu, tama dwagi yai madiba mubo sę bugagia ebode aga usu mu dao, tede sęa pabo meni. Magi baso meni, te agai bidibo ula sesemane sogo elalubo, tama agai gedu haluasa po te Godigo da tau somainogo wabo dao.

²⁶ Da we bidi te magi kolesagade sęa pobaso, te tobage polalubo pris bidi agai da tau sabo usu mu dao. Godigo gedude aga te wiegi yai mu, tama magi dwai sę delinu te agade me elalubeo. Aga te wiegi yai mu yai. Aga te sęęę dwasianu sai bidi te tiwai me ebeo. Menio. Aga te dwai sę ebo we bidi dali bidibo menio, aga gasagi yai tedali mu dao. Godigo aga ugwaba mu selama, tama agai te dagalu me aiyaba elaluama, tama ugwadu mu bidibo dao. ²⁷ Te polobadu polalubo pris bidi dabe deli deli augwaligo te tigidali sogo te Godibolo nai mabo ofa sę elaluai. Te augwaligo hasia augwa sęęę bolo sela sębo ofa yai. Tama elama, tama nosali augwaligo te we bidigo sęęę sela sębo ofa me yai. Tiali goli Jisas aga gasagi yai tedali elalubaso, agai te aga yali dwai sę sela somainogo te Godibolo nai mabo ofa sę me ebeo. Menio. Te we bidi naga tau somainogo eyu agai ofa te deli sogo naga yai. Me sogo te sę ma egobeo, te deli sogo yali te usu dao. Te aga digi aga bidibo ula te Godibolo mawai dao. †²⁸ Tama te Godigo Mosesbolo mani bomoyai pogo te bomoyai meni yai bidi augwali sa munama, tama augwali te polalubo pris sę ebo bidi bidai. Tiali goli nosali te bomoyai po aiyaba elaluyu, Godigo agai daų wali pogo aga Ogwa te polalubo pris bidi sę emainogo eyu aga sa muani. Tama te sę bugagia daų omainogo eyu, Godigo te mu po obao olama tama te sę yao wai. Tama tiyu, aga Ogwa te agabolo mani sę ebode te usu sese mu pedalai dao, sę me delide aga sęa me pabeo. Tama sesemane sogo aga te tiwai naga tama bidada peyu, bidada paibao.

Jisasgo polalubo pris bidi sę dagalude te wiegi yai be mude sę ebo dao

8 Te dago te wabo po page mu, te po e dao: dago te tobage polalubo pris bidi elalubao, tama aga genuai nogi elalubaso, aga te dagalude te Polalubo Tuni Bidi Godigo dolo nogode dualaluyu megi bidibo

† 7:17 Nam 18:21 †† 7:21 Tib 110:4

‡ 7:27 Prs 9:7

dao. ¹² Agai te pris bidi sę te Godigo tedali wiegi yai mu bede sę ebao. Te nami ugwago nigali lotu be mu dao. Te bidi dabe augwaligo e tęde te be me sę ebeo. Menio. Genuai Bidi Godigo naga te be aga bidibo digi sę yai dao.

³ Tigidali polalubo pris bidi augwali deli deli te augwaligo augwali sa munama tama te sęba muani, te augwali deli deligo te we bidi tobade te haniani nai dabe te Godibolo sela pelama ofa iligi pabo sę yai. Tama tibaso, dago polalubo pris bidi me agai ofa me deli elalumainao. ⁴ Aga e tęde bidigi sogo da, te aga pris bidi munu me bidigi meni dao. Magi baso meni, te gasa pris bidi dabe e tęde megı me bidalubao, tama augwaligo haniani nai te Godibolo te ofa ilama mayu ebo dao, te Juda dabego bomai pode wali po tiwai ebo dao. ⁵ Augwaligo pris sę te tęde moni lotu bede ebo, te piksa noma naga ola mabo tiwai eyu, tama te wiegi yai sę mu da te dagalude elalubao. Te Godigo Mosesbolo wali po tiwai elama, te Mosesgo te polobadu lotu ugwa be sę yainogo ebo sogo tiwai po wai. Tama Godigo te po wai, "Nage dua dao, te nago te tigidali nai te eno nagebolo te bulu dude ola mani nai te noma tiwai mu usu nama nigao," te po Mosesbolo wai dao. ^{††6} Tiali goli megı te Godigo Jisasbolo te pris bidi sę mawai dao, tama te mani sęgo te polobadu pris bidi dabe augwaligo yali sę te aiyaba elaluai. Magi baso meni, Jisas agai te God dali, te da we bidi dali, da si tomode te dąq wali po bugagia dodolai. Tama te dąq wali pogo te Godigo polobadu te Juda dabe dali dąq wali po te aiyaba elaluai. Magi baso meni, te gesi dąq wali po weyu tama te po dąq omainogo eyu, Godigo te we bidi bugagia mu tau saibao po wai. Tama te megı mani agai augwali tau saibao wali po, te gesi pogo te agai polobadu dąq wali tau sabo po te aiyaba elaluai.

Gesi dąq wali pogo te polobadu dąq wali po aiyaba elaluai

⁷ Te polobadu hasia dąq wali pogo aga sę tigidali bugagia egi sogo da, teda Godigo te gasa dąq wali te po me wagi menio. ⁸ Tiali goli Godigo te we bidi augwaligo sęęę po haninama agai te po wai,

"Eno te po obao, 'Odao!

Nosali me sogo te eno augwali tau somainogo eyu, dąq wabo gesi po te Israel hani augwali dali me, te Juda hani augwali dali me dodolama, tama dąq waibao.

⁹ Te megı e sogo te dąq wabo gesi po polobadu eno te augwa waj dabe dali dodolama dąq wali po tiwai me ebeo. Menio.

Polobadu te eno augwali te Isip tę taga somainogo te eno augwali nogo bugagia tulama soali sogo te eno augwali tau sabo po dąq wai.

Tiali goli augwaligo eno augwalibolo mani dąq wali po te pode augwaligo augwa homugo kęę pisiąma tama te po wali me pabeo.

Tama tibaso, augwali eno tudiba munama tagalali," Genuai Bidigo te po wai.

¹⁰ Tama Genuai Bidigo po ma wai, "Te tama tiali sogo te hasia silali. Tama nosali eno gasa augwali tau somainogo dąq wabo po augwalibolo mawaibao. E tiwai yaibao. Te eno bomo yai po dabe tigidali te eno augwaligo homu tomoba munama, tama eno augwaligo homu kolesaga tomode te po asęaibao. Tama ena augwaligo God bidiyu, tama augwali te eno we bidi bidiyu yaibao.

¹¹ Tama tigidali bidi deli deligo te augwa hani bidi dabe me te augwa ama dabe bidi hasi augwali ola mabo sę te me elalugobeo, 'Nago te Genuai Bidi koneao,' te po wagobeo. Menio.

Te sogo te tigidali augwaligo ena bugagia koneyu, te dwasianu wai pulubago me, te genuai bidi dali augwaligo ena koneaibao.

¹² Te eno olo tau sabo wiegi yai kolesaga augwali dali eyu, tama eno augwaligo sęęę sela sayu yaibao.

Tama augwaligo sęęę dabe, te eno homugo koneama me egobeo," †

Genuai Bidigo te po wai dao. ¹³ Agai te augwali tau somainogo eyu, te gesi dąq wali pode tama obaso, agai te pogo te hasia dąq wali po te poloba badia pai ugwa tiwai yai dao. Tama te poloba nai te polobadu badia pai nai tiwai elama te monu dabe yai tiwai yali, te aga dwasianu sogo naga bidama, tama te nai tigidali tamadi sia sabo dao.

Polobadu polalubo pris bidigo Godibolo ofa nai mani sę po

⁹ Te hasia dąq wali pode te Godigo te lotu wabo bomai po meba mawai. Tama te lotu wabo be, te me e tęde sę yai elaluai dao. ²³ Augwaligo ugwa be me deli sę yai. Tama te be tomode augwaligo te genuai nami ugwa te obo tiwai dąq ilama walali. Tama e badu, te tų pąde te polalubo be habude te lam me, tebol sai me, te pris bidi dabego te Godigo gedude munalubo bret badi, tama nai munaluai. Te be habu augwaligo nogi yali nogi "Tedali Gasagi Yai Be Habu dao." Tama te obo tiwai ilama walali nami ugwa te tudi badu te be habu augwaligo nogi yali nogi e tiwai "Tedali Gasagi Yai Be Habu Mu dao" wai. ^{††4} Te wiegi yai denami ilibo alta sai te be habude munaluai. Te alta sai augwaligo ni namigo nigilama, tama te wiegi yai kapa nogi gol, te golgo te ni nami alta sai halualı, tama munaluai. Te Godigo dąq wali po ola maiabo genuai halobage me munaluai. Augwaligo te halobage tigidali badu te golgo naga haluai. Te halobage tomode te gol sene me elalubao, te Godigo te Israel dabebolo polobadu mani tubo nai nogi mana meba me te gol sene tomode munaluai. Te polobadu te bidi Arongo te kulubi pedalali ni dono me, te polobadu Godigo mani nogo si bomai po asęani masigi name si me, te nai dabe me tama te halobagede munaluai dao. ^{††5} Tama augwaligo te kapa gol meba selama, tama te golgo augwaligo te wiegi

† 8:1 Tib 110:1 †† 8:5 Sai 25:40

† 8:12 Jer 31:31-34 †† 9:2-3 Sai 25:23-40; 26:1-33 †† 9:4 Sai 16:33; 25:10-16; 30:1-6; Nam 17:8-10; Bom 10:3-5

yai au yai ensel mobo bidi si tiwai nigilama, tama te halobage ugwadu daide munama elaluai, tama te ensel mobo bidi sigo te God bidibo pesage ede da olama sa muani. Tama augwaligo te ensel mobo bidi si e tiwai nigali, augwa bogu dabe ugwaba dodolali, te bogu dabe dologode te polalubo pris bidigo kaneme gelama, te Godigo te Israel we bidi dabego sege sela sabo pesage elaluai. Tiali goli megie eno te sege page tigidali haninibo te usu me egobeo. †

⁶ Augwaligo te tama tiwai nai dabe nigilama, te tigidali sogo te pris dabe augwali te polalubo ugwa be habu tomoba pelama, tama augwaligo te augwa sege egi pidu geai dao. ††⁷ Tama te polalubo tobolu pris bidi agaduba deli naga te si wali be habu tomoba peyu yai. Aga te tigidali kibu bede deli sogo naga peyu yali. Tama aga olo me pabeo. Menio. Agai te ela muani omai bulmakau dali te meme dali te sigo kaneme sela peyu te tomoba pai. Tama te kaneme agai Godibolo ofa mani, te kanemego aga sege bolo sela sanama, tama te we bidi augwaligo bugagia konesiama yali dwai sege me te sela samainogo yai dao. ††⁸ Te tama tebo kolesagade te Godigo Mobo Bidigo dabolo e tama ola mobao: tama te polalubo ugwa be habude te ebo sege me elalubaso da, teda da te Godigo dagalude elalubo Tedali Gasagi Yai Be Habu Mu, te be habu tomoba pabo tu, te me dabeo. ⁹ Te ugwa bego te megie e sogo te sa mubo tiwai te eba. Te ugwa bede, augwaligo te haniani nai te Godibolo menama, tama augwaligo haniani ofa agabolo mabo dao. Tiali goli te nai dabe tigidaligo te augwaligo te lotu wabo bidi dabe augwali homu dodolabo te usu me ilibe, tama augwaligo wiegi yai mu me pedalobeo. Menio. ¹⁰ Magi baso meni, te tiwai Godibolo maiabo ofa te tubo nai tiwai eyu, te tubo ai tiwai yali, tama haniani we paubo gagawai yai. Te e tigde bomai po naga dao. Godigo te tigidali bomai po muani te augwaligo wali peyu, te agai tigidali nai gesi nigilama dodolobo sogo usu nigi paibao.

Krais aga kanemego digi ofa ilali po wai

¹¹ Te polobadu augwaligo te ugwago nigali lotu bede tama kolesaga yali. Tiali goli megie da, Krais isaligo da, tama aga te wiegi yai nai dabe pedalabo te tobolu pris bidi pedalai. Tama aga te wiegi yai ugwa be mu tomoba pelama, tama tede aga sege ebo, te be te polobadu tede elaluali ugwago nigali lotu be te aiyaba elaluai. Bidigo te nogogo me nigibeo, tama te e tede nai menio. ¹² Tama Kraisgo te kibu meme kanemego me te omai bulmakau kanemego me te selama, tama aga te Tedali Gasagi Yai Be Habu Mu tomoba me pabeo. Menio. Agai te aga kanemego digi ofa Godibolo elama, tama aga te Tedali Gasagi Yai Be Habu Mu tomoba deli sogo naga palio. Tama tiyu, agai da te sesemane sogo bidada peyu, bidada pabo tede bidimainogo da ma siyu abelai dao. ¹³ Tama we bidi mebagu tigde ebo kolesaga te Godigo gedude meda pedalobaso da, teda te pris dabe augwaligo e tama yali: augwaligo te so

† 9:5 Sai 25:18-22 †† 9:6 Nam 18:2-6 † 9:7 Prs 16:2-34

kibu bulmakau ela munama, tama ofa eyu aga tigi siaba ulai. Tama augwaligo te keli selama tama ai dali taluama tama te keli dali, te kibu meme kaneme badi te omai kibu bulmakau kaneme badi selama, tama augwaligo te we bidi dabe augwali tigiba te ai segeni tiwai sasaga pali. Te pris dabego tama tiyu, tama te we bidi augwali tigi wiegi yai ma elama, tama meda meni yai te God gedude ma pedalayu yai dao. ††¹⁴ Te tama tialigo da, te Kraisgo kanemego digi ofa ebogo te genuai bomu mu elalubao, te hasia ofa yali sege aiyaba mu elaluai. Te Kraisde dwai sege deli agade me elalubeo. Mu menio. Tama te sesemane sogo bidada pabo Mobo Bidigo bomogo, aga digi te aga wiegi yai bidibo ula te Godibolo ofa tiwai elama mawai. Tama agai kanemego dago tigi naga me penebeo. Menio. Te dago yali dwai sege sela sasabo polobadu ofa mabo kolesaga tagalama, tama agai dago homu me penaibao. Tama dago te bidibo ula mabo Godigo sege tulama emainogo agai tama yai dao.

Krais agai kanemego te gesi dau wali po dau waliyu dodolali

¹⁵ Tama Krais te gesi dau wali po dau walobo tomode bidibo bidi pedalai. Magi baso meni. Aga isilama, te we bidi augwali ma abelama, tama augwaligo te hasia sogo dau wali pode me elaluali te bomu yai po bolali dwai sege tigidali yali te sela sawai, tama megie augwali olo bugagia bidibao. Tama te Godigo i wabo odama te wali pali we bidi tigidali augwaligo te polobadu Godigo aga wai pulubabolo mawaibao wali te bidibo ula somainogo yaibao. Tama augwali tama eyu sesemane sogo bugagia bidada peyu, bidada pomainogo Krais agai te gesi dau wali po dodolobo tomode bidibo bidi pedalai dao. ¹⁶ Te e tede te da bidi dabego ebo kolesaga e tiwai dao. Bidi mego te aga nosali isaibao te homu elama, tama dego agai nai dabe sabo po minama, agai te po te pepade asenama, te dau wabo po tiwai yaibao. Tama aga waigo te dau wali po wali peyu, tama aga ayago te doado bage dabe sainogo homu eyu da, teda te bidi dabego hasia bugagia koneao, te aya mu isai dao. Te aga aya isibode naga te aga ogwago te doado bage dabe tigidali saibao. ¹⁷ Te bidi isai digi, teda te dau wali po te bomu elalubao. Tama te po dau wali bidi bidibadi da, teda agai te dau wali po te olo elalubo dao. ¹⁸ Tama kone palao: augwaligo te kibu bulmakau dali meme dabe elama, tama te kaneme selama, te polobadu dau wali po me tama dau waliyu te kaneme gelai dao. ¹⁹ Tama tiyu, hasia bolo Mosesgo te tigidali bomu yai pogo te kolesaga yao po te we bidi augwalibolo pusai. Tama nosali agai te kibu bulmakau wai me te meme wai selama, tama elama, tama te kaneme dali, te ai me, te mama yai sipsip nisi badi, te ni hisop dwasianu nologo me sai. Agai te nai dabe sobadi elama, tama te mama yai sipsip nisi te hisop ni nologoba gebelama, tama te naigo te taluali ai dali kaneme te Godigo bomu yai po buku daiba me te tigidali we bidi tigiba te kaneme segeni tiwai sasaga pai

†† 9:13 Prs 16:15-16; Nam 19:9, 17-19

dao. ²⁰ Tama tibadi agai te po wai, "Te e kaneme da, te Godigo dagebolo te wali pao daꝝ wali po te daꝝ walobo kaneme dao," te po wai. ^{†21} Tama te tiwai me Mosesgo te kaneme te lotu po wabo ugwa beba me, te lotu wabo doado bage te nai dabe tigidali te pouba me te kaneme segeni saꝣaga peyu yai dao. ^{††22} Te bo-mo yai pogo kolesagade te paꝣe te tigidali nai te kane-mego naga te meda isaꝝwai naga pedalomainogo yai. Tama te kaneme gelisaꝣbaso da, teda Godigo te seꝣe sela saꝣbe da te homu yai dao. [‡]

Kraisgo aga digi ofa iliyu te seꝣe sela saꝝwai

²³ Augwaligo tama tiwai ofa yaligo te tꝣde elaluali nai dabe peneai. Te nai dabe te dagalude elalubo nai dabe te piksa naga ola mabo tiwai yali dao. Tiali goli gasagi yai ofago te tꝣde yali ofa aiyaba elaluyu, te wiegi yai mu yali, tama tego naga te dagalude nai dabe digi te meda meni yai ilibo usu yaibao. ²⁴ Dago koneao, Krais aga te Tedali Gasagi Yai Be habu tomoba peyu, aga te bidi dabe augwaligo nogogo seꝣe yai be tomoba pela-ma, tama te Godigo be mu tiwai elama te piksa tiwai naga ebeo. Menio. Aga te dagaluba digi tomoba dolo mu pai. Tama megi aga te God gedude hania bidibao, tama agai da tau sabo seꝣe megi ebo dao. ²⁵ Tigidali kibu be tomode te deli sogo te tobolu pris bidigo te Godibolo ofa ilibo kibu bulmakau kaneme sela peyu yali, tama aga te Tedali Gasagi Yai Be Habu Mu tomoba pai. Tama te kaneme te aga kaneme menio. Tiali goli Kraisgo te tiwai me ebeo. Aga te dagaluba pali te aga bidibo ula te Godibolo te ofa ilainogo pali, tama agai te seꝣe hauwa sogo me idu gebeo. Menio. ²⁶ Te agai hauwa sogo te seꝣe egi sogo da, teda aga dene hauwa sogo toloyu, te Godigo tꝣ nigali sogo gagalama tama megi e sogoba usu nagasigi dao. Tiali goli menio. Megi e sogo tigidali te paꝣe silainogo ebaso, tama Krais e tꝣba deli sogo naga mu asali, te aga digi aga bidibo ula te Godibolo menama, tama te we bidigo yali dwai seꝣe seꝣe sela saꝝwainogo yai dao. ²⁷ Tama te tigidali we bidi dabe augwali deli deli te deli sogo naga isaibao, te isa-bo sogo sa muani, tama nosali te augwali Godigo augwali po tꝣ ebo madiba pedalaibao. ²⁸ Te tiwai me Kraisgo te aga bidibo ula aga digi te Godibolo deli sogo naga mani, te we bidi hauwago seꝣe sela saꝝwainogo eyu tama tiai. Nosali te aga si sogo ma asiyu, te agai te seꝣe sela saꝝwainogo me asogobeo. Menio. Te aga ma asobode te dwagi yai homu elama tonaluyu bidali te we bidi dabe augwali naga te agai mu ma gasaibao. ^{‡†}

Te polobadu yali ofago te seꝣe sela saꝣbo usu me egi menio

10 Te Juda dabego ofa mabo bomai pode dago te nosali pedalabo dagalude elalubo wiegi yai nai dabe noma naga subao. Te bomai po da, te nai dabego te hania piksa noma mu menio. Te bomai

pogo te po wai, augwaligo te deli tigi poai ofa naga te tigidali sogo yao wai, te tigidali kibu bede me te yao wai. Tama te ofa maiabo bomai pogo te we bidi augwali te God paꝣa asomainogo dodolobo te usu egobeo. Te bomai pogo augwali te wiegi yai mu munu me pedalogobeo. ² Menio. Te ofa maiabo bomai pogo augwaligo yali dwai seꝣe sela saꝣnama tama augwali wiegi yai mu ilama pedaligi sogo da, teda augwaligo te ofa ma egi menigi dao. Tama te Godibolo lotu po waga-sali we bidi dabe augwali te deli sogo yali ofade te wiegi yai pedaligi sogo da, teda augwaligo homude te seꝣe elalubo homu kone me egi menio. ³ Tiali goli menio. Tigidali kibu bede, te ofa mabo seꝣe ebogo augwaligo te seꝣe ma homugo kone palobo. ⁴ Magi baso meni. Te omai bulmakau kanemego me te meme kanemego me te seꝣe sela saꝣbo te usu munu me egobeo. ⁵ Tama tibaso, Krais e tꝣba dulubo sogo paꝣa yagasali sogo agai Godibolo e po wai dao:

"Nago te augwaligo kibu dabe dali te gasa nai mego te ofa yainogo te nago homugo hagela yai.

Tiali goli nago enabolo maiabo te tigi deli te sisi ilai dao.

⁶ Te ofa dabe augwaligo te kibu tigi sese siago domainogo ulubo ofa me, tama te seꝣe sela saꝣbo ofa me, tede nago homugo hagela ebo dao.

⁷ Tialima megi eno e po obao: Godio, ena asalio.

Te tiwai te augwaligo enade po olama, te po polobadu te bukude aseꝣani, te megi ena asali te eno nago homu kolesaga wali painogo asai dao." ^{‡†}

Kraisgo te po polobadu wai. ⁸ Te po tomode hasia Krais agai te bomai pode augwaligo te ofa ebo kolesaga po wai. Agai Godibolo te po wai, "Nago homugo te augwaligo te kibu bulmakau dabe elama te ofa ebo me, te gasa nai mabo me, tede hagela homu yali. Te augwaligo te siago domainogo te kibu tigi sese ulubo ofa me, tama te seꝣe sela saꝣbo ofa me, te nago homugo hagela ebo dao," agai te po wai. Te we bidi augwaligo Godigo digi bomai po wali peyu, tama te tobage ofa tigidali mani goli, agai te po wai. ⁹ Tama nosali agai te po me wai, "Ena asali, te nago homu kolesaga wali painogo asalio." Tama tiyu, Godigo te hasia elaluali ofa mabo kolesaga tagaliyu hasegelali, tama agai te Kraisgo ofa mani nosali asali kolesaga bomonama dodolai dao. ¹⁰ Jisas Krais agai te Godigo homu kolesaga wali pelama, tama aga bidibo ula aga digi Godibolo te ofa tiwai ilama, te deli sogo naga mawai. Tama tialigo agai da tigidali wiegi yai mu ilai dao, te da seꝣe me elalubo menio.

Te Kraisgo ofa ebogo te seꝣe sela saꝣbo te usu mu yaibao

¹¹ Te tigidali pris bidi dabe augwali doligulama, tama augwa pris seꝣe tigidali sogo ebo dao. Tama tiyu, augwaligo te ebo ofa tiwai naga me idu gebo dao. Tiali goli te ebo ofa dabego te we bidigo dwai seꝣe sali seꝣe sela saꝣbo usu munu me egobeo. ¹² Tiali goli Kraisgo aga digi te seꝣe sela saꝣbo ofa te deli sogo na-

† 9:20 Sai 24:6-8 †† 9:21 Prs 8:15 ‡ 9:22 Prs 17:11 †† 9:28 Ais 53:12

‡† 10:7 Tib 40:6-8

ga mani, tama te ofa te tigidali sogo usu nama elalua paibao. Agai tama tilama, tama aga megi te Godigo dolo nogode dulalubao. ¹³ Aga te tiwai bidiyu, tama agai te Godigo aga boi bidi te aga dologoba mubo te tonalubo dao. ¹⁴ Te me te we bidi augwali agai te usu niba kadu mu wagasomainu ilali, agai te ofa deligo naga augwali wiegi yai mu pedalomainogo yali, te augwali bugagia mu bidada pabo ula somainogo tama tiai dao. ¹⁵ Tama tede me Godigo Mobo Bidigo me e tiwai po dabolo wai dao:

¹⁶ "Genuai Bidi Godigo te po wai,
 'Te sogo bolo silibo si, teda nosali te eno gasa po te augwali dali daꝓ waibao.
 Te augwali tau sabo daꝓ wabo po e dao:
 Te eno bomai po tigidali te augwali homuba munama, tama augwali homu kolesagade eno te po aꝓaibao.'" ††

¹⁷ Tama Mobo Bidi agai te po ma wadolama wai:

"Tama eno augwaligo seꝓeba me te augwaligo yali dwai kolesaga teba te eno homugo kone ma egobeo." ‡

¹⁸ Tama tibaso, Godigo te seꝓe sela saꝓwai baso da, teda te seꝓe sela saꝓwainogo te ofa mabo kolesagago te seꝓe me elalugobeo.

Dago konealubo po daꝓ mu olama God paꝓa pinao

¹⁹ Ama dedeo, Jisasgo aga digi te dago seꝓe sela saꝓo ofa tama bugagia yaligo da, teda da wi isaꝓadi te Tedali Gasagi Yai Be Habu Mu tomoba pabo usu dao. Jisasgo digi aga kaneme geleyu tama isibasoo, da te habu tomoba pabo usu mu ilai dao. ²⁰ Aga tigi isibogo te tuꝓde walalubo nami ugwa bogo badu muani tiwai, tama te bidibo ula sabo gesi tuꝓ dalali, te da te be habu tomoba painogo yali. ²¹ Tama aga da, te dago genuai polalubo pris bidi dao, tama aga te Godigo dagalude elalubo be tonalubo bidi bidibo dao. ²² Tama elalualigo da, teda da homu mu eyu, tama homu si me esiꝓyu dago Godiba konealubo po daꝓ mu olama, tama da aga paꝓa pinao. Agai dago yali dwai seꝓe seꝓe sela saꝓana, tama dago homu wiegi yai ma ilali. Me agai dago tigi sese te wiegi yai aꝓigo mu telawali. ²³ Tama dago homu nosali da Godigo bidibo digi bidigi paibao. Tama homu eyu, tama dago te gasa we bidibolo te homu ebo po haninama pusali. Awe, dago te konealubo pode dena homu bugagia daꝓ olama, tama tede homu si me ilamuo. Magi baso meni. Godigo ebo kolesaga dago koneani, tigidali seꝓe te agai yaibao po wabo seꝓe te mu tama agai te seꝓe ebo dao. ²⁴ Da we bidi deli deli dena hasi te dago abagide homugo kone palao. Augwa hasi augwaligo dwagi yai homu eyu godolo ebo kolesaga dali, te dwagi yai tau sabo kolesaga me, te kolesaga si yabo homu hodolomainogo eyu, dago dena abagi dabede homugo kone palama tama tau sao. ²⁵ Tama tiyu, dago te ama dede dali deliba sisinibo kolesaga te me tagalamuo, te bidi mebago te ebo kolesaga tiwai egimio. Menio. Duga koneani, te dago

Genuai Bidi Jisas asabo side bodolu te paꝓa yagasalio. Tama konealigo da, ama dedego homu kolesaga tau siyu daꝓ walobo seꝓe bomonama dago yao.

Dago Godigo Ogwa tudiba me mugio

²⁶ Te dago te Kraisde mu po mu sai digi tama nosali te dena homugo digi dago te seꝓe sabo kolesagade ma bilidubaso da, teda te seꝓe sela saꝓyabo te gasa ofa me elalugobeo. ²⁷ Menio. Te da wi mu elama, tama te po tuꝓ yabo bodolu naga tonaluaibao. Tama te sia te posolo yai mu elalubao tama te siago te God dali boi bidi ebo bidi tigidali ulaibao, te me tonaluyu bidaibao. ²⁸ Dago koneani, te bidi me deligo te Mosesgo bomai po hagela homu eyu tama te bolobaso, tama te bidi si-go me selago sulama tama augwaligo agai te dwai seꝓe yali po pusubaso da, teda augwaligo te bidi homu dene munu me ebeo. Menio. Te aga isimainao wai dao, tama te tobolu bidi dabe augwaligo aga ela muani. ²⁹ Te Mosesgo mani bomai po bolali bidi dali te bidi dabego tama tialigo da, teda dagego magi homu te Godigo Ogwa tudiba mubo bidi dali yaibawe? Magi baso meni. Te Kraisgo te Godigo da tau sabo po daꝓ wali kanemego te bidi wiegi yai ilali. Tiali goli te bidigo dwai kolesaga ma ebogo te po daꝓ wali kaneme te olo nai tiwai ilalio. Tama agai dwai kolesaga mu te olo tau sabo kolesaga mabo Mobo Bidi dali eyu, tama Mobo Bidi nogi posobo po tama wai dao. Kone palao. Te bidi aga seꝓe genuai mu sobaso, te dolo mu dao. ³⁰ Dago koneani, te Godigo me sogo po weyu te po wai, "Te dwai kolesaga wei ponobo seꝓe, te eno yabo seꝓe dao. Ena digi eno te dwai dene sabo te wei pon-aibao." Tama dago koneani, agai po ma wai, "Genuai Bidi aga digi aga we bidi augwali te po tuꝓ ebode dagalaibao," te po wai dao. ³¹ Te bidibo ula elalubo God agai da daꝓ weyu, te dwai dene ebo te dabolo wei ponainogo eyu da, te dwai wi mu ebo nai dao.

Da konealubo pode bomonama dolalualo

³² Tiali goli te dageba polobadu pedalali seꝓe te dagego homugo ma kone palao, te sogo dagego Godigo po odama tama tede te ula sai. Te sogo gasa bidi dabe augwaligo genuai seꝓe dene dagebolo mani, tama dagego dene hauwa tolai. Tiali goli dage bomonama bugagia dolaluai dao. ³³ Me sogo augwaligo dage te tigidali we bidi gedude dodolama, tama augwaligo dwai posobo po dagebolo wali, tama augwaligo gedude dagebolo dene mawai. Tama me sogo dage te sabo seꝓe tiwai sabo we bidi dali dage kisa selama, tama dagego augwali tau sai dao. ³⁴ Tama tiyu, dagego te kalabuside bidali we bidi augwali homu dene eyu tau sobadi, te dagego me te dene sali. Tama me sogo te bidi dabe augwaligo bomonama dagego doado bage dagala siyu yali goli, dagego homu wiegi yai pemene eyu, tama augwaligo te nai dabe sabo gogolali. Magi baso meni, dagego koneani, tama duga nai

† 10:13 Tib 110:1 †† 10:16 Jer 31:33 ‡ 10:17 Jer 31:34
 †† 10:22 Prs 8:30; Ese 36:25

‡‡ 10:27 Ais 26:11 ‡‡‡ 10:28 Bom 17:6; 19:15 ‡‡‡ 10:29 Sai 24:8 § 10:30 Bom 32:35, 36

digi mu da, te tedali me elalubao homu yali, te Godigo dagebolo maiabo nai dabe, tama te nai da te sese-mané sogo elalua pabo nai dao. ³⁵ Tama tibaso, dagego duga te bomai konealubo po daŋ wali te munu me tagaligio. Menio. Te kolesaga me ebogo te genuai nai nosali sabo bomó te elalubao. ³⁶ Dage bomó elama dolaluyu, tama seŋe bugagia toloyu, tama duga te Godigo homu wali pagameo. Tama tiyu, duga wiegi yai nai somainogo yaibao, polobadu Godigo te nai dagebolo mawaibao po daŋ wai dao. ³⁷ Magi baso meni. Godigo wali po te bukude aseani me e tiwai po elalubao:

“Te sesabi me egobeo.

Dwasianu sogo digi, tama te asobo bidi te aga sabolaibao.

Te aga gesege elama me tonalugobeo.

³⁸ Tiali goli eno doloba pai we bidi augwaligo enade konealubo po wali pobaso, tama augwali bidada paibao.

Tialima augwali tomode te bidi me deligo ena tagaliyu tama ibaba kila sobaso da, teda eno homu aga dali wiegi yai me egobeo,” te po wai. †

³⁹ Tiali goli da te ibaba kila selama te hagayabo we bidi te me tegobeo. Menio. Da te konealubo po daŋ wabo we bidi hani dao, tama God agai da ma dobola sabo dao.

Dago konealubo homu Godiba keŋ pelama bomonama dolaluaó po wai

(Daj 11-13)

Konealubo homu daŋ wabo kolesaga page po wai

11 Te konealubo po daŋ wabo kolesaga te e tiwai ebo dao: te da Godide tiŋlubaso da, teda te da dwagi yai homu eyu asobo tonalubo naide da hania konebao, Godigo te nai dabolo mu mawaibao. Tama dago gedugo susiŋwai nai digi, tede dago homu si isaŋbadi te dago homugo mu konealuai. ² Te polobadu e tŋde bidali we bidi meba augwaligo Godide konealubo po daŋ olama tama agade tiŋlubaso, tama Godigo te po wai, “Augwaligo kolesaga te wiegi yai yalio,” te po wai dao.

³ Dago Godide konealubo po daŋ olama tama agade tiŋlubaso, dago koneani, Godigo agai po wabogo e tŋ de dagalu si nigai. Tama agai tama tialigo da, tigidali nai megi dago gedugo subo, te Godigo dago susiŋbo naigo nigai dao. ††

Abel me Enok me Noa tama bidide po

⁴ Te polobadu bidali bidi nogi Abel agai konealubo po Godide daŋ weyu, tama agade tiŋluyu agabolo ofa yai. Tama te ofago te aga ama Keingo ofa yali te aiyaba elaluama tama wiegi yai mu yai. Awe, Abelgo Go-

dide tiŋluali, tama tego Godigo aga doloba pai bidi nogi yai. Godigo te Abelgo agabolo mani naide te agai godolo yai. Tama nosali Abel isali, tiali goli agai te Godide tiŋlubo kolesaga yaligo te po dabolo me ola mabo dao. ‡

⁵ Te bidi Enokgo konealubo po Godide daŋ olama tama agade tiŋlubaso, tama Godigo aga dagaluba sela holai. Aga me isibeo. Meni. Te bidi dabe augwaligo aga gegebo seŋ yali, tiali goli augwaligo aga me subeo. Godigo aga salio. Tama Godigo po bukude te po wai, “Polobadu Godigo Enok sisabadi, tama te sogo Enokgo Godigo homu kolesaga wali paligo da tama tede Godigo godolo yai,” te bukude te po aseai dao. ‡†6 Tama bidigo Godide tiŋluama tama agade konealubo po daŋ me wasiŋwani bidi, agade te Godigo dwagi yai homu egobeo, godolo munu me egobeo. Magi baso meni, te bidigo Godibolo lotu po wagi painogo homu ebaso da, te bidigo konealubo po Godide daŋ olama agade tiŋluyu bidao. Tama tiyu, agai e homu dolo yao: “Awe, God aga mu bidibo dao, te aga gegebo we bidi dagebolo agai wiegi yai nai nosali mu mawaibao,” te homu aga dolo yao.

⁷ Te Godigo te bidi Noabolo po weyu, “Te nago gedugo susiŋwai nosali pedalabo seŋde dua yao,” te po wai. Tama te bidi Noa agai Godide tiŋluama tama konealubo po daŋ obaso, agai te Godigo agabolo te aga gedugo susiŋwani naide pusali po bugagia odali. Tama te po wali peyu, tama agai te moni geba me deli nigai. Tama tiyu, aga dali, aga we wai puluba augwali te geba tomoba pelama, tama bugagia bidali, tama augwali me dolobeo. Te geba seŋ tama ebogo Noago te tŋde we bidi tigidali augwaligo dwai seŋde po tŋ ela mabo tiwai yalio. Tama te bidi Noa aga Godigo wali pode tiŋlubo kolesaga elalualigode Godigo Noa te doloba pai bidi da wali, te Godigo tigidali konealubo po agaba daŋ wabo we bidi dabe dali ebo kolesaga yalio. ‡

Abraham aga we Sara dali augwali sigo konealubo homu Godiba daŋ wali po wai

⁸ Te bidi Abrahamgo konealubo po Godide daŋ olama tama agade tiŋluyu bidali. Tama tibaso, Godigo aga i obaso, tama Abrahamgo Godigo po wali pai. Tama tiyu, aga bidali bulu tagalama, tama Godigo aga tŋ mu dolo te agabolo mawaibao wali tŋ teba pabo gagalali. Abraham aga menaba pogowe te agai me konebeo. Tiali goli aga Godigo agabolo wali pode aga homugo tiŋluama, tama aga page bulu taga pai dao. ‡†9 Tama aga Godide tiŋ peyu, tama Godigo agabolo polobadu te mawaibao po wali te tŋde bidaluali. Tama aga te tŋde bidali te gasa bidi hanigo tŋde bidibo tiwai yai. Aga te ogwa Aisak de Jekop si dali te osogo bidabo ugwa bede bidaluali. Te agabolo te tŋ saibao wali po, te Godigo te tiwai po polobadu wai dao, tama Godigo te po te bidi sibolo me nosali ma daŋ walali. ‡†10 Tama Abraham aga te osogo bidabo ugwa bede bidibode te

† 10:38 Hab 2:3-4 †† 11:3 Gag 1:1; Tib 33:6, 9; Jon 1:3

‡ 11:4 Gag 4:3-10 †† 11:5 Gag 5:21-24 ‡† 11:7 Gag 6:13-22
‡†† 11:8 Gag 12:1-5 ‡††† 11:9 Gag 35:27

usu da homu magi baso idualiwe? Woo, sesemane sogo aga te gamonabo hanu suabo homu yai. Abraham aga te hanu tomoba pabo sogo tonaluai. God agaduba deligo naga agai te hanu nigibo homu kolesaga koneama tama aga digi nigai dao.

¹¹ Tama Sarago me konealubo po Godide daꝓ olama tama agade tiꝓluali. Agai wai ame nabo sogo bodolu silai madi, tiali goli agai konealubo po daꝓ elaluali, tama agai wai ame nabo bomu usu yai. Sarago e tiwai homu yai: 'Godigo po daꝓ weyu eno wai ame naibao wai. Tama Godigo mu po naga wabo dao,' Sarago te homu yai. ¹² Tama te bidi deli, aga monu dabe elama tama paꝓe isainogo yai goli, aga te wai hauwago aya pedalai. Tama augwali hauwa mu pedaludubadi geai, te dagalude elalubo hꝓ dabe tiwai me, tama te tamu aꝓ sanede elalubo masigi sane tiwai pedaludali. Te bidigo augwali nedebo me usu egobeo. ^{††}

¹³ Tama te Abraham dali Sara dali, te Aisak me Jekop, te we bidi augwaligo konealubo po daꝓ olama Godide tiꝓ peyu bidaluama tama augwali isalio. Tama augwali e tꝓde bidali sogo, te Godigo polobadu augwalibolo te nai mawaibao po wali, te wiegi yai nai augwaligo me sabeo. Menio. Augwali digibulu dolaluyu, tama augwaligo augwa homugo naga te Godigo augwalibolo maiabo nai sulama, wiegi yai homu pemene yai. Tama augwaligo te gasa we bidibolo te po haninama hania wai, "Da e tꝓde bidibao te gasa bulu bidi tiwai bidibao. Da e tꝓde dwasianu sogo naga bidagasai dao." ^{†††} Te bidi dabe augwaligo te tiwai po obaso, te dago kuna koneai, te augwaligo te augwa mu bidigi pabo tꝓ mu gegainogo homu eyu te po obao. ¹⁵ Tama augwali homu te polobadu taga soali bulude me elalugi sogo da, teda augwa ma geasa asabo tꝓ elalugi da. ¹⁶ Tiali goli augwaligo te tiwai me ebeo. Menio. Augwaligo homu gasa tꝓba paiba homu elaluali, tego te augwaligo taga soali bulu aiyaba elaluama tama wiegi yai mu yalio. Te dagalude elalubo dao. Tama te po wabo bidi dabe dali te Godigo hale homu me egobeo, "Nage dago God dao," te po wabo. Menio. Agai te agade konealubo po daꝓ wali bidi dabe dali hale homu me isaꝓbaso, agai te augwali bidabo hanu me deli sisi elama elaluai dao.

¹⁷⁻¹⁸ Polobadu Godigo Abraham usu sai. Hasia bolo Godigo agabolo te po wai, "Te eno nagebolo te bulai wai dabe umabo mawaibao, te po wai dao. Tama megi eno e po obao, te nago ogwa Aisak, te agade te augwali nosali pedalaibao," te po wai. Tama nosali Godigo Abrahamgo agade konealubo po daꝓ wabo kolesaga osola suainogo eyu, tama agabolo te po wai, "Nago naga ogwa Aisak digi selama, tama aga ela munama, enabolo te ofa tiwai mao," te po wai. Abrahamgo koneani, te Aisak da, te aga nosali pedalabo hani we bidi page mu dao. Tiali goli agai te Godide konealubo po daꝓ weyu, tama agade mu tiꝓ pobaso, tama agai te ofa tiwai eyu tamadi tama aga Aisak elama Godibolo mawainogo yai. ^{††††} Magi baso meni, agai e homu yai,

"Awe, te eno aga ela munama tama Godibolo mobaso, teda Godigo te aga ma hodolama enabolo ma mabo bomu usu mu yaibao," te homu yai. Tama mu tamao, dago te seꝓe po digi po begelama e tiwai po wai: "Abrahamgo aga ogwa Aisak te guꝓ pagede ma sabo tiwai aꝓ yai dao." Te po wai.

Aisak me Jekop me Josep te bagede po wai

²⁰ Aisak me aga Godide konealubo po daꝓ olama agade tiꝓ peyu bidibaso, tama agai aga ogwa si Jekop de Iso siba nosali pedalabo seꝓe po pusali. Godigo augwali sibolo dwagi yai seꝓ yaibao po agai daꝓ walali. ^{‡‡}

²¹ Te nosali Jekop me agai Godiba konealubo po daꝓ olama tama agade tiꝓ peyu bidibaso, tama aga paꝓe isainogo ebo sogo, agai te aga ogwa Josepgo ogwa side dwagi yai po wai. "Godigo augwali si dali wiegi yai seꝓ yaibao," te po wai. Tama te sogo aga te aga donoba tigulama, tama Godibolo lotu po wai. ^{‡‡‡}

²² Te nosali Josep me agai konealubo po Godiba daꝓ olama agaba tiꝓ peyu bidibaso, tama aga isainogo ebo sogo agai te po wali, nosali te Israel dabe augwaligo te Isip tꝓ tagalama gasaba paibao wai. Tama augwaligo agai dili dabe te sogo teba sela pelama, gasa tꝓde pubulao po me wai dao. ^{‡‡‡}

Mosesgo konealubo po daꝓ olama, Godide tiꝓluali po

²³ Te Mosesgo aya de ida sigo konealubo po Godiba daꝓ olama agaba tiꝓ peyu bidai. Tama te Mosesgo ida-ago aga te Isip bulude ame nenama, tama augwali sigo suali, aga sawi yai wai mu bidai. Tama tibaso, polua selade augwali sigo aga geme dualama bidai. Te Isip gavman tuni bidigo bomai po weyu, te po polobadu gana wai dao, "Te Israel dabego we dabego te wai ogwa dabe ame nobaso, augwali ela muao," te po wai. Tiali goli augwali si te tuni bidigo bomai pode wi me ebeo. Tama tibaso polua selade augwali sigo aga geme dualama bidai. [§]

²⁴ Te bidi Moses me agai konealubo po Godiba daꝓ olama tama Godide tiꝓ peyu bididuali. Tama tibaso, nosali aga genuai yaide, te Isip dabego aga te Isip tuni bidigo wegigo negali wai da nogi wabo te tagalao, agai te homu yalio. ^{§†25} Magi baso meni, aga digi te aga Godigo hani te Israel we bidi dali dene sabo homu yai. Agai koneani, aga te tuni bidigo wegigo negali ogwa me bidiyu da, teda agai nosali dwai seꝓ eyu bidagameo. Tiali goli te peꝓwadage sogo naga tede wiegi yai homu pemene yaibao. Tama hagela homu yai dao. ²⁶ Agai te homu yali, te aga te nosali asaibao wali bidi Kraisgo nogide hale siyu da, tego te tigidali mone me te Isipde elalubo te au dobage dabe te aiyaba mu elaluaibao. Tama te gasagi yai wiegi yai nai te Godigo agabolo mawaibao po, tede aga homugo keꝓ palio.

²⁷ Te bidi Mosesgo konealubo po Godiba daꝓ olama tama agade tiꝓ pidual baso, agai te tuni bidigo seꝓe

† 11:11 Gag 18:11-14; 21:2 †† 11:12 Gag 15:5; 22:17; 32:12
‡ 11:13 Gag 23:4; 1 Sto 29:15; Tib 39:12 ††† 11:17-18 Gag 21:12;
22:1-14

‡‡ 11:20 Gag 27:27-29, 39-40 ‡‡‡ 11:21 Gag 47:31-48:20
‡‡‡ 11:22 Gag 50:24-25; Sai 13:19 § 11:23 Sai 1:22; 2:2 §† 11:24
Sai 2:10-12

homu ebode te aga wi me ebeo. Meni. Aga hogodolama tama Isip t̄o taga soali. Te e t̄ode bidigo God gedugo me susīabo digi, tiali goli Mosesgo te God subo tiwai yali, tama tiyu aga bomo elama geasa ma pabeo. ^{†28} Agai Godide mu tīalubaso tama agai te Israel we bidi te tedali sogo nogi Pasova tede yabo kolesaga ebo s̄e ilali. Te bidi elabo mobo bidigo te Israel dabego gomunai ogwa tigidali ela muidali weyu, agai augwalibolo te po wai, “Te duga be deli delide kibu sipsip wai elama, tama te kaneme te be t̄u s̄esegede posniba segeni tiwai s̄as̄aga pao,” te po wai. ^{††}

²⁹ Te Israel we bidi dabe augwaligo Godiba konealubo po dāu olama tama agade tīa piduali baso, te Isip t̄o taga soali sogo augwali te tamu āj nogainu, tama Godigo te āj buga somainu ilama, tama augwali te wa pai t̄o tiwai elalubo tomo t̄udu nogai. Te augwali pobeasa asobo Isip dabe augwali me te ājdu usu selama nogali, tiali goli te ājgo augwali elama, tama poma pobaso te w̄e tomode isila pai dao. [‡]

³⁰ Te nosali te Israel dabe augwaligo Godiba konealubo po dāu olama tama agade tīa piduali baso, tama augwali pelama tama Jeriko hanu bagulali masigigo nigai obo te a naga olama me badu nogo si sogo usu nama bagulali, tama te masigigo nigali obo te t̄oba degasa dulai dao. ^{‡31} Te s̄e pedalis̄īabadi, tama te hanude bidali penani ebo we Rahap agai te Godigo te Israel dabe tau sali po odoyu, tama agai Godide aga homugo tīaluali. Tama tibaso, agai te bulu geme sa pelama sugi pali Israel bidi si tau salio. Tama te we aga te Godigo po sela s̄awani we bidi augwali dali me dolobeo. [‡]

³² Tiali goli dagego te Godide tīalubo kolesaga page bugagia konemainogo eyu, meḡi eno mena po me wadolama tama ma wagowe? Menio. Te eno te bidi Gideonde po wabo sogo me, te Barak me, te Samson me, te Jepta me, te Devit de Samuel, me te Godigo po pusali profet bidi dabe augwalide po eno wabo sogo te usu menio.

³³ Te tobage bidi dabe augwaligo te Godiba konealubo po dāu olama tama agade tīa piduali baso, tama augwaligo te w̄abi hw̄jbo bomu ugwaba ela holoyu, tama te tuni bidi hauwago ami bidi dabe augwali aiyaba elaluyu yai. Augwaligo doloba pai kolesaga yai, tama augwaligo te Godigo augwalibolo mawaibao po wali nai me salio. Augwaligo te bidi ela tubo moni kibu laion dabego pedauwali pania siyu yai dao. ^{‡‡34} Tama augwaligo te moni sia bogoli ebo me sula s̄ayu yalio. Tama me te augwali wi pidu gebaso te gasa bidi dabego te bobage hw̄a gego te augwali elali te usu me ebeo. Tama augwali bomu meni yai bidilama, tama nosali augwali bomu sai. Augwali te w̄abi hw̄j-bode bomai bidi mu pedalai. Augwaligo te gasa hani-go genuai ami bidi dabe augwali aiyaba elaluyu pobeasa peyu yai dao. ^{‡‡}

³⁵ Te we dabe meba augwaligo Godide konealubo po dāu olama tama agade homugo tīa piduali baso, tama isai ogwa dabe augwali ma hodaloyu elama, tama augwa idago augwali ma siyu yali. Tama gasa bidi meba kalabus elama tama boi bidi dabego augwali tigi mu dolali, te augwali isabo usu tiwai mu yai. Tama augwaligo te God tudiba mugi sogo da, teda te boi bidi dabego augwalide te tebo s̄e tagaligi dao. Tiali goli augwaligo te boi bidi dabego po te augwaligo wali me pabeo. Menio. Augwaligo homugo te augwali gu pagede ma hodalobo te homu elama, tama augwaligo tebo te bidabo wiegi yai ula sabo homu naga yalio. ^{§36} Tama te Godide konealubo po dāu wali we bidi meba te boi bidi dabe augwaligo te dwai posobo po s̄e s̄e siyu, tama augwali dodolama te dwai b̄jgo subigila elali, tama sengo augwali kēnama, tama augwali kalabusiba muyu yai dao. ^{§†37} Tama augwali tigiba te boi bidi dabego masigi s̄ayu ela muyu yai. Tama augwaligo te ni togobo so selama, tama augwali tigi te sogo togolama pedai pedalai. Tama augwaligo te bobage hw̄a gego augwali ela muyu yai. Tama te konealubo po dāu wali we bidi meba augwali nai meni yai baso, augwaligo te kibu sipsip tigi waligo me te meme waligo te ugwa tiwai gudama, tama augwali bilalio. Augwali te tigi tau sabo doado bage tigidali menia sali, tama te bidi dabego s̄e s̄e augwalibolo mayu, tama dwai kolesaga mu augwalibolo yai dao. ^{§†38} Tama tibaso, augwali tedela pelama, tama geme te bidi meni yai buluba me, te bulu duba me, te masigi ola beba me, te t̄o dedage tomoba me geme bidigi peyu yai. Augwali te wiegi yai we bidi mu, tama e t̄ode we bidigo te bidi dabego konealubo po dāu wabo te dali usu nisīayu, tama augwali tomode me bidigi homu elama augwali dali boi bidi mu yalio.

³⁹ Te tobage polobadu bidali Godiba konealubo po dāu wali tigidali we bidi, tama augwali te God gedude wiegi yai nogi mu sai, agai augwalide ‘Augwaligo kolesaga te wiegi yai yali,’ te homu yai dao. Tiali goli augwaligo te wiegi yai nai polobadu Godigo augwalibolo te mawaibao po wali nai te augwaligo te sogo me sabeo. ⁴⁰ Magi baso meni, polobadu digi Godigo wiegi yai nai me deli dabolo sisi ilama dodolali elalubao. Tama aga homugo te polobadu agade tīa pai we bidi dabego da nosaliba ilama augwali polasa peyu tama te wiegi yai mu me pedalogobeo. Menio. Te da me doloba pai wiegi yai mu augwali dali naga pedalaibao, Godigo te tama homu eyu dodoloyu yai dao.

Dago Jisasba tonono eyu agade homugo kēa pinao

12 Te da me, da magi ebawe? Te polobadu bidali we bidi augwali doligulama tama da te genuai p̄ogo bagulubo tiwai elama, tama augwaligo dabolo te Godide konealubo homu dāu wabo kolesaga ola mawai. Tama tibaso, dago me te ususu si yainogo uda yabo bidi tiwai eyu, te tigidali s̄e s̄e yai nai guda s̄ayao, te dade dāu wabo dwai kolesaga tigidali me te dago

† 11:27 Sai 2:15 †† 11:28 Sai 12:21-30 ‡ 11:29 Sai 14:21-31
 †† 11:30 Jos 6:12-21 ‡‡ 11:31 Jos 2:1-21; 6:22-25 ‡‡† 11:33 Dan
 6:1-27 ‡‡‡ 11:34 Dan 3:1-30

§ 11:35 1 Kin 17:17-24; 2 Kin 4:25-37 §† 11:36 1 Kin 22:26-27; 2
 Sto 18:25-26; Jer 20:2; 37:15; 38:6 §†† 11:37 2 Sto 24:21

guda sayao. Tama dena homu daꝥ ilama, tama Godigo dabolo sa muyu uda yao wali madi sabolainogo da bomonama te daꝥba uda iyao. ² Tama tiyu dago gedugo Jisasba naga tonono iyao, aga te dago agade konealubo po daꝥ wabo kolesaga page bidi, tama nosali agai dago agade tiꝥ pabo kolesaga ebo mu usu naibao. Polobadu Jisas aga homugo te wiegi yai homu pemene yabo seꝥ te nosali sabo homu elama, tama aga bomo elama bidali, tama aga dene bugagia tolama aga ni pedaide isai. Agai homugo te ni pedaide hale sabo te olo nai tiwai da, te homu yai. Tama megida agai genuai nogi elalubaso, aga te God dulalubo sia saide te dolo nogo badude megida dulaluyu bidibo dao.

Godigo seꝥ dabolo mayu da, te da dodoloyu emainogo ebo dao

³ Dagego te bidi Jisasde bugagia kone palao. Te seꝥ sai bidi dabego polobadu augwaligo dwai boi bidi mu aga dali eyu, tama aga dwai dene mawai. Tiali goli aga bomo elama dolaluai. Dagego te tiali koneba wida, te dage te Godide tiꝥ pabo kolesagade hagela me egio, tama dagego homu nagamea me pelamu dao. ⁴ Te Godigo po odobo hagela homu ebo bage augwaligo dage dali dwai seꝥ elama, tama dage bomonama eyu, te Godide konealubo po daꝥ wabo kolesaga tagalobeo. Tama tiyu dage bomonama ebadi te boi bidi dabe augwaligo dage elama, paꝥde isainu yai. Te gasa bidi dabe augwaligo Jisas dali dwai seꝥ eyu aga ela muyu yali. Tiali goli te dagede meni.

⁵ Te Godigo dagego homu bugagia daꝥ walomainogo bomo mayu wali po te dagego homugo gegeda pai dawo? Agai dage te aga wai da olama nogi ilama, tama agai te po wai, augwaligo te bukude aseꝥani, "Te eno waio, te eno nage dodolobo kolesaga me deli nagebolo ebaso da, nago homugo te olo nai tiwai da me wagio. Nago geda muani kolesagade bugagia kone palao. Te eno seꝥ nagebolo mayu te nage dodolobaso da, teda nago homu me dolamu dao.

⁶ Magi baso meni, te eno bidi me deli godolo ebaso da, teda agai kolesaga te eno dodolaibao. Tama eno bidi me deli selama tama eno wai da wabo nogi eyu da, teda eno te aga dodolobo dao, te bidigo aga ene sigi te siade ulama tama nogogo dodolobo tiwai ebogia yaibao," te po wai. [†]

⁷ Te dage bomo elama dolaluyu, tama Godigo dage dodolomainogo emainao. God agai dagebolo ebo kolesaga ebogo dage te aga wai mu dao te hania ola mabo dao. Mena wai bidibadi tama aga ayago aga me dodologobewe? ⁸ Menio. Godigo aga wai dabe tigidali dodolobo dao. Tama agai dage dodoligi menigi da, teda dage te agai wai mu menigi da, dage te tuꝥde biliyu penani ela bilibo wego wai tiwai egi da. ⁹ Dagego te me koneao. Te dena e tuꝥde aya augwaligo da

dodoloyu yai, tama dago augwali nogi ugwaba sai. Teda dago dagalude bidibo Aya dologoba mu pelama, tama dago te bidibo ula mu sao. ¹⁰ Te da te ogwa wegide bidibadi, dago e tuꝥde aya augwaligo te dage kolesaga te dwasianu sogo naga dodoloyu, te augwaligo homu kolesaga usu nama tama tiali. Tiali goli God agai da dodolobogo te da mu tau selama, tama dago te aga digi ebo te wiegi yai magi dwai seꝥ isawai kolesaga saibao wai. ¹¹ Tama God Ayago seꝥ dabolo mani te da dodoloyu ebaso da, tama te sogo dago wiegi yai homu pemene me ebeo. Menio. Dago homu te seꝥ naga me elalubao. Tiali goli agai da dodolali tama te tiwai wiegi yai nai nosali pedalaibao wai: dago doloba pai kolesaga eyu, tama dago homu nagame elama bidibaio.

Dago dili bomaluyu bomo elama dolaluo po

¹²⁻¹³ Godigo te dage ebo kolesaga dodolobo seꝥ tama yaligo da, teda dagego agai po wali pabo kolesagade dage te bomo kimi isali bidi tiwai eyu biligimio. Te meni. Te dagego nogo te olo walalubo tiwai elalubo, te tagalao, dagego bomo ma sao. Tama te saꝥa kidu isai tiwai ebaso da, tagalama, te duga bomo elama dolaluo. Dage Godigo po wali pobadi, te dolo wiegi yai kolesaga naga yao, te bilibo bidi agai te dwagi yai dolo tuꝥdu naga pabo tiwai yao. Te dage tomode bidibo bidi me deli aga Godigo po wali pabode bomo meniama tama aga tulaluidali weyu, dagego aga tau somainogo eyu, te dolo wiegi yai kolesaga naga eyu bidao. ^{††}

¹⁴ Dage deli deligo te tigidali bidi dali te homu nagamea pabo kolesaga wali pabo seꝥ bomo elama yao. Tama dagego te Godiba homugo keꝥa peyu, te dwai seꝥ me isawai kolesaga me wali pabo seꝥ bomo elama yao. Magi baso meni. Te bidigo te tobage kolesaga meni yani da, teda agai dago Genuai Bidi me sugoboo. ¹⁵ Te ama me deli tula muyu tama Godigo te olo tau siyu mabo kolesaga tagalidali weyu dagego bugagia tonaluo. Tama tiyu dage tomode pedalobo ama me deli aga te ha ebo nedu du tiwai walama, tama dagebolo seꝥ menama, tama dage God gedude meda yai pedelabuo. ¹⁶ Tiyu bidi me deligo te penani ebo kolesaga wali pabuo. Tiyu bidi me deligo te God tudiba muyu, te polobadu Isogo yali tiwai idalio. Te aga amade te tubo nai deli sogo naga abela tuali, tama agai te aga digi gomunai ogwa da wali bomo me, nogi me, te sigo te tubo nai abelama tama aga olo sawai dao. ¹⁷ Dagego koneani, nosali agai te yali seꝥde ge neyu, tama te gomunai ogwa da wali bomo dali nogi dali si ma sainogo yali, tiali goli aga ayago te menio po wai. Iso aga te gomunai bidi nogi ma sainogo te gela hauwa wali, tiali goli te aga daꝥ wali po togobo te tuꝥ menio. ^{‡‡}

¹⁸ Megi dagego te Israel hani we bidi augwaligo polobadu mu yali seꝥ tiwai ebeo. Augwali te augwa nogogo tula subo naiba asali, te bulu du nogi Sainai teba augwali asali. Te bulu dude augwaligo suali, te genuai

[†] 12:6 Jop 5:17; Prs 3:11-12

^{††} 12:12-13 Prs 4:26; Ais 35:3 [‡] 12:15 Bom 29:18 ^{††} 12:16 Gag 25:29-34 ^{‡‡} 12:17 Gag 27:30-40

sia dabo, tama be hulua si te sisi yai mu me, te bomai wali dali be sele dali be kulu wabo dali, ¹⁹ tama te bu wabo nai biugel moni bu wabo dali, te Godigo po wabo me, augwaligo te suali me odali. Tama te Israel we bidi augwaligo te po wabo odolama, tama augwali wi eyu, tama bomo elama Mosesbolo te po wai, "Dago te po wabo ma odobo usu egobeo," te po wai. ^{†20} Magi baso meni. Te Godigo augwalibolo mani bomai po, te po odolama augwali wi mu yai. Agai te po wai, "Te bidi me deligo nogo munama te bulu du nogogo diqbaso da, teda dagego masigi agaba saṅama tama aga ela muao. Tama bulmakau ma sipsip dabe me te tiwai naga elama ela muao," te po wai. ^{††21} Augwaligo suali nai te dwai mu baso tama Mosesgo me te po wai, "Ena wi mu elama, tama eno tigi didibili mu ebao," te po wai. [‡]

²² Tiali goli dage, dage te tiwai naiba me asobeo. Menio. Dage te Saion bulu duba asai dao, tama te bidibo ula mabo God bidibo moni hanu te dao. Te bulu da te dagalude elalubo Jerusalem hanu dao. Te moni umabo ensel mobo bidi dabe augwali sisinama te wiegi yai homu pemene ebo madi, teba dage asai dao. ²³ Dage te Godigo gomunai ogwa dabe augwali sisinama te bidibo madi, dage teba asai dao. Godigo augwali nogi aseṅani, tama te aseṅani po Godigo bidibo digide elalubao. Dage paḅa dolagasali, tama po tuḅ dodolobo bidi jas aga bidibao, aga te tigidali we bidigo God dao. Polobadu mu bidai we bidi meba, augwali isama tama Godigo augwali doloba pai we bidi ilama tama augwaligo po wabo mobo noma me bidibo dao. Tama dage augwali bidibo digi asai dao. ²⁴ Tama dage Jisaba asai dao. Godigo da we bidi tau sabo po olama daḅ walali. Tama te daḅ wali tau sabo po dabolo wasele-mainogo eyu Godigo Jisas tagala palali, tama aga to-mode bidiyu te daḅ wali tau sabo po dodolali. Te polobadu bidai bidi Abel aga amago aga ela mubaso, aga gelali kanemego "Boi yao, boi yao," po wali tiwai bidai. Tiali goli Jisasgo kaneme te dago sali dwai seḅe te sela saḅo kaneme dao, te boi ilabo kaneme meni. Tama teba me dage asai dao.

Dago bugagia tonaluo po

²⁵ Dage dua dao. Tiyu dage olo pania selama tama megie e po wabo bidigo po sela sayabuo. Polobadu digi e tḅde Godigo bomai po te we bidi augwalibolo mani, tiali goli augwaligo agai po sela saḅwai. Tama te sogo polobadu, te augwali wi me pabo usu meni eyu, tama augwa seḅe te geda sabeo. Megi God te dagalude bidiyu dabolo agai po mawai. Tama dago aga tudiba muyu da, te da wi peyu te dabolo mabo seḅe geda sabo usu egowe? Mu menio. ^{††26} Tama polobadu Godigo pedauwalide tḅ mali ilai. Tiali goli megie agai dabolo e daḅ wali po walio, "Te eno tḅ deli sogo ma mali ilaibao. Tama tḅ naga me tegobeo. Te eno tḅ de dagalu dali si mali ilaibao." ^{††27} Te pogo "Te deli sogo ma" weyu te po wai, agai dabolo e tama ola mawai: te

† 12:18-19 Sai 19:16-22; 20:18-21; Bom 4:11-12; 5:22-27

†† 12:20 Sai 19:12-13 †† 12:21 Bom 9:19 †† 12:25 Sai 20:22

‡ 12:26 Hag 2:6

polobadu Godigo nigali nai dabe tama megie agai dagalama, tama te nai dabe aga sela saṅama, tama me elalogobeo. Tama agai te dagalisiqḅo nai dabe da, te me elaluaibao.

²⁸ Te dago sali te bidibo digi te magi naigo munu me dologobeo, usu egobeo. Tama te tebode dago Godibolo usu da olama gedu haluasa po wao. Tama dago agaba lotu po weyu, tama agai godolo ebo kolesagade seḅ tulama yao. Tama tiyu dago aga nogi ugwaba siyu, tama agade wi yao. ²⁹ Magi baso meni, dago God da, aga te tigidali nai dabo genuai sia tiwai dao. ^{‡‡}

Dago te Godigo da dali dwagi yai homu ilibo kolesaga iyao

13 Dage Godigo po wali pabo we bidi, sesemane sogo dagego duga hasi duga ama dede dali dwagi yai homu eyu godolo iduao. ² Dagego te duga beba digibulu asobo bidi dabe augwali tau sabo homu ebo te dagego me gegeda pigio. Duga koneani, polobadu bidi mebago te tiwai elama, tama augwaligo te ensel mobo bidi meba te augwa beba odasa pelama, augwali gesali. Augwaligo te ensel bidi asobo me konebeo. Augwaligo te bidi naga da te homu yai dao. ^{††3} Dagego te ama dede augwaligo Kraisi wali pobaso te boi bidi dabe augwaligo augwali meba kalabus beba muani. Tama te kalabuside bidibo ama dabe dagego homugo konealuo, augwali tau sao, te duga digi te kalabuside augwali dali bidibo tiwai ebao. Tama te bidi dabe augwali tigde seḅe sabo te dagego homugo koneao. Dagego koneani, te duga me tigi elalubo dao.

⁴ Tama te we sabo te wiegi yai kolesaga dao, te we bidi tigidaligo te homu yao. Dagego e tama yao, te bidi dali aga we dali augwa hasi te homugo keḅ pai kolesaga naga yao. Dagego koneao, nosali Godigo te penani yali we bidi me, te we sabo kolesaga dolali we bidi dali, augwalibolo te wei ponabo te dwai dene genuai sabo te elalubao.

⁵ Dagego te monede pesa eyu godolo ebo kolesaga wali me pigio. Te dagego tolalubo naide te dagego e tiwai homu yao, "Te wiegi yai dao. Te ena usu yaibao." Magi baso meni, Godigo digi te po walio, "Te ena nage munu me tagalogobeo. Te eno nage tudiba munu me mugobeo." ⁵⁶ Tama Godigo te po obaso, dago dena homu bomonama tama dago e tiwai po waiyo, "Genuai Bidi da ena tau sabo bidi dao. Te ena wi me egobeo.

Te bidi dabe augwaligo ena dali ebo dwai kolesaga tigidaligo ena dologowe? Menio!" ^{5†}

⁷ Dagego duga tobolu bidi dabego yali kolesaga homugo bugagia koneao, polobadu augwaligo Godigo po dagebolo pusai. Dagego augwali bilali kolesaga dali, augwali isali kolesaga dali si homugo koneama, tama augwaligo konealubo po daḅ weyu Godiba tiḅ pali kolesaga te wali pao. ⁸ Jisas Kraisi aga munu me hasegelebeo. Polobadu aga hasegelebeo, megie aga

††† 12:29 Bom 4:24 ††† 13:2 Gag 18:1-8; 19:1-3 § 13:5 Bom 31:6, 8; Jos 1:5 §† 13:6 Tib 118:6

hasegelebo meni, nosali aga munu me hasegelegob-eo. Aga ebo kolesaga deli naga me ela piduaibao.

⁹Tama tibaso, te gasa haniani haniani ola mani pogo dagego homu kegeyu, tama dagego Godigo tu wali pabo tagalu gogologimio. Te dago homugo te Godigo da olo tau siyu mabo kolesagade dago bomo sai yai baso da, te wiegi yai dao. Dago homugo te haniani nai tubode bomai po wali pabode te bomo sainogo ebo usu egobeo. Te kolesagade bilali we bidi augwali te kolesagade tau me sabeo.

E tiwai ofa mabode Godigo godolo ebo po

¹⁰Dago ofa ebo alta sai tiwai elalubao, tama tede dago Godigo nogi ugwaba sabo po wabogo te ofa tiwai agabolo mabo dao. Tama te Juda dabego pris bidi dabe augwaligo augwa lotu wabo te ugwa bede se eyu, augwaligo te dago ofa tiwai ebo kolesagade se meni. ¹¹Tama tigidali kibu bede te Juda dabego polalubo tobolu pris bidigo te sipsip dabe me te bulmakau me te kaneme selama, tama agai te Tedali Gasagi Yai Be Habu Mu tomoba pelama, te we bidigo sege sela sayu ofa ilai. Tiali goli te kibu dabego tigi da, te augwaligo te augwa bidibo digi bulu badu sia nogo-nama, siaba ulai dao. ¹²Tama tibaso, Jisas me te obo bagulali hanu bulu badu te aga dene tolali, te agai kanemego digi te we bidigo sege sela sayu, tama augwali Godigo gedude wiegi yai mu pedalomainogo ilali dao. ¹³Tama tibaso, da me te pesage nigali te bulu badu agaba pelama, tama dago agai aga isibode tolali hale tiwai te dago me tolao. ¹⁴Dago koneani, te e tde dago te gamonabo hanu me deli dago me elalubo menio. Tiali goli dago te nosali pedalabo hanu godolo mu ebo homu ebo dao. ¹⁵Tama tibaso, Jisasgo nogide Godibolo wiegi yai homu pemene elama, tama dago te aga nogi ugwaba sabo kolesaga te sesemane sogo agabolo mayu, te ofa tiwai yao. Awe, dago pedauwaligo aga dago Genuai Bidi dao te po wabogo dago Godibolo dena ofa tiwai mabo dao. ¹⁶Tama dagego duga hasi te we bidi augwalibolo wiegi yai kolesaga ebo te dagego homugo gegeda pelamuo. Tama tiyu dagede elalubo doado bage, te dagego te nai meni yai we bidiba dobyu, te augwali tau sao. Godigo te tiwai ofa ebode dwagi yai homu mu ebo dao.

¹⁷Te duga tobolu bidi dabe augwaligo dage tau sabo homu elama, tama augwaligo dage sesemane sogo tonalubo dao. Magi baso meni, nosali augwaligo digi

† 13:11 Prs 16:27

yali se po tigidali te Godibolo pusaibao. Tama dagego augwaligo ola mabo po wali pelama, tama augwali dologode bidao. Te dagego tama tibaso da, teda augwali wiegi yai homu pemene elama, tama augwa se tulama se eyu, tama augwali homu sege me egobeo. Tialima augwaligo dage tonalubo te homu sege ebaso da, teda te tebogo te dage tau me sogobeo.

¹⁸Dagego gedu haluasa po Godigo da tau somainogo weduao. Dago homugo koneani, te da God gedude dolo bidibao. Tama da tigidali sege dolo bilabo homu ebo dao. ¹⁹Tama eno homugo godolo mu ebao, te dagego gedu haluasa po Godibolo olama ena tau somainogo yao, tama ena dage bidibo madi polo tamadi asomainogo yao.

²⁰⁻²¹God aga te da we bidi homu nagame ilibo page bidi elalubao. Agai te dago Genuai Bidi Jisas te gu pagede ma hodolama, tama aga ma bidimainu ilali. Hasia Jisasgo aga digi bidibo ula olo mayu, tama Godibolo ofa tiwai mani, te da we bidi tau somainogo yali. Tama tebogo agai te Godigo te we bidi tau sabo dau wali gamonabo po te mu dau walali. Tama tiyu, aga te da sipsip tiwai bidibo we bidi tonalubo te polalubo bidi pedalai dao. Tama eno homugo te God agai te tigidali wiegi yai kolesaga dagebolo mao, te dagego agai homu kolesaga wali pabo usu ilimainogo yao. Tama eno homugo me da tomode agai tigidali te aga digi godolo yabo kolesaga tigidali pedalomainogo yao, te Jisas Kraisgo nogide tama tiao. Aga genuai nogi te sesemane bidada pabo sogo elalua peyu, elalua paibao, te eno homugo. Mu dao.

Po silagasu wabo po

²²Ama dedeo, eno po bomo elama dagebolo obao, dagego eno e mobo mabo wali pode dwagi yai homu eyu, odao, te eno dagego homu dau ilabo po e pas tomode wai dao. Eno dagebolo e asena tolobo pas te pewadage tiwai naga dao. ²³Eno homugo duga koneao, augwaligo te dago ama Timoti olo tagala palali, tama aga te kalabuside me bidigobeo. Tama aga enaba polo pedalobaso da, teda ena dali da si talua si pelama dage suagasaibao.

²⁴Te dagego dago te siade da wali po te duga tobolu bidi tigidalibolo me, te tigidali Godigo we bidiba dali te po wao. Te ede bidibo Itali hani Godigo we bidi augwaligo te siade da wabo po te dagebolo tolai dao.

²⁵Te eno homugo Godigo olo tau siyu mabo wiegi yai kolesaga te dage tigidali dali bidao.

Jemsgo Aşani Pas

Hasia nedebo tau sabo po

Te bidi nogi Jems, te aga Jisas aga amanu, te bidigo e pas aşani. Agai homugo te haniani bulude bidibo Kraigo po wali pabo Juda we bidi augwalibolo agai te augwa ebo kolesaga tigidali bugagia suao po wali. Haniani seęę augwaliba pedalobaso da, teda augwaligo te seęę dabe bugagia tolao wali. Tama tiyu, te tibo kolesaga egimio wali, te homu mu naga eyu, tama wiegi yai doloba pai kolesaga gasa we bidi dali yao wali.

Dago te usu sabe seęę toloyu bomu elama dolalubaso da, teda da God dali bugagia bidaibao po wali

(Daj 1:1-18)

1 Ena Jems dao. Ena God dali, Genuai Bidi Jisas Krai dali sigo seę ebo bidi dao. Dage te Israel bidi hani nogo si olama, saęa badu si wali bidi hani bage, dagede eno homu kone paluyu, eno te pas aşana tolobao. Dagego duga page bulu tagalama, tedela pelama, gasa haniani buluba polobadu bidigi pai. Tama eno dage dali dwagi yai homu eyu, e pas toloyu, dage tao obao.

Da bomu somainogo, bidi usu sabo seęę pedalaibao

2 Eno ama dedeo, haniani seęę dagebolo pedalobaso da, teda dwagi yai homu yao. **34** Dagego koneai, te seęę me deli dagebolo pedalama, tama dagego te seęę bugagia toloyu, dagego te seęę aiyaba elalubo dao. Tama dage te tiwai idu geyu da, teda nosali asobo seęę tigidali aiyaba elaluabo bomu elaluabao. Tama tilama, dage bugagia bidaibao, te Godigo dwagi yai kolesaga me deli habuge egobeo, dage usu mu yaibao. Habuge idali weyu, bomu yao. **5** Tialima, dage tomode te bidi me deli aga te seę yabo kolesaga habuge ebaso da, te agai God hanalu wao, dwagi yai kolesaga momainogo hanalu wao. Tama Godigo agabolo mawaibao. Wado po wagobeo, God agai tigidali bidibolo augwaligo hanalu wali nai mabo dao. Agai dwagi yai homu eyu augwalibolo nai olo mabo dao. **6** Tiali goli te bidi aga seęę tolabo kolesaga habuge yai bidi agai Godibolo hanalu wabo po wabo si, deli homu naga eyu hanalu wao. Agai te homu si elamuo. Godigo te dwagi yai kolesaga ena magowe, ma magobewe, te homu egio. Magi basowe? Bidi homu si ebo bidi aga homu kolesaga te tamu aji asiyu, di-

ni besela pabo tiwai dao. **78** Tama te tobage bidi aga sesemane sogo homu si ebo dao, tigidali seęde homu kolesaga besela pabo dao. Tama aga Godibolo po hanalu wabo tede me aga homu si ebo dao. Tama tibaso, bidi agai te homu elamuo, Genuai Bidi agai ena magi nai me mawaibao, te homu elamuo.

Te bidi Jemsgo te magi nai doado bage meni yai bidide po dali te nai doado bage hauwa munalubo bidi dali side po wali

9 Te dage magi nai doado bage meni yai we bidi, dagego Godiba konealubo po daę olama, tama dagego dwagi yai homu yao. Magi basowe? God agai dagego nogi ugwaba saibao. **10** Tama dage doado bage nai hauwa munalubo bidi dabe, dage me dwagi yai homu yao, God agai dage nai meni yai bidi tiwai bidimainogo yaibao. Te magi baso menio. Te nai hauwa munalubo bidi aga te noswai wiegi yai holobo tiwai elama, tama nosali te noswai ma isibo dao. Tama te tiwai te nai hauwa munalubo bidi isiyu tama tiaibao. **11** Tama dago koneai. Te noswai plaua duduli wiegi yai au osogo elalubo dao. Giliga pedaliyu, te giliga posolo eyu, tama te noswai tigidali bogwa selama wa pabo dao. Tama te noswai tıba tulaluai, tama te noswaigo au yali dolobo dao. Te tiwai te nai hauwa munalubo bidi me aga te tigidali seę yali nai dabe tagalama, tomode isiyu, te nai walu doado bage taga pabo dao. †

God agai dago dwai seę emainogo sinabo menio

12 Niwai bidi me aga dali te dwai seę yanama sinayu bomu ebadi tama te bidigo dwai seę emainogo te bidi me deligo te dwai seę yao po weyu da, te bidigo te seę isiama, te bidi aga bomu elama te dwai seę aiyaba elalubaso, te tiwai bidi aga dwagi yai homu eyu bidaibao. Magi baso menio. Agai te dwai seę usu sabo sogo aiyaba elaluama, tama Godigo aga bidabo ula mawaibao. Godigo te po polobadu wai dao, "Niwai bidi agai ena dali dwagi yai homu eyu, godolo mu ebo bidi

† 1:11 Ais 40:6-7

agabolo te bidabo ula eno mawaibao," te po wai dao.
¹³ Tama bidi aga homude dwai sę yabo homu hodobaso da, agai te po olamuo, "Godigo enabolo 'Dwai sę yao' wali." Te menio. Dwai sę ebo homu God agai homu kolesagade pedalobo menio, usu egobeo. Tama tibaso, Godigo te bidibolo 'Dwai sę yao' wagobeo, te tobage po agai wabo menio. ¹⁴ Tiali goli tigidali bidi deli deli augwa homugo digi te dwai sę yabo homu hodolobo dao, tama dago te dwai sę emainogo te dwai homu kolesaga tomode dabolo te ili po wabo dao. ¹⁵ Tama tiyu, tama te dwai sę ebogo bidi homu hodolama, tama te dwai kolesaga hauwa eyu, te wego wai ame nainogo haliga ebo tiwai elama, tama nosali te dwai sę haniani hauwa eyu, tama te dwai kolesagago wai hauwa ame nai. Tama nosali te dwai sę ebo genuai mu pedalama, tama te dwai sę ebogo te bidi dolama, tama bidi te sęgo isibo tiwai pedalaibao.

¹⁶⁻¹⁷ Eno dwagi yai ama dedeo, dagego homu te dwai sę ebode geda mugimio. God agai we bidi dwai sę yao olama sinabaso, te dwai sę ebo menio. God agai te dwai sę egobeo. Te menio. Te Godigo tigidali dwagi yai olo mabo kolesaga me, te tigidali agai da mabo nai te dwagi yai mu dao, tama te dwagi yai sę tigidali dagaludu asobo dao. God agai naga te dagalude ula ebo nai tigidali nigali bidi, agai te dabolo dwagi yai sę naga tęba mabo dao. Tama God Aya agai te kolesaga subigila hasegelebo menio. Aga te magi nai me giligade noma pedalobo tiwai eyu, tama te noma bobobage elama, pęwadage ma eyu ebo, God agai te tiwai egobeo. ¹⁸ Agai aga homu kolesaga naga wali peyu, agai mu po dabolo ola menama, tama da aga hani mu tiwai dao. Te da aga hani tomode te gomunai bidi tiwai bidimai hagede agai da nigali. Te Godigo da nigilama, te tigidali gasagi yai nai dabego gomunai bidi dabe bidiyu, te dago te nai dabe tonaluminogo yai dao.

Te dago konealubo homu Godiba daę wabo si da, dago te wiegi yai kolesaga dabe me yaibao

(Daj 1:19-5:6)

Dago po odama, wali piąo

¹⁹ Eno dwagi yai ama dedeo, dagego e po pagede bugagia kone palama, koneao. Dagego te po odabo homu sisi elama, wabo po odao. Te dagego polo asesa te po weyu, tama dagego polo wado po wabo homu olamu dao. Dua yao, sębę polo egimio. ²⁰ Magi baso menio. Bidigo sębę ebogo te Godigo gedude wiegi yai doloba pai kolesaga egobeo. ²¹ Tama tibaso, dage deli deligo aga me ebo dwai dwai kolesaga tigidali mu sela sayao. Tigidali dwai sę ebo homu me te tagalama, te tobage sęde digibulu bidao. Tama duga digi duga nogi aiyaba elalua, te Godigo po dagego homude bulali

po sao. Te po aga digi usu elama, dage tau siyu ma saibao.

²² Dagego Godigo po dagego ologo naga odogimio. Ologo naga odoyu da, teda duga digi dugabolo ili po te ola mobao. Te egio. Dagego te Godigo po odama, mu wali pao. ²³ Niwai bidi agai Godigo po ologo naga odama, agai te po wali piąama ebo bidi, te aga digi gesabidi te dluade subo bidi tiwai dao. ²⁴ Agai aga gesabidi polo sulama, tama bedu buluba teda pelama, aga gesabidi suali ma polo gege da pabo dao, eno gesabi mena tiwai suali wagawe homu ebo dao.

²⁵ Godigo wiegi yai doloba pai bomu yai po te bomu yai pogo da we bidi tau siyu, tama da bugagia bidiyu, tama da magi nai mego da kalabuside bidibeo. Tama niwai bidi me agai te Godigo bomu yai po page bugagia osola pelama, tama te bidi agai te po olo naga odola tagalobeo, menio, te bidi agai te po bomu yai po wali pabo dao. Te tiwai bidi Godigo tau siyu, tama te bidi aga bugagia bidiyu, aga ebo sęde tigidali aga homu wiegi yai yaibao.

²⁶ Te bidi me deli agai homu 'Ena te baptais sali dwagi yai bidi dao, hauwa sogo eno lotu po wabo dao,' te homu ebo bidi dao. Tiali goli agai bidi dene mabo dwai po waidali weyu, agai aga pedauwali bugagia tonalubo menio. Tama tiyu da, geda muyu, aga digi aga homugo agabolo tibo po naga wabo dao. Agai te baptais olo sali, agai lotu po wabo te olo po naga wabo dao. ²⁷ Godigo gedude bidi agai wiegi yai kolesaga eyu, agai po bugagia odobo bidi agai magi dwai sę isąbo bidi, agai e tiwai kolesaga si yao: te kolesaga me e dao, niwai wai dabe meba augwa aya de ida si isiyu, tama te tiana wai dabe augwaduba naga bidibaso da, te me bidi isiyu we taga pai agaduba bidibaso me, te dago te tiwai wai dabe me, te wilawe we me augwali magi nai meni baso te sęę sobadi tau sao. Te me kolesaga e dao: dago dena bilibo kolesaga bugagia tonalua bilao, tama e tęde meda yai dwai kolesagago dago homu kolesaga dolidali weyu.

Dago tigidali bidibolo homu deli naga tiwai yao

2 Eno ama dedeo, dagego dago Genuai Bidi Jisas Kraisde duga homu tigidali muyu bidibao. Aga genuai tobolu bidi mu dao, moni nogi me, moni ula yai bomu me elalubo dao. Tama dagego Jisasde konealubo po daę waligo da, teda dagego te nogi yai bidibolo naga dwagi yai sę eyu, te olo nai meni yai bidi dagego tudiba muyu, te kolesaga munu me egio. ² Te bidi me deli agai wiegi yai tedela ugwa gudama, tama aga nogode te nogi wabo dwagi yai nai ring munama, tama te bidi aga dagego lotu be tomoba asiyu, tama me te nai meni yai bidi aga me meda yai ugwa gudasa dagego te lotu be tomoba asobadi da, ³ tama dagego te dwagi yai ugwa gudai bidibolo te po weyu, "Nage te dwagi yai ni namide duayao," te po wai. Tama te ugwa meda yai bidibolo dagego "U badu dolalua, tama nage ena pagede degedude dulalua," te po wai. ⁴ Tama dagego te bidi si dali te tobage sę eyu da, teda dagego duga ama dede dagego homugo augwali os-

alama, dagalobao. Tiali goli dagego te kolesagade geda muyu, dagego bugagia dagalobeo. Dage te bidi po tų dodolobo bidi jasgo dwai homu elalu te bidi dabe po tųde dagalabo kolesaga tiwai dagego homude me gagabo. Tegio.

⁵ Eno ama dedeo, eno dagebolo dwagi yai homu eyu, godolo mu ebaso, eno dagebolo te po obao. Bugagia odao. Te tųde tigidali bidi gedude magi nai meni yai bage, te Godigo te tiwai bidi sa munama, tama augwaligo te Godigo po daų waligo te augwaligo te homu kolesagade te masigi me walu hauwa munalubo bidi tiwai yaibao. Te polobadu Godigo tama po wai, "Niwai bidi agai homu enaba muyu godolo ebo bidi, te aga eno we bidi bugagia tonalubo madi tomoba asagameo," te po wai. Tama tiyu, agai te magi nai meni yai bidi augwali sa muyu, augwaligo te Godigo po mu daų waligo da, te augwali te daų ilali madi te pesage saibao. ⁶ Tiali goli dagego te magi nai meni yai bidi augwali gisugu mabo dao. Tama dagego bugagia kone palao. Te walu hauwa munalubo bidi augwaligo Godigo po wali pisiąbadi, augwaligo dage dali dwai sę haniani eyu, tama dage aiyaba elaluama, tama dagebolo sęęę mabo dao. Tama te bidi dabe augwaligo naga dage te po tų ebo digi kegasa pabo dao, augwaligo dagego nai somainogo. ⁷ God agai dage ma selama, tama agai dageba Jisasgo dwagi yai nogi muai dao. Tiali goli te walu hauwa munalubo bage augwaligo te nogi posobo po wabo dao.

⁸ Te dago genuai tuni bidi God agai bomu yai po me deli bukude polobadu mu aşeyu, te po wai, "Nago naga tigi dali dwagi yai homu eyu, godolo ebo tiwai, nago gasa bidi dali me tama naga tiyu, tama nago te bidi dali wiegi yai homu yao," te polalubo bomu yai po aşani. Tama tiyu, dagego te bomu yai po wali peyu da, te dagego wiegi yai kolesaga naga wali paibao. ⁹ Tiali goli, dagego bidi deli dali wiegi yai homu eyu, tama bidi me bidi dali dwai homu eyu da, te dage dwai sęęę saibao. Tama tibaso, te bomu yai pogo dage homude dene iliyu, tama te dene dagego mu siyu, tama dage te dwai sę eyu bomu yai po bolobo bage dao olama, tama dagego te sęde mu koneaibao. ¹⁰ Tama bidi me deli agai tigidali gasa bomu yai po wali peyu, tama agai te bomu yai po me deli naga bolali, te bidi agai te bomu yai po tigidali bolali bidi te tiwai dao, te sęęę saibao. Magi baso meni. ¹¹ Te God agai te po wai, "Nago te we sabo kolesaga dologio." Tama agai te pogo naga te po me weyu te po wai, "Nago bidi ela mugio." Tialima, nago te we sabo kolesaga dolisiąyu da, tama nago te bidi me ela mugi sogo da, te nage te bomu yai po bolali bidi dao wagi da. ¹² Tama tibaso, dagego te nosali pedalabo sę homugo koneao. God agai te bomu yai po deligo da bugagia bidimainogo ebo dao. Tama te sogo Godigo tigidali tųde we bidi te bomu yai po deligo naga osalama dagalaibao. Tama dagego homu-gu te tiabo koneama tama duga po wabo me, te bidibo kolesaga me te bugagia duga tonaluo. ¹³ Magi baso meni. Bidi me deligo gasa bidi homu dene eyu tau

sisiąyu bidali, tama te sogo Godigo we bidi dagalobode, te gasa bidi homu dene esiąyu tau sisayani te bidi aga Godigo homu dene eyu tau sogobeo. Te menio. Tiali goli, niwai bidi agai gasa bidi homu dene elama augwali tau sali te bidi, te usu da, Godigo te bidi tau siyu, tama te Godigo bidi dagalobode te tiwai bidi aga te po tų dali te sęęę me dene sogobeo. Te menio.

Konealubo po wiegi yai kolesaga dali esiąyu te isibo dao

¹⁴ Eno ama dedeo, bidi mego te po weyu "Eno Kraide konealubo po daų wabo dao" weyu da, tiali goli agai wiegi yai kolesaga mu isiąwai, tiali ma te bidigo konealubo po te olo nai tiwai yai. Tama te tiwai konealubo pogo aga tau siyu ma sogowe? Menio. ¹⁵ Tama tiyu, ama me abe augwali te ugwa dwai eyu, tama tuabo nai me menio. ¹⁶ Tama tibaso dage tomode bidi me deligo te magi nai meni yai bidibolo te po weyu, "Nage homu wiegi yai elama bidao," te po olama, "tama nage pelama naga tigi posolo ilabo ugwa mugu peyu, tama naga nai selama tuyu naga haliga paąnao." Tama dagego te po weyu da, te dagego te nai meni yai bidi ugwa me te nai me te bidi tigi tau selama masiąyu da, tama dagego te po wabogo te bidi mena tama aga tau sogowe? Te meni. Te usu egobeo. ¹⁷ Te tiwai gilama, te Jisasde konealubo po daų wabo tama naga ebo dao. Tama tibaso, te bidi aga olo bidiyu da, te tebo kolesagago magi dwagi yai sę me pedalisiąyu, tama te olo dwai nai tagalobo tiwai sę yaibao. ¹⁸ Te bidi mego te po wali, "Ao, eno Jisasde konealubo po daų wabo dao," wai. Tiali goli agai gasa we bidi tau siyu wiegi yai sę ebe, tama te tiwai bidi dali eno tama po waibao, "Nago pogo naga te konealubo po daų wabo po wai, tama eno da, te eno we bidi tau sabo kolesaga ebo dao. Tialima, eno te dwagi yai kolesaga ebo suyu da, te sogo nago koneyu eno Jisasde konealubo po daų wabo mu koneaibao. Tiali goli nago wiegi yai kolesaga ebe, tama mena tama eno nago te konealubo po daų wabo koneaibawe? Te tų menio, eno konegobeo." Eno te po te tiwai bidibolo waibao. ¹⁹ Tama nago konealubo po daų wabo homu tama yai, "Te God deli digi bidibao," wai. Te homu wiegi yai dao. Tama tiali goli te usu menio. Te dwai haubo noma bidi augwaligo me te homu tiwai ebo dao, tama te pode augwali homu didibili eyu midigi sabo dao. ²⁰ Nage homu kolesaga meni yai bidi, te nago konealubo po naga daų weyu, tama nago wiegi yai kolesaga dali esiąyu, tama nago te konealubo po daų wabo te olo nai tiwai eyu te usu menio. Tama tibaso, nago te po page mu koneai homu ebawe? ²¹ Edao. Dago wai Abraham agade kone palao. Polobadu Godigo agabolo "Te sę yao" po olama, Abraham aga ogwa Aisak te masigi saiba munama elainogo, tama Godibolo te ogwa te olo mabo tiwai yainogo tiwai. Tama te sogo Godigo agai te kolesaga ebo selama, tama "Abraham aga wiegi yai doloba pai bidi mu dao" wai. ²² Dagego suo. Abraham agai Godigo "Nago ogwa enabolo mao," wali po

† 2:8 Prs 19:18 †† 2:11 Sai 20:13, 14; Bom 5:17, 18

‡ 2:21 Gag 22:1-14

bugagia wali peyu, tama te yali wiegi yai kolesaga aga konealubo po dali se eyu, tama te dwagi yai kolesaga yaligo te agai konealubo po Godide daŋ wabo te usu mu eyu, te habuge me ebeo. Menio. ²³ Tama tiyu, Abraham agai tama tiai, tama nosali Mosesgo te Godigo po meba te bukude agai aşıai, "Abraham agai te Godigo pode konealubo po daŋ wai. Tama tibaso, Abraham aga te Godigo gedude wiegi yai doloba pai bidi mu pedalai," Mosesgo tama po aşıai. Tama me, te Godigo Abrahamde dali te po wai, "Aga eno abagi dao." ^{†24} Tama te wali pode te Abrahamgo yali kolesaga te po dagego koneao, te bidi mego konealubo po naga daŋ weyu, tama agai te wiegi yai kolesaga ebo po wali pişawai, te tiwai bidi Godigo wiegi yai doloba pai bidi dao wagobeo. Menio. Niwai bidigo te wiegi yai yai kolesaga dali eyu konealubo po daŋ wabo bidi, te Godigo gedude te tiwai bidi te wiegi yai doloba pai bidi dao waibao.

²⁵ Tama dago Godigo gedude doloba pai we bidi bidabo kolesaga sao, te polobadu we mego po wali, te we nogi Rahap. Te we aga penani we, tialima Godigo te Kanan tı Juda bidi hanibolo mawainogo yali sogo, tama augwaligo te Kanan tıba sa pabo bidi dabe tagala palai, te sogo te we Rahap agai te bage tau sai. Te we aga hanigo augwali elidali weyu, tama te we Rahap agai te bidi dabe dualama, gasa tıdu Juda bage bidibo digiba tagala palai. Tama te wego te yali seıde, te we aga Godigo gedude doloba pai mu pedalai dao. †

²⁶ Tama te bidi Abraham dali te we Rahap augwali sigo yali seıde dago koneaibao, tama niwai bidigo agai konealubo po naga daŋ weyu tama wiegi yai kolesaga esiayı da, teda agai Godide konealubo po wabo isali tiwai dao, te bidigo tigide bidibo noma bidi meniama, tama te bidi isai tiwai yaibao.

Dago dena wabo po bugagia tonaluo

3 Eno ama dedeo, dage tomode Godigo po ola mabo bidi hauwago te po ola magio, bidi si sela naga usu yaibao. Dago konebo dao, nosali Godigo agai we bidi dagalobo sogode, agai da te po ola mabo bidi dabe agai da bugagia dagalama, osola sueibao. Tama dago dena se bugagia esiayı da, teda agai dabolo sege mawaibao. Tiali goli te sogo agai po odali gasa we bidi te agai dua digi augwali bugagia dagalama osola sueibao. ² Tama hauwa sogo da tigidali bidigo te pode geda muyu haniani se ebo dao. Tama tibaso, bidi mego agai wabo pode dwai se me esiayı da, te aga te wiegi yai bidi mu dao. Tama te bidi aga tigo ebo se tigidali bugagia tonaluyı te bidi usu yaibao.

³ Tama dago dena wabo po bugagia tonalubo seıde eno te po obao, dago te moni kibu hos keledı ain dage munama, tama te ain bonogo kegeyu, tama te hos aga dago ebo homu kolesaga wali bilimainogo tebo dao. Tama tiyu dago aga genuai tigi tigidali kegasa biliyu, tama da bidigo homu kolesaga wali hosgo pabo dao.

⁴ Tama dagego homugo te moni geba sip, tede me bilibo kone palao. Te moni geba sip te genuai nai mu dao, tama tiyu bomai waligo te sip selasa, te tamu aıdu bilibo dao. Tama te sip tolasa bilibo nai te dwasianu nai mu dao. Tiali goli, te sip tolasa bilibo bidi agai homugo gasaba painogo da, te bidi agai te sip tolasa pabo nai teba begelama pabo dao. ⁵ Te tiwai gilama, te da bidigo kele te dago tigide elalubo dwasianu nai dao. Tiali goli te kelego genuai po hauwa wabo dao, tama te wali pogo genuai se ebo usu dao, te se meba dwagi yai dao, meba dwai se dao.

Kone palao, te dwasianu sia dabogo te genuai sia mu deyu, tama te bulu tomode elalubo ni dabe tigidali te siago dainogo ebo te dagego konebo dao. ⁶ Te sia dabo tiwai da bidigo kelego wabo po tiwai dao. Tama te sia dabo tiwai, dago wali dwasianu dwai po te genuai mu pedaluama, dago tigi tomode dwai meda mu elama, tama da dolobo page elalubo. Tama dago wabo dwai po aga page bulu da te Satan aga moni dwai sia dabo bulu dao. ⁷ Tama tigidali tıde bidibo bidi augwaligo te bulu tomode bidibo wili hasa dabe sobadı, te ba me, te hasamani me, tama te tigidali tamu aıde bidibo nai tigidali sai. Tama augwaligo te hasa dabe tigidali negelama tama nagame ilbaso, tama augwaligo po odolama bugagia bidibo dao. Tama megi me bidi dabe augwaligo tama tebo usu yaibao.

⁸ Tiali goli mena bidi deli agai kele bugagia tonaluaibawe? Te tobage bidi menio. Sesemane sogo bidigo keledı dwai po haniani subigila homu hodolama, te dwai po wabo dao. Tama dago kele da te bidi isibo nai elalubo bidi gaŋ kelebo dwai hasamani tiwai dao, dago wabo pogo we bidi dene mabo dao. ⁹⁻¹⁰ Tama dago kelego naga po weyu, te dago po si wabo dao. Po me deli te dago Genuai Bidi dali te dago Aya God te augwali sigo nogi dago ugwaba sabo dao. Tama gasa po me dago kelego dwai po weyu, meba bidi dabe dali posobo po olama dolobo dao. Tiali goli, God agai tigidali tıde we bidi aga tigi tiwai nıgalıgo da, Godigo nogi ugwaba sabo po dali, te bidi posobo dwai po wabo dali, te tiwai po si dago deli kelego olamuo. Eno ama dedeo, te dwai po wabo tagalao. ^{†11} Te aıde kone palao. Te dwagi yai asobo ulu we dali te tamu aı dali gelama asobo menio. ¹² Ama dedeo, te ni kayago te ni oliv du walogobeo. Tama te bono du ni wain tego te ni kaya du walogobe. Tama tiali me, te tamu aıgo dwagi yai aı ma gagagobeo. Menio.

Dwagi yai homu kolesaga God pagedu asobo po

¹³ Te dage tomode bidi me deli agai wiegi yai homu eyu, te dwagi yai po konebawe? Te dage tomode te tiwai bidi me deli bidibaso da, te bidi agai bilibo kolesaga dwagi yai yao. Tama wiegi yai kolesaga eyu dwai kolesaga isiama, tama dwagi yai kolesaga ebo koneyu, tama agai te dwagi yai kolesaga ebo gasa bidi dabe augwalibolo ola mao. ¹⁴ Tiali goli, dagego dwai homu gasa we bidi dabe dali elaluyı, tama dagego augwalıgo nogi ugwaba sabo eno hagelabo homu eyu da,

† 2:23 Gag 15:6; 2 Sto 20:7; Ais 41:8 †† 2:25 Jos 2:1-21

‡ 3:9-10 Gag 1:26

tama dage nai yogo homu eyu da, dage te tobage dwai homu eyu da, teda geda muyu dagego te po wabo dao, "Da da, te wiegi yai homu eyu, te dwagi yai po konebo bage dao." Te tobage tibo po wabo tagalao, duga nogi ugwaba sabo po wagimio. ¹⁵ Tama dagego te gasa we bidi dali dwai homu eyu, tama duga digi duga nogi ugwaba siyu ebo, te tiwai kolesaga te dagaludu asobeo. God agai te tobage kolesaga dabolo mabo menio. Tama te homu ebo dwai kolesaga te e tõe we bidigo homugo naga ebo kolesaga dao. Te dago dwai tagalai şe ma eyu, tama te dwai şe ebo page bidi te Satan dao. ¹⁶ Tama tiyu, bidi meba augwaligo gasa bidi dabe dali dwai homu eyu da, tama augwaligo te haniani kolesaga ebode te augwa digi augwa nogi ugwaba siyu da, te tiwai bidi dabe augwaligo konila po subigila wabo bidi dao, te haniani dwai şe ebo page bidi dao. ¹⁷ Tiali goli niwai bidi augwaligo te God pagedu asobo te wiegi yai homu kolesaga sabo bidi dabe augwaligo ebo kolesaga e dao: polasa mu, te augwaligo meda isişwai wiegi yai homu kolesaga wali pabo dao. Tama te kolesaga me, te augwaligo gasa bidi dabe dali wiegi yai kolesaga eyu deli homu elama bidiyu, tama augwali dali homu nagame eyu, tama tiyu augwaligo gasa bidi dabego po wabo odobo dao. Tama augwaligo homu dene eyu, we bidi tau sabo wiegi yai kolesaga ebo dao. Tama tiyu, augwaligo deli homu tiwai naga tigidali we bidi dali ebo dao. Tama augwaligo ugwadu homugo naga augwaligo po wabo menio. ¹⁸ Tama tiyu, dago wiegi yai kolesaga eyu, deli homu naga elama bidiyu da, te şe ebo dago te nai ge tõe bulubo tiwai dao. Tama dago te wiegi yai kolesaga eyu, te deli homu naga ebo te kolesaga ebode te nai ge dwagi yai walobo tiwai yaibao, te doloba pai kolesaga ebo genuai pedalaibao.

E tõe ebo kolesaga godolo ebo bidigo te God dali boi bidi ebo dao

⁴ Te duga hasi te boi bidi yabo homu dali, te wado po wabo homu dali te si menadu pedalobo dawewoo, dage bidi deli deligo magi nai sulama, te nai eno tigi tau somainogo, te saio homu eyu, dini ebo dao. Te tama te ebo şego dagego homu hodolama, tama homu si eyu, tama duga hasi konila po weyu, wado po idu gebo dao. ² Dagego te haniani nai sabo homu godolo yai, tiali goli dagego sabo menio. Tama tiyu dagego te bidi ela muabo homu ebo dao. Tama dagego nai sabo homu eyu pesa eyu, tama dagego te nai sisama, tama dagego wado po weyu hwjbo dao. Tama me sogo dagego Godibolo nai sainu po hanalu wasiqbaso, dagego te nai sabe dao. ³ Tama me sogo dagego Godibolo te nai sainogo po hanalu obadi digi, dagego te nai sabe dao. Magi baso menio. Geda muyu, dagego homu dolo pisişwai, dwai şe emainogo, duga tigi tobade, duga haliga tobade naga te nai sai hagede te dagego homu daş ola sabo nai sainu te dagego God te naide hanalu wabo dao. Tiali goli agai dagebolo mabe.

⁴ Dage te penani ebo we tiwai dao, te we aga bidi dali bidisişyu, gasa bidi dali penani ebo tiwai dao. Niwai bidi agai e tõe ebo kolesaga naga godolo eyu da, teda te bidi aga God dali boi bidi homu ebo dao. Te dagego konebewe? Tama tiyu, niwai bidi agai te tõe kolesaga ebo bidi dabe dali abagi weyu, te bidigo aga digi te God dali boi bidi gagawai. ⁵ Dagego te polobadu bidali bidigo aşani pode ma kone palao, te pode geda mugio. Te aşani po e dao: "God agai aga Mobo Bidi da dali bidimainogo tagala palali. Tama tiyu, da God taga peyu da, te Mobo Bidi agai bomu eyu, da dali dwai homu ebo dao," te po Godigo po bukude bidi mego aşani. Te pode dagego "Te po olo po naga dao" homu elamuo. ⁶ Tama God agai aga Mobo Bidigo dabolo mabo şe te genuai dao. Tama agai da olo mu tau sabo şe, te genuai mu dao. Tama tiyu, agai da olo tau siyu, te dago homude pedalobo 'Dwai şe yao' po te po dago odosişma, tama dago te po aiyaba elalubo dao. Tama te şe ebode te Godigo wali po bukude te po elalubao, "Te aga digi aga nogi ugwaba sabo bidi, te bidi God aga tudiba mubo dao. Tiali goli te imilai bidi da, te bidi God agai olo mu tau sabo dao," te po aşani. ⁷ Tama tibaso, dagego duga dwai kolesaga ebo te homu aiyaba dualao, tama dage Godigo bomu dologode bidao. Tama tiyu, dagego te Satango dwai şe yainogo ebo dagalama sela şayao, tama agai dage dali te dwai şe yainogo yali tagalama Satan aga wi paibao. ⁸ Tama tiyu, dage God paşa mu peyu tibaso da, aga dage paşa mu aselama, bidaibao. Tama dage te dwai şe me sogo me sogo ebo bidi dabe, duga nogogo dwai şe ebo tagalama, dwagi yai şe naga yao, te bidigo nogo aşide telabo tiwai te meda meniama dwagi yai tiwai yao. Dagego te Godigo po wabo odobo me te tõe kolesaga ebo te homu si elalubo, te dwai homu ebo kolesaga dagego homude elalubo te sela şayao, homu deli naga eyu bidao. ⁹ Tama duga te dwai şe ebo kolesagade homu şeşeyu tama gela hauwa waişao. Tama dagego megi tama tebo kolesagade dagego dwagi yai homu eyu gisugu wai, tama dagego te dwai şede gisugu wabo te kolesaga hasegelama, tama duga te dwai şe yalide homu begeleyu gela wao. Tama dage te megi naga wiegi yai homu te dwai şede ebo bidi dabe, dagego te homu ebo hasegelama, tama duga te yali dwai şede hale eyu homu dene yao. ¹⁰ Tama duga digi duga nogi Genuai Bidigo gedude aiyaba dualao. Dagego tama tiyu da, te Genuai Bidi agai dagego nogi ugwaba saibao.

Dena ama dali dolabo po olamuo

¹¹ Ama dedeo, duga hasi bidi dolabo po dagego wagimio, te tagalao. Niwai bidi agai aga abagi dali te nogi posobo po weyu, "Nage dwai şe elama, tama şeşeyu saio," te tobage po weyu da, te bidi agai Godigo bomu yai po me posoyu, te bomu yai po dolai dao. Tama nago te Godigo bomu yai pode posobo po weyu da, teda nage te bomu yai po odoyu wali pabo bidi me menio. Nago te bomu yai po osola sulama, tama 'Te bomu yai

po usu ebe' homu eyu, nago te bomo yai po bolobo bi-di dao. ¹²Tiali goli, God aga digi naga agai bomo yai po dabolo mawai dao. Aga digi naga we bidi osola suabo bidi dao. Aga digi naga agai we bidi tau siyu ma sabo bidi dao, ma we bidi mu dolabo bidi dao. Tama tibaso, we bidi osola suyu sege mabo se te nago se mu menio.

Dago dwai se egio wabo po

¹³Dage meba bidi dagego te po wabo dao: "Megi me, do me, da te hanu meba pelama, tama te hanude dago bisnis se eyu, kibu be deli bidaibao. Tama dago mone ge hauwa saibao," te po dage mebago wabo dao. Tialima eno dagebolo te po obao: ¹⁴Dagebolo magi nai te do pedalabo te dagego konebeo. Tama dagego bidibo ula te mena tiwai dawo? Te dagego bidibo ula e tiwai elalubao te kigamu po holama, tama te giliga asobode te po polo hagabo tiwai, te da bidigo bidibo ula te tiwai osogo naga ebo dao. ¹⁵Tama tibaso, dagego nosali yabo se de homu eyu, te po wao, "Genuai Bidi agai 'Ao, usu da' homu eyu da, te da bidibo ula dali bidiyu, tama dago te masigi sabo se me te gasa se me te nosali yaibao." ¹⁶Tiali goli dagego te tiwai ebo meni. Dagego genuai po daga olo dali ola biliyu, tama dagego nosali yabo se de duga digi nogi ugwaba sabo po wabo dao. Te tobage nogi ugwaba sabo po wabo te dwalio.

¹⁷Tama tibaso, bugagia kone palao. Dwagi yai kole-saga ebo koneai bidi, tama te bidi agai te dwagi yai se esiayu da, te bidi agai dwai se yali dao.

Te walu hauwa munalubo bidi dabe dali wali po

5 Megi eno te dage walu hauwa munalubo bidi dabe dali te po obao. Dage dwai homu eyu, te hwa weyu, gela weyu yao. Dagebolo moni dwai sege dali, dene dali si tamadi pedalaibao. ²Tama dagego te wiegi yai walu dali te au dobage te nai dabe tigidali te dolama, tama damua pai dao. Tama dagego te ugwa dabe me tigidali, te asibago me te sagado dabego tula silai. ³Tama dagego te wiegi yai kapa nogi gol te golgo nigali nai dali, te kapa nogi silva si te wiegi yai nai dabede nai yogo ebo homu eyu, te nai dabe olo munaluyu, te yaba yai. Tama te nai si yaba ebo gilama te dagego dwai se ebo te hania pedaliyu, tama te naigo dagego tigi te sia ulubo tiwai yaibao. Dagego megidi bidiyu, te walu me te mone ge hauwa sisinibao. Tiali goli te Genuai Bidi aga ma asobo sogo pade dao. Tama tibaso, megidi da te nai deliba sisinabo sogo menio. ^{†4}Te po bugagia odao. Te se ebo bidi dabe augwaligo te dagego moni gide dagego nai sabo se yai. Tama dagego augwali ili po weyu, te augwali maiabo mone ge bogia siyu, tama meba duga geme halobageba dualobo dao. Odao. Dagego te geme dualali masigigo agai i olama, dwai po dage dali wabo tiwai po wabo dao. Tama te se bidi dabe augwaligo masigi habuge eyu, dwai homu eyu, tama augwaligo i wabo

te dagalude bidibo Genuai Bidi agai odalio, God aga tigidali bomo page bidi mu dao, te aga digi augwaligo gela wabo po odalio. ⁴⁵Tama tigidali sogo dage e tode bidibo sogo, dagego dwagi dwagi yai nai siyu, tama dage homu dwagi yai naga eyu bidai. Tama dage nai hauwa tuyu genuai bidi nisai, tama dage elabo bodolu te paba pedalai dao, te nisai genuai kibu tamadi elabo bodolu paba pedalobo tiwai dao. ⁶Dagego te wiegi yai doloba pai bidi dabe po tu elama, te bidi dabe augwali ela muai. Tama dagego augwali dali te dwai se ebadi yaide, augwaligo dage dali po wei ponobo usu ebeo.

Da bomo elalu bidu te Godiba gedu haluasa po weyu tama Genuai Bidi asobo tonaluino

(Daj 5:7-20)

Dago homu daj olama te sege toloyu, Genuai Bidi ma asobo tonaluo

⁷Eno ama dedeo, te walu hauwa munalubo bage augwaligo tama tiyu, dagego homu daj olama, dagego te tigidali sege toloyu, tama te Genuai Bidi Jisas ma asobo tonaluo. Dagego koneani, te gi page bidigo te aga gide bulali nai dwagi yai holobo tonalubo dao. Tama te bidigo homu daj olama, moni homu esiayu, te tulubage dali te giliga dali sigo se usu ela silibo si, tama te bidi aga te gide te wiegi yai nai sabo dao. ⁸Dagego me tama duga homu kolesaga daj olama, te tigidali haniani sege tolao. Tama te Genuai Bidi ma asobo sogo te paba yagasobao. Tama tibaso, dwagi yai homu eyu, dagego homu kolesaga daj olama tonaluyu bidao.

⁹Eno ama dedeo, te po tu ebo bidi Jisasgo dagebolo dwai dene wei ponoidal weyu, duga hasi te gasa ama dabe dali wado po weyu, augwali dali te posobo po olamu dao. Dagego e po odao. Te po tu ebo bidi Jisas te be tu bulu badu dolagasai elalubao. ¹⁰Ama dede, dagego te polobadu Genuai Bidigo nogide po pusali bidi profet bage augwali dali yali te se homugo koneao. Te bage dali gasa bidi dabe augwaligo boi bidi homu eyu, augwali dali dwai se yai. Tiali goli te profet bidi augwaligo homu kolesaga daj olama, te sege bugagia tolai dao. Tama dagego augwaligo te yali kolesaga suyu, te kolesaga dagego usu ni tiwai dao. Tama dage te usu niba kadu wao. ¹¹Tama te tiwai augwaligo te sege polobadu bugagia tolai baso, megidi dago tama po wabo dao: "Te homu kolesaga daj olama te sege tolali bidi dabe, te bidi megidi augwaligo homu wiegi yai eyu bidibao." Tama gasagi yai bidi me agai nogi Jop, agai yali se po dagego odai. Te genuai sege hauwa te agabolo pedalali digi te agai bomu eyu dolalu, te sege te aiyaba elaluai. Tama nosali Genuai Bidigo dwagi yai kolesaga aga dali yai, te me dagego koneai. Tama te bidi Jopde yali se po odama, tama da-

† 4:14 Prs 27:1 †† 5:3 Mat 6:19

‡ 5:4 Bom 24:14-15

go koneani, Genuai Bidi agai da hobede mu eyu, tama sesemane sogo agai da homu dene elama, da agai dwagi yai homu eyu, da olo mu tau sabo dao. †

Dago po wabode dago Godigo nogi olo weyu da, te dwalio

¹² Ama dedeo, dagego polasa te yabo sege se e dao: Dagego te God aga bidibo madi dagalu me, tɔ me, te gasa nai me nogi eyu, tama dagego te po wabo dao te pogo daɣ wagimio. Tama dagego "Awe" weyu duga wabo po daɣ walomainu, "Awe" naga wao, te usu yaibao. Me ma, dagego mu po weyu, "Menio" weyu, duga wabo po daɣ walomainu, "Menio" naga wao, te usu yaibao. Bidi mego aga wabo po daɣ walomainu Godigo nogi weyu da, te bidibolo Godigo sege mawaibao. Tama Godigo dagebolo sege maidali weyu, dagego te Godigo nogi olo nogi igio. ††

Dwagi yai doloba pai bidigo Godibolo hanalu wabo po te bomo elalubao

¹³ Te dage tomode bidi me deli aga te sege tolobawe? Tibaso da, agai te Godibolo gedu haluasa po hanalu wao, Godigo aga tau somainogo. Ma, bidi me aga homu dwagi yai eyu bidibawe? Te homu ebo bidi agai te Godibolo wiegi yai homu elama, teabi po weyu, Godigo nogi ugwaba sao. ¹⁴ Tama dage tomode ama me deli aga te gasi saliwe? Tama tibaso da, agai te Godigo po odobo we bidi tomode bidibo tobolu bidi augwali i wao. Tama augwali aselama, augwaligo te Genuai Bidi Jisasgo nogide te bidi tigiba te wel mua-gasiyu, tama Godigo te gasi sai bidi tau somainu augwaligo Godibolo gedu haluasa po hanalu waibao. ^{#15} Tama augwaligo Godibolo te konealubo po mu daɣ olama gedu haluasa po weyu da, te Genuai Bidigo te

† 5:11 Jop 1:21-22; 2:10; Tib 103:8 †† 5:12 Mat 5:34-37 ‡ 5:14 Mak 6:13

gasi bidigo gasi usu ilama ma hodolaibao. Tama te gasi bidi agai dwai se meba yaibaso da, te Genuai Bidigo te dwai se tigidali sela sawaibao. ¹⁶ Tama tibaso, dagego duga dwai se yali te duga ama dabebolo pusao, te duga hasi tau somainogo Godibolo te po hanalu wao, te God agai dage dwagi yai ma usu il-mainogo yao. Tama tiyu, te doloba pai bidigo gedu haluasa po wabode bomo elaluyu, tama agai te gedu haluasa po wabogo te we bidi tau sabo se ebo usu yaibao. ¹⁷ Te polobadu bidai bidi nogi Elaija aga doloba pai bidi bidiyu, tama agai gedu haluasa po wabode bomo elaluali. Tama agai Godigo nosali yabo se po augwalibolo pusuyu bidai. Tiali goli Elaija aga te da tiwai bidi bidai. Tama bidiyu, agai Godibolo gedu haluasa po bomonama wai, te tulubage tuluidali weyu, tama te tulubage dagalude tulisiq̄badi kibu be sela olama, tama te polua a naga olama, me badu nogo deli olo bidai. ^{#18} Tama nosali agai Godibolo po ma hanalu obadi, tama dagaludu te tulubage tagala palama, tama tulubage tuluyu, te tɔde nai ma holai. ‡

Godigo po wali pabo tɔ tagalobo bidi, te dago ma oda sabo po

¹⁹ Eno ama dedeo, dage tomode ama me deli agai te Godigo mu po tagalobaso da, tama ama me bidigo te ama ma oda siyu da, ²⁰ tama te gasa bidi ma oda sali ama agai koneama te homu yao: tama te bidi mego te dwai se yali bidi tau siyu, tama te dwai se yali bidi agai te dwai se ebo tɔ tagalama tama te bidi God pageba ma asobaso da, te bidigo te dwai se yali bidigo mobo ma sai, tama te bidi agai te dwai se eyu te dwai sego aga ela mugobeo. Te dwai se yali bidi tau sabo kole-sagade Godigo te dwai se ebo bidigo dwai se hauwa sela sawaibao. Te tama dao. ‡‡

‡† 5:17 1 Kin 17:1; 18:1 ‡‡ 5:18 1 Kin 18:42-45 ‡‡† 5:20 Prs 10:12; 1 Pi 4:8

Pitago Hasia Pas Deli Aşani

Hasia nedebo tau sabo po

Te bidi Jisas wali pali bidi nogo si olama sağago si bidi dabe tomode te bidi Pita bidali. Tama te bidi Pita nosali te Kraisgo po wali pabo we bidi hani dabe tomode te genuai bidi pedalali. Tama agai e pas te digibulu moni t̄o pedai a naga tede bidali Godigo we bidi hani augwalibolo aşana tolali. Magi baso meni, te sogo te Rom gavman me, te haniani olo we bidi me, augwali tigidaligo te Kraisgo po wali pali we bidibolo genuai seğe dali dene dali mayu bidali. Tama tibaso, te bidi Pitago homugo agai te augwali homu hodolobo bomo mabo po augwalibolo pusa mawaibao. Augwaligo te haniani seğe tolobadi, tama augwa hasi dali yabo kolesaga me, te gasa we bidi dali yabo kolesaga me, te gavman dali yabo kolesaga me, te tigidalide Pitago augwalibolo te tau sabo po e pas tomode aşanama tama tolali.

Da te Godigo hani we bidi mu pedelai baso, tama dago te wiegi yai kolesaga dabe eyu, te dago dwagi yai nai dabe saiba homu eyu tonaluinao

(Daj 1:1–2:10)

¹ Ena da Pita da, te Jisas Kraisgo tagala palai bidi me deli dao. Tama te dage haniani gasa tedali bulude bidibo we bidibolo eno e pas aşana tolobao. Dage meba te moni t̄o nogi Pontus tede bidibao, meba te moni t̄o Galesiade me, meba te moni t̄o Kapadosiade me bidibo, meba te moni t̄o Esiade me bidibao, meba te moni t̄o nogi Bitiniade me, dage te t̄ode bidalubo, tede osogo bidibo we bidi tiwai bidibao. ² Dago Aya God agai dage polobadu mu konebaso, agai dage hagea sai dao. Tama agai Mobo Bidigo dage doloba pai mu iliyu, tama dage wiegi yai kolesaga naga eyu bididuyu tama dage Jisas Kraisgo po odoyu, agai aga kanemego dagego yali dwai seğe sela şamainogo, God agai dage koneyu polobadu hagea sai dao. Tama eno homugo God agai olo tau sabo kolesaga dage dali genuai mu elama, tama dage bugagia mu bidao.

³ Te dago dena Genuai Bidi Jisas Kraisgo Aya God aga nogi dago ugwaba sinao. Agai da moni homu dene mu eyu, tama da tau somainogo, agai Jisas Krai te isai bidi dabe bidibo digi tomodu ma hodolali. Tebogo dabolo te gesi noma ula mawai. Tama menama, da dwagi yai homu eyu, bugagia tonaluyu bidalubao.

⁴ Aga bidibo digi dage maiabo nai agai dagala muna-ma, megi bugagia tonalubo dao. Tama agai dagebolo maiabo nai te gamonabo nai dao, te dwai seğe dolışıbo nai dao, te nai munu me mobia pogobeo.

⁵ Tama dagego duga homu tigidali te Krai agaba mubaso, God agai bomogo dage bugagia tonalubao. Tama nosali te tigidali nai silabo bodolu mani sogo pedalobo si, agai te we bidi ma dobola sabo kolesaga polobadu sisi ela muani te sogo waselaibao. Tama tibaso, megi agai dage bugagia tonalubao.

⁶ Tama agai dage dali te seğe ebode dage moni dwagi yai homu mu ebo dao. Godigo te dage usu sabo seğe pedalama gogolama, tama dage homu osogo dene ebo. Tiali digi, dage moni dwagi yai homu mu ebo dao. ⁷ Tama te haniani dene mabo seğe augwaligo page elalubao. Dage duga homu tigidali Godiba muani seğe, te seğe usu somainogo te dene mabo seğe dageba pedalobo dao. Eno megi te wiegi yai kapa nogi gol te naide po digi po begelama obao. Augwaligo te kapa gol te t̄ode diganama, tama te dwai nai sela şawainogo augwaligo te gol siade ulubo dao. Siago uludama, tama nosali te wiegi yai kapa gol naga pedalama, augwaligo saibao. Tama te gol te osogo wiegi yai nai dao, te t̄ode elalubo nai dao, tama nosali te nai mu dolaibao. Tiali goli dagego duga homu tigidali Godiba mubo seğe te wiegi yai mu dao, tebogo te kapa gol aiyaba elalubo dao. Tialigo da, dagego konealubo po dağ wabo kolesaga usu selama, tama usu baso, te Jisas Krai aga ma asobo hanilabo sogode te Godigo dagego nogi ugwaba mu siyu, dagebolo dwagi yai genuai nogi mawaibao. ⁸ Tama dagego duga gedugo aga munu me susiawai digi, dagego Krai de dwagi yai homu eyu godolo ebo dao. Dagego megi me aga susiabadi digi, dagego duga homu tigidali agaba muyu, tama wiegi yai homu mu ebo dao. Tebogo te tigidali gasagi yai dwagi yai homu ebo aiyaba elalubo dao. Tama te dagego wiegi yai homu ebo te genuai mu dao, augwaligo Godigo bidibo digide ebo wiegi yai homu ebo sabi si dao. Tama tialigo da, dagego pedauwaligo tede po wabo usu egobeo. ⁹ Tama God

agai dage ma dobola saibao homu eyu, megi dagego Kraissusiqbadi digi dagego duga homu tigidali agaba muyu, tama God agai dage ma dobola sabo şey eyu bididubao.

¹⁰ Te Godigo dage ma dobola sabo şey, polobadu mu te şede te Godigo nosali yabo şey po pusabo profet bidi dabe augwaligo te şede bomu eyu osola suali, te şey pageđe dua dua eyu hanalu wali, augwaligo te şey page kuna konemainogo yai. ¹¹ Tama Kraisgo Mobo Bidi agai augwaligo homu tomode hanilama, te po widu geai, "Te Godigo sa muani nosali asaibao wali bidi Kraiss agai dene selama, tama nosali agai te genuai bomu yai ula me saibao," te po wai. Tama augwaligo te pode homu konea peyu, te po hanalu wai, "Te şey nisu pedalaibawe, mena side pedalaibawe?" te po wai.

¹² Augwaligo te po hanalu wali digi, tama God agai augwalibolo waselama, tama augwaligo koneai, augwaligo po pusubo şeygo augwa digi tau sabo şey meni, te dage nosali bidabo we bidi tau sabo şey dao. Tama augwaligo te şey eyu, augwaligo te polobadu sogo mu pusali po dagego tamadi odali. God agai aga Tedali Mobo Bidi aba tagala palama, tama agai gasa bidi dabe tau siyu, augwaligo Godigo dwagi yai po dagebobo pusagasai. Tama te şede te Godigo dagalude şey ebo ensel bidi dabe augwaligo bomu eyu, te şey page kuna koneaio homu ebo dao.

¹³ Te God agai dage dali te şey yaligo da, te bidi me şey yai hagede aga ugwa sugwa sabo tiwai, dagego duga homu bugagia dodola selama daş wao. Tama dage deli deli duga digi bugagia tonalua, te homu keşnai we bidi bidao. Tama te Jişas Kraiss aga asobo hanilabo sogo agai dagebobo te wiegi yai olo tau sabo şey mawaibao. Dagego tede duga homu bugagia daş olama, dwagi yai homu eyu tonalua.

¹⁴ Dage Godigo po wali pabo we bidi bidibaso, dagego God konesişbadi polobadu yali dwai dwai kolesaga wali ma pigimio. ¹⁵ Te menio. Te dage i wali God aga da, te tedali mu doloba pai bidi bidibaso, dage me tigidali kolesagade mu doloba pai we bidi bidao. ¹⁶ Magi baso meni. Te Godigo bukude e po aşani, "Ena tedali mu doloba pai bidi bidibaso, teda dage tedali mu doloba pai we bidi bidao." †

¹⁷ Tama nogi yai bidi dali, nogi meni yai bidi dali God agai po tuş ebo sogode dagalama egobeo. Te meni. God agai we bidi po tuş eyu osola subo si, agai augwaligo yali şey naga osola subo dao. Tama tibaso, dagego agade dago Aya waligo da, teda dage e tuşde osogo bidibadi, agade wi eyu aga dologode bidao. ¹⁸ Magi baso meni. Dagego waşgo dagebobo polobadu ola mani bidabo kolesaga te usu isişbo kolesaga dao. Tama dagego koneai, God agai dage te usu isişbo kolesagade ma dobola siyu, agai te mobi elama damua pabo nai mego agai dage ma abela sabeo, te dila pai kapa si nogi gol dali silva dali si, te tobage gamonasişbo naigo dage ma sabeo. ¹⁹ Te meni. Te Kraissgo kanemego agai dage abelama, tama ma dobola selama, tama megi dage olo mu bidibao. Tama aga

kaneme te dila pai nai mu dao. Kraiss aga te wiegi yai kibu sipsip wai tiwai bidali, te sipsip wai aga tigi dwai naigo doloyu husugu yai digi te menio, te Godibolo te ofa mabo sipsip usu dao. ²⁰ Tama God agai e tuş nigisişbadi, polobadu mu agai aga koneama tama te şey yabode sa muani. Me ma megi e nosali sogo agai aga dage tobade waselai dao. ²¹ Tama tiyu, Godigo aga te guş pageđe ma hodolama, agabolo genuai ula yai nogi mawai dao. Tama tiwai ebaso, agadu dagego duga homu tigidali Godiba muyu agade mu daş wali. Tama duga homu tigidali Godiba munama, tama agai dage dali wiegi yai şey yabo sogo dagego dwagi yai homu eyu tonalubo dao.

²² Te dagego Godigo wiegi yai mu po bugagia wali peyu tama duga homu kolesagade elaluali dwai kolesaga sela şanama, tama dagego duga hasi we bidide dwagi yai homu ebo galalali. Tama tiyu, megi dage bomu eyu, homu mu elaluyu duga hasi godolo mu yao. ²³ Awe, duga hasi godolo mu yao. Magi baso meni. Dagego te gesi noma bidabo ula sai dao. Tama te dagebobo te gesi noma bidabo ula mani nai te gamonasişbo nai menio, te gamonabo nai mu dao, te Godigo bidabo ula mabo bidada peyu, bidada pabo po, te pogo dagebobo te gesi noma bidabo ula mawai dao. ²⁴ Tama Godigo pode te bukude aşani po me deli e dao, "Te tigidali we bidi osogo naga bidibo dao, te noswai tiwai. Tama augwaligo genuai nogi me te osogo naga elalubo dao, te noswai aga duduli tiwai. Te noswai holama, sasia peyu, aga duduli me tegasa dulaibao. ²⁵ Tiali goli te Genuai Bidigo po bidada peyu, bidada pabo dao," te po aşani. Tama te po da, te augwaligo dagebobo pusagasali wiegi yai gesi po dao. ††

2 Tama God agai dage te gesi noma bidabo ula mobaso, dagego te gasa bidi dabe dene mabo kolesaga tigidali tagalama, sela sayao. Tigidali tibo kolesaga dali, te ugwadu homugo tibo po wabo kolesaga dali, te si tagalao. Tama gasa bidigo doado bage me, te agai ebo şey dali sigo dage aiyaba elaluyu, tama tibaso dagego te bidi aga dali dwai homu elama tama aga dali şeyşegio. Te gasa we bidi nogi posobo po weyu ebo, te kolesaga me dagego tagalao. ² Te tobage dwai şey egimio. Te menio. Te tamadi ame nani wai buş agai bomu eyu, te ame peş naga tuabo homu ebo dao. Tama dagego homu te wai buşgo homu ebo tiwai gilama, dagego Godigo po naga sao, te gasa po dali talusişwai po dao. Te po naga sao. Tama tiyu, dage bugagia holoyu bidao, te God agai dage ma dobola sabo şey silabo sogo tonalua. ³ Tama dagego te Genuai Bidigo dage dali ebo dwagi yai şey sulama koneai dao. ‡

Genuai Bidi aga te bidabo ula elalubo genuai masigi tiwai dao

⁴ Te eno megi te bede po digi po begelama obao. Dage te dago Genuai Bidi Kraiss aga pageba asişo. Aga da te bidabo ula elalubo masigi tiwai dao. Tama bidi dabe augwaligo agade 'Te olo masigi dao' homu eyu,

† 1:16 Prs 11:44-45; 19:2

†† 1:25 Ais 40:6-8 ‡ 2:3 Tib 34:8

aga sela şawai goli, te Godigo gedude aga da te wiegi yai masigi mu dao, te Godigo aga deli hagea sali.

⁵Tama bidi me deligo aga bidabo be te masigigo şe ebo tiwai te Godigo dage aga we bidi hani ilibo dao. Tama tiyu, dage tedali gasagi yai magi şe işiřwai we bidi hani bidaibao, te pris bidi hani tiwai. Tama te pris bidi dabe augwaligo Godibolo dwagi yai nai ula mabo şe eyu, tama agabolo ofa nai mabo dao. Tama tede Godigo dwagi yai homu ebo dao. Tama te tiwai me Kraıs agai dage tau selama, dagego Godigo homu wali peyu dwagi yai şe yaibao. Tama dagego te dwagi yai şe te tiwai ebaso, God agai te dagego ebo şede dwagi yai homu yaibao. ⁶Te eno po digi po begelama wali pode, te Godigo po bukude te Godigo wali po te bidi me deligo tama aşani,

“Odiřo. Te eno masigi dabego te be nigiyu, tama eno te wiegi yai dila pai masigi me deli selama, tama ‘Te be bugagia dař wabo masigi dao’ weyu, eno te dila pai masigi te şeba dař ilali elalubao, te bulu nogi Saion tede munalubao. Tama bidigo aga homu tigidali agaba mubaso da, te bidi hale munu me egobeo,” †

te po aşani. ⁷Tama dage duga homu tigidali agaba muani bage, te dagego gedude te aga wiegi yai mu da. Tiali goli te agaba augwaligo homu musiřwai bage, augwalide te bukude aşani po tama dao,

“Te be şe ebo bagego polobadu sela şawani masigi, te masigi megi te bede te genuai nogi elalubo masigi pedalai dao,” ††

te po aşani.

⁸Tama te bukude aşani po me dao,

“E masigi da, te we bidi augwali şařa dani tuřbo masigi dao, te augwali te třba tula muabo genuai masigi dao.” ‡

Tama augwaligo Godigo poba augwa homu tigidali musiřbaso, tama augwali tulalubo dao. Te God agai polobadu augwali te şeba muani.

⁹Me ma, dage da, dage te sa muani we bidi hani dao. Bidi meba augwali te we bidi dali, God dali tomode bidiyu, tama pris bidi şe eyu, augwaligo Godibolo te dwagi yai nai ula mabo şe ebo dao. Tama te tiwai dagego me te dago genuai tuni bidigo şe ebo dao. Dage da, te tedali gasagi yai doloba pai we bidi hani dao, God aga we bidi hani mu te dage dao. Tama agai dage i olama, tama dage te hulıa sai bidibo digi tagalama, tama agai wiegi yai ula yai buluba bidagasai dao. Tama dagego agai yali wiegi yai şede po te gasa we bidibolo pusumainogo te agai dage sa muani.

^{††10}Polobadu dage we bidi hani meni yai goli, megi dage te Godigo we bidi hani dao. Polobadu dage agai homu dene eyu tau işiřwai goli, megi dage agai homu dene eyu tau sai dao. ††

Da te gasa we bidi tomode bidu te doloba pai kolesaga naga inao

(*Daj* 2:11–3:22)

¹¹Eno abagi dede mu, eno dage tau somainogo bomu eyu e po dagebolo obao. Dage da e třba tamadi tama asai osogo bidibo we bidi dao. Tama tibaso, dago tigigo e třde ebo dwai dwai şe egimio. Te tobage dwai şe dabe augwaligo da aiyaba elalui hagede da dali hwıřbo dao. ¹²Tama dage te God konesiřwai we bidi tomode bidiyu, tama dwagi yai kolesaga naga yao. Magi baso meni. Augwaligo dage dali nogi posobo po weyu, “Dage dwai şe ebo we bidi dao,” po weyu da, teda augwaligo dagego dwagi yai şe naga ebo selama, tama nosali te Godigo po tuř yagasabo sogo asobo si augwaligo aga nogi ugwaba siyu te po waibao, “Ao, agai po wali pabo we bidi augwaligo dwagi yai şe yalio.”

¹³Te augwaligo gedude te dago Genuai Bidigo nogi tulaluidali weyu, augwali tigidali tuni bidi dologode dage bidao, augwaligo po wali pao. Tama tiyu, tama te genuai gavman tuni bidi dologode bidiyu agai wabo po odiřo. ¹⁴Tama te tuni bidi agai aga şe bugulama, tama te me me tř pedai tonalubo şe gasa bidi dabego nogoba muani, te augwaligo te dwai şe ebo bage dene mayu, tama te dwagi yai şe ebo we bidi nogi ugwaba somainogo ebo dao. Tama dage augwali me dologode bidiyu, augwaligo po odiřo. ¹⁵Te Godigo homugo te dage te tuni bidi dabe dologode bidiyu, tama dagego te dwagi yai şe naga ebogo te homu kolesaga meni yai bidi dabego kedu meni yai po wabo pedauwali dař waibao. ¹⁶Tama dage God dali dař olama, tama dage da aga olo şe ebo we bidi dao. Tama te dwai şe ebo kolesagago dage dař waidali weyu, dage bugagia olo bidao. Tiali goli olo bidibadi dagego te homu egimio, ‘Te da olo bidibaso, tama dago dwai şe eyu da, te usu dao,’ te homu egio. ¹⁷Tama dage tigidali bidi dali augwali nogi ugwaba sabo homu eyu, augwali dologode bidao. Godigo we bidi hani dali dwagi yai homu eyu, godolo mu yao. God aga wi eyu, tama aga dologode bidao. Te gavman tuni bidi aga nogi ugwaba muyu, aga dologode bidao.

¹⁸Te dage masigi işiřbo şe ebo we bidi, te dagebolo şe mabo bidi dabe wi eyu, augwali dologode bidao. Tama dage te dwagi yai nagamea pai bidi dologode naga bidigobe. Te sesena pai bidi dologode me dage bidiyu, augwaligo po odiřo. ¹⁹Tama tiyu, te dagego genuai bidi me deli agai dage dali dolo şe işiřyu, dene mayu da, teda dage Godigo homude homu konea peyu te şeře bugagia tolao. Tama dage tama tiyu da, teda God agai dage dali dwagi yai homu yaibao. ²⁰Me ma, dage dwai şe idu geyu, tama augwaligo nogogo dage elama, tama dagego te şeře bugagia toloyu da, te mena bidigo dagego nogi ugwaba saibawe? Bidi meni. Tiali goli, me sogo dage dwagi yai şe yai goli

† 2:6 Ais 28:16 †† 2:7 Tib 118:22 ‡ 2:8 Ais 8:14-15 †† 2:9 Sai 19:5; Bom 4:20; 7:6; 14:2; Tai 2:14 †† 2:10 Hos 2:23

augwaligo dage dene mawaibao. Tama te sogo dage nagamea homu eyu, te seęę bugagia toloyu da, teda God agai dage dali dwagi yai homu yaibao.

²¹ Tama dagego te seęę bugagia tolomainogo, God agai dage i wali. Magi baso meni. Krai agai digi dage tobade dene sai. Tama aga tama tiyu, dagebolo te seę page agai bugagia hanilama ola mawai, dage aga tiwai gilama, bugagia pađe wali asomainogo yai.

²² Tama tiyu, agai magi dwai seę munu me ebe, te tibo kolesaga eyu tibo po me deli digi wabeo. ^{†23} Augwaligo aga dali dwai dwai po wabo si agai augwali dali dwai po wei ponobe, sagia sai. Tama augwaligo aga dene maidu gebo si, agai te boi bidi homu eyu, po wei munu me ponobeo. Woo. Te menio. Aga te homu yali, 'God agai te augwaligo ena dali yali seđe te po tu dolo mu yaibao,' te homu yai. Tama te homu eyu, agai te po tu yabo seę Godigo nogoba maidu geai. ^{††24} Tama aga digi agai dago yali dwai seę seęę aga tigigo selama, tama te niba daų wagi pai. Tama tiyu, agai homugo dago te dwai seę ebo kolesaga tagalaibao, te isaı bidigo dwai seę ebo tagalali gilama. Tama dago te dwai seę ebo tagalama, tama dago doloba pai kolesaga naga eyu bidaibao, te me aga homu dao. Tama augwaligo aga tigi doloyu dene mawai, tama tebogo da tau selama dwagi yai ilali. ^{‡25} Tama polobadu dage te kibu sipsip tiwai eyu, augwali tonalubo bidi tagalama tama hawagai digi, megi dage ma geasa asiyu, te dage bugagia tonalubo bidi pageba ma asai dao. [‡]

We aga bidi dali bidibo po

3 Te da te tigidali tuni bidi dologode bidabo po tama wali peyu, tama dage we dabe sibi dage deli deli duga bidi dologode bidiyu aga po odao. Tama tiyu, te bidi meba augwaligo Godigo dwagi yai po odobo hagela yai digi, augwaligo wego wiegi yai kolesaga ebo suyu, te wego po mobo masiawaj goli te bidi augwa homu begelaibao. ^{‡‡2} Tama te we dabe augwali Godide wi eyu aga dologode bidibo, te magi dwai seę isiabo kolesaga te bidi dabe augwaligo subaso da, teda augwaligo homu tulaluama, tama Godigo po mu po dao te homu yaibao. ³ Tama dage we dabe sibi, dagego duga tigde bulu badu eda badu au ebo seę tede te moni homu egimio. Tama tiyu, duga tobolu nisi dali haniani seę eyu au egio. Te wiegi yai kapa nogi gol tego nigali tigi au yabo nai dali, te wiegi yai bobobage ugwa dabe dali, te tobage naigo duga tigi au eyu tama gasa we bidigo suyu, dage wiegi yai au yai we dao te po omainogo munamuo. Te meni. ^{‡‡4} Te tobage au yabo nai te osogo naga elalubo nai dao. Dagego au yabo nai te gasagi yai mu dao. Te dagego homu kolesaga tomode geme dualali au yabo gasagi yai nai mu tedali elalubo dao. Tama dage nagamea pai homu eyu, dua bidabo kolesaga elalubaso, teda te gamonabo au yabo nai mu dao, tama Godigo gedude te wiegi yai dila pai nai mu dao. ⁵ Te polobadu bidai we dabe sibi augwali te tama tiwai bidai dao. Augwali

dwagi yai homu eyu, God agai augwali dali dwagi yai seę ebo sogo bugagia tonaluali. Tama tiyu, augwali nagamea pai homu eyu dua bidabo kolesaga ebadi, augwali deli deli augwa bidi dologode bidai dao. ⁶ Te polobadu mu bidai we nogi Sara agai tama tiyu, tama aga bidi Abraham dali te nage da eno genuai bidi dao weyu, agai wali po bugagia wali pai dao. Tama dage me, dage Sara tiwai dwagi yai seę eyu da, tama te homu wi ilabo naide wi esiayu da, teda dage me te Sara aga wegi hani mu dao. ^{‡‡}

⁷ Te dage we sai bidi dabe me, dage Godigo we bidi hani dali dwagi yai homu eyu, tama dage deli deli duga we dali tau sabo homu eyu, abagi homu eyu, bugagia bidao. Tama dagego koneani, te bidi me aga we me augwali sibolo God agai te bidada peyu, bidada pabo bomo olo mawaibao. Tama dagego augwali bomo genuai meni homu ebadi, te bidi agai aga wego nogi ugwaba sao. Bidigo tama tiyu bidibaso da, teda Godigo augwali sigo aga hanalu wabo po odaibao. ⁵

Dwagi yai seę yai goli dene sabo po

⁸ Te eno po silagasu po obao. Dage tigidali deli homu naga eyu bidiabo. Tama teyu, hobede eyu, te dage Godigo hani we bidi bidiyu, duga hasi dwagi yai homu eyu godolo mu yao. Tigidali we bidi dali homu dene eyu, tama nagamea pai homu ebadi bidao. ⁹ Bidi mego dage dali dwai seę ebo si, tama dagego dwai seę eyu ma wei ponogio. Ma, bidi mego dage dali dwai dwai po wabo si, dagego te dwai po me weyu wei ponogio. Te menio. Dagego God hanalu wabo po wao, agai augwali dali dwagi yai seę emainogo yao. Te God agai dagego te tobage seę emainogo dage i wali dao, tama nosali agai dagebolo dwagi yai kolesaga mu yaibao. ¹⁰ Magi baso meni. Te polobadu mu bidi mego e po aşani,

"Niwai bidi agai homu 'Ena dwagi yai homu eyu, tigidali sogo bugagia bidaio,' te homu agai eyu da, teda agai dwai po olamuo, te we bidi dene maiabo tibo po wagio. ¹¹ Me ma, agai dwai seę tudiba muao, te dwagi yai seę naga yao. Tama agai bomu eyu, te gasa we bidi dali bugagia bidabo sunumi gegegi pao, tama sulama aga te sunumi wali bugagia pao.

¹² Magi basowe? Te Genuai Bidi God aga gedugo te doloba pai we bidi dabe augwali bugagia tonaluyu, augwali dali dwagi yai homu ebadi, tama agai augwaligo hanalu wabo po odoyu, wei ponobo dao. Tialima, te dwai seę ebo bage dali agai te boi bidi homu ebo dao." ^{5†}

¹³ Te dage bomu eyu, tama te dwagi yai seę yabo homu daų weyu da, teda tego dagebolo dene mawaibawe? Woo, te tobage seę ebo bidi hauwa meni.

¹⁴ Tialima dagego te doloba pai seę yai goli te gasa bidi dabe augwaligo dage dene me sogo mayu da, teda God agai dage dali dwagi yai homu eyu dwagi yai kolesaga dage dali yaibao. Tama tibaso, dage augwalide wi egio, te augwaligo dage dali ebo seđe me dage moni homu egimio. ¹⁵ Te meni. Dage duga homugo "Krais

† 2:22 Ais 53:9 †† 2:23 Ais 53:7 ‡ 2:24 Ais 53:5 †† 2:25 Ais 53:6 ‡‡ 3:1 Ef 5:22; Kol 3:18 ‡‡† 3:3 1 Ti 2:9

‡‡‡ 3:6 Gag 18:12 § 3:7 Ef 5:25; Kol 3:19 §† 3:12 Tib 34:12-16

aga da, dago Genuai Bidi mu dao" homu eyu, aga dologode mu bidao. Tama teyu, dagego duga homu hasia bugagia dodolama, tama me sogo bidi mego dagego Kraide konealubo po page hanalu obaso da, dagego agabolo te konealubo po page bugagia ola mao.

^{†16} Tialima, te po page agabolo ola mobadi dagego wado po wagio. Te meni. Dage te nagamea pai homu kolesaga elama, tama aga dologode bidiyu, te konealubo po page agabolo ola mao. Tama timainogo dage te doloba pai kolesaga naga yao. Tama dagego tama tiyu da, te bidi meba augwaligo dage dali nogi posobo po weyu, tama dage Krai aga hani we bidigo ebo dwagi yai şede augwaligo 'Te dwai şe dao' po wabo bage, nosali augwaligo koneaibao, te pode augwaligo mu geda muani. Tama te koneama tama augwali ge neyu hale mu yaibao. ^{†17} Tama dago dwagi yai şe naga yai goli, tama God agai "Awe" weyu, te bidi dabe augwaligo dabolo dene mayu da, te usu dao. Tialima dago dwai şe elama tama augwaligo da dene mayu da, teda te dwali dao.

^{†18} Magi baso meni. Te Krai aga digi agai dago yali dwai şe şeşela şaşainogo aga deli sogo naga isali. Tama aga te doloba pai bidi mu bidai goli, tama agai da doloba pişiwai bage te God pageba sesimainogo agai da tobade dene sali. Bidi dabe augwaligo aga tigi isilali. Me ma Godigo Mobo Bidigo Krai bidimainogo ma hodolali. ^{†19} Tama te sogo Krai aga mobo bidigo te isali bagego noma bidi dabe kalabuside bidalubo madiba aga teba pelama, tama agai aga po augwalibolo pusali. ^{†20} Tama polobadu mu te bage augwali e tşde bidibadi augwaligo Godigo po odobo hagela yai dao. Tama te sogo polobadu mu te bidi nogi Noa aga e tşde bidiyu, tama Noa agai te moni geba nigibadi te sogo Godigo te dwai şe yali we bidi dali şeşbe polo işiwadi tonaluali. Tama te moni geba nigibo şe silama, tama te we bidi isilabo moni aşı asali sogo, te we bidi hauwa te geba tomoba pelama bugagia bidibeo. Woo, te we bidi a naga olama me nogo sela naga augwali te sipde bidibadi te aşıdu sela bilama tama bugagia bidaligo sana pali. Tama tebogo Godigo augwali te aşıgo tau siyu ma dobola sali. ^{††21} Tama te aşı te augwaligo dage baptais mani aşı tiwai dao. Tama Jisas Krai aga te gş pagede ma hodalobaso, Godigo te baptais mani aşıgo dage tau siyu ma dobola sali. Te aşıgo te dagego tigde elalubo meda sela şayyu, tama dage tau siyu ma dobola sabo menio. Te meni. Te dagego te doloba pişiwai şe idali weyu, tama dagego Godibolo te da tau sao po weyu, tama augwaligo dage baptais mawai dao. Tama te tiwai ebogo dage tau siyu ma dobola sabo dao.

^{†22} Tama te Jisas Krai aga te gş pagede ma hodolama, tama Godigo dagalude bidibo madiba sabolama tama genuai nogi sobaso, aga te Godigo dolo nogo badu megi bidibao. Tama aga tede bidiyu, tama ensel mobo bidi dabe tigidali dali, te noma bidi tuni bidi dabe dali, te bomo yai noma bidi dabe dali, augwali tigidali Krai aga dologode bidibo dao.

Genuai usu sabo şe te Godigo po wali pabo we bidi dabeba pedelama augwali te şeşge tolali

(Daj 4-5)

4 Te bidi Krai aga tigde dene saligo da, teda dage bomo siyu bugagia bidimainogo eyu, dagego agai yali homu kolesaga tiwai gilama yao. Magi baso meni. Niwai bidi agai dwagi yai şe yali goli aga dene siyu da, te bidi agai te dwai şe ebo tagalai dao. ² Tama tiyu aga e tşde bidibo sogo tigidali agai e tşde we bidigo yabo dwai dwai kolesaga munu me egobeo. Te meni. Agai te Godigo homu naga wali peyu bidaibao. ³ Tama polobadu te dagego te tşde bidibo we bidigo ebo dwai dwai şe hauwa sogo yai dao. Tama tiyu, dagego te penani ebo şe te we bidi gabidide hania idu geai dao. Tama dagego te dwai meda yai penani yabo homu eyu, tama te bomai aşı tulama te polobo bidi tiwai idu geai dao. Tama tiyu, te moni nai hauwa mu nogelama, te nai daa mu te ma tuyu, ma tuyu ela pedubadi, tama dagego te bomai aşı subigila tuyu, te polobo bidi tiwai pedaluyu, tama dwai şe eyu bidai dao. Tama dagego te tibo god augwalibolo lotu po weyu tama augwaligo dage tau şomainogo te dagego te dwai dwai penani ebo şe te polobadu idu geai dao. ⁴ Tiali goli megi te dagego polobadu abagi dabe augwaligo dagede noma siyu bidibao. Dage augwali dali kisasa biliyu, tama bomo eyu, te haniani dwai dwai şe ela bilişaşaso, tama augwali noma siyu, dage dali te nogi posobo dwai po augwaligo wabo dao. ⁵ Tialima, te po tş dodolobo bidi Krai aga tamadi asobo si, te agai te polobadu isali we bidi dali, te me bidibo we bidi dali si augwali tigidali dali agai te moni po tş yaibao. Tama te sogo te dage dali dwai po wabo bage augwaligo te bidibolo te nogi posobo dwai po wali po page pusulama, te pode te augwali dene saibao. ⁶ Tama te Krai agai te isali we bidi dali me te po tş ebo sisi yai elaluyu, tama agai te polobadu isai we bidi dali me te Godigo gesi dwagi yai po pusigi pai. Magi basowe? Te God agai augwali osola sulama, tama augwali isali, te tigidali tşde bidibo we bidi tiwai. Tama augwaligo tigi isali goli, augwaligo noma bidi te God tiwai bidimainogo Krai agai augwalibolo te Godigo po pusigi pai.

⁷ Te tigidali nai silabo sogo te pşba yagasobao. Tama tibaso, dage te homu nagamea pai we bidi bidao, te dage God dali te hanalu wabo po gisiga omainogo te dagego duga homu bugagia tonaluyu bidao. ⁸ Tama dagego genuai hasia yabo şe e dao, te dage bomo eyu, te duga hasi te dwagi yai homu eyu godolo mu yao. Tama te we bidi godolo mu ebo kolesaga, te tebogo te augwaligo ebo dwai şe sula tagalabo kolesaga dao. ^{†9} Tama tibaso te kolesaga yao. Tama te kolesaga eyu, te dwagi yai homu eyu, tama duga hasi dage deli deligo te gasa we bidi dali te nai gesebo şe yao.

† 3:15 Ais 8:12-13 †† 3:20 Gag 6:1-7:24

‡ 4:8 Prs 10:12

¹⁰ Tama God agai te dage deli delibolo te haniani tau sabo homu kolesaga olo mena mena pai dao. Agai tama tialigo da, dage deli deligo te olo mani homu kolesaga ebogo gasa we bidi tau sao. Tama dagego tama tiyu da, teda dage te Godigo olo mani tau sabo homu kolesaga bugagia tonalubo we bidi mu bidaibao. ¹¹ Tama dage deli deligo te haniani şeyu, tama te po ola mabo bidi agai te Godigo po ola mao. Tama te gasa we bidi tigi tau sabo şeyabo bidi me, agai te Godigo agabolo mabo bomogo te şeyao. Tama te tiwai yao, tama dage Jisas Kraisde wadolama, tama tigidali şede Godigo nogi ugwaba somainogo te tiwai yao. Te God aga te moni ula yai nogi dali, te tigidali nai tonalubo bomu dali si te sesemane sogo elalua peyu, elalua paibao. Te tiwai emainao. Mu dao.

¹² Eno abagi mu dede, te dageba te dwai usu sabo sogo megi pedalobo. Tama te şede te gasagi yai koneşabo şeyao homu eyu, dagego noma sigimio. Woo, te menio. ¹³ Dagego te Kraisi aga dene sali tiwai te dagede me te dene tolobo şeyabo megi tama siyu ebaso, tama dage dwagi yai homu yao. Tama nosali aga ma asobo si, aga bomu yai ula te sogo hanilibo si, te dagego aga dene meba ede sobaso tama dage te sogo me te didibili eyu moni dwagi yai homu yaibao. ¹⁴ Tama dage Kraisi wali pobaso augwaligo dage dali te nogi posobo dwai po weyu da, teda dage dwagi yai homu yao, God aga moni ula yai Mobo Bidi aga dage dali bugagia bidibaso. ¹⁵ Me ma, dage tomode bidi me deli agai te bidi ela mubo şey, ma te nai wi sabo şey te si ilamuo, te tobage şey ebode dene sigio. Dagego dwai şey ebaso dene sigimio. Ma, te kolesaga hagoma eyu, gasa bidi dabe dali augwali tonalubo bidigo po weyu bidigio. Te tobage şey ebode me te dene sigimio. ¹⁶ Tialima dage te Godigo po wali pabo we bidi bidibaso tama tede augwaligo dage dene mayu da, teda dage hale ilamuo. Woo, te menio. Dagego te nogi te Godigo po wali pabo we bidi nogi elalubaso te Godigo nogi ugwaba siyu, nage usu da po agabolo wao.

¹⁷ Magi baso meni. Te Godigo we bidi osola subo bodolu mani sogo paşba yagasai dao, tama agai te aga hani we bidi dali te osola suyu, te po tuş ebo şeyagalabao. Tama da, te da Godigo po wali pabo we bidi hani dao. Tialima God agai te po tuş dodolobo şeyagalainogo eyu, tama hasia bolo agai te da aga hani we bidi dali te şey yaibao. Tama tibaso da, te Godigo gesi dwagi yai po odobo hagela yai we bidi dabe, nosali agai augwali dali te po tuş ebo si, te augwaligo genuai dene mu saibao. ¹⁸ Tama te aşani po tiwai, "Te doloba pai bidi, te tobage bidi Godigo agabolo dene hasia mayu, tama nosali God agai te bidi ma dobola sabo dao. Tama te doloba pai bidi dali tama tialigo da, teda te Godigo po sela şayu dwai şey yali bidi te aga dali te Godigo magi yaibawe?" [†] te po aşani. ¹⁹ Tama tibaso, God agai "Awe" weyu, tama dage dene siyu da, teda dagego dwagi yai şey naga ebogo dagego duga digi God nogoba muao. Te

God aga digi agai dage nigali, te agai dage tau siyu ma dobola sabo bomu te munu me siligobeo.

⁵ Tama tibaso, megi eno te dage Godigo hani we bidi tonalubo bidi dabe dali e homu keşna sabo po obao. Ena digi me ena da te Godigo hani we bidi tonalubo bidi dao, te dage tiwai. Tama eno gedugo Kraisi aga dene sabo suai bidi dao. Tama aga ma asiyu, tama aga bomu yai ula pedalobo si, te sogo ena te bomu yai ula meba sabo bidi me bidaibao. ² Tama te homu keşna sabo po e dao: te kibu sipsip tonalubo bidi agai te kibu sipsip bugagia tonalubogia tama dagego te Godigo dagego nogoba muani we bidi bugagia tonaluo. Tama te şede augwali tonalubo hagela homu eyu tama tonalugio. Woo, te menio. Dwagi yai homu naga eyu, dagego augwali bugagia tonaluo. Tama dagego te masigi naga somainogo te şey egimio. Te menio. Dagego homu mu bomu eyu, te augwali tau somainogo te şey yao. ^{††3} Tama kolesaga hagoma elama, tama dwai homu eyu te Godigo dagego nogoba muani we bidi tama tonalugio. Woo, te dage te dwagi yai şey ebo tuşdu polasa pao, te augwali dage wali asomainu, te kibu sipsip augwali te augwali tonalubo bidi wali pomainogo aga polasa pabo tiwai gilama yao. ⁴ Tama dage te kibu sipsip tonalubo bidi dabe tiwai bidiyu, tama Kraisi aga te sipsip tonalubo bidi dabego tuni bidi mu tiwai dao. Tama aga ma asiyu hanilibo si, te sogo dagego te bomu yai ula saibao, te bomonama udayu nai sabo bidi agai te wiegi yai tobolu au yabo nai sabo tiwai. Tama agai au yabo nai osogo elaluyu dolai goli, te dagego sabo bomu yai ula te dolişabo nai mu dao.

⁵ Te dage gesi bidi dabe, dage me te dolo kolesaga eyu, te tonalubo bidi dabe dologode bidiyu, augwaligo wabo po bugagia odişo. Tama dage we bidi me, dage tigidali te nagamea pai homu eyu, tama te olo şey ebo we bidi tiwai bidiyu, dage tomode duga hasi te tau sabo şey yao. Magi baso meni, te Godigo po bukude te nagamea pai homu ebo kolesagade e po elalubao, "God agai te kolesaga hagoma ebo we bidi dali boi bidi homu eyu, bomu elama dolalubo dao. Tialima te nagamea pai homu ebo we bidi dali agai te olo tau sabo kolesaga ebo dao." [‡]

⁶ Tama tibaso, te nagamea pai homu eyu, God agai genuai bomu elalubo nogo dologode bidişo, te agai bodolu mani sogo asobo si agai dage ugwaba somainogo tama bidişo. ^{††7} Tama bidiyu, tama God agai dagede homu eyu, tama agai dage bugagia tonalubaso te dagego moni homu ebo şey tigidali aga nogoba muişo.

⁸ Te dagego duga homu bugagia dodolao, tama bugagia tonaluo. Te dagego boi bidi Satan aga susa bilibo dao. Te moni hasa nogi laion, te aga nasi baso bomu elama, tama moni hwa olama gaa weyu aga tuşbo nai gegeyu bilibo dao. Tama te boi bidi Satan aga te tiwai eyu susa bilibo dao, te dage dolainogo ebo dao. ⁹ Tama dagego duga Godide konealubo homu

[†] 4:18 Prs 11:31

^{††} 5:2 Jon 21:15-17[‡] 5:5 Pro 3:34^{††} 5:6 Mat 23:12; Luk 14:11; 18:14

bugagia daŋ olama, tama dolaluyu te boi bidi sela saŋao. Dagego koneani, te augwaligo dage dene mabo tiwai gilama eyu, te gasa bidi dabego te Godigo hani we bidi tigidalibolo te tobage dene mabo dao, te tigidali tode. ¹⁰ Tama dagego te seŋe osogo tolama, tama God aga digi agai dage sese bugagia ma ilama, tama dage bomomo menama, bugagia mu daŋ waibao. Te God aga da te tigidali wiegi yai olo tau sabo kolesaga page bidi dao, tama agai dage i wali, te dage Kraisi wali peyu, te Godigo bomomo yai gamonabo ula meba dagego somainogo yali. ¹¹ Eno homugo te God aga te tigidali nai tonaluabo bomomo sesemane sogo elalua peyu, elalua paibao. Te tiwai emainao. Mu dao.

Po silagasu wabo po

¹² Te bidi nogi Sailas agai ena tau siyu, tama eno e peŋwadage po dagebolo aşana tolobao. Tama eno ho-

mu te bidi Sailas da te aga nogoba muani seŋ bugagia tonaluyu seŋ ebo bidi dao. Tama eno e po dagebolo aşeyu, tama bomomo elama eno dage homu keŋa sabo po weyu, tama te eno aşani po te God agai agai we bidi olo tau sabo kolesaga mu dao. Tama tibaso, te kolesaga bugagia daŋ olama, tama dolaluyu bidişo.

¹³ Te Godigo hani we bidi meba augwali te bulu nogi Babilon tede augwali bidibao. Tama Godigo augwali te dage dali te hagea sai dao. Tama te we bidi dabe dali, te eno ogwa tiwai bidibo bidi nogi Mak dali, augwaligo dagebolo te dage bugagia bidao po obao. ¹⁴ Tama dage me duga hasi pagea siyu, tama gasa we bidi bugagia bidao po wao. Tama eno homugo te dage Kraisi wadolai we bidi dage tigidali te homu keŋasa bugagia bidişo.

Pitago Si Sogo Aşani Pas

Hasia nedebo tau sabo po

Te bidi Pitago koneani, nosali te haniani tibo po ola mabo bage aselama, tama te asobo bagego te tibo po ola mabogo te Kraisgo po wali pali we bidigo ebo kolesaga dolainu yaibao. Tama te tiwai idali weyu, te bidi Pitago e pas tomode te we bidi tau sabo po aşani. Agai homugo augwaligo te bidi Jisas Kraisi dali, te agai yali şe dali, tede homugo bugagia kone palao. Tama eyu augwaligo bomu siyu, tama augwaligo te Godigo po odobo hagela homu ebo bagego wabo dwai po te augwaligo wali pogobeo. Bidi mebago homu te bidi Kraisi ma asogobeo, te po obaso, te wabo pode mu po wabowe te homu idali weyu, tiali goli Pitago aşani pasde te po weyu, aga mu asaibao po wai. Mu tamao, aga te polo asesa me asogobeo, tiwali goli te page e tiwai elalubao. Godigo homude te da bidi dabe me deli hagaidali homu ebao. Agai homugo te tigidali bidi homu begelimainu ebao, tama agai te we bidi augwalide dua dua tonalua peyu bidibo dao. Te buku Dađ 3:9 tede te po elalubao suao.

Dago dena te bidibo ula elalubo sogo te dwagi yai kolesaga dabe ebo bomu elama ped-alubo şe eyu, tama dago dwai bidi dabego dwai dwai po sela sayao

¹ Ena da Saimon Pita dao, te bidi Jisas Kraisi şe ebo bidi dao, te ena agai tagala palai bidi me deli dao. Tama eno e pas aşana dagebolo tolobao. Te Jisas Kraisi aga te dago God dao, te aga da te da ma dobola siyu dwagi yai buluba muabo bidi dao. Tama aga doloba pai bidi mu bidiyu, tama da tigidali dali deli homu naga elama, tama agai te dagebolo te agaba duga homu tigidali muabo kolesaga mawai dao. Tama te dagebolo mani kolesaga te agai dabolo mani kolesaga tiwai si dao, te wiegi yai dila pai kolesaga mu dao. ² Tama eno homugo dagego te God dali, te dago Genuai Bidi Jisas dali si bugagia kuna koneyu, tama tebogo te God agai olo tau sabo kolesaga dage dali genia peyu, tama dage nagamea homu eyu bugagia mu bidimai yaibao.

Godigo augwali hagea siyu, i wai dao

³ Te God agai aga bomogo te dabolo te da God tiwai bidibo usu ilabo bomu tigidali mawai dao. Tama agai aga bomu yai ula me, te aga wiegi yai kolesaga me te dabolo mawainogo agai da i wai. Tama dago aga koneyu, tama tebogo te agai te doloba pai bidabo bomu dabolo mabo dao. ⁴ Tama tiyu, agai te polobadu wali maiabo genuai wiegi yai nai dabe dabolo olo mawai dao. Tama agai te nai dabe dabolo magi baso mawai dawe? Te dagego te mani nai dabe selama, tama dage te God koneşabo we bidigo ebo dwai dwai şe yabo homu tagalama, tama te tobage we bidi

dolobo şede geda selama wi peyu, tama dagego te Godigo doloba pai wiegi yai homu kolesaga somainu, agai te polobadu mawaibao wali maiabo genuai wiegi yai nai dabe dabolo olo mawai dao. ⁵ Tama agai da dali tama tibaso, dagego duga homu Godigo poba dađ wabo kolesaga ebadi, te gasa kolesaga me yao, te dwagi yai şe naga ebo kolesaga yao. Te tama eyu, tama dagego Godigo homu konebo kolesaga me yao. ⁶ Tama te kolesaga ebadi, te duga digi duga tigi dali homu dali si bugagia tonalubo kolesaga, te me yao. Tama te kolesaga ebadi, e kolesaga me yao, te dagego dene hauwa sogo bugagia tolao. Tama dene bugagia tolobadi, dagego Godigo kolesaga naga dolo mu wali pabo kolesaga yao. ⁷ Tama te kolesaga ebadi, te duga hasi abagi dali dwagi yai homu eyu godolo mu ebo kolesaga me yao. Tama tibadi, te tigidali we bidi dali dwagi yai homu eyu godolo mu ebo kolesaga, te me dagego yao. ⁸ Tama te tobage homu kolesaga dagego elaluyu, geneniyu da, teda dagego dago Genuai Bidi Jisas Kraisi bugagia kuna mu koneyu, tama wiegi yai du walaibao. ⁹ Tialima te tobage wiegi yai kolesaga eşiabo bidi te gedu widai bidi tiwai dao, aga digibulu tonobo gisiga bugagia susiabo bidi dao. Tama te bidigo gege-da pai, te Godigo aga polobadu yai dwai şe tigidali sela şawai dao.

¹⁰ Eno ama dede, u haniani dwagi yai kolesaga ebode eno po me elalubao. Godigo dage aga sa muyu, tama agai dage i wai dao. Tama agai dage dali yali şe bugagia dađ omainogo te dage bomu eyu, te u haniani dwagi yai kolesaga yao. Dagego tama tiyu da, teda dage munu me tulalugobeo. ¹¹ Tama te kolesaga dagego wali peyu da, teda te tu mu dala pelama, tama dage te Jisas Kraisi we bidi tonalubo bomu dologoba olo bugagia mu peyu tama bidaibao. Aga te dago Gen-

uai Bidi, tama agai da ma sali bidi dao. Tama te agai we bidi tonalubo sę bidada peyu, bidada paibao.

¹² Tama tibaso, dagego te kolesaga page koneyu, tama dagego te mu po selama, tama dage tede bomonama dolaluai goli, eno homugo te eno dagebolo te po widu geaibao. ¹³ Eno homugo e kolesaga ebo dolo dao, ena megi e elalubo tigi me bidibadi te eno dagebolo te po ma widu geaibao, te dage homu hodolomainogo yaibao. ¹⁴ Tama eno koneani, dwasianu sogo digi te eno e tigi tagalaibao, te dago Genuai Bidi Jisas Krais agai tama tiabo po enabolo puselio. ¹⁵ Tama eno bugagia dua dua eyu te tų ni-gaibao, tama ena isai digi nosali dagego te po tigidali sogo dagego homugo ma koneaibao.

Dago suali, Godigo ula yai bomo Kraisde bidai

¹⁶ Te dago dagebolo te dago Genuai Bidi Jisas Kraisgo bomo dali, aga nosali ma asobo po dali, te po si polobadu ola mobadi yaide, te dago te bidi me aga homugo naga olo nigali po wali pelama, tama dagebolo te Kraisgo po ola mabeo. Woo, te menio. Dago suali, Godigo genuai ula dali bomo dali te dago gedugo suai. ¹⁷ Tama da aga dali bidibadi te aga Aya Godigo aga nogi ugwaba siyu, tama te wiegi yai ula agaba mawai. God aga te hasia polalubo dagalu ulade bidiyu, agai te po wali, tama te dagaludu wali po Kraisba dula ma te po wai, "Te eno ogwa dao, eno aga godolo mu eyu, tama eno homu wiegi yai aga dali mu ebao." ¹⁸ Da aga dali te tedali bulu dude bidibadi, tama te po dagaludu asiyu wabo po odai dao. †

¹⁹ Tama tibaso, dagego te Godigo po odolama we bidibolo pusali bidi dabego polobadu wali poba dena homu te poba daų wabo dao. Tama te tiwai gilama tama dagego me augwaligo wali po bomonama daų ola siyu da, te wiegi yai yaibao. Te Godigo po pusali bidi profet bagego po te be hulua sai madide te lam sole ula elalubo tiwai dao. Tama dagego te profet bagego po bugagia odao, tama te po ododubadi te be posainu ebode tama te genuai ula elalubo hę pedalugulama tama te hęgo ula te dagego homu tomode ula elaluaibao. Te sogo asobo tonalubadi, dagego te profet bagego po bugagia odao. ²⁰ Tiali goli hasia dagego te bugagia koneao, bidi mego aga digi aga homu wali peyu, te bukude elalubo profet bagego po me deli te page pusugobeo. Te aga usu egobeo. ²¹ Magi basowe? Polobadu bidi me deli aga homugo digi te Godigo po pusubo profet dabego wabo po munu me pedalobeo. Menio. Godigo Mobo Bidi aga digi te bidi dabe homu hodolobaso, tama augwaligo te Godigo augwalibolo mani po pusai dao.

Tibo profet bidi dabe augwaligo ebo dwai kolesaga po

2 Tiali goli polobadu te tibo po wabo profet bidi dabe meba te Israel dabe tomode pedalai. Tama tialima te tibo po wabo tisa bidi dabe meba augwali te dage tomode me pedalaibao. Te augwaligo geme te

bidi dolabo tibo ola mabo po haniani ola mabo gagaibao. Tama tiyu, te Genuai Bidigo augwali ma dobola siyu abelai goli, augwaligo te Genuai Bidi nogi tudiba muyu hogwa saibao. Te augwaligo tama tiyu, te augwa digi polo dolaibao. ² Tama we bidi hauwa augwaligo dwai penani ebo kolesaga haniani augwaligo wali paibao. Augwaligo tama tibaso, gasa we bidi augwaligo te wiegi yai kolesaga mu wali pabo bidi dabego kolesaga dali dwai posobo po waibao. ³ Tama te tibo po ola mabo bage augwaligo te gasa we bidi dabego nai sulama pesę elama mu sainogo ebo bidi dabe, tama augwaligo te dagego mone dabe bomonama sainogo tibo po hauwa dage dali waibao. Tiali goli polobadu mu Godigo augwali po tų ilama hagayabo te sisi yai elalubao. Tama augwali mu dolabo nai te sese-mane sogo tonalubao.

⁴ Magi baso meni. E tiwai dao. Te Godigo ensel mobo bidi dabe augwali mebagu polobadu dwai kolesaga yai. Tiali goli Godigo augwali sula tagalobeo. Menio. Agai augwali te sao dedage pagede kalabus elaluyu, tama te sau dedage page dwai be mu hulua side bidibao. Tama megi me augwali te po tų yabo sogo te pedalobo tonaluyu bidibo dao. ⁵ Te polobadu mu bidai we bidi augwali me, te augwaligo God gegeda peyu tudiba muai, tama agai augwali sula tagalobeo. Menio. Agai te wę genuai augwaliba asomainogo elama, tama augwali te węgo ela silama tama hagawai. Tiali goli te bidi Noa aga te doloba pai kolesaga ebo po pusubo bidi bidai. Tama Godigo aga dali, te we bidi a naga olama me badu nogo si agai tonaluyu ma dobola sai. ††⁶ Tama agai te Sodom dali Gomora dali si me dene ilai. Te genuai hanu si Godigo siago ulai, tama te keli naga elaluai dao. Agai te hanu sigo yali dwai kolesaga wei ponama tama te hanu si tigidali mu dolai. Tama nosali, te Godigo po tudiba mubo bidi dabe, augwaligo te polobadu yali po tų konemainao. Te po tų nosali augwaliba pedalabo te piksa noma waseliyu yali dao. ††⁷ Tama Godigo te doloba pai bidi Lot ma dobola sali, tama Godigo aga dolobeo. Lot aga te penani kolesaga ebo we bidi augwaligo yali kolesagade aga homu sęę mu yai. ††⁸ Te doloba pai bidi augwali tomode bidai, tama augwaligo ebo dwai kolesaga hauwa sogo sudu geai, tama tigidali sogo augwaligo dwai po wabo agai odai. Tama agai homu bugagia dolo elaluai, tama aga noma siyu, tama agai homu dene mu augwaligo te bomu yai po sela sębo kolesagade yai. ⁹ Tama te polobadu yali sę pode dago koneai, Godigo te we bidigo ebo dwai sę wei ponobo konealigo da, teda e me dago koneani, te God wali pabo we bidi augwalibolo te usu sabo sę pedalobaso da, teda Genuai Bidigo augwali te sęde ma dobola sainogo koneama tama tiaibao. Tama agai te dwai bidi dabego ebo kolesaga me koneyu, tama te dwai dene wei augwaliba ponobo, te me agai konebao. Tama koneyu, agai te po tų yabo sogo tonalubadi augwali dene mabo dao. ¹⁰ Tama te bidi dabe augwali meba te dene genuai mu saibao. Te augwaligo tigigo yainu me-

† 1:18 Mat 17:1-5; Mak 9:2-7; Luk 9:28-35

†† 2:5 Gag 6:1-7:24 ‡ 2:6 Gag 19:24 †† 2:7 Gag 19:1-16

da yai kolesaga wali pabo homu hodolo bidi dabe augwaligo te tigidali genuai bidigo po hagela eyu, tama te po sela şabo dao.

Tama te tibo po ola mabo bidi dabe augwali te hale isişbo bage dao, tama augwaligo augwa homu naga wali pabo dao. Wi me esişyu, tama te bidi dabe augwaligo te dagalude bidibo genuai mobo bidi dabe dali dwai posobo po wabo dao. ¹¹ Tama te mobo bidi augwaligo te bidi dabe augwali aiyaba mu elaluabo digi, tama augwaligo augwali dali te posobo po me wasişma, tama augwali te Genuai Bidi gedude po tşu ela magobeo. ¹² Tama te tibo po wabo bidi dabe augwaligo homu te bulu hasa dabego homu tiwai elaluyu, tama augwaligo tigigo ebo kolesaga naga wali pabo dao. Te idago augwali ame nani tama te bidigo augwali selama ela mumainogo tebao. Te augwaligo konesişbo naibolo te augwaligo dwai po aga dali wabo dao. Tama te bulu hasa dabe dolobo, te tiwai ebo gilama tama te bidi dabe augwali me dolaibao. ¹³ Tama augwaligo dwai kolesaga haniani ebo, tama augwalibolo te dwai kolesaga ebo wei ma ponobo şeş pedalaibao. Augwaligo homugo te siade nai dali te wę dali hauwa tubo kolesaga, te wiegi yai homu ebo kolesaga dao. Tama tebo homugo augwaligo nai dabe dage dali tuyu, tama augwali te dwai meda yai tiwai dage tomode bidiyu, tama augwaligo tibo kolesaga ebode te wiegi yai homu pemene ebo dao. ¹⁴ Tama augwaligo gedugo te we dabe sibi sesemane sogo tonono eyu te penani yainogo, tama augwaligo te dwai kolesaga ebo tagalogobeo. Mu menio. Augwaligo te homu bomo meni yai bidi dabe augwali te şeş emainogo homu begelama, tama augwaligo te dwai şeşę sabo kolesaga yai. Te augwaligo gasa bidigo nai sabo pesş ebo kolesaga konea sai dao. Tama Godigo te bidi dabe augwali mu dolaibao. ¹⁵ Tama augwaligo te doloba pai kolesaga wali pabo tşu tudiba muyu, tama augwali hagawai. Augwaligo te polobadu bidai bidi Beorgo ogwa, Balam, tego yali kolesaga te tşu wali pai. Agai te şeşę sabo şeş elama, tama te şede sabo masigi te agai godolo mu yai dao. ¹⁶ Tama te moni kibu donki tego po wabo meni, tiali goli te kibu donki me deligo te bidigo po wabo tiwai olama, tama agai te bidi Balamgo dwai kolesaga ebaso te aga dali wado po wai. Tama te kolesaga yaligo, te donkigo te nosali yabo şeş po pusubo profet bidi Balamgo dwai kolesaga yainogo yali tşu te paliai dao. [†]

¹⁷ Tama te tibo po ola mabo bidi dabe augwali te wę ulu meba te wę meni yai pedalisişbo tiwai dao. Tama augwali te pşu tiwai elama, te genuai waligo besela şanama tedela pabo tiwai gilama ebao. Godigo te be sisi yai hulua sai digi aba mu tama augwali teba pabo sisi yai elalubo dao. ¹⁸ We bidi meba augwali te Godigo po odisşwai bage tomode bidai digi, tama tamadi tama augwaligo te kolesaga ebo tagalali. Tama te we bidi dabebolo te tibo po ola mabo bage augwaligo te genuai po weyu, tama augwaligo te dwai kolesagade te po dwai dabe wabo dao. Augwaligo te homu begelai we

bidi te homu hodolobo kolesaga eyu, te penani me te tigigo haniani dwai kolesagago augwali te dwai kolesagaba ma kekebo şeş eyu tama augwali te kolesaga wali pabo dao. ¹⁹ Tama te tibo po ola mabo bidi dabe augwaligo te po te we bidibolo wabo dao, "Dagego dago po wali peyu da, teda dage olo mu bidaibao." Tama augwaligo te tobage po wabo digi tiali goli augwali te augwa digi dolobo kolesaga ebo şeş bidi bidibo dao. Te tiwai dao: tama te bidi te magi kolesaga me deligo te bidi me deli aiyaba elaluyu aga daşu obaso da, teda te bidi aga te elalubo kolesagade daşu wali bidi dao. ²⁰ Mu tama, augwaligo te Jisas Krais koneani, aga dago Genuai Bidi tama da ma sali bidi dao. Tama tede koneyu augwali wi pelama, te tşde elalubo dwai meda yai kolesaga tigidali tagalai. Tama augwali te kolesagade daşu ma weyu, tama te kolesagago augwali aiyaba elalubaso da, teda augwali tama tiwai bidaibao: te hasia mu augwali daşu olama, augwali dwai bidali, tiali goli nosali augwali ma daşu wai, tama augwali dwai mu bidibao. ²¹ Tama augwaligo te doloba pai kolesaga ebo tşu munu me konegi menigi sogo da, teda augwaligo nosali te genuai şeşę sigi meni da. Tiali goli megı te tşu augwaligo koneama, tama augwaligo te wiegi yai tedali bomai po sali, tiali goli te wiegi yai po te augwaligo geasa peyu, te po tudiba muai dao. Tama tibasos, şeşę saibao. ²² Tama augwaligo ebo kolesaga te dago wşigo polobadu wali mu po tiwai dao, "Te yowi ma geasa pelama, aga bugali bogu ma tugi pai." Tama gasa po me weyu te po wai, "Te kibu aga wę pauwai digi, tiali goli te kibu aga pelama te tş pu yai digi pebege ma piligi pabo dao." ^{††}

Mu tama, te genuai bidi asaibao

3 Eno abagi dede dabe mu, megı eno e aşna tolobo te eno pas si dao. Tama eno dagebolo aşna tolali pas side te dagego homu wiegi yai ilimainogo hodolobo po wai dao, te po dagego ma koneişo. ² Tama eno homugo dagego te nosali pedalabo nai po ma konemainogo homu eyu, te wiegi yai tedali profet bidi dabego pusali po dao. Tama te Genuai Bidi te da ma sali bidi agai aga bomo yai po olama, tama te dugaba tagala palali şeş bidi dabego pedauwalidu wali po odoyu, tama te po me dagego homude daşu olama ma koneişo. ³ Hasia dagego tebolo koneişo: tama te tşde dagalu si me te tigidali nai silibo sogo, te posobo po wabo bidi dabe augwali pedalama, tama augwa bomonama naga te homugo ebo dwai kolesaga naga wali paibao. Tama augwaligo posobo po e tiwai po weyu, "Aga ma asabo po wali dawew? ⁴ Tama aga menade bidibawew? Aga asobew. Tama te dago wşu dabe isali sogo tama daşu elama megı tama bidada asobo sogo, te tigidali nai Godigo nigali sogo, te tiwai polobadu elaluai dao, hasegelebeo," augwaligo te tobage po waibao. ⁵ Tama tiyu, augwaligo homugo te Godigo polobadu yali şeş konebo hagela homu yai dao. Te polobadu mu Godigo po obaso te dagalu pedalama elaluai, tama tşu te wę tomodu pedalama, tama te wę

[†] 2:16 Nam 22:4-35

^{††} 2:22 Prs 26:11 † 3:3 Jun 18

tomode te t̄o elalui dao. ¹⁶ Tama nosali te w̄e te t̄ode te genuai asama, tama te sogo t̄ode elaluali nai tigidali mesegelama dolai. ^{††7} Tiali goli, megi Godigo pogo naga te dagalu me t̄o me sa munama, tama te dolobo sia dabo pedalobo tonaluyu bidibao. Tama te dagalu de t̄o sigo te Godigo po t̄u te agai po tudiba muani we bidi augwali te po t̄uba pedalobo tonalubao, tama te we bidi augwali dolaibao.

⁸ Tiali goli, abagi dede dabe mu, dagego homugo te po me deli gegeda pigio. Te po e dao, te Genuai Bidigo gedude be deli sogo siade te kibu be hauwa mu 1,000 tiwai te si dao, tama te kibu be hauwa mu 1,000 wabo kibu be te deli sogo siade tiwai si dao. Te Genuai Bidigo homude te si te deli tigi tiwai dao. ^{†9} Tama tede konesiawai bidi mebago homu te Genuai Bidi agai te po daŋ wali s̄ede te s̄e dua dua eyu polo egobeo. Tiali goli te menio. Agai dage bugagia tonaluyu bidibo dao. Agai homugo te we bidi me deli hagaidali te tonaluaibao. Agai homugo tigidali we bidi augwa homu begeleyu te dwai kolesaga ebo tagalamainogo, te aga tonalubo dao.

Te t̄o de dagalu si sia saibao

¹⁰ Tiali goli te Genuai Bidi asobo sogo mu asaibao, te nai wi sabo bidi geme asobo gilama. Tama te sogo dagalu kulukulu genuai olama tama hagawaibao. Tama te giliga dali, polua dali, te h̄o dabe tigidali, te siago dela silaibao. T̄o me, te tigidali nigali nai elalubo me, te siago tigidali daibao. ^{††11} Tama te nai dabe tigidali tama tiwai ela silaibao. Tama tibaso, dage kone paliq̄o, te dage magi we bidi megi bidaibawe? Dage te wiegi yai tedali kolesagade biliyu, tama Godigo kolesaga naga tigidali wali piq̄o. ¹² Tama tibadi, te dagego te God aga s̄e yabo sogo asobo tonaluyu, tama dagego bodolu pedelaiba weyu, tama s̄e bomonama selebo s̄e yao. Tama te sogo te dagalu sia dela silama, tama posolo yai siago mu te dagalude elalubo nai dabe tigidali delama, tama te w̄e tiwai begelama pedalaibao. ¹³ Tiali

† 3:5 Gag 1:6-9 †† 3:6 Gag 7:11 ‡ 3:8 Tib 90:4 †† 3:10 Mat 24:43; Luk 12:39; 1 Te 5:2; Ped 16:15

goli Godigo te gesi dagalu dali gesi t̄o si nigabo po daŋ wai, tama doloba pai kolesaga naga tede bidaibao. Tama dago te nai naga tonalubo dao. ‡

Dago dua bugagia te Genuai Bidi asobo tonaluo

¹⁴ Abagi dede mu, dagego te gesi nai pedalobo tonalualigo da, teda dagego bomu eyu, te meda meniamama tama magi dwai s̄e me isaŋma bidiyu, tama God dali dagego deli homu elama bidao. Tama nosali te sogo Godigo dage osola suyu, dage te tiwai bugagia bidibo agai sueibao. ¹⁵ Tama Genuai Bidigo me tonaludu tama agai da dali dua ebao. Tama dagego te kolesaga ebode tama kone palao, te agai da ma sainogo ebao. Tama Godigo wiegi yai homu kolesaga te dago dwagi yai ama Polbolo menama, tama agai me te tobage po dagebolo aşana tolai dao. ¹⁶ Agai tigidali pasde agai te s̄ede te tobage po naga wabo dao. Tama meba po te pasde elalubo te po page polo hania pedalobo meni, te dago bugagia hania koneainogo sinabo s̄e ebo dao. Tama te bugagia dolalusiawo bage, te konesiawai bidi dabe, augwaligo te po hasegelebo dao, te augwaligo te gasa po te Godigo bukude elalubo po te me hasegelebogia. Tama tebo bidi dabe augwali augwa digi dolaibao.

¹⁷ Abagi dede dabe mu, dagego te tibo po ola mabo bage nosali pedalabo te polo konealigo da, teda dagego duga digi bugagia tonaluo. Tiyu te bomu yai po sela saŋo tibo po wabo bidi dabego dage te geda muani poba kegelama tama dage pasega saŋu tulaluidali weyu, bugagia suiq̄o. ¹⁸ Me ma, dage te dago Genuai Bidi me te da ma sali bidi jisas Kraiso olo tau sabo kolesagade bidiyu, tama dagego aga koneanio. Tama dagego te olo tau siyu mabo kolesaga me mu siyu, tama dagego Kraiso aga konebo kolesaga hauwa siyu bidiq̄o. Tama agai te genuai ula yai bomai nogi megi elalubao, tama te nogi sesemane sogo mu bida-peyu, bidada paibao. Mu dao.

‡‡ 3:13 Ais 65:17; 66:22; Ped 21:1

Jongo Hasia Deli Sogo Aşani Pas

Hasia nedebo tau sabo po

Te haniani tibo po ola mabo bage pedalama tama Jisasde nogi posobo dwai po weyu bidali. Mebago te agade te tiwai po pusali, aga te isi bidi ma te noma bidi tiwai naga asai dao, aga tigi mu elalubeo. Tama e pas tomode te bidi Jon, te Jisas dali polobadu bidali bidi, agai bomo elama tama Jisasde genuai po si wali. Te Jisas da, te Godigo Ogwa mu dao, te Godigo sa muani bidi Krai mu dao. Tama gasa po me wali, te Jisas e tçde bidibadi aga da olo bidi dabe tiwai bidiyu, tama agai tigi mu elaluyu bidali. Tama Jongo dago te Godigo bomai po dabe wali peyu, tama dena hasi we bidi dali dwagi yai homu eyu godolo ebo kolesaga yao, agai te po me e pas tomode ola mani.

Da te ulade bilinao tama te be huliaside bidibo hani bagego dabolo tibo po omaina olama sula tagalu gogoligimio

(Daj 1:1–3:10)

Gesi noma bidibo ula po hanilama pedelali po

1 Dago te gesi noma bidibo ula elalubo pode, te pode dagebolo e po aşana tolobao. Te Godigo nai me deli me nigisişbadi te po hasia bidaluai dao. Te po polobadu mu elaluai goli dago te po dena ologo odali dao, tama dena gedugo suai. Awe, dago gedugo suali, tama dago nogogo tuyu yai. ^{†2} Te gesi noma bidibo ula aga bulu ulaba hania pedalama, tama dago aga suai. Tama tibaso, dago agade po dagebolo pusuyu, tama te Ayade bidali bidada peyu, bidada pabo ula aga hania pedalama, tama dago sulama, tama dago dagebolo pusubao. ^{††3} Awe, agade dago gedugo suali şe dali te dago ologo odali po me, te si dago dagebolo me pusubao. Te dage da dali wadolama, tama da tigidali te dago Aya dali, aga ogwa Jisas Krai aga dali me dago deli homu elama bidimainogo eyu te dago megie po dagebolo pusubao. ⁴ Tama da dali dage dali te da tigidali dwagi yai homu pemene mu emainogo dago e po dagebolo aşana tolobao.

Da ulade bilinao

⁵ Te Krai go dabolo ola mani po dago megie dagebolo hania ola mobao. Te po e dao: God aga te ula dao, tama dwasianu huliasali agade me elalubo menio. ⁶ Tama tibaso, dago "Da God aga abagi bidiyu, tama dago aga dali deli homu ebo dao," te po weyu, tiali digi

† 1:1 Jon 1:1 †† 1:2 Jon 1:14

da hulide biliduyu da, teda dago tibo po wai, tama dago ebo kolesaga te mu menio. ⁷ Tiali goli da ulade biliyu da, te aga te ulade bidibo gilama, tama tiali da, da dena hasi abagi dede dali deli homu elama bidaiabao. Tama bididuyu, tama Godigo ogwa Jisas agai kanemego dago dwai şe tigidali sela şanama, tama da dwagi yai ma pedalobo dao.

⁸ "Eno dwai şe menio," dago te po weyu da, teda dago dena homu kolesagabolo ili po ola mayu, tama mu po wabo dago homu kolesagade me menio. ⁹ Tiali goli dago yali dwai şe dabe po dago te Godibolo pusuyu da, teda agai aga polobadu daşu wali po wali peyu, tama agai da dali te doloba pai kolesaga naga eyu yaibao. Agai dago dwai şe yali sela şawaibao, tama dago yali dwai kolesaga tigidali agai sela şanama tama da te meda isşawai we bidi ilaibao. ¹⁰ Dago hogwa sabo po weyu, "Eno dwai şe me ebeo," dago te po weyu da, teda te po wabogo dago God aga nogi ili po wabo bidi dao wai, tama agai po dago homude menio.

Krais agai da tau sabo bidi dao

2 Eno wai dabe, dagego dwai şe isşainogo eno e po dagebolo aşana tolobao. Tama bidi me deligo dwai şe eyu da, te da tau sabo bidi me deli elalubao, te mu doloba pai bidi Jisas Krai dao. Tama aga Aya dali bidiyu, tama agai te da tau sabo po agabolo wabo dao. ² Tama Krai agai tigi menama, tama aga digi dago dwai şe yali sela şabo tş dawai bidi dao. Tama agai da naga tau selama, dago dwai şe yali te naga sela şabo bidi menio. Agai tigidali tçde bidibo we bidi me tau siyu, tama augwaligo yali dwai şe sela şabo tş dawai dao.

³ Te dago Godigo bomu yai po dabe wali peyu da, teda homu si isşabadi dago e po mu wagameo, "Dago God koneyu bidibao." ⁴ Godigo bomu yai po wali pişabo bidigo te po weyu da, "Eno God mu koneai

dao," te po wabo bidi aga te ili po wabo bidi dao, tama mu po te bidigo homude bidibeo. ⁵⁶Tiali goli niwai bidi me deligo Godigo po wali pabo bidi, teda te bidi agai God dali dwagi yai homu eyu godolo ebo kolesaga te sese mu ebao, te şa pabeo. Tama niwai bidi me deligo te po weyu "Ena God dali wadoloyu bidibao," te po wabo bidi aga te Jisas Kraisgo yali kolesaga tiwai dolo wali pao. Tama dago te tiwai gilama eyu da, teda dago homu si işabadi dago e mu hania koneagameo, te da God dali wadoloyu bidibao.

Niwai bidigo aga abagi dabe dali dwagi yai homu ebo, te bidi ulade bidibo dao

⁷Eno abagi mu dede, eno dagebolo e bomu yai po aşbo po te gesi po menio. Te hasia bomu yai po polobadu mu dagego sai po dao, te augwaligo dagebolo Godigo po ola mabo gagalali sogo dagego te bomu yai po odai dao. ⁸Me ma, megi eno dagebolo te aşbo bomu yai po page meba te gesi po dao. Tama te eno aşbo bomu yai po te mu po dao, te dago konebao, te Kraisde me, te dagede me, tede dago te bomu yai po te mu po dao dago subo dao. Magi baso meni, te ula mu te pedalama bidiyu, tama te ulago te be hulua si elaluali silibao.

⁹Niwai bidi me deligo te po weyu, "Ena te ulade bidibo dao" obaso da, tialima te po wabo bidigo aga ama dali şebş elama boi bidi homu eyu da, te bidi aga be hulua sai digi me bidibao. ¹⁰Niwai bidigo aga ama dali dwagi yai homu ebo bidi, te bidi aga ulade bidibo dao. Tama aga ulade bidibadi te aga dwai şş ilibo magi dwai nai pedelegobeo. ¹¹Tiali goli niwai bidigo aga ama dali şebş eyu boi bidi homu eyu da, te bidi hulide bidibo dao. Aga hulide biliyu, be hulua saligo agai gedu daş olama, tama aga pabo tş aga koneşbaso gegebao dao.

¹²Dage eno wai dabe, tama Krais aga nogi tobade Godigo dagego dwai şş yali şşş sela şşwai dao. Tama eno te po dagebolo aşna tolobao. ¹³Aya dede, dagego te tigidali nai gagalali sogode bidali bidi, aga megi me bidibo, te bidi dagego koneai dao. Tama eno te po dagebolo aşna tolobao. Dage gesi bidi dabe, dagego Satango bomu aiyaba elaluai dao. Tama eno te po dagebolo aşna tolobao.

¹⁴Dage eno wai dabe, dagego dago Aya bugagia koneai. Tama tiyu, eno te po dagebolo aşşai dao. Dage aya dabe, te tigidali nai gagalali sogode bidali bidi, aga megi me bidibo, te bidi dagego koneai dao. Tama tiyu, eno te po dagebolo aşşai dao. Dage gesi bidi dabe, dagego bomu yai, tama Godigo po dage tomode bidibao, tama dagego Satango bomu aiyaba elaluai dao. Tama eno te po dagebolo aşşai dao.

Dago tşde kolesaga teba homu mugio

¹⁵Dagego te tşde kolesaga dali, tşde elalubo nai dali pesş eyu teba homu mugio. Niwai bidi me deligo e tşde kolesaga teba homu mubaso da, te bidi agai Aya God dali dwagi yai homu elama godolo ebo menio.

¹⁶Magi baso meni, tşde bidigo kolesaga tigidali, te kolesaga e tama telalubo da wali, te tşigo bidigo homu hodolama tama mena dwai şş ebo kolesaga, te gedugo haniani nai sulama godolo ebo kolesaga, te bidigo mena naide hagoma homu eyu aga nogi ugwa-ba sabo kolesaga, te tobage kolesaga Aya Godigo mabeo. Menio. Te kolesaga e tşde pedalobo kolesaga dao. ¹⁷Tama e tşde kolesaga silaibao, tama te mena nai sainogo gedugo sulama godolo ebo te şş me sia saibao. Tiali goli Godigo pedauwalidu wabo po wali pabo bidi, te bidi aga gamonaibao, aga sesemane sogo mu bidada paibao.

Krais dali boi bidi homu yabo bidi pedalai dao

¹⁸Dage eno wai dabe, te tşigidali nai silabo sogo paşba yagasai dao. Polobadu augwaligo dagebolo te po wai, "Te Krais dali boi bidi homu yabo bidi pedalaibao," wabo, te po dagego odali. Awe, megi Krais dali boi bidi homu yabo bidi hauwa augwali mu pedalai dao. Tama tibaso, dago koneai, te tşigidali nai silabo sogo paşba yagasai dao. ¹⁹Te bidi dabe augwali polobadu te da bidi hani deli bideiba homu meni baso, tama augwaligo da tagalai dao. Augwali dago hani tşigo sogo da, te da dali me bidigi dao. Augwaligo da taga pobaso, dago hania koneani, te bidi dabe tşigidali augwali da deli hani bidi mu meni.

²⁰Dage, te dagebolo te Tedali Bidi Kraisgo te Godigo Mobo Bidi olo mani. Tama tibaso, dage tşigidali te mu po koneai dao. ²¹Dagego te mu po page koneşbaso, tama te pode eno dagebolo e po aşşao, te homu dagego egimio, te menio. Dagego te mu po page koneai, tama te mu pogo tşbo po munu me wabo menio, te me dagego koneai dao, eno te homu elama te po eno dagebolo aşşao.

²²Tşbo po wabo bidi de dawş? "Jisas aga Godigo sa muani tagala palali bidi Krais menio," te po wabo te bidi aga te tşbo po wabo bidi te dao. Te bidigo te Aya dali aga ogwa dali sigo nogi wabo hogwa siyu, tama tudiba mubo bidi, te bidi agai Krais dali boi bidi homu yabo bidi dao. ²³Niwai bidi agai te ogwa nogi wasişama hogwa siyu tudiba muani bidi, te bidi agai te ogwa aga Aya me nogi wasişama hogwa siyu tudiba muai dao. Niwai bidi agai te ogwa dali konealubo po daş wali da, te bidi agai Aya dali me agai konealubo po mu daş wabo dao.

Godigo Dwagi Yai Mobo Bidi agai da mu po ola mabo dao

²⁴Te dagego polobadu te Godigo po odobo gagalali sogode odali po, te po dagego duga homude daş ola sao. Dagego te gagalali sogode odali po bugagia daş ola siyu da, teda dage te Ogwa dali Aya dali si dali wadoloyu sesemane sogo bidaibao. ²⁵Tama aga digi agai dabolo aga daş wali po tama wai, agai da sesemane sogo bidabo ula mawaibao, te po wai.

²⁶Eno te dagebolo te tşbo po ola mawainogo ebo bidi dabe augwaligo ebo kolesaga te po dagebolo

pusuyu aşebao. ²⁷ Tialima dagede, dage Kraisgo aga Mobo Bidi olo mayu tama aga dage dali me bidibao. Tama aga Mobo Bidi dage dali bidibadi, te sogo dage te po ola mabo bidi dage dali me şaş pabeo. Dagego te gasa po ola mabo bidi dabe sabo homu egio. Menio. Mobo Bidi agai dage tigidali kolesaga ola mabo dao. Tama te Mobogo mu po tama naga wabo dao. Agai tibo po me wabeo. Agai tama tibaso, dagego agai po wali peyu tama Kraiis dali wadolyu bidişo.

²⁸ Awe, eno wai dabe, dage aga dali bidao. Magi baso meni, nosali aga hania pedalaibao, te sogo da bomo elama dolaluaibao, te aga ma asobo sogode, te tama da hale eyu geme duala sogobeo. ²⁹ Dagego te bidi Kraiis aga dwagi yai doloba pai bidi mu da weyu mu dolo kolesaga ebo bidi da te tiwai konealigo da, teda dagego me tama koneao: dwagi yai doloba pai kolesaga ebo bidi, aga te Godigo wai mu bidibao.

Megi da Godigo wai dabe bidibao

3 Te goba! Ayago da dali dwagi yai homu eyu godolo mu yali kolesaga te moni genuai mu ped-alali. Suao. Godigo aga digi da te agai wai dabe dao wai. Mu tama, da Godigo wai dabe dao. Tama da Godigo wai dabe tama bidiyu, tama tşde bidi dabe augwaligo God konesişbaso, tama augwaligo da me konebeo. ¹² Abagi mu dede, megi da te Godigo wai dabe bidibao. Tama nosali da mena tama bidigowe, te dago megi bugagia hania konebeo. Tialima dago koneani, nosali Kraiis hania bulu ulaba pedalobo si, te sogo dago aga magi bidi dawe te dago te page mu hania koneaibao. Tama dago aga subaso, te sogo da aga tiwai gagawaibao. ³ Tama te augwali Kraiis tiwai pedalobo sogo bugagia tonaluyu bidibo we bidi tigidali, augwaligo magi şe isşyu dwagi yai naga tedali gagabo dao. Magi baso meni, augwaligo koneani, te Kraiis me aga magi dwai şe isşyu dwagi yai naga tedali bidibo dao.

⁴ Dwai şe ebo bidi, agai Godigo bomo yai po olo oda tagaluyu sela şabo bidi dao. Magi baso meni, te dwai şe ebo kolesaga page da, te Godigo bomo yai po bolobo kolesaga dao. ⁵ Dagego koneai, Kraiis asali agai te tşde we bidigo dwai kolesaga ebo sela şawainogo asai, tama dwai şe ebo kolesaga agade me bidibo menio. ¹⁶ Tama tibaso, aga dali wadolama bidibo bidi, te bidi agai te dwai kolesaga me eyu bidibo menio. Niwai bidi me deligo dwai kolesaga eyu bidibo bidi, te bidi agai Kraiis susişama, tama agai Kraiis konesişwai bidi bidibo dao.

⁷ Dage eno dwasianu wai dabe, dage dua dao. Dage bidi me deligo tibo po ola maidali weyu bugagia suao. Dwagi yai doloba pai kolesaga ebo bidi, te doloba pai bidi dao, te Kraiis aga dwagi yai doloba pai bidi tiwai dao. ⁸ Niwai bidigo dwai şe idu bidibo, te bidi Satango hani bidi dao. Magi baso meni, te Godigo tigidali nai nigisişbadi, polobadu mu Satango dwai şe ebo gagalama, tama eyu, tama megi me aga tama tibo dao. Tama

agai te Satango we bidi tomode ebo dwai kolesaga ela silimainogo te Godigo Ogwa aga hania pedalai.

⁹ Niwai bidi me deli aga Godigo wai gagawai bidi, te bidigo dwai kolesaga idu bidibo menio. Magi baso meni. Godigo homu kolesaga page te bidide elalubo. Tama God da aga Aya bidibaso, te bidi agai te dwai kolesaga idu bidibo usu egobeo. ¹⁰ Edao. Te Godigo wai dabe dali, te Satango wai dabe dali, augwali dagalama hania koneabo tş e dao: dwagi yai doloba pai kolesaga wali pişşo bidi, aga te Godigo wai menio. Tama aga ama dali dwagi yai homu eyu godolo isşo bidi, te bidi me aga te Godigo wai menio.

Da deli deligo gasa abagi dede dabe godolo homu yao po

(Daj 3:11-5:21)

Ama dali dwagi yai homu eyu godolo ebo kolesaga

¹¹ Te tobage kolesaga isşo bidi aga Godigo wai menio. Magi baso meni. Augwaligo dagebolo Godigo po ola mabo gagalali sogode, te sogode dagego tama po odai: dago dena hasi abagi dali dwagi yai homu eyu godolo mu iyşo. ¹² Da te polobadu bidali bidi Kein bidali tiwai bidamuo. Aga te Satango bidi bidai, tama agai aga ama ela muai. Tama magi baso aga ama ela muaniwe? Agai dwai kolesaga naga yali, tama aga amago yali kolesaga tigidali dwagi yai doloba pai kolesaga yai. Tibaso, aga şeşelama, aga ama ela muai. ¹¹

¹³ Eno ama dede, tşde elalubo kolesaga wali pabo bidi dabe augwaligo dage dali boi bidi ebaso da, dage te kolesagade dage midigi sigio. ¹⁴ Dago dena ama dabe augwali dali dwagi yai homu eyu godolo ebaso, tama te dago koneai, dago te genuai sia dabo buluba pabo tş tagalama, tama da te bidada peyu bidada pabo ula sabo tş sabolai dao. Gasa we bidi dali dwagi yai homu eyu godolo ebo kolesaga masişbo bidi, aga te genuai sia dabo buluba pabo tşdu me bilibo dao. ¹⁵ Bidigo aga ama dali boi bidi homu ebo bidi, aga te bidi ela mubo bidi dao. Tama dagego koneai, bidi ela mubo bidi, te bidi aga te dwagi yai bidada peyu, bidada pabo ula elalubo menio. ¹⁶ Tama bidi dali dwagi yai homu eyu godolo mu ebo kolesaga page, te kolesaga page dabolo hania ola mabo şe e dao: Kraiis aga digi agai da tşde we bidi tau somainogo aga bidabo ula tagalama, tama da tobade isali. Tama tibaso, dago me dago bidibo ula tagalama, dago ama dede augwali tau sao. Tama tiyu, dago augwali tau sobadi tama gasa bidi dabego da elebaso, dago usu da homu yao. ¹⁷ Tialima te doado bage hauwa elalubo bidi agai aga ama te nai meni yai bidi bidibo sula tagalama, tama aga tau masişyu da, teda magi baso te bidigo te po wali, "Eno Godibolo dwagi yai homu eyu godolo ebo bidi dao."

¹⁸ Dage eno wai dabe, dago te we bidi dali dwagi yai

† 3:1 Jon 1:12 †† 3:5 Jon 1:29

‡ 3:11 Jon 13:34 †† 3:12 Gag 4:8 †† 3:14 Jon 5:24

homu eyu godolo ebo kolesaga, te kolesaga dago pedauwaligo po wabogo naga ilamuo. Menio. Dago homu mu eyu, tama dago augwali dali dwagi yai homu ebo kolesaga te dago augwali tau sabo sego augwalibolo hania ola mao.

Konealubo po daş wali bidi aga Godide wi meni yaibao

¹⁹ Te eno megı tama wali kolesagade, te dago te kolesaga ebaso da, teda dago koneagameo, da te mu po naga wabo Godigo we bidi dao. Dago te gasa we bidi dabe dali dwagi yai homu eyu godolo ebo kolesaga eyu da, teda da God paşa pabo sogo te da agade wi egobeo. ²⁰ Magı baso meni. Dago homude te dena homugo da dali po tu ebaso da, teda dago koneani, te God agai dago homu kolesaga aiyaba elalubo dao, tama agai homu kolesaga genuai ugwanu mu ela holai elalubogo, tama agai tıgdalı nai mu konebo dao. ²¹ Abagi dede, dago homude ebo te kolesagade da po tu esişayu da, teda Godigo gedude wi isişma da dolalubo dao. ²² Tama tiyu, tama dago magı nai me sainogo gedu haluasa po obaso da, te agai dabolob mabo dao. Magı basowe? Dago agai bomo yai po wali peyu, tama agai godolo ebo kolesaga dago ebo dao. ²³ Tama agai bomo yai pode tama wai: dago konealubo po agai ogwa Jisas Kraışgo nogide daş olama, tama dago gasa we bidi dabe augwali dali dwagi yai homu eyu godolo mu yao, te agai dabolobolobadu wali po tiwai. ²⁴ Niwai bidi me deligo Godigo bomo yai po wali peyu da, te bidi God dali bidalubo dao, tama God aga te bidi dali bidalubo dao. God agai aga Tedalı Mobo Bidi dabolob mawai. Tama tibaso, dago koneai, God da dali bidıbo dao.

Dagego te Godigo Mobo dali, tıbo mobo dali sı dagala suışo

4 Abagi dede, tıbo po ola mabo bidi dabe hauwa augwali tıgdalı tşde bilalubao. Tama bidi hauwago te po obao, "Godigo Mobo Bidi agai enabolob mu po olama, tama eno te mu po pusubob dao." Te po obaso, dagego homu te augwalıgob ola mabob pobab olob subıgılab daş wıgıob. Dagego koneainogob, tıgdalı te po ola mabob bidı osolab suab, te Godıgob tagalab palalı Mobob Bidı augwalı dali bidıbaweb, ma meniweb, te suainogob tama tıab. ² Dagego te bidı me delıgob Godıgob Mobob Bidı elaluboweb naga tedeb dagegob hanıab konemainogob e tiwai agab osolab suab: Bidıgob "Te Jısab agab Godıgob sab muanı bidı Kraısb dao, tama agab tşbab asabab agab e tşdeb bidıgob tıgı tiwai selabab tama bidalı bidı dao," te po wabob bidı te Godıgob Mobob Bidı agab dali bidıbo dao. ³ Tıalı golı tıgdalı bidıgob Jısab dali te po tiwai wasışabab sab da, te bidı dabeb augwalı te gasab dwabı bidı nomagob dagabab sagasalı, te Godıgob Mobob Bidı meniob. Te tobabeb bidı agabı Kraısb dali bobı bidı homub ebo dao, polobadub dagegob po odalı te tobabeb bidı agab asaıbab wabı. Tama megı agab aselabab, tşdeb bidıbab.

⁴ Dage eno wabı dabeb ob, dage Godıgob web bidı hanı, tama dagegob te tıbob po olab mabob bidı aıyabab elalubı dao. Magı basob meni. Te Mobob dage tomobeb bidıbob Mobob Bidı agabı bomogob te tşdeb bidı dali tomobeb bidıbob mobogob bomob aıyabab elalubob dao. ⁵ Te tıbob po olab mabob bidı dabeb augwalı tşdeb bidıyub, tama tşdeb elalubob kolesagab naga augwalıgob walı pabob dao. Tama augwalıgob po te tşdeb elalubob nabıdeb po wabob dao. Tama tibasob, tşdeb bidıgob augwalıgob po odobob dao. ⁶ Da Godıgob web bidı dao. God koneanı bidı, te bidı agabı dago po odobob dao. Tıalıma God konesişwanı bidı, agabı dago po odalı golı, te po walı pabob meniob. Tedeb dago te mu po wabob Mobob dali, tıbob po wabob dwabı bidı noma elalubob bidı dabeb dali dagalabab, tama augwalı sı koneagameob.

God aga te dwagi yai homu eyu godolo mu ebo kolesaga page bidı mu dao

⁷ Abagi mu dedeb ob, denab hası dago web bidı dali dwagı yai homub eyu godolob mu inab. Magı basob meni. Te web bidı dali dwagı yai homub eyu augwalı godolob mu ebo kolesagab page bidı te God dao. Bidıgob dwagı yai homub mabob kolesagab walı pabob bidı, agab te Godıgob wabı dao, tama agabı God mu konebob dao. ⁸ Bidıgob agab abab dali dwagı yai homub eyu godolob isışob bidı, agabı God konebeob. God agabı homub kolesagab page dab, te web bidı dali dwagı yai homub eyu augwalı godolob mu ebo homub kolesagab dao. ⁹ God agabı Ogwab delı dıgı mu, tama agabı te Ogwab e tşbab tagalab palabı, tama agabı dab agabı yalı seşdeb te bidıbob ulab somainogob tiwai. Tebogob dab olab manı, God agabı dab dali dwagı yai homub eyu, dab godolob ebo dao. ¹⁰ Dwagı yai homub mabob kolesagab te tama meniob: hasıab dago bolob God dali dwagı yai homub eyu godolob yalı dab, te homub egobeob. Te tama meniob. Dwagı yai homub mabob kolesagab e tama tiwai: God agabı bolob te dwagı yai homub mu dab dali elabab, tama agabı Ogwab e tşbab tagalab palabab, tama agabı agabı tıgı menabab, tama dago dwabı seş tıgdalı selabı şabob bidı bidımainogob tiwai dao.

¹¹ Abagi mu dedeb ob, God agabı te tiwai dab dali dwagı yai homub eyu godolob mu yalıgob dab, teda dago me denab hası dwagı yai homub dago abagı dabeb dali inab. ¹² Bidı me delıgob God munub me subeob. Dago denab hası dwagı yai homub dago abagı dali eyu dab, God agabı dabı bidıbob dao, tama agabı dwagı yai homub eyu godolob ebo kolesagab te dab tomobeb sese wıegı yai mu pedalıbı dao. ^{††}

¹³ God agabı agabı Mobob Bidı dabolob mawai. Tama tibasob, dago koneabı, dab God dali bidıbob dao, tama agabı dabı bidıbob dao. ¹⁴ Tama Aıyab God agabı Ogwab e tşbab tagalab palabab, tama agabı dab e tşdeb web bidı tıgdalı ma dobolab sabob bidı pedalomainogob yabı. Dago te suabı dao, tama dago te seş po gasab web bidı dabeb augwalıbob lob pusubob dao. ¹⁵ Bidı me delıgob te gasab web bidı gabıdıdeb po weyub, "Aweb, te bidı Jısab agabı te Godıgob Ogwabı dao," obasob dab, God agabı te bidı dali bidıbab, tama te bidı agabı God dali bidıbob dao. ¹⁶ Tama dago

† 3:23 Jon 13:34; 15:12, 17

†† 4:12 Jon 1:18

koneai dao, Godigo da dali dwagi yai homu eyu godolo mu ebo dao. Tama koneyu, tama da te kole-sagaba dago homu tişlubo dao, tede homu si ebo menio.

God agai homu kolesaga page da, te we bidi dali dwagi yai homu eyu augwali godolo mu ebo homu kolesaga dao. Tama bidi te kolesaga eyu bidibo bidi, aga God dali bidiyu, tama God aga te bidi dali bidiyu ebo dao. ¹⁷ Tama bidiyu, tama te dwagi yai homu eyu godolo ebo kolesaga te da tomode sese wiegi yai mu pedalobo dao. Magi baso meni. Tama tiyu da, da e tşde bidibo sogo te da Krai tiwai bidibo dao. Tama tibaso, te nosali te tş dagalu silibo side genuai po tş ebode da wi me egobeo. ¹⁸ Tama God agai da dali te dwagi yai homu eyu godolo mu ebo kolesaga te sese wiegi yai mu dao, sş pabeo. Tama tibaso, da wi menio, te agai da dali ebo kolesagago te wi ebo sela sşbo dao. Wi ebo page e tama: da dwai dene sabo homu ebo we bidi bidiyu da, teda da wi ebo dao. Tama tiyu da, dago koneaibao, te Godigo da dali dwagi yai homu ebo kolesaga page te dago kuna konebeo, da tede sş pabo.

¹⁹ Te dago God dali, dena hasi abagi dali te dwagi yai homu eyu godolo ebo kolesaga page e dao: hasia bolo God agai da dali te godolo ebo kolesaga yali. ²⁰ Bidi me deli agai te po weyu "Eno God dali dwagi yai homu eyu aga godolo ebo dao," te po agai weyu, tiali goli te bidi agai aga ama dali dwai boi bidi homu eyu da, teda te bidi agai tibo po wabo dao. Magi baso meni. Te bidigo aga gedugo aga ama subo dao. Tiali goli agai aga dali dwagi yai homu eyu godolo ebo menio. Tama tibaso, agai te aga gedugo susişbo God dali mena tama dwagi yai homu ebo kolesaga egowe? Mu menio, aga usu egobeo. ²¹ Tama te bomu yai po dago God agade sai, te po tama wai: niwai bidigo God dali te dwagi yai homu eyu godolo ebo bidi, agai aga ama dali me dwagi yai homu eyu godolo mu yao.

Kraisde konealubo po dş wabo bidi agai tşde kole-saga aiyaba elalubo dao

5 Tigidali bidigo Jisas aga te Godigo sa muani tagala palali bidi Krai dao olama konealubo po dş wai, te bidi dabe augwali Godigo wai dabe dao. Tama tigidali bidigo aya dali dwagi yai homu ebo bidi, te augwaligo te dwagi yai homu eyu godolo ebo kole-saga agai wai dabe dali me ebo dao. ² Tama dago God dali dwagi yai homu elama tama aga godolo mu eyu, tama agai bomu yai po dago wali peyu da, teda dago te kolesaga ebode koneagameo, dago God agai wai dabe dali dwagi yai homu eyu godolo ebo dao. ³ Magi baso meni. Dago God dali dwagi yai homu eyu godolo ebo kolesaga page e dao: dago God agai bomu yai po wali pabo dao. Tama agai bomu yai po dabe augwali te bidigo wali pabo usu isşbo bomu yai po meni, te dago augwali wali pabo usu yaibao. ¹⁴ Godigo wai dabe tigidali augwali deli deligo te tşde elalubo dwai kolesaga aiyaba elaluai dao. Te dago e tşde elalubo dwai kole-

saga aiyaba elalubo tş e dao: dago te Jisas aga te Godigo sa muani tşba tagala palali bidi mu dao, te konealubo po dago Jisasde dş wabo, te kolesagago dago te tşde kolesaga aiyaba elaluama tagalobo dao. ⁵ Mena bidigo hwjnama tama tşde dwai kolesaga ebo aiyaba elalubo bidi dawe? "Te bidi Jisas aga Godigo Ogwa mu dao," te po konealubo po dş wabo bidi aga naga dao.

Godigo agai Ogwade po hania pusai

⁶ Te aga da, Jisas Krai aga digi aga hania pedalali. Aga aşgo baptais mabo te kolesaga dali, tama aga te ni pedaide kaneme gelabo te kolesaga dali asai. Aga asali te aşgo kolesaga dali naga asai menio. Aga asali te aga aş dali kaneme dali te kolesaga si dali asai. Tama tiyu, te Godigo Mobo Bidi agai te Krai aga asali kolesagade te mu po dao, te po wai dao. Magi baso meni, te Mobo Bidi da te mu po wabo page mu dao. ⁷ Awe, sela augwaligo te da ola mabo da, te Krai aga Godigo Ogwa dao. ⁸ Me te Mobo Bidi, me aş, me te kaneme tama dao. Tama te sela augwaligo te Krai deli po naga dabolo ola mabo dao. ⁹ Bidi me deligo agai suali sş po dabolo pusubo si, te dago homu si isşyu tama "Te mu po dao" weyu dago agai pusali po sabo dao. Tama bidigo wabo pode dago tama tialigo da, teda dago Godigo aga Ogwade dabolo pusubo po odoyu, dago mu po dao weyu te po sao. Magi baso meni, te Godigo pogo bomu te bidigo pogo bomu aiyaba elalubo dao. Te Godigo aga digi aga Ogwade pusali po dao. ¹⁰ Tama te konealubo po Godigo Ogwa dali dş weyu agaba tişlubo bidi, te bidi agai te Godigo aga Ogwade pusali po aga homude elalubo dao. Te Godigo aga Ogwade wali po, te pode "Mu po dao" wasişbo bidi, te bidi agai "God aga nogi ili po wabo bidi dao" wai dao. Magi baso meni. Te po, te Godigo aga Ogwade wali pode te bidigo "Te po mu po menio" homu eyu sela sşwai dao. ¹¹ Tama Godigo aga Ogwade wali po e dao: God agai da sesemane sogo bidada peyu, bidada pabo bidibo ula mawai dao, tama te bidabo ula page aga Ogwa Jisasde elalubo dao. ¹² Bidigo Godigo Ogwa dali kş pali bidi, aga dali te bidibo ula elalubo dao. Tama bidigo Godigo Ogwa dali kş pişwani bidi, aga dali te bidibo ula elalubeo.

Po silagasu wabo po

¹³ Te dagego Godigo Ogwago nogide konealubo po dş weyu agaba tişlubo we bidi, te dagego te dwagi yai bidada peyu bidada pabo ula elalubo konemainogo eyu, eno e po dagebolo aşna tolobao. ¹⁴ Da Godigo gesabide bidiyu, tama dago aga dali homu si ebo menio. Magi baso meni, magi nai po aga dali gedu haluasa po weyu, tama dago aga homu wali peyu da, teda agai dago te gedu haluasa po wabo odoyo dao, te dago mu hania konebo dao. ¹⁵ Awe, dago aga dali gedu haluasa po weyu da, teda agai te po odoyo dao. Tama te dago konebo dao. Tama konealigo da, teda

† 5:3 Jon 14:15

†† 5:11 Jon 3:36

dago e me konebo dao, te dago magi naide po aga dali gedu haluasa po weyu da, agai te nai dabolo mabo dao.

¹⁶ Bidi me deligo aga amago dwai şe ebo suyu da, tama te dwai şe ebogo te yali bidi aga dwai madigi pişabo dwai şe elaluyu da, teda aga amago Godibolo gedu haluasa po wao. Tama weyu, tama Godigo te dwai şe yali sela şanama tama bidibo ula te bidibolo mawaibao. Te dwai şe tedali tedali dao, mebago te şe yali bidi dwai madigi tagala palabo dao, mebago meni. Tama te şe yali bidi dwai madigiba pişabo dwai şe ebode eno te po wai, Godibolo gedu haluasa po wao. Tiali goli te bidi dwai madigi tagala palabo dwai şe, tede eno dagebolo "Gedu haluasa po wao" wabeo.

¹⁷ Tigidali dolo işabo kolesaga, te dwai şe dao. Tiali goli dwai şe mebago te bidi dwai madigi tagala palabo menio.

¹⁸ Dago koneai, tigidali bidi Godigo wai dabe bidalubo bidi, augwaligo dwai kolesaga wali me pabo menio. Magi baso meni. Godigo Ogwago augwali bugagia palibo dao, tama Satango augwaliba aga no-go mugobeo.

¹⁹ Dago koneai, te tigidali tşde bidibo we bidi augwali te Satango dologode bidibo digi, da Godigo wai dabe bidibao.

²⁰ Dago koneai, Godigo Ogwa aga asai, tama agai homu kolesaga da mawai, dago te God aga God mu dao, te dago konemainogo te kolesaga da mawai. Da aga Ogwa Jisas Kraiş dali wadolama bidibaso, tama da God dali bidibo dao. Te Kraiş da, te aga God mu dao, tama agai te bidibo ula sesemane sogo bidada peyu, bidada pabo ula mabo dao.

²¹ Eno wai dabe, dua dao. Dagego te tibo god dabe wali pidali weyu, dagego duga digi bugagia palişo. Te tama dao.

Jongo Si Sogo Pas Aşani

Hasia nedebo tau sabo po

E pas aşani bidigo aga digi nogi tiwai wabo "Ena monu dabe dao," tama weyu, tama dago homu te aga Jon dao. Agai e pas hasia nedali we bidi tau somainogo eyu, tama te Kraisde polobadu ola mani po tagaluyu gasa po ola mabo bidi dabe augwalide dua dao wali. Te tobage tibo po ola mabo bage dali kisasa biligio wali.

Dago Godigo po mu daş ola sai elalu tama te bidi dabego te tobage gasa po pusubo side dua dao

¹ Ena monu dabe bidiyu, tama ena Jisasgo şe ebo tobolu bidi, te eno te Godigo diş sali we dali nago wai puluba dali, te dagebolo e po aşna tolobao. Eno homu mu eyu, dage dali dwagi yai homu eyu godolo mu ebao. Tama eno naga te kolesaga dage dali ebo menio. Tigidali Godigo mu po koneani we bidi augwaligo me dwagi yai homu dage dali ebo dao. ² Magi baso meni, te Godigo mu po da dali bidibo dao, tama sesemane sogo da dali mu bidada peyu, bidada paibao, tama tiyu dago dwagi yai homu dage dali ebao.

³ Dago Aya God dali, te Aya aga Ogwa Jisas Kraisi dali, augwali sigo da dali olo tau sabo kolesaga dali, te homu dene eyu tau mabo kolesaga me, te bidi homu dwagi yai nagamea ilibo kolesaga me, te kolesaga sela da dali augwaligo yaibao. Tama dago Godigo mu po koneyu, tama dena hasi dwagi yai homu eyu godolo ebo kolesaga ebadi, augwaligo te kolesaga da dali yaibao.

Dago dena hasi dwagi yai homu eyu bidişo

⁴ Eno odali, nago wai dabe meba augwaligo Ayago dabolo "Tama tiaş" wali po odoyu, tama augwaligo te mu po wali peyu bidibo dao. Tama odolama, eno dwagi yai homu yai. ⁵ Nage we, megi eno nagebolo e po ma obao, da tigidaligo dena hasi abagi dali dwagi yai homu eyu godolo yao. Eno gesi bomo yai po nagebolo aşna mabeo. Menio. Te dago Godigo po odobo gagalali sogo dago te bomo yai po odai dao. ¹⁶ Te we bidi dali dwagi yai homu eyu godolo ebo kolesaga page e dao: dago Godigo bomo yai po dabe wali peyu

† 1:5 Jon 13:34; 15:12, 17

bidao. Tama te Godigo po odobo gagalali sogo daş elama, tama megi e sogoba usu nagaselama, dagego te bomo yai po e tiwai odai dao, dagego te dwagi yai homu eyu godolo ebo kolesaga eyu bidao.

⁷ Magi baso meni. Bidi hauwa augwaligo da dwai şe tomoba kegainogo eyu tibo po ola mabo bidi dabe, augwali haniani tşba augwaligo po pusigi pai dao. Tama augwaligo "Te Jisas Kraisi e tşba aşna bidali te bidi mugo tigi sali, te da bidi dabego tigi tiwai sali," te po wabo augwaligo hagela ebo dao, te po page hogwa sabo dao. Te tobage bidi aga te tibo po wabo bidi, tama agai Kraisi dali boi bidi ebo bidi dao. ⁸ Tama tibas, dage dua dao. Dagego şe elama tama te Godigo dagebolo maiabo nai tagalabuo. Te menio. Dagego dwagi yai sabo nai mu sese somainogo dage dua dao.

⁹ Bidi mego Kraisgo ola mani po tagalama, tama agai gasa poba begegi pai, te tobage bidi God te bidi dali bidibo menio. Niwai bidi me deli agai Kraisgo po dali homu keş pai bidi, te bidi te Aya dali aga Ogwa dali augwali si te bidi dali bidibo dao. ¹⁰ Tama tibas, bidi me deli dage bidibo digi pedalama, tama agai Kraisgo ola mani po dagebolo sela asişma olo asobaso da, dagego beba te bidi odasa pigio. Tama me dagego aga dali dwagi yai homu elama nage bugagia bidao po wago. ¹¹ Magi baso meni. Bidigo te tiwai bidi dali dwagi yai homu elama siade dao po wabo bidi, te agai te bidigo dwai şe ebo tau sabo bidi pedalaibao.

Po silagasu wabo po

¹² Eno dagebolo pusubo po hauwa me elalubao. Tiali goli eno te po dagebolo aşna tolobo hagela homu ebo. Eno dage suagasobo homu ebao. Tama eyu, tama dagego gesabide eno te po dagebolo pusaibao, tama da tigidali te dwagi yai homu mu yaibao.

¹³ Godigo nago ama aga diş sali. Tama nago te amago wai dabe augwaligo nage dali dwagi yai homu elama, bugagia bidao po nagebolo tolobao. Te tama dao.

Jongo Sela Sogo Wabo Aşani Pas

Hasia nedebo tau sabo po

Te e pas Jongo aga abagi Gaius agabolo aşana toloyu, tama te bidi Gaiusgo te Godigo po sela pabo bidi dabe tau sabo şede buba hwi po wali. Jongo gasa bidi side me po aşeyu, te bidide dow dao wabo po wali. Te bidi me nogi da, te Diotrefes dao.

Dago te Godigo şe ebo bidi dabe tau sabo şe inao

¹ Ena monu dabe bidiyu tama ena Jisasgo şe ebo tobolu bidi, eno e po Gaius nagebolo aşana tolobao. Nage eno abagi mu dao, eno homu mu eyu nage dali godolo mu ebo dao. †

² Abagi mu, eno homugo nago şe ebo tigidali dwagi yai emainao, tama nage me bugagia bidimainao. Eno koneai, nage te God dali bidiyu, tama nago noma bugagia bidibao, tama eno homugo nago tigi me te tiwai bugagia bidao. ³ Te nago noma bugagia bidibo pode, abagi dabe meba augwali ena bidibo digi sabolodu geani, tama augwaligo te po widu geai, nage te mu pode homu keş pai bidi dao. Eno tama po odolama, tama eno dwagi yai homu yai. Mu tama eno koneai, sesemane sogo nago te mu po naga wali peyu bidibo dao. ⁴ Awe, eno wai dabe augwaligo mu po wali peyu bidibo te po eno odu gebaso da, teda eno dwagi yai homu pemene mu ebo dao. Tama gasa po odobode dwagi yai homugo te dwagi yai homu ebo aiyaba elalubo menio.

Gaius agai dwagi yai şe yai

⁵ Abagi mu, nago homu mu naga eyu, tama tigidali ama dabe augwali tau sabo şe yai. Tama tiyu, te nago konesişwai bage augwali gasa buludu asali digi, augwali me nago tau siyu tebo dao. ⁶ Tama te nago tau sali bidi dabe augwaligo te ede bidibo Godigo we bidibolo te nago augwali dali dwagi yai homu eyu tau sabo şe ebo po pusali. Tama te tobage bidi augwali Godigo po haniani buluba sela peyu, tama nago bidibo digi asobo si, teda nosali augwali gasaba bugagia ma pomainogo eyu nago augwali tau sao. Augwaligo Godigo şe ebo dao. ⁷ Augwaligo te şede Kraisgo po wagi pai. Tama peyu, tama augwaligo te Godigo po wali pişabo bagego augwali tau sabo hagela yai, te sabeo. ⁸ Tama tibaso, da Godigo po wali pabo we bidi,

† 1:1 Tpi 19:29; Rom 16:23; 1 Ko 1:14

dago augwali tau sao. Te kolesagade dago augwali dali hodobo şe deli eyu, tama te Godigo mu po te haniani buluba tedela paibao.

Bidi nogi Diotrefes agai dwai kolesaga yai

⁹ Eno po meba te nago bidibo digi bidibo Godigo we bidibolo aşana tolai. Tiali goli te bidi Diotrefes aga augwaligo polalubo bidi bidainogo homu eyu tama agai eno wabo po odobo menio. ¹⁰ Tama tibaso, ena dage bidibo digi sabalobode, eno dagebolo agai te yali kolesaga te po hanilaibao. Agai nogi posobo dwai po haniani da dali wabo dao. Tama agai homugo te şe ebo naga usu egobeo. Meni. Godigo po pusigi pabo bidi dabe, dago ama dabe, augwali teba asobo si agai augwali beba odasa pabo menio. Tama bidi meba augwaligo te asai ama dabe beba odasa painogo ebaso, agai augwali dali te tigio olama, tama agai augwali te Godigo we bidi hani tomode me bidigio olama, augwali sela şabo dao.

Bidi nogi Demitrius agai dwagi yai kolesaga yai

¹¹ Eno abagi mu, nago te dwai kolesaga ebo bidigo kolesaga wali pelamuo. Nago dwagi yai kolesaga wali pao. Dwagi yai kolesaga ebo bidi, te bidi Godigo bidi dao. Dwai kolesaga ebo bidi, agai God konebeo. ¹² Te bidi Demitrius, agade tigidali we bidi augwaligo aga nogi ugwaba sabo po weyu, "Te aga dwagi yai bidi dao," te po wabo dao. Tama aga homu mu eyu doloba pai kolesaga ebo te Godigo mu po dolo si dao. Tama da me dago aga dwagi yai bidi dao po weyu, aga nogi ugwaba sobao. Tama nago koneai, dago po te mu po dao.

Po silagasu wabo po

¹³ Eno nagebolo pusubo po hauwa me elalui dao. Tiali goli eno te po nagebolo aşana tolobo hagela homu ebo. ¹⁴ Eno nage tamadi suagasobo homu ebaso. Tama eyu, tama nago gesabide eno te po pusaibao.

¹⁵ Eno homugo nago homu dwagi yai elama bidao. Nago ede bidibo abagi dabe augwali tigidaligo nage-

bolo siade dao po obao. Nago te nage dali bidibo da-
go abagi dabe augwali deli delibolo siade dao po wao.
Te tama dao.

Jutgo Aşani Pas

Hasia nedebo tau sabo po

Te Jutgo e pasde aşani po tiwai si dwasianu te 2 Pitago aşani pas tiwai elalubao. Te bidi Jut aga da, te Jems aga ama da wabo, te po obaso dago koneagameo, aga te Jisasgo amanu dao. Tama te tibo po ola mabo bage augwalide te bidi Jutgo wado po weyu, tama augwaligo ebo dwai dwai kolesaga te Godigo wei ponaibao wabo po aşani. Tama te bidi Jutgo te Kraisgo po wali pabo we bidi te Krais ma asobo sogo bugagia tonaluo po weyu, tama Godigo augwali tau saibao wabo po pusali. Te tiwai po te ves 3, tede elalubao.

Dagego te duga konealubo homu daų wabo bugagia tonalu tama te dwagi yai buku po dali boi bidi ebo bidi dabego po sela sayao

1 Ena Jut da, ena te Jisas Kraiś agai seų ebo bidi da, tama ena Jems aga amanu dao. Tama eno e po dage Godigo i wali we bidibolo aşena tolobao. Tama God dago Aya agai dage dali dwagi yai homu eyu, tama godolo mu ebo dao. Tama Jisas Kraiś me agai dage palibo dao. Augwali sigo dage dali tama tiyu, tama dage bugagia bidibao. ^{†2} Te eno homugo Godigo agai homu dene eyu tau sabo kolesaga me, te dage homu nagamea ilabo kolesaga me, te agai dage dali dwagi yai homu eyu godolo ebo kolesaga me, te kolesaga sela dagebolo geninama mu pedalaibao, te eno te homu ebao.

Tibo po ola mabo bidi dabe pedalali

³⁴ Eno abagi mu dede, hasia eno homugo te Godigo da tigidali ma dobola sabo seųe eno po dagebolo aşena tolabo homu bomu yai. Tiali goli, eno homu hasegelali, tama megi dagebolo gasagi yai po aşena tolobao. Magi baso meni, gasa bidi dabe augwali dage Godigo we bidi hani tomoba game asai, te sa asobo bage tiwai asai. Te polobadu te deli sogo naga te God agai aga po te aga we bidibolo mu mawai dao. Tama te po e dao, te dago te God dali Jisas dali augwali side konealubo po daų wao. Tiali goli, te game asai bagego augwaligo ebo dwai dwai kolesaga bolainogo augwaligo te Godigo mani po hasegelali, tama tibo po dagebolo ola mayu, "Woo, te God agai da olo tau siyu, tama dago ebo dwai seųe sela saųbaso, teda dago dwai dwai penani ebo kolesaga eyu da, te usu da," augwaligo te tibo po ola mabo da. Tama tibaso, eno megi dagebolo e po aşena tolali, te dage bomu elama tama te Godigo mani po bugagia tonaluyu paliųo, augwaligo te po dol-

† 1:1 Mat 13:55; Mak 6:3

idali weyu yao. Tama augwaligo te tobage tibo po weyu, augwaligo te Jisas Kraiśde hogwa sabo po wabo dao. Augwaligo dago Polalubo Bidi, te dago Genuai Bidi deli naga tudiba mubo dao. Tama polobadu mu Godigo po aşani bidi augwaligo te po aşani, te God agai te tobage dwai dwai seų ebo bage sa munama tama seųe mawaibao, te po te bukude aşani.

⁵ Te Godigo polobadu mu yali seų po te dagego gisiga koneai digi, eno dagego ma konealumainogo eyu e po ma obao. Polobadu agai te Israel bidi hani tau siyu, tama augwali kalabus togaluyu elama, tama Isip tų tagalama odasa pai. Tiali goli nosali augwali meba agai wali poba augwa homu tigidali musiųwai, tama te po wali pisiųbaso agai augwali doloyu ela silai. ^{††6} Tama te ensel mobo bidi meba me, augwalide ma kone palao. Te ensel mobo bidi meba augwaligo te Godigo augwaligo nogoba mani tonalubo bidi seų hagela eyu, tama te seų tagalali. Tama agai augwalibolo mani bidabo madi, te me augwali hagelama, tagalalio. Tama Godigo augwali dila pai aligabo bonogo nogo dunama, kalabus ilama, bida bida peyu bidibo, tama augwali te a bulu hulua sai digi tede mu daų olama bidibao. Tama augwali te a hulua sai digide bidiyu, tama augwali Godigo genuai bodolu sali te tonaluyu bidibadi, tama te moni po tų ebo sogo pedalaibao.

⁷ Te polobadu elaluali moni hanu si me, te nogi Sodom dali, Gomora dali, te hanu side pedalali dwai seųe dagego ma konea palao. Tede bidali bage me, te hanu si paųe elaluali dwasianu bulude bidali bage me, augwali tigidaligo te ensel mobo bidi mebagu yali dwai dwai penani ebo seų tiwai yali. Augwali penani seųe bidaluali, tama augwaligo homu hodaloama, tama augwali te seų bomu elama eyu pobeasa pali. Tama tibaso, Godigo augwali te moni sia te dagaludu tagala palali, tama augwali te siago ela silai. Tama dago augwalide te yali seų sulama, tama dago koneai dao,

†† 1:5 Sai 12:51; Nam 14:29-30

te tobage dwai dwai şę dago ilamuo, da te dene sidali weyu. †

⁸Tama te dage tomoba geme duala sagaselama bidi-bo bidi dabe augwaligo me te tobage dwai dwai kolesaga ebo dao. Haniani na eyu, augwali homu hodoliyu, tama augwaligo meda yai kolesaga augwa tigide ebo dao. Tama augwaligo dago Genuai Bidigo augwali tonaluabo bomu sela şayu, tama augwaligo te Godigo dagalude bidibo ensel mobo bidi dabe dali me nogi posobo po wabo dao. Te ensel dabe augwaligo ula yai bomu elaluali goli, te bagego nogi posobo po augwalide widu gebao. ⁹Augwaligo te posobo po olamuo. Suao. Polobadu te ensel mobo bidi dabego polalubo ensel nogi Maikel, agai te dwai haubo mobu tuni bidi Satan dali augwali si po konila yai, te isai bidi Mosesgo tigi hagede konila yai. Tama te sogo Maikel agai te Satan dwai nogi posobo po me wabeo. Te meni. Agai Santanbolo te po wai, "Genuai Bidi aga digi nage osola sulama, tama şęę mawaibao," te po wai. ††¹⁰Tiali goli te tibo po ola mabo bidi dabe augwaligo te page koneşıwai naide te dwai posobo po wabo dao. Me ma, augwaligo te dwai şede kuna koneani. Tama koneyu, te homu kolesaga meni yai bulu hasa tiwai bidiyu, tama augwaligo magi magi dwai şę edubadi gebo dao, tama te tobage dwai kolesaga ebaso augwali mu dolama dene saibao. ¹¹Augwali hobedagia bidibao. Augwali te polobadu mu bidali dwai şę yali bage tiwai ebo dao. Te polobadu bidali bidi nogi Kein, te Adam aga ogwa, te bidi aga pali dwai tų te augwali megi te tųdu bilibo dao. Tama te dwai bidi me aga nogi Balam, agai yali şę tiwai eyu, tama augwaligo masigi sabo pesa eyu, gasa we bidibolo dwai şę yabo po hwa po mabo po wabo dao. Tama augwaligo te polobadu bidali bidi me nogi Kora agai yali şę tiwai ebo dao. Te bidi Kora agai te Godigo wali po odobo hagela eyu, tama te po sela şabaso, nosali dene mu sai. Tama e bidi dabe me augwaligo te tobage po sela şabo kolesaga ebaso, tama augwali me mu doloyu hagawaibao. ‡

¹²Te dage deliba sisinama, tama 'Da deli hani dao,' te homu eyu, dagego nai tubo dao. Awe, tiali goli te tibo po ola mabo bage augwali me te nai tubo madiba aselama, tama augwaligo dagego ebo kolesaga dolobo dao. Augwali te gudubo ugwa dwai meda ilibo nai tiwai dao. Augwaligo dage dali nai tubadi, te augwali wi isayu tama augwa hasi naga kisasa bidiyu, tama te nai tubode gasa we bidi tau sisayu, augwaligo te nai subigila tuyu ebo dao. Augwali te tulubage tulisıwai pę tiwai dao, tama waligo augwali pona palobaso tedela pabo dao. Tama augwali te ni aga du walobo sogo walisiwai ebo, te tobage ni tiwai dao. Tama augwali te page sasia pai ni tiwai dao, te bidigo te ni page guda şawai. Tama augwali te tiwai bidiyu, du walobeo, we bidi tau sabo şę dwagi yai ebo menio. ¹³Tama te moni tamu ađ bęđ dini wadolama nosali asiyu, tama te ađ dinigo meda yai pesa hania pedalobo dao, te ađ sanide. Tama te tiwai te bidi dabe augwaligo te hale ili-

bo kolesaga hania ebo dao. Augwali te dagalude elalubo hę meba tiwai dao. Te tobage hę osogo ula eyu, ma sula siyu ebo hę dabe dao. Te hę pabo te bugagia dolo pabo menio. Tama Godigo te dwai sisi mu a bulu hulıa sai digi sisi yai elalubo, tama te tibo po ola mabo bidi augwali te hulıa sai bulude sesemane sogo bidada peyu, bidada paibao.

¹⁴Te polobadu bidi Adam aga ogwago ogwa tama nedada peyu, te nogo a olama me badu nogo deli wali, te bidi mego ogwa te Inok da, aga polobadu mu bidai bidi dao. Tiali goli, agai te sogo polobadu te megi bidibo tibo po ola mabo bagede te po wai, "Suao, Genuai Bidi aga ensel mobu bidi umabo mu dali asaibao. ††¹⁵Tama aselama, tama agai te we bidi tigidali osola sueibao. Tama osola sulama, agai augwaligo aga tudiba muani bidi tebolo augwaligo şęę hania ola mawaibao. Tama augwaligo Godigo po oda tagalama te dwai şę eyu, tama te God tagalali bagego dwai sesena pai nogi posobo po agade odu geai. Tama te yali şę tigidali me, te wali dwai po tigidali me wei ponoyu, tama Godigo augwali dene mawaibao," te bidi Inok agai te po polobadu wai.

¹⁶Te dage tomode bidibo tibo po ola mabo bidi dabe, augwali te tigidali pedalobo naide hagela homu eyu, tama sesemane sogo augwaligo gasa we bidide dwai homu naga ebo dao. Tama augwaligo tigigo ebo kolesaga hodolama, tama augwaligo te kolesaga naga wali pabo dao. Augwaligo genuai po weyu, tama augwa nogi augwaligo ugwaba sabo dao. Te gasa we bidi dabebolo augwaligo po mumubo po weyu, tama te bagego nai dabede pesa elama sabo dao.

Te dago konealubo po daų homu dagego elalumainu eyu, te bugagia suao po wai

¹⁷Te bidi dabe augwaligo te dwai şę yali goli, dage da, dage abagi dabe mu, te dago Genuai Bidi Jisas Kraıs agai po sela pabo bidi dabego dagebolo polobadu pusali po te dagego te po ma koneao. ¹⁸Te şę pedelasiwadi tama augwaligo dagebolo te po wai, "Te nosali te tę dali, dagalu dali si silibo sogo te pađa yagasobadi, tama bidi mebage Godigo da ola mabo wiegi yai doloba pai kolesagade gısugu wagasobo bidi dabe pedalaibao. Tama augwaligo Godigo po tudiba muyu, tama bomu eyu, augwa tigigo tęde ebo dwai dwai kolesaga naga wali paibao," te po augwaligo wai dao. ††¹⁹Te tiwai asobo bidi dabe augwaligo dage Godigo po wali pabo we bidi hani tomode si pedebo bage dao. Tama augwaligo e tęde ebo kolesaga naga wali peyu, tama Godigo Mobu Bidi agai augwali dali hodobo bidibo menio, te mu dao. ²⁰Tiali goli dage abagi dabe mu, dagego te Godide konealubo po bugagia daų olama, tama bidigo aga be bugagia şę ebogia tama duga digi duga homu kolesaga daų olama te şede bomu yao. Te konealubo po te gasagi yai tedali mu dao. Tama te Godigo Mobu Bidigo dage te gedu haluasa po wabo tau siyu, tama dagego te po sesemane sogo bugagia daų weyu yao. ²¹Tama God agai

† 1:7 Gag 19:1-24 †† 1:9 Bom 34:6; Dan 10:13, 21; 12:1; Sek 3:2; Ped 12:7 ‡ 1:11 Gag 4:3-8; Nam 16:1-35; 22:1-35

†† 1:14 Gag 5:18, 21-24 †† 1:18 2 Pi 3:3

dage dali dwagi yai homu eyu godolo mu ebo dao. Tama tibaso, dage duga ebo kolesagade bugagia tonaluyu tama dage aga pade mu bidalua. Tama tiyu, te dago Genuai Bidi Jisas Krai dagego tonalua, te agai dage dali homu dene eyu, tau siyu elama tama agai te dagebolo te bidada peyu, bidada pabo ula mabo sogo te dagego bugagia tonaluyu bidiqo.

²² Te dage tomode te we bidi meba augwaligo te tibo po ola mabo bagego wabo po odama, tama megi augwali te Godigo pode homu si ebo dao. Tama tibaso, dagego augwali dali homu dene eyu, tama tau somainogo te augwalibolo te homu bega sabo po wao.

²³ We bidi mebago te dwai dwai se ebo kolesaga ma gagalama, tama augwali te sia tomoba tuloluali bidi tiwai da. Tama tibaso, augwali te moni sia dabo buluba nosali pidali weyu, dagego augwali polo tau siyu ma sao. Te we bidi meba gasagi yai dao. Augwaligo augwa tigigo tde ebo dwai dwai kolesaga naga wali pobaso, dagego augwali dali homu dene eyu tau sao. Tialima, dagego augwaligo ebo dwai kolesaga wai selama

gagaidali weyu dage dua eyu, wi yao. Augwaligo dwai dwai kolesaga ebogo augwaligo gudubo ugwa dabe meda ilali. Te ugwade me dage boi bidi homu mu eyu yao. Tiali goli te hobedagia bidibo we bidi tau sao.

²⁴ Te God agai bomo elalubaso, agai dage bugagia tonaluyu, dage me tulalugobeo. Tama agai dage tau siyu, tama dage dwai se me isiawai, dwagi yai homu pemene mu eyu, tama agai dage aga moni ula elaluyu gegemani ebo madigi teba sela pabo usu yaibao.

²⁵ Tama God agaduba deli naga bidibo dao. Agai da tau siyu ma dobola somainogo, tama agai dago Genuai Bidi Jisas Krai e tba tagala palali. Tama tibaso, dago Godigo nogi ugwaba sinao. Awe, tama tiyu, God aga polalubo tuni bidi bidimainao, tama aga genuai bomo mu dali, agai moni ula dali si elalubaso, tama dago aga nogi ugwaba sinao. Te tigidali sogo polobadu aga tama bidai, te megi me aga tama bidibao, te tigidali sogo nosali God aga tama bidada peyu, bidada paibao. Te po mu po dao. Tama dao.

Kraisgo Geme Dualali Sę Pedelabo Po Jonbolo

Ola Mani

Hasia nedebo tau sabo po

Te boi bidi dabe augwaligo te Kraisgo po wali pabo we bidibolo dene dali seęę dali mayu bidali. Magi baso meni, tama aga wali pabo we bidigo te Jisas Krai augwa Genuai Bidiba konealubo homu daę wai elalubaso. Te Godigo nosali yabo kolesaga augwaligo konemainogo eyu, Godigo te seę te Jisas Kraibolo ola menama, tama Kraisgo te nosali pedelabo kolesagade yabo seę po te aga wali pali bidi Jonbolo waselali. Te haniani na ebo tiwai yali sogode ola mayu waselai dao. Tama dago te bidi Jonggo nade suali nai po nedebaso da, teda dago kone-mainu ebao, te Godigo bomogo te dwai seę ebo bage te Jisas Krai Genuai Bidigo, te agai nogode te Godigo bomogo te dwai seę ebo bage tigidaligo bomono nosali aiyaba mu elalueibao. Tama agai te Satango bomono me aiyaba elalueibao. Tama te Jisasgo ebo seę tigidali siminagasobo sogode, Godigo te yali seęęde bomonama dolaluali we bidi dabe augwaliba te gamonama bidada peyu, bidada pabo nai mawaibao. Te augwali God dali bidu, te augwalide seęę mu meni yaibao. Magi baso meni, Godigo te tigidali nai gesi nigilama pedalubo sogo tama tieibao. E buku nogi "Revelesen" dao, tama te nogi page te "te geme dualali po waselebo" wabo dao.

**Te bidi Jisas Kraisgo te aga po wali pabo bulu
we bidi a naga me badu si buluba te po ola
tolobo po tagala palali po**

(Daj 1-3)

¹ Te eno megi aseęa tolobo po, polobadu te po geme dulaluai, tama Godigo te po Jisas Kraibolo waselama ola mani. Te Kraisgo aga seę ebo bidi dabebolo te nosali gana pedalobo seę hania hanilainogo tama Godigo agabolo te seę ola mani. Tama agai aga ensel mobo bidi me deli te Jon enabolo tagala palama, tama ena agai seę bidi, tama te tagala palali ensel mobo bidigo te waselali po enabolo ola magasai. ²Tama ena Jon, eno te seę tigidali sulama, tama te po me eno koneai, tama eno hanilama te Godigo po daę weyu, tama Jisas Kraisgo enabolo pusali po me, te pode eno te po wai dao, "Te mu po naga dao." ³ Eno e po aseęani, te nosali gana pedalobo seę po dao. Tama e aseęani po gasa we bidibolo nedebo bidi, te bidi dwagi yai homu pemene eyu, bugagia bidaibao. Tama aga nedebo po odobo we bidi me, augwaligo te aseęani po odama, tama wali pobaso da, teda augwali me dwagi

yai homu pemene eyu, bugagia bidaibao. Magi baso meni. Te seę pedalobo sogo paęa yagasai dao.

**Jonggo a naga olama me badu nogi si Godigo po wali
pabo haniba aseęai po**

⁴ Ena Jon, eno e po dage a naga olama me badu nogi si te Godigo po wali pabo we bidi hani, dagebolo e po aseęa tolobao, te dage te genuai tę Esia te genuai hanu dabede bidibo we bidi. God aga te megi bidibo, tama polobadu mu aga bidualuai, tama nosali aga ma asiyu, tama eno homugo te God agai da olo mu tau sabo te kolesaga dali, tama te dwagi yai homu nagame ilibo kolesaga dali te si dageba mao. Tama eno homugo te a naga olama me badu nogi si mobo bidi augwali me, te tuni bidi God aga au yali duabo sia sai paęde bidibo bage, augwaligo me te dwagi yai homu eyu olo tau sabo kolesaga dali, te dwagi yai homu nagame ilibo kolesaga me dagebolo mawaibao.

⁵ Tama Jisas Krai me, agai dagebolo te kolesaga si dagebolo momainao, te eno homugo. Aga te Godide homu keę pai bidi bidiyu, tama agai Godigo po tigidali dolo mu pusali bidi dao. Aga da te isama, tama isali we bidi dabe tomode bidama, tama aga te hasia mu gę pagede ma hodaloali bidi dao. Aga da, te tigidali tęde bidibo tuni bidigo polalubo genuai bidi dao.

Agai da dali dwagi yai homu eyu godolo mu ebo dao, tama aga isaligo dago dwai sę yali sęęę tigidali sela sęwai dao, tama da megı olo bidıbo dao. ¹⁶ Tama tiyu, agai da tau selama, tama dabolo genuai sę menama, tama da te tuni bidi kingo pris hani bidi dabe nigilama, tama megı da te Jisas aga Aya Godıbolu me te lotu po weyu, sesemane sogo aga sę ebo pris bidi dabe bidıbao. Tama tibaso, eno homugo agai genuai wiegi yai nogi dali, te we bidi tonalubo bomu dali me bidada peyu, bidada pomainao. Te mu tama dao.

⁷ Suao, Krais aga te dagalu pę me tomodu tięba asaıbao, tama tıgidali bidi augwa digi gedugo aga te pę tomodu tięba asobo sueıbao. Tama te aga tıgide enani bidi dabe augwaligo me sueıbao. Tama tıgidali tęde we bidi augwaligo aga asobode homu eyu, tama agai augwalıbolu dene wei ponaıbao homu elama, tama augwali homu sęęę eyu gela waıbao. Awe, te tama tiaıbao. Mu tama dao. ^{††}

⁸ Te Tıgidali Bomu Elalubo Genuai Bidi God agai aga bidıbo pagede te po wai, "Ena da, ena digi te hasia bidıdualı bidi dao, ena te nosalı sogo mu bidıdueıbao wabo bidi mu dao," agai te po wai. Te God aga te megı bidıdubao, tama polobadu mu aga bidıduai, tama nosalı aga ma asaıbao. [‡]

Jongo Krais sualı po

⁹ Ena Jon, ena duga ama dao. Ena dage dali hodobo te Jisasde wadolama, tama da deli hani elalubaso, tama gasa bage augwaligo dabolo dene dali, sęęę dali mayu elama, tama da tıgidali hodobo bomu elama dolaluyu, sęęę bugagia tolobo dao. Tama ena Godigo we bidi tonalubo sę tomode dage dali hodobo bidıbao. Tama eno te we bidi dabebolu Godigo po dali, te Jisasgo hania hanıلالı mu po dali, te po si augwalıbolu pusubaso augwaligo ena sela sęnama, ena te tamu aę tomode elalubo dwasıanu tę nogi Patmos teba kalabus mugı palı dao. ¹⁰ Tama ena e bulude bidıbadi, ena te moni Sarere ulade digi na tiwai ebadi Godigo Mobu Bidi agai enaba dagana sagaselama, tama ena tudı badu bidi me deligo po dage bomonama weyu i wabo odalı, te genuai bu wabo nai yadogoli te biugel bu wabo odalı. ¹¹ Tama te wali pode te po wai, "Nago naga gedugo subo sę po tıgidali te bukude asęnama, te Godigo po odobo we bidi bidıbo bulu a naga olama me badu nogo si, te buluba nago te sę po asęna tolao. Nago te po Efesus buluba asęna tolobadi, me te Smer-na buluba, me te Pergamum bulu, me Taiataira, me Sardis, me Filadelfia buluba tolobadi, me te Laodisia buluba te po asęna tolao," weyu te po enabolu wai.

¹² Tama enabolu te po wali bidi eno begelama suainogo yai. Tama ena gesabıdi begelai, tama eno sualı, te kapa nogi gol, te golgo nigalı lam sole a naga olama me badu nogo si tama munalubo sualı. ¹³ Tama eno sualı, te sole dabe munalubo tomode bidi me deli te bidi mu tiwai tede dolalubo sualı. Tama te bidi aga bobage ugwago sęęę halua sai bidi, tama te bidıgo

tıgide eno sualı, te kapa golgo nigalı nai aga hagawia bagulai nai te eno sualı. ^{††14} Tama te bidıgo tobolu nisi dali tedela mu yai, te kibu sipsip nisi tiwai, tama te tedela dagalu pę tiwai yai. Tama te bidıgo gedu te sia bogoli ebo tiwai yalı. ¹⁵ Tama te bidıgo sęęę ula mu yalı, te augwaligo te gasagi yai kapa nogi bras te genuai sia dabo digi ulama aę tiwai pedalıyu, tama te gege-manı ebo tiwai aga sęęęde te tama tiwai mu yalı, Tama eno odalı, agai dogonıde po wabo te mone sabo aęgo u wabo tiwai odalı. ^{††16} Tama te bidıgo dolo nogo sawalı daıde te hę a naga olama me badu nogo si elalubo sualı. Tama te si badu poalı yai bainat hwę ge te hwę mu poa pai, te bidıgo pedalıwalıdu te buluba dię soalı. Tama aga gesabıdi ula mu yalı, te sia bomu elama gılı-gıde nanobo tiwai yalı.

¹⁷ Tama eno te bidi sulama, tama ena aga sęęę page-ba kidu pęgulalı, tama ena te isalı bidi pigulalı tiwai yalı. Tıalı goli agai dolo nogo ena tıgıba munama, tama agai te po wai, "Nage wi tagalao. Ena da, ena digi te hasia bidıdualı bidi dao, ena te nosalı sogo mu bidılu-aıbao wabo bidi mu dao. ^{††18} Ena bidıbo ula dali bidıbao. Polobadu ena isalı, tıalı goli nago ena bidıbo subao, te ena sesemane sogo bidada peyu, bidada pabo ula selama, megı bidıbo dao. Tama tibaso, eno bomu elalubao, te isıbo kolesaga dali, te isalı bidi dabe osogo bidabo madi dali, te si tonalubo bomu eno elalubo dao. ¹⁹ Tama tibaso, nago te gedugo sualı sę po asęęo, te megı pedalıbo sę me, te nosalı pedalıbo sę po me asęęo. ²⁰ Tama nago eno dolo nogode te hę a naga olama me badu nogo si elalubo sualı. Te lam sole gol a naga badi me si tama te me nago sualı. Tama te nai dabe game dualalı page e dao: te hę a naga olama me badu nogo si walı, te Godigo po walı pabo bulu a naga olama me badu si te bulude bidıbo we bidi tau sabo ensel mobu bidi dabe dao. Tama me te a naga olama me nogo si te lam sole po walı, te a naga olama me badu nogo si Godigo po walı pabo we bidi hani dabede po begelama weyu," agai te po wai dao.

Efesus buluba Godigo po odobo we bidıbolu asęai po

2 Te bidıgo enabolu e po me wai, "Te hasia Efesus hanude Godigo po odoyu bidıbo we bidi tonalubo ensel mobu bidıbolu e po asęna tolao: eno dolo nogo te hę a naga olama me badu si eno tolalıyu, tama ena te a naga olama me badu nogo si te lam sole tomode bilıbo bidi dao. Tama tiyu, eno e po nage dali obao: ² Te nago ebo kolesaga tıgidali eno koneanı, te nage sę dene ebo dao. Te me eno konealı, nage bomu elama sęęę bugagia tolama dolaluyu, tama nago te dwai sę ebo bidi dabe augwalı hagela mu yalı. Te bidı dabe augwaligo nagebolu te po wai, 'Da me te Jisasgo sę ebo bidi dabe dao' wai. Tıalı goli te menıo, augwalı te Jisasgo sę ebo bidi dabe menıo. Tama nago augwaligo wabo po osola sualı dao, tama nago augwaligo ebo kolesaga page gegelama konealı, tama augwalı te ılı po naga wabo bidi dabe dao. Nago tama

† 1:5 Tib 89:27; Ais 55:4 †† 1:7 Sek 12:10; Jon 19:34, 37 ‡ 1:8 Ped 22:13

†† 1:13 Dan 7:13 ††† 1:15 Dan 10:6 †††† 1:17 Ais 44:6; 48:12; Ped 2:8; 22:13

yali augwali osola suali sę eno koneai. ³Tama te bidi dabe augwaligo nage suali, te nage ena wali bilibo dao, tama augwaligo nage dali dwai sę yali dao. Tiali goli nago bommo elama dolaluyu, te dwai sę nage dali eyu sęęę mabo nago bugagia tolalubo dao. Te nago tigi dene ebo hagela ebeo. Nago te sę ebo te eno konebo dao. ⁴Tiali goli, eno po me nage dali elalubao: polobadu nago enaba te konealubo po hasia daę wali sogo, te sogo nago wiegi yai homu ena dali mu yai, tialima megi nago ena dali te hasia dwagi yai homu eyu godolo yali tiwai ebo menio. ⁵Tama polobadu nago dwagi yai kolesaga yai, tialima nago te kolesaga tagaliyu tama nage tulaluai dao. Tama nago te polobadu yali kolesaga ma homugo koneyu, tama nage homu begeleyu, te hasia yali wiegi yai kolesaga ma yao. Nago te sę esiąyu, tama nage homu begelesiąyu da, te ena nage pageba pedalaibao, tama eno nago te lam sole elaluali ena ma sagasaibao, aga nage dali te elaloge. ⁶Tialima te kolesaga me nago eyu tama te dolo dao: nago te bidi Nikolas hanigo ebo dwai dwai kolesaga dali boi bidi homu ebo dao. Eno me, eno augwaligo ebo kolesaga dali boi bidi homu ebo dao."

⁷"Te olo elalubo bidi, agai te Godigo Mobo Bidi agai Godigo po odobo we bidi hani dabebo e wabo po bugagia odao: 'Niwai bidi agai bomogo te dwai sę ebo kolesagago bommo aiyaba elaluyu da, te bidibolo eno aga usu da weyu, tama agai te bidi bidibo ula mabo ni du sela tumainao waibao. Tama te bidi bidibo ula ma- iabo ni te God aga gide elalubo dao.'" †

Smerna buluba Godigo po odobo we bidibolo asęai po

⁸Te bidigo enabolo po me wai, "Te Efesus hanuba u po asęna tolama, tama megi Smerna hanude Godigo po odoyu bidibo we bidi tonalubo ensel mobo bidibolo e po asęna tolao: ena da, ena digi te hasia bididuali bi- di dao, ena te nosali sogo mu bididuabo bidi mu dao. Tama polobadu ena isai, tiali goli ena ma hodaluama, megi me bidibao. Tama eno e po nagebolo ola tolobao. ⁹Eno koneani, nago te sęęę te gasa bidi dabego nogode siyu dene dali ebo, tama tiyu nage magi nai meni yai mu bidibo te eno koneai. Tiali goli nage nai meni yai bidi mu menio, te God dali nage nai umabo elalubo bidi dao. Tama bidi meba augwaligo dagebolo posobo po wabo, te eno koneai. Tama te posobo po wabo bidi dabe augwaligo te po wabo dao, 'Da Juda bage dao.' Tiali goli augwali te tigide naga te Juda bage dao wabo, tama augwaligo ebo kolesagade augwali te Juda bage mu menio. Augwali te Satango hani dao. ¹⁰Tama nosali gana gasa bagego dagebolo dene mawaibao. Tiali goli dage te dene sabo sęde wi egio. E po odao. Satango dage meba kalabus iliyu, te dage agai poba asobowe suainogo usu siyu tiaibao. Tama dage te dwai sę ebogo sęęę me dene dali te no- go si sogo usu nama saibao. Gasa bidi augwaligo dage dali te dwai sę eyu, tama augwaligo dage ela mubo sę me eyu da, teda dage enade homu kęę pai bidi dabe

† 2:7 Gag 2:9; Ped 22:2

bidiyu da, eno dagebolo wiegi yai nai mu mawaibao, te bidada peyu, bidada pabo ula dagebolo mu mawaibao."

¹¹"Olo elalubo bidi, agai te Godigo Mobo Bidi agai Godigo po odobo we bidi hani dabebo e wabo po bugagia odao: 'Niwai bidi agai bomogo te dwai sę ebo kolesagago bommo aiyaba elaluyu da, te si sogo isibogo te bidi munu me dologe. Mu menio.'" †

Pergamum buluba Godigo po odobo we bidibolo asęai po

¹²Te bidigo enabolo po me ma wai, "Te megi nago te Pergamum bulude Godigo po odoyu bidibo we bidi tonalubo ensel mobo bidibolo e po asęna tolao: ena da, ena te si dali si badu poa pai bobage ge hwą ge elalubo bidi dao. Tama eno e po nagebolo ola tolobao. ¹³Nago bidibo bulu eno koneai dao. Te bulude te dwai mobo bidi Satan agai we bidi hauwa tonaluyu te tuni bidi bidibao. Tiali goli, nago eno nogi bommo elama to- laluyu, tama enade homu kęę pai bidi bidibao. Tama nago te enade konealubo po hogwa sabeo. Tama tiyu, polobadu te bidi me nogi Antipas, te eno po te we bidibolo pusali bidi, te bidi dage dali bidai. Tama agai eno po wali mu pai dao. Tama augwaligo dage to- mode te bidi ela muai, te Satan bidibo bulude. Tama te sogo me te dagego eno nogi dualobeo. ¹⁴Tiali goli eno po meba nage dali elalubao. Nage dali bidibo bidi me- ba, augwaligo te bidi Balamgo kolesaga wali pabo dao. Tama te Balamgo kolesaga e dao. Polobadu bidibadi agai te tuni bidi nogi Balak agabolo te Israel dabe gea gano bilabo kolesaga ola mawai. Tama ola menama, tama Balakgo te Israel we bidi homu hodolama, tama augwaligo te tibo god dabebo ula mani nai tuyu, tama augwaligo te penani ebo kolesaga emainogo yai. ††¹⁵Tama nage dali me, te bidi meba bidibo bage, augwaligo te bidi Nikolas hanigo ola mabo po wali pabo dao. ¹⁶Tama tibaso, tede ge neyu nage homu begelao. Tama nago homu begelesiąyu da, teda tamadi tama ena nage pageba pedalaibao, tama eno te pedauwalide elalubo poa pai ge hwą gego te dwai sę ebo bidi dabe augwali dali hwąibao."

¹⁷"Olo elalubo bidi, agai te Godigo Mobo Bidi agai Godigo po odobo we bidi hani dabebo e wabo po bugagia odao: 'Niwai bidi agai bomogo te dwai sę ebo kolesagago bommo aiyaba elalubo bidi, te bidibolo eno megi geme dulalubo tubo nai nogi mana meba mayu, tama eno te tedela yai dwasianu masigi me agabolo mawaibao. Tama te masigide gesi nogi asęai, tama ni- wai bidi mego te nogi konegebo. Te masigi sali bidi, aga naga te nogi koneaibao.'" †

¹⁸Te bidigo enabolo po me ma wai, "Te megi nago te Taiataira bulude Godigo po odoyu bidibo we bidi

Taiataira buluba Godigo po odobo we bidibolo asęai po

¹⁸Te bidigo enabolo po me ma wai, "Te megi nago te Taiataira bulude Godigo po odoyu bidibo we bidi

†† 2:14 Nam 22:5, 7; 31:16; Bom 23:4 ‡ 2:17 Sai 16:14-15; 16:33-34; Jon 6:48-50

tonalubo ensel mobo bidibolo e po asęna tolao: ena Godigo Ogwa dao, tama eno gedu te sia bogoli sesena pai bomonama dabo tiwai, tama eno sęę te kapa meda meni yai eyu te gegemani ebo tiwai ebo. Tama eno e po nagebolo ola tolobao. ¹⁹ Nago ebo kolesaga tigidali eno koneai. Tama eno koneani, nago te bidi dabe augwali dali dwagi yai homu elama tama godolo mu eyu, tama nago homu enade keę peyu, tama nago tigidali bidi dabe tau sabo sę ebo dao. Eno koneani, tigidali sęę nageba pedalobode te nage bomo elama te sęę bugagia tolobo dao. Tama eno koneani, te tiwai kolesaga hasia nago yai, te wiegi yai, tama megi nago te nosali ebo kolesaga te dwagi yai mu me ela pabo dao. ²⁰ Tiali goli, eno te po me nage dali elalubao. Nago te we Jesebel nage dali bidibo we, agai ola mabo po dagego odobo dao. Te wego te po wabo dao, 'Ena da, te Godigo nosali yabo sę po megi pusubo we dao.' Tiali goli agai eno sę bidi dabebo te penani ebo kolesaga wali pomainogo ola mayu, tama augwaligo te tibo god dabebo ula mani nai tumainogo ebo dao. Te kolesagade te wego augwali ili po ola mabo dao. ²¹ Eno homugo aga homu begehmainogo, tama eno aga osogo sula tagaliyu bidimainogo yai. Tiali goli menio. Aga te homu begehbo te homu esięyu, te penani ebo kolesaga tagalama tudiba muabo te homu menio. ²² Tama tibaso, suao, te eno dene dali, genuai gasi dali te webolo mawaibao. Tama aga dali te penani yali bidi dabe, augwaligo homu begehlesięyu, tama aga dali yali dwai kolesaga tudiba musięyu da, teda eno augwalibolo me te genuai dene dali sęę dali mawaibao. ²³ Tama agai wai dabe me, te eno augwali mu ela silaibao. Tama tiyu, te Godigo po odobo we bidi tigidali augwaligo koneaibao, te ena da, te tigidali bidigo homu kolesaga osola subo bidi dao. Tama dage deli delibolo eno dagego yali kolesaga dolo si wei ponaibao." ²⁴ "Tiali goli megi eno e wabo po dage te gasa Ta-iataira bulude bidibo we bidi dali obao. Dagego te we Jesebelgo dwai tibo po wali pisęwani. Tama augwaligo agai pode te po wabo dao, 'Te kolesaga da, te Satango ebo kolesaga page mu dao, te bidi hauwago kone-siębo po dao.' Tama augwaligo te po dagebolo wai digi, dagego te dwai po wali pabo menio. Awe, te usu dao. Eno dagebolo te po obao, dagebolo eno gasa sęę mabo sę me mugobeo. ²⁵ E sę naga yao: dagego megi ebo wiegi yai kolesaga bomo elama tolalua peyu, tama ena ma asobo sogo bugagia tonalua. ²⁶ Tama niwai bidi agai te dwai kolesaga ebo aiyaba elalubo bidi, te bidi agai te eno kolesaga wali peyu, aga te bodolu muani sogo siligibu, tama te bidi agabolo te eno te nogi dali bomo dali si menama, tama aga te we bidi haniani tęde bidibo bage augwali tonalubo tobolu bidi bidimainao. ²⁷ Te sę eno agabolo mawaibao, te eno Ayago agai ena te we bidi tonalubo sę mani sę tiwai dao. Tama te bidi agai te ain dono tulama, augwali bomogo tonaluaibao. Tama te tęgo nigai sini te bidi mego donogo elebadi te dwasianu pebeda pabo tiwai, te bidigo haniani tęde bidibo we bidi augwali aga bo-

† 2:20 1 Kin 16:31; 2 Kin 9:22, 30

mogo tonaluaibao. ^{†28} Tama eno agabolo te kigamu mu dagalude pedalobo te genuai hę, te me agabolo mawaibao."

²⁹ "Olo elalubo bidi, agai te Godigo Mobo Bidi agai Godigo po odobo we bidi hani dabebo wabo po bugagia odao."

Sardis buluba Godigo po odobo we bidibolo asęai po

3 Te bidigo enabolo po me ma wai, "Te megi nago te Sardis bulude Godigo po odoyu bidibo we bidi tonalubo ensel mobo bidibolo e po asęna tolao: eno te a naga olama me badu nogo si te Godigo mobo bidi dabe elaluyu, tama eno te a olama me badu nogo si hę te eno nogogo tolalubo dao. Tama ena digi eno e po nagebolo ola tolobao. Tama nago ebo kolesaga tigidali te eno koneai. Gasa we bidi augwaligo te po dagego wabo dao, 'Te Sardis bulude bidibo Godigo po odobo we bidi hani augwali bomo elama, wiegi yai kolesaga wali peyu bidibo dao,' augwaligo dage dali te po wabo dao. Tiali goli menio, eno gedude dage isai bidi tiwai dao. ² Tama tibaso, dage hodaloju, te pila mubo tagalao. Tama hodaloama, tama te dagego dwasianu me elalubo dwagi yai kolesaga te bugagia tonaluyu, tama bomo elama te dwagi yai kolesaga geninama pedalomainao, te kolesaga dolidali weyu yao. Magi baso meni, te dagego ebo kolesaga tigidali te eno Godigo gedude tigidali te usu niba kadu wabo menio. ³ Tama tibaso, te dagego polobadu Godigo po mu sali, te po dagego odali, te pode homugo ma kone palao. Tama te pode homugo ma kone paliyu, ge neyu, homu begehlyu bidao. Te dage pila muani tagaliyu hodalusięyu da, te ena dagego bidibo digi te geme nai wi sainu asobo bidi tiwai eyu, tama ena dage pageba asobo sogo te bodolu dagego konegobeo. ⁴ Tiali goli, dage Sardis bulude bidibo we bidi tomode te we bidi meba te bulude bidibadi digi te dwai kolesaga medago augwali ugwa meda ilibeo. Te we bidi dabe augwaligo te tedela yai ugwa munama ena dali bilaibao. Te augwali te sęde usu si dao. ⁵ Tama niwai bidi agai te dwai kolesaga ebo aiyaba elalubo bidi, te bidi agabolo eno te tedela yai ugwa tiwai munama, tama agai nogi te isisęma gamonabo we bidi nogi asęani bukude eno agai nogi sela sęgobeo. Menio. Te agai nogi eno Ayago gesabidide me, te aga mobo bidi ensel dabe augwaligo gesabidide me te bidigo nogi po eno pusaibao, te aga eno bidi dao, te po waibao." [†] ⁶ "Olo elalubo bidi, agai te Godigo Mobo Bidi agai Godigo po odobo we bidi hani dabebo wabo po bugagia odao," te bidigo enabolo te tama po wai.

Filadelfia buluba Godigo po odobo we bidibolo asęai po

⁷ Te eno suali bidigo enabolo po me wai, "Te megi nago te Filadelfia bulude Godigo po odoyu bidibo we bidi tonalubo ensel mobo bidibolo e po asęna tolao:

†† 2:27 Tib 2:8-9 † 3:3 Mat 24:43-44; Luk 12:39-40; Ped 16:15

†† 3:5 Mat 10:32; Luk 12:8

ena da, te Godigo bidi naga dao, ena magi sę isąwai tedali gasagi yai bidi dao. Tama ena te mu kolesaga ebo page bidi mu dao. Te eno te polobadu bidali bidi Devit agai tų dalabo ki tolalubao. Eno te tų dayu, tama niwai bidi mego te tų ma paligobeo. Tama eno te tų paliyu da, te niwai bidigo te tų ma dagobeo. Tama eno e po nagebolo ola tolobao. ^{†8} Nago ebo kolesaga tigidali te eno koneai. Eno koneani, nago bommo dwasianu elaluai digi tama nago ola mani po wali peyu, tama nago eno nogi hogwa sabeo, eno nogi geme du-alobeo. Suao. Te nago gesabidide te eno tų dala mu-nama elaluai, tama niwai bidigo te tų me paligobeo. ⁹ Suao. Nago te Satango bidi hani augwali koneai, tama augwaligo te po wabo, 'Da te Juda bagego hani dao.' Tiali goli menio. Augwali te tigde naga te Juda bage da wabo dao, tama augwaligo ebo kolesagade te Juda bage mu menio. Tialima te bidi dabe augwali eno selama, tama augwali te nago saęą pageba kidu sugu-nagasiyu, eno nage godolo mu ebo homu yali te augwaligo mu koneaibao. ^{†10} Nago eno po wali peyu, tama sęęę nageba pedalobode te nage bommo elama dolaluai. Tama tibaso, nage eno bugagia tonaluyu, tama te usu sabo sę te tigidali we bidibolo te tigidali tųde ped-alainogo eyu, te sę nagebolo pedalidali weyu eno nage paliaibao. ^{†11} Ena tamadi nage pageba asaibao. Tama nago te ebo dwagi yai kolesaga tagaligio, te nago bomonama daų wao. Te gasa bidigo nagebolo ili po olama, tama nage te wiegi yai kolesaga tagaliyu te Godigo mabo nai sisąyu bididali weyu, bugagia daų wao. ^{†12} Niwai bidigo te dwai kolesaga ebo aiyaba elalubo bidi, te bidi aga eno te Godigo Moni Lotu Be tempel te be pos ni bulali daų olalubo tiwai eyu, tama aga te dwagi yai be tagalama buluba munu me ma soagobeo. Tama te bidi agade eno Godigo nogi aseyu, tama eno Godigo genuai hani nogi me aseąaibao. Te gesi hani te Jerusalem dao. Te hani eno Godigo no-gogo asiyu, te dagalu tagalama e tųba dulaibao. Tama eno gesi nogide digi, te me eno agade aseąaibao." ^{††}

^{†13} "Olo elalubo bidi, agai te Godigo Mobo Bidi agai Godigo po odobo we bidi hani dabebolo wabo po bugagia odao," te bidigo enabolo wai.

Laodisia buluba Godigo po odobo we bidibolo aseąai po

^{†14} Te eno suali bidigo enabolo te po me ma wai, "Te megi nago te Laodisia bulude Godigo po odoyu bidibo we bidi tonalubo ensel mobo bidibolo e po aseąa to-lao: ena te mu po wabo page bidi mu, ena te Godide homu keęą pai bidi bidiyu, tama eno te Godigo po tigi-dali dolo mu te we bidibolo pusubo dao. Sesemane so-go eno mu po naga pusubo dao. Ena te Godigo nigali nai tigidali page mu dao. Eno e po nagebolo ola tolobao. ^{†15} Nago ebo kolesaga tigidali eno konea silai. Eno koneani, nago eno po selama, tama ena wali asobo dao. Tiali goli, nago eno po sali digi, nage bommo elama te po wali pabo menio. Me ma, nago eno po odao mu tagalobeo. Nage te tiwai tomode naga bidibo

† 3:7 Ais 22:22; Jop 12:14 †† 3:12 Ais 62:2; 65:15; Ped 21:2

dao. Te dwali. Eno homugo nage te tiwai iyu bidigio. Deli kolesagade naga nago homu keęą peyu bidao. ^{†16} Tiali goli nage te kolesaga si tomode bidibaso, nage eno pedauwalidu bugulabo homu eba, te bidi mego te pusu meni yai aę bugulubo tiwai yaibao. ^{†17} Nago te po wabo dao, 'Eno nai hauwa selama, tama eno walu hauwa elalubao. Tama ena magi nai me saę pabeo,' nago te po wabo dao. Tiali goli naga naga bidibo page bugagia konebeo. Nage da, nage te dwai mu bidibo, nage mu hobedagia bidibao. Tama nage magi nai meni yai mu bidiyu, tama nago gedu halua sai bidiyu, tama nago tigi bolu olo bidibao. ^{†18} Tama tibaso, eno e po mobo mabo po nagebolo mobao. Eno te gasagi yai kapa nogi gol te elalubao, te kapa gol te siaba ulama te dwai nai sela sańama, tama te wiegi yai yai. Tama eno homugo nago te kapa gol abelao, te nago doado bage hauwa elalumainogo yao. Tama nago te tedela yai ugwa te naga tigi haluabo abelao, te bidi dabe augwaligo te nago tigi bolu olo elalubo sulama, tama nage hale idali weyu te tama kolesaga yao. Tama nago te geduba muabo ili yabo marasin me abelao, te nago gedu ma tonono bilibo usu emainogo yao. ^{†19} Te eno bi-di meba wei eyu da, te eno augwali dali wado po weyu, te augwaligo kolesaga eno dodolobo dao. Tama tibaso, nago bommo elama, tama homu hodolama, nago yali dwai kolesagade ge neyu, tama nage homu begelao. ^{†20} Odao. Ena te tųde dolaluyu, tama eno te tųba begebo wabo odao. Tama niwai bidi me agai eno te be tųba bebego wabo po odoyu, te be tų dayu da, te ena te be tomoba pelama aga dali bidaibao. Tama ena aga dali nai tuyu, tama aga ena dali nai tuyu bidaibao. ^{†21} Niwai bidigo te dwai kolesaga ebo aiyaba elalubo bidi, te aga dali eno usu da weyu, aga te ena paęe duawaibao, te ena eno tuni bidigo duayabo ma-dide duabo sogo. Te polobadu ena me te dwai kole-saga ebo aiyaba elaluama, tama ena Aya dali agai du-abo sia sai te naide dugulalu bidibo dao. Te tiwai te bi-di ena dali bidaibao."

^{†22} "Olo elalubo bidi, agai te Godigo Mobo Bidi agai Godigo po odobo we bidi hani dabebolo wabo po bugagia odao," te eno suali bidigo enabolo wai.

Kibu sipsip waigo te dagalude buku dagaba-so, te dwai dene mabo nai te tųde we bidi augwaliba pedelaibao

(Daj 4-11)

Augwaligo Godibolo dagalude lotu po wai

4 Te bidigo enabolo te po wabo silama, tama eno te gasa na tiwai eyu tama eno suali, dagalude tų me deli dalaluai. Tama te pedauwalidu polobadu eno odali agai po enabolo mayu te genuai yadogoli tiwai naigo te bu wabo tiwai eyu, tama agai te po wali,

‡ 3:19 Prs 3:12; Hib 12:6

“Nage edaba holao, tama eno nagebolo te nosali ped-alabo sę tigidali ola mawaibao.”² Tama polo mu, te Godigo Mobo Bidigo ena tigiba dagana sagaselama, tama dagalude eno te tuni bidi duabo nai sia sai elalubo suai, tama bidi me deli te duabo nai sia saide dulaluai.³ Tama aga gesabidi te ula gegemani yai, te wiegi yai dila pai mama yai masigi nogi jaspa me, te gasa mama yai masigi nogi konilian, te masigi si ula ebo tiwai yai. Te unigi bidi mego te tuni bidi duabo nai sia sai bobegela sai elaluai, tama te unigi bidi eno te wiegi yai masigi nogi emeral te ni yano tigi poai tiwai eno suai.⁴ Tama te 24 wabo tuni bidi duabo nai sia saigo te genuai tuni bidi bidibo digi bobegela sai elaluai, tama te 24 polalubo tobolu bidi augwali te duabo nai sia saide dualama bidai. Tama te polalubo tobolu bidi dabe augwaligo te tedela ugwa muai elaluai, tama augwaligo tobolude te kapa golgo nigai wiegi yai madi muai elalubo, te eno suai dao.⁵ Tama te tomode bidibo genuai tuni bidigo duabo digide te be sele eyu, tama be kulu kulu wai, te moni u wabo odai. Tama te tuni bidigo gesabidide te sole a naga olama me badu nogo si te ula elaluai. Te sole ula elalubo te Godigo mobo bidi a naga olama me badu si dao.⁶ Tama te genuai tuni bidigo gesabidide te magi nai me deli elalubao, te nai te genuai tamu aji tiwai dao. Tama te gesabidi subo dula tiwai, te hania mu subo dao.

Tama te bidibo ula elalubo hasa me si me si augwali te tomode bidiyu, tama augwali te tuni bidigo wiegi yai duabo nai sia sai bobegelalu bidiyu, tama augwali dolaluai. Te bidibo ula elalubo hasa me si me si augwaligo gedu te hauwa te gesabidide me elalu, te tudi badu me elalu, te tigi sibi mu simina selama halualubo dao.⁷ Tama te bidibo ula elalubo hasa me deli aga te moni hudigi ebo kibu laion hasa tiwai bidibo eno suai. Te hasa me aga te bulmakau omai tiwai suali. Te bidibo ula elalubo hasa sela wali te bidi gesabidi tiwai yai. Tama te tudi badu hasa te ba kemodage ugadu bola bilibo tiwai eno suali.⁸ Tama te bidibo ula elalubo hasa me si me si, te augwali deli deligo bogo te a naga olama me badu nogo deli elaluai. Tama gedu hauwago augwali tigi te bulu badu me tomo badu me usu nama mu elaluai. Te bogo dologode me elaluai. Tama ulade dali te hulide dali augwaligo te balia weyu te po wabo,

“Genuai Bidi Godigo tigidali bomo elalubao, te aga wiegi yai tedali, wiegi yai tedali, wiegi yai tedali mu dao. Tama polobadu aga bidai, tama megi me aga bidibo, tama nosali aga asaibao.”⁹ Tama augwaligo te po wabo toma me tubo menio.

⁹ Tama te bidibo ula elalubo hasa dabe, augwaligo te God aga te sesemane sogo bidada pabo te tuni bidi duala tiqlubo nai saide dulalubaso, te augwali homu wiegi yai mu ebo dao. Tama tibaso, augwaligo aga ula yai bomo dali, aga nogi dali te si ugwaba siyu, tama aga dali usu da po weyu balia wedu gebo dao. Tama tibaso da,¹⁰ te bidi sese olama me si me si polalubo to-

† 4:3 Ese 1:26-28; 10:1 †† 4:5 Ese 1:13; Ped 1:4; Sek 4:2 ‡ 4:6 Ese 1:22 †† 4:7 Ese 1:5-10; 10:14 †† 4:8 Ais 6:2-3; Ese 1:18; 10:12

bolu bidi augwali te tuni bidi duabo naide dulalubo bidigo gesabidiba kidu sugunama basi gulubo dao. Tama augwaligo agabolo lotu po weyu, aga nogi ug-waba sabo dao, aga te sesemane sogo bidada pabo bidi dao. Tama tiyu, augwaligo augwa te kapa golgo nigai wiegi yai madi dabe te tuni bidi duabo nai sia pageba te madi guda mayu, tama augwaligo te po wabo,

¹¹ “Genuai Bidi, nage dago God dao. Tigidali bidigo nage dali wiegi yai homu ebo te usu mu nage dali emainogo, tama tiyu nago nogi ugwaba siyu, tama augwali nage dologoba bidagasomainogo tebo dao. Magi baso meni, nago tigidali nai nigai. Te naga homugo digi nago te nai nigilama pedalai, tama megi te nai tigidali e tōde elalubao,” augwaligo te po agabolo wabo dao.

Jongo te buku me augwaligo daų wai suai

5 Tama eno suai, te genuai tuni bidi duabo naide dulalubo bidigo dolo nogo ugwadu daide eno suali, te buku tiwai nai me munalubo. Te bukude asęani po te me tomode elaluyu, me bulu badu elaluyu yai. Tama augwaligo te a naga olama me badu nogo si te daų wabo naigo te buku daų walai.¹² Tama eno suali, Godigo bomai ensel mobo bidi me deli agai po daų genuai weyu te po wali, “Niwai bidi aga te wiegi yai bidi da obaso, te bidi agai te bukude daų wali nai dalama, tama te daų wali buku dagabo usu egowe?” ensel bidigo te po wai.³ Tiali goli mena bidi dagalude bidibo bidigo me, te tōde bidigo me, te tō dologode bidibo isai bidigo me, te daų wali buku dagalama, te tomoba suainogo ebo usu menio.⁴ Tama eno suali, te buku daų wali dagalama tomoba suabo bidi gegali te me sube. Tibaso, ena gela hauwa wali.⁵ Tama tibaso, polalubo tobolu bidi me deli agai enabolo te po wali, “Nage gela wagio. Suao. Bomo elalubo tuni bidi te Juda hanibolo pedalai, aga bomo te moni hudigi ebo kibu laiongo bomo tiwai dao. Te bidi aga polobadu bidai Juda bidi Devitgo wajigo hanide pedalali bidi. Aga te gelali ni pagede kulubi pedalobo tiwai gilama yai. Tama tiyu, agai te dwai kolesaga ebo aiyaba elalubaso, agai te a naga olama me badu nogo si te daų wali nai togolama, agai te buku dagawaibao,” te tobolu bidigo enabolo te po wai.¹³

Jongo agai te kibu sipsip wai suai

⁶ Tama te sogo eno suali, te kibu sipsip wai dolalubo suai, te augwaligo aga hwągo ela muai subo tiwai homu yai. Tama aga te genuai tuni bidi duabo nai dali te bidibo ula elalubo hasa me si me si te paųde aga dolaluyu, tama te polalubo tobolu bidi dabe tomode bidai. Tama agai te bulmakaugo tobolude elalubo gaų tiwai te a naga olama me badu si badi, te agai gedu me te a naga olama me badu nogo si elalubo. Tama te gedu dabe augwali te Godigo mobo bidi a naga olama me badu nogo si dao. God agai augwali te tigidali tōba

††† 5:1 Ese 2:9-10; Ais 29:11 ††† 5:5 Ais 11:1, 10

tagala palai dao. ⁷ Tama te kibu sipsip wai aga pelama, tama te genuai tuni bidigo duabo nai pageba sabolama, tama tede dulalubo bidigo dolo nogo ugwadu daide elalubo buku agai sai. ⁸ Tama agai te buku sai digi, te aga genuai bidi mu bidibaso, te bidibo ula elalubo hasa me si me si badi, te bidi sese olama me badu nogo me si me si te polalubo tobolu bidi augwali te kibu sipsip wai pāba pelama, kidu sugunigi pai. Tama te tigidali tobolu bidi deli deli augwaligo te elebo nai gita tiwai badi, te wiegi yai kapa golgo nigai pou te tola sobadi yai. Tama me te pauda denami ebo nai te tigidali poude elalubo siago deyu, tama te holobo denami yai hano te Godigo we bidi augwaligo Godibolo wabo gedu haluasa po tiwai holobo eno suai. ⁹ Tama augwaligo gesi tēabi me tama wai,

“Nago te buku selama, te dāu wali nai togobo usu mu dao. Magi baso meni. Augwaligo nage ela muani, tama nago isibo kanemego te bidi dabe augwali ma abelai, te augwali Godibolo mayu tiai dao. Te nago tigidali we bidi hanide we bidi meba abelai, te tigidali haniani po wabo bulude me, te tigidali haniani tigi yai bidi hanide me, te tigidali genuai t̄ode bidibo bagede me te nago we bidi meba abelai. ¹⁰ Tama abelama, te bage nago augwali te dago Godibolo lotu po weyu sesemane sogo aga sę ebo pris bidi hani pedalumainogo yali, augwaligo Godigo sę emainogo yai. Tama tiyu augwali tuni bidi te t̄ode bidaibao,”
augwaligo te tēabi po tama wai. †

Augwaligo te kibu sipsip wai nogi ugwaba sai

¹¹ Tialima, eno tonolo ma bilibadi, tama eno te Godigo dagalude bidibo ensel mobo bidi augwaligo pedauwalide moni po wabo odai. Tama te ensel dabe augwali hauwa mu te handet milion bidibao, tama bidigo augwali nedebo usu me egobeo, te tausen tausen te kisu umabo mu bidai. Tama augwali dolaluyu, tama te genuai tuni bidi duabo nai me, te bidibo ula elalubo hasa me si me si me, te polalubo tobolu bidi dabe me, augwali tomode bidiyu, tama te ensel mobo bidi dabe augwaligo te bage bagulama dolaluali. ††¹² Tama dolaluyu, tama augwaligo i bomonama weyu, e tama balia wai,

“Te kibu sipsip wai polobadu augwaligo ela mubaso, agai te tigidali nai tonalubo bomo mu sabo usu eyu, tama te tigidali wiegi yai nai me, te wiegi yai homu kolesaga me, tama te tigidali genuai bomo agade usu elalubo dao. Tama aga nogi te tigidali bidigo ugwaba sabo te usu da, tama ula yai bomo agabolo mabo me, te usu dao, te agabolo genuai nogi mabo me te usu dao.”

¹³ Tama tiyu, te Godigo nigali nai tigidaligo wabo po eno odali, te dagalude bidibo naigo me, te t̄ode bidibo naigo me, tama te t̄o aiyadu dologode bidibo nai me, te tamu ājde bidibo, te nai dabe tigidaligo te po wabo odai. Awe, te tigidali bulude bidibo Godigo nigali naigo po eno odali, augwaligo e po wai,

“God aga te wiegi yai duabo naide tuni bidi dulalubao,

tama te kibu sipsip wai me, augwali sigo nogi dago ugwaba sao, augwali sibolo genuai nogi mu mao, te ula yai bomo me mao, te genuai bomo me dago mao, tama sesemane sogo bidada pabo te usu mu yaibao.”

¹⁴ Tama te bidibo ula elalubo hasa me si me si augwaligo te pode te po wai, “Mu dao.” Tama te polalubo tobolu bidi dabe augwaligo basi gulama, lotu po God de Krais si dali wai.

Te kibu sipsip waigo te buku dāu wali nai a naga olama me badu nogo deli togwa sāwai

6 Tama eno suali, te kibu sipsip wai agai te buku, te dāu wali nai a naga olama me badu nogo si elalubo buku, te agai tolalubo eno suai, tama agai te buku dāu wali nai hasia me deli togwai. Tama eno odali, te bidibo ula elalubo hasa me si me si tomode me deligo agai te po wabo, te dogoni te dagalude be kulu wabo tiwai yai. Agai te po wai, “Nage asao,” po wai. ² Tama eno ma tonono bilibadi, tama eno te tedela yai kibu hos asobo suali, tama te kibude duayali bidigo enesigi tolaluai. Tama augwaligo te bidi agabolo te wābi hwjbo bomu aiyaba elalubo bidibolo mabo te tiwai madi augwaligo agabolo menama, tama aga sęba tagala palai. Tama te bidi aga pelama, te wābi hwjbo bomu aiyaba elaluabo sę egi peyu, tama tiyu agai te wābi hwjbo bomu aiyaba elaluabo bomu hauwa elalubao. ‡

³ Tama te kibu sipsip wai agai te buku dāu wali nai me si wali togwa sāwai, tama te bidibo ula elalubo hasa me sigo wabo po eno odali, te hasa sigo te po wali, “Nage asao.” ⁴ Tama gasa kibu hos me pedalai, te mama yai. Tama te kibude dualasa asobo bidibolo augwaligo bomu mawai. Tama te bidi agai te t̄ode we bidi tomode elalubo boi pibo sogo togolama, tama genuai wābi hwjbo sogo gagalama, tama bidi dabe augwaligo augwa hasi bidi ela mubo sę gagalamainogo te bidibolo te bomu mawai. Tama tiyu, augwaligo te bidi agabolo te genuai poa pai hwā ge te sę emainogo mawai. ††

⁵ Tama te kibu sipsip waigo te buku dāu wali nai sela wali togwa sāwai, tama te bidibo ula elalubo nai selago wabo po eno odali, “Nage asao,” wali. Tama eno ma tonono bilibadi, tama eno te sisi yai kibu hos asobo suai. Tama te kibude duawali bidi agai nogode te walu dabe skel ebo nai tolaluai. ††⁶ Tama eno odali, te bidibo ula elalubo hasa me si me si tomode me deligo pedauwalide wabo po, tama te pedauwalidu te we bidigo tubo nai mude te po wali, “Nago te tubo nai wit ge, te gego dwasianu sini pāganama tama te naigo sęge skel ela suao. Tama te nai abelabo masigi hasegelao, te genuai muao, te masigi sabo sę ebo bidigo deli sogo sabo masigi tiwai si ilao. Tama nago te masigi hauwa meni yai bagego tubo nai nogi bali, tede me tama tiao, te bali gego dwasianu sini me si

† 5:10 Sai 19:6; Ped 1:6 †† 5:11 Dan 7:10

‡ 6:2 Sek 1:8; 6:3, 6 †† 6:4 Sek 1:8; 6:2 †† 6:5 Sek 6:2, 6

me deli pağanama, tama te naigo sęę skel ela suao. Tama te nai bali sela abelabo masigi nogi genuai naga nogi yao, te sę ebo bidigo deli sogo sabo masigi tiwai si dao. Tiali goli, nago te tubo wel dali te tubo aĵ wain si dolamuo," te po wali.

⁷ Tama te kibu sipsip waigo te buku daų wali nai me si me si wali te togwa saųwai, tama eno odali, te bidibo ula elalubo hasa tomode me deligo agai te po wali, "Nage asao." ⁸ Te po obaso eno tonono ma bilali, tama eno sewa yai kibu hos me deli asobo suali. Tama bidi te kibu hosde dulaluali, tama te bidi aga nogi isibo kolesaga da wali. Tama isai bidi bidibo madi aga wali asai. Tama augwaligo te we bidi hani tigidali tomode buguluyu, tama hani me si me si nigilali. Tama augwali sibolo augwaligo te hani dabe tonalubo bomo mawai. Tama te bomogo augwali sigo te we bidi me habu badu ela muao wali, te poa pai ge hwaęo hwiębogo ela muainogo, tama te nai nasi me eyu, te haniani gasi me eyu, tama te tęde bidibo haniani uni hasago me ela tuyu tama elama augwali sigo te bomo selama, te we bidi me habu badu ela muao wali. †

⁹ Tama te kibu sipsip waigo te buku daų wali nai a naga wali togwai, tama eno suali, te isai bidigo noma bidi meba augwali te Godibolo maiabo nai ulubo alta sai dologode bidai. Polobadu te bidi dabe augwaligo Godigo po te we bidibolo pusubo sę eyu, tama te pode augwaligo homu keę pai bidi dabe bidai. Tama tibaso, te boi bidi dabego augwali ela munama isai dao.

¹⁰ Tama te noma bidi augwaligo i bomonama weyu tama wai, "Tigidali nai tonalubo Genuai Bidi, nage magi sę me esiąyu wiegi yai mu bidibo, tama nago kolesaga te mu naga ebo dao. Te tęde we bidi augwaligo dwai sę da dali elama, tama da ela muani. Tede dago homugo nago augwali dali po tų eyu, dago kanemedede augwalibolo wei pona. Nisu naga sogo bidai madigi tama nago augwalibolo wei nisu ponaibawe?" te po wai. ¹¹ Tama agai bobobage tedela yai ugwa augwali deli delibolo mena mena pai, tama agai te po augwali dali wai, "Dage toma tuyu, olo dwasianu sogo nagamea pai bidi bidao. Tama nosali boi bidi dabe augwaligo dage dali deli sę yali bidi dabe me, duga ama dabe me ela muaibao, te augwaligo dage ela muani tiwai yaibao. Tama nosali augwaligo te ela muani bidi dabe nedebo usu ebaso da, te God agai dagego kanemedede augwali wei ponaibao," te po wai.

¹² Tama eno tonono ma bilibadi agai te buku daų wali nai a naga olama me badu nogo deli wali te togwai, tama eno suali, tęde genuai tę mali pedalai. Tama giliga ge begelama, te sisi yai gagawai. Tama te polua genuai ebadi te mama yai, te kaneme tiwai mu pedalai. ††¹³ Tama dagalude hę dabe tęba tulaluyu, te ni kaya du te moni bomai wali asiyu sela saųy tulalubo tiwai yai. ¹⁴ Tama te dagalu me aga tomode buguluyu, te somo bebe pelama daų wabo tiwai yai. Tama tigidali bulu du me, te tamu aĵ tomode elalubo dwasianu tę tigidali me, augwali memenege elama tama bidali bu-

† 6:8 Ese 14:21 †† 6:12 Ais 13:10; Jol 2:10, 31; 3:15; Mat 24:29; Mak 13:24-25; Luk 21:25

lu taga soai, tama augwali gasa buluba kilasa pai. ¹⁵ Tama te tęde tuni bidi dabe dali, te genuai nogi yai bidi augwali me, te ami genuai bidi augwali me, te walu hauwa dali te masigi hauwa munalubo bidi badi, te bomo yai bidi augwali me, tama te tigidali bidi, te masigi sisąbo sę ebo bidi dabe me, te bugagia olo bidibo bidi dabe me, tigidali hodobo augwali te tę olua bede duala siyu ela bilai, tama te genuai bulu dude elalubo masigi dologoba teba duala sisa bilai. ¹⁶ Tama augwaligo te bulu du dali masigi dabe sibolo i weyu te po wai, "Dagego da mesega sigulao, te genuai tuni bidi duabo naide dulalubo bidigo da suidali weyu, tama te kibu sipsip waigo sębę elalubo te aga gesabidide da duala saio, agai da suidali. ††¹⁷ Magi baso menio. te genuai sogode te augwali sigo sębę elaluali te wei ponoyu dwai dene maiabo sogo dao, te megi pedalai dao. Tama niwai bidi aga doligulama te sę yainogo ebo aiyaba elaluaibawe? Te mu menio," augwaligo te po wai.

Godigo te Israel we bidi hauwa mu te 144,000 sa muani

⁷ Te sę tigidali ela silai digi, te nosali eno suali, te Godigo ensel mobo bidi me si me si olama te tę sesege me si me si bogo badu dolalubo suali. Augwaligo te tę me si me si bogo badu te wali yabo te augwaligo daų ola sai elaluali, tama te waligo tę me, tamu aĵ me, te ni dabe me te waligo me degelebo usu egobeo. ††² Tama eno suali, gasa ensel mobo bidi te giliga pedalobo badu ugaba holobo eno suai. Agai te bidibo ula elalubo God agai we bidi sa mubo nai totalubo eno suali, tama agai te Godigo tę dali tamu aĵ dali dolomainogo bomoni te ensel mobo bidi me si me si-bolo bomoni elama i wali. ³ Agai te po wai, "Dagego asesa polo te tę me, te tamu aĵ me te ni dabe dolamuo," te po wali. "Dago te dena Godigo sę ebo bidi dabe augwali deli deligo gebode te augwali sa mubo nai hasia muna muna paibao. Tama nosali duga te tigidali nai dabe dolagameo," wali. ⁴ Tama eno odali, te sa muabo we bidi augwali nedali. Augwali te we bidi nedali daĵ te 144,000 nogi wabo namba te genuai mu dao, teba usu nigipali. Te Israel we bidi hani deli delide meba sa muani. ⁵ Tama tiyu, te bidi sese umabo hauwa mu te 12,000 te bidi Juda aga hanide augwaligo te sa muani nai sali, tama te bidi Ruben aga hani augwaligo me te bidi sese hauwa mu te 12,000 sali, tama te bidi Gat aga hani augwaligo me te tiwai naga te bidi sese hauwa mu 12,000 sali. ⁶ Tama te bidi Asergo hani augwali me te bidi sese hauwa mu 12,000 sobadi, te bidi Naptali hani augwali me te bidi sese hauwa mu 12,000 siyu, te bidi Manase hani augwali me te bidi sese hauwa mu te 12,000 sali, ⁷ te bidi Simeongo hani me te bidi sese umabo mu te 12,000 sai, me te bidi Li-vai hani me te bidi sese umabo mu 12,000 sobadi, te bidi Isakar aga hani me te bidi sese hauwa mu te 12,000 sali, ⁸ te bidi Sebulun hanigo me te bidi sese

‡ 6:14 Ais 34:4 †† 6:16 Hos 10:8; Luk 23:30 †† 7:1 Jer 49:36; Dan 7:2; Sek 6:5

umabo mu 12,000 siyu, te bidi Josepgo hani me te bidi sese hauwa mu te 12,000 sali, te bidi Benjamin hanigo me te tama bidi sese naga 12,000 sai dao. Te Israel hani dabe tama te ensel mobo bidigo augwali te Godigo sa muna muna pali.

Genuai we bidi hani augwaligo Godigo nogi ugwaba sai

⁹Tama te we bidi sa mubo sę tigidali ela silai digi, eno tonolo ma bilibadi, tama eno te we bidi hauwa augwali sisinama bidibo suali, tama umabo mu, te bidigo te we bidi augwali nedebo usu me egobeo. Te we bidi augwali te tigidali bidi hani dao, tama te tigidali bulu tęde me, te tigidali haniani tigiwali yai me, tama te tigidali haniani po wabo bulu bidi dabe dao. Augwali te tuni bidi duabo nai te gesabidide dali te kibu sipsip wai gedude augwali dolaluali. Tama augwaligo te bobobage tedela yai ugwa munama, tama augwaligo nogode te kokonas yabe tolaluai. ¹⁰Tama augwaligo bommo elama i weyu tama wai, "Dago God aga te tuni bidi duabo naide dulalubao, tama te kibu sipsip wai me, augwali sigo te da ma dobola sabo sę yabo bommo mu elalubao, tama tialigo megi da bugagia bidibao." ¹¹Tama tigidali ensel mobo bidi augwaligo te genuai tuni bidi duabo nai dali, te polalubo tobolu bidi dabe dali te bidibo ula elalubo hasa me si me si tama bobegelaluyu augwali dolaluali. Tama augwali te tuni bidi dulalubo digi te badu basi gulama, tama gesabi tęba munama, augwaligo te Godibolo aga nogi ugwaba sabo lotu po wali. ¹²Tama augwaligo te po wai, "Mu tama dao. Dago dena God dali wiegi yai homu mu eyu, tama dago agai genuai ula yai bommo po hania pusao. Agai wiegi yai homu kolesaga tigidali elalubao, tama dago aga dali nage usu da weyu, tama agai nogi ugwaba sao. Te bommo tigidali agai naga dao, tama te tigidali nai tonalubo bommo me, tama e nedali wiegi yai kolesaga tigidali augwali agade naga elalubo dao, sesemane sogo te bidada peyu, bidada paibao. Te mu tama dao," augwaligo te po wai.

Te dene sali bidi hanigo sęęę silaiba wali po

¹³Tama polalubo tobolu bidi me deligo te po ena dali wai, "Te bobobage tedela yai ugwa muani we bidi dabe, te augwali de dawę? Tama augwali menadu asaliwe?"

¹⁴Tama eno agabolo te po wei ponai, "Genuai bidi, naga digi nago koneai." Tama agai enabolo te po wai, "Te we bidi dabe augwali te boi bidigo nogode genuai sęęę dali te dene dali sali we bidi dabe dao. Tama augwaligo te sęęę bugagia tolaluama, tama te sęęę tolalubo sogo silalio. Tama augwaligo augwa ugwa te kibu sipsip wai kanemego aę telawai, tama augwaligo ugwa te tedela yai dao. ¹⁵Tama tibaso, augwali te Godigo tuni bidi duabo nai te gesabidide dolalubo bage dao. Tama siade me hulide me augwali te Godigo wiegi yai lotu be tempel tede bidiyu, agabolo lotu

† 7:14 Dan 12:1; Mat 24:21; Mak 13:19

po wabo dao. Tama aga te genuai tuni bidi dulalubo naide dulalubo bidi aga digi augwali dali bidiyu, tama augwali paliyu, tama augwali bugagia tonaluaibao.

¹⁶Tama tiyu, augwali nasi munu me esiayu, tama augwali aę nogone munu me ma egobeo. Tama augwali giliga posolo esiayu, tama magi nai mego augwali tigi posolo me iligobeo. ¹⁷Magi baso meni, te genuai tuni bidi duabo nai gesabide bidibo kibu sipsip wai, te aga digi agai augwali tonalubo bidi bidaibao, te kibu sipsip tonalubo bidi agai agai sipsip dabe tonalubo gilama tiwaibao. Tama agai augwali te aę ulu pedalobo digi odasa pelama, tama augwaligo te bidabo ula yabo aę saibao. Tama Godigo augwaligo gedude gela wali gedu aę hola sabaso, tama augwali gela ma wago, te polalubo tobolu bidigo enabolo te po wai. †

Te kibu sipsip waigo te buku dawę wali nai me badu nogo si wali me deli togwa sawani

8 Te kibu sipsip wai agai te buku dawę wali nai me badu nogo si te me deli togwa sawai, tama tibo si dagalude kili kili me wasiayu, tama me po me wabe, tama hauwa sogo bidibo aę yali, te sesabinu gana bidalio, te hap aua tama dao. ²Tama te dwasianu sagia sai elalu bidali sogo silama, tama nosali eno te God gesabidide dolalubo ensel mobo bidi a naga olama me badu nogo si eno suali, tama augwaligo te ona tiwai nai a naga olama me badu nogo si selama tolaluai.

³Tama gasa ensel mobo bidi me te Godibolo nai ulubo sae yali paęba dolagasai. Tama agai te denami ilabo nai te kapa golgo nigai pou tolaluai. Tama augwaligo agabolo te denami ebo nai pauda hauwa mani, te agai te nai te Godigo we bidi tigidaligo wali gedu haluasa po dali manama, tama te si te golgo nigai saede te siago ulumainogo tiaibao. Te sae te genuai tuni bidi duabo nai gesabidide elalubo, tama te denami ebo pauda dali te gedu haluasa po dali agai te duabo naide dulalubo bidibolo olo mawaibao. ⁴Tama te pauda hano ebo denami ebo me, tama te Godigo we bidi augwaligo gedu haluasa po wabo te me, te tigidali te ensel mobo bidigo nogode tolaluali tagaliyu, tama God gesabidiba naga ugwaba te denami ebo hano holai. ⁵Tama tilama, te ensel mobo bidi agai te denami yai nai muani pou selama, tama agai te nai ulali saide sia dage te poude paęanama, tama agai te sia tęba aiya sawai. Agai te sia sawai digi, tama te dagalude be kulu kulu weyu, genuai po me weyu, tama dagalude be sele eyu, tama tę mali yai.

Ensel mobo bidi me si me si augwaligo te ona tiwai nai elali po

⁶Tama te sogo te ensel mobo bidi a naga olama me badu si augwaligo te ona tiwai nai a naga olama me badu nogo si tolaluali, augwaligo te ona tiwai nai elainogo sisi elaluai. ⁷Tama te hasia wali ensel mobo

†† 7:16 Ais 49:10 † 7:17 Tib 23:1, 2; Ais 25:8; 49:10; Ese 34:23
†† 8:3 Amo 9:1

bidi me deli aga te ona tiwai nai elali, tama te talua ge tulubage me, te sia dali, te si te kaneme dali gelama, tama e tōba tulaluai. Augwaligo te tō me tigidali ni dabe dali te sela tama usu siyu daj ilali, tama siago te tō me habu badu deyu, te ni me badu habu badu deyu yali. Tama te ni yabe tiwai nosai dabe tigidali, te me te siago dai.

⁸Tama te hasia wali enselgo aga sę silama, tama te si wali ensel mobo bidi aga te ona tiwai nai elali, tama tialima, augwaligo magi nai me deli sayu tama te genuai bulu du me siago dabo tiwai eyu, tama te nai tamu aji ba tulaluai. Tama augwaligo tamu aji usu siyu daj mubo te sela nigilali, tama me habu badu begelama te kaneme pedalali. ⁹Tama augwaligo te tamu aji de bidi bo ula elalubo nai tigidali tomode bugulama, tama te nai hani sela me tali muani, tama te nai hani me deli te sia dabo genuai bulu dugo isilali. Tama augwaligo te tamu aji de elalubo sip, te moni geba dabe, te sip me bugulama tama tiyu, te hani sela tedali muani, tama te sip hani me deli dolai.

¹⁰Tama te tudi badu te sela wali ensel mobo bidi aga te ona tiwai nai elali, tama te badi, te genuai hō me deli te sole ula ebo tiwai mu yali, te sole ula ebo hō dagalu tagalama e tōba tulaluai. Augwaligo te tigidali pabo aji aga hani sela tedali bugulali, tama hō te aji hani me deliba tulaluai, tama te tigidali aji ulu asobo digi me te sia bogoli tulaluai. ¹¹Tama te tulaluai hō nogi te Ha Ebo Marasin da wai. Tama augwaligo te aji go hani sela muani, tama te aji hani me delide te ha ebo marasin pedalai. Tama bidi hauwa augwaligo te ha ebo marasin aji tuali, tama te marasingo augwali elama tama augwali isali. †

¹²Tama te sę silama, tama te me si me si wali ensel mobo bidi aga te ona tiwai nai elali, tama te badi, tama augwaligo te giliga me, poluade me, te tigidali hō de me augwaligo tomode daj sela muani. Tama te giliga ge me badu dolali, te polua me tama tiyu, te tigidali hō me te me badu dolali. Tama tibaso, augwaligo ula ebo sogode te ula bugagia ebeo. Ulade te me badu pedai go te giliga gego ula bugagia ebeo. Tama hulide me te polua dali, hō dabe dali, augwaligo me badu ula ebo pedai te bugagia ula ebeo. ††

¹³Tama eno suali, te ba kemedage tiwai ba me deli dagalu tomodu sigide bola pabo eno suali. Tama eno odali, agai i bomonama weyu te po wali, "Hobede, hobedeo, te tō de bidibo we bidi hobedagia bidaibao. Te gasa ensel mobo bidi me sela augwaligo te ona tiwai nai elebo si, te bode te genuai dwai dwai sę sę te tō de we bidi augwaliba pedalaibao," te bago te po wai.

Te nogo a wali ensel mobo bidigo te ona tiwai nai elai

9 Tama te nogo a wali ensel mobo bidigo te aga ona tiwai nai elali, tama te bode eno suali te hō me deligo te dagalu tagalama, e tōba tulalubo suai. Tama augwaligo agabolo te tō dedage aba mu yai te aga page meni yai, te ki mawai. ²Tama agai te tō dedage dabode, tama te dedagedu te genuai sia hano

† 8:11 Jer 9:15 †† 8:12 Ais 13:10; Ese 32:7; Jol 2:10, 31; 3:15

tiwai pedalai. Tama te tō dedagede pedalali moni hano agai te giliga de te dagalu si te haluai, tama augwali si te hulua sai. ³Tama te kuli mano tiwai nai dabe umabo augwali te hano ebo tagaliyu, tama augwali e tōba dulai. Tama augwaligo bomo te nai hwa, te bidi gaų kelebo nai hwa go bomo tiwai sali. ⁴Tama augwaligo te kuli mano nai dabebolo te po wai, "Dagego te noswai dabe me, te ni me deli me, te tō de pedalobo haniani nai dabe me, te nai dabe tigidali dologio. Dagego te bidi dabe augwaligo gebode te Godigo sa muani nai musiawai bidi augwalibolo naga dene mao. ⁵Dagego te tiwai bidi dabe augwalibolo dene mayu, tama polua a naga silibo si te dene mabo tagalao. Tiali goli dene mobadi dagego augwali ela mugio," te po wai. Tama te kuli mano nai dabe augwaligo te bidi dabe augwalibolo dwai dene mabo, te nai nogi hwa agai te bidi gaų keleyu dene mabo tiwai ebo dao. ⁶Te tama tebo sogo, polua a naga sogo, te bidi dabe augwali te isabo tų gegebo sę ebadi, tiali goli augwaligo sugobeo. Awe, te augwaligo homugo te isabo homu godolo yai, tiali goli te isibo augwali suyu wi paibao. ††

⁷Tama eno suali, te kuli mano augwaligo hwainogo sisi elalubo te hwjbo bidigo duabo kibu hosgo ebo tiwai gilama tigi palibo nai elaluai. Augwaligo tobolude te kapa nogi gol tego nigai wiegi yai madi tiwai nai elaluai, te tuni bidigo tobolu madi tiwai. Tama augwaligo gesabidi te bidi gesabidi tiwai dao. ††† Tama augwaligo tobolu nisi bobobage, te we dabego tobolu nisi tiwai. Tama augwaligo kele te moni hudigi ebo kibu laiongo nai gaų kelebo genuai kele tiwai elaluai. ⁹Tama augwaligo hagawiade te kapago nigai holobo ugwa muai elaluai, tama augwaligo bogo te saba saba ebogo u wabo te hwjbo bidi duabo nai te kibu hosgo kegasa peyu udabo tiwai eyu te nai kidagalo wabo tiwai ebo dao. ¹⁰Augwaligo danu te nai hwa go danu tiwai elalubo, te danude te bidibolo dwai dene mabo marasin te elalubao. Tama augwaligo danu dabego bomogo te bidi dabe dolobo sę elaluyu, tama te polua a nagade te sę ela bilibo. ¹¹Tama augwa te sę ebo tuni bidi me deli aga te tobolu bidi bidai. Te tuni bidi aga te tō dedage ayanu mu yai digi te tō page meni yai digi tonalubo ensel mobo bidi dao. Tama augwaligo Hibru pogo te ensel mobo bidi nogi Abadon wai. Tama te Grik pogo te bidi nogi augwaligo te Apolyon wai. Te Grik po nogi begelama tama dago pogo te bidi nogi augwaligo te Tigidali Nai Dolobo Bidi da wabo.

¹²Tama te hasia yali genuai sę sę da, te silai dao. Odao. Sę sę si digi te me elalubao, tama te nosali pedalaibao.

Te nogo me badu deli wali ensel mobo bidigo te ona tiwai nai elali

¹³Tama te a olama me badu nogo deli wali te ensel mobo bidi agai te aga ona tiwai nai elali, tama eno po me wabo odali. Te Godigo gesabidide te kapa golgo nigai sai elalubo, te Godibolo maiabo nai ulubo sai dao. Tama te saide elalubo gaų yai nai me si me si tomodu

‡ 9:4 Ese 9:4 †† 9:6 Jop 3:21; Jer 8:3 †† 9:7 Jol 2:4

te po me wabo eno odali. ¹⁴ Agai te a olama me badu nogo deli wali te ensel mobo bidi dali te po wali, "Te ensel mobo bidi me si me si olama augwali te genuai pabo ąj nogi Yufretisde kalabus elalubo da wali, tama nago augwali olo tagala palao," te po wai. ¹⁵ Te po obaso, agai te ensel bidi me si me si augwali tagala palali. Tama te ensel mobo bidi me si me si augwali sisi elama, te we bidi ela mubo sę ebo sogo tonaluali. Te sę ebo bodolu mani kibu be me, te bodolu mani polua me, te bodolu mani sogo me, te we bidi ela mubo bodolu mani aua me augwali tonaluyu bidaluali. Tama te bodolu mani aua asama, tama agai augwali tagala palama, tama augwaligo te we bidi hani tigidali ąj sela muani, tama me hani deli ela muai. ¹⁶ Tama te kibu hosde duawali ami bidi dabe hauwa mu, te bidi sese hauwa mu da wali, te 200 milion. Te tama nogi ebo eno odai. ¹⁷ Tama eno te na ebo tiwai eyu, tama te kibu hos dabe me te hosde duawali bidi dabe augwali suali, tama augwali e tama bidibo eno suali. Bidi dabe augwaligo te kapago nigai hagawia polibo nai muai, te holobo ugwa tiwai muai, tama te muani nai meba mama yai, te sia bogoli tiwai mama yai, me sisi yai, me sewa yai, te masigi nogi salfa te tiwai sewa yai. Tama te kibu hos dabe augwaligo tobolu te moni hudigi ebo kibu laiongo tobolu tiwai yai. Tama sia me, hano me, te dwai kugumini ebo masigi salfa te sewa yai masigi te sia deyu augwaligo pedauwalidu te hamena tiwai sia deyu, tama te sia bogoli buluba pedalai. ¹⁸ Augwaligo tigidali we bidi hani ąj sela ilali, tama augwaligo te we bidi hani me deli te dwai nai selago augwali ela muani. Te sia badi, me hano, me te masigi salfa sia deyu, te tama nai sela te kibu hos dabe pedauwalidu pedalama, te we bidi hani deli ela muani. ¹⁹ Magi baso meni. Te hos dabe augwaligo te we bidi ela muabo bomo te augwa pedauwalide me te augwa danude me elalubo dao. Tama augwaligo danu te hasamani dabego danu tiwai, tama tobolu me elaluai. Tama bidi augwaligo te naigo dolobo dao.

²⁰ Tama tigidali gasa bidi dabe augwali te dwai nai selago ebo sęde isisąwai bage, augwali homu begelesiąma tama augwa nogogo nigali nai tagalama tudiba musiayu me bidaluali. Tama tiyu augwaligo te dwai haubo noma bidi dabebolo lotu po wabo tagalobe. Augwaligo te tibo god dabe te kapa golgo dali silva dali te bras me, te masigi me, te nigo me, tama naigo nigai tibo god dabebolo augwaligo lotu po wabo tagalobe. Te nogogo nigali tibo god augwaligo gedugo sugobeo, ma ologo odogobeo, ma biligobeo. Tiali goli augwalibolo te bidi dabego lotu po weyu bidaluali. ^{†21} Te bidi dabe augwaligo bidi meba ela muyu, tama bidi dolobo pobi wabo sę eyu, tama augwaligo penani ebo kolesaga wali peyu, tama nai wi sesa bilibo sę eyu bidaluali. Tama tiyu, augwali homu begelama, te dwai kolesaga ebo augwaligo tudiba me mubeo.

Ensel mobo bidi agai buku Jonbolo mayu, nago tuao po wai

10 Te eno suali, gasa bomu mu yai ensel mobo bidi dagaludu e tęba dulubo eno suali. Aga tigi te dagalu pęgo halua sai, te gudubo ugwa tiwai. Tama agai tobolude unigi bidi elaluai. Agai gesabidi te giliga ge ula ebo tiwai yai, tama agai sęą te ni tigde tigidali sia dabo tiwai yai. ² Tama agai nogode dwasianu buku tolaluai, tama te buku dagawai elaluai. Tama aga dolo sęą te tamu ąj daide muai elaluali, tama aga pobase sęą te tę daiba ugwađu munama elaluai. ³ Tama agai i bomonama weyu, te bulude bidibo moni hudigi ebo kibu nogi laiongo gaa moni bage wabo tiwai yai. Agai te i wabode, tama a naga olama me badu nogo si te dagalu pę kulu weyu wei ponai. ⁴ Tama te a naga olama me badu nogo si be kulu po wai digi, tama te po eno ašęainogo yai. Tiali goli dagaludu po me deli asiyu wali po eno odali, "Te a naga olama me badu nogo si te be kulu weyu wali po, te po naga homude ąų elalulama, tama tede dualali po elalumainao. Nago te po ašęgio," te po wai.

⁵ Tama te ensel mobo bidi tamadi eno te tamu ąj de tę si tede dolalubo suali, agai dolo nogo dagaluba ug-waba muai, agai wabo po ąų omainogo, ⁶ tama agai Godigo nogi weyu, te eno mu po naga obao homu eyu agai po wai. Te God aga sesemane sogo bidada peyu, bidada pabo bidi agai te dagalu dali tede elalubo nai nigali, te tę dali tigidali e tęde elalubo nai nigai, tama tamu ąj me te tigidali tede elalubo nai me nigali bidi dao. Tama te ensel mobo bidigo aga nogo ugwaba munama, tama Godigo nogi weyu tama agai te po wai, "Megi me gesege iligobeo. ⁷ Menio. Tama nosali te nogo a naga olama me badu nogo si wali te ensel mobo bidi me deligo agai te ona tiwai nai elebadi, te sogo te Godigo homude polobadu dualali nosali yabo sę te hania pedalama, tama agai te sę yaibao. Polobadu agai aga sę ebo bidi augwalibolo te aga nosali yabo sę po pusali, tama augwaligo koneani, te sę hania pedalaibao," te ensel mobo bidigo te po wai. ^{††}

⁸ Tama te eno polobadu dagaludu po me deli asiyu wali po odali tiwai, agai enabolo te po ma wali, "Te dagawai elaluali buku te tamu ąjde me te tęde dali me te dolalubo ensel mobo bidigo nogode tolalubo buku nage pelama sigi pao," te po wali.

⁹ Te po obaso, ena te ensel bidi pageba pelama, tama eno agabolo te po wali, "Nago te dwasianu buku ena mao." Tama agai enabolo te po weyu "Nago te buku selama tuao," wali. "Te nago haligade ha yaibao. Tiali goli nago pedauwalide te mege ąj pusu ebo tiwai yaibao," te po wali.

¹⁰ Agai te po wai digi, tama eno te dwasianu buku te ensel mobo bidigo nogode selama, tama eno tuai. Tama eno pedauwalide te mege ąj pusu tiwai yai. Tama eno tuai digi te eno haligade ha yai. ^{††1} Tama agai enabolo te po wai, "Nago te Godigo yabo sę po

† 9:20 Tib 115:4-7; 135:15-17; Dan 5:23

†† 10:7 Sai 20:11; Bom 32:40; Dan 12:7; Amo 3:7 † 10:10 Ese 2:8-3:3

ma pusao. Te po te hauwa bulu tõe bidibo hanide me, te haniani tigiwali yai me, te haniani po wabo bulu bidi dabe me, tama te tõe tuni bidi hauwade me, augwali tigidalide nago te nosali pedalabo sę po pusao," agai enabolo te po wai.

Godigo po pusubo bidi si

11 Te ensel mobo bidigo enabolo te usu ni sabo nai mani, te bilibo dono tiwai nai, tama agai enabolo te po wali, "Nage hodaloama, te usu sabo nigo te Godigo Moni Lotu Be tempel dali, tomode elalubo te Godibolo maiabo ofa nai ulubo sai dali te si usu sao. Tama nago te lotu be tomode bidiyu agabolo lotu po wabo we bidi augwali nedao. ² Tiali goli te lotu be bulu badu, te we bidi bilibo madi, te nago tagalao, tede nago usu nigo usu sigio. Te madi te Godigo po wali pisawani we bidigo nogoba mawai dao, tama augwaligo te Tedali Wiegı Yai Hanu saęaęo agayu, tama polua bidi sese si olama me si tama yaibao," te po wai. ³ Tama Godigo enabolo te po wai, "Eno po pusabo te bidi si tagala palaibao. Tama te bidi sigo gudubo ugwa te beg nigali nami ugwa tama gudulama, tama eno po augwali sigo pususu pidubadi te polua bidi sese si olama me badu nogo si te 42 polua bideibao, te tama polua dabede bidada pali sogo nedali usu nama te bidi sese hauwa mu wabo nogi te 1,260 ulade bidibo tiwai si tama bideibao," te po wai dao.

⁴ Te bidi si augwali te oliv ni si tiwai, te sole si tiwai me, te tigidali tõe tonalubo Genuai Bidigo gesabidide dolalubo nai si dao. ⁵ Tama bidi mebago augwali si dali dwai dene mabo sę ebo homu eyu da, augwali sigo pedauwalide te sia bogoli pedaliyu, tama te boi ebo bidi te siago dolaibao. Awe, bidigo dwai sę augwali si dali eyu da, te kolesagade naga te aga isaibao. ⁶ Tama te bidi sigo te dagalu daę walobo bomo elalubao. Tama te dagalu daę olama, tama augwali sigo Godigo po pusubadi te tulubage tulugobeo. Tama augwali sigo bomogo te tigidali wę begelama kaneme pedalabo bomo elalubo. Tama te haniani dwai naigo te tõe we bidi dolabo bomo me elalubao. Tigidali sogo augwali sigo homugo tama tiainogo eyu da, teda te augwali sigo te sę ebo usu yaibao.

⁷ Te bidi sigo te Godigo po pusubo silibo si, tama te dwai hudigi ebo hasa te tõe dedage page meni yai digi bidali tagaliyu, tama aga buluba eda holaibao. Tama holama tama agai te bidi si dali hwjaibao. Agai te bidi sigo bomo aiyaba elaluyu, tama te bidi si ela mueibao. ^{†18} Tama ela munama, tama te bidi sigo tigi te genuai hanu tomode te genuai po mibo pesagede olo munalueibao, te hanude polobadu augwali sigo Genuai Bidi te we bidigo ni pedaide dagana selama isali. Te genuai hanu nogi po digi pogo begelama tama nogi Sodom wabo, me nogi Isip wabo dao, te po digi pode. ^{†9} Tama bidi meba tigidali haniani tigi yai me, te tigidali tõe, te haniani po wabo me, te tigidali bidi hani, augwaligo te bidi si tigi te sela sogo bidilama me sogo te giligade deli tama sogo te bidi si tigi te po mibo pe-

sagede munalubo sueibao. Tama bidi meba augwaligo "Te bidi si pubulumainao," te po waibao. Tiali goli gasa bidi dabego "Menio, tagalao," waibao. ¹⁰ Tama tõe we bidi augwaligo te bidi si isalide augwali wiegi yai homu yaibao, tama augwali tęabi eyu, nai tuyu, tama wiegi yai nai dabe dobu si yaibao. Magi baso meni. Te Godigo po pusali bidi sigo te tõe bidibo we bidi tigidali dwai dene mawai dao. ¹¹ Tama te sela sogo olama me deli sogo te giligade tama sogo silama, tama Godigo pedauwalidu mobo augwali sigo tigi tomoba ponai. Tama mobo ponama, tama te bidi si hodaloama doligulai. Tama te bidi si suali we bidi tigidali augwali wi mu yai. ¹² Tama augwali sigo dagaludu po me wabo odali te po weyu, augwali si bomonama i wali, "Dage si eba eda holao," wali. Tama te bidi si te pę me tomodu dagaluba holali, tama te boi bidi dabe augwaligo te bidi si pabo suai. ¹³ Tama te sogo naga, genuai tõe mali eyu, tama te moni hanu me badu dolali, tama a naga olama me si me si habu badu naga elalui. Tama we bidi hauwa mu te bidi sese umabo te 7,000 bidi dabe te te mali yali digi isai. Tama te isisawai we bidi augwali wi mu eyu, tama augwaligo te dagalude bidibo God nogi ugwaba sai.

¹⁴ Te genuai sęęę si wali te silali. Odao. Te dwasianu sogo digi te sela wali sęęę pedalaibao.

Te nogo a olama me si wali ensel mobo bidigo te ona tiwai nai elali po

¹⁵ Te nogo a naga olama me badu nogo si wali te ensel bidi me deli agai te ona tiwai nai elali, tama tebadi, dagalude ensel mobo bidi meba augwaligo i bomonama weyu te po wali, "Dago Genuai Bidi God dali, te Godigo sa muani te we bidi tau somainogo tagala palali bidi Krai dali, augwali sigo te tigidali tõe we bidi tonalubo bomo megi selama tama elalubao. Tama aga sesemane sogo te tuni bidi bidada peyu, bidada paibao," te po wai. ^{†16} Tama te bidi sese olama nogo me si me si polalubo tobolu bidi augwali te God gedude te duabo naide dulaluyu, tama augwali basi gulama tama gesabidi tęba munama Godibolo lotu po wali. ¹⁷ Tama aga nogi ugwaba siyu tama augwaligo te po wali,

"Genuai Bidi, nage God te Tigidali Bomo Elalubo bidi dao. Nage megi bidibo, tama polobadu mu nage bidai. Nago genuai bomo naga selama, tama nage te we bidi tonalubo sę ebo gagalai dao. Tama tibaso, dago homu nagebolo munama, usu da po obao. ¹⁸ Tama nago po konesiębo haniani tõe bidibo bage augwali sębę mu yai. Tiali goli megi nago sębę yabo sogo te pedelalio. Tama megi te isali we bidi augwali te po tų eboba pedalobo sogo dao. Tama megi e sogo naga sę ebo bidi dabe, te nago nosali yabo sę po pusali bidi, augwalibolo te wiegi yai nai mabo sogo pedalai dao. Tama nago we bidi tigidali, te nogi yai bidi me, te nogi meni yai bidi, tigidali nagede wi eyu nago bomo dologode bidibo we bidi, te megi da te nago augwalibolo

† 11:4 Sek 4:3, 11-14 †† 11:7 Dan 7:21 ‡ 11:8 Ais 1:9-10

†† 11:15 Sai 15:18; Dan 2:44; 7:14, 27

me te wiegi yai nai mabo sogo pedalai dao," †
augwaligo te po wai.

¹⁹ Augwaligo po ola silama, tama augwaligo te Godigo dagalude elalubo Moni Lotu Be tempel te be tų dawai. Tama polobadu Godigo te Israel we bidi dali po daų olama, tama augwaligo te asęani po te halobage me deli tomoba muani. Tama te halobage te Lotu Be tomode munalubo eno hania suali. Tama te sogo tama te be sele eyu, tama moni u wabo me, te be kulu wali me, tama tų mali ebadi, te kedau ebo nai talua ge tulubage hauwa te dagaludu tųba tulaluai.

Satan dali aga hani bage dali tigidali dolali po

(Daj 12-20)

Jongo te we dali genuai hasamani dali si suali po wali

12 Te sogo te dabolo Godigo bomu ola mabo genuai sę me deli te dagalude pedalai, te we bidi noma sabo sę. E tiwai. We me deli bidai, tama agai tigi-go te giliga te ugwa tiwai elama sesela sai. Tama polua agai saęa dologode elaluali. Tama hų nogo si olama saęa badu si te agai madi tiwai tobolude munama elaluai. ² Tama aga wai haliga elaluali, tama te wai ame nabo dene agaba pedalai. Tama te dwai dene mu eyu, tama agai i bomonama weyu te wai ame nainogo yai.

³ Te gasa genuai sę me dagalude pedalai, te we bidi noma sabo sę. Te sę yali e tiwai. Genuai hasamani me deli bidai. Te mama yai tama, aga tobolu te a olama me badu nogo si, tama nogo si gaų elaluai. Tama a naga olama me badu nogo si te tuni bidigo madi aga tobolude muani elaluai, te tobolu deli delide elaluai.

^{††4} Tama agai danugo te hųgo hani deli dagaludu te pobe bage tiwai tųba aiya poala saųwai. Tama hų hani si digi te dagalude me elaluali. Tama te hasamani te wego gesabidide te wai ame nainogo ebadi dolaluali, tama agai tonaluali te wego te wai ame nabode, te wai agai tuainogo yai. ^{††5} Tama wego wai ogwa ame nai. Te waigo nosali te ain dono tulama tigidali we bidi hani tonaluaeibao. Tiali goli te wai ame nenama digi, tama polo mu augwaligo te wai te God pageba me, te ugwa-ba sela holali, te aga tuni bidi bidiyu dulalubo nai sia sai teba sela pai. ^{††6} Tama te we aga te bidi meni yai buluba wi pai. Tede Godigo aga bidabo bulu sisi ilali, tama augwaligo te we aga bugagia tonaluyu, tama nai mayu tede hauwa sogo te 1,260 te sogo usu nama mu bideibao.

⁷ Tama te sogo dagalude genuai wabi hwjai. Tama te ensel mobo bidi dabego augwa polalubo bidi te Maikel aga dali, te aga tonalubo ensel bidi dabe dali, augwaligo te genuai hasamani dali hwjai. Tama te hasamani aga dwai ensel mobo bidi dabe dali augwaligo te wabi wei augwali dali ponainogo yai. ^{††8} Tiali goli te hasamanigo bomu elama te wabi hwjabo bomu usu

† 11:18 Tib 115:13 †† 12:3 Dan 7:7 ‡ 12:4 Dan 8:10 †† 12:5 Ais 66:7 †† 12:7 Dan 10:13, 21; 12:1; Jut 9

menio. Tama tibaso, te hasamani dali, aga dwai ensel bidi dabe dali, augwali dagalude ma bidainogo ebo usu egobeo. ⁹ Tama Godigo ensel mobo bidi augwaligo te genuai hasamani e tųba saųwai dao. Te hasamani aga te polobadu digi bidai, tama augwaligo te hasamani aga nogi "Te Bidigo Tigidali Bidi Kisiliyu Po Tų Ela Mabo Dao," gasa nogi me Satan poai. Agai tigi-dali tųde we bidi ili po ola mabo bidi dao. Augwaligo aga e tųba tula palai, tama augwaligo aga dwai ensel mobo bidi dabe dali hodobo e tųba tula palai dao. ^{†††}

¹⁰ Tama dagalude i me deli bomon bomonama ma wabo eno odali, "Megi da, dago God agai we bidi ma dobola sabo kolesaga mu hania pedalai dao. Megi me agai tigidali we bidi tonalubo bomu hania pedalai, tama aga tuni bidi bidibo dao. Tama megi me agai sa muyu asaibao wali bidi Krais agai bomu dali, genuai nogi dali si hania waselai dao. Magi baso meni. Dwai bidi me deli agai dago ama dede augwali dali kisiliyu po tų ilai, agai augwali te dago God aga gedude te po tų siade me hulide yali. Tiali goli megi te dwagi yai ensel mobo bidi augwaligo aga te dagaludu a tųba saųwai dao. ¹¹ Tama te kibu sipsip wai aga isiyu aga kaneme gelebaso, tama dago ama dede augwaligo te dwai bidigo bomu aiyaba elaluai dao. Tama me augwaligo Godigo po gasa we bidibolo pusali, tama augwaligo te kolesaga yaligo me augwaligo te dwai bidigo bomu aiyaba elaluai dao. Tama te kolesaga ebadi augwaligo te homu yali, 'Te Godigo po odobo hagela ebo bage augwaligo da eleyu da, teda te usu da, da wi egobeo,' te homu yali. Tama te homu eyu, augwaligo augwali e tųde bugagia bidabo te homu ebeo. ¹² Tama tibaso, dagalu, nage tama dage tigidali dagalude bidibo bage, dage homu wiegi yai yagameo. Tiali goli tų dali, te tamu aų dali, te side bidibo we bidi tigidali, dage hobedagia bidaibao. Genuai sęęę dageba pedalainogo ebao. Tama Satan dagebolo e tųba dulai dao, tama agai sębę genuai mu elalubao. Agai koneani, aga bidabo sogo te pęwadage sogo elalubo homu ebo dao," te po wabo dagaludu asobo eno odali.

¹³ Te genuai dwai hasamani agai suali, augwaligo aga e tųba aba aiya saųwani, tama agai te wai ame nani we pobeai. ¹⁴ Tiali goli augwaligo te webolo te genuai ba kemodage bogo si mawai, tama te we aga te bidi meni yai buluba bola pabo usu yali, tama aga te genuai dwai hasamani wi ebaso, aga digibulu bidigi pabo usu dao. Tama augwaligo aga bugagia tonaluyu nai mayu yai, tama tede bidibadi kibu be sela olama, polua nogo a naga olama me badu nogo deli bidaibao. ^{††15} Tama te we dolainogo eyu te hasamanigo pedauwalide aų bugulai. Te bugulali aų te pabo genuai aų tiwai, tama te aų peyu te we wali pobasa pai. Te hasamanigo homugo te aųgo te we selama hagamainogo yai. ¹⁶ Tiali goli e tųgo te we tau sali. Te tų peda peyu, te bidigo gani tiwai dalama, tama te aų te tų dedageba pai, te hasamanigo pedauwalidu bugulali aų. ¹⁷ Tama tibaso, te genuai hasamani agai te we dali sębę mu yali, tama aga pelama, te wego gasa wai

††† 12:9 Gag 3:1 ††† 12:14 Dan 7:25; 12:7

dabe dali wabi hwjainogo pai. Te we bidi augwaligo te Godigo bomo yai po tigidali wali peyu, tama augwaligo Jisasgo po pusuyu tama agade homu keą pai we bidi mu bidibo dao. ¹⁸ Tama te hasamani te tamu aji sesege badu dolalubo dao.

Te dwai hudigi ebo hasa si pedelali po

13 Te genuai dwai hudigi ebo hasa me deli te tamu ajiđu pedalobo eno suali. Tama te hasago tobolu te a naga me si elaluali, tama agai tobolude te gaų nogo si pedelali elaluali. Te agai gaųde te tuni bidigo mubo te tiwai wiegi yai madi te nogo si elaluali, tama agai tobolu deli delide asęani dwai nogi elalui. Tama te nogi deli deli page e tama tiwai: te God dali haniani dwai posobo po wali te tobage nogi po asęai elalui. ² Te dwai dwai kolesaga eyu te hudigi ebo hasa megi eno suali, te moni hasa nogi lepat tiwai, tama te hasago saęa te gasa moni hudigi ebo hasa nogi bea, te beago saęa tiwai, tama te hasa agai penani te moni hasa lainogo penani tiwai yai. Tama te genuai dwai hasamanigo aga bomo te dwai hudigi ebo hasabolo mawai. Agai te dwai hasa aga tuni bidi aga tiwai nigilama bidali, tama agai we bidi tonalubo genuai bomome te dwai hudigi ebo hasabolo mawai. ¹³ Tama augwaligo te hudigi ebo hasago tobolu me delide elama isali tiwai eno suali aų yai. Tiali goli te tobolude keni pedela selama, tama usu ma yai. Tama tigidali tųde bidibo we bidi augwaligo te sę te dwai hudigi ebo hasade pedalobo sulama, tama augwali noma genuai siyu, tama augwali aga wali pai. ⁴ Te genuai dwai hasamanigo agai bomo te dwai hudigi ebo hasabolo mobaso, te we bidi tigidali augwaligo te hasamanibolo aga nogi ugwaba sabo po wai. Tama augwaligo te dwai hudigi ebo hasabolo me aga nogi ugwaba sabo po weyu, augwaligo te po wai, "Niwai bidi aga te dwai hudigi ebo hasa tiwai dawę? Niwai bidigo aga dali hwjbo usu egowe? Bidi menio," augwaligo te po wai. ⁵ Tama Godigo te dwai hudigi ebo hasa sula tagalali, tama agai dwai dwai po ola biliyu, God dali posobo po weyu, "Ena, ena digi ena God dao," te tobage dwai po weyu bidai. Tama tiyu, agai te dwai kolesaga eyu, te we bidi tonalubo sę yabo bomote polua bidi sese si olama me si, te 42 polua tama te usu nama elalui. ⁶ Tama agai pedauwalidu dwai dwai po weyu, God dali posobo po wabo gagalali. Agai Godigo nogide posobo po weyu, tama Godigo bulu dali me te po wali, tama te Godigo hani dagalude bidibo hani augwali dali me te dwai posobo po wai. ⁷ Tama Godigo aga sula tagaliyu ebaso, tama agai te Godigo we bidi dali wabi hwjyu, tama augwali bomo aiyaba elalui. Tama tiyu, aga te tigidali bidi hani tuni bidi bidainogo eyu, te tigidali tųde me, te tigidali po wabo me, te tigidali haniani tigi yai bidi dabego tuni bidi aga bidainogo Godigo aga tama osogo sula tagalali. ⁸ Tama te we bidigo polobadu ela muani kibu sipsip wai agai te genuai buku elaluyu bidibo dao. Tama te bukude agai te agade konealubo po aų wali we bidi augwaligo nogi

† 13:2 Dan 7:4-6

agai asęai dao, te polobadu mu, te Godigo te tų nigisiąbadi, tama augwali isisąma gamonaibao. Tiali goli te bukude nogi asęąwai we bidi, augwali tigidali augwaligo te moni hasa lepat tiwai yai dwai hudigi ebo hasa aga nogi ugwaba siyu, tama agabolo lotu po waibao.

⁹ Olo elalubo bidi, agai e po bugagia odao. ¹⁰ Niwai bidi me deli te boi bidigo aga nogo dunama tama aga kalabusiba muabo sa muani bidi, te aga te kalabusiba pomainao. Niwai bidi me deli aga te poa pai gaia gego elabo sa muani bidi, te bidi augwaligo te ge hwągo mu ela mueibao. Te tiwai kolesaga augwalibolo pedalobaso da, teda te Godigo we bidi augwaligo Godide augwa homu bugagia keą pai we bidi bidiyu, tama augwaligo te sęę bugagia tolao. ^{††}

¹¹ Tama eno te gasa dwai hudigi ebo hasa me te tųdu eda buluba holobo suai. Te genuai hasago gaų si aga tobolude elalui te kibu sipsipgo gaų tiwai, tama agai po wabo te genuai dwai hasamanigo po wabo tiwai po wai. ¹² Te nosali pedalali genuai dwai hudigi ebo hasa agai te hasia te dwai hudigi ebo hasago sę yabo bomotigidali sai, tama agai sę te bomogo te hasia hudigi ebo hasago gesabide te sę yai. Agai te mani bomogo te tųde we bidi tigidali augwaligo te hasia hudigi ebo hasabolo aga nogi ugwaba sabo po wabo sę ilali, te hasia hasa polobadu gasa bidigo aga te ela muainogo yali dwai keni te pedala sai. ¹³ Tama te nosali pedalali dwai hudigi ebo hasa agai te haniani genuai sę te bidi noma sabo sę yai. Te we bidi noma sabo sę agai yali e dao, te tųde we bidi augwali gedude agai te dagaludu sia dabo bogoli e tųba dulubo sę idu geai. ¹⁴ Tama tiyu, tama Godigo agai te haniani noma sabo sę te hasia hudigi ebo hasago gedude emainogo sula tagalali, tama te hasago te kolesaga ebogo te tųde we bidi ili po ola mawai. Te hasago te we bidi augwalibolo te po wai, "Dagego nigo te hasia dwai hudigi ebo hasa usu selama noma nigiyu, te agai nogi ugwaba somainogo yao. Te hasa polobadu augwaligo aga te poa pai ge hwągo elali, tiali goli aga bidibo ula dali bidai," agai te po wai. ¹⁵ Tama Godigo te nosali pedalali dwai hudigi ebo hasa aga sula tagaliyu, tama te hasa agai te bidibo ula elalubo mobo te we bidigo nigali hudigi ebo hasa noma tomoba ponai, tama te dwai hasa nomago po wabo gagalali. Tama tiyu, niwai bidi meba augwaligo te hasa noma dali aga nogi ugwaba sabo po wabo hagela eyu da, agai te bidi dabe augwali ela muani. ¹⁶ Tama te nosali pedalali dwai hudigi ebo hasago po bomonama obaso tama "Te tigidali we bidigo dolo nogode, ma gebode, te aų ilao," te po wai. Te nogi meni yai bidi dali, te nogi yai bidi augwali me, tama te masigi hauwa munalubo bidi dali, te magi nai meni yai bidi augwali me, te olo bidibo bidi dali, te magi nai sisąma olo mu sę ebo bidi dabe dali, augwali tigidali te aų sali, te dolo nogode ma augwaligo gebode. ¹⁷ Tama niwai bidi agai te dwai hudigi ebo hasago nogi aų te elalusiąyu, ma agai nogi ma agai nogigo namba te elalusiąwani da, teda te bidi agai te bidi dabe augwali

†† 13:10 Jer 15:2; 43:11

dali nai abelegio, tama augwaligo aga dali nai abelamuo. Augwalide habu selalio.

¹⁸ Dago homude te po pagede bugagia kone palao. Te nogode me, gebode me asęani dąj, te bidigo nogi meni, te nedebo namba naga asęani. Tama te namba da te 666 dao. Tama te namba 666 po digi po begelama tama bidigo nogi pedalaibao, te namba tomode te bidigo nogi gea pelama elalubo. Tama tibaso, dagego tede hania homugo kone palao.

Te kibu sipsip waigo te we bidi hauwa umabo mu te 144,000 augwa gesi tęąbi po wai

14 Te eno ma tonono ebadi, te eno te Kibu Sipsip Wai te Saion bulu dude dolaluali, tama we bidi hauwa umabo mu te 144,000, augwali aga dali dolalubo eno suali. Tama te Kibu Sipsip Waigo nogi dali te aga Ayago nogi dali si, te nogi te we bidi gebode asęai elaluali. ¹² Tama eno odali, te dagalude wiegi yai po weyu, te kulu kulu asobo po eno odali, te wę asiyu genuai kulu kulu wabo tiwai eyu, tama te dagalude be kulu genuai wabo tiwai yai. Eno odali, te habidi po wabo tiwai yai. Te bidi dabe augwaligo te gita tiwai nai eleyu, te kulu kulu wabo tiwai pedalai. ³ Tama te genuai hani we bidi augwaligo gesi balia me deli te tuni bidi God dulalubo gesabidide bidibadi te balia weyu, tama te bidibo ula elalubo hasa me si me si gedude me, te polalubo tobolu bidi augwali gedude me te balia wai. Te we bidi hauwa umabo mu te 144,000 augwali Godigo te tigidali tęde we bidi bidibo tomode agai augwali dią selama tama ma abelali, te augwaligo te gesi balia wabo koneabo te usu yaibao. Tama niwai gasa bidi agai te balia koneainogo ebo usu munu me egobeo. ⁴ Te bidi dabe augwaligo te meda yai penani ebo kolesaga me ebeo. Menio. Augwali te gasagi yai meda meni yai mu bidali dao. Te tigidali bulu te Kibu Sipsip Wai painogo ebo bulu, te bidi dabe augwaligo me te aga wali naga pabo dao. Godigo augwali te tęde bidibo we bidi tomode augwali dią siyu ma abelama, tama augwali te Godigo hasia bidi hani bidali God aga digi ma aga te Kibu Sipsip Wai dali sigo sai dao. ⁵ Augwaligo tibo po me deli munu me wabeo. Te augwaligo magi sę me delide te dali dwai sę me deli ebeo. Menio. ^{††}

Ensel mobo bidi selago po wali

⁶ Tama eno suali, gasa ensel mobo bidi te dagalu tomodu sigide mu bola soabo eno suali. Agai te sesemane bidada pabo wiegi yai gesi po elaluai, tama agai te po te tęde bidibo we bidi augwalibolo pusubo sę elalubo dao. Agai te wiegi yai gesi po pusubo sę te tigidali tęde bidibo we bidi hanibolo te po pusubo sę eyu, tama te tigidali haniani tigiwali yai bidi dabe dali, tama tigidali haniani hani bidi augwalibolo te wiegi yai gesi po pusubo sę elalubo dao. ⁷ Tama agai i bomonama weyu te po wabo, "Godigo te tigidali we bidi dodolama po tų yabo sogo te pąba pedalalio. Tama tibaso, dage

† 14:1 Ese 9:4; Ped 7:3 †† 14:5 Sef 3:13

agade wi eyu tama aga nogi ugwaba sao. Tama dagego Godibolo lotu po wao, te agai dagalu dali tę dali me, te tamu ąj me, te pusu ąj ulu pedalobo me, te tigidali nai nigali page bidi aga dao," te dagalude bola soabo ensel mobo bidigo te po wai.

⁸ Te gasa ensel mobo bidi aga te polasa soali ensel bidi wali asai. Te nosali asali ensel bidigo te po wali, "Dolalio, dolalio, te genuai hanu Babilon mu dolalio. Te nogi elaluali hanude bidali we bidi augwaligo bomonama te tigidali haniani tęde bidali bidi dabebolo te dwai dwai meda yai kolesaga ola mani dao. Te penani sę ebo wego te bidibolo bomai ąj menama, tama te bidigo te ąj tulama aga homu kolesaga dolama, tama agai te we dali penani sę ebogia, te hanu bidigo gasa we bidi te dwai dwai sę ebo kolesaga tomoba kekai dao," te ensel mobo bidigo te po wai. [‡]

⁹ Te gasa sela wali ensel mobo bidi me te polasa soali ensel bidi si wali asai. Agai bomonama i weyu, e tama wali, "Te niwai bidi me deligo te dwai hudigi ebo hasa me, te augwaligo agade augwa nogogo nigali noma dali lotu po weyu te aga nogode ma te gesabidide dąj sali bidi, ¹⁰ te augwali sibolo lotu po weyu tigde dąj sali bidi agabolo Godigo te bomai ąj wain tiwai mabo te agabolo dene mawaibao. Te wain te Godigo genuai sębę ebo te dao. Godigo te wain ąj te ąj mu dali hasia te si talubeo. Menio. Te sębę te bidibolo dolo mawaibao, aga dali homu dene dwasianu egobeo. Agai sębę ebo te dene sabo kapuba gelama mabo ąj-go wei ponoyu, tama te bidigo tumainogo yaibao. Tama te bidi dwai dene siyu, te posolo mu yai sia dali, te masigi salfade dabo sia bogoli dali, augwali side te dwagila dwai dene mu siyu, te magi dwai sę me isiąbo ensel mobo bidi dabego gedude me, te Kibu Sipsip Waigo gedude te dene saibao. Te bidibolo te dwai posolo yai siago dene mayu, te masigi salfade dabo posolo yai siago me te dene madueibao. ¹¹ Tama augwali te dene maiabo sia hano holoyu, tama te hano sesemane bidada pabo sogo holodubadi geaibao. Te dwai hudigi ebo hasa dali, te hasa aga noma dali, te sibolo lotu po wabo bidi dabe augwali te naigo elalubo nogi asęani dąj sali bage, augwali te siade me hulide me te toma me tugobeo, sesemane sogo te dwai dene saibao," te ensel mobo bidigo te po wai.

¹² Tama tibaso, Godigo we bidi augwali bomo elama, tama augwaliba pedalabo sęęę bugagia toloyu bidao. Te we bidi augwaligo Godigo bomu yai po wali peyu, tama Jisasde homu mu kęą pai we bidi bidibo dao.

¹³ Tama eno odali, po me deli dagaludu asiyu, te po wai, "Nago e tiwai po asęąo: 'Megi e tiwai sę gagalobao, te Genuai Bidide wadolali we bidi isibo si, te augwali wiegi yai homu pemene mu yao,'" te po wai.

Tama Godigo Tedali Mobo Bidi agai me te po wai, "Awe, mu tama dao. Te augwali tigi dene ebo sę tagaliyu, tama augwali toma tueibao. Augwali olo me pogobeo. Menio. Te augwaligo yali wiegi yai kolesaga, te kolesaga augwali wali paibao," te po wai.

‡ 14:8 Ais 21:9; Jer 51:8; Ped 18:2

Te tųde holali tau yali nai sabo sogo pedelali dao po wai

¹⁴ Tialima, eno ma tonono bilibadi, tama eno suali, te tedela yai dagalu pų me deli elaluai, tama bidi me deli te pųde dulaluai, te da tųde bidi tiwai, aga te Godigo Bidi Mu tiwai dao. Te agai tobolude te kapa golgo nigai wiegi yai madi elaluali, tama agai poa pai hwą ge mu agai nogode tolaluai, te gi nai togobo hwą ge dao.

^{†15} Tama gasa ensel mobo bidi te Moni Lotu Be tempel bede bidai buluba soali. Agai te dagalu pųde dulalubo bidi dali bomonama i weyu, te po wali, "Nago hwągo te nai togwao. Tigidali tųde elalubo nai te inilama tau ela silali dao. Tama megı da, te nai sabo sogo dao," te po wai. ¹⁶ Tibaso, te pųde dulaluali bidi agai te hwą ge nogogo tolaluyu, tama agai te tųde elalubo inawai nai hwągo togolama sai dao.

¹⁷ Tama gasa ensel mobo bidi te Moni Lotu Be tempel bedu buluba teda soai. Agai me te poa pai gi nai togobo hwą ge nogode tolalubo dao.

¹⁸ Tama gasa ensel mobo bidi me ma te nai ula mabo alta saide bidali tagalama asai. Te ensel bidi agai te sia tonalubo bomo elaluai. Te ensel bidi agai te poa pai hwą ge tolalubo ensel mobo bidibolo i bomonama mu wai. Agai te po wali, "Nago naga te poa pai hwą ge selama, tama nago te tųde te wain bonode walali du tigidali togolama, tama sisinama elalua. Te tigidali nai polo inilama tau yai dao," agai te po wai. ¹⁹ Te po obaso, te ensel bidi agai te hwą ge nogogo selama, tama te wain bonode walali du tigidali togwali, tama deliba sisinama elaluai. Tama agai te bono du dabe te wain agabo te dawai halobage tiwai genuai masigi tomoba sųwai. Te po digi po begelama, te genuai bono du agabo halobage te Godigo genuai sębę dao. ²⁰ Tama augwaligo te wain nigibo bono du dabe te genuai halobage tiwai nai tomoba munama, tama te genuai hanu bulu badu elalubadi tama agawai. Tama kaneme te halobage buluba pedaliyu, tama te kaneme te moni pabo ąj tiwai pidubadi, te usu selama nedada pali, te bidi sese nogo si olama sųgą badu a naga, te 300 kilomita te tama tiwai yali, tama te edaba holali te ain te kibu hos augwali pedauwalide elalubo, te ainba te kaneme ugwaba sabolali. ^{††}

Te 7 ensel mobo bidi dabego te 7 te bidi dolabo dwai nai tolaluai

15 Te eno suali gasa genuai noma sabo sę te dagalude pedalali, tama eno homu hauwa te sęde yali. Eno suali, ensel mobo bidi a naga olama me badu nogo si bidali, tama augwaligo te bidi dolabo dwai nai mu a naga olama me badu nogo si tolaluai. Tama nosali te dwai nai augwaligo sę ebo silibo si, teda te we bidi dolabo gasa dwai nai ma pedalogobeo. Te nogo a naga olama me badu si te dwai nai, te naide te Godigo sębę ebo mu silaıbao.

† 14:14 Dan 7:13 †† 14:20 Ais 63:3; Gel 1:15; Ped 19:15

² Tama eno te nai me deli te genuai tamu ąj tiwai suai. Te nai augwaligo te dula tiwai te augwaligo sia bogoli dali te si taluama gelai. Te we bidi augwaligo te dwai hudigi ebo hasa dali hwįnama tama augwaligo aga aiyaba elaluai, te we bidi dabe eno suali. Augwaligo te hasa agai bidibo ula elaluali noma dali, te agai nogigo nedebo namba me te si me aiyaba elaluai. Tama te we bidi augwali te tamu ąj tiwai madi sesege badu te dula dolaluyu gegemani ebo tiwai eyu dolaluai. Godigo augwalibolo te gita tiwai nai mena mena pelama, augwaligo te tolalubo eno suali. ³ Tama tiyu, augwaligo te Godigo sę yali bidi Mosesgo polobadu wali tęąbi weyu, tama te Kibu Sipsip Waigo tęąbi me wai. Te tęąbi po wali e dao:

"Genuai Bidi, nage te God te Tigidali Bomo Elalubo Bidi dao.

Tigidali sę nago ebo, te genuai mu eyu, tama dago te sę ebo suyu, tama da noma siyu homu hauwa ebo dao.

Nage tigidali hani bidigo tuni bidi, tama nago kolesaga te dolo eyu tama tigidali mu naga ebo dao. [‡]

⁴ Tama Genuai Bidi, nagaduba deli digi naga nage te magi dwai sę me esiąyu wiegi yai doloba pai mu bidibo dao.

Tama tibaso, niwai bidigo nage dali wi egobewe? Tama niwai bidigo nage nogi ugwaba sogobewe? Te tobage bidi menio.

Tigidali bidi hani augwali aselama, nage pagede lotu po nage dali wagaıbao. Magi baso menio, nago doloba pai kolesaga te hania bulu ulaba pedalai dao,"

augwaligo te tęąbi po wabo eno odali.

⁵ Te eno nosali ma tonono bilibadi, tama te dagalude elalubo Moni Lotu Be tempel tų dawai eno hania suali. Tama te be tomode te Mosesgo nami ugwago polobadu sę yai lotu be eno suali, te be elalubogo te we bidibolo te God augwali dali bidali te ola mawai.

^{††6} Tama te nogo a naga te me badu nogo si ensel mobo bidigo te a naga olama me badu nogo si te bidi dolabo dwai nai mu tolaluai, te augwali te Moni Lotu Be tempel bede bidali tagalama buluba teda asai. Augwaligo magi meda mu meni yai tedela yai te ula mu yai ugwa gudai. Tama augwaligo te kapa golgo nigai kukulu te augwa hagawiade bagulama muai. ⁷ Tama te bidibo ula elalubo hasa me si me si te tomode me deligo, agai te golgo nigai pou a naga olama me badu nogo si te nogo a naga olama me badu si te ensel mobo bidi deli delibolo mena mena pai. Tama God aga sese mane sogo bidada pabo bidi agai sębę ebo homu te a naga olama me badu nogo si te poude pągąnalubao.

⁸ Tama te Godigo bomo yai ula dali, agai bomo dali si-go hano ebogo hano te Moni Lotu Be tempel bede pągąnaluai. Tama niwai bidi me deli aga te be tomoba painogo ebo usu egobeo. Menio. Augwaligo te a naga olama me badu nogo si te ensel mobo bidi augwaligo

‡ 15:3 Sai 15:1 †† 15:5 Sai 38:21

te bidi dolabo dwai nai nogo a naga te me badu si te naigo sę silibo sogo tonaluali. †

Godigo moni sębę te a naga olama me badu nogo si te poude elalubao

16 Te eno odali te Moni Lotu Be tempel be tomode te pedauwalidu po me deli pedaliyu te po wai. Agai te nogo a naga olama me badu si ensel mobo bidi i bomonama weyu, te po wai, "Dage deli deli pelama, tama te pou a naga olama me badu nogo si te poude te Godigo homu sębę elalubo te gea sęnama, te tęba tulalumainao."

² Te po obaso, te polalubo ensel bidi pelama, aga pou tęba geligi pai. Tama gelama, tama polo te haniani bomai dwai keni mu te dwai hudigi ebo hasago dąj elalubo bidi augwali tigide pedalai, tama te nigo nigai noma bidi dali lotu po wali bidi augwali tigide me te dwai dwai keni pedalai.

³ Tama te tudi badu te si wali ensel bidi me agai pou te tamu aįba gelai. Tama te tamu aįde begelama, te isai bidigo kaneme tiwai pedalali. Tama tiyu, te tamu aįde bidibo ula dali bidibo nai dabe tigidali, augwali isila pai dao.

⁴ Tama te tudi badu te sela wali ensel mobo bidi agai pou te genuai pabo aį dabeba geleyu, tama te aį ulu pedalobo digi tigidali me gelai. Tama te aį tigidali begelama, kaneme pedalali. ⁵ Tama eno odali, te aį tonalubo ensel mobo bidigo te agai te po wali, "Genuai Bidi, Tigidali Bomo Elalubo God, nage megi bidibo, tama polobadu mu nage bidai bidi, nage te magi dwai sę me esiąyu wiegi yai doloba pai mu bidibo dao. Te nago te bidi dali po tų ebode, te nago te dwai sę ebo bidi dabe augwali dolo mu dagalobo dao. ⁶ Te dwai sę ebo bidi dabe augwaligo te nago po odobo we bidi augwali dali, te nago po pusubo bidi dabe dali ela muyu, tama augwaligo kaneme gea sęwai dao. Tama nago te dwai bidi dabe augwalibolo kaneme mayu, tama augwa te kaneme tumainao. Augwaligo augwa te dwai sę yalide dolo mu te dene sabo dao," te po te aį tonalubo ensel bidigo wai. ⁷ Tama eno odali, te Godibolo mabo nai ulubo alta saigo i wali, "Awe, mu tama, Genuai Bidi, Tigidali Bomo Elalubo God, nago te bidi dabe augwali po tųde dagaliyu, tama mu po naga wali peyu nago po tų te dolo mu naga tigidali ebo dao," te po wai.

⁸ Te tudi badu te me si me si wali te ensel mobo bidigo pou te giligaba gelali, tama Godigo te giligago te bidi dabe augwali domainogo sula tagalalio. ⁹ Tama te genuai giliga nanobo siago te posolo mu eyu, tama te siago te bidi dabe dwai dene mu mawai. Tibaso, augwaligo God nogide posobo po wai, agai te dwai dene mabo nai tonalubo bomo elalubaso, tiali goli augwaligo ge neyu homu begelama God agai nogi ugwaba sabeo.

¹⁰ Tama te tudi badu te nogo a naga wali ensel mobo bidigo agai pou te dwai hudigi ebo hasago tuni bidi duabo naiba gelai. Tama te hudigi ebo hasa dologode

bidali bidi augwali bidibo digi be huliasabo te dolo pedalai. Tama augwali dwai dene mu sali, tama tilama augwa hamena ma halua tuyu bidai. ¹¹ Augwaligo homugo te dene me te keni augwali si dali homu eyu, augwaligo te dagalude bidibo God nogide posobo dwai po wai. Tiali goli augwaligo homu begelama te augwaligo dwai kolesaga ebo tagalama tudiba mubeo.

¹² Te sę silama, tama te a naga olama me badu nogo deli wali te ensel mobo bidi aga pou te genuai aį nogi Yufretis te aįba te gelai. Tama te aį tigidali wa pela tama te giliga pedalobo badu tuni bidi dabe asabo tų sisilama tonaluai dao. ††¹³ Tama eno te dwai haubo noma bidi sela te gedeli tiwai gagawai suali, te me deli aga te genuai dwai hasamanigo pedauwali a elalubo digi pedalai, tama me deli aga te dwai hudigi ebo hasago pedauwalidu me, me deli te tibo po ola mabo bidigo pedauwali a elalubo digi tedu pedalai. Augwali sela te tiwai pedalali eno suali. ¹⁴ Tama te dwai haubo noma bidi augwaligo te bidigo isiąwai sę te bidi noma sabo sę haniani mu ebo dao. Tama augwali te tigidali tęba te tigidali tuni bidi bidibo digi pelama, te bidigo isiąwai bomo yai sę augwaligo sulama noma somainogo ebo dao. Augwaligo homugo te tuni bidi dabe augwali deliba sisinama, tama augwaligo te Tigidali Bomo Elalubo God dali hwąabo sogo asobo tonalumainogo yaibao.

¹⁵ (Genuai Bidigo te po wai, "Te po odao. Te ena dageba asabo sogo te ena te nai wi sainogo asobo bidi tiwai geme polo pedalaibao. Tama niwai bidi aga te godege pisąyu da, tama aga ugwa bugagia guduyu, tama aga tigi olo bilisiąyu da, te bidi dabego aga suali te hale me isiąwai, teda te bidi aga homu wiegi yai mu yaibao, te ena asabo sogode.") ‡

¹⁶ Tama te dwai haubo noma bidi augwaligo te tuni bidi dabe teba sisinai, te Hibru pogo augwaligo te bulu nogi Armagedon wai. ††

¹⁷ Te a naga olama me badu nogo si wali ensel mobo bidigo aga pou te wali elalubo digi gelai. Tama te Moni Lotu Be tempel be tomode te God dulalubo digi tuni bidi bidibo nai tedu te pedauwali me delidu i bomonama wali, tama te i wali te bulu badu pedalai. Agai te po wai, "Te sę megi tama silai dao," te po wai. ¹⁸ Tama dagalude be sele eyu, tama be kulu kulu weyu, genuai po me weyu, tama moni genuai dwai tę mali yai. Te mali genuai mu yali, tama bidi tęde bidibo sogo tigidali, te polobadu te tiwai tę mali genuai me pedalai menio. Te maligo bomogo te tigidali polobadu yali maligo bomo aiyaba mu elaluali. ¹⁹ Te genuai hanu tomode te sela pepeda pali, tama te tigidali tęde hani bidigo hanu te mu dolai. Tama Godigo te genuai hanu Babilon homugo koneani, tama agai te Babilon te wain aį elalubo kapde aį tigidali tumainogo yai. Te aį wain te Godigo agai genuai sębę mu elalubo dao. ††²⁰ Tama te tigidali dwasianu tamu aį tomode elaluali ailan bulu dabe te augwali wi pela silai, tama te haniani tęde elalubo bulu du tigidali augwali tedela pali. ²¹ Tama te genuai talua

† 15:8 Sai 40:34; 1 Kin 8:10-11; 2 Sto 5:13-14; Ais 6:4

†† 16:12 Ais 11:15 ‡ 16:15 Mat 24:43-44; Luk 12:39-40; Ped 3:3
‡† 16:16 2 Kin 23:29; Sek 12:11 †† 16:19 Ais 51:17

ge tulubage tulai. Tigidali deli deli badu tulali talu ge tulubage te sęęę te moni masigi tiwai yai. Te talua ge tulubage dagalude asiyu, te bidi tigiba ugwadu tulai. Tama augwali te talua ge tulubagego mu dolai, meba isali. Tama te talua ge tulubagego augwali dolobaso, tama bidi dabego God dali dwai posobo po wali, te talua ge tulubagego augwali dolobo sę te genuai dwai mu ebaso, augwaligo te dwai po Godigo nogide wai.

Genuai penani we aga dwai dene mu sai

17 Te pou elaluali a naga olama me badu nogo si ensel mobo bidi augwali tomode me deli te aga asama, enabolo te po wai, "Nage suagasao. Te penani ebo we te genuai ąj dabe ugwadu daide dulaluali, aga te yali dwai sęde dwai dene mu sabo sę, eno nagebolo te sę ebo ola mawaibao. ¹² Te haniani tęde tuni bidi augwaligo penani sę ebo kolesaga hauwa te we dali yali dao. Tama tigidali tęde bidi dabe augwaligo me te we dali te penani ebo kolesaga eyu, tama augwali te kolesaga meni yai bidi tiwai eyu, te bomai ąj tuai bidi tiwai yai dao," te ensel bidigo enabolo te po wai. ^{††}

³ Tama agai enabolo te po olama, tama agai eno noma bidi te bidi meni yai tęba selasa pai. Te tęde eno te we me deli aga te mama yai genuai dwai hudigi ebo hasa daide ugwadu dulalubo suai. Te mama yai dwai hudigi ebo hasa tigide te Godigo nogi posobo po hauwa asęna paęanaluai. Tama aga tobolu a naga olama me badu nogo si elaluai, tama te gaę nogo si me te hasago elalubo eno suali. ⁴ Te we agai te mama yai bobage ugwa me, te pe yai ugwa me muani, tama te ugwade haniani au yai te kapa golgo nigai nai elaluali, tama te wiegi yai au yai nai augwaligo gasa haniani wiegi yai masigi dali te bis dali sigo nigai. Tama te we agai nogogo te gol kap tolalulai. Tama te dwai damua pai haniani kolesaga me, te haniani dwai meda yai kolesaga te penani wego yali, te dwai kolesaga tigidali te kapde paęanaluai. ⁵ Tama aga te dwai sę yali nogi aga gebode asęai elaluai. Te nogide te geme dualali page elaluali, tama te nogi aga digi te e dao: "Genuai hanu Babilon, te tigidali penani we dabego ida mu, tama te tigidali tęde elalubo dwai dwai meda yai kolesaga augwaligo ida me dao," te po te penani wego gebode asęani, te eno suali. ⁶ Tama te we agai te Godigo po wali pabo we bidi augwali dali te Jisasde homu keę pai we bidi dali augwali te wego ela munama, tama eno suali te wego augwali kaneme tulama te kolesaga meni yai bidi tiwai aga yai.

Eno te sulama, ena noma mu siyu, tama eno homu hauwa mu yai. ⁷ Tama te ensel mobo bidigo enabolo te po wai, "Magi baso nago noma siyu tama homu hauwa ebawe? Te eno te wede geme dualali po page nagebolo ola mawaibao. Tama te dwai hudigi ebo hasa tobolu a naga olama me badu nogo si me, te nogo si gaę tobolude elaluyu, tama te naigo te we selasa pabo. Agade me te geme dualali po page nagebolo ola mawaibao. ⁸ Te nago suali dwai hudigi ebo hasa aga polobadu bidai, tiali goli megi aga me bidibeo. Tamadi

† 17:1 Jer 51:13 †† 17:2 Ais 23:17; Jer 51:7

tama agai te page meni yai tę dedage tagalama, tama aga edaba holama, tama aga pelama, aga mu dolaibao. Polobadu mu te Godigo te tę nigisiąbadi agai te augwali isiąma gamonaibao wali we bidi nogi te bukude asęai dao. Tama te bukude nogi asęsiąwani te tęde bidibo we bidi augwali tigidaligo te hudigi ebo hasa sulama, tama augwali homu hauwa eyu, aga nogi ugwaba saibao. Magi basowe? Polobadu aga bidai, tama megi aga me bidibeo, tama nosali aga ma pedalaibao," te ensel mobo bidigo te po enabolo wai.

⁹ Te po me agai enabolo wai, "Te dwai hudigi ebo hasade te dwagi yai homu kolesaga elalubo bidi agai bugagia kone palao, te hasade po page kuna kone-mainnogo yao. Te a naga me badu nogo si tobolu te tiwai te a naga olama me badu nogo si bulu du dao, tama te penani we te bulu du dabe daide ugwadu dulalubo dao. ¹⁰ Tama te tobolu dabe augwali te tuni bidi a naga me badu nogo si me tiwai dao. Tama te tuni bidi dabe tomode te a naga dolai, tama me deli megi bidibao, tama me deli nosali pedalaibao. Nosali aga pedalobo si, teda aga te dwasianu sogo naga bidaibao. ¹¹ Tama te polobadu bidali dwai hudigi ebo hasa, tama megi aga me bidibeo, te aga digi aga te a naga olama me badu nogo sela wali tuni bidi dao. Tiali goli aga te gasa tuni bidi a naga olama me badu nogo si te hanigo deli hani bidali. Tama tiyu, aga pelama tama aga dolama, tama mu hagawaibao."

¹² "Tama te nago suali te nogo si gaę, te gaę dabe te tuni bidi nogo si tiwai dao. Megi augwaligo te tuni bidi bomo me sabeo. Tiali goli augwaligo te tuni bidi bomo te dwai hudigi ebo hasa dali selama, tama augwali aga dali te dwasianu sogo naga we bidi tonalubo sę yaibao. ^{†13} Tama te tuni bidi nogo si augwaligo homu deli naga elaluyu, tama augwaligo augwa genuai nogi me, te bomo me, te tigidali te hudigi ebo hasabolo mawaibao. ¹⁴ Tama menama, augwaligo te Kibu Sipsip Wai dali hwąibao. Tiali goli, te Sipsip Waigo augwali aiyaba mu elaluaibao. Magi baso meni. Aga da te genuai bidi dabe tigidaligo Genuai Bidi dao, tama aga te tigidali tuni bidigo genuai tuni bidi aga dao. Tama aga dali bidibo we bidi te augwali agai i olama, tama augwali agai gasa we bidi tomodu dią selama, tama augwaligo homu agade mu keę peyu bidibo we bidi hani dao."

¹⁵ Tama te ensel mobo bidigo enabolo te po wali, "Nago te genuai ąj dabe, te ąj daide ugwadu te penani we dulalubo suali. Tama te ąjde po digi po begelama wali te po page e dao: te ąj wali da, te haniani genuai tęde bidibo we bidi me, te tigidali hani we bidi me, tama te tigidali haniani tigi yai me, te tigidali haniani po wabo bidi hani me, augwali te genuai ąj dabe elalubo tiwai dao. ¹⁶ Tama te nogo si gaę nago suali, te dali te dwai hudigi ebo hasa dali augwaligo te penani we dali boi bidi yaibao. Te penani we augwaligo aga mu dolama, tama agai ugwa dabe me tigidali doado bage dolaibao. Tama augwaligo agai tigi mi tuyu, tama aga tigi tigidali siago domainogo ulaibao. ¹⁷ Magi baso

‡ 17:12 Dan 7:24

meni. Godigo augwali homu kolesaga mawai, tama augwaligo te sę emainogo eyu te polobadu agai te po wai. Te augwaligo homu deli naga eyu, tama augwali tuni bidi bidainogo te bomu sai, augwaligo te bomu tigidali te dwai hudigi ebo hasabolo mawainogo yai. Te augwaligo tama tede pidubadi, te Godigo te penani wede wali poba te usu nainogo tiaibao."

¹⁸ "Tama nago te suali we, agade te po digi po begehama wali te po page e dao, te we da te genuai hanu, te tigidali tęde bidibo tuni bidi dabe tonalubo tobolu hanu dao," te ensel mobo bidigo te po enabolo wai.

Te moni hanu Babilon dolalio

18 Te penani wede pedalabo sę eno te tiwai suali. Tama nosali te sogo eno suali gasa ensel mobo bidi te dagalu tagalama e tęba dulubo eno suali. Agai bomu genuai mu elalui, tama agai bomu yai ulago te tę ula mu ilai. ² Agai i genuai bomu elama mu weyu, te po wai,

"Dolalio, dolalio, te genuai hanu Babilon mu dolalio. Megi te bulu te dwai haubo noma bidi dabego bulu pedalama bidibao. Te dwai meda yai mobo bidi dabe me augwali tede bidibao. Te meda yai ba dabe me, te dwai bulude bidibo ba dabe me, augwali me tede naga kalabus bidibo dao. †

³ Magi baso meni. Te moni hanu Babilon aga te bomu yai aę wain hauwa tubo penani sę ebo we tiwai dao. Te we agai te bomonama tama te dwai dwai sę ebo dao. Tama agai aga bomu yai aę wain te tigidali tęde bidibo we bidibolo menama, tama augwaligo me te penani ebo kolesaga aga dali me yali dao. Tama te tęde tuni bidi augwaligo me te penani ebo kolesaga aga dali me yali dao. Tama tigidali tęde bidi augwaligo mone sabo bisnis sę eyu, tama tede te masigi hauwa mu umabo sali. Te moni hanu aga te we me deli tiwai bidiyu, tama te wego homugo 'Eno ena tigi tau sabo nai, te tigde pusubo nai, te ena homu dwagi yai ilibo haniani nai, te tobage wiegi yai nai hauwa eno abelaio,' te tobage homu eyu, tama te hanugo te bisnis bidi dabego nai umabo abelai dao,"

te ensel mobo bidigo te po wai. ††

⁴ Tama eno odali, gasa pedauwalidu po dagaludu pedalali, tama agai te po wali,

"Eno we bidi hani, dage te bulu tagalama buluba soao.

Dage aga dali te dwai sę ebode te dene sidali weyu, tama dagego agai ebo dwai dwai sę me egimio. Tama tibaso, te bulu tagalao.

⁵ Magi baso meni. Te agai dwai sę ebo sęę te pobele bage deliba sisinibo tiwai mu yali, tama te dagaluba mu usu nainogo holai. Tama God agai te bulude ebo dwai dwai kolesaga tigidali agai homugo ma koneai.

⁶ Dagego te penani wego yali kolesaga tiwai koneyu, tama dagego te kolesaga ebo usu nama aga

† 18:2 Ais 13:21; 21:9; Jer 50:39; 51:8; Ped 14:8 †† 18:3 Ais 23:17; Jer 51:7

dali wei sao. Te agai dage dali yali dwai kolesaga dali gasa me dali ugwadu daganama agabolo ma mao.

Te wego dagebolo dene dali sęę si mani, te bidigo bomu yai aę si te kap deli tomode taluama tama gasa bidibolo mabo tiwai yai. Tama te kapde po digi po begehama, tama dagego te bomu mu yai aęgo te wego kap paęanama tama aga tumainao. Tama tiyu, tama agai dagebolo mani dene dali sęę dali agabolo ma mao.

⁷ Te aga digi aga nogi ugwaba siyu, tama aga tigi naga tau sabo sę yai dao. Tama dagego agabolo dene dali sęę dali si hauwa mayu, te yali dwai sę usu nama yao. Tama dagego aga gela hauwa omainogo yao.

Magi baso meni. Agai aga homude e tama po wabo dao: 'Ena te tuni we bidibao, tama ena te tuni bidi bidibo saide dulalubo dao. Ena te bidi isai we bidibo tiwai olo bidibeo. Tama tibaso, te sęę enabolo pedaluyu, te ena gela me wagobeo. Mu menio,' agai te homu ebo dao.

⁸ Agai te homu ebaso, polo te haniani dwai sę mu agabolo te deli sogo naga pedalaibao. Te genuai gasi pedaliyu, tama bidi hauwa augwaligo dwai gela weyu, tama genuai nasi yaibao.

Tama siago te Babilon tigidali daibao. Magi baso meni, te genuai bomu mu elalubo Genuai Bidi God aga digi dagalama tama Babilon hanuba te dwai dene wei ponobo dao,"

te po wabo te dagaludu asobo eno odali.

⁹ Te tęde tuni bidi augwaligo te penani we dali penani eyu bidai dao. Tama te kibu dabe augwali te we gede pebege pibo tiwai, te tuni bidi augwali te wego haniani wiegi yai naide dwagi yai homu eyu bidai dao. Tama augwaligo te penani we siago deyu hano holobo subaso, tama augwaligo moni gela weyu nogo pagasayu bidaibao. ¹⁰ Te we aga te dwai dene sabo suyu, te augwali aga digibulu dolaluyu te po wabo, "Aua, hobede yali, hobede mu te bulu Babilon dali yai. Nage te genuai hanu, tama nage bomu yai hanu dao. Tiali goli te deli sogo naga nago dwai sę yali sęę nageba mu pedalalio."

¹¹ Tama tigidali tęde bidi augwaligo te mone sabo bisnis sę ebo bage, augwaligo homugo te bulu Babilon kone paliyu, tama augwaligo agade gela weyu, te homu sęę dali bidibao. Magi basowe, te augwaligo doado bage abelabo bidi me menio. ¹² Te wiegi yai doado bage e tiwai dao, te kapa gol me silva, te gasa haniani wiegi yai masigi me, te bis gasagi yai nai me, te wiegi yai tedela yai ugwa dabe, tama te haniani mama yai ugwa me, te dila pai ugwa nogi slika elalubao. Tama te gasagi yai denami ebo ni dabe tigidali, tama tigidali dila pai nai augwaligo te kibu elefan kelego nigali nai dabe, tama te genuai masigi elalubo nigo te nai tigidali nigali, te kapa nogi bras me, te ain me te si-go nigali wiegi yai nai tigidali, me te tomode dodobolo pai wiegi yai masigigo nigali nai me, te tobage doado

‡ 18:11 Ese 27:31, 36

bage. ¹³Tama te meba doado bage e tiwai elalubo, te denami ebo tubo nai nogi sinamon me, te tubo gagi, tama te denami ebo nai pauda me, tama te haniani denami ebo ili yai nai elaluai, tama wiegi yai denami ebo nai sanda, me te bomai ąj wain me tubo wel, te wiegi yai tubo plaua me te tubo nai wit ge, te kibu bulmakau me sipsip, te me hos dali te hosgo kegasa pabo wiegi yai nai nogi karis dabe me, tama te augwaligo mu abelai masigi sisąbo sę ebo we bidi dabe me, te tigidali nai bidi dabe augwaligo ma abelegobeo. ¹⁴Te masigi hauwa sabo bisnis sę ebo bidi dabe augwaligo te po waibao, "Te nai nago homu hodaloyu sabo homu yai, te nai tigidaligo nage tagalama pai dao. Tigidali dwagi dwagi yai tubo nai dabe te genuai mone naga elaluali, te nago wiegi wiegi yai tigidali au ebo doado bage dali, te nai tigidaligo nage taga palio. Tama te bidi dabe augwaligo te tobage nai dabe nagede mu-nalubo ma sugobeo," te bisnis sę ebo bagego te po waibao. ¹⁵Tama te sęde te mone umabo sali bisnis sę ebo bidi dabe augwaligo te masigi hauwa mu te hanude sai, te augwali te hanugo dwai dene mu sobaso tama augwali wi mu yaibao. Tama augwali aga digibulu dolaluyu, tama augwali gela weyu, tama dwai homu sęę elama bidaibao. ¹⁶Tama tiyu, augwaligo te po waibao, "Hobede ebo, te genuai hanu te hobedagia bidibao. Polobadu agai te wiegi yai tedela yai ugwa gudai, tama haniani mama yai ugwa gudama, tama aga tigi te golgo au ilai, tama te wiegi yai dila pai masigi dali bis dali te nai dabego tama au yai. ¹⁷Te megideli sogo naga, te masigi me te tigidali au ebo doado bage tigidali dola silai dao," augwali gela weyu te po waibao.

Tama te moni geba sip guni tolasa bilibo bidi tigidali me, tama te sip abelama gasa buluba painogo ebo bidi dabe me, te sip tomode sę ebo bidi dabe badi, tama te tamu ąjde masigi sabo bisnis sę ebo bidi tigidali me, te bidi dabe tigidali augwali te Babilon bulu digibulu dolaluali. ¹⁸Tama dolalubadi, augwaligo aga te siago dabo hano ebo suyu, tama augwaligo i e tama wai, "Mena hanu te e tiwai genuai hanu elalualiwe? Mu menio," te po wai. ¹⁹Tama augwaligo te tų pobele bage augwa digi augwa toboluba sayu, tama gela weyu augwali homu sęę dali bidai dao. Tama augwaligo i weyu, "Hobede ebo, te genuai hanu te hobedagia bidibao! Te tigidali moni geba sip aga aya te tamu ąjde masigi sabo bisnis sę ela biliyu, te augwali te sęde masigi sabo bidi mu pedaliju, te genuai hanude genuai masigi sabo sę yai dao. Hobede mu ebo! Te megideli sogo naga mu te genuai hanu aga mu dola silai dao!" te po wai.

²⁰Nage te dagalu, nage dali te Godigo we bidi dali, tama dage te Godigo po pusigi pabo bidi dabe me, te Godigo nosali yabo sę po ola mabo bidi dali, dage tigidaligo te genuai hanude megidialobo sęde wiegi yai homu yao! Godigo aga dagalama, tama agabolo te dwai dene sabo wei ponai dao. Tama te kolesagade

agai te hanu agai dwai kolesaga dage dali yali wei ponai dao!

²¹Te po silali, tama moni bomai ensel mobo bidi me deligo te wit ge agaga pelama pęę sabo moni masigi tiwai sela asai. Tama agai te moni sęę yai masigi ug-waba selama, tama tamu ąj aba sayu. Tama agai te po wai, "Te kolesagade naga augwaligo te genuai hanu Babilon selama bomonama aiyaba sayu, tama bidi dabe augwaligo aga ma suainogo ebo usu egobeo. ²²Tama te gita elebo po wabo me, te haniani habidi po wabo tiwai ebo me, te genagi me te bu wabo nai me, te tobage naigo po wabo nage pagede ma te po wagobeo. Tama bidigo tigidali haniani sęde konea sali bidi, te tiwai bidi nage Babilon bulu tomode bidibo augwaligo ma sugobeo. Te nai wit ge agaga pabo masigigo kulu kulu wabo, te tiwai wabo augwaligo nagede ma odogobeo. ²³Te lam sole ula ebo te ula nagebolo ma iligobeo. Tama te we sainogo ebo bidi me, te bidi dali painogo homu ebo we me, augwali si dwagi yai homu eyu po wabo te nage tomode ma wagobeo. Polobadu nago bisnis bidi dabe augwaligo te masigi sabo sę elama, tama augwali te tųde genuai nogi yai bidi dabe bidai. Tama nago tigidali bidi hani dali te nago tibo pode haniani pobi po wabo sę elama, tama augwali dwai tųba kegasa pali."

²⁴"Tama Godigo suali, te Babilon hanude bidibo we bidi augwaligo agai po ola mabo bidi dabe dali, te agai po wali pabo we bidi dali ela mubo sę yai. Tama tigidali tųde augwaligo we bidi meba dali boi bidi eyu, augwali ela muyu, tama te dwai sę ebo page te bulu Babilonde naga elalubo dao. Tama tibaso, te hanu dola silai dao," te moni bomu elalubo ensel mobo bidigo te po wai.

Babilon bulu dolobaso te dagalude bidibo we bidi augwali wiegi yai homu yai

19 Tama te sogo nosali eno odali, te genuai dagalude bidibo we bidi hani tiwai moni i wabo odali. Augwaligo te po wai, "Dago God nogi ugwaba sao! Dago God agaduba deligo naga te we bidi ma dobola sabo sę yabo bomu elalubao. Agai genuai nogi dali bomu dali elalubo dao. ²Magi baso meni, te po tų ebode God agai te mu po naga wali peyu, doloba pai kolesaga te po tų ebode ebo dao. Te genuai penani we agai te tųde we bidi agai te penani ebo kolesagago mu dolai dao. Tibaso, Godigo aga dali po tų elama, tama dwai dene wei agabolo ponai dao. Te we agai Godigo sę bidi dabe augwali ela mubaso, tama Godigo agai te dwai sę ebo wei ponoyu, te penani we aga dene mawai dao," augwaligo te po wai.

³Tama augwaligo i e tama ma wai, "Dago God nogi ugwaba sino! Te genuai hanu sia dabo hano ebo, te sesemane sogo te hano ugwaba holobo dao!" te po wai. ⁴Tama te bidi sese olama me si me si tama polalubo tobolu bidi dali, te bidibo ula elalubo hasa me si me si te augwali kidu sugunama, Godibolo lotu po wali, te aga te tuni bidi duabo wiegi yai nai saide du-

† 18:17 Ais 23:14; Ese 27:26-30

†† 18:21 Jer 51:63-64; Ese 26:21

lalubadi augwaligo agabolo te po wai, "Mu tama dao. Dago God nogi ugwaba sinao!" te po wai.

Kibu Sipsip Wai we siyu, genuai nai tubo si pedalai

⁵ Tama Godigo te tuni bidi dulalubo te naidu i ola asiyu te po wali, "Dage Godigo sę bidi dabe, dage God dali wi ebo we bidi dali, te dage olo bidi me, te dage nogi yai bidi me, te dage tigidaligo Godigo nogi ugwaba sao," te po wai. ⁶ Tama eno odali, te genuai we bidi hani sisinama bidibo digi po me deli tiwai pedalai. Ma, te aĵ hauwa kulu kulu weyu u wabo tiwai yai. Tama te dagalu be kulu wabo tiwai genuai u wabo tiwai yai, te eno odali. Te augwaligo i bomonama wai, "Dago God nogi ugwaba sao! Genuai Bidi, aga e dago God, te Tigidali Bomo Elalubo Bidi, megi aga te tuni bidi mu bidibao. ⁷ Te megi dago bugagia homu pemene eyu, tama dago wiegi yai mu ela pidu geyu, tama aga nogi ugwaba sao! Magi baso menio. Te Kibu Sipsip Waigo we sabo bodolu megi pedalalio. Tama aga we sisilama bidibao. ⁸ Tama Godigo te webolo te tedela yai bobobage ugwa menama, te wiegi yai ugwa te ula mu yai, tama meda mu meni yai, tama agai te ugwa aga tigde muaibao," augwaligo te po wai. (Te wiegi yai tedela mu yai ugwa te Godigo we bidigo ebo wiegi yai doloba pai kolesaga dao.)

⁹ Tama te ensel mobo bidigo enabolo te po wali, "Nago te po aseqo: te we bidi dabe augwali Godigo te genuai nai tubo digi asomainogo i wai, te Kibu Sipsip Wai aga we kębode te sogo te i wali we bidi augwali wiegi yai homu pemene eyu bidaibao," agai te po wai. Tama olama, agai enabolo te po me wai, "E po, eno nagebolo tama wali po, e po te Godigo wali mu po dao," te ensel bidigo enabolo te po wai. †

¹⁰ Tialima, ena te ensel mobo bidi saęa pąba kidu sugunama, tama eno gesabidi tęba munama, tama eno aga dali lotu po wabo homu yai. Tiali goli agai enabolo te po wai, "Nago tama tigio! Ena nage dali, nago ama dede dali deli sę ebo bidi dao. Dagego konealubo po Jisasde daę olama, agai nogi haninama pusubo dao. Nago God deli dali naga lotu po wao. Te Jisasde gasa bidibolo po pusubo we bidi, te Godigo Mobo Bidi agai augwali homu hodolama, tama augwaligo te po pusubo dao. Te Mobo Bidigo te tobage sę naga te Godigo nosali yabo sę po pusubo bidi dali me ebo dao," agai te po wai.

Bidi tedela yai kibu hos ugwadu daide dulaluai

¹¹ Te eno suali, dagalu tų genuai dawali, tama tedela yai kibu hos me deli tede bidibo eno suali. Bidi te kibu hosde dulaluai. Te bidi agai sę te we bidi po tų ebode dagaliyu da, tama agai boi bidi dabe dali wąbi hwjbaso da, teda agai te mu po dali, te wiegi yai doloba pai kolesaga dali si naga wali peyu, agai te sę si bugagia ebo dao. Tama tibaso, agai nogi si elalubao, me nogi "Godide homu kęa pai bidi." ††¹² Tama te gasa nogi te "Mu po naga wabo bidi." Tama agai gedu te sia bogoli

ebo tiwai yai, tama agai tobolude te tuni bidigo mubo wiegi yai madi hauwa muai elaluai. Tama agai tigde po me deli aseqai elaluai, te aga nogi dao. Te agaduba deligo naga te nogi page koneani, tama gasa bidi dabe augwaligo te nogi me konebeo. ¹³ Tama agai muani bobage ugwa te kanemego aĵ telawai dao. Tama augwaligo agai nogi e tama wai: "Godigo po dao." ¹⁴ Te dagalude bidibo ami bidi dabe augwaligo te augwa tedela yai bidi duabo kibu hos dabede dulaluai, tama augwali te bidi wali pai. Tama augwali tigde te tedela yai meda mu meni yai wiegi yai bobobage ugwa gudali. ¹⁵ Tama te bobage poabi hwą ge me deli te augwa polalubo bidigo pedauwalide munaluai, tama te hwą ge buluba teda soai. Tama te hwą gego agai te tigidali tęde we bidi hani elaibao. Tama agai te ain wąbi nogogo tulama, tama te we bidi hani augwali te ain dono wąbigo tonalueibao. Tama agai augwali tonaluyu, tama te Tigidali Bomo Elalubo God agai te we bidi dali moni dwai sębę ebaso, te bidi agai augwalibolo dwai dene mu mawaibao, te bomo yai aĵ wain nigibo bidigo te wain bono du dabe te masigi halobage tomoba munama, tama agai saęaęo agalalubo tiwai yaibao. †¹⁶ Te aga nogi aseqani aga ugwade me te saęa telede me elaluai. Te nogi aseqani e tama tiwai, tigidali tuni bidigo Tunu Bidi, te tigidali genuai bidi kingo Genuai Bidi King dao.

¹⁷ Tama te sogo eno suali, te ensel mobo bidi me deli te giliga ge pąde te dagalude dolaluai. Agai te dagalude ugwadu bola bilibo tigidali ba dabe dali bomonama i weyu, tama agai te po wai, "Dage te Godigo genuai nai tubo digi sisinagasao. ¹⁸ Dagego te tuni bidi king dabego tigi mi tuyu, tama te ami bidi polalubo bidi dabego tigi mi me tuyu, tama te ami bomai bidi dabego tigi mi me tuyu, te hos dabe mi dali, te hosde duawali bidi dabego tigi mi me tuao. Tama dagego te tigidali Godigo po sela saęwani bidigo tigi mi tuao, te olo mu bidibo bidi me, te masigi sisąbo sę ebo bidi me, te nogi meni yai bidi dali te nogi yai bidi, te augwali tigidaligo tigi mi tuagasao," te ensel mobo bidigo te po te ba dabebolo wai. ††

¹⁹ Tama eno suali, te polobadu suali dwai hudigi ebo hasa dali, te haniani tęde tuni bidi dabe dali augwali eno suali, te augwa ami bidi dabe dali, te augwali deliba sisinai elaluai. Augwaligo te kibu hosde dulalubo bidi dali wąbi hwjainogo yai, te aga ami bidi dabe dali augwaligo hwjainogo eyu deliba sisinagasali. ²⁰ Tiali goli agai te dwai hudigi ebo hasa dali, te ili po wabo po ola mabo bidi dali, augwali si kalabus ilai. Te tibo po wabo sę ebo bidi agai te bidigo isiawai bomo yai sę hauwa te hudigi ebo hasago gedude te sę yai, tama agai te tebo kolesagade te bidi tibo po ola mayu, augwali te hudigi ebo hasago daę augwa tigde selama, te hudigi ebo hasa nomade lotu po omainogo yai. Te hudigi ebo hasa dali te tibo po ola mabo bidi augwali si te bidibadi, tama augwaligo te bidi si te genuai bagua si dedage pageba aiyaba mu saęwai dao. Tama te dedagede te posolo yai sia dabo masigi salfa

† 19:9 Mat 22:2-3 †† 19:11 Tib 96:13; Ais 11:4; Ese 1:1

‡ 19:15 Tib 2:9 †† 19:18 Ese 39:17-20

elalubao. ²¹ Tama te kibu hosde dulaluali bidi, agai te pedauwalide elaluali bobage hwa gego te augwali sigo ami bidi dabe ela muai. Tama tigidali ba dabe augwaligo te bidi dabe tigi mi tuali, tama augwali tabi mu pąąana pai dao.

Satan kalabuside kibu be hauwa mu 1,000 bideibao

20 Tama eno suali, ensel mobo bidi me deli te dagalu tagalama e tąba dulai. Te agai nogode te page meni yai dedage ki tolalulai. Tama agai te genuai aligabo bono sen me elalubo, te me eno suali. ² Agai te genuai dwai hasamani daų ola sai, te hasamani te polobadu mu bidai, agai nogi Satan dao, tama agai gasa nogi page e dao: "Agai te tigidali we bidide kisiliyu po tų ela mabo bidi dao." Tama te ensel mobo bidigo aga te sen bonogo daų olama bidibadi te kibu be hauwa mu 1,000 bidai. ³ Te ensel bidigo aga te page meni yai dedage aiyaba saųwai, tama te ugwadu paliai, tama bomonama e tų daų walai. Tama tibaso, Satan agai te haniani tąde we bidi augwali ili po ma ola magobeo. Agai te bodolu muani kibu be hauwa 1,000 te bolo silimainogo tonalueibao. Tama nosali augwaligo aga kalabuside bidali tagalama silibo side, tama pęwadage sogo aga menaba painogo ebaso da, te aga pomainao.

⁴ Tama eno suali, te tuni bidi dulalubo nai meba elalulai, tama bidi meba te duabo naide duawai. Godigo augwalibolo te bidi dabe po tųde dagalobo kole-saga ebo sę yabo bomomawai. Tama eno me suali, we bidi hauwa augwaligo konealubo po Jisasde daų weyu, tama agai nogide po pusubo sę yai, tama tiyu Godigo po bomom elama tola sai. Te augwaligo agai nogide po pusubo sę ebaso, te boi bidi dabego augwali elama, mage togolama, augwali isai dao. Tama eno augwaligo noma bidi homu ogwa wai dabe suali. Tama tąde bidibadi augwaligo te dwai genuai hudigi ebo hasabolo lotu po wasiama bidibadi, te agai noma me, te augwaligo gebode me te nogode me te hudigi ebo hasago asęai daų me sabeo. Te we bidi dabe augwali te bidibo ula ma selama, tama augwali Jisas dali tuni nigilama bidibadi te kibu be hauwa 1,000 bidai. ¹⁵ (Te gasa isali we bidi dabe augwali bidibo ula te sogo sabeo. Augwaligo te bodolu mani kibu be 1,000 te bolo silimainogo tonalueibao.) Tama te sogo te hasia sogo mu te we bidi meba augwali te gų pagede ma hodaluai, te hasia sogo mu dao. ⁶ Tama augwali te gų pagede hasia sogo hodalo we bidi, augwali te wiegi yai homu pemene elama, te magi dwai sę isiųwai bidi tama tiyu, augwali bugagia bideibao. Tama te si wali isibo bomogo te bidi dabe augwali aiyaba me elalugobeo. Menio. Te augwali God de Krais sibolo lotu po weyu, sesemane sogo augwali sigo sę ebo pris bidi dabe bideibao. Tama augwali te Krais dali tuni bidi te hauwa kibu be mu te 1,000 bidaibao.

† 20:4 Dan 7:9, 22

Satan mu dolai

⁷ Te nosali te kibu be 1,000 silibo side, teda te kalabus be tų palialuali te tų dabode, tama Satan aga te kalabus elaluali tagalaibao. ⁸ Tama kalabus tagalama, tama aga buluba solama, agai te haniani tigidali digibulu tų pedaide bidibo we bidi hani augwaliba tibo po ola mena mena biligi paibao, te bidi hani me nogi Gok me Magok dao. Te Satango augwali deliba sisinama hwjmainogo yaibao. Tama augwaligo namba te nedebo te usu egobeo, te masigi kemi tiwai dao. ⁹ Tama augwali te tigidali tų habu badu tedela pelama, tama augwaligo te Godigo we bidi hani dali, te Godigo godolo ebo hanu dali te bidibo digi pelama, augwaligo te we bidi dali te hanu dali bagulai. Tiali goli dagaludu sia tulaluyu, tama te boi bidi hani ami bidi dabe augwali siago mu dela silali. ¹⁰ Tama te augwali ili po ola mani bidi Satan aga Godigo te genuai dedage pageba te posolo yai sia ula te masigi salfa teba saųwai dao. Tama te dedage pageba polobadu augwaligo te dwai hudigi ebo hasa dali, te ili po ola mani bidi si aba saųwai dao, tama augwali sela te siade me hulide me dene siyu, tama te dene ebo sesemane bidada pabo sogo te dene ela pidubadi bideibao.

Te genuai po tų pedalai

¹¹ Te eno suali, genuai tedela yai te tuni bidi duabo nai elaluali, tama bidi te duabo naide dulalulai. Tama tų dali dagalu si te agade wi pali, tama augwaligo bulu ma elalugobeo. Menio. Augwali si mu silalio. ¹² Tama eno ma suali, te isai we bidi dabe augwali bidaluai, te augwali nogi yai bidi dali, te nogi meni yai bidi dabe dali, augwali te tuni bidi dulalubo nai te gesabidide dodolalubo, te eno suali. Tama te saide dulalubo bidi agai te buku meba dagawai. Tama agai gasa buku me deli dagawali, te augwali isiąma gamonaibao wali we bidi nogi asęani buku dao. Tama agai te tigidali isai we bidi dagalai. Agai te augwaligo yali kolesagade po te buku dabede asęani po nedama, tama te asęani pode agai augwali dagalali. ^{††13} Tama te tamu aųde isali bidi tigidali te ma pedalali, tama te isibo kolesaga dali te isai bage osogo bidibo sao dedage page te side bidali bage augwali ma pedalali. Tama te po tų ebo bidi agai te tigidali deli deli bidi po tųde dagalali, te augwaligo yali kolesagade te sogo naga dagalai dao. ¹⁴ Agai te isibo bomom dali, te isai bage osogo bidali madi dali si te genuai sia dabo dedage pageba aiyaba saųwai. (Te genuai dedage sia dabo elalubo te si wali isibo bomom dao.) ¹⁵ Tama e po tų odobo bidi agai te gamonaibao wali we bidi nogi asęani buku nedeyu, tama niwai bidi agai nogi te bukude me elalusiąbaso da, teda agai te bidi te moni genuai sia dabo dedageba aiyaba te siade dene somainogo saųwai.

†† 20:12 Dan 7:9-10

Godigo tigidali gesi noma nai dabe pedelabo sę ilali

(Daj 21-22)

Gesi dagalu dali gesi tų side po wai

21 Te po tų ela silama, tama nosali eno suali, gesi dagalu dali, gesi tų dali elalui. Te hasia dagalu dali, te hasia tų dali, te tigidali pela silai. Tama te tamu ađ me te ma elalugobeo. ^{†2} Tama eno te wiegi yai magi dwai sę isiawai hanu suali, te gesi hanu nogi Jerusalem dao. Eno te hanu te God dali bidibo suali, tama te hanu te dagalu tagalama, tama e tųba dulali. Te gesi hanugo au dobage wiegi yai elalui, te we aga bidi dali painogo aga wiegi yai au dobage sisi elama aga bidi dali painogo ebo tiwai ebo suali. ^{‡3} Tama eno odali, po me deli te tuni bidi dulalubo digi pedawalidu pedalama, tama i bomonama e tama wai, "Odao! Megi te God agai bidibo digi te bidi dabe augwali dali elalubao. Tama aga augwali tomode bidiyu, tama augwali agai we bidi bideibao. Awe, God aga digi te augwali dali bideibao. ^{††4} Tama agai augwaligo gedude elalubo gedu ađ omainogo deli deli hola saıwaibao. Tama te we bidi dabe augwali ma isigobeo, tama augwali homu sęęę ma isiama, tama augwali gela weyu dene eyu ma egobeo. Tama te polobadu elalui kolesaga tigidali pela silai dao," te po wai. [‡]

⁵ Tama te duabo wiegi yai naide dulalubo bidi, agai te po wai, "Megi eno te tigidali nai gesi noma pedalo-mainogo nigibao." Tama agai po ma wali, "Nago e po asęęo. Magi baso meni, e po te mu po dao, tama tigidali bidigo e pode homu daų olama, tama teba tiųlubo te usu yaibao," te po wai. ⁶ Agai enabolo te po ma wali, "Te sę tigidali pedela silalio! Ena da, ena digi te hasia bidaluali bidi dao, ena te nosali mu sogo bidalueibao wali bidi mu dao, te ena tigidali nai page bidi, tama eno ebo sę tigidali ela silibo dao. Tama niwai bidi aga te ađ nogone ebaso da, teda eno te bidibo ula sabo ađ te weų ulude selama tama agabolo olo mawaibao.

^{††7} Tama niwai bidi agai bomogo te dwai sę ebo kolesagago bomu aiyaba elalubo bidi, te bidi agai te tama siyu, tama ena agai God bidiyu, tama aga eno ogwa bideibao. ⁸ Tiali goli te wi elama tama Godigo po wali pabo tagalabo homu eyu, ma geasa painogo ebo bidi dabe augwali me, te Godigo pode augwaligo homu daų wasiabo bidi augwali badi, te haniani dwai dwai kolesaga mu ebo bidi badi, tama te bidi ela mubo bidi, tama te penani kolesaga ebo bidi, tama te dwai pobi elalubo bidi dabe, tama tibo god dali lotu po wabo bidi, tama tigidali tibo po wabo bidi, te augwaligo sabo bulu te genuai posolo mu yai sia dabo dedage page masigi salfa teba bidigi paibao. Te isibo te si sogo wali isabo dao," agai te po wai.

† 21:1 Ais 65:17; 66:22; 2 Pi 3:13 †† 21:3 Ese 37:27; Prs 26:11, 12 ‡ 21:4 Ais 25:8 ††† 21:6 Ais 55:1

Gesi hanu Jerusalem po

⁹ Te ensel mobo bidi me deli enaba asai. Aga te a naga olama me badu nogo si wali te tomode ensel bidi te pou te a naga olama me badu si te bidi dolabo dwai nai elalui pou dabe nogogo tolaluali, te bidi me deli dao. Te dwai sę ebo nai pedelabo sogo te nosali mu dao. Tama te ensel mobo bidigo enabolo te po wai, "Nage asao. Te eno nagebolo te Kibu Sipsip Waigo sabo we ola mawaibao, te we agai nosali mu saibao," agai te po wai. ¹⁰ Tama te po olama, tama agai eno noma bidi te genuai bobobage bulu du ugwaba mu tolasa holai. Tama agai enabolo te Jerusalem hanu ola mani, te wiegi yai magi dwai sę isiawai hanu, aga te God dali bidai, tama dagalu tagalama e tųba dulubo te eno suali. ^{††11} Godigo genuai bomu yai ula te hanude ula yai. Te ula te gasagi yai mu, te masigide genuai mone elalubo tiwai mu dao. Awe, te wiegi yai masigi nogi daimon tiwai, tama gegemani ebo, tama te ula hania mu ula yai. ¹² Te hanude te genuai masigigo nigai obo ugwanu mu yai elalui dao. Te obode tų te nogo si olama te sađ badu si elalubo, tama te nogo si olama sađ badu si tama ensel mobo bidi augwali deli deli te tų deli deli pađe dolalui. Tama te Israel hani nogo si olama sađ badu si nogi deli deli te tų deli delide asęai elalui. ¹³ Tama te hanu obode te giliga pedalobo te badu te obo tų sela elalui. Tama sesege badu obo tų sela elalui. Tama me sesege badu tų te sela elalui. Tama te giliga ge dega sabo badu te obo tų sela elalui. ^{††14} Te hanu obo page daų walali moni masigi te nogo si olama sađ badu si elalui, tama te nogo si olama sađ badu si bidi augwali te Kibu Sipsip Waigo po pusigi pabo sę bidi nogi te masigide asęai elalui.

¹⁵ Tama te ensel mobo bidi agai ena dali po wali bidi, agai te kapa golgo nigai dono te hanu usu sabo nai nogogo tolalui, tama te usu nigo agai te obo me te obo tų dabe me usu sela sueinogo yai. ¹⁶ Te genuai hanu usu sali te genuai mu yai. Te hanu tigidali badu usu sali, te tiwai si naga ususu si yali. Tama tigidali badu deli deli usu selama, tama te namba te 2,400 kilomita yai. Te hanu ugwaba yali bobage me te tigidali badu me, te tigidali tiwai si naga yali. ¹⁷ Agai te hanu obo ugwaba bobage me usu sai, tama te obo usu sali aga bobobage te namba ugwaba mu holai te namba te 64 mita, te genuai mu. Te usu sabo nai te da bidi dabego usu sabo ni tiwai yai, tama te ensel bidigo te naigo naga te obo usu sai. ¹⁸ Te hanu obo te wiegi yai masigi nogi jasper te masigigo nigai. Tama te hanu te kapa nogi golgo naga nigidubadi, tama te ula te dula ula ebo tiwai yai. ¹⁹ Te hanu obo page masigi dabe augwaligo te haniani genuai mone elalubo masigigo au ilai. Te hasia page masigi te wiegi yai masigi nogi jaspago au yali. Tama te si wali muani moni masigi te sisi yai wiegi yai masigi nogi sapaia te masigigo au yali. Tama te sela wali obo page masigi te tedela yai masigi nogi aget tego au yali. Tama te me si me si wali

†† 21:10 Ese 40:2 ††† 21:13 Ese 48:30-35

te masigi te ni yabe tiwai masigi emeral elaluali.
²⁰ Tama te a wali obo page genuai masigi te wiegi yai sadonikis masigigo au yali, te sadonikis masigi te mama yai dali te tedela yai dali dao. Te a naga olama me badu nogo deli te mama yai masigi konilian. Tama te a olama me badu nogo si te sewa yai masigi krisolait. Tama a olama me badu nogo sela wali te gasagi yai wiegi yai masigi te ni yabe tigi tiwai masigi beril. Te a olama me si me si te sewa yai masigi topas. Te nogo si wali masigi te krisopres, te me ni yabe tiwai me te sewa yai masigi dao. Te nogo si olama saęa badu deli wali te gasagi yai sisi yai masigi nogi haiasin. Tama te nogo si olama saęa badu si gasagi yai mama yai masigi nogi ametis masigi dao. Te obo page genuai masigi dabe augwali te tedali tedali wiegi yai masigigo tama tiwai au elama bidibo eno suali. ²¹ Te nogo si olama saęa badu si obo tu te nogo si olama saęa badu si te tedela yai bis te wiegi yai mu dao. Tu me deli augwaligo te genuai bis mu me deligo naga nigai. Te tigidali hanude pabo tu te wiegi yai kapa golgo naga nigai, tama hania mu te glas tiwai yai eno suali. †

²² Eno te moni lotu be tempel me deli te hanude elalubo subeo. Magi baso meni. Genuai Bidi God, aga Tigidali Bomo Elalubo Bidi, aga dali te Kibu Sipsip Wai dali, augwali si digi te hanugo moni lotu be tempel tiwai dao. ²³ Tama te hanude te giliga dali polua si te seę esiayu te ula ilibeo. Menio. Te God aga digi te genuai ulago te ula mabo dao. Tama te Kibu Sipsip Wai te aga te hanugo ula mabo lam sole dao. ††²⁴ Tama tigidali tęde bidi hani augwali te hanu ula ebode biliyu bidaibao. Tama haniani tęde tuni bidi augwaligo nogi elalubo au dobage tigidali te hanu tomoba naga sela asaibao. ²⁵ Tama siade augwaligo te hanugo obo tu dabe munu me paliagobeo, tama be hulua sabo te hanuba pedalogobeo. ²⁶ Tama tigidali tęde bidi hanigo genuai nogi me, te ula yai bomo me, te tigidali te augwaligo te hanu tomoba naga sela paibao. ††²⁷ Tiali goli, te dwai meda yai kolesaga ebo bidi te hanu tomoba pogobeo. Te haniani dwai kolesaga eyu, te tibo po weyu ebo bidi dabe, te hanu tomoba me pogobeo. Mu menio. Te Kibu Sipsip Wai agai te we bidi dabe meba augwali nogi te isisęma gamonaibao wali we bidi nogi aęani buku, te bukude augwali nogi aęani we bidi dabe augwali naga augwa te hanu tomoba pabo usu yaibao.

Bidabo ula mabo aę badi, te bidabo ula mabo ni dali si

22 Tama te ensel mobo bidigo pabo aę me deli ena ola mawai, te bidibo ula mabo wę, tama te wę te dula ula mu gegemani ebo tiwai ula yai. Tama te aę aga gomo, te God dali te Sipsip Wai augwali sigo tuni bidi duabo sai pagede te aę gomo elalubao. ††² Tama te aę te duabo sai pagedu pedalama, tama te aę te hanu moni pabo tu tomodu mu pabo dao. Te wę sesege u badu me, te wę sesege e badu, tede te bidabo ula mabo ni dabe elalubao. Te ni dabe augwaligo du walobo sogo

† 21:21 Ais 54:11-12 †† 21:23 Ais 60:19-20 † 21:26 Ais 60:11
 †† 22:1 Ese 47:1; Sek 14:8

te kibu be delide te nogo si olama saęa badu si sogo walobo dao. Te tigidali poluade walobo dao. Tama te ni yabego te tigidali tęde we bidi hani augwali usu ilibo dao. ††³ Tama tigidali nai Godigo agabolo po hwa pabo po obaso, te nai te hanude ma elalugobeo. Te God dali te Sipsip Wai augwali sigo tuni bidi duabo sai te hanu tomode elalueibao, tama Godigo seę bidi augwaligo aga dali lotu po waibao. ⁴ Tama augwaligo aga gesabidi sueibao, tama agai nogi augwali gebode aęnama elalueibao. ⁵ Tama be ma hulua sogobeo. Tama te lam sole ulade me te giliga ulade me seę yali te seę ma elalugobeo. Menio. Genuai Bidi Godigo aga digi ula augwalibolo mawaibao. Tama augwali te sogo tuni bidi bidada peyu bidada paibao. †††

Jisas tamadi asaibao po wai

⁶ Tama te ensel mobo bidigo enabolo te po wai, "Te nago aęani po tigidali, e po te mu po dao, tama tigidali bidigo e pode homu daę olama tama teba tięlubo te usu yaibao. Tama Genuai Bidi God agai po pusumainogo ebo bidigo homu noma bidi hodolomainogo agai aga Mobo Bidi te bidi dabebolo mabo dao. Tama megi agai aga ensel mobo bidi tagala palama, agai seę bidi tigidalibolo te tamadi pedalabo seęde po ola momainogo yai," te ensel mobo bidigo enabolo te po wai.

⁷ "Odao," te Jisasgo te po wai. "Te ena dage bidibo madi tamadi asaibao. Tama niwai bidi me deligo agai te e bukude elalubo po wali peyu da, tede te bidi aga wiegi yai homu pemene yaibao."

⁸ Ena Jon, eno digi te po tigidali odai, tama te nai dabe tigidali eno suai dao. Eno odolama tama eno suai, tama enabolo te nai ola mani ensel mobo bidi saęa paęa eno kidu sugunama, tama agabolo eno lotu po wainogo yai. ⁹ Tiali goli agai enabolo te po wali, "Nago tama tigio! Ena nage dali me, e naga ama dede dali, da deli seę naga ebo dao, augwali te Godigo po ola mabo bidi dabe dao. Tama ena e bukude po wali pabo tigidali bidigo deli seę ebo bidi dao. Nago lotu po God deli dali naga wao," te ensel bidigo te po wai. ¹⁰ Tama agai enabolo te po wai, "Te po nago e bukude aęani po, te nago geme dualama daę wagio. Menio. Te po we bidigo nedemainao. Te bukude wali seę dabe yabo sogo te paęa yagasai dao. ¹¹ Tama te dwai kolesaga ebo bidi agai te dwai kolesaga meę ela pomainao. Bidigo dwai meda yai kolesaga ebo, te bidi agai te meda yai kolesaga meę ela pomainao. Tama te wiegi yai doloba pai kolesaga ebo te bidi, agai te wiegi yai doloba pai kolesaga meę ela pomainao. Tama magi seę me isisęma olo mu bidibo bidi, te bidi aga te seę me isisęma aga olo mu meę bidimainao," te ensel mobo bidigo te po wai. †††

¹² Te Jisasgo te po wai, "Odao! Te ena tamadi asaibao. Tama eno te tigidali bidibolo maiabo nai sesaibao. Tama eno te tigidali we bidi deli deli deli augwalibolo wei ponomainogo, te augwa yali kolesaga te usu nama te tama tiaibao. †††¹³ Ena da, ena digi te hasia bididuali bidi

†† 22:2 Gag 2:9 ††† 22:5 Dan 7:18 ††† 22:11 Dan 12:10

dao, ena te nosali sogo mu bididueibao wai bidi mu dao. Ena naga te polasa mu peyu, te ena nosali mu eyu ebo bidi dao. Te ena tigidali nai page bidi, tama eno ebo sę tigidali ela silibo dao," agai te po wai. †

¹⁴ Te we bidi augwaligo augwa ugwa we telabo bage, te we bidi augwaligo wiegi yai homu yao. Augwaligo te bidabo ula sabo nide te du sabo usu yaibao. Tama augwali te hanu tomoba pabo tųdu pabo usu yaibao.

¹⁵ Tiali goli te dwai dwai kolesaga ebo bage, augwali te yowi dabe tiwai da, augwali me, te pobi po wabo bidi dabe me, te penani kolesaga ebo we bidi me, te bidi ela mubo bidi dabe me, te tibo god dali lotu po wabo bage, tama te ili po wabo kolesaga godolo eyu wali pabo bidi dabe, te dwai kolesaga wali pabo bidi dabe augwali te Godigo hanu bulu badu bidaibao.

¹⁶ "Ena Jisas, eno digi eno mobo bidi dageba tagala palai, tama agai te eno po wali pabo we bidi hani dagebolo e po psumainogo yai. Ena digi ena te polobadu bidai bidi Devit aga hani bidi wai dao. Tama te kigamu mu pedalobo te genuai hę te ena dao," agai te po wai. ††

¹⁷ Te Godigo Mobo Bidi dali, te Kibu Sipsip Waigo we dali sigo te po obao, "Nage asao." Tama e po odali we bidi tigidali augwaligo me te po wao, "Nage asao."

§ 22:12 Tib 28:4; Ais 40:10; Jer 17:10 † 22:13 Ped 1:8 †† 22:16 Ped 1:8

Tama te wę nogone ebo bidi, aga asomainao. Wę tu-ainogo ebo bidi, aga aselama, te bidabo ula mabo wę tuagasao, te Godigo agabolo olo mu mawaibao. ‡

¹⁸ Te ena te bidi Jon dao, tama te e bukude elalubo po, te nosali pedalabo sę po, te po odobo we bidi tigidali augwalibolo eno e bomo yai po megi obao. Niwai bidi me deli agai aga homu wali peyu, tama te gasa po e bukude wasiawai po agai te po wadolobaso da, teda e bukude wali dwai bidi dolobo nai te Godigo te bidi dolomainogo te bidiba te dwai nai tagala palaibao.

¹⁹ Me ma, bidi me deligo te e bukude elalubo po, te nosali pedalabo sę po, te po meba agai sela sayu da, teda Godigo te agabolo maiabo sa muani nai sela sawaibao. Tama tiyu, te bidigo te bidabo ula mabo nide te du sogobeo. Tama aga te dwai sę isiabo wiegi yai hanude bidabo madi tede bidigobeo. Te nai side po e bukude elalubao. ††

²⁰ E tigidali sęde po pusali bidi megi agai te po obao, "Mu tama, te ena polo asaibao!"

Awe, mu tama dao. Genuai Bidi Jisas, nage asao!

²¹ Te eno homugo te Genuai Bidi Jisas agai da olo mu tau siyu te mabo wiegi yai kolesaga te dage tigidali dali bidao.

‡ 22:17 Ais 55:1 †† 22:19 Bom 4:2; 12:32